



BIBLIOTHECA

MEDICO-PRACTICA

SIVE

RERUM MEDICARUM

THESAURUS

CUMULATISSIMUS

BIBLIOTHECA

MEDICOPRACTICA

21NE 1000

REXUM MEDICARUM

THESSAURUS

CUMULATISSIMUS

JO. JAC. MANGET. M.D.
BIBLIOTHECA
MEDICO-PRACTICA
SIVE
RERUM MEDICARUM
THESAURUS
CUMULATISSIMUS

QVO
OMNES PRORSUS HUMANI CORPORA
MORBOSÆ AFFECTIONES

Tum ARTEM MEDICAM in Genere, Tum CHIRURGICAM
in Specie, spectantes

ORDINE ALPHABETICO EXPLICANTUR.

ET

PER CURATIONES, CONSILIA, OBSERVATIONES, ac CADAVERUM
ANATOMICAS INSPECTIONES, tam hinc inde proprias, quàm à variis,
iisque præstantissimis Authoribus, Veteribus & Recentioribus petitas,
abundè imò & curiosè tractantur.

TOMUS PRIMUS.



GENEVÆ,
Sumptibus JOANNIS ANTHONII CHOUËT.

M. DC. XCV.

JOHANNES MANGET M.D.

BIBLIOTHECA

MEDICOPRAGICA

SINE

RERUM MEDICARUM

THESSARUS

CUMULATISSIMUS

200

OMNES PRORSUS HUMANI CORPORIS
MORBOSE AFFECTIONES


Tom. ART. MEDICAM in Genere, Tom. CHIRURGICAM
in specie, specimen

ORDINE ALPHABETICO EXPLICANTUR
ET

PERCURATIONES, CONSILIA, OBSERVATIONES, ac CADAVERUM
ANATOMICAS INSPECTIONES, cum hinc inde propriis, dum à variis
illis præstantibus Auctoribus, Veteribus & Recentioribus peritis
abundè factis & curiosis adduntur.

TOMUS PRIMUS.

vol. 4.



GENEVE.
JOHANNIS ANTHONII CHOUET
MDCCXCV.

GENEROSISSIMO AC ILLUSTRISSIMO
HEROI, D. D.
ALEXANDRO A DHONA
S. R. I. COMITI AC BURGGRAVIO;
SERENISSIMO ET POTENTISSIMO
ELECTORI BRANDEBURGICO
A Sanctioribus Consiliis

Nec non
EJUSDEM MILITIARUM
PRÆFECTO GENERALI STRENUISSIMO &c.



NON diu mihi cunctandum fuit;
ILLVSTRISSE
COMES, cui demum quicquid
meæ est opellæ in hac concinnandâ atq;
adornandâ Bibliothecâ Medico-
Practicâ consecrarem: Siquidem in
Te præter Virtutum ac Generis verè Heroici splendo-
rem, Patronum habui non unò beneficiorum & bene-
volentiae nomine venerandum. Munus reverà levidense,
& tanto Viro minùs dignum, si ex propriis æstimetur
vigiliis, Tibi offero: At illud si licet maximè ex Præ-
stantissimorum Virorum curis æstmare; quicquid
Ars Asclepiadæa nobilius habet, coëgit; quicquid
felicior Praxis Mystas suos edocuit, revelat; quicquid

DEDICATIO.

terrâ marique datum, aut etiam variò artificiò, multiplicique Chymistarum industriâ, tum ad sanitatem tutandam, tum ad eam cadivam rest aurandam, ac restituendam, paratum, exhibet; quicquid denique solertior ac sagacior valuit Anatomia in ægritudinum & focus & causis retegendis, abundè complectitur, & sinû suò reconditum gerit.

At enim de opere ipsò quorsum multis apud Judicem proloquar, qui Philosophica ^{ἀνεβεία} non minùs quàm Politicâ pollet, quique de librò non ex inscriptione, sed ex ejus diligenti evolutione sententiam ferre consuevit; imò qui Litteris omnibus Humanioribus, non tantùm leviter imbutus, ut solent plerique alii Magnates, sed in iis verè Doctus dici potest? Namq; & à tenerioribus annis, cum studiorum Tuorum cura mihi, non sine maximo honore, mandata esset, illis & gnaviter, & felicissimè incumbentem non semel miratus, summo cum gaudio jam tum vidi Te illa Virtutis fœventem seminia, quæ Martialibus spiritibus hæreditario jure in Te corrivatis, & sedulò innutritis, maritata, in amplam illam maturuere segetem, quâ Bello Domique clarus alter ab utroque Cæsar meritò audire posses.

Hic vastus se orationi meæ aperiret campus, si de Magnanimorum Avorum Tuorum gloria, ab ipsa Domûs non minùs antiquæ quàm illustris origine, aliquid dicere animus esset. Ut enim taceam qui ex Ea priùs in Occitania inclaruere, primum producerem ALORSIUM illum de URPACH, qui Carolo Magno grandi suò meritò verè carus, & è terra patria in Germaniam adductus, ad fluvium Albim sedem fixit, ubi ex Imperatoris donò non tantùm urbem Dhona possedit, quæ Genti nomen dedit, quæque adhucdum cum castri sui ruderibus superstes videtur; sed etiam COMITIS ac BVRGGRAVII titulo,

DEDICATIO.

titulò, quem fortitudine heroica verè meruerat, condecoratus est. Hic Imperii fines contra Wandalorum & Suecorum; barbarorum quidem, sed bellicosissimorum populorum, incursiones gnaviter tuitus est: Unde Caroli Magni successor Ludovicus Pius, donum ei concessum, Ejusdem hæredi CONRADO I. meritò confirmavit. Hic est ille Conradus qui insignis operis pontem Dresdensem, utramque civitatem conjungentem, extruxit, Familiæque vectigal ejus, vel saltem partem, acquisivit, quod demum ære Augustus Elector Saxonæ redemit; unde etiam ad nostrum usque sæculum eò ipsò in ponte, opere antiquò, Dhonanæ Gentis insignia bicornia insculpta permanserunt. Tertius ab Aloysio mihi celebrandus veniret HINCO ille, qui annò Christi xxiiii. ciz. cùm Imperatoris Ottonis Vicarius esset, Boleslaum Bohemiæ Ducem cepit. Habere & VVIGBERTOS, VVILHELMOS, FRIDERICOS, HENRICOS, WOLFGANGOS, COLBATIO, ERNESTOS, IONAS, VVERNEROS, CHRISTOPHOROS, STANISLAOS, ABRAHAMOS, CAROLOS HANNIBALES, OTTONES, IARISLAOS, NICOLAOS, ACHATIOS, FABIANOS & CHRISTIANOS, omnes rebus gestis verè claros, ac Christiano orbi caros, per quos COMITVM & BVRGGRAVIORVM dignitas, quæ in aliis innumeris S. R. I. Familiis expiravit, masculâ virtute, ac pari gloria longè propagata est. Verùm si è tot Virorum illustrioribus facinoribus tantillum quidem delibare intenderem, grandia complerem volumina. Quod de unò Fabianò, ut & de Christophorò ejusdem ex Fratre Nepote fecerunt Celeberrimi juxta & Nobilissimi scriptores Wossius & Spanhemius; ambo istò etiam nomine, de Perillustri Domò bene meriti, at manifestè in eo lapsi quòd BVRGGRAVII

DEDICATIO.

titulum latine per Vicecomitem reddiderint; nonnullorum hac ratione errori ansam præbentes. Nam præterquam quòd neminem latere potest quanti sit Burggraviorum titulus, qui noverit illum apud Serenissimos Principes, Brandenburgicum ac Saxonicum titulis etiam aliquot Ducum præponi; liceat hic, ne fucus publico ulterius fiat, vel unam laudare Bullam Auream ab Augustissimo Imperatore Ferdinando III. annò MDCXLVIII.

Dhonanæ Familiæ super hoc negotiò concessam, quâ constat Amplissimam Dhonanam Gentem **COMITVM**

ac **BVRGGRAVIORVM** *titulum ab*

ipsò Aloisiò semper obtinuisse, tantumque abesse ut posterior, Burggraviorum nempe, titulus priori vel minimùm derogaverit; quin Familiam Illustrissimam ante plura sæcula ex Comitum dignitate ad Burggraviorum gradum evectam ac promotam esse expressis declaratur verbis, atque adeò Comites & Burggravii à Dhona, S. R. I. verè Comites ac Burggravii omnibus agnoscendi, hac ipsà aureà Bullà proponuntur & renunciantur.

At DHONANÆ FAMILIÆ, per matrimonia etiam Regibus, S. R. I. Electoribus & Principibus, toties, & vel novissimè sanguine junctæ, gloriam quid ulterius rudiori oratione elevatum eo? Quidque tot Nomina ac ejusdem Gentis Decora, jam ab aliis celebrata, æternùmque celebranda, hic cumulare tento? Dum in Te

COMES ILLUSTRISIME, *quic-*

quid grande à tota illa Magnanima Gente actum est, compendiò quasi comprehensum demiror, ac collucere video. In Te, inquam, qui Virtutis Avitæ vestigia firmò premens talò, jam à puerilibus annis, ingentes versans animos, bello, quod contra Succos, laceßitus intentarat Augustissimus Heros Fridericus V Vilhelmus Elector Brandenburgicus verè Magnus, primùm interfuisti, ibique Tuis gnaviter gestis per omnes militiæ gradus ad Colonelli dignitatem ante decimum & septimum ætatis annum ascendere meruisti. Qui inde contra Turcas cum copiis Brandenburgicis in Hungariam profectus, in obsidione
urbis

DEDICATIO.

urbis Granae aliisque in periculis, non parum inclaruisti: Qui ex Hungaria redux, aliò lauros rursus collecturus properans, in oppugnatione generali urbis Bonnæ, locum muris proximiorē, telisque hostilibus undique patentem totam noctem, duobus etiam sclopeti ictibus, at sine ulla noxa petitus, (quæ fuit Divina erga carum adeò pectus clementia) intrepidus obtinuisti. Nimius forem, si fortia alia facinora recenserem, quibus eò pervenisti, ut ab Augustissimò Electore Militiarum Generalem Præfecturam promeritus fueris, dignusque habitus sis qui Arci Pilau, totius Borussiae clavi, præponeretur.

Ut in Bellicis Rebus fortitudinem, ita in aliis maximis negotiis Generositati Tuæ commissis, industriam ac solertiam summam exhibuisti. Quis enim non stupebit Te adhucdum juvenem, non tantum Serenissimo Electori à Sanctionibus Consiliis, sed etiam ab eodem in Poloniam Legatum dictum; solertia in rebus promptè conficiendis Viros grandævos, ac multiplicis experientiæ, longè superantem? Quapropter post aliquot annos, Serenissimi Friderici Wilhelmi Augustissimus Filius Electoratū potitus, Te continuò eodem, fæderum renovandorum causâ, remisit; Ibi Poloniæ Regi acceptissimus, brevè peregisti quæ alias Viros etiam consummatissimos, propter gravissimas lites subinde inter utramque Coronam enascentes, diu detinuerant; Indeque reportasti luculentissima sagacitatis ac scientiæ politicæ, aliarumque virtutum heroicarum, ab ipsò Sapientissimò & Fortissimò Rege testimonia, in aliâ ad eundem Legatione, eaque tertia, amplissimè confirmata, & cumulata. Nec sola Polonia Te in magnis agentem Ministeriis mirata est, sed etiam Suecia: In eam quippe aulam delegatus, quid in rebus intricatissimis ac difficillimis prudentiâ & solertiâ tuâ valeres abundè ostentasti, & ab Augustissimo Rege, apud quem in magnò sanè nomine fuisti, profectus, ac per Daniam iter faciens, Monarchæ isti non minùs quàm aliis commendatissimum Te præbuiisti.

Verum,

DEDICATIO.

Verùm, quid iniquiore stylo tanti Viri laudes detero, Virtutumque, quas tota Germania ac ipsa Regna adjacentia demirantur & suspiciunt, aliquid hic propalare adnitor? Imò, quid vim facio modestiæ singulari, quâ meritissima etiam encomia aversaris ac rejicis? Sisto itaque gradum, COMES GENEROSSISIME, ne dum partem eorum quæ surdissima etiam Posteritas debitis prædicationibus in Cælum delatura, ac immortalitate donatura est, rudiori penicillo adumbrare satago, minùs gratus accedam; Deumque T. O. M. humillimè & totò pectore precor, ut TE, Illustrissimamque CONIVGEM, ac Generosissimam PROLEM, Nestoreos sospitet in annos; ad Aulæ Brandeburgicæ, imò totius Germaniæ longum decus, & ut Virtutibus Christianis, Civilibus ac Heroicis diu omnibus præfulgeatis. Sic ex animo vovebat.

ILLVSTRISISIME COMES.
EXCELLENTIÆ TVÆ

*Dabam Geneva die Januarii
28. Anni 1695.*

Addictissimus & obsequentissimus

J. J. MANGET.

BIBLIOTHECÆ
MEDICO-PRACTICÆ
LIBER PRIMUS

De Affectibus à Litera A incipientibus.

ABORTUS.



UIDAM confundunt abortum & aborsum, alii vero in eo differre volunt, quod hic, fœtus corruptelam primis mensibus inductam significet, ille vero, exclusionem fœtus ad legitimi partus terminum propius accedentis, denotet. Græci habent ἐμβολήν

& ἐμπεριμα; ἐμβολήν propriè est rejectio fœtus sub forma ovi, ἐμπεριμα vero est ejectio fœtus jam formati.

Abortus autem est fœtus imperfecti exclusio præmatura causarum internarum, vel externarum vi excitata.

Causa abortus proxima est, vel uteri coarctatio, unde fœtum crescentem continere minùs capax est; vel præternaturalis relaxatio, quâ fibræ emollitæ conceptui arctiùs complectendo impares evadunt, ipsùmque ante tempus per facile explicabiles vias dimittunt; vel ejusdem uteri motus convulsivi & contractivi, à plethora fermentescente, spirituum nimio influxu, aliisque irritamentis procreati.

Causa abortus remota est, vel commotio animi, vel nimius motus, saltus, sternutatio, tussis, vomitus, immodicus alvi fluxus, vociferatio, ponderis gravioris sublatio, brachiorum fortis extensio, hæmorrhagiæ, terror subitaneus, atque, quamvis rariùs, insufficiens nutrimentum fœtui à matre suggestum, ut etiam gestationis tempore frequentius adhibita & assumpta medicamenta, præcipuè opiata.

Signa abortus imminenti sunt, tum jam memoratæ causæ graviores prægressæ, tum corporis rigor & horror subitaneus subsequente leviculo calore; item nausea, inappetentia, sitis major, dolor lateris, lumborum, atque totius corporis lassitudo, animi deliquium, cordis palpitatio, halitus fœtidus, aliaque minùs univoca: Tum præcipuè lumborum & coxarum gravitas insolita, atque ponderis vulvam prementis importuna sensatio longè ante tempus partui legitimo vicinum, dolores vagi in imo ventre crebriùs recurrentes & ad pudoris usque sinum deorsum se extendentes,

eum involuntario conatu ex utero egerendi, eruptio sanguinis aquosi, aut aquarum in membranis fœtum obvolventibus contentarum, situs denique uteri quasi mutatus, ita ut qui priùs supra regionem pubis eminebat, deorsum jam inclinaret: adde ex Hippocrate, mulieri in utero gerenti si mammae subito extenuentur abortit.

Quandoquidem autem non parùm interest nosse an fœtus sit mortuus, an vivus; (ne mortuum excernendum retineamus) mortui fœtus signa hæc habeto ex Hippocrate, sc. jubere oportet mulierem, ut modò quidem dextrum in latus, modò etiam in sinistrum convertatur; dilabitur enim fœtus in utero quocumque se vertat mulier velut saxum, aut aliud quidpiam, si mortuus fuerit, & pectinem frigidum mulier habet. Item si cum jam moveretur fœtus corrumpatur & suffocetur, venter imus intumescit, & ad contractum velut ex ulcere dolet, febris & dentium fremitus eamprehendit, dolorque gravis & vehemens, ipsa pudenda, imum ventrem coxendices, laterum inanitates & lumbos detinet; *At hæc non sunt perpetua* addimus præterea si observarit fœmina se leviter aliquando ex repentina causa, terrore & simili inhorruisse talem horrorem motituri, seu morientis fœtus signum esse, præcipuè ubi brevi sequitur genitalium gravamen.

In omni abortu magis periclitantur fœminæ, quàm in partu naturali, ac præcipuè quo grandior fuerit fœtus; sed in majori versantur periculo teneræ admodum constitutionis mulieres, quàm obesæ, Abortum graviozem aliquando sequitur inflammatio, ulcus, hæmorrhagia copiosior, indeque enata syncope, imò deliria & convulsiones, hisce autem prehenas, nullas se vidisse servatas asserit Aretæus: Imprimis periculosum est si prima conceptio per abortum rejiciatur, sic enim sterilitas aliquando inducitur, aut eadem mulier alii fœtui ad suum terminum gerendo inepta læpissimè evadit.

Ubi abortus fit, cura nulla tentanda nisi ea quæ exclusionem faciliorem minoribusque symptomatis stipatam faciat, periculum enim foret, ne si fœtui mortuo, aut jam in egressu morituro, per astringentia à Medico adhibita via præcluderetur, in utero restitaret cadaverosa, atque inflammatoria materia, millium symptomatum parens funesta.

Ad præſervationem autem in genere, commendatur primariò verberna intus & extus adhibenda, ex eaque paratum extractum, aqua, & eſſentia, ſequuntur grana Kermes ſed ſincera, & quantum fieri poteſt recentia, indeque paratus pulvis, atque tinctura; Ebur & omnia ex ebore, ejuſque præcipue gelatina in potu diſſoluta, cancri fluviatiles, quacun- que demum ratione adhibiti, at in ſpecie eorum exſiccatorum pulvis quem ſpecifici antiabortivi honore dignabatur Poterius. Corallia ex iſſque extracta tinctura per ſpiritum cordis cervi; Germina ſeu potiùs Chalazæ ovorum gallinaccorum recentium tria numero cum foliolo uno auri in juſculi carni- um cochlearibus aliquot ſoluta, atque non una tantum vice ſed per dies duodecim matutinis horis longè ante paſtum exhibita.

Inſpecie Ubi à plethora nimia, vel cachochymia periculum eſt abortus, utilis erit venæ ſectio, purgationeſque mitiores cautè adminiſtrata. Ubi à terrore, faciet pulvis Marchionis, item ſpecificum cephalicum ex dente hippopotami, caſtor. &c. tinctura coralliorum & ſimilia. Si à frigore externo conveniet internè, aqua vitæ mulierum, baſamus Embryonum, aliaque ſpirituofa, externè inunctiones, ex oleo maſtichino, addito oleo ma- cis vel garyophyllorum aromaticorum atque cin- nam. ſtillatit. imò baſamo Peruviano. Si ab ira conducet ex ebore parata gelatina ipſaque eboris ſubſtantia per aquarum vaporem eo modo ſoluta quo C. C. philoſophicè præparatur, hiſce permiſ- ceri debent acida, quo commodiùs bilis commo- ræ, nervoſumque genus in ſpaſmos deducere pa- rata, acrimonia temperetur, remediique pori per fermentationem ab acidis inductam laxiores eva- dant, & abſorbendis atque quaſi in carcerandis particulis efferatis magis idonei. Si ex tormini- bus, doloribusque cholicis, internè proficius erit pulvis Zedoariæ, per ſe, vel ex cruſta panis bu- tyro illita aſſumtus, externè verò piperatus melle illitus, & caryophyllis aromaticis ſinapizatus re- gioni umbilicali admoſus. Si ex relaxatione, lau- datur unguentum comitiſſæ, item bdellium & maſtiches aceto diſſoluta, & inſtar emplatri regio- ni hypogaſtricæ applicata. Quæ autem vi adſtri- ctiva validiore ſunt prædita, qualia ſunt balnea alu- minoſa, non ita tutò in præſervationem adhiben- tur, quia vaginam anguſtiorē, partumque diffi- ciliorem & laborioſiorem faciunt.

Abortu facto mulier extenſis atque cruciatis cruribus immota in lecto maneat, extremaque ſub ſtragulis ita contineat, ut omne frigus vel leviuſ- culum ab illis arceat, ſi verò non ſic ſatis reprimat- ur hæmorrhagia nimia, ad remedia, ubi de lochiis nimis, explicanda, confugiendum.

Curationes, Conſilia, Obſervationes & Ana- tomicæ Inſpectiones è variis Autoribus.

Curationes.

Nihil melius ſcio quam in victu non errare, ne vitioſi humores in corpore colligantur, dein- de ut vitet affectuum immoderationem, iram, cu- ras, vehementes corporis motus, & quidquid ſanguinem poteſt commovere. Ad ſanguinem ſi- ſtendum ſi fortè fluat, & ſanguinis boni adſit co- pia, ſuaderem & ego, ut cæteri medici, venæ ſe-

ctionem, nec moveret me Hippocratis autori- tas, qui venæ ſectioni in gravidis tantoperè ad- verſatur, cum noſtro tempore diæta alia ſit, quam olim fuerit, & experientia teſtetur, ſæpe multos gravidarum morbos venæ ſectionem poſtulare & ferri ab iis ſine incommodo, aliqui ad ſanguinem ſiſtendum prædicant pulverem ranæ uſtæ in olla re- centi in ſacculo de collo appenſum, experiri licet; Contra abortum utilis eſt hic pulvis manè ſumptus in ovo ſorbili. ℥. rad. biſtort. ʒj. granor. Kermes, ſem. plantag. portulac. ana ʒß. coriandr. præp. ʒij. ſacchar. ad pondus omnium, fiat pulvis Joann. Cra- tio. Conf. 32. lib. 4.

Quando menſes tempore convenienti non fluunt, ſuſpicio eſt mulierem concepſiſſe, nihil tamen adhuc agendum, donec altero menſe, quoque menſes non rediſſe certum ſit: tunc incipiat illis quæ conceptum retinent, & uterum firman- ti, uti; primùm ceratum ſequens lumborum regioni noctu cubitum itura applicet, illudque totà nocte reti- neat, idque ſaltem ab initio tribus noctibus ſemel, & poſt menſem quartum, alternis noctibus, & quò magis uterus creſcit, eò frequentius mutan- do aliquoties locum, ita ut quando quater in lumbis geſtavit, poſtea in ventre ſub umbilico totidem noctes ferat. ℥. Rad. biſtort. ſem. co- riandri ana ʒij. nuc. cupreſſi, ſantal. rubr. hypo- ciſt. ana ʒj. ladan. maſtich. ana ʒß. thur. bdell. ana ʒij. corall. ſuccin. ana ʒj. pulveriſanda, pul- veriſentur, & excipiantur oleo maſtichino, ad- dendo ceræ, & terebinth. q. ſ. f. cerata quadrata duo vel tria ad uſum, Interea utatur tabulis, quæ mirè ad abortum præcavendum ſunt utiles, capi- endo unam alternis vel ternis diebus manè. ℥. ſem. coriandr. præp. ʒij. radic. biſtort. raſ. ebor. corall. rubr. ana ʒj. ſuccin. cryſtall. ana ʒj. cocc. infect. ʒß. ſacchar. diſſolut. in aq. roſar. ʒiv. f. tabulæ ponderis ʒj. lapides ærites, lazuli, jaſpis, brachiis alligati proprietate juvare creduntur, caveat cum utero geſtata nimio motu, tuſſi, ſternutatione, ab aromatibus nimis, & vino generoſo. Felix Platerus Obſervat. lib. 3. pag. 744.

Inter intrinſeca pulvis hic noſter ſi frequenter ex vino propinetur magnoperè profuturum non dubito. ℥. Spec. diamargarit. utriuſque ʒß. pulv. cancr. fluviatil. ʒij. coagul. lepor. pulv. ʒj. corall. rubr. ʒij. m. f. pulvis cujus ʒj. ex vini alb. ʒiij. vel ex aq. plantag. horis 4. ante cibum, bis, terve in hebdomada exhibeatur. Inter extrinſeca, quæ lumbis, ſpinâ doſſi liberâ relicta, & locis appo- nuntur, eſt imprimis unguentum celebratiſſimum Comitiffæ appellatum, probatiſſimum eſt ſubſcrip- tum ceratum, quod ſæpiùs feliciter uſurpatur. ℥. Thuris, maſtich. ladan. ana ʒß. lapid. hæmat. bol. armen. coagul. Leporis, raſ. ebor. ana ʒj. reſin. pin. q. ſ. f. ceratum ſ. a. quod applicatum lumbis non immutetur, niſi decem dierum ſpatio adhæ- ſerit detineatur tribus à conceptu menſibus, deinde auferatur, detur quandoque pulv. corall. rubr. ad ʒj. in ovo ſorbili, quod re medium licet vulgare ſit, ad hoc tamen officium efficaciſſimum eſt. Joann. Zecchini Conf. 94. & 86.

Admoveantur regioni uteri ceratum inſrâ ſcrip- tum mihi pluries expertum & ad octavum uſque menſem geſtetur. ℥. Maſtich. ʒj. ladan. ʒvj. rad. biſtort. ʒv. nuc. cupreſſi, hypocit. ſang. dracon. roſar. rubr. ſantal. rubr. menth. ſicc. coriandr. præp. gall. moſchat. terr. ſigill. ana ʒij. ol. oliva- rum, ceræ citrin. terebinth. claræ, picis ana q. ſ. m. f. cer.

f. ceratum. Sed. & quæ à proprietate abortum prohibent non sunt negligenda, quare intus pulv. cancr. fluviatil. coagul. leporinum, lapis aquilinus pulveratus & ex vino nigro austero datus non improbat. *Julius Caesar Claudinus Consult. 34.*

℞. Granor. Kermes ʒj. santal. rubr. ʒss. caryophyll. nuc. mosch. ana ʒj. rad. tormentill. ʒss. margarit. corall. rubr. præp. ana ʒj. fol. aur. num. iij. manus ch. perlat. ʒ iij. f. pulvis sumat ad ʒj. cum pauc. vino rubro. *Rodericus à Fonseca Consult. Tom. 2. Consult. 71.*

Occultam proprietatem habere corium equi marini pro retinendo fœtu in utero certus sum, ex quo si fiat zona, & toto gestationis tempore juxta carnem cinguli modo feratur, abortus non continget, quod auxilium plurib. incassum tentatis præstantissimum semper inveni. Si haberi nequit utere zonâ ex lupino corio parata quam huic usui esse mirabilem fidelissimo experimento adinveni. *Zacutus Lusitanus Praxeos Medic. Admirand. lib. 2. Observ. 150.*

Ubi metus est abortus propter concussionem vel casum ventris inferioris, gravidam dispone in lectum, ut quiescat, & singulis diebus manè exhibe cum ovo recenti cocto gallaturas numero 7. vel 8. cum serico Kermisino ad ʒj. inciso minutissime, vel tantundem granorum Chermes; ventri autem pro confortando fœtu impone sacculum è foliis cupressi, majoran. & rosamarin. in vino & aqua coctis. Sic contervabitur fœtus ad justum pariendi tempus, ex obstetrice gallicâ. *Wolfgangus Hæferus, Hercul. Med. lib. 7. cap. 3.*

Abortum impediunt magisterium corallorum & perlarum, si sæpius cum aqua vitæ mulierum, vel aqua lilior. convall. detur, tinctura corallor. ritè recteque parata abortum prohibet, si gestationis tempore prægnantes ejus accipiant gutt. iij. vel iv. singulis mensibus bis; à proprietate succus Astaci unius contusi, & expressi in vino bono datus singulis mensibus semel vel bis, fœtum nunquam abortivum nasci sinit, nisi extrinâ vi impellatur. Sic sal Astacorum fluviatiliu dextrè paratus, & singulis septimanis cum amygdalarum dulcium decocto in vino malvatico maceratus mirabiliter fœtum conservat dos. gr. iij. (vinum ne bibant, pellit nimirum fœtum.) *Joann. Hartmann. in Praxi Medica.*

Valdè efficax est sequens opiata ℞. Conserv. ros. ʒ ij. cortic. citr. condit. ʒ vj. pulp. dactyl. myrobal. condit. ana ʒss. corall. præp. margarit. præp. & ras. ebor. ana ʒj. cum syrup. cydonior f. opiata, de qua capiat frequenter magnitudinem castaneæ, quamprimum dolores & tormina apparuerint in ventris fundo, versus pubem, in lumbis & ossè sacro eorum sedationi incumbendum est, tam sumptis quam admotis, pro varietate causarum adhibitis, si ob cruditates & flatus excitentur (quod frequentissimum est) exhibendus erit pulvis ex aromatico rosato & sem. coriandr. compositis, imò aqua imperialis exhiberi poterit, si major sit pituitæ & flatuum congeries; eodem tempore applicentur abdomini carminantia, ut sacculi ex sem. anis. fœnicul. fœnugræc. florib. chamæmel. sambuc. anthos & lincados compositi, vel placenta rosacea frixa in sartagine cum vino generoso & pulv. nuc. moschat. & coriandr. conspersa, si hisce dolores non cesserint, inji. iatur clyster ex vino & oleo confectus in quo philonii rom. ʒ ij. dissolvi poterunt; aut etiam narcotica per os, in minima dosi exhiberi; ad

frænandum flatuum & humorum impetum. Sequentia duo remedia pro secreto habentur, & fœtum certò retinere creduntur, si antequàm fœtus à coryledonibus divulsus fuerit, usurpentur ℞. fol. aurin. numero xii. spodii ʒj. germinatium ovorum non subventaneorum m. f. probè, postea dissolvantur in dimidio cyatho vini albi, & detur manè per triduum. Eodem tempore sequens cataplasma admoveatur. ℞. Thur. masculi pulv. ʒ ij. album. ovorum num. v. agitentur simul super prunas semper movendo ne concrecant, addendo terebinthinam, postea stupis excipiantur, & quantum ferre poterit, calidissima umbilico applicentur, bis in die, manè & serò per triduum prædictum. *Lazarus Riverius.*

Ante partum abortus præcaveri debet V. S. Si mulier sit plethorica; purgatione, si cacochymia adsit; matricis frigiditas, lubricitas & humiditas est corrigenda, si ea in causa fuerit, & quidem thermis, sudoribus, aliisque. Affectus uteri, si qui adfuerint, removendi. Graviditatis verò tempore ea omnia fugienda, quæ vincula fœtus vel laxant, vel rumpunt, vel uterum debilitant, vel expultricem ad expellendum irritant, vel fœtui alimoniam subtrahunt, vel vitiosè alunt, vel prorsus enecant, vel aliâ quacunque ratione matrem, vel fœtum offendunt. Bona è contra convenientisque Dieta præscribenda matri, eique foris ac intus medicamenta appropriata ordinanda V. G. ℞. pulv. contra abort. August. ʒ ij. magist. corall. cum succo citri. ebor. Sine Δ parati, granor. mastich. ana ʒ ij. m. f. pulvis. dosi ʒss. ad ʒj. cum vino rubro aut ovo sorbili. ℞. Mag. corall. cum succo citri, ebor. sine Δ præparati gran. mastich. ana ʒj. pellic. ventr. gallin. ʒ iv. m. f. pulvis sumat manè scilicet in juscule carnis, horâ 3. vel 4. & ante somnum. ℞. Aq. verben. plantag. ana ʒj. syr. corall. ʒ i ss. tinctur. corall. ʒ ij. misce. ℞. Tinctur. corall. ʒ iij. Dos. 20. vel 30. gutt. ℞. Balsam. embryon. ʒ iij. Dos. ʒss. ad ʒj. Potest etiam hic balsamus embryonum seu puerorum optimè applicari cum vino malvatico ex pane tosto: item pulv. nuc. moschat. mac. & caryophyll. crustæ panis aquâ appropriata quâdam madefactæ, aspergitur, prodest etiam pulvis perlarum & corall. sæpius cum aq. lilior. alb. vel vitæ mulierum sumptus. Externè ℞. unguent. Comitiss. ʒ i ss. olei mastich. cydon. ana ʒ i ss. misce fiat litus. ℞. unguent. Comitiss. ʒj. olei Omphacin. ʒ iij. misce fiat litus, potest etiam emplastrum contra herniam regioni Lumborum & hypogastrio imponi. Si à nimio frigore, internè prodest aq. vitæ mul. & balsamus embryon. externè verò potest fieri inunctio. ℞. olei mast. ʒss. dest. nuc. mosch. gr. iij. macis gr. iv. caryophyll. gr. iij. cum ol. nuc. mosch. express. f. linimentum. Si à terrore ℞. aq. cerasor. nigror. flor. tiliæ, epilept. Lang. ana ʒj. syr. corall. pæon. ana ʒ vj. tinctur. corall. ʒj. misce. ℞. aq. borrag. buglos. Balsam. embryon. ana ʒj. corall. rubr. præp. margarit. præp. ana ʒss. misce; vel ℞. aq. epilept. Langii ʒ i ss. Cerasor. nigr. flor. tiliæ ana ʒ ij. pulv. March. ʒ i ss. Smaragd. præp. ess. de C. C. gran. xii. syr. corall. pæon. ana ʒ iij. misce. Aiunt pelliculas ex ventriculis gallinarum extractas pulveratas, & diebus aliquot manè aurei pondere cum vino jejuno stomacho assumptas certò abortum præcavere. Idem facere perhibent radices eryngii veri emplastri modo hypogastrio impostæ. Cum rudimenta futuri abortus apparent, per aliquot guttulas

sanguinis ab utero stillantes, mulier deglutiat cor pulli ex vivo extractum & adhuc palpitans. Etites de collo suspensa gesterur, magnes umbilico admoveatur & applicetur, tanacetum manu calefactum tenendo. Cæterum gravidæ abortum passæ per omnia ut puerperæ tractandæ, viresque illarum convenienti victus ratione corroborandæ. Sæpe enim magis debilitantur abortientes, quàm tempestivè parientes & gravioribus affliguntur symptomatibus. *Joann. Michael.*

CONSILIA.

Pro abortu præcavendo contineat ceratum dorso appositum. Secundo obducantur duo cauteria, nuperrimè coxis inusta, utpote quæ molestiam atque dolores, ut ex relatis habemus continuos inferant, & abortum facilius conciliare possunt: per os verò assumat quotidie, matutino tempore, quinque aut sex guttulas tinct. corall. quandoque etiam semidragmam margarit. præp. nonnunquam & ʒj. pulv. mastich. & granor. tinctor. omnia dissoluta in aqua aut jure plantag. aut in aqua foliorum quercus: aliquod quoque à proprietate juvans in usum revocandum, tum internum, tum externum. Internum quidem, pulvis ex matrice leporis paratus, sive internæ membranæ ventriculorum gallinarum. Externum lapis aquilinus brachio alligatus, sicut & lapis magnes umbilico appositus.

Cauta autem admodum atque accurata esse debet victus ratio, & potissimum in cibi & potus quantitate & qualitate, quantitas enim parca nimis mihi videtur, cum gracilis valde sit matrona illustrissima, & præterea in præsens, & mater & fœtus nutriendi sint, quamvis ciborum qualitate illi suppleri possit, ut nempe sint facilis coctionis, facilis distributionis, & optimi nutrimenti, & ut quidem nutrant, ac non gravent. Sic prima mensa hauriat cochlear instaurantis in jure, tum in prandio, tum in cœna: & quoniam nox hoc tempore longior est, manè diluculo, cum jam dictis pulveribus, vel sine iisdem, idem instaurans erit repetendum. Ova autem recentia, sorbilia, duplici nomine aptissima fuerint. Sed præterea non minor esse debet motus cura, cavendo Rhedam, & domi hærendo. A viro suo sejuncta dormiat, nec unquam ipsum admittat, atque domesticis omnes occasiones præcavendæ, quæ ejusdem animum turbare aut commovere possint, quæ pauca pro statu præsentis, satis. *Raymund. Joann. Fortis Consultation.*

Nobilissima & formosa scæmina, calidioris, & humidi temperamenti sexto mense gravida, non ita pridem, circa horam octavam matutinam, die xxii. Novembris (febris malignis petechialibus grassantibus) ætatis anno xxxii. sibi Climacterico, nulla cæteroquin præviâ causâ externâ, dolores crebros circa ventrem & lumbos, versus pubem & os sacrum desinentes, magnūque ex utero egerendi conatum sentiens, cum copiosæ aquæ & sanguinis ex utero fluxu, fœtum benè formatum, sed mortuum, totoque corporis habitu luteum & ictericum, enormique molâ stipatum, cum secundina livida planè, inter animi deliquia minimè simulata, exclusit. Cum verò prædicta matrona jam binâ vice peperisset filios, intra decennium à partu

ictero extinctos; fœtus hic mortuus, adstantium jussu à me dissectus, monstravit non tantum ventriculum cum intestinis bile refertum, sed & ipsum hepar aridum, splenem scirrhum, pulmones corruptos, & cor flaccidum; causas interitus sat evidentes.

Quomodo autem ejusmodi abortus præcaveri possit? operæ pretium est inquiratur. Suaderem ego Gravidæ, ut medio gestationis tempore viis primis evacuandis lene purgans sumeret ex mann. ʒij. & postea sanguinem mitteret non ex venis erutum, sed ex mediana vena dextri brachii, hisque præmissis & servatâ bonâ diætâ, omnes res lex naturales complectente, alterantia, bilem edulcorantia, ab ictero præservantia atque roborantia v. g. syrup. corall. agrestæ, acetos. citri, rubi idæi, cerasor. condit. Pulveres margarit. corall. & lapides pretios. C. C. alcis, eboris &c. de quibus paulò post, usurparet.

Quoad Diætam, talis gravida fugiat aërem caliditate aut frigiditate nimia excedentem, putridum, fœtentem, herbas forritèr olentes, fumum sulphuris, castorei, lucernarum extinctarum. Cibi sint boni succi & facilis coctionis, abstineat amaris, salis, piperatis, & crudis cibis, atque omnibus aliis rebus bilem augmentibus. Potus sit, si cerevisiæ adfecta fuerit, cerevisia tenuis defæcata, infusione radicum caryophyllatæ, & corticibus citri condita: sin vino, bibat album tenue, acidulis ubi haberi possunt permixtum, quarum loco interdum aliquot guttas clisi possit instillare.

Ex pharmacia, præter supra enumerata, gestationis tempore sæpe sumat dragmam unam sequentis electuarii, & quandoque aquæ descriptæ ʒj. proderit etiam usus rotularum inferius descriptarum, si unam alteramque per vices assumpserit. Singula enim hæc medicamenta bilem alterant, ejus fervorem mitigant, vires quoque tum matris, tum embryonis roborant, ipsumque abortum præcavent.

℞. Conserv. rosar. ʒj. borrag. bugloss papav. errat. ana ʒss. cortic. citr. condit. ʒjss. extract. lign. aloës ʒss. spec. diamargar. frig. ʒj. syrup. corall. q. s.

℞. Spec. diamarg. frig. ʒij. sacchar. aq. borrag. solut. ʒijss. muce f. rotulæ.

℞. Balsam. Embryon. ʒij. aq. borrag. bugloss. ana ʒi ss. tinct. corall. cum sp. panis parat. ʒss. syrup. corall. ʒij. misce.

Si suis nimia urgeat, oris amaritudo molestiam pariat, & vomitus accidant, frequenter sumat syrupum de Agresta, syrupum corallorum succum citri, in cibo frequenter uturpet mala citria, succum granatorum, rubi idæi, & post cibum succum cydoniorum. Pro ipso fœtu roborando externè abdomini sæpius lin eamine exceptus applicetur Balsamus embryonum, panis item mellitus aut saccharatus vino Hispano irrotatus, dorsum inungatur unguento Comitissæ composito v. g. ℞. unguent. Comitissæ ʒj. olei nucist. express. ʒj. mastich. elect. ʒij. misce lento igne adde ol. ovorum q. s. pro linimento. *Joann. Michael.*

OBSERVATIONES.

Fæmina quædam primaria Lipsiæ aliquoties periclitata de abortu, sub medium gestationis tempus

pus utebatur vino malvatico, cum panis frustulo eodem imbuto, manè jejuno ventriculo. Ita insigniter roborato fœtu fœliciter enitebatur; vinum malvaticum cum amygdalis celebratur ad idem apud Sennertum. *Hier. Reusnerus.*

Mulier quædam 13. Hebdomade imprægnationis cervicis cocturæ adhistens, situlamque pleniorē imprudentius tollens, abortum ferè rejecit, ruptis membranis & exitum embryone moliente, fortè empiricus præsens ad omnia audax, huic incommodo succurrere satagens, suavit sine mora, & situ prægnantis, & manus dexteritate, repōnendum fœtum. Capite igitur gravidæ declivi, elatisque cruribus, osterrix subtili manuum operâ embryonem proditum intrusit; statimque peractâ operatione in lecto composuit matrem, ut fœtus repositus solitum locum repeteret, fluxerunt tamen lochia ad tertium diem, ad membranæ ruptæ regenerationem suavit idem congressum cum marito; hinc retentus fœtus justo tempore, deinde fuit exclusus, adhuc superstes. *Thomas Bartholinus.*

Mulier quædam *Monspeliensis* tres abortus consequenter passa erat variis gestationis temporibus, jam verò à duobus mensibus gravida patiebatur dolores circa umbilicum & lumbos, qui abortum minabantur, alter medicus duo emplastra præscripserat lumbis, & umbilico admovenda, ex mal. emplast. pro fractur. unde meliùs habuit ad aliquot dies, postea verò iidem dolores reversi. Vocatus ego advertens mulierem juvenem & sanguineam, venam secari jubeo, unde intra paucas horas à doloribus, & metu abortus omninò liberata est. Sanguis erat valdè serosus, tandem ad præcautionem præscribo rhab. pulv. 3 j. cum juscule iterandam semel in septimana per mensem, unguentum adstringens lumbis, & ventri admovendum pridie purgationis, & opiatam astringentem, postridie rhab. quibus tamen non usa est, symptomata illa accesserant eo prorsus tempore, quo me struas purgationes pari consueverat extra graviditatem, tertio deinde mense eadem symptomata redierunt & venæ sectione statim liberata est, quarto iidem, quinto, sexto, septimo & octavo, iidem symptomatibus periodicè recurrentibus, iterata est venæ sectio, & statim liberabatur; ultima venæ sectio celebrata fuit octo diebus ante principium noni mensis, cum eodem fructu, & in fine noni mensis peperit filium bene habitum & vitalem, sed pallidiusculum. *Lazarus Riverius.*

Aliquando vidi juveniculam quarto mense gravidam quæ per scalas deciderat in cellam & exinde insigniter terrefacta, ita ut ferè per dimidiam noctem non sentiret motum fœtus aliàs alacris, præscripsi sequentem *misturam*: ℞. aquæ flor. lil. convall. cerator. nigror. epilept. langii ana 3 j. ebore sine igne par. 3 ss. specific. cephalic. 3 j. pulver. Marchionis 3 ss. Thar. Mastich. ana gr. v. syrup. corall. Quercetan. 3 vj. de qua mistura non ingrata capiat subinde benè agitâtâ, aliquot cochlearia: unde factum est, ut benè postmodum cessaret alteratio à pavore inducta, & fœtus inde roboratus denuò se alacriter moveret: applicatâ. Simul externè abdomini crustâ panis cum vino malvatico. *Michael Ettmüllerus.*

Anatomica Inspectioes.

Nobilis Matrona multis annis gravissimis Reum doloribus sinistro præsertim in latere ab initio divexabatur, & quatuordecies uterum gestans, toties octavo vel nono semper mense abortivit, &c. Eam mortuam cum secarem, renem sinistrum penitus consumptum deprehendi. Dextrum verò tumidum in immensum excrevisse, in quo per medium dissecto calculus justæ magnitudinis excreverat, &c. *Platerus Observ. lib. 2. pag. 467. praxeos lib. 2. cap. 12.*

Anno 1605. matrona cacoehymica circa quintum mensem imprægnationis parturientium doloribus correpta, post maximos ac diuturnos conatus gemellos cum multa aqua enixa est, fœmellam scilicet ac masculum. In hoc dissecando sequentia annotavi, 1. abdomen non secus ac hydropicorum, aqua plenum erat: 2. Testes extra abdomen non propendebant, sed in ventris capacitate residebant, & quidem eo loci in quo vasa spermatica ad scrotum descendunt: vasa spermatica tam brevia erant, ut extra ventrem propendere non potuerint. 3. Hepar suprâ modum magnum, inflatum & aliquo modo lividum. 4. mesenterium & renes inflammata. 5. Urachus sine cavitate ulla, neque stylo reperiri potuit! imò nec ipsa vesica apparebat inflata. 6. Vesica rugosa plane & vacua, præter quàm quòd humor viscidus ei ad latera, non secus ac in intestinis videre licet, adhærebat. 7. Cutis undiquaque maculis, ut in febribus pestilentialibus conspersa. *Fabricius Hildanus Cent. 2. Historia 59.*

Mulierem satis laudatæ sanitatis quinto mense abortientem vidi: cùmque fœtus ferè nullam in morte mutationem persensisset, ipsum secui, desiderio impulsus an aliqua necis causa in tam robusto fœtu innotesceret; cùm ipsius mater valida hujusmodi abortus nullam afferrer causam.

Secito corpore, in cavitate thoracis sub jugulo dextro lucidam vesicam, aqua plenam, arteriæ asperæ adhærentem inveni, quæ copiosa, humoris inundatione, quam recipiebat à capite, in puero valdè humido, eventilationem cordis prohibuerat ipsum suffocando *Dom. Panarollus pentec. 1. Observ. 5.*

Anno 1644. Nob. matrona quinto mense gravida, post fluxum triduanum uteri cruentum, abortum patitur atque fœtum rejicit masculum, quoad omnes partes perfectum quidem, quantitate tamen deplumatum tordum vix æquantem, exsuccumque & aridum. Vasa umbilicalia erant instar filorum communium usualium, collo circumvoluta & quasi alligata non tamen brevia, uti duplici exemplo exponit *Hildanus*: nec disrupta, uti aliàs *Bauhinus* notavit. In dissectione norabantur partes singulæ discretæ, hepar albicans & exsuccum, cor pallidum, vasa umbilicalia sicca: sub noctem secundina prodit putrida & fœtida. *J. Dan. Horstius. Observ. Anat. 5.*

Torentina Mayer, ætatis tempore anno 1605. ad quinti mensis finem ferè signis omnibus fœtus vivi apparentibus, gravida fuit: circa finem verò quinti mensis fœtus primò imbecilliter movebatur, ita ut vix persentiri potuerit: deinde paulatim & intra paucas dies omninò cessabat moveri, mammae quoque, quæ ante lacte turgabant, tunc subsidebant, flaccescebant & exsiccabantur, alia-

que signa aderant ex quibus fœtum in utero mortuum esse facillimè conjicere licuit: Tandem circa finem octavi mensis, parturientium doloribus correpta, enixa est malculum, quem per tres menses ferè mortuum gestaverat. Longitudo enim spirhamæ cum dimidia non excedebat, oculi ex suis orbitis seu capsulis propendebant: os item apertum, caput nigrum, & flaccidum erat, interum tamen fœtor nullus aderat: hepar uterinum integrum, sed flaccidum pallidumque conspiciebatur. Chorda, ut vocant, umbilicalis, quæ communiter & in omnibus ulnarum aliquot longitudine esse solet, vix spirhamæ erat longitudinis.

Hujus abortus causam nullam aliam invenire potuimus quam malam ac ineptam conformationem vasorum umbilicalium: hinc perspicuum fit crescentem fœtum in utero materno paulatim placentam ab acerabulis sive cotyledonibus abstraxisse, & separasse: abstracto autem hepate uterino necessariò moritur fœtus. *Fabr. Hildan. Cent. 2. Obs. 50. & 51.*

Domina illustis per multos annos affectibus spasmodicis obnoxia, potissimum verò quoties utero conceperat pathematis convulsivis, quasi hystericiis supra modum tentari solebat; sub finem tertii mensis gravida, quo tempore constanter abortire solebat, menstrua eruperunt, quibus per duos aut tres dies una cum membranarum laceratarum frustulis descendentibus abortum expectabat. Tandem uteri sarcinam deposuit, & demùm apoplectica interiit.

Quoniam uteri principaliter affecti suspicio ferebatur, quantum hoc viscus meruerat proximè inquirebam: quod in debito situ, & quoad omnia sarrum & tectum reperi. Circa uterum aut appendicem ejus, nihil exstabat, cui tanquam causæ morbificæ imputari potuerit: At verò præcipuam & originalem morbi causam in capite quærivimus, haud frustra: nam omnes cerebri cavitates & anfractus aqua implens, ejusque totam compagem quasi inundans cernebatur; Juxta nervorum splanchnicorum origines aqua se plurimum insinuans piam matrem a medullæ oblongatæ caudice, per duos digitos latos separaverat, proculdubio horum nervorum ductu materies morbifica à capite in mesenterii plexus descendens, & dolorum & spasmodorum, & hos consequenti abortus, causa extiterat. *Thom. Willis Patholog. cerebri cap. 10.*

Cum in oppido Reinheimb, Phil. Rheimichii uxor, concivis conjugem ultimo mense gravidam, non tantùm jurgiis prosequeretur, sed & dextræ parti capitis, ipso tum ardente syrio impingeret, editus paulò post infans, in ea ipsa, qua mater concussa fuerat parte, continui solutionem passus: Re ad me delata, misertus pauperculæ ocyus illuc concessi, atque deprehendi continui solutionem ad ipsum cerebrum penetrare, portionemque ipsius cranii fractam jam putredinem concepisse. Licet autem externa & interna roborantia fuerint exhibita, putrida etiam portio cranii execta, multaque foetida purulenta materia extracta, brevi tamen infans demortuus, sequentia notanda dedit: Venulæ fuerunt turgidæ, ventriculi cerebri aqua repleti, cerebri substantia flaccida. Inter cerebrum & meningis aderat collectio materiæ purulentæ & foetidæ.

Quæsitum an verberans fuerit causa hujus mali? Respondi quod sic, cum etiam à minis parrium

conformatio vitari possit in fœtu: sic narrat *Gemma Cosmocr. lib. 1. c. 6.* infanti eadem calvariae parte, cui in matre acies minitabatur, magnum continuitatis divortium apparuisse: facile enim imaginationi formationem mutare, etiam in ultimis gestationis mensibus, teste *Sennerto lib. 4. p. 2. Sect. 4. cap. 7.* quomodo verò hoc fiat; id citato loco ostendit parensque noster de causis similitud. & dissimil. in fœtu, &c. *Joh. Dav. Horstius Observ. Medic. 2.*

ABSCESSVS.

Græcis dicitur, ἀπόστημα denotatque tumorem præter naturam cujus materia vel indurefcit ac Schirrum facit, vel in pus, aut saniem abit. Hæc rursus est vel cum, vel sine folliculo. Folliculo contenta materia, vel pultis speciem refert, unde *atheroma*, vel mellis, unde *meliceris*, vel sevi, unde *sheatoma*. De hisce omnibus legantur quæ suo loco.

Hic tantùm curationes aliquot generales cum observationibus abscessus particulares spectantibus; anatomicisque cadaverum ipsis denatorum inspectionibus adjungemus.

Curationes generales.

Quando pus conficitur mirè commendatur oleum chamomillæ & oleum lumbricorum. Conveniunt anodyna, ut & oleum hyoscyami parè aliis admixtum, quod multum quoque facit. Item cataplasma ex lumbricis; non solum enim dolorem lenit, sed etiam abscessum rumpit. Sic etiam profunt folia hyoscyami parè adhibita & aliis admixta. Inter maturantia convenit unguentum maturativum Felicis Wurzii, ol. chamomillæ, & liliorum alb. Cum pus fieri incipit, acuminati abscessus illinatur pinguedo leporis: Deinde imponitur emplastrum diachylon sive cataplasma ex mucilaginibus, additis rad. althææ flor. malvæ &c. Ad mundificationem profunt præcipuè medicamenta ex nicotiana v. g. oleum ejus succus, & unguentum, quæ etiam simul consolidant, Item apium. Ubi verò opus est efficaciori, prodest unguentum diapompholygos. Inter sarcotica & epulotica mirè prodest nitrum & medicamenta ex eo parata. Item emplastrum sticticum Crollii vel Paracelsi, emplastr. diapalma cum oleo nicotianæ malaxatum. *Joann. Michael.*

Cura abscessuum est eadem quæ ulcerum: propinando internè potiones vulnerarias, in specie salia volatilia, quibus massa sanguinea purificetur, & fermentum stomachale in naturali vigore conservetur, & acidi proventus prohibeatur. Externè probè mundificando abscessum, vel communi digestivo vel balsamo sulphuris, vel balsamo peruviano cum ol. nicotianæ aut simili. Quod si malignitas venerea subest præter interna, mundificantibus semper de mercurio aut dulci aut præcipitato parum addendum erit. *Caries* occulta inquirenda, & ut alio loco dicetur curanda. *Michael Erthmüllerus.*

Pro abscessuum apertione, & consolidatione præstat balsamus sulphuris cum oleo papav. *Joann. Hartmann.*

De Abscessuum apertione.

Humores hîc & illîc congesti, sæpissimè tumorem efficiunt, qui non semper à natura dissipatur, nisi ars idoneis medicamentis ei auxilium præbeat, quibus si non obediunt, eam ad suppurationem impelles, & expectabis donec spontaneam apertionem faciat, nisi necessitate coactus fueris eam maturius instituere, & perfectam suppurationem non spectare. Hoc plerumque contingit, cum materia valde acris & maligna vicinas partes corrodât, & os, & tendines & nervos corruptioni obnoxios reddat. 2. cum nobiliorem partem possit lædere. 3. cum in articulis sita sit. 4. cum crisi ejiciatur. Antequam te ad apertionem accingas, distinguendum est an materia propria tunica, sive folliculo sit contenta, an verò sine folliculo. Si sine folliculo sit, nunquam transversè, sed per longitudinem semper & rectitudinem sub cute jacentium musculorum incidet: exempli gratiâ in capite secundum capillorum ductum per longitudinem: in palpebris transversè: in temporibus, in nato, in cervice, in pectore, in dorso, in brachiis, in pedibus & articulis per longitudinem: in lateribus ventris parùm obliquè, in medio per longitudinem: in inguinibus parùm transversè, sed non admodum profundè, ob vasa spermatica ibi subjecta. In genere cave tibi, ne venam magnam, arteriam, sive nervum attingas, licet fibras transversè secares, alias enim ex minori majus malum produceres. Locus apertionis commodissimus est pars abscessus eminentior & mollior quæ tamen magis ad inferiora quàm ad superiora vergere debet ut tantò aptius à pure exonerari possit: porro hunc in finem vulnus inflictum turunda apertum conservabis, usque dum pars illa ab humoribus præternaturalibus prorsus sit purgata, & pristinam operationem exercere queat. In ipsa apertione cave, ne lanceolam nimis profundè, neque ulterius quàm ad pus usque infigas: quamprimum hoc animadverteris, eam paululùm retrò trahito, & cuspidem sursùm vertito, & porro apertionem tam magnam effcito per cutim, quàm materia inclusa desiderare videatur. Si abscessus in propria jaceat tunica semel tantùm, si parvus sit, per longitudinem incidito: si magnus bis, hoc est, in modum crucis. Præ cæteris tibi cave, ne folliculum lædas, alias ulcus fœdum & fermè insanabile sequetur. Hoc benè peracto, folliculum, qui rarò aut nunquam cuti affixus est, & libenter sequitur, digitis eximito: arteriam quâ alimentum acceperat, transversè abscindito: & rursùm tibi cave, ne frustulum folliculi ei adhæreat; si jam supra dicta incommoda evitare velis. Quia autem plerumque in abscessuum apertione comperio, hunc Chirurgum *Lanceolam*, alterum cauterium potentiale eligere, & longè præ alio extollere, rem paucis declarabo.

Cauterium potentiale hoc habet commodi, quod agros pusillanimos nullo pavore percutiat, & quod dolorem timentibus non admodum sit dolorosum, præsertim si hodie decantata remedia adhibeas: nam calx viva Hollandico Sapone commixta profundè satis carne corrodit attamen multò lenius quàm Ambrosii Paræi corrosivum holotericum. Verùm hoc habet incommodi: 1. Quod, prout cutis & corpora infirmiora vel firmiora sint, etiam multò profundius corrodât, quàm sit necesse: in

altero enim cutim & musculos, ad ventris cavitatem usque perrosisse, & in altero processum peritonæi, & vasa seminalia in eo situ insanabili modo læsisse, experientia comperi. 2. Corrosivum illud se etiam ulterius ad longitudinem & latitudinem extendit, quàm quidem desideras, præsertim si sub axillis, in inguinibus, vel articulis collocari debeat: nam quamprimum incaluerit, profluere incipit, imò emplastrum defensivum parùm cavebit. 3. Necessariò aliquot horarum spatio indiget antequam operationem suam perfectè absolvere queat; sed plus temporis in hoc, quàm in isto corpore desiderabitur, verùm hoc tibi humor non semper permittet, præsertim si sit malignus. 4. Crusta quam induxeris, non statim decedit: & humoribus si è vestigio exitum præbere studeas, lanceolâ tum est utendum. Quàm prudenter circumspexeris, incommoda hæc non evitabis. Contra verò lanceola hoc habet incommodi, quod plurimi ægrorum eam reformident, quasi dolorem moveret. Sed timor silentio est anticipandus, & dolor sanè non est magni momenti. Interim à lanceola hæc expectabis commoda. 1. Lanceolâ apertionem tam longam & profundam efficere potes, quam morbus & tua curiositas requirat. 2. Statim habes materiam, & patiens relevatur. 3. Materia reliqua & nondum concoctâ maturius ad concoctionem movebitur, naturâ idoneis medicamentis, tam externis quàm internis opem ferente. 4. Atque ita fiet, ut stillationem diuturnam non habeas: nam stillatio si nascatur, certus sis, culpam hujus rei penes te esse sitam. Rationem si desideres, hanc accipe, omnes fermè tumores qui se post aures, in cervice, sub alis & inguinibus produnt, ex induratis glandulis & ab humoribus præternaturalibus valde penetratis originem trahunt omnes hæ glandulæ propriâ circumvestiuntur tunica, quæ si à lanceola sive medicamentis catharteticis lædatur, necessariò stillatio sequitur; nulla enim glandula se ipsam, aut suos humores tunica aperta conservat: & hæc stillatio tamdiu durat, usque dum tunicæ foramen cutatum, vel tota glandula in auras dissipata sit. *Paul. Barbette in Praxi Chirurg.*

OBSERVATIONES

Abscessus frontis ex contusione.

Non ita diu est, quòd cum Chirurgo quodam trium aut quatuor circiter annorum infanti mederer, qui è cubili adversâ in saxum pavimentum fronte ceciderat, ita ut maxima in fronte mediâ appareret contusio, cui commodis remediis non ita poterat resisti, quin tandem in abscessum degeneraret. Quare necessum fuit, ut aperiretur, verùm lapsu temporis observatum omne pus per factam aperturam non posse educi. Nec tamen placuit, alterâ incisione, (erat enim puellula) frontem deformare: quare parumper expectavimus, & pus pulvillis ad dictam aperturam propellere adnisi sumus, quod tamen neutiquam successit. Tum mihi in mentem venit de osse frontis infantum ad septimum plerumque, octavumve annum futurâ in duas diviso partes, per quam futuram dura mater etiam transmissa pericranio adhæret, atque ibi interitium quoddam efficit, quod ipsum nos adegit, ut & aliam frontis partem incisione aperiremus, quâ puella, brevi tempore sanata est. *Corn. Stalpart. Vander. Wiel.*

Cerebri Abscessus.

J. V. B. Ultra 60. annos natus, corpulentusque jam aliquandiu pulvere sternutatorio usus fuerat, undè paulatim veluti quoddam pondus in anteriori capitis parte animadverterat, quod tandem abscessus in cerebro sequebatur; quandoquidem ille quodam tempore copiam benè magnam tam viridis, quàm flavæ, sed putentis puris dextrâ exonerabat aure: quod ipsum illi initio quoddam levamen afferre visum; ita ut liberatum sese à diuturnâ illa cerebri obstructione (ita enim vocitabat) jam sibi firmiter persuaderet: Verùm paulò post mentis usus deficere, nervique contrahi cœpere ita ut ipse intra biduum ferè post ruptum abscessum moreretur. *Idem*

Abscessus in ventriculis cerebri.

Cum fabri cujusdam ferrarii famulus, cui nomen *Martino*, equo caudam amputasset, jamque ut reliquam partem ignito ferro uteretur, intentus esset, equus septo clausus, calce supra trabem, quam transversam vocant, elevatâ, frontem paulò suprâ supercilium percussit ita, ut ibidem cranii fractura reperiretur, salvâ tamen secundâ tabulâ quoniam cranium eo loco insigni concavitate præditum est. Continuo illi syncope supervenit, multumque sanguinis naribus emisit, & quoniam abundabat, hujus illi non parùm adimi jussi, postea valdè somniculosus, parumque mentis compos evasit, quandoque etiam ligamina, & fascias dissolvebat, ac surgebat è lecto, seque vestiebat. Quarto tandem die febris superveniente, ipso quinto obiit. Aperto capite, repertus in cerebri ventriculis Abscessus. *Idem*

Faucium Abscessus.

Gubernatrix Nosocomii *Scheveringani* corpore tenuis admodum, at sanguine abundans, violentâ vexabatur febris, non sine magna gulæ inflammatione, ac tumore, quem *Synanchen* dicunt. Quamvis ipsi vena scissa, aliaque remedia, uti decebat, admota essent, musculi tamen œsophagi ita ipsi obfidebantur ut per 9. dies nec cibum, nec potum intrromittere posset, nihil etiam liquoris (ita ipsa retulit) per fauces descenderet, at omnia in os immissa per nasum emitterentur; ita ut vita ejus periclitaretur, accedente etiam vocis defectu; verùm nono die liberata fuit, ruptusque unâ faucium parte fuit abscessus, dieque sequenti pariter alterâ parte: ita ut temporis tractu ad priorem redierit valetudinem. *Idem.*

Abscessus post aurem sinistram tardius apertus lethalis.

Quadragenariam & innuptam puellam Coloniae Agrippinæ, abscessu post aurem sinistram laborantem vidi: nulla ad fuit in principio febris, neque lecto decumbebat, imò domestica administrabat; demum circa decimum quartum morbi diem, cum abscessus ad pugni magnitudinem excrevisset, & materia planè esset præparata, sed propter duritiem cutis diutius retenta, viam deorsum sibi perrebat. Tum advocatus, inveni abscessum ex semetipso ante aliquot horas ruptum: puellam verò

febre, lipothymia, nausea & cibi fastidio, vigiliis, item dolore dorsi, & renum, laborantem: nihil tamen aut parùm ex abscessu effluebat, neque pus sursum revocari potuit. Itaque paucos post dies è vita decessit: ex quibus perspicuum est, in hujusmodi abscessibus, live sint in emunctoriis, live in vicinia non esse expectandum, donec spontè erumpant. *Guilielm. Fabricius Hildanus.*

Abscessus Musculorum Abdominis.

Honestâ quædam matrona, cum de maximo ac pungitivo ventriculi dolore conquereretur, & me advocandum curasset, duritiem è regione ventriculi, ad latus lineæ albæ, hepar verius, inter musculos abdominis deprehendi, quæ tamen non nisi palpatione manûs perentiebatur, nec quicquam exterius apparebat, febris quoque continua, dolor ingens, pungens & pulsatorius aderat, ex quibus (licet in cute nulla appareret intemperies) mihi facile colligere licuit, abscessum inter peritonæum & abdominis musculos subesse: cum verò morbum periculo non vacare, & immaturam (nisi musculis abdominis incisis) mortem expectandam esse, probè cognovissem, autor fui, ut clarissimum virum, Dn. Doctorem Jacobum Aubertum accerferent, ac suo quoque uterentur consilio. Quo accersito, mecum planè sensit, nimirum phlegmonem subelle, qui nisi maturè incideretur, aut de vita actum esse, aut ægram ipsam morbum inde diuturnum ac curatu difficilem contracturam. Verùm cum adstantibus hæc significarem, attoniti erant: quia enim in cute nulla nec intemperies, nec tumor appareret, ac de interno abscessu ipsis persuaderi non posset, consilium nostrum de apertione & incisione musculorum omnes planè respuerunt, nihilominus tamen petierunt, ut si qua ratione anodynus exterius adhibitis, dolor leniri, & internis sumptis medicamentis, febris, nausea, & eructationes, aliquo modo mitigari possent, tentarem. Nos (de præsentis tamen periculo factâ prius prognosticatione) omnia quæ necessitas requirebat, & eâ quidem, quâ fieri potuit diligentia, administravimus. Post dies aliquot, cum circa mediam noctem dolor protinùs remississet, liberatam prorsus se esse, ægra sibi persuadebat. Mox septimâ hora matutina vix domum ingressi, ecce præ gaudio maritus nobis occurrit, significans, uxorem suam dolore penitus liberatam. Id quod & reipsa verum esse, illicò comperimus. Dolor enim ferè nullus aderat, tensio quoque, eructationes & nausea cessaverunt. Duritiem manu abdomen contrectando, nullam ferè perentire potuimus, febris quoque aliquo modo imminuta, & pulsus laudabilior erat. Ex quibus abscessum parte interna ruptum materiamque in vacuum ventris delapsam esse facile nobis colligere licuit, quò etiam maritum de eventu morbi certiorum faceremus. Paucos post dies, denuò in infimo ventre dolore exorto, febris ardens simul & continua supervenit. Tandem lipothymia, quin etiam sudore frigido correpta ægra, naturæ satisfaciendo, planè, pieque ex hac vita decessit. *Idem.*

Abscessus Abdominis è regione hepatis.

Sabaudus quidam quadragenarius & robustus, cum dolore maximo dextri lateris ad finem costarum notharum laboraret, Lausannam venit, meque

que unâ cum Dn. Alberto Roscio, apud Lausanenses Doctore Medico in consilium advocavit. Invisentes eum, nullum neque tumorem, neque intemperiem, verum duritiem inter musculos in profundo, nobis observare licuit. Quare dolor propter compressionem & extensionem peritonæi erat ingens, cum febricula adjuncta. Corpore leniter purgato, fomentationes, cataplasmata, inunctiones, discutientia, resolventia & anodyna per dies aliquot applicuimus sed absque fructu, hinc spem aliquam concepimus, materiam in habitum resolvî posse, quemadmodum mihi ipsi olim acciderat. A Dn. itaque Roscio decoctum ligni guajaci, & sarsaparillæ, additis herbis hepar respicientibus præscriptum, & per dies aliquot exhibitum fuit. Verum tantum abfuit, ut materia dissipata fuerit, quin potius intra paucos dies circa regionem hepatis inter musculos abdominis & peritonæum deflueret, atque collecta sit, ut ratione doloris punctorii & pulsatorii, locus, in quo incisio facienda, nobis satis innotuerit; quamobrem etsi extrinsecus in cute nihil apparet, ne tamen materia peritonæum penetraret, atque in vacuum ventris deflueret communi consensu deliberavimus, musculos maturè incidendos esse. Id quod etiam præsentem prædicto Dn. Roscio, Claudio Marione aliisque, feliciter à me factum fuit. Quo facto, pus copiosè effluxit, neque diu post, febris, dolor, lypothymia paulatim cessarunt. Ulcus propter puris copiam, quæ effluebat, per menses aliquot apertum retinere coacti fuimus. Interim optimâ victus ratione observata & corpore per intervalla probè expurgato, decoctis item sudoriferis, additis iis, quæ hepar respiciunt, partesque nobiles roborant utus, tandem singulari Dei beneficio optimè convaluit. *Idem.*

Abscessus alius abdominis è regione hepatis.

Quadragenarius quidam in monte Coronato, pago propè Hildensem per annos aliquot obstructione viscerum, & cachexia laborans, tandem dolore diuturno ac magno, è regione hepatis correptus fuit. Ego tandem ad ægrum accersitus, in dextro hypochondrio abscessum immensæ magnitudinis deprehendi: Cutis enim totius ferè lateris ab illi ossè ad costas veras, lineamque albam, & spinam dorsî, puris plena, elevata & extensa erat. Dolor continuus & magnus lypothymia item, nausea, appetitus, viriumque prostratio aderant.

Quapropter etsi æger & astantes amici ut abscessum aperirent efflagitarent, propter maximum tamen ac instans mortis periculum, neve nomen imperiti chirurgi, mihi adhuc juveni comparare viderer, manum adhibere reculaui, & sequenti die domum reversus fui. Post mei abitum, cum Barbitonsor in consilium adhibitus, vomitum aperuisset, maxima puris copia impetuosè effluxit. Inde etsi dolor aliquo modo imminutus esset, intra biduum tamen æger animam Deo reddidit.

Ad matronam Bernensem decrepitam vocatus fui: laborabat & illa ingenti tumore è regione hepatis, cum maximo dolore totius ventris & virium prostratione. Tumorem hunc cum propter imminens periculum aperire recusarem & anodyna & corroborantia nonnulla interna & externa præscripsissem, triduo post per se ruptus fuit abscessus, ex quo maxima puris copia effluxit. Et æ-

gra intra paucos dies ex hac luce subtracta fuit.

Caveant itaque juniores Chirurgi, ne in magnis abscessibus materiam è vestigio, & derepente, sed sensim & per vices evacuent: etsi enim apertio magnorum abscessuum circa partes nobiles imprimis sit periculosa, videmus tamen, inquit Galenus, & in aliis partibus, quando aliquis magnus tumor suppuratur, periculosam esse universam evacuationem, cum è vestigio deficiat anima, & vires debilitentur, & postea debilitas ista remedium non habeat. Videntur enim in his propter magnam distentionem partis & puris acritudinem ora quorundam vasorum arteriosorum esse adaperita, quæ prius veluti quoddam operculum pus continebat: quo universum evacuato, multi spiritus unâ cum eo exeunt, atque excernuntur: unde periclitantur ægri. *Idem.*

Abscessus abdominis hydropem mentiens.

Puer quidam tumore ventris laborans, hydropicus censebatur & cum umbilicus valdè prominere, apertio tandem facta est, ex qua puris laudabilis octo vel decem libræ profluxere, sicque omnino æger curatus est.

Advertant tyrones in pueris frequenter tales abdominis abscessus generari, qui hydropem mentiantur, & si maturè à perito artifice aperiuntur, ægros à certo interitu plerumque liberari. *Petrus Estanove.*

Puella quædam ventris tumorem patiebatur octo mensium spatio, cum doloribus assiduus, quibus ad extremam maciem perducta fuerat: hydropica ab omnibus censebatur. Ego verò ad eam vocatus & ventrem diligenter explorans, abscessum latentem invenio intra musculos hypogastrii, eumque caustico potentiali aperio, unde 15. aut 20. libræ puris laudabilis effluxere intra plures dies, sicque ægra perfectè curata est. *Idem.*

Abscessus Abdominis.

Scriba quidam cum ruri haud procul Antuerpiæ esset, dexteri lateris, cum febris, dolore correptus, sed juxta & paulò intra nothas costas: Medicum accersivit, qui venæ sectione imperatâ eclegmata, linimenta que præscripsit, qualia pleuriticis adhiberi solent (pleuriticum enim morbum esse existimabat) ab his verò cum malè æger haberet, febrisque intenderetur, domum vehi postulavit. Ad quem deinde vocatus hominem offendi febricitantem quidem, sed debilem & viribus parum valentem, dextrum hypochondrium non nihil dolentem, ventre verò vehementer distento, ac veluti hydropici alicujus tumente, exhibui mox purgans medicamentum, sed in exigua quantitate, quod cum feliciter cessisset, postridie idem, sed in majore quantitate propinavi, quo expurgatis multis vitiosis humoribus, sinistra ventris pars tota subsedit: dextræ verò tumor permansit & cum non modò tumida hæc pars relicta esset, sed & durior, ac digitis renitens, cataplasma admovi: quo tumore intra paucos dies emollito nusquam verò apparente loco, per quem pus erupturum sperari poterat. Sectionem adhibuimus, diligenter caventes ne peritonæi membrana vulneraretur: quâ circa inferiorem ventris partem factâ mox copiosum effluxit pus; quo deinde expurgato, vulnereque solidato, æger sanitati restitutus est: adhibita inte-

rim bonâ victûs ratione, & paucis remediis. *Remberens Dodonæus.*

Abscessus ipsius hepatis qui curabiles.

Tumores aliquando in jecore suboriuntur, in quibus alii sunt crudi, & nunquam suppurant, alii verò ad suppurationem veniunt, & quia jecur pauci est sensus, nervulis quippe gibba tantum sui parte donatum, non ita facile propterea, nisi progressu temporis horum differentia dignoscitur: tunc enim qui suppurant, gibba potissimum ipsius parte in acumen prominent, & sectionem indicant, nullo vitæ discrimine; prout ego in multis sum expertus, sectis licet integumentis communibus, musculis, & peritonæo; quod si in cava delinuerit, per urinam expurgandus, ut observavi in Vestali virgine Divæ Annæ, ex Buzzacarinorum familia, quæ cum maximam copiam puris minxisset, à tumore liberata est, dolore licet jecoris quandoque molesto, cum febre. A quibus tamen sola evacuatione sanguinis ex vena jecorina dextri cubiti, convaluit. Hoc non contingit tumori partis gibbæ jecoris, cui secto imponenda est turunda, imbuta ovi albumine; tum digerentibus utendum, prout in vulnere illius partis; postmodum sarcoticis; tandem epuloticis cicatrix inducenda, evacuata prius tamen tota materia purulenta, turundarum ope, nec non cannulis plumbeis, quibus utpote citius, & commodius expurgatur, qua ratione multos sanavi, quorum aliqui adhuc num incolumes degunt. *Dn. de Marchettis.*

Abscessus ingens inter peritoneum & musculos exterius ruptus, post ulcus renis.

Nobilis & singulari virtute prædita matrona, Domina Magdalena Biss quæ jam quadragesimum aut circiter, agit annum, anno 1617. circa finem Januarii, de dolore quodam gravativo lateris dextri conqueri cepit. Circa costas autem mendosas, & versus altiore partem hepatis primo exortus est, deinde paulatim versus regionem renis dextri descendit. Nullam tamen hujus doloris causam externam dare potest. Urina, uti Dn. D. Scharandæus diligenter observavit, statim facta est turbulenta, & non diu post purulenta. Supervenit quoque febris & nausea: præcipue autem carnem averfabatur. A D. D. Scharandæo adhibitis quibusdam, acidulas Griesbachenses solodurum asportandas curavit: quas cum ipso menie Januario & Februario bibisset, appetitum recuperavit: maximam quoque copiam excrementitiorum cum urina excrevit. Interim tamen dolor ex toto non cessavit, sequenti mense Augusto cum thermas Piperinas in Rhætia inviseret, dolores adeo adaucti fuerunt, ut ab eo tempore nunquam ab ipsis immunis fuerit. Anno 1618. mense Februario, prædictus dolor, mirum in modum auctus fuit. Præter D. D. Scharandæum itaque Dominum Doctorem Martinum Chmielerium, Basileensem medicum clarissimum, in consilium adhibuerunt. Corpus iterum ex arte expurgatum; venæ brachii ter, pedis verò semel sectæ fuerunt, per intervalla quoque aquam acidam Griesbachensem bibit, nec sine fructu. Interim purulentam materiam per urinas continuo, per intervalla quoque arenulas excrevit. Sæpiissime quoque filamenta semidigitum longain lotio conpecta fuere. Auctis doloribus

è regione renis, & ego quoque vocatus fui, anno 1618. 23. Junii, ut quid factò opus sit, cum Dn. Doctore Scharandæo deliberarem. Iterum expurgato corpore, inunctionibus, & similibus tentavimus, an dolores sedari; & materia contenta in halitum resolvi posset, sed frustra quapropter ad suppurantia pervenimus, sed & nec eis materiam ad suppurationem attrahere potuimus: quapropter sexta Julii, paulò ante prandium, etsi incute indicium nullum abscessus appareret, caustico tamen meo, escharam, sine dolore, è regione renis, aut paulò magis versus umbilicum, induximus: sub vesperam, ad carnem ferè vivam usque, escharam scalpellis ad id aptis excidi: quæ quia nondum satis profuncla, nonnihil de eodem caustico ad fundum incisionis imposui. Sequenti die cum per reliquam escharam ad materiam purulentam usque, incisionem prosequutus fuissim, pus album & benè coctum copiosè effluere cepit. Prima tamen vice, ne vires prosternerentur, ultra uncias quatuor non evacuavimus. Circa vesperam iterum multum effluxit, uti quoque sequenti die: tum trutinatâ materiâ, repertum fuit, spatio viginti quatuor horarum, ad uncias tredecim effluxisse. Exinde symptomata omnia, quæ gravissima, veluti febris, nausea, lypothymia, vigilia, & hujusmodi, paulatim imminuebantur, imprimis dolor tum lateris dextri tum etiam è regione ventriculi, qui ægram ab initio morbi adeo exercuerat, ut sæpiissime culcitram vix sufferre posset, remisit. Dolor insuper totius cruris dextri, qui ante incisionem abscessus vehementissimus fuerat, nullique remediis sedari potuerat, sequenti nocte imminutus est, & intra paucos dies evanuit, nullis adhibitis remediis: pus tamen per mentem integrum, & diutius copiosè emanavit. Ubi notandum, ante incisionem abscessus, sæpiissime in urina grumos sanguinis magnitudinem lentis vix excedentes, conspectos fuisse, qui post apertionem apostematis non amplius per urinas, sed cum ipso pure per ulcus exercebantur. Materia quoque purulenta minus copiosa in urina reperta fuit. Unde facile collegimus, abscessum esse inter musculos & peritonæum, communionemque cum rene habere: quod postea manifestius apparuit, cum materia serosa puri permixta per ulcus efflueret, per quas autem vias id factum fuerit, non facile est scire. Casum escharæ sequenti unguento anodyno & digestivo, ut vocant promovimus: ℞. Cera novæ ʒ. colophonia, & gumm. elemi. ana ʒ. ss. croci ʒ. i. ss. cum oleo rosaceo, & amygd. dulc. q. s. fiat unguentum, addendo vitellum ovi. Sic satis digesto ulcere, pulvere præcipitato & rectificato, nec non butyro recenti mixto, ulcus mundificavimus. Tandem balsamo Tolutano turundis imposito, circa finem mensis Augusti, consolidatum ulcus & cicatrice obductum fuit. In applicatione autem pulveris prædicti, quod notandum est, inflammatio aliqua gingivarum, & salivatio, non minus ac si hydrargyro inuncta fuisset, sequuta est, tam est delicatula & tenuis textura.

Porrò dum circa Topica occupati fuimus, in reliquis nihil prætermisum quoque fuit: victus rationem optimam observabat: frequenter trochiscos Gordonii, ad drachmam unam cum lacte caprino, nonnunquam quoque nonnihil terebinthinæ, & trochiscorum alkekengi jejuno ventriculo, post cœnam verò serum lactis cum saccharo rosato exhibuimus, cum autem medicamenta in forma

portionis, nonnisi cum difficultate sumeret, frequenter exhibuimus sequentes pilulas, pondere duorum scrupulorum, & paulò post iusculum carnis, sine pane superbibendum dedimus, quò medicamentum eò melius in ventriculo dissolvi, & ad locum affectum pervenire posset. ℞. Terebinthinæ præparatæ cum decocto agrimonie, veronica, alchymillæ, saniculæ, pyrolæ, liquiritiæ 3 vj. pulver. liquirit. 3 ij. Spiritus terebinthinæ rectificat. 3 ij. s. muceantur: & fiat massa. Interim dum his utebatur remediis, symptomata, uti dixi, remiserunt: vires quin etiam paulatim recuperavit, pus tamen quotidie cum urina excrevit. Quapropter consulimus, ut usum trochiscorum Gordonii, & præscriptarum pilularum, nequaquam intermitteret. Ad tempus quidem paruit: tandem verò, cum ab usu medicamentorum n. ulcè abunda facta fuisset, eorum usum intermisit: satis tamen feliciter & commodè vitam traduxit, usque ad mensè Junium, anni 1619. tum iterum de dolore lateris malè affecti conqueri cœpit, ita quidem, ut secunda Julii iterum coacti fuerimus applicare c. ulticum, & eodem modo, quo & antea, omnes musculosque partes ad peritonæum pertorare, non tamen in eodem loco, sed nonnihil altius, & magis versus musculum rectum abdominis; pus iterum, quemadmodum & antea, copiosè effluxit. Cicatrix quoque præcedentis ulceris post menses aliquot rupta fuit. Tum sinem sericeum per utrumque u. cus traximus, in eum sinem, ut forsitan hoc modo materia liberius effluere, & affectus in rene tandem sanari posset. In eundem quoque sinem decoctum Traumaticum ad tempus exhibitum, & ulceribus syphone injectum fuit: sed frustra laboravimus. Paulatim enim materia deorsum versus coxam delapsa est. Quapropter cum multa varietate medicamenta, tam interna quàm externa, etiam sudorifera sine fructu sumpsisset; Tandemque Thermas Badenses Helveticas inviseret, iterum collecta fuit materia, ideoque versus musculi latissimi medium, & ferè eo in loco, ubi Vesalius ipsum tabulâ decimâ X. notavit. Badenæ, præsentè, Dn. Doctore Scharandæo aperta fuit vomica; ex qua rursùm pus copiosè effluxit. Mansit aliquandiu in thermis, deinde domum rediit, ubi nunc utrumque commodè vivit: ulcera tamen etiamnum aperta sunt, ex quibus quotidie pus exstillat, non tamen usque adeò copiosè, urinas quoque adhuc purulentas quotidie reddit. *Guilielm. Fabricius Hildanus.*

Abscessus gravissimus ani ex inepta venæ sectione.

Amicus quidam meus 50. circiter annorum ætatis Reverendus Dn. Nicolaus Hentzius in Bernensi schola linguæ Græcæ Professor, quendam ex primariis Barbitonsoribus nostris, venæ secandæ causâ accersiri jubet. Is ut nostrorum hominum mos est atque consuetudo, præclarum facinus se facturum putans, si larga fieret sanguinis extractio duas eadem hora (qui modus secandi venas nostris usitatus est) aut potius eodem momento venas incidit, primam videlicet in brachio dextro, alteram in manu sinistra. Quid sit? vix tribus à venæ sectione horis elapsis maxima sanguinis & humorum sequuta agitatione, versus podicem delapsus est humor peccans, ita ut sibi vi-

deretur sanguinem omnem per secessum evacuatum iri, & veluti cum impetu effluxurum. Agitatus enim sanguis in vena cava, imò & in ipso hepate & vena portæ: commotus item humor melancholicus facilè ad podicem decubuit facilè, inquit, id fieri potuit, cum corpus pravis humoribus & præcipuè attrabilario (qui propter sui gravitatem, mediantibus venis hæmorrhoidalibus, haud difficulter ad podicem descendebat) repletum, nec ante venæ sectionem purgatum esset. Tribus itaque horis ut dixi, à venæ sectione, exorto dolore & inflammatione, subsequens nox gravis ipsi fuit altera die, cum deambulatione tempus fallere vellet, adauctus est affectus, & in abscessum durum, renitentem, ac dolorosum degeneravit, febris quoque supervenit, vigiliæ item & inquietudines adauctæ fuere: sicque in sextum diem doloribus acerbissimis, cum alvi constipatione divexatus fuit. Barbitonsor interim universalia negligit, & nihil præter emplastrum suum incognitum, ut vocant, applicat. Ego quinta maii, vespere accersitus fui, hominemque in maximis angustiis inveni. Statim suppositoriis alvum subduxi. Debebat id clystere fieri, verum illud, etiam docti ferè omnes, non minùs ac plebei homines, veluti crudele & immane remedium non tantùm respuunt, verum etiam si penes ipsos esset, libenter ad inferos detruderent. Circa nonam noctis potiunculam anodynam & cordialem ex confectioe alkermes, extracto anodyno, aqua cinnamomi & borraginis conflata propinavi, & cataplasma anodynum simul & supparans applicui. Utrumque quievit hac nocte, altera die cataplasma iterum bis applicuimus, & post cænam præscriptam potiunculam exhibuimus. Septima die maturatus à cataplasmate abscessus, circa exortum solis ruptus est, ex quo serosa, sæculenta & livida materia effluxit, quæ adeò erat fœtida, ut conclave totum putrilaginoso & verè cadaveroso odore, & fœtore adimpleret, ita ut non solum fascias & indusia, sed & lintheamina & culcitra mutare, aëremque suffumigiis tota die corrigere necesse fuerit.

Abscessus autem qui in nate sinistra in ipsis clunibus propè podicem erat, duobus in locis ruptus est: immisso in utrumque ulcus stylo exploratorio, compertum est, horum alterum, quod superius, sinu quinque transversorum digitorum longo profunditate ad latus vergere: utrumque imprimis profundius illud ferè absque sensu doloris stylum tam profundè admittebat, tam magna & ingens fuerat putredo. Ab initio digestivo & cataplasmate prædicto per dies aliquot, deinde mundificativis & potione traumaticâ usi fuimus. Convaleuit tandem & hucusque quàm optimè se habet. *Idem.*

Abscessus in sinistro hypochondrio cum intestini erosione.

Nicod. Estopey, paganus de Trey, quinquagenarius & homo robustissimus, acutissimo dolore colico, maxime sub costis mendosis lateris sinistri, & ventris constipatione correptus est; cum autem nulla adhibuisset idonea remedia, & excrementa supra modum indurata per angustiam (quam Casparus Bauhinus Anatomicus & Botanicus insignis, in colo intestino primus observavit) permeare non

possent intestinum verò in ea parte excrementorum & flatuum copia turgeret exacerbatus est dolor & cruciatus. Inde febris *vehemens* & continua, item vomitus, syncopæ frequentes, deliria, aliaque graviora symptomata sequuta sunt, ita ut præiens vitæ periculum immineret: accensa in collo inflammatio degeneravit in abscessum, unde simul & excrementa, & lumbrici aliquot manarunt. Ego advocatus ægrum in extremis invenio langoribus. Nam præter symptomata superiora, ipsa quoque excrementa toto bimestri per ulcus emanarant. Remediis tamen tum interioribus, tum exterius adhibitis, dolor, febris, aliaque symptomata sensim remiserunt: ita ut trimestri spatio, Deo gratia, pristinae sanitati, nulla relicta fistulâ, restitutus fuerit. *Idem.*

Abscessus sub musculo psoa.

Chirurgus quidam ad honestam marronam accersitus, eam invenit decumbentem cum acutissimis doloribus circa lumbos, febre, lypothymia, & urinae difficultate. Is cum ex doloris specie, aliisque indiciis cognovisset, apostema esse internum (exterius enim nihil apparebat nec tactu quicquam apprehendi poterat) nimirum sub psoa musculo, qui Vesalio femur moventium sextus, & septima musculorum tabula t. octava verò e notatus est, vitæ periculum prædixit: nisi forte aperto latere illo, contentus humor efflueret, annuentibus amicis, ipse ad spinæ dorsi latus, cutim & musculos exteriores ad psoam usque incidit novacula. Effluxit copiosus humor purulentus & foetidus. Ab eo tempore mitigata sunt symptomata omnia & ipsa brevi restituta, vixit & valuit multos annos.

Ulcus ad menses aliquot turundis, cum ex radicibus gentianæ, tum ex spongiis præparatis factis, & medicamentis mundificantibus & abstergentibus illinitis, apertum retinuit. Postea sarcoticis carne implevit. Ab injectionibus tamen, quæ syphone fiunt, planè abstinuit. Quod etiam in omnibus aliis vulneribus & ulceribus, siue ea in pectore, siue in inferiore ventre fuerint, observandum: faci linè enim pars aliqua injectionis in vacuum pectoris aut ventris delaberetur, ibique non leviora symptomata, magno cum periculo agrotantis, excitari possent. *Idem.*

Apud eundem alia legitur historia similis operationis in eodem casu peractæ à peritissimo D. Griffonio, Chirurgo Genevensi celeberrimo, Autoris Præceptore.

Abscessus in spina dorsi.

Quidam apostema ingens in spina dorsi obortum Barbitonsor scalpello id aperuit suprâ affectam partem, quæ nisi compressa nihil liquoris emittebat; hinc stagnans materia ossa corrodingo fistulam excitavit: Doctor *Fossius* cauterium potentiale affecto loco imponi jubet, apparuerunt post escharam ossa nigra, quibus abrais, & nitro restitutis, vulnus curabatur sarcoticis & emplasticis: residuum adhuc erat punctulum, aciculæ caput vix superans, ex quo sanguis liberalius fluxit, nec ante sextum diem sisti potuit, tumque inductâ cure convaluit æger. *Bartholinus.*

Quinque abscessus mihi videre contigit dorsum occupantes juxta ejus spinam, qui ex materia fri-

gida sensim collecta geniti fuerant, sine dolore aut inflammatione, & partis colore nullo modo mutato: molles erant tumores, œdematis similes, pugni magnitudinem ferè adæquantes, ex iis tamen adaperitis pus laudabile effluebat. Tres priores lethales fuere, intra trium aut quatuor mensium decursum, cum ulcus ex abscessu aperto relictum sinuosum admodum evaserit, ex eoque continuo magna puris copia effluerit, unde corpus universum exhaustum, & in atrophiam conversum est, licet multis remediis ulcerum curatio fuerit tentata. Quartus curatus fuit incisionibus magnis in dorso factis, quibus sinus omnes detecti sunt, mox fortibus ex aqua cutapularum, aliisque topicis, ulcera sanata sunt. Interim tamen causæ antecedenti providebatur, frequenti evacuatione, & usu decocti sudoriferi. Quintus denique curatus est sine incisione, sed magna apertione factâ per cauterium potentiale, mox detersione ulceris per injectiones ex decocto catapularum, & fotu ex eodem, ac denique valida compressione partis cum fasciis & spleniis, & valdè adstringentium emplastrorum continuâ admotione in ambitu ulceris. Interim verò causæ antecedenti providebatur remediis prædictis. *Riverius.*

Ingens femoris abscessus in Virgine è quo ter erupit menstruus fluxus.

Nobilissima Virgo annos circiter 19. nata, suppressio menstruo fluxu per aliquot menses, febre lenta laboravit, cui successit tumor erysipelatos circa genu, qui remediis ordinariis quadantenus cedere visus in abscessum postea totum prope femur occupans degeneravit. Abscessus ille contumax admodum ad suppurationem ægrè deductus, prominentiam tandem in parte femoris domestica ostendens, apertionem indicavit; quæ ope lapidis caustici & scalpelli peracta est. Evacuata hac ratione puris ingenti copia, medicamenta detergentia, vulneraria & balsamica, quæque suo tempore adhibita fuerunt; cujusmodi sunt decocta herbarum traumaticarum, radic. aristolochiæ, gentianæ &c. tincturæ ex myrrha, aloë & cæteris id genus, ut & ex balsamo Peruviano, nec non Judaico cum spiritu vini extractæ, balsama sulphuris variæ compositionis, fixa & volatilia. Vulnus interea apertum est inductis turundis ex linamento, item ex radice gentianæ, atque spongia præparata, injectiones perpetuò celebratæ ex tincturis & decoctis mox memoratis; revocata & in usum per intervalla aqua phagedænica, fasciationibus aptis interim non neglectis, quibus pus ad abscessus orificium promoveretur sicque exitui parabilis foret. Non omittentur præterea interna remedia, purgantia nempe, vulneraria, decocta ex radice chinæ, jusscula viperina &c. Quindecim circiter post diebus novus tumor in poplitis medio apparuit, qui & apertus communicationem cum superioris vulneris osculo habere visus est; quæ tamen interrupta fuit, tum propter materiæ visciditatem, tum propter partium tendinosarum dilatacionem majorem non ferentium sensum exquisitissimum. Cæterum cum evacuari, aut omnino detergi per longum tempus non posset ulcus, quin novæ subinde pelliculæ concrecionisque membranaceæ adnascerentur, novulque materiæ purulentæ falsæ & viscidissimæ proventus in dies accederet, imò sanguinis impetus tempore fluxus menstrui illuc tanta vi ageret,

ut ter inde periodicè effluerit in largâ quantitate, medicam. nra etiam maximè appropriata frustra propemodum adhiberi videbatur. Consultatione tum instituta existimatum, ulcus hoc cachœthes curationem vix admittit nisi ferro & igne id obtineri possit. Et primò quidem cum ageretur de ulcere cavernoso cujus cavitas novem aut decem pollices, secundum femoris longitudinem extendebatur, incisio videbatur per se indicari, verum vasorum majorum propinquitas non parum obstabat, & à tam longa incisione per interjectis crassiores carnes non immeritò abhorrebat Nobilissima Virgo. Itaque tutius videbatur ulcus in ipso fando per pluries admotos lapides causticos refecare, ut ope communicationis illius faciliùs detergi posset, & ignis pro partis corroboratione sobriè admoventi. Ulcus poplitis quod attinebat confabatur illud, curato prædicto, sponte consolidatum iri. At verò sine terro aut igne cura, Deo benedicente, peracta fuit, injecto scilicet sæpius balsamo sulphuris essentiali & volatili, curioso artificio à me parato, spirituique vini maritato, unde quicquid callosum in ulcere fuit resolvebatur, concretionisque membranaceæ, profundius innatæ atterebantur & separabantur, ita ut beneficio largiorum injectionum vulnerariarum sensim educerentur, novusque proventus inhiheretur, tum per memorata remedia, tum etiam per turundas à linteis emplastro maximè detergente & vulnerario imbutis, confectas, in ulceris profundum cum unguento appropriato liquidiori & exalfecto, immixtas.

Abscessus miræ structura.

Anna Gerhardi, ancilla hilaris animo, agilis corpore,, ex consilio Amplissimi Dn. Consulis Nicol. Tulpii ad nos accessit; humero sinistro inhærebat abscessus insignis, rotundus, quem steatoma vocaverunt alii. Ad ejus ablationem admissi, primò omnium *Cauterium potentiale* ex calce viva cum smegmate paratum elatiori ejus parti (à ferro enim abhorrebat) applicuimus, die sequenti loco cauterisato *sectionem* levem instituimus, primò rectam, hinc transversam, & occurrit nobis corpus aliquod candidum, hoc dissecto simile aliud se obtulit, quod, æquè, ac alia, disseccare necessarium duximus, & sic totum abscessum auferendum esse constitit, quod etiam brevi, vasis sanguinis laceratis, peractum, ad hæmorrhagiam, lintea combusta, *Bovist*, similiaque applicabamus. Abscessus extirpatus, tabulæ impositus, curiosam nobis, alii que miram exhibuit structuram; ex viginti enim & pluribus, albicantibus corpusculis rotundis, sibi invicem impositis, compositum cum invenimus, quævis harum lamellarum materiam continebat albam, glutinosam. Sanguinis fluxu sedato, ad mali omnimodam eradicationem *mercurium præcipitatum rubrum* applicuimus, hinc mundificantia ut curare necessarium, consolidantia denique & cicatrificantia. *Job. à Meekren.*

Cadaverum Anatomica Inspectio.

Abscessus intestinorum.

Inter affectus intestinorum est phlegmone seu inflammatio eamque excipiens abscessus, ejus exempla si morbo denatorum cadavera sæpius

aperire liceret, non ita forsan rara forent. Quid nobis in duobus ejusmodi casibus videre contigerit hic referre non gravabimur, idque ea potissimum ratione quod hæc non ita frequenter apud Practicos occurrant. Lectissimus Adolescens quidam annos præter propter 22. natus, diarrhæa febris continuæ junctâ, per integrum mensem vexatus fuerat. Usum tamen medicamentorum methodicè exhibitorum melius habere cepit; usque adeò, ut recuperatis maxima ex parte viribus, & appetitu, rus, commutandi aëris causa, petierit, ibique per quatuor aut quinque septimanas satis, ut videbatur, sanus, manserit. At in urbem postmodum rediens de stomachi dolore, & respirandi difficultate queritur. Faciei color herbaceus erat. Dolor & tensio hypochondrii dextri, usque ad cartilaginem xiphoidem urgebat. Tussis sicca & sonora. Febris à tertia die intensissima, pulsus parvus, sed creberrimus nausea, sitis; Decubitus in latus dextrum perpetuus. Mox dolor ad latus sinistrum vergit, & ad claviculam usque ascendit. Desidendi cupido frequens, biliosa sed pauca dejectio. Assumpta interdum vomit. Urinæ sat multæ, rubræ & crassæ. Circa septimam respirandi difficultas aucta, nulla amplius tamen tussis. Frigus extremorum, sudor putidus, pulsus formicans, extra lectum pedes habet pendulos. Nonâ pulsus perquam exiguus, imò syncope ingruit, mortem præ fortibus jurares. Decimâ pulsus ferè nullus, crura & femora tument, per intervalla vomiturit, subinde cibum petit, avidèque juscum bibit. Oris fœtor deprehenditur. Undecimâ primùm delirat. Admodum irrequietus est, nec in lecto ullatenus contineri potest. Duodecimâ delirium intenditur. Cibus & potum omninò respuit: frigus extremorum maximum, per totam noctem pileum detrahit, & abjicit, mirumque in modum contorquetur & jactatur. Decimâ tertiâ pulsus, ut videtur, nullus: Alvus biliosis & purulentis copiosè solvitur, lecto reponitur. Decimâ quartâ, oculi extra orbitam eminentes opaci & splendore vitali destituti apparent, facies Hypocratica, spiritum laboriosè ducit, sudorem croceum sudat. Tandemque longiorem cum fato lectam sustinere impar cedere cogitur. Die 20. Julii 1683. cadaver aperimus. Maxima puris copia in ima abdominis cavitate collecta reperitur. Totus penè intestinorum, tum tenuium rum crassorum, tractus inflammationis notas habebat: Sed colon potissimum lividum & nigrum erat; dumque in eo locum abscessus quærimus, pars hepatis seu ventriculo substrata, chartæ madidæ instar, laceratur, & inde multum pus, facibus commixtum erumpit omnia alia viscera curiosè lustrare, præ summo fœtore, non potuimus. Ea tamen & potissimum hepar, quod nobis phlegmonem pati primis morbi diebus visum erat, non ita malè se habere obiter notavimus.

Historiam priori affinem nobis suppeditavit Juvenis quidam annos 32. natus. Is à pluribus annis colicum dolorem subinde patiebatur. A quatuor verò ante obitum mensibus, tormina & cruciatus in dies augebantur; alvus adstricta, ut plurimum, erat: quod si interdum solveretur, liquida tantum eaque pauca excernebat. Quatuor autem ante supremum, diebus, venter multum intumescere excrementa alvi ne validissimi cly-

steres educebant. Supprimebatur & urina. Assumptos cibos statim vomebat, ipsasque demum alvi faeces, anxietas erat summa, extrema frangebant. Pullus ut in ægro priori formicans, imò nullus. Cadavere die 15. Septembris anni 1683. aperto, peritonæi facies interna nigra admodum pluribus in locis apparebat. Omnia intestina subrubra, livida, nigra; sed colon inprimis affectum videbatur, ex eo enim lacerato, foramine pugnum facile admittente, pus copiosum in infima abdominis parte, pelvim vocant, eruperat. Sed, quod notatu dignissimum, ejusdem intestini portionem, duabus præter propter à Recto Spithamis distantem, octo uncias longam, nigerriam, ponderosam, intestini portionem proximam, non quidem superiorem, sed inferiorem, quatuor digitos subeuntem reperimus. Dissecti intestini paries pollicem crassitie æquabat, & materia nescio qua subalbida, inter glandularem & adiposam ambigente, qualis ferè est steatomatum, infarciebat, adeò ut, quæ digiti minimi apici admittendo sufficeret, cavitas vix superesset. Hinc sanè symptomatum omnium quæ miserum malè habuerant rationem facili negotio reddidimus; simul & inversionis intestini, præ pondere, in proximam cavitatem descendens, rarum exemplum, & à nullo forsitan è Practicis qui hactenus scripserunt observatum, notavimus. Nec nobis temperate potuimus, quin Medicorum sortem (qui affectus quosdam quorum causæ ita occultæ sunt, ut eas ne suspicari quidem possint, curare posse, & debere vulgò creduntur) doleamus. *Autores Bibliotheca Anatomica.*

Abscessus in inguine ex iclu sclopeti unde pus per urinam globulique plures plumbei minores sunt ejeti.

Juvenis quidam viginti circiter annos natus, dum in venatione versaretur, proprium sclopetum imprudens in se ipsum explodebat, unde pluribus globulis plumbeis minoribus pars femoris inguini immediate subjecti durius imperebatur. Cura Chirurgi quamvis perito commissa, non ita solvebatur, quin præter globulos memoratos in profundo ulcere, coque fistuloso, relicto, restitaret turoarum frequentium fomes; subinde enim tumor ingens in tota superiore femoris parte, regioneque ossis innominati cum febris intensa exoriebatur, qui, nunc hic, nunc illic abscedens, miserum crudeliter vexabat; non ita facile erat pro palliando morbo cannulam in abscessum fundum immittere, ut pus inde quasi continuò transudans moram non traheret tot tragædiis suscitandis aptam, illud enim in ossis ischii intimiore concavitate cum grandi carie positum erat, quò non ita tutum, imò impossibile per inferiora pervenire; interim pro morbi necessitate sumto consilio, cannulam plures pollices longam per superiora intrusimus, ut sic materia ostio quocumque demum aperto servato, illa quadante us evacuaretur, injectionesque ex vulnerariis, admisto balsamo sulphuris sæpius repeterentur, & ulcus mundum quantum possibile foret servaretur; sic per quinque circiter annos à doloribus prope immunis vivebat, donec tot cautionum pertæsus, seu potius se omnino restitutum credens, omnia abjiceret. Non longe

autem poenam peccati tulit, nam aggesta sanies non tantum cuniculos per totam femoris longitudinem egit, sed etiam in clunes usque promotæ, horrendum tumorem efformavit cum febre intensiori. Dum hisce oppugnandis gnaviter incumberemus, purique contento exitum ex parte pararemus, vidimus cum stupore post aliquot dies illius plures libras per vias urinarias emanantes, imò globulos plumbeos per easdem reiectos; non dimittebat interim febris ut nec alia symptomata quibus tandem oppressus vir pius vitam cum morte commutavit, cadaverisque usuram nobis dedit. Reserato itaque Abdomine, & explicata tota parte ulcerata, conspeximus cariem non modo ab ossis ischii marginibus ad intimiores coxendicis concavitates serpsisse, indeque prædicti ossis substantiam ad caput ossis femoris penetrans, in illius itidem mediam descendisse partem. Observavimus præterea saccum pus in inguine complectentem in plures cellulas distinctum membranaceum & fistulosum quid de se produxisse, quod in ipsum vesicæ cavum abiret, illucque non tantum saniem prius à nobis in urinis visam, sed etiam globulos plumbeos cum eadem reiectos, deponeret, sic itaque mirari desimus quibus demum viis provida natura materias circuitibus aliis peragendis tam inhabiles exonerasset. Parseorundem globulorum ossis coxendicis cavo vel impacta vel proximior, nobis cum puris viscidissimi reliquiis etiam occurrebat. Alia quod attinet imi ventris viscera intacta vidimus.

Abscessus in Inguine cum erosione intestini, purisque ac excrementorum fetidissimorum rejectione.

Mulier quinquagenariâ major, variis doloribus diu vexata, ac præcipue rheumatismo, seu arthritide quadam vaga, à sero acri omnes corporis partes nerveas & tendineas, perluente, orta, in intestinorum tandem affectum vehementiorem incidit, protuberarunt scilicet illa in inguine ad ovi columbini magnitudinem sub herniæ incompletæ forma cum tanto cruciatu, vomituque tam horrendo, ut de ea cum brevi actum iri arbitrarer, ipsam aliquo modo prognostico suo relinquerem, verum post dies aliquot revocatus, reperio pulsum formicantem vomitusque perpetuos, cum tanto interaneorum ardore, ut le damnatorum poenis affligi misera delirans crederet, ac præ siti inextinguibili aquam sibi continuo ingurgitari inter ipsos vomitus expereret, sed quod maxime ad rem nostram facit, vidi herniam prius à me adnotatam in abscessum degenerasse, ex eoque aperto saniem cum excrementis alvinis foetidissimis effluere. In casu prorsus desperato quædam revera tentata sunt, ut affinis satisfaceret, dolorque aliquatenus leniretur, at omnia in cassum adhibita, siquidem postquam per viginti quatuor horas duro agone conflictata fuisset è vivis excessit. Aperto abdomine vidimus intestinum ileum in sui propè medio perforatum, saburram intestinale magna vi per foramen in abscessu enatum eructasse, magnaue sui parte gangræ affectum. Cætera curiosius lustrare prohibuit fœtor omni alio major.

Abscessus

*Abscessus Mesenterii Hydropem Ascitem
mentiens.*

Nobilis mulier 20. circiter annos nata languore totiusque corporis ingravescentia per aliquot menses fatigata, remedia varia adhibuit aperientia & corroborantia, chalybeata sc. purgantibus levioribus admista, tartari præparationes, salia volatilia &c. quibus cum non ex voto profligaretur morbus, se restituendam commisit empirico ignaro, à quo cum pilulas accepisset è ricini indici desiccato fructu paratas, aliaque id genus, satis quidem pro tempore hilari & sana videbatur, dum interim sensim accresceret tumor in ipsius imo ventre, qui remediis cedere nescius, post annum præterquam quod ingens visus est, dolores etiam atroces cum febre acuta &c. peperit; quibus symptomatibus eliminandis plura consumimus, nec sine omni fructu; nam sic abiit febris, & dolor cum abdominis tensione inflammatoria, relicto solo tumore magno, sed indolente; cui rursus dissolvendo atque discutiendo præsidia apra apposimus, aquas scilicet minerales, præparationesque artificiales tam vegetabilium quam mineralium &c. sed in cassum prope omnia nam augebatur continuò tumor, venterque totus in grandiore elevabatur molem, donec post novem circiter menses à mox memorato insultu febrili, recruduerit hoc symptoma cum doloribus, ægramque lecto præ debilitate affixerit: tum brevi tumor ex abdomine in femora & tibias proventus est, variasque excoriationes in partibus affectis peperit. Sollicitante ægra, quæ præ pondere corpus amplius movere non quibat, & lacerationem in imi ventris visceribus per sentiebat, acum tubulatam in ipsius cavitatem immisimus, sicque puris foetidissimi per decem dies continuos libras circiter 30. eduximus, magno ægræ nostræ solatio, quæ placidè tandem & piè decima tertia post perforationem die obiit. Tum aperto abdomine, effluerunt quadraginta ad minimum puris putidissimi & viscidissimi libræ, cui innatantia intestina gangrænosum quid in sui exteriori membrana redolebant: testiculus dexter seu ovarium dextrum per compressionem tumoris mox describendi, ita flaccidum factum erat, ut curioso examine ad eum inveniendum opus fuerit. At, quod notatu dignissimum, tumorem monstruosum advertimus in mesocolo à latere illius intestini coli partis qua in rectum abit, enatum, ejus basis diametrum habebat trium circiter pollicum, seque sub intestinis extendebat ad latus dextrum, ubi caput efformabat diametrum habens pedis integri longitudinem æquantem, illinc ad superiora reflexus peritonæo adhærebat, adhæSIONemque eandem ad latus usque sinistrum quò usque pergebat, originem suam quasi repetiturus, servans, super intestina crassa recumbebat, eaque sic absolute propè circumcingebat, dum interim tenuia cum ventriculo sursum adacta liberiora erant. Tumor hic glandulosus erat, membranaceus, & per totam sui longitudinem in cellulas variæ magnitudinis & figuræ excavatus, quarum cellularum plures inter se invicem communicabant, complectebanturque variæ indolis materias, aquosas, sc. mucilaginosas, pultaceas, & propè sebaceas, omnes in genere foetoris acutissimi. Ponderis erat tumor hic cum materiis contentis tri-

ginta quinque circiter librarum. Cætera sana reperta sunt.

ACHORES SAHAFATI.

Vide

CRYSTA LACTEA.

ACROCHORDON.

Est verruca subcutanea durior & asperior, callosa, atque plerumque teres, cuti concolor, in basi tenuis, summitatis verò latioris, fabæ magnitudinem rarò excedens, juniores maximè infestans. Sic dicta, quòd in imo admodò angusta sit, ut pendere videatur. Super hoc vid. VERRUCA.

ADIAPNEUSTIA

idem quod

PERSPIRATIO IMPEDITA.

ÆGILOPS, ANCHILOPS, ET
Fistula Lachrymalis.

Hi omnes affectus in eadem sunt positi parte, scilicet inter nares & majorem oculi canthum seu angulum; in eo autem differunt quod *Anchilops* sit abscessus ocularis seu tumor in parte memorata positus, humore viscido, qualis in steatomate, atheromate, aut meliceride, videtur, plenus, cysti aliquando conclusus, incrementa sensim & sine dolore ut plurimum sumens, donec ad suppurationem perveniat, quo tempore *Ægilops* dicitur; qui rursus si abeat in ulcus callosum parvum & profundum, super glandula lachrymali positum, cum, vel sine ejusdem absorptione, ut & cum, vel sine partis ossis nasi proximiori carie, *Fistula Lachrymalis* vocatur. Inter se verò rursus differunt fistulæ lachrymales ut & ulcera ægilopem conficiant, quòd aliæ extra oculum, & in spatio inter angulum ipsius majorem & nasum posito, aliæ verò intra ipsum angulum aperiantur, & rursus, quòd aliæ saniem serosam subflavam, aliæ albidam & viscidam, continuò, vel per intervalla tantum eructent, aliæ præterea oculum in atrophiam deducant, aliæ minimè, aliæ os nasi tanta afficiant carie ut ad narium interiora perforatum halitus foetorem pariat, aliæ illud intactum relinquunt aut superficialiter tantum corrodant, aliæ sint mites & curabiles, aliæ cancröse quas noli tangere.

Causa in genere est circulatio humorum læsa, seu eorundem à vicinis glandulis eruptio; unde stagnando visciditatem acquirunt, cystimque brevi sibi efformant, donec acrimonia, per salium contentorum exaltationem, contracta, carcerem suum abrumpant, & sæpe, præterquam quòd integumenta sua perforant, subjacentem glandulam absumant, ipsumque os corrumpant. Hisce sæpe occasionem præbebit, vel ictus, vel faciei erysipelas, vel variolæ &c.

Signa ut & *pars affecta* ex suprà dictis satis patent, *Prognosis* verò quòd attinet non dubium est quin curatu difficiles sint hi morbi, ac præcipuè lachrymalis fistula, propter oculi partis nobilissimæ viciniam, illudque eò magis si intra ipsum oculi angulum aperiatur, maximè verò si glandula lachrymalis absumpta sit, aut os nasi carie

perforatum. Si autem ulcus fuerit canerosum nulla cura tentanda est.

Cura Anchilopis generalibus præmissis, per adstringentia, deliccantia primò tentari debet, aquam v. g. regin. Hungar. fumum iuccini &c. unguentum ex myrrha, aloë, croco cum melle, spir. horu. n. sambuci, essentiam gummi catannæ &c. Quod si tumor minimè discutiatur & ad suppurationem tendat, utere emplastro de ammoniaco, item cataplasmate ex mica panis, lacte & croco, aliisque id genus; promota maturatione, unguentum basilicum impone, posteaque vel cauterio potenciali præmisso, vel sine eo, scalpello tumorem aperi, ne sc. pus, mora diuturniori, vel intra ipsum oculi angulum viam sibi faciat, vel os nasi, aut glandulam lachrymalem afficiat, tumore aperto pro mundificatione immitendum præcipitatum album probe lotum, vel per se, vel in satis larga dosi unguento nicotianæ admixtum, superimposito emplastro ex diachylo cum gummi & Stictico Crollii. Tandemque solo emplastro stictico paucò balsamo judaico, aut etiam peruviano imbuto, quibus scilicet cicatricis præcaveatur difformitas, ut & ipso præcipitato albo bene loto ad ultimam utque cicarrificationem admoto.

Si in fistulam lachrymalem abierit ulcus, cura perficietur vel medicamentis tantum, vel etiam ferro & igne. Primam curationem quod spectat, expurgato corpore, sanguineque ex brachio misso, imò si necessarium videatur admotis cucurbitulis, & vesicatoriis, atque etiam setaceo; aut fonticulo in cervice, vel inter duas homoplatas inusto, dilatabitur orificium fistulæ ad fundum usque adhibita spongia præparata, aut radice gentianæ, si verò intra oculi angulum aperiatur fistula, tum necessarium erit inter oculi angulum majorem & nasum, vel inferius sc. in parte decliviori ubi materia protuberabit cauterio potenciali melioris notæ, & cautè admoto ne sc. etichara in angulum usque seipit, ipsiusque ligamentum erodat, ipsam rursus aperire, scalpello præterea per escharam in fistulæ cavum immisso pro maturanda cura, postea unguento apostolorum ad mundificationem adhibito, officioso vel euphorbium pulveratum inspergetur, vel butyri antimonii particula ex specillo admovebitur addito desupra pro implendo foramine, bombace. Curato osse in cæteris agendum ut supra in ægilope. Secundam curationem quod attinget præmissis universalibus &c. dilatato ulcere ad os usque, vel itidem si foramen extus non videatur, eo ut dictum cauterio potenciali, vel quod multo satius est ferro confecto, atque ad os usque spongia &c. dilatato, cannula ad formam infundibuli constructa in ejus fundum immitteretur, specillumque per eam adigeretur, ut constet an ne pars ossis denudata sic attingatur, tum linamentis per eandem cannulam pro partis desiccatione inductis, cauterium aptum exalfiat donec bene ignitum fuerit, quo tempore extracto linamento cannulam ad sui usque extremitatem opplente, cauterium intrusum parti ossis superiori quantum fieri poterit applicabitur, ut sic cavitas quædam angustior inibi locata & humiditatem multam hisce in casibus sufficiens, attingatur. Osse sic cauterisato pulveribus aptis ejus exfoliatio promovebitur, quo peracto ulcus ut prius dictum curabitur. In ipsa operatione videndum ut oculus muniatur defensivo à linteo duplicato aquis refrigerantibus imbuto, parato. Quidam totam operationem igne

perficiunt eo sc. & aperiunt, & dilatant, & ossis vitium corrigunt, sed malè, quandoquidem in carnibus sic excitatur magna etichara, unde majoris oculi canthi ligamentum excindi potest, & difformitas excitatur.

Curationes & Observationes variorum Autorum.

Curationes.

In Ægilope: adhibe imprimis generalia, venæ-sectionem, purgationem, cucurbitulas, & alias revulsiones, tum repellentia applica, deinde digerentia; quod si inflammatio ad suppurationem tendat, ea juvari debet cataplasmate, ex farina tritici, lacte, ovi vitello & modico croco. Non est autem expectandum, donec disruptio per se fiat: sed ante completam maturationem scalpello vel cauterio aperiendus locus est, ne ex longa mora internæ hæ partes teneræ corrumuntur, quapropter ratione loci latum quoque foramen fieri debet, ut exitus puri detur, aperto tuberculo, imponatur peniculus melle rosaceo imbutus, vel ægyptiaco unguento, si sordet ulcus. Est herba quædam veteribus dicta Ægilops, estque eadem atque avena; hujus farina cum plantag. aut parietaria, aut portulaca in modum cataplasmatum apposita, est specificum ad ægilopem. Chalmeton insignis Chirurgus hoc velut præstantissimum commendat. ℞. aq. vitæ vel vini opt. mell. rosat. colat. an. ℥j. myrrhæ 3 ij. m. f. linimentum, quo manè & vespere locus liniatur *Vopiscus Fortunatus Plempius. Gphthalmogr. lib. 5. cap. 17.*

Ante omnia instituenda est optima victus ratio. Secundò purgandum est corpus secundum humoris prædominantis naturam. Tertio, caput corroborandum, idque medicamentis tam per os sumptis, quàm exterius admotis. Convenit decoctum ligni guajaci, sassaphras, radicum chinæ, & sarsaparillæ, additâ betonicâ, salvia, Rosmarin; majorana & primula veris. Conveniunt quoque conserva betonicæ, rosmarini, salviæ, majoranæ primulæ veris, pæoniæ, confectio alkermes, cortices citri, species Dianthos, Aromatici rosati, & hujusmodi; capiti inspergatur pulvis benzoini, styracis calamitæ, masticeis, olibani, succini albi, granorum Kermes, rad. irid. florentinæ, flor. betonicæ, rosmarini, majoranæ, & rosarum rubearum, ex quibus pilæcolus sive cucupha parari quoque poterit. Quarto materia, quæ ad oculum fluit, ad alia loca trahenda est: in hunc finem cucurbitulæ, scapulis frequenter appositæ, conveniunt, uti quoque vesicatoria post aures: omnium verò præstantissimum est setaceum, materiam enim ad oculos fluentem, potenter ad se trahit & evacuat, caput ab omnibus excrementiis humoribus expurgat, & egregiè corroborat. Quid plura tanti est momenti, ut inveteratam fistulam lachrymalem, sine hoc præsidio vix curari posse, in aliquibus observaverim: amovet etiam causam antecedentem mali. Exemplum singulare habes in cent. 4. observationum mearum observ. 19. exempl. 2 Quapropter ut curatio feliciter succedere possit, admonendi sunt parentes, ne præstantissimum ac longè securissimum hocce præsidium respuant. Prius itaque purgato corpore, applicandum est setaceum, nec quicquam circa fistulam tentandum, nisi setaceum prius ad tempus aliquod fluxerit, materiamque ad fistulam decumbentem ad se traxerit. De hac methodo procedendi in gravissimis

& inveteratis affectibus capitis, dummodò periculum non fuerit in mora, vide cent. 3. observ. 1.

Postea dilatanda est fistula, id si turundis ex radicibus gentianæ spongiis præparatis fieri potest, bene est, sin minus, nonnihil de caustico meo applicare soleo: sed vide ne in quantitate pecces. Quantitas autem grani milii solis sufficit. Diligenter quoque claudendus est oculus, ne forsan causticum liquefactum in oculum fluat. Sunt qui guttula una aut altera aquæ fortis, vel oiei vitrioli, fistulam aperiunt, callumque & carnem superfluum erodunt, sed perperam, propter insignem enim vim penetrandi, os, quod forsan adhuc sanum atque integrum fuit, corrumpunt: quod de caustico nostro minimè timendum est, cum sit materia crassa & terrestris, quæ vicinas partes incontaminatas relinquit: oleum verò vitrioli, & aqua fortis longè lateque se extendit. Aperta fistula, pulvis præcipitatus, quam diligentissimè præparatus, inspergendus, aut filamentis imponendus est ulceri, quod emplastro ex solo gummi elemi, in alutam aut telam extenso, obtegendum. Ego fortiori pulvere isto non utor, ne os si forsan adhuc sanum fuerit, à suo perioestio detegatur. Sæpissime enim fistulas lachrymales, etiam inveteratas, sanavi, in quibus caries in osse reperta non fuit. Quapropter festinandum non est, sed sensim procedendum, inspersio pulvere prædicto bis, vel semel in die; prout ulcus fuerit humidum: ut plurimum tamen dum pulvere isto utor, semel tantum in die ulcus deligare soleo. Stylo ab initio cariem ossis curiosè perquirere non est necesse: si enim os cariosum fuerit, pulvis iste carnem, quia mollis & flaccida est, facile absumet; sin sanum fuerit os, sanum illud relinquet pulvis, & ulcus non solum mundificabit, sed & ad cicatricem perducet. Habet enim diversas hæc facultates pulvis iste, uti ego primò in ægris excellentissimi Medico Chirurghi Dom. Cosmæ Slotani. p. m. præceptoris mei fidelissimi, & ab eo tempore in praxi mea observavi.

Si os cariosum inveneris, quantum fieri potest, detergendum est, postea euphorbium in subtilissimum pulverem redactum copiosè insperge: nihil enim præstantius esse euphorbio, in ossibus cariosis, imò & in fistula lachrymali, sæpissime ex me intellexisti, habes quoque exemplum in quinta centuria observat. 22. Nec te deterreat ipsius acrimonia; euphorbium enim nostrum adjacentem carnem non adurere, ut volunt plurimi, observavi, de quibus vide centuriam 2. observ. 62. centur. 5. observ. 22. Admonendus autem est pharmacopæus, ne pulverando euphorbium, pistillum ut motus est oleo inungat: oleum enim vim euphorbii infringit, & ossibus adversissimum est. Ne autem acrimoniâ sua nares feriat, guttula una aut altera spiritus vini affundenda est. Sunt qui cariem ossis oleo vitrioli, sulphuris, aut aquâ forti corrigere tentant, sed malè: ad circumjacentes enim partes fluunt, & os ulteriùs corrumpunt: quapropter vide, atque etiam vide, mi Dom. Schobingere, ne hujusmodi medicamentis utaris, imò ne quidem in ossibus duris & solidis, uti sunt tibiæ, multò minùs narium. Alii cariem ossis fistulæ lachrymalis cauterio actuali corrigunt, quod non improbo, mihi tamen, laus sit Deo, præcedens methodus cum euphorbio, semper tam faciliter successit, ut cauterio actuali nunquam usus fuerim: Interim tamen illud, ut di-

xi, non rejicio: quæ enim ferrum non sanat, insanabilia esse, Hippocrates pronuntiavit.

Satis mundificato ulcere, & prædicto pulvere præcipitato ferè carne repleto, balsamum Tolutanum filamentis applicare poteris: Cicatricem enim planam & pulchram facit. Per totum autem tempus curationis, sequens collyrium oculo bis aut ter in die instillandum, & lintheum reduplicatum, & collyrio madefactum, applicare convenit, sintque omnia fascia diligenter ligata, ut oculi motus, quoad fieri potest, impediatur. Motus enim humores attrahit, & consolidationem impedit, collyrium tale est ℞. aq. rosar. plantag. ana ʒ i β. aq. euphrasæ & valerian. ana ʒ j. sem. cydoniorum contul. ʒ j. misceantur maneatque in infusione horas sex, vel octo; colaturæ adde tuthiæ præparatæ, plumbi squamosi diligenter præparati. Cornu cervi usti, & præparati ana ʒ j. caphuræ ʒ j. misceantur omnia diligenter in mortario, fiatque collyrium, quod tepidè applicetur. Hæc si diligenter administrata fuerint, spem habeo, Deum opt. max. omnibus abundè benedicturum, id ut faciat, ex corde opto. *Guilielm. Fabr. Hildan.*

Graviter errant qui existimant perforationem hoc commodum præstare ut materia per os effluat, licet hujus ope os perforatum citius abscedat: observandum tamen, non esse perforandum os nisi præsentem maximâ ipsius corruptione, quæ perveniat usque ad cavitatem internam ipsius nasi: sola siquidem ipsius superficie corrupta, aut alterata, sat fuerit partem læsam scalpro abrasorio abradere, dum pars cutis coalescat ossi, quod tamen fieri non potest nisi sanum fuerit. Ejus autem corrupti & scalpro excisi hoc vobis fuerit indicium, cum spatio x. aut ad summum xii. horarum caro illi accreverit, quod nonnisi facta abrasione contingit, coalescente fistula. Quod si post abrasionem nulla caro subcreverit, os corruptum adhuc subesse pronunciandum, quod proinde denudè abradendum, quousque hæc signa omnino non appareant. Qua ratione feliciter, semper, & tutò sanavi fistulas lachrymales, non solum puerorum sed & adultorum. *Petrus de Marchettis obs. 22.*

Observationes.

Superiori mense Julio, Solodurum unâ cum doctissimo viro Dom. Ludovico Scharandæo, ejus Reipubl. Doct. Medico celeberrimo, ad puerum tredecim circiter annorum ætatis, & ex nobili familia natum, *Hans Jacob Von Venus* nomine, vocatus fui: Is ab annis quatuor fistulâ lachrymali ex sinistra parte, quæ pro deplorata habebatur, laboravit; non enim os solummodò cariosum, verum etiam glandula ita erosa erat, ut quotiescunque puer ploraret, lachrymæ per ipsam fistulam copiosè exstillarent. Est præterea puer adeò morosus & impatiens, ut cauterium actuale, quod summum optimumque censetur esse remedium fistularum lachrymalium, nunquam ipsi applicare potuissimus; quapropter de aliis remediis nobis cogitandum fuit. Itaque institutâ optimâ victûs ratione, corpus secundum humoris prædominantis naturam & ægri tolerantiam expurgavimus, deinde seraceum nuchæ applicuimus: post dies aliquot optimè fluente seraceo, manum fistulæ adhibuimus hoc modo. Primò, quia angustissima, nonnihil de caustico meo, quod absque dolore, uti tu ipsemet vidisti, erodit applicuimus:

Post casum escharæ, fistulam unguento escharotico, & spongiis præparatis, usque ad ipsum os, dilatavimus. Tandem Euphorbium per se fistulæ insertimus, & quidem in copia: deinde emplastrum ex solo gummi elemi applicuimus. His eâ quâ fieri potuit diligentia, per septimanas aliquot adhibitis remediis, squamula ossis sese obtulit, quam Dn. Scharandæus me absente, ipsemet extraxit, & postquam per paucos dies semiguttulam balsami Tolutani, semel in die cum filamentis imposuissimus, brevi plenissimè consolidata fuit fistula, quæ hucusque clausa est, oculo & visu planè illæsis. Setaceum quoque, non diu post consolidatam fistulam, cicatrice obduximus.

Aliud exemplum non vulgare, de præstantia euphorbii in ossè corrupto, prædictus Dn. Scharandæus mihi communicavit, quod non ita pridem in fratre suo observavit: Illi enim cum post ruptum abscessum circa dentium ocularium radicem dextræ maxillæ, relictum fuisset ulcus cum carie maxillæ, per stum duriusculam ex puro euphorbio & melle rosaceo confecit Dn. Scharandæus, ipsamque ulceri imposuit, & laminâ cereâ, ne excideret, cooperuit. Huic viro, qui juvenis est, & optimo corporis habitu præditus, intra paucos dies excidisse squamam cariosam, & protinùs cicatrice obductum fuisse ulcus, testatur Dn. D. Scharandæus. *Idem.*

Ex defluxione capitis ad canthum oculi sinistri tumor enatus juvenulæ, quo presso serum ex oculis fluxit; postea perforato, ut videbatur, ad nares usque ossè, purulenta per nares materia fluxit: caput cephalicis pilulis priùs expurgavimus; mox ad humiditatis depluentis exsiccationem collyrium inunximus, omnia sine ferro priùs experturi, ne facies deformaretur: demum cauterium potentiale illi nasi parti applicuimus, ubi nullum à musculo oculi orbiculari periculum: post escharæ casum caro in fundo adeò luxuriavit, ut præcipitato aliquoties inhibere fuerimus coacti, sapiùsque ea carne crescente, causticis repetitis curatio fuit retardata: tandem exsiccantibus in auxilium advocatis, osque mundantibus, sed sine ferro aut igne, ab Ægineta præscriptis, cum per nares nihil puris vel feri prodiret, carne sana opplerum fuisse ossis cariosi foramen animadvertimus, fistulamque obturatam, unde vulnus consolidatum, cicatrice subtili inducitur. *Thomas Bartholinus centur. 5. histor. 85.*

Chirurgus suo tempore insignis Domicellam quandam religiosam ex ægylope fistulâ lachrymali laborantem, hoc modo sanavit, optimâ victûs ratione præscripta, & pharmacis universalibus adhibitis, tum etiam venæ sectione præmissâ brachii & pedis, orificium ulceris tentâ aperuit ex gentianæ radice confectâ, & orificio successivè satis aperto, pro ulceris mundificatione sequens medicamentum præscripsit. ℞. mell. communis ʒ ij. virid. æris ʒ ss. aq. rutæ ʒ iv. æs viride pulverisetur, & cum aliis lento igne decoquatur, ad tertiæ partis consumptionem. Colatura tepidè & suaviter per syringam imponebatur: si acius videbatur, aq. rutæ ulcus abluebatur omni die, & post lotionem exiguum unguenti apostolor. admovebat, hoc modo tribus continuis septimanis procedebat, superponendo etiam emplastrum conveniens, & oculum rosac. aquâ defendebat. Postea pro tertia intentione perficienda, nempe incarnandi atque cicatrizandi, ulcere jam satis repurgato, illud

collyrium præscripsit. ℞. Thuris, sarcocoll. aloës, sang. dracon. balauft. antim. alumin. ana ʒ j. virid. æris gr. v. subtilitèr pulveriscentur, & cum aq. rutæ fiat collyrium satis liquidum. Imponebatur leviter cum rutæ stipite, deinde exsiccabat, continuabatur ter in die, tribus septimanis; postea bis in die minorando tentam, deinde tantum lavabat, diapalma super imposuit, & panno lineo raro loco compressionis, atque hoc modo feliciter absolvebat curationem. *Jacobus de Carpo* Chirurgus suo tempore expertissimus, ad fistulam lachrymalem sequenti collyrio utebatur. ℞. aloës; myrrh. croci ana part. æquales infundantur in aq. viræ quinquies, sexiesve distillatæ q. s. per noctem, & diem, deinde coletur, & colaturæ adde theriac. opt. & camphor. q. s. fiat collyrium. *Petrus Forestus observ. 15. lib. ii. de morbis ocul.*

Curavi quendam Canonicum Polonum, laborantem Meliceride, magnitudinis jujubæ, quæ à caruncula anguli majoris oculi ad totam pupillam porrigebatur. A multis tentata curatio, medicamentis, decoctis scilicet, collyriis, & aliis hujusmodi; omnia tamen octo mensium spatio in cassum adhibita: cum verò me consulisset, ipsum tumorem evellendum censui, quod cum reformidaret, spe tamen salutis operationem admisit; quam statim molitus sum corpore priùs expurgato accuratissimè ab aliis medicis. Paravi itaque hamulum, quo ipsam meliceridem perforavi, & manu apprehendi, altera verò forcipe eandem cum folliculo sectione separavi, tum à caruncula, tum à tunica adnata, & ipsa pupilla, atque ita totum tumorem eduxi, sine ulla offensa ipsius oculi; à quibus, statim applicui gossipium imbutum aquâ rosacea, cum ovi albumine agitata, & portiuncula croci, patiente tres dies hoc modo fascia vincto; adhibito postmodum collyrio ex aq. rosarum & pulvere tuthiæ præparatæ; quibus spatio octo dierum omninò convaluit æger; increpante licet meam præceptore meo ab Aquapendente audaciam, cum tamen brevi spatio temporis id præstiterim, quod alii medici non potuerunt perficere, idque præsentibus, præclarissimo Joanne Dominico Sala, cum multis studiosis. *Petrus De Marchettis observ. xxi.*

Lectissima Virgo annos 21. nata post varios catharos tandem in oculi sinistri canthi majoris affectionem incidebat, plura adhibita sunt, tum pro feri acrimonia temperanda, tum pro eodem sero redundante vacuando, tum pro corroborando oculo ejusque glandulis; interim non cessavit morbus, imò non tantum corruptionem aliquam in glandula lachrymali induxit, & ligamentum anguli oculi relaxavit, sed etiam cutem duplici in loco inter oculum & nasum perforavit. De igne admovendo cogitabant Chirurgi advocatis, cum ego solo præcipitato albo diaphoretico minerali cum paucis opio misto, atque tum suprâ glandulam lachrymalem ipsam, tum in foramina insufflato, aliis etiam minoris momenti adjunctis, ægram summo agnatorum applausu integrè restituerim.

Nobilissima Matrona annos circiter septuaginta nata tumorem erysipelatosum totam faciei partem dextram occupantem passa, præ humorum acrimonia, ad canthum oculi majorem præcipuè decumbentium, subitò in fistulam lachrymalem incidit. Advocatus reperio, ulcus callosum inter oculi dextri canthum & nasum situm, callumque ad

ad os usque pervenire adverte, os ipsum præterea cariem contraxisse observo; tum cum nihil proficeret præcipitatum mercurii, ut nec aquæ vitriolo veneris imprægnatæ, ferrumque & ignem omnino reformidaret ægra, ad butyrum antimonii me converti, cuius particulam cum ossi cariolo admovissem, totumque callum eodem sobriè attigissem, excidit callus sub forma intestinuli, olque corruptum extoliatum est, unde brevi adhibito mercurii præcipitato, unguento Nicotianæ & emplastris, de quibus jamjam in curatione, integrè restituta est. Interim nec venæ sectionem celebrare, nec purgans medicamentum, aut aliapraesidia generalia adhibere fuit possibile, siquidem omnia respuebat nobilis ægra, eorum usus in longa affectione hypochondriaca, seu potius scorbutica prorsus peracta.

Illustrissima quædam annos 40. nata post catharum faciei partem dextram occupantem, oculum dextrum præcipuè affectum vidit, tumor enim ingens eum totum cingebat, palpebrasque necessariò occludebat; discussa tumoris parte per remedia à mulierculis exhibita, remansit anchilops, qui citò in ægilopem abivit, advocatus tumorem aperio, in quo fungosum quid ad os usq; nasi pergens reperio. Tum nullo alio medicamento adhibito quam mercurio præcipitato albo, aut puro, aut unguento nicotianæ admisto, fungum enatum ablumi, ulcus mundificavi, & carnes cum cicatrice laudabili induxi. De emplastris & balsamis, de quibus jamjam in curatione, nihil addo.

Puella Nobilis anno ætatis quinto variolis affligebatur, quæ post sui discessum, satis, ut videbatur, prosperum, oculum dextrum reliquere lachrymæ ntem; elapsis duobus mensibus exasperatum est malum, & a majore oculi cantho copiosam humiditatem excidere observatum est, quæ humiditas continuò in pus abiit. Applicationes, tum aquarum, tum pulverum detergentium primò, postea verò adstringentium morbo statim opponerantur, adjunctis universalibus, purgationibus sc. per intervalla repetitis, cauteriis, emplastris cephalicis, decocto radicis chinæ &c. non sic tamen minus, quamvis lentiori passu, saccum sibi excavavit humor compressione se per ipsum oculi canthum exonerans, ex consilio Clarissimi cujusdam Medici deligatione compressiva utebamur, ut sc. evacuato per oculi canthum pure, nova ejus aggestio impediretur, verum in cassum omnia, siquidem post aliquam intermissionem, & mali quasi occultationem, semper de novo caput exerebat, donec quinto à suo principio anno, tumor multò quàm prius grandior apparuit, qui ad supurationem deductus scalpello apertus est, tum cum os carie immune advertissemus, abscessui per præcipitatum album, & balsamum sulphuris terebinthinatum facile medebamur, additis injectionibus è collyriis aptis, at difficilior erat debilitati partis prospicere ac præcipuè glandulæ lachrymalis aliquantulum erodæ & corruptæ, hoc tamen ultimum tandem obtinuimus beneficio olei myrrhæ per deliquium, & axungie viperinæ.

AFFECTIO HYPOCHONDRIACA.

Affectio Hypochondriaca Galeno à flatuum exuperantia Passio flatulenta dicta, ab Arabibus quibus Mirach Abdomen est Mirachialis appellata, à Chemicis hypochondriorum tartarus, Hip-

pocrati, ut credunt, sub morbi exiccatorii, morbi ructuosi, & morbi nigri, nominibus cognita; nostra ætate gravis & frequens admodum reperitur propter causas mox enarrandas. Definitur vulgò æstus & obstructio lienis aliorumve viscerum in prima corporis regione locatum, ab humore atrabilario atque tosto, nullam habens febrem asseclam. Recentioribus verò quibusdam est morbus à sanguinis succorumque corporis acrimoniâ varia acidâ sc. austerâ, lixiviali, atque eti. m. muriaticâ, unde depravatur totius nutritio, doloresque aliquando & lancinationes, aut inquietudines vel in ipsis visceribus, vel in artubus sine febre enascuntur. Quæ tamen definitio in morbo complicatissimo non ita est adæquata, quin accuratior experiri rursus possit.

Partem primariò affectam Diocles Carystius Antigoni Regis Asiæ Medicus Hippocrati fermè coætaneus ventriculum esse voluit, quod eum in hac passione crudeliter semper affectum animadverteret. Quam sententiam nostris temporibus suo firmavit calculo Highmorus, cujus super hæc re hæc sunt propria verba. Dum in ventriculo affectionis hypochondriacæ sedem ponimus, volumus in eo fibrarum nimiam relaxationem & debilitatem præcipuè peccare, unde ingesti cibi nec debito calore toveri, comminui, & in intestina propelli possunt, sed partes tenuiores & spirituosæ, à debili fibrarum compressione in intestina protrusæ, à visceribus avidissimè per vasa rapiuntur lactea, neglectis, aut saltem non separatis crassis, mitioribus & fibrosis particulis, nondum à ventriculo concoctis & dissolutis. Atque inde sanguis tenuior, flatulentus, ac nimium spirituosus, fermentationi perpetuè obnoxius, ob fibrarum partiumque mitium inopiam, assimilationi ineptus generatur. Sic etiam Ettmullerus. Qui aliquando hypochondriacum, vel incipientem, vel confirmatum examinavit, ejusque symptomata consideravit, ait qui unquam curationi hypochondriaci præfuit, is tantum non manu palpare potest, radicem morbi veram & unicam hæere semper in stomacho, & quidem in vitio succi ejusdem fermentativi, non ritè scilicet digerentis alimenta; unde & chylus, & massa sanguinea, & lymphæ reliquique actuantis corporis machinam humores vitiantur & depravantur. Verum respondent alii, ventriculum secundariò duntaxat, atque sympathicè torqueri, ita ut verum atque præcipuum hypochondriacæ passionis diversorium existimari non debeat. Quæ ulterius explicaturus Willisius. Licet, inquit, ventriculum in hoc affectu sæpe graviter laborare concedam, cujus siquidem tonus si laxus, & robur præfractum, propter alimenti indigestionem, pituitæ viscosæ saburra, usque in sinu ejus progignitur, cui ob particulas salinas diutina mora in fluorem evectas sæpe acor insignis, aut austeritas accedunt. Dein quia vitium in prima coctione, haud emendatur in secunda ~~amplius~~ istam sanguinis discrasia & inordinationes excipiunt. Verumtamen in illam opinionem haud aduocat ventriculum semper esse primum in culpa, aut cætera morbi hypochondriaci symptomata, tantum à vitiosa illius constitutione pendere: Novi enim plures ægri a line ista immaniter afflictos, qui stomacho satis valebant; etenim de pulsatione in sinistro hypochondrio, de pectoris angustia, & dolore vago in eo excitato, nec non de cordis tremore & ex-

pressione, cum menti continuo & imaginatione perturbata, plurimum questi sunt, interim cibos copiose appetere, ac ingesta quævis sine ventriculi molestia aut gravamine, etiam absque spuratione, aut ructu acido, digerere solebant. Quinimo observavi alios bibaces, & mala victus ratione utentes, stomachi flacciditatem cum dyspepsia, & crebra vomitione contraxisse, qui circa præcordia & facultates animales satis sani, pro hypochondriacis haud omnino habebantur. Præterea in hoc affectu ventriculus sæpe potius aliarum partium, aut sanguinis vitio, quam propria culpa laborat; quippe usitatum est ejusmodi ægros, quando in lecto compositi multum perspirant, circa stomachum recte habere, cum verò excitantur, poris occlusis, & massæ sanguineæ facultentia intus restagnante, statim cardialgia, flatuum aggestione, & crebro vomendi nixu affici &c. Alii quorum meminit Galenus huncce morbum in pyloro inflammato collocant, unde alimenti ad intestina statuto tempore delapsus interceptitur. Alii in jecore præcalido stabulantes apud se humores exurentes, cibosque ante absolutam chylosim & rapiente & præstante (quæ opinio omnino jam inutilis est, in hodierna sc. anatomica luce) Alii in liene genuino, ut credunt, facultentia humoris domicilio, è quo etiam Willisius vitium sanguini communicari asserit, quod in cerebri, per circulationem elatum, nervique exceptum vellicationes & spasmos pariat. Alii in mesenterio, pancreate, arteriis mesentericis & celiacis, illique præcipue quæ per omentum sparguntur, mali mineram ponunt. Sed enim quid opus est tam anxie morbi huiusce sedem radicalem primariumque & genuinum focus in parte aliqua exquirere, siquidem sæpissime plurimum functiones perturbantur, non à labe altius ipsis impressa, sed ab acriore sanguine & succis ipsas perludentibus. Sic Glissonius, Borrichius, Highmorus, sectos hypochondriacos, omni lienis vitio carere observant, qui in omento, ventriculo, mesenterio, pancreate &c. læsi deprehendebantur; Nos verò quosdam omnis prorsus in visceribus labis immunes hisce in passionibus adnotavimus. Interim tamen si parti cuiuspiam primario accensenda veniat culpa, ventriculum cum Diocle, Highmoro atque Etimullero inculabimus, nec contra id satis faciunt rationes à Willisio allatæ, quandoquidem etiam si præ fermenti stomachalis aciditate intensiori, quibusdam hypochondriacis familiari, alimenta copiosa ingesta subito satis alterantur, irritationeque per salium spicula in fibras ventriculi inducta, foras continuo amendantur, non sic tamen ventriculi fibræ minus laxæ, aut alimentum per earum spasmos potius quam naturalem contractionem, quasi elisum, minus indigestum credendum, sanguinique iis qualitatibus pravis insinuandis, de quibus Highmorus, minus aptum. Tandem verò posteaquam choream in hoc affectu duxit stomachus, in eo confirmatur à sanguine & succis vitiatis, sicque pro morbo & continuando & augendo sibi invicem suppetias veniunt ventriculus & varii succi.

Causa ex mente Veterum est bilis atra, & ut, inquit, Menjotius quasi cinefacta, promiscua tamen omnigenorum humorum farragine; à quo heterogeneorum, ut addit, ac sibi controversorum humorum confusione atque anarchia, tu-

multus atque strepitus moventur intra præcordia, ac symptomata à se ipsis dissidentia sobolescent; sicut per sævissimas æstatis torridæ tempestates, turbulentus fit nigrantium nimborum, corusantium fulgettorum, & crepitantium grandinum, simul cum furentibus ventis concursus. Verum non satis est humorem atrabilarium pro causa morbi flatulenti adduxisse, concursumque varium ipsum in tumultus agentem magnifice descripsisse, videndum quale sit illius humoris genus, & quomodo cum aliis succis heterogeneis tam facile effervescat atque effervescendo, symptomata mali hypochondriaci tam varia quasi alter Protheus tam facile induat. Quod Veteres bilem atram vocitabant in liene aggestam, recentioribus est succus acidus & aulterus in toto sanguine, imo & lymphæ, atque ipso nervorum humore aggestus; non mirum itaque si succus ille non tantum varios dolores & lancinationes per spicula sua faciat, verum etiam succis aliis lixiviale acrimoniam contractis occurrens, vel viscera & partes musculosas quibus illi suam vim imprimere, perluens, in effervescencias cieatur, quæ pro varia partium & viscerum ubi peraguntur indole, variisque sic perturbatis functionibus, symptomata innumera producere aptæ sunt. Effervescencia autem illa non dispari oriuntur ratione à concursibus memoratis, quam videmus spiritum terebinthinæ, oleo vitrioli, aut spiritum vini rectificatissimum, spiritui nitri admistum subito & ad minimum calorem cum tumultu fermentescere, imò explosionem quasi facere; non itaque opus est de retorrida materia, aut calida viscerum, ac præcipue jecoris intemperie, pro ventris calore, hypochondriorum æstu, imò & plantarum pedum atque volarum manuum ardore explicando, multis hac affectione laborantibus, satis familiaribus, verba facere; natales enim suos jam explicatis effervescenciis debent. Non opus est præterea in alvo eorundem adstricta, calorem excrementa retinentem & allantem incusare, cum illud potius referendum veniat stipticitati succorum per canalem pancreaticum, variaque glandularum intestinalium orificia eructatorum, & insuper penetranti eorundem vi qua excrementi salino terrestriores etiam partes fundunt, secumque & per lacteas, & per alia à quibus imbibuntur vasa, in sanguinem, & liquorem nerveum acrimoniam ipsorum sic aucturi deducunt. Verum quid ulterius hisce immoramur, quæ ex signis morbi diagnosticis mox afferendis, satis patescunt; superest tantum dicamus illud omne demum mali hypochondriaci causam fore quod ventriculum certa quadam ratione debilitet, variamque succorum acrimoniam inducat; quod præterquam quod ab alimentis instantibus atque limosam gravitatem inferentibus, aut acida qualitate præcordiis infestis, perfici potest, non immerito etiam tribuitur, spirituum, succos edulcorantium, ventriculumque animantium, depauperationi, à meditationibus protractis, pernoctationibus assiduis, inediis ac jejuniis, laboribus vehementioribus, effusis libidinibus, venere nimia, hæmorrhagiis abundantioribus, morbisque chronicis, summo cum ægrotantium tædio, prægressis. Adde corporum ad huncce morbum dispositorem habitudinem, juxta Hippocratis verba ex editione Charteriana; sanguineum & aliquatenus biliosum acidus ructus excitat. Fortassis autem ad

atræ bilis orbum hisce desinet. Quæ Menjotius sic reddit; Sanguinei & aliquantulum biliosi, acidis ructibus conflictantur; atque adeò verendum ne in morbum nigrum desinant.

Quidam affectionem hypochondriacam dirimunt, in *hepaticam*, *splenicam*, & *mesentericam*, quibus alii addunt, *stomachicam*, *pancreaticam*, *hystericam*, *hemorrhoidalem*, & *phantasticam*, verum sine necessitate, quandoquidem hisce unus & idem affectus, in hac vel illa parte vim suam magis, aut minus exerens, denotatur, nec primarius ipsius nidus radicalisque origo explicatur. Differt à Melancholia Hypochondriaca quòd hæc metum & tristitiam perpetuos habeat comites, rationemque pessundet, cum contra morbus hypochondriacus loca quæ sapere homini ministrant nullatenus attingat, dum propriis sc. continetur terminis. Itaque hic per transennam cum aliis advertimus, Dioclem malè à Galeno carpi, quòd symptomata istius ægritudinis enarrans de metu ac tristitia siluerit, quandoquidem cum hæc adsunt phænomena, morbus non jam passionis hypochondriacæ, sed melancholiæ hypochondriacæ nomine indigitari debet. Differt præterea à Scorbuto tanquam minus à majori. Affectio enim Hypochondriaca est quasi scorbuti mater, seu potius scorbutus adhuc dum in cunis degens; aucta sc. acrimonia, & debilitatibus affectionem hypochondriacam patientibus scorbutus enascitur legitimus.

Passio Hypochondriaca multifariis nobilitatur symptomatis, unde signa ipsius diagnostica in immensum propè succrescunt, non enim unus tantum venter ab ea afficitur, sed per illos omnes præterquam vagatur, in habitum etiam corporis vim suam exerit. Hæc breviter quantum fieri poterit, perlustremus, postquam admonuerimus ea omnia non in eodem individuo, sed in pluribus tantum sparsa reperiri.

Hypochondrii sinistri minus sæpe dextri, quandoque præcordiorum in genere ætus affligit, qui se magis exserit calidioribus ingestis, aut cum corporis exercitio agitantur humores; tum etiam tota facies rubore suffunditur. Arteria cæliaca, ipsaque aorta dorsum perrepans vehementius pulsant, quod Medico contrectanti facillè sit obvium. Flatulentus tumor totum abdomen cum dolore, præcipuè post cœnam distendit. Flatus hi præterquam quòd diaphragma ad suffocationem propè interdum comprimunt, magno cum impetu, & miro quodam boatu etiam eructantur, idque cum levamine. Venter omnium maximè vexatur, cibos ingestos malè coquit, & in materiam aqueam, acidam, ponticam, austeram, aliâque acrem, atque etiam viscidam immutat, unde vellicationes variæ atque cruciantur, præcipuè in ejusdem ore toto nervis confuso, ut & flatus, qui, vel inter visceris membranas conclusi, eas quasi dilacerant; vel intra ejusdem sinum exspirantes, exitum non adveniunt, arctato sc. duplici ventriculi orificio ab immoderata ipsius dilatatione, quomodo videmus urinæ copiam vesicam magnopere distendenrem constricto eius collo ischuriam parere; inde dolor ad dorsum usque porrigitur, imò ad lumbos aliquando descendit nephritidem mentiturus. Sitis quandoque ægrotantes excruciat, vel etiam prorsus abest ob seri aquosi spuitionem confertam fauciumque inde factam eluvionem; quidam meribibuli, alii hydropotæ sunt. Qui-

busdam ab acido exaltato voracitas provocatur canina, aliis exuperantibus visciditatibus appetentia ista dissiuitur, ut eos omnium alimentorum tædeat. Vomitus est nunc inanis, nunc verò aqueus, pituitosus, fellofus, ferruginosus & niger, atque interdum ita acidus ut ex eo dentes stupeant; quæ aciditas in saliva etiam quandoque tam intensa est ut eundem stuporem pariat, imò quandoque eadem saliva acrimonia prorsus diversa peccans saporem piperis, aut aromatum acriorum in totum os effundit. Cibos si non corruptos, saltem inconcoctos ægri sæpius vomitu remerantur, ac regurgitant, in ruminantium animalium censum propterea quasi accensendi. Alvus adstricta est & pigra, non quod per yalissimum & incensum viscerum excrementi absorbeat humores, sed propter rationes supra allatas; fæces plerumque nigrae, terrestres, limosæ, & quasi argilloæ, pituita tenaci & viscosa permixta. Urina nunc aquea & tenuis est, instantis paroxysmi signum, nunc turbida, crassa, rubra, acris, & fœtida, cum arenulis rubris matulae parietibus adhærescentibus. Ad venerem sunt proni, à sale enim ut plurimum sunt salaces, seu à pruriente sero genituræ immisso partes genitales non parum excitantur. Novitamen quosdam in quibus terrestrius quid penis spongiosis corporibus, ut & testiculorum vasis impactum non tantum inertiam & flacciditatem, impedito spirituum & sanguinis appulsu, sed etiam urinam difficilem per compressum inde in radicem urethram faceret. Pulsus nunc durus, nunc concitatus, nunc tardus & frequenter intermitens. Cor libin de palpitans & quasi tremebundus, unde crebrae animi defectiones, viriumque dejectiones præcipuè ubi de objecto vel minimè intolito agitur. Ægri de œsophagi angustia, & asperæ arteriæ arctatione suffocante conqueruntur, propter vapores austeros à ventriculo elevatos, lymphamque & succum nerveum stiptica acrimonia peccantes, atque nervos & musculos laryngis & pharyngis ita angustantes ut laqueo constricti videantur, quod in suffocatione hypochondriaca, falsò hystericæ nominata, præcipuè solet contingere. Adest caligo oculorum, puros non admittentium soles, aurium tinnitus, vertigo, quandoque dolor capitis immanis, aut gravitas, pervigilium, aut somnus ab insomniis terrore plenis perturbatus, præsertim post mediam noctem. Memoria in quibusdam aboletur, in aliis loquela deficit, aut impeditur, imò motus tum animalis tum naturalis torpidius atque difficilius peragitur; unde lassitudines spontaneæ. Dolores in extremis digitis, ac fornicationis sensus & stupor excitantur, cutisque integra prurigine & punctationis sensu, quem quandoque sublequantur maculae, fatigatur. Corpus universum, sed præsertim facies fugaci rubore suffunditur, cuius materia in sudores putentes citò resolvitur, à quibus molesta interdum procreatur pediculorum turba. Sed quod in huic affectionis signis præcipuè advertendum venit, est varietas pathematum, unde alii certa victus ratione gaudent, quæ aliis omnino nocet, alii ab eodem medicamento levantur, quod aliis est perniciosum, imò aliquando eidem individuo uno tempore non leviter obest, quod alio non parum contulit.

Difficilis est admodum curatio mali hypochondriaci, idque eò magis, quò magis inveteratum

tum fuerit, & si exacta non observetur diæta. Præterea ejus medela nullatenus fida est, nā ut ingeniosissime Menjorius, superstitie vel minimo fermento morbus post aliquot menses *παλιγγενεσις*, ac ipse sibi quali superflorescit, extinctaque parum fideliter incendia majore flamma reviviscunt: idcirco hic, aut ut quam alias, Medicis prudentibus opus est, expugnato longa quasi obsidione hypochondriaco morbo, cautum Uillem imitari qui post everfam Trojam Attyanactem Hectoris filium è turri in præcepit dedit, ne eo duce bellum in posterum instauraretur. Itaque non immerito Tachenius in suo de morborum principe libello. Hoc autem productum (sc. hypochondriacum) medicinis purgantibus non auscultare, multoque minus producti fabrum sive fermentum, quilibet medicinæ ingenuus practicus mecum sine dubio fatebitur, hinc natum tritum illud inter medicos; ab hypochondriacis non solventibus libera nos Domine. Quotiescunque enim, etiam datò quòd productum æruginosum excrementum, evacuatione foras pellatur, illico novum, fabro sc. relicto regenerante, succenturiatur.

Morbi huius paroxysmus qui per se ingruit, deterior existit, quam qui forinsecus ab ira, clamore, motu, aut ingeltis concietur; item cujus finis integer non est.

Urinæ aquosæ, crassior præfertur; imo ut alvi laxitas moderata, vomitus cum *εὐφορία*, narium hæmorrhagia, hæmorrhoidum apertio, varices, mensium profluvium, ita etiam urinæ nigra sæpe morbum solvunt. Splenicis præterea, ex Hippocrate, dysenteria superveniens, bono est; *at ipsa diutius perseverante*, hydrops aut lienteria supervenit, atque ægri, *exhaustis viribus* intereunt.

In splenicis propter malitiosam humoris indolem suspecti sunt quilibet decubitus, inde enim mania, epilepsia, convulsiones, & ipsa quandoque apoplexia excitantur.

Per sæpe remediorum prius administratorum absoluta cessatio, hypochondriaco morbo afflictis fuit salutaris, natura enim, ut habet Menjorius, sic præsidiorum rædio liberata, fractis afflictisque vires refovet, quibus morbum curatione antea jam tentatum profligat; neglecti enim morbi, ut habet Aërius, sæpe sunt leviores, mirumque ad aliquid conferre negligentiam.

Hippocrati, morbus siccatorius, qui proculdubio hypochondriacus, affectus diuturnus existit, & senescentes, si ita visum est, deserit; sin minus cum ægro commoritur. Quam eandem habet de morbo ructuoso prognosin.

Indicationes præcipuæ stomachum respiciunt, qui sc. evacuandus & ejus fermentativus liquor temperandus atque volatilifandus, & digestio naturalis quantum fieri potest restituenda. Adnotandum præterea vitiosos humores & acrimonia qualicunque, sed præsertim acida peccantes, sive in visceribus hærentes, sive cum sanguine commistos, sensim corrigere & blandè educere.

Curationis basis est secundum plures Practicos in vomitu, quò ventriculus ab onere suo commode levatur, & à cruditatibus acidis & nidorosis liberatur; purgantia verò validiora non ita bene cedunt, quin potius nocent, per invecsta tormina aliaque symptomata; interim alvus servetur libera remediis usualibus atque lenioribus, pilulis v.g. tartareis Bontii, de ammoniaco Querceta-

ni, Elixiribus purgantibus ac præcipue volatilibus, quæ non uno nomine arrident, quandoque clysteriis quorum materiam non opus est hic addamus, & aliis id genus, mutatis sæpius auxiliis, ne eorum uni nimium assuescat natura. Hiis purgantibus lenioribus adhibendis alterantia etiam possunt adjungi, eumque in finem, tum vina, tum syrupi, tum marmeladæ, tum confectiones, tum infusiones, variæ compositionis parari.

Chalybs præterea maximè commendatur tanquam deobstructivum efficax, cujusque vis in acido intringendo valde est probata; interim tamen quandoquidem varia est morbo hypochondriaco laborantium constitutio, & temperies, advertendum cum Willisio, si eorum sanguis crassus sit, particulisque terrestrioribus, fixis, & sub frigidis prægnans, cum viscerum inde enata obstructione, medicamenta è chalybe parata exquiri. At si sanguis sit fervidus, seu per salium variorum ad fusionis statum devectorum conflictum, perpetuò quasi fermentescens, atque præcordia & inflans, & vellicationibus dolorificis affligens, remedia indicari fervorem sedantia, fugienda verò quæ chalybem admittum habent, ne sic ulterius commoveatur quod sedandum potius est. Advertendum etiam cum Tachenio circa chalybem quod nisi excrementa ab illo ringantur, temerè non sit exhibendus, quia tum non reperit idoneum humorem qui illum solvat.

Lac atque lactinia omnia, non parum profunt, dummodo iis ferendis sit æger, corpusque ritè prius præparatum, nam præterquam quòd acridinem humorum, temperant, corpus exquisitè enutrient, imò corrigendis, seu temperandis antiscorbutius acrioribus, in morbo hypochondriaco necessario quandoque exhibendis, mirè inserviunt.

Diuretica & sudorifica in subjectis etiam propensis, cautè administrantur, ne sic scilicet sanguinis tonus per fusionem jam inchoatam ex parte depravatus, ulterius collabatur; fibræque aliàs attritæ nutriendi corporis officium oblitæ, unà cum sero eliminantur. Sed quam maximè à mercurialibus abstinendum, ne inter orta salivatio periculosissima inferat symptomata, quod non semel vidimus, nec mirum erit iis qui salium morbo hypochondriaco familiarium spicula norunt, quàmque facillè terrestriore, imò ponderosiores eorum particulae, mercurii vi in corrosivum quid & perniciosissimum sublimantur. Qua de re vide in sequentibus observationem notatu dignissimam.

Aquarum mineralium melioris notæ, & præcipue earum quæ marte & lixivialibus imprægnantur, aut etiam bituminosum quid & balsamicum nitro admistum redolent, usus proculdubio erit proficuum, sic enim non tantum sanguis, lymphæ &c. exagitantur variæque fermenta ipsis admista excutuntur, sed etiam viscera quasi everruntur, acorque ipsis innidulans è latebris suis magna vi educitur, atque salia in succis restituntia, novis turbis per sui exaltationem excitandis parata, innocuam induere coguntur naturam. Revera tamen, sicut vasa quæ aceto continendo fuerant adhibita, etiam si summa diligentia lora, fermentum quàm obstinatè conservant, liquoribus immixtis propria qualitate imbuendis, idoneum; sic & de visceribus, semel humore hypochondriaco

driaco imbutis meritò dici debet, quo semel est imbuta recens servabit odorem, testis diu. Nec ita sciendum sopitæ acrimoniæ quin continuò ipsi invigilandum sit; (ut supra jam adnuimus) & quod maximè advertendum, cum quibusdam aquis, aciditatem sanguinis extinguere annitimur, sæpe vitando scyllam in carybdim cadimus, sc. exsuscitata acrimonia lixiviosa; (ut aliquando mihi videre conrigit) non enim acidum ita omnium morborum parens dici meretur, quin sæpissimè, lixiviosum ipsi prædominetur, à quorum varia combinatione, variisque exaltationum gradibus, falsedines innascuntur non unius sortis, sed pluribus symptomatis in hanc aut illam partem inducendis habiles.

Venæ sectiones præter illas quæ per sanguisugamariicis affixas perficiuntur, aut ad præparandum corpus aliis remediis sobriè præmittuntur, multum sanè non arident; causæ enim per eas non occurritur, imò salium motus, sic faciliior, variis concursibus indeque enascendis effervescentiis, ansam præbet.

Remediis majoris momenti jam lustratis superest ut de alterantibus quibusdam, imò specificis, uno verbo agamus. Inter alterantia reperire est varias radices, armorac. aron's, filicis, helenii &c. Herbas absinthii, chamædryos, chamæpith. cichorii, agrimon. fumar. centaur. min. aliaque amara, unde extracta, & essentia confici, imò salia erui commodissimè possunt. Tanquam diureticum insigne facit sal restitans in destillatione sal. ammoniaci cum sale tartari, item varia è tartaro parata, tum fixa, tum volatilia, tartarus vitriolatus, ut & solubilis, atque chalybeatus, terra foliata tartari, atcanum duplicatum Mynsiet. tinctura tartari antimoniat, tartarique spiritus ac præcipue sal volatile, volatiliæque alia omnia quibus hocce in morbo oppugnando vis inest quasi specifica, atque ea propter variis, tum purgantibus, tum alterantibus amaris in elixyria, aliaque id genus utiliter commiscenda, imò quandoque, sic exigente morbo, in tertium quid per sui cum acidis aptis unionem, commutanda, quale quid productum est mistura simplex cum volatilibus generosioribus, spiritu nitri &c. parata, cujus efficaciam non satis laudare possumus.

De variis martis præparationibus, ut & de spiritibus è cochlearia, mentha, aliisque elicendis; de terra martis præparata aliisque pluribus, imò de diaphoreticis ex antimonio & marte, atque jovialibus, &c. non est quod pluribus hic agamus, ut nec de emplastris stomacho atque lieini applicandis &c. Sic enim in immensum extresceret hoc caput, atque etiam plura circa hæc videri poterunt in consultationibus & observationibus mox afferendis.

*Curationes, Consultationes, Observationes,
& Cadaverum Anatomica Inspectio-
nes è variis Auctoribus.*

Curationes.

Affectiorem hypochondriacam incipientem, vel simplicem, plerumque curat vomitus; nominatim ex aqua benedicta Rulandi procuratus, hac nimirum ratione saburra ex ventriculo & vi-

cinioribus partibus eliminata faciliorem reddi curam, quæ tota insumenda est in obstructionibus, si hæc viguerint, demoliendis.

Aperientia itaque cremor tartari, tartarus vitriolatus, vinum Mart. pulvis cachecticus, vel præmittenda sunt vomitionibus instituendis, vel iisdem postponenda. Utrobique prudentia Medici hic desideratur, à qua cum pendeant omnium curationum momenta, sæpe perit omnis felicitas, nisi illa cautè & religiosè, & cordatè subsit.

Purgantia in hoc primo casu præter vomitoria sunt cholagoga & melanagoga, pulvis sennæ laxativus, extractum rhabarbari, mechoacanæ, panchymagogen Crollii, extractum ellebori nigri, item mercurius dulcis, hic multum profunt, à quibus evacuationes sæpius si opus est instituta laudabiliter proficiunt. Sic extractum pilularum de ammoniaco hic quoque unicè præstat.

Ad mitiganda symptomata, quæ plerumque fiunt à flatibus distendentibus præcordia, & in cerebro spiritus animales lancinantibus, faciunt corroborantia nobiles illas partes, si diutius, quam par est & ipsæ obstructiones durant, suntque magisterium & sal corallorum & perlarum, lapis bezoar, tinctura corallorum, elixyr proprietatis, item oleum croci. Hæc nimirum singula cor & cerebrum roborant: cerebro imprimis tinctura lunæ in hoc casu utilissima est.

In confirmata affectione hypochondriaca, si leviora ista minùs locum habere possunt, præmittenda tamen sunt, nec vomitus formidandus.

Experientia deprehensum est aperientia ista quandoque profuisse, & acerbum malum sustulisse: Recidivam tamen per intervalla redeuntem & graviter affligentem, radicem ex toto non averruncant.

Eadem ratio est in acidularum usu quotannis instituendo aliqualem viscerum apertionem causantium, sed morbum ipsum non penitus tollentium. Operæ pretium itaque est, ut in subsidium affectionis hypochondriacæ confirmatæ curandæ talia accersantur remedia, quæ funditus radicem morbi evellant: sic ℞. aquam philosophicam, seu sp. vini tartarificatum in convenienti liquore à minima dosi ad maximam usque (à gutt. 1. 2. 3. 4. iusta dosi, ad 8. & 12. ascendendo, quotidie gutt. 1. interdum pro ratione circumstantiarum in eadem dosi persistendum) quotidie exhibitus, præmissis tamen illis lenioribus & parum proficientibus, funditus curat. Idem præstat extractum pilularum Ammoniacar. de quo supra; cujus si detur quotidie ʒj. vel etiam (interdum per dies gr. j. augeri potest ad ʒj.) si opus est, per dies 12. vel 14. 2. horis ante cœnam, sumpto post horam jusculo, operatio admodum felix subsequitur.

Nobis sæpe usu venire solet, ut ab exhibitione horum præsertim solutis obstructionibus internis viscerum alvus ita proritetur, ut quasi dysenteria subsequi videatur. Tunc providendum erit corroborantibus istis supra enumeratis; præsertim tincturâ corallorum & elixyre proprietatis. Interim respiciendum quoque fuerit in hoc casu ad legitimè directam diætam, sine qua nulla penè potest esse felix curatio.

Venæ sectiones in morbi statu præsertim salvatellæ magnum adjumentum præstant, Joann. Hartmann. Practic. chymiatr.

Si in ullo loco vel affectu variant symptomata, certe variant in malo hypochondriaco. Dicitur quoque *Tartar. Hypochondriacorum*.

Si diutius durat, degenerat in Scorbuto, novi experimentum quod humor ab hypochondriacis, per vomitum rejectus in pelvi in vitriolum concreverit, imò linthea corroferit. Clysmata ad alvum adstrictum hic commendantur, hæc enim in primis debet esse aperta. Vomitoria conveniunt non adeò fortia. Proiunt rad. filicis, polypodii, flores borragin. buglossæ genitæ, luccus pomorum borstortianorum. In hisce possunt infundi purgantia. Conveniunt hic quoque tinctur. tartar. antimoniat. essentia fumarie aperitiva, tinctur. vitrioli martis Zuvelf. Acidulæ quod plus de marte participant, eò sunt præstantiores. De usu vero acidularum vide *Sebysium*. Si adhi ulcus in liene vel omento, vel ventriculus sit admodum debilis, tunc acidularum usus non convenit, nisi ventriculum roborantia simul adhibeantur. Cassia non prodest, quia flatulenta, neque myrobalani, quia post se adstrictionem relinquunt. Optimè in hoc affectu usurpantur extracta catholice, Andernaci, Crollii. Præprimis autem hic valent medicamenta martialia. Multi Medico-Chymici clarissimi utuntur hic feliciter terræ quæ reperitur circa mineram martis, cum participet de marte & multa præstet in obstructionibus mensium. Potest in marmore lævigari cum aquis appropriatis. Apprimè quoque hic convenit elyxir proprietatis. Item medicamenta ex tartaro. Si hæc affectio sit per consensum à ventriculo, prosunt pilul. hieræ cum agarico. Item pulvis stomachicus Quercet. sal abiynt. chrySTALLINUM, sal stomachale Mynsichti. Dialpoliticon Galeni verò in malo hypochondriaco & melancholiâ hypochondriacâ cum cunctitate ventriculi singulare arcanum est, quod plurimi hypochondriaci ad extremam maciem redacti faciliter curati sunt, teste *Fabro & Bartholeto*. Præcipuas autem vires hic pulvis obrinet ab ingrediente sale, quod in flatibus & ructionibus sistendis singulare est remedium. Si oritur ab hepate per consensum, serum lactis porrigi potest cum spiritu vitrioli martis spiritu tartar. vitriolat, vel clyst. vel succis herbarum specificis. Si ab utero oriatur præparantibus medicamentis addatur fæcula ari, vel bryoniæ. Purgantibus verò radix bryoniæ & aristolochiæ. Item fiant noduli ex herb. melissæ, matricariæ, pulegii, mercuriilis. Si oritur ab obstructionibus hæmorrhoidalis fluxus alias consueti, conveniunt pilulæ aloëticæ. Item frictio cum fol. ficus.

Digestiva ergo & purgantia dirigenda sunt ad partem mittentem, sive ad hepar, sive lienem, sive uterum. Vel possunt præscribi medicamenta, quæ simul aperientia sunt & purgantia; vel manè purgantia & vesperi aperientia prosunt. Quod si enim digestiva nulla adhibeantur, creatur dolor colicus ob materiæ pertinacitatem. Si malum est contumax, interdum per tres vel quatuor dies præmittantur digestiva, & prosunt hoc loco martialia, ut crocus martis aperitivus cum sale. Salia enim laxant & valde penetrant. Digestiva ℞. tartar. chalyb. 3iij. facul. aronis 3j. div. in 3. part. æquales. ℞. croci mart. aperitiv. cum salibus 3vj. pulv. cach. Quercet. 3ij. D. in octuplo. ℞. sal. hypochondr. gr. x. D. in quadruplo: præparatur hoc sal hypochondriacum ex sale armoniac. & sale tartar. ℞. claret. chalyb. 3viii. syr. de s. rad.

aper. 3ij. ℞. aq. filicis, cuscute, cichor. agrimon. ana 3ij. syr. de s. rad. aper. 3ij. essent. mart. liquid. 3iij. tinctur. tart. 3ij. misce. Sumitur duabus horis ante cibum. ℞. aq. aperit. usit. 3vj. syr. de s. rad. aper. 3ij. sp. aperit. Pen. 3ij. misce. Purgantia ℞. Rad. gram. filicis, asparagi ana 3ss. herb. cuscute, eupator. fumar. agrimon. ana m. j. flor. cichor. bellid. genist. ana p. iij. Rhab. monach. 3i ss. rad. polypod. helleb. nigr. ana 3j. esul. præp. jalapp. ana 3ss. zedoar. Galang. Cort. aurant. ana 3ij. vel 3iij. sem. anis. 3i ss. crem. tartar. 3iij. m. f. nodulus. ℞. Rad. s. aper. 3iij. flor. cichor. genist. bellid. ana p. iij. limatur. martis 3iv. passul. min. 3ij. cinam. elect. 3iij. caryophyll. macis, ana 3j. fol. S. S. S. 3j. rad. helleb. nigr. præp. polypod. jalapp. esul. præp. ana 3ss. f. nodulus. ℞. M. pilul. tartarear. Quercet. 3i ss. de ammoniac. ejusd. 3j. extract. helleb. nigr. 3ss. scam. sulphurat. gr. viij. cum tinctur. tartari f. l. a. pilulæ instar pisorum minorum. ℞. M. pilul. tartarear. Quercet. 3j. extract. helleb. nigr. gr. vj. resin. jalapp. gr. v. cum essent. fumar. fiant pilulæ pro 1. dosi. ℞. M. pilul. de fumarie 3j. extract. helleb. nigr. gr. vj. scam. rosat. & sulphurat. ana gr. vj. m. f. pilul. pro dosi. ℞. m. pilul. tart. Quercet. & de ammoniac. ejusdem ana 3j. aloës rosac. multipl. infus. extract. martis ana 3ij. f. l. a. pilulæ cum essent. aperit. instar pisorum minorum ℞. pulv. cathol. purg. 3j. croc. mart. aperit. cum salibus 3iij. Dos. 3j. ad 3ij. ℞. syr. laxat. fumar. compos. ana 3ij. extract. helleb. nigr. 3ij. in aq. cinnam. vel borrag. dissolut. scam. rosat. 3j. essent. mart. liquid. 3ij. tinctur. tartar. 3i ss. aq. aper. usit. 3j. misce. Dosis 1. vel 2. cochlearia duabus horis ante cœnam vel prandium. ℞. fol. fenn. S. S. 3iij. rad. helleb. nigr. 3j. flor. cichor. genist. borrag. bugloss. ana p. j. rad. gramin. filicis, ana 3iij. crem. tart. albißimi 3j. infund. in s. q. aq. fumar. & cuscute per noctem, manè ebulliant ad dissolutionem tartar. colat. & de syr. de pom. laxat. 3vj. misce pro 1. dosi. ℞. extract. helleb. nigr. scam. rosat. ana gr. viij. syr. de pom. laxat. 3j. aq. cinnam. borrag. ana 3ij. essent. mart. liq. 3j. tinctur. tartar. 3j. misce. Clysmata inhibent vaporum adscensum ad cor & caput, in le palpitaciones cordis proveniunt. ℞. herb. fumar. cuscute, epithymi, flor. cent. minor. ana m. j. charomill. Rom. p. iij. cord. ana p. j. rad. filicis, rhab. monach. ana 3j. polypod. 3vj. helleb. nigr. 3ss. sem. carui, cumin. ana 3i ss. coq. in s. q. feri lactis, col. ℞. 3j. in qua dissolve elect. cathol. 3i ss. de baccis lauri 3ss. sal. nitri cum antimon. fixat. 3ij. vitell. ovor. n. j. f. l. a. enema. ℞. Decoct. emoll. carminant. ana 3ss. in quibus dissolve elect. diacath. 3i ss. hier. pier. 3ss. extract. helleb. nigr. 3j. vitell. ovor. n. j. m. f. enema pro duabus dosibus. ℞. Decoct. flor. & fruct. aperit. ana 3i ss. in quibus dissolve confect. hamech. 3j. sal. nitri cum antimon. fixati 3j. ol. still. lauri gutt. iv. f. enema pro 2. dosibus

Confortancia & aperientia: ℞. Elyx. propriet. Sennerti cum succo hed. 3vj. sp. aperit. Penoti 3ij. m. dos. gutt. 30.

℞. Essent. fumar. cum mart. liquid. ana 3ss. m. dos. 30. 40. vel 50. gutt. ℞. tinct. mart. Zuvelferi de fumar. comp. ana 3iij. m.

℞. tinctur. tart. mart. 3vj. dos. gutt. 20. R. tinct. tart. antimoniat. 3ss. dos. 20. gutt. ℞. essent. carminat. aperit. ana 3iij. dos. gutt. 30. ad 50.

℞. eboris sine igne par. 3ij. facul. aron. 3j. pulv. cachect

cachet. Q. 3iij. dos. 3ß. ad 3j. ℞. Conserv. fumar. flor. cichor. meliss. ana 3j. eboris sine igne 3iß. spec. diarrhod. diatrion. santal. ana 3j. croc. mart. aperit. 3iij. confect. alkerm. 3j. syr. meliss. q. s. c. s. q. Sacchar. in ag. agrimon. solut. f. rotulæ confortantes ventriculu & aper. hepar. dos. 6. vel 9. In malo hypochondriaco stomachico.

℞. Pulv. stomach. Quercet. 3iij. sal. stom. Myns. 3j. m. ℞. eboris sine igne 3ij. facul. aron. 3iß. epat. rubr. 3j. milce dol. 3ß. vel 3ij. ℞. eboris sine igne 3ij. facul. aron. 3j. sal. absynth. chrysell. 3ij. m. ℞. sp. mastiches 3iij. aperit. 3ij. m. dol. 3j. ad 3ß. ℞. essent. menth. 3iij. sp. mastich. 3iß. sal. mart. 3j. m.

Externè convenit emplastrum stomachicum Craronis, quod, si rictus adsint, misceri potest cum tertia parte empl. de bacc. lauri & malaxari oleo chamomillæ, zedoariæ, oleo stillantio rutæ, cham. absynth. aneth. Potest etiam ex his aut aliis primum fieri unctio & deinde applicari empl. Item possunt fieri t. oculi ex discutientibus, si adsint rictus & exhiberi. In malo hypochondriaco hepatico. *℞. conserv. flor. cichor. 3iß. rad. cichor. 3j. eboris sine igne 3ij. spec. diarrhod. santal. 3iß. croc. mart. aperit. 3iij. pulv. cachect. Quercet. 3j. cum s. q. syr. de cichor. t. l. a. electuarium. ℞. eboris sine igne 3ij. spec. diarrhod. santal. 3iß. sal. epat. Myns. 3ij. m. dol. a. 3j. ad 3ß. ℞. eboris sine igne, spec. diarrhod. abbat. diarrhod. santal. ana 3j. pulv. cachect. Q. 3j. c. s. q. sacchar. in ag. agrimon. soluti. f. rotulæ. ℞. ti. flur. flor. bell. 3ß. spir. vitr. mart. 3ij. M. Dos. 30. ad 40. gutt. ℞. tinctur. flor. bellid. 3ß. sp. pro arid. anis. ana 3ß. m. dos. 50. gutt. in sero lactis vel cerevisia. Succus pomorum borstossianorum cum sero lactis misceri potest & exhiberi. Serum enim lactis laxat & abstergit. Si de vitriol. mart. aliquid injiciatur in acidulas naturales majorem efficaciam acquirunt & in minori dosi possunt exhiberi; idem præstat clystus, de quo vid. Schroderus. Si ab utero, hysterica proiunt; Item crocus martis aper. Zvv. qui potest misceri cum tæ. ula bryonæ Joann. Michaël. lib. 4. cap. 32. praxeos. Clyn Gener.*

Consultationes.

Temperamenti cholericæ Juvenis annorum 21. dolores circa officium ventriculi non adeo graves, per intervalla seniebat: neglectis autem consiliis ac medicamentis inordinataque victus ratione adhibita, tandem ita malum proserpere ac incrementa sumere passus est, ut ad extrema ferè deductus fuerit. Antea enim uti leves, ita jam insignes circa præcordia dolores, totum pectus tensione gravissima ad dorsum usque penetrantes, quotidie & maxime assumpto cibo, non per horam 1. sed per 3. aut 4. durantes persentiebat, ita ut ferè exanimatus aliquando præ dolore jaceret. Caput doloribus non minus punctoriis divexabatur gravissimis: Apperitus, nausea, & frequens sputatio atque evomitio materiæ pituitosæ valde eum molestant: symptomatibus aliquo modo remittentibus, totius corporis lassitudo aderat. Tristitia præterea, metus, atque falsa imaginatio eum miserè excruciant. Ideo consilium atque auxilium exposcens, ad medicinam, tanquam anchoram sacram confugit æger.

Quæstio jam inter arti medicæ addictos, satis

ardua agitabatur de morbi essentia, parteque imprimis affecta & causis. Multi hujus erant sententiæ, ac si ab humore melancholico ortum traherent hæc mala. Alii accusabant hepar nimis calidum quod sanguini effervescentiam conciliare, à quo, ut & à vicina bile nocivos fumos elevari, atque ad varias partes transmitti asseriebant. Plurimi totam culpam in lienem conferebant & hunc sexcentarum ærumnarum authorem esse statuebant. Quibusdam mesenterium variis humorum generibus repletum malè audiebat, scaturiginem & fontem omnium morborum & nutriculum medicorum illud pronunciantes. Nonnulli ventriculum imbecillitate suâ, sive nativâ, sive asciticiâ malè coquentem, maxime in noxa esse sibi firmiter persuadebant. Habitui ac dispositioni naturali ac vitio hæreditario, non parum adscribendum esse, quædam pars judicabat. Alii cavitatem inter ventriculum & septum transversum, quam Hollerius foveam stomachi nominat, inculpabant. Omnes tamen in eo conveniebant & unanimiter conspirabant, propter varia symptomata esse melancholiam hypochondriacam, à medicinæ proceribus ita denominatam.

De parte affecta atque causis, ut ex prædictis satis luculenter elucet, dissentiunt authores, ita ut si unquam, certe hic cum veritate dicendum sit, quot capita, tot sensus, ac eas bono consilio extricandas (uti Lindenius loqui amat) parliamenti seu concilii principum ac procuratorum populi medici convocatione opus sit. Unde inter tot dissentientium authorum opiniones, quid statuerendum, arduum revera est & difficile. De Clarissimorum enim atque experientissimorum virorum in medium allatis opinionibus iudicium ferre, illasque vel approbare, vel rejicere mei nec hic est instituti, nec mearum virium, aliis, quibus magis exquisitum est iudicium, ea relinquens; hoc saltem ad meam explicandam mentem addo, facili negotio dirimi posse controversiam, si inter causam generalem & specialem: ac inter proximam & remotam constituatur discrimen: & ita ii, qui affirmant lienem, hepar & mesenterium maxima ex parte laborare adstruunt, non adeo distare, cum utrique habeant, quod rationi & experientiæ consentaneum videtur. Qui in hypochondriis partes, quales, sunt hepar & lien, ut & vasa harum partium, necnon præterea ventriculum & mesenterium pro subjecto colluviei hypochondri, agnoscunt, non reprehendo. Ventriculum tamen debilem relaxatum & malè coquentem præcipue peccare, malique causam proximam constituere existimo: à ventriculo enim vomitiones, nausea, fluctus & murmura ortum perunt, & ita verè ventriculum læsum ostendunt. Ad stabilendam meam sententiam Dioclem audiamus; sic autem ille referente Galeno l. 3. de loc. aff. c. 7. oritur, inquit, alius à ventriculo morbus, qui ab aliis flatuosus nominatur, quem sumto cibo, maxime coctû difficili, sputum multum comitatur, item ructus acidissimi, flatus, ætus in hypochondriis, fluctuatio, non illico, sed cum retinuerint: Interdum quoque ventriculi vehementes dolores, qui nonnullis ad dorsum usque procedunt, concoctis inde cibis quiescunt, mox aliis cibis ingestis eadem revertuntur accidentia; que interdum à Cæna molestant atque evomuntur crudos cibos & phlegmata subamara, calida & acida, adeo ut dentes nonnunquam torpedine afficiantur, hætenus ille.

Temperamenta autem cholericæ, ex quorum numero ægrotus noster, habitus quoque corporis tenuior, furori hujus mali magis subijciuntur, quia à caloris augmento dissipantur magis spiritus & fibræ laxiores & magis flaccidæ redduntur; adeo ut assumti cibi in ventriculo ritè contrahi, & dissoluti, feliciter expelli nequeant; sed in acidam, viscosam & acerbam degenerent materiam. Hanc ipsam, calor viscerum, hepatis scilicet ac lienis, magis quam par erat, exagitans in flatus abundè resolvit, hinc malo huic obnoxii inveniuntur cholericæ, ut potè qui visceribus calidioribus gaudent: viri etiam & ætas media ob calorem abundantiorē hoc magis infestantur malo, quam foeminae, & in prima ætate constituti. Hinc quoque fit, ut habitus etiam corporis extenuetur semper, neque pinguescant, qui malo laborant hypochondriaco.

Causæ remotiores sunt, quæcunque fibras ventriculi flaccidas & debiles reddere solent: æque ab erroribus in diætâ peruntur maximè, cibi flatulenti ventriculi tunicas ultra naturalem extensionem distendentes, ut se rursus debito modo contrahere nequeant. Naturalis etiam fibrarum laxitas & debilitas jure hæreditario à parentibus in liberos translata, & quam maximè quoque vita sedentaria ad hunc affectum generandum & accelerandum aprissima est. Plura adhuc recensenda essent, sed promissæ brevitatis memores hic sistimus gradum, atque ad curam nos accingimus: si quis autem est affectus, qui & medico & ægro negotium facessit, est certè hic præsens, ut jure opprobrium & crucem medicorum quis eum appellare possit: tentanda tamen res nobis erit, dextram salutiferam ægro porrigentes, & quibus remediis in genere illique lectioribus curatio aggredienda sit, brevissimis indicantes: præstat enim, in eo magis laboremus, ut fideliter curemus, quam ut subtiliter differamus. Quia autem, ut in omnibus corporis affectibus nunquam in remediis naturalibus subsistendum, sed semper summi JEHOVÆ auxilium implorandum; ita & imprimis etiam hoc in affectu id observandum & summè necessarium est. Potentiam enim affectus Protheo mutabilioris non nescimus, nec hoc, quanta quanta etiam scientia sit nostra atque ars, Divinæ subjacere majestati, absque cujus benignitate, ne in minimis quidem agere non posse, ignoramus; etenim

Ni Deus adfuerit viresque infuderit herbis

Quid rogo, dictamus? quid Panacea juvant?

Sed ad curationem ipsam, in qua eò respiciendum, ut primæ viæ evacuentur, humores peccantes, præmissis præmittendis exterminantur, viscera, imprimis ventriculus, roborentur, atque urgentiora symptomata corrigantur, non neglectis viribus quarum conservationi opera detur: materiam suggerunt usitati illi fontes. Chirurgicus, Pharmaceuticus, & Dieteticus.

Ex Chirurgico fonte, nisi plethora adsit, aut nimius calor urgeat, venæ sectio locum vix habebit. Conveniens autem erit cucurbitularum usus, nec non hæmorrhoidum fluxus, si is, vel spontè fiat vel arte, in assueto concitetur ille: Ita nec fonticuli nec frictionum usus foret frustraneus. Pharmaceuticus evacuantia primò

loco offert, eaque per alvum, leniora, ut sunt, ex simplic. fol. senn. epithym. polypod. Rhab. Ex compositis syrup. ros. violar. solutiv. fumar. compos. de pom. de Epithym. pilul. de ammoniaco, tartaræ, [de aloë rosar. Extract. panchym. & id genus plura, imprimis autem extract. pilul. de ammoniac. ut pote in quo nonnulli omnem sanitatis spem ponunt. Pertinent huc & vomitoria initio adhibenda, modò ventriculus non sit justo debilior, & æger huic evacuationi assuetus; ex quorum numero sunt aq. bened. Ruland. sal. vitriol. electuar. Diasar. Fernel. &c. Nec negligenda diuretica, qualia sunt ex tartaro parata medicamenta imprimis tinctura tartari, utpote quo unico remedio, præmissis tamen lenioribus hoc malum sæpius funditus curasse gloriatur Boffertus. Habent quoque locum suum diaphoretica, antimon. nimirum diaphoret. simpl. & martiatum. Evacuantibus præmittenda, aut cum iis jungenda sunt aperientia quorum seges passim occurrit. Primum tamen locum sibi vendicant tartarea & martialia medicamenta. Confortandis visceribus, ventriculo, præprimis, congruunt præ aliis omnia amara quæ huic amica habentur; Tonum enim ejusdem vel conservant vel restituunt, sale, quo plurimo abundant, putredini resistunt, acidos p. n. in ventriculo humores figunt, Limosos & viscosos viscerum & mesenterii vasa obstruentes humores abstergunt, & qui relaxabant fibras succos absumunt. Quo nomine quam maximè celebrantur absynthii, centaurii min. juniper. salia. Quæ cordi nec non cerebro confortando conveniunt, passim illa apud practicos occurrunt, quorsum benevolum lectorem, brevitatis causâ, remittimus. Symptomata ventriculum infestantia mitigantur præter modò dicta confortantia etiam pulveribus pepticis moderatè calidis, inter quos hic præ aliis excellit. ℞. censeru. sem. anis. fœnicul. ana ʒ ij. cort. citr. condit. ʒ j. margar. corall. rubr. præp. ana ʒ ss. cinamom. acerrim. ʒ ij. sacchar. ros. tabul. ʒ iv. m. f. l. a. pulvis. sumatur parvi cochlear. mensura à quovis pastu. Extra confortabitur idem oleo stomach. Craton. nucistæ. nardino, de absynth. Item emplastr. de ladan. Tacamahac. sacculo parato ex absynth. meliss. menth. caryophyll. mac. bacc. juniper. flor. rosar. &c. Oppressiones pectoris, communissimum hypochondriacorum malum, cum à vaporibus vel flatibus crassis, diaphragma ejusque membranam impetentibus oriantur, corrigantur Carminativis. Hinc injiciatur clyster. ex flatus discutientibus: applicentur sacculi ex flor. chamomill. melilot. sambuc. summit. aneth. & aliis; aut etiam sacculus ex avena in sartagine frixa, quàm calidissimè. Si non cedat, sitque dolor ingens, suadent nonnulli cochleare vini sublimati; aut essent. anis. aut aq. cinamom. cum juleculo iat calente, aut exhibendum Theriac. aut mithridatii momentum. Plerisque si non omnibus scopis satisfaciunt acidulæ, nec non aquæ thermæles: in harum tamen usu majore opus est circumspectione. Dieteticus tandem Fons, victus rationem observandam monstrat, quæ adeò necessaria est, ut (teste Galeno) frustra iis præscribantur remedia, qui rectam victus rationem servare non norunt. Est diætâ reverâ ille philosophorum lapis, omnibus recommendanda, nulli metuenda sexui, quovis tempore tractanda, & cunctis morbis sine ullo subsequenti mali metu congrua, cum illorum non paucos ipsa sola curet.

Teste

Teste Galen. Quò sequentibus etiam schola Salernitana respicit vesiculis :

Esuriant, sitiant, qui rheumata curant.

Abstine & efficies quod medicina nequit.

Quin & sine clavo & remis navigat, qui nullà vītutis ratione observatā medicinā in facere conatur. Triplex autem à modernis statuitur diætā. Naturalis, vitalis & animalis. *Naturalis diætā*, ea quæ assumuntur temperat. In assumendis ergo cibis & quantitas & qualitas accuratè observetur. Quoad quantitatem illud Hippocratis monitum, quod in 6. epid. com. 4. text. 22. jubet Galenus, studium nimirum sanitatis esse non satiari cibis, & quod habet Avicenn. 3. num. Doctr. 2. c. 7. cum reliquis famis surgendum esse à mensa, & hīc locum habet. Quoad qualitatem cibus omni acrimonia, falsedine atque nimia aciditate careat, concoctionis non sit difficilis, non vaporosus, nec flatulentus, aut excrementitio scatenens succo. Potus sit quantitate moderatus ad frigiditatem aliquantulum inclinet, sit defecatus, veronica, absyntho, scolopendrio, agrimonia, aliisve aperientibus medicamentis alteratus. *Vitalis* ærem purum & serenum præcipit. Animi pathemata, ut iram, tristitiam, timorem, metum, canepem & angue, fugere jubet, ne spiritus perturbentur; potius ita dirigantur, quo vigori eorundem addant incrementum, qui propter tranquillitatem animi studeat atque lætitiā sectetur. *Animalis* somni rationem habet & vigiliam, motus & quietis, excretorum & retentorum. Somno æger non indulgeat nimio, neque nimis vigiliis, neque etiam statim post adsumptum cibum, ante duas tresve horas cubitum eat. In exercitiis corporis pariter modus servetur: Alvus quotidie munerirepondeat, si verò aliquando contingat, ut solitæ evacuationes atque excrementa justo detineantur diutius, medicamentis levioribus natura ad expulsionem erit proritanda. Uno verbo omnia quantum possibile, temperentur, deturque opera, ut nullus committatur excessus. *Joan. Michael.*

Vir florentis ætatis, duris, salsis, acidisq; cibis diu assuetus, otiosus, vivens, à longo tempore, modò plane inappetens nausæa quorumcunq; alimentorum detentus, modò nimis appetens fuit, sed ingesta alimenta cum rugitu, tensione, ac dolore ventriculi ægrè tulit & digessit: per intestina quoque totumque ventrem inferiorem, plerumque tormina cum magno murmure percepit. Hæc tamen mala flatuum copiosissimorum sursum deorsumque eruptione pro tempore multum imminuta sunt. Subinde liquor quidam subfalsus spontè cum summa nausæa vel leuissimo vomitu, ab ore effluere solet, præcipuè maturino tempore, quamvis etiam aliis diei temporibus illud non rarò contigerit; hoc evacuato nonnihil melius se habet. Nunc tandem ante mensam hæc omnia in peius verti cœperunt, quippe vomitus frequens accessit, quo omnia assumpta magno cum impetu eicit, quæ licet non diu assumpta fuerint, tamen valde acida evomuntur: & quod mirandum, interdum paulò post assumptum prandium evomit duas tresve uncias solius liquoris cujusdam pellucidi, nonnihil (ut dicit) subfalsi subacidive vel austeri, omnesque assumptos cibos & potus in ventriculo retinet, quos, isto liquore evacuato, benè fert & digerit. Cum

non vomit, tunc multò molestiores sunt ventritionses & rugitus. Æger non febricitat, sed cogitabundus ac subtristis est, eique scorbuticæ maculæ hīc illic in cute subinde apparent, totumque corpus paulatim emaciatur.

Varia partes in hoc ægro malè afficiuntur, præcipuè autem ventriculus, intestina, & pancreas: de ventriculo res nota est ex nausæa & vomitu, ut & ex appetentia ciborum modò nimis aucta, modò nimis imminuta. Intestinorum affectio ex rugitibus, flatibus & torminibus innotescit. Affectiōnem pancreatis effecta docent. Appellatur hic morbus affectio hypochondriaca, *quæ est intemperies acidæ pancreatis, ventriculi, intestinorum partiumque vicinarum.* Causa primaria symptomatum in historia enarratorum procedit ab acida ac subsalsa quadam intemperie pancreatis ex inordinato victu inprimis contracta, cujus ergo succus pancreaticus in hoc ægro nimis acer & salius subacidusve gignitur, idque uno tempore magis quam alio, prout scilicet per hæc illave assumpta alimenta isti malo major, minorve fomes adjicitur. Hic succus ex pancreate in intestinum duodenum defluens, & aliqua sui parte versum ventriculum ascendens, paulatim fermentum ventriculi corrumpit, sicque vitiosæ coctionis causa fit. Quippe si prava fœdave qualitate præditus (in animalium vivorum sectionibus maximè fœdum saporem nonnunquam habere compertum est) in ventriculum irreat, tunc inappetentiam ac nausæam, & interdum vomitum inducit: si verò nimis acidus influat, tunc nimiam famem, malam coctionem, & nonnunquam ob acidam vellicationem ventriculi, etiam vomitum suscitatur, idque magis aut minus, prout excedens qualitas major minorve fuerit, & ipse succus majore vel minore quantitate ventriculum ingreditur. Ex illa vitiosa coctione ac fermentatione oriuntur tensiones, dolores, & rugitus, plurimique flatus suscitantur, qui nonnunquam sursum per ructus erumpendo, tensiones nonnihil imminuere, sicque levamen aliquod pro isto tempore inducere solent. Si verò viriolus ille succus ad ventriculum non ascendat, sed totus in intestina defluat, tunc coctio ventriculi in ægro nostro melior, & nausæa minor, sed vitiosa effervescencia in intestinis excitatur, cum in coctis alimentis è ventriculo elabentibus, tum in pituitosis ac mucosis succis in intestinis contentis, atque hinc in intestinis flatus, rugitus, dolores, ac tensiones cum anxietate suscitari, iique sæpe alvi dejectione flatuumque plurimorum excretionem multum imminuti sunt. Liquor ab ore subinde cum nausæa effluens, est succus pancreaticus sursum ad ventriculum delatus, & per nausæam unà cum ei in ventriculo admixto salivali liquore, per os erumpens. Tandem succo pancreatico temporis progressu peiore, ac simul actiore evadente, & ventriculum magis, quam antea, vellicante, accessit frequens vomitus violentus, quando scilicet in ventriculum ascendit: & si hoc contingat paulò post assumpta alimenta, isque affatim per illa alimenta sursum cum impetu ad superiorem ventriculi partem prorumpat, magnam ibi nausæam faciens, sæpe levi cum vomitu (quia alimentis nondum est admixtus) solus evomitur, alimentis intus subsistentibus, quæ tunc, vitioso illo succo fermentaceo evacuato, benè digeruntur. Non febricitat æger, quia nulla putredinosa effervescencia in corde excitatur. Cogitabundus ac sub-

tristis est, quia propter acidos humores sanguini admistos spiritus animales minus tenues seu subtiles, sed paulò fixiores in cerebro generantur qui minus alacriter & inordinate per pororum cerebri angustias transeunt, ægrum cogitabundum ac subtilem, & rebus suis minus intentum faciunt. Corpus emaciatur, propterea quòd alimentorum prima coctio non benè peragatur, atque hinc sanguis paucus & parùm laudabilis, sed scorbutica qualitate infectus, sicque ad partium nutritionem minus aptus, generetur. Ex modò dictis, quid de prognosi statuendum sit, facile judicari potest, scilicet quod hic affectus periculo non careat, & metuenda sit maxima corporis atrophica, cum summa virium prostratione paulatim ægrum dejectura.

In Curatione primùm æger purgandus, cum infus. fol. senn. agaric. &c. addendo aliquantùm elect. hier. picræ, aut diapruni, aut cum pilulis cochiis, extracto catholico, pulvere diatribi, aliisque similibus, eaque purgatio postea singulis octo vel decem diebus reiteranda. Venæsectio hinc parùm ad rem factura videtur, si tamen febris aliave aliqua magna exandescencia accesserit, pro ratione necessitatis institui poterit. Si vomituriendi conatus permanserit, non inutiliter tale vomitorium dabitur. ℞. fol. asar. recent. ʒ iij. β. aq. raphan. ʒ ij. fiat s. a. expressio succi, adde vini antimoniat. ʒ iij. oxymelit. scyllitici ʒ β. misce fiat haustus. Postea conveniens apozema præscribendum, ejusque ter de die haustus exhibendus. ℞. rad. tamarisc. capparum, polypod. querc. helenii ana ʒvj. herb. chamædryos m. j. β. meliss. betonic. borragin. cuscut. ana m. j. fol. lauri, trifol. palustr. ana m. β. cort. aurantior. ʒvj. sem. anis. fœnicul. ana ʒ ij. passular. mundat. ʒ ij. aq. q. s. fiat s. a. apozema ad ʒβ. loco apozematis vel intermediis horis subinde dari poterit particula hujus conditi. ℞. Rad. helenii, cort. aurantior. condit. conserv. borragin. meliss. flor. salv. ana ʒβ. olei anis. gutt. xii. syr. helenii q. s. misce, fiat conditum. In magna ventriculi aut intestinorum tensione cum anxietate & dolore, conveniet exhibere talem bolum ℞. Theriac. ʒj. ocul. cancr. præp. ʒj. olei anis. gutt. v. misce, f. bolus. Interdum manè jejuno stomacho, loco apozematis, exhibenda dosis hujus pulveris, cum paxillo cerivisæ aut jusculi. ℞. ocul. cancr. præp. ʒ ij. corall. rubr. præp. ʒβ. succin. præp. ʒ β. f. pulvis, dividendus in quatuor doses.

In victu sit aer mediocriter calidus. Cibi sint facilis digestionis & boni nutrimenti, & abstineat æger ab omnibus cibis falsis, acidis, acerbis, fumo siccatis, antiquis, rancidis, aliisque difficilis coctionis aut pravi nutrimenti. Potus sit cerevisia communis benè defæcata, nonnihil subamara, minimè acida: item vinum tenue minimè acidum. Somnus & exercitia corporis sint mediocria: fugiantur otium & nimia quies. Excreta naturalia benè procedant, si non spontè, saltem arte. Fugienda quælibet tristitia animi pathemata: lætitiæ & hilaritati, quantum fieri potest, indulgendum. *Isbrand. de Diemerbroëck. de morbis infimi ventris Medicat. 3.*

Reverendissimus Abbas, annum agens quinquagesimum, temperamenti totius, & potissimum jecoris calidi & sicci, ex parentibus hypochondriacis natus, & ipse multis ab hinc annis ea-

dem affectione hypochondriacâ molestatus, & quandoque moderata sanguinis per hæmorrhoidas evacuatione cum sui levamine tentatus, quinque jam mensibus elapsis, post graves atque molestissimas animi perturbationes, fluxu sanguinis ex hæmorrhoidibus abundantissimo atque superfluo correptus fuit, quo in animi deliquia incidebat, eoque suppresso, statim supervenit intensissimus lævæ partis thoracis dolor, difficilem reddens anhelitum ipsum, cum ejusdem pectoris fervore maximo; quo tempore urinam copiosam, crudam & aquosam mingebat, & sedato dolore, febricula levis insurgebat, quæ primo aut altero die solvebatur. Hæc autem omnia symptomata & affectiones ter hucusque repetierunt, semper præcedente aliqua molesta animi motione, & præterea quodam pondere in podice ad perinæum quoque sese extendente, non sine aliquo dorsii dolore & ventriculi imbecillitate. Modò quamvis ad finem mensis Junii jam pervenerimus, Patavium tamen se contulit, ut à gravissimis jam dictis symptomatibus ope medica præservari possit.

Abbatem Reverendissimum multis ab hinc annis hypochondriacum fuisse & esse ex relatione tum à viro excellentissimo in scriptis adducta, tum ab eodem Reverendissimo oretenus exposita necessariò deduci potest, præsertim addita totius & jecoris calidiæ intemperiei, ætatis, & naturalis ac hæreditariæ dispositionis consideratione; quin imò cætera graviora symptomata de quibus nonnullis abhinc mensibus conqueri cœpit, non aliundè quàm ab hypochondriaca affectione, ortum duxisse decerno, & præsertim superabundantem sanguinis per venas sedales effusionem, necnon dolores in lævæ pectoris parte cum ardore & pectoris oppressione, præcedentibus rugitibus abdominis, non sine aliquo dolorifico sensu ad dorsum quoque perveniente, iisdem tamen etiam circa thoracis dolorem frequenter reperentibus; cum enim jecoris fervor naturalis à clausuris etiam & impedita ventilatione adauctus, propter mesenterii obstructions, à quibus flatuosa orta fuit affectio, & inde dolor ad dorsum usque pertingit, ubi scilicet ejusdem mesenterii duplicatura alligatur; cum inquam, jecoris fervor sanguinem fervidum necessariò producat, nec ipse à corde calidiori existente corrigi possit, in vasis ita justo calidior & acrior congestus, utpote ad carniū generationem & totius nutritionem ineptus, dum circulando ad mesentericas arterias pervenit, naturæ molestus, ab eadem irritata per eadem vasa, indeque per hæmorrhoidalia ad sedem detruditur, quibus vasis repletis sequitur pondus, quod perinæo quoque communicatur; imo quandoque monet Gal. quod lumborum & stomachi dolores antecedere solent, sicque hæmorrhoidalis sequitur ipsius sanguinis per sedem excretio, quæ tunc toto genere præter naturam non est, quotiescunque tempestivè fiat: tempestivè autem fit, quando id quod contristat excernitur. Cum autem in casu nostro probus quoque sanguis copiosus post improbi evacuationem excernatur, t. g. p. n. evadit hujusmodi evacuatio eoque magis, cum niger non appareat, tunc enim melancholicis magnopere prodesse solet, dum natura atrum humorem sanguini permixtum

mistum ad vasa sedis excernit, ut ad crura varices, at sanguis profluens talis non est, & copia peccat, robur idcirco viscerum naturalium totiusque vires prostermit. Quoniam verò ab eodem jecoris & hypochondriorum fervore ventriculi quoque concoctio labefactatur, dum fermentatio ciborum, quæ est via & præparatio ad chylificationem absolvendam, à nimio illo calore probe perfici nequit, hinc fit ut frequenter cruditates sobolescant; quæ antiquis & exiccatis obstructionibus in mesenterio existentibus superadditæ atque commistæ, eo loci stagnantes plures molestos & perniciosos effectus pariunt: primò namque ab eodem calore in habitus crassos & exhalationes magna ex parte convertæ, sinistri lateris cruciosos pariunt dolores; dum verò aut per porositates, aut per vasa ad musculorum intercostalium interstitia sese insinuant, distensione, ac morfu illarum partium continuum solvunt, & dolores excitant, quo eodem tempore & febricula, & cruda urinæ copiosæ excretionem observantur, dum earundem citulitatum portio relicta, partim in eodem ignobili loco fermentatur atque putrescit, & febriculas accendit, partim à fervore liquatur atque funditur, & per copiosas urinas ejicitur, quæ omnia tunc exacerbati videntur, quando animi passiones motusque vehementes præcesserint, cum perpetuò verum sit quod non solum corporis, sed multò magis animi motus sit causa caloris, ut propterea mirum non sit quod molestiarum tempore circa præcordia de æstu & insigni fervore conqueratur Reverendiss. Abbas.

Cui ut opem medicam feramus, vitium sanguinis potissimum deinde & vasorum sedalium est corrigendum; jecoris & hypochondriorum calida intemperies est emendanda; antiquæ, terreæ & melancholicæ obstructiones sunt alterandæ & imminuendæ, & ante jam dicta omnia, ventriculus & primæ viæ à recentioribus cruditatibus sunt vindicandæ, adeò ut quod primum fuit in intentione, postremum evadat in executione.

Et quamvis fons malorum, nempe hypochondriaca affectio antiqua & confirmata sit, salus tamen desperanda non est, cum hucusque nonnisi ad primos gradus melancholiæ pervenerit, & idè nonnisi perexiguam melancholici sanguinis portionem circa viscera naturalia stagnantem supponamus; præterquam quod superabundans sanguinis evacuatio, si non ex toto supprimenda, saltem magna ex parte cohibenda est, alioquin calore nativo progressu temporis valde imminuto, cachexia succedere posset: hanc enim per hæmorrhoidas evacuationem tantoperè formidavit ipse Gal. ut nulli ex consuetudine convenire existimaverit, ac propterea dixerit non esse assuesciendum hominem evacuationi per hæmorrhoidas, quoniam uterque excessus periculosus evadit, siue sanguinis nimium effluat, siue nihil.

Quamprimum igitur Reverendiss. succurrendum; nec obstat anni tempus calidum si quidem post prima administrata remedia, sic tempore nondum fervido existente, reliqua, utpote alterantia & refrigerantia, fervidissimo quoque exequi poterunt. Expientur itaque primæ viæ portione ex manna clarificata. Quinque deinde sequentibus diebus cruditates in iidem viis commorantes præparandæ erunt Julapio acet. ad ℥ iij. cor-

ticibus citri alterato, addita uncia aq. flor. citri, ut dilutior, & suavior evadat. Mox repetatur portio ex mann. clarif. ad ℥ vi. cui duabus aut tribus transactis horis, superbibat seri capræ depurat. ℥ j. & duobus horis ab assumpto sero prandeat. Inde ad antiquas obstructiones imminuendas, deveniendum, quæ quoniam iam exiccatae sunt idè humectantibus & moderatis incidentibus egent; in hunc igitur finem succi deput. apertissimi erunt, ut ℥ succi depur. & per aren. trajecti, cichor. borragin. endiv. ana ℥ ij. sal. tart. fixi gr. x. decoct. in jure paratæ folior. malv. violar. sonch. ℥ v. m. pro syr. & sic pro aliis. Et si fortasse decoctio à ventriculo non toleretur, cum aliquam concoctionem, & consequenter moram requirat, succi jam dicti diluantur, cyatho aq. stillat. borrag. & malvar. citius enim è ventriculo ad melancas pervenient. Sequenti verò die præbeantur summo manè fl. cass. 3 iij. additis gr. x. sal. tart. & post horam superbibat cyathum seri capr. aut asin. depur. tribus verò horis ab assumpto sero prandeat. Tertiò verò die rursus succos depur. assumat, ut supra, & ita perseveret alternatim, succos & cassiam assumendo, ad 20. vel 25. dies. Rhabarb. autem usum omitto, tum propter hypochondriorum fervorem, tum verò maximè propter sanguinis fluorem, quod alioquin cassiæ commistum ad obstructiones referandas aptissimum foret. Interim secunda succorum die jecoraria dextra erit aperienda, & sanguis moderatè, prout excellentissimo Assistenti visum fuerit, erit educendus, & quotidie toto purgationis tempore ung. ros. mel. totum abdomen illinendum. Terminato succorum & cassiæ usu, serum capr. aut asin. depur. ad ℥ iv. vel v. ter saltem tertio quoque die erit propinandum, præmisso vehiculo syr. rosar. solutivi: idque eo fine, ut hypochondriorum partes humectentur, viæque laxentur, & apertæ reddantur ad aq. Nocer. transitum expediendum, siquidem calorem, & inde siccitatem primarum viarum interceptionis aquæ thermalis aliàs tentatæ, causam fuisse censeo. Nocerianas autem dixi propinandas esse, quoniam cum minerales non sint, nec adeò exiccantes, facilius permeare & pervadere poterunt; & si earum aliqua portio fortè detineretur, nocere non posset, ut nocent thermæ quæ nunquam teste Hippocrate à natura nostra actuantur & superantur. Ut autem facilius eisdem reddatur transitus, tribus primis diebus cum vehiculo dejectorio sunt exhibendæ; reliquis verò diebus cum vehiculo diuretico, quale tum is esse poterit spiritus tart. ter rectif. ad semidrachmam inprimis tribus cyathis, cui addatur quoque syr. de succo limonum, ut potus quoque suavior evadat. Tandem lactis asin. xx. diebus, rotidemque capr. usus de more manè assumendi opportunissimus erit; quo tempore pro balneo aquæ dulcis, aut infusione administranda opportuno existente, convenire poterit; sin minus, in annum venturum, dum reliqua quoque omnia repetenda erunt, differri poterit, ut ex toto obstructiones extirpentur, jecoris fervida intemperies emendetur, & sanguinis vitium omninò corrigatur, sicque à natura toleretur, imò in vas ad usum detineatur. Sed quoniam vasum quoque sedalium vitium, siue laxitatem nonnihil concurrere dixi, idè oportune aliqua iidem roboratio est afferenda, spongiola aqua rosacea cum albumine ovi madefacta, qua pulvis astringens

tangatur, & post fœcum depositionem atque con-
suetam absterfionem podici iterum atque iterum
apponatur, ut pulvis ipse adhæreat, & iteratis vi-
cibus vasa ipsa roborentur; pulvis autem erit con-
strictivus magistralis consuetus, eidem gypsi vul-
garis portione additâ.

Jam dictis verò omnibus congruam victus ra-
tionem addere debet, & calidiora alimenta præ-
sertim evitare, prout salica omnia, condimen-
ta aromatum, allii, cæparum, usum aceti & vina
generosa, memor quod suimeripius status insi-
gni humectatione & moderata refrigeratione in-
diger; & idcò familiaris sit & quotidianus usus
juris tenuis herba aliqua refrigerante alterari, in
prima mensa hauriendi; herba autem poterit esse
æstivo tempore oxalis, acetosa vulgò dicta, cæte-
ris verò temporibus, intybus, endivia vocata.
Somnus diuturnior semper conveniet. Exercitium
verò moderatum esse debet, & nonnisi jejunio ven-
triculo. Consuetudo alvi evacuatio, nisi sufficiens
fuerit adjuvanda, prima mensa assumendo flor.
cass. 3 ij. aut iiij. quam disponere quoque poterit
jus prima mensa, ut supra, quotidie sumptum.
Tandem animi motus vehementes, qualescunque
sunt avertendi, sed præsertim molestæ perturbatio-
nes; quæ si casu occurrant, non sunt fovendæ,
sed fortiori animo repellendæ. Quæ omnia Reve-
rendissimo Abbati à Deo Opt. Max. salutaria præ-
cor. *Raymund. Fortis. Consultat.*

Observationes.

Sentiebat nobilis quidam Burgundus, à longo
tempore, tensionem in sinistro hypochondrio,
cum rugitu & murmure, & quia corpus nonni-
hil macrum fiebat, faciesque decolor, graviora
metuens, cum post remedia multa, quibus jam
usus fuerat, non remitteret malum, meum expe-
tivit consilium: huc veniens, judicavi causam in
venis meseraicis, lienem copiosè ambientibus
potius, quam ipso liene contineri, esseque illic
illuviem, unde terri vapores & flatus gignantur
eum obstructione horum ductuum, quibus emen-
dandis hisce fuit usus. Syrupum sequentem præ-
scripsi. ℞. Rad. cichor. tœnicul. apii veri, iridis,
ana 3 j. enul. 3 vj. asar. 3 ij. rad. liquirit. 3 i ss.
corr. tamarisc. rad. capp. rum, sambuc. ebuli, ana
3 j. herbarum endiviæ, chamæpit. chamædr. eu-
pator. veronic. capill. veneris, ceterach. buglossi
utriusque, fumarie, summit. lupul. asparag. ana
m. j. flor. buglossi utriusque, genist. tamarisc. ana
p. j. sem. anis. tœnicul. ana 3 ij. carui, petrosel.
ana 3 j. cicer. rubr. p. j. passul. enucleat. 3 i ss. pru-
norum paria v. f. decoctio in aq. & tertia parte
vini & in colat. ℥ viij. intunde fol. senn. mundat.
3 iij. rad. polypod. 3 ij. turperth. 3 ss. sem. car-
tham. conquass. 3 i ss. myrobalanor. citrin. &
chebul. ana 3 iij. f. iterum decoctio addendo rhab.
in panno ligat. 3 ss. spic. ichœnanth. ana 3 j. cina-
mom. 3 ij. post levem ebullitionem colentur, ad-
de succi pomor. odor. 3 iv. sacchar. q. s. deco-
quantur ad syrupi consistentiam: capiat 3 i ss. pro
vice per se, vel cum jusculo cicerum rubrorum, &
rad. petrosel. si non operatur sufficienter, dissolve
in uno haustu, diagrydi rectè præp. gr. iij. conti-
nuet illius usum aliquot dies, postea hebdomada-
tim dein menstruatim.

Pilulis sequentibus utatur interdum loco syru-

pi. ℞. aloës 3 ij. rhab. agarie. ana 3 i ss. extract.
absynth. 3 j. gumm. ammoniac. dissolut. in oxy-
mel. squill. 3 ss. mastich. 3 j. rad. gentian. summit.
centaur. min. ana 3 j. rad. asari 3 ss. spic. 3 ss. li-
matur. chalyb. præp. 3 i ss. diagrid. 3 j. cum resina
laricea f. massa pilul. capiat 3 ij. vel 3 j. pro vice.
Emplastrum hoc sinistro hypochondrio applicet.
℞. emplast. de baccis lauri, de melilior. ana part.
æqual. malaxentur oleo de cappar. extend. supra
corium, subducatur syndone rubra ne nimium ad-
hæreat. Hac ratione se integrè fuisse sanatum
per alios, quos ad me consilii causa ablegavit,
mihi significavit. *Felix Platerus observ. lib. 2.
pag. 469.*

Vir quidam illustris, temperamenti melancho-
lici & semper pro lienoso habitus, de dolore &
inflatione hypochondrii sinistri, crebro rugitu,
ructu acido, necnon tremore cordis, assidua verti-
gine, nimis vigiliis, & phantasia perturbata p u-
rimum conquestus erat: circa trigessimum quin-
tum ætatis suæ annum, morbo ingravescente;
somnia ægrè, ac rarè admodum capessere noctu,
& interdum cogitationum æstu, & fluctuatione
molestari, res omnes ac personas suspectas ha-
bere, & objecta quævis valde pertimescere cœpit;
præcordia plurimum constringi, & coarctari, at-
que in imum subsidere videbantur, quasi cor ip-
sum usque in ventrem deprimi retur, quo sympto-
ma urgente, valde mœstus, & animo dejectus
evasis; postea tamen, remittentibus istis animi af-
fectibus, unà cor paululum elevari, simulque
præcordia relaxari, & dilatari persentiebatur: porro
dolores, & contractiones circa viscerum ac mem-
brorum musculos variè excitatos, & huc illuc
discurrentes creberrimè sustinebat.

Quoad morbi naturam, facile constat, affectio-
nem hanc ejusmodi esse, quæ vulgò *hypochondriaca*
appellatur; quod verò spectat ad symptomata
admirandorum causas, supponere licet, san-
guinis massam degenerem, & tæculentiis atrabi-
lariis repletam recrementa sua adusta capiti conti-
nuò suggerere; unde liquor cerebrum, & nervos
irrigans, acris, & spiritibus improporionatus fa-
ctus, corpora continentia in corrugationes dolo-
rificas, & contracturas irritabat: porro cum à
capite, in nervos *paris vagi & intercostalis* hæc la-
bes præcipue derivatur, cerebrum & præcordia
noxam inde suscitaram quam maximè luunt.
Quod autem sanguis eo ritu depravatur, lienis vi-
tio imputandum videtur, in quantum hoc viscus
perperam habens, fœculentias atrabilarias à san-
guine non rectè secernit, quinimò & recrementa
quæcumque ab illo suscipit, amplius pervertit,
eademque in fermentum noxium exaltata cruori
remandat, proindeque massam ejus plurimum in-
quinat, & discrasia acetosa & planè vitriolicâ im-
buit. Obvium est intelligere, symp. omata isthæc,
*caput molestantia, scilicet vigilias nimias, verti-
ginem, phantasiam perturbatam*, cum multis aliis,
a particulis heterogeneis, è sanguine in cerebrum
suffulis procedere: Quoad istam pectoris angu-
stiam & cordis subsidentiam, cum insigni metu &
tristitia, opinari licet fibras nerveas cordi, ac in-
primis pericardio insertas, in spasmos & corruga-
tiones actas, partes istas constingere, & deor-
sum convellere: quapropter in toto pectore ve-
lut contractio, quadam sentitur, & cor ipsum
deprimi videtur: porro in quantum præcordiis
ita contractis & depressis, sanguis intra cordis
sinus

sinus sistitur, ac velut stagnare cogitur, *anima* tum *vitalis* tum *sensitiva* à solita expansione, & irradiatione plurimum inhibetur, proindeque à *syntasi* ejus diminuta, & decurtata, immanes isti *metus* & tristitiæ affectus oriuntur: cum verò, ipsam remittentibus, ista cordis & appendicis ejus constrictio relaxatur, etiam *anima*, velut flamma amplius expansa, passionum istarum eatenus paululum excutere nititur. Pro curatione istius affectionis cum plurima remedia & administrationes medicas à longo tempore usurparat, sine magno tamen fructu, demum aquarum acidularum usu aliquantulum sublevatus, & exinde sensim melius habens à gravioribus istis symptomatibus immunis evasit, usque tamen *affectui hypochondriaco obnoxius degit. Thom. Willisius, de morbis convulsivis.*

Illustrissima atque excellentissima quædam, temperamenti sanguinei & biliosi, habitudinis corporis magnorum laborum & defatigationum, ut videbatur, non satis patientis, varias tamen longasque peregrinationes & tentare & perficere ausa, & in rebus non naturalibus pluribus modis peccans, in varia tandem affectionis hypochondriacæ symptomata incuxit, quæ in dies numero & gradu cum augerentur, Illustrissima ad eorum quasi cumulum devenit, per abundantissimas sanguinis effusiones, in curatione aneurismatis, quod Chirurghi arteriam in brachio dextro pro vena secantis, imprudentia ipsi fecerat; uter in duobus abortibus, enatas.

Post hæc itaque omnia jam enarrantis affligitur symptomatibus; intensam patitur sitim & præcipue post pastum, si in illo utatur cibus solidis; sitis autem non tam sedatur assumpto potu etiam largo, quam suffocatio inducitur per totius abdominis distentiones; fallere propterea eam debet, tum per mala aurea Lusitanica dicta, tum aliis mediis.

Ciborum appetentia satis bene se habet per intervalla, alias magis aut minus deficit, idque verum potissimum tempestate.

Ventriculus tam malè officio fungitur, ut etiam si appetens Illustrissima comedat, cibusque ingestus statim vi quadam, distentiones importunas pariente, penetratur, perfectè tamen nullatenus excoquatur, & totus prope in stomacho, etiam post duodecim horas subsistat: Unde si quinque aut sex à pastu horis cubitum eat, omnia ad fauces & os ipsius rejiciuntur, ea propter cogitur semel tantum de die cibum sumere, nec licet pluribus horis illi tenuius jusculum præmittere. Revera si alio non utatur cibo, quam jusculis, bis de die assumere potest, sicque minus sitit, sed hæc diæta langorem universalem procreat. Ab omnibus prope cibus assumptis malè habet, sed præcipue à gravioribus, flatuosis, viscosioribus, frigidioribus & crudioribus. Lac, pro tempore, unicuique fuit, quod aut solum, aut aliis admixtum, non multum molestiæ peperit, præterquam quod in alvi perpetua stipticitate aliquid movebat, dum tamen illius cremor seorsim assumptus foret intolerabilis, sed jam ipsum amplius ferre nequit. Non tantum ventriculus ingesta vix & imperfectè excoquit, sed ea quomodocunque excocta, in intestina minimè deturbare valet, nisi medicamentorum vi ad id quasi cogatur, ea propter in duram devenit necessitatem purgantibus medicamentis quotidie utendi, imò crescente in dies ma-

lo, alvi que difficultate, plura jam unica die adhibendi cathartica, etiam validiora; sin minus vomitus patitur horrendos, ut semel postquam dies septem ab illis, abstinuisset, ut & rursus postquam dies tantum tres ab iis caruisset, maximo suo malo experta est. Nonque tantum singulis diebus catarricis uritur, iisque repetitis, sed quandoquidem sic etiam humores aggeruntur viscidissimi, cum ponderis rotum abdomen gravantis sensatione, anhelatione, ructibus nidorosis, & materiæ acrioris ad os regestatione, aliisque pluribus incommodis, semel prope singulis mensibus ad validissima, additis etiam antimonialibus deveniendum. Post pastum pulsationes adiunt arteriarum per totum corpus distributarum, cum doloribus regionem lumbarem occupantibus, totumque abdomen cingentibus: atque tanta gravatur corpus ad motum inertia, ut ne quidem tribus aut quatuor à pastu horis illud humiliter inclinare valeat.

Tumebant perpetuò tibiæ, totumque abdomen, sed illæ jam prorsus detumescere, hoc per intervalla inflatur.

Menstruæ purgationes per aliquot annos satis fuere inordinatæ, sub autumnalis enim tempestatis finem supprimebantur ad aliquot menses, cum ventris, tibiæ, totiusque ferè intumescencia, vigente interim appetentia, vultuque parum, aut nihil morboſi indicante. Cassavere verò omnino à tribus annis quadragesimo sexto scilicet ætatis.

Urina quæ in paucissima evacuabatur quantitate, paulò copiosior jam egeritur, etiam si potulenti multò minus ingeratur. Pluries istius excrementi examine instituto, repertum est, primò odoris & saporis propè expers, etiam ad plures dies asservatum, coloris expallido subflavi, consistentiæ tenuioris, sine ullo sedimento, aut confusione. Secundò, ab affusione liquorum aut materiæ præcipitantium, nihil aut parum separatum, quantumvis hoc peractum fuerit, tum in urina recenti, tum in ea quæ jam per moram computrescere debuisset. Tertiò, Distillatione ejusdem lotii peracta, spirituum, atque salis volatilium acerrimi parum admodum elevabatur, restitente interim in vasis fundo materiâ desiccata, salina sulphurea, & dum dissolveretur viscidissima; quæ octavam totius urinae ponderis partem facile implebat.

De morbi descripti nomine non est quod ambigamus, per symptomata enim satis superque constat, passionem hic adesse hypochondriacam inveteratam, in qua multiplex acrimonia, cum totali ventriculi debilitate, viscidioris materiæ proventu spirituumque universali depauperatione, peccat. Inducta autem fuit à variis peregrinationibus, mœstitiis, hæmorrhagiis &c. quæ Illustrissimam afflixire.

Ad symptomata jam ut deveniamus. Sitis omnium consensu à faucium desiccatione & vellicatione oritur, quid itaque mirum, si ubi serum adest multo imbutum sale, viscositasque admixta, per obstructos canales salivales illud tantum quod salino suo spiculo penetrantius est descendat paucò copulatum viscido, quo mediante partes quas eluere, & humectare deberet, potius irritat & per adhærentiam suam continuò vellicat. Potulenta autem non ita facile huic medentur incommodo, quandoquidem inter transeundem partem tantum salium prædictorum faucibus per viscosam copulam

agglutinatorum, imprægnantur, partemque propterea non satis liberant, quod multo melius obtinetur à succo malorum aureorum lustranicorum dictorum, qui sensim exsuctus, præterquam quod temperat salium acrimoniam, orificia vasorum salivalium mucos obstruente liberat, sicque efficit ut lymphæ per os fluere parata, viam nacta apertam, levatisque impedimentis, cumulatius in os deveniat, ipsumque sic plenius irriget.

Appetentia ut plurimum viget; quia etiam si copiosum phlegma in ventriculo reperiatur, obtundendis salibus, quos in ipsius cavitatem, tum propriæ tunicæ glandulæ eructant, tum alimenti prius assumpti ponderosiores particule jam exaltatæ suffecerunt, ipsis tamen satis superest virium pro vellicando ventriculi superiori orificio. Revera per totam hyemem cumulatius humoribus transpiratione tum impedita, atque etiam corporis exercitatione omissa, dum subsequentes primi vernæ tempestatis tepores eos in motu cient, à diluvio inde enato malè habet stomachus, sic enim necessariò dilutò atque quasi extinctò fermento, summa oritur inappetentia.

Ventriculum quod attinet; siquidem viscosa saburra semper infarctus est, in eumque appellant plura salia, in se invicem hostiliter primò concursu agentia, quid mirum si viscositas à particulis fermentescentibus penetrata in flatu abeat qui postquam visceris fibras, per distensiones vehementiores & continuatas debilitant, arctæ alimenti ingesti complexioni non parum officiant, eademque ratione digestionem incommodant. Hæ distensiones post pastum maximè vexant, eò quod, fermentum stomachale è salibus efferis, geniumque aquarum stygiarum redolentibus, constitutum, præcipitanter nimis cibum deglutitum adoritur, illiusque partes vehementius à se invicem divellit. Nec interim legitima perficitur coctio quæ aliam prorsus & magis amicam fermenti atque stomachi actionem expetit. Quid itaque mirari subest, si alimentum quamvis per crassiores sui partes solutum, non eò fluiditatis deveniat, ut languide comprimentibus fibris per importunam distensionem, si non laceris, saltem quam debilibus, obediat, ni purgantium quotidie exhibitorum spicula ipsas in motus validiores cieant, quodque maximè viscosum in ventriculo est, non tantum glutinis instar partes alimentitias ipsi quasi connectens, sed etiam pylorum aliquatenus occludens, emungant. Huic beneficio conferendo non satisfaciunt clysteria, quorum *εμψυκτα*, sive suprà intestina crassiora ascendit, quæque nihil eliciunt è ventriculo, quem alias per flatuum subitus contentorum repulsionem opprimunt. Ex hisce satis constat quid causæ fuerit cur purgantium abstinencia vomitus non semel moverit, per inductam tandem ab alimenti morâ putrescentis, pondere, irritationem, unde demum quâ data porta sibi onerosa regerebat, imò semel in spasmos actus, non ita facile sopiebatur, quin symptoma ad septimanas & menses extenderetur. Adhibita purgantia quotidiana non prorsus impediunt quin subinde cumulentur in toto varii humores, siquidem cum primæ coctionis vitia in subsequentibus facile non corrigantur, chylusque iners, & impuri lentoris quem ventriculus & intestina vi remediorum coacti in lacteas & sanguinem emisere, in visceribus languentibus non ita alteratur & defæcatur quin per sui tenaciores partes undique impactus,

evacuari amet per generosiora exhibita purgantia.

Anhelatio diaphragmatis compressioni à ventriculo & intestinis distentis factæ, ut & viscido pulmonum substantiam & respiratoria vasa occupanti, accepta referri debet.

Arteriarum vehementior post pastum pulsatio, soboles est fermentationis in ventriculo magna vi peractæ, calor enim atque inde oriundi motus sanguini cuius viæ non ita sunt liberæ & explicatæ communicari, agitationis intensioris, fibrarumque vasorum ipsum circumvehentium verberationis durioris, sunt materia.

Dolores in lumbis, partim à distento ventriculo, & intestinis lumbis ut centro suo affixis, partim à flatibus inibi enatis atque conclusis proveniunt. Dolores præterea abdomen circumcingentes debentur illi intestini colis parti quæ infra ventriculum posita est, fræno sc. ipsum contrahente & corrugante seu potius sinuante, à flatibus contentis dolorificam vim patiente.

Totius corporis langor atque gravitas procedit, tum à spirituum depauperatione, tum ab humorum gravantium copia.

Urinarum examen ulteriori inservit eorum quæ jam fuere explicata, demonstrationi, nam si urinarum status sanguinis, aut saltem seri proprii sanguinis vehiculi status respondeat, quis non videt primò, illas inodoras, insipidas, atque tenues seri inconcocti, salibus fixioribus atque quasi infasciatis prægnantis, & sulphuri propè emortuo, parcè copulati, testes esse. Secundò, impossibilis plurium urinas constituentium partium segregatio, etiam per adhibita præcipitantia exquilita, indicium est confusionis, seu potius glutinis varias materias in sero ita implicantis, ut spirituum actio languida, non satis habeat virtutis, pro iis motu vario, & unicuique proprio, agendis. Varias hæc materias in urinis adesse patet tertio, ex distillatione qua quod calor, & spiritus innati, præcipitantibus etiam adiuti non potuerunt, commodè satis separatur, spiritus enim sic elicitur, minus potens, sed sal illum subsequitur acerrimus &c. de quibus vide quod suprà.

Illustrissima ægra non uno remedio tot mala oppugnare per plures annos tentavit, circa quæ in genere adnotabo primò, quod aquæ tantum quædam minerales ipsi fuere proficue, inter eas innumeras quas ex ipsis fontibus ebibit. Aquenses in Sabaudia quamvis calore actuali nobiles, facultate tamen minerali sulphurea & nitrosa tam parcè imbutæ ut propè vacuæ dici mereantur, morbo ineunte assumptæ summo fuere nocumento, ut & aliæ etiam maris minerae sive aut viriolicæ, solæ, verò Svalbacenses, sale armoniacali tenui, paucoque marie prægnantes, & Wallenses in Gallia sale lixiviali de nitri fixi natura divites, non parum attulere auxilii. Secundò, plures ac diversæ chalybis præparationes, ut & salia penetrantiora è mineralibus & plantis arte chymica extracta, semper excitant dolores hæmorrhoidales atroces, quandoque fluentes, quandoque non, minimo interim percepto alias levamine. Tertio, opii atque opiatorum medicamentorum usus in doloribus & vigiliis ventriculum debilem semper gravavit, vomitus fecit, nec unquam somnum, sed potius stuporem cum vertigine conciliavit. Quarto Mercuriali omnia cum cunctis præparationibus, & quomodocunque assumpta, atque

que vel in parvissima dosi purgantibus admixta, salivationis periculum minabantur. Quinto, volatilia varia per aliquot annos assumpta, atque præcipue singulis diebus, sal quoddam volatile stomachale & amarum, ut & interdum sal volatile viperarum, maximo fuere emolumento, donec natura ejusdem remedii generis diutius continuati pertrita, aliud à nobis exegerit, sc. tertium quid inter acida & alcalia volatilia, misturam nempe bezoarticam, è spiritu nitri, sale volatili viperarum, C. C. & succini, cum spir. vini theriacali camphorato paratam, cui subinde intercalatur usus elixyris cujusdam purgantis verè volatilis; ab hisce non tantum stomachus paulò melius habet, purgantiaque minùs debilitant, sed etiam sitis minuitur, distensiones abdominis, dolores in lumbis &c. multò minus affligunt. Sexto, è purgantium sylva quam in proprium usum collegit, fuere tum pilulæ variæ, aut mitiores, aut validiores, tum elixyria, tum vina medicata, tum pulveres, tum electuaria, quorum vim singulis annis, & propè mensibus augere cogitur, crescente in dies alvi difficultate, illiusque arte evacuandæ necessitate. Hisceque omnibus vitam protrahit minùs miseram &c.

Cadaverum Anatomica Inspectioes.

Hypochondriaci mors ab inunctione mercuriali.

Illustrissimus quidam in Bohemia, temperamenti calidi & humidum cum prædominio bilis, vitæ cœlibis, à multis annis, variis concurrentibus causis, de obstructionibus hypochondriorum conquerebatur, pro iisque tollendis varias adhibuit curas, inter quas erat etiam ante aliquot annos remus vius thermarum Carolinarum, quas profuisse eidem Illustrissimo in confesso fuit. Quia autem videntur errores in sex rebus non naturalibus interea successisse, non attenta corporis debita expurgatione, factum est, ut in corpore colligerentur humores crassi, & visceri, qui cum alimento translatis ad juncturas artuum, denegato corpori omni exercitio, ibidem loci degentes, effecerunt artus ita debiles, ut Illustrissimus ille inhabilis foret ad deambulandum, & se de loco in locum movendum. Multa in hanc rem, ut intellexi, adhibita fuerunt, quibus tamen non causa sed effectus curabatur, ut fuerunt balnea, confortantia nervorum causa è rebus calidissimis confecta, quæ materiam in juncturis hærentem magis incrassarunt & exsiccarunt, inunctiones, frictions, & nescio quæ alia cum nullo denique Illustrissimi patientis levamine. Tandem hac hyeme præsent. ann. 1670. nescio quis curam proposuit, inungendi artus cum unguento mercuriali, cui se mense Februario commisit; itaque ab homine rudi, uno verbo carnifice inunctiones factæ sunt, non quater tantum, sed spatio trium septimanarum, non observata regula ulla, ærem vitandi, nec ullatenus purgato corpore. Unguenti hæc fuit compositio. ℞. farin. de bacc. lauri & olei de baccis lauri ana ʒj. ceruss. ʒiʒ. mastiches ʒj. alum. usti ʒiʒ. oliban. ʒj. mercur. crudi ʒʒ. axungia veteris ʒiij. camphor. ʒj. mota loco est materia crassa & viscida quæ longa annorum serie in artubus delituerat, & more con-

sucto, spatio trium septimanarum exoneravit se pars illius per fauces cum periculo exidentia dentium, pars autem ejusdem occupavit cor, pulmones, imò ventriculum, hepar, lienem, & renes, unde spirandi difficultas, punctura cordis, dolor lienis, urina pauca & accensa colorem sanguineum referens. Pryalismo procedente, Medicum qui errores tam antiquos, quàm noviter factos corrigeret, advocare fuit provisum, itaque ego die 13. Martii accersitus varia per plures dies adhibita sunt remedia, sibi invicem succedentibus interim variis symptomatis lethalibus, difficili sc. urina, aut suppressa, respiratione impedita, anxietate, tumore pedum ædematoso, abdominis postea tensione; (*quæ fusè apud auctorem suum describuntur*) Donec septimo Aprilis duplex animi deliquium passus aliquot post horas animam Deo efflavit.

Octavo Aprilis Cadaver Illustriss. Domini apertum est, sicque in stomacho duo ulcera reperta fuere, præterea totum quod ingestum fuerat alium colorem referebat. Hepar magnum, durum, & quasi coctum, in duabus partibus syderatum. Splen totus putridus. Renes utriusque duri, & materia crassa, viscidaque referti. Membrum virile cum testiculis totum quantum necrosi infectum, eodem modo orificium Vesicæ comperitum. Omentum circa vesicam, inferius disruptum & nigrum. Cor magnum sed flaccidum. Pulmones thoracis utriusque lateri accreti, ab inflammatione nigri, & integra sui parte materia purulenta undique referti. Femora cum Tibiis, hydropicorum instar, aqua tumida. Cauterium abdomini prius applicitum, nec dum pinguedinem, quæ Illustriss. ad quatuor digitorum crassitiam pollebat pertransiverat. *Jac. Joh. Weneest. Dobrzensky de Nigroponte Miscell. Curios. A. I. Observ. 80.*

Secuit Cl. Sylvius cadaver Mulieris prægnantis nomine Catharinæ Caspareidis quæ post varia affectionis Hypochondriacæ symptomata tandem per sanguinis vomitum extincta fuerat. Rugæ se offerebant in infima ventris superficie, externa, signa partuum antegressorum. In abdomine secto copiosa & laudabilis pinguedo: Intestina pleraque flatibus distenta. Illorum substantia tenuis & elegans, imprimis quo in loco distendebantur, Præ aliis tamen omnibus in immensum distendebatur intestinum tenue, ante sui inflexionem sinistrossum versus: Intestina hinc inde colore fellis infecta: folliculus fellis prægrandis erat & pallidus. Lien quoque solito multo pallidior. Plures in intestinis erant lumbrici. In ventriculi aperti parte inferiore nihil cruenti, sed materia viscidissima spadicei coloris ferè: Totus ventriculus valdè rugosus & densus: ex parte superiore, extra, insignis copia concreti sanguinis cum fluidiore, simul saporis austeri: Orificium inferius, sive pylorus, valdè constrictus: Rugæ ventriculi tortuosæ & propè pylorum ferè circulares. Intestini verò rectæ secundum fistulæ intestinalis ductum. In intestinis nihil rubicundi aut obscuri: Hepar variis in locis per fibrillas diaphragmati annexum. Pulmo dexter pleuræ firmiter connexus, mollis, boni coloris, sed flatu distentus, thoracem totum opplens, sectus apertusque liquorem limpidum, salsum, subacidumque fundens Sinister lividior distentus, passim connexus pleuræ, gelatinoso & viscido humore obductus, firmus

firmus nigricansque, interius etiam sanguinis instar coagulati. Pancreatis substantia elegans, à liquore per syringam immisso parùm tingeatur. In latere complures glandulæ planè non tinctæ: Ductus pancreaticus insignis: lien pallidior multo, in quo initia apostematis. Hepar benè habebat: bilis copiosa, pallida & tenuis. Humor in pericardi osubfalsus & subacidus: cor benè constitutum: In disseci cordis ventriculo dextro parùm sanguinis, in sinistro ne gutta quidem. Extrema in parte tubarum, variæ vesiculæ aquâ repletæ, hydatides dictæ. Rami illi, qui ex iliis ad uterum tendunt hic ferè æquales illis qui ad crura. Quarto mense gravida iudicata. Tota substantia uteri spongiosa & cavernosa multis magnis foraminibus, sive potiùs canalibus pervia, in locis quibusdam stylum crassum admittentia: in horum unum immissus sinistram versùs, tubuli ope flatus, per uteri substantiam & venam spermaticam in venam renalem & cavam transiit, magisque tumens universus observatus uterus, quasi etiam in ipsius cavitatem flatus penetrasset. Inflata arteria spermatica ad ipsos usque testes mota & tumefacta placenta uteri cum secundina, sive membrana chorio, mirabili textura è tenuissimis fibrillis conjuncta. Funiculus umbilicalis in latere sinistro placenta insertus. Fœtus caput in fundo uteri: hic unus & masculus lateri sinistro incumbens: extremitates manuum pedumque ut & narium albicantes: Umbilicus parte ventris magis inferiore quàm in adultis. In totius corporisculi superficie venarum ramificationes elegantissimæ conspicuæ: facies ruditer efformata. In arteria aspera sanguis coagulatus, in œsophago non. *Matthias Paisenius in Miscell. cur. ann. 4. & 5. Observat. 96.*

Patritius quidam intemperantissimus in affectionem hypochondriacæ non dissimilem admodum sua forma incidit: aderat & nausea continua, creber vomitus, & cogitationes melancholicæ: symptomata levibus purgationibus & tempestiva sanguinis missione aliquanto remissiora sunt reddita, at nunquam malum fuit extirpatum: aliquot diebus post sensit horrorem, & supervenit tumor & dolor in sinistro genu: itidem circa pubem tumor prognatus, qui vesicæ orificium ita compressit ut difficulter urinam reddiderit: hic tumor interdum augebatur, interdum minuebatur, unde causa flatibus adscripta est: quotidiana tamen incremento ita auctus est ut sese ad umbilicum & latus sinistrum extenderit & respirandi difficultatem excitavit: fuit redditus cacoehymicus & cachecticus, & postquam cruciatibus morboque totus contabuerat, septimo à morbi principio mense obiit diem. Apertum fuit corpus, & in eo inventa collectio materiæ purulentæ ac fœtidæ, nimirum inter duas mesenterii tunicas: collectio hæc occupabat majorem inferioris ventris partem & hepar sua putredine infecerat.

Hinc non mirum si facta malâ sanguificatione tumoribus inflammationibusque crura infestata (ut hydropicis contingit) fuerint: opinandum sanè est multos similem materiam, tanquam gravissimorum morborum fontem in hoc mesenterio coacervare, à qua si non per vomitum vel per alvum liberentur, in rædiosos, longos, atque gravissimos morbos incidunt, & ultimo miseris consumpti occumbunt. *Coiter. libello observat. anat. & chirurg.*

Honestæ Virgo annos præter propter quinquaginta nata, plures annos variis cruditatibus, indeque enata affectione hypochondriacæ, seu flatulenta vexata, vitamque languidam agens, die 14. Octobris Anno 1682. à sacra concione fortè rediit, in totalem pulsus suppressionem per viginti quatuor ferè horas durantem incidit, tandemque inter loquendum, atque etiam comedendum vitam cum morte commutavit. Die subsequenti aperto cadavere, reperiebamus ventriculi situm prorsus inversum, ita ut pars illius amplior quàm in statu naturali, humiliori posita loco fundum ejusdem constituit, supremo hic locaretur situ: Pars verò paulò contractior, quæ in statu naturali sensim magis arctata in pylorum abit in superioribus à dextris positum, ima hic occuparet, fundique ventriculi officio fungeretur. Pylorum præterea vidimus, glutine ita obfessum, & per fibras suas ita contractum ut stylum majorem non facile admitteret. Duodeni portionem immediate è pyloro emanantem & ad superiora tendentem, in sui principio ita dilatatam ut secundarius quasi ventriculus videretur, observavimus. In thorace resecato advertimus cor stupendæ magnitudinis cujus cavitates adimplebant polypi grandiores, quorum alterum auriculam dextram lato & crasso pediculo opplens, contractior sensim factus, cavitatis parvi cuspidi proximiori affigebatur, indeque rursus in amplum elevabatur corpus, quod posteaquam ventriculi totam longitudinem decurrisset, per varias arteriæ pulmonariæ, veteribus venæ arteriosæ dictæ, divaricationes aliquantulum divagabatur. Alter polypus, è pluribus radicibus in cavitate cordis sinistra, ejusdemque & fundo & lateribus implantatis, ortus, illa sui parte quæ cavitatem prædictam occupabat, pollicem integrum latus, dimidiumque crassus, circa ventriculi exitum multum contrahebatur, & in aortam ascendebat. Prioris substantia firmiter, glandulosum quid, fibris variis, quasi nerveis, intertextum exhibebat; in cujus medio per totam longitudinem sanguineum vas decurrens videbaratur. Posterioris verò substantia, è fibris sanguineis glutine albo infarctis, compaginata erat. Non mirum itaque si facta sit æstus memorata post longas pulsus debilitates, à polypis descriptis, eò usque tandem auctis ut sanguinis motum absolute propè impedirent. Cruditarum autem, indeque enatæ affectionis hypochondriacæ, rationem commodius & melius assignare non potuimus, quàm descriptæ ventriculi dispositio: in qua sc. quod fundi vices sustinebat, non ejus erat capacitatis, nec ita sub pyloro propendebat, ut ponderosior chyli pars, præ exclusio is difficultate, ibidem eas traheret moras, quæ sui in fermentum exaltationi necessaria forent, unde minus bene dissolutæ alimenti assumpti particule crudiores succum sanguini sufficiebant, qui in variis visceribus, atque carnibus inter circulandum detentus, langoris, & cachexiæ; quæque in corde coagulatus polyporum materiam dabat, præterea crassior quædam ejusdem portio ad intestina, tum è ventriculo, tum per varia excernicula, pancreas sc. glandulas intestinales &c. demandata, pituitam ibidem aggerebat veram flatuum causam materialem; nam dum à salibus crassioribus in sui centro nidulantibus agitatur, bullas efformat non absimiles illis quas sapo aqua dilutus, & stipula immerita extremitati adhærens, aëre immisso

immisso dilatatus, efficit. Sic autem non tantum molesta distensione gravantur intestina, sed eorumdem fibræ per vim sibi factam convelluntur, unde in varios hæc viscera, omnesque etiam abdominis, seu partium in eo contentarum membranae, ciuntur spasmos. Ventriculi descripti vide figuram in nostra *Bibliotheca Anatomica Tom. 1. pag. 76.*

AFFECTIO HYSTERICA.

Eadem est ac Affectio Hypochondriaca, & quoad sua signa præcipua, & quoad causas, & quoad curam, itaque illam explicare supersedebimus, suo tantum loco suffocationem Hystericam tradere contenti, hicque de Afectione in genere aliquot.

Curationes, Consultationes, & Cadaverum Inspectiones è variis Auctoribus.

Curationes.

In Afectionis Hystericæ Paroxysmo. ℞. Spir. sal. armoniac. aromat. ʒss. C. cerui, tartari, tinctur. castor. ana ʒj. aq. menth. fœnicul. matricar. ana ʒj. misce. Dosis cochlear. j. ℞. Spir. sal. armoniac. succinat. tartar. ana ʒss. lavendul. ʒij. essent. calam. aromat. zedoar. ana ʒj. solut. galban. gutt. xv. aq. Rosismarin. menth. ana ʒij. cinnam. ʒj. misce. ℞. Spir. C. C. tartar. ana ʒss. tinctur. castor. succin. ana ʒj. solut. aſæ fœtid. gutt. xii. aq. naphæ ʒij. carminat. ʒj. misce. ℞. Spir. epilept. ex ungula Alces ʒj. ligni ebeni ʒss. solut. aſæ fœtid. gutt. xii. Menr. cinnam. gutt. x. rosismarin. ʒj. aq. calaminth. ʒiiij. misce. In nares infundi possunt Sp. C. C. tartari, sal. armoniac. aromaticus. Externè inungi ol. C. C. ol. C. Rhinocerotis, tartar. fuliginis, cinnam. rutæ, castorei, &c. Duplici autem operabitur commodo, qui in instrumento Glauberiano spongiam misturæ ex spir. C. C. sal. armoniac. aromatico & aq. menthæ compos. â, turgentem applicabit. Paroxysmis convictis, ægros appposito purgo cathartico. ℞. Gumm. galban. ʒj. resin. jalapp. scammon. ana gr. v. mag. succin. gr. iv. ol. menth. gutt. ij. misce f. pilul. n. v. vel ℞. gumm. sagapen. ʒi. resin. scammon. gr. vj. extract. Agarij gr. viii. castorei gr. vi. ol. still. myrrhæ gutt. ij. menth. gutt. j. m. f. pilul. n. vii. Ad aperendas obstructions, & serosos, acres, fluviososque humores ejiciendos est sequens sudoriferum. ℞. Spir. tartar. fassafrati, C. cerui ana ʒss. carminativ. ʒj. antim. diaphoretic. ʒj. ocul. cancr. gr. xv. Rob. sambuci ʒij. aq. artemisiæ ʒij. m. f. sudoriferum. *Hermann. Nic. Grimm. Compend. Medico-Chymici pap. 294 &c.*

In dicationibus Afectionis Hystericæ satisfactus, paucula hæc & vulgaria præscribere soleo; quæ licet nihil magnifici præ se ferant, ut plurimum tamen id præstant quod volo.

Mittatur sanguis ad uncias octo è brachio dextro. Post ℞. Galban. in tinctura castorei soluti & colat. ʒiiij. tacamahac. ʒij. f. emplastrum umbilico admovendum. Sequenti mane aggregiatur usum sequentium pilularum. ℞. Pilular. cochiar. ʒij. Castor. pulver. gr. ij. balsam. peru-

vian. gutt. iv. capiat hora quinta matutina superdormiendo. Repetantur per duas vel tres alias vices, idque singulis vel alternis auroris pro ratione virium, aut operationis. ℞. aq. cerasor. nigr. rutæ, & bryoniæ compos. ana ʒiiij. castor. in nodulo ligat. & in vitro suspens. ʒss. sacchari crystallini q. s. f. julapium, de quo capiat cochlearia iv. vel v. in omni langore; instillando primæ dosi, modo paroxysmus urgeat, spir. C. C. gutt. xx.

Post pilulas purgantes modo supra descripto sumptas, utatur & sequentibus. ℞. limatur. chalyb. gr. viii. cum s. q. extracti absynth. f. pilulæ n. ij. sumat summo mane repetanturque horâ quintâ pomeridianâ, per dies xxx. superbibendo haustum vini absinthitis, vel pro usu quotidiano, ℞. limatur. chalyb. & extract. absynth. ana ʒiiij. m. allervetur pro usu. Capiat iisdem temporibus gr. xvi. vel ʒj. in pilulas tres redact. vel si forma boli magis arrideat ℞. conserv. absynth. rosm. & conserv. flaved. aurantiorum ana ʒj. angelic. condit. nucis moschat. condit. & theriac. andromach. ana ʒss. zinzib. condit. ʒij. cum s. q. syr. aurantiorum f. electuarium. R. electuarii præscript. ʒiij. limatur. chalybis probè tritæ gr. viii. cum s. q. syr. aurantiorum f. bolus sumendus manè, & horâ quintâ pomeridianâ, superbibendo haustum vini absinthitis. ℞. myrrh. elect. & galban. ana ʒiij. castor. gr. xv. cum s. q. Balsami peruvian. f. pilul. è singulis drachmis xii. sumat. iiij. singulis noctibus, superbibendo aq. bryon. compos. cochlear. iiij. vel iv. per totum decursum hujus processus. Sin autem pilulæ ultimò præscriptæ ventrem moverint, quod in corporibus quæ facillimè purgantur, præ gummi quæ insunt, quandoque fit, tum sequentes substituantur. ℞. Castor. ʒj. sal. succini volatilis ʒss. cum s. q. extract. rutæ f. pilulæ exiguae numero xxiv. capiat iiij. singulis noctibus. Hic autem observandum quod *chalybeata* in quacunque forma aut dosi exhibeantur; fœminis quandoque magnas tum animi tum corporis perturbationes inducant, idque non solum primis diebus (quod ferè omnibus solenne est) sed etiam per totum tempus quo illis utuntur; in hoc casu non statim chalybis usus dictis temporibus interrompendus, sed quod melius eundem ferre possint, *laudanum* aquâ aliquâ hystericâ mistum singulis noctibus ad tempus aliquod propinandum. At ubi symptomata mitiora sunt, ut res sine ferro intro sumpto transigi posse videatur, (in minore scilicet morbo) satis habeo sanguinem mittere atque alvum solvere ad dies tres quatuorve, ut supra diximus: Dein pilulas hystericas alterantes præmemoratas *manè & serò per x. dies* capiendas imperare. Quæ quidem methodus in affectu leviori raro à scopo aberrat. Imò pilulæ istæ solæ, vel omittis phlebotomiâ & catharsi, sæpè magnos effectus edunt. Serio interrim animadvertendum est, nonnullas fœminas idiosyncrasiâ quadam ab hystericis illis medicamentis (quæ plerisque hujus morbi symptomatis levamen afferunt & solatium) ita penitus abhorere, ut non solum non juventur, sed etiam insigniter ab eorum usu lædantur: in his itaque omnino sunt omittenda ista: *φύσας γὰρ ἀντιπαρὰ τῆς ἰατρᾶς* ut divinus Senex, *νευρὰ μὲνται*. Invita minervâ nihil quicquam moliendum. Quæ quidem Idiosyncrasiâ adeò insignis ac frequens est, quod respect. ad eam non habito ægræ in discrimen vitæ conjici possint.

possint; idque non solum quoad hysterica, sed quoad multa remedia alia: cuius impræsentiarum instantiam unicam adferam. Fœminæ nonnullæ *variolis* laborantes *syrupi è meconio* utrum ferre non possunt, utpote à quo vertigines, vomitiones, & id genus symptomata ad affectus hystericos pertinentia accerantur, quibus tamen *laudanum liquidum* apprime conveniat.

Atque ita hysterici affectus quoad plurimum sanantur, ut & pleræque *mulierum* quas appellant, obstructions, ac præ cæteris chlorosi, seu pallidi virginum colores, uti e iam mensium suppressiones qualescunque. Attamen si sanguis usque ad d' effœ us fuerit, tantaque proinde spirituum *atragia*, ut chalyb's præscripta methodo usurpatus mulo vincendo par non sit, adeundæ *aquæ minerales* aliquæ ferri minerâ saturæ, quales sunt nostræ *Tunbrigenses*, aut aliæ nuper repertæ. Harum enim virtus chalybeata, tum ob insignem quantitatem quâ hauriuntur, tum etiam ob eandem cum natura convenientiam intimius sanguini permiscetur, & potentius morbos expugnat quam ferrum quocunque demum artificio nobilitatum, ut volunt ciuiffones imprudentiores. Hoc autem præ cæteris inter bibendum observandum; si ægritudo quævis ad symptomata affectio is hysterica referenda accidat, hoc in casu per diem unum alterumve æger aquis abstat donec symptoma illud transitum Aquarum aliàs impediatur, penitus abeat. Etenim tametsi hæ aquæ humoribus agitando ac proinde spiritibus confusione inducendæ minùs aptæ natæ sint, quàm cathartica vel lenissima ex officinis deprompta, aliquantulum tamen idem præstant, quatenus scilicet diuretica sunt; ut taceam quod sæpe etiam ventrem movent. Quod si ipsæ aquæ humores ac spiritus exagitant, turbandoque aditum sibi metipsis præcludant, quo minùs facile transeant, videant illi quàm importunè agunt qui medicamenta *purgantia* per harum usum imperant, semel aut bis in septimana assumenda, vel, quod ad huc ineptius, ipsis aquis immiscenda præcipiunt; unde fit tam in his quam in aliis aquis mineralibus ut non solum non promptius sed & planè tardius ac difficilius eadem operentur. Hic mihi non reticendum, quod tametsi his aquis ferrum inesse in principiis solutis nonnullis videatur (quod idem planè est ac si *ferrum liquidum* supponimus.) nullus tamen dubito, quin eadem nonnisi simplices aquæ extant virtute mineræ per quam transeunt imprægnatæ ac infectæ. Quod cuipiam liquidò constabit, si aquæ communis congiis aliquot satis magnam vim clavorum veterum ex calceis equinis extractorum infuderit. Sentiet scilicet aquam hanc cui pulvis gallarum, fol. Thea, vel similia fuerint immista, eodem planè colore infici, ac si aqua esset fontis mineralis. Neque sanè diversos effectus hæ aquæ sive artificiales sive inartificiales (utrum enim mavult quis appellet) epotæ edent, modò tempore æstivo atque aère salubri assumantur. Sed utut hoc sit, si ob contumaciam ejus hic affectus ferreis aquis minùs cedat, adeundæ sunt *aquæ calidæ sulphureæ* quales sunt nostræ *Bathonienses*; atque æger, postquam tribus autoris continuis eas intrus assumpserit, sequenti die *Balneum* ingrediatur, & postero die iterum eas bibat; idem faciendo alternatim per duos menses integros. Etenim tam in his quàm aliis, cujuscunque demum generis sint, hoc sedulo notandum, quod in earum usu cuique æ-

gro persisten- um donec non tantum levamen aliquale sentiat, sed, quo minùs symptomata omnia brevi postliminio revertant, donec omninò convalescant. *Theriacu Andromachi*, vel sola, si crebrò diuque uturperetur, magnum est in hoc morbo remedium. Neque verò in hoc solo, sed in aliis quamplurimis a caloris & coctionis sive digestionis defectu oris, omnium fortè potentissimum, quæ hætenus nobis innotuere, utut à plerisque fastidiatur, quod & pervulgatissimum, & a tot jam sæculis cognitum. *Vinu Hispanica Gentiana, Agelica, Absynthio, ce taurio circum Aurantiornum flavedine*, aliisque corroborantibus intus medicata, si ad aliquot cochlearia ter in die poterint, a modum conferunt, modò ægra tenui non fuerit bilio ocque corporis habitu. Profectò vel *vinu Hispanici simplicis* liberalior hauritus, horà somni aliquot noctibus, meo suasu propinatus Hysterici nonnullis per quàm salutaris fuit, cum ex eo robustior universi corporis habitus redderetur, ipsæque ad d' fœminæ è cachecticis vividæ simul ac vegetæ fierent. Ad hæc *Peruvianus Cortex* eximias mirandasque vires in sanguine & spiritibus confortandis invigorandisque habere nonnunquam deprehenditur, cujus *scrupulum unum mane & serò* ad sep imanas aliquot deg' utitur, sanam firmamque corporis crasin (tam viris *hypochondriacis*, quàm *hystericis* fœminis diu multumque ægrotantibus, dejectæ que jam qualicorporis œconomia) restituisse, ipse observavi. In nullo autem Hystericorum affectuum genere felicius succedit quàm in illo quo *spasmi* afficiuntur fœminæ, nixus edentes fortissimos & plusquam muliebres, pectora simul ferientes. Interim tamen confitemur est, quod hoc medicamentum non ita crebroque huic malo succurrat ac *febris intermitentibus*. Quamvis verò (ut id obiter dicam) in harum curatione egregia præster, ne dicam miracula, dictas cortex, atque eodem tum ipsi nos libenter utamur, tum uxoribus liberisque usurpandum imperemus quoties respoitulet; sunt tamen quibus haud minùs jam displicet, quod tam crebro subitoque morbos expugnet, quam olim displicebat, quod nonnisi nuper his terrarum oris innotuerat. Quo quidem tato tum optimi quique viri, tum etiam præstantissimi quæque ac *spasmodica* remedia semper ferè urgentur. Verum tamen ad hanc notam, seu lydium lapidem, indolem nostram licet adductam experiri atque exinde dignoscere, hominesque boni sinus, an verò probrosi; pro gradu scilicet quo vel exultamus, vel dolemus, vel ringimur; quoties publica res hominum communi aliquo beneficio, ac Nummis favore augeatur.

Si quæ verò ex remediis suprâ recensitis minùs conveniant, quod temperamento bilioso ac tenui præditis sæpe accidit, tunc *Diatæ lactea* possit usurpari. Etenim mulieres aliquot (quod primâ statim fronte mirabitur quis) cum affectibus hysterici diu conflictatæ, etiam iis qui omnes medicorum conatus spreverant eluserantque tandem lacte solo aliquandiu valescentes convalescere. Atque illæ quidem maxime quæ ea specie laborabant quam ego colicam hysterica appellò, quæ nonnisi à narcoticis potuit deliniri; qui us itaque per intervalla repetendis multum assueverant hæ fœminæ, dolore recrudescente ut primùm emarcuerit Anodynæ virtus. Id verò in hac curandi methodo præcipuè mirandum, quod cum lac frigidum tantum erudum.

dumque alimentum præbeat, spiritus nihilominus ejus usu corroborentur invigorenturque. Nec tamen hoc à ratione abhorre illis videbitur, qui secum reputaverint, lac, cum simplex omnino nutrimentum suppeditet, naturæ minus in coquendo negotium facessere, secus ac solent cibi ac liquores magis compositi; quodque perfectissimam illam concoctionem æqualis sanguinis spirituumque crasis necessariò sequatur. Illud etiam est animadvertendum, quod non nuda spirituum debilitas per se considerata; sed eorundem debilitas ad sanguinis statum comparatorum *atragias*, quam patiuntur, causa sit. Fieri enim potest, ut infanti spiritus satis firmi robustique sint pro sanguinis ratione, qui tamen debitam ad sanguinem adulti hominis proportionem non teneant. Jam verò cum ex jugi lactis usu & diætâ quantumvis illa sit cruda atque invalida, sanguis mollior & renior evadat, si spiritus ab eo nati sanguini pares tantum sint, satis benè se res habet. Non omnibus tamen contingit, quantumlibet à lacte alias juvari potuerint, ea incommoda superare posse, quæ primis ferè diebus apportat, quòd nempe tum in ventriculo coaguletur, tum etiam viribus corporis in statu conservandis sustentandisque minùs sufficiat, at verò nihil ex omnibus quæ mihi hactenus innocere, adeò impensè sanguinem, spiritusque fovet, firmatque, ac diu multumque singulis ferè diebus *equo vehi*. Cum verò in hac Gymnasticæ specie impetus fermè omnis in ventrem inferiorem fiat, in quo vasa excretoria (quotquot sæculentiis, in sanguinis massa stabulantibus, educendis à natura instituuntur) sita sint; quæ tanta functionum perversio, aliave organorum naturalis impotentia vel fingi potest, cui tot succussionum millia eodem die ingeminata idque sub dio, opem non attulerint? cujus calidum innatum usque adeò deferbuerit ut hoc motu non exciteretur, & denuò effervescat? quæ verò si prætternaturalis substantia, si succus depravatus in aliquo harum partium sinu recondi potest, qui non hoc corporis exercitio, vel in statum naturæ consentaneum perducatur, vel quaquaversum dissipetur elimineturque? Quid quòd sanguis perpetuò hoc motu indefinenter exagitat ac permixtus quasi renovatur ac vigescit. Quæ quidem methodus licet fœminis vitæ desidi atque imbelli assuetis, minùs accommoda sit, utpote quæ à motu, maxime in principio, possint lædi, viris tamen est aptissima, & sanitatem præ cæteris conciliat. Quoties paroxysmus invalerit si tale aut tantum sit malum ut inducias ferre nolit, donec sanguine & spiritibus corroboratis, quasi per ambages sanari possit, confestim ad remedia *hysterica* ista confugiendum est quæ odore viroto ac gravi spiritus, ut dixi, exorbitantes ac desertores, in proprias stationes remandant, si intra corpus sumantur, si naribus admoveantur odoranda, si exterius applicentur; cujusmodi sunt *Asa fœtida*, *Galbanum*, *Castoreum*, spiritus salis armoniaci, & quicquid est denique quod odorem tetrum admodum ingratumque spirat. Hic enim quod res est dicam. Quæcunque fœtea, ea omnia intentioni huic apprime inserviunt, sive natura, sive etiam ars ea putido odore donavit. Atque ni fallor, spiritus C. C. sanguinis humani, urinæ, ossium ac similibus, inde præcipuas suas vires acquirunt, quòd, dum vi ignis præparentur, empyreuma contrahant tetrum, ac malè olens,

quasi essentia eorum intimiùs annexum. Quod pariter cernitur in fumis à Corio, pennis, & id genus animalium partibus, cum exurantur, exhalantibus. Etenim id habent commune singulæ animalium substantiæ, ut inter exurendum fumum emittant olidum & olfactui ingratum; qui si importuno igne affatim eliciatur, ac organis excipiat, condensatus is in liquores istos abit ac convertitur, qui spirituum volatilium nomine insigniuntur, quique facultates eas facillè reportant quæ subjectis suis haud primitus inerant; utpote qui ignis solummodo creatura existunt, & singuli eorum eandem planè virtutem cum cæteris nanciscuntur, ex quacunque demum substantiâ (modò animalis ea sit) procudantur extrahanturve. Proximo loco animadvertendum est quòd si paroxysmus comitetur dolor aliquis intolerabilis in quacunque demum parte, aut vomitio enormior, aut etiam *diarrhœa*, tunc præter hysterica jam laudata, *laudanum* in usum revocari debet quod solum vires habet his symptomatis cohibendis prorsus pares. At verò in iis doloribus sedandis, qui vomitiones excitant, cavendum est sedulò, ne illi sive laudano, sive alio Paregorico mitigentur, non præmissis debitis evacuationibus, nisi patientiam ferè humanam omnem vicerint. Primum, quia tanta nonnunquam sanguinis & humorum copia est aggesta (maximè in fœminis sanguineo, & masculis proprio habitu præditis) quanta narcotici vel efficacissimi, ejusque sæpius repetiti, operationem valeat sufflaminare. Unde in talibus sanguis è brachii venis necessariò est extrahendus, & catharticum eis est propinandum, antequam ad laudani usum accedamus; his enim ritè peractis, quod prius, vel in maxima dosi exhibitum nihil proficiebat, jam in dosi mediocri scopum attinget. Deinde quia multiplici experientiâ edocti sumus, quod quoties ægra paulatim laudano assueverit, non præmissâ evacuatione debitâ, necesse habuit, ob dolorem mox ab evanescente remedii virtute denuò revertentem, Paregoricum rursus ingerere, idque quotidie ad annos aliquot continuos, dosi subinde per gradus auctâ: ita ut nullo modo jam à laudano abstinere queat, licet omnes ab illo digestionem viciantur & functiones naturales debilitentur. Quamvis non sentiam laudani usum sive cerebro, sive nervis, sive facultatibus animalibus immediatè nocere, Judico itaque ego, quod expertus loquor, evacuationia anodynâ debere præmitti: v.g. viragimbus & fœminis in quibus sanguis prædominatur, vena secanda est, & alvus subducenda, præsertim si non jam à longo tempore paroxysmo fuerint correptæ. Si verò fœminæ debiliores, & quæ temperamenti à prioribus illis planè diversi sunt, hujuscemodi paroxysmo & dolore affligantur atque eodem subinde haud ita pridem laboraverint, sufficere eorum ventriculos congio uno, plus minùs, lactis cerevisiati hausto, & mox per vomitum rejecto detergere; dein largam dosim imperare sive *theriacæ Andromachi*, sive *electuarii Orvietani*, & cochlearia aliquot liquoris alicujus spirituosi & gustui non ingrati cum paucis laudani guttulis superbibenda. Quod si ægra jam pridem vomuerit, antequam accerseretur Medicus, & metus sit ne emeticis ulterius sollicitetur, in furem agantur spiritus, & ægræ vires nimium deiciantur, hoc in casu *laudanum* sine mora propinari debet, eo dosi modo numeroque quæ symp-

tomatis magnitudinem ac durationem non tantum exæquare possit, sed & vincere. Duo autem hic præ cæteris diligenter sunt notanda. Primum, quod cum semel post evacuationes justas & necessarias, laudano uti cœperimus, ea dosi, atque illâ toties repetita sumendum est istud pharmacum, donec symptoma omnino fuerit debellatum, interjecto tantum spatiolo inter singulas doses, ut quid prior præstiterit ante noscamus, quam alteram reperamus. Sed de hoc fusiùs alibi egimus. Deinceps dum laudano morbum aggredimur, nihil prorsus movendum est, nihil evacuandum, cum vel mitissimum illud enema è lacte saccharato possit destruere quicquid reparaverat Paregoricum, & tam dolorem quam vomitionem postliminò revocare.

Ut ut verò dolores, quod jam innuimus, supra memorati importuni sint in anodyno efflagitando, tamen vomitiones enormes & dosin eisdem longè maximam & sæpissimè repetitam indicant, cum ab inverso motu ventriculi peristaltico (quo in eo contenta versus inferiora erant protrudenda) remedium Paregoricum priùs eliminetur per œsophagum, quam opis aliquid afferre queat, nisi post singulas vomitiones Narcoticum de novo toties quoties iteretur, idque in forma potissimum solidâ; aut si in liquida detur, vehiculum ita parcum esse debet, ut ventriculum imbuat tantum, & præ materiæ inopia ab illo sursum evehì nequeat. v.g. *Gutta aliquot in cochleari uno aq. cinamom. fortioris*, aut similis. Monenda interim est ægra ut statim ab assumpto laudano conquiescat, ac caput præsertim quantum fieri potest immotum teneat; quando vel levissimus capitis motus præ cæteris omnibus vomitionem provocat, unde medicamenti modò deglutiti jactura fit. Quinimò etiam cessante & quasi perdomitâ vomitione, expedit anodyno ad pauculos dies manè & serò exhibito, seu injecto fræno, recidivam præcavere. Quod itidem post dolorem hystericum narcotico sedatum, aut diarrhœam, omnino observari debet.

Atque ita demum methodo jam tradita & dolori & vomitioni symptomaticis mederi in promptu est; à quibus cum aliorum persæpe morborum speciem præ se ferant, Medicis faciliùs imponitur, quam ab aliis quibuslibet symptomatis, quotquot manum medicam deposcunt, de quo pauca subjungam v.g. in ista hystericæ affectionis specie quæ Paroxysmum Nephriticum imitatur, quis non videt quanta sit paritas morbi utriusque & similitudo, tum quod pars eadem utrobique doleat, tum quod in utroque affectu vomituriat ægræ, cum tamen à causis ita ab invicem variantibus pendeant, & tam impari methodo debeant sanari, ut quod in hoc lædat, in illo juvet, & è contrâ? si enim sive *calculus*, sive *arenula* Renum substantiam atterentes dolorem inferant, atque ex partium consensu vomitionem, nihil æquè conducet ac præ larga & frequens causæ antecedentis, per phlebotomiam revulsio, tum ut dilatentur laxenturque meatus, per quos calculus excludendus est, enematis emollientibus sæpenuerò repetitis, aliisque ejus generis remediis internis: Quibus medicamenta Diuretica, & lithontripica addenda sunt. Jam si dicta symptomata à calculo nullatenus oriantur, sed à spiritibus animalibus nimia copiâ Renes impetentibus (quo in casu Paregoricâ tantum indi-

cantur, nec vel enema è mitioribus, post primas evacuationes, sine periculo injicitur) in quanto vitæ discrimine vertetur in felix ista de cujus jam corio luditur, non opus est dicere. Idem potest affirmari de affectu illo hystericò qui *colicam biliosam*, vel *iliacam passionem* simulat. Hic ubi pro concello habeatur affectum istum (licet indolis omnino sit diversæ, imò contrariæ) colicam biliosam esse, & ab humore acri in viscera per arteriarum mesentericarum oscula excreto nasci (in quem errorem dolor intolerabilis, & viridis color qui in materia cernitur tam per os quam per sedem expulsa Medicum incautiorem & cogitationibus minùs assuetum haud ægrè perducant,) quæ methodus tam commoda, quam ut in contemperanda, remediorum refrigerantium atque inerasantium ope, humorum acrimonia operam locemus? atque, quò humores è visceribus exterminentur, præter enemata quotidiana, ut cathartica frequenter propinemus; inter cætera verò etiam mercurium dulcem diagrydiatis permixtum ad plenioris materiæ morbificæ eradicationem? Quam malè autem cum ægris agatur, quantumque eis periculum imminet, dum huic methodo insistamus, si affectus qui colica biliosa censetur, reipsâ hystericus tantum fuerit, aut hypochondriacus, nemini non liquet: cum clamet experientia, quòd post primas evacuationes universales (quæ humorum putrescentium, quos peperit *ægræ* jam sæpè dicta, quique anodynus obstaculo esse possint, saburra amoliendæ dicantur,) nihil jam restat nisi ut tumultuantes spiritus contopiamus, donec tandem symptomata evanuerint, at iis cessantibus opportunè chalybeata imperemus, vel si quod aliud est remedium quod sanguinem accendendo atque invigorando morbum radicis extirpet. Meum non est plurimas atque ingentes illas calamitates enumerare, quas fœminis contigisse ipse novi, ubi colica hæc hystericæ à bile ortum ducere existimaretur. Verum tamen affirmo evacuationes sæpe repetitas, quæ quidem in colica biliosa omnino indicantur, dolorem vomitumque non solum non compescere, sed irritare magis, spirituum scil. perturbationem, quæ vera horum symptomatum causa est, promovendo. Tandemque malum ad menses aliquot prolongatum, methatesi derepen è in cerebrum factâ, definit in *spasmos*, à quibus ægra brevi è medio tollitur; itque vel maximè post alias evacuationes diutius repetitas, suadente colore viridi eorum quæ per os è ventriculo excernuntur, emeticum fuerit propinatum verbo dicam: si quid ego observando didici, imprimis cavendum est ne symptomata fœminis hystericis familiaria ab aliis quos sæpè æmulantur morbis, diagnosi errante putentur oriri.

Hic non est reticendum, quòd præter errores jam recensitos, à quibus fœminæ affectibus hystericis obnoxia de vita periclitantur, permultæ insuper errore non minùs funesto dictis affectibus mulcentur ea tempestate, quâ hic morbus, licet sua naturâ non sit lethalis, tamen vi malorum *ἐπιπλοῶν* ac subsequenitum non paucos è medio tollat. Exempli gratiâ: fœmina teneriori atque infirmo corporis habitu infantem parit, cui omnia fœliciter & secundum naturam cedunt: Obstetrix sive rudis & imperita, sive sit jactabunda, & quam præclare suo illa munere functa sit palam ostentans, suadet ut puerpera paucis à partu die-

us surgat, & se à lecto aliquandiu abstineat; hæc morem gerens, statim à primo corporis motu affectione hysterica corripitur, & pro ratione qua morbus inaugeat, lochia primum immittuntur; deinde sistuntur penitus; quorum suppressionem præmaturam longa symptomatum series excipit: quæ, nisi permagna tam diligentia, quam in medendo pericia intercedat, ægram brevi perimunt, nonnunquam enim phrenesi laborant ex hac occasione, quæ in dies efferatior reddita spasmos primum, dein mortem affert: si verò mortem evadant, mitius aliquantulum insaniunt, quandoque ad ultimum vitæ terminum, nonnunquam post lochiorum suppressionem in febrem incidunt, quæ vel in earum quæ tum grassantur, epidemiarum castra transit, vel ab ea sola pender origine. Adde quod iidem affectus hysterici, quibus lochiorum suppressio imprimis debetur, jam magis sæviunt, tanquam ex se denuò nati. Diu est à quo mihi subit in mentem, quod ex eis quæ moriuntur puerperis vix decima quæque, ut modeste computemus, vel ex eo perit quod vires partui necessariae eam detecerint, vel ex doloribus partum laboriosiores comitantibus; at eo maxime nomine, quod debito citius exurgat, excitatis à motu illo paroxysmis hystericiis, à quibus cum sistantur lochia, mox ingens ineluctabilem symptomatum turba ingruit. Quamobrem istis quæ me audiunt ubique author sum, ut ad diem saltem decimum usque in lecto se contineant, si modò naturâ paulò debiliores sint præcipue si vaporibus, qui vulgò dicuntur, jampridem fuerint tentatæ. Præterquam enim quod ista, quæ in lecto fruuntur, quies à malis jam toties commemoratis eas immunes præbet, non interruptus lecti calor spiritus pariter reficit tum à pariendi doloribus, tum ab evacuationibus in hoc casu solennibus exhaustos fractosque; quinimò & naturæ suppetias fert, atque omnes, quas gestationis tempore mulier congesserat, cruditates digerit & amolitur. Verum si ab admissio hoc errore quodvis è dictis symptomatis supervenerit, indicationes curativæ eò dirigendæ sunt, ut spiritus ab hoc motu jam irrequieti redditi sedentur, & ut lochia rursus fluant quandoquidem eorundem suppressio horum symptomatum causa sit proxima atque immediata. Neque tamen huic methodo pertinacius insistendum, sed exhibitis aliquandiu remediis quæ in hoc casu cum successu usurpari solent; si votis ea non respondeant, ab iis temperandum est; cum neque fortiora hæc locum habeant, neque in minorum ulu perseverare debeamus, propter attritas & ferè prostratas puerperarum ita affectarum vires. Exempli gratia, ubi primum lochia jam suppressi constat, è re fuerit sceminam è vestigio lecto addicere, mox emplastrum hystericum umbilico admove, atque quamprimum electuarium sequens propinandum imperare. Ut ℞. conserv. absynth. roman. & rutæ ana ℥j. trochisc. è myrrha ℥ij. castor. croci angl. sal. volatilis armoniac. & asæ fœtidæ ana ℥ss. cum s. q. syr. de s. radicibus fiat electuarium cap. ad magnitudinem nucis moschatæ majoris: tercia quæque horâ superbibendo seq. julapii cochl. iv. vel v. ℞. aq. rutæ, bryon. compos. ana ℥ij. sacchar. candi q. s. m. f. julapium. Atque hæc, si statim à primo suppressionis indicio exhibeantur, hoc malum plerumque devincunt. Sin autem dictis remediis eousque continuatis donec tota quantitas

assumpta fuerit, lochia adhuc supprimantur, hoc in calu laudanum, unâ saltem vice, tentandum. Hic laudanum, quantumlibet suapte indole astringat, cum tamen spirituum perturbationem, à qua solennis lochiorum evacuatio fuerat interrupta, compescat, quandoque plurimum juvare, & emmenagogis nihil proficientibus, lochiorum fluxum postliminò revocare possit. Commodissime verò narcotica unâ cum hystericiis & emmenagogis propinantur; v. g. laudani liquidigutt. xiv. in aqua bryonia composita; vel laudani in forma solidi granum unum semis cum scrupulo dimidio asæ fœridæ in pilulas duas redactum. Sedulo interim animadvertendum est, quod si telo hoc semel misso scopum non attingamus, nec sequantur lochia, Opium nullo modo est repetendum, ut in aliis casibus fieri solet ac debet: etenim si reiteretur hic Paregoricum, lochia ita potenter sistet, ut ea nullâ deinceps arte provocari queant. Verum enim verò si & hoc minùs succedat (interjecto aliquo temporis spatio, quo certiores simus quid istud præstiterit) ad medicamenta iterum hystericiis permixta redeundum est & dein ad enematis ex lacte saccharato injectionem. Verum quod de opio supra, hic de enematis dicendum est; nisi enim primò injectum lochia educat: nihil prorsus à pluribus est sperandum: cum unum humores leniter sollicitando, ut fluant lochia efficere possit, plura verò eadem aliò divertant. His itaque peractis, (quæ tamen leviter tangenda sunt) tutissimum est, & prudentis medici officium, temporis compariatione præstolari; cum singulo quoque die curationis negotium magis magisque extra aleam ponatur, & si ægra vicissimam diem superaverit, jam ferè in vado est. Etenim cum à morbo, quisquis is fuerit, jam diuturniori scemina aliquantisper respiraverit, viresque quadantenus receperit, eam methodum valebit ferre quæ aptissima videbitur isto malo averruncando, quod à lochiorum suppressione accreverat: quando remedia obstinatius ingesta, primis ne hilum promoventibus, tum ipsum morbum, tum etiam spirituum perturbationem, à qua morbus oritur, augere possint, quod sedulo advertendum velim.

Si fas mihi sit liberè quæ sentio effari; jamdiu in ea hæresi fui ut arbitrarer me, non tantum in dictis puerperarum morbis, sed etiam in acutis omnibus, ubi curationem ab hac illave, quæ uti placer, methodo certò insecuturam polliceri nequeam, & viri & Medici boni probique pulchrè defungi munere, quoties nihil omnino tento, modò agrum invisens, illum non se pejus habere hoc die quàm heri habuit comperiam, nec cras habiturum quàm hodiè conjecturâ assequi possum. Cum si in agro curando ea methodo incedam, de cujus efficacia nondum mihi certò constet, tam ab experimento quod ex eo capturus sum, quàm ab ipso morbo is periclitabitur: Neque ita facile geminum discrimen effugiet, ac simplex erat evaluaturus. Quamvis enim impræsentiarum nullum vel incipientis convalescentiæ signum manifestum se prodar, certissimus tamen sum morbi acuti cujuslibet naturam non ferre ut quis eo semper laboret: ac proinde dies quilibet res agri magis magisque in tuto collocat, vel saltem modico ansam præbet, ex qua opportunius ac certius morbum feriat confodiatque, quàm in præcedentibus liceret. Quod quidem uti de acutorum

per levisque verè affirmatur, ita præcipuè de puerperarum morbis; quibus error vel levisculus fatalis esse possit; & in quibus ita parùm valeamus naturalem illam evacuationem regere, à cuius suppressione mala de quibus diximus proveniunt. Cum verò *affectus hysterici* non semper primariæ causæ, spirituum nempe debilitati nativæ, sed adventitiæ aliquando originem suam debeant, huiusmodi itaque c. usam antequam finiam, hic recensere libet, quæ frequentissimè *vaporum*, quos appellant, pararia existit. Atque ea est *fluxus mensium immodicus*, live in puerperio, live extra idem invadat. Quoad primam speciem, ea primis diebus post partum laboriosiore maxime infestat, & longa symptomatum hysteri-*corum* catervâ stipatur. Et sicuti in primis huius diebus solùm ingruit ac urget, ita etiam brevi se proripere solet. Etenim si victus paulò incrassans instituat, facile abigitur; cui & sequens potus addi poterit. Assumatur aq. plantag. & vini rubri ana ℥j. coque simul ad tertias, & deinde edulcoretur S. q. sacchar. albi cuius, cum frigescat, capiat ℥ss. bis vel ter in die. Interim iulapium aliquod hysteri-*cum*, at satis mite, subinde propinetur, & nodulus seq. naribus admoveatur. ℞. Galbani & asa feridæ ana ʒij. castor. ʒi ss. sal. succin. volat. ʒss. m. f. nodulus vel ℞. spir. salis ammoniac. ʒij. quem sæpius olfaciat.

Quod verò ad huiusmodi *extra puerperium fluxum* attinet, licet idem omni tempore foeminis accidere solet, ea tamen paulò ante tempus illud quo sponte suâ omnino menses cessaturi, sæpissimè invadit; circa ætatis scilicet annum 45. si modo temporius fluere inceperant, circa autem 50. si serius in vita prius prorumpabant. His uti dictum, paulò ante totalem eorundem discessum (instar candelæ jam ferè absumptæ deflagratæque, quæ subito flammam edit insigniorem mox penitus disparaturam) cum magno impetu affatim excidunt, & ob copiam sanguinis ingentem qui continuò excernitur, in paroxysmos hystericos ferè continuos miseras dejiciunt. Hic licet *hysterica* tam interna quàm externa obiter usurpanda (fortiora devitanda ne fluxum ulterius provocent,) omnis tamen curationis cardo in menstruis cohibendis vertitur, quæ in hunc modum quàm primùm sistenda. Mittatur sanguis è brachio ad ʒviii. seq. manè exhibeatur potio purgativa communis, quæ repetenda est terriâ quaque die per duas alias vices; & singulis noctibus per totum morbi decursum sumat *Paregoricum ex syr. de meconio* ʒj.

℞. Conserv. rosar. siccat. ʒij. trochisc. de terra lemn. ʒj ss. corr. granator. & corall. rubr. præp. ana ʒij. lapid. hæmarit. sang. dracon. & bol. armen. ana ʒj. cum S. q. syr. è corall. simpl. f. electuar. de quo sumat ad magnitud. nuc. moschat. maj. manè & quintâ pomeridianâ superbibendo seq. iulapii cochl. vi. ℞. Aq. germin. quercus & plantag. ana ʒij. aq. cinamom. hord. & syr. de rosis siccis ana ʒj. sp. vitriol. q. f. ad gratam aciditatem. ℞. fol. plantag. & urticæ ana q. f. contundantur simul mortario marmoreo, & succus exprimat, qui postea clarificetur. Cap. cochl. vj. frigide ter vel quater in die. Post primam purgationem applicetur emplastr. seq. regioni lumborum. ℞. Emplastr. diapalm. & ad herniam ana part. æquales m. extendatur super albam, & f. emplastr.

Diaæa refrigerans incrassansque imperanda, nisi quòd è re erit semel vel bis in die vini clarèti haustulum Aegræ indulgere, quod etsi minùs conveniat in quantum ebullitionem ciere aptum natum sit, ad vires tamen refocillandas concedi possit. Atque hæc quidem methodus ut foeminis hoc modo affectis apprimè proficua sit, ita eadem iis, quibus abortus periculum imminet, non minùs confert, atqui cathartica & succi hic omittantur.

Est & alia minùs frequens, affectuum hysteri-*corum* causa, nempe post partum laboriosiorem *uteri procidentia*, magnam huiusmodi malorum iliada secum trahens, quæ tamen citò ac facile hoc modo sanatur. ℞. corr. quercus ʒij. coq. in aq. fon. ℥iv. ad ℥ij. sub finem addendo curt. granator. contrul. ʒj. rosarum rubr. flor. granator. ana m. ij. deinde adde vin. rubri ℥ss. coactura sit pro fortu, qui cum pannis laneis parti affectæ admoveatur manè horis duabus antequàm è lecto assurgat, & nocte post decubitus donec symptomata penitus evanuerint. *Thomas Sydenham Dissertat. Epistol. ad Gulielmum Cole.*

Consultationes.

Nobilis Vestalis, annorum viginti trium, habitus mediocriter carnosus, hepatis calidiusculi, nigri capillitii, otio indulgens, in pravam victus rationem per læpe incumbens, instantibus mensibus diminutè tamen ac inordinatè fluentibus, quinque abhinc annis incidit in quosdam motus totius corporis depravatos qui interjecta quiete alternatim cessabant ac redibant, solaque saphænæ phlebotomia prorsus remittebant. Dum hac corporis concussione vexabatur, nedum principum cerebri facultatum actiones, verum etiam tam interiorum quàm exteriorum sensuum omnino cessabant operationes. Dicti morborum insultus periodi ferè quolibet mense recurrebant; nunc verò breviori tempore exacerbantur, & quandoque, cessante partium irregulari motu, dolorem costalem, vel colicam passionem mentiuntur. In paroxysmo ligaturas, frictions, cucurbitulas, suffitus, deludit, sola saphænæ sectione mitescens contumax affectio. Ad horas quinque sæpe extenditur paroxysmus, modò in ventriculi angores, inanesque vomendi cupiditates terminatur; modò loquaci paraphrenitide, modò placido somno finitur. Transacto paroxysmo, benè appetit, licet in prava edulia propensior Patientis appetitus; & idè mirum non est, si obstructions in jecore manifestæ, non adeò verò in liene, ipso tactu percipiuntur. Vi-
res ex violento partium motu resolutæ, facile reparantur; alvus modicè laxatur; ad consueta redit munia; placidus ac naturalis somnus irrepit. Pro debellanda igitur adeò rebeli affectione, multoties tentata curatio; verum recurrentibus dictis morborum affectionibus, nec non viribus Aegrotantis collapsis, tum ob largam sanguinis evacuationem in paroxysmis institutam, tum ob incongruam victus rationem, nunquam perfici potuit. Proximis tamen duobus annis elapsis, ineunte vere, corporis universalis expiatio instituta fuit lenientibus, præparantibus, alterantibus ac purgantibus medicamentis. Post quæ,
per

per aliquot dies, syrupum Fernelianum; deinde succos cichorii: ac borrag. depuratos; ac demum Chalybem potabilem Bononiæ paratum Medici præscripserunt. Multoties nullus sanguis à pede, & bis in anno à brachio, adhibita cucurbitulæ, frictiones, lotiones pedum ex arte præscriptæ. Interim specifica remedia in usum revocata, ut aq. destill. pœon. rutæ capr. &c. Cordiales Saxoniæ cum oïco succini, aquæ antiepilepticæ ac theriacales, &c. vina medicata, specificis parata, sales cranii humani, &c. & hæc & similia adhibita, tum in accessione, tum extra accessiōnem, &c. Præcepta diætetica Patiens, genio indulgens, omnino prævit; quamobrem per annum vini abstinentiam, usum lactis, aliquod Magistrale decoctum, vel aliud generosum remedium Medici præscribere minime ausi sunt.

Hystericam esse affectionem, quæ quinque abhinc annis, ferè singulo mense, instantibus menstruis, valde imminutè procedentibus, Nob. Vestalem infestat, non est quod dubitemus: potius suspicandum venit de altero affectu in capite, ab utero & hypochondriis causam agnoscente, nimirum de epileptico insultu, non solum quia principes omnes operationes aboleantur, verum quoniam motus irregulares totius corporis & convulsivos contingere, in relatione audio; & suspicionem augeat capitis temperamentum calidum & humidum cum nigro capillitio; præterea prava & libera vivendi ratio forsitan magis in potu; atque tandem accessionum solutio, cum ventriculi angore, ad vomitum propensione, loquaci Paraphrenitide, hypochondriorum & capitis læsionem nobis significant. Et quamvis circa os spuma non observetur, hæc tamen epilepsiæ perpetua comes non est, nec necessario supervenit, ut considerant Medicinæ Principes: sed superveniens, affectus ideam confirmat. Diurnitas quoque hujus contumacis affectus suspicionem addit, quæ in uterinis tantum, non adeò facile perseverare solet. Certissimum autem est potissimam causam affectus utriusque in Utero reperiri & ab Utero pendere, dum anno suæ ætatis decimo septimo menstrua imminui cœperunt, & eodem tempore invadere cœpit affectio: cuius imminutionis, & ferè suppressionis causa non in vasorum angustiam quia in teneriori ætate copiosa & statis temporibus erumpebant Menstrua, sed in vitium sanguinis à prava vivendi ratione contractum est referenda: namque justo crassior à calore, & viscidior à cruditatibus redditus est, qui uteri vasa pervadere nequens, & in iisdem stagnans, obstruendo, reliquo sanguini impuro transitum impedit: & progressu corruptus (forsan non sine aliqua utilis excrementi corruptione) uterum inquinavit, à quo venenati vapores, viscera omnia & cerebri ventriculos inficientes, eosque ad quassationem & contrectationem cogentes, sicque spiritibus animalibus motum regularem impediētes, & expultricem facultatem irritantes, una cum principum operationum abolitione convulsivos quoque motus in accessionibus excitare valent; sicut sanguis in vasis retentus, præ multitudine resiliens in cor & septum, ut dicebat Hippocrat. aphonias, fatuitates atque deliria movet. Quæ symptomata omnia non parum fovere possunt obstructions in visceribus existentes: licuti mineram in utero adaugere otiosa & libera vivendi ratio cacochy-

miam in massa sanguinea conservans.

Modò si cura mali tanti momenti & confirmati aggredienda est, non solum, ut monebat. Hippocrat. à Diis exordium, verum & à Nobil. Vestali Pat. petendum, vis sana fieri? & annuente præcipiendum, ut servet mandata medica, sine quibus nihil cætera profuerint: Etenim *non salvo te sine te*, dicebat ipse Christus; ridiculum enim est, docebat Taranta, cum Medicinis incipere operari, non præmissa & supposita congrua vivendi ratione. Et quamvis incurabiles non sint affectus isti, licet confirmati, non tamen adeò facile, nec brevi superari poterunt: ut ideò constans perseverantia in medicamentis necessaria futura sit. Primò enim pro purgatione præservativa, primæ viæ erunt à cruditatibus expediendæ. Secundò obstructions viscerum referendæ. Tertio tota massa sanguinea ab impuritibus vindicanda. Quarto uteri obstructions aperiendæ. Quintò intemperies corrigendæ; atque tandem appropriatis alex. pharmacis Antihystericis & Antiepilepticis utendum. Pars verò curativa locum habebit in accessione ipsa, Antihysterica per os præbendo: naribus foetida, & utero odorata apponendo: Omnia revulsionum genera, & sopitam facultatem excitantia administrando. Sed post accessiōnem, statim ad ordinem præservativum exequendum revertendum erit: eoque tutius cum in relatione habeatur, quod absoluta & transacta accessione, Nobiliss. Virgo integris viribus ad consueta munia obunda redeat. Primæ igitur intentioni satisfacere poterit Leniens, ita parandum. ℞. pot. ex manna clarificata, cum cremore tartari & infusione senæ parata ℥vj. aq. flor. citri, aut totius citri parum. misce pro potu. Præparans deinde sequentibus quinque diebus sit ℞. Julap. acet. ℥ij. aq. cinam. ℥j. m. pro una vice & sic pro aliis. Deinde repetatur superscriptum leniens, aut ex lenitivo, cassia & tartaro paratum. Pro secunda intentione explenda rhabarb. usus efficacissimus erit, non tamen in infusione, sed in forma solida, ad proximiores obstructions referendas, ut ℞. rhabarb. maturi 3℔. flor. cassiæ 3ij. m. f. boli, quibus post horam superbibat jus cichorio & lupulis alteratum. Sequenti verò die præscribatur præparans ex succis, ita ℞. succi depurat. & per arenam trajecti, cichor. borrag. agrimon. ana ℥j. decoct. in jure pulli paratæ, endiviæ, malvæ, lupulorum, melissæ ℥iv. pro una dosi & sic pro aliis; Ita alternatim perseverando in usu rhabarb. & succorum ad decimum quintum usque diem: in quorum intermedio & fine, præbeatur minorativum hujusmodi ℞. flor. cassiæ rec. extract. 3vj. pilul. de tribus cum rhabarbaro 3j. misce f. boli, quibus post horam superbibat seri capr. aut asin. depur. libram, & tribus horis ab assumpto sero prandeat. Interim captanda occasio aperiendi jecorariam dexteram, diebus intermediis & æquè distantibus à tempore utriusque menstruæ purgationis. Inde ad tertiam indicationem exequendam deveniendum erit, cui facile satisfacere poterit syr. Fernelianus usus ita præscripti, ℞. Radic. cichor. perroselini, capparum, polypod. querc. ana ℥j. semin. carthami ℥. fol. hylsopi, prassii albi, organ. agrimon. ceretach. cucutæ, adianti ana manip. ℔. sem. anis. fœcul. endiv. melon. ana 3ij. aq. agrimon. ℔iij. m. bull. ad consumptum.

tertiæ, colaturæ postea infunde per horas xii. fol. feræ mund. ʒ. iv. agarici albi ʒ. ij. rad. helleb. nigr. ʒ. ij. epithymi ʒ. ʒ. gingiberis ʒ. ij. cinam. integri ʒ. ʒ. Postea bull. parum & expressioni adde sacchar. alb. ʒ. j. vel quantum satis. bull. ad syrup. consistentiam, deinde adde rhabarb. in peria aligati ʒ. ʒ. & servetur ad usum: cuius dosis erit ad ʒ. i. cum totidem uncis vini albi tenuis, non dulcis. Sequenti vero die præbeantur succi jam præscripti in decoctione, ut u. ra, addendo talis tart. fixi gr. xii. & ita alternatim perseverandum est in usu syupi Fernelii & sy. corum usque ad vigesimum quantum oim, quorum usum claudat medicamentum huiusmodi ʒ. elect. lenit. ʒ. v. diapnoic. ʒ. ij. de ucco rotatum ʒ. j. pilul. de hiera cum agar. ʒ. ʒ. milc. reform. boli, quatuor post horam superbibat feri capr. aut alin. deput. five aq. nocerianæ ʒ. ij. & tribus horis a porione prandeat. Quam intentionem explebunt aperientia hystericæ ita paranda ʒ. Decoct. in iure tenui pulli junioris paratæ, cichor. borag. dictamn. cret. artemisiæ, pulegii, calamenthi ʒ. vj. ol. tabin. gutt. v. spirit. tart. alchaliz. gutt. x. m. pro syrupo & sic pro aliis. Repetatur deinde tertia die decoctio, ita alternatim perseverando ad decimum quintum usque diem, in quorum intermedio & sine præbeatur hiera picra ita paranda. ʒ. hier. picr. Galeni ʒ. j. floris cast. recent. extract. ʒ. vj. m. f. boli, quibus superbibat aq. capill. ven. & pœon. ʒ. j. tribus vero horis ab epota aqua prandeat. Interim superveniente accessione, aperiat saphana, & sanguis satis parce educatur. Toto vero hoc tempore hystericorum Aperientium extrinsecus regioni uteri magna spongia, decoctione huiusmodi madefacta & mox expressa, fomenta exercentur ʒ. fol. pulegii, calamenthi montan. dict. m. cret. labiæ flor. Keiriana m. j. rad. lil. alb. ʒ. ij. rad. altheæ, lauri ana ʒ. j. aq. commun. ʒ. x. misc. bull. ad consumpt. quartæ partis, & f. colatur. in qua dissolve trochisc. de gallia mosch. ʒ. ʒ. & servetur pro fomento: quo amoro, illiniantur partes illæ uterinæ oleo lil. alb. & Keirino, mistis.

Pro quinta intentione, quoniam aquis Porreanis nec per os minusque per infusiones cum tubulo uti licet, idcirco aquæ Nocerianæ sustinui poterunt, primis diebus cum vehiculo dejectorio, reliquis vero cum diuretico, quod erit spiritus tart. ter rectificat. Infusiones fieri quoque poterunt in aqua dulci, foliis malvarum, violarum & cheirinis, atque liliorum floribus alterata, eodem tempore circa vespertas, dum aqua epota integrè educta fuerit, sin minus, differendæ infusiones usque ad absolutum Nocerianæ usum. Postremæ intentioni satisfaciendum erit usu alicujus antihysterici & antiepileptici medicamenti, tum interni, tum externi, & inter interna extra accessionem præscribenda, sit spiritus vitrioli, cum rad. pœon. & visco quercino extractus, in aqua pœoniæ, ad gutt. v. frequenter exhibendus. Frequenter etiam in usum ducatur commendabilis aqua stillat. ex hirundinibus nuper natis ad ʒ. ij. nonnunquam etiam theriaca, aliquando cochlear. aquæ theriacalis. Conserva pœoniæ, vel lil. convall. sub ingressum lecti. At si conjici ac præcognosci possit ventura accessio, duos vel tres ante dies, efficacissimum observavi præservativum esse validum purgans, ut propterea iterum a Medicinæ principibus com-

meatur hiera diacolocynth. & helleborum à Celso, quod sic parari possit ʒ. pilul. lenit. de hiera cum agarico ana ʒ. ʒ. extract. hellebor. nigr. ʒ. j. m. & pœon. eatur circa noctis initium, cui superdominat, & immo manè superbibat aquæ nocerianæ libras. Extrinsecus naribus foetida, & odorata utero, de more a movenda. Ungula calcis in antro gestanda. Radix pœoniæ nigra inclinata & lana collecta, collo appendenda. Collum v. p. ra. ut foetida collo appentam a præcavatione. Uterina præservare docuit Galenus.

Secundum omnium maximè ab utroque insultu præservare valebit congrua vivendi ratio; & præsertim a vino abstinentia saltem per annum, utriusque affectui quam maximè contraire poterit. Abstineat præterea a quibuscumque cibus a proprietate nocenti us, ut a carne hœdina, a co. unil. us, a periculis, atque aliis, ab allio, capis, apio, tœnulo, rugis & terræ tuberis us; insuper a carne suilla; ab usu casei; a frequentibus cibus ex pasta patetis & nimio aromatatum u. Pro potu vero præter vin. m. x. cerialis nigis, aqua noceræ immiscendum; & pro toto anno aqua stillat. ex illdem cerialis in vasis vitreis adservanda. Paratur etiam vinum ex pomis dulcibus, toto anno in vasis vitreis, collo oblongo fabrefactis superimposito oleo adservandum, cuius portio aquæ nocerianæ immiscetur pro potu suavi. Hoc pertinet quoque exercitium quantum fieri potest, etiam laboriosum, evitando etiam intensas applicationes atque meditationes. Et hæc extra accessionem.

In actuali vero accessione, meliusque in instante, Antihysterica & antiepileptica sunt per os præbenda; inter quæ selectiora & à me experta, sunt aqua antihysterica Quercetani cum aliquot guttulis Opiæ Angel. Salæ, quæ ritè & fideliter parata reperitur veneriis ad signum Sanctæ Margaritæ. Egregium quoque & præsentaneum remedium, est tinctura granorum sambuci ad semicochl. in aq. manicar. Eodem tempore sternutamenta excitare valde prodest. Naribus quoque foetida admoveere simili suffumigio ʒ. Castorei, aq. foetidæ ana ʒ. j. picis ʒ. ʒ. succin. ʒ. ʒ. terebinth. q. l. m. f. pastilli pro suffumigio. Utero vero odorata apponantur; & pasta servetur pro sinapismis, cum æquali portione caricum & sinapis parata: Spatio namque unius horæ cutem rubificat; apponatur autem cruribus utrinque aut coxis imò si præideri possit inv. sio, hoc solo remedio dual us horis ante accessionem administrato, vidi ego non semel accessiones ipsas retrocessisse. Quibus omnibus non sufficientibus, vena, ut antea, erit aperienda: sed ab accessione die sequenti, causæ erit incumbendum, & ad curam præservativam revertendum, congrua in cæteris omnibus addita vivendi ratione, a viro Doctissimo Adstanti præscribenda, cui cætera quoque omnia ritè & rectè administranda committo. *Raymund. Joan. Fortis Consultationum Tom. 2. centuria quarta.*

Nobilissima Germana Juvenis annum agens vigesimum sextum, temperamentis totius calidi & humidis, jecoris fervidioris & humidioris, atque excrementosi capitis; quibus abhinc annis, dum filium propriis mammis nutrebat, corripit cepit affectu quodam in facie, qui Rosa, five Rosalia appellari solet: facies enim hinc inde cum rubore intumescerebat; qui tumores per hebdomadam,

dam, & ultra permanebant, & frequenter ab una ad aliam partem transiunt faciebant. Ablactato filio, remissa affectus: sed concepit, & post paucos dies abortivit, qua occasione tanta sanguinis copia ab utero effusa fuit, ut de vita ob virium defectum dubitatum fuerit. Refectis autem viribus, rediit quidem affectus in facie, at non adeo evidens & molestus, ut antea, excrementorum tamen semper fuit caput, dum pecunies copia pituitosæ & saniosæ materiæ expurgabatur & modo expurgatur. Interim acidulas Egrenses per os assum, sit, & Badenenses pro stillicidio & lotionibus; quibus tamen parum proficientibus, affectus idem perseveravit continuò ut que ad undecim menses, quamvis multò quam antea remissior. Dum autem rursus concepit, mense Martio proxime præterito abortivit, & tanta sanguinis copia ab utero prodit, ut multo tempore exanguis & viribus destituta esset; Puerperii autem occasione ob visitationes, moliti, amara, & alios suaves odores excitare non potuit, à quibus tantopere æsa fuit, ut postmodum in hunc usque diem hystericis affectionibus frequenter mis, præterim alicujus suavis odoris occasione, correpta fuerit, si non usque ad animi deliquium, saltem usque ad exolutionem, nimirum sine principum animalium operationum abolitione. Varias hucusque subivit purgationes, sanguinis missiones, qui serosus valde fuit observatus, Cauterio brachio inulto, præterea aquis refrigerantibus, nempe stillat. cichorii; usu thabarbari; vino medicato purgante; aqua chinensi, atque externis pulveribus & aquis, forsitan repellentibus & exiccantibus, à quibus cum exiguum, aut nullum levamen reportaverit, quinimò caput adeo sibi debilitatum asserat Nobiliss. patiens, ut in præsens quidquam legere, minisque scribere valeat, ideo etiam hoc anni tempore hyemali incongruo de agendis pro salute eximios viros Patavinos consulit.

Duplici affectu divexari mulierem Nobiliss. ex relatione, & ducta liquidò constat rosa nimirum, sive gutta rosacea, duobus ab hinc annis faciem invadente, & hysterica passione, in abortivo puerperio à suavioribus odoribus excitata, mox etiam extra puerperii tempus Nobiliss. mulierem divexante & usque ad animi exolutionem ducente. Prioris affectus causa reponenda videtur in sanguinis vitio & in capitis imbecillitate, cum à natura fervidius jecur & calidam atque humidam capitis intemperiem sortita fuerit; quamobrem sanguis, præsertim accedente ætatis vigore, calidior fuerit genitus, biliosior atque tenuior, qui circulando per venam cavam ad cor, & inde per arterias carotidas ad caput, portionem deteriorem, utpote naturæ magis molestam, per ramulos potius externos, quam internos, faciem nutriendas, assatim & copiosius deposuerit, sicque faciem totam, quandoque tantum ejusdem partem rubram reddiderit, non sine extuberatione, cum solum erysipelas legitimum, utpote à bile tenui & excrementitia genitum superficiem tantum afficiat, sicut non exquisitum quodammodo cutem in tumorem eleve, citò evanescentem; non autem semper adeo citò in gutta nostra rosacea, quoniam tenuiori sanguini à toto transmissio pituitosum copulatur excrementum, à præhumido capite genitum, adeo ut affectus ipse à jecore calidiori originem ducat: permanentiam autem & diuturnitatem ab ipso capite essentialiter affe-

cto acquirat. Neque probare opus est sanguinis acrem atque tenuem qualitatem, ob fervidioris jecoris intemperiem: sicut nec ejusdem crassioris consistentiam, ob capitis intemperiem humidam, cum priorem conditionem satis superque nobis significaverit larga & exuberans per uterum sanguinis effusio abortuum occasione, quam & autopsia extracti sanguinis confirmavit, sicut posteriorem ostendit quotidiana per nares excrementorum evacuatio. Quare conclusum restat, quod vitium sanguinis ob jecoris calidioris intemperiem, & imbecillitas capitis ob calidam & humidam, sint causæ potissimæ rosaceæ affectionis.

Hystericos verò affectus quoniam non ante puerperia passa fuit Nobiliss. Juvenis, ideo existimo uterum ipsum non solum propter secutos abortus, sed multò magis propter copiosam sanguinis effusionem, labem, sive imbecillitatem contraxisse, non sine aliqua intemperie, & non sine aliqua suspitione, quod portio crassior sanguinis assatim & confertim ad uterum irrueret, in aliquo ejusdem tenuiori vase hæserit, quæ corrupta imbecillitatem foveat, & uterum ex qualibet levi externa causa movente infestare non desinat, ita ut essentialiter afficiatur.

Hæc autem mala sicut tolli posse non est dubitandum, ita repetitas curationes congruis temporibus expostulare censendum: namque primis viis expeditis, secundo tota massa sanguinea à serositatibus erit depuranda. Tercio eadem à capite revellenda ac divertenda. Quarto caput purgandum. Quinto Jecoris calida intemperies corrigenda. Sex o caput quoque pacto firmandum; atque tandem uterus roborandus. Quibus in entionibus vere venturo erit satisfaciendum repetita sanguinis missione, primò ex superioribus, mox ex inferioribus venis, necnon frequentibus pedum lotionibus. Præterea succis depur. cichor. endiv. sonchi, acetosæ in decoct. cichorac. addita semper hepatica; & per intervalla medicamentis serositates elective contentibus. Pilulis capitalibus deinde ter repetitis caput purgandum. Inde acidularum aquarum usus repetendus: & postea capiti stillicidium refrigerans & exiccans, ut esset ex aquis nostris Lactansibus administrandum; & pro utero roborando infusiones eum tubulo in aquis sulphureis exercendæ. Duo alia remedia mihi in animo sunt, in præsens tamen in dubium revocata, alterum utramque partem principaliter affectam respiciens, Decoctum scil. sudoriferum, refrigerans tamen, sed valde exiccans, pro corrigenda capitis valde humida intemperie, & pro evacuandis à toto, & divertendis à capite serosis humiditatibus: Alterum pro remittendo jecoris fervore, & pro sanguine edulcorando; quæ commodè præstare posset lactis caprini usus, capite tamen prius magnâ ex parte exiccato; de quibus tunc in arena consilium capiendum. Interim hoc quoque hyemali tempore aliqua agenda in subsidium Nobiliss. Patientis, quæ paucis, sapientibus viris proponam. Et primò, præmisso aliquo leniente, & quinque aut sex diebus exhibito præparante sive diluto, leniens adhuc repetendo, inde cauterium coxæ inurendum, necessarium existimo: sicut singula hebdomada Magisterium mechoacanum, ad gr. xv. aut xx. electuar. lenit. ad ʒss. immistum, summopere commendo. Et pro demulcenda sanguinis acrimonia usum

lactis arte facti ad quadraginta aut quinquaginta dies propono, quod ita pareretur.

℞. Sem. melon. mundat. sem. anguriz, & cucurbit. mundat. ana ℥β. aquæ stillat. de succo cicchor. aut endiviæ ℥vii. contund. semina. & cum præscripta aqua extrahatur emulsio, cui addatur syrup. de pomis ℥j. & misc. pro quotidiano potu matutino. Intereatoto hoc tempore frequentes pedum lotiones aqua calente ante cibum erunt exercendæ, quæ utrique affectioni prodesse poterunt. Et quamvis de parte affectu, nimirum de facie parum sollicitus sim, attamen sicut præsentem affectu nullum medicamentum admovendum esse puto, ita absente, præservativum aliquod utile fore credo, quod esse poterit oleum saturni, & melius, balsamum, quod ex eodem oleo saturni & myrtino simul mistis parabitur, quo facies noctu saltem, illiniri poterit. Utero quoque prospiciendum censeo, sed potius topicis admotis, quam per os assumptis, ne magis jecori noceamus, quam utero proficiamus. Et ideo per exiguum siphonem clyster frequenter injici poterit, ex decoctione pulegii, matricar. origani, calamenthi, satureiæ, lauri, additis granis aut moschi, aut trochiscorum de gallia molchata, quæ decoctio etiam parari poterit vino albo generoso, vel addatur ejusdem vini portio jam decoctioni paratæ. Verum tamen est quod in actuali hysterica passione & animi exolutione porrigi poterit aliquod cochlear aquæ antihystericæ Quercetani, quæ adhuc validior evadet, si guttulæ opiæ Angelî Salæ additæ fuerint, & hæc si præsto non sint, præbeat aliquod cochlear aquæ totius citri, aut cinam. additis guttulis olei succini; & eodem tempore pessi, seu pessaria introduci poterunt, eadem decoctione imbuta. Quod si contumax, vel frequens fuerit hysterica accessio, licebit quoque saphanam aperire, sed parcè nimirum ratione revulsionis sanguinem mittere.

Quibus congrua vivendi ratio erit addenda; præsertim caput ab æris inclementiis, tum calidis, tum frigidis custodiendo; suaves odores evitanda; & per integrum annum à potu vini abstinendo, cui substituitur cerevisia tenuis, non generosa, hordeo paranda, addito quoque globulo santalorum alborum. A vaporosis pariter, tum calidis tum frigidis cavendo; & in reliquis omnibus excellentiis. Medicis assistentibus prorsus obtemperando, quorum prudentissimo iudicio etiam præscriptorum omnium rectum usum libenter committo. *Idem.*

Cadaverum Anatomica Inspectioes.

Puella quædam ante plures annos corrupta à veneris usu fortè diu abstinerat: varia affectionis hysterica symptomata sensim successerunt. Tandem immanes in hypogastrio dolores, tumores duri vagi, nuces referentes, imprimis dextrorsum, nullis pacandi medelis pullularunt: Die 3. Octobris accessit, inveni decumbentem, tabidam tumidum ostendebat crus dextrum, vestigia comprimendis digiti circa malleolum retinens, sinistro quod prius intumuerat, extremè emaciato: inflatum etiam erat abdomen, oblitteratis prioribus extuberantiis, sceleron dixisses: die 7. Octobris anno 1660. circa horam 4. matutinam, an-

nos 49. nata obiit.

Aperto cadavere, hepatis convexum, intestina crassa, livida & gangranosa apparuerunt, indurato stercore plena: vasa spermatica præparantia semine albugineo, viscido, sub cœruleo plena erant: Testes, uteri tubæ, vasa deferentia, vesicæ seminales, omnes inquam illæ partes semine inflatæ mirum in modum turgabant, itaut in quibusdam incoctum, in aliis omnino excoctum, crassum, album & naturale, in aliis ita induratum esset ut steatoma referret: plus sanè semilibra binis chirurgis & mihi apparuit, pravi nullius odoris: Uterus parvus erat admodum, compactus, pyri instar supernè & infernè complanatus, cujus orificium corruptelâ lividum erat, fortè ob intestinorum inferiorum viciniam gangræna labefactorum: pulmo, sinister imprimis, etiam vitiatus costis adhærebat.

Catharina soror, honesta virgo, fortè quadragenaria, ab anno 1660. floribus albis laborans, magno cum hypogastrii & lumborum cruciatu, tandem exulcerato utero, & suppressi seminis violentiâ, biennio post quasi tabida exspiravit: Inde facile conjecturis assequi licuit, plurimas mulieres, maximè corruptas, & viduas juniores, veneris usu interdictas, à cumulo, vel peculiari ter infesto semine languere, tandem interire: Nec enim in illis nonnulli coacervari & labefactari potest, infinitorum malorum prava & venenosa qualitate contracta auctor, nisi excernatur, hinc illæ querelæ. *Joann. Nic. Binningerus observ. 90. centur. 2.*

Vir Illustris, in vicinia degens, uxorem ex illustri familia ortam ducit, formosam, pudicam, proceram, ingenio & corpore præstantem; hujus fastidium obrepit, ac pedissequæ ignobilis, pumilæ, deformis, suspectæ castitatis amoribus irritatur: injuriam mœsta & tacita uxor concoquit, omni officiorum & cultûs genere conjugis benevolentiam revocare annititur: Interea à non exculto naturæ fundo crebris affectibus hystericis, ac multiplicibus vexatur, quibus melancholicum succedit delirium, erroris mariti ream se professæ, innocens; ab eo criminis veniam deprecatur, domesticos promiscuè quosvis admissarios sustinuisse falsè enuntians: hinc diutino mœrore confecta & inedia, à longo decubitu, interveniente morte mentis errore & corporis langore exsolvitur.

Aperto cadavere, sola generationis organa in vitio deprehensa sunt, nam testes, vasaque omnia tum præparantia, tum asservantia, tum deferentia, semine turgere sunt deprehensa, sed indurato ac in gypseam duritiem concreto. *Joan. Riolanus Anthrogr. lib. 5. cap. 1.*

Cum fœminæ illustris paulò ante obitum affectibus (quos dicunt) hystericis gravissimè laborantis cadaver aperirem, uterum quidem prorsus infontem reperi, verum juxta mœnterii plexus nerveos, (uti videbatur) in molem attolli & elevari solitos, visceris istius membranas ab invicem divullas & solutas, ut circumquaque tumidæ & laxæ, quasi in bullulas sive vesiculas inflatæ apparerent. *Willis Patholog. Cerebr. cap. 6.*

Domina per illustris, forma elegantissima, optimæ animi & morum indole prædita, nuper in hac vicinia degebat, quæ per multos annos affectibus spasmodicis obnoxia, siquidem valetudinariam hanc diathesim originaliter, sive hæreditario

rario contraxerat, atque hos morbidi seminis fructus, ferè quovis ætatis suæ lustro experta fuit. Potissimum verò quoties utero conceperat, (crebros enim conceptus & abortus passa) pathematibus convulsivis, quasi hystericeis, supra modum tentari solebat: quippe statim à mensibus cohibitis, particulæ heterogeneæ ad cerebrum & nervosum genus translatae atrocissimi affectus paroxysmos intulere.

Postquam novissimè conceperat, primis mensibus, juxta pristinum morem, affectibus convulsivis subinde molestabatur, circa nonam gravidationis hebdomadam, à frigore suscepto, in febrem periculosam incidit, in qua dolores valde acuti, per plures dies in lumbis, & juxta hypogastrium gravissimè urgentes abortum minari videbantur: attamen dolores isti, prout ab eventu constitit, potius colici censendi, ab humore acri per nervorum ductus à cerebro in istas partes decumbente procedebant; nam circa febris declinationem, materia istac alibi translata, diarrhœa, pedum dolores, dispositio velut ulcerosa successerunt. Quumprimum hæc Domina à febre & doloribus convaleuit, affectus convulsivi redibant, nam quolibet manè è somno evigilans, circa oris & faciei partes, necnon in brachiis & cruribus spasmos & contracturas immanes pati solebat; quæ symptomata proculdubio à serosa colluvie, in capite circa nervorum origines aggesta, ab iisque una cum succo irriguo, in somnis altius imbibita oriebantur; & cum postea eadem materies nervorum interiorum ductu, iterum in mesenterii plexus, ac lumbos ferebatur, istarum partium dolores atrocissimi, ac insuper paroxysmi quasi hysterici eam graviter infestabant. Enimverò isti faciei & membrorum motus convulsivi brevi tempore cessabant: usque tamen imbecilla, ac enervis, cum vultu pallido, gressu infirmo ac tremulo, atque alimenti tantum incongrui, & liquorum calidiorum appetens, persistabat; sub finem tertii mensis quo tempore constanter abortire solebat, menstrua eruperunt, quibus per duos aut tres dies, una cum membranarum laceratarum frustulis descendentibus, abortum expectabat: attamen fluxu isto cessante, dolores, velut parturientis, in abdomine & lumbis, uti prius exorti sunt, eamque hebdomadæ spatio die & nocte miserrimè torquebant: tandem balneo herbarum emollientium usa, & exinde lecto ad sudandum commissa, uteri sarcinam deposuit: conceptus ita cum ingenio cruciatu decedens, galli indici ovum & magnitudine & figurâ æquabat; hujus tunica exterior fuit lacera & disrupta, interior integra manens, aqua limpida circiter ss , & nihil præterea continebat; nulla quidem foetus aut formati, aut uspiam futuri rudimenta apparebant: postea per quatuor aut quinque dies lochia cum aliquibus membranarum frustis effluebant; interim dolores cum solita atrocità urgebant; cumque elapso hebdomadæ spatio, haud spontè desierint, demum iis sedandis remedia expetebantur. Propter hunc finem, imprimis linimenta, forus, balnea, & clysteres crebrè adhibentur; etiam medicamina uteri sordes expurgantia, in quas totius mali causa rejicitur, intus sumuntur: priorum usum terminum breves intermissiones sequutæ sunt; subinde verò affectus cum insigni molestia redibat; quinimò intra tres hebdomadas, morbus plurimum ingravescens, multa

alia horrenda symptomata ascevit: nam præter dolores in abdomine & lumbis, qui in dies atrociores fiebant, insuper in dorso, cervice, scapulis, necnon in brachiis & cruribus magno cruciatu mox afficiebatur, idque acerbius quoties lecto incalescebat: cæterum crebra vertigine, vomitu & nausea, atque sæpius in die paroxysmis convulsivis gravissimis affligebatur; scilicet primò moles in hypogastrio ascendere visa, illic totum ventrem cum impetu attollebat, mox respiratione cohibita *ἀσπνοθία* cum vultu cadaveroso successit: postquam ita velut demortua, per tria aut quatuor horæ minuta jacuerat, subito exilire solebat, ut ab astantibus vix comprimi, aut contineri posset; dein contractiones immanes & distorsiones in cunctis oris & faciei partibus, necnon in omnibus corporis membris sequutæ sunt symptomata hæc reverà hysterica judicabantur, quoniam Domina illustris ita nuper abortierat. Attamen hæc singula perpendens, in ea demum sententia fui, utriusque paroxysmi, scilicet tum *ἀλγυματῶδες*, tum *σπασμώδες* causam omnino à mala cerebri & nervosi generis affectione, etiam absque uteri culpa pendere; nempe quod humor acris intra *ἐγκέφαλον* congestus, exinde per nervorum ductus in partes longè distitas descenderet; qui membranis & fibris insidens, cumque humore à massa sanguinea influo fermentescens, eas plurimum irritaret; adeoque dolores atroces ciceret: postea dein cum particulæ heterogeneæ & explosivæ eum humore isto intra *ἐγκέφαλον* admixtæ atque ductus nerveos subeuntes, spiritibus accrescerent, propterea diathesis spasmodica subinde in graves paroxysmos erumpens inducebatur, prout mox fusiùs patebit.

Juxta hujusmodi Aetiologiam intentiones curativas instituens, Domina ægrotanti, quo tempore gravissimè laborabat, sanguinem è vena saphæna misi, intra biquum lene catharticum exhiberi, idque semel, aut bis in hebdomada iterandum præcepi: insuper aliis diebus, vesperi & manè sp. C. cervi, aliisque horis bis aut ter in die pulver. è margaritis & oculis cancrorum cum dosi sequentis julapii propinabam. \mathcal{R} . aq. limacum, lumbricor. magistralis ana \mathcal{Z} iij. saxifragiæ cerasor. nigror. ana \mathcal{Z} iv. hystericiæ \mathcal{Z} ij. syr. è corallis \mathcal{Z} i ss. misce: Balneo herbarum dulcium frequenter usa fuit cum necessitas urgeret, opiata semper bono successu assumpsit; vesicatoria internæ parti utriusque femoris, etiam cruri applicabantur; porro fots, linimenta, clysteres, cucurbitæ, sternutatoria, cum multis aliis administrationum modis, juxta symptomatum exigentias præscribebantur. Ab hac medendi methodo per 14. circiter dies adhibita, Domina illustrissima plurimum alleviata, paroxysmis convulsivis omnino caruit. Quinimò viscerum & membrorum tormina, aliaque symptomata valde mitigata, citæ convalescentiæ spem optimam fovebant: Posthæc verò partim ob malam victus rationem, cui ægrotaans vel paululum refecta semper indulgit, præcipue tamen, propter subitam terroris vel tristitiæ passionem, quam funestum accidens, intra proprias ædes contingens, excitarat, recidivam passa, mox morbus in multò deteriore statum eversus; nam & spasmi & dolores atrocius infestabant; quin & ventriculus vomitu ferè continuo laceratus, nec alimenta, nec medicamina admittebat. Lac asinum per aliquot dies cum fructu quodam

fumebar; quod tamen siquidem in ventriculo biliscent, ei molestiam pareret, brevi mittebatur: tandem invitis omnibus remediis, juxta plurimum medicorum consilia diligentissime præscriptis, nobilissima patiens magis in dies, magisque elanguescebat, atque sensim morti appropinquabat: biduo ante obitum, ventris & lumborum tormina plurimum remittebant, ipsaque solito alacrior facta, convalescentiæ semper quandam concepit: interea tamen conquesta erat, de capitis dolore & gravitate insigni; cumque circa initium noctis altè dormiret, expergefata in paroxysmum convulsivum valde horrendum incidit, qui statim in apoplexiam citò lethalem transiit; namque insensibilis & *ἀσπν* facta; intra 12. horas hac vita emigravit.

Cum circa ægritudinis, ex qua Illustrissima Domina obierat, causam, varia indicia ferebantur, plerisque nimirum mala omnia in affectiones uterinas, aliis in abscessum aut apostema, quod alibi circa abdominis viscera latitans suspicari sunt, referentibus; placuit amicis ut cadaver, ob funus diu prolatum, aperiendum, sedulo inspiceretur; adeoque genuinæ morbi & mortis causæ investigarentur, quod pensum curæ meæ delegatum; summa qua poteram diligentia executus sum.

Itaque primò circa habitum corporis observatu dignum erat, quod membra, & partes inferiores, juxta ac ultra dolorum sedes confite, plurimum contabuerant, ut crura prorsus emaciata, instar sceleti apparuerint: Interim facies, cervix, & brachia satis plena & torosa manebant, unde constat liquorem nervosum operi nutritio non minus quam facultatum animalium exercitio conferre: quare cum liquor iste, in lumbis & abdomine à transitu multum impeditus, & spasmodicis absumptus, haud debito influxu ad partes inferiores descenderet, iste propterea statim tum enerves, tum emaridæ evaserunt. Hujusmodi atrophia in hoc differt, ab altera hectica quæ sanguinis vitio contingit, quoniam in hac facies Hippocratica præcipuum morbi signum est, in illa vultus aspectusque parum aut nihil mali produnt.

Domina Illustrissima cadaver, ut valde emaciatum, & viscera omnia inanita fuerint, tamen illud citissime computruerat, nam intra 40. horas, cutis per totum discolor, in hac parte livida, in ista viridis, inque alia subnigra apparebat; & corpus tam subito putrescens odorem summè retrum expirabat: cujus ratio proculdubio erat, quod propter musculos spasmodicis perpetuis exercitos, mixtionis principia in tantum laxarentur, ut illa in dissolutionem prompta, post obitum mox ab invicem decederant; pari certè ritu uti observamus de carne ferarum, quæ aut cursu diuturno fatigatæ, aut fustibus contusæ occiduntur, hæc enim multò citius putrescit, quam illarum, quæ statu tranquillo & sedato macerantur.

Abdomine aperto, Intestina & ventriculus, satis sana scilicet integra enim & benè colorata apparebant, erant tamen inanita, & quasi inflata, utpote quæ in perpetuas ferè evacuationes, scilicet supra, aut infra habitas, sollicitata fuerint: in tota hac cavitate nulla abscessus aut apostematis vestigia cernebantur. Dum morbi causam perquirentes, viscera huc illuc devolvimus, in mesenterio aliquid notatu dignum occurrebat; nempe cir-

ca medium ejus ubi dorso affigitur, atque majores nervorum plexus continet substantia laxior & pluribus quasi vesiculis inflata manus latitudinem exæquans videbatur, eo scilicet ritu, ac quando in armo vitulino interstitia musculorum à laniis insufflantur, ut pars ea plenior & velut pinguior facta extumescat: Hoc mesenterii loco, quia tumidior & tactu mollior fuit, humorem aliquem doloris causam sospirari putaveram; aperiens verò deprehendi tantum membranas fuisse ab invicem solutas, & interstitiis suis nihil præter flatum inclusisse: qualis membranarum separatio, & ab invicem divulsio, proculdubio inducta fuerat à crebris spasmodis, sive spirituum explosionibus, quæ intra plexus, & fibras nerveas illic densissime confitas ferè continuò ciebantur; atque spasmi isti, ob particulas heterogeneas & explosivas illuc nervorum ductu à capite derivatas contingebant. Enimverò quod spectat ad ista ventris tormina, & in affectibus convulsivis velut molis ascensum & abdominis inflationem, non dubitandum est quin causæ morbificæ sedes in mesenterii parte delituerit: attamen quoniam uteri principaliter affecti tanta suspicio ferebatur, quantum hoc viscus meruerat, proximè inquirebam: itaque pelvim intra ossa pubis confitam diligenter scrutatus, utrum in debito situ & quoad omnia sanum, & sarram tectum reperi: corpus ejus adjutam molem, licet s. tantum septimina post abortum præterierat, contrahebatur, scilicet pyramidum minus & magnitudine & figura referebat; glandula ex utroque fundi latere, quæ testes dicuntur per exigua & flaccida, sine quovis humore superfluo, aut virulento, in iis contento, apparebant: uteri corpus ubilibet dissectum, crassitudine supra pollicem latum æquabat; ejusque interior cavitas haud major fuerat quam ut fabam contineret: intra hunc specum, sicuti in aliorum viscerum cavernis assolet, mucosum quiddam in perexigua quantitate includebatur; reverà circa uterum, aut appendicem ejus nihil extabat, cui tanquam causæ morbificæ symptomata modò descripta imputari poterant: quapropter hinc quod prius opinatus sum, *deinde* concludere liceat passionem dictas uterinas sapissime ab alia causâ quam uteri vitio excitari. Intestinis amoris etiam renes satis sanos reperiimus; alter tamen eorum inusitata erat figura, scilicet in plures lobos instar reni, vitulini indebatur. Lien, pancreas, & omentum sine culpa: ventriculus valde inflatus erat, ejusque tunica interior, absque plicis aut rugis planè erat, quod certè acciderat, propter crebros vomitus viscere hoc spasmodicis ferè continuò affecto: porro ob hanc rationem, scilicet stomachi tono præfracto, alimenta nec benè appetere, nec concoquere solebat. Hepar à sana constitutione plurimum desciverat, fuit namque tumidum & subdum, pallidi coloris, atque instar ligni putridi, exangue prorsus & exiccum, hoc proculdubio effecerat liquorum cardiacorum & impensè calidiorum crebrior usus. Pulmones erant lividi coloris, & per totum obstructi, utpote ichore spumato, & foetido infarcti: certè hoc viscus & hepar à longo tempore vitata existerant, propterea ut sanguis diutius à recta crasi degeneret valde depravatus, ægritudinis prima semina, ejusque deinceps fomitem constantem suggesserit.

At verò præcipuam, & quasi originalem morbi

bi causam in capite, idque non frustra quæsi-
mus: Itaque calvaria exempta, vasa meningas &
cerebrum perreptantia sanguine plena & distenta
apparebant, cum in reliquo corpore inter dissec-
candum vix quidquam sanguinis effluerat: me-
ninge crassiore amota, per alteram tenuem, &
pellucidam, aqua limpida cerebri plicas & an-
tractus implens, ejusque totam compagem quasi
inundans, cernebatur; revera omnes cerebri cavi-
tates & recessus colluvies serosa impleverat: *plexus choroides* aqua diu immersus, & velut elixus,
discolor & semi corruptus evaserat: Juxta ner-
vorum splanchnicorum origines, aqua se pluri-
mum insinuans, piam matrem, à medullæ oblon-
gatæ caudice, per duos digitos latos separaverat,
proculdubio horum nervorum ductu, materies
morbifica à capite in mesenterii plexus descen-
dens, & dolorum & spasmodum causa existerat:
porro eadem materies etiam aliorum nervorum
capita afficiens, eorumque ductus pervadens, po-
stea in aliis partibus, scilicet quibusvis ferè to-
tius corporis, atrocissimas hæc affectiones pro-
duxit. *Thom. Willisus de morbis convulsivis cap.*
10.

Virgo annos nata 22. in otio magis quam labo-
ribus educata, Ducis Albani Tyrannidem præve-
niens in voluntarium exilium mente Aprili 1567.
patria excesserat: Interea ex calamitate patriæ æ-
gritudinem animo concepit, quamobrem per æ-
stivum non ita commodè degebat, quin cruditati-
bus ventriculi & viscerum obstructionibus sub-
inde laboraret; menses inordinate fluebant, ex
utero aliquoties suffocabatur: sub finem tamen
æstatis, correctâ uteri expurgatione meliusculè
habebat: paulò post sororium 22. Septembris ex
Budoricia Lemgovium comitabatur; profectionis
molestias utcumque ferebat, præterquam quod
aberrans in itinere serotino, præ metu tenebra-
rum, animo deficeret; ultimo ejusdem mensis
evacuatio menstrua fiebat, sed modica, inde cor-
poris lassitudo, dolor, & gravitas capitis, hypo-
chondriorum inflatio detinebat: Dejecto appeti-
tu, cibo parvissimo, coque minimi alimenti, in
prandio tantum, à cœna abstinens, utebatur: cir-
ca 12. Octobris febris quotidie intermittens sub
vesperam invadebat, qua durante, singulis nocti-
bus animi deliquium, uterinæ suffocationi simile
patiebatur, in quo extrema refrigescere, respi-
ratio crebescere, prorsus concidere, nonnun-
quam ad tempus etiam planè intermittere, sine
ullo spiritu, voce, motu, sensu, moribundæ instar:
Interea pulsus celer, creber, inordinatus, inæqua-
lis & minor quidem solito, nunquam tamen de-
ficiens, multò minùs *ασθενής*: durabat paroxys-
mus iste alias dimidiâ, alias integram, alias ses-
qui horam; quo finito semper ad mentem redi-
bat: Passa fuerat hæc deliquia ter quaterque an-
tequam febris nasceretur: Queri solebat id mali
à frigore quodam, ex interiore abdominis parte
surgente, inde thoracem & cor feriente exoriri,
videri enim cor congelascere: Increbescere post
dies paucos hæc leypothimia, ut nonnunquam
mane, etiam postquam surrexerat, ferè tamen
vesperi, vel ante, vel post febrilem accessionem,
etiam ex levissima defatigatione obreperet: Ani-
madverti tamen affectum hunc non solum ex las-
situdine, verum etiam ex vehementioribus animi
perturbationibus, tristitia, exandescencia, atten-
tioribus cogitationibus, &c. recruduisse. Ternos

plerumque insultus syncope ista ad tempus ali-
quod observabat, manè videlicet ex cubili des-
cendendo, crepusculo vespertino, & circa no-
ctem mediam: Afflictebatur interim albo fluore,
servato tamen utcumque menstrui ordine & tem-
pore, præterquam quod deterius fuerit, colore &
quantitate mutata. Urina tenuis, vix spicea, se-
dimento ferè destituta: febris adhibita sunt, quæ
cum moderato calore & parvum tenuitate tergent,
aperiunt & robur conferunt, ex quorum usu mi-
rior reddebatur: circa calendas Decem. evoluta-
ri periodo menstrua, frequentioribus jam factis
lipopsichis, ut intra 24. horas etiam quinto re-
peterent, quum jam non aliunde quam ex utero
illas renasci judicarem, tardiorum solito matricis
excretionem in neomeniis provocandam duxi,
sperans inde commodi aliquid accessurum: Dis-
plicebat ad hanc rem etiam in malleolis venæ se-
ctio, propter hybernium tempus, exiguas & pro-
fundas venas, sanguinem paucum, crudum, cor-
pus sobrium, noctes insomnes ex cœnæ abili-
tencia, quam febris vespertina & *ἀνορεξία* impe-
rabat: Purgatam quoque ante & subinde, sed cle-
mentius: Exhibui itaque Duci pollinem ex aqua
artemisiæ: fastidienti obtuli ex asa foetida, dauco
& castoreo pingui æqualiter mistis ʒj. pilulæ
forma: Cum autem nondum obediret uterus, of-
ferebam adventante vespere rursus ex iisdem ca-
tapotiis duplum; Quibus devoratis in somnolen-
tiam novam incidit, in quam cum se vergere præ-
sentiret; Quid nunc tandem fiet? aiebat, & pau-
lò post soporata instar jacebat: quo sopore dis-
cussò, obrepebat cum frigore consuetæ & ves-
pertina oscitatio, assilientis febris prænuntiâ. To-
tum diem fœco inhærebat, carens vaporario, &
frigus premebat, ea itaque nocte cum febre de-
lirabat: durabat autem delirium istud biduum fe-
rè continuum, & jam finito febrili paroxysmo,
nam interdum nunquam febricitabat calore nota-
bili: At cum catapotionum subsidio uterus res-
ponderet, postidie theriacis opt. ʒss. cum ci-
nam. ana ex aq. artemisiæ & saccharo propina-
bam, quæ potiuscula eadem die menses compa-
bant ferruginei, crassi, putridi & copiosiores so-
lito per totum ferè quadriduum fluebant: Nihil
tamen profuit ista excretio, imò symptoma acer-
bius & frequentius videbatur: Quod enim ultra
quinos ad summum imperius uno die ex more non
faciebat, jam deinceps nulla nec tempestas nec
consuetudinis ratione habitâ creberrimè redibat,
ut nonnunquam quater duarum horarum spatio
repereret, imò unicus paroxysmus septenas ho-
ras & quandoque denas expleret, neque is ejus-
dem formæ cum præteritis, sed respiratio stran-
gulationi similissima fiebat, una cum sonitu & stri-
dore magno, convulsioneque artuum tam violenta,
ut præ concussione fulcrum cum toto cubili
tremarent & crepitarent, cum colli capitisque
inordinato motu, imò extensione velut terano
universi corporis, voce inarticulata, coactâ, stri-
dula, abrupta, displosa, clamosa, stentorea, ut
præ violentia paroxysmi simul plerumque toto
corpore sudaret: Finitis uterinis hisce etiam
exacerbationibus, ferè desipiebat, absurda lo-
ue-
batur, caput huc illuc assidue agitans, & cantil-
lanti voce idem perpetuo occinens, neque ab
hoc cœcycismo desistebat nisi ad mentem rediisset,
neque id nisi probè & præter solitum obdormiis-
set: Dum deliraret, imminentem symptomatis
insultum

insultum annuntiabat his formulis, scamnum hoc aufer, nimia hic est angustia, trabs nimis imminet, ego aduro; delinquente animo, est mihi volandum paulisper, & simul cum hac voce, plerumque impetu quodam, corpus erigere, tanquam jam volatura conabatur, verum in mediis conatibus ægra deficiens menti eripitur: Durabat hæc amentia tres quatuorve dies continuos sine ulla restitutione mentis: Dum delirabat omnium, etiam minutissimorum quæ multò ante acta essent recordabatur, sed quæ mutilatis verbis & obscuris efferebat: Tantæ rerum difficultati cum quid opponerem anxius delibero (neque enim ex frictionibus, ligaturis, fomentis, vacuationibus, odoratis & foetidis usque deque ad motis &c. utilitas ulla accedebat) ad cataporia illa non purgantia revertor, additoque mithridario tali proportioni miscui, ut ad castorei pinguis simplum, asæ & dauci singulorum sexcuplum, mithridatii duplum accederet: hujus medicamenti quotidie 3 j. in pilulas formatam exhibebam, cui cumini cochlear parvum ex cerevisia saccharata sorbere jubebatur: Deprehendi antidotum expectationi utcumque prosperum, quare & instante vespere offerre audebam: cujus usus Dei beneficio, ita nobis succedebat, ut affectus, cujus frequentissimi uno die insultus, iidemque pertinaces esse solebant, vix tandem bis, idque multò mitius infestarent, imò ita quotidie decreverent ut infra nonum diem prorsus exstinguerentur: Totum itaque biduum & mente & corpore valebat, victa febris jugulatoque hysterico malo, cibos appetere coepit &c. Die Decembris 21. falsò suspicata est hominem in hypocauto adesse, cujus vocem audisse imaginabatur: hinc furtim, vacillanti gradu spontè in subucula è lecto per gradus 8. in atrium usque descendebat, etiam progressura ulterius nisi à sorore ad eam redeunte deprehensa fuisset; quam adventantem sentiens, magna cum celeritate scalam ascendens rursus se in lectulum proripiebat: subitum hoc illius robur satis mirari nequeo, quæ vel pridie de grabatulo vix ulnis exportari se inoffensè sustinuisset: Ex hoc descensu fatigato corpore, variaque imaginatione animo turbato, illicò in pristinum affectum prolabitur, per biduum delirans, 23. die iterum ad se redit: Interea 26. Decembris menses refluebant, qui ut commodius manarent, pharmaco promovimus, nihilo tamen sublevarunt symptoma: Alternis diebus ferè mentis compos fiebat, idque interdum tantum usque ad vespem: Per hos dies deficientibus catapotis, pulvisculum ex una 22. duabus dauci partibus edulcata cerevisia inspersum exhibebam, à quo mirius solito habebat per 4. dies continuos, licet semper vespertina accessione desiperet. Tertia Januarii 1568. ob ægritudinem animi ex fratris discessu, adeò rursum morbus sæviebat; ut intra bidui spatium plus minus 32. paroxysmos prioribus ferociore pateretur: reversi verò fratris præsentia malum denuò cicurabatur; quod postridie, ex ejusdem discessu iterum ferocire coepit; Ante quatrimum aliquando manè talis illam paroxysmus invadebat qualem ante Calendas Dec. habere solebat, cum densissima respiratione & spiritus interceptione, suffocationis specie: 7. Januarii dolor quidam punctorius utrinque ab osse sterni, inter geminas mamillas, affligebat, neque tussiendo, neque respirando irvalescens, imò sine ruscicula, hærens

nihilominus loco, ad singula ferè momenta spontè sua ita pungebat ut subinde vocem attollere cogeretur, sed sequenti nocte mitigatus & ferè sublatus: 8. Recrudescerebat cruciatus ille & vehementer lancinabat, fomentorum usum non admittebat, quod illorum pondus pectori molestum esset; potus & cibus omnis oleosum quid sapere ægra videbatur: Purgabam eo die catapotis, mediocris excretio lequebatur, nihil tamen remittebat dolor. 9. Cataplasma pectori nihil conducebat, imò profundius inde dolebat; paroxysmi uno die interdum plus minus 16. 20. utebatur tragemate ex diatrium piper. & castor. ana 3 β. sacchar. duplo; venæ-lectio, cucurbitularum usus perparum conferebant: 15. suspiriis increbrescentibus, extorta vix tandem causa, amorem erga Juvenem, invita admodum fatebatur: Ex hoc animi affectu appetentiam cibi, somnos, sanasque cogitationes labefactatas: hinc illi 21. Decembr. ex eo illi descendendi impetu, suspitione de delicto illo provenisse; Ex eo tempore eaque causa morbus illi cum ex acerbationibus magis sævie visus, cumque delirio majori & diuturniori quam antea: 18. mihi & uxori suspiriorum causas pervicaciùs sciscitantibus, etiam alios profitebatur, adeoque se amatoris imaginationibus ab eo ipso momento assidue perturbatam fuisse: 20. Hieram cum agarico mellitam hausit & commodè purgabatur: eodem die menses apparebant nigricantes, putidi, qui postridie medicamento promoti laudabiliter fluxerunt. 2. Paroxysmi uterini à purgatione & rarefcebant & mitigabantur, Edulia adhuc oleosum sapiebant, sed vespertino insultu rursus de mente excidebat: 23. A prandio oscitabat sæpius, frigeat cruribus & lumbis: novæ febris quotidianæ annotatio, priore jam diutius mense, discussa: 25. A meridie ad mentem revertebatur: 27. Post meridiem oborta vertigine querebatur, & se & omnia circumrotari; excipiebat hanc statim quiddam convulsioni simile, oculorum depravatus motus apertis palpebris, & derepente brachiorum manuum crurumque denæ aut duodenæ violentæ extensiones, distinctæ inter se mora perquam exigua, occupata mente & sensibus, capite immoto: His finitis illicò solitus paroxysmus, strangulationi similis, cum tremula totius corporis concussione, subsequerebatur: A prandio, levissimo vomitorio exhibitio multam viscidamque pituitam rejiciebat; 5. Februar. inter multos paroxysmos unus quinque horas continuabat, à quo desipiebat usque adeò ut me quidem ne dignosceret, in quo tamen nunquam errarat: 8. vesperti unicus paroxysmus octo horas implebat; Ante biduum de dolore sub nothis costis supra lienem, idque ab anteriore parte in dorsum usque, querebatur, sed rariùs, exasperari tamen moræ thoracis vehementiori: Dolor pectoris punctorius prorsus evanuerat, qui per quatuor septimanas duraverat; dolebat & circa dextram umbilici partem profundè, 10. unus paroxysmus res stupenda, per 12. horarum ferè spatium totum perseverabat: 17. Ceratum impositum parotidi, quæ in glandulis colli, sub aure dextra, strumæ non absimilis, ante quinque hebdomadas enalci coeperat, jam ad tactum dolebat. 23. toto die optime valuit, mentis compos sine ullo paroxysmo: 27. jam in sextum diem sine paroxysmo ullo persistebat mentis compos usque in meridiem hujus diei, quo tempore in reparatum lectulum

lectulum deportata, ex levissima hac defatigatione in paroxysmum veterem recidebat, ex paroxysmo verò, in dementia, sensit autem ante mediam noctem paroxysmos tres: Notandum quod præ metu sævissimi illius paroxysmi plerumque vix ante quartum aut quintum diem lecto dimoveretur: A calendis Martii totos dies 17. continuos animo & intellectu pollebat, repentibus tamen interim aliquando primis illis deliquiis levioribus, nisi quod bis, dum lectus reficiebatur, ex transportatione defatigata, ratione excideret. 13. menstruum, quod redire debuerat, intermisit: 31. Tantæ vehementiæ paroxysmus novus erat, caputque de latere in latus sæpissime agitabat, ut sanguinem ori exprimeret, qui ex capite manasse videbatur: Ad 20. diem Aprilis usque eadem morbi conditio: Maii 4. paroxysmus cum jactatione capitis totiusque corporis, comitante stridore vocis acutissimo inexpectatus adveniebat: 5. sanguinem ex basilica ad 3 iij. detraxi: 16. venam malleoli secui, fluxit sanguis modicè, fortè ad 3 iij. 25. sumpta cathol. 3 j. deiecit sexies: Junio mense graviora illa symptomata mitescere, adeoque minui cœperunt: Tandem sub finem mensis hujus nulli redierunt paroxysmi, ne tunc quidem cum lecto moveretur. Sed toto hoc mense catharrus ad os fluens (quo jam à Januario fatigabatur) infestabat magis ut quod afflueret eava manu abjiciendum excipere cogeretur: Julii 14. febris rursus intermittente quotidie repetente, & quidem duplici, affligi cœpit; hac febris plurimum emaciata imò exhausta est: Augusti 5. catharrus desinere cœpit; febris intermittens in continuam conversa vires prorsus labefactat: Post idus tenesmus ad frequentissimas sedes, sed irritas, cum summo dolore sollicitabat: A calendis hujus mensis, ferè non potuit, præ nimia macie consumpto corpusculo, in clunes amplius surrigi ut alvum aut vesicam exoneraret: hoc mense tumores illi duri & scirrholi per se diminui cœperunt, ut mortuæ ferè prorsus evanuisse viderentur. 18. paulò post tertiam matutinam sana mente, constanti fide in J. C. ex hujus vitæ miseriis emigrabat anno 1568. Corporis habitus, & quidem sub-pinguis, quo naturæ beneficio prædita erat, usque ad solstitium hybernium satis sibi constabat quamvis semel tantum quotidie cibaretur: imò ab eo tempore incrementum, adipemque contraxit majorem multò quàm dum inculpatæ valetudinis esset: Nam à 21. Decembris meliori appetentia quàm ante præstabat, pluresque quàm cum sana esset, cibos sumebat, durabat id per menses ferè duos: Ab Idibus Februar. laudabilis illa corporis constitutio flaccescere cœpit, fastidio nempe ciborum oborto, & febre quotidiana altera, quæ priori tamen mitior esset, per ingluviem suscitata: Interim nec ab hectica febre symptomatologica immunis fuit, quæ per menses plus minus sex ante obitum apparere cœperat, etiam ut ab aliis febribus putridis liberata esset. 4. Calendas Januarii ad multas hebdomadas, sæpissime unico die, pres, & quidem specie diversissimas inter se syncopas pariebatur: nam non rarò & illa cum leipothymia recurrebat, quæ ante calendas Decem. singulis noctibus etiam dormientem opprimere solebat, idque potissimum quoties ad mentem reditura esset.

Dissecto corpusculo, pulmonis lobos, undique

thoracis membranæ firmiter annexos ut sine labore aut dilaceratione divelli nequirent, eosque duris quibusdam tuberculis scirrholis omni ex parte refertos deprehendi: Tenuia intestina rubicunda, velut erysipelate quodam affecta: Bilis folliculum felle quodam virescenti tumidum: Omentum ferè corruptum & consumptum; Cœtera viscera bellè habebant: Jecur colore substantiaque bona, communem tamen humani hepatis magnitudinem excedebat: Uterus quoque, intestinum rectum, aut lien nihil præ se vitii ferebant.

Nulli alteri corporis parti, præterquam utero attribui debere immaniissimos hos (quibus pia & pudicissima virgo tanto tempore excruciatæ fuit) paroxysmos apud medicos in confesso est: *Galenus* certè atque *Aëtius* præter sensus, vocis, motus, & spiritus interceptiones, etiam hystericiis artuum contractionem aliquando accidere testantur, quod quo facilius credam facit ipsa agræ ad stipulatio, quæ de frigiditate ex imo ventre surgente, & cor ipsum quodammodo congelante, accessio in initio queri solebat: sed quid in causa sit, fortassis controversia non omnino caret: statuitur autem ex proba iissimorum veterum sententia causa duplex, videlicet vel menstrui vel seminis corrupti culpa; semini major vis tribuitur quàm menstruo, ut toti corpori noxa afferatur. At si seminis corruptelæ tanta symptomatum diritas adscribatur, unde tanta ejus copia ut sedecim, ne dicam viginti paroxysmos intra 24. horas suscite: præsertim cum id ipsum etiam sanis exiguum existat, neque tam sæpe ut cætera excrementa expelli postulet, præcipuè in virgine nunquam concubitus experta: adde quod tam longo morbo afflictæ in sextum usque mensem, priusquàm hystericiæ exacerbationes finem facerent, tam sobriæ, ut unico pastu, eoque valdè modico, ad menses aliquot, etiam ante decubitus acquiesceret, utpote tota præcedente morbum ætate in Clivia, propter exilium, patriæ calamitatem, parentum pericula morrenti & valetudinariæ semen abundare nequiverit: De seminis acrimonia nulla est suspicio ob habitum corporis pinguiusculum, qualis illi à natura fuit, adeoque in otio molliter educatæ moribus, modestæ & pacificæ: At *Galenus* minimam corrupti spermatis particulam tantorum affectuum causam esse posse, a phalangii & scorpionis ictu rabidive canis saliva asserit. Quod si ita habet, unde tam crebra totiesque renata hujus genitalis succi putredo? unde tam assidua ejusdem expulsio, quæ per sex menses, vix triduum sine ternis quaternisque insultibus ægram nunquam destituit? sanè tanta est febrilis paroxysmi æqualitas quanta putrefacti humoris uniformitas, quo discusso etiam accessio dissolvitur: similem hysterici paroxysmi rationem esse statuamus, ut donec humor venenatus subsistat, tamdiu affectus quoque sæviat: sed si cum singulis insultibus finientibus ipsorum etiam materia absumatur aut ejiciatur, unde tam subito nova colligetur? Quandiu phalangii, aut scorpionis & canis rabidi virus in corpore hæret atque agit, tamdiu quoque affectus ejusdem sine ulla intermissione perdurat continuo, neque novos facit paroxysmos; In febre quia concoctio & nutritio corporis assiduò recrementa quædam seponit, sit ut pro partis morbo- sæ qualitate, ejusdem nutrimentum atque excre-

mentum vicietur; viciatumque præ imbecillitate neque concoqui rectè, neque expelli commodè queat, sed inhærens putrescat & pro putredinis suæ natura hæc aut illa symptomata producat. At in seminis consideratione, tametsi testes ex continuo seminis accessu, pro suo modo sese alant, non tamen quicquid post sui alimoniam superfluum est id statim omne à se propellunt, sed tanquam in meliorem usum utile excrementum propriis conceptaculis reponunt & conservant, dum vel copia molestum turgat, vel procreandæ speciei necessitas, ut illud excutiat sollicitet. Quamobrem, qua ratione horum frequentissimorum symptomatum causas in corrupti seminis venenosam substantiam rejicere debeam, assequi non commodè possum: nisi lentam quandam & continuam tanti temporis gonorrhœam factam esse imaginemur, neque enim alibi quam extra vasa semen putrescere verisimile est; vasis autem excidere posse, nisi cavitate matricis excipiat statim, anatomici veteres negant: At si ita frequenter vel minima particula seminis in uterum illabatur, illapsa putrescat, sanè putrefactum tandem necessario semel Utero excuti debere verisimile quoque est, ut rem non tantum utero sed & toti corpori adeò infestam & venenatam; si excussa fuerit, alienam sanè qualitatem facile sensibus proder, neque enim calore ut in febre dissipari posset: neque uterus tantum venenum perpetuo fovere valet: sed in hac ægra nulla vel paucissima humiditas, nec illa quidem ingrata qualitate prædita genitalibus (post finitos paroxysmos) emanasse animadverti potuit, teste sorore assidue affidente. *Henr. Smerius Miscellan. lib. 4. epistola 7.*

Mulier quædam hystericis passionibus obnoxia, tandem moritur. Mesenterium plurimis glandulis scirrhosis, durissimis, & variæ magnitudinis & figuræ obfessum; vix ob duritiem discindi poterant. Uterus & Ovaria, cum Tubis, recenti quasi coagulato lacte turgabant.

Ex obstructis mesenterii glandulis sæpe convulsio orta, præsertim quando cibo, vel potu corpus repleatur, tunc enim magis istæ glandulæ distenduntur, unde membranarum ruptura, distensio, & dolor. Porro convulsiones istæ in Abdomine, ob communionem cum aliis visceribus, idque mediantibus nervis paris vagi & intercostalis, hystericam (ut dicitur, quamvis uterus sit inculpatus) passionem intralerunt.

Ægra hæc istas in mesenterio obstructions nunquam passa fuisset si acidis & viscidis humoribus se non divitem fecisset. Atque hoc acidum abundare testantur succi in Ovariis, Tubisque Fallopianis, ac uteri cavitate coagulati. *Steph. Blancardus Anatom. Pract. Observ. 55.*

AGRYPNIA.

Vid.

PERVIGILIVM.

AGRYPNOCOMA

idem quod

COMA VIGIL.

ALBOTIS.

idem quod

TERMINTHVS.

ALBVGGO seu LEVCOMA

Vid.

OCVLI VITIA.

ALCOLA

Est nomen morbi apud Avicennam, idem significans quod *Aphtha*.

ALGEMA, ALGOS.

idem quod

DOLOR.

ALOPECIA

Capillorum est defluvium; sic dicti quod vulpius frequenter accidat. Vid. Pilorum defluivm.

ALPHVS

idem quod

VITILIGO.

ALVI FLVXVS

Vid.

DIARRHÆA.

ALVVS SUPPRESSA, DVRA & Pigra.

EXpulsio in intestinis, aut imminuitur, aut ad tempus omnino nulla est, unde enascitur alvus dura, vel alvus suppressa.

Causa est vel in ipsis intestinis, vel in ipsis contentis expellendis. In ipsis intestinis, si vel inflammata fuerint & tumefacta; vel post dysenteriam ita cohaerint, & eorum arietes agglutinati invicem sint, ut nulla supersit via materiis excernendis; vel etiam, si intestinia, paralytique tact, unde aut spicula excrementi non percipiant, aut illi egerendo motum aptum, sc. compressivum, non habeant; De aliis quæ Ileum faciunt; motumque intestinorum peristalticum invertunt, hic non est quod agamus, suo siquidem reservantur loco. In ipsis contentis expellendis erit causa alvi pigrae aut suppressæ si, vel indurata nimis fuerint, vel viscosiora, atque alterutra hac de causa, ad motum inepta. Indurantur faeces, vel quod ingesta jam fuerint dura; vel ex succorum salinorum intestinorum cavo per varios tubulos suffectorum, actione penetrantiori, unde ab eo quocunque demum quod fluxilitatem aliquam ipsis faceret spoliata, excrementi tantum quasi caput mortuum prædictorum salium terrestreitate sua vim eludens, relinquatur. Præterea ea est quandoque salium in intestina invectorum natura coagulatoria quæ excrementi portionem in lapideum quid pervertere valeat; unde vidimus aliquando gypseam materiam intestini recti cavum ita opplentem, ut omnis contentorum exitus fuerit impossibilis priusquam inferciens hæc materia per remedia, imò manualementem operationem emota fuisset. Viscosiora redduntur excernenda, vel itidem per copiosa alimen-

alimenta vitæda usurpata; vel propter bilem parcius admittam; (cujus beneficio diluuntur excrementa, atque ea propter clysteris naturalis nomine venit) vel propter succum pancreaticum austeriorem fluxilibus excrementi particulis in pituitosum quid, intestinorum parietibus quàm facile adhærens coagulare aptum; vel propter potum parcè nimis haustum, &c.

Curationem quod attinet, illa minimè tentanda venit si intestina post dysenteriam coaluerint; si verò inflammata, aut paralytica, illis medendum, quæ ubi de inflammatione & paralyti, dicuntur. Si alvus supprimatur aut pigrescat ex alimento duriori, aut viscosiori ingesto, necessario cum molliori, & minùs tenaci, atque potus parcius cum largiori est commutandus, reliquum quod spectat, iis quæ emolliunt, ut & quæ stimulant res perficienda: atque si durius quid ano vicinum reperiatur exitum ita obstruens & obstruens, ut contentorum nihil profus pervadere queat, illud quacunque demum arte emovendum.

Inter interna alvum emollientia & lubricantia apprimè facit oleum amygdalarum dulcium, & ut quidam volunt, ova sorbilia, atque potus copiosus, vel simplex & ordinarius, vel passulatus, passulæ enim vel per se, vel paucò arcano duplicato Mynsichti permixtæ hypochondriacis perenni alvi difficultate laborantibus, in potu exhibitæ, maximè conferunt. Conducit item serum lactis, succo pancreatico præprimis nimis austero, temperando atque corrigendo maximè idoneum, præbet enim salum quid & nitrosum volatile non parvæ efficaciam; & ulterius præterea emollit si tamarindi ipsi incoquantur. De decocto lenn. tartarificato, electuariis purgantibus, passulis laxativis variæ compositionis, quia unicuique eorum usus satis est notus, hic nihil addimus, ut nec de decocto ficum longo nimium usu, ex observatione Henrici ab Heers, pediculos ingenerante. In alvi obstructione remediis communibus non ita facile obediens quidam tanquam infallibile medicamentum commendat aurum fulminans à gr. vj. ad x. cum extracto hellebori nigri in pilulas compactum, interim tamen nec spei, nec votis respondit effectus in quibusdam ægris, sc. purum movit; revera, si salium, & dissolventium & præcipitantium tota propemateria in illo fuisset relicta, per eorum aculeos, magis expurgasset, sed tum vi corrodebat atque venenosa egisset, quâ ipsum iteratis lotionibus spoliare omnino consultum est. Alii pro secreto habent vinum in quo per mensem mercurius vivus fuerit infusus, illudque ad cochleare unum vel duo exhibent. Non ingratum est medicamentum tinctura tartari antimoniata parcè aromatisata, in vino, vel etiam juscule ad gutt. xx. propinata per dies aliquot, ut nec tinctura antimoni post ejusdem in oleo nitri per deliquium, digestionem spiritu vini extracta, atque etiam liquor terræ foliæ tartari, aliaque id genus de quibus consuli possunt scriptores Chimici.

Inter externa sunt primò Clysteres è variis herbis, aut aquæ, aut juscule carniū, & omasorum, aut lacti incoctis, sed præcipuè ex oleis parati, sic enim pituita etiam viscidissima parietibus intestinorum adhærens ut ab iis aliis mediis divelli nesciat, commodè extrahitur, eadem ra-

tione qua ipsorum beneficio materias emplasticas, glutinosissimas à manibus facile separamus, eâ propter in doloribus colicis à pituita vitrea non tantum intestinis agglutinata, sed eorum etiam tunicas per salia corrosiva immixta, lacerante, generosæ sunt efficaciam. Si verò indurata prorsus faeces solvens validius exquirant, incoquantur pulpa colocynthidis, imò immisceatur sal gemmæ ipsumque vinum stybiatum; interim tamen per blandiora sæpius repetita negotium hoc veni tentandum, priusquam ad vehementiora procedatur, quæ ut optimè observat Ballonius præmaturè injectavolvulos quandoque intulerunt. Secundo suppositoria è variis petita materiis, & præcipuè ex alumine vel in longum scisso, oleisque illito, vel etiam pulverato atque cum mucilage gummi tragacanthi aqua liliorum alborum extracta, in massam compacto; alii loco suppositorii quam maximè laudant intrusionem digiti oleo semin. napi, vel lini intincti. Tertio sunt topica imo ventri, vel ipsi tantum umbilico illita, inter quæ sunt unguentum de anthanitia aliaque officinalia, at pro specifico habetur Zibethum, (quod etiam in colica umbilico inunctum secretum est) valet item cataplasma è felle tauri & colocynthide, admixto si lubet aloë, imò esula & sale gemmæ cum farinis. Quidam præterea topica sua plantis pedum admovent, quale est quod commendatur ex oleo populeonis cum hiera picra confectum. De exemplis rarioribus quale Principis illius apud Meibomium qui alvum deponere non potuit nisi prius à servo flagellatus; item de tussi & sternutatione quandoque pro excrementorum ejectione necessaria, in eumque finem à Platero imperata, nihil hic addimus; subjungimus tantum, quod si à tumefactis atque dolentibus hæmorrhoidibus facum præpediatur exclusio, foru lactis cui chamomilla, verbascum, hyosciamus &c. fuerint incocta aliisque anodynis esse agendum. Sequuntur jam

Curationes, Consultationes, Observationes & Cadaverum Anatomica Inspectio- nes è variis Auctoribus.

Curationes.

In tardissima alvi dejectione à quacunque causa procedente mirabilis est effectus essentia salis tart. cum sp. vini extracta & ad consistentiam redacta, cujus gutt. ij. usque ad vi. vel vii. tandem singulis diebus vespere horis 2. à cœna in haustulo vini vel alio liquore exhibeanur, donec spontè subsequatur lubricitas alvi. Hoc felicissimè usus sum in melancholia hypochondriaca. *Joann. Hartmann, practic. chymiatric. pag. 47.*

Arcanum ex alumine in hoc casu in forma suppositorii exhibet Angelus Sala in fine operum. Valet etiam clyma ex croco metallorum & ol. olivarum. Item sp. vini cui per mensem mercurius est infusus etiam valet. Prius, quod notandum, croci metallorum decoctum debet filtrari, alias nocet. ℞. ol. lini, raparum ana ℥ iv, diacoloc. Q. 3 vj. vel ℥ j. f. l. a. clyma. ℞. pulp. passular. ℥ iij. pulv. rad. jalapp. 3ss. scam. rosat. ʒ iij.

crystall. tart. alb. 3 iij. cum s. q. syr. ros. f. electu-
rium. Rob. passulæ um optimè prodest in si- cio-
ribus, præsertim ubi hepar est nimis calidum. In
alvi obstructionibus præprimis à siccitate, mini-
mè conveniunt aloëtica, neque rhabarb. myroba-
lani &c. quia nimis exiccant, & post se adstri-
ctionem relinquunt. Optimè verò eo in casu con-
veniunt potius largiores, ut & passulæ laxativæ 3 ss.
ad 3 j. elect. de tamarinis cum fol. senæ ab 3 ss.
ad 3 vj. vel 3 j. pruna item laxativa. N. iv. vel vi.
Joan. Michael prax. clinic. general. libr. 4. cap. 16.

Pro alvo suppressa in Gravidis.

Alvi suppressio ac durities vel tarditas curatur
cibis liquidis & humectantibus, ut jusculis pur-
gantibus, butyro, malv. borrag. &c. alteratis.
Item prima mensa sumantur pruna dulcia vel
mel. rotatum ad 3. vel 4. cochl. quæ si gravisda res-
puat clysteres humectantes & emollientes sine
omnibus purgantibus in minori quantitate sine
periculo injici possunt. Cave tamen ab herba
mercuriali, quia menses ciet, exempl. gratiâ. ℞.
Decoct. hord. & jusculi carnis, vel pulli ana q. s.
flor. borag. herb. pariet. ana m. ss. colat.
℞. 3 vj. adde mell. rosat. vel sacchari Thomæ 3v.
vel 3 j. vitell. ovor. n. i. m. f. clyster. Quem Ob-
stetrix prudenter & c. utè, fistula scilicet non su-
perne versùs uterum, sed inferne versùs os ischia-
ticum directâ applicare debet. Suppositoria hîc
mirùs tutè adhibentur. Cæterum si calor adsit,
hepar refrigerandum, clysteribus admisceri etiam
potest ol. amygd. dulc. violarum, rosarum &c.
oleum amygd. dulcium etiam per os commodè
assumitur. *Idem. Prax. clinic. General. lib. 5. tit.*
14.

Pro Alvo suppressa in Infantibus.

Si oritur à causa frigida & sicca post purgatio-
nem humectantia profunt. Manna, Cassia, passulæ
laxativæ, poma laxativa, rob. passul. brod. prun.
laxat. minimè verò profunt valiadè purgantia, cum
exsiccent & adstringant. Si oritur à pituita vis-
cida, convenit Mechoacanna vel suppositoria of-
ficinalia pro infantibus. Possunt illiniri ol. dia-
colocynthidos, pomum Bordonianum putridum
cum pinguedine anserum intestinis illitum; Item
pinguedo anserum & gallinarum cum juglande
umbilico imposita; Item unguentum de Artha-
nita cum unguento dialthææ. ℞. Unguent. de
arthanit. 3 ij. fellis taur. inspiss. 3 j. cum ol. dia-
colocynthid. f. l. a. linimentum. ℞. Decoct.
emoll. 3 vj. vel plures, unguent. clysmat. 3 ij.
vel iij. f. l. a. clyσμα. *Idem. lib. 6. prax. clinic. ge-
neral. cap. 13.*

Linimentum hoc illitum umbilico alvum mo-
vet, nec post se detrimentum relinquit. ℞. ol.
amygd. dulc. rec. pingued. anser. butyr. majalis
unguent. dialth. ana 3 ij. colocynthid. gr. xvi. salis
3 i ss. spec. hieræ simpl. 3 j. diagryd. gr. iv. misc.
pro linimento. *Reinerus Solenander. Consil. 29.*
sect. 3.

Consultationes.

Per illustris senex sexagesimum secundum an-

num agens, temperamentum sanguinei ab ortu mo-
dò ad melancholicum vergentis, post errores mul-
tis ab hinc annis commisos, & præcipuè in vi-
ctus ratione, cibariis nempe valde salitis &
aromatibus infarctis, à scabie sævissima tandem
fuit correptus, per quinque annos ipsum excru-
ciantem, magis quoque cum labore, repetitis expur-
gationibus cedente, à qua liberatus, pristinum sta-
tum recuperavit, à morbis immunis vivens: so-
lummodò post sex gesimum annum torqueri cœ-
pit alvi astrictione insolita ac pertinaci, adde ut
non si medicamentis exhibitis, alvus respondere
valeat, & magis magisque invalescit affectus; in
hoc enim cursu erysipelate spurio in facie & in
capite fuit tentatus à quò medicamentorum ope
liberatus fuit, & ad præservationem innotum fuit
cauterium in cruris dextri parte interiori. Quie-
vit aliquantisper; sed hoc hyemali tempore præ-
terito rediit erysipelas in crure & in coxa, non se-
mel, sed bis & ter infestans, tandemque etiam in
capite, sanatum propriis adhiitis medicamentis.
Laborat in præsens alvi stypticitate molesta cum
flatuum in ventre strepitu, adde ut nisi utatur
medicamento aliquo solutivo vix faeces ex-
cerni possint. Quare pro levaminetanti viri, hoc
tempore veris purgatio em instituere decrevi-
mus, tuo tamen sapientissimo judicio proponen-
dam.

Sicut ab atra bile in toto existente elephantia-
sin excitari, in parte verò particulari Cancrum,
dicebat *Galenus*, ita & nos in casu Nobilissimi
Viri asserere possumus, quod bilem crassam, quæ
jam præteritis annis diu in toto scabiem & pso-
ram producebat, eadem sanata, à toto ad par-
tem, & primò ad caput, postremò ad crura intus
demandaverit & deposuerit, & affectum ery-
sipelatosum constituerit, quem licet legitimum
esse potuisse propter ætatem vix credi possit, at-
tamen bilem redundantem arguere licet tum quia
jecoris temperamentum calidum & sicum ab
aromatibus & salutorum usu, & forsan etiam me-
raco potius comparatum fuit, tum quia evanesce-
re affectus, nullo in partibus relicto tumore. Et
quoniam nonnisi à jecoris fervore bilis copiam
generante, erysipelas prodisse censendum idò
ad corporis peripheriam non amplius, ut supe-
rioribus annis, transmissa, sed in centro modò
detenta, & jecoris & hypochondriorum fervo-
rem necessario aduxit, à quo & intestina ipsa
quo lammodo contrahi, & faeces quàm maximè
exiccati fuit necesse, unde alvi stypticitas, quam
facile hypochondriacus affectus quoque aut co-
mitatur atque comitabitur: rugitus enim & mur-
mura in abdomine abundantia, sicca potius ex-
halationis, quàm vaporis, sicque flatuosa affe-
ctionis non leve jure merito præbent indicium,
eoque magis, quàm ad melancholicam vergere an-
notetur in morbi tradita historia: cujus affectio-
nis comes esse solet alvi stypticitas, tum ob addu-
ctam superius siccitatem, tum ob crassas flatuo-
sitates fœcalia excrementa suspendente; & non-
nunquam à cruditatibus viscidis expultrici facul-
tati torporem quandam inducentibus: In hujus-
modi autem insigni alvi stypticitate excrementa
biliosa, quæ per inferiora evacuari debuerant, ab
hepate per venam cavam ad cor, indeque per ca-
rotidas externas ad caput delata, & ab arteriis
ad integumenta transfusa ad superficiem perve-
nien-

nientia, erysipelas per intervalla excitant. Quod cruribus quoque accidit, bile ipsa per crurales arteriæ ramos à prudenter infixo Cauterio eo revocata, copiosioris & superabundantis bilis indicium, ut quæ per Cauterium tota expurgari nequiverit.

Affectus quidem non spernendi: nam licet erysipelas ad extra pelli bonum sit, cum affectus superficialis evadat, nihilominus quoniam partem nobilem aggredi cœpit, & quia si per internas quoque carotidas bilis serpat in caput, nec extra pellatur, affectus erit priori contrarius, malus enim non solum, sed pessimus evadit; namque & meningum inflammationes & phrenitica deliria cum acuta febre, & tandem quoque ex eo interitus contingere solent. Sed præterea & in cruribus temporis progressu aut tumorem, aut ulcus aliquod post se relinquere posset. Fovetur autem ab alvi stypticitate, à qua & alii affectus acutiores, ut ardentes febres, derivari possunt; ut propterea non sine ratione Hippocrat. dixerit, quod ventris torpor omnium confusio.

Ex quibus adductis non est difficile, quid factu sit opus, cuilibet Medico cognoscere. Primum namque ventriculus & intestina ab excrementis expianda. Secundò si quæ lateant in mesenterio obstructions, humectantibus & aperientibus reseranda. Tertio bilis in toto redundans minoranda & expurganda. Quarto jecoris & hypochondriorum fervor contemperandus, siccitatque corrigenda; & tandem caput quoquo pacto roborandum.

Quibus intentionibus ut satisfaciamus, ex fonte Chirurgico non unica tantum est depromenda sanguinis missio; bilis enim neque tenuior, sed crassior & mista, & ideo erysipelas non exquisitum sed spurium censendum, in quo & Galen. & reliqui quoque sanguinem mittunt; Aperiat igitur jecoraria dextera, sed parca mittatur, ut ejusdem eductio ab hæmorrhoidibus repetatur. Cauterium nuper inustum & apertum, custodiendum, spe concepta fore, ut præsentī cura præservativa, expurgata nimirum bile, intemperieque calida jecoris remissa, non amplius irruat in crura & interim paulatim biliota serositas minor reddita, per cauterium expurgeretur.

Ex pharmacia reliqua sunt depromenda remedia: & primò leniens erit syr. ros. solut. rec. cum portione man. clarificatæ, cui superbibat aut aquam hordeaceam, aut serum. Præparans erit, à viro Excellentiss. jam propositum, julap. acer. aromatis. addito poline cremor. tart. & aq. flor. citri. Inde reperi poterit potio ex syr. ros. solut. & de polypod. sero superepoto. Mox ad ulteriora præparantia humectantia deveniendum; cuiusmodi esse poterunt succi depur. & per arenam tracti cichor. borrag. pom. dulc. ad 3 iij. in decoct. injure pullæ parata, malv. viol. sonchi & endiv. Sequenti verò die præbeat flos cass. ad 3 ij. vel iij. summo manè & post horam superbibat seri capr. aut asin. libram, tribus verò horis ab assumpto sero prandeat. Tertia die repetat succos, & quarta florem cassiæ, sic alternatim perseveret ad vigesimum usque diem. Verum decimo die exacto, addi poterit flori cassiæ rhab. opt. ʒ j. Transactis verò jam dictis viginti diebus, præbeat potio ex syr. solut. man. clarif. cum sena & tartaro, addendo infusioni jam dictæ consuetæ rhab. 3 i s. cui, incepta evacuatione, superbibat seri

depur. ʒ ij. & duabus horis ab assumpto sero prandeat. Sequenti verò die assumat seri depur. ʒ ij. summo manè: deinde sequentibus diebus, tribus saltem aut quatuor vicibus præbendum erit serum caprinum depur. ad ʒ iv. vel v. cum vehiculo dejectorio, eodem modo quo aquæ Terrucianæ exhiberi solent, idque ut hypochondria excalescata & exiccata refrigerentur & humectentur: offeratur autem aut quotidie, aut tertio quoque die, habita virium ratione.

Tandem pro jecoris intemperie calida corrigenda, aquarum acidularum & ferrealium thermalium usus opportunus esset, quibus substitui posset Noceriana, quæ mineralis non est; cum solum terram samiam pro fundamento habeat; quam si respuat Nob. patiens, statim deveniatur ad lactis asinini usum, ut quod jecoris & venarum calorem contemperare, & furentis bilis acrimoniam & motum compescere valeat. Et quamvis biliosis & murmurantibus hypochondriis ab Hippocr. denegari videatur, eò quod facile corrumpatur, corruptionem tamen minimè sequuturam spero, præmissis jam propositis humectantibus & refrigerantibus medicamentis. Incipiat igitur ab ʒ v. cum semicochleari sacchari albi, & ascendat usque ad x. cum integro cochleari: assumatur autem statim multum, quinque horis ante cibum, cui minimè superdormiat, & perseveret ad quadraginta vel quinquaginta dies. Nec vetare potest usum, quia, *lac dare caput dolentibus malum*, illud enim intelligitur de capitis frigidis affectionibus, cum calidis & siccis sit verum remedium. Eodem tempore Balneum aquæ dulcis non esse omittendum mihi videtur, horis vespertinis administrandum, alteratæ fol. mal. viol. nymph. sonchi, salicis, viginti saltem diebus, quo viscera omnia totumque corpus cum sanguine ad moderationem redigi poterunt. Nec interim capitis tutela omnino negligenda, sed à prandio in usum ducat conservam rosarum: sicut quoque sub ingressum lecti, cui addi posset exigua portio Diarrhod. Abbatis, aut reformari cum gutt. tinct. coral. chymicæ.

Hisce omnibus congrua addatur vivendi ratio refrigerans, humectans, & potius incrassans, à Peritissimo viro præscribenda, à quo reliqua quoque proposita fuere, & à me in præsens confirmata. *Raymund. Joan. Fortis consultationum centuria quarta.*

Observationes.

N. Ab Offendorph, Nobilis Germanus, militans sub Capiraneo Lex, Vir fortis & florentis ætatis, ordinariè tantà alvi constipatione laborabat ut vix unquam absque medicamento alienius usu eandem dejiceret, quod malum ipsi multis annis familiare fuerat. Interea tamen non agrotabat, sed cum alvus jam quinque sexve diebus substitisset, tunc somnolentus & in actionibus omnibus piger fiebat. Accidit mense Augusto, cum alvus per septem dies constipata pilulis suis ordinariis (quæ ex præscripto Medici cujusdam Germani semper secum portabat) non moveretur, ut D. Romphium, Regina Bohemæ Medicum ordinarium (qui tunc temporis Principem Auriacum in castris sequebatur) adierit, qui injectis duobus clysteribus, & duabus portionibus

cathartica fortioribus exhibitis, cum alvum emovere non potuisset, non ausus fuit ulterius procedere. Quapropter ipse vitæ suæ metuens, è castris Noviomagum ad me venit, ac totum negotium mihi exposuit, simul aliquod salutare auxilium exposcens. Decimus sextus jam agebatur dies quo alvus constipata erat. Ego ejusdem emotionem sequenti clystere tentare volui.

℞. Radic. bryoniae ℥j. herb. malv. althææ, mercurialis, absynth. centaury. minor. flor. chamomill. meliloti, ana m. j. fol. senæ ℥jss. pomi colocynthidis ℥j. ficum ping. num. vii. sem. anis. ℥ss. coquantur in aqua communis q. l. ad ℥x. colaturæ adde vini sibiati ℥iv. fiat enema.

Hoc cum per horæ quadrantem retinisset, alvus vehementer conturbata fuit, & ultra viginti dejectiones subsecutæ sunt, cum maximo levamine. Postea dietam emollientem & laxantem præscripsi, atque sic illum tanto onere levatum, benè lætum ad castra remisi.

Inveniuntur nonnulli quibus alvus mirabiliter constipatur, eorumque varia & stupenda exempla collegit Schenckius observ. lib. 3. in talibus naturis, si cathartica exhibita nihil prosint, non semel observavi vinum sibiatum clysteribus admistum egregiam operationem addidisse, idque tutò, cum cathartica fortiora per os exhibita, interdum prohibito transitu, faciliè aliquod periculum inducere possint. Memini me aliquando rustico Bataviensi robusto & valdè constipato catharticum forte exhibuisse, à quo cum alvus planè non commoveretur, postridie injeci enema cui, præter alia, semiunciam tabaci sicci incoxeram, atque sic alvus egregiè deturbata fuit. Novi capiraneum navis bellicæ, qui mihi narravit, sibi quondam in mare alvum multis diebus constipatam fuisse (unde valdè anxius fuerat) neque à Chirurgo suo multis variisque medicamentis emoveri potuisse tandem verò cum jam de vita desperaret, quendam ex nautis consuluisse ut aliquantum rasuræ unguis pollicis cum haustu cerevisiæ biberet, quod cum fecisset, se maxima anxietate correptum in animi deliquium incidisse, ita ut ipsum moriturum omnes arbitrarentur, postea verò ad se rediisse, & sursum deorsumque enormiter purgatum, atque sic ab imminenti mortis periculo liberatum fuisse. *Isbrand. De Diemberbroeck. Observation. & Curat. Medicar. 89.*

Novi illustrissimas & formosissimas Dominas, quæ cæterum sanissimæ, & quotannis uterum gerentes, nunquam nisi vigesimo, vel serius, die, alvinas fæces deponerent; nec quidquam inde incommodi etiam puerperæ sentiebant.

Vixi cum Sacerdote Religioso, omnium quos novi mortalium ingeniosissimo, linguas enim Orientales, Hæbreæ, Syriacæ, Arabicæ, autodidactos ita calluit, ut eas publicè, in celeberrima Germaniæ Academiâ docuerit, summa cum laude. Hic nunquam nisi post 24. diem, alvi beneficium à puero sensit, sanissimus, nec ullum unquam expertus pharmacum.

Generosus quidam jam multos annos ita vixit, ut fæcum alvinarum nihilo plus per anum quàm per oculos excernat, accumbit sub meridiem mensæ opiparæ, convocatis ut plurimum aliquot Nobilibus, comedit, bibit, nihil à quoquam accumbentium discrepans. Sub horam primam surgit à mensa, pridianum prandium revomit, retentis accuratissimè omnibus recens ingestis, postri-

diè illa, ut hesternæ egestus, putidissima, atque ab alio stercore non differentia, in vomitione conatus nullus, mora nulla, simul & semel magnam quantitatem exstomachat, abluto aquis odoratis ore, ad mentem redit: ventriculum interim quod illi in sequentis diei meridiem satis sit, resumere cogit, jentacula, cœnasque ignorat, solo prandio contentus. Sic jam ultra 20. annum continuat.

Sæpè mihi in mentem venit, duos illi, ut animantibus ruminantibus esse ventriculos, quorum unus altero recens impleto, vomitu se depleat. *Henricus ab Heers. observ. 29.*

Amicus quidam meus non solum 10. 15. aut 20. dierum spatio incolumis sine fæcis dejectione servatus est, sed contigit aliquando, alvum, ita exsiccata fuisse, ut usque ad tres menses sanus perfectè extiterit. *Dominicus Panarolus, Observ. 1. pentecoste 1.*

Cum viro cuidam nullis medicamentis solvi poterat alvus, & jam per dies 14. ex toto suppressa erat, ipsi statim dedi mox ante cibum ℥j. sequentis electuarii è zizibis dicti devorandam, quo certè alvus continuo fuit emollita, mora & subducta, nec de novo alvus suppressa fuit. Electuarium è zizibis *Κομπανύρις* sic se habet. ℞. Polipod. q. recent. benè mundat. ℥viii. fol. orient. rad. althææ ana ℥iv. anis. ℥ss. fiat omnium decoctio s. a. in aq. fontan. donec veniat ad ℥ij. plus minusve postea cola cum levī expressione. Colaturæ expressæ adde pulpæ zizib. (i. e. jujub.) lotæ cum vino albo potenti & maceratæ in dicta decoctione, postea per seraceum transmissæ, ℥j. sacchar. albi. ℥iv. bulliant iterum ad cydoniati consistentiam. In defectu zizibi, ponatur uva passa detrahitis Arillis. Hoc electuarium communicatum est ab excellentissimo D. Doctore *Alexandro Petro-nio. Martinus Rulandus. curat. 79. cent. 10.*

Hier. Thriuanus, comm. in aphorism. 10. sect. 1. Hippocr. scribit, rusticos jam iudum nosse experientia, si nudis pedibus humi obambulent, ventrem pertinacem solvi, atque ejus rei historiam refert *Brassavolus cap. 9. tract. de Medic. purgant.* Dum scribit Ferrariensium Ducem Borsum in alvi duritiem incidisse, & per triduum nihil excrevisse, & consultum ea de re medicum eo tempore insignem, Michaellem Savonarolam, suasisse clysterem injici, quo nihil proficiente, iussit pavimentum, quod erat marmoreum, frigidâ aquâ copiosius conspergi, & Ducem lecto surgere ac nudis pedibus ambulare: non 50. passus perrexit, cum per ventrem dolorem, ac *Αποσπασμὸς* sentire cœpit, sedem petiit & potentissimè excrevit, quo facto iussit Savonarola, aqua in qua herbæ calidæ essent decoctæ, Ducis pedes, ac crura ablui: quod consilium, Dux centum aureis remunerari iussit.

Hoc proculdubio accidit ob pedum, quem cum partibus nervosis & membranosis, qualia etiam sunt intestina, habent consensum, & ob intestinorum refrigerationem; sicut aliàs etiam, si venter frigori exponatur, dolor colicus, & alvi excretio copiosa excitari solet.

Verùm Brassavolus hoc periculosum auxilium esse putat, & non tentandum, cum tormina inducere possit, & Diarrhœam. Nonnullis ex solo purgantium odore, alvus laxabatur. Novi medicum, cui, si in vola manûs, pomum colocynthidis contineret, donec incalesceret, alvus laxabatur.

batur. *Daniel Sennertus. cap. 4. sect. 2. lib. 3. practica.*

Cuidam alvi fœces duræ in podice substituerunt, nec egredi cœsi vehementi conatu propellere tentaret, poterant, adeo ut podicem, cum cruciatu, nimium aperirent, & veluti divellerent, huic ut mederer, sternutationem movi, & cum tussire jussi prius podice fomentato cum oleo, quibus conatibus & impetibus scibalon propulsus & ejectum est, reliquaque excrementa subsecuta sunt. In multis aliis, quibus ob duritiem excrementa ægrè per podicem feruntur, tussim imperando ea ut prodirent, quæ alio conatu exprimi non poterant, effeci. *Felix Platerus, observ. lib. 1. pag. 225.*

Seni cuidam qui singulis tribus septimanis, aut aliquando mense alvum semel reddebat, hoc consilium dedi ut pinguibus jusculis uteretur, in quibus & malva incocta esset. Romana quædam mulier urticâ tenellâ ex oleo & sale comestâ alvum sibi reddebat. *Petrus Forestus, observ. 24. lib. 21. de mesenterii & intestin. affectibus.*

Vidi duos qui nullo antimonio, aut alio eprotrico ne quidem hellebori extracto alvum laxabant cum meo consilio priorum unguum, prælegmina & rasuram bibissent, vomitu juxta secessuque abundè se deplebant. *Henricus ab Heers, observ. 29.*

Vir quidam corpore athletico post viscerum intemperiem, & gravem morbum per 18. dies, alvum habuit suppressam, cui ter interjecti clysteres, sed in ventre restitantes, & alia medicamenta exhibita, non potuerunt ad obsequium sollicitare. Tandem cum omnia videret esse conclamata, nec ullam superesse sanitatis, vitæque diuturnioris spem, amicos convocat, insciisque medicis aliquot vini rhenani cyathos ebibit, solitas delicias, ultimum ita vale illis dicturus. Dehinc tamen post vini, cujus usu assueverat, haustum siccatosque calices, murmure in ventre orto, liberaliter soluta alvus ægerque medicis stupentibus, celeri pede ad se, & sanitatem rediit, diuque superstes inter amicos pancreaticè vixit. *Thomas Bartholinus, histor. 40. cent. 5.*

Quendam contumax alvus tantum non ad incitas redegit, nequicquam hic solutivis, sive per os, sive per anum adhibitis proficientibus: perstat obstructio per duas vel ultra septimanas pertinaciter: venter tumore intumescit duro, cum calore p. n. gravioribusque symptomatibus: duro igitur nodo durum quærendum esse cuneum arbitratus, misi tartari emetici gr. vj. ex aqua pingui seu sapida assumenda, applicato simul suppositorio: hinc sequuta diu expectata alvi solutio, debili quidem hinc existente ægro, sed paulò post integrè sano. *Ehrenfred Hagedornius Miscell. curios. anni 73. observ. 16.*

Virgo laborabat obstructionibus: irresolubilibus Pharmacopæus multis tentatis, desperatus desperatæ porrigit ʒij ss. mercurij crudi; quo facto magno impetu copiosissima successit evacuatio, ægraque post paucos dies pristinam adeptæ sanitatem. *Samuel. Ledelius misc. cur. anni 1672. Observat. 225.*

Sicuti variis de causis mortales alvi profluvia inquietos reddunt; ita etiam contra ipsorum excrementorum ejectio per alvum nimis tarda eos valdè molestat. Huius autem exemplum obvenit *Dom. Samueli Capeliavo Medico hic Ha-*

gæ anno 1677. in famula, quæ morbo laborans quinque amplius hebdomadarum spatio semel tantum alvum exoneraverat, primum scilicet quarto decimo die, ac deinde post trium hebdomadarum intervallum quamquam & quotidie sufficientem alimenti portionem sumeret, unde factum, ut ei valdè anxie venter multum intumesceret, atque ipsi purgantibus opus esset; quæ licet jam ab alio Medico præscripta, injectionesque per alvum adhibitæ essent, illa tamen neutrquam per alvum quicquam excernere potuit, quare supra dictus Medicus ipsi tandem præparantem, & simul purgantem mixturam præbuit, atque hinc nonnihil singulis horis cochlearim sumere jussit, quod cum illa per duodecim quatuordecimve horas, uti debebat, fecisset, denuò ipsi alvus enmate tortuosa, atque molliensimulque purganti, at nec quicquam fuit stimulat. Quare ejus venter per viginti quatuor horas in antecessum fortis fuit sacculo emoll. ac attempant. herbis, nec non seminibus repleto, quæ in vino albo gallico, tenuiorisque cerevisiæ simili copiâ cocta erant: postea autem purgans potus è fol. senæ, rhabarbaro, spec. diacarth. & manna constans matutino tempore ei datus est, cujus usum tempore pomeridiano durorum admodum, atque argillæ similium excrementorum secuta est, terque, quaterque emissio, ipsamque famulam non ita diu post angor, ventrisque tumor deseruit; quamquam persuaserint ei Medici, ut dictæ mixturæ usum non intermitteret; atque ita deinde ipsa convaleuit. *Corn. Stalpart vanderwil Observ. 55. Centur. 1.*

Nobilis quædam Matrona annos præter propter quinquaginta jam nata, ea est ab infanzia alvi stypticitate ut semel tantum intra decem aut duodecim dies eam deponat; vivit interim hilaris, nec affectionibus hypochondriacis hæcenus obnoxia, appetit & vegeta est, imò respectu ætatis jam paulò provectæ, formosa, nec aliquid unquam molestius patitur quàm quando alvus solutior fuerit, unde à medicamentis purgantibus, solaque etiam rhei tinctura in leypothymias, aliaque non minus gravia deducitur symptomata. Cum nuper apud me conquereretur de ventriculi quodam pondere atque indigestione, ipsi exhibui elixyr volatile mihi familiare, è variis aromaticis & theriacalibus conflatum, verum cum sic, (ut aliquibus evenit per aromatica & volatilia assumpta) alvus aliquatenus mota fuisset, tam malè habuit, ut eo amplius uti noluerit.

Cadaverum Anatomica Inspectiones.

Religiosa mulier intestinorum doloribus multis jam mensibus urgebatur & alvus nihil nisi ægrè & durum, idque decimo tantum quoque die reddebat. Mortuæ corpore inciso, inventa sunt intestina altiore callo constricta, adeoque iter angustum relinquebatur ut dejectiones ægrè transmitti possent. *Benjaminus de Aeditis c. 30.*

Joan. Pressius, Medicus Romanus, se in cadavere Capucini vidisse asserit Duodenum intestinum undique repletum stercore coloris atrii, levi & durissimo; quod in plures partes divisum tubera ad unguem æmulabatur, sine tamen magno fœtore; quod à caliditate maxima ortum habuisse credibile est. Pater ille cum prius juris, alterius

que rei cochlear sumeret, statim vomebat, & cum vomitu magnam pituitæ vitreæ quantitatem excernebat, absque eo quod ullus tumor, ullusque stomachi vicinarumque partium dolor adesset.

Id à quo eveniat conjecturâ assequi possumus: nam cum pater prius ferè quotidie quintam roris marini essentiam sumeret, si quis diceret ex hoc ortum sumpsisse; fortè veram morbi causam indicaret: Medicamenta enim chymica sicut aliquando mirabiles producunt effectus, ita sæpè absque modo & mensura adhibita sunt tanquam gladius in manu pueri: facilè illa quinta essentia sicut hepar excalefacere; ita qualitate ignea humidum ventriculi absorbere potuit. *Dom. Panarolus pentec. 2. Obs. 29.*

Quidam 40. annorum obstructione alvi sæpè laboravit, post mortem repertus ingens abscessus circa fundum ventriculi, ex eo genere qui steatomatici dicuntur, ad magnitudinem anterini ovi, qui satis durus fuit redditus. *Ex Joach. Camerarii. Observ.*

Cuidam ante annos 30. aut 60. ita alvus pigra erat, ut non solveretur nisi clysmate aut alia arte: Hujus rei causas varias machinabantur, sed cadaveris apertio rem aliter habere demonstravit, nam intestinum jejunum ita angustum & cartilagineum est deprehensum, ut vix per illud chylus deflueret, itaque diu morabatur in eo, tum propter angustiam tum propter impeditum motum peristalticum. *Ballonius Epid. lib. 1. pag. 58.*

Nuper ex dentitione difficili convulsa fatis cessit N. filiola, aliàs ab ortu sui vestibulo sana, præterquam quod in excernendis fœcibus, etiam liquidis, summam pateretur difficultatem, & talem quidem ut ex conatu nimio & respiratione retenta tota facies nigrèsceret. Exenterationi traditum corpusculum. Inventa viscera omnia sana, præter intestinum ileum, in quo tres nodi una ferè spithama inter se distincti vilendi erant; in horum quolibet magna portio hujus intestini, ipsi menterio non adhærens, abscondita latitabat: *Ex observ. D. Matth. Franc. Hertodi Medici Moravi in miscell. curios. anni 1670.*

Septennis puella diarrhœa corripitur: à mulierculis largè cydoniatum illi exhibetur; alvus inde omninò restitit: hinc tormina, dolor ventris, mors. Aperto cadavere, cœcum intestinum adeò cydoniato obcuratum deprehenditur, ut illac nihil pertransire posset. *Fernelius Patholog. lib. 6. cap. 9.*

Cuidam gravis affectus alvum prorsus cohibuit, qui tandem ventre suprâ modum intumescente decessit è vivis, inventum est colon usque adeò pituitâ infarctum ut solidum prorsus censeretur, nihilque omninò fœcis in alvum delabi sineret. *Fernelius Patholog. lib. 6. cap. 9.*

Mirum quod cuidam per totam penè vitam contigit; alvus nil penè reddebat nisi liquidum, aut sollicitata pharmacis: nesciebatur quo id esset referendum. Aperto cadavere, repertum est in medio unius crassi intestini annulus orassus & durus, qui mediam penè intestini partem occupabat: sic crassiora excrementa non poterant transmitti: *Ballonius Paradigm. 30.*

Uxor N. partui vicina, post comestionem fructuum horariorum & lactis, superhausto magno haustu cerevisiæ frigida, statim incidit in dolorem in latere sinistro sub regione Hepatis cum alvi adstrictione. Secto corpore 50. post die mor-

tua inventa est in eo loco pars intestini coli putrida & denigrata. *Observat. D. D. J. Hessi.*

Alius cum intemperantius cœnasset, incidit in dolorem ventris circa pubem acerrimum, cum sensu caloris & adstrictione alvi. Secto mortui corpore, invenimus colon circa illum locum planè putrefactum, ita ut etiam ad levem contactum planè rumperetur. *Idem ibidem.*

Fœmina, quædam uterum gerens, per omne tempus gestationis, neque minùs ultimo mense, totas dies indefinenter à summo manè in multam noctem acubebat, perpetuò sedens, in sese quasi contracta & incurvata, prono capite, ut solent acui intentæ: hinc in ventris tantam constipationem incidit, ut totis 10. 15. 20. etiam diebus, ne semel quidem alvum dejecter, id quod illa parvi faciens neglexit, pergens quousque poterat tum sedendo tum nendo; donec præ incredibili ventris tumore & dolore (quorum utrumque ex alvi fœcibus retentis contractum erat) sedere ulterius ac nere non posset: Decumbit tandem misera, tormina ventris ejusdemque tumor, indeque orta anxietas, crescunt in dies, ac in tantum augentur ut res in extremo periculo videretur esse omnibus quotquot illam adibant: Suppositoriis & clysteribus ad alvum ciendam vel dolorem leniendum ne proficiebatur quidem tantillum: Clyster enim qualiscunque vel quantuscunque injectetur, in recto nonnihil tantum inhærebat (ut res tandem patuit) intestino, paulo post regressus, nihil prorsus secum educebat; Partus insuper labor, durantibus his ventris torminibus, illam occupat, accersitaque Obstetrice fœtus, etsi immaturior, vivus tamen editur sic rectè: At etiam si fœtus egressus esset, ne tantillum quidem detumuit venter, sed idem, ne dicam major, & tumor atque renitentia & dolor permanebant, ut res aspectu etiam terribilis esset adstantibus, existimantibus fore ut jam præ nimia tensione rumperetur venter: Quid multa? diem suum ægra obit, ipsamet rogans ut sibi mortuæ aperiretur & inspiceretur venter, factum. Ibi verò colon inventum (secto peritonæo & sublato omento) primum omnium è sede sua emotum sese oculis offerebat, totum gangranosum; color ex cæruleo rubricans, qui color etiam per abdominis musculos, & cutim, nimia extensione extenuatam quidem illam, transparebat: Ea verò intestinum illud apparebat magnitudine, distentum scilicet mero stercore, ut amplioris canthari, cui pueri etiam caput inferi posset, capacitatem referret: Reliqua verò intestina superiora omnia flatibus maximè turgebant, supra modum: hinc colon, ea parte qua in sinistro latere à rene descendit (urgentibus inde flatibus intestina elevantibus, hinc verò stercoreis copia, extensione intestini secundum crassitiem seu profunditatem, illud brevius reddente, quasque contrahente illud secundum longitudinem) è loco suo discesserat usque ad umbilici regionem: sub eo namque intra ductum rectorum musculorum abdominis conspiciebatur, à ventriculo rectà in medio descendens: Hinc absque dubio ipsius coli inferius, qua parte recto intestino continuatur, contorsione facta, tota via fœcibus & flatibus exituris, clysteribus verò intraturis in universum præclusa est: Tanta verò ex perforato colo fœtidissimarum fœcum illuvies effluebat, ac si jumentum aliquod mactasset. Atque hinc manifestum est quid gravidis conferat multa

vita sedentaria neglectaque alvi dejectio, maxime verò ad ultimum usque gestationis mensem producta. *Ex observationibus Franc. Tidicai Medici Thoruniensis Borussi.*

Nobil. N. jam in senio constitutus, alvi suppressionem incurrit, quam arcere tentarunt Medici medicamentis & clysteribus, quæ nihil per interius educebant: exhibitum quoque oleum amygd. ad $\frac{3}{4}$ vj. pondus, quod tamen nec ipsum quicquam eduxit per inferius: Ultimo loco ceream canelam, per anum indidere, cujus portio ad cubitalem longitudinem intromissa, nitida, nullisque facibus deturpata extracta fuit, nulla tamen nec proinde excretionem sequuta: Aquæ thermæ quodque ex aquario propinata, quæ & ipæ ad intra corpus detentæ nihil profecerunt: Quare ab ii. decubitus die extinctus, cum febris valida & indeficiens supervenisset. Cadavere aperto, Intestinum rectum, in parte superiori, ita per digitum transversum longitudinem coactum ac coactum repertum, ut vix tenuioris funiculi crassitudinem æquaret; utrinque in confinio intestini partibus in tumorem quandam velut glandulosum elevatis: ex quo factam quo minus fæces in superioribus intestinis genitæ, per constrictam, familiaremque regionem naturæ detraherentur; quinimò nec thermalis aqua coangustata in partem potuit pertransire, sed in monoculo congregata reperta.

Intestina quidem non solum ex flatuum repletionem, sed etiam ex acrimie humorum, frigidaque ac vitrea pituitæ redundantia, atque etiam ex intemperie sola dolere posse omnibus comperitum est, quinimò & ulcera frequenter patiuntur, & Apostemate corripuntur atque etiam suppurantur, ut docet *Galen. cap. 8. lib. 7. de loc. affect.* At quod aliqua in parte ita arefcent ut transitus per illa interceptetur, rarum admodum est nec antiqui scriptores, quod meminerim, docuerunt, licet itaque animalium intestina arte in torquenti scimus, fidibus parandis in lyra, testudinibus aliorumque instrumentorum musicorum utrum, ita & aliquando ex ignea humoris alicujus caliditate ita arefieri in corpore humano intestinum contingit, ut in chordæ seu funiculi formam redigatur, ut nec spiritus quidem transitum admittat: Quod verò in corpore humores ignei generari possint & adurentes, nulla probatione indiget, qui in intestinum aliquod prolabentes istud arefacere possunt ut ex igne lora & membranam paginam arefieri; atque ad minimum redigi conspiciamus, quod in ipso narrato factum censeo, qui cum ex ætate ad venereos congressus minus aptus esset, frequenter ad excitandum veneris stimulum pharmacis quibusdam calidissimis utebatur: Quod verò in toto ægritudinis tractu nullus vomitus excitatus fuerit, causa fuit quod non intestina tenuia & superiora laborabant, sed duratissimè inferiora crassioraque, unde quæ per os ingeriebantur, liberum è ventriculo ad intestina, ad eam usque affectam partem transitum habebant, ita ut mesaraicarum venarum medio, ad Hepar delatum alimentum corporis nutritioni distributum intervenire posset: fæces verò ex valida calida intemperie multum exsiccabantur, atque in variis intestino-rum anfractibus collocabantur, in quibus non solum per dies, sed & per mensem, nulla insigni noxa suboriente retineri posse non semel observatum est. *Marc. Donatus hist. mirab. lib. 4. c. 10.*

Mulier robusta, sexagena, nihil excrevit per alvum spatio novem dierum: Aperto cadavere, inventa pars illi tota inferior coacta, ut nihil hac via pertransire potuerit. *Bartholinus centur. 6. observ. 38.*

Fœmina quædam, per septem vel octo annos, vix unquam sine medicamento tæces depoluerat: vel si quando sponte sua, post ingentes conatus deponeret, *albida illa erant*: quibus verò Medicina tulerat auxilium, iisdem & coloris sui tincturam & suspensionem dabat non satis bilem a sanguine separari, augebant hanc pultem & rubram per totum corpus, sed maxime circa regionem Hepatis, cum insigni dolore diffusa: Durities etiam hepatis se extrinsecus tactui objiciebat: Tandem tabes cum febre hæc ea miserrimum tot miserrimarum finem attulit.

Avebam ego tot morborum causam penitus scrutari, sed nihil impetrare, uti quam ut obiter Hepar inspicerem, quod contenderem ibi latere totius mali originem, & latebat: Nam ipsum erat durum, & folliculum fellis exhibebat *in sese collapsum* & fere totum consumptum: haud dubie causam tam difficilium initio secessum, postea ex permixtione bilis cum sanguine, dolorificarum pustularum originem. Interim concludendum nobis reliquit, quandoquidem permixtio humorum importuna tantum corporibus creet incommodi, diligentem Medicis adhibendam curam, ut commoda semper fiat separatio maxime bilis cui separanda, præter folliculum fellis, tot fabricata est natura sagax alia instrumenta. *Theod. Kerckringius Spicil. Anat. observ. 82.*

Matrona per triennium æstimate periodico detenta per aliquod tempus nunquam nisi clysteriis aut aquis laxativis sollicitata illi alvus suam fecit officium, ad omnia autem purgantia melius se habuit: Illius vesica fellea magna, aperta nihil continuit bilis, sed lapidem inclusum habuit magnum, inæqualem pondere 4. drachmarum officinalium: Hinc conclusimus alvi constitutionem ortam proculdubio fuisse à defectu bilis: *Carolus Raygerus in miscell. curios. anni 4. obs. 2.*

Sutoris uxori excrevit 60. ætatis anno ingens tumor inter alvum ac vulvam, sed loco penitior quam ut eo vel penetrarent medicamenta posset moveri, vel ferrum abscissum aperire: unde factum ut in dies latius sese extendens, pervenerit tandem ad eam magnitudinem ut supprefferit ipsi juxta alvum ac vesicam: quarum partium cum non potuerit carere ulu, carendum fuit vita.

Periculosa uti sunt duriora tubera, inter gulam ac asperam arteriam se insinuantia, sic neque sine evidenti discrimine est ille tumor qui hæret maribus inter vesicam & intestinum rectum; & fœminis inter easdem partes ac vulvam intermediam: præsertim si adultus nec matureseat mature, nec effundat tempestive pus in se contentum: intercludit quippe sua mole exitum excrementis illac erupturis, impediendo rigide ne descendat alvus, profluat ulva, vel lotium deponat vesica, quæ impedimenta occidunt infallibiliter hominem. *Nic. Tulpinus observat. 10. lib. 3.*

Juveni à duobus calculis in vesica deprimebatur eo usque rectum intestinum, ut coarctatum produxerit plurima membranosa filamenta, intertextentia tam arcte interiori in suas fistulam, ut nihil excretorum potuerit amplius transmittere. *Idem obs. lib. 3. c. 2.*

Quidam Sutor per mensem aut ultra, fœces alvi non excreverat, multis clysteribus, ac potionibus purgantibus frustra utiis, tandem interiit; aperto cadavere, omnia intestina inventa sunt fœcibus, aut alimentis, vel po ulentis, omnino repleta, instar sanguiculorum (vulgò *boudins*) quod judicatum fuit a facultate intestinorum expultrice abolita provenisse. *Samuel Forminus, Observ.* 18.

Bajulus per quinque ferme hebdomadas fœces alvinas non deponens, quamvis catharticis superne & inferne præscriptis, tandem obiit. A fato sectus, intestina ei quorumvis ingestorum, farciminis ad instar repleta. Tecmaris in Medicina multi usus. Haud semper novimus quæ intus latent. Curandi methodus fuit optima; aut si scivissent Medici intestina, aut spasmo, aut paralyti laborare, vel nihil fecissent, vel alio modo Medicinam applicassent. Ex spasmo, aut paralyti intestinorum, contenta non multum proritantur, exinde ab ingestis repleta farcimen repræsentant. Cathartica spasmum potius augent quam diminuunt. Hic potuisset usurpari balneum calidum, & lac cum rore marino, vel veneto sapone coctum calidè propinari. *Stephan. Blancard. Anat. pract. observ.* 30.

AMAVROSIS

Est totius lucis in Oculo impedimentum de quo vid. *Gutta Serena.*

AMENTIA.

Vid.

DELIRIUM.

ANAPHALANTHIASIS.

Est pilorum in superciliis defluvium de quo vid. *Pilorum Defluvium.*

ANAPHRODISIA

Idem quod *Impotentia Venerea.*

ANASARCA.

Vid.

HYDROPS.

ANCHILOPS

Vid.

AGYLOPS.

AMBUSTIO

Vid.

COMBUSTIO

ANCYLOBLEPHARON.

Est vitium oculorum, quando palpebræ, vel inter se, vel cum alba, aut nigra oculi parte crescunt & cohærent. vid. *Oculorum vitia.*

ANEURISMA.

Aneurisma vulgò definitur tumor præternaturalis digitis illum comprimantibus facile cedens,

illisque ablatis statim rediens cum forti pulsu.

Pars affecta sunt arteriæ ubicunque demum in corpore existant. Sic in naso post variolas aneurisma passa est Virgo, quod testantur Act. Hassnienſia; in collo familiare est, ad medium propè sternum se extendens vidit Fabricius Hildanus; super meninges cerebri Henricus à Moinichen; sub sinistra homoplata Antonius Saporita; in genu, brachiis, manibus, aliisque corporis extremitatibus per sæpe occurrunt; imò ipsius quoque aortæ aneurisma inter multa alia anatomica rara Romæ in Musæo Gulielmi Rivæ, cum corde cui adhærebat in certo quopiam liquore conservatum admiratus est Joach. Georg. Ellnerus de quo in *Miscell. Curios.* Ann. 1670. observ. 18.

Causa ut plurimum est *externa*, quandoque etiam *interna*; *causa externa*, est vel contusio & laceratio, vel excisio atque punctio arteriæ, vel ejusdem distensio violenta, qua variæ ipsam constituentes fibræ ita laxantur ut sanguini pulsanti cedant. *Causa interna*, vel sanguis vehementius saliens, parietibusque ipsum continentibus durius impingens quam ferat earundem portionis cuiuspiam, ubicunque demum in corpore locata, tenuior a nativitate textura; vel humor acris sanguini commixtus, interiores arteriæ tunicas erodens. Ut autem bene dignoscatur quid sit aneurisma, & quomodo gigni queat, notandum est arteriam illius veram sedem triplici lamellarum appositione constare, quarum prima sit reticularis, è nervulis, vasis sanguineis, membranosis expansionibus, glandulisque eorum finibus interseritis compaginata, secunda musculosa è fibris in circulum torris atque villosis fibrulis inter se se devinctis constructa, tertia seu interior merè membranacea ex planis expansionibus conflata. Quis enim sic non videt arteria vel vulnerata, vel exesa, tunicam ipsius exteriorem utpote mollem vasisque pluribus conflata facillimè coalescere, eademque facilitate postea extendi, dum media musculosa, interiorque membranacea, tum quia sicciore atque sanguine aliisque succis minùs irrigata, tum quia imperum sanguinis primæ sustinent, aperte manent, viamque liberam sanguini pulsanti faciunt qua ad exteriorem in magnam & quandoque monstruosam molem distendendam progrediatur. Contra hanc sententiam docet Regius in sua Praxi Medica lib. 4. Medic. II. unicæ historiæ sibi à Jacobo de Back narratæ innixus, aneurisma effusione sanguinis extra arterias, generari, nugarique seu potius delirare omnes qui putant aneurisma fieri, à fibrarum ipsius mediæ tunicæ muscularis læsione, atque exterioris extensione. Verum hac in parte acriter & solide ipsi adversatur Diemerbroeckius dum sic habet Anat. lib. 6. cap. 1. Parum considerat clariss. Vir, admodum turpe, maximèque indecorum esse viro docto, sententiam suam calumniis potius, quàm rationibus defendere, ejusdemque adversarios probrosis dictis libentiùs proscindere, quàm melioribus argumentis refutare. Præerea non animadvertit, quòd sanguis in aneurismate contentus, non corrumpatur, nec unquam apostemata faciat, cum alioqui sanguis copiosus extra vasa inter partes effusus semper corrumpatur, & inflammationes ac apostemata generet, secundum Hippocr. Sect. 6. Aphor. 20. Item, quòd sanguis extravasatus non possit sibi membranas circumjectas generare, sed quamprimum putrescat. Deni-

que, quod in tali humore ab extravasato sanguine producto non sentiat pulsatio aliqua insignis (forte ad locum læsæ arteriæ exigua aliqua percipi videbitur) qualis in aneurismate continuè procedit. Scribit quidem Regius medicat. supra citata (hanc ex casu a Backio ipsi narrato effinxisse videtur, sicut eodem libro plerasque alias ex Horstio, Valleriola, aliisque exscripsit, easque, paucis mutatis, tanquam suas divendit, ut sententiam suam hoc quasi exemplo confirmaret: verum si de eodem Backii ægro illud dictum velit, tunc historiam malè proponit) in isto vulnere sui ægri ad cicatricem pene deducto, circa locum affectum apparuisse tumorem valde pulsantem, & quotidie magis magisque incrementem: sed hoc tamen de dicto Backii ægro (quem ille tanquam suum describere videtur) minimè verum est. Nam neque vulnus ante meum adventum, ad cicatricem pene deductum est, neque pulsatio in brachio ab extravasato sanguine tumido percepta fuit: quod testor oculus testis. Nam ego ipse met tunc temporis Roterodami subsistens, ad illum ægrum à Backio ipsi narratum primus vocatus fui, cumque læsam arteriam profundo loco sitam esse, totumque brachium ab infuso inter musculos sanguine admodum intumescere, nec sanguinis ex arteria effluxum ullo modo sili posse, atque hinc ægrum brevi moriturum animadvertentem, nisi cito remedio occurreretur, consilium dedi de brachio ad locum vulneratum abscindendo, seu extirpando, ut tali modo læsa arteria videri, ac vel ligatura, vel cauteriis actualibus constringi, sicque æger in vita servari posset. Tunc mox secundus fuit advocatus Medicus Jacob. de Back, qui suavitè antequam ad extirpationem deveniretur, prius aliud experiri, scilicet brachium superius fortissimè ligare, sicque omnia vasa simul constringere, atque tum raptim discissis musculis, læsam arteriam quærere, & inventam filo cerato ligare. Mox dictum factum, nam periculum erat in mora. Incisione facta, sanguis valde copiosus inter musculos effusus, mox effluxit: sed nulla ibi pellicula sanguinem continens observata, nec de tali pellicula observanda cogitatum fuit, imò nec sanguis tanto tempore inter musculos substiterat, quòd talis pellicula generari potuisset, (si modò generari aliquando queat) nam secundo die ab infecto vulnere hæc acta sunt. Inventa & ligata læsa arteria, solutaque mox injecta superiori brachio ligatura, aliisque topicis convenientibus adhibitis, æger noster præter expectationem servatus, & brachium bene persanatum est. Interim ex ipso casu, vel cæcus videat, istam sanguinis inter musculos effusionem non fuisse aneurisma, etsi Backius hoc ita malè putaverit, & de circumjecta pellicula magnum sibi somnium finxerit. Certe miror quòd Regius tam facile sibi aliquid persuaderi sinat in re quam ipsemet nunquam vidit, (nam hæc sua sententia satis ostendit se verum aneurisma nunquam vidisse, vel novisse) & ex eo mox novum, & tam firmum doctrinæ Medicæ fundamentum constituat, ut alios, contrariam seu aliam opinionem bono jure sustinentes, nugari, imò delirare existimet, & dicat, cum potius delirii suspicionem ægrè effugere possint tales *φίλασοι*, qui sua tantum inventa & excogitata tanto cum stupore admirantur, ut aliena quælibet, etsi suis multò meliora, cum vilipendio quodam despiciant, atque rejiciant, & ex

aliorum falso relatu mox regulam medicam constitutere, quàm verè sentientibus assentiri malint. Hæc ille. Interim tamen non solus in ea est sententia Regius, quòd scilicet sanguis ex disrupta vel incisa arteria inter musculos effusus aneurisma faciat; jam enim Antonius Saporra libro de tumoribus, inter aneurismata recenset tumorem inter musculos intercostales situm, è quo dissecto sanguis copiosus, sed olidus profudit, qui mora putrescens illius loci vertebra & costam ita labefactavit, ut cariola sibi visa sit. Sic etiam Paul. Barbette in praxi medic. asserit se in aneurismate (quod ægrum occiderat) vidisse copiosum sanguinem, tam serosum quàm grumolum; tunicas arteriæ utrasque erosas, & claviculam sinistram maxima ex parte carie exesam. Imò Henricus à Moinichen de aneurismate meningum cerebri suppurato verba facit in Act. Hassn. Anno 1671. 1672. observ. 78. Verum hoc nihil pro sententia Regii defendenda facit, nam in historiis à Saporra & Barbette allatis, quis non videt arteriæ tunicam exteriorem tantum per plurimum annorum pulsationem fuisse distentam, ut tandem abumpere-tur, sanguinemque inter musculos effundi permitteret, ubi putrescens cariem ossium vicinorum continuè faceret, tunc verò aneurismatis nomine propriè & verè amplius non venit, sed potius abscessus ex aneurismate. In ultima verò ex Henrico à Moinichen recensita, quandoquidem Vir clariss. post mortem non vidit communicationem immediatam tumoris cum arteriis cerebri meningum, quis non facile credat hic non fuisse aneurisma, sed potius alium quemcunq; demum tumorem meningibus cerebri insidentem per earumque pulsationes pulsantem. Simile quid mihi videre contigit ab aliquot annis in puella annos decem nata, quæ tumore à clavicula dextra ad medium prope sternum descendente, cutis colore quàm minimè interim imminuto, afflicta, me in auxilium vocavit, tumori admota læpius manu tantam semper in eo pulsationem offendi, ut minimè dubius pronunciaverim cum alio etiam Medico Celebrissimo, illic subesse aneurisma, cui vel attingere sacrum erat, ne sic scilicet disruptio lethalis maturaretur, interim tamen post aliquot dies tumor ille pulsatorius per se apertus est, ingentemque copiam puris laudabilis effudit, juvenulaque post detersum & cicatrifatum ulcus bene convaleuit, & adhucdum sana vivit; mirari meritò subiit quòd demum pacto hic tumor tam impetuosè pulsaret, sed re accuratius pensitata vidimus illum in musculis intercostalibus, & super pleura enatum, saccum grandiorefformasse, qui ipsius cordis corpori inniteretur, ejusdem vibrationes, quasi sibi proprias nobis exhibiturus: Ea propter cor quasi in continua erat suffocatione, quod nos impedire ex parte circulationi per grandius illud aneurisma tribuebamur.

Signa aneurismatis diagnostica sunt, tumor nunc magnus, nunc exiguus, cum pulsu, colore à nativa cutis constitutione non diverso. Mollis est tumor, & digitorum impressioni sic cedens, ut si is forte sit exiguus, penitus dispareat, sed mox sublati digiti pati regrediatur celeritate. Quædam aneurismata, ut adnotat Vigierius, non modò cum comprimuntur, sed etiam ex se sibilum edunt, admota prope aure, sensibilem, sed hic in majoribus aneurismatibus, seu iis qui majoribus insident arteriis non subauditur. In vetera-

tum aneurisma minus pulsatur, minusque tactui cedit.

Ingentia in axillis, inguinibus, collo, aliisque insignioribus vasis insidentia, curationem aliam non admittunt quam palliativam; itaque huc monendi veniant tyrones, aneurismata temerè, nisi fortè exigua, & in parte ignobili, non aperiant; imò caveant ne cum imperitis habeant illa pro abscessibus suppuratis, aperto enim tumore jugularetur æger. Lethalia in genere creduntur in iis qui à morbo gallico curari volunt.

Curatio est vel pro impediendo aneurismate post punctam arteriam; vel pro eo incipiente reprimendo; vel pro eodem jam aucto in arteriis minoribus, vel medicamentis, vel operatione, sanando. Arteriâ punctâ, statim secetur vena in latere opposito, partique affectæ apponantur medicamenta styptica, qualis est succus plan. aginis sale communi imprægnatus & inspissatus, item liquor ex eo quod in sublimatione primi entis veneris ex colchotare restitat, elicitus; item aquæ stypticæ Weberi, Charaz, & l'Emery; hisce strictius superligata lancina plumbea, vel quod tutius est sæpe renovatis medicamentis stypticis, pressius interea continuo & indefinenter impositis loco affecto per quatuor aut quinque dies (imò plures, si necessum fuerit) plurium hominum, per vices hocce in negotio inservientium digitis, quibus scilicet non tantum arteria excita constringatur, sed etiam ita firmetur, ut præsidiorum beneficio pulsanti sanguini non cedens, per omnes suas tunicas coalescat, sicque aneurisma minimè enascatur. Advertendum autem, si deficient homines hacce in cura adhibendi, dum eadem vi ligaturæ peragitur, illam sæpius esse immutandam, ne scilicet constrictione fortiori sine ulla prorsus intermissione continuata, gangræna oriatur. Curiosum est quod observat Horstius & ex eo Hæferus, laudanum opiatum arteriæ punctæ applicatum hæmorrhagiam momento sistere. Aliis expertum est hoc cataplasma. ℞. pulver. sumach, hypocistid. acaciæ, sangu. dracon. aloës, thuris ana ʒj. Ex his cum album. ovi subactis fiat cataplasma, seu ceratum addita loco ceræ, emplastri contra rupturas particula, applicandum autem est statim in principio, ita ut tangat arteriam vulneratam, quæ sic consolidetur, ubi verò grumus sanguinis est collectus, immediatum remedium cum arteriæ vulnere contactum impediens, frustra admoveretur. De Galeni medicamento ex thure, aloë, pilis leporinis & albumine ovi, tanquam omnibus noto, hic nihil addimus. Lamina plumbea, vel sola applicata, vel succo plantaginis illita cum arctiori ligatura, aneurisma non tantum ex vulnerata arteria arcer, sed etiam illi efformato palliativè quàm commodè medetur. Incipiente aneurismate illi mox enarratis medicamentis occurrendum, quibus alii addunt emplastrum è scoria ferri Montagnanæ, de quo vide in sequent. item sperniolam Crollii &c. Hartmannus tale sibi probatum habet. ℞. Ciner. sicum ʒss. ceræ ʒj. rebinth. ʒij. M. F. emplastrum extendatur & applicetur sæpius; aliquando balsamus sulphuris adjiciendus est, nonnunquam terra vitrioli purificata addenda.

Efformato aneurismate, vel incipiente remediis descriptis non cedente, si in arteriis majoribus, collo, inguinibus &c. fuerit, non alia cura quàm palliativa, per adstringentia enarrata, &

ligaturas mediocres, erit tentanda. Si verò in extremis, minoribus arteriis, locoque operationi apto sitis reperiatur, tentari poterit Hildani cura in sequentibus exhibenda; item illa quam Ettmullerus Parisiis ut ipse narrat vidit peractam in aneurismate dimidium ovum æquante. Adstantes scilicet superiorem aneurismati arteriæ partem digitis ita comprimunt, ut post aperturam infra in ipso aneurismate instituendam nihil amplius sanguinis effluat quàm quod ipsum continet aneurisma, quo evacuato quàm accuratissimè, foramini arteriæ globulum magnitudine pili ex vitriolo cyprio ad albedinem calcinato bombace probè involuto adponunt, hinc inspergunt vulneri aperto pulverem ex thure & colophonia, reliquam cavitatem replent plumaceolis digestivo ordinario illitis, posteaque vulnus ligant & fasciant, quotidie remouent plumaceolos superficiales, ut in tumoris labiis enatum pus evacuetur, ipsum verò globulum & immediate superinfectos plumaceolos, nequidem tangunt, sed sponte cadere sinunt. Unde fit ut solum sensim vitriolum arteriæ apertæ labia nonnihil rodât, simulque blandè ita adstringat, ut prædicta labia novo quasi vulnere sauciata, per proximum nutrimentum denuò conglutinentur. Si verò exciderit globulus nondum sufficienter conglutinata arteria, novum imponunt, idemque donec scopum attigerint repetunt.

Cura autem, seu operatio in aneurismate ut dictum sit, sed per medicamenta minimè sanabili, peragenda, hæc est. Incidatur cutis loco aneurismati superiori arque inferiori, arteriæque cui insidet inventa, & nudata utrobique colligetur, aneurismaque postea apertum continuò evacuetur, & vulnus modo ordinario perrectetur. Alii arteriæ tantum partem aneurismati superiorem colligant; alique rursus nulla præmissa incisione acum filo cerato forti & duplicato indutam per brachii musculos è regione medii humeri profundius trajiciunt ut omnia vasa facile complectantur, superimpositisque, pulvillis largioribus atque crassioribus inter fili extrema, super iis quicquid demum filum complectitur, arctè colligant; ea ratione ligatura nec æquè dolorifica est, ac si nuda adhiberetur, nec partes colligandas præcidere valet. Postea per longum aperitur tumor in cubiti flexura situs, tam pro ipso evacuando quàm pro arteria adinvenienda, quæ, circumjectâ prius ligatura, excinditur, superiorque in medio humero primùm instituta solvitur. Alii tandem ut Vigierius in sequentibus adnotat, aneurisma ex arteriæ laceratione efformatum filis decussatim adactis per propriam basim constringunt.

Curationes.

Curatio aneurismatis fieri solet aut medicamentis, aut manûs operâ. Medicamentis quidem adstringendi & conglutinandi facultate præditis, sanguinem in arteriam unde effluit solenter reponendo, atque dilatatæ, aut ruptæ membranæ labia utrinque admovendo, & dextrè illam fasciando & continendo.

Manualis autem operatio per quam aneurisma curatur, duplex est: una fit duarum acuum operâ, quarum altera arteriam recta in longum pungit

circa tumorem altera verò oblique transversum eam secat, quas in crucis formam positus, & sibi propinquas filo circumdare oportet, futuræ umbilici instar, easque firmiter vincire, & tandiu ibi detinere, donec arteria penitus coaluerit, & consolidata fuerit. Altera autem fit quum arteriam detegendo, tum supra, tum infra tumorem industriè illam à nervo & vena separamus; deinde filo subrè transmissò, eandem tum supra tum infra ligamus & secamus, ut sit in varice, denique quò cætera modò curamus. Nimià autem sanguinis abundantia aneurisma fieri potest, in iis præcipuè, qui arteriæ tunicam teneram, tenuem, & dilatatu facilem habent. Cujus si in magno profundoque vase fiat, curatio difficilis est. Sin vas parvum est, quod videri tamen tangique possit, curari potest ut diximus. Ante operationem purgetur corpus cassia recens è canna extracta. Abstineat à vino, & utatur decocto hordei, lacte caprillo, vel vaccino, hordeatis cum semine papaveris albi, caseo recenti, & admoveatur aneurismati caseus etiam recens ad formam cataplasmati, & injiciantur clysteres sæpius in hebdomade. *Joan. Vigerius lib. I. Chirurg. cap. 42.*

Cerata plura in usum hic vocantur, sed inter cætera laudo ego illud Montagnanæ ex scoria ferri, in suo antidotario, quod ita se habet. ℞. scoriæ ferri ʒ v. mumie, tragacanth. gumm. arabic. ana ʒ iij. thuris, acaciæ, sandarach. ana ʒ i ss. piscium glutinis, gallarum cupressi ana ʒ j, visc. q. ʒ iij. gypsi ʒ ij. resin. ʒ i ss. f. ceratum cum succo consolid. maj. aceto & cerâ rubrâ. Emplastrum etiam ex cortice ulmi cocto sapâ excepto, & appposito, deterentoque ad siccationem est miri usûs; quemadmodum foris cum spongia madefacta in aceto decoctionis scoriæ ferri. *Jul. Cesar claudius consulti 67.*

Consultationes.

Egregius Juvenis trigesimum circiter annum agens, temperamenti secundum totum ad calidum & siccum vergentis fervidioris jecoris & capitis humidioris, mediocris habitus, sed fusci coloris, melancholicum succum in toto abundantem significantis, jam tribus annis à quodam vapore tenui & calido se leviter lædi observavit, qui potu meraciori evanuit, sed successit cum insigni capitis calore rheumatica affectio valde molesta, quæ per nares copiosam & quodammodo putrilaginosam materiam trans mittebat; cujus portio ad claviculas quoque perveniens evidentes in iisdem dolores excitabat, sed & hæc spatio quadraginta aut quinquaginta dierum remissa est, succedente tumore supra claviculam dextram, qui tumor cum exiguo dolore, minusque calore à peritis medicis cum folliculo fuit judicatus, & ideo & cauterium in parte opposita, & alia ob id administrata fuere Medica auxilia: quibus tamen parum aut nihil proficientibus, tabaci fumum sibi conferre posse existimans pateriens, non sine Medici assensu, tribus continuis diebus assumpsit & quidem tumor diminutus fuit, sed dolor in eadem parte successit magis, quam antea cum evidentiori arteriæ carotidis pulsatione. Cum verò Chirurgus quidam Aneurismatis futuri suspensionem Patienti significaverit, hoc magnoperè formidans, rigidæ vivendi rationi

seipsum dedit, & nihilominus spatio septendecim mensium semper major atque molestior increvit affectus nempe & calor & dolor supra claviculam versus maxillam, sed pulsatio violentior, quæ omnia usque ad posteriorem quoque capitis partem sese extendunt, sed calor & dolor ad brachium etiam pertingit sicut ejusdem speciei, cujus sensum eundem molestum percipit Pateriens etiam in thorace, sine tamen pulsatione sensibili; & ejusdem ordinis calorem & dolorem tribus abhinc mensibus ad latus quoque infra septum, quinimò & ad coxam communicari Pateriens affirmat. Modo ad nostras manus pervenit & quidem perexiguus apparuit tumor supra claviculam, de quo tantoperè conqueritur, licet arteriæ carotidis situm servans, cum non adeo evidenti ejusdem arteriæ pulsatione. Præterea habitum corporis consideravimus, hypocondria quoque manibus tractare duximus, nec tamen sensibiles obstructions percepimus, nec de rugitibus aut flatuositatibus conqueritur, sed potius de frequentibus halitibus & vaporibus calidis ab hypocondrio dextero præsertim incipientibus, & sursum per thoracem ad caput ascendentibus, & in illa parte affecta præsertim terminatis. Cum autem alios quamplures præclariss. viros consuluerit, Aneurisma in trunco magno arteriæ aortæ ipsum gestare, quæ ad carotidam dexteram propagatur, & in eadem manifestatur, suspicari fuere. Quare hac de re nostrum petit consilium, & de agendis quoque consulit.

Aneurisma propriè est arteriæ dilatatio cum evidenti intumescencia ejusdem atque manifesta pulsatione, quæ fieri potest dupliciter, vel à solutione continui, vel à soluta unitate, quando incisa, aut rupta arteria licet unita, & sanata cute, sanguis tamen extra vasa effusus sub cute remanet, & cutem ipsam in tumorem elevat: à solutione continui verò, quotiescunque à sanguine fervidiori spirituosio, copioso existente, arteria in aliqua corporis parte dilatatur, quod tunc facilius contingit, quotiescunque arteria ipsa in illa parte fuerit ab aliqua extrinseca causa & præsertim comprimente, angustior reddita: spiritus enim cum fervido sanguine in transitu impetum faciens, vas ipsum paulatim dilatat, sicque Aneurisma, sive Aneurismatis speciem excitat: Quod egregio Juveni evenisse credimus, quem, sanguinem justo calidiorem habere non est quod dubitemus, si temperamentum Jecoris & totius, habitum corporis atque prægressos potus meraciores consideremus, & circa partem affectam examinemus olim prægressam capitis destillationem non ad nares tantum, sed ad claviculas pervenientem, & molestiam inferentem, cui successerat frigidus tumor, à peritis Medicis sine pulsatione observatus, unde meliceridem esse potuisse suspicari fuere, atque tandem imminuto tumori, post assumptum tabaci fumum, arteriæ carotidis dilatatio ac evidentior pulsatio, fervidiori nempe spirituosio reddito sanguine, qui à trunco aortæ per ramum subclavium, indeque per carotidam ascendens, antequam ad bifurcatos ramos internam & externam constituentes perveniat, à catharrali materia relicta eidem arteriæ circumposita & comprimente impedito libero transitu, ac propterea impetum faciens, pulsationem potentiorē tractuque temporis dilata-

tionem majorem necessario induxit: ipse verò sanguis cum spiritu quodammodo retrocedens, ob occurrentem difficultatem, concitatori motu ad subclavium ramum divertit, à quo primò propagatur arteria cervicalis, unde calor & dolor in cervice, sequuntur deinde rami scapulares interni & externi, inde thoracica superior & inferior: subclavio autem continuus est ramus axillaris, à quo & rami ad cubitum propagantur, quibus omnibus partibus per ramum subclavium communicatur molestus calor, & quodammodo dolor, circa pulsationem.

Verum quoniam tribus abhinc mensibus conqueri quoque cepit de ejusdem tumoris calore & dolore in inferiore ventre naturali, quò non perveniunt rami subclavii cum carotidibus consentientes, sed coeliaci à trunco arteriæ magnæ descendentes emanantes, & nullam omnino cum Aneurismate communicationem habentes; & præterea in præsens pariter & de eodem calore, atque dolore querelæ incipiunt in altera quoque clavicula idè nos noxam multò magis in sanguinis conditione consistere, quàm in carotidis dilatatione, jure merito credimus: justo namque calidior & fumosior existens, affectum localem in collo non solum primam originem præbuit, fovet atque conservat; sed plures alias corporis partes afficit, & hujusmodi affectum majorem quàm sit, Patientis imaginationi repræsentat, cujus consideratio non parùm ad curationem conducere poterit.

Quomodo autem Aneurisma in trunco arteriæ magnæ fieri possit non videmus, sicuti nempe in magno ramo subclavio, sine insigni & evidentissima omnium enumeratarum arteriarum ab eodem subclavio emanantium pulsatione, quoniam insigne quoque esset Aneurisma in adeò magno & insigni ramo constitutum, præterquam quod circa jam dicta omnia observatione dignum nobis videtur, quod in Aneurismatis definitione, dolorem nunquam reposuerat ipse *Galenus*.

Affectum hunc, si Aneurisma vocari permitamus, mitioris tamen conditionis esse dicimus, quoniam nec modò discissa aut rupta sub cute existit ipsa arteria, neque ante hac discissa aut rupta fuit, moxque agglutinata, cum utroque modo verum atque legitimum Aneurisma produci posse asserat ipse *Galenus*; Quare sine prægressa arteriæ carotidis læsione & potius ex sanguine arterioso non solum plurimo spiritu sed copioso quoque flatuoso & fuliginoso vapore referto, accedente exiguo illo tumoris externi scopulo, ortum habuisse putandum, & idè non adeò magni faciendum, imò sperandum fore ut correctæ & ad probiorem conditionem massa sanguinea redacta, affectus imminutionem potius, quàm augmentum sit suscepturus; sicut non adeò tutum esset affectum ipsum negligere.

Curatio igitur hoc apto & opportuno anni tempore ineunda primas vias expiando. Secundò humores in cavis viscerum deturbando. Tertiò massam sanguineam à calido & exusto humore vindicando. Quartò fervorem hypochondriorum, jecoris & venarum contemperando. Quintò evaporationes sistendo & sanguinis crassitiem ad lentorem potius & visciditatem convertendo: atque tandem arteriam ipsam refrigerando & exiccantibus adstringendo & roborando.

Pro quibus explendis intentionibus, à fonte

Chirurgico non unica, sed multiplex deprecanda sanguinis missio, nimirum ex utroque brachio & tandem ex pede lateris affecti, nisi aliqua adesset ad venas hæmorrhoidales propensio: tunc enim pro vena pedis, venæ hæmorrhoidales essent aperiendæ. Cauterium jam inustum custodiat, & alterum in coxa dextera affigatur.

Ex pharmacia primas vias mundantia deprecantur, syrupus rosat. solut. & manna clarif. vel electuarius lenit. & cassia: Deinde quinque diebus præparans exhibendo ex julapii acet. & aq. sol. citri ana ʒ ij. deinde repetatur leniens ex syr. rosat. & de polypodio, vel lenit. & cassia cum tartaro, quibus superbibat jus hordeo vel malvæ alteratum. Deinde ad ulteriorem præparationem deveniendo succis potius depuratis, quàm syrupis saccharatis; præbeantur itaque succi depur. & per arenam trajecti, cichor. boragin. malv. pom. dulc. ad ʒ iv. addito decocto malv. viol. meliss. & hepaticæ; in quorum succorum usu decem diebus perseveret, sed sexta die assumat cassiam cum pilul. de tribus, cui post horam superbibat serum ad ʒ ij. & tribus horis ab assumpto sero prandeat. Reliquis verò quinque transactis diebus sumat medicamentum ex cassia, lenit. & elect. de succo rosarum, cui pariter superbibat serum. Repetat deinde succorum usum & sequenti die assumat floris cassiæ ʒ ij. rhab. opt. ʒ j. m. f. boli, quibus post horam superbibat seri capr. depur. libram, & tribus horis ab assumpto sero prandeat, tertia verò die repetat succos; quarta bolos, ut supra: & ita perseveret usque ad decimum quintum diem, tuncque præbeatur.

℞. Decoct. epith. mel. syr. ros. solut. ana ʒ iij. aquæ florum citri parum, m. f. potio cui, incepta evacuatione, superbibat seri depur. ʒ ij. & duabus horis ab epoto sero prandeat. Potio hæc duabus aliis vicibus tertio aut quarto die repetatur, seri depur. dosim augendo, & intermediis diebus succos depuratos offerendo.

His peractis ut reliquis intentionibus satisfiat, ad aquas ferreas vel acidulas confugiendum, & quidem ad sistendos halitus ascendentes, imò & ad sanguinis impetum remorandum, vitriolæ in valle solis nascentes, opportuna essent: at si ad eas seipsum conferre noluerit Pateriens, substituantur Villenses, quas tamen ab amico per aliquem fidelem custodem transmitti huc curandum, alioquin iisdem parum fidere possumus, tuncque potius Noceriana, sed legitima, esset eligenda: licet enim nec ferrea, nec mineralis sit, habet tamen in fundo terram samiam refrigerandi & quandam astringendi facultatem obrinentem; præbeatur autem primis tribus diebus cum vehiculo dejectorio, reliquis verò diuretico, quod apud nos esse solet aq. stillat. capill. ven. ononidis, malvæ, ad ʒ i ʒ. addita ʒ ʒ. spir. tart. ter rectif. necnon succo unius limonis primis duobus cyathis aqua potandæ. Terminato aquarum usu, usus lactis asinini primis viginti diebus, & mox caprini aliis quadraginta nullo modo omittendus, ut quod jecoris & hypochondriorum fervorem remittere, sanguinem refrigerare, probiorem reddere, magis dentare; & ejusdem impetum cohibere valeat: Balneum quoque dulcis aquæ locum habere posset, totius corporis habitum refrigerando & humectando, & humores quoque cogendo, si frigidum & herbis refrigerantibus, agglutinantibus & astringentibus alteratum fuerit. Verum quo-

niam extrinsecus densando, astringendo, & calorem ad interiora pellendo, fundendi vim obtinere suspicamur, ideo Adstantis excellentiss. arbitrio ulum remittimus, collum tamen omnino excludendo. Tandem aliqua topica ad usum revocare non inutile fore existimamus; paretur itaque emplastrum nocturno tempore parti affectæ linteo eodem illito, apponendum, ex albumine ovi, addito pulvere croci martis constrictivi; vel ℥. vitriol. rom. ad albed. calcin. ℥ss. aq. plantag. rosarum, portulacæ, ana ℥ss. m. & spongiola imbuta sæpe tangatur pars affecta vel ℥. tincturæ martis ℥ss. olei saturni ℥ij. aq. stillat. & baccis cupressi ℥ij. m. & spongiola intrincta pars affecta tangatur, vel noctu linteum madefactum apponatur.

Quibus omnibus congrua vivendi ratio erit addenda, nec tenuis nec attenuans, sed incrassans, adeo ut edulia ex lacte & pasta parata, sint alacriter permittenda, ita fructus & olera frigida; potusque sit vinum austerum, santalo rubro medicatum: aut aqua albis santalis alterata, chinam & reliqua fundentia omittendo, sicut flatuosa omnia necnon calida & vaporosa. Quæ omnia jam dicta Excellentiss. Adstantis judicio, non solum executioni mandanda, verum & alteranda, & commutanda libenter committimus. *Raymund. Jo. Fortis consult. T. 2. cent. 1.*

Vir Nob. trigésimum sextum annum agens, temperamenti totius calidi & sicci, fervidioris verò cordis & hepatis, ad operationes obeundas promptissimus, libera vivendi ratione semper usus, duobus ab hinc annis consueto gracilior factus est, cum prius copiosi flatus in abdomine observati fuerint, cum hypochondriorum tensione & insigni arteriæ magnæ pulsatione, cum evaporatione in cor & aliqua difficili respiracione, cum alvi stypticitate & aliquo dolore in hypochondrio sinistro, ad mammam usque sese extendente. His accesserunt lassitudines ulcerosæ in partibus musculosis, ad motus impotentiam inducentes, ita ut ferè continuo decumbere cogeretur. Jam dictis omnibus addebantur vigilæ, somni turbati, cum motibus convulsivis & totius corporis concussione, non sine timore atque mœrore. Interim dum quotidie magis semper emaciabatur, dolor in parte pectoris sinistra augebatur, cum motu pulsativo ejusdem partis, & ideo nonnullis Medicis Phthisis imminens, aliis, cordis palpitacionis suspicionem faciebat. Tandem anno elapso, post vehementes dolores prægressos, tumor in parte pectoris sinistra apparuit, in interstitio secundæ & tertriæ costæ infra claviculam, qui paulatim excrevit, & hucusque ferè ad ovi magnitudinem observatur, cedit autem tactui, sed pulsatio vehemens, eademque cum pulsu ordinata percipitur absque ulla coloris mutatione. Varia at non adeo appropriata adhibita fuere remedia, quibus tamen hypochondriaca symptomata non parùm remissa fuere, sed tumor pulsatilis semper majus incrementum suscepit, perseverante quoque totius corporis macie. Modo à nobis consilium & auxilium petit.

Hypochondriaca affectione simulque melancholica duobus abhinc annis correptum fuisse Nob. Virum non est quod dubitemus, siquidem sola flatuum copia, non solum naturalem regionem, verum & spiritalem infestans, hypochondriacum affectum à Galeno flatuosum nuncupatum, constituebat, quem confirmabant reliqua

symptomata, nimirum difficilis respiratio ob compressionem septi, sicut ob compressionem arteriæ magnæ & spirituosæ sanguinis fervorem insignis percipiebatur ejusdem pulsatio. Associatam autem melancholiam designabant, primò timores & mœrores insoliti, sicuti mox lienis tensio, cordis oppressio, vigilæ & somni turbati, cum totius corporis concussione & musculorum lassitudine ulcerosa à continuo acri vapore, & acida exhalatione proveniente, unde Hippocr. si aliqua pars stupore elanguet, melancholicum signum esse dicebat. Hæc autem omnia à viscerum & sanguinis effervescencia primam originem duxerunt, cum calor usque ad trigésimum quintum annum semper auctior reddi soleat, præsertim si non cauta, sed libera addatur vivendi ratio; Ab intentioni verò calore concoctiones, tum in ventriculo, tum in jecore detrimentum patiebantur, & ideo à ventriculo cruditates, indeque obstructions oriiebantur, à jecore verò sanguis impurus & justo calidior producebatur, qui à fervidiori corde non adeo depurari potuit, ut ad totius nutritionem idoneus evaserit, unde mirum non est, si macies totius subsecuta fuerit, & quod peius est, cum fervidus, acris & acidus sanguis ipse à corde per arterias delatus, una cum spiritu flatuoso in ipsas arterias impetum fecerit, & arteriam mammariam externam sinistram imbecilliorē invenerit, eandem primò intrinsecus dilataverit, ad cujus dilatationem continui solutione secuta, dolor quoque emergebat internus, qui quotidie magis intendebatur ad majorem arteriæ dilatationem ipsamet arteria pervenerit, & tumorem apparentem excitaverit tactui cedentem, sine ulla coloris mutatione cum æquali motu atque cæterarum arteriarum eadem pulsatione, Aneurisma communiter & propriè appellatum. Ad tantam verò arteriæ dilatationem, vel ruptam esse internam ejusdem tunicam (vel cum aliis) squamulas unicæ tunicæ crassioris existentis, attenuatas discissas atque consumptas fuisse certo credendum, & tunicam ipsam ad insignem tenuitatem redactam omnino existimandum, si mammariæ arteriæ naturalis exiguitas consideretur.

Quibus ita se habentibus, non erit in arte versatus qui non videat postremum hujusmodi affectum, nimirum Aneurisma incurabilem esse, & imminere periculum, ne arteriæ tunica sub integumentis dirumpatur, tuncque infra paucos dies Patientem interimat: ruptionis autem indicium præbebit, non solum tumor confestim in majorem molem elatus, sed & color tumoris ex albo in rubrum atque cruentum mutatus. Non tamen est deferenda palliativa curatio, ut vitam protrahat Nob. patient, cum nobis curatio vera atque legitima impossibilis videatur, quam aggredi non possumus, nisi vinculo ad latera tumoris arteria alligetur cum Paulo & aliis antiquioribus necnon Recentioribus multis; vel saltem alligata parte superiori juxta sanguinis circulationem postremò observatam, quam ligaturam, vel arteriæ punctiōem facere impossibile est, & ideo impossibilis quoque evadit legitima curatio.

Ut igitur Nob. patienti aliquam opem feramus, viscerum obstructions relictæ sunt humectantibus referandæ; sanguis depurandus & depulcendus; eorundem viscerum sanguinisque fervor contemperandus; totum renutiandum, atque tandem tumoris incrementum astringen-

tibus, refrigerantibus & exiccantibus impediendum. Pro quibus intentionibus exequendis, aliqua sunt hoc etiam incongruo anni tempore agenda, alia verò in ver venturum sunt differenda.

In præsens igitur ex fonte Chirurgico depromenda est aliqua sanguinis missio, siquidem peccat sanguis qualitate, substantia & motu, eaque saltem semel in mense ex venis sedalibus. Præterea locum habet cauterium coxæ sinistrae inustum, tum ad revulsionem, tum ad acris atque acidæ ferositatis evacuationem. Proderunt præterea frequentes pedum lotiones aqua calente ante cœnam.

Topica tumori admovenda, varia & multiplicia esse poterunt sed selectiora apud nos erunt, Albumen ovi in quo dissolvatur pulvis boli armen. orient. Item aqua stillaritia ex albuminibus ovorum & succo agrestæ in qua dissolvatur pulvis aluminis crudi; vinum quoque nigrum austerrum cum herbis atque radicibus vulnerariis ebullitum atque linteo appositum. Efficax erit ceratum de pelle arietina, demptis calidioribus ingredientibus. Efficacissimum autem erit oleum saturni, sive saturni balsamum, ex oleo ejusdem & myrrino paratum. Ex internis medicamentis, in usum ducat flor. cass. ad ʒ ij. sub cœna; summo manè verò bibat emulsionem ita parandam.

℞. sem. cucurb. ʒss. amygd. dulc. num. xii. nucleorum pineorum du. xx. m. contundantur, & postea addantur juris pullæ aut viruli ʒ viij. & f. emulsio, eidem addendo sacchar. albi cochlear; horum enim usu exiccatae obstructions nonnihil emolliri, jecoris & cordis fervor contemperari, & sanguis dulcior fieri poterit. Vere autem venturo (si Deus dederit) purgatio regularis erit incunda primas vias expiando, primo flore cass. addito crem. tart. aut syr. ros. solut. mox præparando humores quinque aut sex diebus julap. acer. aut crem. tart. aqua flor. citri dissoluta; ut inde sequatur alia evacuatio syr. ros. sol. & de polypod. cui potioni superbibat Patiens, feri capr. aut asin. depur. ℥ ij. Mox ad ulteriora præparantia & deobstruentia erit deveniendum nimir. ad succ. depur. cichor. endiv. sonchi ad ʒ iij. in decoct. cichoraceorum, additis foliis malv. & viol. in quorum usu perseverandum ad quindecim dies, & prima transacta hebdomada, præbeatur cassia cum elect. de succ. ros. cui medicamento post horam superbibat feri capr. aut asin. depur. ℥ ij. tribus verò horis ab assumpto sero prandeat; quod idem medicamentum reperendum in fine jam dictæ præparationis. Interim sanguis erit emittendus ex sinistro pede ratione revulsionis, sicuti in progressu curationis erit repetenda missio ex brachio dextero diversionis gratiâ.

His peractis feri capr. usus dejectorius locum habebit ita ℞. Syr. ros. sol. ʒ v. feri capr. aut asin. depur. parum m. f. p. cui statim superbibat cyathum ejusdem feri & mox incepta evacuatione, bibat feri ejusdem ℥ iv. aut v. & duabus aut tribus horis ab assumpto sero prandeat; hoc idem repetat sex aut septem vicibus tertio quoque die; diebus verò intermediis præbeatur emulsio sem. melon. extract. cum sero destillato ad ʒ x. cui addatur sacchar. alb. cochlear, vel julap. rosat. ʒ j. Quod si fortasse Patiens portionem respuat, pro syr. ros. sol. exhibeat flos cassiæ cum modica portione elect.

de succo rosarum ante feri potionem. Aquas thermæ, præsertim ut diureticas, acidulas suspectas habemus ut minerales, non solum, quia ratione lactearum venarum Aseilii & ductus thoracici Pecqueti confectum ruerent & in cor & arterias, verum etiam quia spiritus sulphureos aquæ in seipsis continent, qui in sanguinem impetum facientes Aneurismati valde obesse possent. Quare satius erit jam dictis aquis utrum lactis caprini substituere, & in ejus usu quinquaginta aut sexaginta diebus perseverare, ut hepatis & cordis fervor contemperetur, sanguis demulceatur & crassior reddatur, atque tandem ut totum corpus renutriatur; sed interim capra hordeo herbisque refrigerantibus nutrienda erit. eodem tempore conferre pote it, balneum aquæ dulcis foliis viol. lact. nenuph. & sal. alteratæ, in quo sedeat usque ad septem: tumor enim laxantibus opus non habet, sed refrigerantibus & adstringentibus à nobis supra propositis; quæ semper actu frigida apponi debent, imò æstivo tempore nive quoque refrigerata.

Quibus jam dictis omnibus congrua erit addenda vivendi ratio ab Excellentiss. viro Adstanti præscribenda: refrigerans enim & substantificè humectans, atque sanguinem potius increasans esse debet, alterando vinum pro mensa fantalo rubro, sicut jura carniū pro ferculis fantalo albo; Quies est imperanda, & animi motus atque perturbationes arcendæ. *Raymund. Joan. Fortis consultationum T. 1. centur. 1.*

Observationes.

Anno 1606. Bernæ peregrinum quendam in xenodochio invis. Is aneurismate quod totam sinistram partem pectoris ad sternum & collum usque occupabat, afficiebatur. Pulsatio istius tumoris adeo erat magna ac vehemens, ut etiam vestimenta elevaret, & exterius bellè conspici posset. Dolor nullus, maxima tamen respirandi difficultas adebat, mansit ibi aliquandiu, nonnulla quinetiam remedia tam interna, quàm externa ipsi à D. Lentulo Reipubl. Medico ordinario præscripta fuere, frustra tamen. Tandem domum reversus est, & qualis nam fuerit exitus, ignoramus. *Guilielmus Fabricius Hildan. Centur. 3. observ. 43.*

Quidam Nicolaus Gessci nomine Ludimagister in Veullerans sub præfectura Morgiacensi ad lacum Lemannum, cum anno 1604. propter scabiem ex humore melancholico ortam, sibi venam basilicam dextram à Barbitonfore incidi curasset, arteria quoque simul compuncta fuerat. Unde paulatim aneurisma exortum est, cui cum spatio mensis & ultra, medicamenta multa, (frustra tamen) adhibita fuissent, Genevæ Medicos & Chirurgos nonnullos in consilium adhibere coactus est. Hi cum rem in difficili esse, ac vix brachium servari posse ipsi significassent, ad me Paterniacum venit mense Maio. Tum eo loci ubi antea venæ-sectio facta fuerat, deprehendi tumorem magnitudine ovum anserinum adæquantem, pallidum & utcumque durum, in quo pulsatio non tantum digito perſentiebatur, verum etiam oculis conspiciebatur. Brachium quoque extendi non poterat. Dolor tamen non erat adeo ingens, nisi cum brachium extendere vellet. Ego, cum cu-

ratu difficillimum hunc affectum animadvertentem, manu n quidem admoveere recusavi, precibus tamen ipsius commotus curationem sic aggressus fui. Instituta primò optima victus ratione, applicatoque tumori emplastro nostro de cicuta, enema infudi, julapia pro digestionem humoris melancholici exhibui, & tandem corpus à pravis humoribus exoneravi per purgans medicamentum bis intra quatuor dierum spatium propinatum, primam dosim ingrediebatur diaturbich, alteram confectio hamech, cum extracto corticis eulæ. Ultimum medicamentum cum violentia quadam humores, tam supernè, quàm infernè efluxisset, spiritum & sanguinem in aneurismate contentum ad interiora adeò revocavit, ut altera die nulla nobis nec appareret, nec sentiretur pulsatio, tumor quoque multum imminutus contpici batur, unde tum sequens emplastrum applicui.

℞. Emplast. diacalcit. ʒ ij. pulver. mastich. rosar. rubr. myrtill. radic. lymph. maj. ana ʒ j. Cum s. q. olei rosæ. formetur emplastrum. Postea pulvillum, aut potius nodulum ex linteo multoties reduplicato formavi, & tumori imposui, fasciaque firmiter ligavi, idque in eum finem ut tumor reprimeretur, & sanguinis vitalis ex ipsa arteria in externam membranam dilatam influxus impidiretur, atque his remediis brachium Dei beneficio brevi in integrum restitutum fuit. *Idem Centur. eadem Observ. 44.*

Fœmina filium septennem baculo ad sinistram capitis partem, quæ carotidum transitus est graviter percutit, unde tumor pulsabilis, avellanæ nucis instar, primò nigricans, digitis cedens, statim oboritur; & octidui spatio in tantum augeatur, ut dimidiam capitis partem, à sutura sagittali per tempora & frontem ad oculos usque occuparet. Consulti Medici, anceps remedium certissimo vitæ discrimini præterendum cententes, scalpello tumorem aperiunt, sanguinisque confertim profluentis parte quadam dempta, quadam verò arcta ligatura & stringentibus cohibita, dum crebrò id agunt, insequentibus diebus sanum puerum reddidere brevi: vel quòd in tenellis omnia tenera sint & coalitu facilia, vel quòd arteria læsa os subjectum habuerit, ut arctissimè potuerit comprimi ad consolidationem. *Ioan. Michaël Fehr.*

Sponsus uxorem ducturus pupugit acutissima cultri acie arteriam manus sinistrae, inter pollicem ac indicem; cujus sanguine subultim profliente, per adstringens emplastrum, in tempore, inhibito, coaluit statim magis externa, quàm interna arteriæ tunica, quæ mansit hians, ac à se invicem sejugata: elevata propterea à vitali sanguine usque eò externa ipsius membrana, ut de generaret in verum aneurisma, cum pulsu perenni, ac dolore in vicinis nervis insidente. Pulsatilem hunc tumorem vix digito, deprelseras, quin sanguis protinus regurgitaret ad venas, & aneurisma videretur ex toto sublatum; quod tamen actutum sub adspæctum iterum venit, ubi vel minimùm removerentur digiti. Non deerant Chirurgi qui arteriam hanc sectam transversim, satagebant ferro ignito adurere, ne sanguis plus æquo efflueret: sed crudelior fuisset Medicina quam morbi natura requireret; ac proinde periculum potius factum, per adstringens emplastrum, à plumbi lamina, arctioreque vinculo ita depressum, ut expulso ex tumore sanguine, & constricto convenienter

vulneris hiatus, faciliùs coiret, agglutinareturque, interior lacerae arteriæ tunica. Cujus coalitus etiam sequutus fuit ante mensem quintum; relicto duntaxat prope cicatricem exiguo nodulo, qui tamen tandem etiam evanuit, antequam ex toto desineret aneurisma. *Nicol. Tulpius Obs. Medic. lib. 4. cap. 17.*

Chirurgus sanguinem missurus cuidam febre continua laboranti, non venam, sed arteriam aperuit: adstans insignis *Garcias à Lopes* Medicus Hebræus, Burdegala, permisit sanguinem ad libras duas, & amplius effluere, iund ad syncope usque supervenientem, eo consilio, ut exhaustis ex parte vasis, minor esset arteriæ pulsatio, quæ consolidationi impedimento fuisset: hinc appposito cum splenio nummo argenteo, additaque arcta ligatura, post octiduum soluta, æger aneurismatis periculo evasit; à febre post tam profusam sanguinis evacuationem liber superstite tamen diuturna virium debilitate.

Anno 1655. Tonsor fœminæ sexagenariæ arteriam pro vena hepatica secat; sanguis cum impetu fuit floridus, brachiumque intumescit cum quadam renitentia. Empiricus hic sanguinis copia sat larga pro more emissa, quasi re bene gesta vulnusculum deligat; interea tumor ob sanguinis per arteriæ ostiolum in musculorum spatia effusi copiam, in dies attollitur, nec ullis fomentis discuti potest: Ipso tandem medicastro ex desperatione fugiente, Menstruo post spatio alius adsciscitur Chirurgus cum Medico, qui periculi magnitudinem attendentes, statim adstringentibus & arcta ligatura tanto malo obviam decenter eunt, sed post testum, & casto eventu: vesiculæ enim plures & tubercula, quasi aneurismata, circa medianam & cephalicam hinc inde oriuntur, quæ tractu temporis sponte rupta tantam sanguinis copiam effundunt, ut selectissimis remediis sisti non posset fluxus iste per quatuor septimanas, eò quòd ob ingentem tumorem arteriæ orificium, etiam sagacissimis oculis, non pateret, donec in putredinem gangrenosam abeunte toto brachio, sanguis gluinosus, ovorum gallinarum magnitudine, frustillatim ac insigni cum fœtore exiret, ac omnis caro musculosa, quæ interim omnimode computruerat (præter tendines, nervos arterialesque, ossa ac periostia) diffunderet ad humerum usque: Tum demùm in conspectum veniens arteriæ osculum convenienter obturatum, & caro ablata, sarcoticis, probaque diætâ spatio bimestri integrè restituta fuit ad miraculum usque, *Horstius* ejusmodi errorem fœliciter correxit laudano opiato, superimposito emplastro stictico Crollii.

Pauperem quendam per laminam plumbeam, aneurismati supra genu dextro efformato, ovi gallinæ magnitudinem æquanti, superligatam, palliative ita curavi, ut decimo quinto post anno mihi sanus fuerit loquutus. *Paul. Barbetæ prax. Medic. lib. 2. cap. 3.*

Illustrissima quædam ex arteria in flexura brachii loco venæ puncta, aneurisma passa est, sensim ad ovi gallinæ minoris magnitudinem cum magna pulsatione excrefcens, quod cum adhibitis remediis non auscultaret, Geneva Lugdunum transiens, se chirurgi curæ committit, pollicentis per aquam stypticam miræ efficacis excisum aneurisma, nulla alia adhibita operatione,

perfectè in Illustrissima cutaturum. At eventus promissis non respondit, siquidem ab imposito styptico, arctaque ligatura, non potuit arceri hæmorrhagia, ad plures dies cum Illustriss. absoluto vitæ discrimine perdurans, donec ad operationem, in denudatione arteriæ, ejusque colligatione positam, deventum est. Retractum interim mansit brachium per aliquot septimanas quibus demùm elapsis beneficio levi cervini aliorumque facile extendebatur at debilitè attollebatur, imò alio brachio multo minus, & atrophia tactum per plures annos manebat, jam verò recuperavit naturalem magnitudinem, viresque propè integras.

Vir quidam Honestus in vicinia, cùm supra caput pondus ingens magna vi elevaret, cervicemque ab onere imposito ad posteriora immoderatiùs flexisset, non parum extendebantur in colli anterioribus arteriæ carotides, quarum sinistra, vel quod debiliior esset, vel quod præcipuam vim passa fuisset, de se continuò promebat aneurisma sensim ad pugni magnitudinem excreescens, plura tentata fuere ab imperitis, qui tumoris naturam non agnoscentes, ipsius apertionem omnibus suis emollientibus maturare conabantur, alia verò in mali palliativam curam à peritioribus quibusdam seriùs advenientibus, adhibita sunt: nam emolli-tio præmissa auctorem multùm facilitaverat, unde colligationibus aptis diu impediri non potuit quin grande aneurisma dispanam primò, posteaque mortalem suffocationem faceret.

Sacrifico cuidam, Magistro Joh. Maillero, cùm ad humeri dearticulationem aneurisma subesset nucis juglandis magnitudine, edixi ne id sibi aperiri curaret, aliàs vitam in manifesto futuram discrimine: tutiùs ipsi futurum, si conduplicatis linteis in solani & aizoi succo maceratis, casco recenti & seroso admisto. Si unguento de bolo, emplastro contra rupturam, aliisque refrigerantibus & adstringentibus mali impetum recunderet; si laminam plumbeam imposteret, caligisque uteretur brevioribus, ut ad eas continendas esset illi thorax ex quo caligas subnectebat, fasciæ loco: interim vitaret omnia quæ sanguinem attenuant & incendunt; præsertim verò à vocis omni contentione sibi temperaret. Hac diætâ etsi per annum esset usus, efficere tamen nequivit quin tumor cresceret: Quo animadverso tonsorem adiit, qui ratus tumorem illum esse ex genere vulgarium apostematum, pyroticum etcharoticum, quo apertionem moliretur, sub vesperam apposuit. Exacta nocte sub auroram tanta sanguinis, rupto tumore, prorumpebat copia, ut attonitus omnium opem imploraret, atque me vocari juberet, qui ipsi hæmorrhagiam tantam sisterem, pœnitere quod monitis minùs obsequens fuisset. Vocor igitur, sed cùm vix dum ædium limina attigissem, jam animam cum sanguine reddiderat. *Joh. Udalr. Rymlerus observ. 81.*

Cadaverum Anatomica Inspectiões.

Ante annos plus minus 40. habui cum Collegis in cura quendam Patritium, Nob. L. Wellerum; is ex saltu & concussione equi ferocientis incidit in vehementissimum dolorem dorsi, qui nulla erat medicabilis arte, plurimis & diversis cujusque generis tentatis; tandem ex Belgio huc

vocatus Vesalius, cui in Anatomicis administrationibus suo tempore par non erat, ne dum superior. Is ut deprehendit tumorem aliquem non ita magnum in dorso circa vertebrae, aut spinam pullantem, statim dicebat esse *aneurisma* ex dilatatione aortæ arteriæ. Nam ut in varicibus videmus contineri sanguinem in media vena, ita in hoc affectu in media aortæ arteria, idque ex saltu, seu concussione equi contigisse, & incurabilem fore. Idem asserbat se ejusmodi affectus vidisse in gutture, in pectore, in poplite, in brachiis, & semper inferre extremos dolores & tandem s. de-rationem; nec curari nisi absciss. parte affecta. In ejusmodi aneurismate se quandoque reperisse humorem concretum instar glaciæ, aut humoris crystallini; interdum veluti sanguinem concretum, aut molam, in vivis corporibus verum sanguinem deprehendisse, in defunctis nigrum & s. sideratum, & cum gravissimis doloribus ægros mori, sponte interdum fieri ejusmodi vasorum dilatationem, interdum ex causa antecedente, qualis fuit in hoc nostro ægro; qui supra biennium hoc gravissimo morbo conflictatus, omni-que auxilio Medico destitutus, tandem in manus Empirici incidit, qui salutem pollicitus exhibuit cataportia, nescio qualia, ex quibus in sanguinis sputum incidit, & miser ille in sinu conjugis tandem extinctus 25. Junii 1557.

Dillecto corpore reperimus id quod Vesalius prædixerat, in ipsa arteriæ aortæ cavitate, tumorem prægrandem, durum, carnosum, ex sanguine arteriali concretum, qui foras etiam protuberans, in dorso dolorem & pullationes inferebat, ejusmodi nimirum qualis in arteriarum pulsu deprehendi solent.

Hæc ex *Adolpho Occone. Achilles* verò *Gasserus* ad Vesaliū post cadaveris sectionē sequentiā transmissit.

Secto ventre apparuerunt membra naturalia satis bene constituta, in ventriculo & intestinis nullum erat vitium, hepatis integrum, & valde magnum, vena cava item maxima, quanta forte nunquam visa; ea rupta erat, qua parte aneurisma ipsam attingit; lien admodum brevis & ex parte exterius subalbidus, ac quasi semiputridus; cor magnum sano simile & plurimò sanguine abundans; in ipsa aorta dilatatio non modica ad palmæ magnitudinem, quæ costis, & dorsi vertebrae ita erat adnata ut integra separari nequiverit; ea igitur divulsa emanavit sanguis tenuis, ruber, & qualis esse solet arteriosus, qui contentus fuit concreto quodam cruore, seu carniformi materia fibris destituta, quam rursus circumdedit subalbida & dura quædam substantia transversæ digiti spissitudine, colore & specie lardo suillo elixato non absimilis. Tota autem aneurismatis compages cum suis contentis pugnum, non parvi hominis, sed ovi struthiocameli magnitudinem, ferè æquabat; costæ circa locum aneurismatis medium erant quasi cariæ, una prorsus (ex fortissimis proculdubio impressionibus) rupta & fracta, similiter & dorsi ipondyli eoloco, quo supra diaphragma aneurismati connexi erant; ipondiosi & ita arrosi, ut uni atque alteri, suprema minimi digiti superficies inferi potuerit, citra tamen insignem fæctorem; pulmonum nulla læsio, licet æger copiosum sanguinem ante obitum ipsum exspuerit, adeo ut ex eo sputo suffocatus adstantibus videretur; extrima curis, ubi in dorso tumor & pulsatio in vivente notari poterat, à morte

morre livida & sanguine suffusa ad instar flagellatorum. Hæc recenset *Joann. Udalr. Rumlerus Observ. 81.*

In Collegio Rhemenſi cuidam Sacerdoti aneurisma erat in cruribus. Aperto cadavere reperta est magna dilatatio arteriæ, & sanguis in ea arteria concreverat, indurueratque. Indurationis causa tribuebatur immoderato rerum refrigerantium usui *Jacob. Thevart. in Ballon. consil. lib. 1. consil. 107.*

Dom. Pelet Civis Monſpelienſis quinquagenarius, atrabilario temperamento præditus, cum gravissimis curis esset afflictus, post multa symptomata melancholiam hypochondriacam attestantia, passus est tumorem sub clavicula dextra eminentem, & ovi dimidii magnitudinem æquantem, mollem & reliquæ cui concolorem, in quo pulsatio insignis apparebat. Judicatum fuit esse aneurisma insanabile. Eo defuncto, inventa est arteria magna ascendens à corde ad claviculam ita dilatata, ut brachii fere magnitudinem æquaret, & ovum gallinaceum in suam cavitatem facile admittere potuisset. Præterea tunica illius admodum densa & cartilaginea evaserat; quod admirabilem naturæ providentiam notat, quæ tunicæ maximè dilatatæ ruptionem vitare contendens, eam densiorem ac duriores effecerat. *Lazar. River. centur. 4. observ. 34.*

Lethale aneurisma vidimus in Juvene ex læso femore, nec mirabamur, quia arteriam magnam cruralem ruptam in apertione vidimus; unde in tantum tumorem femur excreverat, quasi prorsus schirrhosum, ut non tantum ea copia sanguinis ex aperto post mortem femore effunderetur, qui tres menturas nostras impleret, sed ex sinibus inter musculos vastos efformatis, sanguinem grumofum forma & magnitudine parenchyma hepatis maximi, referentem extraheremus. In isto vivo, nec sectio tuta erat & possibilis, propter magnæ arteriæ, & intrâ musculos delitescens ingentem rupturam, nec ligatura sufficiens. *Thom. Barthol. centur. 3. epist. 54.*

Admodum reverendus Pater Franciscus Bertotus, Metaphysices in Gymnasio Patavino publicus Professor, ætate quinquaginta sex annorum, decem, aut duodecim annos pulsationem præternaturalem in sinistra thoracis parte, ubi cordis præcipue pulsus micat, passus est; quæ ab anatomis ignaris cordis palpitatio censebatur. Ego verò accitus, conjeci ipsum laborare aneurismate, ex quo postmodum, multis in casum tentatis remediis, noctu suffocatus obiit. Dissecto cadavere, cavitatem thoracis dexteram sanguine refertam observavi, cui copia seri supertusa erat, pulmonis dextri substantia consumpta, & sola ejusdem superstitie membrana, instar sacculi, quâ dissecta, paruit membrana interna arteriæ magnæ, prius quidem laxata, postmodum verò, cum dilatationi nullus esset locus, disrupta. Aneurisma itaque fuit in arteria magna extra cor duos solummodo digitos transversos; quò loco sanguis à sinistro ventriculo effluxus, valido impulsu, prius internam disruptit membranam, externa dilatata, qui, cum nullum aliud pateret spatium, intra pulmonem dextrum sibi viam fecerat, ubi calore, motu, & compressione, substantiam ejusdem consumpserat. *Petrus de Marchett. Observ. 48.*

ANGINA.

Angina nihil aliud est quam periculosissima illa musculorum fauibus ac gutturi servientium inflammatio, sic ab *ango* dicta quod idem est ac *fauces* adstringo, Græcis dicitur *κατάχνη* item *λυχάνη*, quod canes & lupos frequenter afficiat; imò *συνάγχη* ab *αἷχμη* laqueus, quod non secus ac laqueus præfocans enecet, vel *αὐσάνχη*, quod respirationem inhibeat spiritum continendo.

Causa est eadem quæ omnibus aliis inflammationibus familiaris, scilicet sanguinis exagitatio nimia, per quam serum salibus fixioribus particulisque viscidioribus, circulationi minus accommodis prægnans, abundantius in partes corporis omnes delatum, hic aut illic, atque præcipue in faucibus per aërem frigidiusculum inspiratum, spilcessit, obstructionemque facit quæ sanguini ulterius promotio obicem ponens, ejusdem in viciniam effusioni non tantum occasionem præbet, sed etiam per propria spicula, loca quibus impactum est & irritat & corrodit. Unde satis patet causam hujusce morbi antecedentem accenseri debere particulis crassioribus, salibusque acrioribus & ad fermentandum promptis (nisi circuitus suos in vasis, carnibus & visceribus facile peragant) in sanguine aggestis; atque ea propter non mirum si hyberno tempore accumulatis ejusmodi materiis, illo postea tempore quo facillimè exagitantur, scil. ipso vere, juvenes præ cæteris & temperamento sanguineo præditos, imò rufos familiarius aggrediatur. Causa verò occasionalis erit illud omne quod sanguinem sic dispositum exagitat, seroque abundantius ad fauces promotum, per refrigerium inductum impingendo facit.

Anginam præterea produciunt res variæ faucibus inhaerentes, sic à spina piscis faucibus infixa earundem periculosam inflammationem adnotavit, Schenckius; & nos aliquando ab acicula, aliquando ab officulo pulli gallinacei, in easdem partes profundius adacto, aliquando à nucleo cerasi in tonsillæ cavum inducto, anginas enatas vidimus. Item res aliæ quæ guttur exasperare & tumefacere valent, quales sunt fungi, ac præprijis qui orbicularis dicitur, lepus marinus, ac planta illa è solani genere quæ vulgò Italici Belladonna vocatur, &c.

Angina vulgò distinguitur ratione scil. musculorum affectorum, tum pharyngis, tum laryngis, eorundemque, tum interiorum, tum exteriorum, in *συνάγχη* & *αὐσάνχη*, *κατάχνη* & *παράχνη*, quarum ex illis prima musculorum gulæ interiorum, altera verò exteriorum inflammationem denotat; ex his autem prior interiorum laryngis musculorum, posterior exteriorum affectionem designat: At missis hiis levioris momenti & ad praxim medicam minus facientibus, ad alias procedamus differentias; quarum prima erit inter Anginas veras, musculos prædictos, tum aliquos, tum omnes affligentes; & Anginas spurias, seu nothas, tum tonsillas, tum partes glandulosas, ad radicem linguæ & in extremo palato, atque imis faucibus sitas, tum ipsam Uvulam, tumefacientes. Item alias in quibus tumor sive intus, sive extus, sive utrobique apparet; alias verò in quibus nullus tumor sensibilis adest, propter

reque Arctæo latentes non ineptè dicuntur; ejusce foris anginam vidit Riolanus à Thymo tumente, gangranosumque quid redolente; atque etiam expertus est Clar. Lucas Tozzi in juvene ex gallica lue in maximam spirandi & deglutendi difficultatem subito sine tumore sensibili incidente. Aliæ præterea Anginæ quamvis per se periculosæ, non sunt tamen malignæ, aliæ verò malignitatem summam, arsenicalemque, ac pestilentem virulentiam, adjunctam habent, hinc fauces non tantum crustosæ redduntur, sed etiam tumor, ad instar carbunculi atrocioris, partes quibus insidet longè latèque exurit; unde probabile cum Athanasio Kircherò credit Christian. Langius talem putredinem animatam esse, venenatissimisque vermiculis abunde scatere, quorum erosionibus malum faciliè serpat. Anginæ etiam aliæ sunt ab inflammatione, tumefactione &c. de quibus suprà; aliæ à vertebra cervicis ad anteriora, ut quidam credunt, luxaris, tum per vim externam, ictum, casum &c. tum internam scil. humorum confluxum, quale quod Hippocrates describit *Epid. 2. sect. 2.* cum tamen credat Etchmullerus impossibilem esse hanc vertebrarum ad anteriora, luxationem, Hippocratisque locum potius explicet de convulsione emprostotono simili.

Incipit hic morbus cum rigore & horrore, eos sequitur febris, illaque sæpe acutissima, sed etiam paulò post dolor atque faucium inflammatio, & tumef. cilio, quibus tanquam concomitans necessarium continuò adjungitur deglutitionis, & respiratio nis ea difficultas quæ cum sensu strangulationis ad præfocationem citò deducit, ni morbo maturè occurratur.

Non immerito itaque morbus hic inter periculosissimos accensetur, cum sæpissime suos ægros ante quartum diem aut paulò post suffocatione perimat; præcipue verò si malignitas ad fuerit, cum enim vitalibus locis sit proximè vicina, quidni illa promptè pervadat, sicque vitam extinguat. Gravior est cum difficilem anhelitum adfert, tumore in faucibus apparente, eo autem in collo, vel pectore erumpente salutare, nisi inflammatio intrò recurat, aut cum partibus exterioribus interiores simul occupet. Si vero malum è faucibus in pulmonem repat, aut intra septimum interficit, aut ultra hanc diem in empyema commutabitur. Cæterum si cum spirandi difficultate conjungatur oris fœtor, vel circa guttur & fauces livor, aut albor appareat, sphacelum arguit, & gangrænam, quam partium extimarum refrigeratio, pulsus languor, & sensuum hebetudo, ac sopor consequetur; ut fertur accidisse post annum 1618. per totam ferè Italiam: quod adnotat Clar. Lucas Tozzi. Cavendum autem, ut addit idem Celeberr. Autor, ne humor ex Angina suppurata in tracheam & pulmonem delabatur: is namque suffocationem afferre posset, vel saltem empyema, & phthisim. Interdum per modum criseos terminatur; sic refert Forestus de Chynanche veraquæ quarto die per fluxum mensium criticum fuit curata. Angina quæ subito & faciliè evanescit, (cum eam ad interiora recurrere probabile sit) periculum suffocationis, vel alium gravem morbum, minatur. Si anginosus, sicut strangulatis spuma circa os appareat vix ad vitam redeunt.

Curatio debet esse prompta, si enim in ullo alio morbo, in hoc certe qui fauces veluti resti con-

stringendo citissimè strangulat, occasio celeriter & opportunè arrepta, scilicet medendi anima dici mereatur. Ipso itaque statim morbi initio vena secanda, & sanguis satis larga manu educendus, idque non una tantum vice, sed pluribus, tum scil. è brachio, tum è jugularibus, tum è raninis venis &c. Post venæ-sectionem largiorem celebratam commodè medicamentum purgans, illudque validius, admisto etiam paneo emetico, non semel pro occasione data propinabitur, non omisis interea salibus volatilibus, mistura simplici, spiritu nitri dulci, dente apri, diaphoretico, & bezoartico minerali, stercoribusque omnibus animalium quæ nitro turgent. quale est caninum, album græcum dictum. Valet præterea cinis cancrorum ustorum & hirundinum, imò & noctuæ, pariterque succus nasturtii, atque mel purum, ulularia, cervicaria, prunella, consolida, item fungus sambucus elixus, decoctum radicis althææ, caricarum & zinziberis cum quadrante vini in quo agaricum fuerit maceratum; rob nucum juglandium, atque extractum & sal hyperici & papaveris rhæados cum diaphoretico minerali, ter aut quater exhibitum. Ea autem omnia, vel sub forma Eclegmarum, vel alia, prout videbitur, commodiori methodo usurpari debent: imò ex his gargarismata confici poterunt quæ leviter adstringant, & discutiant; vel etiam sub finem & in casu necessitatis tumorem emolliant, atque ad suppurationem deducant, species aptas in sero lactis, vel ipso lacte recenti incoquendo.

Applicationes interim extus fiant ex unguentis, emplastris, cataplasmatibus, atque etiam in rebelliori morbo ex oleis stillaritiis. Inter unguenta usurpatur unguentum dialthæas, & martiatum cum oleo chamomillæ & amygdalarum dulcium. Inter emplastra, emplastrum de meliloto, & ceratum de spermate ceri. Inter cataplasmata è caricis oleo chamæmelino incoctis, item ex panetriticeo cum radice althææ in lacte cum paucocroco usurpatis. Appropriata magis creduntur quæ ex nidis hirundinum, stercoribus animalium & præcipue albo græco, stercore ovillo, caprino &c. capis sub cineribus coctis, nasturtio aquaticeo & similibus parantur. Inter olea stillaritia maxime prædicatur oleum succini, item oleum è gummi caranna, quæ potenter & validissimè resolvunt ac discutunt. Pro amuleto commendatur filum, sericeum purpureum quo vipera fuerit strangulata collo circumductum; item bufo, seu rubeta cocta.

Victus fiat ex jusculis hordeaceis, & avenaceis, aliisque id genus. Potus verò, tum decocto hordei solo, tum ex eodem cui nitrum depuratum sit immistum, tum etiam tinctura papaveris rhæad. additis flor. nymph. & verbasci in parca quantitate & adjuncto nitro cum paucis, si ita placet, saccharo, vel melle depurato.

Enemata injiciantur illis omnibus diebus quibus per intus assumptum medicamentum non expurgatur corpus, sintque emollientia & refrigerantia, tum etiam incoctis purgantibus, electuariisque admistis, paulò validius ad excrementorum expulsionem intestina sollicitantia, quorum formulas non opus est hic adjiciamus.

Hiscè omnibus non satis proficientibus, si æger evidens atque præsens suffocationis periculum incurrat, viresque & morbus ipse ferant, ad Laryngo

ryngo tomiam, remedium alias satis tutum, est deveniendum; quæ inutilis tamen foret si inflammatio, & tumor, in eoque materia contenta totam trachæ longitudinem occuparet, ipsosque pulmones. Debet autem sic perfici. Chirurgus ægrum suum collocabit in sedili ad posteriora super pectus ministri in id adhiberi reclinato, ut sic caput suffulciatur, tum mentum quantum fieri poterit relevabitur, adnotatoque incisionis loco, transversum scil. pollicem infra ipsum laryngem, inter tertium ac quartum trachæ annulum, minuter faucium cutem utraque apprehendet manu, eamque per transversum replicabit, illicque Chirurgus incisionem faciet transversum pollicem longam, per quam adactis digitis, dilato vulnere, emotisque musculis bronchicis & sterno-hyoideis, ipsa trachea, satis denudabitur, ut inter tertium & quartum ejusdem annulum stylus in id affabrè coniectus ad ipsius usque cavum immitti possit, cum ea solertia quæ vasa, musculos, aut membranam trachæ oppositam minimè lædat, respirationemque libere educat; tum introducta cannula argentea paululum incurvata, & brevi, figuræ, in extremitate quæ est inducenda, deprellæ, alia verò extremitate alata, & duplici annulo armatæ, quibus per ligamina inducta circum collum sic alligari possit, ut immota persistet. Cannula hæc in trachæ cavum penetrabit quidem, ut jam innuimus, sed brevior erit, quam ut possit ejusdem parietem oppositum attingere, sic enim tussim intolerabilem provocaret. Operatione peracta, inducta cannula persistat in inflicto vulnere donec remiserint, aut evanuerint symptomata, quo demum tempore ad se invicem readductis annulis trachæ cartilagineis, consuetur probe cutis vulnus nec aliquid amplius agendum restabit, nisi ut anodynus dolor ex futura ortus leniatur, cicatrixque promptè inducatur.

Angina maligna cum de pestilentium morborum sit genere remedia adhibenda, tum ex ipsa pestis cura, tum etiam ex parte è suprâ dictis petantur.

Angina notha, aliàs alba, partim memoratis medicamentis, atque venæ-sectione, partim etiam aliis curabitur. In specie ubi lentor viscidus linguam obsidet proderit faucium abstergio ex lintheo, aceto, succo agrestæ, nasturtii aquatici, aut acetosellæ imbuto, postea gargarisma è floribus ligustri in aqua cum paucis aceto, aut nitro, incoctis; addita etiam salis armoniaci, vel si aphthæ simul adsint, aluminis particula. Succus præterea sempervivi majoris, cum sale armoniaco non parvæ erit efficaciam, ut & alia plura. Sub finem pro firmandis oris & faucium membranis, contra humorum affluxum inungetur rob nucum vel diamorum cum paucis melle rosato, &c.

Curationes.

Opem laturus, sanguinem cum primis è brachio copiosè detraho, mox ex ranula utraque; dein ut partes inflammatae melle rosaceo spiritu sulphuris ad limum acorem permixto, tangantur author sum: mox Gargarisma sequens præscribo, non vulgari modo ulurpandum sed ita ut in ore sine ulla agitatione, contineatur, donec incales-

cat, dein expuatur, & repetatur subinde. ℞. Aq. plantag. rosar. rubr. & Sperm. Ranar. ana ℥ iv. album. ovorum in aquam agitando redact. n. iij. sacch. cand. alb. ℥ iij. f. gargarisma: jubeo etiam ut de emulsione in cura morbi lateris præscriptâ vel simili, indices sumat.

Sequenti manè, nisi febris & dolor inter deglutendum perceptus aliquantulum remiserint, venam in brachio rursus ferio, Catharsin in diem posterum rejectâ. At si utraque hæc minuantur, Catharticum lenitivum statim exhibeo; quod quidem post sanguinis missionem præ omnibus aliis perutile ac apprimè necessarium esse multiplici experientiâ, comperii, si fortean, quod quidem oppidò rarum est, febris, aliaque symptomata, etiam post catharsin, bellum minentur, iteratâ ut prius venæ-sectione perdomanda sunt, ut & Epispastico amplo ac forti, posteriori cervici applicando. Per integrum hujusce morbi decursum, enema refrigerans emolliensque omni manè, dempro illo quo catharsis vacat, injiciendum, atque ægrum hoc pacto reficiendum quotidie præcipio. Carnes, cujuscunque demum generis, ut & juscula ex iis parata, sacra sunt; jusculis verò hordeaceis avenaceis, pomis coctis ac id genus aliis vescitor; præterea ex hordeo, vel cerevisiâ tenuissimâ utitor. Lectulo interim per horas aliquot quotidie abstat; cum hujus tepor cum febris, tum reliquis symptomatis, quæ hac methodo expugnare satago, vires addat. Animadvertendum est autem, quod istiusmodi Angina, quæ febris, mihi stationaria dicta symptoma tantum est illâ ipsâ methodo curari amat, quam febris sibi vendicat, ac proinde vel per Aq. Phlegm. & cutis spiracula exterminanda est, vel per aliam qualemcunque medendi methodum quæ febris primariæ cui inhæret debetur; quod sedulâ observatione dignum. Th. Sydenham. de morb. acut.

Anginam vel incipientem vel etiam confirmatam, præsertim si febris urgeat, subito vomitoria, in primis aqua benedicta tollunt. Sic nimirum inflammatio cedit, & ulcera vel apostemata rumpuntur. In omnibus verò hiisce respiciendum ad naturam patientis & virium robur.

Quod si ergo vomitoria locum habere nequeunt, recurrendum statim est ad specifica, quæ nihilo seriùs etiam post vomitoria locum habere possunt, talia sunt.

1. Quod est apud Paracelsum intractata de pestilentia ad Sterzingenses, quod ℞. vj. vel viij. caneros vivos (canceri insigniter refrigerant) sedi majoris m. iv. quæ invicem contusa in mortario, & postmodum expressa succum reddunt, quod lingua & fauces sunt fovendæ, vel ipsa lingua radenda, imò ejus (sed parum valde: gur. videlicet aliquot) in liquore convenienti aliquid intro concedendum.

2. Est experimentum Anton. Ausmans civis Augustani, quod ℞. sedi majoris ℥ j. contunde in mortario, & exprimat succus. Hujus ℞. ℥ j. adde ℥ ß. salis armoniaci, relinque in loco humido usque solvatur sal, postea destilla per alembicum. Hæc aqua sæpiùs ablue linguam calidè & tepidè. Est probatissimum. Vide Conradinum de lue venerea.

3. Gargarismus ille de quo suprâ de Gustu abolito & depravato.

In hoc casu aliquid addendum est ad plantas illius de sedo majori.

Quod

Quod si gargarizare nequeat, siphunculis injiciendus est Gargarismus, post singulas/gargarisationes ℥. cornu de lardo duos digitos latum & assulatim incide, ex ea parte, qua adhuc lardum est, & pone ad linguam, ut aliquandiu detineatur: Sic nigerrima cuticula linguae resolvitur, & tandem discedit & curatio sequitur celerior.

Externè ad collum ipsum applicetur emplastrum ex nidis hirundinum (integris & albo græco ana) cum aqua ferrariorum coctum, calidè.

Pro potu dissolve vitriol. vel sal. prunell. (vinum non detur) ℥ j. in aq. fontanæ mens. j.

Anginae conferunt ea in quibus sal nitrosum Ammoniacum delitescit, ut sterco canis albi ossa rodentis, in aqua probè coctum & cum melle exhibitum.

Rasuræ dentis apri 3 j. cum oleo amygdalarum dulcium & saccharo.

Cinis cancerorum ustorum.

Cinis hirundinum.

Consolida media, prunella, Vulvaria, cervicaria, mentha crispa, rubus idæus.

Angina notha puerorum curatur emplastro modo dicto.

Caput viperæ exsiccatum & collo appensum commendatur pro amuleto.

℥. Noctuam unam, cum pennis combure & f. pulvis cujus postea modicum in guttur immitatur; aperit & rumpit apostema mirabiliter.

Spiritus salis nitrati in extinctione inflammationum; tum in resolutione Apostematis plurimum valet.

Exhibentur ejusdem in haustu aquæ fontanæ calido 3 ij. aquam misce cum spiritu vini & sp. salis ana 3 ss. vide Crollium.

℥. Aq. sempervivi, prunell. ana ℥ j. sal. armoniac. 3 j. m. f. Gargarisma.

CrySTALLUM vel anodynum minerale, ut vocant, seu lapis prunellæ (quod linguae inflammationi, item faucium vicinarumque partium asperitati unicè medeatur) insignis virtutis est; 3 ss. vel 3 j. in aqua aliqua appropriata resolutus & gargarizatus mirè confert post etiam parum hujus misturæ cum saccharo junctæ deglutito, vel, si mavis, sali prunellæ vulgari modo preparato quantum placeat adde sacchari candi ana vel etiam plus, utrumque pulverisatum coque cum aquæ rosarum quantitate sufficiente, donec gutta lamellæ stannæ superfusa consistentiam habeat effunde in concham & repone relinquendo, donec instar lapidis induruerit, tandem exime & in particulas diffinge, vel etiam in pulverem redige, utere hoc sæpius. *Joann. Hartmann. Prax. Chimiatri.*

Angina quædam est maligna s. epidemica, quæ bezoarticis refrigerantibus curatur. Huic malignæ non convenit V. S. si una die duraverit. Angina verò non maligna prodest V. S. non tamen admodum larga & quidem in brachio. Si verò oritur ab obstructione mensuræ, in talo & quidem saphena medenda.

Purgatio adhibeatur in principio & sit vehementissima. vide *Zacut. Lusitan. in Histor. & Barthol. de angina puerorum.*

Repellentia cautè adhibeantur, lapis prunellæ mira præstat in omnibus inflammationibus cum aq. sempervivi.

In omnibus faucium morbis optimum est rob seu extract. cort. nucum, resistit enim venenis. It. aq. cort. nucum cum sale armoniaco, vel succus can-

crorum & sempervivi cum sale ammoniaco mixta. Cinis hirundinum internè adhibitus ad 3 ss. pro certo habetur remedio. Aq. hirund. fung. sambuc. De filo purpureo, quod serpens est strangulatus vid. *Barthol. Pulverinus & alii.*

Angina ab inflammatione medetur aq. cordial. Saxonæ, Medic. extale, imprimis sale cum antimonio fixato, aq. acerosæ &c. spiritus salis in omnibus inflammationibus mira facit. *Joan. Michael.*

A provisione habitatorius corporis seca venas sub lingua, & si non juvat, jugulares in collo externas, & gulæ insuffletur pulvis hirundinum, & foris admove emplastrum ex nido hirund. cum aceto. Si ad pus abeat.

℥. Myrrhæ 3 ij. sinapi 3 j. morsus diabol. scabios. ana m. j. coq. ex aq. ad ℥ j. colat. adde mellis optimi, & dianth. ana 3 ij. f. Gargarisma.

Adruptionem etiam facit hoc emplastrum.

℥. Farin. tritic. hord. sem. fœnugræ. ana 3 ij. rad. lil. alb. 3 ii. ficuum numero vi. Levistic. chamamel. melilot. malv. ana m. ss. fermenti acris 3 ij. decoctis ut decet ex aqua f. cataplasma dolorem sedans & quod sequitur.

℥. Medullæ pomorum sub prunis coctorum 3 viij. butyri rec. 3 ij. pingued. gallin. 3 j. ss. lactis muliebris 3 ii. farinæ hord. 3 j. bulliant ad spissitudinem, in fine adde vitell. ovorum num. i. & parum croci f. cataplasma anodynum. *Joan. Heurnius ad Hippocr. Aphor. 43. Sect. 2.*

Ex Hippocratis consilio omnia admovebimus ut foras prodeat in collum materia: tale est emplastrum quod coquitur ex nido hirund. ex decocto malvarum, meliloti, ficuum, fl. sambuci, additur theriaca & crocus. Ita litus ex adipibus, & oleo amygdalino, cum croco. *Idem ad Hippocr. Aphor. 37. sect. 6.*

Consultationes.

Vir triginta annorum carnosus, robustus, plethoricus, cum à gravi labore admodum incaluisset, plurimumque sitiret, cerevisiam tenuem, è frigida cella depromptam, avidissimè magno haustu bibit, ita ut frigiditatem potus in faucibus ferre nequiens, poculum ab ore deponere cogeretur. Paulò post angustiam quandam cum ardore in faucibus, & hinc respirandi ac deglutiendi molestiam percepit, quæ continuè magis magisque adaucta est. Post septem aut octo horas febris valida accessit, cum pulsu magno, crebro & inæquali, tantumque adaucta est respirandi deglutiendique difficultas, ut vix stans aut erectus sedens respirare posset, & assumptus potus illicò per nares resiliiret. Os siccum est, cum magna siti, quæ ob deglutiendi, impedimentum, nullo potu leniri potest. Lingua obscurioris coloris evasit, eaque oris speculo depressâ, posteriùs in faucibus maximè intensa rubedo seu fuscus color apparet; tumor tamen insignior, quia humiliore loco consistit, conspici nequit. Venæ raninæ sub lingua crassæ ac tumidæ sunt. Loquela etiam adeò impedita evasit, ut vox ægrè audiat. Æger maximè anxius se quaquaversum summa cum inquietudine movet, & frigidum parulumque aërem continuò captat. Foris nullus tumor sed infusa aliqua rubedo circa faucium regionem apparet.

Gravissimus affectus, qui ægrum nostrum exagitat, vulgò ab angendo *Angina* appellatur; *Estque respirandi, & deglutendi difficultas, ab inflammatione & angustia partium summarum gula, laryngis, fauciumque procedens, ac brevi febrem continuam sibi comitem assumens.*

Non est autem notha angina à tonsillarum ex catarrho tumore cum rubore conjuncto, sed est vera angina, ex mera inflammatione genita. Cui cum pro varia intensiōis magnitudine à Neotericis quatuor gradus constituantur, hæc ad gradum tertium referenda videtur, quem *Παγκυανία* appellant, quippe in nostro ægro inflammatio versùs superiores faucium partes se extendit, & depressa lingua quodammodo conspici potest, quæ alioquin in duobus prioribus gradibus *κυανία* & *συνία* tota occulta latet.

Sanguinis redundantia hujus mali antecedens fuit causa; hic autem sanguis à causis procatartice agitatus, ac in faucibus & laryngis musculis majore copia conservatus, ibidemque putrescens, causa continens evasit. Procatartice verò illum partim moventes, partim circa dictas partes detinentes, duæ fuerunt, nempe gravis labor magnum calorem excitans, & nimis frigida potio, tubitam refrigerationem inducens.

A gravi quippe labore excalesfacto toto corpore, nec minùs corde, sanguis per validas crebraque cordis pulsationes rapidè fuit agitatus, ac celeriter per vasa transit, idque sine ullo incommodo, quouque in viis nullum dabatur impedimentum. Verùm cum ab actuali frigiditate assumpti nimis frigidi potus, qui in minimis venis, circa fauces & laryngem hærebat sanguis nonnihil incrassaretur, ipsæque venularum radices & orificia constringerentur, ac cor excalesfactum tamen non desineret per crebros magnosque pulsus æquè multum sanguinis, atque antea, eò per arterias propellere, non potuit tanta quantitas à venulis per frigus incrassatumque sanguinem angustatis, tam citò recipi & transmitti, sicque circulari, ac proinde cum singulis pulsibus aliquid transiret, aliquid etiam dictis locis detineretur, hinc per plurimos pulsus multum sanguinis in dictarum partium substantia detentum ac collectum fuit, unde tumor calidus respirandi deglutendique vias angustans, paulatim magis magisque adauctus est; ipseque detentus ibi sanguis, cum à corde non amplius regeretur nec moveretur aut elaboraretur, paulatim majorem inflammationem & putredinem concepit, cujus pars, cordi per venas communicata febrem continuam accendit, non quidem primâ horâ, sed inter septimam & octavam: in ipso enim exordio copia sanguinis paulatim collecta, ejusque nimius calor continuè adauctus fuit, sed putredo cum magna inflammatione post aliquot horas primò invasit, scilicet cum tanta esset copia, quæ naturæ gravis foret, etiam effervesce inciperet: à qua effervescencia pulsus major & crebrior, quam antea, evasit ac simul etiam inæqualis, à putrescentibus particulis, reliquo sanguini inæqualiter permixtis, incorillabentibus.

A febris invasione multò difficilior fuit respiratio, tum, quia effervescens sanguis majorem locum requirebat, atque hinc tumorem & viarum angustiam plurimum augebat; tum, quia ratione majoris caloris febrilis, majore opus fuit respira-

tione; cum per angustas vias procedere vix posset, difficilior evasit, & defectus quoque necessarii refrigerii maximam anxietatem & inquietudinem induxit; atque hinc est quodd æger frigidum patulumque aërem capteret.

Os siccum & sitis maxima est, à calidis vaporibus, partim ex inflammato loco, ori proximo, partim per febrem, ex corde & inferiore corpore sursùm in os exhalantibus, idque exsiccantibus. Potus tamen degluti nequit, sed in os resilit, quia ab inflammatorio tumore superior œtrophagi pars tantoperè comprimitur & angustatur, ut nihil amplius transmitti possit, hincque potus deglutitionis imperu versùs œtrophagum impulsus, cum non possit per eum transire, per superiora palati mox resilit in nares.

Intensa rubedo seu fuscus color, qui in faucibus depressâ linguâ conspicitur, sit a copia sanguinis ea in parte, ob ante dictas causas coacervata, qui color se inde aliquo modo versùs linguam extendit: & propter denegatum liberum sanguinis per venas transitum, venæ raninæ sub lingua admodum tument.

Loquela impeditur, ut æger vix audiri possit, propter respirationis difficultatem & musculorum laryngis inflammationem.

Foris nullus conspicuus est tumor, quia inflammatio tota intùs circa laryngem, œtrophagum & fauces latet: rubedo tamen aliqua, propter viciniam, se versùs exteriora protendit.

Acutus sanè ac periculosissimus est hic morbus, à quo æger aut citò liberari, aut citò mori debebit, quia si paucillum adhuc increseat inflammatio & augeatur tumor, respirandi via omninò præcludetur, & æger suffocabitur. Periculum auge febris magnitudo, & quod æger nihil omninò deglutire, sicque ardor internus nullo potu leniri, nec vires ullo alimento corroborari possint. Aliquam tamen sanationis spem facere videtur, quod inflammatio non omninò in interioribus laryngis musculis abscondita delitescat, sed aliquo modo versùs fauces extendatur, ita ut topica ad partem affectam paulò melius accedere queant. Adde, quod aliqualis rubedo, foris apparens, videatur etiam promittere aliquam prurptionem inflammationis versùs exteriora, quod cum salute ægri fieret.

In curatione 1. Affluentis sanguinis impetus ad partes affectas est impediendus. 2. Qui jam influxit & ibidem collectus est sanguis, quantum fieri potest discutiendus est. 3. Si ad maturationem tendat, ea quàm citissimè promovenda est. 4. Si dum hæc tentantur, ægri suffocatio interea metuatur, illa per Chirurgiam prævenienda erit.

In hoc magno igitur morbo statim à generoso remedio auspicienda erit curatio, & venæsectio in brachio instituenda, ac sanguis liberaliter detrahendus. Si prima vice non imminuatur affectus, haud diu post eadem venæsectio in eodem vel altero brachio erit reiteranda; atque illud ipsum etiam tertia vice, si necesse videatur, sine scrupulo tentandum; quoniam ab hoc imprimis remedio salus expectanda. Etiam è venis raninis, sanguis bona quantitate per phlebotomiam erit extrahendus.

Interea clysteribus ordinariis alvus interdum subducenda.

Utatur æger sæpius hoc gargarismate discutiente

& emolliente.

℞. Glycyrrhizæ rasæ ℥ iij. rapas duas medio-
ris magnitudinis herbar. scabiosæ violariæ, mal-
væ, mercurialis, betæ, ana m. j. flor. chamomillæ,
rosarum pallid. ana m. ℞. corticem citri ℥ ss. aquæ
q. s. coq. s. art. ad ℥ i ss. adde colaturæ, syrupi
dianuci ℥ ij. diamori ℥ j. mellis rosacei ℥ ss. misce
f. gargarisma.

Huic, si tumor ad suppurationem tendere vi-
deatur, hordei mundati ℥ i ss. fol. althææ m j ss.
ficus novem.

Extrinsecus imponatur hoc cataplasma.

℞. Rad. liliorum albor. ℥ i ss. fol. betæ, mal-
væ, mercurialis, althææ flor. chamomill. ana m. j.
rosarum pallidarum m. ss. farinæ fœnugr. ℥ i ss.
unius nidi hirundinis interiorem partem pulveri-
fatam, aquæ q. s. coquantur s. art. ad pulcullæ
formam, cui adde olei chamæmelini ℥ ij. misce f.
cataplasma.

Huic si maturatio expectanda videatur, addi
poterunt,

Ficus pingues septem aut octo, farinæ rad. al-
thææ, sem. lini, pulp. cassiæ, olei liliorum, ana
℥ j.

Quamprimum æger aliquid deglutire poterit,
detur clemens purgans ex infuso rhabarbari, pul-
pa cassiæ, syrupo rosato solutivo, aut de cichoreo
cum rheo, &c.

Tunc etiam pro potu præscribatur julepus.

℞. Decoct. hordei ℥ i ss. syrup. diamori, dia-
nuci, violac. ana ℥ j. olei sulphuris pauxillum ad
levem acorem, misce, fiat julebus.

Si abscessus rumpatur, æger prono capite pu-
rulentam materiam expuat, & ulcus abstergat gar-
garismo, ex decocto hordei cum saccharo, melle,
aut syrupo de prassio vel hyssopo dulcorato: ex
quibus syrupis etiam linctus confici potest. Postea
utatur gargarismate ex sanicula, plantagine, agri-
monia, nucibus cypressi, rosis rubris, &c. cum sy-
rupo de rosis siccis & granatorum dulcorato.

Si interea dum hæc adhibentur, magis incre-
scat respirandi difficultas, suffocationis periculum
jamjam imminuere videatur, antequam materia
vel discuti, vel ad maturitatem deduci possit, viri-
bus nondum planè collapsis, ad extremum con-
currendum est remedium, scilicet *laringotomiam*;
de qua consulendi sunt Julius Cæsserius in *historia
anatomica vocis*. Aquapendens titulo *de perfora-
tione aspera arteriæ*; Sennertus *institutionum lib. 5.
part. 1. sect. 2. cap. 7.* alique Chirurgiæ scriptores.

Vivat æger in aëre frigidiusculo. Cum degluti-
re poterit, concedatur victus tenuis, ex cremore
hordei, amygdalatis, jusculis pullorum vel carnis
vervecinæ, decoctis cum lactuca, endivia portula-
ca, acetosa, prunis Damascenis, &c. Potus sit ce-
revisia tenuis, julebus refrigerans, prisana. Alvus
laxa serverur per clysteres, aut concessa deglutitio-
ne per assumpta corporis animique sit quies. *Is-
brand. D. Diemerbroeck.*

Morbus quo Illustrissima Patiens affligitur,
evidens adeo est, ut cum vel ipsis oculis pateat,
Medicis conjecturis, quantum ad ejus ideam, opus
non sit, de quo præterea tum aptè differuit, & quod
magis est, tam opportunis remediis succurrit Ex-
cellentiss. Vir, ut nihil penè mihi restet addendum,
sed omnia breviter confirmanda quæ summo ju-
dicio proposita fuere. Angina itaque premitur
Nob. mulier, cujus essentia ex Gal. in impedita
deglutitione & respiratione consistit non verò, ut

plerique asserunt, in inflammatione, quæ in hu-
modi malo, causæ potius, quam essentia rationem
habet. Symptoma igitur erit in actione animali læ-
sa, eaque nunc imminuta; sed interdum abolita.
Hanc autem & nos legitimam censemus, non so-
lùm ratione partis affectæ cum inflammatio occu-
per fauces, sed etiam ratione causæ, cum ab in-
flammatione dependeat.

Fauces itaque sunt partes affectæ, quod conjici-
tur ex eo, quod deglutitio magis, quam respi-
ratio impedita sit, quæ cum læx magis sint se-
cundum internam, quam secundum externam par-
tem, Angina hæc in specie cum Gal. Cynanche
erit appellanda.

Symptoma hoc, ut dictum est, ab inflamma-
tione depender, quam nimii sanguinis in illam
partem influxus induxit, non sinceri tamen, aut
biliosi, sed pituitosi, quod ideo asserimus, quia
deglutitio magis, quam respiratio læsa est, quia
frequentissima sunt spura pituitosæ materiæ &
tandem quia videmus linguam continuo pituitâ
irrigari. Pituitosus verò iste sanguis in partes illas
influxit, non per modum attractionis, sed per mo-
dum transmissionis, cum Patiens diu caput ante
soli exposuerit, cujus calore materia ista liquefa-
cta, præceps contigit in fauces destillatio, à qua
postea inflammatio, illarum partium angustia, &
difficultas non deglutitionis solùm, sed etiam res-
pirationis.

Ut curetur hoc malum, variæ esse debent me-
dicæ indicationes prout diversa sunt tempo-
ra ejusdem morbi: In principio enim revellen-
dum, repellendum, & partes illæ extrinsecus re-
laxandæ, In augmento revellendum, & digerend-
um. In statu validioribus digerentibus uten-
dum, dummodo tamen inflammatio ad reso-
lutionem vergat, ut sperare licet. In decli-
natione tandem unica intentio est ipsa resolutio.
Et quamvis morbus acutissimus sit, & per conse-
quens periculi plenus, præsertim cum legitimus
sit & in interiori parte, nihilominus propositis
intentionibus satiesheri sperandum, cum collum
extrinsecus etiam intumescere incipiat: namque
ex Hippocr. c. *Ab Angina habito*, si tumor fiat in
collo, bonum, foras enim morbus deducitur.

Quoad Chirurgiam, jubet Galenus statim san-
guinem ex Cephalica affectæ partis educi, ne æ-
ger suffocetur; quare opportunè soluta fuit bra-
chii vena, & non semel, sed per partitas vices,
docente Avicenna unicâ vice sanguinem copiosè
emittendum non esse, ne attenuatis & liquatis hu-
moribus, fluxio augeatur, & Angina in peripneu-
moniam transeat. Cucurbitulæ, frictiones, lotio-
nes, si opportuno tempore administrentur, om-
nia conveniunt. At cum morbus jam sit propè sta-
tum, determinandum superest quid in præsens
agendum sit, cum jam sufficientes universales
evacuationes præcellerint. Et mihi quidem parti-
cularis evacuatio sectis venis sub lingua valde cum
Galeno placeret, nam hoc modo non exigua por-
tio jam fluxæ materiæ derivaretur.

Quoad Pharmaciam, opportunissimum fuit
medicamentum exhibitum, syrupis tamen præ-
ferrem emulsionem seminum melonum aquâ ace-
tosæ extractam, addito modico julap. viol. tam
manè, quam vespèri in vigore accessionis; die ve-
rò ore detineat, modò julapium viol. modò con-
servam violarum. Gargarismus quoque parari po-
terit non ex rosis, myrto, balauft. cum aq. ros. &
plan-

plantaginis; talis enim cum maximè repellens sit, potius in principio convenit; sed ex decoct. rosarum, liquiritiæ, passular. caricarum in aqua communi, addito etiam diamorone: vel paretur gargarismus ex aqua plantaginis, acetosæ & diamorone, addendo parum oxymel. simplicis.

Interim si perseveraret dolor, vel desæviret magis, admoventi posset extrinsecus emplastrum ex flore cassiæ, pulv. nidi hirundinis, oleo amygdalarum dulc. & sapa; vel ex farina hordei, fabarum, nidi hirundinis, oleo amygd. oleo ros. compl. & sapa. Tandem pro omnimoda illius materiæ discussione, uti poterit Patiens Illustriss. Gargarismo ex decoct. pulegii, calamenthi, origani, thymi, addito diamorone, myrrha, & parum spicæ.

Quod si inflammatio ad suppurationem verge- ret, lac tepidum conveniet, prout decoct. carica- rum pinguium, rad. malv. & similibus.

Victus sit exquisitè tenuis & sufficiat sola pris- na hordeacea, aut panatella in aqua cum lacte se- minum melonum, Quæ summæ viri Sapientissi- mi prudentiæ satis. *Raymund. Joan. Fortis. Con- sult. Tom. 2. Cent. 1.*

Observationes.

Civis quidam anno 1615. Gicssæ primò de fau- cium dolore, mox difficili respiratione, degluti- tioneque conqueritur ita ut cibum nullo modo, potumque vix admittere posset. Exteriùs tumor terè nullus, interiùs verò partes circa linguæ ra- dicem intumescens atque inflammata conspi- ciebantur; pulsus aderat frequens, & calor fe- brilis per intervalla totum corpus maximeque fa- ciem invadens.

Gravis est illa species *angina*, cum gutturis in- terni musculi sic inflammantur, ut neque in fau- cibis, neque in cervice quidpiam appareat, unde *Celso* meritò pestiferum, acutumque morbi genus, *Galeno* morbus extremè peracutus, *Hippocr.* ve- rò lethalis dicitur. At major est spes in illa, quæ fit inflammatis internis faucium musculis, ubi tu- mor atque rubor in faucibus oculis subjiciuntur. Talis etiam erat hic mortuus, qui incipiebat *cum dolore faucium*, ibidem per congestionem & af- fluxum collectâ materiâ sanguinis pituitosi quo musculis faucium repletis inflammatio & tumor sublequebatur, unde mox *difficilis respiratio* red- debatur, oclusis scilicet quodammodo viis spi- ritualibus, ipsaque *deglutitio deficiebat*, propter gulæ difficilem dilatationem sine qua cibis potus- ve transire nequit. Hinc *cibus nullo modo* propter soliditatem comprimentem, quam partes inflam- matæ ferre nesciunt, potusque vix admittebatur, qui scilicet liquidâ suâ substantiâ quadantenus guttatim descendere poterat. Exteriùs tumor nul- lus apparebat, quatenus inflammatio musculos internos faucium apprehendebat quod interiùs rubor atque tumor circa linguæ radicem innuebant, in quo aliàs hæc species a priori, quæ proprios laringis musculos afficit, distinguitur. Pulsus fre- quens erat; incalescente corde propter impedi- ram respirationem, convenienti eventilatione de- negatâ, quam ob causam calor præter naturam per intervalla totum corpus, spiritus effervescenti- bus unâ cum sanguine arteriali hinc & inde con- citatis, imprimisque faciem invadebat, quæ aliàs

in hoc ægro propter jecoris caliditatem fervidas exhalationes promptè recipiebat, maxime hoc tempore, dum in vicinia humor phlegmonodes generaretur, Hic primo totum corpus sanguine abun- dans evacuandum. 2. affluxus ad fauces repellen- dus & avertendus 3. materia phlegmones circa fau- ces collecta vel ad resolutionem, vel ad suppuratio- nem ducenda, 4. necnon pars affecta roboranda ve- niebat.

Pro primo suavisimus pro lenitione clysterem, cum venter etiam inflatus videretur, qui.

℞. Rad. Altheæ ℥ j. herb. violar. mercurialis, parietariæ ana m i ss. flor. violar. rosar. ana m j. fol. senæ ℥ j. sem. lin. fœnugr. ana ℥ ij. fœnicul. ℥ ij ss. F. decoct. in aq. ad tertias, coletur. ℥ j. adde mass. pil. Aggregat. ℥ j. ol. chamæmelini ℥ iij. salis parum, fiat enema.

Hoc modo ventre laxato venæ-sectionem sua- simus in brachio, quò non tantum sanguis copiâ abundans minueretur, sed totum incalescens alte- raretur. Quoad affluxum repellendum & averten- dum ab empiricis primò vocatis gargarismi præ- scribebantur, non quidem ex hac indicatione sed potius juxta consuetudinem, qui solis adstringen- tibus decoctis faucium affectibus succurrere co- nantur, quorum utrum eò direximus, ut primò lenis fieret adstrictio per aq. prunel. plantag. cum Diamoro & Rob nuc. permixt s. dein etiam subse- quentem collutionem concessimus, quæ ℞. Rad. Bistortæ ℥ iij. cupul. gland. ℥ j. Herb. prunel. flor. rosar. rub. ana m ss. f. decoct. in l. q. aq. ad ter- tias, coletur. adde aluminis ℥ ss. Diamoron. ℥ j. misce. Porro majoris aversionis ergo venas sub lingua quoque incidimus & ventosas sine scarifi- catione scapulis & brachiis appojuimus. Hoc modo sufficienter affluxu correcto, materia circa fauces copiosè collecta, quæ resolutionem non admittebat, suppuranda veniebat qua de causa mox emplastrum, quod patrius noster p. m. Ja- cobus Horstius olim commendabat, appojuimus exteriùs, quod ℞. Rad. altheæ ℥ ss. caricar. ping. num. viii. myrrh. ℥ ij. croci ℥ ss. Farin. sem. lini, fœnugr. ana ℥ ss. mellis q. s. F. emplastrum. Interiùs adstringentes gargarismos mutavimus, & cum discutientibus emollientia & maturantia præscripsimus remedia, nimirum collutionem ejusmodi, quæ ℞. Rad. glycyrrhiæ ℥ ss. herb. malv. melilot. ana m ss. fl. chamæm. p. ij. Passu- lar. minor. ℥ ss. caricar. ping. num. iij. f. decoct. in l. q. aq. ad 3. coletur, & adde mellis rosar. ℥ i ss. misce.

His continuatis, apostema faucium maturaba- tur, & spontè ruptum, pus copiosum per os emittebat, pro cuius mundificatione consequen- ter gargarismi fiebant ex aq. prunell. cum melle rosato permixta similibusque, quibus non tan- tum ulcus eluebatur sed etiam pars affecta vicis- sim ob modicam adstrictionem roborabatur, ut perfectè restitutus æger, in hanc usque horam bellè vivat qui aliàs extremam suffocationem tunc temporis sibi instare putabat. *Gregorius Horstius.*

Angina per resolutionem materiæ soluta.

Puella 18. annorum, fluxionibus capitis & ob- structionibus mensium obnoxia, superiori anno 1609. incidit in difficilem respirationem, ita ut nonnisi rectâ cervice spirare possit: tumor cum dolore circa collum apparet, transglutiendi ma-

xima difficultas subsequatur.

Aderat hinc anginae species, quæ *ἄσθμα* recentiorib. nominatur, ubi exteriores faucium musculi inflammantur, quod in hoc casu factum fuerat ob sanguinis pituitosi copiam ad superiora regurgitatem, adjuvantibus defluxionibus capitis. Difficilis fit respiratio, tum propter asperæ arteriæ compressionem, tum etiam propter superfluitates per consensum in pectore collectas: rectâ tantum cervice spirat, ubi minus aspera arteria comprimitur: tumor apparet, ob materiam parti affectæ jam impactam: cum dolore, propter inflammationem: tandem transglutiendi difficultas maxima subsequitur, propter gulæ extensionem, quæ dilatata à cibo solidiore partem inflammata comprimit. Quoad curationem in principio huius affectus venæsectio revellendi causa convenit: verum cum in præsentī casu, Medico vocato materia non amplius in fluxu esset, statim eò allaborandum esse duximus, ut interius gargarismo repellente & discutiente faucibus prospiceremus, & exterius tumorem emolliremus ac resolveremus: illud perfecimus ejusmodi gargarismo.

℞. Rad. Bistortæ ʒβ. Herb. prunell. cum fl. plantag. ana m i β. salv. agrimon. ana m j. aluminis ʒ j. F. decoct. ad ʒ. colentur ʒix. & adde mell. rosat. ʒj. Diamor. ʒβ. misce f. gargarismus. At hoc partim inunctione ol. chamæmelini, partim cataplasmate ex ficibus, Rad. althææ ana ʒj. myrrhæ ʒij. croc. ʒβ. mell. q. s. peractum fuit, quibus ægra restituebatur, cum non admodum copiosa esset materia. *Idem.*

Varia sunt anginae genera, sed nullum perniciosius illo; quod produxit, vel vertebra introrsum luxata; vel inflammatio musculorum interioris laryngis. Quorum profundus tumor, siquidem coarctet angustum, asperæ arteriæ, caput; & ligulam illi insculptam (quæ sunt proxima vocis instrumenta) supprimitur non tantum vox: sed præcluditur quoque via spiritui; vel potius ipsi vitæ. Quæ sine spiritu nulli diu, durabilis. Ac proinde non inconsideratè, Hippocrates lib. 3. prog. latens angina, vel primo, vel secundo die, lethalis.

Nauta pleni habitus, correptus intempestâ nocte, ab urgente faucium angustia, traxit illic spiritum adeo difficulter: ut excitatâ febre, & accenso gutture, inciderit protinus in grave suspirium spiritum turbidum, imò ipsam mortem. Cujus periculo, quò subtraheretur, nihil non molitum: sed urgentior fuit necessitas; & vehementior, ab incluso spiritu, strangulatus: quam ut juverint ipsum, vel sanguis maturè ex utroque brachio detractus: vel incisa ranula: vel cucurbitulæ, gargarisationes, clysteres, cataplasmata aliaque satis celeriter adhibita Nicol. Tulpius.

Plurimis remediis nihil proficientibus in Viro Excellentiss. angina laborante monito empirico edoctus, ut lanam ovillam, nigram verò, in oleo chamomillæ frixam, duplicatis involutam linteis, desuperque emplastrum de meliloto parti affectæ applicarent iussi; quo applicato intra pauculas horas talis subsequeretur effectus, ut omnes adstantes summopere admiraremur, ægerque se parum sublevari, nonnihilque auxilii persentire voce languidâ effabatur: Cumque singulo quovis die ternis vicibus hoc reiteraretur topicum, præter omnium nostrum spem & opinionem intra paucos dies æger convaleuit, & hodiè sanissimus suo per-

strenuè fungitur munere & officio. *Joan. Georgius Sartorius.*

Benivenius cuidam angina latente strangulante affecto, etiam conclamato, incidit locum altioribus plagis sub ipsis maxillis, & etiam supra colulum; unde sanie multâ prorumpente, illum à morte ad vitam revocavit.

Pro angina in viro quodam ex sanguinis repletionē.

Sanguine extracto, & clystere injecto, hoc gargarisma præscripsi.

℞. Fol. plantag. m j. fl. ros. rubr. p. j. gallam omphacitidem (i. viridem) crasso modo contusam, sem. cydon. ʒj. bulliant in lb j. aq. plantag. addendo aq. solani, equiseti, ana ʒij. colaturæ immisce diamor. dianuc. ana ʒi β. f. gargarisma, quo cum gargarisasset, loqui potuit, quod antea minimè poterat, deinde hoc sequenti usus est.

℞. Fol. plantag. bellid. min. ana m. j. fl. ros. rubr. p. j. balauft. ʒj. hord. communis, p. j. coq. in lb ij. aquæ communis ad lb j. cui adde lb β. aq. plantag. & aq. scabios. ʒij, sem. lini fœnugræc. malv. (cùm jam in augmento essemus) ana ʒj. gallam unam crasso modo contusam, nidum hirundinis cum plumis incisum (ad resolutionem aliqualem) ebulliant hæc simul, fiat levis colatura, addendo diamori, dianuc. ana ʒi β. mell. rosat. colat. ʒβ. m. eo plurimum delectabatur, cum se levamen inde sentire fateretur.

Secundo die manè glande alvo exoneratâ, venas sub lingua incidere jubeb crassissimo sanguine ac nigerrimo effluente, & melius habere cœpit, & spiritum liberius ducebat: eodem tamen die, guttur inunximus linimento sequenti, simul etiam cataplasmate impositio.

℞. Ol. amygd. d. ʒj. pingued. gallin. butyr. rec. in aq. viol. & camom. loti ana unc. β. mucilag. sem. lini, fœnugræc. malv. alth. extract. cum aq. chamæm. ana ʒij. ceræ cirtinæ modicum, f. linimentum, lanâ succidâ superpositâ.

℞. Rad. althææ unc. i β. fol. malv. viol. ana m. j. fl. chamæmel. melilot. ana p. j. coq. in aq. ad mollitudinem, pistentur, adde farinæ sem. fœnugr. lini, hordei ana p. j. nidum hirundinis in pulverem redactum, ol. amygd. d. viol. butyr. rec. ana unc. ij. ol. chamæmel. unc. j. f. cataplasma, & amotâ lanâ, calidè apponatur.

Istis præsidiiis cum paucis aliis, morti additus, luci fuit restitutus. *Petrus Forestus observ. 16. lib. 15. de faucium, gutturis, gulæ & asperæ arteriæ affectibus.*

In Angina periculosa festinandum est; veteres eodem die, & sanguinem mittebant, & medicamenta exhibebant. Ego sanè (inquit *Trallianus*, lib. 4. cap. 1.) novi me, cum usus valde urgeret, venam manè aperuisse: diluculo linguæ subiectas secuisse; & vespere ex cremore pisanæ lachrymam scammon. exhibuisse: atque ita laqueum ex inflammatione ortum vix potui dissolvere. Et alium quendam novi me, postquam duorum brachiorum in cubito venas secuissem, repurgasse, sequenti die non expectato. *Petrus Forestus, Observ. 13. lib. 5.*

Pro Angina cum tumore in faucibus.

Vocatus ad quendam, cui gutturis regio adeo intus-

intumuerat, ut ne verbum proloqui posset, & ferè suffocaretur, tumore in faucibus manifestè apparente, cum adhærente tenacissima pituita & lentore. Statim cucurbitulas cum scarificatione scapulis adhibui gargarismum sequentem suasi.

℞. Aq. solan. plantag. ana ℥ iv. syr. viol. mell. viol. ana ℥ ss. diamori ℥ j. acet. flor. papav. rhæad. ℥ ij. f. gargarismus.

Applicuit collo sequens cataplasma in illius ambitu sub mento.

℞. Farin. hord. fabarum ana ℥ iv. nid. hirund. ℥ ij. stercor. canis sicc. ℥ i ss. mell. unc. ij. ol. rosac. q. s. fiat cataplasma. Hisce vix dum per diem usurparis, melius habere cœpit, & è summo periculo evasit. *Fœlix Platerus, observ. lib. 2. pag. 412.*

Protinùs alvi excrementis per acrem injectum clysterem depositis, cephalicam dextri brachii venam incidere jussi; hoc etiam gargarisma præscripsi.

℞. Syr. de ribeo, rob. mororum ana unc. j. aq. plant. stipit. rosar. ana unc. viii. m. f. gargarism. quo sæpè utatur.

Foris etiam ubi tumor in collo apparebat, locus oleo chamæmel. superadditâ succidâ lanâ, fatus fuit. Vesperis verò ex sinistra saphæna sanguinis unc. vj. fuerunt extractæ: sequenti verò die cucurbitulæ ad primam vertebra & scapulas sunt applicitæ; tum olei vice, quod foris admovebatur, emplastrum hoc apponi jussimus.

℞. Rad. alth. fol. malv. ana m. j. rad. lil. alb. num. ij. ficuum ping. num. x. f. decoctio in aq. donec mollescant, dein in mortario optimè pistentur, & per setaceum transmittantur, quibus postea adde farin. hord. lini fœnugræc. ana p. j. cineris hirund. unc. ij. stercor. canin. arid. & alb. unc. ij. farin. chamæmel. p. i ss. decocto prædicto omnia excipiantur & f. emplastrum cui adde ol. chamæmel. rosac. ana unc. i ss. m. & ad ignem parum tractetur, & collo affecto applicetur. Porro hujus emplastri vice stercus caninum aridum pistum & melle exceptum & dolenti parti admotum præstantissimum est remedium. Item cinis hirund. cremat. efficax quoque remedium est, si modo cum melle admoveatur. Emplastrum etiam ex nido hirund. magnam in hoc casu habet prærogativam. Nec sunt audiendi qui ex nido hirund. tanquam ex terra frigida, emplastrum fieri formidant; cum reverâ terra nidi hirundinis cum paleis, & cæteris in eo contentis, discutiendi vires habeat. Quanquam prisca Græci nunquam quod legerim, nido isto in hoc affectu usi fuerint, sed potius cinere hirundinum. *Amatus Lusitanus, cent. 3. curat. 28.*

Pro Angina gravi in viro quodam.

Clysterem primùm paulò actiorem in hunc modum præscribo, quod adstrictâ alvo esset.

℞. Herb. 4. emoll. fol. caul. rubr. hyssop. cent. min. ana m. j. polipod. q. unc. j. sem. cartham. contul. ℥ x. agaric. in peria ligar. ℥ iij. sem. melon. cum cort. contul. unc. j. sem. anisi & anethi ana ℥ iij. flo. chamæm. & melil. fursur. macr. ana p. j. f. omnium decoctio in colatura ℥ j. dissolve catholic. unc. j. hier. Galen. ℥ v. ol. viol. & liliorum ana unc. iij. mell. rosar. colat. unc. ij. f. clyster.

Ingentem excrementorum copiam dejecit æger, à qua alleviationem sensit, ejecto clystere sanguinem eodem die bis è cubito detraho ad unc. xx. quod & æger valentissimis viribus esset, & morbus quo-

que magnus. Interea gargarismate astringente, & repellente, uti ægrum jubeo.

Sequenti die è venis sub lingua sanguinem detraho, & Cucurbitulas cum scarificatione, sub vespere admovei scapulis jubeo, à quibus mirificè se levatum sensit, & paulò tum faciliùs respirare cœpit. Interim in omnimoda abstinencia ægrum contineo; nec per primos tres dies, quicquam aliud præter aquam mulsam sumere jussi, neque etiam solidiora alimenta sumere potuit, ut qui etiam mulsam ore sumptam per nares rejiceret, quod anginosus frequens esse solet. Infernas partes vinculis deligo, collo & cervici hæc impono.

℞. Ol. chamæm. viol. liliorum & cheirini, ana ℥ ij. ol. amygd. d. rec. ℥ iij. axung. Gallin. rec. ℥ j. butyr. rec. sine sale ℥ j. croci ℥ j. f. linimentum, quod calidum collo & cervici, mollibus lanis pinguibus intectum admovei jubebam. Ubi verò ad tertium diem ventum est, mox propiare medicamentum solvens satago, sed frustra id tentatum est: quare dabam alternis diebus clysterem superscriptum, à quo alleviari se plurimum æger sentiebat.

Cum autem ad quartum diem rubor aliquis cum dolore ac tensione foràs ad maxillam dextram se proderet, bonum id esse sum, ex Hippocr. & Galeni sententiâ arbitratus, itaque naturæ motum secutus, foràs humorem evacuare studii, in hunc modum.

℞. Fol. plantag. hyssop. caul. rubr. ana m ss. caric. ping. num. xii. uvarum pass. exacin. num. xx. liquirit. rasæ ℥ j. ros. rubr. p. j. hord. cum cortice p. ss. f. omnium decoctio in aq. hord. in colat. ℥ i ss. adde diamori & dianuc. ana ℥ i ss. oxymel. simpl. syr. viol. ana ℥ ij. mell. ros. ℥ j. m. f. gargarism. quo sæpè utatur.

Foris verò ad tumorem prominentem evocandum, & suppurandum tali sum usus cataplasmate.

℞. Fol. malv. alth. cum rad. ana m. ij. fol. caul. rubr. viol. hyssop. ana m. j. caricar. ping. num. xxx. fl. chamæm. & melil. ana p. j. sem. lini & fœnugræc. ana ℥ j. capicum liliorum alborum ℥ i. furturis p. j. f. omnium decoctio in aqua, pistentur & cribrentur. Cribaturæ adde nidi hirund. in ol. lilior. præbulliti, & cum toto probè in mortario macerati & postea cribrati ℥ iij. farin. sem. lini & fœnugræc. farin. frumenti ana ℥ j. coquantur farina cum oxymel. ad convenientem glutinositatem. Postea adde axungie gallinæ rec. butyr. rec. sine sale ana ℥ j. croci ℥ j. ol. lil. ℥ iij. m. f. cataplasma; mirificè profectò humorem foràs evacuat atque ad suppurationem deduxit: intra biduum namque suppuratus ferè, qui foràs subsederat tumor, fuit; cui tamen tertio post die canini stercoris sicci ℥ iij. adjunxi, quod si quid aliud, vel Pauli vel Avicennæ testimonio, huic affectui maximè prodest, occultâ quadam vi & proprietate. Suppurato tumore ad 7. diem candenti ferro aperiri jussit, quod id ulceribus & abscessibus plurimum conferat, exsiccando, & virus malum ignis potentia corrigendo. Pus fœtidissimum, virulentum & copiosum prodijt, ulcus mundificari curavimus, unguento ex melle rosato, succo apii & absynth. farin. hord. myrrha & aristoloch. postea probè deterlo ulcere, quod intra 10. diem conigit ad sarcotica & cavum ulcus implentia nos contulimus unguento ex thuris polline, myrrha, iride, aloëque confecto, addito charciceos emplastro, sicque Dei nutu integrè curatus fuit, magnâ omnium admiratione.

Interim hæc facio, reliquorum præsidio-

rum, quæ juvare posse sum arbitratus, minimè obliviscor; nam cum devorare potuit æger, purgans medicamentum, & cataporia dedi, ad deducendum humorem, quæ quidem fœliciter operabantur. Exhibui etiam rasur. dentis apri. ʒj. ex ol. amygd. d. & saccharo candido, quæ in hoc affectu prout & in pleuritide, præsentaneum est remedium atque arcanum. *Franciscus Valeriola Observ. 10. lib. 2.*

Anginam magnam & periculosam non omittis, quæ ex universalium genere conveniebant, hoc gargarismo percuravi.

℞. Semperviv. m. ʒ. fl. prunell. p. iij. sal. armoniac. ʒ ij. decoq. in aq. ʒ. iv. ad casum unius, & utere pro gargarismo.

Vidi cuidam anginâ deploratâ laboranti, aquam è stercore vaccino destillatam, exhibitam ita profuisse, ut mox convalesceret. *Hieron. Knefnerus obs. 91.*

℞. Fl. chamæmel. m. iij. aceti & olei ana part. æqu. decoq. pro cataplasmate quo calidè applicato extrinsecus ad locum affectum, intra horâ spatium apostema disruptum est, ac per os saniosa & cruenta multa rejecit, & mox convaleuit. *Martinus Rylandus cur. 56. cent. 4.*

Mulier quædam superstitiosè butyrum mense Maio asservabat, & colligebat tribus diebus rogationum, viris è lacte vaccæ quæ marem peperisset. mulieribus, quæ fœminam; urgente malo inungebat, collo, cervici, & partibus vicinis, carpo, plurimum fricando atque hac ratione non paucos sanitati restituit. *Jac. Hollerius, cap. 23. lib. 1. de morbis internis.*

Sartor quidam anginâ laborabat, quâ deglutitio impediatur, ei secta fuerat vena, clysteres injecti, & admotum vesicatorium.

His non proficientibus, me vocant advertens cum vix tantillum jusculi cochleari magno conatu deglutire, ac per consequens medicamentum purgans haurire non posse, præscribo aq. benedict. ʒ ij. quibus purgatus est pluries per vomitum & secessum, eodemque die ab angina liberatus. *Lazarus Riverius observ. 24. cent. 2.*

Juvenis quidam fossor anginâ laborabat ita vehementi, ut nec loqui, nec deglutire posset, respiratio tamen integra manebat, cum ad eum vocatus sum injectus fuerat clyster, statim verò sanguinem mitti jubeo ad ʒx. postea admoventur vesicatorium posteriori cervici, cucurbitulæ scapulis admoventur cum scarificatione, & 4. horis à venæ-sectione exhibentur aq. bened. ʒ ij. quibus purgatus est per vomitum & per alvum; & inde loqui ac deglutire cœpit, ac paulò post integrè curatus. *Lazarus Riverius, obs. 10. cent. 2. vide ejusdem obs. 60. cent. 4.*

Illustris mulier Gabriela Gousier Domina à Saul-tono: cum angina autumnali omnium periculosissima detineretur, venit in mentem me legisse apud *Ætium lib. 15. cap. 6.* agaricum occultos abscessus absorbere, vel foras materiam evocare; statim agaricum in taleolas concisum in decocto rad. althææ, ficum cum momento zinziber. & quartâ parte vini albi maceravi, addidi syrupum de althæa, & portionem ægrota dedi monuique ne illam deglutiret sed aliquod tempus in imis faucibus contineret, si hac portione vitam sibi redimere veller, obsequitur ægrota, interim dum cum illa sermonem conferebat, ecce magna puris albi copia, tam putridi & graveolentis ore rejicitur, ut filia quæ ad matrem cum pelvi adstabat, excipiendi puris ergo, prægravi eius fœtore, conciderit animo, ad ægro-

tam postea rediens, eam & vocis vitio & respiratio-ne difficili, & gravi deglutitione, & febre levatam reperi & ab omni vitæ periculo tutam, quâ nunc fruitor incolumis, *Jac. Dovynetus, apolog. lib. 3. c. 1.*

Hispanus quidam cum acutissima angina in horas strangulari videretur, & omnia universalia & localia per venam sectam, scarificatas in collo cucurbitulas, acres clysteres, essent celebrata auxilia: & ipse nigricante facie velut emortuus jaceret: peritissimi Medici jugulares secandas imperarunt, adfuit Chirurgus secandi arte dexterrimus; illas sanguine ad caput ruente, vaporeque multo impletas urgentes & conspicuas reseccuit, irreparabili sanguinis fluxu sequuto, ægroque lapso in omnimodam virium jacturam, spes salutis abest, quum de eo ob violentum sanguinis fluxum, jam desperarent omnes vocatus accurro, emplastrum Galenicum ex aloë, thure, pilis leporis exactissimè trituratis & mixtis cum candido ovi, superimpono, quo ipse ad arteriarum & jugularium hæmorrhagias fœliciter utitur; sicque collo commodè ligato, ægrum jamjam exhaustum refocillo, qui post horas aliquot, respirare & loqui cœpit, & à morbo immunis revixit. Nec miretis ad tam periculosum remedium nos confugisse, quando enim salutis unica est via, hæc, licet cum periculo tentanda; cum satius sit ægrum periclitari quàm spe ademptâ certò perire, ut monet Magister nam malo nodo malus cunctus querendus est, raròque crudele malum nisi crudeli depelli potest auxilio. *Zac. Lusitanus obs. 95. lib. 1. prax. admir.*

Anginâ caninâ cum fœmina quædam nullo apparente tumore graviter corriperebatur, magna cum violentia respirans, ita ut in horas strangulari videretur, & neque cephalicæ, aut venarum sub lingua sectio, in occipite scarificatæ cucurbitæ, acria clysteria illi opem ferre possent, tandem eodem die quo omnia ob procrastinationis periculum acta sunt, sub mento scarificata cucurbita summo fuit auxilio, assumptis deinde syrupis excretaque per sputum pituitâ crassâ & multâ altero die melius habuit *Zac. Lusitanus obs. 94. lib. 1. prax. admirand.*

Juvenis quidam 20. annos natus, pituitosus, post celeriores deambulationem, avidè hausit cerevisiam frigidam, unde intra horam deglutitio admodum difficilis, fauciumque dolor & tumor apparuerunt, vocatus venæ-sectionem levem institui jussi, sequentique gargarismo curatus est.

℞. Aq. fl. sambuc. ʒ iv. myrrh. pulv. ʒ ʒ. sp. vin. rectificat. ʒ iij. sp. salis armoniaci ʒ j. succ. tarax. express. ʒ ij. m. pro gargarismo. Puella 20. circiter annorum, subitò in maximam respirandi difficultatem incidit, cum faucium tumore & dolore, ut ne gutturam quidem liquoris deglutire potuerit; vocatus statim venæ-sectio celebrata fuit ad ʒvj. moxque sequens apozema pro gargarismo præscripti, unde levamen quoddam observavit.

℞. Fl. ros. rubr. ʒj. baccar. lauri excort. sem. levistic. ana ʒiʒ. coq. in aq. communis ʒvj. vase optimè clauso; in colat. dissolve mell. ros. ʒj. aq. theriac. simpl. ʒv. sp. salis armoniac. ʒj. m. pro gargarismo. Sequenti die clysterem purgantem injici curavi, unde optimè deiecit, eodemque die collo sequens cataplasma bis de die renovandum applicari jussi.

℞. Nid. hirund. num. i. fl. sambuc. p. iij. cœparum sub cineribus coctarum num. ij. coq. ex cerevisia tenui. Contusis adde albi Græci ʒiij. ol. olivar. q. s.

q. s. m. f. cataplasma, quo quarto die abscessus fuit ruptus; ulteriusque usâ fuit solummodo melle rosâ fac. pro linctû. *Fredericus Deekers obs. ad cap. 1. lib. 2. praxeos Barbetiana.*

Anginâ laborabat Nicolaus Rota, nullus tamen rubor aut tumor, vel intus in gula, vel extra videbatur; & ipse nihilominus vix spiritum trahens, quicquid præterea edendum lumeret, per os statim & nares rejiciebat: quare cum arescente corpore, pallente jam facie, ac vertentibus oculis, spes omnis sublata esset, & Medici, quibus cura demandata fuerat, ægrum amplius non audirent; me licet juniorem convocant, ægrum ostendunt, & quæcunque acta fuerant exponunt; at ego cum & ægrum ipsum ad mortem tendere, & medicos quæcunque opportuna fuerant, & præstidia adhibuisse intelligerem, cœpi ipse mecum cogitare, satius ne esset, ægrum ipsum Deo & Naturæ, ut cæteri Medici, incuratum dimittere, an aliquod licet insolitum, utile tamen auxilium experiri: verum adhortantibus his qui ægro assistebant, consilium capio, & locum altioribus plagis sub ipsis maxillis, ac etiam supra collum incido, ex quo cum sanies multa prorumperet adeo morbus levatus est, ut faucibus ipsis spiritum simul & cibum capientibus, facilis dein ad bonam valetudinem ægro daretur regressio. *Antonius Benivenius cap. 38. lib. de abditis morborum & sanationum causis.*

Dn. Joan. Merula Pastor noster fidelissimus Dysenteria per menses duos gravissime laboravit. Ex qua cum ferè curatus esset, interim dum ego Viviacum ad ægrum profectus fui novo & gravissimo morbo corripitur. Pustulæ enim quæ in fine morbi in labiis erumpere solent, in ipso natura propter virium imbecillitatem, (quæ cum ratione morbi, tum etiam ætatis, sexagesimum enim sextum annum prætergressus est, aderat) tam procul expellere non poterat. Circumcirca uvulam ipsamque radicem linguæ eruperunt, idque non sine dolore & inflammatione; Barbitonorem atque ineptissimum hominem in consilium adhibuit; is quotidie ter aut quater pulverem piperis & croci gulæ faucibusque inspergit ac sufflavit. Dolor mox auctus est, aucta & est inflammatio & febris, per intervalla quoque lipothymia supervenerunt. Tum ut optimum istum virum à morbo penitus liberaret, & ad patres ablegaret, medicamentum, quod simul per superiora & inferiora operabatur (Antimonium fuisse arbitror) exhibuit. Ego advocatus, cum celeriter ad ipsum ivissem, in mortis ferè agone eum reperi. Vix enim spirare potuit; inquietudines aderant maximæ, lingua quin etiam faucesque adeo inrumefactæ erant, ut vix spiritum ducere, aut iusculum aliquod non nisi summo cum dolore, & agitationibus involuntariis & convulsivis totius corporis, deglutire posset.

Curacionem porrò quod attinet, illam sic institui. Os faucesque continuò ut lacte recens emulso ablueret, jussi, per intervalla quoque decocto hordei, rosarum, scabiosæ, melle rosato mixto, os colluebat: singulis quineriam hois parum olei amygdalarum dulcium ex cochleari assumebat. Ter item quaterve interdum, ac totidem noctu, collum, pectus, cervicem oleo liliorum alborum & amygdalarum dulcium, inunximus, & lanam succidam calidè applicuimus. Enematis item materiam, quæ propter doloris ve-

hementiam affluebat, deorsum revocavimus. Cum ita per horas circiter triginta processissem, vomica in faucibus supra est, ita ut materiam purulentam per os exspueret.

Hinc imminuto mox dolore, facilius spirare & iuscula sorbere cepit. Tum continuò superiori decocto hordei os abluens & nonnunquam aliquid mellis rosacei ex cochleari lambendo assumens, nec non optima victus ratione & medicamentis vires refocillans, paulatim singulari Dei beneficio, pristinae sanitati præter spem atque expectationem omnium miraculosè restitutus fuerit; ita ut in præsens etiam septuagesimum annum ætatis intraverit, nihilominus tamen rectissime valeat, & officio suo cum laude & hujus Ecclesiæ emolumento fungatur *Guilielm. Fabric. Hildan.*

Vir quidam apud nostros mercaturam exercens annos præter propter 40. natus, & crassiori collo præditus, subito in anginam talem incidebat qua musculi omnes & laryngis & pharyngis, iique tum externi, tum interni, ita tumebant, ut non tantum respiratio atque deglutitio difficillimæ fierent, potusque ipse per nares inter bibendum regereretur, sed etiam totum collum extus prætumidum atque prædurum videretur. Plurima in ipso morbi initio celebrata sunt remedia; venæsectiones scilicet tum in brachiis, tum in pede, tum in jugularibus. Purgantia atque emetica medicamenta exhibita, eclegmata, gargarismata, aliaque appropriata, clysteriis singulis diebus injectis adjuncta fuere. Extus item applicata cataplasmata è nido hyrundinum, nasturtio aquatico, oleo chamomillæ, meliloto &c. ceratum è spermate ceri, inunctiones variæ è balsamis tum naturalibus, tum artificialibus, ipsoque etiam oleo succini; quæ omnia ad tempus aliquod satis proficua visa sunt, nam & febris imminuta est, & ipsa die morbi quinta faciliior deglutitio atque respiratio, interim tamen in nocte ejusdem diei subito suffocatus obiit, unde satis apparet non multum fidendum induciis quas morbus tam atrox remediis quasi coactus concedere videretur. In aliis tamen non ita infauusta fuit cura eadem methodo instituta.

ANGLICVS SÆDOR

Vid.

SÆDOR ANGLICVS.

Item Febris Maligna.

ANGOR.

Est potius symptoma morbi alicujus, quam morbus ipse, & consistit in quadam quasi cordis constrictione, quæ sanè pessimum est signum si in principio febrium acutarum advenerit.

ANHELOSI.

Sunt Astmatici de quibus vid. *Asthma* aliaque respirationis lætæ species.

ANIFLVCVS.

Vid.

FLVCVS ANI.

ANIFISTULA.

Vid.

FISTULA ANI.

ANICONDILOMATA.

Vid.

CONDILOMATA ANI.

ANINTERTRIGO.

Vid.

INTERTRIGO ANI.

ANIPROCIDENTIA.

Vid.

PROCIDENTIA ANI.

ANOREXIA.

Anorexia seu Inappetentia, cum sit una e famis læsæ speciebus pro eius natura melius intelligenda, quid sit famis prius explicare non inutile fuerit.

Fames autem nihil aliud est quam cibi absentis appetitus, ut eo scilicet reparentur damna sanguini, & partibus solidis illata; ob eorum particulas, tum sensibilibus receptas, tum insensibiliter per cæca cutis spiracula in circumfultum aërem diffusas.

Circa illius causas & irritamenta, cum varientur opiniones præcipuas recensere non pigebit. Galenus cumque sequuti multi causam famis unice constituerunt in quadam suctus sensatione ventriculo inuito familiari, quam sententiam illustratus Anton. Menjotius sic scribit. Partium omnium, primūque externarum, quippe quæ ob aëris viciniam interioribus prius inanescant, inconspicua vacuatio appetitum naturalem provocat, qui inclinatio quædam, ac *ὁρμη φύσιν* insita propensio, potius quam peculiaris ac distincta potentia: Solicitato appetitu naturali fit attractio succi alibilis e minimis finitimisque venulis, quæ a majusculis venis vicinis & continuis aliud nutrimentum rapiunt, hæcque rursus ex aliis majoribus & sibi propinquis, donec per successionem quandam velut in choro translatione festinanter facta, tractionis imperus perducatur ad mesaraicas venas. Hæ in intestinis totæ desinunt ac obliterantur, nec proinde a ventriculo, ut communiter fertur, quasi radices stirpium e terra, sed ex intestinis pabulum, hirundinum more, quæritant; moxque intestina medio pyloro tanquam ore ventriculū lactant atque sellant. Verū ut nervosē admodum adnotat Glissonius arteriæ hunc suctum non perpetrabunt, quandoquidem earum munus est tantum sanguinem ad partes affundere, quæ actio repugnat suctui. Non venæ, quarum officium est excipere & reducere sanguinem ab arteriis effusum, non ventriculū sugere. Insuper neque nervis hic suctus convenit: Hi enim motum ventriculo, sensumque quo suctum, si forrē adesset, percipiat, impertiuntur; at suctum ipsum moliri nequeunt. Restant ergo tantum lactæ, quæ huic muneri præstant, sed hæc admodum, (aut potius nulla) in ventriculo

reperiuntur. Quibus addimus quod etiam hæc in ventriculū fundum, implantarentur, non tamen propterea sugerent, sed tantum exciperent illud quod ventriculū actio laris attenuasset elaborasset, ut per crustam ipsius villosam, aliæque secernicula ad ostia vasorum lacteorum posita transmitti possent. Neoterici plures a partibus acutis superius ventriculū oriūtur vellicantibus, hoc munus demandantes, eos in liene exquirunt, indeque per vas breve, sive sub forma vaporis, ut placet Helmontio, sive sub forma liquoris, quod pluribus magis arridet, in ventriculū decucunt. Verū etiam si humorem acidum e sanguinis miscella in liene non tantum separari, sed etiam exaltari, concedamus, non tamen propterea concedendum credimus succum illum, in ventriculū quomodocunque per vas breve deduci posse; nam & ligatura, & valvularum sius, jamque constans apud omnes sanguinis circuitus opinio, satis superque evincunt nihil sanguinis aut succi acidi per vas memoratum e liene in ventriculū, sed potius e ventriculū parietibus in venam splenicam, quod per partem ad hepar devehatur, procedere. Nobilissimus Des Cartes, ejusque auctoritati assurgentes quidam viri Docti, acidam famis causam cum prioribus quidem tribuunt, sed illi in stomachum devehendo arteriæ celiacæ ramos nunupant; quod ulterius explicat Luovicus de la Forge cum addit, non quidem omnes sanguinis particulas per has arterias appellentes, isti officio destinari, sed quasdam tantum maxime fermentaceas quæ a poris aptis exceptæ in visceris cavum intromittantur. Verū quandoquidem grati hæc omnia a Viris Clarissimis afferuntur, illis aut studiosius expendendis, aut diligentius impugnandis non immoramur. Alii tandem quibus calculum nostrum facile adjicimus volunt chyli sedimentum seu portionem ponderosiorē atque crassioribus particulis salinis prægnantem in fundi ventriculū rugis profundioribus restitare, ibique salivæ indefinenter deglutitæ & succo per vasa excretoria minima, e glandulis itidem ventriculū minoribus producta, advecto, intimè misceri. Addunt præterea particulas hæc varias invicem mistas proprio ventriculū calore, alioque a partibus adjacentibus mutato, ita exagitari, ut earum portio aquea exhalet, sulphurea volatiliter, atque salina, quæ abundantior, exalteretur, sicque spiculis suis sulphure volatiliter temperatis, tunica ventriculū nervæ vellicationem specificam inferat, quæ cerebro communicata ex legibus unionis animæ cum corpore famis sensum excitet.

His ita positis quis non videt famem aboleri sensum debere & propterea Anorexiam induci, si; vel a vita, nimis otiosa vel alimentum per multum tempus ingestum sit nimis aqueum, imò si sit nimis crassum & terrestre, quorum illud diluendis salibus in ventriculū allatis, hic verò iisdem obrundendis & stupefaciendis, potius quam exaltandis aptum est; vel si saliva iners atque viscidior e faucium & palati glandulis ad inferiora continuo depluens lentore suo fermenti vires quasi pessundet; vel si orificia vasorum e glandulis tunica ventriculū productorum mucō obstruantur, sicque humori illac in cavum visceris derivando obicem ponant; Vel si laxiores eadem glandulæ, laxiorque aut aquosior ipsa sanguinis miscella serum copiosius sufficiat; Vel si rugæ ven-

ven-

ventriculi ita obliterentur ut particulis salinis ponderosioribus descriptis ad tempus sui exaltationi necessarium continendis non sufficiant, easque prius quam par est elabi sinant; Vel si calor partis viscerumque adjacentium, (cui non parum intervire fibrarum ventriculi vigor, quod circum alimentum validius coarctatus, illud proximius complectitur) aut languescat, in gradu qui veræ digestionis aptus est non reperiatur aliisque rationibus, nihil aut parum deperdatur succorum in corpore circulantiū, Vel ventriculus stupore aut narcosi afficiatur, proptereaque vellicationes minus percipiat; Vel tumor aliquis aut aliud corpus extraneū aut fœdus humor ab ulcere tum in ipsa parte, tum in vicinis constituto, exudans, aut vapor ab iisdem corruptis continuo exhalans viscus in munere suo perficiendo interrumpat. Sic ab officio ventriculi aut alia ejusdem substantiæ parte ulcerata; à compresso per magnum & ponderosum hepar stomacho; à copiosa adipe, aut potius sebo circa fundum integræ superficiem ventriculi adnato; à corruptione, imò tandem syderatione, tum ventriculi fundi, tum ipsius pylori; à lapillis pluribus in ventriculi fundo pronatis; ab admodum dilatato ventriculo, fibrisque ejusdem prorsus relaxatis; ab induratis iisdem fibris motibusque ad cibi exceptionem, compressionem, & exclusionem necessariis protus ineptis; à vomica, aut tumoribus cavæ hepatis parti connatis; à pancreate magno & scirrhoso; à putrefacto omento; à dextro rene consumpto & sinistro pure infecto; ab utero corrupto, & quasi gangrena affecto; à pyloro indurato, aliisque similibus causis anorexias factas probavit cadaverum anatomica inspectio.

Quandoquidem quod plantæ in sui vegetatio- nem & conservationem per radices exugunt, animalia per comestionem faciunt; satis apparet famis absentiam magno fore detrimento, præcipue si illi omnis propè vorandi impotentia adjuncta sit, sic enim corpus necessario non tantum marcescit, sed etiam sanguis fit evanidus & instar vap- pæ, languent omnes succi, & ipsa viscera, sicque anorexia & cachexias, & icteri & hydropes, aliorumque multorum morborum, est pararia. Itaque inappetentia immoderato appetitu deterior censeretur debet, quia ab hoc non tot damna enascuntur: faciliusque etiam est naturam incitatum inhibere, quam detrectantem incitare. Interim tamen cibi fastidium simplex atque *simpliciter* passio est plerumque chronica, nec absolute formidanda. Imò nec in principio, augmento, & vigore morbi acuti terrificata est anorexia, quod eo tempore opus sit tenuiore victu, ac extincta febre symptoma dispareat. At ruente morbo censeretur magis infausta, ut habet Menjorius, & ut causa, & ut signum; Ut causa quod obstat refectioni ac recreationi membrorum defectorum; Ut signum quod recidivam interminetur propter reliquias morborum pparatus. Secus dejecta sub finem morborum appetentia, ob facultates corporis laceratas, attritas nisque muniis segniter fungentes, ægritudinis recursus per se non prælagit, nec ut sic affecto succurras continuo ad purgationem deveniendum, quin potius in corroborantium usu expectandum donec vires ventriculo æque ac aliis partibus reddantur. Hisce omnibus addamus ex Hippocrate. In morbo diuturno cibi fastidium & sinceræ dejectiones malum. Aphor. 6. sect. 7. In longis intestinorum difficultatibus, cibi fastidium

malum, & cum febre peius Aphor. 3. sect. 6. Ut plurimum omnes male habentes, circa initia quidem cibum bene sumentes, neque quicquam proficientes, tandem cibum rursus avertantur: qui verò circa initia cibum vehementer fastidiunt, postea autem bene appetunt, illi melius evadunt. Aph. 32. sect. 2. De prognosi ejus anorexiæ quæ ab aliqua è causis, quæ in variis cadaverum refectionibus allatis, apparere, nihil adjicimus quia Lector satis superque videt quid de illis judicare debeat.

Curatio varianda est pro ratione causarum quæ anorexiam faciunt; in genere tamen probantur vomitoria blandiora ex antimoniò infuso parata, item purgantia miora & præparatis aloëtica indeque parata varia elixyria, (tum acidula, tum volatilia) ut & pilulæ. Conducunt etiam plantæ amara & aromata è quibus decocta, tinctura, essentia, & vina medicata, confici possunt. Quidam maxime commendant spiritum veneris, omnesque etiam acidos spiritus, qui revera non tantum pituitæ ventriculi parietibus agglutinata, incidenda valent, sed etiam fermento suscitando, ventriculoque excitando; illi tamen omnes commodius & tutius adhibebuntur si prius edulcorati fuerint.

Ex tartaro etiam plura conveniunt, maxime verò tum ti. ctura, tum liquor è terra ejusdem foliata paratus. Inter fructus non immerito laudantur cydonia, quorum etiam succus amaris admixtus, magnæ est efficaciam. De applicationibus externis, emplastris scil. variis, balsamis, licibus, foribus, hic verba non facimus, illa enim omnia satis cuique sunt nota, aut ex iis quæ mox afferenda è variis auctoribus restant, innotescunt.

Curationes.

In fastidio & inappetentia valet spiritus vitrioli philosophicus, cujus affectus sa is laudati nequeunt. Exhibendus is est in vehiculis convenientibus (in aqua menthæ acetosæ in vino, brodio) Fastidium id fit ex succo vitriolato vitiatò in ventriculi fundo, & consopito, qui iterum excitatur acidis. Elixir vitrioli Myntichti, si morbus ex defectu fermenti, insigne est stomachicum.

Externè cibi fastidium aufert Epithema ex vino malvarico & acetosana, cum crusta panis pulvere caryophyllorum (si imbecillitas ventriculi quoque accesserit) aspersa & aliquoties calidè supra ventriculum posita. Idem efficit unguentum ex butyro capræ & oleo caryophyllorum stillatio mistum inungendo ventriculum (præsertim in chronicis.) Joann. Hartmann. Prax. chymiatric.

In Anorexia à debilitate caloris non datur melius remedium, quam ambra in substantia, vel saccharo mixta, ut & pulvis analepticus Mindereri. ℞. Pulv. stomach. ʒij. pulv. epatrubr. ʒj. misce. Dos. 2. cuspid. cultr. ℞. Essent. menth. ʒij. sp. vitriol. rectif. ʒj. misce. ℞. Elix. stomach. ʒss. ℞. Spec. ad morsul. imper. ʒj. pulv. stomach. q. ʒiij. cum l. q. sacchar. in aq. menthæ solut. F. morsuli. ℞. Sp. maltich. ʒij. sp. vitriol. philosophici ʒj. misce.

Myva cydoniorum ad abjectam appetentiam mirabilis est, teste Zacuto l. 2. histor. 66.

Aqua cinnamomi cydoniata in frigidis stomachi affectibus valet. Optime myva cydoniorum

potest cum hac vel aq. menthæ misceri essent. menth. sal peregrinant. Ambra datur à gr. 4. ad 5. cum saccharo, vel quod melius cum facula aro- nis. Ex pulv. analeptico Myndereri, facula aro- nis & ebor. sine igne possunt fieri rotulae, Joann. Michaelis in Praxi clinica generali.

Cum materia catarrhi in ventriculum delabitur, sæpè inappetentiam, Nauseam & Vomitum con- ciliat; contra hæc mala ita agendum.

℞. Aloës lotæ & succo rosar. aliquoties imbu- ta, 3 j. rhei elect. cum aq. cinnamom. aspersi ʒ iv. extract. rhab. ʒ ss. agar. trochisc. ʒ ij. pulv. ma- stich. ʒ ss. dissolvatur agaricus oxymelite, & om- nia cum syr. conservationis zinziber. misc. ac fiat massa pilul. aloëm in exigua quantitate sumpsi, quod hæmorrhoides fluere. ceterum ʒ iv. al- vum quater placidissime subdixerunt. Ventricu- lum de quo querebatur, tali unguento inunxi, & subito melius habuit.

℞. Ol. nostr. stomach. 3 j. nuc. mosch. 3 j. mastich. pulv. ʒ j. misce descriptio olei nostri sto- machalis hæc est.

℞. Ol. absynth. ʒ ss. summit. absynth. m. j. caryoph. santal. citrin. ana 3 ij. ros. rubr. 3 j. ma- cis 3 ss. mastich. 3 ij. vini odorat. ʒ ss. coq. ad vini consump. ionem, & æstatis tempore colloce- tur in sole, hyeme in loco calido. Cum vomitio- nes molestæ essent, ordinavi sequens scutum sto- machale.

℞. Ladani puri 3 iij. mastich. 3 ij. lign. aloës santal. citrin. galang. caryophyll. nuc. moschat. ana gr. vij. ol. stomach. & ceræ q. f. aspergatur speciebus arom. rosar. & obducatur syndone. Jo. Crato consil. 13. lib. 5.

Curatio hujus affectus, si ab aliarum partium vitio dependeat, ab earum curatione desumenda est. Si verò ex proprio ventriculi vitio contingat, ad calidam vel frigidam illius intemperiem cum materia conjunctam reducenda est.

Calida intemperies curandæ est primùm humo- ris biliosi expurgatione blandè & frequenter re- petitè eaque componi poterit ex rhab. myrobal. tamarind. syr. rosac. vel de cichor. compos. cum rheo: aut si æger sit ad vomitum proclivis, blandis vomitoriis provocandus erit. Idem humor alte- rabitur julepis aut jusculis refrigerantibus, in qui- bus non omittendus est spiritus vitrioli, aut sul- phuris, quandoquidem acida omnia, præterquam quod bilem valdè contemperant, appetitum etiam maximè excitare valent. Unde fit ut ace- taria æstatis tempore ad excitandum appetentiam frequenter usurpentur, vel simul & semel humor ille biliosus alterari & expurgari poterit apoze- mate convenienti, cui ratione ventriculi addi po- terunt absynth. pont. m ss. myrobal. citrin. 3 ss. post purgationem ad ventriculum roborandum convenient myva cydoneorum aut cydoniatum ipsum vel syr. cydon. cum syrup. de absynth. mix- tus, tabellæ diamargar. frigid. vel triasantal. vel etiam diarrhod. abbat. si obstructionis suspicio fuerit, vel opiata sequens.

℞. Conditur. lactuc. & cucurbit. ana 3 j. con- serv. acetos. ros. fl. cichor. & bugloss. ana 3 ss. san- tal. rubr. corall. præp. margar. præp. ana 3 ss. tro- chisc. de spodio & sem. acetos. ana ʒ j. cum syr. de limonib. f. opiata, cujus capiat ad magnitu- dinem castaneæ manè & serò, superbibendo pa- rum vini dilutissimi.

Exteriùs verò sequenti unguento regio ven-

triculi inungatur.

℞. Ol. rosar. myrtini, & cydonior. aceto ro- sac. lotor. ana 3 ij. santal. omnium, corall. rubr. coriandr. præp. ros. rubr. ana 3 j. gran. Kermes & spodii ana 3 ss. ceræ alb. q. f. F. linimentum, quo subtepidò inungatur dicta regio bis aut ter in die, addendo acet. rosac. parum unctionis tempore, vel eidem parri admoveatur placenta rosac. aceto irrorata, aut in eodem parum macerata, quæ re- movenda erit priusquam incalasciat. Denique in perseverante affectu plurimum proderit balneum, vel semicupium refrigerans & humectans bis aut ter repetitum.

Si a frigida intemperie producatum inappeten- tia, Curatio instituerenda est per evacuationem humoris morbifici, & ventriculi corroboratio- nem. Vacuatio potest fieri per vomitum, si æger sit nauseabundus, & facilè vomat, alias per seces- sum, idque pilulis præcipuè, quæ hic magis con- veniunt, quia diutius in ventriculo morantur, ut docet Galenus lib. 4. de sanitate tuenda cap. 7. qui etiam valdè commendat pilulas de hiera, quæ ex- hiberi possunt ad ʒ ij. vel 3 j. manè duabus horis ante pastum; vel in hunc modum componi pos- sunt.

℞. Aloës elect. succo absynth. diligenter nu- trita 3 j. agaric. troch. 3 ij. rhei pulv. & vino al- bo irrorati 3 j. nuc. mosch. spic. nard. ana 3 ss. sal. tartar. mastich. & cinnam. ana ʒ j. cum syrup. de absynth. F. massa pilul. ex cujus 3 j. formetur pi- lula ʒ j. deaurata: capiat summo manè, si velis in- tegrè purgare: vel sumat 3 ss. horis duabus ante prandium, bis aut ter in septimana. Possunt acui diagrydio si validius purgare volumus. Validio- res pilulae non conveniunt, quia humores ab aliis partibus ad ventriculum alliciunt.

Si pilulae devorari non possunt, fiat infusio fol. senæ, myrobal. rhei & agar. in vino absynthite vel decocto stomachico.

Terebinthinæ usus opportunissimus est, quia viscera omnia commodè repurgat, maximè si ex ea & rhab. pilulas confecerit.

Post purgationem sufficientem, ad roborantia veniendum est, tam interna quàm externa, quæ in sequentem modum præscribi poterunt.

℞. Syr. de absynth. 3 j. capiat manè jejuno stomacho per plures dies, vel illius loco vinum absynthites substitui poterit.

℞. Conserv. anrhos, menth. cort. citr. condit. nuc. mosch. condit. ana 3 ss. myrobal. condit. nu- mero j. confect. alkerm. 3 iij. tunicar. interior. ventric. gallinæ præp. 3 ij. pulv. arom. rosar. & cinnam. ana 3 j. cum syrup. de mentha F. opiata; vel cum saccharo rosac. f. conditum. Utatur ma- nè, superbibendo parum vini generosi. Dictis re- mediis utiliter additur sal absynth. vel oleum men- thæ arte chymicâ extractum: vel sal absynth. & cortic. arantior. vel alterutrum ad 3 ss. in vino vel jusculo dissolutum exhibeatur. Sequens etiam sy- rupus efficacissimus est.

℞. Syrup. cydonior. & condit. cort. citri ana 3 ij. aq. cinnam. 3 j. ol. sulphur. gutt. xii. M. ca- piat cochl. j. per intervalla. Aqua clareta frequen- tissimo in usu apud multos habetur, cujus com- positio talis est.

℞. Cinnam. crassiusculè triti 3 j. maceretur in ʒ j. aquæ vitæ per se in vase vitreo: in alio va- se vitreo per se & seorsim macerentur sacchar. al- biff. 3 vi. aq. ros. ʒ ss. stent hæc omnia seorsim in

in infusione per duos aut tres dies, agitando quolibet die pluries hæc duo vasa: tandem simul misceantur materiæ in ipsis contentæ & per manicam transmittantur, colatura servetur in vase vitreo benè obturato: sumat cochl. i. aut 2. jejuno stomacho.

Apud *Parisienses* maximo in pretio habetur syr. de absynthio Penæ, in maxima frigiditate ventriculi aq. cinnamom. sola præstantissima est. Non minoris efficaciz est syr. cinnamom. cum aq. vitæ confectus prout describitur à *Quercetano* in Pharmacopœa.

Ad idem præstat spiritus mastiches, ita compositus.

℞. Mastich. ℥ iij. galang. ℥ j. spirit. vini ℔ ss. digerantur ac destillentur.

Utile est etiam elixyr proprietatis à *Crollio* descriptum, cujus gutt. xii. aut xv. cum vino exhibitæ mirè stomachum roborant.

In affectu inveterato plurimum conducit decoctum ligni guajaci aut sassafras, in plures dies sumptum, cum levi sudore, aut sine eo in debilioribus. Aquæ etiam thermæ sulphuræ & nitrosæ, quales nostræ Bellilucanæ, magnâ copiâ per plures dies sumptæ, erassos & mucilaginosos humores, omnemque ventriculi & intestinorum illuviem potenter abstergunt & evacuant.

Balsamum *Peruvianum* ad roborandum ventriculum præstans & efficax est remedium, si ejus guttæ aliquot cum vino Hippocratico, vel alio horâ una ante cibum exhibeantur.

Exteriùs verò admoveantur fomenta, linimenta, & emplastra in sequentem modum.

℞. Rad. cyper. galang. ireos, flor. cort. citri sicc. ana ℥ ij. fol. menth. hyssop. salv. rorismar. & majoran. ana m. j. sem. anis. bacc. lauri, nuc. mosch. caryophyll. cinnam. ana ℥ iij. fl. sthæcad. schænanth. rosinar. ana p. j. incidenda incidantur, & contundenda contundantur, ut artis est, includantur duobus sacculis interpunctis, qui macerentur in vino generoso, & applicentur regioni stomachi calidè vicissim.

℞. Ol. absynth. menth. nardini, ana ℥ ss. ol. nuc. mosch. ℥ ij. lign. aloës, macis, cinnam. ana ℥ j. ceræ parum F. linimentum: quod præstantius evadet, si addideris olei caryophyll. gut. vj. mosc. & ambr. griseæ an. gr. vii.

Fiat etiam linimentum ex ol. nuc. mosc. & balsamo *Peruviano*; vel ex oleo absynth. mastich. & balsamo *Peruviano*.

℞. Mast. emplastr. de mastich. aromat. rosat. an. ℥ j. ol. nuc. mosch. q. s. F. empl. scutiforme, applicandum regioni stomachi.

Crato sequens emplastr. miris laudibus effert.

℞. Ladani ℥ ij. ceræ ℥ iv. ol. nuc. mosch. ℥ iij. F. emplastr. massa ad usum.

Admonet *Galenus* hujusmodi emplastra diutius non esse in parte detinenda, quia tandem calorem dissolvunt. *Lazarus Riverius lib. 9. prax. Med. cap. 1.*

Consultationes.

Affectus, de quibus potissimum conqueritur Per illustris Matrona, annor. 52. sunt insignis inappetentia, difficilisque liquidorum deglutitio; quibus accedunt rugitus, ructus, tensiones hypochondrii dextri, non sine aliquo dolore, vomitus-

que copiosissimæ pituitæ acidæ, cum spontè, tum arte excitatus; de quibus querelæ primò fuerunt autumno præterito, licet antehac 20. & pluribus ab hinc annis conquesta fuerit de continua inappetentia, oris amaritudine, tarda coctione, diarrhœa, jecoris obstructione, & magna flatuum copia.

Ex quibus unicuique compertissimum fit, ventriculum esse partem essentialiter, & graviter affectam, atque affectionem ipsius esse intemperiem frigidam & humidam, eamque non immaterialem, sed junctam cum magno pituitæ acidæ, crassæ & viscidæ proventu, cum in ventriculo genitæ propter intemperiem prædictam, & errores præteritos in assumptorum qualitate, tum & aliunde susceptæ per consensum cum aliis partibus malè affectis materias vitiosas ad ipsum transmittentibus. Partes autem mandantes sunt duæ potissimum, caput nempe humidius, & fortè æquo calidius, & jecur præcalidum cum à naturæ primordiis, tum à prohibita ventilatione caloris ipsius, ob graves & obvias ipsius obstructiones, unde fons omnium malorum. Inappetentiæ verò causa est prohibita corrugatio oris ventriculi, quod fit à pituita cum à capite jugiter delabente, tum in ipso genita; quam ob causam neque sitit, & liquida deglutire non potest, ob flatuum copiam; à quibus fit etiam rugitus, & ructus ferè continui: sicuti ipsius pituitæ vomitus, & obstructiones orum debent, ad tactum dolorificæ in hypochondrio dextro.

Est utique præsens affectus curatu difficilis ob morbi durationem, magnitudinem, & complicatos contrarios affectus præter naturam; cum præsertim in hac ætate declivi tantum non langueat calidum innatum in ventriculo, fonte & origine ferè omnium malorum. Non propterea de salute Nobilis Matronæ deponenda spes: quinimò alacriter congruis prædiis tentanda erit.

Quare præmissâ primarum viarum expurgatione, detergenda, & evacuanda est materia in ventriculo contenta, discutiendi flatus, obstructiones attenuantibus, incidentibus, detergentibus, & evacuantibus sunt referendæ, atque contemperandæ sunt intemperies viscerum malè affectorum; ventriculi quidem calefacientibus & exsiccantibus, jecoris, refrigerantibus, & capitis, exsiccantibus; virium interim ratione habita congrua victus ratione. Quæ præstabuntur remediis Chirurgicis, Pharmaceuticis, & Diæticis.

Sanguis propterea educendus venit ex salvatella, ac deinde ex venis sedalibus, ad divertendam fluxionem, & jecoris fervorem contemperandum. Fonticulus sinistro brachio inurendus, pro derivatione materiæ à capite ad ventriculum fluentis.

Inter Pharmaceutica, præscribatur lenientis loco *hierapicra Gal. cum elect. lenitivo*. Præparentur humores syr. sine diluto putâ *oxymel. simplicimelle ros. simpl. syr. de betonic. & de corticibus citri, cum emuls. sem. citri*; quo tempore vomitus à cibo ciendus. A quibus exhibeatur triduum aqua Tettutiana, ad ℔. tres, cum quatuor uncis mell. ros. sol. in primo cyatho. Deinde præscribantur syr. aperientes. In quam rem uui erunt *oxymel. compositum. syr. de cichor. cum rhab. & byzantinus cum aceto*, addita decoct. *agrimonia, ceterach. centaur. beton. scordii, & cichorii*, alternisque diebus exhibeantur unc. iij. decoct. *epithymi*

Mef

Mef. Loco prædicti decocti, atque repetitâ corporis purgatione cum infusione *agarici*, & *rhabar.* in decoct. *myrobalanorum chebulorum*, & *emblicorum*, addito *syr. ros. sol.* & *de polypod. composito.* A quorum ulu assumat singulis matutinis horis *drach. j. rhab.* in tenues taleolas incisi, cum *passilis*, 15. dies, circiter. Hujus enim ope roborabitur ventriculus, flatus discutientur, obstructi ones aperientur, additis externis inunctionibus ventriculo, pulveribus exsiccantibus capiti, & epithematibus ex *succo cichorii*, & *agrimonia* jecori; superinducto cerato oxycroceo.

Sic enim prædictis affectibus prospectum ibimus, rectâ victûs ratione institutâ, & alvo lubrica servata *pil. de tribus cum rhab. ad drach. j.* tertio quoque die sub vespertinâ hora ante cœnam assumptis, non neglecto modico corporis exercitio. *Benedict. Silvatic. consil. & respons. Medic. centur. 3.*

Illustriss. quadragenarius, temperamenti totius & jecoris calidi & licci, mediocris habitûs exercitiis & venationibus antehac assuetus, modo tamen multis abhinc mensibus, ob crus ex casu affectum, domi continuò morari coactus, cibisque & potibus immoderatè indulgens, tribus ab hinc mensibus de inappetentia conqueri cœpit, quæ adeò tandem invaluit, ut cibos non solum aversetur, sed omninò ab iis abstinere cogatur. Sitis tamen illum maximè infestat, cum oris amaritudine, licet sputa, imò & vomitus etiam quandoque viscida materiæ & amaræ observentur, quamobrem infelix Pat. de agendis ad appetentiam recuperandam nos consulit.

Quoniam itaque ad vitam continuâ instauratione indigemus prout continuò resolvimur, & hæc forsânâ nobis neglecta fuisset, nisi aliquod ad illam irritamentum natura molita esset, idè nobis appetentiam indidit, primò naturalem, ultimò animale, quæ quoniam in ventriculo magis viget, quàm in aliis partibus, idè propriam esse ventriculi actionem, & potissimùm ejus officii statuimus, prout in fundo ejusdem concoctio perficitur, unde jure Gal. ventriculum *ciborum divinum promptuarium* appellabat. Quare si appetentia propria est ventriculi actio, inappetentia ejusdem actio imminutè læsa omninò censenda, quàm Anorexiam Gal. nominavit. Hoc autem affectu detentum esse Nob. hunc virum manifestum est, adeo hucusque adaucto, ut inappetentia ad ciborum abstinentiam devenerit, & Anorexia ad Apositiam transitum fecerit.

Affectus autem hujus immediata causa est defectus suctionis in ore ventriculi, quæ casu nostro non solum deficit, quia non fiat, sed quia etiam, si aliquando fit, non percipitur. Primò autem non fieri credendum, quoniam suctionem præcedere debet venarum exinanitarum naturalis appetentia, atque hanc totius exinanitio, quàm non adeò facile fieri posse in Nob. Pat. ob intermissa exercitia arbitramur, à quibus caloris ope toto corpore rarefacto, non solum per diaphoresim universalem, excrementorum, verùm & proborum succorum copia resolvebatur, quod hæc quiete & otio fieri minimè potest. Sed præterea suctionis hæc licet aliquando fiat rarè tamen aut nunquam percipitur, quoniam suctionem sequitur illius sensus, atque hunc appetitus animalis, ex Arist. enim appetitus procreatur ex fuga vacui, quod sequitur inedia, dum venæ majores à proximis non solum,

verùm & à distentionibus, in subsidium cordis sanguinem attrahunt, unde & ventriculus ipse exinanitur sicque excitatur suctionis, quæ à facultate Animalis influente percipitur, à qua offertur primo sensatio inde Phantasiæ, ut tandem ab intellectu Agente illustrata, à Passibili intelligatur, & facultatibus ministris imperetur, ut indigentia prospiciatur. Cum verò os ventriculi cruditatibus, ex libera vivendi ratione congestio, infarctum fuerit, suctionis non percipitur, quia adstrictio & corrugatio perfici nequit, præterquam quod mucositatibus, biliosis quoque humores adjunguntur, quæ utpote calidi corrugationem eandem prohibent, quæ vel à frigido succo fit, vel à frigiditate non sine ope inanitionis inductæ. Hinc Cleonactides febricitans, quia non abhorruit à cibo, biliosum succum & calidum non habuisse in ventriculo creditum fuit, à quo fastidiosi, id est, appetitu carentes fiunt. Quamobrem in casu nostro deficit appetitus, tum quia non præcedit totius exinanitio, quæ omnium prima ad appetitum excitandum concurrere debet, unde suctionis fieri non potest, tum quia, si interdum fit, ejus adest sensus in ore ventriculi, adeò ut ob primam causam naturalis appetitus orietur, ob secundam Animalis, qui propriè fames dicitur.

Affectus equidem semper magni faciendus, intensa enim vel resoluta ciborum appetentia futuram prænuntiat agritudinem adeò ut sani à cibo diu abstinentes in convulsiones incurrant. Apositia quippe invadens hominem tandem interficit, cujus vita sine cibo in septimum diem protrahi posse credidit Hipp. dum dixit, quod, *vita hominis septem dierum est* & usque ad undecimam Plinius. Quæ tamen utraque assertio perpetuæ veritatis non est, sed variat pro varietate ætatis & temperamenti, siquidem, *qui crescunt plurimum habent calidi innati*, & ideo plurimo indigent alimento: *senes verò facillimè jejuniū ferunt* ex Hipp. Ita humidum temperamentum diutius famem tolerat, ut videre est in Animalibus degentibus in latebris, siccum verò in ediam diu non fert, ut in picrocholis quotidie experientia demonstrat.

Quamprimum itaque Patienti Nob. appetentia restituenda antequam vires deficiant, ac proinde difficilior reddatur curatio. Quod præstabitur congestos humores, tum in venis, tum in spatiis evacuando, ut non solum totius exinanitio, indeque sectio obtineatur, verùm etiam sectionis sensus. Secundò ventriculum roborando. Et tandem aliqua à proprietate juventia in usum ducendo.

Atque à fonte Chirurgico reperita depromenda sanguinis missio, licet Avic. moneat, quod nauseantem phlebotomare non oporteat, etenim sectio venæ, nostro casu, inappetentiæ causam auferre potest, unde est concedenda, licet parca. Conveniunt etiam totius corporis frictiones. Balneum quoque Aquæ calidæ cutem rarefacere, humores insensibiliter resolvere & discutere, ac exinanitionem adjuvare poterit. Et licet Hipp. cibos fastidientes non esse lavandos pronuntiaverit, intelligendus tamen de iis, in quibus adest succorum defectus, ob metum syncopes.

A Pharmaceutico fonte primò evacuantia desumenda & vomitoria, ex Hipp. dicente, quod *si quis febrem non habens abstineat à cibo, & cordis morsum, & vertiginem patitur, & oris amaritudinem sentit purgatione indigere per superiora* significat. Quod

Quod aliàs repetit dicens. *Si sine febre os amarum; & cibum averfatur, pharmacum dandum: hæc enim à bile patitur.* Cui fubfcripfit quoque Paulus. Præfcribatur itaque vomitorium, fed blandum, ne nova attrahatur à jecore materia ad ventriculum ipfum.

℞. Juris carniū rad. raph. alterati ℥x. julap. acet. ℥ iij. m. pro vomitorio. Inde clyfter. quoque infundatur, qui poffit tum evacuare, tum à ventriculo revellere. ℞. Decoct. mal. viol. mercur. hord. ℥ j. fyr. rof. folut. ol. amyg. ana ℥ iij. falis parū, vitellum ovi. m. pro clyft. Tertio loco præbeatur leniens, ita parandum. ℞. Elect. lenit. flor. caff. ana ℥ iij. crem. tart. ℥ iij. m. f. b. Sequentibus verò quinque diebus præparans hujusmodi. ℞. Julap. acet. ℥ iij. Pollin. crem. tart. ℥ iij. m. pro fyr. & fic pro aliis. Postmodum evacuans hoc pacto. ℞. Elect. lenit. ℥vj. crem. tart. ℥℔. fpec. hieræ fimpl. ℥℔. m. f. b. à quibus hora post ebibat aquæ hordeacæ libram. At quoniam, licet biliofus humor adfit, ob vifcidi tamen, pituitofi & crudi per miftionem in ipfo ventriculo hæreat, idè ad perfectam ejusdem deterfionem & ventriculi ablutionem, aqua tetrurtiana cum vehiculo mellis, & fyr. rof. fol. opportuniffima fuerit, femel exhibita, quinimo etiam repetita, fi vifcidæ atque tenaces observatæ fuerint excretiones. Inde reperantur præparantia, ferum nempè capr. depur. ad ℥ j. vel aqua hordei, præmiſſis ℥ iij. julap. acet. Septem autem exactis diebus ita purgentur humores. ℞. Elect. lenit. ℥vj. crem. tart. ℥ ij. Pil. de tribus ℥ j. m. f. b. quibus hora tranſacta superbibat feri depur. aut aq. hordeac. ℥℔ss. & tribus post horis prandeat.

His peractis ventriculus quodammodo roborandus hac ratione. ℞. Conserv. rof. ℥vj. fpec. Diarrhod. Abb. ℥ j. tinct. corall. chymicæ gut. x. m. reform. elect. robotat quoque conserv. cydon. tinctur. rof. cum ſp. vitriol. extracta. Sicut extrinsecus emplaſtrum de cruſta panis Montagnanæ vel de pulpa cydon. ſub cineribus coctorum additis pulveribus rof. ſumach. & maſtiches, cum aceto reform.

A proprietate juvant acida omnia, unde multi in hanc opinionem devenerunt, quod inappetentia fiat ex ſucco vitriolato vitiato in ventriculi fundo, & veluti ſopito, qui iterum acidis ſuſcitetur, idè ſpiritus vitrioli Philoſop. nunquam ſatis laudari poteſt, in exigua aq. menthæ, quant. vel vino exhibitus. Extrinsecus verò mirabilis habetur inunctio ex butyro capræ, cum aliquot guttulis olei Caryophyllorum reformata.

His accedat congrua victus ratio, circa quam obſervandum, quod ſicut, *ſomnus ſtabilis, reſtorum dormitatio.* Unde Gal. ait quod *quos volumus profundè dormire, tantis pervigilare faciamus.* Ita caſu noſtro, quem volumus elurire non oportet adèd ad cibum capiendum ſolicitare. Secundò notandum quod cibus, licet parū deterior, ſuavior eſt concedendus, quæ enim oblectant, addit Gal. avidius expetuntur. Tertio conſuetudinem, tempus & ordinem obſervare oportet. Vitentur autem pingua, oleoſa, cerebrum, medulla Animalium, naſeabundi & ingrati odores, ventriculus namque gratis & bonis odoribus gaudet, & ut ait Avic. *Amat aromatizationem.* Acida & acerbæ appetentiam excitant. Sapa ventrem firmat & appetentiam irritat, ſic olivæ muria & aceto conditæ. Aqua quandoque potius loco præferenda,

Edax ab Hipp. dicta, unde Piſcatores & nautæ avidè cibum appetunt. Miva cydoniorum amiſſam appetentiam reſtituit, ut notat Gal. corpus exerceatur. Vigiliæ potiùs quàm ſomno indulgendum, alacriter vivendum. *Raymund. Jo. Fortis conſult. Tom. 1. Cent. 2.*

Pergratæ mihi fuerunt litteræ tuæ humaniſſimæ, dextro mihi *Mercurio* traditæ, hoc ipſo gratiores, quod de nato Tibi ex conuge tua leſtiſſima, propitia *Junone Lucina*, filiolo, lacta mihi annunciantur evangelia. Eum Tibi cum conuge lectiſſima ſalvum & perpetuum eſſe velit Deus opt. max. qui Te utriſque benignè beavit. Malè ſaltem me habet conjugis tuæ, meliori fortuna dignæ, *Aſtria* & omnimodum ciborum faſtidium, quod non tantum toto imprægnationis tempore, ſed & nunc, dum nutricis munere fungitur, imo pectore ingemiſcit, accedentibus inſuper hyſtericis ſymptomatibus admodum moleſtis. Non Te lateret, antequam Virum experta eſſet, & poſt contractum quoque matrimonium, quam mira & abſurda malacia, à pravis & certo modo corruptis humoribus, in ventriculo ob læſam ejus concoctionem collectis, orta, miſerè fuerit emacerata. Recruduit illa, dum utero gerebat, nec dum evicta, cujus genuina quædam ſoboles eſt inappetentia. Ordinarium eſt hoc malum, virginibus chloroſi laborantibus, & gravidis quoque ob menſtruum ſuppreſſionem, quæ in corpore moram trahentia vitiola induunt qualitatem, & ad partes ſuperiores regurgitantia non tantum ventriculum & ejus maxime oriſcium ſuperius, appetentiæ ſedem, pravo ſucco inficiunt, à quo actiones ejus depravantur & appetitus inprimis à naturali ſtatu dejicitur; ſed & vaporibus, ab eadem minera exhalantibus, hypochondria diſtendunt, caput gravant, atque mammillas de quo conqueritur, acrimoniâ ſua vellicant. Hinc certè omnes lacrymæ ac totius fundi calamitas. Inveterato huic malo & quaſi in habitum degenerato, bonis avibus eradicando *Æſculapio*, aut potentiore aliquo lumine opus erit, maxime cum in mulierum morbis curandis Medicos divino inprimis auxilio indigere, magnus ille & æternum venerandus è *Coo ſenex* prudenter aſſerit, quod non facile quivis mulierum morbus ſuperetur, præſertim vetuſtus. Quia tamen naturæ potentia ac virtute atque temperamenti bonitate incurabiles propè morbi interdum vincuntur, velim, ut conjux tua dictum factum non minus de bonæ famæ, quàm boni corporis habitus Nutrice, cui filiolum lactandum elocet, diligenter circumſpiciat. Durus hic quidam ſermo, ſed ſanum conſilium. Metuendum enim ne mater cum prole dulciſſima, cibo debito deſtituti fame pereant. Sine cibo vita diu prorogari nequit. Siquidem, ut ellychnium lampadis olei fomento conſervatur; Sic genuinus humani corporis calor, humiditas & vires, quæ continua & occulta corporis exhalatione fatiſcunt, ſalubri & debito cibi & potus pabulo conſervantur, quo nec aſſumpto, nec appoſito, neque infanti lactando ſataget conjux, neque proprias vires reparare & cuſtodire poterit, quibus conſumptis ipſum extingui necelle eſt. Magna fateor, ſunt incommoda, quæ ab infantum elocatione nutricum incuria ſæpè ſapius contingunt, quæ adeo nota ſunt, ut veteribus proverbii occaſionem præbuerint apud *Ariſtophanem*, quemadmodum nutrices paſcis male. Sed è duobus malis minus eligendum, & præſtat

stat filioli elocationem periclitari, quam matrem cum filio perdere. Tu hæc serio tecum ruminabis, & quod maximè consultum videbitur facies. Laborat præterea conjux tua pertinacissimis viscerum naturalium, Lienis præsertim obstructionibus, ad quas referandas antequam accingamur, ventriculus probè erit ab omni humorum, in eo latitantium, saburra everrendus, ne si malè sit huic coquo, totum amplius trahatur in malignitatis consortium. Hinc mari assimilatur, quasi mala toti corpori communicet, ab eodemque recipiat. Id leni emetico, addo etiam vitriolato, omnium optimè feceris. Quid si hujus remedii vim experiaris si ægram dicto audientem habuerim, velim ut vitrioli albi, ex artis lege probè depurati semidrachmam, cum extracto Glycyrrhizæ, vel centaurei minoris in binas pilulas efformatam, jejuno ventriculo devoraret, superhausto modico serilactis, cerevisia, more *Anglicano*, segregati, observato debito regimine. Medicamentum hoc tutum est & quod ventriculum non transcendit, cui quoque roborando non parum est accommodatum, antimoniali longè præferendum; Hæc enim non sine magna humorum perturbatione operationem suam perficiunt. Id tanti mecum est momenti, ut reperendum suaserim, si votis, quod spero, responderit, & ægra cum *diaphora* sustineat. Omne hujusmodi ventriculi everriculum excipiat alvinæ sentinæ deturbatio, ut istud Augiæ stabulum exactè, si fieri possit, expurgetur, habito effectarum virium respectu, de quarum custodia maximè solliciti esse debemus, quum prima indicationum omnium ea sit, quæ de viribus sumitur. In eam rem amara præcipuè, quæ simul abstergendi virtute pollent, usui erunt, atque hinc aloë ventriculo grata & amica dicitur. Præparentur humores oxymelitis unciis duabus, syrupi de mentha & absinthio uncia cum dimidia, invicem miscendis & decocto hylsopi diluendis, bina dosi propinandis & postea purgetur sequentibus pilulis, recipiendo pilularum de Hiera cum, agurico, mastichinarum, ana 3 ij. aggregatarum 3 j. alephanginarum, 3 i ss. & cum balsamo Peruviano fiant pilulæ num. 30. quarum capiat quinque pro dosi. Interim corroboretur ventriculus speciebus aromatici rosati saccharo permistis & cum pane albo rosto, vino canarino vel malvatico inebriato, hora una ante singulos pastus devorandis. Extra verò foveatur ventriculus decocto menthæ absinth. rosarum rubrarum & florum camomillæ, nuce moschata, caryophyllis & similibus in vino facto, & imponatur emplastrum sive scutum stomachale ex caranna & racamahaca in aqua cinnamomi solutis, adjectis speciebus aromatici rosati, cum balsamo Peruviano in emplastri formam redigendis. His adjungenda proba victus ratio quæ neglectâ oleum & operam ludet ægra. In ea videntur omnia, quæ ventriculi orificium laxare apta nata sunt, qualia sunt pingua quæque. Fugienda quoque ingrata & nauseabunda. Usurpentur, quæ vim habent sensum appetitus stimulandi, in quorum censu sunt salsa & acria, modestè assumpta, & in prima potissimum mensa. Cibus ita præparetur, ne multa masticatione opus habeat, alioquin si diu in ore versandus sit ingratus evadet & appetitum pervertit. Vinum ventriculo confert mediocre, modicè austerum, gustui gratum, non verò generosum, quo vires debiles fieri & ratio & experientia docet. Prodest absynthites. In genere,

potus & cibus, modestè calefaciendi, siccandi, attrahendi vim habeat, calorque sopitus excitandus exercitio & laboribus, ante pastum ineundis, cum distributionem ciborum promovendo appetitum egregiè excitent, quod in laboribus deditis manifestum est. Singulas hæc minutias recensere nimis longum foret. Hoc saltem notandum ex *Hippocratis* oraculo, quod qui cibos deterioris notæ appetunt, cibos verò boni succi pertinaciter averfantur iis cibum parum deteriore permissum esse. Sed hæc sufficiant. Nec refert quam multa; sed quam apposita & efficacia præscribantur. Ventriculo quodammodo restituto, de viscerum infarctu referendo cogitandum, stadium chalybeatum percurrendo, in quo totius curationis cardo versatur. De quo in posterum. Tu his frue in conjugis lectissimæ compendium uberimum, Vale. *Frideric. Lossii consil. 12.*

Observationes.

De Anorexia mirabili.

Honesti & spectabilis, dum viveret, viri *Gerhardi Roggen*, relicta vidua, præclaris tam animi quam corporis dotibus pollens, sensim sine prægressa aliqua causa externa cibum minùs appetere incipiebat, de nullo præterea conquerens fastidio, de nullo tædio, nisi quod nil comedere, nihil quoque bibere posset. Temperamento autem cum calido esset & humido, aqualiculum habebat satis capacem & genas ut venusta erat, rubentes. Rogantur sæpius cognati, ut opem quæret medicam. Ipsa verò cum remedia fastidiret, semper contradixit, cum satis commodè haberet, nec ullum sentiret malum: cur ergo, inquit, Medicinam adhiberem? sana sum, & satis obesa: nonne quilibet me rideret? sufficit exigente necessitate medicamentorum capistro collum subdere. Continuabat interim, imò in dies augebatur *anorexia*, ut aliquam virium jacturam sentire inciperet. Varia interim præparabantur fercula, cum condimentis variis, pilces, carnes, aves, fructus horæi omnis generis, & alia apponebantur, quibus sana sæpius delectabatur, frustra omnia: & quod mirum erat, non fastidiebat cibum vel potum, imò videre eum poterat, & ejus odore non offendebatur sed comedere penitus non poterat, quod nullum sentiret appetitum. Cum persuaderetur, ut juscula saltem, quò corpus sustentaret, ebiberet, impossibile sibi hoc esse, & peius sese sine dubio habituram, imò rejecturam se ingestum omne regerebat. Durabat affectus per 17. septimanas, in quibus perparum, imò penè nihil biberat, multo minùs autem imò vix polonicum grossum valens comederat. Vocor tandem, num ad aliqua possit persuaderi remedia. Cum defectum fermenti causam affectus hujus cognoscerem, illi appropriatis mox succurrere medicinis tentavi. Verum uti à cibo, sic à medicamentis longè major erat aversio. Nil sibi hæc profutura perpetuò dicebat, cum sana esset. Tandem præter spem vehementissimam narium patiebatur hæmorrhagiam, quam cognati nullis artibus sedare poterant. Advocor, venam ad revulsionem faciendam incidi curo, anacollema fronti applicatur, linteam in acetum rosarum calefactum immersum hepatis regioni adhibetur, lapis hæma

hæmatites in substantia & tinctura propinatur, nares fungo (povis dicto) obturantur, sicque sedata hæmorrhagiâ exanimis penè ad sese rediit, & ad jusculi usum per vim persuasa est. Recrudescibat autem ad levem morum malum, ut rubentes iintio genæ & labia pallescere statim inciperent, quem pallorem ad ultimum vitæ halitum etiam servabant. Redire quidem aliquatenus videbatur appetitus, ita ut juscula, & ovum sordibile bibere inciperet; relinquebat autem hæmorrhagiâ hæc tam gravis cachexiam, hanc excipiebat anasarca, quæ liberalius licet, frustra tamen adhibitis remediis ob exhaustum cum spiritibus calorem, tandem in beatam desinebat *anadusor.* *Joann. Schmidii.*

Miles quidam chronicâ febre malè multatus, incipiens jam aliquantisper respirare ab accessionibus, supplicem à me petiit, ut appetentiam in se planè dejectam revocarem, alioqui intra quadriannum indubiè periturum. ego præscripsi potionem ex ꝑss. diaphœnic. cum absynth. vulgaris & agrimon. decocto. Postea sequentibus veluti cote, appetentiam acui.

℞. Fol. agrimon. absynth. vulg. cent. min. ana m. ss. F. omnium decoctio: decolat. capiat ꝑss. cum paucis saccharo, jussu ut novem dies huic decocto indulgeret. Sed post dies quinque rediit ad me, enixè rogans ut caninam appetentiam ulu medicamenti nostri excitatam obtunderem, quod præstitimus abstinendo à potione nostra amara, illique consulendo ut butyro & vino generoso uteretur. Plures eodem remedio in talem affectum incidisse testis sum. *Petrus Pachyquus.*

Vir quidam Consularis apud *Delphenses*, cum inappetentiâ laboraret, ad incitandum appetitum; una cum *Vergetio Medico Haghano* sequenti præscripsimus.

℞. Syr. de limonib. de acetos. citri ꝑij. syrup. acetos. simpl. syr. ros. ex multis infus. sacchar. rosac. ana ꝑj. syrup. menth. ꝑij. m. capiebat omni manè duo cochlearia, paucis vino rhenensi addito, egregiè profuit. Verum post discessum alterius Medici, cum medicamenta abhorreret, macerabam per noctem absynth. Romani comam, & dentis leonis radicem unam atque alteram, paululum contrusam, in vino rhenensi; manè vinum expressum propinabam, & dictu mirum vir Septuagenarius vermem mortuum postea & vivum deiecit, & appetitus miraculi instar, rediit. *Petrus Forestus observat. 8. lib. 18. de stomachi affectibus.*

Juvenis quidam macilentus ob biliosos humores cibum averfabatur; eum hoc modo curavimus. Cum mordaces humores biliosi ventriculum lancinarent, & hic nauseabundus & in vomitum satis proclivis esset, statim jeuno ventriculo emeticum blandum exhibui. Deinde pro levi purgatione propinavi syr. ros. pallid. ꝑij. cum ꝑij. feri lactis; qua portione brevi benè excrevit biliosa. Biliolo humore evacuato, & intemperie ventriculi calidâ syr. acetos. citri & granator. acidor. alterata, imperavi deinde ut persicam in principio pastus assumeret; hæc enim maximè appetentiam incitat, si à causa calida prostrata sit. Sympus de persicis hunc in modum fit, quo uti possumus in tali casu.

℞. Succu persicor. nondum plenam maturi-

tatem assecutorum ꝑss. iv. decoq. ad dimidii consumptionem: permittantur fæces subdideri. Deinde adjiciantur succi malorum puniceorum ꝑvj. sacchar. q. s. simul perfectè coquantur, depurentur, adjectaque santali citrini q. l. suaviores odore reddantur: dantur ex hoc syrup. ꝑij. manè & vesperi duabus horis ante pastum. Si persica defuerit, pro illis substitui potest succus pomorum acidorum redolentium. Exterius foras & unguenta adhibui deinde appolui ceratum santalinum, victu quoque refrigerante utens, & moderato somno, rectè deinde valuit. *Petrus Forestus observ. 7. lib. 18.*

Abstinencia insolita.

Quædam Maria Tailer, nata in Provincia *Derbensi*, ab ætu sibi in dorum à molendario inflicto, lecto diu affixa est, unde parum convaleuit; sed post paucos dies iterum recidivam passa, sentit in gula deglutiendi difficultatem, & unâ prostratum appetitum, adeo ut à festis Natalitibus mensis Decembris Anno 1667. abstinere desierit ab omni cibo solido, uti & pedetentim ab omnibus liquidis, nisi quod rarissimè paucæ guttæ juris prunorum coctorum, vel aquæ saccharatæ, vel succus unius uvæ passæ instillentur, cum pluma in os. Tredecim menses elapsi sunt ab omnimoda hac abstinencia inchoata. Nihil evacuat per urinam, alvum, vel os: labra sicca cum pluma prædicta madefiunt. Volæ manûs sæpè madidæ reperiuntur, vultus satis floridus, vox sonora. Abdomen ad ipsam spinam concidit, quæ manu palpat, non obstantibus musculis & intestinis, jam aridis, mediantibus. Cavitas est insignis à cartilagine ensiformi ad umbilicum. Pars trunci superior valdè emaciatur, sed inferior longè magis: cutis pruriginosa fœditate exasperatur, quare aliquando lacte abluitur. Rarè dormit; sorores aiunt, illam quinque septimanas egisse insomnes. Curiosi multi undique confluunt ad illam visendam Medici, Chirurgi, alique, qui integras noctes, per vias huic negotio invigilant, ut, si forsan fraus aliqua ab ipsa vel amicis facta fuerit, detegatur: nullus hic est religionis prætextus, nullus Enthusiasmus. Mense Februarii præterlapsa, hanc mirabilis hujus historię rationem accipi, de ejus veritate nullus dubito; utrum virgo adhuc supersit nescio, nihil adhuc de morte ejus auditum. *Henrici Sampsonii.*

Noribergæ virgo quædam, statura corporis gracilis attamen ossium compage robusta temperamenti calidi, sicci, ad iracundiam facilis, à juventute assueta ob conceptum odium ac dissidium læpissimè aliquot dies inprænsa, & sine omni potu, citra virium lapsum permanere. Imò quodam tempore, & in ætate nubili, ob ejusmodi causam, inediam atque sitim per dies quindecim sub ædium supremo tecto, loco squalido & tenebricoso latitans, cunctorumque consortium ac alloquium fugiens, tam pertinaciter sustinuerat, absque omni degustatione cujuslibet cibi, & aquæ alteriusve liquoris, ut familiares illam morbos sibi gravissimos ascituram muerent. Sed illa sextâ decimâ sub nocte, cum ceteri dormiebant, prodians incepit panis buccellam aquâ fontanâ imbutam tantum lambere.

moxque rursus in latebras suas recessit; die decimâ septimâ iterum noctu buccellam panis aquâ imprægnatam modò rodebat; decimâ octavâ jusculum tenue tepidum cum pauxillo pane intrito sorbebat, demumque subsequenti tempore alios cibos quoque in minima portione sumebat, zythumque delibabat, usque alimentis ordinariis in dies stomachus probè assuesceret; nec unquam inde sanitatis noxam sentit, ac de more hoc ætatis annum quinquagesimum octavum attingit. *Helwigii.*

Christianus ab Ummerfom, vini mercator, anno 1636. mense Martio valdè nauseabundus erat, & appetitum dejectum jam multis diebus habuerat, ita ut vix quicquam comedens totus debilis evaderet. Quia autem pestis tunc temporis crudeliter grassabatur, ipse se pestilenti labe infectum esse putabat. Verùm non pestis, sed ordinarium suum præservativum, quò contra pestem quotidie ante meridiem nimia copia utebatur, mali causa erat, nempe vinum absinthites. Quapropter hujus vini usum planè prohibui, & diætâ conveniente præscriptâ, corpus leviter ex purgavi, ac deinde sequens conditum præscripsi.

℞. Rad. calam. aromat. nucis moschata, maceris, florum sulphuris, ana \mathfrak{d} i \mathfrak{s} . cremor. tart. \mathfrak{z} j. cinnamom. elect. \mathfrak{d} j. gariophyllorum \mathfrak{d} s. pulveriscentur subtilissimè, deinde addantur rad. helenii condit. \mathfrak{z} vj. conserv. anghos \mathfrak{z} s. zinzib. condit. \mathfrak{z} vj. olei vitrioli gut. xv. syrupi de limonib. q. s. f. conditum.

Hujus conditi manè & vespèri interdum etiam meridiè particulam edebat, & vini absinthitæ usum intermittebat. Hinc brevi, cessante nausæa, rediit appetitus. Ex illo tempore conditum hoc tanti fecit, ut illud postea per aliquot annos multoties à Pharmacopæo confici curaret, ad appetitum & sanitatem (ut aiebat) conservandam. *Isbrand. D. Diemerbroeck. observ. & curat. Medic.*

Dominus Heer, Nobilis Anglus circiter 30. annorum cum per aliquot dies, præter consuetudinem, crapulæ nimis deditus fuisset, atque hinc ventriculi functiones interturbasset, multasque cruditates in eo collegisset, adèd inappetens evasit, ut spatio duarum septimanarum vix quicquam comedere potuerit; Tandem meo consilio hoc vomitorium assumpsit.

℞. Folior. asar. recent. \mathfrak{z} iij. contundantur & exprimatur succus cum decocti raphani \mathfrak{z} ii \mathfrak{s} . adde expressioni, oxymelitis cum agarico, \mathfrak{z} j. misce, f. haustus.

Hinc enormiter evomuit. Postea radicem helenii conditarum tria quatuorve frusta bis terve de die assumere, diætâ calefacientem instituere, à crapulis abstinere, vina generosa quidem sed pauciore quantitate bibere & statim post prandium vel cœnam (quia ventriculus illi admodum humidus erat) frustulum unum aut alterum halecis salitæ crudæ comedere jussi. Atque hoc modo appetitus illi paucis diebus optimè restitutus fuit. *Idem observ. & curat. Medic.*

Vir inter nostros Primarius sexagenario major, apud me conquestus est de tanta inappetentia quæ per duos annos ultimò elapsos omnem prorsus carniū aut jusculorum ex iis paratorum assumptionem arcuisset. Consului masticatio-

nem rhei, & usum elixyris cujusdam volatilis amari. Post aliquot septimanas mihi obviū, dixit, se ex usu præscripto meliùs quidem habere, sed quandoquidem non præsto essent qui quotidie admonerent de assumendis; remedium adhibendorum ut plurimum oblivisci. Cujus oblivionis pœnas non diu postea luit, siquidem debilitato ventriculo, illiusque vitio crudis multis aggestis, in hydropem ascitem sentiri incipit, quò, post aliquot menses, misère cunctus est.

Vir quidam spectabilis circiter septuagenarius, à pluribus annis summo ciborum fastidio cum laboraret, vitam vino generosiori sustentabat, atque ea propter quandoque Baccho paulò liberaliùs litabat: langor tamen totius in dies augebatur, & tandem in Arquatū nigrum incidebat, quò brevi extinctus est.

Mulier quædam quinquagenaria vino nimium dedita, in eam anorexiam incidebat quæ per annos propè duos ne quidem carnis unciam, aut jusculorum guttam ipsam haurire sineret; vino itaque unice vivebat, in quo quandoque panis frustulum intingebat. In ea diætâ, per annum integrum multa vitæ ordinaria sustinere valuit, & per urbem, quamvis languida, ambulare. Altero verò anno lecto affixa, ultimum diem expectavit, illumque nullis remediis protogare valuit, quandoquidem ad ea omnia ita nauseabat ut illorum particulam assumere ipsi prorsus impossibile fuerit.

Ex his & innumeris similibus quas afferre possem historiis, abundè patet anorexiæ pertinacioris prognosim semper intauscam esse, nec ab ea aliud sperandum quàm lethalia symptomata, morbosque ut plurimum insanabiles.

Cadaverum Anatomica Inspectiões.

Juvenis robustus cum lauto convivio interfuisset, eadem nocte dolore stomachi correptus fuit, qui ab initio mitis, sed post auctus & vagus factus est; nunc de dolore acutissimo capitis, mox, & in ipso momento, de maximo cruciatu ventriculi, ventris & artuum conquerebatur, cum vomitu omnium ingestorum: quandoque febris adfuit continua, anorexia: vigilia à prædictis doloribus vagis ejulare cogentibus: multa à D. Roscio frustra præscripta, nam post tormenta 18. mensium, tandem anno 1599. obiit.

Inspecto cerebro, in ejus ventriculis ad duas libras aqua limpida inventa; arteriæ item & venæ membranarum cerebri sanguine crasso & sæculo inturgabant: In ventriculi orificio superiori, parte anteriore, ubi ramus sextæ conjugationis inferitur, ulcus erat magnum ac foetidum, in vacuum ventriculi usque penetrans: cætera in ventre inferiore rectè se habebant: ventriculus præterea humoribus corruptis, foetidis & atrabilariis repletus erat; *Fabr. Hild. cent. 31. obs. 20.*

Mulier Romana 35. anno per plures annos inappetentiam passâ, cum tussi sicca & spirandi difficultate, cum frustra variorum Medicorum auxilia tentasset, moritur; Dissectoque ejus cadavere, ventriculi omnes fibræ nigrae duræque repletæ sunt: Tres verò pulmonum lobi adèd indurati, ut potius tophos lapideos quàm carnem omnibus videntibus ementirentur: Lien ovi gal-

gallinacei magnitudinem non excedebat. *Ex. P. Sphereri observationibus.*

Filia sexennis post lentam tabem, doloribus hypochondriorum & Inappetentiâ, seu prostrato ciborum desiderio, viribus fracta expiravit. In dissectâ cadavere Hepar universum ferè occupabat abdomen, ventriculumque adeò ad inferiora depressoerat, ut quasi ab œsophago videretur separatus: Pulmo sinister consumptus Tabi dederat occasionem, Pondere igitur Hepatis incrementis propter impeditam circulationem depressus ventriculus cibos viræ necessarios respuit. *Thom. Bartholinus cent. 4. observ. 71.*

Cur nonnulli paucillam quantitatem cibi assumere possint causam videre visus sum in vigili arcis Delfavienſis: Hic quidem munus suum obibat sed aliquot annos conquestus erat de cibi fastidio & vomitu, ut ferè solo potu se sustentare cogeretur, moriebatur tandem:

Aperto cadavere abdomen humore aquoso repletum reperiebamus: Deinde omentum putridum, ut ad tactum statim divelleretur: Præterea fellis vesiculam secundum quandam ramum ruptam: Quin & corrugatio aderat, seu concrementa quasi membranarum scirrholes: foramen quoque ventriculi verus, quemadmodum ex lateribus nigris, crustosis & inveteratis patebat, conspiciebatur; cui & ulcus fistulosum jungebatur: tandem etiam ventriculi capacitas admodum exigua, & vix cum nucis juglandis magnitudine conferenda, occurrebat, quibus sanè factum fuit ut nihil ferè comederit; omnesque cibos ingestos statim rejecerit: quemadmodum saniei ratione ex ulcere, omentum & vesicula fellis computuerunt; & ob foramen portio potius ad abdomen delata fuit: Miror verò, cum foramen verus appareret, cur non major aquæ copia ibi reperta fuerit? forsan *vena ventriculi auida*, cum parum aliàs alimenti assumere, avidè potum statim suxerant & ad melaraicas detulerant. *Philip. Saltnuth. cent. 1. observat. 43.*

Ulcere ventriculi visus fuit quidam cerevisiæ coctor laborare, & quidem interioris partis: huic non modò ventriculus malè affectus erat, sed omnia viscera inferiora corrupta ac foetidissima: Multo tempore hic pallidus admodum fuerat, & mali in facie coloris: circa digitorum articulos tumores habebat; delectabatur cerevisiâ forti & medicatâ: Contigit huic ut ventriculo pure ac crudis humoribus repleto; *cibum potumque non solum aversaretur*, sed conatus ne transmittere quidem potuerit: Profuit serapium acerosum, cujus uno aut altero cochleari sumpto, mox pituitam crudam, copioso pure permixtam vomuit: quod cum aliquoties deinde feceret, & vomitus tandem non ampliùs succederet, ad sanitatem se rediisse sibi persuadens, alia remedia admittere recusavit: Supervenit paulò post digiti unius sinistri pedis sphacelus; qui cum arte Chirurgi constitisset, mox dextrum pedem gangræna occupavit, & velociter progrediens, brevi supratelos pervenit: Hoc tempore cum de vitæ periculo admoneretur, respondit se nullâ corporis parte dolere, neque unquam antea doluisse: Ita absque dolore, paucissimis post diebus, sub initium Julii, è vita migravit, tertio videlicet

mensè ex quo pus vomuisset.

Hujus omnia viscera, quæ aperto corpore in conspectum venire, corruptissima fuere, multo pone consistente pure, quorum tantus foetor, adeoque gravis ac molestus, ut diutius hæere non fuerit possibile: multo minus singulas partes lustrare: Et tam foetidum corpus necesse fuerit mox sepulturæ committere: videtur hîc *interna viscera sensu destituta habuisse* contrà planè quam nonnulli alii, quibus sensu prædita sunt. *Dodonæus observ. 27.*

Viduus quidam literatus, quadragenario major, melancholicæ, & dum viveret, valetudinariæ constitutionis, m. Februario anni 1670. solito plus conquestus est de Ructibus austeris, Inappetentiâ & dolore ventriculi, necnon renum & dorsi: Subsequentæ dehinc sunt *obstructiones alvi*, noctes inquietæ & sæpè insomnes, doloresque obscuri, gravativi circa Illia, iique in sinistro latere suprâ ventriculum quasi ascendentes: febris apparuit nulla, major tamen nonnunquam sub vesperam quam interdiu, lumborum dorsique incallescencia: urinæ pallidiores plerumque & crassiores deprehensæ, cum sedimento copioso, nonnunquam Tartaro rubeo, sæpiùs albo, mucoso: Pulsus in dies debiliior, ab initio tardior, versùs interitum celerior; supervenit his omnibus vomitus sanguinis nigricantis, ingrumos majores renacissimos maximam partem concreti, qui cum intra triduum copiosior aliquoties rediisset, ægro, exhausto virium thesauro, leipothymias frequentiores, ipsam denique mortem accersivit.

In aperto corporis mortui abdomine atque thorace, sequentia, ad partem affectam, causasque morbi & mortis imprimis facientia, occurrerunt notatu digna. 1. Pinguedo quidem fat multa sub cute per totum corpus diffusa. 2. Musculi verò abdominis & thoracis excarnes. 3. Cor nihilominus obesum satis, duriusculum, compactum, benè constitutum sanguine vacuum. 4. Pulmones, quoad colorem quidem à naturali statu parum differentes, flaccidi tamen & exanguis, horumque lobus dexter inferior versùs dorsum thoraci annexus. 5. In ventriculo nullus sanguis, tunicæ benè constitutæ. 6. Lien justæ figuræ, magnitudinis & coloris. 7. Mesenterium non glandulosum, sed unâ cum pancreate naturaliter constitutum. 8. Hepar admodum magnum, totum obvolvens ventriculum, admodum pallidum, totum licet sanguine vacuum, ponderans tamen libras med. iij. & unc. viij. 9. vena porta versùs Hepar sanguine exhausta. 10. Intestina in sinistro latere fuere benè constituta quæ verò in dextro, livida, nigricantia, sphacellata vasque melaraica in intestina desinentia sanguine nigricante turgida. 11. Intestini coli pars superior in sinistro latere suprâ ventriculum inflata, quæ verò deorsum vergit, incisum, sanguine concreto, fœculento, nigerrimo, instar picis, quale vomitu rejecerat æger, admodum repletum. 12. Renes pallidi & flaccidi, inque dextro horum materia multa Tartarea, & circa infundibulum calculus instar fabæ majoris. 13. In sinistro verò major & albicans calculus, pondere scrupulorum v. figura & magnitudine cordis avium oblongiore tornata, multæ materiæ seroso-lactæ, quæ una cum plurimis particulis

artareis, instar calcis, per totam renis substantiam dispersa erat; quasi innatans. *Ex observationibus Dom. Friderici Orthlobii, Medici Uratislaviensis.*

Vir quadragenarius post longam Anorexiam in Hydropem Ascitem inciderat, quò, nihil proficientibus remediis selectissimis, 28. Junii anno 1682. enectus est. Aperto cadavere sequentia adnotavimus. Omentum prorsus retractum, seque ad umbilicum usque non extendens, illudque ut & imi ventris viscera omnia in aquis contentis ita macerata, ut extrus subalbida apparerent, hocque magis aut minus pro varia eorum ipsorum natura, coloreque naturaliter magis aut minus saturato. Hepar inter alia prorsus album, membrana crassa, scirrhusa, variisque protuberantiis onusta, vestitum. Vesicula felle albida, bilem interea complectebatur coloris ad naturalem aliquomodo accedentis. Secundò quod præcipuum fuit, quodque hic ad rem maximè facit ventriculi flatibus turgentis rugositates omnes erant prorsus obliterate, ejusque corpus, seu potius cavitas, multò ultra naturalem statum distendebatur, eò quòd fibræ sensim non tantum laxatæ, sed etiam quasi laceræ visceris capacitatem intra proprios terminos non continuissent, sed illud quotidie magis ac magis dilatari sivistent. Unde nihil mirum si fermentum appetentiæ naturali excitandæ aptum, in eo non fuerit elaboratum proptereaque & anorexia, & à cruditatibus per partis debilitatem aggestis, hydrops tandem lethalis enati sint. De aliis in eo ipso subiecto repertis nihil addo.

A P H T H A E.

Aphthæ sunt ulcuscula ut plurimum albicantia, subinde flavescentia & quandoque nigricantia per palatum, gingivas, linguæ latera & radicem, serpentina, quæ Latinis Lactucimen, Arabibus Alcola nominantur. Hæ autem tenellos præcipuè vexare solent, sed adultos etiam interdum, nempe mulieres mensium suppressionem patientes, imò gravidas, scorbuticos item, ac eos qui febribus malignis laborant.

Causa in infantibus petitur à lactis vitio & corruptis in ventriculo cibis, unde acor sanguinem & lympham inficiens deducitur, halitusque etiam acres in œsophagum & os ipsum elevantur, de quibus sic habet Sylvius de le Boë. Aphtharum causam veram non dubito asseverare humores halitusve acres, & quidem acidos, nunc quidem vomitu, aut exhalatione sursum ab intestino tenui ac ventriculo deductos, nunc unà cum saliva in os delatos. In adultis verò, & iis præcipuè qui febribus malignis laborant, accusabimus cum Christiano Langio impuritates causticas & acres retentas, imò sanguinem salsa, ac vehementi putrilagine inquinatum; unde humor salivalis ab eo, in toto ore, faucibus, & œsophagi atque trachæ tractu secretus veneni erodentis instar, eas quas alluit partes misère corrumpit. Tumque non mirum si ventriculus ipse, thymus, pulmones, aliæque adjacentes partes, affecti visi sint in cadaveribus iis prius denatis. Istius proculdubio fuit sortis morbus in Neapolitanam Gentem anno 1618. ingressus,

quem antecessit boium annua lues; quique à Marco Aurelio Severino *παιδαγωγὸς λοιμῶδης* nomine, seu pestilentis ac præocantis pueros abscellus, in suo de recondita Abscellium natura, verè aureo libro; abundè descriptus & explicatus, reperitur.

Aphtharum color candidus nihil funesti præfigit, malè verò audit flavescent, & pessimè nigricans, præcipuè si febris copulentur hæc ulcuscula. Rursus si crusta tegantur tenui, à partibus affectis facillè separabili, imò in plures particulas discrepta; aut paucas tantum oris partes attingant, non ita mali sunt ominis; contra verò si crusta vestiantur crassa, subjectis partibus quam maximè agglutinata, compacta & æquali, imò sicca & arida, idque eò magis quò diutius durat; aut ulcuscula in totum palatum, linguam, fauces imò œsophagum &c. serpent, illaque depascantur. Longum morbum significant aphthæ quæ intra triduum veniunt & abeunt, has enim aliæ continuò subsequuntur, idque eò magis, ut habet Ettmullerus, quò frequentius purgaveris. Quæ post singulum invadunt deteriores sunt, præcipuè in febribus, sic enim ventriculus primò affectus, denaturatur, & probabile est morbum ab inferioribus œsophagi partibus ad superiores ascendendo, totum hujus tractum occupasse.

Aphtharum Infantilium curatio tota in eo est, ut humorum acidorum aliisque acrim vis retundatur, copia evacuetur, novique proventus impediatur, item ut partes affectæ ab iis liberentur, mundentur, ac consolidentur. Quibus intentionibus ut satisfiat non necessarium est plura adhibere remedia, sufficere enim id. Lac nutricis, si per se peccet, corrigere, imò si malum prorsus sit, commutare, illudque per intervalla parcè exhibere, quò melius & commodius digeriqueat. Secundò corpus infantis blandè expurgare cum syrupo rosar. solut. vel è floribus persicorum de cichorio cum rheo, vel pauca manna in lacte soluta. Tertiò os colluere ex decocto hordei, vel saturiæ, veronicæ, nucum cupressi, gallearum immaturarum, radic. buglossi recentis; aquis rosar. & plantaginis, admisto etiam paucò amylo; succis telephii seu sedi majoris, malorum puniceorum &c. addito syrupo myrthino, rosarum rubrarum, vel paucò diamoro, simplici lacte chalybeato, adjecto etiam si placet rosarum rubrarum pulvere. Imò nihil vetat misturas has guttatim haurire, nec aliter etiam infantium os collui valet. Præcipuè commendatur in hunc ultimum usum syrupus è succo raparum sub prunis assarum, quò temperatur & alteratur humor peccans, parsque affecta mundatur & consolidatur; ut & etiam syrupus ex aqua rosarum, albumine ovi & saccharo, simul commistis, probèque agitat &c.

In Adultiorum Aphthis præterquam quòd dictam imperamus convenientem, acrimoniæ scilicet sanguinis retundendæ aptam; sanguinem si necessarium videatur, mitrimus, corpus sobrie expurgamus; & præterea utimur gelatinis ex C. C. & ehore; mucilaginibus ex seminibus cydoniorum &c. aqua plantaginis & menthæ extractis; emulsionibus ex pistachiis, addito syr. jujubino; suffumigationibus ex herbis traumaticis, floreque hyperici vino incoctis & per tubum ap-
rum

tum in os admissis; aliisque mox in aphthis puerorum allatis.

Si verò Aphthæ febres consectentur malignas, ab harum curatione illarum amotio pendet, interim tamen non abs re fuerit eas remediis descriptis subinde demulcere, ne scilicet partes quibus insident crudeliùs depascantur, atque corrumpantur.

Curationes.

In Aphthis primò est decoctum saturciæ in vino, quo colluatur os sæpiùs,

Decoctum veronicæ præstans, præsertim si adjiciatur aliquid mellis rosati.

Aphthæ infantibus maximè familiares sunt, quibus fortiora & acria medicamenta non satis aptè adhiberi queunt, ideoque nullum jucundius medicamentum & felicius, quàm succum catortæ luteæ expressum & ad syrupi consistentiam inspissatum quo aphthæ sæpiùs illiniuntur, propriâ experientiâ commendare possum.

In Aphthis contumacibus hisce decoctis adde aliquid sp. vitriol. & non resistunt. (Item aqua in qua alumen dissolutum.)

In Aphthis ex lue venerea omnem absolvunt nodum aquæ virides, in primis si loco aquæ simplicis assumatur aqua persicariæ, vel si in secunda aqua foliis reliquis addantur folia persicariæ. *Joan. Hartmann. Pract. Chymiatric.*

Ad Aphthas magis convenit decoctum ficuum, quàm passulatum, tinct. bellidis, rosarum vel martis vitriolati, aqua viridis Hartmanni, tinctura laccæ, rob diamoron, aqua corr. nucum.

Ad puerorum Aphthas optimum est remedium syrupus fumariz, purificat enim sanguinem.

℞. Syrup. de fumar. compol. ʒ i ʒ. syr. pomor. laxat. ʒ ʒ. essent. fumar. ʒ i ʒ. misce. *Joann. Michaelis Prax. clinic. general.*

Quibus ægris lingua ac os intus tenaci & viscidâ crustâ, ab illicita viciatâ salivæ ortâ, obducta sunt, iisdem antequam ullum cibum, potum vel medicamentum sumant primò spatula, vel cochleari eandem defricent, simulque saliva folio viridi fontane innatante lingua è foribus curatius detergeatur, deinde os atque fauces aqua limpida, in cujus sextario nitri purissimi, aut sulphure aut sale ammoniaco præparati, vel, quod adhuc efficacius, nitri vitriolati ʒ ij. solutæ sint, diligenter gargarizent atque eluant.

Hoc in casu antequam inflammatio harum partium mortem alicui minetur, venas sub lingua, raninas vulgò appellatas, absque ulla mora tundere proficuum erit: sed maximè cavendum, ne à Chirurgo fortiter ac profundè scalpello feriuntur; alias sanguis tantâ quantitate profluere posset, ut ipsius animæ cum sanguine expuitio metuenda foret; cui maturè sistendo nihil aliud, quàm candentis ferri attractus, frustra aliis ischamis priùs applicatis, necessarius est.

Si v. post hæc omnia ritè applicata nihilominus lingua, oris ac faucium inflammatio nimis ingravesceret, eaque in oris siccitate, lingua arida fissâ ac nigra aut squalida cinerea crusta obducta, inque faucium ac gula exulceratione, fissuris ac ardore furorem suum ostenderet, ab acri-

bis, acidis salsisque, ac omnibus quæ spiculis pungentibus horrent (qualia sunt nitrum, chalcanthum ac ejus spiritus, spiritus sulphuris, alumen, acetum, diamoron, syrupi acidi) planè abstinendum esse, ipsa hujus affectus necessitas exigit; è contraria autem parte os lacte tepido, aut ejusdem sero, aut hordei cremore, vel succo è gammariis fluviatilibus, aut succo raparum impissimè detergi ac elui debet.

Sequens etiam gargarismus, seu potius apozema, de quo interdum calidè haustulum capiat æger, quam maximè conducit.

℞. Hordei mundati manipulum, cornu cervi rasi ʒ ij. herb. solidaginis mediæ, florum malvæ arborese. singul. manipulum medium, fol. sedi major. recent. manipulum, gammatorum fluv. contus. nu. xii. sem. cydonior. plantag. sing. ʒ ij. Incisa & contusa cum aqu. font. ʒ ij. vel sextariis duobus ad tertiæ partis exhalationem coquantur; dein jure hoc colato os sæpiùs eluatur, ac subinde sorbillando unc. j. vel unc. ij. æger lentè deglutiat.

Post singulam gargarisationem de sequenti mixtura medium vel integrum cochlear sensim frequenter delingat, cujus descriptio sic se habet:

℞. Lentoris sem. cydon. aq. rosar. facti, mellis rosacei, vel syrup. de siliquis singul. ʒ ij. succi sempervivi recent. cochlearia iv. Misceantur probè ad fictile.

Vel de hac butyri compositione interdum frustillum fabæ majoris quantitate capiat.

℞. Butyri rec. probè lori unc. ij. diacod. Mont. unc. j. pulv. diatraganth. frig. unc. sem. bol. armen. præp. ʒ ij. misceantur diligenter ad ollam.

Nonnunquam in jussulo calido pulveris è creta composui mynsichti, aut diatragacanth. frig. ʒ ʒ. singulis sex horis hauriat: quæ egregiè ardori faucium, gula ac ventriculi medentur.

Sic quoque proficiunt radix althææ saccharo condita, succum raparum cum paucillo sacchari ad spissitudinem decoctus, ac cochlearim haustus; oleum seminis raparum cum saccharo cando linctum; item oleum amygdalar. dulcium cum syrupo sempervivi mixtum, sæpiùsque deglutitum injurias faucium læsarum abigere solet. *Secreta de Febre Castrensi. malign. sect. 3. cap. 2.*

Lingua infantium & oris partes, quæ pustulis sunt conspersæ, eluantur & confricentur bis terve post suctionem lacte bubulino, vel caprino, in quo auriculæ judæ vel fungi sambucini sunt incosti; cum ipsis itaque fungis & lacte, aut foliis salviæ vitentibus in eodem lacte madefactis pustulæ confricentur & abstergantur: quibus absterlis partes oris pustulosæ inungantur, aut melle rosaceo, aut diamoro, aut rob ribium, omnium autem certissimum & præstantissimum remedium ad Aphthas, cujuscumque coloris, tam in infantibus, quam adultis est, eas priùs diligenter ablutas & absterlas oblinire sequenti modo.

℞. Mellis rosac. unc. sem. ol. vitriol. ʒ j. m. f. linimentum. *Franciscus Joel Sect. 7. lib. 2. Practica.*

Consultationes.

Infantes duorum mensium, cum matri lac defi-

ceret, nutriti commissus fuit, temperamento bilioso prædita, sed alioqui bene valenti multoque sanguine & lacte abundanti. Huic cum per octiduum adfuisset, cœpit lac coagulatum cum pituitosis & biliosis humoribus mixtum sæpius evomere, inquietius dormire, biliosa flava ac viridia multa per alvum deicere. Tandem etiam os interius aphthis albicantibus undique oblitum est, ita ut jam propter dolorem hinc procedentem vix amplius sugere possit, licet mammam cum desiderio appetat & ore amplectatur. Intra tamen nulla manifesta febris accedit, nec pulsus quicquam immutatus est.

Causa harum aphtharum est lac nutritis ferrosius, calidius & acrius, quod in debili ventriculo infantis non satis bene concoquitur, sed multa bilis inde generatur, è qua acres halitus sursum ad os ascendentes, tenellas totius oris interioris pelliculas exulcerant.

Bilem copiosam inde generari liquet ex bile flava & viridi, quæ copiosa per inferiora deijcitur.

Lac autem in ventriculo coagulatur ob acrimoniam bilis & crudiatum ibi genitarum. Coagulatum verò evomitur, quia natura illo, aliisque crudis humoribus gravata, & acrimonia irritata, molestiam illam per vomitum, quantum potest, deponere nititur.

Febris non adest, quia bilis illa putredinem nondum concepit, neque etiam ad venam cavam delata est, sed hactenus sursum deorsumque satis copiosa excernitur.

Infans vix amplius sugere potest, quia dolor, quem ex aphthis habet, sugendo exasperatur. Mammam tamen appetit, quia majorem oris calorem humiditate lactis lenire & extinguere desiderat.

Hæ aphthæ quia recentes & sine febre sunt, neque malignam causam habent, facile sanabuntur; si remedia tempestivè adhibeantur. Alioqui si differatur curatio, metuendum est, ab aucta, & tandem putrescente bile, non tantum aphtharum profundiorum & periculosam exulcerationem, verum etiam alvi fluxum cum torminibus & febris graviore secuturum.

In curatione ante omnia ratio habenda est nutritis, utpote quæ ob temperamentum biliosum lac acrius generat, quam infantis ventriculus bene ferre aut digerere potest. Deinde ratio habenda est ipsius infantis.

Nutrix igitur semel atque iterum bene purganda est medicamento cholagogo. Deinde vena secanda, & apozema aliquod refrigerans, ex cichorco, endivia, lactuca, borragine, acetosa, tamarindis, seminibus frig. maj. aliisque similibus, per aliquot dies exhibendum. Etiam puppa ex rhabarbari 3 iij. in pinta cerevisiæ tenuis suspendenda, de qua bis terve in septimana haustum bibere, hinc non tantum ipsa, sed etiam infans biliosa deijciet.

Curandum ut cibus utatur boni succi, conditis cum hordeo mundato, endivia, lactuca, asparagis, pomis citriis, cerasis, fructu ribes. &c. Abstineat ab alliis, cepis, raphano, sinapi, aromatibus, omnibusque multum calefacientibus; etiam à melle & saccharo copioso, aliisque quæ facile bilescunt. Potus sit cerevisia tenuis, aut mediocris notæ: evitet vinum, spiritum vini, melicratum, omnesque potus fumosos & calidos, nec-

non iram, aliasque animi emotiones.

Infanti autem (cui vix quicquam exhiberi potest) sæpè in os ingeratur syrupus de moris & cydoniorum, vel de rosis siccis & granatorum acidorum, aliisque similis, quo totum os interius oblitendum est. Etiam cum cochleare subinde exhibenda pulicula liquida ac tenuis, ex decoctione passularum corinthiacarum ad rupturam coctarum, cum pauxillo sacchari & micæ panis albi parata.

Si his remediis adhibitis tamen perdurent, aut in peius vergant aphthæ, quamprimum mutanda est nutritrix, & alia querenda quæ naturæ infantis convenientior sit. *Isbrand. De Diemerbroëck de morbis capitis, thoracis &c.*

Mulier triginta annorum continuâ febre correpta est, cum magna anxietate, sine vehementi calore, sine magna siti, quâ intra biduum vires admodum prostratæ sunt. Pulsus est parvus & inæqualis: urina instar urinae hominis sani. De nullius partis excellenti dolore, sed de maxima totius corporis conqueritur debilitate, quæ tanta est ut in lecto erecta sedere nequeat. Quarta die in deglutendo sentit aliquam difficultatem, ita ut potus non sine dolorosa molestia & impedimento per gulam & œsophagum descenderet. Eo tempore palatum, gingivæ, lingua, & fauces innumeris exiguis pustulis albicantibus obsideri comperta sunt. Gustus etiam adeo læsus est, ut assumptorum verum saporem vix percipiat.

Laborat hæc ægra febris maligna, ad quam accedunt aphthæ, quæ sunt exulcerationes quædam in summa oris superficie, cum caliditate conjunctæ.

Causa antecedens sunt humores putridi, acres, maligni, in corpore contenti, qui à calore febrili attenuati, per arterias & occultos meatus ad os delati, in coque exulcerationem hanc facientes, causam proximam constituerunt.

Has aphthas à maligno quodam putrido humore excitari, liquet ex febre putrida præcedente vel adjuncta; cujus malignitas satis innotescit ex maxima anxietate & virium ægræ prostratione, cum tamen febris nullas manifestas tantæ debilitatis causas exhibere videatur. Humorem autem illum magna ex parte pituitosum esse, patet ex minori febris calore, & pustularum seu ulcusculorum albedine.

Hic humor à calore febrili attenuatus & acer ad os deveniens, ejus interiora (palatum, linguam, gingivas, fauces &c.) magis quam alias partes per quas transit, exulceravit, quia tenui & molli tantum pellicula investuntur, quæ à rebus acerbis, imprimis putridis, cò devenientibus & diutius ibi remanentibus facillimè exulcerari potest, cum aliæ partes firmiores hujusmodi corruptioni melius resistent.

Quia verò illa pellicula oris interiora investiens se per fauces & totum œsophagum extendit usque ad ventriculum hinc etiam cum faucibus œsophagus similibus aphthis interius obsidetur, ut ex eo liquet, quia deglutitionis adest difficultas, & potus non sine dolore & impedimento ad ventriculum descendit.

Gustus ob læsus est, quia pellicula oris interior, cui nervi gustatorii inseruntur, & qua mediante gustus fit, ab illis ulcusculis adeo obsidetur, ut objecta gustabilia ad eam integra pervenire, & ab ea percipi vix possint. Adde quod lingua ab ulcusculis dolens, etiam pravis humoribus,

ribus infecta de saporibus assumptorum benè judicare nequeat.

Hæ aphthæ sunt magis signum, quàm causa periculi, indicant enim febrem malignam, & valde periculofam, à cujus curatione earum curatio maxima ex parte dependeat.

Corpore igitur expurgato, vena-secta, aliisque febri convenientibus remediis adhibitis, os sæpè colluat & gargariset ægra hac decoctione.

℞. Hordei mundati, radic. bistortæ, tormentillæ, ana ℥ ss. glycyrrhiz. rasæ ℥ iij. herb. plantaginis, portulacæ, polygoni, foliorum querci, ana m. j. flor. malvæ arborecentis, rosar. rub. balaustrorum, ana m. ss. aquæ q. s. f. decoctio ad ℔b. j. adde syrup. diamori, dianuc. ana ℥ i ss. miscantur pro collutione.

Post collutionem lambat ægra, totumque os interius oblinat hoc syrupo. ℞. Syrup. cydonior. granator. acidor. de rosis siccis, ana ℥ j. miscantur.

Si dolor acrior evadat, ægra in ore detineat lac dulce, vel potius serum lactis, idque sæpius mutet. Deinde solum syrupum cydoniorum vel de rosis siccis lambendo assumat, imprimis cum aphthæ jam separantur.

Victus sit refrigerans & malignæ putredini resistens. Cibi sint euchymi, eupepti & liquidi. Potus sit cerevisia tenuis aut pitilana. Alvus benè respondeat, & absint animi emotiones. *Idem de morbis capitis & thoracis &c.*

Si totum perlustraveris mundum V. N. & omnia, quæ in sinu ejus reposita sunt vel superficiei adherent; sedulo contemplaveris, omnia miraculorum plena invenies. Inter miraculorum verò iliada nullum homine admirabilius & quod raritate & præstantia sua animum magis suspensum & attonitum reddat. In ejus sanè mirabili & non imitando opificio ineffabilis Dei, conditoris opt. max. providentia, sapientia atque immensa bonitas summo perè elucescit. Hinc non illepidè *Mercurius Trismegistus*, & diviniore illud sapientiæ lumen *Plato*, *Aristotelis* quondam Præceptor, *Microcosmum*, idest, hominem, augustum Dei Templum & simulachrum nominarunt. Nam sicut in Numismate *Cæsaris* charagma; ita in homine conspicitur Dei sculptura, quem non abs re miraculorum maximum statuerunt olim celeberrimi Philosophi. Quid obsecro infantis in utero materno plasmatæ, nutritione, statò tempore enixu, quid inquam mirabilius, dici vel excogitari possit? Certè nihil. His mihi septem orbis miracula jure videntur cedere, ut meritò quis cum *Martiali* de infantis plasmate & enixu dicere queat.

*Barbara Pyramidum sileant miracula Memphis,
Assiduis jactet nec Babylona labor;*

*Nec trivia Templo molles laudentur honores,
Dissimuletque Deum cornibus ara frequens.*

*Aëre nec vacuo pendentia Mausolea,
Laudibus immodicis Cares in astra ferant.*

*Cuncta puerperio cedant miracula mundi,
Infans quo referat claustra pudica Matris.*

Lugendum saltem, quod tantum tanti Conditoris opificium, tam affabrè constructum & miro artificio fabricatum, aded labefactum peccato ab ipso statim ortu, ut mille morborum phalangi-

bus undique obvallatum ocyns corrueret, nisi Deus illud præpotenti manu sustentaret. Nempe ut fragilis aliqua cymbula, agitata procellis & tempestatibus plurimam admittit rimosa undique paludem; ita & tenella infantulorum ergastula, laborioso per angusta uteri latibula transitu, dolorifica venæ umbilicalis abscissione; aëris amico calore blandientis cum inclementi permutatione; victus quoque à naturali & consueto omnimodà diversitate, necnon è molli loco in duram, alpe-ram, spinis serratique confitam, coloniam transmigratione, attrita languent, & variorum morborum carnificina marcescunt, & sæpè sapius quam vix hauserunt, vitalem auram immaturè effundunt; ut non immeritò dubitet quis, meliorne iis sit mater, an tristior noverca Natura. Mirari sanè subit *Platonem*, omnis augustioris sapientiæ Magistrum, qui omnes morbos ab animo ortus sui primordia derivare affirmat, cum tamen infantes, antequam iis à Deo animo uti datum est, morbis sæpè affligantur. Hinc *Græci* olim & *Romani*, de vita & valetudine eorum dubii, non nisi effluxo longiore temporis spatio nomina iis imponere solebant. Nulla sanè ætas ab ullo morbo liberæ & immunis, sed omnes cujuscunque ætatis mortales omnium tyrannidi æquè subiecti sunt; quod non tantum *Hippocratis*, summi in Medicina Dictatoris, oraculo sancitum est, sed & quotidiana experientia, fida rerum magistra, abundè docet & ratio ipsa evincit. Sunt tamen aliqui infantulis proprii, quos longâ serie venerandus noster è Coo Senex in Aphorismis suis enumerat, in quorum censu oris quoque tubercula seu pustulæ, *Græcis* ἀφθæ dictæ recensentur, lactis vitiosi vel saltem in ventriculo infantis corrupti, genuina soboles. Familiarissimus est infantulis affectus hic, ita ut è centum vix unus reperiatur, qui non pustulis istiusmodi molesteretur. Et promptè quidem hoc malo afficiantur ob corporis molli- tiem & teneritudinem, victus inassuetudinem; & copiosiorē lactis suctionem, unde lac in ventriculo corruptum huic malo generando satis esse potest. Tubercula hæc seu pustulæ si in ulcera degenerent, plurimum negotii faciunt, & suctionem impediunt, quandoque etiam lethum accelerant, maximè si nigro colore erumpant, alias in mollioribus infantium corporibus modestè adstringentibus facillè curantur. Magna est horum tuberculorum differentia, de qua nihil invenio in litteris tuis, ita ut difficile sit rectum Tibi consilium suppeditare. Varianda enim cura pro diverso Aphtharum colore; siquidem alia requirunt remedia quæ albæ sunt, alia quæ rubræ & igneæ, alia quæ lividæ, & sic de aliis. Ne tamen deesse Tibi videar, velim ut sæpius in die laves ulcuscula hujusmodi aqua vel, quod præstat, decocto hederæ terrestri addito melle rosarum vel hujus loco decocto veronicæ; quæ duo remedia in hoc affectu efficacia non semel sum expertus: quod si malum non cesserit his, poteris iis adjicere lapidem prunellæ, imò & spiritum vitrioli in contumacioribus Aphthis admiscere. Hæc cura sunt, & si fortè aliquid eorum ab infantulo deglutiatur, minimè nocitura. Cavendum tamen ne infans mox ab eorum usu lactetur, præsertim si spiritum vitrioli adjeceris, ne lac in ventriculo coaguletur. Prodest etiam singulis diebus ter quaterve confri- care Aphthas foliis viridibus salviæ summis seu in cacumine natis, in aqua prius ablutis ac deinde

vino rubro imbutis. Non incommode etiam mentham cum mastiche ventriculo filiolarum tuarum impo-
fueris, ne lac in eo corrumpatur: in quem finem
etiam parce lactandam suaserim donec ventriculus
fuerit emendatus & probe concoquat. Hæc sedu-
lò adhibenda à conjugè tua, & monenda, cum ip-
sa filiolarum nutrire & lactare decreverit, ut in vi-
ta diligenter abstineat ab omnibus, quæ massam
sanguineam serosis, fervidis & acerbis humori-
bus inquinare apta nata sunt. Nec ullo modo
omitat pulverem ante biduum transmissum pulci
permiscendum, qui peculiari vi caput roborandi
& à convulsivis insultibus tuendi præditus est. Et
hoc eo serio magis animo urgeo, quod filiolarum tua
dulcissima in ipso plenilunio nata sit, *Mercurio*
Lunam minimè intuentem: unde Astrologiæ periti
paroxysmos epilepticos præfagiunt & observa-
runt, infantes in novilunio aut plenilunio in hanc
lucem editos, raro durabiles esse aut firmâ valetu-
dine uti. Hi quidem propter nimiam humidita-
tem, illi verò propter nimiam siccitatem langue-
re solent. Id quod à me quoque in non paucis
annotatum. Sed hæc in Dei voluntate posita, qui
numeravit omnes dies nostros. Faxit ipse, ut filio-
larum tua fausta Lucina nata, sit Tibi perpetua, quæ
tibi olim semel, ut Ciconiæ eorum parentibus senio
enervatis, sustentaculum præbeat & consolationi
sit, atque ἀντιπαλιν, gratam beneficiorum re-
munerationem referat. Et hæc Tibi, quem ob
absentiam meam coram alloqui non potui, per li-
teras significare volui. Vale & nobilissimum Do-
min. parentem, conjugem, sorores meo nomine,
quam potes, officiosè saluta. *Frideric. Lossii*
consil. 51.

Observationes.

Nos linctum utimur ex diamoro, succo granat.
& melle, hoc etiam addam quod à Pharmacopæo
accepimus. Multi infantes cum *Anruverpiæ* ex
aphthis morerentur, ex verulæ consilio, ranulam
vivam ori puerorum admovebant, suctione ma-
lignitatem attrahentem, eaque defossâ & mortuâ
alteram ori imponebant: deinde rursus aliam, si
opus esset; quo præsidio, & pueri, & infantes
evadebant. Idem in pueris suis, tum aliis exper-
tum narrabat. *Petrus Forestus observ. 21. lib. 14. de*
affectionibus labiorum, gingiv. dentium, oris & lin-
gua.

Juvenis biliosus cum in aphthas incideret, val-
dè ignitas & flavas, postquam ex insul. rhab. pur-
gatus esset, collutionem præscripsi, quæ refrige-
raret, & fervorem restingeret in hunc mo-
dum.

℞. Fol. plantag. bellid. min. portul. semper-
viv. solan. ana m. j. fl. ros. rubr. p. j. sem. cydon.
3 i ss. F. decoctio in aqua. in colat. ℥ j. dissolve
diamori 3 ij. succ. mali punici acid. 3 ss. m. f. col-
lutio. Postea adjeci ad majorem refrigeratio-
nem, succum solani, & aceri modicum: Deinde
ut magis abstergeret, in decocto adjeci hordeum
integrum, etiam mellis rosati nonnihil, ut citra
mordacitatem magis discerneret. *Petrus Forestus*
observ. 22. lib. 14.

Hic syrupus mirum in modum prodest. ℞. fol.
viol. fragrar. semperviv. bellid. min. plantag. por-
tulac. ana m. j. sem. cydon. 3 j. coq. in aq. com-
muni, colat. fortiter expressa adde sacchar. q. s. &

coq. ad consistentiam syrupi, S. A. ut melius ab-
stergat, loco sacchari mel jaddi potest. *Petrus Fo-*
restus. Schol. observ. 25. lib. 7. De febrium symp-
tom.

Filius meus quatuor annos natus, passus est
fluxionem acerrimam in linguam & fauces, ut in-
finitis ulceribus scaterent, illique albicantibus, &
admodum dolorificis, cum magna inflammatio-
ne, non poterat cibum, aut juseulum capere, nec
lac sugere; diebus ac noctibus ejulabat insomnis,
macilentus, ac ferè consumptus. Ex remediis
non profuit mel rosaceum cum sp. vitrioli; quod
alias mirificè conduxerat; aderat alvi fluxus co-
piosus, quo bilem porraceam ejiciebat, vesica-
torium valdè profuit; sed dolores & clamores
perseverabant, & continuo æger per os humorem
serosum & acrem emittebat dolore & inflamma-
tione magis ac magis attrahente, tandem exhi-
bui laudan. gr. j. cum juseulo, coque dolor sopi-
tus est, somnus levissimus conciliatus, qui post-
modum perseveravit moderatus & suis horis ad-
veniens. Hinc cæpit convalescere, & fluxio illa
humoris per os emanantis omnino cohibita est:
sequenti tamen die purgans medicamentum exhi-
bitum est, quod multum etiam profuit. *Lazarus*
Riverius observ. 43. cent. 2.

Quædam mulier laborabat Aphthis contuma-
cissimis, quæ neque venæ-sectionibus, neque pur-
gationibus multis, neque julepis refrigerantibus,
neque illitu ex spiritu sulphuris curari poterant;
noctes insomnes traducebat, & vix cibum de-
vorare poterat, quia omnes oris partes hujus-
modi ulcusculis scatebant: sumpsit noctu laudani
gr. iij. idque remedium continuavit per triduum,
& sic fluxio acris in oris partes defluens cohi-
bita est, ac consequenter oris ulcera paucis
diebus percurata sunt. *Lazarus Riverius, observ. 39.*
cent. 3.

Aphthæ Ferina purgatione levi & alteran- tibus curata.

Excitatissimus annorum quatuor puer, *Aphthis*,
seu *oris ulcusculis* diu noctuque ita lancinatus, ut
nec potum, nec juseulum sumere, multò minùs
ob oris excoriationem ubera sugere valeret, febric-
ulâ lentâ, vigiliis, doloribus non tantum ad ex-
tremam maciem, verum convulsionibus super-
venientibus, vix non ad funera redactus, mulier-
culatum pseudo-medentium nullis proficientibus
oris superni ac interni collutionibus, vocatus cau-
sam materialem syrupo mannato iteratis vicibus
evacuare; Efficientem verò, tanquam primorum
humorum fontem, alterantibus contemperare
conatus, quo facto gratiofusus magno parentum
cum solatio ex orci faucibus ereptus. *Nicol. Gu-*
lielm. Beckers.

Aphthæ ferina, morbillorum comites, neglecta mandibulis corruptionem inducentes.

Quam novercali odio anni 1659. tempore fer-
vido, atque inter igneas illas Planetarum opposi-
tiones, morbilli apud nos in Norvægia in adul-
tos sævierint, ac infantes, pauperiores maxime, li-
bitinæ docebunt rationes: Omnes sanè ad unum
qui hydromelire morbillorum tentarunt expul-
sionem, nullo ad malignitatem habito respectu,
con-

convulsionibus aut diarrhœa miserando perierunt modo; Nonnullis ex neglectis Aphthis tanta accrevit oris putredo, ut ante instans mortis punctum mandibulæ spontè exciderint; aliis à Chirurgis caro circa illas gangrænâ infecta ut mihi retulerunt, omnino resecta fuerit. *Joann. Erideric. Treubler.*

Aphtharum infantilium remedium.

In puerulis Aphthis laborantibus nihil est quod tam præsentaneam afferat operam quam *oleum raparum*, si in eo tantum dissolvatur sacchari quantum potest, illudque ori illitum lambant; quod in meo filiolo Perro Joanne, vix octo dies nato expertus, cui Aphthis laboranti dedi oleum hoc raparum saccharatum, & paucorum dierum spatium curatus est.

Rustici infans cum non posset sugere, itidem Aphthis obfesso palato, morbo jam per decem dies vigente, eodem modo à dicto medicamento sensit levamen præsentaneum. *Joann. Ludovic. Hannemannus.*

Aphtharum remedium euporiston.

Aphthæ illæ flammantis oris pustulæ, infantibus frequentes sunt, adultos rarissimè corripunt, & nunquam sine periculo ferè. Anno 1669. cum praxin Medicam Fridrichstadii exercerem, hoc genere morbi tres puerperæ extinctæ sunt. Hocque malum æquè ac morbilli & variolæ homines semel invadit. Tres mei filii & his pustulis laborant, duo recens statim isto malo correpti sunt, nati verò maximus, qui nunc quatuor annorum & dimidii est, nunc paucis ante diebus iis quàm vehementissimè laboravit, & coronidem imposuerunt variolis, quæ & hic grassantes ipsum lecto affixerant. *Francisc. Joel* hic recommendat.

℞. Mellis rosat. ʒss. olei vitriol. ʒj. m. f. linimentum. *Timæus à Guddencelee* laudat florem laevis capilli cum tantillo nitri putissimi l. s. cas. 9. *Wolf. Hoesferus* in *Medicat. familiaribus* p. 359. præscribit.

℞. Syrup. è ros. sicc. mellis rosat. simplic. ana ʒij ʒss. mastich. elæct. pulv. ʒss. spir. vitriol. gutt. iij. m. inungè sæpius. Verum uti simplicitas amatur, sic quoque simplex euporiston hîc recommendabo, quo usus sum in meis tribus dilectissimis admirando cum successu, quo & præstantius & certius non datur.

℞. Olei rapar. q. v. tantumque adde sacchari quantum recipere potest, de eo sæpius dato lingendum infantibus & infallibiliter curantur. Infantibus medicamentum tutum, certum & jucundum est, & blandè in iis alvum solvit hoc oleum, & isto euporisto meus filius nati maximus nunc quoque (Dei gratia) restitutus est. Batavæ fœminæ & obsterices ruberam filo alligatam ori infantum his pustulis correpto imponunt, extractam in frigidam aquam injiciunt, ut vires recolligat, tum iterum imponunt sed contingit sæpius imbibito isto veneno flammante rubera rumpatur, istaque ruberæ novæ impositione sæpius reiteratâ infantes curantur, & istæ flammantes pustulæ evanescent. Causam hujus curæ per ruberam ego in duo rejicio j. in modicam refrigerationem, quam affert Rubera ori hisce ulcus-

culis flammanti. 2. in attractionem malignitatis pustularum, quam si attraxerint ruberæ, ut plurimum statim rumpuntur & exstinguntur. Malignitatem enim contagiosam possident istæ pustulæ. Nuper mei affinis, Senatoris Fridrichstadiensis filiola his pustulis laborans per Rubetarum insertionem curata est. Sed quod notatu dignum, prior Rubeta extracta statim etiam in aqua frigida exspiravit, & altera etiam difficillimè in frigida lympha servata fuit. Tantam malignitatem habuerunt istæ pustulæ. Adde de meo filio nati maximo, hic gravissimè variolis decumbens, floccos colligebat, lodicem complicabat, quod & cæteroquin infaustum censeretur signum, ut plurimum mortem prælagire dicitur; sed & hic ut & sæpius fefellit. Ego hic recordor quod scribit *Wolf. Hoesferus* in *Hercule medico* p. 346. & 348. Et quod non semper infaustum signum præbeant, plures probant observationes. Malo ergo hîc *Cardano* credere quàm *Galeno*. Tum demum enim infaustum signum est, si simul facies Hippocratica adsit. *Buxtehuda* quædam fœmina laborabat febris malignæ, floccos colligens, lodices explicans & complicans, sese meæ curæ commisit, & Dei gratiâ restituta est. *Joan. Ludovic. Hannemann.*

Matrona quædam inter nostras primariâ annos 38. nata, sub initium octavi graviditatis mensis, degens; apud me conquerebatur de Aphthis feris quæ à quinque mensibus ipsam durius vexabant, nec per venæ sectiones, ut & purgationes repetitas, imò adhibita varia topica, ullatenus remiserant at potius à gargarismis quantumvis paucis acido imprægnatis exacerbabantur. Vidi nobilis mulieris linguam laceram & quasi simbriatam, profundis ulcusculis crusta crassa ex parte vestitis desuper non parum absumptam, palatum præterea & gingivas, arque fauces ipsas eodem morbo deturpatas, imò non immeritò arbitratus sum ipsum ad orificium usque ventriculi superius descendere, siquidem à faucibus ad scrobiculum usque cordis intus ardorem per sentiebat ægra non parum molestum. Sic autem affecta non tantum solidi prorsus nihil masticare, & per os volutare valebat, sed etiam omnia alia alimenta nauseabat; febris lenta consumebatur, & noctes insomnes cum tussi continua, ab aliquot mensibus transigebat. Non difficile fuit judicare alia omnia symptomata nobilem matronam molestantia, ab Aphthis ipsis non bene hactenus curatis originem suam ducere; itaque illuc vim omnem remediorum dirigere consultum habui, & propterea gelatinas tum ex volatilibus variis, tum ex C. C. & ebore præscripsi; emulsiones è pistachiis sensim hauriendas præbui; syrupum raparum, ut & ex albumine ovorum, aqua rosacea & saccharo in usum adhibui; suffumigationes ex decocto calido herbarum traumaticarum, folior. prunellæ, florum hyperici, rosar. rubr. balaustrior. &c. in vino rubro parato, bis de die ex tubulo apto in os admittendas curavi; Imò sub finem aliquid tincturæ gummi lacæ decocto foliorum prunellæ & hederæ terrestris cum syrupo althææ, quod os subinde collueret admiscui; quibus juscula plantis aptis alterata, dietamque aptam, adjunxi.

Ita hæc, Deo sic benedicente, fuere proficua, ut intra duas septimanas fuerit sanata Nobilis Mulier Marito suo meritò charissima, & inde ad partus usque terminum sine ulla febre, aut alio molesto symptomate deveniret, sique novissimè quæ in gra-

gravitate tam molesta supremam diem necessariò obituram credebant, puellam enixa fuerit formosam, nec aliis afflicta sit symptomatis, (imò mitioribus) quàm quæ ipsi in aliis pluribus partibus familiaria fuerant.

Puella nobilis septem annos nata, cum variis oris morbis primò agrotasset, tandem in aphthas incidit, easque tam truces & malignas ut per aliquot dies neglectæ, absolutam propè partium in ore contentarum corruptionem fecerint, itaque, (cum nihil proficientibus remediis) non tantum, quod adnotavit Severinus in Aphthis pestilentibus Neapolitanis, uvulam ad palati os usque, & tonsillas ad epiglottidis basim exederint; sed etiam in sinistram faciei partem serpentes, maxillæ superioris, carniūque adhaerentium portionem, ante obitum brevè accedentem, separavit, quam super pulvinari reperiēbamus, dum ægræ caput aliquot ante fatale momentum horis, elevāmus.

APNOEA.

Vid.

RESPIRATIO ABLATA.

APOPLEXIA.

Apoplexia est subita sensuum omnium, tam internorum, quàm externorum, pariterque motus omnis, & functionum animalium, (præter respirationem) privatio, cum universi corporis resolutione & consternatione. Homo etenim hoc morbo oppressus non aliter quàm victima ad aram prostrata, uno quasi ictu percussus concidere solet.

Varia sortita est nomina, nam syderatus, & attonitus morbus, Hippocrati *ἀφωλῖα*, aliis etiam gutta dicta est. Syderatus autem & Attonitus morbus primò vocatur quia eò affecti æquè subito corruunt ac si fulmine forent tacti, aut vehementi ictu ab invisibili manu desuper inflicto, quasi exanimis prosternerentur. *Αφωλῖα* secundò appellatur ab Hippocrate, vel quia ea affectis vox præcipuè deficit, vel quia sub vocis privatione cæteras operationes animales læsas intelligit. Gutta tercio ab iis nuncupata est qui in hac ridicula fuere opinione in utroque temporum latere sanguinis guttam dependere, quæ si fortè in alterutro decidat hemiplegiam faciat, si verò in utroque, apoplexiam gignat. Ab hac denominatione suam petit signaturam pro lilio convallium Crollius, illud enim pro specifico habet in hoc morbo, quòd scilicet ipsius flos quasi gutta inclinetur ac pendeat. Apoplexia tandem dicitur à verbo *ἀποπληγῖν* quod frequentativum est verbi *πληγῖν* ferio, & propterea significat vehementer ferire, quò affectus horrenda gravitas designatur.

Partem affectam cerebri ventriculos & quartum præcipuè dixere quidam, quæ opinio in hodierna anatomica luce stare minimè valet; cum enim jam non ambigatur cerebri ventriculos cloacas esse exonerandas substantiæ cerebri, glandularumque in toto plexu choroeide intertextarum sordibus destinatas, quis non videt ut bene adnotat Christianus Langius, eandem esse non posse spirituum & excrementi officinam, eandem culinæ & cloacæ

dignitatem, idem regis & vilissimi servi conclave. Nam ut subjungit ille quantumcunque tandem sit quod illac excernitur, certum est, quòd etiam parum cœni immundi multum lymphidi collutulet inticiatque. Semel verò positò ventriculos cerebri spirituum emporia & promiscuos nulatenus esse, necessariò sequitur morbi in eorundem affectione propriè positi, sedem in hisce cavitatibus non esse exquirendam, sed potius in ipsa cerebri substantia cineritia seu glandulosa spirituum animalium officina genuina, nervisque inde dependentibus, ut ex sequentibus satis patebit.

A respiratione magis vel minus læsa quatuor facit Galenus Apoplexiæ *differentias*; Si enim omnino deficiat, nec pectus a suis musculis ullatenus attollatur apoplexiam exinde denominat acutissimam; si verò respiratio adsit sed cum vehementia quadam & stertore fortem vocat; si respiratio sit tantum inæqualis & interrupta minus vehemens apoplexia, atque si ordinem aliquem seruet, debilis ipsi dicitur. Ex hisce omnibus varii tantum morbi attoniti gradus designantur unde prognosis in sequentibus explicanda deducitur. Distinguitur rursus Apoplexia in idiopathicam & sympatricam, quarum illa proprio cerebri vitio sit, illic scilicet aggestis & fabrefactis quæ spiritus subito prosternant & stupefaciant; hæc verò ab affecto imò ventre indeque elevatis exhalationibus tectis spiritibus peculiariter infensus, enascitur; Imò ab iis omnibus quæ tum ab extra, tum ab ipsis corporis succis corruptis, aut infectis visceribus, spiritus pro apoplexia producenda afficere valent, peti possent differentiarum plures si conducibile & consentaneum foret illas multiplicare.

Ut Apoplexiæ causas eruamus necessarium erit ut prius aliquid de spirituum animalium in ea affectorum genesi, ac distributionibus, instrumentisque istis muniis destinatis aliquid præmittamus. Spirituum materia in sanguine est & in capitis interiora vehitur per arterias cephalicas, vertebrales scilicet & carotidas quæ in productiones innumeras diremptæ in corpore cerebri cineritio præcipuè obliterantur. Jam verò corpus illud cineritium à colore dictum, nemo hodie ex demonstratione Malpighii nescit esse magnam glandulam de genere conglomeratarum, in cujus glandululis ea ipsa methodo quæ in aliis corporis partibus variarum secretionum ministerio glandularum perficiuntur, purior atque volatilior sanguinis pars salino sulphurea in spiritum animale ejusdemque vehiculum exaltata & elaborata, ulterius secernitur, atque ab innumeris tubulis corpus cerebri callosum medullamque oblongatam atque spinalem constituentibus, & à glandululis memoratis quasi toridem vasa excretoria dependentibus, per sibi continuatos in totum corpus nervos abundè derivatur. Corpus autem hoc cineritium seu corticale veram esse spirituum conficiendorum officinam ex eo patet quòd vasa sanguinea eorundem materiam deportantia in ipso omnia propè absumantur, nec alii cuiquam propterea parti cerebri aliud sufficiant, quàm quod aut ipsi nutriendæ, aut illi in functionibus suis adjuvandæ, necessarium fuerit, sic multum sanguinis in pia & duram præcipuè matrem distribuitur, quò scilicet corpus prædictum proximè complectentes, illud blande foveant suoque calore actuent. Hisce sic positis facile

facile concludemus apoplexiam oborituram, si vel spirituum efformatio per affectum corpus cineritum subito impediatur, vel eorumdem distributio per suos canales intercipiatur, vel confusio in eos inducatur. Efformatio impeditur; tum si ipse sanguis multa serositate prægnans in cerebrum irumpat ipsiusque substantiam corticalem non tam alluat quam quasi submergat, glandulasque ipsam constituentes ad absolutam turgescen-
tiam adimpleat, imò mucosè facile in viscere frigidiculo congelabili inferat; Tum si ipsæ glandulæ à pondere incumbente compressæ, aut à sanguine extravasato & in grumos coacto circa ipsas stagnante ita molestantur ut proprii munii obliviscantur; Tum si aura aliqua afflentur maligna spirituumque generationi atque motibus tota natura infensa, qualis è venenis quibusdam, cryptisque subterraneis expirare potest. Distributio intercipitur, si canales, vel à glutinosa sanguinis putrilagine aliisque obstruantur, vel à compri-
mente & circumcingente corpore ardentur, & constringantur vel in sui continuitate solutionem patiantur, imò ita contorqueantur à vi aliqua sibi facta ut ipsorum cavitatis continuatio non parum alteretur. Hæc omnia facient, tum proprium sanguinis vitium mox memoratum; tum plenitudo valorum nimia per suppressas evacuationes solitas; tum cohibitus ejusdem refluxus per impeditas jugulares venas, vel à grumo sanguinis, vel à polypo aliquo corpore in ipsis enato, vel à tumore aut laqueo constringente &c. sic enim sanguis in cerebro aggeritur, vasque sua tenella ad disruptionem usque distendit; tum concussio, delapsus ex sublimi, ictus, vulnusque cerebri profundum; tum abscessus, aliisque tumor in cerebro enatus, atque ad certum augmentum deductus, itaque locatus ut præcipuas glandulas, indeque productos nerveos canaliculos comprimat, sicque totam visceris œconomiam interturber; tum spirituum animalium refluxus subitus ad propriam originem, à timore vel alia aliqua causa occasionali inductus, qui confusionem & consternationem inibi pariat &c. Quæritur hic quomodo cessante per morbum, rationesque illius jam allatas, motu omni voluntario, perster tamen motus naturalis? Cui quæstioni facile est Willisio respondere, cum enim aliam spirituum motibus spontaneis, aliam eorum qui motibus naturalibus dicantur, originem faciat, illam affici posse hac intracta affirmare potest. Verum quandoquidem de hisce omnibus a Viro Clarissimo asseritis non ita constar apud egregios Anatomicos, satius est dicere primò in confusione & conturbatione spirituum à morbo attonito, aut potius ejusdem causis facta, illos animæ imperio ita subtrahi ut mandata sibi commissæ nec exequi valeant, nec aliquid pro unione inter duas hominem constituentes partes continuanda, facere. Secundò & præcipue, facillimum esse spiritibus eas subingredi vias quæ ab ipsis foetus rudimentis jam tri-
ta, animali auræ pro puncto saliente movendo, devehendæ assueverunt, sicque spiritibus quantumvis depauperatis & conturbatis paulatim reddita sunt. Quod idem dici nequit de aliis nervis motus scilicet spontanei instrumentis, quandoquidem illi nequaquam continuato indefinenter spirituum influxu fuere actuati, sed tantum per intervalla, unde viæ per eos non ita sunt apertæ & liberæ, quin vi aliqua ab anima, ex ejus cum cor-

pore unione impressa, opus sit pro spiritibus in eosdem inducendis.

Signa Apoplexiæ diagnostica ex suprâ dictis abundè latis patent: Si quis enim subito corruat motu, sensu, ac voce destitutus, sola respiratione eaque difficili & stertorosa, imò quandoque nulla permanente, si membra laxa suo pondere concidant, non minus quam mortuorum, pulsu interim in principio satis forti & pleno, aliquando etiam debilissimo, perstante, apoplexiam adesse non erit dubium. Distinguitur autem à Syncope quòd hanc sensus non destituat, pulsus tamen absolute deficiat. Ab epilepsia in qua membra non flaccida sed variis motibus & agitationibus convulsa videntur. A Lethargo in quo & febricitat æger, & oculos subinde excitatus aperit, atque ad interrogata delirans respondet. A Caro in quo respiratio non est difficilis, ita ut eo affecti tranquillo & quieto somno dormire omnino videantur; imò in quo omnis prorsus sensus non intercipitur. A suffocatione uterina, in qua patiens subinde conqueritur, atque interrupta suspiria ducit &c. *Signa Apoplexiam præcedentia* pro varietate causarum etiam variant; si enim à sero cerebrum opplente oriatur, præcessit sopor, hebetudo atque ad actiones animales quædam imbecillitas, memoriæ imminuta atque gravitati capitis & totius corporis adjuncta; Si ab extravasato sanguine, ni illud à vulnere contingat, prægressa fuit ut plurimum dura cephalalgia; Si ex abscessu, febris, lethargus, imò phrenitis præivert; Si à tumore alio, stupiditas, tenebrosa atque vertiginosa affectio, imò gravans capitis dolor, ejus fuere præcursores. Apoplexia à vulnere continuitatem cerebri solvente, ab ictu aut casu partem tum commovente, tum canaliculos nerveos contorquente, à laqueo vasa sanguinem è cerebro referentia constringente, à timore grandi spiritus ut dictum est conturbante, venenis & exhalationibus venenatis aliisque causis externis enata non habet signa sui præcedentia.

Prognosis quod attinet, vix alia quam funesta potest denunciari, cum Apoplexia sit morbus acutissimus & periculosissimus, dicatque Hippocrates experientia fretus fortem apoplexiam impossibile esse solvere, debilem verò non adeò facile. Quid verò affectum hunc validissimum à debili per varios suos gradus distinguat, ex superioribus innotescit. Asserit præterea Hippocrates eos ad vitam non redire quibus spuma circa os apparet, quamvis Galenus nonnullos in vitam reductos, referat quibus spuma circa os apparuerit. Sed attendendum ad naturam spumæ credit Ettmullerus, alia enim vera est quæ ex imo pectore sensim scaturit, & sursum fertur sensim sensimque augmentata; alia illegitima, (qualis est epilepticorum) ex membranis pituitariis, vel potius glandulis iis insertis atque subjectis, abundè stillans: illa omnino quid omnino exhibet, hæc verò non item. Non dubitamus à variis respirationis lætæ gradibus, indeque denominata apoplexia, debili, valida, ad validissima, prognosim cum Hippocrate deducere, validissimamque apoplexiam in qua respiratio prorsus deficit, deploratam pronunciare, interim cum Willisio credimus sideratos qui mox pulsu & respiratione privantur, & paulò postea infrigidati, animam exhalasse videntur, non statim lecto esse eximendos aut administrationibus Medicis destituendos. Imò quamvis vitæ spes nulla

nulla affulserit, non nisi post tres aut quatuor dies sepultura esse mandandos; quippe tales aut sponte, aut remediorum usu quandoque revivunt. Nam etiam si pulmones à pectore alternatim per musculos suos elevato & compresso sensuiter non moveantur, interim tamen à propriis suis fibris tacite agitantur succoque in suis valis contentos aliquatenus promovent & pelant, unde etiam si pulsus non appareat, circulatorio tamen quadam intestina permanet. Sic Hirundines, si Autoribus pluribus fides habenda, in fundum maris Baltici se deicientes, illicque per totum hyemem inhabitantes, nulla sensuiter fruuntur respiratione per totum suæ submersionis tempus, interim succos conservant in venis suis circulationibus quam maximè aptos, siquidem adventante æstate, à solis radiis vires mutantur satis integras, ut ex imo maris volatu suo non tantum auras petere, sed etiam ad remotas regiones transigrare queant. Eadem est ratio sumerstorum de quibus in Ephemeridibus Germanicis fit mentio. Sic & nos aliquando in aquis suffocatos, caloreque, motu, sensu, respiratione & pulsu prorsus destitutos, vidimus ad vitam reductos, tum per inversionem corporis, inductumque calorem, tum præcipuè per insufflatum in tracheam per tubulos aërem, qua ulima methodo canes strangulatos & per horas jam resolutos, non semel excitavimus, facta scilicet in iis laryngotomia, atque per intrusum in tracheam tubulum, insufflato sordide aëre, quo machina pneumatica vi strangulationis sopita rursus actuaretur, succique omnes animalis per ipsam transvecti.

Si evacuationes tum per venæ-sectiones, tum per vomitoria & purgantia validiora peractas, imò si adhibita alia remedia excitatoria levamen aliquod sequatur, spes salutis affulget; sin verò affectus vi omni remediorum major supra nyctemeri spatium sine remissione persistit, aut in deterius vergit, de ægrotante concludatur. Si in difficillima respiratione sudor supervenit lethalis est, oppressionem enim integram, non verò naturalem aliquam atque profuturam secretionem denotat. Si Apoplexia juvenem mediæque ætatis virum temperamenti sanguinei, adortur, non æquè funesta erit ac si senem, debilem, aut emaciatum aggreditur. Si post primum morbi attoniti insultum bene finitum, ægrotans tamen torpidus magis fiat, imò crebra vertigine afficiatur, signum est recidivam in procinctu esse; si verò cerebro bene liberato hemiplegia aut paraplegia fiat, vix recurret apoplexiæ paroxysmus. De prognosi apoplexiarum omnium à causis occasionalibus mox memoratis prognatarum facile est pronunciare; de ea tantum quæ ex ebrietate fit adducemus ex Hippocr. Aphor. 5. sect. 5. Si ebrius quispiam repente obmutescat, convullus moritur, nisi febre corripiatur, aut ubi ad horam pervenerit, quæ crapulæ solvantur vocem recuperet. Notandum autem hic per obmutescentiam sive *apoplexiam* Hippocr. apoplexiam designare, quod supra jam vidimus.

Curatio vel est pro paroxysmo præterente tollendo, vel pro eodem imminente præcavendo. In præterenti paroxysmo, quandoquidem vix satis percipi potest, an à causa invincibili, abscessu scilicet suppurato, vel tumore in cerebro nato &c. originem trahat, festinanter adnoscendum ut cerebrum liberetur, spirituumque vigori suo restitu-

torum viæ expediantur. Itaque primò ut sanguinis in cerebrum impetus ex situ ægri aliquatenus cohibeatur, hic, si satis robustus fuerit, commodè extra lectum in cathedra tenuiter vestitus locabitur; si verò imbecillis lecto imponetur sed capite erecto ac ad latus modò unum, modò alterum inclinato. Hisce enemateque acriori injecto, quandoquidem sanguis nimis turgens causam morbosam aut inferre, aut augere valet, de ipso sedando primo cogitandum, eumque in finem in quibuscumque ferè apoplecticis necessaria est venæ-sectio; quam is enim de ea Cornelius Cellus pronunciet lib. 3. Cap. ultimo apoplecticum vel occidere vel liberare, sæpe tantum morrem differre, vitam interim infestare, non minùs eam, etiam larga manu, celebrabimus. Postea vesicatorium amplum cervici atque cruribus, cataplasma attrahentiæ plantis pedum applicabimus, tempora & nares imò palatum oleis succini, aut castorei sale volatili oleoso nostræ præparationis, item balsamis rutæ, atque apoplecticis variis sed sine moscho ac ambra confectis perungemus; atque in vehementiori malo sal volatile viperarum, aut sanguinis humani, probe pulveratum per nares in os ipsum parçè insufflabimus. Vomitorium interim parabimus, illudque in minima dosi, quò scilicet faciliùs hauriatur; huic intentioni adhibebimus vel extractum Glauberi emeticum ad 3 j. aut 3 ij. vel solutionem tartari emetici adjecta, dosi extracti panchymagogi in spiritu vini soluta, & paucò sale volatili viperarum. Vel si largiorem haustum ebibere æger valeat, decoctionem purgantem validam conficiemus illique cum speciebus benedictæ laxativæ, syrupoque rhamni cathartici &c. adjungemus vel vinum stibiatum vel oxysacchar. Salæ &c. Si ab ejusmodi remedio nec evomat, nec alvum dejiciat æger, clysterem acriorem iterabimus, atque si opus fuerit suppositorium etiam in anum intrudemus, quò scilicet intestinum crassum alias sopitum, excitemus, seque citius exoneret faciamus. Frictiones totius corporis & præcipuè ejus extremitatum dolorificas, cum succussionibus etiam moderatis interponemus, salia volatilia naribus continuo admovebimus, eaque frequenter in spiritu ceraforum nigrorum, lilior. convallium, aquis apoplecticis & epilepticis compositis soluta, haurienda exhibebimus. Si verò malum non minus interitum perseveret jugulares venas aperiemus, toti capiti raso vesicatorium imponemus, sternutatoria volatila ex florib. lilior. convall. ciclamine, asaro, elleboro albo, imò ipso etiam euphorbio parata in nares insufflabimus, cauterium actuale nuchæ inuremus, cucurbitulas scarificatas scapulis, continuòque etiam femoribus & tibis, applicabimus, aliæque etiam supra memorata repetemus. Hirundines temporibus, vel pone aures, vel in ipso nato, admovebimus, nec præsidia priùs intermitteremus, quàm à paroxysmo liberatio, aut ab eodem mors advenerit.

Curam prophylacticam quod spectat, ea respicit tum eos qui insultibus apoplecticis fuere tentati; tum eos qui in hos proclives videntur, qui scilicet à parentibus apoplecticis sunt procreati aut vertigini, incubo ac lypothimiæ frequenti obnoxii vivunt, quorumque caput amplum sustinetur à collo toroso &c. Hæc autem cura remedia nec ita valida, nec tam multa expetit, sufficiat igitur vere & autumnò catharsim atque phlebotomiam

miam, imò quandoque vomitionem semel instituere, decoctaque subinde, pulveres, electuaria, atque aquas stillatitias ex antiapoplecticis parata, assumere, adjecto salium volatilium usu frequenti tanquam antiapoplecticorum omnium veræ basis. Fontanellæ, si corpus sero multo turgat, vel inter homoplatas, vel in brachio atque crure, cruciatim excaventur, non neglectis interim, variis annis temporibus, pilulis usualibus, tum ex massa de succino Cratonis adjecto oleo succini, ejusque sale volatili verè urinoso, tum ex aliis id genus, noctu hora somni, sub ipsum lecti ingressum vorandis. Imprimis verò exquisita victus ratio instituat, erroresque omnes in rebus non naturalibus vitentur. Remediorum antiapoplecticorum tam simplicium quàm compositorum, è quorum sylva seligi potest quò parentur variæ formæ medicamentæ, catalogus potest videri, tum in Schroëderi Pharmacopœa illustrata & aucta, seu potius indice morborum atque remediorum ipsi adjecto, tum alibi passim; quapropter non est quod de iis hic ulterius agamus.

Curationes.

In Apoplexia qualicunque insignis est: 1. Spiritus cerebri humani, 2. Sanguinis arteriosi humani spiritus, cujus vires insigniter commendat D. Grafeccius Argentinensis in libro suo de vita humana nuper edito Spiræ in quarto 1615. Germ. utriusque operationis & vires vide ibid. in aliquot observationibus ab ipso habitis. Spiritum sanguinis arteriosi vocat *Aq. Benedictam*: spir. cerebri humani vocat *aq. auream*. (Quod si sanguis desit humanus, qui ex brutis, cervis potissimum & damis extrahitur eodem successu substitui potest, phlegma per alembicum, spiritus & oleum per retortam, extillat, quæ separanda, ut autem sanguis conservari possit, affundatur spiritus vini, quo, si recens destillandus, non opus est.)

Apoplecticos excitant 1. Mercurius vitæ justâ dosi exhibitus: à crebris enim vomitionibus in robustioribus prima regione ventris expurgata, paulo post ad sese redeunt, præsertim si epithema fiat in suturam coronalem ex succino pulverisato, & in sacculum oblongiorem interpassatum conformato, prætereaque in aqua vitæ vel spiritu vini cum pipere longo essensificato, & cum ol. succin. gut. aliquot adperso, decenti ligatura suturæ coronali imposito multum prodest, si (in debilibus scil. præsertim ubi Mercurius vitæ non est exhibitus, enemata primò leviora, postmodum & aciora injecta fuerint. 2. Excitant sternutationes præsertim ex semine nigellæ & seniore nigra, hoc est helleboro nigro Paracelsi (ex moscho & ambra) it. sem. lolii, tutius & melius, exempli gratia.

℥. Fol. majoran. 3 ij. sem. nigell. 3 j. rad. ellebor. migr. ʒ ij. mosch. opt. ʒ ss. ambr. gr. vj. m. f. pulvis dosi magnitudine pisi, insufflatur in nares utramque calamo fortiter. 3. Fumus pennarum perdicum. It. fumus succini, vel etiam ol. succini intra nares sæpius cum penna perdicis sumptum.

N. B. in Apoplexia mirabilis est ille balsamus vitæ ex nobilissimis illis balsamis, Orientali nempe & Turcico, itemque oleis aromatum diligenter confectus à nobili Chymico Joan. Eichtenac-

ker, dosi à gr. ij. ad iij. in mistura simplici cum aq. appropriata, de quo in notis ad Crollium.

(Spiritu salis armoniaci naribus admoto excitatos fuisse apoplecticos testatur illustris Boyle, ejusque optimum & facillimum destillandi modum describit. Aquam cucurbitæ infundit unâ cum sale armoniaco, tum calcis vivæ pulverem adjicit, statimque adaptato capitello excipulum accuratè connectit, lenique balnei calore destillat spiritum, quem semel aut iterum rectificat, quo vix ullus elicietur spiritus præstantior & foetidior, præter alios usus & hysterics mulieribus apprimè conducibilis.) In præservatione maxime conducit Balsamus Apoplecticus Crollii. It. aq. vitæ apoplectica ejusdem.

Ad præservationem autem & curationem unice prodest aqua antiapoplectica meæ compositionis, quæ sic est.

℥. Flor. lilii convallium mense Maio cum exitu solis collectos (maturos & adhuc roridos statim in vitrumingere sine lotionem ulla) eosque recentes sine apiculis, saltem protuberantes flores abscerptos in vino generoso, malvatico vel alio dulci digere ad solem, in vitro optimè clauso, relinque tamdiu, donec etiam lavendula floreant, cujus flores cæruleos sine calicibus & apiculis diligenter separatos æquali pondere, conjunge cum floribus lilii convallium in idem vitrum, quod firmiter clausum relinque usque ad mensem Septembrem. Tandem per alembicum ex B. destilletur, & quæ primo loco egreditur aqua spirituosissima diligenter reservetur. Est nimirum pretiosa & tam præservando quàm curando Apoplecticis prodest (reliqua etiam usui esse potest, sed tam virtuosa non est, facit in primis ad frictiones membrorum) ex capite mortuo elici potest sal. Hæc aqua diu durat & fragrantissima est, dos. cochl. ss. vel j. per se etiam i ss. vel ij. pro ægri & morbi naturæ cum gut. una atque altera olei succini jejuno stomacho.

Aqua apoplectica alia.

℥. Flor. primul. veris ʒ j. lavendulæ, stœcadarabicæ ana ʒ j. riliæ, bugloss. ana ʒ i ss. anihos, nymphææ ana ʒ ss. Rad. pœon. caryophyllatæ ana 3x. zedoariæ, macis, spicæ Indicæ ana 3iv. Iridis Florentinæ, visci quercini ana ʒ j. galangæ, caryophyllor. ana 3vj. pomor. citreorum recentum. ij. rasur. lign. sassafras 3 i ss. fol. majoran. artemis. ana m i ss. rorismar. m. j. sem. fœnicul. sileris montani, pœoniæ, basiliconis ana 3 iij. confractis & contusis crasso, modo affunde in matracio capaci aquæ rosarum ʒ j. vini generosi, ʒ ij. simul per 3 dies vase bene clauso digerantur, hinc adde recenter expressi succi ex foliis salviæ ʒvj. betonic. melissæ, spiritus vini ʒ iv. Denuò per 3 dies digeratur & destilletur in M. B. per alembicum ad siccitatem. Fiat semel cohobium. Hinc per se in cineribus vel B. aqua illa rectificatur, destillando 3. partes, quarta relictæ, & inferendo rostro alembici, moschi, ambre ana gr. vj. bombace involuta, tandem omnia in vitro bene clauso servantur. His omnibus potest annumerari diaphoreticum in peracutis, præsertim, si cum ejusmodi aquis appropriatis apoplecticis mixtum exhibeatur, & sudor provocetur. *Joan. Hartmann. Practic. Chymiatric.*

Curatio apoplexiæ certa, tuta, & jucunda in sublatione causarum materialium ipsius apoplexiæ consistit: cum enim apoplexia dependeat à sum-

ma venarum & arteriarum partiumque omnium, quæ commercio spirituum vitalium atque animalium inserviunt, obstructione; quumque ea in veneno quodam glaciali ac summe frigido partes illas valdoperè constringente & quasi glaciantē consistit, adeo ut spiritus vitales atque animales liberum patentemque aditum ad partes omnes, quas alioquin suis vitalibus radiis illuminare ac collustrare debebant non habeant, ideoque si quis citò tutòque ac jucundè apoplexiam curare cupiat, has causas omnes tollat necessum est.

Non possunt autem hæ causæ omnes citius, tutius, jucundiùsque eliminari; quàm remediis sequentibus. In primis ergo natus calor, qui glaciali illo veneno ferme exstinguitur, essentiâ roris marini & spiritu vini alcoholisatò insimul in quantitate æquali mixtis, & ad 3j. ana propinatus, refocillandus est, ut, si fieri potest, excitetur febris.

Deinde elapsâ horâ post propinatam istam essentiam, vomitus datâ sal. vitriol. 3j. & in aq. saly. aut alterius alicujus vomitivæ 3j. dissolutâ provocandus est: Secretum namque curandæ apoplexiæ in vomitu consistit, quoniam per motum illum, quò ventriculus pectusque sursum atque deorsum commoventur, summa illa obstructio tollitur; unde vinum emeticum, ut & flores antimonii aut pulv. emeticus, atque omnia ea in apoplexia summo perè tunc profunt, quòd vomitum excitando omnia illa viscosa & glutinosa venenoque glaciali infecta protrudant, idque citò, tutò, ac jucundè.

Cætera autem quæ communiter præscripta videntur, teste experienciâ, inutilia, ut frictiones & sanguinis missio, reperiuntur, nisi corpus apoplecticum sit valdè plethoricum aut sanguine turgat in quo casu sanguinem mittere licet ad quantitatem satis maximam, alioquin tunc missio sanguinis mortem potius accelerat, cum corpus sic magis refrigeretur & venenum illud glaciale, quo corpus congelatur, potius augmentetur, aut saltem diminuto hinc calore nativo proprietas hujus veneni propageretur.

Purgato corpore postmodum ad sudorifica maxima deveniendum est: Illa enim radicitus ea omnia tollunt, quæ in apoplexia relinquuntur, quæ paralyin facere solent. Si igitur corpora apoplecticorum ritè purgentur, & post purgationem terque quaterque iteratam sudorifera adhibeantur, ita ut sudor copiosus provocetur, tunc in Paralyin non incidunt atque sic ab apoplexia omnino ex voto sublevantur.

Sudoriferum igitur illud, quò maximè sublevantur apoplectici, est stannum sudorificum quod sequenti paratur modo.

℞. Stann. Anglic. ℥j. liqueatur in tigillo, & postquam fufum est, auferatur ab igne, & adjicitur ipsi Mercurii crudi optimi pariter ℥j. ut fiat amalgama: Amalgamati huic trito add. Mercurii sublimati itidem, ℥j. & permisceantur insimul ac probè contendantur in mortario marmoreo; postmodum retortæ forti hic perindatur, & lenissimo cinerum igne destilletur, quo ipso aqua perclara destillabit in vas recipiens, cui tamen in antecessum etiam aqua communis stillat. ℥j. infusa esse debet. Postquam ergo omnis liquor stillaverit, & retorta refrigerit, tunc retortæ illi, si adhuc sit integra omnis illa aqua recipientis cum liquore stillat., uncta infundenda est & super cineres calidos

ponenda; ut materia, quæ remansit in retorta cum hac aqua liqueat, tum temporis amalgama mercurii & stanni. separatur à capite mortuo, quod cum salis stanni sapiat naturam, sic resolvitur cum hoc recipientis liquore. Hæc ipsa autem cum sit turbida, ideo filtranda est, ut solutio illa salis stanni clarescat, filtrum verò chartaceum infundibulo aliquo vitreo est stabiliendum, ne a pondere ipsius aquæ rumpatur. Postquam sic clarificatus est liquor, destillandus est igne cinerum in retorta vitrea nitida ac nova & stillatus hinc liquor magneti infundo retortæ superstiti demò est reddendus, ut dissolvat illud; quæ solutio postea iterum filtranda est ac destillanda, atque hic labor quater aut quinque repetendus, donec sal in fundo retortæ superstes sit albissimum, tunc enim demò solvendum est, ac dissolutum filtratumque retortæ vitreæ quam maximè imponendum, cui sal. nitri opt. & purificatissimi unc. vj. sint injectæ, retortæ autem maximum recipiens jungendum est; hæc etenim materia valdoperè ebullit, ac materia elevatur, & foras exit cum vento & impetu maximo: Nisi itaque recipiens sit magnum & retorta maxima, materia illa perdetur. Ebullitione igitur super cineres tepidos transacta ex retorta stillandus est liquor ad siccitatem usque materiæ, quæ in fundo retortæ, albissima remanet: Et hæc sine ulla alia præparatione & lotionē sudorifera est. De eo gran. x. accipienda sunt: Permisceri autem id remedii debet cum essent. saly. 3j. & tantundem spiritus optimè rectificati; quæ simul mixta ægroto sunt propinanda, deinde statim cooperiendus quàm maximè est æger, regulis & aliis vasibus aquâ bulliente plenis, adeoque omni arte sudor est provocandus, quòd prolecto eo æger dein in tuto existat: Neque calidarum essentiarum exhibitio timenda est, quum valdoperè hæc omnia apoplexiæ curandæ prosint, utpote quæ febrem pariter atque sudorem excitare possunt. Joann. Petr. Faber.

Animadversio Langii in eundem.

Tutior certiorque curandi ratio vix excogitari potest causarum materialium & morbo occasionem præbentium remotione, qua præstita morbus evanescit utique. Et hoc ipsum de apoplexia nobis etiam existimamus dictum, cui id in super notandum adjungimus, quòd cum fortissimæ apoplexiæ contumacissima etiam ac vehementissima existat causa, generosa etiam & valdè magna, præsertim scilicet damnatam illam materiæ pertinaciam expugnandi facultatem habentia, tunc adhibenda esse, velut hoc quoque ex remediis ab authore laudatis jam luculentum evadet.

Sed sciscitabitur hic protinus quispiam, cur Author, qui tantoperè antea causarum remotionem citò moliendam commendavit, à confortantibus & generosè calefacientibus remediis curæ auspiciū nunc faciat: Ratio nempe in proclivi est: cum enim apoplectico stupore tacti sensu motuque propemodum existant destituti, ac proinde consopiti & in illis sint omnes facultates & actiones, adeoque insimul etiam medicamenta deglutiendi potestate pariter tum careant, incassum sanè porrigentur pharmaca, licet præsentissimâ virtute celeberrima, deglutire atque in ventriculum devenire, adeoque in actum deduc-

deduci ista queant: Ideoque prudenti consilio hujusmodi spirituosa ardentia & penetrantissima medicamina tunc prius exhibere jubet, ut calor natus ad incitas redactus, atque in proximo extinctionis gradu constitutus hoc modo nonnihil refocilletur, atque sic deglutendi facultas quodammodo saltem irriteretur, quo vomitivum, in quo revera curandæ apoplexiæ arcanum consistit, ut mox id demonstrabitur, in ventriculum demitti possit. Neque dubitamus etiam hæc ratione spiritum seu calorem nostrum, nisi penitus jam extinctus sit, fervorem quendam (Auctor febrem vocitat) concipere, atque sic officii sui de novo quasi memorem fieri posse, præsertim si cautela illa juxta advertatur, quam subsequenti paragrapho adicere constituimus. Præ reliquis autem spiritibus & aquis antiapoplecticis seu specificis essent. rosmar. dubio sine cum spiritu rectificatissimo parata (magis tamen pretiosa & adpropriata evadet hæc essentia, si proprio suo spiritu, qui scilicet elicitur ex succo rosmar. fermentato, & suo etiam sale fixo imprægnatur, conficiatur,) hæc commendatur, quod magnæ virtutis sit rosmarinus, & ob effectum probatissimum herbæ salutaris appellationem à latinis hinc acceperit: Pollet namque excalefaciendi, attenuandi, resolvendi, & obstructions referandi virtute non tantum egregie, verum ad rigidos etiam & stupidos resolutosque capitis morbos (id est soporosos capitis affectus) cum applausu Practicorum masculè præstat. Deinde huic essentia spir. vini alch. h. l. id est per frequentes cohobationes seu destillationes ad summè volatilem subtilitatem perductum, & in virtute sua mirè exaltatum associat Auctor, quod ineffabilem vim penetrandi & naturam tunc consopitam ardoris sui stimulo irritandi excitandique possideat. Verum quid nobis hæc porius agendum esse videatur, & quomodo unâ fidelia duo pariter sint dealbandi, hoc est uno medicamento scopi principales expleri possint, jamjam monebimus.

Quod secretum & singulare quasi mysterium scilicet curandæ apoplexiæ in vomitu consistere affirmet Auctor, nos omnibus modis approbamus, & partim hoc thema jamdudum in Miscellaneis nostris curiosis per partes suas diduximus, partim etiam in præsentibus verbis tamen ad compendium coadditis adhuc nunc arbitrari non pigebit: Nempe viscidissimum & quasi glaciale, adeoque contumacissimum hoc excrementum nonnisi vehementissimâ commotione resolvi & protrudi poterit, id quod nullâ melius ratione quam generoso remedio vomitum ocyssimè provocando impetrabitur: Per hunc enim vehementissimæ commotionis impetum seditio quædam ac veluti tumultus in toto corpore & omnibus ejusdem partibus effectissimè concitatur, natura alto & funesto quasi sopore sepulta suscitatur, eaque ad arma sic cogitur, & hostile hoc excrementum valde commotis concussisque partibus visceribusque pariter commoveretur, atque ex voto tandem extrahatur, ut sic natura ab infestissima & glaciale hac humorum visciditate hætenus gravissimè oppressa unâ cum viscerum meatibus pertinaciter obstructis rursus sui juris fieri queat. Quod verò vehementer commoto ventriculo confestim quoque in consensum trahatur & con-

simili vehementia vellicetur aut concutiat cerebrum, non tantum ex communitate nervorum recurrentium, quia à cerebro oriundi orificio ventriculi implantantur, Anatomicis tam famigerata, verum etiam ex interiore ventriculi tunica faucibus quoque communi, & à cerebri seu meningibus producta satis conspicuum esse potest. Dum enim per impetuosam hanc ex vomitu commotionem nervi recurrentes quoque & interior ventriculi tunica fortiter convelluntur, necessariò quoque tota cerebri & ejus membranarum nervorumque inibi exorientium æconomia contremiscit quasi & lancinatur, adeoque factâ hac irritatione, vel si sic loqui liceat, partium trepidatione, spiritus ad redintegrationem motus & actionis suæ exstimulantur. Clariorem uberiolemque hujus negotii qui expostulat expositionem, haud gravatim Curiosorum nostrorum circiter adeat primordium. Deinde vomitorium excellentissimam præstantiam in cura apoplexiæ dicteria Helmontii adscriptu dignissima pulchrè etiam confirmant, quæ adponere non displicet: Ens apoplecticum, inquit ille, in stomacho præens animam quatit. Item apoplexiæ scena circa stomachum seu orificium ventriculi præcedit atque peragitur: certum etenim est, susceptum in stomacho excrementiæ mucilaginis vitium ac rudimentum latè & ad remota in corpore nostro potenter dispergi, unde remediis quoque stomachicis in tempore oblati beneficium restitutionis in hoc casu, utpote in quo mali origo & ridus ut plurimum residet, in ventriculo infirmo aut eruditatibus præpedito, facile præstari potest, imò nobiliora stomachica cerebro semper sunt accepta, ex adverso cephalica specifica ventriculum præstantissimè etiam solari solent, atque id quidem sub fide rationis & testimonio experientia indubitissima. In hoc ipso igitur cum Auctore consentimus, quod medendi jam dictam rationem aut arcanum attinet, sed in eo stare ab ipsius parte non possumus, dum observatâ unius horæ pausâ post adhibitam rosmar. essentiam demum ad emetica accedendum esse statuit: Anima namque curandi dicitur sine cunctatione arrepta occasio, & tempori ritè observato magnum est ponendum pretium. Pindarus *δυνασπέρων* laudibus multis extollit Medicum, qui tempestivè omnes commoditatis articulos in curatione amplectitur: Proinde etiam occasionem medendi Hippocrates momentosam vocat ac præcipitem: Hæc enim elapsa inevitabilis ad ferale exitum appropinquat non tam inclinatio quam præcipitium. Ideoque monemus ne citò auxiliari in apoplexiâ quis differat, quia irreparabilis est hoc in casu opportunitatis jactura. Atque propterea asserimus seriò, ut vel statim post propinatum spirituosum medicamen omnis moveatur lapis quò emeticum apoplectico pariter sine mora insinuari queat, vel quod consultius unâ cum ess. rosmar. tanquam vehiculo porrigantur, aliquot Mercurii vitæ philosophicè præparati (nempe v. vi. vel vii.) grana, vel tale infusum, dum videlicet ut artis est; spiritus vini rectificatissimus seu aqua aliqua antiapoplectica pretiosa croco metallorum vel laudato vitæ Mercurio (qui sanè sic nominari meretur, quod vitam jam abeuntem potissimè valeat revocare,) vel floribus antimonii affunditur (hæc recensemus aquam Rulandi benedictam) atque eadem sic emeticâ virtute im-

prægnatur, citò citissime propinetur vel juxta Autoris manuactionem sal vitrioli curiosè purificatus in aqua hujusmodi seu essentia spirituosâ dissolvatur atque sic exhibeatur: Sic enim geminæ statim satisfier indicationi, dum & calor natus hinc potenter excitabitur, & ratione energiz emetica partes membranosæ nervosæque faucium stomachique vellicabuntur, atque sic citiori negotio vomitus provocabitur, summèque glutinosa excrementorum visciditas propullabitur: Et quamvis primâ vice hujusmodi remedium in ventriculi fundum non pervenerit, tamen fauces ad minimum eâ quâ pollet lancinandi potestate irritare valebit, ut deglutendi facultas exinde pariter exstimuletur, atque iterata dosis postea minùs impeditum per orificium ventriculi consequi transitum queat. Quo magis itaque acceleratâ ope vomitus concitari poterunt, eò certior etiam spes restituendi apoplecticum adfulgebit, modò tum ulterius præstanda perperam non negligantur.

Levioris moneræ præsidia in paroxysmo apoplexiæ frictions & cucurbitulas utrasque tam scarificatas quàm non scarificatas seu ventosas, nec non ipsam venæ-sectionem esse (nisi summa plethora fonticam hanc obstructionem efficiens ac sanguinis circulationem ob nimiam valorum repletionem cohibens hanc exposcat in quo casu copiosè emittendum sanguinem nos seriò quoque hortamur.) Autori ambabus manibus largimur, atque ratiocinio ipsius hac de re instituto album quod dicitur calculum prompti addimus. Ad quam classem clysteres etiam utut acres referendos esse exstimamus, si neglectis nimirum emeticis in paroxysmo apoplexiæ illi adhibeantur: Tanti enim tum valoris non sunt, ut unica opitulandi fiducia ab excellentissimis etiam Practicis in eos collocetur; post usurpata priùs verò vomitoria, & quando ad se nonnihil rediit æger, convenientia emetica sæpiùs iterata fructuosè admitti nequaquam negamus, quòd hâc ratione tam fomes mali, quàm id, quod de suspectissima excrementorum visciditate aut materia peccante circa vias primas residuum est, penitusque sic eliminari queat.

His in curatione apoplectici paroxysmi præmissis, & corpore ritè rectèque postmodum expurgato ad sudorificorum maximorum, quorum mentio in antecedentibus capitulis passim facta fuit, nos remittit usum, ut omnia & singula hujus characteris recrementa, quæ in vasis aut corporis habitu adhuc delitescunt, ne paralysis exinde fiat, radicatus extirpentur removeanturque. Cumprimis autem hic laudat stannum diaphoretic. seu sudorificum suum maximum, cujus virtus ut ex superioribus jam nobis cognita est, ita notatu existit dignum, quod sudorifica illa cum essentiis calidis (quo epitheto ardentes & cum spiritu vini optimo factas denotat) porrigere præstat: Ut enim juxta Helmontium medicamenta vix nobilitatis alicujus aut singularis præstantiæ titulum sibi vindicare possunt, nisi cum spiritu vini sint nupta, ita tantùm abest, ut noceant eadem, ut potiùs abditissima corporis nostri loca penetrare, ac sudorem efficaciter sic suscitare queant. Atque hæc sunt, quæ Autor pro apoplexiæ medela hîc adnotavit, quam nos etiam in praxi nostra omni ex parte observamus, eamque cum fortunato successu hætenus præsertim in ipso paroxysmo al-

coholaceri virtute vomitoriâ nobilitatum, cui insuper unam aut alteram guttam de oleo camam. destillato (quod spiritus vitales mirè reficit, & proinde hoc ipso nates apoplectici etiam intrinsecus illinere tunc solemus) addere consuevimus, sine ulla dubitatione adhibendo sequuti fuimus: Ubi pariliter fatemur amissam loquelam, nempe familiarem illam apoplexiæ prolem certiori subsidio restitui non posse, quàm ex amicorum iteratorum auxilio, id quod toties probatâ experientia fuit bonâ fide restatur. Oleum succin. alb. stillat. tam extra quàm intra ad habitum probatissimi experimenti laudem sustinere sæpiùs sæpiùsque etiam comperti sumus: Post vomitoria utilissimè omnino enemata nobis sueta aliquoties, iteravimus, spiritum nostrum cephalicum, item sudorifica nobiliora & sanguinem pariter renovantia nempe tinctur. corall. veram atque tinctur. antimonii utramque nostram dedimus, & ita apoplexiæ curam ex voto absolvimus; non enim pluralitas, sed bonitas remediorum hîc respicienda est, quæ Medicum verâ celebritate ac felicitatis famâ unice exornat, Reliqua quæ hic animadvertenda fortè se afferunt, morbi circumstantiæ docto Medico faciliè insinuabunt, &c. *Christian. Langius Patholog. animat.*

Methodus, Therapeutica, aut est curatoria ad paroxysmum, quando ingruit aut præservatoria ad ipsum, ne redeat, præcavendum; prior ad apoplexiam omnem, altera tantùm ad habituales spectat.

Morbi insultu facto, (si non à capitis læsione externa, aut vehementi, præcedat) quamvis nescitur utrum à causa invincibili (cujusmodi sunt sanguis in cerebro extravasatus aut abscessus disruptus) exciterur, necne; utrumque Therapeiam ejus operâ sedulâ conari debemus. Et quia sanguis nimis turgens causam morificam inferre, aut saltem augere, eandemque subsidens, & sedatior factus, nonnunquam auferre solet; idcirco imprimis de cursu ejus moderando deliberare oportet. Atque hîc quæstio oritur de Agrotantis situ; nempe utrum mox in lecto reponi, vel annon extra eum aliquandiu detineri debeat? Nonnulli posterius hoc religiosè observant, nec sine ratione; quia nimirum in lecto major ad somnolentiam propensio est, atque sanguis propter ambientem strati calorem magis effervesceat, & uberius efflagrans, plus materiæ recrementitiæ usque in cerebellum affectum suffundit: è contrâ, dum Agrotans tenuiter vestitus in cathedra locatur, sanguis tardius fluit, atque vasa subsidencia, ad humores ex eorum reorbendos potiùs, quàm ad eos illuc mittendos aptiora videntur. Quapropter si Patiens satis robustus fuerit, expediat forsan, per 6. aut 8. horas, donec materiæ morificæ fluxio prætereat, & sanguinis cursus phlebotomia, aliisque remediis sedulò adhibitis, sedatior fiat, eum extra lectum manere; imbecilles autem, & qui tenellæ sunt constitutionis, quamprimum percussimox cubili committantur. Agrotantis sive in lecto, sive extra ipsum, situs non sit supinus sed capite nonnihil erecto, ac ad latus, modò unum, modò alterum inclinato.

Phlebotomia, in quibusvis ferè apoplecticis necessaria, minimè differatur: verum enemate acriori injecto sanguis copiosè detrahatur. In clystere dissolvatur species hieæ diacolocynth. ac infusio

fusio croci metallorum turbida. Vescatorium amplum cervici, aliaque cruribus & cataplasmata attrahentia pedibus applicentur: tempora & nares oleis aut balsamis appropriatis illinantur, atque membrorum immò totius ferè corporis frictions dolorificæ instituantur: Interim quæ spiritus animales exuscitent, & vinculis expediant, scilicet sp. C. C. fuliginis, & similia cum julapio cephalico subinde propinentur.

Post hæc ægrorante cubili imposito, (si ad vomendum satis facilis, & potens videtur) *emeticum ex sale vitrioli, oxymelite scillitico, aut ex infusione croci metallorum exhibeatur, & subinde pennâ gutturi intrusâ vomitio quater aut quinques proritetur, liquore polletico ex intervallis infuso.*

Vomitio peractâ confortantia, uti *elixyr vitæ, Quercetani, spiritus lavendulæ, aut theriacalis camphoratus, tinctura pœonia, aut corallii cum aquis apoplecticis, aliisque appropriatis in dosi convenienti exhibeantur, & prout res exigit, repetantur. Die secundo iisdem remediis adhuc continuatis, insuper cucurbitula sicca aut scarificata circa homoplatas, aut cervicem applicentur; aut si plus sanguinis detrahere oportebit, vena jugularis aperiatur; enema repetatur; spiritus salis armoniaci aut suffusus ex Galbano in aceto acerrimo casto naribus admoveatur. Insuper errhina, & apophlegmatismi usurpentur: Dein vespere catharsis ex pilulis Rudii, vel electuario rosar. solut. in liquore quovis dissolutis instituat.*

Hiscæ nihil juvantibus, etsi spes tenuis aut nulla est, capitis vertici raso aut ferrum candens, aut vescatorium amplum imponatur; reliqua pars ejus, ac imprimis frons, & sinciput foveatur aceto bezoardico; hirudines temporibus aut post aures applicentur, spiritus C. C. aut fuliginis in majori dosi, & sæpius infundantur; his, aliisque administrationum modis insitendum erit, donec mors in propinquo esse videbitur, quam scilicet (uti Celsus habet) *ejusmodi remedia sæpè tantum differunt, atque vitam interim infestant.*

Methodus prophylactica respicit tum eos, qui insultibus scilicet uno aut pluribus prius tentati fuerunt, tum & eos qui in hos proclives videntur, utpote qui à Parentibus apoplecticis nascuntur, aut qui vertigini, incubo aut lipothymia crebris obnoxii sunt, etiam qui collum brevius & torosum habent.

Vere & autumno catharsis, & phlebotomia (ubi conveniet) instituantur; quoad prius, qui ad vomendum faciles sunt emeticum imprimis sumant ex infusione croci metallorum, cum sale vitrioli, vel ex sulphure antimonii; & dein per tres aut quatuor vices repetatur: fontanelle duæ amplæ juxta homoplatas excitentur, vel, si loca ista quibusdam non arident, unam illi in brachio, alteramque in ciure opposito gestent.

Diebus aliis à purgatione vacuis, *medicamenta alterantia & cephalica bis in die sumantur.*

℞. Conserv. flor. lilior. convallium (vel pœoniae maris) ʒvj. pulv. rad. pœon. maris ʒʒ. cranii humani præp. ʒij. sem. & flor. pœon. maris pulv. ana ʒij. corallii rubr. præp. margar. & succin. albiss. ana ʒj. salis corallii ʒiv. tytop. è floribus pœoniae maris, q. s. f. electuarium dosis ʒij. ma-

nè & vespere superbibendo aquæ sequentis ʒij. vel ʒijj.

℞. Rad. pœon. maris, angelicæ, imperatoricæ ana ʒʒ. rad. zedoar. galang. minor. ana ʒj. folior. visc. pomor. rutæ, salviæ, betonicæ ana m. iv. cort. exteriores 10. aurant. & 8. limonior. cardam. cariophyll. nucis moschar. ana ʒʒ. omnibus confectis & contusis affunde vini albi (in quo stercoris pavonis ʒij. per diem infundebantur) ʒx. claus. infundantur per triduum, dein destill. f. art. liquor totus misc.

℞. Specier. Diambrae ʒij. pulv. rad. pœoniae maris, zedoar. select. ana ʒiʒ. marg. ʒj. ol. succini puriss. ʒʒ. sacchar. albiss. solut. in aq. pœoniae & ad tabul. coct. ʒvj. f. f. a. tabul. pond. ʒʒ. Patiens comedat j. vel ij. sæpius in die ad libitum.

Intra dies 15. aut 20. remedia, quò minus tædio & plus emolumento fuerint, mutari debent; itaque loco *electuarii* substituantur per duas vel tres septimanas, modò spiritus salis armoniac. succinat. aut coralliat. aut cranio aut castoreo imprægnatus; modò elixir pœoniae aut tinctura succini, vel corallii, aut elixir vitæ Quercetani aut mixtura simplex: etiam loco istius aquæ compositæ propinentur, vel aq. cerasor. nigror. vel jugland. vel rorismarini, vel lavendulæ simplicis, modò haustus liquoris polletici, cum floribus pœon. maris aut lilior. convallium incoctis, vel haustus Teæ vel Coffeæ tempore matutino, (aquæ è qua paratur prius incoquendo ejusmodi ingredientia:) vel paretur confectio chocolata ad hunc modum.

℞. Pul. rad. pœoniae maris, cranii humani præp. ana ʒʒ. specier. diambrae ʒij. f. pulv. cujus singulis chartis adde carn. nucleor. cacaoe ʒj. sacchar. q. s. f. confect. sumat hujus ʒʒ. vel ʒvj. quòque manè in haustu decocti salviæ flor. pœoniae, aut similium.

℞. Pulv. radic. pœoniae maris, cranii humani præp. ana ʒiʒ. rad. zedoar. select. dictamn. cret. angelic. contrayervæ, ana ʒij. f. pulvis omnium subtilis, adde flaved. aurant. & limonii conditi ana ʒij. simul terantur in pulverem, sumat circa ʒʒ. vel ʒj. horam 1. ante & post pastum.

℞. Pro potu ordinario doliolum iv. congiorum impleatur Allâ mediocri, cui incoquantur folior. marrubii albi odorati siccati m. vj. fruct. anacardin. cardamom. ana ʒiʒ. confect. & contus. f. sacculus.

Imprimis verò exacta victus ratio institui debet. Aër temperatus, siccus & benè perflatus eligatur; cibi tantum eupepti, & tenues comedantur. Cœna sit parca, aut nulla; somnus meridianus, computationes, aliæque circa res non naturales consuetudines malæ vitentur. *Thom. Willis de Apoplexia.*

Cum levi etiam apoplexiâ correpti vix possint ab interitu vindicari, summa esse debet Medici sollicitudo, ut eos, qui in hanc perniciosissimam affectionem propensi sunt, ab ejus insultu præservet. Cum itaque apoplexiæ causa sit melancholia, præcipuus esse debet omnis præcautionis scopus ut hujus humoris generatio prohibeatur, idem genitus evacuetur, temperetur, ne congenita aciditas evecta aliquando vires suas exerat, & sanguinem figens horrenda inferat apo-

plexiæ symptomata. Cerebri etiam quod præcipua est hujus affectionis sedes, tuendum est robur.

In primis itaque rerum nonnaturalium usus in hos scopos dirigi debet; nec solum humoris melancholici ratio habenda est, sed etiam eorum omnium quæ possunt ad illius generationem quomodocumque conducere, aut illius activitatem augere, aut ad ejus effectus perniciosissimos producendos, aut accelerandos conferre, cujusmodi sunt præcipue plethora & cacochymia pituitosa & morbi varii præcipue cerebri. Quia verò hyeme & tempestatibus humidis frequentius invadit apoplexia tunc major debet esse cura eorum qui in hunc morbum propensi sunt, cavendo ne ab aëris intemperie noxa aliqua suscipiatur, aut si quæ suscepta est emendetur. Quæ præstantissima sint ad præcautionem præsidia facile erit intelligere ex iis quæ dicuntur in hujus morbi curatione, quam jam aggredior.

Cum apoplexia sit abolitio functionum omnium animalium exceptâ respiratione &c. à prohibito spirituum animalium influxu propter obstructionem ductuum cerebri excitatam ab humore melancholico figente sanguinem, ab hoc morbo indicatur obstructionis solutio, & causæ illam efficientis remotio, quibus omnibus citissime prospiciendum est, cum primò succi melancholici afflatu sanguis incipit concreescere; quandoquidem magna & consummata concretio, omnem remediorum vim eludit. Cum verò morbus non modò præceps sit, sed etiam magnus & perniciosus, præter Medici diligentiam, maxima etiam requirit auxilia. Quæ verò magna vocantur auxilia sunt sanguinis missio & purgatio de quibus inquirendum est an & quomodo conferant apoplecticis, sumpto à sanguinis missione inquisitionis exordio.

Quanta sit vis missionis sanguinis ad apoplexiam ejusque causam debellandam experientia quotidiana commonstrat, cum plerique solâ sanguinis missione tempestivè administratâ statim à favissimo hoc morbo vindicentur, eâ vel neglectâ vel in longius tempus dilatâ quæ reliqua adhibentur auxilia nullam plerumque conferant utilitatem, ægrique symptomatum violentiâ de medio tollantur. Quapropter non immeritò in omnium ore est illud Celsi lib. 3. c. ult. ubi dicit *sanguinis detractionem in apoplexia vel occidere vel liberare, aliud verò curationis genus vix unquam sanitatem restituere, sæpe mortem tantum differre, vitam interim infestare.* His addit si post sanguinis missionem non redeat & motus & mens, nihil spei superesse; si redeat, sanitatem quoque respici.

Præcorum autoritas & fausti hujus auxilii eventus, quanti facienda sit in apoplexia sanguinis missio satis suadent iis, qui alios tantum sequuntur, eorum quæ agunt rationes nosse parum curant, satis esse existimantes ad famam tuendam, si magni Medici in similibus occasionibus similiter se gerant. Quia verò convenientem auxiliorum modum ii tantum possunt adhibere, qui ex perspecta morbi natura ejus curationem instituunt, demonstrandum nobis est, ex idea apoplexiæ ejusque causâ juxta doctrinam hætenus stabilitam, quanta sit in hoc morbo necessitas sanguinis missionis, & quæ debeant esse in hoc auxilio administrando præcautiones.

Missionem sanguinis per se indicat plenitudo,

seu in toto corpore, seu in parte aliqua cumulata; ea verò aliquando totum apoplecticorum corpus gravat: certè semper cerebrum & pulmones infestat, ex demonstratis, ac proinde, in apoplexia semper indicatur sanguinis missio per ratione plenitudinis, & per accidens ratione coagulationis sanguinis quam plenitudo adjuvat, & ratione obstructionum quas fovet, ut patet ex dictis. Plenitudine pulmones infestari manifestum ex difficultate respirandi, ex ruptione vasorum quæ aliquando contingit cum effusione sanguinis in thoracis cavitatem, ex pulmonum distentione, quæ aliquando perseverat aperto thorace eorum qui apoplexiâ extincti sunt. Plenitudinem cerebri demonstrant venarum jugularium distentio in vehementi apoplexia, vasorum sanguineorum in cerebro ruptio, & sanguinis effusio satis frequens in ventriculos cerebri aut circa cerebrum.

Utilitas venæ sectionis statim perspecta erit perpendenti apoplexiæ causas & symptomata & quæ sanguinis missionem necessario sequuntur. Undecumque mittatur sanguis totius plenitudo minuitur; sed præcipue ea quæ cerebrum & pulmones gravat, si vena aliqua, ex iis aperiatur, quæ sanguinem reducem in cavam ascendentem convehunt. Cum enim qui sic effunditur sanguis, ab illo alveo subducatur, minor quàm antea illius quantitas in pulmones influit hincque fit ut qui eorum vasa distendit per angustiores ductus facilius in cor elutricetur, indeque in arterias: subducto etiam sanguinis in jugularibus stagnantis impedimento, qui ad cerebrum defertur, facilius ad cor remeat, tum proprio pondere, tum ejus impulsu qui per arterias advehitur. Ob hæc omnia celerius quàm antea sanguis movetur in vasis, à coagulatione prohibetur, & qui in ductibus exilioribus incipiebat concreescere, ibique hærebat, inde extrahitur, & validiore agitatione suæ fluiditati restituitur; ac denique quæ occlusæ erant sanguinis & spirituum viæ referantur. Ad hoc etiam confert restitutus per venæ sectionem liberior sanguinis motus, ut quæ exhibentur sanguinem solventia medicamina ad cerebrum uberius deferantur, & expectatam conferant utilitatem; nec enim facile ad partis cuiusquam interiora penetrare possunt, nisi cum sanguine ad ea devolvantur. Eâ de causâ statim in prima morbi invasione mittendus est sanguis, dum ut ait Hippocrates *adhuc elevati sunt spiritus*, dum viget sanguinis calor & fluiditas, si enim hoc auxilium differatur & sanguis penitus in vasis concresecat, nulla expectanda ex missione sanguinis, aut aliis auxiliis utilitas: cum à consummata coagulatione non detur regressus. Si enim in cerebri vasis fiat ejus coagulatio, immedicabilem inducet resolutionem: si acicula ad cor delatum in ejus ventriculis & vasis vicinis omninò figat sanguinem apoplexiæ syncope copulabit, quæ subito interimet ægrotantem: sic apud Petrum Salium diversum l. de particularibus affect. c. 4. puella 14. annorum, cum per diem capitis gravitatem, vertigines & anxietates passa esset, qui proculdubio erant apoplexiæ prodromi, die sequenti subito extincta est. Secto post mortem cadavere, in arteria magna & in vena cava totus sanguis concretus apparuit, ut apprehenso illius altero principio, ita integer ex vena & arteria educeretur, ac gladius è vagina extrahi solet. Adde quod ad eam coagulationem

vix potest perveniri, quin à sanguinis cum impetu ruentis & exitum non inventientis conatu vasa cerebri rumpantur, & magna sanguinis copia effundatur, unde mors certissima est expectanda. Citissime itaque administrandum est sanguinis missionis prælidium apoplecticis, nec expectandum est, cum res urget, ut clyster aut quodcumque aliud remedium præmittatur: maximè verò in plethoricis, quos sanos apoplexia invadit, quibus, inquit Hippocrates, l. 4. de diæta in acutis *ut plurimum coincidunt rubores faciei, oculorum immobilitates, manuum distentiones, dentium stridores, pulsationes, maxillarum adductio*: his inquam liberalis convenit sanguinis profusio, juxta præceptum Hippocratis eodem loco. *Venam igitur secare oportet in dextro internam, & detrahere sanguinem, secundum habitum & ætatem initâ ratione; plus aut minus.* Ubi æqualis est utrinque affectio venam in dextro brachio secare satius existimo, quàm in sinistro, quia in illo ob majus exercitium, vasa sunt latiora, quàm in isto, ex quibus proinde largiore facta sanguinis profusione, major & magis subita contingit in sanguine mutatio. Unde meritò Hippocrates per venam internam creditur designare magnam. In brachio autem præscribitur venæ-sectio, quia misso ex ea parte sanguine plenitudini totius & speciatim cerebri & pulmonum prospicitur. Ut citius minuatur plenitudo universalis, quidam eodem tempore in utroque brachio venam aperiunt. Capiuaccius l. 1. pract. c. 17. spatium horarum 12. tres venas aperiendas monet, in brachio, in pede, in capite; scilicet ad vacuandum, revellendum, derivandum. Verùm horum indicatio desumi debet à copia & à motu humorum, quem designant: non solum præsentia symptomata, sed etiam quæ præcellere, & apoplexiæ dederunt occasionem. Vires, quæ qualem in mittendo sanguine oporteat modum servare indicant, æstimandæ sunt non ex impotentia præsentis, sed ex robore ægrotantis ante morbi invasionem, quo fit ut etiam pulli ferè deficiente aliquando mitti debeat sanguis, nec metuenda est ob sanguinis missionem perfrigeratio, concitato enim in motum sanguine & prohibita coagulatione redit calor, fitque vegetior, qui quiete sanguinis penitus exstinguitur. Nullus itaque apoplecticus à venæ sectione immunis esse debet, nisi summa virium dejectio prohibeat. An eæ sint penitus exolutæ judicabitur ex respiratoris læsione, faciei pallorè & coincidentia, extremorum aut etiam totius corporis perfrigeratione, sudore post angustiam respirationis. His enim omnibus mors proxima significatur, & inutile foret missionis sanguinis præsidium. Hic subit mirari Medicos, qui existimantes apoplexiæ causam esse pituitam crassam & viscidam obstruentem cerebri ventriculos aut ipsos nervos, nihilominus venæ-sectionem præscribunt; nec enim video quem sibi scopum proponant, nec quâ ratione misso sanguine, tam subito obstructio solvatur. Quod enim tam subito abicit pituita crassa? Quas ipsi, ut inde evacuetur vias aperit sanguinis missio? An illam attenuat, incidit, ac fluidam reddit?

Postquam, sectâ in brachio venâ imminuta est universalis plenitudo, partes præcipuè afflictæ sublevandæ sunt: ad quod præstantissimum est præsidium venarum jugularium apertio, à quibus, ob earum magnitudinem affatim profunditur sanguis, quo restagnante cerebrum gravabatur; &

pulmones hoc onere detracto minùs premuntur, ac parciore affluente sanguine, faciliùs quem continent deponunt in arterias & sinistram cordis ventriculorum: ac tandem liberiore reddito sanguinis fluxu coagulatio impeditur, obstructions solvuntur, functiones animales sensim restituntur. Circa apertionem venarum jugularium experientia suffragatur rationi, eoque faciliùs eæ venæ tundi possunt, quod cum in hoc affectu tumidiore sint, nulla opus est ligatura, quæ hic posset esse noxia, quæque eam ob causam post venarum jugularium apertionem non est arctè adhibenda, sed vulneri imponendum est emplastrum ex bolo armeno, aloë, pilis leporinis & ovi albumine, ac sine constrictione deligandum.

Si non sit locus venæ-sectioni ob virium dejectionem applicandæ sunt cucurbitulæ cum scarificatione scapulis, lumbis, cruribus, brachiis, uni vel pluribus ex illis locis: prout vacuandi, revellendi, derivandi necessitas indicabit.

Hirudines margini ani applicatas conferre ex eo manifestum est, quod spontanea hæmorrhoidum apertio salutaris est, monente Hippocrate loco supra citato. Tum verò sunt potissimum utiles quando in partibus infimi ventris collecta est ingens humoris atrabilarii colluvies, & sublato plenitudinis excessu hirudines applicantur, tum enim & reliquam plenitudinem tollunt, sanguinem atrabilarium evacuant, ejusque qui sit ad superiora motum retrahunt ad opposita. Eadem hirudines venis capitis affixæ, post generales evacuationes & revulsiones juvant: Nec non cucurbitula sincipiti aut occipiti applicata cum scarificatione, sed cavendum ne ante adhibeatur quàm instituta sit conveniens evacuatio & revulsio, aliàs humorum motum ad superiora concitaret.

Frictiones etiam sunt utiles non solum quia revellendi vim quandam obtinent, & calefaciendo sanguinem attenuant, sed etiam quia sopitam animalem facultatem excitant & majorem torporem impediunt.

In apoplexia quæ comitem habet causam concitantem plenitudinem, quam signa supra memorata designant, mittendus est statim sanguis largâ manu, juxta præscriptum Hippocratis nullâ adhibita præcautione, quia vires sunt remedio ferendo pares, & periculum urget. Quando verò non adest plethora, sed humorum acrium ingens copia melancholiæ scilicet acidioris multitudo aut exaltatio apoplexiam inducit, quod indicant dolores prægressi, fomenta venæ-sectioni præmittere jubet Hippocrates, nec abs re. Cum enim venæ inflammantur ac exsiccantur angustioresque fiant, & sanguis sensim concreseat, si iis occurratur per fomenta emollientia, calefacientia, attenuantia, sanguis faciliùs fluet suoque rapido motu quod concreescere incipit, à dilatatis & mollioribus factis vasis capillaribus absterget, si statim post fomentum aut in ipso fomenti usu vena secetur, aliàs metuendum est ne per venæ-sectionem tenuior sanguinis portio effluat, crassiore & coagulari incipiente relictâ, quæ mox exhibendi cathartici effectum impediatur: fovendum autem est præcipuè caput, cum in eo maximum imminet à coagulatione periculum, deinde hypocondria, sed & fomenta & venæ-sectio in ipso sunt morbi principio usurpanda, dum adhuc sunt elevati spiritus.

Postquam demonstravimus missionis sanguinis in apoplexia necessitatem, inquirendum superest an in hoc morbo aliqua sit necessitas purgationis. Cum præcipua apoplexiæ causa sit melancholia, qualitate, aciditatis scilicet excessu aut acerbitate peccans, evidens est humorem illum cum à natura sit alienus, sui evacuationem indicare, eoque magis, quod periculum præsens est, nec datur etiam multo tempore ab aciditate ad benigniorem & spirituosam aut balsamicam naturam reditus: multoque magis adhuc indicatur purgatio si cacoehymia melancholica pituitosa jungatur. Nec post sanguinis missionem, sublata è toto aut è cerebro plethorâ, majorem patitur dilationem purgatio, quam venæ sectio post apoplexiæ invasionem, nisi vires dejectæ ad refectionem moram postulent. Quapropter sine ullo temporis delectu purgatio est quam citissime præscribenda. Nisi enim statim fluidiore reddito sanguine per venæsectionem, & obstructionibus cerebri & pulmonum ex parte solutis, aut earum augmento prohibito, dum adhuc elevati sunt spiritus, medicamentum exhibeatur catharticum, sensim progrediente sanguinis coagulatione, tam pertinax effici poterit partium sanguinis, & humorum ipsi permistorum inter se cohesio, ut omni purgantium vim eludant: imò poterit purgantis ad partes potissimum affectas distributio aut omnino, aut saltem ex parte, viis per coagulationem sanguinis angustioribus factis, prohiberi. Nec qualecunque est exhibendum medicamentum sed vehemens, tale enim indicat, humoris peccantis natura, sanguinis dispositio & ipse locus affectus. Ad primum spectat aphor. 9. sect. 4. *melancholicos vehementer purgabis per inferiora*. Nec enim movetur melancholia nisi mochlico medicamento à reliquis humoribus divellatur. Sanguis verò concreescens aut ad concreescendum proximè dispositus non facile contenta dimittit, sed valido indiget fermento ut ferveat, & partium secretionem patiatur. Denique cum non è ventriculo & primis viis educendus sit humor, sed è tota sanguinis massa, & potissimum è cerebro, necesse est, ut per totum corpus purgantis vis diffundatur, & integra ad caput perveniat, quò nunquam pertinger purgans debile.

Erunt itaque conveniens medicamenti purgantis materia diacarthami, trochisci alhandal, hiera diacolocynthidos, sed maximè vinum emeticum quod, ut per inferiora purget in sennæ infuso dissolvitur. Nec sola vis purgandi vinum emeticum commendat, sed etiam ob insignem, qua pollet, vim sanguinis coagulationem impediendi, & coagulatum solvendi, quod in primis hoc in morbo requiritur; ea de causa, ut vim illam in reliquis purgantibus acuant practici, illis solent castoreum permiscere.

Consideratis indicationibus inquit Hippocrates, medicamentum purgans exhibere oportet, si non allevetur sursum; ad inferiorem verò alvum si non subeat, infusum per clysterem. Spectare debet Medicus quam in partem vergant humores, ut si nullus se prodar ad vomendum motus, aut dispositio, purgatio per inferiora sit instituenda, & contra: per eas enim vias optimè & cum minore ægrotantis molestia sit ope medicamenti evacuatio, in quas humores vel ex propria natura, vel ex ductuum & totius corporis dispositione spontè profluunt. Si itaque ex structura corporis, consuetudine, &c.

ægrotans sit ad vomendum optimè comparatus, & nihil sit aliud metuendum, exhibendum est ipsi emeticum. Verum majora sunt quæ in hoc morbo vomitus inferre potest incommoda, quam ut debeat sine meditatione promoveri. Non possunt enim muscoli abdominis cum in vomentibus contrahuntur subjecta viscera & vasa comprimere, quin sanguinem ex ipsis exprimant & ad caput propellant: unde fit, ut qui extra apoplexiam vomunt, dolorem capitis gravativum patiantur, & venarum in fronte & temporibus distentiones. Hinc patet vomitu in apoplexia concitato noxam augeri, quia cerebrum jam sanguinis statione oppletum uberiori per arterias affluxu adhuc magis impletur, cum magno periculo ruptionis vasorum, maximè quando adest plenitudo ad vasa, aut huic proxima. Tutius itaque semper erit per inferiora purgare, quamvis fortè aliquando vomitum concitare non esset adeò periculofum, cum vasa non sunt humoribus distenta, & vix incipit in cerebri aut pulmonum vasis obstructio. Hic advertendus est frequens error in exhibendo vino emetico, meticolosi enim illud in minori dosi ad unciam scilicet aut sesquiunciam ad summum præscribunt, expectatoque effectu frustrati medicamentum acculant infamantque, quod in adultis & robustis debet ad uncias tres circiter exhiberi ex infusione sennæ. Clysteres acres frequenter injecti conferunt ex decocto herbarum cephalicarum, in quo dissolvenda sunt purgantia valida, diacarthami, hiera diacolocynthidos, benedicta laxativa, aqua benedicta, vinum emeticum, &c. Horum clysterum unus utiliter præmittitur venæsectioni, si quod imminet periculum pariatur dilationem venæsectionis; clysteres enim evacuant ac ad inferiora revellunt, & quod spirituosum est & volatile, tum in purgantibus, tum in cephalicis, in venas illapsum sanguinis fluiditatem auger.

Nec negligenda sunt ab ipso principio quæ intus assumpta effervescentiam sanguinis augent, spiritus retocillant, calorem deficientem suscitant, præsertim post venæsectionem in plethoricis, in reliquis tum ante, tum post præstantissima sunt maximè spirituosâ, & quæ sale volatili abundant, cujusmodi sunt aquæ apoplecticæ multiplicis generis, spiritus vini tartarizatus, olea stillatitia anisi, rorismarini, salviæ, caryophyllorum, & similia cum aqua aliqua cephalica. Magnam imprimis & repentinam conferunt utilitatem sales volatiles à corporum concretionem separati depurati que, cujusmodi sunt sales volatiles salis armoniaci, fuliginis, sanguinis, cornu cervi, inter quos primas obtinet sal volatilis viperarum. Sales illi citissime totam sanguinis massam pervadunt, fluidioremque reddunt, acidorum vim infringunt, sanguinis grumos dissolvunt. Prætereo Theriacam veterem, Mithridatium & varias potiones, ex usu præsentis & prout varia medicamenta reperiuntur, parabiles quibus castoreum cum summa utilitate admiscetur.

Extrinsecus illinuntur palatum, nares, aures, balsamis apoplecticis, theriacâ, mithridatio, confectione anacardina, & similibus cum castoreo. Ista profunt quia eorum partes magis volatiles in venas capillares penetrando sanguinem fundunt, & vias, quibus humores crassi evacuantur, aperiant præcipue circa fauces.

Vesicantia capiti, cervici, brachijs, cruribus
empla-

emplastra epispastica pedibus applicata sunt alicujus utilitatis, non tam serum eliciendo, quàm aliquando quod concrefcibile est.

A prima invasione morbi ægrotans ita in lecto collocetur, ut corporis truncus non sit omninò erectus; hoc enim esset nimis laboriosum & ægrotanti & adstantibus, sed parùm inclinatus: sic enim abdominis visceribus deorsum procumbentibus, & diaphragmate ab eorum pressione libero, facilius erit respiratio, sanguis superiora petet minore impetu & facilius inde defluet ad inferiora.

Succussiones possunt esse alicujus utilitatis vacuato corpore: At in plethoricis & cacoehymia pituitosa laborantibus mortem accelerant. *Franc. Bayle de apoplexia.*

Frictiones fiant circa venas jugulares. Palato inungatur castoreum in aqua appropriata solum. Conferunt & *revulsiones* si adsit plethora. vena secatur, cum foramine amplo, quod cerato ex aloës p. j. thur. p. ij. & pilis leporinis ustitis agglutinari potest ac debet. *Purgantia & vomitoria* sunt in forma liquida saporis ingrati, cum oleo stillat. macis & aquis appropriatis. *Discutientia* in tumore crassiori debent esse mitiora. Conveniunt spiritus vitriol. apoplecticus, sal apoplect. compos. Mynsichti, vel sal ex capite mortuo aq. apoplect. paratum, acetum rutaceum vel appropriatum. It. sal. bened. vitriolatum. *Fortes clysteres* ex revellentibus fortioribus specificis ac pituitam educentibus. Glandes item fortes ex specif. stimulantibus. *Lingua theriacâ*, salibus appropriatis admixtis illinatur.

Appropriata sunt semen sinapi & crucæ, aquæ apoplecticæ variæ impr. mynsichti, aq. lil. convall. cum vino, aqua primulæ veris essent. flor. anthos. salv. lil. convall. cum spiritu propr. spir. cerebri humani, sang. hum. spir. vitriol. volat. Balsamus apoplect. Crollii, essentia ligni sancti &c.

Externæ species diabalaust. myns. lixiv. sapient. & cucuphæ exiccantes.

℞. Herb. rutæ salv. cent. min. origan. ana m. j. flor. salv. lil. convall. primul. veris sthæcad. arab. ana p. j. rad. aristol. rotund. cyclam. ana ʒ j. sem. cartham. in per. ligat. ʒ vj. agarie. ʒ ij. coq. in f. q. aq. commun. col.

℞. ʒ vi. vel viii. in quibus dissolv. hier. picr. cum agarie. ʒ j. fell. taurin. inspiss. ʒ i β. sal. apoplect. vel rutæ ʒ j. mellis anthosati ʒ j. f. l. a. clystma.

℞. Herb. rut. rorismar. origan. fol. asari ana m. j. flor. sthæcad. arab. cent. min. lil. convall. ana p. j. rad. aristoloch. rotund. ʒ j. imperat. pyrethri ana ʒ β. sem. cartham. in per. lig. ʒ vj. agar. albiss. ʒ i β. pulp. coloc. in per. lig. ʒ j. coq. in f. q. aq. commun. col.

℞. ʒ vii. in quibus dissolve elect. hier. picr. cum agar. bened. laxat. ana ʒ β. succ. rut. inspiss. ʒ β. extract. castor. gr. vj. m. f. l. a. clystma.

Possunt quoque massæ pilulares dissolvi in clysteribus, dissolvuntur scilicet à ʒ j. ad ʒ ij. in decocto. Potest etiam clysteribus addi ol. diacoloc. quercet. Et pro *ditioribus* olea destillata exempli gratia oleum salv. rut. rorismar. ac melioris penetrationis ergo ess. salv. rorismar. & lil. convall.

℞. Spec. hier. picr. cum agarie. ʒ iij. pulv. elect. alb. ʒ β. sal. apoplect. vel rut. ʒ j. c. f. q.

mellis anthosati f. l. a. suppositoria num. ii. illinantur oleo diacoloc. Quercet.

℞. Fell. taur. inspiss. ʒ j. succ. rut. inspiss. ʒ j. succ. cent. min. inspiss. ʒ β. sal. rut. ʒ j. c. f. q. mellis anthosati f. l. a. suppositoria. Inungantur unguento clysmatico. Castoreum vel ejus extractum quoque potest addi, vel inungi supposit. ol. castorei.

℞. Aq. ceras. nigr. lil. convall. c. vin. meliss. c. v. ana ʒ j. apoplect. ʒ ij. ess. flor. anth. lil. convall. ana ʒ j. salv. ʒ ij. Q. E. Matthiol. ʒ j. syrup. de betonic. ʒ j. misce.

℞. Aq. apoplect. opt. ʒ j. lil. convall. ceras. nigr. ana ʒ i β. spir. primul. ver. ʒ β. syrup. flor. tunic. ʒ i β. m.

℞. Aq. meliss. c. vin. lil. convall. c. vin. ana ʒ ij. apoplect. cum moscho & ambrâ ʒ vj. spir. lil. convall. ʒ j. acet. rutac. acet. apoplect. ana ʒ β.

℞. Aq. meliss. cum v. aq. lil. convall. c. v. ana ʒ i β. specif. cephalic. ʒ i β. syrup. flor. tunic. betonic. ana ʒ vj. m.

℞. Flor. anthos flor. meliss. flor. salv. ana p. ij. cubeb. cardamom. ana ʒ β. rad. ireos Florent. ʒ j. f. l. a. nodulus c. stylo.

℞. Balsam. maioran. balsam. rut. balsam. succin. ana ʒ i β. balsam. apoplect. Crollii ʒ j. misce.

℞. Extract. salv. extract. theriacal. ana ʒ j. sp. lil. convall. sp. ceras. nigr. ana ʒ β. m.

℞. Sp. ceras. nigr. spir. eruc. ana ʒ j. syrup. flor. tunic. ʒ ij. m.

℞. Theriac. veter. ʒ j. confect. anacard. ʒ ij. essent. salv. ʒ j. m. *Externæ* applicentur medicamenta principio nervorum.

Extra paroxysmum: ℞. Sal. vitriol. ʒ ij. f. ʒ j. dissolv. in f. q. aq. salv. Adde syrup. de beton. ʒ iij. m.

℞. Fol. S. S. S. elect. ʒ i j. agar. albiss. ʒ ij. flor. primul. veris fl. anthos ana p. ij. cardamom. cubeb. ana ʒ β. Infund. in f. q. aq. salviæ & ceras. nigr. stent in infus. per 24. horas colat. adde syrup. de beton. ʒ iij. scam. sulphurat. gr. v. m.

℞. Extract. diacartham. ʒ j. dissolv. in f. q. aq. primul. veris vel lil. convall. c. vino adde resin. jalap. gr. v. syrup. de sthæcad. ʒ iij. m.

℞. Mass. pil. de succino Crat. pilul. coehiar. ana ʒ β. extract. troch. alh. gr. ij. vel iij. c. f. q. ol. stillat. majoran. f. l. a. Pilul. num. xix.

℞. Extract. diacarth. ʒ j. trochisc. alhand. gr. ij. castor. gr. iij. c. ol. stillat. salv. f. l. a. pil.

℞. Pulv. rad. jalappæ ʒ j. scammon. sulphurat. gr. v. ol. stillat. majoran. gr. ij. m.

℞. Fl. primul. veris flor. lil. convall. fl. tunic. flor. sthæcad. Arab. anthos, flor. beton. ana p. ij. rad. aristol. rot. ʒ j. rad. pæon. ʒ β. fol. S. S. S. elect. ʒ j. sem. cartham. ʒ vj. agarie. albiss. ʒ j. jalap. ʒ β. cubeb. cardamom. ana ʒ ij. raspat. lign. lassatr. ʒ β. sal. tartar. albiss. ʒ ij. f. l. a. Nodulus. Quod si omisso sale tartari & cæteris ingrati liquoris, species reliquæ infundantur in vino, clarificenturque per manicam Hippocratis & sive saccharo sive syrupo aliquò edulcorentur, & aromatizentur & erit Claretum.

℞. Spir. ceras. nigr. lil. convall. primul. veris ana ʒ j. essent. fl. salv. ess. anthos. ess. lil. convall. ana m. ʒ β. dosis gutt. 30. vel 40.

℞. Spir. apoplect. ʒ β. dosis gutt. 20. vel 30.

℞. Conserv. flor. anthos, conserv. primul. veris, conserv. betonic. conserv. salv. conserv. tunic. conserv. lavendul. ana ʒ β. succini præp. ʒ i β. spec. diambr. spec. diamosch. ana ʒ j. cum f. q. syrup.

syrup. flor. tunic. f. l. a. electuarius liquidum. Potest etiam addi spiritus apoplecticus vel loco spir. ol. destillat. appropriata.

℞. Succin. præp. 3 ij. spec. diamosch. dulc. spec. diamb. ana 3 j. extract. salu. 3 ss. c. f. q. aq. apoplect. opt. f. l. a. rotula.

℞. Conserv. flor. anthos, conserv. lavendul. conserv. salu. conserv. calendul. conserv. tunic. conserv. primul. veris ana 3 ij. cubeb. cardamom. ana 3 ij. nuc. indic. condit. 3 iij. c. f. q. sacchar. in aq. apoplect. sol. f. l. a. morfuli. Pro ditioribus adspersi possunt ess. ambræ.

℞. Spir. apoplect. 3 ss. tinctur. fl. tunic. tinct. fl. pæon. ana 3 j. m. dosis gutt. 30. vel 40. Commendatur etiam sal vol. sanguin. hum. in spir. appropri. dissolutus, It. spir. cerebr. human. succin. & simil. affus. spir. vitriol. destill. & sæpius super cranio humano cohobatus, donec sal. vol. evahat.

Claretum corroborans.

℞. Flor. anth. fl. lavendul. fl. salu. fl. primul. veris, fl. tunic. fl. betonic. fl. calendul. ana p. ij. rad. aristol. rotund. rad. irid. florent. ana 3 j. ras. lign. assafr. 3 i ss. visc. quercin. 3 ss. n. m. nu. iij. cinamom. cass. lign. ana 3 iij. cardamom. cubeb. ana 3 i ss. Infund. in f. q. vini Rhenan. opt. per biduum in loco calido postea coletur per manicam Hippocratis & edulcoretur saccharo.

Externa.

℞. Flor. chamomill. Roman. p. iij. lavend. fl. primul. veris fl. sthæcad. Arabic. ana p. ij. fol. laur. meliss. puleg. ana p. iij. succin. 3 iij. gumm. juniper. 3 i ss. benz. styrac. calam. ana 3 j. n. m. 3 ij. ras. lign. Rhod. 3 iij. incis. d. ad chartam. Possunt ejusmodi species adspersi spir. lil. convall. rosar. vel ol. destill. appropri. & pro ditioribus essent. ambræ.

℞. Empl. Vigon. emplastr. de tacamahac. emplastr. carann. ana q. f. malaxetur cum balsamo Peruvian. Induc. super alutam, & obduc. syndone rubro in forma orbis medii.

℞. Ung. nervin. Aug. 3 j. balsam. Peruvian. 3 ij. ol. stillat. rosmarin. ol. stillat. salu. ol. stillat. rut. anagutt. vj. m. pro principio nervorum.

℞. Aq. arric. ad extr. sp. lumbr. terrestr. aq. apoplect. opt. ana 3 ij. m.

℞. Ol. irin. ol. nicotian. ana 3 j. ol. stillat. majoran. g. vj. m. pro educenda pituita e naso. It. turunda ex rad. iudis nostratis.

℞. Pulv. lil. convall. 3 i ss. c. f. q. ol. nicotian. & ol. n. m. express. f. l. a. linimentum pro naribus illinendis. It. succus betæ, rad. cyclam. ex quibus turundæ cum filo parari debent.

℞. Succ. betæ, succ. anagallid. majoran. ana 3 ss. m. ex vola manus attrahend.

℞. Herb. majoran. herb. puleg. anagallid. ana m. j. sem. nigell. 3 ij. fol. S.S.S. elect. 3 i ss. agaric. albi. 3 ij. coq. in f. q. aq. commun. col.

℞. 3 iv. m. Adhibetur ut succus præcedens.

℞. Ferment. acerrimi 3 ij. pulv. canthar. 3 j. euphorb. gr. vj. m. f. l. a. cataplasma. Commendantur etiam fonticuli, frictiones, & sinapismi. Ess. lign. præmissis universalibus ad 3 j. singulis diebus bis: vel infus. lignorum c. aq. appropriatis: Infusum præcipue lign. assafr. Mynsicht. Pro exsiccatione quoque conveniunt species diabalaust. si capiti adspargantur. Item pulveres peptici post cibum sumti. Vesicatoria ex ranunculo ardente maculis nigris, plantag. aquat. flammula Jovis,

cantharidibus, fermento, sinapi &c. *Joan. Michaelis Prax. clinic. general.*

Apoplexia si aliquem cum amissione pulsus & respirationis invadit, raro; his autem salvis adhuc existentibus, difficulter, & magno labore curatur. Si igitur Patiens tali modo prosternitur, tunc pluma aut speculum ori & naribus, ad explorandum vitæ spiritum admoveatur, errhinon nato insufflatur, aut fumus ex in censo sulphure per infundibulum immittitur, patiens hinc inde movetur, pectus denudatur, vena aperitur, vomitus oleo & aq. tepida excitatur, spina dorsi deorsum linimentis calidis fricatur, lamina ignita cervici & collo propius admoveatur, capilli capitis detonduntur, ac gallina nigra vivens in medio dissecta capiti calide superligatur, postea abrasum caput oleo aut linimento aliquo calefaciente & siccante inungitur, os aperitur, ac spiritus cerasor. nigrorum, vel aqua apoplectica infunditur ac propinatur. Et si deinceps iterum ad se rediit tunc humor peccans per appropriatum medicamentum catharticum per os sumptum (vel si æger valde debilis, per clysterem) derivatur & evacuat. Ubi præ cæteris usus rhabarbari, tam ad præservationem, quam curationem, quemadmodum in aliis, ira præprimis in hoc morbo, commendatur. Quin etiam cerebrum & pars mandans, per medicamenta convenientia roboratur.

Ad præservationem quotidianus Rhabarb. usus, vel in forma pulveris vel rotularum 3 j. pondere continuatus, aquæ cephalicæ, Tabulæ, Pulveres, Balsami apoplectici & cephalici, fonticuli, purgationes, venæ-sectiones, scarificationes, sudorifera &c. Sed omnia pro dispositione causarum, ætatis, temperamenti, &c. conferunt. Utiles etiam sunt rotulæ sequentes.

℞. Spec. diamb. compl. diamosch. dulc. ana 3 j. sacchar. albi. in aq. borrag. dissol. 3 iv. ol. anis. destill. g. ij. m. & f. f. a. conf. in rotulis. vel.

℞. Sacchar. in aq. ros. solut. 3 iv. ambr. gryf. gr. iv. ol. anis. still. gutt. iij. m. & f. confect. in rotulis. vel.

℞. Spec. diamosch. dulc. diamb. ana 3 j. succin. albi. 3 j. ol. anis. g. iij. sacchar. in aq. lavendul. dissolv. 3 iv. & f. orbiculi. Aut,

℞. Specier. diamb. compl. 3 i ss. ol. succin. g. vj. ol. carui 3 ss. sacchar. albi. in aq. salu. solut. unc. ij. m. f. f. a. Rotulæ. De his rotulis singulis septimanis ter vel quater aliquot assumi possunt. Dimidia quoque pars nucis molchatae masticata & comesta, proficit. Simili ratione spiritus cerasorum nigrorum, tam ad præservationem quam ad curationem, magnarum est virium præsertim, si in libris ejus duabus specier. diamb. compl. 3 j. in syndone suspendatur. De hoc manè jejuno stomacho, aut ventriculo existente frigido, etiam vespere, singulis hebdomadibus bis vel ter repetendo, cochleare unum assumitur, aut guttæ duæ vel 3. vertici capitis instillantur.

Pari modo etiam sequens pulvis ad præservationem apoplexiæ summè commendatur.

℞. Rad. Sesel. Cret. 3 j. sem. eruc. cardamom. piper. alb. ana 3 ij. m. f. pulvis subtiliss. sæpius 3 ss. vel 3 j. quantitate in vino vel jusculo sumendus.

Vel ℞. Succin. alb. pulver. 3 ij. specier. diamb. 3 j. sem. carui 3 sem. m. & f. pulv. subtr. Dosis, quantum cuspidibus cultri capi potest, singulis men-

menſibus proxima die poſt novilunium. Nec mi-
nus ſemina erucæ & carui, æquali pondere mixta,
pro certo & infallibili remedio præſervativo de-
prædicantur ſi ſingulis menſibus quater in vino
albo vel brodio carnis deglutiantur; Et notum eſt,
dicta etiam ſemina in affectibus pectoris & aſthma-
te omnibus aliis remediis prævalere, ut D. Schorer
in Traſſaru ſuo Germanico de apoplexia adſtipu-
latur. Nec verò ſufficit ut materia peccans ſolum-
modo evacuetur, cerebrumque cum capite con-
fortetur, ſed modicè etiam exſiccantia requirun-
tur, qualia ſunt, Pilulæ ſine cura, de ſuccino Cra-
tonis, de Cynogloſſa, quibus ſpec. diamb. compl.
extract. lign. aloës, moſchus & ambra addi, ac
de iis una vel altera ſeptimana grana viginti deglu-
tiri poſſunt.

Ad præſervationem etiam Pulvis ſternutatorius
ex majoran. ſubtiliſſ. pulveriſ. 3j. & baſam. apo-
plect. opt. gr. iij. invicem mixt. paratus, utiliter
adhibetur. Apud Pauperes phlegmaticos Nico-
tiana non ſine fructu accendenda & potanda con-
ceditur. Pro ditioribus ſpecies Diatabaci, gra-
tum odorem ſpirantes, parari poſſunt.

℞. Tabaci commun. (non imbuti) unc. iv.
majoran. unc. ſem. Roſmarin. flor. roſ. rubr. fl.
ſpic. hortenſ. cubeb. ana 3ij. nuc. moſch. 3j. ſem.
aniſ. 3ij. caryophyll. 3j. ſtyrac. calamit. expr. ma-
ſtich. ana 3ij. m. groſſ. mod. inciſ. d. in ſcatula.
Saccuſ quoque ſequens in metu apoplexiæ aut
catarrhi ſuffocativi optimum remedium eſt.

℞. Pulv. ſuccin. alb. 3ij. inde ſindoni albo vel
rubro, & fiat ſaccuſ oblongus interpallatus.

Hinc ℞. Pulv. piperis longi 3j. inde vitro an-
guſti oriſicii, ſuperfundendo ſpir. vin. opt. rectif.
unc. iij. ol. ſuccin. gr. vii. ſtent benè cooperta ac
clauſa in loco calido. Quoties deinde neceſſitas
poſtulat, ſaccuſ prædictus cum hoc ſpiritu præ-
parato humectetur, & capiti, vertici, luturæque
ſagittali ſecundum longitudinem verſus ſuturam
coronalem & faciem ſuperligatur, ne decidat.
Thermæ Pollenſes in affectibus, ſi ex conſilio
Medici ſecundum rationem adhibentur, ut exper-
tæ, proficiunt, & ſalutares deprædicantur.

Ad hæc, diætæ quoque, & 6. rerum non natu-
ralium accurata eſt habenda ratio, ne in his pec-
cet, & ſic damnum aliquod cauſetur.

Apud cholericos & ſanguineos hæc præcipue
ſigna apoplexiam præcedunt: ſano adhuc corpore
facies eſt roſacea & rubicunda, frons & venæ ocu-
lorum turgent, ad vertiginem ſunt proni, memo-
ria eſt labilis, facile inebriantur, ac conſeſtim,
antequam alii animadvertunt, proſternuntur; Et
hæc apoplexia omnium eſt periculoſiſſima. Et
quia ita diſpoſiti ſunt, vere & autumnio per uſum
rhabarbari, aut ſyrup. roſ. ſol. aureum expurgen-
tur, certis quoque temporibus, nec ſemel duntaxat in
anno, ſed ſæpius largiorem ſanguinem, & quidem
cruciatim mittant, & ſcarificent, ac bonam diætā
obſervent. Fonticuli in hoc paſſu aut cum
diſcrimine parentur, aut planè mittantur. Acidu-
læ quoque, propter refrigerationem ſanguinis,
& obſtructionum reſerationem ſunt proficiunt.
Cholericis etiam ſupradictas aquas calidiores apo-
plecticas fugiant, & harum loco trochiſcos diam-
bræ aſſumant. Morbus atronitus ſi magnus fue-
rit, vix ſanatur, unde remedia non ſunt adhiben-
da, cum natura ſuapte exitialis ſit: Debilis autem
difficulter curatur. Ii autem, qui periculum mor-
tis effugiunt, plerumque in diuturnum morbum,

paralyſin nimirum aliquarum partium incidunt:
Subinde etiam totius corporis, aut memoriæ ja-
cturam faciunt. In omnibus nervoſi generis fri-
gidis affectibus febris ſupervenientiens adjumento
eſt Gal. 2. Proſtrictor. aphor. 50. Hinc Practici
jubent alternis diebus (ut inter hos uno die quieſ-
cat) exhibere 3j. Mithridatii, in aqua ſalv. vel
lavendul. ad excitandum nativum calorem, ut
deinceps noxios edomare, & reſolvendo eli-
minare poſſit humores. Si apoplexia ſit fortiſſi-
ma, & fortiter ſternutamentum provocantibus
non ſternuter, neque impreſſionem ſentiat le-
thale.

Methodus curandi apoplexiam Practica huc
plerumque ſpectat. i. clyſter. Donec autem ſit pa-
ratus, ſubſtituatur ſuppoſitorium ſeq.

℞. Mell. coct. & concret. unc. ſem. pulv. eu-
phorb. 3 ſem. colocynthid. gr. iv. helleb. alb. gr.
ij. ſal. 3 ſem. m. & form. gland. Clyſter. autem
ſeq. paratur modo.

℞. Rad. angelic. 3vj. ſalv. rut. mercurial. be-
ron. hyſſop. ana m. j. flor. ſthæcad. cent. min. ana
p. j. ſem. aniſ. urtic. cumin. fœnicul. laur. ana
unc. ſem. agaric. alb. & lev. 3 ſem. colocynthid.
3ij ſem. f. decoct. in ſ. q. aq. ad ℥ i ſ. Colatur, ad-
de hier. logad. diacolocynthid. ana 3i ſem. bene-
dict. laxat, diaturb. cum rhab. ana unc. ſem. ope-
ponac. 3ij. mell. roſar. unc. ij. ol. de caſtor. laur.
ana unc. i ſem. ſal. 3ij. ſem. f. enema, quo paula-
tim per intervalla vacuabimus humores e toto
corpore, donec Pharmacum ſolutivum per os ſu-
mere poterit, N. B. Si ſummum periculum non
imminet, mittatur colocynth. & hiera diacolo-
cynth. Tertia vero vice aſſignatum injiciatur ene-
ma.

Ad cauſæ antecedentis imminutionem ſequentes
in uſum veniunt Pilulæ.

℞. Maſſ. pil. de euphorb. fœtid. coch. ana 3j.
ſem. caſtor. 3 ſem. Diagryd. corr. gr. vj. f. cum
aq. ceraſ. nigr. Pil. Aut,

℞. M. Pil. ſine quibus 3ij. Panchym. Crollii
3j. gutt. gamandr. gr. v. f. pilul. communes, aſ-
perg. pulv. cubeb. & hæc pil. ſingulis ſeptimanis
reperantur. Hoc pacto, & ſi corpus ſit plethori-
cum, conducibilis eſt venæ-ſectio cephalicæ in
parte ſana, vel oppoſito latere, in ſigno Piſcium
vel Aquarii. Ligaturæ quin etiam ſiant fortes &
dolorificæ axillatum & extremarum corporis par-
tium. Affigantur cucurbitæ magnæ cum multa
flamma ad ſcapulas, & una mediocris ad commiſ-
ſuram (cucurbitula ad ignem calefacta, vertici ad-
movenda) ſagittalem. Proſunt quoque frictio-
nes palati & colatorii cum caſtoreo diſſoluto in
aceto ſquillitico, aut cum Theriaca veteri. Fri-
ctiones item totius corporis, & præſertim colli,
qua parte venæ ſunt & arteriæ. Nec minùs com-
mendantur punctiones & pilorum evulſiones. Ut
& inunctiones totius corporis cum oleis calidis
caſtorei, ſpicæ, laurino.

Externæ, ad corroborationem nervorum, &
diſſipationem humorum influxorum applicetur
Principio nervorum atque cervici, verſus ægram
regionem ſequens emplaſtrum.

℞. Empl. de bacc. laur. nervin. ana unc. j. ſem.
euphorb. rad. pyrethr. ſem. ſinap. ana 3j. cum ol.
philophor. ſeu de lateribus q. ſ. f. l. a. Empla-
ſtrum. Aut, ſi nullus p. n. calor in affecto mem-
bro obſervatur.

℞. Ol. laterin. & ſtercor. columbin. ana unc. j.
ſem

sem. sem. eruc. nasturt. ana 3 ij. m. & applica. Aut,
 ℞. Ol. rutac. nardin. ana 3 i β. ol. destill. e
 bacc. juniper. 3 iij. Pulv. castor. 3j. euphorb. 3 β.
 cer. q. f. f. linimentum. Aut,

℞. Ol. lil. alb. 3 ij. castor. 3 β. euphorb. 3 ij.
 ol. nardin. 3 iij. f. unguentum pro capite raso,
 ervice, & spina dorsi. Interiora narium ungan-
 tur balsamo apoplect. rutaceo, ol. nardino ruta-
 ceoque, in quibus aliquid castorei, nucisque
 moschatae dissolutum sit. Observandæ etiam 6.
 res non naturales, ne in his peccetur, quæ om-
 nes, ad caliditatem inclinent. Potus sit decoctum
 ligni sassafras & guajaci, addito cinamom. pro
 potu ordinario, per se, aut cum vino mixtum. Vel

℞. Scob. lign. guajac. sassafr. ana 3 ij. cinnam.
 acerr. 3 ij. baccar. juniper. 3 iij. sem. anis. fœni-
 cul. coriandr. præp. ana 3 β. m. & f. decoctum in
 3. aut 4. mensur. aq. fontan. Ad obstructionis ner-
 vorum reserationem & resolutionem egregiè ju-
 vat oleum succini albi, aut spir. tart. de die terna
 vice 3 j. pondere in brodio carnis, aut aq. ceral.
 nigr. sumendus. Capiti abrafo emplastra, olea &
 unguenta, appropriata, applicentur. Thermæ,
 præsertim ferinæ non procul ab oppido Kalvu,
 Badenses, piperinæ, & aliæ his similes profunt.
 In defectu verò harum substituuntur artificiales:
 Ut,

℞. Herb. menth. thym. puleg. hyssop. origan.
 rut. meliss. serpill. rosmar. salv. hyperic. lavendul.
 majoran. ana m. j. flor. chamomill. sambuc. spic.
 sthæcad. rosar. rubr. melilot. ana m. β. scob. lign.
 juniper. 1b ij. guajac. 1b j. rad. pyrethr. ebul. ana
 3 ij. baccar. laur. 3 iij. juniper. 3 iv. sal. 1b j. sul-
 ph. viv. 1b ij. sal. nitr. 1b β. vitriol. crud. 1b j. Om-
 nia hæc gross. mod. contus. & concis. d. ad char-
 ram. In Balneo, & aliàs quotidie potest loco præ-
 servationis, corroborationis, & curationis ore
 sequens quantitate avellanæ sumi electuarium.

℞. Conserv. flor. anthos, primul. veris, beto-
 nic. salv. ana 3 ij. spec. diamb. compl. diamosch.
 dulc. ana 3 β. diaphir. elect. de gemmis ana 3 j.
 succin. alb. præp. 3 β. theriac. andromach. 3 j. con-
 fect. alkerm. compl. 3 β. cort. citr. condit. 3 j. nuc.
 moschar. cond. num. 1. cum syrup. de sthæcad. f.
 electuar. molle d. ad ollam.

Finito Balneo, super carbonibus ardentibus ca-
 lefactis & suffumigatis lintamentis deorsum
 corpus abstergetur & fricetur sequenti suffumi-
 gio.

℞. Mastich. succin. ana 3 β. baccar. juniper.
 crassiusculè contus. 3 i β. m. & adhibe. Aur.

℞. Thur. mastich. sandarac. ana 3 β. succin.
 storac. calamit. ass. dulc. ana 3 ij. caryophyll. 3 j.
 flor. rosar. anthos ana 3 β. m. gross. mod. d. ad sca-
 tulam.

His quoque medicamentis annumerari possunt
 Fomenta, quorum paratio tali modo fit.

℞. Scob. lign. juniper. bacc. juniper. ana m. iij.
 ebul. salv. origan. puleg. hyssop. sisymb. domest.
 balsamitæ, thymi, flor. sambuc. rosmarin. ana m.
 ij. coq. in aq. & vino an. part. æq. fiatque fomen-
 tatio artuum & corporis.

Si placet sacculum vino madidum calentem ar-
 tubus superponere, para sequenti modo.

℞. Bacc. juniper. laur. ana m. j. rorilmarin.
 melilot. ros. rubr. furfur. ana 3 j. rad. ireos Flo-
 rent. 3 ij. sal. m. j. indatur sacculo & adhibeatur.
 Post universalia adhibeantur sternutatoria quæ
 passim nota sunt. Inprimis verò excellentissimus

est hic pulvis.

℞. Herb. anthos, majoran. 3 ij. sem. nigell.
 3j. rad. helleb. alb. 3 β. mosch. gr. v. ambr. gr. iij.
 ol. lign. rhod. gutt. v. majoran. cinamom. ana
 gutt. iij. caryophyll. g. ij. balsam. apoplect. opt.
 3 β. misce.

Aquæ confortantes & præservantes contra apo-
 plexiam speciales.

℞. Aq. hyrond. cum castoreo, epil. lang. ana
 3 j. fl. anthos, cerasor. nigr. borrag. ana 3 β. cin-
 nam. stillat. 3 ij. elix. vit. Matthiol. 3j. confect.
 Alk. compl. 3 β. lapid. bezoard. or. gr. v. mag.
 perl. or. gr. iij. man. chr. perlar. 3 iij. theriac. an-
 drom. 3 β. misce.

Hoc in malo castoreum magnarum est virium.
 Utiles quoque sunt ad hunc effectum spiritus &
 aquæ apoplecticæ, passim in officinis & manibus
 doctissimorum virorum præstantes. In calu neces-
 sitatis potest de sequenti cochleare unum & alte-
 rum assumi.

℞. Spir. ceras. nigr. fl. anthos, cephalic. An-
 halt. ana 3 β. juniper. 3 ij. lign. guajac. lil. con-
 vall. ana 3 j. elix. vit. Matthiol. aq. cinamom. stil-
 lat. ana 3 β. m. d. ad vitrum, & indatur nodulus ex
 spec. diamb. compl. 3 β. & diamosch. dulc. 3 j.
 paratus. Cui in usu ad quodvis cochleare sumen-
 dum addi possunt ol. succin. alb. gutt. v. Alternis die-
 bus quoque conducibile est exhibere patienti 3j.
 mithridat. aut theriac. in aq. lavendul. vel salviæ.
 Eberhard. Gockelius consil. 28.

Alia sunt in paroxysmo tentanda, alia extra pa-
 roxysmum ad apoplexiæ præcautionem exhi-
 benda.

Quidquid movendum, statim move; & quod
 vis facere fac citò: In talibus enim tardare ma-
 lum:

Tu propera nec rem venturas differ in horas.

Qui non est hodie, cras minus aptus erit.

Ægris pessimè agitur dum suspensâ manu Me-
 dici minùs valida medicamenta importuno metu
 perculsi exhibeant, cum extrema remedia adhibe-
 re expediat.

Sanguinem in plethorisis liberâ manu mitte: ve-
 sicatoria nuchæ, brachiis, ponè aures, imò toti ver-
 tici applicato. Quarantur folia asari viridia, quæ
 leviter trita indantur naribus: Interim ex eorum
 pulveris 3 ij. pulv. rad. cyclam. 3 iv. & 3j. rad. hel-
 leb. alb. f. pulvis subtilissimus per calamus nari-
 bus insufflandus.

Liquamine sequenti illinatur palatum sæpissimè
 fricando.

℞. Anacard. rad. pyrethr. & staphisagr. ana
 3 ij. granor. paradisi. cardamom. major. ana 3 iij.
 capsici sive piperis Indici 3 j. hellebor. alb. 3 iv.
 bulliant simul in vini alb. 1b β. ad medias, fiat
 expressio, quæ cum aqua portione mellis antho-
 lati redacta ad mellaginem reddatur acidula sp. vi-
 trioli antiepileptico, addendo salis succini volati-
 lis 3 β. m. pro litu. l

Emericum sequens exhibeatur. ℞. aq. cera-
 sor. nigr. 3 iij. syrup. flor. pæon. 3j. gillæ Theo-
 phrasti 3j. vel 3 iv. f. potio. Si hæc mitior æquo
 videatur, optimum in apoplexia vomitorium est
 oleum antimonii, cujus guttæ x. vel xii. dentur ex
 optimo vini spiritu. Circa & seriatim est ejus operatio;
 multos hujus ope excitavi.

Ad apoplexiæ præcavendam caput per sedem
 purgantia frequenti sint in usu (qualia in cap. de
 epilepsia & vertigine præscripta sunt) emetica
 item

item temporibus idoneis exhibita plurimum profunt. *Fontanella* in nucha, vel *setum* communi sunt in usu. Vitentur omnia quæ caput nimis tentant, qualia sunt vinorum generosorum liberalior ingurgitatio, tabaci per tubum improba fumatio, Veneris usus nimius &c. In plethoricis *sanguis* sæpè mittendus è brachio vel hamorrhoides aperiendæ. *Caput* denique roborandum est specificis cephalicis calidioribus, qualia in *Epilepsia* & *Vertigine* videre est. *Theod. Mayer. in Praxi.*

Consultationes.

Apoplexia in Paralyfin terminata.

Nob. Senex sexagenarium annum agens, temperamenti secundum totum & caput, calidi & humidi, boni habitus, ad plethoriam vergentis, comellationibus & comotationibus assuetus; tribus ab hinc annis vertiginibus corripit cœpit, à quibus sanguinis missione & purgatione liber evasit. Sed quoniam ad pristinum vivendi modum reversus est: cum varietate vinorum meraciorum delectatur, & copiosè bibat aliquot ab hinc mensibus vertigines rursus & frequentius Nob. senem molestantur; quibus accesserunt quoque tremor in manibus, infusa delatio in somnum, imò & somni solito profundiores atque longiores: atque tandem suo fine hyemis, dum decumbebat in lecto, summo manè extemporanea successit sensus & motus privatio, cum omnium principum operationum abolitione, necnon magna respirationis læsione & mediocri stertore. Accersitus autem Medicus sibi domesticus multa præstitit medica præsidia, nimirum acia suppositoria; mox repetitâ sanguinis missione ex brachio, vesicantia quatuor apponi iussit; Quibus adhibitis, sequenti nocte veluti à somno expergefactus, adstantes cognoscere & imperfectè loqui cœpit, brachio sinistro sine motu & sensu manente, cum oris tortura, labiis ad partem dexteram laxatis. Et quoniam de novo hujus accidentis recursum, non sine ratione timer excellentiss. Medicus Assistens; idcirco ad te, vir præstantissime, confugiunt consanguinei, ut motus & sensus paralyticæ partis, si possibile fuerit, restituantur, & novi prævertantur insulsi.

Subitaneam privationem sensus & motus cum principum omnium operationum animalium abolitione & respirationis læsione, quæ contingit Nobili seni, apoplexiam appellandam esse docebat Galenus, quam syderationem vocabat Hippocrates, & Paulus, in qua semper læditur respiratio, parùm in debilissima, magis in debili, & maxime in forti apoplexia, ita ut ejusdem gradus, ut placuit Galeno cum Hippocr. à læsione respirationis desumi soleant. Quod si jam dicta privatio cum omnimoda apncea contingeret, non amplius apoplexiæ, sed carinomen retineret. Hanc prænuntiavit vertigines, quibus tribus ab hinc annis obnoxius fuit, quas proximas esse comitialibus & apoplexiis pronunciavit Galenus. Sicut enim in vertigine spiritus animales inordinate moventur, ita ut recta via ad organa visus & motus deferri nequeant sicque Patientes procidant: ita in apoplexia impeditur omnino irradiatio spirituum propter obstructionem, sicque concidunt una cum sensu & motu cæteræ omnes functiones

principes: Quam obstructionem non tantum in ventriculis reperiri, sed multo magis in vasis, nimirum in arteriis per cerebrum dispersis, censendum esse judico, dum sanguis acris & calidus crassior factus stagnat in vasis & spiritibus transitum intercipit, unde sensus, motus & omnium functionum animalium privatio. Servatur autem respiratio, quamvis læsa, ob vitæ necessitatem, non ut Averroës, quia sit motus ex naturali & animali compositus. Obstructio autem in casu nostro, non à solo sanguine calido & crasso, sed etiam à viscido & lento commisto facta fuit, cum solutam apoplexiam sinistrae partis Paralysis subsecuta fuerit, facta nimirum metastasi à cerebro per nervos ad colli vertebrae, sicque vox vitata fuit; præterea mediante tercio pari ad labia sinistrae partis, unde oris tortura in dextram partem, laxatis nimirum sinistrae partis musculis: sicut per septimam nervorum conjugationem linguæ motus ademptus fuit; atque tandem ad quintam dorsæ vertebrae depositâ crassiori materia, brachium motu & sensu privatum fuit. Nec mirum genuinam hanc materiam in sanguine collectamuisse, cum à potibus meracioribus caliditas & acrimonia: à copioso vini potu, frigiditas & visciditas provenire soleant, ut considerabat Galenus, dicens, *Ubi vinum plus bibitur, quam vinci possit, tantum abest ut calefaciat, ut potius frigida vitia gignat;* & ideo præcesserunt quoque tremores, debilitato nempe à meri potu nervoso genere: sicut à redundante in capite pituitoso sanguine, somni profundiores & longiores ante casum observati fuerunt.

Affectus iste est semper peracutus, quicquid dicant aliqui, dividentes apoplexiam in calidam & frigidam: citò namque utraque solvitur: calida enim insensibiliter solvitur ad salutem: fortis terminatur ad mortem; frigida ante septimam vel occidit Patientem, vel in Paralyfin degenerat. Et quoniam propter pravam apparatus in sanguine, & imbecillitatem in capite contractam, recidivare solet hujusmodi affectus, idcirco exacta Medici assistentia hic opus est, ne revertatur apoplexia, & ut interim à Paralyfi libere ur.

In quem finem materia in venis existens, licet verè non turgat, ut turgens tamen tractanda est; & idcirco non expectatâ perfectâ coctione & præparatione, aliquo Purgante, statim à capite evocanda & educenda: deinde residuum peccantis materiae præparandum, & epicriticè evacuandum: mox ad topica paralyticæ parti deveniendum, & caput cum toto nervoso genere roborandum.

Et sicut in actuali apoplexia, post acia suppositoria apuissime & cum evidenti utilitate nullus fuit sanguis, ita si rursus ingrueret talis accessio (quam Deus avertat) rursus vena illæsi brachii aperienda esset, ita docente Galeno cui subscribunt cæteri Medicinæ principes: Aræteus quidem dicens, *Aequale adjutorium, utpote morbo magno, remedium magnum, est sanguinis missio:* Paulus, *Sic curari possit, statim sanguis detrahendus, & si confert, sequenti die iterandus:* Aëtius iubet ineptis venæ-sectioni cucurbitulas admovendas esse; imò magnam occipiti post venæ-sectionem commendat quoque Paulus. Confert autem sanguinis missio, quoniam affectus, non à sola frigiditate, sed etiam à crasso & calido sanguine itagnante procedit; & idcirco Aræteus à sanguinis

missione excipit apoplexiam cum multa frigiditate & torpore invadentem; & propterea à quibusdam carpitur Celsus, dum ait, quod *sanguinis detractio, aut occidit aut liberat*: occidit enim, si tantum ab humore crudo & frigido facta fuerit: liberat vero, si à calido; in priori igitur abstinendum à sanguinis missione: sicut in posteriori administranda & iteranda. Clysteres acres proponuntur à Medicinæ principibus, sed non adeò facile injici, recipi & retineri possunt. Vesicantia quoque passim usurpantur, præsertim scapulis apposita, & ferrum candens occipiti admodum. Cervicem quoque & mentum calefacit Aretæus, pro frigidi humoris attenuatione & discussione. Quibus omnibus addamus nos purgans medicamentum ab alto trahens omni industriâ per os infundendum esse, ex trochiscis alhandal, diagrydio & castoreo paratum. Et hæc obiter pro curatione apoplexiæ dicta sufficiant. Ad præsentis Paralysis itaque curam revertamur. Et quoniam jam primæ viæ expiatae fuere, Præparans ita instituendum erit.

℞. Oxymel. simpl. syrup. de betonic. ana ℥ j. decoct. cichor. borrag. agrim. salv. ℥ iv. m. pro syrupo & sic aliis usque ad decimum quintum: Sed quinto quoque die prebeat minorativum hujusmodi.

℞. Pil. de hiera cum agaric. de tribus cum rhabarb. ana ℥ ij. masticinarum ℥ j. m. reform. pilulæ summo manè exhibendæ. Dum hæc omnia sunt, paralyticæ parti frictiones quotidianæ sunt exercendæ, cucurbitulæ admovendæ, atque tandem rubefactia apponenda, præsertim post validiora purgantia exhibita: & erunt pilulæ de nitro Alexandri, cochiae præparatæ cum helleboro, de hermodactylis, aggregativæ, quarum dosis erit ad ℥ i ss. circa noctis dimidium assumendæ, & bis aut ter repetendæ, dum diebus intermediis validiora Præparantia præscribenda erunt, ut

℞. Oxmel. compos. syrup. de iva, de beton. compos. ana ℥ ss. decoct. cichor. betonic. herb. paralyt. hyllop. majoran. ana ℥ iv. m. pro syrupo & sic pro aliis. Nec omittenda topica aliis partibus affectis: sic spinali medullæ circa quintam vertebra inunctio ita instituenda erit.

℞. Olei vulpini, viperini ana ℥ ss. ol. succini ℥ j. m. pro inunctione spinæ cui præmittantur frictiones factæ cum squilla per medium dissecta. Faciei quoque sinistra pars resoluta quinta essentia rorismarini erit illinienda: sed hoc tempore pro capitis expurgatione, errhinum manè attrahendum ita parabitur.

℞. Pulveris tabaci Indici ℥ ij. majoranæ, ireos ana ℥ j. m. f. pulvis per nares attrahendus, & ad linguæ motum restituendum, pro oris collutione paretur mulla cum aqua salviæ, addendo aquæ vitæ juniperinæ exiguum portionem. Pariter in ore detineat frustulum nucis moschatæ, aut legitimi cinamom. aut caryophyll. integr. tandem caput & nervosum genus roborantia erunt in usum ducenda, ut conservæ capitales sub ingressum lecti ex florib. rorismar. salv. betonic. additis speciebus aromatici rosati.

Statim à prandio sumatur acorus conditus: m. nè aliquod cochlear aquæ vitæ, baccis juniperi, cinamom. & caryophyllis alteratæ. Vinum pro mensa medicatum reddatur visco quercino & sassafras. Quibus jam dictis omnibus Nobilem senem sanitati restitui posse sperandum. Quod si fortasse non

ex voto succedat, sudorificum decoctum erit addendum, ex ligno guajaco, salsa, visco querc. & sassafras, in aqua stillat. cichorii, betonicæ, ivæ, parandum, cui præmitti poterit pulvis viperinus.

Congrua interim vivendi ratio præscribenda erit, & præsertim in usu potus: etenim & quantitas & qualitas vini, necnon bibendi tempus moderatione indigebunt. Victus autem sit attenuans, & præsertim ex avibus terrestribus: & valde prodelle poterunt pulli, carne viperina & ejus decoctione nutriti ut considerabat Avenzoar. Cætera viro Doctissimo præscribenda relinquo. *Raymund. Jo. Fortis consult. tom. II.*

Pastor ætatis consistentis, affectioni hypochondriacæ aliàs obnoxius, tempore hyemali, inter concionandum irâ accensus, primò horrore, post vertigine correptus, obmutescit, omnes tam interni quàm externi abolentur sensus, corrui, ita ut cum de suggestu deportare necesse haberent auditores, stertebat cum respiratione difficili, pulsu parvò & inordinatò, facies rubebat &c. Intra horæ ferè spatium adhibitis infra dicendis internis & externis medicamentis, ad se redire cepit, linguæ immobilitate, totiusque corporis imbecillitate remanentibus, quæ tamen continuatione medicamentorum brevi quoque cessarunt.

Omnibus & singulis, quorum in proposita casûs historia mentio fit, benè probèque perspectis signis, facile quilibet judicabit, ægrum nostrum eò correptum fuisse affectu, quem apoplexiam vocamus, *ἀπὸ τῆς ἀπώλητης*, quod fortiter & graviter percutere significat, ductâ similitudine ab animalibus ad aram uno ictu corruentibus. Ulteriorem qui desiderat etymologiam & synonymiam, practicos aliosque adeat authores, fusiùs hæc ipsa pertractantes.

Sumitur verò apoplexiæ vocabulum dupliciter. (1) Generaliter, Paralytin, stuporem, obstupescientiam &c. includens vid. Hippocr. sect. 7. aphor. 40. (2) specialiter & in propria significatione. Estque subitanea sensuum & motûs abolitio, remanentibus respiratione difficili, interdum nullâ & pulsu inordinato, ex p. n. spir. animalium stagnatione sive statione proveniens: alii definiunt, quod sit mentis consternatio cum sensuum externorum & motûs abolitione. *Lindano* est hæmiplegia in capite.

Symptoma ergo est, & quidem actionis abolitæ: de parte affecta in seqq. dicetur.

Exactiùs verò ut calleamus *generationem & naturam* hujus affectûs, inquiremus parùm in ejusdem causas, rem planè perplexissimam, de qua diversissimis & intricatis sententiis multum pugnatur; sed posthabitis litigationibus istis, potioribus quorundam authorum breviter, pro ratione instituti, recitatis opinionibus, mea quæ sit, paucissimis subjiciam.

Sunt itaque qui statuunt, ex obstructione principii nervorum in basi calvariæ apoplexiam generari, ita *Galenus*, *Paulus Aegineta*, & qui eos sequuntur alii. Sed quid obstructio illa incommodabit functionibus principibus, cum cerebrum cæteroquin sic illæsum, imò cum nervi manifesta destituantur cavitare, humor viscidus eos intrare, obstructionemque causari non poterit.

Alii oriri eam existimant ex compressione principii nervorum, verum & hæc opinio antedictam patitur

patitur instantiam, quod nempe functiones principes hætenus non læderentur.

Alii intemperiei cerebri frigida causam apoplexiæ tribuentes, si considerarent nudam intemperiem, quæ summum gradum non in instanti, sed successivè adipiscitur, non tam citò actiones omnes tollere neque tam subito corrigi posse, convenientibus enim adhibitis remediis, citò interdum affectus hic desinit, hæc, inquam, si paulò accuratius expendere, brevi suæ valedicerent opinioni.

Obstructionem ventriculorum cerebri ab humore vilcido & crasso ortam, *alii* accusant; verum experienciâ anatomicâ constat, in ventriculis cerebri variorum apoplexiâ extinctorum nihil repperitum, eosque ab humoribus ejusmodi prorsus immunes fuisse, de quo videatur *Fernelius lib. 2. de abditis rerum causis*. Ulterius hanc opinionem redarguit hydrocephalo laborantium insignis & maxima cerebri cavitatum ab humore repletio, nihil interea plerumque apoplectici sentientium.

Fernelius causam in compressione arteriarum, plexum retiformem, seu rete mirabile constituentium, rejicit, experienciâque hanc suam stabilire conatur sententiam. Sed quicquid sit, licet concedam, interdum obstrui vel comprimi posse hæc vasa, cerebrum tamen omni debitoque pro conficiendis spir. animalibus sanguine minimè defraudatur, cum alia adhuc supersint vasa sanguinem sufficienter advehentia, nempe arteriæ vertebrales.

Gregorius Nymmanus apoplexiâ ortum trahere ab obstructione torcularis arbitrat, cum tamen ejus officium non sit, sanguinem cerebro afferre, sed potius advehere, ita ut venæ, non arteriæ fungatur officio, insuper adesse arteria cervicalis, adessent arteriæ plexum retiformem constituentes, quæ cerebro, sanguinem apportando, sufficienter providerent. Posset igitur & Nymmano concedi, apoplexiâ interdum ex obstructione torcularis oriri, ob impeditam scilicet sanguinis circulationem, verum eò, quò vult Nymmanus, modo fieri non credo. Alii dictas observantes difficultates provenire dicunt ex stagnatione sanguinis in vasis sanguinem cerebro adducenibus, cui sententiæ favere videtur *Dn. D. Mezgerus in Dissert. Medic. Anatom. 3. de flux. & reflux. sang. pag. 29. 30*. Huic sententiæ & ego subscribo, quod scilicet læpissimè inde generetur atrox hoc malum, prout ex seq. patebit. Plures Authorum hæc adducere opiniones chartularum harum angustia non concedit.

Causam igitur immediatam apoplexiæ posui spir. animal. stagnationem. spir. n. animalis ad motum & sensus perficiendos in continuo motu & influxu sit necesse est. Ad hoc verò requiritur motor perpetuus & via libera; Horum alterutrum vel utrumque, si simul subitoque lædatur, apoplexia præsto est.

Considerabimus itaque primò motorem, ejusque in hoc affectu vitia, postmodum viam ejusque obstructionem, aliaque eidem affinia. Quò verò hæc omnia fiant planiora, de generatione, naturâ & motu spir. animalis pauca quædam erunt præmittenda.

Generationem verò spir. animal. modo sequenti fieri, mihi persuadeo: Sanguis si per arterias capillares, unicâ saltem tunicâ dotatas, cerebrum transit, spirituosæ sanguinis partes cerebri substantiam, corticalem præprimis penetrant, relictis partibus crassioribus aquosis aliisque heterogeneis, haud aliter ac spir. vini in destillatione transit spongiam

oleo imbutam.

Naturam spir. animalis quod concernit, vini spiritui vel cuicunque alteri simillimum esse arbitror, id quod præter alia generatio modò proposita & restauratio indicant: Consumpti enim ab exhibitio spir. volatili facillè reparantur: Videatur *Timmæus in respons. Med. pag. 20*. statuens, spiritus constare in sale volatili spirituosissimo, iisque acidum averissimum esse: Ubi tamen norandum eum spiritui vini similem non esse prout est in forma liquoris, sed halitus & vaporis, tum enim expansus ac mobilis existit, & quemadmodum parva quantitas spir. vini in halitus resoluti totam cucurbitam & alembicum cum vase recipiente in destillatione implet, imò per tenuissimas rimas cum impetu erumpit, ita & spir. animales cerebrum, nervos & musculos subito adimplent.

Eos verò halituosa forma suas perficere operationes, ex dicendis elucescet: Cum calidus effluensque sanguis cerebro communicatur, tum halitus spirituosissimi id penetrant inque halituosa forma à calore, tanquam subtilissimi spiritus, conservantur, atque ad partes corporis, expansione & motu per spinalem medullam & nervos deferuntur: Cerebrum enim cum spiritali medulla multis vasis sanguiferis refertum est, nervosque concomitantur, arteriæ, à quarum calore continuo foventur, facillèque in forma halituosa conservantur. Unde, ut experientia docet, si partes corporis admodum refrigerantur & humectantur, spiritus hi concreverunt, (similiter ac spir. vini in alembico impositis lixivis madidis) & partes ad motum & sensum redduntur ineptæ & resolvuntur. Hi enim spiritus, cum omnibus corporis partibus sensum & motum largiri debeant, motu satis celeri præditi sunt necesse est, quo voluntatis in motu potens ac celerissimum exequantur arbitrium, sensationesque externas citissimè ad cerebrum deferant: Spir. volatilis, si expansus adhuc omnia aptior erit, tum enim citò & facillè transire nervos, expandere musculos, & resiliere in sensatione poterit, quæ à coagulato simili modo perfici nequeunt.

Modus autem motus hujus talis est: Halitus isti spir. volatilis, si in cerebro dispersi & expansi sunt, propelluntur non tantum expansione, sed & cerebri motu per spinalem medullam, cæteroque nervos ad omnes corporis partes. Ad motum verò hunc propriâ facultate edendum cerebrum ineptum est, fabrica ejus satis superque testatur. Meningibus motum cerebri qui attribuunt, experienciâ refutantur, ablata enim magnâ cranii parte & ipsis meningibus, motum tamen cerebri observavit *Riolanus* in ovo. Motus enim ille qui in cerebro deprehenditur & manifestè quidem in infantum recens natorum & vulneratorum, pulsum motui respondet, pulcherrimè in demortuorum cerebro representari potest: Cranio nempe prius ablato, quo cerebrum suis meningibus vestitum in conspectum veniat, crassam quoque meningem remove proficuum foret, tum enim cerebrum tenui solum meninge rectum mæandros intestinorum quasi repræsentabit. His ita paratis, si inflentur arteriæ carotides in collo, per distinctos pulsus egregium edet spectaculum singulis namque inflationibus non solum arteriæ inflantur & attolluntur: sed & integra massa cerebri movetur & intumescit, quolibet inflationis ictu, sic quoque apertis ventriculis lateralibus, si ramus arteriæ jugularis, plexum constituens choroideum, inflatur, tremulum

visuque jucundum exhibebit motum, unâ etiam movebit partes quasdam adjacentes, præsertim glandulam pinealem.

Ex hoc *pulsatili* universo cerebro communicato *motu*, arteriarum beneficio, spirit. animale in motu versari & in nervos propelli suspicor. Dum enim cerebrum tam arctè à cranio circumdatum sit, ut in multis craniis, viâ arteriarum exscriptæ quasi extent, fieri aliter nequit, quin per motum & appulsam sanguinis cerebrum intumescat, cum ulterius, ob accuratam cranii adjacentiam, propelli nequeat, ipsius substantia movendo & dilatando prematur, & consequenter spirit. animal. exprimantur in suos canales & nervos. Arteriæ verò spinalem medullam & nervos undique concomitantes, præterquam quod calore eos expandant, continuo quoque motu pulsatili eorum motum promovent.

Moveri autem spirit. animal. continuo illo motu & calore sanguinis in cerebro ejusque appendicibus, ex eo constare videtur, quod, quoties impediatur sanguinis ad cerebrum partesque sensiles motus, toties derepentè, omnes actiones animales labefactentur & tollantur.

Quemadmodum videre licet in strangulatis, in quibus in momento ferè omnes sensus tam interni quàm externi, motusque animales cessare solent, quorum historias quasdam collegit *Wepferus in exercit. de loc. aff. in apoplex.* quarum illa præ cæteris memorabilis existit de Angla suspensa Medicorum verò ope restitutâ: Hujusmodi notatu dignam recenset historiam *Helmontius* de curioso quodam *Astrologo lib. de Lithiasis cap. 9.*

In morbis syncopiticis, cum motus sanguinis & pulsus suspenduntur, animales etiam actiones labefactantur & tolluntur, non autem functiones animales subito abolentur, quod ob impeditum sanguinis influxum, spirit. animal. suo destituantur & frustrentur alimento, tum enim lentè labefactarentur ejusmodi actiones, donec tandem successivè consumptis spiritibus deficerent hoc autem non fit in illis sanguinis stagnationibus sed derepentè, alia igitur subitanæ hujus abolitionis functionum querenda ratio, dicta scil. cessatio motus. Cessante enim in cerebro pulsatili motu, cessat, ab impedito sanguinis influxu, calor, spiritus ad partes non propelluntur, sed stagnant, breviq; coagulantur.

Cum itaque impeditum sanguinis influxum sequatur repentina spirit. animal. stagnatio, læsio verò & abolitio functionum à spirit. animal. dependentium, inquirendum in causam tam subito sanguinis illius influxum impredientem: Hæc est repentina sanguinis in arteriis carotidibus & vertebralibus stagnatio, coagulatio & concretio, & hanc, si non semper, ut plurimum tamen generatæ apoplexiæ causam esse existimo.

Coagulatio verò ipsa causatur ab halitibus acido-austeris & coagulativis sanguini commistis; Halitus hi afficiunt vel extrinsecus advenientes, corpusque in respiratione vel per poros intrantes, vel intrinsecus in corpore nostro, mediante effervescentiâ vitiosâ in tenui intestino excitantur ascendunt, sanguini commiscuntur, eumque coagulant. Huc inclinare videtur *Bernh. Svalve in tract. de querel. vent. p. 222.* Sublimatum autem acidum quippiam, inquit, si ab astro suo depulsum ruat in spinæ medullam, tactum motumque resolvit. Ideoque sæpius apoplexiam præcedere videmus cardialgias, vomitus vel vomendi conatus, dysenterias &c. Id quod variorum etiam testantur facta, Ex his

dictis *focis qualitasque materia* haud obscurè jam colligi poterit, cum & post aperitionem in ventriculo & intestinis caustica & nigra materia sæpius reperta sit.

Generari hæc materia & in corpore nostro produci potest pravâ diætâ, multa scilicet acido austera in alimentis assumendo, unde humores tales in corpore generantur, præ cæteris verò succus pancreaticus facilè eam inducit naturam, inque ductu laterali stagnat, stagnatione acrior factus tandem copia & acrimoniâ materiam obstruentem, pituitam nimirum viscidam, perrumpens, cum bile vitiosam in duodeno excitat effervescentiam, unde halitus illi acido austeri & coagulativi exsurgentes, acrimoniâ suâ in orificio ventriculi admodum sensibili cardialgiam excitant, ventriculum ad vomendum, intestina ad egerendum irritant, imò, corrosis intestinorum tunicis, dysenteriam pariunt. Fieri coagulatio quoque potest à veneno exhibito coagulativo, mercurio sublimato communi, aquâ forti & similibus, quæ cani propinata mortem subitanæ cum coagulatione sanguinis intulisse vidimus.

Num verò sanguinis in cerebrum influxus alio etiam modo tam repentinè impediti queat, certò determinare non possum. Pituitam viscidam quod concernit, eam quidem in arterias capitis delatam, eadem obstruere posse non nego, quod verò confertim & simul omnes oppilari & obstrui possint à pituita, est de quo maximè dubito. An quoque subito omnes comprimantur arteriæ, ut transiit de negetur sanguini, non assequor, positò verò hoc fieri à sanguine extravasatò ut plurimum fieri arbitror, quamvis non sequatur: in hujus vel illius apoplectici capite inventus est sanguis extravasatus, ergò hujus mali causa existit, cum vasa obstructa facilè rumpantur & sanguis extravasetur, quemadmodum videre est in pleuritide: Per subitanæ verò arteriarum carotidum & vertebralium abscissionem etsi fiat apoplexia ea tamen Medico curanda non offertur. Non desunt quoque qui ex obstructione sinuum cerebri, qui sanguinem revehunt, circulationem sanguinis impeditam, stagnationem interdum & extravasationem, & per consequens apoplexiam provenire statuunt.

Perspectâ hætenus stagnatione spirit. animal. à motore labefactato & sublato pendente, pauca quædam addam de *via affecta* influxumque spiritibus denegante. Cerrum est incisâ spinali medullâ illicò sequi omnium inferiorum partium resolutionem, eorum sensus & motus abolitionem, cujus rei experimentum in brutis facilè institui potest, inciso enim spinalis medullæ principio, apoplexia præsto erit; Medico tum incurabilis. Comprimi posse medullam oblongatam & quidem subito censeo, repentinè materia confluenta circa magnum occipitis foramen, (foramen infundibuli repræsentans) per quod transit medulla oblongata, medullamque comprimente, ut spiritibus denegetur exitus. Confertim autem eò materia confluere potest, si ventriculi cerebri & quidem laterales humoribus sint repleti, qui quantitate nimîa coacervati, contiguitatem limbi cum cerebri radice perrumpunt, licet hæc etiam motu cerebri violento divelli possint, in sternutatione aliove modo. Sanguis ex ruptis cerebri vasis eò effusus, medullam oblongatam comprimere aptus existit, rumpuntur verò vasa à vulnere, contusione, si consuetæ supprimantur hæmorrhagiæ per nares & menses, vel alio quocunque modo.

A cau-

A causis mediatis proximioribus ad remotiores nunc progrediendum, quas in naturales, non naturales & præter-naturales dividunt: *Naturalium in classe* sefe offert temperies ad frigiditatem præcipuè & humiditatem proclivis: *Ætas* senilis apoplexiæ ferax secundum *Hippocr. sect. 3. aphor. 31.* ubi apoplexiam inter senum morbos refert. Dispositionem hæreditariam multum huc conferre quibusdam placet. Inter *nonnaturales* se sistit primò aër aquilonaris, frigidus, violentus & asper: Occidentalis, pluviosus, pituitam serosamque humores augens: Aër exhalationibus venenatis & narcoticis infectus: Radios Lunares peculiari vi cerebro infestos hîc quidam accusant. Pertinet & huc tempus anni hyemale, de quo *Hippoc. sect. 3. aphor. 23.* Diætã suprà parum terigimus: Venere nimiam apoplexiam imò mortem sibi quosdam acquisivisse, legimus. Præ aliis verò animi pathemata humores exagitare solent, ex ira enim vehementiori quosdam apoplexiam passos esse observavit *Forestus l. 20. in schol. obs. 70. ex præternaturalibus* adducitur melancholia. *Vid. Hippoc. sect. 6. aph. 56.* Causa externa violenta verbi gratia contusio, casus, vulnus, ictus, fractura &c. Plura reperientur apud Authores; hîc brevitati studens, dictas causas casui nostro nonnihil applicabo.

Affectum Ægri nostri ortum habuisse à vaporibus acido-austeris & quasi malignis, non solum ex suprà positis, verum etiam si circumstantiæ, symptomata, aliaque in historia casus proposita, imò curatio sequens, diligentius paulò inspiciantur, ad oculum patebit: Primò enim dixi eum affectioni *hypochondriacæ* obnoxium fuisse; cujus causam plurimi moderni Medici in acido-austero latitare asserunt: Hyems erat coagulationem & stagnationem humorum promovere apta, imò cum ipsum frigus in particulis acidis & nitrosis consistat, aciditas in corpore præprimis disposito aucta fuit. *Ira inter concionandum* corripitur, Pathemate à scherbio vehementissimo dicto. Ira enim humores agitando, mineram causæ morbificæ in pancreate absque dubio latitantem excitavit, unde vapores acido-austeri elevati, primò horrorem, postea caput petentes, spir. animal. inordinate movendo, vertiginem produxerunt, tandem coagulato in vasis sanguine & per consequens cessante spir. animal. motu & influxu (à quibus omnes corporis partes tanquam à sole irradiantur) necessariò subsecuta fuit omnium, qui à spir. animalibus alias sustentantur sensuum abolitio, corporisque lapsus. Remansit autem *respiratio difficilis* cum *pulsu parvo inordinato*, non prout quibusdam videtur, ob summam respirationis ad vitam conservandam necessitatem: Quamquam enim respiratio summè sit necessaria, finis tamen per se efficaciter agere nihil potest, efficiente scilicet causâ deficiente, præterea natura nunquam non hoc ageret in omnibus ad vitam conservandam necessariis actionibus: Neque etiam à spir. vitalibus, calore & motu cordis, ut aliis placet, conservatur, sed ob faciliorem spir. animal. in illos nervos influxum evenire suspicor, qui influxus à prima nativitate & dormienti & vigilantibus sine ulla intermissione continuatur, hinc, hos nervos poros suâ sponte apertos & dilatos habere quidam existimant, reliquos non item, sed tantum per inflationem spir. animal. dilatari. *Pulsus erat parvus & inordinatus*, cum sanguis

propter obstructionem arteriarum vix circulari poterat.

At ad ea, quæ supersunt festino, ubi si obiter differentias & signa apoplexiæ terigero, curationem postmodum subjungam: *Differt* apoplexia ratione graduum: Quorum *Hippocr. sect. 2. aphor. 42.* duos; Galenus verò *lib. 3. de loc. affect. c. 7. & 10. & comment. ad aph. 42. sect. 2.* Hipp. quatuor constituit, quem plurimi imitantur: *apoplexia primi gradus* est, ubi respiratio aliqualem servat ordinem: *Secundi gradus* est, ubi respirationis major adest difficultas & inæqualitas, modò enim crebra, rara modò observatur. *Tertii gradus* fortis dicitur & vehemens, in qua respiratio quidem præsens, sed summa cum difficultate æger laborat, adeò ut cum stertore spuma prodeat. *Quarti gradus* acutissima & fortissima est, in qua respiratio ad sensum abolita est, ægerque cadaveris instar jacet: Ratione causarum porò differt apoplexia, cum alia sit à motore cessante, sicut in ægro præsentis, alia à via obstructa & laborante: Rursus alia à causis internis, alia ab externis, item alia à vi externa à contusione, ictu, vulnere &c.

Signa imminents interdum ferè nulla sunt, interdum præcedunt torpor & stupor, sensus amissio sine manifesta causa, dolor capitis & gravedo subito ac vehementer invadens teste *Coo sect. 6. aphor. 51.* somnus altus, oculorum caligo, circumgyratio capitis per imaginationem, & verrigo tenebricola, horror, incubus, tinnitus aurium ac linguæ balburies secundum *Hippocr. sect. 7. aphor. 40.* stridor dentium in somno, sternutationis conatus sed impotentia, & quæ sunt alia: In præsentis apoplectico præcursores erant horror & vertigo. Præsentis apoplexiæ signa satis sunt evidenteria, subitaneus nempe lapsus, cum sensus & motus privatione relicta saltem respiratione vel difficili vel ad sensum nulla cum pulsu inordinato & parvo, ut hîc, vel magno, neque concussus neque punctus sentit, dormit profundè, imò stertit, membra laxa elevata concidunt suo pondere, mortuorum instar.

Signa causarum, ut in aliis quibusque morbis, ita & hîc ob curationem probè sunt observanda: Si enim sit à motore cessante & sanguine stagnante, plerumque adest pulsus magnus, interdum, ut hîc videmus, parvus, cum majori nisu respirationis & faciei rubore, sæpè eam quoque supradicta præcedere solent signa. Si à compressione medullæ oblongatæ, pallor potius quam rubor faciei observatur, neque tam subito sensus interni omnino tolluntur, pulsus admodum debilis cum respiratione simili adest. Si à sanguine extravasato, plerumque evidens causa vel plethora præcessit. Cæterarum causarum signa ex circumstantiis & per se patent, vel judiciosâ calculatione & diligenti symptomatum observatione facillè eruuntur.

Ne verò hîc cum aliis affectibus valde ipsi affinis, confundatur, operæ pretium me facturum arbitror, si signa apposuero distinguencia: *Distinguitur à lethargo*, quod in hoc, quamvis somnolenti sint, excitentur tamen, quod apoplecticis non accidit, insuper lethargum febris comitatur, in hac non, nisi superveniat. Ille paulatim fit, hæc subito. A caro, tactu, qui remanet & plerique sensus, puncti enim sentiunt partemque movent, carus sensim invadit & respiratio adest libera, hæc repente cum respiratione vel difficili vel ad sen-

sum nullâ: apoplexia pletumque in paralyfin definit, ille citra paralyfin curando evanescit. Ab epilepsia motibus convulsivis: à *syncope* ubi pallor faciei & pulsus terè abolutus cum sudore frigidus. A *suffocatione uterina* dicta, colore faciei cadaveroso (quamquam teste *Lazar. Riverio Prax. lib. 8. cap. 1. p. m. 360. & lib. 15. cap. 6. p. 219.* interdum rubicundus observetur) fauciumque strangulatione, Patientes sensibus tum internis tum externis aliquantum constant, vocatæ enim audiunt & post paroxysmorum dictorum aut factorum recordantur: à *catalepsi*, quia cataleptici liberè respirant, & membra rigida, apoplectici verò resoluta habent, præterea in illa ægri in eodem situ, in quo deprehenduntur, rigidi permanent: A *catarrho suffocativo*, quod hoc correpti sensibus motuque integris suffocentur.

Prognosis quod attinet, sciendum, hunc affectum periculolum & sæpè lethalem esse, quamvis pro varietate graduum curam admittat, secundum *Hippocr. aphor. 42. sect. 2.* apoplexiam fortem solvere impossibile esse, debilem verò non facile. *Hippocr. aphor. 15. sect. 6.* sequens ponit prognosticum: Qui valentes capitis dolore subito corripiuntur, & protinus muti fiunt & stertunt, intra 7. dies intereunt, nisi febris supervenerit: Grandævus ob virium imbecillitatem frequentius opprimat quam juniores: Si à difficili respiratione sudor superveniat, præsertim frigidus, lethale. Quæ à sanguinis stagnatione oritur, solutu faciliorem esse existimo, cum medicamenta locum affectum facilius attingere queant, secus ac in illa, quæ à compressione medullæ oblongatæ provenit, quod remedia hinc adhibita locum delinatum difficilius assequantur. Cum igitur à sanguine potissimum stagnante malum in agro nostro foveri æquè ac ortum traxisse pateret, tantum abfuit, ut de salute ægri desperatum sit, ut potius omnis eò moveretur lapis, quò citius convenientia adhiberentur remedia.

Statim itaque, agro in justo situ prius collocato, pro conciliando & reddendo sanguini motu, ad nobilissimum pariter ac generosissimum auxilium, *venæ-sectionem* nempe, confugimus, sanguinemque è mediana brachii dextri misimus ad \mathfrak{z} vj. *Celsus* enim notante *lib. 3. cap. 28.* post sanguinis missionem si non redit mens, nil spei superest: magni idè æstimanda venæ sectio, cum scilicet, ut hinc, adsit plethora & stagnatio sanguinis: Post venæ-sectionem respiratio liberior, pulsusque fortior erat: Subinde cochlearia duo mixturæ seq. ipsi infundebantur.

\mathcal{L} . Aqu. lavendul. \mathfrak{z} i ss. aq. apoplect. Sennert. spir. lilior. convall. ana \mathfrak{z} ss. tinct. castor. \mathfrak{z} j. spir. armoniac. \mathfrak{z} j. ol. succin. nigr. \mathfrak{z} ss. syrup. de betonic. \mathfrak{z} vj. m.

Cervix, collum, adjacentesque partes seq. inungebantur linimento.

\mathcal{L} . Aq. anhalt. aq. theriac. ana \mathfrak{z} iij. spir. sal. armon. ol. spic. ol. philosoph. ol. vulpin. ana \mathfrak{z} ij. ungu. martiat. \mathfrak{z} ii ss. m. f. linimentum. Quibus per dimidiam horam adhibitis oculos aperire incipiebat, membraque movere, interea frictiones & inunctiones non intermittebantur, naribus admovebatur spir. sal. armoniac. inungebanturque oleo succin. nigr. His ita continuatis per 5. horæ quadrantes planè æger se recolligit, remanentibus solum, ut in historia casus dictum lingua immobilitate viriumque imbecillitate, quæ

continuatione medicamentorum dictorum brevi quoque cessant, & hæc ad Paroxysmum tollendum fuerunt ordinata & adhibita: Ad præsertionem ipsi recommendabatur ulus crebrior spir. sal. armoniac. non satis laudandi vel alterius urinosi, pituitam enim viscidam, ductum pancreaticum, aliosque obstruentem non solum deobstruit, incidit & attenuat, verum etiam humorem acidum austerum corrigit, præterea tempore veris & autumnii purgatio præcessâ præparatione instituatur pilulis seq.

\mathcal{L} . m. p. tartar. quercet. \mathfrak{z} j. resin. jalap. diagryd. ana gr. ij. ol. garyophyll. gut. iij. cum conserv. flor. lavendul. f. pilul. num. xiiij. Tempore verno post purgationem venam incidere valde quoque proficuum foret, præsertim cum æger noster sanguine abundet: In usu rerum sex non naturalium dietam observet exactam: Aër eligatur purus & temperatus: Cibus & potus causæ morbificæ sit contrarius. Vigiliæ & somnus non excedant: Motus mediocris præsertim ante prandium & cœnam instituatur: Imprimis verò animi pathemata & præ cæteris iram canepius ac angue fugiat. *Joann. Michaelis Prax. clinic. special.*

Vir quadragenarius ac fortis, crapulæ & ebrietati admodum deditus, postquam de capitis gravativo dolore, modò majore, modò minore, per duos mentes conquestus fuisset, nec remedia adhibuisset sed more solito, tam antemeridianis quam pomeridianis temporibus, aliorum sanitatem magnis multisque poculis bibendo, suam citissime profligare diligenter studuisset, tandem matutino tempore in cubiculo deambulans, postquam tria quatuorve inarticulata verba protulisset, repente concidit, omnis sensus & motus expers solâ respiratione excepta, quam Medicus post sesquihoram vocatus aliquantum ingravescere percepit, pulsu mediocriter valido etiamnum existente.

Caput in hoc agro gravissimè affligi, animalium functionum prostratio satis docet.

Affectio hæc *apoplexia* nominatur, quæ est *subita omnium functionum animalium, exceptâ respiratione, privatio.*

Non esse lethargum, syncopem, coma somnolentum, carum, cataleptin, aut epilepsiam, ex eo liquet, quod æger sine febre existens, prorsus immobilis jaceat, nihil omnino sentiat, nullis mediis excitari possit, & omnia membra flaccida habeat, cum pulsu mediocriter valido, & respiratione jam ingravescente; quæ omnia simul in prædictis affectibus non adsunt.

Cerebrum autem in hoc agro imprimis afficitur circa principium medullæ, è qua omnium nervorum origo procedit: quod principium ab humore pituitoso obsidetur.

Causa remota fuit continua ebrietas & crapula, qua longiore tempore debilitatum est cerebrum, in eoque multi crudi ac pituitosi humores generati, & in ventriculis cumulati, causam antecedentem dederunt; qui postea ad nervorum principium decumbentes constituerunt causam continentem.

Istius enim nervorum principii poros obstructione & compressione repente angustantes, ingressum spirituum animalium prohibent; qui cum ea de causa subito sistantur & in nervos non influant, subito etiam concidunt, omnes animales

les functiones, ægerque omnis motus & sensus expers relinquitur: excepta tamen respiratione, quæ aliquandiu persistit, quia spiritus animales in principio mali ad solos musculos respiratorios adhuc influunt, propter pororum in nervis respiratoriis majorem latitudinem, qui ea de causa tam citò non obstruuntur, ut aliorum nervorum pori angustiores. Verùm malo perdurante, & humore pituitoso se magis magisque in eorum poros paulatim inferente, vel eos compressione angustante, etiam magis magisque impeditur spirituum animalium in eos influxus, unde tunc actio musculorum respiratoriorum imminuitur, & respiratio cum stertore ingravescit.

Pulsus integer sentitur, quia malum est in principio, & sanguis è dextro cordis ventriculo in pulmonem impulsus propter respirationem adhuc permanentem satis refrigeratur. At si perduret malum, etiam pulsus paulatim imminuetur ac deficiet, non quòd cordis motus ab influxu spirituum animalium dependeat, ab eoque deficiente etiam deficiat, sed quòd dextri ventriculi sanguis, propter respirationem desinentem, non satis eventiletur & refrigeretur, atque hinc pauca quantitate ad sinistrum ventriculum deveniat, unde cor debilitatum in suo motu deficit.

Malum hoc periculosissimum est, nam juxta 2. aphor. 42. *apoplexiam fortem solvere impossibile, debilem verò non facile.* Quia tamen in principio est, & respiratio nondum fit cum stertore, ægrique calor ratione ætatis validior existit, aliqua sanationis spes elucere videtur, sed non sine metu paralysis post morbi solutionem secutura.

Cutatio igitur citissime instituenda est: ac studendum primò ut humores pituitosi nervorum principium obstruentes, loco moveantur, sicque spiritus in nervos transitus patefiat: deinde eorum nova generatio & in capite collectio impediat, ac cerebrum corroboretur.

Corpus itaque moderatè commoveatur, fiantque pilorum vellicationes & asperæ frictiones ac ligaturæ in brachiis & cruribus. Hic quoque clyster injiciatur.

℞. Herb. absynth. rutæ, parietariæ, mercurialis, hyssopi, betæ, centaurii minoris ana m. j. fol. senæ ℥ j. colocynthidos in puppa ligatæ ℥ j. sem. anis. ℥v. aq. q. s. coquantur s. art. rec. colatur. ℥x. elect. hier. picr. diaphanici, ana ℥ j. olei chamæmelini, rutacei ana ℥ j. salis ℥iv. misce, fiat clyster. Vel ejus loco uti licet tali suppositoio: Rec. specier. hieræ ℥ j. trochisc. alhandal. ℥ss. sal. gemmæ ℥ j. mell. ℥vj. f. s. art. suppositorium, cujus extremitati adhæreant diagridii gr. iv.

Post injectum clysterem secetur vena in brachio, & sanguis mediocri quantitate educatur. Deinde cucurbitulæ cum & sine scarificatione applicentur collo, humeris, scapulis & cruribus.

Naribus etiam hic pulvis sternutatorius insuffletur. Rec. rad. helleb. alb. ℥ j. pyrethr. ℥ss. fol. majoran. ℥ j. piperis nigri, castorei, ana gr. v. fiat pulvis.

Foris capiti calidè imponatur hic sacculus.

℞. Sal. m. j. ss. sabuli marin. m. ij. sem. cumini, fœniculi, levistici, ana ℥ij. gariophyllorum ℥ i ss. calefiant simul in olla lapidea sicca, ac sacculo lineo infusa, capiti calidè applicentur.

Naribus, temporibus & vertici illinatur hoc linimentum.

℞. Ol. castorei, lavendulæ, rosmarini, succi-

ni, ana ℥ j. unguent. martiat. ℥ j. misce, f. linimentum.

Cùm æger incipit ad se redire, detur interdum cochleare hujus aquæ.

℞. Aq. flor. tilia, lilii convallium, vitæ Marthioli, syrup. de sthœcade, ana ℥ j. misceantur.

Deinde purgetur cum pilulis cochiis, vel extracto catholico, vel elect. diaphœnic. aut hier. picræ, vel pulvere diaturbith, vel infusione ex phlegmagogis parata. Quæ purgatio tubinde repetenda est.

Corpore purgato præscribatur hoc apozema.

℞. Rad. acori, fœnicul. ana ℥vj. galang. ℥ij. herb. majoran. betonic. rosmarini, rutæ, calamentæ, hyssopi ana m. j. flor. sthœcad. m. ss. cordialium ana p. j. baccarum juniper. ℥vj. sem. anis, fœniculi ana ℥ij. aq. & hydromelitis, ana part. æq. coquantur s. art. & fiat apozema ad ℥ i ss. de quo sumat æger ter de die ℥ iv. vel v. cum particula hujus conditi.

℞. Specier. diambrae ℥ iv. diamosch. dulc. ℥ss. rad. acor. condit. conterv. flor. salviæ, anthos, betonic. ana ℥v. syrup. de sthœcade q. l. fiat conditum.

Capiti imponatur hoc capirium.

℞. Fol. majoran. m. j. rosmarin. flor. lavendul. ana p. ij. gariophyllorum, nucis moschatæ, ana ℥ ij. benzoini ℥ j. fiat pulvis grossus, è quo in serico rubro fiat s. art. capirium.

In diætâ sit aer modicè calidus & siccus, vel natura vel arte. Cibi sint boni nutrimenti & faciliis coctionis, conditi cum iis quæ attenuandi, calefaciendi, & caput corrobotandi vim habent, qualia sunt, rosmarinus, majorana, serpillum, salvia, betonica, melissa, hyssopus, semina carminativa, & aromata. Potus sit melicratum, vinum tenue, & nonnunquam pauxillum vini hypocratici. Somnus sit brevior, & corporis exercitatio mediocris. Excreta naturalia benè procedant. Fugiantur animi Pathemata. *Isbrand. de Diemerbroëck. Medicat. 12.*

Apoplexia ex concussione cerebri lethalis.

Reverendus Theologus, D. Jeremias Victor, Superintendens Giesensis, ferè sexagenarius, fluxionibus capitis admodum obnoxius, anno 1609. vespertino tempore scalam descendens in domo propria decidit, capite pavimentum feriens, ut circa frontis os contusio deprehenderetur: subitò collapsus instar mortui jacet, sine voce, nec videns, nec audiens; quin etiam tactu, motuque privatus, cum stertore quodam, pulsu adhuc integro, sine febrî. mox vomitus subsequitur, omnibus in eodem statu permanentibus, donec tandem vitali facultate suffocatâ, die sequenti vitam cum morte mutaret.

Verum est illud Hippocratis lib. 7. aph. 58. quibus aliqua ex causa cerebrum concussum fuerit, necesse est statim muros fieri, quod *Gal. in comm.* hoc modo interpretatur, eos scilicet absque sensu pariter & motu instar apoplecticorum jacere. Hoc modo *Fernelius lib. 2. de abditis rerum causis capitis* ex ictu oculi puerum, & *Herc. Saxon. in prælect. præst. par. 1.* quendam Venetiis ex alapæ contusione apoplecticum redditum fuisse testantur. Mirum ergo non est, quòd hic etiam externa causa, nimirum contusio ex lapsu, *apoplexia occasio-*

nem dederit, in sexagenario, cum senili ætati familiaris aliàs hic affectus sit, juxta Galen. lib. 3. aphorism. commun. 31. qui fluxionibus capitis admodum obnoxius erat, quâ ratione proxima continensque hujus symptomatis causa nimirum *subitanea compressio cerebri, respectu si nimum & baseos, seu principii nervorum* originem suam, externâ violentâ concurrente, citius habere potuit: *vespertino tempore*, nimirum post cibum, capite aliàs repleto, spiritibusque versùs concoctionis membra revocatis, ergo subito collapsus instar mortui jacet, quod omnes facultates animales æqualiter langueant, unde situs talis in universali prædictarum facultatum quiete solet observari, quod patet in *lipothymia ex resolutione*, cui melius succurri nequit, quàm ubi laborantem protinus in dorsum extremis æqualiter extensis procumbere jubemus; *sine voce, nec videns, nec audiens*, læsis scilicet tam internis quàm externis sensibus; his propter denegatum spirituum animalium influxum, illis propter cerebri compressionem subitam, illarum partium respectu, per quas spiritus animales aditum liberiores requirunt, *quoniam etiam tactu, motuque privatus*, quod non tantum anterior cerebri pars, sed undique totum esset affectum, ubi colligitur *differentia præsentis affectus* 1. à *Cara & gravi sopore*, quod prioribus cerebri partibus potissimum hic oppressis per posteriorem medullæ partem communicatio spirituum, quanquam difficulter adhuc, fiat; unde stimulari sentiunt & moventur. 2. à *lethargo*, cui idem accidit, lentâ febre simul presente 3. à *epilepsia*, quæ cum motibus convulsivis jungitur. 4. à *suffocatione uteri*, quæ non tantum similes quoque motus, sed sensuum etiam interiorum & exteriorum imperfectam operationem relinquit; cum stertore quodam, propter morricis facultatis imbecillitatem; quæ thoracem abundè satis attollere nequit, adjuvante simul caloris imminente suffocatione, qui propterea collectus circa cor amplius ventilari cupit, quâ ratione dormientes etiam, non vigilantes, frequenter stertorem edere solent, inprimis ubi dorso incumbunt, *pulsu adhuc integro*, corde videlicet principaliter non adfecto; sine febre, quatenus affectus hic inflammatione destituebatur, quod non fit in lethargo, in soporiferis febribus, &c. *Mox vomitus subsequitur*, à concussione suam originem trahens, quatenus vomitus, inprimisque biliosus, cerebri, membranarumque potissimum læsionem sequi solet; juxta Hippocr. lib. 6. aphor. 50. & alibi. His signis perdurantibus prognosin facillimè fecimus, nimirum affectum lethalem esse, cum Hippocr. lib. 2. aphor. 42. apoplexiam fortem nullo modo, debilem vero non facile solui posse statuat.

Ne verò quicquam, quod Christiana charitas requirebat, intermitteretur, aliquid tentandum esse judicavimus, propterea quod interdum etiam in desperatis casibus benedictio divina luculenter, præter spem, dum ex officio sapius extreme laborantibus succurrimus, nobis apparere soleat. *Hinc revulsionem à capite variis mediis instituendam, & deinde omni ingenio facultatem animalem excitandam esse putavimus.*

Pro primo mox venæ sectionem instituimus in brachio dextro, sanguinis ℥vii. vel 8. extractis, propterea quod suspicio esset, sanguinem ex concussione capitis eò confertim affluxurum. Quamquam verò sanguinis missione dextrè peractâ, res-

piratio levior videretur in cæteris tamen nulla mutatio sequebatur, unde non tantum extremorum frictiones & ligaturas dolorificas ordinavimus, sed paulò post clysterem sequentem suavimus, qui.

℞. Herb. betonic. salv. primul ver. centaur. minor. calaminth. montan. ana m. i. ss. fol. lenn. 3vj. pulpæ colocynthid. 3i. coq. in aq. & vin. ad tertias, colatur. ℥j. diss. elect. hier. simpl. Ind. major. ana 3ss. ol. rutacei, de castoreo. anethin. ana 3j. sal. gemm. 3 ss. m. f. clyster.

Præter hæc remedia revulsionum, partem affectam quoque non negleximus; quam ob causam, *prosecundo*, non tantum aquam apoplecticam Langii, cum spiritu cerasorum nigrorum permistam, aliquoties infudimus, corroborationis gratiâ, sed etiam ol. succini verticem, tempora & nares inunximus, ac tandem sternutatoriis ex castoreo & similibus, quæ post universalis & revellentia rectius, quàm in principio adhibentur, naturam excitare conati sumus, sed frustra, *sensum etiam vitali facultate remittente.* Gregor. Horstius de Morb. cap.

Observationes.

Juvenula in veram apoplexiam, cum menstrui effluvio, incidit; pluribus celebratis auxiliis, ego neglectâ indicatione quæ à menstruo fluente actu delimitur, oburgens periculum, factis crurum frictionibus & cucurbitulis femoribus apposis, octo horarum spatio quater è cephalica copiosè sanguinem mitto, à quo præsidio convaluit. Zacutus Princ. Med. Histor.

Sartor quidam pallidi coloris extra urbem existens, subito apoplexiâ correptus, in domum sine sensu ac motu fertur; qui cum pituita abundaret, & venæ non apparerent, sectionem venæ prætermisimus. Sed ut subito materiam à capite divertendo avellerem, ut hic clyster infunderetur mandavi.

℞. Cent. min. puleg. calamenth. organ. beton. rutæ, salv. mercurial. hyssop. ana m. j. fol. lauri, fl. stœchad. & anthos, ana p. j. sem. anis. fœnicul. cartham. contus. ana 3ij. uvarum pass. enucl. 3j. colocynth. 3i. coq. in aq. communi in col. ℥j. dissolv. elect. hier. simpl. benedict. laxat. ana 3ss. hier. logad. diacolocynth. ana 3i. ss. ol. chamæm. rutac. ana 3j. ol. anethi, 3ss. ol. castor. 3ii. ss. salis gemm. sal. communis, ana 3j. m. f. clyster. interim dum clyster parabatur, etiam alvus irritata est ad solutionem glande infra scriptâ.

℞. Trochisc. alhandal. 9ij. spec. hier. picr. 9j. sal. parum, mellis q. s. f. suppositorium. Adhibui etiam frictiones; & vincula tum femoribus, tum brachiis injeci, quibus adhibitis, tendebat in paralytin: Sed non expectatâ digestionem, ut has pilulas devoraret præcepi.

℞. Pil. coch. 3j. castor. 9j. cum syrup. de stœch. fiant pilul. 7. quas, cum non potuit devorare, dedimus solutas cum aq. beton. Cum ventrem egregiè solvisset, cœpit melius loqui. Exhibui tunc syr. è stœch. & oxym. scillit. Et postea cum pilulas devorare posset, prædictas deglutendas dedi, nucham quoque inunximus oleo sampuchino & nardino simul mixtis. Deinde pro parti-

particulari evacuatione, palatum inunximus cum theriaca & sinapi; etiam masticatoriis quoque adhibitis, & errhinis cum succo betæ, rutæ, & majoranæ, & sternutamento hunc in modum præscripto.

℞. Nigell. piper. alb. nuc. moschat. ana ℥j. helleb. alb. pyrethr. castor. ana ℥ss. m. f. pulvis. Pauxillum ejus calamo insuffletur in nares. Ultimò ad majorem resolutionem & capitis roborationem, theriac. mithridat. & oxymel scillinum, dedimus, & imperavimus ut ex hoc sequenti condito sumeret subinde.

℞. Conserv. flor. rorismar. beton. salv. ana ℥j. mithridat. ℥ij. theriac. el. ℥j. spec. diamb. diamolch. plirisarchont. ana ℥i ss. diacori ℥ij. oximel. scillin. syr. è stœch. ana ℥ss. m. bibebat & hoc claretum.

℞. Salv. majoran. hyssop. betonic. ana m. j. flor. rorismar. stœch. ana p. j. liquirit. ras. ℥iij. coq. in aq. q. s. in colat. ℥ix. dissolv. mell. despum. syrup. è stœch. ana ℥j. clarificetur & aromatizetur cum ℥iij. cinam. f. claretum pro tribus dosibus.

Exteriùs verò spinam totam inungebat, & crus paralyticum his oleis.

℞. Ol. Nardin. sampuch. ana ℥j. ol. vulp. ℥ss. ol. caryophyll. gutt. v. tempore inunctionis addebatur aliquid aquæ vitæ rectificatæ, & sic hic fuit tandem egregiè curatus. *Petrus Forestus observ. 77. lib. 10. de cerebri morbis.*

Juvenem pleni habitus, præcipitavit redundans capitis sanguis in subitam ac gravem apoplexiam, cum tremore, aponia, ac stertore; tribus periculosis hujus morbi comitibus; quorum vehementia maturè quo infringeret, emittebatur illicò sanguis in brachio dextro, sed eo lenius fluente quam ut satisfaceret morbi magnitudini, exolutum fuit utique eodem ferro & brachium sinistrum: quo bipartito fluxu aliquandiu continuante, remisit evidenter stertor, traxit commodius spiritum, & recuperavit brevi sanitatem. *Tulpius cap. 7. lib. 1. observat.*

Mulier Hebræa, cum continuos 4. dies de more gentis jejunaret, inde debilis facta est; cæterum cum postea mali succi cibariis vesceretur, multum humorem pituitosum exaggeravit, ex quo cerebri cavitates occlusæ sunt, ad quas privatio sensus & motus sequuta; pro quibus recuperandis multa illicò facta sunt, & ad cauterium in futura coronali deventum, unde aliquantum ad se rediit, sed Medicus inscius ad eam juvandam præsens sanguinis ℥viii. vel x. extraxit, unde mors brevi supervenit. *Amatus Cur. 13. cent. 4.*

Anglus sexagenarius, virginum Anglarum Leodii agentium, symphoniarum organisque præfectus, media quadragesima ebrius, in penuarium hospitii pugilum, in quo potarat, delapsus; occipite contuso, osse tamen calvaria intacto, vera, & forti apoplexia correptus fuit. Convenimus ad illum quotquot Leodii erant Medici: omnibus qui aderant illum desperantibus, atque soli prognostico relinquentibus, Rogavi Patres, & Virgines Anglas quæ aderant, quibus tum ordinariam Medicinam faciebam, paterentur ne me aliquid tentare, remediumque nullo modo anceps experiri? Illis annuentibus validè concusso & agitato clysterem acerrimum injicio, quo duabus horis cessante, & glande acri evocato cum insigni evacuatione, toti capiti raso cataplasma, ex fimo co-

lumbino, euphorbio, pyrethro, sinapi applico; hinc multæ magnæque vesicæ cum se lurrigerent, omnibus forcipe sectis, aquæ flavissimæ plurimum effluxit, superpositis rubrorum caulium contusis foliis, multà jam nocte domum redeo.

Postridie specierum hieræ colocynthidos dragmas duas, castorei dragmam semis, rutæ scrupulum, cum aqua antapoplectica propinavi: quæ potio cum ex voto successisset, cucurbitulas humeris cum scarificatione applicui, unde minuto stertore, salivaque circa os omninò siccata, in spem erectus, vesicis capitis non amplius fluentibus novas in nucha & vicinia, sed solis cucurbitis excito, quod quando meum inventum est, neque quod sciam ante me cuiquam usitatum, libenter vobis communico. Capiò latioris orificii cucurbitam vitream, aut vitrum humilior quo Mossellanica, aut Rhenana vina torbemus, illis stuppâ ardente ut sit munita, ubi libet applico; cum per horæ quadrantem hæserunt, derraho, novamque cum flamma, quam possum maxima stuppam appono, paulò post in junioribus & eufarcis, (in senibus aut densâ cute præditis tardius) vesiculæ surgunt, parvarum acicularum capitella vix æquantur; quibus omnibus horæ spatio cocuntibus, surgit vesica maxima, & orificio cucurbitæ, aut vitri, par vel major. Tum si vas vitreum, quorum multa huic usui paravi, non habet foramen cerâ obductum, quo acu perforato, flatu exeunte spontè sua cadit, plerumque vitrum cultro percussum frango, alioquin vesicam dum manu avellitur lacerans, dolorem sæpe excitat. Hinc educta semper magna aquæ copia, esurialibus diebus caulium folia, extra quadragesimæ tempus, macram musculi bovini carnem alligo, tandiu, dum illa virore & fœtore amovendam se indicet. Hoc modo innoxie & intra horarium spatium, certo certius surgunt vesicæ, cum omnia alia vesicantia post multas horas sæpè spem nostram eludant, morbumque vel procrastinant, vel contumacem aut etiam invictum reddant.

Quartâ demum nocte cum naturaliter dormisse visus, jamque liberius respiraret, neque tamen oculos aperire, aut ulla sensus vel motus signa edere posset, alimentis convenientibus maxime decocto cicerum, & tenui mulso, pro potu præscripto, totum occiput spinæque medullam, aqua catarrhali cum petroleo remixta, perunxi; plerisque horum remediorum ad vigesimum diem continuatis, addendo etiam in cibo & potu balsami Peruviani, aut olei succini aolmi guttam, aut olei rorismarini salviæque, chymica arte educti; cum interim aliquoties alvus bonis jusculis & melicerato rigata, jam spontè officium faceret. Die vigesimâ primâ, oculos aperit, caput leviter motat, & jam carpis, temporibusque pulsus redierat, ita ut de salute ejus jam securus, roga rem num loqui posset: Eii respondit, quod Anglis ita significat. Cæterum cum urgerem, aliud quid pronunciaret; nec illo nec altero die, syllabam extorquere potui, ipso quoties aliquid dicere jubebatur, amarissimè flente.

Suspiciatus de paralyfi musculorum, aqua antapoplectica, cui infuderam sinapi, staphidem agriam, baccas lauri, pyrethrum &c. os continuò collucret imperavi, cum liberiore lingua motum notarem, dixi recitaret orationem dominicam, cum ille cancellatis manibus, oculis sursum

sūm verū, tantū, quantum ad hanc diem non vidi lacrymarum imbrēm profudit, ita ut jam & si loquelæ usum habuisset, nimio illum fletu & suspiriis amississet; multo post cū lacrymas absterlisset tempore: lequere, inquam, me dicentem, dic Pater noster: Ille hianti ore & tanquam aëris aucupio intentus, sapius ut Pater diceret sollicitatus, primam tandem protulit syllabam, deinde alteram, eodem prorsus modo quo pueri Abecedarii. Sic paulatim redeunte quam penitus amiserat rem nescientia, & musicam, & fidium peritiam recuperavit, decimaque demum à casu septimana, consueta vitæ munia integrè obivit. Simili ferè modo mulierem curavi; nisi quod huic ex octo gradibus delapsa in occiput, cū nec concussione, nec pilorum vulsione septem qui aderant Medici, ullum ab illa vitæ signum extorquerent, aciculam prælongam inter pollicem pedis sub ungue adegit, è cuius dolorifico sensu excitata, momento citius, magno clamore edito in lecto consedit, sed paulò post iterum concidit, at mox ad se rediit, antapoplecticisque remediis adjuncta intra diem septimum omnino convaluit. Neutri sanguinem detraxi, quia plethoræ suspicio nulla, & utrobique cacochymia signa manifestissima. Tertium curavi apoplecticum Anglum in cuius caput, magna porta, cum trabe cui adhærebat, deciderat. Illius capiti raso post universalia imposui emplastrum Alexandr. Benedicti, quod etiam Franciscus Valeriola commendat observ. 9. lib. 5. quod quia fidum inveni, hîc describam.

℞. Gumm. hederæ, ceræ, terebinthinæ ana ℥iij. resin. purgatæ ℥ss. succ. corymborum hederæ ℥iv. ammoniaci ℥ij. olei rosat. ℥ii ss. farinæ fabarum q. s. f. cerotum. *Henr. Ab Heers observat. Medic.*

Vit quidam temperamento phlegmatico sanguineus, ss. annorum præter propter, posteaquam præcedentibus diebus symposiis operam dedisset, in prandio, inter cibum potumque incipit balbutire, mox insequens apoplexia terminatur in paralyfin lateris dextri, quam comitatur inexpugnabilis dormiendi cupiditas. Secundo die morbi adveniens, ægrum omnino *ἀσύνετον* reperio soporique deditum, facie tamen sana, & omnia intelligentem, solum latere dextro immobili, & paralytico: præmissis morbi curatu difficilis prognostico, illicò hunc clysterem injiciendum curavi.

℞. Rad. angel. zedoar. ana ℥j. fol. rutæ, cent. min. origan. serpill. beton. mercurial. ana m. i ss. Sambuc. cent. min. cordial. omnium ana p. ss. sem. cumin. anis. ana ℥ ss. baccar. laur. ℥ ss. fol. sen. elect. ℥j. f. decoctio in colat. ℥x. dissolv. diaphanic. diacathol. ana ℥j. bened. laxar. ℥ ss. ol. chamæm. aneth. irin. ana ℥j. sal. gemm. ℥j. f. clyster. statim injiciendus. Interius accepit per vices cochlear unum hujus aquæ apoplecticæ.

℞. Aq. hirund. apoplect. Lang. ana ℥j. aq. pæon. lil. convall. ana ℥ss. ol. succin. gutt. vii. m. diligenter ad vitrum. Postea vertex, totumque sinciput unâ cum nucha, illinebatur primum cum ol. succin. calidè, deinde cum hac aqua.

℞. Aq. salv. rosmar. lavendul. ana ℥i ss. aq. vitæ opt. ℥j. ol. salv. succin. destill. ana ℥ss. m. ad vitrum post forum cum hac aqua illinebantur partes illæ cum his oleis.

℞. Ol. lumbricor. laurin. ana ℥ss. ol. costin. nardin. ana ℥iij. vulpin. ursin. ana ℥j. ol. rosmar.

lavendul. ana ℥ss. m. ad fictile. Sequenti die cum in soporem subinde relaberetur, injectus est alius clyster. paulò acrior, additis spec. de hiera ℥ij. colocynth. in petia ligat. ℥ij. Sed neque hic quicquam promovit, tamen per horam mediam & paulò ultra subsisteret: ideoque elapsâ horâ, ex indito suppositoio, tandem bis terque deiecit. A meridie contra soporis augmentum sequentibus pugnatum est.

℞. Rad. Angelic. imperator. zedoar. tormen- till. dictamn. ana m. j. fol. satureiæ (quæ contra veterum peculiaris) m. ij. lavendul. rutæ, serpill. majoran. ana m. ss. coq. in q. s. vini & aceti vinosi pro decocto petiæ duplicatâ hoc liquore imprægnatâ, tam fronti, quam nuchæ calidè adhibeantur, & sapius renoveantur. Succus rutæ cum aceto acerrimo mistus, ex spongia subinde naribus objectus. Intus de hac mixtura ori ingestum.

℞. Oxymel. scillit. ℥ ss. mithridat. elect. ℥j. Castor. pur. ℥j. cum confectioe anacardina fiat mixtura. Oleo etiam sequenti paulò fortiori præcunte aqua superscriptâ, juxta cum spina dorsii, nucha calidè fovebatur.

℞. Ol. laurin. petrol. ana ℥j. ol. castor. laterin. ana ℥ij. euphorbii pulv. ℥j. ceræ rubr. & aceti parum M. F. Linimentum. Pulvis pariter sternutatorius naribus insufflatus est. Gargarismi etiam tentati. Denique ut in tam magno peneque desperato morbo, nullum remedium aliàs salutare, prætermitteretur, clysteriis suppositoioisque nihil aut parum efficientibus, sequentes pilulas capitales pro revulsione ac minoratione repletionis istius apoplecticæ præscripsi.

℞. Extract. pil. coch. ℥j. gummi gutt. lax. elect. gr. v. castor. elect. gr. iv. ol. succin. gutt. iij. syrup. de stæchad. q. s. f. pil. num. v. inaurantur, quia deglutire non poterant, sic dissolutas propinavi.

℞. Aq. pæon. salv. ana ℥x. dissolv. pil. prædict. adde aq. cinam. perlar. ana ℥j. sp. vitrioli, gutt. iij. m. f. haustulus brevis. elapsâ horâ excrevit aliquoties materiam duram, nigram, foetentemque, pro majore revulsione, ab utraque parte nuchæ applicata sunt vesicatoria, sed omnia præsidia frustranea, *Joannes Petrus Lotichius. obs. 10. cap. 1. lib. 2.*

Fortissimâ apoplexiâ correpta fuit mulier quædam 48. annorum habitu corporis *ἀσθενή* ac carnoso concidit subito. Seniores Medici vocati nihil spei superesse judicabant: tandem 16. ab invasione horis vocatus accessi, tunc temporis adhuc juvenis, observavi gravissimam cum difficili admodum respiratione apoplexiam: pulsum fortem & magnum, tentandam esse curationem existima- vi; itaque sanguis illo die bis, & quidem satis copiosè, detractus, semel è brachio dextro, deinde ex pede: Enemata quoque hoc ipso die satis acria duo injecta, deinde singulis diebus singula, adhibita & localia quædam, ita tandem octavo aut nono die suos domesticos agnoscere cœpit, & nonnihil balbutire. Postea purgantibus medicamentis per os exhibitis, deinde *ἐπιπληγίς* apoplegmatis, aliisque similibus usa, meliusculè habuit; verum eo usque perducere non potuit, ut mentis ac sensuum integrè compos fieret, aut pedibus consisteret. Mansit reliquo tempore impotens: sedebat ac gestabatur in sedili, ita tamen aliquot annis supervixit. *Rembertus Dodonæus, cap. 8. obs. Medicinal.*

Ab hinc quatuor annis, præsidem valentem, qui ab obstructione venarum jugularium, & carotidum arteriarum apoplecticis penè conciderat, liberali sanguinis detractiōe, curavi, hunc etiam in apoplexia totam noctem dormire permisi, quoniam absque stertore dormire vilis est, unde melius habuit, nam si cum stertore dormiat apoplecticis statim excitandus est. *Ludovicus Duretus* in annotat. ad cap. 7. lib. 1. *Jac. Holler.* de morbis internis.

D. Screvelius anno 1639. commemoravit mihi quod Hagæ Comitum tractasset Chyrurgum quendam apoplecticum, qui statim ac corripiebatur morbo, clamabat pellis humana: *Screvelius* quærebat quid ea vellet? collo appensam dicebat, eo modo enim ante tempus aliquod apoplecticum Germanum sanatum vidisse qui subinde cutem humanam expetebat: quam cum ipse à *Petro Paavv* anatomix Professore *Leydensi* petisset, illic collo appensam, & apoplexia planè liberabatur. *Ortho Heurnius*, ad cap. 3. lib. 5. pathologiæ *Joan. Fernelii*.

*Ex consuetâ Hemorrhagiæ narium suppressione
Apoplexia.*

Ad

*Clarissimum atque Doctissimum virum,
Dn. Ioh. Iacobum Craftium, apud
Neocomens. Doctorem Medic. ordin.
atque celeberrimum,
cui*

Guilhelmus Fabricius Hildanus S. P. D.

Quemadmodum superflue evacuationes, clarissime atque doctissime Dn. D. Crafti, periculose, sic quoque videmus, si consuetæ fuerint retentæ, perniciosum atque exitiale esse. Id mihi cum alias, tum etiam Lausannæ videre contigit. Historiam, quia annotatione non indignam esse sentio, T. Exc. communicare non gravabor.

Simon Clericus, Aurifaber Lausannensis, natione Gallus, homo pius, sanguineus & robustus, hæmorrhagiæ narium à juventute ita obnoxius fuerat, ut etiam si sæpius sanguinis ad uncias aliquot pro vice efflueret, singulis annis, aut biennio semel tanto impetu erupit, ut difficulter cohiberi posset. Cujus rei ego testis sum ocularis. Anno enim 1586. cum sanguinis ei impetuosius copiosissimèque ex naribus proflueret, adeo ut de vita periclitaretur, una cum clarissimo Dn. Jacobo Auberto Vendone, piæ memoriæ apud Lausannenses Doctore Medico longè celeberrimo, amico ac fautore meo plurimum honorando, in consilium adhibitus, sanguinis fluxum ipsi non sine difficultate multisque laboribus restrinximus. Convaluit tamen divino favore, & per annos aliquot supervixit. Tandem adultior factus, cum eminens aliquod periculum ex crebra hæmorrhagiâ narium sibi metueret, & ad sanguinis profluvii præcautionem amuleto quodam collo appenso, fluxum inhibuisset, apoplexia correptus fuit anno 1589. Ex qua protinus animam Deo reddidit, cum annum sexagesimum ætatis præergressus esset. Post duodecim horas ab obitu, cum cadaver jam sepulturæ tradendum esset sanguis copiosè ex naribus & ore emanavit. *Fabr. Hildan. obser. 11. cent. 3.*

Mulier quædam pia & honesta, nomine Bonadonbelle, Bylantina, commater mea, ætatis quadraginta annorum, valde obesa, cacochymica, admodum plethorica, destillationibus, doloribusque præcipuè capitis, ventriculi suffocatione uteri sicut ante biennium ipsam eâ laborasse, & per tres horas morti quasi similem fuisse, tum animum recollegisse, (ego ocularis testis) necnon hæmorrhagiæ potissimum eo tempore, quo menses retenti fuerunt, omnino sarcinam menstrua-lem copiosè per os & nares deposuit, à multis annis obnoxia fuit.

Inde ipsam apoplexia, (ut postea dicetur,) plethorica, cum subito quasi attonita concidit, prius tamen benè se habens, & in officina sua nens, & motu excepta, perdifficili resp. ratione, pulsu vehementi, magno ac veloci, & omni sensu privata, vitam cum morte commutasse, quid credibilius? affluxio namque ista consuetâ sanguinis, non neglectâ intemperie, atque mala dispositione ex interioribus corporis partibus, majori ex parte ad cerebrum, quod omnium actionum animalium fons, author, & principale, necnon instrumentale subjectum apoplexiæ, absque violenta & agitatione internorum viscerum: sive valvularum venarum præcipuè jugularium, tam internarum quàm exterarum, ut Hippoc. 4. de vict. ac atque resistentiâ facti non fuit. Quamvis *Fernelius* 5. De partium morbis & sympt. cap. 3. assistente Gal. 5. de sympt. causis cap. 6. & 3. 4. loc. aff. cap. 27. asserat apoplexiam fieri ex causis frigidis, pituitosis, lentis, crassis, & viscidis, quæ ventriculos afflari implent, sicut refert *Ælius* capite de apoplexia, functionem radiorum spirituum animalium impediunt transire ad mûculos respirationis: unde systole & diastole diminuitur seu aboletur, ac finis respirationis tam cerebri, quàm cordis tollitur, qui est eorum refrigeratio, recreatio, sive augmentatio, & excrementorum expulsio, atque tandem vel subito vel brevi, idque secundum latitudinem obstructionum, uti in hac muliere vidimus, spiritus & functio animalis suffocantur: tamen alibi, ut lib. de sang. miss. cap. 7. & 4. de vict. in morbis acutis comm. 27. in lib. introduct. sive Medic. Avicenna cap. 3. Non negant & plethora nonnunquam id fieri posse, quoniam, ut aiunt, tempore potissimum veris nonnulli venæ-sectione ab ejusmodi morbo liberantur: id quod nobis in nostra muliere apparuit. Non eo tamen inficias, sanguinem pituitosum fuisse, quia maximè repleta ac cibis horariis, quibus summoperè delectabatur, crudos indigestosque humores fovit, putredo inde interna genita in causa fuit, quod sæpissimè febricula laboratit, unde cerebrum incalcraftum, humores quodammodo liquecendo affatim delabi sivit. Sanguis insuper menstrualis retentus, fursùm regurgitatus, ventriculos & ductus radiorum facultatis sensitivæ, & motivæ, ita è toto occupans, replens atque obstruens, ut vim animale in reliquum corpus, præcipuè mûculos thoracis, partim influere non permiserit, partim ipsos provocarit. Insuper talem apoplexiam plethoricam fuisse plenius affirmatur, quod in agone mortis grumos sanguinis ex ipsius ore extrahi, sperans, ea modum nimè diffiilem respirationem allevari: sed frustra. Deinde non parvum adminiculum dedisse, planè credendum, hysterica passio, qua aliquando, ut superius anno-

ravimus

tavimus laboravit : Et hoc secundum Avicennam cap. 13. qui etiam apoplexiam procreari dicit à communitate alicujus membri : maximam autem habere cerebrum cum utero, & contrà, lippis & tonsoribus norum. Et has fuisse causas, & quidem materiales, concomitante quadam intemperie, totum cerebri corpus occupantes reor : quamvis aliam adjungat *Gal. comment. Aphorismi 42. sect. 2.* ait, fieri quoque à dispositione simili inflammationi : quod intelligitur ab Avicenna, apoplexiam fieri à copioso sanguine, qui non egreditur vasa : id est, venas, arterias, alías fieret inflammatio, quæ tunc non esset, *Αἱματισμός*. Sanguis ergo vasa non egrediens, ea vehementer replet, affectum similem inflammationi efficit : Et fit angustia, quæ est compressio non instantiæ, sed pororum cerebri.

Summopere certè admiratus, audiendo, ipsam quandocunque menses suppressi erant, sanguinem & per os, & per nares ad aliquot dies copiosè expuere atque emungere, ac ita sarcina menstruali per ea loca liberari : quod cum factum, benè tum se habere, uti illæ, quæ mensibus per vias naturæ designatas purgantur.

Et hinc proculdubio una inter alias promitur ratio, quod nonnisi semel, sicuti ipsamet mihi retulit, conceperit, & conceptum non diu retinuerit; quanquam hoc majori ex parte plerhoræ & magnitudini corporis adscribatur. Menses enim cum adhuc ordinariè & secundum naturam fluebant, maximam semper copiam solebat excernere. Et hæc, qua fieri potuit brevitate, de duabus hujus historiæ partibus dicta sunt.

Nunc eadem conditione, relictis quamplurimorum opinionibus & sententiis, & tertiam subnectemus, quæ est : longè post mortem sanguinem magnâ copiâ excrevisse. Quæ proinde, cum mortua tempore consueto almæ matri committi non potuit, propter sororis distantiam, quæ ad funus etiam accersebatur : Ideò in hypocausto calido aliquandiu manens, ob foetorem coacti fuere feretrum immittere, quod in culina erat, aliàs propter angustiam & incommoditatem domus, foràs portari non potuisset : Locus non minùs calidus, quàm in hypocausto; Addo & insuper, quod eo tempore loco frigoris, & Austri & pluvie satis diu regnabant : quæ duo, calor videlicet externus, tanquam causa efficiens, & humiditas tanquam materialis, quàm plurimùm augent putredinem, ut *Gal. 4. 9. Methodi Med. cap. 5. 3.* Calor proin aëris ambientis in hoc cadavere putredinem non parùm juvit. Idque secundum putredinis naturam, ut *Gal. 11. Meth. Med. 8.* quæ est mutatio totius putrescentis corporis substantiæ & corruptelam, à calido externo, vel in corpore ascititio vel aliunde adveniente : quæ omnia causam hujus fluxûs maximè promovebant. Calor enim naturalis nondum omninò extinctus, focus præternaturali & adventitio seu extraneo, tam hypocausti culinæ, quàm temporis Australis & pluvialis proprio enim calore nihil corrumpitur, siquidem putredo juxta Aristotelem, est corruptio seu interitus proprii atque innati caloris, per externum & adventitium, in unoquoque humido proveniens : ex crudis, pravis & retentis humoribus, putredinem, vapores atque flatus excitavit, qui quoniam calor non minùs non dissipat frigus non ingens, non coacti seu condensati, uti Aristoteles dicitur, nimium ca-

lorem vapores consumere, contrà frigus eos consistere & impedire, verum horum medium fovere, ideò adeò aucti fuerunt, ut ventrem tympani instar intumefactum intenderent.

Non sanguis in venis contentus, ac nondum calore insito totaliter privatus, quamvis mors non aliud sit, quàm caloris nativi extinctio ut *Gal. 2. de temperam.* docet, motu vel intrinsecè vel extrinsecè excitato, ut videre libet in cadaveribus morte violentâ sublaris, aliquando post multos dies ex vulneribus sanguinem promanare, potest moveri, non ilicò enim cessat, præcipuè in eis, qui morbis chronicis non sunt consumpti aut extenuati, quemadmodum fuit hæc mulier, quæ nullo tunc temporis morbo apparente laboravit : quamvis videatur animâ efflata corpus subito refrigerari, poros, vias, ductusque ita contrahi atque coarctari debere, ut humores seu sanguis omnimodè in loco retineatur, & arctè incarceretur, propter insitam tamen arteriarum & venarum proprietatem, sanguis quandiu in ipsis continetur, non coagulatur, extrà verò quamprimum, sed semper liquidum ac fluidum conservant, id quod ultra auctoritates, autopsia nobis, & anatomica sectiones, uti & quotidiana experientia ostendunt, sicuti mihi semel Basileæ videre contigit, in quodam adolescente, qui aquis submersus, decimo sexto demum die repertus, merum, & non loturæ carnis similem, ut quis inferre posset, sanguinem per os & nares omnium cum admiratione ejecit. Putrilaginosi igitur isti vapores ex retris & sæculentis humoribus tanta copia excitati, humores in calore foventes, vias ductusque quæ spatio viginti octo horarum contracta & clausa, proculdubio propter jam instigdatum & rigidum cadaver erant, reserarunt, ac per *αναστήν* sanguinem excluderunt, ob compressionem flatuum in ventre inferiore excitatorum : qui adeò ventrem implentes ac replentes, sanguinem præcipuè in vena cava contentum, sursùm expulerunt ad venas jugulares, quæ sine dubio jam debilitatæ ac laxæ erant, potissimùm internas : quæ magis apertæ propter calorem, qui aliàs aperit, rarefacit, liquefcit, humores attenuat, & sic fluxum aliquo modo accelerare potens, ubi *αναστήν* consuetam sanguinis menstrualis exclusi reperiens, itaque propter repletionem erumpere cogens, & per os & per nares copiosè exiit, & hanc unicam hujusmodi fluxus fuisse rationem principalem, quamvis non ignorem, & alias multas posse esse, quæ ora venarum seu arteriarum cerebri, vel aliarum partium acredine, calore extraneo, casu, motu, (fieri enim inquit Lemnius, potest ut sanguis, qui in venis delituit, agitato, motoque corpore erumpat) quantitate, qualitate corroderent & aperiant : planè mihi persuasum. Et hæc insuper etiam causa est, quod ter quaterve per horam colorem faciei mutavit, cum mox vividum, rubicundumque, mox pallidum ac morti similem habebat. Nam quoniam, ut diximus, admodum cacochemicala erat, calor qui conveniens ex putredine flatus excitavit, qui cum comprimentes venam cavam sanguinem sursùm expulsum aliquid in venas capillares vultus intruserunt, qui tamdiu ibi manens colorem rubeum, quamprimum autem per os seu nares effluxus, fœdè pallidum peperit, alius deinde cum appulsus, rursus vividum, cum ejectus, lividum effecit : idque sæpissimè, ac per intervalla, quod adstantibus

bus & causam hujus nescientibus maximum horrorem, dubiumque ipsius mortis incussit: existimantes, plusquam miraculum ac inauditum quid, necnon omni ratione destitutum esse: ideo me advocarunt; id cum vidissem, statim suprà recitaris rationibus cuilibet labellum compescui, terrorem excussi, & ad rectam veramque hujus rei opinionem induxi: & hoc per horas novem duravit, tandem post mortis horam 37. terræ commissa est. *Joan. Iacob. Craffius apud Fabricium Hildanum cent. 3.*

Civis & Arcularius quidam Bernensis, Vir probus, & 50. circiter annorum ætatis, homo caco-chymicus & obstructionibus viscerum laborans, cum anno 1623. 9. Februarii, circa 6. vespertinam, inter pocula altercationem cum patricio quodam habuisset, & colaphum accepisset, protinus in pavementum hypocausti cecidit, & aliquantisper veluti exanimis permansit: paulo post tamen ad se rediit; surrexit, & ad ædes suas (quæ non procul absunt à loco, ubi percussus fuit) se contulit, ubi apud domesticos de dolore capitis conquestus est: nihilominus tamen jusculum sumpsit, sed mox evomuit illud cum reliquis cibis indigestis. Ad lectum se confert, perseveranter tamen dolore, & satis quietè dormit usque ad horam primam noctis, tum veluti rigore quodam correptus subito loquelam amittit, fitque apoplecticus, & postero die circa meridiem, naturæ debitum persolvit. Post mortem sanguis, pituita vitrea mixtus, copiosè per os emanavit. Dorsum lividum erat. Posterior quin etiam pars capitis, & nucha intumefacta reperta fuit.

Porro quomodo id acciderit, quod levissima illa causa & casu mors successerit, perquisitione dignum est. Arbitror ego, post ictum colaphi & casum, commotionem cerebri sequutam esse. Id enim inde colligitur, quod veluti exanimis mutique permanserit, & cibum indigestum rejecerit. Sunt enim hæc signa commotionis cerebri certissima. Si casus aut percussio capitis præcesserit: In hac porro agitatione & concussione cerebri ruptæ fuerunt venæ (sanguis, qui ex ore emanavit, testis est) ex quibus sanguis effluxit, ventriculosque cerebri, & ipsius anfractus opplevit, & spiritus animales suffocavit, ita ut ad partes infra caput existentes defluere non potuerint. Hinc apoplexia illa maxima, quam fortem appellat Hippocr. lib. 2. aphor. 42. Hæc verò ita sese habere, ex Galeni libro de sanguinis missione colligitur, ubi hæc habet verba: *nonnunquam (inquit) priusquam compurescat sanguis, ingens ipsius vis decumbit in partem aliquam, quam aut omnino, ita ut actio ipsius pereat, aut illi cerè noxam non contemnendam infligit. Hoc siquidem pacto apoplexia eveniunt, multo nimirum sanguine incumbente in animantis principium.* Hæc Galenus. At apoplexiam hoc modo ex ictu aut casu fieri posse, etiam experientia, & viri docti testantur. Plateus inter alia hæc quoque habet verba. *Extra vasa sanguis delatus, si non in cerebri substantiam infusus inflammationem pariat, tunc enim phrenitis fieret, sed anfractus & ventriculos subito opplendo obstruat, nervorumque initium premat, stuporem & apoplexiam causat: ut frequenter rupta venâ accidit: idque nonnunquam ob plethoram ad vasa iis præsertim, quibus consueta hæmorrhagia per menses*

hæmorrhoides & nares subliterant. Idem à causa externa violenta, ut cerebri contusione, ex ictu vel casu potest accidere: etsi cerebri substantia vulnerata minimè sit, ut sanguis quoque cerebri cavitates, ipsiusque substantiam, ex locis præsertim ubi confusa est oppleat. Hæc. Plat.

Sed quæstio est, cur non è vestigio post ictum & casum, sed saltem post aliquot horas sequuta sit apoplexia? Respondeo id evenisse propterea, quod venæ disruptæ in capite fuerant exiguæ, & proinde sanguinem sensim ex eis ad ventriculos fluxisse, eoque opplevisse. Pituitam quinetiam (quam in hac apoplexia ex præcipuis fuisse causis morbi, viscosus ille sanguis testatur) quia tardè movetur, non tam celeriter ex remotis partibus ad ventriculos cerebri confluere potuisse. *Guilielmus Fabricius Hildanus, observation. 11. centur. 6.*

Domina Sara Schvverin, à multis ab hinc annis pro ætate sua robusta, paucisque morbis obnoxia, imò etiam hac hyeme, quæ tamen propter intemperaturam, & inconstantiam aëris (ut ego etiam in membris experior) senibus gravis & valdè molesta fuit, proviniam suam cum laude administravit. Cæterum decimo prædicti mensis, circa meridiem, quum ex inepto & agresti tabelario literæ ipsi traditæ essent, & ex eis inopinanter intellexisset, filium suum, qui in Dalen, in Argovia hujus Reipublicæ ditionis pago, Ministrum Ecclesiæ agebat, quemque unice amabat, diem suum clausisse; adeo mente fuit commota & cordolio prostrata, ut vix perlectis literis, in grabatulum se projiciens, protinus syncope correpta sit. Adstantes hac de re non usque adeo solliciti (nullus enim ex Medicis vocatus fuit) optimam ac piam hancce matronam sine auxilio ex arte præscripto derelinquunt, & muliercularum, imperitorumque hominum remediis ipsam refocillare tentant, sed frustra; Hæc quum mihi ab amico quodam meo nuntiata essent, protinus & quidem ultro accurreo, an forsitan optimæ matronæ auxilio esse possem, verum fefellit me opinio: sine loquela enim, intellectu, & planè apoplecticam ipsam inveni, ita ut sequenti die extincta fuerit illa, quæ præcedenti die corpore adhuc sana & valida, ad meridiem usque per urbem ambulaverat. Vides, quam perniciosæ sint passionēs animi, præsertim in corpore senili, si subito & inopinatè acciderint. *Guilielmus Fabricius Hild. observ. 12. cent. 6.*

Somnambulo quidam, ætate ann. 1633. ex alto ædium se in straturam siliceam viæ publicæ præcipitavit: artubus mirè conquassatis & cranio fisso cum collectione sanguinis sub cranio. Egro & astantibus trepanum abhorrentibus, bis venæ sectionem adhibuit: totum dorsum oleo discutiente inunxit: truncum pelle arietinâ adhuc recenti detractone calente involuit: Capiti sacculos cephalicos in vino coctos applicuit: cerebro dedit Tincturam traumaticam: vinum denegavit, propinavit decoctum corn. cervi alvum subduxit brodio prunorum lax. & suppositoriis. Vires subinde refecit aqua Cord temperatâ, sic convaleuit. *Joan. Iacob. Wepfer. tractat. de Apoplexia, Ex Ephemer. Burge Werig.*

M. G. V. D. M. Tempus sinistrum, casu ab alto per scalam lapideam, vehementer allisit 1631.

gru mos sanguinis per nates excrevit, tinnierunt aur es: vomuit: vino potio deliravit. Statim tinctur. traumatic. drachma cum dimidia dabatur: die secundo vena secabatur; Caput inungebatur tinctura traumatica, ung. populneo, ol. chamomil. violac. mixtis. Propinabatur Julepus ex aquis heder. terrestr. veronic. chærefol. beronic. fyr. violac. papav. errat. & acetos. citri. Intra octiduum convaleuit. *Idem.*

Matrona Nobilis annos circiter quinquaginta nata, & in vicinia hujus urbis vivens, apoplectica corruit, advocor & ad eam festinanter propero; invenio jam à pluribus horis immotam, cum pulu languido & intermittente, sensu omni destitutam, & respirationem cum multo stertore ægrè ducentem. Clyster à Chirurgo præsentente ante mei adventum injectus fuerat, venam in brachio statim secari jubeo, ac paulo post sanguinis educationem purgans medicamentum adjecto emetico, propino, saliaque volatilia spiritibus cephalicis admista subinde exhibeo, simulque toti capiti & nuchæ oleum viperarum fœtidum inungo, frictionesque instituo, post horas aliquot abundè purgato infra & supra corpore, excitatoque per volatilia cerebro, ægra quidem ad se rediit, verum hemiplegia correpta est, quæ & linguæ usum, & sensum ac motum in tota corporis parte dextra, sustulit. Tum inunctiones ex oleo viperarum memorato, ut & ex oleo tartari itidem fœtido in parte affecta continuavi, linguam & palatum guttula olei cinnamomi, ut & anisi subinde attingi, cucurbitulas nuchæ, scapulis atque femoribus applicui, postque eas vesicatoria & nuchæ & femoribus, salia volatilia atque purgantia necessaria non una vice repetii, suffumigationes parti resolutæ ex herbis aromaticis atque odoris gravis, vino & aceto incoctis pluries adhibui, sicque brevi quidem rediit sensus, & pulsus atque aliquis motus & loquela sed uterque imperfectus, quæ difficultas superstes cum ad plures dies extenderetur, tempestasque, scilicet æstiva, non obstarer quò minus thermas aliquas adiret, illam ad thermas Aquenses in Sabaudia dimisi, unde perfectè sana rediit, nec ampliùs etiam inter vitæ satis molestæ ærumnas, ullam morbi hujus accessionem passà est.

Vir quidam spectabilis annos plus quam 76. natus morbo attonito correptus me pro medico habuit, statim venæ sectionem in brachio celebrari jussi, clysterem injeci, emeticum deinde purganti medicamento associatum exhibui, salia volatilia è spiritibus cephalicis, cerasorum scilicet & baccar. juniperi abundè haurienda præbui, illaque etiam in nates insufflavi, quibus omnibus effecti ut brevi ad se rediret; verum somnolentus, imò delirans ad aliquot dies permansit, donec visalium volatiliū, ut & clysteriorum atque etiam purgantium medicamentorum repetitorum, tandem integrè convalesceret, atque ad annum ætatis octuagesimum sine recidiva vixit, quâ demum ætate pulmonum affectione oppressus est.

Faber quidam lignarius 60. annos natus in capite baculo durius percussus, domumque suam reversus, post bihorium sideratus corruerat: Accersitus venæ-sectionem primò in brachio, postque intercalata alia remedia, è jugulari suadeo, enema acrius injicio, frictiones & vellicationes varias, nec non cerebri lotiones è spiritu vini juniperino adhibeo, vomitorium identidem è gilla Paracelsi & syrupo emetico Angel. Salæ propino, Hisce li-

beratum quidem aliquatenus est cerebrum, sed lingua permansit impedita, & præterea ad omnia interrogata subridebat æger, gestibusque suis animi ineptiam prodebat. Pro loquela adjuvanda, consulente Hartmanno, oleum anisi guttatim linguæ instillo, & salem volatilem armoniacum aromatizatum cephalicis & apoplecticis variis admistum sæpius exhibeo. Sic lingua officium & ratio dominium repetere visa est; sed recurrente post biduum paroxysmo, eo sublatus est vir bonus, nullo è remediis rursus adhibitis percepto emolumento. In hoc ægro omnino probabile est cerebrum ab ictibus commotum effusioni sanguinis in propriam substantiam occasionem dedisse, quod non licuit in mortuo videre renuentibus agnatis.

Cadaverum Anatomica Inspectiones.

De iis in quibus sanguinis extravasatio visa est.

Juvenis remulentus, ictus vehementer, in pectore, concidit repente attonitus, in terram, ceu fulmine conternatus: cum spiritu gravi, vomitu frequenti, voce suppressâ, & spumâ tam conferim ex ore emanante, ut intra paucas horas amitteret vitæ usuram.

Cujus inopinati eventus causa fuit, partim evidens calvariae rima, à casu exorta: partim verò frequens sanguis, effusus ubertim, cum suprâ, tum infra cerebri membranas. Sed pulmo habebat plurimas lividas maculas; adscribendas fortè, vel repentina suffocationi; vel nicotianæ crebrius assumptæ: quâ plantâ dicebatur hic juvenis plus nimio, fuisse delectatus.

Ad suffocationem quidem maculas hæc referre, suadebat, cum spumæ, tum livoris natura. Spuma quippe (juxta elegantissimum Actuarium) est spiritus, & humorum mixtio. Fitque in morbo attonito; vel ex destillante capitis pituita, per aërem rarefactâ: vel ex spirituosio, oppressi pulmonis, vapore. Priorem spumam planè innoxiam declarat cottidianus spumosa epilepsiæ reditus. Sed alterum lethalem, repentina apoplecticorum mors: orta proculdubio ex adempto spiritu; sine quo, ne momentum quidem subsistit homo. Cujus spumæ periculum propterea propositurus Cornelius Celsus, subjungit satis scitè. Neque is ad vitam redit, qui ex suspendio spumante ore detractus est. Quippe hanc spumam non producit pulmo, nisi summè laborans: sive à resolutione humidi, sibi, cordique insiti: sive à spiritibus, ob retentos vapores, impeditamque respirationem, adeò effervescentibus, ut in extremo dissolutionis metu sit calidum innatum. Quam luctam cum designet hæc spuma; quid mirum eam utique prælagire ineluctabilem mortem? Inducitur enim post illam partibus obsessis, loco vividi coloris, obscurus, ac luridus livor. Non secus ac à solis occasu tenebræ; & à flammæ suffocatione carbonis nigredo. Livor enim sequitur vel extinctionem; vel interceptionem spiritus, ac caloris vitalis. Ac proinde non temerè Hippocrates, in coacis aph. 72.

Τὰ Πιλιδία κρόμα, ἐν πυρί, σπύρον γίνετον σημαίνον.

Livida

Livida evenientia, in febre, brevem mortem significant.

Potuit itaque, hæc repentina suffocatio, has quidem produxisse maculas: sed rarius cum occurrant in eorum pulmonibus, quos occidit morbus attonitus: & contra frequentius, in illis quibus Nicotiana fuit in delitiis, non incon-sultum fortassis erit, excutere hinc naturam illius fumi: qui aëri permixtus, & ore attractus, tam bene facit ad multorum palatum: ut cum præferant omnibus epulis; modò non & ipsi sanitati: quàm tamen humano generi nihil utilius.

Extra omnem itaque controversiæ aleam est, Nicotianam potui datam, tantum adversari ventriculo, ac in estinis: quantum prodest humido, ac frigido cerebro. Sed dubitatur, utrum fumus ipsius offendat pulmones? calida quippe est planta; imò acris ac vellicans: sive naturâ, sive arte. Ex pulvere videlicet euphorbii, pyrethri, piperis, aliorumve acrium aromaticum, lucris causâ, à fraudulentis, ac infidis mercatoribus, clanculum, contortis ipsius foliis, insperso. Quorum omnium vapore, verisimile est, non minùs offendi pulmones, quàm à raphani agrestis, ac piperis tritura, cerebrum sternutans.

Immodicus namque calor, ut exhaurit humidum radicale; sic obscurat nebulosus ipsius fumus, non parùm, illustrem nostræ vitæ spiritum: imò suffocat tam efficaciter calidum innatum, ut instar tabidorum (qui ex sententia Galeni, à siccitate consumuntur) planè extenuentur, cum tussi perenni, & infatigabili spiritus difficultate. Quæ duo arguunt inextricabile, oppressi pulmonis, vitium.

A quo equidem plurimos, qui dies, ac noctes cum hac Helena transegerant, vidi pessundatos. Moderata certè uti nullibi, sic neque hinc culpan-tur. Sed modum in hoc fumo si excesseris, defatigaberis à tussi, vitiabitur pulmo, emarescet animus, & tandem consumetur corpus universum, vel lentè, si fueris integer, ac valens: vel celeriter, si quid vitii alibi sit in visceribus. Sicuti videre fuit in hoc ægro. Quem eò, pròculdubio, citius strangulavit morbus attonitus; quo minùs potuerit reluctari, & spiritum ab interitu vindicare, exsuccus, ac maculosus pulmo. *Nicol. Tulp. Observ. Med. lib. I. cap. 6.*

Joann. Jacobus Reiter Kenzingâ-Brisgoius, ætatis circiter 45. annorum; habitu corporis gracili, capillis flavis & crispis præditus, ingenio pollens; honestis parentibus Patre scilicet Consule prognatus; à puero literis operam dedit, ac laute victitare potuisset, nisi miserranda & Germaniam universam devastantia obstitissent fata: quæ cum & patriam communi calamitati involuissent, varia passus, imprimis truculentam famis tyrannidem gravissimè anno 1634. expertus est, quæ malesuada ipsum coegit, etiam iis vesci quæ natura, ceu venenum aliàs horrere solet. Hinc post multa discrimina & casus Rheinovium appulit, ubi aliquot annis Ludimoderatorem egit: Tandem à Reverendissimo & Amplissimo Domino D. Bernhardo à Freiturg, celeberrimi ejusdem Monasterii Præsule optimè merito, Domino meo plurimis nominibus colendo, intra Monasterium adscitus fuit, ubi Clavicularis munere aliquot annis fideliter functus est. Parcius semper, quandiu ipsum novi, comedit, indulgit verò plus poculis, adeò tamen ut non nimium Baccho litaret. Ad iram paulò pro-

nior, non tamen rixarum amans, nec
bus ferens. Aliquoties, in hoc Monasterio v. l. 123
podagra excruciatu fuit, quæ primis annis in pedum articulos sæviit, sequentibus tamen nec reliquis articulis pepercit: Dum cum hoc morbo luctabatur, nihil ægrius tulit, quam si podagræ nomine insignitus ille fuit. Ab anno verò & quod excurrit, ante obitum nunquam ejus consuetam sæviriam sensit, sive id medicamentorum clanculum usurpatorum culpa, sive naturæ imbecillitate non potentis morbi causam ampliùs ad articulos, ceu ignobiliora loca protrudere, factum sit. Hinc circa id temporis tussi molestissima diu vexabatur, adeò ut phthisicum crederent, quæ podagræ suppressæ tribuebatur. Verum idoneis à me propinatis remediis, tussis cessavit & satis commodè per integrum ferè annum valuit, si herniam intestinalem excipias, quam tussis violentia effecit. Anno 1655. 7. die Novembr. quinto die à plenilunio, manè sanus saluſque, quantum omnibus constitit, Reverendissimo D. Præsuli sacra peragenti adstitit, quibus peractis in conclave suum se consueto more contulit cum fortè fortuna famulorum quidam ipsum convenire voluisset, reperit ipsum humi prostratum, ad vociferationes surdum, & ad concussiones & corporis vellicationes, instar trunci, stupidum; accurritur, infunditur aqua antiapoplectica, atque alia, iis, quæ ad manum erant, tentantur, sed omnia frustra. Accerior & ego: cum post bihorium adventassem, vidi illum ex pallore livescentem, sensibus omnibus & motu animali orbaturum, solâ respiratione, primùm satis ordinata, excepta; & nisi respirantem vidissem, primò intuitu Leptothymia vel omninò syncope affectum dixissem, adeò exsanguis facies erat ac livebant extrema, & cum naribus ad tactum perfrigebant. Pulsus primò validus, magnus, celer, mox debilior, minor & crebrior, respiratio quoque laboriosior, mox inæqualis evasit, ac sæpè penitus cessatura videbatur. Nullum genus congruorum remediorum omisi, venam in debili tamen & brevi exspiraturo tundere non ausus fui. Horâ decima antemeridiana motu quodam convulsivo aliquoties totum corpus concutiebatur, plurimumque spumæ albi, viscida, lenti ex ore emanabat, nihil verò cruoris: hinc magis magisque vires labasce-re, ac extrema ampliùs frigeri cœperunt: Hora prima pomeridiana ejusdem diei vivere desit. Statim ac morbo correptus fuit, plurimum fœcum nigrarum per alvum excrevit, quod vino cuidam chalibeato tribui, de quo tum temporis, nescio ex cujus empirici consilio, aut quem ob finem singulis manè & vespere cyathum epotare solebat. Indulgentiâ Reverendissimi Dom. Præsulis antea memorati, Patroni literarum omniumque bonarum artium summi, caput aperui: remoto cranio ac discissâ durâ meningē plurimum cruoris profluxit ex spatio, quod inter eam & tenuem meningem satis capax est, copiosè p. n. undique & undique cò effusum; neque enim solum circa basin cerebri cruor stagnavit, sed & verticem usque & ad anteriora & posteriora perrexit, quin etiam intra anfractus quotquot ferè cerebri sunt, se insinuavit. Ventriculis detectis reperi & illos omnes cruore adimpletos; nec quarto quidem excepto, quorum laterales, propè basin quasi laceri, ac si nimio cruore distenti rimas egissent. Cruoris extravasati quantitatem duarum libra-

superasse non difficulter divinare
rum poro cerebro, ventriculis & superficie à
poro & gumoso sanguine contaminatis, ulterius
nil observare, nec vel ruptam venam aut ar-
teriam deprehendere valui. Hoc tamen certum
est, nullam causam violentam externam, sive
ictum, sive casum, tantæ rupturæ vasorum san-
guiferorum authorem præcessisse, cum dera-
lis capillis & ablata cute, ne minimur quidem con-
tusionis alicuius vestigium apparuerit. *Joan. Ja-
cob. Wepfer. de apoplexia.*

Barbara Zuberin. Septuagenariæ vicinior, to-
tum ferè vitæ cursum in famulatio consumpsit,
ac jam senex desponsata, utramque vitam to-
leravit? Vidua in Nosodochium recepta fuit:
Habitum corporis erat mediocri, & quantum
mihi constat, non multum morbis conflictaba-
tur, nisi quod ab aliquot annis visus ipsi im-
minui cœperit, quo quandoque tantum non
penitus privabatur, quem tamen brevi, citra
ferè medicam opem, aliqua ex parte, recupe-
rabat, protinus recrudescere malo: nunquam
tamen cæca omnino evasit. In utroque oculo
manifesta suffusionis exordia conspici poterant.
Jam ab aliquot mensibus apoplexiæ prodromi
in ea ab astantibus animadversi sunt, dum sub-
inde lingua titubavit, mox tamen hoc loque-
læ vitio cessante. Anno 1657. 29. Januarii 10. à
Plenilunio die, hora 3. pomeridiana, dum ut
rebantur, sana cum lociis fila trahebat, subito
sermonis usum perdidit atque inclinare corpus
visa est: mox ab ancillis in lectum ducta fuit,
incessu illo observatum est adhuc dextri lateris
pedem illam movisse, manum ad caput sustu-
lisse atque verba quædam, sed non intelligibilia,
protulisse: statim tamen omnem sensum & mo-
tum animale amisit, permanentibus respira-
tione (quæ tamen paulo post cum stertore fie-
bat,) pulsu & faciei colore rubicundo. Re-
media pauca adhibita, cum nihil amplius à
primo insultu deglutire valuerit. Eodem die,
horâ sextâ pomeridianâ expiravit. Altero die
post meridiem cum Cl. Dom. D. Hardero col-
lega meo honoratissimo & harum rerum stu-
diosissimo, caput aperui: olla ablata, orbicu-
latim duram meningem mediam discidi, cor-
pus falciforme à crista galli liberavi, ac late-
rales sinus dissecui: hinc reclinato ad latus ce-
rebro, omnia nervorum paria, arterias caro-
tides propè infundibulum ipsum, arterias ver-
tebrales, ubi in occipite emergunt, ac deni-
que medullam oblongatam in ipso orificio ma-
gno occipitis, abscidi, atque ita cerebrum un-
dique ab omnibus vinculis liberum, totum ex-
traxi, quo penitus subiti casus proximam
causam perscrutari valerem. Exempto cerebro,
duram meningem ei adhuc incumbentem leva-
vi: apparuit pars dextra cerebri superior ac
posterior, inferior, non tamen ad basin usque,
& anterior frontem versùs tota sanguine suffu-
sa: cerebrum ibidem molle erat & humor qui-
dam in eo fluctuans manifestè attractu depre-
hendi poterat: in eximendo hoc in latere ri-
mam egit, ex qua prominuit grumus sanguinis
nigerrimus, nucis myristicæ magnitudinè: digi-
to immisso sensim cultello rimam dilatavi: in-
veni cavitatem amplam ad frontem ferè antror-
sum, sursum ad corpus ferè falciforme & si-
num tertium, posteriora versùs ultra cerebri di-

midium, ac deorsum etiam ultra dimidium dilata-
tam. Longitudo hujus cavitatis, seu antri præ-
ternaturalis octo, latitudo quatuor, & profundi-
tas duas cum semisse uncias superavit. Continuit
grumum sanguinis ovum gallinaceum æquantem,
præter alios minores grumos & fluentem sangui-
nem, pondere uncialium circiter octo, vel integræ
ferè libræ, ventriculum lateralem primo intuitu
opinati sumus: Verum accuratius inquirendo in-
venimus cavitatem hanc non esse ventriculum, vel
ejus portionem aliquam, sed peculiarem & p. n. à
sanguine extra vasa effuso formatam: & quidem
ex rupto ramo aliquo, sobole insignis rami arteriæ
carotidis anterioris, qui postquam nervos opticos
transcendit, in parte anteriore & laterali cerebri
notabilem anfractum ingreditur, ac non procul ab
exortu in plurimos ramos scinditur, inter omnes
cerebri anfractus medios incedentes, quandoque
eorum superficiem scandentes, mox descendunt ac
ulterius per medios anfractus sursum ad corpus
falciforme ferè in minutissimos subdivisi surcu-
los, ambulaturi: horum etiam non pauci nec uno
in loco manifestè cerebri substantiam subeunt: Et
quidem hujus arteriæ ramos unum vel plures hoc
in loco ruptos fuisse, clarè & sine dubio cognos-
cere potuimus, nam dum illius progressum in eo
latere investigavimus, primum ramum ejusque
surculos, tum in principio, tum in cuncto reli-
quo incessu, vacuum omnino sanguine inveni-
mus, secus ac se habebant arteriæ ceteræ om-
nes, tum in parte opposita, tum & postero-
res in hoc latere & anteriores quædam non ab
hoc ramo profectæ. Præterea ubicunque incede-
bat hæc anterior lateralis arteria, ejusque rami,
grumi sanguinis obviam facti sunt, sæpe pertina-
citer arteriis adhærentes, idque tam latè & altè,
quàm hæc arteriæ disperguntur. Rupta itaque unâ
atque altera harum, & sanguine intra anfractum
profundiorē effuso, novi semper sanguinis ap-
pulsu, ut unda impellitur unda, magis magisque
spatium anfractus dilatatum fuit, atque dum ab
irruente sanguine perpetuo pulsu, humilior an-
fractuum superficies depressa, aliorum intersti-
tium tenerum gracile, molle & sanguinis impe-
tui cedens perruptum fuit, in hanc amplitudi-
nem facilè excrevit, non secus ac in aneurisma-
te fit, nisi quod citius in cerebro talis cavitas à
sanguine irruente, quam in quavis alia parte, ob
ejus mollietatem, conficiatur. Superficies anfra-
ctuum superius integra permansit, id cavente piâ
matre, eos colligando & quasi uniendo: nec
basis hujus cavitatis perrupta fuit, lecto seu for-
nice ventriculi dextri magis medulloso & rena-
ciore existente, quam anfractuum interstitium,
quod flaccidius, est ex cortice cerebri, ut vo-
cat Cl. Bartholinus, confectum. In toto spa-
tio illo, quod inter duram & piâ matrem
est, nullus humor ullibi, nec etiam in basi vel
occipite occurrit. Ventriculus dexter undiqua-
que integer fuit: vix tantum feri subcruenti
continuit, quantum dimidium nucis juglandis,
putamen caperet: in posteriore & ima ejus par-
te plexui choroideo hydatidis parva adhæsit. Si-
nister omnino vacuum fuit: in plexu choroidei me-
dio ibidem calculum gypseum, candidum, aspe-
rum & inæqualem, seminis lupini magnitudi-
ne invenimus, alios, in utraque plexus par-
te, seminis milii & majore magnitudine hinc
inde dispersos vidimus. In tertio ventriculo
gru-

grumulum sanguinis fabæ magnitudine reperimus. Glandula pinealis non accuratè præerat canali, è tertio in quartum ventriculum apertum, forsan quod ob tumoris hujus, seu aneurismatis cerebri magnitudinem fursum aliquantulum, cum quarto sinu, rapta fuerit. In principio hujus canalis parietes ejus paululum sero subcruento tangebantur. Verum quartus ventriculus mundissimus erat, nec vel minimam in eo labem animadvertimus. Omnes quatuor crassæ meningis sinus vacui erant à pituitosis corporibus, nec ullo in alio vase cerebri ea vidimus. In sinistro cerebri latere ne minimum quidem *εγκομιμα* apparuit, nec quicquam sanguinis grumosi vel alterius rei p. n. vestigium occurrit. Aded ut hoc *αποπληξια* ad apoplexiam fortissimam producendam iussu cerit. Carotis interna utrinque ad latera glandulæ pituitariæ incedens, tum ante, tum post perforationem duræ matris, laminâ ossea & tenera incrustabatur. *Idem de apoplexia.*

Illustrissimus Dominus Rudolphus Hannibal Comes de Reitnavv, ultimus familiæ, annorum 39. habitu corporis obeso & staturâ mediocri præditus: à multis annis melancholicus, facie atrorubescens, taciturnus. *Παροξολος*, litteris addictus ac in legendis historiis plurimum occupatus. Anno 1671. 16. Januar. manè è lecto surrecturus anxietatem quandam percepit, quam vomitus secutus est: eodem die parum comedit: potulenta rursus evomit: noct. in habuit inquietam, parum dormivit: noct. incaluit. Hodie pilulas sibi familiares sumpsit ante prandium: inde bis vomuit, quater deiecit die 17. Januar. vomitus cessavit, parum comedit nec multum bibit: manus & facies per totum diem erant pallidæ & frigidæ: noct. melius dormivit. Die 18. Januar. non nisi de anxietate præcordiorum conquestus est: parum comedit, bibit vinum cum decocto rhabbari & macis alteratum: Circa vesperam rursus pejus habuit: cœnavit parum; variè faciem assidentes immutatam observarunt; noctem habuit quietam die 19. Januar. Illustrissimum Dominum planè restitutum putabant: in prandio melius quam hætenus comedit: à sexta hora prima pomeridiana surrexit inque locum, secretiorem secessit, ubi per horæ quadrantem commorabatur: famulus ibi humi jacentem invenit, domestici consensu facti omnes statim accurrunt inque lectum deportant. Post bihorium adveniens ipsum fortissima apoplexia jamdudum defunctum inveni. Apoplecticum verò fuisse conjeci, quia Aulici aiebant Illustrissimum Dominum post calum adhuc respirasse atque illi sacris provisum fuisse. Die 20. Januar. cadaver condituræ causâ aperui, præsentibus multis Aulicis & D. Laurentio Chirurgo Hohenwvielenfi. In ventre infimo omnia se naturaliter habebant, præterquam quod lien valdè corrugatus esset, variæ incisuræ & corpora duo cartilaginosa in superficie apparerent. Inter secundum Chirurgus diaphragma læsit, unde ex Thoracæ magna sanguinis quantitas, dimidiam circiter libram ponderans, defluebat. Thorace aperto, nec cor, nec pulmones ob maximam sanguinis grumosi copiam primò in conspectum veniebant: pendeat libram cum dimidia ferè. In pericardio & cordis ventriculis nullum planè sanguinem deprehendere potui. Pulmones nullum vitium contraxerant, demptâ

calvaria in capite, extra ventriculos cerebri sanguinem quoque, sed magis serosum deprehendi dimidiæ plus minus libræ pondere. Cerebro dissecto omnia diligenter examinavi, nec quicquam tamen vitiosi animadvertere potui. *Idem de apoplexia.*

Nuper studiosus Jurium egregius infra orbitam sinistri oculi, propè natum, absque ulla læsione oculi, à milite nequitioso ense punctum vulneratus fuit. Paulo post, loquelâ & ratione privatus, per 24. horas se jectigans, tandem reverà cum stertore apoplecticus mortuus est. Aperto à me cranio vidi vulnus per orbitam oculi & os cribrosum propè cristam Galli factum, dextro quoque cerebri ventriculo inflatum fuisse: ex quo etiam magnam portionem sanguinis atrii grumosi & fibrosi ad crassitiem & longitudinem mediæ digiti extraxi: basis cerebri & regio cerebelli copioso sanguine extravasato repletae erant, præterquam quod tota cerebri moles quasi ab inflammatione etiam rubicunda apparet. *Idem de apoplexia ex communicatione D. D. Exc. Maximiliani Henrici Egermetheri Med. Profess. Celeberrimi in Inclita Academia Friburgensi.*

Vetula quædam furiarum non postrema, consuevit maritum sæpius egregiè verberibus ædolare, quod plerunque patienter pertulit. Mense Jul. 1673. cum nescio quas sordes scopis abstergeret indignabunda uxor accurrit ac verbera intemperavit, verum patientia tandem aliquando in furorem versa à marito scopis in tempore dextro fortiter percussit, aded ut dissolutis ac avolantibus scopis acuminata scopisque infixæ baculi pars tempus transiret. Sanguine largissimè ex vulnere emanante, à vicina amicè monita ut illius curam gereret, verum renuit, mirè in virum convitiis debacchata est ac se jugulum propediem ipsi fracturum minabatur. In cœna irarum plena cibos devoravit ac potu se ingurgitavit: mox tamen foculo assidens omnia assumpta evomit: Postea lectum petiit: surrectura nescio quam ob causam humi cecidit: & juxta lectum manè mortua inventa fuit. Ex Illustrissimi supremi Dicastrii Hassaci mandato, Exc. D. Combachius cum Chirurgo vulnus contemplatus est: invenitque vulnus primo aspectu exiguum & quod regeretur apice minimi digiti: verum indito vulnere stilo deprehenderunt baculi acumen aliis penetrasse: cuius rei maritus conficius factus, mox sibi fuga consuluit: detracta cuti circa musculum temporalem omnia sanguine suffusa erant: remoto musculo temporali in osse foramen rotundum ac si scelopori manuarii, quod Pistolam vocant, globulo peritum & efformatum fuisset, occurrit; ablato cranio inter illud & duram meningem, item inter utramque meningem, imò in ipsa substantia cerebri plurimum cruoris inventum fuit. Ex substantia quoque cerebri duo fragmenta à baculo avulsa extraxerunt. Quibus ritè expensis merito vulnus se hanc judicarunt ac sententiam suam Illustrissimo Dicastrio explicarunt. *Idem de apoplexia. Ex communicatione excellentissimi Domini D. Ludovici Hertmanni Combachii Lud. Fil. Serenissimorum Principum Hassorum Medic.*

In cadaveris muliebris à Cl. Veslingio Paravii 1644. nostram in gratiam aperti, ex apoplexia, illique succedente Paralyti tandem defuncti, aperto cranio repentinæ mortis innote causa: omnes

cerebri ventriculi concreto sanguine tangebant, ut ne guttulam amplius exciperent: *Th. Bartholinus cent. 2. historia 60.*

Illustris matrona octoginta annorum plethorica valde, à multa diæta & exercitio nullo, exeunte Decembri, ipso plenilunii die, hora nona vespertina, mentæ accumbens, protinus irâ incaluit, ac duriusculum quid intra dentes diffringens, cecidit sensus & motus experts, cum stercore multo, oculis rubris, atque clavorum more defixis, manibus resolutis ac frigidis, postridie febre correpta fuit, & 18. ab insultu horis vitam exhalavit.

Apertâ calvaria, arteriæ tumidæ erant, tum in dura meninge exterius, tum circumcirca cerebri gyros omnes. In utroque cerebri ventriculo majori aderat grumus sanguinis, ilque spississimus, & ad ovi anserini magnitudinem concretus: Insuper plurimum serum cruentum devolutum erat in tertium & quartum ventriculum ac spinam medullarem usque: Plexus autem choroides juxta suarum alarum concurrunt, eo scilicet loci quo sanguinem suum in *venam magnam Galeni*, seu in *quartum cerebri sinum* effundit, crepuerat medius, atque nihilo secius per omnem suum, intra ventriculos illos anteriores decursum vesiculis aqueis tumidissimis adunatis & conglobatis refertus, atque summè decolor erat. *Ex observationibus Clar. Caroli Drelincurtii Lug. Batavorum Professoris Practici & Anatomici.*

Septimo Martii 1671. Lunæ nondum impleta falce, juvenis armiger, lautè victitans, torolus & athleticus, statim post prandium, dum sese incurvabat, derepentè corruit sensu motuque privatus, utpote apoplecticus, nonnihil tamen universè convulsus est, & intra quindecim horas animam expiravit.

Dirutis cerebri muniis, nigerrimi sanguinis quantitas ingens, ab arteriosis tubis, & caroticis & vertebralibus, gyros cerebri naturaliter perrepantibus, ibi denique præternaturaliter passim distractis, ubique reperta est, sub meninge scilicet dura, à cerebri basi ad verticem, & ab anteriore cerebri lobo in posteriorem usque, juxta utrumque illius hæmisphærium, ventriculis ejus quaternis illæsis & intaminatis. *Ex observationibus Clariss. D. Caroli Drelincurtii Professoris Practici & Anatomici. Lugdun. Batavorum.*

Anna Waltherin è pago Loninga, sex circiter stadiis ab urbe nostra distante oriunda, sexagenaria major. Habitu corporis mediocriter carnosio prædita. Vitam à prima infantia vixit rusticam, pauperculæque omnes operæ rusticæ subeundæ erant etiam gravissimæ, quæ in vineis colendis, ab utroque sexu eò loci peraguntur; aliquot prolium mater fuit: hinc senior facta ad obstetricis munus peragendum ordinata est. Crebrò sanguinem, tam venæ-sectione, quàm scarificatione, malo nostrorum more profudit. Solent enim nostrates ricolæ, inprimis, ter quaterve in anno venæ sectiones usurpare, & qualibet vice duas, quandoque tres, non rarò quatuor venas pertundendas curant; emittunt sæpè binas sanguinis libras; nulla cura est vel temperamenti, vel sexûs, vel ætatis: Videntur quandoque gravidæ, quæ bis terve gestationis tempore sanguinem V. S. effundunt, nec etiam partui vicinæ à V. S. sibi temperant persuasæ salubrius tum puerperium agi. Vidi senes octuagenarios hoc remedii genus expertos: nec sanguine fuso solliciti admodum sunt,

qua ratione inanitæ venæ præstantiore sanguine replendæ sint, frequenter enim statim ac vena secta, & cibo & potu nimio corpus infarciunt; videres sæpius ex urbe nostra domum properantes titubare, nec pedes vestigia servare; & sæpè sæpius vel altero die ad consuetam victus rationem & solitos labores redeunt; alios errores taceo.

An verò & quibus morbis afflictæ fuerit femina hæc toto vitæ curriculo, ab astantibus intelligere non potui, præterquam quod jam vetulæ incellus difficilior fuerit. Anno 1655. decimo tertio Julii, sexto die à plenilunio, circa vespertinam, domo ad vicina pago dumeta, sarmenta collectura, egressa est. Ea nocte à suis desiderata & quaesita, sed non inventa fuit. Sequenti die juxta sepem in temporis sinistri medio leviusculè vulnerata & mortua reperta est. Tertio die cum inopinatus casus ad Rev. D. Ludov. Splissium vigilantissimum pagi pastorem delatus esset, viso in tempore vulnere, operæ pretium esse duxit me accersendi, ad indagandum num ex hoc vulnere, fortè violenta aliqua manu illato, an verò vi morbi alicujus latentis occubuerit? quo postmodum Amplissimus Magistratus noster de tota re certior fieri posset. Detracta itaque cute, in tempore sinistro inveni vulnus vix cutim transiisse, & temporalem musculum parum in superficie attigisse: Ablato musculo temporali, os ad sensum integrum erat. Hinc cranium sustuli, adjutus præcipue fratris charissimi Joannis, Medicinæ studiosi operâ. Dissectâ durâ matre neque serum neque sanguis in spatio, quod inter utramque est, occurrit. Neque vel minima macula in interiore parte ossis temporis, vel in dura matre contigua, eo in latere ubi vulnus accepit, apparuit. Adeo ut mortis repentinæ causam vulnere huic tribuere nullatenus potuerim. Mox elevato & nonnihil reclinato cerebro omnia sanguine suffusa comparuerunt: quæ ut rectius viderem, nervos dextri lateris abscidi: Hinc accuratius conspexi totam basin cerebri, quæquaversum cruore subductam, effuso illo intra piam matrem & substantiam cerebri. Suggillatio hæc diffundebatur antrosum ultra nervos opticos, vel retrorsum usque ad foramen sacrum sub medulla oblongata, & ad latus ejus utrumque in ambobus cerebri lateribus, etiam intrâ anfractus longè lateque spectari poterat, maximè verò *exhumata* in dextro latere, parte scilicet vulnere opposita ultra dimidium cerebri intra gyrorum hiatus & per superficiem eorum emicuit. Circa orificium magnum in occipite, intra duram & piam matrem, etiam aliquid sanguinis grumosi inveni. Omnes ventriculi lero flavescere stagnabant, cui innatabat grumus sanguinis in tertio ventriculo fabæ magnitudine. Aliquot hydatides parvulas plexui choroideo adnatas vidi: glandulæ hujus plexus manifestè turgidæ & duræ erant. Cor in dextro ventriculo replebatur copioso & grumoso sanguine, nec sinister ab eo vacuus erat. Pulmones aëre distenti, totam pectoris cavitatem occupabant, ut videri potuisset potius inspirationem ultimum vitæ actum, quàm expirationem fuisse. In cæteris partibus imi & medii ventris nihil notari dignum deprehendi. *Ex observat. Georgii Bauhini.*

*De iis in quibus serum multum effusum
visum est.*

Septuagenarius ebrius, delapsus ex altiori loco, contraxit in calvaria tam amplum vulnus, ut commodè per ejus hiatus educeretur quicquid inhæreretur extimæ cerebri membranæ: Invadentibus ipsum nihilominus illicò vertigine, vomitu ac stupore, sive à residua crapula, sive à concussio cerebri, sed postridie rediit ad se, expers febris & immunis aliorum omnium symptomatum: Verum die 4. excreatis prius sputis purulentis, perit præter omnem spem ab inopinata apoplexia.

Cujus ergo interiora capitis penitiùs perscrutantibus, obtulit se primum frequens humor replens ventriculos cerebri: Sed mox longissima rima excurrente continuatâ serie, per frontem oculique foramen usque ad sellam equinam, propè ossis cuneiformis mediam: quo loco animadvertimus (quod jure in omnium oculis fuit rarissimum) ingens ossis cuneiformis fragmentum, ita sejugatum a reliquo osse, ut manifestè elevaretur supra quascunque partes circumpositas: In quarum remotiori recessu cum teluresceret plurimum sanguinis coagulati, verisimile est ex ejus putredine produsse postremo vitæ die quo t excreavit pus: Sed morbus Attonitus, qui ipsum occidit, traxit originem partim ex obstructis processibus spinalis medullæ (qui sunt verum nervorum principium) partim verò ex angustia *reus mirabilis*, quod constat ex intricato venarum jugularium, arteriarum carotidum ac cervicalium concursu: Quibus nobilissimis partibus impeditis privatur homo non modò sensu ac motu, sed ipsa vitâ, juxta illud Celsi lib. 5. cap. 6. Servari non potest cui basis cerebri percussa est. *Nicolaus Tulpus Observat. lib. 1. cap. 3.*

Momina Baxius, homo torpidus ac hebes, occisus repente à morbo attonito, obtulit secanti Chirurgo cerebrum flaccidum, & membranas ipsas tam frequenti pituita persusas, ut *opus fuerit eam spongia detergere*: Qua eadem pituita replebantur utique & venæ per cerebrum dispersæ, nec minùs sinus falciformis, & quidem utrobique tanta copia ac lentore, ut inde potuerit extrahi instar longioris alicujus filii. Movente hac concretâ pituitâ non levem polypi suspicionem, sed quem id temporis frustra quæsitum ivimus in naribus, illum offendimus deinceps inscii in sinistro cordis ventriculo: Sed redeundum ad pituitosum hoc cerebrum, in cujus ventriculis invenimus, non tantum plurimum aquæ (quod attonitis familiare,) sed spinalem medullam ita humidam, imò udam, ut necesse fuerit exuperantes liquores prius spongiâ absorbere, antequam licuit inquirere in naturam nobilissimæ huius partis. Constabat autem hic polypus *ex alba concreta pituita*, inclusa membraneo involucrio, & inhærens suis radicibus carneis Cordis fibris, assurgebat bifido trunco, obturatum non minùs arteriam aortam quam venosam: quarum nobilissimarum viarum obstacula impedimento fuere, ne deinceps vel aërem libere attraheret, vel fuligines debite expelleret Cor, nedum exactè se clauderent valvulæ post egressum spiritus vitalis; cui tamen usui illas ibidem loci destinavit sollicita natura, unde factum ut partim ob exclusum aërem, partim ve-

rò ob retentas fuligines & spiritus plus æquo dissipatos, infirmaretur usque eo cordis robur, ut nequirit amplius officium facere, multò minùs spiritus vitales quibuscunque partibus impartiri: quorum calore ac fotu ubi carendum fuit, refrigit inde confestim corpus, emarcuit animus, & torpuit tam vehementer cerebrum, ut tandem perierit à gravissima apoplexia. *Nic. Tulpus lib. 1. observ. cap. 27.*

Jacobus Reutinger Viterdinga, ditioris per illustres & generosi D. Baronis Hornsteinii, oriundus, quinquaginta circiter annos habens, temperie totius ad calidam & siccam vergens, coloris fusci: habitu corporis utcumque carnosus erat, capilli nigri & crispi, rari, dimidiumque caput, juniori adhuc, calvities turpabat: ad iram vehementiorem proclivis. Pauper victum & amictum duris laboribus, præcipue viticultura acquisivit. Multum ipsi usum cum Baccho fuisse & non rarò sicca labore pectora fervido maduisse mero, Gutta rosacea, quæ faciem fœdabat, fidem fecit. Quibus morbis toto vitæ tempore affligens fuerit, ut de homine ignoto impossibile, ita hoc loco id referre supervacuum existimo. Quantum mihi constet ab aliquot mensibus sæva cardialgia excruciebatur, ob quam & mea opera usus est, quæ purgantibus & stomachum roborantibus cessavit, brevi tamen ob pravam victus rationem, fame & pauperie etiam noxia imperante, rediit: hinc opem meam non contentus etiam carnificem consuluit, (nam & hoc genus hominum his in oris medicinam facere consuevit: & nulla non mortalium *supra dicta* sacra hæc invadere audent) & haud obturè intelligere potui, illum nec à benedictionibus, ut vulgò loquuntur, rectius ab incantamentis, abstinuisse, ad quæ fœx plebis, ceu ad sacram anchoram, non rarò confugere solet, adeò ut nefanda impietas vix satis dissuaderi possit. Aliquot septimanis ante obitum crudelissima cephalalgia totum caput, frontem præcipue & occiput afflixit, à qua ipsi nec mora nec requies; fastidivit omnia medicamenta: Extrinsecus quædam muliercularum suasu applicita fuerunt. Præ dolore quandoque amens erat, ut quicquid vel diceret vel faceret non rarò nesciret. Tribus septimanis ante mortem cæcus omnino evasit, nullo vitio extrinsecus in utroque oculo apparente, verâ scilicet guttâ serenâ excecatus. Doloris quidem sævitia in capite aliquantum tunc temporis remisit, ac remansit quædam anxietas ob quam corpus hinc inde jactitabat, nec, proculdubio mente æger, causam hujus volutationis per lectum revelare valuit. Medicamenta plurima adhibita, sed serò, ideoque sine successu. Quatuordecim diebus ante fatalem diem, lectum permingere cœpit; paucis diebus post hanc calamitatem nova excepit, Paralysis scilicet pedis dextri, quam secuta paulò post & sinistra. Quatriduo ante obitum apoplexiâ fortiter affectus fuit, jacuit sine omni sensu & motu animali, nulloque ingenio excitari potuit. Totis his ultimis diebus largiret sudavit: per integrum diem cum stertore respiravit. Quamdiu decubuit *ante mortem* erat 11. Februar. & 11. a plenilunio anni 1656. vitam cum morte commutavit. Altero die cranium aperui, sacciâ durâ meninge profluxit serum pallidum spicci coloris, cum impetu quodam, non secus ac mediana vena brachii secta sanguis erumpit, & quidem tantâ copîa, ut cyathi aliquot unciarum capaces eo impleri potuissent.

Hoc serum maxima ex parte colligebatur in spatio, quod inter duram & piam matrem est, quod mihi amplius & capacius esse videbatur, quam naturaliter existere solet, sero præ nimia copia duram matrem undiquaque, ubi nullum obstaculum inhibebat, expandente, ac cerebrum cerebellumque deprimente. Quin etiam seri plurimum intra piam matrem ac cerebrum & cerebellum continebatur, unde tota cerebri & cerebelli superficies, tam gyri, quam di-ulsis gyris, anfractus, ceu gelatinâ quaquaversum obliti videbantur, quâ cultello læsâ serum exstillavit sincerum, simile ferè illi, quod inter duram & piam matrem cumulatam fuit. Imò ipsam substantiam cerebri & cerebelli plurimum seri imbibisse, clarissimè cognoscere potui, nam summopere utrumque flacidum & molle erat, ut instat ferè pultis, etiam leviculo attractu dissolverentur, ita tamen, ut non diffunderet, prout vetulæ apud Cl. Platerum contigit, cui pultis forma cerebrum emanavit: nam citra attractum & figuram, & terminos antiquos cerebrum & cerebellum, ablata quoque piâ matre, aliquo modo servabant. Tota cerebri externa facies pallida, vasaque languidula tantum non omnia exsanguia erant: ablata portione cerebri, raræ sanguineæ maculæ pullularunt. In omnibus etiam ventriculis serum redundavit; mucum nullum vidi orificium seu canalem è tertio in quartum ventriculum patulum, obturantem; Verum presso cerebello, plurimum seri in tertium ventriculum regurgitavit. Plexus Choroideus totus erat luridus & sanguine ferè privatus, quamplurimis nodulis varicosis subduriutculis præditus. Abscissa medulla oblongata propè orificium magnum, elevatisque cerebro & cerebello, nonnihil declivi posito capite, plurimum seri ex ostio illo profiliit, ut non dubitarim, totam quoque fistulam sacram eo repletam fuisse. Adeò ut non vererer, morbum hunc hydropem cerebri & *ὑδρονέφalon* quandam speciem appellitare. In reliquorum viscerum conditionem lubenter quoque inquisivissem, sed nec pretio quicquam à defuncti uxore & affinibus impetrare valui, ac potestatem mihi caput aperiendi factam fuisse, pro magno beneficio reputare debui: Ex superstitione enim quadam, plusquam ethnica plurimi nostratium opinantur, cadavera humana injuriâ quadam affici, si studio alios ægros juvandi, secentur, brevi vermium esca aliâ futura. *Joann. Jacob. Wepfer. de apoplexia.*

Jacobus Speerlin C. B. septuagenarius: statura proceræ, pallidus, gracilis, robustus: Victor in laboribus assiduus, industriâ celeritateque in opera & dexteritate nulli secundus, plures, dum junior erat, superans, nec facile cuiquam jam senex cedens. Mercaturam aliquandiu exercuit, spiritum vini aliaque in castris divendidit, & hujus causâ pericula præsentissima crebrò subiit, variasque tempestatum injurias in itineribus frequentissimis passus est. Ante plures annos ad carceres perpetuos, nescio ob quas causas, condemnatus fuit: in quibus tenebris & squallore terrificis ultra duodecim annos vixit; tandem amplissimi Magistratûs nostri intercessione libertati restitutus ac in Nosodochium nostrum receptus fuit. Huc perveniens totus cachecticus erat, facies & labia pallebant, pedes œdemate tumebant, omnes artus languebant. Tibia dextra ulcere dyssepuloto afficiebatur, quod ichorem flavum acer-

rimum copiosumque continuo cum summo dolore stillavit, ut plures noctes insomnes duxerit: quandoque etiam sanguinem sincerum profuderat: quamprimùm emplastri sine mortu siccantis utrum intermiserat, serpebat ac profundius reddebatur. Fonticulus in tibiæ parte externa interceptionis causâ excitatus ad ulceris consolidationem non exiguam opem tulit, sed non fidam, nam sæpè recrudit. Postquàm liberiore aëre, cibis salubrioribus & medicamentis congruis, fruebatur, sensim cachexia & pedum œdema evanuerunt, ac strenuè pristinos labores adiit, ac vix imitandam in dolis minoribus conficiendis solertiam ostentavit. Paulò post adventum ipsius in Nosodochium, scilicet mense Augusto 1650. Ichuria omnimodâ cum alvi occlusionem per integrum octiduum ægrotavit, utrumque symptoma, imprimis alvi constipationem occultans. Postquàm clysterem emollientem injiciendum curaveram, pluribus scibalis summopere induratis excretis, protinùs urinâ effluxit copiosè atque in posterum nihil ampliùs hujus generis passus est. Urina clara erat: nihil vel sabulosi, vel arenosi, vel mucosi subsidit: nec memini ipsum unquam calculum excrevisse, quamvis sæpè de dolore circa regionem renum & lumborum conquestus fuerit, qui non raro ad alterutram coxarum pertinebant. Quandiu in Nosodochio vixit, cibis salubrioribus fuit poterat, cum talis effectus suppeditetur, ipseque nummis abundabat: & quantum rescire potui, à nocuis vir prudens & longævitas per quam studiosus abstinuit. Sæpè omnem cibum, imprimis carnes fastidivit: Sæpè etiam nec vinum sive rubrum sive album, sapuit: non raro amarore quodam omnia imbuta videbantur, quæ assumpserat. Crebrò manè jejuno stomacho aquea, quandoque meram bilem non sine violentia evomit. Alvo suppressâ protinùs colicâ torquebatur, quam bis intra novem circiter annos, dum hîc commorabatur, Parens brachiorum secuta est: eandem quoque antequam huc pervenerat aliquoties post colicam expertus est, ob quam minimi & auriculares digiti in manibus incurvi permanserunt, ut quamvis flectere, tamen extendere nequirit. A Pareli tum ab Exc. D. D. Ch. Hardero, tum à me non magno medicamentorum apparatu vindicatus fuit. Diarrhœam biliosam iteratis vicibus non incommode sustinuit. Ferè perpetuò de dolore quodam compressivo & tensivo præcordiorum conquerebatur. Assiduè quoque caput doluit, comite nonnunquam Verrigine. Hæmorrhagiæ narium frequenter obnoxius fuit, quæ non raro profusissima erat. Anno vitæ ultimo, manè inprimis tussire cœpit, & purulenta exspuit: tussis magis magisque crevit eaque diu noctuque miserè excruciebatur: sputum subviride, turbidum, lentum, viscidum, rotundum, planè non foetidum, quandoque cruore tinctum ejecit. Paucis septimanis ante obitum conquestus de catarrho manè impetuose ad pectus ruente & suffocationem intentante. Febricitavit lentè: emaciebatur; non tamen ita corpus contrabuerat, prout in plerisque Phthisicis observatur. Ultimis mensibus sævissimum dolorem perpessus est in utroque interfemineo, ut attractum minimè perferre potu-erit: incipiebat ab ossè pubis ac desinebat in medio femoris, ductum musculi tricipitis sequens, in loco dolente, nullus tumor præter paucos quosdam & exiguos ac concolores cuti nodos, nullus rubor

rubor videbatur. Paulo ante obitum loquebatur & corpus præ langore & impotentia immobile, verti perierat: quamvis nondum omnis motus animalis perierat, die 10. Maii 1657. ringentibus malevolis, cadaver cum Exc. D. D. Hardero aperui. Dissectis integumentis imi ventris, ventriculus & intestina sanis similia apparuerunt. Pancreas & mesenterii glandulæ duriusculæ, sed non tumidiore erant: ductus pancreatis vacuus: Epar fuit legitimæ magnitudinis: debito mollius, pallidum & tantum non cruoris expers, si venæ majores excipiantur: bilis in ductibus cholidochis vitellina redundavit, pressoque parenchymate copiosè profluxit: vesicula foris albicans simili bile flava implebatur simulque continuit calculum magnitudine nucis moschatæ. Lien fuit lividus, major debito, mollis & divisus, naturali similis. Renes erant pallidi: unius Carunculæ papillaris extremo apici exiguum lapilli frustulum immersum fuerat: cætera nec vestigium arenularum ullibi apparuit. Vesica nihil præter naturam continuit. Pectore recluso pulmonum lobos superiores utrinque maximè sinistram, accretos invenimus, ambo subduri & compacti erant, nondum tamen ad illam duritiem pervenerant, quam aliàs in phthisicis observavi: discissi in suprema parte exulcerati erant ac cavernulas avelanæ capaces obtinuerant, non tamen exactè rotundas, aut æqualiter cavas, sed quasi laceras, ac si à mustella vel glire, frustulatim porciuncula avulsa, pulmones exesi fuissent. Pressâ hæc pulmonum parte ex bronchiis sputum viride minùs tamen viscidum ac tussî rejecerat, prodiit. Lobi pulmonum inferiores nec pleuræ accreverunt, nec quicquam puris continuerunt. In cordis ventriculis corpora pituitosa parva nec longè per quatuor fontes propagata, ac firmiter suis radicibus thalamorum anfractibus immersa & connata invenimus. In pericardio plurimùm seri flavi continebatur. In cavo pectoris serum suberuentum copiosè redundavit. Remota cranii olla ac discissa durâ meningē plurimùm seri subpallidi effluxit, quod in spatio inter utramque meningem continebatur, sed non in tanta copia, quanta apud Jacobum Reuringerum videram nam interstitium angustius erat. Tota anfractuorum superficies quasi gelatinâ operta fuit, qua cultello sauciata aqua exstillavit. Hujus seri quoque plurimùm in omnibus ventriculis repertum à nobis fuit. Plexus choroideus palluit ac ex sanguis propemodum erat: in illo manifestè glandulas, sed luridas, cœnosasque vidimus ac duriusculas terigimus. Cerebri consistencia mollis quidem & flaccida fuit: minùs tamen quam apud prædictum Reuringerum: nec collapsam aut coarctatam & compressam observaveram. Multum quoque seri, reclinato pectore ex ostio magno occipitis promanavit. *Jonn. Jacob. Wepfer. de apoplexia.*

Ursula Puley FriZen, In sylva Martiana *zum Hausern* habitans. Habitu sanguineo-Phlegmatico prædita. Victu gaudebat lautiore, qualem scilicet Rustici melioris conditionis hæc loca incolentes nanciscuntur: potissimùm ferè lacticiniis, quæ illorum delitiæ sunt, fruebatur. Aliquot liberorum mater erat. Menstruus fluxus extra graviditatis tempus ritè manabat 1661. circa 37. ætatis annum iterum gravida, diu continuos eosque sævissimos capitis dolores passa est cum vertigine. Quarto mense conceptionis scilicet circa princi-

pium Maii, manè è lecto surrexit, humi sedit ac caput manibus suffulciens de consueto capitis dolore conquesta est, atque malum quoddam gravissimum sibi imminere prædixit: mox oculi pervertebantur: vomituriebat: maritum & liberos miserabili vultu intruebatur, at *ἀφῳ* facta amplius alloqui nequibat: protinus instar trunci omni sensu & motu privata concidit, solâ respiratione salvâ manente. In lectum traducta, per triduum, eo situ quo locabatur, immota jacuit. Juscula & aquas anti-apoplecticas spiritum vini redolentes absque labore deglutiit. Post diem tertium ad mentem aliquantum rediit; compellata annuit: & paulò post artus sinistri lateris denuò movere valuit. Intra mensis spatium nullis aliis medicamentis adiuta, à marito aliisque adstantibus suffulta, incedere potuit: ita tamen ut dextrum pedem trahere & manu dextra ad opus aliquod perficiendum impotens esset: intellectus semper debiliior mansit: Appetitus consistit. Mense Octobri 1661. delirio melancholico corripiebatur. Circa finem Octobris infantem vivum enixa est. Appetitus ad 14. diem puerperii integer permansit: hoc die subitâ debilitate obruta omnem cibum fastidivit, simulque delirium mirius evasit, & ipsa quietior aliquandiu fuit. Rediit delirium cum cephalæa solita atque ad anni 1662. fœnilecium usque perduravit. In hoc delirio notissimos & omnia timebat: maximè à fragore lignorum minùs aridorum in foco crepantium percellebatur: læpiùs in sylvas aufugit, ut vix satis custodiri potuerit: ter violentam mortem sibi inferre nitebatur, jamque laqueum collo sibimet adaptavit totiesque mariti providentia à tanto facinore vindicata fuit: Nullam penitus liberorum curam habebat, nec famelicos vel mica panis refocillasset: nonnisi coacta comedit: Delirium hoc plerumque sub auroram incepit: duravit usque ad vespem: hinc minùs sibimet metuebat, quietior erat nec custodiam sui egerat. Medicamentorum, nescio tamen qualium, usus frustraneus fuit: Empirici suavisere, æstate & autumno singulis mensibus, hyeme verò alternis mensibus largè vena-secta sanguis emittebatur, unde delirium propulsatum fuit; quin etiam capitis dolor mitigabatur & vertigo ablata fuit. Ultimo vitæ semestri venæ sectionem omisit: ob nimiam sanguinis profusionem vividus faciei color periit & cachectica evasit. Postea iterum concepit fœtumque vivum peperit, quem ad terminum suum fatalem usque lactavit. Ab illo tempore quo ab apoplexia prostrata fuit, totum dextrum latus debilius perstitit, adeò ut inter incedendum imbecillitas quædam observaretur: in super manu dextra corpora crassa & ponderosa facile arripuit firmiterque tenuit, at gracilia & levia apprehendit quidem verum invitæ & insciæ statim iterum elabebantur, die 21. Februar. 1664. noctu in lecto horrore concutiebatur, subsequente æstu cum dolore lateris dextri punctorio: Pleuritidem neglexit: Vinum bibit: Venæ-sectionem distulit ad signum Zodiaci gratius & magis ex superstitione valetudini commodum: singulis horis dolor lateris dextri incrementa sumpsit; tussit frequenter: ob doloris vehementiam sputi subcruentiparum excrevit: dolor à latere dextro quandoque ad collum usque pertigit, qui tamen continuus, nec una sede fixus permansit, die 25. Feb. expectatus venæ-sectionis dies advenerat, verum ob virium langorem & delirium omittebatur: die 29. Feb.

26. Februar. mortua est, die 27. Febr. indultu Reverendissimi Domini D. Francisci Choulori Abbatis Monasterii S. Blasii optimè meriti, Viri iudicio acerrimo & rerum agendarum dexteritate apud omnes laudatissimi, cadaver secui, cum Cl. D. D. Joh. Ludovico Silbereisen Bada-Helvetio, Physico Lauferburgensi & collega dum vivebat suavissimo. Remota cranii ollâ dura meninx tumida & elata erat ac si flatibus distenderetur: ejusque arteriæ sanguine turgidæ. Sublatâ durâ meninge, tenuis ita omnes anfractus colligavit & æquavit, ut tota cerebri superficies levis & æqualis apparuerit, crassiorque debito fuerat: illa fascia ex omnibus anfractibus tam dextri quàm sinistri lateris copiosè serum emanavit. Vasa sanguifera tenuis meningis ubique majora & sanguine pleniora videbantur. In utroque ventriculo laterali serum subcruentum abundè stagnavit: simile quoque serum in occipite circa medullam oblongatam invenimus, quin etiam antrosum inclinato capite ex foramine sacro juxta medullam ad unciam hujus feri effluxit. Utriusque ventriculi lateralis superficies lutea penitus & quasi rubigine obducta videbatur, oblita enim erat muco croceo, illi simili, qui circa aquas ferratas conspicitur & lapidum & terræ superficiem incrustare solet: Eodem quoque plexus choroideus infectus erat: pertingebat rubigo ista quoque ad tertium ventriculum: quartus prorsus mundus erat. In dextro plexu choroideo plures hydatides, quarum quædam pisco majores invenimus, in sinistro itidem plures aderant, quarum una nuce avellanâ major, angulosa, instar humoris crystallini perspicua, solidaque à nobis visa fuit. Cerebellum valdè flaccidum erat. Medulla spinalis multo naturali gracilior nobis apparebat. Sterno remoto pulmo in toto dextro latere firmiter pleuræ adhæsit, quo avulso in postica pectoris cavitate ad libras duas circiter feri pallidi comparuit: in sinistro latere fibris intermediis pulmo leviculè accretus erat. In dextro latere pulmonum lobi omnes magni, duri, tensi, utcunque rubri, vel potius ex rubro variegati: illorum membrana extrima densa & crassa: incisi intus pleni ichore subcruento, subaqueo, spumæo & in partibus profundioribus putulento adimpleti erant. Sinistri pulmonis lobi erant molles, flaccidi, albicantes, paucillâ rubedine diluti. In ventriculis cordis invenimus corpora pituitosa, quæ ramos in pulmonum vasa spargebant. Ventriculus & intestina flatibus admodum distenta erant; ut gravidam putarent. Epar pallidum & Renes flaccidi erant, Lien naturalis visus. In utero nihil præter naturam apparuit. Mammæ adhuc lacte niveo abundabant. *Idem de apoplexia.*

Juvenis quidam annorum circiter 24. stature mediocris: macilentus, cute fuscâ & strigosa præditus: quantum ex vestitus semilaceri forma conjicere licuit miles profugus, ex morbo aliquantulum convalescens; (nam circa illud tempus plurimi Gallorum ad Rhenum in Marchionatu Badensi inferiore Febre Hungaricâ, dysenteriam gravibus morbis ægrotabant, ac quotidie tum sani tum reconvallescentes non pauci huc venerant, per Helvetiam Patriam repetituri) in vicino colle extra urbem nostram propemodum frigore enectus die 14. Novemb. 1673. repertus moxque traha circa 10. antimeridianam in Xenodochium deportatus fuit. Satim accersitus fuit Exc. D. D.

Henricus Screta à Zavorziz: deprehendit ægrum, quamvis in hypocaustum calefactum delatum & lecto plumæo forum, toto corpore non solum in capite & artubus, sed etiam pectore, dorso & abdomine tactu frigidissimum esse. Artus rigeant adeo ut nec brachium, nec pedes flecti potuerint: brachium tamen sursum facile tollebat: ore hiabat, verum aquarum cordialium ne guttulam quidem deglutiit: pulsus nullum invenire potuit: nullâ inclinatione, vellicatione aut frictione excitari valuit, ut vel minimum alicujus sensus superstitis indicium præberet: oculos semper clausos tenuit: respiravit cum stertore: in lingua maculæ rubræ videbantur ac si illam convulsus momordisset. Vesperis circa quartam vivere desuit. Die sequente cum D. D. Screta, D. D. Hollandro & Chirurgis aliquot cadaver perlustravi. Foris in pectoris latere sinistro duo ulcera rotunda, dimidii bazii amplitudine aliquotque sinuosa, ultra cutim sed non ad pleuram penetrantia, pus coctum continentia, invenimus: In dextro latere circa costam tertiam cutis palmi latitudine fugillata erat: omnia sub cute ad pleuram usque sanguine suffusa visa sunt, sive à percussione, sive à casu contigerit. Abdomine aperto omentum pertenuè & macilentum, occurrit: Ventriculus & intestina, præcipuè tenuia, flatibus & fœcibus liquidis subflavis plena erant: iisdem fœcibus quoque Colon infarctum fuit. Foris à Colo imprimis papillæ plurimæ, aquâ lymphidâ turgidæ pendebant. Hepar fuit rubicundum: Vesicula biliaria tumida & quasi inflata: Pancreas album: Lien lividus, major debito, nam duos palmos longus, palmo latior, crassitie dimidii palmi erat: aliquotque in locis quasi fissuris præditus, sed non perviis. Renes consistentiâ & colore naturales, sed omni pinguedine destituti erant: ubi vasa emulgentia renes subeunt loco pinguedinis humor aqueus subflavus in gelatinam concretus sinus impleverat. Vesica distendebatur ab urinæ retentæ copia. In pectore pulmones dextro & sinistro lateri per fibras oblongas hinc inde laxè, non toti nec firmiter accreverant. In dextro latere pulmonis lobus inferior debito rubicundior & paulo durior fuerat, ita tamen ut inflammationem nec magnam nec pridem enatam credere potuerimus. Omnes pulmonum lobi aëre pleni & turgidi erant. Cordis dexter & sinister ventriculus, venæ item cavæ & arteriæ aortæ rami superiores & inferiores sanguinem prorsus fluidum, neutiquam fibrosum continebant & fundebant, adeo ut ne minimus grumulus à nobis inveniretur. Extravasatus in pectoris cavum, diu post effusionem grumescibat, ita tamen ut maxima pars fluida perstitit. Cranii superiore parte demptâ antè sub fronte dura mater admodum rugosa apparuit ac si ibi à flatu vel aqua distenta fuisset. Propè cristam galli, incisâ durâ matre in sinistro latere protinus multum aquæ promanavit, quod itidem incisione in dextro latere factâ contigit. Durâ matre à cristâ galli utrinque juxta sinum tertium ad sinus laterales incisâ, vidimus in sinistro latere sub offe syncipitis versus tempus duram matrem tenui meningi, ferè dimidii daleri amplitudine, præter naturam intermediis fibris validissimis firmiter accretam fuisse. Sub pia matre intra cerebri anfractus aquæ plurimum undiquaque fluctuabat. Reflexo corpore falciformi, diducto cerebro vidimus insignem arteriam super corpore calloso

calloso incedentem sanguine vacuum: & quamvis arteriæ & venæ sinum tertium adeuntes sanguine plenæ essent, nihilominus tamen sinus tertius & laterales non usque adeo sanguine implebantur. Cerebro cum cerebello è cranio exempto, separatâ durâ meninge circa sellam equinam ostendi utrinque arteriam carotidem tortuosam esse, neutiquam verò ut in brutis in plexum seu rete mirabile dispesci, quod aliis quoque vicibus feci: nec hætenus aliam arteriæ faciem in his locis inueni, ausimque dicere talem semper apud homines reperitum iri; ut quoque tandem aliquando fatebuntur Reris mirabilis patroni, si modò & ipsi quoque rei periculum facient. Inversâ cerebri & cerebelli mole vidimus quoque arteriarum vertebraliū & carotidum conjugium, ramosque varios hinc inde per universam machinam dipteros; In dextro ventriculo multum aquæ limpidæ continebatur, minùs in sinistro: multum quoque aquæ ex fistula spinalis medullæ sublato trunco emanavit. In glandula pituitaria duplo majore solito, sinum inveni plenum muco qui in gelatinam subflavam pellucidam concreverat. Meningem tenuem citra cerebri lacerationem longè sætèque avellere potui, evulsis simul innumeris fibrillis arteriosis substantiæ cerebri immeris: quâ sublata in superficie denudari cerebri rimulæ innumeræ conspectæ fuerunt, è quibus pressò leviusculè cerebro sanguis exsudabat. Idaliis vicibus præstare potui, quoties madidius cerebrum debito fuit, aut si per biduum aut triduum cerebrum frigido & humido aëri exposui. Cerebri pars cineritia flaccidior medullofa, utraque flaccidior debito; quin etiam cerebellum mollius quàm in aliis observaveram. Non tamen cerebri substantia tam flaccida erat ut in se conciderit ac subsiderit, aut pultacea evaserit, quamvis undique aquæ immersa fuerit, nam etiam extra calvariam exemptum cum cerebello figuram suam retinuit, etiam sublata tenui meninge in locis plurimis: adeo ut spectatori bus cætera cerebri & cerebelli curiosa demonstrare potuerim: ut raceam, imprimis cerebrum intra cranium corpus falciforme fibrasque & ramulos arteriosos tum ab ipso, tum albi à dura matre profectos suspensum tenuisse. Intestinis à sordibus mundatis, in medio jejuno invenimus tumorem juglande majorem inter intestini tunicam externam & internam conclusum proprio folliculo circumdatum, continens corpus mirè fibris & vasis sanguiferis intertextum: In principio jejuni reperiimus quoque valvulam seu circulum membraneum, coli valvulæ similem, ascensum impediens: In recto plurimos scrobiculos superficiarios dimidiati pisi capaces vidimus, ac si non ita pridem dysenteriam passus esset, quæ tunc militibus epidemia fuit. Certè diarrhœæ vestigia clinici in indumentis invenerunt; cujus quoque indices fuerunt fæces intestina implentes. Vesiculæ seminales continebant humorem copiosum in gelatinam concretum: utraque ductu insigni & proprio prædita qui ambo quoque osculo proprio ad latus monticuli in urethram capaciorē hiabant. Quæ insuper circa partes generationi dicatas in hoc cadavere observaverim & num in lithotomia saucientur? alibi erit commodior differendi locus. *Idem de apoplexia.*

Obtuso quidam ingenio, repente apoplexiâ correptus vitæ usuram deponit.

Cerebrum erat flaccidum. Meninges mucosæ & valde tenaci humore perfusæ: imò iis sinus tertius cum adhærentibus vasis istoc liquore turgabant. Ventriculi quoque eodem repleti. In cordis sinistro thalamo polypus fuit ex viscida materia concretus. Madebat, etiam spinalis medulla liquore lymphatico. *Stephan. Blancard. Anatom. Pract. rational.*

Mulier quædam quadragenaria, boni corporis habitus, sed subinde de doloribus capitis gravantibus, conquesta, subitò, cum capite inclinato, igni suo in culina, pro cæna paranda accendendo incumberet, apoplexia validissima correpta est, & intra paucas horas nihil proficientibus remediis, sublata. Die subsequenti summo mane aperro cadavere, elevatoque cranio reperiebamus cerebrum totum quantum sero sanguinolento abundantissimo suffutum. Interna substantia ipsa cerebri in omnibus suis partibus nobis sana visa est, de grumo aliquo sanguinis in ejusdem vasis aut sinu nullatenus constitit. Medii & imi ventris viscera omnia optimè se habebant.

Puer quidam annos præter propter duodecim natus, postquam febre lenta plures menses perdurante, contabuisse, lethargo tandem & postmodum apoplexia validissima correptus obiit. Cranio amoto reperiebamus sinum falconatum polypo prorsus oppletum; serum præterea coloris ex flavo viridiusculi, post resectum duram matrem, ad libram unam & semis ad minimum effluens, non minus interim turgidis remanentibus vasis quæ tum duram, tum piam matrem, tum etiam ipsam cerebri substantiam corticalem perluunt, illorum scilicet portio aliqua sanguine diluitori, alia sero coloris viridiusculi ad maximam distensionem adimplebantur. De iis quæ in medio & imo ventre tum apparere, hic verba non facimus, quia ad morbum quem hic tractandum habemus, non pertinent. Adnotabimus tantum, quòd vesica urinaria cujus sphincter æquè ac illa ani plurimis apoplecticis resolvitur, urinæque evacuationem in ipso paroxysmo facit; hic sero copioso ad grandem expansionem turgida sit repperita.

De iis in quibus vasa multum distenta apparere cum aliis &c.

Sub finem Octobris anni 1675. Nobilis & lectissima N. uxor Viri clarissimi & celeberrimi Dom. N. annos circiter 20. nata, temperamenti laudabilis, coloris subfusci, aliquot ante matrimonium annis, sexto per mortem dissolutum mense, capitis dolori obnoxia vixit, sinistræ præsertim parti infesto, & ubi fluere mensēs, graviori, quo vigente cervix in id latus invicè distorquebatur; Quindecim ante obitum diebus de ingravescente conqueritur, absque dilucidis intervallis, nec tamen à domesticis officiis distrahente, ac si gravior fieret: oculus sinister in rorsum corripì videbatur: Consultus Medicus lienem maleficii accusat, quia conjugium viscerum obstructions præcellerant: Eò collineat, syrupos & apozemata ex succis herbarum composita præscribit, nec non venæ sectionem, à quibus præsidii nonnihil solatii percipit, generosioribus, in graviditatis suspitione, prætermisissis. Pridie ante fatalem diem aliquid in cerebro crepirasse exclamat, mox tamen inficiatur, metum incutere fatagen-

fatiganti & sollicito de salute marito verita: Nox eam diem excipiens utcumque tranquilla, manè vultum insolitus pallor obsidet: accedit in prandio præter morem apoplexia, unde graviditatis opinio certior Medico. Circa meridiem visitantes coartatas hilari excipit vultu, sed paulò post dimittit in valetudinis prætextu, earum ad cuoilis usque limen comes, quod dum repetere intendit, subortâ vel vertigine, quod verisimilius, vel leipothymia, humili sedili obvio insidere volens, concidit: Jacens deprehensa in cubiculum deferatur, cui imposita vires brevi reparatas iri ait, ac quietem sibi permitti postulat: Interim absente Medico de confectione hyacinthorum aliquid præbetur, à qua vomitus excitatur: Superveniens ille hystericum *mors* suspicatur, alvum enemate prolui jubet, & cucurbitulas internis femoribus affligi: dehinc somnus conceditur, qui diutius protractus assidens suspectus fieri incipit, quod vix verbum extorquerent: erectæ caput nutabat, cum insigni & plumbea corporis gravitate, unde ferius animadversum *apoplecticam passionem* agram invaluisse; exinde ad extrema concurrunt præsidia; Syrupus emeticus salæ exhibetur, à quo *ipsa mors* & irriti ad vomendum conatus, sed nulla exclusio, mors quarta decubitu hora subsequitur. Præcepit ille & lugubris obitus moestissimos maritum & consanguineos ad causæ cognitionem per cadaveris resectionem impulit, quæ eodem die instituta est, hæc est prosectorum, Medico adstante exarante relatio.

Nos subsignati D. Medici & M. Chirurgi, rogante clarissimo D. N. instituimus dissectionem cadaveris conjugis suæ, initio ducto ab apertione capitis: Remoto cranio statim, se obtulerunt venæ duram matrem perreptantes ultra modum & morem dilatatae ac expansæ, nigrae & varicosæ, minimi digiti crassitiem penè æquantes, parte præferrim sinistra: inde cerebri superficies livida admodum apparebat: Hinc ad duræ meningis separationem progressu facto, ea deprehensa est insignis & insolita tum crassitie tum duritie; circa præferrim basim cerebri, in qua venæ distentæ etiamnum & admodum lividae apparebant. Dein ad Thoracem devenientes, omnia in eo integra visa sunt, pulmones à connexionem cum costis liberi, ad livorem tamen utcumque vergentes: Quoad inum ventrem nulla in eo labes adfuit: examini enim subjecti renes & lien, integritate donati reperiuntur; Uterus insigniter parvus citra ulla conceptionis rudimenta: Quibus perpensis, censemus insignem dolorem capitis, Aegræ olim molestum, ortum duxisse à crassitie & duritie extraordinaria cerebri meningum, liberam vaporum & fuliginum, à cerebro manantium, distillationem impediens, à quibus diuturnus ille capitis dolor excitabatur, qua de causa sanguis ad hoc alliciebatur, qui ideò illuc uberiori copia confluent, vasa præter modum replebat & distendebat; cujus etiamnum portio in cerebri substantiam basimque decubuit; Cum autem sanguis nimiam venarum distentionem pareret, ejus circuitus & reditus ad cor ideò prohibitus fuit, ac postmodum concrevisse quasi & immobilis redditus, basis cerebri ab eo compressione facta syncopen apoplecticam, ac tandem mortem intulit. *Thom. Willis Tractat. de Anima Brut. part. 1. cap. 2. p. 257. 258. 259.*

Bartholomæus Feer Triboldinga-Turgovius: Adolenscens novendecim annorum: tætor: Circa

principium Novembr. 1656. capite doluit: assumpta evomuit: hujus causâ carnificem consuluit, qui purgans propinavit & venæ-sectionem suavit: an præterea aliis medicamentis & quâ diætâ usus fuerit, rescire non potui, In dies morbo in deterius vergente 11. Novem. ad Nosodochium delatus fuit; Febricitare mediocriter videbatur: dormivit plurimum, expurgatus stupidus quasi erat & delira loquebatur: nec cibum nec potum petiit: oblatum & intrusum deglutiit: cibarius erat instar infantis. Urina naturali simillima; die 15. Novem. quo ipsum cum Exc. D. D. Christophoro Hardero conveniam, profundissime dormivit, ut ipsum nullâ ratione excitare potuerimus: aiebant adstantes ipsum interdum dormire, noctu vigilare: attamen inicitus lectum perminxerat; In respiratione nullum adhucdum vitium observatum fuit, die 17. Novem. horâ 10. noctis mortuus est. Ex ore demortui plurimum cruoris effluxerat. Dum cœu sanus adhuc vivebat odontalgia obnoxius erat; cujus causa fumum Tabaci hauriebat; an crebrius id fecerit? non constitit nobis. die 18. Nov. caput aperuimus; sublata cranii ollâ; perduram meningem vala tenuis meningis in syncipite ad sinum tertium meantia vidimus valde cruore oppleta & triplo ampliora, quam alias existunt, adeò ut primo intuitu circa verticem omnia sanguine suffusa apparerent; verum incisâ durâ meninge nihil extravasati invenimus; ipse quoque sinus tertius sanguine turgidissimus erat remoto corpore ac falciformi primò cerebrum ad ventriculum sinistram incidimus, protinus serum flavum satis copiosè effluxit. Sublato prorsus fornice conspeximus utrumque ventriculum cerebri lateralem, maxime sinistram humore purulento, vitcido, instar pultis fluidioris turbido copiosè imbutum: hic quoque ad ventriculum tertium defluxerat. Ventriculus quartus planè mundus nec vel minimè conspurcatus erat. Superficies utriusque ventriculi aspera & inæqualis & insuper flaccida fuit, dum enim blandâ manu & leviusculè pus detergebam successebat statim medullosa substantia candido suo nitore privata, coricis cerebri instar flavescens aut subfusca apparens. In dextro ventriculo observavimus superius tabulatum seu fornicem, imæ ejus parti, humore hoc purulento intermedio, aliquomodo agglutinatum fuisse. Plexus choroideus iisdem foribus inquinatus fuerat. Aperto pectore, inciso pericardio effluxit aqua limpida flava. In corde nihil morbovisum fuit. Pulmo in dextro latere leviter pleuræ accrevit; minus rubebat; in sinistro latere firmiter pleuræ adhæsit undique admodum cruore suffusus. In abdomine ventriculus, intestina, lien, pancreas, hepar & cæteræ partes à naturali dispositione non desciverant, quantum quidem oculis usurpare licuit. Vesicula biliaria bile coloris fusci plena fuit. *Joan. Jacob. Wepfer. tract. de apoplexia.*

De iis in quorum cerebris abscessus sunt reperi.

Ursula Aberlin Wolfachensis, virgo 23. annorum: Plethorica, staturæ mediocris, carnosa, robusta; famula apud cauponem ad solis insigne; ætate 1667. semel magnam graminum farraginem ac pondere gravem capite gestatam ex agro domum deportavit: Sub hoc onere sensit manifestè aliquid

aliquid intra cranium ruptum fuisse: paulo post cibaria cum suppellectili capiti imposita ad menses in loca montana Wolfachio vicina detulit; cum ab hoc onere summopere gravabatur, ut sibi sub illo occumbendum putaverit, nemoque præsto esset qui ipsum hoc onere levasset, magnâ contentione etiam per acclivia ad locum destinatum properavit, unde denuò fragorem intra cranium editum animadvertit. Ab illo tempore minùs urinam detinere valuit; nihilominùs officia servilia solito more præstitit: strenua aliàs nec ob patrem duriores labores fugiens, nec unquam de ullo alio symptomate conquerens. Menses semper ritè fluxerunt, die 22. Decembr. 1667. nihil mali præsentiens ad templum ita cucurrit, ut inde incaluerit; in templo perfrigeratur: mox animadvertit se pedi sinistro non posse firmiter, unde ingenua decubuit, vix inclinato corpore, nisi à vicina sustentata fuisset, humi prostrata fuisset: Totum sinistrum latus motu & sensu privabatur: labia torquebantur ac maxilla inferior dextrorsum abripiebatur: primum loquebatur ut intelligi potuerit, paulo post verò ægerimè. Astantes Leptothymiam morbum ratæ, quamvis vividum faciei colorem non amiserit, ipsam frigida largè conspergunt. Hemiplectica domum deportata per dies 14. deliravit: conquerebatur de syncipitis dolore sævissimo, quasi summâ vi sursum capilli ibidem raperentur continuè: oculus quoque dexter intensissimè doluit ac videbatur ipsi ac si ex orbita evelleretur. In sinistro latere toto hemiplectico neque in capite neque alibi præter motûs ablationem nec vel minimam molestiam experiebatur. Primis diebus creberrimè & copiosè mingere cogebatur, nunquam tamen lectum perminxit. Cephalalgia diu continuè afflixit atque hanc unicè causabatur. Medicamenta nulla, præter aquas quasdam cephalicas, pauperculæ exhibita fuerant, die 12. Februar. 1668. cum Wolfachii apud Illustrissimam Dominam Annam Magdalenam Comitissam de Furstenberg essem, ad ipsam vocabar, scilicet post octavam septimanam ab insultu hemiplectico. Tunc temporis carnosæ & benè colorata fuit: os non ampliùs distorquebatur, loquebatur sana & expedite: non multum de capitis dolore conquerebatur: Brachium sinistrum movere suâ spontè nequivit: at uno alterove digito incurvo fortius à me compresso brachium aliquantulum attraxerat: Pedi sinistro aliquandiu insistere, antrorsum ipsum promovere non valuit. Tum brachium, tum pes sinister sæpè motu quodam convulsivo succutiebantur. Appetit, & cætera satis benè habuit: menses quoque statò tempore ceu sanæ hucusque legitimè manarunt. Suasi tunc temporis decoctum rosmar. aliarumque herb. cephalic. purgantia per vices sumenda & linimentum nervinum: imperatâ simul congruâ victûs ratione; qua in re suppetias Illustrissima Domina Comitissa, erga pauperes benignissima, luculenter contulit: His aliquandiu, sed non satis sollicitè continuatis, sensim viribus pedi sinistro redeuntibus, scipione suffulta in publicum prodiit tota ætate, templum quoque frequentavit. Subinde tamen cephalalgia recruduit, quæ à vini potu exacerbabatur: tota itaque ætate aquam, aut feri lactis caprini bibit: Frigida præ calefactis unicè appetebat, unde totâ Ætate acerariis, fructibus crudis & lacticiniis profusè vescabatur; Sæpè toto die non nisi manè jus-

culum comedit. Mense Augult. 1668. manè è lecto surrectura sensit motum animale denuò langueri simulque querebatur de dolore in planta pedis dextri aliàs sani, ob quem nunquam diu posthæc nudo & non prius linteaminibus probè involuto pedi insistere audebat: doloris rationem ipsamet effari nequibat. Rediit quoque tum ante, tum post novum hunc insultum Cephalalgia præcipuè dextram capitis partem occupans & nunc occiput, nunc synciput, nunc tempus, nunc frontem miserè excruciauit: quandoque præ dolore exclamavit abscessum intus sub syncipite latere, imò jam exitum parare: unde quoque non rarò ut ille ope chirurgicâ maturaretur, expetiit. Tunc quoque de vertigine querebatur, ob quam pronam se casuram verebatur: hujusque sedem dextram potiùs partem dicebat, cum cerebrum præcipuè turbari ibidem distinctè sentiret. Incedebat nihilominùs subinde: at brachium sinistrum paralyticum tam ponderosum aiebat sæpiùs fieri, ut casum timeret, pondere corpus antrorsum trahente. Hieme adventante tum ob frigidorum abusum, tum ob vitam sedentariam, tum denique ob medicamentorum neglectum sensim pedes œdematosi facti fuerunt ac intumuit abdomen. Mense Januar. 1669. primum menses substituerunt. Subinde catarrhi ad pectus ruebant, & tussim excitabant, qua aliquoties sanguinem concretum fabæ magnitudine excrevit, aliàs cessante catarrho liberè respiravit: incommodèque decubuit, humiliùs certè quam cæteri hydropici. Hydrops in dies incrementa sumpsit abdomine prætumido & œdemate etiam lumbos occupante. Doluit summopere pes dexter. Die 23. Mart. 1669. Ipsam moribundam conveni; præter pedes, abdomen, lumbos, brachium quoque sinistrum admodum intumuerat: Facies erat Hypocratica, extrema frigida; lingua arida; pulsus summè debilis; in pedibus maculæ rubræ apparebant: in dextra tibia gangræna in procinctu aderat: delirabat per aliquot dies, ante obitum ad mentem rediit: semper & ad ultimum usque halitum accuratè vidit & acutè audivit. Die 24. Martii 1669. mortua erat. 25. Mart. Cadaveris apertionem prece & pretio obtinui. Ante apertionem in cadavere observavi maculas in tibiis latiores & lividas evasisse; alicubi vesicas amplas sero turgidas emersisse, quibusdam in locis ex poris serum exsudasse, abdomen subsidisse, ex ore humorem viscidum subflavum copiosè emanasse. Cuti capillata decussatim incisa tum ex vasis capillaribus sauciis tum ex cranio denudato exstillavit sanguis ichorosus, fluidus, omnibus fibris destitutus nec in grumos concrevens. Ollâ ablata, integrâ durâ meninge aliquid serosi excidit. Divisâ durâ meninge copiosius serum occurrit. Corpore falciformi à crista galli resecto ac retrorsum flexo superficies cerebri ubique ceu gelatina flava transparente tegebatur, illaque aliàs anfractuosa, plena & levis conspiciebatur: sauciata tenui meninge exstillavit copiosè serum flavum, tenue, admodum fluxile. Cerebri portione ad ventriculum dextrum usque ablata, protinùs ex illo exiliit aqua turbida: dilatato amplius hoc ventriculo occurrit abscessus ovi gallinacei magnitudine peculiari tunica, crassitie pennæ columbinæ vestitus, cujus oppositum latus versùs tempus dextrum exporrigebatur; inciso folliculo aqua turbida subfusca effluxit, qua evacuata cerebri superficies in fundo & ad latera inæqualis & quasi

exesa & exulcerata apparuit: nam deterſo in fundo muco ſubſidente, manifeſtè cerebri portuicula prominula & lacerata videbantur. In folliculo hoc nullibi foramen nec premento ante incisionem, nec poſtea reperire potui. In ſiniſtro ventriculo ut & tertio quoque aquam ſed pauciorẽ & limpidam inveni, unde conieci dextrum duos folliculos recondidiſſe, quorum primus incautè inciuſus fuerat. Plexus choroideus utrinque glandulis plurimis, minutiffimis albenſibus & pellucidis reſertus erat. In toto reliquo cerebro nullum vitium animadverti: in baſi quidem ſiniſtra pars mollior primùm videbatur: verùm poſteaquam ipſam cum dextra contuli, diſcrimen admodum exiguum deprehendi. Cerebellum mollius & flaccidius cerebro fuit. Cerebro & cerebello è calvaria exemptis, recisâ medullâ ſpinali ex orificio calvariaẽ amplo plurimùm ſeri ſubruenti effluxit: ſimulque obſervavi oſtii illius ſpatium multo amplius fuiſſe quam ut à medulla impleteretur: vidi medullam, hinc inde manantibus quibuſdam fibris alligatam quidem, ſed nihilominus humoribus deſcenſum concedere. Ex medullæ inciuſæ ſuperficie guttulæ ſanguineaẽ exſudabant: quæ aliàs firma & nitida erat: ſiniſtra tamen pars dextrâ minor videbatur. Quicquid ſanguinis intra cranium ſtagnaverat fluidum manſit nec in grumos concrevit. Imò ventre aperto aqua citrina effluxit, ſed præter expectationem, quantitate minor. Ventriculus & inteſtina tum tenuia tum craſſa flatibus turgidiſſima erant: Craſſa ab excrementis vacua. Hepatis ſuperficies livida inæqualis ceu corpus ex plurimis glandulis conglomeratum apparuit molle, vaſtum. Lien non erat naturali major, mollis, lividus. Glandulas meſenterii & pancreatis admodum duras comperi. Videbatur pancreas eſſe corpus ex multis glandulis conglomeratum: ejus ductus vacuus erat. Uterus ejuſque teſticuli minores, quàm aliàs in hac ætate inveneram. Nullibi ſanguis concrevit. Pectus quia aliò avocabar, nec multùm de pectoris morbis conquereretur non aperui. *Idem tractat. de apoplexia.*

Maria N. poſt contuſionem ſyncipitis à me curatam, per integrum annum de ſola vertigine graviffimas querelas habuit, remediisſque fruſtrâ uſurpatis *apoplexiâ* fortiffimâ ſubito obiit.

Apertâ calvariâ, inſpectoque cerebro, in ſiniſtro latere tumorem, quoad folliculum & materiam contentam, ſuperiorum duorum poſtremo non abſimilem, qui magnitudinem ovi gallinaẽ mediocriſ adæquans tertium cerebri ventriculum ex parte compreſſit.

Quærentibus quænam hujus tumoris tunicati cauſa extiterit? Reſpondi, nec forſan aded malè, quod cerebrum ea parte vehementer percuſſum, debilitatem quandam contraxerit, ob quam affluens alimentum non in cerebri, ſed in deſcripti tumoris ſubſtantiam fuit converſum, *J. Scultetus Chirurg. Armentar. obſ. 10. & 11.*

De apoplectico in cujus cerebro nihil prorsus inventum eſt cui apoplexia tribui potuerit.

Senex Theologus, vir probus, & pius, corpore obeso, necnon collo breviori, & toroſo præditus, diu invalerudinarius, & vitam ſedentariam agens, cacochymiam valdè ſcorbuticam contraxe-

rat; reſpiratione difficili, & anhelosa & capitis gravitate, & torpore inſolito affectus, vix quicquam præterea laboris, aut exercitii præſtare poterat, quàm quòd quotidie è cubiculo ad ſacellum & reſectorium ierit, & rediret: Quodam manè *Capellam* paulò ante preces ingreſſus, dum genibus provolvitur, derepentè percuſſus & mox *ἀφῳ*, & inſenſibilis factus, in humum concidit, illicò verò ſublatus, & veſtibus exutus, lecto concalſacto imponitur. Ipſe aliique Medici mox accerſiti, ac ocuſſimè adventantes reperimus eum, non modò abſque ſenſu, pulſu, & reſpiratione, ſed toto corpore frigentem, & planè rigidum, nec ullis remediis, aut adminiſtrationum modis, aliquandiu licet diligentiffimè adhibitis, ad vitam aut incaleſcentiam revocari potuit: unde ſuſpicati ſumus à primo ictu, cordis pulſum penitus inhibituſ fuiſſe ſt. mmaque ejus extinctâ, ſanguinis ſtatim omnem motum ſuppreſſum fuiſſe.

Poſtridie *cadaver exanime* ſatis, & obriguiffè viſum aperuimus, nihil dubitantes, quin affectus ita ſubito lethalis veſtigia ſatis clara, intra *ἑνὴν φάρον* relictâ, in conp. etum prodierint. Verùm illic, aut in alia quavis parte, morbi, licet atrociffimi, ne vel umbra quædam ſupererat: *vaſa meningas* irigantia, ſanguine mediocriter repleta fuerunt, abſque ulla tamen phlogoſi, aut extravafatione: *cerebrum, cerebellum, & medulla oblongata* cum *proceſſibus* eorum omnibus & *prominentiis*, ubique firma & benè colorata, tum extra, tum in uſ, per totum apparebant: nec ſerum nec ſanguis effuſus, ullibi intra eorum poros, & meatus, nec etiam intra ventriculos majores coacervabatur; quin imò *plexus choroideus* tum intra *cerebri cavitatem* tum penè *cerebellum* conſiti, omni culpâ immunes videbantur; adeo ut *materies morbiſica*, æquè tenuis, ac ſubtilis, ac ſunt *ſpiritus animales*, quos offecerat, prorsus in conſpicua maneret, ejuſque illi præſentiam, tantummodo ab effectu arguere liceret.

Attamen ne alibi *extra caput* lateret illa, poſt ſingula *ἑνὴν φάρον* contenta accuratiùs inſpecta, ad Thoracem devenimus; ubi *pulmones diſcolores & ichore ſpumoso* per totum infarcti *reſpirationis difficiliſ* & anhelosaẽ cauſam ſatis manifeſto prodebant: Cor verò ſatis ſanum ac firmum obſtructione quavis, aut *polypoſis concretionibus* immune prorsus exiſtebat. Porro nec in vicinia ejus, nec in aliis circumcirca viſceribus, *abſceſſus* quiſpiam aut *apoſtoma*, à cujus contractu, aut fœtore cor opprimi, aut ſpiritus vitalis (ſi modo hoc poſſibile eſt) derepentè ſuffocari potuit, reperiabatur.

Quamobrem in hoc caſu nihil aliud ſuſpicari licuit, quàm ſpiritus animales intra cerebri medullam conſitos, à particulis quibuſdam malignis, ſive narcoticis, ſive aliàs infeſtis, ſubito proſtigatos & quaſi extinctos fuiſſe; proinde ut cordis, quaſi primi in machina elateris, motu illico deficientè, ſtatim cætera omnes functiones, earum impulſibus ademptis, prorsus ceſſarunt.

ARTHRITIS.

Arthritis eſt periodicus articulorum dolor, à diſtentiſ & punctis membranis ipſos veſtientiſ, per affluſum humoris acrioris. Simplex hæc aut ſimilis deſcriptio non arridet Clar. Wilhelmo ten Rhyne, qui in ſua de arthri de diſſertatione cum ſtatum ejus cauſam facere, probare nitatur

nitatur, morbum sic definit; Arthritis est præternaturalis periostei, parvus, plerumque invisibilis, atque intrinsecè delitescens, tumor; ex sicco frigido, & maligno ortus flatus; qui per arterias sanguine subiectus contractivo cordis motu ad artus eorumque præprimis articulos expellitur, & ab ossibus periostea vi divellit; cui interstitio impactus flatus hic inibi tenacissimè hæret, dictamque tenerrimi sensus membranam distendit, acerbis adeò doloris author, ut & ipsum membrum in suo motu quandoque impediatur. Hæc paulo fusiùs ex ipso Autore huc adduximus, ut curationis ab eo per inustionem ex moxa perficiendæ, quam in sequentibus exhibemus; seu potius ejusdem curationis rationes à Clarissimo Viro allatæ, magis pateant.

Partem affectam in genere esse articulos varios, apud nullos disputatur; verum quæ in specie articulationis pars à morbo arthritico affligatur, in quaque verè & potissimum recumbat materia illius productiva, non ita patet, unde alii in ipsa articulationis cavitate, alii in ligamenti ossa connectentibus in genere, eam collocant, alii verò multò satius in ligamento in specie membraneo à periostio producto ossium capita invicem colligante & comprehendente satis laxè ut liberam motionem ipsis relinquant, morbi genuinam sedem reposuerunt, hocce enim solum sensibile admodum est passionisque arthriticæ quàm maximè capax.

Arthritis autem commune seu generale nomen est, sub se comprehendens Chiragram in qua manus, Podagram in qua pedes, & Ichiadem in qua commissura femoris & coxæ, dolent; imò secundum Paræi minùs necessarias distinctiones; Siagonagram in qua maxillæ articulus; Tracholagram in qua cervix; Cleisagram in qua clavicula; Rachisagram in qua dorsi spina; Homagram in qua humerus; Pechyagram in qua cubitus, affliguntur. Verum ab hisce differentiis ad alias magis necessarias deveniamus, scilicet Arthritides aut breves sunt aut chronicæ; novitiæ aut veteranæ; crudeles aut clementes; longis aut parvis intervallis recurrentes; unum plureve simul articulos, imò ipsum corporis truncum atque caput petentes.

Causam arthritidis immediatam putabant veteres, & in specie Galenus, esse non tantum pituitosum humorem, sed qui propriè crudus appellatur, quique crassus sit ad similitudinem puris crassioris. Illum autem humorem Fernelius vult à capitis exterioribus in subiectos articulos esse deciduum, atque sub cute deorsum decurrere: At quomodo humor arthritidem pariens, non que sola quantitate in articulos influente, indeque orta distentione, sed etiam quicquid contra asserant, pungitiva qualitate, maximè noxius, de cerebro, aut capitis exterioribus delabi valebit, sine ulla vel stuporis, vel vellicationis totius sensatione, totque sine noxa peragratis exterioris corporis regionibus, in extremo pede, pollicis scil. v. g. articulo, ferus hospes tandem domicilium sibi seliger? Paracelsus tartarum accusat à plantis variis quibus velicimur suffectum, in que ventriculo ubi prima peragitur coctio, non ita attritum ut postea commode segregetur, atque per alvum & vias urinarias excernatur. Helmontius quarumvis partium proprium alimentum depravantium, illudque in articulos demandantium, vitium arguit. Menjo-

tius causam arthritidis esse asserit serum vel sanguineum instar muriæ duræ ac maturæ saluginæ, vel biliosum pro more piperis acerrimum, vel melancholicum aculeatam aceri asperitatem æmulans; additque quòd serum istud magis fuerit dentatum atque mordax, eò acutiores excitati dolores, hincq, arthriticos salaces esse in ipsa quoque doloris, etsi veneream pruriginem aliàs reprimen- ris acerbitate, necnon iracundos & atrabilarios. Alii tandem, sero atque lymphæ analogum quid accusare non dubitant, at de viis per quas ad articulos deriverut magis sunt solliciti, quidam enim sanguifera vasa, quidam nervos quidam verò lymphæ auctus illius vectores faciunt. Verum, ut habet Willisius, si talis humor solummodo per nervos deferretur, non primùm in pede & articulis extremis, at in toto itinere nervosum genus irritando *αλγίματα* seriatim & tractu continuo excitaret. Si vero juxta Hollerii, Sennerti, aliorumque recentiorum sententias statuatur, impuritates quasdam serosas à sanguine effervescente deciduas & ab articulis susceptas, insultus podagrici causam materialem esse unicam, effervescentias immanes in vasis suis excitabit sic constitutus sanguis, quod nullo modo in accessionibus podagricis est perpetuum, imò ne quidem frequens. Unde concludit succos fermentativos morbum hujus pancreantes non ab unico vasis genere amandari, sed potius à vasis sanguineis, lymphaticis, imò nervis subministrari, eoque quantumvis immiscibiles in articulis coire vellicationes dolorificas in fibris nerveis ligamentorum capita ossium complectentium, per exortam inter se luctam atque effervescentiam, parituros.

Causa remota est primæ coctionis vitium, scil. in ventriculo malè peracta digestio, unde succi crudi, circulationibus inepti, acres, & fermentativi ubivis in corpore congeruntur, qui propter rationes mox enarrandas in articulis præcipuam vim suam exerunt.

Causæ externe sunt primò, Aër frigidus atque humidus, frigiditas enim articulis omnium consensu est infesta, humiditas verò mollit ac laxat. Itaque bonum fuerit contra ejusmodi aëris injurias articulos munire, nec mirum si Japones qui capite rato, pedibusque nudis, etiam bruma sæviente incedunt, non minùs arthritidi quàm cæcitati sint obnoxii. Secundò alimentorum assidua superingestio, non expectato necessario coctioni spatium; Helluationes perpetuæ, cænxque adjuvantes; Usus ciborum & liquorum quorundam in hoc morbo præcipuè malè audientium, anguillæ v. g. & cyprini limosa innutriti terra, caponum vetustorum, anserum, pomaceorum, imò ipsius vini præsertim generosi & vacuo ventriculo sumti, unde cautos decet arthriticos lymphis potius litare quàm baccho. Tertiò balneum aquæ frigidæ frequentius usurpatum; Nam quantumvis algida dolentibus articulis largè affusa momento succurrere videatur, per stuporem scil. inductum, non ideo tamen minus noxia credenda. Quartò incessus per loca lutulenta atque uliginosa pedibus non bene communitis. Quintò otium atque desidia, viscerum debilitatis, excrementorumque fons abundantior, ut enim inquit Solon apud Lucianum, triticum ventilationibus, sic & humana corpora exercitiis perpurgantur. Immodicæ tamen exercitationes cum articulos enervent ac deterant minimè probantur, & in mediocritate subsisten-

dum. Sextò, effusa venus quæ non tantum concussu, præcipue in adolescentibus quorum articuli nondum satis sunt firmati nociva est, sed etiam summa quam inducit nervorum, nerveorumque corporum debilitate, per rejectam abundantius, in mediis quasi convulsionibus materiam, ab omnibus partibus, præsertimq; nerveis ac tendinosis deciduum. Septimò, solitorum effluviorum occultatio, ut intempestivè resiccatis ulceribus tibiæ in veteratis, ani fistulis, &c. hæmorrhoidibus vel menstribus suppressis &c. Octavò, artuum offensiones ac impulsiones quæ materiam in corpore quiescentem laceffunt, articulosque vexando arthriticum paroxysmum provocant. Hisce omnibus causis adventitiis ingenitam addamus, jus scilicet hæreditarium rigidum ac quasi indeclinabile, non tamen omnino perpetuum: hoc autem nihil aliud est quàm articulorum atque viscerum nutritioni dicatorum debilitas; quæ cum diata proba aliquatenus reprimi possit, ita ut in actum, aut minimè, aut non tam citò prorumpat, commissis è contrà erroribus faciliè augetur, ita ut avita arthritis cujus semen visum fuerat apud integrum & sanum parentem expirasse, in nato ab eo nepotè exsuscitetur. *Hæc præcipue ex Menjotio.*

Signa hujusce morbi *diagnostica* non aliunde nobis petenda veniunt quam ab ipso Sydenhamio, qui tam accuratam Arthritidis historiam exhibet ut integram illam hic adjicere, satius multò reputemus quàm propriis verbis eam describere.

Sic itaque, Clariss. Author. Podagra eos plerumque invadit, qui meliores vitæ dies molliùs ac delicatius transegerint. Epulis lautioribus, vino, aliisque liquoribus spirituosius liberalius indulgentes, tandem ob pigritiam, ætatis ingravescentis semper comitem, ea corporis exercitia penitus omisere, quibus juvenes assueverant. Ad hæc, isti, qui huic morbo sunt obnoxii, Crania habent grandiuscula, habitu corporis ut plurimum sunt pleniori, humido & laxo; & constitutionem habent omnes luxuriantem virosamque, ditissima atque optima vitæ stamina. Non quòd podagra eos solum adoriatur, qui crasso & corpulento habitu donantur, cum aliquando etiam, etsi rariùs, graciles ac macilentos invadat; neque quòd hic morbus in omnibus senium præstoletur; quandoque enim etiam ætate florentes corripit, quoties scilicet infælicia morbi semina à parentibus, quasi ex radice acceperint; vel si hoc non fuerit, immodicæ veneri præmaturius indulerint, aut exercitiis omnino valedixerint, quibus priùs etiam vehementioribus utebantur; edaciores insuper fuerint & liquores spirituosos immoderatius hauserint, postea derepente ad liquores tennes & refrigerantes se contulerint. Si quem nonnisi jam senio confectum primùm adoriatur, nunquam postea, vel tam statas habet periodos, vel tam immaniter sævit, quàm si juniorem occupaverit; tum quòd vita ut plurimum elabatur antequam morbus naturalibus symptomatibus stipatus ad *crisis* pervenerit, tum etiam quia calore nativo & vigore corporis imminutis, nec ita jugiter, nec vehementer in articulos displodi potest. At si quem maturius laceffet, quamvis nec sedem adhuc figat, nec eum ita malè tractet, sed incertâ periodo pro data ansa ingruat, leviter ad paucos dies torquens, & nullâ methodo invadens recedensque, sensim tamen castra metatur, legem sibi ponens, typumque præformans, tam quoad anni tempus quo arma

quotannis movebit, quàm quoad paroxysmi durationem: ad hæc, ferociùs quàm primo intuitu debacchatur. De hoc morbo dum ita regulam typumque servat, libet primò differere: postea de ejusdem Phænomenis Anomalis, atque incertioribus, quoties scilicet vel præpostero inidoneorum medicamentorum usu de statu suo dejectus fuit, vel ob subjecti debilitatem & langorem ad propria & genuina symptomata nequit assurgere. Quoties itaque regularis est podagra, hoc ferè modo ægrum aggreditur. *Januario* exeunte, aut incipiente *Februario*, derepente & nulla ferè præfensione antecedente ingruit, nisi quòd ventriculi cruditate atque *anxia* ad septimanas aliquot æger laboraverit; corporis insuper intumescentiâ quasi ventosâ & gravitate, quæ in dies augetur donec tandem detonet paroxysmus; quem paucis diebus præit torpor & quasi flatuum descensus per femorum carnes, cum affectione *anxia*, tum etiam pridie paroxysmi appetitus voracior, non tamen naturalis. Sanus lecto somnoque committitur, horâ verò secunda post mediam noctem excitatur à dolore pollicem pedis ut plurimum occupante, quandoque vero calcaneum, suram, aut talum; Hic dolor cum refert qui ossium dictorum dislocationem comitatur, cum sensu quasi aquæ tantum non frigida parris affectæ membranæ afflæ: Mox sequitur rigor cum horrore & febricitatione aliquali. Dolor autem hic primò remissior gradatim intenditur, (& pari passu rigor atque horror recedunt) idque in singulas horas, donec tandem sub noctem ad apicem pervenerit, se ad varietatem officulorum tarsi & metatarsi, quarum ligamenta obsidet, perbellè accommodans; nunc tensionem violentam, vel ligamentorum istorum dilacerationem, nunc morsum canis rodentis, quandoq; pressuram & coarctationem exprimens: ad hæc, ita vivum exquisitumque habet sensum pars affecta, ut nec linteorum super-incumbentium pondus, nec cubiculi à fortiori ambulatione concussionem ferre valeat. Atque hinc fit ut nox non tantum in cruciatu transigatur, sed etiam cum irrequieta parris affectæ hæc illac rotatione, & mutatione situs quasi perpetuâ. Neque minor est totius corporis jactatio incessans, quæ semper paroxysmum, maxime verò accedentem, comitatur, quàm torti membri agitatio & dolor. Hinc etiam mille conamina, situs tum ipsius corporis, tum membri affecti mutatione assiduâ, doloris sedationem incassum exambiunt: quæ tamen non contingit ante horam secundam tertiamve matutinam, (decurso scilicet nycthemeri spatio à primo appulsu paroxysmi) quo tempore æger post materiæ peccantis modicam digestionem & distillationem aliqualem, subito à dolore respirat; licet hanc ille liberationem isti membri affecti posituræ, quâ postremò usus erat, immeritò acceptam referat. Jam leni madore perfusus somno concedit; à quo evigilans, dolore multum imminuto, partem affectam tumore recenter occupatam cernit; cum solum antehac (quòd in omnibus podagricorum paroxysmis solemne est) insignior intumescencia venarum membro laxato intertextarum se in conspectum dederat. Sequentie die, fortè etiam ad biduum triduumve, si materia podagræ generandæ apta fuerit copiosior, dolet nonnihil pars affecta, idque vehementius die jam advesperante, levatur autem sub galli cantu. Intra paucos dies, alter pes eodem dolore torquetur quo is qui prior doluit, vel si prior iste jam dolore desierit, debilitas

debilitas infirmaverat, mox evanescit, tam viribus quam integra sanitate isti pedi statim restituitis perinde ac si nunquam laboraverat, si modò dolor pedem nuper tentatum ferociùs lancinet. Nihilominus eadem hic excitat tragédias quas priùs in altero pede, tam quoad doloris vehementiam, quam durationem. Quandoque etiam primis morbi diebus cum materia peccans adeo exuberat, ut ei capiendæ pes unus impar sit, utrosque simul pari vehementia fatigat: sed ut plurimum pedes successivè, uti diximus, aggreditur. Postquam utrumque pedem exercuerit, qui sequuntur paroxysmi abnormes sunt, tum quoad tempus invasionis, tum etiam quoad durationem; hoc tamen ubique servant, quod dolor noctu recrudescat, mane verò remittatur. Atque ex serie horum paroxysmorum (sit verbo venia) constat paroxysmus qui dicitur podagræ, diuturnior breviorve pro ægri ætate. Neque enim censendum est quoties quis cum hoc morbo ad menses duos vel tres fuerit conflictatus, unum illum paroxysmum fuisse, sed seriem potiùs & catenam paroxysmorum, quorum posterior quilibet priore & mitior fuit & contractior, donec tandem materiâ peccante prorsus absumptâ: æger pristinam obtinuerit sanitatem, quod in vegetioribus, & iis quos podagra rariùs invadit, diebus sæpè quatuordecim fit; in senioribus, atque iis quos sæpiùs affligit, duobus mensibus, iis verò qui vel annis, vel diuturniore morbi morâ fractiores jam sunt, non priùs valedicit quam æstas jam adultior eam fugaverit. Ad quatuordecim primos dies urina coloratior est, quæ post separationem sedimentum rubrum & quasi arenulis referum deponit; nec æger ut plurimum nisi tertiam portulentorum quæ assumpsit partem per vesicam reddit; Alvus item ad dictos primos ferè dies constipata est. Appetitus prostratio, rigor totius corporis sub vesperam, partium etiam non affectarum gravitas & molesta sensatio integrum paroxysmum comitatur. Recedentem paroxysmum excipit pedis affecti pruritus vix ferendus, maximè inter digitos, unde decidunt furfures, & pedes ipsi quasi ab epoto veneno desquamantur. Morbo jam discusso, ægri tum *σύνεσις*, tum appetitus redeunt pro ratâ doloris quo sæviebat paroxysmus nuper elapsus, & in eadem proportionem servata vel acceleratur vel differtur sequens paroxysmus. Nam si hic ultimus ægrum pessimè multaverit, sequens paroxysmus non nisi anno ad idem punctum revertente denuò accedet. Atque hoc se habet modo podagra regularis phænomenis genuinis propriisque se ostendens. Cum verò vel ab indebita medicatione turbatur, vel ob diuturniorem morbi pertinaciam, corporis substantia quasi in morbi fomitem pervertitur, neque par est naturæ eidem, methodo consuetâ, eliminando, phænomena multum sunt diversâ à jam descriptis. Nam cum hactenus dolor pedibus tantum fuerit infestus, (qui peccantis materiæ sedes sunt genuina, quæ cum alias quaslibet partes occupat, certissimum est vel morbi methodum inverfam esse, vel corporis vigorem paulatim jam imminutum,) jam itaque manus, carpos, cubitos, genua aliasque regiones occupat, ea jam, sicut pedes olim solebat, discrucians. Quandoque enim unum pluresve digitos distorquens, fasciculo radicum pastinacæ similes eos reddit, motu paulatim privans, tandemque concretiones circa articulorum ligamenta topha-

ceas generans, quæ articulorum cuticulam ipsamque cutem destituens, nudos tophos cretam vel oculos cancerorum æmulantes, aciculâ erucendos exhibet conspectui. Nonnunquam materia morbum committens cubitis impacta tumorem subalbum excitat ferè ad ovi magnitudinem, quæ sensum inflammatur cum rubore. Est ubi femur occupans sensum exhibet quasi ingentis ponderis appensi, sed dolore tamen notabili, at genu exinde petens id acriùs urget, motum omnem inhibens, ut quasi clavo transacto lectulo affixum ne latum pilum à loco in quo est se queat dimovere. Et quando vel propter totius corporis inquietudinem huic morbo ita familiarem, vel urgente necessario aliquo vitæ officio, æger aliorum operâ est movendus, omni cautelâ opus est ne fortè vel minima motus contrarietas dolores accersat, qui eo tantum nomine potest tolerari quod confestim evanescat. Quæ quidem corporis latitudo ita cautè & delicatè peragenda, haud exigua pars est ærumnarum quibus podagra oneratur; dolor enim vehementior non per omnem paroxysmum extenditur, si modò pars affecta omnino quiescat. Cum podagra antehac non nisi exeunte hyeme soleret invadere, post duos tresve menses pro more recessurus; jam per annum integrum vexat ægrum, demptis duobus vel tribus mensibus calidioribus, atque æstivis. Et quod insuper est observandum, quemadmodum paroxysmus major sive generalis protractior quam olim fuerat, inveniat, etiam paroxysmi isti particulares ex quibus generaliter componitur, singuli diutius sæviunt; cum enim antehac particulares isti non ultra unum alterumve diem excruciant; jam ubicunque sedem, figant, maximè si pedes vel genua occupaverint, non ante diem decimum quantum castra movent: Primò ad hæc, aut secundo post appulsum diem, æger præter dolorem, aliqualem etiam ægritudinem patitur, atque simul omnimodam appetitus prostrationem. Postremò cum antequam malum usque adeo inruduerat, æger non solum longioribus frueretur paroxysmorum intervallis, sed etiam durante ista intermissione rectè valeret tam artubus quam reliquo corpore, facultatibus singulis naturalibus officio suo debere fungentibus; jam artus habet ferè undiquaque contractos atque impeditos, ita ut quamlibet stare possit, fortè etiam aliquantisper procedere, gressu tamen ita claudicante ac permolesto prorepit, ut etiam cum ambulet quiescere videatur: & si ultra vires ambulare perstiterit, quo peditus rectius valeat, quanto magis ipsos ambulando confirmat & dolori excipiendi minus obnoxios reddit, tanto morbi fomes, nunquam per hoc omne intervallum perfectè dissipatus, visceribus periculosius imminet, cum in pedes ita liberè nequeat effundi: qui hoc morbi tempore vix unquam doloris sunt expertes, sed sentatione aliqua plus minusve molestâ perpetuò tentantur. Quia etiam multis aliis symptomatis infestatur æger, ut venarum hæmorrhoidalium dolore, ructu nidoroso cibi jam manducati & in ventriculo putrescentis gustum referente, quoties vel aliquid è dyspeptis assumpserit, vel eam tantum cibi quantitatem quæ sano competit. Appetitus languet, uti & totum corpus præ inopia spirituum. Denique ideo tantum vivit ut calamitosus sit & miser, non ut vitæ dulcedine vel minimùm fruatur. Urina, quam priùs coloratiorem, maximè

in Paroxysmis & in pauca quantitate solebat redere, jam illam tam colore imitatur quam copia quæ in diabete excernitur. Dorum aliarque partes moleste prurunt: maximè sub horam somni. Id etiam in hoc morbo quoties jam confirmatior est, incommodi accidit, quod ab oscitatione, imprimis verò matutina, ligamenta ossium metatarsi vehementer convelluntur, cum sensu quasi coarctationis vel compressionis fortissimæ à manu valida. Quandoque etiam nulla oscitatione præcedente, æger jam se somno committens ictum quasi clavi metatarsi confingentis derepente per sentiscit, unde cum ejulatu expersgiscitur. Tendines musculorum qui tibias suffulcunt subinde spasmus corripuntur: ita acri & violento, ut dolor quem excitat, si vel tantisper duraret omnem humanam patientiam dejiceret vinceretque.

Post multos dirosque cruciatus & carnificinam diuturniorem, ceu pignus missionis quæ mors jam in propinquo stans mox est data, paroxysmi subsequentes ægrum quoad dolorem clementius tractant, (naturâ partim ab onere materiæ peccantis oppressa, partim ob senium, eandem in corporis extremitates jugiter ac strenuè relegare non amplius valente) at loco doloris consueti, ægritudo quædam cum dolore ventris, lassitudo spontanea, quandoque etiam propensio ad diarrhœam superveniunt. Hæc symptomata, dum vigent, artuum dolorem leniunt, quæ pariter evanescent quoties articulos dolor fatigat: atque ita nunc dolore, nunc ægritudine quasi alternatim lacescente, paroxysmus longas moras nectit. Animadvertendum est enim quod ubi quis ad multos annos podagra laboraverit, dolor singulis paroxysmis gradatim imminuitur, tandemque ægritudine potius conficitur quam dolore. Quem enim in his patitur dolor, quamlibet sint productiores, vix ad decimam partem ejus assurgit doloris quem pati solebat cum viribus esset magis integris. Nihilominus hæc ipsa morbi inclementia pensabatur ut plurimum longiore intercapedine quæ paroxysmos intercedebat, tum sanitate quâ interea satis commodâ utebatur. Namque hoc in morbo dolor amarissimum est naturæ pharmacum; qui quo vehementior est, eò citius præterlabitur paroxysmus, atque insuper & longior erit intermissio & magis perfecta; & viceversa. Neque tamen dolor, claudicatio atque impeditus partium affectarum motus, ægritudo aliarque symptomata jam descripta, hujusce morbi tragediam absolvunt: Calculum insuper Renum in quamplurimis parit hic affectus, tum ex eo quod æger diu supinus recumbat, tum etiam quod feriantur organa secretoria à debitis sibi functionibus: sive etiam quod calculus ejusdem materiæ morbificæ in genere portio quædam sit, quam ego litem non dijudico. Quæcunque verò sit hujus mali origo, nonnunquam ægri animum mœstissima interpellat contemplatio calculi an Podagra immitior sit. Quandoque etiam calculus lotii per meatus urinarios in vesicam transitum impediens, ægrum de medio tollit lentas podagræ moras haud amplius expectantem. Nec satis est ægrum ita miseris modis dilaniari, ut nec sui jam fuerit compos, alienæ opis prorsus indigens: sed & hic accedit miseriarum cumulus, quod durante paroxysmo, animus etiam ceu contagio afflatus, eo usque corpori compatitur, ut haud facile sit dictu utro horum æger calamito-

sus doleat. Non enim rectius podagræ, quam iracundiæ, Paroxysmus omnis dici potest; cum mens & ratio ulque adeo ab infirmo corpore enerventur, ut vel levissimo affectuum motu impellantur & vacillent: unde non magis ipsi quam aliis gravis est. Quid quod & cæteris quoque passionibus est obnoxius, timori videlicet sollicitudinique atque aliis id genus. A quibus pariter torquetur donec morbo evanescente, animus quoque pristinâ tranquillitate recepta una convalescet.

Tandem æger (ut funestissimi hujus morbi Catastrophem semel expediam) visceribus a materiæ peccantis incubitu complexuque ita læsis, ut secretionis organa non amplius suo munere fungi queant, unde & sanguis quasi limo & fœculentis refertus stagnat, & materia peccans non jam, ut olim solebat, in corporis extremitates disploditur atque rejicitur; tandem, inquam *τὴν ἀλγὴν* vitam afflictissimam & jamdiu non vitalem cum morte ærumnarum requie feliciter commutat. At verò (quod mihi aliisque licet tam fortunæ quam ingenii dotibus mediocriter instructis, hoc morbo laborantibus solatio esse possit) ita vixerunt atque ita tandem mortem obierunt magni Reges, Dynastæ, exercituum classumque Duces, Philosophi, alique his similes haud pauci. Verbo dicam, articularis hicce morbus (quod vix de quovis alio affirmaveris) Divites plures interemit quam pauperes, plures sapientes quam fatuos; naturâ quasi digito monstrante quam parum iniqua sit omnium Parens & arbitra, quam partibus non studeat, cum eos, quibus alicubi defuit, alio aliquo bonorum genere cumulatiùs ditare soleat; Profusorem verò erga alios munificentiam aqua malorum parte admixta diluat & contemperet. Adeo ut ubique gentium rara sit lex atque inviolabilis nullum hominem vel ex omni parte beatum, vel per omnia miserum ac calamitosum posse inveniri, singulos autem utramque experiri sortem. Quæ boni atque mali contemperatio, fragilitati nostræ & mortalitati ita propria, nobis fortasse apprimè conducit. Podagra fœminas perraro infestat easque nonnisi jam vetulas & viragines seu corpore masculorum habitum æmulantes. Graciliores quæ vel in adolescentia vel constanti ætate symptomata patiuntur Podagram mentientia, ea ipsa vel affectibus hysteriis, vel rheumatismo quo jam olim laborarunt, & cujus fomes non satis initio fuerat eliminatus, accepta referunt. Neque pueros neque juvenibus minores podagrâ verâ atque genuinâ vexatos hæc nus observavi: Nonnulli tamen mihi noti sunt qui priusquam eam ætatem attigissent, leviculam aliquam quasi velitationem præferant: quorum nempe patres etiam tunc hoc morbo tenerentur cum iis generandis operam darent. *Hæften, Sydhen.*

Quoad arthritidis *prognosis*, nemo nescit ipsam ab aliarum molestiarum myriade vindicare, neque desunt qui tot ab ea beneficia proficisci autumant, ut illam ferè optabilem sibi effingant, dum enim scorix atque spurciæ in articulos tanquam loca viliora ablegantur, melius habent viscera omnia, hinc podagricorum longævitas; vitam ut inquit Menjotius, sæva doloris mercede redimentium, ac in pœnam vivacium; itaque ubi ejus consuetudo jam facta est, funditus extirpari neque potest, neque debet, si enim semel absit perniciosum

lium ægritudinum incumbunt agmina, propter fluxum aliò aversum; unde aut cataphora, aut convulsio, aut delirium, aut asthma, aut varii in urinis dolores & difficultates emergunt.

Inter podagricos, ait Hippocrates, qui in senectute tophos aut callos in articulis induratos habent, aut laboriosè vitam tolerant, cum alvo sicca, humana arte hi sanari nequeunt. His succedentes dysenteriae optimè medentur, quin & quæcunque aliæ colliquationes infernæ eos valde juvant: Juvenis verò, cui nec dum circa articulos calli induruerunt, cuique victus ratio curæ est, ad laborem est impiger, alvumque vitæ instituto probè respondentem, is sanè prudentem nactus medicum sanus evadet. Propterea existimat Theod. de Mayerne podagram, etiam in eo cui jure hæreditario imminet, nedum in omni subiecto posse præcaveri, scilicet in primordiis suis & priusquam aliquod sedimentum tophaceum reliquerit ac deposuerit in articulorum loca cava, ac gluten eorum nativum in calculum ejus efficacia induruerit; illam inquam censet curationis capacem esse: Effatum, addit, specie temerarium, verissimum tamen, si modò arthritici primo aphorismorum parere velint per quem non tantum medicum decet officio fungi, sed & ægrum & assidentes, atque causæ externæ ad eandem curationem conspirare debent. Arthritides autem inveteratæ ut jam vidimus minimè sopiri aut radicitus evelli valent; nec immeritò, ut habet Menjotius, suspectæ sunt historiæ de arthriticis qui à Quæstoribus admori gravissimis tormentis, feruntur imposturum ab arthritide fuisse vacui. Ac multò adhuc incredibilius est quod narrant de illo podagrico cui pedes clavis trunco ligneo fuere affixi, eoque pacto à podagra absolutus est. Quod attinet autem ad repentinum metum illius podagrici qui ædes fugi incendio confluentes; vel ad insperatum gaudium alterius arthritici cui, dum ad supplicium duceretur, venia principis nunciata est, moxque à doloribus in perpetuum convaluit; à talibus quidem animi pathematis paroxysmum arthriticum discussum non inficiamur, sed altas morbi radices inde evulsas fuisse, ac ægrum securitatem totius vitæ esse consequutum non injurià dubitamus. Officium igitur est munusque Medici dolorum arthriticorum inveteratorum vehementes imperus retundere, minimè verò ægrotantium labores in totum tollere: graviter affectis, inquiebat Seneca, sanitatis loco est bona remissio.

Mulieres ut rariùs, sic & molestiùs divexat arthritis.

Ischias præ cæteris arthritidum generibus atrocissima judicatur atque curatu difficillima, forsan propter humoris profunditatem, exhalationemque inde minùs facilem.

Si autem inquit Menjotius, diuturnæ Ischiadi accesserit femoris *ἐκπρωσις ἐν τῇ φύσει*, ægri claudicant, crure facto vel longiore si in intimam partem, vel brevior si foras extorqueatur. Fracto etiam luxati articuli calore fit mucoris congestus, ac distortis vasis annonam vectitantibus crus macilefcit, hæcque tabes è privata fit tandem generalis per quam æger ante debitum tempus tenescit, istamque universalem phthisin Præceptor in Coacis prænotionibus appellavit *ισχυδιώδης* à mali primordio. His viriis medetur ustio, utpote supervacaneos mucos absorbens ac emotum articulum, post aptam *ἐμβολήν*, firmans in positu natu-

rali: quòd si vacua coxæ pixis crassis impleatur humoribus, ischii *ἐμπλῆς* in pristinam legitimamque sedem reductio, spatii defectu in callum tentatur. Advertendum porro labefactatâ per verustas arthritides, ob caloris paupertatem ab intermissione exercitii, coëtrice partium facultate, etiam citra articulorum luxationem, non erus modò sed reliqua etiam arthritica membra tandem macerari ac in atrophiam deduci; siquidem non solum cursus, lucta & celer ambulatio sed ipsa etiam quies affert carniū *καταίρειν*.

Si in arthritide contingat luxatio difficulter sanatur, aut prorsus insanabilis est, membranæ scilicet & ligamenti nimis laxatis repositum membrum non firmiter, & synoviâ coagulata intra articulos collectâ repositionem impediens.

Si dolores sensim ingravescentes ad jugulum & superiores partes transeunt, perniciem minantur.

Cum ex suprâ dictis satis pateat inveteratam podagram medicamentis minimè cedere, imò ab importuno illorum u u effrari, ac propterea opprobrium Medicorum etiam consularium injuriosè nuncupari; *Nam quicumque ab arte exigit ea quæ ars præstare non potest, vel à natura apta non est, illius ignorantia desipientia assimilis est.* Omnis industria adhibenda est ut dum recens fuerit profligeretur, illique protinus occurrendum non tam medicamentorum agmine quàm exactâ diætâ. Primum autem paroxysmum retundere, dolorem atque tumorem demulcere atque minuere necessarium erit; postea verò imminentes alios antevertere & præcavere.

Pro antevertenda & præcavenda arthritide faciet præcipuè victus ratio exquisita, repudiatis scilicet alimentis crudis, crassioribus, fæculentis, acidis atque difficilis digestionis, imò multis & variis. Quidam carnes damnant veluti nimium aptas subministrandis sanguini particulis fermentescibilibus: verum hæc abstinentia præterquam quòd sufferri vix potest, quis nescit etiam eos qui piscibus & herbis unice vescuntur, ab arthritide tamen immunes non vivere. Interim tamen inter carnes aut ea quæ ex iis parantur, vitanda quæ nimii sunt alimenti, sicque stomachum gravant, & corruptionem in succis atque excrementorum copiam augent; talia sunt juscula consumpta dicta, ut & ea quæ ex contusis carnibus exprimuntur &c. In specie autem laudatur diætâ sudorifera ut & diætâ lactea, quæ ultima hodie maximo est in usu apud Gallos, describiturque à Greiselio tractatu peculiari, & à Waldschmidio disputatione lectu dignissima, cui titulus de cura lactis podagricorum solatio. Vinum à pluribus Medicis maxime noxium reputatur, & revera illius abusus non parva damna arthriticis intulit, membrorum scilicet & trunci corporis contractiones aliæque idgenus, at usus sobrius potius juvit quàm nocuit, & ut ipse inquit Tozzi, Novi aliquos non minùs ab aquæ quàm à vini usu crudeliter afflictos podagra, & quod gravius, longè diuturniori, ac pene irresolubili: quin imò crediderim à vino potissimum albo, non ramen acido & austero, diuresi promota, vel etiam diaphoresi, podagricos & chiragricos in melius abituros. Experiri namque contrigit breviores paroxysmos à vino, longiores difficilioreque ab aqua successisse. Quòd si præterea vinum compareretur medicatum, quale est antipodagricum Paracelsi, vel ex melissa, ro-

mirino, salvia, betonica aliisque compositum, cerius proderit. Verum in his peculiare corporum constitutiones spectandæ sunt, ex quibus conicere licebit vinum ne potius, aut aqua sit profutura: quamquam mediocritas semper est iustior, & salubrior in utrisque. Atque hæcenus de diætâ pro paroxysmo præcavendo, nam in ipso paroxysmo vinum omnino vitandum est, nisi ille admodum levis fuerit, alias exacerbabitur & contractionis membrorum periculum incurret æger. Alius etiam Inbrica servanda est in ipso paroxysmo, si ita permittant dolores, per clysteres, ex decocto althææ, flor. chamomill. papaver. rhæad. verbasco. paralyt. &c. in lacte vaccino recenti, addito paucis electuario lenitivo & melle violaceo, purgantia siquidem omnia per os assumpta currente paroxysmo in plerisque potius nocent quam juvant. Extra paroxysmum verò vidimus aliquos qui continuatis singulis diebus per annum integrum pilulis modicè purgantibus à podagra immunes fuerunt, sed in quibusdam adnotavimus symptomata inde enascentia multo quàm ipsa podagra periculosa, & propterea ab ejusmodi medicamentis semper abstinuimus, interim non negamus, purgationes suo tempore, vere scilicet præcipuè & autumno institutas, easque satis validas magnifere emolumentum, dum stomachum everrunt indeque mineræ morbi partem educunt antequam ad artus devehatur, aut cum ad eos devehit jam parata est. Itaque præterquam quod singulis prope mensibus ventriculum & intestina ab onere suo liberare expedit remediis levioribus, ineunte vere atque autumno conducibile erit, in iis qui facile ferunt, vomitum citere per remedia antimonialia, quibus scilicet validè succusso stomacho, excitatiq; fibræ viscerum omnium, abundè exprimitur & egeritur materia peccans arthritidem jam jam paritura, unde aut ipse prorogabitur insultus, aut admodum minuetur. De exercitatione podagricis necessaria hic jam nihil addimus, quisque enim novit ab ea dum modò vires non superet, invigorari non tantum viscerum & partium corporis musculosarum fibras, sed etiam ipsum sanguinem, & animantes corpus humanum succos varios, sicque humores minus stagnare ac fermentationibus post longam moram inducendis minus aptos evadere. Remedia alia omnia ventriculi corroboracionem unice respicere debent, de quibus infra ex parte Sydenham &c.

In ipso paroxysmo quidam venæ sectionem celebrant, eamque in pluribus institutam vidimus, at successus promissis atque speratis non semper responderet, nam plerique qui in primis arthritidis insultibus inde bene habuerant continuata ejusdemodi evacuatio fuit noxia, dum scilicet vel morbum in uno aut altero tantum articulo dolorosum ad omnes in universum aut plerosque saltem extendebat, vel convulsiones quandoque lethales accersebat. Fatemur quidem in plethoricis & opiparè viventibus, si ante insultum neglecta fuerit sanguinis missio, eam ipso ineunte institutam utilem futuram; itaque in hisce omnibus attendendum ad constitutionem & consuetudinem. Alii eodem tempore purgationem suadent, eamque validiorem, nos etiam à quibusdam faustè vidimus usurpam, at in plerisque morbum auxit quem non facile fuit postea anodynus adhibitis demulcere, imò dolores colicos peperit atroces & per-

naces, propterea ejuscemodi evacuationibus valledicentes, live per caryocostinum Bayri, live per pilulas ex hermodactylis, live per pulverem arthriticum Paracelsi, live per arcanum corallinum crollii, live per essentiam hellebori Hartmanni, aliaque maximè specifica sollicitentur, unice confugimus ad anodyna, extractum scilicet opii vel syr. papaver. alb. parca doli salibus volatilibus maritarum aquisque appropriatis immistum, revera vidimus hoc medicamentum aliquando soporem quidem conciliasse, quem violabant dolores artuum cum tremoribus atque subsultibus convulsivis, sed hoc tantum factum est ubi intestina humoribus scattentia, clystere ex decocto mox descripto, aliquatenus non fuissent elata; itaque singulis diebus, ante anodynæ exhibitionem clysterem reperebamus. Applicationes quod attinet præter eas de quibus in sequentibus & Willisius, & Tachenius & Sydenham, & Theodorus de Mayerne, item institutionem de qua Then Rhyne, imò inter illas applicationes paucas vidimus proficuas. Commendatur inter alia focus tepidus urinæ virilis, cui admiscetur vitriolum per radios solares calcinatum: Laudatur etiam immersio partis afflictæ in cumulum tritici, exemplo Sexti Pomponii Hispaniæ citerioris Principis, qui, ut habet. Plinius, cum horreis suis ventilandis præsideret, correptus dolore podagræ, misit in triticum se super genua, levatusque siccatis pedibus mirabilem in modum, hoc postea remedio usus est. Hic autem monendum, inquit Menjorius, non solum in diversis individuis, sed etiam in uno eodemque ægotante innumeras occurrere doloris arthritici rationes, pro diversitate ineffabili salium serosum humorem accendentium & velut aculeis armanrium; ac propter variam istam dolorum periodicè recurrentium idiosyncrasiam, remedia quæ adversus plures paroxysmos fuere salutaria, postmodum reddi hand modò inutilia, at interdum quoque malefica. Prædicatur à quibusdam narcoticorum, laudani v. g. fol. hyosciami &c. applicatio, verum metus est ne dum dolorem reprimunt, motus libertatem in sequentibus impediunt articulumque debilitent. Heurnio usui, fuere ranæ vivæ in butyro insulso excoctæ, sicut pariter focus aquæ spermatis ranarum. Platero nix dicitur aliquibus profuisse ut & acetum frigidum. Reusnerus vult illinendas esse partes dolentes pinguedine herinacei; Nos sæpius cum successu adhibuimus pinguedinem viperarum, item sterces vaccinum recens admisto oleo catellorum & olei racamahacæ salini guttis aliquot item fotum calidissimum flor. sambuci in aqua fontana, urina, aut lacte incoctorum &c.

In Ischiade si cætera remedia nihil prosint, ex ex documento veterum pars altè inutatur, aut etiam, quod ipse per Chirurgum nostratem aliquando cum fructu vidi peractum, amplâ cucurbitulâ cum multa flamma prius applicatâ, per medium carnis ab illa elevata profundius, scilicet ad periostium usque ferrum acutum adigatur quò ichor illic nidulans dolorumque malignus autor educatur. Nos aliquando cum successu sequens emplastrum adhibuimus.

℞. Picis albæ ℥ i ss. liquefiat in vase terreo, tum affunde aquæ vitæ simplicis, seu spir. vini debilioris ℥ iv. igni lento imposita agitentur continuo bacillo donec consumpta sit prorsus aqua vitæ; quo peracto adde ceræ citrinæ ℥ iv. cinna-

momi

moni pulverati, gum. ammoniac. storacis, benzoini & gummi arabici ana ℥ij. semper bacillo aut spatula agitando materias, quibus exquisitè permistis vas ab igne removendum est, contentaque in aliud vas aqua pura plenum sunt projicienda. Frigefacta massa extendatur super alutam satis amplam ut totum femur ab illa contegi possit; ipso verò applicationis momento sinapisetur emplastrum paucò pulvere piperis albi & cantharidum num. vj. Jaceat oportet æger super culcitra prope ignem luculentum, parsque afflicta spiritu vini calidè foveatur manibusque fricetur donec integræ spiritus prædicti ℥viii. sint consumptæ, tumque demum imponatur emplastrum probè calfactum, postquam semel applicatum est non prius debet amoveri quam per se excidat, quod post absolutam operationem evenit; æger autem per totum adhæSIONis emplastri tempus aëri libero non exponatur. Si una applicatio non fecerit satis ad secundam deveniendum. Alii componunt emplastra ex pice, sulphure & sinapi, aut ex pice, sulphure & oleo lumbricorum: Item cataplasmata ex piperide & nasturtio, ex urtica in cerevisia, aut urina cocta &c.

De Podagræ transplantatione sic scribit Borellus; si catelli cum podagræ recumbant, & ciborum reliquias, ac sputa deglutiant, futurum ut morbum illi contrahant, æger verò convalescat. Sic etiam Helmontius ex Paracelso asserit quòd si sanguis podagræ calens in ovi putamine foras, cani vel sui in cibum carnibus commistum exhibeatur necessariò ægritudo in canem vel suem transfiliet. Verùm de hisce, ut & de cruribus testudinibus, ex animali vivo excisis partique dolenti & tumentis applicitis cum maximo emolumento, ut se ipsum vidisse narrat Reinerus Solenander, idem judicium facimus ac de curis omnibus magicis tantopere à Paracelsitis decantatis, scil. potius confictas esse in minùs cautorum deceptionem, quàm in generis humani aliquod emolumentum, interim si quis per imaginationem ab ejuscemodi propositionibus salutariùs agitatam, aut Archei, ut loqui amant, inde enatam oblectationem fructum aliquem perceperit, quem aliis per propriam commendationem & imaginationis aliquod contagium percipiendum tradere valeat, per nos illud omnino licet.

Curationes.

Arthritis seu articulorum dolor est instar matris plures ex se generans natas, specie podagram, chiragram & ischiaticam.

In Arthritide interdum est universalis omnium articulorum dolor cum summa inquietudine; in cæteris particulares dolores externarum partium manuum in Chiragra, pedum in podagra, coxendicis in ilchiade.

Horum omnium universalis cura consistit in consumptione vel etiam expulsionem tartari in toto corpore humano stabulantis.

Hæc itaque cura unice instituenda est, nec tamen quovis tempore promiscuè in singulis subiectis, nisi prius omnia probè fuerint considerata. Itaque hæc cura universalis paroxysmos non tollit, nec leviter etiam affectos extra alia medicamenta curat: oportet igitur, ut aut ante insultus, aut post eosdem (non in paroxysmo) quies-

centibus scilicet & in suis matricibus quasi dormientibus, cura instituat & tartarus resolvatur. Sic nimirum feliciùs successerint omnia. Ejusdem curæ prophylacticæ simili modo cum lapidibus astacorum in eam formam medicamenti præparatis instituendæ: maximopere pro corroboratione naturæ succenturiari potest Magisterium perlarum à Riverio Medico Regio olim plurimo cum fructu præparatum & exhibitum hòc modò: Perlas reduc in pulverem impalpabilem, quemadmodum alias redigi solent, (vulgariter margaritæ præparatæ) his in vitro superfunde de succo citri vel de pomis aurantiis recentibus q. s. ut fiat instar pastæ. relinq. aliquandiu postea solve cum aceto, & remoto aceto per inclinationem à facibus aliud affunde, donec nempe perlæ ex toto fuerint solutæ. Collectum acetum misce cum tertia parte aquæ fluviatilis, destilla per retortam ex igne arenæ primùm igne lento, post fortiori. Destillatum reaffunde capiti mortuo restanti & vicissim solve, postea cola per filtrum, evapora admodum lentè & restabit perlarum Magisterium. Hujus ℥j. ad summum aliquoties jejuno stomacho in vino datus potenter naturam recreat, eamque ut medicamenta antecedentia (arcanum ludi humani & Astacorum) feliciùs operentur, excitat. Multum ad præcautionem facit cruditates fugere, & si adsint castigare vomitionibus manè si facile, à prandio si ægrè, vomat.

Quod si verò paroxysmi podagræ vel arthritici soleant recurrere, id quod sæpiùs fit, præsertim ubi vita non usquequaque conformis fuerit, requisitis tales insultus vel impediendis vel prorsus rejicientibus, hoc unice providendum fuerit, ut quotannis statò Equinoctiorum & Solstitorum (circa eadem nimirum fluxiones podagræ plerumque vigent) corpus benè mundificetur, & in primis ratio victûs, quæ alioquin nûspiam negligenda est, solers & recta instituat, auferendo tum plethoram; si quæ adsit, tum cacochymiam quamcunque suis idoneis medicamentis. Hæc etiam evacuatio institui debet in principio morbi, & ubi quædam signa imminentis præsenferit æger. Potus sit vinum melissæ cum rad. Caryophyllatæ infusum in mensa pro haustu primo, aut vinum anti-podagricum Paracelsi.

℥. Rad. caryophyllatæ, acori ℥ss. fol. majoran. m. iv. flor. sambuc. p. iv. infunde in vini ℥iij. stent in infusione per 8. dies, sumatur ex hoc manè & vespere haustus. Cum sale humano misceri, possunt ossa humana calcinata, in cibo galreda ex iisdem in modum galredæ cranii facta. Post mundificatum corpus corroborantia & diaphoretica scilicet peculiaria Solis transparentis extractio, de qua in notis ad Crollium & pilulæ antipodagræ mæx, quæ descriptæ à Rhenano in tractatu Solis è puteo emergentis cum arcano asari aliquot diebus assumptæ. His omnis podagra, modò non sit nodosa, curari potest. Hoc nimirum modò paroxysmi rarò vel nunquam recurrent: aut, si insultus à levi errore externo aliquando coincidunt, tam graves nunquam sunt, nec dolores excitant continuos, aut insolentes, quin externis balsamis facile cedent. Ex numero mundificantium seu purgantium est pulvis arthriticus Paracelsi à Crollio descriptus, ubi in primis notandum, in ejus descriptione pro rasura cranii humani substituenda esse ossa hominis calcinata, juvenis non in humati, manuum ad chiragram, pedum verò ad podagram

dagram. Ex hoc pulvere natus est pulvis caryocostinus, quem vocant, etiam vulgaribus Medicis usitatus. Ille verò pulvis securè & leniter omnes defluxiones podagricas purgat. Felicius id præstat essentia radice ellebori nigri vulgari modo cum spir. vin. non ad summum correcto extracta. Cujus quotidie cochl. j. manè & vespèri sumatur, donec alvus spontè suâ quater vel sexies tandem fuerit soluta quotidie. Hac nimirum facili, lenique purgatione impuritates, fluxionesque podagricæ latis commodè repurgantur, fortificatur essentia ellebori cum arcano filicis totius. (N. B. arcana hæc nobilia) vel cum arcano asari debita proportione, nempe, si admisceantur alterutra cum essentia ellebori. Præstat alioquin hanc eandem essentiam ante consuetum tempus paroxysmorum podagricorum assumere, quemadmodum & pulverem arthriticum, sic nimirum facilius ante invasionem corpus integritate adhuc dum constans ab insequentibus influxionibus liberatur. Idque eò magis, si ad hanc evacuationem temperata victus ratio accesserit, & vinum majoranatum cum radice caryophyllatæ & floribus sambuci infusum ad victum pro primo potu haustum fuerit. Quidam convenientius utuntur decocto ligni sallatras, præmissis his purgationibus, impuritates crassiores, quæ adhuc restare solent, finaliter exterminandæ cum Mercurio laxativo, aut cum solè aut pulvere arthritico sequente.

℥. Hermodactylorum turbit, diagrydii, fol. senæ, ossis manus hominis juvenis violenta morte perempti calcinatorum si chiragra manuum, si podagra pedum sacchar. candi ana 3 j. m. f. pulvis. Dosis à ʒ ss. ad 3 ij. manè ex aqua ivæ arthritica per 3. aut 4. dies. Hinc demum ad confortantia, quod est magisterium perlarum Riverii, & ad diaphoretica accedendum, quale est extract. Solis transparens. Prosumt & maximè in his affectibus cauteria.

Qui vomitus ferre possunt & statis temporibus veris & autumnis ante imminentes paroxysmos podagricos, aqua benedicta utuntur, dosi legitimâ, rarissimè vel etiam nunquam, modò reliqua corresponsdeant, insultibus podagricis corripiuntur. Hoc itaque modo, cuicumque sanitas curæ est, quilibet è podagricis insultibus tutissimè se præservare potest. In paroxysmis vigentibus & graviter articulos occupantibus, sæpius mitigantibus opus est, ea sunt interna & externa. Inter interna omnibus modis superat & excellit laudanum opiatum suis proprietatibus maximè vigen (vide Quercetanum in responso ad Aubertum) dolores nimirum sistit, placidum somnum inducit, fluxionibus frenum injicit, furores consumit & delassatos spiritus roborat. In aliis qualibuscunque vulgaribus Medicinis haud iisdem viribus pollentibus, frustra sperandum est aliquid. Externa sunt. 1. Balsamus podagricus primus & secundus apud Crollium, quibus succenturiari potest unguentum anodynum, quod est apud eundem. 2. Est spiritus salis armoniaci qui fit h. m.

℥. Ammon. sublim. misce pulverisatum cum 4. partibus cinerum & destilla per alembicum ex arena prodit spir. ammon. qui æqualibus partibus cum sp. vini mixtus & plumaccolo loco dolenti (aliquoties, bis terve) illitus confestim dolores restinguit. Nonnulli aliquid camphoræ adjiciunt, ut prius solvatur in iisdem, postea ad illinendum utuntur. Hujus mirabilem usum sæpè deprehen-

di. 3. Est aqua antipodagrica Rulandi.

℥. Florum chamomillæ, melilori ana m. j. Mercur. sublimati ʒ ij. coque in aqua simplici. Hujus aquæ colatæ æqualem portionem m. cum ʒb iv. aq. mortuæ quæ est aqua fortis, quâ usi sunt aurifabri in separationibus, aq. fortis recentis ʒij. succi seu decocti myrtillorum (ʒij.) q. s. ad colationem. Uttere ceu patet ex curationibus (durat aliquot annos aq. mortua.) 4. aqua Antipodagrica, quæ.

℥. Spermatis ranarum mense Martio collecti circa novilunium ʒb iij. adde stercoris bubuli recentis ʒb. totidem M. diligenter & relinque per diem unum, postea, destilla & serva, Calidiu sculè membris affectis applica. Confestim sedat dolores. Felicius operabitur, si addetur aliquid spir. vitrioli aut stercus vaccæ cum mellis 3 ij. Cataplasma loco imponatur, præsertim in podagra frigida. 5. Oleum petroleum, in quo radices ellebori incoxerint, præsentissimum est in doloribus podagricis sine rubore & vehementi tumore (alii vocant podagram à causa frigida) subito sistendis. Ubi induciæ factæ sunt cum morbo, si ita necessitas exigit, purgantia tandem commodius (vomitus hic non est necessarius) locum habere possunt, qualia fuerunt supra; præsertim, si pulvere specifico arthritico utendum sit, is per aliquot dies iustâ dosi (ʒss.) in brodio vel etiam aqua ivæ sumptus impuritates tartareas mobiles, causantesque paroxysmos è corpore educit. Sæpè vidi in hoc calu pilulas antimoniales per secessum solum purgantes, semel duntaxat sumptas multum profuisse. Eiusdem facultatis est arcanum corallinum per Crollium descriptum. Omnibus his præstat specificum purgans Paracelsi, si sæpius urgente necessitate, crassiores adhuc in corporis habitu particulæ residuæ fuerint, eæ deinceps mundificantibus, si vires & facultates patiuntur, expellendæ sunt. Insuper etiam ad diaphoretica descendendum. Diaphoretica supra proprio titulo proposuimus. Sunt nimirum in eo genere specifica, rum tinctura antimonii, rum pilulæ antimoniales podagricæ: Descriptionem vide in libello Rhenani Solis è putco emergentis tractatu postremo p. 18. & 19. Tincturæ præparatio hæc est:

℥. Mineræ antimonii ʒb iij. iv. v. (minera Hungarica præstat) in defectu mineræ antim. crudum locum supplere potest, tere minutissimè superfunde aquam calcis vivæ per simplicem infusionem (aq. ʒb xv. Calcis ʒb vj.) à calce viva colando (aliquoties aqua infundatur calci, donec subsidet) de fæcatam delinque (in alembicum latifundi) insolando & aliquoties quotidie movendo donec nempe spondilia & superficies aquæ rubere incipiat; quanquam rubedo nulla apparet, & tamen satis tincturæ extractum est, si per 6. vel 7. dies infusio fiat. Habebis autem signum extractionis (extractio tantisper fiat, donec nihil sit residuum) si in particulam istius infusi seorsim in vitrum peculiare transfusam guttas aliquot aceti injeceris, repente nimirum immutabitur aq. (nihil aliud est quàm antimonii sulphur,) & tinctura antimon. in colorem corticum mali aurantii præcipitabitur (in mixturam simplicem infusum præcipitabitur in colorem albicantem propter spiritum vitrioli) extractionem trajice per filtrum & leniter ebulliendo in catillo reduc in pulverem rubrum, quem extrahe cum sp. v. non usquequaque forti (Alcohol non extrahit) ad flavedinem (instar

(instar extracti Solis) & filtrando decanta. Antelum move (pulvisculus nimirum semper ad fundum præcipitabitur) dos. gr. v. vi. viii. x. ad summum spirit. vini hac tinctura antimonii imprægnatus aliquoties (septies) per cohobia ex alembico destillatur, deinde ex retorta vitrea in aren. datis ignis gradibus, vel etiam ig. suppressionis pellitur, & prodibit in forma rubicundissima oleum antimonii dulce cum stiris splendidissimis. Postea verò spiritus vini leni B. evocatur, remanet in fundo tinctura antimonii rubicundissima (confortativum summum) dos. gr. j. ij. iij. ad summum. Vide Ragerium Bacchonium de oleo antimonii dulci.

Tinctura porro antimonii (apposita candelâ lucet noctu instar carbunculi) vel dicto modo saltem teniter extracta, vel deinceps per multa cohobia cum sp. vin. in nobilissimam essentiam exaltata, contracturam ex podagra in articulis externis caulatam feliciter curat, si observandis ad legitimam nempe diætam pertinentibus & corpus mundificantibus (N. B. in hoc casu pilulæ antimon. per secessum tantum purgantes maxime commendabiles sunt) quotidie vel alternis diebus gut. 5. vel 8. de tinctura simplici, sed gut. 1. de tinctura exaltata in diaphoretico in peracutis vel mixtura seu in autora exhibeantur, & sudor vel in lecto vel in laconico provocetur (id quod in declinatione contracturæ cum spir. vini tandem fecisse expedit) & contractura nulla resistit arthritica.

Ad externam curam podagræ tophaceæ, sed non admodum inveteratæ, præmissis præmittendis alioquin ad podagræ tum diætericam tum therapeuticam pertinentibus, de quibus hætenus, externa auxilia accersenda sunt, quæ nempe duos istos nodos tanquam morbos compositionis ab internis medicamentis difficulter resolubiles penetratione suâ resolvant, & quod in articulis heterogeneum est, eliminent. Ubi igitur nodositates admodum inveteratæ non fuerint, unice hoc emplastrum commendatur, quod præter sedationem dolorum etiam ex articulis tophaceam materiam seu sulphur coagulatum cure leniter aperta resolvendo extrahit. Emplastrum tale est.

℥. Vitrioli Romani seu Hungar. aluminis rochæ ana ℥ss. salis ℥iv. Hæc omnia conjunctim calcina in catino terreo evaporando saltem, donec spiritus etiam exhalare inceperint, quibus odore perceptis statim subsiste à calcinatione & refrigerant omnia, pulverulentur. Hujus & pulveris ex farina hordei.

℥. Ana q. pl. misce cum facibus vini ad instar pulvis, quem super laciniam more solitò ad spissitudinem cultri extensam applica ad locum affectum & relinque. Exsiccatum denuò cum facibus vini distempera, & apponendo sic perge, donec primum dolor omnis consumptus, postea etiam ex articulis ipsis contortis omnes tophi absumpti fuerint: Interim fit sæpè, ut simul cutis, præsertim ubi verrucæ & scrophulæ in articulis apparuerint, hoc modo aperiatur, id quod formidandum non fuerit. Vel nimirum spontè suâ postea ulcera coeunt, vel cerâ saltem emplastri locò superimpositâ vicissim consolidantur, ipsis articulis denuò mobilibus & agilibus redditus. Quod si denique nimis inveterata podagra seu prorsus nodosa & tophacea fuerit, ab illa quidem externa cura dolorum mitigatio speranda est, sed tamen

ipsi tophi vix cedunt, nisi Chirurgia accedat potentior. Tunc igitur hoc modò procedendum fuerit.

℥. Mercur. sublim. arsen. albi ana q. pl. m. cum aq. forti & fiat in modum pultis, deinde appositò prius emplastrò Basiliconis majoris (vel alio defensivo, vel etiam sparadrappâ) ad locum affectum foraminatò, foramini de pulve præscripta instar lentis impone, & statim aliam particulam emplastri prædicti desuper, ac relinque aliquandiu, donec cutis benè aperta sit, ac nonnihil tumoris, ac exinde eschara accesserit. Hanc cum butyro vel oleo rosaceo emolliendo remove & attractivum appone specificum, quod omnes tophos coagulatos in aquas resolvit & extrahit, etiam aliquando spontè casuras instar calcis ad parietes incrustatos; cessantibus postea fluxibus locus vicissim est consolidandus & epuloticis vulgaribus. Attractivum emplastrum tale est.

℥. Lithargyri, lapidis calaminaris, succini, magnetis ana ℥ij. pulverisata omnia tenuiter coque in olei lini ℥i ss. ceræ ℥j. terebinth. ℥ss. vernicis ℥iv. coque inquam, aliquandiu, donec inspissentur, adde postea gummata sequentia vulgari modo in acet. soluta & colata vicissimque opopanax, terapini, galbani, bdelli, ammoniaci ana ℥i ss. ebulliant leniter in fine adde de pulveribus mastichis, thuris, myrrhæ, aloës hepaticæ ana ℥j. diligenter move spatulâ, tandem malaxando in magdaleones redige, prædictoque usui serva. His modis infelix podagra prosperè & facile curari potest; modò omnia prudenter & legitime fiant. In externa cura tophorum sæpius mundificantia doloresque mitigantia sunt utaranda, insuper sudores à superioribus diaphoreticis provocandi. Et hæc est genuina illa cura, quæ 14. ægros nobiles & ignobiles nullo alio remedio adhibito me curasse affirmare certò certius possum.

Articulorum dolor varias in se species includit, Podagram, gonogram, chiragram, homoplatæ dolorem, & ischiaticum, arthritidem item propriè dictam, quæ omnes simplicem scopum habent, symptomatis scilicet mitigationem & causæ ablationem. Usitatissima sunt Podagra & Chiragra, in quarum curatione unice providendum, corpus semper mundum sit, & victus ratio observetur exacta, quotannis statò tempore æquinoctiorum & solstitiorum, ubi fluxiones arthriticæ plerumque fiunt, corpus benè mundificetur auferendo tum plethoram, si quæ adsit, tum cacochymiam quamcunque suis medicamentis idoneis. Imò hæc ipsa evacuatio institui potest & debet quoque in principio mali, & ubi signa quædam imminenti præsenferit æger. In primis extractum asari & essentia ellebori nigri facta secundum artem atque ad consistentiam mellis seu pilularum redacta. Electuarium item caryocostinum apud Bauderonium, quæ semper ante consuetum podagricorum tempus, ac in primis circa dicta assumi debent aliquot vicibus quater aut quinquies semper observatâ victus ratione.

Pro potu sit vinum mellissæ cum rad. cariophilatæ infusum in mensa pro haustu primo parcè tantum sumptum. Aut vinum Paracelsi antipodagricum de quo suprâ de arthritide. Cum sale mensali misceri possunt ossa humana calcinata in cibis. Hinc statim ad confortantia & diuretica accedendum. Inter confortantia principale est

Magi-

Magisterium perlarum Riverii Regis Gallia Medici, de quo supra. Maxime quoque in his affectibus profunt Cauteria seu Fontanellæ: Ad præcautionem prodest fugere cruditates, quæ si fiant, castigandæ vomitionibus, manè, si facile vomat, sin minus longè à prandio. Nodosa modo non fuerit Podagra, his medicamentis curari potest. Nodosa verò præter hæc requirit etiam curam externam, de qua postea. Dolor seu Paroxysmus si adsit, dictis medicamentis non est fatigandus æger, sed quies imperanda, dolor mitigandus, & ne ad partem affectam affluat materia, præcavendum. Dolor igitur intra corpus ex hito laudano sedetur, præmisso tamen clystere. Si adsit magna plethora, vena secetur: restringentia paulò altius à loco affecto versùs partem internam adhibeantur, ut pulvis adstrictivus aceto & albumine ovorum exceptus, vel aqua adstringente, ut Myrtillorum, centinodii, glandularum quercus vel cataplasmatibus ex fructibus acerbis, cotoneis, herbis, pyris, prunis, imprimis sylvestribus, sorbis, quibus addi potest farina lentium, cum pulvere balaustræ, gallarum, rosarum, bistortæ: aut tantum applicetur Bolus armenus cum lacte & pulvere radicis bistortæ ad formam cataplasmatibus.

Supra partem affectam refrænantia & dolorem sedantia imponenda. Communiter nec sine fructu fit cataplasma è mica panis albi, verbi gratiâ ℥ j. temperetur lacte super ignem lentum, ne bulliat, contunditur & reducitur ad formam cataplasmatibus addendo vitellorum ovorum ℥ ij. croci parum, calidè applicetur. Alii tantum in lacte tepido panem macerant paulisper & applicant de 5. in 5. horam renovando. Nos hætenus habuimus in usu carnem bubulam, cujus frustum crudum sine pinguedine parti dolenti superligavimus, idque manè & vespere mutavimus, atque ita feliciter dolorem sedavimus.

Balsamus Podagricus.

℥. Vitrioli ad flavedinem calcinati ℥ ij. mellis ℥ j. silicum calcinatorum ℥ ss. destilletur spiritus igne ab initio lento per alembicum in cineribus (nam facillè ebulliunt) postea fortiori. Ab hoc spiritu auferatur phlegma, cum destillando ad tertias usque, quæ in cucurbita testantur, misce cum mastiche, olibano, myrrha, axungia humana, gumm. ammoniaco, opopanace, bdellio ana ℥ ij. destillentur adhuc per retortam, cum destillato misce æquales partes spiritus vini atque ad usus serva. Non quoque inutile erit in hoc affectu vel totum spiritum salis cum aqua fontana temperatum tepidè adhibere, cum laciniis duplicatis, ut & oleum tartari per deliquium ex sale factum. Tophaccam podagram præter ordinariam curam requirere externa, vide annotata mea in Crollium, quæ huc transfer. Joann. Hartmann. Practic. Chymiatric.

Methodus therapeutica tres primarias indicationes suggerit, quarum prima curatoria tantum in paroxysmis ad dolores sedandos, aut citius finiendos adhibetur; 2. Præservatoria accessionum intervallis destinata, morbi procatarsin (propterea ut dolorum insultus rariùs, aut mitiùs, aut non omninò repetant) tollendam molitur. 3. Vitalis instituit, quo victus genere, & quibus remediis vires inter diros cruciatus sustentari; atque vita, non obstantibus morbi crebris, aut continuis ferè molestiis, prolongari, simulque refocillari possit.

1. Prima indicatio, nempe dolorum sedatio, duas hæc præcipuas intentiones continet; nempe, ut solutio continui auferatur; ac interea ut fibrarum, sive spirituum in iis scatentium irritatio, sive excandescencia compescatur.

2. Ad tollendam in locis affectis unitatis solutionem, & humorum, qui illuc tendere apti sunt, fluxiones inhiberi, atque minera jamjam impacta discuti, ac dissipari, ejusque particulæ à mutuis effervescentiis supprimi debent. In hos fines remedia evacuantia, & alterantia, ac utraque tum interna, tum externa destinantur. Horum formulas, & administrationum modos quosdam selectiores ordine subjiciemus.

Phlebotomia arthritide recenti, aut non multum inveteratâ, & præsertim in constitutione calidiori, circa morbi initium celebrata, sæpè juvenem confert; verum in morbo habituali, necnon temperamento frigido, ac ætate senili, plus obesse quàm prodesse solet; quatenus sanguinis & spirituum haud nimis efferatorum vigorem deprimit, absque materiæ morbificæ diminutione.

De purgatione circa morbi initia, res valde controversatur, dum Medici quidam à catharsi omni ante paroxysmi declinationem, aut finem, religiosè abstinere; alique è contra circa morbi initia purgantia fortiora constanter exhibent, & non raro cum bono successu. Discriminis ratio potissimum in hoc consistit videtur, nempe quod arthriticis quibusdam humorum ac valorum continentium constitutione, & tono adhuc firmis, atque articulis nondum debilitatis, quoties sanguis & liquor nervus à pharmacia perturbantur, haud statim superfluitates eorum & recrementa in morbi mineram præcipitantur; quinea medicamento irritanti, simulque incitanti obsequentia, ex arteriarum osculis in cavitates intestinorum emulgentur; ac interim vasa inanita materiæ morbificæ partem quandam retrahunt, aut resorberent: Secus autem, in constitutionibus teneris, & debilitatis, à levissima medicamenti commotione, utriusque humoris purgamenta in locum arthriticum decidunt. Quibus itaque purgatio convenit cum medicamento fortiori, & elaterio institui debet. In hanc rem vulgò celebria sunt. Electuarium Caryocostinum, syrupus de Rhamno cathartico, pulv. hermodact. compos. pilul. ex duobus, pil. rhasis; quæ si auctori credendum sit, incedere non valentes mox pedibus inambulare faciunt.

℥. Aloës opt. ℥ ss. rosar. rubr. ʒ ij. hermodact. de cort. ʒ ss. diagridic. ʒ j. mell. rosac. q. s. f. pil. Rodericus à Fonseca mirè prædicat. rad. helleb. nigr. & inter alia, pomum cum fibris ejus infixis ad ʒ ss. sub cineribus coctum & comestum.

℥. Calomelanos ʒ j. resina jalapii gr. iij. vel scammonii gr. iij. olei cariophyl. gut. j. balsam. Peruvian. q. s. f. pil. iij. vel iv. pro una dosi. Inter purgandum, alicujus forsan momenti erit, quod præcipit Solenander; scilicet emplastro, aliove medicamento defensivo supra loca affecta imposito, humorum in eo decubitus inhibere. Vomitio quibus tuta solet esse, ac facilis, etiam in hoc morbo convenit: ob quem finem tartarus emeticus myrsichti, sulphur. antimonii, flores ejus, Mercurius vitæ, vinum emeticum, gutta gamba adhiberi possunt.

Cæterum in paroxysmo arthritico profunt lapidum, ossium, & testaceorum, necnon vegetabilium acrium pulveres; quæ hujus morbi alexiteria dicta

dicta, particulas quasque subjungant, cumque iis effervescendo quasi mortificant; & demum subjungas, per urinam aut sudores foras eliminant.

℞. Pulv. è chelis compos. ℥ij. eboris rad. dictamnicret. rad. pœon. maris, ana ℥j. ligni aloës, santal. citrini, ana ℥ss. f. pulv. sumatur ℥ss. ad ℥j. aut per se in cochlear. aq. papav. rhœad. superbibendo ejusdem coch. vj. vel redigatur in bolum, aut pilulas cum theriac. Androm. aut terebinth. venet. q. s. dosis ℥j. bis in die, superbibendo aquæ destill. infra præscriptæ ℥ij. vel iij.

Vel ℞. ejusdem pulv. ℥vj. conserv. flor. tunicæ, betonicæ ana ℥i ss. dialcordii ℥ij. syrupi de Meconio q. s. f. electuarius, dosis ℥j. ad ℥ij. vespere, & manè. Interea dum hæc aguntur, ad materiam morbificam in loca affecta effluxuram aliò devocandam, aut foras eliminandam, insuper medicamenta alterantia, & placantia, quæ sanguinis & succi nervei turgescencias sedant, & recrementorum ab iis deciduorum, fluxiones sistunt, vices suas habeant; propter hunc finem victu tenui, ac hydropisia (si convenit) institutis, emulsionibus, julapia, apozemata ex blandis, & anodynis præscribantur.

Quod spectat ad cæteros medendi scopos, viz. minere impactæ discussionem, & fibrarum ac spirituum excandescencias leniendas; posteriori huic primò incumbendum erit, sine qua peracta intentione alteri minimè satisfiet: In hunc finem igitur remedia, tum externa, scilicet topica varii generis, tum interna, scilicet hypnotica adhibere expendit. Cum sit immensa topicorum sylva, ea vel tantum anodyna dolorem per se respiciunt; vel ad hunc simul, & tumorem collimantia, aut sunt repellentia, vel resolventia, & discutientia: Horum cujusque generis variæ sunt formulæ & administrationum modi: præcipui tamen usus solent esse forus, cataplasmata & emplastra; ex his quædam maxime celebria subdemus; & primò applicationes anodynas, quæ mulcimine quodam fibras, leniunt, & spiritus compescunt. Propter hunc usum, cataplasma ex lacte & mica panis, vel ex iis cum muccagine foliorum, & rad. malvæ, & althææ, & similibus, ubique apud vulgus in praxi communissima est. Alii laudant cataplasma ex stercore vaccino recenti calidè applicatum.

℞. Aq. solani, spermatis ranarum ana ℥vj. sacchari saturni ℥j. misce; lintea huic intincta calidè applicentur.

℞. Minii ℥iij. aceti destill. ℥ij. digerantur per plures dies; aut liquor hic per se, aut aqua per destillationem advocata pro foru usurpetur. Item aqua destillata, à tinctura viridis æris in aceto destillato facta, sæpè dolores sedat.

Accepi à generoso podagræ graviori sæpè obnoxio, se interdum istius morbi cruciatus, præsentaneum semper levamen habuisse, à foru cum aqua sti llaritia è contentis stomachi bovini recens mactari.

Ad extremos podagræ cruciatus narcotica externa nonnunquam adhiberi debent.

℞. Folior. Hyosciami cicutæ ana m. iij. indantur aquæ ebullienti, & quamprimùm tenerescunt, eximantur, quibus contusis adde pulv. flor. chamomeli circa ℥ij. vitellum unius ovi, f. cataplasma.

Vel ℞. Tinctur. croci in spiritu vini facti ℥iv. Camphoræ, opii, ana ℥j. digerantur clausè, & ca-

lidè ad dissolutionem; pars dolens hoc liquore illinatur. Hujus farinæ medicamenta alia innumera passim in libris Medicis præstant, & ubique trivio, à quibusvis ferè è plebe hominibus præscribi solent; quæ insuper alteri intentioni, nempe humorum percussioni (si quando indicari videbitur) explendæ sufficiant.

Quod spectat ad topica resolventia, & discutientia, non ejusmodi requiruntur, quæ tantum poros aperiant, ut serum evaporet, & sanguis circulationi reddatur, prout in phlegmone aut œdemate; attamen quorum particulæ salinæ istis minere arthriticæ salinis oppugnandis destinatæ, eas aut amplectendo foras educant, aut præcipitando ab effervescentiis dolorificis supprimant. Quamobrem in hoc morbo cum forus aut cataplasmata ex chamomelo, malva, althæa, sem. lini, & fœnigræc. parum aut nihil juraminis præbent, immò partes nerveas relaxando sæpè multum efficiunt; salis armoniaci aut marini, nitri, vitrioli, calcis vivæ, & similibus dissolutiones, aut liquores stillatitii, in aliis tumoribus aut doloribus semper infesti, maximi emolumenti esse solent. Hujusmodi liquores in paroxysmis arthriticis, parti dolenti applicandi, à Quercetano, Crollio, Hartmanno aliisque chymicis varii præscribuntur; quos cum Medici alii celebres, sæpius experti comprobant, eos ob rationem prædictam juvamen conferre concludimus. Non opus erit horum formulas repetere, cum possim plures alias ejusdem farinæ præparationes suggerere; libet tantum hic unam aut alteram adjicere.

℞. Salis tartari & armoniaci pulv. ana ℥ij. dissolv. in aq. pluvia vel font. ℥iv. usurpetur repidè cum pannis lincis intinctis.

℞. Spiritus vitrioli non rectificati ℥j. salis marini calcinati & pulv. ℥j. misce, & destilla in retorta vitrea calore arenæ; prodibit purus ferè purus spiritus salis, qui nempe ædibus suis per stigma vitriolicum expulsus, illique possessionem relinquens, facile ascendit: Capiti mortuo affunde spiritus vini ℥ij. digerè clausè & calidè addendo camphoræ ℥ij. applicetur repidè cum pannis linteis parti dolenti.

℞. Limaturæ ferri, flor. salis armoniaci ana ℥vj. misce simul terendo; destilletur in retorta vitrea, donec flores sublimantur; capiti mortuo trito affunde spiritum vini, digeras, & serves pro usu.

Audivi quosdam ad dolores podagricos sedandos, pedem affectum sacco, sale marino calcinato, & pulverisato impleto, includere, à quo levamen usque certum ac citum expectant.

In paroxysmi declinatione ad partem corroborandam, atque materiæ morbificæ reliquias discutientias, emplastra utiliter adhibentur; quæ tamen non omnia indifferenter omnibus, verum his magis, illis minus calida conveniunt: Plerisque autem maxime efficacia esse solent, ea quibus minium, litargyrus, mercurius allaque mineralia, aut salina insunt. Nobis præcipuè in usu est emplastrum ex minio, cerussa & sapone, cum oleo coctis, vel quod

℞. Emplastri de minio p. ij. Paracelsi part. j. misce, & extende super alutam. Remedia interna ad dolores arthricos usurpanda ferè tantum sunt narcotica, quæ in diris & d uturnis cruciatus exhiberi debent. Ex his maxime commendamus opii cum sale tartari, aut tinctura ejus præparationes.

Porro in hunc usum Laudanum Paracelsi, aut Londinense, pilulæ de styrace, de Cynoglossio, syrupus de Meconio, theriaca Androm. & diascordium emolumento esse solent.

Secunda indicatio præservatoria dicta, Arthritidis causas procatacticas tollendas respicit, propterea ut dolorum paroxysmi rariùs ac minùs, aut non omninò infestent: In hunc finem remedia evacuantia, alterantia, & corroborantia, unà cum exacta victùs ratione, extra paroxysmos adhibenda præscribuntur.

Primò igitur Arthritici, vere, & autumnò solenniter purgari debent; atque vomitionem, si nihil contra indicat, tunc celebrari, & postea interdum ex intervallis repeti expediet. Stomacho & præcordiis firmioribus præditi emetica mineralia ex antimonii aut mercurii præparatis sumant. Qui constitutionis tenerioris sunt, post pastum ex cibis lubricis, vinum scilliticum, aut salem vitrioli cum sero lactis capiant, dein stomacho aquâ tepidâ, aut liquore possetico simplici, aut cum foliis cardui incoctis, impleto, vomitio bis, vel ter aut sæpiùs provocetur, Pro catharsi crebrâ etiam vice cum interstitiis idoneis celebranda purgantium formulæ superius præscriptæ satis conveniunt.

℞. Fibrar. hellebor. nigri mundat. ℥j. lign. aloës, cariophyllor. ana ℥ij. contusis affunde spiritus vini non rectificati ℔ij. digerantur clausè & calidè, per plures dies, dosis cochl. ij. manè bis, vel ter in septimana: & vomitio, & purgatio semper ante Æquinoctia incipiantur, ne fortè paroxysmus, priùs contingens, medicinæ cursum prævertat.

Phlebotomia aut vasorum hæmorrhoidalium apertio Arthriticis, temperamento calido, & sanguine acriori præditis, nonnunquam vere, aut autumnò conveniunt. Cauteria in brachiis, & juxta homoplasas excitata, quibusque ferè huic morbo obnoxiiis utilia sunt.

Præterea tamen, medicamenta alterantia, à veteribus Arthritidis antidota dicta, egregii sunt usus, & longo tempore unà cum exacto circa sex non naturalia regimine assumpta, juvamen sæpè magnum præstant, in hoc sensu medicamenta sale volatili, ac sulphure balsamico prædita, quatenùs nempe hæc salem fixum exaltant, illaque acetosum reducunt, præcipua habentur; insuper amara & adstringentia; uti herbæ, chamædrys, chamæpitis, centaurium, rad. gentianæ, & aristolochiæ, &c. (siquidem experientia duce in hoc morbo comprobantur) hac ratione utilia esse videntur; quod pepsos, & chylificationis munia adjuvant, atque fæculentias salino fixas, ne in sanguinem ferantur, cohibent. Cujusque horum formulas quasdam subdemus.

℞. Pul. chamæpityos ℥vj. oculorum cancri ℥ij. terebinth. Vener. q. s. f. pil. exiguae sumantur iij. vel iv. vesperi & manè per 30. aut 40. dies, superbibendo aq. destill. sequentis ℥ij. vel ℥iij.

℞. Folior. cupress. abietis, visci pomorum ana m. vj. rad. cariophyllatæ, bardanæ, ana ℔j. cort. exteriores 10. aurant. & 6. limonum, nucis mosch. maceris ana ℥j. contusis & conscissis, omnibus affunde lactis recentis ℔vij. vini malagani ℔j. destillentur s. a liquor totus misceatur. Vel paratur aq. folior. bardanæ simplex, bis vel ter cohobando super folia recentia.

℞. Pul. semin. bardanæ ℥vj. ocul. cancri ℥ij.

nucis moschatæ ℥ss. balsami capicci q. s. f. massa, quæ formetur in pil. exiguas, sumantur iv. vesperi, & manè per plures dies.

℞. Tinctur. antimonii ℥j. dosis gutt. 20. ad 25. vesperi & primo mane, cum ℥iij. ac modò descripta. Pauperibus præscribere soleo ad hunc modum.

℞. Pul. folior. salviæ ℔ss. ocul. cancri, sacchar. crystall. ana ℥ij. misce; servetur in vitro, sumantur cochl. j. bis in die cum haustu decoct. foliorum salviæ, vel rad. bardanæ. Vel pul. Dornorelli præscribatur eodem modo sumendus.

℞. Pulv. folior. chamædryos, ivæ arthriticæ, centaurii minoris, majoranæ, salviæ, betonicæ, rad. gentianæ, aristolochiæ rotund. ana ℥j. sacchar. ℔j. misce f. pulvis. Vel pulvis Joannis Anglici, ab ipso Sarracenus appellatus.

℞. Pulv. folior. chamæpityos ℥j. ossium humani pedis combust. ℥ij. liquirit ℥iij. misce.

Pro potu ordinario paratur Bochetum ex sarsapar. tantal. lign. Rhod. rasur. eboris, C. C. &c. vel paratur alla tenuis pro doliolo iv. congiorum capaci; cui vice lupulorum incoquantur folia chamædryos & chamæpityos; & post fermentationem indantur foliorum salviæ siccata m. iv. sassafras ℥ij. rad. cariophyllatæ ℥viii. Inter alterantia locum non infimum vindicat diæta ex lacte; nempe, ut Patiens per tres aut quatuor menses nullo alio alimento utatur: manè, & vesperi, lac recens emulctum bibat; circa meridiem, & aliis temporibus comedat cum pane albo; hordeo, aut farina avenacea, coctum: Novi quosdam ab hoc victùs genere, insigne juvamen accepisse; alios verò à lactis usu multo deterius habuisse, & Arthritide nullatenùs curatâ, viscerum obstructions magnas, & cacochymiam contraxisse. Itaque methodus ista, sine prudentis Medici consilio & observatione sedula, utrum conveniat necne, haud temerè ineatur. Non ita pridem mox vulgò inoleverat, ut Arthritici uno quoque mane urinam propriam biberent; quod nonnullis commodo fuisse memini. Cujus juvaminis ratio videtur esse, quod urinæ latex salinus, sanguinem denuò pertransiens, particulas salino-fixas priùs in articulos deferri solitas, Arthriticum sublevar, plerumque Nephriticum auget. *Thom. Willis de Arthritide.*

Arthritidis curationem quod spectat; (ut primò quæ sunt omittenda subinnuam) licet, si humores respiciamus atque indigestionem unde isti trahunt originem, primâ fronte videri possit indicationes curativas imprimis ad humores jam factos evacuandos, dein ad coctiones roborandas, (unde aliorum humorum succrescentium aggestio possit præcaveri) collimare debere, quandoquidem hæc sunt Indicationes magis generales quibus in plerisque aliis morbis humoralibus satisfaciendum est: in Podagra nihilominùs naturæ quasi prærogativa est materiam peccantem suo modo exterminare, & in articulos deponere, per insensilem transpirationem diffundam. Namque haud plures tribus proponuntur modi, quibus causam Podagræ continentem ejicere valeamus; venæ sectio scilicet catharsis, ac diaphoresis per sudorem: nulla verò ex his methodus scopum attinget unquam.

Imprimis venæ-sectio, quantumvis magna polliceatur, tum in humoribus, qui in procinctu stant & quasi descensum meditantes, tum in istis qui jam

jam Articulos obsiderunt, evacuandis; manifestò tamen pugnat cum indicatione illa quam causa Antecedens, quæ est Indigestio à spirituum (quos sanguinis detractio magis immittit opprimique) depravatione ac defectu orta, sibi vendicat. Non est itaque adhibenda Phlebotomia, vel ad præcavendum Paroxysmum qui timetur, vel ad illum qui jam adest mitigandum, in iis nempe qui ætate jam sunt proveciores. Quamvis enim qui educitur sanguis Pleuriticorum & Rheumatismo laborantium sanguinem ut plurimum referat, attamen venæ sectio haud minus insigniter in hoc morbo officere ægro, quam in duobus prædictis prodesse cernitur. Etenim si sanguis in intermissione, quantumlibet diu post Paroxysmum, fuerit extractus, periculum est nè à sanguinis & humorum agitatione novus succrescat Paroxysmus, qui & priore diuturnior futurus est & symptomatis enormioribus stipandus, sanguinis rubore & vigore, quibus adiutoribus morbi fomitem strenuè ac constanter excutere debuerat, exinde refulsis. Atque hoc incommodi toties etiam accersitur, quoties ineunte Paroxysmo vena pertunditur. Si mox à Paroxysmo feriatur vena, ingens periculum est nè natura, dum sanguis adhuc languidior est & nondum pristinas vires à morbo succilas redintegraverit, ejusmodi vulnere importunè inflicto usque adeo infirmetur & succumbat, ut Hydropi aditus aperiatur. Veruntamen si æger adhuc juvenis fuerit & ab immodica potatione excalesfactus, sanguis, initio Paroxysmi potest detrahi; sin autem in Paroxysmis subsequentibus Phlebotomiâ jugiter utatur, Podagra quam citissimè etiam in juvene inveterascet, & intra paucos annos latius imperium seu potius tyrannidem propagabit, quam aliàs in multis extendere valuisset. Deinde, Catharsin quod attinet, sive *ἀνάγειν* sive *καταναίω*, animadvertendum est, quod cum naturæ lex sit inviolabilis atque ipsi hujusce morbi essentia intertexta innoxiaque morbi fomitem semper in Articulos rejici debere; nihil prorsus aliud præstabunt Remedia, sive Emerica, sive Cathartica propriè dicta, nisi ut materia peccans, quam natura in corporis extremitates protruserat, in sanguinis massam denuò revocetur; unde accidit ut quæ in Articulos eliminari debuerat, in aliquod viscus forè irruat, atque ita æger, qui in nullo prius discrimine versabatur, jam de vita periclitetur. Quod iis fatale esse haud tardò observatur, qui medicamentis purgantibus, vel ad Podagram præcavendam, vel (quod adhuc pejus est) ad leniendum Paroxysmum assueverant. Etenim cum natura à methodo sibi familiari exturbata fuerit, quâ, utpote securissimâ oprimâque, materiam morificam in articulos ablegat, dum humores intrò versùs intestina sollicitentur, loco doloris in juncturis, quem vel nullum habent vel certè perexiguum, ventriculi agitudine, alvi torminibus, lipothymiâ, & longo Anomalorum symptomatum agmine miseri quasi enecantur. Ego certè persuasissimus sum, à jugi & sæpè iterata experientia edoctus, Catharsin omnem tam per lenientia, quam per fortiora medicamenta, qualia pro more Articulis expurgandis destinantur, plurimum nocere; sive in Paroxysmo ad minuendam materiam peccantem, sive in fine ad dissipandas morbi reliquias, sive in perfecta intermissione & recta valetudine, ut venturo Paroxysmo occurratur, Purgatio in usum revocetur. Etenim

tam mei ipsius quam aliorum periculo comperitissimum habeo, Catharsin quovis horum temporum administratam, ita parùm votis respondisse, ut malum quod debuerat averruncare atque avertere, accerseret. Primum itaque purgatio sæviente adhuc Paroxysmo adhibita, naturæ, in materia morifica separanda & in Articulos depouendâ occupatæ, negotium facessens, magnam spirituum *ἀναγειν* nonnunquam excitavit, unde non tantum Paroxysmus magis invalescebat, sed & æger in vitæ discrimen haud obscure conjiciebatur. Deinde Cathartica in fine Paroxysmi usurpata, cum morbi reliquias amoliri debuerint, id tantum egere ut recens Paroxysmus de novo suppullaret haud mitior priori isto; atque ita æger spe falsâ lactatus ea sibi fabricat mala, quæ non fuerat perpessus nisi humores denuò in rabiem agerentur. Quod genus incommodi ipsemet plus semel expertus sum, artis medicæ opem præposterè implorans ad exturbandas, ut mihi videbatur, reliquias morbi. Postremò quod Purgationem attinet, certis intervallis & integrâ sanitate repetendam, ut Paroxysmo eatur obviam atque ei aditus præcludatur; etsi, quod est fatendum, non ita præsens periculum est ne nova accessio inviteatur, atque fuit in casu jam dicto cum æger nondum *ἐξασβελέως* omninò fuerit; tamen etiam hoc tempore Paroxysmum parit, idque ob causas suprâ memoratas; quo malo si fortè ægram non statim multaverit, nullatenus tamen eum à morbo liberat, quantumlibet constanter & debitis intervallis Cathartica hæc illavè assumpserit. Quinimò nonnullos novi huic morbo obnoxios qui Catharsin non solum Vere & Autumno, sed & singulis mensibus, imò & septimanis continuis, celebratâ, sanitati litabant, neque tamen horum quisquam Podagram effugit: quæ ex hinc crudeliùs plerunque & immanioribus symptomatis eos impetebat quam si ab omni medicatione sibi temperassent. Licet enim jam dicta purgatio Causæ continens partem aliquam possit educere, cum tamen Concoctioni roborandæ (à quo tantum abest, ut eam debilitet, recenti vulnere naturam subruens ac dejiciens) ne hilum conferat, uni tantummodò causæ opponitur, & morbi curationi impares prorsus habet vires. Ad hæc annotandum est, ab eodem illo spirituum defectu quo concoctiones in iis viriuntur, qui podagrâ solent laborare, eorundem spirituum Animalium *σύνταξι* minùs firmam vegetamque reddi, unde mox disjicitur & interturbatur à quavis causa quæ vel animum vel corpus paulò violentiùs concutit exagitatque; ac proinde jam fugax ac dissipabilis est admodum, prout iis qui Affectioni vel Hypochondriacæ, vel Hystericæ obnoxii vivunt, peritæpè accidit. A qua etiam spirituum ad *ἀναγειν* propensione fit ut Podagra vel levissimam quantumlibet evacuationem ferè subsequatur. Dissoluto enim corporis tono, quem spirituum firmitas, dum in vigore suo persistunt ritè compactum vegetumque servat, materia peccans quasi disruptis repagulis jam sui juris est, atque ab hac plaga corpori inflicta Paroxysmus statim exoritur. At verò hæc ipsa methodus ut ut perniciosa ac nocens, nihilominus Empiricis quibusdam, qui Catharticum quo utebantur medicamentum astutè omnes celarunt, haud mediocrem existimationem conciliavit. Observandum est enim quod Purgatione currente, æger vel non omninò vel remittè admodum dolet; & si

Catharsis ad plures dies produci queat, nullo superveniente Paroxysmo recenti, æger confestim ab eo, quo jam tenetur, convalescet: verum enim verò pœnas imposterum pender dirissimas ab *αἰτία* in quam dicta humorum exagitatio naturam præcipitem egit.

Denique materiæ peccantis per Sudores evacuatio, licet prædictis evacuationibus minus officiat, liquidò tamen officere cernitur. Quamvis enim morbi fomitem non terrahat in viscera, sed è contra in corporis habitum propellat, attamen his saltem nominibus obest. Primò quidem quod extra Paroxysmum humores adhuc crudos & nondum ita subactos ut ritè separari debeant, quasi vi quadam protrudit in Artus, atque eo pacto cunctantem Paroxysmum ante diem, & vel invitâ naturâ sollicitat. Deinde quod sudoris provocatio in ipso paroxysmo materiam morbificam nimis violenter in affectum membrum impingat adigatque, dolorem simul adducens haud tolerandum; & si major sit materiæ peccantis copia, quam ut pars affecta eam queat admittere, illam mox in artus alios deturbat, unde orgasmus interea atque ingens ràm sanguinis quam cæterorum humorum ebullitio sive exæluatio; si verò corpus colluvie ferolâ Podagræ generandæ aptâ admodum scateat, metuendum est ne Apoplexia ingruat. Quamobrem in hoc affectu, perinde ac in cæteris omnibus in quibus sudores Artus ope sollicitantur ad eliminandam materiam morbificam, non verò naturæ ductu profluunt, periculosum est eosdem nimis violenter atque ultra eum Coctionis gradum ad quem humores evacuandi suâ spontè pervenerint, elicere. Et celeberrimus iste Hippocratis Aphorismus, *Cocta non Cruda sunt medicanda*, tam in sudoribus provocandis quam in subducenda alvo locum habet. Quod quidem liquidò constat ex sudore illo quo Paroxysmus Februm Intermittentium claudi solet, qui, si modicus fuerit & materiæ Febrilis à præcedente Paroxysmo concoctæ quantitati aptè respondens ægrum insigniter juvat levatque; si verò ultra naturæ modum sudatio promoveatur, ex eo quod æger lectulo jugiter affligatur, jam Febris continua subnascitur, & recens focus succenditur, cum iste qui prius efflagrabat, fuerat extinguendus. Pari ratione in Podagra etiam lenis ille mador qui ut plurimum manè suâ spontè oritur post minorum Paroxysmorum, è quibus majorem Paroxysmum constare docui, singulos, tam dolorem quam inquietudinem quibuscum æger totâ nocte conflictabatur, mitigat; è contra verò, si quando levis hicce mador & suaptè natura fugax, diutius & vehementius proritetur quam fert proportio materiæ peccantis jam ab ultimo Paroxysmo concoctæ, morbus inde exacerbatur. Tam itaque in hoc quam in aliis morbis quibuscumque quos mihi videre contingit, demptâ solâ Peste, sudores prolicere non tam Medico, quam Naturæ provincia est: Cum nullo modo assequi possimus, quanta materiæ pars ejuscemodi separationi obeundæ jamjam est parata, nec per consequens quem in provocando sudore modum tenere debeamus.

Ex jam dictis cum satis liqueat non solum Podagræ curationem à medicamentis evacuantibus incassum peti, sed & eadem *ποδαγρῶσι* noxam adferre, restat ut exquiramus ad quem alium scopum Curativæ indicationes sunt dirigendæ. Ego quidem ex accurata *φαινομένων* prædictorum om-

nium pensitatione & diligenti examine colligo, duabus potissimum causis in hujusce morbi curatione obviam iri debere. Prima est causa Antecedens, sive humorum indigestio à caloris & Spirituum Naturalium defectu orta. Altera est causa Continens, sive eorundem humorum calor & exæluatio, ubi jam tum putredinem, tum etiam acridinem nacti sunt à mora in corpore quam oportuerat diuturniore; quæ mora ab inconcoctione suprâ memoratâ pender. Hæ causæ ita toto cælo, quod ajunt, à se invicem discrepant, ut, quæ huic profunt remedia, alteri obfint; unde hic Affectus ita curatu perdifficilis est. Etenim dum Medicamentis calefacientibus Indigestionem vincere satagimus, periculum est nè ex altera parte humorum calor intendatur: atque è diverso, dum sive Diætâ, sive Remediis refrigerantibus calorem & acridinem humorum commirigare volumus, *ἀπεψίαν* accersimus, labefactato scilicet calore naturali. At verò hic Causam Continentem non eam tantum intelligo, quæ jam actu Articulos obsidens Paroxysmum format, sed eam insuper quæ adhuc in sanguine delitescens separationi hætenus est inepta. Perrarò enim materia morbifica omnis à Paroxysmo quantumlibet diuturno & crudeli, ita plenè egeritur, ut nullæ prorsus in corpore reliquæ sint, eodem jam elapso. Ac proinde utriusque hujus causæ tam extra Paroxysmum quam eo vigente ratio habenda. Quandoquidem verò materiæ continentis eliminatio Naturæ omnis opus est, suâ ipsius methodo peragendum, cumque nihil interea temporis ad humores calidos acresque leniendos, absque damno digestionibus illato, possit tentari, nisi ut exulent ac evitentur victus medicamentaque calidiora à quibus inflammantur humores: maxima cerrè & præcipua Curandi intentio in eo verri debet, ut Coctioni, indigestionibus sublatis, consulatur, de qua jam agam: ita tamen ut in Dissertationis serie ea etiam attingam Remedia, prout ansa data fuerit, quæ ad leniendum humorum calorem, & acridinem retundendam facere possint. Quæcunque igitur naturæ opem ferunt in muneribus suis ritè fungendis, sive Ventrículum confortando ut alimenta ritè coquat, sive sanguinem ad debitam chyli in illum inducti assimilationem, sive partes solidas corroborando, quo melius succos eorundem nutritioni atque augmento destinatas in propriam substantiam convertant; quæcunque denique varia excretionis organa at emunctoria corporis in eo statu conservant ut singulorum partium recrementa debito tempore atque ordine valeant amandare; hæc & hujusmodi omnia huic intentioni adimplendæ conferunt ac propriè *Digestiva* appellantur, sive Pharmaca ea fuerint, sive ratio victus, sive exercitatio, sive aliæ ex istis quælibet, quæ *sex res non naturales* indigantur.

Hujusmodi Medicamenta sunt in genere quæ moderatè excalefaciunt, & vel emaricant, vel linguam leniter feriunt, utpote quæ ventriculo sunt pergrata, sanguini medentur, & cæteras partes fovent confortantque; qualia sunt, verbigratiâ, Radices Angelicæ, Emulæ, Folia Absynthii, Centaurii minoris, Chamædryos, Chamæpityos, &c. Addi possunt etiam Anti scorbutica vulgò dicta, ut Radices Raphani rusticani, Folia Cochleariæ Hortensis, Nasturtii aquatici, &c. Cum autem herbæ istæ acres ac pungentes, ut ut stomacho

Stomacho arideant atque eidem conferant in Coctione juvanda, morbi tamen fomiti jamdiu formato, nucleos subdant, & augeant calorem parcius usurpandæ veniunt, præ aliis istis quæ miti calore atque amaritudine & ventriculum corroborant, & sanguinis massam vegetiorem reddunt ac magis vitalem. Eorum species liquet affabre permittæ humoribus concoquentis rectius, ut mihi videtur, quàm simplex quo libet ex eorum tribu desumptum. Quamlibet enim quoties specificæ medicamenti cuilibet virtute opus est nobis, Regula tenet, *Quò simplicius eò melius*; tamen cum id habemus propositum ut huius illive indicationi satisfaciendo æquum faciamus, singula ingredientia Symbolum pro morbo curando quasi conferunt: atque in hoc casu, quanto major est simplicium numerus, tanto potentius medicamentum operabitur. E prædictis itaque & reliquæ ejusdem farinae materia medica, variae Remedium formulæ ad hunc scopum tendentes concinnari possunt. Ego formam Electuarii ad exemplum Theriacæ Andromachi cæteris præfero, cu viribus præstet nullam, eò quod in maiori simpliciū fermentatio omnium virtutem adaugeat, quasi *aliquid Tertium* progignens, quod in ita conjunctis majorum non est virtutem in pari quantitate quàm in eorum quolibet. Verùm tamen delectum ejusmodi ingredientium quàm formulæ quibus exhibenda sunt prudenti Medico lubens re inquo; cum nunquam mei officii esse duxerim Receptulas, ut vocant, conscribere, ac potius veras Indicationes notare ad quas Curationes sunt dirigendæ: Quod cum minus observetur, exhiñc, ut alibi dixi, Empiricis insi data est ut se artis medicæ Principes jactent. Verum tamen Tyronum gratiâ, remedium, quo ego uti soleo, in medium proferam, quod ad hanc modum componitur.

℞. Rad. Angelic. Calam. Aromat. Imperator. Enul. campan. Fol. Absinth. vulg. Centav. minor. Marrub. alb. Chamædr. Chamæpit. Scord. Calaminth. vulg. Parthen. Saxifrag. pratens. Hyperic. Virg. aut. Serpil. Menthæ, Salvæ Rutæ, Card. Ben. Puleg. Abrotan. Fior. Chamæmel. Tanacet. Lil. Convall. Croci Anglican. Sem. Thlaspi. Cochlear. hortens. Carvi, Bacc. Juniper. singulorum quantitatē sufficientem. Leguntur singulæ Herbæ, Flores, & Radices quo tempore viribus pollent maximis. Siccentur ac in Papyraceis Sacculis asserventur dum in pulverem tenuissimum redigantur. Singulorum Unciæ sex simul probè mistæ excipiantur s. q. mellis opt. despumati, & Vini Canarini, & in Electuarium debitæ consistentiæ conficiantur s. a. Sumit Drachmas duas manè & serò. Vel hujus defectu, sequenti utatur.

℞. Conserv. Cochlear. hortens. ℥i β. Absinthii Roman. & Flavæ. Autantior. ana ℥i. Angelic. condit. Nuc. Moschat. conditana ℥β. Theriac. lAndromach. ℥iij. Pulv. Ari compos. ℥ij. cum s. q. Syrupi Arantiorum fiat Electuarium. Capiat drachmas duas bis in die superbibendo sequent. Aquæ cochlear. v. vel vi.

℞. Rad. Raphan. rustic. incis. ℥iij. Cochlear. hortensis manipul. xij. Nasturt. aquatic. Beccabung. Salv. Menth. ana m. iiij. Cort. Aurantiorum num. vi. Nuc. Moschat. contus. num. ij. Cerevisiæ Brunsvic. ℥xij. Destillantur organis communibus, donec solummodo libræ sex Aquæ eliciantur pro usu. E Medicamentis vulgò cogni-

tis *Theriaca Andromachi* Concoctionibus roborandis præ cæteris confert: Cum tamen plures in se species contineat quæ plus satis calefaciant, atque insuper Opio abundet, Electuarium supra dictum commodius parari potest è Vegetabilibus præ ipuis excalefacientibus & corroborantibus. Curandum est interim ut ea simplicia eligantur quæ ad ægri gustum magis faciant; cum enim diu admodum, scil. ad omnem ferè ætatem, in ejus usu perseverandum sit, omnino convenit ut palato minus sit ingratum. Inter simplicia *cortex peruvianus* primas obtinet, cum sanguinem corroborer vegetumque reddat, si ejus grana aliquot manè & serò assumantur. Et sanè uti in hoc Affectu de quo jam agimus, ita & in aliis Chronicis plerisque, hæc & huic similia remedia quæ sanguinem corroborant, vegetumque reddunt (si modo eorundem color, propter causas postea adferendas, in spiritibus vinosis non consistat) præ cæteris juvant; quando quidem singuli hujus generis morbi ad unam eandemque causam universalem, humorum scilicet *Indigestionem*, si rectè conjicio, referri debeant. Null est autem ex quo hoc certius evinci poterit ac probari, quàm si ob oculos ponamus differentiam quæ inter morbos *Acutos & Chronicos* intercedit; quam ob causam æquus Lector bene consideret si paucisper ab eo, quod jam præ manibus est, negotio digrediar. Prout itaque morbi *Acuti* si ferè habentur qui citò vel perimunt, vel ad Concoctionem perducuntur: ita *Chronici* appellantur isti qui vel non omnino vel tardè admodum & longâ temporis morâ ad eandem Coctionem pertingunt. Atque hoc quidem tam ipsa rei natura, quam verba quibus illa exprimitur, apertè loquuntur; ac verò causa hujus differentię quæ inter hæc duo morborum genera deprehenditur, altius latet, haud ita facillè eruenda: cujus indagationi si aliquantisper immoremur, operæ, ut puto, vix nos pœnitebit, cum harum rerum notitia clara ac distincta, ad inveniendas veras Indicationes horum Morborum Curationi accommodas, magnum momentum adferre queat. Sive interiora terræ viscera, si ita loqui fas est, varias subeant mutationes, unde à Vaporum inde exhalantium intervntu aër inquinetur, quod mihi maxime probatur: sive inficiatur Atmosphæra omnis, ab alteratione quam eidem inducit peculiaris aliqua corporum Cœlestium quorumlibet Conjunctio: res ita se habet, ut ad hoc illudve tempus aër particulis referciatur quæ humani corporis œconomïæ adversentur; ut etiam alio tempore istiusmodi particulis imprægnatur quæ cum corporibus speciei alicuius Brutorum minus conveniunt. His jam temporibus, quoties nos hujusmodi noxia & naturæ inimica *μειοματα* in nuntium sanguinem inspiratione attrahimus, & in illos morbos Epidemicos incidimus, quos illa parere apta nata sunt, Natura *Febrim* accersit, solent enim nempè sibi Machinam ad sanguinem à materia aliqua hostili & contraria intus stabulante vindicandum. Et tales morbi *Epidemici* vulgò audiunt, & ideo *Acuti* sunt & *Breves*, quia motum habent ita celerem & violentum. At verò præter hos morbos à causa externa excitatos, sunt & alii perinde *Acuti*, ab hac vel illa peculiari sanguinis inflammatione nati, quæ non à causa aliqua generaliori ab aère pendente, sed à particularum corporum Anomalia vel intemperie producuntur. Quod quidem Februm ge-

nus ego *Intercurrens* & *Sporadicum* idcirco vocito, quod antea fere quibuslibet occurrant. At vero morbi *Chronici* genus habent longe ab his diverſum: quavis enim aer minus ſalubris huius vel illius generis ad hos morbos generandos multum conferat; non tamen aeri ita immediate originem debent ſuum, ſed ut plurimum comuni horum omnium Parenti, *Humorum ſcilicet Indigeſtioni*. Ubi enim quis Naturæ principia jam habuerit infirmata ac protrita, ſive à ſenectâ, ſive à magnis & continuis circa ſex res non-naturales erroribus, præcipue in Cibo Potuque; vel ſi Organæ Secretoria eo uſque fuerint deſilitata, ut jam functionibus ſuis ad deſecandum ſanguinem & ejus ſuperfluitates eliminandas deſtinatis, prorsus fuerint imparia; his in caſibus uberiori humorum proventu jam coagmentato quàm cui digerendo hominis vires ſufficiant, dicti humores morâ diuturniore varias fermentationes ac putrefactiones patiuntur, tandemque in ſpeciem erumpunt, & varias morborum ſpecies edunt pro depravationum varietate. Et prout hi ſucci depravati variam habent indolem, ita variè in hanc illamve partem dilabuntur, quæ eiſdem excipientis aptiſſima eſt; atque ibi ſenſim longam illam ſymptomatum ſeriem explicant, quæ partim à talium ſuccorum natura, partim ab *ἀταξία* iſtis partibus illatâ, ſolent exoriri: quæ duo ſimul juncta iſtam naturæ *ἀνωμαλίαν* conſtituunt quæ morbi alicujus nomine inſignitur.

Jam quod ejusmodi impotentia naturæ ad coquendos humores plerorumque Morborum Chronicorum cauſa ſit præcipua, facile liquebit, ſi animadvertamus Senes, quorum Coctiones ſunt læſæ, & ſpiritus, earum instrumenta, abſumpti à reperitis vitæ longioris functionibus, hiſce Affectibus magis eſſe obnoxios quàm ſunt Juniores quorum vitæ flamma magis accenſa recrementa iſta coactervata diſſipat; & quorum Organa Secretoria jugi iſto caloris naturalis ſubſidio inſtruntur, ut functionibus in totius ſanguinis maſſa depuranda peragendis neutiquam deficiant, niſi inſuper premanant & quaſi ſuffocentur à nimia humorum copia. Ad hæc talem humorum indigeſtionem plurium Morborum Chronicorum cauſam eſſe ex eo conſtat, quod Hyems ad iſtiuſmodi morbos gignendos longè magis faciat quàm Œſtas. Licet nonnulli ex his morbis non actu exerantur niſi ſub Brumæ exitum; attamen iſte humorum proventus à quo illi pendent per omnem Hyemis decurſum ſuccreſcens, auctior factus ab ejus tempeſtatis frigore & effæto langore naturam debilitante, quo minùs valeat in adminiſtranda corporis œconomia. Unde ſit ut qui in Œſtate ſatis benè habeant, rarò tamen Hyeme eos morbos effugiant ad quos magis ſunt proclives, Podagram, verbi gratia; Aſthma, Tuſſes, &c. Atque hinc etiam ratio deducenda eſt quare Peregrinatio in Regiones magis Australes ita efficaciter eos morbos expugnet, quorum curatio in frigidioribus incaſſum tentabatur. Eorum, quæ de generali morborum Chronicorum cauſâ jam dixi, veritas magis adhuc patebit ab ingenti & quaſi ſtupendo ac incredibili emolumento quod ij qui morbis Chronicis pleriſque, præcipue verò Phthiſi, laborant, ab Equitatione percipiunt, quod genus Exercitii digeſtiones ſingulas invigorat firmatque, dum à continua corporis ſuccuſſione calor naturalis re-accenditur, & Organa ſecretioni

deſtinata in munere depurandi ſanguinis ritè fungendo promoventur: unde necelle eſt ut ſequatur Digeſtionum deperditarum quaſi renovatio quædam, & è conſequenti totius corporis Cræſis optima. Quocirca è rationibus jam allegatis ſatis eluceſcit, quod non in Podagra tantum, ſed & in aliis quoque Chronicis morbis, ubi nullum ſymptoma manifeſtum contra indicat, *Herbas* ejusmodi *excaleſcientes* magnum omnino commodum adferre, cum ſanguini Œſtatis calorem vel mediâ hyeme concilient: quavis ſi æſtivo tempore earum uſui aſſueſcamus, melius præcavebunt mala iſta quæ adverſa tempeſtas ſolet apportare. Et proſectò ſi ad hyemis uſque appulſum deferantur quo tempore ingens humorum ſaburra accumulatur, periculum eſt nè ſerò nimis ad hoc aſylum confugiamus, & quod dici ſolet, *μὴ πάλιν σωμαχία*. Quavis autem, ut ſupra fuſius diſſertui, Podagra id ſibi habeat peculiare, ut non tantum non juvetur, ſed & lædatur à Catharticis; tamen in aliis Chronicis pleriſque & venæ ſectio quoties opus fuerit repetita, & Purgatio ante ſunt imperanda, quàm Remediis corroborantibus & Digetiſtis hîc à me laudatis opera danda eſt: ubi verò ſe æger his addixerit, in iis perſeuerandum eſt nullis intercalatis Evacuationibus. Etenim hoc eſt firmiter retinendum, quod quoties cujuſcunque morbi curatio Remediis corroborantibus inſtituitur, Evacuationes, qualeſcunque eæ fuerint officiant prorsus. Denique non iſ ſum qui alteram Medicamenta Digetiſta jam memorata cæteris quibuſcunque præſtare: at verò dico eum qui Remedium ad hanc intentionem ſatiſfaciendam potentiſſimum invenire potuerit, longè majora in ſanandis Morbis Chronicis præſtare poſſe, quàm ipſe ſe poſſe exiſtimaverit. Iſtud verò iis omnibus quæ de Podagra ſananda dicturus ſum, præmittendum eſt, & maximopere præ cæteris obſervandum, nempe quod *Digeſtiva* Remedia quæcunque, ſive medicamentorum apparatu, ſive Diætâ, ſive Exercitatione ea conſtent, haud obiter inſtituenda ſint, verum conſtanter atque omni adhibita diligentia aſſidue uſurpanda. Cum enim in hoc morbo, uti etiam in Chronicorum quamplurimis, cauſa ejus in habitum, & novam quaſi naturam tranſiverit, nemo ſanus exiſtimaverit leviculam aliquam ac momentaneam alterationem ſanguini atque humoribus à quolibet ſive remedii ſive victus genere ſuperinductam, curationis ſcopum poſſe attingere; at verò corporis habitus omnis aliò traducendus eſt, atque homo integer deinceps quaſi novâ incude reſingendus. Neque enim hic ita ſeres habet atque in morbo Acuto aliquo, ubi iſ qui modo athleticè ac pancreaticè valebat, derepente Febre correptus, ab optimo ſanitaris ſtatu in morbum periculoſiſſimum, quaſi rupto ponte, præceps ruit. Podagræ diſpar admodum ratio: ubi quis per multos annos continuos comellationibus, comporationibusque intemperantiùs indulgendo, ſolita exercitia intermittendo, deſidia atque pigritiâ intabescendo, vel etiam nimio ſtudio atque irremiſſâ animi intentione, aliſque vitæ erroribus, id egit tandem quaſi deditâ operâ ut varia corporis fermenta pervertantur, atque opprimantur Spiritus Animales (qui Coctionis instrumenta ſunt primaria,) unde humores præter-naturales coactervati erumpunt tandem, cum jam ad ſummum gradum exaltrati fuerint, ac ſtragem edunt; Carnibus denique emollicis & effœminatis Articulis, unde humo-

humores illabentes promptius excipiunt. Atque ita demum alia quasi natura sensim super inducitur, pristina & naturali corporis œconomia eversa funditus & deleta: Cum isti Paroxysmi, qui hominum incautorum ac minus perspicacium oculos animoque soli ferè perstringunt & occupant, nihil prorsus aliud sint quàm series & ordo symptomatum ab ista methòdo pendentium, qua uti solet Natura in materia morbum committente foràs pellendâ. Quamobrem operam ludit quisquis hoc illove sive medicamento, sive etiam regimine subinde in usum revocato, hunc morbum protelare satagit. Cum verò hic habitus tum in Digestionum omnium labefactione, tum & in amissione firmitudinis naturalis partium singularem præcipue fundetur ac conlter, utrique malo occurrendum est; & tam Coctionum robur, quàm firmitudo partium pedetentim reduci debet ac restaurari, pro modulo scil. pristina ac consuetæ corporis œconomia. Quantumlibet verò istud plenè perfectèque fieri non posse videatur, non eo solum nomine, quod Habitus quicunque non nisi ægerrimè in sibi contrarios transmutantur, sed etiam quod ætas senilis, quæ huic morbo ut plurimum comes est & socia, vehementer refragatur: tamen quantum vires annique sinent, tentanda est curatio, & prout æger propius ad hanc metam accedet, vel recedet longius, Podagræ tyrannidem magis minusve effugiet. Atque porro animadvertendum est, quòd Remedia *πυπτικά* vel Digestiva, sive partem Medicam ea spectant, sive Diæticam, in Paroxysmorum præcipue intervallis in usum revocanda sunt; idque quàm longissimè fieri potest à Paroxysmo infecuturo. Neque enim sine magna temporis mora & pertinaci Remediorum usu Concoctionum omnium corroboratio, fermentorum corporis jam immutatorum restauratio, tantaque firmitas quantam expetunt tum sanguis, tum viscera, senio adversante possunt acquiri. Quantumlibet verò prosint hæc aliaque ejusmodi remedia, attramen huic solis hæc corroborandi intentio satisfieri nequit; sed & earum etiam rerum habenda est ratio quæ ad artem propriè medicam non spectant. Et certissimè voto frustrabitur is qui in hoc aliove morbo Chronico omnem curationem Medicamentis solis absolvi posse autumat. Primùm itaque ea in cibo potuque mediocritas est observanda ut neque plus alimenti ingeratur quàm ventriculus concoquere valeat, ac proinde morbo fomes subministretur: neque è contra, nimia abstinentiâ partes eâ proportionè defraudentur, quâ earundem robur & vigor debuerat sustineri, unde etiam magis debilitentur quorum utrumque ex æquo nocet, prout tam in meipso quàm in aliis haud semel expertus sum. Ad hæc; ciborum qualitatem quod spectat, licet *εὐπύπτα* per se considerata *δυσπύπτοις* præferenda sint, attramen ægri palato est consulendum quandoquidem observandum est, quod sæpe numerò id quod ventriculus vehementer appetit, licet difficilius coquatur, citius tamen à natura vincitur quàm quod facilius concoctionis habetur; si ventriculo nauseam creet: at verò quæ *δυσπύπτα* habentur, idcirco parcius sunt comedenda. Unicâ etiam ciborum specie singulis partibus vescendum arbitror, cum varia carniū genera simul ingesta plus ventriculo molestiæ facerent quàm unicū quod omnia ista quantitate exæquet. De cæteris, demptâ carne, pro libitu

comedat, modò nec actia, nec sale condita sint, nec aromatis; quæ licet coctionem non lædant, nocent tamen quatenus morbi fomitem exagitant.

Tempora quod attinet, Prandere tantum expedit; cum enim lectus humoribus dirigendis propriè diceretur, id temporis in cibis concoquendis non est infumendum. Non cœnent itaque qui Podagræ sunt obnoxii; haustum tamen Cerevisiæ alicujus tenuioris liberaliorem sibi indulgeant: quandoquidem etiam Renum Calculo generando proclives ferè sint tales; cujus concretio à liquore ejusmodi hoc tempore hausto multum impeditur, refrigeratis scilicet ab eo Renibus prolutisque. *Γαλακτοποσία*, seu Diæta è solo lacte sive crudo, sive cocto, exulantibus cæteris omnibus, nisi quod panis aliquid semel fortè in die adjiciatur, ab Annis retrò viginti obtinuit. Profuit hæc quamplurimis præ cæteris hujusce morbi præsidis, quando ne latum unguem ab ea discesserint. Quàmprimùm verò ad sanam diætam, ut ut lenem mittentque, sese receperit qui huic insueverat, Podagra confestim reversa ægrum pejus longè quàm antehac vexavit: labefactatis enim hac methòdo naturæ principiis, æger jam morbo pellendo magis impar redditur, unde & periculosius infestat & diuturnius. Qui igitur huicce methòdo tradere cogitat, primùm seriò secum perpendat, num valeat per omnem vitam in eadem persistere: quod tamen fortassis penes eum non erit, ut ut propositi tenax fuerit: Novi enim Nobilem quendam qui postquam per annum integrum solo lacte victitaverat, non tantum sine offensione sed & cum summa voluptate; (quo tempore quotidie semel aut pluries dejecerat) sistente derepente alvo ac mutata corporis temperie, manente verò adhuc animi propensione, & ventriculo tandem ad lac nauseante, abstinere coactus est. Nonnulli verò Hypochondriaci, crasso corporis habitu, vel qui alias liquoribus spirituosus diu multumque assuevere, lactis usum nullatenus ferre possunt. Interea emolumentum illud per breve ac fugax quod ex hac diætâ percipiunt illi quibus cum lacte convenit, hinc oritur, videlicet quod non tantum diætâ sit simplicissima (unde nullus dubito quin jusculum Avenaceum, modò ventriculus illud ferat, idem præstare possit) sed etiam sanguinem dulciorem mioremque reddat, particulas in eo aciores contemperando: atque insuper, quod ego palmarium judico, cum lac alimenti genus sit Aulis prorsus impar, istam humorum turgentiam sive virositatem reprimat cui Podagra ortum debet, atque eo nomine paucos istos quibus congruit, tamdiu à Podagra immunes præstat quamdiu eo solo vescuntur, nec juvat ulterius. Cum enim Podagræ causæ originali ac primariæ nempe Concoctionum ac Fermentorum debilitati omnino contrarietur, longè magis hac ratione obest quàm alterâ prodest. Quod cum minus perspectum fuerit, nonnulli incautiores in errores permagnos & planè exitiabiles inciderunt; dum morbi causas, Continenti, humorum scil. calori & acedini, obviam ire satagentes, Concoctiones pessundederunt, & Functiones naturales prostraverunt omnes. *Liquores* quod spectat, j, me judice optimi sunt qui neque ad Vini generositatem ascendunt, nec ad aquæ debilitatem deprimuntur, cujusmodi sunt Cerevisia tenuis *Londinensis*, sive lupulata, sive non lupulata, cum

extrema ab utraque parte noceant. Primum de vino, licet Proverbio jactetur, Vinum potans Podagrâ laborabis, & Vinum non Potans laborabis Podagrâ; extra controversiam tamen est & variis *Podagrarum* experimentis confirmatissimum, Vinum de facto officere. Licet enim prodelle credatur juvandis Coctionibus, quarum viria causam Podagræ Antecedentem jamdudum statui; ratione tamen Causæ Continentis omnino obesse censendum est, humores scilicet, fomitem morbi, jam in procinctu stantes accendendo exagitandoque. Sed neque damus Vinum pro potu ordinario usurpatum Coctiones promovere, at potius subvertere dicimus, in diu vino assuetis. Quamvis enim calorem aliqualem in transitu impertiat, certissimum est tamen fermenta corporis ab eo subjugari, & avocari spiritus naturales atque fugari: unde est si benè conjicio, quod Bibaces atque Nepotes isti male feriant, Podagrâ, Paralyse, Hydrope aliisque morbis frigidis ferè perimuntur. Adde, quod jugis & immodica vini ingurgitatio corpus ad instar corporum Fæminarum emollit laxatque; cum liquores temperati partium omnium tonum roborent ac firment: unde qui liquoribus tenuioribus semper assuevere, Podagram ferè nesciunt. Notandum est insuper quod huic morbo maximè obnoxii viri sunt, qui licet imminutam habent concoctionem naturalem, tamen ex quadam sanguinis luxuria plus satis nutriunt & incrementum sumunt ex materia quadam indigesta loco substantiæ sanioris & ritè compactæ. Hanc sanguinis luxuriam *Oxyuriæ* ad augeat magis, ac proinde tum novam materiæ faburram accumulatur, tum etiam fomitem jam diu repositum quasi subditâ face actu in morbum provocat. Huic accedat strui, quod cum Podagricorum sanguis isti qui è Pleuriticorum, aliorumque morbis inflammatoriis laborantium pertusis venis extrahitur, persimilis sit, si ac insanorum esset sanguinem jam *suppurata* ulterius spirituosius liquoribus, ceu ignem oleo, proritare. Neque tutius ex adverso liquores nimium refrigerantes in usum revocantur, cum hi Concoctiones prorsus dejiciendo, & extinguendo calorem naturalem, majorem adhuc noxam inferant; non dolorem scilicet ut vinum, sed ipsam adeò mortem: prout experientia docet in iis qui ad senium usque vino liberalius indulgentes aquam aut tenuiores liquores derepentè cum vino, & non ita diu post vitam cum morte commutârunt. Hic itaque podagrâ obnoxiiis in potu modus statuatur, ut iis utantur liquoribus, qui neque vel in maxima copia assumpti inebriare possunt, neque frigore suo ventriculum lædere. Hujusmodi est, ut dixi, cerevisia tenuis nostras, & aliis regionibus confici poterit ex multa aqua cum paucis vino permixta. Aquam puram crudamque periculosam existimo, & expertus sum meo damno. Attamen! satis commodè ab incunte ætate potatur aqua; quâ hodieque longè major hominum pars sitim levat: inopiâ suâ feliciores sunt quàm nos nostrâ copîâ & luxu. Testes appello ingens morborum agmen quo corpora nostra hoc nomine discruciantur, podagram scilicet. Calculum, apoplexiam paralyse, &c. tum & vim animis illaram quâ à nativâ rectitudine transversum aguntur, dum adventitii talium liquorum spiritus, cum spiritibus animalibus cogitationi formandæ inservientibus complicati mentem nimium volatilisando perturbant,

vana ac subtilia loco rerum solidarum atque aliqujus momenti subingerentes: atque ita æmulum ingeniosè lepidos ac dicaces, pro sapientibus nos reddentes; inter quos eadem ferè differentia intercedit atque est inter substantiam & prorsus nihil. Sed de his satis.

Jam verò quamvis sufficiat ei qui podagrâ mitius ac tantum per intervalla laborat, vel cerevisiâ tenui uti, vel vino dilutiori, cum is morbi gradus tanti non sit ut severiori regimini se subiiciat; attamen cum universa corporis substantia in podagram quasi degeneraverit, minus quàm exoptet in profligando morbo promovebit, qui non à liquore fermentato quocunque quantumvis leni & tenui, in totum abstinere: cum hi omnes spiritus pungentes, & aliquem acridinis gradum in se contineant; & quod peius est, quatenus fermento imbuti, (perinde ac flores cerevisiæ liquoribus inditi vim suam fermentativam toti massæ communicant,) humores fermentationi perpetuæ addicunt. Potus itaque diætericus ex ingredientibus vulgò notis & huic utui dicatis pro tali potu ordinario præscribendum est: modo non sit justo fortior, quo haud multo minus periculose accendantur humores quàm ipso vino; nec è contra aquosior justo, naturales functiones nimia refrigeratione prosternens. Hujusmodi potus si rite paretur selectis ingredientibus istis quæ ægro minus sunt ingrata, licet ad septimanam unam alteramve non sine aliquali fastidio ita jugiter assumatur, postea tamen perinde gratus & acceptus est ac sunt alii liquores quibus quis maximè assueverit. Atque ab hoc potus genere non tantum non imminuetur appetitus, sed & augebitur: magis insuper naturalis & genuinus evadet quàm cum liquoribus fermentatis uti soleret. Hoc insuper commodi accedet, quod qui hujusmodi potum diætericum loco ordinarii hauriunt, libentius in cætero victu sibi possent indulgere, quàm cum cerevisiam biberent, aut vinum: cum errores in victu, (quos omnes penitus evitare pene supra humanam sortem est) hoc pacto aliquatenus corrigantur compensenturque. Quod verò omnium primum est, æger hoc modo sibi à Calculo præcavebit qui Podagræ ferè individuus est comes; cum liquores acres ac attenuantes quilibet, uti ad Calculum jam factum proutandum, ita ad eundem generandum etiam faciunt. Liquor sequens, ut pote qui gustu ac colore jucundo est, mihi maximè arridet.

℞. Sarsaparil. ℥vj. Lign. Sassafr. Chinæ, & c.c. ana ℥ij. Glycyrrhiz. ℥j. coq. in Aq. fontan. Cong. duobus per horæ dimidium; deinde stent clausè super cineres calidos per horas 12. postea ebulliant ad tertiæ partis consumptionem. Cum primum ab igne amoveatur, infunde sem. Anisi ℥ss. Post duas horas coletur, & postea depuretur per residentiam, & liquor clarus reponatur in lagenis vitreis probè clausis ad usum. Hic liquor tum primum commodissimè in usum trahetur ubi quis à Paroxysmo convalescit; atque in eo perseverandum tam in ipsis Paroxysmis, quàm in eorum intervallis per reliquum vitæ cursum. Neque enim satis factum est sæviente adhuc morbo novis rebus studere, cum in ejusmodi *crâstia* & motu inordinato natura vix ferre queat ut liquores fermentati, qui vegetiores sunt ac magis spirituosius, cum alio inertis ac spiritibus destituto com-

commutentur. Eodem etiam tempore & *Electuarium* prædictum usurpabitur; quod pariter deinceps tam in Paroxysmorum insultibus quam extra eos quotidie est devorandum. Hujus calor Potus Diæterici aquositate quadantenus pensabit, sanguini & viceribus debitum caloris gradum concilians, sine ista agitatione quæ excitari solet ab æstu liquorum fermentatorum. Si quis objiciat eam vitam vix vitalem esse in qua omnimoda tum à vino tum ab aliis liquoribus fermentatis abstinencia observatur; respondeo perpendendum esse an non longè mihi sit ac minus tolerabile diris inveterales Podagræ cruciatibus (nam in mitiori morbo non hoc postulo) quotidie excarnificari, quam huic soli liquori se adstringere; cujus usu continuato in cæteris esculentis fermè omnibus animo obsequi licet: ut jam non repetam, quod & hic potus (uti cætera omnia) dulcescet consuetudine. Certe qui hunc morbum expertus est modò Homo, modò bipes fuerit pecus, nihil ambiget in quam partem debeat concedere. Quo non obstante, si æger vel à longo ac nimio usu liquorum inebriantium, vel ab ætate proveciore, vel denique præ nimia debilitate, cibos absque vino vel quovis alio liquore fermentato nequeat concoquere, non vacat certe periculo eundem protinus ac derepentè à vino depellere, qui quidem error haud paucis lethalis fuit. Prorsus itaque, si me audit, Apozema Diætericum supra præscriptum abdicet, vel, si eodem uti statuerit; ei sensim alluescat, haustum vini in pastibus ad tempus aliquod sibi indulgens, quod si Remedii loco potius quàm Diætæ, donec decoctum illud familiarius evaserit. *Vinum autem Hispanicum* hîc loci tam Rhenano, quàm Gallico omnino præferendum est; quæ posteriora, licet ventriculo pergrata sint, tamen exacerbandis humoribus & augendo morbi fomiti apta nata sunt. Adde quod cum æquè ferè cruda sint & vix magis concocta quàm est nostrum Pomaceum, non perinde cardiaca sunt atque calida ac res postulat. Atque hæc de Cibo Potuque *ποδωρεϊα* dicta sunt.

Est & aliud quod tamen parvi pendatur, magni tamen momenti est, tam in digerendo morbi fomiti, Paroxysmo adhuc vigente, quàm ad prohibendam ejusdem materiæ generationem extra Paroxysmum, nempe ut æger, maxime hyemis tempore, maturè lectum petat. Etenim post venâ lectionem & Catharsin nihil æquè naturæ vires subruit ac noctu vigilare: quod quidem valetudinariorum quilibet expertus affirmabit, si seriò animadverterit quanto alacrior vegetiorque exurgit quoties se lecto temporiùs commiserit, quàm verò enervis est ac languidus quoties ad multam noctem vigilaverit. Et quamvis res eodem recidere videatur an citius seriusve quis lectum repetat, modò per tot horas eidem indulgeat, verbi gratiâ, an *horâ nonâ* cubitum; eat & *quintâ* surgat, vel *undecimâ* cubitum eat & surgat *septimâ*; multum tamen interest, idque ob hanc, ut existimo, potissimum rationem. Inter diu scilicet spiritus dissipantur, siue in corporis exercitio, siue animi, qui in minùs rectè valentibus ita sunt infirmi ac debiles ut vesperti somni subsidio maturius opus habeant; & cum noctis appulsus æconomiae corporis quasi relaxationem quandam adferat quæ diurno tempore à

solis influxu vegeta conservatur, lecti calor, brumâ præferrim, solis vicem ut gerat necesse est. Manè verò spiritibus tam à prægressæ noctis quiete quàm à lectuli calore refocillatis in igracisque, præter quam quod dies superveniens firmitatem ac robur corporis tono conciliet, diluculo surgere hoc tempore, licet horam unam alteramve à somno matutino detrahat, non ita altum vulnus Naturæ infligit ac vigiliæ ve pertineat ad horam unam vel alteram protractæ. Quamobrem istis qui Podagræ sunt obnoxii Author ego sim, hyeme præcipuè, ut lecto maturè admodum se committant, & diluculo exurgant, quantumvis somnus justo brevior suadeat ut diutius cubantes eundem adhuc venenur. Cum somnus qui ita diluculo capitur secuturæ noctis somno tantundem detrahat, atque ita tandem naturæ vi illatâ, spretoque sapienti ejus instituto, noctem pro die quis habeat, diem pervertit pro nocte. Quinimò *animi tranquillitas* omni ope stabienda est: cum perturbationes omnes, si repagula semel effringant, ad solvendam spirituum, qui sunt Digestionum instrumenta, lytasin, ac proinde ad Podagræ incrementum multum faciant. Prudenter itaque secum meditetur æger mortalitatis suæ conditionem, nec se earum quæ eam sequuntur molestiarum exortem stultus opinetur: siue enim suipsius, siue aliorum culpâ hanc animi ægritudinem pariat, non poterit unquam mundo leges dare, qui nemini hactenus, quantumlibet demum potens aut sapiens fuerit, semper morem gessit, neque ita cuiquam semper ex animi voto cadebant res omnes ac vana mens sponderat, at derepentè inter rerum apparatus animam agens humanæ fragilitatis specimen tandem edit, immeritò se brevi vitæ fructu spolians: Idem etiam incommodi sequitur nimiam animi ad studia & res serias applicationem: Cum enim huic morbo præ cæteris quibuslibet melancholia vulgò dicta comes semper adhæreat, qui ei sunt obnoxii, Spiritus Animales diu multumque cogitando, etiam non adhibito artificiali librorum adminiculo, fatigare solent atque obruere, hoc ipsum ita valdè ac nimio opere agentes, ut corporis æconomia integra amplius conservari nequeat: Quam ob causam ut mihi videtur, hic morbus perpaucos Insipientes (me excipiat qui volet) occupavit unquam. Cæteris verò omnibus, quæ ad impediendum humorum indigestionem (quam ego primariam Podagræ causam constitui) & ad sanguinem idcirco corroborandum, ac firmitudinem partibus conciliandum faciunt, *Exercitium* corporis facile palmam præripit. Animadvertendum est autem, uti supra monui, quod cum in hoc morbo, etiam magis quàm in Chronicorum quovis totius corporis Habitus immutari debeat, exercitatio corporis nisi quotidiana fuerit nihil juvabit: hujusmodi enim exercitatio per vices intermissa, uti nihil ferè conferet ad immutandum corporis habitum ab inertia atque indulgentia jam languescens & effeminatâ, ita fortassis & nocere possit, Paroxysmum accersendo, ubi quis jam diu ab ea desueverat. Hoc verò exercitium vehemens non sit oportet, tale verò quale Senibus competit, qui Podagræ subiecti sunt magis usitata. Motus enim corporis justo vehementior spiritus nimium dissipat, & è consequenti Concoctiones lædit; quando exercitatio

ratio moderata ac perseverans eosdem firmet. Quantumlibet hoc durum videatur homini, qui præter senium & corporis ad motum ineptitudinem, & socordiam huic præferim malo quasi connaturalem, dolore insuper mactatur, tamen si hoc omittatur nihil ex hæcenus inventis quicquam proficiet. Utque Paroxysmorum intervalla sine jugi corporis exercitio magna esse non possint, ita etiam ad Calculi generationem talis erit proclivior; qui quidem plus habet & periculi & cruciatûs quam ipsa Podagra. His adde, (quod magnum pondus habere debet) materiam *trophaceam* a longa requie admodum auctam iri in Articulis corporis maximè verò Digitorum, ita ut tandem omni motu priventur. Ut ut enim fidenter asserant nonnulli horum trophorum materiam nihil aliud esse quàm sanguinis *Tartarum* ad articulos transmissum, facile tamen constabit cuilibet rem paulò attentius perpendenti, quod dum magna vis materiæ inconcoctæ Podagram facientis in Articulos quosdam depulit, & partes vicinas diutius tumidas reddit, tandem accidit, ut partim harum virtus assimilativa sufflaminetur, partim à suffocante obstructione quam in eis patit iners hic humor, dicta materia generetur, quæ à calore doloreque articuli in huiusmodi substantiam cogitur, atque indies augeatur, tum carnem tum cutim articuli in propriam naturam vertens; quæ jam nuda jacet, aciculâ, ad instar *Creta*, *ocul. Cancer*, aut similis alicujus rei, exerahenda. Jam verò hoc malum ab exercitio quotidiano præcavetur, à quo oritur debita humorum Podagram generantium, qui unam aliquam partem libenter occupant, distillatio per omne corpus. Unde fit, uti ipsemet expertus sum, quod exercitatio longa & quotidiana non tantum non officit generationi trophorum, sed etiam trophos veteres & induratos solvit, modo non eousque invaluerint ut cutim extrinsecam in suam substantiam mutaverint.

Exercitii genus quod spectat, *Equitatio* quoties nec grandior ætas, nec Calculus intercedant, reliquis longè præferenda est. Et sanè diu multumque mecum reputavi, quod si cui innotesceret medicamentum, quod & celare vellet, æquè efficax in hoc morbo, ut in Chronicis plerisque, ac est *Equitatio* constans & assidua, opes ille exinde amplissimas facile accumulare posset. Hæc si uti non liceat, vectio frequens in curru ferè eodem recidit. Atque in hoc saltem Podagrâ laborantibus plerisque benè est, quod opes quæ luxuriæ, unde pullulavit morbus, irritamenta erant, facultates currûs habendi subministrant, quo hac saltem exercitationis specie fruuntur, cum altera frui nequeant. Observandum est autem, quod Exercitatio in aëre salubri longè eâ præstantior est quæ in minùs salubri peragitur: ruri scilicet potius quàm in urbe, ubi aër vaporibus à variorum Artificum officinis exhalantibus est repletus, & ædificiorum densitate constipatus; qualis est in *Londino* hoc nostro, urbe quantum certo scimus omnium quæ in toto terrarum orbe sunt, spatiosissimâ. Quantum verò intersit an quis ruri an in urbe, se exerceat, Podagricorum quivis statim persentiscet. Quod *Venerem* attinet, is qui tam Podagrâ quàm senectû laborat (quandoquidem jamjam eâ spirituum copiâ destitutus est quâ Concoctiones promoveri debuerant, & per consequens absque hac cla-

de adventitiâ articulos & reliquas partes adiacentes plus satis laxatas habet & debilitatas) æquè improvidus meo iudicio foret, si ejus lenociniis indulgeret, atque ille qui cum longum iter emetiendum suscepit, Viaticum omne prius abliguriret quàm se viâ committeret. Quinimò præter malum quod sibi accessit languidiora ævi jam fatiscientis desideria non cohibens, maximo illo Privilegio fruendi Jubilæi, quod speciali atque eximio naturæ munere senibus conceditur, se abdicat, qui jam in ultima vitæ scena ab earum libidinum imperu, quæ, ceu tot rabidæ feræ, eos per juventam omnem diu noctuque quasi laniabant, tandem aliquando sunt emancipati: cum horum appetituum expletio nullo modo longum illud malorum agmen quod eam vel comitabatur, vel insequabatur, penlaret unquam. Atque hæc de Regimine.

Quamvis autem huiusmodi Regulæ tam Diætæ quàm cæterum regimen spectantes, si ab homine Podagrâ obnoxio religiosè observentur, cum ab enormioribus morbi insultibus præservare queant, atque istam sanguinis & partibus solidis firmitatem conciliare, quæ ab illa malorum *Iliade* unde morbus non solum supra humanæ patientiæ vires, sed & funestus tandem redditur, eundem immunem præstare possit; non tantum efficient ut non post quædam intervalla maximè exeunte hyeme, Podagrâ quandoque tentetur. Licet enim æstivo tempore dum tonus vigorque sanguinis à Solis calore excitatus fuerit & in statu conservatus, & pariter debita humorum per poros eliminatio pro voto successit, omninò oportet ut coctiones longè melius quàm hyeme celebratæ fuerint; tamen cum appetente bruma & sanguinis robur fuerit imminutum, & perspiratio per cutis poros impeditior, necesse est ut ingens materiæ indigestæ colluvies sit accumulata, quæ tandem diuturnâ morâ in speciem prorumpet, propriis se exerens symptomatis & Paroxysmum inducens, quamprimum vel ab humorum motu ab accessu Solis propiore, vini potatione, exercitio vehementiori, aut aliâ causâ evidenti quacunque ansa derur. Ex jam dictis liquet eum qui huiusce morbi curationem moliatur, id negotii sibi dare debere credere, ut totius corporis habitum immutet, atque illud ad pristinam constitutionem resingat, quantum per ætatem & reliquas circumstantias fieri possit: quod in Paroxysmorum interstitiis, non in ipsis Paroxysmis annitendum est. Cum enim morbi fomes non solum generatus, sed & in articulos jam ablegatus fuerit, serò nimis vel ejusdem mutationem vel eliminationem per alias vias conabimur: Cum non aliâ methodo foras ejiciendus sit, quàm eâ quam natura præmonstrat, cui soli permittendus omninò est Quod & in Febrium Intermittentium Paroxysmis usu venit, quas ob eandem causam remediis non oppugnamus, nisi æstu prius consopito. Nec absurdus quis in exstinguendis harum febrium, calore scilicet à siti, inquietudine, aliisque symptomatis anxie operam locaverit, quàm existimaverit alius se Podagram sanare, cum in Podagrâ symptomatis tantum coercendis laboret; quam tantum hoc tempore à curatione morbi abscedat, ut eandem aliquatenus impediatur ac remoretur. Quanto enim magis ægri dolores lenit, tanto magis humorum concoctioni adversatur; quantoque claudicationem acert

ardet, tanto materiæ morbificæ expulsiōni officit. Adde quod quanto paroxysmi furor ac acies retunditur, non solum tanto diutius affliget, sed & brevius erit spatium interjacens, & minus etiam liberum ab omni gradu symptomatum quibus hic morbus funestatur. Quod nemo inficiabitur qui diligenter trutinaverit quæ suprà in hujusce morbi historia edisserui. Quamobrem licet nihil magni in *Paroxysmo* tentandum sit, nisi quod illis symptomatis occurrendum est, quæ falsa medendi methodus quandoque paritur: tamen cum omnes uno ore fateantur morbum huic ab humorum copia & exuberanti plenitudine nasci, ægro fortasse conducet à carnibus per aliquot dies, ubi primum à morbo corripitur, abstinere, & harum loco simplici jussulo Avenaceo uti, aut alio pari alimento: cujusmodi diætæ tenuis materiæ morbificæ imminuenda multum conferet, & naturæ opportunitatem subministrabit, quæ eandem ocyus digerat. Cum verò ingens sit corporum aliorum ab aliis discrimen, quibusdam abstinentiam à carne non ferentibus, statim verò ab ea spirituum animi lūm *ἀταξία*, animi deliquio, aliisque symptomatis quæ lia faminis Hystericæ affectione laborantibus accidere solent, correptis; istos non tantum non juvabit, sed & lædet, si diutius à carnibus abstineant quàm ventriculus earum usum aversetur: quod ut plurimum non excedit primum aut secundum diem eorum Paroxysmorum particularium, qui omnes simul juncti integrum Paroxysmum, ut suprà innui, constituunt. At verò si tardius siue ocyus quis carne vescatur, seriò cavendum est ne urgente morbo majore copiâ utatur, quàm quæ ad naturam sustentandam necessaria sit, nec minore curâ opus est in assignanda victus qualitate. Namque ut semper in Paroxysmorum intervalis, ita præcipue Paroxysmo jam præsentē, æger summopere curare debet, ne quid vel in quantitate vel qualitate siue potus, siue ciborum peccetur. Neque in hoc solo, sed in alio omni Regimine, de quo fusiùs egi, in intervallis observando, cautela haud vulgaris adhibenda est. Et licet tam dolor quàm magna ad motum inhabilitas, exercitio, quod ego præ cæteris omnibus laudavi, contra indicare videantur, tamen & hic labor exantlandus omnino est. Quamlibet enim in Paroxysmi initio ægro impossibile videntur ut lationem in currum multò minus ejus motum ferre queat, attamen si tentaverit, non ita diu post sentiet se minus à tali motu dolere, quàm cum se in cathedra domi contineret. Id insuper accedit emolumentum, si ad horas aliquot tam manè quàm post meridiem in curru vectus fuerit, quod cum domi toto die sederet noctem ferè insomnem ageret, jam dolorem somno ad multam noctem fugare poterit; cum exercitatio permodica Podagræ laborantem eoque delatet, ut in somnum dilabatur. Adde quod eadem exercitatio calculum, quem vita deses ac iners, ut plurimum accersit, quadantenus præcavebit. Quod verò maximi momenti est, à jugi ac pertinaci exercitio occurreretur totali Artuum ad motum impotentia, quæ haud paucis accidit post Paroxysmum unum alterumve diuturniorem contractis, siue poplitum siue calcaneorum tendinibus dum enim in cruciatu longiore quie-

ti indulserint (maximè crura volentes extendere quoties dolor genus occupaverit) tandem crurum ac pedum motu per reliquum vitæ tempus orbatu sunt, tam in Paroxysmorum interstitiis quàm in ipsis Paroxysmis, quos non ita tamen effugiunt. Quinimò in iis Senibus quorum concoctiones admodum vitiatae sunt, & qui à morbo per multos annos affligente ipsam corporis substantiam quasi in Podagram habent conversam, nihil minus sperandum est quàm ut morbus sine exercitio ad digestionem perducatur unquam: cum enim morbus naturam viribus superet, sæpè moriuntur à langore atque agitudine fomitis morborum copia concoctionem respuentis apportat, & ab hac materia incoctili, quæ nullo modo potest assimilari, tanquam à veneno enecantur. Attamen non obstantibus iis quæ de exercitii utilitate in Podagræ Paroxysmis dicta sunt; si tamen æger præ nimia Paroxysmi atrocitate primo statim in ultu quasi prostratus fuerit, (quod illis ferè usu venit in quibus podagra jam *ἀκρῶς* suam attingit, nec adhuc à multorum annorum decursu mitigata est) hoc in casu si æger cubiculo includendus est, è re erit ut etiam lectulo ad primos dies aliquot, donec scilicet doloris vehementia remiserit, idem includatur: etenim lectulus exercitii defectum aliquatenus supplebit; cum ejus usus continuus materiam morbificam potentius digerat paucis diebus quàm excubatio aliquam multis, maximè incipiente morbo; si modo æger absque leipothymia aliisque malis symptomatis à carnibus abstinere queat, solo jussulo Avenaceo, cerevisiâ tenui & cæteris ejusmodi contentus. Veruntamen haud emittendum est, quod si podagra jam inveterata fuerit, atque æger ad animi deliquia, ventris tormina, diarrhæam, aliaque his similia symptomata propendeat, vix libitina evitabit ab aliquo Paroxysmorum jugulatus, si non exercitio utatur, idque in aère liberiore ac perflabili loco; quod diligenter animadvertendum censeo, quando magnus Podagricorum numerus iis symptomatis jam perierit, quibus hæc in cubiculo, & præsertim in lecto incarceration eisdem obnoxios fecerat, qui non ita maturè facto concessissent, si molestiam vegetationis per majorem diei partem devorare voluissent. Licet enim qui unico artuum dolore fatigatur, se cubiculo possit includere, tamen qui loco doloris acerbissimi, agitudine, aliisque symptomatis prædictis laborat, talis idem imitando, se in vitæ discrimen conjiciet. Et quidem benè nobiscum agitur quod quoties dolor ita vehemens est, ut æger motum tolerare non valeat, neque eo admodum opus habeat; ipso dolore, quod amarissimum est naturæ remedium, ægro de vita prospiciente.

Jam verò quod attinet podagræ symptomata, iis occurrendum est à quibus æger in *Paroxysmo* de vita periclitatur. Horum maximè familiare est ventriculi debilitas ac languor, cum ventris torminibus tanquam à flatu; quod iis accidit, qui vel jam à multis annis podagræ obnoxii vixerunt; vel iis qui licet non ita diu eadem laborantes, hoc tamen mali invitarunt præposterè, liquores spirituosos cum tenuioribus & multum refrigerantibus derepentè,

commutantes; vel *emplastra repellentia*, aliaque medicamenta refrigerantia partibus affectis ad leniendum dolorem admoventes, unde morbi causa materialis quæ in artus debuerat deponi, in viscera rejicitur. Multa egomet expertus sum in postremorum annorum Paroxysmis ad mitigandum hoc symptoma; nihil verò æquè votis respondit ac *vini Canarensis* haustulus subinde deglutitus, langore, atque ægritudine urgentibus: neque vel vinum Gallicum rubrum, vel Theriaca Andromachi, neque aliud quodlibet à Cardiacis mihi hætenus notis pares habet vires. Sed neque vinum hocce, nec Cardiacorum aliud quodlibet ægrum, si exercitio non utatur, omninò servare posse exitum mandum est. Sin autem gravius aliquod symptoma inducias non ferens, ex retrocessu materiæ podagricæ subito ingruat, & mortem ægri minuetur, neque vino neque exercitio supra laudatis fidendum, verum hoc in casu, modò non caput, at partes naturales vel vitales ejusmodi malum impetat, ad *laudanum* statim confugiendum; nempe *laudani liquidi gutt. xx. haustulo aq. epidemici immixta propinentur*, & in lecto ad quietem æger se componat. Quod si materia podagram committens, quia non jam in artus fuerit eliminata, Diarrhœam induxerit, modò ea Paroxysmi singularis crisis non fuerit, & laudano jam laudato, & exercitio omniùsmodi (hoc enim imprimis ad diarrhœæ curationem obeundum est) non obstante, alvus nihilominus diutius fluat, ægritudine, torminibus ventris, &c. accedentibus, unicum quod scio, remedium est, *Sudor* provocetur methodo & medicamentis huic usui destinatis: quod si fiat ad biduum triduumve manè & vesperi, per duas tresve horas continuas, sistetur ut plurimum Diarrhœa, & morbi fomes magna vi in artus detonabit. Hac ego methodo aliquot retrò annis meæ vitæ consului, postquam me in hoc malum à potatione aquæ frigida pro ordinario potu, imprudens conjeceram; idque posteaquam Cardiacorum & adstringentium varii generis opem frustra imploraveram. Est aliud symptoma non perinde crebrum, quod tamen aliquoties ipse vidi, metastasis scilicet materiæ peccantis in pulmonum lobos; quoties nempe tussis brumalis à frigore, tempore paroxysmi suscepto, materiam sensim in pulmones allicit, artubus interrim, ob translationem materiæ morbificæ in aliam regionem, vel omninò, vel tantum non, tam à dolore quàm à tumore liberatis. Uno hoc in casu intentio curativa non ad ipsam podagram dirigenda est, at verò hoc symptoma pari modo tractandum est quo peripneumonia absoluta; venæ-sectione scilicet repetitâ, cum diætâ & remediis refrigerantibus ac incrassantibus, cum sanguis, in hoc symptomate præcipuè extra us pleuritico-rum sanguinem prorsus referat. Purgandus est insuper æger inter venæ-sectiones potionibus lenientibus quibus hæc colluvies in pulmones illapsa possit amandari. Sudoris autem provocatio, quam vim cunque habeat in morbi fomite super artus deturbando hic tamen non tantum prodest, sed & obest; materiam pulmonibus impactam indurando; unde generantur *abscessuli*, & tandem ægri mors certissima

subsequitur. Hic porrò notandum, quod *podagrici* ferè omnes, postquam cum hoc morbo diu confligere *calculo renum* sint obnoxii, proindeque vel statu, vel declinatione sapius, paroxysmi generalis Nephritico dolore laborare soleant; idque cum magno ægrorum non tantum cruciatu, sed & virium dispendio, cum jam plus satis attrita fractaque ea fuerint. Hoc in casu posthabitis quibuscvis aliis remediis, liquoris possietici, cui rad. althææ unc. ij. incotæ fuerint, congium unum quàm citissimè devoretur, & sequens enema injiciatur.

℞. Rad. althææ & lilior. ana ℥j. fol. malv. parietar. branc. urina. & flor. chamæmel. ana m. j. sem. lini & fenugr. ana ℥ss. coq. s. q. ad lib. j. s. colatura dissolv. sacchari cutinatis & syr. dialthææ ana ℥ij. m. s. f. enema. Quamprimum per vomitionem æger totum reddiderit quod per os ingestum fuerit, ut etiam enema rejecerit, *laudani liquidi* satis magna dosis propinetur viz. ad gutt. xxv. vel pil. Matthæi gr. xv. Remedia externa si quis quærat ad leniendum podagræ dolorem accommoda, nulla hætenus mihi cognita sunt (licet plurima tum in meipso, tum aliis expertus fuerim) præter merè refrigerantia & repellentia, quorum usum jam supra docui periculo haud vacare. Et fidenter assero, multâ & longâ observatione suffusus, maximam partem eorum qui podagrâ periisse putantur, non tam ipso morbo quàm sublesta atque indebita medicatione fuisse peremptos. Si quis autem remediorum externorum, quæ pro anodynis indubitatis habentur, virtutem probare velit, non fucum sibi faciat, eadem sub declinatione paroxysmi particularis (quo tempore dolor jam spontè suâ cessurus est) applicando: quin potius sub initio paroxysmi ista usurpet, & statim edocebitur quàm ficulneum sit illud auxilium, quàm vana spes; cum hæc epithemata nocere quandoque possint, prodesse nunquam. Quâde causâ egomet jam à multis annis remedia externa adhibui. Pulticula ex pane similigineo cum croco in lacte cocto, addito postea oleo rosaceo in pauca quantitate, mihi olim præ cæteris profuit; quæ tamen in paroxysmi initio nihil prorsus juvabat. Si igitur dolor admodum sæviat, æger rectius sibi consulat se in lecto continendo, donec is aliquantisper remiserit, quàm anodynis utatur: attamen haud abs re fuerit *laudani* pauxillum vesperi sumere, si dolor patientiam multum vincat; aliter melius omittetur. At verò cum in externis hujusmodi remediis jam sum, omninò aliquid mihi dicendum est de musco quodam Indico, *Moxam* vocant, nuper magni nominis in podagræ curatione, si nempe pars affecta eadem accensâ leviter ustuletur. Quamlibet hoc remedii genus *Indis Orientalibus* acceptum referatur, atque Europæis universim omnibus pro incognito habeatur, attamen constabit antiquioris id esse ævi etiam apud nos, illi qui *Hippocratis* effata jam ante annos bis mille litteris tradita voluerit consulere. In præstantissimo illo de *affectionibus* libro, Sect. 5. pag. mihi 524. de Ischiade agens, hæc habet: *ἐν τῇ ἰσχίᾳ, ὅταν ὁ πόνος ᾖ ἐν τῇ ἰσχίᾳ, &c.* id est. *Quod si in uno aliquo loco firmiter constiterit dolor, neque medicamentis expellatur; quocunque loco dolor foris extiterit, eum lino crudo inurito.* Et paulo post de podagra

gra verba faciens : *Ευμφείας ὁ καὶ τῶν*, &c. i. e. Huic eadem qua Articulari morbo conferunt, & longus quidem hic morbus est & gravis, minime tamen letalis. Quid si in digitis dolor remaneat, venas in digito paulo supra articulum intrito; uestio autem per linum crudum fiat. Opinor neminem posse existimare eam esse differentiam specificam inter flammam vel à lino, vel ab hoc musco Indico excitatam, ut hæc illa in sanatione Podagræ plus valeat, non magis quam reputaverit ignem è Roboris segmentis accensum majus aliquid præstare posse illo qui Fraxini ligno alitur. Hæc partis affectæ utilitatio aliquid pollicetur (quod & efficere quandoque possit) ad doloris committigationem, evocata scilicet fomitis morbifici parte subtilissimâ ac maximè spirituosâ, in articulum jam depositâ. Attamen beneficium ab hoc remedio partum, cum Indigestionem, quæ Podagræ causa est Antecedens, nullo modo attingat, fugax esse oportet ac breve. Neque opus est ut dicam illud in Podagris tantum incipientibus locum habere; quando enim sive à morbi diuturnitate, sive ab importuno atque indebito Medicamentorum usu, Podagra, ut subinde fit, ad partes internas fuerit conversa, ac proinde ægritudine, torminibus ventris, atque longo hujusmodi symptomatum agmine, potius quam dolore ægrum multaverit, nemo sanus igne utendum esse arbitrabitur.

En vobis omnia quæ mihi hætenus comperta sunt in hujus morbi Curatione. Si quis objiciat multa esse Remedia *specificæ* ad Podagram; ego me ea nescire lubens fateor: & vereor ne Promissores isti perinde sint ignari ac sum ego. Et sanè dolendum est Medicinam (Artem nobilissimam) hujusmodi nugis, quæ, sive ab incitia, sive à pravitæ Scriptorum, credulis obijciuntur, usque adeò deturpari; cum in omni ferè morborum genere hujusmodi aliquid à Nugivendulis tanquam *Θεῶν χάρις* decantetur pleno ore. Et, quod est magis mirandum, quod non tantum in morbis typo indutis hujusmodi deliramenta obtineant, sed & minimè formati qui ab Organorum læsione aliqua, aut *προφύσει* externa producantur, Viris etiam cætera cordatis imponant. Atque hoc satis evincunt *Specificæ in Contusionibus* vulgò prædicata, qualia sunt *Sperma Ceti*, *Tegula Hybernica*, &c. quæ omnia id tantum præstant ut Methodum qua tractari debuerat hic Affectus diverstant: prout illi satis constabit qui experiri voluerit, quanto tutius atque ocyùs sanabitur is qui *Vene sectionibus* ac Purgationibus utetur *alternatis* usque dum benè habuerit; neglectis prorsus levidensibus istis quæ pro more post sanguinem semel eductum sapè exhibentur, atque etiam eâ sudorum sollicitatione quæ pari passu cum eorum usu solet procedere: à qua partium jam diu ad inflammationem propensarum excalescentione æger sine causa in vitæ periculum adducitur. Quod si nihil proficientibus his quæ attuli omnibus, adhuc minùs sagax videar, & minùs copiosus in medicamentis eruendis enumerandisque; Universa illa proponam quæ *Lucianus* in *τὰ ἐν ποδῶν* jam plenius collegit, è quibus tam externa quam interna qui volet eligat: quæ forsitan haud minùs efficacia sentiet quam sunt eorum plurima quæ à nonnullis deprædicantur.

Apud hunc Podagræ Persona ita istos alloquitur, qui secreta quædam Remedia se habere jactabant; quibus is morbus possit expugnari.

τίς τῶν ἀνθρώπων, &c. id est.

Quis invictam me dominam dolorum
Ignorat Podagram in terrâ mortalium?
Quam neque *Thuris* vapor placat,
Neque effusus sanguis aras ad incensas;
Non templum divitiarum undique suspensis ornatum donariis:

Quam neque *Apollo* Medicamentis expugnare
valet;

Omnium Medicus in calo Deorum;

Non filius *Apollinis* deditissimus *Æsculapius*.

Postquam enim enatum est primum hominibus
genus,

Conantur omnes meam elidere potentiam,

Miscentes semper Medicamentorum artificia.

Alius aliam in me experitur artem.

Terunt *Plantagines*, & *Apia* mihi,

Et folia *Lactucarum*; & silvestrem *Portulacam*;

Alii *Marrubium*, alii *Potamogetonem*;

Alii *Urticas* terunt; alii *symphytum*;

Alii *Lentes* afferunt ex palustribus lectas;

Alii *Pastinacam* coctam; alii folia *Perficorum*,

Hyoscyamum; *Papaver*, *Cepas* agrestes, *Malis*

Punici Cortices,

Psyllium, *Thus*, radicem *Ellebori*, *Nitrum*,

Fenum gracum cum vino, *Gyrinem*, *Collamphacum*,

Cyperissimam *Gallam*, *Pollinem* hordeaceum,

Brassicæ decocta folia, *Gypsum* ex *Garo*,

Stercora *Montana* capræ, humanum oletum,

Farinas *Fabarum*, florem *Asi* lapidis;

Coquunt *Rubetas*, *Mures*-araneos, *Lacertas*,
Feles,

Ranas, *Hyenas*, *Tragelaphos*, *Vulpeculas*:

Quale metallum non exploratum est mortalibus?

Quis non succus? Qualis non arborum lachryma?

Animalium quorumvis ossa, nervi, pelles,

Adeps, sanguis, medulla, stercus, lac.

Bibunt alii numero quaterno pharmacum:

Alii octono: sed septeno plures.

Alius verò bibens *Hierampurgatur*:

Alius incantamenti impostorum deluditur:

Judeus alium stultum excantat nactus:

Alius verò remedium petit ab *Hirundinis* nido.

Ego autem his omnibus plorare impero,

Et facientibus hæc atque irritantibus me

Soleo occurrere multo iracundior.

Fis verò qui cogitant nihil adversum mihi,

Benignam adhibeo mentem, facilisque fio.

Nullus dubito prudentissimos quosque eorum qui cum hoc morbo diu confligere de omnimoda Curatione desperantes, Choro qui istius Dramatis Catastrophen facit, suffragaturos.

ἥπιον ὡς πένθηται, &c. id est.

Lenem, O ubique gentium Celebrata afferat
(nobis) dolorem o Podagra,

Levem, facilem, non acutum, brevem, hand
sevientem,

Tolerabilem facile desinentem, parum validum;
ambulationes non impedientem.

Multi sunt modi miserorum:

Sed exercitii dolorum, & consuetudo

Podagricos soletur.

*Ideoque a quo animo, o Complices obliviscimini;
Dolorum Si ea que placent non sunt,
Tamen etiam præter spem accidentibus viam in-
venire solet Deus.
Quivis sustineat Podagrâ laborantium
Deludi & derideri:
Talis enim huius morbi natura est.*

Ut semel finiam. Methodus quam hîc tra-
do *ᾠαντιπνῆαν* prædictorum & examini innititur;
quamque ego secutus tam in ipso me, quam in
aliis, morbi levamen percepi. Therapeja Ra-
dicalis & usquequaque perfecta, quâ quis etiam
à diathesi ad hunc morbum foret liberatus, ad-
huc in Democriti puteo latet, atque in naturæ
sinu reconditur, nescio quando, aut à quibus
in lucem extrahenda. Spero nihilominus me
hoc scripto humano generi commodi aliquid
contulisse, si istos scopulos fideliter indigita-
verim, ad quos tum ipsemet, tum alii plurimi
nafragium fecimus; atque insuper optimam
quæ hæcenus innotescit methodum præmon-
straverim. Non his majora promitto; quamvis
à longa cogitationum serie quas huic rei im-
pendere tantum non sum coactus, inducar cre-
dere ejusmodi Remedium nunc quodque inventum
iri. Quod si unquam acciderit, inscitiam suam
Dogmaticis exprobrabit, atque exinde liquebit
quam insigniter tam in dignoscendis morbo-
rum essentiis, quam in medicamentis quibus
eos aggrediuntur, hallucinentur, Cujus rei
exemplum satis luculentum habemus in reper-
tione summi illius ad *Febres Intermitteutes* Spe-
cifici, Corticis Peruviani. Per quot jam sæ-
cula homines quique solertissimi ingenia exer-
cuerant in investigandis harum Februm causis,
quibus praxin quilibet aptavit Theoriæ à se ex-
cogitatæ optimæ respondentem? Quomodo
verò hæ Medicationes Theoremata valebant
defendere, ex iis constat quorum adhuc recens
est memoria; in quibus varias intermitten-
tium species in variis humoribus in corpore re-
dundantibus collocantes. Curationem ad hu-
morum istorum Iterationem atque evacuatio-
nem dirigere solebant. At quâ inauspicatò
id egerunt eorum in his conaminum frustratio,
præcipue verò huius Corticis usus felicior, pa-
lam faciunt: cuius ope nos nunc temporis tum
humores huiusmodi omnes, tum etiam Diatam
& regimen quodcunque susque deque haben-
tes, ac nihil nisi methodum pulveri exhiben-
do debitam observantes, scopum rectè attigi-
mus; vix ab illo aberrantes unquam jussi ægrum
lecto sine ulla necessitate addicimus, dum in
ejus usu est: Tanta tamen est huius remedii vis,
ut non obstante eo incommodi, quod scilicet
febris à Lecti calore plus quam erat opus inten-
datur, ægrum nihilominus ad sanitatem ut plu-
rimum reducat. Interea donec hæc Podagræ
Curatio Radicalis comperta fuerit, quod Me-
dicos omnes, me præ cæteris, optare fas est;
hanc meam qualemcunque opellam boni con-
sultite. Quod si minis eveniat, hominum mo-
res ita probè perspectos habeo ut non multum
fallar; & officii mei rationem ita calleo ut ani-
mo neutiquam cadam. Et si sævissimi isti cru-
ciatus, impotentia ad motum, cæteraque cor-
poris mala, quæ ego per maximam vitæ partem
sum perpeffus, (una cum damno rei familiaris

quod sustinui, à Medicina facienda, toties
adversa valetudine avocatus) aliis quietem &
ἡσυχίαν possint comparare, erit unde me fru-
ctum aliquem miseriarum huius generis, quas
in hac vita toleravi, in aliam migrans perce-
pisse existimabo. *Th. Sydenham Tractat. De Po-
dagra, & Hydrope.*

In magnis Arthritidis doloribus & cruciati-
bus statim ad compescendos eos animus est ad-
hibendus, relictis & postpositis tantisper
aliis intentionibus, donec doloris carnificina
cesset, in quo statu astans Medicus non minus
sape rubore suffunditur, & pudore, quam æger
dolore. Quare ex topicis spagyrica & antiquis-
sima Hippocratica methodo inventis, & ratio-
ne approbatis selectiora nunc memorabo: asse-
verare enim non oportet (M. giltri verba) prop-
ter varia attributa & circumstantias; quod
unum aliquod remedium applicatum statim
profuturum sit, & ideo varietatem constituere
ratio suadet, horum plurima à vulgo practican-
tium, & ab Hippocratica vetustissima metho-
do dissecti citantur, nullum tamen horum le-
gere aut videre contigit, qui minimam ratio-
nem addere potuisset; quare hæc ita fierent?
Cum autem citum, tutum, & jucundum auxi-
lium animadvertent, & ad frigidum, vel ca-
lidum quadrare non possit, vel nocuum, vel
empiricum vocant, manifesto argumento à
nostris hæc & alia excerptisse, & eo ipso igno-
rare se testantur, in Natura scilicet nil unquam
fieri posse, cuius legitima causa non præcedat.
At non solum in his, sed in reliquis omnibus
admodum jejunos se manifestant: exempli gra-
ti, bezoar, dicunt urinam & sudorem movere,
perlas cor roborare, &c. nullus tamen, quæ
ratione sic indubitatè in corpore humano age-
rent! & ideo dicti sectarii à principio ad finem
usque sunt, manent, & consenscunt empirici,
& experimentatores, semper discentes, &
nunquam ad veritatem pervenientes, sic enim
habet Author in Hollerium de Vinaceis, *je l'ay
pratiqué cent fois, il n'y a rien de meilleur sous
la chappe du ciel*, attamen nulli podagræ pro-
fuerant unquam, quare illis receptula quadam,
qualitativo, & frigido sermone roborare sine
causarum cognitione satis est, superflua, ait
Philosophus, discunt, necessaria ignorant, quia
aliud non cognoscunt, quam quod externo sen-
su friget, vel calet: id est quod nesciunt, scire
nolunt. Sperma ranarum, luna decrecente col-
lectum, & ex balneo ad siccitatem distillatum,
prolicitam aquam alcali insipidi ditissimam da-
bit, ut Hippocr. Chim. mechanicè docet, quæ
tepida cum lineis pannus applicata calidæ
igneæque podagræ optimum est refrigerium.
Aduertat tamen patiens, ne aquæ addatur alu-
men, ut suadent Crollius, Sala, Tenzelius, &
alii: licet enim alumen sit refrigerando, ejus ta-
men adstringentia poros cutis cludente, dia-
phæris impeditur, dolorque in excessum ange-
tur: experto crede. Unde rectè Hildanus,
alumen podagricis esse inimicum monet. Multo
promptius dolorem leniveris, si aquæ prædictæ
alcali acueris, sive multiplicaveris additione al-
cali urinæ, tali proportionem, ut inflammata
dolentemque partem applicata aqua non
pungat, quod lingua facillimè metiri potest.
Cum autem ex *Magistri libro de morbis*, totum
corpus,

corpus, dum vivitur, transpirabile habeatur, dolenti loco tepidè duplicatis, vel triplicatis linteis fomenti modo aquibata, non potest alcali urinæ non trahere acidum tem ibi ebullientem, & cute per fomenti calorem rarefacta acidum spiritum non extra corpus erumpere, ac proinde quietem non consequi dolorem, *Verba Hipp. de flatibus.* Dicta nempe aqua non primis qualitatibus, sed absumpto, ac attemperato acido igneo refrigerare dicitur, ex quo postea magno patientibus solamine dolor nutescit. Alii, loco spermatis ranarum aquæ spirituum vini eligunt, atque urinæ alcali commiscant, sed ubi inflammatio prævalet, cautè procedendum est, alias enim urit, & vesicas attollit: etiam si locus affectus plumaceo-lo leviter tantum eo perungitur. Urinæ spiritus commodissimè & celerrimè parabitur ex sale armoniaco, quod nihil aliud est, quam alcali urinæ ligatum, vel condensatum cum acido communi sale cibario, ut docet Hippocr. Chemicus c. 2. Si enim armoniaco addideris æquam alcali fixi (ex gr. Tartari) portionem, & ex retorta vitrea levi calore ambo unita pepuleris, in illo tepore fixum alcali tartari amplectitur, trahitque ad se acidum sale cibarium, & alcali urinæ, quia fugax & volatile, dimidia horæ spatio, in mediocri magnitudinis vas recipiens se recipit ab igne fugiens volatile, al-bissimumque, qui servandus est ad usus prædictos vas vitreis cera perquam optimè obturatis. Hac in operatione simplicissima, naturæ instrumenta rarefactio nimirum & condensatio oculis mechanicè patefunt. Alcali enim volatile urinæ liberum dimittitur à societate acidi salis communis, se iterum alcali tartari fixiori copulantis. Unde alcali urinæ, si dolentem locum podagricum attingit, acidum rursus trahit, utpote vacuum, illoque saturatur: & in neutrum ambo vertuntur. Unde Magister Generare, & interire idem, commisceri, & discerni idem. Eò quod Naturæ minister sive spagyrius profundum habet ingenium. Recens eri in urina sani pueri, in defectu aquæ spermatis ranarum, ex Balneo distillari potest, adjecto cinere communi, cujus alcali sorbet acidam urinæ partem, & alcali urinæ cum aqueo humido ascendit per alembicum: hæc quoque alcalizata quæ pluribus profuit. Ex eodem fundamento paretur ex tempore absorptiva aqua sine ulla distillatione, sed simplici mixtione ex f. lis armonici pulverizati, & alcali tartari, cui mixtura affunde aquæ communis, tantum, quantum pro solutione sufficit, & lineis molliusculis petiis duplicatis, fomenti modo tepidè applicatur. Sunt, qui lacte recens mulcto utuntur, eò quod inter alcalia, quæ acida bibunt, infimum locum non habeat; sed quia in calido statim in aliam naturam mutatur, propterea omnibus non aequè confert, placat interim, & mitigat acidum ignem trahendo, locique asperitatem demulcet, præsertim quando cum hyosciano semel ebullierit, ut habent ab experientia plurimi præctici. Huc etiam referri potest Crollii unguentum Anodynum, præsertim febre absente, ab hujus enim unica tepescita unctione afflictissimum arthriticum à doloribus liberatum vidi, qui deinceps sospes vixit, caveat tamen ab hoc, & aliis omnibus unguentis,

si dolor febriculam comitem habeat. Sunt qui virga, seu ferula cadunt dolentem podagricam partem, donec rubescat, sic acidum expirat, & à doloribus tuti vivunt. Caro bubulæ alcali ditissima, ut Hippocr. Chym. mechanicè ostendit, lacti præfertur, ut & prædictis omnibus: hujus enim frustum crudum sine pinguedine partem dolentem olim superligavimus, à qua manè vesperique mutata feliciter filuere dolores: memores, quod aliquando quidam ita levissimo teneretur pedis dolore, ut foras in publicum egredi sua peracturus negotia non dubitaret, verum in itinere parum progresso, dolor increbuit majorem in modum circa malleolum externum sinistri pedis, intensissimo cum cruciatu: & deficiente vectura, pedibus, domum laboriosè repetiit, carnis bubulæ frustum illicò applicabatur, cujus alcali acidum dolorosum, & igneum elective vel spagyricè trahente, sequenti manè locus circumquaque veluti atramento conspurcatus ater visitur, maximo patientis terrore: dolor tamen planè sublatus aberat: ejusmodi enim nigredo sanguis erat ab igneo acido calore, violentoque dolorifero articulari motu extravenatus, ac expressus, qui ab alcali attrahentis appositu rarefrens paulatim expirando evolabat. Infimum locum hic etiam non habet spiritus vini camphoratus, præsertim à rosmarino rectificatus. Insuper pulvis radice consolidæ majoris cum aqua communi in pulvem coquitur, quam minimi digiti grossitie dolenti loco applicatam, optimum mitigativum in novella podagra, primaque doloris invasione deprehendi: etenim post tres vel quatuor horas à parte elevata nares ferit odore ex putri acido: argumento, acorem extrahere. Inveteratæ tamen podagræ nil commodi adfert. Dolore & febre, & si remissis, lecto ægrum sibi non obligante, attamen incessus, ac ambulatio impossibiles sunt: videntur enim mille aciculæ juncturas lancinare. Unde pro hoc statu opportunum Emplastrum composui, cujus preparatio hæc est.

Olei rosati lib. 1. calefiat in patella, adde saponis albi rasi unc. iiij. liquefacto sapone, adde cerussæ, minij, ana unc. iiij. coque lento igne continuè movendo ligneo paxillo, donec emplastri duriores consistentiam acquirat: si enim eò duritiei non adducatur, rursus in aëre mollescit, quia saponarium alcali humidum ab aëre rursus attrahit: cui demum ab igne remoto, & nonnihil refrigerato addatur sub continua agitatione camphoræ unc. i. prius solutæ in mortario spiritu vini ad pultis formam. Hoc emplastrum ex meris alcalibus compositum mirabiliter non solum acidum podagricum ibidem latens, sed & apostemata, tumores duros, pedum callos, varios dolores tam Nephriticos, quam ex acido ubicunque obortos, etiam si febriles promptissime sopit, refrigerat, mitigat, adhæretque plures dies super pellem extensum, tamdiu scilicet, donec poris apertis acidum morbosum exhalet, tunc nimirum degenerata humiditas expirans à cute depellit: quod autem morbofo acido non concordat, illud dolenti loco, neque adhæret, neque assidet. Hujus alcalizati emplastri encomium hic non adduco, ut mihi esse velim ceu hederam suspensam, sicut titillabundis decinis acetum, sub

poniposo titulo: *spiritus veneris noster, sal vini nostrum, magisterium nostrum, & similia nostra!* nequam verò: abhorret enim animus meus ab ejusmodi vanis ostentationibus, quod norunt, qui, Tachenium liberi candoris alumnus esse, sciunt. Decani verò docent, dolori podagrico oleum saponis esse lenimen illud, tamen oleum, quod ex sapone stillando eliciunt, cum nihil aliud sit quam distillata pinguedo una cum fixo alcali cocta in saponem, eorum vanitatem pro dolore placando illis lubeantes relinquimus.

Est & alius Arthriticus dolor sine inflammatione & rubore, qui plerumque scapulis ita infixus hæret, ut respirationem nonnihil aggravet: hic ex acido dolor, quia non profundus, facillimè ideò mitigatur potentiori acido, quare huic usui spiritum vitrioli optimum esse deprehendi, ab unica enim hujus unctione quies lequitur: cavendum tamen, ne inter ungendum lintheamina, seu vestes alicujus momenti hoc spiritu attingantur: eas enim corrodit atque instar ignis urit, tamdiu ungendo cum lanei panni frustulo continuandum est, usque quo pars dolens pungi sentiat, tunc ab unctione cessantes locum abluimus tepida aqua, deinde superlinimus oleo Hypericonis. Addit *Magister*, acetum (ejus enim tempore nondum innotuerat vitrioli spiritus) valere ad podagram, si non corpus vulneraret, eadem etiam fax vini facit: frigida namque Podagræ (ita loqui lubet) quando scilicet dolor igneus abest, aceti totus accommodatissimus est. Notandum hoc loco, verum non esse, quod turba scribillat: *spiritum vitrioli, & spiritum sulphuris idem esse, easdemque possidere vires*, quam assertionem perniciosè falsam esse deprehendi, nam spiritus vitrioli sex dies, totidemque noctes igne reverberii naturæ possibili expulsi, mercurium præcipitat, eundemque eo simul ipso reddit longè constantiorem præcipitato per sulphuris fimum condensatum, ut ut oleosum. Vitriolum enim ab igne, cum non facile fugiat, ideo mercurium ab ejusdem acido, firmiore constantia ditari, eoque perfectioribus dotibus insigniri, quam à sulphuris stagmate præcipitatum, necesse est. Mercurius nempe terrestris cum Cælesti symbolizat: eorum enim, qui jungitur, induit potestatem, ut docuerunt Veteres sub experientia testimonio: vid. Clavis c. p. 8. adeoque Turbith mercurii à prædicto vitrioli acido veniens, est medicamentum nobile, præsertim ad veneream luem, similia contagia, pestilentialiaque morbos exhibitum in rosarum conserva, patia Ruffi, aut in succo liquiritiæ, sub pilulari forma, &c. Cave autem, ne ipsum commisceas cum scammonii resina, vel terebintho, vel gummi gutta, ut docet Hartmannus: omnis enim mercurius quocunque modo præcipitatus, pinguedinibus irretitus, vi laxativa exiit, & hætenus cinnabaris, quæ est sublimatus mercurius, alvum non ciet, pinguedini sulphureæ combinata.

Ischiadicus omnium arthritidis dolorum gravissimus ob doloris magnitudinem, & symptomatum supervenientium momenta, sedem in profundo habeat, necesse est, ideò inflammatio rarò extra apparet. Itaque ad salutem status intus eò loci detentus discutiendus est.

Cibi conveniunt tantillo saturegiæ aromatizati. Podagricum medicamentum exhibendum in haustu jusculi, vel vini semel ebulliti, una cum quatuor seminibus calidis majoribus, & locus affectus foris perungendus oleo lini: de superque noctu fovendus applicatione tepidis sacculi cum lini semine ruditer contuso, & fursuri commixto repleti. Prasente febre; vehementique pulsatione, sanguinis missio mirifice confert: ea absente phlebotomia inutilis est, atque lini oleo adungere præstat dimidiam, vel quartam partem olei laterini rectificati. Hacque simplici methodo, brevi temporis spatio sanitas induci solet, dummodo morbus inveteratus non sit. Sunt qui ossa humana ad albedinem exusta oleo vetusto extinguunt, indeque distillari jubent, hoc postea oleo laterino præferunt. Hi sunt ex illa classe, de quibus dicitur, *qua nesciunt, scire nolunt* sacram scientiam odio habentes vituperant, & vilipendunt, *quia nesciunt, quid faciunt, ait Magister*, nesciunt, inquam, ossa combusta oleo in hoc casu non plus communicare, quam lateres igniti, eò quod oleum in forma fumi ab illis elevetur ossa enim semel candefacta & ignita fiunt, sicut lateres ipsi, inania & vacua corpora rursus exlatari cupientia. Unde per os assumpta, acida specitica, non secus, quam cornu Cervi ustum, bibunt, ut in Clave mechanicè ostendi. Dolorum verò ischiadicum à sanguine extravento, radix bryoniæ recens rasa, & cum lini oleo commixta tepide applicata mirum in modum pacat: renovandus est labor, donec sanguis planè dissolutus, & ad transpirationem seu volatilizationem aptus transudet: interea tamen temporis podagricum medicamentum nullo modo intermittas, ut acidum abortum forbeat, novumque regenerari non patiat. Clysterem in hoc casu ex Bryonia, ut docet Donzellinus Neapolitanus in suo Dispensatorio nemini suadeo, nam rectum intestinum magnam habet consonantiam cum ore ventriculi, ideò cholera facile causare potest. Idem morbus inveteratus cum sit frigidus, & alcalizatus, oleum lini cum euphorbio applicatum loco affecto optimum deprehendi remedium, licet magno cum dolore agat. Pedibus continuata diaphoresis ita requiritur in omni arthritidis speciebus, ut instantis paroxysmi præindicio sit, quotiescunque intra pedum digitos excrementum proprium, & consuetum non reperitur; quare in subcalceolos, seu saccos ex denso lineo panno confutos, digitos pedum versus, infundo parum cineris ex herbis cephalicis, ut rosmarini, rutæ, salviæ, lavendulæ, betonicæ, &c. ejusmodi enim cinis alcali suo modo volatile continet, ut Hippocr. Chim. docet, quod quia solum, inane, & vacuum esse non potest, ideò trahit per poros cutis, combibitque acidum pedum articulos torquens: unde licet podagricus tota die sine motu deambulationis sedeat, renovandi sunt tamen quotidie linei subcalcei, aut ad minus cinis: horum enim continuato usu, & perseverat effluvium, & rariùs deinceps morbus infestat. Aliquando post paroxysmum, plures menses pedum, malleolorumque tumor persistit, quem tamen alcali dictarum herbarum udonibus lineis inspersum optimè, celeriterque demittit, complanatque.

planatque. Picem navalem emplastri forma applicatam hoc in casu quoque proficuum esse animadverti. Cuius dictus non solum acidum trahit, sed etiam pedes mundat à sordibus, ut ablutione, quæ podagricis pessima est, præsertim ab aqua, opus non sit. Pedum verò lotionem ab aceto, vel vino instituere volentibus, per me, sed valde raro, liberum esto. Sunt, quibus pedes olentem mephitim spirant, quod vitium conversatio civilis admodum horret, & præsertim in iis, qui aulas frequentare habent, cujus causam plerique descendentes nescio quibus putridis humoribus adscribentes, evacuationes cum cautela, ne hepar accendatur (res risu digna) indefinenter repetitas, & rigorosum vivendi genus frustra præscribunt. Sufficit cinerem prædictum lineis calceis, modo quo dixi, inspergi, & factor unaque diffuens sudoris maior illico cessant: argumento, id evenire non putridi humoris descendens, sed vitio ventriculi, cuti pedum insiti, affluentem pro alimento sanguinem deturpantis, & in ejusmodi factorem convertentis: ut sanandi methodus ostendit, eo quod alcali dictorum cinerum acidum putrefactivum ab ipso cutis ventriculo (non secus quam alcali calcis cadavera) absorbeat, absumatque. *Otto. Tachenius Tractat. de Morborum Principe.*

Podagra, Chiragra, Gonagra & Arthritis vaga necessario ex malè disposito succo nervoso ortum trahunt, qui acris est, & continuo pejor redditur à malè elaborato Chylo, & exinde confecto sanguine; curari debent, primò per strictam dietam, ut eligantur tales cibi, qui superfluum sal alcali volatile continent. Intestina interdum à crassis vitiosis humoribus purgari debent per purgantia, sive supra interdum, sive infra; Deinde talia medicamenta usurpant, quæ ex Alcalibus volatilibus constant, tam ex Animalibus quam Vegetabilibus parata, ut vitiosus acris & acidus succus nervosus corrigatur, alias parùm efficietur. Optima Medicamenta, quæ nobis semper honorem creant, vobis communicabimus. Vomitoria possunt esse talia.

℥. Tartar. Emet. gr. v. oxymel Scyllitic. ℥ss. Vini Rorismarini ℥i. m. f. Vomitorium. Vel

℥. Sulph. antim. gr. vi. Crem. tartar. ℥i. Aq. Rorismarin. ℥ij. m. f. Vomitorium f.

℥. Sapæ vomitor. gutt. vii. Vini lilior. Convall. ℥i. misce f. Vomitorium. *Purgantia.*

℥. Resin. scammon. resin. Jalapp. ana gr. vi. Mag. succin. gr. v. sal. succini volatil. gr. iiij. Conserv. flor. Anthos ℥ij. Misce f. Bolus. Vel

℥. Extr. Helleb. nigr. ℥i. Resin. Jalapp. Turbith. ana gr. v. Mag. tartari ℥i. Mag. succin. gr. vi. Ol. still. Rorismarin. gutt. iiij. Conserv. Rosarum ℥ij. Misce f. Bolus. Vel

℥. Extr. Agaric. Helleb. nigr. ana ℥ss. Resin. Mechoacann. Resin. Scammon. ana gr. v. Sal. Tartar. ℥ss. pulp. Cassiæ ℥ss. Misce f. Bolus. *In Arthritide vaga, quando dolor magnus.*

℥. Extr. Pilul. Aloëphang. nostr. ℥i. laudan. Aromatic. gr. iiij. Misce f. Pilul. n. vii. vesperi assumendæ.

℥. Extract. Diacatholici nostr. ℥ss. Laudan. Aromatic. gr. iiij. Misce f. Pilul. n. vii. vesperi assumendæ.

℥. Pilul. Ruffi ℥ss. Resin. Jalapp. Scammon. ana gr. vi. Mag. succini gr. v. Ol. still. Sassafras gutt. iiij. Misce f. Pilul. n. vii. Vel

℥. Extr. Aloës, Extract. Rhei, Extr. senn. tartarizat. ana. ℥i. Resin. Agarici gr. viij. Mag. succin. gr. v. Ol. still. majoran. gt. ij. Misce f. Pilul. n. vii.

Corpore hoc modo supra scriptis pilulis purgato & præparato, uno ex sequentibus compositis semel aut bis in hebdomade sudorem prolificere potestis.

℥. Antimon. diaphoretic gr. xv. Corn. Cerv. philosophic. præp. ℥i. Ocul. Cancr. præp. gr. xvi. Spir. C. C. Spir. Tartar. ana ℥ss. Decoct. lign. sassafras ℥ij. Misce f. Sudoriferum.

Vel ℞. Spir. sal. ammon. aromatic. spir. fuliginis Succinat. ana ℥ss. Tinct. tartar. antim. ℥i. Antimon. diaphoretic. gr. xvi. Ocul. Cancr. præp. ℥i. Decoct. Lign. sassafras ℥ij. Misce f. Sudoriferum.

℥. Spir. Ligni Guajaci ℥i. Spir. Tartar. Spir. C. C. ana ℥ss. Sulph. aurat. diaphoretic. ℥i. C. C. ust. & præp. Matr. Perlarum præp. ana ℥ss. Decoct. Sarsaparill. & Chin. ℥ij. Misce f. Sudoriferum.

Vel ℞. Rob Sambuci, Rob Juniper. ana ℥i. Spir. tartar. sassafrati, spir. sal. ammon. succin. ana ℥i. Flor. antimon. diaphoretic. gr. xv. C. C. ust. præp. Ocul. Cancr. præp. ana ℥i. Decoct. lign. & Cort. Guai. ℥ij. Misce f. Sudoriferum.

℥. Spir. tartar. sassafrat. Spir. Lumbricor. terrestr. ana ℥ss. Sal. lign. Guajac. Sal. Viperin. ana gr. x. Antimon. diaphoretic. Ocul. Cancr. præp. ana ℥i. Rob. Juniper. ℥ij. Decoct. Lign. sassafr. ℥ij. Misce f. Sudoriferum. Ubi dolor in paroxysmo magnus est, tunc laudan. aromatic. gr. i. gr. ij. vel gr. iiij. pro ratione circumstantiarum adjungi possunt. In India hæc sequentia haberi possunt.

℥. Spir. Lign. Ebeni, Spir. Lign. Colubrin. Spir. C. C. ana ℥i. Antim. diaphoretic. gr. xvi. C. C. usti, Lap. Percar. præp. ana ℥i. Rob Sambuci Indici ℥ij. Aq. Zerumbeth. ℥ij. Misce f. Sudoriferum.

℞. Spir. fuliginis Cinnamom. ℥i. spir. sal. ammon. Spir. C. Rhinocerotis ana ℥ss. Spec. diæsolis ℥i. Decoct. Ligni Sassafr. ℥ij. Misce f. Sudoriferum.

Vel ℞. Bezoart. C. & Ungul. Alcis ℥i. Spir. Lign. Ebeni, Essent. Lign. Colubrin. ana ℥ss. Sal. Volat. oleosi Zerumbeth. gr. vii. Aq. ex Rad. Cinnam. sylvestr. ℥ij. Misce f. Sudoriferum.

℞. Spir. C. Capri Cervi Orient. ℥i. Spir. Lign. Ebeni ℥ss. Sal. viperin. ℥ss. Sal. volat. oleos. Zedoar. Sal. Rad. Cinnamom. Sylv. ana gr. v. Decoct. Sarsaparill. ℥ij. Misce f. Sudoriferum. Elyxiria, quæ per vices inter Sudorifera, ad præservationem usurpari possunt.

℞. Elixir. Balsamic. Tinct. tart. antim. ana ℥i. Tinct. C. C. ℥i. Misce. Dosis manè & vesperi gt. xx. Vel

℞. Spir. Sal. ammon. aromatic. Spir. fuliginis succinati ana ℥i. Tinct. tartar. antim. Elixir. Balsamic. ana ℥ss. Misce. Dosis gt. xv. manè & vesperi.

℞. Essent. Succin. Essent. Cinnamom. ana 3℔. Essent. Rorismarin. 3i. Spir. C. C. Di. Misc. Dosis ʒi. manè & vesperi. Qui multorum Medicamentorum usu abhorret, ille manè & vesperi assumat ʒ℔. vel plus volatiliū Alcalium ex C. Cervi, C. Rhinocerotis, Unicornu, Viperis: vel dosin unam Bezoartic. C. Cervi. Corn. Rhinocerot. Viperin. deque magno auxilio confidat. *Hermann. Nicol. Grimm. Compend. Medico-chymic.*

Quoad Arthritidis præcautionem, perfunctoriè eam exequitur Galenus, existimans purgationes & sanguinis missiones, vere & autumnò celebratas, satis esse, accedente recta vivendi ratione, non modò ad eam præcavendam, in his qui ab ea hactenus immunes fuere, verùm etiam in quos jam aliquando invasit. Addamus verò plurimarum aliarum rerum concursum requiri: Diata sibi primas vendicat, atque ex alimentis eligenda euchyma & eupepta, facessere iussis quibuscumque glutinosis, tartareis, sale imprægnatis, & iis quæ facile coagulantur. Eorum species petantur è libris, qui regulam continent utilium vel noxiorum. Potus maximum hic momentum obtinet, qui cum diluendo cibo inserviat, ichorosi excrementi collectioni materiam præcipuam præbet. Is si Tartareæ ejusmodi materiæ plurimæ particeps est, proculcubio per similitudinem substantiæ ad se allicit eam quam alimenta continent, ac proinde podagræ generationem promovet: Constat enim potiones viscidas, quales sunt Zythum & cerevisia non ritè defæcata, ad coagulationem aptas esse, ac faciliè calculum parere. E contra tenuiores potus, maxime simplices, atque quibus minimum salinæ materiæ inest, minus pronos esse in generationem ejusmodi mali: Hinc rarò aquæ potiores, modò sincera sit, in podagram proclives sunt, præsertim divites: qui curiositatis ergo in fontes, è quibus aquas hauriunt, silicēs fluviatiles terfos & nitidos conjiciunt, hi limo mucilaginoso, quem secum vehit aqua, terræ venas perfluens, obducuntur, remonenturque injectis aliis: Vel utuntur aqua pluvia cisternis excepta, fabulo repletis, Hydromel ex aqua cœlesti paratum, ritè depuratum, accedente fermentatione, donec limpidum fiat, nec quicquam in fundum deponat, insignis utilitatis est, imò medicamenti vim adipisci potest, adjectis herbis cephalicis, neureticis & arthriticis, quales sunt betonica, iua arthritica, & moschat, primula veris & similes: Vinum nimia copiâ assumptum turbidum, non exactè à facibus depuratum, & à suo Tartaro liberatum, summè noxium est, tum quia à continuo illius usu & immodico dissipatur calor nātivus, tum concoctio in ventriculo impeditur, præsertim carniū, quæ in eo liquore indurescunt, jecur offenditur, sanguis acris simul ac serosus gignitur, cerebrum debile redditur, nervorum robur infringitur, catarrhi cientur, quorum materia in suprema illa regione condensata, perpendiculariter in subditum corpus decumbit, & devastat quicquid obvium est & maxime debile. E vinis alia polyphora sunt, & quanquam diluta linguam vellicant: ejusmodi tartaro vitriolico abundant, acido, pontico, pungente: Alia generosiora, plurimoque spi-

ritu pollent, quorum robur ab admixta aqua cito retunditur: hæc cerebro præsertim infecta, ut priora artubus: Ars modum excogitavit quo vaporem noxium vino demeret, id transcolando per instrumentum vitreum duplex, dictum Gallis *Montevin*, eoque ingenio Tartaro supernuo privant, infuso aliquo liquore præcipitandi vi prædito, quale est oleum Tartari, (cujus ope vinum ad acorem vergens dulcescit) lithargyri solutio, vel saccharum plumbi ex aceto factum: crytalli calcinata solutio per crebras in aquæ urticæ extinctiones & reverberationes cum spiritu acido terebinthinæ, s. a. sed durum est & tædiosum medicato cibo & potu in pastibus uti: Qui vino sibi temperare non poterit, e'igat quod minus noxium, & oligophorum est, optime id diluat, neque ultra necessitatem diluat, abstinendo quoque à copiosiore cibo: Hæc sanitatis prima sit lex, non s'itari cibus, nec ventriculum gravare, vires ejus superando, supernua *πλῆσμον* quo calor nātivus in objectum sibi commissum sine molestia agit, quod *ὑγίαινον* est; neque etiam novus ingerendus cibus priore nondum cōcocto: hic esto simplex, cujus præcipuum condimentum sit fames: eam revocando, si deficit, mediocri exercitio horis debitis instituto, ante, non immediate à passu, cujus ope excitatur calor sopitus, non secus ac sopitus ignis cinerum agitatione reviviscit. Sed quandoquidem exercitii mentio injecta, cujus essentia est in motu, accersantur huc frictiones tum totius, tum artuum, quæ poros referant, exhibeant suppressas superavitates caloremque ad partes, functionum omnium opificem principem & instrumentum facultatum reocant: Porro, cum nullum alimentum non aliquid impurum in se contineat, quod in excrementum facessit; in id elaborandum quo supervacanea exciudantur per vias naturales, quantitate convenienti & opportuno tempore: quod si natura cæspitet, arte ei succurrendum in id sedulo incumbendo, ut venter secedat, nec ventriculus unquam impuritatibus scateat, ita ut priæ concoctionis reliquiæ vice fermenti non sint, quod sequuturo alimento acorem conciliet: In id conducent remedia quædam familiaria, ut pilulæ mastichinæ, macri, aloës variis succis imprægnatæ, stomachicis, epaticis, atque aliis levibus medicamentis, quæ vocamus Eccoprotica. Maximeque refert perpendere an urinæ & potus copiæ sibi invicem proportionem quadam respondeant; alias potiones aliquæ aperientes & diureticæ certis temporibus & medicamenti forma assumptæ, atque extra pastus, eximii usus erunt, quilibet est liquor vinosus, qui ex baccis juniperi exactè maturis, ope aquæ bullientis extrahitur, addito pauculo fermento, vel sinapi, ut sic ejus fermentatio promoveatur; aut tantillo liquore rubeo qui è sale tartari cum spiritu vini elicatur s. a. Mirè quoque sudorum provocatio confert, sive mediante exercitio excitentur, sive in laconico, semel aut bis in mense, injectis aliquando enematis, ventriculo cibus vacuo: Aeris extremitatibus injuriæ vitentur, frigoris præsertim & humiditatis, sedulo artus contra earum vim muniendo. Somnus & vigiliæ in mediocritate consistent, excessus enim æquè noxius est: De Veneris

nereis idem esto iudicium; Podagricis summè infestis, quanquam, experientia teste, humores falsi & nitrosi, quibus podagrici abundant, ad ejusmodi conflictum crebrò impellant: de quo quondam sciscitatus quidam, quod tempus illi foret opportunum? Scite respondit, cum quis seipso debiliior fieri cupit. Tandem, si mediocritas ex usu sit in omnibus quæ corpus spectant, potiori jure in iis quæ ad animum attinent ejusque impetus, qui organis corporeis usus, ea destruit & consumit, nisi à Ratione motus ejus regantur.

En succinctam *διαγνῶσις* præcipuorum Canonum in diætâ à Podagricis observandorum, vel iis quibus meritò suspecta esse debet podagra: Ad præcautionem adjungenda quædam remedia, præcipuè vacuantia, quo infortunii plenum illud malum in herba, ut ajunt, & in primordiis verruncetur, subtrahanturque illius causæ priusquam in actum erumpant, ac obfideant partes in quas tyrannide suâ & lanienâ ire solent.

Vomitus Podagræ prophylacticum præstantissimum est, qui potest provocari emeticorum ope in plenitudine insigni, ubi juncturæ admodum laxæ, & morbus præforibus est, atque ubi Podagricis (qui alias insultus sustinuit, vel nondum expertus est) sui est juris Medici imperio non parens, sed genio in valetudinis incommodum plerumque indulget. Ex vomitoriorum classe, hoc uñ certissimum est, successu nunquam irritum exhibitum, scilicet infusio croci metallorum, in alkool redacti, optimè loti, macerati in duabus tribusve uncis vini albi per horas 24. exhibendo ejus colaturam cum *z.* oxymelitis simpl. manè, vacuo ventriculo, dato pauculo juscule pingui, post singulos vomendi impetus. Id genus remedii vim suam cum aliqua violentia exferit: ideo non æque omni corpori conveniens est, sed illi solum quod ritè a natura ad id est comparatum: malum verò radicitus tollit, neque unquam frustra præbetur, & quamvis comite aliqua molestia, innoxium tamen est, modò tempestivè exhibitum. Vitrioli lbi depurati drachma una, in aqua hordei dissoluta, aut cum conserva aliqua exhibita, ingesto desuper ejusdem aquæ magno hultu, cui multa liquiritia incocta sit, eluit, tumque roborat ventriculum in mollioribus corporibus, ac ubi humor è penitioribus partibus non est eliciendus: valet quoque emulsio viginti quinque aut triginta granorum cataputiae majoris, additis duabus vel tribus amygdalis, facta cum jure pulli & transcolata, aut aqua hordei saccharo dulcorata. Est aliud vomitionis genus, utilissimum minusque molestum: cujus ratio ut teneatur, in memoriam revocandum quod superius dictum, primitivam Podagræ materiam in ventriculo n̄ tales habere: Ex Arabum consilio inebriari semel in mense convenit: quod non indecens est, modò porcorum natura non inaniatur, & rationis usus superstes sit. Quadrat ejusmodi præceptum in helluones, qui omnia sine discrimine vorant: Semel ij aut bis in mense ventriculum ultra morem infarciunt, ingestis quibulvis promiscuè cibis, pinguedine præsertim, Superhaulto qui libuerit liquore, solito liberaliori: Si saburrati per horam quieti stent, demum semi horæ spatio

lentè deambulent, tandem indito in fauces digito ventriculum ad subversionem sollicitent, & ad excretionem non modò ingestorum ciborum, sed etiam mucilaginum congestarum, illiusque parietibus jam pridem affixarum & adhærentium; quæ à pastu ad provocatum usque vomitum alimentis sese inmiscuerint, ab assumptis liquoribus & potu dilutæ; natura in singula quavis concoctione tentante colligere quicquid ventriculi spatio continetur, ac illi chyli substantiam & formam inducere, deinceps in sanguinem transmutandam; In quibusdam longius requiritur spatium ut ad summum bihorium, prout ventriculus tardè chylicationis munus obit; Quoad motum ante vomendi actum requisitum, sufficienter ostendit navigatio, monente Hippocr. ab illo juvari & promoveri ejusmodi vacationem. Præter vomitum purgatio quoque corporis necessaria est, præmissa prius præparatione per remedia leptomeria prædita & spirituosâ quæ *ἀκρότατος* ejusmodi tartareis adorianitur, qualia sunt spiritus acidi Vitrioli, Sulphuris, Salis, qui ex quovis liquore, conservis, aliisque propinari possunt; Tartari tum cremor, tum spiritus, tum sal, materiam ad exclusionem parant. Cathartica podagricum humorem respicientia verè sint hydragoga, quorum immensa est sylva: Syrupus de rhamno adversus id malum specificum est, immediate ante cibum sumendus, dosi sit uncia duæ vel tres: Cremor Tartari, additis quindecim, duodecim aut decem granis extract. scammonii, in aqua rosarum præcipitati, simul in vino albo dissolvendo, ex juscule sumendo, addita gutta olei è cinnamomo stillatiti, evadit remedium utilissimum: Cydoniatum laxativum, Lugdunense dictum, ejusdem est efficaciæ: valet radix Gialapa ex vino albo sumpta, drachmæ unius quantitate aut scrupulorum quatuor, utile & jucundum est remedium: Non minoris emolumenti sunt Ebuli grana, eorumque oleum per ebullitionem aut expressionem elicatum: singulariter commendatur Electuarium Caryocostinum: Sed omnium remediorum potentissimum est Mercurius dulcis, cujus scrupulus unus felicissimo successu exhibetur, additis, stimuli gratiâ, ne moram trahat in corpore, xx. aut xxv. granis massæ pilul. cochiarum minorum fideliter dispensatarum, & correctionis gratiâ aliquot auri foliis, guttisve oleorum destillatorum rorismarini, anisi, aut cinnamomi. Generosiorum remediorum, ne creber esto usus, sed tantum tempestatum, vernæ aut autumnalis, initio: Vomitus, ut ante dictum, frequenter esse debet, & maxime pilularum usualium nominatarum. Ad vacuantia pertinet Nitrum, educet id per renes & vesicam substantiam Tartaream, quæ facillè coit in calculum in iis qui ad Podagram vergunt: assumitur, declinante Luna, d. drachmæ unius vel alterius quantitate cum aqua hordei vel saccharata: Tandem Antimonium fixum diaphoreticum, Crolliano modo præparatum, sudores promovet, in laconico vel lecto exhibitum, ex sapa vel roob granorum sambuci, semel aut bis in mense, pro corporis plenitudine, aut si in diætâ gravius erratum sit. Quoad cætera, *Zocoli, brocoli, buon capello, pochi quadrechi menca cer-*

vello; Et, ut adagio fertur, Cura ut caleant pedes & caput, cætera, brutorum vitam agas, i. e. horis commodis paltum ineas, vitata plenitudine. Qui prædicta observavit, quanquam insitam ad podagram propensionem habeat, vix eam incurret, modo ex ordine & cura adhibita id fiat. Tempestivum jam est iis opem ferre qui actu hoc morbo affliguntur; iis autem manifesto solatio posse succurri experientia crebra mihi compertum est: vel paroxysmis mora injecta, vel crebro insultu eorum prohibito, vel accisa eorum longitudine, dolorumve atrocitas mitigata, aut citius restituto robore artubus partibusque à diuturno malo debilibus. Ad horum tutelam, præter generales easdem & necessarias indicationes, 1. vacuanda materia tartarea, initium ducendo ab ipsa origine, scilicet ventriculo, 2. eadem præparanda per omne temperantium genus, 3. materia præparata per anum ventrem excludenda: 4. maxima ejus pars per vasa excretionis urinæ dicata exhaustiunda, 5. Præterea superfluum per exsiccantia & absorbentia dissipandum: 6. procuranda, per interceptionis viam, consumptio ejus quod medicamentorum vim eludet, 7. retundenda salis acrimonia in partibus patientibus: 8. id in vapores solvendum quamdiu sub forma manet liquida, 9. si necessitas ingruat, idem fixandum & congelandum in sua scaturigine, 10. Doloze acrius urgente, narcoticis islopiendus, quod fortè paradoxum quibusdam videbitur, 11. unum inter & alterum insultum articuli firmandi, quo minus fluxioni in posterum opportuni sint, strenuè roborantibus post paroxysmum usurpatis: 12. si liceat, dictæ materiæ & salia dissolvenda, antequam omnino concrecant & in ipso, si licet, concretionis initio: Ad Curationem enim nodosæ podagræ, lapide philosophico opus esset, aut Medæ balneo in quo senectam deposuit Jason. Præire cunctis debent vomitoria, omnium quippe maximè necessaria, quorum enumeratio antea est facta; crebrò autem an rariùs in usum ducenda sint, docebit necessitas, aut diætæ ratio, ordinata vel susque deque habita: convenit autem solum hic eradicans Emeticum, è croco metallorum aut vitriolo albo, quod nunquam non in usum duci debet; cum cætera ad præcautionem mali satis sint in iis qui nunquam id experti; Convenit quoque sæpius à cæna concitatus vomitus ventriculo priùs cibis gravato, cujus laborem nox sequens emendabit, patientemque instaurabit; Semel ad minimum in mense id vacationis genus advocabitur, utpote maximè efficax præsidium, saltem vere & autumnò, vel necessitate postulante, cujusque tempestatis initio. Id verò annotatione dignum salia Alkali dicta, quæ è vegetabilibus per calcinationem extrahuntur acerrimos & pungentes spiritus edulcorare, inter quos sal Tartari potentissimus est: Idem accidit in corporibus nostris, quorum salia recensita acuiuntur tantum à substantiis eorum spirituosiss, quarum retuso aculeo, salis corpus enerve & innoxium restat; Neque potest ulli noxius esse usus salis Tartari cum jusculo assumptus, vel conserva aliqua betonica, chamæpithios, cichorii, sub qualicunque tandem forma, Podagricis eximie conducit, non solum

quatenus temperat, sed & evehit per urinæ vias Salinam materiam & tartaream mali causam: Eundem prodent effectum salia chamæpithios, betonica, absinthii, ebuli &c. Tutò intus assu nitur saccharum Saturni cum conservis appropriatis, actuque mitigat, indice gustu, sed veneream cupidinem intrinquit, in commodum forsan podagricorum. Ejusmodi remedium exhibitio ultimis Lunæ diebus fieri debet, præmissis levioribus quibusdam eccoproticis. Purgantibus, podagræ maximè convenientibus, superiùs commemoratis, accedat hoc specificum, Pulvis scilicet noster arthriticus, qui semel saltem in mense, circa plenilunium, cum maximèurgent humores, à drachma una ad scrupulos quatuor, plus aut minus, pro morbi magnitudine, virium præsertim agri habita ratione, usurpari debet: Qui sunt plethorici & Podagræ graviter vexantur, ii quoque illum in usum ducere poterunt, suspectis præcipue tempestatibus, uno aut altero die ante novilunium, ex pingui caponis jusculo, vino albo, cremore hordei, lactis sero, cujus haustum à sumpto medicamento ingerere convenit.

℥. Rasuræ cranii humani insepulti, turbith, hermodactyl. Gialapæ, sennæ, cremor. Tartari, diagryd. garyophyll. ana ʒi. misceantur, ac in subtilem pulverem terantur: Baurus, Medicus Italus, laudibus extollit Caryocostium, cujus simplicia, cum maximè caleant, ejusque operatio paulò vehementior sit, vix utile puto siccis corporibus, sed tantum summè frigidis & humidis; ita ut prædictus pulvis vicem aliorum supplere possit, excepto Mercurio, cujus vim & energiam cæteris omnibus antepono: Actum supra de eum exhibendi modo, vehiculum ei debetur quod citò operationem perficiat, quales sunt pilulæ coccinæ minores, similiaque purgantia colocynthidem admittentia, scammonium, elleborum nigrum, è quibus, si lubet, concinnari poterit extractum, pilulari forma, permiscendum Mercurio. Si quos jam invasit podagra, liberari ab ea postulant, aut saltem mitius tractari, ii post purgationes universales triplicis corporis regionis, pro exigentia & gradu affectionis, præmissa diætâ sudorifica, per annum subsequens pilulis utantur, quibus tanquam sensibili desit vacuatio, diutino tamen usu nec interrupto, materia ejusmodi Tartarea cum urinis evehitur, de quo toties actum: facultate demum omnino specifica, in quam semper intentum esse decet Medicum, cuicunque demum insistatur methodo, articulos roborant.

℥. Pulv. chamæpit. ʒss. liquir. Hispan. ʒij. beton. ʒi. ossum mespilorum ʒiij. omnibus in pulverem subtilem tuis cum s. q. terebinth. Venet. f. pilul. à ʒi. ad ʒi. & ʒij. quotidie, tribus horis ante prandium exhibendæ, post deambulando & leviter se exercendo: Illius remedii basis est Chamæpytis, quam nonnulli simpliciter terebinthinæ remiscunt, addunt alii betonicam, usus ut supra: Exacto primo anno, utendum hoc remedio singulo vere & autumnò, spatio xxx. aut xl. dierum, effectu observato, ita ut si venter liberè fluat, res naturæ committatur, remediisque eò conspirantibus: sin pigra sit, sollicitetur pilulis usualibus, identidem assumptis fortioribus purgantibus, ut dictum; vitata

vitata interim vitiosa diata, cavendoque ne quod una manus adstruit, altera destruat. Absorbentia siccandi vi possint, qualitate manifesta, cui si specifica associetur, præstantior & vegetior orietur effectus: Ossibus cujusunque generis, crudis aut calcinatis, ea vis inest, sed humana, ex iisdem partibus quæ affliguntur desumpta, efficacius agunt ratione similitudinis.

℞. Dictorum ossium ℥iij. C. C. crudi & calcinati an. part. ij. ocul. cancr. subtil. pulverisat. part. i. pulv. aut medullæ farinacæ sariæ parid. part. v. omnia in pollinem terantur; quibus, si lubet, adjici poterunt sem. anis. fænicul. coriandr. cinnamom. succini, moschi, sed exigua quantitate ac solum ad gratiam guitus: mane & sero assumatur cochlear integrum, procul a cibo; cum destiterit podagricus ab usu prædictarum pilul. chamæpithios, vel intermedio, quo eas non usurpabit, tempore. Caetera brachii inusta, vel tibiis, humorem in articulos fluentem intercipiunt alioque deducunt, maximi solatii, tum ad præseruationem arthritidis, tum curationem, præsertim si ægri legibus diatæ non obtemperent, qua de causa ea admittere tenentur. Succedunt jam remedia doloris urgentiam spectantia, ad quorum disquisitionem, ob ægrorum impatientiam, tormentique vehementiam Medicorum solertia impellitur: In memoriam revoceatur, quod prius dictum, materis salinas, acidas & mobiles, simul permittas sese mutuo temperare: Eademmet podagricum dolorem sedant: Lixivia e cineribus caulium, samentorum, cinerum clavellatorum, Tartari, similibusve salibus Alkali in mitigationem doloris concurrunt, maximè si vitriolica admisceantur, in quibus latet anodinum sulphur & sal, potenti discutiendi vi præditum: vitriolum album in aqua stillatitia caulium dissolutum: in ambum nativa dulcedine mordacitate s. l. podagricum exuit, exterius ad motum ex prædicta caulium aqua, ut & filicis, cujus s. l. in cineribus latens eximia est virtutis. Phlegma vitrioli albi, aqua spermatis ranarum, similesve liquores, quibus persæpe narcotica adduntur, duplici nomine utilia sunt, quæ sensum obtundunt (de quibus infra) & ope naturæ sulphuræ, quæ temperant humorem. Maxima pars eorum qui podagricis auxiliares manus porrigunt, cataplasmatibus ineptè utuntur, unde plus damni, poris cutis oclusis, quam commodi accedit; Referandi potius ij & in id elaborandum quo foras eliciatur id lixivium, dum sub forma est liquida: Eum in finem utendum aquis apoplecticis, tantoperè ab Authoribus decantatis, conflatis è salibus & vitriolis supra memoratis, Oxoronia Zuvingeri, Aqua ex urina & vitriolo diu simul maceratis, digestis per putrefactionem, egregiam opem fert: Eximia est iis in doloribus camphora, digerit, halitumque insensibilem juvat, mediante summa acrimonia: Ex aquis supra dictis utiliter admoveatur, etiam in intensissimis doloribus: Vidi qui dissolvant opium, digerant, postmodum distillant, utiliterque ejusmodi mixturam dolentibus articulis admoveant, etiam maximè vigente dolore: ejus efficaciam augebit additio camphoræ: In id satis sunt hæc præsidia, quan-

quam & alia non minùs generosa afferri queant & præscribi. Somnus vacationem omnem cohibet, excepto sudore: atque ubi fluxio vehemens est, doloresque intensi, nihil gratius & utilius ad eum accersendum, nec quicquam æquiparandum venit Laudano, cujus duo, tria, quatuorve grana possunt præberi horâ somni, imò pluribus ex serie noctibus. Per quietem humores concoquuntur, natura vires resumit, & insurgit hostem superatura: Alia prostant somnifera laudani succedanea, sed istud cæteris palmam præripit. Maxima Medicorum pars contra narcoticorum & stupefacientium usum insurgit, eaque impugnat; quod non desint alia præsidia tutiora quorum ope doloris vehementia demulceri possit, ac satius sit, ex ipsorum mente, ejulatus non compescere quam ægrum enervem reddere per ejusmodi medicamenta; Lepidum sanè & plausu excipiendum excusationis genus, quasi vero per ea tam insignis imbecillitas partibus & ægro inuri queat; Reverà intus assumpta narcotica, si dextrè in usum non flectantur, damni non sunt expertia, quippe quæ intempestivè data in cerebro congelationem quandam, ut ita dicam, pariunt, spirituumque quandam *axunolam*, non mediante refrigeratione, sed fixatione, quæ sulphuris, luxuriantis in iis remediis, soboles est, unde inducta immobilitate spirituum animalium, illorum influxus prohibetur, hinc mors per suffocationem sequitur: sed si viget atrox dolor, ab ejusmodi remediorum admotione nihil quicquam simile pertimescendum, cum certum sit dolorem, vel una die urgentem, majorem nervis inferre labem & debilitatem, quam topicorum admotionem sex dierum spatio continuatam; Supponamus verò stuporem inde aliquem superstitem esse in partibus, mille præsto sunt remedia eam labem eluere valentia, balnea, fots, emplastra, laconica & alia quæ brevi tempore id præstant: adde his narcoticum fore innoxium suæ antidoto annexum: Omnes prope autores in vehementia doloris podagrici hyoscyamum in usum ducunt: ad opium quidam ascendunt: si splen multum induruit cicutam illi innoxie apponimus, quod & oculis utiliter superimponitur, quanquam cerebro proximis: Ego autem non vereor, comprobante felici eventu, in usum ducere utramque illam plantam cataplasmatibus forma, addita cassia, camphora, spermate ceti, atque axungia humana, quæ præstantissimum est anodynum eo in affectu. Sedato dolore ad roborantia accedendum, inter quæ vinum optimum, quod ut extus ad motum partibus nervosis utile est, sic intus assumptum maximè infestum est omnibusque cerebri propaginibus. Qui alias insultus arthriticos sustinere, admittere necesse habent remedium quod siccandi vi roboraret partes nervosas, quarum tonus & temperamentum nativum per similia conservari postulat: Paulus Aegineta, antiquus & doctus medicus, podagricorum articulos linimento ex sale & oleo perfricat: conducit id remedium mitigatis doloribus, sed præstantissimum est in iis præcavendis: Paretur, oleum ex violis luteis (cheirinum vocant) ex iteratis florum infusionibus, quod optimum evadet additione florum verbasci.

℞. Prædicti olei ℥i. salis marini decrepitati, dissoluti & in alkool redacti super porphyrite, saponis albi venetiani ℥iv. m. fiat intar nutriti. Eo vesperi omnes articuli inungendi, præsertim pedum & manum, præ cæteris partibus maxime doloribus obnoxii: post inducantur tibialia & cheirotheca laneæ in introitu lecti. Quondam mihi fuit notus Medicus doctus, qui cum podagrâ per annos triginta fuisset infirmus, (fuit is Dom. Quartier Ducis Bullionæi Medicus) demumque totidem annis supervixisset, reliquo vitæ tempore, (prætergressus enim est annum centesimum) beneficio supra scripti linimenti, decem annis ante obitum, incedens visus est æquè firmo talo, ac si nunquam eo affectu tentatus fuisset: Plurimis forsan adstrictior hæc diætæ & medendi methodus tædiosa censebitur, quia sic redit labor actus in orbem. Agricolis, quibus vita sobria, exercitiumque indefectum, talia præscribere superfluum est: Divites, qui laboris tædio servorum ministerio omnia exequuntur, quantum velint debaccantur, nihil moror. Desineatibus paroxysmis, familiaris est usus Emplastri diachalciteos, quod reverâ innoxium est, sed exigui solatii; Prostant meliora, qualia sunt Empl. de hermodactylis, de minio magistrale, vocant Emplastrum sandicis, Gummi Caranna spiritu vini dissolutum, ut & Tacamahaca singularis sunt efficaciar: Emplastr. betonica: mastiche, storax ac benzoin, liquefacta cum prædicto spiritu, egregiè conferunt. Balsamus Ebuli, paratus cum lumbricis, catellis lactantibus, addito sale præstantissimus est. Balnea & fots ex herbis neuroticis, lixivio ex aqua chalybeata confecto, incoctis, addito vino rubro, sale, sulphure & alumine, mirè corroborant, Lac aluminis singulariter valet, quod sic paratur.

℞. Aqu. vitæ ℥vj. album. ovorum rec. num. vi. diu una conquassentur cum 3. aut 4. grandioribus aluminis frustulis in olla terrea vitreata; ea satis erit agitasse & commovisse, si prius in dicto vini spiritu facta fuerit infusio herbarum nervialium salviæ, majoranæ, rorismarini, inde remedio virium accessio fiet: hoc verò calefacto, cum ovorum albumina indurescant, & crassescant, ac in grumos abeant, satius erit seorsim excalefacere vinum rubrum optimum, (de alicanto si profuerit) demum in vas igne exceptum, duplam aut triplam quantitatem alterius lactis aluminis injicere, atque in eam miscellam immergere lintea duplicata, ac calidè admovere; sed quorsum plura, cum prædicta satis efficacia sint. Ridiculum se præbet qui tophorum dissolutionem pollicetur, nam si induruerint, tale quid tentare, laterem lavare est: sed materia existente adhuc viscidâ, credo rem non omnino esse impossibilem, si modò nanciscamur remedium quod illam subeat, ac similitudine substantiæ cum illa conveniat; Tale est sal armoniacum, tum naturale tum artificiale, imò compositum ex fuligine & urina animalium. Sed sal urinæ volatile, crebris depuratum sublimationibus, viribus antecellit. Partium poris sufficienter reaseratis, vel balnei ope vel Laconici, aut ad lixivii vaporem, parati cum facibus aut scoriis flavis reguli antimonii: (cujus sulphur potentissimè

attract: nec minori dissolvendi vi pollet) Accipiat sal urinæ, misceatur cum optimo spiritu vini, ex hac mixtura fiat fots: Oleum arsenici digerit & ad superficiem allicit, nec remedium extat hoc in opere equiparandum; si tantillum ejus misceatur cum butyro Majali vel alia pinguedine, leniterque inungantur artus: Dissipantur aliquando ejusmodi tumores exsudante materiâ quadam viscidâ, pinguedinem referente, & sæpè exoriuntur pustulæ aquæ guttas fundentes non secus ac ova igni exposita. Cardio verò, circa hujus remedii usum, in hoc vertitur, ne fellinatio quærat, ejus enim effectus sæpè duodecimo demum, vel decimo quinto die se exferit. Quidam, ut Dariosus, apertionem partium circa articulos per ruptoria moliantur; & ante factam ullam concretionem utiliter vesicatoria admovent. Ego autem in ea sum sententia priorum consilium supervacaneum esse, atque eum qui mali causam antecedentem per remedia intus assumpta impugnarit, externis faciliè posse carere, vel saltem à dolorificis hisce abstinere, cum iniquum sit afflicto afflictionem addere. Priusquam colophonem imponam de sanguinis missione aliquid adjiciendum, quæ in corporibus plethoricis, in iis qui lautè & opiparè vivunt, nullo indulgent, præcautionis gratiâ nunquam non fieri debet: vere brachii venæ tundantur & autumno: In melancholicis referentur hæmorrhoides; mulieribus cieantur menses si substituerint: Galenus intrepidè asserit præservaneum esse auxilium in maximis doloribus, præcipibus fluxionibus & ingentibus inflammationibus: his tribus sæpè simul concurrentibus primo podagræ insultu, quis eam sæpius instituendam negaverit, juxta necessitatis urgentiam? Hujus remedii cum tam eximia sit utilitas, quodnam quæso majori certitudine, minusque ancipiti spe poterit decerni? Nunquid in urgentia dolorum purgationi anteponenda? Quanquam Bayrus asserat se ipsum podagra ad extremum afflictum, ab assumpto Electr. suo Caryocostino in doloris urgentia, semper libertatem pedum restitutam fuisse, ut solus, ne rine fulciete, sellam perforatam adire valuerit: Pie illi fidem adhibeamus, Medico quippè docto, seni & experientissimo: Constat tamen vel non purgandos podagricos urgentibus doloribus, vel id ad faciendum, aliter commotâ camarinâ malum ingravescere certum est: præcavebitur id damnum si ea ipsa die qua assumptum purgans, exhibeatur noctu laudani dosis, ut supra dictum; Eo pacto orgasmus humorum sistitur, figuntur spiritus, tandem imminuta causa mitigatur malum, restituiturque natura pristinæ libertati. Positis his regulis, non difficilis erit usurpatio plurium particularium remediorum, præter specifica dicia: sed multitudo deterret ægros, confusionemque invehit tum in Medici animum, tum eorum qui ægro assident: Et quanquam sylvam medicamentorum huc adduxerim, non ea tamen mihi mens est, ut omnia in usum duci debere velim in eodem subjecto: Medici est ea eligere quæ unicuique ægotanti commoda credit: Medicinalia consilia artis magistros directores habere debent, quo rectus usus ineatur & opportunus, hincque utilitas

litas emergat, futura aliàs gladius in manu furiosi, si quis vero artis ignarus iis intendit uti, deceptum se à sinistro usu agnoscat: dicat idem totam curationis summam in electione opportuni temporis sitam esse, quod non omnibus obvium est, sed iis tantum qui in artis operibus consenuere & e nos acquiescere; hæc non annus nedium dies una docet. Antequam finem faciam illud moneo, hoc consilium ab amico extortum, atque in ejus gratiam & reverentiam à me conscriptum fuisse, ejus curiositati potius quam necessitati satisfacturo. *Theod. Turquetus de Mayerne Tract. de Arthritide.*

Arthritidis cura est in causæ sublatione; hoc est flatum, oīa inter periostium neque delitescunt evaporatione, quæ apud Japonenses hoc modo perficitur. Tenuiora folia summitatesque artemisia latifolia colligunt, collecta siccant in umbra, siccata manibus fricant ambabus, cauliculos, foliorum fibrillas, aliasve inutiles reliquias, vel sordes abjiciunt, catenam molluginem servant ad usum, quæ tum gossypii instar est, si præparata sit bene. Ille est moxam aptandi modus, tum apud Japonenses, tum Sinas vulg. tissimus, lippisque & tonsoribus non minus quam insignibus quasi Doctoribus notus: Nec minus communis est isthæc medicina quam ejus usus; hic enim copiosius quam alibi infelix lolium, illa panacea crescit. Hanc igitur ex arefacta ac mundata artemisia molluginem, pollicis ac prioris digiti apicibus in parvam, minoris pisi, vel paulo amplius, magnitudinis, formant stupam, acutiori prismate, basilariore prædictam: Vel etiam purificatum herbæ gossypium charta obvolvunt, & diducta palma circum volutant, ut illa plantarum lana magis & aqualius compingatur, de qua sua cultro præsciindunt stupas, duos circiter scriptorios calamos crassas, quas dolenti loco (digito parum saliva imbuto prius submadefacto) imponunt, atque ellychnio aliove vel flammæ vel ignis subiecto (sic sæpè una stupa sequentem alteram) incendunt, ut hoc medio articulorum ille tortor, doloris omnis autor, flatus extricetur, & agatur in fugam. Has ergo artemisiales turradulas, vel plana manu, vel extremis digitis inurendæ parti imponunt. At hic primò arteriarum pulsus in affecto loco explorandus est (quod Sinæ Japonensesque non ita attendunt) ut ex cūis constet de flatum hospitio. Quin corpus servandum est in eodem situ; uti dicæ gentes notant. Hanc ergo facile combustibilem, modò siccata sit congruè, stupam (quam idcirco etiam in ignariis suis pixidibus secum portant Sinæ) in apice cum conflagrante bacillo (quem potentiores Sinesium, non Japonensium quantum mihi saltem constitit, ex rebus aromaticis in olfactus delicias confici curant) accendunt; quæ lentè ardens flamma turriculam hanc in cineres non omnino convertit, sed parvum ejus segmentum in basi, inquit, quod epidermida nulla violentia attrahit, pustulamve, sed plerumque cineritiam tantum maculam, etiam si quoque sæpius super eadem plagula illa renoveretur inustio, superstitem finit; quoniam cucurbitulæ instar peccantes humores, teste visu, illiciens, eosdem imbibit, ut plene consumi, cutemve

nimis corrodere nequeat; humores enim ad hoc stupæ incendium celerius etiam conduunt, quam in urbe vicini paries cum proximus ardet. Neque valde dolorifica est (quod, præter ingens levamen, hoc genus auxilii summopere commendat) inustio; mollis namque est hæc stupa, nec spissa, nec magna, neque ad ipsam cutem flamma penetrans, atque ipsa conflagratio momentanea est. Hæc imbecillioribus in locis ter quaterve communiter reiteratur inustio; aliis vero in plagis, si robustiores sint, flatusque profundius hæreant; Verbi gratiâ in Ischiade (in qua crustas valde multas, magnas, ubi Sineses ac Japonenses parvas, ac inter se propinquas inurendas præcipit Hippocrates) quandoque vices, trigesies, etiam quinquagesies, imò pluries, illa repetitur; donec male suadus ille flatus exhalet; atque hinc nullus mali alicujus metus est, neve doloris reliquæ; & quamprimum finitum est hoc comburium, licet inustam partem tractare, vel pro lubitu comprimere; hoc enim dolorem sedat, & ut plurimum tollit moxam incendium, si bene successerit.

Inustionis hujus utilitati quidam contrariam, uti supra attigi, experientiam opponunt, dicentes, quod podagrici inustionum vexaminibus animales simul & vitales vires exantlent, nutritionem vitient, & (quod quidem levissimum est) cutis plantarum cicatricibus deforment. Verum in Japoniam ac Sinam concedant illi antagonistæ, ubi experientur homines cujusvis ætatis, sexus ac conditionis, in quocunque doloris, cum externi, tum interni, insultu, nec non tumoris accessu sua moxa urere, & crebrius urendo robustiores evadere, urere etiam tametsi sani degant, ad formidati mali procataresin: Quanquam, fateor, nonnunquam contingat, ut longâ, forti, & sæpius iteratâ inustione in leipothymiam condecidant; & inustio hæc in regionibus calidis (ubi per perpetuò patulos corporis poros spiritus plures exeunt) minus prodest, quam in locis frigidioribus, ubi corporis habitus contrario se habet modo. Præterea etiam macri tenerique non ita fortiter, nec ita frequenter, quam validi carnosique, urendi sunt. Et quod cicatrices attinet; ego saltem existimo, sanitatem ægritudini præferendam. Verè igitur, quod de igne generatim Plinius, de hac inustoria stupa sigillatim dixero; est & ipsi igni medica vis; maxima autem nostro: Ita valentissimum super omnia medicinæ auxilium simpliciter esse ignem comprobat Galenus, ubi dicit; Inustio ex his est præsidiis, quod totam ejus quod infestat substantiam exinaniant. Quod sic interpretatur M. A. Severinus; Nullum esse vitium tam ferreum ac impenetrabile, quod vi ignis domari non queat; præsertim si ejusdem vires atque usus ad amissum intelligantur: Uti hæc non minus acutè, quam prolixè persequitur prædictus autor: Quippe uti flamma aëre, tanquam suo pabulo ac incitabulo fovetur, sic hæc artificialis inustio noxiis flatibus, eorum flabellis, magis succenditur, & quod primarium est, eosdem exhaurit atque dispellit. Attamen debiliori naturæ subveniendum, levisque separanda escara est, hoc pacto; Contusum allium escaram imponendum;

ponendum, quod iterum ejusdem corticis lamella, in ore parumper humectata, contegendum, ut emplastri loco serviat; atque ita post diem naturalem auferenda sunt ista ex alio tegumenta; nam separationi tunc proxima est crustula; postquam, dum decidit, pellucidior in cuticula cicatrix remanet, rarius rotunda pustula; quæ si nihilominus suboriatur, minuitiore forcipe leviter incidenda est, ut peccanti materiæ exitus pateat: Verum abstinendum à violentis mediis; nec fortioribus instrumentis, scalpello cultellove, &c. auferenda est illa crusta: Uti barbara Hottentorum gens solet, quæ, si pars quæpiam læsa lenioribus (nam præter ovillum, bubulum, vaccinumve sebum in extremis doloribus nullum agnoscunt pharmacum) telorum acumine (quibus hostes aggrediuntur externos) internos etiam dolores demere conantur; dum post violentam scarificationem, mali causam exurgere tentant ore; quos inter optimus ille Chirurgus est, qui fortius sugere novit. Verum quis nostratium crudelem illum medendi ritum non aspernetur? Cum exinde dolor exacerbetur, hinc febris sæpe numero sobolescat: Escara illa facili ratione tollitur, si modo plantaginis folium (rusticorum apud Japones communis in vulneribus & ulceribus medicina) betæ, brassicæ, Syri &c. modicè tostum manibusque frictum, ut mollescat, applicetur; atque ita patienti animo crustulæ decidentia expectetur & cura. Ubi notandum si illa plantaginis folia (ignitis carbonibus prius imposita, ut lentescant & concidant, manuumque palmis compacta iterum explicentur) nervoso sui latere calidè simul & humidè applicentur, illinc fonticuli instar ichor exsudere; si verò parte glabra adhibeantur (cum consolidationem exigit ulcusculum) illa citò & sine notabili cicatrice (quod cum negligunt Japones, & unctuosa putrilagine luxuriare plagam, & emanantem incrudescere saniem faciant, deformibus ex hac inustione nævis faciuntur) coalescit vulnusculum, convenientius etiam quàm si vel electa instrata fuissent emplastra, propter pinguedinem maximè postponenda. Verum non est præcipitanda illa escaræ ablatio, etiam si plagulæ levissimè tantum adhæreat; Naturæ remittendum illud opus, neque sistendus est saniei fluxus; neve globulorum introductione excitandi sunt meri fonticuli; suo pte exeat, quantum velit odor: Quare diutius illa folia fibrilloso latere super plagam retinenda sunt, quia sic insanum ichor liberius effluit; verum parte glabra non ita diu; quia tunc nimis citò vulnusculum consolidant; servanda ergo super plagam nervosa foliorum facies, & ne illa decident, obliganda, vel conglutinantibus emplastris (si ligaturas non ferat plaga) detinenda, atque ad minimum bis viginti quatuor horarum spatio renovanda sunt. Si verò plantago (quæ in Sina ac Japonia, ubi hic medendi modus usitatissimus est, per quam abundat) deficiat, brassica, beta, tussilago, hederæ, vel consimilia substitui possunt: Quæ si defint singula, uti mare peragrantibus accidit, diapalmæ, basiliconis, vel, quod magis probò, sticticum Paracelsi, alteriusve emplastrum succedaneum sit.

Ast tanti non est monstrasse portum, nisi scopuli, qui cum periculo allidi possunt, simul ostendantur. Prohibent igitur Japones, quorum inustionis praxim hic imprimis doceo.

1. Ne in febribus ardentibus, sive continentibus, sive continuis quamdiu illæ typum servant, vel exacerbationes cum suis accidentibus patiuntur, corpora inurantur moxæ, experti febrem cum suis symptomatibus exinde intendi.

2. Moxæ usum vetant in intermittentium paroxysmo, quod accurate observant Japones; verum extra eundem inustionem hanc seduli inculcant & strenuè administrant.

3. Moxæ comburium interdicunt in gravidine; secus febrem, eamque nonnunquam gravissimam, supervenire inquirunt, præsertim si corpus tegnentis non bene muniant: Quod semper in inustionis opere observandum injungunt ob metum febris, uti experientia comprobant; secus enim externum aeris frigus adapertis inustione poris, quibus flatus egressi fuere, se insinuat, atque vetus malum in pejus sæpe pervertit.

4. Gravidæ etiam urere, nisi centum diebus jam transactis, recusant: Quod de his locis intellectum velim; namque non semel faminas fatum recentis enixas adversus cephalalgiam, aliosve cum capitis, tum pectoris dolores magno cum levamine inuri præcepi.

Post inustionem, (hoc est, primis post primam inustionem diebus) ustam partem digito, vel potius munda syndone, in aqua calida ac subsalsa leviculè tinctis, & lenissimè, formidine febris, iteratò molliterque contrectant; præcavescentes, ne aqua nimiam salsuginem contraxerit, digitusque perfrigidus, præhumidusve sit. Quanquam hæc monitoria regula in omnibus non habeat locum; id tamen commodi adfert probè observata, quod purulentum ichor ex inusto stigmate, citius tutiusque proleat.

His adde, si lubet, Hippocratis monitum; Dextras urere aut secare lethalius (saltem damnosius) esse.

Enim verò quibus hic labor nimius videtur (nam Japones veri *μισοποιοι* sunt) aliis cauteriis actualibus utuntur; in quorum usu illam præceptorum exactitudinem non sequuntur; Conficiunt ergo ex siccis integrisque artemisiæ &c. foliis herbaceam turundam, digitum longitudine, non crassitie superantem; hac longiuscula stupâ inurendam partem octies deciesve cautè tangunt & leviter, ast ultima vice eandem plagam aliquanto fortius imprimunt. Hanc & prædictam pariter operationem *Sin kin* nuncupant Japones, cujus nomen & usum à Sinis (quibus hæc hodie saltem non ita familiaris est) accepere: Huic ego vulgatam cum moxæ inustionem anteponebam. Ad quam juxta artis leges bene absolvendam suam habent schemata Sineses & Japonenses Practici, in quibus loca totius corporis perustioni designata notarunt exigua anatomes notitia: Malim ipsos consuli sensus & venas pulsantes in circuitu inuri. Hanc pyrotechniam chirurgicam plerique Japonum ad morborum prophylaxim quotannis saltem semel, ut plurimum bis, imò pluries, administrant; eodem quo nostratium

nostratum multi ritu, qui ad ægritudinum præservationem, præsertim venæ tempestate, cum in orgasmo sunt humores, corpus evacua- re & sanguinem fundere assuevere.

Hactenus *Wilhelmus Ter. Royne Dissertat. de Arthrit.* Quibus non omnino consentit *Herman. Nicol. Grimm.* qui compendii sui medico chymici pag. 361. sic scribit. In India Arthritis inter primarios & inanos versatur. Hujus causa est quod sanguini suum sal volatile supprimi- tur; unde nihil, nisi acris & acidus succus ner- vosus generatur; ad quod non parum facit pra- va diæta, aer calidus & excessus in horto ve- nereo. Sed hac de re quid dicam, nisi quod fortè iusta Dei pœna hisce hominibus superveniat? Nam plurimi ex interioribus in manus barbitonorum conscientia carentium incidunt, qui propter avaritiam omnes eodem modo tractant. Quamprimum enim de dolore ca- pitis, humeri, brachii &c. conqueruntur, statim lue venerea infectis adjunguntur, pro- beque mercurio unguntur, ita ut debilis san- guis adhuc magis sudando exhauriatur, & illi miserius ex Nosocomio venereo exeant, quàm introiverint. Plurimi ditiores sese quidem (quod gustus inferni est) exuri permittunt; sed sine fructu, nisi fortè subtilis & volati- lis vapor solum, modo partibus exterioribus inideat.

Consultationes.

Pro præservatione Arthritidis, sanguinis missionem, & purgationem, certis anni tem- poribus, tibi pronua judico; ut & usum decocti ligni Guajaci. Inter utrumque tempus purgationis, videretur mihi consultum esse, uti aliquando leviori purganti medicamento, quod prima solum viscera aliquando aggravata expurgaret, quare sit usus hujus electuarii fre- quens.

℞. Succus fœnicul. depurati lib. ij. mell. de- spumat. ℥ij. coq. lento igne usque ad succ. con- sumptionem, frigefacto adde hermodact. ʒiſs. M. dosi Castaneæ magnitudo bis terve in heb- domada cum decocti anisi, fœniculi; carvi sem. agar. ʒiſs. hujus loco velim aliquando in in- gressu mensæ assumere cochlear unum Syr. de Sp̃n. Cervin. quem sæpè in hac dispositione proficuum cognovi, exhibeatur dissolutus in vino vel jure carniū, & quoniam ferè solum serosum humorem educit, & aliqua ex parte biliosum, minus pituitosum & crassum, pote- ris aliquando uti his pilulis videlicet semel in mense.

℞. Agar. troch. hermodact. ana ʒiſs. tur- bith. elect. ʒi. trochisc. alhand. ʒiſs. mirobal. Chebul. Citrin. ana ʒiij. rhei, mastich. Zinzib. ana ʒij. spec. hier. simpl. ʒi. cum melle rosac. f. pasta pro pilul. quæ crassa & viscida recre- menta educunt potissimum. Ut artus firmen- tur advigilandum ne pedes, vel ceteri artus nullo frigore premantur, aut humore madescant, abstergendi tam vesperi quam mane sicciore linteo. Lavandi item singulis 14. diebus aqua chalybeata, salsa incoctis rosis, salvia, iva, verbasco, artemisia, vel id genus similibus. Post ablutionem perungendi oleo rosaceo om- phacino, intrito sale. Ad mali præsentis Cu-

rationem jam veniendum. Jui principio in- fluens humor statim vacuandus venit, & revel- lendus, quod commodissimè fieri potest vo- mitu & medicamento purgante: quod licet quibusdam non probetur, tamen ego multâ experientiâ didici mirum in modum prodesse, neque novum illud est, & inusitatum: etenim *Trallianus* lib. ij. expressis verbis jubet exhi- benda solutiva, non solum præservationis ra- tione, per morbi intervalla, sed in ipsis mali paroxysmis. Intercipiuntur viæ, ut dictum est supra, quoties medicamentum purgans per os assumendum erit: nam sic fiet, ut exa- gitatus & ad motionem expeditus humor, mi- nus illabatur in juncturas. Si dolor vehemens accesserit, utatur hoc cataplasmate quo fre- quenter feliciter usus sum in magnis doloribus tam ischiadis, quàm podagræ.

℞. Cicutæ, parietari. Lapath. malv. ana quantum placet, coque in vino albo bono, co- ctis & contusis adde axungiam porcina re- centem & subtilissimè tritum fursur. Et f. Ca- taplasma, applicetur loco dolenti, postquam fluxio destitit & dolor cessavit humoris resolu- tio tentanda est fortè cum decocto rad. althææ flor. stachad. Lavendul. Calameth. Cham- mel. Melil. & salis momenti, & hoc Ce- rato.

℞. Diacalcit. ʒiij. diachyl. ireat ʒi. Em- plastr. è melilot. vel oxycroc. (ubi magis resol- vere velis) ʒss. emolliantur instillato oleo vul- pino, & extend. super alutam. In hunc uñm etiam mirè valet decoctum vulpis integri ad- jectis ranis, & lumbricis, & herbis paulo ante dictis, hisce addam (licet quæ hæcenus scripsi sufficiant) hoc naturale remedium, cujus ego experimentum vidi hisce meis oculis. Episco- pus quidam mihi familiariter notus, graviter laborabat arthritide: Cum ubique auxilium imploraret, remediaque undique conquireret, intelligit Monachum quendam eodem morbo laborantem, remedio sequenti curatum esse. Accipiat testudo mascula (cognoscitur inter cætera ex caudæ discrimine, & leni, sub infe- riore testa incisura) ubi luna fuerit maximè lu- mine diminuta, priusquam cum sole conjunga- tur: amputentur vivæ crura omnia, ea consuta in sacculos, ex pelle hœdina angustos, alligen- tur membris patientibus, ita ut dextrum crus testudinis dextro cruri ægrotantis respondeat, sinistrum sinistro: item anterius crus dextrum, brachio dextro applicetur, sinistrum sini- stro, quo loco alligari debeant non expressit Sculus Medicus cujus fuit experimentum cer- tissimum: Monachus verò supra genua suspen- derat, & in brachiis supra cubita. Quibus postquam usus esset, capit paulatim melius habere, genua quæ humore mirum turgida fue- rant, cæterique pedum articuli egregiè detu- muerunt, adeo ut membra jam agilia sine sci- pione levarentur. Aptavimus his intellectis idem remedium Episcopo, ex quo tempore ca- pit paulatim melius habere, sed cum statim mihi abeundum fuit, intelligere non potui an penitus convalesceret. De differentia testudi- nis nihil addidit Monachus: Si quid tamen in- de auxilii sperandum sit, arbitror in podagra frigida, applicandas terrestres; in calida aqua- ticas. Nam illud discrimen observare soleo,

in unguento quodam quod ex testudinibus ad arthritidem compono, quo alias sum feliciter usus. Nolim hoc aut simile remedium parvi fieri, quod ab usu communi, aut à ratione alienum videatur: nam multa sunt in rerum natura, quæ experientia talia comprobant; licet ratio nihil inveniat, quo illa dijudicet. *Reinerus Solena der. Consil. 20. Sect. 1.*

De Doloribus Articularibus, Colicis, & Nephriticis. Pro Sereniss. Vladislao, Polonia, & Suecia Rege.

Ad Clariss. Jo. Gasparem Crafft. Regiæ Majestatis Archiatrum.

Serenissimus Rex, naturalem eam totius corporis, & partium principum constitutionem sortitus, quam accuratissime expressit Clarissimus ejus Archiater; non sine hæreditaria labe, doloribus Arthriticis, Colicis & Nephriticis per intervalla torquetur; quorum quidem arthritis nunc sævit atrocius, & diutius, ad augmentum quippe perducta; a renibus forsan, & intestinis ad articulos tota irrumpente materia; non quidem errore natura doctissimæ, quamvis non didicerit, ex Hippocr. cum leviores sint articulorum morbi, quam aliarum partium.

Quorum omnium causa materialis frigida omnino est prædominio, tartareæ particeps, calidiusculis serositatibus immixta; cujus causam eandem agnoscimus hæreditariam dispositionem, quæ affectas partes imbecilliores produxit: ut propterea frequentius dolores hujusmodi invicem connectantur; atque rarò arthritici, non aliquando nephritici, & colici doloribus divexati fuerint. Et quamvis omnium fons, & origo referri possit ad viscerum naturalium intemperies; censem tamen, capitis humiditatem primas obtinere, à quo fluxiones ad articulos plerumque decurrunt; imbecillioris potissimum ex epilepsia, quæ antehac laboravit; cujus intemperiei luculenta habuimus indicia; gravem nempe capitis præcedentem dolorem; quem primo excepit partium superiorum arthritis, quæ & omnes jam articulos obsidet.

Ex quibus patet, præsentem affectum omni quidem periculo vacare; cujus tamen difficillima sanatio sit futura, perfecta saltem, imò nec præservatio effatu digna, & tuta satis, ac diuturna; cum sit antiquus, hereditarius; atque roboratis articulis, immineat periculum, ne materia in penitiora corporis remeante, dolores nephriticos, & colicos excuset. Quidquid eorum sit, in certa spe sumus, fore ut Serenissimus Rex, hoc in primis tempore, quamprimum à præsentis insultu incolumis evadat; cum jam in declivi sit, & remedia nuper adhibita juvamento fuerint; usque adeò quidem, ut nullum vestigium superstes sit futurum eorum humorum, qui articulos obsederunt; atque cum humores, tenues alioquin, brevi adeò temporis spatio in nodos concrevere non potuerint, de aliqua saltem præservatione certior allucet spes; accedente in primis temperantia Serenissim. Regis, qui tantum non est abstemius, & quod palmarium est, exercitiis

addictus; eam potissimum sortitus constitutionem à natura ortu, quæ morborum est medicatrix, ut ab affectu æquè pertinaci, ac gravi convalescere potuerit; Epilepsia scilicet & quidem ea ætate, quæ difficillime plerique sanantur.

Agitur verò nunc de superstitie materia in articulis discutienda. Quod quidem si hætenus ad vota Clarissimi Archiatri non successit; probatur nobis exercitium par viribus Regiæ Majestatis; non tamen equo; juxta Hipp. præceptum, à quo solo Scythæ ischiade laborabant; necnon, & præ cæteris topicis, accommodata frictio manibus spiritu vini perfusis; infusione in eo facta florum ivæ, saviæ & rosmarini. Quod si fortè obduruerint humores; qui proinde validiori emollitione, & dissolutione opus habeant, confugiendum primò ad Gal. *Emplastrum ex caseo veteri, & perna decocto*; atque ejusdem *oleum vetus salinum, sissimigia*, & alia, quæ his proportionem respondeant. Quo autem, favente Numine, res ad vota magis succedat, instituenda est blanda, & familiaris aliqua purgatio, cum universalis, tum particularis capitis: atque hoc exsiccandum, missis calidis; roboratis pro virili articulis: quanquam fieri nulla ratione posse censemus, ut hæreditaria eorum imbecillitas, seu laxitas omnino amovetur. Victus ratio est adhibenda, atque si, quod veremur, accessio aliquando invadat, localia erunt usurpanda.

Purgationem universalem quod spectat, ea bis in anno omnino repetenda; levioribus tamen medicamentis; atque missa etiam venæ sectione, si abundè fluxerint hæmorrhoides: sin minus quam pro usu, Vere saltem, ex Hipp. & Galen. præcepto, sanguis modicè educatur. In purgantibus vero, clysteres locum habent; quorum usus aliorum purgantium erit vice Vere, & Autumno, atque sæviente ischiade; acriorum etiam præsentis erit remedio, addita *colocynthide*; quanquam & sint utiles futuri purgationis familiaris loco, quolibet tempore, & Hipp. 6. Epid. 3. & Lib. de Humoribus, sub finem, his verbis: *si doloribus articularibus intestinorum à dextra parte superveniat dolor, reddit agrum quietiorem; hoc autem curatio, magis dolet*. In quam rem dejectiones etiam in ischiade commendavit Lib. de Affectionibus. Quod si accurata adeò purgatio exigi non videretur, medicamentum saltem aliquod habeat in familiari usu, præter clysteres præscriptos, paratum *ex pilulis arthriticis, aut de hiera cum agarico*; quarum vis augebitur, exigente quandoque usu, addito modico *pulvere hermodactylato*; qui hac formula Patavii prostat.

℞. Turbith. hermodactyl. pulverisatorum ana ℥i. sem. diagrydii ℥iij. Zinziber. ℥i. sacchar. alb. ℥ss. cujus compositi integra dosis est ℥i. quorum loco vomitus esse posset, si ipsi Sereniss. posset assuescere; quod facilius à cibo, & oxymel. usu consequetur. Purgatio capitis fiet errhinis, & apoplegmatisimis notissimis: atque ex Fernelii consilio, cujus opinio in hoc casu rationi est consentanea, perfrictiones ad ejus futuras, & occiput, sacculis calidis, sale, fursibus, milio, & seminibus calidis repletis. Quibus tamen hoc tempore

tempore supersedendum duximus, cum dolores in declinatione sint universales: atque vigeat æstus; non sine aliqua virium imbecillitate; spe freti, fore ut pauca in articulis superstes materia, exercitiis, & victu paulò tenuiori, & attenuante potissimum, tuturo tempore calidiore; atque diaphoreticorum inprimis, & topicorum à Doctissimis Viris præscribendorum usu, elidi prorsus, & dissolvi possit. Alios scopos quod attinet, tempore frigidiori, in quamplurimum internorum remedium censu, quæ ex usu esse possunt, probatur nobis præ cæteris Terebinthina Cypria; immixtis ossibus combustis, & iva arthritica, cum modico balsamo Orientali. Conferet enim summo opere emundandis renibus, & roborando ventriculo, ac intestinis: in cuius usu, ne nova materia ad renes influat, dejectorium sæpius præscribendum. In externis, instar omnium erit inunctio, tot laudibus à Gal. celebrata ex oleo veteri salito; vel præscripta frictio, cum aqua vitæ; non neglecta materia, quæ in dies succrescit, & ad articulos illabi possit; quæ omnino divertenda est, & evacuanda, vomitu, dejectione, & sudore; ne roboratis articulis ad partem aliquam nobiliorem irrumpat, & graviora inferat mala. In quam rem, & eadem lege, opportunus erit usus illarum aquarum Thermalium, quæ antehac juvamento fuerunt; ut & Vinaceorum vindemiæ tempore. Commendantur autem Hipp. & aliis Græcis, ad præservationem, & sanationem, inunctiones in ipsis articulis, cum potissimum dolores à mucosa materia ad articulos laxiores influente ortum ducunt. Nec abs re, cum magna vi polleat ignis absumendi materiam vitcidam, & lentam; articulos roborandi, & constringendi. Quod tamen remedium in doloribus universalibus Regis Sereniss. locum non habet; nisi dolor ischiadicus majus f. cesseret negotium, atque refractarius, & pervicax evaderet. Tunc enim inurenda esset pars affecta juxta Hipp. consilium 6. Aphor. vel ferro candente, vel si Sereniss. Rex hoc respueret, medicamento caustico, quod commendat Gal. ex radice Iberidis, confusa cum adipe suillo; Materiam verò divertendæ, & pro tuto magis usu remediorum corroborantium, fonticulus sinistro brachio inustus præsentis esset remedio, si admitteretur. Invadente verò arthritide, potissima cura sita est in internis remediis, & victu. Interna in ipso principio constantibus viribus, validiora usurpentur; puta, pulvis hermodactylatus; vel pilulæ de hermodactylis; exhibito ea die ipsa purgante medicamento, quia turget materia, ex Gal. præcepto. Sæpius enim non minus æstuant, atque ad fluxiones proclives sunt humores in arthritide, quam turgentes; ac proinde ad evacuationem æquè proni. In victu, quiescendum in accessionibus; & à vino abstinendum; cibo tenuiori utendum. Atque si his demulcebatur dolor, topicis supersedendum; cum periculo prorsus non vacent. Repellentia verò quod attinet, urgentibus doloribus; videntur quidem ex usu, ex Hipp. 5. Aphor. 25. ubi commendat frigidam largè affusam parti affectæ; quod scilicet *levat, & extenuat, solvique dolorem*. Cui adstipulantur plures Me-

dicinæ Scriptores, dum ad opiata confugiunt, irritò repellentium usu. Verum quia Erasus inter Recentiores, quælibet repellentia improbat, quarta Disputatione contra Paracellum, illius sententiam nos quoque amplectimur, in hac arthritide à materia frigida; cui consultius ducimus supersedere quibuslibet localibus; ne materia magis impingatur, & inculcetur in parte affecta, evadatque arthritis tophacea, & immedicabilis: quanquam sæviante dolore, leviora concedantur; ut aqua rosarum primò, cum albumine ovi; mox & cum vitellis, & modico aceto; vel perfusio partis affectæ lacte tepido chalybeato; vel fots ex moderatè calidis, ab Hipp. commendatis, Libro de Affectionibus; qui 5. Aphor. cit. affusam frigidam parti affectæ in arthritide calida præscribit; ex Gal. in Com.

Extra accessiones, & earum declinatione, hæc potissima; in victus ratione, cibi, & potus parsimonia, ac temperantia; hæmorrhoidum modicus fluxus; repetita sæpius purgatio totius, & capitis; atque in rebus omnibus nonnaturalibus temperantia. Tandem cum nec rustici Podagra torqueantur, nec eunuchi, & pueri, ante Venereorum usum; neque mulieres, quibus menstrua non defecerint: id quidem Hippocr. ævo contigit, quo nullos in victus norma committebant errores: Galeni tamen seculo, & nostro potissimum, pueros, eunuchos, & mulieres podagra exercet, ob promiscuam vitæ rationem in omnibus sex rebus nonnaturalibus. Potus medicatus parabitur ex cerevisia, & immixta mulla, vel aliquo hujusmodi ex melle illi affuso. Atque hæc in Sereniss. Regis salutem potiora duximus: quam illi à Regum Rege, ferventibus votis precamur. Archiatro Præclariss. expendenda, & exigente usu administranda. *Bened. Sylvat. Consil. Centur. iij.*

Excellentissimus, Augustissimæ Majestatis Generalissimus, sexagesimum octavum annum agens, temperamenti totius & capitis calidi & humidi, cum aliquo excessu caloris in jecore & corde; qui in victus ratione satis cautè vivens, aëris tamen inclementiis, tum diurnis, tum nocturnis frequenter seipsum exposuit, ut Munus & Ministerium suum tanti momenti requisivit: incolumem nihilominus diuturno tempore vitam duxit: sed quinque jam transactis mensibus, prægressâ capitis molesta gravedine, non sine insueto calore, incidit in dolores articulares, pedes occupantes, dum antea ab occipite per dorsum & scapulas materiam defluentem sensibilibiter percipiebat. Dolores autem succedente tumore, remissi sunt, sed motus impotentiam reliquerunt, quæ adhuc in præsens perseverat. Et cum topicis medicamentis resolventibus & roborantibus hucusque adhibitis maium non cesserit, & salutis recuperandæ spem totam in Te, Vir Præclarissime, modo Viennæ commorante reposuerit, de agendis tum pro curatione, tum pro præservatione auxilium implorat.

Dolores articulares, quibus Excellentiss. Vir, Generalissimus Augustissimæ Cæsareæ Majestatis quinque abhinc mensibus correptus fuit, arthritici potius, quam podagrici, cum Hipp. appellandi sunt, qui non à partibus

læsis, à quibus inutiles desumi possint medicæ indicationes, sed potius à causa lædente nomen desumere solebant: & idcirco cum eodem Podagra nomen, & manibus, & pedibus competere potest, quotiescunque insignis fuerit dolor stabilis, & ægrè medicamentis cedens; sicut è contra Arthritis pedibus quoque competit, dum dolor non adeò fixus & stabilis, sed mobilis, ab uno ad alium articulum migrat, nec diuturnus est, sed facile medicamentis cedens; & ita causam respexit Hipp. ipse, quam expressit sub illis verbis, quod Podagra fiat à sanguine, à bile & pituita corrupto: Arthritis verò à bile & pituita commotis; ac si dixerit, Podagra provenit à crudo succo in visceribus coctionibus destillatis genito: Arthritis autem non ita, sed à materia pituitosa, eaque catarrhali; bili commista; & hinc Fernelius suum inventum facile deduxit: sicut enim Podagra à visceribus naturalibus sumit originem suam, & per venas succum crudum atque biliosum, sanguinem inquinantem, in articulos recipit, ita Arthritidis causa potissima in capite generatur, catarrhalis nempe materia, quæ biliosæ serositati immista, à jecore per venosum genus ad caput elata, non per vasa, sed per musculorum spatia ad articulos deferretur, sicque sine sanguinis corruptione, sive inquinamento, ex sola pituita & bilis commixtione arthritici dolores excitantur; quod quidem contigit Excellentissimo Viro, qui in victus ratione, quoad potuit, semper moderate vixit, nec de visceribus naturalibus quicquam conqueritur: æris autem inclementi & vigilias in Castris cum evitare nequiverit, capitis naturalem calidam & humidam intemperiem non parum adauxit, & idem ad pituitosæ catarrhalis materiæ productionem aptius reddidit: addita verò aliqua serositas biliosa in jecore genita, per venas, atque tandem per carotidas in caput facile elata, catarrhalem ipsam materiam ad partes inferiores, ad articulos scil. per musculorum spatia secum duxit, & dolores arthriticos peperit.

Quæ cum ita se habeant, non erit in Arte versatus, qui non videat fontem mali, ut dicebat Celsus, tolli & exiccati debere, si Præservatio ratio habeatur, cum affectus iste recidivare soleat: si verò Curationem expostulet, ut in casu præsentis, dum materia in articulis, si non omnino tophacea, saltem valde densa atque dura relictæ fuerit, tunc valde Emollientibus & parum Resolventibus est utendum, hisque toto tempore usque ad ver venturum, quo ineunda erit purgatio, primas vias expiando. Totum venosum genus quodammodo depurando; sed præsertim caput purgando, & ejusdem humidam intemperiem corrigendo: dum iisdem præsidiiis musculorum spatia exiccati, & articuli roborari poterunt.

Quibus intentionibus satisfieri posse sperandum, cum sexagesimum octavum annum suæ vitæ attingens, ab hujusmodi arthritica fluxione immunis semper vixerit, ex quo conjectari licet, naturalem ad hanc dispositionem non habuisse; sed ex accidenti propter injurias externas in eandem incidisse.

Quare alacri & confidenti animo erit ineunda Purgatio, & primò in præsens curativa,

menfe verò Aprilis venturo præservativa. Et pro enodandis articulis tumore affectis, Balneolum præscriptum adm. nistrandum erit, ex radicibus malvarum, altææ & liliorum alborum, in lixivio dulci, aut aqua comuni decoctis, paratum, in quo per horæ dimidium manè & vesperi erunt detinendæ atque tractandæ partes ipsæ affectæ; postea inungendæ linimento pariter ita præscripto.

℞. Adipis anserini ℥ij. pinguedin. felis ℥i. sal. alb. in patella torref. ct. aquæ vitæ juniperinæ ana ℥i. m. bulliant lento igne ad consumpt. aquæ, deinde reformetur linimentum; quo tempore congrua & parca erit servanda vivendi ratio.

Præservativa verò medela proximo Vere erit aggredienda. Et pro prima intentione, Leniens bis exhibendum erit.

℞. Pot. ex manna clarif. ℥vi. aquæ florum citri parum, m. f. potio.

Vel ℞. Syr. ros. solut. clarif. ℥vi. aq. florum citri parum, m. f. potio. Quinque verò inter mediis diebus sumat summo mane hujusmodi Præparans.

℞. Julap. acet. ℥ij. aq. florum citri ℥i. misc. pro syr. & sic pro aliis.

Pro secunda intentione, ad ulteriora præparantia deveniendum, & esse poterunt succi depurati, cum decoctione ita paranda.

℞. Succi depurat. cichor. borag. betonic. ana ℥i. decoct. in jure pullæ facti cichor. borag. endiviæ, acetos. ivæ arthriticæ ℥iv. m. pro syr. & sic pro septem aliis; quibus assumptis, præbeatur infusum hujusmodi.

℞. Rhabarb. opt. agarici trochisc. ana ℥i. fol. senæ Orient. mund. ℥ij. cinnam. integri ℥i. aq. meliss. q. s. m. inf. per hor. xij. deinde fiat fortis expressio, & colaturæ adde syrupi ros. solut. ℥iv. m. f. potio, cui, tribus transactis horis, superbibat seri capr. ℥b. s. duabus verò horis ab assumpto sero prandeat. Sed interim in horum dierum intermedio aperiatur jecora-ria dextra, & parce sanguis educatur.

Inde pro tertia intentione explenda, pilulæ capitales tribus vicibus, quarto aut quinto quoque die circa noctis dimidium erunt præbendæ, ut.

℞. Pilul. capitales Paracelsi ℥ij. m. f. pilulæ, & aurentur. Intermediis verò diebus assumat syrupos capitales ita parandos.

℞. Succi depur. cichor. betonic. ana ℥i. decoct. cichor. endiviæ, betonicæ, stœchados, chamædryos, chamæpityos ℥iv. m. pro syrupo, & sic pro aliis. Et interim Errhino aliquo capitis purgatio coadjuvanda erit, ut.

℞. Pulveris majoranæ, ireos Florent. ana ℥ij. nigellæ ℥i. m. pro Errhino.

Postrema tandem intentio Decocto sudorifico erit perficienda, sine quo reliqua non suffecerint; & ideò hypocaustum parandum erit, ut caput potissimum, una cum toto corpore sudet. Decoctum autem hunc in modum concinnandum.

℞. Sarsaparill. el. lign. visc. querc. ana ℥i. ligni rorismar. santal. alb. rasp. ℥ss. aq. still. cichor. lib. ij. betonicæ, ivæ arthriticæ an. ℥b. m. f. infus. per horas xxiv. deinde bull. ad consumpt. dimidij, & colatura servetur pro tribus vicibus, summo manè, hora una ante ingressum

gressum hypocausti assumenda. Pro potu verò consueto.

℥. Residuum lignorum, aq. comm. opt. ℔. xv. m. bulliant ad consumptionem tertiæ, in fine ebullitionis adde cinn. m. electr. integri ʒij. bulliant parum, deinde colaturæ adhuc ferventi adde sacchar. alb. ʒij. vel ad libitum, & frustula citri recentis, ut agit. nido fiat aqua, itaque dicta Cedrata. Maneat autem pri. is diebus in hypocausto solum per horæ quadrantem: cæteris per horæ dimidium, & non ulterius; mox iudet in lecto. Decimo vero quoque die præbeatur potio ex manna clarificata, & in hujus Decocti sudorifici usu quadraginta diebus perseveret, semel in die. Sed interim victus ratio non adeò tenuis esse debet, verum quotidie præter panem biscoctum, nucleos pineos, amygdalas atque passulas, in prandio caro assa est concedenda, aut palumbæ, aut pulli junioris: in cœna verò nonnunquam ptisan hordeacea. Quod si fortasse tumor durus in aliquo articulo remanserit, vesperi sub ingressu n. lecti pars ipsa petia, ol. lil. alb. imbuta, erit involuenda; totaque nocte detinenda: mane verò curandum ut pars ipsa in hypocausto sudet, pedes nimirum altiores detinendo. Mox quotidie à Sudore balneo præscripto erit utendum, & articulus nodosus præscripto linimento inungendus.

Quadragesima autem jam dictis diebus peractis, totum corpus vestibis diu ab ambiente frigido muniri debet, noctu verò operimentis, sive culcirris, ita ut quandoque sudor excutatur, articuli verò fluxionibus obnoxii, sed sani & immunes existentes, frequenter spiritu salis vola manus calida fricari debent, ut roborentur; & sub ingressum lecti Conserva aliqua capitalis in usum ducenda, ut e floribus betonicæ, vel roris marini: imo & anni tempore calido, etiam rosarum.

Quibus omnibus, quantum fieri poterit, congrua vivendi ratio erit addenda. Primò caput ab injuriis externis, tum calidis, tum frigidis erit custodiendum. Secundo Semel in die cibum capere, erit adversus hunc affectum egregium Præservativum: sin minus, saltem cœna sit parcissima atque frugalis, & decem saltem horis distet à prandio. Inter carnes omnino omitatur suilla, vitetur bubula, & animalia omnia annosa atque pingua: sic & extremitates, ut caput & pedes vituli &c. ita & caro volucrum & squ. tilium. Inter pisces vitentur canosi, glutinosi, Conchyliæ & Ostreae. Lacucinia omnia nocumentum aliquod afferre possunt, sed præsertim caseus, potissimum antiquus. Edulia ex pasta parata omitenda, exceptis levioribus, ut vermiculis Apulienibus, & hujusmodi. Omnia legumina debilitant articulos, hordeo & oryza exceptis. Ex oleribus caveat ab usu lactucae, fœniculi, apii, fungorum & tuberum. Ex fructibus permitti possunt fraga, melones optimi: nonnunquam persica & pyra cocta. Ex condimentis, abstinendum à larido suillo, ab allio, capis & aromatibus, excepto cinnamomo & pipere ruditer contuso; acida quoque nonnisi rarò usurpanda. Vinum sit rubrum, nec dulce, nec austerum, non valde generosum. Tertio somnus nocturnus saltem septem horarum necessa-

rius esset: quo deficiente, suppleat diurnus. Quarto exercitium, etiam laboriosum, quam maxime convenit, sed ante cibum ut propterea Hipp. dixerit, Labor articulis & carnibus, somnus visceribus. Ultimo alvus quotidie exoneranda, & si opus fuerit, arte sollicitanda prius aut passulis in vino dulci decoctis, saccharo aspersis, & in prima mensa comansis, superbibendo jus carniū tenue. Venus: utem articulos extremè lædit. Tandem animi pathemata, nisi evitari possint, saltem aliqua geniali consocietate divertantur. Quæ omnia eximio atque invicto Excellentiss. Viro à summo Leo salutaria ex corde precor. *Raymund. Jo. Fortis Consult. T. 2. Cent. 4.*

Illustrissimus vir trigesimum quintum annum agens, temperamenti totius ad humidum vergentis, hepatis tamen calidioris, habitus mollis & delicatioris, ex Patre podagrico natus, nonnullis abhinc annis arthritidis insultibus obnoxius, cum Autumno 1672. Roma discesserit, Bononiam perveniens, ibique commorans, post tempestatem Austrinam in hyemis principio eadem Arthritide universali, nempe omnium articulorum correptus fuit, eaque cæteris præteritis sæviori atque diuturniori, imo toto anno 1674. usque ad hunc diem, Tophis in manibus relictis. Cum autem hucusque nullo modo Præservationem ullam tentaverit, sed tantummodo ab accessionibus, levioribus medicamentis seipsum paraverit, modo variæ atque diversæ curationes hinc inde eidem considerandæ veniunt; quæ cum sibi invicem contrariæ & contra indicantes videantur, apud ipsum electio incerta, imò nulla restat. Inter multiplices autem quatuor proponuntur, iudicio tuo prudentissimo perpendendæ: Prima est, his in anno, primis expurgatis viis, circa Equinoctium, & semel misso sanguine, assumere serum vaccinum, aut caprinum stillatitium, cichoraceis, & malvis prius alteratum, hocque ad triginta dies, eo fine, ut corrigatur & edulcoretur acris atque salina qualitas in sanguine existens, quæ in accessionibus podagricis ad articulos præcipitatur. Secunda curatio est illa, quæ diuturno solius lactis vaccini usu, etiam in mensa perficitur; quod curationis & præservationis genus & Germani, & Galli, & Itali, præsertim Parmenses experti fuerunt. Tertius curandi modus, forsan à summa tua Prudentia inventus atque præscriptus, est vini Antipodagrici solutivi usus ad quadraginta dies, tum Verno, tum Autumnali tempore. Quartus modus de quo præsertim consilium à te petii, est, post prægressam totius & capitis convenientem expurgationem, Decocti sudorifici usus, quod quamvis communi Neotericorum opinioni contrarium videatur, attamen cum à te, pro temetipso, jam Podagrico existente, utiliter usurpatum fuerit, ab ore tuo pendere intendit Illustriss. iste vir, dum auxilium implorat.

Jure merito exclamabat Trallianus, unus ex Medicinæ Principibus, Podagram incurabilis nomen acquisivisse ob Medicorum inscitiam, ejusdem causam ad amissim ignorantium. Hinc fit ut medicamentum quod Podagricum aliquem sanat, alteri non prodest, imò sæpè noceat; & præterea multæ intentiones contra indicantes, pro individuorum diversitate, à Medicis

Artem callentibus proponantur, & felici successu executioni mandentur. Sic primus Purgationis modus pro Præservatione utilis esse poterit is, in quibus generatur copia biliosi & falsi humoris, sine tamen pituita mixtura, qua præsente, jam dictus medendi modus satis prodesse non poterit. Secundus modus nimirum diuturnus atque continuus lactis vaccini usus, juvabit gracilia corpora obstructionibus carentia, affectu hypochondriaco vacantia, caput humidum non habentia, neque destillationibus catarrhalibus obnoxia, & bile quidem, sed qualitate potius, quam quantitate peccante scatentia: in his enim Podagra facile nodosa & tophacea evadit; quibus absentibus conditionibus tantum abest ut lactis usus juvare possit, quin potius & Podagram augere, & alia lethalia mala inferre soleat. Circa tertium Præservationis modum, vinum Antipodagricum purgans medicatum, & a me in usum ductum, valde profuit habitu mediocri præditis, à catarrhali destillatione immunibus, sine excedenti jecoris calore; in quibus ob intensas applicationes & nimia studia, addita quoque libera victus ratione, cruditarum copia in venis acervatur, præsertim Æstate & Hyeme, quæ vere & Autumno à natura ad articulos pro minori malo transmittitur; unde Gal. cum Hipp. dicebat, quod *Dolores podagrici Hyeme & Æstate sunt: Vere autem & Autumno moriuntur.* Et idcirco cum vinum purgans ineunte Vere & Autumno, nimirum toto mense Martio & Septembri, in prima mensa quotidie epotum, cruditates epicratico modo per alvum educere valeat, mox Natura quicquam quod ad articulos deponat, amplius non habet: unde Præservatio. Postremus præservandi & simul curandi modus, consistit in Decocti exiccantis sudorifici usu; hoc utem competit destillationibus à capite obnoxiiis, & serositatibus quibuscunque scatentibus; quæ frequentissime in Junioribus podagricis observantur: ut propterea Decoctum sudorificum mirabile sit, tum pro serositatibus per corporis peripheriam educendis, & ab articulis divertendis: tum pro exiccandis spatiis, & delendis viis intermusculosis, per quas cum Fernel. frequenter humiditates ad articulos feruntur: atque tandem efficacissimum & unicum evadit remedium pro capite exiccando, & feliciter ejusdem humida intemperie auferenda; quam felicitatem expertus sum ego Podagricus triginta quinque annorum, ex Genitore podagrico natus, ter hucusque ad sexagesimum usque quintum ætatis annum hoc præstantissimo remedio ab arthriticis & podagricis doloribus curatus atque præservatus: absque eo, quod nec minimum quidem Podagræ vestigium in meipso modo septuagenario fuerit relictum. Verum tamen est quod exactissima diligentia & observatione eget remedium hujusmodi, sine qua plures recto neglecto usu, ad motum impotentes redditi fuerunt: cum eodem tempore quo partes mandantes exiccatione indigent, recipientes, à Podagra detentæ, sæpe humectatione egeant, ne tophacea evadat Podagra, si non est, neve magis confirmetur, si fuerit. Ex jam dictis omnibus apertum erit cuilibet in Arte perito, quantum Illustriss. Viro prodesse possit, imò quam necessa-

rium sit ut ad Medici præsentiam seipsum conferat, qui præservandi non solum, sed curandi quoque directionem præscripturus est. *Idem Tom. 2. Centur. 3.*

Cum Illustrissimus & Excellentissimus vir ex Matre podagrica natus, olim arthriticis & podagricis doloribus à capite & toto procedentibus fuerit tentatus, & tandem in consistente ætate majora remedia, Decocta scilicet sudorifica vinaque medicata purgantia in casum fuerit expertus, illud nobis dicendum venit, quod qui bonam victus rationem tenere nequeunt, is optimam medicinam præscripsisse supervacaneum fuerit; multi enim, dicebat Celsus, cum ex toto convalescerent, periculosa vitæ genus subito mutant, & inordinatè agunt, sicque, ut Aretæus, tanquam ab inferis elapsi, licentiosorem vitam ducunt: unde delicatos curandos non contingere, melius & fortunatius est, dicebat Aëtius. Et licet qui Veneri & Gulæ indulgent, si hereditaria his accedat imbecillitas in articulis, difficulter admodum præservari possint; nihilominus pronunciavit Hipp. quod qui juvenes sunt, & nondum tophos contraxerint, si Medico intelligenti obediens fuerint, accurate vivunt, laboris amantes, & alvum apertam servant, sanari, magisque præservari possunt; in quibus Virum Excellentissimum deliquisse minime dubito; & ideo & manus, & pedes, & cubitos, cruda à venis & catarrhalis à capite materia majori & vehementiori ferocia, quam antea, invadit, tumoresque & lxxos & duros, at non adhuc tophaceos reliquit.

Et quoniam novas & repetitas purgationes ægerime permittit, quas forsitan nec facile tolerare posset, idcirco ipem totam in congrua vivendi ratione reponens, hanc sibi præscribendam mihi mandavit, quam primo in hujusmodi affectibus universalem, secundo quidem particularem assignabo.

Et quidem summa prudentia Vir Excellentissimus ad rectam vivendi rationem confugit, cum Gal. asserat se non paucos Arthriticos vidisse, quibus jam articulorum omnia denudata fuerant, attenuante congrua victus ratione in totum perfanatos, alios ad multo meliorem statum redactos; quæ vivendi ratio cum in sex rerum non naturalium recto usu consistat, has omnes examinabo, eorumque salubrem usum Viro Excellentissimo significabo.

Et primo si de aere loquamur, ad calidum & siccum vergere debet; & licet consulat Celsus, loca, cælum & cibum esse sæpe mutanda, in meliorem tamen fieri semper debet mutatio.

Partes autem affectæ, pedes nimirum & manus, nec nimis caleant, nec nimis frigeant, & sicca potius, quam humida detineantur.

A radiis solaribus, à crepusculis cavere debet; neque caput hyeme igni exponetur, sicut neque æri ventoso ac nubiloso.

Secundo victus debet esse tenuis, tenuitatem tamen intelligendo respectivam, non absolutam, respectu scilicet victus savorum; & ideo Aët. audiendus non est, qui ab omni cibo & potu abstinentiam præcipit, sed potius cum Fernelio dimidium cibi & potus circumcidendum esse, dicendum, quod forsitan desumpsit à Paulo dicente, quod præcavet à Podagra ciborum

rum detractio, eorumque probitas; sicque re-
petebat Fernelius, quod famem interdum tole-
rare bonum.

Varietas tanquam pestis fugienda: minùs
enim nocet simplex cibus malus, quàm bono-
rum multiplicitas; simplex itaque cibus est,
non solum ut unus, verum & à condimentis im-
munis, coquorum enim adparatus est præcipua
cruditatum causa; nec ingeri debet novus ci-
bus, priori non bene confectio; nihil enim de-
terius, quàm comestio supra comestionem; sit
autem potius attenuans; non itaque crassus,
non glutinosus, non concoctu difficilis, sed te-
nuis substantiæ, pauci excrementi, facilis coctio-
nis & distributionis; nec alimenta sunt humo-
res fundenti, salsa, vaporosa & caput tentan-
tia.

Quare inter carnes vitentur suillæ, bubulæ.
licet à Tral. biliosis concedantur, ovinæ, aves
palustres; vitentur pariter extremitates ani-
malium, capita & pedes. Caro caponum suc-
cum quendam continet glutinosum, & propria
natura parum articulis amicum, præsertim an-
tiquorum; carnes enim omnes antiquæ pec-
cant in hoc quod primum succum generant. In-
ter pisces, palustres & cœnosi, ut anguilla, tin-
ca, & hujusmodi alii prohibentur: sicut quo-
que testacei & ostræ, quos armatos appel-
lant. Inter Lacticiniæ, caleus potissimum pro-
hibetur: de reliquis verò lacticiniis, & præser-
tim de lactis usu dubitari solet, cum apud Gal-
los, & quosdam etiam Italos lac Podagræ,
etiã tephaceæ, ut remedium fuerit expertum,
præterquam quod ab Hipp. quoque in cura Ar-
thritidis & Podagræ recensetur; de quo ego ita
decerno, quod lac concedi, & convenire pos-
sit in Arthritide biliosa & gracilibus corpori-
bus, à siccitate namque facile nodosa redditur:
& ideo emollientia & humectantia conveniunt;
unde & C. I. victu humectante curavit Arthriti-
cum illum ab eodem in Campania repertum,
ab aliis Medicis ad morbum exiccatorium dedu-
ctum; at ubi pituitosa materia, & cruditates
abundant, suspectus est lactis usus, & omnino
interdicendus, quando catarrhalis materia à
capite ad articulos deferatur; unde Hipp. *Lac
dare caput dolentibus malum.*

Ova admittuntur, sed sine ullo unctioso con-
dimento. Prohibentur omnia legumina, hor-
deo & oriza exceptis: omnibus enim qui in op-
pido Aëno ob famem leguminibus vescebantur,
articuli debilitati fuerunt. Omnia ædulia
ex pasta par ta noxia. Inter fructus horarii
præsertim prohibentur, pomacea item omnia
à Dioscoride, Inter olera, prohibentur lactuca,
faniculum, apium, asparagi, ostroboli, fungi,
tubera terræ. Inter condimenta, vitentur aro-
mata, frequens usus aceti, sed & succi limonum,
aurantiorum, allii, cæparum.

Inter carnes eligantur phasiani, gallinæ co-
hortales, atagenæ perdices, turdi, aviculæ
montanæ. Inter pisces, saxatiles, & habentes
substantiam albam ac friabilem. Inter edu-
lia ex pasta, admitti possunt vermiculi Apulien-
ses.

Inter fructus concedi possunt fraga, cerasa
subtyptica, uvapensilis, ficus nonnunquam, &
parce. Inter olera libenter admittitur borra-
go, intybus quoque, quandoque brassica non

valde cocta: Ante prandium ventriculum ro-
borant gingiber conditus, vel acorus condi-
tus. A cibo verò diacydonium cum pipe-
re.

De vino valde dubitatur; Paulus enim ait,
quod qui per totam vitam à vino abstinue-
runt, omnes opem senserunt, aut ex toto libe-
rati fuerunt; sic Rhasis ait se vidisse relinquen-
tes vini potum, sanitati restitutos. Fabulantur
enim Antiquiores, Podagram esse Bacchi &
Veneris filiam, pauperibus inimicam, & Me-
sues rationem reddit: vinum enim per se nocet
oculis atque nervis, præterquam quod suo ca-
lore fundendo, attenuando & aperiendo flu-
xiones concitat, quatenus dilatat vias, & hu-
mores fluxiles reddit, & apud Chymicos, eos-
dem sulphureos tartareosque parit. Attamen
quoniam Podagræ minera in capite & ventricu-
lo esse solet, ideo probæ concoctionis magna
& præcipua est habenda ratio; propterea non
omnibus vini abstinentia & potus aquæ confer-
re potest, unde & ipse Paulus subdebat; Si ni-
hil prohibeat; & Celsus præscripsit tempus, di-
cens quod quidam, cum toto anno à vino &
venere sibi temperassent, totius vitæ securita-
tem consecuti fuerint; & si tanto tempore sine
vino perdurare nequierint, consulit quod ubi
triduo aut quatrinduo vinum delibaverint, uno
aut altero die aquam interponant; & qui nullo
modo aquæ potum sustinere possunt, vinum eli-
gant, cum Paulo, modicum & aquosum, nigrum
potius, quàm album; & licet album dicant ab
articulis ad urinam humores divertere attamen
quoniam ut aperiens citò è ventriculo de-
fluit, alimenta quoque cruda, & non bene con-
cocta immaturè secum ducit, & ideo crudita-
tes in venis multiplicat. Quod si à ventriculi
imbecillitate non desideretur, aquam bibere
conferre poterit, santalinam, si biliosi fuerint,
lentiscinam si pituitosi, & china optima altera-
tam, si valde graciles fuerint.

Tertiò somnus & vigiliæ sint moderata: ab
immoderato namque somno caput repletur, si-
cut ab immoderata vigilia cruditates generan-
tur; unde Galen. dicebat quod *somnus conco-
quit, vigilia digerit.* Intercedant autem duæ ho-
ræ ad minimum inter cañam & somnum, & à
somno pomeridiano cavendum.

Quartò exercitium quam maximè necessa-
rium; unde Hipp. *Labor articulis & carnibus ci-
bus, somnus visceribus;* & ideo laboris amantes
esse debere Podagricos jubebat idem Hippoc.
Verum tamen est quod labores cibum præcede-
re debent; ita enim nervis, cartilaginibus &
ligamentis robur & firmitatem confirmant, ca-
lorem naturalem excitant, alimentum defe-
runt, & excrementa discutiunt atque resolvunt;
motus tamen immoderatus non sit, nam lassitu-
do articulos largius excalefacit, & materiam à
longinquiore partibus attrahit. Corpus ita-
que exerceatur matutinis horis ambulando,
vespertinis in rheda. Et quoniam manuum non
adeò facilis evadit exercitatio, ideo pila mani-
bus iisdem affectis tractetur, & melior, si fuerit
ex succino parata.

Quintò alvi excrementa promptè & quotidie
excerni debent; quantum enim continet Pod-
agricis soluta alvus, innuit nobis Hipp. dum
Dysenterias Podagricos sanare affirmavit unde

& Aët. perfectam curam in fame & Clysteribus reponebat : & ideò nisi spontè fiat, arte sollicitanda erit evacuatio pilulis mastice. vel crem. tart. in pituitosis, electuario lenit. ad 3 sem. in cæteris ; prunis quoque Dam. scenis vel Gallicis cocis & saccharo conditis. Nec spernenda evacuatio & exiccatio capitis post pectinationem, spongia lixivio dulci ex sarmentis parato, & betonic. rosis, serpillio, calamento, majorana alterato imbuta, expressa & exiccata caput ipsum detergendo, deinde pulveribus aspergendo ex caryophyll. in aq. rosac. maceratis, moxque exiccatis.

Articulorum quoq; aliqua evacuatio & roboratio ex Antiquioribus, addenda, quod adeò antiquo salito præstare solebant: nos autem spiritu salis, vola manus madefacta, articulos fricando.

Venus ut Podagræ mater & Nutrix, semper mala : non enim est de illis morbis Podagra, qui coitu sedantur : quare Galenus duplici nomine coitum, Podagricis inimicum esse dicebat, primò quia articulos enervat ; secundò quia vires ventriculi labefactat, sicque Podagræ materiam multiplicat, & partes affectas debilitat ; ut propterea Hipp. Eunuchos & Pueros ante usum venereorum à Podagra immunes pronuntiaverit ; unde proferebat Paulus quod Venus extremè lædit, imò & omnis voluptas.

Tandem animi motus omnes violenti sunt evitandi : ita enim biliosis non parùm obesse potest, humores ipsos accendendo, agitando, attenuando, & ita ad motum fluxibiliores reddendo : sicut reliquæ animi perturbationes, vigiliis inducendo, cruditates multiplicare valent. Applicationes autem & studia nimia, calorem & spiritus à ventriculo divertendo, effectum eundem producant, eoque magis, statim, aut parùm ab assumpto cibo ; præterquam quod caput quoque quam maximè repletur.

Et quamvis ex jam in universali præscriptis Excellentissimum atque prudentissimum Virum particularia sibi que propria electurum minime dubitem ; nihilominus ut desiderium meum in sui beneficium omnino propensum agnoscat, & præterea quoniam affectio huiusmodi morbosa ultrò progressa est, ideò particularem quoque vivendi rationem subd. m.

Et primò circa aërem, ut Patavinum inspi-ret, quantum fieri potest, consulo, ut qui mediocris inter Venetum nimis crassum & humidum, & inter montosum nimis tenuem atque subtilem existat. Cubiculum vero nullo modo Septentrioni sit expositum. Ubique crepuscula fugienda, nec radiis solaribus, neque igni caput exponendum ; indumentis potius copiosis corpus diu noctuque à frigore munien-dum.

Secundò de cibo & potu pauca sunt dicen-da, status enim Excellentiss. P. exigit tenuem cibum, non valdè tamen attenuantem, quia corpus ad gracilitatem vergit, ejusque viscera æstu. nt, at boni succi, pauci excrementi, facilis coctionis & distributionis. Potus parcis-simus esse debet. Sed ut ad magis particula-rem usum deveniam hoc anni tempore à pullis junioribus vel palumbis turricolis vario modo conditis discedere non debet, addito in prima mensa ferculo ex oriza aut hordeo, sive ex lacte, ovis & saccharo parato. Autumno verò

venturo aves sylvestres, perdices, alaudæ, avicula montanæ eligi poterunt. Pro potu vinum tenuis substantiæ rubrum, nec ulterum, nec dulce, nec generosum, nec nimis oligophorum. Prandium & cœna conceduntur, intercedentibus tamen novem aut decem horis. Verum integro anno (nec tædeat Excellentiss. Virum) talis debet esse usus, ut tam in prandio, quam in cœna comedat, ex nuper præscriptis alimentis quantum comedere potest, quousque sitis accedat, & bibere cogatur: mox bibat unca vice ad saturitatem; vinum autem sit frigida non nive refrigeratum; sicque prandium & cœnam claudat exigua assumpta Conserva persicorum & cydoniorum, & toto jam dicto anno à cæteris omnibus & carnibus, & piscibus, & fructibus, & oleribus prorsus abstineat. Anno verò transacto, ad victum licentiosorem seipsum traducat, meliora alimenta ex superius descriptis seligendo, quantitatem in prandio adaugendo, & parcam cœnam sibi metipsum instituendo.

Tertio somnus sit saltem septem horarum nocturnus, quo deficiente suppleat diurnus, nec se somno tradat, nisi una aut altera à cœna hora præterit.

Quartò motus corporis nullo modo negligendus, præsertim matutinis horis, etiam si pedes ægre laborem ferant, ita & manus pilam aliquam, aut quid simile tractando exercentur; erit reassumendum.

Quintò excrementa, licet pauca, sunt tamen bis in mense ad excretionem sollicitanda; idque commode præstare poterit usus elect. lenit. ad 3ß. parùm ante cibum assumendi; non enim alvum stypticam reddit, uti reddunt Clysteres. Articuli verò sani, manu spiritu salis illita confricentur, sicut tumoribus detenti, ita quotidie illini ntur.

℞. Adipis anser. 3ij. pingued. t. 3j. salis albi 3ß. spiritus vini 3ß. m. bulliant omnia ad consumpt. spiritus vini, & fervetur ad usum quotidianum.

Tandem applicationes legendi, scribendi, magisque gravia negotia tractandi, à cibo omnino cavendæ : et put enim Viri Excellentiss. facillimè repletur.

Hæcque pauca extra podagricam accessionem observanda præcipio, quibus universalia præmissi, rationibus & autoritatibus comprobata. Nec severa nimis Excellentiss. Viro præscripta vivendi ratio videatur; sicut postea severissima esse debet in accessione ipsa : Urgentibus enim doloribus, & carnibus, & vino omnino parcendum, ut cuilibet notissimum est, & victu verè tenui tunc temporis utendum, *Idem* Tom. 2. Centur. 4.

Ischiadici Dolores.

Illustrissimus & Excellentissimus Comes Generalis quadraginta quinque circiter annorum, est à Parente articulari morbo obnoxio oriundus, temperamenti sanguineo-biliosi, habitus corporis mediocriter carnosus, vultus coloris ex rubro flavescentis, ad iram præceps, viscera habens calida & sicca, cum lienis obstructione & duritie. Olim ob errores, qui iis, qui Castra sequuntur, in sex rebus nonnaturalibus contin- gere

gere solent, catarrhis colicisque doloribus frequenter cruciabatur. Postquam vero ante annos octo in loco superioris Hungariæ paludoso, inter assiduas, easque per sæpe molestissimas mentis occupationes unius alteriusque anni spatium vitam egisset, & cibis, præsertim vero piscibus læpius vesceretur furtimigatis & muria conditis, dolorem sensit in enarthrosi ossis femoris, ea præsertim parte ossis, quod ilion indigitatur, qui inde jam per femora ad genua & crura descendit, jam inverso ordine à cruribus per genua ad regionem ischiadicam ascendit, mox hæc, mox illa loca magis magisque affligens. Hic dum in summo, seu *apex* constitit, motum progressivum tremulum effecit, ac genua vellicando, convulsivo similem. Invasit autem plerumque circiter principium somni, observando certas quasi, periodos, quæquam subinde etiam de die trititia sua fecerit interludia, præcipue dum gravior aliqua præcesserit animi passio. Ex signis propositis conclusum est affectum esse dolorem ischiadicum, à rheumatismo dependentem; pro quo extirpando quamplurima quidem usurpata sunt remedia, tum via methodica & regulari, tum etiam aliquando empirica sine regula. Methodica via corpus reddebatur fluïum per digestiva, purgatum est per epicrasin, & fortiter; sectæ sunt venæ, sanguiifugæ applicitæ hæmorrhoidibus; sanguis autem extractus semper duas ferme partes continebat feri tenuis & corrupti. Item excitata sunt Cauteria in brachio & supra genu partis dextræ dolore magis afflictæ, revulsionis & derivationis gratiâ. Semicupium adhibitum est ex Vinaceis, Balneum plenum ex Decocto capiti & pedum Vervæcis, bibit lac caprinum, alminum, acidulas: Sed omnia hæc sine expectato effectu sanitatis. Hinc statutum est, subesse huic malo fermentum aliquod peregrinum, seu malignitatem veneream, quam usurpatione Decocti lignorum, seu proprio ipsius mali Alexipharmaco, per sudorem in Laconico exterminare allaboratum est per duos vel tres septimanas: hinc assumptione Mercurii dulcis sine salivatione; sed omnia citra sequelam sanitatis. Quapropter derelicta via Methodica ac rationali, tentavit Excellentissimus Comes Empiricam cujusdam Medici Anglici hic existentis, qui, sprete omni diætæ lege, ei victus ratione omnia concessit, præter halesces & brassicam conditam: ac compromisit, se solo vino adusto medicato in dies sub certa dosi introsumpto, integrum valetudinis statum Excellentissimo Comiti reduciurum. Proinde sumpsit spiritum illum vini modo præscripto ultra annum & adhuc eo utitur, quo se in tantum adjutum scribit, ut dolores antea intolerabiles nunc non sentiat amplius, nisi circa magnas æris, & Lunæ præsertim crescentis mutationes: illosque ita remissos, ut non impediatur in suis functionibus, sed possit cum illis ambulare, equitare, pergere curru, domi & ruri fungi suo munere militari, sine notabili impedimento; hoc præcisè tamen animadvertens, quod dum leges diætæ circa cibum & potum transgrediatur liberius, sentiat se fieri constipatum, donec accepto sibi familiari Enemate, alvus denuo reddatur fluida. Quia tamen Excellentiss. Comes

unicè integram anhelat sanitatem, quærit consilium & auxilium, ut possit etiam ab hoc per intervalla recurrente dolore reddi liber & immunis, periculo recidivæ.

Mirum non sit, quod Illustrissimus & Excellentiss. Comes Generalis ex arthriticis Parentibus natus, inter trigessimum & quadragesimum annum ischiadico dolore divexari cœperit, cum jam à semine paterno causam sine qua non, ipse contraxerit, ut ideo Galenus dixerit, necesse esse Arthriticis prius articulos invalidos habere: quoniam invaliditatem in eorundem frigiditate consistere voluit Aretæus. Causam autem materialem suppeditavit prava vivendi ratio, forsan in omnibus sex rebus non-naturalibus, cum primò loca paludosa octo abhinc annis incoluerit, unde lienosus; & æris inclementis caput & totum corpus in Castris exposuerit; cibis pravis humiditates serosas multiplicantes, & præsertim piscibus salitis frequenter usus fuerit, atque forsan generosioribus vinis in Hungaria consuetis. Nec somnum concoctionibus adeò necessarium semper capeßere potuisse credendum, & corpus atque articulos coxæ & crurum equitando nimium exercuisse, & imbecilliores reddidisse; sicut forsan utilium & inutilium excrementorum evacuatio sanitati prorsus idonea non fuit. Atque tandem animi pathemata, à quibus omnia mala prodire posse credidit Plato, valde molesta Excellentiss. Comiti fuere: hinc excrementorum copiam necessario fuisse genitam non est qui non videat; quorum portionem crassiorem in primis viis stabulare, & obstructions conservare facile credi potest, sicut crassiorem sanguinem atque limosum in splenicis vasis stagnare, Medici tactus judicavit. Cum autem non exigua eorundem excrementorum pars ad massam sanguineam sese insinuaverit, Natura gravata, eandem ad imbecilliores partem, ad coxæ nimirum articulos deposuit, & ischiadicos, sive coxendicos dolores excitavit, quos quamvis Græci inter arthriticos reponere recusaverint, sub genere tamen Arthritidis eosdem collocavit Galenus, & ideo crediderim ego, potius à toto venoso genere, visceribus naturalibus nempe, intemperie & morbo organico affectis dolores hos ischiadicos magis, quam à capite defluente originem duxisse: etenim si à capitis rheumatismo magis procederent, Decoctum sudorificum profuisset, & plures dies administratum etiam sanasset, præterea si à catarrhali materia à capite defluente, facilius progressu densata fuisset, & motum coxæ diutius impedivisset, nec levamen à spiritu vini frequenter hausto adeò facile accepisset. Quare potius ego censerem materiam serosam, exiguae cruditati immistam, à toto ad coxarum articulos transmissam fuisse, & in præsens per intervalla non tantum ad acetabulum per vasa, verum & ad musculos per spatia transmitti, ut sanguis ipse eductus confirmavit; & ideo docuit Hipp. primò podagricos dolores fieri à sanguine, à bile & pituita corrupto: peculiariter verò de ischiadico, hunc fieri, quando in sanguifluis venis articuli coxæ sanguis à bile & pituita ægrotaverit, locutus de ischiadico dolore legitimo; sicut spurius dicendus est ille, qui in coxæ musculis, Iliaco interno, psoas, & glutæis

peccantes humores continet & conservat; ut propterea facilem consensum ad suras, imò ad pedem, usque ad extremum digitum, existimaverit Aëtius, dicens, *Auspiciatur hunc dolorem vicinorum musculorum dolor, maxime lumborum, poplitem, tatum, & quibusdam totum crus affligit:* imò & ad summum pedem usque pertingit, ut Paulus. Non tamen negaverim aliquam quoque à capite destillationem, si non per vasa, saltem per parietes medullæ spinalis ad musculorum spatia defluentem, spurium dolorem coxendicum fovere posse.

Quod si res ita se habeat, massam sanguineam depuratione egere, ut Comes Excellentiss. ab insultibus ischiadicis præservetur, unicuique patere potest. Et quoniam à visceribus naturalibus intemperie & organico morbo affectis, quotidie sobolescit excrementorum proventus, idcirco eorundem viscerum providentia habenda est, non omnino capite neglecto. Et tandem, ne pars affecta adeò facile excrementa suscipiat, exiccanda atque roboranda erit alioquin tractu temporis & declinante ætate, crassiores humores in ventriculo ipso hære, & glutinosi atque mucosi evadere possent, auctisque doloribus, omnino motum impedire.

Quæ mala ut avertantur, proximo Vere Purgationem præservativam regularem infra describendam Excellentiss. Comes inire tenetur, primas vias expiando. Secundo obstructions mesenterii & lienis aperiendo & auferendo. Tertiò Massam sanguineam depurando. Quartò caput expurgando. Quintò intemperies corrigendo, atque demum coxæ musculos exiccando, & articulum ipsum roborando.

Ut igitur prima expleatur intentio, integra hebdomada consumenda, repetito Leniente, in principio & fine assumendo, ex syr. ros. solut. vel ex cassia, elect. lenit. & tart. parato. Quinque verò intermediis diebus Præparante præscripto ex syr. acetos. de cortic. citri, atque florum citri ana ʒj.

Pro secunda verò intentione exhibeatur summo manè jus pullæ aperiens alteratum foliis cichor. borag. endiv. lupulorum, fumarix, pentaph. & asparagorum, in quo diluantur gr. xii. salis tart. fixi, cui præmittantur duo aut tria cochlearia julapii acetosi, in quo rhabarb. globulus semper detineatur infusus. In horum autem usu pergat ad nonum usque diem: mox assumat medicamentum hujusmodi.

℞. Floris cass. rec. extractæ, elect. lenit. ana ʒss. pilul. de tribus cum rhabarb. ʒj. m. f. boli, quibus post horam superbibat feri capr. aut asin. depur. ʒi ss. tribus verò horis ab epoto sero prandeat.

Inde ad tertiam intentionem explendam, & secundam perficiendam erit deveniendum, præscribendo pro sequenti die tale Præparans.

℞. Succ. depur. & per arenam trajecti, cichor. agrimon. ivæ arthritic. ʒv. sal. tart. volatiliz. gr. x. m. pro syrup. & sic pro aliis quatuor horis ante prandium assumendis. Die verò sequenti summo manè assumat bolos ita parandos.

℞. Elect. Lenit. ʒij. rhabarb. maturi ʒss. m. f. boli, quibus post horam superbibat cyathum aquæ stillat. cichorii & agrimonix, tribus verò horis ab assumpta aqua prandeat; & ita in ho-

rum usu perseveret ad decimum quintum usque diem: quibus transactis, assumat pulverem hermodactylatæ præparatæ ad ʒi ss. rut. ʒij. tribus aut quatuor horis ante cibum. Sed interim die secunda succorum aperiatur vena brachii lateris magis affecti, præsentè Medico, & quantitas sanguinis educatur pro ejusdem conditione, & prout Assistenti visum fuerit.

His peractis capitis quoque purgatio non erit inutilis, Extracto pilul. cochiarum, aurearum; vel pilulis capitalibus Paracelsi, quæ tamen nonnisi quatuor aut quinque interpositis diebus ab assumpta hermodactylata exhibendæ sunt. Interim verò syrupi capitales ita præscribi poterunt.

℞. Succ. depur. & per arenam trajecti, cichorii, beton. ana ʒj. decoct. betonic. borag. majoran. agrimon. ivæ arthritic. ʒv. m. pro syr. & sic pro aliis. Quo eodem tempore per nares quoque capitis erit tentanda purgatio Errhino ita p. rato.

℞. Pulv. majoran. ireos ana ʒij. nigell. ʒj. m. f. pulvis per nares attrahendus more tabaci.

Quintæ intentioni satisfaciendum refrigerantibus, & sanguinis biliosi acrimoniam, & forsitan etiam melancholici aciditatem demulcentibus & edulcorantibus, quibus cautè valdè procedendum, ne serositates inutiles in corpore multiplicentur; quæ incommoda ut evitentur, & obtineamus intentum, lac asininum quadraginta diebus in usum duci poterit, de more cum saccharo, summo manè assumendum: hoc enim cum quam citissime per corpus digeratur, caput implere minimè poterit, & minus obstructions augere, ut docet Galenus.

Postremæ intentioni satisfacere poterunt, primò infusiones in aquis sulphureis, mox ipsa sulphurea luta pluribus diebus administranda, & tandem vindemiarum tempore vinacea generosa, dum interim Ceratum oxycroceum super aluta extensum parti affectæ, coxæ nimirum, erit applicandum, singula quaque hebdomada innovandum.

Et nisi præscriptis executioni mandatis, Præservatio ex voto succedat, vinum meum Antipodagricum supplere poterit, bis in anno, nimirum ineunte Vere & Autumno, quadraginta continuatis diebus assumendum, cujus dosis est primus cyathus in prandio & cœna, præmisso lenienti aliquo medicamento, ut primæ viæ à facibus expediantur; hujus autem descriptio ita sequitur.

℞. Rad. chinæ opt. lentisc. è Chio ana ʒij. Baccarum juniper. manip. j. ivæ arthrit. manip. j. fol. senn. rec. mund. ʒv. hermodactylor. ʒiij. Turbith. ʒij. mechoac. ʒj. cinnam. integri ʒss. Contund. contund. incid. incid. & m. ponantur in doliolo simul cum duabus nostris situlis Italicis vini, & post infusionem trium dierum, potus ejusdem incipiat manè & vesperi, ut dictum fuit ad cyathum unum in prima mensa; per quadraginta dies, Vere & Autumno; in cujus usu perseverandum jam dicto tempore, tribus saltem annis.

Quibus omnibus congrua vivendi ratio erit addenda, quæ licet à Viro Excellentiss. Adstanti sit præscribenda, aliqua tamen notatu digna sub-

subscribam. Et primò quod nisi palustrem incolat-
tu mutare possit, saltem crepusculum matuti-
na, tum vespertina evitare debeat, sicut & aeris
inclementias præsertim frigidiores; affecta vero
coxæ articulus pelle agnina de more vestitus
custodiatur. Secundò ab humidioribus & gluti-
nosis alimentis abstinere, ut à carne suilla, ag-
nina; ab uino casei; & à consueto butyri con-
dimento; à leguminibus; à fructibus; à lactu-
ca, & à copioso potu. Tertiò fugiat somnum
pomeridianum. Quartò exercitium quidem
convenit, sed ut monuit Hippoc. *Labores ante
cibum*: imò Paulus docet, quod conferant de-
ambulationes, assidui flexus, saltus & cursus.
Quintò Venus extremè lædit: sicut magnope-
rè juvat quotidiana alvi evacuatio: namque ab
astricta alvo articulus coxæ aggravatur; & ideo
nisi sponte respondeat, pilulam de tribus cum
rhabarb. singula hebdomada in usum ducat.
Tandem nimi pathemata, quantum fieri po-
test, arcenda; & ab intensis applicationibus,
præsertim legendo, aut scribendo, repleto ven-
triculo abstinere, alacrique animo vivat. *Idem
Tom 2. Cent. 4.*

Amplissime & Consultissime Vir, fautor, &
amice pl. colende, literis Ampl. V. certior fio,
quod non parum sollicita sit, ne posthæc flu-
xionibus arthriticis affligatur. Quanquam ve-
rò pro tempore morbus hic nondum adsit, ne-
cessarium tamen erit, ut præservatio non negli-
gatur, cum vagæ fluxiones dolorificæ, de qui-
bus querela est, eundem prælagire soleant, qua-
tenus pedetentim postea magis ipsis articulis
se se insinuant.

Cum autem *antecedens causa fluxionum poda-
gricarum* à cruditate concoctionum oriatur,
omniò requiritur, ut ante omnia eò respicia-
mus, *quomodo cruditas concoctionum vitetur, &
superflua serosorum humorum copia consumatur &
evacuètur*: deinde pars recipiens una cum capite
corroboranda venit. Prius convenienti diætâ po-
tissimum consequimur, ubi primò respiciendum
ad refectionem spirituum, per aeris ambientis
utrum, ubi frigidus, humidus, nebulosus inprimis
que ætiosus is vitandus, qui si natura non
emendatur, arte corrigendus erit, fumo exci-
tato per pulverem, qui prunis ardentibus in-
jiciatur, ex *Tacamahaca, Mastiche, Olibano,
Benzoi succino* & similibus, cui interdum Gallia
Moschata admisceatur. *Kadix Juniperina* fre-
quenter incensa plurimùm etiam hic inservit,
ut etiam lignum sassafras frequenter naribus ad-
hibitum, & in Musæo diversis in locis repositum.

Porro cibus & potus etiam observetur, ubi
eligantur alimenta facilis concoctionis, non
admodum serosum sanguinem generantia quo-
rum usus moderatus sit, juxta communem re-
gulam, cuius stomacho nihil melius, *quàm ci-
bis non repleri, nec fame torqueri*, quod eò magis
naturæ congruit, quò magis ordinem observa-
mus, ne quocunque tempore, etiam absente
fame, quæ tamen peractæ concoctionis indi-
cium est, quosvis etiam diversarum qualitatum
cibos ingeramus. Tales cibos in specie non
difficiliter quis colligit ex illis, quæ libello no-
stro de tuenda sanitate literatorum propo-
nuntur. Quoad potulenta, nihil deterius fre-
quenti ingurgitatione, qua copia serositatum

cumulatur, & caput atque articuli debilitan-
tur. Hic igitur, ut etiam in cibus, Temperan-
tia regnet, ubi vina immatura, tartarea & ter-
restreitatibus adhuc permixta, sicut etiam for-
tiora, penetrantia, vitentur, electis tempera-
tis Neccarinis & similibus, quibus interdum
decoctum Rad. Glycyrrhizæ necnon infusum
ligni sassafras, cum panulis minoribus, &c. ad-
datur. Primus haultus in prandio sit vinum
medicatum infusionis rad. Helenii, quod co-
ctionem juvat, fluxiones consumit, & serosas
humiditates per vias urinarias educit. Præter
dicta sæpius etiam ad corroboracionem ven-
triculi respiciendum, quo melior alimentorum
digestio subsequatur. Huc ergo pertinet con-
ditura & præparatio ciborum, ob calorem na-
tivum imbecilliores necessaria, quando cibi
Cinnamomo, Galanga, Nuce moschatâ, Croco,
Mace, & similibus parumper (nimi enim con-
ditura aromatica sanguinem reddit acriorem)
aromatizantur: Sic etiam radices Petroselinii,
sem. Anisi, Fœniculi, Cumini, herba Majoranæ,
Salviæ, Rosmarini, Satureiæ &c. conceduntur.
Quod si viscida pituita ventriculi plicis sese in-
sinuet, indicante id ipsum appetitu dejecto, je-
juno stomacho plurimùm usus Oxymellis Squil-
litici ʒij. superaddito haultu vini Absinthitis
conferret, cui intentioni Aloës insuccatæ usus
singulis septimanis etiam conveniret, scrupuli
quantitate mox ante cœnam assumptæ.

Verùm ubi talis *nausea cum sit* deprehendi-
tur, indicium est, bilis effusionem stomachum
occupasse, quo casu Syr. Acetos. Citr. Rob. Ri-
bes Conserv. Rosarum Vitriolata & similia ante
cibum succurrunt: cum cibus olivæ immatu-
ræ, Cappares, Herba acetosæ cum pullis Gal-
linarum, Columbarum, carne vitulina, hædina,
&c. laudantur. Contra *evaporationes à ventriculo
ad caput* post cibum aliquid corroborandæ con-
coctionis gratiâ sumatur de confect. coriandr.
simplice, Nuce moschata cond. sicc. Diacy-
donio cum speciebus, Cydoniis conditis, Con-
servâ rosarum rub. antiq. cum Magisterio Co-
rall. rub. permixtâ, & similibus, inprimisque
confectione Morsulorum contra fluxiones, cu-
jus ʒss. post cœnam conveniet.

ʒj. Conserv. ros. antiq. ʒss. Diacydonii f. ʒvj.
Mastich. opt. Nucis Mosch. condit. sicc. ana ʒj.
Sem. Coriandr. præp. ʒss. Ambra gryseæ gr. iij.
Sacchar. opt. in aq. rosar. solut. ʒvj. F. Confe-
ctio in morsulis. Præter diætâ, ubi moderatus
animi, corporisque motus, necnon conjugal-
is amplexus rarior includitur, pro superfluis hu-
moribus serosis evacuandis semestrales eva-
cuationes instituuntur, ubi primò per quatrimum
Oxymellis Squillitici unc. j. sem. in decoct. rad.
Cichorii quotidie bis usurpatur, superaddita
quarta die purgatione; quæ fiat Mechoacæ nigr.
ʒijss. Rhabarb. opt. ʒj. Cremoris Tartari ʒss.
misce f. pulvis. Cum autem Amplit. V. con-
stitutio plenior sit, præmissis hisce, verno tem-
pore venæ-sectionem non dissuaderem, ubi sub-
sequentibus diebus, pro dissipandis reliquiis
superfluitatum serosarum in ipso habitu corpo-
ris, sudorem provocarem ad dies aliquot as-
sumpto Rob. Ebuli, cum æqualibus partibus
aq. fumarizæ & aq. veronicæ dissoluto, quæ t-
men omnia propter quotidianas mutationes
quibus corpora nostra subjiciuntur, pro Medici
præ-

quinquies celebratâ melius habebat. Prudentis est medici videre, an non secure vena his in morbis aperiatur, an verò prudenter pratermittatur. Si facultatis retentricis imbecillitas est, prudenter omittitur. Si cacochymia est, immo virulentia, quæ tantæ tragædiæ author fit, audacius id faciendum. *Guia. Ballonius, lib. 2. Epidem. & Epimer.*

Pharmacopæus quidam *Gratianopolitanus* decumberebat ex doloribus articulorum, qui pedes & brachia, aliasque partes affligebant, cum tumore, inflammatione, & febricula: à 20. diebus hoc affectu laborabat, eique novies proprio nutu secta fuerat vena, aliquoties etiam purgatus fuerat; tandem meo jussu, illi exhibetur pulvis in jusculo ex Calomelanos, ʒj. diagrydii gr. viij. Caryoph. num. j. blandè & copiosè purgatus est, ac multo melius habuit; deinde sumptit mane & serò julepum refrigerantem, in cuius dohi matutina infundebantur sen. ʒiij. cum sem. Coriandr. ʒß. frigide per biduum. Postea sumpsit eundem pulverem pari successu & integrè curatus est. *Lazarus Riverius, Obs. 31. Cent. 1.*

Franciscus Alexander Medicus de *Francisco Pechio* scribit, eum j. m. quinquagenarium morbo articulari graviter afflictum totis annis 20. turri inclusum fuisse, vixisse autem solâ aquâ & pane. Eâ diætâ beneficio naturæ materiam absumptam, & motu & exercitio articulos adeò roboratos, ut liberatus nullos unquam dolores podagricos senserit. Ex quo perspicuum est immoderationem in victu hujus morbi quasi matrem esse, *Jean. Crato Consil. 21. lib. 4.*

Cum anno 1665. Consul quidam *Hafniæ* secunda vice Podagra corriperebatur, & præsertim pollex dextri pedis ea affligeretur, venis dorsi pedis valde tumentibus, jussi actutum illi incideretur vena ad locum affectum, & tanto impetu profudit sanguis quanto vix ex mediana: Cui postea sequens cataplasma applicui, ingentique miraculo ab omnibus doloribus liberatus est, ita ut tridui spatio in publicum citra ullum incommodum iterum prodire potuerit.

℞. H. boni Henr. rec. sine flor. man. iv. flor. sambuc. camom. sicc. ana m. ij. grossè conscinde, coque in s. q. aq. sambuc. ad putrilaginem, adde gummi carannæ ʒß. camphor. ʒb. m. f. l. a. Catapl. *S. Pauli Quadrip. Botan. class. 3. Tit. Bonus Henricus.*

Nobilis sanguinei temper. eufarcus, gonagra à tribus diebus laborabat; statim sanguinem ad ʒb j. mitti jubeo, qui cum valde impurus apparuisset, postmodum iterum s. m. ad parem quantitatem præcribo, qua se multum recreari sensit sanguine priori simili educto. ʒd. demum sanguinem detracto ad ʒx. postmodum medicamentum ex senna & rheo in decocto convenienti cum diaphœnic. & syr. ros. propino, quo bene omnino habuit: Simile in duobus aliis mihi contigit eodem temperamento & habitu donatis, in quibus s. m. ter aut quater repetita in ipso initio affectum penitus sustulit, oxycrato fovendo partem affectam, & postea illinendo oleo rosaceo. *Francisc. Chornet Obs. 9.*

Matrona pro præcautione, seu præservatione à chiragra & podagra, singulis mensibus utrumque pollicem, t. m. manuum quàm pedum, circa radices unguum scarificare solebat: In

eum finem conjux N. Cucurbitulas scarificatas pedibus applicabat. *Joan. Junisohenius* verò afferebat jamdiu se ex eadem laborasse, nisi baculo innixus, summo conatu incedendo, præludi illius avertisset, vel potius consumpsisset; Quod & de me verè affirmare possum, alius enim certè in lecto decubisset: Ego verò in despectum doloris circum cursitavi, & motu illo materiam potius evaporare feci quàm sedem ibi figere permisi: *Philip. Salmuth. Centur. 3. Observ. 46.*

Mense Novembr. Anno 1675. venit ad me rustici conjux, petens à me consilium pro filio 12. annorum, arthritide manuum & pedum cum contractura laborante; cui ego tum sudorifera ex sambuco, rusticorum theriaca, paucis aliis admixtis, dein paregorica præscripsi, doloribus paulisper per solitium hybernium remittentibus. Sed paulo post, ejusdem mulieris rusticæ infantes, ni fallor, bini eodem malo, sed mitius infestabantur, & à sudoriferorum usu statim ab eodem liberati sunt.

Anno eodem, mensibus Januario & Febr. *Joan. Schullffen*, Civis Thoruniensis filiola quadriennis, malo hoc gravissimè tentabatur, tam in superioribus quàm inferioribus articulis; & quamvis diversa adhibita fuerint remedia tam interna quàm externa, etiam pretiosa, frustra tamen omnia fuerunt, puella enim consumptis carne & viribus, doloribus fracta, contractura accedente, vitam cum morte commutavit. Sed parens hujus interdum podagra, & levissimè tentatur: Videbatur igitur malum apud istam puellam, licet in tenerrima ætate, hæreditarium fuisse.

Hoc verò Anno 1676. Mense Januario, Februario, usque in Martium arthritide vaga primum, dein in manibus & pedibus nodosa afflictam fuisse *Elisabetam Binnerin*, puellam 16. præter propter Annos natam recordor, cujus uterque parens nunquam podagra laborabat. Sed hæc jam ab ejusmodi doloribus planè libera vivit, licet aliàs valetudinaria sit.

Nos causam arthritidis puerorum & infantum rejicimus in ingluviem & intemperantiam hujus seculi, crassorum scilicet ciborum & potuum, præsertim apud nos Septentrionales, cujus fructum liberi, per hæreditatem quasi à parentibus, intra se habent & percipiunt per ætates. *Simon Schultzius.*

Quidam *Hanoviensis pagi* Filvel Incola adhuc in vivis, Arthritide diu afflictus sub monte pollicis pedis nodum seu verrucam accepit, quam tonsor ebrius cum forfice ovina non jubenti improvisò abscidit, unde gypseus humor, hinc sanguis ichorosus effluxit, insignis verò dolor & lipothymia accessit. Ex hac apertione tandem hæc utilitas secuta est, ut quidem non dolor omnis emanaret, is tamen multò levior jam invadat, & dum vulnusculum illud apertum manet, accedens paroxysmus, effluxâ tali materiâ albidâ, mitescat, & crus à diuturnis & atrocissimis doloribus incurvatum, atque linea furca ante suffulciendum, nunc liberè extendi & absque sustentaculo possit moveri. Hæc narravit mihi oculatus testis *Isaac Heraus Pharmacop. Hanoviens.* curiosus artis nostræ minister & filius, cujus parens aulicus medicus fuit *Gustrovia*, quique antecessoris sui *Joan. Angel. Salz*

multa scripta & secreta haredibus reliquit. *Salomon Reifel.*

Nobilis quidam, Dn. è Tannhausen, duabus circiter horis ab urbe nostra distans præterita ætate, per aliquot septimanas, doloribus podagricis, quibus per decennium jam obnoxius mirè excruciatuſ fuit. Cum audivisset esse Empiricum quendam in Franconia, qui dirum hunc morbum curare posset, eum advocari iussit, à quo, nescio, quibus medicamentis, per tres septimanas usus, in eadem interim sævitia persistentibus cruciatibus. De utroque interea femore tumorem durum exsurgere videt, de quo, cum interrogaret Empiricum, responsum tulit, esse causam materialem Podagræ, per divina sua medicamina, ad exteriora corporis protrusam, misero ægro spem faciens, de pristina sanitate mox mox recuperanda; pro tumoribus his tollendis, adhibuit unguentum, (prout colligere potui) ex oleo laurino cum Mercurio vivo subacto constans; à cuius applicatione utrumque femur intensè inflammabatur; reiterata itaque, renuente quamvis ægro, per triduum inunctione hac, inflammatio latius serpere incipiebat, exortis flavis lividisque pustulis circa scrotum partesque adatas. Monitus de Gangræna ab adstantibus, meum consilium implorat. Adveniens, invenio nobilissimum Dn. Patientem, in miserabili statu, totumque abdomen, ad genua usque, intensissimâ inflammatione correptum rubris lituris, hinc inde, ad alias partes tendentibus. Nolebam primò, in tam ancipiti statu, aliquid præscribere, ne Empiricus occasionem haberet culpam in me conserendi, si sinister sequeretur eventus. Victus tandem & ægri & adstantium precibus, præscribo pulverem exsiccantem ex farina fabarum, pulv. baccar. lauri, olibani, myrrh. ceruss. & sacchar. saturni, quem partibus abdominis flavis lividisque pustulis scatentibus inspergere iussi. Pro Gangrænosa inflammatione ordin. bam spirit. vini rectif. cum croco & camphora. Internè verò propinabam Mixturam sudorificam, ex aq. card. ben. fl. sambuc. ana ℥i ss. Antimonii diaphoret. ℥j. myrrh. rub. ℥j. spirit. tart. 3j. camphor. gr. vj. laudan. opiat. gr. iij. Syr. papav. errat. ℥ss. a cuius usu, cum per sublequentem noctem integram, alterumque diem largissimè sudasset, Dei gratiâ, intra biduum, restitutus fuit, remanente saltem flava crusta, anteriora corporis investiente, quæ ipsa crusta post aliquot dies exaruit, & spontè decidit. *Ex Joan. Georg. Laibio.*

Civis quidam nostras, pistor, David Rumppler, septuagenario major, robustus aliàs, & huc usque vix aliquo morbo tentatus anno 1574. 16. Julii, corripitur Arthritide dextri femoris à coxendice usque ad extremum pedem & digitos, nihil pronicientibus purgantibus Medicamentis per epicrasin adhibitis, neque scarificationibus, donec tandem, post sudores naturæ motu excitatos, sensim dolores remiserunt, aut potius omisso crure dextro, lævum occuparunt, sed præscripto sequente electuario sudorifero blando, decima Decembris ejusdem anni in totum evanuerunt. Electuarium sudoriferum tale est.

℥. Rob. juniperi, è succo sambuci cum sacchar. ana ℥ij. syr. sambucin. 3j. m. pro ali-

quot dosibus. Anno Christi 1675. 13. Martii, denuò dolores reversi sunt, & brachium dextri lateris usque ad extremitatem manus occuparunt, graviores prioribus in femore. Intitutæ sunt purgationes aliquoties cum euphoria, præsertim hoc electuario.

℥. Elect. laxat. extr. fol. senn. nostr. 3vj. m. Dein scarificationes & sanguisugæ applicatæ, plurimum sanguinis serosi extraxerunt: sed tamen dolorem omnem haud sustulerunt. Sudabat postmodum in Laconico per plures dies, assumpto prius electuario sudorifero superius descripto, cum euphoria: sed parum levaminis sensit, neque etiam emplastra, neque inunctiones anodynæ, neque suffumigationes ex blandioribus articulos roborantibus & materiam discutientibus aliquid profuerunt; quin dolores nonnihil remittentes, postmodum reversi fuerunt, exortis interim hinc inde in superficie corporis seu cutis pustulis pruriginosis. Tandem 13. Junii noctu post vomitus biliosos plurimos naturæ vi promotos biduanos atque diarrhœam triduanam, non absque virium prostratione, Arthritis illa diuturna planè deliit. Sed stupor quidam digitorum, manus utriusque & præsertim minimorum illa consequutus, adhibito aliquoties vapore decoctionis formicarum cum myrmecio, tandemque applicato emplastro nostro miraculoso, etiam sublatus est, natura pristinum robur & motum manuum acquirente. *Ex Simon. Schultze.*

Divebant *Zyrtopæum* dolores vagi arthritici, à quibus jam per biennium cura mea liber, tandem circa festum natalitiorum Christi, advertit exdiata non satis ad leges Medentis gubernata redire, ut solent, genuum labores, & punctiunculas, corpusque totum lassitudine gravari. Rogatus ab uxore ut Medicum familiarem advocaret, mense Martio id se facturum respondit, nec enim Januario convenire pharmaca, sed veris initio: Inter hæc invalescunt cruciatus genuum, & invisentes foemina (quod genus ad medelas communicandas officiosissime promptum est) alia atque alia suggerunt remedia. E quibus unum præ cæteris eligit æger, cataplasma ex farina triticea aceto incocta, quod postquam genibus applicuisset, cessare dolores quidem, sed graviore malo succedente. Enim verò repulsus versus superna humor arthriticus, ad cor usque & cerebrum pervasit, unde anxietates febris, & ex intervallis deliria, tandemque mors ipsa, in conspectum venere. *Ex Olao Borrichio.*

Anno 1654. percelebris Medicus Joannes Freitagius, Physicus Ratisbonensis, sapius Chiragra & podagra infestatus, Anno ætatis supra sexaginta tertio & climacterico, non sine animi lætitia completo, postridiè incipit denuò affligari chiragra, cujus nullam ferè rationem habens, medicamenta tantum adhibuit levia externa, sed succrescente tumore totius manus, retento in digito annulari annulo aureo, accumulatis quoque doloribus, tumor tandem circa internodium hujus digiti ruptus, & tophacæa quædam exciderunt, manum verò sphacelus totam invasit, ac subiinde partes spirituales petens, bono viro, præter spem conceptam, obitum acceleravit. *Ex Joan. Helwigio.*

Domi-

Dominus Hameltong, nobilis Anglus florentis ætatis, intolerabili torquebatur arthritico dolore in articulo humeri dextri, ita ut se emori malle, quam tantum dolorem diutius perpeti diceret. Tres dies & noctes ob doloris magnitudinem insomnes duxerat: Præscripta conveniente diætâ purgavi ipsum cum pilulis coctis, decoctum valide diureticum aliquot diebus bibendum dedi, & sequens emplastrum loco affecto applicui.

℞. Gummi galbani spiritu vini dissoluti, tamarac. spirit. terebinth. dissol. empl. oxycroci, ana ℥ss. misceantur & extendantur in corio. Hoc emplastrum per octiduum adhæsit, quò spatio immensus ille dolor totus evanuit, ita ut sine ullo impedimento brachium rursus liberè movere posset. Cum jam sanatus esset, Bred. m. versus (quod tunc temporis à nostris obsessum erat) proleetus fuit, ubi voluntarius arma sumens, aliquandiu post cum hostibus fortissimè pugnans interfectus est. *Isbrand. de Diemerbroeck Obj. & Curat. Medic.*

Magnus quidam Generalis in Europa, ætate quinquagenarius, corpore robusto, solitus est 16. septimis & ultra, pedibus & manibus sine motu decumbere; dolor in eis erat acerbus, cum tumore & rubore, ita ut calida medicamentâ externe usurpari non possent. Huic vesperi sequentes dedi pilulas.

℞. Extract. Pilul. Aloephang. Diacatholic. ana ℥j. Laudan. Aromatic. gr. iij. misc. f. Pilul. num. vii. inauratæ. Sequenti die vesperi sudavit ab hoc sudorifero.

℞. Spir. tart. Sp. C. C. ana. ℥ss. Tinct. tart. antim. ℥j. Essent. Lignor. gut. xvi. Decoct. Lign. Sassafras ℥ij. misc. f. Sudoriferum. Externe in forma Cataplasmatidis sequens applicavi, quo dolores cessarunt, ut quarto die sanus fuerit.

℞. Farin. tritici q. s. coquantur in lacte vaccino ad formam cataplasmatidis, adde Sapon. Hispan. ℥j. Sacchar. Saturni ℥ij. Sal. ammon. in æq. sperm. Ranar. soluti ℥j. misc. f. Cat. plasma, quod semper e lidè applicari debet, & quamprimum frigescere incipit renovari.

Mercator quidam corripiebatur podagrâ, cum dolore intolerabili, inferius in ambobus magnis pedum digitis. Ego ei ad sudandum sequens sudoriferum exhibui.

℞. Rob. sambuc. juniper. ana ℥j. sal. C. cervi gr. vj. mag. tart. ℥ss. ocul. cancr. præp. ℥j. Spir. lign. Guajaci ℥ss. extract. Laudan. Aromatic. gr. iij. decoct. Sassafras ℥ij. m. f. sudoriferum. Externe sequens applicui, atque vesicam pulvillis super induxi, ne avolaret virtus.

℞. Sal. tart. sal. ammon. ana ℥ij. tinctur. croci ℥j. Solve in aq. sperm. Ran. rum q. s. misc. Hoc citò applicari debet: quod statim dolorem mitigavit, & repetitum aliquoties totum abstulit.

Officiarius quidam nauticus semper in autumno, magno atque intolerabili dolore in flexura humeri atque cubiti corripiebatur. Hunc purgavi per sequens.

℞. Resin. Jalapp. scammon. ana gr. vj. Mag. succini, gr. viij. Mag. tartar. ℥j. pulp. Prunor. ℥ss. misc. f. Bolus. Aliquoties etiam sudavit per hoc:

℞. Theriac. Andromach. ℥j. Spir. tart. C. cervi ana ℥j. Antimon. diaphoret. gr. xvi. ocul.

Cancr. ℥j. Decoct. Sarsaparill. & China ℥ij. misc. f. sudoriferum. Externe hoc emplastrum multum profuit, ut æger brevi, ab omni dolore liberatus sit:

℞. Cera Citrin. ℥ij. Gummi. Ammoniac. ℥i ss. Saponis Hispanic. ℥j. sulphur. citrin. m. ol. lini dissolut. ℥ss. Sal. Armoniaci, Tartar. ad nigredinem calcinat. an. ℥ss. opii ℥ij. misc. f. emplastrum.

Insignis quidam Dominus in India, vehementi podagra corripiebatur, sine rubore. Primis in annis, in momento sedatus est dolor per spir. Corn. Rhinocerotis, applicatum. Aliquot anni postea, ætate auctâ & diætâ neglectâ, hoc medicamento quidem sedatus est dolor, sed pertinacior fuit, cum rubore & tumore inferius ad genu & dolore magno. Tunc applicui sequens cataplasma; quod miros effectus edidit.

℞. Medull. panis Tritici lb j. coque in Lactē Vaccino, & adde Sapon. Hispanic. ℥ij. Croci Oriental. ℥ij. Sal Armoniac. ℥ij. m. f. Cataplasma. *Hermann. Nicol. Grimm. Compend. Medico-Chymic.*

Adolescentem me in trivialibus ad Drusi fossam tenuit oppidum, in quo cum Rhenano Baccho non modicè epulabantur Consul. res viri, qui omnes ferè claudorum trigadi m agebant ex articulari morbo; Hic tribus, ille quatuor pedibus, incedebat, iste rheda, alius sella, vehabatur, portulabatur alius ad curiam; unus ex iis miseriarum pertasus, ad primum Arthritidis insultum, affectam partem ad ignem præligari mandabat, atque ita doloris impulsorem vi extorquebat morbumq; abigebat confestim. *Wilelm. ten Rhyne Dissert. de Arthritide p. 102.*

Me primum in Japoniam adventantem iuvavit nostrorum interpretum, unus in rebus medicis præ cæteris curiosior, ille claudicans, baculoque non leviter innixus ad me proreptabat, culpans gonagræ molestiam, cum illo de remedio mihi agenti regebat; Cras fortè mirabere præsentanei medicaminis energiam; quapropter ad dictum diem ad me reversus, sine ullo incommodo procedebat; Ecquid hoc rei esset? mihi percunctanti respondit; En tibi promissi eventus fidem. Emplastris ex Japonica papyro plurimis, inustas plagulas tantum defendentibus, obtectum genu ostendit; ita nos expellimus articulorum dolorē, effatus: Verum postea innumera exempla dubitationem omnem non minus ex animo meo, quam omnem dolorem ex ægrorum artubus inustio hac, abstulere. *Idem p. 107.*

Peditum erat præfectus jam per tres septimanas rigidâ hieme pessimè à podagra habitus, jamque remedia olim utilia nihil conducebant; itaque in desperationem versa impatentia alia & fortuita poscere videbatur, & ut in ejusmodi casibus fieri solet, sua quisque conferunt consilia: sed ante alios Vislicus quidam, in eodem pridem morbo deprehensus, nullum aliud remedium sibi profuisse sanctè adfirmabat, quàm ambulationem super nivibus; hanc ergo, ut erat solum nivibus coopertum, tantum non suadet, & certò profuturam esse ægrè credenti adjurat. Victus doloribus æger inepto consilio facilè morem gerit, sed quòd nec stare, nec ambulare initio videbatur, primum nives quibus pedes perficeret, adferri

jubet. Ad repentinum frigus omnium statim dolorum remissio, & jam fidens sui in auram frigidiorum educi se patitur nudatis pedum plantis. Inde confecta super nivibus ambulat. tiuncula domum refert pedem omni dolore defunctus, atque ex illo anni unius quod alias factum non erat, à morbo immunitas. Sed hoc quoque inusitatum satis, quod Regii sanguinis Principi post identidem frustrata Medicorum consilia evenisse scio. Nempe ad delinendum dolorem podagricum frigida salsa uti ille solebat maximo cum fructu. Ut adeo tot sint futura Podagricorum remedia, quot sunt, qui ex hoc morbo aegrotant, individua; plerisque enim cum tempore tardum subrepat, & fortuitorum, quam excogitatorum major est gloria.

Γαλακτοποσία, de qua in superioribus, remedium in Arthritide non ita tutum est, ut ad eam quasi ad sacram anchoram confugiendum veniat, nec ab uno aut altero exemplo fausto inductio est petenda. Fateor quidem ab ejusmodi usu dolores remittere, & articulorum imbecillitatem aliquatenus imminui; verum non sic eradicatur causa morbi, imò in ipsis interaneis dum coërcetur & excursions in artus minime facit, vires acquirit visceribus principibus ut plurimum funestas: Huiusce rei plurima in praxi exempla videre contigit, inter quae sequentia seligam. Vir quidam Nobilissimus 66. annos natus postquam in podagra medelam per duodecim annos lacte & pane pro omni alimento usus fuisset, in tantam cerebri, nervosi generis, & memoriae debilitatem aliaque incidit, symptomata, ut morti jam proximus videretur, ni mutata diæta vires novas acquisisset, lethoque sic ereptus fuisset. Ejusdem Nobilissimi Frater annos 60. natus postquam per annos octo eadem diæta lactea usus esset, in dies ferosa colluvies abundantissima in pulmones fluxionis causa, aggregabatur, & debilitas summa inducebatur; meo autem consilio cum ad juscula carniū, carnesque ipsas rediisset, melius multo habuit. Alius praterea 58. circiter annorum, cum per septem annos in arthritidis ipsum vexantis solatium lacti ac lacticiniis totum se dedisset, in affectum pectoris tam gravem incidit, ut subinde se suffocatum iri merito crederet; verum abdicata diæta lactea volatilibusque & reficientibus usus, non prius liberatus est pulmo ab hoste lethaliter ipsum infestante, quam materia tartarea in artus expulsa affectionem podagricam renovaverit per intervalla, quam tamen multo facilius & commodius tulit, quam morbum suffocantem sic fugatum. Videant itaque Tyrones ne confidentius curas ejusmodi suscipiant, eò per dissertationes ab Excellentissimis Viris serio conscriptas, inducti; nam sicut una hirundo non facit ver, sic & neque super uno aut altero exemplo cura aliqua generalis est instituenda; sed tantum sic materia ipsis præbetur experimentorum ulterius conficiendorum, an autem proximi sui periculo illa cessura sint penes ipsos est videre. Arthriticorum historias, quorum alii à clunibus ad ultimos pedes tophis lapidosus extus incrustati-vi sunt alii in lumbis, coxendice, genubus & malleolis rigidi & inflexiles facti sunt; ut & aliorum in quibus pro mitigando dolore

varia superius explicata medicamenta cum successu adhibuimus, hic non addimus, ne sine necessitate nimis in capite per se jam forsitan nimis amplo.

Cadaverum Anatomica Inspectiones.

Anno Domini 1670. fatis cessit Perillustis Dominus Capitaneus Ammon, qui vitam suam longo spatio annorum arthritide excruciatum transegit, ita ut manibus & pedibus contractus remanserit.

Aperto cadavere, causam contracturæ digitorum tam manuum, pedum, quam reliquarum juncturarum indagans, easdem calce vulgo dicta plenas spatia omnia occupantis reperi tanta quantitate ut ipsa ossicula loco suo naturali cedere necesse fuerit, unde dislocatio ossium digitorum, tam manuum, pedum, & juncturarum facile inde colligi potest; cum enim tanta materia ad articulos transmandetur, ut non ole sua prius nervos, membranas, tendines, obruat, & ad obeundas ritè actiones motui & sensui convenientes suffocet, tandem & ipsa ossa suo loco dimovet. *Dom. Joan. Jacob. Dobrzensky In miscellaneis curiosis anni 1661. Observat. 65.*

Dom. à Rapolstein in Alsatia degens, cum per multos annos podagra dira vexatus esset, tandem supremum diem clauit: A morte, quum exenteratum fuisset corpus, condituraque mumiata curatum, Lien inventus fuit plane exsuccus & omni culpa carens, marsupii in modum inanis, sinistris hypochondriis affixus. *Ex observat. Jacobi Moccit Professor. Med. in Academia Friburgensi Brisgojorum.*

Vidua P. Auberti patiebatur dolores atrocissimos in Ischio sinistro, qui sese ad extremum pedem porrigebant: Cum dolor in coxa gravior evasisset, & tumor in parte appareret, concolor tamen, tum etiam pars compressa multum doleret, necnon ægra dolores lancinantes in eadem perciperet per vices, vocati fuere Chirurghi qui abscessum profundum latitare asseruerunt: Sicque consilio habito pars aperta est caustico & scalpello, nullum pus effluxit: Post xv. dies ab apertione hydropica facta est, & tandem suffocata interiit. Aperto cadavere, & secta coxa usque ad os, in loco apertionis inventæ sunt parvæ quaedam glandulæ suppuratæ, quæ pus concretum continebant, ita ut non potuerit effluere. *Riverius Observ. 53. Centur. 2.*

Amedeus Faber lignarius, 40. annos natus, biennio variis morbis, ac postremo etiam dolore Ischiadico laboravit, & tandem extinctus est.

In dissectione ad rotatorem femoris dextri ingens abscessus, humorem purulentum copiosissimum, supra libræ pondus continens, inventus est: hinc erosio articuli ligamentis, inhibitis etiam musculis, *Luxatio* quam passus erat æger: Deinde sub musculo Psoa sinistro, cui ren incumbit, quique in cruris interiori partem infertur, ingens ætheroma, ultra libras duas puris crassioris continens. *Fabritius Hildanus Obs. 71. Cent. 1.*

Vir Doctissimus & Piissimus Gentis hujus pariter, & literarum decus D. D. H. H. cum crebris

crebris dolorum, vomitus, & cruentæ mictionis paroxysmis, per plures annos graviter obnoxius vixisset, tandem remediis sequentibus constanter usus; nephritide ferè immunis, absque graviore quopiam insultu supra septennium vixit. Curationis methodus, quam Generosus quidam edocuerat, sine pharniatica quavis, ad hunc modum habuit, vino & Pomaceo abstinens, pro potu ordinario Allam tenuem ex Bratio Avenaceo bibebat; porro semel in hebdomada manè cœpit haustum ejusdem Allæ ad libr. m. circiter unam, cum pulveris ossium senelorum coch. iij. in eo dissolutis: horum usu intra paucos menses morbo calculari valedixisse visus, mox Arthritico laborare cœpit; ejusque paroxysmis gravioribus per totam nephritidis vacationem subindè infestabatur; iisque demum, levi quavis occasione in tantum obnoxius fiebat, ut, si statim à pastu corpus, vel animus, scilicet deambulatione aut studio ullatenus exerceret, dolorum insultus certissime expectaret: Cujus ratio erat, quòd sanguis particulis salinosis, & liquor nerveus acetosis usque ad plenitudinem saturi, scilicet quando succo nutritio recenti perfusi simulque incitati turgerent, illicò superfluitates suas, scilicet materiem utriusque indolis morificam, in Articulos valde debiles deponent.

Itaque venerandus ille vir torturæ ita crebræ ac ferè continuæ pertæsus, ex consilio cujusdam amici urinam propriam unoquoque mane bibebat; cuius usu intra mensem unum aut alterum doloribus Arthriticis paulò minùs pretebatur, sed malà vice affectus nephriticus recrudescere cœpit; nam dolore circa lumbos, cum vomitu & dysuria subindè afficiebatur, & brevi postea urinæ suppressio totalis successit; quæ, nullis remediis superanda, post duas circiter hebdomadas Dominum Clarissimum è medio sustulit.

Cadavere aperto viscera omnia, exceptis renibus, maximè sana & firma apparebant; attamen ren dexter jampridem ferè absumptus fuerat, superstitie tantum exiguo glandularum acervo, vasis omnibus & uretere coalitis, & penitus occlusis, ut nulla prorsus urina illuc à longo tempore transierit: Ren sinister satis largus intra cavitatem, & ductus suos magnam sabuli, & calculorum aggeriem continebat; in super lapillus rotundus, obdurus, & albicans in ureterem spatio circiter trium unciarum delapsus, ibidemque fixus, lotii transitum penitus occluserat; ureteris membrana, ubi calculus hærebat crassa adeo, & callosa, proindeque indolens evaserat, ut hic nullo modo sursum, aut deorsum dimoveri potuerit.

Videtur in hoc casu, quòd, cum sanguis & succi nervei particulæ coagulativæ, nempe salinossæ, & acetossæ primò in renibus coeantes affectionem nephriticam diu excitarunt; postea supra dicti pulveris usu salinæ usque in corporis habitum protrusæ & non facillè redditæ, in Articulis seminum Arthriticum congenerent, renibus interim ferè liberis: Tandem verò cum ab urinæ propriæ potu, minera salina in renes reduceretur, morbus Articularis in Nephritin exitialem commutabatur. *Th. Willis de Arthritide Tom. 2. Operum.*

ARTICULARIS MORBUS

Vid.

ARTHRITIS.

ASCARIDES.

Vid.

VERMES.

ASCITES.

Vid.

HYDROPS.

ASITIA.

Vid.

ANOREXIA.

ASPHEXIA.

Vid.

PULSUS DEFICIENS.

ASTHMA

Vid.

RESPIRATIONIS LÆSIONES.

ATHEROMA.

De Atheromate, Meliceride, Steatomate, Emphysemate, Natta, Lupia & Ganglio.

Hosce omnes affectus qui de tumorum anomalorum atque cysticorum genere sunt, unà comprehendimus, quandoquidem plura uni ex iis conveniunt, quæ alteri apprimè etiam faciunt, ac propterea simul pertrectari debent: Est autem *Atheroma* tumor indolens tunica suâ continens humorem lentum atque glutinosum pulti similem, admixtis quandoque corpusculis durioribus, imò etiam pilis aliisque similis sortis. *Steatoma* est tumor proprio comprehensus folliculo, cujus materia sevo similis est, ejusdem ubique coloris, & ab exiguo principio sensim augmentum sumens, qui digitis compressus aliquatenus quidem cedit, at iis remotis ad priorem magnitudinem & elevationem facillè redit. *Meliceris* est tumor doloris prorsus expers ac rotundus, humorem tenuem, mellis substantiam referentem folliculo suo complectens. Diximus tumorem hunc esse rotundum, in quo ex parte differt ab *Atheromate* & *Steatomate* quæ non ita rotunda reperiuntur, sed figuræ ut plurimum magis depressæ, imò inæqualis. *Emphysema* est tumor ex flatulento spiritu, sive intra membranosas membri alicujus partes, sive sub ipsa densior cute, sive inter muscutorum interstitia, coarervato genitus, savissimum quandoque dolorem faciens, ob membranarum sensu exquisitissimo præditarum divulsionem. *Natta* est tumor, seu potius excrescentia magna & carnosâ, cujus plures sunt species, aliæ scilicet quæ vasa grandiora implicata, & quasi commixta habent, aliæ verò minimè, aliæ quæ

super basi magna, lata ac adhærente elewantur, aliæ verò super basi angusta & minimè adhærente. *Lupia* & *Ganglion* sunt tumores per se indolentes, renitentes, & cuti corporis concolores, quorum hoc circa articulos plerumque manuum & pedum partesque illorum nervosas & tendinosas, existit: Illa verò circa aliarum partium articulos, imò è variis membris emergit. Diximus esse per se indolentes, quia quandoque lupia temporis mora, & præ carie ossis substrati, ab humore contento effecta, non tantum dolens fit, sed etiam in cancrum quidabit; imò ipsa ut & ganglion vehementer pressa obtusum quendam doloris sensum exhibent. Humor contentus aliquando est tenuis ad instar mellis, aliquando pultaceus, aliquando sebaceus, & in ganglio aliquando nullus, & ex mera distensione fibrarum tendinis ortus.

Causa horum omnium tumorum est humor viscidus & glutinosus sale multo imprægnatus à sanguine aut lymphâ variè concretescibili suffectus: Folliculus autem materias è quibus constat concludens, efformatur à maximè ramosis ac salinis particulis, quæ dum subtiliores avolant ad tumoris superficiem abreptæ ulterius pergere nesciunt, ibique invicem implicatæ crustam faciunt membranofam, qualiter videmus liquores viscidos & salinos dum igni admoventur subito pelliculam efformare; vel etiam ille folliculus primò conficitur à membranula quacunque partis cui tumor insidet, quæ extensa in dies compactior atque densior evadit per particularum prædictarum adjunctionem. Viscidus autem ille humor varios concretionis gradus acquirit, unde vel ad mellis, vel ad pultis, vel ad sevi consistentiam, accedit, imò quandoque etiam talis à sanguine sufficitur qui excrementum prorsus carneam qualem in natta ut plurimum videre est, constituat. Aliquando tam multus est & à vasis grandioribus aut pluribus derivatus, qui tumores magnos, aliquando tam paucos qui tumores parvos conficit; imò aliquando ea tantum in copia effusus quæ possit poros partis obstruere, liberumque spirituum vitalium commercium impedire, unde flatus procreantur genuina *emphysematis*, & etiam aliquando ganglii materia.

De *Differentiis* & *partibus affectis* in hisce tumoribus, non est quod aliquid addamus iis quæ jam dicta sunt. *Prognosis* autem, *Indicationes* & *Curatio* abundè peti poterunt ex iis quæ jam è variis Autoribus habemus afferenda.

Curationes.

Curandum est atheroma septicis, ut ærugine, squamma æris, chrysocolle, mysi, calcitide, auripigmento, arsenico, calce viva, atramento sutorio, lacte caprifico; his autem non indifferenter utaris verbi gratiâ, Septica erunt in durioribus corporibus, arsenicum, chrysocolle, calx viva, quæ in aliis naturis erunt caustica. Calx in pueris quidem est septicum, in adultis verò & robustis est tantum epouloticum. Medicamenta septica sunt.

℞. Calcis vivæ drach. iv. fœcis vini combustæ, nitri liquidi tostæ drach. ij. minii drach. j. cum lixivio teruntur, & melle ad crassam substantiam deducuntur.

℞. Squammæ æris, Sandarachæ, drach. ij. veratri nigri drach. ij. cum rosaceo.

Item ℞. Squammæ æris, sandarachæ, seminis urticæ torrefacti, cum rosaceo.

Item ℞. Erinaceorum combustorum, testæ sepiæ, auripigmenti partes æquales ex rosaceo. Valet plurimum aqua fortis, qua utuntur aurifices, in qua tingatur lignum, & eo perfricitur pars, exedat partem. Item valet illud ex lixivio fullonum in sartagine cocto, donec crassescat, & indurescat, deinde miscetur auripigmenti partes v. atramenti sutorii part. iij.

Curatur etiam Atheroma per Chirurgiam, scilicet, excidendo, qui modus primo melior est; septicis autem curatur, si eruperit materia, nec folliculus sit abscissus, vel æger ferrum ignitum pertimescat. Excisio autem fit hoc modo; Ægro in sella posito in cubiculo claro, deradendi sunt crines, vel potius recidendi, quia deradationem sequitur sanguinis eruptio; deinde atramento signanda longitudo incisionis, quæ tanta esse debet, quanta est rotunditas abscessus, interdum abscessus postulat unam, interdum verò duplicem incisionem, crucis modo; quando fit duplex incisio, prima major esse debet, quàm secunda, fit unica in abscessu minore, vel in fronte; duplex verò, ubi est in capillis; in qua incisione scalpellus debet habere aciem recurvatam exterius, & in ipsa incisione efficienda videndum est, ut tantum cutis superposita folliculo incidatur, cavendum verò est ab incisione folliculi. Incidemus autem tantum cutem, sine folliculo, si sciamus colorem cutis, & folliculi, qui cum sit diversus, facile discernitur. Solet autem unum nos impedire, quò minus distinguatur folliculus à cute, scilicet sanguis effluens, ideo Chirurgus manu sinistra spongia exsiccare sanguinem debet. Facta sectione, vel uni, vel duplici, statim toto specilli mucrone, inter folliculum & cutem immisso, separetur folliculus à cute, quod facili negotio fiet, quia non valde adhæret cuti folliculus; quod si folliculus magis hæreat, scalpello separetur, in fundo autem, ubi est vena illa porrecta ad folliculum, sanguinem atheromati affundens, & illud augens, præcidere oportet transversum venam, ne cum vase relinquatur aliqua folliculi portio, ac proinde currat morbus; illa enim vena simplex est, sine arteria; quò fit ut sanguis ille non sit alimentalis: hoc peracto, conjungenda sunt invicem labia; non tamen prehendantur pericranium, nec deradatur dimissa sutura, etiam reducuntur labia, quia inter incidendum, semper sanguis exit, & in cavitate semper sanguis remanet, qui per futuram factam inflammaretur. Interdum utendum est glutinatione, quando nimirum remanet aliquis tumor in parte, & labia magis quàm par est, sunt separata; interdum solent liquores replere cavitationem, & eò confluere; tunc utere suppurantibus, quale est.

℞. Resin. terebinth. ʒj. thuris pulverisati drach. j. myrrh. drach. j. olei hyperici ʒj. olei vitellorum quantum sufficit. Quod si folliculus

culus jam sit ruptus, vel per se, vel per Chirurgum, necesse est ut alterutrum eveniat, vel revertatur morbus, vel remaneat ulcus cavernosum, fistulosum, & fœdum; tunc autem utendum est incidentibus, vel septicis, vel confiderandum tempus ruptionis; si recens sit ruptus utere curatione artificiosa, immitte latum specilli mucronem, inter cutem, modo prædicto, & aufer folliculum; quod si multo ante sit ruptus, septicis utendum in maximis abscessibus, quilibuscunque, forcipe abscessu prehenso, abscondendus est cum cute; tantum enim timeatur profusio sanguinis. *Hieronym. Fabric. ab Aquapendente in Pentateuch.*

Curatur Meliceris triplici ratione, ex Galeno 13. Meth. cap. 12. vel digerentibus, vel septicis, seu exelione, vel excisione. De septicis & excisione dictum est in atheromate, jam de digerentibus erit sermo, quæ cum vacuent materiam per halitum, notandum, quod digerentia, quæ huic loco sunt opportuna, sunt valentiora, quam si esset abscessus sine folliculo; quia materia præter cutem debet exire per folliculum, unde in humidis, & parva meliceride, valent ceratum philagii, & ceratum sacrum; item decoctum pulegii, calamenthi, hyssopi, admotum, cum spongia expressa; item spongia ex lixivio: at in majori abscessu, & duriori corpore, valent nucleus allii, aut allium decoctum, & per spongiam admotum. Valentius hoc est si in aqua infundamus calcem vivam, quo aqua ea inficiatur, deinde alia infunditur aqua, & fœx abjicitur, postea exprimitur spongia, & superponitur aqua infecta. Media sunt inter valentissima, & mitissima, verbi gratia.

℥. Salis Hispani, argenti spumæ, cerussæ, ana ℥ j. ceræ ʒ j. terebinthinæ, galbani, opopanax ʒ ij. sinapi ʒ vj. olei veteris ℥ iij. acet. ʒ vij. misce. Est & aliud.

℥. Salis Ammoniac. spumæ argenti, ℥ j. ceræ, terebinthinæ galbani, opopanax ʒ j. rubricæ sinopice ʒ vj. aceti heminam, misce, ex Aëtio lib. 15. *Idem ibid.*

Quod ad curationem Steatomatis attinet, propter duritiem latam basin, multitudinem sevi, tractandus est abscessus tantum excisione, quia medicamentorum vis à sevo obtunditur, & copia sevi obruitur. Audacter ergo scalpello separatur sebum à pericranio; ne aliquando revertatur abscessus: difficulter enim vel curatur, vel revertitur, propter humorem crassum obduratum, & propter pericranium, quod reducit ad humidam intemperiem; unde nec caro gigni, nec cicatrix potest induci, ideo unde ne difficulter curetur, nec revertatur, cum Aëtio l. 15. separetur pericranium, & deradatur cranium, quia materia est diffusa, & facile utrumque remollit. Deinde obducenda cicatrix. *Idem ibidem.*

Hac nostra tempestate medicorum omne decretum in eo constitit, ut neutiquam per scalprum attrectanda judicent hæc apostemata, utpote quæ non urgeant. Veruntamen incommoda multa, quæ genus hoc afferre solent inconsulte transcurrunt. Taceo formæ turpitudinem, quæ multis est supplicio, siquidem in locum corporis oculis aspectabilem inciderint,

præcipue verò fœminis & mollibus hominibus; quibus, ut notat Celsus, eripi cura cultus tui non potest. Sed enim quis horum molestiam, quis alienæ substantiæ inhæsum dissimulet, totis vitæ curriculis stabilem? Sunt autem horum materiæ toto genere præter naturam, ut notat Gal. l. 3. meth. med. non semel. Præterea vastitatis incommodum interdum est tale, ut motiones corporis, & musculorum impediat, perpetuum autem illud, quod in unum latus decubitu privant homines; si de masculis tamen hoc dictum intelligas. Porro videre licuit sæpe Neapoli mendicum, cui abscessus erat in sinistra nate (napam & nasdam vocat Conradus Tigurinus) major, quam totum abdomen sit communis mensuræ hominis, undosus fluctuans; tota sua comprehensione concolor; indolens, & mobilis velut utris: homo habitu strigoso & squalenti atque etiam quasi confecto. Plures quoque relati sunt à me ante, quibus incommoda vita erat, & qui principio sanari potuerant facile jam insanabiles. Tertio etiam ad plenilunia atque interlunia dolent acriter, atque effrascunt ita distenti, ut discerpi sibi membra sentiant laborantes. Ad hæc per extremos brumæ rigores difficile non est, ut rigorem nigroremve obeant. Etenim æstate media licuit observare in fronte cujusdam hominis atheroma, quod attactum persentiretur frigus: adeo scilicet à natura, & comite calore distat inclusus fomes. Postremo si locum excarnem infimi, vel medii ventris atheroma prehenderit, aliquot annorum curriculis non est difficile, ut factis erosionibus cuniculis interdum in cava penetrat viscerum, quod Dominico adolescenti Abellinati evenisse comperi eventu planè funesto. Etenim ulcerato circa Xiphoidem atheromate post aliquod tempus facta sinuatio in ultimam membranam; & claustra pectoris sensim exhausto spiritu finiit puerum alioquin imbecillum.

Ad hæc mala omnia illud accedit maximum; quod sub longa contage saniei, atque putredinis adusque os subjectum conteri solet, ut si in caput vitium inciderit, pericranium & cranium infectionem maneat; ut evenire solet è gummi venereo, quod annotavit Fallopius loco sæpius recitato; Itemque è talparia testimonio Lanfranci Mediolanensis, Guidonis Cauliaci tract. 2. doctr. 2. c. 1. Amati Lusitani cent. 1. curat. 16. Cum igitur, inquam, putridi vitii pericula foveant hi abscessus; cum menstruis incrementis, distentionum, & molis, onerisque molestia fatigent; detrimentum afferentes amictus, incessus, decubitus, motus, item plerisque vitæ muneribus; necnon majestati vultus, cui tantoperè natura studuit, incommodent; denique cum non semel ad usque mortem insolentia sint; quid non amputandos eosdem, & quacunque licet arte demoliendos existimet quispiam? vel quis etiam nunc deliberatè rescindendos abnuat? suavis hoc quippe nobis per veteres autores Græcos, Latinos, Pœnos, Mauros, Arabas, & Arabistas omnes seu Medicos, seu Chirurgicos, suavis etiam novissimè à Gabriele Fallopio, Joanne Tagutio, Hieronymo Fabricio, Joanne Riolano in Chirurgia cap. de bronchocele, nata, testudine, talpa;

Bartholomæo Cabrollo obs. 30. & Fabricio Hildano observatione 63. Illud autem frugis consequitur, si declinetur, differaturque Chirurgia, siue gestantium hominum, qui non permittunt, siue Medicorum, qui operam attrectare non audent, culpa; ut saepe cum allaborare velint, non possint. Notus est homo Neapoli, qui circumseptas cervices, & collum quatuor atheromatis folliculi luforii magnitudinem æquantibus habet, jamjam, ut apparet, strangulaturis. Notus & eadem urbe Ferrandus Ludifella sophista doctorque adolescentium eruditus, qui cum steatomatis in gena extantis excisionem multis jam annis ab experientis medicimano refugerit: jam accretum ad magnitudinem mali infini tumorem, & amictu insolenti nunc obtegere coactus est, & vix aliquem reperit, qui tutò ab eo se malo liberare confidat. Itaque neglectam in arduis chirurgiam poenitentia semper sequitur. Quod si me audient, aut medentes, aut vitium hoc ferentes, cum primum se prodiderit exultans cute tuberculum è vestigio succidant nil veriti, facile tenella revellitur arbuscula, quæ cum altas in patrio solo fixerit radices, & revellentis omnes vires ridet, & resecta repullulascit. *Marc. Aurel. Severin. de recond. abscess. natura.*

Antequam verò ad ipsam anomalorum abscessuum curationem accedamus, mentio quidem esset faciendæ curationis eorundem prophylacticæ, sed quia eandem abundè descriptam nobis reliquit Joannes Langius in epist. 4. l. 10. itaque te eò remitto, interim tamen absolute plurimos unctione Arabica me curasse, te latere nolo; inter quos etiam est integerrimus generalis Antistes ordinis Montis Virginei, Reverendus item P. Joannes Baptista Nenna ejusque sodalis Horatius Tarantellus utrique è societate Jesu viri: Insuper sacerdotes templi incurabilium duo, ut & Augustinus Saulinus Doctor Medicus probatus ac Gregorius Saponelibrarius compositor, ampulo aut ulceri delapsa crusta & membranula per corrosiva subducta, facilis fuit carnis inductio & in ejectricem obductio. Hæc de prophylactica curatione sufficientiant, sequitur nunc altera.

Cum autem triplex is abscessus alieno constiterit concremento: expletur omnis curandi scopus evacuatu, atque absumptu materiæ, quæ opera, vel sensu evidens, vel obscura est. Evidens quidem tum putrefaciendo, tum excindendo habetur obscura medicatio per discussum est lentum, quem medicamenta extreme calida præstant, & absorbentia, quæ lia sunt inter cetera Gal. emplast. diapyrites, & diadictamnum, & sacrum opere de comp. med. per gen. descripta. Itaque horum abscessuum omnium curatio communis est triplex, per digerentia, per liquantia, per exectum. Porro uni meliceridi triplex hæc omnis ratio pro libitu, proque ratione affectus accommodari potest: corruptoria verò, & exectus atheromati conveniunt. Solus exectus steatomati competit, quippe materiæ crassitie contumacissimum ad medicatum steatoma; minus atheroma est, multo omnium minime meliceris; de qua Galenus in l. 14. meth. med. cap. 12. Paulus in l. 13. cap. 34. Fallopius, & Fabricius memoratis locis.

Jam verò, quod Galenus l. 3. meth. med.

meliceridem rescindendam absolute posuit; 14. vero ejusdem operis per discussum medendam: contradictionem aliquam non habet. Etenim eo loco curationem extremam: hic promiscuam, & multiplicem explicuit. Præterea neminis nos oportet, Gal. in l. de tumor. prat. natur. cap. 1. haud perpetuas fecisse tunicas abscessibus. Fieri ergo potuit, ut tunicata quidem tubercula per exectum à scalpro; tunica verò expertia per digestum à medicamentis curaverit. Enimverò diversitas hæc, & mihi comperta est, qui juveni Romano meliceridem de palpebra detraxi cysti circumseptam; in carpo verò mihi, & aliis eandem curavi præter eductum rei solidæ. Sed & atheromati non unus est modus, interdum enim adhærens levius tunica cuti, interdum adjacens laxè reperta est. Sic & steatomatis variam, madore, pinguedine, densitate, compagine, toto habitu systasin adverti superius. Vides jam non dissensisse sibi Galenum productis locis. Major ambiguitas est apud Aëtium Amidenum, qui Tetrabib. l. 4. ferm. 3. cap. 7. proposuit medicamenta, quæ meliceridas, & steatomata citra chirurgiam exolvere valent; sed pro eis, qui chirurgiam recusant ea verba protulit: quasi verò condocerent hos faciamus in medicamentis utendis tedium, non veram curandi efficacitatem esse, vel dixeris tentanda omnia sub tumorum initiis. Et Gal. myrmecias discutili licere docuit l. 6. epidem. com. 2. qui meth. cap. 1. & l. 14. cap. 13. & 17. censuit excindendas, nimirum, quia toto sunt genere præter naturam. Sed & Paulus Aegineta l. 3. cap. 34. remedia digerentia potissimum ad meliceridas exposuit, qui alia operis parte tradidit excindendas.

Quoniam igitur cysticis abscessibus una meliceris curationem per medicamenta discutientia sibi prærogat; septica verò exposcit atheroma; de horum utrorumque delectu necesse est, ut dicamus. Quod autem ad meliceridem spectat; curatio per medicamenta difficilis plurimumque fallens usu comperitur: nihilominus, quia tumoris initio debita, omnibus semper optabilis, & à scriptoribus plerisque proposita est: exequemur etiam hic nos medicamentorum ejusmodi descriptiones, auctore primum adscito Gal. qui l. 6. de compositione medicam. per gen. cap. 14. exposuit Alexandri unum, quod recipit. Salis Hispani, argenti spuma, cerussa ana lbj. ceræ, terebinthinæ ana 3j. Galbani & opopanacis, visc. querciu. ana 3ij. sinapeos 3vj. olei veteris lbij. aceti sextarios octo. Describit & sic Fallopius. Alterum descripsit ex Democrite, quod sic conficitur.

Libram salis levissimi.

Tenuis, duas cerussæ, tot & galbani,
Fac uncias, totidem puræ propoleos.
Aristolochiæ binas pariter uncias,
Præstantis olei libras annosi duas.
Crassissimum si fuerit, addes alteram.
Coquito similiter, temperatumque probe
Ab igne tollito: lavigatam tunc quoque
Aristolochiam insperges, injeceris ubi
Mollita, propolim scilicet, atque galbanum.

Hæc

Hæc Galenus. *Ætius* verò proposuit & suum aliud quod

℥. Cera terebinthinæ, squamæ aris, sing. sextantem, sulphuris vivi, nitri, sing. ʒj. radicū siccarum cannabis sylvestris, xxxv. & si defuerint, *Aristotelenia* tantundem, olei antiqui ℥j. Radices per triduum aqua madefactas, & contusas in oleo coquito, donec torrescant. Deinde ipsis abjectis cætera, quæ liquari debent, liquata admisceto, & arida ex aceto tria adjicito, atque utitor. Sed *Paulus Aegineta* l. 4. cap. 31. præter alia multa commendat unum ab *Archigene* excogitatum, quod

℥. *Aphronitri*, & veratri partem duplam cum cerato duriore impositam. Hæc isti veteres; è Junioribus verò *Joan. Langius* lib. 3. epist. & *Evonymus Phyllitrus* tum in operis parte prioris; tum in posteriore, & post hoc alii celebrant oleum subtiliore ignis arte (chymicam vocant) extusum. De quo hæc ille: Aqua mirabilis, quæ delet napas, tubercula, seu pustulas papulæve, aliqui napas vocant (Itali puto) Lupias, glandulas, scrophulas, porros, id est, verrucas, & omnia nascentia mala ubivis in corpore tollit.

℥. Olei Laurin. ℥ij. thuris albi, mastiches elect. gummi. Arabic. terebinthin. claræ, ana ʒij. Tritis terendis misce omnia, & destilla per alembicum, & in aqua ista sic destillata infunde ℥ß. cineris terræ & iterum destilla, & serva aquam thesaurum: *Jnnominatum*. Cinerem terræ calcem puto.

Devenit jam sermo ad rationem administrandæ rei chirurgicæ, quam *Cornelius Cælius* omnium post *Hippocratem* vetustissimus absolutissimusque auctor scripta reliquit lib. 7. rei medicæ c. 6. his verbis.

Si capillis conteguntur, per medium oportet incidere: sed steatomatis tunica quoque secanda est, ut effundatur quicquid intus coit: qui non facile à cute & subjecta carne ea separatur: in cæteris ipsa tunica inviolata servanda est: Protinus autem alba, & intenta se ostendit, tum scalpelli in nubrio deducenda à cute, & carne est, ejiciendaque cum eo, quod intus tenet, si quando tamen ab inferiore parte tunicæ musculus inhæsit, ne is lædatur, superior pars illius decidenda, alia ibidem relinquenda est; ubi tota exempta est, committenda oræ, fibulæ quæ his injicienda, & super medicamentum glutinans dandum est, ubi vel tota tunica, vel aliquid ex ea relictum est: pus moventia adhibenda sunt. Hæc ille. Addidit *Paulus* præcipuam emundandæ tunicæ diligentiam servandam esse in brachiali, in talo, & articulationis motui dicatis: in quibus locis relictæ membranæ portio consuevit occasionem exuscitandi vitii præbere. Sed nos adscribemus his utiles quasdam agendi rationes, & observationes. Primum abscessus cum tunica, qui in manibus attræctati per motum sese exhibent circumfluos, id est, quoquoque sub cute mobiles: hos confidentius arripi curandos licet, in alteros verò, qui firmiter hærent, jam apertos materiæ quæ opplente exhaustos candentia feramenta tutius immittuntur, qui ignis insuper, ubi minus evulsæ videantur fibræ, quibus abscessus nititur, atque ubi periculum est, vel profluxuri sanguinis, vel accessuræ corruptio-

nis, opportunissimus erit. Ad iufecandum autem cauteria, non vulgariter acuta desiderantur. *Smilion*, id est, recurvum scalprum requirit *Hieronymus Fabricius Aquapend.* in Tract. de tumor. c. de atheromate, &c. Sed interim homo, qui tractandus est, *Hippocr.* præcepto in l. de offic. medic. paulo post initia, tum ad lumen illustre, tum ad te curantem, quam commodissime collocandus est; qui si timidus sit, sive puer, sive fœmina, manibus ad dorsum retractis religandus; nimirum ne doloris impatiens medicum agentem actis variè manibus impediatur, aut pavens, quoquoque versum agitetur. Post hæc ordinatis, quæ sunt ex usu rituque potissimum habere paratam spongiam, quæ inter secandum effluens turbator sanguis extergatur; notabilisque aptè per atramentum scriptorium dissectionis necessariæ situm, magnitudinem, figuram: quæ sectio, qua tumor exporrigitur, aut paulo citius extendi debet: sic enim & commodius diduci fibræ, & apprehendi tunicam, & purgari ventriculum licebit, tum obverso scilicet pro rem peragas licet, tentans obliqua manu descissionem: atque ita etiam excorioris cutem, ne folliculum, id est, vestientem membranam convulneres. Incisione facta præcipit *Cornelius*, ut tunica scalpelli manubriolo diducenda sit ex cute, & carne ejiciendaque cum eo quod intus tenet. Sed nihilominus compertum est mihi firmiter hanc adhærescere, quam ut obtusæ rei scalptu divellatur, quapropter acie feramenti sub tunicam immissi subsecanda est, totaque detrahenda; vel si hoc æger patiat, medicamentis causticis exedenda: in qua sapius laborare Medicum contingit.

Meliceris, quæ carpo paulo superius oboritur, his, qui rem minime sunt experti plerumque imponit sic, ut credant scirrhum esse tuberculum gangliumve: atque adeo dissectionem execrantur medentes. Sed nihilominus scire licet hanc duritiem evenire distentione humoris copiosi, qui candidum ovi, aut, ut verius fortasse dicam, mel album refert. Hunc igitur mobilem circumquaque tumorem non contrectaveris; confidenter, si me audis, perueris, sive phlebotomo, sive pastinacæ marinæ radio, quem homines timidi minus exhorrebunt. Comperta hæc observatio mihi fuit in multis: primum in meipso, qui *Pithecusæ* degens unam ex his in metacarpo natam discidi; deinde in aliis, & in *Leonardo Ciccono Civili Abellinati Doctore* jam medico, qui tum usum medendi sub *Mario Schipano* medico celebri erudiebatur cujus sinistra manus initio natum tuberculum licet aliquibus ganglii speciem referret, nihilominus à me suppunctum pellucida effusa pituita meliceriam manifestam fecit. Cui operæ interfuit principio *Dominus Coccia Neapolitanus Medicus* eruditus. Meliceridis super carpo superiore natæ folliculus inhærens nullus quantum ego in plurimis observavi; quare neque ampliorem illius causam sectionem feceris; neque ab insecta illa cysti exsolvenda fueris sollicitus, quam curam multi falso volunt habendam.

Steatoma cum abscideris, memento intemperiem nonnullam, præcipue si majusculum fuerit idem, in parte relictam curare. Consilium autem

autem tui medentis erit eandem medicamentis naturæ amicis fovere : ubi verò fibras aliquot residuas inspexeris, consultum his fuerit induci causticum, vel ignem leviculum. Hæc equidem à me comprobata sunt omnia, in eo, quod curavimus Gratia à Philippis Cœnobitæ minori : cujus in hoc libro plus semel mentio facta est. Atque hæc quidem curatio est, si lata sit basi steatoma; namque si tenui sit pedunculo propendens, satis erit ad imum exectio. Corrosivis contentus est Fallopius. Illud etiam ex Aëtio negligendum non est, quod in strumis servatur, si steatoma sublevatum fuerit; in circuitu per scalpellum, subter verò digitis, insertum verò in ambitu, & subter incidendum esse. Cœterum ex ejusdem viri doctrina scire licet in atheromate, ac meliceride tunicæ sectionem formidari : in steatmate, quia solidioris est substantiæ, quæ non effluit : nullam ejus rei necessariam cautionem esse.

Sed in atheromatis genere illud inter cætera maxime advertendum est, ab aliis quidem nullis admonitum, à me verò dum hæc sæpe tracto, non semel observatum : detectam amplè tuniculam abscessus haud semper oportere totam à cute revelli concluso tum infartu integram : quippe per acerba revulsio, & ab omnibus vix tolerabilis. Satis est, ut latiusculè dissecta cute, potissimum autem decussatim, quam maximam licet, membranæ partem forficulis, aut scalpro rescindat; cæteram portionem medicamentis non dico equidem causticis, sed digerentibus & erodentibus detracturus : Id equidem comperi primum in valetudinario curans Dominicum Riccardum Adolescentulum Abellinatem, qui atheroma obtulerat super ensiformi cartilagine sexto plus mense natum. In quo adolescente nulla etiam num facta resectione folliculus amplè apertus computruit, & partim abstergentibus, partim catharticis extritus est, & liquidus. Non dissentit autem à me Paulus l. 6. cap. 36. Verum enimverò non te lateat velim, hujus sortis non esse crassiores folliculos, & cartilagineos fere. Ejusmodi fuit is, quem Capuccino de genu substuli, porro par non omnium est conditio etiam ejusdem generis. Ergo prudens Medicus exercitusque sit oportet, qui perspicieret omnia discernat in singulis. Aliud etiam à me comprobatum super eodem adolescente rescias velim. Circa pectus execta hæc tuberculi distentionem aliquam lacertis thoracis induxisse, quapropter sollicitus esto laxandorum continuo musculorum, tum ad ipsos datis medicamentis tum ad axillas, & inguina. Aliud ex Aëtio servandum est. Post ablatam pelliculam, si labia plus æquo laxa fuerint, redundans cutis exsecanda, deinde futuris labia connectenda. Atque illud insuper animadvertione dignum est eodem auctore; ut si in capite hujusmodi tumor fuerit post ablatam pelliculam os ambientem secemus, & calvariam diligenter abradamus, qua in re facienda, quid consilii sit, Aëtius quidem ipse non expressit; sed nos illud interpretamur, aut quia sic omnis mali fomes eluitur, scatensque quasi fons ejusdem occæcatur : nimirum in pericranium, & cranium inducto per deraisionem poro, calloque, aut quia securius sic exteritur omnis à

vitio primum inducta labes, nullusque recidiva relinquitur locus. Confirmat autem opinionem tunile quiddam apud Joan. Riolanum, atque alios etiam antiquiores, qui talparium capitis vitium, ut perfectè curetur, etiam pericranium exscindunt, & os deradunt, ne aliquando vitiatum, plagæ coalitum remoretur.

Quæstio nunc ad extremum hunc locum occurrit, num folliculo ad unguem extracto, futura conoscienda sit, nimirum, quia vulneris cruenti ratio conglutinatum exigit sui ipsius. Cujus rei determinatio non ita facilis est : nam si magnitudinem consulas, & secundum hanc requiri futuram velis, parvus quidem hiatus ex plaga solis medicamentis conglutinaturibus contentus est, si magnus est sinus quantum quidem amplitudo vulneris adjuvamentum conglutinationi requirit, tunc tamen etiam difficultatis exhibet, & ambiguitatis, ne tornice aliqua remanente per antiquum cutis habitum ex antea subtrata materia abscessus falsus fiat & irritus coalitus, itaque necessum esset evagantem, & coherentem cum carne cutim prius abscindere, deinde consuere, sed hoc sæpe homines, qui tractantur doloribus multis pertæsi non concedunt, possunt autem si concederint, futura uti, liberam autem, ut consuam, vel abstineas potestatem fecit Aëtius, qui, inquit, peracta opera, vulneris labia futuris constringantur, ut melius glutinentur, aut linamenta profunda indantur, & curatio ad puris generationem adhibeatur. Tr. didit & de futura idem vir Tetrab. lib. 1. serm. 3. cap. 33. & Tetrab. 4. serm. 3. c. 7. & 8. At Celsus lib. 7. cap. 6. tradidit hæc ubi tota (tunica) exempta committendæ oræ, fibulaque his injicienda, & super medicamentum glutinans dandum est. Approbavit, & futuram Paulus Aegineta lib. 6. cap. 36. præter quam (addens) si quid membrulæ restitisse fuerit deprehensum, tum enim erodentibus medicamentis reliquæ sunt absumendæ. His & Hieron. Fabricius adhæsit.

Privatam & peculiarem curationem nunciscitur Nata, seu Nasda, quod plerique dixerunt; tuberculum ex anomaliis unum, quod interdum ex graciliore basi, velut ex pedunculo fons, propendet. Ad steatoma quidem retulit Joannes Lagautius instit. chirurg. l. 1. cap. 13. verum ego potius de genere meliceridis fecerim, quippe steatoma basi nititur ampliore, si credimus Aëtio : id quod de meliceride atque de atheromate, neque idem ipse, neque alius quispiam dixit. Utunque cum hoc tenuiore basi dependeat; circumsectione, atque amputatione tractandum est, non simplici apertione. Ita enim Brunus Calaber Longoburgensis lib. 2. chirurg. magnæ cap. 8. quæ cæteroquin exciso sive adstricto filo in pusillanimis ad stupefactum, usque partis; sive etiam sine innodatu, quod Bruno visum est, fiat; in nostra est manu. Inuisionis verò neque ille meminit, neque necessitas ulla est; nisi cum aut profluvii sanguinis, aut recursus vitii metus suadet. *Idem ibidem.*

In Atheromate, Steatmate & Meliceride imprimis corpus repurgandum est ut occurratur causæ antecedenti, ut pilulis cocceis, de agarico

agarico, de hermodactylis, aut diaphœnici, diacartham. bened. lax. \mathfrak{z} ss. aut \mathfrak{z} vj. in forma boli cum saccharo, vel si placet dissolvatur cum decoct. hyssop. thym. puleg. Pulvis diaturbith utiliter quoque sumitur pondere \mathfrak{z} ij. Ad purgandum mucum tnermæ tam sulphuræ quam aluminosæ valde profunt. Celsus & Aëtius commendant esum viperarum opportunius præparatum. Quidam adsumunt frequenter magno cum successu diacalamith. vel diaprassii \mathfrak{z} j. cum vino aut aqua card. bened. vel scabios. abscessus si fieri potest rumpetur, deinde cardiacis, ut theriaca, Mithridatio, cor muniatur, ne putridis fumis offendatur, ut à se materiam putrem longius repellat & potentiùs expurget. Quo natura verget sequamur. Si videatur viam per urinas affectare, diureticis ejus conatus juvetur, si per alvum, clysteribus, aut blandis catharticis. Abstineat à jusculis & elixis, utatur pane biscocto, anisato, & decocto ligni Guajac. & rad. sarsaparill. chinæ, pro potu ordinario cum saccharo & cinnamomo.

Horum omnium curandorum quatuor sunt communes scopi: Resolvere, exedere, incidere, & ligare. Melicerides his quatuor modis curari possunt: nam si resolvi non possint, aut cauterio exedi, aut facta incisione evelli, si fieri possit ligari debet. Steatomata neque possunt resolvi neque exedi, solâ incisione sanantur, quia adipo us humor nec resolvi potest, neque suppurari, semperque includitur tunica durior. Atheroma non potest quidem resolvi, quia materia est crassior quàm ut discuti possit, sed aliquando potest pepticis maturari. Quorum usus si inutiliter tentetur, aut exedatur, causticis, aut cum sua tota & integra cysti humor e. ellatur. Duobus autem signis cognoscas an includatur humor tunicâ. Primò si sit mobilis, secundò si à cute separetur. Quando enim immotus manet dum contrectatur, & cohæret cuti aut carni, indicium est membranula non includi. Notandum autem est recentes abscessus & molles resolvi posse & suppurari, duos verò & inveteratos sola chirurgia curari. Itaque in hoc diligenter laborandum est, ut singulæ differentiæ discernantur. Steatoma est durius resistitque tangenti, & basim habet solidiorem. Meliceris contra subsidet in modum œdematis, cedit in se compressa, lentèque dissilit, sed cito revertitur: Atheroma verò est veluti medium inter utrumque extremum. Faciamus ergo abscessum esse mollem, non refert si magnus aut parvus fuerit. Resolventibus primùm tentanda erit curatio, ut diachylo ireato, aut cataplasmate ex far. fabar. erui, lolii, lupinorum coctis cum pulvere bupthalmi in oxymel. vel stercore capræ, aut ovis cocto in aceto, vel farina lupinorum cocta in oxymel. Calx oleo vetere, aut adipe suillo, aut melle excepta commendatur à Paulo, quia fundit simul & resolvit. Idem Paulus serpentem conjicit in ollam oblitam gypso, quam mittit in fornacem, pulverem miscet cum æquali portione scœnogræci: utrumque excipit melle. Prodest etiam diachylum magnum cum gummis, addito pulvere radic. ireos, ad libram unam addatur uncia una pulveris. Ad resolvendas Meliceridas.

\mathfrak{z} . Uvarum passul. exemptis acinis par. iv.

squammæ aris \mathfrak{z} iij. parti prius fotæ imponitur.

Vel. \mathfrak{z} . Spumæ nitri & veratri duplum cum cerato duriorè imponitur.

Vel. \mathfrak{z} . Ladani, bdellii, galban. ammoniac. thymiamatis, propolis, terebinth. ana partes æquales, contunde cum pitillo & applica.

Vel. \mathfrak{z} . Passular. exemptis cinis \mathfrak{ss} j. cumini levissimè triti \mathfrak{z} vj. nitri \mathfrak{z} iij. omnia simul in mortario subacta adhibeto ac alligato. Non negligendum quod ex Avicenna ad resolvendos tumores frigidos descripsimus, nam ex Galeno transcribit Guido ut faciliùs resolvat humorem inclusum cysti, primùm excrescentiam manibus contrectat, deinde ferulæ aut scutellæ fundo percutit, ut vesicâ ruptâ materia effundatur, mox applicat plumbi laminam, eamque arctè ligat, quæ non tantum molles & crescentes excrescentias resolvit, sed etiam duras, ut ganglion. Est veluti nodus in nervo, quod Tagautius videtur confundere cum lupia, quando scribit potissimum oriri in capite. Verior tamen est Pauli & Aëtii opinio, qui frequentius talos, & manuum juncturas occupare volunt, rariùs cubitum & caput. Ganglion hoc habet peculiare, quod dum premitur stupidior sensum exhibet, moveturque tantum ad latera pro situ nervi, neque in orbem, in anteriora, aut posteriora ut melicerides & atheroma. Ad dissolutionem lamina plumbea cribri instar perforetur, quineti m ut emolliat magis & fundat humorem concretum, illinatur argento vivo, nec ante novem dies removeatur. Ad resolvendas meliceridas, valet decoctum puleg. calament. hyssopi admotum cum spongia imbuta & expressa. Item spongia ex lixivio expressa. At in majori abscessu & in duriori corpore valent testa allii, aut allii decoctum & per spongiam admotum. Valentius hoc est, si in aquam infundamus calcem vivam, donec aqua inficiatur calce, deinde alia infunditur aqua, & fax abigitur, postea exprimitur spongia, & aqua infecta superponitur. Media sunt inter valentissima.

\mathfrak{z} . Salis Hispani & argenti spumæ, cerussæ ana \mathfrak{ss} j. ceræ \mathfrak{z} j. terebinth. galb. n. opopanax, ana \mathfrak{z} ij. sinapi \mathfrak{z} vj. olei veteris \mathfrak{ss} iij. aceti \mathfrak{z} vj. misce. Est & aliud.

\mathfrak{z} . Salis ammoniac. spumæ argenti ana \mathfrak{ss} j. terebinth. galbani, opopanax. ana \mathfrak{z} ij. rubricæ sinopiceæ \mathfrak{z} vj. aceti heminam, misce. Ex Aëtio lib. ij. Sequitur curationis secundus scopus, ut caustico exedantur. Admovebis cauterium in medio. Aut si magnus sit abscessus, multa cauteria: cum crusta deciderit, indantur penicilli Ægyptiaco illiti, aut præcipitato & melle, aut trochiscus de minio vel asphodelorum, mixtus cum unguento apostolorum. Joannes de Vigo lin. mentis omnes excrescentias indolenter erodit intra unum mensem. Accipit ex linteis usu detritis & bene carptis \mathfrak{z} ij. medullæ panis albi \mathfrak{z} iij. sublimati tenuissimè pulverisati \mathfrak{z} j. aq. rosarum & plantag. ana \mathfrak{ss} j. omnia simul coquit in vase æneo ad consumptionem duarum aut trium partium. Deinde expressa linamenta siccant in forno mediocriter calido, quæ iterum carpta servat in vase bene operto ad usum qualem ipse ita describit. Primùm defensivo vicinæ partes muniuntur. Deinde

de ulcus quod fecit pyroticum prædict. linamento impleatur, superponatur unguentum de tuthia, vel de cerussa; persistendum donec appareat caro viva, tum ulcus melle rosato & terebinthina mundandum. Sunt qui parvas excrescentias totas per transversum incidunt, moxque implent alumine, aut vitriolo utro, quæ cystum erodunt simul, & hæmorrhagiam sistunt, ad idem valet oleum vitrioli cum plumaceolis applicatum: magnis verò trajiciunt duplici setone cruciatim, uno secundum longitudinem, altero per transversum. Quod si humor fluxilis non fuerit, filum aut ellycennium ex quo setones parantur maceretur prius aqua forti, vel liniatur ægyptiaco, vel terebinthina, cui pulvis mercurii sit permixtus. Sequitur tertius modus. Quæ non sanat ignis, sanat ferrum. Incidatur primum cutis, deinde unguibus laceretur ut divellatur à cysti, quæ prehensa vossellis funditus evellatur, quia si remanserit frustulum recidivam faciet; quin etiam si rumpatur dum fit operatio, inanis est labor. Si forte quibusdam vasis adhæreat vossellis suspendatur, atque interim scalpello ab illis separetur. Notandum quod si magna excrescentia adhæreat magnis vasis, venis, arteriis, nervis, tendinibus, utpote si fuerit sub mento, si in manibus, aut pedibus, sinenda ea est. Si sit super futuram, vel spinam dorsii, latera, tempora, nucham, non potest extrahi sine periculo, potest tunc extra illas partes extremas. Sed memineris, extractum abscessum periositium exedere & os subiectum diligenter abraderet, si cariosum sit. Memineris quoque quoties cogitas de magna excrescentia incisione tollenda si forte magnam venam subesse putes, prius habere parata, quæ conveniunt sistendæ hæmorrhagiæ.

In curatione Emphysematis seu flatuosi tumoris cum tria insint, materia humida, caloris imbecillitas, & meatuum densitas; ideo tres intentiones habere debemus. Prima erit convenientem victum instituire, qui talem humidam materiam non gignat. Secunda pituitosam & humidam materiam præparare, concoquere, & evacuare, caloremque debilem viscerum, ac aliarum partium roborare. Tertia flatulentam materiam in partem contentam extenuare & meatus recludere. His quarta etiam addi potest quæ erit symptomatibus succurrere ac subvenire. Priò diæta eadem quæ in œdemate præscripta imperanda; vitanda legumina ut pisa, fabæ: necnon fugaces, potissimum crudi fructus. Secundò succurrendum cruditati: (nam ex cruditæ ab imbecillo calore fit flatus, qui humores in vapores dissolvit calor, quos non potest discurrere imbecillus appellatur.) pilulis de hyera corpus repurgandum, nam inflationis curatio ex communi indicatione posita est in evacuatione flatus, cujus vacuandi rationem ex illa triplici causarum varietate deprehendemus: Languentem itaque calorem nativum roborare, & vaporem crassum discutere, humoremque frigidum, viscidum, aut crassum, flatus materiam attenuare, ipsumque continens corpus rarefacere conveniet. Calor ventriculi primæ coctionis officinæ (cujus errorem sequentes emendare non possunt) roboratur aromaticis

stomachicis, & electuariis ad hoc dicatis, ut diacymino, diacalamento, aromatico garyophillato, aromatico ros. diagalango & similibus; Aniso condito, aut tragea communi utendum. Roborandus etiam ventriculus litu ex oleis de mastich. de absynth. &c. Denique ablatione materiæ conjunctæ, per calida siccantia, attenuantia medicamenta quæ carminativa nominant, ut rarefacta parte humor flatusque subjectus dissipetur. Varianda tamen erunt hujus generis præsidia pro partium varietate: alia enim ventriculo, alia intestinis, alia articulis, alia partibus carnosiss erunt applicanda. Ad colicam injiciuntur clysteres carminativi, apponuntur resolventes sacculi, & umbilico affiguntur cucurbitulæ: si extima, utitur fotu, linimentis, si præsertim divexerit dolor. Relaxanda cutis, ut transpiret, oleo calastico, ut chamæmeli & liliorum. Immiscendum aliquod oleum carminativum dissipans flatus, ut anisi, anethi, rutæ, lauri, cum aqua vitæ. Aut ex anetho, ruta, foliis & baccis lauri, florib. chamæmeli, anthos, sambuci, melilot. seminibus anisi, fœnicul. dauci, cumini, fiat decoctio in vino pro fotu partis inflatæ. Huic superponatur deinde emplastrum de baccis lauri; confectio de baccis lauri, tam injecta quam sumpta benefacit.

Vel. ℥. Flor. camomill. melil. rorisim. rosarum rubr. ana p. j. absynth. hyssop. ana m. ij. coquantur in lixivio, addendo aceti parum, pro fotu cum spongia.

℥. Oleor. chamæmel, aneth. rutac. & lilior. ana ℥ j. olei laurin. ℥ ss. ceræ alb. ℥ vj. aq. vitæ ℥ j. liquefiant omnia simul & fiat linimentum quo liniantur partes præmissæ fotu.

Vel. ℥. Ol. rutæ, amygd. amaran. chamæmel. & aneth. ana ℥ j. vin. alb. ℥ iij. semin. anis. dauci, fœnicul. cumin. ameos, rutæ, carui ana ℥ j. bulliant ad vini consumpt. & exprimantur, express. adde ceræ alb. q. s. f. unguentum.

Vel ℥. Ol. nard. aneth. de castor. ana ℥ iij. aq. vitæ ℥ i ss. pulv. radic. gentian ℥ j. Folior. agrimon. calamenth. organ. ana ℥ ss. rubiæ tinctor. ℥ iij. scœnanth. mastich. ana ℥ i ss. spic. nard. crocian. ℥ iij. ceræ q. s. fiat unguentum.

Vel ℥. Farin. fabar. & orob. ana ℥ iij. coquantur in decocto puleg. organ. calamenth. saliv. addito pulvere chamæmel. & melil. ana ℥ ss. sulphur. vivi subtiliter pulverisati ℥ ij. ol. chamæmel. & anethi ℥ i ss. f. cataplasma.

℥. Stercoris caprin. bene triturat. ℥ iij. flor. camomill. an. m. ss. surfur. farin. fabar. & orobi ana ℥ ij. coquantur cum lixivio communi addendo terebinth. ℥ iij. ol. aneth. & rutac. ana ℥ ij. f. emplastrum ad usum dictum.

Vel. ℥. Milii, vel avenæ ℥ i ss. salis ℥ j. folior. artemis. sampsuc. rorisim. rutæ, ana m. j. semin. fœniculi, carui, cumin. baccar. laur. ana ℥ j. flor. stœcad. Arabic. anthos, calamenth. organ. ana p. j. omnia in sartagine torrefiant, & duo sacculi componantur qui generoso vino irrigati calentes vicissim applicentur, postea unum ex superscriptis unguentis adhibe. Emplastrum de ranis seu de Vigo cum Mercurio & sine Mercurio in eam rem valde confert. Notandum verò ejusmodi medicamenta calida adu parti imponenda esse, eumque calorem continendum & renovandum, circumappositis linteis

linteris, lateribus, lagenis, similibusque rebus calentibus. Resolutis humore flatuque qui in parte conclusi detinebantur, pars roboranda erit, ne subinde similem materiam vel excipiat, vel gignat, id fiet fotu & cataplasmate sequentibus.

℞. Nucum cupressi. cortic. granat. sumac. berberis. balauſt. ana ℥j. caud. equin. arnoglossi. tapſ. barbat. absynth. saly. rorism. lavendul. ana m. ss. flor. chamamel. melil. ros. rubr. anthos ana p. j. alumin. salis communis ana ℥j. bulliant omnia in æquis partibus aqu. fabrorum & vini aulleri, fiant sacculi pro fotu cum spongia.

℞. Farin. fabar. hord. & lupinor. ana ℥ij. tereb. communis ℥iiij. pulv. rad. ireos nor. mastic. ana ℥ss. mellis comm. ℥ij ss. prædictæ decoctionis q. s. f. cataplasma ad formam pultis satis liquidæ, applicetur parti affectæ, calide præmissio fotu. Ad inflationem genu.

℞. Fœcis ceræ novæ, ex prælo, quæ propeleos dicitur ℥i ss. micæ panis furfuracei ℥ss. rosar. rubr. ℥j. bulliant in vino albo, deinde contunde & adde piperis, garyophylli, nucis myristicæ, zinziber. ana ℥ij ss. cumini, anisi, Fœnicul. ameos ana ℥ss. ol. chamamel. aneth. rutæ, ana ℥ij. fiat cataplasma.

Vel. ℞. Saponis nigri, ol. aneth. chamæm. & mellis commun. ana ℥ij. misce applicetur parti affectæ. Potest etiam illi adhiberi vesicatorium è cantharidib. ac fermento & aceto confectum, aut cum sapone nigro: quidam locum illum leviter scarificant: quod si omnia hæc remedia nihil prosint, tumorque resolvi nolit, tunc is aut scalpello, aut cauterio, seu actuali, seu potenciali aperiendus est. Utilius autem est illum aperire cauterio, quo scilicet flatus consumitur. Huc adde quod illius evacuationio non fit celeriter, sed paulatim, facillèque, quod volumus per scarrham inde eliciamus, nisi in hydropicis, in quibus cauterio non est utendum, quippe ibi periculoso, propter maximam evacuationem quæ post scarrhæ casum fieret: abscessus autem humore, qui non est semper planè flatulentus, sed cum serositate aliqua conjunctus, extracto & dissipato ulcus mundatur, ut illud œdematum: Reliquum verò curationis in libro ulcerum reperietur.

Natæ curativæ indicationes omnibus abscessibus communes dicuntur à Galeo esse, vel digerere, vel putrefacere, vel excindere rem contentam. Notandum autem curationem omnium abscessuum contineri in evacuatione materiæ, quæ vel est sensibilis, vel insensibilis. Insensibilis curatur digerentibus, sensibilis verò vel putre reddendo totum contentum, vel excindendo. Per putre reddere totum non intelligitur ut materia contenta putrefiat, vel pus fiat suppurantibus medicamentis, sed ut eliquetur, exedaturque non solum materia, sed etiam folliculus. Hæc autem medicamenta quæ id efficiunt omnia sunt calida in quarto gradu. Igitur hic abscessus vel curatur digerentibus vel septicis seu exedentibus, vel excisione quæ ferro fit. Non tamen omnes abscessus curantur triplici illo modo, sed meliceris potest triplici ratione curari, quia continet materiam quæ concoqui potest: at Atheroma,

quia continet materiam crassam & densam, non potest curari digerentibus, quia per diaphoresim seu habitum digeri non potest, sed curatur vel septicis vel excisione. Steatoma verò & nata, quæ continent materiam crassam respuunt curationem digerentium & septicorum. Igitur propter duritiem, latam basim, multitudinem sevi, tractandus est abscessus tantum excisione, quia medicamentorum vis sevo obtunditur, & multitudine ejusdem obruitur. Præmissa purgatione patiens in lecto collocetur, si que Nata satis latam radicem habeat, pars ejus inferior, id est basis sive radix, satis arctè chorda ligetur. Deinde crucis instar incidatur, posteaque undique excorietur, & à partibus adjacentibus separetur, tandemque extrahatur. Alioquin verò vinculo non utuntur. Si verò magna hæmorrhagia sequatur, ignitis ferramentis sistatur: nisi verò sit valde magna medicamentis ad hoc aptis sisti potest. Cutis verò quæ superest ita excidenda ut labia se mutuo tanguant, nec se superequient ac superponant, deinde suito, si fieri potest: In reliquis verò ut in aliorum tumorum incisione diximus, curationem sequi debemus. Audacter scalpello separetur tunica, seu cystis & sebum à periostio, ne aliquando revertatur abscessus, difficile enim vel curatur vel revertitur propter humorem crassum obduratum, & propter periostium quod reducit ad humidam intemperiem: Unde nec caro gigni, nec cicatrix potest induci; unde ne difficile curetur, nec revertatur, cum Aëtio lib. 15. separetur periostium, & dardatur os, quia materia est lata, & facillè utrumque remollit. Deinde claudenda est cicatrix. Si verò Nata pendula sit, & angustam subtilemque basim ac radicem habeat, tunc excorianda non est, sed tota à basi rescindenda, vel ignito ferro vel non ignito: deinde quæ dolorem tollunt & sanguinem sistunt, si opus fuerit admoveantur, postea pars consolidetur & ad cicatricem perducatur. Si ægrotus respuat sectionem & reformidet ferrum, curandum est septicis, ut ærugine, squamma æris, chrysocolla, mysi, chalcitide, auripigmento, arsenico, sublimato; calce viva, atramento sutorio, lacte caprillo. His tamen non indifferenter utaris, verbi gratia, Septica erunt in corporibus durioribus, arsenicum, sublimatum, chrysocolla, calx viva, quæ in aliis naturis erunt caustica. Calx viva in pueris quidem est septicum, in adultis verò & robustis est tantum epuloticum. Medicamenta septica sunt.

℞. Calcis vivæ ℥ss. fœcis vini combustæ, nitri ℥ij. minii ℥j. lixivio teruntur & cum melle ad crassam substantiam deducuntur.

Vel. ℞. Squammæ æris ℥ss. sandarac. ℥ij. cum melle rosato fiat medicamentum.

Vel. ℞. Squammæ æris sandarac. femin. urtic. torrefact. an. q. s. cum melle rosato fiat medicamentum.

Vel. ℞. Erinaceorum combustorum, testæ sepiæ, auripigmenti, partes æquales cum melle rosato fiat medicamentum. Valet plurimum aqua fortis quæ utuntur aurifices, in qua tingitur lignum, & eo perfricetur pars, exedet partem. Item valet illud ex lixivio fullonum in sartagine cocto, donec crassescat & indurascit, deinde miscentur auripigmenti partes

v. atramenti futorii, iij.

Ad Lupiarum curationem quod attinet, certum est materiam istam resolutioni haud cedere, ut nec veræ suppurationi: hic igitur abscessus aperiendus est, quo evacuetur humor. Ut autem id feliciter fiat, tumoris magnitudo, situs & latitudo seu densitas, basis aut abscessus fundamentum considerabitur. Si tumor fuerit magnus, vasis majoribus proximus, aut in nervosa parte, ut in cervice, ubi saepe ille nascitur, intactus relinquendus est, ob periculum quod inde consequetur. At si parvus est, in quacunque parte fuerit, resolvi potest cum comprimendo, frangendo tamen cystin, id est vesicam, seu folliculum quo involvitur, ut separetur hinc & illinc materia, & facilius ipsius naturæ beneficio, ut jam dictum est, discutatur & resolvatur. Quod si lupia eo sit in loco, in quo validam compressionem facere non liceat, ut in facie, thorace, ventre, gula, apponetur emplastrum quod resolvendi vim habeat, quale est quod sequitur.

℥. Gumm. ammon. bdell. galban. ana ℥ iij. liquefiant in aceto, & trajiciantur per setaceum, addendo ol. lilior. & laur. ana ℥ j. aq. vitæ parum, pulveris ireos, salis ammoniac. sulphur. vivi vitriol. Ro. n. ana ℥ ss. incorporentur omnia simul & fiat emplastrum secundum artem. Sin lupia est mediocris, tolli potest incisione in crucis modum facta, in tumoris summo, membranam quidem qua tegitur & continetur minimè incidendo, sed à cute ad radicem usque separando, quam solertissimè fieri potest, radice tamen non excisa, sed constricta firmissimè ad vitandum impendens sanguinis profluvium, præcipuè si ab ingenti aliquo vase longè non absit, quod ubi factum erit, accedendum ad ejus curationem quæ in libro de ulceribus tradetur. Quod si Lupia basin angustiore habeat, infima illius pars commodè liganda erit, non aperienda, nec secanda ullo modo: atque singulis diebus ligatura constringenda, donec illius alimentum omnino pereat, ea autem uno duntaxat modo utiliter fiet, sed circumvolutione duplici, ut firmior sit, & facilius si quid erit opus abstringatur. Sin basis lata adeo fuerit ut sola ligatura, ad detrahendum illi alimentum non sufficiat, duplex facienda erit, acum duplici filo instructam per mediam basin trajiciendo, pesque seu ima pars utrinque liganda, quumque ea deciderit, si quod ulcus restet, ad eum quem diximus modum curabitur.

Quoad universalia præsidia in ganglio adhibenda, id est ad victus rationem, humorum præparationem, evacuationem, ventriculi, hepatis capitique roborationem, eadem competunt quæ sup. capite de œdematis curatione fuere dicta. Quod ad topica, molliendi, eliquandi & discutiendi vim habentibus medicamentis uti debes, ut sunt infra scripta.

℥. Fol. sambuc. p. j. salis modicum, misce, & his ganglion fricetur tamdiu donec tabescat.

Vel ℥. Cerat. oxycroc. ℥ j. muccag. sem. alth. lini & fœnugr. ana ℥ v. euphorb. sagapen. ammoniac. in aceto dissolut. ana ℥ iij. resin. ℥ vj. ceræ albæ ℥ iij. fiat ceratum.

Vel ℥. Mucilag. alth. semin. lini, fœnugr.

ana ℥ x. ol. chamamel. lilior. ireos ana ℥ i ss. ol. sambuc. ℥ i. coquantur ad mucilag. consumptionem, postea adde ammoniac. bdell. opopanax. sagapen. in aceto dissolutor. ana ℥ vj. pingued. anatis & anseris ana ℥ ss. axungia suillæ veteris, & salis expertis ℥ iij. medull. cruris vitulin. & cerui ana ℥ v. spumæ maris ℥ ij. fiat unguentum, Is plerumque sanatur crebra partis frictione, & humoris hac illacque distractione, ut vi naturæ resolvatur. Ganglius quæ tendines, articulosque occupant ferrum admove non convenit, sed tantum ammoniacum, & galbanum in aceto & aqua vitæ dissoluta admove, ut.

℥. Gumm. ammoniac. & sagapen. ana ℥ j. coquantur sub cineribus calidis ad formam emplastri, sub finem adde sulphuris vivi subtiliter pulverisati ℥ ss. fiat emplastrum ad usum. Confert etiam in eundem finem emplastrum de Vigo cum Mercurio duplicato. His remediis remollito tumore, atterendus tantisper veniet, quoad sub digito cystis contusa findatur, quod ego non semel tantum fecitavi: mox laminam plumbeam argento vivo illitam fortiter ipsi apprimere, & advincire oportet, quæ quod superest tumoris consumat & tabefaciat. Vel apponatur verticulum plumbeum ut inquit Oribasius, simile illis quæ mulieres fusis appendunt, & vult hic Author, ut tumore ipso sit latius & arctè alligetur, quoniam pondere suo citius dissolvit. Aëtius superponit ammoniacum juxta ignem, ad cerati sive emplastri compagem emollitum, & postea applicat & superponit laminam plumbeam tumore æqualem, & ne hinc ac inde labatur, arctis vinculis constringitur. Visuntur nonnunquam ganglia exigua ex radice valde tenui velut pendentia: illa ergo vincula ab ipsa radice erunt comprehendenda & in dies fortiùs strigenda, quo usque decident. Curationis reliquum facile erit ex artis communibus regulis pericere. Si quando verrucæ, polypi, condylomata, & aliæ excrescentiæ filo constringi possunt, privatae alimento, sensim etiam contabescunt *ἀνασπινδόμενοι* hoc genus remedii veteres appellarunt. *Joan. Vigierius Chirurgia lib. 1.*

In cura Ganglii nostro judicio eò incumbendum est, ut obstructions tollantur, ac succi viscosi ante omnia attenuentur, hinc præter interna volatilia & incidentia solis externis peragitur remediis, ut sunt spiritus lumbricorum, matricalis, vini camphor. item fots & cataplasmata ex blandè solventibus parata. Hisce verò nihil juvantibus, eò deveniendum est, ut extirpatio hujus instituat manu Chirurgi exercitati, quæ per Sectionem fit, hinc Ganglion circa articulos vel alibi emergens tollitur vel concussionem aut digiti compressionem firmiore, seu manu fricetur vel valde comprimatur, usque dum incalascit, mollescat, & evanescat, & sic vi compressionis succi tumorem constituentes iterum quaquaversum protrudantur & quidem per tubulos; & ne recidivam patiantur agri, ad succos porro attenuandos obstructionsque reliquas tollendas, ipsi tumori superinponatur lamina plumbea aut alia simplex Mercurio incrustata, & super hanc emplastrum tenaciter hærens, cum splenia compactiore & deligatione arctiore, eoque quo cystis

cyftisrupta & materia intus contenta difcuſſa fuerit, quod ſæpe intra menſem & citius contingit: vel loco laminæ imponatur Emplaſtrum de ranis cum duplo Mercurii cum ſtricta ligatura, quæ impedit ne ſucci viſcoſi in conſuetâ cavitare iterum ut ante cumulentur. In quem finem & Emplaſtrum noſtrum de Thea egregium erit, item de Labdano, Divinum *Barbetteſ*, Diaphoret. *Mynſ.* Alii aliquid de emplaſtris his dictis, aut gummi ſaltem ammoniac. diſſolutum ſub forma emplaſtri laminæ plumbeæ ſupponunt, & factâ decenſe deligatione eundem expectant effectum. Sequens linimentum Gangliis illitum à pluribus magni æſtimatur.

℥. Ol. Limac. Lumbric. terreſtr. ana 3 ij. lil. alb. chamomill. ana 3 i ſ. verb. tabac. ſambuc. ana 3j. caſtor. 3ſ. Quo linimento mane & vesp̄ri artus Gangliis infecti & deturpati calide illinantur, vel loco hujus ſotus iſtituatur ex herb. abſynth. Arthemif. origan. ſalv. grano juniper. in lixivio decoct. Item ſuffumiſtis utendum eſt ex gummofis aliſque diſcutientibus volatilibus. Sed breviori manu negotium hoc ſuccedere videtur, ſi nempe pugni ictu duplici fortiore, membro ſuper tabulam commodè ſituato rumpatur capſula, quod vulgus imitari ſolet, tumorem verſus tabulæ apicem aliudve corpus ſolidius premendo, ſicque pariter cyſtim ejus lacerando. Sed ubi Tumor altas jam egerit radices, & per annos duraverit aliquot, tunc ad præſcriptum Celeberrimi Domini Muys ferula lignea haud differens ab illa, qua Præceptores in caſtigandis pueris utuntur, niſi quod plumbi portio in illius medio inſuſa jaceat, juvat, & talis ferulæ uno ictu, ægroſi facie à manu affecta in dorſum averſa, tumor rumpi ſolet. Quo remedii genere prælaudatus vir Ganglium per quadriennium patientem vexans evaneſcere vidit, cujus medella brevi per emplaſtrum & ſtrictam ligaturam abſoluta fuit. Qui à duro hoc cuneo abhorrent; ii uti poſſunt ſequenti vel ſimili linimento.

℥. Ol. de lateribus 3j. ol. terebinth. 3 iij. ol. ceræ 3 ij. ol. camphor. gutt. v. ol. vitell. ovor. num. j. m. f. Linimentum. Quidam ex Chirurgis ſunt, qui aperiunt Ganglia, eaque per ſuppurantia ſanare tentant. Alii Emplaſtrum Arſenicale extollunt, ac dein ictum pugni. Rarum eſt, quod Cl. *Mynſ.* refert in *Podalirio* ſuo ex *Blackardo*, materiam Ganglii ex cadavere exemptam inſtar cryſtalli apparuiſſe & ſatis duram, eamque literas ſubjectas exhibuiſſe, multò majores quam erant revera, ſic ut illud Ganglion tum temporis pro microſcopio inſervierit, quod tamen phænomenon non tam ejus pelluciditati, quam figuræ attribuentum exiſtimo, quod facile experiri eſt, dum pupilla ex vitulo alioque animali exempta imponatur chartæ, literas videbis multò majores quam erant reverâ.

In Ganglio Ettmullerus folia ſempervivi majoris, cui detracta ſit inferior cuticula commendat, quæ imponantur quotidie, mane & vesp̄ri removendo, meliore jure applicatur lamina Saturni ſpir. vini, camphor. irrorata & adſperſa euphorbio, quod Ganglia ſucceſſivè diſſipare aiunt, ut penitus tandem evaneſcant.

Quod Therapeiam affectuum reliquorum Tunicatorum Atheromatis, Meliceridis & Steato-

matis attinet, cura fere eadem eſt, eorum enim ſublatio fit per interna volatilia & fluiditatem ſuccorum conciliantia remedia, ut ſunt porus Theæ vel Caffæ more jam recepto calidè abſorbendus, aliaque incidentia & Diaphoretica ſæpius recensita. Cura verò inſenſibiliter peragitur per attenuantia & reſolventia fortiora medicamenta, imprimis ſi tumores hi adhuc materiam fluidam contineant. Senſibiliter verò magis cura perficitur per Maturantia, Septica atque Sectionem. Inter Reſolventia medicamenta primas tenent calx viva ejuſque decoctum, ſpir. vini camphor. ſp. matricar. cum aliis oleis aromaticis & gummofis mixta vel emplaſtra redacta, quæ ſæpe poſt pugni ictum imponi poſſunt ad materiam melius reſolvendam ex. gr.

℥. Gumm. galban. ammoniac. ſtyrac. calam. ana 3 iij. relin. pin. 3ſ. ol. guajac. 3j. ol. ceræ 3ſ. ol. philoſoph. 3iſ. pul. rad. bryon. 3j. m. f. l. a. emplaſtrum. Emplaſtrum noſtrum de Thea, item de Labdano, de cicuta, de Tabaco, item Divinum, de ranis cum Mercurio de Galbano *Mynſ.* & Magneticum imprimis ſi quid camphoræ addatur, egregia ſunt in reſolvendis quibuſcumque Tumoribus, præſertim in his Tunicatis. Vel in forma linimenti ſequens vel ſimile præſcribatur.

℥. Ung. Dialth. Martiat. ol. laurin. an. 3ſ. ol. philoſoph. 3 ij. ol. ceræ 3j. Tinctur. galban. 3j. ſp. ſal. armoniac. volatil. 3 iij. camphor. 3 iij. m. & illinatur, dein ſuperius præſcriptum applicetur emplaſtrum. Balsamus Peruv. item vapor à pyrite ignita exceptus, & oleum rubetarum à *Barbette* laudantur. Quoad maturantia medicamenta aſterisco notandum eſt, quòd hiſce cautè incedendum ſit, ne, quemadmodum à potentioribus exſiccantibus durities redditur ſcirrhoſa, maturantium fortioribus malignitatem cancroſam inducamus. Melius ergo mitioribus reſolventibus ut empl. ex gumm. ammoniac. ol. ſuccin. & pulv. rad. pyrethri mixto tumores hi diſcutiuntur, mediante enim hoc remedio Tumorem tunicatum in maxilla ruptum fuiſſe teſtatur *Sennertus*. Cauſtica verò ſeu corroſiva medicamenta externa Tumores hos Tunicatos erodentia aliquando in uſum vocantur, quæ cutem cum folliculo eorum abrodunt, ſicque Tumores excavant, ea propter ea in Meliceride, Atheromate & Steatomate maxime conveniunt. Ex quorum erodentium ſeu cauſticorum claſſe uti cuti erodendæ applicandorum ſunt lapis infernalis ſive cauſticus officinarum, oleum vel butyrum antimonii, item vitriolum lunæ, vel quæ Eſcharâ, quam illa induxerunt, remotâ, ipſum folliculum penitus erodunt, inter quæ ſunt viride æris, colchotar dulciſſ. Alum. viſt. Mercurius ſublimateſ, & præcipitateſ, ung. fulcum *Wurſii*, quibus tamen medicamentis eo allaborandum eſt, ut cum materia contenta omnis folliculi ſubſtantia auferatur, & oſſa quoque, ſi hiſ adhæreſcant tales humores, ſtudioſè abradantur, aliâs Tumores hi in ulcera abeunt fiſtuſoſa, facileque repullulant. Chirurgica ac manualis curatio horum Tumorum Tunicatorum conſiſtit in pugni ictu, prout ſuperius in curatione Ganglii diximus, poſtea curari poteſt ut aliud ulcus. Cauſtico priùs adoriendi, & cultro re-

liquiæ excindi possunt. Operatio ergo sequenti modo peragenda est: Incidatur cutis superposita ad formam crutis, & manu labris a Tumore separatis cystis eximi debet cum tota intus contenta materia, quæ interdum pinguedinis, mellis, pultis, interdum lapidis, vel calcis, vel etiam ceræ, vel glandulæ coctæ similitudinem habet, & si aliquid membranæ remanserit, ad istam destruendam penicillum sp. sal. comm. imbui, & sic applicari potest.

Vel, ℥. Empl. diasulphur. ʒ iij. ol. succin. ol. tartar. ana ʒ ij. & applica Tumoribus Tunicatis, Lupiæ, aliisque.

Curatio Emphysematis consistit potissimum in removendis tubulorum obstructionibus, per interna Diaphoretica volatilia ac carminativa specifica, ut sunt sp. nitri dulcis, essent. carminativ. camomill. Rom. cort. aurant. menth. zedoar. arcan. dupl. sem. carminativa quæcumque, & ex eis parata spiritus & olea. Omnia enim aromatica hic egregia sunt, ut Tinctura cinnamomi, macis & sexcenta alia cum aq. fœnicul. carmin. aliisque propinanda. In Juniorum gratiam esto sequens formula.

℥. Aq. fœnicul. ʒ ij. carminat. ʒ j. flor. chamomill. ʒ i β. essent. cort. aurant. ʒ iij. sp. nitri dulc. ʒ β. Syr. flor. chamom. ʒvj. m. detur cochleatim. Vel detur per vices arcanum duplicatum à ʒ β. ad ʒ j. excellens in flatibus remedium, interponantur spiritus anisi, angel. matricar. catarrhal. elix. vit. essent. bacc. lauri, Juniperi, spir. sal. armoniac. anisat. Ut & omnia reliqua salia volatilia oleosa conducunt. Solis enim sudoriferis internis curatur *Emphysema*. Externè in *Emphysemate* conducunt sacculi ex flor. chamomill. sambuc. sem. anis. &c. in vino cocti & tepidè parti flatulentæ impositi, vel parentur ex herbis rutæ, scordii, malv. flor. chamomill. sem. cumini. carui, bacc. laur. juniper. sal. armoniac. tartar. &c. Ex quibus prorenata parentur foci vel epithemata vino Gallico vel lixivio incoquenda & calidè applicanda. Vel sequens.

℥. Aq. flor. sambuc. aq. calc. ana ʒ ij. spir. vini camphor. sp. matricar. angel. ana ʒ j. m. cum quadruplicatis linteis applicandum epithema. Ceratum de Cumino, Empl. de bacc. laur. de Thea, de Labdano, carminat. Sylv. &c. optimo sæpe cum successu applicantur. Tumores hi flatuosi haud incidi aut ferro aperiri debent, Gangræna enim ac Sphacelus facile subsequi solent sed potius medicamentis idoneis cataplasmatibus, aliisque oleis chamomill. Philosphor. succin. carui, cumini, anis. &c. resolvendi ac discutiendi sunt. Conducunt etiam suffumigia ex carminativis ac gummosis resinosisque parata. *Joan. Dolens in Encyclop. Chirurg. rational.*

Atheroma, Steatoma, & Meliceris, quandoquidem Tumores sunt folliculis inclusi, vix nisi per manualet operationem curantur; sique inter operandum contingat, quod membranula rumpatur, aut tota non auferatur, Fistula ferè, aut ulcus fœdum remanet, quorum difficilis & tarda plerumque curatio. Curationis consilium tribus hisce abscessuum generibus, Atheromati viz. Steatomati, & Meliceridi commune est, ut quod tunica illa continet discutiatur, aut medicamentis totum cum sua tuni-

ca exedatur, vel suppuretur, aut Sectione auferatur. Triplici hac ratione Curatur Meliceris, utpote humorem continens liquidiorum. Sed Atheroma, humorem continens glutinosiorum, vel sectione tollitur, aut medicamentis exeditur seu suppuratur, atqui nunquam discutitur. Steatoma verò nec discuti, nec exedi aut suppurari potest; at solâ manus operâ, hoc est, Sectione duntaxat curatur, quoniam sevo haud absimilis materies nec resolvi, nec suppurari aut exedi, potest, semperque curiore includitur tunica. Notandum quoque hujusmodi folliculis inclusos Tumores, si recentes sunt ac molles, & Resolvi, & Suppurari posse, duos vero & inveteratos solâ Chirurgiâ Curari. Hinc diligenter in eo laborandum, ut singulæ differentie discernantur. Steatoma quippe durius est, resistitque tangenti, & basin habet solidiorum. Meliceris è contrario facile subsidet, cedit in se compressa, lenteque dissilit, citò tamen revertitur. Atheroma est veluti medium inter utrumque extremum. Igitur hujusmodi tumor si mollis sit, Resolventibus erit tentanda Curatio, imposito scilicet emplastro Sriptico Paracelsi, vel è Ranis cum Mercurio; vel manè diu fricetur Tumor digitis salivâ hominis jejuni identidem madefactis, cui ratione salis volatilis & spirituum in ea abundantium vis attenuandi resolvendique copiosa inest; vel post Tumoris diuturnam frictionem illinatur *Balsamum Peruvianum*, quo solo scribit Barbette se aliquando molliores hujusmodi tumores curasse.

Scultetus *post Armament. Cheir. Observ. 66.* eum in finem valde laudat Ceratum Diasinapios, quo duas Melicerides resolvisse scribit, alteram in Humero, alteram in Genu, ovum anserinum sua magnitudine æquantem, quam tamen hoc solo Cerato mensis spatio integre discussisse refert. Ceratum Diasinapios Aquapendens describit *Cap. de Meliceride*, & à Spigelio correctum ita proponit Scultetus *Armament. Chirurg. Tab. 43.*

℥. Salis gemmæ, cerussæ, lythargiri an. ʒ iij. Ceræ, terebinthinæ an. ʒ ij. Galbani, opoponacis, an. ʒ β. pulver. semin. sinapi ʒ ij. olei veter. ʒ ix. aceti acerrimi q. s. M. F. S. A. Ceratum. Barbette hoc habet emplastrum.

℥. Gummi Sagapen. Ammoniac. an. ʒ β. pulv. euphorb. rad. pyrethri an. ʒ β. sulphuris ʒ iij. ol. succin. ʒ j. M. F. S. A. emplastrum. Alii laudant id quod sequitur.

℥. Passularum majorum enucleatarum ʒ β. Contundantur minutim in mortario, & addendo pulv. sem. cumini ʒ iij. salis nitri ʒ i β. simul subigantur, & adhibeantur.

Alterum Curationis consilium est, ut Folliculi hi *Cautico* exedantur: viz. Craterium in medio imponatur Potentiale; aut si magnus sit Tumor multa simul admoveantur Cauteria, cumque Crusta deciderit immittantur Penicilli *Unguento Ægyptiaco & Apostolorum* illiti, aut *Melle cum Mercurio Præcipitato*. *Joan. de Vigo* Mensis intra spatium omnes excrescentias indolenter erodit: Accipit Linteorum usu detritorum & decerptorum ʒ ij. medullæ panis albi ʒ iij. Sublimati tenuissime pulverisati ʒ j. Aquæ Rosarum & Plantaginis an. ʒ j. omnia simul coquit in vase æneo ad consumptionem duarum aut trium

aut trium partium; dein expressa linamenta exsiccat in fumo mediocriter calido, quæ iterum discerpta servat in vase bene operto ad usum, qualem ipse ita describit. Primum defensivo vicina partes muniantur; deinde ulcus quod fecit tyroticum prædictis linamentis impleatur, supponatur unguentum de Tutia, vel de Cerussa; atque ita persillendum, donec viva appareat caro, tum ulcus melle Rosaceo & Terebinthina mundandum, &c. Nonnulli Arsenico utuntur & Auripigmento, sed non nisi summo cum periculo ea usurpantur, quia acria nimis sunt, partesque subjectas penitus erodunt. Non desunt quoque qui parva hujusmodi Tubercula transversim incidunt, moxque implent Alumine, aut Vitriolo usto, quæ folliculum erodunt simul, & hæmorrhagiam sistunt, vel oleum aut spiritum Vitrioli cum Plumaceolis applicant: Magna verò cruciatim trahunt duplici Setone, altero secundum longitudinem, altero per transversum. Si ad suppurationem tendant hi Tumores, quod tamen raro contingit, naturam Chirurgus adjuvet Maturantibus fortioribus.

At verò omnium tutissima Curationis Methodus est, Tumores hosce per Sectionem & Separationem auferre. Fit autem hoc modo: Primo tum ad lumen illustre, tum ad Chirur- gum quam commodissime vel in Sella, vel in lecto collocandus est Pateriens; dein atramento signetur sectionis longitudo, quæ sit tanta, quanta est tumoris rotunditas, tum elevanda cutis, quæ incidenda vel simpliciter vel cruciatim, eaque postea circumquaque lato specillo, aut scalpelli manubriolo, aut indice digito separanda, donec integer Folliculus appareat, qui tum circa pedunculum resecandus est, simul cum vase tumori nutrimentum adferente, ne vel minima relinquatur folliculi portio, tumor- que regeneretur. Quo in casu notat Joan. van. Horne in *Microtechnæ*, prius arctè vasculum tumorem nutriendum esse ligandum, antequam resecetur. Hoc peracto, & folliculum postquam extraxit Chirurgus, vulneris labia sunt conjungenda Linteolis enplastice in crucem appositis, &c. Quod si Folliculus jam ruptus sit, aut per se, aut per Chirurgi negligentiam, tum necesse est, ut vel tumor revertatur, vel ulcus remaneat fædum, & ferme incurabile, nisi Cathæreticis absumatur folliculus. Plura de modo excidendi hujusmodi Tumores videri possunt apud Fabricium ab Aquapendente Operat. Chirurg. part. 2. lib. 1. cap. 16. & Scultetum Armament. Chirurg. Tabul. 35. Sed hujusmodi Tumor si ingentis sit magnitudinis, magnisque vasis, arteriis putæ, venis, nervis, adhæreat, sinendus is est, aut saltem magna in excidendo requiritur industria. Ita refert Scultetus observ. 88. se in externa femoris parte Atheroma ovum gallinaceum magnitudine superans excisione curasse. Et scribit Petrus de Marchettis observ. Medico-Chirurg. 11. se Meliceridem majoris oculi anguli, ad pupillam usque protensam, illæso oculo, cum folliculo extirpasse. Atque observ. 24. & 25. duas non minus raras addit historias: alteram Atheromatis inferioris palpebræ, interna parte, prope angulum majorem oculi, ab ortu geniti, avellanæ mole, in puella quinque mensium, sectione extirpati

& sanati, alteram Meliceridis colli prope asperam arteriam, & venas jugulares externas, in cujus dissecto folliculo alius ejusdem generis tumor, sed minor delituit sua & ipse membrana conclusus. Haud minus rarum fuit Steatoma in dorso circa finem vertebrarum colli, quod pondus librarum septem excedens, à Joanne Griffonio Medico-Chirurgo feliciter extirpatum fuit: uti videre est apud Fabricium Hildanum *Cent. 6. Obs. 16.*

Cæterum Tunicatis hisce tumoribus propè accedere videntur Propenduli, qui non exciduntur, sed funditus amputantur; in Pusillimis filo ad stuporem partis contractio & relictio, donec tumor decidat; in Animosis scalpello. Quod si post Tumoris Propenduli abscissionem, sanguis copiosè profluat, aut flum aliquid de radice relinquat, ne recidiva fiat, locus candente ferro leviter tangatur, & escarâ ablata, cicatrice obducatur: vel id quod ex radice relictum est absumatur admotis Cathæreticis, uti Alumine usto cum Mercurio præcipitato insperso, vel Unguento Basiliconi admixto, sicque imposito, &c.

Magnus Flatusosus Tumor periculosus est, ob sui magnitudinem, & partem affectam debili calore præditam. At parvi si sint hujusmodi Tumores, omnis periculi expertes meritò censentur. Porro Hyeme frequentius, quàm Æstate evenire solent. In Curatione generalibus circa Diætam, & intus sumenda medicamina roborantia ac evacuantia, præmissis, haud secus ac in Oedemate, partis læsæ meatus aperiendi, in eaque contenta Flatulenta materies attenuanda, discutienda, resolvenda. Quem in finem conducunt Calida, Siccantia, & Attenuantia, *Carminativa* dicta, ut apertis membri læsi poris humores flatusque dissipari queant, verbi gratia.

℞. Herb. malv. menthæ, pulegii, rutæ, an. m. j. Flor. camomillæ m. ss. Summit. aneth. flor. rosar. rubr. an. m. j. Sem. cumini ʒj. Bacc. lauri ʒvj. Coq. in S. Q. Cerevisiæ tenuis, vel Æq. Part. Aq. puræ & vini Albi ad ℥iij. Colatura sit pro Fomento. Egregios aliquando vidimus successus in hujusmodi Tumore resolvendo solo Oleo *Cucumeris Asinini* illito. Potest tamen ejus loco fieri Linimentum, v. g.

℞. Olei cucumeris Asinini ʒvj. Anethi, Rutæ an. ʒss. Nucis moschatae express. ʒi ss. Cumin. stillat. gutt. vj. misceantur. Barbette Chirurg. part. 2. lib. 1. cap. 7. laudat hoc cataplasma.

℞. Fol. Rutæ, Calamenthæ an. m. ss. Farinæ Fabar. ʒij. sem. Anis. Cumin. an. ʒss. Baccar. laur. Salis comm. an. ʒiij. Nitri, Sulphuris an. ʒj. Stercoris caprilli ʒvj. Olei Anethini, Nardini an. ʒj. Vini alb. Gallici q. s. Coq. simul. S. A. & contund. in formam cataplasmatidis. Conducit quoque emplastrum de meliloto, de Ranis cum, aut sine mercurio.

Vel ℞. Emplastr. de melilot. de Ranis sine Mercurio an. ʒj. Gumm. Galban. in aceto solut. ʒij ss. Pulv. castor. ʒij. olei Cumini stillat. gutt. vj. Ceræ & Terebinthina q. s. M. F. S. A. Emplastrum, extendendum in Corio. Sed notandum ejusmodi medicamenta actu calida parti ægræ semper imponenda esse, caloremque conser- vandum appositis linteis, lateribus, lagenis, si- milibusque rebus calentibus. Veruntamen Genus

cum Flatuoso Tumore vehementer inflatum sit, nonnulli sequens commendant.

℞. Facis Ceræ novæ ex prælo ꝑiβ. Micæ Panis Furfuracei ꝑiβ. Florum Rosarum Rubr. ʒj. Bulliant in vino albo, dein contundantur, & addendo Piperis, Caryophyllorum, Nucis moschatae, zinziberis an. ʒijβ. Sem. Cumini, Anisi, Fœniculi, Ammios an. ʒβ. olei chamæmelini, Anethini, Rutacei an. ʒij. M. F. S. A. Cataplasma. Platerus *Obs.* lib. 3. Tumorem in Genu immensum, mollem, laxum, & diuturnum discussum, ac penitus curatum scribit imposito Cataplasmate ex Radicibus Bryoniae, Iridis, & Liliorum recentibus, simul contusis, atque in vino, addita etiam Aqua vitæ decoctis. Vel fiat Cataplasma ex rasura Radicis Raphani Rustici cum Aceto Rosaceo, quod calide apponatur. Magno quoque cum levamine inflato & tumido admodum Genu aliquando applicari iussi Vesicatorium magnum, ex Cantharidibus & Fermento acris, addito Aceto, confectum.

Ganglion Cheirurgia, hoc est, excisione raro curatur, præsertim si in quodam manus pedisve articulo situm sit: est n. mque, monente Paulo Aegineta lib. 6. cap. 39. periculum si quid illic excidatur, mutilum reddi illud membrum. Sed Ganglion ut tollatur, imponenda sunt molliendi, attenuandi, & discutiendi vim habentia medicamenta, v. gr.

℞. Emplastri de meliloto, oxycrocei, de mucilaginibus an. Part. Aequal. olei Petræ tantillum M. F. S. A. emplastrum, extendendum in Corio.

℞. Gummi Galbani, Ammoniacy, Sagapeni in acet. solut. an. ʒijβ. emplastr. è Ranis cum duplicato mercurio ʒβ. M. F. S. A. emplastrum.

℞. Gummi Ammoniacy, Sagapeni in acet. solut. an. ʒβ. Liquefiant, hinc addendo Sulphuris Pulverisati ʒij. M. F. S. A. emplastrum. Eundem in finem conducit Gummi Ammoniacum, vel Galbanum in Spiritu vini dissolutum, atque emplastri modo impositum. Vel imponatur emplastrum de Ranis cum Mercurio, & stricta satis ligatura, quæ impediatur, ne viscosi denuo humores affluere, cum aliis concreverint, sicque Ganglion augere queant. Felix Platerus laudat hoc cataplasma, quo Ganglion pugni magnitudine in utroque Genu curavit, ut refert *lib. 3. Observationum*.

℞. Rad. Bryoniae, Iridis Nostrat. rec. an. ꝑiβ. Liliorum alborum rec. ʒij. Coctis in Aceto fortissimo ad mollitiem, & in mortario minutim contusis, adde olei lilior. alborum ʒij. Gummi Ammoniacy in Spiritu vini soluti ʒij. Pulv. Rad. Iridis Florent. ʒij. M. & S. A. redigantur in formam emplastri seu Cataplasmat. Cum igitur Remediis hisce emollitus sit Tumor, atterendus tantisper, quoad sub digito cystis frangatur; mox lamina plumbea Argento vivo illita fortiter ipsi apprimatur, & advinciatur, quæ quod superest Tumoris tabefacere & consumere queat. Etiam crebra tantummodo tumoris Frictione, humorisque huc illuc distractione non raro sanatur Ganglion. Et scribit Antonius Chalmeteus in *Encheiridio Chirurgico*, se Ganglia in carpo existentia frequenti cum saliva frictione saepius curasse, absque aliorum medicamentorum usu.

Reinerus Solenander *Consil. Medicin.* 24. sequens commendat emplastrum.

℞. Emplastri oxycrocei ʒj. Gummi Ammoniac. Bdellii dissol. an. ʒij. Pulv. Rad. Irid. Florent. ʒj. Lumbricos terrestres vino lotos & dissolutos num. iij. Commixtis omnibus cum paucis oleo Terebinthinæ & Cera nova F. S. A. Ceratum, quod extendatur in Corio, applicetur Tumori, & Fasciâ arcuè constringatur. Tumore autem Cerati ope quodammodo emollito, addit; singulis quatuor quinque, sexve diebus solutâ fasciâ, & ablato Cerato, Tumorem debere suffumigari suffitu aceti acerrimi, cui Satureia, Origānum, vel similia incotta sunt, affusi Pyritidi, vel Lapidum Molarium frustis candentibus; dein absterfo sudore, compresso attritoque satis Tumori rursus Ceratum imponi. Tandem hisce aliquoties factis præcipit, ut tenuis Plumbi lamina arcuè Ganglio illigetur, qua ulterius consumatur. Sin vero his modis Ganglion non cesserit, nonnulli volunt ferro resecandum & extirpandum esse; Quorum sententiâ tamen minimè subscribimus, si in manus pedisve articulo existat, ob tendines aliasque partes nervosas ibidem facile læsuras. Sed potius Sectione Tumoris aperiatur, atque viscoso educto humore, impositoque Balsamo Peruviano, aut Balsamo Sulphuris Terebinthinato, ulcus porro curetur. Jobus Mekeranus *Observ. Chirurg.* cap. 60. prolixè docet, quomodo Ganglion in Carpo existens Contusione curari queat. Viz. manus plana mensæ imponatur, hinc Cheirurgus manu in pugnum contractâ bis terve Tumorem vehementer contundat, donec cystis findatur, humorque contentus effundatur, qui dein continuo articuli motu, accedente insuper crebra partis affectæ frictione, facile resolvitur: præsertim si hoc vel simile linimentum frequenter inungatur.

℞. Olei Ceræ, Terebinthinæ an. ʒij. ol. philosophorum ʒvj. vitellum unius ovi M. F. S. A. linimentum.

Ad Curationem Lupiæ quod attinet. Materia hæc nec Resolutioni, nec veræ suppurationi facile cedit; sed ut humor evacuetur, tumor hic aperiendus est. Quod ut tuto ac feliciter fiat, humoris magnitudo, situs, latitudo seu densitas, denique & basis seu fundamentum consideretur. Si igitur magnus sit tumor, vasis majoribus, partibusve nervosis ac tendinosis proximus, linendus is est ob periculum, quod ex Apertione facile consequitur. At si parvus sit, in quacunque parte fuerit, saepe Resolvitur comprimendo, digitis saliva madefactis identidem fricando, frangendo tamen cystis seu folliculum, quo includitur, ut hinc illinc effusus humor dispergatur, & dem naturæ ipsius beneficio discutiatur, resolvaturque. Quod si Lupia in eo loco sit, in quo validam compressionem facere non liceat, ut in Facie, Thorace, Ventre, Gutturæ, similibusve locis, emplastrum aliquod in Ganglii Curatione præscriptum apponatur, quod Resolvendi vim habeat. Scribit Riverius in *Observ. communicatis à Dionysio Pomaret*, Lupiæ Resolutione curatas fuisse Foliis Acetosæ charta madida involutis, & sub cineribus coctis, quæ postmodum cum cineribus per cribrum trajectis incorporabantur.

tur in formam cataplasmati, calidè applicandi. Sin Lupia mediocris sit, neque in Articulo existat, tollatur excisione, ut Atheroma, Steatoma, vel Meliceris. Quod si basin habeat angustior, intima illius pars ligetur, non aperiat, neque segetur; atque singulis diebus ligatura contringatur, donec augmentum ei omnino detrahatur, sicque Lupia spontè decidat. *J. Munnicks in Prax. Chæurgic.*

Consultatio.

Pro Meliceride.

Triennium agitur, cum Illustriss. Palatino Polono tumor quidam subortus fuit in anteriori parte sinistri femoris, doloris expers, concolor, prementi digito cedens, nullo tamen relicto vestigio; qui in amplam adeo molem sensim excrevit, ut in præsentia ab inguine usque ad genu, illi nrmius adhærens, protuberet, initar amplæ cucurbitæ, anteriori, & exteriori femoris parti appositæ; non sine manifesta motus cruris noxa; cuius causâ variis ubique locorum consultis Medicis meam nunc quoque exposcit sententiam, cum de præsentis affectus essentia, & natura, tum de medicis præsiidiis huic extirpando in usum revocandis. Quod Illustrissimi, & generosissimi Herois mandatis morem gerens, pro virili aggredior; quò eventus ipsius, & curationis ratio constet. Est autem hic tumor morbus in aucta magnitudine, lædens flexionem cruris, à pituita ortum ducens; hoc indicio, quod nullo dolore sit molestus, atque cuti sit concolor: quæ tamen pituita naturalis non est, cum non sit œdematosus, pressio digito cedens, sed præter naturam, non ex permissione humorum heterogeneorum, sed ex conversione potius propriæ substantiæ in alienam; non quidem flatulentam, in quam non rarò facessere solet, ex Galeno; neque enim tamdiu durasset affectus cum tanto ponderis sensu; minus longè in serosam, & aquosam, particularis hydropis causam; tunc enim pelluceret cutis, tumor esset adeo expansus, sine fluctuatione; quinimo in corporis erectione pars tumida præ aquæ pondere ad interiora procumberet. Fuerit itaque pituita tenuior, & fluida in lentam, viscidam, tenacem, flatulentam, & serosam immixtam, conversa; cuius ratione tumor hic accensendus est tumoribus illis, quos Antiquiores Abscessus; Recentiorum verò barbarorum aliqui Arabum interpretes, exituras vocant, genitas ex humoribus, & aliis excrementis heterogeneis folliculo conclusis: quorum triplex est genus, Meliceris, Steatoma, & Atheroma; quibus Recentiores addunt Testudinem, Lupiam, & Nattam, seu Naptam, & Strumam. Qui quidem tumor struma non est, glandularum propria; Non Testudo, seu Talpa, capiti familiaris; non Napta; cum hæc sit tumor carnis instar, durus, prementi digito non cedens; cuius generis præsens non est, quippe qui cedit, & est mollis; atque ideo neque Steatoma, neque Atheroma, sed meliceris censendus, illi non absimilis, quem Ambrosius Pæræus Lupiam vocavit. 6. de Tumoribus præter naturam qui aliquando partibus adhæret fir-

nus, inquit ille: aliquando verò mobilis est; semper tamen venas habet exiles quidem in principio; processu verò temporis ampliores, qualem hunc observamus: qui proinde abscessus est ex tenui pituita ortus, serosæ & flatulentæ immixta: à cerebro, ventriculo, & venoso genere sensim eò transmissa, ac cysti seu folliculo conclusa, parti affectæ adhærens. Ex his patet, quis hunc affectum maneat eventus, cum consensu præstantissimorum virorum, quibus & ego accedo, sit insanabilis: quippe qui discuti non possit, cum ob ejus amplam molem, tum ob fluxionis periculum, quod à localium calidiorum usu impendat, quorum ope resolvendus est, neque evacuari patefacto abscessu, & suppurata materia; metu scilicet ulceris, quod immedicabile evaderet ex fluxione continua, & fortè cancrosum. Neque radicitus extirpari poterit, absque enormi sanguinis profluvio, ob venarum copiam & amplitudinem, non sine vitæ præsentis discrimine in ipsa operatione. *Benedict. Silvatic. Consil. & Respons. medic. Cent. 4.*

Observationes.

Atheroma.

In genu sinistro 12. jam annos gestaverat tuber folliculi lusorii minoris magnitudinem æquans Fr. Stephanus à Calatio Capucinus, vir quæntæ in Deum pietatis, vel hoc argumento cognoscendus, quod cum lethiferam hanc in articulo dissectionem celebratissimi Medici uno omnes ore pronunciasent: nihilominus hic tamdiu privatus ea, quæ solo defixis utrisque genibus fieri consuevit à Sodalibus Sancti Numinis adoratione frequenti: facultatem hanc etiam cum tormento at discrimine vitæ maluit consequi, quam officio suo cedere, ac sanctarum exercitationum carere fructibus. Hujus igitur viri, tam pro desiderio gratificatus; cunctis ex ordine provisus, præcautisque his, quæ curationis cursum interturbare potuissent: rem instituto cominus, acuto scalpro cutem ample, quæ maximè extabat, infeco, dividoque quoad pateret membranam. Quæ subsecta circum, tandem in manus venit, & media difficillâ saniem reddidit subnigram fœcis vini substantiæ, cartilagineis ferme crustis internè obfita. Quæ cavitatis quidem, & externa aliqua parte carunculæ putres, & boleti formam referentes extumescebant. In universum erat membrana uteri chorii modo densa, dura, crassa, quæ postquam est deterfa ministri manu, vellere infarcta, & ad caminum deposita, vendicata jam à putredine talis apud me ad hanc diem anervatur. Chirurgiam ferme nihil infecutum est mali, nisi si paucum effusum sanguinem admemoraveris. Atque hæc de primo illo excisionis actu; ceterum quod ad reliquam curationem pertinet; in ulcere medicamentis primùm digerentibus, mox expurgantibus ritè percurato; paulatim accreta caro vacuum orbem implevit, sanatusque est homo 40. dierum spatio sine ulla incellus offensa Deo bene favente: cui quidem auctori medicationis omnis felicitas accepta esto.

Neapoli urbe cunctis artibus bonisque florentissima ex honesta Coppularum familia juvenis fuit, ac modo est, cui Tiberio nomen, ortum huic 16. jam annis super lavam mammam tuberculum principio pusillum pisi instar, quod singulos in annos aggeratum tandem excreverat in ovi gallinacei magnitudinem, concolor, mobile, æquale, duriusculum, dolorem non inferens, nisi cum vehementer premeretur, toto decennio sollicitè chirurgicos, qui sunt in urbe omnes consuluit, requisivitque de tollendo vitio. Respondere alii, nihil ut adhibens rem naturæ committeret: quippe vitium irritare periculosum. Alii vel ut balsamelæo, vel appressa plumbea laminula excuteretur. Nullus è plerisque in multis chirurgiæ meminit, quam nemo non ex auctoribus hujus disciplinæ proponit. Demum me, ac sex è principibus medicis congregat domi, singuli, ut diceremus sententiam: Scirrhum dixere quidam: quidam occultum cancerum, qui tentandus non esset. ad Hippocratis sententiam 38. aphor. lib. 6. Tertii quidam Emphysema absurda quadam opinione: scirrhum œdematosum pronunciarere plurimi. Ego atque alter quidam, qui sententiam meam à consulente resciverat, steatoma pronuntiavimus. Consensere in id omnes, ut medicamentis tractaretur, chirurgia valere jussa. Ego contra chirurgia certum, atque unicum in hac re præsidium, ut professus fueram semper: ita & in dictione mea peroravi. Refutavere omnes curandi genus, adhæsitque homo alteri sententiæ, ut quæ leniora proponeret, veruntamen fatigatus diu remediis, victu tenui, sudoribus, decoct. farsaparill. fonticulis; neque aliquid assequutus ex his, nisi longa laborum tædia, venit ad me festinè, succurrem: vitam odisse se præ noxa ista corporis. Tantum ne quid ferro agerem, certum se pati quidquid oporteret. Breviter: pyrotico cutem aperui, patuit cystis putaminis ovi modo candicans, qua dissecta promptum fuit merè putridam fœtidam, atque artocreas coctæ modo laminosam, sed crusta referentem substantiam late complentem infarctu suo amplexum omnem folliculi. Labor fuit in eximendis membranis fibris, quæ radicum instar hærebant: quibus tamen extirpatis, dies circiter quadraginta finita curatio est. Hæreere autem abscessus hujusmodi anomalos plerumque nerveis & cartilagineis fibris observationes testantur, qualem contigit observasse aliquando in pedis digito medio, quales etiam fuere observatæ fibræ in abscessu Marini Caputi Vicarii, Archidiaconi vici Equensis viri spectatissimi: Similiter cartilaginearum fibrarum in abscessu respectarum exemplum habes. In R. P. D. Andrea Cancellero Cartusiano Monacho probatissimo, cujus rei historiam ab amico fidelissimè conscriptam, huic nostro de abscessibus anomalis tractatui inferere placuit; est autem ex autographo talis.

Quam lepidè abs te compellari videor, Clarissime Simon, quam urbane, parum abest, quin dixerim ridiculè: sic revocasti ejectas jam pridem è domo tua philosophica argutas Curialium nugas; quarum quanto major, & religiosior in hoc fucato seculo cultus; eo perniciosior est usus, magno cum ingenuitatis oppro-

brio. Quid agis cum rhythmicis istis alloquiis? amicum, qualem me nosti, stoicum & rigidum (ut tua tibi regeram verba) rogas, precaris, blandimentis excitas? Me fatuum hominem fingis, te Logodædalum, quo utroque vitio, sicuti revera vacamus ambo, ita cynicè, ac libere effando, uterque nostrum, tali etiam suspicionem liber est. Amicitia quidem sicuti animorum nexum facit, ita & bonorum omnium communionem. An fortasse nostræ Eutopiæ mores oblitus es; an amicitia transfuga videri vis? Absit. Quid igitur precario postulare, quod jure tuo tuum est? tua sunt mea studia, tui laborum meorum, si qui sunt, fructus, siquidem quod vivo, & spiro tuum est. Hac igitur eadem epistola nobilem illam, quam tam anxie efflagitasti, curationis ostracoli tumoris, à nostræ ætatis Chirone, Doctissimo inquam M. Aurelio Severino magno naturæ mystæ confectæ descriptam habebis, utinam tam eruditè, quam verè; potero siquidem oculatus testis de re integra fidem facere, qui tunc temporis Chartusianorum hospes vixerim, quorum ut singularis est in bonarum artium, & rursarum assuectas studium & propensio, ita liberalitas, ac munificentia compotem reddidit, ut cuncta exactissimè adnotarem. Feracia sunt (ut hinc exordiar) Chartusianorum corpora, malorum complurium è tartaro ortum ducentium (tolera interim verbum hoc Paracelsæum) sed tumorum in articulis excrecentium ferocissima: an ob strictam vivendi regulam, quæ carnibus canepejus, & angue abstinent? An ob nocturnarum vigiliarum frequentiam, in quibus Deo psallunt diutissimè recti, vel incurvi, sedentes nunquam; laboraverat pertinacissimè meliceride in dextro genu R. P. D. Dionysius Coccia Cœnobita severiori vitæ addictus in claustro, cui post aliorum Medicorum ludibria, auxiliares manus Severinus ipse dederat eventu felicissimo; cum V. P. D. Andreas Cancellarius alere se etiam in dextero genu tumorem non spernendæ magnitudinis, cujus natalia ab anno 1632. numerabat; veluti per jocum affirmavit: sphaericus is erat, cujus ambitus sesquipalmaris fili mensura comprehendebatur, omnino indolens, solo pondere religioso viro molestus, ut proinde mollium, & inermium Chirurgorum, quibus nunc Neapolis abundat, timiditate eviratus, nihil de illo extirpando cogitaret, quidquid Clarissimus Severinus pronuntiaret de corruptionis periculo. Indulgit igitur proprio genio natura, sensimque & furtim molem illam adauxit adeo, ut operis veluti sumptuosi postmodum pertæsa, ceperit orbis, quem tam sedulò construxerat, ruinam moliri. Accersita igitur fermentatione magno illo separationis instrumento calorem & ruborem, & dolorem etiam aliquem in sui auxilium convocavit, pulsum verò nullum, ob arteriarum defectum, quibus meritò carent hujusmodi tumores Doctissimi Dureti sententiâ, ubi hæc urgere cœperunt, cœpit etiam Chartusianus suæ salutis integritatem desiderare, ac Medicorum conventus adire, ut præsentaneo, sed leni aliquo remedio savienti morbo obviam iret. Deflexit ergo ad comptos illos & mulieres Chirurgos, à quibus, ut pingues aliquas inunctiones impetravit, ita pinguem inquilinum hostem reddidit

dit adeo ut circa Februarii finem, anni 1640. putulis aliquibus in tumore apparentibus ob vi adauctæ intus corruptionis inceperit in eo stridus color occidere, ac tenebræ ex inferior Limbo obrepere sursum, & corpus molis totum febris incrementum sumpsit, stipata suis affeculis lumborum gravedine, stomachi debilitate, virium lapsu: interim excavato foramine ab arsenicali intus congesto excremento in superiori parte materia ab illo emanavit, coloris quidem faci vini similis, sed odoris adeo horribilis, & ut ita dicam, pestiferi, ut etiam adstantibus & ipsis Medicis statim atque in cubiculum ingrediebantur, alioquin peregrinis suffumigiis odoratum, nauseam, & capitis dolorem excitaret. Cutis in nigrum abibat ex aliqua parte insensilis. Tunc serio res suas agi animadvertit religiosissimus Pater, ac se ab inguentariis Medicis delusum, sicuti ingenuè ab Excellentissimo Severino præmonitum agnovit. Interim R. Prior Joan. Baptista Assantius incomparabilis in suis pietatis, & zeli acciri Medicorum consilium voluit, in quo sex capita disceptavere, ut Neopolimos est ad pompam; tritum enim tempus est trium horarum in exquirendis & conciliandis Galeni locis: quandoquidem in varias sententias itum est; putantibus aliis steatoma, aliis meliceridem esse, cum tamen Excell. Severinus demonstrasset innominatum esse abscessum, de quo aliqua obiter Galen. 14. meth. post carbunculi curam: quod postea confirmavit eventus. Conclufum tandem à Senioribus, de ægro jam conclamatum esse, futurumque ut degenerante gangrænâ in sphacelum citamors aditaret foribus, vel minimo minus etiam ob alias causas agrum lenta tabe liquatum iri. Præscripta sunt putida illa Arabum cordialia ad spirituum vini confirmandam, quæ si postero die aliquo pacto restituta visa fuisset, poterat de foramine aperiendo e diametro prioris respondente cogitari. His medicorum conventus solutus est sub vesperam diei quinti Martii, in cuius nocte subsequente efficacissimè operante cat. plasmate ad interceptum gangrænæ motum à Severino præscripto; præter aliquorum Medicorum spem remissa est febris, & symptomata leviora apparuerunt, supererat ex Medicorum consilio foraminis apertio, de qua cum Clarissimus Severinus, tanquam inefficaci præsidio iustis de causis etiam difficili malè sentiret: coram Reverendissimo Priore prius causâ benè retextâ, ægro assentiente magna cum promptitudine, atque animi alacritate decrevit, postero die regularem curam potentibus auxiliis inchoare. Mane igitur octavi diei Martii causticum, haud quidem ad planum femoris, sed superius ad duorum digitorum transversorum altitudinem toti tumori circumduxit, quod intra paucas horas egregiam operam præstitit, adeo ut die decima tertia extractæ fuerint crustæ ad daleri crassitatem excavato circumcirca vallo, quod sericeo filo per ligneum vecticulum constrictum ad diem usque decimum sextum tandem novacula omnino exæquatum est exciso globuli tumoris superiori hæmisphærio, inferiori candente ferro pluries adusto, sic nulla subsecuta est hæmorrhagia; doloresque, adhibita prope genu quantum ferre potuit, calidissima testa cum

adstantium omnium admiratione sedati sunt, pendit amputatum culmen uncias circiter 18. atque in ostracosa carnis illius medio, quæ nova ulæ aciem obtundere potuit, observatus est sinus inæqualis, & cavitas minor quidem quam putabamus, ex proportionem magnitudinis, in quo sinu stagnaverat foetidissimum illud virus. Constitit post recisionem, tumori non fuisse folliculum, ex quo Severini sententia triumphavit. Verum enim verò fuit inter Ministros chirurgus, qui subtilius rem disquisiverat, putans exactiori sua acri via se reperturum saltem quicquam proportionale cysti, sed utcumque allaboraverit præter ostracosa carnem, quæ variis fibris intertexta erat, ac veluti inæqualibus corticibus composita, nihil aliud notare potuit curiosus ille anatomicus; octiduo autem elapso ab hac prima operatione ex frequenti, & efficaci illitu saturnini butyri, & aliorum emollientium separata est à viva carne crusta digitalis crassitudinis. Interim bene se habente ægro in omnibus vivido suo naturali colore perfuso, & superstite succulentia illa habitus, qua naturaliter præditus is erat; Cœpimus de tam felici eventu omnes latari, & rem in tuto positam, beneque peractam existimare: Verum Clarissimus Severinus in subitus derelicta tumoris parte syrtes latere, hoc est, graves difficultates, & pericula mustitabat; nimirum terreri seipsum, aiebat ingenuè per rebellem illam duritiem in tumoris radice firmatam; adversus quam etiam validissima caustica ficulneum robur suum ostendebant. Verum nihil non cadendum tamen animo suadebat: deprompturum se efficacis Chirurgiæ suæ arma, quibus omnino futurum esset, ut caderet hostis. Vicissim ergo nunc causticis solidis, nunc liquidis, nunc actuali igne nostri seculi Hercules Lernæa Hydra tentavit, at illa sui officii haud immemor cum supra os patellæ jam deventum esset, ex rimis, in quibus tendones vel ad invicem, vel cum osse coeunt, vel unius noctis spatio fungosa capita emittebat, contra quæ etiam Hermeticorum illa Draconum spuma hebes videbatur. Sed tamen excogitavit Clarissimus Vir malo nodo, malum cuneum; ac liquore quodam, cuius nunc compositionem non scribo, superfuso & agitato, e spongiosa illa carne glutinosum humorem emurgebat prius, inde arcano suo albo præcipitato desuper adperso sapius crustulas extraxit; tandem ad operis compendium ignito auro radicitus renascentem bestiam occidit; adeo ut non amplius pullularent capita. Detectus ex parte tendo latus est, ac non sine admiratione observatum est, ostracosa carnem, & fungos intra tendonum fibras radices habuisse, & in medio patellæ omnino labem ad os usque pertigisse; unde opus desquamationi vacare, quam egregiè præstitit extractum Aristolochiæ rotundæ, euphorbiæ aqua portione commixta. Huiusmodi laboribus Aprilis & Majus menses insumpti, ac jam ulcus ad daleri magnitudinem, quod in prima sectione diametro spithamæ mensurabatur devenerat: curabatur autem emplastro styptico Paracelsi, cum sub nocte D. Joann. cujus testum est. Junii celebramus; descendens æger lecto scipione non bene firmo innixus in pavementum toto corpore

corpore illisit, ac genu affecto præcipue: unde & discissa sunt ulceris labra, & fluxione accersita recruduit ex parte malum; adeo, ut insudandum pertinacissime fuerit usque ad vigesimam Augusti, qua die jam otii pertæsus, & suæ ipsius salutis bene conscius Religiosissimus vir è Monasterio D. Martini ad officii sui curam discessit, qui vivit nunc Pancreatice motus nullo impedimento notatus; Cum Martino Delrio sæpe dictitans, non pejus esse ab uno lictore morti addici, quam à centum medicis. Hæc est ipsissima curationis Historia. Utinam vero, amice, egregia illa Severini facinora, ut apud exteros gloriam, ita apud Neapolitanos invidiam nunc excitassent, qua una torpere tanquam facino videtur Clarissimus vir ad sua ingrato mundo bona communicanda, maximo cum litterarum, & Hippocraticæ Medicinæ detrimento, cujus alioquin reparator esse posset. Cæterum tibi librorum helluoni, quid nunc in os ingeram non habeo; nam ut nosti; & ut cum Scaligero dicam, Italiæ nonnisi Mercaturæ, & forensium librorum chartæ excuduntur, at felicissima illa Germanorum præla, vel ob Martis strepitus quiescunt, vel ad nos sua non transmittunt, licet ad miraculum nunquam satis laudata ingenia teutonica inter bellorum turbines, & literas profiteantur, & in medicina exornanda desudent perpetuo; quibus sicuti gratias pro tanto opere debemus, ita Italiæ gloriæ memores invidere etiam possumus. Vale, vir clarissime, qui sicut à me coleris unice, ita fac, ut abs te redamer æque. Neapoli nonis Januarii, Anno 1641. *Marc. Aurel. Severin. de recond. abscess. natur.*

Puellam quinque mensium curavi, cui ab ortu genitum fuit tuberculum ciceris magnitudine, parte interna palpebræ inferioris, prope angulum majorem oculi; quod spatio quinque mensium avelanæ molem æquavit, ex genere tumorum, quos nattas vulgo vocant; totus siquidem carneus erat, tenui folliculo involutus; quem propterea secui radicitus forfice, cum effluxu sanguinis ad unciam circiter, qui fuit suppressus bolo armena, sanguine draconis, oviq; albumine, cum filamentis tenuissimis, cui postmodum applicui aquam rosaceam cum ovi albumine conquassatam, & bolo armena in pollinem redacta; quibus spatio octo dierum fuit sanata ægra, in hunc usque diem incolumis. *Petrus de Marchettis in Observ. Medico-Chirurg.*

Anno 1666. Legionis Vice-Præfectus fere sexagenarius strenuus olim in bello miles Casareanus, nomine La Branche, ante 12. annos erupit atheroma in humero sinistro ad spinam vergens, quod tractu temporis in tantam excrevit molem, ut ovi anserini magnitudinem excederet; remedia plurima adhibita prohibere non potuerunt, quo minus in putrefactionem abiret, talem nimirum, ut ulcus ad basin se extenderet, quo venæ erosæ periculosa hæmorrhagiæ causa fuerunt, imò sæpe sæpius ad duas libras sanguinis affluxit, quare animo linquebatur æger, suasi itaque excisionem quam annuit *Exc. D. Zuvelerus*, præparato itaque corpore Medicamentis idoneis præscripta diæta, venâ sectâ, illud ad prior caustico, quod sæpius applicatum ultra quartam partem

basis non corrodit, quod mihi corpus aliquid durum & callosum subesse indicavit, reliquum ergo cultro exsecui, unde tres venæ obtruncatæ, ingentem hæmorrhagiam caularunt, quæ non sine labore sistebatur; vulnus ut artis est tractatum, spatio trium septimanarum sanatum fuit, partem abscissam inspexi, quæ constitit ex diversis involucris, primum simile erat corio porcino, alterum primo non ab simile, reliquum semiputridum, ossicula mansa, & quasi scobem, & male olentem materiam in se continente. *Dom. Joann. Pilas.*

Meliceris.

Juvenis quidam xiv. annorum ætatis, Reverendi & Doctissimi Viri, Dom. Jacobi Haberteri, p. m. quondam hujus urbis Divini verbi Ministri filius, cum 10. Augusti superioris anni pedem inter deambulandum leviter contorsisset, & ab initio circa curationem error à barbitonforibus commissus fuisset, exortum primo dolorem maximum sequuta est inflammatio totius tibiæ, & ad coxam fere usque. Febris item maxima, inquietudines, nausea, cum virium prostratione supervenerunt. Tandem, videlicet 8. Septembris cum à barbitonfore suo derelictus & affectus pro deplorato habitus fuisset, ego quoque advocatus fui. Tum circumcirca juncturam pedis novem inveni ulcera, & quidem nonnulla eorum in ipsam articulationem usque penetrantia: ex quibus ichorosa materia tam copiose aliquandiu effluxit, ut mirum sit, unde in corpore tam extenuato & debili, tanta humorum colluvies provenire potuerit. Ligamenta, imò & ossa ipsa erosa erant. Os calcis (quod dicam, admiratione non vacat) in medio ex una in alteram partem, ut progressu temporis cognovimus, & vidimus, perforatum fuit, ac si aliquis terebello illud perforasset. Perforationem hancce ossis, cum durante curatione invenissem, funem ex uno in alterum latus per ipsum os traduxi, quo Ossa cariota extrahere possem. In medio tibiæ ulcus erat cuniculosum: ex una enim parte ad genu usque extendebatur, ex altera verò ad talum usque fere descendebat. Ab initio omnem adhibui diligentiam, atque industriam, ut dolores quamprimum sedarentur: & vires (quæ adeo labefactatæ erant, ut mortem proximam esse, omnes putarent) refricarentur. Deus ita benedixit remediis, ut duos hosce scopos paucis diebus absolverem. Postea ulcera mundavi, ligamenta putrida, & ossa cariota, atque à virulenta illa materia contaminata, extraxi. Curatio perquam difficilis & laboriosa fuit. Omnia tamen (laus sit Deo) nunc in tuto sunt, etiamsi ulcus, quod, ut antea dixi, calcaneum perforavit, nondum penitus cicatrice sit obductum. Genu, quod propter magnitudinem morbi, & retractionem nervorum, incurvatum erat, in pristinum statum restitutum quoque fuit. Articulus tamen pedis rigidus immobilisque permanebit. Id enim plerumque quod ante me nullus, quod sciam, observavit, fit in Meliceride, quando ligamenta & cartilagine ossium eroduntur: tunc enim mediante callo, coalescit junctura, fitque rigida, uti fufius, & quidem exemplis, Deo volente,

te, in tractatu meo de Meliceride ostendam. His vale, Vir Nobilissime, cum suis omnibus, quos tecum quam demisse saluto. Raptim Bernæ 7. Junii 1623. *Guilielm. Fabric. Hildan. Obs. Chirurgic. Centur. 6.*

Petrus Antonius Russus Amalphenfis V. jam annis ferebat dextera mamma meliceridem tam magno tubere, ut caput hominis æquasset. Hanc dum medici valetudinarii nostri ferro vererentur attingere, intrepidus ego sectionem aggressus sum certus anatome subgracilis viri mamma corpore, nihil præter cutem, & adipem extare: deinde & fluctuatio siccus intro fluorem me docebat. Jam igitur huic execto tenuis ichor exiit mellis albi referens speciem, quo in dies exhausto sanatus est homo non longiore, quam mensis unius curriculo. Similiter Honofrium Stranerium Neapolitanum Isabellæ nobilis obstetricis ex fratre nepotem 12. annos natum ex ingenti meliceride circa finistram mamman inhaerente vexatum, cum plerique medici pharmacis internis, & decocto sarsaparilli. & quotidiano sudore, quibus unice confidebant, adhibitis; nulla unquam parte juvisset: sola nos tumoris apertione suâ prorsus integritati restitimus. Res nota pervisaque tumtoribus ad compita Spiritus sancti, tum Aloysio de Gratia, & Francisco Laviano Medicis præstantissimis. Exemplum sunt hujusmodi, ut non possint esse graviora tum excessu magnitudinis, tum locorum perdifficili situ, tum vitii gravitate, ac novitate. Quibus tamen nihil operantibus sunt homines integrè restituti. Quas ob res nisi verè sint impotentes, atque omnia tuta timentes; non est, quod similes, ac sæpe etiam minores operas refugiant nostri Chirurgici. *Marc. Aurel. Severin. de recond. abscess. natura.*

Lingua pluribus morbis tentatur; soluta scilicet continuitate, ac variis tumoribus, in quibus quendam curavi observatione dignum, meliceridis nomine, in Reverendo Patre Theatino, Hieronymo Capite Bovis Mutinensi, cui sub lingua, ubi venæ raninæ, & tumores ranulæ dicti succrescunt, obortus fuit tumor, de genere quidem ranularum, non legitimus tamen, qui ex continuo affluxu materiæ, paulatim crevit ad magnitudinem ovi; sensim exporrectus per latus dextrum colli, juxta jugulares venas, & carotides arterias, ad fauces usque infra tonsillas, & œsophagum, qui asperam arteriam adeo graviter comprimebat mole sua, ut hi chirurgus quolibet mense, eo patefacto, materiam contentam eduxisset, periclitaretur æger intercepta respiratione, & impedita deglutitione, ad vitam planè necessariis. Multi verò tentarunt curationem sectione sola ipsius tumoris, cum patientis quidem aliquo levamine, non perfecta tamen valetudine; cum mense post circiter tumor in eandem magnitudinem excreverit, cujus causa Reverendus æger, metu suffocationis, Patavium venit, & meæ curæ se commisit; cui præscripto primum omni revulsionum genere, per totius corporis purgationem, & sanguinis missionem, statim deveni ad partem affectam, tumoremque cultro, longa satis sectione, in inferiori parte patefeci, multis venarum ramulis datâ operâ disruptis, à ranulis diffusis, quo folliculus cont. besceret, intercepto

to nutrimento; in quem postmodum immisi crassam, & longam turundam, imbutam ovi albumine conquisato, ad tumoris usque fundum; sequenti die alia facta sectione, & quidem ampla in collo exterius parte, qua desinebat tumor, illas interim valis majoribus, turundam pariter indidi vulnere æqualem, intactam ovi albumine, superaddito gossypio usto, cum pulveribus ex sanguine draconis, & bolo armena, sanguini copiosè satis fluenti sistendo. Sexto verò post die, nullo amplius periculo inflammationis imminente, intra os, & exterius in collo totum folliculum fermento candente inussi; atque removendæ, ac detergendæ escharæ in parte externa digestivo usus sum ex terebinthina, & butyro lotis aqua rosacea, vitello ovi, & oleo sambucino; parte verò internâ, globulis melle rosaceo imbutis. Laudabili verò pure apparente turundam inunxi unguento ex Betonica, iisdem in dies decurtatis; Interius verò applicui filamenta inspersa pulveribus ex tuthia, cornu cervi usto, & terra sigillata; quibus spatio quadraginta dierum æger omnino sanatus est, nunquam amplius recurrente morbo. *Petrus de Marchettis in Obs. Medico-Chirurgic.*

Reverendus Theatinus Genuensis, ex familia Spinolæ, laborabat tumore colli, magnitudine ovi gallinæ, prope asperam arteriam, & venas jugulares. Habita consultatione cum viris Præclarissimis, statim unanimes, tumorem esse meliceridem, quo tamen dissecto nihil aliud effluxit, quam serositas quædam flavescens; quod verò mirum, separato folliculo à tegumentis communibus, eoque secto, quod melius radicitus educeretur; sub eodem deprehensus alius tumor, suo & ipse folliculo obductus: eadem materia repleto, alio minor, qui sectus tandem serositatem flavam effudit. Hic verò ita excipiebatur à primo folliculo, ut videretur veluti innatare materiæ illi inclusæ, quem cum transversum forcice secarem, ac simul ramulum jugularis externæ ad nutritionem ipsius tumoris exporrectum, quo facilius folliculum extraherem, maximo impetu sanguinis copia erupit, quem tamen facili negotio digito, gossypio usto, & pulveribus adstringentibus suppressi, adeo ut ne ejus quidem guttula amplius efflueret, cum verò folliculi reliquam nec forcice, nec cultro auderem abscindere, & extrahere, propter venas & arterias subjectas, digestionem prius tentavi digestivo rosaceo; atque inflammationis metu, à sectione, applicui oleum rosaceum circumcirca vulnus, & linimentum simplex, Facta digestionem, superstiti adhuc aliqua portione folliculi, tenuiori, & subtiliori ejus parti adhibui præcipitatum pulverisatum, crassissimæ verò portiunculam caustici, atque paulatim sine ulla effusione sanguinis ambos folliculos absumpsi; sarcoticis postmodum cavitate carne inducta, & cicatrice epuloticis obducta longitudine digiti indicis; quibus feliciter fuit sanitati restitutus æger, non sine præmissa totius corporis expiatione, ex methodi lege. *Idem ibidem.*

Steatoma.

Steatoma 4. librarum pondo 10. jam annos pro

pro insanabili destitutum de poplite pendulum excidimus Reverendo cuidam e Carmelitis novae formae sodalibus Sacerdoti, cui nomen Eugenio Callesano Hispano Madritensi pro insanabili tot annos à medicis permultis Europæis destituto, qui ponderis, quo fere deiciebatur, impatiens multa se mihi prece, atque obsecratione curandum commiserat: curavique secta ample cute, ac tubere cystico circumquaque resoluto, mox ulcere repurgato, & intra 40. dies obducto: intervenientibus ad eam rem Adamo Marchio Medico perdocto, Francisco Mosca, Francisco Romano, & Bartholomæo Calova in nostro Incurabilium Nosocomio Chirurgis assiduis, ac multos annos exercitis.

Gratiæ de Philippis virgini Deo sacrae in Cœnobio Jesu Neapoli spectante Mario Schipano viro quidem non sine honore nominando, executum est per me sub jugulum steatoma, quod selibram pendit: abscessus, qui sex jam annos nullo medicamentorum fructu continenter crescens sacram faminam perpetuò torserat ac pene jugulaverat. *Marc. Aurel. Severin. de recond. abscess. natur.*

Cuidam sexaginta circiter annorum, Jean Girau de la Four nomine, robustissimo & optimo corporis habitu prædito viro, in ipso dorso, circa finem vertebrarum colli, paulatim steatoma in tantam molem excreverat, ut molestum esset agro onus hocce quamvis indolens, veluti colossicum, amplius gestare: quapropter ut ab ipso liberari posset, expertorum Medicorum & Chirurgorum auxilia imploravit. Vivebat autem eodem tempore Lausannæ egregius quidam ac excellentissimus Medico-Chirurgus, Joannes Griffonius, olim præceptor meus fidelissimus, qui cum vocatus & ab agro & ab adstantibus supplex rogatus fuisset, ut manum adhibere vellet, curationem hoc modo aggressus est. Primò optimam victus rationem instituit, & ut à vino omnibusque cibis potentia calidis, ad tempus quoddam ante operationem planè abstinere, iussit. Interim apoze-mata & purgantia exhibuit, venamque secuit. Sic satis præparato corpore, cutem ad radicem tumoris ad subjectam carnem usque circumcirca tumorem incidit. Postea totam illam partem tumoris, quæ spinam versus tendebat, cum sua membrana unguibus separavit, & integrè extraxit, & mox quæ hæmorrhagiam cohibent, vulnere; quod maximum erat, applicuit: deinde illud more aliorum vulnere feliciter sanavit. Finita operatione, trutinata excrecentia pondus librarum septem excedere reperta est. Vixit homo iste per multos annos sine ullo incommodo. *Guilielm. Fabric. Hildan. Observ. Chirurgic. Centur. 6.*

Elisabetha S. ex Palatinatu, ætatis præterpropter annorum quinquaginta, steatoma prægrande per annos fere sexdecim gestarat, abscissionem hujus ponderosi oneris expetiit, quæ & anno 1659. die 21. Februarii Ratisbonæ, præsentibus tribus Medicis à Davide Schaffnero, lithotomo & Chirurgo Augustano, feliciter peracta, cæterisque ritè adplicatis, ab hoc molestissimo comite penitus illa liberata, nec quidquam ejusmodi hæcenus illi recrevit, seseque optimè habuit, cuncta munia sua liberè obiens. Steatoma hoc in podice lateris dextri non longè ab

ischia excreverat, magnitudine caput viri robustissimi exsuperans, librarum pondere facile decem. *D. Joann. Helwigii.*

Vetula erat rustica sexagenaria cursoriis plerumque operis destinata; hæc à plurimis annis in latere super costis spuris tumorem alebat puerili capite majorem, qui cum non tantum cursoriæ pedumque velocitati, quæ alias pollebat, officeret, sed & identidem Erysipelate afficeretur, magnopere laboravit ut à tam onerosa mole liberaretur. Increbuerat forte fama B. Affinem meum D. Langelottum Chirurgiæ felicis specimina aliquot jam tum edidisse; itaque mulier fidens animi ad eum se confert sævæ manus beneficium exoratura. Affinis tumoris magnitudine, diviteque venarum, etiam grandium, copia exterritus meum quoque poscit consilium; ibi ego in tam ampla tumoris radice, & venarum tum magnitudine tum copia periculum, quod putabam, prospiciens, curam dissuadeo. At illa iterum iterumque manum ejus sollicitans mori se malle aiebat, quam cum mole ista tam onerosa atque incommoda vivere. Ergo precibus & constantia mulieris mortem alias expetentis victus, periculo ejus curam recipit diemque sectioni dicit. Præparata illa, velut ad mortem, animos cunctanti addit, & tantundem sibi esse adjurat, si vivat sive moriatur, dum ab isto onere immunis esse possit. Itaque me inspectante præsentibusque duobus Chirurgis extirpationem aggreditur, cutemque injectam secundum longitudinem novacula discindi jubet; ibi tum ipse admotis digitis primoribus, quæ poterat dexteritate, vesicam vel abscessum à cute solvit, cumque costis eum firmiter adfigi sentiret, forfice immisso radicem amputabat, integramque molem fere sine notabili hæmorrhagia, quod stupendum erat, eximebat. Forte metus ex dolorum sensu enatus, qui & constantissimo cuique sub lenta operatione exprimi solet, sanguinis motum sufflaminaverat. Interim mulier ne hiscebat quidem, sed in Lipothymiam pro-na, quam dolor haud dubiè intulerat, cardiaco revocari opus habebat. Quanta verò illa & quam huiusmodi plaga, dependentibus utrinque vasti corii laciniis? vulnus styptico & defensivo obligatum compositis ad latus cutis laxæ fimbriis, postridie resolvebatur; ubi cum vulnere oras explorant, fortè arteria rumpitur, copiosis se se iteratisque pulsibus in lucem efferens. Huic cauterium actuale vel decies adhibitum nihil profuit, donec Bodeti styptico occurreretur. Tum deinde abscissa magnâ laciniarum parte vulnereque per digestiva ad maturitatem perducto consui cutis, commissisque invicem labris intra quinque septimanas sanari cœpit, faminâ nullis interim symptomatis in illa temperamenti duritie labefactatâ. Tumor siue abscessus exemptus quatuor fere libras æquabat, & si texturæ habeas rationem nihil aliud erat, quam compositum glandulosum pingue membraneum, intertextis copiosissimis inque superficiem satis manifestè expositis venis.

Emphysema.

Pro tumore ventoso in genu post universalia remedia

remedia consului, ut hoc cat. plasma resolutivum (etiam valens in materia phlegmatica) apponeretur.

℞. Sem. anis. subtilit. pulver. sem. fenic. cumin. carui ana quartar. s. far. fabar. ʒj. succi ebuli, sambuci, & vin. aromat. ana q. s. decoquendo fiat cat. plasma, quo apostema illud ventosum resolutum est. *Petr. Forest. Obs. Chir. l. 3. Obs. 3.*

Natta.

Nuper erumpentes si dentibus leviter comprimantur Nattæ, sensim marcescunt & pereunt, quod bis observatum *Patavii*, semel in Nobili Fœmina, cujus erumpentem Nattam dentibus vicina mulier apprehendit; & semel in filia summi jurisconsulti. *Thom. Bartholinus hist. 40. cent. 3.*

Lupia.

Puella quædam laborabat tumore scirrhuso nucis juglandis magnitudine, superiorem metacarpii partem occupante, qui discussus est meo consilio, admota super partem affectam lamina plumbea hydrargyro illita, eaque per octo dies gestata tumor quæ paruit, nec amplius est reversus. *Simeon Jacoz. obs. 9.*

Frater quidam Capucinus Lupiam habebat in genu, post longum tempus ad summam mollietatem tandem perducta fuit: cujus ratione aperitionem suadebam, ille verò renuit, inquiens se Lupias huic similes resolutione curatas vidisse solius acetosæ chartæ madidæ involutis & sub cineribus coctis; quæ postmodum cum cineribus per cribrum trajectis, incorporabantur in formam cataplasmatidis; quod ille per plures dies applicuit calidè, & tumor prorsus evanuit, quod ego valde miratus sum, & postea duas alias Lupias in eadem parte eodem remedio curavi. *Dionysius Pomaret. obs. 3.*

Ganglion.

Honestæ quædam matrona aliquot annos in poplite in utroque crure tumorem gerebat, pugni magnitudine in uno, & altero paulo majorem, concolorem, molestiam potius quam dolorem afferentem, flexionem tamen articuli illius, & sic incessionem aliquo modo impediens: quem tumorem cum inspicerem, Ganglion esse judicavi. Plumbariis thermis, ut eos extirparet, aliisque remediis, sed sine fructu, usa fuerat. Ad fortiora transeundum esse docui, illique primum hunc fœtum præscripsi.

℞. Lixivii, urinæ, & vini an. pt. æq. adde ad mens. j. hujus liquoris, aq. vitæ ʒj. spir. juniper. ʒj. cum spongia intincta fomententur tumores calidè. Postea apponatur hoc emplastrum.

℞. Rad. bryon. irid. rec. an. tʒss. bulb. lilior. ʒij. coq. in aceto fortissimo & contund. & pistentur: addendo olei lilior. ʒij. gumm. ammoniac. in aq. vit. solut. ʒij. pulv. rad. ireos ʒij. redigantur in formam emplastri vel cataplasmatidis: continuabat fœtum & emplastrum in dies domum reversa, spatio trium mensium, unde admodum imminuti tumores, adeo ut licet aliquid adhuc appareret, tamen nullum fere impedimentum amplius adferrent. *Felix Plate-*

rus observ. lib. 3. pag. 703.

Juvenis quædam mulier Ganglion habebat in facie Cerasi magnitudine, intra oculum supra zygoma, quod intra mensem discidium est, admota lamina plumbea hydrargyro illita & emplastro infixa, ut melius hæreret: eaque super Ganglion admota, una cum emplastro, splenium satis solidum superimponebam, deinde fascia alligabam quæ semiphætera à *Galeno* nominatur. *Samuel Formius Obs. 16.*

Mulier quædam ictum frontis passa est, quem tumor nullus subsecutus est, ante quindecimum diem, quo tumor obortus est magnitudine nucis juglandis, sed mobilis, nunquam dolebat, nunc mollescebat, nunc minuebatur, nunc augebatur, & sic per longum tempus cum maximo incommodo permansit: curatus tandem fuit aq. vitæ cum rutæ succo mixtæ admotione, linteisque fronti apposis. *Petrus Borellus. Obs. 5. Cent. I.*

Adolescens sedecim annos natus conquerebatur de tumore duro, indolenteque, qui, in superna manus dextræ parte situs, mole sua nucem avellanam adæquabat, eratque ejusdem cum cute sana coloris; atque jam tertius mensis erat, ex quo æger post laborem consuetum majorem hoc malo affectus est. Jacebat nempe tendo in superna manus parte, cujus tubuli ab in ueto labore ita distorquebantur, ut humores, in circulatione multas obstructions pro obstaculo offendentes, stagnarent in tubulis tendinis, tandemque ab humoribus à tergo insequentibus propellerentur usque ad membranam illam, quæ tendinem investit, ubi, efformata sibi cavitate, colligebantur & crescebant aliquatenus particule viscosiores, tenuioribus interim abeuntibus, & sic exortus est tumor, de quo hic ago, & qui ganglii nomine à plerisque appellatur. Ego pollice manus meæ tumorem hunc validè satis compressi, eumque hoc pacto extemplo evanescere vidi, dum scilicet vi compressionis humores tumorem constituentes protrudebantur iterum quaquaversum per tubulos tendinis; sed quia obstructions sic nondum sublatae erant, ideo recidivæ formidine tenebar, quapropter ad humores viscosos attenuandos & obstructions reliquas tollendas imposui emplastrum de ranis cum Mercurio, & strictam satis ligaturam, quæ impediēbat, ne humores viscosi in consueta cavitate iterum, ut ante, congregarentur. Sed ubi tumor hic jam per aliquot annos duravit, tunc à pollice comprimente tolli non potest, sed adhibenda est ferula lignea, non differens ab illa, qua præceptores in castigandis pueris utuntur, nisi quod plumbi portio in illius medio infusa jaceat; & talis ferulæ unico ictu, ægroti facie à manu affecta in dorsum aversa, prorsus evanescere vidi ganglion, quod per quadriennium patientem vexaverat, cujus medela tunc brevi per emplastrum hic citatum & strictam ligaturam absoluta fuit. *Joan. Muys in Prax. Chirurg. ration.*

A T R O P H I A.

A Trophia quam si latinè recedere liceret in nutritionem diceremus, est morbus quo

corpus paulatim emarcescit cum virium debilitate, hic autem non est merè privativum; sed imminutivum; notabilem scilicet non verò absolutam nutritionis defectionem significans: sic *apepsia* non integram coctionis privationem, & *asphuxia* non omnimodam pulsus abolitionem designat; sic etiam *amentes* vocantur qui parum non qui nihil mentis possident.

Triplex cum sit corporis substantia, adiposa scilicet, carnea & solida, videndum quantum ex iis consumpta, *atrophia* denominationem propriè mereatur. Adipe carere possumus, nec tamen ideo tabidi verè dici; sic & partes solida, venæ scilicet in venulas, & nervi in villos abire possunt; atque etiam ossa aliquatenus minui, satis tamen notabili inde non confecto detrimento quò corporis moles sensibiliter detumeat; quapropter solâ substantia carnea vera censei debet *atrophia* sedes, illiusque pars affecta. Non negamus interim adiposam substantiam absolute liquari non posse, minus etiam solidas partes imminui, quin *atrophia* adsit, at illud est morbi quem pertractamus prodromus, hoc verò ejusdem ut plurimum conspectaneum, non verò morbus ipse.

Atrophia alia est *universalis*, in qua totum corpus marcescit, si cor excipias quod ad proportionem reliqui corporis non tabescit, alia *particularis* quæ huic aut illi membro in specie intigitur.

De *Atrophia* causa ut aliquid dicamus necessarium fuerit de naturali corporis nutritione, succis illi inservientibus, eorundem præparatione, vas deferentibus, atque applicatione pauca præmittamus.

Nutritio in plantis satis diuturno tempore intermittere potest vita interim incolumi, arborum namque surculi hieme vivunt sine alimento, imò bulbi plurimi e terra post flores emissos educti absolute exsiccantur, nec tamen suo tempore terræ denuò mandati minus vivaces sunt: At in animalibus nutritio & vita pari quasi passu ambulant, nec per effluvia continuo de se emissa deteri possunt quin necessario deficient, ni detrimentum illatum per succos identidem suffectos resarciatur; hic itaque necessario fieri debet quod in nave illa, Christophoro Columbo ducente, totum orbem circumagente, sicque Victoriæ nomen demerita, confectum est; scilicet dum per tempestum injurias, ambientisque liquidi importunam actionem, aut ruinolam ad scopulos allisionem, tabulæ aliquæ ut & alia ædificii quantumvis solidi munimenta deterebantur & confringebantur, ruinæ illæ resarciebantur novis continuo in partium deperditarum locum suffectis tabulis, trabibus, transtris atque tignis, unde in portum è quo primò exierat reducta, integra quidem visa est, sed nihil prorsus ex iis lignis è quibus primò constructa fuerat, habens. Sic enim animalium corpora indefinenter renovari amant, inductis per alimenta continuo particulis in earum locum quæ per sanguinis, humorum & spirituum motus tam naturales, quam violentos per vias, tum sensibiles deturbantur, tum per insensibiles avolant, nec non earum quæ ab ambiente aëre abripiuntur, &

corraduntur, sufficiendis. Persequamur jam alimenti illius tam necessarij omnes præparationes, imò quæ ejus legitimæ distributioni ac applicationi apta nata sunt paucis expendamus. Alimentum ore exceptum dentibus conteritur, & (saliva quasi fermento admixta) pinxitur, hinc per oesophagum in ventriculum detruditur, ut moras illic trahens per particularum novarum in rugis profundioribus cavi visceris restitutum, aliarumque per plura tunica ipsius interioris orificia exudantium, actionem colliquetur ac in pultaceum quid abeat, quod demum per varias fibrarum circumcingentium compressiones in intestina propellitur, ubi bili, succo pancreatico, ac etiam succo ex intestinalibus pluribus glandulis, per proprios cuique canales depluentibus, admiscetur in ulteriorem perfectionem, & ut parte maxime excrementitia, (salibus scilicet terrestrioribus, viscidioribus & ad motum magis ineptis) per vias sedis præcipitata, depuretur, per tunicas intestinorum in vasa lactea tandem percolandum. Hic per adjunctam lympham, ex omnibus prope corporis partibus in vasa prædicta advectam, fluidius evadit, ut compressioni per motum intestinorum peristalticum, aliamque etiam ab ipsis abdominis musculis inductam, facilius obediens, in glandulas mesentericas filtrationi novæ destinatas, indeque in receptaculum suum promoveatur. Illinc tum per motus prædictos, tum etiam per productionum diaphragmatis ad lumbos usque pertingentium actionem perpetuam, adjuvante canalibus thoracici mechanica, in venam subclaviam elevatur, ibique sanguini confunditur pleno alveo per cavam descendente in ipsum cor quasi microcosmi mare postea convehendum. Tum demum per aortam indeque enatos ac productos arteriales ramos totum corpus perreptans, in partes & carnosas & alias solidiores diffunditur, ibique adjuncto succo nerveo, de quo alibi, per villos nervorum undique dispersos, influente, vigoratur magis, & non secus ac aurum mercurio amalgamatum, in poros metallorum deaurandorum commodè ac promptè se insinuat, sic etiam succus hic, novo addito quasi menstruo & stimulo per prædictos nerveos canales advecto, poros omnes quantumvis minutos pervadens, substantiæ quam penetravit, facile accretit, si modo salium spicula ramosis & unctuosius sulphurum particulis obtusa illam ad sui excussionem non excitent, sed potius ut amico complexu suscipiantur, faciunt. Hisce peractis aquea portio quæ diluendo succo nutritio, eademque in partes corporis omnes intrudendo, inservierat, spiritibus salino-sulphureis restituantibus commixta, partim per insensilem transpirationem excernitur, partim per vasa lymphatica in venas ipsas ac propria receptacula abit, novis circuitibus peragendis parata; cruor verò à nutritione residuus per venas abripitur, salibus fixioribus ac minus mitibus, ut & sulphuribus crassioribus ac terrestrioribus imprægnatus, quo scilicet per novas in variis visceribus triturationes ac fermentationes denuò præparentur, aut si omni elaborationi legitimæ prorsus inepti fuerint, per repetitos circuitus in vias sedis, urinarum, aut alias, foras excernendi, demandentur.

Hisce

Hicce sic explicatis facile videre est *Atrophiam* & *Tabem* necessario induci, si, vel alimentum deficiat per abstinencias longius protractas, easque tum voluntarias, tum etiam ab *Anorexia*, cujus causas supra vidimus, ortas; Vel idem alimentum in ventriculo & intestinis subigi minime potuerit, tum quod terrestrius esset, & totum quasi excrementum, vel dentibus minus bene attritum ac salivæ inertæ committum in ventriculum prolaberetur succis fermentescibilibus, ipsius dissolutioni necessariis spoliatum, ac propterea crudum de ventriculo in intestina excidens ulterioribus digestionibus ac depurationibus minus paratum fuerit, languideque & parce nimis per crustam intestinorum villosam in lacteas procederet; Vel in ventriculo legitime satis præparatum taleque ab intestinis exceptum, ibi viscidiori, parciori, minusque activo succo pancreatico, intestinali, aut bilioso occurrat, unde potius colligentur variæ ejusdem particulae quam per inductam præcipitationem separentur, ut quod excrementitium est infra propellatur, reliquum in canales lacteos transvehatur; imò si a purulenta materie continuo de ventriculi aut intestinorum ulcere manante, coinquinetur, aut per irritationem à salibus efferis, undecunque demum advectis, in hæc viscera inductam, totum quantum est purum ac impurum per sedem excidat; Vel crusta intestinorum villosa, per quam percolari debet, obstructa, aut alias ita alterata fuerit, quæ ipsi filtrando inepta evadat, proindeque fluxus cæliacus oriatur; Vel lymphæ viscidior in lacteis illi admisceatur, quæ ejus motum potius remoretur, quam novos addat stimulos, ut propterea dum per glandulas mesentericas de novo filtrandum venit, illas non ita commode pervadat; imò si hæ glandulæ ita obstructæ fuerint à salibus terrestrioribus, ut non tantum parum succi nutritii in percolationem ab ipsis perficiendam excipiant, sed etiam illum exceptum spiculis salinis nimium onerent, unde & parcior, & acrior chylus in sanguinem, & partes corporis omnes devehitur; Vel tumores grandiores, tum vasa lactea, tum canallem thoracicum comprimant, qui liberum succi nutritii per eosdem convehendi comitatum impendant, sicque sanguinem rorido illo succo maxima ex parte defraudent; Vel sanguis viscera quædam ita corrupta alluat quæ ipsi labem imprimant, quam chylo admixtus partibus omnibus quas pervadit necessario inuret; Vel crassior fuerit sanguis, terrestrior, ac aqueo menstruo non satis dilutus ut in poros omnes se se insinuare; imò si acrior, ac particulis salinis ita onustus fuerit, ut deprædandis & corradendis corporis partibus potius quam iisdem enutriendis habilis sit; vel succus nervus eo lentore ac visciditate peccet, quibus irretiendis potius particulis sanguineis, quam iisdem in poros partium promovendis, faciat; Vel partes corporis omnes succo nutritio defraudentur, propter ejusdem deperditiones, tum per hæmorrhagias largas atque protractas, tum per effusam venerem, tum per fluxus seminales ac gonorrhœicos diutinos, tum per diabeticos affectus, tum per ulcera manantia, præcipuè juncturarum, unde humor abundans, Paracelsus Synovia

dictus, exit, tum per sudores immodicos, aliasque id genus, factas.

Particularis membrorum *atrophia* causam suam debet, vel arteriis alimentum deportantibus, exsectis, quæ exsectio necessario verbi gratia venit facienda in cura aneurismatis brachii, cruris &c. Si grandius illud fuerit, sanguisque, eo aperto stipticis admotis compesci minime valeat; imò si eadem arteriæ vel obstruantur, vel comprimantur, tum à ligatura aetiore, tum à vicino tumore, tum ab ossæ quopiam loco suo dimotò. Vel nervis succum ultimæ alimenti applicationi necessarium non deventibus, tum propter infarctos suos canales, tum propter eorundem continuitatem per excisionem, compressionem, aliasque interruptam; non mirum itaque si paralyti particulari, in qua afficiuntur propriè nervi, *atrophia* succedat.

Tabes præterea dorsalis quæ ad *atrophia* classem reponenda venit, duplex est, Una quæ ex seminali aut gonorrhœico fluxu immodico, illoque aut voluntario, aut involuntario de quibus mox in *atrophia* universalis causis, verbo diximus, procedit. Altera quæ à dolore circa lumbos incipiens, gibbositatem, aut claudicationem non tantum inducit, sed etiam insignem in toto corpore, solo excepto capite, cortabescientiam; cujus causa, ut optime differit *Willisius*, proculdubio in hoc consistit, viz. quod imprimis humor, sive materies quædam incongrua & morbinca cum succo nervæo per spinalem medullam descendens, in nervorum vertebrarum ramis incurrit, proindeque ab initio ob fibras vellicatas dolor ferè continuus oritur; dein ob quasdam è fibris carneis resolutis, oppositæ vehementius contractæ spinæ vertebrae quasdam distorquent, & denique siquidem spiritus animales nervos & fibras ad truncum & membra pertinentes haud uberi satis copia actuant, ob nutritionem frustratam, corporis emarcescentia succedit. *Additque præterea*; Profectò cum liquor nervæus & spiritus animales è spina dorsali in totum corpus haud plenè & libere dispensantur, proinde marcor sæpenumero oritur. hinc abscessus & ulcera circa lumbos aut os sacrum excitata, quatenus liquorem nervæum absumunt nimis aut profundunt, *atrophia* in toto, aut saltem in partibus inferioribus inducunt.

Signa *Tabis dorsalis* satis ex iis quæ mox attulimus patent; *Atrophia* item *particularis* *diagnosis* per se nota est ac propterea explicatione nullatenus indiget; *universalis* verò ex sequentibus demonstratur, primò ea affecti etiam si cibis convenientibus cum appetentia utantur, non tamen sic rehciuntur, quin potius in dies strigosi magis fiunt, usque dum nil nisi ossa, aridis carnum fibris iisque parcioribus & tenui obducta cute supersint; cavantur præterea ut eleganter scribit Menjotius oculorum recessus, acuminantur nares, collabuntur tempora; retortarum ac rigidarum auricularum lobi invertuntur; malæ protuberant; buccæ quasi consuuntur; os patulum est, depressa labia ac dentibus affixa risus præbent imaginem; cervix nonnihil tortuosa est, gracilis & ad speciem longior, non versatilis, sed velut rigens & intentata; larynx prominet; claviculae procul à

thorace distant, profundæ foveæ interjectæ; costæ perspicuè dinumerantur, earumque cum vertebris articulationes ac in sternum insertiones redduntur aspectabiles; ipsarum interstitia inania sunt, rhombi figuram secundum ossium circumductum præ se ferentia; curvatur cartilago xiphoides; operta scoptula tota se se aspectui offerentia expansas avium alas imitantur; eminent vertebrarum spinæ, & utrinque ad earum latera tergum, ut canebat Divinus Psaltes, quasi vomere in longum sulcatur; hypochondria vacua & quasi excavata sunt, ac superius revulsa; epigastrium atque ilia dorso cohærescunt; ad os sacrum & ilium pelvis ossæ cernitur; coccyx caudæ instar exeritur; artus omnes sunt arundinacei cum articulis conspicuis ac nodosis; uno verbo ossium idea duntaxat remanet, horumque compages cute obducitur flava, exucca & rugosa, quæ præterea ita translucet ut subjectarum venarum livor sensibilis sit; ungues denique ut in feris avibusque rapacibus uncinantur, depasta digitorum pulpa quæ unguum est fulcimentum. Huicce iconi appendamus effigiem jejunæ famis apud Scytas, ut fingitur, habitantis, quam Ovidius ad vivum sic expressit, Metam. 8.

*Hirius erat crinis, cava lumina pallor in ore,
Labra incana sunt, scabri rubigine dentes;
Dura cutis per quam spectari viscera possent:
Ossa sub incurvis extabant arida lumbis;
Ventris erat pro ventre locus, pendere putares
Pectus, & à spina tantummodo crate teneri.
Auxerat articulos macies, genuumque tumebat
Orbis, & immodico prodibant tubere tali.*

Prognosis quod attinet, quandoquidem atrophia plures agnoscit causas quæ in variis morbis reperiuntur, de ea in specie illic dicetur, hic tantum de Atrophia in genere aliquid addemus, scilicet quod macies præternaturalis nocentior multo sit obesitate morbofa: quod contabescencia sit præsertim in infantibus mala, siquidem illi plurimum ad corporis augmentum exigunt alimentum & rarior eorum textura, adipum carniisque consumptione amplius rarefescens, effluviis copiosioribus, atque ulteriori virium exolutioni viam liberiores facit. Marasmus qui ad *anorexiā* venit scilicet in quo non tantum carnes & partes solidæ sunt diminutæ, sed etiam arefactæ, & si ita loqui liceat quasi exustæ, curari minimè potest, ut enim plantæ ad tabem absolutam deductæ amplius non revirescunt, sic nec homines atrophia absoluta affecti recorporari queunt.

Indicationes, ut & Curatio Atrophie deducuntur & quasi emergunt à variis illius causis quas supra enarravimus, quandoquidem autem illæ causæ in variis morbis inde effectis occurrunt, non est quod hic de iis pluribus agamus, eò etiam minùs quod, curationes generales &c. ex aliquot celebrioribus Autoribus pro more tradendas jam habeamus.

Curationes.

Atrophiam evacuationes acres & solutiones

non tollunt, sed exasperant quasi, tantum si coluvies interiora viscera gravat, præsertim ventriculum, vomitus lenes sunt imperandi, præsertim ab aqua benedicta. Eius nimirum peculiaris vis hæc est, ut non tantum saburram eliminet, sed etiam ventriculum ad concoquendum instiget. Unde post aquæ Benedictæ usum, semper videmus appetitum corroborari, augeri, licet aliquandiu ille sepultus, parum aut omnino nihil effecerit. Hoc itaque auxilium moderatè institutum in principio hujus curationis multum prodest. Deinde humectantia imperanda sunt, quæ tamen ita imperari possunt, ut simul obstructions viscerum expediantur. Tartarus ergo vitriolatus cum decocto passularum & syrupis humectantibus, quales sunt syrupus violarum, tussilaginis, betonicæ sumptus, illas solvit. Externa in hoc casu laudabilia sunt in pueris. 1. Balneum ex decocto capitis & pedum vervecis in aqua fluente tamdiu ebulliendo præparatum, ut consumptis omnibus carnibus ossicula tantum possint eximi. 2. Decoct. cort. salicis rubri in aqua fluminis. Hæc balnea præsertim in pueris maxime atrophie subjectis eam solvunt laudabiliter, si septies, octies, novies, in iis laventur, semel atque iterum de novo præparatis. In Balneis spina dorsæ vel ol. olivar. aut unguento aliquo Resumptivo tota inungenda est. In victu dentur humectantia, iuscula & brodia, raro assa. Emulsio amygd. dulcium cum aqua tussilag. & betonicæ. It. quandoque cum semine papav. albi & melonum maxime utilis est. In adultis Balneum aquæ dulcis, in quo cineres Corylorum, malvæ, bismalvæ, parietariæ, betæ, lactucæ, semen lini, ossicula item Vervecum contusa ebullierint, sæpius institutum, membrorum atrophiam pellit. Iisdem utile est lac Caprillum. Item aqua destillata ex sanguine suillo, ex plantis refrigerantibus & humectantibus mirifice prodest. Aqua ista sic paratur.

℥. Sanguinis suilli lb ij. frica manibus ut omnes fibræ auferantur, adde foliorum betonicæ, tussilaginis, rosarum rubrarum, malv. ana m. j. fol. lactucæ m. ss. sem. melon. excort. ʒ j. aq. tussilaginis lb ij. destilla per alembicum ex B. postea aromatizetur cum tabulis mannis Christi perlat. ad singulas libras ʒ iij. de hac aqua bibat sæpius. Sic lac humanum ex uberibus ipsius haultum mirifice prodest. N. B. iis, qui ex sumpto philtro atrophia laborant, lac equarum auxilium est præstantissimum: semper tamen cum pauxillo sacchari exhibendum. Consumptionem corporis desperatam nihil scilicet proficientibus aliis remediis, hoc aliquando modo curavi.

℥. Mellis virginiei q. placet, inunge ollam non vitreatam recentem intrinsecus, postea olla plantetur in acervum formicarum, ita ut orificium ollæ tegatur cribro mediocriter laxo, & sic formicæ currunt per cribrum & incidunt in mel in eodem hæsitantes, atque sic nihil palearum vel impuratum aliarum intromittitur. Supra collectarum formicarum s. q. funde sp. vini q. s. digere vase clauso in B. per unum atque alterum diem, dein destilla per B. primò lentè, donec nimirum sp. vini prodeat, quo ablato, reliquum ebulliente B. destilla & reserva. Hujus

Hujus aquæ cochl. j. in qualibet septimana ter vel quater jejuno ventriculo cum pane tosto exhibitum, atrophiam corporis mirabiliter tollit. Interim vel totum corpus vel tantum partes distantes aliquoties eodem liquore inungenda sunt (manus, brachia, pedes) quod si nec curatio celerior succedat, tandem procede sequente modo: (hæc cura magnetica etiam in febribus valet) vide infra de aridura.

℥. Ovum recens coque in urina consumpti (hominis) in olla nova, ut urina ovum plane contegat, ebulliendo, donec ovum indurescat. Quod ubi factum fuerit, remove ollulam ab igne, & ovum coctum hinc inde foraminibus perfora ligneolo acuto, ut foramina pertingant vitellum, postea idem ovum perforatum in eadem urina reliqua coque semper vertendo ovum, donec urina planè consumpta fuerit: postremò ovum sic paratum sepeli in acervo formicarum. Quando itaque ovum à formicis consumptum & exesum fuerit, mirabili *συνπαθεια* consumptio corporis desinit, & nutritio subsequitur pristina elegans. Interim verò superioris liquoris usus non est negligendus. In Atrophia puerorum à Dracunculis (seu vermiculis in cute, juxta partes carnosas & musculosas à vitiato nutrimento progenitis) si quæ comedunt, nihil tamen apponitur, hæc cura est approbata.

℥. Radicis bryoniæ ʒ j. vel ij. coque in lixivio è cineribus quernis parato in pulticulam, quâ pueris dracunculis laborantibus in loco calido (balneo) illine totum corpus & relinque aliquandiu, sic vermiculi per poros exerunt capita nigricantia. Itaque universa cutis statim radenda est novaculis. Amputantur hac ratione capita vermiculis consumptoribus (*Mittesser*) & causa vitiata nutritionis aufertur. Hæc verò operatio semel atque iterum repetenda deinceps fuerit, donec nempe certum extiterit, vermiculos omnes esse sublato. Exinde pueruli balneentur aliquoties in infessibus illis, de quibus supra dictum est, vel ex capitibus & pedibus vervecinis, vel ex corticibus salicum rubeis præparatis. *Joann. Hartman. Practic. Chymiatric.*

Balneum ex decoctione pedum vervecis prodest ob mucilaginem, quam habent. Si metus sit veneficii, corylus addatur. Semen lini humectat, ut & semen althææ, ex nucibus cum sem. fœnugræci F. Emulsio. Quò & nuclei pini & pistaciæ pertinent. Quidam lacti caprillo præferre volunt Lac asininum, sed lac humanum magis prodest interdum. Vid. Paulum, qui hoc modo convaleuit. Unguentum *Lusitani* describitur in Praxi ejus admiranda lib. i. hist. pag. 107. & ita se habet.

℥. Gumm. tragacanth. arabic. ana ʒ j. Infund. acet. rosar. diem & noctem. Postea addatur ol. violar. ʒ i β. butyr. recent. ʒ β. camph. ʒ j. m. in mortario cum lacte muliebri, ut fiat unguentum. Convenit porrò aq. sang. suilli, cochlear. testudin. ostrearum. Syrupus de testudinibus, elect. resumptivum &c. Externè in aridura particulari convenit arcanum solis Felicis Uvurzii, sp. lumbricor. terrestrium, formicarum. sp. vitriol. in quo rad. Aronis, raphani, armoraciæ & sem. urticæ infusa fuere, unguent. Agrippæ, nervin. August. It. Pingued.

humana, vulpina, lupina, ursina, canis, taxi, ol. stillat. juniper. taxi, ceræ, piperis. Quidam etiam addunt aliquid euphorbi. Pueri hujusmodi atrophiam laborantes è vermibus mittantur in balneum, illinantur melle & spina crustæ panis fricetur. Si à ventriculo oriatur atrophia, corroborantia ventriculum profunt, ut ol. stomach. Cratonis. Non minus & empl. ejusdem & de tamarahaca convenit. Si ab hepate alentur aq. ex hepatibus, & ea quæ hepar roborant. Atrophia scorbutica singularem requirit curam, si enim vulgaria tantum adhibeantur, affectum non attingunt. Cum enim adsit sanguinis vitium, antiscorbutica postulantur. Datur quoque atrophia ex nimio fluxu mulierum albo. It. ex Gonorrhœa, quæ ex alio capite curanda. In atrophia mesenterica conveniunt ea, quæ profunt in hypocondriaca. Radix graminis hic bona est, quæ habet vim aperiendi. Si humor cordialis absumitur, arefit cor & atrophia oritur, ut observavit D. Michael in puella, cujus cor ut pyrum erat arefactum. Prodest ergo electuarium resumptivum cum rob. passularum, aq. caponis cum syrup. de testudinibus. Unguentum resumptivum externè & pinguedo humana: emulsiones præparari possunt cum aq. destill. ex testudin. & amygd. dulc. nucl. pini & pistac. aq. Ferdinandi Epiphani, aqua contra atrophiam, aq. antihectica ex cancriis Schroderi diligenter & recens destillata citra empyreuma. Decoctum & juscula ex sem. 4. refriger. pistac. pin. amygd. clysteres alterantes & nutrites & alia, quæ in febre hectica prodesse solent, loco hoc quoque mutatis quidem mutandis commodè adhibentur. *Joann. Michael. Prax. Clinic. General.*

Aqua Cochlearum rectè destillata atrophiam medetur, valenter nutrit, illa sæpe sæpius felici cum successu semper sumus usi. Proposui- mus singulare remedium, & quo aliàs ipse summa cum languentium utilitate, foelicissimoque successu sum usus. Remedium hoc singulare ad impinguandum partim est à Cardano desumptum, & partim ex nostro Marte inventum, & à nobis aqua mirabilis dicitur, cujus hæc est descriptio, quæ mihi semper secreta fuit, nunc autem ad languentium commoditatem & studiosorum curiositatem, publicandam esse censui.

℥. Sanguinis porcini juvenis & adulti nuper decollati lb ij. terebinth. Venet. lb j. liquirit. raf. lb β. passul. m. v. ficuum ping. numero 50. rad. ireos ʒ iij. pinear. mundatar. m. iij. fol. tabac. m. ij. mica panis lb β. destillentur in vase vitreo optimè obturato servetur, in loco frigidissimo. Mirabilis est hæc aqua sumpta ad ʒ ij. cum modico saccharo alb. per 15. dies: impingat valde, & restaurat omnes hecticos, etiam morituros, sed morituri postea redeunt ad consumptionem statim; est gustui grata, maximeque ac incredibilis efficaciam. Inter cætera quæ maciem arcent, sunt somnus longus, gaudium, lætitia, quies è contra, curæ, sollicitudo, anxietas, & nimia Venus, corpora siccant. Cibi saliti & herbacei fugiantur tanquam parum nutrientes, acetum maxime improbat, nam præter quam quod vitam breviat, corpora etiam exsiccat, approbamus aquæ dulcis Bal-

nea, inunctiones universales ex ol. amygd. d. rec. & pinguedine gallinæ cum rosaceo, & juscula restaurantia. Si nactus fueris ægrotum aliquem divitem, & supra dicta remedia non juverint, tuto confugere poteris ad balneum lactis, quod tantopere laudat *Avic.* in macilentis, consumptis, hæcticis, arefactis, & marasmo confectis. *Epiphanius Ferdinandus Hist.* 20.

Consultationes.

Atrophia in Puer.

Consultationem accepi pro Infante Illustriss. peregrinis equidem doctrinis ornatam atque illustratam, quibus tamen minimè opus habuit existimatio vestræ sapientiæ, quæ apud me cuiuslibet auctoritati præcellit. Quare & ego vobiscum censeo Nob. Infantem, sex abhinc mensibus in atrophiam paulatim perductum, adeo ut tandem marasum frigidum reformidare debeamus. Hanc autem ab alimenti defectu provenire nullus est cui non constet; non quidem ratione objecti, sed facultatis aut instrumenti; alimenta quippe oblata, quantitate, qualitate, & ordine nutritioni accommodata, ab imbecilli tamen facultate coëctrice ventriculi probè confici nequeunt; unde absoluta, non respectiva censenda, ab intemperie frigida & humida proveniens. Hæc autem non solum naturalis, sed potissimum ab impuro lacte, & destillatione à capite ad ventriculum magis adacta; unde rectè dicebat Gal. quod à cerebro valde humido ventris quoque consequitur humiditas; cuius propria passio solet esse diuturnum alvi profluvium. Verùm quoniam non sola intemperie, sed organico quoque morbo affici. Infantem Nobiliss. vobiscum suspicor; cum facile jam à lacte impuro, & facilius mox à solidioribus alimentis exhibitis; ac tandem à cruditatibus manifestis, quotidie in ventriculo genitis, obstructions in lacteis, necnon in mesentericis venis necessario subortas esse conjiciendum sit; ideo imminuta chylicationi accedit quoque alimentorum non probè elaboratorum interceptus transfluxus, cui succedit eorundem corruptio, ac proinde necessaria quotidiana per alvum excretio; unde ob vitium tum facultatis tum instrumenti diarrhæa fovetur, non tamen stomach. lis tantum, quoniam, si non lienteria, cæliacæ saltem passionis indicia hucusque apparuissent; ut propterea mirachialis, seu intestinalis propriè magis sit nuncupanda; quam flatus, umbilicum & partes illas distendentes à cruditatibus in iisdem locis, diebus aliquot suppressis elevati, abunde indicant. Hujus autem diarrhææ causas immediatas fovere potuerunt, & deinceps poterunt dolores, vigilia, inquietudines, gingivarum inflammationes, quæ dentibus erumpentibus, contingere solent; unde dicebat Hippoc. Alvi profluvia his esse familiaria. Quibus ita se habentibus, quid mirum si Illustrissimus Infans non nutriatur; sed quotidie gracilescat, cum alimenta primò imminutè concoquantur in ventriculo, mox in via perfectiorem elaborationem vix adipisci possint; transfluxu tandem eorundem ad hepar in-

tercluso.

Ut autem nos medicam opem feramus, primis viis cruditatibus satis emundatis obstructions omni industria sunt referandæ; ventriculus exsiccandus; jecur roborandum; nec dentitionis difficultas posthabenda; & congruis alimentis corpus nutriendum.

Quæ omnia sicut præstari possent in adultiori æt. te; ita hæc tenella in dubium revocantur. Nihilominus quoniam audio plurima assumpsisse infantem, in o & vinum absynthite, beneque se haberet ad oblata; ideo salutis ejusdem non est omnino abjicienda spes.

Quare tribus aut quatuor continuis diebus, exhiberem mel rosac. simplex, vel etiam clarif. ad ℥ ij. aq. cinnam. aspersum, mox aquam ex succo agrim. destillatam, in quæ gutt. vj. aut vij. sp. tartari ter quaterque rectificati dissolutæ fuerint, quotidie plures dies præberem, vel infunderem ℥ j. rhab. opt. in eadem aqua, vel in jure agrim. pentaphyl. & radic. gram. per noctem; eidem addendo gutt. spir. tart. matutinis horis pariter exhibendum. Et interim juscula omnia, quæ cibis parandis conficiuntur, china optima & modico lentisco alterarem. Neque quotidi nam ventriculi aromatizationem omitterem, unica guttula olei veri atque legitimi cinnam. vel rotula; vel vini, aut juris cochleari instillata, & à cibo exhibita; sicut & usus salis absinthii, in gratiam quoque hepatis, non est posthabendus.

Dum verò hæc omnia intrinsecus administrantur, extrinsecus inunctio totius corporis, oleo amygdalino recenti uberiori, non est prætereunda, sicut & totum abdomen, ung. ros. aliquot gutt. ol. lil. alb. affusis, erit inungendum. Ventriculo verò emplastrum à me piuries expertum applicari poterit, paratum: ex mentha viridi contusa fermento, pulveribus mastiches, & rosar. cum vino malvatico, vel saltem albo generoso reformatum.

A quibus, obstructionibus dimiutis, ad usum lactis, tanquam ad sacram anchoram, quamprimum confugiendum erit; faciliorem enim quam cætera alimenta concoctionem admittit, & quia satis crassum, ventrem sistit, valde nutrit, pauci est excrementi & huic ætati est alimentum familiare atque proprium. Quod si res bene cedat; à vino omnino erit abstinendum; ventriculo tamen semper aliquam corroboracionem conciliando. Dentitio autem erit promovenda, illinendo gingivas lacte canino, aut leporis cerebro. Quæ omnia felicem poterunt sortiri eventum, sub vestra prudentissima, & inculcata administratione, cui ideo omnia libentissime committo. *Joan. Raym. Fortis Consult. tom. 1. p. 339. & seq.*

Frigidus Marasmus Consultatio prima.

Senium irreparabile nobis esse testatur quotidiana experientia, quoniam quotidie resolvimur, tum extrinsecus ab ambiente aëre, tum intrinsecus à calore nativo. Et licet humidum instauretur; semper tamen deperdito siccus evadit, operationibus quidem aliquo tempore accommodatius, non tamen pro vita; prout humidum Juvenis cum humido Pueri collatum; unde jure merito irridebat Gal. Philosophum quon-

quendam, qui quadragenarius librum scripsit quo docebat quomodo senium vitari posset; octuagenarius autem factus, adeo consumptus fuit ut risum apud omnes concitaret. Sicut autem naturale est quod annis labentibus evenit nobis; ita præter naturam quod immature juvenilibus annis contigit, ut in Illustriss. Com. Pat. nostro, 29. annum agente, qui hypochondriaco affectu illegitimo pressus, non tamen subsecuto exsiccatorio morbo, minusque nigro, aut corruptorio, ad gravem tamen adeo atrophiam, spatio mensium, modo perductus est, ut propriè magis marasmo eundem laborare affirmare possimus; cum humidi consumptionis, ex siccitate adhucum fiat, nondum verò facta sit, tunc enim Tabes genuina propriè nuncuparetur, frigidus autem hic, non torridus, minusque syncoticus habendus, cum sit citra febrem & syncopen.

Nec senium ex morbo hic propriè vocandus; cum hoc ex cordis affectione promanare dixerit Philippus. Marasum autem consummatum & tabidum non esse, facile nobis suadere potest ejus signorum absentia; flos enim caloris vitalis non perit, squalidum corpus non est, cutis circa frontem nondum sicca & obtusa, nec oculi adeo concavi, neque collapsa tempora. Et licet abdomen, ex hypochondriaca affectione, tum gracile tum depressum sit, præcordia tamen vehementer adducta & contracta non sunt, nec thoracis cutis sicca ac arida; & veluti corium digitis apprehensa producit, necdum pulsus adeo rarus observatur.

Ortum verò duxit affectus hic ab hypochondriaca affectione, ex venis lacteis & mesentericis à crudo & copioso cibo obstructis procedente, non tamen pylorum primario & essentialiter afficiente; quæ ideo non legitima, ut illa à Gal. descripta, sed illegitima fuit. In omnibus tamen hypochondriacis semper solet Jecur accendi, cujus causa pylorus deinde in modica caliditate exurit, unde æffluiones circa partes illas, necnon arteriæ pulsatio, compressione facta, sicque ventriculus fere siccus esse solet, non solum quia ipsius calor ab immoderato jecoris fervore veluti extinguitur, sed quia turbatis somnis, profundis cogitationibus, necnon jugibus cruditatibus paulatim viscerum humidum substantificum absorbitur; quo deficiente, calorem quoque languescere necesse est, ob jecoris vero incendium succi alimentales una cum crudis, in nostro Pat. Illustriss. combusti quodam modo & liquati fuerunt, renum attractrice facultate non parum adaucta: unde urinæ, tum copiosæ, tum in superficie pingues diutius apparere; sicque partim ex primis concoctionibus male peractis, (cum naturalia instrumenta quanto sicciora, tanto ad nutriendum inepta magis sint, potissimum innato deficiente calore) partim ex liquatione, & insensibili per halitum succorum alimentarium resolutione, consumptionis humiditatibus, tum innominatis tum torridis, siccitas modò cambium depascere non desinit.

Ideo sedulo agendum, antequam partem glutinosam corporis siccitas obsideat, & tabes laborietur; tunc enim omnino desperata res

est; *Tabem enim curare nunquam speraveris, dicebat Gal. nam licet caliditas, si adsit, remitti possit, remanet tamen siccitas, quæ senectutis ritu hominem interficit.*

In quem finem, Medicæ intentiones ex fonte Liætico potissimum sunt desumendæ, est enim omnino humectandum, sed substantificæ, ut totum renutrietur, moderate autem calefaciendum, majori namque calefactione egeret, si senium ex morbo adesset.

His itaque intentionibus satisfaciant alimenta. Quoniam verò cibus non se ipsum ad omnes corporis partes devehit, sed ab ipsis egenis trahitur, & partes invalidæ præ siccitate, sunt ad attrahendum infirmæ; ideo alimentum ut facile attrahatur, necesse est; hoc autem erit tenuium partium, & moderate calidum; cum tamen hoc parum admodum nutriet: crassum namque, viscosum, firmum & difficilis resolutionis debet esse, ut promptè assimiletur; ob hanc ideo contrarietatem non adeo facile alimentorum copia suppetit. Quare utrumque dumtaxat præstare poterit lac humanum, utpote quod magis asinino nutriet, præcipue si æger muliebrem mammam ore sugat, ut Euriphon, Prodicus & Herodotus Gal. præceptores censebant; idque quoniam lac statim multum, ut genitale semen, vim suam & facultatem amittit: cum præterea, ut non modo concoquatur, sed & distribuatur, ac partibus alendis assimiletur, natus ejusdem & spirituosus proprius calor, jam diciarum facultatum imbecillitati non parum prodesse possit. Quare, postquam postremis hisce diebus, lactis asinini uberiori usu naturalia instrumenta, in abdomine conclusa, abundè humectata & pervia reddita fuerint, statim Nutricibus erit commitendus Pat. Illustriss. ut altera interdum, noctu altera lac ipsi præbeat, quarta, aut ad summum quinta quaque hora, & qualibet vice, antequam in mammam sugat, sacchari fini cochlear deglutiat. Quantitas verò lactis sit ad mammæ dimidiam exinanitionem.

Et quoniam aliorum alimentorum lac societate non gaudet, ideo per aliquot temporis spatium solo lacte contentus sit; bis tamen in die, tum mane, tum vespere, vini albi subdulcis & parumper aromatici semicyathus, cum ossa panis madefacta concedi potest, cum frigido marasmo conveniat.

Sed quia exsiccata sunt totius corporis partes, ac venæ, propter attractricis facultatis imbecillitatem, unde difficilis evadere posset etiam lactis distributio: ideo in hunc finem picationes ab Antiquioribus commendantur: quibus nos manibus oleo amygd. abundè inunctis, cutis non solum: verum & musculorum contrectationes, & placidas evulsiones substituimus, iterum, vel tertio in die adhibendas: Dum eodem tempore inunctiones uberiores præcipimus, (cum temporis inclementia balneum non admittat) ut autem oleum jam dictum penetrantius evadat, bulliat cum paucis vino malvatico.

Mense verò exacto, sola sufficere poterit nutritrix, lactis inopiæ substituendo ptisanam hordeaceam dilutam, cum emuls. amygd. dulcium, & nucleorum pineorum, cum pugillo sacchari, & cochleari instaurantis ex capone, in paucis

jure dissoluto bis in die, quinta aut sexta quaque hora.

Et dum jam dicta omnia fiunt, alvus clysteribus ex lacte & butyro, vel ex jure pingui & butyro, vel ex ol. amygd. & butyro, erit promocienda, & quandoque saccharo tino addito, sollicitanda. Somnus utpote maxime necessarius, erit conciliandus martio pane, ex amygd. & saccharo, cum ʒi ss. sem. papav. albi pro qualibet libra, simul contusis; cujus dosiserit ad ʒij. quo non sufficiente, injiciatur clyster ex lacte, in quo dissoluta sit ʒj. philon Rom. rec. qui tamen non ultra tres horas aut quatuor contineatur. Et tandem, ad inhibendas pollutiones, quibus, ob renum & vasorum imbecillitatem, à calore contractam, obnoxius esse solet, hac inunctione illinatur renum regio.

ʒi. Ung. ros. Mes. ʒij. popul. ʒj. ol. saturnini, id est de plumbo ʒij. camphor. ʒss. succi sempervivi, ol. nenuph. an. q. s. m. ref. in mortario plumbeo. Abdomini continuo applicetur lana oleo amygd. imbuta, addita exigua portione mastichini; interdum omenta suilla & vitulina iisdem oleis madefacta.

In cæteris Aer sit temperatus; utraque exuperantia, tum frigoris, tum caloris nocere potest. Nutrices selectioribus refrigerantibus & humectantibus cibis alantur abunde, vinumque dulce iisdem exhibeatur; substantifica namque debet esse earum victus ratio; etenim Galen. Asinis quoque victus rationem præscripsit. Quies quam maxime conducit: Animi pathemata arceantur. Et læto & præsentis animo vivat.

Pro eodem Consultatio secunda.

Iusta curatio præscripta & administrata refrananda, & tandem superanda atrophie universalis, quæ Pat. Illustriss. ad tabem, sine febre marasmodum scilicet frigidum perducere videtur, cum duorum mensium spatio nihil profecerit, cogitandi ansam nobis præbuit, ne in eadem persistentibus, marasmus qui non adest, tandem succedat. Ex duabus autem causis nos solventibus; considerata potissimum universalis diaphoresis, sive insensibilis resolutio, qua non procedente, neque corporis nutritio neque alimenti appetentia fieri potest; cum totius exinanitionem sequatur exinanitorum desiderium naturale: huic verò succedat suctio, dum vasa majora in centro à minoribus in circumferentia sanguinem attrahunt, ut necessarius appulsus sanguinis ad cor conservetur; quare exuguntur quoque venæ ventriculi, divinum cibi promptuarium à Gal. dicti, quam suctionem mox percipit ipse ventriculus; cui succedit tandem fanies, appetitus animalis; & ita, quo copiosior facta fuerit totius habitus corporis resolutio & inanitio; eo majori, copiosiori & crassiori alimento indigebit corpus; morbosam namque tunc temporis evadit, & affectum illum constituit, à Gal. descriptum, his verbis. *Quandoque Pat. multos assumit cibos, qui neque crudi sunt, neque per alvum deiciuntur, neque plenitudinem efficiunt, neque etiam probe alere possunt; sed dissipantur, discutiunturque celeriter.* Hocque nobis persuadet, quod sufficiens alimentum, lac nimirum Illustriss. Pat. præbetur, quod chylicationis nec imminutæ, nec deprava-

vate elaboratæ signum exhibet, quodque sanguificationem satis idoneam subire conjiciendum; quoniam totius calor probus est. Quod si, aut ob vasorum exsiccationem ad partes non permearet, aut calor partium, ob imbecillitatem, hoc ipsum non actuaret; inutile certe in corpore retineretur, sicque cachexia jam præludium adesset; quæ jam dicta cum in nostro casu non appareant, alimentum insensibiliter resolvi credendum; eo potissimum, cum caloris immodici & acrimonie alia signa non desint; frequentes nimirum nocturnæ pollutiones, cum simulacris jucundis; atque adeo ab irritata, non laxata facultate provenientes; & præterea molestæ ac contumaces vigilie, corpus solventes.

Quare deliberatum fuit, non solam alimenti qualitatem, verum & quantitatem esse alterandam; magis enim glutinosum, nec adeo facilis resolutionis debet esse, & quodammodo plenius; atque interim totius corporis obstructio continuo procuranda, pollutio inhibenda, & somnus conciliandus.

Quibus intentionibus satisfieri debere censuimus, bis in die, lac naturali substituendo artificiale, ex jure pedum vituli, borragine alterato, quo extrahatur emulsio ex amygdalis, nucleis pineis, & sem. melon. cum modico saccharo. Quod si fortasse observetur ventriculus aliquo pacto gravari, addatur quoque cochlear aquæ cinnamonomi ut frigiditati ejusdem & cordis prospiciatur; progressu verò dierum, addatur quoque instaurans pullæ, non omisso interim lactis muliebris usu, duabus aliis vicibus, intra diem naturalem, addito pane, vino albo satis aromatico madefacto, ita ut quater in die alimentum assumat.

Extrinsecus verò inungatur totum corpus ol. violaceo, addito quoque myrtino. Somno autem conciliando, injiciatur Clyster ex lacte, in quo Phil. Rom. rec. ʒj. dissoluta fuerit; & tempora atque sutura coronalis ol. nenupharino inungenda: hoc enim solo ad contumaces vigilias uti solebat Rhasis.

Ad nocturnas pollutiones sistendas, præberi poterit camphora; verum à proprietate pariter prodesse solet pulvis ossium sepiarum ad ʒj. Mirabilis quoque censetur à Medicinæ scriptoribus tinctura corallorum chymica. Extrinsecus verò, cæteris incassum tentatis, præstat oleum ex seminibus hyoscyam; expressum, quo illinantur pudenda, & potissimum perinaum. Quæ tamen omnia ab Excellentiss. Viris præsentibus summa observatione administranda & ad lubitum corrigenda.

Pro eodem Consultatio tertia.

Historia tum præteritorum tum præsentium de statu Illustriss. Com. ad amussim ab Excell. Viro descripta ac delineata, nos movet ad renovanda ea quæ possint ipsum ad meliorem statum redigere qui quoniam in nutritione consistit, victus quoque potissimum alterationem desiderat: in quem finem, parumper immorandum præteritorum considerationi, & querendum, cur à iusta alimentorum quantitate corpus totum instaurari, sive carnis moles auge-
ri non potuerit? quod dubio procul non aliunde
pro

promanare potest, nisi quia alimentum in sanguinem non convertatur; vel quia sanguis à partibus suscipiatur quidem, non verò assimiletur; qui rursus non assimilari potest, vel quia ab earundem partium imbecilli calore non actuetur, vel quia sensibilibus & insensibilibus dissipetur, ac resolvatur. Vitium primum non adesse credimus, quia copiosiora excrementa & cruditates in primis coctionibus accumulantur & observantur, neque secundum, quoniam si sanguis copiosius produceretur, neque à partibus absumeretur, venæ copioso sanguine turgidæ, hujus nobis signum aliquod præberent. Superest igitur, ut vel non acuetur ob imbecillitatem nativi caloris partium corporis, vel dissipetur. Quorum utrumque nostro casu concurrere credi potest, licet enim partes, caloris principio proximæ, satis humescunt atque nutriuntur, ita remotiores exsiccatae magis apparent. Verisimilius tamen, quod, cum corpus totum raræ texturæ, valde transpirabile & resolvable sit; sensibilibus ideo per sudorem & per h. litus insensibilibus alimentum, non tam cito à caloris imbecillitate in partes conversum, continuo resolvatur, eoque facilius, cum propter valorum & viarum exsiccationem, ægerrimè ad partes devehiri possit, quæ mora ipsi resolutioni commodum & opportunum tempus præbet.

Quibus ita habentibus, medicæ intentiones esse debent, alimenti quantitatem augere: qualitatem alterare; illud opportuno tempore devehere; & totius corporis porositates densare.

Et primò, si de quantitate loquamur, ea fuerit quantum ventriculi vires tolerare possint, si de qualitate, crassior & resolutionis difficilioris præscribenda erit; si de alimenti distributione, laxantibus quidem & humectantibus, sed & attrahentibus utendum. Et tandem cutis densitas ex cautione procuretur, quæ necessariam excrementorum resolutionem, & caloris nativi transpirationem intercipere nequeat.

Itaque lacti bis assumendo, ovum recens tremulum addiposse credimus: enulsioni verò sui instituere ptis. nam hordeaceam, ab Excellent. Viro propositam, è reducimus, cui addatur enulsio amygd. more lernel. & pinearum nucle. cum pulli instaurante, cum qua tamen simul bulliat vituli pes, omissis seminibus melonum & plantaginis foliis, à qua ebibat haustum vini odoriferi, potius generosi. Mox quibusdam exactis diebus, poterit minutim incidi pulpa pulli, & simul cum ptis. na misceri, masticationi instituenda; omissa tamen instaurante: quæ si à ventriculo bene tolerantur, masticatio erit augenda pullis nuper natis, & sorbitiones minuenda; ita enim majoris durationis, magisque firma evadet ipsa nutritio; cum, *etiam, quæ facile nutriunt, veloces quoque sint excretionem.* Totum verò corpus erit oleis consuetis inungendum; quæ inunctio si Viris Excellentiss. non sufficere videatur, paretur illitus totius corporis, manibus leviter faciendus, ex duabus partibus ung. ros. Mes. & tertia medulla crurum vituli, sic enim majori poros cutis obtinendi, nec exigua humectandi ac nutriendi vi pollebit. Sed interim aliqua attractione

omnino opus fuerit; quare loco molestarum picationum, manibus amygd. oleo inunctis contrectentur cutis, & musculi coxarum, tibiæ atque brachiorum, idque quinque horis ab assumpto cibo, quod tempus distributionis proprium est.

Et quoniam aliqua de vigiliis querela obauditur, & inunctiones capiti nocere ferunt, panis martius, utpote medicamentum alimentarium, à nobis proponitur, exigua quantitate assumendus. Quæ jam dicta salutaria fore speramus, Sapientissimæ Excellentiss. Virorum administrationis ope.

Pro eodem Consultatio quarta.

Si longè difficilior est humectare siccum, quam exuccare humidum, cum illud non simplicibus, sed materialibus qualitatibus remitti debeat; quid dicendum fuerit, quid cogitandum de substantiæ humiditate, quæ in hoc illustissimo Comite jam fere ex toto fuerat assumpta? Unde Hippocr. multo magis, semper errores in tenuiori quam in paulo pleniori victu reformidavit, prout pariter exinanitiones quam repletiones ipsas; quia non adeo difficulter evacuantur, prout ægerrimè implentur corpora atque instaurantur. Rationi itaque consentanea, quinimò necessaria fuit, hæc paulatim & gradatim procedens in pristinum restitutio, dum de humiditate substantiæ reparanda, & prius de intemperiebus siccis, omnium pessimis, auferendis, semper huc usque actum fuit. Neque ideo mirandum si hyemali adventante frigida tempestate, aliqua symptomata emerferint, inofficiosa nempe alvus, sedimentum urinarum consuetum crassius atque limosius; & tandem somni breves: etenim primò ventris segnities, sicuti ex defectu biliosi excrementi sæpe provenire solet; ita casu nostro à congestis cruditatibus, ab ambiente frigido primò à capite in ventriculum expressis; mox & ab eodem refrigeratis visceribus, & ventriculo potissimum, productis (cum antiperistasis in istis gracilibus corporibus locum non habeat) aquarum proventu bilis facultas refracta, imò & partim expultrix oblita & segnior reddita, alvum à proprio munere vacare coëgit; cuius rei indicium præbere potest plumbeus ille color, instar non bene confectæ ptisanæ. Adauctis autem cruditatibus, & eodem tempore constipa diaphoresi, & insensibili consueta evacuatione necessario imminuta, quid mirum si sedimenta in urinis crassiora apparere cœperint? Tandem somni brevis melancholicis familiaris esse solet, quia siccitas primum locum obtinet in vigiliis excitandis; unde habet cum Hippoc. Gal. quod senibus facile vigiliæ fiunt, tum quia senectus plena curarum, tum quia senes exsiccatum corpus habent; quibus nos addere possumus vigilandi consuetudinem, quæ in Illustriss. Viro, ab animi studiis, sive timore facile originem duxit. Quæ omnia licet à nobis parvi facienda videantur; in Illustrissimo tamen Juvene omnino negligenda non sunt, ne confirmantur, neve augeantur, & ne absque medicis auxiliis, anxius propria mala foveat.

Quare proba concoctio est adjuvanda, somnus.

nus conciliandus. Et quia illa non parum ab alimento concoquendo pendet; ideo alimenta concoctu facilia, nec adeo crassi succi; quibus conficiendis ventriculus agendo non repatiatur, sunt deligenda; atque ventriculo robur aliquod conciliandum; licet enim de nulla ejusdem querela fiat mentio; edulia tamen adhuc cruda dimittere credendum.

Ptisana itaque usus omnino rejiciatur, ut quæ non nisi febricitantibus, æstuanti ventriculo, & hypochondriis, continuo conveniat, crassumque succum producat, pineis præsertim adjuncta; & vi deterforia prædita, reliquos quoque cibos à ventriculo citius, quam par est, expellat; hujus autem loco, assumat edulium aliquod ex ovis paratum, vel ex Apula pasta, vel ex oryza dilutiori, vel ex endivia & borragine in jure coctis, ovis additis. Nec caro pullæ amplius contusa, sed commansa assumatur, ut ita ventriculus magis uniatur, nec adeo ut à liquidis laxetur. Ita convenient caro tenerrima Volucrum sylvestrium, non tamen aqualium. Pisces quoque saxatiles, & ova recentia. Vinum sit potius generosum quam tenue, nigrum, non tamen omnino meracum. Quod si inter cœnam & prandium primis horis matutinis, pauco aliquo alimento opus fuerit, hoc sit jus pullæ cum ovi vitello conquassatum; quod nonnunquam malva aut mercuriali alterari poterit, ad alvum emolliendam.

Aliqua quoque ventriculum roborantia in usu habenda, ut grana mastiches, hora una ante cibum integra deglutita; aut sal abiyntii, aut ejusdem conserva; prout extrinsecus pannus coccineus ventriculo adinducendus, & gestandus, ut calor ejusdem proprius foveatur potius quam alienus accedat. Somnus verò accersendus auxiliis aliis à nobis propositis, & potissimum usu panis martii, qui parari poterit ex ʒ ij. sem. p. pav. albi, pro qualibet libra amygd. & sacchari, ita enim unica sufficiet uncia, à cœna assumenda, suavis etenim, nec minus noxium præscribi potest familiare somniferum. Meditationes sub ingressum lecti ablegandæ, his enim præsentibus somnum conciliare impossibile foret. Quæ in gratiam perfectæ salutis, à nobis ex intimo pectore Viro Illustriss. optatæ, raptim, scripta fuere, à summa prudentia Viri Excellentissimi Adstantis melius disponenda.

Pro eodem Consultatio quinta.

Vicit ut Leo, Fortis, quia Gallum non hostem, sed amicum, imò commilitonem habuit, qui arena sive campo potitus, Leoni gloriam comparavit, licet palma cum campo, Gallo debeatur; Utinam verò in mearum consultationum executione pro commilitonibus, Medicos adversantes, sive remediorum subversores frequentes non haberem, qui aut ignari, ne unguem quidem à præscriptis discedunt; aut arrogantes, præscripta mutare contendunt. Quare tibi potissimum, in omnibus quidem, sed præsertim in re medica pererudito, atque prudenti Comes Illustriss. pristinam sanitatem debebit.

Duo autem nobis supersunt in præsens consideranda; Urinæ à naturali statu alienæ, & vi-

ctus ratio in cæteris observanda. Urinæ quidem, primò coloratiores, aliquando verò cum tela supernatante densa adeo ut quandoque pelliculam referat. Crassior verò est ejusdem hypostasis, quæ fere statim à mictione in media matula filamenta exhibet, & fundum petens, limosa, subrufa, conspicitur rubrum polinem potius quam arenulam referens, quarum urinæ conditionum unica causa est, nimirum imminuta concoctio, cum vitioso atque exuperanti calore; quæ quoniam in omnibus partibus perficitur; ideo cruditates variæ conditionis sese nobis exhibent, prout vel à jecore, vel à venoso genere, vel à partibus ipsis excrementitia cruditas superest ac secernitur, & quidem supernatans à partibus, filamenta à ventriculo & jecore; & à venoso genere limosum atque subrufum transmittitur quod & arenosum quoque in venis ipsis evadere posset, si major in iisdem vigeret caliditas, tunc verò parietibus matulæ adhereret, atque adeo nunquam calculo cogendo idoneum; necesse quippe est arenosa in urinis subsidere, non autem limosa, nec arenosa parietibus adherere, ut calculum efformare sint apta; quæ enim in renibus generantur arenulæ subsident omnes. Lithiasin autem præcedere solet materia tartarea, & meiendi aliqua difficultas; etenim lapis in vesica cogi non potest, nisi præcedente ejusdem insigni calore, à quo constringitur ejusdem musculus; unde urina coercetur; Hippoc. *Vesica excalescens urinam non dimittit, sed retinet, & quod crassissimum & turbidissimum est, circumvolvitur & concrevit.* Ex quibus colligere est, coctiones omnes imperfectas & imminutas esse; nam si perfectæ forent, tanta alimentorum copia velocissimè corpus, non modo nutrire, sed impinguare potius deberet.

Quare nutriendi modum, quoad quantitatem & ordinem saltem, si non quoad qualitatem, mutandum esse censemus. Et quoniam cum Avic. nil deterius quam comestio supra comestionem, ideo tempus diuturnius inter unam & alteram alimenti assumptionem erit interponendum; atque adeo ter die nutriendum, ita ut summo mane lac sugat muliebre, ad summam dosin, cum saccharo, & statim ab eo sumat cochlear aquæ cinnamom. Quinque verò aut sex horis ab assumpto lacte, prandeat, sitque prandium quandoque ptisana hordeacea, cum ovi recentis vitello, quandoque panis, jure optimo imbutus, quandoque edulium ex subtilissima pasta Apula paratum; mox pullum gallinaceum juniorem comedat, bibatque vinum album, odorum, iterum aut tertio in prandio. Hora verò prima noctis, ad cœnam se conferat, ex panatella cum emulsione amygd. dulc. & pineorum, cum saccharo, & quarta parte, vel dimidia pulli junioris jam dicti, duabusque vicibus bibat. Interim mane surgat, & duabus saltem ante prandium horis, ambulans in cubiculo corpus exerceat; mox à cibo, hora transacta, decumbat, & hora 21. & 22. rursus surgat, & leniter ambulet, imò & in apricum nonnunquam prodeat; calor enim natus, sicut à motibus violentis resolvitur, à nullo torpescit, ita à moderato vivificatur, sicque coctiones perfectiores & excrementorum excretiones, vel copiosiores vel promptiores

evadunt. Siti verò non semper indulgendum, sed oris collutionibus deludenda; vino albo tenui, quousque jecoris & renum calor accommodatis contemperari possit. Atque hac potiora, reliqua Excell. Viro dijudicanda & statuenda committentes. *Joann. Raymund. Fortis Co. sult. 10m. 1. Cent. 3.*

Observationes.

Quidam Atrophia laborans mala citria summo perè appetens unum integrum & magnum 4. librarum pondere comedit, quod, ut scimus, commanducatum à quolibet sano difficillimæ concoctionis est; tamen hic æger citro devorato meliusculè habere incepit & convaluit. Indulgeant quidamque Medici ægrorum voluptatibus cum modo & mensura, multoties enim natura à nullo edocta id quod est sibi utile maximopere appetit. *Dominicus Panarolus, Observ. 36. Pentecoste 2.*

Vir quidam obesus & pinguis, ex febrili calore, & diuturna hepatis intemperie sicca, coniventibus cutaneis meatibus, non nutritus in atrophiā incidit, cui, non proficientibus aliis remediis, 15. diebus continuis ad normam Galeni ad picationem applicui: cujus usu ita impinguatum est corpus, ut paucis auxiliis adhibitis ad pristinum statum fuerit redactum. Picatorum dicuntur illi, qui ferulis pice illitis partem debilem concutiebant, & sic motu & calore, sanguinem & nutrimentum ad partem attrahebant, & hac ratione membrum gracillimum impinguabant. *Zacutus Lusitanus. Obs. 136. lib. 1. Prax. Admirand.*

Anno 1594. mense Januario puer 13. annos natus, filius *Petri Von Werd*, civis Colonienfis, ex variolis tumores aliquot ex lenta & viscida materia circa humeros, cubitum dextrum & genu contraxerat. Horum nonnullos, qui humeros occupabant; incidi, & processus superiores scapulæ (quos rostra porcina vocant) extraxi: quo facto humeri nullo motu deperdito restituti fuerunt. Cubiti verò tumorem, quum ad id me parentum cogerent preces, discutientibus medicamentis resolvi: Sed non multo post, brachium usque ad humerum in atrophiā incidit, & ita delicatum est, ut periret motus omnis. Verum appetente vere, puerum denuo purgavi leni quodam medicamento phlegmagogo, qualia sunt Diacarthamum & Diaphœnicum cum rhabbaro. Deinde singulis diebus bis terve brachium decocto capiti, pedum & intestinorum vervecis vel vituli, cum lumbricis incocis, insuccare jussi, quoad pars inciperet rubescere. Tum præsto fuit famulus, qui parvo quodam instrumento excavato corneo, præcipua brachii vasa sugeret. Hinc totum brachium, humerum, collum, & pectus cum succo lumbricorum, & oleo amygdalarum dulcium simul mistis, inunxi. His Deo benedicente, brachium pristino restitutum fuit vigori. *Guilielm. Fabric. Hildan. Obser. Chirurgic. Centur. 1.*

Ante annos tres in Alsatiā ad puellam decem circiter annorum ætatis, atrophia cruris per annos aliquot laborantem, vocatus fui. Circa puellam hanc diversi barbitonfores occupati fuerant, omnemque lapidem moverant,

ut extenuationem illam partium musculosarum, ac claudicationem corrigerent. Ego cum primum denudatum crus inspexissem, dislocationem coxæ reperi, indeque Atrophiā propter compressionem vasorum, venarum imprimis, & articularum provenire, parentibus indicavi; & quid circa affectum hunc tentandum, aut præterea de eventu expectandum, simul significavi.

Ante dies 15. ad puellam duodecim annorum claudicantem, & atrophia cruris laborantem, vocatus fui. Hanc barbitonfores nostri per menses tres in Xenodochio curandam habuerunt: circa genu quidem, ubi sedem mali esse arbitrabantur, multa adhibuerunt medicamenta, sed frustra. Nec immerito: quandoquidem dislocatio in coxa, quam barbitonfores nunquam observarunt, & claudicationis, & atrophiæ sola causa erat. Hæc fecit ignorantia artis Anatomica, simul & sordida negligentia. *Idem.*

Anno 1597. matronam 63. annorum curandam habui, illam, cum propter herniam intestinalem, in gangranam degeneratam, præter modum extenuata & emaciata fuisset, reissa febre, benecio lactis muliebris post Deum in integrum restitui, & ad 15. usque annum post curationem supervixit. Le gravissimo hocce affectu videat Lector *Observ. 55. Cent. 1.* singulis autem matutinis, absoluto somno, maximum haustum lactis ex juvencula, & optimo corporis habitu prædita, rustica, ad lectum ægræ emulsum, ægræ propinavi. Deinde circa decimam prandeat. Aliud habeo exemplum memorabile de præstantia lactis muliebris. Dn. Jacobi de Tribus Paterniacensis filiulus, 4. annorum ætatis, post dysenteriam gravissimam Lyenteria correptus fuit, quam secuta est periculosa atrophia, ita ut ossa vix cute obtegerentur. Juscula & quidquid assimebat, indigestè iterum per secessum excernebat. Suasi ut mater infantem semestrem, quem lactabat nutrici alicui committeret, periculumque faceret, an atrophiā huncce ac summam extenuationem corporis, cum labefactione virium, lacte suo rectificare posset. Mater consilium, infans verò popillis celeriter arripuit, & cum aviditate extulit, omnemque cibum in posterum respuit. Hæc cum ego viderem, & de salute ægri ipem aliquam conciperem, singulis diebus regionem ventriculi, totumque abdomen sequenti unguento bis calidè inungere jussi.

℞. Ol. Mastichis & menth. ana ʒj. ol. nuc. moschat. Gum. Tacamahac. pinguisimi ana ʒj. Terantur omnia lentissimo igne, percolentur & reserventur in vase vitreo. Hisce præstidiis convaluit, & per multos annos supervixit. *Idem.*

Tria fuere veteribus, juxta Oribasium, coll. lib. 7. cap. 16. cucurbitularum genera, vitrea, ænea, cornea. Quorum priora trahunt per ignem; posterius citra illum, solo oris suctu. Quæ cornea cucurbitula, licet nobis ferme in desuetudinem abierit, plurimi tamen etiamnum sit Indis, sub torrida Zona habitantibus.

Qui curaturi dolorem colicum, Juvenis mihi notissimi, insudare primum ore clysterem: mox applicuere abdomini cucurbitulas corneas.

neas. Quorum spiritu, per exile foramen, ore (ut Celsi verbis id efferam) educto; occlusere festinanter cavum id digito: Cum ut cuti immittere innaresceret cucurbitula: tum ad eliciendum natum intestinis molestum. Quem certe tenuissime, huic juveni, hac ratione, subduere barbari. Quapropter domum reversus, donavit me tali cucurbitula. Cujus periculum equidem aliquando facturum, selegi mihi (uti etiam fecit Fabricius Hildanus, cent. 1. obser. 80.) brachium ab atrophia consumptum. Cui imposui hasce cucurbitulas loco picis, ac resinæ: quibus legimus, in simili necessitate, usam fuisse, antiquitatem etiam nobilissimam. Attrahunt autem hæ cucurbitulæ potenter; & abducta aptissime cute, elevat venas, & arterias, præ macie in se collapsas. Quibus iterum adaptatis, commeant denuo quocunque, sanguis, ac spiritus. Quorum indefinens affluxus, nisi cottidie subiret: in locum eorum, quæ continenter ex corpore, decedunt; non solum non aleretur, sed emaceraretur necessario, membrum tali vitio infectum. Cui maciei nihil profectio solutarius est, hacce corneâ cucurbitula. Præsertim si affigatur dextræ, juxta cursum venarum, arteriarumque illuc nutrimentum, ac vitam deferentium. Nautæ Juniori, effluxere, ex amplo brachii abscessu, tam frequens pus, & adeo copiosus liquor: ut subducto succo alimentali, & dissipato, plus æquo, calore vitali, conciderent venæ inanes: cessaret accretio: & tandem emacresceret brachium universum. Cui jam exarefactio, ubi imposuimus aliquoties cucurbitulam corneam: vidimus ipsius suctu, tantum caloris, ac sanguinis, ad cutis extrema attractum: ut exsuccum illud brachium, non modò non aleretur iterum; sed adipisceretur denuo pristinum vigorem: imò tantum virium, ac roboris: ut potuerit deinceps quocunque iterum navigare, & in mari, nullo non fungi officio. *Nicol. Tulpus Obseru. Medic. lib. 3. Obs. 49.*

Medicus meticulosus, veritus, ob imbecillitatem, venam ferire Catharinæ Geriæ, acerbissime ex latere dolenti, auxit tantoperè, febrem; utique inflammationem, in membrana costas succingente, conceptam: ut ex retorridi sanguinis altu, ipsa non secus emarcuerit; ac si laborasset, immedicabili tabe. Quam etiam non obscure videbantur designare, sputa ita frequentia, ac sordida: ut copiam, capacem pelvim; & fœtore, spatiosum facile repleverint conclave. Re autem ipsius, jam plane desperatâ, & morbo, ultra quartum mensem, in ipsam faviente; apparuit ipsi, quod si ex machina Deus, excitando, nescio quod, crudorum ostreorum desiderium. Quod eò quoque lubentius concessimus, quò minus hactenus profuissent, portiones concinnatæ, ex humidis ac frigidis herbis. Qua spe etiam minimè excidimus. Vix enim comederat cruda hæc ostrea, quin protinus imminuerentur non tantum calor, ac febris: sed etiam usque eò perniciosissimus hic morbus: ut brevi integrè convaluerit. Extincto, ab algido, ac viscido ostreorum succo, pertinacissimo illo incendio: quo, procul dubio, conflagrasset miserrimè universum ipsius corpus. Non temerè itaque Celsus. Quos ratio non restituit, adjuvat temeritas. Neque certè inconsideratè

agere videtur, qui circumspicere cedit naturæ inclinationibus: & obliquat prudenter sinus, ubi non licet, rectum tenere cursum. Satiùs quippe est, anceps remedium experiri, quam nullum. Dubia namque spes, certa desperatione potior. *Idem. Obs. Medic. lib. 2. Obs. 8.*

Tabes dorsalis, seu *φθίσις νωρίς*, duplex est Hippocr. Altera ab immodica Venere, lib. 11. de morbis. Altera vero, à destillatione in spinam dorsali, lib. de glandulis. Quam utramque speciem lubuit Balduino Ronsæo lumbaginem vocare. Quanquam hæc vox designet Felto, solam lumborum imbecillitatem. Præterquam tamen in tabe dorsali videre est, cum dolorem continuum; tum marcorem insuperabilem. Quorum naturam minus significanter cum exprimat lumborum imbecillitas: satius erit, stare ab antiquitatis sententiâ, quam temerè ab ea desciscere. Dolorem autem hic parit, acida pituita; dilacerans magnopere vel membranam, quæ spinalem medullam proxime cingit: vel ipsos nervos inde oriundos. Sed si obstruitur vena, aut arteria: sive à lumbis, sive a cervice huc delatæ: vel ob constringens frigus, à nimia Venere illis impressum: sive ob prolapsum crassioris pituitæ (cujus maximam copiam equidem aliquando illic conspexi) eripitur ægro, non modo consensus inter superiores, inferioresque corporis partes: verum redditur præterea sterilis, propter interceptam, decidui seminis, materiam. Neque marcescit solam ipsa spinalis medulla, quæ obstruitur: sed contabescit utique cum illa corpus universum, communicato paulatim malo, hinc per nervos cerebro; illinc per arterias cordi; uti per venas Jecinori. Quorum nobilissimorum viscerum functione, evidenter læsâ: torpet necessario corpus; marcescit animus; & consumitur miserabiliter homo. In qua tergemina, nervorum, venarum, ac arteriarum via, invenire quoque est viam; inducentem, vel febrem convulsioni; vel convulsionem febri. Siquidem febris supervenit convulsioni; discutit (ut cum Galeno loquar) æstuans cordis calor, illud frigus: quod lenta, ac viscida pituita impresserat, nervis spinalis medullæ. Quod si vero convulsio sequatur febrem; vel exaruit spinæ medulla, præ febrili incendio; vel acris, fervidæ bilis, vapor, ab accenso corde, per arterias, illuc effusus, pupugit tam rigide sensiles ipsius membranas: ut inde sequatur exitialis nervorum contractio. Potissimum si vires exhauserit præcedens febris. De qua propterea satis circumspicere Hippoc. lib. 2. aph. 26. *πυρετον ἐπὶ σπασμῷ βλῆτιον γίνεται: ἢ σπασμὸν ἐπὶ πυρετῷ.* Febrem convulsioni supervenire, satius est, quàm convulsionem febri. Samueli Vespertio elevabat impurus lien, tot vapores versus cerebrum: ut inde destillaverit iterum plurimum acrioris pituitæ, primum quidem in occipitium, ac cervicem: sed mox inde, in spinæ medullam: & potissimum in lumbos, ilia, ac coxæ articulum. Quorum partium immanis dolor excruciauit ipsum tormento tam indefatigabili: ut amisso omni colore, ac decore, inciderit in lentam febriculam: consumentem ipsum, morte adeo tardâ, ac miserâ: ut ante ejus accessum, non semel exoptaverit, languentem remittere animam, & reluctantem expuere spiritum: Quod ipsum etiam, in hoc morbo observavit,

vavit, Auctor libri de glandulis: Sed ferendum fuit, quod non licuit mutare. Præsertim Labe hac, j m penitus infixa, quam ut cesserit vel tempori, vel remediis etiam convenientissimis. Argumento certè evidenti, pervicaci, sacra hujus fistulæ, labi, auxilia medica esse, non solum infirma, sed ausim dicere, nulla. Idem *Obs. Medic. lib. 3. Obs. 24.*

Anatomica Inspectioes.

Puella annorum circiter sex secta fuit: Cum toto vitæ curriculo morbis fuisset obnoxia, præsertim verò tumoribus œdematosi circa articulos manuum, quibus apertis ossa corrupta inveni, nulla tamen fere materia aderat: Dein palpitatione cordis & althmate divexata, tandem *Atrophia* periit. Abdomine aperto, Omentipinguedo absumpta erat, Intestinum cæcum, non lumbrici inlar, sed crassum, ex meris glandulis rubentibus compositum, duorum scil. digitorum latum, in quo nihil nisi mucii aliquid: Mesenterii glandula scirrhusæ, Hepar à naturali magnitudine recedebat, ut quod plus julto magnum esset, Ren sinister dextro multo major & durior: ventriculus chylo vacuus, sed flatibus distentus. In thorace verò Pulmones à convenienti colore recedebant: Pericardium distentum aqua refertum, Cordis auricula dextra prætumida, cui inerat materia quædam alba, membranosa, crassa, oblonga, in ipso autem dextro cordis ventriculo, materia pinguedini similis. *Ex Obs. Casp. Bauhini.*

In cadavere exenterato Nobil. C. A. B. hæc reperta, 1. Omentum glandulosum & adenibus undique refertum, adeo ut nulla ex parte membranofum appareret, crassum valde & tumidum: in parte dextra, circa regionem hepatis, putrefactum & lividum. 2. Hepatis parenchyma scyrrhosum, tumidum, varisque maculis nigricantibus & griseis distinctum. 3. Vesicula fellis humore nigerrimo & bile atra materiaque quadam tartarea, sabulosa & friabili turgescibat: 4. Ren dexter totus erat corruptus & putridus; sinister glandulis oui columbini magnitudinem adæquantibus undique oblitus & quasi obvolutus: Pulmones toti flaccidi & variegati. 5. Partes circumjacentes proximè Hepatis gibbam partem, ut & renem dextrum putridum, planè erant corruptæ. 6. Cor, Lién, Uterus, Intestina & reliquæ partes naturales. *Timæus lib. 6. Epist. 8.*

Quatuor annorum puer Marasmo extinctus obiit: Animi causa à me secatur cadaver, cujus hepar dum inspicerem, erat supra modum magnum: Habebat Abscessum propè venam cavam, circa partem gibbosam pure circumquaque obductam. Lienem boni coloris & integrum. Omentum nullum, aut vix conspicuum. Pulmones, mirum dictu, nullos; quorum loco erat vesicula membranosa flatu repleta, venulis exiguis munita, originem sumens ab ipsa arteria aspera, quæ refrigerium afferre videbatur cordi. *Fontanus lib. 1. Respons. & curat Medicin.*

Jacobus Knoll adolescens 17. annorum laboravit à puero calculo vesicæ, à cujus cruciatibus, accedente renum suppuratio-

ne, macie confectus, viribusque pene exhaustus è vita excessit. Cum juxta alia imum ventrem scrutando, ac duplicis vesicæ speciem contemplando, venam cavam dissecissem, corpora alba, pituitosa seu fibrosa, cavitatem earum ferè implentia reperi, qualia in diu decubuis & à morbis chronicis sublati sapius vidi: statim cogitavi talia quoque sinus cerebri occupatura, cum quod uni majorum vasorum obtingat; alterum ab eo raro immune existat: Aperui itaque sinum tertium, in alterutro laterum occurrit corpus sive pituitosum sive fibrosum, certè non adiposum (prout quidam hæc corpora nominare solent) candidum, lentum, tenax, crassitie ferè digiti majoris, circa torcular maximè, & tantum non tantam cavitatem implens: In cavitate hac tenacius erat quam in vena cava descendente, ubi ad levem attactum rumpebatur, secus ac aliàs de his pituitosis corporibus observavi &c. Totum hoc corpus pituitosum ex sinu tertio extraxi, cui haud agrè omnes ejus appendices succedebant, numero magnitudinè & fere longitudinè vasorum respondentibus, adeo ut plurimæ spithamæ longitudinem superaverint: præterea in ramusculos & filamenta, ad numerum propè vasorum divisibiles essent: Similia corpuscula pituitosa, in utraque carotide interna, prope infundibulum, notabilis magnitudinis aliquotque sursum scandentia inveni, non tamen tantæ longitudinis atque erant in venis tertii sinus, quod seu flaccidiora minusque tenacia forte abrumperentur: Adolescens autem hic nihil unquam apoplectici passus est, at sapius convellebatur: *Jacobus Weesperus Exercit. de Apoplexia.*

Uxor Jac. Bagolle paulatim morbo admodum intricato correpta fuit; Nunc enim palpitatione cordis; nunc dolore & torminibus ventris; interim tamen appetitus non multum prostratus fuit, ita ut pro more alimenta sumeret, quibus tamen parum nutriebatur: Tussiculæ quinetiam & dyspnœa laborabat; Cum circiter annos 4. vitam hanc calamitosam vixisset, ac sceleti fere instar extenuata esset, paulatim stupore & frigore in sinistra manu præcipuè circa extremitates digitorum, correpta est; symptomata tamen hæc ab initio tam exigua erant, vix ut percipi possent, nec aderat tamen multo minus inflammatio, imò nec dolor ullus: Interea tamen extremitates digitorum, & tota manus paulatim, & (quod mirandum) absque dolore sphacelata & penitus emortua est. Ego, tribus septimanis post inceptam sphacelationem digitorum vocatus, brachium ad cubitum usque, simul & digitos, carbonum instar nigros, frigidissimos, & ita extenuatos, ut ossa vix tenuissima cute obtegerentur offendi; nulla tamen, ut dixi, aderat inflammatio neque dolor, imò nequidem in loco illo in quo calor nativus nondum penitus extinctus fuerat. Porro cum etiam per exigua recuperandæ sanitatis spes superesset, rogatus tamen ut brachium amputarem, quia malum adeo lento tardoque gressu incedebat vix ut percipi posset, visum ante operationem corpus præparare: Postea brachium supra cubitum, & quidem in parte sana, feliciter & fere sine dolore à sanguinis profluvio abscidi, vulnus brevi digestum quidem fuit, adeo ut laudabile pus appareret, nihilominus circa 11.

post brachii abscissionem, gangræna denique truncum invasit, ita ut paucos post dies à vita discederet.

In cadavere hæc notatu digna observavi. 1. Abdomen serosi humoris plenum & extensum erat. 2. Mesenterium steatomatis multis scatebat. 3. Sub vena Portæ, & quidem in ipso Pancreate, scirrhus admodum magnus conspiciebatur. Hoc principium & præcipuam causam hujus morbitam diuturni, tamque gravis fuisse rationi consentaneum est: quia enim venæ Portæ subjacebat, facile impedire potuit quominus chylus ad hepar perveniret, totumque corpus nutriret, hinc viribus paulatim prostratis, & calore nativo diminuto, sanguinem optimum & laudabilem generare non potuit: Qui re in juventute, & ante nuptias, debilis, pallida & palpitationibus cordis obnoxia valde fuerat: in matrimonio tamen melius se habuerat & proles aliquot habuerat: Circa annum verò 1600. symptomata omnia ingravescebant, ita ut continuo de dolore ventris, & quidem ea in parte, in qua scyrrhum invenimus, conquereretur. Supervenerunt item dolores ventriculi & capitis, cum totius corporis imbecillitate, tussi continua, palpitatione cordis & appetitus imminutione: Itaque corpus ita sensim extenuatum fuit ut ossa vix cute obtegerentur: Attamen interim dum ita laboraret puellum genuit, qui hoc anno 1608. bene se habet. 4. Hepar durum, pallidum, ac si elixatum fuisset, apparebat. 5. Pulmo dextra parte materia purulenta ac foetida; sinistra verò humore seroso imbutus erat. 6. Per totam Pulmonis substantiam scirrhi plurimi, colore lividi, in quibus materia nigra atramenti instar, contenta fuerat; conspiciebantur. 7. Lapidès plurimi hinc inde per pulmonem, diversi coloris, parvi tamen omnes, reperiiebantur. 8. Cor sanguine planè exhaustum, extenuatum, ideoque valde diminutum & parvum erat. 9. Arteria venosa in monstruosam amplitudinem extensa erat, humore seroso impleta; à quo quia simplici constat tunica, ita dilatata erat. *Fabric. Hildan. Cent. 1. Obser. 89.*

Cum Christiana Pickia, triginta novem annos nata, Gregorii Jetken Pistoris Thorunensis conjux, per tres fere hebdomadas male habuisset, & de Tumore abdominis cum continuo dolore conquesta esset, se gravidam esse à quibuldam mulierculis persuaderi passa est, inque isto errore lucusque permansit, donec malo in dies crescente, Georgium Grunach Chirurgum ad se vocavit, qui ei oleum anodynum cum chamæmelino mixtum porrexit, utque eo abdomen cum dolore tumidum quotidie inungeret, jussit, hoc facto, in somno, 3. ab inunctione nocte, scil. 21. Junii anno 1674. materiæ purulentæ fere duæ libræ per umbilicum effluerunt, natura in ipso sibi umbilici centro parvulum foramen effornicante, & abdomen à congesta ista materia vitiosa liberante, non sine magno foetore viriumque insigni prostratione: Ego eadem die, hora pomeridiana ad eam vocatus, offendi debilem, in abdomine autem, circa regionem hepatis, duritiem aliquam cum dolore animadverti, urina nonnihil erat tincta, pulsus parvus & debilis, pectus purulenta sanie refertum, quam tussis crebra

prodidit, quæ omnia atrophia artuum, præsertim superiorum, comitabatur. Appetitus cibi integer adhuc erat, Sitisque nulla eam inteltabat, singulis etiam noctibus placide dormiebat. Sed à 14. Junii durities ventris disparebat: Chirurgus interim canaliculum plumbeum subtilissimum semper indidit, per quem dies noctesque coctum pus copiose effluere solebat, superimpositis emplastris idoneis: Ego ipsi primum corroborantia præscripsi, Deinde ob materiæ purulentæ in pectore contentæ copiam, expectorantia. Die 26. Junii puris quantitas valde imminuebatur, abdomine quoque naturalem formam acquirente, sed post deligationem vulnusculi à Chirurgo mane hora 7. peractam, horrorem quendam percipiebat, tum etià circa noctem subsequenter semper calorem p. n. aliquot horarum: A meridie puris quantitas major erat, abdomine ubique molli, pus autem per vasa umbilicalia foras erumpebat in quæ etiam Chirurgus instrumentum ad medii digiti longitudinem immittere potuit, ad latera verò, in carnem musculosam nullatenus. Unde facile dignoscere potuimus pus illud per venam umbilicalem, tumore mox concidente, ex hepate originem habuisse: Hinc venæ umbilicalis sectionem Anatomici periculosam esse demonstrant, ceu videre est apud Riolanum l. il. Enchir. Anatom. lib. 2. cap. 15. in cons. med. Ideo etiam Epomphalia medicamenta adnota umbilico purgare manifestum est: Scitum etiam ex Hipp. Abscessus ventris umbilicum esse terminum. Sed & aquam hydropicorum interdum per umbilicum erumpere, ejusque affectus esse graves hinc patet. Sic nos in præsentì coctum pus per abscessum umbilicalem usque ad mortem fluere observavimus natura scil. illud undique ex visceribus putridis foras expellente. Postmodum ulcus in mamilla sinistra unum, alterum in sinistra narium exoriebatur, donec tandem totum corpus atrophia consumptum skeleton repræsentabat, & tum misera illa die 29. Julii, hora media octava matutina placide obiit. A meridie hora media prima, cadavere à Georgio Grunach, Chirurgo, aperto, inventum pus & sanies foetidissimi odoris, in vasis umbilicalibus, quæ ex hepate ulceroso scaturiebant & per umbilicum stillant. Hepar duritie & ulceribus tumidum, quinque libras civiles cum semisse ponderabat. Peritonæum, Mesenterium, Omentum, Pancreas; omnia plena puris, & vix non consumpta: Intestina etiam aliqua ex parte corrupta: Lien, Renes & Ventriculus bene constituti erant: Uterus purulentæ materiæ plenus & ulcerosus: Caro musculosa circa regionem Hepatis eidem adhærebat: Diaphragma, Mediastinum, putrida. Pulmones à pure consumpti, maxime in sinistra parte, ubi nihil de parenchymate pulmonis conspiciebatur, imò pleura sinistra tota consumpta erat. Dextri autem lateris superior pulmonis lobus nonnihil adhuc de substantia pulmonis habebat, flaccida tamen & ulcerosa: Bronchia pulmonum, quæ adhuc salva erant, usque ad principium asperæ arteriæ versùs palatum, pure scatebant. Cor saluum, sed flaccidum, ejusque capsula humore vacua: totum corpus plane consumptum

consumptum. Hinc (exceptis liene, & ventriculo) præsentem affectum Phthiseos universalis nomine appellandum censemus. *Simon Schultzius in Miscell. Cur. annor. 1674. & 76. p. 85.*

Natatui indulgens puellus, dum undis marinis nimium credit, ab iisdem per infortunium abripitur,mersusque profundo ægrè à sociis inventus, defertur in littus, & inter frequentes rotantium manus oborta vomitione, salis aquam copiosè rejiciens, eripitur quidem morti subita, sed æger tamen domum refertur, & anicularum suavis, sacculis arena marina plenis calentibusque obruitur, potissimum qua parte Hepar delitescit, quod de illius partis regione conquereretur: Sed cum jamdiu lacculorum nullus finis esset, ille quidem lectum deserit, obambulatque cubiculum languidus & pallens, verum ignoto amicis morbi genere paulatim contabescit: Tandem huc translatus mihi committitur, animam ægrè trahens: Ego re expensa ostendo conclamatum esse, hepar ferventibus arenis perustum, sanguinis motum illa parte non parum sufflaminatè, eoque ex coacervatis ibi humoribus scirrhum Hepatis natum; meo quidem iudicio jam immedicabilem: Quid sit? biduo post expirat puellus, & quidem 24. horis ante convulsus.

Rogor ab amicis, saluum Hepar suspicantibus, ut aperto cadavere, mortis causam indagem; profuturum id fratribus reliquis, etiam temperamenti imbecillioris, ut sibi rectius prospiciant: Itaque resectis integumentis, dum hepar intentius contemplor, naturali longe majus duriusque offendo, atque ostendo astantibus non tantum viscus durissimum, sed & parenchyma ejus mille abscessibus minutis refertum: Erant autem abscessus illi, non fluido pure distenti, sed duro alboque, quale fere in elephantiarum suum carne quandoque videmus & abominamur: Nec immunis ab eodem malo Lien, circulatione sanguinis luem in diversa transferente: Pulmo superna parte maculis nigris flavisque hinc inde versicolor, sive aqua marina illic quoque novam calamitatem deportante, sive catarrhis ex capite sensim in pulmones destillantibus: Notavi enim sæpe alias in pulmonibus mortuorum, quos catarrhi infestaverant, nigricantes illas pulmonum maculas, vera vel præsentis vel brevi sequuturæ corruptionis argumenta. *Olaus Borrichius Observ. 95. In Actis Med. Bartholini anni 1671. & 1672.*

Montispeffuli Virgo 18. anno ætatis moriebatur, quæ per integrum annum Atrophia laborarat & à Medicis diversimodè tractata erat: Aliis vermes subesse existimantibus; aliis vero intemperiem partium nutritioni inservientium: Pater defunctæ cadaver aperiri petit à Facultate Medica, *DD. Guichardus* dum fecat, aperto peritonæo summus foetor ab adstantibus non sustinendus, nares eorum ferit. Partes ergo naturales, tanquam facultatis læsæ, pertunduntur instrumento; Tum aliquot millenæ verrucæ circa Hepar, mesenterium & intestina repletæ erant vermibus, & quidem lumbricis longioribus, ut etiam secundum longitudinem intestinorum bini & terni simul juncti ad tactum deprehenderentur: Plura rimari

obintolerabilem foetorem non licebat: Tanta vero corporis erat siccitas seu ariditas, ut etiam in tanto ætatis flore matrimonio inhabilis fuisset. Hoc sane loco, licet utrique recte senserint, dum & vermes adfuerunt, & vitium partium naturalium; attamen novum hoc erat verrucarum spectaculum: Foetor ille procul dubio ex illuvie putrescente, & materiam vermium, ex qua, præbente. *Phil. Salmuth. cent. 1. Observ. 5.*

Cum Nobiliss. virum *Valentinum de Hoës &c.* Per integrum fere annum Atrophia laborantem, tandemque lenta *Tabes* extinctum secarem: In hujus vesica fellea lapilli plusquam ducenti fere, partim quadranguli, partim cineritii, partim subflavi, & auro quasi micantes reperti sunt, Jecorisque substantia planè exesa; De dolore verò gravativo dextri lateris nihil unquam conquestus est. *Greg. Horstius lib. 4. Observ. 47.*

Tres occubere uni parenti filii, omnes tandem Marasmo tentati, ultimum dissectioni meæ commisit mæstus ille genitor: Nullum reverà nec vel vestigium ullius Bilis in vesicula adinveni; illas cæteris omnibus visceribus: Hinc culpam omnem in diaphragmata illa contuli medicamenta, crebrius illis defunctis adhibita: Hunc enim errorem illos errare sapius deprehendi, ut à vehementissimis quoque purgantibus non abstinere tenera ista ætate, adeoque præmaturè committant funeri corpúscula longiore dignissima vita. *Anonymus ad Gothofredum Mæbium in hujus Fundamenti Physiologicis cap. 16.*

Puella placentis; libis, tegantibus; aliisque hujusmodi in butyro frixis cibis ultra modum sæpius se ingurgitavit: Exinde cum malè se habere inciperet, mater ex consilio muliercularum multa quidem adhibuit, sed omnia frustra: Tandem ingravescente penitus malo, me quoque 21. Jan. 1673. in consilium vocavit: Offendi puellam satis debilem, & à calore p. n. extenuatam planè, cibum quoque nullum appetentem, crebrò vomentem, & diarrhœa gravilaborantem: Morosa insuper erat, atque à medicamentis ita abhorrebat, ut quæ & quæ ratione ei sint danda, tædiosa curæ haud possrema fuerit pars: Licet verò sub curæ initium calor planè remiserit, vomitus quoque & dejectiones non adeo crebrò infestarent ægram, quia tamen extenuatio corporis, & appetitus viriumque prostratio sensim in dies augebantur, solam mortem horum malorum unicum tuturam remedium facile licuit colligere, reverà die 1. Martii placidè obdormivit ægra.

Post mortem Chirurgus referavit abdomen, Sed ecce in isto viscera omnia, ipsumque Hepar, quod alias in justo majorem excreverat magnitudinem, apparebant sana; solum Pancreas induratum erat omni ex parte & planè scirrhum: Glandulæ quin etiam mesenterii hinc inde visæ scirrhosæ, atque in eam auctæ erant molem, ut magnitudinem nucis iuglandis longè superarent. *Georgius Segerus in miscell. cur. Anni. 4. Observ. 87.*

Benjamin Vallenger generosus, annum agens 32. ex lapsu ex equo circa regionem Lumborum contusionem passus est; Post biennium per vires, circa locum contusum multum doluit;

variaque sequuta sunt symptomata, nempe dolor colicus sæpe recurrens, urina pauca & ejusdem nonnunquam suppressio (verum absque arenulis & calculis] frequens vomitus, dolor ischiadicus: quibus accellerunt tractu temporis, difficultas spirandi, tussis continu. & violenta, totiusque corporis macies: demum corpore extrema rabe confecto, suppressaque per tres dies expectoratione, obiit.

Aperto abdomine, Hepar floridum apparuit, at vesica biliaria fere vacua: ventriculus & intestina satis sana, nisi quod hæc flatibus distenta & in latus dextrum propulsa: Lien aliquantulum justo turgidior, ut & pancreas: Renes flacciduli, alioquin satis quoque sani ureteres & vesica tum a calculis, tum a grumis aliisque materiis obstructivis liberi: Mesenterium (absumpta a tæbe illius pinguedine) transparens, cujus propterea glandulae admodum conspicue erant, sed justo flaccidiores: Partes hucusque a statu naturali parum recedebant: Verum circa mesenterii exortum *ingens apparuit tumor*, qui intestina in latus dextrum, ut dixi, detruserat: Tumor hic ab appendicibus diaphragmatis supernè, ad os coccygis infernè, ad renem utrumque lateraliter, ad umbilicum usque antèrè protendebatur, & vertebris lumborum fibrosa connexione firmiter adhærebat: Involvebat autem in sua mole magnam arteriam, venam cavam, vasa emulgentia, plexus nerveos, renes succenturiatos & glandulas lumbares: Longus erat pedem unum, latus sex pollices, crassus quinque, pendebat circiter septem libras: In frusta dissectus, glandulosus apparuit & carneus, magis quam humoralis. Aperto thorace, pulmones utrinque numerosis tuberculis, variæ magnitudinis, instar cotyledonum vacuarum, albi coloris, substantiæ glandulosæ, ejusdem generis cum tumore abdominis prius descripto, scatebant: quorum unum majusculum exactum uncias duas pendebat: Adeo tubercula hæc pulmones undique obsidebant, [nam centum ad minimum numero erant] ut primo obtutu ex illis solis eos constare putares. Lobi insuper pulmonum pluribus in locis pleuræ adnascabantur, a qua difficulter separabantur. Anterior pars cordis unico consimili tuberculo infestabatur. Dexter verò ejus ventriculus grumoso sanguine, instar gelatinæ refertus viscebatur. *Varthon. Adenograph. cap. 11.*

Puer octennis ab alio quodam puero baculo circa lumbos percussus, aliquot diebus post male habere cœpit, & septimanis aliquot præteritis, licet tempus vitæ ultimum cibo sufficienti nutriretur, Tæbe consumptus obiit: Huic licet nec tussis molesta esset, nec febris laboraret, nihilominus a quodam tanquam phthisicus fuit tractatus. Quare parentibus mortis causam scire cupientibus, & me ut cadaver aperirem rogantibus, ipsorum voluntati satisfactorius, cadavere denudato ventrem infimum turgidum reperi, & utrinque circa umbilici regionem ad tactum renitentem: Et quia nec tussim, nec febrem ipsi molestam fuisse intellexeram, illico necdum cadavere aperto, adstantibus significavi causam mali, in mesenterio latitare: mox ventre aperto, glandulas mesenterii non solum tumentes, sed etiam scirrhosas reperi,

& ita conglobatas, ut duorum pugnorum magnitudinem superarent: In thorace verò & pulmonibus nihil penitus vitii occurrit. *Ex Observ. Clariss. Bauhini.*

Georgius Gebhardus variis morbis & longo cruci. tu detentus per 13. annos, vix ægra trahens membra, vehementer contabescente universo corpore, frustra hinc inde consultis Medicis, tandem obiit.

Dissecto corpore solum cor illæsum reperi, cæteræ partes erant foetidæ & putref. ctæ, ventriculus manis prorsus erat, omni chylo destitutus, nec ullam aliam humoros. in se continens materiam, & consequenter occlusus quasi & parvus. In vesicula fellis, & meatu ejus choleram ad intestina deducente, obtulit sese massa quædam nigra, specie vitreorum lapillo- rum, qui pileis & eorum f. sciis & redimiculis, ornatus gratia annecti solent, adeo quidem ut bilis reciproco gradu, propter obstructionem, spin. in dorli perforando, ad pedes deluxerit, ubi concitavit ampullas ac vesicas ovi columbacei magnitudinis, vel etiam majores, tantum ardorem ac dolorem moventes, ut mirum sit quod non singulis horis æger in lyncopen inciderit, quibus apertis nihil nisi cholera ichori commixta exivit. Mesenterium a tinctura illius cholerae undique putridum erat. In renibus deprehendi materiam calculosam satis multam, præcipue autem in sinistro, ubi apparuit lapis haud exiguus, ita ureteri acuta sua cuspide insertus, ut omnis urinæ ad vesicam transitus sit interceptus. Pedes illius magis quàm in leproso squalidi erant. *Ex Joann. Fabri Observat.*

Detectis Glandulis novis patet unde pendeat atrophia partium, præsertim thoracicarum, quæ ex glandulis lacteis chylum sugunt: Premittitur subinde Receptaculum lacteum & Madon chyli remoratur, obstruitur, & inflammationes aliosque tumores patitur: Vidimus id in cadavere humano, in quo ad Atrophiam omnia, excepto hepate sano, vergebant, hæc idis pulmonibus & marmoris instar variegatis, bubonis in inguine, gangræna in pede, & anis pessimi habitus indicibus, sana erat altera glandula lactea, rubra altera, quasi inflammata & phlegmonodes: unde hepar quidem sanum & multæ mesaraicæ lacteæ, at thoracicæ lacteæ non ita plenæ aut tumentes chylo. Thomas Bartholinus Historia Anatom. de lacteis Thoracicis cap. 9.

Pancreas ad instar aliarum glandularum Scirrhum omnino evadere posse dubitare desii, postquam in puero 9. annorum, Atrophia extincto, illius constitutionis id reperi: Hoc tamen addere convenit, non omnes ejus partes æquali ratione induratas fuisse, cum tres quatuorve adhuc extarent, intestino vicinissimæ, vix a statu naturali recedentes. *Gerardus Blasius Observ. Anatom. pag. 127. Obs. Med. 23. part. 1.*

Anno 1595. Ernestus Archidux, Belgicarum Provinciæ Prorex, obiit nocte intercedente 20. & 21. Mensis Februarii die, anno ætatis 42.

Ejus cadavere aperto, Cor, Pulmo, Jecur nihil vitii præ se ferebant: In lumbis tantum mediocris magnitudinis calculus repertus est, & in Renum altero vermis oblongus & vivus, qui

qui visceris illius parenchyma superesse diu non potuerit. *D. M. Janssonius Mercurii Gallo Belgici Tom. 2.*

Jurisperitus Parisiensis sicca tussi vexatus, Macie universali affectus & diarrhœa diuturna, post repetitas purgationes & venæ-sectiones me accersiri jubet. Eum attentè considero, & post colloquium aliquousque protractum, decumbere jubeo quo latera dextrum præsertim, commode pertractare liceret, suspicatus aliquid in jecore vitii. Admota manu, indolentem tumorem percipio nucis juglandis magnitudine, (sed forti digitorum impressione & profunda, proque partis sensus tolerantia) infra costas nothas in jecoris regione. Prognostico emissio, asserui tumorem illum ad capitis magnitudinem perventurum, imò majorem, quod eo loco situs esset, quo intus nequicquam reniteretur, ad extra verò augmento prohiberetur à caligarum cingulo & thorace. Ulteriore sanguinis missionem prohibeo, eo quod judicarem vitam tandiu productam iri quamdiu sanguinis penuria non adesset. Opinionem & prognosticum meum impugnarunt veniseçæ, qui imaginarium esse tumorem objiciebant, iteratisque venæ-sectionibus ægrum vexabant. Post dies quindecim iterum advocor, atque ægrum in deteriore statum deductum video, tumorem auctum & digitis palpantibus manifestum, globuli sphaeriterii magnitudinem æquantem. Mortem prædico, Chirurgi verò revocati, agnito tumore, sanguinis missionem perperam iterum instituunt, sed paulo post mors succedit.

Apertum cadaver fuit à Riolano Chirurgo, qui solus, consultatione habita cum tribus Medicis ac duobus Chirurgis ampullatis, contendebat tumorem neque mesenterium neque pancreas obsidere, sed musculorum cuiusdam *viscera colligantium adnatum esse*, si enim aiebat, situm in pancreate aut mesenterio obtineret, ad motum corporis huc illuc nutaret, illius inclinationem sequutus, alvi excrementa cohiberet, quæ liquida & inconcocta dejiciebat æger: Obviam ergo illi secant se obtulit *tumor pendulus & annexus lateris dextri musculis lumbaribus*, magnitudine capitis vitulini, cui plurimæ adnatae erant cystides, aliæ materia pulvi simili refertæ, aliæ sebacea, aliæ lardum, aliæ mel referente, aliæ erant duræ, variæ consistentiæ & coloris ab invicem secretæ. Totum corpus exangue erat, sed plurima aqua reperta, ad mensuras duas Parisienses. *David Lagneau lib. de sanguinis missione p. m. 385.*

Puer duorum annorum erat macie ita confectus, ut vix cutis hæreret ossibus: Ad latus sinistrum, in musculo mastoideo exulceratio erat, quæ usq; ad ipsam jugularem venâ penetraverat, eamque corrodendo sic extenuaverat, ut puris subtilior materia percolasse per eam videretur: non exiguam namque ejus copiam sanguini permistam in dextro cordis ventriculo, corde aliâ sano & integro, inveni; quam, ut dixi, transcolatione eo pervenisse suspicatus sum: sed unde puris ejusdem crassiusculi, bene cocti, copia, item magna è regione in dextro latere, ad eundem musculum, intus & foris sanum, penetraverit, ego divinando assequi non potui: *Lien præterea induratus erat & magnus, pendebat*

enim uncias septem & tres uncia quartas: Hepar contra, consumpto fere parenchymate, nonnisi quinque uncias & quadrantem ponderabat: biliosa id plenum erat materia, quæ propter obstructionem ductus communis in illum redundaverat; *bilis interim drachmas undecim* [magnum pro ea ætate pondus] exaquabat: *Pancreas magnum erat & scirrhum*, quod in chronicis morbis sæpe contingere observavi: Succus etiam tam acidus, ut in duodeno bili admixtus, tamen adhuc insigniter eum saporem retineret; hac aciditate sua ita ventriculum & intestina perederat, ut dum inflare ea vellem, ad minimam distentionem rumpi perentur: Non immeritò igitur *Clar. Franc. de le Boë Sylvius* in Praxi sua plurimorum morborum causas refert ad hanc succi illius aciditatem, *Theod. Kerchringius observ. Anat. 65.*

Venit mihi in memoriam apertio Virginis in Nosocomio Leydensi, quæ cum macie contabescens occubisset, proscripta ad ferrum *Do. Sylvii*, abdomen ostendit fartum pinguedine, visceribus interea proximis nutrimenti inopia fatiscentibus & contractis. *Olaus Borrichius observ. 92. Actor. Bartholini ann. 1671. § 72.*

Fateor plerisque Medicorum ignorasse ossa, quantumvis solida, quasi phlegmone & apostemate quoque corripì posse, Quicquid enim nutritur, crescit, augmentatur aut influxus recipit, id quoque putrescere & apostemate aliquando turgere fatemur: Proinde *Avicenna & Galenus*, suo periculo edoctus, apostemate quoque distendi asserunt: Et Hippocr. empyemate os sacrum computrescere quoque novit, cujus putredine & incredibili doloris tyrannide duos, *Nob. Wurmhauser* in Neoburgo, & *Joan. Castnerum*, afflictum & diu maceratos tandem contabescere & mori hisce oculis vidi. *Langius Epist. 42. Tom. 1.*

Jo. n. le Fuzelier Tabida matre natus, eo modo, eoque morbo & eodem tempore interiit quo ejus mater. In pulmonibus nihil memorabile reperitur quod mortem attulerit. Mirum quod ante mortem ei contigit; Decem antequam è vivis excederet diebus tumidum corpus fuit, Tumor fugax erat, repetebat ex intervallis. Unde hoc? Leucæ videbantur esse; Tale quid in morbis funestis contingere solere agnovit *Hippocrat. 2. prorrh.* Leucæ, ait, oboriuntur (supple in morituris) in morbis funestissimis, cujusmodi est Phthisis. *Ballonius Paracels. 39.*

Anno 1562. In mulieris cujusdam consistentis ætatis, quæ ad tantam maciem redacta erat, ut vix cute & ossibus hæreret, corpore quatuor lumbricos teretes spithamæ unius longitudine, in ipsum truncum venæ portæ se insinuasse, ac toti corpori alimenti aditum obstruxisse observavi: *Ex observationibus Adriani Spigelii.*

Quatuordecim annorum Virguncula à quatuor annis tabe incepit laborare, postea tussi & febricula correpta est: functionibus quotidianis obeundis satis vigilax. Cibi & potus valde appetens, per sesqui mensem ante obitum decumbens, moritur.

Mesenterium scirrhis ac steatomatibus duris undique plenum, præsertim circa vasa sanguinea: quædam ovi anserini magnitudinem superabant, alia nucem moschatam excedebant.

Cibi ut comesti erant impermixti excreti fuerunt, ramosus calculus pondere sesquicilicii, in dextro pulmone abscessus foetidus, membrana inclusus fuit: inciso tumore tanta puris copia effluxit ut dodrantem bis æquaret. Porro pulmones scirrhis ac steatomatibus referti. Cor molle & flaccidum: cætera satis sana. *Steph. Blancard. Anatom. pract. rational. pag. 153.*

Morbo admodum intricato quædam mulier correpta fuit, nunc enim palpitatione cordis, nunc dolore & torminibus ventris vexabatur. interim appetitus non multum prostratus fuit, ita ut pro more alimenta sumeret, quibus tamen parum nutriebatur. Tussiculâ quinetiam, palpitatione cordis, & difficultate respirandi laborabat. Cum circiter annos quatuor vitam sanè calamitosam vixisset, ac sceleti fere instar extenuata esset, paulatim stupore & frigore in sinistra manu, præcipue circa extremitates digitorum, correpta est: Symptomata tamen hæc ab initio tam exigua erant, vix ut percipi possent: nec aderat tumor, multo minus inflammatio, imò nec dolor ullus. Interea tamen extremitates digitorum & tota manus paulatim & absque dolore sphacelata & penitus emortua est. Postea brachium ad cubitum usque simul & digiti carbonum instar nigri erant, frigidissimi, & ita extenuati, ut ossa vix tenuissima cute obtegerentur, nulla tamen aderat inflammatio, neque dolor; brachium postea feliciter supra cubitum amputatum est: nihilominus tamen circa undecimam horam post brachii abscissionem, gangræna denuò truncum invasit, ita ut paucis post diebus è vita discederet.

Cadavere dissecto, abdomen serosi humoris plenum & extensum erat. Mesenterium steatomatis multis scatebat. Sub vena portæ, & quidem in ipso pancreate scirrhus admodum magnus conspiciebatur. Hepar durum pallidum, ac si elixatum fuisset, apparebat. Pulmo dextra parte materiæ purulenta ac foetida, sinistra verò humore seroso imbutus erat. Per totam pulmonis substantiam scirrhi plurimi, colore lividi, in quibus materia nigra, atramenti instar, contenta fuerat; conspiciebantur. Lapidès plurimi hinc inde per pulmonem diversi coloris, parvi tamen omnes reperiebantur. Cor sanguine planè exhaustum, extenuatum, ideoque valde diminutum & parvum erat. Vena pulmonalis in monstrosam amplitudinem extensa erat: nam humore aquoso fuit impleta.

Ægram hanc sanguinem habuisse admodum crassum, ex gangræna satis liquet: non enim ex inflammatione ortum habuit, sed ex sanguine in manu coagulato. Est mihi adhuc cognata, quæ ante aliquot annos sanguinem suum seroso lacte aliisque acetariis ita corruerat, ut postea in febrim inciderit, ex cujus frigore, quo incipiebat, non tantum ungues nigredine commaculabantur, sed iste color per integrum annum sub unguibus latebat: unde igitur iste color? nisi à sanguine, ibidem loci coagulato. Scribit *Thucydides*, cum pestis Athenis sæviret, præter alia symptomata etiam summas manus, summosque pedes invasisse: quibus nonnulli amissis liberabantur. Quomodo hoc aliter fa-

ctum fuisset, nisi ex sanguine coagulato & corrupto, in manibus pedibusque restante: & hoc accidit iis, quibus frigidi temperamenti sunt. Revera nutritionis particeps esse non potuit, quoniam viscera abdominis omnia obstructa erant, imò ob Hepatis duritiem & scirrhositatem, bilis deficiebat, quæ toti sanguini balsamum existit, eique fluiditatem, corporique optimam *Algephora* procurat: effluvia etiam à corpore decedentia maximè ex parte à bilis copia dependent. Deficiente quoque bile, chylus manet crassus & viscidus, scirrhositateque mesenterii glandulis, lienis item, Hepatis, pulmonis, aliarumque partium adfert: pulmonibus hoc modo obstructis, respiratio impedita fuit, ex humorum acrimoniæ, eorumque vellicatione tussis excitata, pulmonumque *phthisis*, qui & *phthisis* appellatur. Serositates ex sinistra pulmonum parte, necnon ex vena pulmonali, vasis lymphaticis ruptæ fuerunt. Vena isthæc laxioris texturæ est, non ex una membrana, ut veteres voluere; verum industria hujus seculi Anatomicorum, eam ex variis tunicis constare, detexit. Hæc vena pulmonalis existit, in tantum ut ubivis aperta per totum inflari, & quasi distinctum esset, plurimum extendi possit; unde suspicari licuit, hoc ductu peculiari lympham à glandulis substratis secretam reduci: verum obortâ obstructione, eam immensum usque posse distendi, ut in hoc cadavere liquet. Hinc facile percipiendum est, unde cordis *palpitatio originem* traxerit, nempe ab obstructa vena pulmonali: nam in Hydrope hoc, adeo ejus capacitas coarctabatur, ut sanguini per eam via denegata fuerit, tum resiliere coactus cor se immodicè movere debuit. Omnis enim palpitatio fit à causa obstruente circa cor: quotquot mihi contingere cadavera, semper vel Polypum, vel sanguinem coagulatum, vermes, ossificationes, aut simile quid præeri. *Idem pag. 225.*

ATRITI & ATRITÆ

Vid.

IMPERFORATI.

ATRICES

Vid.

CONDYLOMATA.

ATTONITVS MORBVS

Vid.

APOPLEXIA.

AUDITUS LÆSIONES.

ubi scilicet

De Tinnitu Aurium, Obauditioe, & Surditate agitur.

ANtequam de hisce affectibus aliquid dicamus, non inutile fuerit si Auditus rationes naturales, organaque illi inservientia paucis explicemus.

Aër

Aër tremulo atque undoso motu à corpore ſonoro actus, ab auricularum externarum mechanica anfractuosa & flexuosis eminentiis donata, congregatur, ita ut ejus ad interiora impreſſio intendatur; hinc per antrum ſeu meatum auditorium, membrana, glandulis cerumen naturaliter vomentibus ſtrata ex parte objectum in anguſtum coactus, & ab ejuſdem inæqualitatibus & curvaturis novas reflexiones ac refractiones, quibus vim majorem ruruſus acquirit, ſubiens, ad tympani pelliculam flexibilem, Myringem vocant, inferiori, ſeu interiori prædicti meatus extremitati ſubtenſam, pergit, illamque variè agit ac commovet; qui motus non tantum aëri in cavitate tympani concluſo, illucque per canalem inde ad foramina narium interna decurrentem, adſportato, communicatur, ſed etiam offiſculis pone tympani membranam ſitis, quæ malleum, incudem, itapedem ac os orbiculare vocant, quibus mediantibus, membranula duplex, ſcilicet alia quæ foramen rotundum, alia quæ ovale claudit utrumque labyrintho, ultimoque ejus reſſui cochleæ dicto, præfixum, ſuccutitur, ſicque per vibrationes in labyrinthi anfractibus continuatas impulſio ad uſque nervorum auditoriorum ramulos ibidem multipliciter implantatos devenit, per eoſque ad cerebrum uſque pergit variorum ſonorum ſenſationis occaſionem animæ exhibiturus.

Tinnitus itaque aurium fiet, ſi per particulas è glandulis in membrana partem meatus auditorii obveſtiente poſitis, vel aliunde, ſcilicet verbi gratia, abſceſſu vicino, aut aggeſta fluxionis materia affluentes; fermentatio oriat, aëri contento, imprimendo cuidam fremitui, unde tympani membrana leviter quatitur, apta; vel etiam ſi particula fermenteſcibiles per aquæ ductum in tympanis cavum ruant, aut arterioſa quævis demum de cauſa validiùs pulſet, quæ aërem cōcluſum jaſtent, Vel ſi idem motus in ipſo labyrintho imò nervi auditorii ſubſtantia, aut ſpiritibus per ipſum decurrentibus à ſero peregrino aut ſucco nerveo degeneri inductus, adit. Idem facient vermes in aure geniti ſuis ſuccuſſionibus, violentæ capitis plagæ & horridi fragores &c. Obauditio verò fiet ſi vel deficiat auricula exterior ſono excipiendō deſtinata; vel ex parte meatus auditorii obturetur, tum per corpora extranea, tum per cerumen aggeſtum, tum per turgentes membranæ propriæ glandulas; vel tympani membrana craſſior atque humidior fuerit, imò in eo tenſionis gradu non reperiatur, qui variis aëris vibrationibus excipiendis ſit accommodus; vel aër tympani craſſius & quaſi nebuloſus exiſtat, qui propterea vibrationes ab aëre exteriori advenientes, exquiſite non ſatis tranſmittat, quin potius variè eaſdem alteret; vel ſi mobilitas in offiſculis tympani, cordarumque muſculoſarum in ipſa agentium non ea ſit quæ feriendis membranulis, foraminibus ovali & rotundo affixis, neceſſaria eſt; vel ſi nervus auditorius ex parte obſtruatur, aut in aliquibus deficiat cavitatis labyrinthi: Surditas ab iſdem cauſis quæ in obauditione jam enarravimus, orietur, ſi modò illæ gravioreſ fuerint; imò ſi particulae illic tantum fermenteſcentes, hic corroſivum quid acquiſierint quò varias or-

gani partes lacerent & deltruant.

Signa variarum auditus affectionum non opus eſt ut hic expendamus ad *prognofin* itaque continuo procedamus.

Tinnitus aurium febribus quibuſcumque ſuper-veniens materiæ ut plurimum ad cerebrum *εισδραμν* denunciat, febre autem curata, idem hic ſine uſu medicamentorum curatur. Idem affectus ut apoplexiam, epilepſi. in alioſque comatoſos cerebri morbos præcedit, ſic in eorum decremento fauſti eſt ominis, ſiquidem reſolutionem materiæ morbum facientis denotat. Convaleſcentibus, ac poſt immoderatas vacuationes, ut oculi vertigine tentantur, ita aures bombilare ſolent, nam exhaustæ partes ſtatuſ facile accumulanti. Inveteratus aurium tinnitus, ſcilicet qui per biennium duravit, vix curari poteſt; uti etiam tinnitus ex frequentj percuffione in caput & tempora, propter internam lacerationem.

Surditas ab ortu raro imò rariſſime curatur, iſdem nihilominus loco aurium inſerviunt oculi. Sic D. Wallis Mathematicus Oxoniensis duos Nobiles Anglos ab ortu ſurdos inſtituit ſololabiorum motu, ut loquentes intelligerent & accuratè reſponderent: Sic etiam Digby lib. de immortalitate animæ reſert de quodam Nobili Hiſp no, qui ab ortu ſurdus, ut ne bombardam auribus adnotam atque exploſam perciperet, ſimulque linguæ uſu privabatur; quem nihilominus dexteritas atque induſtria Sacerdotis cujuſdam eò perduxit, ut poſt multos annos cum ſupore omnium diſtincta admodum proferret verba, alioſque ſecum colloquentes (ſolo aſpectu) perfectè intelligeret, ut per integrum diem in crebro hominum contubernio verſatus, illorum ne verbum quidem non apprehenderet, atq; appoſitè cunctis reſponderet.

Surditas & Obauditio à vitio membranæ tympani confirmato vix curatur, ſi enim à tenſione ſua naturali remittat, idque multo perduret tempore non facile ad ſtatum reducetur, ſed tantum ſic affectu, ſub quovis ſtrepitu majore membranam prædictam violentiori ad interiora impulſione aliquomodo tendente, mediocrem ſonum percipient, quò nullatenus afficientur extra hos ſtrepitus conſtituti: Exempla quatuor ſic affectionum reſert Bohnius Circulo ſuo Anatomico phyſiologico, binæ ex Williſio, tertium & quartum ex Tranſaction. Philoſ. Angl. petita. Prius ſceminæ eſt quæ ſurda quidem, quæ mdū nihilominus in conclavi tympani bellici ſonus aures ejus circumſtrepebat, adſtantium alloquia diſtincte capiebat, ceſſante verò inmaniore iſto ſtrepitu ſtatim obſurdeſcebat, cujuſ propterea maritus tympaniſtam pro ſervo domoſtico conducebat, ut illo mediatore colloquia interdum cum uxore haberet. Alterum ſurdaſtri maris erat, qui prope campanile degens, quoties plures campanæ ſimul reſonarent, vocem quamvis facile & clare audiebat, tacentibus illis ſecus. Tertium in Nobili à nativitate ſurdo obſervabatur, cui pariter temporaria ejuſmodi medela ſolatio erat, ſc. quādiu tympanum prope ipſum violentiùs pulſaretur, à tergo ſubmiſſiùs loquentium voces percipiebat, nec tamen clamantes ſtrepitu illo ceſſante. Ejuſdem quoque generis ſtudioſus quidam erat, qui ſurdaſter omnia

diſtinctè & commodè audiebat , quando in rheda velata per plateas velociùs vehebatur, & cum amicis aſſidentibus colloquebatur.

Surditas in febribus ſupervenientiſ urinâ exiſtente crudâ delirium grave portendit , ſi verò in acutis & malignis febribus cum ſignis coctionis conjuncta ſapiùs boni eſt ominis, & ipſi interdum aut hæmorrhagiæ narium , aut dejectiones biliolæ ſupveniunt. Delirium ſurditati ſupervenientiſ infaſtiùs multo quid denotat , quam ſurditas ſupervenientiſ delirio ; præcipuè ſi delirium hoc cum anxietate , vigiliis ac vomitu conjungatur. Quibus ſurditas cum gravitate capitis & hypochondriorum tenſione , ac oculorum ſplendoribus adeſt , iſs hæmorrhagiæ narium indicatur.

Curationes , Conſultationes , ac Obſervationes ex variis.

Curationes.

Tinnitus Aurium.

In tinnitu præſtat vapor Abſinthii & Verbenæ ex lacte, ut.

℞. abſinthii crudi m. j. decoque in lacte vaccino ; poſtea per tritorium, quod commodè oriſcium ollæ iſtius decocti claudat, immitatur vapor decocti adhuc ferventis in aurem, abſterſa aure & purgata geſtetur goſſipium, quod aliquandiu cum moſchata fuit conjunctum (moſchus nimirum capiti amicus) imprimis viris, mulieribus verò ratione uteri minùs tutus eſt. In tinnitu, ſonitu, ſtrepitu , ſibilo multum præſtat panis recens coctus minor, ſtatim ex clibano ſumptus, & inferiore cruſtâ ablata, immiſſoque Sp. V. bono , ſi ad aurem applicetur (interjecto circulo ligneo craſſiore ad evitandam partis exuſionem) ut vapor ille intrò recipi poſſit. N.B. Continuetur curatio, donec cedat malum. Poſſunt etiam adhiberi ſternutatoria præmiſſis univerſalibus. *Johann. Hartmann. in Præſt. Chymiatric.*

Obauditio.

In obauditione item fluctuatione, immittantur auri ol. amygdalarum amararum gutt. ij. iij. quæ poſtea emittantur: ab oleo Juniperi abſtinendû. Poſt univerſalia inſtituantur fotus , præſertim ex corroborantibus caput, qualis eſt decoctum abſinthii , verbenæ , in lacte vel etiam cum pane calente cum & ſinè ſp. v. (ſi affectus lenior) foris ut antea applicato. Tandem, ſi non ſolvatur in B. immittatur in aurem turunda ex radice raphani affabrè ſculpta & per dies aliquot in ſp. Vini macerata, ac in B. inter ſudandum, in aurem immiſſa. Si neque hoc modo ſolvatur, eadem turunda tandem maceretur in oleo fœniculi ſtillat. & eodem modo in Balneis uſurpetur. Auri inſtilletur ſæpe oleum carui & illinatur poſt aures. *Idem ibidem.*

Obſervatâ victûs ratione , ſæpe corpus inſuſo ſenæ purgetur ; cum ſenæ omnium ſenſuum organa præcipuè mundet , inſuſum ita fiat.

℞. Paſſul. ʒj. galang inciſ. ʒj. decoq. in aq. puræ q. ſ. pro duabus doſibus. Inſund. fl. borag. viol.

ana p. j. fol. ſenæ elect. ʒj. ſtent in inſuſione per noctem, & mane caleſcat, ac pro duabus portionibus exprimatur.

℞. Expreſſionis ʒiiij. Syr. roſ. ſolut. ʒj. mann. Calabrin. ʒvj. m. ſ. ſic pro uno & altero hauſtu. Caput deinde hoc apophlegmatismo expurgetur.

℞. Roſmarin. origan. ſalv. rutæ, ana m. ſ. roſar. rubr. pſ. rad. zinzib. inciſ. ʒß. pyrethr. ʒij. coq. in thij. ad medietatis conſumptionem. Colat. adde acet. roſac. acerrimi ʒj. detur pro gargarismo quo mane os abluat. Iſto modo evacuato capite, decoque in aqua & vino origanum, atque in decocto calido, ſpongia maderacta & expreſſa auri affectæ adhibeatur. Injicitur deinde per calamum unum vel altera gutta aq. Cardui hoc modo deſtillata.

℞. Folior. cardui mundator. & ſiccor. m. j. aſpergantur ſpiritu vini, & in vas vitreum quod bocciam appellant, imponantur ; atque aq. Cardui q. ſ. aſſundantur ; ſuppoſitoque Alembico vitreo deſtilletur in arenâ , deſtillatum in vitro clauſo ſervetur, cum uti voluerit, parum de eo in argenteo cochleari caleſcat, injectum auribus in adverſam partem caput declinet exiguo tempore , deinceps rursus elabi ſinat, aurem perpetuò lanâ xylina quæ odorem vel ex moſcho, vel ambra contraxerit , concerpra muniat : caput non refrigeret, & ne auribus ventus moleſtus ſit caveat, cum auris mundanda eſt, non confricet auris ſcalpio, ſed linteolum molle intortum inſtar turundæ imponat, atque hoc modo mundet. *Joh. Crato Conſil. 2. lib. 4.*

Surditas.

Ad ſurditatem & tinnitum valent ſuccus raphani , pinguedo anguillæ , axungia talpæ, oleum amygdalarum amararum (pinguedo ſerpentis, ſuccus expreſſus ex cæpa imbuta ſp. vini & ſub cineribus cocta. Item.

℞. Capam magnam rubram in medio cavatam, cujus cavitatem reple oleo rutæ, addendo pulverem cyperi, bacc. lauri, aniſi, cumini ana ʒj. Caſtor. pulveriſat. ʒß. bulliant omnia ſuper prunas ardentes, poſtea exprimantur, ſerventur in phiola, de qua ſtillantur aliquot guttæ in aures mane & vespere claudendo cotto oleo moſchato. In ſurditate non connata præmiſſis univerſalibus mirabiliter operatur eſſentia ſellis humani cum ſp. V. extracta (diu durat) & ſimiliratione cum turundis Raphani inter ſudandum applicata : tamen à proprietate innata in hoc caſu præſtat fel perdicum, ſi cum oleo ſuccini albi ana mixtum in aures guttatim immittatur (doſ. gutt. iij. iij. ad plurimum) hæc verò aliquoties ſunt repetenda. *Joann. Hartmann. Præſt. Chymiatric.*

Succus hederæ depuratus cum vino albo potenti inſtillatus mirificè prodeſt, ut & abſinthium cum aqua marina decoctum, ac per arundinem pro ſomento adhibutum. Ova quoque formicarum contrita & cum ſucco capæ in aurem inſuſa, quam vetuſtiſſimam etiam ſurditatem perſanant : item & caprillum fel vel leporis fel recens cum pari mellis portione mixtum, & in cæpæ corio tepefactum, & in aurem immiſſum auditum mirificè reſtitui : quæ omnia topica

topica crassos & vitiosos humores, in auditus organo surditatem causantes incidunt, fecant & attenuant. Convenit etiam ligni guajaci decoctum per triginta dies: quo tempore theriacæ vel mithridatii interdum ʒj. nonnunquam conserv. betonic. aut flor. salviæ ʒß. alternis saltem diebus dormituro exhibeatur. *Joan. Zecchini. Consult. 58.*

℥. Menth. salv. puleg. rorismar. chamæmel. millefol. cent. minor. abrotan. ana m. j. bulliant in vino albo generoso ad tertiæ partis consumptionem, & cum ita dormitum caleſcat, inde per infundibulum suscipiatur fumus intra aurem per spatium dimidiæ horæ, & prædictæ herbæ bene calidæ ad aures internas admoveantur. *Rodericus à Fonseca tom. 2. Consult. 58.*

Judaus quidam Empiricus quidam medicamenta suppeditavit, quæ cum ego satis probem, volui studiosis ea communicare. Ea hæc sunt; Conficiatur lixivium ut fieri solet ex cinere juniperi, & fluviali aqua, lixivii capiat lb ix. cui infunduntur per viginti quatuor horas serpill. flor. chamæmel. ablinth. matricar. ana m. ʒ. baccar. lauri, rad. ireos, ana ʒj. rad. asari ʒi ʒß. confusa infundantur. Deinde eo lixivio abluat caput aliquoties.

℥. Succu porrorum, succi absinthii, ol. amygd. l. amar. petrol. ana ʒß. m. Deinde ea mixtura impleantur cepæ duæ excavatæ, ac earundem cortice tectæ; atque ita sub cineribus calidis coquantur. Coctis iis succus exprimat, qui sæpe in aures instilletur.

℥. Aceti acerrimi lb i ʒß. stercore. columb. rec. q. s. mixta hæc indantur in ollam novam, coq. ad mediet. consumptionem. Deinde coopertam ollam crusta panis larga in medio perforata, & imposito aptè emboto, auri subiciat; atque inde exhalantem vaporem in aures excipiat, vesperi iturus dormitum, continuet ad duodecim dies, & quaternis quibusque medicamentum reiteretur. Hæc medicamenta post ritè purgatum corpus administrantur. *Reinertus Solenander. Consult. 4. Sect. j.*

Non subiticeo quod experimento multorum probatum reperio, nimirum surdos non parum beneficii suscepisse ex hoc præsidio, quod recipit aqua stillatitiæ ex renibus arietis nuper ab ariete extractis & minutim incisis, cum pari portione aquæ vitæ; si guttulas aliquot noctu ante cœnam in aurem instillaveris, & gossipio foramen auditorium obturaveris, quod si simul cum renibus aliquid florum capitalium instillaveris, non errabis, item magni solet esse momenti in aurem injicere instillationem ex ligno guajaco, flor. stœcados, majoranæ, anisi ac rutæ. *Ludovicus Mercatus Consult. 16.*

Non est melius hic remedium, quam ambra, imprimis, ubi est defectus spirituum animalium. Debet dari in magna copia, vel per se, vel essentia. Item species diambriæ cum aq. cardui benedict. prodest quoque essentia castorei, absinthii spir. otalgicus & aconiticus ambratus. In memorabilibus Camerarii exstat oleum, quod præparatur ex vermibus repertis in corticibus ligni quercini. It. Essent. fellis hominis, Lucii pilcis, Axungia serpentis, Castoris, Aq. picarum cum castoreo. Conferunt eti. in aq. card. benedict. rectificata, manè & vesperi infusa: It. aq. salviæ rectificata & eodem modo usur-

pata. It. raphanus excavatus impleatur aqua majoran. addatur momentum salis, subterratur & aqua collecta instilletur. Item panis recens cum cumino sufficienter coctus. Item.

℥. Pulp. colocynthidos ʒj. ol. il. albor. ol. de castoreo ana ʒß. vin. alb. ʒvj. Coque ad vini consumptionem, & guttulatim in aures immittatur. Item propria urina frequenter exterius adhibita pro lavamento. Aqua etiam ex ovis formicarum prodest.

℥. Sem. carui ʒij. Bacc. laur. N. ij. flor. chamomill. fol. roris marin. herb. salviæ ana m. ij. Coq. inf. q. v. & evaporet in aures aliquoties singulis diebus. *Joann. Michael. in Prax. clinic. general.*

Surditatis causa vel in exteriori, vel in interiori Auris parte quaerenda est.

Si causa sit in parte exteriori, surditas non integra est, sed auditus tantum gravior fit. Ad huiusmodi surditatem amovendam, abluatur sine violentia via quæ usq. ad tympanum pertingit, vino Malvatico, Cretico seu Hispanico calentibus quo sordes omnes auri exteriori inherentes eluuntur.

Immo licet causa sit in parte interiori, tamen cum ad topica devenire tempestivum sit, primò ab omnibus contentis expurgandus est meatus auditorius, quo medicamentorum vis ad aurem internam melius pertingat.

In causa autem interna, ante topicorum usum, de generali (immo & particulari) evacuatione primò deliberandum est. Nam cum humores pituitosi nervum auditorium vel obstruentes vel comprimentes, plerumque sint surditatis causæ internæ, humores isti viis aptis diligenter expurgandi sunt.

Potio igitur seq. primò exhibeatur, ℥. sarsaparill. ʒiij. fol. betonic. chamæpit. ana m. ʒß. summit. floridar. rorismar. p. j. flor. herb. paralyf. p. ij. sem. anis. & coriand. ana ʒß. crem. tart. ʒij. fol. senn. munda. minut. incisor. vino albo nutrit. ʒv. f. omnium decoctio & colatura, in qua ad dosin aptam reducta dissolv. syr. August. n. de rhabarb. & ros. pallid. cum agaric. mann. Calabr. ana ʒß. sp. vitrioli gut. iv. m. f. potio danda in aurora hor. iij. ante jusculum cum debito regimine.

Vel pil. seq. ℥. mass. pil. sine quibus, cochiar. aggregativ. ana ʒij. f. massa, de qua cap. ʒj. pro doli, idque post primum somnum, levi cœnâ præcedente, cum debita custodia, dilato ad 3. horas jusculo. Cap. primò has pilulas ter, interpositis duobus diebus inter singulas doses, vel etiam tribus pro ratione operationis.

Ita purgato corpore, exsiccationi cerebri sedulo incumbendum est; humoris item pituitosi derivationi. Quibus indicationibus satisfaciens usus quotidianus gargarismorum, frictiones capitis matutinæ retrorsum cum sacculis farctis pulveribus salviæ, majoranæ, rad. cyperi, rasur. guajaci, lign. Rhod. bacc. laur. junip. additis speciebus aromaticis in mediocri quantitate, succino multo, & pulvere viol. to qui cæterorum basis esse debet: suffum item siccantes operimentorum capitis necnon per eisdem aëris cubiculi correctio. Proderunt balsama ex oleis chemicis salviæ, majoranæ, rorismar. præsertim verò succini, quæ unguento aurantiorum & butyro nuc. moschat. excipiantur, ad inungen-

inungendas nares interiores & capitis rasi suturas, idque manè post frictionem prædictam. Non inutilia erunt *ſternutatoria*, ſed blanda admodum ſine elleboro & euphorbio. Sufficiens primò aurantium vel citri cortices extimis naribus inditi, aut aſari folia convoluta. Noxia omnis vehemens capitis concuſſio, quæ non niſi quando impactum aliquid magno conatu excutiendum eſt, locum habere videtur. Melius erit partem hanc principem à ſuperfluitatibus quotidiano proventu ſucceſcentibus exhaurire per derivationem, quam egregie præſtabunt *fontanellæ* duæ utrinque ad ſpinæ latera prope ſuperiorem homoplata angulum excitatæ, quæ pluribus immiſſis piſis continuo aperta teneantur.

Bona ſit *viſus* ratio, moderatè calefaciens & ſiccans: & præſcribatur *potus diæticus* ſeu *cereviſia medicata* ex ſarſaparill. rad. chinæ, ligno lentisſci, ſaſſiſr. betonica, plurimâ chamæpit. ſummitat. roriſmar. flor. tilia & herb. paralyſ. nuc. moſchat. &c. quæ omnia vel decoquantur vel pendent in zytho recent. coct. qui liquor defæcatus per fermentationem ſufficientem lagenis lapideis recondatur ad uſum.

Post ſordes meatui auditorio inhærentes ablutas, excipiat decocti convenientis cephalici & nervalis, vel ex lagena, vel ex tubo ligneo canali ex æolipila prominenti affixo. Proſunt etiam *ſuffius* ſicci ſurdis auribus inſufflati, ut ex tabaco ipſove ſulphure ſi malum hæreat per tinacius.

Postea *liquores* ſeq. auribus inſtillantur. ℥ ſucci porri ℥ij. ſucci alii & cepæ ana ℥j. fellis anguilla ℥ij. ſpiritus vini optimi ℥x. miſceantur & digerantur per aliquot dies, mox f. per chartam colatura. Hujus liquoris quotidie aliquid inſtilletur auribus, quæ claudantur poſtea bombace permixto panco Zibetho. Vel ℥ rad. enul. ſiccat. & brion. ana ℥ij. cortic. Winteran. ℥jſſ. fol. ſicc. majoran. ſalv. ana ℥ij. flor. lavedul. & ſtœchad. Arab. ana p. j. cinam. interior. cubeb. cardamom. caryophyll. ana ℥j. ſpir. vini opt. q. ſ. ut ſupernatet mater. un. digit. f. digeſtio in arena per biduum, mox colatura, cui indatur nodulus continens ambr. grif. gr. viij. moſch. gr. iv. zibet. gr. ij. Utatur inſtillando in aurem mane & vesp̄ri guttam unam & alteram, aures obturando bombace eodem liquore imbuto & leviter expreſſo.

Vel ℥ zibeth. gr. iv. moſchi gr. ij. olei ſtillatit. ſalv. & roriſmar. ana gutt. iv. mſ. atque hæc mixtura imbibatur bombax quo obturentur aures.

Interim *alvus* ſervetur *laxa* injecto ſubinde enemate. Vel quarto quoque die ſum. ℥ij. maſſæ ſeq. horis duabus poſt levem cœnam ſine cuſtodia. ℥ maſſich. ℥j. majoran. ſicc. ℥ſſ. aloës roſat ℥jſſ. ſpecierum hier. picr. ℥ij. f. omnium pulvis ſubtiliſſimus, excipiendus ſucco caulium viridium probè ſaccharato; f. maſſa pilular.

Si ex horum omnium uſu auditus non recuperetur, æger conferat ſe ad *thermas ſulphureas* [quales ſunt Bathonienses] paſſurus ſtrenuam & longam capitis irrigationem ex alto cum aqua ſulphurea: hinc enim ſpes eſt ut impactus humor liquetur, & ſpiritu animali detur per auditus organum commeatus liber.

Nota. Si membrana tympani rumpatur, ſurditas inde pendens eſt incurabilis: ut & ea quæ à nativitate eſt *Theod. de Mayerne in Praxi.*

Conſultationes.

Tinnitus aurium.

Aurium tinnitu multis abhinc annis divexitur Nobiliſſ. Adoleſcens vigefimum ſeptimum annum agens, temperamenti totius & jecoris ad calidum & humidum vergentis, capitis verò calidioris ac valdè humidi, ſtudiis atque applicationibus deditus; & quamvis Gal. aſſeruerit quod huiusmodi affectus cauſæ cognitio adeo ſtatim haberi non poſſit, cum prægreſſo morbo nonnunquam ſuccedat, & quandoque fiat ex cruditatibus, vino, vomitu, medicamentis, nonnunquam etiam à flatuola materia, vel ab exquisito auditu, ut imaginariæ ſuſſuſiones in oculis fieri ſolent; attamen in hoc caſu facilis, imò manifeſta mihi videtur cauſæ cognitio cum capitis temperamentum præhumidum primo aſpectu nobis oſtendant ejusdem magnitudo reliquo corpori non adeo proportionata, præterea fertilis capillorum copia ac longitudo, crudorum excrementorum abundantia, & ipſius capitis nonnunquam gravedo atque præter naturam quædam obtuſitas, ex quibus ſicut redundantem in capite humiditatem in aures tranſmiſſam, cauſam mediatam hujus tinnitus fuiſſe & eſſe exiſtimo; ita reliquas omnes à Galeno loco citato reſenſitas excludi poſſe credo; non enim prægreſſis febribus ſuccedit, nec vino, aut cruditatibus, minus medicamentis narcoticis: ſicut excluditur exquisitus ſenſus auditus, quoniam ad eſſet capitis ſiccitas; nec à ſolo vapore, quoniam non adeo diuturno tempore perſeveraſſet. Fit igitur à materia vaporoſa tanquam à cauſa immediata, ſed à minera humida ut à mediata cauſa ſuſcitata, dum calor nativus ipſius partis continuo in humidam materiam agens, ut diſſolvat, eandem in halitus elevat, qui aëri implantato in interiori concavitate oſſis petroſi quieto manenti commiſti, eundem agitando, apparentem ſonitum, hoc eſt, à nullo externo objecto ad aures delatum ſimulant, ſicque quodammodo etiam auditum impediunt, cum ut dicebat Celfus, ubi aures intra ſeipſas ſonant, externum ſonum recipere nequeant; & quam vis caput idiopathice & eſſentialiter affectum eſſe non ſit dubitandum, attamen propter magnum conſenſum quem cum ventriculo habet per nervos copioſos ſextæ conjugationis, ventriculum quoque ipſi capiti nonnihil contribuere non eſt negandum, ut propterea à copia ciborum, vel potu abundanti, ab exercitio, ventriculo repleto, vel ab applicationibus, caput ipſum facile compatiatur, imò & ab aſcendentibus evaporationibus ſpiritus in auribus magis agitentur, & tinnitus adaugeatur.

Eſt affectus iſte non ſpernendus, cum jam diuturnus & confirmatus ſit, & cauſam antecedentem ſoventem, validam atque naturalem habeat, humidam ſcil. capitis intemperiem, cui caliditas quoque aſſociatur tanta quidem, quæ

quæ liquare ac fundere humiditatem poteſt, at non quæ eidem dominari & abſumere valeat; & eo conſiderabilior evadit in hac ætate quæ neque puerilis, neque ſenilis eſt; ſurditatem enim minari ſolet, dum adaucta fluxione meatus auditorius obſtruitur, aut nervus auditorius, à quinto pari descendens, comprimitur, vel à viſcida materia dura membrana, meatum inveſtiens, obſinitur atque obtunditur.

Quare quamprimùm ad medica auxilia eſt confugiendum, ut præſens tinnitus auferatur, & ſurditas arceatur præterquam quod à præſenti humida capitis intemperie non pauci alii affectus ſoboleſcere poſſent. Medicæ autem intentiones eſſe debent, humiditatem in auribus exiſtente exiccare flatuſque diſcutere. Secundo capitis humidam intemperiem, ut pote partis mandantis corrigere. Tertio totum expurgare. Quarto primas vias expiare, hac lege ut quod fuit primum in intentione, debeat eſſe ultimum in executione.

Et à fonte Chirurgico aliqua ſanguinis miſſio ex Jecoraria dextra eſt depromenda, ſi non ratione capitis & auris, ſaltem ratione totius & jecoris, ut facilius calorifica & exiccantia medicamenta adminiſtranda tolerari poſſint.

Ex pharmaceutico fonte reliqua ſunt deſumenda medica præſidia, ut jam dictis intentionibus medicis ſatisficiamus, & primò Leniens exhibeatur ex manna clarif. & ſyr. roſ. ſolutivo, vel ex caſſia, electuario leni. & tartaro. Primum præparans quique aut ſex diebus ſummo mane aſſumendum, ſit oxymel ad ℥iij. exigua aqua ſor. citri diſſolutum; mox leniens medicamentum, ut ſupra, repetatur. Inde ad ulteriorem præparationem deveniendum oxymelite ſimpl. & ſyr. de betonic. in decoct. cichor. borag. agrimon. meliſſæ, ſalviæ & betonic. in qua octo aut decem diebus inſiſtendum; deinde Purgans exhibeatur ex elect. lenit. diacath. vel diaphœnic. parat. n. Vel ex infuſ. agarici, rhab. ſenæ & cinnamomi, addito ſyr. vel mell. roſ. ſolutivo, quibus ſuperbenda præberi poterit aqua hordei ad ℔ij. vel muſſa diluta, aqua hordei parata.

Hæc abſoluta primarum viarum ac venoſi generis expurgatione, expurgandum erit quoque caput, quod præſtari poterit pilulis capit. cochiis præparatis: additis quoque aureis & maſticinis, tribus ſaltem vicibus quarto quoque die aſſumendis; intermediis verò diebus præparans erit exhibendum ex decoct. cichor. betonic. ſalviæ, ſtœchad. & majoranæ; addito oxymel. compoſ. ſyr. de betonic. & de ſtœchade. Interim ejuſdem capitis expurgatio Maſticatoriis quoque erit procuranda, ex pulvere pyrethri, Gingib. nuce myſtica, maſtiche & cera parandis, maximus enim exat conſenſus & communicatio oris cum auribus. Ita purgato capite, humida ejuſdem intemperies eſt corrigenda & exiccanda, quod egregie præſtabit Decoctum ſudorificum ita parandum.

℥. Saria parill. elect. lign. viſc. quercin. veri ana ℥j. lign. ſor. marin. ſantal. alb. infuſ. per horas 24. deinde bull. ad conſumpt. dimidii, facta verò colat. ſervetur ad uſum pro duabus vicibus, matutino tempore hora una ante in-

greſſum hypocausti aſſumenda, addendo gutt. ij. aut iij. quintæ eſſentiæ ſor. marini; in cujus uſu perſeſeret ſupra triginta, imò uſque ad quadraginta dies; deinde reſiduis adde aquam quæ bull. ad conſumpt. tertiæ, addito colaturæ ſaccharo, ut fiat potio conſueta. Decimo quoque die præbenda eſt potio ex manna clarific. & victus ratio debet eſſe attenuans, licet non adeo tenuis; etenim præter panem biſcoctum, paſſulas & nucleos pineos, concedatur tertio aut quarto quoque die caro aſſa palumbi ex turre, aut pulli junioris, aut vituli, manè tantum in prandio, cum omnimoda tamen à vino abſtinentia.

Dum jam dicta omnia ſunt, poſt totius abſolutam expurgationem localia auribus admove-ri poſſunt; inter quæ commendant acetum cum nitro & melle Oribafius atque Trallianus; Caſtoreum, crocum & nitrum cum aceto Paulus & Aëtius; Oleum de colocynthide & ſuccum cyclamin. Dioſcorides; nos verò tale experti ſumus efficaciffimum remedium.

℥. Ol. amygd. amar. ℥ij. ſucci raphani ℥j. fell. capr. ℥ſ. pulp. colocynthid. ℥j. m. macerentur in vaſculo terreo vitreato cooperto per noctem, deinde bull. ad conſumpt. ſucci & f. fortis expreſſio panno lineo raro, quo madefacta turunda bombycina, in auribus noctu de more detineatur.

Sed quoniam hæc nonniſi ineunte vere peragenda erunt, ideo interim aliquo leviori Topico uti poterit, ita parando.

℥. Cœpam vulgarem excavatam & oleo amygd. amarar. repletam, in vaſculo terreo reponitam; & oleo addatur pulvis cymini, bulliat autem quouſque Decocta ſit ipſa cœpa, deinde f. fortis omnium expreſſio, & turunda hac expreſſione imbuta in auribus noctu detineatur.

Jam dictis omnibus cautio in victus ratione erit addenda, ita ut Nobiliſſ. Patiens caveat à diuturna mora propè ignem, ſub radiis ſolaribus, neque caput ventis & aëris inclementiæ exponat; abſtineat à vaporofis omnibus, præfertim humidis, & ſuper omnia à lacticiis omnibus; à lactuca, ab apio, ſcœniculo; vinis generofis, ab eduliis craſſis atque difficilis concoctionis; ab exercitiis tum animi, tum corporis, ventriculo pleno exiſtente, & alacri animo vivat. Joann. Raymund. Fortis Conſult. Tom. 2. Cent. j.

Vir triginta duos annos natus poſtquam diu crapula ſe fatigaſſet, incidit in tinnitum aurium, quem poſtea, jam à ſex menſibus infe-cutus eſt ſiniſtræ auris, primò gravis auditus, & deinde ſurditas. Huc jam acceſſit tinnitus & gravitas auditus auris dextræ.

Afficitur in hoc ægro utraque auris ſecundum nervos auditorios; quod ex ſurditate, gravitate auditus, & tinnitu aurium eſt manifeſtum. Morbus ſiniſtræ auris eſt obſtructio vel compreſſio nervi auditorii ab humore pituitoſo facta: quæ auditus privationem ibi inducens, ſurditas dicitur. Dextræ verò auris morbus eſt intemperies humida, craſſa & flatulenta nervi auditorii; quæ imminutum auditum, & tinnitus ſonum, in ea excitans, gravis auditus & tinnitus aurium nuncupatur.

Cauſa

Cauſa procatactica horum morborum eſt crapula, quâ hic vir ſe diu fatigavit. Inde enim crudititas, & deinde pituitoli in toto corpore humores ex cruditate fuerunt geniti, qui in vaſis cerebri contenti cauſam antecedentem; ex vaſis verò in nervos & vicinas aurium partes poſtea effuſi, continentem horum morborum, & ſymptomatum, conſtituunt cauſam. Dum enim humores iſti propter craſſitiem ſuam, & debilitatum cerebri calorem, in ſtatus circa nervum auditorium convertebantur, impingebant illi vehementius in nervi iſtius fibrillas, atque etiam in tympanum, atque hinc motu ſuo excitabant tinnitus ſenſationem: ſi verò poſtea leviter circa aurem ſiniſtram increaſſati, & in nervorum ſiniſtræ auris cavitates impacti, primum nervorum fibrillas leviter ibi comprefſerunt, & obturarunt; atque hinc ortus eſt gravis ſiniſtræ auris auditus: ab iis verò poſtea ibidem magis auctis & increaſſatis, tanta nervi auditorii comprefſio & obſtructio eſt orta, quæ motum omnem, à ſono nervis imprefſum, ad cerebrum deferri impediens, ſurditatem in iſta aure excitavit. Humoribus verò ad nervum auditorium dextræ auris delatis, ibique partim in ſtatus converſis, & in nervi iſtius fibrillas vehementius impingentibus, tinnitus; in nervum verò nonnihil impactis, & fibrillis nervi iis nonnihil comprefſis vel obſtructis, gravis auditus dextræ auris etiam ſupervenit.

Quoniam hic affectus jam ſex duravit menſes, & paulatim incrementum ſumſit, metus eſt, ne ob diutinam illam moram, materia ita nervo auditorio ſiniſtro ſit affixa, ut nunquam inde tolli poſſit, & ſurditas ibi maneat perpetua. Et quia cerebrum hic valde eſt affectum, metuendum, ne auctis humoribus, ſurditas etiam dextram aurem occupet.

Quia tamen hæc prædictio non eſt neceſſaria; ideoque Curationem inchoandam exiſtimo. Eaque conſiſtet in cauſæ procatacticæ, antecedentis, & continentis ablatione, intemperieque per contraria correctione. Primo itaque purgetur æger bis terve his pilulis.

℞. Pilul. cochiar. ſine quibus eſſe nolo an. ʒʒ. ſcammon. g. 12. cum ſyr. roſ. ſol. q. ſ. F. pilulæ Num. v. mane ſumendæ. & ſingulis etiam menſibus admoveantur tribus diebus continuis cucurbitulæ ſine ſcarificatione poſt aures ab auribus revellantur, & ex iis educantur. Utatur etiam mane & vesp̄eri lotionibus pedum, cum camomill. melilot. majoranæ, hyſſopi, & roris marini decocto inſtitutis. Nocturno verò tempore talem cucupham capiti imponat.

℞. Rad. irid. flor. ʒʒ. calam. aromat. cyp̄eri, acori an. ʒj. folior. ſiccor. majoranæ, meliſſæ, ſalviæ, roris marini an. m. ʒ. flor. ſthæcad. arab. ſpic. nard. an. p. j. cinnamomi, macis, caryophyll. benzoini an. ʒʒ. Omnia in pulverem redacta excipiantur cottone moſchato, & cum panno ſerico interpuncto F. e. a. Cucupha, noctu geſtanda. Interdiu ſub pileo in capite gerat cucupham ex corio Hiſpanico; quales jam infrequenti uſu eſſe inter juvenes & ſenes obſervamus. Mane jejunos, & vesp̄eri ſub horam quartam, hoc uta ur maſticatorio.

℞. Rad. pyrethri, angelicæ, zedoariæ ana. ʒj. ſem. ſtaphid. agriæ, ſinapi nuciſ moſchatæ, fol. ſenn. an. ʒʒ. pulveriſentur & addatur parum

maſtiches, ac cum ceræ q. ſ. formentur Globuli maſticatorii: de quibus maſticetur unus prono capite, frequenter exſpuendo. Noctu dormitum iturus auribus hanc aquam indat.

℞. Aq. ſœnicul. ſem. carui poſt olei extractionem remanentis ana ʒj. ſpir. juniper. ʒʒ. Miſce, & de hoc liquore inſtillet aliquantulum in aures, addendo ſemper guttam ſellis carpiſionum; & poſtea ſinat eſſuere, ac deinde indat auribus cottonem, in quo moſchus fuit ſervatus, vel in quo moſchi pulvis eſt diſperſus. Manè ſuffitum etiam auribus excipiat per infundibulum, ex hoc calido decocto.

℞. Fol. lauri, rutæ, origani, hyſſopi, majoranæ ana m. j. abſinth. mentaſtri an. m. ʒ. flor. ſthæcad. celticæ m. j. Baccar. lauri, juniperi ana ʒʒ. ſem. anis. ſœnicul. carui, cymini an. ʒj. Decoquantur in vin. alb. q. ſ. ad tert. part. conſumptionem, & halitus calidus aure per infundibulum excipiat.

In aëre verſetur calido & ſicco. Viſtus ſit tenuis, & paucus: & famem aliquando ſuſtineat. Vitet repletionem, & omnes cibos craſſos & tenaces, qualis caſeus & legumina. Cibi condiantur ſemine aniſi, ſœniculi, cymini, petroſelini. Potus ſit vinum & cereviſia mediocris. Exercitium ſit moderatum. *Henr. Reg. apud Theodor. Craanen in Obſerv. Medic.*

Hypochondriacus queritur de tinnitu aurium, putat ſe audire ſonitum campanæ, vel ſtrepitum aquæ, quandoque ceſſat, ſed ſubito recurrit.

Hypochondriacus queritur de tinnitu aurium, & putat ſe audire ſonitum campanæ ab humorum inordinata fermentatione hypochondriaci etenim ſanguine gaudent fermenteſcibili. Cauſa eſt viſciditas flatibus generandis apta, & variis obſtructionibus conſciendis idonea. Hinc conveniunt ſtomachica acidum abſorbentia, qualia ſunt omnia anti hypochondriaca Sal volatile C. C. bis vel ter ſumi poteſt in ſeptimana in prandio. Sic ſudorifera hic erunt inſignis effectus: Enemata etiam poſſunt applicari cum emolumento. Externè ſal toſtus auribus applicetur. Scarificatio aurium ſingulis menſibus inſtituatur, ut & v. ſectio in pollice pedis, vel manus, c. veſicatorium item nuchæ applicetur. *Joan. Jac. Walſchmidt in Prax. Med. ration.*

Obauditio.

Nobilis puer annorum 12. hæreditario catarrho obnoxius, incompoſitaque victus ratione uſus, annis elapſis ſurdus evaſit. Verum medicis remediis adhibitis imminutus eſt affectus, ita ut nunc ſurdus ter dici poſſit, magiſque læditur quoad aurem ſiniſtram, idque ex confluxu catarri ad aures, tympanum humectantis, atque ita repercutionem aëris impediens.

De ſanitate perfectæ ſpes luculenta eſt: quod conjectare licet ex juvamento à medicamentis etiam non admodum validis ſuſcepto, reliquis ſenſibus ſatis bene ſe habentibus. Adde quod epileptici juvamentum ex mutatione aëris, & ætatis ſuſcipiunt, multo magis hic affectus, qui levior longè eſt.

Primo itaque purgandum eſt totum corpus, tunc caput; fluxio divertenda, materia fluxa roſol-

resolvenda, & tandem cerebrum exſiccandum, & roborandum. Venæ-ſectio in hac tenella atate non permittitur, cum imprimis morbus ſit potius frigidus. Neque opus erit hirudinibus. Fonticulus, purgato toto corpore, inuratur brachio ſinistro: quem ſi reſpuat, recuperatâ ſanitate, occludere poterit. Non eſt opus alio fonticulo. Contumaci tamen exiſtente affectu, inurietiam poſſet coxæ dextræ; & tandem occipitio. Frictiones, & ligaturæ, tanquam revulſorium præſidium locum habent: ſient tempore matutino, & vespertino etiam, potiſſimum poſt ſomnum, cum linteo aſpero ſuffito thure, maſtiche, &c.

In corporis purgatione cogitandum eſt qua arte decipiatur puer. Secus enim reſpueret medicamenta, cum abhorreat à dulcibus. Eſſet ad rem manna cum jure: ſed non admittet. Si aſſueſceret pilulis cum panatella, eſſent ex uſu pil. maſtichinæ, de Aloe, Alephanginæ &c. Si non poſſit, vel abhorreat, pilulis addetur Diacydonium, cum ſenna vel cremor Tartari cum jure gallinæ, vel Galli antiqui. Ex uſu eſſent etiam Beta, Caricæ, pruni, &c. Si magna copia ſumantur, addito ſaccharo non depurato, vel melle; verum ab his fortasſe gulus abhorrebit. Præparatio fiet oxymel. ſ. ſyr. de betonic. &c. Si hæc non admittat, detur decoctum ex betonica, ſeminibus citri, rore marino, calendula, floribus borraginis, & violarum: vel præparantium loco, victus erit, qui corpus ad purgationem diſponat: quales erunt cappares cum aceto, ſœniculum, aſparagi &c. Purgatio erit inſtituenda blandioribus, non dulcibus, neque ingrati ſaporis. Ad rem erunt mechoacan, jalappa, ſal, & cremor Tartari, pulvis myrobalanorum, nitrum, turbith &c. Ex aliquo horum parandi erunt morſelli, cum jure, exempli cauſa: ſi ſumatur ſcrup. j. mechoacan, vel jalappæ, cum portione agarici trochiſcati, & ſaccharo in aliqua aqua ſoluto ex qua paretur morſellus, à quo juſculum aliquod ſumat, vel ſic medicamentum in ſimplici juſculo exhibeatur, vel cum conſerva cydoniorum, roſ. aut viol. &c. Secundò purgetur corpus, iterum præparatione præmiſſa, jure alterato flor. roſmar. flor. lavendul. & cardui benedicti. Præterea purgantibus erit utendum pro diverſione: Diarrhæa enim tollit ſurditatem. Capitis evacuatio potius per os, quam per nares erit tentanda, propter meatum illum ab auribus ad palatum pertinentem. Hæc erunt modo leviora, modo generoſiora. Validiora hyeme ex maſticene nempe attrita dentibus, cortices aurantiorum, limonum, fructum ſœniculi, vel ſemina ejuſdem linteo incluſa madefacto aceto: vel parandum erit ex nuce moſchata, origano & aliis maſticatorium. Præterea attingi poterunt radices faucium goſſipio madefacto aqua bis deſtillata ex carduo benedicto, & origano, ita ut repetatur deſtillatio, affuſis ſacibus. Interim etiam per nares aliqua evacuatio tentanda eſt: abſtinendo tamen à pulveribus, & validioribus omnibus, quæ ſternutamentum excitare poſſunt, ſufficiet attractio ſucci betæ, parietariæ &c. Quod ſi ex ſuccorum attractione contingeret ſternutamentum, indantur potiùs cortices aurantiorum vel citriorum & limonum, & intus extraq; oleo amygd. dulciù inun-

gantur nares. His peractis de majori capitis exſiccatione erit cogitandum: quod præſtabunt aquæ Thermæles interiùs ſumptæ. A quibus tamen abſtinere conſultius cenſeo, cum quia non poterit ſufficientem earum copiam perducere, tum quia validius ſunt remedium, quam hæc ætas terre poſſit. His præferrem decoctum columbæ turricolæ paratum ex ſaſſa, china, & ſaſſafras. Sed præ cæteris probatur viſcus quercinus, & buxus, addendo etiam alia cephalica, flores ſcil. roris marini, calendulam, ſalviam, betonicam, quibus addantur ſonchus, & cichorium. Detur hoc decoctum horis matutinis, à quo in lecto bene tegatur ad ſudorem uſque. Pro inſenſibili capitis evacuatione, exterius erit perfundendum caput lixivio alterato betonicâ, rore marino, & lavendula, vel aquis Thermalibus, ex quibus etiam fiet ſtillicidium ſupra futuram coronalem, & in occipitio, necnon totum corpus in ipsis immergetur. Aquæ ſint non adeo calidæ, quales Aponenſes, neque emollientes quales ſunt B. Helenæ: præferantur potiùs Lattrenſes, & D. Petri. Tandem ſuffumigium per tubulum in aures, & potiſſimum in ſinistram erit admittendum, paratum ex aquis Aponenſibus, vel decocto ex vino albo, cum aceto, & radicibus cucumeris ſylveſtris, bryoniæ, & cyclaminis, addita betonicâ, ſuffitus etiam per os duci poterit ex thure, & maſtiche, addito pulv. roſ. & ſantalorum. Capillis inſpergantur pulveres exſiccantes ex floribus lavendulæ, & calendula, additis roſis ſiccis, & portione agarici trochiſcati. Vel pileolus paretur interſutus, ſuppoſito goſſipio, ex pulveribus Xiloaloes, betonicæ, & roriſmarini, cum portione agarici trochiſcati. Item duci poterit ſupra caput cochlear cum carbonibus: qua ratione à pannis cera elici ſolet ſuppoſita charta. In aures inſtillantur Aquæ Cardui benedicti, & origani, Oleum amygd. amarar. cum ſp. roriſmarini. Allium coctum ſub cineribus ex uſu eſt. Ut & pinguedo illius *Avis*, quæ Straboſo dicitur, vel pinguedo anguillæ, quæ ita ſolet parari. Sumitur Anguilla, & aromatibus conditur, poſtea aſſatur, & pinguedo manans ad uſum colligitur. Tandem caput erit intrinſecus corroborandum, conſerva Anthos, betonicæ, & florum lavendulæ, æſtivo tempore, additâ paucâ conſervâ roſacea. Vel ſiant morſelli ex ſpeciebus Diambæ, Diamoſchi, Diamargarit. frig. cum corall. & ſaccharo in aqua borraginis, & betonicæ ſoluto.

In victu abſtineat à piſcibus, fructibus dulcioribus, acetariis, & lactuca potiſſimum. Abſtineat ab uſu vini copioſi & generoſi. Si poſſet omnino ab eo abſtinere, conſultius eſſet, cujus loco uti poſſet muſſâ aliqua medicata. Ventos fugiat, & potiſſimum Auſtrinos, præſertim capite aperto. Exercitia valida vitet, imprimis partium ſuperiorum. Quotidie alvus reſpondeat, vel ſpontè vel cum aliquo Diacydonio præparato. Aërem mutet in ſiccioſorem. Hæc dicta volui in ſalutem Illuſtriſſimi Patientis *Benedicti Silvæ*, Conſil. & Reſponſ. Medic. Centur. ij.

Puer duodecim annorum laboravit ante triennium morbo Hungarico, hunc excepit auditus difficultas in hunc uſque diem durans, ut ea etiam quæ proferantur à præceptoribus vix audiat.

Solent Febres malignæ judicari per ſurditatem, dum pori à fermento peregrino maligno obſtruantur. Et hic quidem non eſt abſque periculo, quoniam non tantum diu duravit, ſed & obſtructio fortis eſt, & totalis ferè. Conveniunt verò 1. Purgantia v. g.

℥. Extract. diacartham. ℥ij. ſolve cum aq. ſerpill. adde rhabarb. pulv. gr. vij. ſyr. diaſer. Andern. ʒß. Miſc. pro doſi. Dehinc ſudorifera non negligentur, inter quæ conducunt Decoctum lignorum, &c. Pro corroboratione detur Spir. cephalicus, Tinctur. ſuccin. Sp. formicar. Aq. Anhaltina internè, ad gutt. 12. vel 15: Externa non ſint nimis acia, neque craſſa, nec frigida aut calida, ſed temperata. Commendantur verò Aq. Reg. Hungar. Aq. card. bened. de recenti herba ter vel plus deſtillata, cum goſſipio auribus indita, vel item Spir. Tartari ſaſſafratus. Vel & panis recens ex fornace extractus & cum aqua Anhaltina aſperſus & applicatus. Moſchata quoque non ſunt infimæ ſortis auribus immiſſa. Vel Aq. acoviſtica Mynſ. aut formicar. ob ſal eorum volatile quod magnanimitatem efficit. Crato commendat axungiam ſerpentis, cum aq. card. bened. deſtill. & immiſſam. Pediluvia item non negligentur, & Potus Coffe diligenti ſit in uſu. Si omnis cura fruſtra adhibetur; videndum an mediante cornu audire patiens queat, quia per id propter flexuoſum aëris motum ſurdaſtri ſæpe optimè audiunt. *Joan. Waldſchmidt in Prax. Med. r aſion.*

Mulier 36. annorum, temperamento pituitoso prædita, præteritâ hyeme catarrhis ſubinde laboravit, à quibus tamen circa principium menſis Februarii prorsus immunis evaſit, ſed tunc per paucos dies de leviori gravativo capitis dolore conqueſta fuit, qui brevi evanuit, ſubſequentem magno aurium tinnitu, cum tanta auditus gravitate, ut vix altos clamores audire poſſet, quæ auditus gravitas cum tinnitu jam per tres menſes continuos remanſit. Reliquo alioqui corpore bene valet, & menſtrua ſtatis periodis fluunt.

1 Afficitur in hac ægra inſtrumentum auditus ſecundum partem internam.

2 Affectus duplex eſt: Auditus gravitas, & Aurium tinnitus. Illa eſt auditus imminutus ac difficilis, quo non niſi magni ſoni ab objectis externis moti audiuntur, leves verò non percipiuntur. Hic eſt ſonitus moleſtus inter ipſas aures, à nullo externo objecto excitatus.

3 Gravis auditus cauſa eſt humor pituitosus verſus utriuſque auris interiora decumbens, & partim nervum acouſticum compreſſione anguſtando ſufficientem ſpirituum animalium influxum ad auris interiora prohibens: partim tympani liberum motum impediens. Hinc enim fit ut leves ſoni tympanum impeditum & incluſum aërem congenitum vix moveant, iſque ex illis motus ob ſpirituum paucitatem non percipiatur, nec ſenſorio communi communicetur: fortes verò ſoni tympanum & incluſum aërem fortiùs quidem commoveant, ſed motus tamen, ob ſpirituum paucitatem & nervi acouſtici anguſtiam, tantum leviter ſenſorio communi communicatus percipiatur.

4 Tinnitus ſeu ſibilus aurium fit à ſpiritibus vitalibus arteriolas aurium interiores tranſeun-

tibus, atque motu ſuo proximè vicinum, auri interiori incluſum, aërem congenitum ſimul etiam moventibus; cujus motus cum ob locum continentem à pituita, quæ verſus aurium interiora decubuit, anguſtatum, liberè fieri nequeat, hinc dictus aër commotus continuo in tympanum impingit, ab eoque reperiſſus, in forma levis ſibili ſeu tinnitus ſenſorio communi offertur.

5 Per tres circiter menſes perdurarunt hi affectus, partim quia à pituitoso totius corporis temperamento fovetur cauſa proxima: partim quia pituita illa in parte affecta hærens ob craſſitiem & frigiditatem ægrè diſſipatur.

6 Licet hi affectus per ſe non magnum vitæ periculum minentur, attamen metuendum ne ingraveſcentes, tandem in abſolutam & incurabilem ſurditatem deſinant. Nam pituitosus humor, qui ad auditus organum decubuit, paulatim augeri poterit, & diſſipatis tenuioribus partibus adeo increſcere, ut poſtea nullis remediis attenuari & rursus diſcuti queat. Sitamen curatio quamprimùm inſtituatur, ſpes eſt illum diſſipatum iri poſſe, quia paucus eſt, ut ex eo liquet, quod nullus adit dolor tenſivus nec auditus omnino perierit.

7 Corpus igitur ſingulis ſeptimanis ſemel aut bis purgetur cum pilulis cochiis vel aureis, pulvere diatubith, electuario hiera, aut diaphanico, vel infuſione ex agarico, jalappa, aliisque phlegmogogis.

8 Ad totius corporis pituitam imminuendam, convenient decocta ſaſſaparilla, ſaſſafras, & guajaci, quibus cephalica calida ſub finem decoctionis adjicienda. Humores verò in cerebri ventriculis contenti evacuabuntur maſticatoriis, errhiis & ſternutatoriis. Deinde ad capitis corroboratone præſcribenda erunt apozemata & condita cephalica modicè calefacientia.

9 Ad diſſipandas reliquias in capite & parte affecta reſiduas, conveniet fomentum ex cephalicis calidis ac diſcutientibus (betonica, roſmarino, majorana, ſalvia, calamenta, thymo, chamæmelo, &c.) conſectum, & cum magna ſpongia, vel panno laneo ſæpius calidè capiti admotum: Poſt cujus ulum capilli mappis calidis ſunt exſiccandi, & caput contegendum cucuphâ ex cephalicis calefacientibus conſutâ.

10 Poſtea ad incidendos, attenuandos ac diſſipandos pituitosos humores in auditus organo contentos præparabitur huiusmodi decoctum.

℥. Rad. raphan. ſylveſtr. ʒij. herb. thymi, betonica, hyſſopi, majorana, roſis marini, ſerpilli, ſol. lauri, flor. chamomill. meliloti, ana m. j. ſem. cumini, carui, levistici, ſcenicul. an. ʒß. aquæ q. ſ. fiat ſ. a. decoctio. Inter coquendum, per infundibuli ollæ impoſiti tubulum vapor calidus modò in unam, modò in alteram aurem admittatur, ac poſtea cum ſpongiis decocto immerſis aures fomententur. Poſt fomentationem verò cum petiis ex bombace immitantur in aures duæ guttulæ olei aniſi, ſceniculi aut carui.

11 Plurimum etiam proderit hoc cataplaſma, inter duo linteamina utrique auri nocturnis temporibus calidè impoſitum.

℥. Herb. majorana, ſalviæ, flor. Chamomill. meliloti, an. m. j. ſem. naſturtii, cumini, ſcenicul. ana ʒ iß. pulveriſentur, adde bulbos capæ.

caparum sub cineribus aſſatos num. ij. rapam aſſatam mediocrem num. j. farine ſem. fœnugr. ʒj. aquæ q. ſ. coquantur pauliſper, & addendo olei anethini, amygdalarum amararum, an. ʒj. ſ. ſ. art. cataplaſma.

12 De die poterit loco cataplaſmatis utrique auri calidè admoveri talis ſacculus ſiccus.

ʒ. Herb. majoran m. j. roriſmaria. flor. chamomill. an. m. ʒ. ſem. cumini, fœniculi, carui, levistici, an. ʒij. ex his conciſis & groſſo modo contuſis, ſiant. ſ. art. in ſerico duo ſacculi interſuti.

13 Si horum remediorum uſus aliquandiu continuatus manuſtatum levamen non inducat, multum proderit fonticulos in cervice & brachiis excitare, ut pituitosa materia verſus aures decumbere ſolita, per alias vias deduci & evacuari poſſit.

14 In victu ſit aër modicè calidus, & vitetur turbulentus ac ventofus, imprimis aquiloneus. Cibi ſint boni ſucci & facilis digeſtionis, conditi cum majorana, foliis lauri, ſerpillo, roſmarino, betonica, ſeminibus carminativis, nuce moſchata, & ſimilibus. Potus ſit vinum tenue, & cereviſia mediocris notæ ac bene deſecata. Caveat ſibi ægra ab omnibus iis quæ caput replent, ut raphano, ſinapi, allio, capis, vino generoſo, nimia quantitate ſumpto, ſpiritu vini, &c. Etiam à repletionem, tam in cibo quàm in potu. Somnus non ſit nimius, & corpus mediocriter exerceatur. Alvus ſi ſpontè quotidie non reſpondeat, arte laxa ſervetur. Fugiantur vehementiora animi pathemata. *Iſbrand. de Diemerbroeck de morb. capit. Medicat. 20.*

Surditas.

Admodum Reverendus Pater annum agens vigefimum quintum, temperamenti ſecundum totum ad calidum & ſiccum vergentis, mediocris habitus, calidioris verò jecoris, ſicut caput habens præcalidum & humidum, ideoque excrementis abundans, quæ olim per nares copioſa exercebantur, moxque ſuppreſſa, aſſiduis ſtudiis deditus, quintus jam agitur annus quo ſiniſtræ auri dolore correptus fuit, cui poſt aliquot dies ſucceſſit excretio copioſæ materiæ magna ex parte purulentæ & fœtidæ: qua excretionem remiſſus fuit dolor, perſeſſerante tamen materia non quidem adeò purulentæ ſeu catharrhali naturæ, modò albæ, modò flavæ: cuius expurgatio per aurem modò major, modò minor ſemper hucſque perſeſſeravit atque perſeſſeravit, non ſolum cum diminutione, verum tandem cum totali auditus abolitione, quæ ab eodem Reverendo Patre obſervata non fuit, niſi anno elapſo; dum dextera quoque auri eadem ſymptomata pati cœpit, & auditus quoque in illa diminui. Illud interim obſervatum fuit, quod præterito Autumno poſt abundantem in aure ſiniſtra materiæ excretionem confertim ſecutam, auditum ferè ex toto recuperaverat, quem tamen poſt tres aut quatuor dies rurfus amiſit. Modo ſicut omnino ſurdus in ſiniſtra, ita ſurdaſter in aure dextera remanſit, & de agendis pro ſalute conſulit.

Surditas itaque abſoluta in aure ſiniſtra, & imminuta in aure dextera quæ Obauditio, ſive Barycoja à Gal. dicta fuit, cum perpetua materiæ fluxione, ſunt affectus quibus divexatur Reverendus Pater, ſymptomata audientis actionis abolitè & imminutè læſæ, necnon in

excretis immodicè fluentibus, quantitate peccantibus: quæ ſymptomata à ſymptomate alio originem habuere, nempe à dolore: ſicut omnia poſtea à morbo in aucta magnitudine, à tumore nimium in aure ſiniſtra, eoque inflammatorio, non per congeſtionem, ſed per humorum affluxum excitato; qui tumor non quidem in interiori concavitate oſſis petroſi, ubi manet aër quietus implantatus, adeſtque nervus auditorius, qui in interiori parte, ſimul cum dura membrana meatum inveſtit, & auditum perficit: etenim in illo caſu acutiſſimo dolori continua quoque, ac vehementiſſima febris accedit, difficilis atque periculosa; non raro & delirium, & mortem inferens, idque quoniam, ut ait Gal. in Com. ibi reperitur nervus auditorius cerebro proximus: unde repetebat Hippocr. *Juvenes ſeptima occidit, & citius ſi cum delirio, ſeniores autem tardius.* Igitur infra meatum auditorium tumor fuit olim excitatus, & ſpatio aliquot dierum ſuppuratus atque abruptus; cujus occasione attracta & retenta fuere alia capitis excrementa, quibus imbuta dura membrana tympani, ſicque madida reddita, non amplius ſonora, ſonos externos unà cum aère implantato recipere, nec cerebro communicare valet, unde ſurditas: quam non parum fovere credimus ulcus ab abſceſſu diſrupto relictum, ſicut utrumque affectum à perpetua deſtillatione à cerebro intemperato manente, & foveri & conſervari credimus: caput enim jam valde excrementoſum quod per nares olim exonerari ſolebat, ſuppreſſa per nares evacuatione, ad ſiniſtram primò, mox etiam ad dexteram aurem excrementa transmittere cœpit, & adhuc mittit; à quibus partim & auri dextera interna tunica madefacta, partim meatu ipſo auditorio ſemiobſtructo, tandem poſtremo hoc anno auditus ipſe non parum imminutus eſt. Et quamvis caput eſſentialiter à propria humida & calida naturali intemperie affectum ſemper fuerit, imbecillius tamen ab applicationibus in ſtudiis ſemper eſt redditum; & ad ſuſcipiendos à jecore per venoſum genus tum vapores calidos, tum ichores bilioſos, qui propria ipſius capitis excrementa & adaugere, & calidiora atque flaviora reddere, ſimulque liquare ac fundere, ſicque ad fluxionem aptiora facere valent.

Surditas eſt affectus qui raro Curationem admittit; præſertim ubi conſummata fuerit; obauditio verò in ſurditatem terminare ſolet: & augetur difficultas in caſu noſtro ab ulcere in ſiniſtra relicto. Attamen cum Patiens ſit juvenis, neque hucſque majora & propria expertus fuerit remedia, eradicatoria atque generoſa; Purgatione proximo Vere perficienda, ſalus deſperanda non eſt; quæ Purgatio infra erit deſcribenda; & interim aliqua quoque agenda ad affectus incrementum inhibendum, aut ſaltem remorandum.

Quatuor igitur uſque ad feſta Paſchalia ante exactam Purgationem tunc temporis ineundam, ſunt in uſum ducenda. Primum erit Leniens aliquod familiare bis in menſe aſſumendum ad evaporationes à capite divertendas, quod eſſe poterit.

ʒ. Elect. lenit. ʒvj. aloës roſat. ʒj. magiſter. Mechoacan. gr. viij. m. f. boli duabus horis antecibum ſumendi.

Secundum erit alterans quotidie prima menſa

hauriendum, ut jecoris calor contemperetur, & erit jus carnis endivia alteratum.

Tertium erit Errhinum ſive Naſarium matutinis horis per nares more tabaci attrahendum, ad hoc ut materia ad nares tanquam ad proprium emunctorium revocetur, ſicque ab auribus divertatur, cujuſmodi eſſe poterit.

℞. Pulv. majoran. rad. ireos Florent. an. ʒij. m. pro Errhino.

Quartum erit Topicum in aures introducendum, quod primò incidentem & detergentem, deinde exiccantem facultatem obtineat, ut humor in auribus exiſtens attenuetur, detergatur, & tandem ulcus exiccetur. Introducatur igitur turunda oxymelite ſquillit. intincta, præſertim noctis tempore: non enim ſunt infundenda medicamenta, ne violenter tangatur meatus auditorius, ut admonebat Gal. led turunda aut ſpecillo lana obvoluto ſunt introducenda. Aliquot verò tranſactis diebus, paretur tale medicamentum modo jam dicto in uſum ducendum.

℞. Ol. amygd. amar. ʒj. fellis capræ ʒß, ſucciraphani ʒß. pulv. cymini ʒj. m. ref. ad ignem, & intincta turunda in aures introducatur. Vel

℞. Cæp m vulg. rem. excavetur & pulvere cymini impletur, deinde coquatur, & forti expreſſione ſuccus extrahitur, turunda modo jam dicto in uſum ducendus. Neque verendus eſt uſus validorum medicamentorum: etenim vehementiſſima medicamenta tolerant aures, ut docet Galenus.

Tandem pro ulceris exiccatione nullum præſtantius excogitavit remedium ipſe Gal. quam ferri ſcoriam tritam, & ſub radiis ſolaribus acerrimo aceto lævigatam. Tinctura quoque corallorum cum ſale eorundem, efficax erit.

Sed fontem mali tollere oportet, in quem finem Vere proximo primæ viæ erunt expianda. Secundò lotum venoſum genus expurgandum. Tertiò purgandum corpus. Quarto ejuſdem intemperies, humida præſertim, corrigenda, atque tandem Topica auribus admovenda.

Et ſi primò Chirurgica remedia conſideremus, neceſſaria erit ſanguinis miſſio ex Mediana dextera, imò repetenda erit vel ex ſiniſtra, vel ex hæmorrhoidibus. Si Cauteria geſtet in brachio & coxa, pro nunc cultodienda. Ex Pharmacia reliqua ſunt remedia depromenda, & primò Leniens erit.

℞. Pot. ex man. clarif. ʒvj. aq. flor. citr. parum, m. pro potu. Præparans ſit huiusmodi.

℞. Oxym. ſimpl. ʒij. mell. roſ. ſimpl. aq. flor. citri ana ʒj. m. & ſic pro aliis quinque. Deinde repetatur præſcripta potio. Ut ſecunda ineatur præparatio.

℞. Succ. depur. & per arenam trajecti cichor. borag. beton. an. ʒj. ſal. tartar. fixi gr. x. decoct. cichor. ſonchi, beton. agrim. pentaphyl. meliſſ. ʒv. m. pro ſyr. & ſic pro aliis ſeptem. Inde purgentur humores in toto infuſione rhab. agar. ſol. ſenæ, & cinnamom. integri, addito ſyr. & mell. roſ. ſolutivo; vel electuario lenit. de ſucco roſ. & diaphænic. quibus ſuperbibat aquam Nocer. ad lib. ij. vel iij.

Purgato toto, debet quoque expurgari caput pilulis cochiis, aureis, & aggregat. ana ʒß. quibus pariter ſuperbibat aquam Nocer. aut hordeaceam; quæ pilulæ quoniam bis aut ter

quarto quoque die ſunt repetendæ, ideo intermediis diebus præbeantur ſucci jam præſcripti, in decoct. cichor. beton. ſalvia, majoran. & ſtæchados. Et eodem tempore matutinis horis caput erit quoque purgandum errhinis aut malicatoriis, Errhinum ita præparandum.

℞. Pulv. maioranæ, ireos Florent. ana ʒij. nigell. ʒj. m. Maſicatorium ita.

℞. Pulv. gingib. pyrethri ana ʒj. maſtiche ʒß. ſacchar. ʒij. ceræ q. ſ. & f. globuli.

Purgato toto & capite, ejuſdem humida intemperies corrigenda ſudorifico Decocto in hunc modum parando.

℞. Ligni vilci querc. veri, medull. guajaci, ſallaparili. elect. lig. roſmar. an. ʒj. aq. comm. lib. 4. m. f. infuſ. per horas 24. deinde bull. ad conſumpt. dimid. & colatur. ſer. etur pro tribus vicibus, hora una ante ingreſſum hypocausti ſumenda. In cujus ſudorifici Decocti uſu quadraginta diebus inſiſtendum, & decimo quoque die potio ex manna clarif. præbenda. Pro potu vero conſueto aqua hunc in modum paratur.

℞. Reſiduum, aq. com. lib. 15. m. bull. ad conſumpt. tertiæ, in nne verò ebullit. add. cinnam. integr. ʒij. bull. parum, & colaturæ adhuc ferventi adde ſacchari albi ad guſtum Pat. pro potu conſueto. Victus autem ratio ſit mediocris inter tenuem & craſſam, attenuans tamen & exiccans. Abſoluto ſudore conſervæ capitales erunt in uſum ducendæ, è flor. roſar. roſ. mar. beton. ſalviæ, additis guttis quintæ eſſentiæ roſiſmarini; imò Confectio in rotulis ex quinta eſſentia roſ. mar. ſacchar. diſolvendo in aq. cinnamom. parari poterit, noctu in ore detinenda. Tandem Topicum in aures introducendum mediante turunda bombycina in parte ſuperiori eodem intincta, ita paratum.

℞. Pomum colocynthid. in ſummitate inciſum, excavatum, & impletum oleo amygdalar. amar. aquæ vitæ, caryophyllor. ana ʒj. fellis caprin. ʒß. m. bull. lento igne in vaſe terreo ad conſumpt. aquæ, deinde f. omnium fortis expreſſio, cui add. moſchi gr. v. & ſervetur ad uſum.

His autem omnibus congruam vivendi rationem propoſitis intentionibus proportionate respondentem, Excellentiff. Viro Aditanti addendam relinquimus. Joann. Raymund. Fortis Conſult. cent. j. Tom. ij.

Observationes.

Tinnitus Aurium.

Quidam naturæ melancholicæ, 50. annorum, per aliquot ſeptimanas, perquam moleſto auris tinnimento exagitatus, paucorum dierum ſpatio liberatus aliquot guttis ſpir. cephalic. Anhalt. cum bombace inſertis: deprehendi illius effectum multo præſtantiorem in cerebro roborando, & flatulenta ac vaporosa materia reſolvenda, quam oleorum ſtillatitiorum, quæ nimio calore magis officiunt. Thonerus lib. 2. Obſerv. ult.

Tinnitu aurium alios ſine dolore, alios cum dolore laborantes, etiam inter hos ſenem ſexagenarium à tribus hebdomadis ſurdaſtrum levavi præmiſſo potu decocti trifolii fibrini, oleo trifolii

folii deſtillato, goſſipio ad aliquot guttas excepto, & auri indito quanquam fatear me in hoc affectu oleum C.C. efficacius deprehendiſſe. Faber quidam lignarius 30. annorum ad Michaelis feſtum 1674. dolore leviſſimo auri dextræ corripiebatur, qui tamen mox evanuit, effluente nihilominus magnâ puris fœtidi & ſaniei vj. Nullus unquam capitis dolor præceſſerat, nullus parotidum tumor. Auditus interim planè hac in aure ſublatus. Nulla hætenus res ei comoda fuit præter frequentem ſumum tubulo tabaci in morem hauſtum trifolii fibrini, huiusque ut & Cornu Cervi deſtillatum oleum goſſipio aure exceptum, poſt diligentem mundificationem per linteum aqua trifolii fibrini calida imbutum, potumque ordinariū cereviſiæ cui trifolium fibrinum infuſum eſſet, ut illi principio Aprilis 1675. præceperam. *D. Joëlis Langelotti.*

Obauditio.

Pro auditûs difficultate juſſi eum aquam ex fellibus auribus indere eaque interiora madefacere, nec diutius retinere, ſed poſtquàm effluxit aures bombyce moſchatâ obturare. Aqua ex fellibus deterſiva ita paratur.

℞. Rad. raphan. porr. cœpar. ann. ʒj. cyclamin. ʒʒ. helleb. alb. ʒj. fol. origan. ſicc. ʒiij. rutæ, majoran. an. ʒij. flor. lavend. ʒj. ſem. fœnicul. cumin. an. ʒj. bacc. laur. numero 15. contuſis adde fellis vacein. ʒj. (fortè ʒj.) vin. alb. q. ſ. ad pultem formand. deſtill. in B. M. & ſervetur aqua. Suffitum etiam excipiat ex decocto bacc. lauri, ſem. carui, rad. caryophyll. iridis, fol. rutæ, ſalv. beton. myrrhidis ſpondylii an. cum vino. *Felix Platerus Obſerv. lib. j. pag. 125.*

Dolore dentium intolerabili pridem cruciabatur Dn. Erasmus Vindingius, Vir magnorum meritorum, qui neque noctu inducias dabat. Cum alia remedia fruſtrarentur ſpem nec levarent dolores, conſilium in arena cepit. Media nocte lecto ſe proripiens, dormientibus famulis, exiliendo ad menſam corpus agitavit concuſſitque propulitque ex loco ſuo dolorem vel doloris cauſam, ſtatimque levato dolore ad quietem compoſitus, ex eo tempore ab iſto ſymptomate immunis fuit. Nuper idem conſilium Joanni Trochilli Procuratori Urbis de auditûs difficultate conquerenti ſuaſit felici quoque ſucceſſu. Scilicet ſubſultu illo corporis ſeu, ut cum *Plauto* loquar, inſultura & deſultura, pellitur loco noxia materia, quæ vel dentes vel aures occupat. Non ignotum antiquis remediis hoc genus. Teſtis eſt *Oribasius* L. B. Collect. Med. c. ʒj. qui ex Antyllo refert, exilire accommodatum eſſe diuturnis morbis capitis, thoraci, materiæ quæ ad partes ſuperiores propenſa fertur: ſaltationem quoque ad nares, qua Lacanæ mulieres utebantur, caput purgare & ſiccare. Differre verò monet exilire à ſaltando: nam exilire eſſe curſui ſimile, quum eodem in loco corpus manet, poplites inſectendo & circumvehendo, ſ. Itum verò eſſe ſermè crurum continuum. At ſubſultus quo Vindingius noſter Magnus ſuam odontalgiam diſcuſſit, pedibus ſurſum deorſum in eodem loco motis, corpus quoque deorſum ſurſumque concuſſit, & quæ dentes occupaverat, materia deorſum quoque

propulit. Ita & diſcuſſit ex auribus ſive ſtatus ſive obſtruentes humores. Affinis huic eſt curatio; quæ quocunque corporis dolores exterioris & tumores, pugnis vehementioribus parti dolenti impactis domare amicum alium vidi, ut quaſi ſui ſub molliores ſiant magis, quàm ullis emplaſtris. Quæ de ſubſultu dixi, propriis Magni Vindingii noſtris verbis confirmabo, ſicut ipſe conſignavit. Ita verò ille.

Ante annos plus minùs quindecim poſtquam ſtato tempore cubitum ieram, aliquantum obdormiveram, acutiſſimus dentium dolor mihi ſomnum excuſſit, duravitque is aliquot horas, rumpo tandem patientiam: de lecto ſurgo, & me propinquæ menſæ applico & pulvinum in tenebris forte repertum nudis pedibus ſubdo, & manuum, quibus menſam apprehendi, ope ſubſilire incipio toto corpore, pulvino pedibus inſtens: cœpit ſenſim remittere dolor: poſtquam me ita ad octavam horæ partem exercueram, redeo cubitum & mox lenis ſopor occupat artus, nec ullum diſcuſſo ſomno ſenſi dolorem.

Accidit his diebus notiſſimum in hac urbe cauſarum Patronum Joannem Torchilli ſ. agentem cauſam apud conſtitutos à Rege Judices M. Wibe & me ob deſluxum humorum ad aures difficillimè audiviſſe quæ vel ab adverſæ partis Patrono vel à iudicibus dicebantur: cum dimitterentur diſceptantes apud nos quaſtus eſt ſe hoc aurium vitio pluſculos menſes laboraſſe. Rediit in memoriā quo modo ante annos quindecim dolorem dentium repuſiſſem: putaviſſe eodem modo audiendi difficultatem ex humorum in aures deſluxu ortam tolli poſſe. Docui eum rationem à me initam. Paruit conſilio & cum iterum apud nos in eadem cauſa poſt aliquot dies compareret, ea audiendi facultate præditum deprehendimus ut quæcunque vel ab adverſa parte, vel teſtibus, vel iudicibus dicerentur haud difficulter auditu perciperet, ſine ulla vocis intentione. *Gottfriedi Chriſtiani Wincleri.*

Juvenis ſtudioſus à ſeptennio aure dextra difficulter, & aliquando vix audit. Cura ejus ſic fuit inſtituta. Primò purgatus fuit pilulis anethinis, poſt ſcarificationes factæ ſunt circa ſcapulas & cucurbitula admota. Poſtea uſus eſt hoc topico, quod

℞. Spir. formicar. tartar. rectif. ſaſſafrati an. ʒʒ. extr. caſtor. ʒj. ol. ſuccin. ſeu ſpiritus gutt. x. m. Mixturam cum bombace exceptam intrudat in aurem, & illibi per diem & noctem ſervet, applicato ſemper preſſius linteamine intenſè calefacto, pro impoſita medicina in actum tranſpirationis intimioris promovenda. *M. B. à Bernitz Faſc. Medic. Tii. 9.*

Surditas.

Adoleſcens quatuordecim annorum Lendena-riensis me convenit, qui ab utero matris laborabat obſtructione alterius auri, à carne quadam denſa, nonnihil tamen circum circa croſa, quæ aſſiduè ichorem purulentum cum fœtore effundebat, totumque meatum auditorium obſtruebatur, uſque ad membranam tympani. Facta expiatione totius corporis, deveni ad operationem Chirurgicam, parato inſtru-

mento inſtar voſſellæ intus cavo, prout Aqua-
pendens ad polypos extrahendos effinxit, quo
ſtrumento ſapius in aurem immiſſo, ſenſim ac
ſenſim fere totam carnem luxuriantem eduxit; at-
que alio poſtmodum candente, per canulam inſi-
nuato, particulas carnis ſuperfluas inuſſi, adhi-
bitis medicamentis cruſtas remouentibus; tum
exſiccantibus induxi cicatricem, ſanitatique
ægrum reſtitui, auditu incolumi, qui antea
abolitus fuerat. *Petrus de Marchettis Obſ. 28.*

Cum ſatis purgata eſſet mulier quædam ſur-
ditate laborans, vetula quædam illi conſuluit, ut
granum unum vel alterum moſchi opt. in bom-
bace miſceret, & auri perpetuo imponeret.
Hoc remedio præter omnium ſpeni ab omni
ſurditate liberata eſt. Ego multos quidem,
quibus auris ſine longo tempore maderet,
curavi ſola impoſita bombice vel cottone, in
quo moſchus reſervatur, quod & aurem exſiccet,
& ſimul ſurditatem tollit. Mulier quædam oleo
murino (mures enim rec. natos ſine pilis mace-
rabit oleo) utebatur cum miraculo ad aurium
ſurditatem. *Gisbertus Horſtius* aquam ex illis di-
ſtillabat & eam in aures immittebat. Arculanus
medicus ſuo tempore inſignis in nono ad Al-
manſorem ſcribit moſchum cottone involu-
tum, & in aurem poſitum egregiam prærogatiuam
habere in curando ſurditatem; ſed in mulieri-
bus iuueniculis ſuffocationi uteri obnoxiiſ ne-
quaquam conuenit. *Petrus Foreſtus Obſ. 15. &
ſchol. lib. 12. de Aurium Morbis.*

Judæus quidam Empiricus ſurdo medicamenta
quædam ſuppeditauit quæ cum ego ſatis pro-
bem, volui ſtudioſis ea communicare. Ea hæc
ſunt. Conſiciatur lixivium ut fieri ſolet ex cine-
re juniperi, & fluviali aqua; lixiii capiat lb. ix.
cui infundantur per viginti quatuor horas ſer-
pill. flor. chamæ. abſinth. matricar. an. m. ſ.
baccar. l. uri, rad. ireos an. ʒj. rad. aſari ʒiſſ.
contuſa infundantur. Deinde eo lixivio abluat
caput aliquoties.

ʒ. Succum porrorum, ſucci abſinth. ol. amygd.
amar. petrolei an. ʒ. m. Deinde ea miſtura im-
pleantur capæ duæ excavatæ ac earundem cor-
tice reſectæ; atque ita ſub cineribus calidis co-
quantur. Coctis iis ſuccus exprimatur, qui sæ-
pe in aures inſtilletur.

ʒ. Aceti acerrimi lb. j. ſtercor. columb. rec.
q. ſ. mixta hæc indantur in ollam novam, coq.
ad mediet. conſumptionem. Deinde cooper-
tam ollam cruſta panis larga in medio perfora-
ta, & impoſito apte emboto, auri ſubſciat; at-
que inde exhalantem vaporem in atres exci-
piat, veſperi iturus dormitum, continuet ad
duodecim dies, & quaternis quibuſque medica-
mentum reiteretur. Hæc medicamenta poſt ri-
tè purgatum corpus adminiſtrentur. *Reinerus
Solenander. Conſil. 4. Sect. i.*

Plurima gravis auditus ſunt remedia, neque
ſemper obtemperat uni, ſed ex deterſo ritè
tympano, & inſuſo liquore ſtatuſ diſcutiente,
maximum plerumque percipitur emolumen-
tum. Nihil utiliſ urina leporina, ſive ſeorſim
ſeu cum ſpiritu vini auribus calidè inſtillata:
cujus frequentior uſus multis opitulatus fuit &
quidè præcipuè Proxinetæ cuiſdam Amſtelreda-
menſi, qui eo ſurditatis jam devenerat, ut neceſ-
ſe foret, palimpeſto, ſive cartæ deletili inſcri-
bere, ſi quid illi verbis communicatum vel-

les. *Nicolaus Tulpius Obſ. 15. lib. 4.*

Thonerus p. 117. obſ. gloriatur, ſe Eccleſiaſten
ex febre continua per metaltatin m. teriæ, au-
ditus difficultate laborantem ſola aqua Anhal-
tina cum bombace auribus immiſſa, curaviſſe. De
ſuccenu etiam haud dubito, ſi materia non ſit
copioſa & ſi potius vaporoſa, quàm inſigni
tenacitate & craſſitie pollens. Si enim hac
conſiſtentia prædita nervum auditorium occu-
pet & a calore p. u. induretur, haud ita facile
tollitur, ſed medico multum negotii facit, ut
ſequenti obſervatione patebit.

Præſectus quidam aliquot pagorum labora-
bat febre continua maligna cum pleuritide
ſpuria, quibus idoneis remediis ſublatis, febris
lenta cum totali auditus abolitione ſequebatur,
ita ut maximos clamores & penetrantiſſimos
ſonitus, ne minima quidem parte perciperet,
Cuiſin hanc eſſe imperfectam ſive metaltatin
materiæ, nullus dubitavi. Cum autem de cepha-
lalgia & dolore aurium ſimul conquereretur, ab-
ſceſſus futuros exiſtimavi & diſcutientia dolores
mitigantibus additis applicavi. Quibus quidem
dolores evanuiſſe, ſed ſurditas perſeverabat cū
febricula lenta. Corpus purgavi decenter alte-
rantibus ſubſequentibus. Febris ceſſabat, om-
nia munia exequi potuit, ſanus alioqui præter
auditum. Fotus applicavimus, cucurbitulas
dorſo & brachiis affiximus, caput decoctis her-
barum lavavimus; aurium cavitati aquam An-
haltinam & alia diſcutientia indidimus, & ſex-
centa alia tentavimus omnia ſine levamine.
Tandem fumum tabaci ordinavimus & cucurbi-
tulas poſt aures affiximus, quibus tandem per-
fectæ ſanitati reſtitutus eſt. *Gottofredi Chriſtiani
Winleri.*

Clariffimus Dominus D. Gablovitzki, ſer-
piè defuncti Epilcopi, Caroli Ferdinandi, Princ.
Polon. & Suec. Medicus ordinarius, in ſympto-
matica ſurditate, cum dolore Sac. Reg. Mai.
Anno 1648. menſe Januario, auri ſiniſtræ ſuper-
veniente, commendabat colocynthidis pomum,
cum calefacto oleo amygdalarum amararum be-
ne imprægnatum, poſt tortiſſimè expreſſum. De
expreſſio hoc oleo colocynthinato cum bomba-
ce excepto, ponatur in aurem bis vel ter in-
dies. Ex conſilio autem DD. Cnoeffelii obſer-
vavi, auditum S. Reg. Mai. brevi poſt reſtitu-
tum fuiſſe, ſpir. tartar. ſaſſafrato, leviter te-
pefacto, & bombace excepto, atque in aurem
poſito, ſuppoſitis ſtatim linteaminibus probe
calefactis ad extra per dimidiam horam. Anno
1649. rediit dolor, cum ſurditate, ſtrepitu &
fluxu excrementoſo, ubi *Gl. Cnoeffelius* denuo
præſcriptum remedium repetiit, ſed abſque le-
vamine, unde & baſamum hoc adhibuit, quod

ʒ. Spir. tartar. rectificatiſſ. ſaſſafrati, elixir.
propriè. ſine ſpir. tartar. an. ʒ. m. ol. hyperico-
nis, ſuccin. an. ʒ. m. ſimili dicto modo fuit adhi-
bitum, & S. R. Maſteſtas ex reiterato uſu per tres
dies iterum convaluit. *M. B. à Berniz ſaſc.
med. Tir. 19.*

Medicus noſter, ac Chirurgus Cornel. Solin-
gius nuper mecum literas quaſdam communi-
cabat ad ipſum à fratre Hercule Solingio Gorco-
mini Eyl, aliàs *Andel Workamium* inter, & Hoef-
dam ad aggerem ſito, ruſticus quidam 40. an-
norum nomine Giſbertus, natus in civitate
Campenſi habitavit, qui illuc anno 1666.

mutus, & surdus cum campanula quadam (ut solent ejusmodi homines) ad colligendas elemosinas advenerat. Quem, cum laboriosus esset admodum vidua quædam, etiam surdastra, misericordia ducta hospitio excepit, ita ut ab eo usque tempore res perageret rusticas, in quibus diligentem se, solertemque præstitit. Postquam vero ibidem per biennium laboribus insudasset, ac aliquando fossim quandam foderet, contigit, ut inter operandum campanæ audierit sonum quod digitorum suorum alitione sodalibus suis satis indicabat, & ab eo usque tempore auditum conservavit integrum. Duodecim autem post annis die 12. April. 1680. cum consortio cuidam interfuiſſet Dominicâ palmarum, ancilla heræ cui famulabatur, lecto ipsum incumbere rata pro more domum clausit, lectumque petiit. Ille verò multa demum nocte reversus, januam reperit clausam, quapropter vicini sui domum adiit, à quo commodiore tunc temporis lecto destitutus ad fœnile dimissus est rogatusque fuit, uti mature domesticos excitaret secuturo die, qui Lunæ esset, multo mane mercatum adituros Gorcomiensem. *Gisbertus* ergo in prædicto fœnili decumbens vocem quandam, uti postea retulit, audit vel forsam sibi audire visus est, vel somniavit, clamantem: *surge, Gisberte & loquere!* ipse ergo surgens mox vicini domum adiit, cujus ostio frustra ter pulsato, Heræ fores pulsavit; unde ancilla surgens rogabat, quisnam adesset, cui ille: ego sum *Gisbertus*, Deus mihi linguæ restituit uim: quod minus credens ancilla, dissolutionisque vitæ homines adesse suspicata, qui domum ingredi conarentur, januam non aperuit. Coactus ergo fuit *Gisbertus* vicini sui domum repetere, cujus uxor, quæ interea surrexerat, uti se itineri accingeret Gorcomiensi, strepitum quandam ante fores audiit, quapropter accurrens quis esset, rogavit; *Gisbertum* autem se nominantem illa accedens cognoscensque exclamavit: Tunc ades, *Gisberte*, & loqueris? Ille autem non sine amplexu respondit: *Deus mihi loquelam restituit, ipsiſſi honores, & gloria.* Unde mulier stupefacta primo quidem loqui non poterat, sed tamen parumper ad se rediens, quo pacto loquendi recuperasset uim, rogavit, quare ipse quicquid sibi accidisset, narravit. Adventante autem, quo uxor discederet, tempore, *Gisbertus* maritum adiit, eique rem significavit: omnium autem primo mulier ista se ad meas (ita scribit *Hercules Solingius*) contulit ades, ut nonnulla emeret. Dum autem nos simul (ita pergit) prandemus, intravit & *Gisbertus*, quem quidem unâ ad prandium invitabam, sed verecundior ille (uti videbatur) abnuvit. Interroganti igitur mihi, quid ni juvenis ille ad comedendum accederet, vicini uxor, tui, dixit, causa pudore afficitur, ac mox singula exposuit, quæ ipse etiam confirmavit referens, quomodo primo in pagum pervenisset. Famulam autem qua cum simul diu habitarat, postea uxorem duxit, sed cum ipsa diu in matrimonio non vixit, toto isto tempore valetudinarius admodum. Uxore itaque sine liberis relicta, fatis cessit anno 681. mense Martio. Quæ relatio (ut ait *Hercules Solingius*) non tantum verissima est, sed & centenis aliis testimoniis, si-

quidem opus foret, confirmari posset. *Cornel. Stalpart. Cent. 2. Observationum p. 35.*

AURIUM MORBI.

ubi scilicet

De earum Doloꝛe atque Inflammatione, Ulcere, Vermibus, Caruncula obstruente, Humiditate ac Fluxu, rebus externis immixtis & Parotide, agitur.

UT Aurium morbos explicemus, nihil opus est partes has describamus quarum ideam mox ubi *Auditus Læſionibus*, dedimus.

Dolor auris sæpe inflammatione, sæpe absque illa oboriri solet. *Inflammatio* autem sæpe est cum abscessu eumque consequente ulcere in meatu auditorio, aliquando etiam consequitur vulnera & contusiones.

Ulcus auris fit per rupturam abscessus in meatu auditorio partibusque maximè vicinis, vel per acrimoniam liquoris alicujus ex aure stillantis, aut ab extra in eam immixti. Ex eo autem ulcere prodire possunt *vermes* quales sæpiſſime videntur *Præfici*.

Res extraneæ variæ in aurem immitti possunt, scilicet pisa, globi, nuclei, animalcula, velut araneæ, grilli &c. de quibus vide in sequentibus.

Caruncula aut excrescentia autem obstruens tum ab ejusdem ulcere, tum etiam sine eo, qualiter in aliis corporis partibus ejusmodi excrescentias progigni videmus efformatur.

Humiditas & fluxus aurium vel à glandulis, membranam meatum auditorium ex parte obvellicantem, occupantibus plus nimium turgidis, unde scilicet serum copiosum depluit, quod tractu temporis in purulentum quid abit, lacerata sc. & ulcerata prædictarum glandularum compage per feri acrioris non tantum importunam alluvionem, sed quasi inundationem enascitur. Vel eadē etiam humiditas a partibus vicinis aliquando sufficitur per canales cacos, aut vias quas sibi excavat humor aggestus.

Parotis est tumor contra naturam glandulas quæ pone & circum aures sitæ sunt, quæque cerebri emunctoria vulgò dicuntur, occupans. Est autem vel *critica* vel *symptomatica*; illa à morbi præcedanei materia mitigata quæ vi naturæ eo depulsa provenit; hæc quæ sine ullo morbo præcedente, à causis iisdem quæ in omnibus aliis inflammationibus, quales supra ex parte in Angina, infra verò sub inflammationis titulo, describemus, efformatur. Rursus *Parotis* alia est *venenosa & pestilens*, alia minimum.

De *Prognosi* istorum affectuum hæc habeto. *Dolores aurium* præcipuè qui in ipsius meatu sentiuntur sunt semper violenti; si autem febris acutæ superveniant, iisque accedant deliria, insomnia, convulsiones, & leipothymia, infausti sunt sane ominis. *Inflammationem* si sequatur *abscessus* pessimum est; si verò abscessus in *ulcus* terminetur, hoc difficillimum est curatu, propter materiam fœcilem à glandulis vicinis continuo suffectam quæ reunionem ac cicatrificationem quam maximè prohibet. Si verò ulcer in meatu osseo, sc. meatus auditorii parte tympani

uo viciniore posita fuerint, præterquàm quod cariẽm promptè inducunt, difficilius etiam sanantur, quàm quæ in ejusdẽ meatus parte anteriore collocantur, quia canalis osseus versus tympani membranã declivis est, & ubi in planum descendit fossam efficit notabilem, è qua pus difficulter eximitur. *Humiditas aurium* effluens à pluribus præservat capitis symptomatibus, uti in infantibus frequentius, & in adultis etiam, sed rariùs, observatur.

Vermes cum maximam corruptionem denotent nihil boni portendunt. *Res externa auribus immissa* maxima ut plurimum cum difficultate eximuntur, præcipue si profundius introducta, aut figuræ rotundæ fuerint, quia non faciliè arripi pro educatione queunt. *Excrescentia fungosa* in cancrum quid frequenter abeunt, *carnosa* verò excisione curantur. *Parotis* febris die critico superveniens cum signis concoctionis, bona est, sin minus, mala, quæ verò per febris decursum, hac nullatenus remittente enascitur omnino est perniciosa. Si Parotis intro repellatur, aut per se sine ulla prægressa evacuatione subito retrocedat, delirium imò phrenitis aliique cerebri inflammati affectus promptè oriuntur. Parotidem si nulla sequatur suppuratio malum est, ni larga hæmorrhagia aut alvi fluxus superveniat, hic autem dum de alvi fluxu verba facimus, illumque parotidibus non suppuratis supervenientem faustum dicimus, de Parotide pestilenti hoc dictum nolumus quæ cum alvi fluxu ægros enecat. Parotis sine malignitate Juvenes gravius exercet quàm senes, & curatu contumax est, si fuerit ab humore crasso, lento & viscido.

Curationes, Consultationes & observationes è variis Autoribus.

Curationes.

Aurium dolor & inflammatio.

Præmissis purgatione & venæ sectione, ad topica remedia confugiendum est: quorum omnium mox præscribenda efficacissima tutissimaque sunt ad mitigandum dolorem, cui quam maximè studendum est.

℞. Ol. rosac. omphacin. nymphææ, amygd. dulc. an. ʒss. succ. solatri depurati ʒj. m. omnia exactè & in aurem sensim instillantur actu tepida, vel adeps anseris in butyro recenti liquidatus cum oleo rosac. in aurem pariter instilletur, mirificè dolorem omnem mitigabit. Ubi verò doloris causa frigido morbo accepta fertur, vel inflammatio ad suppurationem tendit, *Benedicti Villoris Faventini* emplastrum ex cœpa, felicissimo cum successu administratur, quod hujusmodi est.

℞. Cœpæ sub ignitis cineribus excoctæ num. j. butyr. rec. ʒij. ol. chamæ. & rosac. an. ʒj. croci ʒj. omnia simul contusa & probe subacta ad emplastri formam redigantur, quod temperatè calidum dolenti parti applicetur. *Joan. Zecchini Consult. 62.*

In dolore aurium folium hyoscyami vel tabaci prodest. Internè pulvis anodynus cum specifico cephalico saturn. & globulus, quò fera est confossa laudantur vulgò. Applicetur quo-

que oleum nucistæ cum moscho. It. pinguedo anseris cum succo cæparum.

℞. Cœpam. sub cineribus coctam. butyri recent. ʒij. ol. chamælin. rosac. an. ʒj. croci ʒss. mucilag. sem. cydon. cum aq. ros. q. l. f. Cataplasma. Prodest etiam oleum rosarum, cui lumbrici terrestres præpar. & loti incoquantur. It. oleum rosarum ʒij. cum acet. optim. ʒss. coq. ad. 4. p. consumptionem, post add. laudan. opiat. vel extract. opii cum spir. vitriol. vel acet. facti gr. iij. m. In causa frigida expertum se scribit *Horstius* oleum camphoræ præsentissimum fuisse remedium. vid. *Foreit. l. 12. obs. j. Joann. Michael. in Prax. clinic. general.*

In aurium inflammatione succus sempervivi præstantior est succo ranunculi, ob nimiam hujus acrimoniam. In affectibus aurium internè dentur medicamenta ex betonica, essentiâ lignorum, Tinctura lign. Tinctur. corallor. quibus misceantur specinica cephalica.

℞. Succ. lactuc. succ. nymph. succ. rosar. an. ʒj. m. Ubi materia ad suppurationem tendit, prodest decoctum lactis cum ficibus. Ad rupturam apostematis.

℞. Succ. sempervivi express. ʒiij. lact. mulieb. ʒss. m. *Idem ibidem.*

Remedia ad dolorem auris maximè sensilem sedandum diversa esse debent, pro diversis morbi causis. Auspicanda ergo doloris curatio à causarum externarum, antecedentis item & continentis per contraria ablatione. Si dolor proinde à frigore fuerit subortus, contra frigus & procellis agitatum aërem defendenda venit auris, applicatis super aurem omnibus illis, quæ calefacere possunt; frigida enim acris & acida auribus sunt inimica, ut & repellentia dicta topica applicata, ex quibus læpe majus damnum quàm emolumentum ægris affertur, de quibus legi meretur *Obs. 82. Ephem. German. Ann. 6. & 7.* Præstat ergo species pro tomento sacculo inclusas cum lacte coctas auribus imponere. Ex gr.

℞. Herb. salv. calaminth. rosmar. meliss. hyssop. flor. chamomill. an. m. j sem. fœnicul. ʒj. Dentur incisa pro sacculo. Panis quoque calidus cum sem. carui vel aneth. coctus & discissus auri applicetur sæpiùs. Vel infundatur ol. amygd. amar. rec. cum guttula una vel altera ol. de garyophyll. vel carui, aneth. anis. & cum gossipio moschato auris obturetur, quæ jam dicta remedia sale abundant volatili valde penetranti, hæc partes faciliè calefaciunt, poros & canales glandularum aperiunt, & circulationem humorum adjuvant: hinc & convenit spiritus formicar. Cum dolor verò sit à congestione feri scil. acris & salsi, qui chronicos & molestos affectus producere solet, hinc conveniunt spirituosæ, quæ tamen cum cautela applicanda sunt; nihil spiritibus auris magis alienum est, quàm humor talis peregrinus: excipiat ergo in eum finem fumus tabaci, vel ex thure, mastiche, succino, gumm. sandarac. Omnia hic quoque conveniunt remedia sale volatili alcalico prædita, aciditatem humorum ferorum destruentia, necnon ambrata, moschata, essentia scil. ad auditum Michaelis sequens.

℞. Fol. asar. m. iij. laur. herb. card. bened.

aa. m. j. flor. stœchad. Arab. p. iij. chamomill. Rom. m. j. sem. raphan. ʒij. capar. porri an. ʒʒ. cumin. carui, aneth. an. ʒj. rad. asar. cyclam. an. ʒiʒ. elleb. alb. ʒj. Incisa & contusa grosso modo infund. spir. formicar. tum instillantur aliquot guttæ. Convenit præprimis tinctura mea nepenthes in aurem immissa guttatim. Spiritus Otagicus *Myns.* aq. apoplect. *Lang.* Anhal. Aco. is. *Mind.* sunt polychresta roborantia auribus remedia. Laudatur cœpa sub cineribus asata. In dolore aurium egregium quoque est remedium ob vim suam anodynâ oleum scorpionum, vel scarabæorum per infusionem paratum, ad guttulas aliquot cum bombace auribus inditum, vel cum lacte muliebri commixtum.

℥. Ol. chamomill. aneth. an. ʒj. hyoscyam. express. ʒʒ. m. Balsamus sulphuris sequenti modo paratus in dolore aurium est egregius.

℥. Sulphuris part. j. ol. terebinth. p. iv. coq. in aren. ad solut. sulphur. instar balsami rubri, ei affunde Sp. vini rectific. digere ad Tinctur. decanta & inspissa in Balneo qui remanet balsamus est & potest per Retortam destillari in oleum dulce. Nec hic interna negligenda sunt, imprimis diaphoretica cinnabarinis mixta in Otagia omnem implent paginam, lymphæ enim, ceu diximus, omnium affectuum aurium est causa, quæ omnibus modis emendanda, dissipanda & in ordinem redigenda. Hic ergo præ aliis conducit balsamus noster nervinus, vel liqu. cc. succinat. Essent. viperin. anodyna *Wedelii* permixta, & sæpius exhibita. Tinctura succini per vices exhibita nostra experientiâ est polychrestum remedium. Vel detur sæpius sequens pulvis.

℥. Specif. cephal. Mich. ʒj. pulv. anodyn. gr. iij. m. f. pulvis. Detur una vice, & reiteretur aliquando. Pulvis anodynus confortans est sequens.

℥. Magister. cordial. ʒiij. laudan. opiat. ʒʒ. m. f. pulvis. Vel spasmodicus noster. In contumacior malo & decoctum lignorum cum herbis appropriatis sæpe magno cum fructu profuit; item conducit Tinctura antimonii volatilis nostra, sp. cephalicus. In doloribus hisce sæpe quoque ad caput aliâque viscera respiciendum est, hinc conveniunt sæpe in sexu sequiori antihisterica, splenetica, aliæque ut Tinctur. martis nostra. Dolorem hunc sæpe unico vesicatorio in nucha applicato curavi. In graviore & diuturniore etiam conveniunt fonticuli, setacea &c. si simul humor ex auribus effluat, assumat pilulas *Ruffi*, cum extract. rhabarb. vel sequens hydragogum, caute tamen purgantibus incedendum.

℥. Pulv. rad. laxat. ʒj. resin. jalapp. gran. iij. salis euphras. gran. v. m. Si à rebus externis in aurem immisiss dolor hic obortus fuerit, illæ ut exsiccentur necesse est, de quo modo inferius dicemus. In his doloribus non opus est tanto apparatu, modo interne exhibeantur opiata, imprimis Tinctur. nepenthes, quæ sola plures feliciter curavimus, exhibendo 30. vel. 40. guttas. Si verò dolor auris ab ejus inflammatione dependeat, ea curanda ut alia inflammatio, nam hic eadem indicationes observandæ sunt, quæ in cæteris aliarum partium inflammationibus. Abstinendum est à Carmi-nativis aliisque nimis acris, sed eligenda sunt

blanda diaphoretica, interna & externa, anodyna & demulcentia: non enim statim ad sup-purationem accedendum est, nec venæ sectio tam citò instituenda, quod tamen sæpe magnonimnis Medici & Chyrurgorum vulgus facere solent, non sine ægri periculo & tortura. Ut inflammatio tollatur, succus evalatus discussione suis vasis iterum afferendus est. Auribus imponantur varii sacculi ex floribus sambuci, hyssopi, aliisque herbis parati & lacte incocti, vel infundatur auri ol. amygd. amar. dulc. cum gr. j. vel altero camphoræ, alii oleum ovorum magnificiunt, auribus per vices immisissum, & ol. rosato vel nymph. permisissum, Pingua verò & oleosa mihi valde suspecta sunt, potest melius cataplasma emolliens & discutiens ex prædictis parari & auribus imponi. Si autem pertinax sit inflammatio, & ad sup-purationem tendat, maturantibus utendum est, qualia sunt cataplasmata ex mica panis, cœpis coctis, bulb. lil. flor. chamomill. melilot. &c. *Joann. Dolans Encycloped. chirurgic. rational. lib. 1. cap. 14.*

Ulcus aurium.

Ulceræ fiunt in meatu auditorio, tum ab externa causa, ut ictu, lapsu: tum ab interna, ut abscessu illic genito (sunt enim talia ulceræ ferè exigua, & præterea in parte spermatica) sed decubitu facto ab universo cerebro. Ad curationem habenda imprimis ratio est causæ antecedentis, quæ ulcus fovet eaque divertenda cathartici, masticatorii & errhini: masticatorii quidem hæc est forma.

℥. Mastic. ʒj. staph. agriæ & pyrethri an. ʒj. cinnam. & garyophyll. an. ʒʒ. tant masticatoria, quibus utatur mane & vesperi, longe à pastu sæpe exspuendo, errhini verò hæc est forma.

℥. Succor. betæ, mercur. & meliss. an. ʒʒ. vin. alb. ʒj. misce & frequenter naribus attrahatur. Quod ad topica remedia spectat, pingua omnia & oleosa vitanda sunt, ut à Galeno notatum 5. Meth. med. ubi arguit Thessali quendam sectatorem qui tetrapharmaco adhibito ulcus auris sordidius in dies reddebat, quod Galenus sanavit trochiscis Andronii in aceto dissolutis, quorum hæc est compositio.

℥. Balauitior. atramenti lutorii, thuris, aristol. gallar. an. ʒij. alum. myrrh. sal. ammoniac. ʒj. excipiantur omnia melicrato & fiant trochisci. Galenus eodem loco testatur se hujus generis ulceræ inveterata, ac duorum annorum sanasse cum ferri scoria in pulverem redacta, indeque cocta cum aceto acerrimo quoad mellis acquireret consistentiam. Sed & putredinem qua hæc diffuunt ulceræ emendat & siccatur fel bubulum in forti aceto dissolutum tepide instillatum: Itemque fax ferri in pollicem redacta in acetoque acerrimo decocta, resiccata, & aspersa. Quod si viarum angustia non pateret, contento in aurium anfractibus puri exitus, eliciendum id foras erit instrumento Pyulcum inde dicto. *Joann. Vigier. Chirurg. lib. 3.*

In ulcere recenti & inveterato interne conducit Decoctum sequens:

℥. Rad. chin. rub. tinctor. an. ʒiʒ. enul. campan. ʒij. bacc. laur. juniper. an. ʒʒ. roris-mar.

mar. $\mathfrak{z}\beta$. sal. $\mathfrak{z}\text{ij}$. sal. tartar. $\mathfrak{D}\beta$. coq. in vin. colat. $\mathfrak{z}\text{x l}$. add. oxymell. scyll. $\mathfrak{z}\text{ij}$. m. conducet quoque sal volat. ol. Cum abcessus fuerit apertus, ad extergentia fugiendum, quæ non tantum obstructions referant, sed & mundaunt, inter quæ sunt aristol. raphan. rust. capæ & am. ra, ipsæ quoque rad. helleb. colocynth. imprimis absynthium in lacte coctum, & per injectionem adhibendum, flor. persicor. asarum, rosmar. chamomill. ut & ol. amygd. amar. velut basis omnium oticorum extern. quæ omnia in ulceribus aliisque sordibus proficua sunt, & si ulcus valde putridum & sordidum sit, frustum spongiæ imponatur, quod imbibit pus, ac arcet aërem ambientem, & præsertim indatur seq.

\mathcal{U} . Elix. vitæ $\mathfrak{z}\beta$. tinctur. castor. ass. fœtid. an. $\mathfrak{z}\beta$. sp. volatil. sal. armoniac. $\mathfrak{z}\beta$. camphor. $\mathfrak{z}\text{ij}$. m. Tincturam aloës cum Sp. vini paratam magnifacio, ad guttulas aliquot immisam, vel tinctur. myrrh. & si valde profundum fuerit, balsamum viride nostrum proderit. Cum detersum fuerit ulcus, exsiccandum deinceps & ad cicatricem reducendum, ubi laudatur vinum granatorum descriptum à *de Vigo*, sed cum auris sicca expetat, possunt in formam pulveris, vel fumi, vel balsami exsiccantia adhiberi, quæ parari solent ex mastiche, succin. sandarac. & thure, aliisque *Joann. Dolans encyclopæd. chirurgic. rational. lib. 1.*

Aurium Vermes.

In vermibus aurium tum evocandis, tum extrahendis, quemadmodum etiam in vermibus narium & cerebri præstant unguentum ex axungia capi & oleo corylicum pauxillo mercur. præcip. vel mercur. dulci mistum (gr. ij. ne fiat eschara) & in orificio aurium cum bombace impositum *Joann. Hartmann. in prax. chymiatric.*

Ad interficiendos vermes amara commendamus auribus injicienda, ut succum absynth. flor. persicor. centaur. minor. decoct. colocynthid. vel etiam guttas aliquot olei amygd. amar. cum oleo tanaceti, vel oleo diacolocynthid. maritati; item convenit oleum nucleorum persicor. cum essentia fellis perdicis vel lucii piscis maritatum, fel enim animalis alicujus hic optimè conducet. Sequens mixtura oleosa non sine insigni adhibebitur juvamine.

\mathcal{U} . Ol. diacolocynth. $\mathfrak{z}\text{ij}$. ol. nucl. persicor. ol. amygd. amar. an. $\mathfrak{D}\text{ij}$. ol. ligni coryl. gutt. ij . Sic quoque urinosa hoc in casu conveniunt. *Ephem. Gallor. anni 1677.* commendant spiritum vini tanquam infallibile remedium contra vermes aurium. Ex remediis hisce illa quæ oleosa sunt & spissa, excellunt, & quidem eo nomine, quod insectorum rostellæ & proboscides obturent, atque ita eo momento suffocent. Hic & omnia anthelminthica in *Encyclopæd. Med. jam dicta* proderunt. Sæpe & alligatur vermis imposito dimidio pomo excavato, mox enim vermis ex aure properat in cavitatem pomi. Et cum acidum viscidum in corpore peccet ubi vermes hospitantur, hinc hic corrigendum est, in quem finem seq. vel simile decoctum præscribere soleo.

\mathcal{U} . Lign. sanct. $\mathfrak{z}\text{ij}$. sal. tartar. $\mathfrak{z}\text{ij}$. rad. gen-
tian. angelic. an. $\mathfrak{z}\beta$. bacc. laur. juniper. an.

$\mathfrak{z}\text{ij}$. herb. centaur. cochlear. an. m. j. sal. tartar. vitriolat. $\mathfrak{z}\text{ij}$. inf. & coq. in s. q. feri lactis. Colatura ad $\mathfrak{z}\text{xxx}$. add. oxymel. scyllit. $\mathfrak{z}\text{ij}$. vel delicatulis infund. vino & amara possunt interponi.

\mathcal{U} . Essent. absynth. camph. $\mathfrak{z}\beta$. Elix. vitæ $\mathfrak{z}\text{v}$. Tinctur. corallor. $\mathfrak{z}\text{ij}$. ol. sassafras gt. xv. ol. aurant. gt. x. m. altumantur 60. guttæ in vino mane stomacho; jejuno, dentur per septimanam bis pilulæ seq.

\mathcal{U} . Resin. guajac. $\mathfrak{D}\beta$. gumm. ammon. gr. ij . mercur. dulc. gr. ij . ol. sassafras q. s. In infantibus quibus non multa exhiberi possunt, solum decoct. rad. contrayerv. vel chinæ conducet, & in vino malv. exhibeantur guttulæ 6. vel 9. seq. Mich.

\mathcal{U} . Elix. vitæ $\mathfrak{z}\text{ij}$. sal. volat. oleosi $\mathfrak{z}\beta$. ol. sassafras gt. x. m. Externe conducet in ulcere ipso seq.

\mathcal{U} . Elix. vit. $\mathfrak{z}\text{ij}$. tinctur. myrrh. $\mathfrak{z}\beta$. Spir. sal. armoniac. $\mathfrak{z}\text{ij}$. Extract. centaur. min. gentian. an. $\mathfrak{z}\beta$. camphoræ $\mathfrak{z}\text{ij}$. ol. lign. sanct. m. Si verò alia animalia in aurem irreperint, ea variis blandioribus elicienda sunt, vel lacte, vel oleo olivarum, scorpion. Legimus exemplum in *Ephem. ann. 4. obs. 50.* quod grillus in aurem irreperit, & immissis 8. guttis olei grillorum cum oleo olivarum parati, grillus in aure mori cœpit. Simili modo aurium illa vespa seu scolopendra parva, portione pomi dulcis recens incisi & auribus admota elici potest, ut pulex, ex suasu D. Riverii pilis caninis in globum convolutis & auri insertis allicitur, ut iisdem inhærens unâ cum iis eximatur. *Joann. Dolans Encyclopæd. chirurgic. rational. lib. 1.*

Caruncula Aures obstruens.

Ad excrescentias fungosas & carnosas Auri adnatas vel innatas tollendas meretur legi *Obs. 1. cent. 3. Fabric. Hildani*, ubi describit excrescentiam fungosam & scirrhosam, quæ meatui innata erat post abscessum, antequam verò illam aggrediebatur, præparabat cum cura ægri corpus, quo factò, quantum poterat, aufererat. Si excrescentia hæc magna est, & extra meatum prodit, abscindenda est vel forcicis cuspide, vel cultello incisorio, vel etiam filo liganda, & dein abscindenda, ad sanguinem sistendum liquor stipticus usurpetur, & dein Eschara inducatur, sed cavendum, ne membrana interna lædatur causticis. Eschara inducta applicanda sunt aliquot guttæ olei ovorum vel amygdalar. ad eandem separandam. Alii illinunt unguentum fuscum Würtii. Deinceps deterfis & mitigantibus remediis utendum, ut incarnetur ulcus & cicatrifetur, subindè tamen mistis ejusmodi remediis, quæ renascentiam fungorum impediunt, ut sunt omnia acidum imbibentia, ex. gr. C. C. vft. pulv. myrrh. pomphol. sacchar. vitriol. paululum enim vitrioli solutum in sufficienti quantitate decocti alicujus vulnerarii admodum proficuum erit, si injectiones ex hoc liquore fiant in aurem, & tormenti aliquantum hoc liquore imbutum in aurem imponatur, & imprimis utile erit tormentum, si facile possit imponi, comprimit enim ulcus & excrescere carnem prohibet. Ad can-
crosas excrescentias nulla cura superest, nisi ab initio pars superflua extirpetur & radici-
tus

citius tollatur, tollitur enim fungus ex aure scirrhusus vel instrumentis vel ligatura vel cautico, & si hoc fieri nequit, cura palliativa utendum, & tantum majus incrementum impediendum, & hoc obtinere possumus, si quotidie parti affectæ inspergamus pulveres ex aristolochia, myrrha, saturno, saccharo, vitriolo, lapid. cancror. calce viva & similibus paratos, quandoque & opus est præcipitato, si hic non suffecerit, malum lethale est. In minori verò casu interna, imprimis diaphoretica remedia non negligenda, quæ jam ad nauseam usque superius diximus. *Joan. Dolans. Encyclop. Chir. lib. 1.*

Aurium humiditas & fluxus.

In fluxu aurium perpetuo, inque colluviè laudatur urina puerorum destillata, immissa in aurem ad gutt. aliquot etiam usque ad x. Relinquitur immissa urina aliquandiu (mane quotidie ventriculo jejuno) postea inclinato capite denuo emittitur. In hoc casu necessariae sunt purgationes capitis, vel medicamentis communibus, pilulis, vel etiam ex panchymago-go vegetabili. Item specifico purgante Paracelsi. Datur præterea decoctum guajaci pro potu. In pueris, qui propter humiditatem potissimum huic morbo obnoxii sunt, non deperandum ad curam, sed malum ætati crescenti relinquendum. *Joan. Hartmann. in Pract. Chymiatric.*

In aurium humiditate prodest externè essentia absinth. spir. urinæ non adeo acris neq; sæpe rectificatus, oleum amygd. amarar. ol. stillat. absynthii, urina puerorum non destillata &c. *Joan. Michael in prax. clinic. general.*

Res externa auribus immissa.

Si corpora externa in meatum auditorium incidant, ante omnia hæc extrahantur, quod ut dextrè fiat, perpendendum est, an corpora talia sint ut emolliiri possint, sicut pisa, vel an dura sint, ut globi vitrei, plumbei, nuclei, &c. videndum etiam est, an corpora ista in meatu cartilagineo, an verò in meatu osseo lateant. Si corpora mollia sint & in meatu tantum cartilagineo, eò annitendum, ut frangantur, vel cochlear ab *Hildano obs. 4.* cent. 1. designatum pone ea adigendum, quod in parte flexili, qualis est cartilago auris, haud difficulter fieri potest, atque ita eadem extra meatum protrahi: idem fieri potest circa corpora dura, quæ sunt in eodem loco, & cochleari vel terebello eximi possunt. Quod si verò corpora extranea in meatu osseo hæreant, illumque in totum adimpleant, difficillimum est ea cochleari vel terebello eximere; melius verò est incisionem facere pone aurem, & versùs ejus partem superiorem, id quod hoc loco satis tutò fieri potest, cum nullum ibi vas sit notabile; eo modo evitari quadantenus potest obliquitas meatus, & adhiberi terebellum cujus usus potissimum est in globis plumbeis extrahendis. Sed prius injicienda sunt ad vias lubricandas varia olea, præsertim verò amygd. dulc. & si nucleus vel pilum, in meatum osseum fuerit intrusus, qui propter figuram ovalem utraque sui extremitate posset adprehendi, utendum est instru-

mento descripto à *Fabric. Hildan.* quod tenaculum nominat, oportet autem ut in genina curâ conficiantur hujusmodi instrumenta, ex optimo chalybe, ut tenuia fieri possint, & si incurventur, ex seipsis iterum recta fiant. Sed cavendum in his operationibus, ne membrana tympani lædatur. *Joan. Dolans Encyclop. Chirurgic. rational. lib. 1.*

Parotis.

Parotidis curatio perficitur diætâ, quæ humoris qualitati in ciborum quantitate & consistentia contrarietur. Si ingens subsit inflammationis & robur quæ sanguinis copiam indicent, sanguinis missio erit utilis, immò necessaria. Topicorum verò adhibendorum non debet hic simile esse judicium quod in reliquis tumoribus ut Galenus monet lib. 3. de comp. med. secundum locos cap. 2. nempe initio non est locus repercutientibus, si præsertim criticus fuerit abscessus, sic enim naturæ conatum sese morbi-ficæ materiæ impetu in eas partes expedientis impediremus. Multò verò minus repellendum est, si materia quæ eò deinit sit venenata, inde enim ejus funestus contingeret recursus ad partes nobiles. Quare chirurgus potius dabit operam ut attrahatur & proliciatùr humor ille. Quanquam si adeo immanis fuerit fluxio, si dolor adeo acris, ut inde metus sit vigiliarum & febris, quæ vires prosternerent ex usu futurum censet Galenus, solventibus multis nonnihil admiscere repellentium. Quare initio ejusmodi imponetur cataplasma.

℞. Farin. hord. & semin. lini an. ℥ij. coquantur cum mulla aut decocto chamamel. addendo butyri recentis & olei chamæm. an. ℥j. f. puls.

Vel. ℞. Butyri recentis ℥ij. ol. chamæm. & lilior. an. ℥j. unguent di lthææ ℥ss. ceræ parum, fiat linimentum admoendum cum lana succida parotidi. Dolore mitesciente ex usu erunt discutientia & solventia paulò validiora. Ut.

℞. Rad. alth. & brion. an. ℥ij. folior. rutæ, puleg. origan. an. m. j. flor. chamæmeli. melil. an. p. j. coquantur in hydromelite, pistentur, trahantur addendo farin. fœnigr. orobi an. ℥j. pulv. ireos Florent. chamæm melil. ℥ij. ol. anethini & rutacei an. ℥j. f. cataplasma. Quod si amplius resolvere fuerit consilium, uti poteris emplastro oxycroco, de meliloto, diachylo ireto. Si concreverit illic & induretur humor, convertes te ad ea medicamenta quæ capite de scirrhus fuerunt præscripta. Quod si ad suppurationem tendat, sequens appones medicamentum.

℞. Rad. lilior. & capar. sub cineribus coctarum an. ℥ij. vitellos ovor. numero ij. axung. suill. & unguent. basil. an. ℥j. farin. sem. lini ℥ss. fiat cataplasma. Suppuratione autem facta materiaque probe evacuata, ulcus leniter tractandum erit, non irritandum affectæ partis ratione habita. Si verò tumor fuerit pestilens & contagiosus, adde theriacam & alia alexiteria pharmaca. *Joan. Vigierius Chirurg. lib. 1.*

In Parotide oleum foetidum Guajaci vel tartari juvat, si adest exulceratio, mollificetur locus, quo facto inspergatur pulvere menthæ (ulcere rupto) & ulcus sæpius eluatur aquâ menthæ, adhibito Emplastro convenienti, quale est

Diasulphuris. *Joann. Hartmann. in pract. Chymiatric.*

Parotides ubi suam habeant sedem, & quale sit earum, *παρὶ τὸν πρὸς ὅτι*, tam nomen ipsum, quam etiam verba Authoris abundè significant. Sunt autem nihil aliud, quam inflammationes tumoris juxta aures erumpentis pariter ac doloris stipata satellitio, quæ ibidem in partibus adenosis seu glandulosis fiunt; quarum quædam venenata qualitate ac malignitate sunt suspectæ, quædam verè non. Atque sic duplex parotidum occurrit differentia, ut sponte hoc liquet: Tertia species est, quando parotis frigidam causam agnoscens plane indolens existit, sed nihilominus in abscessum definit, è quo tamen non pus, sed materia quædam duriuscula, & ad instar crassi cremoris, inò etiam tartarea & non raro calculosa egreditur. Certissimum autem est, quod parotis seu tumor hic inflammatus pone aures plerumque in laboriosis, hoc est malignis, pestilentialibus, ac purpuralibus febribus supervenire soleat, dum Natura ad hoc emissarium superfluos humores & quidem tunc temporis venenata, vel ut notanter loquitur Autor arsenicali aura (quæ Realgar alioquin dicitur) infectos à sede seu centro mali huc tanquam circumferentiam transponit, & ad has ipsas glandulas expellit: Ubi nihilominus negari non potest, quod ex imperfecta crisi febribus malignis parotides superveniant, quod tamen fieri tunc præcipuè solet, si ab initio graviter compatiatur quoque cerebrum. Unde etiam nullum est dubium, quod febris malignæ solutio illa, quæ fit per Parotides, minus fida & secunda sit, nec semper salutem certo polliceatur, præsertim si non debite crescat hujusmodi tumor, sed retrocedat potius ibi stibulans virulentia, id est, etiam si accrescat febris, attamen & æstus ferocia non remittat, & magna insimul subsit prostratio, siquidem hujusmodi crisis per abscessus facta validum virtutis robur exoptare soleat. Magis igitur ob dictas causas quandoque lethales sunt excrescentes hi prope aurium regionem tumores, quam ipsæ febres malignæ, quibus superveniunt: Ex adverso autem salutare non immerito judicantur parotides illæ, si vires supersint, quò humor impactus rite resolvi ac suppurari mature queat.

De parotidibus illis, quæ malignitatis sunt expertes, hic verborum faciemus nihil, quod facile curari possint per res solventia ac maturantia seu suppurationem promoventia, vel etiam quòd sponte non raro evanescere, ac levibus & interne duntaxat sumtis medicamentis, tam purgantibus, quam diaphoreticis, cedere soleant. Quum verò potiore & valde accuratam sui curam deposuerint illæ parotides, sub quibus anguis latere, hoc est, quæ à venenata atque maligna provenire causa solent, ideoque album protinus calculum adjicimus Autoris sententiæ, qua docet, perpetim fontem, unde parotides illæ scaturiunt, esse attendendum, atque proinde febris malignæ hos tumores causantis rationem, nobiliora alexipharmaca, quale est Bezoardicum minerale, ab Autore commendatum, studiosè præbendo, tunc potissimum habendam. Qua methodo autem febris malignæ curatio rectè celebrari queat, suo

loco docebitur. In eo tamen ab Autore nostro discedere cogimur, dum purgationem in parotidibus à febre maligna oriundis, aut cum ea adhuc conunctis commendat, quum notum cuivis sit, quòd purgantia in hoc casu sint exitiosa, & propterea planissime nullum habeant locum, quoniam non tantum vires alioquin tunc fractas extreme penitusque prosterunt, verum etiam malignitatis virus à circumferentia ad centrum potius revocant, atque sic ad mortis necessitatem solemniter deducunt, sin verò statum declinationis aut convalescentiæ hic subintrat Autor, ubi vires ad se nonnihil redire auspicantur, & malignitatis suspicio nulla amplius subest, parotides verò adhuc præsto sunt, tunc (adhibito tamen sic medendi modum mine) cum indulgentia etiam nostra id fieri patiemur, si et virtuosus clyster estutius rectiusque tunc adhiberentur. Cæterum rectissime statuit Autor, à repellentibus, seu repercutientibus, ubi malignitatis vigor dominatur, omnimodè abstinendum, sed attrahentibus seu extrahentibus utendum potius, ac quidem talibus, quæ vim alexiteriam insimul obtinent. Neoterici Chirurgi hic nobis placent omnino, ac sincerum merentur adplausum, qui ut anthracis atque bubones omnes, sic & parotidum apparentes abscessus atque tantisper excrescentes celeriter ac nulla expectata suppuratione caustici sive actus illius ac per ultionem celebrati, sive potentialis & per corrosivum facti (quorum hoc tolerabilius ac minus crudele est) administratione aperiendos dicunt, ut materia venenata & insulsiissima citissime & sine ulla mora à corpore amoveri ac educi queat, quoniam si hoc ipsum negligatur, ex diutina mora, dum ad partes principes levissima de causa retrogreditur, plerumque vitæ periculum & mortis repentinus insultus imminet: Cui accedit, quòd ob naturam insigniter tunc exhaustam suppuratio (quæ ad naturæ, causam morificam pro commodiore expulsiōe preparantis & edomantis conatum quoque pertinet) tardissime succedat, vel plane etiam expectare eam virulentissimus hospes, vitali officinæ crudeliter insidians, non soleat. Qua curandi dexteritate observata, seu abscessus venenati apertione accelerata, Autores illi bona fide testantur, multos plurimosque se hac ratione è faucibus Orci sic eripuisse. Deinde hoc quoque non negligendum, ut jam laudato medio aperti abscessus non statim conglutinantibus ac cicatricem inducentibus claudantur, sed aperti diutius servantur, donec malignitatis sævitia decrescere ac evanescere, adeoque cum bona veletudine in gratiam redire agrotus incipiat. Quibus verò deproperata parotidum illa caustici beneficio apertura non arridet (sicuti cuncta cunctis placere non soleat, ac quemlibet suo abundare sensu notissimum sit) illis egregium & magneticum hic commendatum præsidium ibimus, cujus virtus uti est probatissima & fidissimis experimentis stabilita, ita etiam tutò & sub rationum favore nunquam non administrari poterit: Accipiat nempe bufo exsiccatus ac probè torridus) sic enim de volutibus eius partibus, in quibus venenit tyrannis, præsertim vigere solet, indubitato consuntis & dispersis certiores esse quimus) isque

isque linteolo involutus apponatur loco affecto sive tumori maligno; ubi elapso aliquot horarum spatio valdopere bufo ita intumescet; ut quasi revixisse ob torvos cumprimis oculos, quos sic tumefactus ostendit, videatur; quo facto, is confestim, quod veneno è corpore microcosmi vi suâ magnetica attractio vehementer jam imprægnatus ac turgidus reverâ tunc existat, removendus (vel potius profundè sepeliendus, aut etiam sulphureo suffumigio à concepta virulentia liberandus, posteaque soli expositus denuò exsiccandus) & alius retorridus statim substituendus, atque hoc toties sic iterandum, quoties hanc medendi technam, quæ non immeritò inter arcana reponitur, necessitas efflagitat. Emplastrum, quod beneficio ceræ ex balsamo sulphuris conficere docet, peculiarem possidet facultatem veneno potenter resistendi, veluti nobis etiam constat, non tantum suffumigium cum sulphure institutum tempore pestis conclavia egregiè à virulentis sorditibus sive effluviis depurare, verum etiam flores sive lac sulphuris, item alia quoque exinde parata remedia antidotis excellentissimis & masculè valentibus accenseri. Quum ergo attrahentibus semper aliquid alexipharmaci commiscendum Autor paulò ante consulerit; Emplastri hujus ex sulphure facti nobilitas sive nobilissima efficacia suâ desubito luce resplendet, quam tamen fieri ex admixtione Mercurii vivi præstabiliorem nulli dubitamus; Cujus afferti causam amuleta cum argento vivo confecta reddere ac confirmare statim poterunt, veluti hoc etiam in genere circa hæc remedia notum habere sufficiat, quod simile quodlibet suum consimile magnetica quadam adpetentia desideret & attrahat: Atque eatenus etiam mercurius currens cum emplastro sulphureo extra adhibitus malignitatem tumoris nondum aperti retundere dicitur, quatenus nempe virulenta miasmata, quibus tumor ille tunc refertus esse solet, validè attrahit, atque sic malignitatis ferociam imminuit, ac demum penitus expugnat. *Christian. Langius in Patholog. animat.*

In Parotide si malignitas adest & Parotis sine maturatione evanescit, tunc malum signum est & recidivæ metus. Hic E. usurpanda sunt malignitati resistentia, præcipue expellentia, v. g. C.C. sine igne ac antimonium diaphoreticum. Externè vero oleum scorpionum. Aliàs est dolor manifestissimus. Prodest hic oleum chamomillæ destillat. ℞j. cum oleo hyosciami expr. ℞j. m. certissimum est in inflammatione. In Parotide omni cum & sine malignitate mirè prodest specificum cephalicum, cujus hæc est descriptio.

℥. Cinnabar. nativ. Armen. per sublimationem vel sexies vel ultra rectific. cinnab. antimoni toties rectific. ℞ij. fœcul. rad. Pœon. ℞i℞. Mag. epilept. ℞℞. mag. cordial. ℞ij. fol. aurinum. j. m. f. specificum cephalicum. *Joann. Michael. in Prax. clinic. general.*

Consultationes.

Aurium Dolor.

Juvenis 28. annorum, robustus, plethoricus; intensissimo afficitur dolore dextræ auris, quo pene ad delirium adigitur. Adest febricula continua; distentionemque, gravitatem, ac calorem, pulsationemque, non tantum foris, sed etiam intus in aure percipit. Rubor & calor ad tempora & malam usque pertenditur. Interiora quoque auris aliquo modo tumere & rubere conspiciuntur.

Afficitur in hoc ægro auris dextra secundum partes internas & externas; quod ex querelæ ægri, item ex rubore, tumore, pulsatione, & calore, circa aurem & in aure perceptis, est manifestum. Afficitur etiam cor & totum corpus; ut ex febricula colligitur.

Morbus qui ægrum affligit, est intemperies sanguinea & biliosa auris dextræ; quæ dolorem, tumorem, pulsationem, gravitatem, & tensionem, in ea & vicinis partibus, item febrem continuam producit, à potiore symptomate *otalgia* græcè, & *dolor auris* latine appellari solet.

Causa antecedens hujus morbi est plethora nostri ægri; pars verò ejus ad aures à corde propulsa, & ibidem propter poros ibi iusto magis patentes, auris partibus internis & externis insinuata, ibique corrupta, & inde cum fervore ad cor delata, continens hujus morbi & symptomatum ejus est causa.

Dum enim humor sanguineus biliosus partibus istis insinuatus, nimia sua quantitate partes auris, & vicinorum membrorum replet & extendit, facit in iis tumorem, ruborem, gravitatem & distentionem; & ob arteriarum ex quantitate ista nimia elapsorum humorum pressionem, eorum pulsationem. Dum verò vehementi suo fervore, quem ab æthereâ materia, vehementius in poris ejus se agitante, accipit, membranas, nervos, aliasque acutissimo sensu præditas auris, temporum, & malæ partes, vehementissimè agit, eumque motum ad cerebrum defert, intensissimum in iis partibus excitat dolorem, qui, ob suam vehementiam, ægrum nostrum ad insaniam pene redigit.

Morbus hic, ob doloris vehementiam, & acutum partium affectarum sensum & cerebri sympathiam, periculosissimus est. Metus enim est, ne delirium, lipothymiam, cerebri inflammationem, & convulsionem; aliaque gravissima inducat symptomata.

Celeri itaque & accuratissima curatione hic morbus est impugnandus; quæ in intemperiei & tumoris, per contraria ablatione, & doloris sedatione, consistet. Primò itaque tali clystere emolliente, refrigerante, & laxante, fiat corporis evacuatio.

℥. Rad. althææ, lil. alb. an. ℞j. herb. malv. bil. malv. parietariæ, lactuc. an. m. j. sem. lini, fanugraci an. ℞℞. coq. ex aq. commun. ad lib. j. colaturæ adde el. diaphœnic. diaprun. an. ℞vj. ol. violacei, camomill. an. ℞j. sal. commun. ℞j. M. F. Clyster, mox injiciendus.

Corpore expurgato, & horâ urâ atque alterâ intermissa, vena in dextro brachio aperiatur, sanguisque liberaliter, ad uncias decem

præter propter, & clyster atque venæ sectio sequenti die reiterentur.

Interea temporis ad revulsionem humorum, ac intemperiem corrigendam, doloremque sedandum tale n. edicamentum auribus instilletur.

℞. Lactis muliebris recenter emulsi ℥ij. Albuminis ovi in liquorem agitati ℥ss. Milce & instillentur in aurem tepidè citra vehementem auris contactum. Oleum etiam rosarum cum succo plantag. & solani, si ardor ingens sit, instillari potest, præsertim si ei aselli vivi incocci & expressi fuerint: dolorem enim valdè sedant. Tali etiam utatur fotu:

℞. Malvæ, bis malvæ, violariæ, lactucæ, an. m. j. sem. cydonior. malvæ an. ℥ss. flor. camomill. melilot. an. p. j. flor. rosar. rubr. p. β. F. Decoctio, qua pars affecta leviter & tepidè, cum spongia madefacta & expressa, foveatur. Et post fotum tale imponatur cataplasma.

℞. Herb. malv. bis malv. chærefolii an. m. j. farin. sem. lini, fœnugræci an. ℥ss. medullæ panis candidi ℥ij. cum lacte vaccino F. Cataplasma, tepidè cum lin. eis applicandum. Hoc cataplasma resolvit & si materia resolvi non potest, etiam suppurationem procurat. Si doloris summa vehementia urgeat, tale narcoticum adhiberi poterit.

℞. Opii Thebaici gr. iiij. castor. croci an. gr. j. β. cum lacte muliebri q. s. subigantur & in aurem instillentur. Et sub tempus somni exhibeatur philonii Persic. ℥j. vel laudan. opiat. gr. iiij. Ad suppurationem maximè commendatur tale cataplasma ex cæpa factum:

℞. Capam majorem Num. i. butyr. recenter. ℥ij. ol. camomill. rosac. an. ℥j croci ℥j. F. Cataplasma, quod moderatè calidum parti adhibeatur. Factâ suppuratione, æger in partem affectam decumbat, ut pus commodè effluat; eluatur auris tali remedio:

℞. Decocti hordei ℥iiij. mell. rosar. ℥j. misce; & instilletur tepidè in aurem.

In diætâ aër sit temperatus, Cibus parvus, refrigerans. Potus cerevisia tenuis, & julpium ex syr. de limonibus & aqua hordei. Motus vitetur; concilietur omni ratione somnus; atque ideo utatur lacte amygdalato cum syr. & sem. papav. albi. Alvus quotidie respondeat naturâ vel arte. Vitet omnia vehementiora animi pathemata. *Henric. Regius apud Theodor. Craanen.*

Aurium ulcus.

Licet quandoque contingat, ut cerebrum ab excrementitia materia per aures expurgetur, quæ in via pravum quoque potest odorem, atque colorem contrahere; idque absque ulla essentiali auris noxa, attamen hoc casu, cum jam quindecim abhinc annis, à diuturna mora sub radiis solaribus; acerbissimis doloribus auris dexteræ Illustriss. Pat. fuerit diu vexatus, quibus cum febre cessantibus, purulenta materia, non sine aliqua cruoris tinctura spontè excreta observata fuit, ideo inflammationem tunc in aure excitatam fuisse, eamque ab excalesfacto, atque fuso in capite sanguine, ad aurem transmissa, manifestissimum est. Aures siquidem ut pote naturâ debiles, facilius cæteris partibus fluxionem susceperunt. Ab in-

flammatione autem tunc temporis suppurata, num ulcus perduraverit, necne, in hîstoria desideratur, in qua de continuo materiæ effluxu nulla sit mentio, sed de hoc solum, quod tribus post annis à decocto & sudore, in aure sibilus supervenit, qui licet non continuus, temporis tamen progressu sensibilior & molestior fuit redditus, cum audiendi quoque non levi difficultate; ubi enim aures intra se sonant externum sonum recipere nequeunt, ob vaporosam materiam ab auris intemperie, cum aliquo humore elevatam. Sed tandem, sex circiter abhinc mensibus, quibus Romæ degit Illustriss. Pat. bis fluxionibus à capite in eandem aurem tentatus fuit, cum doloribus somnum quoque interturbantibus, qui materia maturata, eademque alba & cocta per aurem excreta, cessarunt, cui effluenti portuncula quoque membranosa immixta observata sunt, interim turunda bombycea immixta, nonnunquam cruore tincta extracta fuit. Quare de ulcere, à disrupto abscessu superflite non est quod dubitemus, non quidem in cochlea, neque in labyrintho, sed vel in tympano, vel in meatu auditorio, cum turunda immixta tingatur sanguine probabili indicio quod ad ulcus pertingat. Verum quoniam ab eadem materia in halitus conversa, aër implantatus continuo inordinate movetur, ideo continuus quoque sequitur aurium sibilus, cum auditu quoque diminuto, tum ob aëris eiusdem confusionem, tum maximè ob instrumentorum & tympani potissimum humectationem; ac tandem quia omne recipiens debet esse denudatum qualibet conditione recepti.

Quæ ulcera sunt difficillimæ sanationis, potissimum verò si annua & profunda, idque tum ob excrementa perpetuo à capite manantia, quæ tamen ad sanationem, accuratam exsiccationem postulant, tum quia callosa sunt, cujus ratione eorum cicatrix prohibetur atque protrahitur. Attamen cum materia effluat satis concocta, & à paucis diebus melius se habere videatur Illustriss. Pat. salutis spes non omnino abjicienda.

Pro qua medicæ intentiones erunt, purgato toto & capite, ulcus detergere, exsiccare, sarcoticis implere, & cicatrice obducere. siquidem cum viris istis Excellentiss. soli naturæ opus non esse relinquendum existimo, cum naturalis alterius auris imbecillitas, alterius quoque imbecillitatem supponat.

Quæ re sanguinis missionem repetendam censeo, & quidem prima vice ex lateris affecti brachio, secunda verò ex hæmorrhoidibus, habitû melancholici habitûs ratione. Cauterium quoque omnino brachio inurendum, & pedum lotiones familiariter ante cibum adhibendæ, prout frictiones quoque scapulis & dorso, matutino tempore non negligendæ.

Medicamenta verò erunt Lenientia, Præparantia, totum & caput Purgantia, ab auribus Divertentia, & Roborantia. Leniens itaque sit pot. ex manna clarif. addita aqua flor. citri. Præparans sine diluto, quinque diebus, pro syr. matutino assumendum, erit julp. acet. cort. citri aromatiz. ad ℥ij. cum cremor. tart. qualibet vice. Reperatur evacuatio syr. ros. sol. & de polyp. vel cass. lenit. & tart. Mox ulterior se qua

sequatur humorum præparatio, succis potius depur. quam syr. saccharatis, aut mellitis, qui hypochondriacis non adeo convenire solent. Quare præbeantur succi depur. sonchi, borragin. & betonic. an. ℥iij. in decoct. cichor. borrag. sonchi, endiv. betonic. majoranæ, addito ℥ss. tartar. vitriol. pro syr. & ita pro aliis septem. A quibus præparati humores expurgentur infus. agar. rhab. & sennæ, addito syr. ros. sol. vel elect. lenit. diacath. additis pilul. de tribus superbibat P. Illustriss. aq. Nocer. ℔b. ij.

Purgato toto, purgetur & caput pil. & errhinis. Pil. erunt cochæ, aur. & aggregat. epota semper ab iis aqua Noceræ, aut hordeac. ne exsiccentur hypochondria, quæ tribus vicibus quarto aut quinto quoque die repetendæ, atque vacuis diebus, succi depur. assumendi, ut supra. Interim Errhinum suave erit parandum quo, more tabaci utatur ex pulvere rad. ireos, nigellæ & fol. majoranæ. De capitis vero majori exsiccatione non loquor, utpote nimis operosa, quod tamen aliqua conserva capitali erit roborandum, sub ingressum lecti assumenda, è floribus betonicæ, salviæ, roris-marini, & à prandio, rosarum.

Tandem partis affectæ, ulceris scilicet, curatio tentanda, atque omnium primò leviora mundificantia sint mel. ros. cum aq. hord. modica dissolutum, quo paulo validius erit mel scilliticum cum succo caparum, sicut validissimum foret (quo tamen opus non est) Ægyptiacum melle dilutum, valida enim exsiccantia admittunt, imò postulant aures, quæ tamen non sunt infundenda, ne meatum auditorium attingant, sed specillum solum lana obvolutum insinuandum.

Ulcus detersum erit exsicccandum, in quem finem Galenus extollit scoriam ferri, in tenuissimum pollinem redactam, cum aceto fervefactam ad linimenti consistentiam, quale exsicccans medicamentum parari poterit hoc modo.

℥. Scoriam ferri subtiliss. ℥ss. vitriol. ℥j. m. bul. in aceto & vino, & eadem turunda intincta immittatur.

Carne denique implendum, & cicatrice obducendum ulcus, in quam rem prius suffumigium in aurem præcipi poterit, ex mastiche, myrrha & thure paratum. Mox sarcoticum huiusmodi inducatur.

℥. Cerusæ, tuthiæ præp. an. ℥j. rad. aristol. myrrhæ, sarcocollæ, aloes an. ℥j. rad. Ireos ℥j. m. f. pulvis & excipiat melle & succo agrestæ, quo turunda imbuta intrudatur.

Quibus omnibus congrua victus ratio erit addenda. Hæc sint in salutem viri Illustriss. præscripta, quæ omnia si adhibere recuset, quod plurimum cesserit affectus, non deerunt selectiora & maxime opportuna eligenda. Ita Deus vota nostra secundet. Joann. Raymund. Fortis Consult. & Respons. Med. T. I. Centur 1.

Illustrissima virgo annorum quatuordecim, temperamenti hepatis paulò calidioris; cerebri verò calidi & humidi, quarto ætatis anno ob luxuriantes in cerebro humores, aquosum per aures effluvium pati cæpit, quod cum à principio per Medicum ordinarium, & Adstantes minùs curatum esset, diuturnitate temporis symptomaticum evasit, ut novem abhinc annis materia foetens, sordida, corrosiva, &

sæpius sanguinolenta excernatur, cum notabili auditus gravitate. Pro cuius symptomatis Curatione, in vitiis excretorum enumerandi, à diversis Medicis diversa tentata sunt. Atque in primis præter diætam convenientem, ad mentem Galeni 4. Meth. per syrupum magistrallem, humoris peccantis blande, & per epicrasin à toto facta est evacuatio. Data post hæc catapotia aliquoties ex alto trahentia, celebrata venæ sectiones; dum etiam ad revulsionem & derivationem materiæ, adhibita cucurbitulæ, cum & sine scarificatione, velicatoria, fonticuli in brachio & nucha. Tandem etiam post plenariam corporis & capitis expurgationem, ad evacuationem causæ conjunctæ Masticatoriis & Errhinis pugnatum est. Thermæ naturales sulphureæ adhibita, dum etiam ad locum affectum magis exsicccandum, præter Decoctum chinæ pro potu ordinario, Decocta sudorifera ex lignis cum corrigentibus usurpata fuere. Successit usus herbæ Thee, ut omnium catarrhorum alexipharmaci. Nec omissa quæ ab intus & extra corpus confortarent, illiusque mali partes mandantes, viscera nempe principalia. Minùs neglecta, quæ aures blande detergerent & exsicccarent, ex succis agrim. absynth. vino, mell. ros. urina pueri impubis &c. Sed nec his proficientibus, ad fortiora quæ abstergerent, exsicccarent, carnem generarent, & cicatricem inducerent, descensum est, scil. ad Decoctum lignorum, sarcocollæ, myrrhæ, aloes, croci metallorum, cum succis apii, absynthii, agrimonie, centaur. min. quæ tepidè in aurem infusa sunt; successere suffumigia ex gum. ladano, sandaracha, sarcocolla, myrrhæ, olibano, omnibus terebinthina exceptis. Tandem ad ipsa etiam metallica adventum est, quæ commendat Galenus 3. de Composit. Medic. sec. loc. & Rhasis 9. ad Almanforem cap. 26. scoriam nempe ferri cum succo agrimon. centaur. minor. absynth. & aceti modico præparatam. Sed irritis omnibus, & symptomatibus, non tantum perdurantibus, verum cum dolore ingravescentibus, cum humor sua copia non tantum membranasas, sed & cartilaginosas aurium partes distendat, membranasque musculorum sua acrimonia vellicet; verum etiam cum jam ulcus sordidum evaserit, ipsaque Natura omnes cerebri humiditates illuc ad parotidum glandulas deponat, putarem (salvosaniori judicio) hoc unicum superesse remedium, manulem nempe atque chirurgicam operationem à perito Artifice faciendam, ne hæmorrhagia major, dolor aut inflammatio succedat; scilicet ut primò secundum longitudinem quatuor communia integumenta ad glandulas parotidas secantur; postea instrumento ad operationem apto cum cautela eadem glandulæ eruantur, ne vasa majora, venæ scilicet, à jugularibus externis, & interiores à carotidibus ladanentur, & hæmorrhagia incurabilis & lethalis succedat. Quam ipsam Ambrosius Paræus timens glandulas hæc potius filo in fundo earumdem ligat, ut paulatim exsiccentur, flaccescant & spontè decendant. Glandulis hæc modo erutis, cum nullus ibidem humor sese cumulare poterit, omnia præfata symptomata cessabunt: ipse verò humor ad ductum salivalem principium

derivabitur, ac per eosdem expurgabitur. Et hæc Præclarissimi in arte consummati viri iudicio pensitanda deferuntur.

Cum Hippocrates pronuntiaverit, quod *caput dolenti & circumd. lenti, si pus, vel aqua per nares, aures, ac per os effluat, solvitur dolor.* Ideo credendum naturam totum caput humiditibus scatens per aures olim expurgare tentasse, & intentum obtinuisse. Verum quoniam superstes mansit ejusdem humiditatis in capite reproductio, cum affectus ipse vel à Domesticis, vel à Medicis neglectus fuerit: hinc factum est quod nova reproducta materia calidior & crassior, ad aures transmissa, erodendo, progressu temporis ulcus excitaverit, non in cochlea, nec in Labyrintho juxta tympanum, auditus enim non solum imminutus, sed olim ex toto abolitus fuisset: sed in meatu auditorio in quo præter cartilaginem & membranam, substantia quoque nonnihil carnea, sive potius pinguedinosa reperitur, in qua ulcus facilius heri & diutius conservari potuit. Hoc autem ulcus abscessum inflammatorium non præcessisse credendum, quoniam de intensis doloribus cum febre Nobilissima Puella conquesta fuisset. Ulcus itaque in utraque parte intra aures modo multis abhinc annis Nobilissimam Puellam gestare, sive pati non est dubitandum, cui à capite calida & humida intemperie affecto, continuo catharrhalis serosa materia suggeritur: quæ tamen malè olens non esset, nisi ex mora in ulcere ipso corrumpere, & pravum odorem adipisceretur. Quoniam verò in transitu & aërem implantatum quodammodo turbatum fuisse necesse est, ideo sibilus, sive tinnitus: sicut tympani membrana madefacta, auditus imminutus sequutus fuit. Materiam autem fluxio ab utraque aure adeo copiosa, totque annis effluens, credibile non est quod à glandulis parotidibus ipsis auribus suppeditetur: sed pro certo habendum quod immediatè ad aures transmittatur: etenim adeo copiosa diurna si ad parotidas sese insinuasset, jam molles & tumefactæ tactu, imò & visu perciperentur. Et quamvis ab iisdem glandulis aures ipsæ materiam portionem aliquam susciperent, non tamen in glandulas, sed in cerebrum causa referenda esset, à quo non solum humectato, sed humiditatibus referto tanta emanavit serositas, quæ in Infantula retenta faciliè Hydrocephalum induxisset.

Quare si huic inveterato affectui providendum sit, non est qui non videat capitis curam omnium primò habendam esse, illud ipsum ut mali fontem & ulceris fomitem exiccando, & residuum fluxionis ab auribus divertendo, ut ulcus postea consolidari possit. Quod consequi quamvis difficillimum fore censendum sit (propter diurnitatem affectus) non tamen impossibile, quoniam appropriata præsidia non adeo legitimè & perfectè administrata fuisse puto.

Primæ viæ itaque ab excrementis mundanda. Secundò Totum corpus ab humoribus excrementitiis vindicandum. Tertiò caput purgandum. Quartò Capitis humiditas exiccanda & humida intemperies corrigenda. Quintò si aliqua materiam reproductio superesset, ab auribus divertenda; Atque tandem

ulcus, amoto impedimento, exiccandum & cicatrizandum.

Primam & secundam intentionem viro Doctissimo explendam relinquo; non omittendo aliquam sanguinis missionem, saltem ex saphena pedis, cum tempus inisset iurgationis n. entrux. Pro tertia, pilulas capitales aracelli propono ad 3ß. circa noctis dimidium a primo somno, more Tralliani, ter quarto quoque die exhibendas; & iisdem diebus cernuum ex pulvere majoranæ, ireos & nigella paratum. Pro quarta intentione, Decoctum sudorificum pro egregio & unico remedio propono ita parandum.

℥. Ligni visc. querc. ver. ror. mar. an. 3j. ligni guajaci pinguis rec. china opt. an. 3ß. aq. stillat. cichor. beton. an. ℥ij. m. f. intus. per horas xxiv. deinde bull. ad consumpt. dimidui, & facta colatura servetur pro trious vicibus, summo mane hora una ante ingressum hypocauli assumenda. Pro potu consueto.

℥. Residuum lignorum, aq. fontis opt. ℥xij. m. bull. ad consumptionem tertiæ partis, in fine vero ebullitionis adde cinnam. integri 3ij. bulliant parum, & fiat colatura, cui adhuc ferventi adde frustula citri recentis, & sacchar. alb. 3iv. ut agitando fiat aqua suavis vulgò dicta Cedrata. Pro sudore provocando ingrediatur hypocaulum, adeo ut caput principaliter sudet: alioquin tantum abest ut caput exficari possit, ut potius ab humoribus in toto suis magis magisque impleatur atque gravetur; & in hoc potissimum consistit rectus usus tanti remedii in quo delinqui solet cum incredibili præjudicio Patientum. Sudet autem quadraginta diebus manè tantum, nimirum semel in die, & primis diebus per horæ quadrantem, sequentibus verò usque ad horæ dimidium, & non ultra: sicut postea reliquum dimidium horæ sudabit in lecto. Maneat autem toto sudoris tempore semper domi non solum, sed in cubiculo, non hypocauli, sed hypocaulo proximo ab aëre & ventis custodito. Decimo quoque die præbeantur pilulæ capitales jam supra descriptæ, ea die omisso sudore. Victus non sit adeo tenuis, sed quotidie in prandio tantum concedatur caro assa pulli junioris, aut palumbæ ex turre præter panem biscoctum, nucleos pineos & passulas ad libitum; quandoque in cœna permittatur ptisana hordeacea probè cocta, addito saccharo.

Absoluto sudore (quoniam faciliè adhuc aliqua in capite humiditas reproduci poterit) idcirco ut ab auribus divertatur, & à capite extraducatur, Setaceum occipiti erit affigendum, & serico laqueo per menses apertum conservandum: non enim glandularum parotidum extractioni subscribere possum, non solum ob rationes à me superius adductas (fluxio namque ad aures, etiam demptis glandulis, dubio procul perseveraret) verum quoque quoniam non sine vitæ discrimine barbara illa operatio administrari posset.

Interim ulcus detergendum & exiccandum, cum ulceris curatio vera sit exiccatio. Pro deterfione introduci poterit mel ros. simplex, aqua Tettuciana aut sulphurea dilutum, in cuius usu aliquot diebus insistendum quater in die auditorium meatum abluendo. Mox pro exiccatio-

exiccatione, Metallica præsertim scoria ferri, à Galeno proposita, & à Paulo comprobata, efficax erit remedium: præterea ex usu esse poterit vinum ita parandum.

℥. Vitrioli rom. calcinati ℥ij. vini rubri ℥viii. succi cydoniorum ℥iv. m. f. infusio in loco calido per xxiv. horas, deinde f. colatura quæ introducatur mediante turunda bombycina. Præstantissimum quoque remedium ad hujusmodi ulcera contumacia est spiritus Mercurii dulcis, pariter turunda madefacta introductus.

Jam dictis omnibus congrua vivendi ratio erit addenda, ita ut caput ab inclementiis Ambientis, tam frigidis, quam calidis custodiatur & omnia vaporosa, tam frigida, quam calida interdiciantur, ut lactaria omnia, Lactuca comestio, fœniculi, cardui, fungorum, tuberum, Leguminum, vini meracioris potus: & à prandio usus Conservæ rosarum, à cœna verò è floribus betonicæ & roris marini instituat, alvusque aliquo familiari Medicamento bis in mense sollicitetur. *Idem Tom. ij. Centur. 1.*

Aurium vermes.

Proponitur casus generosi patientis Hungarici, annum agentis 25. qui post febrem quotidianam sex continuos menses in pueritia affligentem anno 1639. annum agens duodecimum conqueri cœpit de dolore sinistrae auris, quæ matutinis horis non audiebat, nisi post prandium: atque dolore hoc in dies magis ac magis infestante, oleisque variis non cedente, ad mulierem adiit, quæ ipsi eduxit vermiculos albos circiter decem, perseveranteque dolore, & fonticulo sinistro brachio anno 1642. musto, nihil juvante, iterum aurem applicuit ollæ, herbis & vino plenæ, cujus remedii usu eruperunt inde plusquam 20. vermes, mensem vivi qui fuerunt. Non ob id tamen convaluit: ac propterea multis applicitis non conferentibus, instillatis quinetiam in utramque aurem tribus guttulis olei elixyr. Proprietatis, quotidie erumpebant vermiculi pilosi mortui: ac proinde cum perseveret dolor, cum continuo vermium fusurto, auditui, studiis, & somno valde molesto, quærit, utrum hic Patavii habeatur oleum hoc elixyr proprietatis dictum, vel quid aliud, quod vermes enecare, caput roborare, & pristinam sanitatem ipsi restituere possit.

Cui satisfacturi, negare non possumus, vermes in auribus generari posse. Ubique enim adest materia putrida, ex ipsa vermes produci possunt; adesse autem potest in qualibet parte nostri corporis, quotiescumque calor extraneus dominatur calori nativo, ita ut ab eo terminari non possint passivæ qualitates, sed humiditas prævaleat. Habemus namque ex Aristot. 4. Meteor. putredinem esse corruptionem propriam, & nativam caliditatis in uno quoque humido, à calore extraneo factam. Quam ob causam vermes ut plurimum generantur in intestinis, quoniam in ipsis frequentissima est putredo. Generari tamen possunt etiam in ventriculo, in capite, thorace, & alibi, testimonio Avicennæ, Alzaravii, Benivenii, Gabucini, aliorumque plurium medicinarum Scriptorum, & præsertim Valeſci de Taranta in suo Philonio,

statuentis dolores aurium aliquando fieri à vermibus. Tandiu autem perseverare hanc vermium generationem, totque adesse in capite vermes, ut strepitum interre valeant, somnumque, & studia interpellare, non tam facile persuaderi possumus, cum præsertim non referat patiens, saniosam materiam jugiter fluere, ex qua statutis temporibus novi regenerentur vermes, atque ita dolor & strepitus perseveret, non obstante, quod sapius & plures vermes fuerint extracti. Quin potius in eam concedo sententiam, quod adsit firma, & fixa imaginatio super hoc objectum, quam propterea ratio corrigere non valeat.

Utcunque tamen sit cum imaginarii affectus & ipsi medicis præſidiis non raro tollantur, quatuor in casu præſenti peropportuna censemus. Primò quidem mentem ab hoc objecto divertentia, secundò corpus diligenter expurgantia, tertio aures, & cerebrum exsiccantia, quarto & ultimo cordialia, & humori melancholico occurrentia.

Primæ intentioni satisfiet per sex res non naturales, & præsertim per intermissionem studiorum, sodalitates, & peregrinationes; secundæ, sanguinis detractione ex venis sedalibus semel in mense, repetita totius corporis expiatione per melanagoga, & capitis ipsius, per nasalialia, & masticatoria: attritionem namque dentibus factam juvare ad digerendam materiam ad aures noctu fluentem, colligitur ex perfectiori auditu post prandium, quam ante ipsum. Caput deinde, & aures exsiccanda per usum elixyr. non quidem proprietatis, sed vite majoris & minoris à Quercetano descripti in Pharmacopœa Restituta: per fumum etiam tabaci ore exceptum ita, ut exsuffletur ex auribus, & per pulveres gentianæ, acori, scordii, & similium: ex quibus cum lauro parabitur lixivium pro capite; ac tandem præſcribantur magnæ antidoti, ut puta Mithridatica conf. juleb. gemmatum, el. de gemmis, confectio Alchermes, & similia. Ad vermes in auribus Aëtius Tetrab. 2. sermon. 2. cap. 8. commendat hæc remedia: calaminthæ succum instillatum in aures, Veratrum album cum vino: colocynthidis decoctum, centaurii, & absynthii, cum vino; scordii tandem, & marrubii succum. Et hæc agenda duxi pro medela saltem animi, si non corporis, Reverendi patientis. *Benedict. Silvatic. Consil. & Respons. Medic. Centur. ij.*

Aurium Fluxus.

De hoc vide supra consultationem ex Joan. Raymund. Forti cap. de surditate.

Parotis.

Patricius Illustriss. Juvenis 20. annum agens, temperamentis totius, jecoris & capitis calidi & humidi, post varios errores in vivendi ratione commisos, & potissimum in exercitio parvæ pilæ, & meri potibus, incidit in febrem acutam, quæ ut biliosa, sed spuria, à Domesticis Medicis curata fuit, cujus hodie dies decima quarta numeratur. Et quoniam in toto febris progressu de dolore capitis conquestus fuit, & septima die nonnihil deliravit, &

undecima comatosus fieri cœpit, decimæ quartæ initio glandula post aurem dexteram intumescere cum dolore visa est, qui tumor hodie, sub finem quartæ decimæ elevatus est ad ovi anserini magnitudinem, cum rubore & dolore, & adeo œsophagi musculos comprimit, ut difficilem reddat deglutionem. Pulsus constant, suntque satis magni, frequentes, sed non adeo celeres. Urinæ potius tenuiores, nunc verò aquosæ substantiæ. Modo Parentes de agendis consulunt.

Et ego cum Viris Excellentiss. censeo febrem hanc fuisse biliosam, cum non exiguo sanguinis subdominio, qui justo calidior, tum à vehementibus motibus, tum à meri potibus biliosior fuit redditus, unde febris synochus, *Quodammodo biliosa* Gal. dicta suborta fuit. In cujus curatione, quoniam natura à Medica manu opportunè adjuta & sublevata fuit, & sanguinis missione, & alterantium atque evacuantium administratione, ideo usque in hunc diem, vitalis facultas viguit, nec naturalis dejecta est, licet animalis quodammodo turbata fuerit, cum septima die nonnihil Patiens deliraverit, & postea ad somnum præter naturam inclinaverit, cum enim venosum genus humoribus redundet non adeo crassis, adsitque fervidus calor, facultas expultrix validior eisdem in aliquam corporis partem detrudere tentans, caput calidum & humidum ad attrahendum proinde & suscipiendum opportunum nata, in eodem residuum redundantes humores deposuit, & ad cerebri emunctorium transmisit, & tumorem in eadem parte post aurem excitavit, qui Parotis propriè appellari solet, quæ licet nonnunquam fieri possit à multis, crassis & crudis humoribus, multo tamen tunc vehementior & acutior debet esse febrilis calor. Hujus autem imminuentis abscessus præcesserunt signa, nimirum capitis dolor, cum comate, quibus surditatem quoque addit Gal. licet hæc frigida potius n. turæ & ætati accidat. Præsentem autem sicut demonstrant tumor & dolor, ita ejusdem causam, sanguinem scil. non adeo tenuem nobis significat calor cum rubore.

Si de eventu hujus febris loquamur, licet incertus sit, salutis tamen spes elucescit, cum Pat. sit Juvenis, valida virtus, & per abscessum terminanda videatur, cui abscessui modo nos maximè attentos esse oportet, nam licet superiores abscessus, inferioribus difficiliore sint, quia tamen non in principio, & intempestive, sed die critica hic apparuit, ideo fovendus aut adjuvandus: Parotides enim, si evanescant, recidivam imò sæpè mortem expectare oportet, ut contigit quoque Nicolai Concubinæ ab utraque parte. In casu verò nostro saltem recrudescentiæ metus esset, quinimo, si non maturescant Parotides, nec ex naribus sanguis fluxerit, aut urina subsidentiā copiosam & crassam habuerint, omnes pereunt. Quare circa abscessum hunc sermo noster potissimum versari debet.

In cujus curatione, licet nunquam repellentibus, sed attrahentibus potius utendū esse consulant, & Orib. & Aëtius, nihilominus, si cum impetu irruat humor, nil curiosè agendum esse, jubet idem Aëtius, imò Tral. notat quod si à sanguine fiat, attrahentibus faciliè suffocatio induci

potest. Quæ omnia à Gal. desumpserunt, dicente, *non repellentia, sed potius attrahentia, aut saltem laxantia, vel nature bene agentis totum opus permittendum.* Cum igitur hoc casu, natura bene & satis agat, ab attrahentibus abstinendum, & sola laxantia tutò adhibenda, nec ab usu butyri recedendum, *Concoquit enim, laxat, & digerit*, ut dicebat Gal. & licet Celsus quamprimum Parotidem aperiendam consulat, à initio tamen nunquam id fieri debet, nonnisi præsentē aliqua materiæ suppuratione, cui dum attendimus, si forte contingeret ut ab humorum affluxu, aut hodie vesperi, aut cras mane tumor in amplam molem adeo excreveret, ut & deglutitio, & forsan etiam anhelitus interciperetur, tunc ad sanguinis missionem per venam sectam, dubio procul erit deveniendum, ut nos docet Gal. Quinimo dum à Sanguine Parotides nunt, statim venam aperiendam consulit Tral. ut arceatur suffocatio. Si verò crastina die eodem sit ita tu ipse tumor, Emplas. aliquod illi erit admovendum, quod laxandi, nonnihil attrahendi, & omnino concoquendi atque maturandi facultatem obtineat, quale esse poterit paratum ex Fol. Malv. in lacte v. corno decoctis & contusis, addito butyro, adipe gallinæ, & Ol. amygd. cui vesperi fermentum quoque addi poterit, quinimo & farina cum Caricis ping. exemplo Paul. Quamprimum autem tumor erit aperiendus, ut monet Celsus, neque expectandum in superficie pus, ut aliqui inexperti, non enim attollitur priusquam deprimatur, & in sinus varios atque difficiles se diffuderit, præterquam quod si tarde aperiatur abscessus, materia antecedens in capite hæret, cum ei à conjuncta non cedatur locus, etenim intus existens prohibet extraneum. Ferro igitur aperiatur abscessus hoc casu, cum Juvenis sit Pat. vegetus nativus calor, & tumor sit phlegmonosus potius, & bile immixtus, quàm œdematosus, aut cum pituita, Neque semper ferrum adeo tutum, inclinante scil. ætate, nativo calore imbecilli, & febrili intensiori, atque humore, tumoris causa ad frigidum vergente, tunc enim ex vulnere Gangræna excitari posset cujus causa causticum ferro tutius substituitur.

De reliquis febris extinguendæ administrandis non est quod loqui, utpote Viris Excellentiss. perquam notis, quod scil. aperto abscessu à medicamentis evacuantibus atque divertentibus sit omnino abstinendum, & solis clysteribus utendum, sicut attenuantibus insistendum, usui nimirum copiosi Julap. Acet. neque ab alterantibus discedendum, habita scil. febrilis caloris ratione, congruam victus rationem jam præscriptam observando, quæ in præsentī casu dicta satis. *Joann. Raymund. Foris Consult. & resp. Medic. T. 1. Cent. 1.*

Observationes.

Auris Dolor.

Cum mulierem auris dolore intensissimo afflictam pilulis cochiis & aureis purgasset, & cucurbitulas scapulis cum scarificatione, & ventosam in Nucha apposuisset; hoc cataplasmate imposito miraculi instar ab omni dolore liberata est.

℥. Capæ num. j. sub cineribus ferventibus decoct. ol. Chamæmel. ʒß. butir. rec. ol. aneth. an. ʒß. croci, ʒj. Contusa emplastri modo, auri dolenti apposita sunt, *Petrus Forestus Obs. 1. lib. 12. De aurium morbis.*

Auris dolorem ex inflammatione sic curavi. Præmissio clystere emolliente & refrigerante, sanguinem detraxi ex vena cephalica ejusdem lateris: Postea, cum fervens esset inflammatio, ovi candidum tenue cum lacte muliebri tepidum infudi. Aliquando etiam usus sum ol. viol. in quo aselli infusi sunt & expressi, modo etiam rosaceo solo, modo lacte admixto, aut albo ovi. Similiter extrinsecus lanam jam dictis imbutam imposui, cavendo tamen ne calefierent. Pars quoque dolens hoc fotu fovetur.

℥. Fol. Malv. bis malv. viol. lactuc. salic. n. m. j. sem. cydonior. malv. an. ʒi. flor. chamæmel. melilot. an. p. j. flor. rosar. rubr. p. ʒ. F. decoctio, quæ pars leviter & tepide cum spongia madefacta & expressa foveatur: Talis fotus optimè conveniebat, ut materia digeratur, & sic paulatim materia fuit resoluta sine abscessu. *Petrus Forestus. Obs. 5. lib. 12.*

Quidam aurem dolentem ex percussione ita curavit; medullam panis albam calidè tritam cum melle apponebat, quæ frequenter superposita dolorem sedabat. Particula etiam thuris infundatur in lacte, donec dissolvatur, & guttatim in aurem mittatur: Hoc enim illico dolorem tollit, ut expertum est. *Petrus Forestus. Observ. 7. in scol. lib. 12.*

Cuidam auris dolore cum apostemate & ulcere laboranti in consilium post multa frustra tentata Medicamenta, adhibitis, jussi, ut manè ac vespere in aurem læsam 3. vel 4. guttas olei sulphuris tepidi, priore rejecto injiceret & postea in sano latere horas aliquot decumberet quod cum fecisset in dies, omnis dolor mitigatus, ulcus abstersum curatumque fuit paucis diebus, cum omnium admiratione. Cum eodem sulphuris Balsamo ad eundem modum administrato, sanavi auris dolorem intensissimum in alio. *Martinus Rulandus. Curat. 85. cent. 1.*

Divinus senex, lib. 2. epidem. sect. 6. sic præfatur; gravissimos aurium dolores affixâ cucurbitula tollit. Hæc memoranda sententia summam attulit opem misero cuidam, qui ex dolore auris atroci malè habens; omnibus præfidiis destitutus, vigil, debilis, & amens factus, continuo febriens, in horas moriturus sperabatur. Hic cum ex venæ sectione, cucurbitulis, costis, humeris, collo affixis, revellentibus clysteriis, expurgantibus, cæterisque revulsoriis auxiliis, sicut & anodynis intra aurem inditis, nullam sentiret utilitatem, cucurbitulâ scarificatâ juxta aurium glandulas applicatâ, levatus est: extracto enim copioso sanguine, inflammatione resolutâ, hujus auxilii beneficio omnino sanus permansit. *Zacutus Lusitanus. Obs. 69. lib. 1. prax. admirand.*

Notarius Proventuum Oeconomix Regiæ nomine Michael Dam, inexplicabili dolore auris dextræ affligebatur, noctes diesque ducebat insomnes, ac vix delirium effugit. Humor quidam primò fluebat ex aure, sed postquam Chirurgus hujus loci emplastrum applicasset, & simul lintheaminibus aurem bene munisset, de-

sit fluxus, continuatis interim & simul ex parte auctis doloribus. Medicus quidam accersitus opii usum pro sedandis doloribus vadit, sed absque penitiori effectu, nisi quod ex memorati opii usu ægrotus dormire, insequentibus insomniis, horis duabus poterat, recedente mox dolore. Tandem ex iussu alterius amici, qui me consuluerat, assumpsit pilulas ex M. P. Ruff. & extract. Rharbarb. continuis quatuor diebus, manè & vespere, cum euphoria, remotis omnibus emplastris & lintheaminibus. Pus incipiebat fluere copiose, successit levis purgatio, ex pulv. rad. jalapp. ʒj. cum resin. jalapp. gr. v. acuato, & sic post tres septimanas relictus est æger.

Vir magni nominis apud nos æquè tali dolore gravi aurium infestabatur, unica nocte horrendissimo dolore capitis noctem totam insomnem, sed miserandam consumebat, quid ageret, vix sciebat, nam dolor videbatur modum excedere. Hic sepositis omnibus externis, quæ suadebantur (exemplo enim erat affinis præditus) statim consilio meo confugit ad pilul. quarum sequens est formula:

℥. Extract. helleb. nigr. cum sp. v. facti ʒj. mass. pilul. Ruff. ʒß. resin. jalap. gr. vi. m. F. l. a. pil. divid. in p. ij. æqu. l. Mane prima parte Pilul. usus est. sedibus quatuor motis, cum alleviatione doloris; altera die secundam partem iterum priori similem assumpsit sequentibus sex sedibus. A meridie incipiebat pus fluere ex aure, quæ deinde tantum externo leni lintheo iuncte muniebatur, fluxus autem cum euphoria 14. diebus continuavit, & æger restitutus est.

Vir quidam nomine Johann. Lonhert, civis Risenburgensis in Prussia ducali, dolorem auris gravissimum sentit dextræ: quinque vel sex diebus continuavit dolor, & parum abfuit, quin sibi ipsi mortem conscivisset æger. Confugit ad Mariæ Insulanum ibidem medicum qui omnem etiam cum pharmacopola ejus loci dant operam, ut restituant ægrum. Emplastra, lintheamina externa, fotus & quæ necessaria videbantur, applicant, sed absque fructu, dolore quidem non aucto, interim tamen permanente in eodem, itaque tandem quærens auxilium tendit Mariæburgum. Chirurgus hujus loci omnem movet lapidem, quo possit dolorem huic blandè sopire, propinat *Laudan. Opiat.* gr. iij. omni vespere, unde dormit quidem cum alleviatione patiens, nihilominus effectu hujus exspirante, denuo uti prius dolor urget, donec post aliquot dies tandem tumor ponè aurem exurgeret, qui scarificatus, naturalem locum doloris mutat. Ab aure enim divertit ad lumbos, & rependo quasi ibi constrictionem causat, emplastris applicatis tendit deorsum in spinam dorsi, circa regionem renum, deinde eo de loco expulsus in sinistro genu se figit. Sudoriferis autem attenuatus non quidem ad natale solum, sed ad aurem ipsam, & quidem carneam ejus substantiam redit, ibique rependo ac constringendo non quidem insignes dolores, sed tamen molestiam pariebat, ab aure autem iterum pugni magnitudine usque ad gulam ingens rumor se prodebat, ita ut suffocationem quasi minitaretur. Interea fluit pus ex aure, & quidem satis copiosè, patiens se domum confert. Sequuntur domi

continua lipothymia, nemo praesens potest ferre auxilium: Moritur in Domino.

Ex his itaque recensitis casibus, facili negotio quilibet Medicus & Chirurgus colliget, externa applicata circa hunc affectum potius damnum inferre, quam prodesse, & tutius esse, sequi naturae ductum, secundum Hippocratem, & quo vergat ducere, quam topicis figere, quod ad volatilitatem videtur esse progeneratum. Experientia etiam testatur, plus posse unica die in talibus casibus Medicum perficere internis specificis, materiam discutientibus, & ad expulsionem praeparantibus, quam topicis repellentibus, quae plus ab extra impediunt, quo minus materia peccans ad effluxum disposita suo fine potiri queat. *Andreas Cnoeffelius.*

Virgo viginti annorum jam per quindecim septimanas egregie conquesta fuerat de auri dolore propemodum intolerabili, ac per totas aliquando noctes somnum prohibente; auris interea temporis multum puris bene cocti quotidie fundebat; complura jam medicamenta sine fructu fuere adhibita. Accersitus ad omnes & quidem minimas circumstantias tam circumspicere, quam potui, attendebam, tandemque digitis meis persensi undulationem quandam puris profunde siti post aurem affectam; atque hic abscessus ab aliis non fuerat observatus, licet causa foret totius mali. Rem bene mecum perpendens facile intellexi hunc abscessum post aurem nunquam sponte, hoc est, absque externo artificio iri apertum non tantum ob profunditatem suam, sed praeterea etiam, quia pus inibi contentum jam per aurem exitum sibi quaesiverat, quamvis valde sinuosum ac minime sufficientem; quapropter mox imposui corrosivum salis acre, cujus eschara separata ingens copia puris bene cocti prodibat ex arte-facto foramine, ac post illud tempus auris dolor & puris ex auri cavitate profluxus protinus in totum cessavit; foramen autem corrosivo inductum, omni pure per illud evacuato, intra duas septimanas prorsus coaluit, ac aegrotam omnino restituta fuit pristinae sanitati.

Hanc aperturam post aurem, nullam moram interjectam, fieri debere existimabam, ne pus alias tandem os subjectum attingeret, illudque temporis progressu carie inficeret; quanquam pus bonum super osse aliquandiu moram necans non necessario semper inducat cariem, sicut id exemplo sequenti demonstrare mihi facile est.

Vir circa trigessimum sextum aetatis suae annum tempore brumali ac aere ventis haud parum agitato iter faciens brevi post sentiebat auris dextrae dolorem, ex qua deinde quotidie prodibat nonnihil puris, tuncque aderat doloris illius non mediocri levamen; postea, pure non amplius promanante, aeger de summo iterum conquerebatur cruciatu, qui, noctu non raro delirium produciens, jam per aliquot menses duraverat, nec ullis externis, internisque remediis obsecundabatur.

Advocatus post aurem reperi tumorem longe lateque extensum, in quo pus contineri firmissime mihi persuasi, licet ob profunda-

tem loci, in quo pus delitescere, palpaudo nulla animadverti posset undulatio; imposui igitur corrosivum, cujus eschara valde crassa separata incredibilis puris copia profluxit; hoc autem pus jacuerat super os petrosum quod totum nudum existerat, sicut id specillo observare facile potui, ac interim tamen absque ulla fragmentorum ossorum separatione patiens intra sex septimanas prorsus sanatus est ac sanus postea permansit, non adhibitis aliis medicamentis, quam injectione idonea, bono digestivo, ac tandem, osse iterum contexto, tincturam meam antimonii, quam externe multis in casibus mirum in modum prodesse quotidie comperi.

Tympano auris ab ulcere eroso auditum superstitem permansisse legere datur apud Vopiscum Fortunatum Plempium in fundamentis Medicinae p. 148. Praeterea memini me conspexisse Rotterodami apud Jacobum Lodensteyn, classis navalis Archi-Chirurgum, virum dexterrimum, ossicula auditus omnia, quae post ulcus ex aure pueri alicujus prodierant; sed puer hic eadem aure postea nunquam audivit. Novi Chirurgum, qui ad dentium dolorem auferendum urit aurem ferro ignito, sed ridicula ac inutilis videtur haec operatio. *Muys in Prax. Chirurgic. rational.*

Aurium vermes.

Non in intestinis tantum, sed in omnibus prope corporis humani cavitatibus vermes generari observant Observationum scriptores. Foemina quaedam hic Posonii in suburbio habitans per longum temporis spatium capitis auriumque divexata doloribus, tandem Chirurgum accersit, petens auxilium, credere enim sibi aliquando sub dio dormienti aliquod animal in aurem dextram irrepsisse. Applicuit iste subridens cataplasma, & quae nescio alia. Sed ecce cum quadam die de ingentibus lancinantibus doloribus conquereretur, aurem inspexit, vermesque deprehendit, quorum in mea & D. D. Zolicoferi, nunc Archiatri. Brogensis praesentia, complures extraxit albos, cum capitulis nigricantibus illis similes, qui in pyris vel avellanis nasci & inveniri solent. Inclusi tres chartae bibulae domum eos portaturus, & ad Microscopium examinaturus, sed cum illos eximere vellem in arrofa vel attrita charta, quamvis nihil praeterea in illo sacco habuerim, nullum invenio nisi unicum extra eam in sacco, quod reliqui aufugerint, nescio. Videbantur autem vermes non irrepsisse, sed geniti fuisse ex ulcere, id quod fieri posse ex Observationibus constat. Mulier adhibitis fomentis ex herbis vermes necantibus & ulcus aurium (nam pus quoque & sanguis ex illis fluxerat) consolidantibus, convaleuit. Similes plane vermes annotavit *Henr. à Moynichen* Obs. 16. à *Th. Barth. Cultro Anat. Lyseri annexa.* Caroli Raygeri

Caruncula Aurem Obscruens.

Circiter annum 1594. genere & virtute vere nobilis puella, Margarita de Martines, Nobilissimi

bilissimi ac prudentissimi viri Dn. J. Francisci de Martines, Domini in Bourgou & Pally, filia primogenita, ætatis annum octavum agens, variolis correpta fuit; ex quibus eò gravius laborabat, quia pustulæ ad extremam cutem nihil ferè eruperunt. Porro quia materia variolarum non satis ad partes externas expulsa, puella quin etiam à teneris annis scabie in capite, & circa emunctoria, parùm obnoxia fuerat, non diu post, nimirum anno 1595. qui fuit annus 9. ætatis, dolor in meatu auris dextræ præcipue acutus & pungens erat, ita ut tota illa pars faciei in tumorem elevaretur. Auri oleum chamæmelinum tepidum, doloris leniendi causâ, gossipio imponebant, faciemque eodem oleo inungebant. Post dies aliquot in ipso meatu auris ruptus est abscessus, ex quo primis quidem diebus materia subtilis, & loturæ carnis instar, deinde pus crassum spissumque extillabat. Dolor capitis & auris paulatim cessavit, tumefactio quin etiam faciei evanuit, Tribus elapsis mensibus, iterum materia subtilis extillare cœpit, & deinceps continuò extillavit; absque tamen dolore: quapropter nullum ex hoc malo sibi accidere posse incommodum, cuncti arbitrabantur. Circa annum verò 1600. cum auditum paulatim diminui viderent parentes, atque hac de re solliciti essent, meatumque auris inspexissent, in profundo ipsius excrescentiam quandam carnosam & meatum planè obstruentem deprehenderunt. Interim tamen, etsi quotidie nonnihil materiæ subtilis extillaret, quia tamen neque dolor, neque aliud quodpiam adesset symptoma, puella quin etiam ratione ætatis timida esset, & ab operationibus chirurgicis abhorreret, res de die in diem prolata fuit.

Anno verò 1604. cum excrescentiam illam carneam, ex meatu auris propullulantem, viderent parentes, attoniti ac perturbati fuerunt, protinusque medicos eosque doctissimos, imprimis verò Dn. M. rcum Offredum, & D. Andream Bonetum, apud Genevenses Medicinæ Doctores longè celeberrimos, hac de re consuluerunt, illi cum affectum difficilem esse, & manum diligentem requiri cognovissent, ut ego vocarer, suaserunt. Vigesimo itaque tertio Decembris 1604. cum in Perroy ad lacum Lemani, ad prædictum Dominum de Bourgo pervenissem, & aurem inspexissem, excrescentiam in ipso meatu auditorio, magnitudinis ingentis inveni. Hæc extuberantia dura, inæqualis, lividaque erat, & tympanum versus in apicem desinebat, habebatque planè formam fungi, nondum tamen integrè conspici potuit.

Superficie sive extuberantia huius fungi, uti postea dicemus ablata, quod reliquum erat, paulatim usque ad ipsius radicem quæ prope tympanum erat in conspectum veniebat; à forma itaque & duritie excrescentiam hanc fungum schirrosam appellare libuit.

Propullulabant præterea circa ipsius radicem duo parva germina, ex quibus proculdubio etiam fungi procreati fuissent, nisi angustia meatus auditorii obfunderet. Est tamen notandum meatum huncce dextrum iterò aliquomodo ampliorem apparuisse. Videbatur enim

dura ista excrescentia; interim dum accresceret, puella, impedimento fuisse quominus proportionem suam observaret meatus iste.

Porro cum ex colore livido & duritie affectum huncce difficilem esse, & periculo minime vacare vidissem, denuò ut prædicti Medici in consilium adhiberentur, autor fui, iis itaque convocatis, & diligenter explorato & perquisito morbo, deliberatum fuit ut curatio propter maximum frigus usque in proximum ver protraheretur.

27. Itaque die mensis Martii 1605. cum iterum in Perroy pervenissem expurgato corpore, cucurbitulis cum multa flamma & scarificatione, pro diversione scapulis adhibitis, item setaceo per verticem trajecto, imò electuario pro cerebro confortando, & pulveribus capiti inspergendis in usum revocatis, fungo bis in die linteam suave reduplicatum aqua nostra ad ulcera maligna (cujus descriptionem vide in Cent. 1. Obs. 1.) imbutum, tepidè applicui: neque aliud quicquam usque ad mensem Majum cum fungo tentare volui: quo natura ante omnia ad ablegandas superfluitates cerebri versus setaceum sese affuefaceret. Interim tamen, uti & per totum curationis tempus, optimam victus rationem observabat.

13. M. ij ad ipsam reversus, purgato corpore, sanguine per medianam dextram ad unc. 7. emisso, & apozematibus per tres dies continuos exhibitis, posteaque repurgato corpore per opiatam, toto curationis tempore per intervalla sumendam, ad fungi extirpationem transeundum fuit: ea autem quia, aut abscissione, aut erodentibus & causticis medicamentis, vel ligatura fieri debebat, ante omnia nobis explorandum perpendendumque erat, quamam tutior & securior esset via atque methodus? Excisio adstantibus propter hæmorrhagiam suspecta erat, & ægra illam abhorrebat. Erodentibus quoque & causticis medicamentis massam illam fungi, qui externam partem auris adimplebat, absque periculo absumi minime me posse sciebam. Imprimis verò quia ex colore livido, duritie, & inæqualitate tumoris, malignitatem aliquam subesse apparebat, verebar ne ex usu medicamentorum causticorum magis irritaretur malum, & humor ille acris qui post applicationem causticorum ex ulceribus effluere solet, vicinis partes simul exulceraret. Malui itaque ligaturam instituere. Singulari enim & ad hanc operationem perficiendam commodissimo à me excogitato instrumento quodam fungum istum satis profunde in ipso meatu auditorio amplecti & ligare me posse sperabam. Instrumentum autem hoc forceps fuit ex lamina cuprea aut argentea fabricatus, ita quidem scilicet ut per se apertum sit, extremitates tamen digitis facile comprimere ac claudi possint. Prædictæ extremitates quoque aliquomodo excavatæ esse debent, quò carunculam quæ lubrica est melius amplecti possint.

23. Itaque Maij, electo loco splendido ægram in sedem collocavi, & ita quidem ut radii solares in auris meatum penetrare possent. Postea caput, sive externam fungi extuberantiam filo apprehendi. Hujus enim filii benefi-

cio caput fungi suspensum tenebam. Interim funiculum cum seminodo intromisi, & cum stylo quodam exploratorio tam profundè, quantum fieri potuit intrusi. Deinde ambas extremitates hujus funiculi in extremitatibus forcipis prædicti facta, traxi. Postea instrumento tam altè quantum fieri potuit in meatum auditorium, & quidem ad utrumque latus fungi intromisso, extremitatibus funiculi ambobus indicibus apprehensis & fortiter tractis atque constrictis, fungum arctissimè ligavi. Interim autem dum filum simul & instrumentum intruduntur, minister filum extuberantiæ fungi annexum clementer leviterque in altum trahet, idque in eum finem ut funiculus simul & instrumentum eò facilius & profundius intromittere possit. Facta ligatura instrumentum clementer extraxi; filum verò suspensum reliqui. Deinde linteum reduplicatum, & sequenti liquore insuccatum applicui.

℞. Aq. nostr. ad ulcera maligna ℥j. aq. ranar. aquatil. plantagin. rosar. ana ℥ss. semin. cydonior. subtilit. pulver. ℥ss. C. C. usti, tutiæ, & plumb. usti ppt. ana ℥ss. M.

Monitum autem velim lectorem, funiculum in hujusmodi affectibus nullò modò (ut in aliis quidem corporis excrescentiis aliquando fieri solet) aqua forti insuccandum, multò minus arsenico illiniendum esse, propter gravissima quæ inde sequuntur symptomata; funiculum tamen, ut fungum paulatim abscinderet, singulis diebus iterum immisso & adaptato instrumento, clementer contraxi, nodumque magis magisque constrinxi.

Cum extuberantia fungi ita ligata esset, paulatim flaccescere capit, emanavitque ex illa humor foetidus & putridus, is verò ne in meatum auris internum defluat, quotidie ter quaterve peniculis è spongiis paratis, absterfi. Deinde extuberantiæ undique spongas in præscripto liquore madefactas iterumque fortiter expressas, supposui, idque in illum finem ut humorem illum putridum foetidumque absorberent exciperentque. Ita paulatim abscissa est extuberantia fungi, ita ut 27. ejusdem mensis absque dolore & hæmorrhagia, excideret.

Sed quia fungum ad radicem ipsius propter angustiam meatus auditorii ligare non potueram, quod reliquum erat erodentibus, ut postea dicam, absumere cogebar: prius tamen, nimirum 24. dosim electuarii purgantis exhibui, quò optimè expurgata fuit ægra. Ad majorem quoque humorum exsiccationem sequens exhibui decoctum.

℞. Radic. sarsapar. ℥j. Lign. sassaf. minut. dissecti ℥iij. radic. chin. in tenues orbiculos sect. ℥j.

Macerentur horas 20. in aq. font. tepidæ lib. iij. & coquantur ad duarum partium consumptionem. De colatura moderatè calida ad ℥iij. hora quinta matutina exhibui; interim dum utebar præscripto decocto victum utcunque tenuem & exsiccantem observabat, à jusculis & fructibus horariis humidisque abstinebat, eorum verò loco uvis passulis & amygdalis tostis utebatur. Pro potu ordinario sequens decoctum præscripsi.

℞. Residuum prædict. decoct. passular.

liquirit. ana ℥jss. aq. fontis lib. vj.

Macerentur per horas 15. deinde coquantur ad unius tertiæ partis consumptionem: paretur potio gustui grata, & aromatizetur paucò coriandro præparato.

Hoc decocto, & victus ratione per mensem integrum utebatur, interim corpus per intervalla expurgabatur, & cucurbitulæ scarificatæ applicabantur.

Extuberantiæ parte beneficio ligaturæ excisâ, quod reliquum erat usque ad radicem prope tympanum sita, quomodo absumserim dicendum. Statim itaque postquam extuberantia exciderat, iterum ægram ad radios solares in sedile collocavi: mox laminas parvas tenuissimasque è cera fabricatas, & aliquantum incurvatas undique circumcirca carunculam imposui, idque in eum finem, ne medicamenta acria quæ imponenda erant, meatum auditorium attingerent exulcerarentque, deinde penicillis ex spongiis paratis absterfa humiditate, escharotici nostri ad magnitudinem capitis aciculæ imposui: postea filamentis & spongiis meatum implevi, & linteum reduplicatum, nec non liquore superius descripto imbe; exterius auri superimposui. Medicamento quotidie bis, nimirum hora septima matutina & quarta pomeridiana, (ad candelam enim hujusmodi operationes minimè sunt tentandæ) imposito. 28. ac 29. escharam induxi, illa verò ut abscederet, sequens medicamentum filamentis in eo intinctis, applicui.

℞. Mucilag. sem. cydonior. extractæ cum æqualib. partib. aq. arnogl. & ranar. aquatil. ℥ij. C. C. usti & præpar. tutiæ pp. lapid. calamin. an. ℥j. croc. mart. satur. calcin. an. ℥ss.

M. Fiat medicamentum ad instar. collyrii utcunque liquidi. Medicamentum hoc propter meam absentiam usque ad 4. Junii impositum fuit. Tum, uti & sequenti die, laminis cereis iterum investita caruncula, denuò de prædicto escharotico bis in die applicui.

Sexta die ejusdem mensis repurgato corpore 7. 8. & 9. collyrium descriptum applicui. Decima eschara denuò exenta, laminæque novæ impositæ, escharoticum ea die ter, undecima verò bis iteravi.

Duodecima die mensis, quia eschara magna apparebat, neque pingua ut imponentur consultum mihi videbatur, cultello separatorio incurvato ad carunculas ex auri meatu excidendas aptissimo, eam excidi.

Excisa eschara, quia propter angustiam meatus auditorii, laminas cereas difficulter imponere mihi licuit, escharoticum applicare ausus non fui: globulum itaque lentis magnitudine ex filamentis contortum, sequenti pulveri immersum applicui, & spongiis collyrio supra descripto madefactis iterumque expressis, ductum auditorium adimplevi. Spongiæ autem in purulentis auribus summopere conveniunt, materiam enim purulentam ex profundo attrahunt absorbentque, partemque affectam ab injuria aëris vindicant.

℞. Pulver. præcip. optimè rectific. ℥j. lapid. bezoard. diligenter pulveris. saturn. calcin. & abluti an. ℥ss. misceantur, fiatque pulvis.

Decima sexta, cum beneficio speculi auris ad tympanum usque ferè inspexissem, & nonnihil de

de radice fungi superesse probè cognovissem, sequenti die iterum laminas cereas, ea qua fieri potuit diligentia infixi, & medicamentum escharoticum applicui. Verùm decima septima cum domum proficisci coactus essem, sequentem pulverem præscripsi, & me absente imponere jussi.

℞. Croc. mart. optimè pp. C. C. usti & pp. Saturn. calcin. & ablut. lapid. calamin pp. aa ℥iſſ.

M. fiat pulvis tenuissim. qui filamentis collyrio supra notato madefactis usque ad tertium Julii impositus fuit. Quartà cum ad nobilem ægram rediissem, & radicem fungi nondum penitus absumentam esse, imò & præter radicem duo parva germina, adesse cognovissem, iterum pulverem ex præcipitato &c. & spongas madefactas imposui.

Sexta Julii speculi & radorum solis beneficio, nonnihil puris in profundo meatus auditorii oculis se se offerebat, in quo motus, veluti diastole & systole arteriarum, conspici potuit. Absterſo pure, quia radicem mali nondum omnino absumentam esse observavi, iterum laminam ceream cui ex una parte nonnihil escharotici annexeram, ad radicem ipsam applicui, & spongas madefactas superimposui. Radicem præterea fungi cranio adhærentem, imò ex ipso cranio originem traxisse, bellè apparuit. Septima de eodem medicamento escharotico ad magnitudinem capitis aciculæ bis applicui.

Octava ægram expurgavi, post prandium, cum radorum solis & speculi auris beneficio meatum auditorium inspexissem, fungi vestigium nullum nobis apparuit; qua de re in posterum nihil, præterquàm pastillos Andronis, syrupo de rosis siccis dissolutos, imposui. Post dies tamen aliquot, cum in profundo auris, & illa quidem parte quæ radix fungi fuerat, os denudatum invenissem, sequentem pulverem catagmaticum, melle rosaceo parùm que spir. vini, mixtum, per mensem ferè integrum, me absente imponere jussi.

℞. Pulver. flor. betonic. rosar. an. ℥ſſ. rad. irid. florent. angelic. caryophyll. mastic. an. ℥j. benzoi, styrac. calam. an. ℥iſſ. M.

Post mensem cum ad ipsam rediissem, nullam amplius ossis denudationem inveni: qua de re ut in posterum pro corroboratione partis affectæ, linimentum ex pastillis Andronis, & syrupo de rosis siccis imponeretur, corpusque per intervalla expurgaretur, ac optima victus ratio observaretur consului. Sic Divino aspirante Numine pristinae sanitati restituta fuit, quæ & ad hodiernum usque diem 24. Octobr. 1613. feliciter utitur, & quidem in matrimonio non infelici, proles præterea aliquot progenit, & auditum, qui antea per annos aliquot deperditus fuerat magna cum admiratione multorum recuperavit. Tam provida & diligens est natura; præcipuè si in juvenibus diligentia Medici intervenerit. *Guilielm. Fabric. Hildan. Observ. Chyrurgic. Cent. 3. Observ. 1.*

Aurium Fluxus.

Habemus hic in vicinia, in Oppido Solingen, matronam piam atque honestam, quæ nunc vigesimum quintum annum ætatis prætergressa est, illa à juventute in hoc usque tempus

purulentas aures habuit. Extillat quoque materia, aliquando cocta & digesta, nonnunquam quoque subtilis & tenuis, & tum dolores adiunt, aliquando & fœtor percipitur. Cœlo exiliente frigido & humido, de dolore brachiorum conqueritur: proculdubio propter nervum, quem ego ex nervo auditorio deorsum descendente observavi, uti ex obs. 4. Cent. 1. videre poteris. Invisi illam aliquoties, aures quinetiam diligenter inspexi; & ut plurimum ductus auditorios materiâ purulenta repletos reperi. Ante menses duos cum aures abstergerem, frustum cartilaginis semi putridæ, ex ipso ductu auditorio extraxi. Id autem observatione dignum in hoc affectu occurrit, nimirum aërem, clausis naribus & ore, tam violenter ex auribus efflare & expirare, ut impositis pennis aut festucis illas expellat, & bullas in ipso pure excitet. Cujus rei ego aliquoties periculum feci. Interim tamen, quod admiratione dignum, auditum non multum depravatum esse, & exiguam molestiam sibi adferre malum hoc; ipsa ægra mihi retulit. *Guilh. Fabric. Hildan. obs. Chirurg. cent. iij.*

Admiratione dignus est casus venatoris cujusdam, qui consilii causa superioribus mensibus me accedens, inter cætera referebat, quod hætenus ingentes capitis dolores, inprimisque auris dextræ perpeſsus fuerit, ubi tandem aperto abscessu, multum puris & saniei, unâ cum animalculis nigris quàm plurimis, ex singulari putredine proculdubio genitis, effluerit. Ab hoc cruciatu tamen se liberatum esse dicebat, id tantum ægrè ferens, quod aurium fordes profundius extrahere cogeretur, simulque auriscalpium ad digiti longitudinem ostendebat, quod sine molestia hinc & inde auris in cavitatem agitabat, nec ullum dolorem vel etiam auditus difficultatem, quod maximè mirabar, percipiebat. Quid dicam igitur de usu Tympani; quodnam munus ossiculis auditus attribuendum erit? membranam hanc putredine corruptam & cum malleolo & incude, quæ sustinet, quis non opinabitur: &c. *Gregor. Horstii-Obs. medic. lib. 9. Observ. 8.*

Res externa auribus immissa.

Anno 1596. Puellæ Genevæ insinuatam fuit pisum in auris meatum: quod cum mox excitasset dolorem, suadet vetula fovendam esse partem affectam spongia madefacta lacte calido. Ex hac humiditate accrescit pisum: inde fit dolor vehementissimus. Vocatus in consilium Clarissimus Dn. D. Andreas Bonetus, ejus urbis medicus celeberrimus, me advocandum jubet. Præparatis igitur omnibus necessariis, caput firmiter tenendum jubeo. Deinde supra scriptis instrumentis pisum sine violentia extraho. Extracto pisco, spongia in decocto radicum chamomillæ, meliloti, & betonicæ madefacto, & quotidie ter aut quater applicatâ, sedatus est dolor, & brevi convalescit ægra. *Guil. Fabr. Hild. Obs. Chirurg. cent. 1.*

Rosæ filix quondam Roberti Chaperonis, annos 10. natæ, verno tempore sui similibus colludenti, insinuatam fuerat in concavum auris sinistra globulus vitreus instar pisi; cujusmodi puerorum carpis pro brachialibus accommodantur. Admonita mater Chirurgum advocat,

cat, qui globulum extraheret: frustra. Venit & alter, tertius item, & quartus, diversis tamen temporibus: ex his nemo juvit, quin imò altius innuatus est ab illis globulus. Exin desperavit mater de extractione: & quamvis casum filiae, doloribus assiduis constricta, agere ferebat, Dei tamen & naturæ arbitrio permittendum statuit. Postmodum sedatus quidem est auris dolor: sed tota illa pars capitis, usque ad futuram rectam, nocte dieque doluit, plus tamen minùsve pro aëris constitutione: cælo maxime humido ac pluvioso, quale est hyeme & autumnò, cruciatus urgebant. Accidebant præterea lævo brachio quasi stupores, usque ad digitos pollicem & indicem, progredientes ad lumbos usque, tibiam & pedem: & ut paucis dicam, totum latus sinistrum continuis iis ceu stuporibus languebat. Transmutati sunt postea torpores in dolores gravissimos brachii, humeri, & cruris: idque, ut dictum est noctu & aere frigido & humido. Tussicula sicca assiduò aderat. Menstrua ex parte supprimebantur, & nonnulli semel singulis trimestribus, aut parùm fuebant. Quum annis quatuor aut quinque sic doleret, acciderunt interdum epilepticæ convulsiones: ipsum quoque brachium in atrophiam incidit. Videns mater tam dira symptomata, varios adhibuit medicos, chirurgos & empiricos: & quum nullus auris dolor adesset (quippe maximi dolores obscurabant minimum) de symptomatiis tantum querebatur, omittà primarià morbi causà. Nequicquam autem hæc omnia juvère, neque enim intermittebant dolores, aut symptomata ullum, imò augescebant. Tandem adiit me anno 1595. mense Novembri. Purgavi ipsam aliquoties: inunxi præterea humerum, brachium, & reliquas partes dolentes, oleis anodynis & calidis: breviter, quæcunque necessaria ad hunc morbum videbantur, adhibui: frustra tamen, ut priores. Quum viderem morbum repugnare omnibus idoneis remediis, desperabam de salute. Latebat enim me istius morbi causà, nisi fortean ex catarrho foret.

Interim cogitanti mihi quid melius adhibere possem, ipsa nec opina capit recitare casum: nempe quod sibi ante octo annos globulus in aurem demissus esset. Hæc ego audiens, cœpi cogitare, eam esse morbi causam. Et quamvis illa valde repugnaret operationi, propter superiorum chirurgorum irritos conatus in recenti morbo, tandem tamen paruit. Tum ego feliciter extraxi globulum sine vi ulla, quamvis profundius, prope tympanum videlicet, excrementis & sordibus auris firmissimè hærentem. Cessavit illicò dolores capitis, reliquarumque partium corporis, & subsequente nocte meliusculè habuit: sicque paulatim leni inunctione olei lumbricorum restituta fuit. Cessavit inquam dolores, stupores, convulsiones epilepticæ, reliquaque omnia symptomata. Restitutum est quoque brachium: ita ut hætenus, Dei beneficio, bene se habeat. *Idem Observ. Chirurg. cent. 1. Obs. 4.*

Anno 1610. Rev. viri D. Jonæ Merulæ, apud Aventicenses verbi divini ministri fidelissimi, filio duodecim annorum ætatis, nucleus cerasi in dextrum auris meatum infixus fuit. Hac

de re, ut extraheretur nucleus, cum solliciti essent parentes, (quia ego Augustam Vindelicorum profectus) empiricum advocant. Is etiamsi omnem suam diligentiam atque industriam adhiberet, nucleus tamen extrahere non potuit: imò profundius intravit: idque non sine dolore & cruciatu: Est enim meatus auris exquisitissimo sensu præditus. In ista autem operatione, hamulo acuto usus fuerat, quo ductum auris ita dilaceraverat, ut sanguis sequeretur, atque operationem impediret. Remansit it. que nucleus usque ad 14. octobr. cum pater puerum mihi adducere vellet, ac aurem inspiceret, nucleus ab ingressu auris undique pure immersum, animadvertit: illumque acie aciculiparvo cum negotio extraxit: Meatus enim auris materia purulenta, quæ nucleus extruserat, impletus erat. Postea brevi convalevit.

Et si curatio hæc, atque expulsio nuclei ad votum successisse videatur, nunquam tamen hæc methodo, ac naturæ opus planè relinquendum esse suadeo. Multa enim variæque symptomata ex suppuratione harum partium oriri solent. Cum enim ductus auris exquisitissimo sensu sit præditus, facile propter doloris vehementiam humores affluunt, atque membranam tympani corrumpunt: Inde surditas. Non raro quoque os, quod exigua tantum membrana investitum est, ex huiusmodi suppurationibus cariem contrahit. Carnem item fungosam ex ductu auris, propter suppurationem exortam esse, & fungum scirrhosum procreasse, ex præcedenti observ. apparet. Diligentia itaque adhibenda ut quicquid extranei auribus infixum est, protinus extrahatur. *Idem Observ. Chirurg. cent. 11. Observ. 5.*

Grillus in aure.

Rusticus penes fornacem jacens, in scamno, non advertit in somno ingredientem grillum in aurem, quem tamen expergefactus ex clamore, ut dicebat, terribili statim percipiebat. Homo hic ferè ad insaniam redactus est, nec ullo modo potuit eum vel interimere vel extrahere: Venit tandem ad me, suadeo, ut infundat oleum scorpionis. Paret: sed sine fructu. Itaque jussi, ut afferat grillum vivum ex campo; allatum in jicio oleo olivarum, moritur in eo grillus. Hujus olei cum duodecim ferè guttas in aurem immissem, paulò post grillus in aure mori cœpit, inter moriendum tamen, retrogradum quasi motum repentis insecti sentit æger; frustatim deinde cum multo pure grillum auris evomit cum restitutione ægri *Andree Cnoëffeli.*

Aranea aure contenta.

Quot, quantisque malis humana corpora tam internis quàm externis, exiguae quandoque premant, obruantque causæ, evidenter demonstrat, quod referre aggredior.

In Michaëlis Digbaucher die 30. Decembr. anno 1682. sub tecto quodam nudo capite operantis aurem aranea quædam coloris fusci, irrepsit, quæ ipsum adeo torfit, ut non parùm anxius; quò eam eximeret, omnem moveret lapidem

lapidem. Trium autem Chirurgorum ope nequicquam implorata tandem ad Medicum, Chirurgumque nostrum Cornelium Solingium itur, qui, licet speculo sive instrumento dilatatorio, cavitate auris ampliata, araneam conspiceret non potuit. Caput tamen inimicum, hominem tam misere cruciantem, post quinque horarum moras, discedere coegit tenui quodam, planoque, ac lapidilli in morem efformato cochleari usus. Animadvertebatur autem circa Araneam illico post extractionem extinctam nonnihil sanici, cujus reliquiis exemplis, Solingius auris Arcaei balsamum cum Peruviano, & oleo hyperici, gummi que elemni mixtum instillavit, cujus virium effectus tanti fuere, ut Michael postridie optime se habens, latusque non sine gratiarum actione à medico discesserit. *Cornel. Stalpart. Observ. rarior. Cent. 2. Obs. II.*

Parotis.

Nobilis quidam puer tumorem juxta aurem ovi magnitudine, jamdiu habebat, in ambitu durum, inaequalem, in medio mollem, ubi pressus cedebat, ex quo materiam quandam inesse deprehendi: dolor alioquin nullus, nisi quod pruritus interdum sentiebat. Corpore purgato, usus est sequentibus. Fodus fiebat ex decocto rad. ireos, brionia, in dies bis. Postea applicabat sequens emplastrum.

℞. Gummi ammoniaci in aceto fortiss. dissol. empl. diachyl. ireat, an. ʒi. malaxentur, quo facto duodecimo circiter die, sponte se aperuit tumor, purulentamque & spissam admodum materiam copiose tota septimana reddidit, multumque subsedit. Restabat adhuc in humiliore sede, exigua durities, cujus causa, cum Chirurgi maturantia adhiberent, tentaque immissa ulcus apertum servarent, tandem tentæ fundo cum extraheretur, sabulosa materia penitusque terrea, grani milii majoris instar adhærens apparuit, posteaque plusquam triginta ejusmodi grana terrea, ejusdem magnitudinis, aliquando etiam majora prodierunt; sicque repurgato ulcere, cessanteque duritie, ulcus consolidatum fuit *Felix Platerus. Obs. lib. 3. pag. 107.*

Anno 1599. meunte Aprili quadragenariam & innuptam puellam Colonia Agrippina, abscessu post aurem sinistram (quem Medici parotidem nuncupant) laborantem vidi. Nulla adfuit in principio febris, neque lecto decumbebatur, imò domestica administrabat. Demum circa decimum quartum morbi diem, quum abscessus ad pugni magnitudinem excrevisset, & materia plane esset præparata, sed propter duritiem cutis diutius retenta, viam deorsum sibi petebat. Tum advocatus, inveni abscessum ex semet ipso ante aliquot horas ruptum: puellam verò febre, lipothymia, nausæa & cibi fastidio, vigiliis item, dolore dorsi & renum, laborantem: nihil tamen aut parum ex abscessu effluebat, neque pus sursum revocari potuit. Itaque paucos post dies è vita decessit: Ex quibus perspicuum est, in hujusmodi abscessibus, sive sint in emunctoriis, sive in vicinia non esse expectandum, donec sponte erumpant. *Guil. Fabric. Hildan. Observ. Chirurg. Centur. I. Obs. 30.*

Verissimum esse quod asserto P. Alpin. l. 7. M. M. præfag. ut. (citante M. Aurel. Sever. de recond. Abic. nat. l. i. cap. 29. ex quo etiam *Riverius* fortassis suum sumpsit Theorema Instit. Med. l. 2. S. 2. cap. 3.) Abscessus post aures perpetuo sunt suspecti, nam tere superveniunt fractis viribus & videntur novas morborum at texere causas; vel ex sequentibus patebit Historiis. Illustriss. Comes ab Hardegat; magna spei Juvenis intra 17. & 18. ni fallor, annum morbillis corripitur Argentina, à quibus cura medicorum extra periculum constituitur; & liberatur die 12. vel 14. Postquam jam melius valere visus in hypocaulo deambulare & literas domum de restituta sanitate exarare, coepit; subito in novam incidit febriculam cum virium omnium langore ac prostratione; erumpentibus inopinatò ponè aures parotidibus; & licet omnia, quæ conducere videbantur, adhibita, nihilominus ille tertio vel quarto die in flore ætatis, ingenti suorum cum luctu obiit. Fortè hæc Andegavi narraui Medico Urbis Nosodochio præfecto, cum ille manu me duceret ad lectum ægroti cujusdam, ecce, inquit, hic periculosissima febris continua laboravit, sed jam apparentibus motu naturæ critico istis tumoribus rectius se habet; & spero evasurum. Interrogatus ægrotus affirmabat, quæ medicus dicebat, nihilque jam sibi molestius esse siti & virium langore. Hæc mihi displicuerunt, in memoriam revocando illud *Hippocr. in Coacis*: qui morbi in malis signis levantur, & qui in bonis non remittunt, difficiles, ut & 2. *Apho. 27.* non si quid in morbo præter rationem fiat levius fidentum &c. quippe Crisis, quæ sit ad partem principem (utpote caput) perpetuo suspecta: Reverti alterò die inquisivimus in istum ægrotum, sed ille circa mediam noctem mortuus cum admiratione Medici, qui fidem observationis meæ tum demum dedit: Hic *Possonii A. 1671.* in lepida puella undecim, credo, annorum mihi consanguinea, similes tumores notavi Parotides. Laboravit illa præteriti anni autumno morbillis, sed inde legitime tractata penitus convaleuit. Circa initium autem præfati anni sine dolore apparere tumores in collo, concomitante lenta & levissima febricula, semper de nocte recurrente. Creverunt in dies tumores, & aucta febris degeneravit in Hecticam, insequente marasmo, quo totum corpus miserum in modum contabuit, ut cutis ossibus, hæserit donec mense Augusto vitam cum morte ingenti matris viduæ cum luctu commutavit. Hi tumores nullis remediis ad suppurationem deduci poterant, semper duri ad tactum manentes.

Quartum adjungo, sed felicioris eventus Exemplum in Illustriss. cujusdam Comitum, qui primò nominatim consanguineitatis gradu attingebat, filiolo, Ottone Henrico. Convalescens hic *Possonii A. 1670.* ex morbillis tubercula circa aures, cum febris quidem intermittente, singulis tamen diebus circa vespere redeunte, afflictissimis parentibus priorem flebilem casum non ignorantibus. Ego verò nihil territus repetendo Alexiteria & Diaphoretica (residuum enim à morbillis judicavi malignitatem eo expulsum) & sub finem purgando ipsum feliciter per D. G. restitui. Est autem hoc morbi ge-

us nostratibus imprimis in juventute; valde commune, & quandoque cum tali invadit signorum vehementia, ut meritò aliquem tempore imprimis contagii, & rei ignarum terreant, aut aliquid mali suspicari faciant. Remittit tamen ut plurimum intra 24. horas morbi vis, & tubercula sensim sine suppuratione evanescunt, ad quæ ne redeant præfer-

vationis ergo communiter Cucurbitulas cum scarificatione adhibent. De Parotidibus in maligna febre earundemque cura vid. *River. in tr. de Febris cap. febr. pest. sub finem.*

AXILLARVM FÆTOR

De eo vide Caput de Fœtore in genere & in specie.

Finis Libri primi.



BIBLIO-

BIBLIOTHECÆ MEDICO-PRACTICÆ LIBER SECUNDUS

De Affectibus à Litera B incipientibus.

BALBUTIES

Vid.

LINGVÆ VITIA.

BARTHOYA.

Vid.

OBAVDITIO.

in Audit. Læſion.

BATRACHIUM.

Vid.

RANULA.

BATTARISMVS.

Vid.

BALBUTIES in LINGVÆ

Vitiis.

BERIBERI.



ST Paralyſis quædam ſpecies apud Indos familiaris, qua affecti genibus veluti niſtando & elevando crura non aliter quàm per ſaltus progrediuntur. Mulierem hic habemus eo affictam morbo, dices machinam arte confe-

ctam quæ vi elatiſtica ſubinde moveatur. De illo jam olim Eraſiſtratus ſic autem *Jacob. Bon-
tius Hiſtor. natural. & medic. Ind. Oriënt lib. 2.
cap. 1.*

Affectus quidam admodum moleſtus homines infeſtat, qui ab incolis *Beriberii* (quod ovem ſonat) vocatur. Credo quia, quos malum iſtud invaſit, niſtando genibus & elevando crura, tanquam oves ingrediantur. Eſtque ſpecies paralyſeos, ſeu potius tremoris: nam motum ſenſumque manuum, ac pedum, immò verò aliquando totius corporis depravat, & tremere facit. Cauſa hujus morbi præcipua eſt craſſus & lentus humor pituitoſus, qui nocturnis temporibus, præſertim pluvio cælo (pluviæ autem aſſiduæ cadunt ab initio Novembr. uſque ad Maii initium) nervos corripit, dum nimirum homines diurnis caloribus defatigati, noctu omne tegmen & lodices à ſe rejiciunt; unde facilimè, jam in cerebro præcipuè genitus, nervos iſte humor phlegmaticus invadit. Nam noctes in his locis comparatione caloris diurni, frigidæ appellari poſſunt. In hoc caſu artus prolongantur, non contrahuntur, inſinuante ſe inter juncturas phlegmate, ita ut nervi & ligamenta inde laxentur. Quamvis autem hoc malum plerumque per gradus & pedetentim homines invadat, tamen aliquando valde ſubitum eſt, dum nimirum ho-

mines æſtu defatigati, potum ex palma Indica copioſe & aſſatim ingerunt non ſecus ac in Patria diebus canicularibus aliquando vidimus fieri, cum quis curſu, aut alio aliquo vehementi motu, calefactus, potum cereviſiæ aut lactis preſſi, nimis avidè haurit, ita ut inde ſæpè ſummum vitæ diſcrimen, immò ipſam mortem incurrat. Porro ſigna hujus mali ſpectu obvia ſunt. Adeſt enim ſpontanea corporis univerſi laſſitudo; motus & ſenſus, præcipuè manuum & pedum, depravatur, hebecitque; atque in iis plerumque ſentitur titillatio talis quædam, qualis in Patria, frigida, & hiemali tempeſtate, manuum ac pedum digitos corripit, niſi, quòd hic tantus dolor non adſit. Tum etiam vox aliquando ita impeditur, ut æger vix articulate loqui poſſit quod mihi ipſi accidit, dum hoc morbo laboranti vocis ſonus per integrum menſem tam exilis eſſet, ut me vel proximè aſſidentes vix intelligerent. Adſunt præter hæc aliquando multo plura ſigna & ſymptomata, quæ tamen omnia tenacem & frigidum humorem ſapiunt, ſed præcipua enarraſſe ſufficiat. Accingamus ad curationem itaque, quæ plerumque in longum trahitur; dum nempe humor iſte lentus & frigidus ægrè diſcutitur: per ſe tamen, ut plurimum, lethalis non eſt: niſi muſculos pectoris & thoracis invaſerit, & hoc modo ſpiritus ac vocis viam intercludat. Verùm hoc imprimis curandum eſt, ne (ſi ullo modo fieri poſſit te lecto aſſigas decumbendo: ſed vel ambulando, vel equitando, vel ſimili aliquo motu validiore, omni conatu te exerceas: currere quidem impoſſibile eſt. Frictiones quoque fortes & dolorificæ ſummè neceſſariæ ſunt, quas commodè hic ſervi Bengalenſes, ac mulieres Malaycæ adhibent. Nam noſtra gens tali exercitio non aſſuevit.

ut nec balneis, quæ hic frequentia sunt. Fomenta atque infusiones conficiunt ex herba nobili *Lagundi* dicta, quæ folio quidem Persicariam refert, estque odoris suavis & aromatici. Certè nobis non tantum usum chamomeli & meliloti præbet, sed discutiendi & resolvendi viribus, iis, meo quidem iudicio præstat. Pedes & manus præterea inungendi sunt oleis caryophyllorum & macis, sed mixtis oleoroseo: nam sola adhibita nimis caustica sunt, & cutem facillimè eroderent. Habemus præter hæc nobilem Naphthæ speciem allatam ex Sumatra Java regno è regione in conspectu sita; quam *Miniach Tann nah* Indi vocant, oleum terræ significans; quod non secus ac nobis cognita naphtha, quod oleum petra vocamus, e terra erumpat, vel ex rupibus in subjecta flumina præcipitetur. Hoc oleum à Barbaris in tanto pretio habetur, ut rex Achinensis, qui potentissimus istius insulæ est Tyrannus, sub capitali pœna istud devehì inde prohibeat: ita ut incolæ, nocte intempesta, si quæ nostra, aut Anglorum navis, eorum littoribus adpellat, ad nos istud furtim deferant. Hoc oleum partibus affectis illitum, miraculi instar ægros consolatur. Odore est porro gravi: tamen non fastidioso.

Sed cum hic morbus sit chronicus & longi temporis, nihil æquè prodest quàm decocta ex radicibus chinæ, saraparillæ ac ligno guajaco; quæ blando & amico nostro corpori calore, frigidos istos & crassos humores, persudores & urinas egregiè discutiunt & evacuant. Interpositis tamen subinde commodis per alvum evacuationibus, inter quas principem locum obtinet extractum quod hic conficimus ex aloë & gutta Cambodia dicta vulgò, corruptè apud nos gutta gamba.

Sanguinem mittere nefas: non enim plethora, sed cacochynia in vitio est: & quis sanguinem fontem caloris & thesaurum vitæ non esse intelligit?

Hujus affectus reliquæ porro commodè discutiuntur theriacha, mithridatio, &c. sudorem & urinam moventibus, ac nervos roborantibus medicamentis. Reliquas hujus mali molestias opportuna exercitatio, & valida naturæ vis sanabunt.

Observationes.

Justus Auceps Juvenis peregrinandi cupidus, peragratò jam tum præcipuò Orientis tractu, substitit tandem in regione Choromandella, ubi sol tantò interdum æstuat ardore: ut indigenæ ejus vitandi causa, cogantur maximam diei partem transigere in balneis frigidis. Quem exurentem fervorem utique declinaturus hic juvenis id negotii famulis suis dedit, ut se plumbo impositum, cottidie, id que sub dio, ac aëre patente, frigidâ affatim perfunderent. Quod certè irriguæ, ac intempestivæ lavationis genus, adeò non profuit, ut potius multum nocuerit. At juvenile vitium est animo non posse imperare. Obstipata itaque cute, & humoribus ab inordinato frigore impendio nimis in nervos percussis, contraxit illam paralyfis speciem, quam India *Beriberi* sive *Qvem* vocat, qui morbus, ut minimum

habet periculi, curatur tamen difficilimè; n suo exemplo docuit hic adolescens: qui propterea cum ipso domum reversus, nobis ansam dedit inquirendi in naturam hujus morbi.

Quem animadvertimus tantum discrepare à perfecta, quantum conveniret cum imperfecta paralyfi. Corpus quippe erat quidem hebes ac languidum, artusque inertes ac desides, nequam tamen omni omnino motu destituti. Et quamvis ægro minimè integrum fuerit cibum capere, nedum deambulare, licuit tamen ipsi in sedili sedere, obscurum aliquem edere motum, imò in stupidis membris interdum persentiscere vagum, ac aberrantem illum titillationis sensum qui solet præcedere spiritus animales in nervos influxuros, ac jam jam per exigua eorumdem foraminula transitum quaesituros.

A qua utique imperfecta nervorum resolutione haud quaquam etiam dispar fuit curandi ratio. Convalescente ægro non minùs prosperè remediis patriæ nostræ familiaribus, ac si illis ipsis usus fuisset, quæ morbo huic speciatim præscribit, qui Indiarum Præfecto à medicinis fuit Jacob. Bontius method. med. cap. 1. ne quidem deficiente nobis pretioso illo terræ oleo, quod *Miniach Tinnah* Indis vocatur, & in insula Sumatra, cui præest rex Achinensis, adinstar olei petra ex rupibus destillat. Cujus Indici olei frequens periculum à nobis factum, tum in frigidis affectibus, nervis ac musculis penitus insidentibus, tum etiam in suffocationibus uterinis, quibus non minùs opis adfert, quàm oleum arte chymicâ è succino elicatum. Evacuandis autem pituitosis succis (in quibus potissima hujus morbi causa) operam imprimis navarunt, cum cathartica convenientia; tum lignum guajacum, sassafras ac radix china; & extrinsecus unguentum, partim ex oleo terræ partim verò ex oleis castorei, ceræ, nucis myristicæ, caryophyllor. piperis, ac ligni rhodii; quorum omnium legitimo usu, non tam confirmatus, quàm in pristinum valetudinis statum, integrè restitutus fuit. *Nicol. Tulp. Observ. lib. 4.*

Beriberi Spurium.

Verum depingit Tulpus *Observ. lib. 4. cap. 5.* spurium hoc nocentius quò gravius affligit. Expertus illud est nuper *Daniel Wichelhuysen* Batavus, quem funestum hoc malum tandem peremit. Is quinquagenario proximus, post sedecim annos in india Orientali exactos redux, apud nos confedit negotiationi Eorū manum & consilia accommodaturus. Vix mensem hic transegerat, cum obstinata correptus urinæ suppressione, vesicâ simul stupente, & tractò in societatem ob musculum communem podice. Transit & in crus sinistrum stupor, & ad ultima pedis tensionem molestam exporrigit. Paucis post diebus notatur & in regione cordis dolor exquisitissimus, non ille cor ipsum divexans, sed inter musculos pectorales & sternum cum summo cruciatu obambulans. Inter hæc mala destitutus consilium postulat. Mihi statim visa illa *oudelcom* & rara & periculosa. Credita initio velicæ ægritudo, suppressio urinæ & narcosis cruris, à calculo per musculum psoas transeunte pendere, dolor autem pectoris à flatibus. Sed dum in eo sum, ut istuc

istuc curam vertam, crus sinistrum paralyfi tentatur, & mox dextrum quoque simul cum vesica & podice, ascenditque malum illud & itupor partium ad usque diaphragma. Superiora bera nisi quod ex intervallo redirent immodici dolores musculorum circa cor, quos cum mihi describere frequenter pararet, ut erat vir sagax, & qui sensa animi clarissime alioquin expromebat, agnovit præ varietate motuum, & inusitata doloris novitate, victum sese quominus ægritudinis illius morem modumque lingua expeditet, innuens tamen subinde vellicari partes diversis motibus, & tandem contrahi tanquam in nodum, cum interim exterius nullus tumor, nullus præter naturam calor apparet. Sed & suffocationis quædam species identidem, maxime noctu, admonebat ex flatibus hand dubie impetuosius, qui tamen soluto paroxismo erumpebant nusquam. Cætera se bene satis habebant à capite ad usque diaphragma, ratio constabat, de ventriculi appetitu nulla querimonia. Illud gravissimum quod in progressu morbi sponte semper protraheret urina, ægro invito, & alvus constipata, vel ægerrime admotis clysteribus, quicquam excrementorum profunderet sine sensu ægrè. Sæpe enim ignarus in propriis volutabatur purgamentis, unde nates tribus locis subito gangræna correpta, quicquid etiam contra niteretur solers Chirurgus *Nicolaus Boius*, ad cicatricem nulla arte revocari poterant. Neque viva natitum caro sentiebat scalpelli ictum, ne quidem ad ipsa coccygis ossa, nam & ibi gangræna nidulabatur. Tentata in solatium mali varia purgantia, sudorifera, specifica, salia volatilia, spiritus, unguenta, fomenta, alia non quidem nullo fructu, sed tamen non satis optato. Et quidem purgantia faciebant officium, quoties situs corporis exitum permitteret excrementis, alioquin quanquam illa in intestina copiose satis confluerent, non stimulabant ægrum, emortua parte per quam prodirent. Ab urinæ aspergiue liberabat eum appensa vesica bubula labro ligneo præmunita, nam coriaceum sacculum prius adhibitum penetrarat liquor mordax. Sudor à decocto lignorum guajaci &c. prolicitus & sæpe cum euphoria. Propositum balnei usum impedierrat gangræna. A cucurbitula circa pectus abhorrens, vesicatorium admittebat, unde per biduum musculorum ibi quies sequuta, sed quæ dolore post graviore pensaretur. Quid multis? tantum effecere purgantia & decoctum guajaci, ut ægro ipsi (me adhuc dubio) spes sanitatis affulgeret, narranti redire in crus sinistrum paulatim titillationes internas, & motus non obscuri indicia. Dum hæc aguntur, nescio quis Auster empiricam aniculam in cubiculum ejus me inconsulto, introducit. Illa polliceri statim sanitatem, & unguentorum suorum præstantiam in cælum tollere. Credulus æger, qui à me audierat festinandum lente, aniculæ celeritatem auxilii sui jactanti præbuit aures. Inungitur, fricatur, spe inflatur ad aliquot dies, me mea quotidie inculcante pharmaca, & medicatricis illius ignarò. Tandem æger plenior spe felicitis eventus, aperit mihi incognitum secretum; advenire bis in die faminam in curanda paralyfi mirificam & crura sua atque femora ad horas tres inungere singulari quodam

unguento, nec illò unius generis, perfricare enim aliò genua, aliò crura, femora denique aliò, istam varietatem temperamentorum omnibus medicis incognitam brevi admiranda præstituram. Dum in laudibus empiricæ prolixus est, observo angustias pectoris, & anhelitum ægri concitatiorem, subiungo quæ ita curam gerendam crurum ut malum in pectus non regurgitet. Sed cum is periculi securus, plus tribueret vocibus medicatricis ineptæ, quam meo præfatio, abstinui ipso non invito ab ulteriori visitatione & ille intra triduum ad plures migravit. *Tom. Bartholin.*

B L A C C I A.

Vid.

MORBILLI.

B L A S I T A S.

Vid.

L I N G V A E V I T I A.

B O M B I. A V R I V M.

Vid.

T I N N I T U S A V R I V M.

In Auditus Læsionibus.

B O R B O R I G M U S

Vid.

F L A T U S.

B O T I V M.

Vid.

B R O N C H O C E L E.

B O V I N A A F F E C T I O.

Est morbus bobus utriusque sexus satis familiaris; nec illis solis, sed etiam, Leonibus variisque aliis quadrupedibus, avibus item, piscibus &c. ut observat Clar. Rhedi in suo de Viventibus in Viventibus tractatu italice conscripto. In eo autem vermis longior cutem inter & carnem perambulans, illam sæpe perforat, eadem ratione qua condones & crinones qui infantibus tam graves & molesti sunt.

B R A N C H O S.

Vid.

C A T H A R R U S.

B R A D Y P E P S I A.

Vid.

D I G E S T I O N I S. L A S I O N E S.

B R O N C H O C E L E.

Bronchocele, Hernia gutturalis, aliis Struma, tumor est colli præternaturalis, magnus, sæpius æqualis, atque ut plurimum indolens.

Illius plures dantur differentiæ; nam aliquando de steatomatum, aliquando atheromatum, aliquando meliceridum, genere est; aliquando verum existit sarcoma, cujus sc. materia est caro pro tempore hebes & stupida; aliquando

materiam tophosam, aliquando tartaream, aliquando gypseam, aliquando lapideam, aliquando ossa, aliquando filamenta & quasi pilos, aliquando carbonem & alia non minus prodigiosa concludit, ut nos ex parte vidimus, & alii ulterius se vidisse enarrant. Satis ex hisce patet nos de vera & genuina hernia gutturis seu tracheæ, (quæ rara admodum, & prope inaudita in præxi,) & à distentis fistulæ pulmonalis membranis oritur, unde & vox & respiratio non parum impediuntur, imò etiam supprimuntur, verba non facere; neque etiam de tumoribus à dilatatis colli venis aut arteriis, in quarum illis mollities multa cum retrocessione materiæ per compressionem, in his vero pulsatio magna reperitur; sed de tumore grandiore colli à vario infarctu orto, vel sarcomate ibidem efformato. Tumor hic aliquando ita magnus existit, ut in totum ferme guttur expansum cernatur.

Causa conjuncta est pituita seu lymphæ viscidior, sale multo, particulisque terrestrioribus imprægnata, unde pro varia sua coagulatione & concretione, varias etiam emittitur materialium species. Hæc autem pituita à sanguine ad colli glandulas amandatur, postquam in eo ipso fuit collecta, propter causam aliquam antecedentem, victus nimirum rationem illi cumulandæ aptam, aquarum pro potu ordinario usurpatarum specificam qualitatem, (propterea endemius est hic affectus, ex parte Sabaudis, Allobrogibus, & iis qui Alpes & Pyrenæos montes incolunt, qui aquis gelidis, quales de rupibus scaturiunt uti coguntur.) Ventriculi debilitatem cibis dissolvendis imparem, &c. Adde aliquando pro ejusdem pituitæ, ad partes glandulosas & membranas juxta laryngem sitas, derivatione, causam aliquam evidentem, nimirum vim factam partibus istis, vel præ nimio nisu, in partu difficiliore, vel præ nimis clamoribus in diuturnioribus atque intensioribus doloribus, &c. unde lacerata compage glandularum, diductis earundem membranis, & impetuosius lymphæ in ipsas dejecta, non mirum si tum ipsius lymphæ, tum salivalis materiæ effusiones in viciniam fiant, quæ mora congelata, sensim magis ac magis indurantur, dum sc. evolante aquosiori motuique aptiori parte, terrestrior, quasi caput mortuum, in dies ulterius desiccatur, atque postea compressione qua viciniam urget, dum circulationem in vasibus varii generis, vel omnino impedit, vel remoratur, magis ac magis continuo augetur. Rationibus mox enarratis alia etiam addi potest, sc. obstructio in ipso parotydum conglomeratarum aut conglobatarum corpore, vel in vasorum salivalium truncis, aut eorundem ramis aliquibus, enata; sic enim vel feri transcolatione per glandulas impedita, vel feri in glandulis transcolati, & ad os continuo derivandi, via obstructa, moras trahit illud serum, & moras trahendo inspissatur.

De parte amandante, non mihi sanè convenit cum quibusdam, qui è cerebro humorem depluere, per sibi ignotas vias, nullique unquam demonstrabiles, asserunt. Quale enim cerebro cum partibus colli exterioribus commercium, præter illud quod per spiritus animales peragitur? Concedam forsitan ex syste-

mate eorum qui succum tumentur nervosum, aliquando eo morbi deduci posse cum succum, ut non amplius spirituum animalium vehendorum officio, fungi valeat, sed potius fermenti sero coagulando apprimè inservientis vices gerat. Sic non tamen tota tumoris strumas constitutis materia, e cerebro depluere dicatur; nam quis non videt morbo si istius muneris partem præcipuam, imò ausim prope dicere integram sanguinem deberi, qui dum sero nimium coagulabili imbutus, salibusque fixioribus & motui ineptioribus imprægnatus reperitur, aliquid sarcinæ suæ in glandulis per quas filtratur, necessario deponit, præsertim si præ fermenti aliunde advecti vi, salium illorum, atque terrestriorum particularum, præcipitatio prius in glandulis fiat, sique, vel trigus externum, vel pororum immutatio per contusionem, aut alia id genus, præcesserint.

Prognosis quod attinet, si tumor hic fuerit scirrholus, in cancerum quam facillimè abit, nec est quod aliquid per chirurgiam moliaris, quandoquidem sic heret tantum irritatio multa, quæ vitari & declinari totis viribus debet. Si ex tactu appareat, nec majoribus vasis, nec nervis, nec profundioribus colli partibus adhærescere, nec interim tamen medicamentis cedat, est sanè quod aliquid per cultrum & ignem, nec frustra tentes. Si vero humor intercutaneus fuerit, nec profundius infiltretur, aut ejus malagma nimis exsiccatum non reperiatur, speranda ejus resolutio & absumptio, à medicamentis melioris notæ admotis.

Indicationum prima erit pituitæ in toto sanguine evacuatio aut correctio. Secunda novi ejusdem proventus per dietam, ventriculi corroborationem, sanguinisque & spirituum invigorationem, inhibitio. Tertia fluxionis ad partem affectam repressio. Quarta materiæ in tumorem aggestæ emollitio, resolutio & discussio, sique rebellior fuerit, per ferrum & ignem, sive actualem, sive potentialem totalis extirpatio. Quinta, si tumor in scirrhum cancerum minantem abierit, totis viribus humor est mitigandus & demulcendus.

Dieta itaque sit mediocriter sicca & attenuans, propterea vitentur ea omnia quæ sunt, vel aquosiora, vel crudiora, vel crassiora, vel viscosiora, vel sale, aut fumo condita, vel acidiora, coagulationibus quippe conficiendis nata; vitetur nimia desidia ut & nimius somnus, alvus fervetur libera, sique illud per se non fiat, adhibeantur clysteria, aut alia id genus.

Remedia erunt & interna & externa; interna, præter purgantia, sunt varia. Bouche-rius Camberiacensis apud Nicolaum de Blegny decoctum commendat, cujus duo cochlearia decrescente luna, mane & vesperi fumen-
da.

℥. Spongiam puram, affunde spir. vini quantum imbibeat, colloca in medio stribitariæ coquillæ cupræ stanno obductæ, & manipulo radicum porri circumda, superpositoque cooperculo, admoveatur ignis validus, qui urgendus, quousque contenta in carbonem redigantur, demum in cacabum conjice, additis duabus aquæ fluvialis pintis, cum una cotyla,

tyla, sulphuris communis uncias duabus, ebulliant, non igni imponendo, sed ope decem, aut duodecim grandiorum silicum, in ripa fluminis collectorum, & nunquam alias in usum ductorum: illos probe ignitos conjice in cacabum, relinquendo quousque desinat ebullitio: his exemptis transcoletur decoctum per chartam emporeticam, asservandum in lagena rite obturata.

Non tam operoso artificio paratur vinum cuius efficaciam ego sæpius vidi.

℞. Salvia M. β. alumin. ʒij. spongiæ ustæ ʒij. infunde in vini bene maturi lb. ij. sume quatuor aut quinque uncias, decrecente luna matutinis horis & iteretur pro exigentia.

Theveninus pulverem e borraçe venet. & spongia trita ad ʒj. in vehiculo apto sæpius exhibet.

Clariss. D. Johann. Jacob. Nozet Archiater Friburgensis apud Helvetios Celeberrimus, methodum curandæ herniæ gutturalis mihi amicissimè communicavit, quam hic inferere pergratum lectori fuerit.

Primò, sequenti remedio corpus expurgat.

℞. Trochiscor alandh. extracti massæ pilular. cochiar. extracti agarici, ana gr. viij. mercur. dulc. g. xv. olei garyoph. stil. grt. iij. M. F. e. a. pilulæ pro una dosi in subjecto robustiori.

Secundò, corpore expurgato exhibet sæpius tincturam e speciebus hieræ, & pulvere guttætæ, cum spiritu vini extractam.

Tertiò, pro potu ordinario decoctum parat e guajac. sassapar. sarsaparill. ligno aloëtico, flor. lilii convall. saliv. beton. pæon. & tili.

Quartò, cum per iteratas medicamentorum jam memoratorum doses videt humoris fontem aliquatenus exhaustum, secunda aut tertia quæque die hora somni exhibet extractum opii spiritui apoplectico maritatum, ut sic fluxio reprimatur.

Quintò & præcipuè parat syrup. pro quo.

℞. Spong. finiss. in carbones non in cinerem ustarum & pulver. ʒiij. syrup. ex decocto ligni aloës, fol. nasturtii aquat. flor. salviæ, beton. & sem. ocymi ʒij. M. & capiat cochleare unum singulis diebus matutinis horis.

Pharmacopœa August. sequent. habet pulverem qui est Arnold. de Villa nova.

℞. Spong. combust. pilæ marin. tostæ, ossis sepia, piper. long. & nigri, zingiber. cinnam. sal. gemm. pyrethr. gallar. lap. spong. ana ʒj. pulveris. & misceant.

Clar. Josephus Donzellus in suo Theatro Pharmaceut. italicè conscripto commendat pulverem, pro quo.

℞. Spong. mar. spong. stipitib. rosæ canina adnascentis ana ʒij. ex iis incineratis fiat pulvis, cuius.

℞. ʒj. ciner. chart. bibulæ ʒij. cinnam. ʒβ. corallor. rubr. pulverat. ʒβ. M. F. pulvis, cuius hic est usus.

℞. Pulveris descripti ʒj. aut ʒij. infunde in vase vino albo pleno, macer. dies tres, dein tempore plenilunii fumantur omni mane huius liquoris ʒiij. donec incipiat luna crescere, quo tempore eo abstinendum, plenilunio verò

subsequente reassumatur liquor ut prius.

Usum salium volatilium ego præcipuè commendando, interque eos sale. n. volatilem aromaticum & amarum meæ compositionis, cuius virtutes in hisce & aliis casibus non semel expertus sum.

Usurpentur præterea gargarismata, ductus salivales referantia, lymph. inque & humorem salivalem coagulatum fundentia, quale v. g. hoc fuerit.

℞. Radic. ciclam. virent. verbasc. polypod. fol. beton. & rad. brionia ana bulliant in vino. Item masticatoria ex myrrh. radic. imperat. angel. mont. garyoph. &c.

Exterius applicabuntur, emplastrum de cineribus, balsamo sulphuris tach. mahacato prægnans; cataplasma e porris & baccis myrtill. vino incoctis; item e foliis & nucibus cupressi pulver. vino aultero incoctis, & pulvere limacum rubr. sinapisatis. Sale volatili armoniaco spiritui vini artificiosè maritato, non sine fructu præterea tumor sæpius, sed parce fovebitur, ut & sale volatili verè oleoso e gummi caranna extracto.

Si hisce omnibus non cedat malum ad Chirurgiam deveniendum, quæ eadem prorsus hic erit, quam in scrophulis describemus. Hocce in negotio tantum advertendum, an tumor fuerit aneurisma, quod intactum relinquendum; anque vasis majoribus & nervis adhæreat; si enim nervus recurrens in hac excisione læderetur usum vocis perderet æger; ut illud abundè testantur historiæ ex Galeno, Avicenna, Amato Lusitano &c. cuius facile depromendæ; ut & propria experimenta in brutis animalibus sæpius instituta; Clar. Isbrand. de Diemerbroeck historiæ præterea læsi nervi recurrentis adfert, quam hic adducere non piget. Rusticus Hollandus, inquit ille, in confectu quodam aurigarum vulnus cultro iniectum recepit in colli latus dextrum circa jugulum. Vulnus à Chirurgo cito curatum fuerat. Post aliquot deinde menses ad me venit, rogans ut ipsi aliquod medicamentum præscriberem pro maxima sua raucedine, qua itatim ab accepto vulnere laborare cepisset; & quam medicus ille, qui ipsum cum chirurgo tractaverat, nullis linctibus, tabellis, decoctionibus, aliisque medicamentis dispellere potuisset. Vox homini adeo exilis & rauca erat, ut vix, quid diceret, intelligi posset. Ego e vulneris loco animadverti nervum recurrentem transversim præcisum fuisse, per quem vocis efformandæ virtus defertur; hincque mediam vocalitatem deficere; quod malum cum nullis remediis restaurari posset, ægrum pro incurabili dimisi.

Observationes.

Observavi vinicolam post ingentem ex frigida & cœnosa aqua haustum in Bronchocele lam incidisse, quæ plurimum excrevit; deinde ex abscessu facto exivit Bufo vivus, quem meis ipse oculis vidi; fortasse seminalis virtus cum aqua ad colli membranas exsudans huius generationis causa fuit. *Paulus de Sorbait in Miscell. Curios.*

Paupercula 30. annos circiter nata, inde ab incurabilis insignem strumam in collo gessit,

ut vix respirare, nedum deglutire potuerit, nam tunc maximos dolores patiebatur, agra fuit macie consumpta & pulum habebat parvum, languidum: consultum judicatum est agræ obstaculum ab organis respirationis & deglutitionis, dimovere. Struma itaque in parte molli & declivi profundius incisa fundebat libram ferossæ & glutinosæ materiæ foramen vulneris spongia præparata adimpletum & diapalma deligatum est, evacuata omni materia, massa carnea pugni magnitudine comparuit, tam dura ut nec cathæreticis, nec causticis potentialibus nec igni actuali cedere potuerit, cultro quoque resecari agrè concessum, inventa fuere in massa hac quatuor ossa sibi coherentia, tam putida, ut adstantibus lipothymiam causata sint; ossicula minora ultra duodecim quoque inde exempta, agraque perfectè restituta est. *D. Joh. Muralt. in Miscell. Curios.*

BUBO.

Curationes, Consultationes & observationes ex variis.

Curationes.

Hippocrates magnas in emundatoriis sitas glandulas vocat *Bubones* traducto nomine ab affecta parte, quandoquidem illarum inflammatio *Bubo* nuncupari solet. Ita Galenus *lib. 2. ad Glauconem cap. 1. & de differ. Feb. lib. 1. cap. 5.* inquit *Bubo est Glandularum seu glandulosarum inflammatio & lib. 2. de Meth. Med. ait, Bubonem esse affectionem corporis Glandulosi, & quandoque pestiferæ febris associari.*

Est igitur Bubo inflammatio seu potius tumor præter naturam glandularum rubicundus, dolens, renitens, & ex impuro sanguine entice in illas expulso ortus. Hinc pars affecta in Bubonibus insunt plerumque Glandulæ ponè aurículas, sub axillis, aut in inguinibus sitæ, alias namque in aliis Glandulis vix unquam aut saltem rarò Bubones fiunt.

Hujusmodi verò glandularum tumoris quædam dantur differentia. Enimverò minor si sit tumor, minusque dolens, facile tamen suppuretur, *Phima* dici consuevit, sin ad Erysipectatis naturam magis accedat, neque facile suppuretur quin potius discutiatur, *Phygethlon* appellatur. Si sub Maxilla existat *panus*: atqui post aurículas *parotis* nominatur.

Insuper Bubones alii critici sunt, alii symptomatici, & horum alii contagiosi, alii non contagiosi; alii pestilentes sunt, quia secuntur febres atqui vulgò *bubones maligni seu pestilentes* alii non sunt pestilentes qui *Veneri seu Gallici bubones*, cum à gallica lue proveniant.

Generalis Ergo Bubonum causa est sanguis vitiosus, acescens, dictas in Glandulas naturæ robore expulsus; qui illic hærens cum propter abundans acidum sanguinis formam amiserit atque suppuretur tumorem hunc excitat.

Causa verò efficiens est partium internarum robur, quæ in Glandulas seu vera Emundatoria, vitiosos ablegant humores. Sed quod in Glandulis tantum bubones contingant, ratio est, non quod destinatione quadam naturæ cruoris recrementa has in partes deferuntur; at cum

vitiosæ particulæ ubique passim in sanguine scatent, in Glandulis seu partibus laxioribus velut in communi foco promptius aggeruntur præsertim cùm sanguis illic ad arteriolarum extrema delatus, difficulter & non ita promptè suscipitur, ac refertur à venis, atque hoc circa glandulas fieri experientia, & hodiernorum anatomicorum observationibus liquido constare putamus: quare cum in locos glandulosos vitiosi in toto corpore scatentes humores promptius, quàm alias in partes deponuntur impuritatis velut nidus ibidem conflatur.

Ita *pestilens bubo* fit, quando particulæ venenatæ & malignæ in glandulas ponè aures, aut sub alis, aut in inguinibus, aut in collo. sitas, naturæ robore expelluntur.

Atqui *venerens bubo* plerumque in Inguine fit, estque tumor, qui nec spontè, intimoque vitio, nec ullo simplici attractu, congressive, aut corrupti aeris inductione, sed impuro duntaxat concubitu contrahitur atque a leco Efficiens ejus Causa haud immeritò censetur maligna & venenata quædam labes, quæ coitu in Penam, primum accepta, non numquam pustulis, tuberculis, & ulceribus ipsum conspurcat, & sese manifesto prodit, antequam partium continuatione altius in corpus propagetur: non numquam verò, pene adhuc integro clanculum penitus sese insinuans, intestinas partes primum afficit, fædatque, nullis adhuc notis extrinsecus conspicua, quæ si exigua infirmiorque est, corpus verò sanum & firmum, humorum vitium atque corruptela parva consequitur, quam natura suis facultatibus tanquam copius nixa, in partes externas, Inguinum putà glandulas deponit, unde *Bubonem venerens* nasci contingit.

Equidem varia hæc bubonum genera facile dignoscuntur, & signis à se invicem distinguuntur. Ita symptomatici, non tamen contagiosi bubones cognoscuntur, ex tumore, rubore, dolore, calore, tentione, renitentia, pulsatione quibus sæpè febris adest. In Critico bubone eadem ad sunt signa; Sed insuper adjungitur præcedens morbus, per erumpentem Bubonem morbi sublevatio, & dein ab eodem morbo liberatio.

Pestilentis bubonis signa sunt, quòd conjuncta sit febris maligna Pestilens, malignis, symptomatibus, ut Nausea, Vomitu, Cordis oppressione, animi deliquio, & similibus quæ in Peste observari solent comitata: insuper si Ægrotans versatus fuerit in aëre pestilenti aut in loco, in quo plures peste sunt correpti.

Veneri Bubonis Signa sunt, non solummodo tumor, dolor, rubor, calor & alia proposita, sed coitus cum persona gallica lue infecta nonnumquam & alia adsunt luis veneræ, signa ut Penis ulcera virulenta Gonorrhea, dolores vagantes & noctu magis affligentes, pilorum defluviū &c.

Cæterum benigni Bubones periculosi non sunt, nisi tardè dissipentur aut suppurentur. Nam quanvis ex sua natura non sint periculosi facile tamen si diutius protrahantur, in fistulas abeunt; quæ non solum sunt difficiles curatu, sed sæpè periculosa.

In genere Bubones citius maturantur sub axillis quàm in Inguinibus, & hic citius quàm ponè aures.

Malignus seu pestilens bubo subitanæ mortis

mortis non raro prodromus est; minus tamen periculosus est, qui præcedit febrem pestilentialem quam qui eandem sequitur. Qui in Inguine apparet, minus habet periculi quam pone Aures aut sub Alis. Etiam talis Bubo quò minor est, eò periculosior.

Venereus Bubo lethalis non est, sed difficilis curationis idque non Bubonis, sed venereæ infectionis ratione: est equidem salubris, eo namque mediante brevi sæpè curatur venerea lues.

Cum igitur Bubonum species hoc modo distinxerimus, proponenda erunt & accommodata remedia. Sic in *Bubonibus benignis, ortis per modum expulsionis*, antecedens causa primò est evacuanda, quem in finem lenis *Purgatio* sæpe admodum necessaria est. *Vena sectio*, nisi febris gravior aut Plethora exegerit, ne instituitur, quippe quæ sanguinem perturbare, atque adeò naturam in opere expulsionis impedire possit. Verùm sudoris provocatio in omni Bubone valdè prodest.

Deinde ad conjunctæ materiæ correctionem & evacuationem, nec non symptomatum mitigationem conducunt res solventia, imò & attrahentia, ac maturantia foris imposita: Repellentia vero non admoveantur, quæ vitiosos robusto naturæ conatu expulsos humores cohibere, adeoque interiora versus repellere solent, unde gravia oriuntur symptomata, atque non raro pallida mors succedit; Ita Hildanus *Cent. 3. Observ. 78.* se observasse scribit, ex intempestivo Repellentium ad Emunctoria applicatorum usu, mortis periculum sequutum fuisse.

Sed in dolorifico Bubone necessarium omnino est *dolorem sedare* ante quam ulla imponantur remedia, admoto hoc vel simili cataplasmate.

℞. Fol. Malvæ, Althææ an. M. j. β. coctis in aqua pura ad mollitiem, & minutim contusis adde Farinæ Hordei, althææ, Fœni Græci an. ℥iβ. Vitellos ovorum numero 2. Croci pulver. ℥j. Butyri recent. ℥iβ. M. F. Cataplasma. Sedato paulisper dolore Attrahentia & suppurantia admovenda sunt V. G.

℞. Rad. Lilior. albor. rec. ℥iiij. cæparum sub cinerib. assat. ℥ij. Malvæ, Althææ. Flor. Meliloti. an. m. j. caricar. ping. confiss. num. 10. Coctis in aqua pura ad mollitiem, & minutim contusis adde farinæ semin lini, Fœni græci an. ℥ij. Olei, lilior. alb. ℥iβ. unguenti Basilici ℥j. M. F. cataplasma. Suppuratus Bubo quàm citissime aperiatur, ferro potius quàm caustico, atque apertus servetur, donec omnis materia fuerit evacuata, & dein aliorum ulcerum ad instar curetur. Viz. *Emplastrum Diachylum Cum Gummi* aut *demucilaginibus applicetur* solo sæpe oleo olivarum, raparum, camomillæ vel liliorum alborum curatur.

In *Venereo* autem seu *Gallico* Bubone nec repellentibus utendum est, nec Resolventibus: verum omni opera curandum, ut quamprimum fiat curatio & suppuratio cum indies videamus, Bubones hi si maturecant & ad suppurationem deveniant, sæpius à lue venerea evadere ægrotantes. E contrario in Gallicam luem facile illos incidere, in quibus vel repellentibus, vel Resolventibus Bubones curare conamur.

Hinc nec venam secare, nec corpus purgare licet, quandiu ulla spes est Topicis medicamentis eos curare posse.

Igitur ad malignorum humorum perfectam expulsionem si tardior ac imbecillior videatur natura, attrahentibus adjuvanda est imponendumque cataplasma v. gr. ℞. cæparum sub cineribus. assat. ℥ij. saponis nigri, emplastri Diachili cum gummi an. ℥iβ. unguenti Basiliconis ℥j. Fiat ex his S. A. cataplasma.

Vel ℞. Rad. liliorum albor. sub cinerib. coct. ℥iiij. cæparum pari modo coctarum ℥iiij. Axungia Porci ℥ij. croci pulv. ℥j. vitellos duorum ovorum M. F. S. A. cataplasma.

Verùm tamen cum talis Bubo pertinax sit nonnunquam *cucurbitula cum magna flamma* imponi solet.

Botallus *lib. de Lue venerea cap. 10.* ad Gallicos Bubones maturandos, *Frictiones & cucurbitulas ventosas* valde commendat, nihilque his citius vel melius suppurationem accelerare ait. Fricentur autem digitis simpliciter, vel recenti Butyro illitis, usque dum tumentes, & phlegmone obstiti tacum amplius ferre nequeant; quo tempore suppurantia imponenda.

Fallopianus *lib. de morbo gallico. cap. 91.* commendat motum, & mandat ut ludant gladio, vel pilâ parva, ut saliant, & motu isto fiat fluxio, ac promoveatur suppuratio.

Suppuratus hujusmodi Bubo mox aperiatur ferro potius quàm Caustico; *etiam semicocta existente materia.* Enim verò tardius facta apertura sæpe noxia est quod ampliorem quàm par est sibi sedem efficiat, venereum venenum vicinas partes inficiat, pessimaque symptomata inducat, ut exemplo demonstrat Hildanus *Cent. 5. Observ. 65.* Hisce tamen omnibus nihil efficientibus, universâ tum sanguinis tum Lymphæ malsâ infectâ, curatio porro instituitur ut in Lue venerea.

Similiter in *Pestilenti* Bubone nec venæsectio nec purgatio, (quidquid etiam contra adferant Adversarii) locum habet; sufficiunt sudorifera & Alexipharmaca ut in generali pestis curatione.

Extrinsecus nonnulli suadent Bubonibus hisce imponere discutientia, quos inter est Cl. Sylvius, qui *Prax. Medic. lib. 5. tractat. 2.* Laudat Pestilentes Bubones in Principio discutere Litu *Olei Cornu ceruini.* sed cum modus hic periculosus sit & incertus, ei non subscribimus; verùm præstat per Attrahentia & suppurantia curationem instituire.

Quum Ergo Peste correpti duritiem cum dolore sentiunt pone Aures, in Collo, sub Axillis, vel in Inguinibus, mox ei applicetur *vesicatorium ex cantaridibus & fermento acris*, ut venenata materies naturæ robore expulsa foras ulterius protrahatur. Altero die admoveatur cataplasma Attrahens, & vehementer maturans. Ex. gr.

℞. Rad. Lilior. Albor. rec. ℥ij. Fol. Ruta, Malvæ, Althææ, Scabiosæ an. M. j. Caricarum ping. confiss. Num. 10. omnia in aqua pura cocta in mortario contundantur additis tribus Bulbis cæparum sub cinerib. assat. & farinæ Althææ, Tritici an. ℥vj. fermenti acris ℥iβ. Mellis ℥j. unguenti Basiliconis ℥iβ. Butyri rec. ℥ij. M. F. S. A. Cataplasma. Equidem

in secundo cataplasmate *Fimur columbinus fermentum* acre & cœpæ possunt omitti.

Vel ℥. Rad. *Althææ*, cœparum sub cinerib. assat. an. ℥i℥. Fol. *scabiosa*, *malvæ*, *Ruta* an. coctis in aqu. communi ad mollitiem, & confusis, adde Emplastri *Diachyli cum gummi* ℥i℥. Olei *scorpionum*, *Mirridatii* an. ℥℥. Croci puri. ʒj. M.F.S.A. Cataplasma.

Vel ℥. Cœpam unam qua excavetur, & cavitatis impleatur *Theriaca* Vel *Mirridatio*; dein carta involuta sub cineribus Coquatur, hinc Teratur cum oleo *Scorpionum* & fiat S.A. Cataplasma. Cui nonnumquam fermentum acre addi solet. Vel solæ cœpæ sub cineribus assata, confusæ cum pauxillo *Theriaces* & *Buryri* insulsi mixtæ cataplasmatism forma per biduum aut triduum imponantur.

Barbette hoc in casu vehementer laudat Emplastrum.

℥. Emplastri *Diachyli cum Gummi*, de *Mucilagibus* an. ℥℥. ℥. unguenti *Basiliconis* ℥i℥. semin. *sinapi. pulver.* ℥i℥. M.F.S.A. Emplastrum.

Nonnulli Gallinam, aut Ran. in viventem atque discissam p. rti affectæ applicant, sæpius eandem renovando. Alii Gallinæ aut columbæ viventis podicem deplumatum admovent. Quidam totum Bubonem sectione auferre conantur quod periculosum valdè, & nequaquam permittendum. Neque etiam cucurbitæ vel infra Bubonem vel ipsi Buboni appositæ conducunt, quoniam & in Peste & Pestilenti Buboni eæ admodum damnosæ sunt. Tumor verò maturus mox scalpello incidendus, ut puri exitus detur: & quidem aperiendus est, priusquam omnino maturescat, ut de Bubone venereo dictum fuit; cum citissimè venenum sit educendum. Atque hujusmodi Bubo aliquandiu, quantum fieri potest, apertus servandus; dein ab omni sorde mundificandus & aliorum ulcerum ad instar porro tractandus: quem in finem summopere conducit *Digestivum* ex unguento *Basilicone*, *Melle*, *Theriaca*, & *Balsamo sulphuris Terebinthinato*. *Joannes Munnliks Chirurg. lib. 1. cap. 15.*

In bubone convenit emplastrum diachylon cum gummat. & mucilag. seminis lini. Si supurationem volumus maturare, addatur aliquid saponis Veneti. Empl. diachylon malax. cum oleo lumbricorum, chamomillæ, lini. Cataplasmatibus, addantur lumbrici, & gummata, v. g. *Tacamahaca*, ammoniacum. Ad attractionem quoque faciunt ficus, fimus columbinus, parum de magnete arsenicali. Interne dentur diaphoretica & expellentia communia, antimonium diaphoreticum, tinctura bezoardica, pulv. bezoardicus, medicamenta omnia antimoniat, quæ valdè expellunt.

℥. Herb. uvæ inversæ, flor. chamomill. flor. melilot. malv. an. m. j. Rad. *althææ* lil. alb. an. ʒj. sem. *alkekengi* ʒi℥. sem. lini *foenugræc.* an. ʒj. Coq. inf. q. aq. simpl. ad putrilaginem. F. l. a. Cataplasma. adde ol. *scorpion.* ol. *bufonum* an. ʒi℥.

℥. Emplastr. diachylon c. gum. ʒi℥. malaxetur cum ol. *scorpionum*, *bufon.* an. q. s. Potest imponi cataplasma ex sola uva inversa: vel si recens haberi potest, contundatur, & succus expressus applicetur. Convenit etiam

unguentum dialthææ. Item fuligo, si misceatur cataplasmatibus & emplastris. *Joh. Michael. in Prax. clinic. general.*

Consultationes.

Expendenti Aphoristicam Divini Hippocratis, qui nunquam erravit ex Macrobio, sententiam, quod scil. ex Bubone febres omnes mala, præter ephemeræ, cum inviserem ad Præclarissimum Virum Adrianum Spigelium, celeberrimum Anatomicum, & vivis sublatum, cum bubone sub axilla sinistra anno 1625. annorum 47. non levis mihi scrupulus occurrit, numquid ex bubonibus fiant solæ ephemeræ, vel putridæ etiam; Ex Hippocr. enim sententia in Aph. proposito expressa luce clarius statui videtur, ex bubone putridas quinetiam febres fieri posse. Non enim dixisset: Ex Bubone febres omnes mala præter ephemeræ, si ex Bubone fierent solæ febres ephemeræ. Cui subscribentes omnes ferè Medicinæ scriptores, asserunt fieri posse ex Bubonibus non solum febres ephemeræ, sed etiam putridas. Atque de putridis id palam sit ex præsentis Spigeli morbo, à quo extinctus est, quem ferè continuè observavi 63. dierum spatio quibus decubuit. Hic etenim Vir præclariss. ex indicis digiti punctura dolorem, & tumorem insignem in sinistro brachio passus est, cui successit abscessus, seu Bubo sub axilla, cum dolore adeo gravi, ut non solum brachium, sed & totum corpus immobile factum sit, cum febre acuta absque annotationibus manifestis, inappetentia, vigiliis & gravi virium langore. Vigesima spontè erupit abscessus, & multam saniei copiam triduum effudit subcruentam, foetidam, liquidam, à qua remisit dolor, adeo ut in latus affectum decumbere potuerit, quod antea fieri non poterat. Perstitit tamen febris vehementia, cum tensione, & dolore dextri hypochondrii ad claviculam usque: cui successit diarrhæa primo biliosa, mox & saniosa, non dissimilis materiæ ex abscessu emanantis, quod ansam præbuit dubitandi, numquid esset dysenteria, vel abscessus jecoris. Cum verò nulla præcessissent tormina, non ramenta, aut intestinorum erosiones, in jecoris abscessum conspirarunt sententia, cum præsertim præteritis annis abscessus ventriculi per vomitum expurgatus fuerit. Interim plura interna fuere præscripta, cum durante febricula, cum dejectione materiæ saniosæ 63. die extinctus est. Dissecto cadavere, occurrit abscessus in concava jecoris, juxta prognosticum. Ex quibus patet, putridas, quin etiam febres ex bubonibus fieri posse. Quod præteritis annis observatum à me fuit in Nobili Margareta de Doctis fratris mei conjugæ, undecima extincta febre pestilentiali, cum bubone in inguine dextro suppurato, & aperto. Quod si Galenum consulamus primò de Differ. Febr. ubi de Ephemeræ ex bubone, adstruit expressissimis verbis, solas ephemeræ ex bubonibus fieri, quæ hæc sunt: *Quæ ex bubonibus febres fiunt, calefaciunt semper partes continuas, donec ad cor usque calor febrilis propagatur, Non pervenit autem ad ipsum putrida fuligo, sed ibi permanet, loco bubonis circumscripta, sola alteratione per continuum facta usque ad cor perveniens*

veniente calore, eo prope modo quo in iis qui solis calore deurrunt. Ex quibus verbis compertissimum redditur, ex bubonibus putridas fuliginis ad cor non elevari, atque ideo neque febrem putridam fieri. Accedit quod pulvis in febribus ex bubone sunt æquales, ex Gal. L. de Dignoscendis Pulsibus; cum in putridis sint semper inæquales. Pro solutione itaque contradictionis qua dissentire videtur Hipp. & Gal. non dixerim quidem cum Capivac. & aliis, febres ex bubone vel fieri à causa externa, & manifesta, & has esse ephemeræ; vel à causa occulta, & esse putridas; quod videntur mutuati ex Gal. com. Aphor. citati; licet & eo loco non dicat Gal. Bubones qui sine causa manifesta ortum habuerunt, causas esse febrium putridarum, sed hoc solum; *Verisimile est, una cum viscerum inflammationibus accessiones suas habere.* prout in casu nostro, in quo licet bubo sub axilla factus sit à causa manifesta, punctura scilicet digiti, nihilominus febrem putridam annexam habuit eamque lethalem, propter hepatis abscessum. Quare statuendum est bubones tactos à causa occulta non inferre putridas, sed significare noxam viscerum principum, ac propterea malas esse ratione signi, non ratione causæ. Non enim excitant febrem putridam, quoniam putredo illa cor non subit per vapores putridos; ideoque ubi legitur in Aph. *ex bubone febris*, legendum, *cum bubone febres omnes male, præter ephemeræ.* Aliæ enim omnes possunt esse cum bubone, & non ex bubone. Quod & hac ratione confirmare licet. Putridus vapor in cor exhalans, & ab eo remota parte ignobili, non inducit febres malas; Sed emunctoria sunt partes ignobiles, & inguinum partes distant à corde. Ergo ex se non possunt facere febres malas, sed solum eas significant, putridis etiam fuliginibus ad illud pertingentibus, ex Hipp. 2. 6. Epidem. 101. quod, *Abscessus veluti glandularum signum quidem sunt germina habentium cum aliorum, tum præcipue viscerum; maligni autem sunt hi.* Ubi intelligit per germina habentium, affectionem earum partium, cum quibus habent rectitudinem; atque ideo si bubones appareant retrò aures, significant affectionem cerebri; si sub axillis, cordis; si in inguinibus, hepatis. Subiungit tamen, tum aliorum; quoniam non semper servatur hæc rectitudo, ut in casu nostro, in quo jecur erat affectum, & nihilominus bubo factus fuit sub axilla sinistra, servata convenientia, & rectitudine, neque ratione situs, quia fuisset in parte dextra, neque ratione loci, quia erupisset in inguine, & non sub axilla sinistra: cuius tamen diversitatis causa provenit à punctura digiti valde dolorifica. Semper enim natura affluit medio sanguine, & spiritu in subsidium partis dolentis, propterea confluit ad sinistrum brachium, hæsitque materia in glandula, & non ad manum, & digitum decubuit, duplicem ob causam, vaporum scilicet copiam in glandulas diffusorum, per quæ fuit materia; secundo ob laxitatem prædictarum partium, cuius ratione expultrix materiam, quæ confluit, inde repellere non potuit. Et hæc de affectu proposito dicenda habui, omiſſa ejus curatione quod esset incurabilis & lethalis. *Benedict. Sylvatic. Consil. & Respons. Medic. Cent. 3.*

Exhibita mihi morbi & symptomatum, eundem comitantium, historia & schemate quodam; meam de ipsius indole & ingenio sententiam, ut petitioni tuæ morem geram, breviter sed candidè declarabo. Et ne longius abeam, tumores istos in inguine prope pubem, & in perineo juvenis, nec non alium puellæ sub axilla, & aliorum etiam in ejus loci, obortos, calidæ cujusdam Luxionis sobolem esse, extra omnem dubitationis aleam positum esse ducō. Hippocrates, venerandus medicorum coryphæus, inguina bubonum nomine insignit, & glandularum eo loci phlegmones sive inflammatiores eodem nomine appellare solet; Tales sunt in dictis personis pululantes, renitente tumore conspicui, rubore perfusi, doloris æstu effervescentes, in principio febriculam quandam, ephemeram seu diariam amulam, comitem nacti. Horum aliqui sunt simplices & benigni, minime contagiosi; Alii vero maligni, & hi vel pestilenciales, vel venerei. Quod eos attinet, de quibus consulor, nec venereos esse, nec pestilentie characterem præ se ferre judico. De illis non est ut aliquid addam. De his vero, etsi in pestilenti constitutione calitus nata bubones semper sint suspecti, attamen credo me satis firmas posse in medium proferre rationes, nullam inesse tumoribus istis pestilentis contagii notam. Nulla graſatur in vicinia pestis; nulla ejus, quod sciam sparsa sunt alicubi semina; nullum intercessit cum infectis rebus, vel personis commercium; tumores ipsi non sunt lethales, nec gravia, qualia in peste concipiuntur, adsunt symptomata. Quamprimum enim de communi morborum causa pestifera luis seminaria orta per pulmones aut alios quosvis meatus in arterias & venas irreperint, & sanguinem co inquinaverint, tum primum stomachus nauseat, & cibum averſatur, assumpta eructat, caput dolore affligitur, urgent vigilia & deliria, in aliis sopores, & comatosi affectus contingunt; animi deliquia accidunt, universa corporis moles lassitudine & somnolentia torpet, calor intra præcordia æstuat, longè tamen mitior, quam in aliis febribus continuus per artus, velut in Hæctica, expanditur. Nec enim tanta humorum putredine, quanta in ardente febre, Causone dicta, succenditur. Virus quippe pestilentielle absque ulla putredine necare satis est. Unde accidit, ut plerumque pulsus & urina sint in principio sanorum simillima, sed lenta illa febris vaporulentis de lue virulenta vaporibus, quavis putredine perniciosioribus, cor, vitæ fontem & domicilium, obsidet; unde pulsus arteriarum exilis & imbecillis dispari mōris tempore diastolen ejus & systolen metitur. Si vero cordis robur & vires constiterint, expultrix & vegetior est, tum noxios humores vel in principio adhuc crudos & incoctos ad emunctoria protrudit, unde bubones pestiferi & anthraces, carbonum more urentes, nigri, petechiæ quoque enascuntur, per quos natura vel se exonerat vel tanquam viribus exhausta in crisis conflictu succumbit. His & aliis signis pathognomonicis, quæ sunt inseparabiles morborum comites & accidentia, substantialiter ut Galenus ait, illis adhærentia, pestis ab aliis morbis discernitur. Horum cum nulla se in proposito casu se manifestent, ægros à pestilentis

lentis contagii suspitione immunes & liberos judico. Facile tamen fieri potest, ut tumores hujusmodi in pestilenti constitutione à benignitate sua degenerent & malignam naturam induant. Ordinarii sunt istiusmodi bubones & mihi in praxi mea haud infrequenter occurrunt. Vidi, quibus labore nimio defessis, longo itinere & inconsumpta equitatione lassatis, artuum dolore gravatis, pruritu, scabie & ulceribus obsessis, & aliis, tumores istiusmodi eruperunt, subsistente nimirum materia copiosa, naturæ sibi consulenti vi ac robore ad brachia & crura expulsa, in inguinum & alarum glandulis & adenibus, recipiendis humoribus accommodatissimis. Tumores verò isti ortus sui primordia derivant à vitiosis succis, præcipue verò à sanguine vitioso, ex mala victus ratione in corpore congestis, qui postea à natura onere se levante, virtute expultrice cooperante, qua data porta, nunc in corporis ambitum, nunc ad principum partium emuntoria amandantur. Nempe quod in Oligarchia contingit, ut potentiores opprimant imbecilliores, in eosque totum onus deponant, idem in corporis æconomia contingit. Natura siquidem, provida rerum mater, semper custodit & desiderat principum membrorum salutem; Et hæc est tumorum dictorum idea, in quorum cura, cum non sint per modum crasseos, præcedente alio morbo, sed sponte sua oborti, sanguine cum copia sua, tum pravitate naturam ad expulsionem irritante, vena à principio secta profuisset; humoribus etiam accommodatis in eam rem præfidiis sedulo expurgandis insudandum erat. Quibus neglectis, quid mirum, si dolores ingravescent & cura protrahatur. Quoad partem affectam, solet sanguis influxus evacuari repellentibus & digerentibus. Illa non sunt tuta; metuendum enim, ne fluxio ad partes principes retrocedat. Hæc verò ruptis jam sponte tumoribus vana & minimè necessaria. Urgente saltem dolore Anodynus utendum, post ulcus ipsum probe mundandum, carne implendum & cicatrice obducendum, quod Chirurgus præsentem relinquo. Cavendum saltem, ne ulcus in fistulam degeneret, quod facile contingit, nisi ex artis lege tractetur. Sed de his satis. Scabie & pruritu detentus, secta cubiti vena, purgetur Apozemate ex radicibus Oxylapathi, Fumaria, Sena, Liquiritia & Prunis Damascenis composito, adjecto syrupo Rosaceo solutivo, postea verò utatur sero lactis Fumaria medicato. *Frideric. Lossius in Consil. Medicin.*

Observationes.

Juveni cuidam 15. annorum Bubo & Apostema enatum erat sub alis sine febre. Perunxi manè & vesperi oleo nostro sulphuris; ac desuper applicavi Emplastr. Diasulphuris: quibus statim emollitum, maturatum, ruptum, mundificatum; & consolidatum fuit intra decem dies. *Martinus Rulandus curat. 3. cent. 4.*

Quidam natus annos 9. supra 10. habebat inguinum permagnam inflammationem, cum dolore, propter quam ægrè movit pedes, non potuit stare, hunc ita curavi.

℥. Pingued. porci lbj. absinth. contus. q.

s. m. ac. F. pulticula; quam applicabam manè ac vesperi per tres dies, unde tumor emollitus, ac cum dolore diminutus fuit. Post tres dies bubonem petrupi oleo sulph. & desuper imposui empl. diasulphur. ex quorum usu intra quatuor dies rectissime convaluit. Interea dum ambulare capit, accepit talem potionem.

℥. Decoct. senæ ℥iij. Syr. e rhabarb. ℥j. m. pro haustu qui magnopere profuit. *Martinus Rulandus. curat. 28. cent. 8.*

De Sambuco venit in mentem quoddam remedium, quod tibi reticere non debeo, præsertim cum singulari modo aliud agens, in scripto libro meo reperirem, & certo experimento comprobatum legerim, accipiendi sunt fl. sambuci, cum his contundenda eruca, atque finus columbinus, vel piper. Si Sambucus non sit recens aliquid aq. sambuci admiscendum ac tingendum Cataplasma, idque Buboni applicandum; abjiciendum, posteaquam tribus horis jacuerit, in ignem, atque ter repetendum; non ratione carere videtur remedium & autor sanctè affirmat, magno & manifesto successu se eo usum. *Jo. Crato Epistol. ad Cumerar. lib. 5. consil. & Epist. &c.*

BULIMVS

seu

APPETENTIA CANINA

Bulimus & Appetentia Canina apud omnes prope Medicos Autores idem sonant, interim tamen apud quosdam inter accuratiores eò distinguuntur, quòd *κωρεξία, λυγορεξία* seu Appetentia Canina sit insatiabilis edendi libido, per quam cibi avidè devorati statim, aut vomitu refunduntur, aut per alvum detruduntur. Quòd vero *βέλιμος* sit prægrandis appetentia, sed paucò alimento sedabilis, ab extremo ambientis algore progenita, in cibi fastidium ac leipothymiam brevi desinens; Quòdque propterea vomitus ac secessus quasi lientericus cum implacabili appetitu sit signum illius inseparabile; hujus verò leipothymia & appetentiæ voracioris prompta cessatio, in anorexiam etiam abiens. Dum autem hic de Appetentia Canina & Bulimo scribimus non de belluina illa edacitate hominum, sanctæ, ut ludebat Comicus, saturitati litantium, quales fuere olim Bæoti, Mithridates rex Ponti, Heraclides, Milo, Gnatho, Philoxenus, atque præ cæteris Vitellius; sed de immani illa ac morbosa esurigine quæ tota corporea est, verba facimus; Denominationem habet Appetentia Canina à canibus & lupis propterea quòd cum ea animalia intestina minus tortuosa gerant, voracitati magis sint dedita. *Βέλιμος* verò vocatur ingens fames, quæ bovem veluti exæquat, hic enim particula *β* rei cui adjungitur magnitudinem denotat.

Cum Bulimus & Appetentia Canina in fame aucta, illic quidem brevè cessatura, hic verò diutius perstitura, posita sint, in earum causis exarandis, hic, nobis de fame in genere primò agendum foret, ni illud pensum supra titulo de Anorexia jam perfecissemus; illic itaque tantum de famis auctæ causis quædam dicenda veniunt. Augetur autem fames propter acidi

acidi stomachalis in quo propriè ejus essentia quærenda est, exaltationem præternaturalem, quæ eò devenire potest, ut, explicante Glissonio, in propriam matrem, tunicam scil. ventriculi, unde maxima ex parte promanavit, subinde involvet, eamque rodât ac sugillet. Hinc ventriculus, addit idem celeberr. Autor, querulus fit, & prodigi instar, omnia quàm par est citius dissipat, digerit, dissolvit, absumit, nec repletus satiatur cibus; atqui novæ lubinde prædæ inhians, quasi inedia mox periturus miserè lamentatur, suamque inopiam cerebro jugiter inculcat. Fit autem frequenter ob nimiam ingluviem, ut sequatur vomitus, aut lienteria. Subinde verò depleto tantillum stomacho, ad cibum de novo ingerendum, quasi nihil adhuc comedisset, redit.

Aciditas descripta sufficitur ventriculo, vel à sanguine particulis salinis acidioribus abundanter nimis imprægnato, quibus præterea excipiendis, atque in visceris cavum transcolandis aptiores sunt glandulæ toti illius tunicæ mediæ infixæ. Vel extrinsecus advenit, sc. à cibus acidioribus saleque muriatico nimium saturatis, diutius usurpatis; aut ab ambientis aeris intensiori frigiditate, nivibusque corpus circumcingentibus, unde sc. nitrosum quid emanat, vellicando stomachi superiori orificio, ventriculoque ipso coarctando, ut quicquid acidi in propriis glandulis habet momento quasi expuat, quàm maximè accommodum. Hæc autem ultima causa, cum merè occasionalis sit, brevè cessat, imò apostita sic facile inducitur, non adventante sc. per aliquod tempus acido quò, ipso expressionis momento, tota propè spoliata est ventriculi membrana nervea. Atque hæc ipsa est ultima causa quæ Bulimi propriam essentiam constituit.

De signis horum morborum non opus est multis verba facere; siquidem satis superque in mox exaratis explicantur, hic tantum adjungemus in absolutiorem Appetentiæ Caninæ descriptionem quod de Erisichtone canit Ovidius Metam. lib. viij.

Fuit ardor edendi.

Perque avidas fauces, immensaque viscera regnat.

Nec mora, quod pontus, quod terra, quod educat aer.

Poscit, & appositis queritur jejunia mensis.

Inque epulis epulas querit: quodque urbibus esse;

Quodque satis poterat populo non sufficit uni:

Plusque cupit, quò plura suam demittit in alvum.

Uique fretum recipit de tota flumina terra.

Nec satiatur aquis, peregrinosque ebibit amnes:

Uique rapax ignis non umquam alimenta recusat,

Innumerasque facès cremat: & quò copia major

Est data, plura cupit, turbaque voracior ipsa est:

Sic epulas omnes Erisichthonis ora prophani

Accipiunt, poscuntque simul. Cibus omnis in illo

Causa cibi est, semper que locus sit inanis edendi.

De Prognosi hæc habeto. Canina appe-

tentia dum obstructions parit, ac cruditates aggerit, insuperabilem vomendi & secedendi consuetudinem interdum affert, ac in hydropem, cæliacosque fluxus tandem facessit. Deterior verò est si generalem confectetur corporis deprædationem; at minus periculosa si fiat ab acido humore, per varia in diætâ errata in stomachum inducto, etenim pluribus potest illud obtundi, de quibus infra.

Bulimus propter adjunctam leipothymiam perniciosus est, si alimenta præsto non sint quibus æger deperditas & exhaustas resumat vires, datis verò cibus aptis illi promptissimè subveniatur.

Indicationes curativæ in Appetentia Canina sunt acidum infringere, tum per diætâ, tum per medicamenta; cruditates aggestas expurgare; Obstructions referare; Ventriculum & intestina roborare. In Bulimo nihil aliud agendum venit, quàm leipothymia ipsius confectaneæ alimentis vi cardiaca præditis promptè mederi.

De Curatione ipsa non habemus quæ superaddamus iis quæ jam adjicienda sunt.

Curationes Consultationes & Observationes ex variis.

Curationes.

Appetentiam caninam (hujus causa bilis præfina seu succus vitriolatus in ventriculo non ergo imperandus est vomitus, ne moto humore sequatur Cholera, nec dandi sunt succi vitriolati acidi, ne malum augeatur) tollit Essentia melissæ cum sp. vini extracta; cujus dos. cochl. j. misce cum aliquot gutt. olei carui, præmittenda tamen sunt universalia, quæ succum vitriolatum seu bilem minuunt & per inferiora deducunt. Sic extractum Rhabarbari, mechoacanæ. It. panchymagogon vegetabile maximè hic laudantur. Vitelli ovorum qui indurati, sæpius comesti à specifica proprietate *europæica* solvunt Joann. Hartmann. in Prax. Chymiatric.

Villanovanus refert quendam hoc affectu percitum, panem calentem, amurca olei imbutum comedisse & mulierem bovis liquatum adipem, cum pari calentis olei quantitate, duabus vicibus bibisse; & in tantum cibi fastidium utrumque incidisse, ut nihil per 5 dies comederint, & à priori affectu liberati sint; Narcotica medicamenta sensum ventriculi nimis exquisitum obtundendo, famem illam caninam possunt imminuere. Inter ea theriaca recens magis est ex usu, quia præter vim narcoticam, humorum etiam malignam qualitatem, quæ à nonnullis in hoc affectu subesse creditur, virtute alexiteriâ corrigere valet. Narcotica tamen rarè & non nisi summa urgente necessitate usurpanda sunt. Ambra grisea ad v. vel vj. gr. cum ovo sorbili sumpta non solum ventriculum roborat, sed etiam proprietate specifica huic prodesse creditur. Lazarus Riverius cap. 2. lib. 9. prax. Med.

Curabitur fames aucta exhibendo ea quæ acidum succum in corpore temperant, infringunt, & emendant, ejusdemque augmentum præveniunt; potentissimè succum acidum

infringunt salia lixivialia, tum fixa, tum volatilia, ut & alia alterutro abundantia, corallia, margaritæ, oculi cancerorum, creta, lapis hamatites, succinum, chalybis limatura, & similia. Eundem succum acidum obtundunt pinguia & oleosa omnia. Eum pariter temperat spiritus volatilis ex vino, aliisve paratus, eum denique diluunt & enervant aquea quævis copiose usurpata, abstinendum ab usu acidorum. Exempli loco sunt sequentia.

℞. Corall. rubr. marg. præp. an. ℥j. cretæ alb. ℥ss. sacchar. alb. ℥ij. M. F. pulvis in vj. doses dividend. & bis in die tribus saltem quatuorve post cibum assumptum horis ex vini potentioris cochleari assumendus, cui forma liquida magis arridet, capiat subinde sequentis misticuræ cochleare unum.

℞. Aq. menth. ℥ij. aq. cochlear. tinctur. cinamomi cum spiritu vini rectificato per infusionem paratæ an. ℥ss. syr. absinth. ℥j. m.

Vel. ℞. ol. macis, granorum juniperi an. ℥j. m. in vitro. Hujus olei guttas ij. vel iij. sumat æger aliquoties in die, ex vini malvatici, alteriusve generosi, aut præmissæ misticuræ cochleari. Utatur quoque fame auctâ pressus iusculis tum pinguioribus, tum ad gelatinæ consistentiam proximè accedentibus, nulloque acido conditis: nulla hic purgantia præscribo, quoniam nulla sunt hæcenus mihi nota, quæ humores acidos educant blandè *Francoiscus Sylvius, cap. 2. lib. 1. Prax. Med.*

Zacutus narrat vini generosi potu plurimos caninâ appetentiâ laborantes curatos esse. Fames canina ob lumbricum 12. cubitorum concitata, est teste Eodem. Succus nasturtii aquatici maturino tempore per aliquot dies sumptus certissimè ventriculi vermes enecat. Si ergo est à vermibus, conveniunt medicamenta præcipitantia & narcotica. Vinum salviæ specificè prodest. It. essentia melissæ, pilulæ hieræ picræ. Externè valet aloë & fel tauri in pultis forma. Essent. absinth. *Joann. Michæl. in Prax. Clinic. general.*

In appetentia nimia. ℞. Conserv. Rosar. ℥j. tartar. chalybeat. ℥j. fæcul. aronis, ocul. cancer. an. ℥ss. m. f. conditum. Dosis ℥j. manè & vesperi.

Vel ℞. Conserv. Rosarum ℥j. chalyb. præp. ocul. cancr. an. ℥j. sal. absinth. ℥ss. m. f. bolus Dosis sit præcedenti similis, seu.

℞. Tartar. chalybeati, corall. rubr. margarit. præp. an. gr. 10. C. C. ust. ℥ss. m. f. pulvis pro una dosi.

Vel. ℞. Cremor. tartar. ℥j. lapid. hæmatit. ℥ss. ocul. cancr. cretæ alb. an. ℥j. sal. fraxini gr. 15. m. f. pulvis pro 3. dosibus. *In India.*

℞. Terræ rubr. martis ℥j. lap. frigid. citrin. percar. præp. an. ℥j. m. f. pulvis pro 2. dosibus.

Vel. ℞. Conserv. Rosarum ℥j. terræ rubr. martialis ℥j. lap. percar. præp. matr. perlar. præp. an. ℥ss. m. Dosis manè & vesperi ℥j ad ℥ij. *Hermann. Nicol. Grimm. in Compend. Medic. ohymic.*

Consultationes.

Tabellarius quidam per dispositos equos algidioribus ac fervidioribus anni temporibus,

diu noctuque iter faciens, annum agens 40. temperamenti totius & iecoris calidi & sicci, gracilis habitus, cum hyeme præterita, loca montosa, frigida, atque nivosa peragrasset, matutinis horis, frigidissimo stante Aquilone, perfrigerationis sensum in visceribus percepit, simulque cibum capiendi vehementi desiderio correptus, præ fame animo defecit, quinimò cum alimenta præsto non essent, paulo post rusticum quoddam tugurium ingressus in lipothymiam incidit, quæ, ut ipse ait, periisset, nisi Rusticus hospes aceto cum aqua frigida inspersisset, & vinum in os infudisset, ignique statim etiam admovisset, moxque, vel ipso invito, & alimenta respuente, vino, lacte, & ovis vires Instaurasset. Quoniam autem hoc mali genus non semper Pat. corripuit, adeo ut solita itinera non amplius ingredi audeat, consilium ideo nostrum & auxilium petit.

Affectus, quo Tabellarius iste correptus est, ex ingenti vehementique fame, lipothymia, seu animi defectu syncopi proximo, & anorexia, seu ciborum averfatione constare videtur, etenim ab initio vehemens cibi desiderium suboritur à quo animo linquitur, mox restitutus cibum prorsus averfatur: Quare Bulimos appellandus, quem magnam famem nuncupavit Paulus, Tral. & Aët. Gal. verò dixit, nil aliud esse quàm animæ defectum, & Actuarius Bulimo detentos cibum averfari asseruit.

Malum hoc plerique medicorum cum fame canina solent confundere, cum tamen ipsum definiat Gal. quod sit, *Casus potentia ex frigiditate exteriori, qui à fame quidem inchoavit, sed non habet eam amplius adjunctam.* Ideo subdit *Afame Canina Hipp. differt.*

Fit autem hoc modo. Dum ab externâ intensa ambientis frigiditate per os attracta, & per cutis etiam porositates insinuata ventriculus facile refrigeratur, ut pote pars non carnosa, sed frigida & membranosa, ab hac frigiditate initio nondum immodica, os ventriculi condensante, constringente, vellicante & irritante, vehemens excitatur ciborum appetentia, at in progressu eadem invalescente & præcellente, calor ipse extinguitur, unde non solum perit appetitus, verum & animi defectus ac lipothymia subsequuntur. Ex quibus apparet, quod in principio convenit quidem cum Canina fame, cum ambo ab ingenti appetitu incipiant, in canina tamen fame perdurante, cessante verò in bulimo, prout illa in Diarrhæam, vel vomitum desinit, hic autem in animi defectum & lipothymiam cuius causa à Professoribus in alimenti inopiam referri solet. Hinc dicebat Avic. *bulimos est fames membrorum, cum satietate stomachi, sicque membra semper famelica, & nutrimento indiga sunt, cum tamen stomachus illud ipsum respuat.* Attamen quoniam brevi adeo inedia tempore, membris omnibus alimentum deficere impossibile est, ac proinde corpus ad lipothymiam & animi defectionem perducitur, verisimilius propterea nobis videtur, quod ore ventriculi vehementer perfrigerato & affecto, illico cor in consensum trahatur. Nulla quippe pars nostri corporis æque ac os ventriculi in consensum ducit utrumque principium, nimirum cor & cerebrum.

Neque

Neque audiendus Arist. cui subscripserunt quoque Avic. & Trall. mox & Altimarus, & Mercurialis, Bulimi causam calidam esse statuentes, quod tanta frigiditas in nobis dari non possit ab ambiente frigido inducta, sed à calefacto ventriculo ob frigus ambiens, atque à calore dissipato, inanitionem fieri, exinanitoque ventriculo impotentiam succedere, qua dissipentur ac resolvantur spiritus, unde tandem frigiditas, non est, inquam, cum magnis istis sectatoribus Arist. audiendus, huiusmodi namque antiperistasis in corpore exanguis, frigido ac membranoso admitti non potest, satis tamen hoc nobis sit, quod & ipsi frigiditatem in hoc affectu concedant atque adeo cum Gal. & Aetio conveniant. Neque subticendus error Trall. de suo Bulimo in illa muliere quæ cum multa atque immodica assumeret ac concoqueret, nunquam tamen saturabatur, quæ erosionem in ventriculo passa, assumpta hiera vermem insignis longitudinis ejecit, à quo immoderata appetentia cessavit, Bulimos namque affectus ille non fuit, quia nunquam in animi defectum vel hypothyriam incidit mulier; nec forsan canina fames, quia neque vomitus, neque alvi dejectio subsequiebantur, sed Animal ut omnia alimenta absumens, citra ullam ventriculi lationem, Mulierem ad cibum capiendum compellebat.

Affectus hic gravissimus est, parum enim abest à caliditatis extinctione, unde quamplurimis in locis desertis Bulimo correpti, momento temporis perierunt, quod evenisset quoque Patienti nostro, si procul ab incolis, ac proinde ab auxiliis in hoc malum incidisset. Neque adeo facilem futuram censemus expetitam præsertationem, prout incertam admodum curationem omninamur.

Certa tamen evadere poterit præservatio, ab itineribus per loca frigidissima atque nivosa abtineat, alioquin cum gracilis corporis sit, rarique habitus, forsan etiam ventriculus exquisito sensu præditus, verendum foret ne quoties intensa ambientis frigiditas ingrueret in bulimum incurreret. Nihilominus, ut ipsi morem geramus præsertationis gratiâ primo, mox & curationis, aliqua præscribemus.

Primo itaque iter facturus, ventriculum Oloris aut Mergi pelle, aut sacculo ex plumis Ferdicis & anseris præmuniat, nec jejune frigidissimo aëri insintinere se exponat, Ore caryophyll. aut frustulum nucis Myristicæ continuò verset, atque dentibus terat. Vasculum vitreum aut terreum, Aqua vitæ Juniper. aut Caryoph. plenum secum portet, ut urgente necessitate ejusdem haustu recreetur ita enim ab ambientis frigiditate ventriculo tutato, famem arcebit. & potissimum animi defectum.

Pro curatione verò omnium primo ab animi defectu Pat. revocandus. Secundo præsentissimum auxilium à cibus statim petendum ex Aetio. Tertiò ventriculus & totum calefacienda. Ac tandem appetitus excitandus.

Quibus explendis intentionibus jubet Gal. ut omninò totum corpus calefiat prope ignem illud fricando atque fovendo. Secundo, ut vinum exhibeatur. Et tandem cibi calefacientes ingerantur. Nec ulla modo audiendus Trall. qui frigidam exhibet, quod cum Arist.

credat bulimi causam calidam esse. Statim itaque frictiones, calefactiones, extremarum partium vincula, Capillorum vellicat ones, mox odoramenta præcipiunt Aetius & Paul. ex decoctione Pulegii in aceto, & pane calido, vel ex carne iuvilla assata, omnia tamen desumpta ab ipso Gal. Et licet odores nutrire posse negatum fuerit ab Arist. opposita tamen sententia fuerunt Hypp. & Gal. cum eo, licet ita conciliari possint, quod scilicet si pro simplici qualitate odorabili odor sumatur, non nutrit; nutrit autem si pro vaporosa substantia ab odoriferis corporibus effluente usurpetur, cum enim qualitas odora sit accidens, nutrire non potest, nutritio namque fit ex rebus corporeis, quia est evacuati repletio, evacuatum autem corporeum est. Conciliantur quinetiam, si dicamus cum Hipp. & Gal. odores spiritus tantum alere, non autem solidas partes, quod solum negavit Arist.

Restitutus autem Pat. solidioribus nutriendus, jure scilicet carniū, vino, ovis forbilibus, & iis quibus modica quantitate vis plurima inest. Vinum sit dilutum, meracum enim corpora exinanita atque imbecilla ad convulsiones ac deliria perducit. Utcunque utem nutritio Patienti, aliqua calefacientia, tum interna, tum externa administranda veniunt. Intrinsecus convenit aliquod cochlear Aq. Cinnamom. Elix. vitæ in Aq. tot. Cit. Scorzon. vel cord. prima Sax. Parandæ quoque, & pro usu præsto habendæ Confect. Rotul., ex Oleo Anis. Caryophyll. Cinnamom. Cort. Citr. Extrinsecus fovendus ventriculus decoct. Menthæ, Absynth. Caryophyll. Cinnamom. vel saltem inungendus oleo nucis Moschatæ. Tandem ad appetitum restituendum plurima existunt, verum vi peculiari præ aliis pollet in hoc affectu acetum squill. in aq. bugloss. & quia afferunt Chymici, Bulimum fieri ex succi Vitriolati defectu, adeo abs re non fuerit, ad acida vitriolata confugere, ut est spir. vitriol. philosoph. in vino granatorum, vel cum tinctur. ros. exhibitus.

Victus rationem quod attinet, Cibi sint facilis coctionis, atque distributionis, ut citò nutriant, Traliani misso consilio, qui alimenta difficilis concoctionis proponit, à causa calida bulimum fieri falso persuasus. Et quia *Eorum quæ velociter nutriunt, veloces quoque sunt excretiones: ideo Et quibus semel, aut bis, & quibus plura ne an pauciora offerre oporteat*, considerandum. Unde Galen. in Com. monet, quod in defectu spirituum, parum & sæpe cibus sit offerendus. Quæ pauca, tum pro præsertatione, tum pro curatione satis.

Joanni Raymund. Foris Consult. & Respons. Medic. T. 1. Cent. 2.

Reverendiss. Canonicus 30. annorum temperamenti totius & jecoris calidi & sicci, ventriculi verò frigidi, gracilis & rari habitus, copiosis cibus, fructibusque & potibus nive refrigeratis semper usus, cum multis abhinc annis vorax quodammodo factus fuerit, & frequentibus Diarrhæis obnoxius, tandem anno abhinc, licet abundè, quinimo consueto plenius & avidius cibos assumat, nunquam tamen satiatur. Quod si aliquando plurimo alimentato famem compescere tentet, in tantam ventriculi anxietatem delabatur ut vomere cogatur.

Quamobrem, ut ab hac insigni molestia atque incommodo vindicetur, medicum petit auxilium.

Fames morboſa, qua Reverendiſſ. Vir laborat ad amuſſimà Galeno deſcribitur titulo Caninæ famis, & denitur ab eodem quod fit, Vehemens & indefinens ciborum appetentia, proveniens vel ab indefinenti ſenſu ſuctionis, vel ab alimenti defectu. Læditur os ventriculi, in quo fit appetitus, & licet Plantis quoque ventriculum non habentibus, competat fames, eſt tamen in his opus naturale, proveniens à ſuctione per partes facta, donec deventum fuerit ad ipſas radices, quæ poſtea appetitu Animalis non egent, ut indigentiaſque proſpiciatur præſente ſcilicet alimento, Animalibus verò præter opus naturale, quod ſuctione fit, ſenſu quoque ejuſdem ſuctionis fuit opus, appetitu videlicet Animalis, ut diſtans alimentum exquireretur, quod animale opus Appetitus propriè, ſicut naturale Fames appellatur.

In caſu itaque noſtro indefinens eſt Appetitus hic Animalis, in ore ventriculi excitatus, non ſine tamen præcedente nimia vaſorum ſuctione. Quare utraque cauſa à Gal. jam recenſita, ad hanc Caninam famem excitandam dubio procul concurrunt. Et primo quidem alimenti defectus, quoniam utpote temperamenti calidi & ſicci rarique habitus, plurimum Pat. reſolvitur, unde perpetua totius exinanitiſ, & inde neceſſaria ſuctio, dum venæ majores à venis partium exugunt, donec ad os ventriculi deveniatur, in quo tandem perficitur ſuctionis ſenſus, qui hoc caſu adaugetur à copioſiori ſucci acidi portione, & continuus redditur ab intemperie frigida ipſius ventriculi, quæ conſtringendo, vacuando, vellicando perpetuo irrita ſenſum ſuctionis & appetitum ipſum Animalem, unde in Arte Med. dicebat quod frigidior natura ventriculi, ad appetendum quidem plurimum viget, ad concoquendum autem minimè. Quæ quidem intemperies naturalis eidem fuit, multum tamen adaucta, tum à copia prægreſſa ciborum, unde frequentes contingebant Diarrhææ, tum verò maximè è gelidorum fruſtuum atque potionum conſuetu uſu. Neque obſtat quod temperatus ventriculus magis concoquat & appetat, quàm calidus & frigidus, ut Gal. aſſeruit, tunc enim de naturali appetitu, & concoctione loquutus fuit. Nec rariter quod ſcribit Avic. *Et quandoquidem accidit appetitus Caninus, propter caliditatem ſuperfluam in ore ſtomachi reſolventem & reſtaurationem requirentem, ob quas os ventriculi quaſi ſemper famelicum fit*; Etenim caliditas hæc non concurrat, ut cauſa proxima Canini appetitus, ſed ut remota, quatenus frigiditatem inducit: ſicut enim dum caliditas tenuius humidum reſolvit, ſiccitas ſuperest, ſitim excitat; ita dum reſolvit humidum craſſius, frigiditas inducitur, famis cauſa.

Verum quoniam copioſa adeo alimenta, nec ventriculus conficere poteſt, nec iis corpus univerſum eget, ideo neceſſe eſt, ut more Canum Pat. ad vomitum ſe convertat, ſicut ſuperioribus annis per alvum exonerabatur non ſecus ac Seleucidæ Aviculæ, in Aſia, Locuſtas comedentes eaſdemque per alvum excernentes.

Affectus equidem non ſpernendus, etenim diuturnus calorem nativum adeo labefaciat ut Concoctrice & Retrictrice debilitatis in Hydropeum, aut Cæliacani paſſionem tandem deſinat, & niſi cibus ſuccurratur, in hac poſſimum calida & ſicca temperatura, facile febres accendantur, quinimo ſi Pat. pravis utaturalimentis, febres peſtiferæ, vel cutanei moleſtiſſimi affectus ſuboriantur. Et licet Virum hunc Reverendiſſ. huiusmodi affectu liberare non adeo facile fuerit, cum præternaturales, novas etiam morboſas radices egerit, quia tamen Medicis mandatis obtemperaturus eſt, ſalus ſperanda.

Cujus gratia cauſis contraria ſunt opponenda, totius enim habitus quodammodo denſandus, & intemperies frigida ventriculi corrigenda, quæ quoniam non ſine acidæ pituitæ ope affectum hunc excitat, ideo hæc prius deturbanda, mox intemperies emendanda, atque tandem à proprietate juvantia in uſum revocanda.

Quibus explendis intentionibus, à fonte Chirurgico deſumenda inunctiones totius corporis denſantes, ex Ol. Roſ. & Viol. frequenter repetenda.

Ex Pharmaceutico primò ratione acidæ materiæ, Lenientia, Præparantia, & purgantia conveniunt. Leniens ſit Elect. Lenit. cum Hiera, vel mel. roſ. ſol. cum cremor. tartar. Præparans ſine diluto, ut diutius in ventriculo moretur ſic paretur.

℞. Mell. Roſ. ſimp. Oxym. ſimp. Aq. vitæ caryophil. an. ℥j. m. pro ſyr. & ſic pro aliis.

Vel ℞. Oxym. ſimp. Aq. cinamom. an. ℥j. Salis menthæ gr. vi. m. pro ſyr. Purgans validum non ſit, cum materia expurganda in ventriculo hæreat, unde nil Hiera picra præſtantiſ quæ humores impactos diſſolvit, expurgat, ventriculum calefacit, exſiccet & roborat. Quare.

℞. Spéc. hier ſimp. ℥j. ſ. Elect. lenit. ℥vj. m. f. b.

Vel ℞. Pil. de hier. cum agarie. ℥j. Aleph. ℥ſſ. m. reſormentur pilulæ, cum vino aromat. & aur. Quod ſi forte hæc acidæ materiæ præparatio non ſufficiat, prout nec expurgatio, repetatur hac ratione.

℞. Oxymel. ſquill. Syr. de Praſſio, de Mentha. Aq. vitæ Caryophil. an. ℥j. m. pro ſyr. & ſic pro aliis, quibus expurgatio Hiera picra, vel pil. ſuccedat.

Frigidam autem ventriculi intemperiem corrigunt Diacyminum, Elect. Agreg. Avic. de Scoria ferri Haly, Theriaca ex Serapione, Diatrionpip. quo Gal Septuagenarium ſpatio unius hedomadæ ſanavit. Verum Hippocr. meraci vini potum proponit, dicens, quod *Famem thorexis ſolvit*. Quod genus remedii admittitur quoque in Com. à Gal. Efficacius autem reddi poterit vinum ipſum, ſi piper, aut ſpica nardi eidem addatur, & jejuno ventriculo calidum acervatim præbeatur, ſtatimque cibaria pingua & oleoſa exhibeantur. Extrinſecus quoque intemperiem frigidam corrigere poterit ſcilicidium ex Oleis, hoc caſu parandum, prout in corporibus obefis, Aquis ſulphureis. Itaque.

℞. Olei Amygd. dul. Amar. an. ℥iij. Maſtich. ℥j. vin. malvatici ℥jſſ. Nucum Myriſt. contuſ. n. i. Cinnam integr. ℥ſſ. Macis, Caryoph. an.

an. ℥ij. Fol. Menthæ rec. m. j. m. bulliant omnia ad consumptionem vini, & facta fort. express. serverur pro itilicidio, 20. saltem diebus administrando. Reliquo verò tempore, illi ni poterit os Ventriculi ol. M. Ducis Etruriæ, vel etiam Nucis Moschatæ per expressionem parato.

Tendem aliqua à proprietate jvantia non omittenda. Ita Caro Glirium à proprietate nauseam provocat, Essentia item melissæ cum Spir. vini extr. ad cochlear, vinum pariter Salviatum.

Quibus omnibus congrua addenda victus ratio, qua primo gelidi potus omnino mittendi. Servanda quoque propria ciborum quantitas, Gal. consuetos cibos, duplos & triplos permittit, eisdemque difficilis resolutionis proponit, cujusmodi sunt caro suilla, Cochleæ, cancri, oryza cum lacte, Caseus, Pultes ex farina triticea; Ratio est, quia, *Eorum que velociter nutriunt, veloces quoque sunt excretiones.* Foveri autem potest affectus hic ab Aqua, & Vigiliis, hinc, *Aqua edax, Vigilia vorax.* Illa, quia refrigerando & exprimendo appetentiam generat & adauget, hæc verò, quia corpus digerit atque relolvit, ut Gal. in Com. Quæ pro hujus affectus curatione sufficiant. *Idem ibidem.*

Juvenis 26. annorum, melancholicus, post longum multorum acidorum usum; incidit in ingentem famem, quâ quotidie sexies, septies & amplius cibum copiosum sumere cogitur. Post cibi sumptionem sæpe ventriculi sequitur dolor; quem deinde vel vomitus, vel magnus alvi fluxus, lipothymiam sæpius inducens, sequi solet.

Afficitur in hoc ægro ventriculus; quod ex ingenti illa fame, item ex ejus dolore, necnon ex vomitu, est manifestum. Afficiuntur quoque intestina, quod ex alvi fluxu, & cor, quod ex lipothymia insequente patet.

Morbus, quo hic æger torquetur, est intemperies quædam acida & valde acris ventriculi, quæ illam ingentem famem, tam copiosam frequentemque ciborum sumptionem, & ventriculi dolorem, vomitum, alvi magnum fluxum, & lipothymiam inducentem, producat, *Fames canina* vulgò appellari solet.

Causa procatactica hujus morbi fuit diutinus ille copiosorum acidorum alimentorum usus. Hinc verò copiosi acidi humores in corpore geniti, & cum sanguine per illud diffusi, antecedentem hujus morbi constituerunt causam. Pars verò eorum copiosè & perpetuò ad ventriculum delata, eumque acore & acrimoniâ suâ magnâ vellicans, facit ingentem illam tam copiosè & frequenter sumendi alimenti imaginationem. Cum verò illud assumptum rectè à ventriculo non concoquatur, & magnam acrimoniam præternaturalem adipiscatur, hinc oritur ventriculi morsus, spiritusque ita ex illa morsus vellicatione determinantur, ut illi fluentes, modò in ventriculi & intestinorum oblique ascendentes fibras, vomitum; modò in oblique descendentes, alvi fluxum, & lipothymiam, per spirituum & utilium humorum dissipationem & evacuationem, in hoc ægro pariant. Atque ita existit acidus ille humor, in ventriculo genitus, vel ad ventriculum delatus, continens hu-

jus morbi, & remota symptomatum ejus causa.

Morbus hic valde periculosus est. Ab eo enim sæpe cœliaca affectio, vel hydrops oriri solet; & quia hic adest lipothymia, metus est, ne æger subito extinguatur.

Curatio itaque est acceleranda: eaque in causarum & intemperiei ablatione, bonæ temperiei reductione, consistet. Primò itaque præscribatur tale vomitorium.

℥. Conserv. fol. asari ℥j. vin. alb. ℥iij. contundantur in mortario marmoreo, & exprimat postea liquor, cui adde aq. cinnam. ℥ss. F. Vomitorium, Vel.

℥. Salis vitrioli albi ℥ss. aq. decoct. hordei ℥ij. oxymell. simpl. ℥ss. M. pro Vomitorio: Postea utatur tali Apozemate.

℥. Rad. acori ℥ss. rad. Helenii ℥iij. Cort. citr. aurantior. an. ℥ss. herb. menth. saly. puleg. rorismarin. m. j. absinth. m. ss. sem. anis. fœnicul. coriandr. carvi. an. ℥ij. Decoq. in vini Gallici q. s. ad ℥biß. In colatura dissolue syr. de mentha ℥ij. Aq. cinnam. ℥j. M. F. Apozema. De quo sumat æger haustum mediocrem, bis terve in die. Subinde etiam purgetur talibus pilulis.

℥. Pil. de hiera ℥j. rhabarb. ℥ss. cum syr. de mentha F. Pilulæ No. v. vel vj. Postea utatur tali condito.

℥. Conserv. rosarum ℥iij. Diacydon. ℥j. nuces moschat. cond. No. ij. Corall. rubr. præpar. ℥j. Spec. aromat. ros. Caryophyll. incis. an. ℥iij. Cum syr. cydoniorum F. Conditum, De quo æger aliquoties in die sumat magnitudinem cattanæ majoris.

Si æger in paroxysmum lipothymie incidat, ad se erit revocandus exhibito cochleari aq. cinnam. odore panis vino madidi, & similibus. In ingenti ventriculi morsu exhiberi potest theriaca, vel Mithridatium, requies Nicolai, vel simile.

In victus ratione Aër sit temperatus; æger quiescat & diutius dormiat. Cibi sint, qui tardè coquantur & distribuuntur, quales sunt cochleæ, cancri, caro suilla, & bubula, oryza, & similes. Vinum & omnia attenuantia vitentur. *Henric. Regius apud Theod. Craanen.*

Juvenis 28. annorum, qui toto corpore sanus, sed nonnihil melancholicus esse videtur, & duris, salsis, acidisque alimentis oblectatur, nonnunquam repente maxima atque intolerabili fame corripitur, & nisi mox vinum aut cerevisiam fortiolem largo haustu bis terve bibat, ac nonnihil panis alteriusque cibi comedat: de visus aliqua obscuritate, cum levi vertigine conjuncta, conqueritur, adeoque protinus debilitatur, ut se sustinere nequies in lipothymiam incidat: è qua ad se nonnihil reversus, vino & pane dato iterum reficitur, ac post refectionem aliquot diebus ab illa fame immunis manet. Hic affectus interdum tempore matutino, cum æger jejunus est, interdum horâ unâ aut alterâ post pastum ventriculo nondum inanito, eum invadit subito; nullâ præcedente nausea, nullo comitante vomitu.

Afficitur in hoc ægro ventriculus secundum partem superiorem, appellaturque ejus affectus *Bulimus*, qui est, maxima fames præternaturalis, hominem subito invadens, cum debilitate & lipothymia.

Causa remota fuit melancholica corporis dispositio, & talis diata quæ lienis coctionem nonnihil vitiavit, sicque multos acres acidosque humores, à liene male coctos (antedentem causam constituentes) in corpore genuit, qui inde ad ventriculum delati, ejusque superiori parti propè stomachum adherentes, eam peculiari modo vellicarunt, & acida quadam intemperie ac constrictione famem venementem induxerunt, sicque causa continens evaserunt.

Lipothymia subsequitur, viriumque prostratio, propter eximium consensum stomachi cum corde & cerebro, per nervos sextæ conjugationis, seu vagos, qui multiplici ramificatione stomacho ac superiori parti ventriculi inferuntur, hincque iis circa stomachum malè affectis, mox per sympathiam afficiuntur cerebrum & cor. Hoc, quia ab eodem pari vago suos nervulos habet, & quam proximè stomacho incumbit. Illud, quia ex eo nervi illi vagi progrediuntur, quorum mala circa stomachum affectione cerebro communicata, mox spirituum animalium motus & è cerebro effluxus turbatur, atque inordinatus fit, unde visus aliqua obscuritas & levis quadam vertigo oboritur; ac propter spiritus eandem ob causam pauciores in musculos influentes, corpus tremat, ægerque se sustinere vix potens, interdum concidit. Adde, quod propter eundem inordinatum & parciorem spirituum animalium influxum, etiam cor debilitetur & inordinate moveatur, sanguinemque arteriosum pauciores & inordinate ad cerebrum transmittat, unde & illud non convenienter dilatatum pauciores spiritus gignit, atque ex se propellit.

Æquè paucis horis post pastum, atque jejunio stomacho invadit hic affectus, quia quocunque tempore subacidus ille succus in ventriculum influit, & superiorem ejus partem vellicat, ingens illa fames oboritur. Succum autem illum aliquandiu post pastum influentem, non protinus ab alimentis in ventriculo contentis obtundi, sed iis sæpe innatare, sicque superiorem ventriculi partem vellicare, imò nonnunquam cum aliqua nausea ad os ascendere, docet usus.

Vino generoso aut cerevisia optima roboratur æger, affectusque mox mitigatur, quia talis potus spiritus, cum vitales, tum animales reficit, & humorem acidum ventriculi tunicis adhaerentem diluit, imò & digerit ac concoquit, suæque admitione acerbam ejus vim refringit, unde fit ut semel sic sedata fames non statim redeat, sed aliquot dierum spatium opus sit, antequam alius similis collectus humor ad ventriculum feratur, eumque vellicet ut antè.

Nullis hic opus est signis diagnosticis, cum affectus se ipsum prodatur, & ex ægri relatu sciri possit. De eventu autem statuendum, quod periculosus existat, & metuendum sit, ne aliquando hac fame tali loco corripatur æger, quo potus & cibus ad manum haberi non potest atque sic horum defectu graviore lipothymia prostratus extinguatur.

Eapropter curatio quamprimùm instituida, jubendumque ut æger nusquam foras pro-

cedat, nisi pane vino generoso comitante, ut hostis subito invadentis vires talibus armis mox infringere, suasque collabentes vires protinus rencere possit.

Præterea corpus subinde clementer purgandum cum elect. hier. picr. pilulis Ruffi, aliisque similibus, abstinendo à valde fortioribus. Si tamen æger facilis sit ad vomitum, non inutiliter exhibebitur vomitorium ex asstro.

Ad ventriculi & lienis corroboracionem, ac coctionis emendacionem præscribendum apozema.

℞. Rad. tamarisci, capparum, helenii, an. ʒvj. galang. ʒß. herb. chamædryos, cuscute, eupatorii, scolopendriæ, melissæ, an. m. j. fol. laur. m. ʒ. cort. aurantior. ʒß. bacc. juniper. ʒvj. sem. fœnicul. ʒijß. passul. corinth. ʒijß. aquæ & vini, an. Fiat s. art. apozem. ad lib. iß. Eundem in finem etiam præscribendum conditum.

℞. Specier diamb. di. rhodonis abb. an. ʒ. j. rad. helenii, & cort. aurantior. condit. conserv. anthos, & flor. salviæ, an ʒß. syrupi helenii q. s. fiat s. art. conditum.

In victu prohibenda alimenta duræ digestionis, salsa, acida, & acria: & præscribendi cibi euchymi & eupepti, ut carnes veruecinæ, agnina, vitulina, gallina, cuniculi, pisces saxatiles, &c. quorum juscula condienda sunt cum cherefolio, borragine, melissa, rosmarino, betonica, semine anisi & fœniculi, nuce moschata, gariophyllis, raphano rusticis, &c. Potus sit minimè acidus, sed subdulcis, ut cerevisia bene defæcata, unius aut duarum septimanarum, & vinum mediocre. Versetur æger in aëre lucido, minimè nebuloso: corpus mediocriter exerceat, nec somno nimis indulgeat, fugiatque iram & qualibet tristitia animi pathemata. *Isbrand. de Diemerbroeck de affectibus imi ventris. Medic. 1.*

Juvenula 30. annorum, melancholica, substrictis, cibos sallos, fumo siccatos, acres, acidos, aliosque duræ digestionis edere consueta, per integrum annum ingenti fame laboravit, sine lipothymia. Quolibet edulia ingenti copia avidissimè comedit, & mediocriter potum superbibit: repleto ventriculo fames non omnino cessat, sed aliquanto mitiore evadit. Paulo post pastum omnia assumpta rursus evomit, quæ isto exiguo temporis intervallo adeo acida in ventriculo evaserunt, ut adstantibus valde acidum nidorem offerant, & ægra dicat illa sapore succi limonum aciditatem superare. His ejectis præ ingenti fame mox iterum edere cogitur, assumpta paulo post rursus evomendo. Atque dies noctesque modò edere, modò vomere posset, nisi res angustior domi subinde molestissimam abstinentionem & dolorosam famis perpeffionem injungeret. Interim paulatim emaciatur ægra.

Affectus hujus ægræ est *Canina appetentia*, id est, maxima fames, sine lipothymia, ab acida inferioris ventriculi intemperie procedens, quæ alimenta copiosa avidissimè assumuntur ac non diu post rursus evomuntur raro per inferiora deturbantur) & iterum alia comeduntur, sine insigni famis imminutione.

Differt à bulimo, quod in hoc adsit virium prostratio sine vomitu, sed multoties cum

cum lipothymia, in illo vomitus, sine insigni debilitatione.

Afficitur in hac ægra ventriculus, imprimis secundum inferiorem partem: ejusque affectus ex relatu ægræ satis cognoscitur.

Causa continens est humor acidus ac viscidus, vitio lienis genitus, & in ventriculum infusus, ejusque tunica rugosa inferiore parte firmiter inhaerens, qui aciditate sua ventriculum simili intemperie afficiens ac peculiari modo vellicans, inducit appetitum vehementem ad sumenda alimenta in molestæ vellicationis remedium. Quibus cum ab eodem humore etiam valde acida constitutio imprimatur (sicut vinum quod in aceti vas infusum statim aciescit) sicque vellicatio molestior fiat, mox è cerebro copiosis spiritibus ad ventriculi inferiores fibras determinatis, fit inferiorum tunicarum ventriculi contractio, sicque ope musculorum abdominis valida contentorum expulsio seu vomitio; qua quia dictus acidus humor ventriculi tunicis firmiter impactus, nec dissolvitur, nec ejicitur, imò potius à liene fovetur, fit ut post vomitum eadem ingens fames adhuc infestet & perduret.

Non adjungitur lipothymia, quia inferioris partis ventriculi non est eximius consensus cum corde & cerebro.

Quia hæc vehemens fames cum vomitione conjuncta, nutritionem debitam fieri impedit, non parvus atrophix, ac tandem dejectionis virium metus incumbit.

In curatione corpus subinde evacuandum, cum aloë, hiera picra, infuso agarici aliisve amaris: item vomitus bis terye promovendus cum foliis asari.

Postea deveniendum ad talia, quæ lienem & ventriculum corroborant & absterguunt, coctionesque promovendo acidas cruditates consumunt, qualia sunt illa modo ad bulimum præscripta, aliisque similia, ut & similis diætæ, qualis bulimo dicata. *Idem Ibidem.*

Observationes.

Vir ferè octogenarius, staturæ procera, gracilis, attamen corporis & animi viribus in hac ætate mirè vegetus, atque liberrimi genii, tum temporis, anno circiter 1632. conjugio tertio iterato liberos adhuc gignens, tanta ciborum aviditate gestiit, ut sæpius jurulentum cum capis, anguriis, foliis porraceis, brassicæ capitata vel caulifloræ, & radicibus petroselinæ simul more Gallico incoctum acetarium, bonam partem petasunculi in oblonga ac tenuia frustra concisi, & saccharo conspersi, botellos aliquot lucanicos, alaudas aliquot sive anatem sylvaticam palustrem, atque armum agninum in unico prandio omnia, magno cum appetitu, sine ulla stomachi noxa, simulque panis triticei portionem magnam peresitaret, potus verò non valde avidus fuit. *Helvigii.*

B V T I G A

Vid.

G V T T A R O S A C E A

G V T T A R V B E A.

Finis Libri secundi.



BIBLIOTHECÆ
MEDICO-PRACTICÆ
LIBER TERTIUS
De Affectibus à Litera C incipientibus.

CACHEXIA & CACHOCHYMIA.



Acochymiam Cachexiæ hic adjungimus ut causam suo effectui, dum enim Cachochymia Cacotrophiam inducit, hæc Cachexiæ mater est. Cachochymia autem nihil aliud est quam succorum nutritioni dicorum varia impuritas, aut simpliciter cruditas, unde pen- sum suum in totius corporis conservationem malè exequuntur. Cachexia verò ea est corporis à succis crudis, aliisque impuris enutri- ti, constitutio, quâ in vastam molem turgescit, varioque cutis colore tingitur, quandoque scilicet albo, interdum citrino, aut livido, in- terdum ex candido virescente.

Pars affecta in Cachochymia sunt succi nutri- tii variè depravati, imo etiam viscera unde iidem succi promanantes in totum corpus deri- vantur; in cachexia verò est totus habitus cor- poris.

Differentiæ, respectu Cachochymia in eo sunt, quod alia succis simpliciter crudis origi- nem suam debeat, alia verò iisdem varia im- puritate noxiis; Item quod alia sit cum labe viscerum, ventriculi præcipuè, intestino- rum, hepatis &c. altera ab alimentis aquo- sioribus, crudioribus aliisque impuris, imò ab aëre ambiente sine ulla viscerum labe gigna- tur. Respectu verò cachexiæ quòd alia sit alba, alia citrina, alia livida &c. ut mox in hujus morbi definitione verbò diximus.

De causis Cachochymia & Cachexia non opus est hic multa subiungamus illis quæ supra titulo de Atrophia, dum scilicet de succis to- tum corpus enutrientibus, eorumque etiam variis vitiis, diximus; Addemus itaque tan- tum quòd si lymphæ viscidior à suis non exugatur ductibus, & in habitum corpo- ris diffundatur, primò Cachexiam, dein Leuco- phlegmatiam ipsam inducet. Imò si diaphore- sis atque insensibilis transpiratio sive ab aëre fri- gidiori orificia vasorum à glandulis cutaneis as- surgentium constringente, sive eodem densio- ri & crassiori illa ipsa orificia obstruente, im- pediatur, fiet in ipsam sanguinis massam particu- larum aquearum per totam corporis cutem secernendarum refluxus, aut in cute aggestio,

quæ turgescientiam universalem pariet. Præ- terea si ab ulcere in quopiam è visceribus se- dem suam habente sanguis coinquinetur, ille nutritioni exquisitæ ineptus redditur. Eo pa- cto videmus sapissime, renum ulceribus cache- xiam astare, pure scilicet in venas regurgi- tante.

Signa diagnostica ex superioribus satis fa- cile est elicere, adjicimus tantum in Cachexia faciem maximè turgere, quippe cujus cutis præ naturali laxitate phlegmaticam impuritatem combibat, illudque præsertim sub auroram propter demissum tota nocte in lecto caput, eoque in situ humiditatibus excipiendis ma- gis accommodum; Manus etiam & pedes po- tissimum sub vesperam ampliantur. Totum præ- terea corpus non tantum subtumescit, sed etiam gravatur & ad motum pigrius evadit, atque aliquatenus stupefcit.

Senes in cachexiam frequenter incidunt, ea autem affecti vix evadunt; at pueri quibus non minus frequens est malum facile curantur, quia nativo calore abundant. Aetate florentes huic morbo raro sunt obnoxii, ut que in illud dela- bantur requiritur causa admodum valida, quæ sc. tam dilentaneam ipsorum vigori adferat passionem propterea ni illa in aëre ambiente, aut etiam alimentis per aliquod tempus usur- patis demonstrari possit, vix persanantur. Ad- damus cum Aretæo quòd hic affectus longo acquiritur tempore, & nec ab uno inducitur corporis vitio, nec ab uno prodit viscere, sed omnium est in deterius conversio; ita etiam tardè pellitur. Tempus quoque anni non unum hanc fert ægritudinem, neque uno finitur tempore; Verùm autumnus eam concipit, hyems alit, ver ad fastigium perducit, ætas verò morbum jugulat.

Cachexia melancholica Elephantialis est pro- dromus, phlegmatica verò ac pituitosa Leuco- phlegmatia.

Indicationes è Curationibus mox afferendis ut & etiam Consultationibus adjiciendis satis elucesce nt.

Curationes, Consultationes, Observatio- nes & Anatomicæ inspectiones ex variis.

Curationes.

Cum cachochymia principium sit gravissimorum morborum, & plerumque in icteritiam & hydropem transeat

transeat, uti superius dictum fuit, videat Chirurgus, ne quicquam eorum, quæ necessaria sunt, intermittat, ut itaque Medicum aliquem docum, & in operibus medicis exercitatum, in consilium advocet, etiam atque etiam necesse est. Id tamen quia ubique locorum & præsertim in castris heri non potest, in gratiam & agrorum & Chirurgorum pauca hæc adscribere volui, quæ ut benevolus lector benigne interpretari velit, summo pererogo.

A victus autem ratione curatio inchoanda est, quæ talis esse convenit, ut non solum corpus nutrire, verum etiam loco medicamento inserire possit. Aer, si fieri potest, temperatus sit, ad calorem & siccitatem aliquo modo vergens, adversissimus est frigidus, non solum enim poros claudit, & perspirationem impedit, sed & membrum, nervosque omnes, quæ antea ab ichore excruciatæ fuere, debilitat. Præcipue si ulcera adfuerint. Testatur id Hippocrates multis in locis, præcipue l. 5. aph. 17. 18. & 20. Aer præterea summe calidus, quia sanguinem & humores acres efficit, & infinitas facultates & vires partium dissolvit, viscidamque materiam visceribus inclusam exsiccat, obstructionsque magis magisque adauget, vitandus est. Quoad cibum, perpendendum est primo, ventriculum, omniaque viscera nutritioni inservientia propter præcedentes dolores, vigilias, & ætium febrilem, ad summam labefactionem & imbecillitatem redacta esse. Abstineat itaque æger ab omnibus, quæ difficulter concoquuntur & succum crudum crassumque generant, qualis est panis sine fermento, omniaque in sartagine, butyro aut oleo frixa. Noxia quoque est caro bubula & porcina sale condita & in fumo siccata, caro item ferina præcipue leporina, cervina, ursina, aprina, & avium in aqua viventium, caseus item, lac & lacticia omnia, præter butyrum. Pisces salsi, & qui in stagnis & limo vivunt. Adversissima sunt legumina omnia, jure tamen lentium & pisorum uti poterit æger, ut postea dicam. Ab acetis quoque & nucleis crudis & horariis abstineat. Nutrimenti enim nihil, multum verò excrementi procreant.

Secundo abstineat æger ab omnibus, quæ insigniter & præter modum sanguinem & humores excaletaciunt & adurunt, hujusmodi enim, siue medicamenta siue alimenta fuerint, non solum alvum siccam reddunt, verum etiam humores viscosos in venis mesaraicis, & hepate infectos exsiccant, omniumque viscerum obstructions magis magisque adaugent. Sunt autem illa imprimis salsamenta omnia, uti quoque aromata, & præcipue calida usque in tertium & quartum gradum, qualia sunt piper, zinziber, garyophylli, cardamomum, piper ut vocant Hispanicum, allium quoque, porrum, capæ, raphanus, & sinapi, nisi in exigua quantitate fuerint sumpta, nocent, inter aromata conveniunt cinamomum, macis, nux moschata, & crocus.

Tertio consulte caveat æger, ne glutinosis utatur cibus, ex viscosis enim cibus viscosus provenit chylus, qui postea venis tam lacteis, quam hepatis includitur, omniumque viscerum obstructions adauget.

Quarto extremitates & intestina animalium omnium, uti quoque caro vitulina & agnina (mucilaginosa enim succo prædita sunt) pilces absque squamis, aut qui in stagnis vivunt, caseus, lac & lacticia, præter butyrum in omnibus morbis longis, minime conveniunt. Quapropter non video, quomodo hujusmodi alimenta viscosa, præcipue extremitates animalium, absque insigni detrimento in fracturis ossium agris offerri possunt. Ex eis enim chylus viscolus generatur, qui venas Mesaraicas & hepar ipsum obstruit, sanguis verò, qui ex ipso pronucitur, quia viscosus est, non nisi cum difficultate pro nutritione partium distribuitur, imminuto itaque calore nativo propter penuriam alimenti, sanguis ille viscosus in venis putrescit, variaque symptomata procreat. Cujus rei exemplum annotatione dignum vidi. Nobili cuidam juveni, & optimo corporis habitu prædito, ex familia Helvetica haud obscura oriundo, cum anno 1608. in Galliis os femoris in medio confractum & comminutum fuisset, cum ingenti contusione & dilaceratione musculorum, per multos menses lecto affixus permansit. Interim à Medico quodam docto, Chirurgo quin etiam doctrinæ & experientiæ claro, curatus fuit, & quidem ex arte, & eâ quâ potuit diligentia. Interim tamen, ut de gravissimis symptomatibus, quæ ab initio morbi supervenerunt, taceam, post multos etiam menses, ne dicam annos, propter obstructions gravissimas hepatis & lienis, febribus tertianis & quartanis, icteria & similibus excruciatu fuit. Ego tandem cum in consilium adhibitus fuisssem, & multa tam externa quam interna præsidia adhibuisssem, & thermis piperinis aliquoties usus fuisset æger, restitutus fuit, & in hunc usque annum 1630. bona valetudine fruitur. Præcipuam autem causam obstructionis viscerum tantorumque gravissimorum symptomatum, ad usum alimentorum viscosorum referendum esse arbitror. Per menses enim novem & decem quotidie cibus viscosus usus fuerat. Quapropter agris meis nutrimentis viscosis semper interdixi, nihilominus tamen fracturas multas & quidem maximas, etiam in magnatibus, feliciter & cum laude curavi. Hæc obiter & præter institutum, in gratiam tyronum monere visum fuit.

Quinto videat æger, ut ab omnibus cibus facile putrescentibus abstineat, uti sunt fructus horarii, videlicet Cerasa dulcia, pruna recentia, persica poma, cucurbitæ, melones, uvæ recentes, mustum & hujusmodi, qui concoctionem ventriculi impediunt, calorem nativum debilitant & imminuunt, succumque crudum & putridum procreant.

Postremo danda est opera, ne cibus aut potus cacochymicorum sit astringens & exsicicans, hujusmodi enim non solum alvum siccam reddunt, verum etiam vias constringendo, materiamque viscidam in visceribus exsiccando, obstructions adaugent, hujusmodi autem sunt legamina, caro ferina, de quibus in prima classe quoque dictum fuit, Noces quinetiam, amygdalæ, castanæ, mespila, corna, pruna sylvestria, sorba, uvæ & fructus omnis immaturus. Farina quoque avenacea, apud

apud nos usitatissima, propter torrefactionem, quia insigniter exsiccatur, minime convenit. Cotonea autem etsi astringunt, post pastum tamen sumpta summopere conveniunt, ventriculum enim corroborant, & digestionem promovent. Utatur itaque æger cibis, quæ facile concoquuntur, succum quinetiam laudabilem procreant, neque excrementorum proventum faciunt. Hujusmodi sunt carnes recentes, veluti bovina, vervecina, item caro Gallinarum, pullorum, alaudarum, columbarum, perdicum, ficedularum & avium in arboribus degentium. Conveniunt quoque ova recentia & ex ipsis præparata edulia. Cum carne concoquendæ sunt herbæ, quæ intemperiem hepatis corrigunt. Quapropter si intemperies internarum partium adfuerit calida, tunc lactuca, endivia, cichorium, spinachia, ceresolium, & portulaca conveniunt. Sin calor natus viscerum propter vehementiam ac diuturnitatem morbi prostratus fuerit, refocillandus est eis, quæ mediocriter calefaciunt, quapropter salvia, rosamarinus, majorana, folia & bacca lauri, & mentha, betonica, & hujusmodi cum carne cocta, conveniunt, macis quoque, crocus, cinamomum, nux moschata, cortices arantiorum & citronum cibis addita, calorem innatum refocillant. Instaurant quoque calorem innatum, & humidum radicale adaugent, vitella ovorum, si in jusculo carnis dissolvantur. Etiam si legumina nutrimentum crassum reddant, juscule tamen pisorum & lentium, cum butyro recenti, sale, & nonnihil macis vel croci, cocto, uti poterit æger, uti quoque cremore hordei, & avenæ decorticatæ. Conveniunt & sorbitiuncula ex vitellis ovorum, cum vino & aqua præparatæ, addito saccharo, cinamomo & croco; tempore veris juscule herbarum recentium, veluti ceresolii, fœniculi, spinachia, betonica, foliorum urtica, & summitatum sambuci, præparata maximo cum fructu ægro in prima mensa aut (quod magis mihi probatur) per horam unam aut alteram ante prandium exhiberi poterunt. Diuretica enim sine damno cibis vix permisceri posse, alibi demonstravimus. Summopere quoque convenit succus, qui ex perna vervecina in veru percocta, & cultro hinc inde pertusa & compressa, effluit. Vires enim labefactatas instaurat, & humidum radicale adauget, præcipue si nonnihil vini parumque aquæ cinamomi, sine vino destillatæ, admiscueris.

Si æger magnopere acetaria appetit, poterit per intervalla uti cichorio, ceresolio, fœniculo, asparago, lupulo, mentha, gemmis genistæ conditis, & capparibus. Ab eis verò quæ insigniter refrigerant veluti sunt lactuca, portulaca, cucumeres & melones abstinere.

Bibat vinum album, tenue, & quam optime defæcatum. Si generosum fuerit diluatur aquâ aliquâ appropriata, aut quod efficacius, decocto veronicæ, saccharo, & cinamomo aromatizato. Si cerevisia uti voluerit, aut eis in locis, in quibus nihil præter cerevisia propotu utuntur, constitutus fuerit æger, videat ut illa sit bene cocta & defæcata, non nimis generosa, vetusta vel acida. Vinum secundarium, uti quoque potus qui ex prunis & po-

mis sylvestribus, uvis immaturis, & granis oxyacanthæ sit, propter astrictionem mirum in modum nocet, si litis maxime & vires prostratæ fuerint bibat æger lac amygdalarum, non tantum enim sitim retinguit, verum etiâ viscera humectat & egregie nutrit. Reinerus Solenander magni nominis Medicus in cons. sect. 3. pro cachectico, vult ut quarta vel quinta, vel etiam sexta pars amygdalarum sit amara, & recte quidem, ita enim lac magis fiet medicamentosum, quandoquidem abitergit & mundificat præcipue, si ut in det Solenander, cum jure fursurum macrorum præparatum fuerit. In fine mensæ pomis aut piris coctis saccharo, aniso, aut fœniculo aspersis, uti poterit. Conveniunt quoque cydonia cocta, & saccharo parumque cinamomi aromatisata aut Miva cydoniorum sine speciebus, vel sumat cochlearum unum pulveris nostri peptici statim à pastu.

℞. Panis albi tosti ʒ ij. pulpæ cydoniorum exsiccatorum, cinamomi optimi, pellicularum interiorum ventric. gallinarum, seminis anisi & coriandri præpar. ana ʒ ij. Misce, & fiat pulvis. Hæc de cibo & potu. Porro quia exercitatio digestionem promovet, exiguos meatus expurgat, & excrementa expellit, utilius est, teste Galeno de tuenda valetudine lib. 2. eam ante cibum administrare, dummodo modicis sit nec laboriosa. Vult autem Galenus duplicem concoctionem, videlicet eam quæ fit in ventriculo & eam quæ fit in vasis sanguinis peractam esse, ac denuo tempus cibandi instare. Post pastum tamen modice quoque corpus exercere convenit. Modica enim exercitatio, post sumptum cibum calorem nativum excitat & adauget, & concoctionem promovet. Si verò æger propter debilitationem partium, corpus deambulando aut equitando exercere non potest, frictiones sunt administrandæ. In somno & vigiliis modus quoque est servandus. Intempestivæ enim vigilie concoctiones omnes impediunt, cerebrum siccant, mentem perturbant, & humidum radicale absumunt. Contra somnus immoderatus calorem nativum obtundit, & multos humores crudos gignit, corpusque ignavum reddit. Passiones animi quoque veluti sunt ira, metus & mœstitia, æger quantum fieri potest, vitabit. Præter hæc operam quoque dabit, ut alvus quotidie ad minimum semel respondeat, id si naturæ & ciborum beneficio non fiat, sollicitanda est prunis laxativis vel clystere lenitivo cap. 19. præscripto. Vel imponatur suppositorium ex melle & sale coctum. Summopere quoque conveniunt pilulæ sequentes. Partes enim nobiles corroborant, obstructions viscerum tollunt, materiam viscidam incidunt, attenuant & alvum lubricam reddunt.

℞. Aloës purissimæ & ter aut quater succo gratiolæ imprægnatæ iterumque exsiccata ʒ j. rhabarb. elect. ʒ ij. turbit. gummosi, cremor. tartar. ana ʒ j. gumm. ammoniac. purissimi & dissoluti in aqua cinamomi ʒ iv. confectio alkerm. ʒ j. ol. cinamomi ʒ ss. syrupi rosati solutivi compositi cum rhabarbaro, agarico & senna q. s. misce fiatque massa, de qua æger (si tantummodo alvum duram lubricam reddere cupit) sumat à granis 12. usque ad ʒ j. aut ʒ ss. per

per duas horas post cœnam. Sin ampliorem evacuationem habere cupis, ad ʒ ij. aut 3 j. deglutiet, ut postea dicetur. Hæc de victus ratione.

Sic instituta optima victus ratione corpus quantum fieri potest à pravis humoribus expurgandum est, verum enim verò quia materia peccans in cacochymia tenacissime visceribus inhæret, difficulterque suo loco movetur, juxta mentem Hippocratis lib. 1. Aphorismo 22. coquenda & præparanda est apozemate aliquo convenienti, ante omnia tamen vias communes sequenti lenitivo expurgabis.

℞. Radicum polypodii q. liquiritiæ, cichorii ana ʒβ. cort. interiorum radicum frangulæ 3 j. veronicæ, flor. cordial. an. p. β. sem. anisi ʒ ij. foliorum sennæ 3 i β. incidantur, contundantur, coquanturque in aqua, ut colatura redeat ad uncias duas in quibus dissolve elect. diacarthami. & diaphanicon. cum rhabarb. ana ʒ ij. cremor. tartar. ʒ j β. syr. de cichorio cum rhabarb. ʒβ. misce fiat potio, detur in crepusculo matutino, cum custodia. Postridie, aut tertio die à purgatione, si plethora adfuerit. & vires permiserint, vena incidenda est, idque ex cubito ejusdem lateris de quo æger præcipue conqueritur. Si menses, aut hæmorrhoides suppressæ fuerint, venæ ad malleolos incidendæ, aut applicentur sanguisugæ venis hæmorrhoidalibus. Sin tamen maxima adfuerit virium omnium prostratio atque imbecillitas, venæ sectio omittenda & ad humorum concoctionem progrediendum est, ubi sequens apozema.

℞. Cortic. interior. & flavarum, radicum frangulæ ʒ j. radicum polypodii q. liquiritiæ, lappati acuti an. 3 iij. asparagi, cichorii, fœniculi & petroselini an. 3 ij. herbar. & flor. betonicæ, veronicæ, cuscutæ, scabiosæ an. m. β. trium flor. cordialium & genistæ an. p. j. seminis anisi fœniculi an. 3 ij. Coquantur in s. q. aquæ purissimæ, ut colatura redeat ad ℥ iij. clarificetur & dulcoretur syrupo de 5. radicibus q. s. hujus apozematis bibat æger per dies tres ad uncias duas in aurora, totidemque per horas duas ante cœnam. Postea accipe de eodem apozemate ʒ xij. In quibus infundantur, macerentur & coquantur s. a. sequentia. Foliorum sennæ ʒ j. rhabarb. 3 iij. agaric. recent. trochiscati cremor. tartar. ʒ i β. cinnamomi elect. ʒ ij. Maneant in infusione & loco tepido per horas xii. deinde post unam aut alteram ebullitionem fortiter exprimantur addanturque, syrapi de cichorio cum rhabarb. ʒ ij. aq. cinnamomi sine vino destillatæ 3 j. misce fiat potio purgans pro quatuor dosibus in aurora sumendis, cum custodia. Si primus haustus sufficienter operatus fuerit, alternis saltem diebus medicamentum sumatur, aut dosis diminuat, ut vires conservari possint. Quod si nimis segniter successerit operatio, postrema dosis acuenda est drachma una diacarthami, aut diaphanicone cum rhabarbaro. Sic satis purgato corpore, poterit æger per dies aliquot quiescere, post pastum tamen nonnihil de suo pulvere peptico sumere, deinde apozema præscriptum iterandum est. Quod si apozema ingratum fuerit ægro soleo sequens præparare jusculum; quod propter singulares operationes tum in morbo regio, tum in reli-

quis omnibus obstructionibus viscerum jusculum Regium appello.

℞. Rad. apii 3 ij. petroselini, fœnicul. ana 3 iv. passular. exacinar. ʒ j. croci ʒ j. macis ʒ β. Incidantur omnia & caponi aut Gallinæ, cui collum, pedes & alæ abscissæ sunt, infarciuntur. Coquantur in aqua, donec caro ab ossibus separata, & jusculum ad doses sex consumptum fuerit. Caro cum suo sarcimento fortiter exprimatur, & fiat colatura, addito sale, quantum satis est; sumat æger per duas horas antè prandium, quantum libuerit. Addo quoque nonnunquam nonnihil cremoris tartari, aut salis nostri deopplativi, ex cichorio, fœniculo, petroselino, hypericone, Eupatorio, & similibus herbis & radicibus aperitivis confecti. Si subacidus sapor ægro gratus fuerit, nonnihil vini aut aceti sambucini admisceri poterit. Si prostratio virium fuerit maxima, addatur nonnihil aquæ Cinnamomi sine vino destillatæ. Jusculum hoc excellentissimum est medicamentum, simul & nutrimentum in cacochymicis, quod ego sæpissime maximo cum fructu ægrorum usus fui. Sin ægro vinum aliquod aperitivum gratus fuerit, sequenti uti poterit.

℞. Rad. asparagi, brusci, ebuli, fœniculi an. 3 j. cinnamomi elect. 3 ij. macis ʒ j. herb. betonic. agrimonie & veronicæ an. m. β. centaurii minoris, absinth. Pontici, card. bened. an. p. j. incidantur & contundantur fiatque nodulus, cui affunde vini albi & optime depurati ℥ iij. De hoc vino bibat æger ad uncias tres aut quatuor, tribus horis ante prandium. Interim autem dum æger utitur aperitivis prædictis, subinde leniter leviterque expurgandum corpus. Ubi syrupum de rhabarbaro à Solinandro tantoperè celebratum, convenire, sæpissime vidi.

℞. Rhabarb. optim. 3 vj. fol. sennæ Alexandrinæ 3 x. mechoacan. albiss. ʒ β. flor. violar. recentium, fl. prunor. sylvestrium, si haberi possunt, vel cotoneorum an. p. β. cinnamomi acuti interioris 3 j. zinziberis albi ʒ ij. β. aq. betonic. cichor. bugloss. destillatæ in balneo Mariæ an. ʒ iv. rhabarb. & Mechoacan. pulveribus irroratis aqua cinnamomi, infundantur omnia s. a. per noctem. Manè ebullitione & expressione facta, colentur & cum sacchari albissimi ʒ v. vel sex, syrapi rosar. solut. ʒ ij. misce fiat s. artem syrupus. Detur ad uncias duas in exiguo haustu juris pulli non pinguis, cui pauca passulæ demptis gigartis, pauca folia rosmarini & macis tantillum incocta sint, bibat.

Cæterum præter victus rationem & purgationem pravorum humorum, partes nobiles summo studio corroborandas esse, ratio ipsa suadet. Quia enim in præcedenti morbo propter vehementiam & diuturnitatem doloris, æstus item febrilem, vigilias & decubitus, humidum radicale absumptum, calor quinetiam natus prostratus, & proinde facultates omnes mirum in modum imminutæ fuerunt, nisi refocillentur, frustra medicamenta adhibentur. Est enim robur naturæ, quod medicamentum ex potentia in actum vertit. Corroborabis autem imprimis viscera, si præscriptam optimam victus rationem observaveris, & pravos noxiosque humores (ex quibus

quibus continuo putridi vapores ascendunt, facultates omnes afficiunt) uti antea satis dictum fuit, evacuaveris: sine quibus corroborantia omnia nullius erunt momenti. Corroborat ventriculum & viscera nutritioni inservientia pulvis pepticus, antea præscriptus. Aut.

℞. Diacurcumæ, diarrhodonis Abbatis Aromat. rosat. an. ʒj. sachar. dissoluti in aqua Cichorii ʒiij misce, fiantque tabellæ addendo ol. cinamom. ʒss. de quibus utatur æger aliquoties in die præcipue ante & post prandium & coenam, ad ʒj. aut ʒij. Aut detur sequens Electuarium.

℞. Spec. Aromat. rosat. diacurcum. an. ʒj. cinamom. elect. ʒss. cortic. citron, & rad. cichorii conditatum an. ʒj. cum s. q. syrupi conservæ cortic. citronum fiat Electuarium, de quo sumat æger ad magnitudinem nucis juglandis, ter aut quater in die, Aut:

℞. Conservæ flor. betonic. rosmarini, salvia, majoran. an. ʒss. specier. Dianthos ʒiij. cum syrupo de betonica fiat Electuarium. Aut.

℞. Spec. de gemmis, Lætificantis Galeni an. ʒij. confectionis Alkermes & de hyacintho an. ʒj. conserv. flor. bugloss. borraginis & melissæ an. ʒss. Cum syrupo conservæ cortic. citronum fiat Electuarium. Sumatur ut præcedentia. Hæc de internis. nec omittenda sunt externa; ideo si propter dolorem & vigilias caput labefactatum fuerit, præter optimam victus rationem & purgantia, etiam per intervalla cucurbitulæ scapulis applicentur. Quod si catarrhus ut sæpissime fit, cum impetu ad oculos aut pulmones defluerit, setaceum in Vertice, aut fonticuli in brachiis efformandi sunt, cucupha quoque ex sequentibus parari poterit.

℞. Rad. iridis Florentin. ʒij. styracis calamitæ, benzoini, masticis, olibani an. ʒj. rosar. rubrar. summittat. majoranæ & fl. betonicæ an. ʒij. moschi ʒss. Incidantur & contundantur omnia grosso modo pro cucupha intertexta, ut artis est. Corroborat sequens Linimentum, si carpi, & regio cordis eo inungantur.

℞. Ol. rosacei fragrantissimi ʒss. ol. cinamom. ʒss. ol. cortic. citronum ʒj. misce. Aut:

℞. Aq. borragin. bugloss. rosar. & melissæ, Aq. cinnamom. an. ʒj. acet. rosat. ʒss. confect. Alkerm. spec. Diamosch. dulc. an. ʒj. croci & caphuræ an. ʒj. misceantur, fiatque Epithema, carpi autem tantum modo in eo imbutis puluillis, applicetur tepide. Mediantibus enim arteriis, vis ipsius facile ad cor perveniet. Si quis tamen de hoc epithemate regioni cordis applicare voluerit, non errabit, videat tamen, ut linteis calidis cooperiatur, frigus enim pectori & spiritibus vitalibus nocentissimum esse omnes sciunt practici. Ventriculum roborat & concoctionem promovet sequens Linimentum.

℞. Olei masticis, & menthæ an. ʒvj. gumm. tacamahac. ʒij. Terantur lentissimo igne & percolentur. Postea admisce olei nucis moschatæ per expressionem ʒss. ol. garyophyllorum ʒj. misce, fiat linimentum, quo regio ventriculi usque ad umbilicum quotidie bis inungatur, & linteum calidum apponatur, aut applicetur sequens emplastrum supra alutam extensum.

℞. Gumm. tacamahac. ʒj. ol. menth. &

masticis an. ʒss. Dissolvantur lentissimo igne, & per linteum colentur, postea admisce pulv. nucis moschatæ ʒij. g. ryophyllorum, masticis an. ʒj. misceantur & cum cera nova q. s. f. ceratum, applicetur ut dictum est. Hepar corroborat, obstructionsque insigniter tollit sequens linimentum.

℞. Unguent. deoppilativi Foëssii, ol. lumbricor. an. ʒj. misceantur, fiatque linimentum, quo regio hepatis, totiusque venter præter regionem ventriculi inungatur bis in die. Secundam enim concoctionem mirum in modum promovet. Unguentum deoppilativum Foëssii sequenti modo præparatur.

℞. Succi apii, endiviæ, menthæ, absinthii, petroselinii vulgaris, valerian. an. ʒss. olei absinthii, menthæ an. ʒss. Cera citrinæ quantum satis sit misce & ad ignem fiat unguentum s. a. Viscerum obstructions liberat, coque crebro in jecorariis utimur, additur quandoque pulveris calami Aromatici, spicæ nardi, sing. ʒj. & olei capparum aliquid. sunt qui hoc modo etiam parant: ℞. Succus Ebuli ʒviij. Succus Apii, Petroselinii sing. ʒiij. succi Ablynthii & Iridis sing. ʒv. ol. communis ʒss. ol. lil. alb. ʒx. Ol. ablynth. & chamomelini sing. ʒvj. axungia anatis, & gallinæ sing. ʒij. Ferueant omnia simul ad consumptionem succorum. Postea colentur & cum cera alba & paxillo aceti paretur unguentum. Hæc Foësius de unguento suo aperitivo, quæ hic inserere libuit, tum (expertus loquor) propter medicamenti præstantiam, tum etiam quod optimus ille vir & de re medica tam bene meritus, olim mihi cognitus fuerit. Ego ceram non addo, ut facilius altiusque ad subjectas partes penetrare possit. Lien, si propter vehementiam atque diuturnitatem morbi labefactatum, & obstructum fuerit, hypochondrium sinistrum inungendum est sequentibus.

℞. Ol. de capparibus & rutacei an. ʒvj. ol. amygd. dulcium ʒi. misceantur. Aut.

℞. Succus cochleariæ & nasturtii aquatici an. ʒij. ol. lilior. amygd. amarar. an. ʒij. pinguedinis caponis & uræ an. ʒj. Coquantur lentissimo igne ad consumptionem ferè succi, in colatura dissolve Ammoniac. purissimi, & aceto scillitico dissoluti ʒvj. ol. nucis moschatæ ʒss. misce; si intemperies calida renum adfuerit, inungantur lumbi, os sacrum, & regio renum linimento, antea capite de ardore urinæ descripto. Hæc de cacochymia, de qua non nihil prolixè agere nolui. Est enim veluti scaturigo, ex qua Ictericia, febres erraticæ, quartanæ, & quamplurima alia symptomata profluunt, de quibus omnibus si sigillatim agere vellem, opusculum hocce meum in immensum opus excresceret, & multa jam antea dicta, repetenda essent, quod lectori ingratum foret. Itaque ubi diligenter quis curaverit cacochymiam, reliqua symptomata facile evitabit. Quod si tamen advenerint, Medicus consulendus est. *Guil. Fabric. Hildan. lib. de Ichore & Melicaria.*

Cachexia quælibet à quibusdam nempe causis procreata requirit resolventia & corroborantia. Resolventia sunt omnia aperientia internorum viscerum. Sic nimirum omnis Oeconomia totius corporis depravata corrigitur

rigitur. Aperientia sunt tartarus vitriolatus, cremor tartari, Vinum Martis. Acidula tum naturalis tum artificiales: quæ tamen omnia administranda sunt post præmissos vomitus, si illi commode fieri, & patientes ferre possunt. Purgantia post illa universalia habent locum quælibet, modo observentur observanda. Panchymagogon Crollii. It. Ipecac. purgans paracelli & Mercurius dulcis hic præcipue laudantur, Extractum Esulæ & ellebori nigri in pituitosa & Melancholia Hypochondriaca multum proliunt. Confortantia desumuntur ex communioribus quibuscumque hinc inde, præstat spir. vitrioli in conserva rosarum, acetosæ. Horum borraginis, buglossæ, violarum sumptus, Magisterium Corallorum, item & perlarum, cæteræque aquæ Analepticæ usitata. Omnis porro Cachexiæ felicissimum auxiliū est pulvis Cachecticus supra descriptus. Itaque is solus præmissis solum vel vomitoriis, præcedente cura aliquando purgantibus sufficit: quantumvis nimirum pulveris cachectici usus alium moveat sapius, nihilominus convenientibus purgantibus interdum res expedienda ut scilicet in corpore collectæ facies, & ab usu pulveris cachectici quadantenus separatæ penitus excernantur. In virginibus plerumque defectus mensium ad Cachexiæ causas accedit, unde ut illa deterior. Solet quidem in vetulis pulvis Cachecticus etiam venulas uterint aperire, sed obstructio interdum tam pertinax, ut a solo illo aperiri nequeat. Dextræ itaque observato tempore usitato fluxus mensium, quod est juxta illum vulgatum versiculum:

Luna vetus vetulas, juvenes nova luna repurgat.

Præsertim ubi in cursu adhibitæ curæ dolores circa lumbos & uterum animadversum fuerint. Ut igitur felicius procedatur, menses moventia simul danda sunt, quibus infra de suppressione mensium. Taliâ sunt aqua allii destillata & oleum Sabinæ. It. aqua asari, raphani, artemisiæ rubræ

N. B. si ad pulverem Cachecticum addideris æqualem quantitatem chalybis præparati stercoreis anserum juniorum, & dederis priori quantitate, præsertim circa instans mensium tempus, & pallori Virginum & obstructioni mensium melius medeberis. Pertinacissimas obstructions mensium aperit lixivium è scoris seu recrementis reguli Antimonii ebulliendo tantum cum aqua communi præparatum, & super ferrum vel filices candentes fustum, ut vapor per sellam perforatam ad naturalia contingat. Mercurialis in aqua cocta & pudendis applicata menses ciet. (Ex his scoris paratur oleum tartari Antimoniatum, si nempe in cella ærivi frigido & humido exposita in deliquium abeant, profluit inde oleum Tartari copioso Antimonii sulphure imprægnatum, ingrati quidem saporis sed majoris efficacæ, non solum in mensibus retentis, verum etiam in tarda alui dejectione pertinacissimas quoque aliorum viscerum obstructions referat. In retentione menstruum sæliciter sapius usus fui, magisterio martis aperitivo, ex limatura Martis cum succo acetosellæ & pulpa tamarindorum facto, vide *Mynsichtii armamentarium chymicum*. His omnibus postea dextræ subjici potest vel addi sectio saphanæ definito tempore fluentium mensium instituta. Antimon. diapho-

ret. fixum ad expellendos menses etiam efficax est, si ejus dosis usitata quotidie cum guttis aliquot essentiæ myrrhæ in aqua artemisiæ rubræ exhibeatur. Hæc autem omnia moderanda sunt ad præscriptum ipsius naturæ & canones artis. *Joan. Hartmann. in Pract. chymiatric.*

Præstant hic crocus Martis aperit. cum salibus præparatus. Item omnia medicamenta ex tartaro, crocus martis saccharinus, tinctura martis Zvv. essent. & extract. martis mynsichti, tinctura martis tartarifata, tinctura martis antimoniatæ. Diaphoretica inter excellit bezoard. minerale & martiale. Conveniunt etiam in fine exiccantia, ut essent. liquorum. Acidulæ artificiales principatum tenent in tollenda cachexia; naturalibus etiam acidulis melioris & facilioris operationis causâ potest misceri vitriol. martis. It. Clyffus, si misceatur cum aquis appropriatis. Non debet statim fieri purgatio, sed digestiva præmitti debent. Vel si purgandum, misceantur aperientia.

℥. Croc. martis aperit. cum salibus ʒj. S. Digestivus pulvis. D. in triplo.

℥. Pulv. cach. Quercet ʒij. croc. martis saccharini gr. viij. M. S. Digestivus pulvis. D. in quadruplo.

℥. Tartar. chalyb. ʒss. fæcul. aron. gr. vj. S. ut ante.

℥. Essent. aperit. Essent. martis liquid. an. ʒiij. S. Digestiva Essentia Dos. gutt. 20. vel 30. singulis diebus manè & vesperi sumend.

℥. Tinctur. Martis Zvv. ʒiij. S. Digestiva Essentia. dos. g. xxx.

℥. Acid. artif. lib. ss. syr. ros. ʒij. m. Dos. 2. vel 3. cochlear.

℥. Spir. aperit. Penoti ʒij. Dos. g. 30.

℥. Herbar. eupator. agrimon. scolopendr. cuscut. ceterach. an. p. iij. flores cichor. epat. rubr. genist. an. p. ij. rad. aperient. an. ʒiij. eiul. præp. jalapp. an. ʒj. elleb. nigr. præp. ʒvj. agarici ʒiij. santal. rubr. ʒij. cremor. tartar. ʒij. F. Nodulus. Sumatur tempore matutino; sic enim præparatur materia. Si lien sit in causa, splenetica sumantur.

℥. Pol. agrimon. cichor. Com. absinth. flor. cent. min. an. m. j. flor. bellid. cichor. genist. epatic. rubræ an. p. ij. rad. graminis, filicis an. ʒss. helleb. nigr. præp. jalapp. an. ʒj. zedoaria, galang. an. ʒiij. spicæ, squinanthi an. ʒj. Incis. & contus. grosso modo adsperg. Essent. absinth. & tinctur. tartar. F. Noduli laxativi.

℥. Pulv. jalapp. ʒj. scammon. sulphurat. croc. mart. saccharin. an. gr. vij. ol. stillat. maccis g. j. Misce pro una dosi.

℥. Pulv. cathol. Quercetan. ʒj. Extract. Martis, resin. jalapp. an. gr. vj. F. Pilulæ.

℥. Essent. lign. ʒss. Dos. gutt. 60.

℥. C.C. sine igne ʒj. Bezoard. Martis gr. xv. M. F. pulvis pro una dosi. Acidulæ quoniam debent interdum portari, multum spirituum deperditur, ideoque artificialibus possunt corrigi, cavendum tamen ne nimium aqua infundatur. Vid. *Kyper. de acid. artif. Joann. Michael in Prax. Clinic. generali.*

Consultationes.

Illustrissima Comes temperamenti calidioris

jecoris, & totius; ætatis annorum 40. post varias animi perturbationes, mensiumque suppressionem, febricula lenta laborare cœpit, malo corporis habitu, palpebrarum, faciei, & crurum intumescencia, cum foveæ impressio vestigio, siti, inappetentia, & vigiliis. Quorum causa de agendis nos consuluit.

Ex prædictis itaque statuentes ipsam cachexia laborare ex labefactato, & imbecilliori reddito calido innato jecoris, cum excessu caloris præter naturam, & febrilis, ob prohibitam transpirationem ab obstructionibus utriusque hypochondrii, consultum duximus, quò ab hydrope imminente præservetur, expurgare primas vias, attenuare, incidere, & detergere humores peccantes, cum pituitosos, tum melancholicos, & biliosos, in corpore redundantes; ac deinde ipsos educere, jecur refrigerare, obstructiones referare, & serositatem ex toto corpore sensibilibiter, & insensibiliter evacuare, calidumque innatum jecoris roborare, revocato mensium cursu, quantum in nobis erit; quod tamen per arduum opus nobis visum est. Quas intentiones implere conati sumus, prædiis Chyrurgicis, Pharmaceuticis, & Diæticis.

Quoad Chirurgiam, non abs re primò censuimus parùm sanguinis educere, cum ob febrem, tum ob mensium suppressionem, & quidem istius ratione ex saphena. Verùm intumescens cruribus, & pedibus, mensibusque jam annum deficientibus, in muliere cachectica, & quadragenaria, consultius duximus ipsum mittere ex venis sedalibus, quo fieret derivatio ad partes proximas.

In Pharmaceuticis, præcipimus medicamentum ex el. lenitivo, & speciebus hieræ picæ Gal. cum ʒij. mann. elect. Præparandis humoribus in ventriculo, syr. sine diluto fuerunt præscripti, ex syr. acet. simp. mell. ros. simpl. & syr. de corticibus citri. Repetito deinde leniente proposito, in usu fuerunt syr. magis aperientes ex syr. capill. ven. de quinque radicibus, & byzantino cum aceto, cum decocto agrimonie, ceterach, capill. ven. betonic. sem. citri, & matricariæ, alvo interim clysteribus sollicitata. A quibus cum jam febris negotium non facesseret, erat enim valde remissa, exhibuimus aquam Tettutianam, cum mell. ros. solutivo, biduum; ac deinde aquam B. Virginis potui, cum syr. capill. ven. in primò cyatho, ad lib. 6. 7. 8. 9, cujus beneficio sedata est sitis, & fames inducta juxta Hipp. effatu n. 4. in 6. Epidem. quod Aqua sit vorax; id est homines reddat voraces, & famelicos; quod non solum accidit ex potu frigida corrugantis os ventriculi, sed etiam ab eadem acida & parùm salsa, qualis est B. Virginis quia deterget. Verùm quia difficulter permeabat ac propterea suspicionem injiceret majoris serositatum proveniunt in venoso genere, ideo ipsius potu supersedentes, exhibuimus succum cichorii optimè depuratum in jure columbæ, in quo macerata fuerat coma absinthii, cum unc. sem. succ. agrim. perstititque in usu ipsius plures dies, præmissis bolo ex trochiscis cypheos, alvus interim laxata pilul. mastichinis, additis granis duobus elaterii; quarum usu quarta quoque die repetito, magnam aquæ vim dejiciebat,

cum perfecta virium tolerantia; ut propterea minima fuerint validiora, cum vigeret ætas; quorum loco decoctum potius fuit in patria autumno administrandum. Externis demum usus Lutis & aquis Thermalibus. illis quidem D. Petri abdomini applicatis, & immersione corporis umbilicatenus in aquis Aponitanis; quarum opere resedit crurum tumor. Atque hæc fuerunt hic administrata, cum luculento juvamento Nobiliss. patientis, accedente recta victus ratione, missio aliorum usu in patria ad autumnale tempus, ubi cura Viro-rum præclarissimorum pristina valetudini restituta fuit. *Benedict. Sylvatic. Consil. & Respons. Med. Cent. 3.*

Illustriss. & reverendiss. Præsul, annorum 56: antea c. temperamenti calidi & humidi, nunc ad frigidum, & humidum vergentis, conqueritur de variis affectionibus, paucorum mentium spatio subortis tumores scil. duro scyrrhoso in regione ventriculi, supra hepar, difficili respiratione in ascensu locorum acclivium tumore pedum, & crurum, totius corporis torpore ac segnitie, melancholia, ac tandem inappetentia. Quarum origo adscribitur liberaliori potui ætate præterita, post vitam sedentariam, cum continua mentis agitatione, & cohibitam sanguinis hæmorrhoidalis evacuationem. Nec immerito. Ab his enim omnibus causis labefectatur adeo calor natus jecoris, & accumulatur cruditates, cum per suffocationem, tum per ejusdem distractionem, ut facillimo negotio mutata intemperie calida in frigidam & humidam jecoris, ac aliorum viscerum, coacervata sit copia humoris serosi, & pituitosi in toto venoso genere qui deinde sicuti tumorem produxit in partibus subcutaneis Steatomati, vel Atheromati non absimilem, circa regionem ventriculi; ita dum imbuunt musculos intercostales, respirationem impedit in ascensu per loca acclivia. Confluens autem idem ad pedes, & crura, prædictas partes tumescit; qui tumor forsan ædematosus diffusus per totam musculosam substantiam partes omnes torpidas reddidit, & inappetentiam inducit ad os illapsus ventriculi.

Quocirca non immerito de agendis consulitur. Maximum namque impendit periculum patienti Illustrissim. ab hydrope. Quare ut a præsentibus affectibus liberetur, & ab imminentibus præservetur, quatuor sunt agenda; expiandum est primò accuratè totum corpus; digerendæ postmodum sunt, & sensibilibiter evacuandæ serositates, quæ a variis partibus confluxerunt; tertio corroborandum est calidum innatum jecoris, & totius venosi generis; ac tandem revocandæ sunt evacuationes consuetæ. Quod fiet per evacuantia, alterantia, & symmetriam viscerum foventia.

Pro totius purgatione laudantur primò Lenientia ex el. lenitivo, & speciebus hieræ simpl. mox præparantia materiam in ventriculo eaque sine diluto; syr. de corticibus citri, vel ros. simpl. oxymel simpl. & syr. de betonic. cum unc. j. emuls. sem. citri, triduum: a quibus prædictum leniens, vel ipsius loco mel. ros. solut. & manna erunt ex usu. Secunda humorum præparatio fiet syrup. de betonica, de hyssopo, de prassio, & oxymel. scyllitico, additis

additis unc. iij. jusculi carnis alterati beton. borrag. origano; ac interea sanguis educatur ex venis sedalibus mediocri quantitate. Post usum verò quinque syrup. repetatur purgatio addito agarico trosciscato, & senna, habeatque oxymel scilliticum in familiari usu. Hisperactis, exhibeatur aqua Tettutiana ad lib. 4. singulis diebus, præmissis uncis iij. mel. ros. solut. Mox ad validiora deveniendum, quæ erunt duplicis generis, primò hydrotica matutinis horis assumenda; puta radix mechoacan. radix jalappæ, succus sambuci, summitates ebuli, mann. elect. & aliquando grana tria, vel quatuor elaterii. Diuretica demum vespertinis horis exhibenda, decoctum scil. fassaphras cum radicibus fœniculi, asparagi, rusci, paratum cum columba turricola, instillatis quatuor vel quinque guttulis spiritus vitrioli, & salis. Non omissis exteris serofitates educantibus, atque imprimis provocato sudore in hypocausto, vel in balneo aquæ sulphureæ.

Victus sit tenuis, attenuans, & detergens; ac proinde intinctus ex petroselino, cinuamomo, & aceto, conferet. Vomitus aliquando à cibo, cum succo raphani, & oxymel. Exercitium pedibus, si fieri poterit, sin minus, curru ex usu erit. Vigilet: abstineat tamen à negotiis. & pil. ex aloë familiares habeat; quò revocetur sanguis hæmorrhoidalis. Vino albo aromatico utatur pauca copia, & tumori ventris adhæreat ceratum oxelæum, subactum cum succo cyclaminis, & herbæ reginæ. Atque hæc Ill. patienti ex usu fore spero *Idem Ibidem.*

Corpori quidem excalefacto quandoque dysenterii m succedere dicebat noster Livinus Senex, sed addebat, si purgatio acris, ideo & ego excalefacto corpori Adm. Rev. Patris addo, acrium humorum excretionem sequutam fuisse, bilioso nempe prægresso in venoso genere apparatu, qui facile congeri potuit, habita totius & jecoris temperamenti calidi & sicci, habitus gracilis, exercitii immoderati tempore calidiori ratione; unde Diarrhæam biliosam & acrem Dysenteriam associatam suppono, quam immaturè sistere est ita periculosum atque perniciosum, quam citius sanare Dysenteriam necessarium: quæ quoniam frequenter implicant, ideo non adeo medico facilis evadit Curatio, ut propterea de intemperiem calidam corrigentibus multo magis, quam de astringentibus sollicitum esse debere Medicum exclamaverit Trallianus; iis enim inopportunè adhibitis, aut suppressa evacuatione multo pejora mala succedunt, aut saltem obstructionibus, viscera naturalia implentur & afficiuntur, à quibus augetur intemperies, & calor naturalis eorundem labefactatur atque imminuitur; unde vitiantur concoctiones, & hæmatosis præsertim in hepate, indeque totius corporis nutritio.

Ita in casu nostro obstructiones præsentès necessariò suppono non in solo hepate, verum & in mesenterio, & lacteis; quæ non solum chylo in ventriculo non integrè elaborato, transitum ad jam dictas venas, & mesentericas, & lacteas impediunt, sicque in via remorando corrumpatur, & diarræa inde chylosa, multis diverso tempore variegata coloribus conserve-

tur; verum etiam pars illa chyli tenuior, quæ ad hepar pervenit, non adeo rectè eleborata ab imbecillitate ejusdem in pravum sanguinem vertatur, qui ad venas distributus, utpote nutritioni magna ex parte ineptus, primò totum vitiatò colore depravet, mox pars deterior ad extrema transmissa, eadem tumida reddat, sicque mali habitus, sive Cachexiæ principium appareat, quæ consistere solet in universi corporis pallore, extremorum tumore, & totius macie.

Adm. Rev. Patris status negligendus non est, ne Cachexia perficiatur, quæ Hydropicorum caput ab Avic. jure merito dicebatur. Ut autem arceatur, obstructiones referare omnino necessarium puto; deinde intemperies corrigere, & partium naturalium innatum calorem fovere: ita enim expeditus reddi poterit chili transitus ad hepar & venas, sicque suppressi diarrhæa; concoctiones præterea perfectiores reddi, & ita totum corpus probè nutriri: unde deficientibus excrementis, & extremorum intumescencia necessariò cessabit.

Pro quibus explendis intentionibus, à fonte Chirurgico in præsens nulla est depromenda sanguinis missio ut quæ obstructionum proprium remedium non sit; iis tamen adaptatis, & suppressa prorsus diarrhæa, progressu forsitan, pro ca ida intemperie jecoris remittenda, aliqua, sed parca convenire posset sanguinis educio, situm temporis labefactati nativi caloris adhuc aliquod supersit indicium. Fundo ventriculi aliqua convenire posset levis illinitio, aut oleo M. D. H. aut oleo de cortic. citri aut de cinamomo, sed legitimo. Reliqua totius abdominis regio inungi & tractari poterit oleo amygdal. in quo coma absinthii macerata fuerit.

Reliqua à fonte Pharmaceutico depromenda. Et quoniam dixi medicam intentionem esse præcipuè referendis obstructionibus dirigendam, ideo statim ad rhab. usum confugiendum, quod ita poterit exhiberi, ut facilius permeet, minulque ventrem moveat.

℞. Extract. rhab. ʒ j. sal. tartar. fixi ʒ β. m. ref. bolus, & summo mane præbeatur, cui post horam superbibat feri capr. aut asin. destil. cyathum, tribus verò horis ab assumpto sero prandeat. Sequenti verò die bibat.

℞. Aq. stillat. de succo agrimon. ʒ iv. de succo cichorii ʒ iij. tartar. vitriol. gr. x. m. & præbeatur quatuor horis ante cibum. In horum autem alternato usu persistendum ad viginti dies saltem; ut mox rhab. infusum exhibeatur, eo fine, ut jecoris non solum cavam, verum & gibbam partem penetrare valeat, tuncque ita parabitur.

℞. Rhab. opt. maturi ʒ j. spicæ gr. iij. m. alligentur in panno lineo, & infund. per noctem in cyatho aquæ stillat. agrimon. & cichorii. Sequenti verò die bibat cyathum aq. stillatit agrimon. & capill. veneris, in quo dissolvantur gr. x. sal. tartar. volatilizzati; in quorum alternato usu pluribus diebus erit insistendum, si videbitur opus esse Excellentissimo Medico Adstanti.

Referatis autem obstructionibus, præberi poterit succus cich. depur. & per arenam trajectus ad ʒ iij. in jure pullæ cichorio alterato, in quo dissolvi poterit sal absinthii ad ʒ j. & in

hujus usu ad plures dies pergendum, dum interim & ventriculi aliqua ratio erit habenda; in quem finem absinthita omnia opportunissima erunt. Confectiones item, præsertim ex ol. legitimo cinnamomi; & hyemali tempore quandoque etiam magnæ Antidotus.

Quibus omnibus addenda congrua atque diligens victus ratio, mediocris quoad quantitatem, attenuans & aperiens quoad qualitatem, alimentorum facilis coctionis atque distributionis, exiguique excrementi, a Viro Excellentiss. omni diligentia præscribenda, cui reliquorum quoque omnium jam dictorum rectum & opportunum usum remitto. *Raym. Joan. Fortis Cent. & Resp. Medic. T. 2. Cent. 3.*

Matrona Illustrissima & Excellentissima quadragesimum annum agens, ex Patre podagrico nata, temperamenti à primo ortu totius, & jecoris calidi & sicci, capitis verò calidi & humidi, podagricis doloribus multis abhinc annis obnoxia, vitam sedentariam ducens, cum valde fecunda fuisset, pluries concepit, & feliciter peperit, at in postremis partibus adeo copiosum lochiorum, indeque probi sanguinis profluvium fuit subsequutum, ut exanguis Lipothymiis frequentibus prehenderetur cum evidenti discrimine vitæ. Reassumptis autem parumper viribus, iterum atque iterum nova parturiendi occasione, in eandem largam sanguinis effluxionem incidit, & interim Menses decolores inde, nec statis temporibus apparuerunt, quo eodem modo perseverant, & ipsa quoque in toto decolor reddita, de ventriculo affecto conqueri cæpit, & de redundante in eodem humiditate & anxietate à cibo præsertim, sequutis aliquando, licet cum difficultate, vomitibus ejusdem materiæ aquosæ & pituitosæ, ut plurimum insipidæ, nonnunquam etiam acidæ, accedentibus in toto abdomine rugitibus, hypochondriorum tensione, non tantum in epigastrica, verum & hypogastrica regione, Menstrua inordinata & variegato colore apparere cæperunt, Mulierque Excellentissima mæsta fieri, cum cordis oppressione, capitis obtenebratione, gravedine, & nonnunquam sensu punctionis & lancinationis, dum calidas atque fuliginosas evaporationes ab hypochondriis ascendentes, caputque ferientes percipit; à quibus omnibus se levare affirmat, dum serositatis aqueæ copiam per urinam deponit, quod tamen non adeo frequenter accidit. Interim etiam ad ambitum corporis portio serositatis ejusdem defertur, pruritus excitantis; & pariter cum levamine aliquo ex scalpiti. Gaudet ambiente calido & calidorum accessu: extrinsecus enim corpus frigidum habere sibi videtur, accedente quandoque etiam rigore, vel saltem horripilationibus citra febrem. Crura jam intumescere cæperunt, & dum Autumno præterito medicamentis adversus hujusmodi affectus pugnabatur, extemporanea principum omnium actionum abolitione cum motibus convulsivis correpta fuit, quod genus symptomatis quater aut quinque octo mensium spatio repetivit. Modo hoc mense Maio à Podagra non omnino immunis, cum tumore in cruribus foveam conservantibus, totiusque corporis pallore & macie, nec sine

metu recurrentis epilepsiæ, de agendis consulit.

Quamvis Matrona Excellentissima à primis annis biliosis febribus, moxque pustulis in facie circa os obnoxia fuerit, caloris exuberantis indicio, mirandum tamen non est; si in præsens frigiditatis signa supervenerint; siquidem ex immodicis sanguinis ex utero pronuviis iterum atque iterum repetitis, naturalem calorem labefactari, quinimo & diminui necesse fuit, unde & Aristoteles dicebat: quod si multum sanguinis deficit, si nimium, omnino interit vita. Ita & Sacra paginæ animam in sanguine reponunt, dum pro anima calorem nativum sumpserunt, & sumebat Hippoc. ipse. Summa verò cum ratione idem dicebat quod si *Menstrua plura fiant, accidunt morbi*, quos enumerat deinde Gal. asserens, sequi vitiatum totius colorem, inappetentiam, læsam concoctionem, pedum tumores œdematosos, virium languores; & peculiariter magis ad hominem protulit in Aphorismis, inquit, quod ex profluvio sanguinis calor natus adeo debilitatur, ut cibi neque bene concoqui, neque in sanguinem transmutari, multoque minus distribui possint, quod confirmavit experientia in Excellentissima Matrona, in qua debilitato calore nativo totius corporis, & potissimum ventriculi atque jecoris, cruditates in illo, indeque obstructions subortæ sunt, unde hypochondriacæ affectiones, serositates in isto, & imperfectus sanguis, unde vitiatæ totius nutritiones; ad quæ omnia non parum conspiciavit vita sedentaria, spontanea potius quam coacta. Nec horum desunt manifesta signa; cruditates enim frequenter percipit Excellentissima Matrona in ventriculo insipidas, etiam quandoque acidas, rugitus præterea in hypochondriis, & murmura, quinimo & fluctuationes, aqueæ serositatis quandoque per urinam copiosas excretiones, & ejusdem ad ambitum corporis transmissiones, pruritus & rigores, sive horripilationes, citra febrem nonnunquam cum sudore excitantes; quæ tamen non à sola positiva frigiditate congelante, verum & à jecoris calore temperamenti, & adscititio colliquante fieri credo, qui calor juvenibus semper major evadit, & ideo Gal. dicebat *Pueros esse ætate florentibus calidiores; ætate verò florentes esse pueris calidiores simpliciter.* primo loco de nativo calore, secundo de calore temperamenti loquutus; quos calores distinguere quoque voluit Hippocr. ipse; quinimo nativum calorem à calore adscititio temperamenti sæpe magnopere lædi nos docuit, dicens, quod *Anima nostra producitur usque ad mortem, sin autem igne excanduerit, simul cum morbo anima quoque depascitur.* Ideo in casu nostro oblivisci non debemus temperamenti naturalis Excellentissimæ Matronæ, sed vigere credendum, labefactato licet calore nativo; & ideo ab illo non solum hypochondriacum & flatuosum affectum exiccatis cruditatibus primo in ventriculo genitis, moxque in lacteis & mesentericis venis stabulantibus, nec non cum sanguine ad Uterum transmissis, & obstructions facientibus ortum habuisse, sed & ab exusto quodammodo sanguine, in vasis illis stagnante, melancholicam quoque affectionem.

ctionem fuisse superadditam; quibus praesentibus, exteriora frigent, iis quoque, quibus neque serolitates aquae ad ambitum corporis transmittuntur, neque tumores oedematosi in cruribus excitantur. Verum quod magis est, in casu nostro à melancholica, & facile quoque hysterica minera Autumno proximè praeterito medicamenti occasione agitata, elevati fuliginosi & acidi, si non acres vapores, caput petentes, & ad cerebri ventriculos sese insinuantes, meninges irritantes, motus convulsivos in toto excitant, & cum animalium actionum abolitione; dum ad illam ventriculorum concussionem spiritibus animalibus & motus inordinatus additus, & transitus liber fuit impeditus, unde sequuta privatio sensus, regularis motus & omnium facultatum abolitio, quae omnia epilepticam affectionem constituerunt; ut propterea observaverit Hipp. quod melancholici facile fiunt epileptici, & e contra.

Quoniam verò vitiatam esse dixi Excellentissimae Mulieris totius nutritionem, & non solum imminutè, quia gracilior, quam antea, facta est, sed etiam depravatè, quia decolor atque pallens reddita, cum crurum tumoribus oedematosis foveam servantibus; ideo ad Cachexiam tendere nullus est Medicorum qui non videat, sicut in euexia sanguis optimus, color floridus, & caro mediocris esse solet. Neque crurum intumescen-tiae à toto venoso genere procedentes cum podagricis tumoribus à capite per spatia potissimum prodeuntibus, sunt confundendae, ut quae carnes, illi verò articulos occupent.

Status Excellentissimae Matronae est periculi plenus, cum à planta pedis usque ad verticem capitis non sit in ea sanitas; etenim motus progressivi proximam minatur impotentiam Podagra; Cachexiam & hydropem jecoris nativi caloris paupertas; affectum melancholicum hypochondriorum obstructions; indeque epilepsiae perseverantiam capitis imbecillitas. Et quamvis jecur, ut minister Principi, cordi subministrare videatur, attamen ut vere Princeps, distribuendi facultatem, obtinet.

Quare viscerum naturalium intemperiebus primò incumbendum esse videtur, deinde capiti; at neutrum praestari potest, nisi ablatis obstructionibus, totoque venoso genere repurgato, nec dictorum ullum sine praecedenti primarum viarum expiatione; ideo omnium primo ventriculus & intestina ab excrementis mundanda. Secundò mesenterii, deinde jecoris obstructions referendae. Tertiò venosum genus depurandum. Quartò etiam uteri vasa pervia reddenda. Quintò capitis humida intemperies corrigenda. Sextò calor nativus ventriculi, jecoris atque totius restaurandus; atque tandem viscera omnia una cum capite roboranda.

Quibus intentionibus confidenti animo satisfacere conandum remediis Chirurgicis, Pharmaceuticis & Diateticis.

Et inter Chirurgica consideratur sanguinis missio, quae tunc solum locum haberet, quando Cachexia ab aliqua consueta sanguinis evacuatione suppressa ortum duceret; in hac

verò opposito modo se habente, minimè convenit. At quoniam totius massae sanguineae status est à nobis explorandus, ideo erit aperienda dexteri brachii vena media, sanguinis qualitatem observando, qui si niger & crassus exierit, ad $\frac{3}{4}$ v. & non ultra permittendum ut exeat, si tenuis & pallens, statim supprimendus. Caetera praeterquam quod odiosa forent, suspecta quoque habentur.

A Pharmacia pro primarum viarum expiatione desumenda sunt lenientia, & erunt.

$\frac{1}{4}$. Pot. ex manna clarif. $\frac{3}{4}$ vj. aq. cinnamom. $\frac{3}{4}$ ss. m. pro potu. Praeparans autem sit huiusmodi.

$\frac{1}{4}$. Julap. acet. $\frac{3}{4}$ ij. aq. flor. citri $\frac{3}{4}$ ij. aq. cinnam. $\frac{3}{4}$ ss. poll. cremor. tartar. $\frac{3}{4}$ ij. m. pro syr. & sic pro aliis v: quos subsequatur idem Leniens ex pot. ex mann. clarif. $\frac{3}{4}$ vj. aq. cinnamom. flor. citri an. $\frac{3}{4}$ ss. m. f. potio. Inde secunda sequatur humorum praeparatio, & primarum obstructionum reseratio; parando julapinum, aut macerando in aceto & aq. agrim. radices foeniculi, petroselini, apii, graminis, sive asparagorum, & facta forti expressione, colaturae addatur sacchari albi q. s. ut fiat julap. longum, ad $\frac{3}{4}$ iij. quotidie septem diebus exhibendum, cui superbibat jus pulli junioris tenue, alteratum cichorio, borag. endiv. soncho, melissa, agrimonia. Septem verò transactis diebus paretur eadem potio clarif. addendo infusioni consuetae agar. trochisc. $\frac{3}{4}$ iij. rhabarb. opt. turbith. an. $\frac{3}{4}$ j. & aq. cinam. $\frac{3}{4}$ ss. f. potio. His peractis, ut viscera, simulque massa sanguinea purificetur, ad usum syr. Ferneliani, qui syrupus cachecticus ab eodem nuncupatur, erit deveniendum; praebetur autem decem aut duodecim diebus, tertio aut quarto quoque die ad $\frac{3}{4}$ ij. additis totidem uncis vini albi maturi, neque dulcis, neque austeri, tribus aut quatuor horis ante cibum. Diebus verò intermediis exhibeatur cyathus aq. stillat. de succo agrim. in qua dissolvantur tartar. vitriol. gr. xii. necnon salis artemis. & sabin. an. gr. v. quibus addi quoque possunt grana salis viperini. Et si fortasse à jam dictis assumptis calor molestus percipiatur, dimidia agrimon. praescriptae aqua portio misceatur aq. de succo cichor. sicque alternatim syrup. noster Fernelianus & aq. agrimon. sumatur usque ad xxiv. diem. Quo tempore decoctum sudorificum convenientissimum erit, nisi ab aestivo calore prohibeatur; hoc enim poterit humiditates excrementitias, in carne & interstitiis existentes absumere, humidam capitis intemperiem corrigere, & visceribus naturalibus robur addere; ita autem parari poterit.

$\frac{1}{4}$. Visc. querc. veri $\frac{3}{4}$ j. salsa, medullae guajaci, Chinae, rad. paeon. an. $\frac{3}{4}$ ss. aq. stillat. cichor. beton. paeon. an. $\frac{3}{4}$ j. m. f. infusio per hor. xxiv. deinde bull. ad consumpt. dimidii, & colat. servetur pro duabus vicibus, cui praemittantur pulv. viper. gr. xv. & transacta hora ingrediatur hypocaustum, ita ut caput cum toto corpore sudet. Alligetur autem in petia seorsim guajacum, & facta colatura, abjiciatur, ut aqua secunda suavior evadat, cui in fine ebullitionis addi poterunt frustula cinam. & citri rec. ut aqua vulgò Cedrata evadat. In hypocausto non sudet ultra horae di-

midium, perseveret autem triginta diebus & decimo quoque die potionem assumat ex manna clarificata; nec victus sit adeo tenuis, verum tertio quoque die, aut pullus junior, aut palumba turricola assa concedatur. imò & quandoque ptisana hordeacea. Vinum quoque aliquando, sed rarò, album, aqua secunda dilutum, concedi poterit.

Verum si ferveat nimis anni tempus, ita ut hypocausti ingressus periculosus videatur, pareretur saltem ejus vice jus palumbæ turricolæ, aut galli junioris, China, ligno ror. mar. lentisco è Chio, & radice pœoniæ alteratum, cui præmitti poterit pulvis viper. ad gr. xx. ut qui extenuantis sit facultatis, citra insignem calorem ad cutem properans. Observanda tamen naturæ propensio, quæ si ad urinam inclinare perseveret, ut antehac; ad ambitum corporis non est divertenda, sed quo vergit, eo ducere oportet, viperino pulveri terebinthum substituendo quotidie ante præscriptum jus. Sudor autem cum primo decocto in aliud tempus opportunum magis erit differendum.

Interim ventriculi, jecoris & capitis ratio corroborans erit habenda; quare in usum ducat æstivo tempore salem absynthii; proderit enim & ventriculo, & jecori, sicut ejusdem succus condensatus, vel conserva. Temporibus verò frigidioribus, theriacæ usus utilissimus erit. Pro capite verò sub ingressum lecti proderit Conserva è floribus betonic. ror. mar. salviæ. Nec à proprietate juvantia adversus epilepticos insultus sunt negligenda; in quem finem præsto sint conservæ è floribus lilior. convallium, pœon. rutæ capr. quibus misceatur pulvis ungulæ alcis, salis crani humani, superbibendo haustum aq. pœon. rutæ caprariæ, tot. citri, cord. Saxonæ.

Articulis quoque tum affectis, tum non affectis aliqua sunt administranda medica auxilia; & primo affecti & tumefacti manu illiniantur, & perfricentur tali linimento.

℞. Adipis anseris ℥ij. adipis felis ℥j. ol. nucis mosch. expr. ℥ij. salis alb. ℥ss. m. ref. omnia ad ignem pro quotidiana inunctione. Non affecti verò roborari solent oleo antiquo salito; quod quoniam gravè olet, ideo substituitur pro Matrona Excellentissima spiritus salis ℥j. quintæ essentia ror. mar. ℥j. quintæ essentia rosar. ℥ss. m. & vola manus guttulis aliquot inuncta fricentur articuli.

Hisce omnibus congrua erit addenda victus ratio, non quidem tenuis, sed nonnihil extenuans; circa quam observatione dignum erit, quod Matrona Excellent. objectorum violento, aut celeri motu sese moventium aspectum evitare debet, sicut odores, & bonos, & malos, motus quoque concitatos totius corporis, sive in Navicula, sive in Rheda; pedibus autem domi, quo magis fieri poterit, corpus exerceat; à proprietate nocentibus abstineat, ut à vaporosis omnibus, tum calidis, tum frigidis, à carne hadina, quales perdicibus, coturnicibus, ab anguilla, leguminibus, & reliquis, à Doctissimo & prudentissimo Medico adstanti considerandis, cui cætera omnia jam proposita, alteranda, mutanda & ad rectum usum revocanda libenter committo. *Idem ibidem.*

Non hoc mihi sumo, V. C. ut de nobiliss. Matronæ morbo ejusque causis judicare me rectius posse putem, quam tu ipse, qui hactenus curationi interfuisti. Quoniam verò hoc à me requiris in literis tuis, morem tibi gerere volui. Succumbit nobiliss. Matrona Cachexia hydropicæ, ni fallor, ad Anasarcam proxime vergenti non sine levi scorbuti sublatentis, qui corpora nostra sub omnium malorum larvâ clanculum aggredi solet, suspicione. Quamquam fuerint à parentibus derivata generationis primordia, me quidem latet. Nec quicquam mihi constat de victus norma & vitæ genere, quo ab ineunte ætate usa est, quæ si minus profuerit, pro fœminarum more, luxui ut plurimum indulgentium, huic multorum capitum hydræ generandæ potuit esse satis. His accedit imprægnatio, cujus tempore plurima ex suppressis mensibus & diætæ erroribus in corpore accumulatur excrementa. Video tamen naturam, industriam alioquin humani corporis opificem, effinxisse huic generosæ Matronæ infirmam corporis constitutionem ab ipso ortu, nec dum vel peritissimorum Medicorum opera & sedulitate ad meliorem statum redactam, sed & graviditatis tempore in pejus lapsam. Familiaris est affectus hic utero gerentibus, maxime verò iis, quæ ante ingravidationem in eum viscerum vitio ruere proclives fuere, præcipue si fœtus alimentum non satis attraxerit. Cujus exemplum proponit venerandus noster è Coe Senex in *Harpalida* sorore, cui quatuor vel quinque mensium spatium uterum gestanti pedum tumores exorti sunt œdematosi; oculi in orbem intumescabant totumque corpus velut pituita alba suffusum in tumorem elevabatur, accessit tussis sicca & orthopnæa, interdum quoque spiritus suffocatio, adeo quidem ut perpetuò in lecto erecto corpore sedere neque decumbere ullo modo posset, sed si qua somni capiendi urgeret necessitas, eum desidendo capere cogebatur. Dic fodes, an non generosa nostra hujus fœminæ ipsissima est imago? Certè non est ovum ovo similis. Laborat illa magna viscerum nutritioni dedicatorum, hepatis maxime, dyscrasia & imbecillitate, tum natura sua tum & victus erroribus acquisita & aucta, quorum merito sanguis generatur pituitosus crudus & serosus, qui in corporis partes evehitur, illicque concrevens vitiata substantiam pro utili apponit & assimilari nequit. Hinc corporis moles intumescens præter naturam augetur, corpusque non ut antea promptum & alacre, sed grave & iners; non robustum viribusque pollens, sed effœtum, dissolutum ac quasi enervatum; non firmum & compactum, sed molle & laxum; non vivido colore florens, sed subalbido & pallido squalidum apparet, sanguine phlegmatico & seroso cutis substantiæ imbibito nec ritè digesto, plurimis quoque excrementis in ipsis carnosiss. partibus luxuriantibus. Pedes tumor œdematosus infestat, qualis ex abundantia sanguinis pituitosi oriri solet. Sed & pectoris angustia plurimum urget, non quod pectus aut pulmo, quæ tua est opinio, particulari hydrope afficiatur, sed ob Diaphragmatis compressionem, necnon pituitam viscidam in bronchiis pulmonum collectam.

Non

Non inficias iverim humores serosos, circa hepar in venoso genere collectos per uenam arteriosam in pulmones effundi, unde respirationis necessitas augetur compressis pulmonum bronchiis, quod malum insuper à vaporibus ab utero in partes spirituales in puerperio elatis non parum ingravescit. Ex his de aliis symptomatibus, si quæ restant, facile est iudicium. Et hæc sufficiat quoad affectus idæam proposuisse, qui generosam Dominam in tantum discrimen & vitæ periculum præcipitavit, cui debellando ne *Hercules* quidem suffecerit. Hactenus sapienter & magno iudicio hostem hunc insensissimum oppugnasti & juxta abs Te desumptas Indicationes remedia à Te assignata non improbo. Miror saltem omnes evacuationes hactenus omisas fuisse. Si meo consilio locus, purgare ægram pulvere Mechoacanæ cum correctivis, quem tuto exhibere poteris etiam utero habenti. Hæc radix, ut nosti, vim habet mirificam hepar aperiendi & roborandi atque ab hydropæ præservandi, colorem etiam lividum faciei, ab intemperie & obstructione hepatis oriundo, emendandi. Poteris pulverem ejus adjecto sacchari tantillo ex aqua Absinthii, vino albo diluta propinare. Vidi matronam aliam hac radice in simili casu curatam. Hinc adjuuge decoctum Palmæ sanctæ, adjecta ligni sassafras portione, quod in corroborando stomacho, aperiendo hepate & præservatione ab Hydropæ maximæ est efficaciam. Quod si brodio potius delectetur, laudarim jusculum gallinæ Chinæ, santalis, ligno Sassafras, Mentha, Buglosso, Scolopendria, Nuce moschatæ, & similibus medicamentum. A pastu verò utatur pulvere sequenti.

℞. Semin. Anisi ℥ij. sem. coriandr. Fœnicul. dulc. an. ʒj. Corall. rubr. præp. Cinnamom. ʒj. Cinerum pellicul. ventriculi Gallinæ lotor. in aq. Rosar. ʒj. sacchar. rosat. Tabul. ʒiiij. Misce, f. Pulvis, cujus dosis Cochlearii. Horâ somni devoret quantitatem juglandii Electuarii quod.

℞. Conserv. Rosar. rubr. Vitriolat. & flor. Cichor. an. ʒj. spec. Aromat. Ros. & Diarrhod. Abbat. an. ʒʒ. syr. de Mentha & Corallor. an. q. s. Misce, fiat Electuarium. Tandem observet bonam victus legem, utatur cibis boni succi, facilis concoctionis, abstinendo à frigidis, crassis & lenis atque aquosis, quorum minutias Tu qui præsens, facile præscripseris. A partu de aliis erit cogitandum. Deus opt. max. hæc paucula ad nobilissimæ Matronæ recuperationem efficacia velite esse. Tu me ut facis ama, Vale. *Frideric. Loss. Consil. 49.*

Vir quadraginta annorum, febris erraticâ diu fatigatus, & tandem ab ea liberatus, incidit in pedum & tibiæ inflationem; quæ deinde, per femora & testes paulatim ascendens, totum corpus, faciem ipsam, palpebras, labia, ac gingivas occupavit. Color corporis ad sædam albedinem declinat. Digni partibus externis impressi aliquandiu profunda in iis relinquunt vestigia. Urina est pauca & cruda. Pulsus debiliior. Coctio ventriculi tarda. Corporis motus lentus & languidus.

Afficitur in hoc ægro totius corporis habitus; ut ad oculum patet. Item hepar, ventriculus, lien, & aliæ partes, chylosi & chymosi ac etiam sanguificationi inservientes;

quod totius corporis inflatio & tumor indicant.

Causa prima sive procatartica hujus morbi est febris erratica, quæ diu ægrum nostrum fatigavit. Hinc calor natus, primò quidem nimis fuit intensus; sed postea, ex dissipatione spirituum & oleaginosarum partium, imminutus: unde humores serosi & pituitosi, item vapores crudi & crassi copiose fuerunt in visceribus geniti: qui, in vasis cum sanguine contenti antecedentem huic morbo præbuerunt causam. Ji verò, propter debilem viscerum calorem cum reliquis sanguinis partibus non satis bene mixti atque ideo extra vasa in habitum corporis, cujus minor quam viscerum est calor, sese effundentes & illi qualicunque modo se agglutinantes continentem hujus morbi & symptomatum constituunt causam.

Nam serosa & pituitosa illa materia, circa viscera chylosea & chymosea ac sanguificationis existens, producit ibi intemperiem commemoratam. Extra vasa verò in pedes, propter longiorem à corde & reliquis visceribus distantiam, & seri gravitatem, effusa, facit ibi tumorem ædematosum, digitorum impressorum vestigia, ob partium mollitiem, aliquandiu retinentem. Hic, malo ingravescente, primum tibias & femora, deinde totum ambitum corporis, item brachia & caput, in eoque faciem, labia & gingivas tandem occupavit.

Et quoniam serosa hæc materia, ob dictas causas, in habitu corporis hæret; idcirco pauca ejus quantitas ad renes defertur; quæque eo deportatur est crassa & cruda, ac obstructos etiam ibi invenit poros; hinc urina etiam est pauca & cruda. Quia verò ab hoc sero & sanguine crudo ac frigidiore calor ventriculi & cordis, jam antea à febre præcedente debilis magis magisque debilitatur: hinc pulsus est justo debiliior, ac concoctio ventriculi, ut & aliarum partium, tarda. Et denique quia moles corporis ab hoc tumore est gravis, & spiritus animales, ob serosam hanc cacochymiam, pauci, hinc motus corporis est languidus & tardus.

Ne itaque in lethalem leucophlegmatiam, vel ascitem abeat. Curatio quamprimum erit inchoanda: quæ consistet in causæ antecedentis & continentis ablatione, & intemperiei viscerum & habitus corporis, per contraria, correctione. Primò itaque purgetur tali hauustu.

℞. Diaphanic. ʒʒ. Tartar. vitriolati ʒj. dissolve in aq. card. benedict. ʒijʒ. adde aq. cinnam. ʒʒ. scammon. gr. viij. Misce F. Potio, manè jejuno ventriculo exhibenda. Postea utatur hoc apozemate aperienti alterante, & purgante.

℞. Cort. rad. apii, ireos recent. cort. ebulli an. ʒj. cort. bryon. ʒʒ. cort. enul. campan. ʒij. Herb. cuscute, agrimonie, ceterach, cardui bened. fumar. an. m. j. absinth. vulgaris & Romani an. m. ʒ. Flor. genist. sambuci centaur. min. an. p. j. Sem. anisi, fœnicul. carui, dauci an. ʒij. fol. fennæ ʒʒ. agarici, rad. esulæ an. ʒʒ. rhab. ʒj. Zinziber. cinnamomi, schænanthian. ʒj. tivarum pass. ʒj. prunor. acidor. paria viij. liquiritiæ rasæ ʒij. decoq. ex aq. comm. & vin. alb. part. æqual. ad lib. iʒ. & colentur pro Apozemate, de quo bibat æger uncias quatuor.

manè jejunos. Ubi aliquoties purgatus fuerit, utatur his tabellis corroborantibus & intemperiem viscerum corrigentibus.

℞. Spec. elect. aromatici rosati, diarrhod. Abbatis, diamargar. frig. an. ʒiʒ. rasuræ eboris, cornu cervi, an. ʒj. Ol. cinnamomi, Caryophyll. an. ʒʒ. sacchar. albi dissoluti in aq. rosar. ʒiiij. F. Tabellæ ʒiiij. pondere; capiat unam hora antepandium & canam. Ventriculus & præcordia hoc foveantur linimento.

℞. Ol. nucis moschata, absinthii, amygdal. amar. an. ʒʒ. ol. cariophyll. ʒj. ceræ parum. F. Linimentum quo regio ventriculi mane & vesperi illinatur, & superponatur scutum ex bombace. Alvus si postea substituerit, moveatur subinde his pilulis.

℞. Aleos rosata, spec. hier. simpl. rhab. agaric. trochis. an. ʒj. Cum syr. de absinthio q. s. F. massa, de qua capiat ʒj. horâ unâ ante canam.

Cibus sit euchymus, ex pane triticeo, bene fermentato, carnibus gallinaceis, veruecinis, perdicibus, ovis sorbilibus; aromatibus moderatè conditus. Abstineat à multis jurulentis & sorbitionibus, multo potu; qui sit cerevisia & vinum album, mediocrium virium. Bis terve in die alatur quantitate cibi, quam facile conficere potest. Versetur in aëre mediocriter calido. Moderatè ambulando se exerceat. Bene dormiat; & tristiam fugiat. *Henric. Regim apud Theod. Craanen.*

Observationes.

Colore ex luteo fusco deformata erat mulier quædam, cum compressionis circa præcordia (ut cachectici solent) dolore. Imprimis verò de summa imbecillitate membrorum conquerebatur, urinæ crudæ & albæ erant cum me consuleret, obstructions in venis meseraicis adesse judicavi, vinum hoc illi 9. Maii præscripsi.

℞. Rad. aperit. an. ʒiiij. rad. rhapont. ʒʒ. cort. rad. Sambuc. ʒj. absynth. ʒʒ. Chamæp ʒij. summit. centaur. min. sem. fœnicul. an. ʒj. sem. petrosel. ʒij. fol. sen. ʒiʒ. agar. ʒʒ. Zinzib. ʒj. limatur. chalyb. præp. instar castaneæ. Infund. in vin. alb. Mens. iʒ. bibat aliquot matutinis, cum ter bibisset, & nullam operationem sentiret, jussu in postremo haustu dissolvere El. de succo ros. ʒij. diaphanic. ʒi syr. ros. solut. ʒj. bibit bonum haustum & admodum purgata fuit: revera 18. Maii ordinavi sequens.

℞. Conserv. flor. cichor. fl. bugl. capil. ven. & rad. apii an. ʒj. pulv. pellic. stomac. & intestin. gallinæ, ʒi. limatur. chalyb. præp. ʒiiij. cum syr. de ʒ. rad. F. Electuarium, sumat instar castaneæ manè alternis diebus superbibendo ad ʒiʒ. aq. sequentis.

℞. Aq. cent. min. ʒiiij. aq. Endiviæ ʒiiij. misce. Hisce continuatis 2. Junii ad me veniens, urinamque salubri similem ostendens, successum medicamentorum laudabat, ut pote quæ nullam amplius in membris sentiret debilitatem, cibumque bene appeteret & concoqueret; faciesque melius colorata, genæque parum rubescentes, etsi fusco colore à natura prædita esset. *Felix Platerus, Observ. lib. 3. pag. 603.*

Præterire non possum pulverem meum cachecticum, qui ob felices successus imprimis in infantium cachexia febre lenta comitata, utualis in nostris officinis factus est.

℞. Rad. & sem. pæon. excortic. an. ʒj. ros. rubr. ʒʒ. nuc. mosch. parum tost. ʒij. baccar. lauri parum tostatum ʒʒ. Spic. Schænanth. Croci an. ʒj. pellicul. ventriculi & intestin. gallin. præp. ʒj. Croci martis aperitiv. ʒiʒ. Cinnamon. ʒj. fiat omnium pulvis tenuissimus. *Idem Pract. Tom. 3. lib. 1. cap. 2. pag. 119.*

Admodum Illustris Domina Dorothea, Dom. Augustini Bero uxor post febrem continuam in duplicem tertianam inciderat: quam *κακὴ χύμα*, ventriculi frigida constitutio, viscerum, lienis & jecoris durities meseraicarum obstructio, inappetentia, vigilia, & similes affectus concomitabantur. Nobilis hæc Domina, ut naturâ satis delicata, & vulgatis remediis nauseabunda, ipsique & morbi diuturnitate defatigata, vitam in non exiguo discrimine trahebat, eò magis certe quod ad hydropem jam jam incipientem inclinaret. Hujus curationis difficultas & à parte subjecti, & à morbi natura pendebat, Quocirca nobilissimæ agræ nobilissimum hoc electuarium exhibuimus.

℞. Salis centaurii minoris ʒj. confer. rosar. & violar. an. ʒi. olei vitrioli gutt. x. Mixtis omnibus concinnabatur Electuarium, cujus ʒii. bis in die dabantur; cujus beneficio brevi convaleuit *Petrus Poter. Observ. & curat. Centur. 1.*

Perillustris Dominus D. Marcus Aurelius Donatus Romanus, Bononiam venit, ut Cachexiæ jam pridem post diuturnas febres contractæ mederetur. Ad hanc accedebat lenta febris, dolor & imbecillitas ventriculi, insignis virium prostratio, alvi stipticitas, & similia; quæ omnia, solius specifici nostri stomachici usu, intra sesquimensem sustulimus. Specincum ejusmodi stomachicum insensibiliter suas vires exerit, aperit, dissolvit, & roborat: ter & quater in die in magnis morbis adhibetur, cum vino, conserva, aut quovis alio condito. *Idem Observ. & Curat. Cent. 2.*

Incurabilem, & penitus deploratum Hydropem, Hamorrhagiæ succedentem, quotidie experimur: nam in magno sanguinis effluvio, fit maxima caloris, & spirituum jactura; quemadmodum prava succorum concoctio, à qua phlegma & aqua. Sic contigit Doctiss. & optimo viro, Admodum Rev. P. Rossano, tunc collegii Bonon. P. Jesuit. Rectori, qui post longam, & continuam sanguinis fluxionem, in Leucophlegmatiam inciderat pedes, & tibias insigniter tumentes habens, cum insigni ventriculi imbecillitate; unde inappetentia, sitis, &c. Ad hamorrhagiam firmandam coral. Tinct. saccharo rosaceo miscebamus. Ad ventriculi, & aliarum partium naturalium robur conciliandum, specinco nostro stomachico, cum conserv. rosar. contenti fuimus, quibus gratissimis pristinam recuperavit sanitatem. Videant interim, si sciant illi qui se jactitant cononicè mederi, num cura hæc tuta, vera & legitima sit. Quid si medicamenta hæc ipsis non sint nota, an propterea non sunt canonica? Ejusmodi Aristarchis consulerem potius, ut naturæ miraculis sedulo operam darent

durent quam inani, & infrugifero suo cachinno. Sapissime demiror, quomodo ad sydera eorum peccantissimus ab his, qui docti habentur, ex tollitur. Scio quantum apud mortales valeat exterior apparatus. Pauci sunt, qui docti sunt. Non in verborum strepitu, sed in factis, vera sapientia residet. *Idem Obs. & Curat. Cent. 3.*

Sartor Geislingensis menſe Jun. An. 58. cum antea pet tempus jam bene longum male haberet, dicto menſe & domi manere coactus est; Urinam mihi monstrat spiccam, conqueritur de extenuatione corporis, Inappetentia, siti, tussi perquam moleſta, tumore item pedum sub vesperam adematoso; varia ipsi medicamenta communicavi, præſertim de nodulo purgante & obſtructions reſerante per quatuordecim dies bibit, unde miram humoris peccantis ſaburram excrevit, nondum tamen quicquam levaminis perſenſit, ſed potiùs rem in deterius ruere putavit, unde poſtea ſolis aperientibus tussiſque aſperitatem mitigantibus, & in primis Elix. Propr. (unde multum levaminis accepit) ſuccurri, ut non niſi inſtaurante victus ratione opus habuerit; ſed ob paupertatem rem ſuam curare nequiens, & medicamenta, quibus adhuc opus habuiſſet, continuare aut non volens aut non potens, ſenſim deſuò in pejus ruere, veramque Phthiſin incurrere coepit, unde alterius Conſilio Ulmæ vivens vitam uſque in Septembr. protraxit, ubi totus conſumptus tandem in vivis eſſe deſiit. *Vinus Kiedli. in Obſerv. Medic.*

Fœmina quædam Geislingens ſupra 15. annos 40. intempeſtively ſuſu muliercularum inſtituta venæ ſectione, menſ. Februar. ſenſim vitioſo colore & habitu, quemadmodum & tumore circa regionem ventriculi & ambos pedes, tussi itidem ſicca prehenditur conſiliumque meum implorat, cui vino medicato ſq. ſuccurri.

℞. Herb. marrub. alb. veronic. agrimon. capill. veneris, chamædr. an. m. ſ. rad. Helenii iridis n. aa. ʒj. rhab. ver. ſel. ʒij. eſul. præp. ʒiij. Cort. aurant. ſicc. rad. cappar. an. ʒij. tamariſc. ʒß. fol. ſen. ſ. ſ. ʒvj. agaric. albiff. ʒß. p. ſul. Corinth. ʒiijß. caſi. ſiſtul. calam. aromat. an. ʒij. tartar. albiff. ʒi. Inc. & cont. q. o. m. ad ch. optimè evacuantem brevi & tumor dictus & vitioſus color evanuerunt, ita ut jam Dei gratia melius habeat. *Idem ibidem.*

Matth. Chriſt. *Speiſer* Pharmacopeus Geisl. peritiſſimus 40. annorum, optimæ antheæ conſtitutionis, per ſeſquiannum Cachexia prehenditur, quam ut ominabar ex potu frigido, dum ſedulus in colligendis herbis ipſemet occuparetur, contraxerat: accedente victus ratione craſſiore, Variis dicto tempore ſymptomatibus divexabatur, nimirum valido continuoque dolore capitis, perennibus deſluxionibus ad fauces, nares, & pectus, Tussi ſerina, hæmorrhagia vicibus interpolatis, Hæmoptyſi, vomitu primo pituitoso horis matutinis poſt cibum, denique ſpaſmo flatulento in cruribus admodum doloroso, & quidem tempore nocturno. Sapius admonitus à me, ne dictos affectus ita incrementum ſumere ſineret, ſed principiis obſtaret, medicationem namque poſtea fore difficillimam, nihilominus diſtulit & moras nexit, uſque eo, ut negotiis ampliùs

obeundis plane eſſet inidoneus, quod menſe Jul. Anno 1662. evenit: quo auxilium meum implorare coepit, ſed prohi dolor! nimis ſerò; nam quamvis operam meam ultro obtulerim, natura tamen protinus proſtrata, medicamenta ore aſſumpta mox iterum rejecit, imò etiam ne clyſteres quidem retinebat, ut voto noſtro ſatiſfacerent: Unde ſubitanea virium collapſio, ut pedibus ampliùs inambulare non poſſet, ſenſim indies conſumeretur, & largis quæ ſuper venerant, hæmorrhagiis tandem exhaustus debilitum naturæ mens. Octobri ſolveret, cujus animæ, ut bene ſit in æternum, calidè apprecamur, Medicamenta quæ applicata fuerunt, maximam tamen in partem fruſtra uti dictum, ſunt ſeqq. Cum urina quæ per longum tempus ſpicea, tenuis, &c. cum multa ſpuma erat, obſtructions viſcerum indicaret, judicavi: 1. Lentivis primas aperiendas vias: 2. Obſtructions reſerandas: 3. Pleniores corporis evacuationes quantum quidem poſſibile moliendas. 4. Partibus laborantibus proſpiciendum. & 5. Roborantibus atque convenienti victus ratione viribus ſuccurrendum.

℞. Rad. ſcorzoner. polypod. qu. an. ʒij. bryon. rhabarb. an. ʒij. Herb. ſcolopendr. ſ. lv. chamædr. Flor. acaciæ. violar. primul. ver. an. p. j. Fol. ſen. Al. ʒj. ſem. Cartham. ʒiij. paſſul. min. ʒvi. Cort. rad. Cappar. aurant. ſicc. an. ʒiſß. Mac. Cinnam. an. ʒi. Inciſ. & cont. q. o. m. ad nod. pro menſ. dimid. vin. alb.

℞. Magiſt. tartar. vitriolat. ʒiſß. fœcul. bryon. ſal. card. bened. ſal. abſynth. an. ʒß. Magiſt. corall. rubr. ʒii. m. & divid. in part. viij. æqual.

℞. Rhab. ſel. ʒi. fol. ſenn. Al. ʒiij. zinzib. ʒj. Coq. in ſ. q. aq. font. col.

℞. ʒiij. Mann. Calabr. ʒiſß. extract. Panchym. Cr. ʒiſß. m. f. Potio.

℞. Rob ſambuc. ʒiij. Mithridat. ʒj. ſyr. de pœon ʒii. ſpir. lil. convall. ʒi. Aq. hirund. cum Caſtor. ʒii. Aq. ceras n. q. ſ. m. f. Potiunc. Sed ut dictum ad primum hauſtum lenitivi mox vomitus ſequutus, cum virium mira dejectione; quarum ut & ſputi ſanguinei cauſa vacuantibus minùs tutò litari potuit; Urgentibus ſolum pro virili ſymptomatibus obviam itum. Anorexias cauſa aliquoties ſumpſit Aq. acetos. Mynſ. c. vin. quæ.

℞. Conſerv. roſar. rubr. ʒj. aq. roſar. ʒiv. ſpir. vitriol. ʒß. extract. tinctur. adde ſacchar. alb. ʒß j. M. It. Elix. Propriet. Parac c. conſ. roſ. rubr. Die 1. Auguſti Clyſter injectus, mox verò ſine operatione rejectus.

℞. Rad. Gramin. aſparag. petroſel an. ʒj. herb. ſoldanell. Mercurial. an. ʒvi. flor. ſambuc. genift. anth. an. p. ij. agaric. alb. in pet. mechoacan. baccar. laur. an. ʒiij. ſem. fœnicul. carui an. ʒij. Coq. in ſ. q. aq. fontan.

Col. ℞. ʒß j. bened. laxat. lenitiv. flor. an. ʒj. mell. roſ. ſol. ʒß. ol. rutac. aneth. an. ʒvj. ſal. comm. ʒj. m. f. Clyſter Alius:

℞. ſpec. dec. Carmin. ʒij. fol. ſen. Al. ʒß. Coriand. præp. ʒij. tartar. alb. ʒiij. Coq. in ſ. q. aq. font.

Col. ℞. ʒx. Elect. Lenit. Fl. mell. roſ. ſol. na. ʒiſß. ol. Baccar. laur. ʒj. m. Ad vomitum datus Pulv. Pumic. & corall. rubr. an. ʒß. m.

℞. Ge

℥. Gelat. Cydon. q. f. pulv. ros. rubr. N. Mosch. mastich. an. ℥iij. C. vin. alb. & acetian. q. f. f. Cataplasma. Ad hæmorrhagiam, qua d. 21. sept. ℥xviiij. sanguinis effudit.

℥. Sperniol. compos. gr. iij. dentur. C. syr. de Ros. sicc.

℥. Aq. plantag. burs. pastor. urticæ an. ℥j. acet. rosar. acet. fl. papav. errat. an. ℥ss. nitr. præp. ℥ss. compos. sperniol. gr. iij. m. ad frontem, nucham & Carpos. Lutum com. cum acet. subact. dictis locis itidem fuit appos. Ad oris siccitatem fauciumque, præ qua amplius loqui non poterat.

℥. Mucilag. sem. Psyll. & malv. cum aq. malv. p. an. ℥j. syr. violar. ℥ss. ℥ij. m.

℥. Rosar. rubr. flor. malv. arbor. herb. salv. malv. an. m. j. rad. liquirit. ℥ss. passul. min. ℥vj. Inc. coq. in f. q. aq. font. col.

℥. ℥ss. mellis ros. col. ℥j. nitr. præp. ℥j. m. pro Gargarism. Vomitionum causa parat. Cataplasma.

℥. Ferment. secal. ℥ss. pulv. fol. absynth. ros. rubr. an. m. ss. mastich. bol. Armen. ba-lauft. malicor. an. ℥j. C. succ. menth. & ol. cydon. q. f. m. Cucurbitula etiam sat ampla apposita. 7. Octobr. media nocte sanguis rursus è naribus ita largiter profluxit, ut silti non posset; rediit etiam hæmoptysis quæ grumosum rejecit sanguinem, unde sibi jamjam ultimum instare diem dixit, cujus antea aliquoties memor fuerat, nimirum si hæmoptysis recidivaret, sibi moriendum esse; duravit 24. horas, cum ultima fatalis instaret, qua integris sensibus & rationis usu placide expiravit. *Idem Ibidem.*

Andr. Beuters Sartoris Ulm. filiolus annorum 2. achoribus antehac laborans, sed iisdem subito disparentibus, m. Octobr. 1663. pedibus valde intumescit ad abdomen usque, subsequente gravitate pectoris, & spiritus difficultate, cui seq. med. præscripsi, & illis dicta symptomata, intra 14. dies, divina adjuvante gratia propulsi.

℥. Pulv. Gialapp. gr. xv. gumm. gutt. correct. gr. vj. cholag. f. gr. ij. syr. violar. & Julep. ros. an. ℥ss. m. f. Lambile ad ollul.

℥. Pulv. C.C. phil. cal. ℥ij. ol. carui destill. gutt. i. m. & dent. ad chart. dos. iij. quar. singulis diebus unam capiat. Pro potu bibit Dec. C.C. *Idem Ibidem.*

Anatomica Inspectio

D. Trenti cadaver apertum fuit, qui diuturno morbo Cachectico ad hydropem vergere videbatur: de eo contulerant consilia Jo. Dom. Sala & Benedictus Silvaticus, quorum hic abscessum in Hepate, ille in Corde divinabat, quia plerumque in lentis ejusmodi morbis, ad Cachexiam vergentibus, Cordis aliquis solet esse abscessus, & Pulsus in hoc erat interruptus: Cor tamen in aperto cadavere nihil noxæ contraxerat, Hepar pallidum, quasi coctum, Lien verò rubicundus sani Hepatis instar: Pulmonum sinister inflammatus & ferè putridus. Th. Baribolinus *Observ. 67. Cent. 3.*

Puellula sexennis, cum ante facie tumida, alba inflataque suspecta fuisset valetudinis, tandem decumbere verè cœpit 5. Novembr.

1626. concurrentibus siti, calore, laterisque dextri sub costis veris dolore itemque pedum intumescencia: urina turbida, cum hypostati, excremento g. llinarum simili: Die 6. Novembris, tametli tumor ventris nondum esset conspicuus, & facie tamen leucoplegmatica, pedibusque tumentibus, Hepatis labefactionem, ipsumque hydropem ante portas esse prædixi: Die 9. Novembr. urgebant inquietudo, tussis, compressio & dolor pectoris circa costas: Die 17. Novembris urina paulo rubicundior; citrina sed sabulosa, crassa; venter tumidus & valde transparentis ac lucidus: Regio Lienis dolens innuncta oleo de cappar. venter verò aq. vitæ cum spir. juniperino: Die 18. Novembris inquietudo magna, ventris tumor auctus, Die 19. ex assellatione iterat. detumefactus est; Sitis & potus cupiditas ingens, febris lenta & comes: Die 21. debilitas magna, latus sinistrum, imò manus pesque tumida: dextrum verò extenuatum: rejecit bis scretu saniem cruentam & retorridam, quæ ex pulmonibus esse videbatur: Omnibus in pejus vergentibus, circa medium noctis expiravit.

Die 18. Novembr. ad petitionem parentum, quibus Puellam hydrope obijisse persuaderi haud poterat, corpusculum apertum, prognostico à me præmisso, fidem fecit, Itaque à mucronata cartilagine facta ad pubem usque, & lateraliter incisione transversa, statim comparuit.

Hepar valde magnum, idque ex parte corruptum, maculisque infectum, è quo tanquam è fonte, promanarat Hydropisis. 2. Abdomen scatebat materia serosa multa; colore caruleo viridique infecta, quæ effundebatur cum foetore: 3. Lien integrè, præter opinionem sanus: 4. Eiusdem integritatis Ren uterque: 5. Intestina lucida, aquosaque humiditate repleta. Aperto Thorace, 6. Cor integrè sanum. 7. Pulmones verò intus extraque corrupti, fatidique atque purulenti, unde Tussis, Febricula, Hectica Laterisque dolor punctorius. Siquidem ergo Pulmonibus atque Hepate lethaliter affectis causa morbi mortisque pateret, caput apertum non fuit. *Joan. Petr. Lotichius lib. 4. cap. 3. Observ. 4.*

Mercatoris filia frequenter hæmorrhagiæ obnoxia, ac proinde Cachexia fere consumpta in febrem biliosam continuam incidit &c. Post mortem aperitur. Abdomen ichore foetido repletum: Omentum putrefactum, Lien atque Hepar scirrhus laborabant, cor duplo majus, bubulum referens, inveniuntur: Et circa valvulas dextri ventriculi Calculus ex tartaro concretus, instar minoris castaneæ compressioris &c. *Gregor. Horstius lib. 4. Observ. 48.*

Dom. de Claigni, Canonicus Pariensis, velut Leucophlegmaticus erat, lapidosus mortuus est: An lapidosi ita fieri possunt? Ita, *Fernelius cap. 12. lib. 6. Pathol.* annotavit suppressionem & regurgitationem cujusdam materiei purulentæ à renibus ad venosum genus id genus symptomatis inducere potuisse. *Ballonius Epidem. & Ephem. lib. 2. pag. 243.* Revehunt venæ Emulgentes sanguinem à nutritu renum, quem arteriæ important, residuum in cavam: Hinc proculdubio in renum ulceribus, si quando obstructo vreteris capite pus cohibeatur, ut per

per urinas evacuari nequeat, id sensim una cum sero perveniam emulgentem in cavam redundans, sanguinem totum; habitumque corporis inquinabat: *Hignorius in Anat.*

Amedeus Faber lignarius, 40. annos natus biennio variis per intervalla morbis, Dolore capitis, Ictero: viscerum obstructionibus, imo etiam Cachexia, postremum etiam dolore Ischiadico laboravit, tandemque aucta febris cum paraphrenitide extinctus est. In cadavere hæc fuere observatione digna: 1. Omentum inflatum & corruptum. 2. Intestinum Colon præster consuetudinem *arctum circa illa sinistra*: 3. Inter collum vesicæ & intestinum rectum, tuberculum scirrhum, unde sæpe dysuria & iscuria. 4. Sub musculo psoa sinistro, cui Ren incumbit, quique in cruris internam partem fertur, ingens atheroma, ultra duas libras puris crassioris continens: ibidemque tres aut quatuor lumborum vertebrae, ita carie affectæ ut earum frustula coram adstantibus extraxerim digitis & attriverim. 5. Intestina vermibus scatentia. 6. Tumor scirrhus, suppuratus, & instar steatomatis, magnitudine duorum pugnorum, ortus ab inferiore parte pancreatis, intestinum duodenum circumdederat, sic ut peritoneo tectus alterum quasi ventriculum mentiretur, materia per ramos venæ portæ in ipsum pancreas defluentes, affluebat. 7. In Hepate scirrhuso apostemata exigua multa. 8. Lien totus corruptus multos continebat calculos. 9. Pulmo inflammatus multis refertus glandulis. 10. In superficie sterni, ad claviculæ conjunctionem, atheroma ovi magnitudine. 11. Apostema sub ala dextra, inter pleuram & costas maximi pugni magnitudine, & graveolens, cujus purulenta materia, 4. 5. & 6. costam exederat: atque adeo non modo divulsæ erant costæ à vertebra, sed & summa parte, qua vertebrae junguntur, usque adeo carie corruptæ ut facile eximi digitique fricari possent. 12. In cranio dura mater inflammata. 13. Inter meningas & cerebrum ichor multus. 14. Plexus choroides inflammatus. 15. Circa cerebri basin & cerebellum semilibra sanguinis & amplius è jugularibus internis affluerat: *Fabricius & Aldanus cent. 1. Observatione 71.*

Erat apud nos mulier Cachectica, in cujus vesica fellea deprehendimus humorem serosum pallidumque minimè amarescentem, sed insipidum potius dulcique proximum: *Glisson: Anat. Hepatis cap. 39.*

Vir an. 42. natus ab ineunte ætate parùm firmæ valetudinis, decolor, capitis in pulmonem defluxionibus, sed iis nec salsis sed acribus, vehementer obnoxius, quum ad nativam corporis imbecillitatem accederet ratio victus negligentior & vita sedentaria, studiis occupata, mense Septembri anni 1560, primum in cachexiam cum œdemate pedum & difficili respirazione incidit: urinæ, quas prætenues, pallidas & copiosissimas prius reddere solitus erat, paulatim imminutæ sunt. Difficultas spiritus, cum sensu ponderis, utrinque ad latera thoracis, supra costas spurias, sic paulatim (præcipue si altior duceretur anhelitus) augescebat, ut sub finem Decembr. jam decumbere neque in latera posset: Si in lecto se converteret, humoris aliquid in thorace fluctuare percipieba-

tur: ac proprius admota aure, rei cuiuspiam leviter bullientis ceu stridor aliquis obaudiebatur qui nec ægrum ipsum latebat, eo plane modo ut Hippocr. de Hydrope pulmonis prodidit. Itaque dies & noctes tantum non residere surrecto thorace cogebatur: Tum sensim venter, quoque in tumorem assurgebat, & tussis aspera, eaque sine stercore, prorsus sicca, si ve tenuantia si ve inspissantia remedia tentarentur, infestabat: Porro ad quemvis corporis motum mirè anhelitus crescebat angustia, ut æger protinus suffocari atque animoinqui videretur: Sub his pulsus, præsertim vesperi, lentam quandam febriculam, Tum urinæ sedimen pulverem albicans ostendebant: neque appetentia cibi omnino dejecta erat, neque sitis magna: A medicamentis purgantibus plus visus est lædi quàm juvari, Sectionem thoracis, in qua spes aliqua collocanda erat, magis ferre quàm mortem ipsam formidabat, Mense Martio, postremis aliquot morbi diebus, cœpit cruenta quædam excussire.

Cæterum inciso corpore, nullum in pulmonibus vlcus deprehensum est: thorax vero universus aqua cruenta, quam quis haud ineptè caruam assimilasset, repletus fuit: venter inferior (ut ascitis solet) aqua flavescente suffundebatur: In dextro pulmone tres cernebantur lobi teretes, fastigiati crassitie & longitudine digitum superantes: Hepar albicabat & duriusculum erat; reliqua viscera nihil ad oculum vitii ostendebant. *Schenckius ex Manxellii Observationibus.*

Quadragenarius à biennii tempore incidit in capitis dolorem, icterum, sæpe, ischuriam, viscerum obstructiones & dolorem ischiadicum, postremo febris, cum paraphrenitide diem clausit.

Inspecto cadavere. Omentum corruptum & inflatum. Colon in latere sinistro admodum contractum & coarctatum. Intestina vermibus plena. Inter vesicam & rectum intestinum tuberculum scirrhum creverat. Circa femoris dextri Trochanterem, apostema fuit, continens libram puris: hinc redundantibus musculorum & ossium ligamentis erosio femoris luxatio. A postica renis sinistri parte sub musculo lumbari atheroma fuit, è quo plus quam duæ libræ puris effluebant: Vertebrae tres quibus incumberebat, carie exesæ & contritæ erant. Pancreas circa partem duodeni, ipsum intestinum scirrhuso atheromate ita obsedebat, ut alterum ventriculum mentiretur. Jecur exiguis scirrhusis apostematibus plenum. Splen totus corruptus & calculosus.

Pulmões inflammati ac glandulosi tumoribus referti. Sternum circa claviculæ junctionem, atheromate ovi magnitudine obsessum fuit. Sub axilla dextra, inter pleuram & costas ad pugni maximi magnitudinem abscessus graveolens fuit, cujus aciditate quarta, quinta & sexta costa carie non tantum afficiebantur, sed à vertebra divulsæ sunt.

Elevato cranio meninx crassa fuit inflammata. Ad lævam falcis regionem tumor scirrhusus & latus in tenui meninge erat. Cerebrum lymphæ flava turgerebat. Ad basin semilibra sanguinis inventa.

Hic homo ab omni parte corruptus & obstructus: in capite scirrhus præcedentem indicat inflammationem, unde dolor biennalis.

Obstructiones in Hepate impedimento fuerunt, ne bilis ad vesiculam fellis aditum haberet, unde contigit eam in sanguine remansisse, cutimque colore aureo infecisse. Ischuria à tuberculo inter vesicam & rectum intestinum orto quia ab eo vesica premebatur.

Apostema circa Trochantorem ischiadicum dolorem procreavit. sic omnibus visceribus & glandulis obstructis myriadum mala creare vere. *Steph. Blancard. in Anat. præf. rational.*

C A C O S I T I A

Vid.

FASTIDIUM CIBORVM &
ANOREXIA.

CADAVERVM EXAMINA

Vid.

R E N N T I A T I O.

CADAVERE CONDITURA.

ex Variis.

EX corruptione, & intenso fœtore, non raro observando in tumulis Magnatum, Principum, imò & Regum, etsi summum adhibitum sit studium cadavera incolumia servandi, colligere mihi licuit inanem illum successum avaritiæ solum aut inscitiae adscribendum esse illorum qui condiendi vel balsamandi curam suscepunt. Ideoque non inutile fore credidi si hoc capite publici juris facerem medicamenta & methodum, quæ non raro usus sum in balsamatione Cadaverum nonnullorum utriusque sexus, imò & principum; eo tunc ut qui famæ consulunt, omnemque operam navant quo eventus votis respondeat id consequi valeant ut cadavera quæ à corruptione vindicare student, per plurima secula citra corruptionis metum perennia esse queant.

Hoc loco immoraturus non sum circa modum condiendi cadavera antiquis assuetum Aegyptiis, aliisque nationibus qua de re nonnulli quædam scriptis tradidere, ac inter cæteros Petrus Belonius, Maynensis, Tractatu edito Parisiis anno 1555. de medicato funere. Etsi enim hodie supersint non obscura indicia industriæ antiquorum in balsamatione cadaverum personarum illustrium; ac in variis Autoribus occurrat series præcipuorum medicaminum ad id opus ipsis familiarum non adscriptæ tamen sunt doses, neque ratio legitima qua ipsi usi fuere.

Neque etiam disquiram varias Authorum sententias circa mumiae nomen quandoquidem nihil quod animum curiosum expleat invenire est, id verò novisse sufficiat vocabulum mumiae inditum fuisse, modo cadaveribus medicamentis aromaticis, imbutis & conditis; modò illis quæ arenis in lybiæ desertis obruta ab æstu solis arefacta fuere; modò liquori è monumentis vel tumulis in quibus magnatum cadavera condita jacebant exudanti, ac in sepulchris exsiccatò, adeò ut duritiem æqualem corporibus balsamatis æmuleretur.

Missis ergo antiquorum sententiis, imò neotericorum, statuo, quando quidem cadaverum corruptio non alia ratione contingit quàm ab excessu exuberantis in illis humidi, quod

adauget aër ambiens, in primis curæ esse debere ut absumatur humidum illis innatum, prohibeaturque accessus & introitus ambientis: A calce viva quidem quicquid superfluum in corpore absumi potest, imò quodammodo præpediri aëris admissio; At eum destructoria & caustica vi poleat, qua molliores corporum mortuorum partes absumendæ essent, solo superstite sceletò, ejusmodi auxilium inutile est, nisi solum ossium custodiendorum cura incumbat: Adservari quoque ad aliquod temporis spatium possent cadavera exenterata beneficio muriae plurimo sale prægnantis; vel etiamnum in spiritu vini eadem reponi, si modo vas idoneum præsto esset accuratè obturabile; At cum id ipsum perenne esse nequeat, requiruntur autem media stabilia, nec caduca, nemini non gratum futurum spero si hoc loco tradantur.

Id porro mihi curæ cum semper fuerit corpora defuncta figura externa salva tueri, præsertim vultus; imò præstare si concessum esset ut in perpetuum durabilia essent, ideò semper prohibitus fui ab usu pulveris coriariorum, cinerum, calcis, quibus plerumque abutuntur qui turpi lucro inhiant, conscientiae vero & famæ nequaquam attendunt, posthabitis querelis & exprobrationibus de infelici & improspere successu ipsis morientibus: Etiam si enim prædictus coriariorum pulvis ex se sat aridus, idoneus videatur absorbendo humori redundantibus partibus quibus admovetur, destitutus nihilominus est quavis utili dote quam secum transferre queat in cadavera; ipse vero putredini obnoxius quam tandem contrahit ab humido quod absorpsit. Cineres quod spectat, etsi sal ipsis commixtum aptum videatur conservandis cadaveribus, non sufficienti tamen hoc illis inest quantitate qua id præstare valeat, ac procul dubio dominium in illud obtinet colliquatio sensim contingens partium mollium cadaverum, imò dissolventis potius cujuspiam vice fungitur ratione partium carnosarum aut pinguium quas attingit, quàm remedium corruptionem prohibentis: Calcem cur exulare jusserim rationem ut reddam nulla impellit necessitas, satis fuerit tradidisse media, ratione & experientia duce à me optima confirmata, quorum ut copiam omnibus facerem jussit Dominus d'Aquin.

Etiam si forsan spes assurgere posset cadavera labis immunia conservari posse si includantur feretro plumbeo, obvoluta pulvere composito ex partibus æquis Myrrhæ, Aloës & salsilii, specifica vi donatorum profuse verò affatim insperso pulvere, eoque optimo vini spiritu humectato, feretri autem commissuris accuratissime occlusis, eademmet autem methodo usus fuerim erga cadaver illustris matronæ, ex ipsius ante obitum jussu, ratio tamen omnium probatissima hæc esto.

In cranii postica parte, seu occipitio, excavandum foramen magnitudinis volæ manus, aut circiter, per quod cerebrum eximendum est, cranii autem cavitas, pulvere inferius describendo opplenda, demum foramen occludendum, adposita parte inde exempta; futuræ ope panniculum carneum divisum & à cranio divulsam data opera, conjungendo.

Cutis

Cutis, & partis adiposæ illi subjectæ inciso faciendâ à summo sterni ad umbilicum extremum; eadem verò cutis transversim quoque dividenda ad sesqui pedalem circiter longitudinem, quæ in aperto ponat regionem jecoris lienis & ventriculi, cunctisque his à sterni cadaveris novacula liberatis, inciso & à costis separato sterni, hinc inde in locis cartilagineis eodem sterni ad vultumque adducto; eximantur lingua, oculi, pulmones, cor, jecur lienis, ventriculus, intestina, partesque omnes corporis cavitatibus conclusæ detrahantur: Duæ etiam vel tres altæ incisiones secundum brachii longitudinem faciendæ ac utriusque furæ, magis aut minus penetrando pro ratione corporis, obesioris aut strigosioris. Necessariæ eadem divisiones cutis, sed profundiores & numerosiores, in natis & femoribus: similes requiruntur secundum longitudinem a summo dorso ad nates excurrentes, novacula etiam partes adiposæ à carneis separandæ: Quinque etiam aut sex in collo faciendæ, quæ item per longitudinem in unaquaque pedum planta & manuum vola: Occurrere possunt corpora adeo obesa, carnibus & adipe facta, ut locus sit detractioni superflue carnis & adipis; visceribus commiscendæ; sed prætermitti potest illa ablatio, dummodo nihil prætermittatur illorum quæ requiruntur ad corporis conservationem.

Sanguis & serum, si quæ forte in corporis cavitates influxerint, aliasve partes novacula adaperas, spongia sedulo absorbeantur & abstergantur; Singulæ designatæ partes generoso vini spiritu madescant, ac demum leviter optimo salis spiritu imbuantur, magnetis vices subitura, qui aciditate sua attrahens tum salia fixa tartari, & tamarisci, tum volatilia in aromatibus latentia, ex quibus pulvis componendus est, eorum intimiorem conjunctionem effecturus est ac magis idoneos redditurus qui cadaveri coaptentur: universa demum hæc capacitas, cunctique excitati hiatus, tota intercapedo cutis adiposæ, carniū & ossium, sicuti & cranii spatium ac panniculi carnei nec non oris cavitas, faucium, buccarum, narium & orbitæ oculorum, impleantur pulvere sequenti.

Pulvis ad implendas Cadaverum cavitates

℞. Myrrh. Aloës an. lib. xvi. Sal. tart. tamar. asphalti, summit. siccar. absint. scord. & centaur. min. radicum siccar. imperat. gentian. angel. carlin. aristol. rot. aa lib. 3. cardam. vulgaris, piper. nigr. zinziber. an. lib. 4. cinnam. caryoph. labdani & acori veri aa lib. 2. F. ex a. omnium pulvis ad usum.

Quantitas præscripta hujus pulveris modum non excedet, si corpus balsamandum magnum fuerit, ac præsertim si cuncta viscera condienda sint. Media tamen pars satisfactura est si corpus condiendum parvum fuerit; At pulveris nunquam cadaveris conditorem parum esse decet, sed sedulo indagando cunctas cavitates novacula divisas, omnino illæ adimplendæ & per vim pulveris adigendus quantum cutis illius poterit esse capax. Demum irroratione facta externæ partis pulveris optimo vini spiritu, quod utcumque concorcoporari queat & co-

lescere, adductaque hinc inde cute, & futuris conjuncta; omnium indictorum vulnerum, accurate universum corpus inungendum erit balsamo Peruviano; cui aspergenda est pulveris sequentis quantitas sufficiens, ut inde exurgat quædam crusta densa, spissitudinis transversî digiti; corporis universam superficiem obtegens.

Pulvis ad Cadavera loricanda.

℞. Styr. benzoin, ireos Florent. aa lib. 4. summit. major. flor. aurant. lavendul. tamahac. od. or. an. ℥ ij. lign. rhod. acori veri aa ℥ j. M. F. e. a. omnium pulvis crassior ad usum.

Universo corpori pulvis iste inspergendus, sed successive; postquam scilicet pars quæpiam balsamo Peruviano inuncta fuerit, adeo ut undique suffusum sit corpus, & circumquaque ad spissitudinem transversî digiti; sicuti jam supra innui. Demum, involutum cadaver tela cerata, ac commissum feretro plumbeo cujus commissuræ optimè ferruminentur, proculdubio ad ditissimas regiones transferri poterit in secula seculorum durable-adversus omnem corruptionis metum tutum.

Sin Cadaver ad aliquod tempus feretro non inclusum adservandum fuerit, imò per plures hebdomadas exhibendum vultu patulo, in lecto ad pompam extructo, vestibus indutum, cheirothecis; tibialibus & calceis instructum præparanda erit tela incerata alba, odorata, dividenda in longissimas ténias, tres aut quatuor digitos latas quibus seorsim obvolvenda brachia, femora, tibiæ, demum universum corpus, oblique illas supra pulverem circumducendo; quo pacto Cadaver non secus ac corpus vivens indui poterit capillos depromendo, vultumque prodendo; dummodo sæpissime spiritu vini optimè rectificato eluatur; imò lintea eodem spiritu imbuta, quo tempore non exhibetur cadaver admoveantur. Potest & supponi capiti cervical pulvere aromatico descripto oppletum, minora itidem pulvinaria lateribus & pedibus supponenda. Tela incerata hæc est compositio.

Tela Cerata Aromatica.

℞. Cera alb. ℥ vi. olei express. nucis mosch. oleorum stillat. lavend. cortic. arant. & citr. aa ℥ ij.

Cera igne lentissimo liquata permisceantur olea, illisque tela linea imbuatur pro usu jam dicto.

Minutim prius dividatur cera alba, lentissimo igne colliquecat in sartaguncula stanno interius obducta, superna parte latissima, inferna in conum vergente; demum commistis oleis æqualiter & undique imbuitur tela alba & rarissimæ textura.

Cerebrum quod spectat, omnesque interiores corporis partes, imò carnes & adipēs quæ detrahendæ re visum fuit; condiri hæc poterunt priore pulvere insperso. Eapropter probe elotis intestinis, longisque ac altis incisionibus cordi inflatis, pulmonibus, jecori, lieni, & renibus, adparatoque doliolo plumbeo dimenso, hujus fundum pulveris portione cooperiendum, irroratisque omnibus partibus

optimo vini spiritu, hæ in doliolo seorsim collocandæ, pulvere ubique superaddito; sedulo quoque vulnera cordi, jecori &c. indicta eodem pulvere infarcienda, partium repositionem successive continuando, pulvere attatim injecto, quoad omnia inclusa fuerint, ac doliolum pulvere omnino oppletum sit. Postmodum dolioli commissuræ accuratè ferruminabuntur; quò pacto cunctæ illæ partes in massam coagmentabuntur, non minùs ipso doliolo durabilem. Cor balsamatum, sicuti superius dixi, pyxidi plumbeæ dimensæ committi potest, seorsimque custodiri. *Moses Charas in Pharmacop. Regia.*

Gero tandem morem voluntati tuæ & amico desiderio, quo antehac, ut, si quid mihi de balsamationibus (liceat sic loqui Tecum) observatum esset in antiquitate, pro re nata communicarem amicè instabas. Quamvis enim norim quàm sit mihi curta suppellex, nec diffitear, aliorum scrinia compilare speciem quandam plagii literarii esse de quo nuper *Thomasius* Professor Lipsiensis, pluribus ex professo egit: malo tamen periculum subire iudicii temerarii quàm non stare promissis, præsertim cum is demum sit fructus lectionis cujuscunque, ut quid inde prout usus fert, decerpere & argumento quod præ manibus est tractando, accommodare. Quo nomine minime inculandi vel plagii vel negligentia in proferendis aliorum dictis, qui per quos profecerint aperte profitentur, atque alienis laboribus tum utuntur, ubi de suo nil melius possunt adferre, maxime quando de ejusmodi argumento disquiritur, quod fide testium est confirmandum. Potuisssem autem hac scriptione publica abstinere, (unde fortè notam falsis in alienam messem missæ incurram) nisi tanti fuisset publicè profiteri, me dolere vicem tuam, qui cum privata industria operi incumbas ad humani generis commoda pertinente, non absque valetudinis detrimento & rei familiaris, dum sumptus in experimenta facis, dispendio: necdum tamen reperisti qui te sublevent, aut dignum labore præmium rependant. Sed hic te ipsum commodis tuis obstitisse, mihi videor observasse, qui arcanum illud condiendi cadavera & à putredine conservandi, à *Bilfio*, Anatomico celeberrimo, acceptum atque variis tentaminibus ad majorem perfectionem excultum, hætenus tecum servasti: vel potius fortunis tuis intercessisse fata, partim obitu *Bilfii*, partim & præcipue incendio illo motuum bellicorum, quæ te *Sylvam Ducis* relinquere coegerunt, cum maxime in eo esses, ut, post editum publicè, in theatro *Sylvæ Ducens*, specimen, fructum caperes laborum. Bene tamen est quod in portu aliquo appulisti & cathedræ redditus in Academia in-clyta, ubi sub auspiciis Maximi Principis doceres, cujus non minima virtus est, fovere conatus honestos & inter arma quoque ad literas respicere. Neque dubito, quin, ubi operam dederis, ut isti tui conatus magis innotescant, siue Regiæ Societati Anglicanæ, siue Academicorum Curiosorum per Germaniam collegio, inventurus quoque sis patronos plures, quæis cum communices istud secretum, ne tecum intermoriatur. Aut ubi visum fuerit

Deo, reddere Belgio fœderato quietem, habebis ibi qui justo ære redimant arcanum, magni in Medicina vestra potissimum usus, ad deregenda beneficio sectionis incruentæ, etiam minutissima cadaverum, & ostendendos ductus varios, qui multorum Anatomicorum oculos hætenus effugerunt, aliaque quæ Prof. *Lovanienfis Gutschoven* in sua declaratione supra pag. 25. exposuit. Licet enim *Bilfius*, quoad in vivis fuit, multos habuerit antagonistas, & hos quoque inter magnum *Bartholinum*, quem in epistola quadam, ad *Sassium* Medicum Roterodamensem, nisi fallor, edita, potissimum ipsi objecisse memini. quod quæ in figuris ostenderet seu schematicis sectionum anatomicarum, non posset in ipsis cadaveribus demonstrare: ab obitu tamen ejusdem *Bilfii*, cujus tu locum imples, livorem quævisse arbitrator. Accessit & alia causa scribendi ad te publicè, ut hæc eo lubentius legeres & facilius dijudicares. In quo secutus sum iudicium Academicæ Gallicæ, quæ ut membra hujus eo commodius possent examinare ideam illius erigendæ, hanc voluit clam typis excudi, & exemplaria inter examinatores distribui, ut mens minùs occupata legendo, ad judicandum eo liberior esset, prout autor anonymus Relationis de Academia Gallica pag. 20. refert. Quod si & tu probas, habebo quod censoribus opponam, qui hanc scriptionem publicam mini vitio vertent, defendendam faciliè virorum clarissimorum exemplis, nisi & hoc ipsum pars criminis foret, horum vestigiis quadanteus institisse, quorum malo negligentiam quàm aliorum obscuram diligentiam imitari. Ut ergo ad rem deveniam, quamvis *maxima* vox (quomodo solet cadaver exsiccatum, certà ratione conditum & corruptionis experts, vocari) Persica sit notante *Kirchero Oedipi Aegyptiaci* Tom. 3. pag. 396. tamen constat apud omnes, Aegyptiis hunc cadavera condiendi ritum deberi, quippe etiam in sacris memoratum, *Mosi* antiquissimo scriptori Gen. c. 26. ubi de cadavere *Jacobi & Josephi* agit, Nam quod *Patricides* Patriarcha *Alexandrinus* in Chronico suo narrat, Adamum ipsum testamento filiis suis præcepisse, ut ab obitu suo corpus suum myrrha, thure & cassia conditum in spelunca abdita ponerent, prout *Houinger. Sinægm. orient.* pag. 216. & ex illo *Heiddegger Histor. Patriarch. Exercit.* 4. S. 7. observant; id nimis audax commentum est. Nos gloriam hujus inventi Aegyptiis relinquemus, quorum istam consuetudinem inter alios veterum fuscè descripsit *Herodotus* lib. 2. cujus narrationem *Thyphodorus* deducit *Athanasius* ille *Kircherus* in stupendo opere *Oedipi Aegypt.* tom. 2. syntagmate 13. quod est de *mumis* cap. 3. Sect. 1. & pluribus circumstantiis ex *Diodoro Siculo* imprimis explicat tom. 1. ejusd. *Oedipi* synt. 2. cap. 2. pag. 123. Utrumque audire juvabit istum condiendi modum Aegypti cum describentem. *Herodotus* quidem 1. 2. sic fatur. Sunt certi ad hoc ipsum constituti, qui hoc artificium faciunt: qui, cum ad ipsos cadaver portatum est, ostendunt eis qui portaverunt exemplaria mortuorum lignea, pingendo assimilata. Et eorum unum accuratissime fabricatum esse aiunt [cujus ego nomen si nuncupavero, haud fa-

ciam

ciam sanctè) alterum illo inferius & vilioris pretii tertium vilissimi. Quibus expositis scissitantur ab iis ad quod exemplum velint effingi mortuum suum. Ibi ubi de pretio convenerunt, illuc abeunt. At hi relicti in adibus hunc in modum diligentissime condiunt corpus. Ante omnia incurvo ferro cerebrum per nares educunt, ut quaque partem educentes, ita locum eius medicamentis explentes. Dehinc acutissimo lapide Æthiopico circa ilia conscindunt, atque illac omnem alvum protrahunt. Quam ubi repurgarunt & vino Phœniceo eluerunt, rursus odoribus contulis proluunt. Tum alvum complentes contusa myrrha purâ, & cassiâ & aliis [excepto thure] odoribus, iterum consuunt. Ubi hæc fecere, salunt nitro abditum septuaginta dies. (Kircherus habet: Salunt nitro abditum septuaginta dies: cum tamen in Græco sit: *παραδύσσει νίτρον κρυφόν-τες ἡμέρας ἑβδομήκοντα*. Nam diu salire non licet. Exactis septuaginta diebus, cadaver, ubi abluerunt, indone byssina totum incisus loris involvunt gummi illinentes: quo Ægyptii glutinis loco perunque utuntur. Eo deinde recepto, propinquiligneam hominis effigiem faciunt, in qua mox inserunt mortuum, inclusumque ita reponunt. Eos autem qui mediocria volunt, nimum fugientes, sumptum ita apparant. Clysterem unguine quod è cedro gignitur complent: deinde ex hoc alvum mortui ipsam neque scindentes, neque extrahentes, sed per scellum, prehensio viæ posterioris hiatu, inferciunt: & tot quot dixi diebus sale condiunt. Quorum diuturno ultimo cedrinum unguentum quod prius ingesserant, ex alvo egerunt, quod tantam habet vim ut unâ secum alvum atque intestina tabefacta educat. Nitrum autem carnes tabefacit, mortuique tantum cutis & ossa relinquuntur. Ubi ista fecere, ex quo sic tradidere mortuum nihil amplius negotii suscipiunt. Tertia conditura hæc est quâ adornantur eorum mortui. Qui tenuiori sunt fortuna, ablutionibus ventrem absterguunt, arefaciuntque sale septuaginta per dies, deinde tradunt deportandum. Hæc Herodotus. Nunc verò etiam Diodorum Siculum audiamus. Is l. i. c. 5. de Ægyptiis loquens sic inter alia scribit: Sepulchrorum tres habebant species, sumptuosas, mediocres, & humiles. In prima argenti talentum exponebant, in secunda, minas viginti, in ultima pauciores sumptus fiebant. Qui funera mortuorum curabant, eo exercitio à maioribus tradito, funeris impensam curaretur funus. Primus Grammaticus (ita enim appellatur) posito humi corpore, signum circa ilia describebat, quantum à sinistra parte incidere-
retur: Deinde qui dicitur scissor habens lapidem Æthiopicum, quantum lex sinebat, latus aperiebat, subitoque cursu à persequentibus, qui astant, lapidesque cum execratione in eum jacentibus, fugiebat. Existimabant enim odium inhærere, quicumque amici corpus vulnere illato violarit. Curatores verò corporis, hos salitores appellant, honore estimationeque digni habebantur. Versantur enim cum Sacerdotibus (in Kircheri mendosè est utebantur) templaque pariter ingrediebantur. His penes cadaver astantibus, unus per

scissuram corporis interiora præter renes & cor educebat; quæ singula alter vino Phœniceo è rebus odoriferis lavabat, deinde corpus totum primum è cedro tum aliis pretiosis unguentis ungebant dies amplius triginta, myrrhâ deinde atque cinnamomo, cæterisque rebus liniebant, quæ non solum id servare diuturnè, sed odoriferum reddere valerent. Curatum cadaver cognatis tradebant defuncti, ita singulis ejus partibus, etiam superciliorum palpebrarumque pilis integrè servatis, ut omnis corporis species, dormientis more, integra perduraret. Ex quibus Diodori Siculi verbis æque ac loco Herodoti apparet, qualis istius condituræ ratio quondam apud Ægyptios fuerit, qui cadavera sic condita non solum in locis quibusdam subterraneis & cryptis artificiosè structis (quas Kircherus *Syn- tagm. 13. de mumiis c. 4.* ex relatione Titi Livii Burattini Architecti Regis Poloniae & *itinerario Petri à Valle* describit & cælo sculptas exhibet) diligenter servabant, sed & domi secum habebant atque ad posteros transmittabant, ut aspectu progenitorum suorum oblectarentur simul atque ad virtutem incitarentur. Quæ etiam cadavera, non solum in mensas inferebantur, ut mortalitatis convivas admonerent, sed & pignori locabantur, magnâ debitoris infamiâ nisi solveret, & certâ pœnâ ut sepultura careret, prout hæc ex Luciano de *luctu & Diodoro Siculo* rectè probat Kirchmannus de *funeribus Rom. lib. i. cap. 8.* Quamvis autem hæc condiendi ratio ab Ægyptiis originem traxisse videatur, ad alias tamen quoque gentes transit. Nam apud Judæos obtinuisse, ex funere Servatoris constat de quo Joan. 19. 39. 40. Sic tamen, ut exinde simul appareat, citra ullam exenterationem aut cadaveris violationem, lotum fuisse hoc, unctum atque involutum ejusmodi tegumentis quæ tincta erant succo aut unguento, quod ad conservationem cadaveris fiebat. Hoc enim sibi illa *ἰδρυα* volunt, de quibus Evangelista, *ἰδρυα αὐτοῦ ὁδοῦ τοῦ πύθου ἀγρυπνῶντος*. Nec alia fuerunt illa Lazari lintea, nempe *κρίνον, & σάβυρον*, quibus involutus prodiit è sepulchro. Joan. 11. 44. ut Petrus à Valle bene conjecit. De Græcis & Romanis idem probat Kirchman. l. c. c. 7. ut & de Christianis indefinitè ex Tertulliano, Clemente Alex. & Minutio Felice cap. 8. de Italis verò aliisque id colligitur per exempla quæ Zacchias Medicus Romanus *Questionum Med. Legalium lib. 4. tit. 1. quest. 10.* ex Kornmanno de miraculis & propria observatione recenset, qualia de cadavere Cardinalis Angli quod Romæ in templo S. Cæcilie trans Tiberim post annos trecentos inventum undiquaque integrum: de cadavere Alexandri Tartagni ICTi quod post annos 150. sic Bononiæ repertum: & Bonifacii VIII. Papæ, quod incorruptum permansit annis post obitum trecentis. Quæ inter omnem tamen fidem exuperat quod ex Kornmanno idem habet, in urbe Hispaniæ Valentia post bis mille & supra annorum lapsum repertum fuisse integrum cadaver Adoniram Servi Salomonis cum epitaphio Hebraico. Quomodo enim hoc in Hispaniam pervenit? nisi dicere velint & illud navigio impositum, atque sic de Jacobo Compostellano fabulantur, vid. *Pet. de*

Natalibus Catalog. Sanctorum lib. 6. c. 133. Id autem tuum magis usum spectat, Patruelis amantissime, quibus simplicibus in condiendis cadaveribus veteres fuerint usi, paucis notare. Cum *balsamatio* dicatur vulgò hæc conditura, videri posset *balsami* præcipuum fuisse usum. Atqui licet aliquis quoque fuerit, uti ex inscriptione Hispanica potissimum, quam *Kirchmannus* citat & in qua disertè opobalsami fit mentio, planum evadit, alia tamen longè prævaluerunt, ut sal, nitrum, cedrus, asphaltus seu bitumen, mel, cera, myrrha, gypsus & calx, quæ omnia adhibita fuisse idem *Kirchmann. l. c.* ex autoribus confirmat. Salis quidem hic tantus usus, ut hoc solo hæc conditura apud Aegyptios intra 70. dies fuerit perfecta, uti ex *Herodoto* notatum. Nec potuisset *Eunapius* salita martyrum corpora in *Ædesio* ridere, nisi sal etiam Christiani hanc in rem adhibuissent. De nitro idem *Herodotus* auctor est, tantam ejus esse in tabefacienda carne vim, ut mortui tantum cutis & ossa relinquantur. Unde ossum *Josephi* sic conditi fit mentio *Exod. 13. 19.* quæ Israelitæ ex Aegypto secum asportarunt. Cedriini verò unguenti efficacia non solum ex supra dictis constat sed ex istis quæ *Plin. tum lib. 24. cap. 5. de cedri succo, tum lib. 13. cap. 13. de libris Numæ Pompilii Regis Rom. habet,* qui post annos plusquam quingentos integri reperti, sic ut adhuc legi possent, quamvis ex charta essent. Causam enim, cur tineæ hos libros non attigerint, hanc ex Hemina reddit, nempe quod libri fuerint cedrati. Quid autem de bitumine dicemus, cum *Joan. Nardius* Medicus Italus, citante *Kirchero tom. 3. Oedip. pag. 398.* post mumias quasdam dissectas, eas solo gummi conditas deprehenderit, quod nihil aliud olerent aut saperent, hujusque vestigia etiam in ipsis ossibus extarent. Sed ut bitumen per intimam corporis substantiam imbibitum in duram & consistentem consistentiam degeneraret, idem *Nardius*, ad stipulante *Kirchero*, sic factum existimat. Asphaltum & fluidum bitumen seu naphtham simul in congruo lebetæ conjuncta fuisse. Quæ ubi igne cogentes diffuxissent, bituminoso huic balneo immersum fuisse cadaver in eoque tandem maceratum, donec id altè imbibisse conjicerent hunc liquorem. Neque tunc ignem cadaveris adipi aut carnibus pepercisse, quibus liquefcentibus, insigne auctarium arefcenti bitumini accessisse. Mitto cætera, mel, ceram, myrrham, gypsum & calcem, & solum noto, mellis usum apud Babylonios majorem fuisse, atque hinc fortè cadaver quoque Alexandri Magni isto conditum, licet Hippocentaurus quoque sic conditus ex Aegypto allatus & cadaver Agesipolis Ducis Spartani pariter in melle conditum Lacedæmonem fuerit reportatum: ceræ verò apud Persas: myrrhæ apud Palæstinos: gypsi & calcis, apud Aethiopes. Judæos aloën quoque adhibuisse testatur locus Joannis Evangelistæ antea citatus, ubi Nicodemus mixturam myrrhæ & aloës quasi centum librarum legitur attulisse ad funus Servatoris. Idem de Aegyptiis posterioribus *Salmasius* portendit, licet nulla ejus apud Herodotum mentio, atque ex Aëtio probat, qui hanc condi-

turam *ῥύπον* vocet, ejus species in eam rem adhibitæ aloë, myrrha, gummi, sarcocolla, acacia & opobalsamum. Quin & cadavera in oleo condita, argumento est monumentum Beli de quo *Ælian. lib. 13. cap. 2.* ejus cadaver in urna vitrea oleo non penitus repleta jacebat. Ex quibus omnibus jam tuum erit, Patruelis conjunctissime, factâ collatione cum istis quæ ingenio *Bilsi* inventa colligere, utrum methodo admodum diversa in hac conditura usi fuerint veteres, & majori sumptuum compendio. Certè postulat *Bilsi*, de sex millibus florenorum, sibi pro condiendo cadavere Comitæ Hautreppe solvendis, immane fuit, ejus tamen fortè potior pars in præmium laboris & operæ ob raritatem artis credo fuit petita. Idem de viginti duobus florenorum millibus cenfeo, quibus & artem, & quinque illa cadavera artificiosè condita, Regi Hispaniarum & ordinibus Brabantiae vendidit. Te arbitror secretum tuum pretio bis mille imperialium æstimare. Quibus ut aliquando potiaris, voveo, sed quamdiu hæc arma durant, ubi tot cadavera cæcorum computrescunt passim & aërem inficiunt, ubi artes illæ potissimum vigent quæ in perniciem generis humani inventæ, parum habes quod exspectes. Bono tamen sis animo. Labor qui nunc te occupatum tenet, proderit olim. Neque is talis, de quo scrupulus possit harere, si ad cadavera humana extendatur, cum inter casuistas recentiores facile primus *Voet. Polit. Eccles. Part. 1. lib. 3. pag. 229.* eum approbet, paucis limitationibus adjectis, quæ te non tangunt. Ego hac tumultuariâ scriptione amorem meum erga te volui testari & simul conatus tuos aliquatenus adjuvare. Quamvis enim hæc mei fori non sint, gaudeo tamen, quoties licet publico de augmentis scientiarum & artium bonarum incrementis gratulari, adeoque cum placuissent illa quæ auctore *Bilso* Roterodami erant edita, sponte mea ac lubens operam dedi, ut hic cum appendice recuderentur à mendis plurimis repurgata. Sed nolui descriptionem quinque cadaverum quæ pag. 26. habetur in calcem historię rejicere, ut fieri debuisset ex ipsius *Bilsi* præscripto pag. 32. quoniam parum in eo situm, sive illa ante, sive post historiam legeretur. Prout ergo inveni, ita suo eandem loco reliqui. Tu quicquid hujus est opellæ à me impensum, id in eam quam soles partem, id est, optimam accipe, atque porrò, Deo benedicente conatibus honestis strenuè rem, in usum rei Anatomice & Medicæ, faventibus quibuscumque boni publici amantibus gere, atque id ut possis, quam diutissimè vale. Dabam Marpurgi Cattorum a. d. 22. Martii anni 1678. Ex Epistol. Samuel. Andrea ad Tobiam Andr. &c. de Balsamationibus veterum in fine libri continentis opera quædam *Ludovici de Bils.*

Cum in præcedentibus nobis, de partibus humani corporis, sermo fuit etiam, ad curiosorum satisfactionem, methodum balsamandi cadavera eorumque partes ad conservationem in aliquot centenos annos & ultra proponemus.

Conservatio igitur cadaverum duplex esse potest, nempe mediante liquore, aut sicca Balsama-

lamine. Ea quæ fit mediante humido, fit tum cadavera eorumve partes ab una regione in aliam, absque ulla corruptione aut decoloratione transmitti debent: hat igitur muria vel lixivium fortissimum ex marino sale & alumine antiquantum sufficit; cadaveri in capulo picato jacenti superfundatur hic liquor, adeo ut bene immergatur: atqui hoc modo ex longinquis regionibus in alias, sine ullo fœtore aut corruptionis indicio transferri possunt; imò sectioni anatomica, non inepta erunt quia inter dissecandum minimè fœtent. Aliquando, quod mirum, infantes eo modo conditos accepi, qui vivum adhuc colorem retinuerant; non secus ac si in cunis dormiverant. Optimè hæc methodus instituitur, cum aliud negotium sit, & cum occasio dissecandi tibi commoda non fuerit, in aliud tempus differatur. Alter conservandi modus est, quo cadavera in oleo terebinthinæ condiantur; atque hoc modo per aliquot annos in pristinum statum perseverant. Affusione spiritus vini conservari possunt; imò si more veterum incedas melle condiantur. Verum in melle, aloë, myrrha, similibusque Balsamis cadavera deformia fiunt, in spiritu verò vini sensim consumuntur. Optimum ideoque est, ut cadavera mediante spiritu vini primò tincturam suam evomant. Spiritus iste iterum rectificatus reaffundetur, tincturamque de novo extrahas, qui rursus destillatus iterumque reaffusus, tandiū rectificari potest, donec nullam amplius tincturam imbibat. Accipe tunc spiritum vini rectificatum, cui admisce spiritus salis armoniaci cum calce viva destillati partem quartam aut quintam: hanc mixturam cadaveri superfunde: atque hoc ritu diutissimè conservantur. Ita generationes ex ovo, quæ singulis diebus conspiciuntur, conservantur, quæ omni anni tempore repræsentari curiosis possunt. Imò si hac methodo incedas, semper & singulis diebus discipulis instructionem dare potes, absque ulla Anatomica *synopsis*. Elutriata omni tinctura sæpe affudi spiritum ex myrrha, olibano, mastiche, succino & spiritu vini destillatum, quem ob eximium in Medicina usum, spiritum matricalem voco. In hoc spiritu optimè dephlegmato conservantur pulli, angues, lacertæ, limaces marinæ & ejusmodi alia, sine ulla coloris deperditione. Si tibi contingat integrum cadaver à corruptione præcavere, per os & œsophagum aqua calida siphone immittenda, ut nimirum materia, aliàs facile corruptura, ex ventriculo & intestinis foras per anum emanetur: idque tamdiu continuandum, donec aqua pura & limpidam exeat. Postea spiritus vini magna quantitate immittatur, ut nempe hoc modo omnis aquositas relicta, absorberetur. Porro arteriæ quoque & venæ majores aperienda, iisque aqua quoque calida tamdiu injicienda, donec omnis sanguinis rubedo exire desinat, & aqua tantum clara prodatur: deinde, ut supra, spiritus vini immittendus, ut particula aquosa ab hoc spiritu elutrietur. Operatione hac prævia multum spiritus paratur, alias ingenti spiritus copia opus fuisset, quod mediante aqua jam fieri potest *Sandapila plumbea* aut *Stannea*, ne spiritus exhalet ad id opus requiritur, si integrum conservari de-

beat cadaver: verum si partes quænam conservandæ sint, vitra omnis generis requiruntur, quæ vesicis firmiter satis obturari possunt.

Post Balsamandi modum in humido, alter sequitur siccus: Quando contingat ut totum cadaver Balsamationi sicca exponatur, potissimum ad faciem & manus advertendum, ne colorem vivum perdant. Aqua igitur calida & vino adusto, ut supra expositum cadaver eluendum; postea limpidus terebinthinæ splritus cui pigmentum aliquod album admixtum fuit, de novo immittendū ut præcaveatur, ne cadaver siccum flavedine tingatur. Hujus liquoris, immissio in singulis ferè membris ubi arteriæ aut venæ manifestæ sunt institui debet. Cadaver hoc modo præparatum, altioribus domi partibus exponatur; situque debito membra disponantur: replenda tunc omnes arteriæ & venæ cera parum miniata, ut corpus nempe vividum acquirat colorem: Hæc ceræ injectio fit, ne corpus siccatum aridum fiat, verum ut membra debitam expansionem servent. His peractis sensim siccetur cadaver ventis expositum, singulis diebus tamen adeundum, ne quid mali accidat: Facies interim & manus cosmetica vernice obliniendæ, ne flavescant nimis. Oculorum orbitæ, vitreis oculis, ejusdem coloris ac vivus habuit, replendæ, quamvis cilia claudi possunt, & tunc mortuum, quasi dormientem conspicias. Genæ, labia, similesque partes rubore vivo pingendæ: vivus enim color, quoad possumus, imitandus est.

Exsiccatum hoc cadaver, ita ut nihil humidi in se contineat, ab omni parte vernice illinendum est, ut nempe ab aëris injuriis præcaveatur. Fiat igitur mixtio ex aloë terebinthina & mastiche, quibus simul colliquatis nonnihil cerussæ admisce, ne color fiat flavus. Hisce ita peractis: arcæ ligneæ, ad præservationem comparatæ, mumia imponatur, ne ab omni aëris immunditie lædatur. Quamvis hoc ritu cadavera præservari possint, melius tamen erit, ut viscera, facile corruptibilia, eximantur: exempli gratiâ, si capitis cutis cruciali modo incidatur calvariaque ferra elevetur, cerebrum facile corrupturum, eximetur: cavitas, post debitam exsiccationem eadem vernice obducatur: replenda interim cavitas Aromatis, gummisque bene olentibus: imponatur deinde calvaria, cutisque jam resiccato filo serico consuatur. Porro ipsum cerebrum condiri potest, ut postea dicemus & cauitati loco aromatum; imponi. Simili modo & Thoracis & abdominis contenta eximi possunt, & balsamò indurari, ut nimirum postea suo loco locentur: verum si licitum sit intestina sepeliri, cavitates aromatis replendæ, & cutis dissecta resuenda.

Si quis solummodo musculos condire studeat, cutis decorticanda. Omnes musculi arte anatomica à membranis solvendi, ut discipulis omnes totius corporis musculos exhibere possis. Solutis omnibus musculis, tamdiu aqua calida eluantur, donec nihil cruenti amplius appareat, postea spiritu vini irrorandi, ut omnis nempe aquositas imbibatur. Postea cadaver ante forameum modicè calidum ponatur, ut pedetentim exsiccetur, deinde oleo terebinthinæ quotidie

musculi inungendi, donec omnes partes penetraverit. Hæc olei penetratio fit, ut partes ab omni corruptione præserventur. Exsiccatum postea oleo, musculi aliquoties ab invicem separandi sunt, ne mutuò adhæreant. Interim erigatur corpus hoc modo ut erat in vivis, ita nimirum ut musculi posteriores & anteriores facile conspiciantur. Induratis jam præ siccitate musculis, illitio iterum fit vernice ex oleo terebinthinæ & mastiche facta, ne externæ aëris injuriæ quippiam lædant: Si enim omnia providè peracta fuerint, hoc modo cadavera in aliquot centenos annos conservari possunt.

Minorum infantium cadavera ad siccitatem usque concinnè Balsamo indurari, vitrisque crystallinis includi possunt, ut, post mille annos ita conspiciantur, ac si recens essent conditi. Hoc igitur incède modo: infantis aut embryonis corpusculum per octo aut plures dies vini spiritui immergatur; sed recens spiritus singulis diebus affundendus. Infanti majori autem intestina siphonibus purga, eique terebinthinæ oleum superaffunde. Interim vernix ex oleo terebinthinæ, mastiche, succino, copal &c. præparanda: eaque sit ita spissa, ut, si ab igne movetur, in rigidum fere vernicem rigescat. Hæc, calida in vitrum amplum, ad magnitudinem fœtus accommodatum, infunditur. Tepidæ huic vernici embryon balsamandum immergitur, ut in medio vernicis spatio obrigescat, vernixque instar succini diaphani apparebit. Mirum sane, quod magnatū maximi hoc modo non condiantur, cum id paucis sumptibus & brevi tempore fieri possit.

Locuti jam sumus de modo, quo integra cadavera Balsamo condiantur, nunc de viscerum Balsamatione particulatim agemus. Ventrículus, intestina, imò vesica urinaria, uretheres, Cystis fellea, omniaque ea quæ fistulosa aut membranacea sunt eadem methodo præparantur: nempe, primò aqua à sordibus purgantur, deinde spiritus vini ad aliquot digitorum eminentiam superfunditur, perque dies nonnullos infunduntur, ut omnis nempe aquositas extrahatur. Hisce peractis vento distendi debent, & quemadmodum vulgares vesicæ exsiccati. Postea fenestricula in stomacho vel intestinis fiat, partem nempe cultello fenestellæ in modum conscindendo, ut interiores parietes oculis pateant, tunc omnes æqualitates, & inæqualitates, ut sunt valvulæ conniventes, rugæ & plicæ, necnon glandulæ miliares ob oculum sistuntur. Posthac eadem vernice intus & extus obliantur, ne acari & teredines partes corrodant.

Lien illaso aqua tepida per arteriam lienarem immittenda donec per venæ portæ ramos nihil cruenti redeat, tunc lien, ob sanguinis penuriam, planè albus apparebit. Injiciatur tunc sape vinum adustum eique per aliquot dies immergatur, ut supra. Lien deinde inflandus ut spiritus exeat, iterumque terebinthinæ oleo imbuatur. Omni jam liquido liene efflato, vena portæ vinculis constringenda, & arteria insuffletur, & ligetur. Lien hoc modo ad siccitatem induratus, vermis eodem modo ab omni corruptione custodiendus est. Post exsiccationem

membrana quæ lienem investit, scalpello acutissimo facile abscinditur, ut interior substantia, arteriaque distributio cominus conspiciantur.

In Balsamando jecore, immittenda per portæ venam aqua tepida, necnon per arteriam hepaticam, tunc omne sanguinolentum per venam cavam exhibet: deinde spiritus vini & postea oleum terebinthinæ injiciatur, ut supra. Interim quoque fellea cystis purgetur, insuffletur & exsicceatur ut ante de ventriculo & intestinis dictum. Sic quoque insufflandum est jecur per vasa sua, ilque extimè ligatis, exsiccationi exponantur, verniceque obducantur. Eodem modo & renes condiri possunt. Oculis inanænum non est, venas esse cera nigra & arterias rubra repletas, ut nempe earum ramificatio eo distinctius conspiciatur.

Omentum exsiccatum, byssum aut carbasum, refert, quibus se mulierculæ ornant. Primo per aliquot dies spiritui vini immergatur, leviterque sicceatur. Verum quia multi ductus adiposi per illud excurrunt, idem amyli farina aut furfuribus immergendum, tum ab omni pinguedine liberabitur.

Pulmonum Balsamatio haud ita facile fit, quia difficile vento replentur, insufflatis enim pulmonibus, omnis aër elabitur. Si enim pulmones eximantur è corpore plurimi meatus, post vasculorum lymphaticorum abruptionem relinquuntur, per quos aër & mercurius exeunt. Præparatio per aquam calidam, pulmonum arteria injectam, deinde per spiritum vini, oleumque terebinthinæ, eodem modo ut supra fit. Postea, ligatis omnibus vasis sanguineis, pulmones vitro largioris colli immittantur. Trachea tunc hoc modo in vesicæ alicujus medio ita accommodatur, ut flatus tamen in asperam arteriam immitti possit: vesica hæc ex cujus medio trachea dependet, supra vitri os ita expanditur & circumligatur, ne aëris momentum intrare vel exire queat. Verum antequam vesica ligetur, alius quidam pulmones inflare oportet, ne scilicet post constrictionem iterum subsideant. Omnibus jam optimè ligatis inflatisque arctè trachea est constringenda; tunc nullus, nec per tracheam, nec per vesicam, aëri aditus & reditus patebit. Deinde exsiccationi exponantur, & vernice obliantur, sicque pulmones expansi manebunt.

Cerebrum cum immissione humidorum non ad votum penetratur, immergendum tantum est spiritui vini, & eoque renovandum, donec nulla tinctura aut aquositas extrahatur. Superfunditur deinde oleum aut spiritus terebinthinæ, donec penetraverit oleum; postea vernici fervidæ aliquoties immergatur, & papyro oleo olivarum madidæ, ut exsicceatur, cerebrum imponendum.

Mirum in modum, vasa sanguinea capillaria per omnes corporis partes excurrentia videbis, modo ea cera miniata aut alius coloris impleas exempli gratia, si quis vascula pulmonum tennella conspiciere cupiat. Primo, ut in præcedentibus dictum, pulmones ab omni sanguine liberandi sunt, & postquam omnem humiditatem expresseris, arteria cera liquida, eaque miniata, mediante siphone repleatur, verum

verum nigra cera implenda est vena, viridi arteria bronchialis, alba vero Trachea. Putrefiant deinde omnes membranæ & veliculæ, ex quibus pulmonum substantia contexta fit & aqua frigida tandiu eluantur, idque singulis diebus, donec omnis materia putrida elota. Tunc apparebunt omnes arteriarum venarumque nec non Tracheæ ramuli, intar arbusculi.

Jam quod omnia, nulla fere arte opus est, cum duritie sua seipsa satis præservare possunt. Verum in hoc versatur totius cardo ut ab omni carne, membranis, tendinibus, & præsertim pinguedine liberentur, nitoremque eburneum acquirant atque hoc fit sola coctione, tunc non tantum multum medullæ extrahitur, sed & externa cultello deradentur: postea per aliquot dies calcis aquæ imponenda, deinde supra eminentias arenosas circa maris lirtus insolentur, tunc post aliquot tempus eboris nitorem acquirant. Postea terebra versatili, seu verticillo circa articulationes perterebrantur, & invicem filis æneis junguntur, ut sensim in sceleton erigantur. Os sacrum porro, omnesque vertebrae ut in vivis erant virgæ ferreae vel capreae accommodantur, quibus caput, cum cranio, pro virgæ transitu, perforata, imponitur, atque sic omnia cochleari instrumento firmentur. Inferior virgæ pars tripes esse debet, ut totum sceleton virili magnitudine erigatur. & sustentetur. Quæ ulterius ad sceleti erectionem pertinent, melius quis conspiciet si Anatomias publicas & privatas consulat. Atque hoc modo corpus integrum, ejusque partes Balsamo præservata privatim & singulis momentis curiosorum, discipulorumque oculos sistere possunt: nam cadavera recens denata ubique præsto non sunt. Inque anatomis publicis specilliora ita quoque non repræsentantur, quin prius foetorem contrahant. Atque hæc de Balsamandi Methodo, qui plura desiderat, me adeat rogo. *Steph. Blancard. in fine sue Anatomie.*

CÆCITAS.

DE Cæcitate non opus est in specie agamus, illud siquidem perficietur Tractatu generali de Visione ejusque vitiis suo loco inferendo Nunc sufficiat *Consultationes* quasdam atque *Observationes* e variis Autoribus adduxisse.

Consultationes.

Illustriss. & Reverendiss. D. ætatis annorum 43. temperamenti calidi & ficci jecoris, & totius corporis, ut ex rufis capillis, corporis gracilitate, & venarum latitudine perspicuum est; Cerebri verò calidi, & plus æquo humidi, ut ex destillatione salsa, & visione confusa constat mense Julio anno 1643. repente incidit in duplicatam visionem simplicis objecti, magisque in scalarum descensu, quam in ascensu, spatium ferè duorum annorum, à quo nullis adhibitis spontè illic evanuit affectus, qui tamen rediit mense Augusto anno 1646. eodem prorsus modo trimestre spatium durans, quo tempore duplicata objecta non amplius cernebat,

sed visio adeo defecit, ut in præsentia sit fere abolita, præterquam quod quandoque ignea objecta, quandoque obscura & alba videre videtur, nullo extrinsecus in pupillis apparente vitio. Accedit quod læpe, & ferè continuo splendores & veluti coruscationes quasdam intra oculos observat. Quibuscumque verò aeris calidioris & frigidioris injuriis diurnis, & nocturnis, capite tecto & aperto se exposuit, cum imprimis e loco calido in frigidum migraverit, & ad ignem diu moratus sit, dormieritque in cubiculo ventis exposito, ad focum quandoque totum diem moratus. Sæpius de hoc affectu consultatio habita fuit à primariis Medicinæ professoribus, multaque medica præsidia irrita fuere. Propterea de agendis consultitur.

Quod ut pro virili fiat, supponam cum Viro Præclarissimo ad nos scribente, partem affectam esse oculos, cum læsa sit visio, affectumque esse in internis partibus. Extrinsecus enim oculos intuentibus nullum apparet in pupilla vitium: quinimò spectantium imago in ea conspicitur. Visionemque dupliciter esse læsam, hinc quidem depravatam, cum ratione duplicata visionis, qua laboravit, tum ratione splendoris, & coruscationis præsentis; hinc verò imminutam, & ferè omnino deperditam, cum non nisi proxima, & obscure videat; ut propterea si non sit perfecta cæcitas, Latine Gutta serena, & Græcis Amaurosis dicta, saltem sit valde imminuta visio, Amblyopia vocata. Quænam autem pars oculorum sit per se primo læsa, tunc clarius assequemur, quando, prædictorum affectuum causam adæquatam in medium afferemus. Quare primò constituimus causam duplicatæ visionis; secundo coruscationis & splendoris; & tertio cæcitatis, vel imminutæ visionis.

Duplicatæ autem visionis in casu nostro duas causas producere possumus; quarum prima esse potest divisio spirituum visoriorum in nervis opticis, ubi coeunt in unum, juxta sellam sphenoidis, eaque facta à vaporibus ad spiritus visorios pervadentibus ac ipsos disspescentibus. Alia causa est pupillæ situs non in eodem plano, qui provenire potest à læsione musculorum rectorum oculos attollentium, vel deprimentium. Primam causam assignavit Galen. lib. 10. de Usu partium cap. 14. quærens causam conjunctionis nervorum opticorum, confutatis aliorum opinionibus, duas protulit causas ex propria sententia. Quarum prima est, si quando inquit alter oculorum clausus sit aut omnino mutilus, & in alterum superstitem spiritus confluant, quod experientia facile comprobatur; clauso enim oculo, statim alterius pupilla dilatatur, eodem denno aperto, in statum naturalem redit: altera, quod visoria facultate sic duplicata, visus acutior fiat. Cui opinioni subscripsit Mercurialis in suis Prælectionibus de Oculorum affectibus cap. 1. statuens primo, judicium visus fieri in ea nervorum opticorum decussatione, quam videmus in Anatome, ad quos cum plurimi vapores pertingant, spiritus ab iis dividuntur in duas partes, à quibus deinde in duobus locis unius rei species offertur sensui communi, atque unicum objectum geminum videtur: quod confirmat exemplo aquæ, in

qua Solis imago apparet; si enim baculo discindatur, apparebant duæ Solis imagines. Cui opinioni ego quoque in consultatione aliàs habita de hoc affectu subscribendum censui, confirmatæ ab Andrea Laurentio, & aliis pluribus rationibus. Licet profitear, me hac in re post consultationem conscriptam, & Romam transmissam non parùm hæsitasse, cum circa partem affectam, tum circa causam effectricem. Quoad partem affectam, numquid scilicet duplicata visio proveniat à læsione nervorum opticom, ubi in unum coeunt, ut asseruit Gal. 10. de usu partium cap. 14. jam cit. & Avicenna prima primi doct. 5. Summa 3. cap. 2. quibus subscribunt plures Medicinæ Scriptores. Quinque enim rationibus iisque validissimis confirmari potest, affectum hunc non provenire à vitio nervorum opticom, ubi in unum coeunt. Quarum prima est hæc. Uniuscujusque partis organicæ actio provenit à parte illa similari, quæ est præcipua in organo, teste Gal. 8. de Usu part. cap. 5. ubi ipsum primum, & præcipuum visus instrumentum nominatur; quod confirmat primò de causis Sympt. 2. Ergo visio fieri debet in crystallino, & non in coitu nervorum opticom. Secundo: eadem ratio est aliorum sensoriorum, quæ & oculorum. Sed alia sensoria habent nervos sensui dicatos separatos, ut apparet in auribus, quæ tamen non recipiunt sonos duplicatos. Ergo neque oculi reciperent duplicatas visiones, licet optici in unum non coirent. Tertio: si species separatim receptæ à nervis opticis duplicatam visionem facerent, etiam id præstarent separatim receptæ in primo sensorio post coitum opticom: tunc enim denuo separantur. Atqui recipiuntur unitæ. Ergo & ante conjunctionem separatim receptæ uniri possunt. Quarto: primum & præcipuum videndi organum debet esse perspicuum, & splendidum; alias neque ab interno lumine per spiritus influente, neque ab externo illustrari posset; lumen enim est *actus perspicui* ex Arist. 2. de Anima 7. Sed nervi optici non sunt perspicui. Ergo visus organum esse non possunt. Quintò & ultimò id confirmatur ex Anatome. Refert enim Andreas Vesalius lib. 4. de Humani corp. Fab. cap. 4. se in cadavere dissecto invenisse nervos opticos sejunctos, & consanguineos defuncti interrogasse, numquid conquestus fuisset de læsa visione. Nec minorem habet difficultatem assignata causa: hoc fieri scilicet ex divisione spirituum visoriorum, facta in illo nervorum concursu à vaporibus cum impetu ad ipsos pervadentibus. Quod ebriorum exemplo ab Arist. proposito 3. Problem. 10. probari posse videtur; nec non & aquæ, in qua Solis imago apparet, baculo discissæ in qua conspiciuntur duæ Solis imagines, ut inquit Mercurialis loco citato. Quod etenim à vaporibus spiritus animales agentibus recipi possint objecta depravatè mota, negandum non est: hoc enim observatur etiam in vertigine. At quod fiat duplicata visio, & non multiplex, vix mihi persuadere non possum, eoque minus, quod in Illustriss. & Reverendiss. patiente duos annos ferè continuos perduraverit affectus, cum alias vaporosa materia semper mobilis, affectum permanentem, & semper sui similem producere non possit tam longo

temporis spatio molestum. His rationibus sane non nullius rei adductus quis dicere poterit, causam duplicatæ visionis neque referendam esse in vapores spiritus discindentes, neque fieri in concursu nervorum opticom, cum præcipuum visionis instrumentum sit crystallinus, ex omnium cum philosophorum, tum Medicorum sententia, cumque affectus biennio perseverans à vaporosa materia fieri non possit humida verò facta obstructione imminutam, non depravatam visionem inducere potuerit, prout factum videmus. Atque ideo partem affectam statuimus esse pupillam ipsam, non in eadem planitie positam, sed alteram altera eminentiorem. Sic enim objecta duplicata recipiunt, ut experientia comprobare quilibet in se ipso potest, attollendo alterum oculorum digito, in quo casu pars affecta non erunt nervi optici, ut existimant aliqui, asserentes ab ipsis oculis sursum deorsumque moveri posse. Nervi namque optici inserviunt sensationi non motui oculorum, cui potius dicati sunt nervi secundæ conjugationis. Præcipuum tamen motus organum est musculus, ut propterea pars principaliter & essentialiter affecta possit statui musculosa substantia: non tamen quilibet musculi oculum moventes: nam laterales pupillam ad latera trahentes duplicatam visionem non efficiunt, ut strabismo apparet, quoniam servatur pupilla in eadem planitie: at duplicata visio fit quando visoriorum conorum axes non sunt in uno eodemque plano positi. Hoc autem provenit, quando musculi attollentes, superbi vocati, vel deprimentes, humiles dicti non moventur æqualiter prout in præsentī casu forsitan factum fuit, colliquato scilicet humore ab ambientis caliditate, cum mense Julio prima vice, tum Augusto postea, qui ad oculos confluens, laxitatemque majorem inferens alterutri musculorum deprimentium, ac proinde inæqualem depressionem efficiens, geminatam visionem, & eam magis in descensu, quam in ascensu scalarum producit. Quam causam à Gal. quoque propositam video Lib. 4. de Locis Affect. cap. 2. dum tractat de motu vitiato musculorum oculos moventium, his verbis: *Porro in oculorum perversiōibus, si ad alterutrum angulum fiat conversio, illa permanebit cernendi facultas; si verò aut sursum, aut deorsum, in obliquum quoque convertantur, quid quid ipsis objeceris, id omne duplex esse videbitur.* Hæc Galenus. Quæ repetit primo de Sympt. Causis 2. in principio. Ex quibus luce clarius constat, Gal. utrique opinioni adhæsisse; ut propterea ego in hanc deveniam sententiam, priore antea proposita non neglecta. Et hæc de duplicatæ visionis causa satis. Neque obstat exemplum ab aqua desumptum baculo discissa, in qua Solis imago apparet duplicata. Hoc enim provenit ab objecto in diverso plano Solis imaginem representante sicuti à speculo in plures partes fracto, repræsentantur plures inspicientis imagines absque ullo vitio visoriæ facultatis, & ipsius oculi: in ebriis autem objectorum confusio, ut & aliquando in iratis, ob agitationem spirituum. Splendoris autem, & coruscationis causam esse statuo crassitiem, & impuritatem spirituum visoriorum provenientem à vaporibus heterogeneis in corpore

exuperantibus, cum igneis, ex temperamento, & diuturna mora prope ignem, & in loco calido, tum pituitosis, à cerebro transmissis. Hinc enim fit, ut spiritus ipsi humorem albugineum non subeuntes retrocedant in crystallinum, atque splendores, & albas visiones efficiant, per reflexionem. Cum hoc tamen à prædictis humoribus obstructione facta in nervis opticis vel absoluta cæcitas, vel imminuta visio inducta est, in perfectam tandem cæcitatem terminanda.

Affectus namque diurnitas, oculorum imbecilitas, & irrita plurium remediorum administratio, ex methodo præscriptorum à Viris præclarissimis omnem ferè sanationis spem adiungunt.

Insistendum tamen humorum qui confluxere sensibili, & insensibili evacuationi, diversioni fluentium, totum expiantibus, & jecoris, ac cerebri intemperies corrigentibus, Chirurgicis, Pharmaceuticis, & Diæticis.

Quoad Chirurgica, præter hæmorrhoidum resectionem jam factam, & cucurbitularum applicationem, non abstinere à venæ sectione in hac ætate, & hoc temperamento; cum visus lædatur non ex solutione, sed conculcatione veluti spirituum. Setaceum jam factum, cauterium in tibia, auriumque perforatio propolita summopere probantur.

Frequens alvi dejectio prodesse potest, ex Alexandro Benedicto, historiam referente nonnullorum, qui cum aliquandiu nihil vidissent. repentina alvi dejectione visionem receperunt, Vomitoria & errhina in oculorum affectibus detestatur Hollerius tanquam ad oculos trahentia; quod admittitur quidem impuro existente corpore, & capite catharrho laborante: at præmissa accuratissima totius, & capitis expiatione utrumque ex usu futurum censerem, & præsertim valida sternutatoria, ad repellendos humores, qui confluxerunt, præmisso fomento oculorum ex vino albo alterato, *euphrasia*, *scordio*, & *sænu-græco*. Nec abs re futurum censerem in morbo ferè incurabili, ulcuscula retro aures excitare aut vesicante appposito aut lacte tithymali & facta diversione, ulcus etiam mediæ fronti inurere: cum habeamus historiam apud Alexandrum Benedictum cujusdam Germani octogenarii, qui ab equo currente in terram excussus, frontem sibi confregit, & dum curaretur visionem recuperavit. Nec omittendum censeo collyrium à Mercuriali propositum, tempore Antonini Imperatoris ab oraculo evulgatum, paratum ex sanguine galli albi, & melle. Rationi namque consentaneum iudico,

Et hæc cum congrua victus ratione ritè administrata proponenda censui, additis quæ jecur, & totum corpus refrigerare valeant, atque caput exsiccare absque majore ipsius incallescencia. *Benedictus Sylvatic. Consil. & Respons. Medic. Cent. II.*

Vir quadragenarius & fortis, crapulæ nimis addictus, cum per aliquot tempus levi aliqua vertigine cum molesta gravedine conquestus fuisset, tandem ipsi visus bidui spatio adeo imminutus est ut nihil prorsus videre, imò ne lucem quidem percipere amplius potuerit; & exinde omnino cæcus remanserit. Oculi ta-

men bene sese habere videntur, in iis enim nihil mali, nec decoloratio, nec suffusio, nec aliud quid præter naturam apparet, Aeger quidem à crapulis per aliquot tempus abstinuit, sed remanet cæcitas. A vertigine autem & gravedine maxima ex parte liberatus est. Reliquo alioqui corpore mediocriter bene valet.

Affectio nostri ægri est cæcitas seu abolita visio. Hujus mali causa antecedens est pituita in cerebri ventriculis collecta, quæ inde ad nervos defluens eosque obstruens, atque sic spirituum animalium ad oculos influxum, & objectorum visibilium perceptionem impediens, causam continentem constituit. Collecta autem fuit in cerebro ex crudis vaporibus & humoribus à nimia crapula genitis, & ad caput delatis; ibique ob partis frigidioris naturam nec satis coctis, nec dissipatis, sed magis incrassatis. Ab iisdem crudioribus humoribus per arterias carotides ad plexum choroidem delatis ejusque angustissimos meatus hic illic aliquantulum obstruentibus, primò verticosus spirituum transitus factus, ac vertigo generata est. Cui accessit maxima gravedo, à crassis viscosisque humoribus quos natura per os cribriforme evacuare nitebatur. Verum cum illi ob copiam & crassitiem non satis cito evacuari potuerint, pars eorum ad nervos opticos decubuit, eosque obstruxit. Oculi interea bene se habent, quia nulla in iis est intemperies aut prava conformatio; nec visus abolitus est propter oculos malè dispositos, sed propter defectum spirituum animalium, factum ab obstructione viarum per quas ad oculum defluere debent, scilicet nervorum opticorum.

Hi nervi tantum in suo principio obstructi sunt à dicto pituitoso humore, qui in principii medullæ latioribus poris se aliquantulum insinuavit: credibile tamen non est illum humorem ulterius nervos ingressum esse, cum ob ejus crassitiem & pororum in nervis angustiam id fieri vix possit. A vertigine & gravedine post modum maxima ex parte liberatus est æger, quia destitit à crapulis & consuetis potationibus: unde cruditates in valido corpore magis magisque excoctæ sunt, sicque imminuta est causa antecedens, quæ dictorum affectuum continentem causam fovebat, atque hinc etiam à natura paulatim consumpta est continens. Remansit tamen cæcitas, quia humor crudus nervorum poris infixus, tam ratione propriæ crassitiei & viscositatis, quam ratione densitatis & angustiae pororum in nervis, neque excuti, neque consumi potuit: & licet ab antecedente causa amplius non foveatur, tamen ratione sui, & partis cui inhæret ibi remanere, & continuam illam obstructionem facere potest.

Hæc cæcitas curatu difficilis erit, quod humor nervis opticis impactus non facile discutitur. Quia tamen malum recens est aliquam sanationis spem exhibet, si modo convenientia remedia quamprimum adhibeantur.

In curatione primò corpus purgandum his pilulis.

℞. Massæ pilular lucis, cochiarum an. ʒʒ. cum pauxillo syrupi de stachade, fiant pilulæ novem. Quarum loco etiam dari potest Si pul-

pulveris diatribith. cum rheo. Quia sanguis in hoc agro redundat, postridie à purgatione aliquantum sanguinis detrahendum. Quo facto, post biduum vel triduum rursus est purgandum. Postea bibat æger ter de die haultum hujus apozematis.

℞. Radic. acori, valerian. fœnicul. helen. an. ℥ss. herb. betonic. euphrag. serpill. majoran. rosmarin. fol. lauri an. m. j. flor. chamomill. stæcad. an. m. s. sem. fœnicul. carui, an. ℥ij. bacc. juniper. ℥ss. passul. mund. ℥ij. aq. q. s. coquantur s. a. & fiat apozema ad ℥bss. Hoc absumpto illud ipsum apozema fiat purgans, addendo fol. sen. mund. ℥ss. rhab. opt. agaric. albiss. an. ℥ij. sem. anis. ℥iij. cinnamomi ℥j. Tunc æger ex eo tantum semel de die haultum sumat. Corpore satis purgato, & sanguine convenienter extracto, hoc errhinum sæpe in nares attrahat, ut pituita in cerebro contenta evacuari possit.

℞. Succu majoran. fœnicul. an. ℥ss. betæ ℥ss. misceantur pro errhino.

Ad diversionem & simul revulsionem cucurbitula dorso & scapulis, cum & sine scarificatione apponenda: vesicatoria etiam post aures applicanda: vel, quod efficacius erit, cervici setaceum adhibendum, aut fonticulus in ea excitandus.

Ad dissipationem reliquiarum in cerebro, & imprimis in nervis opticis contentarum, & capitis corroboracionem, fiat sæpe oculorum, frontis, verticis & temporum fomentatio cum hoc decocto.

℞. Herb. fœnicul. majoran. rutæ, betonicæ, rosmarin. euphrag. flor. chamomill. melilot. stæcad. an. m. j. sem. anis. carui, levistici an. ℥ij. aq. q. s. coquantur ad ℥b ij. pro fomento. Post fotum imponatur capiti cucurbitula ex cephalicis calefacientibus & attenuantibus confuta. In aures quoque cum petiis ex bombace immittatur gutta una aut altera olei fœniculi.

His peractis in ipsos oculos etiam instillanda talia, quorum incidens & attenuans vis usque ad nervum opticum penetrare potest, quale est hoc collyrium.

℞. Succu fœnicul. ℥j. chelidon. rutæ, an. ℥ss. misceantur. Illud postea acius fiet, addendo succu raphanisylvestris ℥iij.

In victu sit aer modicè calidus. Cibi sint boni succi & facili digestionis, conditi cum majorana, fœniculo, betonica, rosmarino, euphrag. semine fœniculi, anisi, aliisque similibus: abstinendo ab aliis, cepis, sinapi, aliisque quæ caput replent. Potus sit cerevisia mediocris, bene defæcata, & vinum tenue: fugienda omnia vina generosa & quilibet potus fumosus; nec minus repletio tam in cibis quam in potu. Somnus & exercitia sint mediocria. Alvus bene respondeat, & fugiantur animi pathemata. *Isbrand. Diemerbroeck De Morbis Capitis Medic. 19.*

Observationes.

Adolescens 14. annos natus, & phlegmatici habitus, cum æquali sponsonem fecit, posse se sternutare ad libitum, imò etiam centies. Deposito pignore cœpit ex immodica titillatione irritatis naribus sternutare, circiter centies &

amplius. Exin protinus correptus est dolore capitis & hebetatione visus, qui etiam sequenti die deperditus fuit, citra tamen inflammationem oculorum aut febrim. Convocatis mecum clarissimis doctissimisque viris, jano Antonio Saraceno, & Andrea Boneto, decretum est, ut purgato corpore setaceum adhiberetur collo, uti & scapulis cucurbitula: atque his usus revulsionibus, visum paucos post dies recepit. Hinc apparet quantum hallucinentur, qui in nervorum opticorum obstructione, aliisque morbis oculorum, errhina & sternutatoria præcipiunt & adhibent. Materia enim quæ à vehementi motu ex cerebri ventriculis ad nares trahitur, & circa os cribrosum accumulatur, transiens prope nervos opticos, ratione propinquitatis eos magis magisque obtruit. Objeitur, purgationem universalem præmittendam errhinis: sed nunquam ita potest exonerari cerebrum, quin tantum materiæ supersit, quantum ad hanc exiguam nervorum opticorum capacitatem obtruendam satis sit. *Guilhel. Fabric. Hildan. Observ. Chirurgic. Cent. 1.*

Anlicus quidam Serenissimi Principis ac Domini Dn. Philippi Landgravii Hassiæ, &c. Conradus nomine, natione Helveticus, cum ad oculum sinistrum ictu baculi percussus esset, in ipso momento visum amisit. Protinus dolores exorti sunt, & inflammatio aliqua Adnatæ supervenit, quæ symptomata tamen brevi, adhibitis medicamentis quibusdam remiserunt; verum visus restitui non potuit, etiamsi multis, & præclaris quidem uteretur Medicis ac medicamentis. Ego cum anno 1617. ex Hassia rediens, & Fridbergi apud Clarissimum & Doctissimum virum Dominum Georgium Fabrum ibidem Castri Imperialis Medicum celeberrimum, amicum meum intimum per dies aliquot moram traherem, jussu Principis sui ad nos venit, quinta decembris, & an, & quibus remediis curari possit, ex nobis perquisivit. Cui de affectu suo, sequens Judicium nostrum ad Principem suum (qui omnem movit lapidem, ut visum recuperare posset) deferendum dedimus.

Nos subscripti notum facimus omnibus, quod, cum honestus vir Conradus ad nos venisset, & petisset ut affectum suum oculi sinistri dijudicaremus anque curabilis sit ipsi indicaremus, ex inspectione cognoverimus: Primo ex ictu ipso, quem in oculo recepit, tunicam uveam ita disruptam atque dilaceratam fuisse, ut spiritus vitivi (quia disperguntur) non amplius res objectas inter se distinguere possint. Secundò propter contusionem & inde consequutam inflammationem, humorem Aqueum aliquo modo incrassatum atque inspissatum esse, ita ut res objectæ ad humorem Crystallinum veluti præcipuum & primarium visionis instrumentum, pervenire non possint. Porro quia utrumque symptoma corrigi non potest, præcipue primum, verisimile nobis videtur incurabilem esse affectum. In fidem veritatis præsentem dedimus, propriisque manibus subscripsimus Fridbergi Wetteraurorum, 5. Decembr. 1617.

Georgius Faber M. D. Guilhelm. Fabric. Hildanus. Idem cent. 5.

Puellus quidam 4. annorum ætatis, M. Jacobi de l'Oseat civis Moratensis Aventicorum filius, cum 20. Maii hujus anni, turbæ infantulorum, qui cæcum quendam quatuordecim annorum exagitabant, adfueret, & cæcus ille bacillum ex una parte acutum in turbam projiceret, puerum prædictum inter omnes innocentissimum attigit, vulnusque ipsi ad sinistram palpebram superiorem indixit. Cecidit mox in terram puer iste, cibumque indigestum evomit, nec quiquam cibi aut potus in tertium diem retinere potuit. Accersito barbitonfore ejus loci, frustulum pinguedinis extra vulnus propendens reperit, quod filo serico ligatum post dies aliquot forcice abscidit, vulnusque intra quindecim dies, nullis immixtis turundis cicatrice obduxit. Sic salva omnia esse videbantur, sed perperam; post menses enim aliquot, quin parentes observassent, visum hujus oculi abolitum esse, puerum mihi Bernam adduxerunt 20. Augusti anno 1627. ubi revera hoc oculo cæcum esse infantulum, cognovi. Interim tamen oculi partes extimæ (quantum quidem oculari inspectione cernere potui) omnes illasæ erant. Imo ne motus quidem depravatus erat, cum tamen musculus attollens, quem & superbum vocant, proculdubio læsus fuerat. Cæterum vulnus hoc, inter cranium & oculum ad nervum opticum usque penetrasse, pinguedo, quæ ex ulcere propendebat, testis est: an verò materia aliqua cruda; circumcirca nervum conflua, ibidemque retenta, nulla enim immixta fuit turunda; nemini, nisi Deo notum est. Interim tamen junioribus Medicis & Chirurgis suadeo, ne usum turundarum in vulneribus profundis, præsertim contusis, ut nonnulli inepti barbitonfores, rejiciant negligentque, quin potius vulnus tantisper apertum retineant, donec satis expurgatum fuerit. *Idem Ibidem.*

Domina Ursina Francisci Camerini sartoris uxor, in via *delhiavadore* commorans, annum 30. suæ ætatis agens, à tribus mensibus oculorum suffusionem contraxerat, cum acerrimo & acutissimo dolore: cui ut subveniret alter Medicus, multa toto illo tempore incassum remedia dederat. Imprimis purgationes reiteratas, julepos & syrupos capitales, & alterantes, pilulas etiam plures, reiteratas, coctias, de agarico, lucis, & similes; phlebotomiis, sanguisugis, cucurbitulis, frictionibus, & aliis medicis tormentis minime omissis, imò pluries repetitis evacuationibus semper præmissis; canteriis in utroque brachio concitatis, atque in nucha setone. Quid? misellam tot crucibus dilaniatam, mortem potius quam vitam optetere vidisses. Medicos, Pharmacopæos, & chirurgos perhorrescit ipsa, & eorum quæque non remedia, sed venena appellat: nec sine causa, nam his invitis, morbus semper invaleuit, & ad morbi sævitiam, loco remedii, cruces & flagella addita fuerunt.

Quis non mecum malam mortalium sortem ingemiscat? Videre proximum langoribus, & doloribus dilaniatum, & auxilii loco graviores morbos, flagella, & cruces ipsi imponi: O cæcamentes! Quid vobis confert, titulorum honos, & gloria? Petenti panem dabiturne scorpiones? Absit, nobis præfixa chari-

tas in omnibus nostris prævaleat semper. Itaque diris his malis afflictam sequenti methodo, brevi sublevavimus.

Nauseabundo ventriculo, tot remediis perperam adhibitis fracto & dejecto tanquam partipublicæ, sine qua nulla corporis actio perfecta esse potest, stomachicum pulverem nostrum ad aliquot dies dedimus: eo sensim prava symptomata à remediis malorum Medicorum suscitata evanuerunt. Roborato ventriculo, decoctum cholagogum, & cephalicum ad 20. dies accepit, à quo cæcitas, & dolor penitus recesserunt, atque pristina sanitas restituta fuit; nec à decennio post curam, ullum vitæ incommodum persensit *Petr. Poter. Obs. Et Curat. Cent. 2.*

Vir olim splendidus, sed id temporis, inops, exceptus hilariori convivio, incaluit usque adeo à vino: ut instar musti, dolia sua rumpentis, quoquo versus exitium molirentur humores, plus nimio in ipso concitati. Quærentes exitum, modo per vomitum, modo per dejectionem alvi; modo verò per nares; è quibus ut effusè perfluxit sanguis: sic doluit impense caput: cum febre intensa, præcordiis æstuantibus spiritu gravi; oculis flammeis; & mente tam vehementer perturbata: ut vel cæcus vidisset, bile ipsi summo-perè turgere.

Cujus impetuosum, quò infringeremus, raptum, infudimus illico Clysterem; & ex soluta prius brachii vena, propinavimus medicamenta, cum cathartica, tum intemperiem corrigentia. Quorum ope, inhibita quidem fuit, sed non tam stricte, effera hæc vis; quin converterit se nihilominus, in nervum opticum inducendo illi pessimam illam cæcitatæ speciem: quam *ἀπὸ τοῦ πνεύματος* nominant Græci. In qua, licet omnia oculo sint pura, nihil tamen vident ægri. Vide Galenum comm. 11. in prorrh. cap. 11. & Aetium tetr. 11. serm. 3. cap. 48.

Cui pertinacissimo vitio, quantumvis protinus, animosâ, cum Roberto Verhoevio, ac Nicolao Fontano, obviam itum: cum per ferum candens; tum per stibium potui datum; utique per cucurbitulas scarificatas; iternutamenta valida; filum; per cervicem, trajetum; & sanguisugas; affixas non minus temporum; quam oculorum venis. Nequit tamen redintegravit visus: sive ob morbum penitus jam impressum: sive ob vehementiam alicujus veneni: quod æger asseverabat medicis à se adsumptum. Cujus, licet voluerit, exactam haberet rationem: nequit tamen eò unquam perducere, ut ejus exprimeret naturam; nedum à quo datum: satagens clam potius mustitare, quam palam detegere, injuriam sibi illatum. *Nicol. Tulpus Observ. Medic. cap. 32.*

Honestâ femina nondum quadragenaria ex oculis, & halitu, & accubitu mariti, ex hinc venera recens convalescentis, fauces asperari sibi sensit; tonsillas erubescere, & ulcusculis hinc inde obsideri. Advocatus imperitus m. gisterii tyro, non expurgato prius corpore; aqua mercuriali fauces quotidie illevit, & in paucis hebdomadibus ulcera omnia ad maleficam cicatricem

catricem perduxit. Verum eum verò stagnans adhuc in glandulis faucium impurus humor, cum viam amplius per clausas tonsillas non inveniret, infelici metastasi in utrumque agræ oculum sese violentius effudit, & ita paulatim invaluit, ut licet omnia in adversum moliente chirurgo oculo, quem re cognita suasi consulendum, malum in funestam cæcitatem degeneraret, nec vel fontis Helenæ collyrio, nec aliis utcumque generosis cederet remediis. Tanti est methodum in medendo vel ignorare, vel negligere. *D. Olai Borrichii.*

Anni proxime ad exitum currentis die Nov. 3. adfui Nobil. Virgini, natæ 25. annos, quæ cæca erat, Palpebris clausis oculi intorti dorsum ad angulos internos decumbebant, nihil prorsus videntes: Gutta serena videbatur ex cerebri narcosi, vel humiditate ejus partis, unde nervi oculorum motori & visorii oriuntur, ut & Paralysis oculorum: Præter voluntatem subinde oculus movebatur, sed leviter; concussus fuit ea parte cerebrum à janua cadente. Ipsum quoque cranium inæquale, sinum ostendit circa suturam lambdoideam. Antequam hoc oculorum vitio comprehensa est, copioso sero stillarunt oculi, pulque ex naribus fluxit, ut de cerebri abscessu suspicionem dederit. Cum prorsus visu privetur, metusque sit imminens vel apoplexiæ vel epilepsiæ *D. Henrichus à Moench Regius Medicus*; qui curæ ejus præerat, me unâ cum celeberrimis Viris *D. Simone Pauli & D. Olao Borrichio*, ad consilium vocavit. Communi consensu ad evacuandos humores serosos cerebrum inundantes, caputque exsiccandum & roborandum præscriptæ Pilulæ cephalicæ, lucis, cochis, panchymagogicæ Crolli, cum resina jalappæ: emplastrum de betonica raso bregmati impositum, & subinde pilulæ de succino Cratonis exhibitæ, aliaque hisce indicationibus inservientia. Post usum horum medicamentorum commotus aliquando uterus, ad vomitum concitavit agram, quo concusso cerebro, medicamentis præscriptis, roborato, oculi converti sensim, exsiccatis scilicet liquoribus nervos laxantibus, coeperunt, pupillæ ad rectam lineam erectæ, palpebræ aperiri, & mox obscure, tandem clarius objecta discernere, magna omnium admiratione, qui perpetuam cæcitatem ipsi agræ prædixerant. *Thomas Bartholinus.*

Ex verrucâ in oculi sinistri palpebrâ male curatâ cæcitas.

Cujusdam quæstoris in Episcopatu Caminen- si uxor, myrmeciam, sive verrucam glabram & sessilem in oculi sinistri palpebra multis annis alebat, nullo adhibito remedio, siquidem molestiæ & doloris erat experta.

Obtulit tandem se quidem ultrò Cheirurgus Castrensis opem exigua herbula pollicitus; succo nimirum ex esula recenti expresso verrucam illinivit, simulque linteolum eodem succo imprægnatum oculo clauso sub vesperam palpebræ imposuit; noctu totius oculi tumor & inflammatio suborta tam atroci cum dolore & cruciatu, ut de vita desperaret ægra. Accersitus ad leniendos immanissimos cruciatus, lac muliebre instillavi oculo, idemque & palpebræ cum

petiis duplicatis tepidè applicui. Fronti autem & temporibus epithema ex repellentibus induxi. Mox ad inflammationem coercendam, aperta in cubito vena, sanguinem ad uncias septem detraxi. Hinc alvum enemate convenienti provocavi, aliaque revulsionum media adhibui. Dolore nihilominus perseverante & immane quantum saviente cataplasma anodynum tepidè imposui.

℥. Pomor. dulc. num. iij. coque ex aq. ros. & plant. q. s. ad mollitiem, trajiciantur per cribrum, pulpæ adde sacchar. albiss. 3 ij. camphoræ gr. xi. croci gr. v. M. F. Cataplasma. Hujus usu sæpiusculè repetito immanissimi dolores mitigati, postmodum ex toto remissere, quin & ipse tumor sensim disparuit; Oculus verò à mordaci & erodente thythymali succo insigniter læsus in calamitosam cæcitatem concessit. *Baldass. Tineus Casuum Medicin. lib. i.*

Cæcitas ex ulcere pedis rheumatico intempestive curato.

Henricus Manteuffel Hæreditarius in Trinicke multis annis ulcere rheumatico pedis sinistri affectus, doloris & molestiæ à fluxu & pruritu sæpe excitatis pertæsus, consolidationem à Cheirurgo petiit, in qua cum frustra per totum semestre occupatus fuisset artifex, tandem ope cujusdam vetulæ, paucorum dierum spacio ulceris occlusionem obtinuit.

Elapso mense uno atque altero in capitis dolores incidit adeo vehementes ut de vita desperaret, paulò post excæcatus est; exinde quolibet mane multum viscidæ ac flavescentis fœtidæque materiæ frequenti expuitione citra tussim rejecit, conquestus se quamdiu jejunos esset, eundem fœtorem in ore percipere, quem olim ex ulcere pedis.

Ex intempestiva ulceris diuturni & fluentis occlusionem cæcitatem hanc subortam nullum est dubium. Cum enim longo jam tempore natura assueverit humores noxios ad pedem deturbare, & per apertum in eo ulcus evacuare, facile fieri potuit ut occlusa via ad partes superiores, ipsumque cerebrum, regurgitaverint, & in principium nervorum opticorum effusi, cæcitatem induxerint; quod ipsum & fœtor quem æger à somno in ore percipit, similis illi quem ulcus olim in pede exhalavit, manifestè indicat. Præmissa itaque, cum universali totius, tum particulari capitis evacuatione, revulsionumque remediis, omni conatu allaborandum censui, ut occlusum ulcus in pede iterum aperiretur, quod cum alio modo obtinere non possem, fonticulum in pede affecto excitavi, sed exiguo cum fructu: Quod enim inde promanabat, nec quantitate, nec qualitate, ulceri continuè & affatim olim fluenti respondebat. Quare denuò omnis generis evacuationes, revulsiones & derivationes institui, exhibitis etiam quæ caput & cerebrum roborarent, materiamque nervis opticis impactam discuterent & absumerent. Tandem & decantatum illud fluxionum remedium, quod setaceum vocant, perforata cervice applicatum, nihilque eorum quæ ad calamitosum hoc malum avertendum facere poterant, intermissum: Sed parum ex voto, nisi quod immanissimi capitis dolores miti-

mitiganti, cæcitate in hunc usque diem perseverante. *Idem ibidem.*

Cæcitas instantiamento curata.

Anno 1629. Miles quidam gregarius in fortalio ad portum Colbergensem novissime extructo à Cælarianis, excubias agens, subito & quasi in momento obæcæbatur; nullo corporis, capitis, aut oculorum præcedente morbo, aut vi, vel casu externo. Adductum à Commilitonibus ad me hominem, de corporis constitutione, sanitate & morbo, de victu, de externis aliisque ad causæ investigationem pertinentibus interrogavi, sed nihil eorum quæ cæcitatem adeo repente & subito inducere possent, deprehendi: Oculos itaque accuratè inspexi, nec in his quicquam vitii animadverti, omnibus eorundem partibus & coloribus, quin & ipsa pupilla naturaliter constituta. In mentem venit quod de suffusione subito exorta, scribit Fernellius lib. 5. pathol. cap. 5. & de nervorum opticorum obstructione ab agitatæ in cerebro humoribus repente excitata Sennert. lib. 1. Medic. pract. part. 3. sect. 2. cap. 37. Sed & hæc videbantur ad præsentem casum parum facientia. Ut tamen ægri præcibus & Illustriss. Domini, Baronis de Funttkirchen sub quo stipendia merebat, satisfacerem, tentanda quædam in recenti malo artis præsidia duxi. Et primo quidem ea quæ totum corpus, postmodum quæ caput & cerebrum particulariter purgarent, exhibui, idque repetitis vicibus: Mox & revulsiones institui, phlebotomiam, cucurbitulas scarificatas, vesicatoria, capitis lotiones, topica convenientia, & id genus alia adhibui: Cephalica etiam & ophthalmica quæ caput roborarent & humores noxios absumerent, discuterent & expellerent, præscripsi. Sed frustra omnia. Supervenit tandem, me inscio, vetula quædam Saga, digitoque saliva obducto palpebras & oculos contrectavit, verba quædam semitertiata submurmurans: Quò facto, subito & quasi in momento visum recepit: Sed periculoso admodum auxilio si Dionio credimus, qui de passione Domini sermone nono scribit, *beneficia demonum omnibus esse nocentiora vulneribus.* Unde Chrysostomus statuit, *potius mortem homini Christiano obeundam, quam vitam ligaturis redimendam; sanat enim corpus ut animam sibi devinciat diabolus.* Idem ibid.

CALCULUS.

Calculus est corpus durum, tartareum, strophaceum, aut etiam solidius, è multis quasi pelliculis ut plurimum concinnatum, & in omnibus corporis cavitatibus, ac partibus generabile.

Omnes corporis partes, ac cavitates calculi sedes esse possunt, sed hic præcipuè de calculo renum ac vesicæ urinariæ verba facturi sumus.

Differunt inter se calculi, quòd alii sint duriores ac solidiores, alii verò molliores ac in pulverem facile reducibiles, alii angulosi, triangulares, quadrati, asperi &c. alii rotundi,

læves &c. calculi renum ut plurimum sunt friabiles ac angulosi, calculi verò vesicæ urinariæ sunt structuræ compactioris & magis rotundi.

Causa calculi secundum Galenum, aliosque veteres est succus pituitosus ac viscidus, calore exsiccatus ac induratus. Hoc est succus crudus atque crassus causa est calculi materialis, qui si visciditatis sit expertus itaut ejus partes invicem coherere nequeant, in moleculas arenularum corpus formantes, compingetur, si verò lentus, mucosus & glutinosus fuerit in lapidem conglobabitur. Calor verò secundum eosdem calculi est causa efficiens, isque non naturalis, sed immoderatus quò scilicet mediante particulæ succi prædicti liquidiore exhalant, atque reliquæ non secus ac lateres in fornacibus siccati indurantur. Verum primò ex succo pituitoso quantumvis indurato ut & amurca exsiccata quis unquam apides, aut aliud quid quàm crustulas enatas vidit? Imò rarum est lapides reperire in ipsis pituitæ præcipuis officinis; quid ergo opinabimur eas vias urinarias affectantem, & per renum secernicula minutissima transcolatam, in ejusdem visceris pelvi aut canalibus ex ipso in vesicam lotium deducuntibus, ureteribus ducis, imò in ipsa vesica urinaria in calculos compaginari? Quidni potius filtro suo adhærebit illudque ad instar particularum quæ fontium lapidescentium vim faciunt, in lapideum quid semper commutabit? Aut si in secerniculis illis dilutior sit, quomodo quæso in ipsis lotii stagnis, pelvi scilicet, & vesica urinaria densabitur atque resiccabitur? Dices hoc fieri vi caloris præternaturalis ibidem conclusi, in eoque positam esse calculi causam efficientem; Sed hæc sunt mera verba; Nam primò si calor satis intensus in renum pelvi, aut vesica urinaria daretur qui succum pituitosum in lapideam substantiam concoquere valeret, quomodo ille idem in visceris substantiam non ageret, eamque deassando perderet, siquidem secundum eosdem calorem mitior ac totus naturalis in ventriculo nidulans, dissolvendis carnibus aliisque multò solidioribus, iisque in pulticulam dissolvendis par est; Secundo detur talem calorem adesse qualem illi fingunt; quomodo in pituitam multo sero tenui dilutam aget adeo, ut à menstruo illo secedens mutuo particularum suarum amplexu in durum corpus compaginetur? Quis potius quotidie non videt salia in lixivis fortioribus partesque glutinosas iis itidem ut & ipsi urinæ innatantes, vi caloris suspendi ut liquorem continentem minimè conturbent; imò urinas etiam turbidissimas aliasque omnes quàm purulentas, igni expositas clarescere.

Recentiores quidam, inter quos Celeberr. Menjotius, volunt calculi humani causam eandem esse quæ lapides in macrocosmo gignat, scilicet salinum quid terrestres particulas complectens in lapideam substantiam abire dicunt. Quod explicaturus mox citatus Menjotius, al, inquit, ingenita proprietate corporum omnium gluten est & quasi ferrumen; ideoque pacis & amicitiae symbolum censetur. Hinc conchilia, ovorum testæ, cornua & ossa animalium concretionem suam sali, qui multus ex

illis arte educitur, ferunt acceptam; hinc animalium duris cibis vescentium fœces uberri-
mo scatent sale, ac sterus canis ossivori an-
ginosum tumorem strenuè discutit. Latercu-
li & tegulæ non ex quavis terra vi ignis co-
quantur, sed ex terra sale referta; ideoque
viscida & cohærescente quam vulgus pinguem,
sicut salem quo terra fœcundatur, pinguedi-
nem vocitat; sed improprie: hæc namque fer-
tilitati potius officeret: Lapis etiam ille
osteocolia dictus, habens pro domicilio, præ
cæteris Germaniæ locis, Heidelbergensem
tractum, qui pondo semidrachmæ ossa fracta
feruminat, totus fere resolvitur in salem: li-
gna tantò sunt solidiora, quantò plùs sunt sa-
le onusta, ut fagus, quercus, guajacum, ebe-
num quod aquæ demergitur. Lachrymæ in-
super quia paululum salis, in tenuissimas for-
mantur arenulas, quibus seu pulvisculo, gena-
rum limbi ac cilia asperguntur, oculi *axiæ*
dicuntur Hippocrati; imò cervorum lachry-
mæ vertuntur in lapillum quem venatores ad-
versus serpentum ictus morsusque curiosè re-
condunt. Tandem lapidosi soli natura nitrosa
est, plantasque summittit ejusdem indolis par-
ticipes. Sic prope Arelatem in campis Her-
culeis (Crantiam vocant) inter congeriem
lapidum incredibilem, herba enascitur, quæ, ut-
pote multo sale gravidâ, mirum in modum
pecora saginantur. Hæc ille, quibus addimus
hanc sententiam eò faciliùs excipi posse, quòd
non eadem incurrat incommoda quæ de pitui-
ta mox diximus, non enim necessariò filtro
suo renum scilicet fibrosæ seu potius vasculo-
sæ substantiæ adhærebit, sed liberius eandem
permeando in chrysallos, arenulas sensimque
grandiores lapides concrefcet, quò modò vi-
demus quotidie salium nitrosorum particulas,
rimulas ac porulos rupium pervadentes, in
ipso egressu in lapideum quid abire, illudque
modo opacum, modo pellucidum, modò hoc,
modò alio etiam colore tinctum. Interim ta-
men nondum sic satis patet, quid in ipsis re-
num aut vesicæ intris salinam hanc materiam
ad coagulationem promptam disponat, nec
enim ex omnibus rupibus stillans in chrysal-
los abit, sed in quibusdâ tantum, in quibus
scilicet specifica vis inhæret, quæ egressui pa-
ratam materiam salinam congelationi aptam
faciat, aut aer concluditur specifica qualitate
imbutus ac imprægnatus. Itaque hic cum
Helmontio non tantum s. linum aliquod prin-
cipium in genere, at illud duplex statuimus li-
xiviosum unum aliud acidum quorum concursu
massa efformatur, quæ quandoque, dum sci-
licet succum crudiores seu pituitosum com-
plectitur albida est, quandoque, dum sangui-
ne per venulas stillante seroque excepto tin-
gitur, rubra evadit. At quandoquidem ma-
teria illa lixivialis in urina naturaliter consti-
tuta, nuda non reperitur, ut in illam agere
valeant spiritus acidi advenientes, quod ad
coagulationem prædictam necessarium est; prop-
terea omnes homines calculo non sunt obno-
xii, ut aliàs proculdubio contingeret, sed
illi tantum in quibus hæreditaria, aut aliun-
de acquisita dispositio fermentum in renes
induxit miscellæ urinæ naturali destruendæ ei-
demque quasi putrefaciendæ aptum, unde

pars lixivialis atque sal urinæ volatile sui ju-
ris factum, cum lucco acido in omnibus cor-
poris nostri partibus facile reperibili, intimius
cohærescit. Hæc exemplo spir. urinæ volatilis
cum spiritu vini, ac potius spir. sulphuris aci-
di cum oleo tartari per deliquium &c. illu-
strare necessarium non est.

Causæ calculi externæ, sunt primò Ingu-
vies, & præcipue alimentorum crassorum,
dyspeptorum, salorum, saccharatorum, terre-
strum, crudorum succoque lapidifico tur-
gentium, qualia sunt pyra, ovorum indurato-
rum, lactisque propter caseosam partem admi-
stam, abundantior usus. Hisce omnibus ad-
de panem azymum aut male coctum, è fru-
mento pulverulento nec rite repurgato confe-
ctum, nec non biscoctum ac nauticum, imò
eiusdem crustarum crebrum utrum, præterea
aqua canosas pluvibusque salibus præstantes,
vina generosa ac in terra lapidosa nata, ut
etiam turbida, somnum diuturniorem & a cibo,
tergi ad ignem obvernonem, supinum in culci-
tra decubitus, exercitationes à pascu, balnea
intempestiva, vitam dandem, ventris atri-
ctionem, venerem immodestam, tristitiam
uberem saculentorum humorem fontem, &
alias de quibus *Memorius Dissertatione de Ne-
phritide*. Ex hisce omnibus patet puerulos at-
que senes calculo esse præcipuè obnoxios de-
bere propter crudorum & indigestorum suc-
corum salibus crassioribus onulorum in utrif-
que saburram, illic quidem per ingluviem, hic
verò per debilitatum ventriculum partesque
digestionibus variis inservientes, accumula-
tam.

Signa Diagnostica Calculi renalis traduntur
apud Meniotium c. pite de Nephritide, Ettmul-
lerum in Collegio Practico capite de calculo
renum & vesicæ, Lucam Tozzi Medicinæ Pra-
cticæ lib. 2. c. p. de renum dolore & nephritide:
sed cum distinctè admodum et paucis verbis
à Joan. Groenevelt Dissertatione lithologica
describantur non opus erit aliunde ea expeta-
mus; Illa itaque ex ipso sic habeto.

1. Dolor circa regionem lumbarem fixus
omnino & stabilis, obtusus quidem, & gravan-
tis ponderis sensum inferens, cum in ipso re-
num parenchymate, obtusiore ut potè sensu
donato, calculus stabulatur, at ubi in caput
ureteris sese insinuavit, acutus, lancinans,
omniumque crudelissimus.

Quinque jam annis circum circa elapsis,
ægrotus quidam Ischuria laborans, consilium
nostrum imploravit (urinam nullam emittebat)
nisi quod vomitu sursum excernebatur, (urina-
lem quoque odorem expiratio præ se ferebat)
quo continuato maximè debilitatus fuit, con-
sultis aliis non imò notæ Medicis, multis re-
mediis usi fuimus, sed frustra, vitam tandem
cum morte mutavit; corpus ejus cum dissectum
fuerit, pelvis renis dextri majori calculo fuit
oppleta, cujus pars inferior, papillæ in mo-
dum protuberans, ureterem omnino obstrue-
bat; capiti ureteris sinistri acutus calculus
adeò exactè erat infixus ut renes utrique suo
officio fungi neutiquam potuerint, atque adeò
expiravit.

2. Spinam inflectendi difficultas, compressis
scilicet distentisque ejus nervis aut musculis.

3. Calo

3. Calor lumborum molestus prorsum.
 4. Stupor femoris crurisque è directo, ob compressionem (à calculi grandioris pondere) musculi, *phœ* dicti, vel nervi in omnes crurum musculos divaricati.

5. Testiculi retractio e regione affecti renis, ob valorum (quæ à renibus ad testes vergunt) versus superiora adductionem.

6. Nausea & vomitus propter consensum scilicet renum cum ventriculo, qui sit non tam mediante, ut volunt, peritonæo, cujus membranam utrumque viscus participat, quam quidem ob communem illum nervulum, à stomachico sexti paris ramo, in propriam & anteriorem renum tunicam implantatum.

7. Urina plerumque cruenta, lacertis apertisque à calculi asperioris attritione, venulis, per renis substantiam dispersis, quin & quandoque, præsertim circa initia, tenuis, aquosa, & parvâ copîâ prodians, propter renis à calculo obstructionem, quoties verò per ureteres in vesicam demittitur, urinæ crassæ, turbidæ & aquosæ ut plurimum excernuntur.

8. Calculos per urinas excretos, ut & arenas (non quæ valorum lateribus adhærent, sed quæ statim matulæ fundum petunt) unde ægroti notabile levamen sentiunt, inter præcipua signa recenseri vellem.

Sed quia tanta est similitudo nephritidis cum dolore colico, ut non solum sæpissimè empiricum, sed & Medicum rationalem falli contingat, distinctionis ergò hæc signa notari vellem.

Si supra renes sit dolor, non ad renes sed ad intestina pertinet.

Dolor Nephriticus extrorsum vergit, nec ab eo loco unquam discedit, nisi cum topus, è nido suo excusus, delabitur in ureterem:

Colicus verò sæpissimè peregrinatur, locum mutat, & per omnem intestinorum circuitum oberrat, inque pectinem declinat.

Nephritici à sumpto alimento melius, colici verò pejus habent. *Hæc ille.*

Conveniunt interim Autores nil prorsus certi è signis prædictis decerni posse, sed dubium semper relinqui, an arena, an phlegma grumus sanguinis, an pus crassum an natus ureterem subeuntes dolorem nephriticum procreent, de quibus ipso de Nephritide capite. In ulteriorem verò nephriticorum dolorum à colicis distinctionem hæc adjicimus ex Meniotio. Dolor colicus pro coli positione ascendere potius videtur, nephriticus descendere secundum ureterem ductum. Colicus dolor supernis infernisque vacationibus, seu naturalibus, seu artificialibus, vel mitigatur vel prorsus desinit; ni forsitan ejus materia geminis intestinorum tunicis involuta fuerit ac intricata: Nephriticus paululum equidem concedit, quod depletis intestinis non ita coarcentur renes, verum minus quàm colicus, constante lapidis stimulo. Colico dolori associatur quidem vomitus, sed non ut in nephritico biliosus & æruginosus post pituitosum. Ob intestinorum cum ventriculo continuitatem, nausea, vomitus, cibi fastidium, dyspepsia, similiaque symptomata in colico dolore magis

vigent: in nephritico verò, propter renum cum lumbis connexionem, corporis hectendi erigendique impotentia magis urget; crura etiam torpet è directo, quod alienum est à colico cruciatu. Per colicos dolores faeces, & quandoque etiam flatus restitant; per nephriticos urina aut tenetur aut vitiosa emittitur. Denique laxatis viis per fatus & cataplasmata, nephriticus dolor multum remittit; colicus tantillum quidem lentescit, sed illico invalescit, diffusis à calore humoribus, adauctoque flatuum proventu, ex Aëtio. Porro omittendum non est nephritico dolori colicum, eumque ut plurimum à bile solere complicari.

Signa Diagnostica Calculi Vesicæ ex Helidæo pro certis habentur si post meiendi desiderium etiam adsit desiderium excernendi feces intestinorum: & si ægri dum humi ponderosum quid tollere volentes se inclinant in vesicæ regione sentiunt puncturam. Deinde si inter mingendum supprimatur urina, æger verò pedibus in altum sublatis postmodum liberè mingat. Omnia autem propè calculi vesicalis signa sic accuratissimè describit Clariss. Joan. Gronevelt in sua Dissertatione Lithologica. i. In principio, cum calculus adhuc minor est, fit, ut calculosus excreta jam urina, obtusiorrem dolorem in glande sentiat, qui dolor à glande per urethram vergit ad vesicam, eodem modo ac si stranguriam pateretur. Asperitate enim sua quamvis calculus minor sit vesicæ tamen cervicem pungit, adeoque dolorem glandi infert, qui dolor à glande revertit ad vesicam.

2. Calculosus anteriorem virgæ ferè partem semper, præcipue verò urinam redditurus, digitis fricat, comprimit, trahit, ac mulget, & hinc fit quod infantes calculosi semper manum brachis admoveant, & vellicando membrum virile, dimidia ferè parte solito longius faciant.

3. Si gravior sit calculus, dolorem tunc gravativum sentit calculosus, ac si grave quoddam pondus infimo ipsius ventri ac intestino recto inter ossa pubis incumberet, eaque deorsum deprimeret, dolorem patitur tunc præterea circa umbilicum, quia fundo suo per urachum umbilico jungitur vesica.

4. Si calculus meatum urinarium non omnino obstruit, natura ad expellendam urinam sæpius irritatur, sed frustra; aliquando effluit paululum; aliquando continnò nolenti volenti urina emittitur, dolore interim semper ægrum affligente.

5. Sursum elevatis pedibus, capite ad terram demisso, sæpius evenit, ut calculus ad vesicam fundum delabatur, urinaque liberiolem exitum nanciscatur.

6. Extra paroxysmum videmus non rarò calculo afflictum crura sua transversim complicare, eo enim modo calculus aliquo modo è collo vesicæ sursum elevatur, ita ut urina exitum liberiolem habeat.

7. Urina detenta, acris & ardens, præ doloris magnitudine, quam excitat, spiritus ad virgam allicit, sicque virile membrum in infantibus æquè ac adultis, tenditur & erigitur, non ex venereo quodam appetitu & libidine, ut aliàs quis crederet.

8. Ex consensu sphincteris ani & vesicæ, quod

nervorum, quos ab uno ramo recipiunt communionem & colligentiam, *simultaneos desidendi meiendique calculo afflicti habet conatus*. Sed iritationes illæ frultraneæ sunt, & si quid excernatur, parum est, idque cum cruciatu; in infantibus sæpius summus fit intestini recti prolapsus.

9. Calculosi plerique continuo sitiunt, & sæpius multum potum appetunt, quia, quamvis parum urinæ singulis vicibus excernunt, ob frequentem tamen ac crebram excretionem multum urinæ emittunt, & sic serum sanguinis absuntur, quod natura quidem compensare, adeoque interiora viscera in conveniente suo temperamento ac symmetria naturali conservare studet: ob continuos porro dolores, vigiliæ & inquietudines oriuntur, falsum in illis acrius redditur, sanguinis etiam massa magis in dies incallescit, unde multum ac crebrum refrigerium requiritur, aliquando etiam Ictერი, Hydropici, similesque affectus sequuntur.

10. Ab opiatīs assumptis melius sese habent calculosi, à diureticis verò potentioribus in pejorem vergunt intemperiem.

11. Hippocrates (Aphor. 79. Sect. 4.) vesicam calculo laborare ex urinis hoc modo judicat *ὁ καὶ οὐκ ἐν τῇ οὐρᾷ φαρμάδια, &c.* Joann. Zechius in Consult. Med. libr. consult. 58. per *φάρμακα* intelligit sabulum crassum, cœnosum excrementum (narium veluti mucum) matulæ fundo ten citer adhærescens, quod calculi majoris in vesica, & diu illic concreti signum est pathognomonicum.

12. Certum est cum digitum in anum puero rum intrudunt, vel catheterem per urethram in vesicam adultorum immittunt, & explorant sæpius, calculus an sit, vel quotuplex sit, magnus an parvus, unus vel plures, multum enim interest Medico hæc exactè novisse.

Huc quoque causarum antecedenrium consideratio spectat, nim. temperamenti, diætæ quam habuit æger, symptomatum quæ subiit; sine dubio enim crudelem fuit passus dolorem, si calculus sit magnus, durus, & inæqualis, porro an sacculo inclusi sint calculi, & vesicæ membranæ cum eo adhærescant, cognitu quamvis sit necessarium, difficillimum tamen, nisi cathetere vel digito investigetur. *Atque hæc ille.*

Signa autem hæc nunc plura, nunc pauciora, vix imò nunquam omnia, simul in eodem individuo reperiuntur, & etiam si illud contingeret non minus interdum forent fallacia; quia aliquatenus sunt æquivoca, & aliis vesicæ, partiumque vicinarum morbis communia. Rarus est casus Illustr. Casauboni, in quo concursus aderat omnium propè signorum enarratorum, interim eorundem causa non in calculis, qui tantum minimi & exquisitè rotundi, in vesicæ rugis profundioribus visi sunt; sed partim in corpore carnosio meatus urinarii radicem occupante, & foris intrò resistente; partim & præcipuè in vesicæ hernia, quæ quasi in sacculum aberat capacitatis ad vesicam sextuplæ, prout hæc omnia fusè, nec minùs doctè describit D. de Mayerne in historia vesicæ monstruosæ magni Casauboni, quam proprio nomine evulgavit Brouardus; & nos Bibliothecæ Anatomicae Vol. 1. pag. 387. & sequ. inseruimus. Signa univoca quod spectat, ea non

sunt alia quàm exploratio per specillum in vesicam immisum, vel digitos in anum: ut mulierum vulvam introductos; nec etiam us ita fidendum quasi nunquam prorsus fallerent; sic Clar. Von Hammen in Epistolica ad Clar. Pechlin. de mendaci vesicæ calculo enarratione, dicit se in viro sexagenario variis calculosorum cruciatibus afflicto, corpus durum per specillum in vesica invenisse, quod dum evocare per sectionem tentaret, illud non calculum sed vesicæ tumorem esse vidit, quem tamen frustillatim illaso cui adhærebat vesicæ sphinctere, educere licuit. Præterea specillum etiam f. lit quando lapidem contentum non adinvenit, cujus rei historiam raram profert Bened. Sylvaticus in Epistola ad Beverovicium de Nobili Veneto, qui stranguriâ laborans cum subsidientia materiæ tartareæ, diureticis refrigerantibus & lacte caprillo quasi sanatus, catheteri immisso nullum præsentis calculi signum præbuit, & postea & curru & equo sine magna molestia iter habuit; dum verò tandem tabefactus obiret, vesica aperta calculum magnitudinis ovi gallinæ, nec mucositatem, nec membrana aliqua involutum, in sui cavitate monstravit. Sæpè etiam inhabiles fallit, conflictus ille qui inter urinam & aërem per catheterem se insinuantes, oritur; nam eo audito crederes in corpus aliquod extraneum & durum allidi.

Quam autem infida sit etiam ipsa calculi per specillum, seu catheterem exploratio, nobis aliquando satis constitit in Matriona apud Nostros Nobili, quæ cum diu calculosorum doloribus, non tantum afflicta, sed quasi contrita fuisset, de Clariss. Medicorum Ordinariorum sententia (rennentibus licet aliis) calculo vesicæ laborare creditum est, atque ea propter exploratio à peritissimo Lithotomo à Vicinia advocato instituta, qui prima vice calculum sibi occurrere, sed mucos, seu membrana vestitum affirmavit, ita ut opinatus fuerit calculum vesicæ parietibus impactum, & immobilem, membrana ejusdem interiori contegi; post tamen aliquas injectiones detergentes, exploratorio instrumento rursus adhibito, idem ille jam in calculum nudum, in quem etiam cum sensibili atque evidentissimo sono allideret, se incidere pronuntiavit: Sic itaque omnia ad extractionem in tempestate commoda methodo ordinaria peragendam parantur; interea tamen moritur Aegra, præ morbo inducias dare nescio, & cruciatus novos, quasi totidem malignos, atque nimis funestos fœtus in dies pariente. Cadaver, me absente, quamvis prius aliquoties consulto, à Dexterrimo Chirurgo D. Jacobo Coudougnant, statim de Nobilis Matronæ Mariti petitione, præsentibus D. Medicis Ordinariis, aperitur, cumque ad vias urinarias recta perventum esset, ren dexter calculo minoris castanæ magnitudine, multoque pure, scilicet ad uncias circiter octo, obsessum reperitur, vesica verò urinaria omnino vacua, & per fibras suas, propter iritationem præcedaneam, ita contracta, ut in cavitatem suam vix fabam majorem admitteret. Reputabant prædicti Clar. Medici laceratam fuisse vesicam, sicque contentum calculum in abdominis cavum erupisse; verum

verum perquisitione diligentiori facta, contrarium tandem perceptum: revera vesicæ fundum aliquatenus lacerum deprehenderunt, & duplicaturâ peritonæi undique adhaerentem; scilicet ichor ille qui continuo e rene, ut supra dictum, infarcto depluens, urinæ in vesicâ immiscebatur, non tantum dysuriam creabat, sed etiam a prædictâ vesicæ parietibus imbibitus, eas senium & attriit, & vicinâ præter naturam univit; Sic videmus præputium balano, pleuram pulmonum lobis, aliasque partes per serofos & corrodescentes humores sæpius invicem necti, & aliquando mihi in cane à Clariss. Domino Zvviky Glareano Helvetico Medicinæ tum Candidato, nunc Practico apud suos Celebrissimo & Anatomico eximio, apud me exacto videre contigit costas aliquot inferiores per ictum prius intinctum disruptas, sanienque interius stillantes, medio propè diaphragmati intimè adhæsisse, vulnere aliàs absolutè sanato; ut & in eodem majorem hepatis supernæ partem peritonæo undique alligatam, propter vim istius visceri factam in ictu præmemorato, unde ex eo serosus ichor transfudavit qui glutinis vices egerit. Sed ad rem revertamur, & expiscemur quid causæ fuerit, cur peritus atque versatissimus Lithotomus de calculi vesicæ præsentia tam confidenter cum Medicis assidentibus, pronunciarit, exploratione dexteriter per specillum facta? Supper hoc recurrendum credimus ad ea quæ mox attulimus, nec amplius verbum addere necessarium credimus.

Prognosis Calculi renum & vesicæ ex mox citato Joan. Groënevelt hæc est.

Pueri, inquit Hippocrates 6. Epidem. maximè vesicæ; senes renum calculo magis sunt obnoxii. Et aphor. VI. renum & vesicæ vitia in senibus difficulter sanantur.

Lithiasis a parentibus in sobolem, primigenia seminis labe, omnem fermè, quamvis alioquin generosissimam spernit eluditque medicinam tam prophylaxeos quàm curationis ergo adhibitam, unde Aretæus multò difficilior esse putavit, renes aut vesicam, dispositionibus calculi obnoxia, artis beneficio ab illis generandis impediri, quàm uterum fecunditate luxuriantem à concipiendis fœtibus.

Vesicæ calculus pharmacorum respectu curatione difficilior quam qui in renibus est; si verò chirurgiam spectemus, longè sæpè facilior; aliquando tamen, doloribus ad spinæ musculos extra vergentibus abscessu facto, illac calculos excretos, & ulcus consolidatum fuisse, constat. Calculus vehemens & periculosum est malum, inflammationes, exulcerationes, dolores atroces, vigilias, febres, urinæ suppressionem, aliaque gravissima symptomata inferens.

Si calculus non sit magnus sed parvus, non in corpore cachectico, nec humorum ad calculum generandum magna copia adsit, non hæreditaria ad illum dispositio, bona, contraria verò si adfuerint, mala exinde prognosis haurienda est.

Si calculus sit satis magnus & durus, æger operationi chirurgicæ, quamvis periculi plena, si ab eo liberari velit, sese subiciat necesse est.

Quod si lapis sit inconsuetæ magnitudinis & ponderis qualem in plurium præsentia eduximus e cadavere N. L. juxta Nosocomium S. T. qui 19. uncias & tres drachmas pendebat, tales pro desperatis habendi sunt, & minimè, dum vivunt attingendi.

Qui calculum sive folliculo inclusum sive soluni vesicæ membranz tamen annexum in suo gestat corpore, in eodem prædicamento versatur, ut & tenes debiles, pueri & infantes, minori ætate, sed infirmi.

E contra, si vires consent ægris, viscera benè sint disposita, calculus non sit nimis magnus, quamvis sint plures, implorato Dei auxilio, operatio animosè aggredienda, & de ejus successu benè sperandum est.

Felicius & securius ejiciuntur & extrahuntur calculi in mulieribus, quàm in viris, quia brevem & amplum habent urinæ meatum.

De Indicationibus & Curatione vide quæ sequuntur.

Curationes.

In cura Calculi ab initio Clyster injiciens leniens & flatus discutiens, ne scilicet flatus & excrementa in intestinis contenta renes comprimant & dolores augeant. Flatus dico, quia calculosi plerumque generant flatuum copiam propter ventriculi imbecillitatem. Fortes autem clysteres & diuretica, solaque solutiva ab initio devitanda, quia humores agitant, qui agitati ad renes decumbunt & dolorem augment. Diuretica verò serofos humores ad renes dirigunt, unde dolor quoque augetur. Statim quoque regio renum inungatur oleo sequenti:

℞. Ol. scorpion. part. j. terebinthin. part. β. Superposito Emplastro, quod.

℞. Cerati infrigidantis Galeni ℥iij. ung. rosat. camphorat. ℥ij. Opiat. ℥iij. extendatur super alutam, qua regio renum tegatur. Intra corpus assumat olei Amygdal. rum dulcium ℥ij. in jusculo aliquo cum essentia Croci g. vj. ipsius ℥β. ut viæ laxentur. His peractis, si patiens Plethoricus fuerit, vena secari potest, ne sanguinis multitudo ob dolorem & tensionem in partem dolentem ruat ac dolorem augeat. Offerri etiam potest dosis laudan. opiat, imò, si dolor sit vehemens, ex eo fieri potest Emplastrum renibus applicandum: detur etiam syrupus de mucilaginibus cum emulsione 4. sem. frig. majorum: hinc exhibeatur bolus ex Cassia recans extracta. Et si dolor non remittat, fiat balneum in quo æger sedeat usque ad brachia.

℞. Rad. malv. althææ an. ℥ij. flor. chamomill. melilot. an p. iij. restæ bovis p. vj. sem. fænicul. ℥viij. lini ℥iij. bacc. juniper. m. iij. Coque in f. q. aquæ pro balneo, in quo commoretur per horam 1. vel 2. Post 2. horas si non remittat dolor, parum se moveat ambulando per cubiculum, & iterum ingrediatur balneum, in eo sedens assumat gr. vj. olei oculorum cancrorum (quod præparatur sequenti modo:)

℞. Pulv. cancrorum ℥v. olei tartari per deliquium facti ℥vj. mista digerantur in B. vel fimo equino per 15. dies, postea coagula ma-

teriam in phiala in arenam locata, tandem pulverisa, pulverem cum spiritu vini extrahe in formam olei spississimi abstrahendo inde sp. Vini redige, dosiſ a gr. iij. ad vj. in aqua petroselinæ vel ononidis cum syrup. de mucilaginibus ʒiſ. aut si cares oleo illo:

℥. Oculorum cancrorum præparatorum, trochiscor. de Alkekengi opt. pulverisatorum an. ʒſ. detur cum syrupo dicto: potest etiam cataplasmatibus loco applicari regioni Renum Nasturtium in lacte coctum.

Hinc ad ea, quæ proprietate quadam Calculum pellunt, accedendum, quæ omnia dolore prius præſente in balneo afferenda, in quo æger, ut dictum, commoretur, præmissa tamen, si inducias patiat dolor, purgatione leni, quæ sit apozemate aut syrupo aliquo.

℥. Fruct. alkekengi ʒſ. rhabarb. elect. trochisc. de agarico an. ʒj. nuc. moscha. ʒſ. De-coque in f. q. aq. comm. ad ʒvj. colaturæ adde syrup. de ʒ. radicibus, de cichorio cum rhabarbaro ana ʒiſ. F. Apozema pro duabus dosibus. Medicamenta quæ proprietate quadam contra hunc morbum faciunt, sunt: 1. Aqua Antinephritica.

℥. Rad. restæ bovis ʒij. minutim concisæ macerentur in vini generosi ʒij. per 3. dies. Deinde exprimantur & colentur. In colatura macerentur, Rad. petroselin. eryngii, parietariæ, herb. herniariæ, saxifragiæ cum toto an. ʒiiij. fruct. alkekengi, granor juniper. con-quassat. an. ʒiiij. sem. fœnicul. urticæ, melonum, milii solis an. ʒij. Omnia incisa in dicta Colatura macerentur per 4. dies, fortiterque exprimantur, expresso adde succi portulac. ʒij. destillentur per Alembicum. Dosis Coch. ij. tum præſervationis, tum curationis ratione. 2. Commendatur sequens, quam aq. Fuckero-rum aliqui nominant.

℥. Rad. liquiritiæ ʒij. petroselin. ononidis, pimpinellæ an. ʒiſ. enulæ ʒj. fol. heder. terrestr. m. iij. sem. fœnicul. urticæ an. ʒvj. succi heder. terrestris ʒv. præmissa per 3. dies infusione destilla, aqua servetur, cui syr. de Caryophyllis vel de Canella pro condimento admisceri potest, dosiſ ut præcedentis. Huc spectat oculor. cancrorum oleum supra descriptum. Ut autem reliquiæ & mucus in renibus & vesica existens expurgetur, & dictæ partes corroborentur, nodulum sequentem in vino maceret, & singulis diebus matutinis haustum, nodulo tamen expresso, assumat. Nodulus sit talis.

℥. Lign. sassaf. nephritic. an. ʒiſ. rad. polypod. petroselin. an. ʒij. restæ bovis, pimpinellæ sanguisorbæ an. ʒiij. asparag. irid. nostr. an. ʒij. irid. Florent. ʒſ. turibth albiſſimi ʒij. herb. rorismar. fragariæ, saxifragiæ, pimpinell. an. m. ʒ. flor. rosar. borragin. an. p. j. sem. anis. fœnicul. sileris montani an. ʒſ. fruct. alkekeng. Num. vi. cinnâm. elect. ʒſ. macis ʒij. Contusa ligentur in sindone rubro. F. Nodulus in ʒiſ. Vini per tres dies macerandus. Alternis quoque diebus capiat ʒſ. terebinthinæ lotæ in aqua Halicacabi & interdum cum syrupo sequente aut etiam in vino calido cum spiritu terebinthinæ ʒſ. It. ad libitum tempore matutino in usu habeat Morsulos Imperatorios, quibus ol. nuc. moscha. destillat. instillet gutt. i. ad iij. Syrupus fiat ex syr. ʒ. radicib.

ʒiiij. è lupulo ʒij. aq. petroselin halicacab. an. ʒiſ. Capiat coch. j. velij. cum spiritus Terebinthinæ ʒſ. Si à potione dicti jam noduli alvus non sit libera, aliquo ex superius dictis syrupis, aut alio ad placitum purgante leniter purgetur. Si lignum Nephriticum verum haberi possit, maceretur ʒſ. in vino per 7. dies, vinumque bibatur mane: ab eo assumpto se exerceat æger. Ad miraculum, si repetatur, renum calculosam dispositionem emendat, eos confortando & materiam lapidis sine molestia educendo. Celebre Nephriticum paratur ex capitulis illis callosis, in fructibus Cynosbati sive rosæ caninæ innasce solitis, Germanis *Schlafopffel*. capitella illa per medium dissecta callosa sunt, ac in centro eorum plerumque reperiuntur Vermiculi viij. Præparatio fit exciccatis & pulverisatis, exemptis tamen vermibus, in modum extracti cum spiritu vini, præparatur.

In Calculo vesicæ.

Lithontripticon famosum ex millepedibus describitur in notis ad Crollium: quo resolvi calculum ovi magnitudinem excedentem. Methodum medendi calculo tradit Mercatus Tom. 3. lib. 4. cap. 10. Præter ista omnia maxime utile est ut quolibet anno expurget humores crudos cum cassia & Terebinthina. Post purgationem venæ sectio, & post urinæ procurationem Evacuatio etiam singulis mensibus potest institui. Hujus (suprà dicti) specifici administratio est talis: 1. Purgetur patiens calculum vesicæ purgante conveniente. Præstat in hoc casu specificum purgans Paracelsi, acres purgationes reliquæ hic minus locum habere possunt. 2.

℥. Pulv. Oniscorum a ʒſ. ad ʒiiij. spir. vini; a ʒj. ad ʒiſ. (biliosis medetur tantum sp. vini) juris Cicerum rubeorum ʒj. m. Hanc mixturam exhibe totam, deinceps singulis diebus patienti mane jejuno ventriculo, quinque nempe horis ante pastum: ita tamen, ut semper ante sumptionem specifici Enema molliens & lene sine acrimonia purgantium capiat (nisi nimirum alvus libera:) usum hujus specifici excipit febris, ac deinceps per totius curæ cursum, utatur diætâ convenienti & molli, ne uspiam alvus obstruatur, (ab initio ne detur vinum ante diem 16.)

Post assumptum specificum sequitur Calor ferè totius Corporis præter naturam. It. sitis molesta & dolores circa pubem sentiuntur. Medicamentum hoc lapidem Vesicæ vi quâdam invadere solet: quapropter omnia calida diligenter evitentur, & nonnumquam lapidis prunellæ aliquid in aqua fragorum aut fl. fabarum. It. Julapium ex istis aquis cum syrupo violaceo & guttis iij. vel iij. spir. vitrioli exhibeatur. Diebus primis urina in primis progreditur admodum crassa & exigua, sequentibus v. diebus utpote 9. 10. 11. &c. copiosius, calor remittit, dolores sistuntur, & universa substantia calculi comminuta in minimas partes progreditur. Urina nimirum toto cursu curæ collecta, si bulliendo, exciccetur, tandem prodit quantitatem calculi; denuò in lapidem convertibilem, si cum solutione Tragac. vel Ichthyocollæ conformetur.

N. B. interdum in hac cura opus est, ut aliquando dies unus atque alter vacuus sit ab hac

hac medicina, & quiescat pateriens propter vires colligendas, idque in tenerioribus locum habere potest. Hoc tamen hic observandum, ut medicamenta interdum per Cathetrem in vesicam mittantur, ægerque statim in B. locetur, inungatur post Balneum calide petten & perinæum ol. Scorpionum amygdalarum amararum, axungia cuniculi, & gallinarum ana ℥i℥. succi parietariæ ℥ij. Lapis vesicæ si confirmatus jam sit, & ad aliquam magnitudinem jam pervenit, vix alia ratione curari potest, quam sectione. Poterit tamen tractari suprâ dictis, præsertim in mulieribus, in quibus via laxior & recta.

Tinctura antinephritica & splenetica.

℥. Nitri purif. part. ij. Tart. part. ij. trita in sartagine decrepitem, contulis iterum in M.B. calido mortario affunde tantum Aq. fraxini vel cardui benedict. aut alterius cujusvis aquæ specificæ, quantum ad solutionem necessarium, nec plus, quod observa & coletur. Colaturæ adde tartar. opt. crud. pulv. & in vase amplo ligneo colloca ne quid fermentatione, quæ sequitur, effluens pereat; Extrahatur tinctura Tartari rubicundissima; Coletur denuò & servetur usui cujus non satis laudandus, ad calculum enim & affectus lienosos præsentissimum & expertum est remedium, flatusque optime dispellit, principio prandii ad ℥j. datum. *Joan. Hartmann. in Pract. Chymiatric.*

In calculo renum, in Diætâ radices petroselini & herba ejus, si exinde juscula parentur, cavet, ne calculus augeatur. Crato pariter in his affectibus cynosbati fructus commendat. Oleum amygd. dulcium recens dilatat ureteres. Conveniunt etiam grana juniperi in cibo. Communientia sunt lignum Nephriticum; Dicitur etiam santalum cœruleum, quia aq. tingit colore cœruleo & flavo pro diversitate diversa. si ad lucem ponatur, videtur flavum, si verò in umbra, cœruleum, aliàs non potest distingui ab alio santalo. Porro aq. fragorum eorundemque syrupus, emulsio ex sem. 4. frig. majoribus, semen violarum, ut & pediculi violarum, qui mira hic præstant cum aliàs abjiciantur. Fortioribus pellentibus semper addenda sunt laxativa in calculo usitata, ut cathol. terebinthinatum Mynsichti, ejusdem pilul. terebinthinatæ, syrupus nephrocatharticus. Clysteres ad curationem profunt emollientes, additis carminativis & specificis; V. S. Ego non adhibeo, nec aliquid juvare posse arbitror. Laxant alias vias syrupus de althea Ferneli, de mucilagibus, syr. violarum ex floribus cum folliculis, ubi semen in est, quod purgat & pellit calculum. Externè ol. amygd. dulcium lubricat. Miscetur cum succo citri. Magisterium tartar. vitriolat. debet misceri cum salibus appropriatis, vel dissolvatur cum brodio in quo petroselinum coctum fuerit, conterit enim frangitque calculum. Lapis spongiæ, lycis & judæicus huc pertinent, ex quibus ego habeo peculiarem liquorem. Aq. Nephritica porro, crySTALLUS, lapis percarum, ova struthionis & sal ex hisce. Cortices ovorum exclusis pullis. De lapide Nephrit. vid. *Vnzerus & Laurembergius*. Si dolor est acutus, additur aliquid de laudano opiato, tam externè quàm interne, v. g. unguent. anodyn. Myns. aliis specifi-

cis additum. Si adest urinæ suppressio prodest cataplasma Cratonis, additur etiam aliquid de oleo scorpionum vel nucl. mespilorum. Sanguis hirci ab *Helmontio* commendatur, si nutriatur per aliquod tempus herbis nephriticis & diureticis. It. lepus combustus mense martio & sanguis eodem tempore collectus. Semen urticæ, saxifragiæ, bardanæ, milii solis, genitiæ, violarum. It. sal genistiæ, stip. fabarum, ononidis, stercoris columbini huc pertinent. It. essentia nephritica ex vegetabilibus cum spiritu glomorum cynosbati fructus; glomi simul sistunt dolores; Infundantur vino & excitant somnum; est ingrediens Essentiæ meæ nephriticæ. Ess. ocul. cancr. & cineres eorum. It. Claretum juniperi, quod præparatur ex rob. cum spiritu juniperi.

Alvus in calculo semper sit aperta. In Paroxysmo profunt clysteres:

℥. Herb. viol. parietar. malv. an. m. j. rad. altheæ ℥ij. flor. malv. chamomill. an. p. iij. Coq. in f. q. aq. com.

Col. ℥. ℥viii. in quibus dissolve Cassiæ pro clyst. ℥i℥. ol. lil. alb. ℥j. scorpion. simpl. ℥ij. m. F. l. a. Enema.

℥. Herb. ononidis, heder. terrestris, parietariæ, virg. aureæ an. m. j. Rad. ononidis bardanæ an. ℥j. sem. althææ ℥iij. flor. sambuci, genistiæ an. m. ℥. Coq. in f. q. aq. communis.

Col. ℥. ℥vj. unguent. clysmat. cass. pro clyst. ℥j. sal. genistiæ ℥j. vitell. ovorum N. j. antimon. cum vitriol. fixati ℥j. m. F. Clyster. pro ditioribus addi potest oleum amygd. dulcium. Purgantia:

℥. Pil. de Terebinth. ℥iij. Dos. ℥℥. ad ℥j.

℥. Pil. de Terebinth. Myns. ℥ij.

℥. Terebinth. cum aq. malv. & vitell. ovi in liquorem redacta ℥iij.

℥. Sem. viol. purpur ℥iij. c. f. q. aq. saxifrag. F. Emulsio. Edulcoretur Julepo rosato vel viol. Est secretum Hartmanni etiam in urinæ retentione vel suppressione valens.

℥. Tartar. vitriolat. ℥j. salis genistiæ gr. viij. scam. ros. gr. viij. m. pro una dosi. in Paroxysmo.

℥. Unguent. dialth. ℥j. ol. amygd. dulc. persicor. expressor. an. ℥℥. M. F. unguentum.

℥. Ol. lil. alb. amygd. chamomill. an. ℥℥. ol. scorpion. simpl. ℥i℥. m. Potest etiam addi ol. stillat. chamomillæ & ceræ.

℥. Unguent. nephrit. Myns. ℥℥. ol. nephrit. ℥i℥. m.

℥. Ol. anethi ℥i℥. ol. scorpionum ℥iij. ol. capparum ℥j. axung. caninæ vel porcine ℥ij. succi rad. bardanæ succ. urticæ an. ℥ij. Coq. lento igne ad consumptionem humorum. Vallet etiam in suppressione urinæ.

℥. Herb. malvæ, parietariæ, heder. terrestris, saxifragiæ an. m. ij. flor. chamomill. hyperici, genistiæ, sambuci an. m. j. rad. ononidis, bardanæ, althææ an. ℥ij. sem. urticæ, sem. genist. an. ℥j. Incis. & contus. D. S. species pro Balneo.

℥. Ol. amygd. dulc. rec. express. ℥j. Potest sumi cum brodio carnis, in quo radix petroselini cocta fuerit.

℥. Sem. 4. frigid. major. an. ℥i℥. violar. saxifrag. an. ℥ij. Nucl. persicor. ℥iij. c. f. q. aq. ononidis, saxifrag. an. F. l. a. Emulsio, edulcor. parum Julepo violato.

℞. Aq. ononid. saxifrag. malv. an. ʒj. Syrup. Fernel. de alth. ʒij. Ubi dolor acutissimus & vigilia.

℞. Pulv. anodyn. gr. xii. magist. nephrit. gran. x.

℞. Aq. malv. ʒij. syr. Dialth. Fernel. ʒʒ. Laud. opiat. gr. iij.

℞. Extract. nephritic. gran. vj. Laudan. opiat. gr. iij. M. F. Pilulæ.

℞. Conserv. heder. terrestris ʒj. mag. ocul. cancr. mag. lapid. nephrit. an. gr. iij. Laudan. opiat. gr. iij. cum syr. dialth. F. Bolus. Extra Paroxysmum.

℞. Lign. nephrit. ʒʒ. Dos. gutt. xx.

℞. Tinctur. contra calculum ʒʒ. Dos. gutt. 30.

℞. Essent. nephrit. veget ʒvj. Dos. ʒj. ad ʒʒ.

℞. Vin. malvat. juniper. ʒj. Syr. de althæa ʒij.

℞. Rob. juniper. rob. cynosbatos an. ʒij.

℞. Magist. nephrit. ʒij.

℞. Tartar. vitriolat. ʒiʒ. sal. stip. fabarum, sal. genistæ, sal. ononidis, sal. sterc. columb. an. ʒʒ. m.

℞. Lign. Nephritici ʒij. Infund. aq. ononid. saxifrag. contra calcul. usit. an. ʒij. Stent in loco calido, postea filtrentur. Tingitur hæc aqua à ligno cœruleo colore, vid. *Hornungii Dissa Medica & Disp. Renodæ.*

℞. Tereb. aq. parietar. sæpius lotæ ʒʒ. sal. ovor. struth. ʒj. pulv. liquirit. ʒʒ. cinamom. ʒʒ. c. f. q. aq. Nymph. F. Pilulæ instar pisorum. *Joan. Michael. in Prax. clinic. general.*

In calculo vesicæ commendatur sal tartari dissolutum in aq. petroselinæ; sed melius dissolvitur in aqua quadam composita lithontriptica. Millepedes, variis præparantur modis, sed optimus est, qui fit spirit. salis. Si calculus vesicæ obstruat urethram, aliquando juvat, si æger pedibus tollatur, & ita fortiter commoveatur. Conveniunt autem hic medicamenta superius in calculo renum laudata. Hic verò fortiora non possunt.

℞. Asell. præp. cum sp. sal. ʒj. spir. juniper. ʒij. juris cicerum ʒʒ. m. Est experimentum Laurembergii.

℞. Tereb. citrin. cum succo citr. lotæ ʒʒ. spec. lithontriptic. ʒiʒ. scam. rosat. ʒij. M. F. l. a. Pilulæ.

℞. Tereb. cum aq. saxifrag. lot. ʒij. magist. Nephrit. ʒj. m.

℞. Herb. herniær. saxifrag. an. m. j. Glom. cynosbat. num. iv. rad. eryng. ononid. bardan. an. ʒij. F. l. a. Nodulus.

℞. Sal. fimi columb. sal. stip. fabarum an. ʒij. sp. sal. ʒj. M. *Idem ibidem.*

In dolore nephritico, obstructione & calculo renum & vesicæ.

℞. Rad. Althææ, lilior. alb. an. ʒj. Herb. malv. saxifrag. branc. ursin. flor. chamomill. melilot. an. m. ʒ. sem. anis. ʒʒ. fœnicul. lini an. ʒj. coq. in f. q. aquæ communis, colat. ʒj. adde extract. cass. ʒj. Tereb. in vitell. ovor. solut. ʒʒ. ol. anethin. ol. scorpion. an. ʒj. m. f. enema.

℞. Extract. cass. ʒʒ. pulv. rhab. ʒj. tinctur. tartar. ʒj. ol. amygd. dulc. ʒj. misce f. Bolus.

℞. Pulp. cass. ʒʒ. extract. liquiritiæ ʒʒ. sal. essent. tartar. gr. vi. Laudan. liquid. tartar. ʒj. gt. iij. aq. fœnicul. ʒij. m. f. potio. *In India.*

℞. Conserv. flor. cassiæ ʒij. pulv. rhab. ʒj. pulv. liquirit. ʒj. lap. percar. præp. ʒʒ. ol. amygd. dulc. ʒj. misce f. Bolus.

Vel ℞. Aq. petroselin. fœnicul. an. ʒij. liquoris l. pid. Hamatit. ʒʒ. Laudan. liquid. tartar. ʒj. gr. v. Syr. fœniculi, liquiritiæ an. ʒʒ. misc. dos. cochlear. j. bis in die.

Seu ℞. Aq. Morungæ, fœniculi an. ʒj. sp. sal. ammoniac. sp. lign. ebeni an. gt. xv. syr. perlar. ʒʒ. misc. detur cochleatim.

Vel ℞. Marmeladæ antinephritic. ʒj. Dos. ʒj. ad ʒij. mane & vesperi cum aq. fœniculi.

In calculo renum & vesicæ.

℞. Spir. sal. ammoniac. acidi ʒj. Dos. à gutt. x. ad xv. in aq. Saxifragiæ.

℞. Liquor. lapid. Hamatit. ʒj. essent. juniper. ʒʒ. misc. dos. gt. xv.

Vel ℞. Tartari vitriolati ʒʒ. ocul. cancror. gr. xv. sal. succin. volat. gr. v. sal. stipit. fabarum ʒʒ. misc. f. Pulvis pro j. doli.

Seu ℞. Nitri vitriolati ʒʒ. lapid. perc. præp. ʒj. succin. præp. ʒj. m. f. Pulvis pro i. doli.

Sive ℞. Spir. urin. hirc. ʒʒ. essent. Hyperici ʒj. syr. liquirit. ʒʒ. aq. Hyperici ʒij. misc. dos. cochlear, bis in die.

℞. Spir. sanguinis hirci ʒʒ. vini Alkekengi, ʒij. misc. pro 2. dosibus.

℞. Spir. sal. iartarificati ʒj. Dos. gt. x.

℞. Marmelad. Antinephritic. ʒj. Dos. manè & vesperi ʒj. ad ʒij. *Herm. Nicol. Grimm. in Compend. Medico-Chymic.*

In mictus sanguinei à calculo renibus impaeto remedium & sanguinem satis copiosum è brachio mitti curabam, & post purgationes universales, medicamenta refrigerantia & incrassantia, varii generis in usum revocabam; Diatam interea his consentaneam adhibens, liquores acidos, acres, & attenuantes sollicitè devitans. Cum autem neque ista, neque alia permulta, quæ numerare longum esset, quicquam prodesse; & metuens calculum quem grandiore esse suspicabar quam ut expelli posset, aquis chalibeatis ad exitum sollicitare, tandem spem rei bene gerendæ prorsus amisi. idque eo potissimum nomine, quod observaram senes aliquot mihi notos, sibi mortem accersisse, dum hujusmodi remediis incassum morbi curationem molirentur. Steterit itaque sententia non amplius tentare, at vitato tantum quam potui maximè corporis motu, ab hoc affectu mihi cavere. Tandem verò animo fortè recolens, quàm mirè nonnulli deprædicent seminis *Fraxini* vim Lithontripticam subiit cogitare quòd si semen ejusmodi virtute polleret, omnino verisimile esset *Mannam* *Fraxini* adhuc plus posse. Cum manna quam habemus, docente Botanographo nō mō Dominō *Joan. Ray* post alios scriptores, neque Mel *Aëreum* est, nec Ros aliquis Cœlestis, sed liquor potius, tam è foliis, quàm è trunco & ramis *Fraxinorum* in Calabria nascentium, exudans, de cujus re veritate idem dum in *Italia* peregrinaretur certior factus est ab eruditissimo Medico, qui ex ramulis & foliis linteo à se curiosè contextis *Mannam* (qui est succus ita concretus ut dixi) sæpius collegit. *Vid. Joan Ray Catalogum plantarum Angliæ* experimentum itaque facturum, *Mannæ* ʒij. in seri

lectis

lactis ℥ij. solutæ hausi, pauxillum succi limonum subiinde, dum purgaret, deglutiens; quo & Catharticum acuerem, quod segnius operari solet, & ventriculo minus ingratum redderetur. Ab huiusce remedii usu vix dici queat quantum ego levaminis circa Renum regionem perceperim; licet enim antea non semper dolerent Renes, tamen pondere quodam gravativo & molesto sensu afficiebantur. Quod cum ita feliciter mihi cessit, idem Catharticum singulis Hebdomadis statò quodam die ad menses aliquot continuos in usum revocabam, & post singulas Catharseos vires melius me habuisse planè sum expertus, donec tandem etiam rudiorum Currus conquassationem ferre potuerim; ab hoc symptomate prorsus liberatus usque ad veris tempus jam proximè elapsum. Quo apparente, cum per prægressam hyemem ferè omnem Podagrâ laborassem, & præ nimia corporis ad motum inhabilitate, quieti & *anxiè* magis quam aliàs solebam, indulgissem, rediit de novo sanguinis mictus. Hic ego an ad Catharsin me iterum reciperem hærebam dubius, quoniam nuperis hisce annis omni corporis substantia in Podagrâ sedem & fomitem quasi perversâ, Catharticum, quantumlibet lene, diutinum Podagrâ paroxysmum certo certius accersebat. Tandem animo succurrebat quòd si Paregoricum singulis noctibus post purgationem adhiberem, quo tumultus à Cathartico excitatus sedaretur, posse me pristinam methodum Mannæ semel in hebdomade capiendæ tutò resumere. Uncias itaque duas cum semisse in feri lactis ℥ij. dissolutæ manè hausi, & serò guttas xvi. Laudani liquidi in Cerevisia tenui dormiturus adjeci. Et Mannam & Laudanum dicto modo repetens bis in Septimana ad sex vices. Postea verò manna semel in septimana tantum uteter, humorum illuvie jam ita copiosè à Cathartico subductâ, ut à Podagra minùs metuendum erat. Cum tamen mea mihi ratio planè dictaverit, quòd si facultate aliqua, sive dissolvente, sive alio quovis modo Lithontripticâ fuerit insignita Manna, omnino est necesse ut Medicamentum, quale est Laudanum, valdè astringens, remedii, in quo spem collocaveram, efficaciam ac vim quadantenus infringat; satius esse duxi Hypnoticum missum facere cum jam semel in septimana alvum solverem. In qua Methodo jam ad menses aliquamultos persisto eundem septimanæ diem ubique Catharsi dicans; nec me ab hoc meo more, ex quacunque data ansa dimoveri patior. Licet à prima huius remedii dosi dolor qui in dorso erat, remittebat uti prius, tamen non ita diu post repetita Catharsis Podagrâ signum dedit; quod nunc Artubus, nunc visceribus, bellum cœpit indicare; at hac morbi tentamina Laudanum fortiter repressit. Cum hæc mihi medendi ratio hætenus bene verterit, in eadem perseverandum mihi esse judico, tam ad præcavendum mictûs sanguinis recursum, quam ad imminuendum aliquantulum ipsius Podagrâ fomitem, (cujus radicalem curationem jam à me posse obtineri planè despero, rariores

paroxysmos eosque breves ac tolerabiles solum exoptans) subductis per hæc intervalla fœdis illis humoribus, qui à depravata coctione prima huiusce morbi origine, in corpore sensim accumuluntur, donec tandem summum depravationis gradum adepti, in Podagrâ Paroxysmum actu desinant, ex occasione vel solito majoris sive animi sive corporis agitationis & notus, vel causæ alterius cujuslibet, unde dicti humores ad fluxum incitantur. Purgationem itaque quod attinet (modò cathartico, mannâ scilicet, & secundum methodum suprâ à me traditam subducatur alvius) jam retractanda mihi est sententia illa mea quam in scripto de Podagra olim evulgaveram: nempe Podagrâ affectis minimè conducere, ut vel initio, vel in declinatione, vel per Paroxysmorum intervalla purgentur.

-----*Nec si miserum fortuna Sinonem*

Finxit, vanum etiam mendacemque improba finget.

Nondum enim in mentem mihi venerat, Paroxysmum quem à tumultuante cathartico excitandum metuebam, exhibito sub noctem Hypnotico prohiberi potuisse.

De Regimine victus ratione, quæ utrovis horum affectuum laborantibus competere mihi videntur, (quando nihil eorum præterire velim quæ istis usui esse poterint qui iisdem, quibuscum ego, morbis conflictantur) hæc addo mane lecto exurgens, decoctionis *foliorum Tea* cyathum unum alterumve exicco; dein curru ad meridiem usque gestatus, & domum reversus, quovis ciborum genere mihi grato & eneptor, dicè [id enim ante omnia semper, & diligenti cum cura tenendum est] me reficio; statim à prandio per singulos dies vini Canarini plus aliquid quarta parte cibæ (seu Pintæ) vulgaris ad promovendam ciborum in ventriculo concoctionem, & ad Arthritidem à visceribus procul arcendam, haurire soleo. Pransus iterum Rheda vector, & quoties per occupationes meas non destineor, Rus peto, aëris ialubrioris inspirandi gratiâ, ad miliaria duo vel tria. Cerevisiæ tenuioris haustus mihi pro cœna est: sed & hunc repeto etiam in lectulo, me jam somnum compositurus; idque eo fine ut hoc Julapio succos acres calidosque in renibus stabulantes, è quibus fit calculus, refrigerem simul ac diluam. Ego verò & hic & inter prandendum cerevisiam tenuem lupulatam, cerevisiæ non lupulatæ, quantumlibet tenui, ac miti, præferendam censeo. Licet enim non lupulata, mollitie ac lubricitate quâ pollet, ad subducendum calculum jam in Renibus concretum magis faciat; attamen Lupulata, ob levem illam stypticitatem quam impertiunt Lupuli, minùs facit ad sabuli vel materiæ calculosæ generationem, quàm facit non lupulata, cujus & viscidior est substantia, & lutulentior: Quo die catharsi defungor, ex Pulli carnibus Prandium mihi est; vinum tamen Canarinum pro more meo superbibo. Mihi curæ est, præsertim hyeme, ut lectum temporius petam: quo nihil magis confert ad con-

concoctiones rectè perficiendas, & ad conservandum pariter tenorem illum atque ordinem quæ naturæ jure debetur. Sicuti ex adverso, nocturnæ lucubrationes, senum cum morbo chronico qualicumque conflictantium, tum concoctiones imminuunt ac depravant, tum eorundem principio vitali vulnus haud medicabile intingunt. Illud etiam sedulo observo, ad præcavendum à calculo mictum sanguineum, ut quoties per plateas ad longius aliquod intervallum curru vehendus sim [gestatio enim, vel ad maximam quamlibet distantiam, per vias lapidibus non stratas minimè obfuit, mihi] non prius rhedam ingredior quàm haustum cerevitiæ tenuis paulo liberaliorem ingessero, quem pariter iterò ante regressum domum versus, si fortè alicubi diutius fuerim commoratus: quo pacto semper mihi à mictu sanguineo satis est præcautum. Etsi verò haud quenquam fortasse deceat (eum maximè quem sive saluum, sive mortuum esse Hominem vix interfit) ita crebram sui mentionem injicere; hæc tamen eo animo dicta volui, ut aliis quorum vita salutisque majoris fortasse ponderis & momenti sunt, queant prodesse.

Hic postremo subindicandum est ingens discrimen in quod nonnulli se conjiciunt, tam calculo quàm podagrâ laborantes quoties mannam in *aquis mineralibus* cathartici solutam inconsultò capiunt. Quamvis enim hoc modo assumpta, & celerius vim catharticam edat, & minori nausæa ventriculum irriter; tamen minora ista commoda injuriam aliàs ab aquis illatam pensare non valent. Etenim ei calculus renibus inclusus ita magnæ molis sit, ut per ureterum ductus in vesicam propelli nequeat, istæ aquæ paroxysmum ut plurimum excitant, qui eousque perdurabit, cum vitæ ægri periculo, donec tandem calculus in pelvim redierit. Quinimo nec *chalybeatis aquis* æger se tutò committet, nisi prius certò sciat calculum majorem non esse quàm ut per ureteres viam possit sive invenire sive facere, quod hoc tantum modò, quantum ego conjicio, certo dignoscere potest; si nempe jam antea paroxysmum aliquem nephriticum fuerit perpeßus, (cum dolore scilicet sævissimo in Renum alterutro, per ureterum ductus propagato, & vomitu enormi) pro comperto habeat, non tam grandiore aliquem calculum pelvi concludi, quàm lapillorum exiguorum congeriem, quorum unus subinde in ureterem illabitur, atque ita Paroxysmum hunc invitat, qui fere non desinit nisi calculo in vesicam detruso. Cum res ita se habeat nullum est magis efficax remedium sive ad præcavendum minorum calculorum incrementum, sive ad eosdem à Renibus deturbandos, quàm *aquarum chalybeatarum* potatio liberalior, per singulas æstates jugiter repetenda.

Cum verò sæpè accidat, ut *Paroxysmo Nephritico* quis corripiatur, quando hujusmodi minerales aquæ haud præsto sint, vel etiam tempestas anni adsit, quæ earundem potationi minis faveat; hac itaque compendiosâ methòdo, sine ulteriore remediorum apparatu, insistendum. Si æger temperamentò sanguineo præditus fuerit, & ætatem provec-

rem haud adhuc attigerit, sanguis ex brachio Reni affecto respondentem, ad 3 x. extrahatur; deinde liquoris possetici cui rad. altheæ 3 ij. incoctæ fuerint congiuntum unum quàm citissime devoretur, & sequens enema injiciatur.

℞. Rad. altheæ & lilior. an. 3 j. fol. malvæ, Parietar. blanc. ursul. & flor. chamamel. an. m. j. sem. lini & fenugr. an. 3 ss. coq. in s. q. aq. ad 1 lb i ss. colaturâ dissolve sacchari culmaris & syr. dialtheæ. Fernel. an. 3 ij. m. f. enema. Quamprimum per vomitionem æger totum reddiderit, quod per os ingestum fuerit, aut etiam enema rejecerit, Laudani liquidi satis magna dosis propinetur viz. ad gut. xxv. vel *Pil. Matheri*, gr. xv. vel xvi. In senibus verò, morbo aliquo diuturno fractis, ut & in vetulis, *vaporibus*, vulgò dictis, obnoxiiis (præcipuè si sub initium paroxysmi urinam ex reddant nigram ac sabulosam) venæsectio omittatur: At quoad reliqua, eadem, quæ jam dicta fuit, viâ omnino procedendum. Sed ut ad calculum, qui hujus loci est, grandiore revertamur. Quod si calculosus nullo unquam paroxysmo nephritico fuerit tentatus, cum jam major sit calculus quàm ut ex pelvi possit elabi: non solum nihil proderunt *ferrea aqua*, sed etiam ob jam dictas rationes, non sine præsentis periculo sumentur. Neque minis malè quandoque *Podagricis* cedit aquarum mineralium usus, modò senes fuerint (ut sunt plerumque) & pariter corporis habitu phlegmatico imbecilloque. In his enim nonnunquam naturæ vires eo ulque sunt imminutæ ac succisæ, ut omnino metuendum sit, ne tantâ copiam aquarum penitus obruantur ac succumbant. Sive verò in causa sit noxa quàm exinde capiunt homines tali habitu ac temperamento præditi, sive non sit; illud mihi compertissimum est, haud paucos quorum corpora hoc modo fracta admodum, & quasi confecta fuerant, hisce aquis interemptos diem suum obiisse. *Thom. Sydenh. Tractat. de mictu sanguineo à calculo Renibus impa-*

Calculi renum nisi magni sunt, aut malè figurati, aut corpori insunt arido, venisque exilibus præditi, haud magno plerumque apparatu propelluntur, sæpe etiam solo Naturæ ductu. Notavi ego calculos, qui diu satis & quovis medicamenti genere frustra erant lacerati, tandem sponte sua, aut remedio molliculo corpore excessisse. Verum quia dolores sunt longè intensissimi, non indulgetur naturæ mora, sed extemplo poscitur quod dolores dolorumque leniat materiam. Statim ergo ad primas querelas conquiruntur diuretica eaque calida & sale volatili oleoso plena, terebinthinata, juniperina, balsama sulphurea. alliata, & alia quæ in frigidis serosisque corporibus non sunt damnanda: ita in calidis, ut sunt plerumque nephriticorum illa, ea cum prudentia adhiberi debent, ut nec copia, nec qualitate sua sanguinem nimium accendant viasque exsiccent. Equidem, ut vidi renalem calculum sanguineis biliosisque temperamentis familiarius evenire quàm aliis, in suspicionem veni ad generationem ejus plurimum quoque conferre biliosum fermentum. Adeò nunquam

putavi nephriticos temerè calidis siccisve medicaminibus fatigandos esse, quippe qui cruciatuum biliosique sanguinis effervescencia plus satis incallescant. Nimirum oleosa illa aut spiritiosa, quæ tot nominibus celebrantur, initio quidem & nondum inflammato sanguine sollicitèque usurpata, pulchrè quidem conducunt, sed progressu temporis, quando biliosi fermenti acrimonia sanguinem renisque pervasit, non bilem tantum accendunt, sed vias quoque, quas laxare oportebat, nimium exsiccant. Profectò, si Indicantium in illa Empirices inualescentis autoritate aliqua adhuc vis est, nulla etiam post curiosum examen magis convenire morbo illi possunt, quàm aquea, dulcia, pingua, & quibus aliquid inest nitrosi, aut si quid renali fermento affinius urinæque juvat secretionem: In quo casu cum omnibus numeris absolutum sit Foresti Belgæ, Practici Celeberrimi, decoctum, dubitem ego, an quid convenientius morbo huic excogitari possit; Mihi certè in plurimis felicissimè cessit ejus usus. Reperias autem ibi primò aquam catearæ virtutis vehiculum, quæ etiam mucosum pelvis involucrum diluvio solvat, materiamque præbeat feri. Reperias mucilaginosam malvæ althææque semina, dulce caricarum sebesten & glycyrrhizæ delinimentum, hordeum denique & ciceres quæ cum nitrosa contentent & abitergente facultate, & secretionem adjuvant feri, nutantisque fermenti renalis vires confirmant. Quibus si deinde juscula adjungas vitulinæ, acido citri, oleo amygdalarum dulcium, manna tabulata, & syrupo de althea Fernelii, parte etiam vini Mosellani delibuta, jam haberi puto quod omnibus chimicorum arcanis, ipsi imprimis Aroph & Samech Paracelsi factum facere possit; Nam cum hæc uni, aut summum alteri indicationi, illa ex æquo omnibus respondent. Non negaverim interim si caloris immune corpus obtigerit, misceri illis posse spiritus antinephriticos arduos, ballama & sulphura terebinthinata, at certâ & circumspectâ dosi. Vidimus enim prodigo istorum usu, ubi arenulæ & calculi expectabantur, tristi augurio sanguinem è renibus defluxisse fuscum & colliquatum, quod ipsum etiam ab intempestivo usu diuretici Langii profectum vidi. Quare etiam auctor esse soleo, ubi in calidum temperamentum incidit hic morbus, ut acidis potius tartareisque, quàm spirituosius sulphureisque certetur, spiritu nimirum nitri, illo adeò nunc etiam probato, tartaro vitriolato, chrystallis & cremore tartari, illâ quoque ex plurium acidofalinorum corporum conjugio orta Amelungitinctura antinephritica, tot olim elogiis famigerata, quò intelligatur biliosum sæpe fermentum totam hanc scenam instruere, & victâ renum siccitate sero quoque liberius eundi facultatem esse. Pulveres fixi atque absorbentes tum demum conducunt, quando acidum acius fermento junctum renali, secretionem fluidi moratur impeditque, ne calculus diluvio feri ad vesicam deduci possit, & ut in hisce peculiaris est lapidum cancri efficacia plurimis effectu testata, meritò etiam in usum vocantur, etiam tum, cum bilis effervescit; namque & illud nitrosum volatile, quo & ipsi per-

funduntur, huic temperandæ pulchrè respondet. Mucilaginosi pulveres qui ex seminibus malvæ, althææ, milii solis, gummi tragacanthino, cerasino, cujus commendatio apud nonnullos maxima est, & liquiritia conficiuntur, viarum potius asperitatem fermentique renalis acrimoniam delinunt, quàm ut vi gaudeant peculiari lithonriptica. Pilulæ ex succo liquiritiæ, terebinthina, oculis cancrorum, sale juniperino, succinato acido volatili, tartaro vitriolato aliisque pro necessitate compositæ & ipsæ officium faciunt, etiam magis profuturæ in exquisitis doloribus, si tantillo opii condiantur; neque enim hoc semper aut nimium esse debet. Ut tamen dicam, quod res est, non adeò Medicinis illis specincis, neque unis aut alteris dosibus, evertitur calculi fermentum, nimis toti sanguini, nimis universæ constitutioni infixum, sed toto vitæ ordine & diætæ ductu, imprimis quotidiani potus qualitate usque continuata. Hinc præter potum bene compositum cerevisiæ, hordeatæ magis quàm siliiginæ, tenues quàm crassæ, molliculæ & pingues, quàm diobolares & aqueæ, inter Germanicas Goslariensis, Belgicas Leodiensis, utraqque metallicum quid redolentes, inter medicatas juniperina, scolopendriata, petroselinata, dauci seminibus, liquiritia aliisque, dum fermentationem sustinent, perfusæ, vel excogitatissimis remediis palmam præcipiunt. Et verò non spernendus quoque ille jam ab aliquot retrò annis celebratus theæ potus, multis nominibus, tum maximè fluidi aquei calorisque beneficio probatissimus. Veronicæ potus & ipse magno compendio in eundem medicinæ usum vocari posset. In Belgio Hispanico rubellæ sylvestris pulvis, velut specificum, in maximo est pretio, amplissimisque elogiis venditur, si & ille in calida bibatur. Aquis etiam thermalibus calculos nonnullos felicissimè propulso vidi; illâ enim quotidianâ thermopotatione plerumque in renes abeunte viâ in immensum ampliantur, & cum perpetuum eas occupet diluvium, calculi olim fixi pertinaciusque hærentes, etiam supra fidem magni facile loco facile angustis canaliumque poris excutuntur. Vidi tamen etiam, ne quid ab omni parte tutum esse credas, qui nullis unquam doloribus renum calculi vexati intempestiva aquarum Emsensium potatione gravissimè & decretoriè ex nephritide laboraverint. Namque latitaverat in hisce calculus, qui nondum penitus solutus, qui aliàs Naturæ labor est, lentus ille & paulatinus, copioso aquarum diluvio subitius præcipitari loculisque suis excuti, nunc etiam in periculosiores dolentesque situs figuræque, mox tamen succedente novo diluvio mutandas, conjici cœpit; adeò ut aliarum rerum, ita calculi quoque videtur expectanda maturitas quædam, id verò est Naturæ concurrentis solertia. A Pymontanis viro ex hypochondriis ægrotanti etiam calculos nunquam ante creditos, ab alvo magna copia propulso scio, tot olim purgantibus, quod diluvio isto carerent, frustra propinatis. Nicol. Pulin. in Obscro.

Operæ pretium erit vesicam cathetere explorare, an Calculus sit doloris causa necne; & quantus sit, si adsit: ne si molis sit magnæ, frustra

frustra patiens Lithontribis fatigetur. Hoc enim casu si lithotomix se nolit exponere, ut atroces cruciatus demulceantur, & urinæ viæ leniantur, Medico unice nitendum est. Hisce intentionibus inserviunt sequentia.

℞. Fol. beton. m. ij. malv. violar. parietar. an. m. j. flor. chamæmel. & melilot. an. p. ij. sem. foenugr. ℥β. f. omnium decoctio in sero lactis recent. Cap. de colatura ℥β. in qua dissolv. cathol. elect. lenitiv. an. ℥j. syr. violac. sacchar. alb. an. ℥ij. mucilag. sem. altheæ extract. in aq. hord. ℥ij. m. f. Clyster. Instituaturo quoque Purgatio lenis. Perinæum foveatur fotu sequenti.

℞. Rapor. ℥β. raphan. totius ℥β. rad. lil. alb. alth. symphyt. maj. an. ℥iv. parietar. totius, malv. argentin. virg. aur. saxifrag. nasturt. betul. an. m. ij. chamæm. m. ij. baccar. juniper. ℥ij. sem. alkekeng. mil. sol. an. ℥iβ. f. Sacculi, quibus decoctis in aq. font. foveantur perinæum & pubes calidè mane & vesper per horam integram. Ex iisdem urgente dolore, paretur *Semicupium*, etiam addito lacte vel oleo pro necessitate. Balneum quoque instituaturo ex ingredientibus semicupii aucta quantitate, in quod ingrediatur bis in die; & post tertium balneum sumat in ipso balneo haustum infra descriptum è succo parietariæ, &c. addendo lap. prunell, ℥j. aut amplius pro necessitate ad ℥iβ. aut ℥ij. si calculum expellendi spes sit.

Cerevisia medicata sit talis.

℞. Filic. foemin. ℥viii. alth. symph. an. ℥v. cort. med. ulm. nucis moschat. an. ℥iv. fol. siccor. pariet. equiset. veronic. mar. an. m. ij. flor. malv. utriusque, nenuphar. cum semin. an. p. iv. sem. malv. cydon. an. ℥iβ. Coq. in alæ rec. galen. vj. ad duos, addendo ejusdem cerevis, ferment. galen. iv. infund. per noctem, & coletur per setaceum manè: liquori affuso in doliolo adde q. s. ferment. cerevis, cum ℥viii. gumm. Arabic. sinatur fermentari ad perfectam depurationem, & lagenis lapideis indatur ad usum.

Opiata sequens multum levaminis ægro ferre poterit.

℞. Conserv. flor. malv. ℥iv. medull. sem. melon. ℥j. pulv. rad. symph. maj. glycyrrhiz. an. ℥iβ. pulv. oss. mespilor ocul. cancr. mandibul. lucii an. ℥ij. pulv. virg. aur. sem. alkekeng. milii solis an. ℥iβ. gum. Arab. ceras. prun. an. ℥ij. cum syr. de alth. f. *Electuarium*. Dos. quant. nuc. juglandis manè, super hausto cerevis. medicat. momento, dilato prandio ad 4. horas. Convenit quoque (in arenulis vel calculis minoribus) in ipso semicupio haustus sequens.

℞. Succ. depurat. parietar. ℥ij. vin. alb. ℥j. succ. limon. ℥β. ol. amygd. dulc. rec. ℥iβ. m. f. Haustus.

Aut ℞. Cancror. fluviat. numero ij. terantur in mortario marmoreo cum vin. alb. & extrahatur cremor, cui adde syr. viol. de alth. an. ℥vj. crystall. mineral. ℥j. m. Crystallus rupis in succo urticæ specificum est. Pulv. lithontripticus item exhiberi potest ad ℥j. qui talis est.

℞. Rad. alth. & glycyrrhiz. an. ℥j. virg. aur. ℥ij. rad. ononid. ling. avis an. ℥j. nucl.

mespilor. ℥j. sem. aquileg. ocynti, milii solis, alkekeng. spatulæ foetid. an. ℥vj. sem. violar. Martiar. ℥x. ocul. cancror. præp. cum sp. vitriol. & sp. vini, lap. Tiburon. cryst. rupis præp. an. ℥ij. grillor. præp. cum malv. ℥j. m. f. pulvis ut alkool. Et si velis, cum triplo syrup. de alth. & nephro cathart. (supra in cap. de Calculo Renum descript.) in aqua proportionem mixtor. f. Opiata, cujus dosis à ℥j. ad ℥ij. superbibend. haustum cerevis. medicat.

Si ulcus adsit, primò deterg. injectione ex aqua hordei & melle rosaceo. Aut sit hujusmodi, de qua injiciatur ℥β. quavis vice quater in die, ut pertingat ad vesicæ fundum & latera.

℞. Ros. rub. fol. melilot. an. m. j. fol. agrimon. apii, prunell. veronic. utriusque fanicul. consolid. maj. an. m. j. rad. aristol. rot. ℥ij. furfur. macr. hord. integr. an. m. β. cancror. fluviat. clibano exsiccatur. & pulv. num. vj. Coq. in vin. alb. aut sero lact. q. s. Ad Colaturæ ℥β. adde sacchar. cand. syr. de ros. siccis aut mel. ros. an. ℥ij. urin. puer. impub. ℥β. m. f. Injectio.

Ad ulceris consolidationem talis fiat injectio.

℞. Glycyrrhiz. Hispan. rec. ℥ij. rad. alth. symphit. maj. an. ℥x. fol. beton. aquatic. equiset. an. ℥iβ. veron. mar. bugul. prunell. hyperic. totius, persicar. maculat. an. ℥vj. flor. malv. rosæ ℥v. sem. malv. psyll. cydon. an. ℥β. gumm. Arabic. verm. terrestr. siccor. vesic. bubul. siccatur. an. ℥iv. β. f. pulvis crassiusculus, de quo sumatur ℥j. aq. hord. ℥β. Coq. ad medias f. colatura, cui adde æq. part. lact. vaccin. rec. & f. Injectio bis in die tepidè. Pilulæ meæ lenientes in vesicæ aut renum ulcere & calculo, tales sunt.

℞. Oliban myrrh. mastich. an. ℥ij. glycyrrhiz. rad. consolid. maj. sicc. an. ℥β. crem. tart. ℥ij. croci ℥j. camph. ℥β. antim. diaphoret. ℥j. f. pulvis & cum tereb. aq. ros. lot. q. s. f. massa pilularis. Dos. ℥β. mane superbibendo haustum cerevisiæ medicat. Paulatim augeri potest dosis ad ℥j.

℞. Gumm. guajac. natural. ℥ij. mastich. oliban. part. alb. benzoin. sandarac. gumm. anim. an. ℥ij. santal. alb. ocul. cancr. an. ℥j. terebinth. Cypr. coctura indurat. ℥β. succin. alb. præpar. ℥iβ. f. alkool excipiend. f. q. balsum. Peruv. nigr. & f. massa pilular. Dos. ℥β. ad ℥j. superhaust. cerevis. medicat. haustu.

In ulcere Renum & vesicæ, in quo cum maximis inter mejendum cruciatibus mucus viscidissimus exernebatur, D. Deodatus, irritis aliis omnibus remediis, salivationem provocabat per Mercurii dulcis iteratam exhibitionem in vetula generosa fere nonagenaria, omnia sedata fuerunt symptomata: ita ut quæ moribunda erat & cui cutis vix ossibus hærebat, per annum vixerit satis sana. Recurrente tamen morbo, senectute oppressa tandem supremum obiit diem.

In juniore subjecto iterata exhibitio Mercurii in parva quantitate, etiam sine ptyalismo, proculdubio profuisset. Quotidie possunt exhiberi gr. vi. viii. x. calomel. vel de de Mercurio nigro sive Æthiope minerali. Rationalis est hæc

hæc via propter revulsionem, præter Mercurialem vim quæ alias ulcerationes internas & externas perficit.

N. B. Non dubito quin possit prodesse hæc via in tartaro lutofo sine ulcere, revellendo & evacuando blennam quæ vel in stomacho generata, vel in cerebro, iugitur a Mefaraicis cum substantia aliment. & postea separatur in renibus & defluit in vesicam.

Apes siccata in pulverem redacta propinentur ex vino albo, urinam paulo post provocant. Num. iij. sufficiunt ut plurimum. In seipso Ischuria laborante sæpius expertus est Hiberniæ Primas Armaghanus.

Quidam (nomine *Dinkinson*) laborans caruncula in urethra, Ischuria correptus, partim a fungoæ carnis inflatione, partim a grandiori arenæ grano meatum jam pene occlusum penitus obstruente, de vita desperans, & consilii inops, assumpto siphone seu syringâ stanneâ (quod instrumentum ipsi tunc erat ad manum ad injectiones faciendas in urethram & vesicam) aërem saltem ex vacuo syringæ corpore in meatum impulit cum aliqua violentia. Sic dilatato ductu, successivè multum aëris intravit vesicam, qui ne erumperet, quoties siphonis apicem sive fistulam extrahebat ad novum aërem captandum, arctè digitis premebat urethram. Tandem satis oppleta vesicâ, laxato & remoto obice, flatus cum impetu erumpens, arenam expulit, & prorupit urinæ satis copiosa maximo cum levamine. Deinceps quoties aliquam experitur difficultatem, recurrit ad sacram anchoram cujus nunquam fallacem experitur effectum.

Ego vellem insufflare ex folle parvulo duplici, qualis est organor. aërem in tubum argenteum satis brevem & majusculum, urethræ prius inditum & circumligare virgam serico molli sine ullo dolore; atque ita & urethram dilatare & opplere flatu vesicæ, &c. vel uti vesicâ vento turgidâ eodem modo quo clysteres injiciuntur.

In calculo majori, ubi ejusdem exclusionis nulla spes est, si *Lithotomie* se subicere æger velit, post operationem modo sequenti tractari potest. Operator quidam Scotus alias ignarus, post extractionem lapidis vulnere & vesicæ hoc pacto prospicere solet felicissimo cum successu. Ægrum jubet obambulare passus aliquot, ut vesicâ a muco, grumis sanguinis, & restit. nti. bus lapidis frutulis aut arenulis liberetur (quam intentione in debilibus supplere poterit injectio detergens calidè facta in vesicam immediate post absolutam operationem) Postea facit ut per horæ quadrantem sedeat in semicupio tepido parato ex decocto cortic. quercus tam valido, ut ejus guttula ungui superposita non diffuat. Semicupium istud seq. die & tertio repetit: quo remedio proficitur sanguinem sisti, vulnus claudi, & partem insigniter corroborari. Deinceps usque ad perfectam curationem vulnere prospicit mixturâ ex decocto prædicto, melle purissimo & terebinth. veneta, quod suum balsamum vocat, & pennâ illinit. Cortex autem (*Tann dictus*) petatur a coriariis. Terebinthina facillè cum cæteris jungetur, si aliquid vitelli ovi crudi addatur.

Si post *Lithotomiam* restet involuntarium urina

profluvium, convenit decoctum vulnerarium & astringens & suffitus ex gummatibus perfellam perforatam receptus.

Si *Gangrena* Lithotomiam sequatur, vulnere adhibeatur fons ex scord. absinth. centaur. minor. &c. vulnere denigrato adhibeatur unguent. Ægyptiacum cum spir. vini. Cavendum ne vulnus aëri sæpius exponatur. Aperta teneatur vesica turundâ lineâ balsamo digestivo inuncta. Fiant injectiones vulnerariæ & detergentes per tubum œsophago vel intestino pulli obtectum in vesicam per vulnus. Intus lumantur decocta vulneraria. Clysteres lenientes injiciantur alternis diebus. Ulcere deterfo occludatur vulnus per suturam siccam ex pice, mastiche, vernice, thure, sarcocolla, &c. quæ aquæ appulsam non sentiant. *Theodor. de Mayern. In praxi.*

In omnibus ferè partibus corporis possunt calculi nasci, vesica, renibus, utero, folliculo fellis, intestinis, pulmone, hepate, in externis partibus corporis; addo quod etiam in fronte, & sub cute, instar duri tumoris natum, exsectumque fuisse legamus. Verum in duabus iis valde communiter est, & magis ordinariè nascitur: renibus nempe & vesica. Eorum verò, qui intus in membris, & visceribus nascuntur, nullus est per chirurgi inexcimibilis præter eum, qui in vesica nascitur: ideo sectio calculi lithotomia dicta versatur tantum circa exsectionem calculi vesicæ; Calculus enim renum pharmacia curatur, non verò chirurgia; Etiam si Rousettus doceat, eum etiam per abdomen posse excindi, sed stultum nimis mihi temerariumque videtur, & merito deridendum, & ideo de tali sectione nihil dico.

Quoad calculum vesicæ, ille potest per Chirurgi in duobus modis eximi, vel cum sectione, vel sine sectione; In mulieribus propter collium vesicæ brevius, & quia in iis facilior est manus Chirurgicæ per pudenda eius ad vesicam accessus, potest aliquando sine sectione extrahi: in viris non ita; Saltem ars eum sic educendi non est nostris Chirurgis Europæ cognita.

Est tamen bene aliqua ars eum educendi, modo non sit nimis magnus. Illam describit Prosper Alpinus in lib. de Medicina Ægyptiaca, quum ait novisse Chirurgos Arabiæ, & Ægypti, & se propriis oculis vidisse, eam fuisse practicatam in aliquibus principibus Ægypti viris, & per eam vidisse educi calculos magnitudinis olivæ, & quendam Arabem sic uni duci Ægypti, se præsentem, multos calculos extraxisse. Ratio artificii consistit in eo, quod illi membri virilis cavitatem, & colli vesicæ insufflatione plurimi aëris valde dilatent sicut per eum tam magnus calculus possit transire. Meatu sic dilatato, faciunt ut fuga vacui exsucto aëre, lapis per virgam magno impetu efferatur, virgam dilatari posse, non debet mirum videri, quandoquidem ea tota est nervosa, carnea & pelliculosa, & proinde bene dilatabilis. Etenim si os uteri quod adeo connivet; ut calamus non possit in eum imponi, quodque constat substantia cartilaginea, dura, & non facillè dilatabili possit tempore partus ita dilatari, ut per eum exeat fœtus tam magnus & crassus; Quare non posset substantia membri

virilis tam mollis in tantum dilatari, ut unus lapis posset per ipsum exire? modus facienti non est omnibus Chirurgis idem. Unus modus est talis. Capiunt ligneam cannulam longitudine octo digitorum, latitudine unius pollicis, quam virgæ cannali admovent, tum fortiter insufflant, & ne flatus ad anteriora perveniat, altera manu extremum virgæ stringunt, tum foramen cannulæ claudunt, ut interim virgæ canalis latior fiat, & intumescat. Eo facto, digitum in anum imponunt, & lapidem paulatim ad canalem virgæ & ad extremum ejus deducunt, & cum præputio lapidem appropinquasse sentiunt, cannulam virgæ à foramine fortiter impetuque remouent, sic ut magna dexteritate lapis evolet. Alius modus est hic. Habent multas cannulas, unam majorem altera, factas è substantia quadam cartilaginea valde dilatabili, in modum musci instrumenti syringa appellati. Harum graciliorem in virgæ canalem primò intromittunt, quousque ad vesicam pervenerit: moxque ore insufflando, ipsam dilatant quantum maximè possunt. Postea capiunt paulo crassiorem, eamque ibidem immittunt insufflandoque eam dilatant ut primam, postea eodem modo imponunt, & tertiam, & quartam omnium maximam. Et cum sic virgam dilataverunt, ut viam satis magnam esse putent, ut per eam calculus possit transire, digitos in anum imponunt, & calculum ad collum vesicæ, ubi majoris cannulæ extremitas pervenit, & usque ad ipsam deducunt: tum altero cannulæ meatu ore excepto, spiritum fortiter retrahendo calculum simul attrahunt tanto impetu, ut si calculus aliquando major sit, quàm ut foramen exire possit sæpe in frustra rumpatur. In mulieribus adultis potest etiam calculus eximi sine suctione modò non sit valde magnus, id est, modò sit illius quantitatis, ut possibilis sit per foramen colli vesicæ transire. In mulieribus autem facilius eximitur, quia via non est longa, & est recta & ob humiditatem magis explicabilis. In viris non potest, quia via est nimis longa & flexuosa: Exprimitur autem per extrusionem, digitis factam: Chirurgus enim duos digitos anteriores in genitalia tam profundè imponit, eos sursum versus vesicam intectendo, quousque calculum tangat, tunc eum inter duos digitos quasi comprehendendo adducit, trahendo in collum vesicæ, & continuatione quadam trudit, donec vel exeat, vel adeo ad extremum canalis promotus, ut forcipe in eundem meatum imposita apprehendi, & eximi possit. Si via sit angustior, quàm ut calculus commodè transire possit, debet fomentis emollientibus foveri, & in balneo emolliente ad umbilicum imponi, ut partes laxentur; & in viam urinariam debent imponi forcipes dilatatorii, oleo liliorum uncti, ut ea ratione amplior evadat, sed rarius sine sectione eximi potest.

Hæc sectio etsi sit valde periculosa, & multos ex ea mori contingat, constat tamen experientia quotidiana, quod per eam etiam multi sanentur, & evadant, & quævis sit periculosa, tamen quia impossibile est magnum calculum aliter curari, quia intolera-

bilem affert cruciatum, ita ut homo libentius moriatur: Et quia tandem bene mortem infert, ideo ægrum melius est dubia cum spe, quàm ita perpetuo, & diuturno cruciatu & certæ morti relinquere.

Periculum in multis consistit imprimis in eo, quod in peritonæo sint multæ insignes venæ, & arteriæ, & imprimis vicinæ hæmorrhoidales; hinc periculum est, ne iis incisis, vel per dilatatoria, & alia quæ immittuntur instrumenta laceratis, fiat hæmorrhagia lethalis. Sunt præterea ibi nervi, musculus sphincter, intestinum rectum, vasa spermatica, tendines, & substantia vesicæ, quæ omnia hac operatione offendi possent, unde varia pericula oriuntur. Inprimis si vesicæ corpus scindatur à novacula, aut laceretur à calculo, aut instrumentis quæ immittuntur, est lethale: fit enim inflammatio, convulsio & postea mors. Si intestinum rectum scindatur, periculum est fistulæ, & inde etiam mortis. Denique in illarum partium nervosarum tanta divexatione, per tot sæpe instrumentorum in illa scissione, dilatatione, catheteris impositione, crebro denique attractu & laceratione, maximum est periculum inflammationis, febris, virium debilitatis, & mortis: præcipuè, cum ipsa jam antea prægresso calculi attritu vesica plerumque sit exulcerata & inflammata. Tandem, ut omnia rectè successerint, periculum est, ne post exsectum calculum maneat defectus detinendi urinam, quod fit propter musculum colli vesicæ læsum, vel ex vulnere fistula maneat, & per eam intolerabili fœtore, & magnis aliquando doloribus, tota vita urina effluat. Sæpe enim fit, ut vulnus inflictum consolidari non possit, vel urinæ acrimonia erodente, vel vulnus in ulcus convertente, ac pure illac exitum quærente: vel quia vulnus non est bene curatum à Chirurgo: vel quia intus putredines aliqua, & sordes sunt relicte, quæ non patiuntur vulnus claudi: vel quia interstitium illud in perinæo, vel vesicæ corpus tacta sint, quæ conglutinari nequeunt.

Non est autem hæc sectio in omni ætate æque periculosa. In pueris enim, & mulieribus est faciliior, in viris contra. In pueris enim carnes humidæ sunt & laxæ, & ideo facilius conglutinantur, & robustus calor natus resistit injuriis corpori illatis. Et secari possunt minori molestia, & sectione minoris, quam vocant, apparatus, quæ sit paucioribus instrumentis, sicut audiemus. In mulieribus autem propter viæ urinariæ brevitatem, laxitatem & rectitudinem, operatio etiam est faciliior. Hinc minus molestiæ iis infertur. Potest enim in iis calculus immixtus per genitalia digitis tangi, apprehendi, adduci & extrudi, catheter brevior & rectior est, fit minore dolore, faciliusque imponi potest. In viris omnia contra se habent.

Celsus dixit, non ante nonum, nec post undecimum, ætatis annum licitam. Verùm experientia quotidiana docet, & Chirurgi præclarissimi scribunt, usque ad 60. ætatis annum licitam esse, & usque in illum quamplurimos, & cum felici successu feliciter curari, ante

ante annum autem 9. & post 60. non esse secandum. Nam ante 9. annum, ætas nimis tenera est, & duo digiti Chirurgi non possunt sine maxima violentia in anum imponi, quod pro sectione necessarium est. Post annum sexagimum habitus corporis est nimis siccus, & calor natus nimis imbecillus, hinc vulnera partium nervosarum non consolidantur, & imbecilla constitutio non habet tantam violentiam, sed periculum gangræ adfert.

Modus sectionis non est idem, sed pro ratione ætatis, sexusque varius. Aliter in pueris, aliter in adultis, aliter in viris sectio est instituenda. Præter hactenus usitatam sectionem exortus est Franciscus Rousetus, qui in lib. suo de partu cæsario scribit; videri longe securiorem, & faciliorem sectionis rationem futuram, si venter, aut abdomen à latere sub umbilico aperiantur, & imposita per foramen manu vesicæ corpus vulneretur, & inde calculus eximatur. Sed illa ratio non valet. Vesicæ enim vulnus lethale est, & non potest consolidari: & quamvis aliquando legatur consolidatum, est tamen rara avis, & temerarium nimis foret. Et quia illam rationem nemo secutus est, de ea non agimus.

Ordinaria autem sectio fit in perinæo. In ea rectè administranda totum artificium consistit, ut scissio fiat in exortu colli vesicæ & in carnosa parte ejus, ut ipsa membranosa vesicæ substantia non vulneretur, nec ab instrumentis, quæ postea inducuntur, aut calculo egrediente non dilaceretur. Denique ut vitentur magnæ venæ, ac tendines ac partes nervosæ: sic enim ut convulsio & hæmorrhagia, quæ in tali opere sunt timenda vitentur. Si in carnosa illa parte colli vesicæ sectio fiat, & vesica non tangatur, facile vulnus curatur. Duæ sunt differentiæ principales hujus sectionis, una vocatur Celsifica, vel Guidoniana, quam docuere Celsus, & Guido, quæ vocatur à practicantibus sectio minoris apparatus: eo quod fiat facili modo, sine multo instrumentorum apparatu. Nam tantum ponuntur digiti in anum, & fit simplex sectio super ipsum calculum, & ejusdem digitis in ano, existentibus, vel tantum calculus per vulnus extrahitur, vel cum cochleari Chirurgico, aut simplici tenaculo extrahitur. Altera vocatur sectio Mariana, quam docuit & primus scripsit Marianus Sanctus Barolitanus, ex doctrinâ Joannis, sui præceptoris, famosi Chirurgi, & practicantibus vocatur sectio majoris apparatus, & ideo, quod illa sit valde laboriosa, & fiat ope multo plurium instrumentorum. Nam in ea primum imponitur catheter ad calculum explorandum, tum alius catheter, qui habet sulcum, & rimam, qui vocatur itinerarium ad hoc, ut super eum fiat sectio: tum instrumenta, quæ vocantur ductores, ut ducant, & quasi viam monstrant tenaculis, & cochlearibus ad calculum apprehendendum: immittendum tamen verticulus, seu instrumentum ad tentandum, quo loco vesicæ calculus sit, tum dilatatoria ad

foramen, si opus sit explicandum; tum tenacula diversi generis ad calculum apprehendendum, aut frangendum, tum cochlearia ad evertendum frustula aut arenulas. Sectio minoris apparatus locum habet in pueris secandis, propterea, quod in illis digitis in anum immixtis calculus tangi, & apprehendi potest, & sic extrudi. Et ideo non debet multis instrumentis quæri & apprehendi. Sectio majoris apparatus locum habet in adultis & maxime in viris, in quibus propter corporis magnitudinem ductus ad vesicam est longior; & ideo digiti in anum immixti non possunt ad calculum pertingere, & ideo cum sic nec digitis explorari nec apprehendi nec extrudi potest, debet explorari, quæri, educi magna instrumentorum & molestiæ varietate.

Cum itaque secandi sint diversi; primum loquor de modo calculi pueris excindendi. Antequam itaque puer sectioni exponatur, primo cognoscendum, an calculo laboret: Hoc cognoscitur ex communibus signis, & symptomatis calculi: secundo per impositionem digitorum in anum: Itaque curandum est, ut puer saltet vel currat, vel apprehensus per medium duobus brachiis est concutiendus, ut calculus decidat deorsum ad collum vesicæ, tunc sedenti corpore erecto, ne calculus recidat, duo digiti anteriores dextræ manus oleo amygdalino, liliorum aut rosato uncti in anum pueri sunt immittendi quam profundissime; & antrum versus ventrem seu vesicæ situm, (nam vesica intestino subjacet) inclinando, & tangendum, an ibi calculus jaceat, & quam sit magnus, ut pro ratione magnitudinis sectio fiat, & explorandum an non sit tam magnus, ut non possit educi. Si enim erit valde magnus, non deberet cura tentari, quia non posset sine vesicæ laceratione extrahi, unde mortis præsens periculum esset: aut si tentetur, non debet fieri sine prædictione summi periculi, ut honor operantis maneat salvus. Quare exploratione pridie, vel diu ante facta, ad sectionem transeat.

Celsus dicit non omni tempore sectionem posse fieri, sed tantum in vere. Hodie vero omni fit tempore; tamen, si fit hyems, curandum, ut fiat in cubiculo calido, nam puer jacet nudus, & sic refrigeraretur, ac rigeret, quod esset malum. Secundo quia vulnere facto frigus ad vesicam perveniret, frigus autem membranosus partibus est inimicus. Puer prius alvum exoneret, & parum comedat, ut sit fortior, & currat sive concutiatur, ut calculus cadat ad collum. Tunc debet vir aliquis fortis in humili sede sedere, lumini obversus, & puerum in gremio suo aversum, ac mediocriter supinum, coxis ejus super viri cruribus, ponere. Dico, mediocriter, nec in totum, ut sic liberius possit respirare. Tum vir curvatos, ac retratos pueri poplites manibus apprehendat, & fortiter teneat, ac diducat, sic enim puer non poterit se movere & agitare. Secundo ea

ratione vesica deorsum trahitur & in angulum redigitur. Tum Chirurgus duos, non ut ante dextræ manus, sed sinistræ digitos unctos in pueri anum imponat, & dextra manu ventrem inferiorem fortiter comprimat, ut illa compressione calculum à vesicæ fundo deorsum subter os pubis in ipsius cervicem detrudat. Ne autem ita fortiter comprimendo puerum lædat, & ventrem ac vesicam debilitando disponat ad facilem inflammationem, ventrem prius linteo aliquo tegat, subtus verò digitis illis in anum immisis calculum apprehendat, & quantum fieri potest à tergo attrahat, & antrorsum nimirum in vesicæ cervicem promoveat. Eo adductum digitis iisdem firmet, ne regrediat. Tum scoto obstante elevato notet Chirurgus vel oculo vel linea cum atramento facta, locum secandum. Locus est in perinæo inter testiculos, & anum, duobus digitis transversis ab ano, non in recta linea, aut in medio, sed à latere sinistro; Nam in medio est quoddam interstitium, q. quia est nervosum non debet tangi. Debet ergo locus esse paululum ad latus distantia unius grani hordei ab illo interstitio, nam si illo sectio fiat, tunc rectè sectio incidet in carnosam partem colli vesicæ, & in ipsum calculum. Tunc secandum est novacula utrinque acutâ, super ipsum corpus calculi, tam profundè, donec novacula ipsum calculum subiectum tangat, & scindat. Foramen debet esse proportionatum magnitudini calculi, jam acute tacti & explorati. Ordinarium est longius duorum digitorum transversorum; Nonnulli sectionem faciunt cum novacula ignita in viris, uti post audiemus, sed hoc locum non habet in pueris, in quibus ob humiditatem teneræ carnes quodammodo liquarentur: Cavendum tamen est, ne rectum intestinum vulneretur: quia ut notat Paræus fieri potest, & solet, ut dum calculus ad cervicem vesicæ è fundo educitur, illud intestinum replicetur, tum enim inconveniens sequeretur: Nam fæces per vulnus exirent, & urina per anum, & maneret fistula. Vulnere facto, digitis, qui in ano calculum comprehendebant, jam suaviter per vulnus est extrudendus: & si non poterit digitis semper bene uncini, seu cochlearia Chirurgica, ad eam rem facta, per foramen desuper inducenda sunt, ut à tergo eum comprehendant, & comprehensum valde educant, dum jam extractus est, si quæ sordes, aut sanguis grumosus in venis putetur contentus, fistula tenuis argentea perforata in vulnus est imponenda, ut per ipsam effluere possit. Aliqui una sutura vulnus conjungunt, alii non: alii etiam fistulam talem non imponunt. Inde medicamenta sanguinem sistentia, & conglutinantia sunt super imponenda, & pueri pedes sunt colligandi, ut labra vulneris conjungantur, & sic facilius consolidentur, & ne puer pedes divaricando faciat labra inepta uniri, denuo dehiscere; Inde vulnus more reliquorum vulnorum est curandum.

In viris autem jam adultis secandi ratio est talis. Quando signa sese offerunt, calculi in vesica existentis priusquam ad sectionem eatur, ante oculos est habenda certitudo, ne sectio fiat frustra, signa enim medica sæpe fallunt. Itaque cathetere est opus. In pueris id exploratur, digitorum in anum inpositione: nam illi catheterem ob viæ angustiam, & carnis molliem non ferunt. In viris id digitorum immisione fieri non potest, propterea, quod propter partium magnitudinem digiti usque ad collum vesicæ, & locum calculi immitti non possunt. Ager ergo in sede parum altiore collocetur, corpore in posteriora nonnihil declinato, & sinistra apprehenso ejus membro, catheter secundum artem in canalem imponatur usque ad vesicam, ibi titillando, & cathetere quoquoque moto, exploretur, num in vesica calculus sit, Partim enim tactu, partim sono catheteris contra calculum acti, ibi esse comprehendetur. Quod si verò non tangatur, non ideo sequitur eum ibi non esse: potest enim fieri, ut, etsi calculus in vesica sit, tamen à cathetere non percipiatur. Ideo si nihilominus signa naturalia eum sequentia multa & fortia sint, non ideo debet sectio omnino omitti. Contingit autem, catheterem non tangere calculum, vel quia multo limo & viscida pituita est obductus, vel quia propriæ membranæ & vesiculæ includitur, sicut aliquando fit: tum enim catheter non figitur contra calculum, quia est rotundus, & etiam quia catheter est parum curvus, ideo aberrat à latere calculi, & quia calculus est obductus limo, non sentitur ejus durities, aut sonus, conclusio ergo, quod sectio sit facienda. Ager multis ante diebus est purgandus, & si plethoricus sit, etiam phlebotomandus, & pituita aut aqua cocta potandus, ut minus sit obnoxius inflammationi, & feбри. Dico multo ante, quia si immediate ante sectionem illam fierent, esset nimis debilis. Docent aliqui, ut aliquot diebus ante venter, & perinæum fomentetur decoctis emollientibus: sed ego non probo hoc, quia illa ratione partes incalescunt, & videntur disponi ad faciliorem inflammationem & fluxum recipiendum. Mane diei sectionis alvum evacuet, vel natura vel clystere. Tum sæpe descendat è gradibus vel cursitet vel saltet, ut calculus cadat in collum vesicæ. Eo facto, ager in mensa, aut scamno stabili semisupinus collocetur: & collo ac dorso pulvinaria supponantur; natibus verò linteamina multa ad sanguinem excipiendum; poplites incurventur, & contrahantur, calcibus ad nates diductis: tum fascia tres digitos lata malleolis injecta pedes deligentur, ejusdemque capitibus sursum ad cervicem adductis, manus ambæ ad suum quoque genu vinciantur; Ita revincto debebunt quatuor viri fortes astare, qui brachia & pedes ejus & totum corpus fortissime contineant, ut illa movere, corpuse aut nates attollere nequeat, sed maneat in eadem scm-

semper quiete, & corporis situ, ne operatio impediatur. Deinde per canalem virgæ debet imponi argenteus catheter ordinarius, quia non est absolute rotundus, sed una parte externa parum retusum habens sulcum seu fossam, in quam acies novaculæ scindentis recipiatur. Ille catheter vocatur, itinerarium, & debet imponi usque ad vesicam, ut calculum si neri possit, tangat. Imponitur autem propter illum finem, ut nimirum sectio fiat contra ipsum, ut tanquam director manus Chirurgi ostendat, ubi sit secandum, & constituit terminum novaculæ scindentis, ne ipsa ulterius in subdita corpora pervadat. Et ideo habet sulcum, seu fossam, ut in eam novacula incidat, & ibi figatur, quæ novacula alioqui aberrare à rotundo cathetere nec figi posset, & sic in inferius subdita corpora penetraret. Ille ergo catheter seu itinerarium relinqui debet, ulterius cruribus à ministris assistentibus diductis, scrotum attollatur, & locus sectionis notetur atramento. Locus debet à latere esse: à latere sinistro, ut ante, septi seu lineæ, quæ est in perinæo, ubi itinerarium, in vesicam immisum, seu catheter, insitit, ut scindas ultra ipsum septum, duorum digitorum ab ano interstitio. Nam septum illud cum sit callosum & exangue si secaretur, vulnus non posset bene consolidari, & remaneret fistula: si etiam propius anum sectio fieret periculum esset, ne mox, dum calculus revelleretur venarum hæmorrhoidalium aliqua disrumperetur, unde difficilis hæmorrhagia, vel sphincter musculus, aut vesicæ corpus dilaniaretur. Vulnus debet esse tam longum, quam esset pollex transversus; postea enim per instrumenta adhuc potest bene dilatari. Vulnere facto debent per illud imponi duo alia specilla, quæ à se invicem diducta vulnus etiā diducant. Hæc instrumenta ideo imponantur, ne perdat via & ingressus in vesicam: nam vulnere facto, prout muscoli variè contrahuntur, & unus venit ante alium, fieret, quod foramen clauderetur, & instrumenta ad calculum extrahendum non possent bene imponi, & via ingrediendi ad vesicam esset perdita: ideo illa duo specilla imponantur, quia illis impositis, non potest via perdi, quia inter illa possunt instrumenta immitti, & quando inter illa immittuntur tunc recta ducuntur in cavitatem vesicæ, & quia sic illa specilla sic ducunt quodammodo instrumenta calculum extrahentia recta ad vesicam, ideo vocantur ductores. Illi autem ductores recta in vesicæ cavitatem imponantur, mediante cathetere qui in canali est, & usque in vesicam pertingit; secundum enim longitudinem corporis catheteris ductores imponuntur. Ductoribus impositis, non est amplius opus ullo cathetere, sed debet extrahi, tum inter ductores debet imponi verticulum seu specillum aliud, habens in extremitate globulum, ne lædat vesicam, ad tentandum, ubinam sit calculus. Eo scito, inter duos ductores debent imponi tenacula, ad calculum apprehendendum, & extrahendum. Si calculus sit major, quam ut per foramen commodè possit educi, debet foramen per instrumenta quædam dilatatoria dicta dilatari, &

facta dilatazione extrahi. Si apprehensus & utrinque adductus, calculus adhuc extrahinequeat, sinistra manus digitis in anum immisus a tergo promoveri & extrahi debet: & simul per tenacula dextra extrahi, sic enim una manu trudente, & altera trahente facilius educetur. Si nec hoc sufficit & calculus tam magnus indicetur, ut sine vesicæ laceratione extrahi non posse putetur, erit imponendus forceps dentatus, qui vocatur rostrum corvini, ad calculum apprehendendum, & infringendum in plures partes ut per partes extrahi possit. Si frangi non potest, desistendum ab opere & calculus relinqui debet: præstat enim calculum relinqui, quam Chirurgum cum vi extrahendo esse causam subitæ mortis ægrotantis. Etenim tamen, relicto calculo, oportet foramen semper relinquere apertum, ut urina per ipsum effluat; sic enim æger adhuc potest supervivere, & quidem sine magnis cruciatibus, ut postea dicemus: quod præstat, quam ei sic violentam mortem inferre. Si extrahatur, videndum, an sit integer, & adhuc subsint alii. Si sint frustra, vel arenulæ, illa debent extrahi, per aliud quoddam instrumentum impositum, quod curriculum appellatur, quod est intus oblongi cochlearis. Quando adhuc calculus subsit, debet illo eodem specillo in extremo globulum habente de quo ante mentio facta est tentari, & eodem modo, ut prior extrahi. Hæc ubi facta sunt, si vulnus videatur esse magnum, debet sui, & in ipsum debet imponi uno, aut altero die tubulus argenteus foraminatus, ut per eum concretus sanguis qui adhuc in vesica hæret, possit adhuc evacuari; Interim medicamentum consolidans ex sanguine draconis, bolo, ovorum albumine, oleo rosato, pilis leporinis, & similibus debet superponi. Non est malum etiam vulnerarias potiones per os exhiberi, & decoctum anodynum, & moderate refrigerans, & detergens, per vulnus in vesicam tepide injici, quo ardor vesicæ, ex prægressis per instrumenta contusionibus excitatus temperetur & sordes eluantur. Interim pedes ægri debent colligari, & vulnus sicut alia vulnera curari. Quod si sordes, aliqua arenulæ, aut grumi sanguinis in vesicæ collum incidentes meatum obstruant, & urinæ exitum impedian, debent cathetere intus cavo, per canalem immisso removeri; Et debet catheter in canali relinqui, per dies aliquot, donec sordes per vulnus sint purgatæ, ut sic canalis virgæ maneat liber, & urina per catheteris cavitatem effluat. Sed notandum in hac sectione, quod plerique omnes doceant, eam faciendam cum novacula ignita: & hoc securius est, eaque ratione, & convulsionem, & hæmorrhagiam quæ supervenire possunt, magis evitari.

Ratio sectionis in mulieribus adultis, ac conjugatis est talis. An calculus in iis subsit, exploratur, digitis non in anum, sed in cunnum immisus, & antrorsum versus situm vesicæ incurvatis. Exploratur etiam per immisum catheterem; sed catheter in illis debet esse rectus, & minimè, ut in viris curvus, & debet esse brevior, quia meatus urinaris in illis & rectior & brevior est quam in viris; & im-

ponitur minori molestia, & dolore, eo quod in iis canalis sit laxior. Ex quibus patet, quod modus explorandi calculum in iis sit longe facilius, quam in viris. Cum constitit eas, calculo laborare, compositis in scamno, ut de viris dictum, catheter ille, qui itinerarium dicitur, & sonulam habet, leu rima in canalem urinæ imponi debet, sic ut rima extrorsum vergat, & ut novacula in eam incidere possit. Illud itinerarium quoque debet esse rectum & brevius quam in viris. Tum super pudenda, inter canalem urinæ & os pubis, & non in perineo uti de viris diximus, facienda sectio est, sic, ut novacula itinerario respondeat, & in ipsum incidat. Tunc digitis sinistra manus in cervicem uteri immittis calculus ad vulnus protrudatur, & vel uncis vel tenaculis extrahatur. Notandum monet Paræus, q. vulnus in mulieribus tam magnum fieri non posset, neque tanta dilatatio licita sit quam in viris. Unde si æque dilataretur, contingeret, ipsam vesicam dilacerari, ex qua remaneret urinæ incontinentia. Reliqua eadem sunt, quæ in sectione viri.

Cum puella secari debet, si est infra 7. aut 10. annos, debet secari, sicut pueri masculi, digitis in anum, non autem in genitalia, sicut in mulieribus immittis, & tota reliqua sectio est minoris apparatus; in iis propter ætatem digiti sine magna violentia in genitalia immitti non possunt. Locus sectionis idem est qui in magnis mulieribus: si secandæ sint virgines provectoris ætatis, possunt illam digitorum in genitalia immersionem tolerare. Itaque præstat eas sic secare, quam digitorum in anum immersionem; Facilius enim, ac securius tum sectio procedit; propterea quod uterus vesicæ sit vicinior, quam rectum intestinum.

Verum quia omnis extractio calculi est valde periculosa, præcipue in senibus, qui sunt imbecilli, propter tot contusiones, quas vesica debet pati: a digitis, catheteribus, ductoribus, verticulis, everriculis, tenaculis & uncis, unde inflammatio sequitur: Et quia periculum est ne, dum extrahitur, vesica dilaceretur, vel si asper sit calculus, venæ hæmorrhoidales vel aliæ lacerentur, unde lethalis hæmorrhagia sequetur: Et quod maximum est periculum, ne dum calculus apprehenditur, & extrahitur, unâ etiam substantia vesicæ cum eo apprehendatur, extrahatur, & dilaceretur: Ideo aliqui docti viri invenere aliam rationem sectionis, qua calculus non extrahitur, sed relinquitur. Hæc sectio in valde senibus locum habet maxime, propterea, quod illi debiles sint, & non tam bene possint extractionem ferre; ad hoc quod illi jam fere ad terminum vitæ pervenerint, & ideo non debeant hanc molestiam quæ ab hac sectione remaneat, tamdiu quam juvenes tolerare. Locum etiam habet, ubi calculus est valde magnus, ad eò ut sine periculo dilacerationis vesicæ, & mortis non videatur extrahibilis. Hæc sectio dubio procul minus est periculosa, quam præcedens; nam etsi ipsum vulnus quidem sit periculosum, tamen ex magna parte non est tam periculosum, quando tantum fit vulnus simplex & nihil aliud quam quando insuper fit calculi extractio. In hac ergo sectione fit vulnus, sicut supradictum

usque ad vesicam, sed multo minus quam antea, & calculus non extrahitur, sed relinquitur, sed curatur, ut vulnus nunquam claudatur, sed ut occalescant labra eius, & maneat semper apertum, ut sic urina per illud perpetuo nuere possit. Ideo primis diebus imponitur tubulus argenteus foraminatus, ne claudatur, quousque labris obductis ipsum per se maneat apertum. Hæc sectio non est equidem perfectum calculi remedium, quia calculum ipsum non aufert, sed est tamen valde utius; etenim aufert & minuit præcipua symptomata quæ calculus adducit. Nam imprimis tollit periculum suppressionis urinæ, quod a calculo quotidie imminet, quia sic facto foramine potest urina per illud semper exire sine periculo suppressionis ejus: nam si calculus ante illud foramen cadat, leuiter illo removeretur, & suppressio tollitur; si vero alias caderet ante canalem vesicæ, occluderet ipsum, sic ut urina exire non posset, nisi cum maximo dolore, & periculo imponderetur. Et ut imponatur, sæpe calculum non potest remove. Deinde tollit illum intolerabilem cruciatum in reddenda urina, quam calculus semper faciebat: propterea, quod tum urina exeat per vulnus in cuius labris callosis non est ulus sensus, & sic non fit dolor, antea verò exibat per ductum urinarium & virgam in qua est acutissimus sensus, & ideo excitabatur immensus dolor. Tertio etiam quia præcavet mortem, quæ ante certo esset secutura: nam vesicæ ulcus, & inflammatio, quæ semper calculum comitantur, possunt facilius curari injectionibus in vesicam per foramen factis, quam ante poterat: alias autem periculum mortis erat, sicuti etiam ab urinæ suppressione, cuius periculum, ut dixi, hac sectione tollitur. Verum quidem est quod sectio cum extractione calculi esset melior, quam hæc, si esset æque facilis: sed est longe periculosior. Præstat ergo habere aliquod remedium moderatum cum securitate, quam majus cum periculo maximo est. Etiam verum, quod hæc sectio habeat magnum inconueniens, quod scilicet homo tota vita debeat laborare involuntario per vulnus urinæ stillicidio: sed melius est hanc molestiam ferre quam in periculum vitæ incidere; Atque hæc est tota de calculi sectione doctrina. *Thom. Fien. de præcipuis artis chirurgicæ controversiis tractat. 9.*

Dieteticis atque pharmaceuticis remediis jam breviter excussis, superest ut ultimum illud, scilicet chirurgicum jam exponamus.

Venæ sectionem, si plethora, vel nimius sanguinis æstus adsunt, ex usu posse esse statuimus.

Cucurbitulas in regione lumbari positas, in dolore nephritico calculum unum vel plures ad vesicam derivasse, experientiâ sæpius observatum.

Si vesicæ lapis major sit quam ut expelli queat, nec defectu requisiti ad id medicamentis resolvi possit, si atrocitas morbi nullis medicamentis succumbat, tunc duriori nodo durus adhibendus est cuneus.

Circulatores plerumque enim omnes ridemus hic & Empiricos, qui calculum vesicæ medicamentis ore assumptis terere fabulantur: idem evincunt literæ paucis jam elapsis diebus ad nos datæ.

J. G. Eques Auratus.

JOANNI GROENFELDIO,

M. D. S. D.

CUM mihi in mentem venit, cum quo mihi res impresentiarum agenda est, viro nempe eruditione & experientia notissimo, confusus spero, quod non me argues vel ingrati tudinis, vel imprudentia, cum de salute filii sollicitus essem, libenter enim vellem, ita me moriente paterno affectu, & naturali sensu, ut qui Tyrannidem tantam subiit, modo lenissimo sanaretur, ideoque sanè spes mihi affulsit major, quod inveni quendam (qui Vestras fuit, qui in Arthride & Hydrope curandis, & nuperime quoque in comminuendo calculo, summus voluit esse mysta, solâ spe lucri, fractis omnibus pudoris repagulis, ahenea jam diu fronte fuit indutus) qui affirmavit intra viginti dierum spatium se potuisse frangere & expellere calculum per medicamenta intus assumpta, etiamsi calculus tantus esset, ut pugni magnitudinem excederet: sed ah! quanta de spe decidi cum filio meo, cum fallacia & impudentia ignorantis Empirici misere falsebamur, & filius meus adhuc subit torturam calculi gravissimam.

Ad Te itaque, tanquam ad asylum, confugio, opem implorans vestram, ut tentares an calculum in vesica concretum invenire possis, & si invenias, ut eandem adhibeas curam quam (cum bono Deo) habuisti, respectu fratris ejus Senioris, quem biennio abhinc per Lithotomiam à calculo liberaisti, & manet adhuc in perfecta valetudine.

Deum precor ut reipublica bono Te diu velit superstitem esse & valere.

Nostra Responsio.

Eximie Domine,

ACCEPI Literas à Te 2. Martii 1684. datas, quibus certior factus sum de bona valetudine filii Tui, natu majoris (quem non ita pridem à calculo solum liberavi.) Sed me statim dolor aggressus est, cum literis istis percepi, filium tuum juniorem eodem malo oppressum esse, quo prius senior afflictus fuit, quem (vestra me invitante Dominatione) hodie visiavi & calculum inveni, juglandem magnitudine excedentem, solidum etiam & confirmatum.

Quoad istum, cujus audaciâ fuisti seductus, bene novimus Thrasonem esse varum, & qui gloriari solet de rebus impossibilibus & extra sphaeram activitatis humanæ positis, nec erubescet de rebus etiam si turpissimis; qui nihil honoris vel ingenuitatis habet, nihil quoque ipsi detrahi potest. Ingentem offendimus talium Impostorum gregem, perniciosam hominum faciem, qui ruditate & inscitia suâ imponentes, & in circulis civitatum versantes, vanissimo verborum strepitu panaceæ miracula jactant. His verò mendaciis, & inanibus Medicastris præstaret tacere, quam in detrimentum proximi nociva remedium crepitacula credulis obtrudere. Ten Rhyne Tractat. de Arthr.

Quod ad nos attinet, talem licentiam nobis nunquam assumemus, ita in aliis & contemnendam &

supprimendam duximus.

Id nobis asseculavit jam nobilissimus ipse Galenus Medicorum Princeps, qui asserit quod medicamentum integris viribus vesicam attingere non potest, atque si concedamus attingere posse, vis medicinali infringitur, tum amplitudine vesicæ, tum involucri & pituitâ multâ quâ circumvolvitur.

Itaque jam tandem ad ultima remedia progredimur quæ si tentanda sunt, executio instituenda est (de qua vid. Pareum Schultetum, Hildanum, Cornelium Celsum, &c.) diebus verò aliquot antea, victu corpus præparandum est, ut modicos salubresque cibos & minime glutinosos assumat, & inter hæc ambulandi exercitatione utatur, quo magis calculus ad vesicæ cervicem descendat, ut ipse Celsus.

Cujus rei tibi fides est, pridie id corpus tenui victu nutriendum, & tunc loco calido curatio adhibenda est, quæ diversis modis ordinari potest.

PRIMUS apparatus vocatur minor, agri continet, & in quo omnibus præparatis index & medius digitus manus sinistræ in anum immittuntur, dextra manu venter inferior versus vesicam deprimitur. (à violenta compressione hic summopere cavendum, hinc enim atrocissimi dolores, inflammationes, imò ipsa gangræna)

Ex quibus evenit, ut in angustum compulsa vesica facilius capi possit, quo capto in perinaeo super calculum fit incisio, digitisque, si minor sit lapis extrahitur, si verò major, hamulo extrahitur.

Minimè festinanter hac in re agendum, sed ita, ut quam maximè tuto id fiat, nam læsa vesica nervorum distentiones cum periculo mortis excitat.

SECUNDUS est Hildani, qui fit hoc modo: omnibus præparatis Medicus catheterem, (non talem intelligo, quali ad urinam suppressam utimur, sed qui sulcum seu fossam habet. vid. Paræum, lib. 17. cap. 44.) in vesicam immittit super calculum, tum novacula mediâ sui parte obvoluta, incisionem facit ad catheterem usque, postmodum super catheterem sive itinerarium per vulnus conductorem immittit, catheterem, ut virga sit libera, extrahit, conductore, si sit opus, vulnus dilatat, tumque per latus conductoris cochlearia immittit, extracto conductore, immissoque in anum digito, hamuloprehendit & extrahit (Tortorem) calculum, sive integrum, sive frustulatim, si nempe major justò aut tenerioris compaginis fuerit.

TERTIUS MODUS, quando modo præcedenti vulnus est inflictum, super conductorem tenaculam immittit, quo extractoprehendit Medicus calculum, & sic eum extrahit, quod locum habere potest, cum lapis hamulo extrahi nequeat.

QUARTUS operandi modus Lithotomia Franconia appellatur, ab Auctore Petro Franco, fit hoc modo:

Incisione præcedenti modo factâ circa extractionem calculi nihil molitur Lithotomus nisi calculus in vulnere compareat sed vulnus more solito ligat, post aliquot dies (nisi calculus suâ sponte per vulnus excidat, quod sibi

in sua praxi aliquoties accidisse dicit inventionis hujus Auctor Petrus Francus) calculum extrahere, quando æger est valde debilis, ut judicat Hildanus.

QUINTUS Modus est cum calculus est tam magnus, ut per vulnus in collo vesicæ factum, transire non possit, nisi substantia membranea vesicæ, vel ejus sphincter lædatur: quod Auctor Petrus Francus non proponit, ut ipsum aliquis imitaretur. Sed in casu tanquam desperato, coactus precibus parentum infantis, in quo operationem instituebat, fecit.

Æger erat infans bimulus, qui calculus ovo gallinæ non minorem in suo gerebat corpusculo (in adultis hanc operationem locum non habere vult notari Auctor) sectionem instituebat in inguine & superiore ossis pubis parte, ut ferè partus cæsareus fit, & sic fundum vesicæ transfodiebat, & extrahebat calculum.

Infans quamvis maximè debilitatus, fuit restitutus, & vulnus sanatum: tale Hildanus alibi in suis observationibus quoque commemorat exemplum.

SEXTUS & ultimus modus fit instrumento quod excogitavit Hildanus: facta eo modo (uti dictum) incisione, immittit per vulnus suum instrumentum super calculum, illud quando est immisum dilatari potest (instar instrumenti quod Speculum matricis vocamus) post dilatationem conatur Medicus calculum apprehendere apprehensumque extrahere.

Parisiensis ille Lithotomus, cui Collot nomen est, plurimos hoc modo satis feliciter secuit, ex cujus, ut & aliorum curiosa inspectione tantum profecit Tractatuli hujus Auctor, ut hunc cum cæteris quoque Operationis modis aggressus fuerit, & adhuc quotidie peragat.

In fœmineo Sexu, sive sit Virgo, sive nupta, longè minori negotio, & citra sectionem magnamve sanguinis effusionem, hanc operationem instituere & peragere licet: quia vesicæ foramen in pudendo statim occurrit visui, sufficit solum catheterem immittere, & infra ejus sulcum dilatatorium instrumentum indere, denique forcipe lapidem extrahere: Interdum tamen ob calculi nimiam quantitatem in vesicæ orificio parva incisio facienda est, à qua nihilominus, ut & à nimis violenta dilatatione, periculum metuendum est, ne læso sphinctere, sequatur involuntaria urinæ emissio.

Jam sequitur, ut, extracto calculo, agamus, qua ratione sit regendus æger, non statim ille in lectum erit reponendus.

Si valens fuerit corpus, nec magnopere vexatum, sinere oportet sanguinem fluere, quo minor inflammatio oriatur.

Tunc desiderare debet in semicupium, ita ut à genibus ad umbilicum aqua teneat (cætera vestimentis circumdantur) quo sanguinis hæmorrhagia sistatur.

In corpore imbecilliori hæmorrhagia statim sistenda erit, agglutinanda aliquando cucurbitula & inguinibus & coxis, & super pubem, si sanguinis fluxus cohiberi nequeat, qui si cohibitus, æger resupinus in lectum collocandus est.

Venter interim inferior ab umbilico ad lumbos itidem & pudenda, oleis convenientibus paululum calefactis optime inungatur.

Vulneri linteolum duplex vel triplex, astrin-

genti medicamento madens, imponatur; cannula aliquando vulnere immittitur, quæ arena & sanguis extravasatus postmodum commodius expurgetur, per illam & siphon quoque immitti potest, quo, necessitate urgente, vesica lryngetur, sicque continuo excernatur, quicquid præter naturam in ea continetur.

Si Lipothymia superveniat, cardiacis removeatur, ægerque placide ad quietem reducatur, ac si somnus non obrepat, anodinis initiationibus promovendus.

Sicque, si vires ferant (hæc ipsa Celsus ^{præter} tradit) interpositis viginti quatuor horis, balneum iterum ingrediendum, & pro virium constitutione in eo demorandum, si sudor aliquis erumpat, spongia detergendus erit.

Inter hæc si somnus blandior æqualisque respiratio adsint, si lingua sit madens & modica sitis, & venter infusus sedit, & mediocris cum modica febre dolor, curationem feliciter procedere, certum est.

Denique, quantum possibile est, & cibis & medicamentis allaborandum est, ut natura, quæ saluberrimum balsamum suppeditat, corroboretur sicque vulnus consolidetur.

Omnibus itaque, ad renum & vesicæ calculum pertinentibus hucusque breviter descriptis, unicum superest, nempe modus eximendi calculum ex urethra quem breviter describemus.

Contigit aliquando, ut calculus exiguus è vesica excludatur, in urethram tamen illapsus, ibidem sistitur, urinæque iter occludit.

Quo in casu omnia remedia tentanda & applicanda, quæ apta nata sunt calculum educere absque ulla incisione.

In horum numero Primò occurrunt medicamenta diuretica, emollientia, fomentationes, infusus in balneum, qui sunt relaxantis qualitatis, quorum ope calculum non infimæ quantitatis eduximus ex urethra ingeniosissimi admodum Viri, Equitis Aurati, & Regi à rebus castrensibus Architecti.

SECUNDUS modus est extensio urethræ per flatum, ligando eam virgæ partem, quæ juxta pubem est, eodem modo, quo frequentius fuit apud *Ægyptios*, urethrâ nempe ita dilatata, liberior exitus calculo patet.

TERTIUS modus sugendo efficitur, cum maximo conatu spiritum trahendo, lapis simul attrahitur.

QUARTUS modus est comminuendi calculum, ope tenaculæ & specilli (de quibus vide Paræum, Hildanum, Schultetum) qui cum successu sæpius efficitur, ideoque maximè laudandus est.

Hæc verò si frustranea sint, ultimò tandem fiat incisio: inter Authores summa disputatio est de loco, in quo incisio hæc facienda est.

Quidam eligunt partem lateralem, cavendo, nè inferiorem secando, fiat fistula; aliqui partem inferiorem, ne corpora nervosa offendantur.

Quod ad nos attinet, utrumque modum tentavimus, curam invenimus faciliorem, neque ullum ægris fuisse detrimentum percepimus, cum incisionem facimus in parte nervosa laterali: incisione factâ, calculus unco subtilissimo & tenerrimo educi potest.

Quibus jam peractis, vulnera post extractionem

nem calculi (sive vesicæ sint, sive urethræ) curanda supersunt, de quibus abunde descripserunt Practici, ideoque & ea impræsentiarum mittimus. *Joann. Groënevelt in Dissertat. sua Litholog.*

Consultationes.

Ex enarratis symptomatibus Illustriss. & Excellentiss. D. Marci Procuratorem divexantibus, dolore scilicet quodam continuo gravante in sinistra parte lumborum, & subcruentis urinis ex levi quocunque motu, iisdem que à validiori, & concitatori cruentis omnino, quæ postmodum incidentes hypostasim habent sanguinis sæci non dissimilem; dum autem abstinet à quocunque motu, inclarescunt, & sanguis similes effluunt, dubium occurrit, utrum causam habeant æstuosum renum calorem, ut censent Virorum Præclarissimorum aliqui, in consilium de affectu acciti; an calculum renibus impactum. Ego verò liberè, & incunctanter pronuntio, & statuo, hanc urinarum varietatem cum gravitate sinistræ partis lumborum non posse fieri ab immoderato renum calore, duplicem potissimum ob causam. Primo quia gravitatis sensus continuus in rene sinistro ab intemperie induci nulla ratione potest: sed vel à materia suo pondere gravante, ut propterea prodiderit Hipp. ubi de renum calculo Primo in 6. Epid. 6. quod *in renem dolor gravis*; vel à partibus adjacentibus, quæ comprimuntur, ex Gal. in Comm. Secundo, & id patet, luculentius ex urinis illis variis, quæ motu cruentæ evadunt, quiete verò inclarescunt: siquidem quando affectus ortum ducit ab intemperie, illa vigente, dura hic; qua vicissim recedente, & ipse cedit, nulla superstitie molestia, nisi denuo convalescit intemperies; cum nulla sit ratio, quod ex levi quocunque motu incallescant adeo renes, ut venæ reſerata sanguinem effundant. Propterea pro comperto statuendum, affectus præsentis causam esse calculum in rene sinistro, cum quantitate continua in regione sinistri renis prematur. *Ubi enim dolor, morbus* qui quidem calculus inæqualis, & scaber est, non lævis, & veluti marmoreus, ut ajunt: alioquin renis substantiam non abraderet; quod contingere existimo ex quolibet corporis motu; magis tamen & minus, prout concitator est & minus violentus: quod quidem aliud est calculi signum ab eodem Hipp. l. cit. memoratum his verbis: *sanguinolentum mejuat*. Neque facessit negotium, quod Vir Illustriss. stuporem non observet in femore è regione partis affectæ ab eodem Hipp. propositum; quoniam in eam molem non excrevit, ut ex venæ cavæ, & arteriæ magnæ descendentes compressione, spiritus, & sanguinis ad infernas partes affluxum interciperet. Vomitus autem comitatus est pituitosæ materiæ multâ copiam ab assumpto medicamento, & injecto clystere. Sicuti enim hæc in ventriculo coacervata, & ad renes decumbens, si ab ipsorum expultrice cavitate ampla patentium exturbetur, nullam, vel levem saltem infert molestiam, ita si ipsis infusa fuerit, atque adhæserit arctius, ita ut ab expultrice non possit inde extrudi, &

expelli; tunc novam à vena cava suscipientes, continuo partium ductu coacervatur, diluissisque partibus tenuioribus in calculum conſcitur; etiam si renes immodico calore non æstuent, ex Gal. in prædicti textus Comento.

Utrum autem ipsi exirpando, & excludendo potus *aquarum Thermalium*, & in primis B. Virginis ex usu sit futurus, quod deinde queritur; censuerim equidem non inutilem hanc futuram, si liberè permeaverit, quæ expurgandis humoribus in renibus coacervatis, quæ calculi incrementa prohibendo. Quod verò ipsum jam concretum ad vesicam propellere possint aquæ illæ, non admiserim, si in eam molem excreverit, ut ureteres subire non possit, quod vereor. Neque unquam compendi diuretica lapidem frangentia, dummodo non coaluerit ex pluribus arenulis compactus. Has etenim secernere, & expurgare fateor. Quod innuit Hipp. sequenti textu: *Quiescere non confert, sed exerceri non repleti. Juvenes helioboro purgares, poplitis venam secare, cicutibus urinam purgare, attenuare, & emollire*. Hæc enim cuncta conferre possunt cum præſervationis loco, à calculo, confluyente materia ad renes, tum curationis arenularum, antequam in legitimum calculum obdurescant: quem, quando jam concrevit, incurabilem censeo; ut propterea quolibet medico præſidio diuretico superſedendum sit; præter solam rectam victus rationem, humorumque in corpore redundantium expurgationem, vomitu, & per alvum institutam. Atque hæc responsi loco ad prædicta quæſita à undè fuerint. *Benedict. Sylvatic. Consil. & Respons. Medic. Cent. 3.*

Accuratè usque adeo à Viris Excellentissimis expensus est affectus ille, quo paucis ab hinc mensibus Perillustri Dominus, integræ alioquin valetudinis, divexatur, ut quod addam non habeam. Ne tamen sententiam rogatus detrectare videar, hanc paucis proferam. Cum igitur, si excretum sanguinem cum lotio, si pondus in perinæo, si dolorem, & mordacitatem, si acrem illam ab urina effusa superstitem meiendi voluntatem perpendimus, dubium nullum sit, quin pars affecta sit vesica. Hoc solum superest inquirendum, an à calculo, an verò à falsa pituita memorata dependeant accidentia. Equidem ut verum fatear, levior licet illa in dietis partibus, continua tamen molestia, ponderis aliquis sensus in perinæo, atque supra enarratorum accidentium exacerbatio ab ascensu, descensive scalarum aut exercitio violentiore; necnon & sanguinis cum urina permixtio, cum vel equo, vel cursu vehitur, de calculo præſenti mihi gravem injiciunt suspicionem, ne dixerim id præter omne dubiam esse atque luculenter comprobari ex rubris illis, albisque arenulis, ac mucosa illa in urina hypostasi, calculo perquam familiari, ut & ex sanguine excreto, qui à falsæ pituitæ fluxu haud ita facile contingit. Accedit corporis habitus, ætasque senilis: præterquam quod & cathetere ipso à perita manu inſinuato id facile explorari possit. Neque à mea me abducit sententia, quod Vir perillustri duos necdum, aut certè non amplius;

plius, menses his malis opportunus fuerit: quod temporis spatium angustus videatur, quam ut eo concrefcere calculus possit. Non enim ignorant Viri illi Excellentissimi sap. numero calculum, copiosa in primis pituita obductum non quo tempore primum coalescit, sed nonnisi grandiolem jam factum excruciare patientes. Quod observatum à me est in quodam nostro nobilifex abhinc annis; qui ne vel levissima quidem prius vesicæ molestia affectus, ex equi citatiori cursu, sanguinem cum lotio caput effundere, ac frequenti deinceps meiendi voluntate, non absque cruciatu sollicitari; tertio autem post mense instituta sectione, quod constanti sententia calculum adesse pronunciarem, duo mole ovi gallinacei me iudicio falsum non fuisse prodiderunt. Frustra quinetiam objecerit quis quod perillustis hujus Viri molestia paucis admodum usque levissimis medicamentis cesserit. Evacuatis siquidem, aut contemperatis humoribus ad partem affectam decumbentibus, delitescit nonnunquam adeo malum, ut derepente se quis incolumem, atque ab omni prorsus calculo immunem existimet. Quod contigit nuper Illustissimo atque Reverendissimo Candiaë urbis Archiepiscopo, qui cum crescente Luna atrocissimis earundem partium doloribus excrucietur, eadem decrefcente usque adeo dolore vacabat, ut Medicorum non pauci à me de calculo sententia recederent: quam nihilominus alii amplexabantur, donec tandem calculus cathetere deprehensus est. Quod si purgante medicamento perinæ illud pondus, mordacitas, meiendi voluntas, ac reliqua partium illarum noxa usque adeo cesserit, ut quindecim aut viginti dies dolore prorsus vacaverit, adscripserim & ego memorata accidentia falsa pituita à capite, & ventriculo ad partes illas, natura forsitan aut alia de causa imbecilliores decumbenti. Quod si juxta vota contingeret, ut de salute perillustis ægri firmior esset spes; in errorem tamen cum præceps sit lapsus, ab eo quammaximè cavendum. *Idem. ibidem.*

Vir Nobilis annorum 58. temperamenti calidi, & humidi, ad melancholicum vergentis, ventriculum frigidum sortitus, catarrho opportunus, conqueri cœpit x. ab hinc annis de doloribus nephriticis quotannis recurrentibus, cum urinis non raro cruentis, ab excreto tamen calculo inclarescentibus. Ab accurata verò totius corporis purgatione, aqua potissimum Tettutianæ usu instituto, anno 1643. ac sequenti, diarrhæa gravissima, & tantum non lethali correptus, biennii spatio nullum excrevit calculum, cujuscumque fere doloris nephritici expers. Anno verò 1645. novis doloribus divexatus, non tamen gravibus adeo, ejectis octo calculis, paucis diebus ab illis immunis fuit: mox anno 1646. invalescente iterum dolore, cum ventris pondere infra umbilicum & acri meiendi voluntate, non sine consensu extremæ glandis calculum fabæ mole expulit, qui in extrema glande hærens, instrumento chirurgico inde evulsus est: superflite tamen ventris pondere: quod de alio calculo suspicionem auxit licet à perito chirurgo cathetere facto periculo nihil se prodiderit;

superflite nihilominus frequenti meiendi voluntate, atque cum antehac ab exercitio validiori urina cruenta efflueret, nunc & abique moquin etiam hujusmodi conspicitur, supprimiturque brevi temporis spatio, sponte pone manans. Cum vero ante hoc tempus dolores 20. & plurium dierum spatio convalescerent, nunc octo, vel x tantum, triduo circiter id contingit, cum excretionem materiæ catarrhalis; accedente ab aliquot annis destillatione catarrhi fere continua, cum raucedine, corporisque lassitudine, tunc potissimum, quando meiendi voluntas sollicitat; ut propterea meum literis poposcerit continui, cum Parmam anno 1647. ad curam Sereniss. Cardinalis Farnesii immortalis memoriæ accitus essem cui tunc mentem aperui, suspicari me scilicet de novo calculo, quanquam à lithotomo non deprehenso, cum Excellentiss. Medici Placentini curæ ipsius præfecti prædicta symptomata ad catarrhum falsum referrent, in quibus fuit præstantissimus Medicus Lodianus; iis fortitan adducti rationibus, quod catarrhi destillatio sit manifestissima, nec ardor urinae continuus, quinimo plures dies molestiæ vacans, atque potissimum, quod lithotomi periculis effugerit manum. Cum tamen ego mente recolerem præteritos affectus, plures calculos antehac ejectos, urinae suppressionem sæpe recurrentem, & illico sponte recedentem, absque materiæ alicujus excretionem, & insigni molestia, qua afficitur non solum curru vectus, in lectica, & dum pedibus ambulat, cum natione cruenta, pro comperto à serui calculum adesse in vesica, non in renibus, ut sensit Excellentiss. Archiater Neapolitanus. *Si enim quis sanguinem meiat, aut grumos, aut stillidium urinae patitur, & dolor in inum incidat ventrem, pectinem, & perineum, ad vesicam loca laborant;* ex Hipp. 4. Aph. 80. Cum autem tunc Nobilis patiens Parmam concessisset, consilium rogaturus Excellentiss. Medicor Aulicor, aliorumque ad curam Sereniss. Cardin. Farnesii accitor, eadem conitans fuit omnium sententia; atque periculo iterum facto à lithotomo Sereniss. Principis, calculus se prodidit, ab ægro tandem admissus, ut propterea cum collatis sententiis multa in medium proferrentur, unanimi tandem consensu determinatum fuerit quod à Gal. sancitum est 5. in 6. epidem scilicet. vesicæ solam manus operationem admittere. Quod sæpius experientia comperi, potissimum verò in perillustri & Reverendiss. Joan. Bello, Canonico Patavino & publico magni nominis Moralis Philosophiæ Professore vesicæ calculo laborante, qui duos annos continuos plura medica præsidia tamquam compertissima sibi transmissa frustra adhibuit, calculo sectione extracto ovo gallinaceo mole pari, integro omnino. Cum autem anni tempus calidum vigeret, deliberatum hanc operationem differendam esse ad autumnum quo tempore eam lithotomus Placentiam accitus administravit, eduxitque calculum, & Nobilem Patientem pristina valetudini restituit. Hæc enim dummodo peritam manum sortiatur, in patiente alioquin boni habitus, & integrarum virium, semper est tutissima; ea lege, ut fiat potius amplior, quam angustior, cum non satis

constet de calculi magnitudine. Si enim angustior fuerit, dilacerantur partes in extrusionem calculi, atque ita suborto ulcere, febris quandoque interitum accelerat; quod contigit prædicto Rever. Bellono.

Cæterum dubium superest elucidandum, quæ ratione hac ætate proventa, & in primo senio procreari possint calculi in vesica, cum proditum fuerit ab Hipp. 3. in 6. Epid. 15. quod *Lapis à mictione pueris magis*: ubi Gal. in commento. *Scimus autem inquit, pueros quidem in vesica calculos sibi procreare, in renibus autem ætate proventos. Causam vero hujus rei assignans Hipp. in textu, subjunxit; Veramne quod calidiores.* quod explicans. Gal. in commento hæc habet. *Pueris itaque, qui calorem nativum multum habent, & validas functiones, materia crassiuscula ad renes pervenit, atque ob id facile ad vesicam solatur, functionum robore non parum ad crassiusculi penetrationem conferente. Vesica vero cum frigida sit, quod nervosa, & pauci sanguinis existat, & magne intus sit capacitatis, concrevit hic & coagmentatur.* Ex quibus patet obiter, calorem nativum ex Hipp. & Gal. diversum esse à temperamento. Ratione namque temperamenti, calidiores sunt juvenes pueris, si sermo fiat de temperamento corporis viventis, quæ vivens est. Ille namque quo propior principiis est generationis, eo vegetior est. Ex primo enim Aph. 14. *Qui crescunt plurimum habent de calido innato*, ut ex his constare videatur, calculos in vesica procreari in pueris, non vero in adultis. Propterea statuimus solutionis loco, calculos in vesica vel concrevere immediate, vel coagmentari ex eorum rudimento in renibus jam concluso: in pueris vero in ipsa concrevere immediate quod expressit Hipp. à mictu id est ex materia superflua post mictionem; in adultis autem procreari in renibus ante mictionem, sed in vesica non raro hære, vel ob crassitatem, vel ob expultricis imbecillitatem, atque tunc in vesica coagmentari, & grandiores fieri, ob adhæsum materiæ crassæ, & viscidæ. Quæ superpondii loco fuerint. *Idem ibidem.*

De Præservatione à calculo post sectionem. Pro Reverendiss. Marino Cerchiari, Veneto.

Nephritidem esse morbum hæreditarium, patam facit luculentissime Reverendiss. patiens, magni nominis Concionator, & Dominici Cæti Provinciæ præfectus, quippe qui parente natus est à pubertate ad 48. usque ætatis annum, quo obiit, stranguriæ, & arenularum excretioni maxime opportuno, ut & duo ipsius fratres. Quo propterea affectu patiens Reverendiss. boni alioquin habitus, staturæ mediocris, & temperato propior, ab adolescentia excruciarî cœpit. Dominicanorum siquidem cœti adscriptus 20. ætatis anno, arenulas excrevit, atque cum in Hispaniam studiorum causâ equo iter faceret, nocturna, diurna que invita pollutio illi suborta est, cujus ratione vel in sella sedens, vel in tabula decumbens somnum captare coactus fuit cum vero juxta sacri Cæti normam rigidam, & severam piscibus, & ovis uteretur, atque studiis assiduò invigilaret, laneis vestibus amictus, continuo fere pruritu in extremo pene divexatus

est. Anno verò ætatis 28. in Italiam redux, publico docendi & concionandi muneri cum operam addidisset, Canobiorum quietiam curâ ipsi demandata magna sollicitudine, nominis sui fama nec sine neglectis medicis præfidiis, & propria salute posthabita Dei cultui, & Dominicano Cœtui, doloribus Nephriticis atrocissime triduum excruciatu fuit, anno ætatis 58. Quibus iterum novennio post invadentibus, Venetiis concionatus calculum parvum eiecit; hinc per vices Venetias Veronam, & aliò concionandi causâ profectus, curru vectus, non solum invitis pollutionibus, sed & doloribus nephriticis atrocissimis, stranguria continua, frequentique meiendi desiderio divexatus, urinam effudit crassam, & cruentam; cujus ratione Patavium redux consilii causâ, cum meam de vesicæ calculo mentem aperuissem, affectu spreto, quanquam ex levi quolibet motu cruentum quid meieret, concionaturus. Venetias reversus, quatrinduo post doloribus admodum urgentibus, intermisso munere illo, de calculo certior factus, nulli alii remedio, præter sectionem cessuro, mense Aprili proximè præterito illam tandem admisit, quæ exemptis septem calculis figuræ rotundæ quibusdam, aliis quadratæ, avellanæ mole, excepto ipsorum altero minuto, obducta cicatrice 40. post diebus, immani affectu liber evasit. Cum tamen durans arenularum mictio suspicionem, nec immerito, illi injiciat de nova calculi concretione, in aliis non raro observata, ad nostram confugit opem.

Quò itaque præservetur Patiens Reverendiss. morum probitate, & sublimi doctrinâ præstans, brevibus præmittam quæ generationem calculorum cum renem, tum vesicæ spectant. Tria verò omnino concurrere ad eorum in renibus concretionem censeo, Materiam, Efficientem causam, & ea sine qua non. De Materia verba faciens Gal. 3. in 6. Epid. Text. Comm. 15. hæc habet: *Igitur urinarum crassiusculæ creandorum calculorum prima potissimaque causa est*: sive coacervetur ex incomposita victus ratione, aut ex imperfecta chylicatione, ob imbecillitatem ventriculi, destillatione à capite, cibis crassi succi, lacte caseoso, atque vinis nigris, crassæ substantiæ: de quibus fusè Galenus 2. & 3. de Alimentorum Facultatibus; qui propterea cap. 16. ejusdem tertii libri statuit, ab omnibus crassi succi cibis concrevere calculos in renibus. Ex immodico quietiam exercitio statim à cibo, tanquam causa potissima pueros calculosæ affectioni opportunos esse, prodidit 3. in 6. Epid. 15. Comm. Secunda causa princeps est Efficiens, calor nempe densans, cogenique materiam crassam renibus impactam, discussis scilicet partibus tenuioribus. De qua idem Galen. Lib. de dignoscendis, & curandis Renum affectibus cap. 2. ubi dedita operâ agit de causis calculi, his verbis. *Ideoque simpliciter à calore fit in nobis calculus.* Licet enim concretio non minus fiat à frigido, quam à calido, non propterea censuerim cum Valesio in Epidem. calculos utramque causam agnoscere. Nunquam enim in corpore intensa adeo frigiditas viguit, quæ condensare & obdurare possit. Quanquam non eo inficias, quod calor agens possit esse inten-

sior, & remissior. Si namque materia vitiosa crassior fuerit, densari, & obdurescere potest etiam à calore remisso. Quod docet Gal. 3. in 6. Epidem. 15. *Igitur, inquit, urinarum crassities procreandorum calculorum prima potissimaque causa est.* Quibus non negat mediocrē caliditatem ad huiusmodi materiam cogendam abunde esse; ut hoc nomine in vesica, & intestinis concresecunt calculi, quibus etiam senes sunt opportuni, in quibus tamen non viget calor: quanquam si tenuis materia ad renes confluerit in tophaceam & calculosam materiam cogi non possit, nisi ab eorum caliditate immodica. Præter verò dispositionem ratione materiæ crassæ & efficaciam agentis, renum nempe caliditatem, angustia vasorum in ipsis, & eorum imbecillitas accedat oportet, ex Gal. 5. de Sanit. Tuenda 7. quod, *quilatas habent venas, à cibis crassi succi non laduntur: nec immerito, quia cum omnis actio fiat per contactum permanentem, hic desideratur in iis quibus venæ non sunt amplæ, hærente materia in renibus quum potius liberè præterlabente, & cum urina effusa.* Quod mihi contigit observare in Illustriss. & Reverendiss. Hercule de Sancto Bonifacio, qui octogenario major, urinas semper profudit, copiosæ pituitæ viscidissimæ immixtas, ad libram circiter, tenaciter adeo hærentis fundo matulæ, ut & ea inversa, effusa urina, ab illius fundo penderet; cum tamen nullæ unquam fuerint de calculo querelæ toto 10. annorum spatio, & quod excedit, quibus ad ipsum invisi. Quam viarum angustiam, cum expultricis imbecillitate censeo esse dispositionem hæreditariam, non facultatem quandam petrificam; quæ aliquorum est sententia, cum etiam in aliis partibus concresecant calculi: neque succum aliquem tartareum, ut existimant alii; cum hoc non careat qualibet terrestris materia, atque non raro potiores à calculo immunes degant, licet vinum fuerit fœculentum, & tartareum. Sicuti enim ex gibbis gibbi, ex luscis luscis, aliique ex aliis huiusmodi nascuntur, facultatis formatricis vitio à semine, ex Gal. 6. Aph. 28. ubi de podagra sub finem Comm. ait: *Accedit ad has causas relaxas, ob quas plerique nunc podagra infestantur, quod parentes, & avos multi podagricos habuere, in quibus scilicet semen erat corruptum, atque ideo posteris maiorem conciliavit partium imbecillitatem.* Ita renes malè conformari censeo, & imbecilliores reddi à semine vitiato. Cum enim angustiora sunt vasa hæret materia crassa, aut in renum cavo, aut frequentius in tenuibus illis meatibus in carunculas papillares patentibus, qui urinam transmittunt in vreterum ramos, per illorum substantiam divaricatos; atque ita in calculum concresecit, affluente sensim nova materia; ex primo in 6. Epid. 6. Quod si quærat quis, quomodo procreentur in vesica, qua ipsos sæpius concludi patet experientia; hoc referat responsum, fieri dupliciter: primario & per se, ex materia crassa, & terrestri à renibus ad vesicam illabente: secundo ex arenulis, aut calculis minoribus ad vesicam propulsis; ubi hærentes, ex allapsu novæ materiæ crassæ, & glutinosæ, atque ejus adhaesu, grandescunt. Primus generationis modus fuit à Gal. memoratus 3. in 6. Epidem. 15.

explicante Hipp. verba. *Lapis à mictu pueris magis.* Dum enim dicit lapidem à mictu fieri, innuere voluit non excibere lapidem à renibus cum urina, sed coagmentari in vesica post mictum, id est, ex materia prolabente cum urina. Quod clarius patet in alia versione. *Post mictum concretio pueris magis.* Ideo Galenus in illo Comm. addit. *Veritas autem est, calculos pueris. ob urina crassitudinem in vesica procreari.* Porro urinas crassissimas à pueris reddi, ab omnibus ante nos medicis concessum est; inquit Gal. Quod clarius expressit, dum ait; *crassas enim urinas excerni, & evidenter apparet, & rerum testimonio declaratum est.* Huiusmodi namque crassitudo multa collecta, & in unum coacta, cum semel aliquando non opportune excreta intus diutius manserit, coagmentandi, concresecndique initium capi, eoque principio facta, facile postea quicquid iterum crassum in vesicam illabitur priori agglutinatur, majorque inde tophaceus calculus redditur; quemodum extra corpus, & in calidis aquis spontè nascentibus, & in vasis ubi calefit aqua quotidie lapis concresecere cernitur. Hæc Gal. Quod confirmat 2. Progn. 75. his verbis: *Propter importunos, & exuperantes cibos copia plurima colligitur humoris crudi vocati in corporibus puerorum.* Is igitur per renes expurgatur quotidie, atque etiam per urinarios meatus in vesica collectus interdum calculos in ea gignit; omniumque luculentissime 3. Aphor. 26. ubi dum collocat Hipp. calculos inter morbos puerorum, Gal. in Comm. ait: *Lithiasis verò, id est calculi in vesica generatio proprius est puerorum morbus; atque adducens rationem addit. Propter edacitatem, & ingluviem crudos humores non paucos coacervantium, ex quibus crassior pars una cum urinis ad vesicam comportata, fit lapidum gignendorum materia, accedente causa altera, caloris scilicet copia.* Nec alia ratione procreantur calculi in puerulis lactantibus. Quod autem calculus in illis concresecat ex lacte, patet ex Libro de Morbis Hipp. vel Polybi potius, ubi hæc habentur: *Ceterum calculi morbi principium oboritur à lacte, ubi puer lac impurum sugit.* De loco demum concretionis eorum hæc addit: *Et ubi suxerit lac non purum, sed terreum, & pituitosum, & habuerit puer venas de ventriculo ad vesicam amplas, & attrahentes, si quid in lacte non purum fuerit, id quo vesica fruitur, lapis fit.* Hoc confirmat quin etiam Hipp. Lib. de Aëre, Aquis, & locis: ut propterea plus satis probatum fuerit, lapidem primo, & immediate quandoque in vesica procreari posse. Quæ fuit etiam Arist. sententia 3. de Historia Animalium 15. cum ait: *Defunctis nihil humoris in vesicam transmittitur; ac vivis non solum humor, sed etiam sicca quedam excrementa descendunt, ex quibus calculi conficiuntur.* coagmentatur secundo in vesica lapis ex lapillis à renibus ad vesicam exturbatis, & in ea hærentibus, atque ex novæ materiæ allapsu coalescentibus. Quod patet in Reverendiss. nostro patiente, ex cuius vesica exempti fuerunt septem calculi, quorum alter in operatione obtritatus, minutum alium in sinu veluti exhibuit diversi coloris, à materia ipsi accrescente, & agglutinata. Quod idem palam fecit alius ex cadavere alterius Adm. Rev. ejusdem cœtus exemptus mole magnæ castaneæ, attritus, qui & ipse minutum in medio protulit in conspectum varii coloris: quod

quod me iudice, est indicium luculentum concretionis ipsorum in diversis locis. Quamquam enim concedi possit, calculum etiam in vesica procreatum posse in se complecti alium minutum in eodem concretum, superinducta veluti lamina, vel pluribus per adhaerentem novam materiam; non tamen fuerit diversi coloris, cum semper calculi venaerint albicantes, renum vero fere semper id vescant; ut propterea cum minuti illi sint navi coloris, & cortice albi, ita tuendum sit, ipsos & renibus in vesicam excidisse: quod perspicuum sit magis ex alio minuto calculo in Reverendiss. Patre exempto Havi coloris, quod nondum excrevisset novae materiae adhaerere. Qua in re observanda Hippoc. sententia Lib. de morbis, ubi de vesicae calculo; *Patiens ejicit aliquando lapides duos, aut etiam plures minutos eodem modo procreatos.* Quasi dicat, calculos à renibus ad vesicam prolapsos esse quandoque plures, eosque secretos, qui seorsum concrecentes, plures in vesica calculos efformant; atque ideo mirum non est quod in Patre Reverendiss. inventi sunt septem, ex quibus unus nondum incrementum susceperat. Quod autem in calculo vesicae minutus alius delitescere possit, luculentissime patet ex calculis in vesica fellea, ubi concrecunt non transmissi à renibus, sed ex minuto quodam in ipsa rudimento, qui per adhaerentem novae materiae augentur. Quod oculata fide confirmatum in calculo vesicae felleae, Illustriss. & Reverendiss. M. Antonii Cornelli Episcopi Patavini, ejus cadavere me presente dissecto, qui penes me est, pluribus conspectus. Dubium hic tamen occurrit, cur pueri sint opportuni magis calculi vesicae, renum vero adulti, cum tamen illi sint istis calidiores, in quibus propterea frequentius concreescere deberent in renibus, qui vesica sunt calidiores, partes ut pote carnosae, pluribus venis & arteriis perfusae, cum haec sit exanguis. Quod ego quoque observavi in Sereniss. Archiduce Joanne Carolo, Sacrae C. M. natu maximo, ad cujus curationem accitus fui. Solutio est, quod caliditas calculi efficiens causa sit potius acris, & mordax, quae magis viget in adultis, cum pueri calido innato abundant, humorum concoctioni, & robori facultatum naturalium accommodato magis. Quod propterea humores crudos ad renes fluentes concoquit, qui ab expultrice valida à renibus ad vesicam postmodum propelluntur, in qua deinde si remorentur, densantur, concrecunt. Quod in Sereniss. Archiduci non contigit, quoniam haereditariam vasorum angustiam, & expultricis imbecillitatem ab utero materno contraxerat, Serenissima ipsius matre calculosa extincta: ut hoc nomine nec humores crudos attenuare, & concoquere, nec eosdem à renibus exturbare potuerit. Quae praemittenda duxi ad calculorum essentiam, & causas.

Praeservationem quod spectat, supponendum est, tanquam verissimum Hipp. sancitum 6. Aphor. 6. Renum, & vesicae vitia in senibus difficulter sanari; quod clarius 8. in 6. Epid. Text. Comm. 25. proprio testimonio confirmatum, cum ait: *Vitia renum post annum quinquagesimum sanata non vidi.* Quamquam enim tolli possint objecta aliena actu laedentia, morbosae

tamen affectiones confirmatae & diuturnae removeri non possunt. Farcant Gal. manes in Comm. Ego namque in calculis semper observavi, quod licet sectione exempti fuerint ex vesica, & obductum vulnus, vel iterum concreuerint; ut contigit Reverendo Piazzola, ex Benedictinorum coetu; vel effluerit semper materia corrupta, ut in Illustriss. & Excellentiss. Marchione Riario, Venetiis secto, & à me curato observavi: vel impedimentum perstiterit in congressu Venereo, ut accidit Illustriss. equiti Livio Zabarella, me praesente secto; vel continua superites fuerit arenularum excretio; quod observatum in hoc Reverendiss. nostro patiente: ut juxta Hippocratem de sola praeservatione cogitandum sit.

Hac autem in eo potissimum sita est, ut prohibeatur novus humoris vitiosi proventus. In morbis enim ex materia quamquam sint haereditarii, cum intensa caliditate, deficiente materia vitiosa, calculus nunquam procreabitur. Tribus vero potissimum medicis praediis hoc praestabimus.

Primum, & potissimum est, ut cibus attenuantibus, & facilis coctionis utatur, pane scilicet bene fermentato, salsamentis cibi loco, melle, moderate tamen mediocriter salitis, vinis tenuis substantiae, albis, non dulcibus: missis cibus crassi succi, carnibus bubulis, suillis vervecinis, aut oleribus, piscibus, praesertim palustribus, & testaceis; laganis item, & leguminibus praeter ciceres, atque caseo, maxime vero antiquo. A cibo semel saltem in hebdomada abstineat, & mediocri utatur exercitio; non tamen statim à cibo, quo tempore intermittat etiam studia. Quod si quandoque cruditates in ventriculo abundant, diutius decumbat, & dormiat manu ventriculo opposita. A cibo vomitum semel in hebdomada saltem cieat, oxymel, scilicet dummodo ab eo non sit valde alienus. Quod si contingeret, assumat drach. i. pil. de hiera cum agar. hora ante cenam: atque quotidie descendat alvus vel sponte, vel suppositorio, vel clystere; vel usu pilul. ex aloë lota cum succo rosarum, vel cremore tartari cibus asperso. Bis autem in anno purgationem universalem molietur. Vere, & Autumno, cum aliqua sanguinis eductione ex salvatella dextra; quo tempore uti quin etiam poterit diureticis ad emundandos renes, & vesicam: in quem usum accommodata erit Terebinthina Veneta, cum spiritu salis, cremore tartari, & aquis diureticis, octidui spatium: à quibus tamen aliis temporibus abstinendum censeo, ne crudos humores, cibosque non concoctos devehant ad renes. Quae praeservationis loco abunde fore censeo. Faxit D.O. Omnipotens ut cedant ad vota. *Idem ibidem.*

Illustrissimus Adolescens vigesimum quintum annum agens, temperamenti totius & jecoris calidi & humidi, carnosus habitus; dum diebus elapsis ad invisendas Italiae urbes una cum sociis iter faciebat, dolore vehementi in latere sinistro, à rene ad abdomen sese extendente correptus fuit, cum mingendi & egerendi inclinatione, imò & irritamento, qui paucis horis remisit; sed sequenti die redit vehementior, cum iisdem symptomatibus, addito etiam vomitu & insigni ad vomendum

irritamento. Cessavit iterum dolor, sed tertio die reverus est, dum in rheda iter faciebat, intolerabilis ita, ut extrarhedam pedibus incedere atque currere coactus fuerit. Veronam tandem perveniens, Clysteres præscripti fuerunt, & cassia exhibita, cum nonnullis inunctionibus, quibus nonnihil quievit dolor, ita ut rursus iter capere eidem permissum: nunquam tamen, nec arenulas, minusque calculos per urinam excrevit, imo nec urinæ ipsæ turbidæ observatae fuerunt, sed tenuissimæ semper & pellucidæ. Cum autem Patavium pervenerit; doloribus immunis, de agendis consulit, Venetiis domi suæ exequendis.

Nephriticis doloribus divexatum fuisse Illustriss. & Excellentiss. Adolescentem, non est quod dubitemus, si signa ab Hipp. recensita consideremus, dolorem gravem scilicet in regione renis dextri, cum vomitu & urinæ stitilicidio. Et quamvis arenulæ in urinis non subsideant, id nihil obstat: quando enim Hipp. dixit, quod *Quibus in urinis arenosa subsident, iis renes, aut vesica calculo laborant*, vult nobis innuere, quod arenulæ calculi præsentiam confirmare possint; unde & Gal. dicere solebat, quod dum dubitatur, utrumne dolor nephriticus sit, an potius colicus, subdit, quod *si arenulæ aut calculi in urinis subsideant, tollitur omnis questio*: non tamen è contra, arenulis non apparentibus, calculos non adesse sit affirmandum. Arenularum autem carentia, calculi non tophacei, sed densioris, & marmorea substantiæ suspicionem præbet, sicut magnitudinis, esse meatibus non proportionatæ: quod si parvus esset, multo angustiores forent existimandi ipsi meatus, papillæ nimirum, cum nunquam antea hoc affectu tentatus fuerit: etenim cum multo tempore intermittant dolores & redeant, calculum aut in renis cavitate, aut in infundibulo repetiri credendum, dolorem excitantem quotiescunque venter ingredi tentat. Quare licet & in præsens dolore vacet Nob. Adolescens, calculum tamen gestare pro certo habendum, & idcirco Curatione indigere, executione intentionum ab Hipp. propositarum dum dicebat, *Juvenes Veratropurgare, popliteum incidere urinarios mundare, tenuare, & mollire*.

Quibus intentionibus ut sitis fiat, abs re non erit Leniens repetere ex electo lenit. & tart. vel potionem ex manna clarificata, ut tutior evadat Diureticorum usus. Mox in casu nostro ordinem ita servandum censeo, quod primò Emollientia & Laxantia præmittantur, ut meatus dilatari atque laxari possint. Secundò sequantur Diuretica ad impellendum calculum ipsum; quibus non sufficientibus, tandem ad Lithontriptica, tenuantia ab Hipp. dicta, deveniendum. Neque interim de sanguine mittendo cogitandum nisi in imminente renis inflammatione: tunc enim poplitis vena cum Hipp. incidenda & cum Gal. vena brachii in Flethoricis pro revulsione, sicut cum Hipp. pro derivatione.

Pro prima igitur intentione, post assumptum Leniens, usum Ierebinthinæ nostræ venetæ propono, liquiritiæ rasura reformatæ, cui post horam superbibat jus tenue pullæ, foliis malvarum, violariæ & parietariæ alteratum. Quo

eodem tempore mane & vespere pars affecta toveatur magna spongia tali decoctione calente imbuta & expressa.

℥. Fol. malvarum, parietariæ, chamæmeli, anethi, meliloti an. m. j. rad. althææ, ni. alb. raphani an. ʒj. fœniculi, pii an. ʒiſs. aq. comm. ℔ xij. contund. incid. & m. bulliant ad consumpt. tertiæ pro fotu. Annota verò spongia, statim miniatur pars manu, oleis li. lb. & de scorpionibus inuncta. In horum emollientium & laxantium usu plures dies immorandum, nisi dolores revertantur & urgeant: tunc enim fomentationes & inunctiones non omitendo, ad impellentia medicamenta diuretica deveniendum & esse poterunt sal tartar. volatilizatum ad ʒj. in aq. stillat. ononid. & parietariæ, addito succo limonum. Pariter insignem vim permeandi & impellendi habet spiritus tartari alcalizatus, ad gutt. xij. vel xv. in eadem aqua; quæ medicamenta, non cedente calculo, nec remittente dolore, sunt repetenda.

Pro tertia intentione explenda, efficacissima semper fuit essentia crysalli, a semidrachma usque ad drachmam integram in jam dictis aquis offerenda: sic & magisterium oculorum Cancrorum. Et tandem omnibus incassum tentatis (quod futurum esse non credo) ad succi capæ albæ, per expressionem extracti, aq. stillat. parietariæ, vini malvatici suavis n. ʒiv. m. f. potio urgentibus doloribus, nec cæteris medicamentis cedentibus, propinanda. Hacque pro Curatione: nam de præservatione animæ erit sermo, dum causæ quoque materiales, efficientes, & sine qua non examinandæ erunt.

His jam dictis congrua vivendi ratio est addenda, victus enim mediocriter tenuis esse debet & facillimæ concoctionis: augentur enim dolores, ut ait Hipp. dum cibo implentur. vinum pro potu consueto concedendum, album, tenue, & subdulce. Exercitium quammaximè confert; & ideo Hipp. repetit, quod *Exerceri convenit, nec quiescere*. Sicut pro evacuatione sollicitanda frequentes debent esse clysteres, præsertim oleo de lino parati, ut qui dolores quoque sedare valeant. Quæ omnia Illustrissimo & Excellentissimo Adolescenti à summo Deo salutaria precor. Joann. Raym. Fortis Cons. & resp. Medicin. T. 2. Cent. 3.

Eques Illustrissimus, ex Patre Nephritico natus, Calculosus & ipse calculos enim alias, & non exiguæ magnitudinis, nephriticis prægressis doloribus, per urinam excrevit; quatuor ab hinc mensibus circiter calculum in rene sinistro gestat forsan neglectum, quia in renis cavitate contentus, cruciatus consuetos non intulerit, sed tantum in ipso rene dolorem gravem, sive gravativum, ita ab Hipp. nuncupatum: ut propterea, neglecta quoque facillè congrua vivendi ratione, progressu ad tantam molem increverit, ut papillas egredi non potuerit, & ideo dolores exacerbabantur à quibus papilla contracta, egressum non admittebat, & ideo dolor gravativus manebat. Et quoniam aut in rheda, aut equitando, calculorum descensum à renibus in vesicam promoveri, indistinctè vulgò creditur; idcirco & Illustrissimus ipse hoc deceptus axioma, Equo grad. tim currente iter fecit, ut ad aquæ vitriolatas epotandas perveniret, quo violento motu

motu calculus renem contundens, nec exire valens, phlogosin, & forsan etiam legitimam inflammationem in ipso rene excitavit, quam necessario febricula subsecuta fuit; ad cuius adventum & sitim cum linguæ siccitate, & ventriculi anatropan; & totius corporis maciem, quæ omnia antea à calculi præsentia procedebant, adaucta fuisse mirandum non est. In deterius autem lapsum equitem Illustriss. cenfeo, ob aquæ vitriolatæ assumptæ retentionem, quæ sanguini immista, eundem inquinare, & corrupta corrumpere quoque potuit. Nec retentionis causa in aquas ipsas, quamvis nondum satis à Sole confectas, est referenda, sed in renem angustiam: conflictatus enim à lapide ren ipse affectus, contrahitur, & in consensum trahit renem alterum non affectum, ut propterea difficilis & imminutus valde aquarum transitus fuerit.

Quibus ita se habentibus, exiguam spem superesse, nullus erit in arte veritatus qui non videat, tum quia calculi excretio tot congruis remediis incassum tentata fuit, tum quia febris symptomatice, nempe à rene affecto, à me existimata, inflammationem suppurandam minatur, & interim necessaria Lithonriptica prohibet; & ideo febri (si perseverat) & reni afflicto, tanquam urgentiori, & veluti causa sine qua non, incumbendum est: mox ad ipsum calculum dirigenda Curatio.

Adversus febrem & renis afflictionem, pugnandum Evacuantibus, Refrigerantibus, Repellentibus & Derivantibus. Adversus calculum, Diureticis, Laxantibus & Lithonripticis, habita tamen semper virium ratione. Quibus omnibus sequenti ordine satisfaciendum esse puto, ut primò aquæeductio iterum atque iterum procuretur blandis medicamentis, ut est potio ex manna clarif. aut flos cass. cum Magist. Mechoac. superpræbendo jus malvis vel hordeo alteratum. Inde aperiatur saphæna lateris affecti, hæcque juxta Hippocratis doctrinam *Veratro purgare, popliis venam incidere*, idque quoniam, non constantibus viribus, revulsio à vena superiori ipsi derivationi præmitti non potest. Interim extrinsecus refrigerantia, sed cum exigua subastrictione apponenda, ut simplex unguentum rosac. Melles, cui progressu addi poterit etiam malvinum.

Victus autem ratio debet esse substantificè humectans, renutrens, viresque non solum conservans, sed etiam, non inhibente inflammatione, ipsas adaugens.

Ablata febre & inflammationis suspitione contra calculum vires medicæ erunt intendendæ, Hippocratis præceptis obtemperando, nimirum vias urinarias mundando, ductus laxando, & lapidem ipsum frangendo: quas intentiones nobis insinuavit sub illis verbis, *Urinarios mundare, attenuare atque mollire*. Et quoniam propriis remediis primæ & secundæ intentioni à Viris Excellentissimis satisfieri non potuit, nempe post expetitam ventris expiationem, diureticis atque laxantibus, & demum aquis ipsis vitriolatis; idcirco ad tertiam intentionem deveniendum esse mihi videtur: dum enim calculus præ magnitudine vias, nempe papillas ipsas, quamvis emolli-

tas atque laxatas, pervadere non potest, tota vis Curationis in ejusdem calculi fractione, aut erosione & imminutione posita est, nunquam tamen laxantibus & aperientibus omittis. Quare ad Lithonriptica confugiendum: inter quæ selectiora & efficaciora apud nos experta sunt, sal tartari volatilizatus ad ℥j. in aqua ononidis; Magisterium oculorum cancrorum pariter ad ℥j. vel in eadem aqua, vel in aqua e thecis fabarum; Essentia crystalli montani ad semidrachmam in aqua parietaria; atque tandem succus cæpæ albæ, per expressionem extractus, ita parandus.

℥. Succus cæparum alb. aq. pariet. vin. malvalii suavis an. ℥iv. m. pro potu. Et quoniam jam dicta Lithonriptica non quotidie, sed tertio aut quarto quoque die sunt repetenda; idcirco diebus intermediis Laxantia & Aperientia non sunt omittenda, ut Terebinthina Cypria tota nocte detenta in aqua malvarum, ad ℥j. quæ reformetur cum semidrach. pulver. ossium mespilorum, & huic superbibat cyathum aquæ malvarum, vel jus malvis alteratum, addito succo limonum. Extrinsecus quoque fomenta mane & vespere sunt in usum ducenda, quæ Balnei vicem supplebunt, magnam spongiam reni apponendo, imbutam & semel expressam, decoctione fol. malv. chamæmeli, parietar. saxifragiæ, meliloti, radic. althææ, lil. alb. sem. lini & fœnugræci; Et urgentibus doloribus apponatur omentum vituli, oleo amygd. & de icorpionibus imbutum, quibus addi poterit etiam liliaceum pro inunctione, post amotam spongiam facienda.

Sic fracto aut comminuto calculo, tunc locum habere poterunt aquæ vitriolatæ, ad ipsum educendum, & renes atque urinarios meatus mundandos.

His autem omnibus congrua vivendi ratio erit addenda, à viris Excell. Adstantibus præscribenda: quibus & cætera omnia melius dirigenda committo.

Appendix ad antecedentem Consultationem.

Post perscriptam consultationem, ad me pervenit relatio Præclarissimorum Virorum de statu equitis Illustrissimi, à priori diverso, cuius diversitas in duobus consistere mihi videtur, nimirum in doloris renis remissione, & in virium subitanea prostratione. Levaminis causam non in solam calculi mictionem, sed in materiæ pituitosæ partim, si non purulentæ, saltem analogæ puri, excretionem referendam esse crediderim ego, cum dolor in rene perseveraverit, etiam calculo in Urethra existente: utinam ex disrupto in rene abscessu inflammatorio materia jam dicta alba, & forsan purulenta, pituitæ immista, non effluerit, ut non sine ratione dubitari potest, cum repente dolor evanuerit, aut si item remissus fuerit. Nec obstat remissa febris, & pulsus ferè ad totalem Apirexiam perductus, cum doceat Divinus Senex, quod *dum pus conficitur, dolores & febres magis sunt, quam pure jam confecto*. Quoniam verò sequenti die urinæ fœculentæ & ferè subcruentæ apparuere; idcirco calculum excretis multo majorem adhuc in rene reperiri

summopere dubitandum, cum jam nuper excreti figurati fuerint, ita ut fragmenta exstimmari non debeant. Interim tamen utriusque affectus symptomata & excret. diligenter observanda, ut veritas innotescat. Virium autem prostrationem totam hepatis soli tribui posse non video: vitiata namque hæmatosis ipsa, ad Cachexiam, indeque ad Hydropem Patientes ducere solet. Quare adderem ego sanguinis inquinamentum ab aquæ vitriolæ retentione introductum, cujus causa spiritus vitales qui ex ipso probo sanguine generari debent, reproduci non possint: non excludendo tamen jecoris labefactionem, obruto à copia aquarum ejusdem nativo calore, nisi concurrat forsitan etiam in rene tumoris eruptio, cum *A tuberculi intus ruptione exolutio contingere soleat*, ut monet Hippoc. Quare adhuc in vitæ discrimine versamur, cum pro viribus reparandis massæ sanguineæ purificatio requiratur, quæ nonnisi hydragogis medicamentis, à virium imbecillitate non permissis, procurari potest; præterquam quod calculi excretio adhuc tentanda restat, quam difficiliorem reddere posset renis ulcus, ab abscessu disrupto relicum.

Quibus omnibus consideratis, urgentiori dubio procul est incumbendum, viribus nempe reparandis, sine quibus cætera remedia incassum, imò cum præjudicio administrarentur: illis enim reassumptis, ut dicebat Celsus, Medicinæ dabitur locus: & hic observandum venit Hippoc. præceptum, *Quibus semel, aut bis, plurane, an pauciora offerre oporteat*, considerandum esse; & præterea Galeni Commentum, in quo monet, viribus existentibus imbecilibus, parum & sæpe cibum esse offerendum, qui sit boni succi, facillimæ concoctionis ac distributionis, & pauci excrementi. Et quoniam *facilius est implere potum, quam cibum*, ideo convenire poterunt, præter jura carniū in quibus sint dissoluta lutea ovorum recentium, nonnunquam restaurum pulli, quandoque contusum; addantur quoque emulsionēs amygdalarum dulc. recent. & pistaciorum. Proderit quoque vinum aromaticum modicè exhibitum. Semper ante cibum aliquod Cardiacum proficuum erit, ut julapium gemmatum Mag. Duc. in exigua aqua totius citri, aut florum ejusdem; species quoque Diahyacynthi in aqua scorzonæræ. Interdum bolus ex Alchermes & hepate lupi paratus. Caro quoque viperina, cum reliquis carnibus ebullita, vim quandam balsamicam, & calori nativo nostro analogam obtinet.

Quamprimum verò Curationem vires permittant, ab aquæ educatione erit incipienda, & interim renis status observandus, ut opportuna medela adhiberi possit: non omittendo tamen Clysteres naturam ipsam ad aquam educendam excitantes. Quæ pauca subdidi, à sapientibus viris examinanda. *Idem ibidem.*

Calculi Renum in Puero.

Princeps Excellentissimus Puer duodecim annorum, ex patre valetudinario & immaturè defuncto natus, temperamenti ad calidum & siccum vergentis; hepatis calidioris, me-

diocris habitus, liberè vivens, imò eduliis crassi succi de more utens, & immodicis exercitiis deditus; usque ad decimum annum ætatis suæ semper valetudinario, frequentibus nempe febribus obnoxius, cum alvi consueta stypticitate. Præterea somni turbati, cum spectris terrificis quandoque ei contingunt, ita ut clamoribus expergilcatur, nec præteritorum quicquam recordetur. Caput ejus frequentissime gravatur, & per nares nonnunquam catharralis materia copiosa & crassa expurgatur, quæ detenta, nares ita obstruit, ut dormiens ore adaperto respirare cogatur. Duobus tamen abhinc annis sanitate satis laudabili frui cœpit: verum renum dolores accesserunt, per intervalla frequenter recurrentes, quos solvit mictio calculorum rotunda figuræ: qui si diebus aliquot (integra hebdomada) retineantur, dolores vehementiores & acerbiores afferunt, donec calculus consueto major per urinam excretus fuerit: à cujus mictione prorsus à doloribus immunis & alacris innet. Et cum frequenter repetat hujusmodi affectus, à Te Vir Doctissime, præsertionem implorat.

Quod Excellentissimus Princeps duodecimum suæ ætatis annum agens, statim natus, usque ad decimum annum multis & variis ægritudinibus conflictatus fuerit, mirum videri non debet, cum hæreditariam à Patre valetudinario pravam totius corporis dispositionem sortitus fuerit, & præsertim capitis intemperiem calidam & humidam, quæ idipsum excrementosum reddidit, & destillationibus valdè obnoxium; præterea jecur justo calidius cum fervore, atque eorundem pravam diathesin & calculosam dispositionem; & propterea dicebat Galenus, quod *Catarrhus omnium morborum fons, & soboles esse possit, cujus vit totum corpus languere solet*; quod facile desumpserat ab Hippocrate asserente, quod *destillationes à capite magno radio atque molestia naturam frangant*, potissimum verò in Excellentiss. Puero, cerebri emunctorium, nares scilicet, angustum habente. Quare cum à perenni destillatione in ventriculum ciborum coctiones imminutæ secutæ fuerint, biliosis humoribus à calido jecore genitis immixtæ, & massam sanguineam inquinantes, fermentatæ frequenter & putrefactæ, febres modò acutas, modò chronicas præteritis annis excitarunt; sed tandem ad renes transmissæ sive deductæ, extra consuetudinem & valdè immaturè in calculos albi & flavi coloris, marmoreos potius, quam tophaceos converti cœperunt, suggerente renibus materiam prava vivendi ratione, nimirum crassæ, concoctu difficilibus & excrementosis alimentis, quibus delectatur; præterea vehementibus & intempestivis motionibus corporis; & diureticorum, nempe granorum juniperi & fœniculi in potu, abusu, quo materia pro calculis producendis ad renes quotidie ducitur: præsertim verò cum alvi stypticitate, dicente Aëtio; quod *Si alvus bene se habuerit, pauciora lotia prodibunt*. Rarissima equidem in Puero calculosa conditio, quam semel tantum hucusque mihi vidisse contigit, & semel se videre potuisse asseruit Cardanus: Pueris enim proprii & familiaris esse solet calculorum in vesica pro-

productio, unde Hippocr. dicebat, *Post mictum concretio Pueris magis, nunc quoniam calidiores?* Et modum alibi explicat, dicens, *Quorum alvus ardens, ac fervida fuerit, sic & vesica, ita excoalefacta, urinam non dimittit; & quod crassissimum & turbidissimum est, coacervatur, & dum voluitur, concrevit;* quod evenire saepe solet etiam inf. n. tibus ex impuro lacte Nutricis pravis alimentis connutritæ. Et quoniam sicut calor intensus vesicæ, una cum cruditatibus, in Pueris Lithiasin generat, ita ab eodem in adultis ratione ætatis in renibus adaucto, nephritis excitari solet: ut propterea docuerit Gal. Lac Pueris in vesica, Adultis in renibus calculos generare, sic & magis caseum; idque quoniam ad calculorum productionem concurrat calor, ut causa efficiens, & humorum crassities, ut causa materialis. Cum autem calorem huiusmodi excedentem in renibus Pueri non habeant, ut calculum producere valeat, examinanda à nobis est causa huius raritatis, si Excellentissimo huic Puero præservatio est præscribenda. Hanc igitur à mala vasorum & renum conformatione hæreditaria, ab Excellentissimo calculoso Patre contracta, pendere pro certo est habendum, quæ consistit in amplitudine vasorum emulgentium, & in renum densitate atque ureterum angustia: ut ideo renes faciliè à jecore per ampla superiora vasa cruditates multas suscipiant & attrahant, sed subinde ob propriam densitatem easdem non dimittant & retineant, sicque diurentæ, etiam à moderato calore in calculos convertantur: quam causam tetigit & ipse Gal. dum dixit, *Succi crassi non in omnibus calculos generant, quibusdam enim densiores, & perangusta sunt ora vasorum, quibusdam è contra;* quod idem alibi ita confirmavit, *omnia crassi succi in renibus calculos generant, dum transitus latos non habeant:* Et hæc causa ab Oribasio quoque recepta fuit, imò & à Recentioribus ferè omnibus, dum Fonseca protulit, quod Calculosa & hæreditaria renum dispositio, etiam cum paucis renum calore præsentem materia, est sufficiens ad calculorum in renibus generationem; & idcirco ut causa sine qua non ab universali Medicorum schola recepta fuit. Ita in casu nostro juges cruditates, partim à capite in ventriculum descendentes, & coctionibus officientes, partim à ciborum superingestionibus, Pueris consuetis genitæ, ut causa materialis; calor verò & jecoris, & renum, ut causa efficiens; & potissimum naturalis calculosa dispositio, in emulgentium amplitudine, & renum atque ureterum angustia consistens, causa sine qua non appellata, concurrunt in Excell. Puero Principe ad calculorum in renibus intempestivam & immaturam procreationem.

His autem ita sese habentibus, cum caput & renes ope medica indigeant, urgentiori prius incumbendum nos docet Galenus, ipsaque ratio dicat: capitis enim exiccatio & catarrhalis materiæ extirpatio tutius in juvenilem ætatem differri potest, quam calculorum inhibitiō: evidens enim periculum imminet, ne diutius aliquis calculus in renibus detentus, & major consuetofactus, non amplius in vesicam descendat, sed manens in renibus, Principem miserè interficiat, ut contigit Ex-

cellentissimo Patri defuncto. Alterum imminet periculum, ne in vesicam delapsus, propter canalē Urethræ angustiam, in eadem moretur, per additionem grandior fiat, & pro extractione incisione sit opus, cum vesicæ calculus manuum dumtaxat opera curari possit.

Hoc igitur anni tempore, nempe proximo mense Maio purgatio erit ineunda, primas vias expiando. secundo Venosum genus ab excrementis depurando. Tertiò caput quoque purgando. Quartò jecoris & renum calorem temperando, & vasa angusta dilatando; atque tandem causæ materialis reproductionem inhibendo, & ipsam à renibus divertendo.

Pro prima intentione explenda, primò potio suavis leniens præscribenda, ex man. clarif. cum tartaro, aut syrupo ros. solut. aureo. Inde sex aut septem sequentibus diebus cruditates in primis viis existentes, ita præparandæ.

℞. Julap. acet. simpl. syr. de cortic. citri aq. flor. citri an. ℥ j. m. pro syr. & sic pro aliis; Aut singulo mane exhibeatur.

℞. Cremor. tartar. sacchari albi an. ℥ ss. & dissolvatur in modico jure carnis, corticibus citri alterato. Inde alterum ex præscriptis Lenientibus repetendum.

Pro secunda verò intentione, ulteriora præparantia erunt usurpanda.

Ut ℞. Decoct. in jure paratæ cich. borag. endiv. meliss. betonic. agrim. ℥ v. oxymel. sin. pl. syr. de beton. an. ℥ j. m. pro syr. & sic pro aliis septem. Interim primis diebus jecorina dextera erit aperienda, sed sanguis parcè mittendus. Transactis jam dictis diebus, purgans huiusmodi erit exhibendum.

℞. Rhabarb. opt. ℥ j. agaric. trochisc. fol. senn. an. ℥ ij. cinnam. integr. ℥ ss. aq. agrimon. q. s. m. f. infus. per hor. xii. & facta forti expressione, colaturæ adde syrupi rosat. solut. ℥ iv. clarificentur omnia cum cremor. tartar. & f. potio brevis, cui, incepta evacuatione, superbibat aquæ hordeac. vel feri caprin. depur. ℥ j. & duobus horis ab assumpto sero prandeat.

Inde ad tertiam intentionem explendam deveniri poterit pilulis capitalibus.

℞. Extracti pilular. cochiar. ℥ j. aurearum ℥ ss. reformatur pilulæ, & tribus interpositis diebus ab assumpta superscripta potione, præbeantur summo mane, & repetantur. Intermediis verò diebus reassumat syrupos præparantes præscriptos: & aliquod errhinum manè tantum in usum ducat, suave, non violentum.

Ut ℞. Pulv. majoran. ireos an. ℥ ij. nigell. ℥ j. m. f. pulvis per nares attrahendus.

Quartæ intentioni ut satisfaciamus, aquis acidulis omnino opus erit, non tantum ferreis sed vitriolatis, quales sunt in Valle Solis nascentes, quæ primis tribus diebus cum vehiculo dejectorio syrupi ros. solut. aut mann. clarif. erunt præbendæ, sequentibus verò diebus quindecim cum aliquo vehiculo diuretico, quamvis rarò eodem indigeant: posset autem esse spiritus tartari pluries rectificatus; harum autem usus duobus sequentibus annis repe-

tendus, leviori tamen præmissa corporis expurgatione. Terminato autem aquarum usu, magnopere conferre poterit lac alinum ad quadraginta dies, quod inter genera lactis prærogativam habet refrigerandi, renes emolliendi, imò & tophos in renibus dissolvendi, ut testatur ipse Galenus, & cum eo ceteri Medicinæ Principes: nec caput implet, quia celerrimè per corpus digeritur. Præbeatur autem statim mictum, summo mane, à quo somnus nullo modo permittatur, incipiendo ab unciiis quatuor cum semicochleari sacchari, & ascendendo usque ad novem, cum integro sacchari cochleari. Quo tempore aquarum & lactis, statim à cœna deglutiat Excellentissimus Puer duo aut tria grana maltiches integra: à prandio verò conferre poterit conserva absynthii, quam si ob amaritudinem respuat, sal absynthii in exiguo vino dissolutum supplere poterit.

Verùm ut postremæ intentioni satisfaciat, sat non est roborare ventriculum, si quotidie oneretur crassis cibis excrementosis & difficillimæ concoctionis: & ideo Valescus de Taranta scripsit, ridiculum esse medicamenta Calculosis præscribere, non præmissa congrua vivendi ratione. Quare si primò aërem consideremus, neque hypocausta, neque repentinæ mutationes à calido ad frigidum, & è contra, capiti convenire possunt. Si secundò alimenta; inter carnes suillæ prorsus ablegandæ, bubulæ & ceteræ annosorum animalium, & aquatiliū raro usurpandæ; pariter extremitates, ut pedes & capita, omittendæ. Inter pisces, soli saxatiles eligendi, & à conchyliis atque ostreaceis omnino abstinendum. Lacticinia omnia & edulia ex lacte & pasta parata, sunt fugienda, & caseus præsertim. Legumina omnia vitanda, hordeo & oriza exceptis. Inter fructus, fraga, pepones, persica, ficus nonnunquam permitti possunt. Inter olera, prorsus abstinendum ab usu lactucæ, à fœniculo, selino, carduo, radice raphani, fungis & terræ tuberibus. Inter condimenta interdicitur usus aromatum, paucocinnamomo & pipere ruditer contuso exceptis; neque conceditur succus citri & limonum, quoniam diuretici sunt: hoc enim documentum est quàm maxime observandum, quod dum Calculosi actu li calculo, in renibus existente laborant, tunc, primis viis ab aliquo medicamento expiatis, omnia diuretica & urinam ducentia opportuna sunt: è contra verò extra accessionem, dum agitur de præservatione, nullo modo sunt admittenda, quoniam ducunt materiam, cruditates scilicet ad renes pro calculis producendis: ut propterea approbare nequeam usum quotidianum granorum juniperi, minusque fœniculi in vino, nec aliorum diureticorum, quoniam confunditur ita Curatio cum præservatione, & præservatio cum Curatione, in quem errorem incidunt quoque non rarò Medici ipsi; & ideo in hunc finem reprobantur etiam vina Moselana, Rhenana, utpote valde diuretica, ita & cerevisia lupulata. Præservatio enim à calculo requirit, ut cruditates non generentur, & genitæ à renibus divertantur, & per alvum ducantur. Tertiò somnus largior esse debet, sed nocturnus, non tamen dormiat in plumis: & si decubitus supinus

consuetus fuerit, subternatur linteolo portio corii vervecini. Quartò exercitium sit moderatum, & ventriculo non repleto, ita præcipiebat Hippoc. Labores ante cibum. Quintò Alvus lubrica servanda, prunis Damascenis aut Hungaricis; vel passulis in vino subnuci tenui decoctis, & saccharo aspersis, prima mensa comansis; & ut magis divertantur cruditates à renibus, & per alvum educantur, semel in mense, unica hora ante prandium assumere poterit.

℞. Ele&. lenit. ʒβ. Mag. Mechoac. gr. vii. aut pilul. mastich. ʒj. m. f. boli. Tandem alacri animo ut indulgeat Princeps Excell. permittendum, neque ad nimia & intensa studia sollicitandus, sed geniales conversationes admittendæ, quæ tamen in vivendi ratione errandi occasionem non præbeant. Quæ omnia faxit Deus, ut salutaria evadant. *Idem ibidem.*

Vesica Calculus.

Cum à naturæ primordiis Vir Illustrissimus non adeo probam partium principalium & inservientium temperiem sortitus fuerit, jecore namque justo calidiori, capiteque humidiori, atque ventriculo frigidiori præditus fuit, ideo varia & heterogenea excrementa à jam dictis partibus jugiter produci necesse fuit, quæ quoniam à natura è corpore excerni vix credi potest, idcirco mala inde exorta fuisse mirum non est, præsertim addita libera vivendi ratione: intemperantes enim in diutinos morbos incidunt, à quibus postea tota vita sese explicare nequeunt, inter quos Nephritidem & Arthritidem, sive Podagram enumerabat Galenus, quorum alterum, Arthritidem scilicet superioribus annis fuit expertus Vir Illustrissimus, quo cessante, insurrexit alter, nephriticus videlicet, cui statim Lithiasis successit; non enim defuerunt crudi & crassi succi à ventriculo naturaliter frigido, & à continuis applicationibus adhuc frigidiori reddito, addito quoque improporcionado objecto: quæ cruditates ad varias corporis partes transmissæ, & præsertim ad artus, articulares quoque dolores pariebant: ad renes verò tandem conversæ ab igneo eorumdem calore, tanquam à causa efficiente assatæ, & à vasorum naturali conformatione detentæ, in arenulasque conversæ, à glutinosa materia coactæ, tophaceos calculos prodixerunt, qui dolores nephriticos excitarunt. Cessarunt autem, dum diureticorum medicamentorum ope à renibus depulsi in vesicam; & tandem per urinam ejecti visi fuere; sed non omnes, quandoquidem actionem mingendi depravatam, quæ ab illo tempore quoque Virum Illustriss. affligit & torquet, ab aliqua causa musculum irritante provenire dubio procul asserendum; de qua quoniam Sapientes & Excell. Viri isti propriis & necessariis experimentis certiores facti fuere, non est quod dubitemus; siquidem conjecturæ primò calculum in vesica reperiri satis apertè nobis significabant, cujus præsentiam non semel, sed bis sensus ipse tactus comprobavit: calculum enim mense Aprili præterito à primis nephriticis doloribus in reus papillis mansisse, & vehementis motus in rheda occasione in cavitatem delatum fuisse pro certo habendum.

dum, qui ibi sine dolore adservari potuit, sicut cum dolore ad vterus delapsus, exquisitissimo sensu præditus, Diureticorum ope in vesicam cecidisse; sed in rene antea crassorem factum exitum non invenisse censendum. Quare in vesica quotidie à superadditis cruditatibus involutus & grandior redditus, dum, quod turbidissimum, coacervatur, circumvolvitur & concrevit, sui ipsius etiam quotidie majora nobis præbuit indicia; etenim ab initio mictio molesta & frequentior apparuit, in progressu stranguriosa, adeo ut dolor adfuerit in mictione cum urinæ stillicidio, vesicæ ardore, & quandoque arenosæ materiæ excretionem, omnia signa lapidis vesicæ, ab Hipp. proposita; quibus accesserunt & ponderis sensus, & inquietudo, & ani Tenesmus, & hæmorrhoides, quæ omnes conjecturæ eundem confirmarunt, accedentibus præterea experimentis diureticarum aquarum, & motus vehementis in rheda, à quibus nocumentum evidens reportavit Illustriss. Patiens, atque tandem sensu ipso iudice facto, & candela in vesicam introducta, & digito in anum immisso, conjecturalis cognitio sensata & mathematica reddita est.

Agitur igitur de calculo in vesica actu existente, nec adeo exiguo, eo quod nunquam urinam supprimit, à vesica removendo; & idcirco pars curativa in præsentia à nobis consideranda venit, de præservatione alias cogitandum, & posteaquam diureticis aquis, prudentissime à Viris Excellentiss. propinatis, educi non potuit; Lithontripticis verò fidere inexperti Medici certum indicium sit, idcirco non nisi manuum opera curari posse pronuntiavit Hipp. alioquin præter urinæ suppressionem, doloribus, febriculis, ulceribus, colliquationibus contabescere solent Patientes. Et quamvis hoc remedii genus potius inspirationem divinam quam Medici consilium requirat, ut propterea Hipp. nobis consilium dare prohibeat, imò Avenzoar vetet quoque Medici præsentiam. Nilominus viriliter ego & ex corde agens, virilè quoque & unicam curationem, dissectionem consulò, antequam congruæ conditiones ad hujusmodi operationem tutiorem reddendam effugiant; concurrunt enim in præsens anni tempus opportunum, lapidis magnitudo conveniens, cum nec grandior, neque exiguus nimis requiratur pro facili extractione, quam & vires, & ætas permittunt, nec prohibent nimia gracilitas, aut febricula, aut ulcus in vesica; quæ sicut modo non adsunt, ita superventura valde suspicandum. Neque præter excrementorum in primis viis existentium per alvum evacuationem, alia precedens corporis expurgatio necessaria mihi videtur, cum jam sanguis non semel ex hæmorrhoidibus satis spontè effluxerit, qui novæ sanguinis missionis pro inflammatione arcenda occasionem affert.

Quod si fortassis veram hanc atque legitimam Curationem non admittat Vir Illustrissimus, palliabitur sit futuenda; pro cuius institutione non adeo facile Medico erit medicas elicere intentiones, cum ex una parte calculi augmentum inhiberi debeat: idque crudorum excrementorum à viis urinaris ad al-

vum diversione procuretur: ex altera verò cum calculus angulosus, aut inæqualis conjiciatur, nec æqualis & minus cruciolus reddi possit sine cruditatum accursu, nec præterea dolores demulceri possunt; nisi Anodyna diuretica ad afflicta vesicam ducantur, contrariæ exoriri videntur intentiones; in quo casu, quoniam, cum Galeno, urgentiori est incumbendum, ideo posteriori intentioni satisfaciendum, priori tamen non omnino neglecta. Et idcirco Diureticis demulcentibus statim utendum, quæ ad vesicam quidem pervenire, sed à vesica excrementa impellere minimè valeant, ne calculus magis à suis tunicis expellatur, extrema quoque non omittendo.

Interna Anodyna possunt esse & injecta, & assumpta; & inter injecta alia per intestina alia per Vrethram, per intestina enim parantur Clysteres cum exiguo lacte bubulo, in quo dissoluta fuerit drachma philonii Romani recentis; detentamque ad duas tresve horas vespertinas vesicæ sensum adeo obtupefaciunt, ut dolor tota nocte magnopere remittatur, & somnus concilietur. Per Vrethram verò licet medicamento injicere difficile videatur, cum vesicæ collum habeat anfractus ad modum S. atramen per fistulam indirectè perforatam medicamenta injiciebat Galenus; & ideo lac asinum, vel caprinum in quo globulus opii torrefacti nocte infusus fuerit; aut Laudanum Nepentes, ad demulcendos dolores, injici & prodesse poterit. Per os verò sumenda duo propono mihi familiaria remedia, quorum alterum est serum asinum destillatum, appposito globulo opii torrefacti restro Alembici, ut in transitu obtupefacientem facultatem acquirat, cujus dosis erit ad ℥x. addito syrupo de ibisco; & ut facilius ad vesicam perveniat, ex eodem emulsio quoque sem. melonum, sed valde diluta, parari poterit. Alterum verò ita parabitur.

℥. Fol. malv. rec. m. iv. viol. m. ij. radic. anonidis, liquiritiæ an. ℥ij. sem. melon. mundat. ℔ β. passularum ℥j. incid, incid. contund. contund. & adde aquæ Nocerianæ ℔ xv. succi limonum ℥ij. m. macer. omnia per horas xij. deinde fiat fortis expressio, in qua dissolve flor. cass. rec. extract. ℥ij. ponatur in Alembico vitreo, & B. M. destilletur, & præbeat ad ℔j. vel paulo minus, addendo, si placeat, syr. de ibisco, vel julap. viol. ℥j. mirabilis enim experta est, ad vesicæ & renum dolores demulcendos.

Extrinsæ quoque in sessiones & inunctiones fieri solent; sed ut nimis operosæ, iisdem fomenta substituere consuevi, bis saltem in die admovenda, magna spongia imbibita, & non expressa, decoctione malvæ, viol. nymph. radic. althææ, liquir. hord. & fœnugræci; quibus, urgente dolore, capita quoque papaveris albi addi poterunt. Fomentis verò succedant illinitiones ex unguento malv. & populeo oleo violac. reformatis, vel oleo nenuph. & viol. simul mistis; quibus, dolore urgente, addi quoque potest exigua portio olei jussquiami.

His autem addenda erit congrua victus ratio, inter attenuantem & incrassantem media; ne incrassante nimis augeatur calculi moles, & attenuante acuantur nimis urinæ & humores:

media quoque debet esse inter tenuem & plenam, ne tenuiori vires deficient, neve pleniori excrementa cruda in corpore redundant, & ad vesicam tanquam ad partem affectam confluant: moderata quoque in calida & frigida, ne frigidityte natus calor elanguet, caliditate verò aciores reddantur urinæ: demulcendi autem facultatem obtineat: nec ullo modo diuretica alimenta sunt admittenda, ne humorum sarcina ad vesicam ducatur. Quæ sapientibus Viris pro salute, aut meliori statu Pat. Illustriss. quam eidem à D. O. M. enixè precor, sat superque sint dicta.

Vesica Lapis.

Illustrissimus Vir annum agens quadagesimū tertium, temperamenti calidi & sicci, Patre natus Nephritidi & Arthritidi obnoxio, à primis suæ vitæ exordiis ferè morbosus, cum in ipsa pubertate rebelli hypochondriaca affectione, quæ adhucnum perdurat, affectus fuerit, frustra variis adhibitis medicamentis, & inimitabili victus servata ratione, tertius annus excurrit, ex quo cum urina cœpit ejicere arenulas & minutos calculos, nullo tamen doloris, aut difficultatis sensu, nisi circa renes levi passione. Ante duos annos apparuerunt urinæ magis turbata & sabulosa, quæ per aliquot dies Nob. Aegrum noctu maximè affligerunt, de quibus tamen soli naturæ relictum fuit opus, à quo tempore postea sapius in urinis ipsis modo calculi observati sunt, non sine gravi Patientis molestia; qui tandem de sua salute sollicitus, præterita Ætate, congrua præmissa corporis expiatione, ad renes & vesicam emundandam aquam B. V. meo consilio sumpsit; quæ licet feliciter è corpore educeretur, secum nihil exivit: purissima enim semper exivit, ut toto assumptionis tempore nil prorsus nisi aqua ipsa & naturale lotium visum sit; à qua postea per duos menses integrè ferè convaluit, extirpato penitus dolore, licet aliquis minutus calculus aliquando apparuerit. Mense præterito Septembri Patavio redux, quo Sella vectus erat, frigida satis aëris constitutione in maximum inferioris ventris dolorem incidit, qui ipsa sanatione, quæ Hipp. certissimum iudicium est colicus fuit: qua occasione in alvi artificiosis depositionibus, materiæ multæ, mucosæ, necnon biliosæ dejectæ sunt; sed majus & intolerabilius successit malum, renum scilicet intensissimus dolor, qui lentè ad inferiora delapsus, vreterum loco prius afflicto in ipsa vesica hæsit, & præcipuè circa ejusdem orificium, qui etsi, cum jam Illustriss. Aegri corpus familiaribus medicamentis pro tempore de more sumptis satis expiatum esset, usu Terebinth. etiam Venetæ in aqua malvarum lotæ, superbibito aquæ hordei, vel malvæ calice, aliquod levamen visus sit accepisse, hisce diebus post violentum corporis exercitium, confecto pedestri itinere per loca alpestrina spatio ferè quatuor milliarium, adeo invaluit, ut continuis cruciatibus noctu diuque Ager divexetur tali dolorosa lotii excretionem, ut præ ejus immanitate Vir alioquin patientissimus & tolerantissimus, altius exclamare cogatur, urina ipsa, summa cum difficultate semper & gutta-

tim destillante; quam licet Aeger nixu expellere conetur, paucissima semper exit immita pituita, & lacteo colore perfusa; in quo deplorabilis conditionis statu modo acutum & pungitivum, modo adurentem urinarum exitum nominat Aeger, & aliquando incendium intolerabile experiri conqueritur, vigiliis etiam & animi sollicitudine fere consumptus, non sine symptomatice febris, licet levis, præsentia. Ad cujus horridi hostis pertina ciam devincendam, nos hic varia experti sumus, dum ipsam causam non negligentes, ad ipsum symptoma, ut magis urgens, manus medicas admovimus, ne soli causæ incumbentes, spreto Galeni consilio, in ipso symptomate prius Aeger periret. Unde multa ad ipsum dolorem directa sunt, tum interna, tum externa. Propinato scilicet repetite ol. amygd. dulc. extr. sine igne, assumpto cum succo limonum, modo solo, modo in sero capr. destillato, necnon ipso sero caprino cum sem. melonum, & aliquando ipso malvarum jure; exterius verò vesicæ regionem fovendo petiis lacte imbutis, & unguento ros. malv. illito, necnon per siphonem injecto in vesicam ipsomet lacte, aut malvarum decoctione. Quæ omnia quamvis dolorem demulcere jure debuissent, irrita hucusque sunt, perseverante miserabili Aegri cruciatu. Unde ad idum Laudanum Nepenth. devenimus, cujus effectum expectamus, cum hoc vesperi tantum præscriptum fuerit. Tali rerum discrimine & ulterioris perniciem metu, ad tractantiss. Virum confugit, ut salus ipsa, quæ verè vita est, si possibile sit, redimatur.

Utinam stranguriosa urina in isto Illustriss. Patientem non nephritica esset, sed totum corpus per ipsam expurgaretur, ut nobis innuere videtur mucosa materia, quæ jugiter cum urina excernitur. At contra hoc decretum plura nimium testimonia reclamant, & calculi præsentiam in vesica ferè attestantur atque confirmant, dum præterita & præsentia examino. Est enim è Patre Nephritico natus Vir Illustriss. temperamenti calidi & sicci, olim & in præsens hypochondriacus, ac si dicamus multis cruditatibus scatens, & quod magis est, tribus ab hinc annis Nephritidi obnoxius, quinimo duobus superioribus annis urinas minxit sabulosas atque turbatas, cum arenulis modo, modo cum calculis; ut propterea summa cum ratione aquas B. V. tua consuluerit prudentia, argumenta omni fide majora pro Lithiasi confirmanda: sicut tandem omnem quæstionem tollunt nephritici dolores mense Septembri ingruentes; quorum occasione à renibus ipsis calculus in vesicam decidit, & facile inæqualis & angulosus, nec adeo minimus, ut qui ad vesicæ collum una cum urina perveniens, expultricem quidem quam maximè irritare, at nunquam ecernipotuerit; unde frequens & dolorosa mingendi cupiditas, unoque verbo Stranguria secuta fuerit, non parum foveante difficilem urinæ exitum musculi constrictione, quæ sit occasione doloris; Stranguriam vero magnoperè adauxit iter illud postremo per aspera loca factum, quod veritatem jam dictam prorsus & omnino confirmat, præsertim si addamus quoque urinas in præsens lacteas apparere. Neque huic veræ opinioni obitare potest

potest mucosa materia, quæ continuo cum urina excernitur, siquidem hæc calculi in vesica existentis, perpetuo comes esse solet, dum, partim a dolore a calculo in vesica excitato; partim progressu, & a calculi pondere cruditates à superioribus partibus ad vesicam ipsam alliciuntur. Nec minus obstat quod, cum Illustriss. Vir huc atque illuc, sursum ac deorsum dimoveretur, lapis vesicæ dolorem non inferat; est enim ille calculi grandioris effectus, præter quam quod sphincteri vesicæ (ut sperum & inæqualem) adherere, magnopere suspicandum, cum incessantes molestias & dolores acutissimos ferè continuo suscitet atque conservet; quos adeo cruciosos nullo modo excitare possit sola mucosa materia quantumvis acris, aut salta nisi ab eadem ulcere excitato. Tenesmi ad instar. Sed jam dictis omnibus accedet quoque (nisi calculus foras expellatur) simul cum mucosa, materia quoque tartarea & alba, quæ lapidi vesicæ, sicut arenulæ calculo renum propria esse solet.

Quibus ita se habentibus, totis viribus nitendum ut calculus ipse aduc exiguus existens, auxiliis medicis extrudatur, alioquin brevi vel inflammationem, vel saltem ulcus in vesicæ collo excitare poterit; & præterea grandior factus, non nisi manuum opera curabitur, cum Lithontryphica spernat, tum ob propriam duritiem atque soliditatem, tum ob loci distantiam, quæ ideo à calculis in renibus admittuntur, & quia friabiliore sunt, & quia citius ad renes medicamenta perveniunt. Interim doloris ratio est habenda, ne vigilus, cruciatibus atque febriculis perseverantibus vires deficient, & Tabes tandem vir Illustriss. conficiatur.

Nostram autem intentionem ut assequamur, ex consuetis fontibus remedia sunt depromenda; Et in chirurgico nullum habere locum sanguinis missionem censeo, cum causæ morbificæ nihil prodesse, viribus valde obesse possit; ideo Hippocrates sanguinis missionem suavit in Nephriticis doloribus, juvene existente Aegro, ratione imminentis inflammationis. Reliqua igitur in hoc fonte remedia sunt examinanda & administranda nempe infusiones in aqua dulci fol. malv. viol. nenuph. pariet. necnon althææ à summa tua Prudentia propositæ; quibus substituitur fomentum, magna spongia eadem decoctione imbuta, & quodammodo excavata, ut Perinæo & pudendis adaptari possit; cui decoctioni, favientibus doloribus, capita quoque papau. erunt addenda, Fomentis autem succedant inunctiones ex ung. malv. & popul. vel ex oleo viol. & nenupharino. Pariter per syphonem injiciatur medicamentum aliquod anodynum, ut lac asinum, vel aqua solatri cum emulsione sem. papau. vel aqua Cassiæ. Dolores quoque demulcere poterit clyster ex lacte vaccino, in quo drachma Philonii Rom. rec. dissoluta fuerit, ob consensum & contiguitatem quam habet intestinum cum ipsa vesica.

Hinc ad Pharmaceutica remedia sedulo deveniendum, quæ quidem vesicæ ardorem contemperare, & dolores nonnihil remittere valeant, sed potissimum horum symptomatum causam respiciant, quæ cum sit calculus, ut

moribus quoque in numero t. g. p. n. sui excusationem exponuiat. Idcirco ut ducus urinarii magis pateant magisque aperiantur in aqua stillata me in superiori scripto proponit, aliquot diebus erit propinanda, cui macerationi addi quoque poterit succ. limon. ad ℥ij. vel iv. tum ut magis diuretica evadat, tum ut facilius in maceratione ingredientium facultates extrahantur. Et si eandem magis anodynam reddere velimus, syrupo de ibisco, syrupum de papau. substituere possumus; & remissis quodammodo doloribus, magis diuretica reddatur, addendo sp. tartar. rectif. gutt. xij. aut xv. Aquæ autem stillatitiæ descriptio talis erit.

℥. Fol. malv. viol. nymphææ, parietar. an. m. ij. rad. ononid. ℥ij. liquor. ℥j. sem. melon. mundat. anguriæ an. ℥ij. sem. papau. albi ℥ss. aq. Noceræ lb xij. succi limon. ℥ij. incid. contund. & macer. per diem naturalem, deinde f. fortis expressio, & colaturæ addetior. cass. rec. extr. ℥ij. m. destill. B. M. &.

℥. Ejusdem aquæ lb j. syr. de ibisco ℥j. m. pro maturin. potu. Aliquot transactis diebus, aquas Nocerian s de more propinandas esse arbitror, ut in redundanti illa aquosa humiditate calculus ipse, si adhæreat sphincteri, removeatur, & veluti innatans, una cum aqua ipsa foras extraducatur, ut non semel in praxi observavi, calculis exiguis existentibus: me namque non latet grandioribus diuretica, & aqua s præsertim hujusmodi, atque ferratas non prodesse, sed obesse posse, quas experiendas propono, cum unica spes in lapidis expulsionem posita sit. Veniculum ideo in hunc finem satis validum esse debet, ut vehementior quoque insequatur impulsus, quale esse poterit, Terebinth. ad ℥j. vel sal tart. volatiliz. ad gr. xv. aut xx. Dum verò mingitur aqua, omni artificio utendum, ut lapillus quoque cum aqua extraducatur; quare Patiens ipse manu penis extremitatem sibi adstringat, ut intumescat, sicque calculus Urethram facilius ingredi possit: deinde affatim manus à pene removeatur, ut confertim exeat urina, aut aqua ipsa. Præterea dum mingitur aqua, tepentibus quoque infusionibus jam dictis felici cum successu usus fui. Quæ jam dicta omnia materiam quoque mucosam abtergere & abluere, collumque vesicæ ab ulcere tueri valebunt; (si forsan, quod faxit Deus, calculus non adesset) præterquam quod jecoris, renum calorem, & humorum acrimoniam moderare atque demulcere poterunt.

Quod si res pro voto non succedat, rursus ad Anodynorum usum erit confugiendum, & jam præscriptis addi potest aqua stillat. ex emulsione quatuor semina. frigidorum, additis etiam sem. papau. albi, vel syrupo ejusdem. Atque tandem ad lactis asinini usum quotidianum de more erit ducendus Vir Illustriss. totumque corpus oleo amygd. quotidie inungendum. Et ratio victus substantiæ humectans, ab eximia tua virtute præscribenda est; sicut reliqua omnia melius dirigenda & corrigenda, prudentissimo atque in Arte versatissimo iudicio tuo libenter committo. Idem ibidem.

misso, pectini apponebatur, continuò bibebat ex decocto sequenti.

℞. Sem. malv. alth. an \mathfrak{z} iij. cicer. rubr. \mathfrak{z} iij. caric. ping. numero ix. sebest. numero viii. sem. 4. frigid. maj. an. \mathfrak{z} ij. hord. mund. \mathfrak{z} ij. liquirit. ral. \mathfrak{z} vj. *P.* decoctio in aq. pluvialis \mathfrak{lb} iv. ad \mathfrak{lb} ij. Colatura ad libitum utebatur, post cujus ulum minxit, & lapillos multos ejecit perfectamque valetudinem consequuta est. Mulieri cuidam cum meiere non posset, Medici aditantes oculos cancerorum pulverisatos dederunt, & hoc modo urinam provocabant. *Petrus Forestus, Observ. 25. lib. 24.*

Nobilis quidam cum calculo laboraret, & dolor in rene & uretere illum lancinaret, post injectum enema sumpsit oleum amygdalarum d. cui succus limonum immixtus erat, & pectini apponebat sacculum ex cumino, quibus praesidiis calculus expellebatur. Idem alio tempore cum exiguum nostrae destillationis (de qua supra dictum est) prae gustasset miraculi instar calculos una cum lotio reddebat. *Petrus Forestus, Schol. Observ. 25. lib. 24.*

Pro calculo Renum.

Sexagenarius quidam ob reprobum alimentum, in calculum renum incidit, hic praeter purgationes varias, paratas praesertim ex terebinthina abietina, cujus vi mucilaginosam per alvum pituitam excernebat usu assiduo aquae concoctae cum ligno illo Indico, quo aqua caeruleum dilutiorem colorem contrahit, & vocatur à Monardo Nephriticum, biennio sanus evasit. Postea exasperato malo, supprimitur omnino urina, adfuit ureterum & renum cruciatus immanes; vocantur de novo Medici: quorum consilio, enematis emolliuntur alvus, expurgantur excrementa, discutuntur flatu, minuitur unguenta, fomenta, & emplastra: superiores & inferiores venae secantur, ano hircines admoventur, balneum applicatur oleagineum, lapidem comminuentia auxilia imperantur, omnia licet utilia, citra commodum tamen celebrantur, nam aucta gravitate in lumbis, & per 18. dierum spatium retenta urina, per intervalla jam epilepsia vexabatur, demum cum nulla essent praetermissa, quae calculi comminutionem pollicerentur, & ager conclamatus esset, toto corpore tumidus, diroque dolore in ilium regione oppressus ex praescripto medicorum oleum amygd. d. rec. paratum cum guttulis balsami permixtum lambere coepit; cujus auxilii ope, aliquantulum recreatus, per sedem viscidum humorem, & per urinam arenulas minutissimas excrevit, & in eodem auxilio persistens, cum urina cruenta, calculum purpureum, oblongum, asperum, durissimum, nucleo dactyli magni similem, excrevit, libereque jam urinam reddens, majorem quantitatem amygdalini usque ad \mathfrak{z} iij. & balsami usque ad \mathfrak{z} ss. assumens. Decem dierum spatio 65. calculos emisit, duos, ciceris forma & magnitudine, tandem restauratis viribus sensim & sine sensu convalescere coepit. Hujus etiam solius auxilii beneficio in posterum praeservatus fuit. Nam jejuno ventriculo amygdalini \mathfrak{z} ss. 6. balsami guttulis permixtam absorbebat; cujus praesi-

dii ope sabulosam urinam excernens in multos annos vitam produxit, magna ergo est balsami pro hoc morbo & aliis frigidis curandis vitis vis atque potestas: cujus usu se liberasse virum quendam qui erat in conditione mortis à lapide gloriatur. *Avenzoar. lib. 2. Theor. Tract. 2. cap. 7.*

Si verum balsamum desit, ejus loco utere Staete. 1. Myrrhae pretiosissima gutta, vel Orientali, aut eo quod ex Peruvianis infusis affertur solet, quod mirabiles praestare utilitates veterum & juniorum diligentissimi literis commendarunt. Memini me pluries calculos magnos renum cavo tenaciter impactos, usu utilitatis aquae ex nicotiana viridi extractae in potum exhibitae per urinam deturbasse. Si ea desit ejus decocto utere cum utilitate multa. *Zacutus Lusitanus, Observ. 66. lib. 1. Praex. Admirand.*

Sexagenarium immenem à renum calculo servavi annos 16. (cui alioqui obnoxius erat) largo salis marini usu, quod deinceps in multis confirmavi *Joan. Helmontius. Tractatu de Lithiasi cap. 3.*

Consiliarius quidam cum per quindenae singulas soleret misere calculi dolore decumbere, usus deinceps cerevisia cui semen dauci incoctum est, liber à calculo per aliquot annos vixit. *Idem Tractat. de Lithiasi cap. 1.*

In Monasterio prope *Bruxellam* fontes spirant aliquot, qui saxa parieti apponunt, unco namque & securi frequenter saxa adnata de utiunt. Ibi monachi quaeruntur se strophas sive tormina pati, nisi semine dauci cerevisiis incocto utantur quotidie, odor enim seminis dauci, odorem laxatilem domat & comprimit. *Idem Tract. de Lithiasi. cap. 1.*

Baro quidem nostras dum per aliquot annos in sua *Anglia* legatione, pluries calculis renum summo cum dolore iniectus fuisset, meque suadente, uteretur bis hebdomadatim liquore Aroph. *Paravelsi* (quod sonat Aroma Philosphorum) per 18. deinceps annos à Lithiasi liber. Tandem anno 83. defungitur, ejusque cadaver dissectum ne arenulam quidem aut Lapillum ostendit. *Idem Tract. de Lithiasi cap. 7.*

Rarissimum diureticum ex lapide cancerum colligitur etiam vulnerarium ac febrifugum: modo resolvatur in formam pristini lactis quod quam sit excellens & potens, vix cuiquam quam perito persuaderi potest. *Jo. Helmontius Tract. de Lithiasi. cap. 7.*

Pro Calculo Vesicae incipiente in puero quinque annorum.

In consilium adhibitus, hoc modo cum ipso processit. 1. Institui optimam victus rationem, nimirum ut aer sit calidus, p. nis bene fermentatus & coctus, non recens, neque nimis durus. Jusculis utatur carniū castratorum, pullorum, gallinarum, aut caponum, quibus aliquid rosmarini, salviae & majoranae, nonnihilque salis ratione saporis addi poterit, radices faeniculi, petroselin. & quaecunque urinam insigniter movent, succum indigestum simul ad venas mesaraicas ac hepar secum ducunt, ex quibus obstructions viscerum, & materia calculosa augetur

getur. Viscidi, glutinosi, crassi, & qui difficilis sunt digestionis cibi nullo modo sunt offerendi, uti nec salsi, & qui pipere, zinzibere, caryophyllis, raphano, cepis & ejusmodi rebus conditi sunt cibi. Legumina quoque oriza, fructus crudi, pisces, caseus, l. c. & lacte confecta edulia summopere vitanda. Vino utatur albo, & tenui decoct. agrimon. & veronica diluto. Postea corpus sequenti potiuncula expurgavi.

℞. Rad. fœnic. petrosel. eryng. marin. an. ʒss. fol. agrimon. veron. culcut. an. m. ss. sem. anil. ʒj. coq. in aq. ad consumptionem tertiæ partis, in colat. ʒij. dissolv. syr. ros. compos. cum rhab. agar. & lena ʒss. elect. diacartham. ʒss. M. F. potiuncula sumenda quatuor horis ante prandium.

Purgato corpore sequentem præscripsi syrupum magistrale, de quo singulis diebus duabus horis ante prandium ex cochleari sumebat ʒj. observatâ interim optimâ victus ratione & per intervalla expurgato corpore, nunc præscripta potiuncula, nunc pulv. rad. mechoac. ʒij. sumptis cum jusculo carniū, syrupi autem hæc est descriptio.

℞. Rad. fœnic. petrosel. gramin. saxifrag. eryng. marin. an. ʒj. fol. agrimon. veron. herniar. capill. ven. culcut. an. m. j. fl. ʒ. cordial. genist. & fl. chamæm. an. p. j. sem. mili solis bismalv. anil. & sem. 4. frigid. maj. an. ʒij. liquirit. ras. & uvarum passul. exacinat. an. ʒij. F. decoctio ad consumpt. tertiæ partis, adde sacch. miscellan. lb i ss. mell. puri & despumati lb ss. F. S. A. Syrupus, aromatizetur pulv. cinaom. el. ʒij.

Per menses quoque aliquot sequenti semicupio ex rad. herb. & sem. emollientibus, laxantibus, lenientib. & flatu discutientibus per intervalla utebatur.

℞. Rad. & fol. malv. rad. fœnicul. petrosel. eryng. marin. an. ʒij. herb. parietar. viol. veronic. flor. chamæm. melil. genist. sambuc. an. M. j. sem. fœnugræ. lini, an. ʒj. sem. petrosel. anil. fœnicul. genist. an. ʒij. coq. in q. s. aquæ pro semicupio. Ex simili quoque decocto, quotiescunque alvus non respondebat, addito vitello ovi, parumque elect. bened. l. xativ. & ol. rutac. enemata præparavimus, & exhibuimus. Inum ventris, & perineum non ei solum balneo egresso, verum etiam singulis diebus semel aut bis sequenti unguento inunximus.

℞. Ol. Scorpion. aniygd. amar. an. ʒj. ol. lil. alb. & ung. dialth. an. ʒss. M. fiat unguentum.

His adhibitis remediis Dei singulari beneficio, paulatim convaleuit, neque posthac ullum mali hujus vestigium sensit. *Guil. Fabrit. Hildanus Obs. 71. Cent. 3.*

Pro calculo Vesicæ.

Multa usurpavit remedia toto anno per intervalla ac tandem calculum excrevit nucis avellanæ magnitudinem æquantem, sed figuræ oblongæ olivæ referentis: at verò tantâ difficultate, ferebatur per virgæ canalem, ut intra 35. tantum horas à vesicæ orificio ad balani radicem pervenerit, ubi meatum angustiores inveniens, nullo modo eum pervadere potuit,

atque adeò necessum fuerit balani incisione illum extrahere, quæ in parte inferiori, propè frænū celebrata est, remedia quibus præcipue calculi exclusio adscribitur, talia fuere.

Post evacuationes universales, usus est per mensem integrum pilulis ex salibus bacc. hederæ & nasturt. aquat. crystallo tartari & minerali part. æqualibus cum terebinth. in massam pilul. redactis. De qua sumebat ʒj. manè singulis diebus; Postea verò per novem dies sumpsit aquæ ceparum albar. in vino albo destillatarum ʒij. cui addebatur sal ex capite mortuo elicitum, & nono die prædicti calculi excretio contigit. *Lazarus Riverius Observ. 14. Cent. 4.*

Puero mercatoris cujusdam 7. annorum calculo vesicæ laboranti, Lithotomus Italus sine sectione lapidem eximere volens, digitum sinistræ manus medium butyro inunctum in podicem immisit (quæ ratio calculum inveniendi omnium est optima, & tutissima) ac dextrâ manu ventrem inferiorem in regione pectinis premens, digitoque podici intruso calculum propellens, illum ex vesica in cervicem illius impulit: ubi cum ob magnitudinem subsisteret, & tactu supra podicem deprehenderetur, illic sectione factâ supra lapidem cochleari ferro mox exemit, qui si minor fuisset, per meatus penes facile exprimi vel exugi potuisset *Felix Platerus Obs. lib. 3. pag. 894.*

Barthol. Turrianus In Jatro 6. lib. 4. Vesicæ calculum sectioni destinatum fregit propinato pulvere crystallo, vel potius substantiâ ejusdem resolubili: fit autem Crystallus solubilis, si vel minimum novies in fornace nguli calcinetur, tunc abit in friabilem substantiam, & in cella positus liquefit, olei tartari instar, vel lapis crystallo ignitus septies extinguitur in aq. vel spiritu urticæ minoris.

Vesicæ calculus comminuitur emplastro ex cæpa alba cocta pectini imposito teste *Jo. Prevotio med. Patavino*, *Schroderus* commendat urinæ spiritum, vel è calculo humano factum, quem & ego sæpius probatum reperi *Wolfgangus Hoeferus Hierc. Med. lib. 3. cap. 4.*

Gerardus Boet Medicus doctrinâ & experientiâ præclarus, Molinæum quendam vesicæ calculo laborantem aquâ Persicariæ destillatâ ad integram sanitatem perduxit, de eâ hauritum singulis matutinis exhibendo *D. Robertus Boyle* in aureo suo libro *de Utilitate naturalis Philosophiæ, parte secundâ, sectione tertiâ.*

Pro calculo Vesicæ,

Calculum in vesica existentem durum & antiquatum frangere nemo potuit: Molliorem, tophaceum, friabilem, recentem cum difficultate frangemus in juvene, non in sene, ubi aperti sunt meatus, non adstricti, ubi vires validæ sint, & ægrotus medico pareat, medicusque suo munere perfungatur: at etiam si conditiones adsint hujusmodi, rarò tamen hoc opus medicamentis absolvitur. Ego bis in hanc usque diem fractum vidi, primum casu, mox deliberatione, atque maturâ consultatione additâ. Casus fuit, filium *Zanetti* Pontificii Typographi *Rome* expurgandum susceperamus. Doctissimus quidam Medicus, & ego, ut po-

Scâ tutior ad ipsam sectionem accederet (Jam enim cum Nurtino artifice de pretio convenerat) tentaverat ante omnia remedium generatum à Medicis Venetis, tum Florentinis excogitata, cūque nullam consequeretur utilitatem, levari cupidus, sacerdotem jussit ceteri, ut sumptis Ecclesiæ sacramentis, si ex sectione moreretur, animæ fuisset consultum. Religiosus fuit ex societate Jesu, qui audita confessione ab ægroto, & cognito morbo proponit illi Pharmacum, ut dicebat magni usus, de quo & in seipso, & in aliis periculum fecit, experiri placuit, neque facti poenituit. Eodem remedio in renum calculo usus sum bono semper successu, vidi enim circuitus illos nephriticos fuisse, non sine assidentium admiratione sanatos. In affectu vesicæ nunquam sese mihi obtulit occasio experiendi, nisi semel, sed æquali cum superioribus eventū, variato tamen exhibendi modo. Describam primum Pharmacum ab ipso Jesuita traditum, mox verò aliud, sed imprimis illud remedium approbo, quia nihil deesse video, quod possit ad hujusmodi opus perficiendum exoptari: vim agnoscō simplicium egregiam, componendi rationem exquisitam conspicio, ac eo magis probo, quod pro basi continet antidotum, in quo summa vis inest ad frangendum calculum. Habet autem Jesuita pharmacum ita.

℞. Pulv. millepedum præp. ʒj. ad summum ʒiv. aq. vitæ ʒss. juris cicer. rubr. ʒix. vel ʒxx. capiat calidum horis ante prandium 5. enemate utebatur emolliente ante medicamenti potum; instituebat simul emollientem victum: effectus medicamenti fuit; horarum duarum spatium, totum corpus incalescebat, angustiebatur ægrotus, litiebat, ac ferè loco stare non poterat, aliquando circa pubem dolores urgebant, urinæ horâ quintâ cœperunt crassiores reddi, sed non multæ. Secundo die à pharmaco contingebant eadem, sed urinæ copiosiores, & crassiores. Tertio sabulum apparuit multum, septimo tandem adeò plenæ sabulo visæ sunt, ut recte quis diceret, eas nihil esse quàm sabulum aquâ dissolutum, omnia in meliorem statum redigebantur, ita ut qui proximè incidi debebat, liber ab omni malo nono fuerit Die; & hic adhuc vivit, ab eo morbo Dei benignitate liber.

Ego verò juvenem annorum 18. calido & sicco temperamento curaturus, duxi minuendam quantitatem aq. vitæ, & ubi singulis diebus datum alteri fuit antidotum, huic alternis dari jussi, ac pro refrigeratione totius corporis aquam fragariæ, & fabarum ad ʒx. propinabam, intermedio die cum gutt. vj. ol. calcanti & ʒj. Julepi violati, hoc autem modo Pharmacum indicabam.

℞. Pulv. assellor. præp. ʒj. aq. vitæ ʒij. decoct. cicer. rubr. ʒviii. M. S. & capiat tepidum 6. horis ante cibum, sed cum excalesciebam igne Pharmacum, ibi non erat aqua vitæ, verum ubi ab igne remotum erat; miscebatur. Dedi medicamentum in Balneo decoctionis herbarum emollientium, universalibus præcedentibus, præparantur millepedes ad renum & vesicæ calculos hoc modo.

℞. Asellorum quam volueris quantitatem, vinoque albo generoso abluito diligenter, mox

in ollam conjicito novam vitreatam, lutoque illam incrustato, demum in furno exsiccentur ita ut possint in tenuem pulverem redigi. tum vero affunde vini ejusdem generosi quantum poterunt imbibere, & rursus exsiccato ac tertio imbibito & exsiccato ut supra, quarto verò pulverem irrorato hoc qui sequitur liquore.

℞. Aq. fragor. ʒijj. spirit. vitriol. ʒij. Iterum pulvis exsicetur. & tenuissimè contritus in vase vitreo, aureo, vel argenteo usui fervetur. quod ad ipsam incisionem attinet, si fiat ignitis cultris, multo foelicius succedet hanc rationem secandi, meâ persuasione, adhibebat *Roma* quidam ex meis discipulis, ac omnes ferè sanitati restituebat. *Horatius Augentinus* Epist. & Consult. Tom. 2, lib. 9. Epist. penult.

Wilhelmus Lanrebergius Professor *Rostochiensis*, ut ipse de se refert provectâ jam ætate calculo vesicæ laboravit, qui cum varias molestias exhiberet, & nucem ponticam æquare deprehenderetur, ac citra sectionem exire non posse putaretur: ipse verò periculosissimo huic auxilio sese subjicere nollet, de aliis remediis cogitare cepit, primò ergò liquorem illum nephriticum celeberrimum magnoperè apud Principes in pretio & usû habitum expertus est, qui ita paratur.

℞. Salistartar. alb. ʒj. affund. aq. petrosel. ʒvj. M. & per chartam bibulam transcoletur, & liquori color croceus corticibus aurantiorum concilietur, usurpavit etiam geamam illam Indicam, Igiada *Hispanis* dictam, ad calculum frangendum celeberrimam: sed utriusque remedii nullam vim deprehendit, ergò inter reliqua quæ ad calculum comminuendum commendantur, Pharmacum ex asellis experiri voluit, ad imitationem Augeni in hunc modum.

R. Pulv. asell. præp. ʒj. spirit. Juniper. ʒij. Juris cicer. rub. ʒx. M. Quo manè assumpto, primâ & secundâ vice à sumpto medicamento tribus aut 4. horis quandam. pectoris compressionem percepit, & quasi imminens animi deliquium, ut necesse haberet theriacæ ʒj. portioni admiscere, atque ita remedio hoc totos 15. dies usus est. Sed toto hoc spatio ne minimum quidem Sabuli expurgari reperit, itaque alia addenda ratus, sequenti medicamento usus est.

R. Asell. præp. ʒij. lepor. præp. sang. hirci præp. spong. ros. sylvestr. sem. Viol. purpur. an. ʒj. spec. Lithontrib. ʒij. M. F. antidotum. Hujus antidoti accepit ʒij. decoct. diuretic. ʒx. spirit. Juniper. ʒij. quod medicamentum ubi manè hora 5. hausisset, secundâ vice post horas plus minis 4. sub pubis ossè ad regionem ostii vesicæ magnos sentire cepit dolores. Paulò post parum urinæ profluebat, & cum ea lamellæ exiguæ instar squammæ piscis subrubræ, quæ licet aliquam visciditatem habere viderentur, ad tactum tamen in sabulum resolvebantur, ita ut manifesto appareret tunicam vel crustam esse à majore calculo solutam. Cujus medicamenti usum cum continuaret, interdum tertio, interdum quarto, nonnunquam quinto die, hujusmodi lamellæ crassiores, & fragmenta sæpè grandiuscula profluxerunt, & præsertim ubi lavacro aquæ dulcis utebatur, cum verò & à calculo & ab ejus fragmen-

tis, orificium vesicæ esset sauciatum ad leniendum dolorem. medicamentis usus est, atque ita horum medicamentorum usu 17. septimum inter spatia a calculo illo liberatus est. Decoctum diureticum hoc fuit.

℞. Rad. Liquirit. ʒvj. alth. graminis, ononid. an. ʒß. bacc. rum. halicacab. numero xx. cicer. rub. ʒiiij. uvar. par. ʒj. sem. 4. frigid. Mai. an. ʒj. hord. pii. coq. in aq. alkekengi, ononid. fragor. flo. fabarum an. lb iß. colatur. adde syr. de alth. ʒiiij. *Daniel Sennertus Pratt. lib. 3. part. 8. sect. 1. cap. 2.*

Pistor quidam habebat filiolum, quæ sæpius cruentum meiebat, medioque nullo suspendebatur lotium: erat autem pallidum cum multo sedimine ac glutinoso, sicque septimum vixerat annu; Vnica quædam narrat pistori, idem ubi olim contigisse, iussit adferri vesicam tauri embryonis nonnisi nati; vesicula ista plerumque repleta est liquore saporis non quidem urinæ, sed alieni, cuius singulo mane bibit ʒij. cum totidem vini albi. Apud aliquot puenas pauperes idem ex embryone hirco tentatum ac felicius adhuc successit. *Joann. Helmontius tract. de Lintia Cap. 7.*

Ingens calculus ex inciso vesicæ fundo, in nobili Muliere extractus.

Vesicæ vulnera quia sunt ut plurimum exitiosa, non immerito inter lethalia censet Hippocrates; attamen læsa vesica convalescere, cum aliis, tum etiam mihi ex sequenti historia compertum est.

Nobilis matrona Urbana Proux, vidua Danielis Hugonini, Viviacensis patritii, biennio miserrime cruciata est calculo in vesicâ. Ego tandem adhibitus, partim cathetere in vesicam immisso, partim imposito in matricis collum digito, calculum ovi gallinacei magnitudine semi, a quo continuus, usque acutissimis doloribus afficiebatur; vires plane prostrata erant, unde ægra pariter cum adstantibus de vita desperabat. Pluries rogatus, ac tandem victus ipsius decumbentis & affinium precibus, ut calculum extraherem; ante omnia cum totum corpus, tum imprimis partem affectam præparavi hunc in modum: Primo levi quodam medicamento agram purgavi: vires quantum potui, cibis eucynis, itemque potionibus cordialibus, & epithematibus restauravi. Deinde dolores, quoad fieri potuit, emollientibus & anodynis vesicæ regioni appositis, & siphone in ipsam injectis, sedavi. Tum leviculum ulcus ipso vesicæ fundo in collum matricis ad uteri orificium intrans, deprehendi; quod calculus sua cum asperitate, tum pondere eroserat, quodque una cum calculo, quoties recta statet ægra acie digiti indicis in collum matricis immissi facile deprehendere poteram.

Die igitur 28. Julii 1598. apparatis omnibus ad operationem necessariis, ipsaque ægrota in sede parturientis collocatâ, vesicam oleo amygdalarum dulcium, siphone immisso implevi: (sic namque reddebatur lubrica; & ab lapidis asperitate vindicabatur) deinde ipso ulcere nonnihil partim digiti operâ lacerato, partim cultelli acie ad vesicæ collum inciso, ac per ipsum immisissis tenacula, & idoneo unco, calculum (ut dixi) ad ovi gallinacei magnitu-

dinem citra vim, hæmorrhagiam, doloremque magnè eduxi. Ab operatione, ventrem, & totum inguen defensionis gratia, oleo rosaceo & myrtino unxi. Pessarium ex itupis, albumine ovorum imbutum, matricis collo indidi, triduo aquam plantaginis cum oleo amygdalarum dulcium (ad dolores sedandos) tepide injeci. Postmodum decocto petroselini, asparagi, brusci, Herbar. herniariæ, saxifragiæ, & seminum petroselini, genistæ, & anisi cum melle rosaceo misto, vesicam quotidie abluvi. Sic Divino auxilio nullis supervenientibus symptomatibus, restituta & perlanata fuit & ad annum 1611. incolamus supervixit. *Guil. Fabri Hildan. Observ. chirurg. Cent. 1. Obs. 68.*

Calculus ingentis magnitudinis ex vesicâ hominis extractus.

Calculos ingentis magnitudinis ante menses aliquot mihi ostendit Dn. Daniel Episcopus Bernensis, lithotomus excellens, quos ipse diversis temporibus ex calculosis extraxerat. At ego calculum, qui magnitudinem ovi gallinacei multum excedit, ex vesicâ nobilis matronæ extraxi anno 1598. 28. Julii, quæ & ad annum 1611. usque supervixit.

Anno 1602 prima Novembris Andream Vitellium, oculistam & lithotomum intrepidum, mihi que olim cognitum; Hattungiam in comitatu marchie, calculum monitrosæ magnitudinis cineritii coloris, in æqualem ac si ex multis lapidibus compactus fuisset, & ad uncias viginti duas pendentem, ex vesicâ juvenis cuiusdam, viginti annorum ætatis, Joann. Groten nomine, extraxit, Magister Eberhardus Stelinks, ejusdem oppidi chirurgus, vir probus & fide dignus (in cujus præsentia Vitellius calculum istum extraxerat) anno 1612. cum Hildena Hattungiam profectus essem; præsentibus multis aliis hujus operationis testibus fidelissimis, mihi reculit. sed in ipsâ operatione quæ & longa & laboriosa, imprimis vero dolorosa fuerat, æger animam Deo reddidit. *Guil. Fabr. Hildan. Observ. Chirurg. Cent. 4. Obs. 51.*

Valentinus Vogler Heidelbergensis, antehac ludi moderator, grammateusque in Schroetzingen & Munster ad flumen Noli in Palatinatu inferiore, quadragenarius, ante annos octodecim videlicet circa annum 1608. stranguria, & difficultate inter mingendum cum maximo cruciatu ventris, laborare cœpit, sine ulla tamen causa, ut ille quidem testatur, externa. Stranguria illa, & dolores ventris, cum in duodecimum annum perseverassent, & magis magisque adaucti fuissent, tandem ante annos sex planè substitit urina, nec amplius per penem effluxit, sed hinc inde per Scrotum, & e regione pubis ulcera fistulosa sibi efformavit, per quæ ab eo tempore urina sine insigni molestia & dolore effluxit. Horum ulcerum, uti fieri solet, jam nonnulla claudabantur, jam nova exoriebantur. Superiore præterea ætate, cum Novus & ingens quidem abscessus ad sinistrum latus scroti exortus fuisset, Basileam venit, ubi iterum multos, ingentesque sustinuit dolores. Tandem 16. Junii cum ruptus fuisset, multumque puris effluxisset, calculus in compe-

Etum venit, qui & post dies aliquot à Dn. Martino Wirzio Basileensi, Lithotomo, & amico meo singulari, sine ullo negotio ex vulnere post ruptum abscessum relicto tenaculis & hamulis, direttore ac præsidente clarissimo viro Dn. D. Thoma Platero, celeberrimæ Academix Basileensis Archiatro ac Professore Practico Ordinario, extractus fuit. Calculum ab initio pondus octo drachmarum excessisse nobis retulit, jam verò, ut tu ipsemet vidisti, vix drachmas quinque pendet, est enim porosus, & cineritii coloris, ita ut facile crediderim, ab initio ipsum, veluti pumicem aquâ imbutum fuisse. Calculum mihi reliquit, quem inter rariora mea reservo. Ego verò ne ingratus erga pauperem huncce exulem essem, viatico ipsum muneravi. Porro ab eo tempore, quo extractus fuit calculus, tota fere urina per illud ipsum ulcus, à calculo factum, effluit, sine dolore tamen, interim præter ulcus hoc, sex adhuc reperiuntur ulcera ad ductum urinarium penetrantia. Unum in pube, tria circa radicem penis, & principium Scroti, versus dextrum latus, & duo in Scroto ipso. Perinæum integrum & sanum est, neque antehac malè affectum fuisse, constanter affirmavit, urinam quoque se nunc retinere posse, nec guttulam quidem involuntariè effluere dicit. Quum verò summopere molestum ipsi esse viderem, urinam non nisi depositis caligis reddere posse, vel spongiâ, aut linteaminibus ipsam colligere coactum esse, sequens vasculum, olim Colonia, pio agro quodam amico meo à me inventum, ex cupro fabricandum feci, ipsique dedi. Hujus vasculi beneficio urinam ita excipit, ut nè guttula quidem ad caligas exstillet.

Cæterum de loco generationis hujus calculi nobis perquirendum est, in vesicâ ipsum generatum fuisse, vix credam; quo modo enim tantus lapis ex vesicâ per ipsum ductum urinarium usque ad radicem penis pervenire potuisset, sine insigni læsione partium, quas transit? Et quia perinæum nunquam in hoc viro malè affectum fuisse, & tactus ipse, & ocularis inspectio (lubrica enim sunt omnia) fidem nobis fecerunt, & æger constanter asserait, sequitur, calculum non in vesicâ, sed in ipso loco ubi extractus fuit, concretum fuisse. Id verò quomodo acciderit, non facile est scire causam enim externam hujus mali nullam ex ipso expiscari potui. Quædam tamen, quæ mihi in mentem nunc veniunt, adscribam: quæ si non vera, verisimilia tamen esse mihi videntur. Arbitror autem, ipsum ab initio morbi (hæc sine dubio nobis propter verecundiam celavit) excoriatione quadam, & postmodum caruncula laborasse, & proinde urinam sæpissimè retentam fuisse, donec tandem exorto abscessu circa radicem penis, relictus sit sinus & ex eo varii ductus & ulcera fistulosa, quemadmodum & te præsentem, sex circumcirca Scrotum & in ipso Scroto reperi. Toties itaque & quotidie collecta; imò & plerumque ad tempus retenta urina, in sinu ipso circa Scrotum, nihil video quod obstare potuisset, quò minus hoc in loco æque ac in vesicâ, concressere potuerit calculus, imò & forsan facilius. In vesicâ enim in sita illa facultas expultrix continuò operatur, & quod nocuum est extrudere conatur, quod circa

Scrotum minimè fieri potuisse, tibi notum est. Cur quæso in hoc sinu calculus generari non potuisset, cum & in Atheromate circa temporalem musculum genitam fuisse materiam lapideam superiori anno hic mihi videre contigerit *Guth. Fabr. Hildan. Observ. Chirurg. C. 1. 6. Obs. 57.*

De calculo in vesicâ

Inter complurimos à calculo per me liberatos mihi in mentem venit Illustriss. D. Gregorius Malvetius, qui viginti annis elapsis in calculum vesicæ incurrit. Alios præter me consuluit Medicos, qui omnes calculo vesicam laborare asserunt. Hæc de re medicamentorum plurima frustra ipsi præscripserunt. Ad nos tandem venit, maxime cum ab illis intellexisset solam superesse incisionem, quam toto pectore reformidans, undique conquerere remedia statuit. Nos ipsi duo præscripsimus, in quibus ejus salutem repositam esse assero, si in eorum usu persistat: Primum fuit herniaria cum betonica in jussulo carniū cocta, bibit quotidie jussulum ad tres vel quatuor menses; at cum ipse astrologiæ deditus esset, subexplorato, & benevolis siderum positu plantas eas colligi curavit. Secundum fuit astacorum Anviatiliū lapis de quo quotidie in vespere 3ß. accipiebat cum succo Limoni. His duobus felicissimè convaleuit. Quid mirum si quindecim annis à sanitate elapsis sanguinem expuere cœperit? cujus occasione Patavio Medicos consuluit, sed eum ad propriam Civitatem remittunt, ubi post aliquod tempus in manifestam phthisim incidit: tunc quæ pluribus in hac re habitis consultationibus, extremum diem tandem clausit, quamvis sexagesimum quintum annum ageret. Hic affectus raro senes adoritur. Unde quidam Medicus ad Eminentem cathedram erectus, morbum hunc non esse phthisim asseribat, quod ex Hippo. intellexisset, post trigesimum quintum raro advenire.

Admodum Rever. Pater, moribus & vitæ integritate clarus, P. F. Antonius Vernitius Franciscanus annos 45. natus, post varia tormenta, & infinita remedia pro calculo in vesicâ atterendo, me accersiri curavit. Re citra spem habita, & potius de morte, quàm de vita cogitans, ad extremum confugiendum esse statui, ne ipsum sine remediis periturum relinquerem: Salem itaque vitrioli sublimatum, & ad extremam puritatem adductum ipsi statim exhibui cum jussulo carniū. Horâ post ipsum assumptum vomuit & excrevit calculum satis magnum, ex quo confestim ab omni dolore liber evasit.

Vetula quadam annorum 60. in via, quæ dicitur *il Borgo della Paglia*, longo tempore à calculo in vesicâ cruciabatur. Post multa remedia incassum adhibita, Lithotomus ad eam conductus, qui cathetere calculo explorato, de mercede paciscitur. At illa non tam expensas timens, quam operis sevitiem sic diu incurata manebat, ac vitam nimis infaustram ducebat. Quum verò minus de salute cogitaret, ecce calculus ad orificium externum vesicæ se profert. Ad eam perductus consului, ut sequenti mane pro viribus per civitatem deambulet, & ubi non sufficerent vires, aliquem secum perduceret.

ceret cui per viam inniteretur, & antequam egrederetur domo, pudenda bene inungeret oleo scorpionum: quod ad unguem exequitur, unde vix domum reversa, calculum prædurum ovi Gallinacei magnitudine exhernit, non sine admiratione, à qua excretionem libera penitus evasit. *Petrus Poterius Observat. Cent. 3. & seq.*

De calculo renum.

Tanta est nephritici doloris affinitas cum dolore coli ut non raro peritissimos Medicos ambo deludant. Talis fuit is, quem nuperrimè patiebatur Admodum Rever. D. P. M. Joann. Evang. de Juncis, in celeberrimo cœnobio D. Francisci, ipse enim quindecim diebus atrocissimo dolore ventris premebatur. Locus doloris erat circa regionem renum per vretes se extendens, cum frequenti nausæ, & vomitu, urinæ erant multæ & tenues. Curationem aggredimur per communia, tanto magis; cum tres essemus vocati ad curam. Prima die subducta aluo clystere emolliente accepit pluries de spec. Elefoph. quod statim evomuit. Sequenti die pulpa cassiæ cum Diaphenic. adhibetur quod pariter per os rejecit. Interea fons cum carminativis, bacc. lauri, junip. menthæ, calament, majoranæ, absinth. fœnug. lino, cymino, camomill. & melil. Post ejusmodi fons oleis discutientibus, & aperientibus inungebatur; clyst. quoque discutientes cum decocto carminat. elect. de bacc. lauri, Benedict. laxat terebint. & similibus, frequenter reiterabantur. Cum dolor magis sæviret, sapientissimè à seniore Medico balneum olei communis præscribitur: stat per horam in dicto oleo, à quo cum nihil levaminis percepisset, imo dolor vehementior redditus videretur, consultationem inter nos inire capimus rem esse conclamatam videbamus. Vitrioli salem propono, & in his morbis verum esse rhizotomum. Abnuunt alii duo Medici, sed sagacissimè; nam ab assumpto tribus horis cessat omnis dolor. In quo satis videre est boni & legitimi Medici esse, Chimica remedia non spernere, indocti soli vituperant quæ ignorant. *Idem Observat. & curat. Cent. 3.*

Calculus vesicæ cervicem deferens.

Joanni Trassato tantum negotii, in senectute facessivit calculus vesicæ: ut non modo vix unquam iningeret sine acerbis urgentis urinæ cruciatu, verum rarissime quoque deambulet, five subdio five in porticu, sine evidente doloris sensu, ob calculum vesicæ cervicem, miserandum in modum excarnificantem, donec tandem doloribus ac punctationibus cessantibus, liberè denuo urinam reddiderit, adeptus non solum copiam agendi iterum negotia, à quibus aliquandiù abstinerat, verum etiam quocumque proficiscendi periurè atque sanissimus.

Quam inopinatam rerum faciem, ut summè admirabatur Ager, sic non levem conjecturam movit Medicis, calculum stationem suam, ex qua tam atrox intulisset bellum, seu remediis five tempore deseruisse. Indeque turbas recedisse, pacemque corpori tandem concessam, à qua tamen sententia æger adeo fuit alie-

nus; ut potius crediderit, se nihil unquam a calculo, verum omnia ab indurato aliquo tumore, cujus pondus etiam num circa anum perentisceret, pepesum fuisse. mansitque ipsi hæc opinio ad extremum vitæ halitum. Facto vivendi hinc per omnimodam urinæ suppressionem, ubi integrum quinquennium satis comode habuisset. & producta ab anatome in lucem veritate, quæ hæcenus delituerat spissa caligine sepulta. Cujus beneficio vidimus durum aliquem tumorem prope vesicæ cervicem situm, in causa fuisse, quominus profluxerit ipsi lotium, five sponte five meatu quoque per catheterem referato, idque ex vesicæ aqua, id temporis, maxime repleta. quod inusitatum tumoris genus, instar carunculae tunica inclusa, ante vesicæ exitum propendens, uti huic agro exitio fuit, sic etiam clanculum aliorum vitis insidias struxit; ignorantibus Medicis quo referrent exitialem suppressæ urinæ causam; ea enim fuit tumoris forma, ut elevata à cathetere, illud tamen ita complecteretur, ut nihilominus impediretur urinæ effluxus, in quod haud leviter admirari licuit impervestigabilem Dei sapientiam, cui numquam desunt ministri quibus animam ex hoc ergastulo ad meliorem evocet vitam.

Sed quid dicemus de calculis, qui primum maximum, deinde verò nullum excitarunt cruciatum? erant hi duo, & quidem satis ingentes, in principio, attritu suo vesicæ cervici molesti, mox verò pondere suo adeo extenderunt sequacem vesicæ membranam ut paulatim descenderint, ad quatuor transversos digitos, à prior statione; provoluti quasi in sacculum vesicæ adhaerentem in cujus receptaculo, etiam calculum suum dicitur conclusum habuisse, Vir incomparabilis eruditionis Isaacus Casaubonus, fuitque hæc loci mutatio verissima Causa illius levaminis, quod æger percepit postremis vitæ annis deficientibus Deo optimo maximo nunquam auxiliis, quibus etiam sine medicorum ope, ab intricatissimis morbis vindicet miseram hominis vitam. *Nicol. Turpinus, Obs. lib. 4. Cap. 48.*

Calculus Vrethra.

Filio Rectoris Campensis succreverant ab ineunte ætate, in medio urethrae ductu, plurimi calculi qui illum paulatim distenderunt, ad instar pugni puerilis, adeo ut singuli distinctè manu palparentur; illato tamen ne minimo quidem impedimento urinæ exituræ, quem tumorem sexto demum ætatis anno ablaturus Chirurgus, aperuit scalpello colem, prope lineam intermediam; in musculis urethrae dilatationi dicatis; eductisque inde quinque & viginti calculis, instar maximorum pisorum, perduxit vulnus ad cicatricem, puerumque ad pristinam sanitatem, ante diem sextum, sine ullo fistulae metu, nedum pervio hiato, per quem invito efflueret vel minima urinæ guttula, usque in decimum post sectionem annum. *Idem Obser. lib. 4.*

Calculus per lumbos excretus.

Jurisconsultus natus patre calculoso, eidem-

que cruciatui à puero obnoxius, vixit aliquandiu misere, & tum quidem hoc miserius, quod calculus à rene per lumbos expulsus reliquerit ibidem ulcus callosum, profluens perpetim urinâ ac pure, & quidem fluxû tam perenni ac diutino, ut nec tempore nec remediis, nedum aquis Spadanis aut theriacis Aquisgranensibus ullam perentisceret opem, quin potius, occluso per lumbos exitu, ac derivato deorsum sordidissimo pure, inciderit tandem in febrem acutissimam, quæ ipsum miserandum in modum occidit.

Cui fortuitæ calculorum per lumbos eruptioni, fortè innixa est sectio illa, quæ Rousselus fatagit, per scalpellum, calculos ex renibus elicere, sed recte, an perperam, viderint illi, quibus notus est cum ipsorum renum, tum calculorum inibi concrecentium situs, qui ut non semper sunt uniusmodi, sic discrepant interdum evidenter formâ, loco, numero, ac magnitudine: dispersique radicibus per renum carnem insident nonnulli penitus ipsorum substantiæ; quam ut sine omnimodâ ipsius dilaceratione inde extraherentur: quid quod, dissectis tubulis ad papillares processus siue glandulas serum provehentes, necessario consequatur, perenne illud, quod Jurisconsultum hunc pessumdedit, Ulcus, quod non minus molestum arbitror, quam ipsum calculum, in renibus permanentem, nè quid jam dixerim de lumborum nervis, vicinis venis ac largâ peritonæi incisione, quorum omnium anceps eventus facile plus damni quam emolumenti afflictis daret. *Idem eodem libro.*

Urina transitus renis calculo per sedecim dies obstructus.

Plurima reliquere nobis doctiores exempla diuturnæ urinæ obstructionis renum calculis exortæ; nullus tamen eorum, quod sciam animadvertit accidisse, ut urinæ cursum prædicta causa per sedecim dies stiterit, mihi tamen illud anno 1661. in Mauricio Gerardi Boschuiet moderatæ vitæ homine, ac septuagenario, valido tamen etiamnum, ac sano videre contigit. Is per horas aliquot curru vectus, in agere secundum Mosam flumen, ac descendens, ut urinam excerneret, eandem sanguinolentam vidit: Ac, quoniam lapis rhedæ agitatione, corporisque hinc orto motu mobilior, minusque adstrictus factus exinde sensim in inferius vergeret, omnis omnino lotii retentionis causa fuit, ac sextodecimo demum die transitus lotio patuit, postquam varia emollientia tam interna, quam externa clysterum videlicet, fomentorum, balneorumque &c. à diversis Medicis illi præscripta, atque adhibita essent, quo etiam tempore calculum ille oblongum emisit, qui nuclei pini magnitudine par erat. Interea tamen per illos dies ipse præ nimia oppressione, urinæque impedito exitu hanc at salissimam aliquoties vomitu eiecit. *Cornel. Stalpart. Observ. rarior. Cent. 1. Obs. 51.*

Calculus per ulcus prope inguen emissus.

Mense Junio 1660. cum Chirurgo H. Dorlé, intellexi filium J. Brouvver decem annos

natum, ad quem vocatus eram, per aliquot dies nihil omnino lotii excernere potuisse, nec tamen tunc quidem ulla notabilia calculi renum deprehendimus ex accidentibus indicia, cui licuisset urinæ retentionem attribuire: Nulla insuper aderant signa, quæ vesicæ proderent calculum, quoniam Chirurgus, aliquoties immisso ad facilitandum lotii transitum catethere, nihil omnino obstaculi, duritiæve sentierat. Postquam itaque puer hic dies aliquot satis misere transgisset, in dextrâ parte prope scrotum, nec procul à virgæ radice, versus inguen abscessus apparuit, qui non ita diu post versus partem externam rumpebatur: hæc tamen antequam fierent Scroti, nec non penis cutis, præputiumque ita intumuit, ut incidere hoc necesse habuerimus, ut aptè ad urinæ transitum promovendum intromitti posset catheter, tandem verò Calculus phæoli instar, variegatoque colore, ut solet marmor, prodit; puer autem tam per Virgim, quam per foramen prope inguen continue tribus etiam post annis, lotium excrevit, quamquam hoc sensim minutum, ac tandem sanatum fuerit. *Idem ibidem.*

Calculus per inguen prodians.

Vidit frater meus Joan. Stalpartius vander Wiel, ut & Chirurgus Arnoldus de Wilde in Hagienfi quinquædecim annorum adolescentem, cui post diuturnum dolorem, cuius causa erat ureteri inhærens calculus, tandem ulcus in inguine ortum est, per quod ille exiens agrum dolore liberavit, fistula tantum ibidem superstita, per quam continuè guttatim urina stillabat. *Idem ibidem.*

Calculus venæ Thoracicæ.

Calculus quem nobis aliquando obtulit arteria aorta, corpori inclusa, illum nunc demonstratum venit venæ thoracicæ foris obvia, cuius os, ab interno abscessu referatum, apertumque novum hunc hospitem non secus complexum fuit, ac scapula ille tumor, in quo testis, Joanne Schenkio lib. v. Ferrandius senior conspexit simillimum calculum, à sanguine firmiter concretum.

Jano Mulerio integrum triennium à suppurata pleuritide divexato, tandem exortus fuit, circa extimam ulceris oram, prædurus tumor, continens in se, sphericum, ac inæqualem calculum, insidentem arctè venæ thoracicæ externæ, cuius magnitudo, ut nuci avellanæ, sic forma fuit simillima racemo uvarum corinthiacarum, quibus calculus hic rotundis, splendentibus, ac atris suis acinis adeo fuit æqualis, ut vix ovum ovo videri similis possit. Exorto procul dubio nigro illo colore, ex adusto venæ sanguine; uti albâ, quâ inferius obducebantur, crusta à candicante puris recremento.

Agedum Chirurge, fatigant te interdum inveterata ulcera, ludisque non raro operam in tumoribus duris, ignarus, loco puris, aliquando calculum inibi maturescere. Vis filum Ariadnæum? cuius ductû feliciter ex hoc labyrintho evades, sequere quod proposui exemplum & considera attentè, num siliceus hic

hic hospes clandestinè alicubi delitescat. *Nicol. Tulp. Observ. Medic. lib. 4. cap. 22.*

Calculus.

Rutgero Schorer, filiolo, parvus calculus cum summis doloribus per ureterem ad vesicam descendit, inde verò paulò post in penis meatus expulsus, cum ob magnitudinem transire non posset, mediæ urethræ inhaesit, atque urinam totaliter obstruxit. Variis modis illius extractio tentata fuit, sed frustra; tandem autem cum ad doloris immanitatem etiam partis inflammatio accedere animadverteretur, eundem sectione extrahere necesse fuit, quapropter cute aliquantum sursùm versus glandem attractâ, Chirurgus Urethram in latere loco ubi calculus subsistebat, sectione aperuit, atque inde calculum extraxit, quod vulnusculum postea facili negotio rursus consolidatum fuit, puello nullum incommodum inde retinente. *Isbrand. de Diemerbr. Observat. & Curation. Medic. 73.*

De Calculo Renum.

Civis Bergensis conquerebatur de dolore dorso è regione renum, vomuit, urinæ retentio aderat, & difficulter nec sine dolore aliquid ejus excernere potuit. Adhibui enemata, dedi lithonriptica varia, balnea, & fomentationes institui. Dolorum quidem acerbitas mitigabatur, & sentiebat calculum magis magisque descendere, permansit tamen in urethra, per octiduum & eo diutius. Deinde ex improviso omnes dolores evanuerunt, urina libere huebat, appetitus rediit, sed nullus excernebatur calculus, ita ut dubium nobis esset, an unquam calculus adfuisset, sed signorum syndromen, animi trutina ponderans, & quod ante aliquot annos etiam calculum excrevisset, calculum adhuc latere persuasus sum. Quid sit, per 10. dies integra fruitur sanitate deinde subito recrudescit dolor cum ischuria; dedi diureticum cum lithonripticis, & excrevit tum demum calculum magnitudine fabæ. Qui proculdubio tam diu hospes fuit in vesica. Idem ante biennium dolore nephritico affligebatur, descendebat calculus in vesicam ubi adhuc latet, & interdum liberum transitum urinæ impedit; cum verò id sine dolore fiat, medicinam non admittit; Et si ipsi prædixerim, calculum quotidie augmentum capturum, & olim ipsi causam mortis præbituram. *Got. Christ. Winkleri.*

Insolita calculi in corpore transferentis via.

Fœmina hujus urbis, Reverendi cujusdam Amicitis filia anno 64. de summa deglutiendi difficultate conqueri cœpit, cum vehementi in collo dolore. Huic sperma ceticum m. ol. amygd. dulc. camphora & syr. ex viol. &c. commistum; ad minoris cochlearis cap. citatam noctu assumere præcepi, dolor non nihil remisit. Altero manè repetiit eandem misturam, non ita diu postea quidpiam, à collo à dextrum sub diaphragmate latus, tanquam globum sclopeta-

rium veloci motu transire sensit. Emplastrum tripharmacum ad bidui tempus inibi positum habuit. Exinde pari velocitate dolor ille ad pubem descendit, ibique moratus, donec post inunctiones & cataplasmata tres calculos pisa superantes ex vesicâ ejecit, nullo hactenus subsecuto incommodo *Joan. Georgii Volcaneri.*

Effectus pathematum animi in Calculo.

Illustris quidam legatus Batavus calculo renum afflictus, & meæ curæ permittus, cum ægrius potaret pharmaca, hoc gravius aliquandiu cruciabatur, sed in mediis doloribus postquam superveniens tabelio lætum nuncium è patria attulisset, è vestigio prodiit sponte calculus; & nobilissimum ægrum sollicitudine duplici levavit. Hæc in lætis, quid in tristibus possint, nunc intuebimur: *Dorothea Mothia* viduarum honestissima secure dormiens, & jam diu nullos calculi labores experta, cum à famula per tumultum excitaretur ob incendium vicinis domibus imminens, subito gravissimos renum cruciatus sensit, à quibus expediri non potuit, nisi excluso demum grandiori calculo. Non formavit hic metus calculum, sed quietum loco suo excussit: non ibi lætitia ejecit lapillum, sed vasa ampliavit ut facilius ejiceretur. Adeo stringit, arctatque formido, aperit hilaritas. *Olai Borrichii.*

Quid faciat aliquando immanitas doloris à Calculo inductio.

Dolui ex animo, cum ex *Antonio Guainerio* a quo *Gabelchoverum* legerem, Virum quendam bonum, cum diu dolores calculi crudeles patientissime sustinuisset, tandem victum acerbitate cruciatuum animam suam infesto Dæmoni commendasse, modo à doloribus liberaretur. Mitius fortasse magnus ille Macedo, sed tamen vehementissime doluit, cum auctore *Curtio*, epoto jam Herculis scypho, repente velut telo confixus ingemisceret, & ferrum posceret in remedia. Parum absuit ab honorato quodam viro nostrate, peregrinationibus claro, similis fortuna: is postquam diu luctatus esset cum infelici stomacho, omnia cibaria per vomitum rejiciente aliisque doloribus hypochondria vago, sed acerbissimo cruciatu affligentibus, aliquando cum ex lege amicitia ægrum inviserem, præsentem medico ordinario ad utrumque conversus, inquit, quod graviter sauciat conscientiam meam occidi hominem & manus innoxio sanguine inquinavi; proinde iterum iterumque per omnia vos sacra obtestor, ut Regi mox atrox crimen meum aperiatis, ne diutius justum supplicium eludam, & animæ periculum adeam desperabundus. Nos circumspicere omnia, notare vultum ægri, habitumque, & cum constaret eum sanâ mente ex meditato ita loqui, ambigere, utrum doloris impatientia hæc verba dictaret, an vulnus conscientia. Absentes præmere illa silentio constituimus, & alia vi e in circumstantias facti operosius inquirere, ne vel amico, vel veritati deesse videremur. Redeo ergo post dies aliquot, & de statâ ægri percun-

stor. Ille vultu sereniori, inducias, inquit, hodiè experior, non ita acriter me lancinant dolores, cum adeisses superioribus diebus, ea fuit tormentorum savities, ut quamcunque lanienam malle, quam eandem ulterius sustinere, proinde studio dixi (ita me superiamente) commissam a me eodem, ut vel publico supplicio domesticum hunc & quotidianum tortorem evaderem: De militaribus ingenis hic ego nihil, ut quibus non infrequens est gladio vel sclopeto imperare doloribus suis quoties aliquanto diutius acerbiusque perseverant. *Olai Borrichii.*

De Olei succini nimis largiter hausti noxa.

Optimæ apud nos existimationis Juvenis Mercator *Christophorus Mensen* *resgajar*, nephriticis doloribus sapiuscule ferè oppressus, *duodecim* me rogat, quo necessitate urgente in absentia medicitudo uti possit. Recomendo *Oleum succini*, cujus aliquot subinde assumere guttas non abs re fore inculcabam. Annuit, neque ingratum sibi hoc remedium fore responderet. Post septimanarum aliquot decursum obvius mihi fit in platea, & pro communicato consilio grates agit prolixas: Scatulam mihi monstrans variis repletam calculis, minimis sabuli instar, mediis cicerum magnitudinem referentibus, & maximis pisa æquantibus, plerisque autem acuminatis. Ecce, inquit hosce hostes omnes una profligavi opera, compendii reifaciens; tu aliquot me guttas assumere voluisti, ego medium & amplius cochlear oleo isto repletum vice una exhausti, firmiter credens, ex parva dosi parum me Levaminis sensurum; ex copiosa autem majus me emolumentum habiturum: nec fefellit me mea opinio, nam uno impetu, non quidem sine dolore, illum quam monstro excrevi quantitatem. Malè, Respondeo, tuæ consulisti sanitati, & certam temeritatis tuæ certo augurio penam lues; ex inordinato enim & impetuoso diuretici hujus vehementis usu, vesicæ orificium ita læsum deprehendes, ut nullis remediis impressa hæce labes corrigi valeat. Et quamvis in prognosi hac me errasse maluissem, tamen Eventus docuit, certissimum satis fuisse hocce prælagium; nimirum brevi post tempore exulceratam esse vesicam, signa monstrabant non obscura; namque vrina cum dolore excernebatur, eadem cruenta primum apparebat, post crassum album, matulæ lateribus firmiter adhærens sedimentem sese monstrabat, quod sapius cum & sine dolore in copia excernebatur, quæ copia ad eam tandem crecebat molem, ut mediam matulæ partem non semel adimpleret: & cum potentissimi illius diuretici usû labes vesicæ impressa esset, inflammatio tandem loci affecti accedebat, cum febre continua intensa, unde maxima pectoris anxietas oriebatur, quam extremorum mox in frigidatio ob Nervosarum partium læsionem, hanc mors post paucorum dierum decursum excipiebat *Joann. Schmidii.*

Calculo laborans puer immunis factus febre pestilenti accedente

Morbum morbo curari insolens non est. Hydropem febris sanat exsiccatione humorum,

& volvulum copiosa urina 6. Aph. 44. & capitis dolorem aph. 51. Ita & febris pestilenti his absumere potuit in puero calculosam materiam illâ ætate fluidiorem. Observatum multis a pelle convalescentibus vocem diulasam fuisse exsiccatis faucibus. Si bubones adfuerint, multorum in corpore puerili malorum evacuatio secuta. A calculo verò liberatum puerum post hac securum esse juberem, nisi dispositio hæreditaria adsit. Induciæ enim erunt, nulla pax. *Th. Bartholini.*

Veronica usus in calculo.

Ut gutta cavat lapidem non vi sed sæpè cadendo, ita non raro medicamenta simplicia & viliora subinde assumpta effectum relinquunt plane mirandum, cujus schema oculis meis exhibuit antè aliquot septimanas, *Ursula*, futuroris cujusdam vidua, quæ calculum per 16. annos in rene aluit sinistro qui tot cruciatibus illam afflixit, ut viribus omnibus assumptis, nisi sceleton vivum repræsentaret, & ob summum cruris stuporem, & renis dolorem in isto latere per totum illud tempus nunquam dormire potuerit. Tandem consulenti assentiens, quotidie *Decoctum veronica*, & quidem insatis magna dosi per tractum aliquem temporis assumpsit, quo effecit, ut *Calculus* priorem relinquendo Nidum, alium quærens ad vtreteres protrusus fuerit, ubi nimias anxietates excitans, ipsam inter mortis & vitæ discrimen constituit, tandem tamen assumpto largiori *Decocti veronica* dosi, vesica receptaculo fuit ubi miseram stillitidio & difficultate urinae diu vexavit, donec ab assumpto superiori nominato decocto, & ejus fomentatione, natura hætenus dormiens, expergefata, maximis & iis conatibus, quibus alias a foetu se liberare conatur, excitatis, Hospitem peregrinum cuspide expulit, qui tandem vi ab ipsa agrâ per collum vesicæ extractus fuit, & quidem non absque summa illius læsione, & copiosa hæmorrhagia. *Joachimi georgii Elserii.*

Calculus panè siliceus in vesica pueri medicamentis fractus & expulsus.

Puellus sex annorum, senatoris Helsingburgensis filius, calculo vesicæ tentatus, alia atque alia suasi amicorum & parentum deglutierat, quibus nihil proficientibus ab Agyrta, qui commodum in urbem advenerat, & intra triduum promiserat liquefactum iri calculum, recipit potionem medicatam acerrimi saporis, factorisque ingrati; & postridie reddit non calculum, sed urinam oppido cruentam, variis hinc inde filamentis ex interiori vesicæ tunica abradis distinctam. Perseverante ad plures dies urinâ sanguinolentâ, nullo autem calculo in conspectum veniente, proripit se circum foraneus & agrum miserabili ejulatû omnia replentem deserit. Puellus deinde inter dolores hos Hafniam delatus meæ fidei committitur. Adverto inter meiendum intolerabiles cruciatus, video strigmenta innatantia urinæ filamentorum, & tunicarum minutarum specie, agnosco crassius subinde inlotio sabulum. Igitur nullum ab acribus præsidium mutuandum ratus, balsamum

samum sulphuris terebinthinatum, & oculis cancr. crudis in alcohol redactis, cumque saccharo remittis in pulveris forma temperatum offero ad plures dies, eo consilio, ut lasæ partes vesicæ (si tamen coalescere ex unquam possint in loco tam acre lotium perpetuo sentiente) sensim coeant, & calculus nihilominus attereretur. Quo effectum id quidem, ut gl. rea, & minutiora quædam calculorum frustilla alternis fere diebus excernerentur, & urina non cruentaretur amplius, dolor tamen in meiando vix tantillum interquiescebat. Ventum igitur ad terebinthinam ipsam aqua virgæ aureæ, & plantaginis elotam, ut glutinando aptiorem, quam & aliquandiu cum pulv. oculi cancr. in morsellos (quos vocant) coactam intravit, successu nondum satis exoptato. Tandem diu propinatus ex lap. judaic. lap. Lyncis, crystall. mont. & oculi cancr. pulvisculus id novissime præstitit ut Calculus magnitudinis juglandis minoris, siliceæ duritiei in frusta fabis aqua confractus exierit, certas fracturæ notas secum afferens. Lasæ tamen membrana vesicæ interior nondum plene coaluit, nec fortassis bonâ inde coalescet unquam, ob continuum lotii erodentis affluxum, ut vel hinc constet, quod mercatur agyrtarum natio, quæ ita impune per mortes & vulnera ad divitias grassatur *Olai Borrichii.*

De mirabili calculi vesicæ cura.

Calculus vesicæ pergrandem, & duos lotiones cum dimidio aliquotque granis æquantem pondere, attulit mihi fœmina quinquagenaria Eckelsurdana, quem cum raræ commendent circumstantiæ, æquum ratus ut illas quoque curioso vestro adspectui exhibeam. Misera illa consilium rogans, quâ nimirum ratione vitam jam tot nocturnis fractam paulò liberiores ab iis agere posset, conquesta initio est se totos annos duos immanes circa Epigastrium dolores sensisse, nec tamen vel proprio aut aliorum instinctu cognovisse, quid ibi malè lateret, sed imprimis propter angustiam rei familiaris, medicorum opera uti non potuisse. Tandem cum impendente vere melius, & cæli temperatior aura spiraret, suasere vicinæ, ut animi relaxandi causa, una ad navem onerariam noviter constructam pertenderet, in quod facile consentiens, quantum vires permittebant, comitatum secuta, & ad oram navis perveniens, cum illam sublato pede transcendere vellet, divaricatis cruribus medio Epigastrio in rude lignum impingit, insidens ei instar eorum, qui equo vehuntur, quo casu fere examinata, & à vicinis domum deducta, tantis cum doloribus circa inferiorem ventrem conflictari cepit, ut omnes eam statim emorituram crederent, sed ipsa illa jam ultimis confecta laboribus naturæ tamen victricis beneficio adjuta, corpus aliquod solidum cum tanto fragore & tonitru, ac si lapidem fulminarem nubila emitterent, naturalibus est ejaculata. Quo sonitu percussæ assidentes mulierculæ, propius se lecto admovent, & quid agræ accidisset, quarunt, quæ ut de dolore dextri femoris querebatur, lodice & stragulis retractis, quo suppetias ferre laboranti possent, reperiunt

ibi calculum ingentem in pedem explosum. *Joh. Langelotti.*

De Autolithotomo.

Non ut novi aliquid proferam, sed ut prius à Præillust. Dn. *Nicolao Tulpio.* observationum suarum medicarum L. 4. C. 31. divulgatam de Autolithotomo Historiam confirmatam magis redderem Picturam cultri atque lapidis una cum authentico Testimonio, Belgico idiomate Amstelodami tunc edito, nuper vero mihi à plurimum Rev. & clariss. Dno. *Petro Veldio*, Pastore meritissimo Belgicæ hujus loci congregationis, communicato, qui hoc ipsum exemplar dicti Testimonii ab ipsomet Dno. Henrico Muon. Ultrajecti acceperat, pro Ephemeridum curiosarum exornatione si exhiberem, minime curiosis lectoribus ingratum fore existimavi, quod ita se habet.

Genuina Relatio.

De Mirando nec unquam audito facinoræ *Joann. Janssonii* de Doot Fabri Amstelodamensis, qui semetipso selesissima sectione liberavit à calculo præmodum magno, hic depicto; quod inscriptione propria fabri & sequentibus actis Notarialibus confirmatur.

Comparuit coram me *Petro de Barry*, Notario publico curiæ Hollandicæ, Amstelodami agente, & contestatus est sequentia *Joann. Janssonius de Doot* junior, faber hujus Urbis, habitans in vico Engelsche Steegh dicto; ætatis circiter 30. annorum, & veris verbis jurato coram nobis instinctu Do. Henrici Mirou Ultrajectini narravit atque professus est; quod verum & veritati consonum esset, quod testatum irèt, diu multumque temporis se gravissimas ægritudines & tormenta à calculo passum, jam tum bis sectionem perpeßum esse; quinto Aprilis proxime elapso, cum dolor intensissimus, supra modum gravis, nec perferendus esset, semet cultro vetusto ac fere præfracto ipsi calculum exsecuisse; Ea in operatione referebat neminem adfuisse præterquam discipulum, qui solummodò cultrum una cum aceto & similibus procurasset itidem contestatus est calculum ponderatum esse, & deprehensum, quod quadrantem unius libræ penderet. porro retulit, se ex charta affinxisse atque petentibus à se dedisse calculi magnitudinem & formam juxta cum delineatione supra dicti cultri, quo sectionem perpetraverat: simul asseverans versiculos picturæ Calculi inscriptos, propria suâ manu scripsisse; meditatam esse & composuisse. Omni bona fide acta sunt Amstelodami præsentibus *Nicolao Blyenberch*, & *Arnoldo van Erp.* loco testium ultimo Maii 1651. *Salom. Greislii.*

De Calculo Vesicæ feliciter exciso.

Fœmina quædam Bergensis, vidua, patre calculoso, imò calculi doloris atrocitate tandem è vivis sublato, genita, patiebatur haud inconsuetam alias dolorum Nephriticorum acerbam

bitatem, & durante, affligenteque illâ calculum descendere sentiebat per ureterem dextrum in vesicæ cavitatem. Iste antecessorum & successorum non carebat caterva, & inter illos, sex fabæ majoris magnitudine numerabantur. Hic verò per septem integros annos in vesicæ capacitatem moram trahens, sæpius summis doloribus molestinus fuit, ita ut misera ad omnem motum, præcipue concitatioem inepta esset. Variâ hac annorum intercapedine experta est remedia, sed sine alicujus emolumenti perceptione. Septennio hoc elapso, alius è renibus, haud sine doloris sensu dejicitur calculus, qui septennem magnum & molestum hospitem hospitio suo abscondito extrusit; hic exitum quærens collum vesicæ occupavit, urinæque transitum liberum interceptit. Ego tum primum accersitus, omnibus viribus eo contendere, quo calculi compagem, quoquo modo tam internis, quam externis medicamentis dissolverem, persuasus ab ægra, me, & semetipsam fallente, calculum in duo frustra ruptum esse. Cum itaque quotidie haud parvam arenularum copiam, cum urina (quam vix eâ quantitate, quam cochlear caperet, unâ vice emittebat) excerneret, hujus curationis scopo mensibus duobus institi. Accessit interim febris, imò lipothymia & convulsiones, omnia tamen medicamentis præscriptis & exhibitis manus victas præbuere. Tandem spe calculum comminuendi frustratus, obstetricem Lignicensem expertam, Olaviæ apud Serenissimum Ducem tum temporis degentem, accersivi, quæ calculum catheteris ope explorans, ipsum nucis juglandis putamini viridi inclusæ magnitudinis & duritie silicæ esse, pronuntiavit; movet illum suo loco, digitorum & olei amygd. d. per syringam immisi adminiculo, sed sine levaminis sensu. Ad extremum itaque remedium, scilicet sectionem inclinans, de viro hujus artificii gnaro & experto sollicitus fui, sed neminem, qui huic operationi sufficeret, vel illam sustinere auderet, reperire potui; donec tandem post trium mensium continua tormenta *Urbani Joannis Holst*, Chirurgi Uratislaviensis expertissimi dexteritas nobis commendata fuit. Eidem itaque mox inde accersito Chirurgum nostrum aulicum *Fredericum Springerum*, adjunximus, cum utroque de sectione colli vesicæ intra vaginam uteri deorsum facienda deliberantes; cum verò *Seuerus* l. 3. p. 8. sect. 2. cap. 2. excretum viderit calculum à foeminâ ovi gallinæ magnitudine, & *Fabritius Hildanus* libro de Lithot. ves. cap. 22. Extractionem, si possibilis sit; per collum vesicæ summopere suadeat, illam prius tentare volumus, nihilominus ad sectionem, si opus non succederet, parati. Itaque in N. D. die 29. Octobr. anno 1675. cum ægra 45. annum intrasset, precibus ad Deum fuis, præeunte nobis viro admodum reverendo, clarissimoque *Dn. M. Joanne Christ. Leschio* Parocho ac Seniore Bergensi meritissimo, manè h. 10. rem aggredientes, speculum uteri vaginæ ipsius indidimus, collum vesicæ haud contemnendæ amplitudinis invenimus: Calculum in eo delitescentem deprehendens præfatus Chirurgus, forcipe arripit, & spem bonam ad extrahendum absque

sectione calculum præbet; sed frustra, egressibus vicibus, summa cum ægræ debilis constantia & Chirurgi industria id tentaretur. Quia itaque misera lipothymia corriperebatur, ab opere desistere coacti fuimus. Mane diei sequentis rem aggredi non ausi sumus, propterea quod uteri vagina valde tumefacta, ægræque summopere debilitata esset, itaque hac die refocillationi operam dedimus, & tumorem, doloremque tumentationibus sedavimus, sectionemque in crastinum distulimus. Invitavimus quoque hac die ad consilium *Dn. D. Zolligheferum*, Archiatrum Serenissimi, nunc prohi dolor? desideratissimi nostri Principis, & unanimiter sectionem crastinâ luce, & quidem in inferiore parte colli vesicæ instituendam concussimus.

Et si enim *Fabritius Hildanus* l. cit. h. ne sectionem dissuadeat propter metum incontinentiæ urinæ subsequaturæ ex læsione sphincteris, tamen putavimus consultius esse illam instituere in illa parte, ubi minus periculi vitæ immineret, etsi molestiam quandam relinqueret. Nam in superiore parte vesicæ membranam substantiam ladi, ipse *Fabritius* fatetur. Huc accedit, quod propter ossis pubis obitaculum, calculus non ita commode extrahi possit. Novam etiam forcipem cum dentibus aculeatis cudi curavimus, ut firmitus calculum apprehensum tenere, & in eo vestigia figere possit, ne ut antea elaberetur. Itaque, 1. Octobr. mane h. 10. iterum convenimus, & precibus ardentibus fuis, ægram valde debilem & dubiam salutis decenter ligavimus, Prognostico in omnem eventum nos munivimus, & sectionem per manum Chirurgi præfati *Urbani Joannis Holst* præfato modo institimus quæ summa cum ægræ constantia facta, forcipem novum à *Dn. Springero* accipit, calculum ea arripit, summo conatu illum extrahere nixus est, sed rem perficere non potuit; ægra valde anxiosa, & præ dolore clamorem altâ voce edente, quâ anxietate nos omnes affecti fuimus, vix dici potest, modo hanc, modo aliam animo volutantes causam impedimenti. Tandem Chirurgus forcipem retrahens, animadvertit illam non probe induratum fuisse, & ideo incurvatam calculum non tenuisse, eam rejiciens, alteram accipit, calculum arripit, & feliciter extrahit. Exhilarata ægra nobiscum, vinculis soluta, & vulnus debito modo deligatum est, sine ullis lipothymiis vel magna sanguinis profusione. Calculus pendens 3½ ss. hinc æri incisus, forma fere æquabat renem vervecinum. Tempore operationis ægram refocillavi convenientibus cordialibus externis & internis. Febris prægressa adhuc comitabatur ægram, imo vires majores acquirebat, tremor quoque & deliquium animi die tertio accessere. Præcipitantia plura prioribus addidi, & enema applicari curavi, unde melius habebat. Cum die 5. calor adhuc perseveraret, & compressio ventriculi accederet, julapio confortante ipsam refeci, enema reiterari, & ol. mastich. ventriculi regionem inungi curavi, quibus adhibitis remiserunt ista symptomata. Dies septimus gravis admodum ipsi erat, cum summa virium debilitate, & ventriculi compressione; sed die octavo excrevit cum sabulo copioso

calculos duos, quorum unus f. bam minorem æquabat, quos e renibus descendisse & prædictorum symptomatum causam extitisse, putavi. Hos sequebatur die nono, & sequentibus membranaceum quid, de quo dubitavimus, utrum vesicæ fortè forcipe abrafa tunica interior an membrana calculum involvens esset? Die decimo præter spem & opinionem menstrua, præterito mente suppressa, satis copiosè redeuntia, pessum & canalem e vesicæ collo extrudere, ita ut saltem fomentationibus uti potuerimus. In fine undecimi nigror obortus est, per tres quadrantes horæ durans, subsequente calore p. n. Sed reiteratis antea scriptis, iterum evanere hæc symptomata. Dum itaque vires recollegisset, & vulnus magis magisque coalesceret, hoc decoctum vulnerarium præscripsi.

℞. Rad. Pyrol.

Consol. farac. an. \bar{z} j.

Herb. Betæ. alb. & rubr.

Alchim.

Artemis. rub.

Sanic.

Agrim. an. m. β .

Herb. Beton.

Veron, an. m. β .

Flor. Borrag.

Bugl.

Nymph. alb.

Acac. an. p. j.

Hord. m. j.

Coq. in s. q. aq. s. ad $\text{f}\bar{\text{b}}$ ij. col. dulc. syr. pomor.

Sic vulnere conglutinato, urinæ tamen prædicta incontinentia remanente, injectione in collum vesicæ facta sphincterem confortare tentavimus, sed frustra, incipiente Decembri diabetica fere affectio cum febre & hydropis acitæ principio eam infestabant, quæ tamen omniæ remediis methodica dexteritate scriptis evanere. Anno 1676. Initio Februarii, febre continua putrida affligebatur cum dolore hypochondrii dextri, ita ut venam secare necellum fuerit, quem ab Apostemate in hepatis parte gibræ oborto, accidisse inde putavimus quod deinde per urinæ ductus pus longo temporis intervallo excretum est, accedente iterum Hydrope. Hidrops quidem aperientibus & purgantibus usurpatis evanuit, sed pus tamen per urinam identidem excernebatur.

Interim novus calculus e rene dextro mense Maio descendit, haud sine dolore, locumque magni sui antecessoris occupat, metum ne in ipsius magnitudinem cresceret incutiens. Variis ipsum aggressus sum remediis; tamen continuo usu *Tinctur. tartar.* die decimo octavo, Junii expulsus est. Ablegavi illam deinde ad thermas Landeccenses, quæ in tantum profuerunt ut non saltem ab apostemate hepatis, sed etiam ab urinæ incontinentia maxima parte liberata, adhuc sana degat. *Gorof. Christ. Wincleri.*

Calculus vesicæ insignis feliciter excretus.

P. P. anno 1670. die 16. Maii, venit ad me à Pago Muscheneim prope *Buribacum* mulier 50. annorum, quærens se magnum circa ingui-

na & in emissione urinæ sentire dolorem, urinæ erat mucilaginosa. Ego de calculo vesicæ judicare incipio, præscribo ipsi lene purgans, pulverem lythontripticum & fomentum externum. Quid sit? cum continuasset usum medicamentorum præscriptorum per 6. dies, excernit calculum asperum, & quod nigrum, nullam per excretionem in meatu utinario sensit læsionem. Comprobavit casus hic eo ipso, facilius, asserto Medicorum, in mulieribus quàm viris, ob viarum propinquitatem, calculos vesicæ posse excerni, ponderavit calculus \bar{z} β .

SCHOLION.] consimile exemplum in foeminis facilioris calculi exitus videre licet apud *Borel. Cent. 2. Obs. 22.* ubi puella excrevit calculum ovi anserini magnitudine, & foemina calculum instar ovi gallinacei apud *Th. Bartholin. Cent. 1. hist. 71. Joan. Ant. Cloz. ii.*

Calculus vesicæ spontè dissolutus.

I M. Vidua pietate & honestate maxime conspicua post perpeños aliquot annorum decursu ingentes a lithiasi dolores, eorum tandem sævitia delassata, nullo remedium genere, quamvis sollicitè usurpatorum, proficiente gangrana etiam partes obscenas occupante anno M. D. C. LXXV. 16. Cal. Junii, ætatis verò septuagesimo, succubuit. In cujus demortuo corpore abdominis sectione ad istum vitæ hostem inquirendum impetrata, quæ singularia 13. Cal. Junii observaverim, breviter notare hic libuit. Dissectis itaque ventris inferioris integumentis, remotisque, intestinis, cum ad vesicam parare statim viam, qui manus commodabat, Chirurgum jussissem, vesicæ fundum lividum & anteriorem ejus partem putridam ac levi manus adpulsu disruptam deprehendi, magno fœtore ex ea prodeunte, immisissamque dextram firmiter adeò obidente, ut arte nullâ elui potuerit, sed per integrum quatrimum, antequàm penitus evanesceret, adhæserit. Calculum tamen, quem adesse debere, signa prægressa edocuerant, nullibi invenire potui, fragmentis saltem aliquibus minoribus manui-occurrentibus; quæ quidem & ipsa primo statim conatu mox in limum, partim & arenulas soluta fuerunt. Hinc auram illam, ex putrescente vesicæ substantia ortam, calculi compagem penetrasse & dissoluisse, suspicatus sum. Aduisse autem revera calculum, præter memorata modò fragmenta, perpeños læpius per aliquot annos dolores nephritici, arenularum & calculorum minutiorum, excretio, pondus & grævedo circâ pubem ac perinæum, stranguria & insignis in mingendo difficultas, necnon materiæ viscidæ, fibrosæque cum urina emissio, abundè evincunt. Quæ sane signa à sagacioribus Practicis considerata magnam de calculi præsentia certitudinem multoties præbuisse, imò majorem, quàm peritorum alias Lithotomorum dolorificam per catheterem explorationem, quin nunquam fessellisse quosdam (quantum ex institutis post obitum sectionibus colligere licuit) hactenus non una vice observavi. Eiusdem verò comminationem post mortem demùm accidisse, exinde suspicari licet quòd in urinis, ultimis n-

te obitum diebus excretis, nec limi, nec arenularum indicium comparuerit. Num ex hoc possibilitas inveniendi medicamentum lithontripticum quodammodo probabilis reddi queat, alii iudicent. Mihi adseruisse hoc non absonum videtur. Haud quidem me latet, de talis modi Pharmaci existentia multos præclaros Medicos dubitare, & vulgaria illa, quæ passim in libris commendantur, vel etiam illa, quæ tanquam arcana à plurimis magni æstimantur, rarò effectum speratum fortiri, non omnis tamen planè deneganda esse videtur experientia, cui hac in parte ubique credendum, sic edocente; quæ tamen exempla cumulare hic supersedeo, unico illo, magis ad rem faciente, contentus, quo *Philipp. Salmuth. Cent. 1. Observ. 25.* describit, popularem quendam suum, per sesquiannum à Medicis tanquam calculosum (persuadentibus ita signis pathognomonicis) curatum, tandem materiæ planè argillaceæ ingentem copiam per urinam excrevisse ac postea optimè se habuisse, memorat. Nec incongruè *Joan. Freitagius* apud *Horstium consultat. & epistol. lib. 2. sect. 19.* Calculum vesicæ frangentia medicamenta dari statuens, quid repugnet, inquit, Non video, cum aquæ detur sal resolvens, quàm coagulans? Quæ sanè diuina resolutoria agere eo liberius potest, quò laxior calculi compages existit, quam maiorem in corpore esse, & strictiorem demùm evadere, ubi e vesicâ extractus liberiori aëri committitur, mihi persuadeo; cum omnes, quotquot expendere hactenus licuit, calculos, postquam e corpore exempti, pondere majori fuisse præditos, & facilius in lamellas separari potuisse, observaverim, quàm ubi aliquandiu aëri expositi fuerint, sic enim, exhalantibus sensim humidis eorum particulis, leviores atque ad separationem lamellarum ineptiores comparuerunt. Ut ideo *Joan. Bapt. Helmontii* decreto non simpliciter subscribere queam, dum c. 7. de *Lithias. §. 19.* tam durum recenter excisum & madidum pronuntiat, quàm erit hic à seculo asservatus. Caterum in cadavere hoc nostro nec renes indici abire debent; quorum dexter sinistro superior, præter communem naturæ in homine ordinem, in situ comparuit, quamvis nec lienis adfuerit insolita magnitudo, nec hepar magnitudine naturali caruerit, quæ alias depressiorem sinistro locum dare, altiore vero dextro permittere potuisset. Uterque alias quoad substantiam notatù dignus. Dexter quippe totus consumptus, ut præter membranofum aliquod crassiusculum corpus à membrana adiposa ortum ducens, nihil, & nec guttula puris, vel unica arenula comparuerit, ac primo intuitu abesse planè visus fuerit. Quam consumptionem latitans quondam in illo rene calculus, & asperitate suâ ipsum vulnerans inducere potuit, quod vulnus dein in ulcus, renis substantiæ depascens abiit, pure unâ cum calculo per ureterem in vesicam deposito, & cum urina dein ejecto, simile exemplum in *Praxi Barbetiana; lib. 4. cap. 8.* legitur de viro triginta per annos Nephritide detento, in quo post mortem dissecto renis sinistra substantia tota consumpta fuit reperta, ita ut præter crassam membranam, nihil superfuerit, sinistrum quod attinet, ipse quidem formâ ex-

ternâ naturali similis, substantiâ densus ac vegetus, iusto tamen minor extitit. Dissectus autem copiosam flavescens pinguedinem circa pelvim & ductus sive tubulos renales exhibuit. Qualem pinguedine infarctum renem etiam *Beatus noster Sachsus*, teste celeberrimo *D. D. Joan. Daniele Majore* in memor. *Sachs. cap. 1.* coniectus fuerat. *Luca Scrockii, Luc. §.*

Calculus extemporaneus.

Calculos in corpore humano generari pervulgatum adeo est, ut nulla propemodum corporis pars sit, quæ illos aliquando non dederit; calculum autem extra corpus in momento & quasi ex tempore generari inter raro contingentia merito numeramus. Contigit tamen anno 1674. mense Maio Nicopiæ in Halstria in filiola bimula civis & coriarii ejuldem urbis, quæ cum aliquot diebus pessimè habuisset doloremque ejulando prodidisset cum urina emisit materiam albam mucilaginosam, quæ statim ab aëre externo in subflavum oblongum riguit calculum, quem adhuc servat Pharmacopæus loci *Christophorus Hartmannus*, duntaxat quemvis alium æquantem *Joan. Henric. Brechtfeld.*

Calculus vesicæ, putaminis ovorum instar, frustillatim excretus.

Reverendiss. & Illustr. Pr. I. G. C. de H. E. R. sapissimè questus est de dysuria pergravi, verum suadente me, cum ingruentem affectum sentiret, præmissis mox clysmate conveniente, alium sit aliquoties in brodio, vel juscule quodam guttulas aliquot spiritus terebinthinæ, vel spiritus putaminum ovi struthiocameli, urina exinde non duntaxat facilius fluebat, sed & interdum frusta magna ovorum putaminis instar una reddebantur, acri cum dolore. *Helvigii.*

Calculus monstrosus in fœmina vidua.

Fœmina quædam vidua ætate plusquam 40. annorum, continuis doloribus cum urinæ stillicidio, & aliis molestiis fuit tentata, ex quibus symptomatibus calculi vesicæ suspicionem habuit, ideò sese famati *Lithotomi & Chirurgi Regis supremi D. Friderici Wred.* (qui in arte sua nemini est secundus) curationi commisit. Is ex certis suis indiciis prius habitis, singulari arte & industria, & absque magno incommodo & dolore, Lapidem extraordinaria figura, ex orificio cervicis vesicæ extraxit, bonamque istam fœminam à suo incommodo doloroso liberavit quæ etiam adhuc sana in hanc diem hic *Warsoviæ* vivit. Lapis extractus ex omni parte & loco, virili membro cum glande, præputio, scroto, & in illo interstincta sutura ita erat similis, ut omnes qui illum huc usque viderunt in admirationem sint deducti propter lepidam lapidis formam. Ego ipsemet, cum Magnif. D. *Wred* mihi illum prima vice in Camera regia monstraret, lapidem tanquam rem extraordinariam Ser. Regi *Joan. Casimiro* Domino Clementissimo ostendi, qui illum etiam vidit, & non sine admiratione manibus tractavit. Quod imaginatio in illa fœmina ad hanc figuram cooperata sit

sit sunt qui hoc omnino credant, forma autem & magnitudo illius lapidis (qui coloris quasi Cinamomei est, parum rubescentis) in adjecta tabula in fig. 1. conspicitur. *Martini Bernhaldi.*

Calculus vesicae ingentis molis in Patre quodam Soc. I.

Serenissimæ reginæ Cæcilie Renatæ Confessionarius Rev. Pat. *Schonhovius* Soc. Jes. sexagenario maior à multis annis intolerabili dolore ardoris & stillicidii urinæ, aliisque gravissimis symptomatibus, ita cruciatus & viribus exhaustus fuit, ut potius mori, quam ulterius ita vivere, & pati sapissime desideraret, proinde post medicamenta innumera prius adhibita & tentata, consilio ante cum aliis Medicis habito, sese tandem *Magus. D. Fridericus Wred.* (cujus in præcedente Obs. mentio facta est) sectioni subiecit: ubi peracta illa, *Lapis stupende Magnitudinis*, coloris obscuri rubescentis, fuit inventus, longitudine, forma, ac crassitie talis, qualis in debita tabula No. 2. ostenditur. Quem ex relatione Domini Lithotomi ab anno trigesimo, ortum suum habuisse, & in hanc magnitudinem excrevisse, ex certis suis notis & argumentis, quæ habere se dicebat, intellexi. Quoniam verò post ipsam peractam operationem vesica ex una parte inventa fuit cancrofa, brevi post irruente gravi gangræna, obiit. Lapis exemptus, & purgatus in spiritu aliquo acido resolutus, & spagirico more in liquorem potabilem redactus, tanquam medicina interna contra Calculum *Illustr. & Excell. Domini Palatini Polocensis* filiolo puero septem annorum, quotidie in certa dosi & in ventriculo idoneo fuit adhibitus, qui ab eo jam totus consumptus est. *Martini Bernhaldi.*

Calculus è scroto prolapsus.

Vesica calculus per Epigastrium fuisse eductum notavit Fr. Sanchez in observ. Medic. oper. pag. 370. pariter post gravissimos dolores è *vesica pueri Scanici* quadrimi anno 1628. calculum in *scrotum* fuisse protrusum exinde suppuratione facta eundem foris rejectum, remanente fistula perquam urina continuo exsudavit, refert *Th. Barthol. Cent. iv. hist. 8.* Non absimilem casum *Silesia* paucis ab hinc annis exhibuit in viro robustissimo, cujus *ingens Calculus* à Natura per *Scrotum* fuit protrusus. Ad Majorem verò hujus historiæ fidem *instrumentum publicum* Magistratus *Teschnensis* sigillo firmatum adducere placet, quod integram Historiam luculenter exponit, & ex bibliotheca rarissima *Nostriana Generos. L. Baro. Othonis à Nostiz Capitanei Ducatum Suidnic. & Javoriens.* sumtibus comparato (in qua *Calculus* iste *humanus* una cum aliis Natur. artisque mirandis asservatur) communicatum.

Nos consul & Senatores Ducalis *Urbis Teschnensis in Silesia* superiore per præsentis literas attestamur, & notum facimus, quod infra nominato Die *Generos. Dn. Dn. Casparus à Boreck Baro in Tuvorckau, & Rostropiz, Dn. in Ropiz & Brodisdit. S. Cæs. Mai. Consiliarius, & capitaneus Ducatus Teschnensis* ad

nos miserit quendam suorum subditorum ex pago *Ropiz* nomine *Michæl Leinweber* ætatis 45. annorum, qui ingentem *Calculus* excrevit pondere 12. lotos (sive 3vj.) æquantem, ex balneatoris nostri relatione. Modum excretionis nobis post institutum examen in pleno confesso in curia sequentem fide dignum enarravit, ante biennium sese sensisse primum *Calculus* istum & molestim, cum urina fuisset excernenda, ex illo tempore semper dolorem gravativum in pube perleverasse, potissimum tamen anno 1664. brevi tempore ante Mensem dolorem intensiorem factum, adeo quidem, ut *Scrotum* ipsum intumuerit, ut omnes opinarentur *Herniam* accessisse; unde singulis diebus cum adipe urfino bis inunctionem instituit, unde & humor aliquatenus remisit. Post mensem duabus septimanis, antequam calculus egredieretur, intentissimos sensit dolores, parum de cibis assumpsit, præter panem & butyrum, rarissime etiam cerevisiâ usus est, nisi aqua limpidissima, durantibus doloribus, in scroto abscessus factus est cum foramine quantitate Nucis iuglandis æquante, & per tres septimanas in eodem permansit statu, tandem cum post Meridiem urinam emittere tentaret, *Calculus* per foramen illud perrupit, & dum in terram delaberetur, frustulo exinde diffracto disrupit, agro ob doloris vehementiam *lipothimiam* correpto, cui tamen uxor aditans suppetias tulit. *foramen in scroto* cum pinguedine caponis inunxit, & ad hoc unguento ex pice, & adipe veteri sanationem tentat; foramen quidem non penitus clausum, sed ferè adhuc pisi magnitudinem æquat. Urina ut à principio Morbi, sic etiam Nunc quoque per ordinarium penis canalem prorumpit, nec dolorem ullum amplius sentit. *Adstantiam Generos. Dn. Capitanei pro majori confirmatione hac attestatum urbis nostre sigillo munivimus: Teschini actum 23. Marti. 1665.*

De Calculo per scrotum excreto.

Circa festum S. Michaelis anno 1674. nostratis *Pharmacopæi* ad rubrum cancerum, duorum annorum filiolus dysenteria aliquot diebus laboravit, urinam nonnisi cum difficultate & in minima quantitate reddens inguinibus & scroto distentis ac duris existentibus calculum hic subsesse statim prædixi, jussi applicari clysterium emolliens cum multo oleo *Scorpionum*, quibus jam ante adventum meum sæpius usus erat, & altero die dedi laxativum ex *Extract. Diarth. Norib. cum aqua frag. tinct. tart. & spir. sal.* quo accepto tam malè se habuit infans, continuo clamabundus, ut clamorosa morte, ceu nostri ajunt, moriturum eum crediderint adstantes. Reiteratum clyisma, & applicata fomenta externa de *Meli. alth. malv. pariet. & saxifrag. semin. lini. sævig. & cæpis alb. rec.* quo dolor parum cessavit, quiescente quidem ad horam unam vel alteram infante, sed in eodem vigore manente affectu. Catheterem abhorrebant pater & adstantes, cæteroquin nullum supererat auxilium, jamque in septimum diem penitus suppressa urina, quæ jam ante, ut dicebatur, à tribus septimanis parè nec sexta parte potui respondens, fluxit. Tentavi candela cereâ, vel explorare calculum, vel viam face-

re urinae, sed irritò conatù. Ita ad extrema redactus misellus, abdomine jam mirum in modum tumido, nihil amplius videre videbatur, nihil deglutiebat; pedes ac manus tantum parumper movens, dentibusque stridens metuebamur ne cum Epilepsia ultimum nobis diceret vale, Ita in agone prope constituti parvuli explorò inguina & scrotum, cum jurato hujus Civitatis chirurgo *Alexandro Schele*, invenimus hocce in sinistra parte aliquatenus mollius quam antea, in primis in loco quodam, nummi Hungarici magnitudine. Decrevimus hic lancetta aperturam facere, ne plane prognosticis relinqueretur æger, annuit pater, succedit feliciter, vix enim chirurgus instrumentum intra cutem adegit, ecce profilit urina, instar loturæ carniū, non admodum saturatæ, ad sextarium unum; Vuluus clausum, & infanti adhibita confortantia. Rediit post tres horas, jam melius se habebat, & tanta per Emplastrum ligaculumque feri effluxit copia, ut in lectulo super expansum corium quasi itagnaret. Aliquot diebus elapsis, paulo intra vulnuculum à nobis factum sponte natura molitur perturam, & intra tres dies, dum emplastrum remove vult chirurgus, una extrahit calculum Pisi majoris magnitudine. Detumuit abdomen, ægrotus melius in dies valuit sed lotium nunquam per locum legitimum, sed semper per hancce aperturam iuxit, quare omnibus modis prospectum, ne in consuetudinem abiret, sed sensim tamen coaluit, per loca legitima successivè profluente urina. Dedit sapius *Deco-ctum Foresti cum herbis vulnerariis*, nihil autem magis conduxit, quam *spiritus salis cum syr. de alib. fern. sumtum. Caroli Raygeri.*

De calculis Pisiformibus per perinaum sponte excretis.

Puer duodecim annis major dolore vesicæ ponderoso, at sine suspitione calculi diu laboravit; tandem insperato auctis doloribus circa perinaum tumor sese prodit in ulcus, quod videbatur, desiturus; sed tamen nullis sive emplastris, seu linimentis ad maturitatem adduci potuit donec tandem remedium seposita cura sponte in ulcus transfret rebillis hætenus tumor. Cum autem certo die pisis in canam appositis largius indulisset protervus puer, pruriginem in perinao sentit intolerabilem, quam ut coërceret, digitos, unguesque admovit, qui cum graves parti incumberent, nonnihil etiam lacerarent, emollitum jam humorem facile dirumpunt. Aperto sine dolore vulnere, quod minime puer credebatur, retractam manum pone sequuntur globuli, quos ille viginti numero excipiens ipsa illa comesta pisa esse putabat, adeo forma & magnitudo erat similis: sed excussis diligenter sphaerulis, apparuit lapillos esse pisiformes, Albos, & superficie glabra velutque exposita. Traditi postea sunt chirurgo, cujus curæ sanandum vulnus committebatur, quique ilico lapillos tam insolenti casu productos mihi ostendit, vulnerisque conditionem explicuit. Acta res anno 1671. Lugduni in Batavis *Joannis Nicolai Pechlini.*

De flagri funiculo è vesica à Lithotomo extracto.

Duobus abhinc Mensibus sese obtulit curandus dysuria & stranguria detentus frater *Joseph* ex Turre vulgo dicta Ceccona comitatus Tuderis, laicus capucinus, cumque in pejus rueret ex iis quæ lixiviosas urinae particulas edulcorare, salinosulphurearum portionum exaltationem compescere valerent, atque ex eo quod renum gravitate, simulque vreteris dextri dolore paulo antea fuerit detentus, incongruum conjicere haud fuit, patientem vesicæ lithiasi laborare. Unde à chirurgo facta exploratione per catheterem indubitato lapidem desse autumavit.

Non Apollinem ab æthere, ut jaculis transfigeret, neque Neptunum ab æquore, ut tridente domaret, neque herculem e terra, ut clava contunderet, imploravit Patiens, sed expertissimum, & non latis laudabilem *D. Jo. Ramaldum Bonajum* ex castro Nursiæ vulgo dicto *Jo. preii*, qui ex animi pietate absque mercedis subsidio, ut sectionis opus aggrediretur, libentissime huc se contulit prout diligenti m. n. 15. Kal. Novembr. in actum deduxit.

Sectionis executioni una mecum interfuit, præter diversos capucinos, *D. Michael Angelus de Benedictis* in arte chirurgica peritissimus, cumque Lithotomus vesicæ colūm rescinderet, atque illius latebras scrutaretur, non nisi hujus formæ materiam arenulis circumvolutamprehendit, cumque eam instar funiculi efformatam primo intuitu judicarem, observaturus qua materia vere constaret, vino ablucendam suasi, qua ablutione cum arenosa materia exciderit, funiculum esse mea confirmatur opinio, & ex eo quod chirurgus admiratione captus, adnotaturus an enet funiculus, eum dissolvi incaperit, verum esse flagri funiculum, æquareque hanc longitudinem, & rotunditatem, etiam nunc rescissum, omnes summa admiratione contemplantur. Examine facto, an unquam patiens eum deglutiverit, tantum recordatur se quondam mense Junii præteriti insatiabili quadam bibendi licentia, tam avide matutinis horis aquam & e puteo hauritam ore hiantem in sinula perpotasse, non sine periculosa deglutiendi difficultate visum ei fuerit.

Prout tali pacto probatissimum suspicor funiculi transitum ad ventriculum, sic difficillimum intuetur iter à primis viis ad vesicam. Non me latet, Anisi semen simulque carbonem & pilos (*Hild. Cent. 5. Observ. 51.*) fuisse cum urina excretos; Pulmonis frustulum (*Idem Cent. 2. Observ. 30.*) cum urinis emissum, Grana Alkekengi (*Idem Cent. 2. Observ. 73.*) per urinarias vias demandata. Fungi frustulum (*Nicol. Flo. in Schenck lib. 3. Observ. 22. de urin.*) cum lotio deportatum, ossicula, (*Fel. Plat. de Mict. c. 10.*) cum alimentis assumpta, & cum urinis excreta; ex diabetica passione totum (*Amatus Lus Cent. 2. cur. 94.*) quod assumebatur per urinas fuisse exportatum, (non loquor de diversorum animalium per urinas excretionem, cum capiti facilior sit modus eorum generationis vel in renibus, vel in vreteribus, vel in vesica, prout mille testantur

Testi-

testimonia) arlatet, quò ductu iter fecerint ad vesicam.

Non enim volatile est, per messaraicas ad venam portam, à vena porta ad hepar, ab hepate ad cavam, ex hac ad emulgentes venas, & sic ad renes ureteres & vesicam, prout transitum fuisse acum deglutitam (Jul. Cæs. Claud. resp. med. lib. 1. resp. 40.) & per urinam transmissam, quondam somnium fuit, nam præterquam quod impossibilis sit aditus funiculi per hepar, adhuc tamen non concedimus transitum cavæ ad emulgentes venas, cum à quo innouit sanguinis motus in orbem, (*Harvæus de circul. sang.*) habeamus, motum in venis esse à circumferentia ad centrum, adeoque à minoribus ad majores, simulque edocti, serositates è massa humoralis eliminandas, ut præcipitatione facta per ureteres deponantur, non per venas emulgentes, hæ enim sunt retriæ, sed per arterias emulgentes (*Harvæus, Th. Barthol. Valens, Willis, Sylvius de le Boë, Charleton.*) transitum obtinere.

Neque reor recurrendum ad intestini & vesicæ perforationem, prout transitum fecisse præfatam Acum, fuit affirmatum, esset enim fabulosum id de funiculo asserere.

Cum vero alius non possit esse transitus ad renes quam per arterias emulgentes, non admittimus funiculi motum per Galaxiam viam, nempe quod per lacteas venas ad cisternam chyli pervenerit, ita ut per thoracicas lacteas ad subclavas, ab his ad venam cavam, à vena cava ad dextrum cordis ventriculum, & hæc per venam arteriosam ad pulmones, ab his iterum per arteriam venosam ad sinistrum cordis ventriculum atque ex hoc per arteriam descendente ad emulgentes arterias transitum obtinuerit: non enim sine regiminis vitalis œconomia interrupta per anfractuosis hos sinus aditum sibi funiculus parasset, sed probabilem suspicarer transitum à primis viis ad renes per venas lacteas, taliter enim ut funiculus, ad cisternam chili inter renes, & capsulas atrabilarias situatam (*Pequet.*) delatus non per Thoracicas lacteas iter cum chilo fuerit prosecutus, sed breviori tramite, nempe per furculos lacteos, è dicta cisterna chili in arterias emulgentes insertis (*Th. Bartholin. Cent. 6. de lact. Thorac.*) transitum fuerit ingressus.

Per hos furculos enim (*idem Bartholin. Cent. 8. de ven. lact.*) ferunt ad renes transfertur ibi à chilo separatum, vel ad capsulas atrabilarias fero melancholico destinatas traducitur.

Hinc cum ad dictam chili lacunam & partibus inferioribus limpha progrediatur, sive eam constituamus (*Th. Barth. de venis. limphat.*) excrementum tertiæ concoctionis; sive credamus partim, (*Sylv. de le Boë prax. Med. lib. 10. cap. 49.*) fieri ex spiritibus animalibus per nervos delatis, partim ex sanguinis aquosiore parte, eaque acidiori in glandulis conglobatis è massa humoralis secreta; sive concludamus (*Gu. Charleton. de Oecon. anim. exerc. 9.*) ac halitibus cum sanguinis arteriosi, cum succi nutritii, per nervos delati componi, & si non inficiamur, multum prodesse, vel cordis æstum temperare, vel sanguinis volatilitatem facilitare, vel sanguinis coagulationem inhibere, &

micationem ejusdem promovere, probabilissimam suspicarer limphæ superflua secretionem, & per urinæ vias translationem.

Per hunc breviorẽ tramitem, sine diabetica passione, paulo a potu vina oligophora, clareta, lacrymæ urbavetana vina, vulgo *raspæ* & similia per urinam excerni conjecturæ re fas esset: per easdem vias aquam nucerinam aliquando immediate a potu deportari tuto concludendum; nam cum ea sapilline utamur, ut fervescentium particularum massæ humoralis morbosa effusio compescatur [ejus aquositate partes sanguinis sulphureæ diluuntur, & ratione boli, seu terræ Samiæ, qua insignitur, partes solinæ obtunduntur, & ab ea abripiuntur] frustraneus ejus usus comperitur, cum recto tramite à cisterna chyli, non per thoracicas lacteas ad cor, ut cum sanguine circulante transitum obtineat, sed ad renes deferatur. His obiter dictis, redeamus unde degressi sumus.

Neque dijudicandus difficilis aditus ab emulgentibus arteriis ad renes, à renibus per ureteres ad vesicam, nam renum substantia (ex *Belin. refer. Will. de l'harm. rat. sect. 4. cap. 1.*) nec Parenchymate est insignita, ut hepar, lien, nec fibris carneis constat, ut cor, si recentioribus fides habenda, sed tubulorum membranceorum aggeriem componere videtur, ita ut per eos ductus, licet exiguos, facilis fuerit redditus motus funiculo, cum experientia doceamur, calculos non exigua magnitudinis à renibus ad vesicam deferri per ureteres, quæ vasa duos digitos posse admittere (*Th. Barth. lib. 1. c. 19. anat. ref.*) testantur Anatomici.

Sed cum renum substantia dura sit, compacta, & densa, adhuc non obstat, cum non solum renes sinus habeant, in sinibus substantia laxa & cavernosa est, (*Th. Barth. lib. 1. cap. 17. Anat.*) sed sinus ipsi membranacei exstant ex ureteribus in renum cavo expansis & dilatatis, quominus funiculus per unum ex renibus transitum obtinuerit.

De lactearum exiguitate major difficultas: aut non solum affirmandum in vivente corpore meatus longè patentiores esse & ampliores, quam in defuncto, prout quendam innuisse legimus, dum apri radices per urinas excretasprehenderit (ex *Jul. Alex. refer. Schenck lib. 3. Obser. 20. de urin.*) cum non desint etiam, qui quadruplo majores (*Joan. Fort. Cent. 4. Cons. 50. tom. 2.*) esse pronunciant; sed concludendum, naturam sine doctore (*Hippocr. lib. de alim.*) sibi invenire vias (lib. 6. epid. sect. 5. text. 2.) quæ licet oculorum visum effugiant (id. de art.) ea tamen mentis acie comprehenduntur.

Interim si incongrua vobis videbuntur, quæ rudi minerva meditatui fueram, libentissime ea submitto, ut purgantissimi judicii vestri censura meliora reddantur; optarem tamen, ut si quis vestrum arcem Palladis conscenderit, atque Apollineis influxibus verum funiculi excoGITaverit iter, de eo per epistolam certior factus, tanquam ab *Æsculapii* fano in somniis deprompto beneficio mererer dignari favore. Valete. Luderti 4. idus Nov. 1681.

Observationem hanc communicavit Illustriss. Dn. Antonius Magliabechius M. D. Petrus B. Bibliothecarius, an. 1682. M. Mart.

Calculus vesicae ab imperito Medicaastro in urethram protrusus lethalis.

Notum est calculos renum præcedente quadam urinæ putredinali resolutione per concursum salium diversorum generari, & quicquid in hac actione comprehendunt, in ejusmodi tophaceum corpus coagulari, calculos autem vesicae ut plurimum à renibus per ureteres in vesicam derivari, & sæpe tantum ibidem sumere argumentum, ut per vias naturales eliminari nequeant: varia proinde pro feliciore horum exclusionis excogitata sunt remedia tam Pharmaceutica, quam Chirurgica, in quibus adhibendis plerique omnes impostores atque medicastrum suam jactant peritiam, sed infelix sæpius successus summam istorum prodit imperitiam: Quod apparuit nuper in cive quodam nostrate nephritide & calculosa dispositione laborante, quæ postposito Medico consilio, istiusmodi Aegyptæ curæ se commisit, & numerato pactæ pecuniæ dimidio (qui fucus pro emungendo à simplicioribus argento ipsis frequens est, & quasi proprius) varia medicamenta sub forma potionum & pulverum urinam pellentium, & calculum frangentium ab impostore propinata assumpsit; hinc calculus non sine acerbissimis doloribus versus vesicæ sphincterem est promotus, quem cum digito ano immisso certius explorasset, tanta violentia versus urethram promoveri tentavit, ut hinc dolores non solum graviores, sed & major urinæ reddendæ difficultas, atque inflammatio periculosior succederent, quæ symptomata deinceps ita invaluerunt, ut nebulo malè sibi conscius aliquoties in auxilium vocatus non modo non comparuerit, sed & Nuncio à ministro accepto, patientem delirantem in agone versari, fuga sibi salutem quæsierit, ægrumque ante aliquot dies satis robustum & sanum morti tradiderit; hinc re hac ad medicos loci delata & examinata, jussu Magistratus cadaver est apertum, inque uretræ radice calculus asper, eminentiis quibusdam insignitus, magnitudine denti molari mediocri, binas radices inferius acuminatas representanti, haud dissimilis, per violentas protrusiones membranarum, nervosisque partibus summe inflammatis profundius intixus, & versus anteriora immobilis repertus est, qui omnium malorum, etiam mortis consecutæ, author extitit. *D. Joan. Laurentii Febr.*

Sectio calculi vesicae in viro quater celebrata.

Furthæ Noricorum mercator quidam eximius Paulus *Lersch* calculo vesicæ laborans, in gravescentibus subinde doloribus ob suppressam toties urinam, spem tandem salutis certam in sectione posuit; quam in se suscepit *Georgius Gentnerus* Lithotomus, si quis alius circumspicere & in ea arte insignis. Prima proinde vice anno 1674. 2. Octobris die, implorato Divino auxilio, novaculam perinæo admoveri passus fuit, duabus pene cum dimidia horis exactis, prægrandem enixus est, post vehementes sæpè tractus, calculum, non sine larga subsequente hæmorrhagia, summaque virium jactura &

universi corporis debilitate, difficilem hanc efficere curationem arenulæ, per vulnus subinde effluentes, quæ multum consolidationem vulneris retardarunt. Lapis exemptus formæ adpictæ cum sex dragmīs uncias tres adæquavit. *Gentnero* adstitit manus porrigens auxiliatrices *Georgius Prodmann* Chirurgus nostræ civitatis celebris practicus. Aliquandiu exinde patiens levamentum quoddam sensit, quamvis per vulnus continuo quædam manarint guttulae, indubii non debita, propter arenulas coalescentiæ testes, unde nova paulatim incommoda circa vesicam illius suborta integram polliceri restitutionem non potuere.

Ingruente anno 77. cum doloribus gravatissimis & pungitivis atrocibus ille denuo, urinæ toties redeunte suppressione, nimium urgere, ad iteratam refugere sectionem, priore eandem Lithotomo maximopere dissuadente, victus tamen intensis doloribus, 20. Januarii post mediam noctem coactus fuit, & secundam hanc operationem à dicto *Georgio Prodmanno* pati, quam præsentem solam suam conjugem in genua devoluta, cum juvene Chirurgo, dum heroico proflus animo itinerarium catheterem sua manu direxit, fortiter sustinuit; Re feliciter & ex voto peracta, accitus ego illico fui, symptomatum vehementiæ obviaturus, quæ exoptato remediorum usu & successu paulatim evanescere, meliusque ille se deinde quam antehac habere cepit. Lapillorum exinde exemptorum ingens multitudo uncias duas cum duabus dragmīs pondere æquabat, formæ obscuræ, gryseæ cortices illi æmulabantur contractos, subsequente multoties insigni tenacis & sat viscidæ pituitæ copia, cui crebræ se jungebant flatulentia, patienti satis molestæ. Solatio ipsi fuere injectiones decocti hordei cum vitello ovi, oleo ovorum & Hypericonis misti; Aqua citrata cum cinnamomo & saccharo, & decoctum chinæ siti restinguendæ suffecit; alvo cum enematis subinde servata lubrica.

Vix Biennium peractum est, licet se pluribus præservare lithontripticis studuisset, denuo tamen gravissimis divexatus calculi symptomatibus tertiam admittere adactus fuit sectionem, quæ anno 78. 9. Januarii die, intra sesqui horam felici *Prodmanni* dextra, me duobusque ejus ministris præsentibus fuit finita. Dura satis & quasi pultacea cum cochleari fuit exempta, uncia unius & duarum dragmarum pondere, massa; quæ paulo post in tophum induruit, symptomatis non tantopere eundem exercentibus. Tertio vero post sectionem die peniculus vulnere immissus ad articuli digiti longitudinem nigrescere visus fuit, non citra gangrænæ metum quem ope injectionis ex seminibus frigidis præparatæ aliquoties repetita sustulimus, felici cum successu & veloci. Flatibus iterum in vesica tentari mirè cepit, ut sapius ligaturæ solutionem desiderarit, iis tamen nulla resistere arte potuimus, latente eorundem in vesicam ingressu intra sex septimanas denuo ambulare cepit, impetrata paulatim pristina valetudine, & quam antehac longè meliori, ut se in portu navigare summè fuerit lætatus, supremo pro tali clementia persolutis numini gratias.

Sed ut vix aliquid ab omni beatum esse parte potest

potest, ita & optimum hunc virum per binos saltem annos spes recuperata ex integro sanitatis, satis vana lacervavit. Anno nquidem 81. 4. februarii Nephriticis rursus victus doloribus, diritate sectionis non absterrius, denuo id officii exequente prodmanno aune suo, me juxta cum duobus ministris præsente, se tali benevolenti invicto iterum submitit animo, quæ ad quinque hora quadrantes exercita felici cum supremi Numini auxilio iterum fuit peracta. Calculi complures ad 3ij. 3j. post illam exempti fuere sectionem, doloreque ille infestus tertio die post injectionem in vesicam olei ovorum & Hyperici cum melle Rosato, saccharo, & julepo rosato quietem sensit. Quinto exiguus, quem sexto duo majores secuti fu re lapilli. Decimo omnia cessavere symptomata, præter salivationem post usum Mercurii dulcis cum Cinnab. nativa & ocul. cancr. præparatis permitti; pro lenienda alio aditricia aliquoties ab ipso assumpti, quæ per plures dies satis ipsi fuerat molesta. 22. Martii circa plenilunium tantam virum jacturam per sensit, ut omnes de ipsius vita conclamatum esse crediderimus. Sed post hac ad meliorem redire cepit statum, ut sequente x. Aprilis in templo iterum comparuerit, pro tanto beneficio Deo opt. Max. ex intimo cordis sui penetrati agens gratias. Subsequenti luce in vicino suo horto noviter constructo cum amici se recreavit, domumque cum iisdem commode satis reversus fuit. Duodecimo verò aprilis circa vespere insolenti correptus fuit horripilatione, lectumque suum repetiit, quæ duravit ad quinque horas; remittente dein paulatim rigore, æstum perbreve sensit. Pretiosa factis in salutem Dn. ægrotantis ordinata fuisse medicamenta, sed incassum omnia. Toties siquidem reversus fuit horror iste, interpolatis tamen, non certis vicibus, qui omnem elusit opem operamque quo ad delassatum, consumptumque tandem ad obitum deduxit patientem, quarto post decimum die 27. aprilis rarum pietatis & patientiæ Exemplar longiore ætate dignissimum.

Post luctuosum ejus ex vitâ discessum, voluntari pie defuncti, ut calamitosum ejus aperiremus corpus, parentes; omnia ferè in naturali suo statu viscera deprehendimus. Stomachus quippe cum hepate & intestinis absque nævo comparuere. Lien penitus corruptus marcebat, levique compressione pultis instar dissolvebatur. Ren sinister dextro longe major disruptus totus putridus, exiguis calculis conspersus, vretrem duplo altero majorem ostendebat, per quem acrior transluens urina dolorem non saltem ejus loci, de quo vivus continuo conquestus fuit, arguebat, quin & orificium vesicæ propè sectionem rubens plane & quasi gangranosum præsentabat. Pulmo sinister quoque altero major fuit deprehensus, nullo alio præterea observato corporis partium incommodo.

Imber Calculorum urinosus.

Senex quidam genere nobilis, olim etiam opibus potens, nunc religionis causâ exilio multatus, miseraque & Dionysiana fortuna contentus, Calculi renalis impetum ter ex-

pertus erat gravissimum; toties tamen Deo volente decocti Forestiani ope liberatus. Hic cum post ultimum morbum corpus refecturus amicum certum ruri inviseret, jamque mediocriter vino potus domum curru repeteret, evenit via propemodum mediâ, ut urina vehementer urgeret, quam cum intempestivo pudore adactus in illa aliorum præsencia mittere non auderet, accedit, ut præ nimia urina instantis violentia aurigam rogare cogeretur tantisper detineret. Itaque currum descendens, cum nihil præter urinam expectaret, illa subsistere paulum; mox oborta capitis vertigine, & majore meiendi conatu una explosione; quæ & audiri poterat, juxta cum urinis inber prorupit calculorum non tam doloris, quam molestiæ cujusdam, sensu notabilis. Colligit ergo fundo sparsos in orbem calculos, instar glandium sclopeto emissarum, non unius omnes figuræ nec magnitudinis; unum tamen supra quam crederet, in centro magnum, quem ceteri indehnitæ quantitatis & numeri ambibant: collectos in conum papyraceum domum refert; insolitum portentum mihi exhibiturus, ut qui morbo ejus sæpiusculè adfueram. Numerum ego calculorum deprehendo esse supra triginta, præterquam quos terræ sinus graminæque abconderent; Variam inde illorum magnitudinem, aliquos papaveris, aliquos cicerum, unum, & illum in centro medium, seminis cucurbitini forma & magnitudine: quæ sane mirum est una explosione sine manifesto doloris sensu prorupisse; cum alias minima etiam frustilla coli negotium facessere soleant. Color & superficiæ levitas indicio erant, jam diu eos in vesica hæsisse; detrita per muriaticum serum tinctura, quæ renalibus calculis adesse, ut plurimum solet. Atque ex hoc conjicias licet, quantum sæpe natura, arte, fortuna, consilio præstet. Equidem futurum erat, ut hi Calculi nec exquisitissimis remediis cederent, quos nunc natura vino & vectione adjuncta, facile jecit omnes; Nimirum cum natura temporis sit servantissima, & una omnium optime noverrit horarum momenta, cum sibi relinquitur, sæpe felicius expedit morborum semina, quam medelis coacta: hæ namque, cum sine discrimine urgeant atque instent, intempestivius naturam exercent, & momentum illud, quo & ipsa operi se accingit, vel prævertunt, aut relinquunt. Id quod in Calculi ejectione, proinde ac in partu, tam est manifestum, quam in ullo affectu cum non ante remedia facile proficiant quam conjurata venerit in subsidium Natura, tum etiam Empiricis sæpe, feminisque medicastis gloriam reportantibus. Ego autem existimo, non in alio magis Medici boni prudentiam consistere, quam in temporis aut momenti illius æstimatione, quo natura jam ipsa solvere se gestit: siquidem illa oblucente *νεκρά πύρρα*. De vectione autem censendum est, eam si modica est, & æqualis, naturæ & calculis pellendis idoneam esse; sin immoderata, ex fortuna pendere, num utilis sit, vel noxia. Certè intempestiva vel vectio, aut Equitatio, plurimis etiam damnum adtulit quod expulsum sede sua non incommoda calculum in transversum egerit, angulisque acutis Membrana nerveæ, arteriisque violenter alliserit. Quæ

etiam res plurimum nocuisse videtur nupero Belgii Hispanici Gubernatori Marchioni de Grana, cui magna acidularum copia importunius sumpta Calculum solvit quidem, sed ita disposuit, ut accedente vectura, & sibi & aquis exituris viam omnino obstruxerit, moriente post aliquot dierum ischuriam Marchione. Adeo apparet, non nimis urgendum esse Calculum mediocriter positum, ne mutatus in deterius locus novam doloribus scenam instruat. commeatumque omnem & vitam interpiciat. Melior erat Nobilis illius fortuna, qui cum Calculum in vreteribus latere deprehenderet, magnis cerevisiæ Goslariensis (*Goose Vocant*) scyphis largius se invitavit; magnisque itineribus & celeri vectura domum properans (peregrè enim profectus erat) morantem jam diu etiam cerevisiam & Calculum doloribus infestissimum tandem provocavit, & itinere & morbo feliciter defunctus. *Joann. Nicol. Pechlin. Observ. Physico Medicar. lib. 1.*

Calculi Excreti sine Doloze.

Si renum latibula sinuosa, si angustiam itineris urinarii, si sensum partis nerveæ, & tot laborantium ærumnas attente consideramus; vix fieri posse videtur, ut peregrinæ ejusmodi, solidæ, tuberosæ atque acutæ Calculorum moles sine omni dolore e corpore excernantur, & tamen vidi ego lapidem, ovi columbini magnitudine, quem ipsum sine dolore in Crambriviis femina dejecit. Olim etiam non alio, quàm gravativi doloris sensu cognitum; sed hoc ipsum in feminis adeo novum non est, quod ob meatus brevitem humidique copiam, latiora ibi omnia atque expeditiora; in viris autem ubi arctior longiorque meatus, membrana forte etiam nervea ob siccitatem subtilior, omnia periculi plena, & rarissimi sint Calculi, qui absque dolore excernantur. Ut tamen sunt mirifici Naturæ lusus, ita viris quoque nonnullis accidit, ut conceptos aliquandiu & toleratos renum calculos etiam grandiores, sine dolore emittant. Ostendit mihi vir senatorii ordinis, omnis generis lapides, majores, minores, rotundulos, oblongos, glabros, angulosos, papaverinos, cicerinos, sed & alios rugosos intortæque figuræ, nec piperi longo absumiles, quos ille cum tempore & aliquot annorum decursu, omnes sine ullo dolore emiserat, & hodiernum emittit. Alius, & ipse vir gravis, munerisque dignitate conspicuus, narrabat, nullo se unquam renum dolore affectum, ex renum tamen calculo laborare, & plerosque quos à longo tempore excreverat lapides (quamvis jam senex esset depontanus) nescio sibi cum urinis exire, non dolore se, at sono, quem elisi mitterent, prodentes: agnovi autem in pyxide, qua plures ejus generis lapides condiderat, aliquos, fabis, pisisque majores, oblongosque. Id verò non plane insolens, exilem lapidem, modò angulum habeat aut acutius tuberculum, majore quoque sed ipso rotundulo, molestiorem esse: nam ut Calculi positus est, qui angustias obsidet, ita majora, minorave tormenta excitari necesse est sanè, si acutior angulus membranæ impactus hæreat, jam parata dolori immenso materia; si glabra

aut convexior superficies, avertis spiculis jam facilior, & subinde *gravidus* excretio. Adeo propitiam sibi naturam optare oportet, quæ latentem calculum e renum sinubus, inde ex vreterum angustis, imprimis, qua vesicæ junguntur, jam vero etiam vrethra subtili, sensibique parte feliciter, & sine dolore educat. Plerumque autem non una est dolorum ratio; aliis in renum vicinia & pelvi, aliis in vretre, aliis prope vesicam, circa vreterum ingressum, aliis in vrethra infestissimum dolorem sentientibus, ut ne dicam, Coli sæpe atque intestinorum socios calculi dolores in renes, viasque urinarias, adeo & Calculum imprudenter rejici: certe enim, qui solis clysteribus expugnantur dolores Nephritici, haud dubie a flatibus sunt tensione molestis; qui tamen ipsi cum renibus & viis urinariis graves incumbant, retardare sapius iter calculi, positumque in deterius mutare possunt. Non infrequenter calculi agrè & post varia dolorum tormenta vesicam ingressi; ubi flatu renasere subito & absque dolore, vix etiam animadvertentibus ægris, fuerunt expulsi. Nuper adhuc arthritico mihi quam familiari post aliquot mensium decubitum cum nullum ante unquam calculi vestigium notasset, lapis in vrethram improvisus illabatur magnus ille & durus planè formam nuclei mali perfici, ut cortice vestitur, referens; neque mora quin uno impulsu, sine doloris sensu ejiceretur, & sic satis miserum agrotantum prodigii novitate percellit; quod ipsum tamen etiam Prospero Farinaceo. J.C. Romano famosissimo evenisse, apud Colucium, libro de Querelis Nephriticorum legi; an verò etiam nonnullis tam crassus contigerit, obtususque sensus, ut dolorem ea parte non facile sentiant, an justo major laxitas, an emolliens aliquod unguen, litus instar sensui doloris securitatem præstet, alii viderint. *Idem ibidem.*

Militis Curoni durities.

Cum Hamburgi degerem, Miles mihi occurrit Curonus, quod genus hominum rigidum est, & supra quàm credi potest laboris patientissimum. Conquerebatur is de renum & vesicæ calculo jam diu sibi familiari, sed cui sanando vel emendando, si quod esset auxilii genus, in illa mendicitate nihil impendere poterat, igitur, quæ erat fortuna tenui, manum sibi ipse commodabat; nam cum affatim bibendo, modò aquas, modò cerevisias diobolares, calidas tamen, si licebat per loci commoditatem, calculum, quod putabat, e renibus in vesicam feliciter deduxisset, major jam erat de mora illa in vesica, & hinc nata ischuria querela, doloresque plane intolerandi: quod cum ab angustia urethræ proficisci conjiceret illud unum sibi agendum ratus, quò viam redderet latiore, bacillum juniperinum cultro sibi aptavit, eoque sapiusculè in vrethram, quod aliàs Balanraia virga aut cereo fieri solet, immisso, canalem sic satis dilatavit, ut grandiusculi aliquot lapides sponte sequerentur & qui majores erant, quàm ut pervadere possent, ad ostio vrethræ repulsi urinæ viam relinquerent; hic homo jam à tribus inde annis calculos in vesica alebat, non quidem

quidem in illo, pro nota duritie, sueta tormenta, sed molestam admodum ischuriam jamjam ni lapis amoveatur, jugulaturam excitantes, in eum ergo usum, quocumque iter faceret, virgam sibi adsciverat comitem juniperinam, hanc pro necessitate morbi vesicæ immittebat, iterumque extrahebat, donec vel calculi aut urinæ sequerentur. Accidit autem, ut cum Dantisco Lubecam enavigaret in navi ab ischuria & calculi objectu male affectus solitam virgam intruderet, viamque urinæ panderet sed jam Lubecæ, jam in viâ Hamburgum versus eodem incommodo oppressus, nescio quâ manus levitate bacillum profundius adegit & tandem abruptit; itaque magna ejus pars in urethrâ relictâ novam homini sollicitudinem pariebat. Erepsit tamen pedes Hamburgum, & in officinam Chirurgi hominum indicio deductus opem manus implorat. Chirurgus temeritatem & invictum hominis animum miratus, cum nullum in cole humorem animadverteret, & in illa urethrâ toties impune vexatæ latitudine grassandi immunitatem habere videretur, post tardiosam manuum operam aliquoties frustratam, tandem forcipe exili fibras arripit fragmenti, illudque oportunè deducit. Stupendum erat, nullo adeo sensu præditum hominem fuisse, ut neque ad forcipis cedentisque baculi tarditatem vel vocem mitteret, sed credo calculi istis & dysuriæ doloribus duratum faciliè etiam illum spernere potuisse. Notum aliàs, quanta sit plerunque dolorum vel ad cerei, aut catheteris immissionem violentia, deprecantibus statim molestum beneficium agris.

Sed & hoc mirandum, potuisse post tot sollicitationes sphincterem quoque officium facere, & urinam retinere, quamvis vitiatum illum ex parte fuisse subinde recurrens stranguaria, nisi eam calculus excitaverit, argumento erat. Observavi autem illam Finno-um, Livonum, & vicinarum gentium patientiam, si cum illa tractus nostri aut plagæ comparetur, incredibilem esse, ut quæ ad dolores, mortisque apparatus ferè non contremiscat. Utrum fluidi animalis in ista gente motus sint tardiores, an verò ipsa cutis callosior sensum non facile transmittat, censeat quisque pro ingenio. Certè melior fuit hominis inepti fortuna, quam Medici Lagathæ apud Janum Nicium Erythræum, ut qui in tuto hamulorum uncique remedio usus sphincterem resolverit, perpetuoque urinæ profluvio imprudentiæ pœnas dederit. *Joan. Nicol. Pechlin. Observ. Physico Medicar. lib. 2.*

Mirabilis Calculorum sectio in Octogenaria.

Inter omnes corporis affectus, qui hominem misere infestare solent, haud infimum locum obtinet calculus vesicæ; hoc malum quantumvis in Batavia nostra admodum frequens, rarissimo & inaudito tamen modo, sese nobis nuper obtulit in octogenaria, præ dolore admodum emaciata, & à viginti annis propendentiam Uteri perpeffa, cum intolerabili mingendi difficultate, & cruciatibus, ita ut

ægra emori maluerit decies, quàm hoc diutius perpeti, præsertim postremis duobus annis.

Tandem mense Maio 1681. me vocari jussit, de uteri propendentia, & mingendi difficultate conquerens. Mirabar vetulæ querelas, quoniam nunquam à solo uteri prolapsu ita dolere solent mulieres, verendumque esse adjeci, aliquid mali, præter uteri prolapsum, hætenus in alta nocte latuisse. Hisce auditis, misera visum, & ulteriorem explorationem (sine quibus nihil certi asseverari poterat de absconditi morbi essentia) non renuit, ostenditque mihi uteri, justo paulo majoris prolapsum, Palpitando hunc uterum, calculos sentire putabam, nec fefellit, quamvis circa calculorum formam deceptus: videbantur enim tenuiores lamina calculosæ (belgicè Leyen) qui post incisionem reperti sunt angulosi & crassi.

Non autem interim certè determinare poteram, utrum locum haberent dicti calculi in ipsâ uteri cavitate, an verò inter ejus membranas, vel in aliquâ vesicæ portione. Videbantur quidem uteri locum occupare, qui totus quantus è corpore propendebat, sine ullâ vesicæ portione (ut nobis videbatur) Hisce visis & exploratis, calculorum excisionem proposui: accersuntur Magistri, Petrus Adriani filius, & Andreas Boeckelmannus, de re Chirurgicâ benè meriti, qui eandem quoque operationem commendabant, proximo die instituendam. Operationem in sequentem diem dilatum iri misera illa vetula audiens lamentari cœpit, exclamans, ô me miseram, non reversuri estis, relinquetis me &c. quibus quærelis permoti, ilico operationem instituimus, solâ incisione, secundum uteri propendentis longitudinem; extraximusque momenti temporis spatio, calculos quadraginta & duos, partim instrumentis, partim solis digitis.

In hac operatione non admodum doluit ægra, eaque peracta, & hoc onere exonerata, atroces ilico evanuerunt dolores, quos tot annis passa fuerat, & satis commodè vivere cœpit, in ipsa sectione præter guttulas sanguinis aliquid liquoris promanabat è vulnere, unde suspicabamur, vesicam quoque esse in procinctu; nec falsò, nam sequenti die hoc penitus investigantes, & siphonis ope liquorem per meatum urinarium injicientes, eum vulnere exire reperimus: quod, ut & lotium sequentibus diebus per vulnus stillans, nobis manifestavit, calculos dictos vesicæ portioni simul cum uteri mole prolapsæ, inhæsisse.

Hoc urinæ stillicidium haud exiguo nobis fuit obstaculo in vulneris curatione quæ tamen, (gratia Deo ter opt. max.) brevi peracta fuit, sequenti methodo.

Aliquot diebus post balsamo Arcæi illitum vulnus; labia ejus arctissime adducta sunt emplastro diapalma tantillum terebinthinæ, ut magis adhæreret, recipiente, quod emplastrum scissum fuit, super impositis spleniis, & ligatura convenienti.

Quum autem hic faciendi modus expectationi non satisfaceret, propter urinæ stillicidium continuum, & emplastri relaxationem, loco emplastri excogitavit Magister Boeckelmannus anulum è plumbo, cujus extremitates recur-

vatu filo attrahebantur, unde labia vulneris tam arctè claudebantur, ut nihil urinæ amplius stillaret, & sic intra triduum conglutinaretur vulnus.

In hoc affectu nonnulla consideranda; i. o miranda occurrunt. 1. Uterum è corpore propendentem secum rapuisse tantam vesicæ portionem, quod rarissime (si unquam) antehac visum est, quantumvis partes sint circa oscula continuæ.

Crediderim hoc in illa vetula accidisse propter difficultatem mingendi, à calculorum copiâ ortam, unde conatus urinam reddendi fuere continui, & quidem tanti, ut per cohaesionem dictam impediri non potuerit.

2. Quod moles è corpore propendens, & nil præter uterum mentiens, ob calculorum magnitudinem & numerum, nullam inæqualitatem; nec aliam formam sit adepta, superficies enim admodum erat æqualis, & figura uteri naturalis.

3. Admirationi est, calculos omnes eandem ferè obtinere formam; & adeo æquales esse superficie, ac si essent planati.

4. Vulnus ad consolidationem pervenisse, quamvis parti vesicæ membranosa inlicitum, per quod urina assiduo stillabat.

5. Considerandum est, non omnes calculos in illa vesicæ portione, quæ uterum investiens simul è corpore propendebat, hæsisse; non enim satis ampla ratione magnitudinis & numeri calculorum, sed nonnullos in ipsa operatione ab altiori & profundiori vesicæ parte descendisse dubitandum non est.

6. Inaudita lithotomia in Muliere adeo annosa cum tanto successu, esse institutam, in mulieribus calculi dilatatione urethræ quidem extrahuntur; at per quàm rarum est, sectione vesicæ idem perfici. *Frider. Ruyschius in Observ. Anatomico Chirurgic.*

Calculi tussi rejecti.

Dum pectoris hic vitia recensco, præteritam alibi calculorum pulmoneorum historiam adferre lubet. Mira sane res, nullam adeo esse corporis partem, quam non petrifica illa idea infamet; & cum in perpetua viscerum succussione solidum concrelere posse difficile creditum sit, jam nec pulmones, reciproci usque agitati motibus, à receptu solidi, lapideique concreti immunes apparent. Migrare sane aliquando & in illam partem vis petrifica solet, novoque Phænomeno spectantium oculos confundere. Studiosus Anglus, disciplinæ olim meæ concretus, diligens valde & sedentarius, cum operas suas vel oculi fallendi causa aut expectatione mellioris sortis Residenti cuidam Anglo locasset, eique ab epistolis esset, nimia industria, vitæque partim jucundæ tædio, in tussiculam primum mox ingravescentem, usque tamen siccam, prolapsus est; hæc ipsa cum quatuordecim demum dies frustra laborantem fatigasset, tandem post iteratas tusses vehementiores solidum rejectit ore frustillum, quod cum attentius exigeret, deprehendit lapillum esse inæqualem undique & crenatum, loci, in quo hæserat, formam referentem.

sed neque excreto eo malacia; conti-

nuò enim infestabat alia post aliam tussis eaque semper sicca, donec elapsis aliquot diebus alterum extussiret lapillum. Nec dum tamen quies, insurgente iterum tussi, ex qua tandem rejecto tertio post aliquot dies calculo convaluit. Exinde nullum sensit incommodum è Gambriviis ad Anglos feliciter transfretans, etiam nunc post biennii moram navatamque Praxi medicæ operam, commodè agente. Erat alias Nephriticis doloribus oculorumque inflammationibus obnoxius, sed à quibus illo tempore immunis vixit. Tussi sicca occurrebat quidem lentis illis viscosisque succis, syrupo jujubino, dialthæa &c. quibus etsi nihil mitigaretur, oblita tamen per viscosa dulcia interna Tracheæ superficie hæsturos alias angulorum asperitate calculos auspicato rejecit. Hic verò non levis scrupulus cogitantibus oboritur, unde & quando illi calculi in pulmonum bronchia sese inferuerint. Litosum pituitæ viscum arescere planè, negotiumque tussiculosis facescere vidimus, & nullum inde calculi periculum; ideam aut fermentum lapidinum errore quodam per diversa corporis vagatum pituitæ bronchiali tandem incubuisse credent haud dubiè, quos archei pridem subtiliumque rerum veneratio incessit. Cum autem nulla alia evadendi via sit, alterum in re perplexa eligendum, & quidem virtuti cuidam lapidificæ in tam repentino Lymphæ coagulo hoc facilius accedo, quod nunquam ante in pulmonibus quidquam senserit incommodi, & postquam semel invadere tussis cœperat, non ante illa desierit, quàm ejectis, quos subita vis aut halitus Gorgoneus contraxerat, lapillis. Quodnam verò fuerit coagulationis subjectum, perinde incertum, vero tamen similis ipsam illam lympham interiora bronchiorum oblinentem, ut glandulis quibusdam suis ortum debet, ab halitu coagulante subito deprehensum in strias, ut fieri alias in cryptis solet, coivisse formamque ab annulata illorum ramorum bronchialium textura collapsuque alternato accepisse. *Joan. Nicol. Pechlin. Observ. Physico medic. lib. 2. Observat. 4.*

Ante tres circiter annos, Genevæ, in Hospitali, paupercula quædam puella annos 25. nata, atrocissimos lumborum, pectinis, & perinæ dolores simulabat, tum de urinæ difficultate, & suppressione multum querebatur, quædam autem die cum symptomata omnia ingravescere visa essent calculum unum fabam crassitie æquantem, sub rufum, solidissimum, ponderosissimum, uno verbo, silicem in fluminis ripa collectum omnino referentem agrè ut videbatur excrevit. Plures dein tales calculos etiam multo majores, per aliquot dierum intervallum obstetricantibus mulierculis enixa est. Donec casus insolentia impulsus, simul & dolum suspicatus Medicus Hospitalis ordinarius nos una cum Chirurgis, qui rem penitus scrutarentur, accersivit. Inquisitionem primò, pudoris & futuri doloris prætextu recusabat illa, sed mox, fore ut Chirurgis etiam imponeret confidens, se ad examen ut par erat composuit. Diductis vulvæ labiis, & nymphis, Urethræ foramen nullatenus dilatatum apparet. Immisso cathetere nullus deprehensus in vesica calculus. Postquam explorata est vesica, Chirurgus vaginæ ingressus

sum apice digiti, virginitatis ocellum violare metuens, leviter primò attingit; at cum stratum iter agnovisset, digitis altius adactis, ovo lapidem columbino similem è vaginæ fundo extrahit. Nequitiam fateri cogitur mendica, virgisque impostura expiatur. Sanè si improba hæc, unum aut alterum subdititium calculum primis diebus reddidisse contenta, visitatione, & inspectione fraudis apertè convicta non fuisset; filices fluviatilibus similes, etiam in vesica quandoque succrevisse, non pauci hodiè affirmarent. *Ant. Bibliothec. Anato. Tom. 1.*

Anatomica inspectiones.

Eas fusè vide descriptas capitibus de ischuria, dysuria, stranguria, ardoribus urinæ &c. Hic itaque tantum quædam.

Historia vesicæ monstruosæ magni Casauboni.

Summus & Clarissimus Vir Isaacus Casaubonus corpus gracile & siccum à natura sortitus erat, temperamento ex bilioso in melancholicum plurimum declinante. Ignei vigoris & celestis originis animam continebat fragile ergastulum, quod exili, nec importuna mole haud grave, hospitem sui planè juris esse sivit. Hinc factum, ut literis deditissima mens parvam admodum habuerit domicilii sui rationem, ita vir magnus non impalluit modò, sed penè inaruit chartis. Paucis vel ferè nullis magnis morbis obnoxium transegit illud quod Deus ipsi indulgit ætatis curriculum. Et castigata corporis exsucca conformatio, fecit ut ea non senserit, vel leviter expertus fuerit incommoda, quæ vitam sedentariam, ut plurimum, consequuntur. Arenosam aliquando saburram deponere renes, non sine aliquo vrethra inter meiendum ardore, nihil tamen effatu dignum, vel quod sedulam, aut iteratam medici postularet operam. Cælum, solumque mutavit sapius, ab urbibus, & principibus viris doctrinæ non vulgaris nomine humanissime invitatus, & exceptus honorificentissime, ut pateat ipsum non uni assuevisse victus legi. Tandem à Jacobo primo Britannia rege accersitus, in florentissimo illo regno vixit per triennium. Pensum à maximo rege accepit grave, at humeris, qui antiquorum nodis, atque ænigmatis solvendis innutriti erant, non impar. Theologicum aggressus opus, in Baronium ultra annum insudavit. Huic abstrusioris suæ eruditionis specimini edendo, animum in varia distrahi, & pungentibus agitari *παθήματα* non novum, ubi de asserenda veritate & pariter de famæ discrimine agitur, præsertim in polemico scribendi genere. Quot Evolvit illo temporis spatio patrum antiquorum volumina? Quot horas in musæo Epularum immemor, veluti raptus in *ἑστία*, trivit vir optimus, qui terram calcans pedibus, cælo mente affixus erat. Quot insomnes transegit noctes? ut accuratissimum illud opud cuderet, & luci tandem daret, quod nunc in antiquitatis depravatores, quantumvis purpuratos prostat? Hic paulatim vires immunui, corpus magis ac magis extenuari, dissipari spiritus, & debilitari calor natus functionum omnium opifex, quibus cessanti-

bus, vel saltem facultatum latione depravatis, Excrementorum quotidiana germinatione succrescentium proventu, partes obrui, & naturam tandem fatiscere necesse est.

Duodecimo circiter ante obitum mense, qui vel ante quieverant; vel fugaci præsentia obitio saltem molesti fuerant; inter meiendum punctorii dolores, & urinæ ardores redivi, cœperunt virum fagitare, prius unioribus intervallis, noctique præsertim importuni, ita ut dulcem interromperent somnum, & expectatum adigerent ad matulam. Rubrarum arenularum proluvio, causa istius irritationis statuebatur; neque ullis poterat æger incommodis à studiis avelli, nisi tandem ardore difficultatem pariens subinde sistebat gradum, & non effundebatur, nisi mediocri saltem nisu, idque incurvato corpore & facie prona, tanta aliquando expultricis irritatio, ut qui parce olim, vel semel, tota nocte soleret urinam emitte, intra paucos menses bis, ter, quater, quinquies, sexies, & tandem infinitis vicibus cogeretur in eum inem surgere. Perctinis dolor, grave ano incumbens pondus, inter meiendum alui exoneranda cupiditas, eximientem urinam comitabatur dolor, cum per totum canalem vrethra, tum maxime in glande, cuius sensus erat quasi multorum acuminum simul pungentium. Ingens in dorso aliquando calor, ad quem levandum vellem sapiissime deponere cogeatur. Urinæ ut plurimum pallidæ cum mucoso sedimento, post Equitationem, vel violentius exercitium ambulationis cum arenosis granis crassioribus, vel tenuioribus lapillis rotundis, præduris plurimis, quorum nonnulli granum tritici, plerique nulli magnitudine æquabant. Ista symptomatum syndrome medicis calculi in vesica latentis suspicionem iniecit. Quem cum cathetere explorare lituisset, nullus instrumento in vesicam aditus, sed ita præclusa via, ut apparerent *ὑπερσπικρώσεως* neatum obsidentis injicia. Inter numerolum istum symptomatum concursum, quæ vel athletico corpori pessundando, satis erant, sexto ante fatalem diem mense, in parte hypochondrii sinistra, inter albam lineam (seu velicæ regionem supra pubem) & ilia, efflorescere cœpit tumor, imitar juglandis primùm, qui paulatim auctus ad pugni magnitudinem vel potius latitudinem excrevit, desinens in obtusum acumen; Molliferat, & qui fluctuatione, quæ contrectationem sequebatur, aquam subesse certò indicabat. Sicuti liber inter tusiendum vel respirandum, musculorum abdominis motus materiam sub iisdem contineri, tumoris circumscriptio, eandem non in ventris cavitate vagam, sed in quadam cysti concludi arguebat. Si durius impressa manu tractaretur tumor, vesica in consensum tracta dolebat, & micturiebat æger. Id quod à partium vicinia, & vesicæ inter duas peritonæi tunicas sepultæ, cum tumore connexionem fieri credebatur. Subsistebat nonnunquam, & paucis post diebus ad pristinam redibat dimensionem. In misero isto statu vitam languidam mensibus aliquot traxit, donec instante, ultima & fatali hora, sic acceleratus fuit viri piissimi interitus, ut sereno die animi recreandi, & corporis gratia exercendi, Rheda vectus, decem angli-

anglica miliaria percurrerit. Reversus domum noctu minxit frequentissime, aucti dolores, aucta dysuria, cum stranguria, urinae cruentae cum sedimento mucoso, quod maxime tenacis & vitreae pituitae simile aliquid puris admixtum habebat. Inualuit inter meiendum desidendi cupiditas, exclusi calculi exiles quam plurimi, aucta uno verbo omnia. Inuasit febris, quae antea per intervalla inaequalia, licet levis, non tamen sine aliquo horrore, & inordinatis rigoribus occupaverat. Pugnatum iis quae acrimoniam lotii demulcere, mucum incidere, eique facilem lenitione viarum exitum procurare valebant; Vano sane labore. Siquidem urinae tunc olidae, turbidae, instar lixivii, aut cerevisiae, profluxerunt, sine levamine: cum mictionem novum exciperet illico meiendi desiderium. Ardorem internum sibi molestissimum dicebat ager, & calidissima reddebantur urinae, etiam ad tangentis manum: mucus erat dimidia lotii pars, aliquando etiam quicquid reddebatur, mucus erat tam tenaci filo cohaerens, ut vix divelli posset, & ex matula in pavementum lubrico & continuo contextu efflueret. Notatu autem dignum, quod post redditam ingentem istius albuginea pituitae quantitatem, hoc symptoma per duos vel tres dies inducias dabat, nova Egestionem facta denuo ut ante recurrens. Tam diris cruciatibus excarnificatum tenue corpusculum ad dies 20. duravit, continua febris tabefactum, perpetua effluentis lotii, & fusae alui vacuatione, pumice siccior redditum, urinae foetore, quem ipse oris spiritus redolebat, infectum. Donec tandem felix animula sui carceris impatiens, cum ab ipsis conformationis primordiis, iniquis conditionibus alligata fuerat, vocante supremo rerum conditore, ad suam migrans originem, corpus humo, amicis lacrimas, literatis raram Eruditionem, omnibus probis eximiam pietatem imitandam reliquit. Die veneris Kal. Jul. 1614. aetatis anno 57. secto autem cadavere, post exquisitam singularium partium perscrutationem, sequentia fidelibus oculis objecta fuerunt. Vrethrae inditus catheter argenteus nulla arte, nulla vi, valuit in vesicam adigi, ita ut secta per perinaei longitudinem vrethra manifestò apparuerit *σπινθηρὸς στήλη*, meatum occupans, foris intro resistens, sed ab interna parte foras obsequentius, collo vesicae appositae additae glandulae, prostatae dictae, quadruplo majores quam naturalis ferret conformatio, vesicae corpus contractum, crassum, & admodum spissum, interna sui parte rugis quam plurimis & veluti cuniculis exsculptum, quorum cavernulae lapillis infinitis rotundis scatebant: collum interius, quod declive levi canaliculos in eam ultra protuberantia naturaliter in vrethram definit, introsum tumens, elatum instar podicis gallinae, vel colli interioris uteri; ita ut in ambitu esset veluti sulcus, seu cavitas, per quam circumduci poterat digitus, cuius magnitudinem facile admittebat colli orificium, per vrethrae retractionem sursum factam formatum, quae virgae in arrigendo incurvationem invehebat. ad sinistram latus perforatum fuit vesicae corpus, & pervium rotundo foramine, quatuor digitorum apices admittente, in saccum sive *σάκος* vesicae, vel addititiam ve-

sicam quae urina turgens capacitatis erat ad vesicam sextuplae. Habuit saccus ille tunicas tres seu membranas, cum vesicae membranis continuas, ipsas admodum, (nequis *διπλασιάζει* comminiscatur) cum insignibus nervis, venis & arteriis, situs talis, ut totam *σπινθηρὸς* partem sinistram occuparet, usque ad ossa ilium, instar vesicae, in ipsa peritonaei duplicatura latitans. Figura ejus inaequalis, ita ut infra foramen infima saccipars propenderet plurimum, sicuti superior peritonaeo affixa firmiter, multum supereminerebat, utraque vesica lotio turgens plenissime. Ast in addititia fundo, infra foramen pensili ingens saburra putrillet olidi muci sive Phlegmatis vitrei, quod cum tanto nisu & dolore a misero agro profunde batur. Vesica ipsa neque ulcerata, neque inflammationis praeseferens vestigium. Addititia intertina membrana erosa variis in locis, atque ob inflammationem rubra, livida, nigra, gangrena proxima, quae mortis certissima, & inevitabilis causa fuisse videtur. Vreteres lati, urina turgidi; sinister instar sacci tunicas gliscebatur profundius, uterque autem desinebat in vesicam veram, paulo supra collum. Ren dexter totus purulentus, sanus sinister. Partes caeterae sanae, exceptis pulmonibus, quos corruerat & denigraverat terribis & perennis fluxio a capite in ipsorum bronchia & subitantiā, continuo stillans, quam prodebat ordinaria tusculā, & in ultimo hoc morbo consueta raucedo ingeminata, etiam usque ad aliquam difficultatem vocis edendae.

Vitiosa istius conformationis in numero, situ, & meatu monstrum, quoniam doctorum animis exercendis satis est atque amplum aperit campum disquisitioni medicae; in hac lubet exspatiari planitie, cum ut credant *intra oculos* quotidie nova occurrere, quae sub antiquorum specie nobis imponere possunt, & conjectura acumen fallere, tum ut in observando seduli, in praedicando, & iudicando cauti, in operando religiosi, atque periculosa festinatione alienissimi esse ediscant: fatendum ignotam fuisse tot malorum causam, & deceptos medicos omnes, quorum alii calculum praegrandem adesse, alii ulcus in vesica, quidam tumorem aquosum, partim inter muculos, & peritonaeum existentem, occupare autumabant. Rara non sunt artis, & in conjecturis quantumvis artificialibus, parum est fiducia. Errorem suum confiteri ingenui est in rebus inauditis, & nulli visis decipi non turpe observata, (licet prognosi potius quam therapeutica idonea) posteris pandere non inglorium.

Equidem ab ipsis conceptionis primordiis vim plasticam in hoc subiecto insolenti utique & gravi errore luisse arbitror, dum concurrente nimia ad vesicam fingendam a parentibus decidua materia, eam cum *σπινθηρὸς* & cum foramine, in hoc additamentum ducente formavit. Eodem plane modo quo lienes, & testiculos duos & tres, sextum quoque digitum non semel vidimus. Ita seminum confusorum, & sanguinis materni affluentis superflua quantitas, una cum vegeto calore, formas e potestate oblatae materiae educente monstra gignit. Porro credibile est istud additamentum primis annis vel exile admodum fuisse, vel etiam ipsi vesicae, sic

fic agglutinatum, ut vel nihil excipere, vel exceptum statim refundere in naturalem alveum valeret. Incrementi autem, seu dilatationis ipsius primordia tum capisse verisimile est, cum vir pius penso gravissimo nimium intentus, dies, noctesque libris assidens per multos menses transegit, tum siquidem lotii reddendi immemorem quotidie, imò quavis hora reddebat animi à naturalibus ad sublimia avocatio. Ita ut à corpore veluti abstracta mens, nec incommoda sentiret, neque muniis necessariis vacare, vel ad corporis vilia officia se demittere dignaretur. Si in quibus mens agrotat, dolorem non sentiunt, quidni vesicæ pondus negligetur? quoties inferventioribus studiis calor & spiritus ad rationis arcem vi quadam rapti, totum cerebrum sibi vendicant, neglectis, nisi quantum ad vitam sat est, ut ita dicam, ignobilioribus partibus. Id videre est, non tantum in melancholicorum, sed impia religiosorum, nec non in amantium *ἐκστασι*. Jam vero motus principium quantumvis debile, sat est ad incrementum. In dies aucta fuit ista dilatatio, viresque acquisivit eundo, & concavum istud corpus membranofum ductile, & facilis extensionis, repletionem crevit, inter peritonæi tunicas deorsum versus primo, ni fallor, ob contenti fœculenti pondus, deinde fursum suam nativam dimensionem ad lævam hypogastrii primò extuberavit levius, deinde ingui erupuit tumore; quòd videlicet ad inferiora dilatatio obice ossium ilium, & pubis impediretur, quæ ad laterum mollitudinem erat facilissima, neque verò impune tulit istam extensionis libertatem ipsa naturalis vesica, cujus membranas cum additamenti tunicis continuas, his licentiosius expansis in se retrahi & tandem corrugari necessum fuit. Sed quod gravius est, cum fibrarum transversarum & obliquarum beneficio, succedat quantitate gravius lotii expulsio, partis autem organicæ perfectio in legitima conformatione consistat, solutionem illam continui, actionum læsio, quæ inutilem vesicam reddit, consequuta est, itaque per ureteres à calidissimis renibus ex toto corpore emulctum serum deducebatur quidem in vesicam, sed cum ea nisi inæqualiter in se comprimi non posset, ad expulsionem partim naturalem, partim voluntariam, antequàm meiendi incesserit voluntas. Saccum seu *ἐκφυσι* oportebat impleri, etiam usque ad molestiæ importunum sensum, & consecutione necessaria, in dies paulatim magis ac magis dilatari; hinc factum est, ut intra paucos menses à dilatationis principio in magnam excreverit amplitudinem, quam excrementi quantitas, & facultatis imbecillitas æquali passu quotidie invalescant. Interioris membranæ vesicæ corrugatio urethram intro traxit, & collum ipsum corrugatum in formam podicis gallinæ expulit, quæ causa una ex multis erat difficultatis in meiendo, unica autem, ni fallor; incurvationis virgæ in arrigendo, cum urethræ membrana nimis sequax, cavernosa corpora in arcum reflexa retineret. Idem ab inflammatione tumorem abbreviantem procurante in gonorrhœa contingere solet. Calculos in vesicæ rugosæ cuniculis infinitos creavit urina tartareum sedimentum. Ea siquidem & naturaliter in hoc subiecto, plurimò turgebat sale; & istius terræ

portionis separatio, sive tartari coagulatio, promovebatur mora, quam excrementum præ languore, imò impotentia expultricis ob organi vitium, in cavitate facere cogebatur, promde ac sui ipsius inspersionem, & non oogeneorum ab heterogeneis separationem, vi caloris nunquam feriantis experiri.

Cur vero in imo sacci fundo nullus calculus etiam prae grandis, cum ei generando plurima materia suppeteret, coagulationi etiam proxima! nempe quòd in illo euripo intus lævi, non cuniculoso, perpetuus quasi esset urinae meantis & remeantis alius, cujus mucibus pars eluebatur.

At ut generetur per additionem partium calculus, quiete opus est. Adde quòd defuit isti concretioni tempus, ei siquidem mors existentiam præripuit. Ulcus vesicæ qui statuerunt, decepti fuerunt excreto purulento, confisi, quòd à rene dextro putri, infans mato, & calorem intolerandum lumborum excitante, protinebat. Ulceratus sanè erat saccus; falluginosi tartari, & lotii putris & statione fœtidi, amurcæ acumine. Quæ materia cum in hujus additamenti declivi atque infra foramen multum propendente, & demisso fundo diutius stagnans hareret, erosionem pariebat, à qua immunis erat vesica, per quam momentaneus saltem dabatur, ob ejus angustiam transitus. Mucum autem sive mucilaginosum phlegma, seu faciem tartaream plurimam continebat *ἐκφυσι* veluti iners, actionisque omnis expers additamentum, quòd præter eam separationem, quæ ab ipsa urinae substantia fiebat; etiam conditione suæ substantiæ membranosa fundebat viscidum excrementum, non minus quam ipsa vesica vel calculo irritata, vel urinae mordaci sale corrosa, eodem plane modo, quò puncti limaces, salivam ex proprio corpore in se contracto, expressione rejiciunt, viscida esse solent spermaticarum partium, imprimis vero membranarum excrementa. His positis, & diligenter perpensis, non obscure est, quanam fuerint symptomatum causæ, quibus vir tantus ad acerbam & crudelem necem excarnificatus fuit. Sed cur inter meiendum oleti faciendi cupiditas, quæ ut plurimum calculi grandioris vesicam occupantis est signum pathognomonicon? cur ano incumbens pondus, quòd fallaci conjecturæ, vel oculatissimis medicis imposuit? Nempe ab ingenti prostatico tumore, quarum corpus inter meiendum intestinum rectum premebat, & gravitate molestum naturam ad exonerendam alvum sollicitabat, idque cò violentius, quòd pari nisi per musculorum abdominis introrsum factam contractionem comprimendo, urina & crassiores fœces exprimantur. Tumor autem istarum glandularum, an fuit naturalis in homine, cui vasa spermatica ampla, & qui plurimos suscipit liberos? An potius eum fecit urethræ contractio, colli vesicæ violenta fursum attractio, quæ latitudini addit quòd demit longitudini? an dolor, calorve, quorum proprium est ad partem affectam trahere, multò magis glandulas, quæ laxæ, molles, spongiosæ, recipiendum pronæ, ad expellendum sunt ineptissimæ? Tot tantorum malorum hydram non potuit non consequi mors, quæ multorum accidentium populo-

sa caterva stipata, lento pede virum feliciter
extingui dignissimum, tandem jugulavit, hæc ha-
be, clarissime vir, à tuo Brouardo. Autor *Bibliot.*
Anat. Tom. 1. ab Autore mox memorato qui historiam
hanc à Clar. Theodoro de Mayerne, ut creditur, ex-
scripsit.

Dominus Drelincour ad Dominum Vallot Episto-
la Prior.

In quâ de Calculi & caruncularum vesicæ
extractione agitur.

Adsum, vir Amplissime, fidem meam libe-
raturus: cum autem Regis absentia, quomi-
nus præsens præsentem te alloqui possim, im-
pediat, scripto rem conficiam.

Normanus cystotomiam modo passus est.
Calculus extractus tres uncias iusto pondere
pendit longus & latus est, ut ovum gallinæ
majusculum, at non ita crassus, nec ita rotundus
fundo, vesicæ, latere suo depressiori adhærebat,
ibique carunculis innumeris, quæ forcipibus
accessum omnino præcludebat, veluti circum-
vallabatur. Oppugnandum itaque fuit vallum
istud, duæque carunculae quæ operatori majori
impedimento erant, extirpandæ fuerunt.

Reliquæ prudenter relictæ sunt usque ad sup-
purationem, quæ eas per vulnus sensim, & tu-
tius quàm violenta & subita avulsione factum
fuisset auferret. Duæ istæ carunculae, avellanæ, vel
testiculo pueri x. aut xii. annorum similes
sunt: fibrillas verò in basi sua validas, & subru-
bentes habent, quæ ipsarum radices voco,
quibusque vesicæ uniebantur. Porro duræ &
scirrholæ sunt, atque adeo lubricæ ut vix digi-
tis contineri possint. Cysti, seu tunica rubi-
cundissima & validissima arctè amuciantur.
Earum interior pars, tunica cornea, ubi ner-
vum opticum circumdat, magis alba & du-
rior est: eas achillis vel patellæ tendini, seu
potius lupia seu nodo minori durissimo, & gan-
glio comparo. Dura enim illa & nervosa vesti-
cæ corpora filamentorum myriadibus, quibus ten-
dines constare primus reperi, carent. At solidita-
tem coriaceam, & nodosam non secus ac lupia,
& ganglia durissima nactæ sunt.

In harum altera cavitatem ovalem admira-
tus sum, in qua calculus niger & durus, ut gra-
num tritici secundum longitudinem fissum,
crassus & longus, nidulabatur, sed ad operatio-
nem nostram redeamus.

Post integrum semihorium, quod in extir-
pandis duabus his carunculis consumptum est,
calculus ab omnibus, quibus vesicæ clavo ve-
luti affixus erat obicibus, liberatus est: alias
enim, nisi remota fuissent impedimenta, fru-
stra forcipibus, tum aduncis, tum rectis, ten-
tabatur; apprehensionem usque & usque elu-
debat, quin forcipes ipsi incurvabantur, sed
tandem digitis eò intrusis, ut in placenta ab
uteri parietibus separatione usui venit, à vin-
culis quibus alligabatur, dexterè solutus est,
atque ita totus apprehensus, & ut par erat con-
versus, tandem eductus est.

Quod si in hoc casu repente & primò ag-
gressu expugnari non potuit, non ideo mino-
ri laude dignus D. Hieronymus Collot, cujus
constantis solertia, ægri patientia non parum
adiuta, reclamantibus licet omnibus, opera-

tionemque in aliud tempus differre suadenti-
bus, audacter nihilo secius extractus est.

Si post cruciatus, & duratione, & gradu
adeo enormes, patiens à febre, singultu vomitu,
tussi, delirio, abdominis inflatione, gangrena & aliis
id genus pessimis auguriis, immunis sit, erit
quo Deo benedicat: sed partibus illis membra-
nosis ferro divulsis & devastatis, aerique tam
diu expositis perniciose fore, ut non accidant
symptomata, in sene potissimum, cujus vires
tam longa, tamque dolorifica operatione
exoluta, vix mihi persuadeam. Necessaria ta-
men omnia ex arte peragam, rem totam, de
cetero, supremo vitæ & mortis arbitrio com-
mittens Paris. 28. Augusti 1663. extrahutione
Autorum *Bibliothec. Anatom. Tom. 1.*

Ejusdem ad eundem epistola posterior.

Vesica, ejusque caruncularum, callosum, tar-
tari &c. descriptionem continens.

Pretiosæ benevolentia tuæ notas, eo quo
debebam grato animo, accepi, vir amplissi-
me, iis non melius respondere queo, quàm
continuatione historiae, cujus progressum &
finem audire tantopere gestis. Omnia cum
prognostico meo perfectè quadrant: uno ver-
bo, nè te auxium diutius detineam; bonus
ille vir 24. ab operatione die, 65. ætatis anno,
fatus functus est.

Suppurationem tam lento gradu venire æ-
grè admodum ferebam, undecima enim dun-
taxat die, idque adeo parce & leviter ut nullus
inde spei radius affulgeret, apparuit. Varia ad
paucitatem & tarditatem illam conferebant;
namque urina quæ copiose & jugiter à vulnere
manabat, una cum frequentibus nostris inje-
ctionibus, partes omnes incisas indefinenter
lavabant, ac proinde laudabilis suppurationi-
nis materiam sensim auferabant. Adde quod
calor natus à spirituum exhaustionem debili-
tatus, in operatione adeo molesta, & longa,
nullam digestionem in partibus illis nervosis,
& à vitali scaturigine remotis, facere poterat,
in sene potissimum, qui ventriculum suum
plus æquo onerabat, & qui à tussi pertinacissi-
ma & molestissima, sine intermissione, afflige-
batur: etenim præter sensibile sulcidium hu-
moris cujusdam visceris & copiosi tussim irritan-
tis, ejus pulmones violenter aliunde succutie-
bantur; partim, scilicet ab humore alio, in
bronchia altius jam adactio, partim etiam
propter admirandum pulmonum cum vesica
consensum, qui nervorum è cerebro & spina
ortorum utrique parti communium, atque hic
incisione laesorum, ope fit. Eò res redactæ
erant, ut si hinc per aliquot temporis momen-
ta, malacia frueremur, procella illinc diu
& cum maximo impetum nos agigaret: Siquidem
vix tussis gravissima cessaverat, quum alvi flu-
xus, quo vires, multo magis quàm ab ipsa
pulmonum commotione, deterebantur, in-
gruebat. Duo illa symptomata simul in ægri
perniciem dixisses conspiravisse, sibi enim
mutuò suppetias ferebant, nec ab uno eorum
liberabatur patiens, quin ab altero illico etiam
vehementius vexaretur. Verum comparatione
facta, tussis diarrhoea crudelior hostis erat, cum
illa somnum exulare juberet, vulnus irritaret
ab

ab eoque calorem omnem naturalem & amicum diverteret, ut illius loco ignem extraneum & perniciosum introduceret; præterquam quod sputa adeo viscida erant, ut nulla arte incidi aut detergi possent: diarrhœa vero; etsi vires prostraret, pectus, ex parte saltem, levabat, & universalis evacuationis loco erat.

Cor nullatenus affectum videbatur, nisi respectu febris; quæ per vices vehementer accensa, non parum negotii mihi fatiscebat; incendium enim si medicamenti & alimentorum subductione extinguere conarer, nativum partium omnium ignem manifeste suffocabam. fortiori itaque cedendum erat, multumque de mea severitate remittendum, quia defuncti voracitas ordinaria me diætæ exactæ limites transgredi cogebat: imò febrem sensibilibiter imminui, quotiescumque paulò largius comederet, observabam; quippe cibus ingestus calorem illum igneum & destruentem, à quo alioquin consumebatur, occupabat.

Non multum sitiebat, & ex quo tussis inducias quadantenus dabat diarrhœa quominus dormiret non obstabat; somnum enim soluta alvus, seu oleti lectum inquinantis frequens excretio, non interrompebat: Paucus autem ille somnus ipsi manifestò proficiuus erat, excitatus siquidem, validior semper, & omnibus sensibus liberior apparebat. Sed ad Cystotomiam redeamus.

A Primis diebus abdomen tensus admodum, scrotumque sero turgidum erat plures & in eo ecchymoses apparebant. At cum hæc symptomata huiusmodi operationem frequenter satis subsequantur, ad ea minùs attendebam quàm ad vulneris labia, quæ penitus livida, sicca, & sensu privata (non tamen dura in ambitu, aut callosa, quanquam subtumida essent) apparebant. Variis olei rosati supra infimum ventrem & scrotum embrochationes, variasque ex vino albo, spiritu vini, aristolocchia rotunda myrrha, aloë, & theriaca injectiones pro vulnere præscripsi. Unde, Deo benediente, totum abdomen, totumque scrotum pristino statui restituta. Quin ipsa Eschara, forficum cuspide leviter amota, à vivo abcessit: non secus ac cantherii crusta à carne subjecta decidit. In undecima tum versabamur die; tumque, ut taxat, ut jam supra dixi, suppuratio primum ista est. Ablatâ crustâ hac nigrâ & insensibili, lividus color, sensus exquisitissimus in vulnere deprehendebatur. Interiora non ita ut prius abdita erant, cannula, & forcipes haud ita ægrè introducebantur; quia nimirum, Escharâ delapsâ, vulnus longè apertius erat, quàm dum ipsius labia crassis illis crustis obducebantur. Caruncularum etiam in vesicâ relictarum corpus hæcrescere, atque earum radices suppurari incipiebant, ad eò ut multò minùs, quàm antea spatium occuparent. Imò sex ex illis diversis diebus exiverunt, quo factum, ut tanto facilius in vulneris fundum penetraremus, foetidissimum odorem omnes hæc caruncula spirabant. Eas tamen diligenter lustravi. Duabus primis, supra descriptis non erant absimiles, nisi quod hæc nullum includerent calculum, sed tartaro albissimo, & durissimo (in nonnullis locis, veluti totidem colliculi pro-

minentes) incrustarentur.

Postquam duarum eschararum, sexve caruncularum delapsus spatium mihi dedisset, oculis vesicam lustravi, & profunditatem ejus penetravi, in eaque multa corpora rotunda, confuse accumulata, observavi totidem carunculas (cum enim digitum, ne patienti horrorem incuterem, intro adigere non auderem, rectius judicare non poteram) credebam; atque earum, ut in sex prioribus videram, suppurationem expectabam. Verum Etsi agro meo diligentissime, & juxta omnes artis canones, medicinam fecerim, mihi, nihilominus secius nudiùs tertiùs, vespere, ereptus est.

Abdomen lividum, peritonæum lividius, at omentum lividissimum erat, duosque ut id obiter dicam, crassos tumores in inguinibus formabat, quos hic Epiplocelas, eodem jure ac si in scroto fuissent, nominarem. Verum usus tyrannus est, eique ideo me submitto.

Totum cadaver impense foetebat, renes nihilominus, & quæ ab iis pendent examini, subjeci: sed cum in duobus his urinæ cribris nihil singulare observaverim, ad vesicam transeo. Ejus membrana interna lævis omnino, & integerrima erat, nec ullatenus dilacerata, vel ulceribus erosa, nisi quo in loco incisa fuerat, toto scilicet cervicis ipsius tractu, & profundius inter extremitates venterum.

Accurato hoc examine, tam ii qui ulcus in vesica antequàm incideretur, fuisse putabant, quàm qui vesicam in operatione dilaceratam credebant, mendacii arguuntur. Nam præterquam quòd nullum hic ulceris præcedentis vestigium nobis apparuit defunctum nullas unquam urinas purulentas, sed vel simpliciter omphacium colore referentes, vel instar albuminis ovi viscidas & tenaces excreville certum est. Ulcus autem sine pure imaginari non possum. si et in vesica in operatione perstricta & lacerata fuisset, vel forcipes, vel calculus ipse fibris vel laciniis onusti visi fuissent: addo horrores vehementes, febre & delirio stipatos, convulsionemque horrendas quales sæpius in his casibus vidi, ægrum dubio procul à tertiâ die, e medio sublatura fuisse, nec possibile nobis futurum tandiu procrastinare, & cum fato, cujus diem factam ad 24. usque distulimus, litigare; sed ad cadaver redeamus.

Vesica quanquam interiori lævis, pluribus in locis nodosa, & inæqualis erat, tuberculis, nempe, duris & callosis hinc inde prominentibus, (quales sunt manuum calli, aut pedum clavi, vel potius ganglia circa nervos) scatebat. Dura enim illa & prominula corpora, substantiam admodum compactam, & in soliditate æque ac in albedine suâ uniformem nacta erant.

Cæterum V. A. Materie cujusdam albæ, grumulis refertæ, & ut tartarum album friabilis, cumulos, cum singulari attentione expendendo lassari non potui. quod verò admirationem meam omnino superavit. Tartarum illud Scirrhusæ vesicæ substantiæ non tantum aggestum, sed cum ea veluti ferruminatum erat. Verum Tartarum cum dolii veteris asseribus arctius non naitur, quàm mucilago hæc petrificata

his vesicæ callis agglutinabatur; adeò ut eam sine dexteritate, & violentia divellere non potuerim. Tota vesica mihi specum, seu potius fodinam, è quâ lapides aut mineralia eruebam, repræsentabat. Et revera fœcunda erat fodina, quæ novos lapides perpetuò produxisset, recensque in horrida illa rupe cæsum in dies auxisset.

Hic non substiti, V.A. quin oculis vidi, & digitis tetigi, id quod non paucis, qui in iis quæ ignorant cæteris doctiores haberi volunt, pro figmento est. Caruncularum nimirum adhesionem, & connexionem, quas nec in propria matrice unquam videram, nec à nativo solo unquam evulseram, observavi, ex primo intuitu, balani canis *πρὸς ἡγχεύειν ἐργάζεται* ideam, in imaginatione mea excitavit; at, paulò post, illas honestius & forsan aptius cum uvula, seu, gurgulione, vel potius cum corde pulli gallinæ comparavi. Quærat, si lubet, Vir Amplissimus comparationem minus claudicantem. Rem clarè jam describam.

Præter Callos & tartarum vesicæ, corpuscula quædam rubra, & firmissima vidi quæ in basilata erant, paulatimque angusta evadebant, donec in acumen coloris vividi, & rubentis desinerent: acumen illud nullibi adhaerebat, basi verò vesicæ arctissime alligabatur innumeris fibris, quæ, ceu totidem radices, corpusculis his vitam & nutritionem largiebantur. Qualemcumque, ea ut sine vesicæ detrimento extirparem, adhibuerim diligentiam, incassum laboravi, eorum enim radices vivæ, & profundæ erant, illa tamen scriptorii scalpelli cuspide avulsa, in spiritû terebinthinæ conservo.

Singulare quid, præterea, quod ex auditione tantum noveram, at oculis nunquam usurpaveram, admiratus sum; maximam scilicet, copiam corpusculorum extraneorum, quæ inter vesicæ fibras ita irreperant, ut inde admodum tumens & scirrhusa esset, vesicam, utut tribus, constantem membranis; naturaliter tamen satis tenuem, & flexilem esse, atque ubi, nec multum extensa, nec multum contracta est, vix ad dimidii coronati argentei crassitudinem accedere, prætereaque ductilem omnino esse melius me nemo novit. V.A. Hæc tamen, missa omni hyperbole, & secundum mensuram justam, 15. lineis Geometricis, quæ pollicem unum cum quadrante conficiunt, crassa erat, illam mulieris prægnantis, vel quæ recenter pepererit, utero assimilavi, cum hoc tamen discrimine, quod hæc vesica adeò firma & dura, in toto suo corpore, erat, ut cornu ad ignem emollitum referre videretur. Eam sanè nec comprimendo minuere, nec trahendo extendere quitus sum; uterus verò licet à graviditate tumidus, mollis adhuc, est digitisque cedit.

Vesicam istam, transversam incidi, ejusque interiori substantiam vasis, infinita diversæ magnitudinis perspicilla, admittentibus, tractam offendi. Quantumvis igitur dura esset, poris & canalibus ubique perforata erat: Durities enim neque numerum neque magnitudinem pororum, aut meatuum excludit; nostra siquidem Diploë, nostræque. Epiphytes (ut pumices, & corallia taceam) de duritie, æque ac de poris, certatim disputare videntur.

Quemadmodum vasa spermatica & Hypoga-

strica uteri, juxta embrionis incrementum inflantur, & crassescunt; ita venas & arterias vesicæ hypogastricas, ut carunculis alimentum (quod inde tanquam è placenta uterina, hauriebant) suppeditarent, omnes dilatatas, atque expansas fuisse putavi.

At cum viderem tot canaliculos earum numerum ordinarium longè superare, id ita contigisse credidi; quia scilicet singuli capillarium vasorum ramusculi, ob exilitatem oculorum aciem in statu naturali fugientes, plurimum in hoc subjecto intumuerant, ut miseræ huic matri, sanguinis proventum solito uberiores adveherent.

Finire non possum V.A. Quin prius vesicam istam, imminutam simul & auctam fuisse, annotem. Extendi enim non poterat, ut sana, ad justam urinæ quantitatem continendam, solebat. Contrahi item non potis erat, ut contraheretur, prius quam tot lapidis, tartaro, callis, & carunculis impediretur. Posito etiam eam, enormem, de qua loquutus sum, crassitudinem non sortitam fuisse, contentumque fibrarum ejus naturaliter se habuisse; ut prius tamen agere impossibile ipsi erat; siquidem fundum tot extraneis corporibus, illam, dum constringebatur, ut urinam expelleret, lædentibus, refertum erat.

Imò putaverim Carnuculas illas potissimum quarum viventem truncum resecai, cum animata, & sensu exquisitissimo præditæ essent, dolorem inter meiendum, intendisse; quippe quæ tunc temporis omnes invicem colliderentur, omnium siquidem capita sibi invicem occurrebant, vel mutuò irretiebantur.

Paucis ut absolvam, matricis harum caruncularum, & capacitatem & crassitudinem tibi melius repræsentare non potes V.A. quàm si digitorum apices jungendo, gallinæ podicem inuteris, tum eos, hoc modo junctos, quàm maximè fieri poterit, tenendo, ad volam, & radicem manus adduxeris, cavitas quam efformabis, vesicæ capacitatem referet; At digitorum, & præsertim metacarpii, crassitudo, ejusdem vesicæ (à me diverso modo incisæ, & in oleo terebinthinæ limpidissimo conservatæ) crassitudinem denotabit.

Nullus dubito, quin longior hæc Epistola patientiam tuam fatigaverit. Ego verò ad te scribendo, nondum lassatus sum, sed urget tempus, meque concludere cogit. &c. Paris. 22. Septemb. 1663. *Ex traduct. Auth. Bibliothec. Anatom. Tom. 1.*

Calculus Renum.

Plumarum venditor emortuus ob renum ac pectoris vitia, habuit in utroque rene insignem calculum: disp. argentem se quadruplici ramo, instar crucis per universum renem: adeò ut non potuisset inde eximi, nisi decerpisses frustulatim totum ipsius parenchyma. Viderint igitur illi, qui satis speciose docent, ex incisis renibus calculos eximere: quam turpi ignominia prostituerent & se & artem suam; siquidem aliquando inciderent in calculum tam firmiter renibus innatum. Sed in thorace vidimus, tres aquæ libras, pulmonem costis adnatum, & cor, non tantum pericardio suo destitutum; sed exprimens præterea, extrema sui parte, naturam pal-

pallenscentis sevi. Quem colorem ipsi, procul dubio, impreserat aqua in thorace contenta uti luce clarius videre est, in eorum musculis, quos occidit, vel *λομαφυματία*, vel, *ἀνασάρκα*. Nicol. Tulpus *Observ. Medic. lib. 2. cap. 44.*

Calculus ureterem obturans.

Quàm utile foret agris, quemcunque curari, tam gloriosum utique esset Medicis singula futura prædicere, sed latent sæpe penitus morbi; & pertinaces ipsorum causæ, adnectuntur nonnunquam arctius corpori, quàm ut possis semper vel infallibiliter prælagire eventum, vel integrè expellere qualemcunque morbum.

Margareta Nicola, vidua quadraginta annorum, infestata aliquandiu, à dolore lumborum, procidit tandem in crudele calculi renalis tormentum, cum vomitu, febre, mensuris inordinatis, urinae difficultate, & interdum tantà ejus suppressione, ut totos octodecim dies, nihil lotii reddiderit: unde excitatur ipsi, ex sero sursùm recurrente, primum sopor, sed mox tam gravis nervorum contractio, ut cogeretur vitam cum morte commutare.

Dillecto autem cadavere apparuit ren sinister, ut extrinsecus lividus, ac tumidus: sic intus frequenti aquâ, & pluribus calculis infarctus. Quorum maximus insinuaverat se, aucto suo apice, tam longè in ureteris principium: ut id integre occluderetur; neque permetteretur illac descendere quicquam lotii; licet potui darentur plurima aquam ducentia.

Basi enim cum foret latiore, quàm ut permearet commodè, angustum hunc ductum, necesse fuit, quò plus urgeretur ab affluente sero, tanto quoque impensius intercludere transitum urinae à renibus descendenti. Præsertim cum oppositi renis ureter, non minus utique occluderetur, à latiore aliquo lapide, instar operculi, ipsius principio imposito. Quæ duo obstacula conspicuè omnibus ostensa, vendicarent artem ab ignominia; & inculcarunt efficaciter.

Non esse in Medico, semper relevetur ut ager.

Sed dicat quis: quem terminum ponunt Medici, morti exsurgenti à suppressio lotio? annon alios citius, alios verò occidit tardius? valentia corpora ut interdum excurrunt diem vigesimum: sic attingunt infirma vix septimum, vel octavum. Certum est, aliquos durasse ad undecimum, & tamen ex toto iterum convalescere, sed post illum diem, equidem certè vidi neminem enavigasse, periculosum hoc syrtium æquor.

Quamvis enim cedat dolor, & fluat iterum lotium; reddidit tamen diuturnior illa mora urinam interea loci, usque adeò acrem, & vesicam ita efficitam: ut nè præstantissima quidem medicamenta possint ab interitu vendicare naturam, hæc ratione, non fictè, ac simulatè, sed plenè emortuam. Nicol. Tulpus *Observ. Medic. lib. 2. cap. 45.*

Renum & vesicæ ulcus cum vesicæ calculo.

Adolescens unde vigesimum annum natus à

longo tempore de vehementi dolore circa renis sinistri & vesicæ regionem, cum vomitu assiduo, & dolorifica urinae excretionem quies moritur.

Abdomine aperto ingens fœtor apparuit. Exterior in superiore vesicæ parte insortus unus pugnus adæquans, fuit: in ejus membranis, pus conclusum ren sinistèr plane exulceratus purulentum illud in vesicæ sinum deposuisse videbatur. In ipsa vesicâ pro urina calculus rotundus, & nimis asper sesqui unciam pendens. Interior tunica exulcerata.

Ab obstructionibus in renibus, aut vesicæ membranis, inflammatio: ab inflammatione ulcus unde & dolor. Vomitus ei obortus est, quia nervi intercostales cum renibus & vesicâ magnam connexionem habent, adeo ut si nervi renales convellantur, etiam & ventriculi. Vesicæ textura ex duabus tunicis tendinosis seu membranosis constat: intra ejus duplicaturam binæ fibrarum musculosarum series inveniuntur: quibus inflammatis pus facile intra tendinosas tunicas effundi potuit, unde saccus purulentus. Calculus annè in vesicâ, an verò in rene cretus sit dubitandum: credo tamen eum à rene primò descendisse & in vesicâ augmentum sumpsisse, qui & vesicam forte nimis irritans ad inflammandam adegit. *Stephan. Blancard. Anatom. præct. ration. Cent. 1. Obs. 43.*

Calculosus senex apertus.

Senex ultra sexaginta annos natus, sæpe febricula, a peptia, virium imbecillitate &c. corripitur. Tandem odiosæ tædiæ vita deposuit. Inspecto abdomine vesica calculum pyriformem continebat, admodum durum, ac in medio pervium, per illud oramen urina exitum habebat, quatuordecim uncias pendebat. Mirum, eum per totam vitæ ductum nunquam de calculo, dolore, gravitate aut suppressa urina quæsum fuisse.

Ob perforatum calculum, urina nunquam substitit, ideoque à doloribus maximis liber fuit. Cæterum non à calculo, verum ex scorbutico sanguine tandem obiit. *Stephan. Blancard. Anatom. præct. ration. Cent. 1. Observat. 94.*

Calculosi dissectio.

Calculosus à febre lethali extinguitur. Hic bis decem ante annos de dolore laterum intolerabili conquestus est, viscosa sæpe per diuresin excrevit. In cadavere exenterato ren sinister fuit consumptus, verum ejus loco calculus ramosus inventus: dexter fuit colore magis citrino, & subfusco; uretheres admodum capaces. Vesica distenta, & hydatidibus obfessa, magnum continens calculum. Ventrículus sanguine concreto externis aspersus. *Stephan. Blancard. Anatom. præct. ration. Cent. 2. Obs. 82.*

Calculosi Anatome.

Cujusdam, qui diu laboraverat calculo, cadaver aperitur, in ejus vesicâ septem reperti sunt calculi nucis moschatae majoris magnitudine, ita ut simul ferè libram mercatoriam æ-

Quarent. *Stephan. Blancard. Anatom. pract. ration. Cent. 2. Observ. 96.*

Ex calculis in uretere harentibus, ischuria lethalis.

Quàm deplorabile malum sit vesicæ calculus, nemini ignotum; multo tamen adhuc crudelior affectus, calculus renum, si tantæ sit magnitudinis, ut ureterem transire nequeat; quia in hoc casu nil valet ars Medica, nil quoque Chirurgia prodest. Exemplo sit Chirurgus quidam Amstelodamensis anno 1682. qui a longo tempore nephriticus, multos calculos excreverat: demum in ischuriam spuriam incidens [à quo semicupii beneficio semel liberatus à nobis fuerat paucis ante diebus] & vehementissimis ventris, crurumque doloribus, & vomitû materia nigricantis, correptus, vitam tandem cum morte commutavit.

In cadavere aperto, reperi præter duos calculos in rene dextro, unum in uretere sinistro magnitudine & formâ olivæ exiguæ, cujus superficies innumerabilibus calculis & arenulis obsessa erat, qui omnem transitum urinae denegarunt.

Pars hujus ureteris suprâ calculum, propter calculorum transitum admodum erat dilatata, infra eundem verò naturalis capacitatis, at rubicundior justo ab inflammatione excitatâ. Renem ejusdem lateris monstruosæ magnitudinis, ut & ureteris maximam partem aqueo humore obsessum inveni; cujus liquoris motum sæpissimè percepit æger, quum sese moveret, ut nobis indicabat *Frider. Ruyschius Observ. anatomico-chirurg. p. 20.*

In Puella trienni calculi insolite magnitudinis.

Puella tres annos præter propter natus, plus quàm quinquaginta calculos excreverat, inter quos multi fuere magnitudine pisi minoris, ex relatione Domini Doctoris Bronckhorstii Medici Amstelodamensis, dum viveret, celeberrimi. Quantis cruciatibus miser ille fuerit vexatus, facilis est conjectura; neque cessarunt. Aperto dein cadavere, inveni renis sinistri pelvim admodum dilatatam, calculoque ingentis magnitudinis (pro ratione scilicet ætatis, quamobrem hanc recensere historiam mihi animus fuit) obsessam. *Frider. Ruyschius.*

De insignibus renum calculis.

Infans trimulus, ortum ducens à parentibus nephriticis, statim post partum magnâ vexabatur siti, præprimis noctû: accesserunt tormina ingentia, cum diarrhœâ, & magnâ virium prostratione: dejecit autem ab initio serosa bile mixta; sub finem verò merè serosa & albicantia instar lactis coagulati, albumine ovorum similia, appetitus tamen nunquam prosternebatur: annum agens dimidium, incepit gradiri, incuriâ verò ancillæ factum est, ut in spinam dorsî caderet: ancilla tandem malum quod evenit confitente, de vertebrarum lumborum luxatione metuerunt parentes, remediisque decentibus, fasciatione præsertim hunc in finem

usi sunt: nihilominus tractû temporis pedum quasi paralyti laborare videbatur: casum hunc in misello octo septimanis post excepit febris continua, ex quâ vires quidem recepit, persistente tamen toto ætatis decursu atrophîa totius corporis, pedum maximè. Tandem motus inordinatos in ipso animadverterunt parentes, unde nostram opem implorârunt: vocati anti-epilepticiis pugnâvimus, iisque quæ nervosum genus demulcent, quibus licet cessare primum convulsiones viderentur, post octiduum tamen recurrerunt. Ab hoc tempore observant urinam parcius fluere, & nonnisi magno cum dolore, quem gestibus patefecit, usque dum erumpentibus unâ exanthematis ac pustulis ulcerosis, convulsiones ingravescentes, misellum interemerunt.

Licentiâ à parentibus nobis factâ, cadaver præsentibus aliquot viris præstantissimis, quâ licuit diligentia lustrâvimus. In intimo ventre, ventriculum cum intestinis inflatum deprehendimus: hepar naturalis magnitudinis & mollietiei, nisi quod color ad p. n. parum accesserit. Vesicula fellis copiosâ bile distenta fuit: lien naturalis, epiploon verò consumptum. Mesenterium glandulis præditum albicantibus, mollibus iisque plurimis. Ren dexter naturalis erat, nihil in se continens alieni; in rene autem sinistro deprehendimus materiam sabulosam, carunculis papillaribus inerrantem; ad ipsum autem ureteris ostium calculus situs erat oblongus, acuminatus, silicis duritiei, membranisque tenaciter involutus, adeo ut lancettâ ipsum separare necesse habuerimus: in ventre medio pulmones putridi fuerunt, & corrupti, absque tamen materiâ purulentâ. *Joan. Jac. Harder. Apiar. Observ. 58.*

De Calculo renali lumbos perforante.

Quod si auxiliares Chirurgorum Medicorumque manus operanti naturæ, quam *Joan. Bapt. ab Helmond Archem* vocat lib. de Aurora 9. 3. & 4. succurrerent magis, quam, imprudenter, imò sæpius ex inscitia, fieri observamus, plures sanitati restituerentur ægrotantes, quam nunc sepulturæ exhibentur.

Franciscus de Haas, juvenis temperamenti boni, at, ob continuos dolores, quodammodo siccioris, ab anno ætatis decimo sexto ad trigessimum octavum gravi dolore nephritico, & urinae excretionem purulentâ, laboravit, varia ad doloris mitigationem, arenularum exclusionem, ulceris renalis curationem, adhibita, magno cum successu, remedia, etiam fonticulus in femoris parte interna ad genu productus, quo hoc effectum, quod & dolor per aliquot annos remiserit, & urinae excretio purulenta.

Anno uno cum dimidio ante obitum subito recidivam passus est æger, quæ gravis adeo ipsi fuit, ut sceletum magis quam homini similis videretur. Unde Medicis *Tabæ dorsalis* eum laborare probabilius visum, quam renum exulceratione, Antifebrilia hinc omnis conditionis exhibuerunt, lumbisque linimenta appropriata applicaverunt.

At provida natura affectum hætenus occultum brevi manifestum reddidit, dolore afficiebatur intolerabili lumborum parte infimâ, proximè

ximè ad oram ossis Ilium, sine omni protuberantia, intumescentiâ, aut crassitie; quæcunque applicabantur *Emplastra*, aut *Cataplasmata*, *Arodyne*, *Attrahentia*, nihil effecerunt. Tandem *tuberculum*, fabæ magnitudinis, rubicundum, inferiore magis loco, ac ille qui doloris, se exhibebat. Hoc cultro acutiore aperto puris viscidii, cinerei, aliquomodo foetidi, plus quam libra semis effluebat, & hæc puris dicti evacuatio, licet non semper eadem quantitate, ad vitæ finem perdurabat.

Excretio hæc purulenta controversiis variis inter Medicos Chirurgoſque occasionem dedit. *Fuerunt* qui purulentam hanc materiam ab occipite deorsum defluere ad foramen statuerunt, eamque, antequam perforatio à nobis instituta, collectioni ansam dedisse. Sententiam hanc confirmabant plurimum quæ à fratre ægrotantis *Theodoro de Haas*, *Consiliario*, proponebantur. Hic ante biennium dolore cervicis, capitis, lumborumque, longo tempore laboraverat, qui Empyemate terminabatur; similem affectum etiam in hoc ægrotante dari, & sibi & nobis persuadere conabatur, maximè cum etiam purulenta quædam, sanguini sæpius mixta, quandoque expectoraret, Asthmaticus satis; magis ea propter pectoris pulmonisque rationem haberemus, quam dorsi, lumborum, renumque, rogavit, curationem certam, qualis integra obvenerat sibi, etiam fratri promittens.

Medici *Alii* nobiscum nullam partem aliam internam accusari hic debere crediderunt, quam *renem dextrum*, hujusque læsionem doloris in ægrotante causam esse, idque magis, quod accurata observatione notatum esset, puris copiam in urinâ urinali receptâ imminutam esse, quoties ejus perforamen factum evacuatio largior. Imò credibile omnino nobis habebatur, ulcus purulentiam exhibens, supra musculum glutæum majorem, ad ossis illi dorsum occurrens, ex pure, à rene dextro ad musculum ferratum, & sacrolumbum destilante, ortum fuisse.

Concludebamus adeoque, ægrum nostrum *Calculo renali cum exulceratione laborare*, licet pulmonum malam constitutionem adesse haud negaremus, naturamque, morborum sæpè medicatricem, perforatione aliqua puri exitum procurasse, qua de re legi possunt quæ habentur apud *Fontan*, *exemp.* 42. *fol.* 117. *Tulpium Obs.* 4. *cap.* 27.

Antequam finem imponeret vitæ æger noster, præterquam quod dolores dorsi, lumborum, pectoris, & stomachi, gavissimi valdè debilitarent, febris correptus est continuâ ardente, cum vomitu purulento continuo; ad hæc tincturam beneditam propinavimus, at sine notabili successu. Agonizans ut Deo omnipotenti animam, sic medicis Chirurgisve corpus obrulit.

Aperto cadavere, præsentibus *Ampliss. Dn. de Haas Consiliario*, fratre defuncti, *Viris* celeberrimis *Dn. Guilielmo Pisone*, *Dn. Francisco vander Schagen*, *Medicis* & *D. Georgio van Loon*, *Chirurgo*, variisque aliis, *Pulmonem* invenimus sanum, sine ullâ inflammatione aut purulentiâ, parvum & mollem.

Ventriculo puris cinerei, & aliquomodo fætentis notabilis satis copia continebatur.

Hepar bene se habebat, nisi quod convexa

ejus pars inflammationis notas exhiberet.

Ren sinister satis bene constitutus, ac *dexter* in totum consumptus, locum ejus occupante materia callosa, cui hærebant calculi aliquot, quorum maximus, dorsi exulceratione præmissa, viam sibi loco ulcerato, fecit, penetrante parte acutiore, relictâ intra costas spurias parte ampliore.

Dissectio hæc docet nos, muneris nostri esse naturæ providæ succurrere. Quod si apertio quædam à nobis fuisset instituta loco altiore, eo scil. qui renum est, qualem instituisse *Hildannum* legimus *obs. parte sexta in Magdalena Ris*, si nistro licet successu, non dubito quin calculum majorem extrahere licuisset.

De Calculo ureterem renis dextri obturante.

Dissectio cadaveris *Magdalena van de Graaf* valdè contristavit non solum Medicos Chirurgoſque, sed & adstantes alios, consanguineos, amicos, quod, ejus ope, contemplari liceret, & interiorum viscerum constitutionem visam, miseræ vitæ authorem, & curationis impossibilitatem.

Quod enim in cadaveris hujus apertionem aggressus fuero, non solum desideria tegerunt medicorum variorum, qui ægrotanti manus auxiliares præbere omni ope allaborarunt, sed & nostra: sic enim fore nullus dubitabam, quin cujus conditionis hostis ille fuerit, qui miserè adeo hætenus vexaverat demortuam, quæve causa, quod, quæcunque magno numero, usurpata media, nihil omnino levaminis attulerint, constare queat.

Non unius sed duplicis hostis insultus sustinere, coacta fuit ægra nostra, quantum ex ventris imi apertione notare licuit.

Dissectis *Ventris integumentis communibus*, *musculisque abdominis dictis*, *peritonæum* occurrebat durum valdè, imò *cartilagineum* omnino, forsan, quo aquæ graviore sustinendæ commodius inserviret; per annos enim sex aut septem ex feri hic collecti copiâ tumidum circumgestaverat ventrem. Imò intra peritonæi duplicaturam ferum hoc in hac ægrotante collectum esse, sententia medicorum variorum fuerat, jam antequam venter aperiretur.

Peritonæo dissecto feri quantitas ea, quæ est *viginti quinque librarum*, effluit, haut f ne magna, siquidem comparetur quantitati illi, quæ in aliis solet observari, forsan quod, vel per vias occultas, vel per secessum aut urinationem, imminutum fuerit.

Ablatâ hinc etiam aquâ eâ quæ in cavo ventris continebatur, *peritonæum* interiore superficie nigrum observavimus, quasi sphacelatum.

Omentum nigrum itidem, & fere corruptum.

Intestina corrugata, commaculata.

Hepar tuberosum, grave, contractum, variis locis mucro incrustatum.

Vesicam bilariam tubera hepatis primò occultabant, ast mox bilis exiguum quantitatem continens se exhibuit.

Ventriculus vacuus erat, laxis, mucro obductus.

Lien exterius gravis, crassus atque ingens, at interius & coloris erat boni & consistentiæ debita.

Vesica urinaria urinæ nihil continebat, mucosa crusta, similiter ac partes reliquæ, obducta.

Hydrops hic imi ventris, ex tristitiâ, levi à causa inducta, ortum habens, subito invaserat agram, unde varia hominum judicia effugere non potuit, uno hanc, altero aliam subitanei huius incrementi ventris causam adferente; & cum vidua esset satis formosa, annon gravida esset occasio dubitandi multisdata.

Potio Monachodamensis sutoris, valde hic loci decantata, calida, acrisve aquosi humoris plurimum educebat at febrem continuam agrotanti inferebat.

Post varia adhibita medicamenta, meam implorare cœpit opem agrotans, quam in alio quodam subjecto à me institutam viderat *abdominis paracenthesin*, in suo instituere summopere flagitans, sic enim curari se posse sibi persuaserat. At ego, operationis huius incommoda exponendo, ab intento desisteret, effeci; aquam enim, ventre contentam, successu temporis viscera omnia, hepar, lienem, ventriculum, intestina, omentum imprimis, eo quod tenerum, pingue, facilisque corruptionis, corrumpere, adeo ut tonum naturalem amittant, imò tunicam eorum exterioriorem variis locis vi sua corrosivâ auferre quale quid in brutis iis videmus quæ in aquis diu detenta fuerunt, certum esse dixi, hinc metum esse, siquidem paracentheseos ope educeretur ventre contenta aqua, mucosum visceribus inhærentem, adhærentemque magis acrem, fœtidumque humorem cumulari, eundem dehinc citius putrescere. Distinguenda adeoque corpora esse eorum, docui, quibus ventris apertio instituenda; ut enim successus aliquis, incertus licet, expectandus, ubi paracenthesis hæc peragitur in hydrope recenter oborto, visceribus ab illuvie serosa minus alteratis viribusque corporis minus destructis, ita nullus, ubi inveteratum malum, interiora corrupta, vires deperditæ.

Videns agrotans nostra hoc auxilio se destitutam, annon aliud quid excogitari possit inquirere cœpit, ego, ne nihil egisse viderer, plastra medicamentis onusta licet jam oblata, ad feri aliquam evacuationem promovendam *Vescatorium* pedi dextro applicavi, *Emplastrum* itidem exsiccativum & corroborans abdomini, loco tamen illi maximè cui subjacet hepar. Præter hæc *conditum* sequens singulis diebus, aut alternis magnitudine juglandis assumendum, confici curavimus.

℞. Elect. Diaphæn. ʒj. β.

Rad. Jalapp. ʒj. β.

Gutta gamb. ʒj

Macis gr. vj.

M. F. Conditum.

Multum profuit, adò ut Ecclesiam adire, tempore vario, concederetur, nequiquam tamen in totum ab illuvie serosâ ventre congregata, variè mobili, adeoque nec respirandi difficultate, liberari potuit. Misere eapropter hostis huius impetus sustinere coacta usque dum secundus, qui nephritis, accessit, ad cujus ablationem medicorum operam de novo implorare necessarium fuit.

Renēs in cadavere, qui hosti secundo ja-

nuam aperuerant, extraordinariæ erant figuræ, *dexter* imprimis, magnitudinis, crassitieque excedentis, interius calculis nonnullis exilibus refertus.

Sinistro iusundibulum erat insigniter amplum, à quo ad ureterem via satis patens; cui digitum inferere indicem licebat, quale exemplum *Pareus* adfert *lib. 17. cap. 31.*

Ureteris huius in medio *calculus* hærebat teres, quem ex rene deorsum descendisse certo nobis persuademus, quarto maxime ante mortem die, quo urinam largiter usu medicamentorum excrevit, quæ jam per dies viginti tres (horrendum dictu) suppressa fuerat.

Consideratione dignum, ex feri sanguinis diuturna adeo retentione nullam cerebro inductam tunc alterationem fere quæ in tali casu supervenire solet, adeoque agrotantem, sanamente, sine ulla extraordinaria somnolentia, aut febre graviore, interjisse.

In anatome nostra procedentes *Renem* acessimus *dextrum*, de quo non est quod multa hic proponamus, alius enim hic se exhibebat *calculus* cui æquiparandum proponit *Nobil. Tulp. observ. lib. 2. cap. 45.* differt tamen noster ab eo qui *Tulpio* in *Margareta Nicolai* repertus, quod crassior, & intus epistomii foramen vasis claudentis renis pelvi impositus. Obstacle hoc similiter ac illud quod *Tulpus* invenit, conspicue omnibus ostensum, vindicavit artem ab ignominia, & inculcavit efficaciter.

Non esse in medico, semper relevetur ut ager.

Supereft hoc loco moneamus, insecta ea *cantharides*, *millipedes*, *locustas*, *cicadas*, similisque conditionis alia, diureticis annumerata, non statim ac urinæ excretio impedita est, usurpanda, cum plus sapius damni quam commodi agrotanti adferunt, eò quod ejusmodi animalculorum minutissimo satis insit virium etiam crassissima, attamen fluxilia, mucum scilicet, calculos, arenulas, & ejus generis alia, ureteres transire valentia, penetrandi, expellendique. *Job à Meckerem in Observ. Chirurg.*

Mors à lapidibus asperam arteriam premens.

Vir quidam laborabat maximâ anhelitus difficultate: non tamen tussiebat, non excreabat, nec ulla vel Asthmatis vel Orthopnææ, vel phthyseo, aut vulgati alicujus pectoris vitii aderant symptomata. Medici curabant eclegmatis, syrupis, & similibus morbum non obsequentem, æger tandem febre superveniente abiit ad plures. Causa autem morbi, & mortis postea sese aperto corpore aperuit, & hic clarè omnibus appositam figuram intuentibus apparebit. Lapidēs variū variæque figuræ iis quibus picti sunt, locis immediate asperæ arteriæ incumbentes, ita eam oppresserant, ut tandem hominem præfocaverint: cætera enim interiora nihil contraxerant vitii. Ita sæpè, quæ latent in corpore, medicantes latent. Quo magis risu digna eorum videtur arrogantia; qui medendi rationes ad Mathematicorum calculos volunt exigere, & medicos rident, si for-

si forte ex ignoratione rei prorsus extra ordinem sese offerentis mediis ordinariis fuerint usi, ad eum morbum depellendum, quem illi prudenter, quamvis non certo subesse existimabant. *Theod. Kereking. spicil. Anat. Obs. 22.*

Lapis in cerebro repertus.

Joannes Nicolai Westphalus 14. annorum adolescens, id ætatis inter rationis, stultitiæque continua traduxerat; semper somnolentus, semper capite obtuso: ut, si quid ageret, quod hominem saperet, potius ex ereperæ cuiusdam rationis scintillis, quam ex vero ejus usu proficisci videretur. Is cum obiisset 8. Junii anni 1667. operæ mihi pretium facturus videbar, si in c. usam constitutionis hujus inquirerem, & quid repererim, ubi, candide lector, audiveris, vide sis prudens facias de ejusmodi semistultis judicium.

Substantia cerebri omnino erat flaccida, pia mater, quod in hydrocephalicis fieri amat, ita laxè cerebro erat circumjecta, ut nullo negotio ab eo posset separari; cerebrum, non ut in hominibus fit, cerebellum magnâ ex parte obumbrabat, sed ab eo recedens, ut videre est in ovibus; nudum cerebellum primo aspectu oculis subiciebat, Glandulæ pinealis ne vestigium quidem natura elaboraverat; an forte, quia non decreverat homini huic indulgere istud (quod hic fieri quidam putant) animæ corporisque colloquium? an camphoræ instar aëri expositæ, in nihilum redacta? an denique resoluta erat instar salis ab humido? ratiocinentur alii in quaslibet partes; ego nihil nisi quod vidi & tetigi, aut alio sensu percepi in medium profero: inter quæ aqua salissima, quæ priores duos ventriculos fatui hujus plus mediâ parte repleverat, quorum dexter etiam inclivum servabat calculum colore albicantem, qui medicâ staterâ examinatus grana pendebat tredecim, quem & hic, quâ apud me asservatur specie, videndum præbeo. *Theod. Kerckring. spicil. Anat. Obs. 35.*

Lapis in corde repertus.

Puella undecim annos nata vehementer de anxietate & angustia quâdam circa regionem cordis querebatur: ubi mors eam doloribus liberaverat, curiosè in causam horum & mortis inquirens, reperi in corde lapillum ejus, quem in figura notavi formæ & magnitudinis, ponderis granorum 14. colore autem & reliquo habitu referentem perfectissimè eum lapidem, quem inter medicamenta rariora ex India asportant, & Bezoardicum dicunt. Notet Lector curiosus, contra ac sentiebat Galenus, jam indefessa Anatomicorum indagatione in corde non unum reperiri tumoris genus; imò glandulas, carnem, ossa, pinguedinem, & interdum ulcera; ut observat Civitatis nostræ & Medicinæ lumen Nicol. Tulpius, quo testimonio jam locus hujus calculi est probatus. De formæ autem similitudine cum bezoardico lapide idem accuratissimus observator dicit viginti novem calculos in una Senatoris Amstelodamensis vesica repertos, formâ, glabritie, ac levitate ita propè accedentes ad lapidem bezo. rdicum,

quem fert India Orientalis, ut facilè, vel accuratissimo imposuissent Aromatario. Interim notetur & hoc, in omnibus fere corporis partibus reperiri lapides. rarissimos tamen repositos esse in corde qui repeterint. *Idem ibidem.*

C A L E N T U R E.

Mutatio climatis, & ejus effecta valde sensibilia sunt in corporibus nostris, quando appropinquamus Tropicos. So. Et ant ibi accidere (quemadmodum animadvertere licet ex itinerrario *Purchasi*); morbi in navibus nostris circa id tempus; & simul ac transgressi sunt navtæ *Tropicum* latitudinem suam testantur explodendo tormenta, pro fausto adventu eouque. Non potui discere ex vetustis nautis aliam rationem diversæ conditionis sanitatis, cum nostræ naves nunc sunt obnoxia, ratione eorum, quæ majores nostri experti sunt, quam hanc: insolentia est nautis nostris & vectoribus, Phlebotomia in itinere uti ante id tempus.

At illa non est adhibenda præcipitanter, nec omnibus sub eodem gradu latitudinis; nam studiosè observavi in navibus nostris alterationem corporum nostrorum alterato climate, & comperi, sanguinem *Anglorum* quæ constat ex partibus crassioribus, & extrahitur ex nutrimento magis substantiali, videlicet, Carne, quam in aliis regionibus attenuari, & pulsus in quibusdam evadere tumidos, plenos & rapidos: in aliis lentos, attamen magis tumidos & plenos quam ante. Quidam sentiebant compunctionem in carne; in quibusdam erat torpor & oppressio spirituum: & post sudant, quæ conditio eo persequitur tandè ut supra dixi. Ex hac agitatione humorum facilè est ostendere rationem, cur majores nostri morbo afficerentur, & quam necessarium sit sanguinem emittere, quando quis talia symptomata in corpore suo sentit. Nam statim post sanguinis emissionem pori aperiuntur, & sudor insequitur; & hoc modo focii nostri in itinere *Jamaicam* versus, salvi adveniebant. Quibusdam curavi venam secare, sub 32. grad. aliis sub 28. aliis sub 24. & 23. grad. Et in omnibus navibus nostris non nisi tres mortui sunt. In navè nostra duo afficiebantur morbo famoso dicto *Calenture*: de cujus morbi progressu nihil dicere valeo: nam hoc modo pristina restituebantur sanitati. Cum uno illorum colloquebar, & ille subito per phantasiam imaginabatur sibi videre, *virides* frondes mari innatantes, quod revera erat colore *cæruleo*: postea in admirationem trahabatur, pulchrorum lignorum, quæ prope nobis instituta imaginabatur. Mox ego præbui illi Emeticum ex *Vitro Antimonii* in vino *Hispanensi*; & simul ac operationes suas illud exercuerat, omnes illæ phantasiæ evanescebant.

Nocturni dedi illi conservam rosarum rubrarum vitriolarum, salem absinthii & diascordium: proximo mane venæ-sectionem passus est in brachio; & à meridie in sincipite. Cibus ejus erat spulmentarium cum cremore *Tartari*; & pruna coquendo macerata. Nihil cum febre commune habere morbum observavi; pulsus ejus erat depressus, lentus & æqualis, tempe

ramentum iusto frigidius; nihilque caloris sentiebat, nec discolor erat lingua, nec sitiebat. Alter nihil imaginabatur præter viridaria pomorum aurantiorum & citreorum; & rogabat serio admodum scapham quâ littus peteret, adeo ut fortè præcipitem mari se dedisset nisi ei invigilatum fuisset. *Symptomata* eadem erant quæ in priori; nisi quod ejus corpus videretur esse multo frigidius; quamquam nullum internum sentiret frigus. Vomere eum feci, & caput ejus bene habebat, simul ac vomitorium dolores stomachi inducebat, seu quod nondum operatum fuerat. Dietam similem huic & alteri præscripsi, & tantum venam ejus secui in brachio. Phlebotomiam illis tantum adhibui ex cautella (nam aliàs benè constituti videbantur) & ut promoverem transpirationem & sudorem: quæ ex votis eveniebant.

Dubio procul sedes hujus morbi est in stomacho, & partibus vicinis, in quibus prima concoctio perficitur: & admodum probabile est, præcipuam ejus causam esse malam dietam, edendo durante itinere nimium cibi salis; salinis vaporibus ex stomacho peculiari modo afficiendo cerebrum.

Quod attinet ad curam per vomitum, non nunc exponam, qua ratione emetica operationes suas exercent, sufficit morbi sedem fuisse in & circa ventriculum; & tam in calidis regionibus, quam calidis anni stationibus, Regulam Hippocratis locum habere; *Æstate per superiora*. Nunquam observavi ullum utilem effectum simplicissimi etiam cathartici, quoad fui in Indiis, nisi in morbis chronicis: neque fere ulla adhibui, (postquam frequentia tentamina me cautum reddiderant) præter pilulas *Antimoniales*, vel *mercurium vitæ*, vel *infusiones vomitorias*. Et hac methodo præservavi optime naves nostras, & effeci properas illas curas, quas arbitror neminem antehac vidisse in *Jamaica*. Verum est, inter vilioris conditionis homines in aliis navibus, quando venimus in *Barbados*, prævia inquisitione me plurimos invenisse *Hydropicos* & *Scorbuticos*: & simul ac eo veni, omnes qui aliqua ratione male habebant, vomere & purgare curavi, *Mercurio vitæ*, *vomitiva infusione*, & *Cambodia* quibus mediis, & uno prandio cibi recentis, & quibusdam citreis missis, omnem inordinatam colluviem sustuli; ita ut tres duntaxat morerentur, prout ante dixi in toto itinere. Neque dubitarem rursus, ope divina, eo ducere longè majorem hominum numerum similibus mediis & cura. *Ex Observ. Domini Stubbes in Act. Philos. Reg. Societ. Angl. anno 1668.*

CALLVS MANVVM.

Vid.

MANVVM CALLVS
in Manuum morbis.

CALVITIES

Vid.

PILORVM DEFLVVIVM.

CAMAROSIS.

Præter architectonicam significationem quâ

concamerationem denotat, apud Medicos illam designat ossis ac præcipuè cranii frakturam quæ cameræ similem figuram efficit. De hac autem vide fracturas in genere, & in specie vulnera capitis cum fractura.

CAMBVCAMEMBRATA.

Est species bubonis vel tumoris ulcerosi ad inguina, vel juxta genitalia siti. Cum autem signum sit luis venereæ; & etiam ad bubones referri debeat, de eo non est quod hic specialius agamus.

CANCER.

*Curationes, Consultationes, Observationes & Anatomica Inspectiones
ex variis.*

Curationes.

Cancer, *Carcinoma* Græcis, Arabibus *Sarlan*, quibusdam *Cancrosum humor* appellatur; ut inquit Paulus Aegineta lib. 4. cap. 26. à similitudine quam habet cum cancro fluviali, quoniam circa malum hoc venæ turgescunt, & instar pedum cancri animalis intenduntur. Quidam verò hoc nomen desumptum asserunt, quod ab his, quas occupavit partibus ægrè avellatur, veluti cancer aquaticum animal, qui si quid pedunculis suis ceperit, id haud facile avellitur: insuper hujusmodi tumor cancri animalis colorem præ se fert, qui est lividus atque cinereus. Igitur Cancer tumor est rotundus, durus, inæqualis, coloris lividi, aut subnigri, magnas & eminentes circumquaque habens venas, dolore coloreque gravis, aspectu teter & horribilis.

Species hujus affectus duæ sunt, etenim cancer est vel non exulceratus qui propriè *carcinoma* audit, vel exulceratus, isque *phagedæna* Græcis appellatur. Quæ autem à cancro affici possunt sunt omnes corporis partes, imprimis laxiores & fungosæ, quales sunt mulierum mamma: Unde Galenus lib. 2. ad Glauco. cap. 10. sic ait. Cancrosum tumores in omnibus consueverunt fieri corporis partibus, sed præcipuè in mammillis mulierum, quæcumque sua naturali purgatione privantur. Et Corn. Celsus. lib. 5. cap. 28. Id vitium fit maximè in superioribus partibus circa faciem, nares, aures, labia, mammæ foeminarum &c.

Quoad cancri seu carcinomatis causas, eas quique Autores peculiare ac speciales huic tumori explicando assignant. Galenus tanti mali causam putat naturalem melancholiam, quæ sanguinis fœx ipsi dicitur, lib. de tumor. præter nat. cap. 7. & lib. 2. de crisib. cap. 12. vel bilem atram redundantem, quæ si in universo corpore existat superflua, Elephantiasin, uni autem parti inhærens, cancrum excitari contendit. Galeno se se opponit Sennert Prax. lib. 5. part. 1. cap. 20. cancri causam dicens atram bilem, in quam humor melancholicus naturalis, vel bilis flava degeneravit. Illam quippe adhuc naturalem, & nondum adustam, potius Scyrrhum

Scyrrhum, quàm cancrum producere affirmat: primam nihilominus occasionem Cancroso Tumori humorem melancholicum præbere posse non negat, atram interim & adustam accusans bilem in venis hærentem propter crassitiem suam & per Exiles meatus non penetrantem, quandoque mitiorem, minus calidam & acrem, quandoque calidiorem & acriorem, illam *Cancrum non ulceratum*, hanc verò *ulceratum* gignentem. Bilem atram, quam defendit huius mali causam humorem dicit calidum & siccum, acrem, salum, cuncta erodentem, & corrumpentem; adeoque non frigidum & siccum, hoc est, humorem verè melancholicum. Avicenna *Melancholiam adustam*; Oribasius *Bilem feruescentem*. Tagaultius *sanguinis facem*; Aquapendens, Pareus, & plures alii *Bilem atram*, imò omne id, quod sanguinem adustum ac melancholicum generare aptum est, accusant. Atque hæ præcipuæ sunt antiquorum de cancri generatione sententiæ. Verisimilius equidem nos putamus, *Proximam seu continentem cancri causam esse Humorem Acido salinum, & Austerrum, intra partem aggestum*; & quo humor hic majorem vel minorem habet acrimoniam, hinc cancrum produci vel ulceratum, vel non ulceratum.

Austerrum, hoc est, acidum acre potentius ac valentius accusamus, sive relictum ex alio Tumore nimis tardè, negligenter, vel malè curato, quapropter facile in *magis austerrum* desinere potest, adeoque in Scyrrhum, hinc in cancrum degenerare; qui tandem ob summam & pertinacem austeritatem vim corrosivam nactus exulceratur, & planè incurabilis evadit.

Atqui *causæ antecedentes seu Remote variæ esse possunt*; omnes nimirum quæ huiusmodi acido-acrem & austerrum humorem quovis modo generare, & in corpore augere possunt: tales sunt *aër impense Calidus*; *vitiosi admodum & crassissimi & potius ut allium, cæpa, Legumina, Carnes salitæ, & fumo siccata, Vina acida; vigiliæ immodicæ; animi passiones vehementes, præsertim, Ira*. Quibus accedunt *Viscerum quorundam obstructio; mensum, Hemorrhoidum, aliarumve consuetarum evacuationum suppressio*.

Cancer porro in sua origine, cogniti quidem difficilis est, at curatu facilis. Sed in progressu facile cognoscitur, difficile autem curatur. Itaque in principio vix, nisi à sagaci & erudito medico vel chirurgo dignoscitur; nam ut inquit Galenus, *Metb. Med. l. 14. c. 9.* quum primum oriatur, accidentia habet mitissima, & maximè confusa; tuncque parvus est, & dolens tumor, qui postmodum auctus majorem in molem accrescit, non decrescen- te interim dolore, insuper durus est, tactui renitens, lividus, plumbeus, inæqualis, vix circumcirca turgidis quasi inflammatus; ad hæc si talis Tumor sit in parte suspecta, in mammis putà; labiis, naribus, lingua aut Pudendis de cancri præsentia vix amplius dubitatur. Dein à scyrrho distinguitur imprimis dolore: Etenim vetus scyrrhus indolens est, cancer autem continuo dolorem facit, atque tum scyrrhum in cancrum degenerare conjicimus, quum incipiat acriter dolor. Verum cancer exulceratus cognoscitur facile, ex ulceris foeditate, labiis crassis, tumidis, livi-

dis, inæqualibus, erosus, saniem seu potius ichorem foetidum & copiosum eructantibus, acriter dolentibus, atque sanguinem frequenter fundentibus.

Caterum Cancer, sive sit non ulceratus, sive sit ulceratus, gravis est morbus atque perniciosum malum, tum ratione symptomatum, tum causarum, difficiliorisque curationis; hic tamen illo longè gravior est affectus, quod confirmat Hippocrates. *Secl. 6. aphor. 38.* quibus cancri occulti adsunt, non curare melius; curat enim citius intereunt, non curati longiori tempore vivunt. Ratio est, quod cancri non exulcerati, impositis medicamentis facile exacerbari, hinc exulcerari queant.

Incipientem Cancrum se curasse affirmat Galenus *lib. 2. ad glauconem*. Sed quum in molem creverit insignem, citra Cheirurgiam non esse sanabilem; huius quippè mali tanta ferocitas, tantaque sævitia, ut vehementissima quæque respuat medicamenta, quia illis irritetur potius, & excandescat, quàm ulla ratione curetur: hinc detestabile nomen, noli me tangere, sortitum est malum hoc, quod intactum relinquendum sit, & cura tantum palliativa curandum.

Ad *Curationem* itaque huius affectus quod attinet; abstinere in primis ægotans, ab iis omnibus, quæ humorem acido acrem, & austerrum generare, atque in corpore augere possunt. Dein istius modi humor, antecedens cancri causa è corpore educatur, *Purgantibus Medicamentis* per intervalla exhibitis. Interim *Phlebotomia* si nihil contraindicet, quoque celebretur. Præterea in Mulieribus menstrua, si sint suppressa, provocanda. Hemorrhoidum fluxus, quibus fuit familiaris, promovendus: necnon aliæ evacuationes suppressæ excitandæ: viscerum obstructions reserandæ ut, sic acidi & austeri generatio, quantum quidem possibile, prohibeatur. At verò *cura cancri Chirurgica* duplex est una fucata seu palliativa: altera vera seu legitima. *Cura Palliativa* Topica tantum applicat Medicamenta ad inhibendum mali impetum. Sed *Legitima* consistit in extrahendo, tollendoque omni eo, quicquid est cancrosum in parte affecta. Atque scitè hic animadvertit Hildanus *Cent. 6. Observ. 82.* nullum fere affectum hodie in Cheirurgia occurrere, in quo majores committuntur errores, quàm in curando Cancro. Dum enim vident Tumorem durissimum, curationem adhibere volunt methodicam, ideoque medicamenta imponunt calida, humida, emollientia, & quàm periculosa hæc sint in curando hoc morbo, quotidiana docet experientia, & exemplis confirmat Hildanus *Cent. 1. Observ. 89.* Enimverò Pharmaca emollientia atque pus moventia si imponantur magis utique excitant, & acriorem reddunt humorem cancrosum, ut tandem omnia exulceret, erodatque. Et quoniam vicinæ partes ab emollientibus admotis relaxantur simul, atque dilatantur, facile deinde dis- pergitur, vicinasque partes invadit illa acrimonia; quæ est fermenti ad instar, quod sanguinem, lympham, aliosque humores inficit, & sibi similes, hoc est, acres ac austeros reddit: quapropter Hippocrates meritò hocce suum decretum Posteris reliquit *Aphor. 38. Secl. 6. Qui-*

bus *Canceri occulti nascuntur, non curare praestat.* quod intelligendum de curatione Methodica, quæ contrariis periclitatur; nequaquam de sectione vel unctione, quæ sola, ut Galenus testatur, sunt canceri remedia. *Curati enim subito intereunt* scilicet per imposita Emollientia, quæ protinus exasperare solent cancerosum tumorem, *non curati vero diutius vivunt*, nimirum Curatione methodica, per topica emollientia atque pus moventia, sed instituta solummodo Palliatione.

Igitur occulti Canceri, si penitus exscindi nequeant, non methodicâ, sed Palliativa tantum cura sunt tractandi, ne exulcerentur. Cancer namque Occultus latet sæpè diu sine offensâ: sed irritatus exedit cutem; eaque sponte, siue Curantis imperitia, ad aperta, coercetur deinceps nullis repagulis; sed instar sævientis feræ depascitur quicquid obviat. Et quò liberius exhalet vapor illi inclusus eo impensius quoque affluit humor, tumorem adaugetur. Ad cuius intima siquidem penetrat circumfluus aer à tunicis antea exclusus, insequitur ilicò & major putredo & uberior partis affectæ luxuries. Blanda quippè remedia ut nihil profunt, sic nocent summe acrimia. & quò plus puris, eo penitus descendit virus, seca itaque mature, vel blandire prudenter. Et si lubet, audi C. Celsum, qui *lib. 5. cap. 28.* hæc habet, plerique nullam vim adhibendo, quæ tollere id malum tentent. sed imponendo tantum lenia medicamenta, quæ quasi blandiuntur, quò minus ad ultimam senectutem perveniant, non prohibentur. Ita Scribit Hildanus *Cent. 3. Observ. 86.* matronam cancro occulto in dextra mamma per quadraginta annos laborasse, absque dolore & ullo incommodo. Et Refert Ampliss. *Tulpius Observ. Med. lib. 2. cap. 47.* quandam in sinistris temporibus quinquaginta amplius annos durum ac inæquale carcinoma, sine ullo ulcere, ullave gravi noxa tulisse, cui post tot annos exulceranti cum levamine imponebatur hoc ceratum.

℥. Olei Rosacei ℥ij. ceræ albæ. 3vj. Plumbi usti ac loti ℥β. Oleum cum cerâ liquefiat & addito plumbo agitentur sex horas in mortario plumbeo, ut fiat ceratum. Ejus loco, & hoc applicari potest.

℥. Olei Rosacei ℥viij. Teratur in mortario plumbeo, cum pistillo plumbeo, donec crassescat & plumbi colorem acquirat, tunc admisceantur exactè Cerussæ, Lythargyri an ℥j. & detur usui.

Enimvero ulceratum cancerum, etsi non attingendum plurimi existimant, cum tamen inhumanum sit, ægrum etiam tali morbo laborantem deserere, Palliativa cura mitigare conemur; quæ saltem detur opera, nè phagædana facile proserpat, dolorque ut leniatur, atque minore cum molestia vitam ducere possit Patiens. Hoc efficiunt medicamenta quæ imposita moderatè siccant atque acidum, & Austerum imbibunt, edulcorant. Talia sunt quæ nunc proposuimus. Et scribit insuper ampliss. *Tulpius loco citato*, se feliciter canceris ulceratis admoveri vidisse *pulverem concinnatum ex plumbo liquefacto cum Mercurio vivo*; quòd Medicamentum *Amalgama Mercurii* dici consuevit.

Aquapendens, Chalmetaus, & alii pro cancro siue non ulcerato, siue ulcerato miris laudibus extollunt, unguentum de *Ranis viridibus*, cuius hæc est descriptio.

℥. Ranæ virides in aquis puris degentes; eas conicito in vas fictile vitreatum multisque exiguis foraminibus in fundo percussum, orabuto impleto, hinc vas ne quid exhalet, tuto diligenter obturato, cui alterum effossa terra conclusum supponito, ignemque in ambitu accendito; dem Oleum tenuiorem stillantem colligito, atque cum ranarum pulvere exactè misceto pro linimento; sunt qui *Aquam cancerorum Fluviatium* hic commendant. Alii *oleum de cochleis de illatum* laudant. Nonnulli *Aquam Ranarum* miris modis prodesse scribunt, cuius descriptio apud Hildanum *lib. de gangrana & Sphacelo cap. 19.* ita habetur.

℥. Ranæ aquatiles, easque suspende in cucurbita vitrea, ita tamen, ne fundum attingant, neque comburantur, & aqua extillans gravem odorem acquirat. Accenso igne aquam in arena clementer extrahere, ac adulum reservare. Interim ne removeatur ignis, priusquam omnino exsiccata fuerint ranæ, nec ulla amplius extillet aqua. Sculterus poli armament. *cheirurg. observ. 56.* ad cancerum occultum & ulceratum laudat ceratum oxylæum, & Linimentum simplex in mortario plumbeo agitatam, quorum descriptiones tradit *observ. 52.*

℥. Olei communis veteris ℥vj. aceti vini, lithargyri an. ℥β. Misceantur ad ignem lentum, donec cerati acquirant consistentiam.

℥. Succu solatri, Olei Rosacei an. ℥xxx. coq. s. a. ad consumptionem succi, tunc add. Cerussæ, Lithargyri an. ℥vj. M. S. A. in formam unguenti. Ex his nunc sequens componit.

℥. Cerati Oxylæi, Linimenti simplici an. ℥j. Olei myrrini ℥ij. misceantur diu in mortario plumbeo pro linimento. Cancro occulto imponi quoque potest hoc emplastrum.

℥. Emplastri Diapompholigos ℥j. Plumbi usti ℥β. argenti vivi extincti ℥β. misceantur exactè, & fiat in corio emplastrum. Vult Paræus, ut cancro non ulcerato imponatur *Lamina Plumbea*, argento vivo illita. Refert Petrus de Marchettis *obs. chirurg. 29.* se cancerum nasi ulceratum curasse ungento albo camphorato, in mortario plumbeo ducto, nullo alio adhibito remedio, atque sic horum, similiumve medicamentorum usu cancer non ulceratus, atque incipiens aliquando curatur. Ulceratus vero ad multos annos eodem in statu servatur. Equidem *Cheirurgia* omnibus palam præripit ad eradicandum malum cancerosum; eaque huiusmodi tumorem, tum in principio, tum in augmento exscindere, ac sectione perita penitus auferre potis est. Hinc Avicenna canceros minores radicitus exscindit, crassioremque sanguinem facta sectione, circumquaque exprimit, locum postea actuali cauterio inurens, ut mali cancerosi reliquæ porro absumentur, membrum corroboretur, & hæmorrhagia sistatur.

Igitur detestabile hocce malum, si manum *Cheirurgi* efflagitet; ac subire potius vitæ periculum; quàm misere semper vexari, consultum ducat ægotans; affectus erit considerandus, ejusdemque locus, num commodè sectio

sectio institui possit. Tunc enim comprehendendus totus tumor, qui lato & acutissimo cultro, quam celerrimè & promptissimè fieri poterit, rursus amputandus est. Non autem dissecta vasa sunt adurenda, sed imponenda potius medicamenta sanguinem cohibentia.

Sed cancrum sectione etiam si benè curatum, anno aut biennio post, in loco viciniore sæpius reverti, praxis docet quotidiana. Nihilominus tamen non semper contingit, ut idem malum revertatur, atqui curatus aliquando manet hic morbus. Videantur C. Celsus *lib. 5. cap. 23.* & Hildanus *Cent. 3. Observ. 87.*

Nonnulli cancrum extirpandum censent ad motis causticis; sed in re ejusmodi, quæ acria medicamenta repellit, iisque irritatur, ea curandi ratio dubia est, & periculosa, uti scitè ait Pigræus *Prax. Chirurg. lib. 10. cap. 22.* & Hildanus *Cent. epistol. 40.* hæc de re sic scribit: extirpatio quæ fit cauterio actuali, vel medicamenti escharoticis, sive quovis simili medicamento erodente mihi suspecta est, quia experientia docuit, cancrosa ulcera hujusmodi remediis exacerbari, atque peiora fieri.

Sectionem verò & manum Cheirurgi si renuant ægri, vel non admittat tumor ob profunditatem, vel exulcerationem, cura tantum *Palliati-va* ob vitam foeliciorem & nè malum ulterius serpendo, partesque erodendo majorem inferat dolorem, instituat, de quâ abundè nunc dictum est. *Joan. Munnick. Chirurgia ad prax. hodiern. accommodata. lib. 1. cap. 23.*

Cancer mammillarum in mulieribus plerumque subsequitur mensium obstructions aut si alia causa procatartica suum initium habuerit, sæpè tamen menses subsistunt, & malum fit deterius.

Non exulceratum satius est intactum relinquere, hoc modo nihil proficientibus auxiliis, sed malum exasperantibus. Mitius fit, si menses in pristinum statum vel à natura, vel medicamenti revocati redeant, si per ætatem id licuerit, aut si corpus alias cacochymum purgantibus, & mundificantibus reddatur purius.

In mundificantibus præstat specificum purgans Paracelsi. It. Mercurius dulcis, & alia melanagoga cum chymica, tum vulgaria.

Ulceratus firmissimè sanatur, primo, aqua fuliginis mundificante, donec nempe fiat eschara. Secundo, valet oleum arsenici fixi in aqua plantaginis distemperatum, donec nempe mundificetur ulcus, & eschara sponte vel axungis adjuta cadat. Quod si fibrosæ radices per cavitates hinc inde disseminatæ fuerint, volsellis evellantur prudenter.

Internè sæpius magisterium ocul. cancrorum in aqua empetri aut Persicariæ exhibeatur.

Externe mundificato ulcere, & cancro mortificato, consolidantia ex oleo, balsamoque sulphur. ejusque emplastro procurentur.

Hæc autem cura celebris est in ulcere cancroso vel carcinomate tantum incipiente. Si esthiome non accesserit, seu si ulcus sordidum, & cavernosum redditum fuerit, præsertim, si in thoracem usque propagatum, rarissime sanatio ulla locum habere potest. Præstat post mundificantia sæpius ulceri aspergere pulverem de cuticulis ovorum internis pullo- rum exclusorum.

Lactis redundantiam auferunt maximè folia ticutæ, vel menthæ apposita. It. Cæseationem lactis solvunt, felicijus operaberis, si menses simul fluant, itaque vel à natura vel arte movendi.

Lac promovet semen fœniculi sæpius comestum. It. radix fœniculi gestata id præstat, pulvis crystalli lapidis tenuissimus intro semel atque iterum pondere ʒss. vel etiam ʒj. datus in aqua fœniculi à proprietate quadam lac augere videtur. Scissuras mammillarum tollit axungia cochlearium, de qua supra de fissuris labiorum. Item capipomada.

Cancer est tumor inæqualis aspectu teter, aliquando cum dolore; nomen accepit à cancris. Hoc vitium fit in omnibus humani corporis partibus cum internis tum externis, quæ à naturâ purgationem habent, quod raræ & laxæ sint, quæ crassissimam materiam melancholicam promptissime excipiant. Generatur ex melancholico humore effervescente, qui, si sit acrior, exulcerationem efficit.

Sunt cancrorum differentia speciales. Nam quidam ulcere carent, quidam exulcerantur: signa sunt tumor, magis phlegmone nigricat absque tanta caliditate, venæque in habitu intumescunt, quoniam sanguis inutilis à profundo attrahitur, ideoque varicosæ venæ redduntur.

Color cancri cinericius, sublividus, ad purpureum vergens, tactu durissimus, pungentes interdum dolores inducere solet, & maximè in maxillis, mammillis, in aliquibus autem corporis partibus dolorem infert, in aliquibus non.

Diversificatur tum ratione loci, tum ratione materiæ cum sunt humores mixti, melancholici atque biliosi simul; ratione loci in facie, in labiis, in naso, in fronte, in manibus, digitis, ut experientia me docuit.

Hæ partes immunes sunt ab omni dolore; in mammis autem dolorem pungentem habet, in virili parte quoque dolores habere solet.

Nascuntur aliquando in labiis, naso, in angulis oculorum, in fronte, & in tota faciei parte, ut plurimum quasi verrucæ in forma ciceris, postea dilatantur, & crescunt sicut fungi cum labiis callosis & inversis, solent sanguinem vel quiddam virulentum emittere, in fronte solent ut plurimum corrodendo se dilatare.

Aliud genus, seu species nullo modo, ad ulcus pervenit, sed tumor, scirrhusque durus, lividus & nunquam ulceratur, & quotidie augetur. Imò ut plurimum in collo, hepate, splene, in vulvâ, in matrice nasci solent, raro in aliis corporis partibus, neminem vidi nisi Patavii in naso cujusdam mulieris.

Primum hujus vitii genus si ulceretur, jugiter erodit, & profundum suffodit, saniem putridissimam emittit, & dolorem abominandum creat, qui sufferri vix potest.

Incurabilis est, qui habet radices seu venulas varicosas, quæ sanguinem è profundo attrahunt, in partibus thoracis, alius est curabilis.

In curatione cancri 1. Instituat victus ratio, in qua vitanda, quæ succum melancholicum generant, utendum ptisana, hordeo, malva, atriplice, betâ & omnibus, quæ bonum gene-
rant

rant sanguinem, & costū facilem bibendum vinum tenue, album, non valde antiquum.

Vacuatio primū tentanda sanguinis missione, modō vires & aetas permiserint.

Vena in gibbo media secanda, & primō menses provocare, post humorem peccantem evacuare oportet.

Si hamorrhoides in viris, quibus emanare consuevere, suppressae sint, recludantur.

Purgantia erunt epithymum, fenna, polypodium, serum lactis, & huiusmodi composita diasenna, diabuglossum, pilulae, de lapide lazuli.

Post hanc humorem, qui in partem decubuit, repellere, vel discutere, ad hanc particulam, ne quid humorum abundantiae ad eam continuat, firmare oportet cum aliquo percussivo circa locum affectum: post imponendus pulvis benedictus ab altissimo mihi datus ad utilitatem generis humani.

Hunc ordinem servare oportet medicum: manē jejuno medicus semper cum sputo bombacem apponat. Si cancer est ulceratus, accipiat pulverem, ut aspergunt farinam super pilces cum parantur in sartagine; & cum praedicta bombace tegat ac cum sputo liniat circumcirca, ut adhæreat, cum adhæret, nunquam cadit, nisi una secum radices eradicet. Solet hoc ut plurimum inferre dolorem interpolatē, quando humor acris & mordax non potest purgari per ulcus (etiam alioquin fit tumor magnus eo tempore, nec removendum medicamentum, nec aliquid supra apponendum, sed circum oleo rosaceo illinendum, & postea dimittendum usque dum per se cadat) quando ille humor acris purgatur per ulcus, nullum dolorem infert, postea purgatur sicut alia ulcera. Sed ego semper usus sum pulvere incarnativo, mundificativo, & digestivo solum ex terebinthina & vitellis ovorum cum unguento de lithargyro, & mumia, ut infra scribam.

Semper avertendum, ne aliquot radices remaneant, & si remanserit, iterum imponendus pulvis. Extant alioquin, dum adsint radices varicosae, unus cancer super alium quasi struma, tunc oportet iterare pulverem, usque dum strumae omnes evellantur, & isti cancri sunt difficilissimae curationis, cum sint in thoracis partibus, quia inter thoracem radices habent. Multas mulieres curavi solo hoc emplastro, dum erat in fieri ulcus.

℞. Ammoniacy in acet. soluti, & exquisitissime purgavi succum illum malignum tali modo, quod non fluebat ad locum affectum (expertus sum in mammillis) & saepe iteravi ad perfectam curationem. Hoc emplastrum post consolidationem ulceris per aliquot dies apposui, & feliciter curavi nonnullos. Pulveris benedicti conficiendi ratio.

℞. Pulveris in signo A. 3 ij. B. 3 j. C. 3 iij. Subtilissime quantum sufficit impalpabilis reddatur super Porphyritem, servetur in loco bene clauso, ne humiditatem recipiat, & quanto magis inveteratur, tanto pretiosior est. Ante annum ad usum non erit bonus.

A Accipe in Mense Junio Julio, & Augusto radices dracunculi majoris (quia eo tempore folia siccantur, & tota radix remanet in terra) radicem illam scinde in plures particulas, sus-

pende in loco, ubi spirant venti, cum siccatae sunt, serva illas ad usum in conticiendo pulvere. Quando istae radices non haberi possunt, in earum vicem radices dracunculi minoris, qui dicitur Aron, sed melior major dracunculus, qui dicitur dracunculus.

B Sandaracha ab antiquis à vulgo dicta arsenicum album, calcinosum, non splendidum, quam vitrum, non rubeum quod in se habet quandam malignitatem, sed album calcinosum non habet tantam malignam qualitatem; praepara sequenti modo.

℞. Illius q. v. subtilissime pulverisa per 15. dies de tertio in tertium, appone aquam vitae in loco calido, ut recipiatur illius virtutem, & cooperiat aqua vitae, ad illum pulverem post triduum iterum nova aqua vitae apponatur, & illa quae prius adfuit, abjicienda. Misce semel cum aqua, & tunc erit praeparatum.

C. ℞. Fuliginem, quae reperitur in caminis (supra de contortantibus de oleo fuliginis) non antiquam neque annosam, sed quae habeat in se falsuginem, quia solet reperiri quasi tela araneorum, & haec non est bona, & prudens operator poterit considerare sua diligentia, & ut supra, componit pulverem. Pulvis incarnativus, & mundificativus.

℞. Olibani, succocollae, mastichis, myrrhae, aloes, mumiae, aristolochiae utriusque ana 3 iij. mercur. praecipit. cum aqua calcinata compositi 3 i β. F. Pulvis. Ego ulus sum praecipitato facto cum sale amalgamato, in nobilibus unguento sequenti.

℞. Lithargyri auri 3 iij. mumiae 3 i β. subtiliter pulverisat. cum oleo rosaceo; & acet. rosaceo. F. unguentum in mortario plumbeo unguentum quo uti soleo, tale est.

℞. Lithargyrum, affunde oleum, & agitentur per quadrantem horae, postea adde acet. rosaceum, & sic agitur postea iterum solum, semper agitando, & fermentando per 3. vel 4. horas. & erit optimum compositum.

(Radicem cicuta sub cineribus assata, & calidam applica, continuando per aliquot dies cancerque excidet, experimento probato) Joan. Harbmannus in Praet. Chymiatr.

Cancris non ulcerati curatio consistit praecipue in universali regimine (particulari tamen minime omisso) quod omnino tale erit, quae in curatione scirrhi docuimus, tum quod ad aeris delectum, tum quod ad aegroti vivendi rationem attinet. Nempe humorem sirupis, julepis, apozematis praeparandum esse. Purgatio quidem blanda, & modica erit, ut humores minus agitentur sed saepe si sit opus iterabitur, sanguis ex adversa parte ad refrigerandum, itemque ad sedandum & mitigandum dolorem, utiliter detrahi poterit: adhibebuntur cardiaca, & quae cor atque praecordia corroborant medicamenta, ob malignos, vitiososque vapores, qui e tumore attolluntur, & eas partes offendunt. Saepenumero quidem bibet & comedet, sed parum admodum. Somnus perutilis est, ideoque nisi natura sponte obrepat, arte conciliandus. Dandaque imprimis opera, ut hamorrhoides viris, menstrua autem mulieribus fluant. Proritentur haemorrhoides acrioribus balanis, linteis asperis, & foliis ficuum, vel admoveantur hirudines. Mulieribus vero manē ante

ante exitum è lecto fricentur crura, & tibiæ, per semihoram præmissa purgatione.

Regimen verò particulare versatur duntaxat, aut in tumoris palliatione impediende quominus ille incalascet, augeatur, & invalescat, aut certe in tota illius ablatione & amputatione.

Tumoris Palliatio topicis remediis fiet, quæ refrærandi, mitigandi, & sedandi humoris, furoris, & violentiæ facultatem, virtutemque habebunt. Nam tota spes curationis consistit in repellentibus, & resolventibus, atque leviter repellentibus, humor crassus, & contumax non cedit, multò minùs leviter resolventibus patitur se discuti. Vehementer repellentibus partes quidem tenuiores dissipantur, sed crassiores manent. Itaque mediocriter repellentibus, & resolventibus superficiarios incipientes canculos gloriatur Galenus se persanasse, profundos aut inveteratos, aut omnino non attigisse aut duntaxat, dolorem ut demulceret, & incrementum prohiberet suscepisse. Remedia verò mediocriter repellentia, & digerentia sunt succus solani, pompholix lota quæ tuthia vulgò dicitur. Galenus q. simpl. supra cætera commendat plumbum ustum & lotum; nam metallica lavari debent, ut acrimoniam deponant. Plumbum autem humoris melancholici acrimoniam moderandæ & sedandæ vim habet. Ex his tribus unguentum in officinis paratur, quod diapompholigos appellatur, cujus penuria permittit Gal. ut utamur emplastro diacalcytheos quod vulgò diapalma nuncupatur, dissoluto succo solani, & oleo rosato, aut.

℞. Ol. rosat. sine igne confecti ℥ viij. teratur in mortario plumbeo, pistillo plumbeo, donec crassescat, & plumbi colorem acquirat, misce cum litharg. & cerusæ seorsim contritæ ana ℥ j. fiat unguentum. Oleum de ranis, & de limacibus non tantum dolorem lenit, sed etiam mediocriter repellit & resolvit. Si placet pulvis ranarum aut testarum canceri cerato Galeni vel succo solani permisceatur. Vel.

℞. Succ. solan. & ol. rosac. an. ℥ iv. pulv. ranar. ustar. & testar. canceri an. ℥ iij. tuthiæ, & plumbiusti loti an. ℥ i β. agitentur simul in mortario plumbeo, fiat unguentum. Crystalli pulvis à quibusdam commendatur præsertim in ulceratis. Tenella fraxini folia in aqua coquantur, decocto pars foveatur, & ex residua paretur cataplasma. Quod sequitur sæpe, & feliciter est à me usurpatum.

℞. Theriac. veteris ℥ j. succi cancerorum ℥ β. succ. lactuc. & olei rosat. an. ℥ i β. vitell. ovor. sub cinerib. coctor. ij. caphuræ ℥ β. agitentur in mortario plumbeo & fiat unguentum. Vel.

℞. Ol. rosat. & ceræ albæ an. ℥ ij. succ. granor. & fol. solani ana uncias duas plumbiusti loti, & cerus. præparatæ ana ℥ i β. thuris, massich. an. ℥ ij. fiat emplastrum molle. His autem remediis leniter utendum est, nec calefaciendum quidquam, fricando leniter tumorem, omnemque illius ambitum, deinde solo linteo, eoque lenissimo & tenuissimo cum tegendo.

Alterum verò caput, quod est de cancerosi tumoris ablatione, aut amputatione, diligenter considerandum est, videndumque, an tutò id fieri possit, ut si corpus malè habitum non fue-

rit, si cancer perexiguus, & in aliqua ignobili parte, proculque a magnis vasibus ac nervosis partibus fuerit; auferendi igitur illius erit ratio.

Tumor ille totus primùm corripendus, & cum omnibus suis radicibus, acutissima novacula adhibitâ penitus amputandus est quàm celerimè & promptissimè fieri poterit. Deinde permittendum, ut venulæ illæ, quæ alimentum illi suppeditabant, libere & abunde fluant, & causæ illius antecedentis nihil omnino supersit, unde recidiva fieri possit. Quo quidem facto cauterium actuale quod cæteris hæc in re aptius est & efficacius (quippe promptius, minusque doloriferum, omnemque virulentiam & malignam qualitatem dissipans & consumens, parti affectæ applicandum est; Tum accelerandus crustæ casus, & recenti butyro in mortario plumbeo diu agitato quodammodo provocandus: ea autem ubi deciderit, nisi aliud quoddam symptoma acciderit, tractandum erit ulcus, ut cætera, quorum curationem suo loco trademus.

Nonnulli eum extirpandum censent causticis, sed in re ejusmodi quæ acria remedia repellit, isque irritatur, ea curandi ratio dubia & periculosa est. Itaque standum consilio Hippocratis, præstat canculos ocultos non attingere, sic enim in longius vita protrahitur, satis est si humor melancholicus per intervalla purgetur, ut sistatur incrementum, non neglecta venæ-sectione, quæ ardorem contemperet & dolorem demulceat. Utatur lacte asinæ, aut capræ; utatur etiam carnibus viperar. serpentium præparat. & saetheriacali, ut in elephantiasis curatione. *Joan. Vigierius Chirurg. magna lib. 1.*

Cancer ulceratus cum apostemoso multa habet communia, ut tumorem, duritiem, dolorem: multa particularia, ut labia tumida, dura, inversa. Continuo saniem eructat tenuem & aquosam, nigram aut fulvam gravissimè olentem, quæ nullum est præsentius venenum. Denique ulcus est ipso aspectu horrendum, & cujus differentiæ sunt lupus, & noli me tangere. Ille est cancer cruralis, hic in facie ab imo serpens sursum. Verum in tibiis serpit citò, tardius in facie, nisi medicamentis irritetur, unde nomen habet. Cancro crus occupanti vulgus quotidie gallinæ carnes apponit, quarum suavitate furor morbi mitescit. saniei malitiam benignitas carnis lenit, serpigo sistitur, & vicinarum partium exesio retardatur.

In aliis partibus tam externis ut mammis, & generalibus, quàm internis, utero, retinet nomen generis additâ parte affectæ: minus depascitur & dolet qui fit à pituita falsa, putri, conversa in atram bilem. Maxime omnium furit qui fit à flava bile pro unctionis gradu in atram degenerante. Repurgato humore atrabilario, misso sanguine, constitutis vitæ legibus, si quis affectum hunc patitur, nec morbus magnus & obfirmatus altè jam radices egerit, totus cancer extirpetur. Nam si minima portio relinquatur, solito deterior renascetur. Guido suadet, ut abscisso carcinomate è foeculento sanguine è vicinis partibus diligenter expresso, locus uratur: alii caustica, eaque non levia, sed vehementissima loco unctionis usur-

gant. In quibus primas laudes habent arsenicum sublimatum, cujus usum sæpè docuimus; interim vicinæ partes defensivo aliquo munientur, nè dolor fluxionem & inflammationem accersat intra triduum scarrham producat, quæ remota, & placato dolore ulcus in modum cancerorum percuretur.

Tum verò extinctum cancrum intelligens, cum subjecta caro laudabilis apparebit, nullaque inde sanies putrida dimanabit. Inter omnia remedia laudo & probo sequens.

℞. Radic. serpentar. Maio mense vel Junio collectam, in talieolas transversum dissectam, filo lineo trajectam, & ad umbram exsiccata, nec parietem attingat, redigatur in pulverem tenuissimum, cujus sume quantum volueris, adde arsenici crystallini partem tertiam, fuliginis camini parum, misceatur optime, pulvis servetur in pixide ligneâ. Carcinoma ulceratum prius acutius transforetur in formam crucis, inspergatur pulvere supradicto, & fiet scarrha, quæ circa diem duodecimum decidet per se: tandem uteris emplastro sequenti.

℞. Galban. opopon. sagapen. an. ℥iv. ammoniac. bdellii an. ℥viij. in aceto distillato solvantur, soluta exprimantur, & ad aceti consumpt. evaporentur. & ad emplastr. consistentiam coquantur.

Postea ℞. Olei chamæm. ℔ij. ol. hyperic. ℔j. ol. laurini ℥iv. ol. Thereb. ℥j. petrolei ℔j. ceræ novæ ℔ij. ponantur simul cum prædictis gumm. & coquantur perfecte igne lento. Postea adde litharg. ℔ij. aristol. utriusque, oliban. mastich. myrrh. elect. corall. rubri & albi an. ℥iv. lapidis calamin. ℥vj. Karab. ℥j. flor. antimon. ℥iv. salis vitriol. munia, camphoræ an. ℥ij pulveranda pulverentur, & cum supradictis lento igne misceantur, continuè movendo, dum fiat massa emplastri, de qua formentur duo emplastra debitæ magnitudinis, unum cancro mane impone alterum vespere mundando qualibet vice ulcus, & abstergendo cum panno lineo molli & intra paucos dies curabitur.

Hoc emplastrum omnibus ulceribus etiam scrophulosis medetur, absque ullo alio medicamento, neque inveniri potest ullum præstantius in curatione cancri.

Quod si consistat in parte internâ, ut utero, vel quæ excindi non possit, aut ager sectionem, & unctionem refugiat, contenti sumus curâ palliativâ, quæ morbi impediatur incrementum. Victus conveniens imperetur, qui atræ bilis fervorem contemperet, ut ptisana, serum lactis, caro vitulina. Corpus per intervalla repurgetur, sanguis mittatur, hæmorrhoides viris si substituerint, mulieribus menses provocentur. Topica sint linimentum ex succo solani agitato pistillo plumbeo, in mortario plumbeo, addendo parum camphoræ: aut succi penuria utere aquâ solani destillatâ, eâque camphorata. His intincta lintea sæpè applicentur cancro: vel misce plumbum ultum, unguento de cerusâ: benefaciunt quoque unguenta de minio, de cerusâ, de tuthiâ, de plumbo, diapompholigos: lamina plumbi illitâ argento vivo, aut.

℞. Plumbiusti & loti, tuthiæ, & thuris an. ℥v. olei absynth. ℥j. olei rosar. ℔β. ceræ ℥iβ. succi solan. q. s. ad unguent. crassitiem. Dolorem

lenit cataplasma ex foliis cichor. & papav. aut ex foliis alth, tritis cum paulo ol. rosaceo. Vel.

℞. Tuthiæ Alexandrinæ ℥ij. pulv. canceror. fluviat. in furno adustor. litharg. arg. an. ℥ij. antimon. plumbiusti an. ℥iβ. succ. plantag. gallitrici, solani, politrici, centinod. alleluia an. ℥vj. alum. rochæ ℥iβ. prius collatis succis bulli ut omnia simul usque ad consumptionem succorum, deinde pulveriscentur subtiliter, & ducantur in mortario plumbeo, donec colorem nigrum acquirant, & utere intra cancrum ulceratum, ponendo insuper unguentum pompnoligos magistrale.

℞. Tuthiæ ℥ij. mirob. citrin. litharg. plumbiusti an. ℥j. calcis decies extinctæ in aqua hordei ℥iij. cerusæ ℥vj. terræ sigill. ℥iiβ. aceti ℥iv. succor. plant. sol. n. an. ℥iijβ. bulliant omnia simul usque ad consumpt. succor. & aceti, deinde pistentur & ducantur in mortario plumbeo per tres horas, & utatur modo jam dicto. Vel.

℞. Muccag. sem. psyllii, lini, fœnugr. extract. in aquâ ros. & plant. q. s. ex his tepidis fiat fœtus: Vel.

℞. Rad. alth. ℔β. coquantur in hydrom. & trajiciatur, addendo oi. ros. parum, fiat cataplasma; vel.

℞. Stercoris bubuli ℔iv. herbæ roberti, plantag. sempervivi, hyosciami, portul. lactuc. endiv. m. j. cancror. fluviat. xii. pistentur omnia simul, & destillantur alembico plumbeo, liquor servetur usui, atque de eo fiat injectio frequens in partem, vel si partis situs permiserit, inde cancrifera ipsius ulcera abluantur, & lina carpta insuccata subinde renovanda apponantur: sic enim inflammationis acrimonia, & vis obtunditur, & dolor sedatur; vel.

℞. Litharg. & cerusæ an. ℥j. terantur in mortario plumbeo, donec reducuntur ad consistentiam linimenti vel unguent. vel.

℞. Plumbiusti loti, pompholig. thuris an. ℥ijβ. absynth. pont. ℥β. ol. ros. ℥iij. ceræ ℥vj. succi solan. q. s. fiat unguentum in mortario plumbeo cum pistillo plumb. Theodorici emplastrum ad cancrifera ulcera lenienda.

℞. Olei rosat. compl. ceræ albæ an. ℥iiβ. succor. granat. & solan. an. ℥ij. cerus. lotæ ℥j. plumbiusti loti & tuthiæ præpar. an. ℥β. mastich. ℥ij. fiat emplastrum molle; vel.

℞. Thereb. vet. ℥j. succi canceror. ℥β. succi lactuc. & olei ros. an. ℥iβ. vitellos ovor. sub cinerib. coctorum num. ij. caphur. ℥β. pistentur omnia in mortario plumbeo, fiat unguentum. vel.

℞. Spumæ argenti, axung. porci recentis, ceræ albæ an. ℔β. olei boni ℥iv. vitell. ovorum assatorum num. iv. fiat unguentum. *Joan. Vigierius Chirurg. magna lib. 2.*

Curatio cancri, quâ quidem fœliciter usus est à magno quodam viro mihi communicata, talis est.

℞. Rad. serpentar. maj. mense Junio collecta, transversim incisâ, & filo lineo trajectâ, & ad umbram exsiccata, suspensâ nè parietem attingat, in subtilem pulverem redactâ quantum volueris, cui adde arsenici non splendentis tertiam partem, fuliginis camini parum, omnia benè commisc. & subtilissime pulveriscentur, & servantur in pixide ligneâ. Si ulcus sit valde putridum, arundinaceo cultro scalpendum est, ut

ut parum sanguinis exeat, & pulvis subtiliter inspergendus, atque gossipium saliva madefactum, superponendum, protestandumque est, quod per diem & noctem unam, dolorem molestem excitabit, atque pars intumescet, sed quanto tumidior evadet, eò melius non est removendum medicamentum, sed faciet escharam, quæ sponte per se post octavum diem cadet, si post escharam elapsam, immundum remanebit: ulcus mundifica cum melle rosato, succo apii, & parum farinæ hordei, vel unguento isidis, & superponatur unguentum de tutia. si verò aliqua radix remaneret, rursus appone pulverem prædictum, & pro removenda eschara nihil addes, sed naturæ permittes, sed antequam aggrediaris curam, purga corpus competenti purgatione, & rectam victus rationem præscribe. *Carolus os levis* in epistola ad *Laurent. Scholzum* lib. 3. Epist. *Craconis* & aliorum med. à *Schozio* Edit.

Placet hic cancri ablationem & veram ab amico mihi communicatam, subungere.

℞. Arsenic. alb. subtiliss. pulverati pt. i. rad. ari pulveratæ part. iij. fuligin. parum, ut in trium horum miltone, pulvis modicè cinereus, vulgò griseus fiat, qui ad usum servandus, & quò vetustior, eò melior evadit, ac in quintum usque annum durat. Hic pulvis exulcerato cancro ad crassitiem dorsi cultri, cavendo ne bonam carnem tangat, inspergatur, in medio tamen paulò spissius, ob mediam cancri radicem, communiter reliquis majorem. huic asperso pulveri gossipium extensum, & salivâ benè madidum, ut cum pulvere eò melius adhæreat, aliàs nihil operabitur, imponatur. Inspergendus autem pulvis, postquam æger jam passus fuerit, & exulceratus cancer, nullis aliis quam ligneis instrumentis tangendus. In adhibitione hujus pulveris cautela aliquot notandæ veniunt. Ob diversos effectus ejusdem, aliis enim dolorem creat, aliis non item, penetrat usque ad venas seu radices cancri, illique firmiter adhæret, ut sine ruptione harum adimamplius nequeat; quare semel tantum inspergendus, quia ejus vis, donec omnia se um auferat, durat. Interea nulla alia medicamenta imponenda, quia hoc sine noxa fieri non posset, nisi in ambitu circumcirca, ad latitudinem 2. digitorum transversorum, defensiva, seu potius repellentia & inflammationem impediens, quale hoc esse potest.

℞. Bol. armen. ol. ros. an. q. f. aceti ros. parum misce. solet quandoque ob penetrationem & vim medicamenti, ruptio venarum, eamque effusio magnæ sanguinis copiæ, & simul materiæ flavæ & acris, subsequi, quæ ubi contigerit, nullum medicamentum præter lintea duplicata imponenda, & quoties madida, renovanda; fluxio enim hæc ultra unum aut alterum diem non extenditur, hacque omnis auferitur dolor, his factis expectanda cancri suâ sponte cadentis, à sanâ carne separatio, quæ continget intra 18. aut 20. dierum spatium: minima namque rupta radix ante hoc tempus, vi illata, totius curæ reiterationem minatur, separatione hac secuta ulceri sequens pulvis inspergendus.

℞. Thuris puriss. mummia, mastich. aloes Sarcocoll. an. 3j. opopon. opt. 3ß. laventur

omnia aq. plantagi. & ros. fiat pulv. tenuiss. qui acrior reddi potest aucta thur. mastich. myrrh. & sarcocoll. quantitate, pulvere crasso insperso ulceri, tale unguentum supra telam extensum imponatur.

℞. Lytharg. auri ʒij. mumm. ol. ros. ʒiß. aceti ros. parum: pulverata in mortario plumbeo agitata incorporentur, & si diutiusculum adhuc sit unguentum, adhito ol. rosac. mollius reddatur. Hæc 2. semel. in die applicare usque ad plenam ulceris consolidationem sufficit, emanabit ex eorum usu, primis diebus, materia vilcosa, tenax & alba, quæ in dies optimè extergenda, usque ad absolutam curam, quæ auxiliante. Deo, his omnibus ritè administratis promittitur. *Felix Platerus* Practic. Tom. 2. cap. 17. pag. 752.

Hic est pulvis quo *Antonius Fuchius Italus* multos cancos per *Germaniam, Poloniam & Angliam* non sine admiratione curavit, atque inde non exiguum lucrum fecit, & ob id Medicus cancorum vulgò nominatus fuit. *Rodericus à castro* lib. 1. *De morbis Mulierum* cap. 21. & 22. & *Daniel Sennertus* Practic. lib. 4. part. 3. sect. 1. cap. 7.

Vir quidam meis diebus in tractu Juliacensi cancrum quemlibet sanabat insperso pulvere indolente, atque tum denum emplastro incarnante solidabat; cujus ars secum sepulta est. *Joann. Helmont.* Tractat. de *Ideis morbofis.*

Si Parvus est cancer camph. & non vult cedere, non dentur corrosiva fortiora, sed inhibentia tantum, ne ulterius serpat v. g. è Saturno, nam Saturnis medicamentis omnium optimè hic curatur affectus. Spiritus & oleum fuliginis mirè quoque hic profunt.

Dentur primò purgantia, & sanguinem purificantia v. g. Essent. & Ext. hellebori nigri, medicamenta ex antim. tart. sat. Essent. & spir. sat. Tinct. solari cum sat. essent. sal. armon. essent sal. funi.

Inter specifica convenit persicaria solanum, virga aurea, plantago, herba cancri rad. serpentaria, aronis, sal. calcis decoct. calcis (medicamenta enim ex calce & fuligine omnium sunt optima) aqua pomorum putridorum spir. oleum & sal fulig. ranæ calcinata, bufones, calcin. Stercus vaccinum recens. Emplastrum singulare *Pennoni* Empl. de cancri *Fabrii Hildani*, quod misceatur in mortario plumbeo, quo aliquid sat. adhæreat. *Scherzerus* in *Epist.* pulchra tradit de pulv. benedicto. Arsenicum præpar. cum oleo arsen. profunt. Unguenti nob. Mynsichti, Empl. Saturnin. ejusdem empl. de carne bubula ejusdem.

In cancro exulcerato mirè commendat *Bartholus* in *Encyclopadia*, aquam latrabilem, quæ paratur ex cane lacte matris adhuc utente in MB. destillato *Joann. Michael.* prax. clinic. gener.

Consultationes.

De tumore cancroso incipiente in Mamilla sinistra pro Nobili Matrona Ravennate ad Excellentiss. D. Cæsarem Rossetum Foro-Juliensem.

Sicuti luculenter & accurate scriptis mandasti, vir clarissime, naturam & causas tu-

moris occupantis mamillam sinistram Nobilissimæ patientis; ita pro ejus curatione ad rem adeo cuncta proposuisti, ut nihil à quolibet vel in arte versatissimo his addi possit.

Quamobrem meam sententiam rogatus, negare non possum, durum tumorem, inæqualem magnū, indies incrementum suscipientem, cum asperitate cutis varii coloris, & laniationibus quidem per vices in præsentia frequentioribus, tracto in consensum jugulo & axilla ejusdem lateris, esse scirrhum illegitimum, sive non exquisitum in glanduloso corpore prædictæ mamillæ, à melancholia prædominante productum, ad atræ bilis naturam vergente, cum permixtione pituitosæ materiæ ac proinde à carcinomatis seu canceri non exulcerati natura parum degenerantem, præsertim cum in superiori loco ad partes externas terpat, & cutis asperitatem producat. Nec difficile fuit Matronæ Nobilissimæ in prædictum affectum incurrere, ubi primum viro fuit orbata, cum quo antea fecunditate gauderat. Hic autem humor nunc in majori copia genitus est in jecore, alioquin præcalido, post insignes animi perturbationes, & longè minori quantitate statuto quoque tempore per uterum expurgatur, cum quia cessant puerperia, & lactationes aliàs frequentes, tum quia menses ipsi sunt imminuti: unde facile confluit ab utero, & à toto corpore ad mammam sinistram, tanquam partem melancholico succo magis redundantem, per venas quæ in ipsa sunt valde patentes, propter frequentem sanguinis fluxionem ad mammas conceptionis & lactationis tempore; fitque inde tumor & quidem durus propter repletionem à materia terrestri & sicca. Immunitatis autem mensium causa licet antehac esse poterit osculorum venarum contractio, ob maiorem, & animi perturbationes, nunc sane est obstructio producta à sanguine crassiore, & magis faculento reddito, propter causas prædictas, & temperamenti mutationem hac ætate quæ juventutis limites excessit, concurrente quinetiam cruda, & pituitosa materia à frigido ventriculo genita, & per otium, ac vitam sedentariam majori copia congesta.

Cum autem hæc ita se habeant, difficillimum sane fore reor præservare Matronam Nobilissimam ab imminente cancro & longè magis eandem ab affectione præsentī liberare, propter refractariam, & rebellem naturam prædominantis humoris, nisi menses liberalius fluxerint, ipsis enim liberius fluentibus, præcavendi canceri spes aliqua affulgere posset.

Quare primò & potissimum curanda est libera mensium expurgatio, quò interceptiatur fluxio. 2. materia jam fluxa digerenda: ac tandem ejusdem regeneratio prohibenda, refrigerando jecur ventriculumque roborando. De capite enim non essem valde sollicitus, quandoquidem cenfeo illud affici potius per consensum ab infernis partibus, quam per essentiam. Prædictis autem intentionibus satisfacimus Medicis præsidis ex Chirurgiâ, Pharmaciâ, & Diætâ depromptis.

Quare inter chirurgica laudatur primò venæ sectio saphenæ dextri pedis, vel venæ sub poplite, si apparuerit tanquam utero proximæ

à quibus sanguis educatur ad uncias decem circiter, præmisso fomento, & fricatione, ad faciliorem sanguinis crassi evacuationem. Mox aperiatur interna jecoraria sinistri brachii pro derivatione à parte affecta; singulisque mensibus tundenda erit saphena dextri pedis; vel aperiatur venæ hæmorrhoidales, si intumuerint. Perintat in frequenti crurum & pedum lotionem cum *lixivio dulci*, alterato *malva*, *althæa*, *floribus chamæmeli*; *matricaria*, *artemisia*, & *origano*, urgente affectu; applicentur duo vesicantia internis femoribus, & aliquot dies in ulcus servantur, ipsisque juvantibus, eidem loco duo fonticuli inurantur.

Inter Pharmaceutica, præferantur *aloetica* cum *stora cassia* recens extractæ, & *Diafenna*. Præparentur humores *syrupis de pomis*, de *succo borraginis*, de *cichorio*, cum decoctione *cichorii*, *borraginis*, *lupulorum*, *capillorum veneris*, & *agrimonie*. Urgentur *Rhabbaro*, *agarico*, & *foliis sennæ* intus in decocto *Cordiali*; addito *syrupo de polypodio composito*, *violæ solutivæ* & *manna*. Repetatur humorum præparatio *syrupo de fumaris* composito, de *chycorio* cum *rhabbaro*, & *oxymelite* composito, cum decoctione *matricariæ*, *fumaris*, *capillorum veneris*, *cichorii*, *ceterach*, & *agrimonie*; præmisso bolo ex trochiscis de *myrrha* & de *Eupatorio*. Purgetur deinde corpus eodem medicamento, addita decoctioni radice *hellebori nigri*. His peractis, insistendum est iis quæ menses provocare possunt: in quem usum præscribatur decoctum ex radice *chinæ*, *falsa parilla*, & modico *sassafras*, paratum cum gallo juniore flagellato, & exenterato, salto decocto, in sufficienti aquæ quantitate, in qua intundantur ligna prædicta diem naturalem, additis radicibus *feniculi*, *Petroselinii* & *asparagi*, ad consumptionem medietatis, quibus accedant sub finem *cichoreum*, *capilli veneris*, *borrago*, *malva*, & *melissa*; sumatque linguis matutinis horis, uncias quinque prædicti juris in aurora, allusis octo, vel decem guttulis *chalybis potabilis*, & uncia una succi *cichorii* depurati, præmisso bolo ex *ammonia*co, & trochisc. de *myrrha*. Cum hoc viginti, & plurimum dierum spatio usa fuerit, interrem erit serum lactis caprini optimè depuratum, cum cremore tartari, & succo *linonum*, exhibitum alternis vicibus, cum decoctione *epithymi Mesues*, & emulsione *seminum quatuor frigidorum* majorum ad libras duas qualibet vice dies duodecim. Quod si ipsum deici non contingat, addantur uncie tres *mannæ electæ* in eo dissolutæ. Externa localia sint, quæ accuratissimè fuerunt proposita à viro præclarissimo; quibus ego libenter sane subscribo, prout laudo illam victus rationem, quæ ab eodem rectè instituta est hoc addito, quod si nupsierit, summo futurum ipsi juvamento. *Benedict. Sylvatic. Consil. & respons. Medicin. Cent. 11.*

De tumore duro, dolorifico Mamilla dextra. pro Illustriss. Comit. Sarega Veronensi.

Illustrissima & Elegantissima Matrona, temperamenti calidi, & humidi æthos nata 46. boni habitus, post numerosam prolem feliciter in luminis oras editam, varias animi perturbationes perpeffa, cessantibus mensibus purgatio-

gationibus, sex abhinc mensibus, conquiritur de parvo quodam tumore mamillæ dextræ, avellanæ magnitudinem non excedente duro, ad validam compressionem dolorifico, & per vices vellicante ac pungente, qui deinde in majorem molem excrescens, inæqualiter expansus, majorem dolorem intert, cum livido cutis colore, venarumque circumexcurrentium nigricante turgentia, pro cuius curatione plura fuerunt hæcenus frustra administrata. Propterea de agendis consulit.

Quod ut fiat, primò natura præsentis Tumoris proponenda, ejusque causæ in medium adducendæ, quò postmodum statuiamus an curari possit necne, & quibus præsidiiis. Ex enarratis itaque compertissimum est, tumorem hunc non esse ædematosum, quia durus, etiam non Scirrhus, quia dolorificus, non erysipelaceum, quia in magnam molem excrevit; neque phlegmonodæ, quia progressu temporis vel discussus, vel suppuratus fuisset, atque ideo alterius generis esse non posse, quàm cancerosum; cum sit durus, dolorificus, inæqualis, cum venarum circumpositarum turgentia nigricante, cutisque proximæ livore.

Hujus proinde affectus causa est sanguis crassus, ac atrabilis, genitus à jecore fervido, congestus per animi pathemata, magisque exultus, cum per uterum statutis temporibus non expurgatus fuerit, prout antea, fluentibus mensibus, magisque in puerperiis; Idque cum ob ejus crassitiem, osculorumque venarum adstrictionem à prædictis perturbationibus animi, tum & obstructionem ab eadem sanguinis crassitie inductam: qui propterea ad mammas transmissus per venas epigastricas ampliores, & laxiores redditus à partibus præteritis frequentioribus, in mamilla dextra jecori proxima, & forsitan imbecilliore, humorem cancerosum produxit, accedente incomposita victus ratione.

Quibus sic habentibus, quid de hoc affectu prædicendum sit nos docuit Hippocr. 6. aph. §. 8. cum prodidit, cancos occultos melius esse non curare; *curati enim inquit, citius pereunt, non curati diutius perdurant.* Per cancos occultos, non illos tantum intelligens, qui sunt in penitioribus partibus sed etiam qui non sunt exulcerati, ut optimè explicavit Gal. in com. Quocirca ex Hippocratis sententia, incurabilis est affectus. Quade re fusius differens Galenus in commet. statuit, cancos ipsos curari non posse nisi sectione vel ustione. *Hæc enim sola, inquit cancro facto comparata sunt remedia: quotquot autem cancos ejusmodi cura magis sunt aggressi irritasse, brevique homines necasse; ulcera namque cancerosa ad cicatricem perducere non poterunt, sed homines affligentes curatione, ad mortem usque excarnificaverunt.* Incurabilis propterea pronunciandus præsens affectus; quinimò irritatus citius exulceratur. Non tamen solo prognostico sunt relinquendi ægroti, quò saltem prohibeatur majus incrementum, & exulceratio.

Hoc autem ut fiat, divertenda est fluxio, consulendo toti, temperando malam humoris peccantis qualitatem, & ipsum alio divertendo; non omissis levioribus quibusdam localibus subadstringentibus, ne præceps adeò fluat humor ad partem affectam. Quare purgetur diligenter totum corpus per lenientia,

præparantia, & purgantia melanagoga; & à longinquis partibus trahentia: in quem usum *extraculum Hellebori nigri* primas partes obtinebit, cæteris Virò præclarissimo notissimis, brevitatibus gratia silentio transmissis.

Sanguis interim cum ex saphena utriusque pedis, tum ex venis sedalibus alternis vicibus erit educendus, singulisque mensibus ex venis sedalibus mittetur, quò si fieri possit, natura assuescat huic evacuationi.

Contemperandus interea erit sanguis internis & externis atque inter interna, *serum lactis caprini* optimè depuratum summopere conferet diureticum potissimum redditum cum emulsione sem. melonum & syrup. capillorum exhibitum cum cinere cancerorum fluviatilium, tanquam à proprietate juvantium aliquando etiam dejectorum redditum cum infusione foliorum *Jenna & Epithimi*; pergerendo in usu ipsius quindecim dies circiter, dummodo libere permeet, ab ipsius usu *lac ipsum asinum* singulis matutinis horis exhibetur ad unc. iij. circiter, pro tolerantia ventriculi cum modico *saccharo* & buccella panis eo imbuta, persistendo in usu pulveris *cancrorum* propositorum 20. & plures dies ea cautione adhibita quam postulat lactis usus, quò concoquatur, & non acefcat in ventriculo; atque ideo cæna sit parca, & prandium sumatur quinque ab illo horis. Atque hæc pro diversione, & alteratione satis. Dubium est de localibus, utrum scilicet repellentia sint administranda. Hinc enim præscribenda viderentur, ad interceptandam majorem fluxionem, cum observemus intumescere in dies partem affectam, indicio manifesto continuæ fluxionis, quæ propterea aliò repellenda videtur, parsque affecta subadstringentibus roboranda, ne adeo sit opportuna fluenti materiæ: ex alia verò parte habemus Hipp. præceptum supra relatam *Cancros occultos melius esse non curare*, imò Galen. 3. de Medicament. compositione secundum loca, capite de Parotide, scripsit. in Parotidibus curandis non esse repellentia medicamenta adhibenda, sed potius attrahentia & evocantia; cum tamen Parotides fiant in partibus glandulosis retro aures, non aliam ob causam nisi quia repellentia possunt retrudere materiam ad cerebrum. Quanto magis igitur abstinendum in humore cancrolo mamillæ cordi proximæ ab his quibus materia facile repellitur, vel saltem impingi, & inculcari magis in parte affecta ob crassitiem, atque ita acrior reddita exulcerationem celerius inducere. Quare statuendum censeo, quod si essent in principio morbi fiente (ut ita dicam,) tunc non esset abstinendum à levioribus quibusdam repellentibus, permixtis cum levioribus digerentibus. In quem usum uti soleo *Oleo rosato complexo*, agitato in mortario plumbeo cum pistillo plumbeo, ad mediocrem consistentiam. Hujus enim linimenti beneficio non semel superavi cancos incipientes, repulsa, & resoluta materiâ peccante, ad validiora autem repellentia neque in principio neque in progressu deveniendum erit; non in principio: quoniam densata magis spongiosa mamillarum substantia sanguis non raro recurrit ad uterum, ubi generatur cancer, ut ego aliquando observavi: minus in progressu, quoniam accelerant exulcera-

tionem, prout accidit Illustrissimæ nostræ patienti, cui ego aliquot dies Patavii dedi operam, qua postmodum in spem erecta perfectæ curationis à comite Bruschio Medico celeberrimo Mantuano, Mantuam concedens, variis, usæ est remediis à quibus ulceratus fuit cancer. Reversa demum Venetias, mulieri empiricæ se commisit, brevique temporis spatio facta functa est. *Beneditus Sylvaticus consult. & respons. Medic. Centur. 2.*

Tumor cancrusus in mamma dexterâ.

Illustrissima Matrona annorum quinquaginta, temperamenti & totius & hepatis præcalidi, cui nondum erant suppressæ purgationes, sed tantum imminutæ, mense Februario, & paulò ante in tumorem durum mammae dexteræ incidit, rotundum, inæqualem, cum aliquo dolore dum comprimeretur, & quandoque citra, cum vellicationibus & lancinationibus internis usque ad jugulum & maxillam dexteram, cui per vices addebatur insignis ardor, & incendium. Et quia brevi incrementum suscepit, ut timorem ei incuteret, consuluit Medicos externos, quorum aliqui tumorem cancro finitimum statuere, aliqui scirrhum spurium, vel cancerum occultum cuius causa esset lymphæ spuria, cido acris, sive serum concrecibile; alii imperfectum cancerum seu proprius tumorem cancrusum à sanguine melancholico adulto; alii esse Cartanum Hispanum, quid medium inter cancerum & scirrhum, alii imminuentem cancerum. Quæ opiniones licet primâ facie diversæ possent dici, intimius tamen perscrutanti parum vel nihil differre, quisque cognoscere poterat: cum in curatione parum vel nihil fuerint diversæ, quoad partem chirurgicam, instantibus mentibus, secta fuit vena in talo: semel medio tempore eductus est sanguis ex brachio, à quâ evacuatione insigne percepit levamen, ita ut consueto tempore natura aliquid sponte eduxerit. At quia sequenti mense non apparere, repetita fuit evacuatio per talum, nec amplius apparentibus, & cum aliquo dolore, hirudines venis sedalibus applicitæ sunt, quæ optimè contulere. In fine mensis Augusti partibus infernis inustum fuit cauterium, & frequentes factæ pedum lotiones: decretumque fuerat balneum, alteratum malvâ, violis, parietariâ, & similibus usque ad thoracem, verum temporis conditio vetuit. Quoad partem Pharmaceuticam, assumpsit jus alteratum malvâ, indiviâ, cichorio, lupulis, addito syrupo de pomis simpl. & acet. simpl. aromatizat. aquâ horum citri; & post sex aut septem dies, assumpsit cassiam cum cremore tartari, & sic per 20. vel 22. dies repetendo singulis sex vel septem diebus eandem cassiam, unâ semper cum ℥ ij. feri caprini depurati. Hisce transactis, ad novam præparationem deventum est, ex decoctione in jure sine sale, fol. fumar. lupulorum, cichorii, sonchi, sem. citri, cum succis malvarum, endiviæ, borrag. & pomorum, & singulis quinque vel sex diebus cassiam deglutiebat cum extracto senæ & rhab. & post duas horas serum caprinum depuratum: & sic per multos dies incessit, & ultimo cassiam assumpsit, cum extracto senæ, & extracto hellebori nigri. Deventum postea fuit

ad serum caprinum, quod per aliquot tantum dies assumpsit, quia se valde tumeneri, eo assumpto, experiebatur. Nec ad aquam nocerianam deventum est, tantam molem aquæ timens, unde postea lac asinæ assumere cœpit 17. Junii, in cuius usu adhuc progreditur, repetendo per vices cassiam cum cremore tartari (illo tamen intermissio per 10. vel 12. dies) & per totum præsentem mensem progredi decrevit, ab hisce purgationibus se magis vegetam experitur, & ad obeundas actiones magis agilem: ut plurimum dolorem in loco affecto non persentit, per vices quidem, verum raro, aliqualem calorem ex infernis partibus elevatum sensibilibiter percipit. Post aliquot dies, cum levi dolore, & fere momentaneo premeretur, adnotavit quod ambæ papillæ intus recluduntur, ut supra ipsas rima quædam observaretur. dilatata verò rima, partis læsæ excoriatio quædam superficialis apparuit, quæ simplici unguento de plumbæ brevi fuit exiccata, ut nihil modo appareat, nec de dolore aut calore ulla querela. Pro duritie mollienda & discutienda remedia quarit, at quia reor ipsi non unde quaque esse tutum huiusmodi remedia pro nunc adhibere, potius quod per se purgatio profecerit, observarem, tempus enim consilium dabit, & an salutare sit futurum aliquod decoctum ex arte, à Viro celeberrimo audire pergratum mihi fuerit.

De nomine tumoris Matronam Illustrissimam septem abhinc mensibus molestantis ambigendum non est. Etenim relictis novatorum terminis, utpotè fūco & plerumque dolo infectis, nos Hippocrati atque Galeno adherentes, tumorem jam dictum, atrabilem naturam redolentem, rectè atque propriè cancrusum nominabimus, non autem cancerum, quoniam non à puro atrabili humore, hoc est, non ab atrabile superassata, & prorsus præter naturam existente, verum & à portione melancholici humoris naturalis, licet inutilis, & forsan etiam non sine aliquâ pituitosa mistura provenisse credo; ut propterea medicamentis jam administratis non parum cesserit, sicque morbum & morbi causam, ut dicebat Hippocrates, ostendat sanatio, & præterea non adeò abundare melancholiam præter naturam significavit excoriatio, jam in læsa mamma sequutâ, & statim medicamento exiccante appposito agglutinata, cum tamen ulcera à verâ atrabile insanabilia ab eodem Hippocrate censeantur. Quod ipsa quoque confirmat quotidiana experientia, & idcirco non adeò malè senserunt aliqui in relatione adducti, quod idem tumor sapiat etiam naturam scirrhi. Siquidem à melancholia naturali valde exiccata, at non exusta scirrhus ipse gigni solet, cui dum pituitæ ac pituitosi sanguinis portio associatur, non amplius scirrhi sed scirrhosi tumoris nomen acquirit.

Et quamvis de nominibus certare inutile quandoque Galeno visum fuerit, utile tamen evadit, quotiescunque natura morbi ejusque causa ut in casu nostro in nomine continentur.

Ex his autem adductis metiri difficile non est, quanto recessu à naturali statu, ab optima scilicet temperie distet tum sanguis in toto, tum hepar, & cor mulieris illustrissimæ; omnia namque iusto calidiora, non verò calidissima

ma esse censendum; alioquin & atas bilis atræ forax, & menstrua purgatio prorsus suppressa cancerum legitimum atque exquisitum produxissent.

Sunt huiusmodi affectus valde contumaces, & periculi pleni: partem enim mollem atque spongiosam, ubi semel crassus humor apprehenderit, difficile attenuari, resolvi & destrui potest: quinimò alium advenientem humorem facile admittere solet; eoque facilius in hac illustissima aliquam in mammis malam conformationem à natura sortita, & præsertim hac atate consueta menstruorum expurgatione destituta & ideo non exiguum afferret auxilium Illustrissimæ Matronæ Medicus ille qui tumorem hunc, partim cancerosam, partim scirrhosam naturam obtinentem, in scirrhum perfectum totum permutari curaret, quod facilius, quam resolvere ego non semel expertus sum.

Interim ab inceptis minimè desistendum; siquidem quæ administrata juvant, repetita sanant, dicebat ille, & ideo perpauca jam administratis mihi restant addenda: videlicet ut humor peccans à parte affecta revellatur, & divertatur, imò & evacuetur, 2. ut ejus acrimonia atque aciditas contemperetur. Tertiò ut viscerum intemperies calida moderetur. Quarto ut tumor ipse potius repellentibus & refrigerantibus, quam solventibus, & calefacientibus tractetur. Quintò à proprietate juvantia non negligenda; atque tandem doloris ratio semper habenda, ut qui attrahendi vim obineat.

Quibus intentionibus ut satisfacere conemur, in fonte Chirurgico statim considerata venit sanguinis missio, quæ sicut opportunissimè à viro doctissimo jam bis terque administrata fuit, ita præsentī autumno omninò deferendam non esse arbitror, ex pede scilicet aut hæmorrhoidibus, imò etiam ex brachio; si jam ex eodem educus sanguis, crassus, & niger observatus fuerit.

Cauterium custodiendum: pedum lotiones non omittendæ, & tumori medicamenta infra describenda applicari poterunt.

Ex fonte quoque Pharmaceutico aliqua erunt depromenda, & repetenda remedia, tum alterantia, tum electivè purgantia, antequam hybernū tempus accedat; quibus semper succedant potiones refrigerantes, antea quoque tempore propinatæ. Et quoniam hyeme adventante, lac proprias vires atque doctes ratione pascuorum amittere solet, ideo imposterum supplebit lac arte factum ex ꝑij. sem. melon. mundat. & ꝑß. sem. angur. & cucurbita, cum jure pullæ extractum, cui addatur sacchari albi cochlear: vel fiat emulsio ex iisdem feminibus in aqua stillat. aut borag. summo manè quotidie assumenda, & in usum diuturnum ducenda.

Quoniam verò, ut suprà dictum fuit, intentio nostra dirigi debet adversus naturam cancerosam, utpotè magis urgentem atque molestantam, non autem sic contra scirrhosam, quæ in nostro casu desiderabilis est, idcirco à quocumque decocto attenuante, tum exiccante, tum emolliente abstinendum esse opinor, quale esse posset, ex salsaparilla, radice althææ & li-

quiritiæ, in aqua stillat. borag. & virgæ aureæ paratum: hoc enim nonnisi humori scirrroso carcinomatosa natura carenti convenire posset, ut propterea emulsionis jam præscriptæ usus vice decocti multò magis mihi arrideat.

Potius venturo tempore hyberno, terminato emulsionis usu, in ulum ducere poterit Matrona Illustrissima medicamen aliquod à proprietate juvans, pulverem nempe cancer. fluviat. ad ꝑj. singulo manè per mensem in aqua virgæ aureæ & cardui sancti.

Et interim topica erunt administranda, alia tumorem, ejusque causam, alia dolorem respicient: & primi ordinis erit tale lini. entum.

℞. Succī solani, virgæ aureæ, malvar. anarum, virid. an. ꝑj. pulv. pompholygis, cancer. fluviat. cerusæ camph. an. ꝑj. olei rosat. compl. ꝑj. olei de plumbo ꝑiß. m. ref. & adservetur in mortario plumbeo. Pro doloribus vero.

℞. Olei rosat. compl. ꝑij. de vitellis ovorum ꝑj. de plumbo ꝑß. aq. stillat. ex albuminibus ovorum ꝑij. m. refor. & asservetur in mortario plumbeo. Lac quoque è mamma muliebri mulctum, imò & tumori statim aspersum dolores egregiè solet lenire.

Quibus jam dictis omnibus congrua erit addenda victus ratio Medicis jam dictis intentionibus proportionata; quæ ab Excellentissimo & Eruditissimo Viro erit præscribenda, cujus summæ prudentiæ, etiam reliqua omnia opportune disponenda libenter remitto. *Joan. Raym. Fortis Consultat. & respons. Medic. tom. 2. Cent. 2.*

Cancer exulceratus in mammilla.

Tumor carcinomatosus priò sine ulcere, atque tandem ulceratus, non solum diligenti calamo delineatus, verum & doctissimo pincillo depictus ab Excellentissimo Viro in transmissa pagina, offertur mihi potius considerandus, quam curandus, & potius protrahendus atque leniendus, quam auferendus; in quem finem recensendæ sunt causæ à viro præstantissimo in Historia annotatæ, natura nempe illustissimæ mulieris, virilis potius quam fœminea ad omnes operationes aptissima atque promptissima, & ideo justo calidior, tum in hepate, tum maxime in corde, indeque in toto arterioso atque venoso genere, unde calidioris, & in progressu exusti sanguinis necessarius proventus, nec purgationibus mensuris satis defœcati; quam quoniam à massa sanguinea natura nunquam tentare destitit, ideo ad partem, substantia in mulieribus imbecillior, tandem detrusit, ad mammam scilicet quo ab arteriis impulsus, nec à venis reassumptus, utpotè crassus, adustus, & ideo ad nutritionem ineptus, in parte relictus, humorem cancerosum excitavit, exiguum primò, sed tandem ad ovi magnitudinem evectum. Et quoniam attrahibilis sanguis in dies peiorem conditionem & acredinem acquisivit, ideo tandem tumor ipse ulcus contraxit, non solum dysepuloticum & cacoëthe, verum etiam æththo de & verbo cancerosum. Neque ab hoc decreto nos abducere valet purulenta materia aliquando visa, cum impossibile non fuerit, portionem aliquam carnis non cancerosæ in pus cessisse, quod

tunc melioris conditionis ulcus nobis repræsentaret : si apparere & effluere perseverasset.

Quibus ita se habentibus, vera & legitima hujus curatio alia esse non potest, quam partis amputatio, cum eundem infiltratum non esse ex scriptis conicere possim; & licet barbara videatur, barbaries tamen fere semper salutaris evadit, terrifica quidem verum apud nos rarissime in perniciem desinens. At quoniam rarissimi quoque à mulieribus præsertim delicatioribus admittitur hoc remedii genus, id verò pro palliativa curatione instituenda, sanguinis impuritas, quoad fieri potest removenda; ejusdem acrimonia atque aciditas demulcenda; viscerum calor contemperandus & à Chirurgica manu ulcus congruis modò detergentibus, modò ulteriorem corruptionem inhibentibus, modò anodynis tractandum, congruà præscripta vivendi ratione.

Quibus intentionibus satisfaciendum erit, suis loco & tempore, parca & potius repetita sanguinis missione. Præterea succorum endiviæ atque boraginis per arenam depuratorum, in jure cichoraceis & malvâ alterato, per hebdomadas exhibitione; iteratâ interim humoris melancholici electivâ educatione hellebori extracto, & senæ, nonnunquam cassiæ immisto, seroque lactis depur. ad libras superhausto; atque tandem lactis asellæ diuturno usu: quibus addere placet pro mammâ tuendâ, & ad putrilaginem separandam, oleum antimonii cautè administrandum, superimponendo aliquod magneticum attrahens, cui succedat usus olei mercurii dulcificati; sunt enim egregia medicamenta, sed hisce casibus cum grano salis administranda.

Quibus omnibus ratio victus addatur refrigerans & humectans, adeò ut lactaria omnia in usum ducantur: fructus & olera concedantur refrigerantia, pisces saxatiles non prohibeantur; vinum sit album, non dulce, non generosum, & si quandoque sitis urgeat, bibat aquam boraginis, vel ex boragine, & pomis dulcibus destillatam. Hæcque pauca Viro sapienti sufficiant. *Joan. Raym. Fortis consultat. & respons. Medic. tom. 2. cent. 2.*

Fœmina 30. annorum temperamento melancholica, jam à duobus mensibus, tuberculum habet in mamilla sinistra magnitudinem avellanæ adæquans, tactû durum, parum dolens, sed dum comprimitur, dolorem exhibet punctorium, velut ab acûs punctione profectum. Jam per sex menses ipsi subsistit menstruorum fluxus.

Pars affecta in hac ægrâ est *mamilla sinistra*; quod ex tactû patet, quo tuberculum illud durum in mamillæ sinistra carne glandulosâ percipitur.

Morbus quo hæc ægra laborat, est tuberculum atrabile recens, quod *cancer incipiens* appellari solet. Isque ex duritie & dolore punctorio, post compressiones, in ipso percepto; & præterea ex mensibus per semestrem suppressis, cancerum sæpè producere solitis, est manifestum.

Potest hic cancer dici *manifestus*, quoniam tactû facile deprehenditur, atque etiam *oculus*, quia non est ulceratus.

Procatartica hujus morbi *causa* est menstruorum suppressio, ante hunc affectum per aliquot menses facta; inde enim humores pravi, qui singulis mensibus erant evacuandi, in corpore nostræ ægræ fuerunt retenti, iique per totum corpus diffusi præbuerunt *antecedentem* huic morbo *causam*. Pars verò eorum ad mamillam sinistram delata, ibique poros plus juto apertos inveniens & per eos sese in glandulosam mamillæ carnem effundens, ac ibidem crassescens, acrimoniamque atrabilem & duritiem per particularum tenuium dissipationem, crassarum & acrium verò retentionem & cohaesionem adipiscens, continens hujus duri tuberculi; & ex compressione, punctorii doloris sensationem præbentis, hoc est, *cancris incipientis* sit *causa*.

Est *metus*, nè tuberculum hoc in cancerum inveteratum, imò nè in carcinoma, sive in cancerum exulceratum, degeneret.

Curatio itaque circumspecta, & prudens quàm primùm est adhibenda *eaque primum* consistet in mensium provocatione, & corporis expurgatione, & *deinde* ubi illa rursus fluxerint, in tuberculi excisione, & mamilla consolidatione, sed quia ægra talem curandi rationem forsan haud admittet, idcirco mensium provocationi, & corporis evacuationi studebimus, & tuberculi incrementum impedire conabimur.

Primo itaque præscribatur tale apozema menses, sanguinemque expurgans.

℞. Rad. valerianæ, aristolochiæ, bryoniæ, gentianæ, cyperi an. ʒvj. fol. abrotani, artemisiæ, marrubii albi, matricariæ an. m. j. mellissæ, majoranæ, salviæ, rutæ an. m. ʒ. sem. rutæ, amomi, nigellæ, agni casti, anisi an. ʒj. flor. camomill. abrotani, matricariæ, centaur. min. an. p. j. decoq. in aq. part. aq. com. & vini albi, sub finem additis, addendo in fine decoctionis fol. sennæ ʒi ʒ. turbith. ag. r. trochisc. mechoacannæ, jalappæ, an. ʒj. in colatura dissolve syr. de artemisiâ, de hyssopo an. ʒj. m. f. apozema de quo sumat quotidie ʒiij. vel iv. jejuna, idque reiterari postea poterit.

Venæ sectio hic etiam erit adhibenda, primum in brachio, & deinde circa tempus quo menses fluere antea solebant, in talo.

Dum hæc aguntur, ipsi mamillæ tale adhibeatur unguentum.

℞. Succu plantaginis, solani, geran. robertiani, symphyti an. ʒij. ol. rosar. omphacini ʒiij. sub radiis solaribus simul agitentur in mortario plumbeo, donec ut gluten crassescant.

Vel ℞. Ol. rosati completi, lactis an. ʒj. tuthiæ præp. pulveris ʒj. agitentur in mortario plumbeo ad consistentiam unguenti.

Alii laminam plumbeam argento vivo oblitam adhiberi volunt. *Victus* sit humectans & attenuans: alimenta euchymia ex pane bene fermentato, ovis sorbilibus, pullis gallinaceis, carnibus vitulinis, vervecinis, vitentur salsa & acria. *Henric. Regius apud Theodor. Craanen Medicat. lib. 4. cap. 20.*

Fœmina 30. annorum postquàm menses ipsi inordinate & parce aliquamdiu fluxissent, percepit sibi in dextra mamilla paulatim quoddam tuber subnasci durum & subinde dolens. Ejus emollitio & discussio multorum remediorum

rum usu per sesquiannum hactenus frustra fuit tentata. Jamque illud ad ingentem magnitudinem excrevit, & frequentibus punctationis acuta sensationibus ægra est molestum. Tuber hoc nec pectoris ossibus, nec musculis, firmiter annexum sentitur.

Pars affecta in hac ægra est *mammilla dextra*, uti ex visu & tactu est manifestum. *Morbus* qui eam affligit, *scirrhus* mammillæ dextræ, ad canceri naturam jam vergens.

Causa præcædēns hujus morbi est mensium inordinatus & parvus nuxus; aliquandiu curans; hinc enim, cum sanguis a suis excrementis non satis emundetur, cacochymia multa melancholica in hujus ægræ corpore fuit genita, quæ *antecedentem* hujus morbi constituit *causam*. Hujus verò pars in mammillam dextram, propter poros ejus ibidem præ cæteris magis potentes, copiosius lese emundens, eamque sua copia & crassitie distendens, & in *tumorem* tollens; *duritiemque* sua partium firmitate coactione, & *dolorem punctorum* suâ acrimonia ipsâ concilians, *continens* hujus morbi, ejusque doloris, & incrementi est *causa*.

Cum hoc malum nullis medicamentis, etiam optimis, hactenus cesserit; incrementumque tum tumoris, tum doloris, perpetuo intercurandum sit factum; *metus* est, ne hic tumor scirrhus, majorem malignitatem contrahens, in perfectum cancerum, imo in carcinoma, degeneret.

Atque idē, cum hoc tuber nullam firmam cum ossibus pectoris, vel musculis pectoralibus connexionem habeat, ad *Chirurgiam* veniendum censeo, *cuius* hac ratione erit instituenda.

Primo apprehendat Chirurgus mammillam dextram manu, digitisque se paulatim magis, magisque contrahentibus premit apprehensum tuber versus interiora, idque in tantum ut cutis mammillæ exterior apertio, & propulso tubere tensa appareat. Hoc facio, incidenda mammilla incisione rectâ in ipsum tuber penetrante; tuberque *deinde* aculeata transfigendum, & ope acis falcata infixæ, & digitis Chirurgi apprehensæ, ipsum tuber cum mammilla, a pectore versus exteriora aliquantum protrahendum. Tumque ut mammilla foris minus deformetur, ipsum tuber scirrhusum a sanis & vicinis partibus magna circumpectatione cultro separandum, & penitus eximendum, ita ut nulla tumoris vel membrana, eam forsan involvens, pars supersit. *Hæmorrhagiæ* postea aptis remediis est sistenda, agraque ad lectum deterenda, & porro ulceris *sanatio* per apta remedia ex arte procuranda. *Henricus, Regius apud Theodor. Craanen. Medicat. lib. 4. cap. 21.*

Observationes.

Pro cancro labrum superius obsidente.

Vir quidam *Montepelii* degens circâ finem hiemis correptus fuit exiguo tuberculo labrum superius obsidente, quod in dies incrementum capiens in tumorem cancerosum tandem degeneravit, in auxilium vocatus, curationem sic aggressus sum.

℞. Rad. Bugl. & cichor. an. ℥j. fol. agrimon. borrag. ceter th. & veronic. an. m. β. coq. cum pulo g. lin. ceo, in colat. dissolv. crem. tartar. ℥j. f. jusculum quod capiat manē per 12. dies in quarto quoque junculo dissolv. syr. sequentis ℥ij.

℞. Succor. rec. express. & per residentiam depurator. borrag. bugl. tu nar. cichor. lb. iij. succ. veronic. & pomor. redolent. an. lb. j. len. mund. ℥vj. epithym. ℥ij. rhab. el. & agar. rec. troch. an. ℥j. zinzib. & c. ryophil. an. ℥j. infund. & decoque ut artis est, donec colaturæ supersint quart. v. in quibus dissolv. sacch. albi. qu. rt. v. nat. syrupus perfecte coctus, potestremā dosi jusculorum adde extract. hellebor. nigr. gr. iij. capi. t. cum regimine, hoc medicamentum summa cum vehementia ægrotantem expurgavit, non solum per alvum, sed etiam per vomitum, verum eodem die tumor valde imminutus apparuit, & doloris expers.

Post idem jusculorum usus est balneo tepido per triduum; haudines hæmorrhoidibus admotæ; causticum utrique tibie multum; ferum lactis cum epithymo per mensem usurpatum, & balneum iteratum singulis septimanis.

Post 15. dies ab assumpto extracto hellebori nigri idem remedium iteratum est, eadem dosi cum diapruni solutivi ℥ij. cuius operatio fuit priori similis, & eodem die tumor imminutus apparuit.

Topica omnia tumorem exasperabant, excepto unguento ex ranis viridibus, quod maxime laudatur ab Aquapendente, Chalmetæo & aliis, & in hoc affectu plurimum præstitit: ita ut illius curationem duobus præsertim remediis tribuendam esse existimem, extracto scilicet hellebori nigri, & unguento de ranis viridibus, non parum tamen contulit syrupus magistralis, quo bis in septimana utebatur.

Intra mensem à curationis principio tumoris portio suppurata est, & sponte aperta cum pure satis laudabili, ulceri & tumori universo admovebatur continuo unguentum prædictum, & sensim tumor imminutus ac tandem sensim resolutus est, & ulcus ad cicatricem perductum. Unguenti de ranis compositio hæc est.

℞. Ranas virides in aquis puris degentes, q. v. in vas fictile vitreatum, multisque exiguis foraminibus intundo pertusum conjicito, earumque ora butyro impleto, vas ne quid exhalet luto diligenter oblitito, & cooperito, cui alterum effossa terra conclusum superponito, ignem in ambitu ad destillandum accendito, oleum seu liquorem illum stillatitium colligito, & cum pulvere ranarum misceto, ut fiat linimentum. *Lazarus Riverius Observ. 97. cent. 1.*

Pro cancro ulcerato.

Filia *Geropii Becani* Medici *Antuerpiensis* tulit in sinistris temporibus 50. amplius annos, durum ac inæquale carcinoma; sed sine ulcere, nullâve gravi noxâ, verum incrementum paulatim, post tot annos, tum dolore, tum pruritu, sive ex adversâ maritis fortunâ, sive ab atra bile eo uberius effusa, imposuit tumori improvidè, ex consilio ei pirici, nescio quæ adurentia medicamenta, quibus cutem erodentibus, concitabatur

tabatur non modo malum haecenus quietum, sed degenerabat brevi in carcinoma ulceratum cum labiis inversis, crusta cinerea, sinu deformi, tubere inaequali, colore livido, sanie cada-verosa, dolore, vigiliis, animi deliquiis, ardore, pruritu, aliisque conclamati canceri notis, cui nulla cum prodesset medicina, applicuit tandem blandiens hoc ceratum, quod usus comprobavit, qualicumque carcinomati summe utile.

℞. Ol. rosat. ℥ij. ceræ alb. 3vj. plumb. usti ac loti ℥ß. oleum cum cera liqueat; & addito plumbo, agitentur 6. horas in mortario plumbeo, ut fiat ceratum. Præter quod vidimus ulceratis canceris ab aliis feliciter admoveri pulverem concinnatum ex plumbo liquefacto cum mercurio vivo, cui siquidem tantillum mercurii vitæ insperferis, rediges omnia in pulverem friabilem ulcerato cancro ad primè utilem. *Nicolaus Tulpius cap. 27. lib. 1.*

Famula quædam compescuit malignum carcinoma in femore, ingentis molis, ultra annum 17. solo plumbi unguento, cujus litu, nihil simili tumori utilius. *Nicolaus Tulpius cap. 51. lib. 3.*

Nobili cuidam, & electæ mulieri propè castellum *Newveum* degenti tota pars faciei dextra, cancro eoque ulceroso obsessa fuit diutissime, & sævis exagitata cruciatibus, à Medicis frustra petitis auxiliis; tum *Gallis & Italis*, tum etiam *Germanis & Hispanis*, exterisque aliis quibusque: vulgaris cujusdam barbitonforis remedio hoc sequenti, & euporisto perfanata fuit. Pullos illa *Gallinaceos* in partes tenues & latas concidebat, quas sæpiuscule commutando, interdum admovebat affectæ parti. Ab unico tandem eoque præstanti remedio, reliquis quibuslibet frustra, (ut diximus) tentatis, curationem recipiens, pristinam valetudinem recuperavit. *Mauritius Cordens, comment. 7. in lib. 1. Hippocrati. de Morbis mulierum.*

Alii admovent carnes pullorum columbinorum sectas & adhuc tepidas. *Lazarus Riverius cap. 12 lib. 2. Prax. Medic.*

Vetula quædam mulier cancerum habebat in mamma sinistra, quem per 13. annos gestaverat, in quo exigui tumores cancri adnatebantur, qui multò acerbiores dolores excitabant, propterea quod exulcerati fuerant, quam tota cancri ipsius moles, qui tamen exigui tumores sublatis sunt frequenti applicatione aquar. paprhæad. plantag. & rosar. cum melle ros. permixtar. ab initio, deinde solis aquis admotis.

In aliâ etiam muliere ulcus cancriforme in mamma patiente, idem remedium ulcus protinus sustulit, & ad cicatricem perduxit. *Samuel Formis Observ. 21.*

Quædam mulier quinquagenaria laborabat cancro in mamma sinistra, ulcerari incipiente. Juvenis Chirurgus extraneus sequens remedium admovit.

℞. Aq. fortis ℥j. sublimati crudi ℥iv. sal. ammoniac. ℥ij. arsenic. ℥j. ponantur omnia in alembico & destillentur ad siccitatem, addendo acetum destillati par pulveri pondus, destilletur iterum acetum, donec materia ad pastæ consistentiam redeat: primò cancerum diligenter abluebat vino calente, cum linteis eo imbutis, & fortiter fricabat, ut pars irritaretur. Deinde

extendebat pastam supra plumaceolum sextuplo minorem ipso tumore, quod remedium supra partem relinquebat per 24. horas, & nebat eschara plumaceolo sextuplo major, ita ut cancerum omnino absumeret, & decisa eschara, ulcus carne implebatur, & ad cicatricem perducebatur. Quod si dicta eschara tumorem universum non abstulisset, sed quædam illius radices subsisterent, illas absumebat pulvere præcipitati rubri cum alumine usto permixti: ad ulcus verò carne implendum, linteis tantum detriti, utebatur. Hoc notatu dignissimum est, quod admoto parti medicamento febris accendebatur, vomitus & alvi fluxus excitabatur, & urinæ fluxus provocabatur, quæ symptomata per biduum aut triduum perseverabant, natura irritata à venenata medicamenti delectia qualitate.

Eodem remedio cancer in nasi extremitate obortus, qui nasi apicem exederat, in quodam milite curatus fuit. *Samuel Formis Observ. 20.*

Ficus cancriformis in oculi dextri orbita, cum gravissimis capitis symptomatibus feliciter extirpatus.

Anno Domini 1596. Calendis Augusti, accit me Lausannæ Lustriam Generosus Claudius Lustriacus: ejus loci, & totius Vallis propriè sic dictæ majori: quoniam diro & funesto morbo conflictabatur, is fuit tumor prominens, scirrhus, in cancerum degenerans, cum symptomatibus internis & externis longè gravissimis.

Hic cum à natura, tum à variis morbis, Febribus, calibus, luxationibus, fracturis &c. haud parum fuit catharris obnoxius: maxime quum accederet, more patriæ victus largior cum amicis & hospitibus: in quos fuit perpetuo liberalissimus; itaque anno 1580. quum fuisset hyems humida, & clemens, haud dubie corporis universi partes oppletæ sunt humoribus excrementitiis, qui a jecinoris calore sursum ac inprimis ad caput sublatis, coeperunt divexare hominem. Incunte enim anno 1581. circa Februarii finem, æger correptus est hemicrania ad dextrum latus, & frustra adhibitus multum, diuque medicus; siquidem humor capite conclusus, evacuationis quæsitâ viâ, impetum fecit in oculum dextrum. Hinc vehementissimus dolor, & inflammatio. Et sic superiora symptomata, dolor capitis, febris, inquietudo, vomitus, lipothymia, aucta sunt potius quam imminuta. Nec, ut aiebat æger, prædiis, revulsione, derivatione ullâ potuit sisti humoris affluxus: quin imò congestio tanta facta est, ut tandem erosa sit, vel potius putrefacta oculi membrana prima, conjunctiva dicta.

Hic verò brevi eaque necessaria digressionem annotandum, supra decem hebdomadas non solum dolorem adfuisse gravissimum, sed & cerebri motum attrectanti perceptum fuisse, quæ sagittalis & coronalis suturæ concurrunt: auditos etiam sonitus & cranii crepitationem quendam, perinde ac si lignum finderetur. Id ego tum accidisse autumno, quum cranii suturæ ob dolorem, inflammationem, & copiosum in cerebro

cerebro humorem disjuncta sunt, & verum fuisse mihi persuadeo; cum ex amplissimi viri agroti relatu, & generosi Gabrielis à Blonay Baronis à Chattelart &c. ejus generi assiduo praesentis, tum quod ipse tale quid observari in viro honestissimo apud nostrates germanos inferiores.

Hic ex gravissimo morbo & febris ardente cum dolore capitis acutissimo habuit futuras adeo disjunctas, ut per interstitium illud cerebri, systole, & diastole facile deprehenderetur. Ubi via facta est ad conjunctivam, longo tempore exstillavit copiosus humor tumque primum & dolores, & reliqua symptomata mitigari ceperunt. Urgentibus doloribus adhibitus erat cervici setaceus funiculus, sed quem ut nimis dolorificum & incommodum (ut qui circa sextam vertebra, & ubi nervi eminentiores sunt, adhibitus esset) post 15. dies detrahi jussit. Clauso vulnere impressum est ibidem potentiale cauterium: sed & hoc ulcus, ut nimis dolorificum claudendum fuit. His frustra tentatis optavit ager, humori morbifico dari exitum, excitato ulcere in dextro brachio, beneficio potentialis Cauterii. Tum demum partim ob febrim ante dictam, qua plerisque humores superfluos absumperat, ipsumque adeo corpus exsiccarat, atque extenuarat, partim propter evacuationes subinde iteratas, partim denique quod cauterium ita ad brachium fluxionem averteret, oculus coepit arescere. Et quoniam tres oculi humores, ruptis conjuncta, & cornea membranis, effluerant, sensim etiam concidere, & contracta sunt ipsae membranae; atque ita oculus deperditam naturali magnitudine & rotunditate, simul quoque in imam orbitam contractus est, & coeuntibus palpebris clausus ab anno 81. ad 95. citra symptoma ullum, nisi quod singulis annis subinde recurrebant, & defluxus, & capitis dolor.

Anno demum 95. quum in diata modum non servasset, rediit capitis & oculi dolor, priore tamen levior; ideo forte quia membranae, & reliquae oculi partes etiamnum dilatatae erant, unde poterat humor sine vi influere. Etenim quae sensim fiunt mutationes, parum dolorificae sunt. sic igitur affluente magis, magisque humore, in capacitatem conjunctivae, propriis humoribus destituta & contracta, ipsa paulatim intumuit. Tum vero palpebrae quindecim annis clausae, denuo apertae sunt; & oculus adeo intumuit, ut post semestrem palpebras superaret, sparsis per totum oculum venarum ramis lividis, crassis, adusto & melancholico sanguine turgentibus. Tum aeger ingravescentibus in dies & morbo & symptomatis, undelibet praesidia conquirere coepit, inter quae adhibitum fuit medicamentum, quod adeo irritavit morbum, ut subito accreverit oculus plurimum. Exin, ut initio dictum est, vocatus sum ab agro Lustriam in ejus aedes. Laboravit ille hemicraniam ad dextrum latus: oculus ovo anserino major extra palpebras prominebat, partemque faciei cooperiebat.

Durus autem, scyrrhosis, lividus, & canerosus erat, aderatque magna oculi & vicinarum partium inflammatio: praeter capitis dolorem, oculi quoque dolor acutissime pun-

gens, in parte exteriori potissimum hominem male habebat. quod si quis miretur quomodo ex tumore duro, & scyrrhoso tantus dolor excitatus fuerit, in promptu sunt causae. Primum enim tunc formabatur cancer, fiebatque humor corrosivus & acris, ac proinde vellicans & calefaciens vicinas partes. Deinde invalescente morbo violentius humor irruerat in conjunctivam, quae est exquisito sensu praedita. Doloris vero in extrema parte, ut plurimum gravioris quam in intima, causa fuit ossiculum quadratum, & undique scabrosum, quod interius ad conjunctivam latens (uti ab operatione compertum) eam perpetuo premebat, & pungebat. Accessit & febris, itemque sitis, lipothymia & vomitus. His ego symptomatis coepi statim occurrere. Itaque post praescriptam legitimam vicus rationem, sub vesperam jussi lenientem clysterem injici. Postridie purgatum fuit corpus sumptis duabus uncias syrupi rosacei laxativi cum rhabarbaro, agarico, & lena, infulis & decoctis in aqua betonica, agrimonia, & euphrasia. Sequentibus diebus propinatum fuit julapium sequens.

℞. Aquarum borraginis, acetosae, & betonicae ana unc. ij. syrupi de succo citriorum, & granatorum ana unc. ij. misce pro tribus dosibus.

A purgatione fuit secta vena cephalica, respondens parti affecta, & missus sanguis ad uncias circiter sex. Paucis post diebus, admovi hirudines venis jugularibus sub aurem ad idem latus, nec non & scapulis cucurbitulas modo siccas, modo cum scarificatione. Pedes lavi decocto herbarum calidarum, rorismarini, salviae, majoranae, origani, menthae, cum sale &c. Suadebantur & frictiones, sed quum his incalescat sanguis, subtilique, calidus, & erodens evadat, censui abstinendum, contentus memoratis revulsionibus: maxime quum aeger libens iteraturus esset saepius superiorem purgationem, per syrupum rosaceum compositum & similia, quibus peccantem humorem subduxit. Ita mitigata imminutaque sunt paulatim symptomata. Statim etiam partem affectam ablui gossypio, imbuto stillatitia quadam aqua, quae multum potest adversus cujuscumque partis cancerum. ejus haec est descriptio.

℞. Radicum scrophulariae majoris, herbarum geranii primi Dioscoridis, hoc est, herbae Roberti ana M. ij. arnoglossae majoris, folani, buglossae sylvestris, boraginis, Portulacae, euphrasiae, betonicae ana. Mj. ranarum aquatilium & album. ovorum diu agitatorum, ana num. 12. seminis cydoniorum, & foeni graeci aliquantum conquassatorum, an. unc. j. His seminibus affunde aquarum rosarum & euphrasiae, ana lib. j. incidantur omnia, & conquassentur, destillenturque in alembico plumbeo. Et quoniam ingens fuit affluxus, praeter revulsiones admove fronti sequens unguentum ad fluxionem intercipiendam.

℞. Farinae hordei unc. ij. pulveris rosarum, rubearum, myrtillorum, balauustiorum, nucum cupressi, & florum betonicae, ana Drachm. ij. Acaciae Drachm. j. cum oleo rosato, pauca cera & aceto, fiat unguentum.

Hoc defensivum adhibui tribus vel quatuor diebus, ad sistendum fluxionis impetum: dein super

superfedi; ne plus satis refrigeretur caput. Hac methodo sedavi ad tempus tum capitis, tum ulceris dolores acutissimos, ceteraque symptomata, crescente nihilominus in dies tumore.

Aliquantò post rogatus sum ab ægro, ut sibi fuisset morbi naturam declararem, libereque aperirem, quæ præviderem pericula omnia, ac simul quæcunque ad sanitatem optima viderentur præsidia, proponerem. Tum ego coram clarissimo Alberto Roscio D. Medico celeberrimo, in ædibus Claudii Marionis, fidelissimi ac diligentissimi pharmacopæi & civis Lausannensis; ita disserui: Generose Domine, siquidem adeo exoptas & jubes coram declarari quæ ad morbum tuum attinent, etsi præter Medicorum institutum in consultationibus id sum factururus, dicam tamen libere & coram quæ sentio.

Ad quemvis morbum tollendum, caput est nosse ipsum morbum. Tuus iste ab essentia definitus nihil aliud est quàm Scirrhus illegitimus, seu potius cancrusus: quippe qui desinit in cancrum occultum, & latentem, hoc est, non exulceratum. At ex figura Celsus *σκληρὸν* vel cum latinis, exitum oculi nominat. Actuarius *μῆλον*, id est, malum vocat. Ego à figura ficum ab essentia scirrhosum & cancrusum, cognomino. Scirrhus propriè medicis dictus est tumor durus & indolens, qualis hic ante annos aliquot. Verùm postea humor conjunctiva membrana conclusus, & ita quasi conculcatus, ut nulla potuerit fieri transpiratio, tandem accensus est, & acrior atque malignior redditus: sicque formatus est Scirrhus illegitimus, seu potius cancrusus. Hoc indicant non modò durities, inæqualitas, dolor, color lividus, seu potius plumbeus, sed maxime venæ crassiores toto tumore sparæ, atro sanguine, adusto, & melancholico turgentes. Et quamvis nondum exulceratus sit tumor, periculum est tamen, ne temporis progressu sanguis, & humores melancholici accensi, tantum malitiæ attrahant in locum affectum, ut tandem (proh dolor) exesis tunicis, fiat cancer ulceratus, adversus quem medicamentis frustra pugnetur.

Hujus & similium morborum causa triplex, primitiva, antecedens, conjuncta. Primitiva medicis est exterior, posita in victus ratione, aliisque non naturalibus, aëre, motu, & quiete, somno, & vigilia, animi pathematis excretis & retentis. Plerumque enim si supprimantur solitæ evacuationes, ut mensium, & hæmorrhoidum, fit magna congestio humoris melancholici: unde hic morbus. Nascitur etiam ex vulneribus, contusionibus, fracturis, in primis verò erysipelate & inflammationibus perperam curatis: quum scilicet ipsarum materia frigidiorum applicatione in duritiem concrescit, aut quum solis calidis, non etiam emollientibus, tenuior portio dissolvitur, crassiore subsistente.

Antecedens causa est humor melancholicus, item splenis imbecillitas, qua fit ut ex officio suo sanguinis portionem fæculentam ex jecore non alliciat. Huc quoque plurimum facit ipsa jecoris constitutio, siue id natura proclive est ad generandum atræ bilis copiam, siue nimis

calidum & biliosum, unde coquatur nimis, & aduratur sanguis, nec non & alii humores.

Conjuncta causa est, humor in locum affectum congestus. Tres istæ causæ hic concurrunt. Nam quum generosus Dominus habitu sit non mediocriter bilioso, bilis assiduo præbuit materiam humori melancholico, liquidem cholericus humor summâ adustione tandem etiam vertitur in atram bilem. Adde victus rationem, in quâ haud parum peccavit Dominus largius potans, utensque cibariis crudis & concoctu difficilibus, itemque aromaticis, cæpis, alliis, porris, raphanis &c. Hujusmodi primitivarum causarum concursu, excitata & corroborata est antecedens: inde humor ille qui ab anno 81. supererat ex inflammatione indurata in oculi membranis, data occasione accrevit. Cumque superflui humores ferè influant in locum affectum, natura sese, quantum potuit, exoneravit in eum locum. Hinc conjuncta causa in istam, quam videmus magnitudinem, aucta est: & perget, inquam, nisi occurratur iis, quæ infra proponemus, auxilium.

Quoad signa: tametsi initio canceri sicut herbarum germinantes difficile cognoscantur, auctore Galeno, nihilominus tumor iste sat liquido intelligitur cancrusus; contra eos qui merum esse scirrhum apud generosum Dominum contenderunt. Canceri cognoscuntur eo, quod sint præduri, inæquales, lividi, sparsis circa tumorem crassioribus venis, atro sanguine turgentibus.

Sæpe etiam adest intemperies calida, siue calor, & inflammatio cum dolore pungente & pruriente. Si fuerit exulceratus cancer, exit subtilis, & foetida sanies. Ista autem hic videntur pleraque omnia. Non quidem pervenit cancer ad summam malitiam, sed ad eam properat, brevi perventurus. Adustus enim est in sanguis loco affecto, inclusus tandem contrahet (& jam cæpit) malignitatem tantam, ut quæ hactenus mire operata sunt præsidia, sedandis doloribus, reprimendo morbo, & minuendis symptomatis omnibus, demum infirma futura sint ad reprimendum morbum, & prohibendum, ne exulceretur, & occupet reliquas faciei partes, sicque fiat. (noli me tangere) hoc est, ulcus cancrusum, in facie perquam malignum & immedicabile, assiduo erodens inas partes affectas, nec sisti potest, ut monet Aëtius.

Nunc de curatione. Hæc perfici solet tribus potissimum: victus ratione, evacuatione humoris antecedentis, & Chirurgicis auxiliis. Victus & cæterorum non naturalium, quæ sit ratio, jam sæpe ex me audivit Dominus: vitanda nimirum esculenta dura, vaporosa, & quæ facile corrumpuntur: cujusmodi sunt carnes sale aut fumo inveteratæ, bubula, suilla, ferina & similes: item aves aquaticæ. Utendum bona veruecina vitulina, hædina, pullis, capris, perdicibus, turdis &c. Piscibus abstinendum nisi forte, ut non nihil appetitui indulgeatur, iis uti liceat sub initium prandii non in cæna, idque adjectis paucis aliis cibis. Sint autem pisces carne firma præditi; veluti perca, trutta &c. In aquatilibus optimi sunt gamma-ri sine aromatis. Aromata enim omnia vitanda,

da, piper, zingiber, garyophylli &c. item cæpæ, porrum, allia, raphani, synapi, & quæcumque vim habent, calefaciendi nimis sanguinem: legumina, fabæ, lenticulæ, pisa, phaseoli, &c. plurimum nocent: item caseus & quævis lactaria opera. Vespertina juscula potissimum noxia: vinum item vaporosum. Bibendum autem album, maturum, & modicè potens. Diuturnus somnus, potissimum statim a cæna, noxius: aer item nimis calidus, aut summe frigidus vitandus.

Secundam sanationis partem diximus, positam in evacuando humore antecedens, quod ubi fiet, spectanda erit Domini habitudo biliosa, & intemperies calida, cum Obstructione jecoris: ideoque purgandum cholagogis, habita tamen partis affectæ ratione. Quem in usum mire placet syrupus rosaceus compositus cum rhabarbaro, agarico & sena, quo sæpe usus est æger, cum decocto betonicæ, euphrasie, agrimonie, &c. Salubriter etiam usus est præscripto à me diaphanico in tabellis, & electuario de succo rosarum. At ex Hippocrate ante purgationem præparandus est & coquendus humor apozematis aperientibus, qualia poterit præscribere D. D. Roscius, phlebotomia, cucurbitulæ, & hirudines sæpe utiles, imò necessariae ad hunc orbem, tum ut evacues, minuasque causam antecedentem, humorem videlicet melancholicum, tum ut derives loco affecto. Opportunum his verum tempus, authore Hippocrate, quibuscunque inquit, venæ sectio, vel medicatio convenit, hos vere purgare, vel vena secta vacuare oportet. Aperienda vena brachii ad latus partis affectæ, cucurbitæ, scapulis, & clunibus applicanda. Hirudines applicentur, quo modo jam applicuimus magno Domini bono, modò sub aures ad jugulares venas, modò ad hæmorrhoidas ano, prout medico videbitur, idque urgente demum necessitate. Tum verò sensim emittendus sanguis propter male constitutum jecur, quod cum sit jam dudum debile, scirrhum, & obstructum, dubium non est, quin nimia aut importuna phlebotomia plurimum sit nocitura.

Tertia & postrema tollendi morbi ratio, posita in operatione chirurgica in curando videlicet loco affecto. Porro hujus morbi sanatio chirurgica duplex est: una palliativa, seu fucata: altera vera. Palliativa est, quam hæcenus adhibuimus, & commodo victu, & purgato sæpè corpore ad deducendum humorem, siue causam morbi antecedentem, atque etiam inhibendo ejus impetum exterioribus applicationibus, qualibus huc usque sumus usi. Sed quum hæc curatio tandem futura sit inualida, ad reprimendam morbi vehementiam, & perfectè sanandum agrum, operæ pretium fuerit, proponere veram & legitimam sanationem.

Quum igitur legitima sanatio tumoris præter naturam, authore Galeno, fiat extrahendo tellendoque quicquid adest in parte affecta: videndum, quot modis tolli possit tumor, siue excrescentia ista, & quæ tollendi tutissima ratio? Jam ante ex me audiit Dominus, id faciendum vel solventibus, vel erodentibus Pharmacis aut ipsa manu. Quoad solventia, quum tumor sit durissimus, credibile est, nullo re-

solutum iri medicamento nisi prius emolliatur. At verò præterquam quod hujusmodi prædura materia, tam diu (quindecim videlicet annis) congesta, emolli nequit, periculum est, ne ex isto emollientium usu tumor subito contrahat summam malitiam, uti testatur Galenus, & nos in tractatu de Gangræna confirmavimus, exemplo Scirrhi in jecinore inveterati. Hic enim adhibitis emollientibus, statim versus est in cancrum exulceratum, ex quo mors; ex hac ergo methodo nihil sperandum. erodentia verò mihi perquam Periculosa censeantur. Nam cum prominens hic tumor sit durissimus, credibile est benigna medicamenta irrita futura: quin potius. ut summa durities adest, sic vehemens requiritur medicatio, cujusmodi est, quæ vi septicorum, & escharoticorum fieri solet. At verò ut lenibus non afficitur cancer, sævissimum malum, sic irritatur, & ingravescit, vel tantillum acerbis & vellicantibus ut antè expertus est æger. Porro quum pars affecta sit cerebro proxima, oculus videlicet, in quem, ut radicitus tollatur morbus, penetrandum est altius ad nervum opticum erodentibus Pharmacis, haud dubiè illorum vis communicabitur membranis cerebri unde maxima & periculosissima exorietur inflammatio, siquidem magna intercedit sympathia & necessitudo inter oculi tunicas & capitis, ut infra liquebit ex oculi anatome. Ergo ne sic quidem sanari potest æger.

Superest, quam diximus, chirurgica operatio, ut simul & semel extirpetur, quicquid vitiosum est. Hæc autem omnium minime periculosa, meo quidem judicio. Primum, quia solide conjicio, me facile posse radicitus malum extrahere, quantumvis alte latens in oculi orbita, nempe ad ipsum usque opticum nervum, cujus & pars amputanda. Deinde quia venarum & articularum vasa ibi, tenuia sunt, & quasi capillaria: ideoque nullum hæmorrhagiæ periculum. Denique licet altius incidendi sint nervi, opticus, & qui secundæ conjugationis est, nullum tamen periculum: siquidem nervis perfecte incisis in transversum, eorum extremitas contrahitur, ipsique integuntur carne, sicque desinit illorum functio, nec aëre aut medicamentis lædi possunt. Unum hoc timendum, ne quum ægri corpus jam dudum cacoehymum sit, ac ætate jam provectione ad annum videlicet accedens quinquagesimum sextum, facile accendatur intemperies in partibus intimis, simulque excitentur febris, capitis dolor aliaque id genus symptomata. His ut occurras, laudabili victu utendum, purgationes usurpandæ, secunda vena, applicandæ cucurbitulæ, & cætera revulsionum ac derivationum species, sicque tuta erunt omnia, si modò benedixerit Deus Opt. Max. cui pro generoso Domino vota nuncupamus.

His auditis, partim quod exhorresceret æger, partim quod dissuaderent nonnulli, absurde & imperite spem facientes, fore, ut quicquid ex oculo prominebat sponte excideret, visum est pergere in curatione palliativâ. Hac verò etsi sedantur dolores, nihilominus tamen excrescebat fungus indies. Nascebantur quoque tubercula & varices lividæ ad pisi magnitudinem, merum quandoque sanguinem emittentes;

eiusmodi hæmorrhagiam etsi probabant nonnulli, ut quæ agrum & partem affectam levatura videretur, ego contra constanter affirmavi, ita in dies magis, magisque debilitatum & refrigeratum in jecur jam pridem obstructum, durum & scirrhosum ac tandem illectum in sanguinem, aliosque humores ad caput & faciem; uti sane accidit 13. Julii. Reverso enim generoso Domino à brevi peregrinatione, ex qua incaluerat ei caput, itemque corpus universum, tubercula illa & varices oculi cœperunt sanguinem profundere, tanto impetu ut 13. & 14. diebus ejus mensis, impleta sint sanguine scutellæ septem, præter eum qui periit in linteis, spongiis, vestibus & singularum scutellarum sanguis à me appensus, præsentibus G. Dn. ægroto, Nicolao Gantino, Francisco Croserano & Jo. Glaronio, fuit unciarum decem & semis: quod quidem tam verum est, quàm dictum mirabile. Paulo post æger impense debilis, imminente altero profluvio me accersivit ejusdem mensis die 15. Quum primum advenio, fasciam quæ malum contegebatur, resolvo: tum cœpit sanguis longè majore quàm unquam antea, impetu promanare: id quod, nisi fuisset tellis oculatus, ægre credidissem, quum sint oculi venæ fere omnes capillorum instar exiles: sed hæc contra in hoc bono viro varicum instar dilatata conspiciebantur. Attamen in spero pulvere nostro, sanguinis sistendi vi prædito, cujus descriptio habetur in libello nostro de gangrena c. 19. illico suppressus est ita sanguis, ut deinceps non nisi parvissimus fluxerit. Ab hoc profluvio declinantibus sensim viribus, & crescente in dies oculo, non nisi miserrima eaque propinqua mors expectabatur, quum tandem generosi viri Gabriel in Blonay, Baro à Chattelart, & Dominus Philippus Ceritatus, Dom. à Denezi, ejus generi, cum aliis nobilibus & honestissimis amicis statuerunt advocandos eruditissimos & peritissimos quosque Medicos, & chirurgos, quorum deliberationi & sententiæ sese æger subjecerit. Annuente ægro, accititur Geneva clarissimus & doctissimus Janus Antonius Saracenus, Philosophus eximius, Medicus Regius, Lausanna item doctissimus D. D. Albertus Roscius, senex experientissimus. His me tertium adjunxit æger benevolus, ut si opus esset chirurgica operatione, hanc ego perficerem. Die Julii 28. inita consultatione, proposui quæ infra suo loco.

Inita consultatione, commemoravi apud clarissimos Doctores Medicos duos, quæ ante apud agrum & D. D. Roscium in ædibus & præsentia Marionis Lausannæ proposueram: iterum concludens, sola manus opera plenissimè sanari posse ægrotum. Cumque ex nova quorundam sententia sperasset æger, commodè incisum iri cancrum religatum serico, necesse habui meas contra sapius allatas rationes subicere hunc in modum.

Primum: quod mali radix à ligatura relinqueretur: siquidem quæ facta est morbi renovatio, liquidò constat factam esse in orbita, adeoque altiùs ad opticum usque nervum. Ligatura autem quum id solum apprehendat, quod prominet à palpebris, relictum est quicquid orbita continetur, sicque irrita futura esset operatio. Etenim id quod relinquetur, illico

proferet novum suum priore maligniorem. Secundo quod fieri possit, ut rumpatur vena aut arteria quæpiam importuno tempore, puta nocte; & sic æger vel exigua sanguinis jactura è vestigio moriatur, quum tanta jam sit facta profusio.

Tertio: quod ex ligatura futurus esset gravissimus dolor, totis quindecim diebus & ultra: propterea quod conjunctiva in qua fieret ligatio ut pote à pericranio deducta miro sensu sit prædita. quo ex dolore, ut nihil dicam de cerebri læsione, sequeretur humorum affluxus ingens in partem affectam. Adde quod æger jam dudum debilis & extenuatus hos dolores & inquietudines, tolerare non posset.

Quarto: quod pars oculi supra ligaturam, dum corrumperetur, fatore suo gravissimo læsura foret partes principes, & ipsis adstantibus intolerabilis futura. Relinquitur incisio, quam spero a nobis tam dextre factum iri, propitio numine, ut leviores sint cruciatus, & nulla aut minima hæmorrhagia. Quod ambigitur, queat ne morbus radicitus erui? spero id quidem factum iri. Quippe jam pridem excogitavi instrumenta quædam, quibus oculum tuto & agiler ab ima orbita recisum extraham. Præterea quantuluscunq; ille qui percipitur motus, apprehenso tumore tico non nihil mobili, spem facit hunc non hære perostio, cui si adhareret, certè esset immobilis. Imò & ex eo intelligimus, reliquam esse aliquam pinguedinis & musculorum ambientium portionem inter oculum & os; ex quibus operatio tantò facilior, tutior, & felicior expectatur. Quoad hæmorrhagiam, ego certè non nihil moveor, cum subit animo nupera sanguinis illa profusio, nobis notissima. Attamen venæ in oculo tenuissimæ non videntur largum emissuræ sanguinem, si incidantur ad balmi; & potest diligente manu inhiberi erumpens sanguis, quem post tantum profluvium non est verum simile multum futurum. Denique hand dubiè ex ægri metû & horrore major pars sanguinis recurret ad cor.

Consultissimum tamen fuerit extrema ligare arctissime, brachia supra cubitum, tibias supra genua, idque horæ dimidio ante operationem. ut nimirum molesta & constringente hac ligatura, sanguis avertatur ad illas partes, & procul ab iis, in quibus futura est operatio. Atque hoc meum est de hoc morbo ejusque chirurgica extirpatione judicium. Vos Medici videte, & de nostris judicate, Doctores clarissimi.

Hic Medici, postquàm disseruissent de morbo & medicamentis universalibus, nostra omnia comprobarunt, & decreta est mali extirpatio per incisionem. D. Saracenus rem detulit ad ægri necessarios & amicos, quotquot aderant. Illi audito tam præsentaneæ & quidem funestissimæ mortis periculo, tum s. nationis spe per oculi extirpationem, facile assenserunt, multoque libentius æger ipse magnanimus.

Tum postquàm prædixi metuenda symptomata, decreta est in proximè sequente diem Lunæ, qui in Augusti Calendas incidebat, operatio. Interea præscripta est ægro victus ratio congrua, ad reparandas vires deperditas superiore sanguinis profluvio. Præscriptus & illi

ad diem sabbathi decimum nonum] Calendas Augusti laxativus potus.

℞. Tamarind. electorum, foliorum senæ oriental. mundat. ana ʒ ij. uvarum passarum mundat. ʒ j. epithymi. sem. anisi, fœniculi, ana ʒ ʒ. cichorii, agrum. ceterach. polytrichi, ana p. j. fiat decoctio ad ʒ iij. in qua colata macera rhabarb. elect. ʒ i ʒ. cinnamomi electi gra. 7. in expressione dissolve syrupi violati ex 9. infusionibus & manna granatæ ana ʒ j. misce: fiat potio.

Sequente die Dominico, & die lunæ, manè ante operationem, exhibitus est potus cordialis sequens.

℞. Aquarum buglossæ, violarum, rosarum, melissæ, ana ʒ j. syrupi corticum citri & de succo acetosæ ana ʒ j. confect. alkermes ʒ j. pulv. diambæ ʒ ʒ. misce fiat potio pro duabus dosibus.

Exterius super corde ante & post operationem applicitum est scutum sequens.

℞. Florum trium cordialium ana p. ij. melissæ, majoranæ, ana m. ʒ. seminis & corticum citri, seminis ocymi, ana ʒ ij. pulv. elect. diambæ, margar. frigidi, pulv. elect. e gemmis ana ʒ iij. pulv. diamolchi dulcis, & diambæ, ana ʒ ʒ. croci ʒ j. excipiantur gossypio, & cum syndone rubra fiat scutum interpunctum pro regione cordis.

Antè & diu post operationem, unctus est stomachus hoc unguento.

℞. Cerati stom. Galen. ʒ iij. pulv. aromat. rosati ʒ j. garyophyll. & nucis mosc. ana ʒ ʒ. olei nardini & maltichini, ana ʒ ʒ. fiat linimentum pro regione stomachi, ante cibum.

Aliud unguentum pro stomacho, aliquandiu applicitum post operationem factam.

℞. Olei maltichini & de mentha, ana ʒ ʒ. olei nardini & de absinthio pontico ana ʒ iij. cerati stom. gal. ʒ ij. ladan. & olei de nucis mosch. an. ʒ j. pulv. arom. ros. & ligni aloës, ana ʒ j. pulv. garyophyll. & ambre griseæ ana ʒ ʒ. cum cera nova q. s. fiat unguentum, quo calidè illinatur regio ventriculi ante cibos, bis die.

His ita præscriptis, amici qui aderant studeverunt ægrum recreare, quantum fieri potuit. At ille magnanimus & sanitatis avidissimus constantiæ suæ magis quam alienis verbis solabatur; nisi quod statò die nonnihil teritus est D. Roscii excusatione per literas facta, veritus nimirum, ne quid ille mali prælagiret: quod tamen ita dissimulavit, ut non nisi ab operatione resciri potuerit: adeò urgebat ipse operationem.

Itaque præmissis solennibus precibus pro felici successu, & tribuenda ægro patientia ac viribus, ipse sumpto recente ovo & cyatho vini, cathedram accommodatam sibi delegit, & ultro sedit: ita ut quum mollis quispiam cathedræ alligandus foret, necesse duntaxat habuerim, adstantium duobus brachia, tertio caput committere. Dum crumenâ ex utraque parte apertâ, ad hanc operationem à me inventâ, totam excrescentiam, sive ficum tam altè quantum fieri potuit, versus nervum opticum apprehendi & inclusi, crumenulamque constrinxi, & sinistram meâ nonnihil attraxi. Crumena hæc fit ex corio, tenerrimo ex supernâ parte

annexi sunt orbiculi, ex filo æneo facti ad excipiendos funiculos.

Vulgus Chirurgorum loco crumenæ, ad has, aliasque excrescentias, scirrhus, atheromata, steatomata, & similia excidenda, excrescentiæ, sive tumori, filum duplicatum acui incurvatâ trajiciunt, sed perperam, aqua enim sive humor in oculo, aut quovis alio tumore contentus, protinus effluit, & membranæ concidunt, flaccescitque tumor, difficilissimamque efficit operationem, sed de his forsitan aliàs plura.

Sic apprehenso, & crumena incluso fungo, cœpi sub palpebra superiore ad majorem oculi canthum, instrumento (quod ipse inveneram, & nominatim præpararam ad eam operationem) separare conjunctivam: adactoque ferro ad opticum usque nervum, percurri oculi ambitum, quæ erant separanda disjungens, eodemque instrumento opticum secui tum & eum qui secundæ conjugationis est, & tam dextrè (sine jactantia sit dictum) me gessi ut vix decem passus fierent, dum ficus ille cancerosus, totam oculi orbitam implens, & in faciem latè prominens, intactis palpebris, radicitus erutus sit.

Est autem cultellus veluti lenticulare obtusus, ne in operatione cranium lædatur. Cuspis enim ipsius nonnihil extuberat, sed ex illa lolummodo parte, quæ in operatione cranium respicit. Altera verò pars, plana & æqualis est; Præterea nonnihil incurvatus est cultellus, sed eodem plane modo, quemadmodum cultri quibus excavantur cochlearia lignea, incurvari solent.

Sed quia cuspis cultelli in forma lenticulare, ut dixi, obtusa, necesse est, ut phlebotomo, aut novacula, per ipsam adnatam parva fiat incisio, quo cuspis cultelli saltem per ipsam adnatam intrudi possit, & reliqua omnia facile à cranio separentur.

Ut autem cultellarius instrumentum hoc apte atque concinne fabricare possit, necesse est, ut Chirurgus ipsemet exemplar sive specimen ex plumbo ea qua fieri potest diligentia adornet. Id verò facile efficiet, si longitudinem ac latitudinem exactè observaverit. Quantum autem incurvandus sit cultellus, facile cognoscet, si interim, dum specimen ex plumbo parat, cranium hominis suâ carne denudatum ad manus habueris. Hoc modo ego, cum operatio hæc mihi facienda erat, processi. Summa autem adhibenda est diligentia, ut quam aptissimè fabricatum sit instrumentum; in hoc enim totum ferè negotium operationis situm est. Si enim aptum & bene scindens fuerit instrumentum, feliciter succedet operatio: infeliciter verò, si minus aptum fuerit, ut fusiùs dicturus sum, quando de instrumento quo Dom. Georgius Bartisch in hac operatione utitur, agam.

Porro etsi adnata tunica, quæ præcipuè incidenda erat, exquisitissimo sensu sit prædita, non usque adeò tamen dolorifica fuit operatio. Agitatio ægri nulla, nisi lingua quum ter, quaterque Deum inclamavit.

Injeci illico copiose pulverem nostrum ad sanguinem sistendum lib. de gangrana, & sphacelo cap. 19. scriptum; stupas quinetiam al-

bumine ovi madefactas, & prædicto pulvere conspersas, oculi capsulam implevi, ita ut vix vnciæ duæ sanguinis extillarint. Ideoque nihil opus fuit actu, si cauterio argenteo quod proprie præpararam, propter loci affecti nobilitatem & præstantiam.

Deinde involuta fasciis orbita, & defensivis ad frontem & collum circumcirca adhibitis, æger ipse se abluir, & voluit ire pedibus in lectum, triginta circiter passus ab operationis loco. Nos prohibuimus, & sella detulimus. Mirum tam diuturno morbo, tanto sanguinis profluvio, ævo tam provecto, ægrum sic subsistisse, nisi Deus, cui laus & gloria, eum corroborasset.

Tumoris magnitudo ad nervum opticum usque patebat. In tumore post operationem dissecto, invenimus ossiculum, & mole & figurâ dimidiatam fabam representans, ubique tuberosum, propè minorem oculi canthum. Hic varia judicia. Alii in tumore natum dixere, quòd densâ & durâ integeretur tunica, quæ mihi sclerotica esse videbatur. Alii diutino defluxu carie affectum cranium censebunt, indeque cariosum ossiculum sponte naturæ separatum, sensim membranam illam penetrasse, atq; illud callo deinde obductum fuisse. Verò mihi similis videtur, id ossiculum à cranio illuc penetrasse, quàm in ipso tumore natum. Primum enim ad orbitam oculi pertinuisse patet. Deinde materia intra quam illud repertum est instar atramenti nigra erat, nihilque aliud quàm sanguinis fœx. At necesse est, quod ex materia aliqua gignitur, ejus colorem referre: ossiculum autem album fuit ac promde non ibidem genitum. Tertiò ex progressu curationis facile fuit animadvertere, è cranio illud delapsum, siquidem percipiebatur cicatrix nonnihil cava, ad minorem canthum: qualis esse solet, ubicunque est ossis deperditio, teste Hippocrate. Residuum tumoris duabus diversis substantiis constabat. Nam pars ea quæ extra orbitam prominebat, instar fœcis atramenti fuit, satis densa, forti membranâ involuta, quam autumo ex conjunctiva & cornea membranis ita coa- luisse.

Pars verò orbitâ contenta, dura fuit & scirrhusa, colore livido. Hos ego fuisse puto oculi musculos, qui quidem nequaquam conspici poterant agnoscive, utineque membranæ, quia plane occaluerant cum aliquâ aliâ materiâ residuâ, ex priore illa inflammatione anni 1571.

Ipso operationis die non est resectum vulnus metui hæmorrhagiæ: at postridie tantum applicatum ex decerptis linamentis digestivum sequens.

℥. Terebinth. lotæ in aqua betonica ℥ij. gummi elemi ℥ss. dissolve in olei rosacei ℥j. adde vitell. ovorum num. 2. croci ℥ss. misce: fiat digestivum. Insuper admovi emplastrum basilicum. Inunxi totum caput & collum oleo myrtil. & rosato: fronti & collo defensivum applicui: nec aliter processi; quoad facta esset vulneris digestio. Sequenti die, Saracenus relicto longiore scripto, in quo victus ratio tum in rem præsentem, tum etiam in futurum conveniens, tradebatur, domum repetens mihi rem omnem commendavit. Ego sex diebus

continuavi digestivum & basilicum: exin digesto vulnere pro digestivo adhibui mundificativum sequens.

℥. Terebinth. lotæ in aqua betonica ℥ij. gummi elemi dissol. in oleo rosaceo ℥ss. radic. aristol. rotundæ. iridis flor. ana ℥ij. cum melle rosaceo fiat mundificativum.

Tum applicui emplastrum de betonica, eo- que lapso incarnavi vulnus: cicatricem induxi pulvere sicco, ex cerussa, lithargyro, cornu cervi tusto, alumine & radicibus iridis, super inducto empl. diapalma. Victus rationem æger adeò accurate & libens observavit, ut supra decimum quartum diem vino sibi temperavit, contentus ptisana, cui adjectum erat paucum coriandrum præparatum, aut etiam oxyfaccharum, cui inter parandum indebatur tantillum cinnamomi: atque sic adductis tandem concinnè palpebris, à fimo cancroso, ejusque omnibus symptomatis, vir genere & virtute, in primis verò pietate nobilissimus per- sanatus est.

Porro quum locus multum diuque affectus ac pro indebilis, ut plurimum obnoxius sit defluxionibus à valentioribus partibus transmissis, ideo ut nè deinceps novi exorirentur in facie affectus, aut in parte nuperrime sanata, author ægro fui, ut clauderetur ulcus, cauterio excitatum in brachio dextro, quod progressu temporis inferius descenderat, & circumcirca callosum evaserat, & novum applicui superius ac propius venam cephalicam 22. Augulti. Porro in eundem usum & ad majorem præcautionem suasi, setaceum ad cervicem trajici legitimo loco, qui est à prima vertebra ad tertiam, nec inferius. Adhibitum quidem fuerat anno 81. ineunte morbo, sed male ad sextam cervicis vertebam, ubi eminentiores sunt nervi, quàm superius ad caput: hinc acutissimus dolor, ob quem adeo excitatum ulcus post mensem claudendum fuerat. Ille consilium nostrum admisit, & consultus Saracenus literis, eandem sententiam scriptis confirmavit. *Guilielm. Fabric. Hildan. Observ. Chirurg. Cent. 1.*

Ratione officii à Serenissimo Principe ac Domino Dn. Philippo Ludovico Comite Palatino Neoburgico &c. mihi in patria demandati inter alios alumnos Illustris scholæ Lavinganæ, mense Februario curandus ad me venit amicus meus consanguineus Sebaldu Agricola, superintendentis Neoburgici piæ memoriæ filius, adolescens pius, doctus, sanus aliàs, aspectu & corpore nobilissimus, sed nimia severitate alter Cato: hæreditario quasi malo sermonem nunquam articulatim explicabat, lingua crassa, ex copia humoris affluentis ab humidiores cerebro, ob quod etiam pater ipse p. m. continuis distillationibus obnoxius, neglecto consueto ligni guajacini decocto, feliciter aliàs usurpato, tandem apoplexia mox percussus obiit.

Filio prædicto (sequentia omnia feliciter referenti) in extremitatis linguæ magis dextra parte, ineunte æstate, tuberculum valde exiguum ab initio erupit. Mox ad ciceris, postea fabæ, tandem neglectum, ad castaneæ minoris, majorisque quantitatem, absque omni dolore, insignitamen duritie, sensim excrevit, ita

ita tamen ut fili instar majoris hujus tuberculi radicem per linguæ compressæ substantiam ego cum Chirurgo tactu sparsim deprehenderim. Eadem magnitudine mense Februario subsistit; præcedentibus autem ineuntis hyemis mensibus, non solum bubo frigidus, indolens, induratus ovi instar anserini magnitudine, qua erupit, eadem quamvis remediis exceptus, ad ægri usque finem vitæ pertinax quievit: æquæ cum scrophulis forsan cancrosa malignitate rebellis futurus fuisset (si vitam longius æger pertraxisset) verum etiam in glandula post aurem dextram sita, parotis frigida at mollis præminabat. Uno & altero die sensim amandata, ad emunctoria dictæ saltem partis sub mandibula inferiore, & musculis ossis hyoidis ac linguæ, sensim longa serie in *scrophulas* & scrophulas terminabantur. Hoc modo lingulis fere septimanis ineuntis hyemis, ad ineuntem in qua obiit ætatem, imprimis luna crescente, parotis recens, frigida, mollis iterum, tandem ad emunctoria sub mandibula in scrophulas semper defixit tam induratas, ut in calculos abiisse materiam, tactu putasses, tamque ingentes, ut cum scrophulis sinistra partis ex eisdem parotidibus enatis, sibi que obviis, tandem totam illam cavitatem, quæ est in colli totius sub mento ambitu, impleverint.

Crescentibus sic in dies scrophulis, suæque valetudinis curandæ negligens, denum coactus mense Februario me consuluit: illius natura, linguæ, & colli tumoribus aliisque ex ægri relatione consideratis statim suspicabar tubercula hæc cancrosa prodixisse: mihi enim tunc in mentem veniebat venerandi illud Galeni: cancrosa scilicet esse omnia, quæ ab atrabilario succo induruerint. Propterea non esse vulgares, sed malignos tumores pronuntiabam, atque prius alteri Medico, hoc ipsum malum dijudicandum offerat, ipsi mandavi. Illo tum peregre absente, aliquandiu ne nihil agere vider, aliquid remediis leniendo coactus egi: ob intensissimum enim frigus, quod tempore Bacchanaliorum, duravit, malum in dies augebatur, cum scrophulis lingua in magni tumorem suffocationis periculo non solum elevabatur, verum illud ipsum tuberculum linguæ cancrosum, eodem die vidi cum pustula, prope venam, sub linguæ raninam dextram atro sanguine turgente, quam æger sæpius exerendo linguam tumidam, dentibus fricando aperuit, quæ evacuata, ne instante nocte omnia augeantur, avertebam humorum affluxum: inde etiam ex præscripto colutorio, & irrigatione oleo ligni juniperini seu corylini factâ, sicque per os derivando materiam, paucis horis lingua planè detumuit. Altero die syrupus cum decocto diasenæ exhibitus, ut sudorifera sequentibus diebus assumpta, feliciter ac magno ægri levamine operabantur. Postea alter Medicus, me absente (cujus tamen adventum ad veram & methodicam hujus ægri curam suscipiendam prætolabar) fere per mensem, præmissis etiam purgationibus linguæ tuberculo imposuit digestivum, sed omne incassum, sic enim digerendo ulcusculum in dies latius serpsit. Quare alter Medicus suum patientem incurabilem, nisi malum sectione auferatur, proclamabat, & absque ullis remediis desperatum, neque unquam

attingendum putabat. Eodem tempore astans ego matri, ob filium suum medica ope exclusum ejulanti, non modo rogatus, verum imprimis *συμπυρεῖν* christianorum (qua membræ fide & dilectione nobis annexis omnibus ad mortem usque opem ferre jubemur, cum in desperatis admirabilem sanando Deum viderim) commotus, mea pauca, & certa remedia repetii. Erat enim cancrusus adhuc lacertosus, & viribus validus, benè & comedebat & dormiebat. Quapropter ex præsentibus signis quam minime curatio eradicativa certò sit speranda præfagiens, curam palliativam, qua canceri augmentum prohiberi, aliaque symptomata demoliri queant, amplectendam suasi; unctioni aut sectioni, quam senior Medicus suadebat, semper merito contradixi, ab Hippocrate & Galeno sect. 6. Aphor. 38. fideliter admonitus, pars enim affecta nunquam gangrænosa manifestè apparebat, quam alter Medicus suspicabatur, ut jam de hoc curandi modo præsertim hic periculosissimo, & c. luminis exposito nihil dicam, quo saltem ulcus ablatum fuisset, latente per amputatæ linguæ substantiam maligna radice.

Decimo ergo Martii rogatus, primum præscripsi convenientem diætam: deinde cum sufficientissime à nobis binis Medicis perpurgatum corpus fuisset, talibus evacuationibus superfedi, leviores tamen, jubente ægri natura, non negligendo.

Deinceps venam salvatellam aperiri jussi; postea sudorifera, occulta virtute cancro inimica, alternis diebus (quod tempus si neglexit, recens parotis statim erupit) citra molestiam præbui.

Sequebantur colatoria, optimè partes ejus carcinomati vicinas defendentia. Denique exulcerato linguæ cancro aquam absterforiam ex stillatitiis plantaginis, cardui & ligni heraclini, nec non pollinem ulceri impergendum ex carduo benedicto, nicotiana & trochiscis à viperis, magno emolumento ægri ordinavi. Præterea adhibitis prædictis, post horam cataplasma ex saccharo cando, floribus sulphuris & theriaca cum oleo ligni Heraclini ad ultam consistentiam redigendo, nunc ficibus, nunc panno cerato ulceratæ linguæ imponi, & per famulum aut chirurgum usurpari curavi; qui ambo in administratione remediorum diligentissimi erant; bis enim plerumque singulis diebus si non peregre advocatus, affectum tangendo ipsis adfui. Miror autem sæpius Berckmannum famulum, quo meliorem nunquam apud ægros optarem, noctu patienti accubendo, interdum cancroso industriè meis remediis tractando, tam ingentem foetorem sustinere potuisse absque manifesto damno. Sic in dies Clarissime Dn. Fabrici, cataplasmatibus operatio mihi arridebat, cujus vim in his & similibus affectibus admirandam oriri puto ex oleo ligni heraclini sive corylini, hujus virtutem nobilem indies curando laude experior.

Instante Maio, cancer exulceratus in dies omnium admiratione tumore mollior, fædo & sordido ulcere mitior, imò labris primum crassis tumidis, duris, postea etiam nodosis, inversis, elatis, ac profecto aspectu horridis, subsidens & evanescens apparuit: ita, ut interim

nunc sanguinem melancholicum (at per aliquot intervalla) guttatim ad lbj. nunc saniem ichorosam, foetidam, & cadaverosam, ac quandoque atram eructaverit: venulis atro cruore & melancholica fœce deoneratis, tumor evanuit: ac malignitate extincta ulcus saniem laudabilem fuit, in exulceratæ linguæ cavitate deterfa caro non livida, sed rubella, proba & sana sensim succrevit; ita ut jam cicatrix obducenda foret, nisi rimulam literæ instar Cadmodum parvam cum natura etiam studio apertam aliquantulum reliquerim.

Quum sic rem in vado esse sperassem, in lateris ejusdem scrophulæ sub mandibula inferiore, quas in dies auctas antea scripsi, tumore serpentes intro ad linguam sese insinuarunt, ibique sub lingua in cancerum manifestum terminabantur, quem dudum metuebam, quemque foras elicere, & aperire summo studio, præsertim cum colore in rubro nigricante id simulaverit, laborabam, at hic funis (ut in proverbio) nihil attraxit, sed linguæ frenum partim exedendo, labro albicante, nodoso; sensim magis inverso, demum cruento, tandem exulcerato, paucis diebus ita rebellis factus est, ut sibi incumbentem & sanescentem linguæ extremitatem, cat. plasmate insuper interposito, tamen per ligamentum & venam ranipam furians, iterum non quidem magno aut manifesto, ut antea, ulcere inquinaverit; atque totam linguam, præsertim te discedente magno & pertinaci tumore, oris fere cavitati adæquaverit, geminum ac contiguum malum, quasi datatim alternis vicibus materiam sibi administrans, repullulando citò, latè admodum germinabat: hypochondrium utrumque inprimis dextrum valde prominebat, quodve principio initæ curæ solum promineus accusabam, at canerosus idem, quasi ipsi, sit congenitum, & absque dolore excusabat: pectus elevatum, tuberculis nodisque totum cum tumentibus venis perspergebatur. Dolor prius dextri, dein utriusque hypochondrii, primum subacutum austerus homo nolebat, rogatus etiam mihi, illum suspicanti, indicare: postea tam vehemens, ut cruciatum diutius absque leniente remedio, se ferre non posse clamaverit. Dolorem enim acutissimum, pungentium velut acicularum sensum inferentem, nunc unum, nunc utrumque hypochondrium, nunc ad claves usque interioresque homioplatas, & humeros, etiam frequenter brachium, coxendicem, & totum pedem, ejusdem scilicet & dextri lateris pervadere, æger conquestus est, à quo tamen vacationem sæpius habebat, ob mitigantia à me miserante præscripta. Miserabiliter enim dolore agitata, tremula membra vidi. Tandem in dies effluxu aucto, nec avertendo, nec derivando cessante, prius uvulam inflammata, ferè æque malignitate canerosa, infectam aspeximus, quo aspectu prohibiti, quamvis strenuè ego & chirurgus ubique laboraverimus, tamen oris cavitati adæquata tumida lingua ob vestigia sibi à dentibus impressa ita secundum dentium seriem planè exulcerabatur, ut superiores dentes per exesam linguam inferioribus conjuncti fuerint. ô miserandum spectaculum! ô ingentem fœtorem, quem toleravimus.

Tecum omnes suffocationem metuebamur, quam tamen Deus prohibuit: tandem cum nullo alimento frui posset, & potu vires vix resiciebantur, succedente frequenti *λεπθυμία*, unde horis ante meridianis bis alvum cito exoneravit, post magno deliquio animi commotus illius curator recitabat orationem Dominicam, quam agonisans patientissimus Job qualitercunque mussitando ad finem ulque sequens, voce amen clausit, & confirmavit atque sic placidissimè in Christo Salvatore 3. Junii solis die obdormivit.

Vesperis suadebam tecum sectionem cadaveris, cum prius sæpissimè matri explicuerim, te mihi consentire, malignitatis hujus canerosæ radicem ex hepate (omnibus signis sic annuentibus) & germinasse & propterea viscera inspicienda esse, at illa cum suis mulierculis hæc de re, quasi hoc committere planè iniquum foret, incipientibus, rigidè denegando me amandavit. *Valentinus Rylandus in Gulielm. Fabric. Hildan. Obser. Chirurg. cent. 3.*

Superiori mense Octobri unà cum viro clarissimo, atque Doctissimo Dn. Andrea Weickio, Medicinæ doctore, convictore meo gravissimo, solodurimatronam, non ex obscura familia oriundam, invisi, laborat illa cancro occulto in mamma dextra, quem ante annos quadraginta, cum infantem ablactaret, ex lacte in grumos concreto contraxit. Supervenerat autem tum temporis ex abundantia lactis, nec non retentione mensium inflammatio quæ sedatâ tuberculum ad magnitudinem fabæ remanserat. Quod neglectum ab initio, per annos ferè quadraginta in ipsâ mamma delituerat, absque tamen dolore aut ullo incommodo. Nunc verò ante annos tres, cum decrepita ætas appropinquaret, ita accrescere & dolere cœpit, ut tandem non solum totam mammam occuparet, verum etiam sub axillam usque sese extenderet. Tumor iste non usque adeo elevatus, inæqualis tamen est, & undique nodulos durissimos, ac lividos, venulisque infinitis nigricantibus circumdatos habet. Tumor ac noduli isti adeo sub axillam versus vergunt ac retracti sunt, ut papilla, quod notandum, ferè sub ipsa axillâ recondatur; Hinc fit, ut brachium quoque dextrum propter musculum brachium pectori adducentem, in consensu trahatur. Totum enim brachium, imo & manus ipsa tumore præcipue ex pituita, cui tamen multum bilis atræ admixtum (œdema scirrholdes appellant Medici) ab initio morbi per annos ferè quadraginta, ut dixi, nullus fuerat dolor in ipsâ mamma, nunc tamen continuus est, qui quidem jam acutus & pungens, mox vero remissior, in ipsum tamen brachium, mediante prædicto musculo sese extendit. Dolorem autem ac intumescationem brachii, venæsectio, ab imperito barbitonsore in ipso cubito, ante menses octo facta, non parum auxit. Cum enim antea dolor brachii esset exiguus, post venæsectionem adeo auctus est, ut brachium nunc officio suo fungi amplius non possit, tantopere attraxit venæsectio.

Ego etsi affectum in decrepita hacce matrona (septuagesimum enim annum ætatis prætergressa est) planè incurabile esse, adstantibus significaverim, quia tamen ægra, post Deum spem

spem maximam in medicamentis, quæ adhibiturus essem, posuit, nonnulla morbum palliandi causa præscripsi. Imprimis verò optimam victus rationem institui. Deinde corpus sequenti potiuncula expurgavi.

℞. Radicum lapat. acuti, scrophulariæ majoris, polypodii q. Cortic. interior. radic. frangulæ an. ℥ss. Herb. cuscuthæ, fumaris, scabiosæ, ceterach an. M. ss. sem. anili & fœniculi an. ℥ij. foliorum senæ ℥i ss. liquiritiæ rasæ ℥ss. fiat decoctio in aqua, ut colatura redeat ad ℥vii.

Hujus colaturæ accipe medietatem, cui admisce syrupi rosati solutivi comp. cum rhabbaro, agarico & sena ℥j. Misce, fiat potio, detur in crepusculo matutino, leniter hac potione expurgato corpore, postridie venam malleoli dextri incidi, sanguinem (revulsionis causa) ad uncias circiter quatuor extrahi, & postquam per diem unum aut alterum à venæ sectione quievisset, alteram dosin præscripti decocti, cui conf. hamech, ℥ij. syrupi rosati solutivi compositi ℥j. admixta erant, propinavi. Brachium autem ut sequentibus oleis quotidie bis inungeretur jussi.

℞. Ol. lumbricorum, vulpini an. ℥ij. ol. Scorpionum ℥j. de vitellis ovorum, & amigdal. dulcium an. ℥i ss. spicæ ℥ss. misce. His usque nunc maximo cum fructu utitur oleis, dolor enim & intumefactio brachii remittunt, mamma in eodem statu persistit, tumor non accrescit, nec dolor adest, sequens tamen emplastrum applicat.

℞. Empl. diapomphol. ℥ij. diapalm. ℥j. plumbi usti & loti, lapidis calaminaris an. ℥ss. cum f. q. olei rosacei & succi geranii fiat l. a. unguentum.

Porro Clarissime Dn. D. Toxoti, vix credas quam exitiosum in cancriosis ulceribus sit unguentum Ægyptiacum, ego expertus loquor, superiori enim anno 1606. ad matronam, hic in vicinia cancroso, necnon fœtidissimo ulcere in mamma dextra laborantem, vocatus fui, Cheirurgus, qui curationem susceperat, ut foctorem istum castigaret, & carnem quæ in cancriosis ulceribus continuo excrevit, ablueret, de tertio in tertium diem aut etiam, alternis diebus, unguentum Ægyptiacum applicuit, inde ulcus in continenti adeo malignum factum est, ut intra breve temporis spatium mammas ad costas usque eroderet, agramque extingueret, integram historiam suo loco quoque videbis. blande itaque hujusmodi ulcera sunt tractanda. *Guilhelmus Fabric. Hildanus Observat. Chirurg. Cent. 3.*

Matrona hic in vicinia, ex nobili familia oriunda, postquam quinquagesimum annum ætatis prætergressa esset, nec amplius utero gestaret, menses quinetiam subsisterent tuberculo ad papillam dextr. m. correpta fuit. Tuberculum hoc etsi ab initio durum, & aliquo modo molestum esset attamen quia exiguum & indolens, neque ipsa agra, neque adstantes, hac de re usque adeo solliciti erant. Anno verò ineunte 1606. quum accresceret, & dolere cœpisset, chirurgus quidem in consilium accersitus fuit. Is cum emolientia & pusmoventia per mensem ferè integrum adhibuisset, paulatim acuto dolore, ruptum est tuberculum. Sed nihil præterquam aliquid saniei,

loturæ carnis instar, extillavit. Mox verò malignum, dolorificum, fatidumque ulcus sequutum est, ego 6. Julii ejusdem anni cum advocatus essem, matronam hanc supra modum extenuatam & debilem inveni. Ulcus quod foetidissimum, adeo erat malignum, ut totam mammam ad sternum & sub axillam, costasque ferè usque eroderet, idque spatium quatuor mensium, nimirum à principio Mensis martii (quo tempore ruptum fuerat tuberculum) usque ad mensem Julium perfecerat. Dolor item maximus, inquietudines, febricula, continua nausea, & cibi fastidium aderant. Ex quibus omnibus, quum ipsam in evidentissimo mortis periculo versari cognovissem, manum adhibere recusavi, domumque redii. Non diu post meum discessum animam Deo pie, placideque reddidit. *Guilhelmus Fabric. Hildanus Observat. Chirurg. Cent. 3.*

Matronam Nobilem, consultissimi & Doctissimi Viri D. Joh. Mouleri J. U. Licentiat, & illustr. Principis ac Domni D. Guilhelmi Juliac. Clivens. & Montensium &c. Ducis Consiliarii Uxorem Dusseldorpiæ circa annum 1583. cognovi, laboraverat illa per annos aliquot cancro non exulcerato in mamma, quum verò præstantissimum virum Dn. Cosmum Slotanum, meum præceptorem plurimum honorandum in consilium adhibuisset, certis quibusdam medicamentis, cum per os exhibitis, tum etiam exterius admotis, incrementum tumoris ita retardavit, ut ipsum absque dolore, & insigni incommodo per multos annos, & quidem ad finem usque vitæ suæ, patienter tulerit; neque unquam ad ulcerationem pervenerit. *Guilhelmus Fabric. Hildanus Observat. Chirurg. Cent. 3.*

Joannes aufder Eufi, Hildenæ in patria, quum multos annos tumore scirrhuso in sinistro clune laborasset, ad consilium vocavit barbitonsorem Dusseldorpensem, qui nulla habita morbi ratione, multis unctionibus & cataplasmatibus tumorem ad suppurationem provocare studuit. Hinc exorta inflammatione, & dolore acutissimo, novaculam tumori iniecit: sed nihil præterquam aliquid sanguinis adulti effluxit. Dolor in dies factus est vehementior, ita quidem, ut nullo modo sedari potuerit, ulcusque intra paucos dies totum clunem invaserit, labiis ejusdem in altum elevatis, inversis & callosis. Incredibile est, quo dolore ipse excruciatu fuerit. Ego illum aliquoties cum clarissimo Dn. Doct. Reinero Solinandro Illustr. Princip. Clivæ, &c. Medico & Cosmo Slotano, ejusdem principis chirurgo præstantissimo invisimus. Quamvis autem nos summo studio in hoc incumberemus, ut dolores aliquo modo lenirentur, frustra tamen omnia tentavimus. Tandem enim ipse in ea miseria & cruciatu decessit 17. Maii 1581.

Dominus Polerius, civis Laufannensis, vir ingenio & virtute præstans, mihi que amicus, tumore cancroso ad magnitudinem ovi gallinacei circum circa papillam sinistram, per multos annos vexatus est. Suaserunt ipsi aliquando Medici, ut tentaret tumorem paulatim emollire, & discutere emplastris de mucilagibus, de meliloto, & similibus: sed quamprimum ejusmodi medicamenta tumori ad-

movit statim exortus est dolor, & inflammatio, ita ut illa abstrahere, & frigidum aliquod medicamentum applicare, coactus fuerit. Sedato dolore, ac inflammatione, denuo applicuit emollientia; sed ut antequam sequutus est dolor. Tandem, quum ipsemet experientia explorasset, hunc dolorem atque inflammationem ex horum emollientium usu manare, ab eis plane abstinent, diuque postea superstes fuit. *Guilhelmus Fabric. Hildanus Observat. chirurg. Cent. 1.*

Anno 1600. Vetula Lausannensis cancro exulcerato ad concursum futurarum sagittalis, & Landoideæ laborans, in consilium me adhibuit, ulcus dolorificum, sordidum, foetidum, inæquale, labia verò dura, & ad pugni magnitudinem elevata erant. Preparato corpore, cum optima victus ratione, tum purgationibus & venæ sectione, præsentem Reverendo viro Dn. Joanne Rheterio in schola Lausannensi linguæ sanctæ professore longe excellentissimo, Claudio Marione, Dav. Clerico, multisque aliis, abrasis crinibus, totam istam exulceratam massam, & quicquid nobis malignitate ista contaminatum videbatur, ad cranium usque excidi. Cranium quin etiam, quia cariosum, post dies aliquos scalpbris abrasi. Dein pulverem catagmaticum quotidie inspersi, vulnusque more aliorum vulnorum capitis, cicatrice obduxi, convaluit, & multos annos supervixit, tandemque plane decrepita peste obiit.

Quidam propè Lausannam, cui membrum virile infungum cancrum, ac plane monstrosum excreverat, necnon exulceratum fuerat, cum auxilium à me petisset, membrum virile, & quicquid ita infectum, in ipso abdomine excidi. Hic similiter convaluit, & ad multos supervixit annos. *Guilhelmus Fabric. Hildanus Observat. Chirurg. cent. 3.*

Verruca in summo Balani existens, tandem in Horrendum fungum cancro, um degeneravit ubi de abscissione membri virilis agitur.

Pierre Perrod faber ferrarius ex pago Cresciacensi propè Lausannam, ætate quadragenarius, vita rusticus, temperamento melancholicus, à teneris annis verruca in summitate glandis lentis magnitudinem vix excedente, laboravit: ex qua in cælibatu, nonnisi aliqua collisione facta, dolorem non sensit. in matrimonio autem propter confricationem, quæ ut in coitu, magnum & continuum cœpit sentire dolorem, ita ut per tredecim annos à congressu uxoris abstineret. Successu verò temporis accrevit dolor, verruca in monstrosum cancrum, magnitudine infantis capiti recenter nati, nihil cedenti, degeneravit. Penis in carnis massam inæqualem, & lividam transformatus erat. fætor tantus aderat, ut familiares & amici consortium ipsius ferre nequiverint. Ulcera etiam non pauca, è quibus urina hinc inde effluebat, hunc fundum cancrum circumambi-
verunt. Morbo itaque indies in deterius vergente, tam empiricos quàm rationales adhibuit medicos atque chirurgos, sed absque fructu. Ab iis omnibus cum æger tandem pla-

ne pro desperato atque incurabile iudicatus esset, in maximo quinetiam discrimine vitæ versaretur, & cuncti ad commiserationem commoverentur, ut sibi opem porrigere vellem, petiit. Reverendus itaque pietate simul & doctrina ornatissimus senex Dn. Petrus Pageius, verbi divini minister fidelissimus, author fuit, quod factò prius prognostico coram amicis & adstantibus, curationem aggressus sim. Affectum autem cum diligenter examinasset, in extremo esse deprehendi. Cancer enim jam radices suas ad ipsius abdominis musculos usque fixerat. Quapropter extremum remedium, hoc est, ipsius membri abscissionem, potius tentare malui, quàm hominem tanta calamitate fractum atq; afflictum, in ejusmodi miseriis diutius derelinquere. Quod igitur ipsam curationem attinet, hoc modo processit. Primò instituta optima victus ratione, corpus sequenti potiuncula leviter purgavi. R. Herbarum fumarie, scabiosæ, cuscute, ceterach. an. M. ß. sem. anisi ʒiij. foliorum senæ ʒiij. fiat decoctio ut colatura redeat ad ʒiij. in quibus dissolve confectionis Hamech ʒiij. syrupi rosatisolutivi compositi cum Rhabarbaro, agarico, & Sena, Aquæ cinamomi distillatæ absque vino ʒj. Misce, fiat potio, detur in crepusculo matutino.

Postero die venam brachii sinistri incidi, & uncias sex sanguinis extraxi. Deinde ad majorem humorum præparationem, & evacuationem sequens Apozema exhibui.

ʒ. Radicum cichorii cum toto. Radic. Lappati acuti, Petroselini, Polypodii, Scrophulariæ majoris, corticum tamarisci, & interiorum radicum frangulæ an. ʒj. herbarum agrimonie, veronicæ, scabiosæ, cuscute, Ceterach. Polytrichi, Geranii an. M. j. Trium florum cordialium, Geniæ, & sambuci ana p. j. Liquiritiæ, & uvarum passular. exacinar. an. ʒj. Fiat decoctio in s. q. aquæ, ad consumptionem tertiæ partis in lb. j. ß colaturæ infundantur & macerentur l. a. foliorum senæ mundat. ʒij. rad. elleborinæ, hoc est, paniculæ tam. Fuchii, polypodii an. ʒj. agarici recenter trochiscati ʒiij. rhabarbari optimi ʒiij. fiat s. a. potio pro quatuor matutinis. Hisce expurgato corpore, & exonerata vesica, decima julii anno 1601. agrum in sedem collocavi, & præsentem clarissimo & doctissimo viro Dn. Joanne Rheterio, in schola Lausannensi Hebraicæ linguæ professore celeberrimo, Claudio Marione, pharmacopæo exercitissimo, Davide Clerico, aliisque multis qui etiam nunc vita fruuntur, membrum virile in ipso abdomine excidi. Postea pulverem meum, ad sanguinem sistendum, stupis, albumine ovi madefactis, applicui; ac linteis reduplicatis & oxycrato inbutis, inguina & scrotum involvi, fasciisque colligavi. Quibus factis servos constitui, qui per vices manu madefacta oxycrato, stupas cum pulvere continuo continerent, ne sanguis erumperet. Cauterium enim actuale hoc in casu summe periculosum est, tum quod meatum urinarium obstruat, tum etiam vesicæ & circumjacentium partium inflammationem facile excitet. Vulnus sic in hoc primo apparatu ligatum in alteram diem usque intactum reliqui. Tum primis diebus applicato digesti-

vo, ventre circumjacentibusque partibus vulneris ol. Rosarum & Myrtillorum inunctis; item applicato defensivo imo ventris, vulnus curavi more solito. sic Dei beneficio plenissime convaluit.

Pro urinae autem canali, hoc subsequens instrumentum ex Ambr. Paræo lib. 23. cap. 9. substitui, quo tam commode statim post absolutam curationem utebatur, ut parum imò nihil vel obstaculi vel doloris inde sentiret. Vita etiam suæ munia feliciter, & firma sanitate obiret, ita ut omnes, qui ipsum antea viderunt, admirarentur.

Porro quum nonnulli cancerum, in una parte excisum, in altera renasci existiment, notandum est hominem huncce per multos annos vixisse, & corpore ita validum fuisse, ut negotia rusticana, & opificium suum absque ullo impedimento exerceret, urinam quoque libere, & quidem sine fistula illa, qua in principio usus fuerat, non solum redderet, verum etiam ipsam non secus ac si virgam sanam & integram habuisset, longè expelleret. Retulit præterea mihi aliquoties, se sæpissime ad venerem incitari. Obiit tandem circa finem anni 1611. dum ego in Belgio essem, qualis autem fuerit postremus suus morbus, latet me. *Guilhelmus Fabric. Hildanus Observat. Chirurg. cent. 3.*

De Excisione tumoris cancrofi ad radicem dentium ocularium.

Genere, virtute, doctrina, sed præcipue pietate Nobilis vir Dn. Wilhelmus Vom Scheidtgenam Juris U. Doctor. & Serenissimi principis ac Domini Dn. Wilhelm, Juli. censium, Clivensium & Montensium &c. Ducis consiliarius prudentissimus & Satrapa in Solingen &c. à multis annis tuberculo ad radicem dentium ocularium sinistri lateris laboraverat, quod ex defluxionibus vehementibus ad dentes ortum suum traxerat. Tandem quum accrescere & dolere cœpisset, majora incommoda evitaret ex consilio Dn. D. Galeni Wieri, ejusdem Principis Medici celeberrimi, Colonia in arcem vicinam, una cum clarissimo viro Dn. Joann. Cosmo Slotano, Medico Colonienfi (Dn. Wierus enim propter occupationes gravissimas circa principem, curationi interesse non potuit) accersitus fuit. Anno 1593. ubi curationem sequenti modo instituimus. Tuberculum autem magnitudinem juglandis adæquabat: prædurum, lividum, & inæquale erat, & partim gingivæ, partim quoque labio adhærebat; ita quoque ut exterius extuberantia quædam appareret. Dolor quoque pungitivus aliaque signa quæ cancerum comitari solent, aderant. Porro quia à multis annis catharris ad dentes obnoxius fuerat Nobilissimus æger, ne facta operatione, defluxiones negotium nobis facerent, constitutum fuit inter nos, ut ante operationem corpus omnibus modis, & quantum fieri posset, præpararetur; quapropter in primis sequens apozema, ad humorem peccantem incidendum, & præparandum, exhibuimus.

℞. Radic. cichorii cum toto m. j. Radicum petroselini, fœniculi ana ℥ij. Polypodii q. ℥ss. corticum frangulæ ℥j. Cortic. Capparum &

Tamarisci an ℥j β, Herbar. Scolopendriæ, veronica, betonica, Fumariæ, scabiosæ, ana. m. β. flor. boraginis, buglosiæ, rosmarini Betonic. Summitatum thymi & majoranæ ana. p. j. Seminis anisi, fœniculi an. ℥ij. coriandri præparat. ℥j. Passularum corinthiarum ℥ss. decoquantur in s. q. aquæ & tertia parte vini ad consumptionem medietatis. Hujus Apozematis accipe ℥ij. β. in quibus infundantur, & macerentur per noctem: rhabarbari electi ℥j. Agarici recenter trochiscati, & turbith. gummoli an. ℥ij. folior. senæ mundatorum. ℥ij. Sem. anisi, & florum tartari, ana. ℥ij. Maneant per noctem in infusione, in loco tepido, mane post levi ebullitionem fiat fortis expressio, cui adde Syrupi de polypodio ℥j. aquæ cinamomi ℥ss. misce, fiat potiuncula. Sic purgato corpore, per dies aliquot de præscripto apozemate bis in die, nimirum tribus horis ante prandium, totidemque ante cenam, haustum bibit, tandemque jam jam præscriptam potiunculam reiteravimus, cucurbitulas quinetiam Primò siccās, tandem cum scarificatione applicuimus. sic præparato, & evacuato corpore per vias manifestas, sudorem quoque per dies 14 duximus, sequenti decocto.

℞. Ligni sassafras optimi ℥ij. ligni Guajaci rad. sassa parillæ an. ℥j. cinamomi ℥ss. Projiciantur in poculum stanneum aut terreum, & affunde aquæ claræ ℔. iiii. Claudatur quàm diligentissime vesicâ madida primò, deinde lintheo, nè quid expiret. Tandem fiat decoctio per horas sex aut octo in duplici vase. Non autem illicò aperiendum est poculum, sed expectandum, donec per se sit refrigeratum. Hujus decocti sumpsit ad uncias quatuor pro vice, & bis in die. Post sudorem corpus iterum expurgavimus sequenti purgatione.

℞. Rad. polypodii quercini, cortic. rad. frangulæ, Tamarisci, & capparorum an. ℥j. ceterach. fumariæ, scolopend. an. p. i. flor. Buglosiæ, boraginis, violarum, an. p. β. seminis anisi, fœniculi, an. ℥ss. folior. senæ Alexand. select. ℥ss. Decoquantur in aqua fumariæ & scabiosæ, ut colatura redeat ad ℥iij. in quibus infundantur & macerentur l. a. Rhabarbari, Rad. methoacæ, agarici trochiscati ana. ℥j. Zingiberis & sen. anisi an. ℥j. Maneant per noctem in infusione, in colatura fortiter facta dissolve. Electuarii rosarum Mesuæ ℥ij. Syrupi de polypodio ℥vj. Diasennæ Brasavoli ℥ss. Aquæ cinamomi ℥iij. misce & detur in crepusculo matutino. Interim autem dum decocto sudorifico utebatur, frequenter os sequenti Gargarismate abluabat, idque in eum finem, ut partes defluxionibus obnoxie ante operationem corroborarentur.

℞. Rosarum rubeat. m. j. flor. malvæ hortensis, m. β. Cortic. granatorum. ℥ij. Balauftior. Gallarum immatur: an. ℥j. flor. betonic. scabiosæ, an. p. j. Radic. scrophulariæ ℥j. β. decoquantur in ℔ iiii. vini rubri & stiptici, ad tertiæ partis consumptionem. Colaturæ adde Mellis rosacei ℥ij. Diamoronis, Mellis violacei an. ℥j. misce. fiat gargarisma.

Ex præscriptis herbis quoque minutissimè incisis, Sacculos duos præparavi, quorum alter latus erat pollicem unum, longus duos; alter ejus erat

erat latitudinis, ut superius labium, nasum & genam coeperiret. Sacculos istos vino rubro & sriptico incocto, tepide applicare iussi & quidem continuo.

Satis preparato corpore, tam optimâ victûs ratione, quam præscriptis remediis, ægrum in sedem collocavi, capite parumper retrorsum versus nucham reclinato. Tum ministrum retro ægrum constitui, qui ambabus manibus non solum caput tenebat, verum etiam indicibus digitis superius labium in altum elevabat. Hoc facto, acû incurvatâ, filoque reduplicato apprehenso tumore, ipsum paululum attraxi, & cultello separatorio, ad ipsam mandibulam usque feliciter excidi.

Exciso tumore sequentem pulverem ad sanguinem sistendum, cum stupis albumine ovi madefactis imposui, & fasciâ ligavi.

℞. Farinæ volatilis ℥β. boli orientalis, terræ sigillatæ an. ℥iv. pulveris albuminum ovorum sole exsiccatorum ℥j. pilorum leporis minutissime incisorum ℥j. corallorum præparator. ℥ij. misce. fiat pulvis tenuissimus. Sequentibus diebus oleum de vitellis ovorum, cum paucis croci mixtum, filamentis vulnere imposui. Digesto satis vulnere, sequenti gargarismate os sapissime abluere iussi.

℞. Flor. betonicæ, rosarum, folior. alchymillæ, Saniculæ, pyrolæ, scabiosæ, an. p. ij. coquantur in aq. ℥iij. ut colatura redeat ad ℥i β. in quâ dissolve mellis rosati colati ℥iij. misce fiat gargarisma. Circa finem curationis sequentem pulverem vulnere inspersi, & laminam plumbi tenuissimam applicui.

℞. Tutie præparatæ, pulveris grammæ, aluminis ulti, an. ℥j. misce. Hisce remediis sanitati restitutus, & ex evidentissimo periculo liberatus fuit, ita ut ad annum 1611. supervixerit. Quo anno circa finem Rattinæ pie & placide obdormivit, & pro calamitosâ hacce vitâ beatorum sedem sibi elegit, cum annum septuagesimum prægressus esset.

Caterum dum circa vulnus occupatus essem in universalibus nihil prætermisum fuit, quotiescumque enim alvus stricta erat, clysteres injecimus, cucurbitulas quinetiam cum levi scarificatione applicuimus; singulis quoque diebus paulò ante prandium, ad nucis juglandis magnitudinem de sequenti electuario sumpsit.

℞. Conserv. flor. betonicæ, salviæ, rosæ, & flor. scabiosæ, an. ℥j. specierum dianthos, aromatici rosati, & de gemmis frigid. an. ℥ij. misce. & cum syrupo conservæ corticum citræ f. electuarium.

Post pastum aut mivâ cydoniorum, aut semine anisi, & fœniculi condito utebatur. Cucupham præterea ex sequentibus pulveribus præparavimus, quâ per annos aliquot usus fuit.

℞. Florum betonicæ, rosæ, rosæ, stœchados, rosarum rubrar. an. m. j. summitat. majoranæ m. β. sem. coriandri præp. ℥ij. ligni aloës ℥j. masticis, thuris ana ℥i β. specier. diamoschi dulcis ℥iv. nucis moschatæ ℥i β. caryophyllorum ℥i β. granorum kermes ℥ij. misceantur & contundantur grosso modo pro cucupha, sequens quoque vinum medicatum præscripsimus, de quo per intervalla paulò an-

te prandium haustum bibebat.

℞. Flor. rosæ, betonicæ, lil. convallium, primulæ veris an. m. ij. summitat. thymi, majoranæ, flor. stœchados, borag. bugiosæ, an. m. j. radic. iridis florent. ℥j. galangæ ℥ij. ligni aloës ℥ij. cinnamoni, nucis moschatæ an. ℥vj. radic. caryophyllatæ ℥ij. liquiritiæ ℥iv. incidantur omnia grosso modo, propicianturque in dolium, pro mensuris 12. aut 13. vini optimi & depurati. Pro corroboratione gingivarum seq. dentifricio usus est.

℞. Corallor. præpar. rosarum rubear. an. ℥j. thuris, cornu cervi ulti & præpar. cancerorum præp. ana ℥ij. sanguinis draconis balautiorum ana ℥j. margaritar. præp. ossis sepiæ an. ℥β. rad. iridis florent. ℥i β. aluminis ulti ℥j. misceantur, fiatque omnium pulvis subtilissimus.

Ignosce, quæso, candide lector, si forsitan nimis prolixus fuerim. Fecit id magnitudo morbi: magnitudo inquam. Gingivarum enim & labiorum cancri, nisi universalia ritè & ex arte adhibita fuerint, incurabiles, ut plurimum esse solent. Hæc quia empirici, & cucumforanei, in excisione cancri labiorum non observant, mirum non est, si ut plurimum malum recrudescat, & in peius evadat. Qui itaque operationes hujusmodi cum laude & utilitate ægri perficere cupit, videat primò, ut corpus ægri ante operationem diligenter sit præparatum, ubi præsens observatio, tyronibus veluti exemplar, & idèa inservire poterit: deinde diligentiam adhibeat, ut malum cum suis radicibus & in parte sana extirpetur, quandoquidem minimâ remanente portione mali, frustranea erit operatio, ut alibi fusiùs demonstravimus. *Guilielmus Fabricius Hildanus Observat. Chirurg. Cent. 5.*

De excisione tumoris cancri, in malâ existentis.

Anno 1594. Colonia Agrippinæ Viduam Magist. Henrici Sartoris, ad portam leporinam habitantem curandam habui. Laboraverat illa per multos annos tuberculo cancroso in malâ dextrâ, quod magnitudinem nucis avellanæ haud excedebat. Durum erat, lividum, & inæquale, exterius tamen nihil apparebat. Præparato satis corpore, tam victûs ratione, quam reiteratis purgationibus, & venæ-sectione, ægrum in sedem collocavi: deinde ministros duos retro constitui, quorum alter caput tenebat, alter indicibus digitis in os immisiss, & ambobus pollicibus è regione tuberculi positis, malam invertibat. Sic satis in conspectum veniente tuberculo; illoque acû incurvatâ ac filo apprehenso, cultello separatorio, excidi. Postea eodem modo, uti in præcedente observatione dictum fuit, processu, curationemque feliciter absolvi.

Binas hæc observationes in eum finem scripsi, ut junioribus Chirurgis animum adderem, nè in cancriosis tumoribus in ore existentibus, facile desperent, & ab officio desistant, dummodo ipsos apprehendere, & radicibus extirpare possint. *Guilielm. Fabric. Hildanus Observat. Chirurg. cent. 5.*

Tumores duri, rebelles, canceri formes.

Occasione tumorum dictorum memoriam habet aliud genus horum, quod insidias sanitati, & vita irruit, & cautè tractari desiderat, quorum aliquot dabimus exempla. Puella 15. annorum cui menses nondum fluxerant, sub pondere majori collapsa, ad basin scapulæ dextræ tumore corripitur duro, renitente, lato, & profundo, citra dolorem ullum, non tamen citrà molestiam in movendo brachio. Tractata aliquandiu à Chirurgo solo, successu sanitatis nullo: quin in dies malum adaugeri observabatur. Consulti ex methodi legibus alterando & purgando correximus humorem peccantem melancholicum, vel atrabilarium potius; exterius verò, noscentes mali naturam, sola defensiva topica ex empl. diaphoret. diapomphol. aliisque saturninis concessimus; prognosi factâ, si neglectim tractaturi essent malum ipsum; causa verò averruncandæ subinde per purgantia, diaphoretica, & sanguinem defæcantia, operam daturi, tolerabilius in futurum, contrario verò casu, quo majori studio eradicationi incumbere, eò citius malum exasperatum iri. Emulantur enim aut revera sunt hi ipsi canceri occulti quos non curare, puta externis illis alias in curatione tumorum neri consultis, melius est; curati enim quoad finem primum, & intentionem citius intereunt agri, morbo exasperato, & vitalibus principiis infesto, non curati verò longius vitam trahunt teste Coo 6. aphor. 35.

Neglecto hoc, ut fit, salubri monito, circumforaneum consulunt, qui pactâ mercede ferro aperit tumorem, eoque lic magis, magisque exurgente post aliquot hebdomades turpiter, ut fit, discedit, alibi similes structurus fraudes. Inde ad carnicem curandi deferitur provincia, ubi diu etiam cruciata, exarescente corpore aliquo, domum ferenda in via moritur. Nil supererat, quàm ut incantamentis apertius acceptum ferrent malum, quod post obitum factum tamen. Domum enim illato, mense Maio, cadavere, sonos & sibilos adstantes percipiunt in tumore, ultra dimidium dorso occupantes occurrunt, & angues inibi latere suspicantes rogant, ut tumorem inspicerem. Factâ dissectione, in hor plurimus, putredinem jam subiens, conjunctâ fermentatione sensibili, sibilorum causa patuit, partibus carnosus mirè de tono suo dejectis.

Vir primarius fracto pede sinistro paulò supra talum, aliàs hypochondriacus & scorbuticus eminenti gradu, paulò maturius, jubente officio aulico à curatione solitis occupatur negotiis. Succedente tempore supra locum olim affectum sentit tuberculum non tam profundum ob nudum ibi magis os tibiæ, quàm eminens & non adeò molle. Eadem ferè luditur fabula. Adhibitis topicis, datis internis, nil proficitur, leviori interim viso malo, quàm ut produceretur curatio; verbo aperitur tandem tumor suadente id extraneo medico, nil nisi sanguis effluit; inde vero labia vulneris sensim dilatantur, protuberat materia velut fungosa, frustra quibusvis adhibitis. Tumor serpit ulterius, & cum omnino statum subit, quem describit

Lam. Verde promptuar. Chir. Obs. 26. Reliquum corpus interim hecticum subit statum, cum pulsû ordinario frequenti, donec consumptis viribus placide obdormiret.

Sectione examinatus pes post mortem obtulit fracturam nonnisi laxius coherentem, imò ceu scaturiginem omnis hujus mali, callo omni absumpto. Mechanicus propè femur dextrum consimili tumore corripitur, qualem superius descripsimus. Post apertionem improvidam, reliquis licet nihil juvantibus, nil nisi merum sanguinem stillat, & imminui & consolidari renuit, donec ad ipsum abdomen facto progressu velut sphacelo afficeret consentientia intestina, summo cum foetore, & consumptum totum corpus reliquum fatis tandem cederet.

Alius in sinistro thorace tumore ejusdem commatis, sed dolorifico affectus, eandem subiit fortunam, nisi quod post mensem integrum consolidationem admiserit ulcus à vulnere, per apertionem facto, merum itidem stillante sanguinem. *Georg. Wolffg. Wedel.*

Carcinoma femoris.

Ida, famula Regneri Neckii, amici nostri, percussa vehementius, sensit ex inopinato illo terrore, nescio quem sibi oriri dolorem circa genu; cum tumore femoris, in dies usque eò invalescente, ut post annum septimum videretur, plurimum medicorum calculis, si non excedere, saltem suo pondere, accedere quàm proximè ad illam strumam, quam ibidem loci olim vidit Antonius Benivenius, ponderantem sexaginta libras observ. 14.

Quam molem hæc virgo septem amplius annos tulit tam animosè, ut nemo domesticorum, nedum quisquam extra familiam, animadverterit unquam, quicquam vitii, in ipsius incessu. Verum erosa paulatim, summâ tumoris cute, intumescens ipsius venis; crescente indies pruritu, & carne magis livescente; nequit ipsa malum suum diutius claudere, sed coacta id detegere, imploravit tandem pudibunda ac mœrens opem medicam.

Expetens obnixè, tumorem hunc scalpello sibi amputari. Qui tamen pervenerat jam tum eò incrementi, ac malignitatis, ut nemo id auderet. Quocirca, licet invitissima, circumferebat tamen quocumque locorum insensissimum hunc hostem, incedens interea temporis per amplissimam nostram urbem non minù expeditè, ac si femori nihil omnino ponderis inhæsisset. Compescens interim malignum hocce carcinoma, ultra annum septimum decimum, solo plumbi unguento. Cujus litû, nihil simili tumori utilius.

Dissectus autem post obitum hic tumor ac bilanci impositus, ponderabat tantummodo præter omnem opinionem, ob fungosam suam substantiam, libras sexdecim; foris quidem glaber & æqualis, sed intus steatomate, gypseâ pituitâ, induratis calculis, dilatatis venis, ac sinuosis scrobiculis, vera levitatis causa, impendio nimis repletus. Latitans extrinsecus sub extimo femoris musculo.

Aliquot annis post oblata nobis fuit, ibidem loci in alia quâdam virgine, longè major excre-

excreſcentia, adæquans ambitum ſeſquiulnæ longitudinem, exorta, partim ex fiſſo ob graviorem lapſum, femoris oſſe, partim vero ex venis, & arteriis uſque adeo dilatatis, ut tumorem prius commemoratum ludum ac jocum dixiſſes, præut huius fuerit circumferentia. *Nicol. Tulpius Obſerv. Medic. lib. 3.*

Senem Salodienſem, octoginta quatuor annorum, laborantem cancro exulcerato in labro inferiori oris, magnitudine medii ovi gallinacei, curavi; quem licet præmonuiſſem, morbum fore inſanabilem, amiſit tamen, imò rogavit, ut ipſum ſecarem. Præmiſſâ itaque totius corporis purgatione, hunc novacula incidente radicatus relecui, ſanguine cum impetu erumpente quem ad decem circiter uncias datâ operâ effuſum, abſque ullâ poſtmodum inuſtione, verum goſſypio tantummodo uſto, pulveribuſque adſtringentibus firmavi. Digerentibus verò prius medicamenti aliquot dies uſus, ex ipſo vulnere optimum pus emanavit indicio, totam ſubſtantiam canceri eſſe ſublatam, atque unguento poſtmodum ex ceruſa camphorato, ducto in plumbeo mortario, ſpatio viginti dierum cicatricem induxi, incolumi ægro tres annos abſque ullâ moleſtiâ; à quibus novus cancer ſubortus in faucibus, ex quo brevi ſpatio temporis obiit, præter meam omnem opinionem qui exiſtimabam ex ætate humorem melancholicum aduſtum iterum ſuccreſcere non poſſe, novi canceri in alio loco cauſam; prout ſerè ſemper contingere ſolet omnium authorum ſententiâ, quod ſcilicet cancer in aliqua parte avuſſus, in altera progreſſu temporis ſuboriatur; firmabatque meam opinionem, quod in praxi viderim mulierem ſeptuaginta annorum, ſamulam Collegii Divæ Catharinæ, cancro exulcerato naſi laborantem, cui præſcripſi idem unguentum ex ceruſâ, potius ad dolorem ſedandum, quàm curationis cauſâ, quæ tamen præter ſpem menſis ſpatio nullo alio remedio adhibito, fuit perfectiſſimè ſanata, vixitque multos annos eadem firmâ valetudine; quod cenſui contigiffe ratione ætatis, prout in ſene illo futurum rationi conſentaneum erat. Et quamvis hæc curatio non ſolum à me ſit in uſum revocata, ſed à plerique, ut dixi, autoribus, quia tamen raro contingit, caneros exulceratos omninò ſanari, nec ampliùs ſuboleſcere, ut in femina illa, ideò hanc obſervationem alii adſcribendam cenſui, quamvis in ſene illo cancer in faucibus triennio poſt repullularit, quod fortè non contigiffet, ſi quolibet ſexto menſe remedia adhibita fuiſſent, humorem melancholicum ſpectantia, eundemque expurgantia. *Petrus de Marchett. in Obſerv. Chirurg.*

Alium quoque quadraginta annorum circiter in Noſocomio Sancti Franciſci Batavii laborantem cancro exulcerato labii inferioris, magnitudine ovipalumbi eodem modo quo ſuperius ſanavi, à principio tamen præſcripta vere & autumnò purgatione humoris melancholici, atque ejuſdem alteratione refrigerantibus, & humectantibus; quanquam idem quatuor poſt annos in eodem Noſodochio ex febre maligna obierit, cancro tamen in nullâ alia parte corporis ſuborto; ut propterea aliquando non ſit omninò abjicienda ſpes ſanationis iſtorum morborum: dicti ſiquidem patientes

medicorum præceptis ſi obtemperaffent, forſitan non obuiſſent. *Petrus de Marchett. in Obſervat. Chirurg.*

Fungus cancroſus in interiori matricis colli parte.

Honeſta quædam Vidua hic Hagæ habitans, quadraginta circiter annos habens, temperamentique calidi, ac ficci, nec non atrâ, (quam jam olim dixere) infectata bile, de tumore quodam extra corpus propendente mihi queſta eſt, quem non parum incommodi ſibi adferre, quoque velut ſtimulis aſſiduè ſe pungi dixit, fœtore inſuper ingenti illum abundare, ac inſtantibus catameniiſ, extendi, amplioremque multo fieri aſſeruit.

Quamobrem non parum ſollicita meam imploravit opem. Ipſe autem ſuaſi, uti, præparato, prout deceret, corpore, quicquid hoc eſſet humoris (malignum namque perſpexeram) Manuali Chirurgi operâ tolli juberet. Cum itaque (neque enim alium mali finem videbat) conſentiret, rem cum fratre *Joanne Stalpartio vander Wiel*, nec non cum tunc quidem Chirurgo, nunc autem & Medico *Cornelio Solingio* communicavi, perpendique. Tumorem itaque hunc exactè perſpectum fungum, ſive colli matricis excreſcentiam cancroſam, eſſe comperimus, anteriori quidem parte latiore; poſteriori vero anguſtior. Statuimus idcirco baſin huius excreſcentiæ, ſi contingere daretur, valido cingere filo, ac quotidie paulò arctius vincire, ut, ſiquidem fieri poſſet, tumor à ſanâ parte ſepararetur. Rem itaque aggreſſi duplici fili circuitu anteriorem, craſſioremque excreſcentiæ cernimus partem; Chirurgus autem, quòd utraque manum eodem tempore vagina non admitteret, digitis ſenſim eò uſque promovit filum, ut baſin attigiffe crederet. Tum verò ob viæ anguſtias præpediebatur vinculum contrahendi facultas: id tamen ut perficeretur, nihil conſultius duximus, quàm ſi utramque fili extremitatem craſſiori, firmiori-que alligaremus ſpecillo, ut hoc contorto, illud contraheretur, coarctaretque excreſcentiam; hoc autem ita ſucceſſit, ut illa intra quatuor, vel quinque dies alimento deſtituta protinus decideret. *Cornel. Stalpart. Obſervat. rarior. Cent. 1.*

Cancer in urinario femina meatu.

Anno 1672. cum Chirurgus *Cornelio Solingio* vocatus fui ad mulierem hic Hagæ commorantem, quæ urinas excernere nequens de maximo pudendorum dolore conquereretur. Nobis autem, ut obſtructi lotii inveniremus cauſam, cathetere utendum fuit, cujuſ ope ſatis commodè urinam deprompſimus: ac tum quidem cancroſum in urethra ulcus latere comperimus, quo illa pene tota exefa erat. Illa autem nunquam niſi dicti instrumenti adjumento lotium egerere valuit, ac non multò poſt miſerâ admodum vitâ exceſſit. *Cornel. Stalpart. Obſervat. rarior. Cent. 1.*

Cancer Ossis.

Cornelius Celsus lib. 8. cap. 10. asserit fracturæ ossium, præter inflammationem, ac distentionem nervorum interdum quoque cancerum intervenire. Ecquid verò per cancerum ibidem loci intelligatur, variæ variorum sunt conjecturæ, neque minores sententiarum conflictus. Verisimile tamen non est, verum hic designari cancerum, nedum sphacelum perperam excogitatum, at si quis conjecturæ locus, videtur hæc vox adumbrare callosum illud tumoris genus, quod plerumque sequitur calamitosas ossium fracturas, vel immedicabilem illam eorundem molliem, quam imprimit ossi acida pituita, solidam ipsius substantiam planè corrumpens. Cujus perniciosissimi tumoris natura, quantumvis haud parum discrepet à genuino cancro, in eo tamen cum ipso convenit, quod uterque nullis cedat remediis, conspiretque perinde in perniciem ægrorum.

Vincentius Balduinus, Vir infractæ ætatis, vixit aliquandiu miserandum in modum, ob humeri os, intra annos 15. quater effractum, quod paulatim increscens, sive ex viscido contusi ossis succo, sive sanguine eò uberius affluente in eam tandem devenit molem, ut nè pectus, nec scapula immodicum ipsius pondus fuerit amplius ferendo, excitatis non solum maximis nervorum doloribus, verum etiam summâ spiritus difficultate, ob luxurians pondus, thoracis motum continenter impediens, cum indefatigabili vigilia. Quibus è saebris quo evaderet, ulus fuit consilio variorum Chirurgorum, quorum alii tumorem emollire, atque in pus convertere; alii contra luxuriam ipsius arctiore fasciâ coercere; ac nonnulli vitiatum os ferrula præcidere adnixi fuere.

Sed omnes successu infelici. Venæ enim ac arteriæ hujus tumoris latiores erant, quam ut pollice humano potuissent obturari. ac proinde magis impedimento, quam auxilio fuere fasciæ. Mortemque adeo non distulisset, quam maturasset amputatio improvidè instituta.

Facto autem vivendi hinc, docuit an. tome, omnia, sub cute, visci crassitiem, ac steatomatis induisse naturam, parumque discrepasse à materia veri canceri, cujus nomen fortassis propterea, huic ossis vitio, haud malè impositum ab industrio hoc auctore. Ipsa vero ossa erant non modo, à se invicem sejugata, verum quasi malleo minutatim confracta, ac præ irriguo madore adeo tenera, flaccida, ac mollia: ut instar ceræ scalpello facillimè conciderentur.

Quam eandem alienationem ossibus utique imprimit acida, ac maligna quædam pituita, per habitum corporis effusa, quam interdum quinquaginta vidimus occupasse loca, ac depalcare tantum non solida ossa; verum etiam carnem, membranas, nervos, ligamenta, aut quicquid illi obvium. Parum interim, aut nihil proficientibus remediis, quibus insensissimum hunc hostem satagimus domare, sive sponte ex latebris suis prodeuntem, sive à variolis in arenam hanc productum. *Vide Fabritii Hildani Centur. 4. Observ. 69. Nicol. Tulp. Ob. lib. 4.*

Canceri contagium.

In artibus (inquit seneca) magis utilia, quam subtilia querenda, cujus effati rationem utinam haberent illi quibus epulis jucundius, quidvis in controversiam trahere, ignari, multum altercando veritatem amitti, saltem magis inumbri, quam illustrari. Quantum enim improvidis juvenum sensibus imponit verborum venocinium, tantum nausæ movet exercitatis, propositis duntaxat, quæ neque studentî prolunt, neque ignorantî nocent, e quorum numero qui exemeris, acriter disputantes. Utrum cancer ulceratus sit eminus contagiosus. O Medicos verè umbratiles! ecquid enim verisimilius quam tenue, ac fervidum, urentis canceri virus, contagium suum non magis prope, quam longinque dispergere? Quis exhalationi ipsius limitem præstituit? Quis cancellos posuit, intra quos permaneret coercitus, volatilis ille spiritus? Adriana Lambertæ, propectæ ætatis, post devoratum aliquot amorum molestiam, ulceratum mamma carcinoma, ad eum pervenit putredinis gradum; ut halitu suo iniceret famulam, continenter operam ipsi navantem, & quidem eò majore labe, quo diutius suppetias tulerit, ac familiarius cum illa vixerit; e quibus conceptæ perniciæ scintillis tandem exortum ingens incendium: quod ipsam non minus quam Dominam suam perhundedit. Insidente utriusque pectori, ac alis, tam fœdo, ac inæquali ulcere, ut aliquandiu animi penderem, utra illarum graviore excarnicaretur sævitia.

Quid quod mihi ipsi, solus fœtentis hujusmodi carcinomatis intuitus, præter insignem cordis defectum, aliquando guttur usque eò exulceraverit, ut non mercurio præcipitato tantum, verum etiam forhæe quotidie opus fuerit, ad auferendas crustas à depescente veneno in faucibus excitatas, e quibus vel cæco apparet ulceratum cancerum non solum cominus, verum etiam eminus contagium suum disseminare, ac proinde satius e. e. hæc habere experimentis indubitatis; quam incautæ juventuti illudere, frivolis argutis, atque excogitatis captiunculis, nè dicam subtiliter differendo aditum intercludere, quominus perspicax mentis acies dirigatur ad meliora usu abunde comprobata. *Nicol. Tulpus Observat. Medicar. lib. 4.*

Anatomica Inspectiones.

Mulierî viduæ in mamilla sinistra tumor sentim excrevens prodit durus, quem alii scirrhum, alii cancerum esse indicabant, qui cum diu durasset, tandem in abscessum conversus & suppuratus in ulcus abiens sanatus est, relicta cicatrice admodum inæquali, labiisque duris &c.

Hæc tandem plurimis morbis labefactata è vivis excessit &c. mamma sinistra quæ scirrhus laborarat, circa radicem scirrhusa, ut & circa papillæ radicem scirrhus erat; candidus, glandulam repræsentans. In costis vena lata nigricans latebat. *Platerus Observation. libro secundo pag. 503.*

Nob. Matr. in sinistrâ mamillâ læsa est; verum quia parum, aut nihil inde doloris sensit,

tanquam levius vulnus neglexit. Subsequentibus inde diebus loco affecto tumor quidam indolens ferè succrevit, qui tamen citrà negotium Chirurghi industria sublatus est, enata successu temporis complures pustulae sunt, quae in ulcera tandem terminarunt: sollicita Matrona de canceri successione Medico, sed Paracelsico se concredidit, qui deleteriis pharmacis potionatam necavit. Mammam mortuae crucis in modum divisi, quarum caro dura admodum nigrescens, sed non omnis putrida conspiciebatur. In utero dissecto materiam albam, lapidescentem, adeoque durissimam, ut vix cultro discendere licuerit, invenimus. *Ex clar. D. D. Georgii Garveri observationibus.*

Infanticida foemina sextâ à partu septimanâ capite patratum scelus expiat. Sinistram mammam ex lacte coagulato apostema occupavit, quod ipsa natura exiguo facto foramine capit expurgare. Glandulis ad pectoralem musculum usque remotis inter has & musculum dictum magna puris copia sinum efformavit, illafo musculo. *Th. Bartholinus cent. 1. histor. 92.*

Ulcus & cancer colli matricis.

Quadam matrona cum bimestri spatio mensium suppressione laborasset, tandem exortus est dolor & inflammatio partium genitalium. Morbo propter verecundiam neglecto, abscessus & ulcus in collo matricis secutum est. Adhibito matricis speculo, ulcus callosum foetidum, inaequale lividumque & ut brevi dicam cancrosum inventum est. Postea auctus dolor, aucta febris, inflammatio, Vigiliae, cibi fastidium, & syncope & paucos post dies è vita discessit.

Cadavere dissecto, totum uteri collum planè cancrosum & exulceratum erat. Menstrua ex sanguine nimis crasso saepe supprimuntur, fortè fortuna sanguis depluendus in colli vasculis substitit, praesertim in substantia ejus glandulosa; equidem hoc malum aliquando invadit mammam, glandulas salivales, aliasque partes glandulosas, interim ibi, corrupto sanguine, inflammatio, cancer, & ulcus factum. Cancer nihil aliud est quàm glandularum sphacelus, cujus saevitia vicinas partes non raro quoque depopulatur. *Stephan. Blancard. Anatom. pract. ration.*

A gula carcinomate mors.

Cuidam succrevit humilis ac latus tumor, infidens firmiter lateri tracheae paulo supra jugulum. Hinc respiratio & deglutitio impediébantur, ita ut nè gutta liquoris pertransire poterat, tandem emaciato corpore morti succubuit.

Denudata post obitum cute, ad instar carcinomatis, colore plumbeo, & radicibus undique diffusus tumor, praesertim circa gulam, intus adeò concreverat, ut vix aciculæ majoris glandem admittebat.

Laboravit cancro glandulae alicujus ad tracheae latus communiter residentis: saepe glandulae immensum usque excrescunt, quae partes vicinas premunt ut hic, si enim trachea & oesophagus liberum habuissent aeris transitum, nec deglutitio, nec respiratio laesa fuissent; cancer gangraena est alicujus glandulae. *Stephan. Blancard. in anatom. pract. ration.*

Vir annu 22. horribili cancro in gena seden-

te infamabatur, vorante eo pro more ferali, ut tandem pomum aurantium mediocre sua cavitate monitrose hiante haud agere caperet, erat ei alioquin status corporis commodus, ut male habentis partis principis labes post multum examen argui à me vix potuerit. Hujus attentus incurabilis cura frustra sperata chirurgo data fuit. Cancerum autem ex Hippocratis effato sacro melius est non curare, quam curare, curati enim, ut inquit, citius intereunt, id noverat Poeta inquit.

Curando fieri quaedam petora videmus.

Ulcera, quae melius non tetigisse fuit.

Post mensis circiter unius conatus studiosos & pro re nata prudenter audaces, repentina morte ager, absque ulla incidente causa perit. Subitum rei funestae monstrum Chirurgum sollicitè movit, ut corpus secandum peteret, si ut sensuum judicio pateret causa tam insolens casus miserrimi, ubi id obtinuit, me rei curioze impatienter avidam officiose ad spectaculum rogavit. Apparuit statim cadaver parvis punctis, quae pulicum morsus imitarentur, rubris quibusdam, alijs lividis, multis subnigris, ubique pictum; & dum ad sectionem omnia studiose disponuntur, animadverti sensibiliter se se explicare ea, novorumque nec non similium productione augeri: rei insolentia stupore aliquo commovit mirantem animum, sed cum tacite mecum ipso dubius discurrem, notavi maculas eas in vesicas surgere separata ab adnatis carnibus cute, ut quaedam nuces avellanas, aliae nuces juglandes, aequarent, aliae vero ovis gallinaeis magnitudine omnino non cederent, servato semper eodem colore, sed simul cum omnia curiosè lustrarem, ulcus intuens vidi id fervente spuma repleti, & propius admotus audivi insuper iratum in eo murmur, atque sibilum non tacitum, utpote qui ab omnibus in hypocaulo percipi facile potuit. Aspexi Chirurgum, ut ille me, utrique plus stuporis quam discursus erat, id ipsum imitatione fecit adstantium turba; muscitare dein dubie omnes, timere tacite, seseque cubito & pede modestè monere, aliisque tum oculorum, tum capitis, vel pro genio aliarum partium, gestibus invicem imperite loqui; Ego interim furtim abrepto pallio me secretæ huic comediae, ut suspicabar, non fida, subtraxi; tum illi loco imperantem Tribunal Plebis pie & ex officio monui, ut quàm diligentissime cadaver suspectum terrae daretur, idque loco quoad fieri posset remoto, altoque sepulcro perderetur, ne suspecti virus effluvium aëre omnia ambiente imbibitum, & passim ab hominibus respiratione miserè haustum, contagione, nec non deinde horribili propagatione latè omnia contaminaret; insuper variis suffimentis, & alijs alexipharmacis illi domui prospexi. Sed ubi pacato animo rem licuit otiosè ruminare, didici, Chirurgum, ut mali pertinaciam vi superiore frangeret, ulcus irrigasse liquorib. urentibus, qui conspurcatis carnes ederent, & intimius adnatum malignitatis characterem, cum ferro secanti non pareret, ustione expungerent, eos autem à copiosis venulis erosione hiantibus bibitos, universae massae sanguineae circulationis lege datos fuisse; inde tantà effervescentiae phreneticae tempestate de repente exortam, quam ferre delicatū cor citra momentaneam perniciem nequiverit, perditis nempe

nempe spiritibus beneficis & modestis, suppressa-
que barbare ebullitione religiosa vitalis ignis
parente, quæ eum perenni linulis materiæ fabri-
catione & effluvio sollicitè alit & fovet, ut vo-
rax ignis parvum, exempli gratia, candelæ
sibi vicinum absorbet & perdit; inde volati-
litatione nimia tenuis & volubilis sanguis ve-
nis facile sese extricans, primò cutem tripli-
ci colore fœdavit, postmodum, ut sensibili-
qua quantitate fuit conglomeratus, eam in
altum coegit: hinc pariter ex prurienti fervo-
re in cancroso ulcere, nata spuma, natusque
sibilus. *Ex commun. Dom. Nozzet Archiatr. Fri-
burg. apud Helvet.*

CANIS RABIDI

MORSVS

Vid.

VENENA.

CANTARIDVM VENENVM.

Vid.

VENENA.

CANITIES

Vid.

PILORVM MORBI.

CAPILLI.

Vid.

PILI.

CAPILLITIVM

Vid.

TRICHIASIS.

CAPITIS DOLOR.

Vid.

DOLOR CAPITIS.

CAPITIS HYDROPS

Vid.

HYDROCEPHALVS.

CARBUNCULUS, seu,
ANTRAX.

Carbunculus seu Carbo ita dictus, quia
extinctum carbonem refert, vel, (ut
alii volunt) quia illius color in ambitu instar
Carbunculi Lapidis obscuro rubore splende-
scit, Nominatur etiam *Anthrax* ab *ἀνθραξ* in
Carbonem mutatio, quia occurrit affecta pars ex-
tincta quasi & in Carbonem mutata; hinc
Arabibus *Ignis persicus* & *Pruna* nuncupatur,
quia non male refert exustionem cum pru-
nâ ignita factam; vel ut mavult Galenus, quia
vicinæ partes vehementer inflammantur, &
quasi uruntur.

Nonnulli inter Anthracem, Carbunculum,
& Ignem Persicum aliquam statuunt differen-

tiam, cum tamen re ipsa nihil differant neque
Veteribus ullum discrimen fuerit cognitum: &
Avicenna in curatione ignis Persici eadem præ-
scribit medicamenta, quæ Galenus in carbun-
culi curatione commendat. Verum nulla alia
hic obtinet differentia, quam quod modo
major, modo minor, quandoque magis, quan-
doque minus malignus sit Carbunculus.

In cognitione autem Carbunculi graviter
halluciuatum est inter Medicos. Galenus nam-
que ulcerum ordini Anthracem annumerans in
comm. ad Hipp. Aphor. 45. Sect. 6. ait Anthrax
est ulcus crustosum, cui *conjugitur multus par-
tium circumstantium fœnor.* & alibi: *Carbunculus
est ulcus crustum cito cum valida Phlegmone cir-
cumstantium particularum inducens.* Hanc Gale-
ni definitionem sequitur Paulus Aegineta *lib. 4.
cap. 25.* Cui plerique posteriores Medici sub-
scripserunt. Verum enimvero si Carbunculi es-
sentiam curiosius indagemus, observabimus
has definitiones ipsi non satis proprie accom-
modari. Etenim Carbunculus non est partis ali-
cujus exulceratio, sed potius ejusdem Necrosis
seu fœderatio à particulis acri-salinis lixiviali-
bus inducta. Est igitur *Carbunculus* partis ali-
cujus gangrena, dum in fieri est; vel ejusdem
Sphacelus, dum in facio est, quorum neutrum
ulceribus annumerari potest. Sphacelum esse,
& non ulcus, inde liquet, quia nullâ naturæ
vi edomari, & in Pus converti potest Carbun-
culus, quod posset, si ulcus esset; sed inte-
ger à vicinis partibus separatur.

Præterea in causis Carbunculi adhuc gravius
erratum est. Galenus *lib. de Tumor. pr. nat.* dicit,
*Carbunculos excitari, cum sanguis tanquam fer-
vens & inflammationi propinquus cutem exurit.*
Haud secus Aquapendens *Oper. Chirurg. part. 2.
lib. 1. cap. 27.* scribit, *Carbunculum fieri à fluxio-
ne ferventissimi sanguinis ad partem.* Paulus Aegi-
neta *lib. 4. cap. 17.* & Mercurialis *de Peste cap.
18.* putant, *illum causari à crassi & adustis humo-
ribus.* Actuarius *Met. med. lib. 2. cap. 12.* credit
eum oriri à sanguine Melancholico fervente. Ferne-
nelius *crassum torridamque sanguinem.* Forellus
*sanguinem corruptum, fervidum cum succo me-
lancholico vel atra bile; Carbunculi causam sta-
tuunt.* Sed à veritate longissime aberrant, &
illi, & quotquot Hæcenus illorum sententiis
subscripserunt medici. namque Carbunculus,
seu Anthrax, est partis alicujus vel incipiens,
vel perfecta mortificatio aut corruptio, à par-
ticulis acri-salinis lixivilibus, ac venenatis,
critice in illam expulsi, orta; unde excitatur
Tumor maximè adurens, & nigram crustam
habens.

Ut plurimum autem ab exili pustula, in
ambitu inflammata, ac dolente, interdum à
pluribus parvis Pustulis, quæ postea in unam
vesiculam coeunt; aliquando sine Pustula inci-
pit Anthrax. Dein pars affecta dolorem sentit
pungitivum, & quasi constringitur; hinc paula-
tim magis magisque corrumpitur ac nigrum vel
cinereum acquirit colorem, partes, quæ pro-
ximè Carbunculum circumstant, alterantur,
haud secus ac in gangrena fieri solet; etiam
valde inflammantur, acriterque dolent, quas
natura, antequam mortificationis labe in il-
las quoque proserpat, suppurat, atque hac
mediante suppuratione corruptam & emortuam

particulam, viz. Carbunculum à sanis separat, ejicitque.

Omnis Anthrax sua natura periculosus est, præsertim tempore pestilenti, quique niger est, parti principi vicinus, magnus & subito evanescens. Minus verò lethalis est Carbunculus, qui primum ruber, dein citrinus apparet. Qui livescit aut nigricat, neminem ferè non jugulat.

In curando Carbunculo purgantia valdè mihi suspecta sunt, imò suspecta magis *vene sectio*. Sed *Sudoriferis & Alexipharmacis* solummodò insistendum, quibus particulæ venenatæ acrisalinx domentur & per habitum corporis expellantur. *Topica verò Medicamenta nè repellant, sed potius foras trahant*. Itaque Locus affectus alte scarificetur, atque ne sanguis corruptus concreseat, liberiusque ut effluat, foveatur *Spiritu vini in quo dissoluta Theriaca*; dein superponatur Cataplasma.

℞. Farinæ Seminis lini ʒiʒ. coq. cum s. q. lactis dulcis recentis, & addendo croci pulver. ʒss. Vitellum unius ovi, Mellis q. s. F. S. A. cataplasma.

Sed quoniam Anthracis curatio exigit, ut quamprimum *promoveatur suppuratio & exitiosa mali prohibeatur propagatio*, præstans remedium sæpè est, ut *candente ferro pars affecta inuratur*. Neque enim dolor metuendus, quia caro emortua non sentit, finisque adurendi est, dum omni ex parte sensus doloris adsit. Sunt tamen qui eo horrendo nimis (ut dicunt) præsidio abjecto, *Cauterium potentiale*, aut *Vesicatorium* eligunt, quod utrumque etiam conducit, quoties aut fortia fatis videntur, aut alio medio uti non licet: sæpius namque multiscentium adstantium voluntati obtemperare cogitur Medicus, etiam cum damno Ægrotantis.

Hoc in casu Vigierius *chir. lib. 1. cap. 9. ad malignitatem & virulentiam Carbunculi corrigendam*, istud laudat remedium.

℞. Calcis vivæ, & non extinctæ ʒj. saponis q. s. formentur in formam unguenti solidi, & fiat emplastrum, quod Carbunculo applicetur per duas, tresve horas.

CL. Sylvius *præceos medica lib. 4. tract. 2. §. 690*, testatur, nihil se hætenus novisse, quod potentius ac certius, citiusque serpentem Carbunculorum mortificationem sistat, quàm *Butyrum Antimonii*, si circumcirca illinatur parti affectæ, ad miraculum enim tunc sistitur partium omnium corruptio serpens, ac omnia depascens.

At verò Escaræ separationem promovet inunctum *unguentum basilicon*, vel *Butyrum recens*, vel id quod sequitur.

℞. Butyri insulsi ʒiʒ. unguenti Basiliconis ʒss. Theriaces ʒj. Vitellum unius ovi M. F. S. A. Linimentum.

Barbette ad crustæ separationem commendat Emplastrum.

℞. Theriaces, Mithridatii an. ʒss. Therebinthinæ, Fermenti acris an ʒij. Mellis Rosarum ʒiʒ. Butyri rec ʒij. Vitrioli albi ʒj. Fuliginis ʒiʒ. Saponis nigri ʒiij. Croci pulver. ʒiij. Vitellos trium ovorum M. F. S. A. Emplastrum.

Nonnulli in principio curationis, omiſsa scarificatione, Carbunculo imponunt *Folium Brasice rubræ assatum*, *oleo raparum inunctum*; ac postea hanc vel similem applicant Pulticulam, sæ-

pius eam permutando.

℞. Rad. consolidæ mai. pulver. fol. scordii pulver. an. ʒij. Farinæ Lini, Tritici, an. ʒss. coq. paulatim in aqua pura, ut mucilagines solvantur & compositio ad pulticulæ crassioris consistentiam deveniat, cui adde Mellis, Therebinthinæ, Unguenti Apostolorum an. ʒiij. Picis Liquidæ, unguenti Basiliconis an. ʒij. Croci pulverisati ʒj. Vitellum unius ovi Misceantur.

Vel *Pix Navalis & Liquida aequalibus partibus mixta, forma Emplastri imponatur, aut Emplastrum Diachylum cum Gummi*.

Carbone separato, & exempto, Ulcus aliorum ulcerum instar curetur, diligenter sc. abstergendo; quem in finem admodum conducet *Mundificatum ex apio*, cujus hæc est descriptio.

℞. Succi foliorum apii depurati ℥j. vel ejus loco Absynthii, Plantaginis, Crassulæ an. ʒiij. Thuris, Myrrhæ, Mastichis an. ʒij. Therebinthinæ ʒiij. Farinæ hordei, Fabarum, Orobi an. ʒiij. Mellis optimi ℥iʒ. coq. Simul S. A. ad spissitudinem mellis, & sit usui. Vel loco hujus mundificativi

℞. Fol. Scordii. pulv. ʒij. Vitellum unius ovi, Mellis, Therebinthinæ, unguenti Apostolorum an ʒss. Misceantur.

Potest quoque hic usurpari *unguentum fuscum felicis Wurzii*. Sed notandum ulcera hæc nimis citò occludenda non esse, quin potius aliquandiu aperta servanda, ut venenata materies probe expurgetur. *Joann. Munnicks cheirurg. lib. 1.*

Pro Carbunculo Benigniore.

Primò secetur vena è directo partem affectam respiciens. Deindè supra locum affectum scarificatio rectè accommodatur, plagis ob succi crassitiem altioribus. Sunt qui præcipiant ipsos scarificatos in crustaceo ulcere dūtaxat esse faciendos: ipsas verò incisiones aqua salta calente statim perfundunt, ne in illis sanguis coeat, & concreseat, sed foras egrediatur. Interdum etiam erodens medicamentum imponunt; cuiusmodi est Arsenicum, quod ea in re inter cætera principatum obtinet. Cæterum laboranti particulæ valdè repellentia haudquam ad moveri debent. Adhibenda quidem sunt remedia, quæ modicè reprimendo, etiam dissipare & digerere possint, cujusmodi est cataplasma ex arnoglōssa quod sic paratur.

℞. Arnoglōss. lentium, panis farinacei. an. part. aq. coq. in aquas his galla. *Avic.* addit. Alii ex foliis plantag. coctis, lente cocta, pane clibanite, & ol. rosac. conficiunt. (Panis clibanites ex *galeno* erat valdè laudatus, quoniam summa coctus diligentia, ita ut omni sui parte crustam referret) ut verò radicitus carbunculus divellatur ab adjacentium commercio, hoc sequen sprobatur.

℞. Malum punicum acidum; malum punicum dulce, hordei Mj. fol. plantag. Mij. coq. in posca, donec rumpatur hordeum; & contundantur. Postea adde pulpam mali cydonii sub prunis cocti, vel alterius mali acidii, & F. Emplastrum. Item nucis avellanæ veteris vel etiam non veteris medulla carbunculos maturat, & rumpit. Alii nucleos juglandis viridis idem posse contusos cum carnibus cydoniorum

rum vel aliorum malorum acidorum contendant. Optimum autem fuerit perpetuo circumjacentibus partibus unguentum ex bolo armen, rosac. vel myrtaceo oleo, & aceto confectum inducere, ne scilicet intro, qui jam fluxit humor recurrat. Supra verò ipsum ulcus crustosum valens aliquod medicamentum, & quod vehementer exsiccat imponendum est. In communi usu est unguentum Ægyptiacum, si hoc parum proficiat, ad acriora & quæ ignis vires habeant deveniendum erit, cujus generis sunt radix dracunculi vel aristolochiæ ex aceto trita, & imposita, calx, arsenenicum, & Sandaracha. Hæc proficiunt satis, si protinus à viva corruptam partem resolvant: quicquid corruptum est & emortuum, quam primum avellere & radicitus extirpare oportet. Cæterum cogimur aliquando (victis scilicet malo medicamentis) malignum Carbunculum caute-rio actuali extirpare: nris adurendi est, dum ex omni parte sensus doloris est; post hæc crusta ulceribus inducta auxiliis ad id accommodis resolvenda est, ut hoc emplastro.

℞. hord. frumenti an. ℥iij. decoct. malv. viol. rad. lth. an. q. f. butyr. rec. axung. suill. liquef. et. an. ℥ij. F. Emplastrum, cui ab ebullitione remoto addantur duo ovorum lutea. Post ablationem locus mundetur & detergatur hoc medicamento.

℞. Terebinth. ℥iij. syr. ros. solut. ℥j. mellis ros. ℥v. bulli ut simul. q. f. & ab igne ablatis additur ovi luteum, farin. hord. & frumenti, n. ℥vi. M. purus factus locus implentibus medicamentis curari debet. Consolida major. inter duos lapides contrita, divino quodam (ut referunt) miraculo anthracem sanat, & ex toto intra diem unum interimit. *Petrus Forestus Schol. Obs. 2. lib. 1. Obs. Chirurg.*

Monialis quadam passa est Carbunculum in pede malignum, & sævum. Post multa frustra ab aliis tentata remedia, hanc ita sanavimus.

℞. Stercor. vaccin. lbj. ℥iij. ol. rosat. ℥iij. croci, ʒss. M. pro Emplastro quod ungulis tribus horis applicabatur tepide, hoc mitigatus dolor, extractus calor, remotus tumor, & morbus extirpatus est. *Martinus Rulandus curat. 83. cent. 10.*

Pro Carbunculo in muliere in inferiori labri dext. i parte.

Ad eam secundo die vocatus venam tum de-re jubeo e directio partis, quæ malum infestabat, plurimumque sanguinis detr. ho, quod & bene habita, & at. te. hor. ns & viribus pollens ægra erat, loco deince in quo carbo insidebat prius scarificato, tale imposui medicamentum.

℞. Vitel. ovor. numero ij. rutæ virid. & scabios. (à proprietate namque carbonibus prodesse omnes volunt) an. Mj. nucum sicca num. vj. aeris fermenti ℥j. piper. ℥j. F. lllentur omnia, & in formam cataplasmi. reduc. ntur. ad. overi jubebam pustulæ: quod biduo carnem putrem à sana diduxit; item hoc altero usus sum.

℞. Succor. sumphit. maj. scabios. & calendul. an. ℥j. theriac. el. & veteris ʒiij. (venenum namque ad se tr. hit) sal. ʒj. ovi vitell. duo, incorporantur simul & applicentur. hoc apud me arcanum est, nec me unquam fefellit.

Calendulæ namque succus mira proprietate ad carbonem, pestilentemque bonum valet, ut *Alex. Bened. Flus* de pelle testatur. Escharam porro ex adipe suillo, butyro loto, farina triticea, cum basilicone unguento decidere feci.

Postea verò amota eschara, ulcus deterfi hoc unguento.

℞. Succ. Calendul. absynth. Scabios. & apii, an. ℥j. myrrh. el. rad. Irid. hor. aloes, sarcocollan. ℥j. (vel potius ʒj.) melis rosac. ℥ij. F. Linimentum, optime detergit, & carnem generat. Locis circumjacentibus repellens hoc adhibui.

℞. Unguenti de Bolo ℥vj. omnium fantal. ʒiij. pulv. myrrh. & ros. an. ℥ij. ol. ros. & myrrh. an. ℥iij. aceti rosac. ℥ij. album ov. numero j. agitentur simul. F. Linimentum. Hisce integre san. ta sunt, sed deformis remanuit contorto ore. *Franciscus Vatriola Obser. 3. lib. 6.*

Pro Carbunculo Pestilentiali.

Ut virulenta materia tuto & cito suppuretur, necessarium erit, ut Angeli Sala emplastrum attractum, ruptorum pestilentialium sit in promptu, quod ita est.

℞. Gummi sag. pen. ammoniac. Galban. an. ℥iij. terebinth. cocæ, ceræ virgin. n. ℥iij. magnetis arsenical. sup. el. pulv. ʒij. rad. aronis pulv. ʒj. gummi depurentur cum aceto scyllitico & ad consistentiam emplastri coquantur; & postea ponderentur; deince cum rebus aliis f. s. A. Empl. str. quod excellentissimum & speciosum est ad extrahendum virus pestiferum ex profunditate ad extra; præcavendo, ne vicissim ad interiora regurgitet, & cor ipsum suffocet, ut credam inter omnia topica simile remedium non inveniri.

Hoc emplastro Carbunculus obducatur quod paucis horis venenum extrahet. I reparatio magnetis arsenicalis ante dicti talis est.

℞. Arsenic. cristallin. sulphur. vivi, antimon. crudi, an. p. rt. aq. hæc tria in mortario ferreo pulver. dein in vase fortissi. o vitreo ponantur ad ignem arena, donec vitrum optime incalascit, & prædicta solvantur atque liquentur instar picis quod observabitur, quando filum quoddam immittatur ad fundum, quod extractum postea instar terebinth. trahetur, ubi satis coctum erit. Postea remove virtum ab igne, & ubi refrigeratum est, rumpe, & subtiliter petram ist. m rubicundam, quam invenis, pulverisa, quam ad usum serva ut supra. *Gregor. Horstius Obser. 32. lib. 7.*

CARCINOMA

Vid.

CANCER.

CARDIACVS MORBUS

Vid.

CARDIALGIA.

Cardialgia, Cardiaca passio, Cardiacus morbus, Cardiognus, Cardiaca & Stomachica exolutio, habentur plerumq pro synonymis, licet fortassis quidā aliquam differentiam inter ea posuerint, vel ratione graduum, vel ratione subjecti morbi; Est autem Cardialgia vehe-

mens ac propè intolerabilis orificii ventriculi sinistri præcordiorumque in genere dolor, cum gravissimis quandoque aliis symptomatibus, cordis nimirum palpitatione, animi deliquio, nausea, vomendi conatu intensiori, immoderato sudore thoracis in specie, cervicis, & capiti, nec non & febre mordinata ac symptomatice, imò epilepticis etiam insuitibus. Dicitur autem hic morbus *Cardialgia*, aliisque nominibus à Cardia desumptis insignitur; quia etiam si vox illa unde ethymologia huius morbi deducta est Cor proprie significet, interim tam è quia sinistri orificii ventriculi dolor cor in consensum trahit, ac lypothymias, syncopes, virium exolutiones aliaque cordi propria symptomata procreat, propter nervos illic abundantissimos & in rete densissimum divaricatos cum cordis nervis communionem habentes, seu potius propter maximam sensibilitatem à nervorum copia ortam, cor, quasi pars princeps, ab ejus affectionibus, ut & ab aliis omnibus vehementioribus in toto corpore excitatis, ita læditur, ut illud primario & præcipue affectum credas.

Pars itaque affecta nec est Cor, nec ejus capsula, Pericardium dicta, sed orificium ventriculi sinistri, superius male fortitan dictum. Quæ pars ita nobilis est ut si vel levissimo vulnere attingatur mors necessario sequatur, imò exemplum habeat Bartholinus de icu illius regionis fortiter inflicto qui lethalis fuit: unde etiam illic animæ sedem collocaverat Helmontius. In exterioribus autem scrobiculus cordis illi respondet. *Causa proxima* est in ignis læsio sinistri stomachi orificii; vel per flatus in visceris cavo oberrantes illudque cum suis orificiis summa cum molestia distendentes; quales flatus sunt familiares in febrium intermittentium paroxysmorum principio; vel per excrementa quæcumque acrida in stomacho iturbantia illic que fermentescentia, ac in specie pituitam viscidam & acidam quæ ventriculo ejusque orificio sinistro imò inter ipsius tunice nerveæ fibras agglutinata, illum rodit & quasi perterebrat. Huc referri etiam possunt bilies illæ quarum alia porracea, alia æruginosa dicitur, in quibus acidum intensius, vel à pancreate vel aliunde advectum reperitur; Vel per lac quod acorem contraxit, unde infantibus qui hoc vescuntur alimento familiaris est cardialgia, ut & adultis qui dum lac frequentius ebibunt ab acidis intensioribus tamen non abstinere, Vel per vermes ab intestinis in stomachum evectos, illiusque orificium morsibus suis affligentes. Observationes etiam habentur particulares eorum quorum alius assumpta solutione cosmetici mercurialis loco emulsionis amygdalarum, alius arsenico propinato, alius hirudine cum potu deglutita, alius devorata anguilla viva &c. cardialgiis vehementioribus fuisse vexati, donec materia hæc aut malignitate, aut pondere suo molesta è ventriculo vi remedium fuissent deturbata.

Variat autem hic morbus, symptomataque; nunc pauciora nunc plura habet adjuncta, prout causa illius effectrix intensior aut remissior fuerit. Aliquando enim acidum prædictum austeritate etiam peccans eo erit in gradu, ut anxietates tantum stomachi quæ sunt cum angustia in partibus scrobiculo cordis & præcordiis sub-

jectis, cum inquietudine, & jactitatione ac volutatione in lecto, at veram cardialgiam procurare non valeat. Aliquando eo acrimoniæ humor acidus, aliaque acris (in quo morbi causa,) evectus est, ut morbum atrociorum, imò si intus visceris membranis adhæserit, ut à focus suis continuo in stomachum elevetur, ut deprimat, pertinaciorum; aliquando vero nec ita acris nec ita agglutinatus nec ita perpetuus ut symptomata alia quam miciora ac minus durabilia inducat.

Signa diagnostica ex supra dictis satis innotescunt; attendendum tantum ne cardialgia proprie dicta cum symptomatibus illis quæ vel à rebus vel ab aliis partibus, per consensum oritur, confundatur. Videndum præterea ne dolor ille qui in colicæ intellini parte ventriculo subsistat quandoque sentitur pro cardialgia vera hebeatur, de quo præterquam pluribus signis, injecto etiam quandoque simpliciter clystere sapius constabit.

Prognostica verò quod spectat, sciendum est *Cardialgiam* per se & simpliciter leve esse malum, sed si acerbior ac diuturnior fuerit, propter symptomata adjuncta ea afflicto in non leve periculum conjici, præcipue si motibus epilepticis aliisque gravioribus associetur. *Symptomata* præterea *Cardialgia* quæ a febribus malignis originem trahit mali semper est ominis.

Curationem & Indicationes Curativas vide in sequentibus & variis Autoribus abundè explicatas.

Curationes, Consultationes, & Observationes è variis.

Curationes.

Curatio hujus affectus pro causarum varietate maxime est varianda si enim ab aliarum partium affectibus oriatur, illorum affectionum therapia adhibenda est. si vero in ipso ventriculo causa stabuletur, dolor vel à flatu, vel ab humoribus acris & biliosis vel ab inflammatione, abcessu aut ulcere procedit.

Qui à flatu generatur curandus est remediis discutientibus, & evacuantibus flatulentam illam materiam, tum etiam pituitam à qua flatus concitantur.

Ac Primum injiciendus est clyster emolliens, & laxans, cui statim succedat alter carminans & discutiens ex decocto fol. origani, calamenthi, pulegii, rutæ, centaurii minor. sem. anis. fœnic. dauci, cumini, & similibus. In quibus dissolvatur benedicta laxativa, ol. anethinum, rutaceum, mel anthosatum. si dolor perseveret, ex oleo rutæ aut nucum & vini generosi aut Hippocratici partibus æqualibus clyster erit componendus. addendo aquæ vitæ ℥ij. vel paretur clyster ex vino albo cum olei juniperi, aut cinam. aut caryophyl. chymice extracti gutt. viii. qui miraculi instar liberat. Postea admoveatur fons sequens regioni stomachi.

℞. Rad. cyperi, galangæ, calami aromat. ana ℥j. fol. menthæ, origani, pulegii, majoranæ, hyssopi, salviæ, anam. j. sem. anisi, fœniculi, carui, dauci, & baccar. lauri, ana ℥β. flor. camom.

momill. meliloti, anthos, & lavendulæ, ana p. j. contundantur, & incidantur, includanturque duobus sacculis, qui bulliant in vino generoso, dein expressi, ventriculo, & toti ventri alternatim admoveantur.

At in materia minus frigida potest parari fons sequens, maximè laudatus à Foresto, ut qui reliquis remediis non conferentibus, ægrum à dolore citissime liberaverit.

℞. Rad. althææ ʒ β. rosar. rubr. flor. cham. summitatum absinthii, ana m. j. coquantur in aqua communi, & chamæm. ad lb. j. sem. in fine addendo vini rhenensis opt. aquæ rosac. & acet. ana parum; fiat fons.

Post totum fiat illitus ex ol. rutaceo, & anethino mixtis cum aqua vitæ, quibus aliquid addatur ol. salviæ, aut caryophyll. chymice extracti.

Post inunctionem admoveatur emplastrum de baccis lauri; vel ejus loco cataplasma ex melle & senine cumini.

Interim dum hæc fiunt, si nausea adsit, excitabitur vomitus blandiori vomitorio, aut catharticum exhibebitur pituitam evacuans.

Purgato corpore exhibeatur ol. amygdal. amar. recenter extracti. & cum vino albo mixtum: aut vinum Hippoc. aqua clareta, vel aqua cinnam.

Julepus sequens ad dolorem sedandum, flatus discutiendos, pituitam detergendam, & ventriculum roborandum efficacissimus est.

℞. Fol. absinthii vulg. centaurii minor. & agrimon. an. m. sem. coquantur ad ʒ v. in colat. dissolv. sacch. albi ʒ j. capiat mane per biduum.

Amatus Lulianus valde commendat aquam è florib. chamæm. destillatam, tanquam præcipuum, leniendis ventriculi & intestinorum doloribus, auxilium; cujus ʒ iij. calide exhibeantur. Vel in aquæ illius penuria, decoctum flor. chamæm. usurpari poterit, maximè laudatum à Foresto: qui se mercatorem quendam, ingenti stomachi dolore affectum cum insigni clamore, hoc solo decocto semel exhibito, curasse refert. Quo epoto, emissis ructibus in sudorem solutus est, & incantamenti instar omnis dolor evanuit, ut nullis aliis præsidis opus fuerit. Ex hoc autem decocto, cum semine anethi parato, aut etiam agarico, vel radice asari; dissolvendo oxymel, syrupum acetosum, aut rosatum solutivum, parari potest vomitorium ab initio morbi exhibendum, quod evacuando mitigare dolorem poterit.

Docet Galen. cucurbitulam ventriculo admotam illius dolores citissime resolvere instar incantamenti. Hæc tamen cautio adhibenda est, ut nihil aut parum humoris crudi in ventriculo lateat, alioqui dolorem intendit.

Utiliter etiam admoveri potest eidem parti panis recenter è furno extractus, per medium sectus, tum per se, tum pulveribus aromaticis conspersus.

Tandem dolore pertinaciter adhærente, confugiendum est ad balneum ex decocto herbarum emollientium, & calefacientium, quod tutissimum & efficacissimum est; flatus enim diffundendo, & per poros apertos resolvendo, à dolore liberat. Quod citius efficietur, si in ipso balneo remedium aliquod discutiens ægro exhibeatur. Concurrente enim utroque præsidio, tum

interno, tum externo, opus ritè peragitur.

Balneum esse debet valdè calidum, ut facilius flatus discutiantur, & humores crassi colliquantur.

Quod si propter doloris vehementiam clysteres vel injici, vel retineri nequiverint, in ipso balneo catharticum propinandum est, & in eo per horam integram aut dimidiam immorandum, donec vis cathartica ventriculum, & viscera attingat.

Aliquando autem, ubi ex doloris vehementia periculum imminet, ad narcotica est confugiendum. Quibus prudenter exhibitis, admirandus non raro subsequitur effectus. Nonnulli etiam cum purgantibus narcotica permiscunt, ut simul & dolor sedetur; & materia peccans educatur; quale est medicamentum Elidæi à Foresto laudatum, quod sic habet.

℞. Diaphæn. ʒ β. philonii rom. ʒ ij. cum aqua vel decocto chamom. fiat posio.

Dolore prius sublato, in iis qui ei sunt obnoxii semel aut bis in mense purgatio iteretur, ut proxima flatuum causa auferatur: tum remedia roborantia usurpentur. Qualia in læsa concoctionis curatione proposita sunt.

Qui vero à bile dolor excitatur, curandus est humoris peccantis evacuatione, vomitorio blando, aut cathartico medicamento, aut clysteribus sequentibus, emollientibus quidem, non acerbis, aut calefacientibus.

Postmodum demulceatur humorum acrimonia julepis refrigerantibus & incrassantibus, emulsionibus semin. frig. major. lacte recenter mulcto, oleo amygdal. dulcium recenti, vitellis ovor. & similibus.

Interim non omittantur opiata, aliaq; roborantia, in superioribus curationibus descripta.

Ac tandem necessitate urgente, ad narcotica confugiendum est.

Extrinfecus admoveatur cataplasma ex mica panis in lacte decocta, additis vitell. ovor. & croco.

Vel admoveatur panis recenter ab igne extractus, per medium sectus, & in aceto madefactus.

Vel foveatur eadem pars decocto flor. cham. viol. & nymphææ, aut quod multo præst. ntius, demergatur æger in balneum, aquæ tepidæ; id enim ad hujus affectus curationem præcipuam vim obtinet.

Dolore sedato; si fortè reverti contingat, æger purgabitur bis in mense, & viscerum intemperies calida corrigetur vicui refrigerante, & remediis convenientibus.

Qui verò dolor sit ab inflammatione, abscessu, vel ulcere, remediis in sequenti curatione proponendis oppugnabitur *Lazar. River. Pract. Medic. lib. 9. cap. 10.*

In cardialgia incipiente vel paululum durante curanda, vomitus, si promoveri possit utramque absolvit paginam. Vomitus ergo ab aqua bened. Gillæ Theophrasti procuratus facillime solvit.

Inveteratum præsertim apud senes, tandem aufert (vomitiones apud senes non satis tutæ) syrup. de chamom. melius est arcanum de cham. præsertim romana, si in aqua menthæ quotidie exhibeatur usque ad declinationem morbi.

Forinfecus applicentur epithemata ex emollientibus & dolorem auferentibus chamomilla, malua. Præstantissimum est in hoc casu oleum chamomillæ sapphiricum Turnheuseri

(quod fit, si floribus chamomillæ addatur aliquid Terebinthinæ cyprinæ in aqua dissolutæ, & postea per vesicam destilletur.) in aqua menthæ vel chamomillæ, aut floribus sambuci, aut foliis prunellæ sylvestris datum gutt. iiii. v. vj. *Joann. Hartmann. in Prax. Chymiatr.*

Ad curandos hos stomachi dolores sola purgatio nostra antimonialis sufficit, purgatioque sic à causis illis præternaturalibus ventriculo, roborandus est oleo anis. aut cinamom. vel aqua cinamom. sive sequenti etiam electuario.

℞. Corticis citri conditi contusi & aqua cinamom. dissoluti ℥v. olei anis. ℥j. olei cinamom. ℥ss. Mosch. & Ambr. ana gr. vj. M. f. Electuarium, quo post purgationem utatur æger ad quantitatem ℥ss. summo mane jejuno ventriculo. *Joann. Petr. Faber. in Patholog. Spagir. ex Langii Pathologia animata.*

Si a malignitate ortus fuerit iste stomachi dolor, illis remediis ex voto expeditur, quæ putredinis excellentiæ potenter resistunt, & animatam eam desubito mortificant. Sin verò ab acrimonia nidorulenta seu aciditate humorum putrilaginosi provenierit, præsentissimum exhibebunt adjuvmentum, ea quæ vim tam masculine præcipitandi, quam etiam radicatus recrementa illa expellendi habent, quam ob causam emeticum hoc famigeratum ex antimonio confectum fundamenti loco præmittendum erit, & postea præcipitantium usus, quorum nomina (uti sunt verbi gratia pulvis Marchionis, sperma ceti, magisterium eboris, corallior. oculor. cancr. Tinctura Tart. ri &c.) jam memoriter nobis ex superioribus constant, subiiciendus. His ita observatis fragrantia & aromatica etiam ut pote quibus arceus ventriculi singulariter delectatur, specificè convenire & ad propriatum habere locum pariter concedimus; unde illa quoque medicamenta, quæ autor curando huic affectui consecravit, omnino multum tunc pollere confirmamus. Oleum enim anisi egregiè discutit excrementitii humoris impactum vitium, atque Saburram istam in ventriculo collectam blande ejicit, imò stomachicum per se audit. Citri cortices putredinem oppidò compescunt, eamque si animata sit illa, ex sententia fugant. Aqua chamomill. & oleum stillat. ejus singulares tunc sibi vindicant laudes, quod affectissima virtute dolores mitigare valeat; unde etiam extrinsecus & quidem in dorso præcipue, utpotè cujus oras stomachus potissimum occupat (quod Practico bene notandum) regio ista Oleo chamæmelino, cui guttulæ quædam, de distillato ejusdem oleo sunt intillandæ, exoptato cum fructu inungi solet. A vulgo contra hoc malum usitatis sime expeti unguentum potabile quod butyrum rubrum alioquin vocatur, solet, quo scrobiculum cordis inungunt mulierculæ; imò ad intra etiam inutiliter non accipiendum porrigunt: Habet enim efficaciam efficaciter dissolvendi ac discutiendi, sicuti etiam castoreum & sperma ceti tanquam nobiliora ingredientia istius remedii præstantiam faventibus argumentis affatim statuminant. *Ex Langii animadversionibus in eundem.*

Hypochondriorum inflatio, seu Cardialgia curatur usu enematum carminativorum ex De-

cocto carmin. &c. Præter clysteres tamen ad flatum discutiendos aq. Carminativa Domercellii prodest, vel semen anisi grosso modo insusum, ut videre est apud *Hearnium Comment. in Aphor. Hippocr.* Externe emplastrum card. Schroderi cum ol. destill. Angelicæ. Potest etiam misceri cum ol. chamomillæ, quod est singulare secretum. Mulieres unguentum rubrum commendant, sed præferitur ei unguentum prædictum cardi. cum. *Pro purgandis pueris* Non datur præstantius medicamentum Mechoacæmna, quæ educit simul vermes, sine odore, & sapore est, darique commode potest in pulte. *Joan. Michael in praxi clystic. gener.*

In Cardialgia imprimis removenda causa irritans aut ledens stomachum, sive sit interna sive externa. placandus est dolor tam appropriatis expertis quam intermissis Opiatis.

Primo quidem ad removendas causas notum est quod optima sint vomitoria, quæ Amatus Lusitanus, Laber, & omnes auctores ubi necessarium commendant, præ cæteris tamen vomitor. Antimon. præcellunt, quæ inter sunt *Aq. benedicta* Hartmann. aut Rulandi. Vel quidam solent commendare, si vinum absinthies iussu datur in poculum vomitorium Rulandi, cujus descriptionem habebitis in collegio Jonstoniano D. Mich. est admodum elegans hoc poculum.

Post vomitoria se offerunt purgantia. Cæterum quoniam purgantia & ipsa ventriculo inimica facile possunt exasperare malum propterea convenientissimum est, ut iisdem Opiata addantur, ut etiam opiata omnia humorum excretiones stant, & etiam hypercathartes removeant, nihilominus tamen convenientibus purgantibus mista eadem blande & suaviter, nec adeo vehementer operari faciant. Hujus rei alias horrenda præstant vestigia; nam ut plurimum habuerunt hanc formulam.

℞. Elect. Diaphanic. ℥ss. (quod etiam purgat) Philon. roman. ℥ij. (ex capitibus papaver.) misc. fiat Electuar. quod purgat blande & simul dolorem sistit, de quo videre potestis Riverium in sua praxi ac Scholzius in consil. 114. Verum quoniam talia Electuaria sunt nauseosa commodius a modernis præscribitur talis formula, quæ etiam in colica est pronota.

℞. Mass. pilul. Aloephang. c. scam. gr. xv. v. ℥j. Laudan. opiat. gr. ij. c. f. q. Essent. Absinth. F. l. a. Pilul. Purg.

Certum est quod admodum convenienter possint permisceri opiata cum purgantibus observata cautela, ut si volumus purgare tunc temporis, quando admiscemus opium dosin purgentis nonnihil augeamus, ne supprimatur omnino minor purgentis dosis. Conveniunt purgantia opiata imprimis, iis qui laborant intestinorum doloribus, aut mulieribus, quæ ex levipurgatione suffocationi uterinae sunt obnoxia. Item convenit talis mixtura iis qui facillime sunt solutionis alui, quemadmodum reperiuntur quos gr. vj. scammon. occies purgat sin his enim remora injectur purganti. It. convenit hæc mixtura iisdem, qui acidis aut conossis succis abundant in specie scorbutico Hippochondriacis: in his enim ex medicamentis purgantibus ob succos crudos & acidos superveniunt satis horrenda & gravia Abdominis tormina, hoc ne fiat

fiat commodè permiscetur opium, aut saltem die uno aut altero cum digestivo præmittitur. De hac Mistura vid. unice agentem Hoferum in *Hercul. med.* p. 124. sicuti moderni Belgæ Sylvius & ejus discipuli utuntur tali mistura Opii cum purgantibus. Poterius curavit aliquando Cardialgiā aliis omnibus reluctātem per suas Pilulas Catholicas cent. i. cur. 24. habet exemplum de dolore ventriculi intentissimo periodico quotannis certis temporibus, certisque diebus redeunte qui aliis quam plurimis irritis tandem à Poterio curatus fuit per pilulas catholicas quæ sunt hæ, & prostant in *Pharmac. spagir.* vid. ejus cent. i. cur. 24.

℞. Aloës succotrin. ʒβ. myrrhæ ʒij. mastic. ʒj. croc. orient. ʒβ. magnes. saturn. meteorisat. ʒj. cum syrupo rosar. solutiv. f. massa cujus dosis à gr. 15. ad 24.

Valdè commendat has pilulas. Magnesia saturnina meteorisata, sunt flores antim. correcti ita ut per inferiora purgent: magnesia saturn. est antim. per meteorisationem intelligit flores. Aliās si cardialgia oriatur à flatibus aut exhalationibus ex effervescencia humorum in intestino duodeno obvia; (Nam succus pancreaticus & bilis commisti dum effervescunt, halitus acres in stomachum mittunt, uti contingit in febribus intermittētibz) in tali casu injiciatur clysmā ex carminativis, ex iis nempe quæ flatūs discutiunt & blandè intestina abstergant. Exemplum talis clysmatis sit hoc.

℞. Radic. angelic. ʒβ. fol. origan. puleg. calaminth. an. m. j. flor. chamom. roman. aut vulgar. m. β. sem. anis. fœnicul. dauc. an. ʒj. baccar. laur. ʒiij. egregiæ sunt carminativæ, coqu. in f. q. aqu. simp. colat. ʒix. add. electuar. de bacc. laur. lenitiv. an. ʒβ. v. ʒvj. olei destill. anis. fœnicul. chamom. an. gr. v. vitell. ovor. num. j. misce pro clysmate injiciendo tepide.

Riverius habet *clysmata* in tali casu ex solo vino albo cum oleis destillatis carminativis parata, quæ non sunt inelegantia.

Quæstio est *an ven. sect. conveniat*: quæ negatur, per se enim nihil adfert adjumenti in cardialgia tollenda; ergo quando prosunt exempla curatarum cardialgiarum per ven. sect. sunt potius exempla casualia, quam ex lege artis exhibita; exemplum tale habet Riverius cent. i. observ. 44. de dolore vehementi ventriculi & lienis regionem occupante, aliis omnibus irritis ven. sect. tandem fuit curatus. Pertinent huc etiam exempla Thoneri in *observ.* p. 135. de dolore ventriculi immani & ingenti in plethorico aliis irritis ven. sect. subito incantamenti instar curato, idque propterea quia tantum adfuit suspicio inflammationis stomachi quæ tamen non est sufficiens. Aliās quæ conveniunt in *cardialgiæ remedia*, quæ post purgantia ventriculum placant & dolorem sedant, sunt *aromatica blanda*; præ cæteris radix angelicæ & enulæ campan. fœnicul. caryophyllatæ. Denique herba chamomillæ vulgar. & romanæ, quæ sunt expertissimæ in cardialgia, & non habent remedium in hoc passu illis conferendum: imprimis flores harum chamomill. conveniunt. Sanè Amat. *Lusu. cent. 5. cur. 39.* vix sufficienter potest commendare aq. chamom. destillatam in

cardialgia si ad ʒiij. propinetur; decoctum chamomill. vulgaris ceu expertissimum commendatur à Foresto; essentiam paravit D. Mich. ex floribus cum spiritu vegetabili carminativo, spiritu vini à specificis seu simplicibus carminativis abstracto, quæ essent. à gr. 20. ad 30. propinata in affectibus stomachi & cardialgiæ erit convenientissima & elegantissima. Solet etiam destillari ol. saphirinum ex chamomilla vulgari & romana cujus pauca guttæ cum vino interius assumptæ, cum aut oleo nucis moschatæ destillato, exterius illitæ admodum sunt convenientes ad tollendam cardialgiā. Post chamomillam conveniunt hyssopus, summitat. anethi & ordinaria mentha, item flores anthos seu rorismarini & flor. Verbasci, qui sunt singulariter anodyn. Hinc etiam cortices citri, & aurantium & ex his parata elexyria: elexyr. citri & aurant. Ex his simplicibus destillatæ aqu. chamomillæ, flor. sambuci. hyssopi, & cinnam. conveniunt.

Vinum absinthites similiter est utile, uti etiam ad dolorem acrem vinum in quo decoquitur nux moschata, quod admodum commendatur à Stockero in praxi ad dolorem acrem. Spiritus vini seu spirit. anisi experimentum est Lindani, qui insigniter commendat spir. stomachalem Mynsichti & itidem est expertus essentiam chamomill. à ʒβ. ad ʒj. in urgente casu potest propinari Exisir menthæ. Si percipiatur simul ardor in regione stomachi, tunc commodè permiscantur his appropriatis temperatè acida, quæ ardorem refranant, quæ interest rob & syrupus cydoniorum it. syrupus acetositis citri, it. spir. vitrioli, & similia. Denique internè olea destillata sunt admodum convenientia. De oleo chamomillæ dixi: huic simile est ol. carui & succini destillatum de quo postmodum: it. ol. anisi & cumini.

Subsequuntur denique ea quæ dolorem tollunt sensum imminuendo in stomacho, qualia sunt papaverina: veteribus in usu fuit philonium romanum ad ʒj. item pilulæ de cynoglossa ad ʒβ. modernis in usu est laudanum opiatum cum decocto flor. chamomillæ usurpatum.

Cæterum sit formula contra doctorem stomachi.

℞. Aqu. chamom. destill. ʒiij. succi cydonior. ʒj. essent. chamom. roman. ʒiij. elixir. menthæ ʒiβ. olei destill. chamom. gr. vj. laudan. opiat. gr. iij. Sirupi de hillop. ʒvj. dos. cochl. ij. m. f. mistura dolor sedans.

Vel ℞. Essent. flor. chamom. roman. ʒij. menth. spirit. anisi 2n. ʒj. anodyn. f. solut. opii in spir. vin. ʒj. perinde enim est sive in forma sicca sive liquida adhibeatur. f. essent. dolor sedans, dos. ʒo. ad 40. gtt.

Elegans casus est quem habet Thonerus in *observ.* p. 136. de dolore ventriculi punctorio, qui fuit curatus per ʒiij. olei amygd. dulcium in jure Galli propinato, quo facto intra 3. horas acicula per vias urinarias fuit excreta, & exinde dolor omnis subito disparuit. Facit huc etiam quando oritur dolor ex deglutitis frustis vitri, & conveniens est ut usurpetur pulpa ex milio aut oryza facta, eaque non nimis fluxilis, sed aliquantisper spissa, quæ absumitur absque

subsequente potui: sic enim fit, ut huic pulti involuta trutta vitri vel aciculæ aut similes res acutæ citra noxam ex ventriculo per pylorum dilabantur. Idem Thonerus citato loco duo exempla habet curatorum à vehementissimo totius abdominis itemque ventriculi dolore per v. gt. ol. carui destill. & eodem loco habet exempl. doloris stomachi, qui per intervalla præsertim à cibo assumpto, usque ad scapulas se extenderit, qui dolor insignis subito fuit curatus v. gt. ol. destill. succini.

Sic Zacutus Lusitan. l. 2. Med. Princ. histor. 58. Observat. 10. habet de importuno ventriculi dolore, potu vini absinthitis curato. In doloribus senum aut etiam in doloribus stomachi, in deiectione virium elegantes sunt ista Pilulæ Poterii, quas recenset in cent. 3. cur. 30. ita.

℞. Ambræ gryseæ gr. ij. mosch. croc. orient. an. gr. j. opii thebaic. rit. præp. gr. iv. misc. f. l. a. pilulæ, quæ in senibus & viribus dejectis sunt convenientissima.

Idem Poterius citat. loc. curat. 31. habet exemplum doloris ventriculi aliis omnibus irritis tandem decocto ligni sassafras per 20. dies curati.

Quod attinet externa inter hæc sunt imprimis olea; ol. chamomill. destillatum & infusum, mastich. nucis mosch. nardinum: it. ol. stomachale Cratonis. Hinc balsam. peruvianus ut & ol. destill. macis, caryophyllorum, & guttula quædam olei destillati cinnamomi.

Modus præscribendi est hic. ℞. Ol. chamom. dest. 3 j. balsami peruvian. 3 ss. ol. mac. caryoph. an. 3 ss. vel gr. xv. nuc. moschat. expr. q. l. misc. f. balsamus. Quo inungatur regio stomachi.

Post olea usitata sunt emplastra regioni stomachi applicata: quæ inter elegans est emplastrum carminativum Mynsichti; it. si suspicio sit flatuum emplastrum de baccis lauri.

Reliquis externis omnibus præferenda tacamahaca, in forma emplastri regioni stomachi applicat. Experientiam hujus certam factam videbitis in Poter. cent. 3. cap. 32. Et quod etiam fuit in frequenti usu D. Michael. Præscribitur vel simpliciter ita.

℞. Tacamahacæ, q. v. subigatur in mortario calido inducatur super alutam & obducatur syndone rubra in forma emplastri stomachalis.

Melius videtur si tacamahacæ & ceroti stomachalis ana misceantur, & cum ol. stomachali Cratonis subigantur in formam emplastri.

Ipse Poterius in ejusdem Pharmac. Spagyrica excellens nobis præparat emplastrum stomachicum ex tacamahaca hæc formâ.

℞. Ol. mastich. destillat. 3 ss. menth. absinth. nuc. s. moschat. caryophyll. an. 3 j. gumm. tacamahac. 3 i ss. ceræ citrin. 3 iv. misc. fiat cerotum de quo accipiatur q. s. pro scuto stomachali.

Quæ dicuntur de tacamahaca eadem & similia dici possunt de gummi carannæ, quod & ipsum in similibus casibus est elegans. Alias videatur quod attinet naturam gummatissimæ carannæ & tacamahacæ, Monardes de simplicibus commentario in Clusium p. 318.

Fotus itidem externè applicantur in cardialgia, iique duplici sub forma: aut ut species coquantur in aqua & aceto aut in vino, & illud decoctum pannis linteis triplicatis aut quadruplicatis applicetur stomacho: vel ipsæ species insuantur sacculo, coquantur parumper in aqua vel vino, & ita sacculus applicatur regioni stomachi subinde renovandus.

Fotus potest esse talis quem commendat inter alia Forestus in lib. 18. obs. 22.

℞. Absinth. com. & roman. flor. chamom. rosar. rubr. menth. ana m. j. semin. sumach. myrtillor. an. 3 ss. flor. melilot. p. ij. coq. in f. q. aqu. commun. colat. 1 ss. adde specier. diarrhod. abbat. 3 ii ss. aromatic. rosar. 3 j. aqu. rosar. 3 ij. acet. rosacei 3 ss. ebulliant. fiat fotus pro ventriculo. Sacculi sunt meliores ita.

℞. Flor. chamom. roman. comar. absinth. herb. menth. majoran. an. m. j. sem. anis. fenicul. carui. dauci. an. 3 v ss. baccar. junip. contus. 3 ss. concis. & contus. impleatur sacculus interpassatus. region. stomach. applicand. vel siccus, vel coquatur in vino aut aqua & applicetur subinde renovando.

Sin verò sit cardialgia à refrigeratione corporis externa, & inde ortis flatibus, tunc conveniens est simplex quidem, sed admodum bonus sacculus Montagnanæ; descriptio hæc.

℞. Milii cribrati. m. ij. furfurum m. iij. falis comm. m. j. misc. f. sacculus qui calefactus imponatur: in colica quoque est elegans.

Superius dixi quod Valeriola in l. 1. obser. 7. referat historiam intensissimæ, & molestissimæ cardialgiæ factæ ex haustu merc. sublim. qui casus cum sit singularis & non inelegans ejusdem remedia paucis communicabo. 1. Præscripsit fomentum exterius.

℞. Fol. hyoscyam. alb. absinth. roman. an. m. ss. mastich. 3 iij. crystall. purissimi 3 ij. coq. in olei rosar. violati, liliacei, anethini an. 3 iv. vini rubri 1 ss. colent. & hoc remedio applicato mirum levamen percepit. Interim postmodum præscripsit hanc potionem.

℞. Crystall. purissim. 3 j. (ratio quoniam acidum mercur. sublim. arripit crystallum & enervatur) theriacæ elect. 3 ij. butyri recent. 3 j. (ad demulcendam acrimoniam mercur. sublim.) aqu. decoct. hordei q. l. misc. f. potio pro aliquot vicibus.

NB. Hyoscyamus externè & crystallus internè perfecerunt totam curam: Nam crystallus externè in fomento nihil præstat, nititurque ejus auctor hypothese vulgari. Michael Emmull. in Collegio Practico.

Consultationes.

De Cardialgia, & Icteria pro Nobiliss. Patiente.

Ex iis quæ fusè & accuratè enarrata sunt à Nob. Patiente, luce clarius constat, Virum Nobilissimum dolori acutissimo, & molestissimo obnoxium esse, infestanti os ventriculi, qui aliquando desit in cardiacam passionem, ad dor-

dorsum sæpius molesto, ubi magis delitescit illud.

Hic autem dolor antehac originem duxit à flatulenta materia, genita propter labefactam coctionem ventriculi, ob intempestivum, & diuturnum exercitium, deinde etiam & biliosa, porracea, ut ex excretis per vomitum apparuit, regurgitante à jecore ad ventriculum, ob impedimentum ejus effluxum ad intestina, ratione obstructioni poris fellei à materia crassa, & pituitosa, quam jecur præcalidum trahit à ventriculo inconcoctam; ex quo fit, quod icteritia supervenire soleat cum fecibus albicantibus, & urinis tinctis, accedente febre, ob illius bilis accensionem, & corporis fædo colore, ob effusionem ejusdem, tunc primum cessante, quando prædicta materia, vel sensibilibiter evacuatur, vel insensibilibiter resolvitur: non negando aliquem contumacem ichoris melancholici acidum sapientis qui dolores acutiores infert, cum præsertim referat Nob. patiens se myrachiali affectui utcumque esse obnoxium.

Affectus equidem non contemnendus, quippe qui majora mala portendere potest, cardiacam scilicet diuturniorem, cum gravi virium languore calculum in vesica fellea vel quid hujusmodi.

Ideo summo studio incumbendum est hujus curæ. Et quia originem habuit, & aliquot post annis recurrit, convaluitque ob errores in victu, & præsertim exercitio intempestivo, ac immodico, sub cælo humido, nocturno, & frigido, prima & princeps cura consistit in recta victus ratione, cibis scilicet boni succi, & facilis concoctionis & vino oligophoro, non valdè generoso, moderatâ quantitate, atque abstinendo, cum ab exercitio intempestivo, tum à mentis studio in negotiis, atque diuturno scribendi officio, duas saltem horas ab assumpto cibo.

Ac interim alvus continuò lubrica est conservanda familiari usû pilul. de tribus cum rhabarb. semel saltem in hebdo nada; non omissa blanda totius corporis purgatione vere, præsertim verò autumno, atque jecoris refrigeratione frequenti usû jusculem cichorii, & ventriculi corroboratione cum diacydonio, vel gelatina ex cidoniis, aut succo granatorum statim à cibo. Sic enim præservabitur ab affectibus præsentibus. *Benedict. Sylvatic. Consil. & Respons. Medic. cent. 2.*

De Cardialgia, Tussicula sicca, colica, aliisque Symptomatibus. Pro Illustriss. & Reverendiss. D. Petro Gembischi Episcopo Cracoviensi, & Duce Serviensi.

Quamquam de variis morbosis affectionibus, elapsis annis conquestus fuerit Illustriss. & Excellentiss. D. Petrus Gembischi, Dominus meus semper Colendiss. de arthritide nimirum, nephritide, colica, tussi, hœmorrhoidibus, & aliis: tres tamen sunt præcipui, Viris Præclariss. Excellentiss. Principis curæ præpositis Maius negotium facientes, nobis per litteras Excell. D. Laurentii Smicschoviz significati, cardialgia, tussicula sicca non raro invadens, & dolor co-

licus valdè molestus: à quibus licet hoc tempore sit prorsus immunis, inculcata corporis salubritate usus toto itinere Cracovia Patavium, cogitandum nihilominus est de medicis prædiis, quæ à prædictis affectibus, vel etiam gravioribus Illustriss. & Excellentiss. Principem præservent.

Quod ut fiat, statuendum censeo, cardialgiam antehac graviter infestantem Exc. D. à materia provenisse, cum biliosa, & fervido jecore ad ventriculum transmissa, tum in ipsomet ventriculi corpore & fundo genita, simul mixtis, & ad os ventriculi exquisitissimo sensu tactus ob nervos sextæ conjugationis à natura donatum, affatim affluentibus, ibique infarctis, nec nisi agrè deturbatis. Quæ enim sensim fiunt, dolorem non inferunt. Colicos autem dolores fieri reor à flatibus ex prædicta minera à jecoris fervore elevatis, & intestini coli tunicas violenter distendentibus; diuturnaque illam tussiculam à duplici causâ excitatam fuisse tenui nempe materia à capite calido & humido ad asperam arteriam destillante, & quæ non minoris momenti est, sanguine crassiori à jecore ad pulmones transmissio.

Hæc etenim materia, sicuti statutis temporibus à jecore per venas mesaraicas, vel splenicis ad internas venas hæmorrhoidales transmissa, per ipsas expurgatur, non sine quibusdam torminibus inferioris ventris hanc excretionem prænunciantibus, ita per ramos venæ cavæ ad pulmonum venas delata, & inæqualiter per ipsas diffusa, tussim siccam non difficili negotio excitare potest. Atque hinc fit, quod cohibito sanguine hæmorrhoidali tussim hanc gravius invadere fuit observatum à Viris Excellentiss. necnon & ab Excellentiss. Principe.

Quæ cum ita constituta sint, sperare jure merito possumus. Exc. D. in dies melius habiturum, quotiescumque persistet periodica hæmorrhoidalis fluxio, congrua victus ratione in sex rebus non naturalibus non neglecta, levioribusque quibusdam Medicis prædiis administratis. Quod si forte sisteretur sanguis hæmorrhoidalis, periculum immineret, nè in tabem convertatur affectus, nisi arte pateat ipsi via, juxta dictum. Hippoc. Apho. 12. *Diuturnas curanti hæmorrhoidas, nisi una quæpiam servetur, periculum aquæ inter cutem aut tabis impendit.* Quemadmodum cardialgia in cardiacam passionem, & colica in nephriticam, paralytin, aut volvulum non raro mutatur, cum maximo ægrorum periculo. Propterea, quanquam Princeps Excell. nunc benè habeat, & inculcata sanitate fruatur, non omittenda sunt aliqua à prædictis gravibusque malis ipsum præservantia.

Intentiones autem cum curativæ, tum præservativæ eò colliment, ut præmissa universali totius expiatione, purgetur peculiariter caput & thorax, divertatur fluxio à pulmonibus, vel ad articulos olim dolentes, quando graviores urgebunt affectus, exsiccentur caput, & ventriculus, jecorisque fervor contemperetur internis & externis refrigerantibus, accedente congrua victus ratione.

Ad quæ præstanda locum habebunt leviora, nunc quidem familiariter, & generosiora remedia proximo autumnali, & subsequente ver-

no tempore administranda. Leviora erunt frequentiores alvi subductiones, modo cum clysteribus Ill. & Exc. Principi familiaribus, modo cum pil. aloëticis lotis succo ros. ad 3 j. statim antè cœnam, dum præsertim propius abest tempus fluxionis hæmorrhoidalis, dummodo non excedat. Tum enim aloë venarum orificia aperiente supersedendum cujus loco erunt ex usu pil. de trib. cum rhabarb. ad drachm. i. hora ante cibum; utrumque enim bilem evacuabit, à ventriculo divertet, flatus discutiet, & ipsum roborabit: à quibus superbibat jusculum alteratum cichorio, si ab eorum usu incalescentiam aliquam majorem observaverit. Secundum familiare remedium erit capitis expurgatio quolibet mane, horâ magis opportuna, cum per nares succo malvæ attracto, & turunda ex corticibus citri, vel aurantium, vel radice cyclaminis intra nares dentata: tum per os, attrita mastiche, capiti namque & ventriculo ex usu erit, divertendo, interceptiendo, & roborando. Verum quia manè Illustriss. & Excellentissimus Dominus solet materiam crassam tussi expectorare, non erit inconsultum assumere duo, vel tria cochlearia oxymel. simplicis, parati ex melle Hispano, cum syrup. de corticibus citri; imò & cochleari aquæ ardentis cum baccis juniperi aliquando uti poterit matutinis horis pro ventriculi corroboratione; in quem usum proderit zingiber conditum. Cautè tamen his utendum, nè jecur magis incalescat. Caput singulis diebus post pectinationem exsicccandum, factâ frictione cum spongia sicca: & hyberno tempore cucuphâ caput teget confuta cum pulveribus exsiccantibus ex roremarino, cornu cerviusto, corticibus ostreorum ultis, pumice, ligno aloës, & agarico.

Exerceat corpus: cibus utatur boni succi, non adeo aromatibus conditis, non pinguius, non oleosis, non butyrosis. Vinum bibat oligophorum, non generosum, neque copiosum; atque semper à cibo sumat quid subalstringens, puta diacydonium sine aromatibus, vel gelû cydoniorum, vel saccharum ros. antiquum, vel duo cochlearia aquæ menthæ actû frigida supersedendo ab arduis negotiis saltem duas horas à cibo, & horam à somno. Interea vindemiæ tempore vinum medicatum sibi parandum curet, ex visco quercino, lentisco, menthâ, & absinthio. Aërem fugiat impense calidum in hypocautis, vel impense frigidum, & ventis perflatum. Et hæc in familiari usu habere poterit.

Generosiora autumnò, & vere administranda sunt corpus totum purgantia, præmissâ humorum præparatione, sanguinisque educatione ex jecoraria dextri brachii, necnon ex hæmorrhoidibus, si spontè non fluxerint, sintque particularia caput purgia supra præscripta; inuraturque fonticulus sinistro brachio, ac deinde si Patavii moratus fuerit, usui erunt aquæ Lettutianæ triduum, ad fß iv. singulis diebus, cum vehiculo; deinde aquæ refrigerantes Beatæ Virginis in agro nostro, vel Villenses in Lucensi, vel & Nocerianæ omnium maximè temperatæ, quas bibere poterit 10. vel 12. dies: sicuti & extrinsecus fieri poterit stillicidium ventriculo cum aquis calidioribus, munito jecore unguen-

to santal. & cum temperatioribus in activis qualitatibus, ipsimet capiti supra suturam coronalem.

Quorum medicamentorum vicem implebunt in patria decocta exsiccantia calefacientia: lixivium itidem exsiccantia, conservæ ex flor. ros. marini, de floribus cichorii, & de absinthio pontico, aliaque hujus ordinis, Viris illis doctissimis perquam notissima: hoc tamen supposito, quod succedanea viribus semper cedunt principalibus, & naturalibus. Et hæc pro incolumitate hujus principis mei amantissimè indicanda duxi. Faxit Deus ut ad vota succedant. *Benedict. Sylvatic. Consil. & respons. Medic. cent. 2.*

De Cardiaca passione ex dolore oris ventriculi, ob interceptum assumptorum descensum pro Perillustri & fortissimo Militum Præfecto Domino Ambrosio.

Annus nunc est, cum Perillustri Præfectus temperamenti calidi & sicci ætatis consistentis, post varios exantlatos labores, & usum generosi purgantis, conqueri cœpit de dolore circa os ventriculi in assumptorum descensu, adeo gravi, ut aliquando deficiat, cum sudore & frigidity totius, atque dolore continuo ad vertebrae dorsum, modo graviore, modo leviori, continuo tamen. Observatque ingravescere affectum ex vini potu, faciliusque assumpta descendere post somnum, glutinosa tamen atque panem jusculo, aut vino imbutum omnium difficillimè; hincque subsequi insignem corporis maciem, viriumque languorem. Appetit tamen, & concoquit deglutita, & dejectiones sunt plurimæ albicantes; atque familiaris ipsius cibus est lac, quod facilius descendit in ventriculum. Adest tumor durus, sine dolore, extuberans infra mucronatam cartilaginem, suo costis mendosis sinistri lateris. Variis remediis frustra hætenus à Viro Præclarissimo tentatis de agendis consult.

Nos igitur morem gerentes perillustri patienti, statuendum primo, cenemus partem præcipuè affectam esse orificium supernum ventriculi, cum dolor invadat, quando per ipsum delabuntur assumpta, in ventriculum ipsum admittenda: duplicique morbosâ affectione eum affici observo: quorum prima est morbus in mala compositione, angustia scilicet, ob quam assumpta, dum non permeant, gravant, & vellitant orificium ipsum, adeo exquisito sensu præditum, ut dixerit Gal. nullam nostri corporis partem acriori sensu polleere: qui nunc potissimum viget, ob vomitum, & alia accidentia ab assumpto antimonio: ut propterea non raro succedat dolor ipsius acutissimus, cum sudore frigido, & insigni virium languore, verbo, cardiaca passio, non tantum sic dicta, propter consensum cordis, ratione vicinæ, quo nomine etiam cardiognos & cardialgia vocantur alii dolores oris ventriculi, cum leviores, tum graviore, cum à causâ externa, tum ab interna, os ventriculi afficiente; sed etiam propter sudorem & virium imbecillitatem, quo sensu usurpatum nomen cardiacæ passionis à Cornelio Celso lib. 3. de re Medica cap. 19. his verbis:

Cardiaca est totius corporis imbecilitas cum sudoribus propter oris ventriculi languorem. Quinimò sic nuncupandus venit hic affectus, quia ad syncopen proximè accedit, propter totius corporis refrigerationem. Quas omnes ob causas syncope confunditur cum Cardiaca passione à Cælio Aureliano 2. Acutorum cap. 30. Dolor autem hic in casu nostro fit in ore ventriculi, ab assumptis cum liquidis tum solidis: magis verò ab illis, quoniam sua tenuitate sese magis insinuant in fibrosam & musculosam substantiam ipsius: atque inter liquida magis officit vinum, quoniam penetrat magis, & tenuioris est substantiæ, prout & acetum; minus autem lac molestum est propter epicerasticam & anodynā ipsius facultatem: facilius descendunt assumpta post somnum, quoniam ab eo hebetatur sensus oris ventriculi: atque difficilius deglutitur panis madefactus, quam ficcus, quia ex humiditate glutinosum quid illi accedit, cujus ratione inviscatur veluti, ac propterea agrè descendit.

Causa hujus angustię est tumor durus, scirrhus, doloris expers, in ventriculo genitus potius ex humore melancholico in perillustri patiente prædominante, ut ex situ partis affectę, & actionibus læsis patet. Utrum autem in interna vel externa ventriculi tunica hæreat, non ita in propatulo est. Crediderim tamen in externa tunica situm, cum appareat insignis protuberantia exterius, atque ex compressione musculorum lumbalium dolor continuus in illa parte foveatur, ut dum ita comprimit cavitatem ventriculi, propter orificium supernum ipsius, angustię propositę causa est, ob quam refert patiens, quod si modicam assumptorum copiam exceßerit, majori molestia afficitur; nisi statuamus esse atheroma quoddam ex dura & veluti lapidosa materia, ut fieri solet in membranosis corporibus, à quo cum comprimantur rami illi arteriæ aortę descendentes, cæliaci dicti, mirum non est, si circa ipsum tumorem adsit continua pulsatio; non secus ac in hypochondriaca observari solet pulsatio aortę descendentes circa umbilicum.

Hisque sic habentibus, necessario extenuari debet corpus, deficiente alimento; dejectiones ut plurimum sunt albicantes propter lactis copiam, licet nonnunquam sint biliosę, imo & aliquandò successit diarrhœa, propter cruditates in ventriculo genitas. Persistit tamen in ore ventriculi fames, cum propter exquisitum magis corrugationis sensum, tum ob majorem suctionem a toto propter alimenti defectum. Et hæc de præsentis affectus essentia, atque causis dicenda habui, in casu perobscuro, & difficili, & ut censeo prorsus incurabili. Removeri enim non potest impeditus descensus assumptorum, nisi extirpetur tumor, tanquam causa sine qua non,

Quod ut fiat, materia illa vel insensibiliter digerenda est, vel sensibiliter evacuanda. Prò insensibili ejus resolutione necessarium duco, duram illam emollire, & attenuare, ac deinde caloricis & exsiccantibus digerere. Prò evacuatione sensibili, præcedat opus est suppuratio, seu ipsius tumoris in abcessum conversio, ejus disruptio, & materię in pus conversę sensibilis evacuatio: ac tandem deterfusio, exsic-

catio & cicatrice facta obductio. Atqui neutrę intentioni satisfieri potest per medica præsidia sapius jam usurpata toto anni spatio à Medicis doctissimis, cum Mantuę, ubi degit patiens perillustis, tum Patavii, ubi ex Medicorum clarissimorum consilio usurpata fuerunt validissima emollientia cum interna, tum externa, cerata in primis, & emplastra, cum pinguedinibus, & gummatibus emollientibus, stillicidia item ex oleis emollientibus, luta thermalia bituminosa atque omnia permixta cum subastringentibus, ratione symmetrię, & roboris partis affectę, juxta Gal. præceptum: à quibus tamen nulla tumoris emollitio fuit observata: sine cujus ope neque resolutio, neque suppuratio speranda est. Quare solo prognostico committendus æger.

Quod si tumor esset externus ita, ut certiores fieri possemus an vere sit scirrhus, vel atheroma, tentari posset ipsius extirpatio operatione manu facta. Verum hanc prohibent reconditus ejus situs, sub partibus principibus & apprimè necessariis, a quibus qualicunque manuum operatione interdicatur. Propterea sat futurum putamus si vita in longius protrahi possit alimentis boni succi, & nutrientibus parum & sæpè assumptis; observando interim numquid natura ad validiores operationes nobis aditum patefaciat: præscribendo vini loco adeo molesti mulsam dilutā, coriandro conditam, vel cerevisiam non parum nutrientem; vel vinum ex cerasis aut ex passulis in eo ebullientibus paratum, minus detergens, nec ita facile sese insinuans in fibrosam substantiam oris ventriculi. *Benedict. Sylvat. Consil. & Respons. Medic. Cent. 2.*

Cardialgia legitima.

Juvenis Mercator 30. annum agens, temperamenti totius & jecoris calidi & sicci, gracilis habitus, vini potor egregius, superioribus annis biliosis diarrhœis frequenter obnoxius, duobus abhinc annis, iisdem omnino suppressis tertianis febribus exquisitis bis in anno corripitur, sed quod gravius, cum tanta ventriculi erosione, morsu atque dolore, ut etiam ad impatientiam feratur, licet ultra febris principium non duret, sed unius horę spatium esset, vomitu, atque alui dejectione subortis, materię biliosę, flavescentis & copiosę. Invalet autem hic affectus tertio quoque die, cum ipsa febre, 4. aut 5. paroxymis solvi solet. Modò æstivo hoc tempore hesternā die denuo invasit febris, cum eodem symptomate, à quo, ut aliàs, unius horę spatium, prout à febre antè horam duodecimam Pat. liberatus est. Febris autem cum rigore corripuit, quem secutus est calor vehemens acris & mordax cum pulsu magno, celeri & frequenti, urina subflava, & vomitu, atque per alvum dejectione biliosę materię. Quare de agendis tum in acensione, tum extra eandem nostrum consilium exposcit.

De febris genere non est quod dubitemus, biliosa namque est, ut attestatur invasionis modus, cum rigore scilicet, oris ventriculi morsu, flave bilis vomitu, ac dejectione, pulsu magno, celeri, atque frequenti, calore acris.

& mordaci, urinaque subflava cujus indicium certius quinetiam præbent temperamentum totius & jecoris calidum & siccum, anni tempus æstivum, prægressus immoderatus vini usus, tandemque suppressæ biliosæ diarrhææ. Quoniam vero eodem modo & tempore, quo præteritæ, hæc febris accessit, tertiana propterea exquisita, cum illis itatuenda est, præsertim cum accessio duodecimam horam non exceßerit, neque hucusque secunda die novus paroxysmus invaserit.

Sævum autem symptoma, quod febrem comitatur, oris nimirum ventriculi morsus quod casu nostro, ut principale potius quam superveniens ad se curationem trahit, Cardialgia vera atque legitima nuncupandum à parte affecta. Symptoma sc. in actione animali tactrice depravatè læsa, os enim ventriculi Antiquis Cor vocatum, vel cum Gal. ob cordis viciniam, vel cum Ætio ob sæva symptomata, quæ oris ventriculi læsionem sequuntur, cujus dolor, mordaci (licet Archigenes dolorum proprietates exprimi non posse falso existimaverit) ob exquisitum sensum, quo ad ciborum appetentiam à natura donatum est copia propterea nervorum à sexta conjugatione contextum. Ita autem distinguitur à passione Cardiacâ, in qua sit dissolutio solidæ substantiæ oris ventriculi, cui syncope solet succedere, quæ tamen etiam sine ullo dolore fieri potest. Distinguitur quoque à Cardiogmo, in quo passio parùm durat, cum ab humoribus tenuioribus biliosis in ventriculo effusis, non vero ejus ori adhærescentibus ut in Cardialgia, proveniat. differt etiam ab anxietate, quæ & sine dolore, & sine vomitu, sed cum sola quadam ineffabili inquietudine fit, quæ ab infarctu frigidæ materiæ procedit ab angore, inquietudinem brevior tamem inducente, ut qui ab habitu putrido, & aura venenata ad os ventriculi elevata dependeat. Ab attritione ventriculi, in qua affectio observatur, cum ventris torminibus, profluvio, ac tanta pulsus alteratione, ut febricitare Pat. videantur, licet non febricitent, ut Gal. observavit in Antonino Imperatore, in quo cibus corrumpebatur, ejusdem portione in flatum conversa. Tandem distinguitur ab astrictione Ventriculi ab Ætio solo descripta, quæ contingit superno, infernoque ventriculi ore ita adstrictis ob siccitatem, ut nec flatus nec vapores erumpere possint, qui propterea accensi febris speciem exhibent, quæ affectio demum cedit coctione absoluta, & cibo descendente.

Causa autem hujus affectus, humor biliosus est acris & mordax, continuum solvens, ab intemperie calida & sicca jecoris genitus, non parùm etiam eandem fovente copiosiori vini potu, qui humor cum præteritis quidem annis in venis congestus ab irritata natura per alvum extruderetur, ut in Eudemo, ejusdem evacuatione suppressa febres tertianæ statim invaserunt, quarum principio eadem bilis commota, ad alvum partim transmissa, partim regurgitans ad ventriculum, & crassiori parte ori ejusdem adhærens morsu Cardialgicum dolorem excitat, qui recedit dum exiguo temporis spatio irritata expultrix eandem vomitu rejicit.

Affectus equidem gravissimus, ob sæva & perniciofa symptomata, quæ illi interdum succedunt; Cardiacam scil. passionem, syncopen, & mortem ipsam, licet febris omni periculo vacet, nulla siquidem pars nostri corporis exquisito adeo sensu pollet, nec in consensum trahit utrumque principium, Cor nimirum & Cerebrum, ac ventriculi os, idque propter nervorum à cerebro manantium magnitudinem & copiam, unde merito dicebat Gal. quod os ventriculi in consensum sui animam ducit. Quinimo observavit Trall. quod si humores valde erodentes & ventriculi exquisitus sensus simul concurrant, agri cito moriuntur.

Nostræ igitur partes erunt, evacuantibus, præparantibus, alterantibus febris prospicere, prout extra Cardialgiæ accessionem præservationi, in accessione verò curationi incumbere. Prævertunt autem Evacuantiâ, Revellentia, interceptientia, & ventriculum corroborantia, ad quæ diebus intermissionis animus convertendus, quare hodie, secunda scilicet die, de medicamento minorativo exhibendo cogitatum fuit, quod tamen distulimus in sequentem diem, quinque horis ante accessionem præbendum, ut materiæ biliosæ à jecore ad os ventriculi regurgitanti occurramus, sicq; fiat ejusdem cum evacuatione diversio. Interim tamen duos clysteres infundi suademus, manè alterum alterum vespere. Medicamentum verò erit cassia, cum pulpa Tamarind. addito Tartari crem.

Sanguinis missio hic locum non habet, cum bilis peccet, eaque satis sincera per alvum ac vomitum excernitur, tribus namque solis casibus Cardialgia admittitur. Primo præsentem jecoris intemperie calida, fervidissimum sanguinem producente, ex quo neque carnosâ neque adiposâ substantia progigni possit. Sic apud Hippoc. vir in Oeniade venementissimis ventriculi doloribus correptus, secta vena in utraque manu, & sanguine copioso educto, liberatus fuit. 2. quando ichor sanguineus à jecore, vel à toto in ventriculum irruit, ex suppressa aliqua consueta hæmorrhoidali evacuatione. Tertiò quando Cardialgia provenit à suppressis menstruis. Ab hoc quoque fonte clysteres etiam purgantes hora ante accessionem injecti, revulsionis causa desumendi, more Petri Salii. Frictiones quinetiam, ligaturæ, cucurbitula sicca, quinimò & Vesicantia, urgente necessitate non omittenda.

Bilis verò contemperanda vel Decoct. cicchor. Endiv. Acetos. Portul. Viol. addito julap. Viol. Rosac. Syrup. de Papav. vel sero. destillat & chalybeato ad ℥j, ℥. vel aquis stillatit. Acetos. Endiv. cucurbit. cum syrup. rosac. Violac. de ribes, de Berber. Quæ si crassior evaserit, præberi poterit aqua hordeacea, vel serum depuratum cum Julap. acet. aut syrup. de acido Cit. & Lim. Perdurante verò Cardialgia, & valde minorata materia, ad interceptientia humores ad ventriculum decurrentes tuto deveniri poterit, duabus horis ante accessionem præbenda. Sint autem adstringentia & incrassantia, ut.

℥. Pulv. Margar. præpar. ʒj Terra sigill. aeræ ʒß. Aquæ scorzon ʒiij. Vini Granat. ʒij. Tinctur. Corall. gutt. v. m. & ad cochlearia sæpius assumantur ante accessionem.

Vel

Vel ℥. syr. de papav. ℥j. & in Cardialgia pravæ conditionis.

℥. Ther. rec. ℥ss. Margar. præpar. ℥j. m. f. b. & aur.

Dum hæc fiunt extra accessionem, semper aliquid os ipsum ventriculi corroborans administrandum, internum & externum. Gal. enim dum querit, num evacuationi materia magis, an oris ventriculi roborationi sit incumbendum, sic quæsitò respondet, multos se vidisse defunctos, alios ad extremum periculum perductos, cum Medici eos magis evacuare, quam corroborare tentassent. Intrinsecus itaque præbeatur conserva rosar. vel bolus ex Margaritis & coralliis, vel offa panis in vino Granatorum, de quo Hipp. *Mulier Cardialgia torquebatur; nec malum sedatum est prius quam polentam succo mali punici adspersam comedisset.*

Extrinsecus apponi poterit regioni ventriculi offa panis, vino aultero imbuta, & pulvere rosarum, sumach, & Malliches aspersa, vel emplastrum de crusta panis Montagnanæ, cum succo agrestæ, acetiloco paratum. Aetius commendat spongiam infusione rosarum, cum aceto madefactam. Et hæc ad præservationem.

Pars autem curativa perficietur Anodynis primo 2. causam respicientibus. Anodyna autem cum sint vera velipuria, omnia tamen doloribus conferunt, à quacumque causa exortis, solutionem enim continui spectant & sensum partis, sine quibus dolor non fit. Anodyna verò sunt interna & externa. Interna jus Althææ, Malv. intellinorum Castrati cum butyro recenti: emulsio amygdal dulcium. ol. amygdal. externa ol. amygdal. chamamel. adeps vituli, castrati, omenta vitulina, vervecina, luilla, ol. amygdal. & rosac. imbuta, placenta ex ovis, etiam dictis oleis parata. Anodyna Spuria, narcotica quoque dicta, interna esse possunt emulsio sem. Papav. alb. extracta cum Aqua lactucæ, syrup. de Papav. ad ℥j. Theriaca recens, philonium romanum recens, Nepenth. Querc. ad gr. j. vel, ij. externa erunt fomenta ita parata.

℥. Cap. Papav. alb. num. vj. sem. hyoscyami ℥iij. fol. viol. nymphæ an. m. j. Aq. com. ℔xj. m. bull. ad consumpt. tertiæ; pro fomento, quo amoto, huiusmodi inunctio adhibeatur.

℥. Ung. Popul. Malv. an. ℥j. ol. nenuph. ℥ss. m. f. ut linim.

Verum legitima & propria curatio est causarum ablatio, hoc ordine peragenda, ingruente accessione, vomitus statim provocandus Calen. exemplo, qui vel oleo simpl. vel aquæ misto vomitum ciebat, Aetius aqua tepida, nos vero jure carniū, ad ℥vj. cum ol. amygdalar. & julap. acet. an. ℥iij. concitato vomitu, perdurans accessio signum exhibet bilis crassioris ventriculo adherentis, ideo exhibendum julap. ad ℥iv. vel v. & hora ab hoc assumpto, nisi sponte vomitus iterum procedat, exhibeatur oleum amygdalarum recens, ad ℥v. ita enim materia incisa, & deterfa à julapio, & attenuata per vomitum aut per alvum facilius educetur. nec ullum merum injiciat julapium acetosum, bilem siquidem id in pituitam, & pituitam in bilem vertit, ut docet Avicenn. Statim verò à vomitu, morfu sedato, aliquid adstringens & roborans extrinsecus Galen. consilio apponendum.

Ita verò procedendum præservativis auxiliis, materiam iterum immittendo, bilis fervorem & febrilem calorem cūtemperando, eandemque à ventriculo revelendo, atque in progressu intercepto, usque ventriculi roborando, curativis verò, modo dolorem anodynis, vel etiam narcoticis demulcendo, modo laxantibus, vomitumque cientibus materiam biliosam educendo, ulquedum Cardialgia, & febris imminuantur, atque omnino auferantur.

Addita congrua vicius ratione, circa quam notat. Trall. quod tarde cibum capere valde noceat. Ideo Celsus ante ipsum parum & sæpè cibum exhibuit, cui subscripsit quoque Aetius. Cibi autem sint refrigerantes, & potius ventriculum confirmantes. Sic mala punica, pyra conveniunt, vini tamen usus non est accelerandus, quod exigente necessitate, sit austerrum & gelidum, ex Celso, substringens, ex Aetio; etenim præterquam quod os ventriculi roborat, celeriter etiam nutrit, quicquid dicat Mercurialis, hoc enim confirmatur expressis verbis ipsius Galen. Hæc pro præsentitum febris tum Cardialgiæ accessione sufficiant, prout plura superessent pro præservatione ab aliis imminentibus, ad quam suis loco, & tempore, tum sanguinis missione, tum electivè bilem purgantibus & jecoris fervorem cūtemperantibus opus fuerit, viris Excellentiss. quàm notissimis. *Joan. Raym. Fortis Consult. & respons. Medic. T. 1. cent. 2.*

Cardialgia spuria.

Ventriculi dolor corrosivus, toto elapso anno, per intervalla ordinata primo, & tandem inordinata juvenem Illustrissimam afflixit & adhuc num rarius invadit. Cardialgicus si lubet, quanquam non adeo legitimus appellari poterit, non modò quia læditur ventriculus, verum multò magis, quia & prima vice & alias sæpius cum febre apprehendit, quem à bile quidem, copiosæ tamen pituitæ immista, incepisse & perdurasse certò existimari potest, ob ejusdem diuturnitatem, qua pituita à ventriculo ad mesenterium detrusa, omninò remittebatur, nulla licet secuta ejusdem extra corpus excretionem. Huiusmodi autem excrementa, tum ab imbecillitate ventriculi, tum jecoris fervore, otiginem duxerunt, à quorum intemperie iis jugiter productis, invicem mistis, & in mesenterio putrefactis, febrem quoque sæpius toto hoc tempore repullulasse credendum, prout ab iisdem non putrefactis dolores quandoque sine febre fuisse excitatos. Nec mirum videri debet, si primò hebdomadariam periodum servaverint, intemperata siquidem earum partium diathesi, tanto temporis intervallo ea excrementorum copia producebatur, quæ accumulata dolores illos renovare poterat, quæ tamen temporis proportio oblitterata est, magna secuta mutatione ab edito partu. Sic nec novum accidit, quod fere ad syncopen perducta fuerit Illustriss. Pater, siquidem *Nulla pars nostri corporis adeo acquisitum sensum habet, nec ita in consensum trahit utrumque principium, ac ventriculus ipse.* Ideoq; jure dicebat Gal. quod *os ventriculi in consensum sui animam ducit.* Quoniam verò inultas visc-

ribus intemperies non aravit Excell. defunctus: ideo ab excrementorum colluvie postmodum febres inæquales, cum inæquali rigore fuerunt observatae, excrementis iisdem per partes sentientes una cum halitibus elevatis circa viscera naturalia, & quidem inordinate decurrentibus; cujus etiam humorum redundantia indicia præbent fiores, circa febrium initia manantes, & sunt caloris ad viscera refluxum significavi genarum rubedo, paucis horis ab assumpto cibo eas perfundens. Et quoniam vivere credi potest, hoc temporis spatio Illustris. Patient. ab obstructionibus immunem se præstare potuisse, ideo easdem delitescere pro certo habeo, & quidem ab his terreis atque melancholicis redditis exhalationes elevari, quæ lumbos, femora, & brachia, propria acrimonia & aciditate percellentes, vagos & errantes dolores excitarunt, nunc vero coctionibus ventriculi saltem, si non appetentia, ob aciditatem non nihil officere persistunt. Hæc autem ita se habere adeo verum puto, ut ab hypochondriaca jam dictorum humorum, tum crudorum tum assatorum minera materia flatulenta atque fuliginosa elevata, in penitioribus mesenterii & viscerum partibus conclusa, dolores & cruciatus lancinantes producere majori ex parte nunc existimem, supposita tamen necessario humorum minera jam dicta cujus portio recentior ac crudior à calore liquata solutis doloribus per urinas copiosas & aquosas excernitur. Quoniam verò affectus hujusmodi rari quodammodo sunt, eorumque causa à Medicis ipsis, vel maxime exercitatis, nedum à Patientibus, non adeo facile investigari potest, quid mirum si ad veneficia, & fascinationes confugiant cum tamen ut plurimum pertinax & ineffabilis lateat melancholica qualitas.

Et licet affectus hujusmodi contumaces esse soleant, & ægre medicamentis cedant, cum præter mineram, & viscidorum à frigiditate & crassorum humorum à caliditate, intemperiem, inæqualem quoque causam habeant, attamen quia Patiens juvenis, & medicis præceptis obtemperans est, nec manifestæ tactu percipiuntur obstructiones confirmatæ, ideo salutem, licet non adeo brevi tempore, & facile, polliceri possum, ut, accommodatâ curatione, quæ tuto procedet, si humores jam geniti è corpore educantur, intemperies remittantur, & partes roborentur. Quibus intentionibus, aliquâ parte, opportunissime satisfactum fuit, ideo reliqua agenda ordine executivo proponam.

Primò itaque leniens ex syr. & mel. ros. sol. vel ex lenit. & tart. præmittatur, mox unico interposito die, aqua tetruciana ad ℥ iv. exhibeatur cum vehiculo mel. ros. sol. secundo die iteranda ad ℥ v. quæ nisi secunda vice, clara, & sine excrementis excernatur, repetatur quoque tertia, sic enim tum ventriculi, tum primarum viarum deterfio atque ablutio, necnon exsiccatio obtineri poterit. Inde ratione hypochondriorum ad succos depuratos malv. & borrag. erit deveniendum ad ℥ iv. in jure cichoraceis alterato, 12. aut 15. dies, mox ad usum seri capr. aut asin. depur. per quinque dies, alternatim, ad ℥ iv. & v. præmisso vehiculo deject. aut syr. ros. sol. aut pot. clarif. à quibus tandem magna fiducia utor

diutius lacte asinino de more, exhibendo ad ℥ v. cum semicochleari sacch. fini, progressu facto ad ℥ x. cum pleno sacch. cochleari, mane quatuor horis ante prandium. Verum eodem tempore 15. dies summo manè ventriculo stillicidium erit adhibendum, ita paratum.

℥. Ol. amygd. ℥ iv. mastich. ℥ ij. vini albi generosi ℥ j. tol. rec. absint. pont. menta virid. an. m. j. nucum myrist. contus. num. ij. cort. cit. rec. ℥ j. cinam. integ. 3 ij. m. bull. ad consumpt. vini & facta forti express. colat. servetur pro stillicidio, calidè administrando, mane ante lactis usum.

Interim si recrudescant dolores, tutissimum erit auxilium clyster. ex lacte vaccino, in quo dissolutum sit philon. rec. rom. ad 3 ij. illico, namque eosdem sedabit, & somnum conciliabit, duabus tamen aut tribus post horis movenda alvus, ut excernatur clyster. ne nimium stuporem inducat.

Quibus omnibus consueta victus ratio, quam laudo servanda. Caveat autem ab infarctu ciborum, his enim casibus nihil peius, ex Avic. quam comestio supra comestionem, atque prima mensa de more jus pullæ aut vituli malva aut borrag. alter. sorbeat. Vina generosa vitet, & reliqua medicis intentionibus correspondeant.

Quæ jam dicta, quoniam ab Excellentiss. Viro prudentissimo administranda erunt, profutura spero, ita meritis Illustriss. juvenis D. O. M. annuente Joan. Raym. Fortis Consult. & Respons. Medic. Cent. 2.

Puella viginti annorum jam à multis annis de rosione, & compressione circa ventriculi regionem coqueritur, ructus continuo edit acidus, in hypochondriis murmura & rugitus audiuntur: torminibus ventris frequentibus & dolore capitis infestatur. Colore est pallido & cachectico, mensesque non decenter fluunt.

Afficitur in hac ægra ventriculus: ut patet ex rosione & compressione circa ejus regionem, quæ est circa mucronatam cartil. gincm, percepta, & ructibus acidis emissis. Afficiuntur item viscera, hepar scilicet & lien in hypochondriis sita, nec non pancreas, & caput, quod probant murmura in hypochondriis audita, & tormina ventris, ac dolor caput infestans. Deinde totum corporis habitum & uterum affici, testatur pallidus & cachecticus color, & menses non decenter, sive parcius, & inordinate fluentes.

Morbus præcipuus, qui ægram nostram affligit, est intemperies ventriculi & vicinorum viscerum frigida & acida, imò etiam & acerba, quæ rosionem & compressionem ventriculi, ac ructus acidus; item murmura hypochondriorum & rugitus ac ventris tormina pariens, cardialgia, sive cordis dolor vulgo appellari solet: sed ventriculi dolor merito appellandus; cum hic non cor, sed ventriculus præcipue afficiatur.

Hæc intemperies ventriculi & vicinorum viscerum frigida, acida & acerba est manifesta ex acidis ructibus & rosionibus atque compressionibus circa ventriculi regionem perceptis; illa enim producit acidum, acerbum & crudum chylum, qui ventriculum pungit & constringit, & quia ex eo oriuntur obstructiones

in partibus variis crassique succi & vapores, hinc nata sunt omnia illa symptomata, quæ in casu proposito narrantur.

Nam chylus ille crudus, acrimoniâ & acerbitate sua pungens ventriculum, facit in eo dolores roivos & constrictorios, in vapores crassos mutatus, qui ob crassitiem suam commodè per poros ventriculi & intestinorum distribui nequeunt, facit ructuum acidorum per os excretionem, & per vicina viscera discurrendo, & partes eas cum sonitû agitando, & dolorose ventrem vel tunicas intestinorum lancinando, facit in hypochondriis rugitus & in ventre tormina. Ad cor verò per venas mesaraicas & lacteas, & inde in caput delatus, & ibidem cerebrum & membranas vellicans, efficit capitis dolorem. Ad habitum verò corporis cum sanguine crudo delatus, colorem pallidum & cachecticum. Ad uterum denique delatus, ibique poros ejus obstruendo, sanguinemque ad commodam excretionem ineptum faciendo, facit mensium parcam & inordinatam excretionem.

Morbus hic propter magna symptomata, quæ inducit, periculum lipothymia, hydropis, aliorumque gravium affectuum, minatur. Atque ideo diligenti, & cita curatione erit impugnandus.

Quæ in intemperiei & symptomatum per contraria impugnatione consistet.

Primò itaque utatur talibus pilulis usualibus, quæ leviter purgabunt, ventriculumque roborabunt.

℞. Pil. de hiera simpl. ʒi β. alephanginar. assaiereth, agarici trochisc. an. ʒ β. rhabarb. elect. ʒ β. cinnamomi ʒj. cum syr. ros. sol. q. s. fiat piularum massa, de qua capiat singulis septimanis ʒ β. cum pomo cocto, manè jejuno ventriculo, & deinde porro utatur hoc electuario.

℞. Conserv. rosar. antiq. flor. cichorii ana ʒj. conserv. scolopendr. cort. citri condit. an. ʒ β. spec. aromat. ros. ʒiv. spec. de gemmis ʒj. spec. diatriasantal. cum duplicato rhabarb. ʒj. cineris intestinorum & pellicular. ventriculi gallinæ ʒi β. li. aturæ chalibis præparat. cum aceto ʒ β. trochiscor. de rhabarb. ʒiv. de cupatorio ʒi β. cum syr. de mentha q. s. f. electuarium, de quo capiat quantitatem castaneæ majoris, manè duabus horis ante prandium, superbibendo haustum vini generosi, aqua absinthii diluti.

Post singulos pastus utatur de hoc medicamento.

℞. Carnium cydon. saccharo condit. ʒij. conserv. rosar. antiquæ ʒi β. cortic. citri condit. ʒ β. coralli rubri ulti & loti, rasuræ eboris, cornu cervi an. ʒj. spec. diacydon. ʒj. cinnamomi ʒ β. sacchari ad pondus omnium, f. Mixture de qua capiat cochleare unum post singulos pastus.

Ventriculi regioni scutum hoc stomachale admoveat.

℞. Emplastri de mastiche, pro stomacho an. ʒj. pulver. rad. galangæ ʒij. cariophyllor. ʒ β. ladani ʒj. coralli rubri ʒ β. cum ol. de absinth. f. emplastrum extensum in corio ad formam scuti. Hepatis regionem semper manè inungat hoc linimento.

℞. Ol. de absinthio, nardini an. ʒij. ol. cydon. ʒj. spic. utriusque ʒj. rad. cyperi, asari, fantali rubr. & albi. an. ʒ β. ceræ q. s. f. linimentum.

In diata, aer sit temperatus. Cibus offeratur concocti facili, corruptioni minus obnoxius, ex aviculis, capis, perdicibus, pullis gallinaeis, jusculis carnum, conditus succo arantiorum. Potus sit vinum tenue, cerevisia mediocris.

Motus sit corporis moderatus, ut & Somnus. Alvus in dies naturâ vel arte respondeat. Mæror vitetur præcipuè, ut & alii vehementiores affectus. *Henric. Regius apud Theodor. Craanen Medication. lib. 3.*

Observationes.

Pro cardialgia cum impedimento veluti bolo in faucibus.

Cuidam fœminæ de dolore stomachi, cum nausea ac difficultate aliqua deglutiendi, ac si bucella in faucibus hæreret, jam longo tempore conquerenti, cum sæpè varia ac inter reliqua etiam vomitoria exhibita, nihil effecissent, illaque unice vomere cuperet, & adhuc robusta esset, dedi aquam destillatam ex nucibus viridibus, cum raphanis prius in aceto maceratis, quæ alias vomitum movere solitus eram, sed in illa nihil effecerat, itaque addidi vini albi, in cuius ʒij. stibii vitreati pulv. gr. iij. macerata per noctem fuerant ʒi β. ut biberet, quo facto copiosissimam materiam quinquies evomuit, & postea ab ejusmodi cardialgia & impedimento in faucibus, penitus liberata est. *Felix Platerus Observ. lib. 2. pag. 438.*

Matrona quædam honesta ac pia, cum ultra annos duos de dolore ventriculi conquesta fuisset, nec ullis remediis ventriculum roborantibus, aut per inferiora purgantibus sanari potuisset; tandemque ex consilio Medici cujusdam celeberrimi, vomitivum accepisset, frustum corii laridi fumo exsiccati, quod ante duos annos inopinanter cum difficultate tamen deglutierat, maxima cum admiratione adstantium evomuit, & brevi plenissime convaleuit, utinam semper causæ morborum tam facile debellari possent. *Guil. Fabricius Hildan. Observ. 53. cent. 4.*

Filiolus meus Cardialgia, seu passione cardiaca, infantibus familiari malo affligebatur, illi secretum experimentum nostrum magno cum fructu applicatum est. Mucago sem. cydonior. misceatur cum pingued. gallinæ, atque hoc linimento ter in die ungatur orificium stomachi, deorsum versus costas spurias. In plerisque sequitur hanc unctionem dejectio excrementorum virescentium & foetidorum, quæ cardialgia cessat. *Hieron. Reusnerus Observ. 71.*

Quidam cardialgia laborans, insumpto sequenti haustulo, statim sanus factus est, nam multos acres, mordaces, & virulentos humores, qui juxta os ventriculi obhærebant, vomitû projiciebat.

℞. Aq. benedict. nostr. ʒi β. vini absinth. ʒi β. m. f. haustulus, quo solo sanitatem recuperavit. *Martinus Rulandus curat. 50. cent. 5.*

De cardialgia miris stipata symptomatibus tandem lethali.

Vir Senatorii quondam apud nos ordinis, temperamento sanguineus, corpore praeditus oberiori, doloribus quidem obnoxius Nephriticis, caeterum sanus & bene valens. Anno ætatis suæ 54. ex mœrore animi ob calamitosissima hæc tempora sensim, sine febris tamen manifesta, contabescere coepit, de nullâ re conquestus aliâ, quàm de præcordiorum compressione & Anorexia; credidit tamen hæc omnia à calculo quodam oriri & à neglecto usu thermarum singulis annis aliàs consueto. Sed circa festa Natalitia rem serio agi, & dolores quasi morsus ex sinistro latere versus cor ascendentes sensit, qui etiam de die in diem exacerbati singulis tamen trinis diebus tantum vehementius infestantur.

Horum prodromus semper erat nasi extremitatis refrigeratio sensibilis. Tandem singulis diebus circa vesperam recruduit hic morbus, vere *naphtusis*, ita enormis, ut clamare vehementissime coactus fuerit, interea manus, & pes dextri lateris continuo tremebat, sinistrum verò latus, ubi tamen dolores erant, quievit. Sic quandoque per totam noctem misere divexatus circa auroram, recedentibus cruciatibus sensit levamen. Alvum perpetuo adstrictam, clysteria aut propinata laxativa solvebant quidem, sed statim commovebant etiam dolores. Excrementa sive per purgationes sive naturaliter reddita, quod sub finem morbi (cùm ex metu cruciatuum nec clysterem, nec laxativum sumere vellet) sed non nisi, de tertio in tertium diem factum, semper erant solida & bene concocta, ac si optimè sani essent hominis. Pulsus nunquam mutatus, nisi sensim debiliior factus. Deglutitio insuper mirum in modum erat laxa; nam solida deglutiebat facillimè, liquida verò neutiquam, ita ut sitim intensam, absque tamen calore febrili, nunquam potuerit potum restinguere, sed aquam cochleatim tantum, ut & alia medicamenta liquida sorbere debuerit, statim superveniente enormi quâdam salivatione quæ descensum liquidorum impedivit, quamvis & fluxus hujus pituitæ lentæ, ac viscidæ semper, & per totum morbum usque ad finem vitæ duraverit, ut quandoque singulis diebus aliquot vascula hæc materia impleverit. Tandem ex vehementia morbi ita contabescens, ut cutis ossibus hæreret, circa initium Maii hujus anni placide expiravit. Dolor adeo pertinax nullis cedebat remediis, nisi exhibitis granis duobus laudani nostri, de tribus dieti, cum Magisterio perlarum vel oculorum canceri in aqu. flor. astant. Tum enim ad miraculum usque quasi in momento omnis evanuit cruciatus & noctem insequentem cum somno placidissimo transegit patiens: Cætera omnia quacumque adhibita nihil profuere, vel dolores exacerbantur. *Caroli Raygeri.*

Cardialgia cum molesto ventriculi sensu, & dysphœa.

Anno 1672. 10. Februarii vocatus sum ad C.

S. gravi cardialgia pressum cum insigni respirationis difficultate ac permolesto ventriculi sensu, addidit videri sibi mobile quid in ventriculo oberrare varia circumvolutione ultra medium œsophagum crebro ascendens, quod respirationem jamjam intercepturum videbatur. Motum naturæ examinans vomitorium statim exhibui ex oxymelle simplici ac squillitico, unde per repetitos vomitus magnam quantitatem mire gravis pituitæ rejiciens ager, statim liberius respirare occipit, & à tristi illo ventriculi sensu liberari, sponte per triduum succedente copiosissimo ptyalismo, ac si mercurialibus usus, postea ventriculo iterum corroborato satis rectè valuit. *Henrici à Moinichen.*

CARDIOGMYS.

Vid.

CARDIALGIA.

CARIES.

Græcis dicitur *Τρυπιδον* & est morbus solutæ unitatis in partibus duris, ossibus videlicet cum deperditione substantiæ à materia acri & corrosiva proveniens, & responder ulceri quod est solutio itidem unitatis sed in partibus mollioribus, carne scilicet &c. De hac vide tum ulcera cum carie in genere, tum in specie caput de Spina ventosa. Cariem pudendorum quod spectat idem significat quod Caroli.

Curationes & Observationes.

De carie ossium ubi de euphorbii usu.

In ulcerum curatione nihil fermè occurrit, quod Chirurgo majorem pariat molestiam atque plus negotii faciescat, quàm si ulcus carnem in osse sibi adjunctam habeat, præcipuè si profunda fuerit, propter humorem ossi imbutum, ad hujus autem humoris exsiccationem, & ossis decidentiam tum ab antiquis, tum neotericis Medicis ac Chirurgis præstantius cauterio actuali nihil excogitatum est, quo & ego non raro maximo cum fructu, usus sum. Post cauterium actuale, euphorbium hoc in casu secundum sibi locum vindicare facillè concedo, quandoquidem non solum quia acre est & calidum in quarto gradu, humores ossi imbutos exsiccatur, sed videtur occultâ quâdam facultate hic convenire, non immerito itaque à Dioscoride, Avic. & recentioribus Medicis in cariosis ossibus præ aliis medicamentis celebratur. Ego etsi hætenus in cariosis ossibus euphorbio maximo cum fructu usus fui: una tamen mihi occurrit difficultas, nimirum an verum euphorbium, cujus Dioscor. mentionem facit, hodie ad nos advehatur? scribunt enim Dioscor. & Avic. beneficio euphorbii cariem uno die abscedere, id quod nostrum vix spatio 40. dierum præstat; neque proximam carnem adurit, quemadmodum Dioscor. & Avic. de suo euphorbio scribunt. Hinc verisimile est, aut textum Dioscor. adulteratum esse, aut euphorbium antiquorum apud nos non extare. Cæterum Dioscor. & Avic.

Avic. monent, ut si quando quis Euphorbio uti voluerit, propter ejus summam acredinem atque Caliditatem, osium circumjacentem carnem linimentis aut ceratis diligenter ac probe communiat, ne contactu carnis inflammationem excitet.

Vesalius in sua chirurgia & Fallop. in tractatu de ulceribus non minus hac de re solliciti sunt. Hinc factum ut à multis annis Euphorbio uti non ausus fuerim propter metum inflammationis aut doloris; deinde non exigua erat molestia, circumjacentem carnem, quotiescunque ulcus curare necesse fuit, ita diligenter munire. Paulatim tamen experientia contrarium me docuit, nimirum Euphorbium nostrum etsi linguam & nares vehementer vellicet, in ulceribus tamen etiamsi copiose iis inspergatur, nullam inflammationem aut dolorem excitare; foelici itaque cum successu in ossa cariosa carne denudata, etiam immunitis ulcerum labris, quotidie aut alternis diebus eo insperso utor. Ante aliquot annos cum hæc coram Dom. Abele Roscio Medico doctissimo narra-rem, miratus fuit. Qua propter petii, ut ille ipsemet Euphorbium optimum ex officina pharmaceutica sibi eligeret, & in pulverem redigi curaret, quo facto puerum 14. annorum natum, & ulcere in anteriore parte cruris (in quo anterior pars ossis tibiae longitudine spithamæ denudata erat) laborantem accessimus, tum temporis ulcus implevi pulvere Euphorbii, deinde filamentis siccis, & emplastro diapalmatis super impositis, in alterum usque diem reliqui, quo denuo Medicum ad agrum duxi, qui dum nullam neque pulsus neque urinae mutationem perciperet, multo minus dolorem, aut inflammationem aliquam adesse videret, rei novitate obstupuit, quod oculari demonstratione viderit, Euphorbii sævitiam atque acrimoniam in ulceribus tantam non esse, sicuti à doctissimis Medicis divulgatum atque proclamatum. *Guil. Fabric. Hildanus Observ. 92. Cent. 2.*

Pro carie ossis cum ulcere.

Puer 15. annorum ulcus habebat vetustum in meta pedio, quod à perito chirurgo per annum integrum curari non potuit, alter Chirurgus junior, cui postmodum æger commissus fuit, dilatato ulcere cariem percipit, pulverem cartaginaticum imponit ad tollendam cariem, sed frustra. Postea oleum sulphuris ad-movet, & frustra, postea me consulit, jubeo in-poni prima applicatione pulverem Euphorbii cum plumaceolo ex lenteo detricto facto, multæ exiguæ educuntur ossium squillæ. Secundo die Plumaceolum nudum ad-movet, tertio die eundem pulverem denuo applicat, & plures iterum squillæ egressæ sunt, ut deinde os mundum & à carie repurgatum apparuerit, atque ulcus postmodum intra breve tempus curatum fuerit. *Lazarus Riverius Observ. 76. cent. 2.*

Ossibus cariosis mandibularum, ut ignis & ferum, item oleum vitrioli, & aqua fortis adhibeantur, non suadeo, idque propter gravissimas causas, sed inspergantur pulveres rad. Aristoloch. rot. irid. flor. angelic. thuris, corticum pini & similium, quæ separationem

osium cariosorum accelerant, aut misceantur cum succis prædictis & melle Rosac. ad fomam linimenti, quod si mandibula aliquo in loco extra os denudata fuerit, applicarem pulverem Euphorbii quod mirandas habet proprietates in hoc casu. Ulceribus tamen in ipso ore existentibus, quia inde ad linguam & fauces facile pervenire potest, ut inspergatur non suadeo. *Guil. Fabric. Hildanus Observ. 21. Cent. 4.*

Commendarur in hoc affectu *Benedicto Bolognino* unguentum ex agarico in hunc modum.

℞. Salis, agaric. tartar. an pt. æq. f. pulvis & cum melle unguentum. Si ita non possit os desquamari, cariesque tolli, ferrum candens (quod quamvis ipsa bile amarius videtur medicamentum, ipso tamen sanguine dulcius commodum quod insequitur exitit) sine cunctatione adhibendum. Extremis namque morbis extrema secundum *Hipp.* appropriata conveniunt remedia. *Matthias Glandorp. cap. 25. lib. de Paronychia.*

Pro carie gallica in pudendo

AQ. Plantag. ℥iij. pulv. squammæ aris, adustæ & lotæ ʒj. M. f. injectiones in virgam per syringam tepide. Hoc medicamentum facultatem habet exsiccandi sine morbo, eo melius habere cepit, & cum minore dolore & ardore mungebat, quia tamen perseverabat sanies & ardoris sensus, recurrimus ad præcipitatum quod omnium medicamentorum optimum pro sananda carie gallica jure merito censeretur debet, & ut moderatius fieret medicamentum, cum butyro recenti miscuimus in hanc formam.

℞. Præcipitati correcti & præpar. ʒj. butyr. rec. ʒj. M. quo intingebat linteolum angustum & stylo obuolutum intra virgam mittebat, & ad partem affectam applicabat, extrahendo stylum & relinquendo linteolum, ita tamen ut pars linteoli foris penderet, ut extraheretur. *Rodericus à Fonseca Tomo 5. Consult. 35.*

Fernelius describit aquam mirabilem, ad cariem malignam, quam vocat divinam; Fit ita.

℞. Sublimati opt. gr. xij. aqu. plantag. ʒvj. recoque supra cineres calidos in phiala vitrea ad dimidias. Hoc liquore styli acumen illinatur, ut postmodum attingantur ulcera bis vel ter indies supra posito unguento de tutia. *Rodericus à Fonseca Tom. 2. Consult. 59.*

Vidi quendam patientem Carolos (cariem) in virga, accepi lac mulieris tepidum & ablui membrum & sanatus est, aliquando etiam curavi ulcera virgæ cum succo millefolii, & aliquando cum succo summitatum Sambuci, pulvis cariei ligni multum etiam prodest, maxime vero salicis. Ego *Marcellus* curavi multos patientes Carolos & ulcera virgæ cum tumefactione præputii, & dolore vehementissimo primo facta purgatione & diata, & defensivo supraposito, & cum oleo rosato ungendo. Cum syringa injicio intra præputium lac vaccæ, capræ, vel si habeam, mulieris ab uberibus multum, tepidum. *Marcellus Cumanus Obs. 20. & 21.*

CARO SUPERFLUA

Prò Carne superflua.

Ego uti soleo linamentis excerptis ita par-
tis.

℥. Aq. plantag. ros. solan. an. ℥iiij. opii. ℥j. medullæ panis, ℥ij. mercurii sublimat. ℥iiij. sublimatum supra porphyritem teratur: deinde M. & bulliant ad medietatis consumptionem, colentur per pannum crassiusculum. Fila excerpta bulliant aliquandiu in hoc liquore, postea eximantur, exprimantur, siccantur, ac servantur ad usum. Seplasiarii nostri in officinis ad manus habent alumen ustum, quod optimum est, Squammam æris, æruginem æris, pulverem hermodostylorum, pulverem asphodelorum, præcipitatum omnium optimum, quia agit sine dolore; ex compositis unguentum Aegyptiacum, apostolorum, & isidis, quæ omnia carnes superfluas exedere solent. *Gabriel Fallopius cap. 18. Tract. de ulceribus.*

CARO ABLATA

*quomodo restituenda: ubi de chirurgia
Curtorum.*

De nasi amputati ex carne Brachii restitutione.

Quæritur an talis restauratio sit possibilis, & videtur quod non. Primum autoritate *Jo. Andrea Crucii* maximi chirurgi qui lib. 2. c. 3. *sua chirurgia* dicit non audiendos eos, qui amputatos nasos restituere pollicentur: nam, natura, inquit, tantum artificii nemini concessit. Videtur id etiam ratione confirmari. primo quia caro brachii est musculosa, nasi non; & caro brachii est alterius temperamenti, quam nasi: itaque non videtur, quod illæ carnes possint uniri. Secundo quia in illa operatione videntur tam multæ difficultates debere intervenire: hæmorrhagiæ, convulsionis, gangrænæ, dolorum inflammationis, œdematis, pustularum, febrium, ut omnino impossibilis videatur. verum in contrarium sunt autoritas variorum, qui dicunt hanc artem & operationem possibilem esse, imprimis *Calentius in Epist. ad Orpianum* scribit, sic nasum abscissum ex brachii carne, vel ex carne servi restaurari posse. Et *Steph. Gourmelenus lib. 1. chirurgia* testatur, sic nasum reparari posse, & scribit, quod quidem *Branca Siculus* ita nares solebat restituere. Quod idem *Gourmelenus* scribit se vidisse. Et *Guilbertus Cognatus Noserenus lib. 2. narrat.* scribit quod ille *Branca Siculus Catanæus* insignis chirurgus aures, nasos, & labia sic solet restaurare. *Alexand. Bened lib. 5. c. 19. Anatom.* scribit sua ætate sæpè visum esse, quod nasus restitueretur caruncula è brachio concisa. Idem tradit *Vesal. lib. 3. c. 19. & Pareus l. 22. c. 2. sua chirurgia* scribit hoc fieri posse, & superioribus, inquit, annis extitisse chirurgos in Italia, qui id facerent. Idem etiam scribit *Fallop. lib. de*

decoratione c. 2. & Hieron. Mercur. lib. de eadem materia Ego etiam testari possum, *Cass. Taliacotium* Professore chirurgiæ in acad. Bononiensi plurimos hac arte nasos restituisse, quorum ego aliquos restauratos in aliquibus vidi, alios actu fabricari: itaque certum est hanc restorationem esse possibilem & sapissime factam, & ideo autoritas *Joann. Andrea Crucii* non est attendenda, ut pote qui illam nesciebat, sed quia mirabilem, ideo putat esse impossibilem. Ad secundum argumentum respondeo, non esse tantam diversitatem, quæ unionem impediat, & etsi incommoda, & difficultates satis multæ circa illam operationem occurrant, non sunt tamen tanta, ut operationem faciant impossibilem.

Quæritur Secundo, an ex carne Brachii alterius hominis possit hæc restauratio fieri. Dico autem breviter, quod sic; quod probo autoritate *Calentii* supra citati ad *Horpianum*: item *Gourmeleni* in chirurgia, *Taliacotii* in suo libello chirurg. qui omnes scribunt, nasum ex carne Brachii alterius hominis separabilem esse, & probatur ratione: quia constat ex historiis fatus geminos aliquando in lucem venisse modo frontibus tantum, modo dorso, modo ventris parte aliqua connatos. si ibi diversos non inconnasci non fuerit impossibile utique neque impossibile erit, post partum diversos homines artificio conjungi, & uniri posse. Secundo constat sæpe in corpore nostro partes aliquas connasci quæ & substantia & temperamento magis sunt diversæ, quam cutis aut caro musculosa diversorum hominum. Secundo quia legimus in historiis aliquando monstra genita fuisse, quæ parte trahebant corpus unius animalis, altera alterius, si ibi diversa specie animalia in unum corpus unumque animal connasci potuerunt, quanto magis duo corpora ejusdem speciei connasci, & arte conjungi potuerunt.

Quæritur Tertiò, an hæc operatio sit periculosa? Et videtur, quod sic, quia videtur in ea esse periculum lethalis hæmorrhagiæ, cum tam magna carnis pars è brachio desumitur. sunt enim in brachio magnæ venæ, & arteriæ. Secundo videtur esse periculum convulsionis, cum musculi illi brachii scinduntur & nervi forte dividuntur, aut punguntur. Tertiò videtur periculum synopes à magnis doloribus inflammationis, febrium, pervigilii, gangrænæ, quæ omnia cum obvenirent, possent mortem afferre. sed respondeo operationem hanc non afferre periculum mortis, sed tantum habere multas molestias, & difficultates conjunctas: nulla enim ibi potest vel hæmorrhagia, vel convulsio, vel gangræna talis oriri, quæ non possit mox compesci à Medico, modo operationi velit vacare. Ergo non est periculum mortis. Secundo quia non fit scissio in musculis Brachii, sed tantum cute, & eligitur locus, in quo venæ & arteriæ magnæ non decurrunt.

Hæc tamen operatio infinitas difficultates, & inconvenientias habet. Prima est quod æger sæpè, & maximos debeat pati dolores. Hos patitur duplici ratione; Primo propter sectiones, quia debet antiqua naci cicatrix circumcidi, brachium bis tervè, diverso tempore secari, acus plurimæ per nasum & brachii carnem transfigi. Secundo propter brachii ad caput alliga-

alligationem, quæ benè quatuordecem diebus debet permanere, unde in cubito & omoplatis æger intolerabilem fere patitur dolorem, saltem primis quatuor aut quinque diebus, donec brachium situi illi assueverit. Altera difficultas est, quod æger ægrè sonnum capere possit, propter dolorem ex brachii alligatione. Tertia, æger magnam patitur sitim, interim dum brachium capiti est annexum, eo quod propter nares ex traduce obstructas, cogatur per os respirare, aëris enim per os attractio, maximam gutturis, & linguæ semper siccitatem inducit, unde sitis. Quarta difficultas est quod hæc cura, quatuor mensibus dureret, & postquam jam nasus factus est, adhuc bene uno anno, aut altero necessum est, (modo æger velit nasum optimè formatum habere) tectorium ad nasum gestare, saltem de nocte; cum jam factus, hæc inconvenientia lequuntur. Primo quod aliquando in locum conjunctionis remaneat magna aut turpis cicatrix. Secundo quod pars apposita non sit omnino ejusdem coloris, cuius est nasus, sed est albicanior naso, & tempore hyemis cum illa pars frigescit propter defectum naturalis caloris, fit tota livida, saltem primis annis, cum pars recentè agglutinata, adhuc non est temperamento nam benè conformata, nec adhuc benè assuevit a naso calorem & alimentum recipere, aut ab eo perfectè nutriti. 3. quod factitiæ nares sunt aliis molliores, quia cutis brachii est laxior cute nasi, ideo pars apposita magis quasiata est, & pennula, quam verus nasus, qui stat rectus & firmus. 4. quia in factitio naso aliquando pili nascuntur, ideo quod caro opposita cum esset in brachio habuerit naturam pilos producendi; & sic eam adhuc servat, cum naso est applicata. 5. foramina factitii nasi sunt longè minora foraminibus nasi naturalis; nam etiam si in principio illa foramina conformentur satis magna, cum tempore tamen fiunt minora, & aliquando ita minorantur, ut ægri fere per ea spiritum ducere non possint. 6. non habent factitiæ nares tam exactum sensum quam naturalis, eo quod extrema nervorum corporis non ingrediantur illam factitiæ carnem, cum sint partes spermaticæ, nec possunt regerari, unde influxus facultatis sensitivæ & spiritus animalis in ea est debilior. 7. ille nasus vel debet in principio major fieri, quam deceat, vel in fine, si erat nimis parvus; caro enim illa novella quæ in principio est spongiosa, temporis decursu consolidatur ac constringitur, hinc immuitur; unde ut nasus sit postea bene proportionatus, debet in principio fieri major quam deceat. Sive ergo in principio fiat major, sive post evadat minor, utrumque disformitatem habet. Et si vero hæc omnia incommoda possint ex hac operatione contingere, tamen neque semper contingunt, & plurima possunt vitari, & plurima temporis decursu, & cum ætate nasi minuuntur.

Ad hanc operationem quævis corpora non sunt idonea. In cacochymia, in morbo gallico affectis, in intemperatis operatio est vitanda: in pituitosis & frigidis non succedit propter defectum caloris nativi quia in iis facultas nutritrix non est vegeta: hinc tradux marcescit,

non benè nutritur, mortificatur, non facile agglutinatur, allabuntur ad partem pituitosi humores, qui nutritionem impediunt, & traducem faciunt laxum, spongiosum, œdematosum, unde totum turpiter albescit, & livescit, propter caloris defectum.

Si biliosa sint corpora, facile etiam marcescit, & siccat tradux, & inflammatione, erysipelate, herpetibus, impeditur: si melancholica etiam facile tradux exarescit, nasus fit lividus, pilosus &c. conveniunt optimè sani, sanguinei, carnosissimi, solida roseaque carne præditi, in iis enim vegeta est nutritio, & calor nativus fortis, ideo tradux optimè crescit, & educatur, & ut solidus, & facile agglutinatur, unde nasus solidus & boni coloris, & brevi tempore conformatus. Senes non conveniunt huic operationi, nec pueri, hi quia nequeunt manere quieti, nec dolores tolerare; illi quia frigidi sunt & pituitosi, calor nativus, & virtus nutritiva in illis ferè emortua sunt: hinc tradux non adolescit, sed contabescit, & nequit conglutinari.

Tempus omne etiam huic operationi accommodum non est. Pessima hiems, & tempus omne frigidum, quia ab externo frigore tradux alioqui per se debilis, ut pote à matre sua semi-divulsus, debilitatur, & frigeratur, & perdit suum Calorem nativum. Aestate biliosi humores facile in cutem efferuntur, herpetes inflammationes, febres oriuntur. Optimum est ver, quia temperatur, verum etiam autumnus, quia inter frigus, & calorem medius est.

Artificium hujus operationis in his præcipue consistit. Primo ut tradux ita nutriatur, foveaturque, ut non conglobetur, marcescat, exsicceatur, & emoriatur, aut œdematosus fiat, aut apostematibus, aut gangræna, aut humoris fluxionibus afficiatur, sed incarnetur, fiat crassus, & solidus, & bene sanus. Secundo, ut æqualiter naso accommodetur, proportionetur, non sit nimis tenuis, nec nimis crassus, & jungatur cum parva & æquali, pulchraque cicatrice. Tertio, ut nasi foramina artificiosè excaventur, & tradux parte interna ac inferna sui quum ad labia pervenit, non sinatur agglutinari, quodque foramina nasi bene sint concinnata. Quarto, ut cum tradux undique est agglutinatus, pulchrè conformetur, & concidatur, & in tectorio ita benè concludatur, ut pulchram acquirat figuram.

Verum ut hæc omnia bene observentur, necessum est operandi modum subjungere. De Modo varii scripsere, imprimis Fallop. l. de Decorat. c. 2. Alexand. Bened. l. 6. c. 19. Vesal. l. 3. Chirurgia c. 9. Paræus lib. 2. Chirurg. c. 2. Mariæ. Sanctus in consiliis. Taliacotius in sua Chirurgia. Sed non omnes æque bene eum sunt assecuti. Verus & absolutissimus operationis modus est talis. Primo deliberandum ex quo brachio tradux sit eximendus. Capiendum autem est brachium potius illius lateris, cui æger dormiendo non solet incumbere, vel id cuius alligationem facilius feret. Præstat ordinariè capere sinistrum. Primo, quia plerique homines in dextro latere melius dormiunt. Secundo, quia tunc poterit æger tempore operationis adhuc uti brachio dextero, quod magnum solatium adfert

adfert. Tertiò, quia, cum fieri possit, ut brachium ab illa exsectione traducis debilitetur, vel aliquod inconueniens acquirat, præstiterit finistram capere eo quòd illo minus egeamus, ejusque noxam minus curemus. Insuper notandum, quod non oporteat secare mûculos brachii sicuti malè *Vesalius & Paræus* docent, sed tantum cutem carnosam ejus, nam mûculos secare periculum convulsionis adfert, & mûculosa caro non est carni nasi homogenea aut proportionata. Eo cognito brachium denudetur, & medio inter cubitum & humerum loco parte brachii interioris cutis duabus manibus secundum brachii longitudinem attollatur: sic elevata apprehendatur tenacula quatuor digitis lata, quæ habeat foramen tenue instar lineæ tam longum, ac debet esse tradux amputanda. Illa tenacula fortiter comprimatur & claudatur, quo sensus carnis illa compressione minuat, & sic dolor non sentiatur.

Per illam lineam tenaculæ adigatur scalpellum, seu lancetta, quæ transigat carnem ad longitudinem lineæ, seu foraminis illius linearis tenaculæ. Tum enim tradux à brachio erit divisus tantum sursum & deorsum suis extremis adhuc adhærens. Tum antequàm tenacula laxetur, per illud idem foramen lineare tenaculæ transmittatur oblonga pars lintei, seu fascia tam lata, quàm est linea sectionis; & sit illa, primum albumine ovi, & oleo rosato imbuta. Tunc tenacula laxetur, & tradux explanetur. Porro imponitur linteum inter traducem, & carnem, ut non iterum accrescat, imbuitur albumine, & oleo rosato, ut sanguinem sistat, & sedet inflammationem: desuper ponantur cataplasmata anodyna, repellentia, & sanguinis fluxum sedantia: ab immodico tamen eorum usu est cavendum, nè frigiditate suâ faciant traducem emori. Secundo die, ablato metu accidentium, illa fascia quæ inter Brachium & traducem transit, inungatur terebinthina, & oleo olivæ ad suppurandum, sed nunquam fascia eximatur, quia non posset nisi magno dolore reponi. Cum alia imponi debet, ea priori assui debet, & sic pertrahi. His digestivis tam diu utendum, donec plaga sit benè suppurata, & purgata. Æger primis quatuor diebus in lecto quiescat, brachium medio sitû contineat, non exerceat, utatur tenui & refrigerante victû, si nulla occurrunt prava symptomata, potest tum æger liberaliore victû uti, & brachio ad collum appenso etiam exire, & ambulare. Quatuordecim diebus debet sic tradux educari, nutrirî, & foveri antequàm ab unâ parte abscindatur, ut interim incarnetur, densetur, & robustus fiat: nam si statim primis diebus abscinderetur, conglobaretur, marcesceret, & inutilis fieret. Post diem circiter decimum quartum tradux in uno extremo est abscindendus. Debet autem abscindi parte superiore, quæ humerum spectat, manens inferiâ parte sui adhuc brachio affixus. Ideo autem debet abscindi parte superiore, ut cum affigitur naso; habeat cutem suam extrorsum: si inferius abscinderetur, cum applicaretur naso, deberet inverti, & sic cutis naturalis ejus veniret extrorsum, quòd naso pareret deformitatem. Factâ abscissione iterum stiptica, & repellentia sunt adhibenda, & postridie iterum

digestiva, sicut suprà; ea autem sunt continuanda, novem aut decem diebus circiter. His elapsis, non est amplius suppurationi studendum, sed siccantia adhibenda ut tradux callescat, & consolidetur. Eo facto, de traduce naso agglutinando est cogitandum. Usque ad tempus agglutinationis æger nullas molestias habet, potest incedere, exire, & munia sua obire. Sed cum agglutinatio instituitur, tum dolores præ foribus sunt. Imprimis tum universa barba est abradenda, nè ea impedimentum adferat, tum nasi antiqua cicatrix æqualiter est præsciudenda, & simul quoque cicatrix illius traducis extremitatis, quæ naso debet agglutinari: illæ enim cicatrices impedirent unionem, & agglutinationem. Nasus debet oblique deorsum præscindi, ut vulnus habeat trianguli figuram. Illi figuræ debet charta accommodari ejusdem figuræ. Illa charta tum debet traduci adhiberi, ut tradux ad figuram illius chartæ conformetur, & quicquid traducis extat debet abscindi, ut sic figura traducis figuræ nasi sit conformata. Cum tradux sic est figuratus, debet tum naso conjungi, & tum utrumque simul junctim consui, sed debet brachium manere in suo loco, seu ad pectus, & ibi debet acus cum filis primò per traducem transmissa sursum ad nasum duci, & ibidem per nasum ab infra, sursum foraminibus oppositis, transmitti; & ideò debent acus habere fila oblonga, ut brachio supra pectus pendente usque ad nasum pervenire possit, quando utrobique acus cum filis sic transmissæ sunt, tum primum debet brachium elevari, & tradux naso applicari, & cum applicatus est, tum debent fila utrinque pertrahi & constringi, ut arcuè naso tradux alligetur, debent acus sic per brachium, & nasum, à se distantia transmitti; quia si primò tradux naso admoveretur, cum una acus, cum primo puncto transmissa esset, non possent reliquæ acus commodè per utramque partem, jam conjunctam, transmitti pro reliquis punctis. Acus illæ debent ducere filum duplicatum, ex lino, ignem non experto, suturæ fieri debent non unâ acû, nec uno filo, sed pluribus, nempe tot, quot erant suturæ, sicut una quæque sutura sit cum diversa acu, & filo. Sutura debent esse quinque vel septem; una in medio, & duæ, vel tres à singulis lateribus; quæ in medio est, prius facienda est; postea autem à lateribus, hic enim fiet æqualiter applicatio.

His factis, brachium ita est fortiter capiti alligandum, ut nulla ratione, nullove modo possit, ab eo, vel minimum separari aut divelli, nam si vel minimum divelli posset, agglutinatio quæ sit labiorum vulnere conjunctione, impediretur. Brachii alligati situs sic esse debet, ut corpus supremum frontis tangat, vola capitis vertici superponatur, & medius digitus ad angulum suturæ lamdoeidis deveniat. Ut illa alligatio benè fiat, debet pariri unus thorax cum cuculla ex linteo grosso, & forti, quod extendi & laxari non potest, & eo debet æger indui, ut fasciæ ei hinc inde optimè annecti possint. Fascia, quæ brachium annectitur, est in mediolata, & cava, ut brachii cubitus in illa cavitate recipiatur, & quiescat: debetque esse sic consuta, & ex tali linteo facta, ut non possit extendi. Illa fascia habet diversas fascias seu extre-

extrema in oppositas partes tendentia, tanquam ramos, aut propagines, quæ ad caput, collum, & alias diversas partes adduci, alligari, & annecti possint, ut brachium quam exactissime firmetur. Cum jam per futuram applicatus est tradux, debent ei medicamenta repellentia, & sanguinem silentia apponi pro primo: postea vero, super lineam conjunctionis, debent semper siccantia, glutinantia, & cicatrifiantia supponi, donec sit agglutinatio facta. Alii balsamis utuntur, alii emplastris siccantibus, ut emplastro barbaro diaconphoticis &c.

Parte interna debent suppurantia adhiberi. Quarto plerumque die signa agglutinationis factæ apparent. Cum illa apparent, futuras laxare oportet: præstat autem aliquas tantum laxare non omnes simul, ad videndum atque experiendum, an tradux adhæreat. Si benè adhæreat, oportet alias futuras etiam statim laxari, si enim futuræ diu manerent, fierent in foraminibus futurarum ulcera & remanerent postea turpes cicatrices. Prima itaque agglutinatio, nempe externæ partis nasi, quæ futura sunt factæ, septimâ die perfectè facta est: verum agglutinatio partis internæ nec dum adhuc tunc est facta; sed diu postea fit. Impediendum autem nè interna parte ita tradux statim agglutinetur, quia alioqui foramina nasi tum amplius excavari non possent. Itaque non prius linenda est illa pars agglutinari, quam quando foramina illa bene sint perfecta. Post septimum ergo diem, cum jam futuræ sunt laxatæ, debent adhuc epulotica loco futurarum adhiberi, usque ad alios septem dies, priusquam tradux amputetur, ut interim fiat nimissima agglutinatio & dura mater, & tradux naso alluescat, & ab eo jam didicerit benè nutrirî. Decimo quarto itaque die à prima futura debet tradux extremo illo, quod huic brachio adhærebât, abscindi: non debet autem totum simul abscindi, sed tantum pro media parte ad experiendum, an si totus abscinderetur, fortè non emoreretur, & an à naso jam sufficienter nutriretur.

Si enim pro medio abscissus non mutet colorem suum, nec fiat lividus aut pallidus, indicium est, quod à naso jam perfectè nutriatur. Tum in totum est abscindendus. Quando tradux est abscissus, magna ejus hibenda cura est, nè frigescat aut emoriatur, quia à naso adhuc debiliter nutritur, & ab eo exiguum spiritum, & calorem adhuc recipit. Tum videndum, quantum de mole traducis jam agglutinati, ad nasi restorationem opus sit: quod ejus supervacaneum esset debet postmodum amputari, & in rotundum ad formam nasi, cum cultro conformari: Potest autem hoc sine dolore fieri, quia tradux tum exiguum sensum habet: tum super traducis parte recenter amputatâ, septem iterum diebus suppurantibus, & siccantibus utendum ab infra: & parte interna traducis duæ turundæ medicamento idoneo imbutæ infigendæ sunt, nè tradux subtus naso accrescens foramina obstruat. Illis turundis foramina confortabuntur. Interim quia ea parte, ubi tradux rescissus est, sæpè nova caro ultra proportionem accrescit, ea sæpè rescindi debet, nè forma nasi vitietur. Quando foramina confor-

mata sunt, pro ultimo internæ, ac internæ partibus traducis agglutinatio procuranda est.

Omnibus iis factis tubuli duo plumbei, pro turundis, sunt imponendi, & instrumento cavo, seu tectorio ad similitudinem. Nasi facti tradux, seu novellus nasus est includendus, ut in eo & similitudinem & figuram suam exactius acquirat. Tubuli singulis ferè diebus sunt removendi, & pro plumbeis postea argentei sunt imponendi. Tectorium primò ex plumbo, deinde ex argento fieri debet. Plumbum enim magis callum inducit; argentum verò dat soliditatem & applanationem. Illud tectorium hieme tenui panno lineo vel bissino est investiendum, nè frigus metalli calorem recentis nasi adhuc debilem extinguat, æstate verò nihil debet interius poni, melius enim applanatur, & solidatur à tectorio nasus, si nihil intermedium sit, & nudum metallum nasum tangat quam aliter.

Nasus debet quam diutissime tectorio inclusus gestari: quo enim diutius ei includitur, formam suam servat magis permanentem, & induratur: adeò ut ad duos annos sic in tectorio gestari malum non sit. Naso sic efflato in loco cicatricis aliquando talia medicamenta adhibenda, quæ cicatrices dolent, ut minus nasus habeat deformitatis. *Thom. Fienus de præcip. artis Chirurgicæ controvers. tract. 12.*

De carne lateris ablata & restituta.

Ab itinere Brasiliensi ad nox redux Chirurgus haud vulgaris experientiæ, & jussu regio à nobis examinatus, sanctâ fide asseveravit, ictu tormenti ablatam esse naclero in navi quâ vehabatur, magnam carnis portionem in sinistro hypochondrio, ut hiatu manifesto viscera interiora illæsa apparerent, se verò carne vervecinâ, quæ fortè ad manus erat; læsum locum replevisse, & hanc Chirurgiâ curtorum hominem restituisse. *Thomas Bartholinus hist. 59. cens. 6.*

C A R O L I.

Sunt pustulæ venereæ in membro virili excitatæ de quibus capite de Lue Venerea.

C A R U N C U L A.

In Meatu urinario.

Hic de Carunculis illis præternaturalibus agimus quæ à succo ex ulcere, vel colli vesicæ, vel meatus ipsius urinarii, subinde succrescunt, urinæque evacuationi non parum incommodant. Ulcera autem illa unde enascuntur ejusmodi carunculæ, sunt ut plurimum venerea, à Gonorrhæa scilicet orta. Ex eo dignoscitur hoc malum quòd urina non ut in sanis pleno, ut aiunt, alveo prorumpat, sed minutius & ad instar fili in duas partes divisi, exeat; præterea dolor in mictionis fine crudelius, quam dum urina profluit, discruciat. Explorari etiam potest Cathetere immisso.

Pro Carunculis in collo vesicae.

℥. Viridis æris, auripigmenti, vitrioli, alumin. roch. an. ℥ ij. omnia hæc aceto acerrimo perfusa inter duos porphyrites lapides, quàm accuratissimè ducantur, in lavoremque tenuissimum reddantur, & soli æstivali exponantur. Hæc rursus sic exsiccata aceto affuso ducenda sunt, & laviganda, solique exponenda, quousque pulvis subtilissimus evadat, ut ab iis omnis prorsus acrimonia extincta sit, quod opus 8. dierum spatio conficies, hoc parato pulvere.

℥. Ol. rosac. ℥ iv. litharg. ℥ ij. ad ignem f. coctura quousque emplastri acquirat consistentiam, tunc ab igne deposito, adde prædicti pulveris ℥ ij. & spatula M. & ad ignem omnia tractato, quousque medicamentum duriusculum evadat, ita ut si candelæ cereæ, vel plumbeæ virgulæ hæreat, non diffuat etiam si digitis tractetur. Hoc enim emplastrum hujus Lernæi & Herculei morbi clava existit, quod hymnis multis & laudibus variis decantari meretur. Nec solum huic morbo prodest, sed varios alios arcet, & explodit, nam polipos unice curat, & extuberantes carnes in aurium meatibus & aliis locis repertas unice extirpat, & refecat.

Præter hoc emplastrum cereæ candelæ numero xx. in promptu erant, quæ ex alba cera paucula resina terebinthina adjecta parabantur longitudinis 12. digitorum transversorum, crassitudinis verò prout nobis meatus urinaris ferre videbatur. Nec minus ex plumbo 3. vel 4. plumbeas virgulas paratas habuimus, quibus quando carunculæ refractariæ & difficiles sunt, candelarum vice utimur: iis sic in ordinem dispositis candelam ceream unam vel alteram per circuitum excavatam eo modo quo fusi in cuspide, nè fila decidant, excavari solent, ex prædicto emplastro inunctam per urinarium meatum ægrotante optimè sedente immittimus, ac per 6. vel 8. dies singulis diebus unam, vel alteram, ut decet innovatam candelam æger continuo in urinario meatu insertam habet, neque absque eâ, nisi meiendi tempore, agat, necesse est; septimo die in ægrotano nostro carunculas defecisse manifestissime deprehendimus ex his signis, primo quod candela jam faciliè penetrabat, secundo ex multitudine caruncularum putridarum extra emissarum, & humoris purulenti effluentis.

Tertio ex urinæ expeditâ ejaculatione, extirpatis igitur ac ex toto eradicatis carunculis per 8. sequentes dies nihil per siphonem injecimus, sola candela crassiuscula sicca absque alicujus rei inunctione immisâ contenti. Nam etsi caruncula extirpata sint, non tamen ex toto portiuncula, quæ emplastrum subterfugiunt, brevi illo tempore deponi potuerunt, sed ut magis exactè excernantur longiori indigent tempore, quas ad fundum vesicæ non sine ulcerum vellicatione & ægrotantis detrimento, si per Siphonem quid injecerimus, retrocedere faciemus, reliquis igitur 7. diebus urinarium meatum per candelam ceream crassiusculam patefactum servavimus, per quem urina abstergendi exsiccandique vim habens liberè

& expeditè exeat secum caruncularum reliquias nonnullas excernens. Quod unum hæc in curatione tanquam præcipuum adnotandum decrevi, elapso igitur hoc tempore quo & caruncularum & crassioris puris effluxus cessavit, ad nonnullorum liquidorum abstergendi vires habentium injectionem per Siphonem devenimus in hunc modum.

℥. Hordei integr. pii, rad. aristol. rot. ℥iβ. fol. plantag. p. ij. f. e. a. decoctio in aq. ℥b ij. ad medias. Colaturæ adde mell. rosac. colati ℥ ij. m. & cum syphone per fistulam urinariam injice bis vel ter in die, & virgulam plumbeam, aut candelam ceream remittat. Hoc decocto absteritorio nos utimur continuo & in nostro hoc ægrotante intra 6. dies opus peregit, quod si fortiori opus fuerit, ad aquam Lanfranci viridem pro ulceribus exactè abstergendis pervenimus, quæ ita habet.

℥. Alumin. roch. virid. æris an. ℥ β. auripigmenti 3 j. f. decoctio in aq. fontis vel plantag. ℥b ij. quousque ℥bβ. absumatur; per sacculum laneum coletur. Hanc aquam camphorâ alteratam per Siphonem in meatum injicimus, deinde post plures elapsos dies hoc cicatrizans medicamentum injicimus.

℥. Ceruss. 3 j. alum. roch. lithargyr. an. 3ij. f. decoctio in aq. caudæ equinæ ℥b ij. ad medias, colatura per manicam laneam trajecta injiciatur. Iis medicamentis hic vir intra mensem ex toto sanus evasit. Si ut aliquando dolor superveniat, urinaris meatus colluatur lacte aut aqua rosacea camphorâ admixtâ, aut decocto sem. lini & fœnugræci, quod si acerrimus dolor sit, ut eum æger pati nequeat, ad opii unum aut alterum granum devenimus dissolutum in aqua ros. *Amatus Lusitanus cent. 4^a curat. 19.*

Pro carunculis in meatu urinario.

Post celebratas universales evacuationes, partes urinæ famulantes fomento, balneis, ac unguentis relaxantibus fotæ sunt deinde ad opus Chirurgicum accessimus, hoc modo. Candelas cereas albas, quibus parum terebinthinæ immixtum erat, paratas habebat Chirurgus longitudinis 12. digitorum transversorum, crassitudinis verò prout meatus urinaris ferre posse videbatur, eas Chirurgus sequenti unguento oblinebat & bis in die impositum, unguentum illud erat ex lib. 1. pag. 20. *De secretis Alexii Pedemontani* ad ulcus sanandum carnosum etiam si fuerit inveteratum, cujus hæc erat descriptio.

℥. Fæces ex melle destillato, vel his deficientibus sumito mellis ad justam crassitudinem cocti. Deinde ponito in ollam ad cremandum vel in figuli vel in vitrarii fornace, donec auri colorem assumat, hæc materia valet ad omnes plagas, nam carnem putridam atque mortuam consumit, postea mundificat, & absque ullo dolore per sanat.

℥. Hujus pulveris 3 j. stercoris canin. 3 ij. tartar. alb. 3β. sacch. albiss. aluminis usti, tutthiæ an. 3 j. terantur omnia atque cribrentur. Deinde.

℥. Fol. olivæ rec. contund. in mortario lapideo optime, adjiciendo parum vini albi postea

postea benè expresso succo addatur tantundem succi plantag. ponanturque ad ignem infundendo paulatim prædictos pulveres & continuo miscendo, postremo parum ceræ viridis adjungatur & parum mellis rosac. f. unguentum molle atque in usum servetur. Est autem valde pretiosum ad carnem consumendam consistentem præsertim in locis valde sensibilibus, quæ fortia medicamenta respuunt propter dolorem. Modus verò utendi est hujusmodi; syringa parva vino albo impleatur, in quorosa sicca & fol. plantag. cocta, deinde parum lactis muliebris vel caprini adjectum fuerit, ponatur in virgam, quæ vino optimè lavetur, deinde candelam parvam ceream sumito, & in ejus mucrone prædicti unguenti parum affigito, atque sic in virgam immittito quousque ulcus pertingat, & unguentum ibi relinquat hoc bis in die faciendum manè scilicet & vespere, & sic admirabilem effectum videre licebit: nam paucis absque ullo periculo ager sanabitur. Hoc tamen non juvante usi sumus experimento *Amati Lusitani* descripto cent. 4. curat. 19. quo feliciter curatus fuit æger noster. *Petrus Forestus* Observ. 10. lib. 25. *De Vesica morbis.*

Pro Carunculis urinam supprimentibus.

Caruncula, quia pepasmi expers est, si impedimentum fecerit, consumi debet, abstergi ulcus & claudi, nè moriatur æger, (inquit *Hallerius*) cogimur carunculam illam absumere, & rumpere; remedio carunculis est oleum cucumeris asinini remixtum cum unguento rosato, cui pauca grana sublimati, vel præcipitati adduntur; candela cerea immittetur doctâ manu, vel hæc adduntur unguento de Tutia: quidam 30. ferè annis ita laboraverat, urinâ semper tenui filo fluente, his recreatus fuit *Joan. Heurnius* ad aphor. *Hippoc.* 82. sect. 4.

Pro caruncula in meatu urinario inter alia unum familiare habeo secretum, arsenicum nimirum, quo utor hoc modo. Emollio optime ipsum super lapide pictorio cum succo limonium, postea soli, donec ficcatur, expono; deinde ipsum diluo aceto stillatitio, & iterum sub sole sicco, & hoc quater facio. Ultimâ vice abluo aq. rosac. deinde cum aliquo cerato misceo, ut cum diapalma vel diachylone, vel cum ol. ros. & cera, & facio emplastrum pro ratione duritiei carunculæ, & minimam portiunculam hujus medicamenti pono in extremitate candelæ & quotidie semel aut bis in meatum urinarium foelicissimè intromitto. *Gabriel Fallopius* lib. de Tumoribus cap. 38.

Carunculam meatûs urinarii certissimo experimento in pluribus sustulit *Antonius Fuchsius* Medicus *Noribergensis*, scil. oleum succini cum vitello ovi mixtum applicabat candelâ cereâ, & meatui immittebat securum sanè remedium, & reliquis omnibus præferendum, si respondeat eventus. *Hieronymus Reusnerus.* Obs. 91.

C A R C I N V S

Vid.

C A N C E R.

C A R U S.

Item

Coma Somnolentam & Vigil, Somnolentia perpetua ac Lethargus.

Somnus naturalis qui pars est humanæ melior vitæ, laborumque portus merito censetur, si in morbosum quid abeat pro graduum varietate variis insignitur nominibus, exinde enim & *Carus*, & *Coma Somnolentum* ac *Vigil*, & *Somnolentia perpetua* & etiam *Lethargus* oriuntur. Unam enim propè ac eandem causam agnoscunt morbi variis hisce nominibus distincti & gradu tantum distant, propterea uno eodemque capite à nobis describentur.

Est autem *Carus* somnus sine febre & maxime profundus, in quo æger etiam durius compunctus aliquantillum reuera membrum sæpe contrahit, at interim neque clamoribus, neque pilorum vellicationibus, aliisque mediis excitari potest. *Coma Somnolentum* seu *Cataphora* est somnus profundus quidem, sed à quo æger excitatur & respondet, verum mox in somnum relabitur, idque sine febre. *Coma Vigil* est gravis ad somnum propensio cum impotentia tamen ad eundem, in quo scilicet ut eleganter *Tertullianus* quam sitit æger quietem desperat ebibere. *Somnolentia perpetua* est continua ad somnum propensio etiam inter colloquia ac comestationes. *Lethargus* tandem est affectus in quo æger somno quidem quasi sepelitur, sed ad interrogata respondet cum delirio, & febrem habet adjunctam.

Pars affecta in hisce omnibus affectibus est cerebrum, quod scilicet humoribus pituitosis, ve etiam particulis narcoticis variè obfessum, varios somnolentorum morborum gradus profert. Cerebrum autem hic in genere tanquam spirituum animalium genuinum fontem pro parte affecta producimus, nec ad corpora striata, medullam oblongatam, aliasque in specie hujusce visceris partes nos restringimus, quia quicquid demum super hac materia tradant *Willisius* & alii, de earundem tamen functionibus particularibus & læsionibus adhuc dum non satis constat. Focus autem morbi sæpius non est in cerebro, sed ut plurimum in imo ventre scilicet humoribus corruptis variis ipsius visceribus innidulantibus sanguinemque, aut succum nerveum eo contagio inficientibus quod ad cerebrum delatum morbos descriptos pariat.

Quomodo *Somnolentia perpetua* ab aliis omnibus Affectibus Soporosis differat satis clarum est: In eo autem *Lethargus* ab iis distinguitur, quod febrem habeat comitem quæ nec in *Caro*, nec in *Comate Somnolento* aut *Vigili* nec in *Somnolentia perpetua* si simplex fuerit affectus, affigit. In specie vero à *Caro* diversus est, quod quamvis in illo magna adsit ad somnum propensio, æger tamen clamoribus excitari potest, & ad interrogata cum delirio respondere, cum in *Caro* somnus sit tam profundus ut nulla vi æger excitari queat. *Coma Vigil*

Na.

differt à Caro ut & à Comate Somnolento & Lethargo, quòd eò tacti quamvis per propriam morbi propensionem somno capescendo quàm maximè parati videantur, inquieti tamen continuò vigilent. *Carus* tandem & *Coma Somnolentum* inter se tantum secundum magis & minus discriminantur; Quidam etiam qui *Comatis* nomine omnem morbosum somnum designant, illud in profundum seu grave per quod ægrotans in nigras Lethargi mergitur undas & propriè *Carus* est; in insomne de quo supra; in somnificum quod in utriusque prædictorum confinio positum est; & denique morbum quem hic *Comatis* nomine in specie insignimus, dispartitunt.

Causa horumce omnium affectuum est, vel humor pituitosus spirituum animalium motus quales pro vigilia requiruntur, præpediens, vel particulæ venenosæ ac narcoticæ quæ etiam secundum Sylvium de le Boë in bile ad opii naturam & genium per peculiarem quandam fermentationem ac corruptionem exaltata reperiri possunt & nunc parcius, nunc abundantius, nunc magis, nunc minus sese explicant & diffundunt, sicque spirituum actioni magis aut minus officientes, varios morborum sopororum gradus constituunt. Humoribus autem, aut particulis prædictis, adjungi possunt aliæ acriores, aut cerebri membranarum peculiaris dispositio, quibus arceatur somnus per irretitos ex parte spiritus aliàs necessario inducendus; sic videmus quotidie temperamenta quædam cerebrique specificas constitutiones quæ opii omnem vim eludunt, scilicet respectu somni, & ab eo epoto vel aliàs deglutito potius cum inquietudine vigilant quàm dormiunt, dum interim eorum caput vaporibus, ut loquuntur, repletum non parum gravatur. Febrim Lethargi comitem quod attinet, ejus causam minimè necesse est huc adducamus, cum eadem sit quæ aliàs plures febres facit, scilicet fermentatio inter varios humores seu potius inter varios sales humoribus & succis corporis nostri degeneribus supra modum exaltatos, innidulantes, orta, de qua suo loco, nempe tractatu de Febris.

Diagnosis ex descriptione & differentiis horumce affectuum mox allatis, satis patet.

Prognosis verò varia est pro varietate affectuum, ac primò *Carus* prognosis omnino est ominosæ, præcipuè si febrim malignam, aliamque non judicatam adjunctam habeat, aut si puerperium consequatur, ut & si morbis aliis cephalicis, aut capitis vulneribus succedat. Non raro etiam in Apoplexiam eamque citò lethalem abit, & etiam si cerebrum aliquando videatur ex parte excussisse materiam morbificam, unde loquela restituitur, non sic tamen minus timendum, ne spasmi superveniant, aliaque quæ ægrum subito tollant. *Coma Somnolentum* dubii omnino est eventus & medicum prudentem inter spem ac metum continet. • *Coma Vigil* melancholicis proprium irritationemque magnam in cerebro aut ejus membranis denotans, in Maniam sæpe abit, nec periculo vacat. *Somnolentia perpetua* ad affectus alios omnes somnolentos, ipsamque etiam Apoplexiam viam sternit. *Lethargus* tandem per febrim ut plurimum malignam sibi adjunctam potius quàm per se

periculosus est, & præterea propter metum inflammationis in cerebri meningibus, à particulis salino acrioribus ipsis quasi impacis, & à febris foco continuò ascendentibus, unde Phrenitis excitari potest. In senibus tamen iisque quorum vires prorsus collapsæ sunt, periculosior est, ut & cum à veneno, vel intus assumpto, vel extus per ictum à venenato animali inflictum serpente diutiusque retento, procreatur. Ex Hippocr. autem sect. 7. Aph. 21. tremor Lethargo superveniens malum, ut & ex ejusdem sect. 2. Aph. 1. somnus laborem multum faciens malum. Si affectus hic ex crapula, ictu, plaga, aut narcoticis assumtis, iisque non admodum infestis oriatur, spes omnis non excluditur; ut & si minus fortis atq; medicamentorum ope statim aliquid causæ morbificæ dimoveri videatur.

Indicationes hic eadem propè sunt quas in Apoplexia & Paralyfi adduximus, observata tantum graduum varietate. *Lethargum* quod spectat, quandoquidem ut plurimum alterius morbi soboles est, vel à causa aliqua evidenti enascitur, indicationes ab iisdem petantur, nam longum foret ac minus necessarium eas hic omnes pro varietate causarum enumerare. In *Comate vigili* retundenda venit acrimonia illa vitriolica cerebro ac præcipuè ejusdem membranis impacta, unde & spiritus efferari & in motus maniacos deduci possunt: hæc autem ad classem morborum melancholicorum referenda veniunt.

De *Curatione* nihil hic addimus iis quæ tum in aliis afferuntur capitibus, sed præcipuè de Apoplexia, ut & etiam quæ mox à variis Autoribus adducenda veniunt.

Curationes, Consultationes, Observationes & Anatomica Inspectiones ex variis.

Curationes.

In sopore, caro, veterno, comate, vigiliis, cataphora, siphila stricta, id est noctambulomb. it. incubo, in tremore, stupore, cæterisque vitiis cerebri, præter illa, quæ hætenus enumerata sunt, potissimum prodest, liquor lunæ, supra in desipientia descriptus, cujus excellentia in ejusmodi casibus commendari nequit.

NB. Sternutatoria, in ejusmodi casibus esse necessaria, itaque in curationibus istorum morborum sternutationes sunt sæpius provocandæ.

Prodest litus ex oleo castorei cum succo rutæ, fœniculi; it. ℞. Succu apii, acet. fortis q. s. & cum pulvere castorei f. emplastrum, & capiti abrafo superpone *Joan. Hartm. in praxi chymiatr.*

De Comate vigili.

Licet coma *ὑπνῶσις* seu vigil ad soporosos affectus referri soleat quia tamen longè diversam à cæteris conditionem obtinet, ideò seorsim in hoc capite explicandum est.

Est autem coma vigil affectus, in quo ægri clausis oculis decumbunt, ut dormire videantur, cum tamen vigilent, & delirent: ac si eos tegeris, statim oculos aperiunt & torvè aspiciunt, & iterum delabuntur in somnum, qui variis imaginibus, & deliramentis impeditur, ita ut vigilare cogantur. Hunc affectum Gal. medium constituit inter phrenitidem & lethargum & typhomaniam appellat.

Causa

Causa hujus affectus vulgarissima est bilis cum pituita permixta, à quibus humoribus cerebrum tantum irrigatur, vel tumorem atque inflammationem cocipit, unde erysipelas œdematosum, vel oedema erysipelatosum exoritur. Cum autem ea humorum miscella variis modis & proportionibus fieri valeat, sic varii in diversis ægotantibus isti affectus apparent. Si enim bilis in mixtione prævaleat, delirium majus est, & ægri licet clausos habeant oculos, minus dormiunt; si verò pituita prædominetur, ægri magis dormiunt, minus delirant, & expergefacti minus vociferantur, ac desipiunt.

Fit enim coma vigil per sympathiam à vaporibus biliosis, pituitosis simul mixtis in cerebrum translatis: quod non raro solet contingere in febribus ex humorum miscella oriundis, præcipue hemitritæ ex tertiana, & quotidiana compositis. Non est tamen inconueniens asserere, vapores simpliciter calidos & humidos in febribus satis intensis hunc affectum producere, quia ab humiditate fit somnus, à calore autem vigilia.

Diagnosin hujus affectus ex iis quæ antea dicta sunt satis elucescit in eo enim laborantes clausis oculis permanent, & somnum capere videntur; attamen dormire nec queunt, & se variis modis excitant, sese subito erigunt, è lecto surgere nituntur, & iterum in somnum relabuntur. Causarum varietas ex prædictis etiam facile dignoscitur.

Periculosus affectus maximè censendus est. Sive enim tumore, & inflammatione cerebrum afficiatur, grave malum esse consuevit, seu alio quovis modo à prædictis humoribus obsideatur, sive à vaporibus ex febrium malignarum materia oriundis afficiatur.

Deliria vehementiora in comate vigili convulsionem efficiunt: sunt enim ab humore, vel vapore acerrimo, qui partes nervosas feriendo convulsionem facile concitare potest.

Curatio comatis vigilis idiopathici iisdem instrumentis perficitur, quibus phrenitis & lethargus curari consuevit: quod si magis ad phrenitidem deflectat, illius remedia magis adhibentur; si verò magis ad lethargum inclinet, ejusdem remedia magis usurpantur. Sympathici verò comatis curatio à febris malignæ curatione dependet, à qua sumit originem. Peculiariter tamen remedia vapores illos à cerebro revellentia, & repellentia usurpanda sunt in principio, ut phlebotomia ex brachio & malleolo, & Oxyrrhodina fronti & syncipiti admota, quibus accedent clysteres frequenter injecti, cucurbitulæ tum siccæ, tum humidæ scapulis, dorso, natibus, & cruribus affixæ; vesicatoria cervici, brachiis, & femoribus admota & si quid cerebro infixum videatur, derivatio per apertionem venæ frontis, aut hirudines ponere aures, & temporibus affixas, molienda erit, simulque resolutio procuranda animalibus tenellis calentibus capiti admotis. *Lazarus Riverius prax. medic. lib. I.*

In Caro, Comate &c. nimium Phlegma cerebrum inundans, est evacuandum nunc per alium nunc per sudorem, nunc per sternutatoria. Hinc spiritus torpidi primò acidis excitandi, & volatilibus spirituosus denuo restaurandi. Interea acris, aut sensuum organa vel-

licantibus nimius somnus impediendus

Inter evacuentia primatum obtinet vomitus, qui si commode potest institui, admodum est proficuum: hæc inter uti notum est, eminent emetica antimonialia vina emetica. Item tinctura Nicotianæ cum spiritu vini extracta ad ℥ij. propinata. Purgati institui debet cito, neglecta temporum electione, neque enim timidus aut cunctabundus in purgandis Lethargicis debet esse medicus, & quidem forti medicamento fiat; alias enim frustra laboratur. Inter purgantia imprimis est purgans ex scammonio cum castoreo, id quod jam à Tralliani ætate fuit celebratum. v. g.

℥. Castorei ℥j. scammonii præparati ℥j. M. Divid. in 2. partes æquales. Datur in vehiculo oxymelitis scillitici, jam hoc ipsum à Tralliani ætate, ut dixi, est celebratum, & curavit eadem virum 55. annorum Borellus uti videre est in cent. 2. obs. 52. Alias extractum phlegmagogum Quercetani à ℥j. ad 3℥. propinatur. Item extractum Trochiscorum alhandal à gr. 6. ad xij. usurpatur. Item extractum Esulæ aliis loco stimuli additum laudatur. Ex officinalibus sunt Pilulæ cochiae ad 3j. propinatæ, quæ ceu expertus in Lethargo commendat Forestus lib. 10. obs. 33. si cum Castoreo Misceantur v. g.

℥. Extracti phlegmagogi Quercetani, castorei ana. ℥℥. Extracti Trochiscor. alhandal. gr. ij. Resinæ Jalapæ gr. v. c. s. q. ess. Castorei F. v. Pilulæ purg. credo quod pilulis additus mercur. dulcis non futurus sit frustraneus, cum hic in similibus affectibus alias sit egregius.

Loco purgantium per os assumendorum si non possint convenienter adhiberi; conveniunt clysteres acres & fortiter stimulant, quibus imprimis addenda salia volat. V. gr. fiunt tales clysteres ex cent. minor. Majoran. Salvia, origano, absinthio, serpillio, ruta, pyrethro, felle tauri inspissato. Pulpæ colocynthidos in petia ligata cum electuario de Hiera picra cum agarico, cum electuario Indo & similibus v. g.

℥. Herba absinthii, cent. minor. folior. rutæ ana. mj. radicis pyreth. 3ij. pulpæ colocynth. in petia ligat. 3i℥. (alias enim exulcerat intestina) coquantur in s. q. aqu. communis. Colaturæ.

℥. 3ix. cui adde Electuarii cum agarico 3j. fell. tauri inspissati 3j. sal. vol. succini 3℥. vitell. ovor. Num. i. M. pro clysmate, quod est satis acre.

Item subinde applicantur suppositoria, eaque etiam acutiora: Nunc scil. suppositoria acuta usitata illita cum felle tauri, aut illita cum ol. colocynth. Quercetani: vel præparantur de novo, ex melle inspissato cum sal. gemm. aut ex felle tauri inspissato cum speciebus Hieræ picr. & similibus, quæ cum melle conjunguntur, in formam suppositoriorum applicanda.

Præmissis hisce dantur appropriata, quibus tamen etiam intermiscantur sternutatoria. Hæc sternutatoria sunt fortiora ex rad. Helleb. albi, rad. liliorum convall. cum granis aliquot Euphorbii. Item ex pulvere Nicotianæ cum Euphorbio & aliquot granis sal. volat. urinæ spirit. vin. vol. Nam hæc salia vol. optimè permiscantur cum talibus sternutatoriis acrioribus cum fortiter penetrent, dum interea alia acris sternutatoria vellicant. Vitriolum ad albedi-

nem calcinatum ad 3j. solutum aq. Majoranæ 3j. qui liquor naribus attrahendus subinde pro sternutatorio satis eleganti. Juxta hujusmodi evacuantia & subinde ven. sect. vel saltem pro scopo averforio aut derivatorio locum habet, in casu nempe quo à colluvie recrementorum mediante sanguine & sero cerebrum inundante malum ortum fuerit. Tali in casu venarum jugularium apertionem suadet Willis loc. cit. Quibus non sufficientibus, altero die cucurbitula scarificata inter scapulas aut hirudines prope aures applicari possunt. Quod si nec sic resuscitari videatur æger, præmissis talibus ad vesicatoria item ad sternutatoria, accedendum venit: ad ista quidem pro scopo averforio, ad hæc pro scopo excitatorio ac simul evacuatorio, sed non nisi istis præmissis v. g.

℥. Pulv. cantharidum ʒj. euphorbii gr. xij. castor. gr. xv. fermenti acerrim. ʒss. M. pro vesicatorio. Nam acria ac dolentia in talibus agris omnino requiruntur. Applicari nunc possunt vertici, nunc syncipiti, pro scopo derivatorio, nunc cruribus pro scopo revulsorio. Sternutatoria per pennam insufflenda sunt naribus.

℥. Pulv. Nicotian. lil. convall. an. 3j. rad. hellebor. albi ʒj. ol. destillat. majoran. gr. iv. castor. gr. xij. ad xv. M. vel sternutatorium Timæi in affectibus soporosis expertum, quod habet in casibus p. 20.

℥. Ellebor. albi, castor. piperis alb. an. ʒj. ol. destillat. rutæ, majoran. salviæ, an. gr. ij. M.

Hisc etiam salia vol. v. g. sal. vol. salis ammoniac. aut sp. salis ammoniaci cum calc. viv. paratus commodè permiscetur, cum fortiter penetrent cæteris addita vellicando; sternutatorium ex turbit. cum pulvere glyzyrrh. vid. in Barbett. praxi cum comment. Deckers p. 76.

Post hæc sunt appropriata quæ aut spiritus excitant, aut eos restitunt.

Hæc inter primatum obtinet Castoreum quod est omnium optimum sive ipsum Castoreum sive Ess. sive extractum quocumque modo usurpatur: Post castoreum est imprimis Ruta, Serpillum, pulegium, & origanum. In specie tamen acida omnia externe & interne ad excitandos & curandos lethargicos mire conveniunt. Hæc inter, præter acetum & Oxymel scilliticum est imprimis spir. vitriol. vol. cujus legitimum signum est quod non guttatim, sed litriatim in alembico appareat, paratus ex vitriolo artificiose calcinato, ita ut Phlegma saltem evaporet, remanente spir. vol. qui postmodum per rectificationem à spiritu fixiore separandus; sic enim fit spir. vitriol. vol. excellens in cura lethargi. Loco hujus spir. vitriol. seu acetum istud singul. re vol. potest commodè usurpari ad guttas aliquot in aqu. appropriata rutæ, liliorum convall. Majoran. &c. aqua quadam apoplectica & simili; spir. vitrioli regeneratus s. ex capit. mort. aëri exposito denuo destillatus, (qui non tam est vitriolaceus quam potius nitrosus) & ipse commendatur ad curam lethargi, vel adhibetur spir. vitrioli cephalicus factus ex eodem capite mortuo ab aëre imprægnato, quod irroratur largiter speciebus cephalicis vegetabilibus, Ceraforum Nigrorum, flor. tiliæ, lil. convall. majoranæ, salviæ. Hoc destillatum more solito, & post rectificationem dat spir. Cephalicum admodum penetrantem & volati-

lem, qui in cura lethargi in aquis appropriatis propinatus, in aqua rutæ in aqua rosæmarini & similibus admodum convenit, & egregie restituit ægros. Pertinet huc etiam acetum Histericum Mynsichti, præ cæteris verò acetum vitriolatum benedictum, remedium quoddam singulare in affectibus catarrhosis, & etiam in affectibus soporosis. Modus præparandi est hic, vitriolum in crucibulo leniter calcinatur ad absumptionem phlegmatis: exhausto omni phlegmate crucibulum contegitur operculo, & hoc contegitur carbonibus vivis, ita ut per quadrantem horæ calcinatum exactè rubescat: h. m. calcinatum pulverisatum per setaceum subtile trajiciatur. Postmodum.

℥. Carbonum faginarum durorum benè pulverisatum ac per setaceum trajectorum, & vitrioli istius præparati an. ʒij. benè mista indantur vasi plano, & satis patulo terreo, quodque igni tamen resistere valeat, imponatur carbonibus in turno venti, benè calcinentur, continuo agitando cum rutabulo ferreo tamdiu donec nulla amplius scintilla in mistura appareat. Hinc.

℥. h. m. vitriolum præparatum; affunde acet. destillat. acerrim. exponantur radiis solaribus per 14. dies, hinc filtretur acetum per chartam, eritque sic paratum vitriolatum benedictum. Dosis à gutt. x. ad xij. in aqua appropriata assumendum. In omnibus catarrhis frigidis, ut vocant, item in affectibus soporosis admodum commendatum, & ab accurato, & celebri medico in secretis habitum remedium. Hæc & similia acida vitriolica vol. exsuscitant, & sedant lethargum. His subjungenda ea, quæ spiritus torpidos volatilifare & agiles reddere valent, qualia sunt Ess. & spiritus vegetabiles Ess. lil. convall. Ess. rutæ, croci, spir. & Elyxir. Citri, Ess. ambre, cum spir. rosarum vel spir. lil. convall. Item semen sinapi & semen Nalturtii, quæ ipsa insigniter laudantur ad curandum lethargum, quin & sal. vol. in lethargo appoplexia & Caro singulariter laudantur. Item herba Thæe modernis usitata, in tali casu admodum convenit. Est Plantula Sinensis, & laponenensis foliis myrtinis; hæc collecta coquantur in aqua istiusque decocti, quod saporem acquirit aromaticum, haustus interius assumptus, mirum est quàm arceat omnem somnum, ita ut quis etiam per triduum sine somno continuo persiste, re posset. Hinc etiam acuit admodum ingenium. Præparandi modum & descriptionem vid. in Borello cent. 3. obs. 39. item in Wormii musæo, uti etiam in Tulpio lib. 4. obs. cap. ult. Item Deodati valetudinario p. 169. Denique est radix Indica quæ vocatur radix Cusei, quam mirifice externo usu esse ad curandum lethargum refert Kircherus in regno naturæ magnetico p. 45. &c. dico externo usu. Nam præter interna etiam externa in lethargo conveniunt. quæ inter sunt i. spir. salis ammoniaci vol. naribus subinde admotus, qui potens est ad lethargum & apoplexiam imò etiam hystericas mulieres excitandas, alias acetum castoreo imprægnatum cum linteis vel spongia naribus admotum est egregium; experimentum Hartmanni est spongia cum succo apii & aceto rutaceo imprægnata venit ad arcendum somnum & adducendas vigilias. Item succus fœniculi aut etiam

etiam succus rutæ mistus cum aceto naribus applicatus aut cum linteis temporibus & fronti alligatus admodum laudatur. Semen sinapi aceto iubaſtum, ſi eodem fricentur plantæ pepum, commendatur ad excitandos lethargicos. Comata febrilia quæcumque optimè curat acetum naribus applicatum, quo validius, eò eſt melius; unde ſpir. vitriol. omnibus præferretur. Carus ex opiatorum & narcoticorum externo abuſu aut vaporibus venenatis mercurialibus aut ſub nuce juglandæ contractus, aut ex ebrietate aut ex inſpiratione halituum ex liquoribus fermentantibus ortus, curatur quando vomitus maturè inſtituitur. Hinc acetum naribus eſt applicandum, & poſtmodum ſpirituosis internis ſpiritus animales denuò volatiliſandi. Ex opio ſ. croco ſi ſit carus acetum eſt optimum. Hos etiam figit opium & opii ſal. vol. oleoſum omnino deſtruit; unde etiam acetum aſſumitur à quibuſdam in præparationem Laudani opii. Ex Ebrietate ſi oriatur carus præmiſſo vomitorio acetum capiti applicandum, & epithema ex ſucco ſemper vivi majoris Acet. & nitr. teſtibus applicandum & ſubinde renovandum potenter enim ebrietatem diſcutit. Imprimis ſpiritus ſalis ammoniaci vol. non erit inconueniens, propterea quoniam hic ſpiritum vini rectiſicatum (unde ebrietas) prompte coagulat in offam craſſam, ratione cujus coagulationis eſt præſervativum ebrietatis, ſicut etiam curat ebrietatem coagulando ſpiritum vini, eumque aut per ſudorem aut per urinam expellendo. *Michaël Ethmüller. Collegii præctici part. 2. cap. 7.*

In caro & comate.

Methodus Therapeutica eaſdem medendi intentiones ſuggerit, ac eadem prorſus remedia indicat, quæ in lethargo, & apoplexia adhiberi ſolent. Quare non opus erit, indicationum claſſes hic ſubjicere aut ingentem medicamentorum ſylvam congerere *Tom. Willis de Morbis cerebri,*

Coma vigil raro morbus ſolitarius, ſed plerumque ſymptoma eſt, aliis que affectibus, uti febrī, phrenitidi, lethargo, & ſimilibus ſuperueniens, quapropter methodum therapeuticam peculiarem non poſtulat, at verò tantum opus eſſe videtur, ut remediis primario indicatis adjungantur alia cephalica, quæ nempe hæc cerebri meteora quaſi nubes & fulgur diſpellant, vel ſi utraque ſimul exterminari nequeant, ipſum medicamentum unius affectus partis foveat, quo iſte ſuperior factus, mox alterum vincat: adeo in ſomnolentia, vigilia aut, perfectum ſomnum aut perfectam vigiliam accereſcere conveniat. enim verò in hoc caſu narcotica ſæpè bono cum ſucceſſu exhibui. *Thom. Willis de pervigilio.*

Circa lethargi therapejam cum nullas faciat inducias, haud diu deliberandum eſt poſt Enema acrius injectum, protenus vena ſecetur; nam vaſa ſanguine depleta ſerum, aut alios humores in cerebro depoſitos aptius reſorbent. Porro in hoc caſu venam jugularem præ brachiali pertundendam conſulo. Quoniam hoc morbo ſanguis intra capitis ſinus plurimum coacervatus, & forſan ſtagnans in circulationem æquabilem facilius reducetur.

Phlebotome peracta, alia cujuſque generis

remedia mox in uſum adhibenda ſunt. Veſicatoria larga cervici, & cruribus applicentur; tempora & facies oleo ſuccini, aut baſſamis cephalicis illinenda, cataplaſmata ex Ruta, Piperitide aut ranunculo, cum ſapone nigro & ſale marino in pulvem contuſis totis pedibus imponantur frictiones aſperiores membrīs adhibeantur, ſaluriæ aut ſpiritus ſalis armoniaci crebro naribus admoveatur. Interim remedia cephalica ſubinde propinentur.

℞. Aq. Florum Pæoniæ, ceraſorum nigrorum, Rutæ, juglandium ſimplicis an ʒij. Caſtorei nodulo incluſi, & in vitro ſuſpenſi ʒij. iacchari ʒiij. miſce f. julapium, dentur Cochlearia iiij. vel v. tertia, vel quarta quaque hora, porro ſingulis hujus doſibus adde ſp. C. C. ſuccini, vel ſalis armoniaci gut. 12. ad 15. vel chartam pulveris ſequentis.

℞. Pul. Rad. Pæoniæ Maris, Cranii Humani, rad. ſerpentariæ virginariæ contrayervæ an. ʒj. Bezoar. Margarit. an. ʒʒ. Corallii præpar. ʒj. f. pulvis divide in 12 partes.

Porro hic conſiderandum eſt, annon Cathariſis per vomitum aut ſeceſſum mox ab initio celebrari debeat. Scio hoc inter authores varie controverti, etiam vario cum ſucceſſu in praxi adhibitum novi: quibus perpenſis, & inter ſe collatis, quid noſtra fert ſententia, breviter proponam.

Si lethargus à crapula aut ebrietate recenti vel ſi ab incongruis, & narcoticis aſſumptis, exorſus fuerit, ſtatim vomitio excitatur; quare ſal vitrioli cum vino & oxymelite ſcillitico, vel in robuſtis, inſuſio croci metall. aut Mercurii vitæ cum aq. ceraſor. nigror. exhibeatur, & poſtea, ni ſponte operetur, penna gutturi intruſa vomitus irritetur.

Si morbi inſultus, febrī aut affectibus aliis cephalicis ſupervenerit, vel ſi ipſe primario aut perſe, ob procatarxin in ſanguine & cerebro prius lactum, exicetur, vomitoria & cathartica ſtatim ab initio, dum materia in fluxu eſt, exhibita, ſæpius plus officere quam prodeſſe ſolent, quatenus nempe humores dum in motu, magis exagitant, cumque adhuc ſubigi & educi nequeant, eos in partem affectam adigunt.

Die ſecundo ſi torpor nondum remittatur, phlebotomia, ſi pullus indicabit, repetatur, vel loco ejus ſanguis per cucurbitulas poſt ſcarificationem in ſcapulis eximatur, dein paulò poſtea Pharmacum emeticum (ſi nihil prohibeat) vel catharticum exhibeatur.

℞. Sulphuris antimonii gr. v. ſcammonii ſulphurati gr. viij. cremoris tartari gr. vj. miſce f. pul. detur in cochleari julapii præſcript.

Vel ℞. Scammonii ſulphur. gr. xij. crem. Tartari gr. xv. Caſtorei gr. iij. f. pulvis; detur eodem modo: Remedia interim alterantia aut derivantia uſque eadem aut ſimilia continentur.

Die tertio & deinceps, quæ morbo ineunte ob metum novæ fluxionis vetantur, ſcilicet erhina, ſternutatoria, apophlegmatiſmi adhiberi debent. Porro tunc interdum expediet, animalis recens maſtati viſcera calida ſincipiti poſt capillitium raſum vel detonuſum applicari, & ſubindè mutari, quandoque etiam loca iſtæ hæc decocto cephalico, & diſcutiente foveri; præ cæteris verò topicis maximum juvamen à

vesicatorio amplo, ulcuscula plurimum manantia in toto ambitu capitis excitante, collatum novi. Duos ego lethargicos, post morbum diu protractum & non solum memoriam, sed & notitiam fere omnem deperditam, ab hoc potissimum remedio sanatos vidi: quippe in utrisque loca excoriata, cum iis cicatrix haud facile obduceretur, ichoris tenuis copiam ingentem, nempe quotidie circiter libræ semis profuderunt. *Idem ibidem.*

In affectibus soporosis, somnolentiâ perpetuâ, comate & caro.

℞. Pilul. aloephang. ʒʒ. Res. Jalapp. agarici an. gr. iij. mag. succin. gr. iij. sal. Succini gr. iij. ol. menthæ gr. ij. misc. f. pilul. n. vij. assumentur vesperi.

℞. Spir. sal. ammon. succinati, fuliginis succinati an. ʒʒ. Tinct. castorei ʒj. sal. succini ʒij. aq. majoran. menth. an. ʒiij. misc.

Per diem interdum assumatur.

℞. Spir. Cran. humani, fulg. succinati an. ʒʒ. aq. lavendul. Rorismarin. Primul. veris an. ʒiij. syr. corallor. ʒʒ. misc.

Dosis cochlear unum bis indie. In India.

℞. Spir. corn. Alcis, Lign. Ebeni an. gt. xxij. Essent. ambr. griseæ gt. xij. aq. Ocymi ʒij. syr. perlarum, corallorum an. ʒʒ. misc.

Dosis cochleari. bis in die. Seu.

℞. Sp. C.C. fuliginis, cinnamom. an. ʒʒ. syr. fol. cinamom. ʒʒ. aq. flor. cardamom. sylv. ʒiij. misc. & cochleatim exhibe. Pro ordinario potui usurpari potest, decoct. ligni sancti, sassafras, cum foliis salviæ, rorismarini, betonica, aliisque herbis cephalicis. Naribus quoque tale attrahi potest.

℞. Aceti succini, Rutacei an. ʒʒ. spir. armoniac. aromatic. ʒj. misc. quando clysteribus opus est, utatur medicus illis, qui in capite de apoplexia præscripti sunt. *Herm. Nicol. Grimm. in compend. medic. chymic.*

In lethargo ℞. sp. vini camphorati. sal. ammon. aromatici an. ʒj. aceti succini, rutacei an. ʒʒ. misc. mistum attrahatur naribus vel interne.

℞. Sp. c. cervi ʒj. Tinct. Castor. Succin. an. ʒʒ. aq. Lavendul. ʒiij. misc. pro una dosi. Aliud.

℞. Sp. sal. ammon. succinati, aromatici an. ʒʒ. corn. alcis ʒj. Tinct. Castor. succin. an. ʒʒ. aq. melissæ, Lavendul. an. ʒij. syr. cinnamom. ʒʒ. misc. Dosis cochleatim usurpanda. Seu in India.

℞. Spir. corn. Rinocerot ʒj. Epileptic. ex ungu. alcis ʒʒ. aq. calaminth ʒiij. syr. cinnamomi ʒʒ. misc. pro 2. dosibus.

Humores vitiosi evacuentur per talia.

℞. Panaceæ antim. gr. vij. cremor. tartari ʒʒ. Pulv. castor. ʒʒ. syr. de Beronic. ʒij. misc.

Vel ℞. Panaceæ antim. gr. vj. extr. castorei gr. iij. magisterii succini gr. iij. conserv. rorismarin. ʒij. ol. fill. rutæ gt. iij. misc. f. bolus

Aliud. ℞. Resin. scammon. gr. xij. Panaceæ antimoni gr. v. Tinct. castor. succini an. gt. viij. conserv. anthos ʒij. misc. f. bolus.

Aliud. ℞. Resin. Turbith. gr. x. sal. cinnamom. gr. vj. asæ foetid. ʒʒ. misc. fiant pilul. n. vij. vesperi assumendæ. Notandum hic, ut post purgationem clysteres præservantes non omitantur.

Aliud. ℞. Conserv. primul. veris, lilior. Con-

vall. an. ʒj. salviæ, anthos, an. ʒʒ. Extr. castorei gr. v. Magisterii succini gr. iij. sal. c. cervi ʒj. misc. pro duabus aut 3. dosibus, quæ adveniente nocte usurpari possunt. *Hermann. Nicol. Grimm. In compend. Medic. chymic.*

Pro curatione Galenici plura adhibent. Primum balanis, & clysteris alvum pluries exonerare conantur, mox in lethargo venam secant ob adjunctam febrem: frictiones & cucurbitulas, etiam cum cutis incisione, cruribus & scapulis applicant protinus quoque catharticum propinant, præsertim ex pennis aliquo liquore solutis: venticantia admovent: Castellos, gallos, aut pipiones per dorsum dissectos, atque adhuc calentes iuturæ coronali imponunt, & fronti oxyrodina, naribusque acerrima inducunt, & cum hac non satis esse viderint, capillos agrotantium cremant, & verticem capitis candenti ferro inunt ut illos alto sopore detentos, excitent, & in vitam, ut credunt, reducant.

Verum curandi Methodus rationabilius à causis petenda. Cum tumoris aut abscessus in meningibus suspicio est, ea probantur, quæ ejusdem resolutionem aut disruptionem, atque per sua emunctoria repurgationem promovere possunt, ut sunt omnia diaphoretica superius memorata; quævis nec his plerumque morbus cedat, nec aliis violentioribus, præsertim cum nequeant medicamenta cerebrum pertinere, & apostema ibidem genitum dissolvere.

Cum superabundantis feri, aut lymphæ, seu mavis dicere pituitosi humoris indicia adunt, purgantia locum habebunt, & quidem validiora, tum quia ob sopitos sensus nec ventriculus, nec reliqua viscera tum facile ad exoneranda corporis recrementa concitantur, tum etiam quia adhuc à remotioribus ductibus humores subducere expediet, ut qui in cerebro restagnant, commodius inde deponi possint, & alios divertere. Quamobrem licebit uti medicamentis ex colocynthide, scammonio, agarico, Jalapa, gummi guttæ, carthamo, & fenna compositis. Salutaris præ cæteris est usus extracti catholici, & pilularum ex tribus Galeni, cochiarum, aggregatarum dilutarum in aliquo convenienti liquore, ut facilius à soporato deglutiantur, quibus addi potest castoreum verum, & sal. volatile succini. Conferent præterea quæ salivam, & sputum movent, quibus Hippocrates *cit. lib. 3. de morbis* universam curationem concedidit. Ad hæc sudorifica præsertim sal volatile cornu cervi, & viperinum bezoarticum, Jovis,

Vel minerale antim. Diaphoreticum, simul cum roborantibus cephalicis diambra diamoscho, diaplire, confectioe alchermes vel tincturis eorundem, optima erunt.

Castoreum etiam, ejusque Magisterium, vel essentia maxime commendatur, sicut pariter spiritus cupri ad aliquot guttas exhibitus in convenienti liquore. Externe verò proderit balsamum rutæ, oleum nicotianæ destillatum, essentia lavendulæ & rorismarini, spiritus salis ammoniaci.

Cum à crapula, & ebrietate sopor ortus est, vel provocetur vomitus, & quidem quam citissime, vel pannis contectus æger, ut temulentiam somno deponat, eousque dimittatur.

Proderit.

proderit etiam vomitus, cum ex ventriculo pravis humoribus repleto caput gravatur, & in soporem delabitur. Concitetur autem ille emeticis ex vitriolo, antimonio, aut mercurio.

Vel oymel scilliticum, aut oxyfaccharum Angelī salā torbendum detur.

Postea vero cum stomachus, tum caput roboretur, & peculiaribus, propriisque remediis foveatur.

Parimodo procedendum in sopore à Narcoticis inducto, promotum nimirum, si commode fieri possit; protinus vomitu ac præterea specialibus antidotis vim veneni retundentibus congruenter administratis. Cumque ut plurimum ab opiatīs immodice, vel intempestive sumptis cerebrum sopiri possit, proinde quam cito ad sua antidota confugiendum. Galenus 8. de Compos. med. s. Castoreum scribit opio obfistere, illudque vocat Avicenna hujus theriacam, & Guainer. de venenis; bezoar dicitur aliis, antidotum opii, vinum Creticum, ut testatur Gaspar Holmann. animadvers. in Mont. ex Galeno lib. 3. de simpl. med. facul. cap. 19. qui vinum calidum, vetus, generosum, polyphorum, præsentissimum opio sumpto remedium esse docet, confirmantque Rondeletius, Grevinus, aliisque. Dioscorides lib. 5. c. p. de sale. Contra huiusmodi opium, & fungo, scilicet cum oxymelite bibi, ait; idemque repetit lib. 6. cap. de Meconio & opio, ubi plura alia ad assumptum opium commemorat, præ cæteris autem merum cum absinthio, aut cinnamomo, origanum cum lixivio, piper cum castoreo; & aceto mulso, acetum ipsum calidum, decoctumatureiæ, & origani cum vino. His addi possunt acida, quæ sulphur narcoticorum obtundunt, præcipitant, aut invertunt. Bacc. lib. 7. de therm. cap. 23. commendat balneum aquæ tepidæ, præsertim cum soporati ingenti pruritu cruciantur ab assumpto opio. At vero stupidi ex pravis halitibus in liberiores aërem ducantur, nares aceto sæpius abluantur, vel spongia aqua gelida & odora imbuta facies madent. Cordi verò apponatur mica panis calida vino generosiori irrorata, vel ejus loco theriaca vino diluta.

Cum sopor febris adnectitur, quæ proculdubio maligna erit, vel pestilens, oppugnandum iis, quæ ejusmodi febribus occurrere præstò sunt, aut vitium in sanguine, succove nervorum inductum auferre possunt, & utriusque naturæ habitudinem restaurare. De qua re alibi. In hanc rem tamen valde proderit sal volatile succini, & cornu cervi, elixir magnanimitatis, spiritus cochleariæ, spiritus sanguinis, & salis ammoniaci dilutus, elixir proprietatis ex descriptione Helmontii, oleum cinnamomi, sal essentielle tartari, & id genus alia. Quod si sanguis, & liquor nervorum vitium contraxerint à Pancreate, mesenterio, liene, aliisque visceribus in ventris, ut in scorbuto, & hypochondriaco affectu; tunc antiscorbutica, & antihypochondriaca præcipue acidum infringentia locum habebunt.

A sanguine extra proprios ductus stagnante vel à pure effuso per meninges, & cerebri corticem, illatus sopor curabitur (præter ea, quæ Chirurghi periti operam expostulant) grumos

sanguinis dissolventibus, & quoad fieri poterit, simul cum pure evacuantibus. Quare non levem opem attuleret in principio pulvis contracasum Mesues, sanguis hircinus in decocto rubiæ tinctorum, sperma ceti cum extracto hyperici, aut balsamo ligni guajaci: Itemque portiones vulnèrariæ dictæ, cum balsamo sulphuris ex oleo anisi, vel juniperi; oleum succini destillatum, cerusa antim. tinctura ejusdem; præter fotus externos futura coronali, & sagittali, temporibus, auribus, naribus, & palato adhibendos ex aqua ardente, & oleis stillatitiis ceræ, castorei, lavendulæ, rorismarini.

Postremo qui à mala capitis constitutione ad soporem, & lethargum proclives observantur, præcaventibus potius quam curantibus muniri poterunt, tum evitando alias causas, tum etiam artificiosa industria caput in meliorem statum reducendo; tum denique cerebrum roborando, ut obfistere valeat causis internis & externis, ne in soporem altum gravemque delabens, vita tandem defungatur.

Quæ specialiter postremo lethargicis, ac soporatis auxiliantur, proindeque antilethargica appellata, referuntur, externe quidem oleum nicotianæ, succini, & balsamum rutæ naribus admotum, & syncipiti, ac temporibus illitum, spiritus salis ammoniaci, si ex phiala oblongo collo olfactandus detur, mirifice excitat, & cerebri recrementa per nares allicit. Hartmannus commendat litum ex oleo castorei cum succo rutæ & fœniculi, itemque emplastrum ex succo apii, aceto cærrimo, & pulvere castorei abrato capiti superponendum. Proponit Paracelsus in sopore, qui febribus malignis & pestilentibus supervenit, fotum quendam, quem mirabilem prædicat, estque ut sequitur. ℞ fol. beton. amarac. & salviæ, fl. sambuci & ros. sylvestr. singulorum m. j. bull. in suff. quant. acet. ros. & vini albi: tum prædictæ herbæ exprimuntur; & calentes capiti circumponuntur, & cum refrigererint, denuò calefiunt in prædicto decocto, & iterum admoventur, aliquoties repetendo, nam subinde sopor ille lethalis expugnatur.

Alium describit Riverius efficacissimum qui habet angel. zedoar. & imperat. singul. ℞j. fol. beton. salv. rorisin. singul. m. j.atureiæ, rutæ, amar. & ros. lavendulæ singul. m. ℞. bacc. lauri, & juniperi singul. ℞i ℞. coq. in suff. quant. acet. & cum spongiis capiti abrafo f. fotus.

Sternutamentum moventia, etiam optima sunt ex pluribus autem summe contulisse refert Fridericus Deckers in notis & observ. ad praxim. Barbei. de Lethargo, hunc pulverem naribus inditum, qui continet: turbit natural. ℞℞. glycyrrh. pulv. ℞℞.

Utilis quoque est pulvis compositus ex beton. rorem. puleg. castor. & cyclam. naribus exceptus.

Interne verò præstantissimum est castoreum, ejusque extractum, magisterium vel essentia. Borellus cent. 1. obs 52. ductus autoritate Tralliani, Ruffi Ephesii, & Oribasii, narrat se curasse lethargum uti castorei cum subdupla portione scammonii addito oxymelle, myrrham etiam, & thus deglutitum somnum discutere nonnulli testantur. Cardilucius in officin. sanit. cap. de aff. sopor. saluta usus esse scribit spiri-

tum sulphuris acidum, vel vitrioli in dosi 3 j. & ultra in aceto vini instillatum, addit insuper in defectu horum spirituum, exhiberi posse decoctum chelidonii majoris in lb j. aceti ad dosim iij. vel iv. unciarum per vices patientis ori infundendum. Dominicus Leonus relatus à Sennerto quendam empiricum memorat retulisse, succum consolidæ minoris ad 3ij. haustum, lethargo & caro laborantes excitare. Ipse vero Sennertus sulphur lunæ cum extracto castorei aliis præfert. Apud Joan. Bapt. Du-Hamel mentio fit quarundam pilularum lunarium valde efficacium in omnibus affectibus cerebri soporiferis, earumque compositionem deberi Roberto Boyleo. D. Michaël magni facit spiritum ven. & Hofmannus junior spiritum volatilem vitrioli verum, & philosophicum, vel simplicem vel cum spiritu salis, & aquis cephalicis commistum. Inter hæc suum habet locum camphora tum interius, tum exterius adhibita. Georgius Wolfgangus in sua opiologia laudat essentiam castorei, elixir cephalicum cum spiritu salis ammoniaci, spiritum formicarum volatilem tum externè, tum internè. Ab Helmontio, sopores tam morboſi, quàm artificiales, sive opiatorum efficaciter debellantur per lixiviam quæ multò antea commendata fuisse à Dioscorid. lib. 6. cap. 17. de Meconio, ubi origanum cum lixiviam aut passo, inter plura alia opii antidota commemorat, idemque Helmontius radicem carlinæ, ejusque succum, & extractum, somnum arcere scribit, multoque magis sopores modum non servantes. *Lucas Tozzi Medic. practica part. 1.*

Consultationes.

De carotica affectione. Pro adm. R. Patiente Anconitano.

Quemadmodum ex animalibus actionibus læsis constat cerebrum esse partem affectam, præsentem alium non esse quàm qui à gravis caros dicitur, à latinis verò sopor, & altus somnus. Refert enim Patiens adm. R. se in accessione quolibet sensu cum interno, tum externo privatum esse & animali motu, solà exceptâ respiratione, quæ illa permanet, per quam præsens affectus distinguitur ab apoplexia teste Gal. 4. de L. aff. 2. absque ullo motu convulsivo partis alicujus determinatæ, quoniam licet in epilepsia non semper adsit evidens corporis convulsio, semper tamen adest motus aliquis vel oculorum, vel buccarum, & labiorum. In carotica autem passione jacent patientes prorsus immobiles, non tamen rigidi, & inflexibiles, ut in catalepsi. Propterea Gal. de hoc affectu locutus 5. Aph. 5. dixit, propriè carum nominari *repentinam totius corporis sensus, motusque privationem*; ac propterea in lib. de symptomatum differentiis 3. statuit carum esse veluti paralyſin imaginationis, seu resolutionem ipsius. Læditur autem cerebrum in hoc affectu, non secundum corpus, sive secundum temperamentum, ut pars similis, sed secundum ventres, sive cavitates, ut pars organica, & præsertim superiores, anteriores dictos, & medium, ex ejusdem Galeni testimonio. Un-

de Patiens adm. R. refert, quod ubi primum evadit ab occasione, gravitatem percipit in fronte, & temporibus, sine ulla in occipite molestia. Negandum tamen non est, aliquando sensus internos non esse prorsus deperditos, sed imperfectos manere: ut contigit illi, cujus historiam descripsit Fernelius 5. Pathologiæ 2. qui in accessione erat ita sopitus, ut nec pilorum evulsionem, nec punctiorem sentiret, & nihilominus excitatus illa omnia cum furore retulit, quibus graviter excruciatuſ fuerat in sopore.

Utrum autem cerebrum sit essentialiter affectum, vel per consensum, dubitare non immerito quis potest; Hinc enim apparet elevari ab infernis partibus vaporem quemdam sursum repentem, sibilumque in auribus excitantem, antequàm superveniat affectus: nec raro fœtor in ore sentitur: ex quibus conjectare quis potest adesse consensum à ventriculo & hypochondriis. Hinc habemus affectus præsentis durationem, quæ medicis præſidiis non cessarit: unde colligere licet affectum hunc esse essentialem. Crediderim tamen ego mixtum esse ex essentiali & per consensum. Adest enim censeo essentialem cerebri humiditatem excedentem, necnon & ipsius imbecillitatem aliquam, contractam ex præterita violenta capitis contusione in puerili ætate; unde facili negotio in ipso congeruntur excrementa, cum per modum generationis, tum per modum receptionis. Negari tamen non potest vaporum ascensus pituitosorum à ventriculo, & melancholicorum à liene, statutis quibusdam temporibus genitorum ab inæquali naturalium viscerum intemperie, caput petentium, ac humores in ipso congestos agitantium; atque ideo aurium tinnitum, præcedere caroticam passionem, factâ scilicet obstructione ventriculorum cerebri à prædictis vaporibus & flatibus, quibus deinde discussis, tollitur affectus, patiensque adm. R. ita liberatur, ut proprias actiones libere obire valeat, persistente tamen aliquâ totius corporis imbecillitate.

Dubitare tamen non immerito quis poterit, qui fiat, quod in accessione servetur libera respiratio, cæteris omnibus sensitivis & motivis actionibus deperditis, imò & aliquando principibus; cum jam statutum sit, esse veluti paralyſin imaginationis. Quod etenim respiratio sit actio animalis non difficulter probari potest, cum ex eo quod ipsam ad libitum ita cohibere possumus, ut aliqui sibi ipsis voluntariè mortem intulerint respiratione cohibita Gal. test. 2. de motu musculorum: tum & magis, quoniam respirationis instrumenta sunt muscoli intercostales, & septum transversum. Musculi autem sunt instrumenta motus animalis. Ergo & respiratio erit motus animalis: atque ideo cessantibus omnibus motivis actionibus, deberet cessare & respiratio. Ex alia tamen parte non desunt rationes, quæ probent respirationem esse operationem naturalem, non animalen, ideoque servari posse, & debere, cessantibus aliis animalibus operationibus, & vigentibus naturalibus; duæque inter cæteras sunt præcipuæ, quarum prima est hæc. Actiones animales ex continuo motu defatigantur, per virtutis animalis, quam cerebrum continuo trans-

transmittit, absorptionem, sic asserente Galeno primò de causis sympt. 8. Ergò si respiratio esset motus animalis, cum sit continua, cum vigilantibus nobis, tum dormientibus, defatigaretur & ipsa, quod tamen non evenit: ergo non est motus animalis. Secunda ut se habet pulsus, ita & respiratio: Utriusque enim idem est finis, caloris scilicet cordis ventilatio, & fuliginum expulsio. Sed pulsus est motus naturalis, ex communi omnium consensu, ergo & respiratio. Quare statuendum censeo, respirationem esse motum mixtum ex naturali & animali. Eadem enim est ratio respirationis, quæ & fœcum, & urinæ excretionis, ex Gal. 2. de motu muscul. 6. sed excretio fœcum, & urinæ, non est omnino voluntaria, & ex electione, teste eodem Gal. 3. de l. aff. 4. ergo neque respiratio; ratione enim necessitatis est naturalis, quoniam vita sine respiratione subsistere non potest. Ratione autem instrumentorum est partim naturalis propter pulmones motu naturali attolentes se & subsidentes: ratione autem musculorum intercostalium est animalis. Ideoque ratione necessitatis & finis conservari debet, etiam in carotica passione & somno, non secus ac motus constrictorius musculi sphincteris intestinorum, & vesicæ tempore somni. Ita tamen conservatur, ut non sit prorsus naturalis, ut asseruit Galen. 3. de l. aff. 1. dicens, *quod in levi apoplexia, caro, catalepsi, & lethargo respiratio lesionem aliquam suscipit, ita ut videatur thorax veluti cingulo ligatus, & hæc de essentia & causis.*

Affectus præsens est magni momenti. Scribit enim Hipp. 2. aphor. 3. quod somnus & vigilia modum excedens malum; ac propterea scriptum reliquit in coacis prænotionibus, *quod si vehementi capitis dolori caros supervenerit, convulsionem significat.* Nec tam facile superari poterit, cum sit antiquus, neque hæcenus cesserit variis medicis præidiis antehac in usum revocatis.

Pro ipsius curatione alia sunt præstanda in accessione, alia verò extra accessionem. In accessione tria sunt agenda; primò spiritus animales revocandi suffitu naribus facto ex asa fœtida, castoreo & galbano, vel suffitu bituminis, vel barbæ hircinæ combustæ: Excitetur stertutatio, hantque asperæ frictiones. Secundo avertend. est fluxio suppositoriis, vel clysteribus acribus. Tertio discutiendi sunt vapores calorificis, & exsiccantibus; puta suffitu facto cum calendula, calamentho, ruta & aceto: & si pertinacior fuerit, ad unctiones etiam in occipite deveniendum erit.

Extra accessionem, humores peccantes præparandi sunt, & purgandi, caputque roborandum. Præmissa itaque alui lenitione, præparentur humores oxymel. simplici, syr. de betonica, de succo borraginis, & de hyssopo, cum decoct. proportionata: ac interim modica sanguinis copia educatur ex venis sedalibus per hirudines admotas. Pro purgatione laudatur diagrydium cum castoreo, sumendo gr. j. huius cum granis v. diagrydii formata in pilulas cum oxymel. scill. & drach. sem. extracti hellebori nigri: vel exhibeantur pil. de nitro Alexandri cum pil. de hiera cum agarico. Pulvis etiam hermodactylatus dictus, cum sportiuncula foliorum

fennæ pulverisatæ summopere proficiet. Errli-na quinetiam, & apophlegmatismi non generose caput purgantia præscribentur à Viris Excellent. qui curæ præerunt. Mox erit roborandum caput internis & externis; inter quæ laudatur theriaca antiqua cum castoreo aut mithridatica confectio cum eodem. Odoramenta capiti maximè ex usu erunt, utpotè moschus, ambra, beniuin & similia. Quæ tamen non conveniunt in accessione, nè trahantur humores in caput, sed post accessionem & capitis expurgationem. In accessione namque fœtida sunt utiliora. Si esset Patavi, non improbarem stillicidium ex aquis thermalibus sulphureis, futuræ coronali, & ventriculo administram. Conferet quoque conserva parata ex flor. rorismar. salviæ ad 3 ij. coriandrorum præparatorum pulverizatorum drach. ij. cinnamomi drach. j. moschi gr. v. lixivium quoque exsicans, & calefaciens capiti fieri poterit ex vino albo generoso. Quod si prædictis non cesserit affectus, perseverabitque evaporatio in caput, inuretur fonticulus sinistro interno femori pro continua revulsione.

Victus sit tenuis, attenuans, aromatibus conditus, paretur panis cum aniso, & sine lolio, abstineat à piscibus, leguminibus, lacticiiniis, selino, hipposelino, aliisque in caput exhalantibus. Vinum sit oligophorum, & subastringens. Vigilet, corpus exerceat, non tamen statim à cibo; aërque sit lucidus, calidus, & ficcus & alvus continuo lubrica servetur. *Benedict. Sylvatic. Consil. & respons. Medicin. cent. 1.*

Carus.

Vir quinquagenarius, temperamenti totius calidi & humidi, capitis humidi & excrementitii, per nares materiam mucilaginosam frigidam expurgare assuetus, habitus potius ad obesitatem quam ad plethoram vergentis, copiosis meripotibus indulgens, postremis hisce annis, ob extinctam familiam, uxorem juvenulam duxit, eamque fœcundam, quæ profapiam ab interitu revocavit.

Hic autem multis abhinc mensibus, de capitis gravitate conqueri cœpit, & consueta mucosæ materiæ per nares expurgatione immunita. Somniculosus quoque præter consuetudinem factus est, & decubitus valde amans. Accessit insuper quædam ignavia ad propria negotia obeunda & merces expediendas, unde exercitio intermisso domi semper manet, ventri tamen, nec veneri parcens. Quare tandem hesternâ die, capite gravatus statim à prandio decubuit & somno se tradidit & adeo quidem profundo, ut usque in hanc horam matutinam nunquam sit expergefactus. Et quoniam neque expergefieri potest, ideò ejus uxor & cognati nos accersiverunt, qui Pat. invenimus profundissimo somno sepultum, neque clamoribus, neque vociferationibus respondentem, quinimò nec punctum moveri, aut sentire, sed oculis clausis dormire, sine stertore, & spirandi difficultate, sine febre, motibus convulsivis, & sine corporis rigiditate, cum pulsû magno & valido, atque florido faciei colore, pro quo ita consultum fuit.

Profundissimus somnus, quo prehensus jacet egre-

geregius iste mercator, ille est, quem Caium Gracisoporem sive Veterum latini, Marcorem Celsus, Gal. caroticum appellat; de quo Aëtius dicebat, quod in caro somno profundissimo detinentur, ita ut si pungantur, nec loquantur, nec oculos aperiant, quod desumpsit à Gal. dicente. *In caro licet stimules, ferias & inclamites, nihil respondent, nec expergefiunt.* Caroticos autem muros nominare consuevit Hipp. Quare actiones omnes principes una cum sensu & motu abolitas esse omnino asserendum. Et quoniam noster Patiens observatur sine spirandi difficultate & stertore, sine febre, motibus convulsivis & sine corporis rigiditate, cum pulsu magno & valido atque florido faciei colore, ideo ab omnibus consimilibus affectibus facile distinguere potest; & primo quidem ab apoplexia, in qua lædatur respiratio, & cui paralytis succedere solet; à lethargo, in quo semper febris præsens, à comate lethargico, in quo non abolentur actiones principes, nec sensus, & motus, & quo interrogati Pat. respondent, à catalepsi, in qua rigent ægri, oculosque tenent apertos, ab epilepsia per motus convulsivos: à syncope tandem per asphyxiam & totius floridum colorem.

In hoc affectu cum principes omnes actiones, una cum sensibus tum internis tum externis, non solum lædantur, sed prorsus aboleantur, cerebrum ideo necessario affectum esse censendum, & quidem magis secundum anteriorem quam posteriorem ejusdem partem, ita Gal. scribit quod si *tota anterior cerebri pars patitur, supremum ipsius ventrem ei consentire necesse est, atque mentis quoque actiones vitari, hæcque passio Caros vocatur*, afficitur autem cerebrum immediate ab insigni angustia ventriculorum anteriorum & medii quorum ratione omnium primo tollitur imaginatio. Unde Gal. carum appellabat paralyin imaginationis; dum autem aufertur imaginatio, & ratiocinationem quoque & memoriam tolli necesse est, nam nisi offerantur phantasmata, nec ratiocinari certe, nec memoriæ quidquam mandare quis potest; unde ablatis sensibus externis, necessario aufertur imaginatio, quæ ablata tollitur & ratio & memoria. Ideo Gal. dicebat quod in caro non solum corrumpitur sensus & motus voluntarius, sed etiam ratiocinatio & memoria, unde concludit Carum esse ablationem imaginationis & discursus, dum subdit, *supremum ventrem consentire.* Nec obstat historia à Fernel. adducta de carotico illo qui post accessionem puncturæ recordatus fuit, fuit enim ille carus imperfectus, non autem exquisitus. Angustia igitur insignis potissimum in anteriori & medio cerebri ventriculis est immediati cari causa, quæ quidem à plurimis mediatis pendere potest. Et primo quidem à densitate ex frigidity inducitur. Secundo à compressione ex mala terebratione aut ictu. Tertio à subsidentia ex spirituum resolutione, vel retractione, in morti proximis aut doloribus vehementissimis. Quarto ab obstructione, ut in casu nostro, quæ licet aliquando à sanguine provenire possit, ut Paulus, Aëtius & Avic. ab Hippocr. desumpserunt, in præsentem tamen facta est obstructio ab excrementis pituitosis, ac glutinosis tum à cerebro naturâ perquam hu-

mido genitis, tum in toto venoso genere quodammodo obfesso, & cruditatibus scatente acervatis atque ab otio, cibo multo, & coitu non parum adauctis; nec non à meri potibus facile ad caput elatis, neque ut antea expurgatis, unde Galen. dicebat, quod *eadem est materia causans Carum, & causans lethargum, at differt solum quod in lethargo putrescit, in Caro non.* Suâ siquidem mole onerabat solum, & humectabat præteritis mensibus cerebrum. Unde Pat. consueto somniculosior factus est, sed tandem aducta, & in ventriculis cerebri firmata, obstructionem, & inde insignem angustiam induxit, unde Carus; à quâ tamen angustia licet insigni, non tollitur respiratio, prout in apoplexia, quoniam ut considerabat Docissimus Valesius, in apoplexiâ non solum cerebri ventriculi obstruuntur, sed obstruitur quoque ipsa ejusdem substantia, quæ cum sit nervorum radix, & principium processuum eorundem, & influxus spirituum, mirum non est si lædatur respiratio, quam opinionem deduxit ex Galen. dicente. *Verum in Sopore & morbo comitiali ventres magis cerebri, corpus minus, in apoplexia vero corpus magis pati solet.* Et hæc est vera ratio quicquid dicat Aver. de arteriarum obstructione, sive Mercurialis cum Peripateticis, de cordis à cerebro perfrigeratione.

Si somnus atque vigilia utraque modum excesserit, malum est. Carus pessimus erit, cum multum naturæ modum excedat, est enim lethargo profundior, imò profundissimus Sopor, qui gravior redditus in apoplexiam ferè semper degenerare solet, ac magis, magisque respiratione læsa in interitum, si verò levior fiat, in affectum comatosum declinat.

De apoplexia autem, & interitum dubitandum in Patientem nostro, altas quippe & naturales habet affectus iste radices cum crudo & pituitoso, tum in capite, tum in toto venoso genere, apparatus, & nativi caloris imbecillitate. Omnia tamen agenda, nam si fortasse accederet quoque febris, ad pituitosi humoris attenuationem, atque resolutionem non parum conferre posset.

Medela autem dupl. esse debet, curativa, modò in accessione, & præservativa extra accessionem.

Pro curatione, primo facultas est excitanda; secundo humorum influxus à capite divertendus, tertio jam fluxi, attenuandi, discutiendi & quoquo pacto è capite educendi.

Pro præservatione verò calefaciendum, attenuandum, evacuandum, frigida & humida capitis intemperies, corrigenda, & tandem roborandum. Sed de hac alias.

Curatio itaque tentanda, primo facultatem sopitam excitando sternutatoriis, pulvere per nares insufflato, ex nigella, majorana, iride & nicotiana parato. Suffumigium ex barba hircinâ naribus admoveatur, nares pariter illinantur oleo de castoreo, cum succo rutæ; fiant frictiones asperæ, ligaturæ arctæ, facies aspergatur aceto ros. cujus guttula angulis oculorum instilletur, sed & ferro ignito occiput tangendum.

Secun-

Secundò, humorum influxus à capite diver- tendus, cucurbitulis siccis cruribus applicitis, phanigmis coxis, brachiisque appositis, acribus repetitis suppositoriis.

Tertiò, attenuatio, atque discussio procu- randa. Sic nares illinantur theriaca, cum ca- storeo, & aceto squillit. capiti derafo ap- ponendum Oxyrrhodinum, ex ol. cha- mæ. & aceto squillit. vel empl. ex succo apii cum aceto forti, addito Castoreo, ac tandem sinapis coronali apponendus, præmissis ta- men fomentis, spongia magna decoct. im- buta & expressa, ex satireia, thymo, calament. origano, pulegio in vino malvatico. Nec quic- quam de sanguinis missione cogitandum in hoc affectu curando nisi ab interceptione venarum procedat, tum enim per sectam venam sanguis educitur, ut monet Hipp.

Hæcque sufficiant, cum plurium remediorum patiens capax non sit. Interim aer cubiculi ad calidum & siccum vergat, calidis suffumigiis al- teretur sitque lucibus. Cibus sit pulli instau- rans, aromatibus conditum. Ovorum recen- tium lutea, aceto dissoluta. Vinum non offe- ratur, nisi in declinatione, quia narcoticum. Alvus sollicitetur suppositoriis & clysteribus acribus, si injici possint. Quibus nos muneri nostro satisfecisse abundè putamus. *Joann. Raymund. Fortis consultat. & respons. Medicin. T. I. cent. 1.*

Caroticus, & Vertiginosus affectus.

Reverendiss. Vestalem fervidum semper ha- buisse jecur, ac proinde calidum sanguinem, atque tandem consistenti ætate exultum, testa- tur abundè tumor, qui a 45. ætatis anno in dexterâ mammâ succrevit, carcinomatofam naturam redolens, & ideo à refrigerantibus medicamentis imminutus. Verùm quoniam je- coris calida intemperies in hac reverendissimâ Pat. naturalis ab animi quoque curis non pa- rum adaucta non adeo facile remitti potuit, hinc accidit, ut deinceps ex fluxionibus cali- dis quolibet anno humores in gula suborti fue- rint, suffocationem minantes, unde jure merito cogitatum fuit de validis medicamentis refrige- rantibus exhibendis, prout est aqua virginis. Sed quia in expurgatione, quæ necessario præ- cedere debet, non exigua sequuta fuit humo- rum calidorum agitatio, hinc elevati ad caput copiosi & crassi vapores, cerebri ventriculos anteriores præsertim obstruentes, & spiriti- bus animalibus effluxum intercipientes, affe- ctum caroticum, potius quàm apoplecticum, minus Epilepticum excitarunt, ad id forsan utero quoque conspirante, cujus ratione oc- ciput quoque gravatur, cui per spinalem me- dullam ille consentit; cum materia oppletus quodammodo coarctatur; Sanguinis verò ca- lidioris in toto præsentiam testantur acres illæ puncturæ, totam membranam carnosam capi- tis percurrentes, & vermiculorum adinstar mordicantes, ac nonnunquam usque ad peri- cranium pervadentes, quas non solum ab eva- porationibus, verùm & serositatibus tum aci- dis & melancholicis, tum biliosis acribus, ad caput elatis, procul dubio provenire creden- dum, quibus quandoque per madorem pro- deuntibus, caput quoque melius habere vide- tur. Tandem quoniam caput quotidie semper

majorem imbecillitatem, & jecur ac sanguis majorem effervescentiam acquisiverunt, ob va- lidum nimis chinæ decoctum, à quo ventriculi quoque labes potius privativa sequuta est, ideo capitis mala invaluerunt adeo, ut in præsens, non modo insigni imbecillitate, verum & Sco- tomatico affectu continue afficiatur, ita ut ca- put à pulvinari elevari nequeat, minusque Pa- tiens stare possit, spiritibus agitatis & inordi- nate commotis. Hinc jure suspicari possumus, caput modo non solum sympathice à toto & ab utero, verùm & idiopathice affectum esse, cum ipsius mala continuo Nob. Pat. excrucient.

Cui ut succurratur, Medici intentiones esse debent, totum evacuare. Secundò à capite revel- lere. Tertiò jecur & venosum genus contem- perare. Quarto materiam in capite hærentem sensibilibiter, & insensibilibiter resolvere & tan- dem caput idem roborare.

Quibus omnibus omnino satisfacere perar- dum fuerit cum hæc mala altas imò & natu- rales radices habeant, nihilominus de eorun- dem diminutione desperandum non est. Auxi- liorum propterea materia, à fonte Chirurgico, Pharmaceutico, & Diætetico desumendæ.

Et primò quidem sanguinis missio omnino convenit, eaque repetita ex pede pro revulsio- ne & ex brachio, tum pro derivatione, tum pro jecoris, & totius venosi generis refrigeratione; in progressu verò hæmorrhoidalis quoque sanguis eductus non parum prodesse poterit. Cauteria, quæ gestat aperta servantur. Et to- to atque capite expurgatis capiti derafo rubifi- cantia sive sinapis apponantur, ut ad sum- mam cutem proluciantur humores, qui postea sensibilibiter & insensibilibiter evacuari ac digeri possint, & ideo sub finem lotiones convenient, ex lixivio dulci malv. Betonica & majorana al- terato. Occipiti tandem vesicans applicetur, quod derivandi quidem non vero à toto veno- so genere humores attrahendi vim habeat, cu- jus metu setaceum suspectum habemus.

A Pharmacia reliqua sunt desumenda me- dicamenta. Et quoniam ex relatis totum cor- pus ab Excellentissimo Viro elective purgatum est ideo caput quoque non semel erit expur- gandum, in quem finem tertio aut quarto quoque die, tribus vicibus, erunt præbendæ pilulæ aureæ, & Cochis, à quibus transactis duabus, vel tribus horis superbibat Reveren- diss. Pat. ser. capr. aut asin. depur. ad lib. i. ℥. vel ij. & duabus horis ab assumpto sero, pran- deat, diebus verò intermediis bibat feri capr. destill. libram, cum conserva de acido citri, at- que capitis expurgatio etiam per nares procu- retur, errhino ex pulvere majoranæ, ireos, & nigellæ.

Toto & capite expurgatis, materia serosa in capite redundans omni arte educenda & flatu- lenta resolvenda, quod vix alio modo obti- neri poterit, quàm sudore in hypocausto pro- lecto, licet enim acris & acida sit, attamen evacuanda est, neque hypocausti calor, jeco- ri, aut capiti officere poterit, quia decoctum eâ arte erit concinnatum, ut humores quidem liquare; & sudorem provocare, nullo vero modo calorem augere possit. Sit itaque hujusmodi.

℥. Salsæ parillæ elect. unc. ℥. chinæ opt. rad. rosar. an. unc. ℥. aquæ cich. destill. lib. iij. aq. beton

beton. lib. j. m. f. inf. per hor. 24. deinde bull. ad consumpt. dimidii, & colat. fervetur pro vicibus tribus, matutino tempore exhibenda.

Deinde ℞. Residuum demptâ & abjecta radice rosar. aquæ fontis lib. x. m. bull. ad consumptionem tertiæ, in fine Ebullitionis, adde cinnam. integr. drach. ij. bull. par. & colat. adhuc ferventi addantur Sacchari fini unc. iij. pro potu quotidiano. Hora una ab assumpto decocto ingrediatur hypocaustum, & ibi maneat, primis diebus ad sudoris provocationem tantum, mox sudet in lecto, in progressu vero, nunquam excedat horæ dimidium. Nec victus ratio debet esse valde tenuis, sed quotidie vel caro assa, vel ova recentia, vel ptisana hordeacea concedatur. Perseveret autem supra viginti & usque ad triginta dies, sed decimo quoque die potio man. clarif. prapinetur pro evacuatione.

Quibus peractis, jecoris, hypochondriorum & viscerum fervor erit contemperandus, quod succis dep. præstari poterit, ut,

℞. Succis dep. end. unc. ij. borrag. unc. j. decoct. cich. borrag. end. acet. unc. v. m. pro syrup. quotidiano, matutino tempore sumendo. Quod si respuat succos. Serum capr. depur. exhiberi poterit, vel aq. de Succo cich. & end. ad lib. j. cum syr. de acido citri, vel lim. conserva quoque rosar. convenientissima erit sicut & è floribus betonicæ, sem. pæoniæ immista.

Nequè Spemenda à proprietate juvantia, inter quæ sal cranii humani optimus est, in aliqua ex dictis conservis, prout præstantissimum omnium stercus pavonis pulv. sine ulla præparatione, quod pariter insciâ Pat. conservis vel è floribus Pæoniæ vel beton. misceri poterit.

Et quoniam de ventriculi imbecillitate, sine concoctionis tarditate, conqueritur Pat. licet ventriculus per consensum à iecore, & hypochondriis potius quam essentialiter sit affectus; nihilominus aliqua ejusdem corroboratio erit procuranda, quæ tamen jecori officere non possit, ideò à prandio, & canâ deglutiat gr. ij. aut iij. mastich. integra aut pil. ex scrup. i. succi absinthii condens. paratam. Quæ omnia licet inopportuno tempore, autumnali scilicet administrata, optatum tamen finem consecutura spero, potissimum, quod à summa prudentia viri Excell. ac peritissimi & dirigere & moderari possint. Ita Deus vota nostra secundet. Joann. Raymund. Fortis consult. & respons. Medicin. T. I. sent. 1.

Coma somnolentum.

Nobilis adolescens 25. annum agens temperamenti totius, jecoris, calidi & humidi, humidioris capitis, & imbecillis ventriculi, sanguine in toto abundans, sed ad obesitatem potius vergens & ante hac pituitosis vomitibus frequenter obnoxius hoc anno ex toto suppressis, post errores in meri potibus, & edulis ex lacte paratis, captus est febre magno calore, astuque comitata, capitis dolore, rubore faciei, & in somnum diuturniori, atque intensiori delatione, perseveravit enim usque ad hanc quartam diem, prout adhuc nunc perseverat, & au-

getur, adeò ut continuò dormire cupiat, imò & dormiat, qui tamen si expergefiat, respondet somniculosus, & statim rursus in somnum delabitur. Febris parum, imò nihil remitti videtur, pulsus magnus, frequens, mollis, urinæ ad ruborem vergentes, potius tamen tenues.

Medicus familiaris accersitus leniens præscripsit, & brachii venam aperiri jussit. Vesicantia duo coxis apponi curavit: præparantibus & alterantibus usus est. Modò nos de agendis Domestici consulunt.

Febrem hanc Nob. adolescentem quatuor ab hinc diebus continuò & æqualiter divexantem continentem esse, synochum, scil. illamque homotonam, non est quod dubitemus; hanc enim ostendit accessionis modus & confirmant vita ante acta, habitus sanguine abundans, ætas juvenilis, temperamentum calidum & humidum, & præterea rubor faciei, pulsus magnus, frequens, mollis, urinæque subrubræ. At quoniam habitus ejus quodammodo ad obesitatem vergit, licet plurimo sanguine abundet, sanguinem tamen quodammodo pituitosum esse, non sine ratione censemus, idque non solum ob assumptorum conditionem, sed multò magis ob capitis naturalem humidam intemperiem, & ventriculi imbecillitatem, dum enim catarrhalis humiditas in ventriculum descendit imbecillum coctiones turbat, indeque jugis cruditarum proventus, quarum portione à jecoris calore tracta, & à meri potibus in venas perducta, sanguis quidem producit, sed pituitosior, quibus addita consueti pituitosi vomitus suppressione, & ejusdem excrementi ad hepar transmissione, obstructions subortæ sunt, sicque impedita transpiratione, calor putris redditus in sanguine ipso corruptelam accendit, & febrem, synochum quidem continentem, sed tamen spuriam excitavit, sicut enim spuria sit synochus ex abundantia bilis in sanguine, quæ synochus quodammodo biliosa à Gal. nominatur, ita in casu nostro, ex pituitosi excrementi in sanguine præsentia, synochus spuria quodammodo pituitosa dici potest.

Habet autem symptoma somnolentum sibi annexum, quod potius concomitans, quam subveniens centeri, & appellari potest; cum febris statim ab initio cum capitis dolore & ad somnum delatione invaserit, quæ modo ad somnum quoque pervenit, invalescente quotidie magis, non solum ad somnum delatione, verum & ipso somno, quasi Comatis conditionem excedat, cum ex Gal. comatis nomen idem importet ac delatio in somnum. Verum quoniam Gal. idem asserit quod Hipp. coma appellare solebat cataphoram sive somnolentam, sive non somnolentam (coma enim & cataphora à symptomate ita dicta synonyma sunt) ideo & nos hunc affectum, Coma somnolentum appellare possumus; hoc autem lethargicum esse credendum, quia cum febre, imò non solum legitimum, quia nunquam in ullo statu febris remittit, verum & exactè legitimum esse censemus, adeò ut non pituita in cerebro putrescente, sed ab inflammatione ædematosa ac pituitosa in anteriori cerebri parte existente, proveniat, unde anceps quodammodo sit febris origo, licet eandem

nos putridam & essentialem existimemus, ita ut affectus iste comia somnolentum lethargicum sit appellandus, prout, si febris symptomatice esset, coincideret cum ipso lethargo. Non est tamen negandum, quinimo asserendum, ad febrem essentialem symptomatice etiam accedere. Atque adeo sicut hujus affectus comatosi causa immediata est semper angustia aliqua in cerebro, ob quam fit, ut spiritus animales effundi ac permeare non possint, unde fit immixtus sensus & motus, ita hujusce angustiae causa in nostro casu non est subsidencia, quia non processerunt causae spiritus animales, & calidum innatum resolventes, neque conniventia ob solam humiditatem nervos laxantem, febris enim non adesset, sed est obstructio gravans, ut pote proveniens à copia pituitosi sanguinis, ab imbecillitate ventriculi, & praegressa victus ratione, nimirum lactis usu, & suppresso ejusdem pituitosi excrementi vomitu continuo. In caput verò prae humidum facile quoque efferrì potuit, praesertim à meri potibus consuetis. Sicque primo cerebrum molle reddendo, gravando, meatus semiobstruendo, dolorem gravantem, & in somnum propensionem invexit, cui tandem ex inflammatione ab eo excitata somnus quoque comatosus jam descriptus successit.

Horum affectuum complicatio periculum evidens huic Nob. juveni minatur, febres enim cum Comate acutae atque malignae esse semper consueverunt. Coma verò cum exacte exquisitum sit, & ab incepta inflammatione proveniens, lethale facile evadet, nisi surditas accedat, indeque Parotides erumpant, vel quod melius retrocedant humores, & cerebri inflammatio resolvatur.

Pro horum affectuum curatione, modice refrigerandum, humores revellendi, repellendi, prae parandi, evacuandi, discutiendi, & tandem caput roborandum, & prae omnibus continuo facultas excitanda.

Et in chirurgico fonte, si consideretur sanguinis missio, ex altero brachio repetendam esse censeo, juvenis enim est, viresque validae, & febris continens, cum affectu inflammatorio in parte principe, additque animos Aëtius, qui narrat, quendam ex hoc morbo subito solo & copioso sanguinis profluvio è naribus liberatum fuisse. In progressu verò ita exigente morbo, & permittentibus viribus, venae quoque fedales aperiri poterunt. Cucurbitulas scarificatas dorso, scapulis, & occipiti, non parum prodesse asserit ipse Gal. Cataphoricos enim excitant. Et progrediente inflammatione duo alii phanigmi brachius applicandi. Jam abrasum est caput, cui medicamenta praeter repellentia, ordine infra dicendo, erunt admovenda.

Et primò omni arte revellendi vapores, & humores à capite, in quem finem clysteres potius acres conveniunt, tum ut major sequatur à capite revulsio, tum ut excitetur sopita facultas.

℞. Decoct. malv. betæ, mercurial. chamæm. lib. i. mel. ros. olei chamæmel. an. ℥iij. elect. diaphan. ℥β. salis parum vitel. ovi m. pro clyst. interdum suppositorium ita paretur.

℞. Troch. alhand. ℥β. salis gem. 3. j. hieræ

magnæ ℥. j. mel. q. s. m. f. suppos. n. ij. cum filo.

Ante septimam & antequam gravior sopor obrepit, rursus pituitosae materiae antecedentis evacuatio erit procuranda potione utpote familiari ex melle ros. & manna clarificata cum tartaro, cui mulla superrepota idonea foret. Praeparantia erunt quotidie exhibenda, & in iis dilutum Oxymel. Neque alterantia omitenda, jura scilicet cichor. borrag. beton. salv. alterata, commodius vero erit alterans ex aqua stillat. cichor. & borrag. beton. paratum ex cordialibus, Aqua Excel. Saxoniae cum Elixir. vitae bis in die exhibenda.

Ut autem excitetur Patiens, horâ saltē quibus, aut medicamenta sunt praebenda, amoveantur phanigmi, pedum plantae perfricentur, & sternutamentum excitetur, pulvere insufflato intra nares, ex majorana iride & nigella.

Dum jam dicta fiunt, materia in capite attenuanda, insensibiliter resolvenda, naribus apponendo spongiolam aceto imbutam, alterato majorana, salvia & satureia. Oxyrhodino chamæmelinum addendum, in quo folia serpilli macerentur. Clysteres acriores, vel suppositoria repetendo.

Quibus non obstantibus, si somnus perseveret profundior, tria agenda concurrunt.

Primo purgans medicamentum exhibendum, ex pulv. ut pote facilius parandum.

℞. Troch. alhand. diagrydii an. gr. viij. Castor. gr. v. m. Secundò cucurbitula magna & sicca occipiti applicetur; pluriesque repetatur. Tertio sinapismus capiti apponatur, praemisso fotu, spongia magna tepida, imbuta & expressa decoct. majoran. serpilli, satureiae, betonicae, in vino albo, quibus omnibus squilla tandem addi potest. Aliqui Euphorbium quoque addunt & Castoreum: Verum: inflammationis, & maxime, ratio habenda, ut nos monet ipse Gal.

Et nisi jam dictis omnibus cedat affectus, desperata res est, tuncque parum & saepe aeger nutriendus pullo instaurante, vino albo dulci immisto, ut ad cibum capiendum prolectetur.

Victus ratio ad tenuitatem inclinet, & quodammodo sit attenuans, acetum ideò & ptisanæ, & vitellis ovorum in jure dissolutis, semper addendum. Vinumque in declinatione, ac meliori rerum statu, concedendum foret. Deus verò O. M. omnibus praesit & salutaria reddat Joann. Raymund. Fortis consult. & respons. Medicin. T. I. Cent. I.

Coma vigil.

Vir Nobiliss. 35. annum agens, temperamenti totius, jecoris & capitis calidi & humidi, meri potibus assuetus, capitisque doloribus obnoxius, post validum exercitium, Veris tempore, sub radiis solaribus febre correptus fuit, cum horroribus inaequalibus, quos aestus insignis fuit subsequutus, cum difficili tolerantia, molesta siti, capitis dolore, totiusque lassitudine, potius ulcerosa, quae omnia inde parum remissa, tertia die simul cum febre exacerbata fuere. Quare Pat. magis repleto capite, atque ideò facie rubore perfusa, pa-

rumper deliravit cum quadam in somnum delatione, quibus adactis somnolentus factus, oculis conniventibus somnum quidem captare videtur, attamen dormire nequit, mox interrogatus iterum excitatur & respondet, inepta loquitur, & agit, nam corpore in composito dimovetur, è lecto surgit, moxque iterum decumbit, & clausis oculis somnum quarit. Pulsus quoad dimensionem mediocriter se habent; quoad motum verò inæquales & frequentes cum aliquâ celeritate; quoad instrumentum, tactu duriores percipiuntur; quæ tamen durities, dum ad somnum inclinatur, quietusque manet, laxari videtur. Urinæ ab initio rubræ, mox flavescences, in præsens verò non valdè coloratæ, & potius tenues apparent. Medicus domesticus statim accitus imposito clystere sanguinem ex brachii vena detrahi jussit deinde minorativum præbuit medicamentum, indeque rursus ex altero brachio sanguinis missionem repetiit, phanigmos duos coxis apponi voluit, alterantia & præparantia opportuna præscripsit, nihilominus propè septimam nullum levamen, imò febris atque symptomatum augmentum potius observatur. Quare nos de agendis acturi accersimur.

Febris quâ premitur Nobiliss. hic Patiens de synochorum genere censenda est, si primò res præter naturam consideremus, nimirum æstum insignem, & ex eo jactationes, molestam sitim, capitis dolorem, faciei ruborem. Secundò res non naturales, nempe meri potum consuetum & validum, exercitium sub radiis solaribus peractum. Tertiò & res naturales hanc eandem attestari possunt, juvenilis scilicet ætas, & jecoris totiusque temperamentum calidum & humidum. Verum quoniam febris tertia die exasperari visa est, cum lassitudine potius ulcerosa quam phlegmonosa, pulsus aliquam celeritatem atque duritiem præ se ferunt, urinæ ab initio quidem rubræ, sed paulò post flavescences redditæ sunt, ideo synochum hanc non legitimam, sed spuriam esse censemus, propter bilem exuperantem, ex illis videlicet synochis, quas quodammodo biliosas appellabat Gal. quæ inter synochos & ardentes medium locum tenere solent, ut pote ortæ ex bilioso sanguine in venis, cum corde & faucibus magnum consensum habentibus.

Capitis autem affectus qui post continuum dolorem febris tertia die supervenit, delatio scilicet in somnum, cum vigiliis atque delirio, comatosus dicendus est. Comatis enim nomen idem significat ac delatio in somnum, quod clarius expressit Gal. Idem dicens, *Coma idem sopor, est affectus ille, in quo indicatur propensio ac delatio in somnum, cum vigilare agri nequeant, non apertos habentes oculos, sed conniventes vel alris somnis, vel tenuibus, vel vigiliis detineantur.* Ideò & Hipp. & idem Gal. Cataphoram somnolentam, & non somnolentam, Coma appellare consuevit. Hoc autem Coma vigil est, & non pigrum, dum vocatur patiens, aperit oculos, sese cum impetu atque violentia movet atque delirat; in Pigro vero Comate Vigili patientes ægrè respondent, & statim rursus oculos claudunt delirantes.

Causa hujus affectus potest quidem esse materia vaporosa, inæqualiter in cerebro conten-

ta, sed in nostro humorosa est, quâ continuus non autem modò accedens, modò recedens est affectus. Inæqualitas autem hæc in cerebro sæpè provenit à missione pituitæ cum bile. Unde tertius emergit affectus, ex phrenitide & lethargo compositus à Gal. exacte descriptus quem Antiquiores Typhomaniam appellabant. Attamen in hoc casu inæqualitas fit à missione sanguinis, cum enim totum venosum genus sanguine abundet, ab eodem excalefacto, & putrefacto, & vapores primò elevabantur ad caput à radiis solaribus, qui quantitate & qualitate continuum solventes dolorem excitabant, sed perseverantes ebullitione, atque putredine à bile sursum elati, sua copia aggravant, comprimunt, angustiam inducunt, & in somnum delationem; ratione verò bilis, vigilias & delirium excitant; omnia in anteriori potius quam in posteriori parte cerebri fieri docuit Gal. dicens, *Soporosus fit homo humectata parte, quæ sensuum fons est.* Et ita Coma vigil erit affectus Typhomania, ex phrenitide & lethargo compositæ non absimilis.

Febris hæc, utpote tertia die ingravescent, cæteris continuis periculosior habenda, imò maligna propter superveniens symptoma, unde Hipp. *febres cum Comate, labore, lucis turbulentia, vigiliis, sudoribus, malignæ.* Coma namque vigil facile in phrenitidem ex usu calefacientium, vel in lethargo ex usu refrigerantium degenerat. Sic nullus Phreniticorum vehementer insaniit, sed alta quadam veteriosa in somnum delatione, capite gravati peribant.

Pro curatione itaque hujusce febris, cum Comate vigili, medicæ intentiones erunt, refrigerare & humectare, præparare & evacuare, revellere, repellere, resolvere, & roborare.

Et in fonte chirurgico jam bis aptissimè deductus fuit sanguis ex brachiis, modò transactâ septimâ, tertia vice educatur ex venis sedalibus, & tandem pro derivatione, cogitandum erit de hirudinibus retrò aures applicandis, ante quarum usum duo alia vesicantia bachiis sunt apponenda. Cucurbitula quoque scarificatæ prius dorso, modo scapulis, ac tandem occipiti locum habebunt.

Pharmaceutica remedia talia esse poterunt, Primo clysteres ita parentur.

℞. Decoct. malv. mercurial. chamæm. lib. i. syr. ros. sol. ol. chamæm. an. ℥iij. elect. de succo ros. ℥iij. vitel. ovi, salis parum, m. pro clyster. Oxyrrhodinum sit hujusmodi.

℞. Ol. ros. ℥iij. aceti ros. ℥. j. m. Diligenter autem observanda ad somnum propensio vel ad vigilias, & Oxyrrhodinum in progressu oportune mutandum, ita ut in febris accessione sit magis repellens, in declinatione magis resolvens, & ita sæpè mutanda oxyrrhodina, pro affectus mutatione, adeò ut ambo in æquilibrio servantur, quousque simul remittantur.

Lenientia interim repetenda ex syr. ros. & manna clarif. vel ex flor. cass. cum tart. quibus superbibat aquam Nocerianam, aut hordeaceam, quæ primi quoque alterantis loco esse poterit, addito syr. vel conserva de acido citri; sicut secundum alterans erit decoct. cichor. borrag. acet. beton. vel aqua stillat. borrag. & beton. addito syr. acetoso.

Cordialia quoque semper toto mali progressu sunt exhibenda & in statu, magisque in declinatione, resolventia capiti apponenda, infundendo serpyllum in oxorrhodino, applicata quoque spongia madefacta, mox expressa, in decoct. beton, chamam. puleg. serpill. saturia; spongiola quoque naribus admoveatur, aceto madefacta, in quo serpillum fuerit infusum, non cedente verò malo, purgans exhibere solet, extremis enim morbis extrema remedia adhibenda. Sic tendente ad phrenitidem affectu, exhibeatur diagrydium cum castoreo, prout si ad lethargum, addantur dictis trochisc. alhand.

Victus sit ad tenuem inclinans: ptisanam & apomel præbet Aëtius. Nos addimus ex pullo instaurans, aut ovi vitellum. Vinum in declinatione tantum convenit ad humorum concoctionem ac expulsionem, nec non materiam in capite resolutionem. Quæ satis pro præsentis affectu. *Joan. Raymund. Fort. Consult. & respons. Medic. Cent. 1. tom. 1.*

Comatosus affectus.

Nob. Vir annum agens quinquagesimum secundum, largiori victu & potu præsertim vino meraciori utens, temperamenti sanguinei, pituitosi, corporis obesi, capitis humidioris, tribus abhinc annis somno tam manè quam vesperi plus justo vexatur, ita ut in mensa, lusu, scribendo, loquendo & aliis actionibus obdormiat, non tamen profunde, cum facile vel per se, vel ab adstantibus excitetur: sed iterum in actionibus obeundis pergit, ut antea. Vir est satis perspicacis ingenii, industrius, & ad motum, licet obesus, valde agilis, nec vitam agit sedentariam, motibus præsertim itineris assuetus.

Somnus à natura fuit institutus, ne perenni caloris & spirituum dissipatione sensus elanguant, & tandem pereant. Unde Themistius dicebat quod somni finis est salus & conservatio animalium; moderatus tamen esse debet & ætati atque temperamento proportionatus: tunc enim est suavior quædam sensuum detentio, calorisque ad interna revocatio, à quâ cessat interioris animæ ab exercitatione membrorum in sensu, & motu operatio, eo quod melius & suavius judicetur cessare, quam sic operari: Non autem suavis & naturæ amica est cessatio ab operationibus adeo frequens & importuna quæ observatur in Nob. Patiente proposito: namque omnino p. n. est talis somnus qui in genere sopor dici potest; in specie tamen neque lethargicus est, quia sine febre, neque Caroticus, quia non profundus, minus apoplecticus, quia nulla spirandi difficultas, neque principum functionum læsio, præterquam quod diuturnus est, sed comatosus verè dicendus, à comazando ita dicitur, cujus essentia in delatione in somnum consistit, unde definitur quod sit *in somnum delatio nequeuntibus Aegris vigilantium munera obire*. Coma verò hujusmodi non quidem Vigil sed somnolentum est, dormit enim. Nob. Pat. non tamen lethargicum, ut dictum fuit, tum quia facile expergescit, tum quia nullam habet febrem sibi conjunctam.

Fit autem hujusmodi coma affecto cerebro ab aliquâ angustia, per quam fit quod spiritus animales moveri, nec transire liberè possunt, ex quo sequitur imminutus sensus & motus. Hujusmodi autem angustia fit humectata parte quæ sensuum fons est, anteriori scilicet potius quam posteriori: Premitur autem & gravatur cerebrum in Patientem nostrum, non à frigiditate, tunc enim profundus fieret somnus, sed ob alicujus succi redundantiam, qui humidus esse debet, adeo ut cerebrum molle reddat, gravet, meatus obstruat, & laxando corpus stupidum faciat, quæ humiditas in casu nostro, tum humoris, tum vaporis specie se prodit: humoris quidem nempe pituitosi sanguinis, à toto venoso genere per carotidas ad caput delati, & nutriendo capiti inepti, quod facile colligitur ex continuis erroribus in cibo & potu, necnon ex ejusdem temperamento atque obeso corporis habitu; quare per consensum a toto & à ventriculo potius, quam per essentiam caput lædi credendum: licet enim caput quoque præhumidum habeat, est tamen vir industrii, & perspicacis ingenii: quæ conditiones redundantem humiditatem essentialem in capite non adesse demonstrant. Præterea vini generosioris usum, narcoticos vapores cerebro communicare, & spiritibus animalibus torporem inducere, quotidiana intemulentis docet experientia, quod licet calidum, frigida mala parere dicebat Galen. unde quærenti Hippocrati, *an sopor sit ubique malus?* Respondebat Galenus, *non esse malum in Ebriis*, quatenus per ipsum consumuntur copiosi, crassi, & narcotici vapores, à vino & crapula necessario in caput elevati: hæc igitur causa, si non principalis hujus soporis, saltem valde fovens censenda est.

Est iste affectus magnificiendus. *Somnus enim atque vigilia utraque si modum excesserint, malum*: caput enim gravat, mentis hebetudinem inducit, memoriæ jacturam, caput copioso, & pravo humorum affluxu ad scævissimos præparat morbos, ad verum scilicet lethargum, ad Apoplexiam, dum sanguis ob sui copiam, & pravam, frigidam, & humidam qualitatem, non solum tardè movetur, ut nunc in somno, sed crassior adhuc redditur, stagnat in cerebro, propriumque circularem motum prorsus amittit. Sic fortem somnum corpus dissolvere, capiti gravitatem inducere, dicebat Galenus. Sicut Plato, quod somnus multus nec animis, nec corporibus, neque rebus gerendis conducit.

Ideo omnia agenda, & quam primum ut à præsentis Comatosi affectu liberetur, & ab imminentibus præservetur vir nob. quod sperari potest, tum quia nondum majora & propria adhibita fuere remedia, tum quia errata hoc malum patientia omissa non sunt.

Primo igitur viæ primæ sunt diligenter expiandæ. Secundo Venosum genus à cruditatibus depurandum. Tertiò Vapores revellendi. Quartò caput ipsum sensibiliter, & insensibiliter evacuandum. Quintò roborandum, & dum hæc omnia fiunt, facultas sollicitè excitanda.

Quibus intensiōibus ut satisfaciamus, à fonte Chirurgico non unica est depromenda sanguinis missio, sed ex brachio prima, ex Saphæna secunda: habemus enim historiam ab Aëtio tra-

ditam de illo qui copioso sanguinis profluvio è naribus superveniente hoc affectu liberatus fuit. Infernis partibus quoque conveniunt Sinapifini, qui possunt diuturno tempore administrari, non ita Phæugmi. Frequentes esse debent Clysteres acriores, cum pulpa Colocynth. utpote mirabilis efficaciam.

Primæ viæ mundandæ melle Ros. & syr. ros. solut. addito polline crem. tarrari. Primum Præparans sex diebus sit sine diluto, ex oxymel. & melle ros. ad ℥iij. quæ exigua aqua florum citri dilui possunt, mox idem leniens erit repetendum, & ad ulteriora Præparantia deveniendum, & esse poterunt oxymel simplex, & syr. de beton. ad ℥ij. in decoct. cich. borag. melissæ, beton. calend. agrim. in quorum usu insitit septem diebus. Mox exhibeatur Purgans, ex elect. lenit. & diaphan. & granis Magist. Jalappæ; cui post horam superbibat mullæ dilutæ libram. Inde ad efficaciora progrediendum: Oxymel enim, saltem compos. si non squilliticum, necessarium erit, cum syr. de beton. compos. in decoct. cich. melissæ, beton. stachad. majoranæ, serpilli, per alios septem dies: & interim clysteres acriores injiciendi; tribus diebus transactis, pilulæ capitales erunt præbendæ, ut cochis præparatæ, aggregat. & aureæ an. ℥ß. Castorei gr. vj. m. cum aceto squillit. reform. & aur. quibus post horam superbibat mullæ dilutæ salutatæ ℥ß. & tribus horis ab assumpta mulla prandeat. Et quoniam corpus obesum est, caputque repletum, ideo in purgantium medicamentorum usu insilire necessum est; quare pilulæ jam dictæ aliis duabus vicibus quarto aut quinto quoque die repeti poterunt, diebus intermediis Syrupos jam dictos offerendo, caput Errhinis & masticatoriis expurgando.

Si jam proposita satis profuerint, ut sperari potest, sat erit præscribere jus galli junioris, & visco querc. lentisco, ligno roris marini; & tantillo sassafras alteratum: cui præmittatur pulvis viperinus, in cuius usu pesillet per integrum mensem. Sin minus Decoctum sudorificum erit parandum, ex iisdem ingredientibus, in aqua ci. h. salviæ atq. beton. hora una ante sudorem, in hypocausto propinandum: quod tamen facile omitti poterit, cum caput essentialiter affectum non sit. Interim diximus à somno Patientem frequenter esse excitandum, in quem finem Gal. sapius sternutatoriis uti solet; pulvis enim cannula per nares insufflatur. Suffumigium pulveris quoque Castorei, & alæ foetidæ & lapidis gagates carbonibus injecti naribus admodum efficax est, spongiola naribus apposita, aceto imbuta, in quo ebullierint serpillum, majorana, & pulegium. Excitat quoque, tum materiam ipsam, tum vapores attenuando & dissolvendo, spongia magna vino imbuta & expressa, in quo satureia cum floribus ebullierit, syncipiti calens admota; sicut inter interna à Trall. & prius à Gal. extollitur Castorei usus.

Quibus omnibus aptior addatur vivendi ratio, & primò cubiculum lucidum inhabitet, parcius comedat, & parcissimè vinum oligophorum & album bibat. Condiantur cibi aceto, menthastro, salvia, majorana, cinnamomo. Exerceat corpus, & frequenter moveatur, Pi-

lulas mastic. toto anno in usum ducat, & societates frequentes habeat, omnia autem contra hujus affectus contumaciam proposita lueret. Faxit Deus, ut paucioribus cedat; frustra enim per plura fieret, quod per pauciora obtineri potuerit. *Joann. Raymund. Fortis consultat. & respons. Medicin. T. 2. cent. 1.*

Lethargus.

Vir dives annum agens 55. temperamentum totius ad calidum & maxime humidum vergentis, capitis humidioris, obesi habitus, delicate vivens, ventri, gulæ, otio, & somno plurimum indulgens, antehac capitis destillationibus obnoxius, tempore præsertim autumnali, quandoque etiam podagræ cubiti, atque manus, post copiosorum æstate nuper elapsa fructuum nive refrigeratorum, & lactariorum frequentem usum, tandem autumno præsentem, nulla secuta destillatione, nulloque dolore podagræ, de dolore capitis gravativo cum delatione in somnum, inappetentia, totiusque corporis lassitudine conqueri cœpit, in eo per quindecim præteritos dies, dolor capitis gravans magis, magisque semper adeo invaluit, ut modo tandem Pat. prorsus somniculosus factus sit, cum levi febricula, & quandoque etiam delirans, & obliviosus. Cum autem Medicus assistens minorativum medicamentum ei exhiberi jussisset, & ab eo sanguinem quarto die ex brachio detrahi, hic pituita redundans observata fuit, cujus ratione oxymel cum alterantibus præscripsit, atque tandem duo velicantia coxis apponenda. Quibus tamen non obstantibus, somnus adeo excrevit, ut vix respondeat interrogatus, oculosque statim iterum claudat, oscitat insuper, hiat & os apertum detinet, matulæ præ manibus obliviscitur, alienaque loquitur, delirium tamen non furiosum, sed satis remissum est, & hodie, xi. scilicet, febris cum reliquis symptomatibus adaucta videtur. Quare nos de agendis consulit.

Pituitosi sanguinis & catarrhalis excrementi necessarium proventum in hoc egregio Viro sat nobis præmonstrare possunt ætas inclinans, temperamentum totius humidum, humidum item caput, vita antea acta, ventri, otio, & somno indulgens, usus lactis, & fructuum nive refrigeratorum, podagræ insultus periodici, prout & nunc illius sunt indicia, dolor capitis gravans, inappetentia, & quædam etiam veluti spontaneæ lassitudines. Cum enim præteritis annis pituitoso humore copioso in hoc patiente producto, in id conspirantibus rebus naturalibus & non naturalibus, corruptus ab eodem sanguis ad articulos à natura deponeretur, & partim insensibiliter resolveretur, partim ab evacuantibus medicamentis, tunc temporis à medico præscriptis, sensibilibus evacuetur, nec non ex inedia quoque coctione absumeretur, modo natura jam fortè defessa, & humori copiosiori ac tenaciori reddito fortasse jam impar, ab ejusdem depositione cessavit, unde ille in venis hærens, & magna sui parte ad caput elevatus, vasa distendens, & continuum solvens, dolorem gravantem excitavit & in præsens excitat, cum delatione in somnum, & quia ob
crudi

crudi sanguinis præsentia totius exinanitio prohibetur, nec non suctio, & ab ea sensus suctionis, sine quibus fames dari non potest, ideo inappetentia prægressa quæ solet alioquin ægritudines prædicere non secus ac spontaneæ lassitudines.

Verum quoniam excrementi pituitosi apparatus jam in capite succrevit, ob humidam ejusdem intemperiem, & assumpta antehac vaporosa humida alimenta, unde dolor gravans prægressus, hic propterea in cerebro putredinem concipiens, somnum profundiorē induxit, dum à calore putri liquatus magis, magisque in cerebri substantiam sese insinuavit. Sic Gal. dicebat quod *Alii sopores sine febre sunt Apoplexia, Caros & Catochus, at si humor putrescat, additur febris, & fit Lethargus.* Quod repetit præterea dicens, *cum pituita humectaverit dilue. itque cerebrum fit Lethargus.* Hinc lethargicæ febres fiunt ex humore Pituitoso in cerebro acervato. Obliviosus autem & amens factus est, ut de quibusdam dicebat Gal. *Non est mirum in cerebro crudis collectis humoribus, comatosos illos, simulque dementes evasisse, comatosos quidem simul ex multitudine & frigore succorum crudorum; dementes vero quia putrescentes ac redinem pariebant & calorem.* Sic & ipse Hipp. scripsit, *Lethargicus nugæ gerit, & ubi nugari desierit, dormit.*

At quoniam modò in xi. Febris & reliqua symptomata, nimirum somni profunditas, atque delirium cum oblivione, adaucta videntur, & urinæ, quæ ab initio crassæ ac perturbatæ, crudorum humorum in venis agitationem prodebant in præsens tenues factæ sunt, verendum nè à calore putri in capite attractio, & a toto venoso genere transmissio pituitosi sanguinis facta fuerit, qui etiam inflammationis in cerebro ipso ansam dederit, unde lethargus exquisitus quidem antea, exactè jam exquisitus evaserit; somnus enim morbosus in nobis fieri incipit, cum pituita copiosa cerebrum irrigat ac humectat, quæ proinde quò copiosior fuerit, eo profundior erit somnus, quod si eadem putredinem suscipiat fit somnus lethargicus, cujus putredini accedente quoque cerebri inflammatione ex sanguine pituitoso, per venas à toto transmissio, vel in cerebro genita, fit lethargus, non modò exquisitus, sed & exactè exquisitus; quæ tamen inflammatio raro in principio, & in fiente, sed in facto tantum & consummato lethargo accedere solet: ad lethargum enim constituendum, sufficit sola pituitosa materia in capite putrescens.

Hinc sibi non contradixit Gal. dum in eodem genere phrenitidem & lethargum reposuit, atque phrenitidem in lethargum degenerare probat, dumque illam à menigum potius, hunc verò à cerebri inflammatione fieri scripsit. Nec male Hipp. & Celsus cum eo, asseruerunt Lethargum nonnunquam ad suppurationem verti, prout optime quoque Avic. Lethargum apostema frigidum, & alias tumorem pituitosum appellavit. Et propterea non audiendus Averr. qui essentiam lethargi in inflammatione constituit, quem sequuti fuerunt Hollerius, Heurnius, Capivac. Ugo, & plures alii de consummato lethargo loquuti. Ideò quamvis perpetua lethargi comes sit ipsa febris; attamen quoniam adaucta est, novam causam, inflammationem scilicet accessisse jure merito suspicandum; adeò

ut duæ in unum conspirent, febris nimirum lethargica simpliciter, & lethargica inflammatoria; quæ cum non in membranis, sed in cerebro hæreat, pulsus ideò lethargicorum proprius percipitur, mollis scilicet undosus, magnus, licet vacuus, & intermittens potius quàm interceptus, refrigeratæ facultatis indicio.

Status itaque hujus Patientis est periculi plenus; cum modò in xi nullum appareat coctionis signum, & copiosus sit in capite, & venis crudorum humorum apparatus; lethargus insuper sit morbus acutus. *Et morbum acutum acuto morbo supervenire lethale fit.* Ideò inter periculosos à Gal. collocatur; quinimò periculosior censetur peripneumonia, phrenitide lethaliore; Phrenitis enim lethargum sanat, non autem vice versa; cum autem terminus solutionis soleat esse septima dies, quæ imminet, cum urinarum tenuitate, & crudis atque foetidis dejectionibus, exigua spes superest quod per resolutionem terminari possit, aliqua per abscessum post aures, nulla verò per suppurationem; cum enim in puppi potius quàm in prora cerebri hæret iste affectus, ægrè pus per nares, per os, aut per aures expurgari poterit.

Curatio autem dirigenda adversus lethargum. Primò revellentibus, & repellentibus. Secundò Preparantibus, incidentibus, attenuantibus, & detergentibus, moderate calidis, habita febris ratione. Tertiò evacuantibus sensibilibus, & insensibilibus. Quartò facultatem sopitam excitantibus. Quintò à proprietate juvantibus. Sexto Symptomatibus occurrentibus.

Pro quibus explendis intentionibus, initio ab Exceli. assente sanguis ex brachio prudentissime fuit eductus, ratione imminentis inflammationis; ob quam repetita quinetiam conveniret sanguinis missio, non obstante quod lethargus & peripneumonia sanguinis fluxum non ament, locutus enim fuit Gal. de crisi per hæmorrhagiam difficili. Nec quicquam facit quod Mesue eandem omiserit in lethargo phrenitidi succedente. Minimè verò quod Gal. prohibeat sanguinem crudis abundantibus succis, in febre syncopali: verum tamen quoniam vires non satis constant, omisâ venæ-sectione, sedales aperiri poterunt, utpote quæ e capite revellere & à toto evacuare possunt; Saphenam enim & Avic. referari jubebat. Cucurbitulæ quoque siccæ; cum multa flamma, primùm cruribus, coxis, & natibus; tandem & scapulis applicandæ; quinimo in casu nostro cucurbitula magna inter primam & secundam vertebra scarificari poterit, Aetii exemplo; cum adsit & inflammatio. Cætera omnia genera revulsionum, ac tandem derivationum in usum ducenda, & ideò pedum plantæ scilla sunt perfricandæ, more Tral. Duo alia vesicantia brachiis apponenda, in d. & scapulis, & occipiti, namque & ipsi capiti, derafis capillis, rubificans, sinapismum scilicet, admovebat Aetius ipse.

Revellentia jam ab Excellentissimo Adstante administrata fuere, nec non repellentia, quæ licunque enim humor sit, semper repellendus, capite derafo, ut monet Celsus. Acres clysteres commendat Aret. non solum ad evacuationem

ed. & ad revulsionem ab ipso capite, ideo in clyst. injiciebat salem, nitrum, castoreum. Nos autem hujusmodi paremus.

℥. Utriusque centaur. chamæmeli, sennæ an. m. s. pulpæ coloc. in petia lig. ℥iv. aq. com. ℥j. s. m. bul. ad consumpt. tertiæ colat. verò adde mel. ros. sol. ol. chamæmel. an. ℥ iij. hieræ pro clyst. ℥ ij. salis gemmæ ℥ j. m. pro clyst. Quos si non admittat, suppositoria acria substituantur hæc formâ.

℥. Troch. alhand. diagrydii, an. gr. x. sal. gemmæ ℥ j. mellis q. s. m. t. supposit. num. ij. parva cum filo.

Optimum erit leniens, si repeti possit, ex melle ros. sol. cum manna. Sicut & præparantia ex decoct. cich. beton. major. salviæ & hyssopi, addito saltem oxymel. compos. Purgans quoque exhibeatur, si possibile fuerit, ut pil. de nitro Alex. cum troch. alhand. vel quod facilius.

℥. Troch. alhand. diagr. an. gr. viij. castorei gr. v. m. exhibeantur ex cochleari vini albi. Neque admittenda compositio Tral. imò & Avic. & Mes. ex cast. ℥ ij. & diagr. ℥ j. utpotè validissima, nec proportionata pituitoso humori, castoreum enim etiam in soporosis affectibus cautè exhibendum, nec nisi exiguâ existente febre.

Insensibiliter quoque materia discutienda ac resolvenda, in augmento decocto in oleo ros. thymo, origano, pulegio, calamento. In statû addito castoreo, vel euphorbio. In declinatione, fricando caput jam derafum ol. chamæmel. cum nitro & sinapi. Sinapismos enim apponebat Æt. & Gal. ante ipsum. Interim insuffletur per nares pulv. nigellæ, major. & ireos.

Quarta intentio est, facultatem sopitam excitare, in totâ curatione necessaria iternutatoria proponit Gal. Conveniunt & suffumigia ex castoreo, asa foetida, gagate. Valent acclamationes, capillorum evulsiones, Plinius & Aretæus proponunt crurum verberationes cum urticâ. Gordonius ferrarum & limarum fragores. Gentilis proponit porcellos arctè ligatos in cubiculo detinendos. Aurelianus monet proprio nomine frequenter vocandos esse patientes.

Quinta intentio est, cerebrum roborare; quod præstare poterunt conservæ beton. anthos, salviæ, lavendulæ, majoranæ, & magnæ antidoti. Ex chymicis, ol. majoranæ, serpilli, quinta essentia roris marini, extractum castor. ad grana dilutum in aq. lilior. conval. & omnium maxime extollunt sulphur lunæ.

Tandem à proptetate juvantia non despicienda & inter interna, castoreum præcellit, quo solo vidit Tral. multis lethargo victis in potû exhibito, mortem evasisse, de quo Archigenes integrum librum scripsit, ut refert Gal. à quo etiam probatur. Extrinsicus Symbrium cum aceto capiti affusum. Sed nos experientia compertum, non semel vidimus, satireiam cum floribus, vino incoctam & calentem capiti admotam Lethargicos pertinaces excitasse. Cor & oculi Philomelæ alligati carnem attingentes somnum arcent, ut refert Nicolaus, prout gemma Hamatites ex Alberto.

Tandem symptomatibus supervenientibus occurrendum fuerit, quæ solent esse, facultas sopita, oblivio, urinæ & fæcum retentio, ventium constrictio, & extremorum refrigeratio.

Facultatem excitant, præter adducta, sternutamenta excitata. Pro oblivione sunt provocandi ad respondendum. Urina sollicitetur palæ frustulo fistula urinaria irritata; fæcum excretio acri supposito. Saliva lintecolo lineo ex ore detergenda. Cochleari sæpe dentes diducendi, & os apertum servandum, ac tandem extrema calefacienda, ut docet Hippocrat.

Victus rationem quod attinet. Aër cubiculi sit moderatè calidus, odoribus alteratus, splendidus, non tenebrosus. Victus medius cum Aretæo, tenuis & attenuans cum aliis. Condiuntur cibi aceto, & cinnam. cavendo ab emuls. amygd. dulc. à Tral. proposita. Vinum in declinatione concedendum. Sic Tral. ubi morbus concoqui cœperit, ita Celsus, & Æt. Sic Hipp. ait, *vinum album vinosum postea bibendum dato*. Aquosum caput replet, nec resolvit, vinosum vero adjuvat coctionem & materiæ resolutionem. Interim potus sit mulsæ, ex aqua hord. parata, & cinn. m. condita. Tandem ad iram frequenter provocetur Ager. Exit Deus, ut jam dicta abundè sint à nobis proposita, atque paucioribus Vir Generosus pristinæ sanitati restituatur. *Joan. Raymund. Fortis Consult. & respons. medin. Cent. 1. tom. 1.*

De Caro.

Juvenis Robustus cum è loco editiore in caput decideret, mox alto sopore oppressus est. Ab amicis præsentibus, qui illum ebrium esse putabant, in lecto depositus, toto biduo in isto statu remansit, cumque nullo temporis spatio spontè non evigilaret, tandem Medici consilium imploratum est. In capite nullum vulnus animadvertitur, propterea quod pileus durior caput à vulnere defenderat. In vertice tamen aliqua non magna contusio observatur. Pulsus bene sese habet, neque cordis malè affecti signa exhibet. Respiratio facilis est. Si pungatur ager, compunctum membrum aliquantillum contrahit. Interim nullis clamoribus, pilorum vellicationibus, aliisque mediis è somno excitari potest.

1. Quantoperè in hoc agro caput afficiatur, gravissimus ille sopor satis ostendit.

2. Sopor hic Carus appellatur, *estque somnus maxime profundus cum actionum animalium lesione.*

3. Apoplexiam non esse liquet, quòd respiratio libera sit, & ager compuncta membra aliquantillum contrahat. Neque lethargum, quia febris abest, & ager excitari nequit; quo signo etiam à Comate distinguitur, utpotè in quo ægri subinde excitantur, & membra loco dimovent.

4. Mali hujus causa depressio superioris cranii, sive ossium Bregmatis, ipsu isto facta, quæ etiam depressum cerebrum in suo motu impeditur, ita ut se dilatare commodè non possit: hunc propter impeditam illius actionem, omnes quoque animales actiones læduntur. Ad

de quòd propter compressum, & hinc magnâ ex parte obstructum plexum choroidem spiritus vitales pauciores ad cerebrum penetrant, hincque pauciores etiam generentur animales spiritus; quorum influxus ad sensuum organa, aliasque partes ab eadem compressione non parum impeditur: atque sic propter spirituum animalium tum non satis liberum influxum, deficiunt partium actiones, & fit quies, altusque sopor.

5. Sopor hic grave periculum minatur, & nisi quamprimum commoda remedia adhibeantur, metuenda est mali hujus in fortem apoplexiam mutatio.

6. Indicationes curativæ sunt primo, ut cranium depressum eleveur. Secundo; ut cerebrum à depressione illâ debilitatum corroboretur. Tertio ut totius corporis ratio habeatur & ne humores multi ad caput affluant, vel alius in corpore morbus generetur, præcaveatur.

7. Præmissio igitur clystere, sanguinis \bar{z} viij. vel ix, è brachio extrahantur. Quo facto ad generosum maximeque necessarium remedium deveniendum est, scilicet cranii denudationem, & si necesse sit, perforationem.

8. Eadem die (nam periculum est in mora) quâ clyster injicitur, & sanguis detrahatur, etiam circa vesperam cranium, eo loco ubi extrinsecus in vertice contusio apparet, cruciali incisione, in partibus carnosissimis facta, satis lato vulnere denudetur. Postridie matutino tempore annitendum, ut commodis instrumentis depressum os elevari possit. Sed quia non sine ratione metus est, à violentâ illa depressione aliquas in dura meningē venulas disruptas esse, ex hisque nonnihil sanguinis inter illam meningem & cranium effluxisse, qui postea ibidem putrescens mortem inferre posset, tutissimum foret, si cranium trepano perforaretur in parte firma depressæ parti proxima, ut sic extravasatus ille sanguis effluere, & cranium, immixtis per illud foramen instrumentis, commodius elevari possit.

9. Elevato cranio, & vulnere s. art. petis obstructo, toti capiti hoc fomentum tepidè circumponatur, & cum refrigerari incipit, mox renovetur.

\mathcal{L} . Herb. betonica m. iv. majoranæ, rosmarini, verbenæ, fœniculi, fol. lauri, melissæ, thymi, rutæ, flor. stœchados, chamomillæ, meliloti, an. m. j. aquæ commun. q. s. coquantur s. art. adjiciendo sub finem, vini albi \bar{t} j. fiat fomentum ad \bar{t} iij.

10. Temporibus illinatur hoc linimentum.

\mathcal{L} . Olei succini, rosmarini, majoranæ distill. ana scrup. j. castorei pulverisati gr. ix. unguenti martiati drach. ij. misceantur.

11. Egro è somno jam excitato (quod paulò post cranii elevationem plerumque fieri solet) hic haustus purgans exhibeatur.

\mathcal{L} . Fol. senæ mund. drach. iij. rhabarbari opt. drach. j. s. agarici albiss. drach. j. sem. anisi drach. j. decocti hordei q. s. fiat infusio s. art. adde colaturæ elect. diapruni solutivi drac. iij. misce, fiat haustus.

12. Corpore purgato, bibat bis tervè de die haustum hujus apozematis.

\mathcal{L} . Radic. cichorii \bar{z} j. s. fœniculi, acori,

ana \bar{z} β . herb. betonica, taraxaci, borraginis, melissæ, rutæ, ana m. j. rosmarini, majoranæ, flor. stœchados, ana m. β . corticum citri, aurantium, ana \bar{z} β . passularum corinth. \bar{z} ij. aquæ q. s. coquantur s. art. & fiat apozema ad \bar{t} j. β .

13. loco apozematis subindè etiam dari potest particula talis conditi.

\mathcal{L} . Specier. diambra drach. j. rad. acori cond. corticum aurantium cond. conservæ anthos, rosarum pallid. ana \bar{z} β . syrupi de stœchade q. s. fiat conditum.

14. Si interea alvus non respondeat, clysteribus subindè proritetur: vel suspendatur hæc puppa in cerevisiæ tenuis \bar{t} j. β . de qua subindè matutinis temporibus haustus detur.

\mathcal{L} . Foliorum senæ mund. \bar{z} j. s. rhabarbari drach. ij. rad. jalappæ drach. j. sem. anisi drach. ij. fol. majoranæ, cardui benedicti, ana m. s. fiat puppa.

15. In diætâ, sit aër temperatus & clarus. Cibi offerantur euchymi & eupepti, primis diebus pauciores. Potus sit cerevisia tenuis & vinum tenue. Somnus primis diebus brevior sit, postea moderatus. Exercitia sint mediocria. Excretiones naturales vel spontè, vel arte debito modo procedant. Animi pathemata fugiantur. *Isbrand. de Diemerbroeck de morbis capitis medicat. 8.*

De Comate Somnolento & Vigili.

Vir quadragenarius, mediocriter fortis, temperamento aliquantum pituitosus, bis tervè in anno catarrhis ad dentes vel pulmones delabentibus, per aliquot dies affici consuetus erat, qui interdum nullo, interdum levi aliquo capitis dolore præcedente, invadebant. Tandem autumnii tempore in posticâ capitis parte dolorem tensivum ac gravativum rursus sentit, qualis catarrhum præcedere solebat, nullo tamen catarrho subsequente. Dolori huic in dies adaucto, cum vertigo adjungeretur, Medici consilio corpus purgatum, vena secta, aliaque convenientia remedia adhibita sunt, quibus dolor adeò mitis evasit, ut æger rursus foras prodiret. Verùm cum se intempestivè nimis aëri frigido exponeret, crescente subito dolore, unâ cum vertigine, cubitum discedere coactus fuit, ac subindè aliquantum delirare compertus est. Dolori hoc magis, magisque crescente, secundo die ante lectum casu pedibus insistens, concidit, nec se erigere rursus potuit, sed ab adstantibus lecto impositus est, in quo paulò post tanto somno obrutus fuit, ut nonnisi magnis corporis concussionibus ac vellicationibus excitari potuerit; excitatus oculos tantum aliquantulum elevaret, nihil autem loqueretur, sed mox in somnum relaberetur. Tertio die excitari amplius non potuit. Cum altus ille sopor circiter per quatrimum durasset, postea subindè paulisper evigilare cœpit, tuncque plerumque nihil, interdum pauca cum delirio loquebatur. Tali modo soporosus vixit per octiduum. Postea continuam quidem habebat inclinationem ad somnum, cum oculis conniventibus, sed dormire tamen non poterat, plurimaque deliramenta secum loquebatur; interdum quiescens, cum dormire putare

tur, repente è lecto exsilire (quod tamen ob debilitatem non poterat) & hoc illudve peragere volebat: in istâ inclinatione ad somnum cum continuo delirio, per octo decemve dies remansit. Postea omnino dormire non potuit, neque ullâ inclinatione ad somnum per duas septimanas tenebatur: interea tamen delirium in dies magis imminutum est, ita ut eo spatio mentis planè compos evaserit, viribusque paulatim recuperatis, tandem summi Dei & medicorum ope pristinae sanitati restitueretur. Toto morbi decursu non febricitavit. Appetitus constitit usque ad profundum soporem, & postea evigilans nihil quidem petiit, sed oblata assumpsit, & benè digessit, ex deliris responsis, præter imaginationem ac ratiocinationem, etiam valde labefactatam fuisse memoriam, compertum est. Quæritur quo morbo hic æger laboraverit, & quibus remediis curari debuerit?

1. Cerebrum in hoc ægro omnium maxime laborasse, hincque sensus principes & externos valde afflictos fuisse, clarissimè patet ex historia.

2. Gravis ille sopor, quo in principio detinebatur æger, fuit *Cataphora seu coma somnolentum, quod est sopor gravis ob sensum communem torpescentem exoritur*. Quæ vero postea, cessante sopore, accessit gravis ad somnum inclinatio cum impotentia tamen dormiendi, fuit *coma vigil, quod est gravis ad somnum propensio, & ad eundem impotentia, à vasorum in ventriculis cerebri compressione vel obstructione, & spirituum inordinato motu mentem turbante, producta*.

3. Causa antecedens hujus mali fuit pituita in partibus inferioribus paulò copiosior generatio, quæ ad cerebrum delata, in ejusque ventriculis copiosior collecta, causam continenter constituit, cum enim hæc pituita, more solito, non deflueret ad partes inferiores, sed ibi detineretur, paulatim ventriculos suam copiam distendit, unde primò dolor capitis tensivus ac gravativus exortus est. Deinde verò, illâ pituitâ magis adauctâ, plexum choroidem unâ cum reti mirabili, aliquo modo compressit, & magnâ parte obstruxit: hinc cum spiritus vitales, in animales mutandi, non sufficienti copiâ transirent, spiritus animales tam pauci generati sunt, qui ad sensuum principum & externorum officia non sufficerent, unde æger, motu imminuto, primò concidit, neque se erigere rursus potuit: & deinde sensibus externis quiescentibus altus ille sopor obortus est. Tandem verò naturæ & medicamentorum beneficio, illa plexus choroidis obstructione aliquantum imminutâ cum spiritus vitales jam paulò copiosiores transirent, atque hinc plures generarentur spiritus animales, nondum tamen satis copiosi, iique per impeditas vias inordinate moverentur, inde factum ut mens admodum turbata sit, & spiritus quidem plures ad sensuum externorum organa effluerent, sed non satis copiosi ad eorum munia bene peragenda, quæ causa fuit magnæ inclinationis ad somnum, qui tamen à continua mentis turbatione impediatur, ita ut æger dormituriens dormire non potuerit, sed cum continuis deliriis dormituriendo vigilaverit. Ultimò, cum soluta

penitus obstructione, spiritus jam satis libere quidem transirent, sed ob magnam corporis inanitionem paucissimi ad cerebrum ascenderent vapores, qui illos debito tempore aliquantum in cerebro sisterent. Hinc continuæ secutæ sunt vigiliæ, quæ postea pluribus vaporibus à copiosiore alimentorum usu ad cerebrum elatis, paulatim rursus imminutæ sunt. Febris non adfuit, quia nulla humorum putredo cor infestavit.

4. Coma Somnolentum, ut & vigil, periculosissimum malum est, quo plurimi intereunt, imprimis si ultra quartum diem sopor profundus extendatur: propterea quod nobilissimum viscus, cerebrum, in eo graviter afficiatur. Ex obstructione enim & compressione illa plexus choroidis duplici de causâ periculum imminet: vel quod à spirituum animalium defectu, in apoplexiam mutari, ægrumque citò extinguere possit. Vel quod à spiritibus vitalibus calidis solitas vias transire nequeantibus, facile inflammatio in cerebri membranis fieri, hincque malum in Phrenitidem mutari possit.

5. Indicationes curativæ primariæ sunt, ut materiæ continentis in ipso principio instituat revulsio & evacuatio, sicque solvatur obstructio. Deinde ut causa antecedens tollatur, cerebrum corroboretur, & impediatur, nè in eo nova pituitæ collectio fiat.

6. Quia æger profundo sopore oppressus, nihil per os assumere potest, clysteres, ad minimum semel de die, sunt injiciendi. Asperæ frictiones & ligaturæ doloricæ in extremis partibus faciendæ. Sanguis è brachio detrahendus, cucurbitulæ cum & sine scarificatione scapulis, dorso & collo imponendæ. Corporis concussionibus & vellicationibus dolorificis æger, si fieri possit, sapius è somno excitandus est. Utque materia continens excutiat & evacuetur, hic pulvis sternutatorius subindè cum penna in nares sufflandus est.

℞. Rad. hellebori albi scrup. j. pyrethri scrup. ss. fol. majoranæ scrup. j. piperis, castorei, aqua gr. v. fiat pulvis.

7. Sopore aliquantum imminuto, exhibeantur hæc pilulæ.

℞. Massæ pil. cochiarum scrup. j. extracti catholici scrup. ss. fiant pilulæ v. vel si illas deglutire nequeat, detur drach. j. pulveris diaturbith, aut diacarthami, cum pauxillo cerevisiæ tenuis; vel haustus purgans ex foliis senæ, agarico, radice jalappæ, aliisque similibus paratus.

8 Corpore satis purgato, præscribendum tale apozema.

℞. Rad. acori drach. vj. heleni, fœniculi, ana ℥ ss. galangæ drach. ij. herb. majoranæ, betonicæ, rosmarini, melissæ, calamenthæ, ana m. j. salviæ, florum stœcados ana m. ss. bacc. juniperi drach. vj. lauri drach. ij. passularum mundat. ℥ ij. aquæ q. s. coquantur s. art. & fiat apozema ad ℥ j. ss. cui admisceri possunt syrupi de stœchade, ℥ ij. vel iij. Hujus decocti ter quaterve de die haustus exhibeatur. Interea tamen continuandum est in usu sternutatorii.

I X. Si Apozemate continuè uti nequeat, detur subinde particula hujus conditi.

℞. Specier. diambra, drach. j. β. confer-
væ melissæ, flor. salviæ, betonice, anthos,
ana. ʒ β. syrupi de stachade q. s. misce, fiat
conditum.

X. Conficiatur quoque sequens cucupha,
vel potius capitium capiti imponendum.

℞. Fol. majoranæ, rosmarini, flor. laven-
dulæ, meliloti, ana scrup. iiij. benzoini, nu-
cis moscatæ, gariophyllorum, ana. scrup. ij.
fiat pulvis grossus pro cucupha. Tempora &
vertex capitis illinantur hoc linimento.

℞. Olei rosmarini, majoranæ, nucis mos-
catæ, ana. scrup. j. ung. martiati drach. ij.
misceantur pro linimento. illud autem capi-
tium medicatum æger morbo jam cessante diu
adhuc gestet.

XI. In Diætâ, aër sit purus, mediocriter
lucidus, ad calidum vergens. Cibi dentur
pauciores, euchymi, & eupepti, cum rosma-
rino, majorana, aliisque cephalicis conditi.
Potus sit ptisana, cerevisia tenuis bene defæca-
ta, vel julepus aliquis cephalicus. A continuo
somno æger arcendus est: postea tamen ubi ad
continuas vigilias deventum erit, convenient
amygdalata, aliaque quæ corpori bonum nutri-
mentum exhibere, & capiti blandum soporem
conciliare possunt. Evacuationes naturales
sponte vel arte procedant. Æger autem bene
servandus est, ne in delirio se è lecto devolvat,
aliove modo lædat. *Isbrand. de Diemerbroeck. de
morbis capitis medicat. 6.*

De Lethargo.

Vir sexagenarius, temperamento pituitosus,
pro ætate mediocriter fortis, cum toto autum-
ni tempore nullam diætæ rationem habuisset,
sed fructus horarios; lactucas, cucumeres, me-
lones, aliaque similia copiosius ingessisset, per
aliquot dies totius corporis lassitudinem, cum
magna ad somnum proclivitate persensit. Dein-
de miti, sed continua febricula corripitur, sub
noctem quo idie aliquantum recrudescente,
& quotidianæ normam gerente. Hanc statim
maxima somnolentia comitari cœpit, tanta
scilicet ut à somno detineri nequeat æger; qui
somnus adeo profundus est, ut nec ad adstan-
tium altos clamores, nec ullum in cubiculo exci-
tatum strepitum æger audiat, è somno non
sine molestia & valida corporis agitatione ex-
citatus, adstantes paulisper aspicit, atque
ad interrogata paucis verbis, & læpè non sa-
tis ad rem respondet, se dormivisse nes-
ciens: matula si detur, mingere obliviscitur
sicque oculis & ore clausis in somnum mox re-
labitur.

Pulsus est mediocriter magnus, tardus &
rarus, cui subinde, imprimis circa noctem, in-
æqualitas quædam & paulò major celeritas
adeit. Urina turbida est, quæ refrigerata se-
dimentum pituitosum copiosum deponit.
Quæritur Medici consilium.

I. In hoc ægro caput & totum corpus affici-
tur; illud liquet ex gravi sopore; hoc ex febre
continua, & totius corporis lassitudine.

II. Gravis ille sopor, quo æger noster la-
borat, *Lethargus* appellatur, qui est *inexplebilis in*

*somnum propensio, cum febre lenta, & principum
facultatum læsione.*

III. Causa Remota hujus mali imprimis
fuit victus pravus & refrigerans, quo in cor-
pore pituitoso multi crudi ac pituitosi humo-
res generati causam antecedentem præbue-
runt.

IV. Hi pituitosi humores partim ad ce-
rebrum copiosiores delati, idque frigida in-
temperie afficientes, partim in vasis majoribus
putrescentes, in corde accensi indeque per to-
tum corpus, & simul etiam per arterias caro-
tides ad caput impulsæ continentem soporis &
febris causam constituerunt.

V. Cum enim per arterias carotides cru-
diores illi humores, jam in corde accensi, ad
plexum choroidem perveniunt (cujus minimæ
arteriolæ ob frigidam cerebri intemperiem so-
lito angustiores sunt) & partim propter arte-
riolarum istarum angustiam, partim ob pro-
priam crassitiem, plexum illum lentius tran-
seunt, in eodem a frigida cerebri constitutio-
ne magis incrassantur, sicque adhuc tardior fit
eorum transitus. Quæ causa est, quod spiri-
tus animales solito pauciores & tardius con-
ficiantur propter spiritus vitales, è quibus
confici debent, parcius & tardius per plexum
choroidem transeunt. Qui pauciores spiri-
tus cum ob paucitatem non sufficiant ad con-
tinua munia sensuum exteriorum, hinc fiet
quies, in sensuum istorum organis; per quo-
rum quietem cum nulla objecta ad sensus prin-
cipes deferantur, etiam illi quiescunt, sicque
altus fit sopor. A quo cum æger excitatur, etiam
sensus principes læsi comperiuntur, ob ean-
dem spirituum paucitatem, eorumque inor-
dinatum per impeditas vias motum.

VI. Periculosus est hic affectus 1. quia nobi-
le viscus cerebrum hic graviter afficitur. 2. quia
febris adeit, unde cor, totumque corpus pa-
titur. 3. quia æger senex est, ob caloris nativi
debilitatem, tam grave malum vix evincere
poterit: adde quod in illa vires facile colla-
bantur, & difficulter restaurentur. Spem ta-
men sanationis exhibent vires mediocriter for-
tes, ac proinde curatio quamprimum insti-
tuenda est, antequam illa collabantur.

VII. In curatione materia pituitosa, in toto
corpore redundans, evacuanda, à capite re-
vellenda, & ad partes inferiores derivanda
est: præterea cerebri frigida intemperies tol-
lenda, caput corroborandum, atque in eo
contenta materia educenda ac resolvenda.

VIII. Injecto clystere instituantur ligatu-
ræ dolorificæ, & asperæ frictiones in cruribus,
quæ sapius repetantur. Venæ sectio in hoc
senili corpore minùs conveniens videtur, sed
ejus loco cucurbitulæ, partim cum, partim si-
ne scarificatione, admoveri possunt scapulis,
dorso, humeris & cervici. Ab oxyrrhodino,
aliisque similibus repellentibus frigidis hic ab-
stinendum judicamus.

IX. Deinde excitato ægro hic haustus
purgans exhibeatur. Rec.

Agarici albi ss. drach. j. fol. senæ mundat.
unc. s. sem. anisi drach. j. zingiberis scrup. j.
decocti hordei, q. s. fiat infusio s. art. add. co-
laturæ elect. diaphanici drach. iiij. misc. fiat
haustus.

Postea si alvus quotidie non satis respondeat, clysteribus proritetur.

X. Corpore expurgato, subinde detur ægro haustus hujus apozematis. Rec. Rad. calami aromat. helenii, fœniculi, petroselinii, ana unc. f. herb. betonicæ, capilli veneris, cardui ben. centaurii minoris, taraxaci ana m. j. rosmarini, majoranæ, hyssopi, florum stachados, chamomillæ, ana m. f. baccarum juniperi drach. vj. sem. anisi scrup. j. β. corticum citri, aurantium ana unc. f. aquæ q. f. coquantur f. art. & fiat apozema ad lib. j. β. cui admisceantur syrupi de stachade unc. ij. vel iij.

XI. Post usum hujus apozematis corpus iterum expurgetur haustu purgante ante dicto: cujus loco si æger pilulas malit, dentur scrup. ij. vel scrup. iij. pilularum cochiarum: vel si pulverem melius assumere possit, detur drach. j. pulveris diacarthami aut diaturbith, cum decocto hordei dissoluta.

XII. Secunda hac purgatione peracta, ad prædictum apozema redeundum, cui tunc plura diuretica (ut radices ononidis, asparagi, eryngii, herb. petroselinum, fragaria, aliaque similia) commodè adjiciuntur. Et quia castoreum in hoc morbo admodum laudatur, non malè interdum cum haustu istius apozematis, aut cum oxymeli scyllitico, castorei pulverisati grana quinque aut sex exhibebuntur.

XIII. Interea dum hæc fiunt, studendum etiam, ut materia è capite speciatim evacuetur, ipsum caput topicis roboretur, in eoque contenta residua materia discutatur. Prius impetrabimus si succum radicum betæ & foliorum majoranæ æqualibus portionibus pro errhino in nares immittamus; vel si hunc pulverem sternutatorium in nares sufflemus.

℞. Rad. hellebori albi scrup. j. rad. pyrethri, fol. majoranæ, ana. scrup. f. piperis nigri gr. v. Castorei, benzoini, ana gr. iij. fiat pulvis.

Posterius consequemur, si verticem & tempora sæpè illinamus hoc linimento & sequentem cucupham imponamus.

℞. Olei succini, rosmarini, majoranæ ana scrup. j. unguenti martiati drach. ij. Castorei pulverisati scrup. f. misceantur pro linimento.

℞. Fol. majoranæ m. β. rosmarini, salvia, flor. meliloti, ana. p. j. gariophyllorum, nucis moscatæ, ana. Scrup. j. fiat pulvis grossus pro cucupha.

XIV. Porro diætam convenientem instituire necesse est. Aër sit purus, lucidus, moderate calidus & alteratus odoribus ex castoreo, pullegio, rosmarino, salvia, thymo, majorana, mellissa &c. cibi dentur pauci, & facilis digestionis, conditi rosmarino, majoranæ, betonicæ, hyssopo, aliisque quæ humorem pituitosum attenuandi & coquendi caputq; corroborandi vim habent (non enim hic ratione febris victus mere refrigerans est instituendus, sed potius ratione humoris peccantis, aliquo modo calefaciens: nam hoc modo sublata humoris pituitosi generatione, ejusque coctione peracta, febris facile evanescet) abstineat æger à lacte, leguminibus, fructibus horariis, aliisque frigidis alimentis, ut & ab iis quæ subtili calore attenuatos humores copiose & subito ad caput de-

ducunt, qualia sunt cape, allium, synapi, raphanus &c. Potus sit aqua hordei, cum hyssopo, majorana, rosmarino, & similibus decocta, melle vel hydromelite dulcorata, & cum pauxillo cinnamomi aromatizata. A continuo somno æger omnibus modis arceatur, & quàm sæpissimè excitetur. Evacuationes naturales, si sponte non succedant, arte proritentur: cumque lethargici mictionis, & egestionis alvi oblivisci soleant, sæpè admonendus est æger ad urinæ, & alvi excretionem. *Isbrand. de Diemerbroeck de morbis capitis medicat. 7.*

Medicatio adolescentis Comate vigili laborantis

Adolescens quindecim annorum, febris continuâ, eaque satis fervida laborans, sæpè ex lecto proflit mutus ac oculis clausis, dormienti similis, quamvis perfecte non dormiat; tumque caput, reliquumque corpus in parietes illidit, tanquam exitum quærens. In lectum relatus, corpus varie jactat, oculosque clausos vel conniventes habet; Siquis ipsum alloquatur, vel attingat, nihil articulate respondet. sed inconditum sonum, instar mugitus, edit.

Afficitur in hoc ægro præter cor, cujus affectio ex febre est manifesta, etiam *cerebrum*; quod ex mentis stupore, oculis instar dormientium clausis vel conniventibus, & corporis illo inconcinno, & inconveniente motu & jactatione, patet.

Morbus qui ipsum cum febre cõtina affligit, est intemperies pituitosa cerebri cum magno spiritum animalium, in cerebro & ejus ventriculis existentium, fervore conjuncta, quæ somnolentiam, vereque dormiendi impotentiam, simul inducens, *coma vigil appellari solet.*

Causa antecedens hujus morbi est congeries pituitosorum, biliosorum, ac putridorum humorum, in toto corpore existens. Pars verò ejus pituitosa in cerebrum copiosius delata, illudque gravans, & biliosa in spiritus feruidos conversa, & ventriculos cerebri distendens, inordinateque movens, *continens* hujus morbi, symptomatumque in historia commemoratorum est causa.

Morbus hic propter cerebrum & coram graviter affectum, maximum vitæ periculum, & præterea phrenitidis vel lethargi metum inducit.

Curatio itaque diligentissima adhibeatur. Eaque in causæ antecedentis, continentis & intemperiei, per contraria ablatione, consistet.

Mox itaque vena secetur, sanguisque pro ratione virium, ad revulsionem & evacuationem educatur. Taliq; clyster injiciatur.

℞. Decoct. emollientis lib. i. in qua dissolve el. diaphænici, diapruri an. ʒvj. ol. violacei, chamomill. an. ʒj. salis ʒj. Misce F. clyster, aliquoties iterandus. Vel subinde purgari etiam poterit tali haustu, si eum admittit.

℞. Diaphænici, diapruri an. ʒβ. Aq. decoct. hordei q. f. misce F. haustus.

Oxyrhodinum etiam capiti ex aceto acerrimo, ol. rofar. & camomillino, tepide per triduum adhibeatur.

Postea pro cerebri corroboratione & materiæ

riæ discussione, fiat oxyrhodinum vel capitis inunctio ol. camomillino, costino, irino, cum aceto, in quo pulegium est incoctum vel maceratum.

Corpore evacuato, cucurbitulæ cum scarificatione collo & dorso etiam sunt adhibendæ. Ad sitim & ardorem detur tale julapium.

℞. Aq. decoct. hordei lib. f. syr. violacei, de succo limonum an. ℥j. Rob. de ribes ℥β. Misce. vel.

℞. Rob. de ribes ℥j. syr. violacei, de limon. an. ℥β. F. Mixture, de qua subindè aliquid detur ex cochleari.

Versetur in aëre temperato. Nutriatur iusculis vervecinis & gallinaceis, alteratis endivia, acetosa, lactuca, item lacte amigdalato cum decocto hordei facto. Potus sit cerevisia tenuis. Teneatur quietus, à turbâ remotus. Henricus Regius apud Theodor. Craanen medication. lib. 1.

Vir Quadraginta annorum, pituitosus, crassus, pinguis, deles, ebrietati & ingluviei deditus, postquam per aliquot dies de capitis gravitate esset conquestus, in tam inexplebilem dormiendi incidit propensionem, ut quicquid ageret dormire cuperet & in somnum assiduò laboretur. Malum jam ita crevit, ut magna difficultate per clamores & vellicationes excitatus, oculos vix attollat, aliena incondito murmure loquatur, & mox in somnum relabatur. Quandoque expergefactus matulam mingendi causa postulat. Verum mox ejus oblitus urinam in lectum inscius effundit. Totum corpus tactu justo calidius sentitur. Calorque sub vespèram quotidie est intensior. Pulsus mollis est, celer, inæqualis, & debilis. Respiratio lenta, urinæ sunt crassæ & turbidæ.

Afficitur in hoc agro totum corpus, quod docet ingluvie & ebrietas, atque urina crassa & turbida, sed præcipuè cerebrum, quod probat magna illa somnolentia, & præterea cor, ut constat ex febrè.

Morbus, qui cum tenet, est *Veternus*, sive intemperies totius corporis, & præcipuè capitis, pituitosa, & nimis gravis, quæ putrescens febrem, & cerebri substantiam suo pondere gravans, somnolentiam talem, qualis in historia hic describitur, inducit, quæ græcè *Lethargus* dicitur.

Causa hujus morbi *procatartica*, est ingluvie & ebrietas, cui nuper æger indulgens, magnam pituitosorum humorum copiam in toto corpore collegit, quæ pro *antecedente* ejus causa est habenda. Eaque in corpore putredinem concipiens, ac in corde vehementius incallescens, & deinde per totum corpus, ac præcipue in cerebrum delata, illudque suo pondere premens & gravans, *continens* hujus morbi, & symptomatum omnium, est causa.

Nam sanguis pituitosus in venis putrescens, & inæquales partes habens, cum cordi perpetuo novam incendii causam suppeditet, illudque in totum corpus per arterias se diffundat, hinc oritur *febris continua*; quæ calore justo majore, pulsu celeri & inæquali, sese prodit. Magna verò istius pituitosi sanguinis portio, in cerebri substantiam & meningum poros delata induxit, primum *Capitis gravitatem*, eaque ibi acuta, cerebri molem ita oneravit, ut spiritus animales, qui in ventriculis

exsunt illud satis attollere, ventriculosque & nervos subjectos sufficienter distendere nequientes, *somnolentiam magnam*, & postea etiam *soporem tantum pepererint*, ex quo vix ullis clamoribus & corporis vellicationibus, spiritus in cerebro dilatantibus, *excitari ager possit & si aliquantum expergefiat*, recte nomen audire, oculos satis aperire, & oportuna loqui nequeat, ac proinde *inconditum & inconueniens murmur edat*, matulaque exhibitæ obliuiscatur, mox in somnum, ob cerebri gravitatem relabatur, & inter dormiendum urinam ob nervum qui vesicam per influentes spiritus claudit, affectum, *inscius in lectum effundat*.

Sub vespèram ingravescit quotidie febris; quia materia morbifica, in cerebro existens, quotidie sub id tempus, propter peculiare suum temperamentum, tam matura evadit, ut in venas sese per rarefactionem effundens, ad cor deferatur; ibique calorem cordis, & deinde totius corporis, præter naturam augeat.

Nec est quod miremur, pituitam putrescentem posse febrem, & hinc delirium aliquod, hic excitare: nam etiam lactuca & gramen, aliaque similia frigida per putredinem sæpè incallescunt, dum se. per eam insensibilium particularum pori ita disponuntur, ut æther, in iis copiosior existens, & sese vehementius movens calorem sive varium & vehementem insensibilium partium motum, in illis producat.

Hic affectus celeriter, nisi celerrime ei occurratur, occidere solet; ideoque ocissime illi *medela* adhibenda.

Eaque consistat in causæ antecedentis & continentis ablatione, & intemperii cerebri per contraria correctione.

Primò itaque educatur sanguis per phlebotomiam è brachio ad uncias octo.

Et Deinde mox injiciatur hic clyster.

℞. Rad. althææ unc. ij. Herb. malvæ, bis-malvæ, parietariæ, betæ, mercurialis an. m. j. flor. camomill. meliloti ana m. f. furfuris macrip. ij. Decoq. in aq. comm. ad lib. i. in qua dissolve elect. Diaphanici, diacatholici an. dragm. vj. mellis rosat. unc. f. olei camomill. unc. j. f. salis dragm. j. misce. F. clyster, mox injiciendus.

Postea hoc utatur oxyrhodino leviter repellente.

℞. Aq. rosar. camomillor. ana unc. ij. f. ol. rosacei unc. j. f. camomill. unc. f. acet. optimi dragm. vj. M. F. Oxyrodinum, tepidè cum pannis capiti adhibendum.

Deinceps ad ea remedia deveniendum quæ ægrum excitare possunt: qualia sunt frictiones alperæ dorso & artuum, vinculaque iis injecta, ac frequentius soluta, tractio pilorum.

Præterea hoc usurpetur apozema.

℞. Rad. cichorii, polypod. q. ana unc. j. fœniculi, petroselini, asparagi ana ℥vj. Herb. betonica, melissæ, hyssopi, capilli veneris ana m. j. Flor. anthos, stachados, camomill. ana. p. j. Sem. anisi, fœniculi ana ℥v. Decoq. in aq. comm. ad lib. j. β. addendo sub finem decoct. fol. fenæ unc. ij. Jalappæ unc. f. colaturæ adde syr. de hyssopo unc. ij. aq. cinnamomi unc. j. f. apozema; de quo sumat quotidie uncias quatuor, semel, vel indies, pro ratione operationis.

Et adhibeatur tale vesicatorium, post cucurbitas humeris, dorso, & naribus adhibitas

℞. Pulv. cantharid. ℥j. euphorbii ℥β. piperis

peris gr. vj. fermenti acid. unc. ss. aceti q. s. F. Vesicatorium, collo circa nucham adhibendum.

Circa tertium diem præscribatur hoc linimentum.

℥. Unguenti alabastrini unc. s. Olei liliorum dragm. iij. de castoreo dragm. ij. M. F. Linimentum; quo caput cum pannis adhibitis illinatur.

Sumatque hunc bolum; ℥. Theriacæ Androm. Div. Castorei in oxymelite sol. gr. v. M. F. Bolus, sex horis ante pastum exhibendus.

Tandem, ubi vis morbi & febris jam plusculum erit superata, cerebrum tali medicamento erit corroborandum.

℥. Consev. fl. lavendulæ, salviæ, anthos, betonicæ ana. ℥ss. Calami aromatici condit. Nucis moschatæ condit. ana. ℥ij. spec. aromatici rosati, diambæ ana. Div. Theriacæ Div. cum syr. de stachade q. s. F. Electuarium de quo sumat castanæ quantitatem, bis in die.

In victus ratione aer sit moderatè calidus, & castoreo, pulegio, hyssopo, Origano, & aliis similibus alteratus; *Cibus*, ubi malum nonnihil remiserit, sit paucus, calidus, ad concoquendum & ad distribuendum facilis; uti sunt pulli gallinacei, capi, gallinæ. Alimenta quoque poterunt condiri salvia, thymo, roremarino, majorana. *Potus* sit aqua malsa, à vino abstinere usque ad declinationem morbi. *Exercitii* loco sint frictiones validæ, unctiones curriculo factæ. A nimio somno arceatur æger, & tantum dormiat, quantum saltem viribus conservandis sufficiat. Et quia præ oblivione aut *stupiditate* excrementa alvi & vesicæ deponere negligit, idcirco de excretionem est admonendus; curandumque ut vel sponte, vel arte alvum quotidie deponat. *Henric. Regius apud Theodor. Craanen medication. lib. i.*

Observationes.

Pro comate seu subeth puerorum.

Puer quidam 5. annos natus, crassus & obæsus, subito incidit in comatosum affectum, cui convulsionem interdum superveniebant. Vocatus statim præscribo clysterem ex hiera diaphanicon & aqua benedicta; quo multum purgatus est. Rejecto clystere, exhibeo salis vitrioli ℥ss. & provocato cum penna vomitu, multam pituitam excrevit, paucis post horis liberatus est. *Lazarus Riverius Observ. 28. sent. 4.*

Puella quædam 8. annorum comate detinebatur cum convulsionibus frequentibus, cui medici multa remedia adhibuerunt, clysteres, frictiones, cucurbitulas, vesicatoria, sternutatoria, & similia, ego vitrioli albi ℥j. cum jusculo exhibui, & vomitu excitato ilico liberata est.

Filius cujusdam hortulani 5. vel 6. annos natus, eodem affectu cum convulsionibus detinebatur, cui exhibui aq. bened. *Rulandi ℥ss.* undè supra & infra purgatus est, & ab affectu liberatus. *Samuel Formigius Observ. 11.*

Sacerdotem juvenem robustum comate vidi correptum à recidiva febris; clystere acerrimo cum colocynthidis ℥ij. melle ros. ℥ij. & sale tunc efficacia indito, Prævotius 7. velicantia imperavit, quibus parum pronicientibus, ad occipitis inultionem ventum; à qua melius habuit. *Joan. Rhodius Observ. 36. cent. 1.*

Commune est omnibus Cathaphoris remedium aceti acerrimi perfusio super laminam ferream ignitam, quæ multos lunos acres excitat, qui naribus attracti cerebrum exsiccant, somnumque expellunt, efficacius erit, si addatur semen nigellæ, vel rutæ, aut castoreum. *Guil. Rondeletius Pract. lib. 1. cap. 19.*

Qui in somnum profundissimum cadebat, pro apoplectico false habebatur; hunc autem difficulter ligaturis fortibus ac vinculis injectis, ac demum solutis, tum frictionibus excitare potuimus. Sed injecto acri clystere cum multis molestitis & vellicationibus excitatus est, frigidum & humidum habebat cerebrum pituita refertum. Post exhibitum Oxymel scyllinam & syrupum de stachade, has pilulas commodè devoravit.

℥. Pil. Coch. Div. cum syr. de stachade F. pilulæ v. quibus alvus egregie turbata est, deum adhibita theriacha ad ℥j. vigil factus est & à somno excitatus ad mentem rediit. *Petrus Forestus Observat. 33. libro decimo de cerebri morbis.*

De Comate somnolento ex vini nimio usu.

Sacerdos quidam si apud convivas paulo largius vinum hausisset, comate soporifero detinebatur, adeo ut neque tympanis valde sonantibus, nec quovis horribili strepitu aut sonitu, vel exclamationibus à somno expergisceretur: imò in mensa sedens, somnulosus, stupidus, & immotus manebat: & si annuli à digitis detraherentur, & modo in hanc, modò in aliam partem propulsus, & si in domum ab aliis ferebatur, nullo modo excitabatur. Huic viro ego apoplexiam, aut aliud gravius malum ob hoc accidens prædixi: nec me sefellit prognosticum, postea enim ab apoplexia extinctus est. Alios etiam novi, qui ubi largiter potassent, ilico coma soporiferum incurrebant. *Petrus Forestus schol. Observ. 34. lib. 10.*

Dormitio puella quasi Lucumoriana.

Lucumoriæ gentis hyematio, inter mucum & nives à 27. Novembr. ad usque 24. Aprilis extenta, jam tum verò ab ipso *Illustr. Barone Herbersteinio* (relata saltem referente) p. 90. expresse pro fabula habita, nec aliter ante quadriennium à magni Moschoviæ Imperatoris ad Serenissimum nostrum legato æstimata, planius autem nuper quoque ab *Excellentiss. Dom. D. Pechino cap. 6. de aeris & alimenti defectu* deducta; nihilominus in memoriam nobis revocavit conforme fere, quamvis brevioris periodi exemplum; superioribus annis in quodam territorii huius pago notatum, relatu forsan haud indignum.

gnum. Puella præter propter octennis (cui pro more domi durus pater, quia iniusta noverca) pugnis prius probe dedolata mittebatur ad merendam patri bibulco deferendam; esuriens panem adoritur, pauloque post semesum videns, verbera denuò verita, proximum nemusculum ingreditur, & prona concidens inter lacrymas atque suspiria, facie musco undique merla obdormiscit. Desiderata, quæ sita tandem pro deperdita habita est usque ad diem septimum, quo quidam ejusdem pagi pueri eò venere, pedicas aviculis autumnali tum tempore paraturi. Vident ex arbusculo quodam dependens subrepentis puella peplum, noscuntque: paulo ulterius progressi ipsam inveniunt pronam cum panis ad latus fructo, mortuamque rati parentibus nunciant: accurrunt isti, & in pagi proximam domum, ubi cum affini forte fortuna aderamus, deportant. Artus omnes adhuc molles, flexilesque, respiratio verò ad sensum nulla, facies glutinosa pituita, musco deciduisque foliis intermixta totaliter obducta, os, naresque undique musco crassissimo oppleta. Corpus nihilominus frictionibus & fornacis ope post limbo caleneri, vel tamen illud mucosissimum calida removeri, & viscidum in ore, naribusque coagulum eximi curavimus; hinc spiritus vini cochlear, quia aliud ad manum non erat, insudimus, qui descendere videbatur; repetitionem ejus suspirium sequebatur; post tertium cochlear aperiebat oculos, per horas tamen aliquot adhuc intar attonitæ jacens, donec recollectis paulo magis viribus, supra memorata, & quod lacrymis superindormierit, referret, amplius non norat. Hanc ita pridem adhuc vixit, sed in actionibus animalibus obtusior, seu hinc, seu parentum intar, aut per utrumque.

Addamus autem huic consimilem observationem ex alio tamen capite. Puer septem vel octo annorum variolis hic grassantibus aliquando corripiebatur, cumque eruptio jam intaret, impientissimo cochlearia duo vel plane tria haud mediocria, de *Syrupo papav.* (foris. nex immaturissimis parato) vicina sua su dedit mater. Indormivit brevi post ille, ore plerumque hians, calore tolerabili satis pulsusque pro morboratione sat conitante. Potum interea & jurulenta tandem etiam medicamenta liquida (cum parentes continuatione somnolentiæ perterriti me vocassent) lente deglutiebat; cetera inclamantes, palpebrasve diducantes hanc advertens, nec manu voceve signum perceptionis reddens. Jacuit ita fere per quintiduum, ubi suppuratarum forsani variolarum ardore superatus sensim ad se, & actionum animalium munia redire capit, brevi post integræ valetudini restitutus, citra residuæ cujusdam stupiditatis notam. De cætero, si cum judicio, debita proportionem & Bezoarticorum consociatione sit, equidem non est de nihilo, sed præsentanei plane subsidii opiatorum sub tempore eruptionis (ab inquietudine Patientis, inter nimiam confusamque sanguinis effervescentiam impeditæ) accessus; admodum tamen accisus, ad decimam, octavam, sextam, quartamve dosis Tincturæ vel Pulveris anodynæ (pro ætatis ratione) partem semper si pote, alexipharmacis temperatam: ceusane parili ratione sub ipsa talium aliarum-

que malignarum (cum vomitu profluviisque) invasionem plus proficitur una vice, quam sistendum, roborantiumque (in se fermentante acrimonia magis irritantium) mixturarum, juleporum &c. congiis. Nostro verò huic dormitatori, circa tertium vocati, bis tantum *Tinct. Bezoartica ammoniacalem*, guttis aliquot *Ess. castorei* sociatam, & in potu *spir. salis* è muria spontaneè inspissata subtiliorem dedimus, sicque successivè se recollegit.

Dubitamus autem num referre huc liceat, cum incideret, ridiculam variolarum aliquando in Nigritis, nec diligentissimo in his *I. Bonio*, nec aliis, [quod recordemur] itinerariis, diariisque notatam; quam vir probe hic notus, bonæ fidei & à nugis perquam alienus, præsentem non uno Serenissimi Regiminis Consiliario, magna contestatione, causamque simul rogans, inter alia Orientalia recensuit. *Injava Nova Baltavia*, ubi tum mancipiis quoque plurimis dives vixerat, variolæ ab Europæorum, ni fallimur, novellis quibusdam etiam ad Æthiopes ibi pervenerunt, periereque ipsi quoque hujuscemodi servorum haud pauci. Conterranei eorum accurrentes quælivere, cur morbo haud tanti momenti objerint? ille, sibi hoc longè esse perniciosius; de cætero nil fecisse reliquit; medicamentorum satis oblatum. Petierunt hi, ut si denuò è sociis quispian corriperebatur, notum faceret. Invasit affectus postero die duos; quos in ipso febrili fervore sublato in proximum Civitati profluentem mersere. Secundo lacticiuium oxygalæ nostrati conforme. Tertio acetarium è cucumeribus, quasi nostro more paratum, utrumque liberalius assumere adegerunt. Quarto imminuentis eruptionis die denuò in profuente mersos stragulis suis, uti semper, reposuerunt faciem morbi decursum passos, brevique cum subsequiis omnibus ea methodo, (quàm enixa quoque ac puerperæ in Africa ac Asia ex parte sequuntur.) restitutos: saltem quod ob persistentia subalbidaque variolarum vestigia reliquis immunibus (æquè ac ejusdem Æthiopissa, per totum corporis latus fervida perfusa, post sanationem quasi dividua) aliquamdiu fuerint deridiculo. Interea rebus sic stantibus, causam rogati, putavimus forsani nimis diaphoreticis ad nostrorum tractuum normam, sub eo climate, eoque Nigritarum temperamento, hac conditione adhibitis, sanguinis, inconditum fervorem (quem misera mancipia moderata ibi attemperatione intus ac extus, ad faciliorem secretionem vel nostratum fermentantium liquorum semi exemplo sic interea disposuerunt) fuisse eò magis exaltatum, ut mors anticipando quasi facile supervenire potuerit: æquè ac complures fortasse pusiones terræ cedunt nimia illa cubiculorum exaltatione, potus denegatione vel calefactione, expulsivorum anticipatione, multitudine, inordinatione refectionum, juleporum, aquarum perlatarum, &c. ingurgitatione &c. qui cæteris paribus, vel rusticorum exemplo, dulciori, consideratiorique medicatione forsani servari potuissent, ante eruptionem sc. nil aut parum saltem per absorbentia bezoartica fixiora, (ni malignitas, vomitus, diarrhœæ subtilius cum anodynæ tantillo exegerint) mo-

vendo; expulsionem postmodum volatilibus (solitariis, aut dicto modo exaltatis) semel aut bis, hinc fixioribus denuò adjuvando, circa nonum vel undecimum novas interdum exacerbationes accisa *inft. bezoartica*, mixtura simpl. dosi, moderatioribusve infringendo, vel quum per vulgatissima præcipitantia (mixto interea potui spiritu salis subtiliori, clisso &c. transigendo, non neglecto post collectionem laxativo. *Daniel. Ludovici.*

Comatis curatio.

Illustriss. Domin. Coniczpolsky ob crebram capitis lotionem in Soporem incidit, memoria fere omni abolita, ad interrogata apertis oculis respondebat: ita, ita Domine. sed ad rem nihil, cibo porrecto, quærebat quid esset, quid faciendum: inditum ori deglutiebat, moxque rursus dormiebat, febre carebat, qua ante aliquot septimanas laboraverat. Duraverat hoc symptoma 2. tantum dies; clystere enim injecto ex emollientibus, tandem purgante ex infus. fol. Senæ, & Agar. cum manna exhibito, disparuit. Non multo post sequuntur sunt destillationes gravissimæ, primò ad fauces, deinde ad aures, tandem ad oculos, ut lumen aspicere non posset.

Coma somnolentum variis stipatum symptomatis.

Honoratus Civis, *Joachimus Curtius* annorum circiter quadraginta cacochymicus, scorbuticus, & sedentariæ vitæ assuetus jam ante triennium in somnos cœpit esse propensior, adeo ut sæpe inter prandendum, cœnandumque sæpe inter colloquia obdormisceret, non sedens tantum, sed & cum stans in fulcrum se aliquod inclinaret, cœtera sanus & polyphagus, & a febre immunis. Duravit illa narcosis, quamvis antiscorbuticis oppugnata, ægro diatæ leges minus sollicitè custodiende, donec ante hos sex menses pertinacior comitem sibi adjungeret hydroperem. Venter enim ad instar ligni induruit, intumuitque scrotum aquis & flatu distentum, urina parca, crura rigida, ampla, hinc inde livida, & à digiti pressu fortiori in vallecule constantibus subsidentia. Evocatus in auxilium chirurgus catharticis, emplastris, & nescio quibus aliis hydropicum tumorem aggrediens eò tandem neglecto comate, rem deduxit, ut detumesceret scrotum [quod in primis tristitia minabatur] atque æger in spem sanitatis erigeretur, abdomine licet adhuc tenso & pedibus tumidis. Verum non diu tenuit illa latitia. Quò enim plus induciarum spondebat mitigatus hydrops, hoc sæpius paulatim coma incubuit, & ægrum; præcipue verò uxorem ejus ad desperationem sanitatis conclamata plenissimè addegit. Tandem accersitus ego hominem video statum Mercuriali similem, qui vix clamore subinde expectatus statim oculos iterum clausit, non modò obdormiscens, sed & stertore & rhonchis spiritum meantem inquietans. Aderat & is in vultu, & præsertim in labris livor, ut nullius suspensi facies aut labella saturatiori caruleo colorentur. Instigatus agitatione, clamore, apoplecticis liquoribus verba subinde aliquot pronunciavit, sed illa tertiata & malè

coherentia, mox iterum in rhonchos & interceptam quandoque respirationem declinans brachiis, & si sæpe attolleret, statim collabescens. Suavissem mox (præter analeptica) emeticum, sed metu calumniarum, ne secundum illud Celsi, quem non hoc modo servassem, occidisse viderer, abstinui, & prognostico præmissio, recentissimum sal. armon. urinam redolentis spiritum naribus ægri sæpe admovi, quo ille expectectior momento iterum cum Didone saucia.

Quasi vitæ oculis lucem, ingemuitque reperta.

Nihilominus crebro spiritus ejus ad motum id effectum, ut ad pharmaca os subinde aperiret, quo viso ingeri jussi vinum liliorum convallium sale volatili succini, & spiritu salis armoniaci aromatico prægnans; non quidem nullo successu, sed initio perexiguo, quod conclamata viderentur omnia, pulsu vix dum observabili, id quod & missionem sanguinis alioquin profuturam retardavit. Ventum ergo & ad spiritus Cephalicos, salvia, lavendula, rosmarini, cerasorum nigrorum, salem volatilem ungulae alci, & quæ alia usus in hoc affectu solet commendare, cumque his præmissis, sequentibus diebus paulò excitatior æger paulatim clysteres admitteret, & cathartica, plurimum quidem sæcum exclusum est, sed caput adhuc obstipum & germano Endymioni conveniens perduravit. Observatum mihi interea, quoties æger incumberet lecto supinus (quæ sola illi dormiendi consuetudo) anhelitum fuisse paulò liberiores, & labra minus livida, quin & rhonchos placidiores, quoties autem sedili insidens à famulis contineretur metu lapsus omnia symptomata visæ graviora, unde conjiciens obsideri cerebrum circa sagittalem futuram aqua quadam narcotica, quæ sedentem erectiori capite magis aggravaret, jacente autem, pondus ex declivi situ imminueret, in occipite mox cauterio viam noxi humori exitum aperiri jussi, & eraso ad sagittalem capillitio cucurbitas ex vitro amplas sine scarificatione caluæ sæpius affigi. Propinata interim frequenter tinctura foliorum tabaci cum volatili urina & fuliginis sale, suppositisque linguæ rotulis ex oleis rosmarini, salvia, succini, extracto castorei & aliis, eò præter expectationem post dies viginti rem vidi redactam, ut æger postea mane ad negotia sua consurgeret, domo egrederetur, cum amicis luderet fritilis, & libro rationum suarum vigil quotidie assideret, nec quicquam omitteret eorum quæ negotiationes domesticæ requirunt. Neque tamen ea felicitas diu duravit, cum plus cibarium, plus potionum quotidie efflagitaret, quàm stomachus, & vita sedentaria paterentur. Accessit amplitudo illa & durities abdominis, accessit crurum tumor hydropicus, quæ mala, cum diatæ custodiam non adhiberet exquisitiorem, fatum accelerarunt. *Olaus Borrichius.*

Lethargus ab erysipelate.

Honestissima Matrona Deruda Finckia, Vidua

dua beati Dn. Joan. Brochmanni, Matertera nostra, annos nata 67. erysipelate pedis per hyemen totam vexata, vere primo 1671. disparente illo tumore convaluisse existimabatur. Sed ne falsus esset Hippocrates sect. 6. aphor. 25. peiora mala in procinctu erant. Supervenit enim lethargus, obmutuitque optima Matrona, benigne omnes affari solita, compos tamen mentis evigilans subinde, signa pietatis dedit. Omnia cum D. Jano Fossio tentavimus nihil profecimus. Septimo enim die expiravit placidissime, triste suis amicis desiderium re-relinquens. Semper tamen pulsus validus permansit, & celer, secus quam in *Coaca* 138. *Cons* prodidit, quia in nostra beata sanguis humoresque calidi vigeant in arteriis, & translati fuerant ad cerebri vasa. Unde tentata venæsectio etiam in extremis. Cæterum sanguinem laudabilem promptè fluentem dedit vena, non vitani. *Thoma Bartholini.*

Veternus ex Laudano opiato.

Medicus quidam peregrè veniens Ratisbonam, duobus hic agrotantibus, quorum alter plebeius doloribus arthriticis magnis infestabatur, alter Nobilis Ungarus juvenis febre ardente & vigiliis nimis afflicto, opium vel laudanum opiatum in inusitatâ dosi porrexerat, inde ambo veterno obruti, & simul lethi poculo obierunt *Helvvigius.*

Quàm salutare pharmacum est Opium cum prudentia usurpatum: tam noxium & instar gladii in manu furibundi periculosum evadit, ab imperito propinatum, tragicis hoc exemplis plurimis attestantibus; quæ inter orthopnceam lethalem ab exhibitio opio in quartana à circumforaneo, nullâ præviâ evacuatione, describit *Frider. Lossius* lib. 2. *Observ.* 12. Quâ occasione in pseudo medicos, oppidatim & per pagos oberrantes, unam omnium morborum medelam, veluti Panaceam venundantes, ac vulgo credulo obtrudentes unâ invehitur. Rationalis sane medicus abunde habet, quod prospiciat, si salutarem opii effectum obtinere velit: quàm periculosa itaque evadet ipsius exhibitio, empirici (si epitheto hoc ad nostri ævi medicastro, omni *εμπειρία* destitutos, abuti liceat, cum ab antiquis illis, multis parafangis scientiâ & dignitate differant; de quo præ aliis, videndus *Joan. Freitagius* Noct. medic. cap. 4.) in manus si incidat, qui neque morborum naturam causasque ritè dignoscere, multo minus ex fundamento curare didicit. Talem Panaceam, solaris epitheto superbientem, ab aliis etiam jam memoratam, pilularum sub schemate vidit non ita dudum urbs nostra, quæ muliebri dispensatæ manû, quid commodi, damne ubique attulerint, equidem me latet; hoc tamen compertum habeo, puellæ in pleuritidis initio, liberali satis manû, necessariis aliis neglectis, exhibitas, mortem accelerasse. Non quidem is sum, qui cuncta empiricorum remedia velim rejicere, cum sæpius olitor quoque fuerit oportune locutus, nec à Plebeis, si quid ad curandi opportunitatem conferre videatur, sciscitari, ex Hippocratis præcepto lib. de Præcept. quenquam pigere debeat. Ast Panaceas illas proclamare velle,

alia verò necessaria negligere, aut etiam Medicastris magnam propterea in cæteris etiam quibuscumque partibus, ad medicinam quæ pertinent, & nescio quam infusam scientiam tribuere, eosdemque genuinis Medicis præferre, nemo prudens facile præsumat. Omnes equidem Medendi artem qui profitentur, nomen ipsum facit medicos, ast illi demum veridicendi sunt, qui Physica, Anatomica, & cætera artis fundamenta edocti, (non incertis ac cæcis quibusdam experimentis aut merâ temeritate ducti) cum ratione medentur; quo intuitu, ut in lege Hippocrates loquitur, *Medici nomine quidem multi, reipsa perpauci.* Sed hæc jam transeant. Quod verò Laudanum duos Observationis hujus ægrotantes lethali veterno obruerit, in dosin inusitatam, Auditori nostro libuit causam referre nec immerito. Opium enim validum est medicamentum, parvâ in mole magnas exserens vires, adeoque debito ejus si excedatur in prævio, periculi plenum. Somnum alias provocando, spirituum orgasmum demulcendo, ichorum acrimoniam temperando, eorumque effervescentiam coercendo, Nectar est & Ambrosia, sicque ipsis in febribus ardentibus, doloribusque arthriticis auxiliares præstare valet manus, nimium tamen si ingeratur, æternum somnum atque inevitabilem *ἀναισθησίαν* accelerat. Sed plura de hoc proferre supersedeo, cum quidquid adduci in medium queat; omne à Collega & amico meo honoratissimo D. D. Georg. Wolfg. Wedelio in elegantissima suâ opiologia curiose propositum ac sufficienter enucleatum fuerit.

Coma Vigil.

Mercator quidam Misnicus cum convictore suo rus ibat, ut Julos sambuci verno tempore pro medicina colligeret: ambo domum reversi Julos illos sambuci crudos non coctos cum aceto & oleo sanitatis ergo comedebant, alter innoxie deliciis citis fruebatur; alter vero de quo sermo nobis est, vel quadragies alvum inde dejecerat: sequenti tamen die nihil mali amplius sensit, nisi quod debilis admodum esset, postera vero luce, utpote ipsâ die dominicâ, cum templum, ut sacris interesset, adire vellet, in viâ comatosus concidit, in diversorium ergo cum deportatus esset, ego vocor, inveni ipsum in lecto jacentem, & clausis oculis somnum quidem referentem, vigilans tamen, loquebatur enim sed delira: præscripti quæ ex methodi lege necessaria, & salutaria videbantur. Deoque benedicente, sanitati restitutus fuit. Hoc saltem eruditus dijudicandum hic relinquo, an coma hoc ex crebris illis alui dejectionibus, an ex sambuci Julis crudis non coctis obortum fuerit, siquidem teneri isti Sambuci furculi vi narcotica non destituuntur, crudi scilicet, non cocti, coctione enim illa vis narcotica perit. *Caspari Kolichen Physici Hafn.*

Vir egregius 40. circiter annos natus, & propter intemperantiam perditâ valetudine, cum medicamentis, nescio quibus, ab empirico præscriptis uti cœpisset, in *carum* incidit; fortè quia materies morbifica à *Pharmaco* com-

mota & agitata, in *cerebrum* irruebat. Hunc die secundo invisens, sopore profundo sepultum, ac fere insensibilem reperi, nam licet à punctione, aut vellicatione acriori oculos aperiret, & membra moveret, mox tamen iterum dormitans, eorum quæ agebat, aut patiebatur, nihil prorsus percepit. In hoc casu triste licet prognosticon denuncians, operam utcumque medicam navare non desistebam; à Phlebotomia propter vires attritas & sanguinem depauperatum, abstinens, Vesicatorium amplum cervici mox applicandum, & enema actius ex decocto radicum bryoniæ, cum floribus & seminibus carminativis, additis insuper specierum hieræ ʒ ij. quamprimum injiciendum curavi: tempora & nares balsamis illinebantur. Cataplasmata ex ruta, rad. bryoniæ totis pedibus admovebantur. Insuper horis alternis aut tertiis, dosin sp. C. C. cum julapio cephalico propinabam; quin & plures alia administrationes, in hoc casu usitatæ, sedulo adhibebantur. Quibus tamen cum morbus non omnino cederet, die sequenti catharticum ex scammonio preparato, in cochleari jusculi sumendum præscripsi; à quo, cum sæpe & copiose dejectum, oculos aperire, loqui, & astantes cognoscere cœpit, & paulò postea ad se rediens plenè evigilabat. Hic morbus ideo (ut opinor) facilius & præter spem cito curabatur, quoniam nubes ista forsan à Pharmaco in cerebrum immissa illinc alterius pharmaci ope melius deduci potuit.

Vir illustris quinquagenarius, corporis obesi, & olim vertigini atque affectibus asthmaticis obnoxius, per duos annos Pharmacia verna, & autumnali usus, & juxta Homoplatam utramque, fontanellâ amplâ instructus, sanus admodum vixerat, ineunte ætate, cum ruri degeret, è fontanellis per plures hebdomadas neglectis recrementa evacuare solita longe minus fluebant, usque tamen bene valuit, donec circa solstitium, cum quodam manè in porticusederet, & cum amicis alacriter colloqueretur, derepente surgens se male habere questus est, ædes ingressus, cathedra insidens, plurimum evomuit, dein mox reclinatus, in soporem profundum incidit, eoque ita obrutus jacuit, ut totâ istâ die excitari vix posset. Vesperis adveniens Phlebotomiam, clysterem, vesicatoria, & multa alia remedia in tali casu appropriata, sedulo administranda curabam. Postridie cerebrum paulo inclarescere cœpit, ita ut circumspiceret, & pauca verba eloqueretur: amicos cognoscere visus; nullius nomen efferre potuit. Attamen ob materiam hanc altius in cerebro subsidentem totius lateris dextri paralysis exorta est. Porro adhuc cum *Somnolentia* ingens persisteret isto die sanguis ex altero brachio mittebatur; remediis etiam aliis, utiprius, continuatis, die tertio, minus torpidus plurimos cognoscere, quorundam nomina proferre, ægritudinem suam percipere, & de remediis sollicitus esse cœpit. At vero dum cerebrum melius haberet, labes cerebello, & nervoso generi inflicta, se prodebat; nam die quarto respiratio inæqualis, & magis laboriosa, pulsus debilior evasit; porro totius corporis rigore, & concussione convulsivâ spasmi, & convulsiones atrociore factæ crebrius infesta-

bant, dein pulsû sensum diminuto, die sexto torpore licet magis immunis, interibat. In hoc casu, aliisque similibus probabile est, materiam morbiticam unâ cerebrum ac cerebellum invadere: verum hujus (contra quàm, in cerebro accidit) dum in cortice hæret, noxam haud valde sensibilem inferre, quondam hic qua læduntur, nec somni, nec memoriæ sedes sunt: sed postea, die forsan quarto, aut quinto, materia deinceps ad cerebelli medullulas subsidente, dum quoad alia agrotans melius se haberet, functio vitalis, ob spiritus ei destinati, in ipso fonte oppressos, fatiscere incipit, & mox subito declinans, salutis spem, antea affulgere visam, inopinatò omnem intercipit. *Thom. Willis, de morbis cerebri.*

Generosus quidam, temperamenti sanguinei, & dum juvenis esset, ingenii acris, & callidi, postea ætate in senium vergente, otio & ebrietati deditus, hebes, & torpidus, ac insuper cum magno aqualiculo, cumque femorum & crurum intumescens, hydropicus evasit: Verum ab his morbis (in quos frequenter incidit) si quando ad tempus aliquod à poculis abstineret, & pharmacia incumbere; & citò, & sæpe convalebat. Tandem vero hydrope licet immunis, Somnolentia ita gravi, & fere perpetua oppressus est, ut quocumque in loco, & inter quodvis agendum dormitaret, deinde à servis aut amicis expectectus, satis animo constare, & per horæ minuta quædam, de rebus propositis satis recte differere solebat, mox denuo in torporem prolapsus. Huic post varia medicamenta, fere in cassum, tentata, præscripsi denum ut omni manè & vesperi sumeret pulveris folior. betonicæ sole æstivo siccata, & in vitro asservata. cochl. in haustulo aq. stillatitiæ è floribus lavendulæ. Quo remedio intra paucos dies levamen recipiens, mensis spatio perfectè curatus est, per quatuor deinceps annos integrâ valetudine fruens. Postea cum ob malam victus rationem eadem mala redirent, remedium idem etsi non tanto cum successu repetebat; quin præterea cum medicamentis aliis etiam opus fuerit, interdum spir. C. C. aut fuliginis cum julapio appropriato; quandoque electuaria ex conservis, & pulveribus cephalicis; addito nonnunquam chalybe sumebat. Quoties solito bibendi genio indulgere vellet, loco vini aut cervisiæ, liquorem Coffæ potabat; cæterum pro potu ordinario, modò Allam cum foliis cochleariæ, salviæ, & aromatis infusis, modò decoctum ex lignis, aromatis, & herbis cephalicis medicatum habuit: per plures deinceps annos fere semper intemperatus & cacochymus lethargo tamen immunis vixit, tandem cachexiâ pectus inundante, à tussi cum asthma sensim labefactatus interiit. *Thom. Willis de Morbis cerebri.*

Colonus annum atatis agens circiter trigimum, temperamenti pituitosi ad sanguineum vergentis, crebris cephalalgis diu obnoxius, sub initium hyemis somnolentus admodum, & torpidus evasit; dein quodam die, dum agros aratro subigeret, humi discumbens, in somnum profundum incidit, cumque à servo aliisque accersitis excitari non poterat, domum perlatus lecto committitur, amicis interim expe-

expectantibus, ut somno tandem finito sponte expergiscatur; Post elapsum nycthemori spatium cum vellicando, pungendo, obstrependo, aliisque modis eum excitare nequirent, me accerunt, adveniens vesicatorium amplum, mox toti cervici posteriori applicabam, dein sanguine ad § xvi. detracto enema acre injiciendum curavi, tempora, & faciem oleo succini illini, frictiones, & ligaturas dolorificas cruribus adhiberi: insuper spiritus fuliginis, cum julapio cephalico, sæpius in die propinandum præscripsi; nihilominus toto isto die sine omni sensu stupidus jacuit; si à vellicatione acriori irritatus se paulum erigeret, & oculos aperiret, mox reclinans, eosque claudens, veterno iterum indulgebat. Circa vesperam cucurbitulas cum multa flamma scapulis applicandas curavi, quo facto nonnihil expergeri cœpit; cumque circa istud tempus alvus copiose dejiceret, & plurimum seri emplastris ademptis è vesiculis efflueret, exinde salutis magna spes affulsit. Itaque remediis crebra vice post istam noctem adhibitis, mane sequenti vigilans amicos dignoscebat, & interrogatis aptè respondebat nondum vero nubes tota evanescebat, quippe somnolentus & obliviosus per plures dies persistit, donec bis purgatus tandem perfecte convaleuit.

Casus hic lethargi ita propriè dicti typum exactè refert, ubi pro morbi causa conjuncta adfuit seri copiosi circa cerebri ambitum aggestio, ac deinde in gyros ejus irruptio: cumque à tempestivo remediorum usu materia novæ affluxus impediretur, quæque parti infederat, partim in sanguinem resorberetur, partimque in effluvia & vapores rarefacta discuteretur morbi curatio cita & integra successit.

Hortulanus Oxoniensis, febre putridâ laborans, & circa morbi *acutus* loco criseos, in veternum incidens per tres aut quatuor exinde dies sopore obrutus, nullius remedii usû ita ex somno excitari poterat, ut perfectè evigilaret, tandem verò cum eraso capite per totum ferè ipsius ambitum vesicatoria applicata ulcuscula plurima & copiose manantia excitassent, experrectus aliqualem sensus usuram recuperavit; attamen memoria fere in totum abolita, adeo stupidus evasit, ut nullius nomen, aut verba recordatus, vix supra brutum saperet. Cum ad hunc modum per duos penè menses ingenii vacuus, & somni plenus mansisset, nubes paulatim dispelli cœpit; atque is demùm ad solitos labores rediens, mediocriter convaleuit, eundem verò animi vigorem, & pristinam solertiam quâ ante morbum pollebat, nunquàm iterùm recepit. In hoc casu proponitur exemplum Lethargi febri malè judicata supervenientis, in quo materia morbifica, subita & copiosa metastasi in cerebrum exterius facta, non tantùm poros, & meatus omnes paulisper impleverat, verùm & eorundem conformationem ita læserat, ut spiritus aliquandiu exclusi, & demùm immunes facti, nonnisi multo post tempore, orbitas, & tractus suos priores, & solitos recuperarent.

Lethargi autem ex opiatarum usû orti, Typum satis exactum memini me olim ruri in pago observasse, in quo pernoctari coactus sum,

itinere ob cœli inclementiam interrupto: enimvero cubitum mox iturum rogat me hospes, ut in vicinia pauperis duos invisam mirandum, miserandumque in modum affectos; Quod quidem officium ut præstarem non tantum charitate, sed & curiositate inductus, ad casulam perexiguam & humilem lubens perducor, ubi patrem senem, & filiam inveni, in duobus intra eandem cellam, hic illic, lectulis, profundissimo sopore obrutos, qui pridie eos oppresserat, postquam radices hortulo tunc recens effosso erutas comedisent, pro pastinaca habitas, cum forte hyoscyami essent.

His utrisque, post vomitionem oleo & oxymelite gulæ infusis, peniâque gutturi intrusâ copiose proritatam. Tincturam castorei, ex cochleari aq. theriacalis (quæ remedia fortè tunc penes me habui) crebra vice per totam noctem exhibendam præscripsi, insuper ut eadem tinctura tempora & nares illinantur, & si fieri posset, enema acrius injiciatur; die sequenti primò senex, & postea filia evigilantes ad se redierunt, torpore penitus excusso. In hisce affectis post narcotici reliquias, nè amplius nocerent, per vomitum rejectas, tantum opus erat, ut per idonea medicamenta (in quo censu castoreum contra opiatarum venena merito habetur) spiritus exsuscitati à narcosi inflata liberarentur. *Thom. Willis. de morbis cerebri.*

Anatomica Inspectio.

Hydrocephalus familiaris pueris affectus, qui non solum, ut Celsus ait, cutem inflat, id est, extra calvariam gignitur, sed etiam inter membranas cerebrum obvolventes, & sub ipsis fit, & etiam in adultis, ac quandoque in senibus, de quo author introductionis; Quod tandem, inquit, intra meningem cerebrumque incidit, insanabile est. Hoc morbi genere laboravit, eum obiit, admirabilis Princeps Clem. VIII. Pontifex Max. cujus cerebrum reperiunt in aqua natans: Erat autem illius aquæ quantitas circiter libram & amplius: Hinc somnus ferè inexpugnabilis. *Hieronymus Rubens ad cap. 2. lib. 4. Medic. Celsi.*

Puer 14. annorum duobus mensibus ante obitum caput casu ex alto allisit, & dolio à literarum commilitonibus rotatus fuit, postea in febrem incidit, & primum empiricorum opera usus, hinc ego vocatus fui: inveni puerum leviter febricitantem, stupidum, instar ebrii incedentem, non sistentem, conquerentem de dolore capitis, absque rubore aut inflammatione postea oculis clausis obmutescibat, dentibus stridebat, frustraneis clysteribus, cucurbitulis, aliisque remediis, & licet loquutus sit mox tamen obmutescibat; paulo post moritur.

Aperto cadavere, inveni pulmonem dextrum, & hepar accrevisse, & ventriculum dextrum cerebri aquæ libram continuisse. Cui lethargus imprimis adscribi debere videtur. *Chiffletius Observ. singular. 2. p. 9.*

Sopor profundus à sero ad caput amantato obvitium renum perforatorum.

Comitissa quædam sterilis in reditu ex Ther-

mis Helveticis ; in profundum incidit soporem, adeò ut nocte totà, matutinoque tempore ad vesperam usque somno obruta, non nisi admodum impulsà ab eo excitari potuerit, à cibo potuque abstinens ; & ubi parum excitata vigilasset, mox iterum obdormiscere solita : insuper & aliis accidentibus inter quæ & pedum tumor, atque inflammatio erant, oppressa tandem expiravit.

Corpore aperto abdomen pinguedine supra modum, transversæ manus spissitudine obtectum, intrinsecusque omentum, mesenterium eadem admodum referta deprehensa, uti & hepatis lienque vitiata. Renes insuper perforati erant sicut in hydrope alcite, qui ab epate fissi & renibus oritur. Præterea in vesica felle, quæ tota ampla, sed nigra erat, loco bilis quæ destituebatur. Calculi innumeri inclusi erant, coloris cinerei & subviridis, è quibus sex magnitudinem nucis moschatae æquabant, rotundi, sed angulosi ac læves, minores vero circiter trecenti, alii pisi, alii sem. coriandri, alii sem. raparum magnitudine. *Fel. Platerus Observat. lib. 3. pag. 804.*

Joh. Anton. Maginus Mathematicus celeberrimus, à morte sectus, sat magnum in vesica calculum ostendit, qui uncias xv. pependit, tot scilicet malorum causam, quæ ille in vita perpessus erat : Nam integro octennio continuo urinæ stillicidio & acrimoniâ graviter divexatus cum semper de calculo dubitaret, & omnia in destillationem humoris falsi referret, doloribus tandem succubuit, superveniente febre continuâ cum Comate, quæ causa exitit, ut eum plerique apoplexia mortuum crediderint.

Ejusmodi soporem profundum doloribus à calculo ingentibus supervenientem in V. C. Joh. Jacobo à Brunn. Medico Basileensi observatum memoravit Gr. Segerus oratione de vita ejus & obitu. Multos præterea ex iscuriâ 5. 6- 7. dierum comate extinctos vidit Joh. Beverovicus lib. de calculo c. 9. Velschius Epistag. observ. LXIV.

Scribit G. Clevinius Jurisconsultus de Joh. Hebenstreit Medico præclaro 1593. enim causarium diuque afflictum Calculo vesicæ obuisse, cui ovi magnitudine, sectione à morte reperto, per triduum sideratio accesserit, ætatis anno 64.

Coma ex iscuria à calculo curatum commemorat J. Beverovicus Epistola ad Guid. Patinum scriptâ appendice de Calculo. *Velschius Epistagmate Observ. 64.*

Marcus Prenè, ex pago Ondreviliers, ustrinae ferrariae in Audincourt Operarius, vir robustus, ann. 30. sub vesperam diei xii. Maii anni 1670. cum alio quodam ustrinae operario litem habens, impacto in sinistra tempora palo graviter ictus concidit. Surgit paulò post, & prolatis aliquot verbis, Casam passus forte 40. illinc distantem pergit, portatilem bombardam in vindictam explosurus : Uxor maritum, quominus clavis pendentem arriperet, colapho excipitur. Illico post super arcâ recumbit Marcus, & sopore profundo correptus, proxima nocte mortuus est.

Vespere diei xiii. seq. visitato cadavere, nullus tumor, nulla lividitas externè apparuit, famies è naribus putidissima & cadaverosa efflue-

bat, & eadem lecti linthea è sinistrae auris effluvio madebant. Jubeo Chirurgum raso in circumum capillitio circumscissa communia cerebri involucri calanticae intar semovere : hoc facto, sinister musculus temporalis ruber, lividus & contusus apparuit, nulla ruptura vel contra fissura, serrato & remoto cranio, sanguinis circiter 3iij. coagulati & nigri inventi, qui lateralem ossis sphenoidis sinistri cavitatem ita adimplebat, ut ab ejus copia incuneata, compressa meninges & cerebrum, adempta spirituum animalium comneatus libertate, mortis unica causa judicata sit, quum nullibi in tota cerebri substantia & ventriculis quicquam inventum sit ; quod contra naturam esset. *J. Nic. Benningerus Cent. v. Observ. xxvii.*

Quidam grandævus gravedine capitis afficiebatur, tandem subito in cataphoram incidebat, & quidem lethiferam ; ea nec levare poterat nec liberari. Patet factò capite defuncti, reperiebatur os frontis carie confectum, & quidem aliqua tantum ex parte cerebro salvo ac ejus integumentis integris. *C. Victor Schneiderus L. de aff. cap. soporosis pag. 241.*

Somnolentia & Torpor insignis scorbuticis frequenter accidunt in quantum scilicet spiritus animales particulis vel aquosis aut narcoticis onusti ac plurimum aggravati intra cerebrum, etiam valde obstructum, motus pernices & expeditos non facile ineunt, neque functionum suarum actus, & exercitia diu continuant, quin succumbere, ac otio & quieti indulgere amant : Porro hujusmodi affectus quandoque à spirituum animalium defectu & penuria excitatur : etenim à sanguine plurimum vitiato & quasi effato, liquor non nisi tenuis & vigoris omnis fere expers cerebro & nervolo generi supeditatur : à tali *œφισα*, in moribundis lethargum excitatum novi, quo scilicet affectu, licet somno continuo indulgere videantur, interpellati tamen illico aditantes noscere, & enatis quibusdam respondere solebant. Spirituum vero animalium copia fatisciente, nec diu evigilare, nec ad colloquia longiora attendere valebant. Tales demum cum somno perpetuo obrutos aperui, cerebrum satis exsuccum, ac hydrope aut colluvie serosa, quibus lethargici plerumque afficiuntur, prorsus immune deprehendi. *Thomas Willis. Tract. de Scorbuto cap. 4.*

Sodæ subethica hic jam multos interficiunt pueros, quorum è numero ante sex dies D. N. nulum, cum eum xiv. die sopor citra febrem rapuisset, directo corpulculo omnia salva reprensens, tantummodò in media parte cerebri sinistri supra oculum sinistram, prope nervos opticos, sinum apostematissimum, castaneæ magnitudinis vacuum deprehendimus (jam enim in ipsa furatione calvariae pus pernices exierat mortuo) quem cum amplius videndum palparem, & sinisterrime cerebrum eximerem, erupit clara mucilaginis subtilis iussu aqua ad dimidiam usque libram quæ sub cerebro supra nervos opticos & rete mirabile delituerat. *Epist. Ach. Gateri ad Gesnerum & I. V. Rumlerus Observ. 73.*

In Nosocomio Patavino 1645 caput aperimus viri in osse temporum vulnerati, qui sine delirio, paralyfi & pulsu febrili x. die soporosus deceleraat, vulnus ad cerebrum penetraverat, ubi apostema excitatum pure copioso

so abundans, vicinis partibus ad nigrorem vergentibus. *Thomas Bartholinus cent. 2. histor. 34.*

Mulier quædam honesto loco nata, cum aliquot diebus capitis gravitate laborasset, adeo fuit somnolosa ac in somnum propensa, ut quæcumque agens dormire semper cuperet, ac assidue in somnum dilaberetur, à quo initio excitari potuit, tandem verò accedente febre non potuit: remedia multa huic tarde adhibita, sed tandem mors supervenit.

Capitis hujus cranii osse sublato, abscessus in anteriori cerebri parte repertus, & pus interiori ossis cranii parti adhærens, quod & è naribus paulo ante mortem irritatis profluxerat. *Dodonæus Observat. Medic. cap. 7.*

Puer xi. annorum Julio mense 1545. cum prius lethargo laborasset ante paucos dies, vel stupore quodam non admodum gravi; à quo cum sanus factus videretur, demum in lethargum gravissimum incidit, & statim cerebri sphacellum. Videbatur autem dum profundissimo somno detineretur hemiplegia laborare, nam tota pars dextra paralyti resoluta, neque movebatur, neque sentiebat, nihil loquebatur, quamvis subinde garrere videretur mustitando, quæ nemo intelligebat, neque ullo modo caudicis instar jacens, à somno excitari poterat. Tertius dies erat ita jacens absque loquela in castello patris: Adhuc evocatus, thymum (cum nihil aliud esset ad manus) contritum cum aceto; glandis instar cum aceto nari dextræ imposuimus ad excitationem à somno, ut & materia crassa viscida dissolvi posset, & ad nates derivari: atque hoc adhibito remedio non nihil reviviscere videbatur, ut oculos aperiret, & verba quædam indistincta proterret, & enare materia quædam crassa valde corrupta, sanguinolenta, viscosa instar putridæ saniei prodiret. Hæc cum vidissem, puerum abscessum una cum sphacelo in parte dextra cerebri habere pronunciaui; & cerebrum corruptum esse, unde nec puerum diem supervivere posse prædixi ob materiam corruptam non solum ventriculos cerebri obstruentem, sed & totam ejus substantiam corrumpentem &c. eo quarto die ut prædixeram, defuncto, rogatus fui ut cadaver aperirem.

Cranii osse sublato, cerebrum & cerebellum in parte dextra vergens ad posteriorem partem omnino saniosum, putridum, corruptum, sanguinolentum inventum est, apostemate ex lethargo in abscessum & sphacellum permutato: sinistra verò pars cerebrum album, sanum & incorruptum habebat. *Forestus libro decimo cap. 11.*

Non semper lethargus ex capitis apostemate provenit, neque omne capitis apostema lethargum inducit. Observavi enim quendam ex diuturno dolore capitis, longisq; vigiliis afflictum, tandem levi delirio & convulsione correptum periisse: & aperto cranio inventus fuit abscessus, cum pure admodum foetente & corrupto. Quare dici debet non semper lethargum ab apostemate induci, sed tunc præcipue cum non circumscripta margine, sed in omni cerebri substantia humor diffusus putrescit: vel cum apostema circumscriptum mediam & præcipuam cerebri regionem, in qua arteriosi plexus continentur occupat, ita ut spiritus omnino opprimantur

vel corrumpantur: cum verò apostema locum certum circumscriptum in cerebro habet, & reliquæ ipsius partes remanent liberæ, nec spiritus opprimuntur in illis, & possunt ex illis ad organa sensuum diffundi, tunc non sequitur, neque lethargus, neque comatosus sopor licet apostema fiat ut in exemplo allato *Sebastianus Nasius Meth. Med. Part. 2. p. 243.*

Rusticus consilientis ætatis phalangie in palpebram superiorem oculi sinistri vulneratus parum sollicitus de vulnere non admodum conspicuo, Chirurgum accedit ob imminentem capitis dolorem, qui ea quæ oculorum & palpebrarum vulneribus conveniunt imponit, à quibus solutio continui penitus curata videtur. At verò cum circa septimum Coma quasi vigilans, & sensuum torpor sese offerret, accitus quoque fui, vires ægro adhuc ita constabant, ut ex superiori contignatione in inferiorem ad nos descenderet. Consideratis circumstantiis, anguem in herba latitare dixi, tam ob subitam consolidationem externæ læsionis, quam ob læsionem sensuum interiorum: At sequentibus diebus magis magisque inclinatio ad somnum augetur, donec die obierit nono.

Post mortem cranium apertum fuit, ubi interius orbita oculi in superiore parte punctim ita lassa conspiciebatur, ut una etiam ossiculum in duram meningem dilaceratam imprimeretur, separata verò dura matre, tenuis meninx etiam in eodem loco foramen instar fonticuli saniem expellentis exhibebat, sub quo tantis abscessus purulentus latitabat, superior cerebri substantia omnino in pus conversa videretur, quo undique cerebri ventriculi superius & inferius replebantur. *Gr. Horstius Tomo secundo lib. 2. Observ. 4.*

Puella xi. annorum Lethargus quadraginta horarum spatio funestus fuit: aperto cranio cerebrum sanum citra inflammationem, & ventriculi mundi reperti: in intestino vero tenui vermes duodecim oblongi conglobati, & intestinum cum insigni rubore inflammatum fuit, frustra injectis clysteribus cauterio suturæ coronali applicito, & cucurbitulis affixis. *Chiffletius singularium Observ. 10. pag. 8.*

Juvenem Comate Vigili interemptum secui ad investigandum quanam hujus morbi sedes affecta esset; Referatocapite, in primis ventriculis, ubi sunt plexus illi choroeidei in dextera & sinistra parte duæ parvæ quædam pilæ compactæ ita erant, ut non sine magna laceratione separari possent: Pilæ verò unaquæque magnitudine Ciceris, sed aliquantulum majoris, tunicam interne flavam habebat; substantia verò erat alba, sed aliquomodo dura, externe verò tunica rubra erat: Hoc ut vidi; collegi unde nam proveniret quod huic morbo invalida essent medicamenta omnia, quandoquidem nec medicamento nec ferro, nec igne superari potest. *Domin. Panarolus Pentec. 2. Observ. 9.*

Parvulus paulò supra tres annos natus, cerebri humidi, prout ex ophthalmiis gravioribus, & faciei exanthematis aquosis (quibus interdum fuit obnoxius) constat, ineunte autumnò malè habens cum febre lenta, & appetitu dejecto torpidus admodum & somnolentus evasit, ut dies & noctes ferè continuo dormiret:

Experrectus verò adstantes novit, & interrogatis aptè respondit. Huic idonea remedia scilicet enemata, velicatoria, cathartica, item Julapia, spiritus C.C. pulveres, cum multis aliis in hoc casu usitatis, statim & sedulo adhibita in tantum perfectè sunt, ut intra 6. & 7. dies ægrotans febre immunis, satis evigilans, & alimenta poscens, convalescere, & cura medica vix amplius opus habere videatur. Brevi tamen postea (incertum ob quam occasionem) recidivam passus, & denuo soporosus, torpore statim graviore afficiebatur, adeo ut ægre expergiscibilis vix quidquam noverit, aut scienter fecerit; postmodum plane stupidus, etiam si acrius vellicatus oculos aperiret, eosque huc & illuc obvolueret, nihil videbat atque intra diem unam, vel, alteram totius dextri lateris paralyfis insequuta est. Huic remedia priora repetita, insuper sternutatoria, apophlegmatismi, sanguinis detractio, cataplasmata pedibus, & epileptica toti capiti raso applicanda, cum aliis medicamentis, & administrationum modis ordine præscripta, nihil profuerunt, quin ægrotans postquam ita per 4. & 5. dies insensibilis jacuisset, respiratione & pulsû tandem fatiscentibus interibat.

Cadavere aperto, in imo, & medio ventre fere omnia satis sana reperimus, nisi quod in dextro rene humor Ichorosus albicans, quasi sanies tenuis congeri cæperat, qui ex renis dissecti & compressi partibus quibusdam copiose effluebat; hoc abscessus futuri initium, sive rudimentum quoddam fuisse videbatur, & forsan ob serum haud satis ubertim, hic secretum, copia ejus major ad cerebrum affluerat.

Nam Calvaria olla exempta, anterior *Triumphalis* regio fere usque ad sinus quarti insertionem, aqua limpida per membranas transfluente oblecta intumescerebat, quæ meningibus dissectis statim distuluebat; porro illic loci, cerebri assulatim abscissi portiones minus madidæ, & fere sine punctis rubentibus, sive sanguineis apparebant, in posteriori autem Cerebri limbo vasa cruore rubescebant, & substantia corticalis sine tumore aut aquæ diluvio, depressior, & firmior apparebat: Ex his (prout supra statuimus) lethargi causam à cerebri exterioris illuvie aquosa, & velut anasarca pendere manifestò liquebat.

Cerebro assulatim abscisso, & foramine in cavitate anteriorem à lympa distinctam facto, aqua limpida, quali prius intra spatium angustius coarctata, exiliit; cujus ingens copia ventriculos omnes ad summum impleverat (ac uti videtur) Thalamos opticos comprimendo (prout in altero casu superius descripto) cæcitatem, atque corpus unum striatum, aut poros ejus subeundo, aut comprimeudo paralyfim intulerat.

Plexus choroëides tanquam semicoctus, subalbicans, & fere exanguis apparebat; probabile est ex his vasis lympham qua ventriculi cerebri inundabantur, omnem aut quoad maximam ejus partem, exudasse; quanquam in hoc si (prout nonnulli existimant) latex aquosus è cerebri cortice inferius subsidens, demum cerebro penitus trajecto, in hos sinus depluere poterit, non incommode inde ratio petatur, quare lethargus primò sanari visus, mox imma-

nior, cum cæcitate & paralyfi adscitis reciderit, nimirum quatenus primò materiæ soporiferæ penus, à cerebri cortice in cavitate ejus prolapsus est, functio animalis paululum inclauit, postea verò cum nova materies in cerebri cortice pullularet; & hæc in sinus prolapsa, ad plenitudinem aggereretur; ideo morbi prioris recidiva cum istis cæcitate & paralyseos auctariis contigit.

Quanquam autem cerebri interioris hydropis, seu ventriculorum ejus inundatio, aut corpora striata, vel Thalamos opticos comprimendo, Paralyfim, vel cæcitatem, aut nervorum origines vellicando affectiones spasmodicas cieat; attamen lethargum non à tali causa, sed tantum à cerebro exteriori inundato, aut compresso exoriri, observatione nupera anatomica evidentissimè constabat. *Thom. Willis. de anim. brutor. part. 2. cap. 9.*

Quinquagenaria per semiannum fermè immani cephalalgia sub sutura sagittali continuo fere torquebatur: ea denique in lethargum cum partiali membrorum resolutione incidit: à curatione tamen per convenientia adhibita, multò peius quàm prius cephalalgia atroci experrecta est; post tres fere hebdomadas apoplectica obiit.

Calvaria dissecta è latere sinus tertii, tumor scyrrhusus tres digitos latus membranis accreverat, cujus interventu & crassa meninx aliquanto spatio tenui accreverat, & vasa sanguifera, quæ illic in sinum dehiscere debuerunt, constipabantur. Cerebrum tam extus quàm intus lympa madidum.

Morbi ætiologia.

Ex præcedenti inflammatione dolor primò, & deindè scyrrhus factus, qui compressione suâ sinum tertium adeò angustum reddidit, ut sanguis ex cerebro in illum transire non potuerit, hinc cerebri paralyfis, quæ apoplexia dicitur. *Stephan. Blancard. in Anatom. prætic.*

Puer 14. circiter annorum, habitu corporis macilento, staturæ satis parvæ toto quantum constat viæ tractu, malè habitus, & vitio linguæ, ob quod ne verbum quidem integrum efferre poterat à prima nativitate laborans, cum mens. septembri 1680. Orphanotrophii ægros inviseremus, malè se habere tremulis verbis significavit.

*Ægrotans volvens faciem maculisque trementes
Pellentesque genas. Virg. Æneidos 4.*

Nec tamen doloris locum dicere poterat, nunc parùm circumcursitabat, nunc caput contingendo, doloris indicia exhibebat; verbera quibus à magistro quandoque præter rationem exceptus fuit, ad iram misellum concitasse videbantur, vana hæc, sit sine viribus licet; prægressa quoque mala victus ratio, de corpore vitiosis humoribus repleto, qualiacunque prodidit vestigia: hinc lene infusum ex fol. sen. &c. suasimus, quod autem assumere renuit, aliquot diebus post in deterius labens, viridia & flava copiose evomuit, succedente somno profundo, à quo difficulter expergescebat, & expergesfactus, præter morem neminem fere ex adstantibus cognoscebat, imo vix dum oculis fixis ipsos tantisper intuitus, in somnum lethargum

lethæum rursus proruebat, neque excernenda amplius retinuit, urinâ, & fœcibus involuntariè profluentibus, quamobrem misturam antiepilepticam per cochlearia sæpius exhibendam ex aq. fl. lil. conv. pœon. m. antepil. Lang. Spir. C. C. tinct. castor. & syr. de pœon. præscripsimus, vesicatorium nuchæ applicari curavimus, aliaque pro loci ratione, ex artis præscripto imperavimus; sed vix convulsionibus, quas imminere prævidimus, obviam itum fuit, quin miserum confestim invaderent, & per dies aliquot graviter vexarent, usquedum animula, ad creatorem anxie tendens, corpusculum viribus suis prorsus defraudatum dereliquerit, in suo loculo blandè tantisper requieturum, dum suo tempore latius eidem jungatur. Nos qui anxie respiranti & stertenti imò agonizanti manè adstiteramus, sub vesperam, ulteriora fragilitatis nostræ hauriri tecmeria, juxta quoque mortis causam demonstraturi, sectionem instituimus, spectatoribus Vir. Excellentiss. Clariss. D. D. Theodoro Zvingero, jam Eloq. Profess. & Colleg. Leopoldin. Aristotele digniss. D. D. Rolluvagio Heilbronnenf. D. D. Hochrütinero Sangall. D. Urcele Ritzio Pharmacopolâ, & D. Phil. Speckero Bas. Med. Licent. Remotis musculis abdominis, epiploon putridum & corruptum totum oculis se stitit cum intestinis flatibus distentis, ventriculo contra parvum & inanem: in illorum interioribus ultra viginti plexus glandulosos protuberantes ostendimus, qui omnes tribus tantum exceptis gangranosis cum aliqua duritie contraxerant, de quibus videatur Clariss. D. D. Peieri exercitat. 2. de gland. Intest. minor. Valvulæ conniventes Kerkringii in iisdem admodum erant conspicuæ: Hepar pro atate & staturâ miselli maximum, subsulvum: vasa cystica vesiculam suam eleganter perreptabant, pancreas subtus ventriculo protensum albicabat: Lien omnino lividus & superficie superiore admodum corruptus. Vena cava turgidissima, ut & vasa emulgencia & adiposa: Testiculi parvuli nucis avellanae magnitudinem vix æquantes, ex innumeris vasorum filamentis compacti: renes cum ureteribus satis ampli: venter supremus cranio ablato, cerebri molem exhibuit, itidem iusto majorem: vasa per hujus corticem distributa, admodum erant tumida & inflata sanguine livescente: glandulæ in ejusdem superficie, præprimis corpus falcatum versus, vasis appensæ videbantur: sinus tubulo inflati, maxime ipsa autem falx à vasis reticulariter dispersis varie perreptabatur: cortice abscisso ventriculi cerebri anteriores, vesicæ instar aqua distenti protuberabant, è quibus incisione facta, ichor copiosissime profluxit, qui in tertia & quarta cavitate non minore quantitate stagnavit. Plexus choroidæus totus palluit, vasa quæ ex hinc corpus falcatum versus expanduntur, glandulis subduris, gelatina infarctis, stipata erant: cerebellum flavidum, à quo ante spinalis medullæ progressum plures nervos oriri inferius vidimus. Glandula pituitaria erat subfusca. *Joan. Jacob. Harderus Apiarii Observ. 35.*

CASUS AB ALTO.

*Curationes, Observationes & Anatomice Inspectiones.**Curationes.*

IN casu ab alto si febres accesserint signum est sanguinem extra vasa in corpore putrescere.

In quo casu nihil melius aqua benedictâ in vehiculo aquæ chærefolii propinata, febrem nimirum & inflammationes subito tollit, (vena quoque secari potest) ac totum corpus ab impuritatibus liberat. Potest eadem exhiberi, etsi nulla adhuc tum adsit febris & quidem statim ab initio, facit nimirum ne febris faciliè succedat. Interim cætera fiant, quæ sanguinè coagulatum dissolvunt, qualia sunt essentia sanguinis hirci; It. Sanguis lupi, mumia, in primis verò Magisterium oculorum cancerorum. It. carbones tiliæ (3j. in aqua chærefolii, vel aceto) chærefolium detur in cibis, pulvis in hoc casu multum prodest.

℞. Carbones tiliæ, oculorum cancerorum, herbæ chærefolii ana f. s. a. pulvis, dosi 3ij. in acet.

Sic Diaphoreticum in peracutis vel mixtura simplex, (vel aqua alia theriacalis) singularis est in hoc casu, si intro sumpta sudores provocentur, qui admodum necessarii sunt & interdum ab externis promovendi.

Sic Iodices in vino rubro stiptico (diaphoreticis parum proficientibus) immersæ, & postea expressæ, ac universum corpus amicientes, sudores in hoc casu mirificè promovent in lecto, præsertim ubi conquassationes interiorum viscerum metuuntur. Felix Wurzius in sua Chirurgia laudat mercur. sublim. quem vide: sunt alii descripti pulveres ad casum utiles, de quibus vide practicos.

Sanguinem coagulatum in venis & extra venas, resolvunt omnia illa, de quibus jam diximus, interdum etiam vena hic secari potest, in primis verò sudores prolecti post sumpta solventia citò id expediunt.

Extractum vel arcanum seu essentia bellidis minoris sumpta, innata quadam proprietate omnem sanguinem coagulatum solvunt, & per insensibilem quandam transpirationem educunt, sic aqua theriacalis & spiritus tartari idem præstant. *Joannes Hartmannus in Praxi chymiatr.*

Pueri & homines, cursu incessuque temerario & ascensu præcipiti sæpius corruunt. Casus, autem differentia sunt multiplices, tum ex loco ex quo & in quem fit; ut humili, sublimi, duro, molli, medio: tum ex offensæ partis substantia, vel molli, ut ventris, vel dura ut capitis, crurum, brachiorum, thoracis, spinæ; tum denique ex sequentibus affectibus & symptomatis, ut fractura, luxatione, paralyti, contusione, obmutescencia, deliratione, hæmorrhagia, interna externaque. Ab iis omnibus casus differentiis, indicationes curativæ variantur.

Qui

Qui enim, humilior leviorque est in partem locumque mollem, & sine alterius affectus implexu, lola sanguinis, timore pueri cadentis agitati, compressione indiget, ut per potionem aquæ frigidæ, vel sinceræ, vel mixtæ cum paucissimo aceto, vel cum syrupo de granatis acidis, vel mirtillor \bar{z} j. vel ij.

Sin sublimior graviorque casus, in quamcumque partem vel mollem vel duram, locumque fuerit, victu primum eget prætenui frigidæ & sicco. Deinde repentina revulsione sanguinis, per suspectam anastomosim, vel potius rexim venarum, in viscera, aut ventrem effluxuri, unde gravis & pestifera interim eorum phlegmone oritur. Revulsio fiet per frictiones & deligationes adversarum partium, ut brachiorum, crurum; per balanos & enemata acriora, cucurbitulas femoribus, natibus, scapulis admovendas. Phlebotomia autem eximia quidem promptaque ad revellendum vis est, sed pueritia eius ferè incapax est: cujus vicem subeat scarificatio post cucurbitulas.

Postremò confirmanda sunt protinus intus viscera vasaque ne quid sanguinis effluat, adstringentibus potionibus ut ex \bar{z} j. mumia, boli arm. & terræ sigill. cum \bar{z} iij. aquæ plant. vel bursæ pastoris, & syrapi de granat. acidis, vel de rolis siccis, vel mirtillorum,

Vel \mathcal{L} . Rab. tosti, semin. nasturtii, tosti terræ sigillat. boli arm. \bar{z} j. fiat pulvis, detur \bar{z} j. cum prædictis aquis & sirup. bis quotidie toto principio, id est per quatuor vel quinque dies primos; quod si totus habitus graviter contusus sit, tunc quidem post revulsionem & corroboracionem internarum partium ungendus est oleo rosato, vel myrtino, vel omphacino totum corpus moxque aspergendum pulvere mirtillorum, santalorum omnium, masticæ, balauftior. rosarum, vel obvelabitur pelle arietina recenti, adhucque calente, eodem pulvere imbuta, tantisper dum sudor emmarit. Sic enim qui in habitum effluxit digerî, qui fluxurus est supprimi, constrictis venulis poterit.

Atque quidem hæc remedia toto principio id est quinque aut sex dierum spatio ex usu sunt: quibus exactis jam grumi suscepti sanguinis tenuantibus & detergentibus dissolvendi sunt, ut hoc pulvere.

\mathcal{L} . Rab. torrefacti, rad. costi, aristoloch. rotundæ, rubiæ majoris & centaur. maior. an. \bar{z} ss. fiat pulvis, capiat \bar{z} j. cum syrup. acetosi simpl. \bar{z} j. aqu. symphiti majoris \bar{z} iij. fiatque potio, detur sex vel octo diebus continuis manè.

Vel \mathcal{L} . Vini \bar{t} j. mellis, opt. quart. j. radic. aristol. filicis masculæ, & caudæ equin. an. \bar{z} ss. coquantur omnia simul, diligenter despumando, colandoque, dentur quotidie in introitu lecti \bar{z} iij. vel iv. Postremo contusus habitus, omni lassitudine & reliquiis sanguinis sub cutem expressi concoctique per stuphas ac balnea per triduum iteranda liberabitur, in quibus cum paucis adstringentibus ad venularum robur, ut simphito majori, plantagine, equiseti. plura digerentia incoxerint, ut absynthium, melissa, origanum, calamentum, arthemisia, cymæ lauri, hederæ, lavendulæ, flores chamæ. melil. anethi. Eiusdem generis remedium est, si

corpus æ gri intra finum equinum calidum condatur sudoribus abundanter movendis.

Quod si pars durior privatim læsa sit, sitque contusio modica, hæc eisdem sine revulsione ulla prævia curabitur; primum adstrictione, deinde resolutione. Illa enim clausis venis sanguinis effluvium cohibet, per duos vel tres dies; hæc effluxum dissipat; adstrictionis materia sit unguentum album rhasis camphorat. & læpius aceto albo ablutum. Digestionis materia erit, cera nova aniso, vel cumino mixta, aut frustulum carniū arietinarum tostatarum. Si grandior contusio fuerit, tumorque inde eminentior, præmissis revulsionibus prædictis adstrictio validior tentanda initio est.

Ut \mathcal{L} . Ol. rosat. & myrtin. vel omphacini. an. \bar{z} i ss. pulv. myrtillor. sumach. gallæ & boli arm. an. \bar{z} ij. ceræ albæ parum, fiat unguentum.

Vel \mathcal{L} . Orizæ & phaseolor. an. \bar{z} j. boli armen. folior. sumach. siccor. an. \bar{z} ss. aloës, alumin. gypsi, calcis vivæ extinctæ an. \bar{z} j. fiat omnium pulvis, concorporetur cum albumine ovi, & applicetur parti. Post quartum diem, id est principium, fovebitur pars, hoc autem vel simili decocto digerente & parum adstringente.

\mathcal{L} . Folior. symphyt. utriusque, absyntii melissæ, salviæ, summit. lavendulæ, & lauri an. man. j. boli arm. semin. fœnugr. & cuminan. quart. ss. flor. stœcad. utriusque & salis communis an. p. j. coquantur in vin. & melle. & foveatur pars.

\mathcal{L} . Residentiam contusam, cribratamque, ei; adde butyri recentis & unguenti resumpt. an. \bar{z} iv. farin. fœnugr. orizæ & fabar. an. \bar{z} ij. succ. absynt. \bar{z} iij. fiat cataplasma. Digesto & dissipato sanguine pars ipsa deinceps apponendo emplastrum ceroneum magis magisque exonerabitur. Sin ad supurationem contusio resoluta urgeat; hæc ipsis remediis pepticiis antea expontis accelerabitur.

Quod si pars ipsa contusa livore contracto sensuque stupido gangrænam minari videatur, tum vero appositione cucurbitularum cum levi scarificatione, prohibebit, cui subinde admovebitur fons ex aceto & decoctione folior. origan. calamenth. absynt. hyssop. thym. saturiæ, lavendulæ, hederæ, vel ex vino, & decoctione radic. aristol. serpent. gentian. & similibus.

Cum gravior è sublimiori loco casus deliracionem vel obmutescenciam ascivit, tunc explorata prius æ gri vita (neque enim mortuo remedia profunt) ut tractato pulsu, vultus temporum & pudendorum pilis, nomine proprio conclamato, cotone aut lananaribus admota, & cyatho aqua pleno ad stomachum inducto; tunc inquam à cerebro, cujus hæc sunt propria symptomata ex commotis vehementer spiritibus animalibus & affuso sanguine, humores omnes deducendi sunt, ut frictione extremorum duriori, hæmorrhagiæ provocatione per sectas paleas vel juncos penitus naribus insertos: tandemque ubi clariora vitæ indicia clisteribus acrioribus & Phlebotomia in cubito ex cephalica, vel in fronte & lingua, siquidem ætas viresque omnino non abhorreant. Postremò capiti ipsi roborando consulendum erit, vel pulvisculis aromaticis & discutientibus, atque

atque roborantibus qui vel inspergentur & capiti raso tonsive per plures dies, vel cucurpha diutius circumterenda ex cotone & serico rubro excipientur, non neglectis etiam lotionibus similibus sub ætatem. Si forte ex casu graviore fractura ossis alicujus inciderit; tunc præter revulsionum prædictas Species præmittendas, junctæ protinus ossis fracti oræ, emplastro oxycroceo muniantur vel cataplasmate ex farina fabarum cum oxymelite coctis & probè subactis.

Luxationis quoque propria curatio est per repositionem subitam ante revulsiones ipsas.

Denique distentionis articulorum per quam ligamenta sine ossium fractura aut luxatione in pedibus, genibus manibusque tantum elongantur, curatio est per blandam repositionem partis, dolorisque & caloris sedationem repentinam ex linteo in frigidam immerso, vel ex cataplasma adstringente ex boli arm. sang. drac. gallar. myrtillor. pulvere, ex albuminibus ovorum ij. vel ii. excepto, cum oleo rosato & aceto rosato. Post principium autem id est post quartum vel quintum diem, novum cataplasma priori ovino adstringens leniensque & digerens articulo læso inducendum est, quale est hoc.

℥. Fol. absynt. verben. tapsi barbat. plantag. an. m. j. Rosar. rubr. flor. cham. aneth. centaur. minor. an. p. ij. alumin. & balaust; an. quart. ss. coquantur in aqua simplici, addendo post finitam coctionem vini rubri aulterique partem tertiam. Hoc decocto foveatur pars dolens bis in die, tepidè cum spongiis novis & per horam singulis vicibus.

℥. Residentiam contusam & cribratam eique adde farin. fabar. & hord. an. ℥ij. radic. ireos flor. ℥j. olei myrtin. & rosat. an. q. s. fiat cataplasma admovendum tepidè parti affectæ post totum. Simile est emplastrum oxycroceum & contra contusiones descriptum in nostra chirurgia magna Gallica de vulneribus, capite de vulnere contuso. *Johannes Vigierius Chirurgia lib. 2.*

Pro casu & contusione commune remedium est, si ovi vitellum crudum cum aceto concussum ebibendum aetur; prohibet enim concretionem sanguinis.

Rustici buphtalmi herbam cum floribus luteis in calenda in cerevisia incoquant, & tepidum hauritum ejus decocti exhibent, qui omnes obstructions & sanguinis concretiones ex lapsu dissolvit, vasorumque ruptiones persanat. Idem præstat Pilosella herba cum rad. in cerevisia cocta & bibita. Nautæ in præcipiti casu remedio utuntur ℥j. olei salis marini & calida cerevisia cocta & bibita, quomodo autem hoc oleum ex sale conficiatur, nondum explorare potui. Milites in castris ad violentas plagas, casusve præcipientes exhibent ℥j. aut ℥ss. pulveris nitrati bombardici cum hauritulo vini, aceti, aut cerevisiæ; qui tum ratione nitri; tum carbonis salicis, discutit omnem concretum cruorem & colluviem. Nam & Carbo Tiliæ in pulverem redactus, & per se exhibitus in casu præcipiti mirum in modum confert: usitatum etiam remedium est quod sequitur.

℥. Unguenti Rubei potabilis ℥j. aut ℥ss.

aceto calido dissolvatur, & ebibendum propinetur. *Franciscus Joël Practica libro decimo sect. 5.*

Quod sæpius usu venire videmus, ut, dum in plantarum nomenclaturas curiosè nimis inquirimus, plantam fere ipsam cum ejusdem virtutibus tantopere dilaudatis, aut amittamus, aut seplasiariis & scraptis quandoque aniculis excutiendas propinemus, id quod præstantissimæ huic & plantæ *Arnica* præter meritum quoque accidisse passim constat, quam enim ut proprio nomine ignotamita & usui rarissimam putabat *Dodonæus* & ex illo *Joh. Bauh. Hist. Plant. univers.* eam jam vulgò, præsertim nautico quoque notiore esse & frequentiori usui commendatam, quam quibusdam Medicis & Botanicis, in confesso est, ac dolendum, magnos interdum sumptus fieri, & plurimum temporis laborumque tribui intinuis pervestigando, nec sine vitæ periculo ex intimis terræ visceribus eruto alicui medicamento ritè præparando, & per ignis violentiam à quisquiliis depurando simplici, aut granulatim & scrupulatim ad ostentationem tantum confuto & consarcinato informi cuiusdam composito, domesticis interim & passim obvisis neglectis: Præstaret igitur ad imitationem primorum medicinarum inventorum & modernorum in *China* & *Japonia* aliisque *Indiarum* provinciis feliciter medicantium, aut nostræ etiam plebis, quam penes optima quandoque & specifica reperiuntur medicamenta, uno eoque certo & experto simplici remedio uni obviam ire morbo, qui in receptis triumularum longitudinem exiuperantibus. Quod & quanta *Vulnera* persanavit solo suo chironio *Chiron* Medicus ille *ἰατρίῃ* *ἀντιόχου*. Quot ulcera *Telephus* Mysiæ Rex suo *telephio*? Quos uteri dolores & hystericas passionibus *Artemisia* Caria Regina sola suâ artemisia mitigavit, sopivit, radicitus sustulit? Celeberrimum illud apud Sinenses & Japonenses procuranda arthritide remedium moxa dictum ex simplici quadam herba exsiccata paratur, lanugine obvoluitur & in forma cylindri vel pyramidis Europæ jam passim divenditur ac pluribus experimentis nobilitatur, quod magnificus Dominus Assessor Spirensis Mauritius, Vir in chymia quoque versatissimus nuper confirmavit in Epistola ad Nobil. D.D. *Sebast. Schefferum*. Phys. *Frankofurtensem* die 14. Julii Anno 1677. exarata: Dominus Mareschallus de Stubbenvoli, inquit, podagricus hic (*Spiræ*) decumbebat, ita ut ob intensissimum dolorem ne pedem quidem loco movere posset, moxam petit & facillè à me impetrat, pollicique pedis affecti ter imponit levis brevisque ab imposito cauterio dolor, exsudante quoque paucio ichore, sed podagricus dolor statim remissior, nox quieta, alteroque die tanta pedum alacritas, ut iisdem terram fortiter pullaret & pleraque Dominorum Assessorum palatia frequentaret. Similem quoque curam cum prædicta moxa felicissimè peractam esse in quodam Aromatario *Frankofurtenfi* diebus hisce sancte mihi affirmavit Vir quidam *ἀγίωμα*. Sed moxa religiose tegitur ab Indis, regerunt nonnulli, ergo nec optima illa in vulgus statim sunt propalanda remedia, ne Medicorum vilescat auctoritas, & pessimis quandoque nebulonibus ad xperimenta per mortes agenda amplissima aperia.

aperiatur janua, aut infano gladius porrigatur ad nocendum. Verum, o bone, plurima tuta times; præterquam enim quod ista medicamentorum occultatio avaritiam sapiat, aut invidiam ambitionisque & inanis gloriolæ captationem, diversissimè contradicit religione Christiana haut imbutus *Scribonius Largus præfatione ad Callistum*.

Qui experti sunt remediorum utilitatem, denegant autem usum, valde culpandi sunt, utpote qui crimine invidentiæ flagrant, quod malum cum animantibus invisum esse debet, tum præcipuè medicis, in quibus nisi plenus misericordiæ & humanitatis animus sit secundum ipsius professionis voluntatem, omnibus diis & hominibus invisus esse debent. Et *πένυ Sennertius* in suis Exotericis: vix homini, qui talentum sibi à Deo concreditum sub terra defossum abscondit, Hominum quidem consilia sunt occultanda, Dei autem ter O. M. beneficia universo Orbirevelanda ad majorem ejusdem gloriæ proximique utilitatem, quod prima & primaria fuit naturæ curiosorum semper cura & cynosura. Non ignorant Medici *χαρίτες* Medicamenta esse *χαρίτες θεῶν*, sed legitime administrata & methodicè usurpata, quod nonnisi longo usu addiscimus in schola Hermetico Dogmatica probe instructi, & educti a puero, quibus omnibus destituti adminiculis empirici in suam non raro perniciem ruunt & summam ignominiam, tranquillitatis animi & lætitiæ omnino expertes, ut *Cons* noster loquitur, & fusius hoc argumentum ac gravissimè persequitur *Langius in suis Epistolis* pluresque alii, sed ad rhombum.

Vox *Arnica* ex ptarmica mihi corrupta esse videtur ab imperito quodam rhizotomo, quod insignis ipsi insit vis sternutatoria, hinc *Ptarmica montana* nomen invenit apud *Lugdunenses*: *Gefnero*, & ex eo *Taberna montano Caliba* & *Calendula alpina*, *Aster luteus* & *Chrysanthemum latifolium* aliis, ob florum quandam similitudinem dicitur. *Matthiolo* & quibusdam aliis & *Damasonium Dioscor.* inscribitur, quibus quidem repugnare videtur *Renealmus in plantarum specimine Parisiis* Anno undecimo hujus seculi in 4. edito quod *ἡ ἀρχὴ τοῦ ὀνόματος ἔστι πταρκεῖα*, flores albos & subpallidos suo tribuat *Damasonio Dioscorides*, sed nostrum aureis passim superbiat, quod deinde non in aquosis, ut vult *Dioscor.* Sed montosis locis plerumque nascatur, sed, quod pace tanti vidi dictum esto, & floribus albis à *Matthiolo*, & ex pallido-albicantibus à *Cast. Durante*, (quin & cæruleis à *Bauhino*) reperta est hæc nostra *arnica*, & locis plerumq; humectis, tum montium jugis, pratis riguis, sylvis caduis ac uliginosis frequentior. *Nardus* quoque *celtica* nonnullis vocatur ob saporem aromaticum, & *Doronicum Germanicum*: Rectissimè autem ab absolutissimo *Clusio* ad *Doronica* refertur, & à *Casp. Bauhino* differentia ergo *Doronicum V. plantaginis folio alterum* cognominatur, *Doronicum* puta salutiferum & non venenatum quam infantiæ notam ab eo gravissimis rationibus abstergit. *Nobiliss. noster Nestor. Diss. 2. de Agagrop.*

Profert autem folia plantagini villosæ æmula, leniter hirsuta & molliora, summæ potissimum telluri incumbentia, quaterna ut plu-

rimum, rariora in tereti & lanuginoso caule, semper tamen bina ex adverso, e quorum immo plerumque unius, interdum terni exstinguunt surculi, suis mense Junio singuli floribus in fastigio conspicui aureo fulgore. *Doronicum Emulantibus*, eodemque modo cum semine suo tenui, oblongo & nigro in pappum postea fatiscentibus; Radix subest oblonga summa telluri pluribus fibris annexa cum foliis & floribus aromatica tota.

Nobis rara est & uno saltem loco, quod sciam, eoque sylvestri, nascitur, in pratis alibi & locis humidioribus frequentissima, in hortos translata culturam non admittit, quod & *Camerarius* notavit in suo horto.

Vires ejus ex acrimonia & virtute aromatica æstimandæ veniunt, in caliditate & siccitate excedentes cum magna partium subtilitate minimas etiam venarum fibras intimius permeat, easque ab obstructione liberat, in athmate, in catharrho utilis, sternutamenta ciet, menses & urinas potenter movet, quod & mihi compertum (inquit *Renealmus*, unde & planta huic *Diuretica* nomen tribuit, & à doctissimo quoque *Pena* annotatum) colicos & hystericos dolores mitigat. Vasa rupta per sanat, in exturbandis arenulis & calculo præstans, sudorem facile ciet & nonnunquam vomitum, ideoque in morbis chronicis & in febribus diuturnis proficua, sed in contusionibus & casti ab alto pro dissolvendo sanguine grumoso etiam diutissime in corpore delitescente, & motum ac respirationem impediende, tantæ virtutis & efficaciam vix ullum ipsi facile par reperiatur simplex ex triplici omniparentis Naturæ regno. Lapsorum igitur quædam quasi Panacea jure meritoque deprædicanda: statim enim atque assumpta est, tanto impetu ad locum fertur affectum, sanguinisque grumosi perumpit latebras, ut magnos ibidem cruciatus, & summam quandoque respirandi difficultatem suscitasse observatum sit, præsertim à nimia ejusdem dosi, & ubi malum hoc inveteratum ac contumax; quæ tamen omnia brevi vel spontaneo vomitu, vel sectione venæ &c. iterum sopiuntur, cum exoptata corporis incolumitate & virium restitutione in integrum: ubi autem nulla manifesta læsio, ibi quoque nullus ab hac assumpta planta dolor, ubi nulla gloria aut victoria, quod ipsi cum bezoardicis proprie dictis familiare.

Usum est in radice, foliis & floribus, quorum dosis à pug. j. ad ij. in robustis, in decocto ex cerevisia calide propinato quod vulgatissimum in infusione ex Aqua major. Vino quoque infundi potest medicato cum cæteris ad plures affectus in abdomine, in utero, liene & vesica: pulvis quoque ptarmicus ex foliis & radice paratur præstantissimus. Ejus autem potissima vis, ut jam dictum, in dissolvendo sanguine consistit, quod ex sequentibus aliquot historiis evidenter elucescit.

Vetula quædam Pharmacopoli nostri Senatorii famula, de dolore lateris cum dyspnæa à nimio conatu abortu, diu multumque conqueritur, frustra quoque tentatis aliis pluribus medicamentis à solo *Arnica* ex cerevisia decocto calidè assumpto integre convaleuit, provocata plurima per urinam & sudorem serositate An-

no 58. Secretarius quidam, robustus ceteroquin, & consistentis ætatis vir, ob cerevisiam frigidissimam in æstu copiose haustam in cervicis statim, spinæ dorsæ & lateris dolores delabitur, aliquot dies noctesque lecto quasi affixus, ut aiebat, & immobilis decubuit, cum tussi pertinaci, raucedine & spirandi difficultate: usurpata alterantia, expectorantia varia, ab assumpto Arnica decocto ex cerevisia dolor quidem & angustia circa pectus intendit; sed obrepente suavi per bihorium somno omnia mox symptomata evanescere visa, profusa insigni urinæ copia. Ann. 60.

Albertus Stumpf. Villicus sexagenario major, catharro crallo cum tussi diu afflictus eodem modo curatus est; idque remedium genus sapius repetit cum successu, quod cum malo hoc quotannis præsertim vere vel autumnò conflictaretur.

Annorum 26. Juvenis I.D.S. ex equo præcipitatus, de continuis totius corporis doloribus conqueritur, idque menstruo fere spatio, qui tandem Arnica nostra decocto prolicito largo sudore iterum evanescere. Ann. 67.

Plebeja quædam, à consternatis equis cum temone ad murum violenter detrusa, & gravissime in pectore ac dorso læsa, aliis huic malo destinatis, pulvere sc. contra casum, unguento rubro potabili, spermate ceti &c. frustra administratis, decocto hoc feliciter restituta est. Ann. 63.

Nicolaus Ort Agricola dormituriens curru excussus à rota medium thoracem transeunte in respirandi difficultatem cum abdominis intumescencia incidit, pluribusque medicamentis tam internis quam externis nihil levatus, tandem Arnica decocto convalescit. Anno 70.

Caspar Kempf. Carbonarius ab arboris succi subito lapsus imprudentia in dorso & femore ita læsus, ut diu tanquam claudus sutor domi federet, nec se loco movere posset, licet pluribus inunctionibus continuè uteretur, eodem tamen modo sanitatem pristinam recuperavit, una cum ejusdem uxore quæ diro coxendicæ dolore à nimio conatu exorto diu laboraverat. Ann. 70.

Carpentarius quidam A.R. fracto asserem inter duos asseres in profundam cellam pendet medius litera longa sursumque summa vi vix tandem enititur, sed lateris inde dolor, qui ab impositione emplastri de ulmaria à tonsore facta exasperatur, tertio à casu die inter consuetos labores concidit miser quasi attonitus nec à terra se exigere nec movere potest de summo lateris dorlique dolore conquerens. Alvo l. a. aperta & vena secta pulvis contra casum in decocto Arnica exhibitus, & Arnica cerevisiæ pro potu ordinario immersa convaleuit, inuncto quoque latere dolente cum unguento rubro potabili. Eodem.

Peter Schirmer Oberndorffensis ab equo calcitrante ad pectus percussus, ex sanguine hirci nequaquam, ex Arnica autem decocto itidem restitutus est. Petulans quidam puer ex casu caput fortiter lapidi allidit, unde tumor & vomitus in tertio die febricula cum nonnullo delirio, impositum capiti emplastrum de beton. decoctum Arnica bis terque exhibitum, sub-

sequente diarrhæa spontanea & urina quasi sanguinea evasit. Ann. 62.

Iracundus noster molitor H.L. Uxorem propriam, fustibus prætermodum excipit, unde respiratio difficilis, sputum cruentum, capitis tumor, Arnica decocto exhibito, urina sanguinea prodit cum præsentaneo levamine. Anno 61.

Obstetrix nostra de scalis lapsa sumpto hoc decocto probè sudavit, & convaleuit, nullo subsequente symptomate. Ann. 73.

Leonhard gravissimis oneribus ferendis & attollendis alluetus, ex nimio tandem conatu, deficientibus sensim ex ætate viribus, dorsum & lumbos ad perinæum usque vehementer dolet à nimia Arnica dosi dolor ubique major cum metu suffocationis, sed sumpto jusculo ex croco & maci liberius statim respirat, dolor remittit & secta in brachio vena evanescit omnis. Ann. 75.

Andreas Venn. sutor Cachecticus, cui & caput & pedes reciprocè dolebant ac intumescabant, cum nullo modo ad sudandum disponi posset, decocto Arnica ex cerevisia sumpto, egregiè sudavit 13. Oct. Ann. 60.

Matronæ cuiusdam primariæ hac hieme asperiore in glacie lubrica lapsa, & spatium sat longum lumbos dolenti, idem decoctum cum successu exhibui. Item.

Cuidam Juveni diu febricitanti cum inflatione lienis, & ex errore diætæ sapius recidivanti, qui rejecta ex ejusdem usu per vomitum & secessum pravorum humorum saburra convaleuit ex voto; alique innumeri, quos studio prætereo, cum ex præmissis nobilissimæ nostræ Arnica virtus luculenter enitescat. Et nullus omnino dubito, quin in aliis quoque morbis, præsertim pectoris & abdominis, ubi magna in vasis corrupti seri restagnat copia, ut in hydrope, dysuria, præmissis tamen præmittendis, cum successu illa in usum vocari possit. Joh. Michael. Febrii.

Observationes.

Pro casu ad puerum quendam

℞. Vini rubri ℥ ix. cui superadde ros. rubr. sicc. rosinar. summittat. Myrti. an. m. ij. in cacabo ad ignem fiat decoctio: in hoc vinum stipticum syndon immergatur, & parum manibus exprimatur, & eo calido optime æger involvatur, & in lecto optime cooperiatur: quo facto remedio copiosissime sudavit, & sanus factus fuit: Est autem hujus generis remedium apud Hispanos in omni lapsu admodum frequens & usitatum, à scribentibus de casu & offensione prætermisum, quum tamen potissimum sit. Amatus Lusitanus cent. 3. curat. 9.

Juvenis quidam 20. annorum cum per vimineum septum instar cancellorum tortum saltaret, cecidit supra palum circa dorsum, sine cutis tamen læsione; unde sequutus est dolor ingens circa renes & spinam inferiorem, ut incedere non posset. Ideo locum dolentem inunximus oleo rosar. insperso pulvere myrtillorum, & sanguinem ex Basilica, quia Juvenis erat, ne febris aut inflammatio supervenirent, detrahère mandavimus. Deinde statim

mummia, spermatis ceti an. 3ß. cum cerevisia butyrata calida propinavimus; mox ut sequentem potionem sumeret iussimus.

℞. Fœnic. cum toto, scabios. rubia tinct. caudium rubr. pariet. malv. cum rad. chæresol. fanicul. valerian. agrimon. bugul. & borrag. an. m. j. sem. nigell. (unicè confert ad casum ut experti sumus.) semin. anis. an. 3j. concisa & conquassata coque in cerevisia communi pro fß. ij. colatura saccharo dulcoretur in qua puppa sequens pendeat.

℞. Mummia, spermatis ceti, an. 3j. nuc. mosch. troch. alkekeng. sine opio an. 3ß. f. puppa exprimenda dum potio sumitur; decoctum aromatizetur, cum 3iij. cinamom. bibat de eo bis in die hora sexta matutina, & hora quarta à meridie, quarto die ita eundem purgavimus.

℞. Fol. sen. 3iij. infund. in decoct. pectoral. 3v. adde elect. è succo rosarum, post fortem expressionem, 3jß. oxymel. 3v. mumm. nuc. mosch. an. f. potio. Deinde ad maiorem resolutionem inunximus hoc unguento.

℞. Unguenti de althæa 3ß. ol. chamæm. aneth. an. 3ij. m. quibus dolor sedatus est, & perfecte curatus fuit. *Petrus Forestus Observ. 29. lib. 6. Observ. Chirurg.*

Pro casu ab alto in quodam.

Hac quæ sequuntur ex præscriptione Forentioliæ egregiè contulerunt.

℞. Rhab. 3ij. rub. tinct. gr. xv. cum vino stiptico, f. pilula, quibus utebatur in principio; postea in processu exhibeatur illi medicamentum sequens.

℞. Cassia rec. extract. 3vj. mummia 3j. rub. tinct. 3iß. rhab. el. 3j. pulverisanda pulveriscentur & dissolvantur cum cassia in decocto cicerum rub. & fiat potus. Hic pulvis contra casum in usu est apud Colonenses cujus author fuit Zittardus, Medicus insignis.

℞. Mumia, scabios. pilosell. hyperic. an. 3ß. costi dulcis & amari. nuc. mosch. an. 3iß. terræ sigillat. bol. arm. an. 3iv. rub. tinct. rhapont. semin. nigell. an. 3vj. sperm. ceti, rhab. an. 3ij. agar. troch. cumini præpar. an. 3j. m. f. pulvis dosis est 3j.

Elidæus præceptor meus pro sanguine coagulato è corpore hominis expellendo, tum à percussione, & concussione; sequent. remedio utebatur.

℞. Mummia, rhab. el. an. 3j. rubia tinct. 3ij. m. cum decocti pulli nigri 3iij. vel capiat cum aliqua aqua convenienti; at pulla nigra coqui debet cum pennis & visceribus, eadem prius strangulata, nec aliter occidi debet: nam ita decocta plurimum præstat in hoc affectu proprietate quadam occulta. *Petrus Forestus Observ. 31. & schol. lib. 6. Observ. Chirurg.*

Pro casu ex fenestra ad somnambulonem quendam.

Præmissa venæ-sectione & injecto clystere, ad sanguinem collectum dissolvendum & expectorandum, exterius adhibui decoctum lactis cum meliloto, fl. chamæm. an. m. iij. mar. rhub. anthos an. m. ij. quod comprehensum

aliquot vesiculis bubulis, per vices calidum epithematis loco partib. dolentibus applicare iussi. Interius diebus aliquot matutino tempore pianguedinem humanam (quam tum temporis à recenti corporis humani sectione copiosam in promptu habui) in iusculo cerevisia ad 3ß. exhibendam dedi quo remedio dolores & punctiones internæ leniebantur & sanguis concretus ad exitum præparabatur, ita ut consequenter per tussim & sreatum concreti sanguinis truita copiosè satis, & cum facilitate rejicerentur. Post octiduum cum suspicio aderat de sanguine concreto, aliquoties pulverem ex iis quæ sanguinis grumos dissolvunt, ut sunt oculi cancri præp. rad. rub. tinct. sperm. ceti & similia, exhibui, & sudorem provocavi, & sic præter spem multorum intra 14. dies juvenis hic perfectè convaluit.

In hoc juvene observatione dignum, quod licet ex contignatione domus tertia ad altitudinem 14. ulnarum deciderit, inventus tamen fuerit, quod ad membra externa omni ex parte illæsus, capite excepto, cui vulnus inflictum erat ad os usque bregmatis sine ossis & periorbiti læsione. *Guil. Fabricius Hildanus, obs. 84. cent. 2. ex Epistola. Gregor. Horstii ad Hildanum.*

Mulier quædam ex altiori delapsa loco diu jacuit semimortua, tandem cum ad se redisset, exhibui ante omnia contra sanguinem coagulatum hunc potum.

℞. Succ. cancri vivi contusi 3ß. vini albi 3iv. m. hæc potio expulit sanguinem coagulatum. Postero die ab assumpto potu, me iurante venam medianam secuit. Quarto à venæ-sectione die balneo aquæ dulcis chalibeatæ usa fuit, atque his paucis mox valere rectè cepit. *Martinus Rulandus cent. 5. curat. 12.*

Mulier quædam quinquagenaria ab equo sternace sub bigas lapsa rotis caput, pectus, totumque corpus misere contudentibus deplorata videbatur. Ego advocatus, devote Deum implorans, talem medendi curam instituo.

Primo posthabitis omnibus saphænam secandam suasi mane dein sudorem hoc modo provocandum curavi.

℞. Vini rubri stiptici fl. 10. ros. rubr. sicc. rosmar. summitat. myrti, an. m. ij. f. decoctio in cacabo ad ignem. In hanc postea sindonem vel linteolum immergebam; eoque extremitate digitorum leviter expresso, agram undique & calide, & optime involvebam; atque sic in lecto arctè contexta, diu multumque sudavit, in prandio & coena potus erat decoctum cæresolli cum saccharo. *Martinus Rulandus curat. 74. cent. 6.*

Gravis casus capitis absque ullo trepano sanatus.

Uxor L.O. Infortunio quodam in fulcrum incidit focarium, quod 25. libras pendebatur, quo ita læsit caput ut omnia deprehenderentur accidentia in fracturis cranii observari solita: quare judicavit medici, chirurgique terebrandum esse cranium, licet vulnus tantum cum contusione absque fractura, fissura aut depressione ossis animadvertenterent, ideo statuerunt, requi-

requiri loci perforationem. Eam autem ægra admittere nequitiam volebat. At ecce! quarto decimo post læsionem die, caput ejus, faciesque admodum tumere, plurimisque hæc, ut & frons notari cœpit hinc inde vesiculis. Atque ita dicta mulier absque trepano, sed nos absque auxilio divino, modo certe insolito, paulo post omnino fuit pristina restituta valetudini.

Verò simile est dictam materiam infernè sub cranio prodiisse. Quoniam enim nulla manifestè deprehendebatur fractura fissurave, necesse est, tenuis ille & serosus humor, per futuras aut sudationem, vel denique per occultam rimam extra cranium pervenerit.

Id ipsum autem per transudationem fieri posse multi testantur scriptores: ut *Thom. Bartholinus, Observ. cent. 2. hist. 41. pag. 214.* *Marcellus Donatus Med. historiar. Mirab. lib. 5. cap. 4. pag. 200.* *Wepferus pag. 398. lib. 1. Tulpus Obs. cap. 2. pag. 4.* qui etiam profert exemplum in quo innumera sanguinis guttæ per calvariam, (quæ tamen integra erat quamvis aliquantum mutata colore, adeoque naturali soliditate parum debilitatâ,) erumpebant, instar roris universam calvariam cooperientes. Quibus spongia aliquoties deterfis, repullularunt continuo & aliæ: monstraturæ velut nihil naturæ esse invium; sed omnia pervia, neque ossa ullibi tam solida, quin per ea libere permeet, cum sanguis tum pus. *Galenus in librum 7. Hippoc. Aphor. 54.* hæc confirmat dicens arbitrari Hippocratem, naturam semper, si robusta sit, materiam viam moliri & invenire, etiam si quam maximè crassa sit, & per exiles transitura meatus: quando per ossa etiam abscessu fieri dicat.

sicut autem ab intra foras pus per calvariam, ita etiam contra facilius foris resudat in interiora. Hac de re etiam videatur *Avicenna sen. 14. lib. 3. tractat. 4. cap. 5.* ac *Jacobus de Carpo de signis commoti cerebri*, è quo *Marcellus Donatus Med. hist. mirab. lib. 5. pag. 200.* testatur contingere aliquando in capitis vulneribus non dari liberum saniei transitum per ipsum vulnus eamque eo casu per porositates ossis resudare ad intra cranium, cujus rei testis est *Hippocrates lib. de vuln. cap.* dum scribit vulnera in posteriore cranii parte reperta minus esse letalia, quoniam os propter crassitiem diuturniori tempore pus contrahit & ad cerebrum inferius transsudat.

Petrus Marchettus celeberrimus Chirurgus posteaque Chirurgiæ Professor Paduæ obser. 12. pag. 24. ait se vidisse duo exempla vulnerum capitis, ac contusionum absque fissura in quibus sine terebratione emittebatur pus, quoniam id per cranii poros, haud aliter, quam per cutem sudor, exibat: quamvis uterque hic æger, diutius dilata perforatione, postea decesserit.

Quare ille artem profitentes monet, si vulneratis medeantur, quorum symptomata arguunt, internas partes etiam læsas. ut in tempore trepano utantur, dictante etiam Hippocrate si quid movendum videtur principio move. Unde sequitur, si terebrandum, initio terebra. *Joan. Baptista de Lamzyverde, Append. obser. pag. mihi 238. obs. 41.* duo similia vidit exempla, in quibus sanies pars quæ-

dam per cranii poros transudare conspiciebatur; huic autem evacuationi dum quidam nimium fiderent, serò trepani opera accessit: subjecta enim sanies aliquando nimis copiosa, tardiorque est exoneratio unde tandem internæ corrumpuntur partes. Et licet frequenter trepanum fracto fissoque cranio utile sit, idem tamen quandoque, salvo etiam, atque integro cranio, adhibetur præsertim cum timor est, ne intus vasa quædam rupta sint. Trepani enim ope non tantum sanguini effuso datur exitus verum ita etiam inflammationi, putrefactioni, delirio, febribus, aliisque letiferis accidentibus itur obviam, quamquam hoc agendi modo artis Magistri sperata non semper assequantur, optimè id ipsum ostendente *Tulpio obs. lib. 1. pag. mihi 3. & cap. 1. &c.* fieri non potest, ut materia quæ extra vasa sua fluxit, alio, quam quem ictus, casusve læsit, continueatur loco. Exempli gratia; si sinistram alicujus os parietale lædatur; sanguis in adversam partem repulso quodam potest effundi; licet falce à se invicem separentur binæ hæc ossa; item: si ictus lapsusve frontem tangat, posteriore capitis parte potest manifestari sanguis quod sequenti probatum imus observatione.

Continetur etiam quandoque humor qui effluxit, inter binas membranas, vel etiam sub pia matre; uti is ipse inter cerebri fissuram supra corpus callosum in ventriculis aliquoties apparuit locatus, cujus posterioris narrationem instituiam.

Aliquando etiam incerta sunt signa, quibus dignoscatur, ubi lateat quæ effluxit, nec loco suo contenta materia, quamvis ea plerumque si fractura, fissurave adsit sub eadem reperitur, nonnunquam alibi simul; notante *Tulpio obs. lib. 1. cap. 2. pag. mihi 4.* Contingit enim sapius (at non semper) ut vi illa quæ sit loco plagæ vel ictus (quamvis nulla fissura facturave adsit) sanguis extravasatus ibidem reperitur, qui exitum non inveniens, ac proinde ibidem tractu temporis putrescens, pravorum sæpe symptomatum, nec non mortis interdum causa fuit.

Verum quidem est fieri aliquando, cum nec manifesta apertura cranii reperitur, virium robore subjectam exonerari materiam, sive id eo fiat modo de quo superiori observatione dictum, sive per nares, auresque, uti *Wepferus pag. mihi 223.* ac *Bartholinus cent. 2. hist. 4. pag. mihi 215.* pluresque testantur, vel, quia aliquando per collum ad pectus, ventremque defertur, atque illis abscessus causa est, quod *P. Marchettus obs. Med. Chirurg. 15. fol. mihi 35.* sapius se expertum ait, ac *Jobus Mekranus obs. cap. 2. pag. mihi 28.* *Paræus lib. 10. cap. 8.* *Marcellus, Donatus lib. 5. cap. 4. pag. mihi 201.* nec non *Roonhusius part. 2. lib. 1. obs. 3. p. 190.* indicant. Qui vero viribus ægri cum internæ læsionis deprehenduntur signa, solummodo fidere statuit, deceptum se sapius sed serò dolebit. *Cornel. Stalpart. observat. rarior. centur. 1. obs. 7.*

*Historia Casus ab alto Augustissimi Regis Daniae
Divi Christiani IV.*

Rex Daniae Christianus IV. 20. Julii ann. 1625. hora decima vespertina, ubi dispositas vigilias exploraret, in foveam secundum perpendicularum effossam 22. pedes profundam cum equo lapsus, & in dextrum latus prostratus diu jacuit inanimis sine loquela, sine sensu & ratione, & sanguis multus ex naribus & utraque aure fluxit. Medicus in loco venam aperuit. Ego vocatus 23. Jul. juveni valde debilem, qui neque loqui ipse posset, neque colloquia aliorum ferre, vix nosse me potuit, adspiciens tamen manum languide porrexit nihil locutus. Nullum tempus commodum à medicinis vacum esse volui, & cum serius aliquanto accessissem, nihil potui nisi clysterem, eo ipso die adhibere, ex eo cum bis excrevisset, visus fuit aliquo modo melius habere, loquela tamen ignava & vix intellecta. Eodem die Balsamus inunctus est naribus, & auribus parum illitus, item spiritus cephalici inuncti vertici capitis, ubi sutura coeunt. Pulverem sternutatorium noluit admittere.

D. 24. Julii pulverem pro casu ad dissolvendum sanguinem dare volui cum aceto bezoartico, quem cum assumere recusaret, neque tamen quicquam temporis frustra praeterire sinerem, dedi ipsi pilulas 9. valde lenes, quae tamen ter alvum moverunt, & cum de pulvere ad casum, ut volebam, pomeridianis horis iterum quicquam sumere recusaret, propter periculum, quod erat in mora, iterum clysterem eodem die applicui, quem statim reddidit non sine fructu, adpersio capitis cum spiritibus cephalicis, & inunctio narium eo die non fuit neglecta, aqua etiam pro collutione oris usus est.

D. 25. Julii summo mane sub diluculum iter Verdam ingressi sumus; & tum Rex in monasterio Mollebeck pransus est, & eo prandio sua manu bis mihi cibum porrexit. Inde perreximus & pervenimus in pagum Reemer, hic sumpsit cochlear aquae bezoarticae, & caput inunxit, inde Peteterlagium.

D. 26. Julii & 27. tria cochlearia aquae bezoarticae sumpsit; & capitis verticem spiritibus cephalicis inunxit, & os colluit cum aqua destillata, quod ut vesperi, cum Hoiam appulissemus, faceret, impetrare non potui, quemadmodum neque matutinis horis diei sequentis, cum inde Verdam proficisceremur. Eo cum pervenissemus, statim appositus est clyster, quem addita hiera fortiolem reddidi, ex eo clystere magnam excrementorum copiam exclusit, & commodè habuit, ita ut me post rejectum clysterem ad se vocaret, & per horam dimidiam tam bene, tam articulate & tam prudenter, ut post hunc lapsum unquam mecum de multis rebus consuleret. Vesperi sub decubitu facta est inunctio ex unguento Hamelae praescripto, & adpersio verticis cum spiritibus.

Subsequenti die 29 sumpsit potionem ex rhabbaro, ex qua parum dejecit, quocirca sub vesperam iterum clyster injectus est qui cum fœnore, quod relictum erat, exclusit, unde Rex

iterum benè habuit. Usus est etiam eo die pulvere sternutatorio, ex quo capitis levamentum sensit, itaut postero cupiverint adstantes iterum adhiberi, quod factum est, cum prius pulverem A. C. cum Aqua Bezoartica sumisset, & caput lavisset cum lixivio medicato & sapone odorato. Inde ex pulvere cum molestiam nonnullam Rex sese percepisse a posteriore vultu indicasset, adstantes prope me & medicamenta, quorum tamen utilitatem ante perspexerant torvo vultu inculcare videbantur. Verum Rex sub prandium hilaris fuit & multa locutus est modo de his, modo de illis, cumque pridie & postridie calidiorem potum bibisset, circa vesperam praecedentibus duobus diebus capitis gravementum sensit, & noctem inquietiorem habuit, absque ullo tamen calore praeternaturali. Alioquin tum propter curae procrastinationem, tum propter calidiorem potum, aërum & iterum molestias vix fieri potuit, quin in tanto casu corpus à malo, & cerebrum ab inflammatione defenderetur. Sub ingressum lecti fomento pro oculo & linimento est usus.

D. 31. Julii sumpsit 3v. gelatin. ribium, hora tertia pomeridiana de electuario confortante sumpsit, hora quarta ablutio facta est capitis, & adpersio spirituum cephalicorum, caput detersum est linteis calidis & pulvere praescripto infumatis. Hoc die mentis aliqualis fuit error & hallucinatio; nam quamquam urbs in qua erat, interrogavit inter canandum, tamen satis rationaliter locutus fuit. Circa tempus decubitus & dorsum inunctum est, & ea nocte benè dormivit.

D. 1. August. Rex ipse medicamenta flagitavit, dedi ipsi pulverem ad casum quantum ter cuspede cultelli capere potuit, & statim bibere jussi aquae bezoarticae 3iij. caput spiritibus cephalicis irroratum, & dorsum inunctum. Hoc die cum multa adversa nunciarentur, aliquanto perturbatori animo visus fuit, inter prandium hallucinari visus est, hora octava pomeridiana injectus est consuetus clyster, quem brevissimo tempore retinuit, post multa excrevit: itaque de electuario cephalico dedi, nasalia admittere noluit, dorsum tamen inungi passus est, dormivit nocte, neque quicquam absurdi locutus est.

D. 2. Aug. assumpsit 3vj. gelatinae ribium, aqua praescripta os colluit, pulvis capiti inspersus est, nasalia autem admittere noluit. Post meridiem dedi de electuario, caput lotum, spiritibus adpersum, iterum tentata nasalia & leniter. Vesperi hora octava dorsum inunctum, & caput spiritibus irroratum est, post decubuit. Hodie cum mentis hallucinatio & capitis aggravatio pertinacius hareat, metum cancellario ostendi. Hac nocte benè dormivit, sed somnia habuit turbata; unde caput adhuc praegravatum potuit conjici.

D. 3. Aug. propinavi pulverem A. C. cum aqua bezoartica, pulverem capiti inspersi, in prandio satis prudenter locutus est, vesperi hora tertia caput lotum est, spiritibus cephalicis irroratum & pulvere adpersum.

D. 4. Aug. potionem ex Rhabarb. sumpsit, & tertia pomeridiana electuarium, caput lotum est, & irroratum, noctu dorsum inunctum.

D. 5. Aug.

D. 5. Aug. pulverem ad casum cum aqua bezoartica sumsit, adpersus est pulvere; hora octava caput lotum, spiritibus inunctum, & nuchæ, scapulisque quatuor cucurbitulæ scarificatæ appositæ & dorsum oleis præscriptis primum inunctum, & unguentum prius abdicatum.

D. 6. Aug. Gelatina ribium sumta, à meridie electuarius confortans.

D. 7. Aug. sumpsit pulverem A. C. cum aqua bezoartica, caput lotum, spiritibus irroratum, dorsum inunctum oleis, cucurbitulæ sicca adhibita, & pulvis sternutatorius in nares insufflatus. Pomeridiana tertia sumsit electuarius, circa somnum dorsum inunctum est.

D. 8. Aug. Mane Vestimenta induit, pulverem A. C. sumsit cum aqua bezoartica, deinde exercitum visitavit.

D. 9. Aug. sumsit potionem ex rhabarb.

D. 10. Aug. pulverem A. C. cum aqua bezoartica, caput lotum spiritibus inunctum.

D. 11. Aug. clyster, consuetus appositus est, cucurbitulæ sicca dorso fuerunt appositæ, & sic perreximus in alterno usu clysterum, purgationum, pulveris A. C. cum aqua bezoartica, inunctionum, cucurbitularum & reliquorum, quorum antea facta est mentio, usque ad 18. diem Augusti, morbi autem diem 35. ubi bene valere visus, & *Arnifens* advenit, neque quicquam incommodi sensit.

Medicamenta Regi Præscripta.

℞. Aloes insuccat. 3vj. Pilul. de Rhab. 3ss. extr. hellebori nigri panchymag. Croll. cor. an. 3j. Mumia 3j. Castor. 3ij. Diagrid. 3j. ol. carv. cinam. an. gutt. vj. cum aq. cinam. f. Pilulæ ex 3xv.

℞. Gelatin. rib. l. xat. ℥ij.

℞. Aq. apoplect. L. ang. 3vj. Spir. Sulphur. 3j. Syrup. de chichor. 3j.

℞. Ol. rut. dest. carv. an. 3j. caryophyl. 3j. lavend. 3ss. nuc. mosch. expr. q. l. f. Balsamus.

℞. Acet. Bezoart. ℥ij. Aq. Theriacal. 3ij. spir. fassaf. 3ss. syrup. de cinamom. de acetosil. Limon. de eupator an. 3ss. spir. sulphur. acid. 3ij.

℞. Ungu. potabil. 3vj.

℞. Ocul. cancr. præp. 3j. succin. alb. præp. 3ij. rad. tormentill. vincetox. rub. an. 3j. Lap. bezoar. 3ss. cinamom. 3j. terr. sigill. v. bol. Armen. an. 3j. sacch. ex Julep. rosar. candisat. 3j. f. pulvis A. C.

℞. Rad. Irid. flor. calam. arom. pyreth. angelic. meum an. 3j. fol. ror. marin. salv. an. 3ss. flor. lavend. p. ij. pæon. primul. ver. an. p. j. sem. rut. bacc. laur. exs. an. 3ss. aq. destill. salv. ℥ss. rut. lavendul. an. 3ij. Acet. vin. acerrim. 3ij. stent in infus. per horas 2. postea balneo ferveant & colentur, colaturæ add. mell. anthosaf. 3j. oxymel. scillit. 3ss. spirit. vitriol. 3j. M.

℞. Rad. althææ, gentian. helleb. nigr. præp. an. 3j. Herb. hyssop. beton. majoran. mell. an. m. 3ss. flor. chamomill. Rom. p. ij. bacc. laur. 3j. Coq. in aq. font. & in fin. add. vini tertiam partem, colaturæ.

℞. 3x. add. confect. Hamech. Diaturbith.

c. rhab. an. 3ij. mell. anthosaf. 3j. f. clyster.

℞. Elect. diaturb. c. rhab. diaprun. hamech. mell. mercurial. anthosaf. an. 3ss. rosar. 3ij. M.

℞. Conserv. rad. cichor. Scorzon. an. 3j. majoran. 3ss. Veron. marrub. an. 3ij. rut. 3j. flor. ror. marin. lavend. an. 3j. nuc. indic. 3vj. myrobal. emblic. 3ss. conserv. flor. rosar. rubr. 3ij. conf. Alkerm. 3ij. spirit. Vitriol. 3ss. syrup. d. cinam. f. m. f. Electuarius.

℞. Rhabarb. 3ij. fol. sen. 3j. Turpeth. 3j. passul. Corinth. 3j. spic. 3ss. sem. scenic. 3j. aq. endiv. fragar. an. 3ss. Acet. flor. salv. 3ss. infund. & col. colaturæ adde syrup. diafer. 3vj.

℞. Rad. aristol. rot. v. gentian. an. 3ss. costi 3ij. Herb. majoran. rut. salv. an. m. j. flor. chamomil. stachad. an. m. 3ss. scob. Lign. fassaf. 3ss. bacc. laur. exs. 3vj. agaric. crud. 3vj. fol. laur. 3ss. nuc. moschat. 3j. incisa D.

℞. Sapon. venet. 3ij. agaric. crud. 3ij. cinam. caryophyl. an. 3ss. rad. irid. flor. 3ij. camph. 3ss. mosch. ambr. an. 3ss. cum aq. majoran. & lavend. formentur globuli pondere 3ij. S. sapo odoratus.

℞. Tartar. vin. 3ss. litharg. 3ss. alum. 3ij. sal. comm. 3ss. aq. fontan. pur. ℥ss. solan. plantag. an. ℥ss. acet. vin. acerr. ℥ss. m. & coq. in vase clauso, neque aperiatur vas, antequam refrigeretur, tum transcoletur.

℞. Gum. elem. anim. an. 3ij. Mastich. thur. an. 3ss. caran. firac. an. 3vj. fol. ror. marin. salv. majoran. an. 3j. m. f. pulv. pro fumo.

℞. Rad. Irid. flor. 3ij. lign. Rhod. aloes an. 3ss. fassaf. 3j. fol. ror. mar. majoran. an. 3j. flor. lavend. p. ij. gumm. anim. tacamah. an. 3ij. styrac. calam. oliban. an. 3j. f. pulvis deinde.

℞. Mosch. Zibeth. ambr. an. 3j. m. & diluantur accurate in aq. cinnam. & lavendul. an. 3ss. postea misc. cum pulv. iterumque exsiccentur.

℞. Cort. limon. exsic. 3j. rad. irid. flor. 3ij. calam. arom. pimpinel. enul. an. 3j. turpeth. el. 3j. fol. ror. marin. salv. an. 3ij. scob. lign. fassaf. 3ij. santal. rubr. agalloch. an. 3j. sem. carv. 3ij. fl. caryoph. hortens. rosar. rubr. an. p. ij. passul. corinth. 3ss. vin. rhenan. ℥xij. spir. vitriol. 3j. infund. & add. zingib. 3ss. cardamon. 3vj. caryophyll. cinam. an. 3ss. sacchari ℥ss. f. decoctum.

℞. Spir. salv. chamomill. R. calam. arom. hyss. an. 3j. aq. carbuncul 3vj. m.

℞. Ol. arthrit. 3ss. terebinth. 3ss. chamomil. dest. 3j. majoran. salv. rut. an. 3ss. M.

℞. Spirit. rut. majoran. lil. convall. an. 3ss. cinam. 3ss. M. S. spiritus cephalic.

℞. Radic. hellebori albi, pyreth. an. 3ij. h. majoranæ, tabaci an. 3ij. semin. rutæ itaphisagr. an. 3j. euphorb. 3ss. m. f. pulvis. *Thomas Bartholini.*

Varia cadentium fortuna.

Tralatitium est & vulgo etiam compertum homines nonnunquam cadentes ex edito loco non ladi, sive si id angelorum custodiæ (quod malim credere) adscribas, sive corporis positioni inter cadendum fortunatiori. Talis mihi cognitus, qui puer ex alta turri in saxum stratum præcipitatus, postquam se ca-

dens pedibus exceperet, nullum damnum sensit, nisi calopodiorum ligneorum, quibus pedes munierat, fracturam. Libuit tum experiri sociis ejus verumne esset, quod vulgò jactari solet ælurum, quomodocumque cadat, semper ita se in medio periculo gubernare, ut terram attingens insistat pedibus. Projectus ergo è fastigio turris in ipso lapsu varie gyrabatur, nonnunquam pronus, aliquando supinus, sed ubi ad pavementum allisit, in pedes erectus subito cursu profugere nitebatur, & currebat strenue ad teli jactum, mox in ipso cursu mortuus dirigit, cerebro, opinor, ex illo lapsu nimium concusso. Altioris est indaginis, quod Sevenhufæ in Hollandia quotannis accidit, & mihi bis spectatum est. Nemus ibi surgit modicum, sed in quo plurimæ arbores volucrum nidis occupantur, succedentibus sibi in iisdem cubilibus, varii generis alitibus; de quo plura *Heginitius* in Itinerario Hollandiæ. Concesseramus istuc aliquot amici eo tempore, quo corvi aquatici in nidis imperium exercent, non planè implumes, sed nondum volucres. Igitur præmonstrator noster ut artificium capturæ ostenderet, contum altero extremo recurvum arborum uni sic satis proceræ, sed trunci tenuioris impingit, & varie agitando, succutiendoque duos corvos plumatos quidem, sed alis suis nondum fidentes nido excutit. Illi qui aquarum naturam experti nunquam fuerant, in medio lapsu dum superficiem aquæ (suberat enim rivus, in quem decidebant) attingunt, tanta sagacitate immergunt se undis, ut cum tres famuli astarent, omnes itidem sudibus longis armati, ut decedentes interimerent, ictus eorum diu eluserint, alio scilicet margine rivi emergentes, quàm quo in cædem parati excubabant; Dixisses volucres has, & vix bimestres, in illo foro evadendi pericula, pluribus annis dexterrime spectatas fuisse, ita nulla esse potuit matrum solertia prudentior. Id quod mea quidem sententia, satis evidenter docuerit notiones quasdam foetibus animalium ingenerari, sine prævio genitorum magisterio; neque enim hi, ut ita dicam, corvuli, imperiti rerum & experimentis imbuti nullis, nec à nido in terram prospectare docti (tantum abest ut assueti lymphis fuerint) hos omnes cursus, recursusque, has è periculis intentatis exeundi technas scivissent, nisi ab ianato emanassent principio. Quin & anatum ova gallinis incubantibus supposita attestantur idem: exclusi enim hi antini pulli & gallinaceis permisti, ubi ad fluvium veniunt, statim, nullo nisi intestino doctore, aquas ingrediuntur, natant, alimenta quarunt, stupente veluti gallina, pullorum quos suos aestimat, degenerem indolem. At hi pulli matrem viderunt nunquam. Hæc eo tendunt, ut si notiones suas claras, distinctasque ab ovo secum ferant volucres, majorem utique prærogativam largiamur animæ humanæ (ut cumque suas alioquin tenebras agnoscat) nec eam vel exilitemus tabulam rasam esse, generalem vel regulam; nihil esse in intellectu, quod non ante fuerit in sensibus. Sed ad cadentes iterum: Alius è scopulo stephanite ad trecentos pedes in præceps per infortunium actus, piscatorem in subjectis undis cymbulæ suæ inhærescentem subito lapsu exanimavit, ipse salvus. Sacerdos quidam

Hafnienfis fallente vestigio è scalis suis proruens in filiam advolantem caput impegit elisurus haud dubie calvariam, nisi ex improviso adstitisset virguncula. Verum superat hæc omnia fatum Svecanæ fœminæ, quæ nienſe Augusto hujus anni, ex incensa à nostris ad Calmarniam bellica hostium nave (cui à clave nomen) in sublime ultra centum pedes cum infante, quem ulnis retinebat rapta, deflagrante simul omni tormentorum pulvere, in mare inter medios ignes salva procidit, puerulo suo comitata, & à nostris excepta. Olandiæ suæ reddita est, ut facti sui lusum, & nostrorum misericordiam evulgaret. *Olai Borrichii.*

De lapsu ex alto indemni.

Fieri miracula in Medicina, non *Avicenna* solum, sep ipsa experientia dicitur. Occurrunt exempla *ἄνθρωποι ἐ λόγῳ δύναντα, καὶ πάντων αὐτῶν ἰσχυρά*, quibus sæpenumero τὸ θεῖον tubelle, nemo nisi atheus negaverit.

I. F. Evvaldi, Civis & Pannificis h. l. filiolus trium annorum 1669. d. 25. Jul. in avi sui domus secunda contignatione, circa fenestram lusu occupatus, & e scamno pronus in plateam lapidibus ubique stratum despiciens, pondere superioris corporis extra librato & declinante, præcipiti in caput lapsu decidebat, 17. pedum altitudine. Vocati cum binis chirurgis in consilium invenimus infantem præter solum ploratum, alias optimè habentem, nulla cutis læsio, nullus tumor, nulla cruentatio apparebat. Quare internè Pulverem Cephalicum bis terve propinavimus, externè verò sacculo ex plantis cephalicis interpassato, & vino incocto caput fovimus, hinc et plastro de Betonica imposito intra triduum omne negotium absolvimus, ipso interim puello assiduo bene habente, qui & hunc usque in diem quàm optime valet.

Verum quidem est rotundam figuram esse omnium perfectissimam, quæ ubique se sustinet, & contra externarum injuriarum impetum particulis & nexibus quasi concatenatis armat, nulli libi faciliè admittens aditum, & hinc capitis sphaera non aequè fracturæ, aliisq; injuriis subjacet, quod ob hanc ipsam causam natura (quæ *Galeno* teste, nullam partem reliquit *ἐφ' ὅπου ἐκινεῖται, contra injurias non bene munitam*) tali donavit figurâ, ut durum oporteat esse ictum, qui respectu aliarum partium, Osseum hunc fornicem perumpere valeat. Nihilominus pium & christianum est, divinam hic agnoscere manum, quæ teneros potissimum & molles infantes protegit, & Angelis tutelariis ubique sepit, ut ex sacris latius deduci posset, nisi falcem in alienam messem immittere dubitarem. *Georg. Wolff. Wedelii.*

Ex lapsu, salus.

Civis quidam noster (cujus nomini parco, quod inter nos hodieque sanus, & bene habitus vivat) itinere Helsingoram instituto, per aurigæ incuriam everso currû in saxum impingit, inter cœtera, quàm vehementissimè sinistrum testiculum jam ante per sedecim annos scirrhus, & tumore præter naturam obsessum. Delatus

tus mox in hanc urbem, præter dolorem partis contusæ febris corripitur & quidem continuâ. Cui ut malo obviam maturè iretur, rogatus cataplasmatibus partem affectam foveri iubeo, & febris pharmacorum oppono solemnia. Duravit morbi & medicaminum conflictus mensem propemodum integrum, donec natura victrix & scirrhum sustulit, & contusione immani præmollium, & natam ex dolore febrim extinxit. *Olai Borrachii.*

Ex casu contusio maxilla, vomitus, febris cum delirio & sopore, sinistri lateris motus convulsivi. &c.

Puerulus 4. circiter annorum. Vegetus ac vivax, cum aliquando currum imprudens conscenderet, cum fraterculo, de eodem in terram præceps concidit, ita quidem ut maxilla dextra inde præcipue contusa fuerit, capite aliisque partibus immixtis: nihil quoque sanguinolenti vel per os expuit aut per nares excrevit: Parentes mali sublitescens inscii, externe remediis domesticis contusioni obviamiverunt, aliquot autem diebus post, Aegrotulo cibum renuente, imò, si quid iniecerat, mox evomente, graviora subveriti convenerunt nos die 14. Maii 1683. conquesti de imbecillitate ventriculi, quâ filiolus laboret, cui Diaph. mart. C.C. philos. ppt. ungu. alc. aliisque his similibus prospectum ivimus: Iriduo post ingruentibus, nausea, vomitu, siti intensa & inquietudine apud misellum ut accederemus ipsi petierunt, simulque quid mali nuper acciderit rerulerunt; pulsus celer erat & frequens, urina saturata: interne pro resolvendo & discutiendo sanguine grumescente, usi fuimus cinnab. antim. rectif. ant. diaphor. cum spir. urin. addit. aq. destill. externe vero Balsam. de Peru cum ol. destill. menth. ventriculum inunximus: sub vesper. symptomatibus persistentibus, mixtur. ex antepil. diaphoret. per cochlearia sapius propinandam suavisimus, cui d. seq. febris augmentum sumente miscuimus spir. C.C. addito Epithemate cum spirituosius penetrantibus, quo caput subinde foveatur: postero die pulsus celer erat & inæqualis, intermittens; Urgebat sopor profundus cum delirio: Expergefactus statim obdormiit, sinistro latere immobili, ad instar trunci existente: de abscessu sublitescens Parentibus suspicionem nostram aperuimus: vesicatoria inde applicari iussimus, ad quæ ipsi prorsus obmutuerunt, abradis capillis, sacculos ex herbis aromaticis cephalicis, hinc & columbam vivam per medium sectam imponi curavimus, pergendo juxta in internis: vesperi reduces in copioso sudore ægrum offendimus, sed citra ^{dispositum} pulsus matutino similis: delirabat & vigilans tortis oculis adstantes salutabat: Clyster injectus à quo materiam satis graveolentem sed parce deiecit: nox subsequens inquieta fuit ægerque dentibus stridere cepit: Vesicatoria deinceps imperata, præscripta vero Emulsio in 2. Dos. ex Semin. card. benedict. aquileg. cucurb. cum aq. scabios. beton. add. C. C. Philos. ppt. qua rursum idoneum sudorem excitavimus, sed citra ulterius emolumentum: Mane quippe postero motus convulsivi invaserunt, qui paulatim increbuerunt &

misellum die sequente morti tradiderunt: incasum adhibitis ante-plept. internis & externis.

Sectione, quâ haud dubiè prædictiones nostræ obfirmatæ fuissent, ob alterius parentis rusticitatem prohibiti fuimus. *Joh. Jacob. Harderus Apiarii Observ. 31.*

Anatomica inspectiones.

Ex casu, capitis contusio, apoplexia &c.

Anno 1674. mense Januar. Molitor quidam transrhenanus, ubi prius Baccho aliquantum indulserat de scalis ex alto decidit, domumque vectus mox instar statuae sine sensu & motu jacuit, vomuit enormiter & sanguinis per aures eruptionem passus est, vulnere in cranio nullo apparente; die postero hinc emigravit. Cranio ex artis præscripto remoto, sanguis inter ipsum & duram matrem copiose in occipite extravasatus deprehendebatur & tota sui mole cerebellum versus & spinalem medullam procumbere. *Joh. Jac. Harderus Apiarii Observ. 31.*

Vir quadragenario major in vicinia, die 24. Januarii anni 1692 è sublimiori loco procidebat, & caput in saxa quibus strata erat in quam decidebat platea, tam vehementer allidebat, ut inde non parvum vulnus effectum sit. Chirurgi adstantes cum viderent magnam contusionem, incisionem per illius longitudinis majorem partem ex arte deducunt, venæ sectione etiam prius celebrata, sed nihil amplius in diem usque 27. prædicti mensis tentare ausi sunt; quo tempore cum Chirurgo dexterrimo J. J. Cou-dougnant advocatus, febris satis intensa & phrenetica quasi affectione vulneratum laborare vidimus, tum explorato vulnere, cum de effracto cranio nobis constitisset, dilatata quantum necessarium fuit incisione, trepanum sequenti die applicandum decrevimus, quod etiam factum cum tanta sanguinis per foramen à trepano confectum evacuatione, ut ad libras ad minimum duas assurgeret, metumque nobis incuteret subitæ mortis tam larga hæmorrhagia, res tamen in melius abire visa sunt postea, ita ut æger noster & cum ratione loqui, & alimenta assumere, imò febris remittere jam non parum inciperet, cum nescio quo fato omnia in pejus ruere subito ceperunt die prima februarii, eaque ipsa die Caroticus obiit. Cranio elevato, vidimus fracturam non tantum per totam longitudinem ossis bregmatis dextri, sed etiam ultra futuram lambdoideam ad ipsum os occipitale extendi; duram præterea & piam meningem in toto illo cerebri hæmispherio quasi putridam, imò cerebrum ipsum infra usque ventriculos sphacelo prope affectum & prorsus diffuens reperimus. Unde mirari subiit quomodo vulneratus hic in tanta cerebri, & commotione & contusione, quam corruptio prædicta subsequuta est, etiam si trepano exitum sanguini effuso pro viribus parassemus, nec paralyticum, nec convulsivum quid passus fuerit, imò à trepano applicito ad interrogata siue delirio responderit, donec parum ante fatalem horam Caro lethali affectus fuerit.

CATAGMA

Vid.

FRACTURA.

CATALEPSIS.

Catalepsis, aliis *Catoche*, *Prehensio*, & *Congelatio* est affectus in quo agri rigidi, & quasi congelati corporis situm servant in quo erant cum ipso corriperebatur: immotis autem & apertis plerumque sunt oculis, motu & sensu destituti. Affectus hic ita rarus est ut unicam ejus historiam proponat Galenus, duas verò Fernelius, alii sc. Skenkius, Forestus, Tulpius alias itidem habent. Nos aliquoties hunc affectum vidimus, sed non legitimum, & subito prehendentem, qualis fuit ille quo corripiebatur Galeni condiscipulus dum studiis attentius incumberet; sed febris vel continuæ vel intermittentis peioris notæ semper fuit fœtus & proles. Illius à mensibus retentis orti hanc habet descriptionem Clar. Diemerbroëkius. Domicella 20. annorum ob menses parcius fluentes uterinis suffocationibus subinde obnoxia, his diebus subito prehensa omnis sensus expers remansit, & in illo, quo prehensa fuit, corporis situ, obriguit, oculos apertos ac fixos detinens, nihil tamen videns. Si adstantes brachium illius sursum, deorsum, vel ad latus deflecterent, illud in tali situ remanebat. Si ægram in pedes deponerent, stabat; si corpus impellerent, pedem promovebat. Respiratione autem libera persisterat. Cum hic paroxysmus per horam durasset, tandem ad se rediit ægra immemor omnium quæ ipsi contigerant. Post biduum simili paroxysmo de novo detenta fuit, qui etiam sponte cessavit. Sic unus ex illis quem vidit Fernelius è lectulo sublatus cum spiratione facili, solus consistebat, quicquid in os inferebatur promptè vorabat, impulsus incedebat, & quocunque vel manus, vel brachium, vel crus inflecteretur, illic quasi fixum & stabile permanebat. Expressam quandam, addit, dixisses larvam, aut arte progredientem statum.

Partem affectam in hocce affectu cerebrum esse, aut potius spiritus animales, nemo inficias iverit, atque eò potissimum quòd Galenus eum viderit à nimia attentione, spirituumq; defatigatione in libris pervolvendis & perlegendis in suo condiscipulo natum. Forsitan aliquando, ut in casu è Diemerbroëkio allato, ut & in aliis à nobis ipsis observatis, fomes morbi alibi nidulans in cerebrum emittit materiam qua spiritus torpore corripiantur & quasi congelentur; sed non minus propterea cerebrum aut spiritus ejusdem incolae affici dicas, aut minùs exigere remedia quibus excitentur, & excutiantur copula illa heterogenea motibus per eosdem peragendis adeò infensa, & ipsi cerebro & nervis, ut quibusdam placet, quasi impacta.

E supra dictis satis explicatur morbi istius diagnosi ut & ejusdem ab aliis capitis affectibus differentia; unde non opus est illis enarrandis ulterius immoremur.

Causam quod spectat, eam exquirendam

cum Galeno non credimus in frigida cerebri intemperie, nervos consupante & congelante, talem enim intemperiem in subjecto vivente non opinamur possibilem. Sennerti spiritus congelans verba tantum & voces nihil amplius continet, quamvis exemplo fulminis aut spiritus ab eodem profecti, atque homines aliquando congelantis, illum illustrare conetur. Sylvii coagulatio, analoga illi quæ è spiritu vini & urinae invicem mixtis oritur, pluribus nominibus non arridet, primò quod tales humores in cerebro vix, imò nunquam reperiuntur, qui tamen pro morbo isto faciendo per totum hoc viscus & in omnes nervorum origines subito effundi deberent. Secundò quia etiam si daretur, similes humores in cerebro nasci, vel in illud aliunde elevari, non sic omnis spirituum animalium vis hebetaretur, nam è miscella spiritus vini & urinae quod precipitatur penetrantissimum est & ad minimum calorem prævolatilitate sublimatur, quod verò liquidum persistat, quamvis corpus mixtum, non est minùs mobile, aut viis sibi per nervorum canaliculos referendis aptum. Superest igitur, ut missis aliis aliorum sententiis de Catalepseos causa, ad eam quam legitimam credimus continuo veniamus. Morbus autem hic cum melancholicis & iis qui assiduo disciplinarum studio se se fatigant potius quam alius sit familiaris, non incongruè pronunciabimus illum de genere extaticorum affectuum esse. Sic ipsius ideam imitabatur Socrates, qui referente Gellio sese exercens in vestigiis patientiæ perdiis atque pernox, ab altero solis ortu ad alterum orientem cogitabundus, & immobilis perstabat. Si itaque dispositio melancholica in qua spiritus pauci dantur, iique ad voluntatem minùs mobiles, concomitetur attentionem & contemplationem illam fixam à studiis, vel aliunde ortam, in ea attentione procul dubio parcius spirituum copia in cerebro ad motus voluntarios peragendos degens tota impendetur; sicque revera animalium spirituum pars perexigua in tota nervorum longitudine, ut & fibris muscularibus existens motibus naturalibus ad tempus continuandis par erit, ut & ipsis motibus etiam voluntariis ad externam impulsione peragendis; sed si diuturnior foret affectus, atque anima unionis cum corpore quasi oblita spiritus in cerebro longius detineret, tandem membra omnia ac viscera auxilio tam benethico defraudata, conciderent, sanguinis circuitus & imminueretur, & periret, unde mors prompta expectanda foret. Quod autem obijciatur ex Diemerbroëkio, sc. quòd anima in hocce affectu omnium oblita, contemplationis cuiuspiam in qua attentionem tam fixam adhibuerit omnino sit immemor, à nostra nos sententia minime dimoveret, nam præterquam quòd illud ex unica tantum historia ab Autore prænominato allata colligi potest, facillimè eveniet ut spiritus post longiorem defatigationem, indeque factam assumptionem attoniti permaneant, meatusque in cerebro ad tempus non aperiant per quos memoriam præteritorum refricent, aut præsentis meditationis, ideam imprimant.

Prognosis non æque periculosa ac in Apoplexia, in quam, tamen hic affectus si longius pro-

protrahatur facillimè degenerat. Si malum non sit idiopathicum, si ejus causa in cerebro non nascatur, sed eo aliunde feratur, si spontè & per spirituum vitium subito non adveniat, si invasiones sunt breviores, aut earum recursus non sit nimium frequens, facilius dispellitur: Sin minus periculo eoque etiam gravissimo non vacat.

Indicationes sunt cerebri corroboratio, spirituum excitatio, attentionisque & contemplationis nimium defatigantis, & longius protractæ, abstinencia. Duxbas prioribus potissimum providetur volatilibus aliisque in capitis morbis, remediis recensendis; tertiæ, eique sane præcipuæ, potissimum medetur ratio, quæ hocce in negotio Medicinæ utrique, sc. Galenicæ & Chymicæ, prævalet.

Curationes, Consultationes, Observationes & Anatomica inspectiones ex variis.

Curationes.

Curatio Catalepsidis duplex instituenda est; una in Paroxismo, altera extra proximum, in Paroxismo ad ægrum excitandum conveniunt ea remedia quæ in soporosis affectibus descripta sunt. Extra Paroxysmum curatio melancholicæ hic omnino conveniet, si catochus ab humore aut vapore melancholico generetur quæ quidem causa frequentissima est. Si autem frigida intemperies sola, à causa externa, vel interna producta huic malo originem dederit: quæ illam emendant remedia e capite primo hujus libri erunt depromenda, ac denique si copia sanguinis hunc affectum generet, vel foveat, illius imminutio per venæ sectionem erit consentanea.

Victus ratio calefaciens & humectans præscribenda erit, sicut in affectibus ab humore melancholico oriundis. *Lazar. Riverius Præcos, Med. lib. 1. cap. 4.*

Quoniam catalepsis morbus rarissimus esse solet, alto silentio scriptores curationem prætere contenti solummodo generaliora præscribere, communia his, quæ ad Epilepsiam referuntur. Sed & Sylvius conferentia solum autumat sale volatili acriori prædita. Quendam mihi aliquando contigit observare qui levamen maximum persensit, (cum nihil per os assumere posset) à balneis ex chamæmelo, fœnugræco, anetho, malva, althea, meliloto, seminibus lini, additis salvia, betonica, nicotiana itemque linimentis ex Galbaneto Paracelli, essentia lavendulæ, Oleo nucis myristicæ, & ceræ. Capucinus catalepticus relatus ab Henrico Heers his remediis curatus fertur. Primum, glande acri alvus soluta est, unde membra movit, surrexit & ambulavit; omnium præteritorum tamen immemor. Tum fricatis naribus ex ptarmico potentissimo sæpe sternuit mucumque excrevit simile glaciei, deinde ingressus laconicum flatus discentientia assumpsit. Postmodum ab usu clysteris validissimi, & cathartici purgatus est; atque insuper decocto herbarum capitalium, cerebelli regio, & universa spina tota est ac convenientibus oleis inuncta: Pro potu hydromel dilutissimum, in quo sassafras, fœniculum, & anisum ebullierat, ebibit, ad-

misto vino fulvo: Ac tandem in dies exhibitum fuit conditum ex electuariis, acon, stachados nucis myristicæ, zingiberis cum Theriaca & confectione pliris arconticon; seque in posterum, cum malum persentiret, oleo calido toti spinæ affricto à congelatione præcavit. Alium narrat Forestus, qui non dissimiliter à clystere & balneo acris, inunctionibus, decocto cathartico & roborantibus cephalicis convaleuit. *Lucas Tozzi Medicin. practic. lib. 1.*

Consultationes.

Perillustis patiens, annum agens 23. perspicacis ingenu, in infantia habuit caput tadis crustis intectum, per abscessum retro aurem finitram disruptum lanatus, mox & totum corpus squamosis crustis fuit foedatum, sola blanda purgatione, seri lactis usu, & halituoso sudore desiccantibus: ita tamen ut ex levi qualibet ambientis frigiditate tussicula quædam sicca suboriretur, nisi siccis vestibus indueretur. Adultior factus, frigidis humidisque alimentis familiariter usus, longo scribendi & legendi labore defunctus, post graves animi passionem, dum casu cubitum ad parietem allicit cum dolore maximo, in scalam antrosum prolapsus est derepente querulusque mansit, absque loquela & sensu jacuit; post aliquot vero menses, à cana & usu variorum fructuum, horariorum, potu vini frigidi, & aquæ gelidissimæ, mane dolore ventriculi acuto luborto, brevi temporis spatio perstitit immobilis, insensibilis, rigidus, cum oculis apertis immobilibus, facieque pallida, & veluti cadaverosa reddita. Quibus affectibus ante biennium semel atque iterum correptus fuit, post laboriosum motum accedente quinetiam longa, eaque spuria catarrhali gonorrhæa, variis prædiis perfectissime sanata; propterea quærit, quanam sint horum affectuum natura, causæ, qui futuri eventus, & curatio.

Quibus paucis satisfacturi, non omisso tamen utilioribus, statuimus, affectum præcipuum Nob. hujus Patientis, alium non esse, quam, qui à Græcis Catochos, vel catalepsis, à Latinis congelatio dicitur: non tamen accepto cathochi nomine, ea significatione, quæ usus est Hippocrates in coacis Prænotionibus, ubi legitur, Cephalalgias, Catochos; latine vertitur à Dureto dolor capitis firmiter fixus. Sic enim quilibet affectus firmus, & stabilis, seu in habitu, catochos vocatur: minus, sumpta voce. catochi, pro affectu mixto ex lethargo, & phrenitide à græcis Typhomania dicto, quo sensu usurpatur ab Ætio, vel pro comate vigili sicut à Paulo Ægineta: Sed pro affectu specifico à prædictis distincto, à Gal. descripto 2. in Primum Prorrheticorum text. comm. 56. in condiscipulo suo sic scribente: *quidam etiam ex nostris condiscipulis, cum assiduo disciplinarum studio fatigaretur, malo hoc correptus est. Facebat enim veluti lignum prorsus inflexus, rigidus atque extensus, & videbatur oculis apertis nos ita intueri, ut ne conviveret quidem, nihil tamen loquebatur.* Et in eadem significatione sumitur ab eodem Gal. 2. de causis symptom. 7. 4. de Loc. aff. 2. 2. Aphor. 3. Libro de Sympt. Different. 3. & alibi; quo sensu aliquando est tantum in principio: quo tempore est vitium solius motoricis

triciſ facultatis, non autem ſenſitivæ & principis, qualis fuit condiscipuli Gal. qui videbat audiebatque ea quæ dicebantur, dictorumque factorumque poſt acceſſionem recordabatur, ut tulit ipſemet Gal. Aliquando vero eſt affectus confirmatus, quem propterea Gal. lib. de ſympt. diſſ. cap. 3. agens de rectricis facultatis vitiis aſſeruit eſſe veluti paralyſin, & reſolutionem imaginationis, qualis eſt affectus Nob. noſtri patientis, in quo propterea non erat corporis rigiditas, ſed & inſenſibilitas, & abolitio functionum principum. At vero cum oculorum inconniventia, corporiſque rigiditas obſervata non fuerit in prima acceſſione, credendum eſt, illam fuiſſe potius levem Epilepſiam, cum quæſulus fuerit & gemuerit, ut fieri ſolet in acceſſione Epileptica. Ideoque in utroque hoc affectu cerebrum eſt pars affecta, magis tamen ſecundum ventres, quam ſecundum corpus, ſicuti in melancholia afficitur ſecundum corpus magis quàm ſecundum ventrem, & præſertim ſecundum ventriculum poſteriore, ubi eſt internum principium medullaris ſubſtantię, à qua emanant omnia ſeptem nervorum paria, cum ad anteriores tum ad poſteriores partes, quæ per irradiationem facultatem diſfundit, cum ſenſitivam tum motivam, ſenſus, & motus inſtrumentis.

Ac Proinde cauſa immediata non eſt intemperies frigida & ſicca, ab aliis authoribus propoſita. Hæc enim neq; citò accedit & recedit: quod non fit in hoc affectu. Negari quidem non debet aliqua imbecillitas caloris nativi cerebri ſiccitati juncta, cujus ratione in Juvenili ætate præditus eſt moribus, & prudentia ſenili; poteſtque facile affici à cauſis morbiſicis, & coacervare excrementa, ut propterea ceſſante acceſſione remaneat gravitas capitis. Verum ſymptomatis cauſa eſt incrಾſſatio ſpirituum animalium & induratio nervoſæ ſubſtantię. Hinc enim fit inſenſibilitas, immobilitas & corporis rigiditas accedens & recedens. Craſſitiei autem ſpirituum, & duritiiei nervoſæ ſubſtantię cauſam in ſtatu præſenti aliam ſtatuendam non cenſeo, quàm flatuum copiam cum pituitoſorum in ventriculo genitorum ex erroribus in victu præteritis, tum & magis melancholicorum, partim in cerebro genitorum, ex vigiliis animique perturbationibus, aſſidua lectione & ſcribendi munere, partim à venoſo, & arterioſo genere elevatorum, ob immodicum exercitium, replentium quartum ventriculum, & principium ſpinalis medullæ, atque ita membranas extendentium, ſpiritusque incrಾſſantium, unde rigiditas, & inflexibilitas, illi ſimilis quæ a flatibus irrupentibus in nervos tiſtuloſos penis, una cum ſpiritibus inducitur: cui ut plurimum jungitur oculorum inconniventia, quoniam muſculi palpebras attollentes ſunt ita breves ut facillimè ſeſe contrahere valeant ad quamlibet contractionem nervoſæ ſubſtantię, ideoque aperiuntur oculi antequam fiat perfecta totius corporis congelatio, quam primum autem replentur poroſitates nervoſæ ſubſtantię, cum incrಾſſatione ſpirituum, tunc totum corpus rigidum manet, in illa figura in qua erat quando corripit affectus; Ut propterea dicendum non ſit, motum hunc eſſe tetanicam convuſionem: quoniam in illa omnia membra recta ſunt; multo minus, fieri

hunc affectum à ſola obſtructione ventriculi poſterioris cerebri, ut exiſtimant alii: tunc enim aboleri quidem poſſent actiones ex impedita irradiatione ſpirituum, non tamen fieret rigiditas. Si enim in apoplexia in qua fit obſtructio omnium ventriculorum cerebri, nulla fit corporis rigiditas, imo potius univerſalis flexibilitas, quomodo quæſo ſolius ventriculi obſtructio rigiditatem inducere poterit? Neque dicat quiſquam quod ad læſionem ventriculi poſterioris cerebri lædi debeat motus, & non ſenſus, ſupponendo verum eſſe id, quod ab omnibus fere admittitur, nervos ſcilicet motui inſervientes eſſe in poſtica parte capitis, ſenſui vero dicatos in anteriori. Compertiſſimum etenim eſt nervos oculorum motui inſervientes eſſe in anteriori: qui vero ori ventriculi & partibus thoracis facultatem irradiatione ſpiritus diſfundunt pro ſenſatione, eſſe in poſtica partē cerebri. Omnes tamen originem habent a principio ſpinalis medullæ quæ continua eſt cavitati ventriculi poſterioris cerebri, & cerebelli: unde facile fieri poteſt læſio, non magis in organis ſenſitivis, quàm in motivis, quotieſcumque pars illa graviter afficitur ut in caſu præſenti: in quo cerebrum modo afficitur eſſentialiter, quando ſcil. ex vigiliis, ſtudiis, animique pathematibus recurrit affectus; modo per conſenſum à ventriculo ex erroribus in victu; vel a venoſo & arterioſo genere, in motibus violentis; nec non & aliquando per conſenſum a corde, unde lipothimia, faciei pallor, & forſitan pulſuum imbecillitas obſervatur. Et hæc de eſſentia, parte affecta & cauſis ſufficiant.

Ex quibus colligendum eſt periculolum eſſe præſentem affectum: cui propterea niſi brevi proſpiciamus, periculum imminet, ne patientes moriantur ſtupidi, ſeu apoplectici, ut inquit Gordonius, vel ſaltem facile fiant Epileptici, cui poſtiſſimum obnoxii ſunt acris ingenii, qualis eſt noſter N. patiens.

Quare congruis remediis prædictæ affectioni occurrendum eſt. Aliaque ſunt agenda in acceſſione, & alia extra acceſſionem. In acceſſione clyſter carminativus illico præſcribendus eſt cum decoctione thimi, epithimi, fumarie, flor. chamæmel utriuſque centauree, addito electuario de benedicta laxativa, ſpeciebus hieræ picæ Galen. mell. roſ. ſol. & oleo rutaceo. Fricandi ſunt artus manibus inunctis oleo liliorum alborum & modico caſtorio: oblinendæ nares, tempora & occiput Oleo ſambucino, cum modico Euphorbio. Vinum Creticum ſub naribus detinendum, & ſi fieri poteſt, cuneis ligneis os aperiatur ac inſtilletur vinum Creticum, aut Hiſpanicum in os, vel ſpiritus vini cum cinnamomo, vel elixir vitæ, aliudve ſimile ſpiritus attenuans & recreans. Extra acceſſionem, corpus eſt diligenter purgandum, nec non & caput, illis medicamentis, quæ humorem melancholicum & pituitolum expurgare valeant, præmiſſa eorundem humorum præparatione cum ſyr. appropriatis: ut pote ſyr. de pomis, de ſuc. borraginis, acetoſo ſimpl. & de corticibus citri cum decoct. betonica, meliſſæ, borraginis, ſtachadis, menthæ: factaque purgatione cum ſyr. de polyp. composito, roſ. ſolut. cum infuſione ſennæ & aga ici, in decoct. cordiali, vel exhibitis pilulis aggregativis

gativis, hiera cum ag. cum castoreo. Quo tempore non erit abs re sanguinem mittere ex cephalica dextri brachii, mox & ex venis sedalibus; in pauca tamen copia singulis vicibus, repetita venarum sedalium resectione Vere & autumnus. Inurantur quin etiam duo fonticuli, alter sinistro brachio, alter dextro interno femori ad revulsionem, & derivationem. Præter quæ remedia, duo præcipua ex usu futura censeo, internum unum, aliud externum; internum erit decoctum ex radice chinæ, ligno buxi, lentisci, & ligni visci quercini cum modico medullæ ligni indici, addita betonica, lilio convallium, ruta capraria, melissa, borragine & mentha, præmisso bolo confecto ex castoreo & mitridatico confectione, vel confectione de Hiccintho, & Alchermes. Extremum erit balneum aquæ dulcis æstivo hoc tempore, summopere ex usu, cum universale tum particulare capitis cum aqua tepida, lotio quin etiam fieri poterit cum lixivio dulci in quo decocta sint malva, tilia, Stachas, & fl. chamæmeli. Ventriculo conferret stillicidium, vel ex oleis mastichino, de mentha, amygd. amararum, de absinthio communi, cum spica schænantho, & zingibere, facti ipsorum infusione & ebullitione in duplici vase cum vino Cretico, ad penetrationem, vel ex aquis thermalibus non impense calidis, quales esse possent in agro nostro Patavino aquæ Laſtrentes super posita summitate purpuræ, imbuta prædictis oleis, vel oleo de nuce moschata & caryophyllorum. Aquas Thermales aliasque minerales intus exhibitæ non laudo, siue sint frigida ratione jecoris, siue calida, ratione ventriculi, quoniam omnes tanquam exsiccantes in affectu præsentis, proveniente potius à causis exsiccantibus, intus sumptæ sunt aliquatenus suspectæ. Propterea si jecoris caliditas ad se curationem traxerit utatur succo cichorii depurato cum succo absinthii per aliquot dies, & a cibo semper sumat aliquid subastringens: puta diacydonium vel saccharum rosatum tabellatum.

Victus ratio primas partes habeat in omnibus sex rebus non naturalibus: ac proinde fructus horarii, lacticia, aquæ potus, vinum nive refrigeratum, computationes, comestiones sunt interdiciendæ, cum cibis crassi succi, difficilis coctionis, & succum melancholicum generantibus: cænaque sit parcius prandio. A somno pomeridiano abstineat: vigilia diuturnæ, animi pathemata, assiduæ meditationes, longaque lectio, & scriptio quàm maxime officiunt. Exercitia non sint violenta. Aer valde tenuis qualis est Genuensis, nimis calidus, nimis frigidus, venti Boreales, aquilonaresque constitutiones sunt fugienda: neque iter suscipiendum per loca nivosa & valde frigida, aut æstuosa. Nimia venus, aliaque hujus ordinis, vel caput replentia, vel in pensè refrigerantia, & exsiccantia sunt semper noxia. Alvus continuo lubrica servanda, calique mutatio in temperatius, quale est nostrum Patavinum, vel aliud simile maxime erit juvamento. Et hæc pro salute perillustri patientis proponenda duxi, quam ipsi à præpotente Deo enixe precor. *Benedictus. Silvaticus, consil. & respons. medic. cent. I.*

Reverendiss. Abbas annorum 50. temperamenti calidi & sicci, habitus tamen mediocris, & hirsutus, rebus æconomicis sui cœtus magnopere addictus, & ideo vigiliis, curis atque cogitationibus nimium intentus, in febrem quartanam incidit à qua spatio mensium liberatus fuit. Spontanea superveniente venarum sedalium copiosa & repetita evacuatione. Hic tamen paulo post febre acuta correptus curatus fuit a Medico domestico remediis congruis, sanguinis scil. ex brachio missione, & quoniam dolor capitis cum vigiliis undecima transacta die, remissa quodammodo febre, non modo perseverabat, verum etiam auctus est, ideo summa cum ratione venas sedales aperiri jussit, post quam tamen sanguinis eductionem, sponte non advertente ægro, copiosius effluxit, Patienti Reverendiss. vires eripuit, exigua tamen febre relicta. Decima vero quarta febris die dum sedens in lecto cibum capturus esset, ex tempore totus rigidus factus est, sine ullo motu ulloque sensu, apertis palpebris, immotis manentibus oculis, & ore subridente. Pulsus erant paulo duriores, illæsa respiratio, & tota illa die excrementa retenta fuere. Post aliquam vero administrata remedia oculos movere iterum cœpit mox & reliqua membra, tandem ad se reversus asseruit se nusquam præteritorum reminisci, nec ullum in accessione cognovisse, videri, aut audivisse, sicque duos sequentes transegit dies, cum exigua febre, at non levi manuum & capitis imbecillitate; Die verò decima septima febris, & quarta ab accessione redit idem insultus, ipso decumbente, cum iisdem symptomatibus, quorum causa rursus accersiti, de agendis hunc in modum sumus effati.

Affectus iste, in quo fit subita prehensio & occupatio tum mentis tum sensuum interiorum & exteriorum, motusque voluntarii quæ Reverendiss. Pat. rigidus manet in eo statu quo prehensus fuit, apertis & immotis oculis statua alicujus instar, & nec sentit, nec videt, nec audit, sola respiratione & pulsu illæsis manentibus, Catalepsis, siue Catochus proprius & exquisitus erit appellandus; dico proprius & exquisitus, nam catochum improprium & non exquisitum coma vigil nuncupavit Amatus Lusitanus, cum Hipp. nec non Doctissimus Langius & Fernel. ipse cum Ætio, & Paulo, in quo rigiditas & insensibilitas nunquam observatur; exquisito catocho necessaria, cum ipsius essentia in tribus consistat, rigiditate corporis, pristinam figuram servantis, oculis semper apertis manentibus, & sensuum privatione. Ita rigidus, calamum adhuc manu tenens, mansit studiosus ille de quo Fern. sicuti & Gal. condiscipulus. Oculis insuper apertis manent. Catocho detenti, utentus atque ideo comate vigili detentus fuit ille a Paulo descriptus, qui oculis clausis degebat, non autem catocho, sicut comatosus fuit ille quem refert Ætius, quia punctus membra retraxit; in quo præterea perfecta sensus privatio non adfuit, ut in catocho exquisito seu catalepsi.

Hujus affectus causa immediata spirituum immobilitas, rigiditati totius corporis juncta ob quam differt Catalepsis ab Ecstasi, in qua spirituum quidem immobilitas cum sensus caren-

carentia, non vero cum rigiditate reperitur. Hæc vero causa immediata à variis mediatis procedere potest, siue à sola frigiditate, externa tamen, ex ipso Gal. ut etiam observavit Forestus in militibus illis per loca nivosa iter facientibus congelatis; siue à frigiditate & siccitate, siue à frigida & sicca materia, ut Paulus; siue à sanguinea, ut Aëtius; siue à forti imaginatione, ut Rondeletius; siue à materia melancholica; ut Altimarus, Rudius, Massaria, Capivaccius; siue tandem à sanguine multo & crasso replente ac distendente venas & arterias in postica parte cerebri, ut Holerius Niculus, Mercatus; In casu vero nostro causa immediata est intemperies frigida & sicca cerebri cum materia halitiosa & Serosa melancholica in quam proclivis fuit Pater Reverendiss. accedentibus etiam causis procatarticis; intentis nimirum applicationibus, curis, sollicitudinibus, vigiliis, prægressis febribus, &c tandem copiosa sanguinis hæmorrhoidalis evacuatione. Ita Gal. scripsit quod *causa immediata catalepsis est immobilitas spirituum animalium, cum duritie nervosa substantia, proveniens ab intemperie frigida & sicca, facta vigiliis, curis, studiis, exercitationibus & huiusmodi aliis.* Unde narrat historiam condiscipuli sui qui ex assiduo disciplinarum studio catalepsi fuit captus, spuria tamen, quia præteritorum recordabatur.

A jam dictis igitur procatarticis, in hoc patiente disposito, & antehac quartana correpto, facile fuit introducta in cerebro siccitas, cum frigiditate, simulque melancholicus ichor, qui in eodem, & præsertim ejusdem postica parte contentus, replendo, cogendo & exsiccando spiritus immobiles reddit, atque ita sensum ac motum universi corporis intercipit, non irradiata per eosdem motiva, ac sensitiva facultate, prout accidit patientibus Ecstasim, ut proinde ad catalepsim necessaria sit quoque rigiditas, atque durities, quam non à causa congelante, sed partim exsiccante, partim replente in casu nostro fieri credendum, cum causæ nervosam substantiam exsiccentes præcesserint, non sine exhalationibus à Serositatibus melancholicis (unde & affectio quarta die recurrit) quæ partes nervosas non secundum solam medullarem partem, (ita enim fieret Paralysis) nec secundum solas membranas (fieret quippe convulsio) sed secundum totam substantiam, tum exsiccando, tum replendo rigiditatem catalepticam inducunt, à quibus omnibus excrementorum retentionem secutam esse, quid mirum jam sopita facultate?

Affectus catalepticus est semper gravis & sui natura periculosissimus, cum nonnumquam eadem die, imo & paucis horis jugulet, & licet à Cælio Aureliano inter morbos chronicos reponatur, id solum admittitur ratione dispositionis, acutus quippe est ratione affectionis. Periculosior autem præsens est, post tot causas exsiccentes viresque prostermentes, & quia morbo acuto supervenit, unde dicebat Hipp. *quæ cum exolutione fiunt, & catocha & aphonia perniciose sunt, non sic quæ repente sanis adveniunt.*

Attamen quia facultas vitalis valida conservatur, & accessio prima, horarum spatio paucis remediis evanuit, non adeo rebellis

causæ indicio, idem de præsentis sperare potest, atque etiam integra salus remedium medicorum ope.

Et primo præsens accessio removenda, deinde futura præcavenda. In accessione vapores & humores spiritus cogentes & immobiles reddentes, à capite retrahendi, qui in capite discutiendi totum & caput moderate calefaciendum, & humectandum.

Aque adeo statim clyster acris, omni industria, sicut alias, est injiciendus ex decoct. Thimi, epith. fumar. mercurial. pariet. chamamel; additis mel. ros. sol. ol. lil. alb. ovi vitello, & modico sale. Nec omittantur reliqua revulsionum genera, frisiones coxis, natibus, cruribus, manibus inunctis ol. lil. alb. attingantur cucurbitulæ sicca, ac cum multa flamma; sternutamentum excitetur, cæpa cortice exuta naribus subdita, vel insufflato pulvere majoranæ, ireos & nigellæ.

Interim illinatur tota spina, imo & totum corpus & caput ol. lil. alb. & sesamin. capiti fomentum paretur ex vino albo in quo ebullierit beton. itechas, salvia, rosmar. althea, melil: his enim à præterita accessione evasit. & non præcedente affectu in balneum aquæ calidæ foret mittendus: deinde ol. lil. alb. cum aromat. totum & caput inungendum.

Circa victus rationem pauca proponenda supersunt, cum in accessione cibus afferri non posset; quæ tamen si diutius perduret odore calidi panis vino aspersi & carnis assæ præcalidæ nutriendus fuerit. Præterea clysteres nutrientes ex vino quoque parati forent injiciendi.

Extra accessionem humores sunt præparandi & evacuandi, vapores à capite revellendi & intemperies corrigenda, habita semper febris, licet exigua ratione. At quoniam in hoc casu quarto die imminet accessio, ideo statim melancholici humoris minorationem moliri optimum censemus, cassiam præbendo cum extracti sennæ ʒj. cui superbibat feri caprini lib. ij. Die vero sequenti pro humorum præparatione, ac totius corporis & capitis humectatione, idem serum erit repetendum ad lib. ij. addito julap. viol. ʒij. & interim aliquod ferculum ex lacte, ovis & saccharo paratum exhibendum. Die verò accessionis primis horis matutinis, sinapismi duo cruribus apponendi, cibus verò sint ova recentia, & lac caprinum cum panis buccella, omisso vino. Quod si recurret accessio, omnia supradicta repetenda, mox sero depurato præparandi humores & clysteribus educendi.

Sed tandem lac & balneum erunt hujusce affectus propria & adæquata remedia, non obstante febre, quæ nulla aut valde exigua erit. Lac autem copiosum afferendum nimirum ad libram cum saccharo, cum caput petat & humectet. Balneum autem sit aquæ dulcis, sed fol. malvæ, viol. salic. & Pariet. alterata, quæ caput quinetiam irrigetur, & perseverante affectu lacte ipso lavetur. Interim medicamentum minorativum repetendum, imò si recesserit febris, cassiæ, pil. cochiar. & aurear. scrupulus addi poterit, præbendo tamen ab his serum copiosum, aut etiam more Hippocratico, plurimum lac asinum; atque ita humores præparandi & evacuandi, nec non cerebrum ac

a nervosam substantiam humectandi indicationibus satisfactum fuerit.

Circa victus rationem observo Galenum catalepticis, extra accessionem concedere vinum malvaticum, cuius exemplo Amatus Cret cum permittit, atque plerique aquam insensissimam putant quia à frigiditate siccitatem superari supponunt. Verum quoniam in casu nostro contra se res habet Vinum, quidem concedatur, cautè tamen nostro patienti Reverendiss. ob siccitatem, sitque album, tenue, aquosum, & potius salvia vel Roremar. medicatum. Quæ pro Reverendiss. Patris salute satis. *Joh. Raymud. Fortis consult. & Respons. Medic. Tom. j. Cent. j.*

Domicella ob menses parcius fluentes uterinis suffocationibus subinde obnoxia, his diebus subito prehensa sensus expers remansit, & in illo quo prehensa fuit corporis situ obriquit, oculos apertos ac fixos detinens, nihil tamen videns. Si adstantes brachium illi sursum, deorsum vel ad latus inflecterent illud in statu illo remanebat. Si ægram in pedes depollerent stabat, si corpus impellerent, pedem promovebat: si caput ad latus detorquerent in illo situ remanebat. Respiratio tamen libera persisterat. Cum hic paroxysmus per horam durasset tandem ad se rediit ægra immemor omnium quæ ipsi contigerant. Post biduum simili paroxysmo de novo detenta fuit qui etiam sponte cessavit.

In capite mali hujus sedem esse, actionum animalium gravis læsio satis ostendit sicut uteri affectionem indicant hysterica suffocationes.

Affectio hæc est *catalepsis* quæ etiam *catoche* & *prehensio* appellatur, *estque actionum animalium excepta respiratione subita & maxima læsio, cum totius corporis rigiditate, qua ægri istum corporis suum servant in quo erant cum illo affectu corriperebantur.*

Afficitur in hac ægra cerebrum, non quidem totum sed secundum illam partem, in qua sit sensus communis. Afficitur autem hæc pars à vicioso humore, aut vapore ex utero eo translato.

Causa antecedens est viciosus & viscidus humor, aut vapor crassus in utero genitus vel collectus, indeque per cæcos ductus ad caput translatus (quod ex præcedentibus uteri suffocationibus liquet) qui sensorio communi partibusque ei vicinis adhærens, easque subito involvens spirituum à sensorio communi determinationem impedit, sicque hujus catalepticos causam continentem constituit.

Quia autem hic totum cerebrum non afficitur & spiritus satis copiosi in eo generantur quorum etiam influxus in nervos, nulla principii nervorum compressione, vel obstructione impeditur, hinc fit quod spiritus illi in determinatas partes influentes cum jam sensorium commune à prædicto vicioso humore crasso vapore subito occupatur, involuitur & detinetur, non determinantur ad alias partes sed continue copiosi influant ad illas partes, ad quas determinati erant, mox ante illam prehensionem, seu detentionem: Atque hæc causa est quod singulæ partes in illo situ detineantur in quo erant mox ante prehensionem, & oculi, brachia, crura &c. quasi fixa remaneant.

Quod autem ægra in pedes deposita stet, & membra ab adstantibus aliorum reflexa in novo rursus statu contineat, hoc fit, quod mutato musculorum situ, mutatur etiam influxus spirituum; & pori qui antea clausi fuerant; aperiuntur ac spirituum influxum recipiunt; ita ut qui spiritus copiosi influebant in hos musculos, statim mutato pororum situ copiosiores influant in illos; in quos etiam continue influere partemque in tali statu continere non desinunt usque dum ille situs rursus mutetur.

Respiratio eodem modo percipitur ut in dormientibus, & illæsa manet, partim propter insignem magnitudinem & latitudinem pororum, maxime necessarium usum nervorum respiratoriorum; partim consuetam, & continuam determinationem ad musculos; respiratorios.

Cessat paroxysmus & ad se redit ægra vapore illo vel humore, qui sensorium commune occupat, discusso & dissipato. Rediit paroxysmus cum ab utero similis humor vel crassus vapor ad sensorium commune de novo pervenit idque subito occupat & involuit.

Periculosum est hoc malum propterea quod pars nobilis hic afficiatur, & tenaces viscidique humores sensorio communi adhærentes non facile dispellantur. Magnam tamen sanationis in nostra ægra spem facit, quod malum non sit idiopathicum ejusque causa in ipso cerebro non generetur, sed aliunde eo feratur: præterea quod invasiones sint breviores, unde judicamus sensorium commune non tam detineri ab humore tenaci & viscido, quam potius à crasso quodam vapore, qui facilius attenuatur & dispellitur. Hic tamen crassus vapor, quia in tenacem humorem ibi aliquando concrevere, sicque gravissimam catalepsim, cum summo vitæ periculo inducere posset, curatio quamprimum erit instituenda antequam res eo deveniat.

Indicationes curativæ sunt 1. Ut in accessione crassus ille vapor vel humor sensorium commune occupans, discutatur. 2. Ut uterus expurgetur; ejus obstructions tollantur novæque hujus pravi humoris generatio in eo præveniat. 3. Ut pravi humoris vel vaporis translatio ad caput impediatur. 4. ut caput ita corroboretur, ut hujusmodi crassos ac prævios vapores, vel amplius non admittat, vel admissos protinus dissipet ac dispellat.

In paroxysmo hic pulvis sternutatorius in nares suffletur, ut irritata (si fieri possit) facultate expultrice, vapor ille vel humor, sensorium commune occupans, valide excutiat.

℞. Rad. hellebori albi scrup. j. β. pyrethri, fol. majoranæ, flor. lilior. convallium, ana scrup. β. piperis nigri. gr. num. vij. castorei gra. iij. nat pulvis.

Postea hoc linimentum naribus ac vertici illinatur, ejusque nonnihil cum gossypio auribus immittatur. Rec. olei thymi, rosmarini, salviæ, carui, castorei, succini, ana scrup. β. ung. martiati drachj. misce pro linimento.

Hic quoque nodulus de collo suspendatur Rec. castorei, assæ fœtidæ, camphoræ, ana scrup. j. β. fiat nodulus in tenui serico. Interea etiam clyster injiciatur acrior.

Si his peractis, paroxysmus adhuc perduret cucurbitæ sine & cum scarificatione imponan-

tur Cervici, scapulis, & humeris, fiantque ligaturæ dolorificæ & asperæ frictiones in cruribus ac pedibus. Præterea hic sacculus in vino paulisper coctus & dein expressus, summo capiti calide imponatur.

℞. Fol. rosmarini, majoranæ, thimi, calamenthæ, flor. camomillæ, stæcados, ana m. ℞. sem. cumini, carui, levistici ana drach. j. ℞. baccar. lauri, nucis moscatæ ana drach. j. fiat s. a. in tenui linteamine sacculus interlutos, vel capitium.

Soluta paroxysmo, cum ægra ad se revertitur, detur hic haustus purgans :

℞. Fol. senæ mund. unci. ℞. agarici albiss. drach. j. sem. levistici scrup. ij. decoct. hord. q. s. fiat infusio s. a. adde colaturæ elect. hieræ picræ drach. ij. misce fiat haustus.

Corpore sic expurgato secetur vena in maleolo & sanguinis unc. vj. aut viij. extrahantur.

Bibat tunc ægra ter quaterve de die haustum hujus apozematis :

℞. Rad. fœniculi, valerianæ, dictamni, calami aromat. pæoniæ maris, ana unc. ℞. herb. majoranæ, nepethæ, calamenthæ, rutæ, pulegii, trifolii aquatici, melissæ ana m. j. flor. chamom. meliloti, stæcados. ana m. s. sem. levistici, dauci ana drach. ij. baccar. juniperi drach. vj. aquæ q. s. fiat s. art. apozema ad lib. j. ℞.

Prædicta medicamenta subinde reiteranda sunt, insque diæta conveniens adjungenda. Aer sit temperatus, lucidus & purus, alteratus herbis odoriferis, rosmarino, melissæ, Thimo, ruta, levistico, castoreo, aliisque similibus.

Cibi sint Euchimi & Eupepti cum talibus conditi quæ cerebrum & uterum corroborant. Potus sit Cerevisia tenuis bene defæcata, vel subinde pauxillum vini tenuis.

Somnus & exercitia sint mediocria. Alui excrementa & menses vel sponte vel arte debito modo & iusta quantitate, procedant. Animi & Pathemata vehementiora in primis trahantur *Isbrand. de Diembroek de morbis capitis medicat. 9.*

Vir annos natus quinquaginta temperamento melancholicus, hieme asperissima post duos in occipite perceptos dolores sedens in museo inter libros quibus studiorum causa totos dies assidere solebat, subito omni sensu & motu est orbatus, excepta respiratione quæ ipsi cum pulsu est integra. Manet perpetuo in eodem corporis statu, oculis velut in adstantes defixis, palpebrisque immobilibus & inconniventibus, compellatus & interrogatus nihil audit, nihil respondet.

Ut ex hac historia cognitionem per diagnosis & prognosin rectè auspicemur, & deinde ad curationem perveniamus, investiganda primum pars affecta: quam ex omnium actionum animalium læsione cerebrum esse colligo. Læditurque illud præcipue circa illam particulam quæ sensui communi inseruit, quia æger manet in eodem inter sedendum statu, & oculos servat apertos: quod non fieret si totum cerebrum graviter esset affectum, ut apparet in apoplexia, paralyti & similibus aliis gravibus cerebri affectibus.

Morbus quo affligitur æger est intemperies melancholica sive frigida, sicca, crassa & cerebrum totum sive læviter, sed sensorium

commune, sive conarium præcipue graviter occupans: qua salva respiratione & pulsu, omnem perceptionem, iudicium & motum tollens, agrumque in eo statu in quo erat, cum ab hoc affectu primum corripere, servans, *Catalepsis* sive *Catochus* à medicis appellatur, isque ex causis & symptomatis innotescit.

Causa procacitica hujus morbi est perpetuum litterarum studium, cui noster senex totos dies inter libros sedendo, operam dedit. Hinc enim adjuvante senili ætate, melancholici humores, qui *antecedens* hujus affectus sunt *causa*, in ejus corpore fuerunt geniti. Horum pars in posteriorem partem capitis delata, dolorem diuturnum ibi excitavit: quæ verò postmodum subito, exigua quidem quantitate in totum cerebrum, sed copiose præcipueque in sensorium commune, & partes ei vicinas, ob asperum hyemale frigus, & interiores ægri cogitationes, erupit ibique firmiter inhæsit, ea *causam* hujus morbi constituit *continentem*: unde omni *symptomata*, in ægro nostro occurrentia originem ducunt.

Cum enim totum cerebrum multis & copiosis humoribus non sit oppressum, vel repletum, hinc illud non subsidit, aut nervos graviter premit; atque ideo satis copiosi & per nervos diuisi spiritus, corpus ægri, inter sedendum, erectum, oculosque apertos servant & respiratorios musculos perpetua influxus alternatione libere contrahunt, & dilatant. Manent autem oculi inconniventes, & ad eadem perpetuo defixi, sinusque corporis ab ipso non mutantur; quia spiritus, ob sensorium commune hic satis graviter affectum ab anima nullius rei hic conscia nihilque percipiente, in alios musculos non determinantur; sed in eosdem, in quos antea erant determinati, perpetuo fluentes, corpus in eodem statu retinent.

Compellatus vero vel interrogatus nihil respondet, nec quidquam audit; siquid oculis offeratur non videt: quia quamvis per nervos satis patentes, soni & imagines rerum visibilium in cerebrum & ad sensorium commune deferant, ab anima tamen propter conarion, quod commune & proximum actionum mentis est instrumentum, humore melancholico valde imbutum, ac proinde ab objectis non satis motum, nihil quidquam percipitur.

Alii volunt hunc affectum à vapore spiritus in cerebro & toto corpore congelante, vel coagulante, originem ducere. Sed si hæc vera ejus esset causa, respiratio & pulsus quæ spirituum ope peraguntur, hic non possent esse integra. Nam coagulatio illa magna, ut spiritus totius corporis, ita etiam respirationi & pulsui inservientes congelaret vel coagularet: Idem condensati & humoris vel pruinae specie in ventriculo cerebri decedentes, non possent cerebri molem diutius sustinere, nec spirituum sufficientem copiam musculis Thoracis suppeditare; unde primum apoplexia agrum prosterneret, & deinde, respirationis & pulsus usu ablato, mors necessariò ipsum invaderet.

Nec nobis obsunt ij qui à fulmine congelari & extincti in eodem corporis statu aliquandiu permansisse dicuntur: nam illi à fulmine non tantum spiritus sed etiam solidas partes indurante, fuerunt occisi, noster vero æger vivit & spirat. *Nec etiam*

obstat quod artus in Catalepticis nonnumquam quovis marmore rigidiores apparere dicantur. Nam rigiditas illa proficiscitur à spiritibus, non congelatis sed in musculos immisissis, & perpetuo influentibus ibique ob nullam novam eorundem insectam determinationem, retentis, atque ita partes distendentibus. Talis quodammodo rigiditas passim in nobis observatur, dum stantes & ad rem non attendentes, corpus nostrum erectum tenemus.

Alii vero qui observant catalepticos quosdam, ab aliis motos artus suos hēctere, & erectos stare, imo propulso ad passus aliquot progredi existimant spiritus imaginationi inservientes in cerebro hic figi, dum reliqui manent integri. Sed hac opinio non est admittenda cum spirituum animalium in cerebro nullum sit discrimen; sed iidem sensationi, imaginationi, motui, aliisque animalibus operationibus inserviant. Ut ex Phisicis nostris constat.

Nec mirum à Catalepticis, nihil cogitative, ob sensorium commune affectum, sentientibus, tales motus peragi, & alimenta, ori inserta, nonnumquam deglutiri; cum hi, ob spiritus cerebri animales & sensoria singularia haud graviter hic affecta, tales motus ab objectis possint recipere, quibus spiritus in cerebro ita determinentur, ut certos quosdam nervorum meatus per vices aperiant & claudant atque in has vel illas partes fluant, eaque vicissim, in scio cataleptico, moveant; Eo fere modo ut in automatis pneumaticis, & hydraulicis, aliisque contingit.

Periculosissimus hic est morbus: quia humores melancholici sensorio communi firmissime infixi dum difficillimè possunt tolli, ægrum necessario alimento sumendo privant; & iustum corporis motum impediētes cacoehymiam valde augent, atque adeo procul dubio vitam, nisi tempestive, & cito excutiantur, brevi ipsi per lipothymiam, vel apoplexiam, vel carum, adimunt. Maturanda itaque curatio: quæ perficietur per causæ antecedentis & continentis ablationem; & deinde per intemperiei cerebri & reliqui corporis per calefactionem, humectantiam, ac incidentiam, emendationem.

Primo itaque talis injiciatur clyster:

℞. Mercurialis, betæ, salviæ, rutæ, pulegii, centaur. min. an. m. j. Flor. meliloti, camamill. Stachados, an. p. j. Rad. polipod. querc. fol. sennæ, sem. carthami an. unc. β. rad. althææ ℥j. Rad. Ellebori nigri ℥ij. colocynth. ℥β. decoquantur in aqua com. ad lib. j. colaturæ adde confect. hamech. ℥β. Hieræ Logadii ℥vj. trochisc. alhandal. ℥j. ol. rutacei, anethini, an. ℥β. sal. commun. ℥j. β. F. clyster.

Si clyster injectus ob nimiam intestinorum irritationem, vel aliam causam non retinetur, mox sequens suppositorium ano inferatur:

℞. Pulv. hieræ logadii, ℥ij. trochisc. alhandal. ℥j. Diagridi gra. iij. sal. com. Gemmæ an. ℥β. mellis cocti & indurati, qu. s. fiat suppositorium.

Ab alui educatione, mox hoc sequens medicamentum, si tum deglutire æger aliquid possit, ingeratur.

℞. Theriacæ And. ℥j. mithrid. ℥j. aqu. cinamomi ℥β. aqua beton. ℥iij. misce fiat sudoriferum.

Tum adhibeantur artuum & posterioris partis colli ac spinæ dorsi, cum pannis asperis calidis, frictiones; & inungatur caput hoc linimento calido.

℞. Ol. anethini, camomill. lilior. an. ℥j. His in vase dup. incoquantur herbæ, hienopi, thimi, serpilli. an. p. j. Expressioni forti adde castorei ℥β. ceræ parum fiat linimentum.

Naribus etiam infletur sternutatorium, ex helleboro albo, pyrethro, euphorbio, Tabaco confectum.

Ubi ad se plusculum redierit, præscribatur hoc decoctum.

℞. Rad. buglossi. borag. an. ℥j. β. ellebori nigri ℥iij. Herb. card. bened. stachad. epithymi, calamint. fumariæ, anethi an. M. j. Flor. borag. melissæ an. p. ij. coq. ex hydromellite ad lib. j. addendo sub finem decoctionis fol. sennæ ℥j. β. rhabarb. agarici an. ℥iij. cinamom. nucis moschatae an. ℥β. in colatura dissolve syr. de stachade ℥ij. fiat Apozema.

De quo sumat ℥iij. semel vel bis in die, pro operationis magnitudine. Ad intemperiem capitis & totius corporis corrigendam, sumat de hac mistura mane & vespere, ad quantitatem castaneæ majoris.

℞. Conserv. flor. borrag. buglossi, anthos, an. ℥vj. sp. diamosci dulcis, latificantis Galeni an. ℥iij. Theriacæ veteris ℥j. cum syr. de buglossio q. s. misceantur ad consult. Electuarii.

In diætâ aer sit calidus & humidus, cibus sit panis ex bono frumento, bene fermentatus, & rectè coctus; sumat & ova recentia, carnes juniores vervecinas & gallinaceas. Convenit ptisanæ hordeacea: ex oleribus conveniunt malva, lactuca, buglossum, borrago. Ex fructibus mala dulcia, uvæ passæ. Legumina, porrum, capus, caules vitæ. Cibi quantitas sit moderata, vinum bibat tenue & mediocrem cerevisiam bene defæcatam, exercitium ad excrementa excutienda sufficiat. Quærat lætitiæ occasiones tristiæ fugiat, somnus sit longior, à vigiliis diuturnis abstinereat. *Henr. Regim apud Theod. Craanem Medication. lib. j.*

Observationes.

Vir annorum 50. asperrima hieme cum diu in parte capitis posteriore dolorem persequisset, neque medicum tamen consilium adhibuisset sedens in cella in eodem statu permanens subito correptus est, & mente detentus, & veluti fixos oculos in adstantes ac palpebras veluti immobiles penitus habebat voce insuper ac sensu privatus nihil audiebat, neque respondebat. Mandavi illico ut Clyster actutum fieret.

℞. Fol. mercurial. betæ, salviæ, rutæ, puleg. an. m. j. fl. stachad. chamem. melilot. an. p. j. polipod. fol. sen. an. ℥β. cent. min. m. β. rad. alth. ℥j. sem. carthami (aliqui addunt colocynthid. vel hellebor. nigr. ℥j) F. decoctio in aqua (alii decoquant cum gallo veteri.) colaturæ adde confect. hamech. ℥β. hier. logad. ℥vj. troch. alhand. ℥j. mellis anthos ℥j. ol. rutac. camam. aneth. an. ℥j. sal. communis ℥iβ. M. F. clyster. mox suppositorium præscripsimus quod filo alligato immittetur, si clyster non retineatur, aut præter expectationem in corpore obhæreret.

℞. Pulv. hier. logad. ℥ij. trochisc. alhand. ℥j.

Diagrid. gr. iij. Salis communis & Gemmae an. 3ss mellis q. s. F. supositorium.

Statim ab alvi educatione exhibui 3i theriacae praestantissimae, & 3i mithrida. cum aq. card. benedic. & beton. an. 3i. ultro in os ingerendo; frictionibus etiam utebar ut & ligaturis fortibus brachiorum, pedum & crurum. Partem quoque capitis posteriorem inungi mandabam unguento infra scripto.

℞. Ol. aneth. camæm. lilior. an. 3i. adjice hyssopi, thymi & serpilli parum & coquantur in duplici vase deinde fortiter colentur. Colaturæ adde castorei 3i. ceræ modicum. Fiat unguentum molle. Nonnulli totum corpus anethino oleo inungunt maxime in hyeme & Castor. 3i. cum aqua multa ori infundunt: Cum hisce non nihil ad se rediisset, & melius quid sumere posset, ne iterum rediret malum, & ut ex toto convalesceret, praescripsi decoctum praeparans apii, fœnicul. cal. menth. aneth. fumar. buglos. borrag. meliss. syrappis de Epithymo, è stæcade & de succo fumariae adjectis: Postea huic decocto adjicientes Sennam, Epithimum, polipodium, ut similiter purgaret: & ad roborationem capitis consului ut acciperet Diambram, pliris Archonticum, Conservam rosmarini, & similia quibus tandem bene habuit. *Petr. Forestus obs. 42. lib. 10.*

Ad Fratrem Capucinum Catalepticum factum vocatus inuenio illum aphonon, uno genu terræ innitebatur, alterum ceu flexurus curabat: brachiorum sinistrum pendebat ad genu, dextrum in aerem elevatum diductis digitis, viam praetereuntibus, (ut olim *Mercurii* Statua,) ostentare videbatur; utrumque omni gelato marmore frigidius; patebant oculi sed irretorti, & quicquid sudario illos pertringerem inconnivi. Os habebat cum respiratione satis libera, pulsus in utroque brachio sat magni. Cum ad satietatem aspectassem, dixi accerferent alios Medicos, meque cum statuam exuisset æger, cum illis revocarent, in casu enim ad hunc mihi diem in viso nihil tentaturum nisi consultis senioribus. Volebam tamen injici validissimum Clysterem, sed Apothecarius negabat se ulla ratione obstrictas nimium nates injicere posse, glandem ergo praescripsi ex speciebus hieræ, colocynth. sale gemmeo, & muscerda; Jussique excipifelle, loco mellis, ut melius puageret: agrè immisit sed cum bonis ægri rebus, valide enim soluta alvo, multisque bombis emissis, degelatus membra movit, surrexit, ambulavit, omnium praeteritorum ignarissimus, tum fricatis naribus [ptarmicum enim potentissimum sufflaveram ante horas aliquot, sed sine effectum] iisque motu calefactis, saepe sternuit multumque pituita vitrea, aut glaciæ, ut verius loquar, excussit. Cum sub vicesimam horam ad se rediisset, laconicum seu stupham germanicam paucis horis struendam procuravi; credebam enim algidissimum hoc corpus non nisi in aëre perpetuo æqualiter calido servari & curari posse. Cum istud ingressus esset, flatibus in cerebrum delatis discutiendis incumbendum duxi, unaque novorum generationem impediendam statui. Injecto ergo sub vesperam validissimo clystere, qui praeter calida quæque recipiebat etiam Elleborum, turbith, tro-

chisc. mand. omnibus in jure veteris galli decoctis, colaturæ remiscebam hieram, Colocynth. confect. hamech. elect. de baccis lauri, Theriacam; & aquam vitæ rectificatissimam, postridie eccoproto commodè purgato cerebelli regionem radi jussi, fotamque cum tota spina decocto lavendul. lauri, acori, stachad. ex malvatico incoctarum, inungebam primo castoreo, aurea alexandrina, melle anachardino, Theriaca, oleo petroleo, & succini solutis. Hinc inguinj superponbam emplastrum Paracelsi iisdem oleis recens subactum, dabam cibos convenientes, bibebat hydromel dilutissimum, cui sassaphras, fœniculum, & anisum incoxerat, miscebatque vinum fulvum. In dies sumebat conditum ex conserv. acori, stachad. nuc. mosch. zinzib. chinensis, theriaca cum conserv. pleres arch. sicque cum Deo toto biennio liberrimus à congelatione fuit, saepe tamen postea hic frater catochomenos factus est, sed tandem ita convaleuit, ut duodecim annis mali nihil senserit, quoties enim rigente parum collo, (malum secuturum praesagit,) statim oleo calido nucham totamque spinam inungi curat, & ita malum avertit. Miror itaque *Dodonæum* & ex illo *Heurnium* scripsisse neminem, secundo sine perniciæ certa hoc morbo corripî posse. *Henricus ab Heers observ. 3.*

Juvenis Britannus impensius [ut solet illa ætas] amor indulgens, percussus fuit adeo vehementer ex inopinata matrimonii repulsa: ut obriguerit instar stipitis; sedens in sedili suo *καταχρως*, sive detentus, sive congelatus, per integrum diem, retinensque continenter eundem situm, & oculos non minus apertos, atque olim simillimum affectum delineavit Galenus, comm. II. in Prorh. cap. 55.

A quâ figura ne latum quidem cum recederet unguem: jurasses certò te statuam potius quàm hominem videre. Adeo quippe fuere omnia non modo rigida, sed plane immobilia. Verum ubi exclamaretur, alta voce, rem ipsius meliori esse loco, & cupitam habiturum amicam: modo ad se reverteretur, prosiliit confestim ex sedili, & quasi excitatus ex profundiore somno, rediit actutum ad se, disruptis protinus illis vinculis, quibus illum arctè illigaverat tenacissima hæc catoche. *Nicolaus Tulpinus observ. medicarum lib. 1. obs. 22.*

Rustica quædam puella annorum circiter 15 jam à quinquennio Catalepsi laborat [liceat ita loqui] stataria, eaque brevi ac sapius de die inter eundem in media via, nullo praecedente frigoris sensu, subito instar Mercurialis statuae consistit, omnibusque sensibus tam internis quàm externis quasi consopitis, oculis apertis non videt, non audit inclamata, nec in loco movet, nec progreditur, nec unquam cadit etiam graviter onerata, nec opus deponit aut projicit, quin & in templo ad Sacram Cænam æccensura sapius ita consistit, & Pastorem in altari moratur, sed mox, quasi è profundo somno excitata ad pristinum vigoris statum redit; praeteritorum omnium ignara, cæteroquin & extra paroxysmum omnium animæ corporisque functionum sic satis capax. Unica convale-

num eruptione ; quæ nondum apparuere. Ab ejusmodi diuturna aultrina tempestate correpta Cataleptica quinquennis puellæ admodum somnolentæ & Morosæ , mentio quoque facta est in *Hiera mea picra* , seu. *Tractatu de Absynthio* pag. 59. quæ in prandio ob pinguioris boli præsumptionem à sorore offensa subito obriquit , cum manu & Cochleari ad patinam extensa , irretorto oculo quasi indigna bunda sororem adspiciens , fortiter inclamata & increpata neque audit , neque os aut labia movet , manu ducta & coacta incedit , brachia ejusdem sursum aut deorsum , vel etiam transversim tracta in eodem situ perstant. Ceream hominis statuum dixisses : Ante Paroxysmum marmoris instar frigidissimi rigebat ; post horam ferè unam cum pandiculatione , ventris murmuribus , ac profundis suspiriis sensim iterum incalescebat , largiorique sudore profuso restituebatur in integrum , antepilepticis tum curata , & helmintagogis. Vorax enim erat ; sed anno insequenti variolis publice grassantibus graviter afflicta obiit , Catalepsi non amplius tentata. Sic Prætor quidam in vicinia a quodam maleferiato subdito , aculeatis cavillis præter modum petitus tantopere excandescit ut subito ac in ipso adhuc tribunali sedens obrigesceret quasi minitabundus ac superveniente Apoplexia forti statim expiraret quasi fulmine percussus. Quò fato etiam arrepti sunt octo Messores in Insula Lemno sub quercu cœnantes , & subito exanimati , qui sub ea specie qua discubuerant , rigidi permanserunt , ita ut unus comedere , alter ori poculum manu admoveere , alius bibere videretur : cumque omnes nigri essent , imaginem totidem statuarum repræsentarent , P. Zacchias Quæstion Med. Legal. pag. 395. Unde non inficite Catalepsis morbus attonitus à quibusdam nuncupatur , & Catochus seu subita quædam quasi congelatio totius corporis viventis. Geminum quid patitur obstetrix nostra , Epilepticis alias convulsionibus ex aura maligna à summo pedis digito sursum exhalante obnoxii. Quoties enim ad maxillas usque ascendit aura ista frigida , ibique penitus se insinuat , caput obrigescit , nec os claudere vec verbulum eloqui potest , donec succedente stertore Paroxysmus finiatur : Vesicatorium pedi impositum , & aqua Ciconiar. exhibita cum successu. Cor quoque ciconiar. hic quidam maximopere probant. *Johann. Michaël. Febr.*

Anatomica Inspektiones.

In anatomia eorum qui catoche periissent , majores venas , quæ recta decurrunt a posteriore capite ad synciput *plenas concocto crassoque sanguine* vidimus , & *posterius cerebrum serosa materia* occupatum ; Atque revera in hoc malo posteriora magis affici veteres Medici putaverunt : Galenus meminit cujusdam condiscipuli in Prorrheth. qui ex hoc sed levi malo , ut scripsit evasit : nam in omni genere morbi,

hic gravior ille levior est. *Iacotius comm. ad aphor. 7. lib. 2. Coacarum.*

Secretarius vasco in febris declinatione , & alvi profluvio , urinis bene coctis certam valetudinis spem præbentibus , Catalepsi præhensus uno die obiit.

Aperto cadavere pulmones & hepar corrupta sunt inventa , *serum quasi rufum* cerebro posteriore contentum. Et sanguis concretus in majori vena quæ medium caput proreptat *Scholiographus ad caput. 9. lib. 1. Hollerii de morbis int.*

Civis Leodiensis mercator , à rivali suo in carcerem conjicitur , è quo valde liber domum reversus , totum Melancholiæ se immergit ; paucos post dies acute febriit sine delirio tamen : à febre liber , in amentiam primum , dein *furorem* versus , vinculis coerceri debuit : numellæ manus stringentes tanto interdum squatiebat strepitu , ut fracturus crederetur : Melanagogis per Epicrasin diu sumptis , conciliato etiam multis noctibus somno ad mentem rediisse visus , ut omnino restitutus sibi videretur , xx. a Captivitate mense *sanissimus* factus & repuerascens sub ætatis annum xl. primum sinistræ *manus digitos* tres ultimos ita lunavit ut nulla arte extendi possent : Purgato capite , applicitis medullæ spinali oleis calefacientibus & humectantibus , digitorum usum recuperavit ; sed paulo post omnes digiti ejusdem manus incurvati riguerunt , & ut in catochico , nullo ingenio dimoveri potuerunt ; paulo post & dextro captus brachio , & utroque crurum , *aphonus* factus , immobilis jacuit , multis litibus & fomentis & gargarismis linguæ usum recepit : sed toto biennio ad mortem usque vocem articulatam formare non potuit , instar infantis semestris lallabat , alienaque manu cibum capiens sustentabatur : alvus interim utcumque respondebat , respiratio semper liberrima , & pulsus optimi , tandem sub anni quarti finem fati concessit.

Ad anatomen vocatus , volui primum cerebrum inspicere quod ablato cranio siccissimū , durum adeoque in summa parte digitis meis friabile , flavedine citri æmula undiquaque ad altitudinem digiti tinctum , observatum circa ventriculos & basin mollius & humidius , colore tamen aliquantum vitiato ; rete admirabile depressum : nervorum origines siccæ solitoque graciliores : Thorax Imusque venter nihil observabile exhibebant. *Henric. ab Heers Observ. Medic. 3.*

Argentum vivum si largius sumatur congelare sanguinem testatur Conciliator exemplo cujusdam seplasiarii , qui febre ardenti laborans , cum ad sitim sedandam imprudens aquæ vice , vasculum argento vivo plenum invenisset illiusque magnam copiam ebibisset , congelatus interiit.

Aperto cadavere sanguinem circa cor concretum Medici invenerunt *Primirosius de Vulgi erroribus l. 4. cap. 29.*

CATAPHORA

Vid.

COMA

Capite de Caro.

CATARACTA.

*Curationes, Consultationes, & Observationes ex variis.**Curationes.*

Cataracta est membrana seu tenuis pellicula genita in oculo ex pituitosa aliqua materia vel crasso vapore ad oculum & albugineum humorem delato, & ibi calore capitis paulatim in pelliculam condensato; quæ pellicula sua oppositione impedit receptionem specierum visibilium in humorem crystallinum, seu transitum earum per pupillam, ex quo contingit cæcitas. Illa pellicula est opaca, alioqui non impediret visionem; Et occludit seu obstruit pupillam; si enim alio loco esset quam ante pupillam non sic impediret; suspenditur ergo tanquam velum quoddam vel ante vel retro pupillam. Dico retro vel ante; quia locus ejus communiter est ante vel intra pupillam, id est profundius quam pupilla & post eam & sic intra tunicam uveam; interdum verò est extra pupillam, seu ante eam & extra tunicam uveam id est inter uveam & corneam, seu in spatio illo quod ab iride oculi comprehenditur, & constituitur, à tunica uvea compressa, & ipsa cornea. Itaque cataracta est in humore albugineo. Talis cataracta, cum est adhuc in fieri, priusquam in pelliculam est condensata, & in forma humoris est adhuc fluctuans, est curabilis per medicamenta discutientia & nulla ratione curabilis acû seu Chirurgia. Sed quando jam est in formam pelliculæ continuata, & condensata, tunc non est amplius curabilis per pharmaciam; sed tantum per Chyrurgiam. Medicamenta omnia, quæ id possunt præstare, sunt discutientia: illa autem non possunt pelliculam jam condensatam & siccatam dissolvere, quinimò cum calida sint magis exsiccando indurant.

Hæc Cataracta cognoscitur tum signis à ratione desumptis, tum ipso sensu. Est enim facile visibilis, & ubi est, ibi pupilla non apparet integra, sed alba: præcipue cum cataracta est valde externa, sed si profundius lateat, tum quidem adhuc pupilla quodammodo integra apparet, sed tum in profundo in ea, quasi album velum ei obtensum videtur. Signis à ratione desumptis cognoscitur, quia æger cæcus est & cæcitas illa paulatim exorta est, & paulatim majus majusq; cæpit incrementum. Primò enim muscæ, cimices & nubeculæ ante oculos volare visæ fuerunt, postea visus minui & res fenestratæ ac in iis integræ maculæ apparere inceperunt, tandem verò cæcitas magis magisque oboriri.

Varia sunt differentia cataractarum, alia sumitur à situ, quia alia est extra uveam & pupil-

lam, alia intra, uti supra dictum. Quæ quia diverso modo debent curari distinguendum est quo loco contineantur. Quæ intra uveam est discernitur profunditate; quæ extra exterioritate, visus enim facile dijudicat, unam esse anteriorem, alteram posteriorem. Denique cognoscitur ex eo, quod quando est intra uveam, tunc videtur rotunditas pupillæ, quando verò est extra, tunc tota pupilla est obducta, nec illius ulla vestigia apparent. A quantitate etiam sumitur differentia, nam aliqua cataracta tegit totam pupillam, aliquam partem tantum aliqua. Cum tota pupilla est tecta, tum adest absoluta cæcitas, cum pars aliqua tantum, tunc res apparent, vel quadrangulatæ, vel triangulatæ, vel mediæ, vel fenestratæ, prout est figura ipsius cataractæ &c. A substantia, quia alia est subtilis, alia crassa. Cum subtilis; tum res videntur obumbratæ, ac si pannus quidam lineus subtilis esset ante oculum, cum crassa est omnimodo cæcitas. A qualitate; Nam alia est mobilis, fixa alia, alia est cinericea, caelestina, alba, citrina, nigra, margaritalis, gypsea, viridis, subrubra, argentea, vitrealis, plumbea, turchini coloris, similis ferri nitentis seu aquæ marinæ.

Priusquam Chyrurgus sese operi accingat, ut laudem referat ex sua operatione, debet considerare, an cataracta talis sit, quæ sit bene deponibilis necne, non enim omnes prædictæ differentia, æque bene sunt deponibiles. Si enim non sit deponibilis, non debet operationem incipere, ne cogatur postea cum infamia deferere. Si est facile deponibilis, animose opus aggredi debet. Si dubie aggrediatur, cum prædictione id faciat, in primis recens & non confirmata cataracta non est deponibilis: talis enim adhuc est pultacea, & necdum satis in pelliculam condensata, ideoque quando acû tangeretur, funderetur, & acus eam pervaderet, & sic non posset eam deprimere: Debet ergo esse confirmata; signa confirmata sunt perfecta cæcitas, sicut æger distinguere non possit colores, secundo quod cum oculus fricatur manû, cataracta non divellatur, nec discontinuetur, aut diffluat, nec humores oculorum conturbentur, sed maneat unita. Cum enim adhuc confirmata non est contraria eveniunt. Ut cataracta sit solida & confirmata debet habere aliquam ætatem. Itaque ante medium annum non est confirmata, nec debet deponi, sed illa tantum, quæ est unius anni aut plurium. Nimis tamen inveterata cataracta etiam difficulter deponibilis est; talis enim valde dura & solida est, & tunica uveæ adhæret, per fibras valde fortes quæ non possunt ab acû deprimente satis facile frangi.

Uti ergo nec nimis tenera debet esse cataracta, ita quoque nec nimis antiqua, cataracta quæ omnimodam adfert cæcitatem, ita ut æger per eam non videat lumen, non debet deponi, quia periculum de ea est, quod etsi deponatur adhuc tamen æger visum non recuperabit. Ut ergo sciatur an subtus facultas visiva adhuc integra sit, debet æger lumen opponi, & ejus oculus fricari & rogari, an lumen cali videat; subinde ponendo manum inter lumen vel tenebras, quando lumen non distinguit, vel indicium est facultatem esse intus emortuam

tuam. vel saltem Cataractam esse valde durum. In illo casu frustranea esset depositio: in hoc propter soliditatem irrita aut valde difficilis. Si oculus sanus claudatur, & æger manu Chirurghi fricetur, & parum comprimatur, & tunc statim aperiatur & videatur cataracta in partes dividi seu separari, non est deponibilis. Talis enim est nimis subtilis & recens & cederet acui, cum deprimeretur. A colore etiam sumitur indicatio. Nam si cataracta est margaritalis, aërea, columbina, cineritia, aut Turcino lapidi similis, aut plumbei coloris, aut ferri nitentis est, deponibilis est; alii colores sunt decéptivi & rarissime bonum dant successum. A motu quoque nam, si cataracta est fixa & immobilis, non debet tentari ejus depositio, si mobilis contra. Ideo debet Chyrurgus oculum ægri altero oculo clauso fricare vola manus, & statim oculum inspicere, si videat cataractam dilatari & contrahi, aut sistolen quendam & diastolen pati, indicium est quod sit deponibilis, contra verò non. Spiritus etenim visivi frictione illa cataractam vellicant & moveri faciunt ex quo colligitur visivos spiritus adhuc ad oculum venire & sic interius in nervis opticis, aut in alia parte oculi non esse obstructionem & proinde si cataracta deponatur nullum aliud subfuturum oculi vitium, & consequenter agrum visum recuperaturum. Verum etsi cataracta quoad seipsam talis sit, & tam bona signa habeat, & videatur facile esse deponibilis, tamen adhuc alia ex parte corporis sunt considerata. Si enim illa cataracta fuerit in homine habente oculos malos & laborante destillationibus, aut lippitudine, aut continuo lapidis dolore, vel etiã tussim, reuma, aut continuam sternutationem, vel vomitum, vel aliquam molestam inermittentem habente, non est subeunda cura, quia vel inflammatio, vel mala accidentia ex illa punctura sequerentur; unde febris, phrenitis, mors &c. vel eadem cataracta motu illo iterum assurgeret ante pupillam: unde labor omnis esset inanis. His prognosticis habitis potest Medicus audacter operationem aggredi, propterea quod etiam si operatio non succedat, tamen per hoc æger nihil perdet: quoniam si non deponatur in nullo peccat, nisi quod eadem tantum cæcitas & eadem cataracta maneat.

Pericula quæ circa operationem occurrunt, & vitari debent simul sunt ista; Primo ut a punctura tunice conjunctivæ & dolore ex eo allato & oculo diuturna acus agitatione fatigato inflammatio & inde febris, pervigilium, phrenitis, mors, vel omnimoda cæcitas sequeretur. Secundo ne per foramen quod in conjunctiva & uvea tunicis a transpuncta acu sit, effluat humor albugineus, quo effluxo visus vitaretur & cæcitas fieret, tunicis corrugatis & crystallino collapsio vel insitu mutato. Tertia ne ab acui profundius adacta crystallinus pungatur & vulneretur, qui est proprium visus instrumentum. Quarto ne profundiore acus immissione & versatione humores oculorum commisceantur. Quinto ne cuspe acus uvea tunica multum tangatur, & ejus nigro colore per attactum recedente albugineus humor inficiatur aut obscuretur. Sexto ne cuspe acus pupilla multum divellatur, & hac ratione corrugetur,

concidat, vel comminuatur, adeoque rotundam suam figuram perdat, quod irreparabilem adferret læsionem. Septimo: ne si cataracta sit durior & difficulter cedat, dum sic nimis fortiter deprimitur, eadem etiam ratione uvea, cui ipsa adhæret divellatur & figuram ac magnitudinem perdat.

Ut hæc omnia pericula evitentur, hæc considerata sunt, imprimis, ut tempus operationis sit congruum scilicet ver & autumnus. Æstas est inconveniens, propterea quod in magno æstu nimium sit periculum inflammationis vel febris oborituræ. In hyeme membrana oculi perforata læderetur. Hora sit matutina, corpore jejuno, ut inpediatur vaporum adscensus. Dies sit clarus, ut omnia perfecte in oculo videantur, an scilicet Cataracta sit, an retrocedat & retroacta adhuc hæreat, an vero ceciderit. Dies sit minime ventosus, ne aëris à vento in cubiculo motu depressa semel, cataracta iterum elevetur, sed quiescat. Luna sit decrescens, tum enim humores in corpore minus multiplicantur & agitantur. Acus debet esse longitudinis quinque digitorum, scilicet manubrium trium, cuspis vero duorum; sit mediocriter subtilis ne faciat nimis magnum dolorem, & nimis magnum in oculo foramen, per quod possit humor albugineus exire, non sit nimis acuta, sed ita mediocriter ut facili negotio ingrediatur, si enim nimis acuta esset, interius nimis facile uveam aut corneam, aut crystallinum læderet & exasperaret. Debet etiam esse rotunda, & valde lubrica: rotunda, quia debet valde leviter in orbem voluendo imponi ut sic quam minime oculum inquietet. Ideoque antea planæ non valent. Sunt nonnulli, ut Albucasis, qui ut subtiliores viderentur, excogitaverunt acum perforatam, per cuius foramen postquam jam ingressa esset, suctu cataracta extraheretur, sed ridiculum est inventum: nam sic humor albugineus extraheretur, potiusquam membrana ipsa. Adde quod vix imponi posset talis canaliculus, aut si imponeretur, maximum in oculo faceret foramen, magnumque causaret dolorem. Alii voluere quidem talem canaliculum imponi, sed non suctu cataractam extrahi, sed per foramen citharæ chordam immitti uncato cuspe, quæ cum usque ad cataractam permota esset, illam apprehenderet, & foras educeret, sed & illa operatio nugatoria est, & talis quæ magis animo excogitari, quam manu practici poterit. Acus debet esse ex argento, ferro, aut auro; præstat autem ex argento esse, propterea quod illa propter albedinem melius in pupilla reluceat, postquam jam est imposita.

Antequam operationem aggrediamur, corpus primo præparandum est: aliqui dicunt, primo esse purgandum, ut cacoehymia ablata, minus humores ulli ad oculum ferantur, aut febres oboriantur. Alii dicunt è contra, purgationem noxiam esse, eò quod propter illam humores in corpore & capite agitentur, & agitati aptiores sint ad fluendum versus caput & febrem faciendam. Sed distingo, nam si purgatio immediate operationem præcedat, nocet agitando humores, si diu ante non no-

cer, sed prodest cacochymiam tollendo. Sanius doctrina practicanum tenet i. clystere rem esse injiciendum, inde venam e directo latere secandam & ulterius nil agendum, sed tamen æger debet triduo ante tenui victu ali, a vino & calidis omnibus abstinere, & solum aqua potari, ut minus ad febrem incurrendum dispositus sit. Verum priusquam operatio ineatur, debet æger aliquid confortans lumere, & ovum forbile cum manu Christi perlata, vel panis frustum in succo granatorum maceratum, vel simile quippiam, quo vires acquirat, ne jejunos exstans in syncope incidat, quod scribunt nonnulli practici sibi aliquando obrigisse; ex qua & operatio irrita fieret, & periculum aliquando, ne acui in oculo existente tunica ejus dilacerentur. Quæcumque post factam operationem necessaria sunt futura, ea primum parata, & in promptu esse debent. Ad sint, coto mundus, splenia, petia, fasciæ, & medicamenta necessaria. Adit acetum, & aqua rosata si forte contingeret ægrum in animi deliquium incidere.

Omnibus paratis ponatur æger in sede humili, lumini & fenestræ oppositus, sic tamen ut radii solis eum non illustrent, neve in oculum ferantur, manus sub genibus aptentur; ne earum motio impediatur operationem. Oculi sanus claudatur, & petia & fascia suppositis obligetur: sic enim firmatur, & eo firmato etiam firmatur æger, qui alioqui motu sani moveretur. A tergo minister caput ægri teneat. Medicus seu chyrurgus sedeat ex opposito patientis, dorso lumini obverso sede parum altiori quam ipse æger. Inter utrumque sit sedes cum pulvinari, quo cubitus medici innitatur, & quiescat, ut sit firmior manu. Tunc medicus sceniculum ore mastice & palpebris ægri tum a medico tum a ministro bene apertis, medicus vaporem sceniculi ter quaterve in oculum insufflet ut cataracta motum cum calore recipiat. Tunc ægro jubendum, ut oculum introrsus versus nasum moveat & quietum servet. Si cataracta est in oculo dextro medicus debet operari manu sinistra; si in sinistro, dextera. Acus primum per pileum bisterve adigenda ut asperitatem omnem deponat, tunc ore madefacienda est, inde intligenda est in album oculi externum, medio loco inter iridem oculi & angulum externum, sic tamen ut venulæ vitentur. Tunc acus leniter in orbem volui & revolui, cum quadam moderata trusione debet, donec in vacuum oculi, id est, in humorem albugineum intra cristallinum & uveam deventum sit. Tum verti debet acus paulisper antrorsus versus corneam, & tam profundè infigi, ut ejus cuspis usque ad medium cataractæ perveniat, acus enim mox intra oculum retrò cataractam apparebit ac relucebit, tunc ab altiore cataractæ parte incipiendo ipsa cum acui deprimi debet, & curari ut fibræ, quibus superius uveæ adhæret dirumpantur, & cataracta cadat. Cum cediderit deorsum sub pupilla diligenter sæpiusque trudi debet; & ibi usque ad unum miserere, cum acui detineri, si resurgat, iterum cum acu deprimi debet toties donec deorsum maneat, at si voluerit descendere, & ad aliam partem declinet versus illam depelli debet cavendo semper, ne

pupillam dilatet aut laceret, aut cristallinum tangat. Si obitinatè redeat, in plures partes dissipanda est.

Facto opere acus paulatim extrahatur, ut sic paulatim foramen conjunctivæ minuatur, ne aliquid albuginei humoris per id effluat: Inde omnis quies corporis oculique imperanda est, statim coto albus intinctus in albumine ovi tenuiter quassato in quo aliquid croci sit dissolutum, & aliquid cumini impositum, super oculo jam clauso ponatur, & desuper petia lacte & aqua rosata imbuta, & tum uterque oculus obueletur, & claudatur, ne unius motu etiam alter moveatur. Fronti apponatur cataplasma repellens ex albumine ovi, oleo rosato, aceto, bolo & similibus. Et statim æger pedetentim ad propinquum lectum ducatur, in quo sublevato capite supinus quiescat. Non loquatur autem nisi submissa voce; transeat primodie sine cibo, sequenti detur adhuc tenuis & liquidus, qui non habeat opus masticatione ne motu masticationis aliquis, etiam in partibus oculi motus fiat, & sic detur occasio adscensus cataractæ: maneat oculus sic clausus quatuor diebus, nec coto superpositus removeatur, nisi maximus dolor & inflammatio aliud jubeant, sed quotidie semel petia, aqua rosarum & lacte imbuta removenda. Post quartum diem potest oculus aliis localibus liberari, sed æger adhuc tamen in lecto remanere debet, & cubiculum adhuc esse tenebrosū. lumen enim dissipando & visio spiritus movendo cataractam agitent: & hoc usque ad septem dies secundum Avicennam, secundum practicanes autem usque ad nonum. Si alvus ægrotanti non respondeat, clystere blande movenda est, sic tamen ut æger maneat in lecto, ne loco moveatur. Si interim iterum cataracta resurgat, & nulla oculus inflammatione aut dolore tentetur, iterum deponatur acus in idem foramen imposita.

At si inflammatio & dolor adsit expectandum quousque ea sunt sedata; sedantur phlebotomia, cucurbitulis, hirudinibus &c. aliquando in deponendis cataractis fit dachynosis in oculo, seu quod humores in eo contenti appareant rubri, hoc fit a sanguine qui propter aliquam parvam venam tactam exiens, albugineo humori miscetur, ex quo qui id nunquam vidisset, posset arbitrari oculum fractum, sed id nihil est, neque magnopere metuendum; post aliquot enim dies ille sanguis resolvetur, & discutietur. *Thom. Fienus. de Principis Artis Chirurg. contraversis Tract. ij.*

Incipiens cataracta incremento & concretionem prohibetur, diæta convenienter & artificiosè præscripta, vini præsertim potentioris & caput implentis abstinencia, vitato usu ciborum, quibus succus inest pituitosus & vaporosus, ut pisorum, fabarum, naporum, castaneorum, omnium denique rerum quibus vis inest humores in corpore ciendi, & ad fluxum proritandi: cujusmodi sunt salsa omnia, & piperata sive acra, ut allia, cepæ, sinapi, præ cæteris verò immoderatio coitus nocet, quia totum corpus vehementius exagitat, cerebrum, caputque debilitat & crudos parit succos. Panis imperetur sceniculi semine conditus, huic enim vis inesse creditur visionis juvanda & oculi illustrandi, vapores nebulosos ante

ante in ventriculo dissipando quam consurgere ad cerebrum possint. Quare eadem ratione, cydoniati, conserværosarum, euphrasæ, aut cuiusvis ex aliis rebus flatus discutientibus, aut ventriculum constringentibus compositæ, utilis est usus. Phlebotomia & purgatio, si res possit, oportune præscribentur, frictiones divertentes imperabuntur, cucurbitulæ scapulis & cervici affiguntur: matutino tempore masticatoriis pituita per palatum derivabitur, sicut etiam vesicatoria, phænigmi & cauteria potentialia occipitio vel brachio applicabuntur. Verum quia ut dicebat Plato in Charmide, neque oculos confirmare, neque desiccare licet nisi prius caput purgetur, neque hoc nisi universum corpus ante emundetur, id circo ante omnia corporis totius purgationi incumbendum est. Sed calens anhelitus ejus qui fæniculum, anisum, coriandrum, nucem moschatam cinnamomum, caryophyllos & similia ore versat & dentibus mandit, oculis digito ante leviter attritis continuo & frequenter exceptus magnum ad humorem concretioni proximum calefaciendum, attenuandum, resolvendum, digerendum, ac diffundendum momentum habet. Quin etiam illustrandorum oculorum, visionis roborandæ, & prohibendarum suffusionum, discutiendarumque si quando concrecant & cogi incipiant. Vis maxima inesse creditur huic Joh. Vigonis collyrio.

℞. hepat. hircin. sani & recent. ℥ij. calami aromatic. & mell. an. ℥ss. succi rutæ ℥iiij. aquar. chelidon. fænicul. verben. & euphras. an. ℥iiij. piperis longi, nucis mosch. caryophyll. an. ℥ij. croci ℥j. flor. roris ar. aliquantulum contrit. m. ℞. sarcocollæ, aloës hepat. an. ℥iiij. fellis ræ, leporis & perdicis an. ℥j. terantur omnia, tritisque adde sacch. alb. ℥ij. mell. rosat. ℥vj. conjiciantur in alembicum vitreum & destillentur in B. M. Stillatitius liquor frequenter oculo offundatur. Hujusce aquæ usu post universalia remedia absque alterius cuiusvis remedii externi ope, plures curavi nulla lucis usura fruantes. Aquæ e corniculis quæ in fraxinis nascuntur contusis destillata ad visum clarificandum est excellentissima.

Quod si his & tot remediis nihil profectum fuerit congestusque nebulosus humor in dies augeatur & inspissetur, abstinendum à remediis est, expectandumque donec jam non congeri sed cogi, imò durities quadam concrevisse videatur. Sic enim demum acu decuti poterit: alias si nondum matura, ac justo tenerior sit, illa velut pellicula, cum ventum ad opus erit, acu transadiget, non decutietur. Si contra durior sit, illa resistet acui, nec decuti se facile patietur.

Itaque quæ ejus sit quasi tempestivitas Chirurgus cognoscendum est; diligenterque tenenda signa quibus maturam suffusionem ab immatura, & sanabilem ab insanabili discernere possit. Nam sola quæ matura & sanabilis est manu & acu curanda, quæ immatura, id est quæ tenerior, & quasi cruda adhuc, quæque durior & densior est, quæ denique insanabilis, ne tentanda quidem.

Quibus signis cataracta matura & curabiles ab immaturis & incurabilibus dignoscantur

Oculo sano clauso, si suffusi, postquam pol-

lice attritus fuerit, pupilla statim dilatetur & diffundatur, eademque celeritate in suum locum, figuram, colorem & statum redeat, opinionem facere nonnullis creditur maturæ & confirmatæ cataractæ, immaturæ verò & nondum attingendæ, si diu pupilla dilatata & diffusa maneat. At maturæ, itemque densioris, adeoque insanabilis, commune signum est nihil eorum quæ spectabilia sunt, præter lucem, & lumen cernere, distinguere verò aliquid aliarum rerum aspectabilium nondum maturæ est argumentum: Ideò verò clauso compressoque oculo sano, alterius pollice attriti pupilla dilatatur, quæ amplificatur, intumescit, diffunditurque amplius compressione illa, quasi compulsis a sano in ægrum oculum visoribus spiritibus. Cæterum quæ sequuntur cataractæ insanabiles censentur, illæ scilicet quæ magnæ sunt, quæ affecta, attritave palpebra nihil dilatantur aut diffunduntur: quarum pupilla nihilo pariter illo attritu latior fit; hinc enim intelligere est obstructionem subesse in nervo optico, adeo ut decussa quantumvis feliciter cataracta superstes cæcitas sit mansura: nihilo plus proficias in decutienda ea cataracta, cujus oculus multum emacruit & phthisi laborat. Insanabilis etiam est illa quæ ex gravissimo morbo, acerbissimis nempe & diris capitis doloribus, vel ictu vehementissimo orta est. Quæ gypsæ sunt coloris, virides, nigræ, lividæ, citrinæ, & coloris argenti vivi æmulæ ferè sunt insanabiles: contra quæ colore corticem castaneæ æmulantur, quæ cæli, seu aquæ marinæ colorem habent cum quadam albedine, hæ sanabiles sunt & feliciter succedere solent.

De cataractæ curatione chirurgica, postquam sanabilem esse cataractam commemoratis signis cognoveris, restat ut manu ejus curationem adoriaris, ita tamen si nihil sit quod impediat. Nam si capitis dolor, si tussis, si nausea, vomitusve ægrum infestet, frustra operam impenderis. Expectandum itaque donec talia symptomata evanuerint. Tempus eligendum ad eam rem opportunum, scilicet sitiente luna, à fulgore & tonitru silente celo, & sub alio quam Arietis, quod capiti dominatur, signo. Nam secundum Ptolomæum luna, signum illud cujus est membrum feriendum, tenente, ferro non attingendum. Tum Medicum consulat Chirurgus, si purgatio, & sanguinis missio ægro necessaria sit, vel phlethoricis symptomatibus occurratur, relapsui alioqui materiam suppeditaturis. Biduo post eligendus est locus mediocri lumine perfusus, jejunosque æger in angusto sedili collocandus est, sic ut non adversum, sed à latere lumen habeat. Oculus qui curabitur mobilior efficiendus est super alterum lana imposita & deligata; mox chirurgus ægro se adversum statuatur in scamno paulò altiori, jussuque eo manus ad zonam demittere, genibus suis ejus crura comprehendet & concludet. A tergo autem adstabit minister, qui ejusdem caput contineat & immobile præstet: nam levi momento erui acies, in perpetuum potest. Acus inde præparanda est, & in densum aliquem pannum pluries intrudenda, ut illo velut motu lævigetur, & ad jamjam futurum opus minori dolore perficiendum tanquam incalescat. Ferrea sit oportet, aut

aut chalybea, non aurea, argenteave, sed aliquantulum lata, acuto mucrone, quò in oculum penetret, comprehensamque cataractam decutiat penitus, ac ne in manu chirurgi labatur, minusque instabilis sit, manubriolo inseretur.

Hac tanquam præparatione rebus omnibus adhibita, imperandum ægro ut oculorum aciem nares versus contorqueat. Tumque acus intrepidè (inani, enim & spiritibus tantum pleno loco excipitur) recta per adnatam tunicam medio inter minorem canthum & corneam loco, è regione mediæ cataractæ, sic, ut ne qua adnatæ vena lædatur, intrudenda est, varieque tum quasi versanda, donec ad mediam pupillam suffusionemque pervenerit. Ubi eò ventum est, supernè deorsum inclinanda acus est ad ipsam suffusionem, leniterque ibi versanda, donec paulatim eam, quantum fieri potest integram infra pupillæ regionem deduxerit depresso: instandum acu nihilominus vehementiusque ad breve aliquod temporis momentum ea comprimenda, ut inferiori parti in qua decussa est infideat, & ægrum monebit chirurgus ne oculum commoveat. Nam si sic constans hæret neque redit, completa est curatio. Tum acus paulatim sursum referenda est, neque tamen statim eximenda, ut si revelatur ac relurgat suffusio, iterum & toties, dum adhuc opus calet, & res in procinctu est decutiat versus minorem angulum, donec planè & fideliter condita fuerit. Tum igitur molliter & pari qua intromissa fuerat inclinatione revocanda acus est; ne si moderationem non adhibeas, una cataractam eò unde decusseras referas, aut ad chrysellinum humorem primum videndi instrumentum, pupillamve cum ejus dilatandæ periculo, graviter offendas. Quidam opere statim peracto aspectabile aliquid ægro videndum exhibent: Sed non probat Paulus, timet enim ne intuendi ille conatus suffusionem sursum revehat. Itaque & sanius & certius statim ab educia acu ovi albumen in aqua rosacea cum alumine agitatum, molli linteo excipere, & adstrictionis arcendæque inflammationis gratia oculo ac vicinis partibus imponere, tumque una etiam sanum deligare, ne si ad intuendum moveatur una etiam per sympathiam & quæ ipsis per nervos intercedit connexionem ægrum quasi rapiat, & ad motum incitet.

Post hæc lecto molli æger trahendus est, atque ita collocandus, capite ut sit altiori: procul sit ab omni strepitu, ne loquatur, nec quid mandat durius, ne maxillæ laborent: liquidis ergo nutriatur, ut panatella, hordeato, colatitiis aut expressis carniū euchymarum succis, gelatina, ovis sorbilibus, & aliis hujus generis. Octavo denique die resolvenda quæ oculos obvallat fascia, ipsi aqua rosacea proluendi sunt, oppositisque specillis, aut serico panno, sensim lumini ac diei æger est assuefaciendus ne repentino lucis occursum offendantur. Quod si paucis post diebus sursum referatur suffusio, decutienda iterum illa est, sed altero foramine, priori enim dolet oculus.

Contingit aliquando ut acus occursum non decutiat integra suffusio, sed concidatur & in plures partes dissipetur. Tum igitur seorsim singulæ persequendæ & decutiendæ; si quæ minima portio subsit, quæ acus velut ansam effu-

giat, relinquenda illa est, virtute caloris nativi non est dubitandum quin tempore resolvatur.

Nonnullæ etiam occurrunt cataractæ, quæ ad primum acus contactum in lacteam quandam; aut aquæ turbidæ persimilem substantiam diffunduntur & abeunt, quod nondum plena concretione maturaverint, hæ tamen vel eo nomine sperabilem sanitatem pollicentur, quod nunquam postea in unum ut antea corpus coire possint. Quare tandem etiam robore innati caloris discutuntur, tumque pristinus splendor oculo restituitur. Si quæ alia de insperato superveniant symptomata, novis illa consiliis & suis quæque remediis prodigabuntur. *Joh. Vigierius Chirurg. magna lib. 1.*

Suffusio est cataracta incepta. Cataracta suffusio perfecta, vel confirmata. Differunt enim non specie, sed tantum gradu.

In hoc affectu primò levis quædam visus obtenebratio contingit, quæ sensim augetur, dum materia visum impediens, in pelliculam concreascit, visionemque demum prorsus auferat.

Incipienti morbo diligentissime occurrendum & nam confirmati curationis spes nulla, nisi ex operatione chirurgica, acus ope.

Cum medicamentis locus est, totum corpus, & præcipue cerebrum exactè evacuandum est, dein humor visum obtenebrans discutiendus.

Quæ indicationes cum eadem ferme sint quæ ad guttæ serenæ curationem fuerunt propositæ, remedia evacuantia, revellentia, discutientia & roborantia ibi laudata, hic etiam aptari possunt, ut non opus sit hic eadem frustra repetere. Ab errhinis autem abstinendum, illa enim omnia nocent.

℞. Aloes hepat. diligenter lotæ in aqua fœnicul. ʒss. caryophyll. nucis mosch. macis an. ʒss. fol. euphras. & rut. siccor. an. ʒj. sem. fœnic. ʒss. cum syr. ex succo euphras. & fœnic. fiat massa quæ formetur in pilulas. Dos. ʒss. in lecti introitu.

℞. Flor. viol. sic. ʒss. flor. euphras. ʒvj. flor. beton. vel eorum defectu folior. ʒij. sacch. ad pondus omnium f. pulvis, cujus portio inspergatur butyro recenti in pane extenso, sumend. initio prandii. Capiti prodest & alvum humectat.

℞. Sem. coriandr. in succ. cydon. ppt. ʒiss. conserv. flor. euphrasie solid. recent. paratæ ʒij. flor. fœnicul. in umbra siccat. ʒiiij. fol. euphras. ʒij. macis ʒj. sacch. cum aq. fœniculi in rosatum cocti ad pondus omnium, f. pulvis quo utatur è cochleari hora dimidia post singulos pastus.

Quoad topica nihil plane immittatur oculis quod dolorem faciat.

Proderunt inspirationes pueri vel puellæ post mansum semen anisi vel fœniculi.

Bisterve in septimana mane post evacuatum ab excrementis corpus applicentur oculis exta columbarum, vel pullorum, aut aliorum animalium juniorum, adhuc palpitantia, iis viventibus per medium sectis extracta, atque super oculis detineantur, donec penè refrixerint; mox abluantur partes, clausis & conniventibus palpebris. aqua mox describenda, quæ quotidie mane, etiam sine visceribus utiliter usurpabitur.

℞. Succ. fœnic. scarleæ, rut. chelid. ma verben.

verben. trifol. macul. euphras. an. ℥j. succ. napi, vini hispan. an. ℥ij. mell. albi. ℥i℥. urinae pueri impuber. ℥iij. f. in balneo M. distillatio ut artis est, servetur aqua usui quæ validior reddetur, si huius liquoris sumatur ℥j. aloës succotr. 3j. Ireos florent. torref. ℥iij. vitriol. alb. depur. 3℥. sacc. cand. 3j. Agitentur diu simul, & fiat per chartam emporeticam colatura. Temperetur liquore stillatio simplici, si dolorem excitet.

Dominus *Packer* passus est in oculo sinistro cataractam confirmatissimam per annos ad minus 23. quam albißimam, satis compactam & maturam acu deturbandam sapius suasi; una nocte, sine ulla causa externa, evanuit suffusio, & licet confuse, mane caput & lucem aspicere, & colores agnoscere. Venit ad me & oculum ostendit purum, lucidum, sine ulla humorum perturbatione, obscuritate aut confusione. Pupilla minor tantum fuit, quæ tamen clauso altero oculo dilatabatur. Non credo fuisse dissipatum istud coagulum, sed poudere forsan ab uvea divulsum fundum petiisse aquei humoris eò loci ubi ab acu separata cataracta deprimitur & subsidit. Forsan ascendet denuò, ut sæpe contingit in cataractis malè depressis & locatis ab operatore, nisi forsan substantia crassior & gravis elevationem impediât.

Elapsis diebus 15. ad me rediit, ostendit oculum clariorem, & facile de omnibus objectis visibilibus potuit pronuciare. Dixit tamen uxorem aliquoties vidisse partem cataractæ denuò ascendentem ad pupillam quæ validâ narium emunctione illico ima iterum petiit. Proculdubio recurret, neque enim absumi potest.

Mulier Angla oculista, vidente *Mylord Rich*, filio Comitissæ *Warwich* acu aperuit corneam supra pupillam, & humorem aqueum exhaustit, sive effluere sivit, qui turbidus & obscurior factus, visionem imminuerat, ita ut æger quasi per velum se omnia confuse cernere crederet. Post humoris effluxum oculus concidit. Applicata remedia, imperata quies in tenebris: sic prospectum inflammationi. Aliquot post diebus postliminio succrescente humore aqueo, qui est excrementitius, non pars corporis, & qui reparari potest; intumuit, sive repletus oculi globus; punctura ejus occlusa & consolidata, nulla remanente cicatrice. Restituta visionis acies, & perfecte curatus fuit æger.

Nota corneam non sentire. *Theod. de Mayerne* Prax. medic. lib. j.

Consultationes.

Imminuta visio, quam novem ab hinc annis patitur serenissima matrona in utroque oculo, eo progressa est in oculo sinistro ut nunc ferre nihil ipso videat, etiamsi perspicillis utatur. Id non aliam ob causam, quam ob manifestissimam suffusionem ejusdem oculi pupillam fere totam obvelantem, qualis dextri quin etiam oculi pupillam inuadere incipit. De quo sane affectu sicuti nullam video hæsitacionem inter viros præclarissimos, quamquam volitantia corpuscula incipiente suffusione ut plurimum apparentia non præcesserint: ita neque ego ambigendum censeo, cum nullus peculiaris præcesserit oculorum affectus, nulla inæqualitas appareat in cornea neque lumen sit omnino ob-

tenebratum, quæ tunica corneæ, araneæ, aut nervi optici affectum proprium indicare valeant: cumque causæ externæ adeo validæ fuerint, ut celerem humorum confluxum ad oculos excitare potuerint, qui illico crassitiem aliquam adepti non difficili negotio liberam cum spirituum expansionem, tum specierum receptionem impedire apti fuerunt.

Humores autem qui ad oculos confluxere, me quoque iudice, sunt pituitosi, cum à capite calido & humido, tum à toto corpore ad partem affectam transmissi per venas potius circa oculorum tunicas diffusas, quam per nervos opticos, à quibus si pituita vitrea fuisset suscepta, fieri vix posset, quin in iisdem impacta amaurosim vel saltem amblyopiam excitasset, nec tam facile ab ipsis per tunicam araneam ad humorem albugineum, & tunicam uveam confluxisset. Causæ externæ ut & ego censeo, præcipuæ fuerunt, diuturnæ lacrymæ, continualectio, & scribendi labor diuturnus, & nocturnus, fructuum horariorum immodicus usus & variæ animi perturbationes, accedente innata oculorum imbecillitate, forsitan hæreditaria, cum & fratres serenissimi similem oculorum affectum passi fuerint. Accedit naturalis oculorum humiditas exuberans, ob quam longe facilius in hunc affectum incidere potuit. Hanc enim solam ob causam solas capras inter bruta suffusionem pati prodidit Hippocrates; quoniam caput & oculi illis sunt humidissimi. Utrum in hoc affectu vix ullum locum habere mihi persuadeo, quamquam enim nunquam conceperit spatio sexdecim annorum conjugii, semper tamen habuit menses ordinatos, nec unquam de ullâ re in mensium fluxu conquesta est. Licet enim imminui cœperint 45. at tunc anno, & subindè intermiserint 47. atas tamen hæc ut plurimum naturalem mensium suppressionem pati solet.

Utinam affectus propositi tam curatû quam cognitu faciles essent, suffusionem enim in oculo sinistro jam factam, ferè totam pupillam obducentem, albam, ac ita immobilem, ut neque vel confricatione oculi dilatetur, neque ad alterius oculi compressionem, pupillæ dilationem admittat, prorsus incurabilem esse censeo. Quippe quæ neque localibus insensibiliter digerî, neque manus operatione deponi unquam poterit; si Græcis & Arabibus scriptoribus fides adhibenda: nisi forsitan emollientium beneficio mobilitatem aliquam adipisceretur, quod Viri præclarissimi experiri poterunt. Insistendum itaque magis præservacioni oculi dextri à majori labe, cum & ipsius jam antiqui affectus sanatio difficillima nè dicam impossibilis sit futura.

Ut itaque voti compotes fieri possimus, quantum per artem licet, necessarium erit insillere diversioni materiæ fluentis ad oculos per revellentia & derivantia; exsiccacioni capitis & digestioni, vel manu factæ depositio- ni materiæ quæ jam fluxit, atque in membranulam conversâ.

Quæ præstabuntur quidem primò per repetitam purgationem totius, cum aliqua sanguinis educatione ex saphena pedis dextri. Nec displiceret inustio alterius fonticuli in dextro interno femore pro majori revulsione, prout summopere laudatur setaceum in occipite, à

viris præclarissimis alias propositum, vel saltem ulcuscula excitata retrò aures in utraque parte aperta servantur. Aliam sanguinis educationem ex venis capitis non propono, cum de nullo inflammationis principio suspicio nem subesse videam.

Peculiaris capitis expiatio debet esse accuratissima, primò quidem per masticatoria, ex *fœniculo* in primis aliquamdiu administrata ac deinde per *errhina* blanda; tandemque & validiora pro derivatione materiæ quæ ad oculos confluit. Quibus peractis, blandum aliquod decoctum triginta dies circiter præscribi poterit, exsiccandi quidem, non tamen calefaciendi vi pollens. Quod propterea confici poterit ex *radice china*, *visco quercino* & *santalis*, cum temperatis ocularibus.

Hoc enim spero fore, ut Serenissima matrona sine jecoris incommodo uti possit, præmisso quinetiam bolo ex *trochiscis viperinis* cum *succo cichorii concreto*.

Nec displiceret, ut eodem tempore comederet carnes viperarum coctas, amputatis capite & caudâ. Exsiccarent enim quam maxime & visionem conservarent. A quibus si abhorruerit, licet non sint ingrata gustui, habeat saltem in familiari usu *pulverem seu salem viperinum*, cibus inspergendum, non omisso potu jam præscripto ex *china* & *visco quercino* in aqua coctis, cum modico *euphrasie* statutisque temporibus repetita corporis purgatione per pilulas *lucis* & *aggregativas*, vel alias similes.

His internis addenda erunt externa, cum cephalica, tum ocularia. Quare pro capitis exticcatione, pulvis confici poterit ex *agario*, *cornu cervi*, *corticibus ostreorum ustis*, *ossibus sepiarum*, & *rosis exsiccatis*, capillis inspergendus, nisi prohibeatur ab ipsorum longitudine; vel saltem spongiis siccis caput frequenter exsicceatur, abstinendo ab illis, quæ caput, vel actum vel potentiam calefacere valeant. Quod oculum postea sinistrum spectat, jam incurabilem redditum, non erit abs re uti emollientibus aliquot dies; ut puta *succo malvæ*, & *altheæ* destillato oculo adhibito cum vitrea illa cucurbita perforata, quo diutius hæreat, & emolliat magis; appposito quinetiam emplastro prædicto oculo; parato ex pulpa pomi cocti, cum butyro sapius loto aqua malvæ, additis mucilagibus semin. malvæ & radicem altheæ. Quod si forte mollitiem aliquam susceperit, tunc tentanda erit ipsius depositio verno hoc tempore, die sereno, lunâ decrescente. Magis tamen insistendum erit alterius oculi præservationi, per digerentia medicamenta, primò leviora parti affectæ applicita; in quem usum fuerit radix chelidonie diligenter lota aquâ vitæ, contusa, & per colum transmissa, instillando guttatim liquamen illud in oculum. Proderit quoque tartarum ex vino generoso, intenuissimum pollinem redactum, oculo insufflatum. Aquæ fœniculi, fœnugraci & cymini cum aqua vitæ oculo adhibita, cum instrumento vitreo, vel aqua parata ex pane furfuraceo, cum fœniculo, cymino & fœnugraco pulverizato, in furno cocto, ac deinde sic calente intra duas patinas in cella vinaria, vel in alio loco frigido reposito quo vapor ille densatus in aquam vertatur; cui

addantur deinde fella animalium, primo non rapacium, deinde & rapacium. Hacque & similia ad digerendum humorem illum possunt esse accommodata, quæ licet viris præclarissimis perquam notissima esse censeam, proponere tamen debui, ut oratoris illustrissimi mandatis obtemperarem. Faxit Deus O. M. ut cedant in juvamentum Seneriff. & Augustiss. imperatrici. Horum tamen remediorum usui non juvenile facta fuit perfecta suffusio, ob quam visione prorsus deperdita administrata fuit suffusionis depositio à perito Lithotomo feliciter adeo, ut visum recuperaverit Augusta. *Benedict. Sylvatic. consil. & respons. Medic. Cent. 2.*

Suffusio incipiens

Illustrissimus Vir, post ictum vehementem capiti propè oculum inflicto, & hinc enatum tumorem, brevi tamen sanatum, rus adhuc convalescens, se contulit, ubi præter aerem humidiorum, & impuriorem illius loci, sapius etiam nocturno sese exposuit, sicque naturalem humidam capitis & oculorum intemperiem non parum adauxit. Quamobrem præteritis diebus ex improvviso sensit humorem quemdam in dexterum oculum delabi, qui objectorum distinctionem non solum eripuit, sed visionem ipsam offuscavit, valdeque confusam & nebulosam reddidit, ideoque medicum auxilium exposcit.

Momentanea ferè visionis depravatio ex sensibili destillatione, & condensatione materiæ inter tunicam uveam, & corneam, non alio quam Suffusionis nomine cum Celso & Galeno nuncupanda est, quæ tamen in fieri in hoc casu est; Etenim si absoluta foret, aut velum seu tela, aut macula, aut guttula quadam ante oculum appareret, ut vel nulla omnino esset visio: prout quando est in fieri, fumus solum vel vapor, vel nebula tantummodo cernitur.

Hæc autem fit ab humore pituitoso inter uveam & corneam condensato ex Celso; seu inter corneam, & cristallinum ex Galeno. Humor verò iste abundè generatus ab humido capitis temperamento, naturali quidem, sed ab erroribus etiam in rebus non naturalibus adaucto, non potuit in oculum natura imbecillem, postea à vehementi ictu debiliorem factum, nec in curatione, ut par erat, corroboratum, partim non delabi, qui tamen humor neque hoc suffusionis principium induxisset nisi condensationem à frigiditate oculi adeptus esset.

Ut malo huic consulamus, satisfaciendum intentionibus à Gal. propositis, dicente, quod *Oculum curare ante caput non licet, neque caput ante totum corpus*. Quare totum prius expurgandum, inde caput, tertio materia in oculo attenuanda & resolvenda, antequam suffusio ulterius progrediatur. Hypochyma enim in principio digeri potest, ubi verò diu constituerit, amplius digeri non potest. Et quamvis habeat Gal. quod promissiones medicamentorum in suffusis magnæ sunt, effectus vero aut nullus, aut valde exiguus, nihilominus hoc locum habere supponimus in Suffusione tantum perfecta & absoluta, quæ, ut inquit Paulus, immoderate coaleuit; quod dignoscitur, quia tunc exdigiti

ex digiti impressione nulla fusio oboritur. Sperandum itaque, & licet non sine dubio, agendum tamen, ut saltem sanus oculus præservetur, qui facile ob mutuum nervorum oculorum consensum, & ipse quoque affici posset.

In chirurgico itaque fonte, facta primarium viarum expiatione sanguis ad 3. vi. ex cephalica dextra educendus ad evacuationem & derivationem. Et quoniam caput copiosis humiditatibus abundat, ideo cauterium utriusque brachio inurendum pro curatione læsi oculi, & pro sani præservatione. Et si morbus interim potius augesceret, setaceum in occipite per aliquot menses conveniet. Frictiones quoque in dorso & cucurbitula sicca valde conferent.

Ex Pharmacia, exhibito medicamento ex lenit. & speciebus hieræ, desumenda præparantia ex syr. de chich. de beton. & oxymel. simplici, in decoct. cich. borag. beton. fœniculi, euphrag. & stachados, a qua præparatione purgentur humores elect. lenit. & diacatholicon. inde efficaciora præparantia usurpanda, syr. scil. comp. in eadem decoctione; Quibus succedat purgatio pilulis de trib. cum rh. barb. sine quibus, mastice. aur. & lucis.

Toto expurgato, capiti quoque incumbendum masticatoriis ex mastiche, rad. Acori, pyrethro, Zinzib. & cera paratis, gargarismi quoque convenient ex decocto origani, pulegii, calamenthi, hyssopi, beton. addito oxymel. simplici; interim alius lubrica servanda pilulis lucis, masticiis & de hiera cum agar. ad 3j.

Tandem ut corroboretur caput, parandum erit Electuarium ex conservis appropriatis, nempe rosarum, è floribus beton. e nor. roris marini, nili potius Theriaca quandoque utatur, quæ magis fortasse proderit.

Si verò hiis remediis morbus non cedat, necessario deveniendum erit ad decoctum guajaci, sassa, visci querc. sassafras & Sant. lo. rum, cum herbis appropriatis, per viginti aut triginta dies sudorem in lecto procurando: cui tamen præmitti poterit bolus ex succo cich. pulv. euphrag. fœniculi, fileris mont. & chelidon. paratus.

Post Decoctum verò uti poterit Confectio- ne aliqua, ex pulv. fœniculi, chelidonia, fileris mont. chamædryos, sassafras, & sacch. q. s. Extrinsecus idoneum erit leve lixivium ex herbis exiccantibus, paratum, quo abluatur caput & inde pulveribus exiccantibus aspergatur, additis maci, caryophyll. ladano & similibus & à stillicidio abstinere, ne fusi humores ad affectam partem copiosius irruerent.

Purgato & corroborato capite læsi oculi ratio habenda: & quidem inter plurima collyria eligerem decoctionem Anagallidis, Euphrag. fœniculi, chelidonia, in aqua fœniculi & euphragiae, in qua dissolvatur fel perdicis aut luci, à proprietate oculis valde amicum.

Si his adhibitis remediis perseveraret adhuc morbus, chirurgus relinquendus erit, dummodo tamen suffusio talis sit, ut possit tuto deponi, haut enim operatio non immerito subtilissima vocatur à Celso.

His addatur conveniens vivendi modus, adeo ut vitet aërem humidum & impurum. Alimenta sint potius assa, quam elixa, & fœni-

culo ac petroselino condita. In fine mensæ aliquod adstringens semper assumat, somnus sit mediocris, & nocturnus tantum. Exercitium moderatum & ante cibum. Alius lubrica servetur pilulis lucis & masticiis. Et alacriter vivat. *Joh. Raymond. Fortis consult. & Respons. Medic. T. 2. Cent. 1.*

Suffusio incipiens.

Excellentissimus Comes, quinquagesimum quintum annum agens, temperamenti totius calidi & humidi, hepatis calidioris, & humidioris cerebri, alearum ludo noctu & aquarum potibus maxime delectatus; præterito autumno catarrhalibus fluxionibus quibus semper obnoxius fuit, maxime divexatus est. Quare Medicinæ opem tentare coactus, præter alia extractum chinæ, additis tamen salsa, lentisco & santalis per plures dies assumpsit, cujus ope bene habere vitus fuit, usque ad Quadragesimæ initium, quo tempore visus dexteri oculi obtenebratus est, & valde impeditus in apprehendendis clare & distincte objectis visibilibus; quinimò veluti nubecula quædam ante oculos apparet quæ non solum peractæ expurgationi non cessit, sed potius aucta est. Quare consilium tuum en x e flagitat.

Visus immunitio circa objecta, Myopia dici posset, si sine ullo intercedente impedimento, & non adeo illico facta fuisset. At quoniam ex tempore incepit & quotidie magis increvit cum quadam apparente fumositatem, quæ specierum sensibilibus distantium impedit ingressum, sicut impeditur quoque obviantium spirituum ad debita loca transmissio, ideo Hypochymate seu suffusione oculum dextrum Excellentissimi Comitatus affectum esse pro certo habendum; cujus quoniam tres dantur gradus, & primus est dum nulla in pupilla, medico intente, mutatio, & à Patiente solus fumus observatur, ideo in primo gradu constitui potest. Cum vetò conditio hujus affectus sit, quod spatio mensium augeatur & increseat, ideo si ad secundum gradum accedat, non nisi per telam raram, seu cribrum objecta patienti videre concessum est, sicuti tandem ubi tertium gradum attigerit, prorsus aufertur visio, & amblyopia evadit.

Fumus autem iste apparens vere vaporosa materia non est, sed aquosa, à vasis oculi humoribus, & potissimum aqueo alimentum deferentibus, in intercapedinem inter corneam & crystallinum existentem extrusa, quæ tractu temporis à frigiditate, tum potissimum ipsius oculi, tum ambientis, & propria paulatim crassescit, sicque visionem minuit, quæ tamen tanto tempore immixta conservatur, quanto conservatur perspicuitas atque diaphaneitas in ipsa materia etiam citra ullum alium alterius materiæ accessum, unde jure merito Paulus & Oribasius suffusionem appellabat, humoris præterfusionem, inter corneam & crystallinum, & Aëtius humorum præterfusorum congelationem, quare decipi solent qui suffusiones à continuato materiæ influxu augeri credunt: ita enim exiguo tempore intumesceret, & extuberaret oculus, alique affectus à suffusione diversi exorirentur.

Nec defuit serosa materia antecedentis copia in Excellentissimo viro, cum hujus excellentiæ alia manifesta signa non desint, tum caput ejus essentialiter calida, & valde humida intumescit jamdiu laborat, tum quia in aqua potu semper deliquit & tandem quoniam à jecoris caliditate colliquante atque fundente, serositates in eodem multiplicari alias consideravimus, quas per venosum genus ad cor, deinde per arteriosum ad caput delatas, & ab oculis, tum alearum ludo accensis candelis circumstantibus, tum etiam facile in legendo, aut scribendo sese exercentibus nimirum attractas, & nutritioni ineptas, vasa ipsa in jam dictum spatium evomuerunt, & suffusionem constituerunt, quæ quando ab extrinseco influente discernitur, tunc non amplius incipientem, sed progressam esse censendum.

Summa verò prudentia statim ab Excellentissimo Adstanti fuit tentata curatio, quæ inservire quoque potuit illæsi oculi præsertim, cum facilis nimis unius cum altero sit communicatio, & rara unius, & non alterius læsio. Nec deferenda suscepta provincia, cum Excellentissimi Comitibus corpus totum & caput humiditatibus scateat, quas educere, corpusque totum, & præsertim caput exiccare nostra semper intentio fuit. Et quamvis promissiones medicamentorum in suis pluribus sint, effectus verò ut plurimum aut nullus, aut valde exiguus; attamen Hypochyma incipiens digeri posse promisit Gal. idem. Non est igitur cunctandum, sed in curatione progrediendum tum ut attenuato humore ulterius non procedat affectus, imo diminuatur, tum ut oculus sanus, aliæque corporis partes ab imminentibus malis præservetur.

Et ideo medicis intentionibus jam ab eruditissimis viis suppositis satisfaciendum; primo materiam fluentem evacuando, revellendo, ejusque generationem prohibendo, fluxam verò resolvendo, & oculos moderate calefaciendo.

Pro quibus assequendis sanguinis missio locum habere non videtur, & ideo & à Gal. & ab Avic. omissa fuit, sicut & Rhasis quæcumque sanguinis missionem prohibet, quam & nos in hoc viro Excellentissimo omittendam censuimus, sicut nullo modo omittendum cauterium in laevo brachio inurendum: nec frictiones à nuca incipientes usque ad internas partes, neque pedum lotiones. Interim totum corpus, quoad fieri potest, ab humiditatibus vindicandum. Inde caput quoque & pilulis Elleboratis, & errhinis expurgandum: oculum enim ante caput curare non licet, neque caput ante totum, ut dicebat quoque Plato in Carmide. Quod tamen solis purgantibus medicamentis nos assequi posse minimè speramus, sed Diaphoreticis & sudorem provocantibus intus, & extra opus esse pro certo habemus, alioquin & oculos & alias facile partes à redundantibus humiditatibus lædi dubio procul videbimus, ut superius innuimus. Idcirco præmissa jam dicta totius & capitis expurgatione, Decoctum sudorificum erit instituendum, nec de liquatione, & fluxione ad oculos quicquam timendum, dum liquatae humiditates ad extimas corporis

& capitis partes alliciuntur, & per sudorem expelluntur, sicque ab oculis divertuntur, & interim materia jam fluxa attenuatur, & resolvitur aut ad resolutionem paratur. Sicuti valde suspectus apud nos semper fuit Decocti liquantis usus citra sudorem fusi namque humores dum per sudorem non expelluntur, ad debiliores corporis partes irruunt, sicque præsentis affectus adaugent, novosque producant: credibile namque non est Decoctum ipsum tantum absumere posse, quantum liquat. Paretur itaque Decoctum, sed sudorificum, adeo ut totum corpus, & caput potissimum in hypocautis exudare possit, nempe ex visco querc. ligno roris mar. exigua pulpa guajaci, nec non lentisci portione, in aqua stillat. cich. atque beton. euphrag. aut chelidon. cui si placeat præmitte bolum ex extracto præscripto chinæ, aut pulverem viperinum, Peritissimi Adstantis arbitrio remittimus, de cujus recto usu plura adducere non licet.

Interim autem Ophthalmica topica externa in usum ducenda, inter quæ quoniam crocus metallorum in aqua chelidon. dissolutus à Quercetano extollitur, ideo nos tincturam ejusdem croci parari jussimus, ipso croco multo præstantiorem: cum enim crocus metallorum ex antimonio, & nitro semel calcinatis conficiatur, citra metallorum millionem non adeo operosum evadit tincturas extrahere. Verum ut facilius corneam permeare valeat ipsa tinctura, præmitti poterit suffumigium ex vino malvatico, in quo crocus & fœniculum ebullierint, reposito vino calente in vase, aut phiala vitrea oculo adaptata, ita ut fumus ab oculo eodem recipiatur: rarefaciendo enim tincturæ penetrationem non parum juvabit.

Ante sudorem & post, vinum pro mensa, ligno roris mar. & euphragia paretur medicatum. Et in reliquis congruam victus rationem à Viro Excellentissimo Adstanti præscribendam relinquimus: sicut cætera in præteritis nostris consultationibus descripta optime dirigi pro salute Illustrissimi atque Excellentissimi Comitibus & optamus, & exoramus. *Joh. Raymund. Foris Consult. & respons. Medic. T. 2. Cent. 1.*

Suffusio incipiens.

Nob. iste Adolescens temperamenti secundum totum ad calidum & siccum vergentis, calidioris jecoris, capitis humidioris, glaucos oculos à natura sortitus, libere præterea vivens; annus jam agitur cum dimidio, ex quo corpuscula quædam, seu tomos pupillæ observantes, sursum & deorsum moveri observavit, quæ modo majores quàm antea eidem apparent; nec semper ejusdem magnitudinis, sed quandoque majores, quandoque minores, si ne tamen visus imminutione, sed potius ejusdem confusione: objectorum namque visibilium visio non impeditur, nisi quantum loci occupant corpuscula ipsa, nunquam stabilia, sed ut superius diximus, in continuo motu posita. Pupilla observatur nitida, & licet non nigra, suo tamen naturali colore prædita, humiditas autem quandoque, licet raro sponte ab oculis decedit. Pejora verò timens Nob.

Nob. Juvenis de agendis consulit.

Corpuscula illa in oculis volitantia, ascendentia, & descendentia, imagines dici possent cum Gal. si perpetua non essent, sed modo adessent, modo abessent: sicuti quoniam perpetuo adsunt, idola potius eum eodem sunt appellanda. Differunt autem inter se idola & imagines ratione causarum; imagines enim à materia vaporosa ab infernis partibus ad oculos elevata proveniunt, quæ vaporosa materia, quoniam modo elevatur, modo non elevatur, ideo nec illæ continuo apparent. Idola vero fiunt à materia humorosa in oculo existente, quæ in aqueum humorem exprimitur in intercapedine inter corneam, & crystallinum, quæ postea in atomos divisa & à spiritibus se per commota & agitata, sursum & deorsum movetur, & modo majores, & modo minores apparent particula illæ humorosæ, prout quandoque elevatur quoque materia vaporosa, quæ implentur, & majores apparent, sicuti à calore, vaporibus resolutis, minores fiunt, & ad pristinum statum redeunt. Oculo autem glauco existenti & naturalem imbecillitatem habenti, ab humidiori capite justo major impertitur humiditas, sicuti a jecore & hypochondriis, fervidioribus existentibus, vaporosa quandoque communicatur materia, unde hæc mala, eoque facilius, additâ promiscua libertate vivendi.

Quod quidem symptoma nuncius suffusionis esse solet: jam enim præterfusio humoris secuta est cum Paulo, & Oribasio, unde restat quod uniantur corpuscula illa incrassentur, & ut Aetii verbis utamur, congelentur; tunc enim ad instar telæ ante pupillam velamen apparet, quod specierum visibilibus ingressum impedit, & suffusio, seu Cataracta tunc absoluta evadit.

Jure merito igitur Nob. Adolescens affectum præsentem non parvi facit, cum majora mala minetur: ideo cum hypochyma incipiens digeri posse promittat Gal. non sine spe præsentis ineunda curatio & à progressu præservatio. Et proximo verno tempore agendum, antequam corpuscula illa simul coeant: tunc enim spatium mentium visio semper tenebrosior redditur.

Et quoniam oculum curare ante caput, neque caput ante totum corpus non licet, ideo primæ viæ sunt expiandæ. Secundo totum expurgandum. Tertio caput. Quarto illud idem exiccandum, & roborandum, ut tandem materia pituitosa tenuis in oculo existens insensibiliter digeratur, habita semper caloris jecoris, & hypochondriorum ratione.

Quibus intentionibus satisfaciendum remediis Chirurgicis, Pharmaceuticis, & Dieteticis.

Et à Chirurgico desumi poterit sanguinis missio semel tantum administranda, eaque ex pede dextero, tum pro revulsione vaporum ascendentium, tum ut minus caput & oculi refrigerentur. Cauterium quoque pro nunc in laevo brachio inurendum. Frequentes sunt matutino tempore, antequam è lecto egrediatur, frictions dorsii: vespertino vero ante cœnam pedum lotiones.

Reliqua remedia ex Pharmaceutico depromenda; sic potio ex manna clarif. vel syrupus

ros. solut. cum manna poterit ventriculum exonerare, sicut cremor tart. ad semi unc. in jure cortic. citri alterato dissolutus, per quinque dies erit primum præparans, cui succedat eodem medicamento supra proposito evacuatio. Inde ad ulteriora præparantia erit deveniendum, & esse poterunt julapium quidem simplex acet. ad ℥j. in decoct. cichorac. additâ betonica, salvia, & majoranâ; in horum usu insistendum ad dies xii. in quorum intermedio sumat vel infusum agar. rhab. & senæ, addito syrupo ros. solutivo, vel electuarium lenit. cum diaphœn. cui superbibat aquam hordeaceam ad ℥j. vel, j.℥. quod idem medicamentum repetatur duodecim jam dictis terminatis diebus. Post hæc caput quoque erit respiciendum, tum præparantibus, tum expurgantibus; præparantia sunt oxyn. el simpl. ad ℥ij. cui superbibat succi beton. & euphrag. an. ℥j. in decoct. cich. endiv. melissæ, calend. beton. salviæ, euphrag. chelidon. & quinque transactis diebus assumat pilularum aggregat. coch. & aurearum an. ℥℥. quibus, transactâ horâ, superbibat aquam hordeac. ad ℥ij. & quatuor horis ab assumptâ aqua prandeat. Repetat deinde tribus sequentibus diebus eadem præparantia, & inde pilulas aggregat. cochias, & lucis eadem dosi, ita & tertiâ vice interpositis, ut supra, præparantibus. Quibus præparantium diebus omnibus, masticatoria ex usu matutino tempore erunt, ex mastiche, pulvere staphisagr. pyrethri, fœniculi, & cerâ paratâ. Errhina namque si ve nasaria non valde ab Hyppoc. probantur.

Purgatum caput esset quoquo pacto exiccandum: Verum pro hac vice faciliora proponemus: quibus tamen non sufficientibus, mox ad generosiora, & magis operosa alio tempore esset deveniendum. Fiant ergo quotidianæ aspersiones & manè, & vespere, pulveribus capitalibus exiccantibus, paratis ex carie lignorum, cornu cerviusto, radice iridis florent. ultis orizis ros. rub. major. & caryophyll. in aqua rosac. prius maceratis, deinde exiccatis & in pulverem redactis. Post pectinationem perfricetur caput spongia vino albo imbutâ mox expressâ & exiceat, in quo infusa fuerint, & efferbuerint lignum sassafras, rorismarini, radix rhodia, radix fœnicul. majoran. salvia. Sub ingressum lecti summo digito medio quinta essentia rorismarini intincto illiniatur sutura coronalis, & sumat conservam, modò è floribus rorismarini, modò beton. modo euphragiæ.

Tandem ophthalmica quoque externa sunt adhibenda, & esse poterit aqua B. M. destillata ex succis euphrag. chelidon. fœniculi, prassii, vino malvat. & mell. additis bovis, & lucii felibus, cum volatiliis hoc tempore haberi non possint; quâ aqua tepida jejunio ventriculo pluries sunt oculi abluendi; & ut facilius corneam penetrare valeat, præmitti poterit suffumigium ex vino malvatico, in quo ebullierit globulus croci & fœniculi pusillus, per phialam oculis adaptatam recipiendum. Ophthalmico jam dicto feliciori cum successu ego sum usus, quam cerebri illo Quercetani ex croco metallorum & aqua chelidon. parato.

Jam dictis omnibus cautior erit addenda victus ratio, adeo ut caveat Nob. Juvenis, ab aëris inclementiis, ab eduliis vaporosis, tum

frigidis, tum nimis calidis; & præsertim ab usu lactis, lactucæ, apii, leguminum; à crassis & viscidis; à vinis generosioribus. Fugiat somnum diurnum, pariter exercitium à cibo; veneris immoderatum usum; & alacriter vivat, sed citra comestationes, & compotationes. Quæ à Deo Nob. Adolescenti salutaria precamur. *Joan. Raymond. Fortis Consult. & Respons. Medic. tom. 2. Cent. 1.*

Vir triginta quinque annorum, chymicis operationibus apud fornaces ardentes incumbere solitus, post visus defectum in sinistro oculo, cum nubeculis ante illum volare visis, & majore obscuritate postea insecuta, passum & setonem cervici frustra adhibitum; aliaque remedia, quæ humorum ad oculos defluxum inhibent, incassum usurpata; tandem, incrassata in oculo pellula, & albida in pupilla apparente, in cæcitatem istius oculi incidit. Dum verò etiam in dextro oculo similem visus defectum, cum nubeculis, & filamentis ante illum volantibus, observat. Dextro oculo connivente, dilatatur pupilla oculi sinistri qui ex cæcatus est.

Afficiuntur in hoc ægro, oculus sinister secundum pupillam, ut ad oculum patet, & dexter oculus secundum humorem aqueum; ut constat ex nubeculis, ante oculum dextrum per visus fallaciam volare apparentibus.

Morbus quo sinister oculus laborat est obstructio pupillæ, à pellicula albicante in ejus cavitate nata, quæ radios rerum visibilium à sinistri oculi retina excludens, cæcitatemque eo inducens, Cataracta confirmata dicitur. Morbus verò qui dextrum oculum afficit, est intemperies humoris aquei crassa, quæ particulas quasdam opacas in eo dispergens, & volare faciens, nubecularumque volitantium imagines in retina, & deinde in cerebro excitans. Cataracta incipiens, sive suffusio appellatur.

Causa procataractica horum morborum est diutina apud fornaces ardentes mora, quæ pori vasorum & membranarum nimis aperti fuerunt, & humores in capite, & præsertim oculis, incrassati; iique in vasis eorum existentes, antecedentem his morbis præbuerunt causam: illi verò in aqueum utriusque oculi humorem ex iis affusi, & primum in parvas quasdam obscuras & opacas nubeculas coagulati, & deinde in sinistri oculi pupilla in membranam coacti, continentem hujus morbi & symptomatum constituunt causam.

A nubeculis enim in aqueo humore natantibus, & ex motu oculi in eo dispersis & volitantibus, excluduntur à retina multi rerum visibilium radii, atque ita integram inducit istius oculi cæcitatem.

Periculum hic est, nè in sinistro oculo non tantum panniculus sive pellicula in pupilla sit nata, sed etiam ne humor crystallinus, vel vitreus opacitatem contraxerit, atque ita nulla chirurgiâ per membranæ ablationem hic morbus curari possit. Verum dilatatio pupillæ oculi cæci spem sanationis præbet. Et deinde metus est, nè etiam in dextro oculo humores oculares tandem opaci evadant, vel pellicula opaca in pupilla tandem nascatur atque ita cæcitatem etiam dextri oculi inducat.

Curatio tamen tentanda, quæ consistet in

pelliculæ ablatione, nubecularum discussione, humorum ocularum attenuatione, & intemperiei oculi correctione.

Primo itaque ac si à perito chirurgo, in oculum finitrum prope extremitatem tunicæ adnatæ, adacta, pellicula à pupilla separetur, & deprimatur, ac vulnusculum cum maxima corporis, & oculi quiete, consolidetur.

Eo consolidato curatio incipientis suffusionis dextri oculi est inchoanda. Ac primò tales pilulæ erunt præscribendæ.

℞. Fol. senæ ʒss. sem. fœniculi ʒij. aq. chelidonæ, euphrasæ, verbenæ, an. q. s. Post levem ebullitionem infundantur per noctem; postea colaturæ eousque decoquatur, donec in spissam extracti formam fuerit redacta: atque adde aloës rosatæ ʒij. rabarbari opt. ʒij. β. turbith. ʒj. sem. rutæ, fœniculi an. ʒss. cubebæ. macis an. ʒj. mastiches ʒij. scammonii ʒss. f. massa pilularum; de qua capiat bis terve in septimana ʒ. dimidiam, vel duos scrupulos, mane jejunos.

Præterea corpore aliquoties purgato, utatur hac aqua stillatitiâ, cerebrum, nervos, & oculos corroborante, humoresque oculares attenuante, mane cochlear unum quotidie bibendo.

℞. Herbarum fœniculi, rutæ, euphrasæ, verbenæ, chelidonæ an. m. j. summit. rorismarini, salviæ, flor. rosar. an. p. j. baccar. juniperi ʒvj. lauri ʒss. piperis, garyophyllor. an. ʒj. cinnamomi ʒij. β. ligni aloës ʒss. sem. fœniculi ʒij. fileris montani ʒj. rutæ ʒss. infundantur in vino generoso, & distillantur. Adhæc utatur hoc linimento.

℞. Pellis carpionum, mellis, succi chelidonæ an. ʒss. coquantur parum, donec inspissentur, iisque adde tuthiæ dragm. j. camphoræ ʒss. axungie thymali piscis ʒss. f. linimentum pro palpebris extrinsecus sub lecti ingressum ungendis.

*Versetur in aëre calido. Cibus sit ex carnibus gallinarum, vervecum, & aviculis montanis. Caveat nimis humectantia. Condiatur cibus serpillo, fœniculo, betonica, salvia, majorana, pulegio, cinnamomo; Potus sit cerevisia, & vinum mediocrium virium. Exercitium sit moderatum, somnus brevior. Alvus respondeat quotidie arte vel natura. Mœstitiam fugiat. *Henricus Regius apud Theodor. Craanen. Medication. lib. 1.**

Observationes.

Retulit mihi Medicus quidam ingeniosus, se in *Hollandia* vidisse mulierem quandam, verà suffusione laborantem, ex consilio cujusdam empirici succo millepedum brevi sanatam; incipiendo scilicet à tribus pro vice, augendo in dies usque ad ix. tum iterum gradatim numerum diminuendo usque ad 3. & rursus augendo ut ante, & sic vicissim.

Alia item mulier ab imminente, & minitante suffusione ejusdem medicamenti ope prorsus liberata est. Contundebat quidem illa primum 5. millepedes, postea 10. tum 15. dein 20. (quotidie augendo numerum per quinque, donec ventum fuerat ad 50) in vino albo vel tenui cerevisia, fortemque expressionem jejuno ventriculo

culo bibebat. Honoratissimus D. Robertus Boyle in nunquam satis laudato libro de utilitate naturalis philosophiæ cap. 5. sect. 5. part. 2.

Cataractæ metus.

Ante 10. Menses fere oculis meis simulachra telarum araneorum instar observata, visus verò Dei gratiâ adhuc, licet nullus dies sine quærela transigatur, dum hæc scribo, tam acutus est, ut nec atomus fugiat eum, & splendidissimam lucem citra omnem ferunt laborem oculi, universum corpus sæpius evacuavi ut & caput pilulis cephalicis mundavi, interdum quoque ad sudorem eliciendum me composui, fonticulum in sinistro brachio & jam per 19. menses habui, vesicatoria quoque, errorem in diæta angue & cane peius vitavi, nihilominus adhuc dum hæc spectra ante oculos fluitare, & varias juxta oculorum nutum inducere formas, perseverant. Periculosam prognosin mecum instituo, & nè tandem aliquando, quod tamen cœlestis avertat archiater, suffusio succedat, paveo hercle: licet clariss. Plempio à pueritia, Platero & ipsi ægro apud Carolum Pisonem talia citra notabilem noxam oculis fuerint observata, & ipse in hac praxi meâ vidi virum, cui quasi rete ante oculos expansum per quod objecta videret, verum jam citra ullam querelam acute cernit, nihilominus tamen ego mihi vereor, quare à te implorem auxilium. Joan. Ludovici Hannemanni.

Th. Bartholini ad D. Hannemannum Responsio.

Dolendi causam subministras, sed telis araneorum, ut spero, fragiliorem. Times scilicet à suffusione, quod simulachra quædam instar telarum araneorum ante oculos observentur. Sed noli metuere. Secutum te à suffusione esse jubeo vel meo exemplo. Triginta & amplius anni effluerunt, cum primum Patavii hæc spectra metum quoque mihi injicerent, ut consilii gratiâ ad senem Medicum Joan. Dm. Salerni, in praxi meum ibidem ducem, accedens pro remediis solatium reportarem, plus hæc terrere quam nocere: ego certe ex illo tempore sprevi ista simulachra, quæ pro aëris humidi vel calidi conditione, vel augentur, vel minuantur, nullo visus impedimento, quem tibi quoque integrum & acutum superesse lætor. Cæterum sedulo ex illo tempore cavi à lucubrationibus, à quibus mihi tempero, ut post cœnam ad lucernam nunquam vel legam, vel scribam. Præterea pulveri tabaci magnam partem clarioris visus refero acceptam, derivantur per nares oculorum humiditates offuscantes visum: quo remedii genere plures sublevavi. Vel sola tabaci folia in pulvisculum comminuo, vel addo majoranam, euphrasiam, agaricum trochiscatum & sem. fœniculi. Alia medicamenta ad suffusionem præcavendam tibi commendare nolo, ne noctuas Athenas. Ipse quæ es experientiâ, plura & scis, & rectè singulis uti novisti. Axungiam viperinam laudatam vidimus in Miscellaneis curiosis Germanorum, quam etiam amicus quidam meus expertus nuper est, quem idem metus tecum terret. Simplex

aqua ophthalmica ex vino albo rhenano, in quo infusa fuere fœniculum, bethonica, ruta, euphrasia, chelidonium majus, farfara, triticum, laudabatur mihi Patavii ex Bellocati traditione. Non dubito, quin corpore quotannis rite expurgato, servataque decenti victus ratione, & à lucubrationibus abstinentia, posthac simulachra ista tecum discas spernere, quod ex animo precor, ut diutissimè salvis oculis his perfruaris.

Cataractæ depositio.

Idem Lithotomus & ocularius Laurentius Nicolai non semel magna dexteritate Cataractas labente anno deposuit. Unius depositioni interfuit, me in prædio absente filius, Casparus Bartholinus, cujus in hanc rem literas ad me scriptas non pigebit hic subnectere, modo non pigeat lectorem legisse.

Pater charissime.

Adfui die 19. Januarii cum Dn. D. Simone Pauli, D. Henrico à Moinichen & D. Casparo Kollichen. Viro cuidam natione Gallo, annorum vix quadraginta, cui reliqua membra de meliore luto inxerat Titan, cæterum in sinistro oculo suffusionem patiebatur quam summa cum dexteritate deponi vidimus à Laurentio Nicolai Cimbro, artis quam profitetur haud infelici magistro. Oculo sinistro opposuerat se hæc suffusio, ex pituitosi, ut videbatur, humoris in spatium quod est inter corneam tunicam, & crystallinum, affusione, quanquam Galenus lib. 1. de sympt. Caus. cap. 2. ab ipsius humoris aquei condensatione fieri interdum suffusionem doceat. Veram & legitimam suffusionem hanc atque à spuria distinctam esse nemo dubitabat, quippe quæ omnes veræ suffusionis habuit notas. 1. Alterum tantum oculum occupabat, quod veræ suffusioni proprium aiunt, unum tantum oculum aggredienti, aut si utrumque, non tamen simul aut similiter, sicut in spuria accidit. 2. In legitima suffusione tenebrosus quiddam in pupilla apparet, quod in spuria non contingit. Unde Vegetius lib. 11. Artis veterinariæ cap. 16. cum accedit suffusio oculus videtur in columnis nullis lacrymis, nullo sanguine, nulla indignatione prodit injuriam, sed uno tantum declaratur judicio, quod cum pupilla ipsius imaginem tuam tanquam in speculo videre non potes. 3. In vera suffusione symptomata sunt continua, nec ulla sunt intervalla, in spuria vero per vices augentur, & remittunt, prout vapores ad cerebrum efferuntur. Quas notas nostram, de qua scribo, suffusionem habuisse vidimus. Quanquam autem Plinius lib. 28. Hist. Natural. cap. 1. Milerum scripsisse ait, oculorum suffusiones felle hominis sanari, huic tamen usitatum atque præsens nostris temporibus remedium adhibitum fuit, solâ depositione per acûs seu styli immisionem. Hic siue jurejurando sed efficacius oculos tetigit alienos ocularius, secus quam veteres, qui oculos juraturi olim tangebant, teste Petronio Ovidius lib. 11. Amor. El. 16.

At mihi te comitem jurabas usque futuram

Per me, perque oculos, sidera nostra, tuos
Sic & Tibullus lib. 3. El. 6.

Et si perque suos fallax juravit ocellos

Cur id factum, ex parente discere vellem,

quem scio in Anatome Paganâ olim rem hanc pertractasse accuratius. Sed Vulcani invidiâ tantus labor periit. Si balbutientem me audire velis, Minervam hoc more coluisse, & ad testimonium vocasse veteres suspicor. Oculos quidem Cupidini Veneris filio, in quibus excubet ceu specula quadam, tribuit *Philostatus*: rectius tamen minervæ eos sacrosuisse Paganis tradit *Fulgenius*. Unde Minervam cæcis oculis, ut pulcherrimis, finxerunt poëtæ. *Hesiodo* in operibus vocatur *Θια γλαυκῶπις Ἀθήνη*: Dea cæcia Minerva & alibi de Deorum generatione, idem *Ascræus*.

Αὐτὸς δ' ἐκ κεφαλῆς γλαυκῶπιδ' ἔσπευγεν.
ipse vero (Jupiter) ex capite (peperit) cæcis oculis *Trilogentiam*.

Neque id injuriæ Minervæ enim oculi debebantur, quibus nihil pretiosius aut utilius est. Hinc oculis digni habiti non sunt venetici, & malefici. Exurebantur enim istis *Plant.* *Menech.* A. 5. sect. 2. Ecc. Apollo mihi ex oraculo imperat ut ego illi oculos exuram lampadibus ardentibus. Imò malignis eruti, apud eundem *Plantum* in captiv. A. 2. Sect. 4. Nam hercle ego huic diei si liceat oculos effodiam libens, ita malignitate oneravit omnes mortales mihi. Deus tibi, parens indulgentissime, tuos diutissime conservet. Vale. *Hafniae filius obsequens.* *Cass. Bartholinus.*

Suffusionis initium Fonticulo in brachio excitato evanescens: & oculi vigore eodem in nucha facto, restitutus.

Chirurgo cuidam hujus urbis ante oculos muscæ & culices observari videbantur, hicque fontanellam facit in sinistro brachio; hujus beneficio visus naturali claritati restitutus, muscæque obvolantes evanuerunt.

Alius quidam puer rustici filius in Hollandia ex pago Barchinhusen, omnimodo oculorum imbecillitate laborans, ita ut lucem agre ferret; hic primo in nucha habuit fonticulum sine successu, tandem consolidata rursus fontanella in nucha, unum in brachio, alterum in pede ipsi fecerunt fonticulum, hinc optime jam habet, acutè cernit, splendidissimam lucem oculi admittunt. *Joan. Ludovicus Hannemannus.*

CATARRHUS.

Catarrhus vox est vastissimæ significationis, quâ scilicet designari potest omnis affluxus materiæ, è quacumque demum parte procedat, & cuicunque illabatur, quo sensu plerique morbi catarrhorum decuriæ adscribendi sunt. Inflammationes nempe & dolores intensiores, omnes surditates, ophthalmiæ, cæcitates, anginæ, pleuritides, erysipelata, herpes, arthritis, tussis, imò lassitudo spontanea, scorbutus &c. Verum non hic in fusillima illa acceptione, quæ omnem humorum incurSIONem, ut nec è contra etiam strictissimâ illâ, quæ defluxionem tantum in os vel pulmones denotat: At media significatione, pro destillatione scilicet quæ à capite aut à glandulis ipsi proxime

accumbentibus, in quamlibet partem subjectam ruit, sumitur, estque ut vulgò definitur *præternaturalis humoris supervacanei è capite in partes infernas prolapsio*.

In consideratione *Partis affectæ* videndum quam sit *pars mittens*, quam *pars recipiens*, seu terminus à quo, & terminus ad quem catarrhi; terminus à quo & pars mandans, est cerebrum pituitosi excrementi præcipua officina, seu potius glandulæ omnes in capite, ac etiam infra caput sitæ, parotides nimirum, maxillares, salivares variæ, tracheales, aliæque per fauces œsophagum, ventriculum &c. spar sæ, quæ cum munus sit succum in parca quantitate pro variis usibus, aut pro sanguinis purificationes fecernere, quandoque propter affluxum majorem, quam ejus cursum & impetum moderari queant, aut propter fermentum in iisdem vitiatum sanguinemque appellentem totum quasi in serum fundens, per filtra hæc non tantum transfundat quod transfundare non debebat, sed etiam varie infectum, saliumque spiculis varie exaltatis ac fuscis humor extillans imbutus in partes vicinas ac subjectas excurrit, plurimum malorum causa futurus. Terminus ad quem, seu pars recipiens, sunt partes illæ omnes in quibus defluxio illa decumbit, quæ si fuerint nares internæ Coryza, si gurgulio Staphyle, si tonsillæ Amygdalæ, si partes tonsillis proximæ Parathyroidea, si fauces Branchus, &c. dicetur.

Causa materialis est lymphæ, nunc insipida, nunc acida, salsa, ac acris, aliquando etiam corrupta & tota substantia peccans, ut in catarrho contagioso ac maligno. Abundantius separatur hæc lymphæ, in quæ varios acrimoniæ gradus elevatur, tum quia jam sanguis ea quasi inundatus fuit, unde qua data porta ruit, ac præcipue per glandulas cerebrumque glandularum omnium nobilissimam, tanquam per propria sua secernicula viam sibi in partes vicinas ac subjectas facit. Jam autem cum cerebrum illam separavit, non quidem per glandulam pituitariam aliasque vias à veteribus effectas intramandatur, sed tum per ossis cribriformis foramina sensibilia; tum per jugulares venas quæ illam à vasis lymphaticis in cerebri sinus sese exonerantibus, excipiunt, aliundeque etiam exugunt, ad cor, sanguinis quasi primam scatiginem & fontem deducendam, atque per ejusdem circuitus, varias in partes deportandam ac deponendam; tum etiam per nervorum tubulos succo nervæo admista undequaque deferuntur, sicque non parum & vires, & membrorum motus, & viscerum functiones, interturbat; imò siquidem quæ per has vias exudat lymphæ, penetrantissima est censenda, (quo scilicet tam minutos subire possit poros) sale ad fluorem magis evectoro proculdubio imprægnatam esse credendum, unâ etiam atrociorum dolorum ac cruciatuum erit autor. Quæ verò in aliis omnibus memoratis glandulis cumulat lymphæ, tum per earundem membranas transfundat, quod rarum est, tum præcipue per varios canaliculos excretorios aliosque inde assurgentes, effluit. Copiosa etiam quandoque separatur lymphæ in glandulis, propter fermentum aliquod peregrinum in ipsis existens, cujus maligna vi sanguis non tantum in serum funditur, sed etiam eidem sero tanta acrimonia imprimatur, quæ variis

valis torturis anſam præbeat. Sed præterea illa acrimonia vel ab aëre, vel a cibis, vel à calore ſanguinem non tantum fundente, at etiam ſalia in ipſo innidulantia exaltante, generabitur, imo etiam in ſanguinem induci poterit analogum quid mercurio, quod ſerilibus etiam mitioribus adjunctum in corroſivum quid exaltetur, affluxumque ad caput faciat non abſimilem illi unde ſalivatio in lue venerea arectis ex inuncto mercurio oritur. Tandem ab ictu in partes glanduloſas capitis, frigore que tum extus admiſſo, tum etiam intus ex longiore in loco algido mora, ſuſcepto, dum illic turgent glandularum fibræ, hic verò conſtringuntur, pori earum, ſeu potius ſubſtantia vasculola, non parum arctantur, unde ſanguini per alteras appellenti cum liber non concedatur com meatus, illius tenuior pars, ſerum ſcilicet per arteriolarum ultimos ramuſculos percolabitur in ea ſpatia in quæ nec vena nec vaſa lymphatica hiant, ſic que è circulationis viis excedens partes vicinas inundatione moleſta affliget. Catarrhis autem cur quidam homines ſint una giſ quàm alii obnoxii, quamvis nec in diata nec in omnibus rebus non naturalibus ullatenus peccent; vel à debiliore ſanguine ſeroque multo facilè coagulabili, unde glandulæ ita obſtruantur ut ſucci poſtea advenientes ac viam ſatis patulam non reperientes, exundare cogantur. Vel etiam à laxiori glandularum compage qua plus excipi t ſeri, quàm per vaſa de ſe auſurgentia tranſmittere poſſit. Vel ab hæreditariò aliquo malo fermento eaſdè glandulas inquinante & inſiciente. Adde hiſce omnibus calvariam denſiorem & inconfutam, pravam capitis conformationem ac illaudabilem magnitudinem aut parvitatem, anticæ ſen poſticæ ipſius projecturæ defectum, pineatam ac turbinatam ejuldem figuram, unde cerebrum ut plurimum aliquid patitur &c.

Differt inter ſe catarrhi non tantum ſecundum varias quas affligunt partes unde ſcilicet coryza, Bronchus, Catarrhus ſuffocativus, Catarrhi ſtomachi &c. ſed etiam in eo quod alius ſit jam conſiſtens, alius in motu, quod alius ſit frigidus, alius calidus, alius ſubdulcis; alius ſalius, imo etiam amarus, alius ſuffocativus qui tanta vi in pulmones irrupit ut ſubitè ſuffocationis metum merito inveniatur, alius denique contagioſus.

Signa Diagnostica per ſe ſatis patent. *Prognostica* verò ex ubertate ac natura materiæ deciduæ, partiumque in quas irrupit præſtantia petenda veniunt. Nam ut rectè Cellus, *humorem in nares ſtillare leve eſt, in fauces pejus, in pulmonem peſſimum*; in genere tamen multo potius eſt humorem pituitolum in cerebro aggeſſum extra ejuldem conceptacula amandari quàm in ipſis concludi, tunc enim vel Apoplexiæ vel Attectionis Soporoforum materiam præberet. I ueri catarrhis quidem ſunt obnoxii ſed facile ſanantur; Senes autem non modo iſdem opportuni vivunt, ſed etiam ab hiſce vix liberantur. Catarrhus cephalalgicæ junctus ægre ſaneſcit; qui verò à præcordiorum æſtu elevatur, non prius curatur quàm hæc refrigerint. Catarrho cujus cauſa in cerebro proprie ſedet febris ſuperveniens, eaque in dubito, & morbo analago gradu medetur, fluxionis enim materiam digerit; unde

Hippocrates, *Minus hi qui ex capite gravedine laborant, ſi febre corripiantur, recidiva ſunt.* De Catarrho eorum qui in agonem à variis morbis deducti ſunt, quique mortis indefinenter adventuræ ſignum certiffimum eſt, hic nihil addimus, quia ejus funeſtiſſima prognofis etiam mulierculis eſt nota.

Catarrhi Curationem ac indicationes curativas quod attinet, vide ſi placet de iis fuſiffime diſſerentem Conradum Victorem [Schneiderum] libro ſuo de Catarrhis quinto: ubi ſeſtione prima, de Catarrhorum Diata ſeptem capitibus; ſeſtione verò ſecunda de ſpeciali cura Catarrhorum, quatuor capitibus, totidem catarrhorum ſpeciebus, ex ipſius diſtinctione, Coriza ſcilicet Catarrho membranæ pituitariæ poſterioris Brancho, ſeu Catarrho gutturis, ac Catarrho ſuffocativo reſpondentibus accuratiſſimè agit. Huc verò jam *Curationes, Conſultationes, Observationes ac Anatomicas inſpectiones ex aliis variis* adducemus.

Curationes

In omnibus catharris & defluxionibus tum prohibendis, tum etiam caput ab iſdem præſervandis prodeſt aqua ſerpilli cum vino deſtillata, ejulque particula quotidie ſumpta dos, cochl. j. ij. pro ratione agri, illa ſic fit.

℞. Serpillum cum flore matutino tempore ante exortum ſolis decreſcente lunâ collectum, inde in particulas minimas ſuperfuſo vino generoſo albo in ſole aliquandiu, poſtea per alembicum deſtilla in B.

Prodeſt vinum medicatum ſequens.

℞. Rad. caryophyll. ℥vj. rad. acori ℥iiij. pulv. ſambuc. miſſ. ſol. majoran. m. j. vini ℔xvj. exhibeantur pro potu communi.

Catharrhum quemvis ſiſtit ſacculus ex ſuccino & ſp. vini paratus de quo ſupra in apoplexia. Hujus itaque uſus eſt magni momenti in catarrho ſuffocativo. It. ex chamæpithy pulveriſato ol. ſuccini aſperſo

Catarrhos tenues delabentes ad partes interiores, præſertim pectus, feliciter ſiſtit laudanum opiatum, ſub ingreſſum lecti exhibitum.

Præſentiſſimum in catarrho remedium extat in amuleto radicis verbaſci virginis, hoc eſt, quod per eam aſtatem non floruit, quando colligendum eſt. Colligitur autem in die veneris (ex hiſ in ultima veneris die optime lunâ decreſcente) ante exortum ſolis à 15. auguſt. uſque ad 8. ſept. lunâ decreſcente: poſtea radix purificata exſiccatur in loco umbroſo. Ejus particula in auro ligata, & collo poſtea appenſa mirifice contra omnes catarrhos quæleſcunque corporis præſervat. Fœminis non prodeſt, conceptum impedit, quandiu geſtatur, qui eâ remotâ reſtituitur. Vide Dodonæum, Radix quò rectior, eò melior in parvâ quantitate.

Catarrhus ſuffocativus.

Inter fluxiones, quæ à capite ad partes ſubjectas ſunt, nulla periculoſior illa quæ ad pectus & cor fit, adeò interdum vehemens, ut hominem ſubito è medio tollat. Unde huic ſtatim occurrendum abſque omni mora. Hinc medicus vocatus, ſtatim præſente magna ſanguini

nis abundantia, præmisso clystere forti, eo-que reddito venam secet, fumum in cubiculo excitet è mastiche, thure, succino per vices, & acet. rosaceum super lapidem ignitum effundat.

Capiti rasis capillis applicet emplastrum sequens.

℞. Emplastri contra rupturam ℥i℥. gummi ammoniaci ℥℥. mastichis, succini ana. ℥j. myrtillorum ℥℥. m. simul & F. Emplastrum rotundum, futuræ coronali applicandum.

Nares inungat Balsamo succini, & ut æger sedeat in lecto, imperet. Exhibeat deinde syr-
rupum ex aqua benedicta, & paulo post acet. theriacale vel scilliticum destillatum cum radice iridis Florentinæ. Accipitur sc. ℥℥j. acet. scilli-
cici, pulveris rad. ireos Florentinæ ℥ij. simul per alembicum ad siccitatem destillando, im-
posito rostro alembici nodulo ex radice dictamn. Accipiat item Boli atmeni loti in aqua rosarum ℥ij. cum syrupo de rosis siccis & pulvere dia-
tragacanthi frig. ad ℥℥. sequens item gargarisma in usum vocetur.

℞. Syrup. papaveris, diamor. an. ℥ij. vi-
ni granatorum ℥℥. aq. plantaginis, scabiosæ an. ℥j. M.

Hinc ad materiam concoquentia apozema-
ta, syrupos, magisteria & Electuaria confu-
giendum.

Materia cocta repurganda tum iis, quæ sen-
tinam in toto corpore respiciunt, tum iis quæ
caput ab humore liberant, qualia errhina,
sternutatoria, apophlegmatismi, gargarismi.
Palmam inter hæc obtinet nigella Romana, si
subtilissimè pulverisata cum aq. majoranæ è vola-
manis in nares attrahitur: imo hæc sæpius odo-
rata proprietate occulta confert in quavis de-
stillatione capitis.

Quæ caput confortant, sunt vel electuaria, vel
conservæ florum anthos, stoechados, rosarum
vel cum pulvere diamoschi dulcis, oxymelle
scillitico, & oleo nucis moschatæ mixta, aut
rotul. cum speciebus dictis, & cum ol. succini
& saccharo in aq. fl. sambuc. soluto, quibus
addi potest flor. sulphur. ℥j. vel altera. Possunt
quoque ad præcavendum fluxum humorum su-
bitaneum in ore noctu præsertim inter dor-
miendum tempore stultitiationis detineri orbicu-
li sequentes.

℞. Spicæ nardi ℥j. mastich. ℥ij. sacch. ℥i℥. cum
syrup. de ros. siccis F. orbiculi, similes lupinis.

Exterius admoveantur sacculi vel pileoli ca-
piti, qui recipiunt ea, quæ caput roborant, &
materiam exsiccant.

℞. Flor. melissæ, majoranæ, betonicæ,
summit. origani an. m ℥. nuc. moschatæ, caryo-
phyll. Benzoin. ana ℥ij. croci, macis an. ℥i℥.
thur. mastich. an. ℥ij. rosar. rubr. p. ij. in pul-
verem grossum redacta serico rubro includantur
ac insuantur. F. pileolus.

Aut si æger hoc medicamentum recuset,
pulvis syncipiti inspergatur è mastiche, thure,
succino, gallia moschata. Excipiatur linteo,
quo caput tegatur; lintenum sæpius perfume-
tur, & capiti applicetur.

Vel ℞. Mastichis olibani an. ℥ij. thymi,
benzoin. an. ℥j. succini ℥℥. Tacamahacæ q. f.
ad incorporandum. F. Trochisci profumo.

Profunt & hic poma odorifera ac balsamus

apoplecticus naribus illitus.

Quod si medicamentis dictis non cedat catar-
rhus, parti capitis anteriori tonsæ vesicatorium
admoveatur, vesica rumpatur, & per diem
unum & alterum aperta servetur, tandem con-
solidetur; non neglectis interim, quæ ad ca-
tarrhum exterminandum faciunt medicamentis.
Alii candens ferrum, vel cauterium potentia-
le applicant, ubi digitorum maximus desinit,
capitis p. rti anteriori passa manu ejus radice
seu pollice extrema nasi radici admoto *Joh.
Harthm. in Praxi chymiat.*

Hujus affectus curatio duplex instituenda
est, una quæ frigidum catarrhum, alia quæ ca-
lidum respiciat.

Tota catarrhi frigidi curatio in eo consistit,
ut materia peccans præparetur & evacuetur,
& si ad pectus, aliamve partem influat, revel-
latur, illiusque motus inhibeatur, tandemque
intemperies cerebri corrigatur.

Primo itaque si materia copiosa sit, aut ni-
mio impetu ruat, & metus sit ne à reliquo
etiam corpore affluat, præsertim si hepar sit
calidum, (contingit enim non raro, ut catar-
rhis obnoxii habeant cerebrum frigidum, &
hepar calidum) sanguis mittendus est, sed
parciori manu. Si vero materia sit pauca, &
lente moveatur; ætas vero senilis, aut tempe-
rumentum hepatis minime calidum, unde nul-
la sit suspicio humorem aliunde cerebro sup-
peditari, venæ sectio omitenda est.

Materia vero peccans primum imminuenda
est, porione aut pilulis, vel alio quovis me-
dicamento purgante, & his quæ in frigida ce-
rebri intemperie fuerunt proposita.

Mox reliquæ humoris præparandæ apoze-
mate dicto loco descripto; aut si nimia humo-
ris exagitatio non metuatur apozema purgans
poterit institui.

Ac tandem pilulis fortioribus; aut alio ca-
thartico integra purgatio erit absolvenda.

Si catharrus admodum contumax fuerit, ad
vomitoria confugiendum est quæ illius mate-
riam potenter eradicant.

Colocynthis ad cerebrum potenter expur-
gandum efficacissima est, sed lummo amarore in-
tensa est, vehemensque est illius operatio.
Corrigatur utrumque infusione in urina, sic
enim amaritudinem deponit & ferè insipidum
remedium evadit, tum vehementia illius infrin-
gitur, ut ad ℥j. tuto exhiberi valeat, sitque
excellens ad morbos à causa frigida oriundos
remedium.

Interdum verò contingit, ut humores ex-
crementitii à partibus interioribus ad cere-
brum sublatis, catarrhum efficiant. Motum au-
tem illum præternaturalem nanciscuntur ob-
structis meatibus ordinariis, per quos humo-
res illi expurgari solebant. Et tunc temporis
opportunissimè curatur catarrhus apertione
viarum, tum etiam blandâ, miti, & continuâ
purgatione, quia humores sic ad partes
inferiores deturbantur, insque motus contra-
rius sensim conciliatur.

Hujusmodi autem purgationes blandæ fieri
possunt per decocta, vel juscula ad multos dies
usurpata. Interim tamen roborantia medica-
menta non erunt omitenda.

Ad revulsionem vero admovebuntur cucur-
bitulæ

bitulæ & vesicatorium scapulis & cervici; tum etiam cauteria occipiti vel brachio. Zacutus Lusitanus *lib. 2. Praxis ad miranda Observat.* 160. Cauterium retro aures, tanquam præstantissimum, ad omnes destillationes à capite manantes, remedium plurimum commendat. Et nos in fluxionibus, oculorum præsertim, laudabiles effectus vidimus. Errhina, sternutatoria, apophlegmatismi & mastichatoria erunt usurpanda; eâ tamen adhibita cautione, ut quando catarrhus in fauces, pulmones aut ventriculum decumbit, errhina, & sternutatoria tantum usurpentur; quando vero in oculos & nares intluit, masticatoria & apophlegmatismi.

Horum omnium formulæ capite prædicto fuerunt propositæ. In his tamen advertendum, quando materia tenuitatis cujusdam particeps est, ne fortius resolventia usurpentur: his enim humoris impetus ad pectus, & pulmonem aliasque partes adaugeri potest, sed nonnulla incrassantia, aut humoris impetum conibentia erunt admiscenda, ut rosæ rubræ, mastiche, coriandum, nux moschata, aliaque in catarrho calido fufius proponenda. In hunc sensum errhinum in sequentem modum componi poterit.

℞. Aquæ majoranæ ℥i℥. succi betonicæ ℥j. sem. nigellæ pulverat. ℥℥. nuc. moschat. ℥j. nat. errhinum. Pro ditioribus addi poterunt moschi, & ambre griseæ, an. gr. ij.

Vel ℞. Ligni guajaci limati ℥j. aquæ puræ lb. infundantur per noctem supra cineres calidos, deinde coquantur ad mediæ partis consumpt. addendo sub finem majoran. & rosarum rubr. an. p. ij.

Sic etiam masticatorium, subtenui existente materia, vel fiet ex mastiche sola, vel in hunc modum.

℞. Nucis mosch. ℥j. mastiches, gummi arabici, an. ℥℥. redigantur in pulverem & cum aqua rosar. fiant trochisci masticatorii.

Præstans sternutatorium componitur ex helbori nigri, & sacchari partibus æqualibus, quod cerebrum potenter expurgat.

Extractum nicotianæ cum aqua vitæ paratum linguæ impositum, ad pisi magnitudinem magnam pituitæ copiam instar apophlegmatismi per os edueit. Verum si nimia copia usurpetur aut si in ventriculum effluere sinatur, vomitum excitat etiam vehementem.

Supra dictum est cauteria brachiis, occipiti, & pone aures inusta plurimum conferre, quod etiam efficaciter præstant posteriori parti cervicis, & inter scupulas admota quæ hodie in maximo usu sunt, & à Practicis nostris passim usurpantur. Novus etiam locus à quibusdam inventus est nempe in cervice prope venas jugulares, in musculorum insertio, & hujus cauterii beneficio catarrhus inveteratus raucedinem efficiens in duobus curatus est.

Tandem post convenientes evacuationes, cerebrum roborantia & exsiccantia tam interna quam externa, erunt utilissima, ut opiata, pulveres, cucufæ, suffitus, prout in curatione frigida intemperiei cerebri descripta fuerunt.

Notandum autem est opiata prædicta, aut aliis similibus, in catarrhi curatione conservam rosarum, nucem moschatam & thus album uti-

liter admisceri.

Decoctum ligni lentiscini in modum decocti sudorifici usurpatum, cerebrum exsiccatur, & fluxionem cohibet.

Præterea sequentes morsuli ad hunc usum sunt utilissimi.

℞. Sem. coriandri præparati ℥℥. nucis mosch. thuris an. ℥. iij. glycyrrhizæ, mastiches, an. ℥. ij. cubebar. ℥. j. conserv. rosar. rub. ℥. j. sacchari albi in aqua rosar. dissoluti ℥x. Fiat confectio in rotulis pond. ℥. iij. capiat unam mane & vespere.

Trochisci sequentes valde commendantur à Solenandro *Conf. 10. sect. 4.* quos ab Antiquis tum Græcis, tum Arabibus mutuatur.

℞. Thuris masculi, succi liquiritiæ an. ℥. j. opii, croci, myrrhæ an. ℥. j. cum syrupo papau. forma trochiscos, vel pilulas urgente catarrho exhibendas per intervalla, dosis erit ℥ij. vel, ℥℥.

Tabellæ sequentes etiamnum usui esse poterunt.

℞. Pulver. electuar. diambri & diamoschi dulcis an. ℥. j. succini albi ℥. j. ol. anisi gutt. iij. sacchari in aqua lavendulæ dissoluti ℥. iv. Fiant tabellæ pond. ℥. ij. capiat unam mane & sero.

Inter remedia interna, capite de intemperie frigida cerebri descripta, summæ est efficaciz ad catarrhi inveterati curationem, balsamum cephalicum ibidem post opiata descriptum, quod intus assumi poterit, & in narium cavitates immitti.

Lac sulphuris, & flores ejusdem ad catarrhum exsiccandum maxime laudantur à Chymiatris, tum etiam Galenici in tubellis flores sapissime usurpant.

In recenti Catarrho aqua nucum cum hydromelite exhibita horâ somni per triduum, eum valde imminuit.

Ad cohibendum catarrhum utiliter admoveatur sincipiti raso cataplasma ex fermenti ℥. ij. & carabes ℥. ij. compositum. Si vero æger caput radere noluerit supra ipsum capillitium aliqua ex parte detonsum, sacculus ex chamæpit. & carabe conflatus apponi poterit.

Præter suffitus prædictos, qui ex gummi Tamahaca fit, summæ est efficaciz, catarrhum enim exsiccatur ejusque motum cohibet; neque vehemens est illius odor, ita ut conclave agrotantis eo sine molestia perfundi valeat.

Commodissimum est etiam caput exsiccare sacculis ex furfure, milio, sale, foliis salviæ, betonicæ, stoécados, sem. fœniculi, anisi & similibus.

Denique si affectus sit contumax, omnia convenient remedia quæ pro frigida cerebri intemperiei curatione fuerunt proposita.

Calidus catarrhus curatur remediis materiam peccantem evacuantibus, incrassantibus, & revellentibus, tum etiam partium mandantium & recipientium intemperiem corrigentibus.

In hunc finem primo phlebotomia instituenda est, si cetera consentiant, quâ humor fluens revellitur, ejusque acrimonia temperatur.

Deinde humoris ejusdem portio educenda est, blando cathartico, quod humores nullo modo commoveat in hunc aut similem modum.

℞. Rha-

℞. Rabarb. electi ℥iv. myrobalan. citrinor. ol. amygdal. dulc. 3℔. fantali citrini 3℔. Infundantur in aqua lactucae & portulacae. in expressione dissolve manna granat. & syrup. rosar. solut. an. 3j. Fiat potio.

Vel loco aquarum predictarum potest fieri decoctio ex herbis refrigerantibus, & tamarindis, cui purgantia praedicta permisceantur.

Deinde humor alterandus & incrassandus est julepis convenientibus.

℞. Fol. lactuc. portulac. & plantag. an. m. j. sem. quatuor frigid. mai. & papav. albi an. 3.ij. flor. violar. nymphae & papaveris rhoeados, an. p. j. coquantur ad f℔. j. in colat. dissolve syrupi violac. & rosac. siccar. ana. 3j. ℔. Fiat julep. pro tribus dosibus bis in die sumendis.

Vel loco decocti, aqua stillatitia praedictarum herbarum, vel emulsionem quatuor sem. frigidorum mai. substitui poterunt.

Deinde purgatio paulo fortior usurpanda, addendo purgantibus praedictis sennam, catholicum, diaprunum & similia.

Leve ac blandum remedium incrassans, humorisque acrimoniam demulcens, desumitur ex vitellis ovorum recentium, quorum duo in uncis quinque vel sex aqua fontis dissolvantur, binario numero, addendo sacchari albi 3j. coquantur parum sine ebullitione, semper movendo, & capiat calide quantum ferre poterit, mane & sero per triduum.

Actandem majori humorum incrassationi, & fluxus cohibitioni incumbendum est quod fiet syrupo sequenti.

℞. Syrupi violac. & de ros. siccis ana. 3j. syrupi de papavere. 3℔. detur ex cochleari 3j. hora somni.

In eundem finem usurpari poterit opiata sequens.

℞. Conserva rosar. antiqua 3. vi. pulveris electuar. diatrag. frig. 3. ij. boli armeni loti in aqua rosar. 3. ij. cum syrupo rosar. siccarum, fiat opiata; capiat ad magnitudinem avellanae hora somni.

Hordeatum sequens utilissimum etiam est.

℞. Hord. mundat. q. s. maceretur per horas vi. postea coquatur perfecte, & trahatur. Deinde accipe amygd. dulc. excort. 3. iij. sem. cucurbitae mundat. 3. j. ℔. sem. melon. 3j. papav. albi lactuc. an. 3℔. contusis omnibus cum aqua hord. eliciatur lac. quod cum f℔. ij. pulpae hord. permixtum coquatur parum, addendo sacchari portionem. Bibat 3. x. aliquot matutinis super dormiendo, & nonnunquam in introitu lecti. Tum etiam trochisci sequentes in ore frequenter erunt detinendi.

℞. Gummi tragacanthi & Arabici, an. 3. ij. boli armen. terra sigillat. lotor. in aqua rosac. an. 3. j. sem. papav. albi, succi liquiritiae, an. 3℔. sacchari penidiat 3. j. cum mucilag. sem. cydon. extract. cum aqua rosar. fiant orbiculi parvi, quos diu noctuque in ore detineat.

Spiritus sulphuris, & vitrioli ad gutt. iij. vel iv. exhibitus mane, & sero cum liquore idoneo, contra omnes fluxiones magnas vires habet; praesertim vero eas quae a calida viscerum intemperie ducunt originem. Potest etiam in minori dosi potui permisceri, quia cum eo venas omnes pervadit, & motum humorum cohibet.

CrySTALLUM etiam minerale ad eundem usum julepis, aliisque remediis admisceri potest. His nihil pronicientibus necessitas cogit, uti narcoticis, inter quae principatum obtinet laudanum opiatum ad gr. iv. vel v. hora somni exhibendum. Vel syrupi de papau. 3℔. vel 3. j. exhiberi poterit. Haec ab initio morbi usurpata miranda praestant. Eandem habet vim theriaca recens ad 3. j. vel 3℔. noctu exhibita.

Benedictus Faventinus sequentibus pilulis usus est in catarrho falso, felicissimo cum successu.

℞. Succu glycyrrhizae 3. ij. aloës lotae 3. j. pilul. de cynoglossa 3℔. cum syrup. violac. nat. massa pilularum de qua capiat 3j. hora somni: trochisci Solenandri supra descripti erunt etiam utilissimi.

Huic usui etiam maximè conferre potest diacodium album, in curatione phrenit. descriptum.

Interim revellenda est materia fluens per clysteres cucurbit. frictiones & ligaturas extremorum, omniumque potentissimè per vesicatoria, posteriori cervicis parti admota ac denique cauterium occipitio, vel brachio, si catharrus sit diuturnus.

Ad caput etiam roborandum, fluxionem retinendam, ejusque reliquias absumendas conveniunt pulveres, cucurbae, & emplastra.

℞. Succini albi, sandarac. gumm. Arab. mastiches, benioini, nucis moschatae, an. 3j. thuris gran. kermes, & rosar. rubrar. an. 3℔. santalor. omnium myrtill. & balauft. an. 3. ij. fiat pulvis, qui inspergatur capiti hora somni, mane pettine decutiendus.

℞. Gummi juniperi 3. ij. rosar. rubrar. p. ij. myrtill. 3j. macis, nucis moschat. an. 3. j. thuris, sem. proniae, cortic. papav. an. 3. ij. nuc. cupress. 3. ℔. pulverulentur, & cum floccis panni coccinei, ac sindone rubra fiat cucuta interpuncta perpetuo gestanda.

℞. Mastiches, cortic. thuris, an. 3℔. sandaracae, coralli rubri, rosar. rubrar. myrtill. balauft. cortic. granat. an. 3. j. laudani 3. ij. cerae, & olei ros. cei q. s. nat. emplastrum, applic. iuxtae coronali.

Quia vero huiusmodi catarrhus a calida plerumque hepatis intemperie ducit originem, ideo remedia quae illius intemperiem emendant, erunt etiam usurpanda.

Denique hoc imprimis notatu dignissimum est, quod etiamnum supra in catharri frigidi curatione propositum est; quod nimirum non raro humores excrementitii, a partibus inferioribus ad cerebrum sublatis, catharros efficiunt, & motum acquirant praeter naturalem, obstructis meatibus ordinariis, per quos expurgari solebant. Et tunc temporis opportune curatur catharrus apertione viarum; si utique blanda & continua purgatione per juscula aut talia decocta, ad multos dies instituta. *Lazarus Riverius Prax. Medic. lib. j. cap. 15.*

In ipsa catharri cura observandum, ut lympham aut nimis copiosa evacuetur, aut eadem vitiosa corrigatur: serum salum & acidum per contraria temperando (id quod vulgo vocant catharrum tenue esse incrassandum) eandem vero lympham crassam vel nutrimento partibus in mucilaginem degenerato impraegnata tandem

tandem attenuando, incidendo & resolvendo (ubi tamen observetur, modo pars affecta sit restituta) sponte hæc rejicitur.

Porro si quis subest partis & glandularum, aut obstructarum, aut alio modo lassarum, vitium, istud corrigatur, & quidem imprimis, si sit à læsione externa, per convenientia externa istud corrigatur, & restituatur; si autem sit à causa interna stomachi nempe vitio, & huic sequente totius massæ sanguineæ corruptela, in specie ab acrimonia salsa, hæc ipsa emendetur. Nimirum uti rectè monet Schneiderus materiæ, causæ, & loci ratio sedulo in cura catarrhorum habenda.

Remedia ea quæ hic convenient, videntur.

1. Esse evacuantia: verum evacuantia quæ per alvum evacuant, minus commoda sunt, quando potius feliciori & promptiori successu lymphæ augmentum per urinam, & etiam hinc per sudorem evertitur. Talia ergo ex salibus volatilibus v. gr. succini, C. C. item ex lignis sudoriferis; in specie ex ligno sassafras erunt optima. Interim tamen, ubi catarrhus fuerit contumacior, aut idem ex stomachi vitio dependeat, vel etiam corpus impurum offendat, subinde necesse est ad purgantia progredi, imò ubi contumacior fuerit catarrhus, etiam ad vomitoria properandum suadet Riverius in sua praxi, id quod confirmat per experientiam in cent. 2. observ. 90, ibi enim refert catarrhum in pulmones cum aspera tussi defluentem, cum insequenti gravi dolore capitis, qui tandem curatus fuit per vomitum, per masticationem foliorum tabaci procuratum.

2. In catarrhis sæpius recurrentibus v. gr. in senibus aut similibus semper ante novilunia, aut evacuantia appropriata, aut à catarrhis alias præservantia, ulurpanda, quæ inter eminent succinata & post hæc myrrha & sperma ceti, de quo postmodum.

3. Si quæ alia in catarrhis à lymphæ nimia acrimonia conveniunt, sanè opiate erunt optima. Unde à veteribus in tali casu, nempe uti vocant, in catarrho tenui pilulæ de cynoglossa ex narcoticis dispositæ, fuerunt in usu.

Hæ ipsæ tamen pilulæ, quia ex crudis nimis, minusque præparatis narcoticis sunt compositæ, v. gr. ex opio, Hyoscyamo crudo, & similibus, ob id in desuetudinem ferè abierunt, utut in Belgio adhuc usurpentur.

His opiatibus optime catarrhus nocturnus evertitur & præcavetur. Sed tamen sola vix usurpanda; verum uti jam alias monui, appropriatis semper mista. v. gr. succinatis, cephalicis, & similibus, quæ lympham corrigere, & blanda diaphoresi & diuresi ejus augmentum avertere possunt.

Decantat admodum horum opiatorum usum Helmont. in catarrhis & similibus affectibus in tr. Jus duumviratus, §. 62. 64. & 65. & inter alia scilicet prædicat ægrum, cujus auxiliator Medicus sciat lethalia à papavere separare, retento auxilio excitatore potestatis in duumviratu. Salutarem præterea opiatorum usum confirmat quotidiana experientia. Imprimis ex modernorum consuetudine frequenter iis fuit usus Riverius qui cent. 3. observ. 5. observat catarrhum contumacem cum raucedine cu-

ratum per iij. grana laudani opiatum assumpta; item in eadem cent. 3. observ. 69. refert, catarrhum diuturnum cum tussi per duplicem usum granorum trium laudani opiatum curatum. Et eadem cent. observat. 74. Catarrhum ferinum cum variis febrium complicationibus, præsertim per laudanum opiatum curatum observat. Assumuntur talia opiate imprimis tempore vespertino sub introitum lecti, uti alias est consuetum.

4. *Chirurgia* in catarrhorum cura fileat, nisi in iis corporibus ubi catarrhi fere sunt incorrigibiles, uti sunt admodum contumaces, aut sæpius recidivantes, aut ubi sunt similes affectus vitio lymphæ exorti admodum contumaces: tunc enim deceptivum & palliativum fonticulorum remedium interdum est adhibendum. Hæc enim voluntaria ulcera palliative tantum his affectibus medentur, productum nempe morbosum aliquantisper eliminant, causas vero ipsas relinquunt. & cum vitioso latice utilem alimentitium succum in pus corruptum simul emungunt: ubi tamen à priori catarrhorum contumacia semper occurrere nequit Medicus, per fonticulum, à posteriori ejus ferociam non nihil mitigare intendat, subtrahendo scilicet laticem & cruorem in parva quidem sed continua quantitate, & ita imminuendo naturam catarrhalem, horum insultus mitiores reddit: per se enim totum cauterium, facti inde fonticuli excitatio tantummodo in cruoris & laticis minutâ quidem sed continuâ exhaustionem consistit, adeoque palliative tantum proprie convenit; per accidens vero & à posteriori ac palliative etiam iis confert affectibus qui à sordibus quibusdam vitio primæ digestionis aut vitio læsæ in sanguine fermentationis, aut vitio corrupti seri in massa sanguinea, enascuntur, ita ut labe illæ à priori propter subiecti ineptitudinem, v. gr. vel ob senium, aut in mulieribus propter menses deficientes, aut propter characterem hæreditarium sunt incorrigibiles.

In talibus ergo casibus una cum sanguine laudabili evacuat simul id quod est nocivum, & etiam, quia excrementitium omne per se naturæ hostile ab œconomia vitali est præscriptum, propterea istud facile, imò facilius quam utiles succi separatur, & ita per fonticulos excernitur: sicut fit interdum ab ipsa natura, dum eadem hinc inde spontanea excitat ulcera, quæ sanata per artem corpori non leve inferunt incommodum, sin vero denuo aperiantur, corporis œconomia denuo fit quieta. Egregium hujus rei exemplum habet *Scultetus in observationibus Chirurgicis observat. 55. & 57.* & sane id quod Scultetus hic observavit in ulceribus spontaneis, interdum etiam in fonticulis intempestive oclusis observatum fuit.

5. Quoad venæ-sectionem negotium hoc per se locum non invenit. Sin verò subjectum sit plethoricum & consueta sanguinis evacuatio suppressa &c. quibus & aliis similibus occasionibus intenduntur symptomata catarrhum vel constituentia, vel consequentia, consulta est ven. sect. observando revulsionum & aversionum regulas. Quin etiam cum confestim nimis fit decubitus catarrhalis in quadam parte, ad impetum istum refrænandum, ven. sect. in loco opposito secundum

dum revulsionem & aversionem instituta, subinde solet in praxi admodum esse proficua.

Post opiata, remedia vel sudorifica, quæ partes eluunt, earundem sordes mediante sero commodo abstergunt, ac serum ipsum simul minuunt: vel aromatica, vel balsamica quæ tam ipsum corrigunt & emendant, quam partes solidas roborant, sunt utilissima in paroxysmis catarrhalibus. Hæc ipsa enim indicationibus supra factis maximam partem satisfaciunt.

Quod ergo attinet remedia in affectibus catarrhalibus usitata, iisque appropriata ea sunt primario serpillum quod est singulare catarrhale, quodque ut dicit Lindanus, simul corrigit stomachum, & ita antecedentes causas removet. Satureia, thymus, majorana, mentha, hyssopus; Item flor. betonica, flor. salvia, flor. anthos, lavendula, liliorum convallium, radices caryophyllata, aristolochia rotunda, helenii, lignum assafras, lignum lentiscinum, lignum juniperinum, lignum guajacicum & similia ligna, quæ communia decocta sudorifera ingrediuntur. Quin & bacca juniperi, macis, acorus verus & adulterinus, zedoaria, cinnamomum & similia usitatissime usurpantur.

Hæc inter primatum obtinet lignum assafras nobilissimum, præ omnibus ad catarrhos remedium, adeo ut etiam à Brunero in suis consiliis pro omnium catarrhorum vocetur alexipharmacum: odorem & saporem habet aromaticum adeoque vim monstrat corrigendi, & alterandi acrimoniam lymphæ, tam acidam quam salsam, prætereaque eandem nimis copiosam una per urinam, aut per sudores evacuandi. Unde decoctum ligni assafras egregium est remedium ad sistendos & curandos catarrhos, vel etiam exinde fit ess. vel tinct. assafras Mynsichti quam habet in armamentario ad omnes affectus catarrhales convenientissima.

Pertinet huc etiam ess. ligni assafras D. Michael. quam alias etiam vocavit ess. catarrhalem, quæ extrahitur cum spiritu serpilli. Nam serpillum & ipsum est commendatissima planta ad catarrhos, & ab omnibus laudatur. Modus præparandi spiritum serpilli pro extrahenda ess. ligni assafras est hic. Nempe recipiuntur summitates serpilli campestris recentes, eæque collectæ ante solis ortum, ita ut rore nocturno adhuc madeant, his affunditur vinum malvaticum q. s. ut 3. præter propter digitos emineat: digeruntur in arena per 14. dies & noctes, hinc destillantur per balneum: liquor destillatus affunditur recentibus serpilli summitatibus eodem modo collectis, denique ut antea digeruntur, & destillantur, idque quò fit sapius, eo aqua fit efficacior, & magis spirituosâ evadit. Tandem hæc aqua spirituosâ seu spiritus serpilli affunditur rasurâ ligni assafras: digeruntur in loco calido, donec menstruum ligno assafras imprægnatum egregie rubescat: Hinc decantatur & ad usum reservatur: dosis prout vel magis, vel minus spirituosâ fiet aqua serpilli, ad gutt. 50. vel 60. aut si debilius fuerit menstruum cochlear 1. potest propinari, idque mane, in meridie, & vespere, vel etiam urgente necessitate quocunque tempore. Valet admodum in omni catarrho, præservat ab apo-

plexia, & insigniter conducit affectibus similibus. In catarrho scorbutico miscetur hæc tinct. sive essent. ligni assafras cum essent. pini balsamica, & sic fit egregium remedium contra catarrhum scorbuticum, imprimis si simul imminet paralytis notha scorbutica.

Loco decocti ligni assafras subinde etiam aliorum lignorum decocta fructuose usurpantur, sicuti videre est in observationibus Lotichii, admodum fructuosus decoctorum lignorum usus in affectibus catarrhalibus. Item Gabelchoo in obs. singulis catarrhosis decoctum chinae summo cum fructu præscribit.

Alii non sine ratione commendant decoctum ligni lentiscini, ex quo destillat mastiche. Cum ergo mastiche sit singulare anti-catarrhale, non dubium est lignum lentiscinum, & ipsum æque esse appropriatum, atque lignum assafras ad curandos catarrhos. Pertinet huc decoctum catarrhale Mynsichti, quod ex similibus paratur. Item vina medicata ex infusione aut decoctione istorum simplicium vegetabilium, quæ inter primarium est vinum Paracelsi, quod pro basi agnoscit radicem caryophyllatâ & acori aquatici: cuius descriptionem habet Hartmannus in praxi chymiatrica cap. 21. §. 2. Nam Paracelsus radicem acori aquatici, & caryophyllatâ singulariter commendat ad roborandum caput, & ad præservandum à quibuscunque defluxionibus catarrhalibus. Lindanus insigniter commendat hoc vinum catarrhale, quod ipsum etiam non est inelegans.

℞. Ligni assafras rasi ℥ij. radic. caryophyllatâ ℥j. herb. rorismarini recentis ℥ss. infundantur, in mensuras ij. vini, coquantur vase clauso in balneo maris horis 8. deinde removeatur ab igne, ut refrigescat, & vinum hoc colatum bibendum. Dicit Lindanus, sibi expertissimum esse hoc vinum, & magnarum virtutum in curandis catarrhis, cum & ventriculo succurrat, sanguinem emendet, & in specie lymphæ vitia egregie corrigat. Alias non minus quam lignum assafras, Cortex tamarisci ad curam catarrhorum laudari solet: si scilicet huius ℥vj. coquantur in aquæ simplicis mensuris vi. ad absorptionem dimidiæ partis: hoc enim decoctum potum admodum laudatur ad quamcunque lymphæ abundantiam, indeque ortos affectus catarrhales quoscunque; unde fere posset vinum medicatum ex formula Lindani præscribi hoc modo.

℞. Ligni guajaci, corticis tamarisci ana ℥iij. ligni rhodii, assafras gummosi ana ℥ij. herbæ absinth. vulgaris m j. scolopend. eupator. menthæ, hyssopi ana m ss. radicis helenii, centauri majoris, zedoariæ, cinnamomi ana ℥j. affundantur menturæ 4. vini, stent in infusione, & de infuso sumatur semper hauritus per horam 1. vel 2. ante pastum. Huiusmodi vina medicata usurpantur imprimis in catarrhis ex vitio interno enatis, imprimis stomachi & massæ sanguineæ; qui fiunt à causis externis, facilius ab externis curantur. Facit huc etiam vinum Adriani Papæ ad catarrhos alias commendatissimum.

℞. Myrobalanorum omnium siccatorum an. ℥ij ss. cinnamomi ℥j. caryophyllorum, galangæ, cubebæ, cardamom. granorum paradisi, nucis moschatæ an. ℥ss. rosarum rubrarum siccæ-

ficcatarum 3 i β. flor. anthos. contusa misceantur ad aliquot mensuras vini & infusum exinde bibatur.

Præter dicta vegetabilia & hæcenus recensita etiam alias sunt egregia ess. lignorum composita, item tinct. corall. sassafrata, sive cum spiritu ligni sassafras parata, item ess. florum anthos, ess. salvia, ess. serpilli, præ cæteris ess. succini, de qua postmodum. Species serpilli, liliorum convallium, cerasorum nigrorum & similia.

De succino modo dixi: si quid aliud certè succinum est appropriatissimum pro catarrhis remedium, sive præparatū solito modo usurpetur, sive cum aqua spirituosā serpilli præparetur. Sic enim fit succinum catarrhale. Imprimis sal vol. ejus est expertissimum catarrhale, quò vix reperitur melius, & omnia ex succino parata.

Quo facit liquor cornu cervi succinatus factus verbi gratia ex lb β. spirit. C. C. bene rectificati, & proprio sale volat. imprægnati, cui adduntur sal. volat. succini probe ab oleo proprio liberati 3 iij. Hæc mista per reiterata cohobia ununtur in liquorem, quò vocatur liquor C. C. succinatus, qui est egregium catarrhale, cujus gutt. 20. vel 30. assumi possunt: alias egregium est antepilepticum, imprimis infantibus exhibitus.

Quin imò ess. succini parata cum spiritu vini rectificatissimo (nisi enim fuerit probe rectificatus, extrahit nihil ex succino) est appropriatum remedium ad quæcunque vitia lymphæ ad gutt. 20. vel 25. plus minus prout magis vel minus est spirituosā, propinata.

Post succinum est myrrha, & parata ex myrrha ess. salutis. Myrrha ad aliquot grana data interne conducit ad catarrhos sive ess. cum spiritu vini tartarifato parata, miro usu est proficua. Loco succini sunt, qui & mastichen, olibanum, & thus usurpant internè & externè felici cum successu: quin & olea destillata vel cum saccharo, in Elæo-sacchara redacta, v. g. ol. majoranæ, ol. succini, ol. rorismarini, quin & balsamus sulphuris anisatus: ad aliquot gr. si fuerit Elæo saccharum: vel guttas aliquot, si adhuc olea usurpata interne admodum conducunt in catarrhis. Posthæc est sperma ceti, & ipsum singularissimum remedium contra catarrhos, modo habeatur recens & non rancidum. Hoc namque & corrigit acrimoniam lymphæ catarrhalis, & simul lympham crassam & viscidam incidit, resolvit, & ad expectorationem disponit: & sic utrique scopo mire convenit. Formulas dedi ubi de tussi, ex olibano, thure, succino, laud. opiato. &c. nam his sulphureis subjectis optimè permiscetur laudanum opiatum.

Faciunt huc pilulæ Montagnanæ ad catarrhos curandos & sistendos egregiæ, compositio hæc est.

℞. Myrrhæ, storacis calamitæ, croci ana ʒj. opii gr. xiv.

Cum syrupo rosarum. Fiant pilulæ majores, de quibus 3. aut 5. accipiantur duabus horis post assumptam cænam. Quin & ipsum sulphur ex eoque præparati flores non sunt ultimi in curandis catarrhis: si vel soli flores usurpentur ad ʒj. vel cum aliis misceantur, imprimis cum succino: aut si ex his cum extracto enulæ cam-

panæ fiant pilulæ catarrhales, quas insigniter commendat Rhumelius in jatro-chymia, benzoe etiam convenit: ratione opii sæpius decantati interdum assumitur theriaca recens; recens dico, in qua vis opii fermentando non est nimis infracta: assumitur vel sola, vel additur ipsi aliquid de bolo armena.

Dixi superius, interdum opus esse pergere ad purgantia; quæ semper admiscenda appropriatis catarrhalibus. Unde mass. pilul. de succino Cratonis fere primatum obtinet, sunt blandæ aromaticæ, & senibus possunt præscribi commodè. Modus præscribendi est hic.

℞. Mass. pilul. de succino Cratonis ʒj. extract. absynthii ʒβ. Scammonii sulphurati gr. j. resinæ jalapæ gr. iv. vel v. (in catarrho à lymphæ acri, & tenui) si sit crassus; potius detur, extracti trochisc. alhand. gr. 2. cum f. q. ol. succini F. pilulæ catarrhales pro 1. dos.

In affectibus senum etiam valent imminuta dosi stimuli. Alias etiam jalapa ordinario usui præscribitur ad ʒj. Hac utitur Riverius mista cum mercurio dulci, ita ut ad purgandos catarrhosos recipiat mercurii dulcis gr. xx. radicis jalap. gr. 8. vel 10. uti videre potestis cent. 3. observ. 28. 41. 46. ubi utitur hoc pulvere pro purgante catarrhali, idque imprimis, uti dixi, in catarrho tenui: in catarrho vero spisso seu ubi adest mucilago crassa colocynthis convenit, si ve extractum ex trochiscis sive correctæ. Correctio optima fit, quod obiter moneo, per terram foliatam tartari, vel sal. tartari.

Porrò mistum gummi de Peru sive resinæ gummi guttæ ad gr. vii. ad x. specificum dicitur purgans catarrhosorum.

Poterius in suis curationibus in usum habet propinare decoctum Melanagogum cum ligno sassafras. Confirmare hoc videtur Penotus de medicamentis, qui dicit, quod perfecta cura catarrhorum consistat in helleboro nigro mense Octobri collecto. Et credo quòd helleborina multum valeant, modò virulentia laxativa corrigatur.

Pilulæ aloë phanginæ & alias notæ sunt in his casibus.

Hæc de internis.

Quod attinet medicamenta externa applicanda locis & glandulis catarrhos fuidentibus vicinis; hæ ipsæ glandulæ, quoniam nempe in capite aut circa caput partesque ipsi vicinas sunt consistæ aut locatæ: Hinc fit, ut remedia contra catarrhos capiti aut vicinis locis applicentur, nunc naribus, nunc vertici, nunc temporibus &c. nunc ut melius penetrent, sub formâ suffitus, imprimis ubi aspera arteria & fauces nimis laborant. Hæc inter externa primatum obtinet oleum succini, si aliquot ejus guttæ vertici illinantur mirum est quantum faciat ad præservandum & curandum catarrhum, imprimis si adsit simul gravitas capitis aut lethargus, aut torpor sensum. Juxta oleum succini oleum mastichis, item oleum majoranæ usurpantur. Oleum destillatum C. C. est potentissimum vertici & temporibus illitum, modo ejusdem fætor non sit adeò gravis: alias cum hoc ol. sit turgidum sal vol. esset summum remedium.

Ulterius applicatur emplastrum de betonica, emplastrum pro bregmate usitatum, item

emplastrum de tacamachaca, quæ omnia malaxantur commodè cum oleo succini destillato verbi gratia.

℞. Emplastr. de betonica usitati, gummi tacamachacæ an. q. s. malaxentur C. S. Q. olei destillati succini inducatur super alutam, & obducatur syndone rubra in forma orbis medii. F. emplastr. capit. applicand.

Pertinet ad externa etiam fumus tabaci sive nicotianæ haustus, qui sane est egregium experimentum contra catarrhos, quod omnibus hunc in finem debet esse commendatum omnibus scopis satisfacit fumus tabaci haustus. Nam sal ejus vol. admodum acre corrigit aciditatem lymphæ catarrhalis: eodem sale vol. lympham crassam & viscidam incidit & fluxilem facit, quin & læsiones partium à causa externa vitio aëris vitiosa facta lymphæ corrigit & imprimis ratione sui ol. narcotici, quo opiatorum vires æmulatur, insigniter conducit ad motus catarrhales feroces sistendos, prætereaque salivam copiosam eliciendo augmentum lymphæ nimium corrigit. Si huic nicotianæ usitatae alias admisceatur semen anisi in catarrho ad bronchia & pulmones defluo vel addantur pulveres succini aut pulvis cardamomi, fit remedium eo magis appropriatum. Certi sitis quod in affectibus catarrhalibus vix habeatur par remedium fumo Tabaci, omnibus enim satisfacit scopis. Nec metus est, quod denigret cerebrum; hoc enim vana est persuasio. Utut hoc verum sit, quod ejus nimius usus vitiat pulmones, eos aridos, squalidos & flaccidos reddat, simulque variis maculis tingat. Vid. experimentum hujus rei in *Observationibus Thoneri*.

Hæc de Catarrhis veris.

Monenda adhuc sunt, quæ habet Lindanus de catarrhis quasi nothis, dum dicit; Nocturne sæpe evenit (sunt verba Lindani,) ut surgentes mane homines sentiant dolores, præsertim in scapulis, in lumbis, aliisve locis. Statim inquit, hoc refertur ad catarrhos, ubi tamen duo sunt consideranda. Primum non esse semper in catarrho vitium, sed sæpissime à statu (de hoc tamen dubito) præsertim iis in locis, ubi muscoli se invicem contingunt. Nam nocturno corpus nostrum valde perspirabile fit sub lecto, adeo ut natura tunc soleat liberaliter per habitum corporis se evacuare. Jam si manus, vel alia pars extra lectum jaceat denudata, concluditur iste insensilis expiratus, qui exiturus erat, & sic dolorem ibidem facit. Interdum etiam fit, ut solummodo sub forma flatulentia ibidem hæreat. Uterque dolor satis molestus est, is qui à flatu est vagus, qui agitari ac subinde recrudesce videtur. Si ibi hæreat liquor, fixus est dolor & continuus interdum per aliquot dies.

In his catarrhis quasi nothis quoad curam cavendum est ab omnibus oleosis.

Hæc enim inuncta crustam quasi inducunt cuti, poros que adstringunt sive implent. Emplastra itidem hic nocent. In tali causa nihil potestis habere melius quam gummi tacamachacæ mar. baln. solutum in vino, atque extensum super elutam & applicatum parti dolenti.

si non benè hæreat, addi debet tantillum terebinthinæ, hæc enim conciliat firmam adhesionem.

Hoc emplastrum applicatum egregie resolvit istas humiditates, id quod patet ex eo, ut quod plurimum membra sub emplastro sudant, cum hoc gummi tacamach. interdum conjungere licet gummi Carannæ, hujus recipiendo partem unam ad alias partes, ij. dum duo ista gummata imposita optimè resolvunt flatus etiam crassos, aut etiam materiam tenuem. Quod si eveniat, ut applicatis hisce cutis tollatur in pustulas, eæque factæ ejusmodi applicatione gummarum; (hoc enim interdum quibusdam contingit) tunc potius præstanda est cura per tincturas sive essentias spiritu vini extractas, & ita inunctas: infundimus scilicet ea, quæ habent potentem facultatem incidendi, attenuandi, calefaciendi, & coquendi, ita ut in eam rem sumantur, v. gr. semina 4. calida minora, item semen erucæ, allii, sinapi, albi, piper longum, & similia quæ spiritui vini infusa externe fricando illita calidè super impositis linteis calidis. Sed rarum est, quod cutis non ferat gummatum impositionem, quæ omnium sunt optima.

Superius, ubi de catarrhis in genere, injecta fuit mentio febris catarrhalis, sicuti etiam in doctrina febrium febres catarrhales ex lymphæ deduximus: adhuc quædam dicenda de cura, quæ in multis cum cura catarrhorum vulgariū convenit. In specie omnis cura eò dirigenda est, ut lymphæ vitium corrigatur, & ipsa per blanda sudorifera, & diaphoretica imminuatur, idque eo magis, quoniam tales febres catarrhales epidemicæ non carent malignitate, id quod ex debilitate virium, ex facili contagio, ex vigiliis, interdum levibus deliriis supervenientibus apparet. Medicamenta hic imprimis sint sudorifera volatilia, quæ inter eminent etiam succinata, item conveniunt hic antimonialia fixa subinde volatilibus mista.

Rem exemplo declarabo; superiori anno grassabatur hic catarrhus epidemicus tempore vernali circa festum Pentecostes, isque malignus & insigniter contagiosus, vix erat domus in qua non aliquis ægrotaret, utut non omnes in lectis decumberent. Symptomata erant tussis admodum gravis cum copioso sputo, coryza contumacissima, cephalalgia, dolores dorli & artuum, mox ingens virium prostratio citra manifestam causam, quibusdam superveniebat hæmorrhagia narium, quibusdam superveniebat diarrhoea serosa, curatio, quæ tunc temporis instituebatur, optime fiebat per sudorifera. Vocatus enim mox in principio præscripsi.

℞. Aqu. sambuci, cardui benedicti an. ʒi. species C. C. essentificati (vel sal. vol. proprio acuati) ʒss. sal. vol. succini gr. iv. syrupi papeveris rhœados ʒss. m. pro potione sudorifera. Quam capiebat æger, & expectabat sudorem, isque semper cum levamine profluebat. Repe-tebatur hic potus pro varietate circumstantiarum.

Interdum præscribebam hunc pulverem sudoriferum.

℞. Succini præparati gr. xv. specifici cephalici ʒss. bezoardici jovialis gr. iv. m. pro doli

dosi. Pro compescenda tussi & jucunda excretionē præscribere istam formulam, quam habebitis in cap. de Tussi (prima forsan est) cum spiritu salis dulcis pro incisione materiæ crassæ, ejus expectoratione, simulque lymphæ correctione. Pro coryza & capitis affectibus optime conveniebat inunctio verticis cum oleo succini, aut applicabatur emplastrum cephalicum ex emplastro de betonica, & emplastro de bregmate ana malaxatis cum oleo succini. Pro reliquiis morbi expellendis, pro artuum debilitate, & eorundem dolore. Conveniebat hæc mixtura, quæ ut plurimum morbum curabat, præmissis modo dictis. Mistura erat hæc.

℞. Aqu. cordis cervi, menthæ, antiscorbuticæ Dorncreu. an. ℥ij. ess. ligni sassafras. Spri. & lumbricorum terrestrium (propter dolores vagos) ana ℥ij. ceraforum nigrorum, aqu. althematicæ Rudolphi (est speir. compositus an. ℥j.) sal. vol. succini ℥j. specifici cephalici ℥ss. syrupi flor. tunicæ ℥i ℥ss. m. pro aliquot dolibus, de qua sumuntur quater in die; vel 4. cochlearia. *Michael Ethmullerus Colleg. prætic. part. 2.*

In curatione Catarrhi tria sibi Medici agenda proponunt. Fluentem humorem evacuare: partem quam mandantem nuncupant, corrigere & roborare, ne novum humorem progignat: ac postremo partem recipientem ad irruente humore defendere, illumque alio divertere ac derivare. Hinc in catarrho, ut ipsi putant, à jecoris calore, sanguinem mittunt, purgantia exhibent, frictiones, cucurbitulas, aliaque revellentia adhibent, caput pariter exonerare tentant per ea, quæ è naribus, palato, faucibus, humores eliciunt: mox vero electuarius, tabellis, syrupis, pilulis ex moscho, ambrâ, roremarino, betonica, stœchade, rosâs punicis, myrobalanis, atque extrinsecus pulverum supra verticem insersionibus, unctionibus, suffimentis ex rebus cephalicis, roborare, atque interea fluxuros humores avertere cōn. ntur per emplastra caustica. potissimum ex thapsia & fimo columbino, aliove simili futura coronali applicita, quibus etiam ferofas sanguinis partes cumulas, vel fortasse in cerebro genitas educere simul, & ill. bentes inhibere credunt,

At his catarrhi plerumque non curantur, sed ingravescent, vel in alios morbos commutati tandem in lethum desinunt, ut pluries experientia docuit. Tot namque evacuationum generibus vires maximè depreciantur, affectæ partes magis elanguent, & præsertim cerebrum suâ naturâ debile, humoresque redditî tenuiores plus justo fluitant, & destillatio urgentius promovetur, ut tandem extenuato corpore, sæpius viderim nuferos ægrotantes in phthisim delapsos irreparabiliter occidere, nisi prius ex superveniente sopore lethargici perissent.

Satis esse existimant alii convenienti institutâ diætâ sensim abundantem lympham absumere, & vel per vias urinæ, vel per sudores, extrudere: quo pacto consuevit sæpissimè natura in his præsertim affectibus seipsam vindicare. Aërem proinde calidum præparant, ægrumque jubent panis commodè contegendum. Cibum & potum frugalem, attenuan-

temq; præscribunt, vitando omnia dulcia, pingua, acida & nimis humentia. Consuetas egestionēs, alternis saltem diebus, sollicitant, & quæcumque ad sudorem blandum dispendere possunt, absque ulla naturæ perturbatione, suadent. Solum in abundantiori lymphâ, & ubi periculum suffocationis instat ab ejusdem affluxu, hydroticum aliquod medicamentum exhibent, ad deplendam ejusmodi quantitatem. De reliquo cerebrum, spinam, & nervos roborantia fructuosa putant, non tamen posthabitis, quæ guttur, fauces, & pulmonem, illasque partes, in quas humor catarrhum excitans irruere solet, lenire, detergere, aut confirmare valent.

Cum ergo in fauces & guttur decumbit humor, gurgulio laxatur, tumentque tonsillæ, præter gargarismos ex diamoro cum aqua hordei & sale prunellæ, vel ex rhodomelle cum decocto liquoriciæ, betonicæ, aut nicotianæ, vel melius cum aqua ardente; profunt suffitus ex succino, mastiche, & gummi animæ: atque pro lintu utatur ager tyropo papaveris rubri, aut de Erylimo Lobelii.

Si delabatur in pectus, & pulmonem, conferent syr. ex pralio, hyssopo, tussilagine, hederâ terrestri, nicotiana, oxymel, & looch sculiticum, fœcula Ari, extractum, & pulvis radicis iridis Florent. & illyr. flores sulphuris, butyrum, & rubinus ejusdem, oleum sacchari cum aqua ardente paratum, julap. vitale, & efficacius elixir proprietatis descriptione Helmontii. Quod si humor defluens falsedinem aut acritudinem sapiat, timeaturque de pulmonis læsione, ad corrigendam illius acritatem, falsulaginemve summe confert iteratus usus pilularum de cynoglossio, vel styrace. Ejusdem est efficacis pulvis anodynus D. Michaelis, theriaca recens, & laudanum opiatum; ad diminuendam vero peccantis lymphæ copiam, exhiberi poterit extractum agarici, & resina jalappæ cum modico gummi tragacanthi: & quidem salutare observatæ sunt pilulæ compositæ ex ℞j. resinæ jalappæ, & gr. vij. tragacanthicum modico cinnamomi acuti ad tempus repetitæ.

Ad sedandum deinceps catarrhum consulit Crato hoc electarium sumendum ad castaneæ quantitatem, quod habet: thur. masc. ℞ij. nuc. cond. tost. ℞j. spec. aromat. ros. ℞ss. hæc autem excipiuntur rosarum punicarum conditura.

Ejusdem Auctoris pilulæ ex succino efficacissimæ referuntur; sicut etiam quæ constant: Thur. mascul. & succ. glycyrrhizæ singul. ℥j. opii, croci, & myrrhæ, singul. ℞j. cum syr. papav. alb. confect. mass. dos. gr. vij. vel x.

Thus ipsum horâ somni deglutitum optimum est cum balsamo Peruviano: & Lotichius admiscet ol. anis. gutt. iij. opii præpar. gr. j. cum syr. de papaver. Alias ex B. Faventino pilulas describit Riverius ex succo glycyrrhizæ, aloë lota, & pilul. de cynoglossio cum syr. viol.

Ossa bubula, vel efficacius Donzellino, humana, præsertim cranium, ad albedinem combusta, & in pulverem redacta, cum portione cinnamomi, & sacchari efficacissima experti sunt.

Hartmauno probatur aqua serpilli, cum vino

albo generoso destillata, quotidie sumpta ad unum vel alterum cochleare. Vult tamen F. Hofmannus in ea infundendum esse lignum sassafras. Aliam serpilli aquam benedictam nuncupatam conficit Adrianus Mynsiet ad catarrhum præstantissimam.

Idem Hartmannus futuræ coronali admovet sacculum succino repletum, & spiritum vini maderactum: & Rulandus vertici derafo cataplasma, quod componitur ex fermenti acrioris ℥ij. & pulv. carabes ℥ij.

A Schrodero proponitur emplastrum cephalicum, quod catharrum in fauces sistit & Epilepticos motus, atque vertiginem arcet. Efficax quoque est gummi Tacamahaca cum oleo mastiches dissolutum & malaxatum.

B. Montagnana extollit & hoc aliud quod habet. Aloës, puleg. calament. mont. cort. citr. singul. partes æquales, F. pulv. & commisc. cum ladano & modico acaciæ in formam cerati.

Pro amuleto verò commendat Hartmannus radicem verbasci virginis, quæ scilicet per eam ætatem non floruit.

Refertur in Ephemeridibus germanicis anno 1670. fuisse quendam, qui usu cujusdam pulveris, catarrhorum materiam e naribus eliceret. Expertus sum ego idem tuto, & salubriter præstari pulvere ex cyclamino in clybano arefacto cui si lubet, addi potest tantumdem betonicæ, rosarum punicearum & sampsuchi. Ex helleboro nigro & saccharo conficit Helmontius pulverem, qui efficaciter sternutamentum concitet, & coryzæ medeatur. A spiritu vini puro, & à tinctura succini plurimum sane juvatur cerebrum in catarrhis, saltem si naribus excipiantur & temporibus, ac cervici sæpius adhibeatur. Sed & spiritus ac sal volatilis ammoniaci olfactus mire admodum plerisque confert. Cæteros affectus Catarrhum consequentes, aut comitantes, suis locis memorabimus. *Lucas Tozzi Medic. practic. parte prima.*

Emplastrum seq. valide omnes fluxiones sistit, & dissipat. Applicetur capiti raso post strenue per plures dies expurgatum cerebrum.

℥. ficum pingue fermenti acris an. ℥ss. sem. viticis & nasturt. contusor. an. ℥j. sem. sinap. contus. ℥ij. empl. de mucilag. inibus ℥iv. malaxentur & incorporentur addendo olei laurini quod satis fuerit. Formetur emplastrum extend. super alutam, quod toti capiti imponatur, & quotidie mane renovetur. Hoc omnem capitis humorem sensim eliciet, quod neque cantharides occipitio admotæ, neque ulcus sincipiti & commissuræ cauterio inductum, neque secta in fronte vena effecerit.

Quidam juvenis gravissimo catarrho in dentes decumbente conflictari solitus, mihi retulit se Cantabrigiæ D. Butlerum adiisse, qui dixit se malo nodo malum velle applicare cuneum, & extremum malum extremo malo profligare. Assuetus erat æger fumo *Tabaci*, Jussit medicus ut sine intermissione hauriret fumum, donec absumpsisset integram pulveris unciam. Ita ille uno tractu successive hausit 25. fistulas. Primo gravissime ægrotavit, antequam motus sit catarrhus; eo fluere incipiente, paulatim imminuta omnia symptomata, & affluxit blennæ quantitas ingens, ultra duas quar-

tas. Illico cessavit catarrhus, qui non recurrit postea per annos 17. sed ab eo plane immunis vixit donec à liberiore diætâ, & assiduo vini clareti potu in consuetum affectum sit relapsus.

Pistachiar. exterior cortex ex viridi rubescens, ficcatus, & accensus in fistula instar Tabaci, fumum dat aromaticum, qui usu continuato catarrhum sistit & siccatur. Potentius operatur si ei admisceatur sexta vel octava pars Tabaci. Caput non turbatur, & bonum spirat odorem. Hoc visio pulvis talis à me præscriptus ad desiccandum catarrhum à cerebro in pectus labentem.

℥. Cortic. pistach. optimè siccatur. citra ulationem ℥i℥. partis lignos. nuc. pineæ ℥ss. ramentor. lign. cedr. fragrantiss. sassafr. rhod. an. ℥ij. nuc. moschat. cinam. an. ℥j. tabaci Indici opt. ℥j. m℥. f. pulvis servand. loco sicco.

Vel ℥. cort. pistach. sicciss. ℥i℥. part. lignos. nuc. pineæ, cort. guajaci, lign. juniper. vel cedr. lign. Aloes vel sassafr. ligni rhodii, cortic. Winteran. nuc. moscha. an. ℥i℥. tabaci (à ℥iij. ad 5.6.7.) ℥j. m℥.

N. B. Quæcunque remedia in hujus libri capite primo pro frigida cerebri intemperie curanda laudantur, hic etiam locum habent. consulat ergo lector caput dictum, & hujus brevitati ignoscat.

Videantur item capita sequentia quæ fluxionum in partes particulares v. g. oculos, dentes &c. curam docent; nam termini ad quem fit catarrhus, æque ac termini à quo, ratio habenda est. *Theod. De Mayerne in Praxi Medic.*

Consultationes.

De Gravedine, aliisque affectionibus ex catarrho pro illustriss. Domino Gregorio Malvezzi.

Ex utero materno hæreditarium catarrhum contraxit Illustrissimus Dominus, annos natus 64. gracilis, temperamenti calidi, & sicci, cordis, jecoris, & totius, cum excedente caliditate, & humiditate cerebri. Qui quidem catarrhus indies magis ac magis adauctus est ob insolatus, vigiliæ, venationes, venerem, inordinatamque victus rationem: unde effectum est, ut quemadmodum antehac defluens ad musculos intercostales circa mamillam sinistram, inibi dolorem; ad os ventriculi, & intestina, inappetentiam, ac diarrhæam; ad renes urinæ difficultatem, calculorumque generationem, induxit; ita tribus ab hinc annis in autumno & hieme ruens ad fauces, & pectus, raucedinem, tussim, & spirandi difficultatem pepererit, quod omnium maxime contigit in fine ætatis proxime præteritæ, propter varia animi pathemata, febres, aliaque suborta symptomata. Unde non tussim duntaxat nunc, & spirandi difficultatem patitur Vir Illustrissimus, prout annis superioribus, verum etiam ex prædicti catarrhi salsedine, putredineque, levis aliqua facta est pulmonum erosio: quam ob causam & adfuerunt sputa cruenta, & nunc non raro conspiciuntur filamenta quadam

quædam sanguinis, excitaturque nonnunquam febricula quædam putrida & ea quidem horrida, cui jungitur quinetiam nunc fixa, & habitualis cum insigni totius corporis macie.

Ut propterea omnimoda & perfecta præsentis affectus sanatio non sit expectanda, speramus tamen remediorum proponendorum beneficio remissionem tussis, renutritionem aliquam & virium restitutionem.

Quod ut fiat, catarrhus est evacuandus, divertendus à partibus spiritalibus, detergenda, exsiccanda & consolidanda pulmonum labes, exsiccandum & caput, totumque corpus refrigerandum, humectandum, renutriendum. Quibus intentionibus satisfiet per remedia Pharmaceutica & rectam victus rationem.

Chirurgica namque tunc tantum locum habebunt, quando vel sanguis in majori copia fluxerit, in quo casu parum sanguinis ex salvatella dextræ manus detrahi poterit: (Venarum enim sedalium apertio suspecta esse potest, propter fistulam inibi forsitan latitantem) vel si majori cum impetu fluxerit catarrhus ad partes spirituales, tunc enim cogitandum erit de fonticulo, vel in sutura coronali, vel occipitio. Quibus non supervenientibus chirurgica remedia locum non habebunt, præter blandas aliquas frictions ipsorum artuum; cum ad diversionem & resolutionem catarrhi; tum ad attractionem sanguinis pro perfectiore totius corporis nutritione.

Remedia autem pharmaceutica erunt universalis, & particularis. Quare primò leniatur alius flore cassiæ noviter extractæ, & electuario lenitivo cum modica pulpa tamarindorum in bolo; vel syrupo ros. solut. & manna. cum decoctione pulpæ tamarindi. Levia tamen sint medicamenta; quoniam facile ex quolibet etiam levi medicamento succedet purgatio, imo facta fuit etiam superpurgatio. Præparabuntur humores primo levioribus, ut pote syrupo acetoso simplici, de pomis, de betonica cum decoctione borraginis, betonica, farfara, liquiritiæ, hordei, capill. ven. cichorii, aut lonchi. Deinde generosioribus deveniendo ad syrupum de hyssopo, de prassio, ad oxymel compositum, cum decoctione botrydis, pulmonariæ, radicum urticæ, hyssopi, betonica, liquiritiæ, interposita blanda purgatione modo cum clysteribus, modo cum melle & syr. ros. solutivo, addita manna & infusione rhabarbari; agaricum namque alias magno cum nocimento sumpsit, propterea ab ipsius usu abstinendum erit. Purgato toto corpore, purgandum erit caput blandis errhinis, ut succo malvæ, manna dissoluta in aqua malvæ, radice cyclaminis & aliis levioribus: generosa namque caput ipsum calefacere poterunt. Quam ob causam suspectus est usus tabaci quem alioquin ad purgandum caput, & siccandos pulmones valde opportunum judicarem. Purgari quinetiam debet thorax eclegmatibus, & potionibus illis vulnerariis, quæ sint valde diuretici, & calorigici. Quare conficiuntur eclegmata ex syrupo de hyssopo, oxymelite composito, syrupo capill. veneris, looch de pino, de pulmone vulpis, & de caulibus. Interim ad demulcendam tussim, detinebit in ore succum liquiritiæ concretum vel rotulas ex diacodio. His peractis, ad topica cum interna,

tum externa deveniendum. Inter interna tria sunt, quæ summopere arbitror profutura: primum erit jus Galli junioris cum radice chinæ, visco quercino, santalis, & medulla ligni sancti derasi, additis nucleis pineis, si seminibus melonum contusis, capillo veneris, pulmonaria, consolida, agrimonia, veronica, & plantagine: quod sumetur in aurora sine sudore, & cum victu mediocri, sed exsiccante. Secundum erit terebinthina cypria cum minima quantitate florum sulphuris & boli armenæ; quæ pariter uti poterit vel tempore decocti suprascripti, vel post ipsius usum. Tertium erit saccharum rosatum antiquum cum terra sigillata hora decubitus. *Lactis* usum pro renutritione, deterfione, & agglutinatione summopere commendatum non proponimus, quoniam lacticio repugnat natura Illustrissimi patientis. Ideoque ipsius loco parari poterunt morselli ex pulpa caponis cum fisticis, nucleis pineis, nuce indica, & saccharo cum aqua farfara. Inter externa præscribi poterunt pulveres capitales exsiccantes confecti ex ossibus sepiarum, cornu cervi usto, agarico, rosæ, & corticibus ostreorum usts. Stillicidium namque ex aquis thermalibus non erit tutum: quoniam caput Illustrissimi Domini facile accenditur.

Victus sit refrigerans, humectans, & nutrimentum glutinosum suggerens. Propterea carnes decoqui poterunt cum limacibus; carne testudinum, caudis cancrorum, & ranis; fieri poterunt jura ex carne porcelli junioris. Habebit familiare ferculum ex hordeo cum saccharo & china, coctum in ollula, ut præscribitur à Saxonia in Praxi, capite de Phthisi. Potus sit vinum subdulce tenuis substantiæ, quod medicatum fieri poterit cum ligno indico deraso visco, quercino & farfara pulverizatis, & in dolum coniectis, & hæc nunc duxi proponenda, mittens usum balnei; ob inclementiam aeris, cujus loco sat erit aliquando corpus inungere oleo amygdalarum dulcium sine igne extracto. *Remed. Silvat. Consil. Medic. Cent. I.*

De catarrho, tussi & difficili respiratione pro Illustrissimo, & excellentissimo D. Georgio Oselinshi, Oratore extraordinario Serenissimi Polonia Regis, & Sueciæ, ad summum Pontificem.

Conqueritur Orator Illustrissimus, & Excellentissimus de perenni quadam destillatione à capite ad thoracem, propter quam ante biennium tussi continua annum integrum correptus fuit, & in præsentia angustiam patitur in respiratione, horis præsertim matutinis, propter quam & extussire, & quasi vomitu quodam materiam pituitosam & aquosam expectorare cogitur: imò & nocturnis horis involuntari e similis materia extillat ab ore. Nec minus conqueritur de compressione quadam circa regionem cordis, duobus ab hinc annis, continuo molesta, ob quam cum gravitate aliqua acclivem locum conscendere solet, & difficulter super latus sinistrum decumbit.

Prioris affectionis causa alia non est, quam copia catarrhi in capite calido & humido coacervata, cum per generationem, tum per attractionem à subjectis partibus, cum præ-

sertim ob gravia negocia caput ipsum facile repleri possit, ideoque & per nares, & per os plura expurgantur excrementa. Posteriori affectioni externam occasionem præbuit insignis maror præteritus ob mortem primogeniti, quam fovit, fovetque etiamnum collectio aliqua humoris melancholici, in regione forte lienis hærentis, cujus uberem proventum gignere facile potest illustrissimus & Excellentiss. Dominus ob naturalem jecoris fervorem in hac præsertim ætate consistente: ut propterea natura aliquando tentaverit levem aliquem effluxum sanguinis ex venis sedalibus, à quibus sanguis melancholicus expurgari consuevit.

Ab his igitur affectibus, ut liberetur Orator Excellentissimus opus esse censeo levioribus quidem remediis hoc tempore, ac deinde generosioribus Vere recurrente; tunc enim convertenda erit fluxio prædicta, materiaque fluxa expectoranda, caput exsiccandum, corque roborandum, non neglecto etiam liene, si ad tactum se prodat hypochondrii tensio, quod conjectare non potui, præmissa totius corporis evacuatione.

Neque difficile futurum spero Virum Illustriss. & Excellentiss. perfectæ sanitati restituere, cum alioquin sit optimi habitus, vividique coloris.

Hoc itaque anni tempore nonnulla profutura mihi periuadeo, Primum erit familiaris usus pilular. maltichinar. ad drach. i. horâ ante cænam semel in hebdomada, alterum erit usus conservæ alicujus cum cordialis, tum capitalis ex floribus rorismarini & borraginis cum confectio Alchermes & de hyacintho, cujus dosis erit unc. i. singulis matutinis horis 20. & plures dies, duabus horis aut tribus ante prandium. Valebit quinetiam Juleb illud gemmatum magni Ducis Florentiæ ad guttas vi. cum aqua ex floribus citri. Præter quæ, sæpius matutino tempore dentibus conterere poterit frutulum citri cum toto cortice, expuendo quidquid ad os confluerit; proderit enim ad expurgandum caput, & corroborandum cor. Caput quinetiam teget nocturnis horis cucupha ex pulveribus exsiccantibus hunc in modum parata.

℞. Flor. rorismarini, stachadis, an. pug. i. ossium sepiarum, agarici an. drachm. ij. cornu cervi usti, spongiæ ustæ an. drachm. f. ss. pulvis: & includatur cucuphæ ex rara sindone.

Quibus omnibus accedat congrua vivendi ratio, abstinendo à vinis generosis, aromatibus copiosis, & diuturna mora in hypocautis, singulisque matutinis horis caput erit exsiccandum spongiis madefactis lixivio parato ex cineribus ficus, & capitalibus deinde exsiccatis.

Verno autem tempore, præmissa diligenti purgatione totius, iis quæ ducant humorem pituitosum, & melancholicum, ipsosque præparent, & expurgent, cum à capite, tum à liene, quem suspicor non vacare noxa aliqua, cum educatione sanguinis ex jecorioria dextri brachii, nec non ex venis sedalibus, quarum reseratio quam maxime conducit, ratione melancholicæ cordis & lienis affectionis.

Purgandum erit peculiariter caput per os & nares errhinis, & apophlegmatismis accommodatis, in quibus opportuna erit maltiche

cum Zingibere. Quod si in thorace hæreat materia, lambitivis erit expectoranda. Hisque peractis potus aquarum sulphurearum enet quam maxime utilis, ad exticandum catarrhum, & roborandos pulmones. Quod si aquis careat, sint ei familiares flores sulphuris & diasulphur una cum terebinthina larinica plures dies assumpta, superbibito decocto ex radice chinæ, & ligno indico derafo cum cicchoraceis, cordialibus, cephalicis & pectoralibus. Verum si aderit tumor, aut obstrutio in sinistro hypochondrio, præscribi poterit jus galli junioris, cum prædicta chinâ & ligno, præmisso chalybe vel potabili, vel electuario de chalybe Saxoniæ no aut vino chalybeato, intillando semper decocto tres aut quatuor guttulas juleb gemmati; vel detur Scrupulus mithridaticæ confectionis cum dragm. sem. confectionis alchermes. Extrinsecus erunt ex usu lotiones illæ c. pitis, quæ Illustriss. & Excellentiss. matronæ fuere præscriptæ, sacculusque supra cordis regionem continuo gestandus, hunc in modum paratus.

℞. Ocymi caryophylliti, cinnamomi, macis, zingiberis, croci, noichi, ambræ an. gr. decem. flor. citri, aurantiorum, rosarum borraginis an drach. i. sem. M. Exsiccentur in sacculo sericeo purpureo, qui detineatur supra regionem cordis. *Benedict. Silvatic. consult. & respons. Medic. cent. i.*

De catarrho salso, & melancholica affectione pro nobili muliere Rhodigina.

Si unquam experientia comprobatum fuit verissimum Divini Hipp. oraculum, id in Nobilissima patiente luculentissime conspicitur; quod scilicet *mensibus deficientibus morbi ex utero fiant*. Nobilissima etenim Domina cum alias, salubriter degeret, usque ad 20. ætatis annu cumque tribus ab hinc annis imminutas, inordinatas, & albicantes habuerit menstruas purgationes conqueri capit de affectu melancholico. Mæsta si quidem est, cum frequentibus lacrymis. Conqueri quinetiam cœpit de Tussi, & destillatione catarrhi salii ad pulmones, hæreditaria quadam imbecillitate laborantes.

Qui sane affectus originem, & incrementum habent à sanguine menstruo non expurgato, jugiter in caput evaporante, & cerebrum calefaciente, à quo propterea catarrhus salsus gignitur mediantibus ichoribus biliosis à jecore transmissis, atque spiritus animales crassiores reddit obnubilantur, & affectus melancholicus, producit; retenta autem est menstrua purgatio propter obstructions venarum uteri ut optime statutum est à viro Excellentissimo ab humoribus crassis, cum pituitosis à ventriculo, tum melancholicis à jecore per venas ad uterum confluentibus: quos redundare comprobatur qualitas sanguinis per uterum erumpentis, albicantis & pituitosi.

Affectus sane difficillimæ curationis, cum ob hereditariam maternam dispositionem, tum ob maximum recessum à statu naturali in hac ætate juvenili, eoque magis quod cum juncta sit viro nobilissimo è congressu tamen juvenitum illud suscipere non potest, quod alias luculentum

lentum esset. Propterea non immerito de agendis consulit.

Quare insistendo indicationibus à Viro Excellentiss. propositis ego quoque laudo, quoad chirurgica, sanguinis missionem; semper tamen è partibus infernis, saphena scilicet utriusque pedis; sed parca manu; hinc enim fiet major revulsio à capite. Quod si in conspectum veniret vena poplitea, hinc major fieret evacuatio ab ipsomet utero, cum sit vicinior, amplior, & maiorem consensum habeat cum utero. Semper tamen ante sanguinis educationem fiant frictiones ad inferiora, & foveatur uterus vino albo, in quo ebullierint fl. chamameli, fœnugræcum, malva, artemisia, & matricaria, quo sanguis fluxilior fiat. Fonticulos quinetiam propositos laudo, ita tamen ut primo inuratur coxa dextræ; ac deinde autumnio brachio: quo fiat primo revulsio, & observari possit, numquid falsedo illa, & continua fluxio catarrhi originem habeat ab evaporatione uterina: si enim hinc proveniret, remittere quinetiam posset absque fonticulo brachii, non adeo tuto in hac continua exhalatione. Pellaria quoque fient in vaginam immittenda, ex mercuriali & sabina, quæ maxime confert ad evacuandos menses, cum lotionibus & trictionibus frequentibus infernarum partium.

Pharmaceutica sint ea quæ fuere propita hac observatione, ut primo præparentur humores in ventriculo scatentes cum syr. sine diluto, & aperientibus & menses provocantibus, factaque ventriculi & primarum viarum deteritione, & evacuatione etiam cum aqua Tetutiana dejectoria reddita: præscribantur postea syrupi magis attenuantes & aperientes, puta syr. bizantinus cum aceto, oxymel. compos. syrup. capill. veneris, & de quinque radicibus cum decoctione lupulor. capil. ven. agrimoniz, cichorii, & borraginis. Progrediendo postea ad magis aperientes, trochisc. scilicet de myrrha, de rhabbarbo cum syr. de pomis compos. & de cichorio cum rharbarb. additâ decoctione proportionata: ac tandem præscripto purgante accommodato: medio tamen tempore aluum lubricum servando, vel pil. ex aloe lota, vel infusione sennæ in syr. vel decoctione epithimi Mes. loco decoctionis consueta. Hisque peractis, duo genera remediorum peropportuna censeo, jus scilicet galli saliti, cum herbis, & radicibus aperientibus, cum chalybe potabili, vel electuario de chalybe, præscripto exercitio in curru. Aliud quod hoc anni tempore mihi videtur apprimè profuturum usus aquarum Thermalium Apenensium cum intus sumptarum, tum extra adhibitarum stillicidii forma supra ventriculum, & infessionis ratione uteri cum cannula pertusa undique intra vaginam detenta.

Hæc potiora sunt, quæ juncta cum congrua victus ratione motu præsertim & calis mutatione miti; videntur profutura. Faxit D. O. Omnipotens, ut votis cedant. *Bened. Silvatic. Consil. & respons. Medic. Cent. i.*

Nobilissimus Dominus Bernardus Schuldten ex finibus regni Turcici per Podaliam & Poloniam tempore hyberno ni Pomeraniam iter faciens; gravitatem quandam & tensionem capitis sentiebat cum defluxione ad fauces,

tussi & rejectione materiæ viscidæ & pituitosæ: nares erant obstructæ, facies subtumida, somnus profundus, urinæ albicantes & turbidæ alius suppressa.

Catarrhum à causa frigida excitatum iudico, quatenus reclusis à frigore externo poris, per quos alias vapores exhalare solent, materia catharri cumulata, vel aliis de causis in capite congelta, ut ambientis & ad ipsum cerebrum per vias p. tentes penetrantis frigoris, commota & expressa ad facies defluit.

Capitis gravitas & tensio à pituita cerebrum occupante, membranasque distendente excitatur.

Tussim humor à capite ad fauces & asperam arteriam sensim deueniens excitat.

Nares Obstruuntur ab humore crasso ossa Ethmoidea obsidente & expirationem impediende.

Facies tumet diffusis in musculorum externorum spacia humoribus.

Somnus profundus à cerebro refrigerato, & humectato dependet.

Urinæ albicant, & turbidæ sunt à crudorum & pituitosorum humorum in venis & meatibus contentorum copiâ.

Aluus suppressa est ex repletione intestinorum à pituita ob quam stimulum ita facile percipere non possunt.

Ante omnia itaque lenienti Pharmaco aluum laxandam censui exhibito decocto meo solutivum: hinc ad præparationem materiæ frigidæ viscidæ, & crassiæ mixturam ex calefacientibus, incidentibus, & attenuantibus præscripsi.

℞. Aq. salv. beton. fœnicul. an. ℥ij. Hyssop. ℥iij. syr. de betonic. Hyssop. an. ℥iij. Oxymel. simpl. ℥j. essent. rorism. ℥ij. m. pro 4. dosibus.

Pro universali corporis purgatione dedi pilulas.

℞. Extract. pil. de hier. c. agaric. phlegmag. an. ℥j. ol. stillat. salviæ gt. iij. m. c. syr. de hyssopo. F. pilulæ no. 19. deaurandæ.

Ad particularem capitis evacuationem errhinon præscripsi.

℞. Aq. major. ℥j. pulv. sem. nigell. ℥j. fol. betonic. ℥ss. ambr. gr. iij. m. attrahatur naris per vices & jejuno ventriculo.

Cum paulò remissius ageret, addidi tantillum flor. lil. convall. & tabaci, simulque nares obstructas inunxi tali balsamo.

℞. Pingued. anserin. c. aq. majoran. terlotæ ℥ss. ol. stillat. majoran. gt. v. salv. beton. an. gt. iij. m. F. balsamus.

Repurgato convenienter corpore & capite, ad reliquam catarrhi materiam assiccandam, caputq; corroborandum singulis matutinis cochlearia tria aquæ cephalicæ exhibui.

℞. Aq. lign. sassafr. ℥iij. aq. lil. convall. c. vin. destill. ℥ij. cubebæ, ℥j. meliss. ℥ij. essent. rorismar. ℥iij. rosul. man. christ. perlat. ℥ij. m. vespere sub horam decubitus electuario ulus est, quo simul & vaporum ascensus inhibetur.

℞. Electuar. nostr. cephalic. ℥iij. conserv. rosar. rubr. ℥j. nuc. indic. condit. ℥vi. medull. nuc. indic. cond. ℥ij. cubeb. ℥iij. coriand. præp. ℥iij. thur. oliban. ℥ij. essent. salv. ℥ij. m. c. syrupo de rosis q. s. F. electuarium.

Capiti pileolum sive cucupham ex speciebus siccantibus, & roborantibus destinavi.

℥. Fol. meliss. salv. majoran. organ. an. p. s. flor. rosar. rubr. ℥ij. lavendul. stach. Arab. rorismarini pæonia, tunic. ana. ℥j. thur. nuc. moschat. cinamom. caryophyll. gran. kerm. an. ℥ss. gummi elemi, benzoës an. ℥j. storac. calam. ℥ij. grosso modo trita sydon. rubr. includantur, frequentique filo interpassata in formam cucuphæ redigantur.

Pro pedum lotionē sequentia præscripsi.

℥. Herb. salv. Hyssop. organ. thym. beton. majoran. an. mj. flor. chamæm. miss. stach. mj. summitat. aneth. mj. bacc. juniper ℥ij. salis ℥iij. incid. grosso modo pro pediluvio. A lotionē & abstersione plantæ pedum medullâ cervinâ quantum ferre potuit calidissime inunctæ sunt, sicque à defluxionibus molestissimis, Dei gratiâ, plene liberatus est vir integerrimus, meique amicissimus. *Baldassar. Timæus lib. 1. casuum & observ. practicarum.*

Senerissimi Electoris Brandenburgici consiliarius intimus, capitaneus, & œconomia in Pomerania Orientali director, Nobilissimus Dominus Jacobus Heidebreck hæreditarius in Parnav. Byzitker & Cragzig &c. post vehementem corporis & animi commotionem defluxione cum impetu ad fauces & pectus ruente tentabatur, respirabat difficillime cum summo stertore & pectoris elevatione, adeo ut à suffocationis periculo parum abesset.

Pectus & pulmones à catarrhi depluvio impetuose infestantur, quatenus per vehementem corporis & animi commotionem, materia in capite agitata, & à calore fusa ac liquata in partes subjectas *Begius regi adpæus* irrui.

Respiratio difficilis est propter asperæ arteriæ & pulmonum ab humore viscido à capite irruente obstructionem.

Cum stertore ob viarum per quas spiritus ducitur, angustiam, & elevatione propter motum thoracis præter naturam auctum.

Suffocationem defluxio repente, subito, & confestim in fauces & pectus irruens minatur.

Et si verò in præsentī vitæ periculo versari videtur æger; spem tamen aliquam faciebat constans virium robur, unde in præcipiti malo haud cunctandum esse duxi, sed omni potius conatu allaborandum, ut materia ad fauces & pectus defluens, revellendo, derivando, & quibuscumque modis in plures partes distraheretur, defluxionumque impetus cohiberetur. Quo fine alius suppositorio acri, mox & clystere provocata, hinc frictiones extremorum pannis calentibus & asperis institutæ, cruribus & brachiis cucurbitulæ applicatæ, futuræ coronali capitis quod caluum erat ceratum Galeni ex stercore columbarum & thapsia impositum, nucha oleo succini inuncta, nihilque eorum quæ suffocationem impedire poterunt, neglectum.

Remittente quodammodo fluxionum impetu materiam à capite & pulmonibus ad ventriculum & intestina trahere, indeque per alium evacuare visum est, exhibitis decocti nostri laxativi ℥ij. agarici trochiscar. ℥j. gialapp. gr. vij. excrevit septem dejectionibus ingentem humoris pituitosi copiam, liberiusque respirare cœpit; ne tamen aliquid materiæ in insidiis remaneret, ad expectorationes promovendas præscripsi emulsionem, cujus usum etiam in ipso

Paroxysmo valde salutarem expertus est, sumendo per vices cochlearia quatuor, vel quinque.

℥. Condit. rad. enul. ℥ss. cortic. aurant. cort. citri ana ℥ss. incis. contund. in mortar. postea affund. Aq. hyssop. ℥vj. fœnic. ℥ij. exprimi. fortiss. & colent. add. Aq. asthm. Rudolph. Imperat. ℥j. cinam. ℥ij. Looch. san. & expert. ℥ss. M. Sic Dei gratia, præter omnium expectationem & spem ex Acherusia quasi palude liberatus est æger; ne vero deinceps in hanc Scyllam defluxionibus admodum obnoxius, incideret, suasi observata frugali diata, sæpius pilulis de succino Cratonis & vino Adriani Papæ contra catarrhos uteretur, quo factò in hunc usque diem ab omni morborum insultu præter mirabilem illum palpebrarum affectum cujus in Epistolis meis medicinalibus fit mentio, immunis vivit. *Baldassar. Timæus casuum & observ. practicarum lib. 1.*

Nobil. Adolescens 24. annum agens, temperamenti secundum totum & potissimum secundum caput, calidi, humidi, calidioris hepatis, mediocris habitus & coloris subpallidi, liberius in aëre subtilissimo degens, tribus ab hinc annis copiosam pati cœpit à capite destillationem in subjectas partes, tum naturales, tum spirituales, tussim namque continuâ molestatur, cum excretionem catarrhalis materiæ crassæ, & viscidæ, modo flavi, modo viridis coloris, quæ tamen nec salsa, nec fœtens est, neque per nares satis expurgatur, cum earum meatus à materiæ crassitie fere obstruantur. Præterea rugitus atque tensionem in sinistro hypochondrio frequentissimè percipit. Parentes ac consanguineos copiosis atque molestis destillationibus ad pectus obnoxios habuit, non tamen phthisi peremptos aut podagrâ afflictos. Modo de agendis consulit, ut destillatio, si non omnino debelletur, saltem imminuatur.

Copiosam, viscidam atque crassam materiæ catarrhalis à capite destillationem & per tussim excretionem, quæ præferim tribus ab hinc annis divexatur Nob. hic Adolesc. ab ætate valde alienam, altæ, tum naturales, tum acquisite habere radices certò credendum, adeo ut non modo caput ipsius impense humidum, verum & totum venosum genus ad productionem adeo copiosæ materiæ concurrere, sit necessario statuendum. Caput enim intemperie calida & humida à naturæ primordiis affectum, non confecto proprio alimento ob concoctricis facultatis imbecillitatem, crudam & excrementitiâ humiditatem quotidie gignit, quam debilitata retentrix in subjectas partes dimittit, unde coctiones in ventriculo turbantur, cruditates generantur, massam sanguineam inficientes. Has autem à jecore præcalido una cum sanguine exsallatas, partim ad Lienem, natura transmittit, quibus repletus & tumens, halitus ab iisdem expirat, unde rugitus, & tandem affectio hypochondriaca, citra tamen melancholiam producit, partim vero per venosum genus ad caput elevat, ubi crudos humores congerens destillationem perpetuo fovet atque auget quæ à calore quidem ætatis crassa & colorata effici potest, prout salsa quoque & corrupta fieret, si caliditate æque ac humiditate excelleret intemperies ipsa.

Quibus

Quibus ita se habentibus summa prudentia medicam opem implorat Nob. Pat. cum catarrhus omnium malorum fons & origo esse possit, cuius vi totum corpus languere dicebat Gal. delumptum forsani ab Hipp. asserente. Destillationes magno tadia, atque molestia naturam frangere, quæ ideo in casu nostro coctiones labefactant, sanguinem impurum reddunt, vitiant nutritionem, & universo corpori pro roseo pallidum colorem inducunt, non sine falsedinis metu, temporis spatio temperamenti totius calore adaucto, quam facilis sequitur vasorum in pulmonibus diuresis, unde hæmoptysis & phthisis, vel ex perenni humiditate in iisdem flaciditas ac tandem fraciditas & phthisis ipsa secunda, aut ex eadem in bronchiis hærente, asthma & orthopnæa, atque ad articulos decumbente podagrici dolores, ut propterea cum Gal. concludendum sit, ut diximus, catarrhum omnium morborum originem esse posse.

Ut igitur à præsentī molestia luculenter levetur Pat. & ab imminentibus præservetur, curatio eradicans instituenda, quæ perficietur, primas vias mundando. Secundo viscerum, & lientis potissimum obstructions, aperiendo. Tertio venosum genus purificando, & à cruditatibus vindicando. Quarto caput & pectus expurgando. Quinto ejusdem intemperiem humidam corrigendo. Sexto jecoris calorem contemperando, & tandem caput & viscera roborando.

Et à fonte Chirurgico omnium primò desumenda repetita sanguinis missio, ex interna utriusque brachii. Cauteria omittimus, utpote ætate florentibus odiosa, & quoniam non diversionem, sed catarrhi extirpationem moliri intendimus.

A Pharmaceutico fonte primo desumenda primas vias emundantia, quæ esse poterunt potio ex manna clarif. deinde mel ros. simplex cum julap. acet. ad ℥ iij. per quinque dies, mox repetita eadem potione, & addito melle ros. solut. Secundo aperiendæ obstructions succis depur. hac ratione.

℥. Succī depur. cich. agrim. fumar. an. ℥ j. decoct. cich. borrag. beton. melissæ, scolopend. tamarisci ℥ v. m. pro syrup. & sic pro aliis septem. Inde purgentur humores præparati infus. agari-ci, rhab. & fennæ, additis syr. & melle ros. solut.

Pro tertia & quartâ implendâ intentione, pilulæ hujusmodi convenire poterunt.

℥. Pilul. aggreg. cochiar. an. ℥ β. de agar. Mes. aurear. an. ℥ j. m. ref. pil. & aur. pro una vice, quæ ter repetendæ, quarto quoque die, diebus autem intermediis, sumantur succi depur. cich. beton. & fumar. ad ℥ iij. cum jam præscriptâ decoctione. Interim errhinis caput quoque erit purgandum ex pulv. major. ireos, & nigellæ paratis, sed mane tantum, jejuno ventriculo. Ita pariter expectoranda materia oxymel. ireato.

Atque ita toto cum capite expurgatis, capitis ejusdem intemperies humida erit auferenda, in quem finem necessarius omnino nobis videtur sudor in hypocaufto, præmissio decocto hoc modo parato.

℥. Visci quercini veri, guajac. pinguis, & rec. falsæ electæ, lentisci è chio, ligni tamarisci an. ℥ j. aq. stillat. cich. beton. an. ℥ ij. m. fiat

infus. per horas 24. deinde bull. ad consumptionem dimidii, & colat. servetur pro tribus diebus, matutino tempore, horâ unâ ante ingressum hypocaufti assumenda, quod si sudor non adeo facili & promptè erumpat, præscribatur bol. ex ℥ j. extr. falsæ, & ℥ β. pulv. viper. Pro potu vero consueto, paretur ita aqua secunda.

℥. Residuum, aq. com. ℥ β xii. m. bull. ad consumpt. tertiæ, sub finem ebull. additis cinnam. integri ℥ ij. bul. par. & in colat. adhuc ferventi dissolvantur sacchari fini ℥ iv. Procuratur autem sudor 40. diebus, & decimo quoque die præbeatur potio ex manna clarif. & victus ratio sit attenuans, non tamen adeo tenuis, sed quæ semper dimidiâ parte à consueto declinet.

Jam dictis transactis diebus, & peracto sudore, jecori & sanguini aliqua refrigeratio erit concilianda aq. destill. de succo cich. ad cyathum quolibet manè cum conserva de acido citri, vel syr. de succo limon. præmissa rosar. conservâ, idque quindecim aut viginti diebus, quatuor saltem horis ante cibum. Et interim paretur vinum medicatum ad mensam ligno rorismarini, lentisco, & santalo rubro ad ℥ iij. pro qualibet situlâ, quo toto hyemali tempore utatur. Et pro capitis roboratione in usum ducatur, sub ingressum lecti, bol. è conserva modo rorismarini, modo è floribus, beton. quarum consuetus sit usus.

Et jam dictis congrua addatur victus ratio, & præter cætera, caveat ab aëre nocturno, & quàm maxime à crepusculis, abstineat omnino à lactariis omnibus, lactucâ, apio, fœniculo, condimento allii, & cæparum, & à leguminibus, ac raro utatur cibariis ex pasta paratis, rarissime vero piscibus squamis carentibus, ut anguilla, tinca & hujusmodi aliis. Vitet vina generosiora, & computationes, potissimum inter prandium & cœnam, necnon comestiones, ne cruditates congerantur. Somnus sit nocturnus, & si diurnus, capite elevato. Exercitia conveniunt jejuno ventriculo. Parca sit venus, & alvus lubrica servetur, alacriter vivat. Quibus cautè administratis Nobil. Adolescenti levamen insigne ominamur. *Joan. Raymond. Fortis Consult. & Respons. Medic. Cent. I.*

Nobilis Juvenis Vestalis 20. annorum temperamenti secundum totum ad frigidum & humidum, secundum verò caput ad calidum, & humidum vergentis, ventriculi frigidioris & humidioris, sex abhinc mensibus affligi cœpit, destillatione catarrhalis materiæ crudæ & insipidæ, atque in præsens falsæ, ad fauces, thoracem, aliasque corporis partes, cum tussi molesta, siti, inappetentia, febricula inconstanti, inordinatâ & nocturnis vigiliis, somnis inquietis, demum auditu gravi. Quæ tamen menstruis purgationibus consuetis rectè procedentibus patitur.

Nemo in arte vel mediocriter versatus non videt, quod Sacra hæc virgo Nobilissima falsa destillatione laborans, caput habeat essentialiter affectum, à quo omnia mala eandem affligentia deriventur, tum quia ejus temperamentum calidum & humidum, ideoque destillationibus obnoxium, tum quia sensorium laxum habet, surdastra enim utraque aure facta est

est, capiti tamen materiam quoque per totum venosum genus subministrari credendum, ob temperamentum totius frigidum & humidum, quod proinde duplici nomine erit læsum, essentialiter scilicet & per consensum, unde non mirum, si copiosa inde suboriatur in varias corporis partes destillatio, quæ omnium morborum fons & origo esse potest, ut dicebat Gal. & magno radio atque molestia naturam, humanam frangit, quanquam admiratione non careat, quâ ratione hoc temperamento totius frigido & humido, capite item calido & humido, ventriculo frigido & humido, falsa destillatio, sitis immoderata, vigiliæ, & somni inquieti adesse possint. Ut propterea nobis conjicere liceat, jecoris caliditatem in Nob. Virgine vigere, quæ & ventriculo siccitatem aliquam ascitiam inducere possit, & biliosos ichores producere, ex quorum cum pituita permissione falsedo fiat, cum de corruptis & coloratis sputis nulla fuerit facta mentio simulque ab eodem viscere, & forsan ab hypochondriis quoque, calidas evaporationes caput petentes, vigiliæ & somnos inquietos Patienti eidem invehere. Copiosa autem catarrhalis materia, non tota à capite in subjectas partes decubuit, sed ejus portio in eodem hærens, & ad meatum auditorium transmissa aut obstructione, aut nimia madefactione surditatem induxit, cujus maxima portio ad partes tum naturales, tum spiritales præcipitata, in naturalibus putrescens, febrem putridam quidem, non tamen humoralem, sed catarrhalem produxit, eamque intermittentem & inordinatam utpote quam nonnisi sufficiens, à capite catarrhalis materię destillatio excitet, quâ dissoluta ac consumpta febris cessat, interim tamen ventriculum permeare necesse est, unde nausea, minor autem ejusdem materię pars irruens in asperam arteriam atque pulmones, rursim molestatam necessario concitat.

Status hujus patientis est peticuli plenus, cum destillationes in pulmones vitæ adversarissimæ, à Gal. malignæ, à Celso pestiferæ dictæ fuerint: phthisin enim inducere solent, & potissimum in hæc nostra Nob. Virgine periculum imminet, cum consanguineos phthisi peremptos habuerit, difficilior quinetiam redditur sanatio capite duplici nomine, tum essentialiter, tum per consensum affecto. Surditas quoque non levem difficultatem ex se habet, magnum enim à statu naturali recessum significat, prout sanationem difficiliorem reddit anni tempus, æstati proximum, quo accommodata prohibentur administranda remedia. Nilominus salus desperanda non est, cum juvenis sit, & mensuris consuetis purgationibus gaudeat, sed curatio tentanda, suo postea loco, & tempore perficienda.

Primo itaque ventriculi & primarum viarum expiatio est procuranda. Secundo venosum genus expurgandum. Tertio ipsum caput. Quarto destillatio à pulmonibus divertenda. Quinto capitis intemperies humida corrigenda. Et tandem pulmones exsiccandi, & materia in auribus pro virili resolvenda. Quibus intentionibus satisfaciendum remediis Chirurgicis, Pharmaceuticis, & Diæticis.

Et ex Chirurgico fonte primo depromenda

parca sanguinis missio ex jecoraria dextra: secundo cauterium in sinistro brachio nullo modo omittendum. Tertio frictiones quotidianæ à nucha per dorsum usque ad crura & pedes non negligendæ, matutinis horis, sicuti vespertinis ante cœnam lotiones pedum aqua calente.

Ex Pharmaceutico vero desumenda lenientia, præparantia, totum purgantia, evacuantia caput, intemperiem ejusdem corrigentia, & tandem expectorantia & aures exsiccantia.

Leniens esse poterit potio ex manna clarif. vel cassia cum lenit. & tart. primum præparans suavius hoc erit.

℞. Julap. acet. ℥ iij. Tenuiss. crem. tart. ℥ iij. aquæ cinnam. ℥ ss. m. pro syr. & sic pro quatuor aliis. Inde sequatur humorum evacuationio præscripto medicamento, & ulterior succedat præparatio, præbendo oxymel. simpl. ℥ ij. cui superbibat hujusmodi potionem.

℞. Succī depur. borrag. beton. pomor. dulcium an. ℥ j. decoct. cichor. borrag. endiv. melissæ, beton. flor. citri ℥ v. m. pro syr. & sic pro aliis septem. Inde præparati humores expurgentur infusione agarici, rhab. & sennæ, addito syr. & melle ros. sol. vel potione ex manna clarif. addēdo agaric. & rhab. infus. consuetæ, vel electuar. lenit. cum diaphæn. à quibus bibat patiens mulsam dilutam ex aqua malvarum paratam, vel aquam hordeaceam ad ℥ ij.

Purgato toto & caput erit expurgandum his pilulis.

℞. Pilul. cochiar. aurear. aggreg. an. ℥ ss. m. ref. pilulæ, & aur. & hora post bibat aquam hordeaceam, vel Nocerianam ad ℥ j. ss. quatuor vero horis ab assumpta aqua, prandeat. Eadem vero pilulæ, quarto quoque die ter repeti debent, & diebus intermediis præbendi succi jam dicti in decoctione præscripta; interim mane errhinis modo, modo masticatoriis capitis expurgatio adjuvanda. Errhinum vero paretur ex pulv. majoranæ, ireos & nigellæ, licet masticatoria auribus magis conferre possint ex mastiche, gingibere, pyrethro, & feniculo cum cera parata.

Hoc tempore caput exsiccandum quidem foret decocto aliquo cum sudore; verum quia æstatis calor vetare id poterit, ideo confugiendum erit ad aliquod aliud in jure paratum, quod exsiccandi quidem, sed parum calefaciendi facultate polleat, quale hoc esse poterit.

℞. Ligni lentisci è chio, ligni rorismar. an. ℥ j. ligni buxi, santal. albor. radic. rosar. damascen. an. ℥ ss. aquæ destillatæ cichor. ℥ ij. violar. beton. an. ℥ j. m. f. inf. per horas 24. deinde illi adde quartam partem pulli junioris, & bulliant ad consumpt. dimidii, factaque colatura servetur pro tribus diebus matutinis horis assumenda, cui præmittatur pulvis viperinis ad gr. xv. aut xx. quotidie, valde enim exsiccatur, citra insignem caliditatem, præter ejusdem vim quandam balsamicam ventriculo accommodatam, in cujus usu persistat ad 30. dies vel 40. Quo tempore, mane potissimum, ante decocti usum, materia catarrhalis expectoranda, vel julap. acet. cum syr. de ibisco, nisi adeo crassa fuerit, quo casu oxymel simp. cum aqua farfaræ ex usu erit, sub noctem vero inter

intercipientia convenient, quæ falsedinem quoque contemperare possint, quale est diapenidium, diatragacanthum frigidum cum bolo, ore in somno detinenda. Pariter auribus medicamenta erunt infundenda, & quidem selectiora, ut

℥. Cœpam integram, excavetur, deinde oleo amygdal. amar. & pulvere cymini impleatur, ad ignem mox decoquatur, & fiat fortis omnium expressio, tum gossypium in turundæ formam, eadem madefactum in aures instituatur.

Vel ℥. Pomum colocynthidis evacuatum, quod impleatur succo raphani, & felle capræ, mox ad ignem cinerum decoquatur, & pariter fortiter exprimatur, & in usum, ut supra, ducatur. His peractis, conservæ caput roborantes erunt usurpandæ, nimirum e floribus betonicæ, floribus rorismar. rosar. sub ingressum lecti sumendæ. Ventriculus quoque roborandus, atque è prandio statim duo, aut tria integra grana mastiches quotidie devoranda, vel pilula ex ʒj. succi absinthii cond. deglutienda.

Quibus omnibus congrua victus ratio erit addenda, vitando lactaria omnia, lactucam, legumina, condimenta cœparum, allii, apium, fœniculum, vina generosa. Vinum verò paratur medicatum lentisco, santalo rubro, & ligno rorismar. an. ʒj. pro qualibet situla. Somnus sollicitetur sola quiete, non autem medicamentis aut vaporosis alimentis. Corpus moveat, & jejuno ventriculo exerceat, atque bis aut ter per mensem utatur semper pilulis mastichinis ad ʒj. à cibo abstineat à lectionibus & meditationibus, & alacri animo vivat. Quæ omnia D.O.M. salutaria reddat. *Johan. Raymund. Fortis consulti. & respons. medic. tom. I. cent. I.*

Sereniss. Matrona 30. annorum circiter, proceræ ut cumque staturæ, eximie pulchritudinis, habitus corporis inter gracilem & carnosum medii, complexionis biliosæ, sub dominio sanguineæ pituitosæ, agilis ad motum, sensus acutissimi, ingenii excitatissimi, prudentissimi & ad omnes heroicas actiones obeundas, expeditissimi, quatuor filiorum, duorum scilicet marium, totidemq; fœminarum angusta mater, passa est ob infortunia inopinata tres abortus duobus elapsis mensibus à conceptionis initio, quos profluvium sanguinis copiosum semper subsequutum est, non sine vitæ periculo, potissimum hoc postremo proximè præteriti Decembris, à quo accommodatis remediis, suppremi Numinis ope convaleuit, mensibus aliquin ordinate semper fluentibus. Conqueritur igitur Sereniss. Domina de variis fluxionibus, tum ad dentes & oculos, tum ad fauces & pectus, unde frequentibus & atrocibus dentium doloribus quandoque, atque etiam tussi fere perpetua ab anno jam cum dimidio divexatur, cum expectoratione pituitæ aliquando viscidæ, alias serosæ & tenuis, ut plurimum tamen nullius aut paucæ falsedinis participis, cujus ob perennem fluxionem, dentes aliquam cariem contraxere, quorum tres ob hanc causam, cogente atrocissimo dolore, fuerunt revulsi.

Corripitur insuper levi de causa dolore capitis, modo gravante & sæpius pungente,

cranium quippe ipsius rara textura, & subtiliori compage constans conicere licet pluribus argumentis, ab injuriis siquidem externis facile offenditur, & post ultimum abortum acuto capitis usque adeo dolore divexata est, ut phrenitidis periculum subjerit, nisi missione sanguinis exsaphena, aliisque idoneis remediis illi prospectum. Naribus frequenter emungit mucum viridem, flavum & glutinosum, atque in capite ejusdem diutius effloruerunt furfures squamosi, nec non ulcuscula cum crustis cineritiis, è quibus Ichores lenti & crassi, ad instar mellis manabant, quæ tamen omnia jamdiu evanuerunt ab usu thermarum, fœcunditatis comparandæ causâ, spatio mensis, & ultra adhibitarum. Cauterium vero in brachio ut præsidium utile, emissarii loco, sæpius propositum, ob varias causas reuult.

Quibus sic stantibus, cum in prædicta Sereniss. continuus Rheumatismus observetur, ob habituales capitis intemperiem humidam, & calidam, nec non ob quandam imbecillitatem contractâ quæritur à Doctiss. ac peritiss. Viris, num Patavini agri aliquæ thermæ, præmissis præmittendis, & pro usu præparato corpore, possint stillicidii forma, potissimum in bregma robur cerebro conciliare, humiditates superfluas exsiccare, loco habitualis intemperiei, contumacium, & rebellium affectionum causâ, temperiem aliquam mediocrem inducere, ut enarrata incommoda expurgari possint, atque eadem eperâ graviora præverti, non parum adjuvante benigno hoc cælo, ac saluberrimo, huic regioni Numinis indulgentiâ præ cæteris concessio. Quæ raptim, & currenti calamo, variis aulicis occupationibus distractus exarabat. N. N.

Serenissima Matrona à naturæ primordiis, jecoris justo calidioris & præhumidi ac calidi capitis, pravæ quoque soboles earundem intemperiem prodidit, etenim primo antehac, in capite squamulæ quædam observatæ fuere, à quibus ulcuscula cum crustis, quæ lento & crasso humore, mellis ad instar, manabant. Favi ideo appellata, quæ exsiccantibus thermis, non tamen adeo utiliter, licet casu cesserunt. Præterea idem caput primario & essentialiter effectum materiam continuo produciens sæpe patitur telis vulnera facta suis, dolores scilicet nonnunquam gravantes, ab eadem extendente, nec non pungentes quandoque tum à propria caliditate, tum à calida, & acri subministrata serositate biliosa ab hepate, à cujus cum catarrho missione, falsedinem factam censuimus. Et quoniam enim ob doloris acutiem & sævitiam, in delirium fere incurrisse relatum est, ideo partium intra cranium continuum solvisse existimandum. Sed quia Catarrhus, fons & soboles omnium morborum habetur, cujus vi totum corpus languere dicebat Gal. ab Hipp. mutatus asserente, *Fluxiones à capite magno radio, & molestia naturam frangere*, hinc accidit, ut in capite exuberans, & ad varias infernas corporis partes delabens, varios quoque præter naturam induxerit affectus, nimirum dentium corruptionem præcedentibus eorum gravissimis cruciatibus, qui ad emulsionem eorundem admittendam & tolerandam Patientem Sereniss. coegerunt. Præterea adenas sive gulæ glandulas inflavit, & quod gravius in pulmones decum-

decumbens & expultricem facultatem irritans ad noxii excretionem, violentum & concitatum pulmonis atque thoracis motum excitavit cum strepitu, tussim videlicet, quæ decem & octo ab hinc mensibus perpetuo Sereniss. molestat, qua materia quidem catarrhalis excernitur, tenuis ut plurimum, nonnunquam & crassior, frequentissime salsa, non tamen flava, seu subviridis, prout naribus aliquando emungitur, pro majori vel minori portione serositatis biliosæ à jecore, & venis ad caput transmissa, atqui diuturniori ejusdem, vel breviori in calido capite mora. Quibus omnibus accidit regionis ambientis nimirum conditio, est enim quid divinum, quod nobis inest, aer ipse à cujus mutatione effectus divinos, nostrum scilicet caput superantes produci videmus, & potissimum in calidis & humidis temperaturis, & molli, & raræ texturæ, quæ ut notabat Gal. facilius à causis externis, prout frigida ab internis læduntur.

Diximus autem calidam & humidam intemperiem capiti innatam fuisse, nihilominus augmentum quoque suscepisse asserimus, non quidem ab utero, ob sequutos abortus, ac proinde lochiorum, & sanguinis immoderata profluvia. Etenim *Si menstrua plura fiant, accidunt morbi, & si non fiant ex utero morbi contingunt.* Verum potius à ventriculo ob sanguinis effluxum, animi marores præteritos, & mentis applicationes quodammodo imbecilliori reddito, nec non à jecore calidiori, cujus fervor hac ætate potissimum vigere solet, & præsertim in hac serenissima, cujus cordis quoque temperies, sicut firmissima ita calidior quoque censenda, ut ex influentis caloris robore, ad omnes actiones promptissime & perfectissime obeundas, facile colligere possumus, unde mirum non fuerit, si sanguis in hepate calidiori genitus, & in calidiori corde elaboratus, ex immodicâ caliditate venarum expultricem irritante, postremis abortibus, non sine aliquâ vasorum uteri laxitate, profluvium immodicum, & ideo præter naturam excitaverit.

Status præsens Sereniss. Matronæ opem medicam exposcit, ut in meliorem mutetur vel saltem, ne in deteriore labatur. Tenuis enim destillationes *Malignas* appellabat Hippoc. *pulmonibus adversarissimas.* Gal. *Pestiferas* Celsus ob rationes Excellentissimo Viro notissimas, & potissimum quod salsa in casu nostro percipitur. Ac propterea summa cum prudentia cælum mutandum esse, & propria medica auxilia inquirenda consultum fuit, agitur enim imposterum de summa rerum.

Quare caput erit exsiccandum, & nullo modo calefaciendum, sed refrigerandum, jecoris & venarum calida intemperies pariter corrigenda, & contemperanda, destillatio aliò derivanda, ac intercipienda, & pulmones roborandi, congruâ universali totius corporis & capitis expurgatione præmissa, quod præstari poterit sanguinis ex brachii venis, medio inter utrumque tempore menstruæ purgationis, educatione. De cauterio autem nihil in præsens, dum de fonte destillationis exhauriendo cogitamus, ideoque Sereniss. D. Genio indulgeamus.

Reliqua purgatio erit perficienda lenienti-

bus, Præparantibus, ex herbarum succis & decoctionibus potius quàm saccharatis aut mellitis parandis, & purgantibus, tum à toto venoso genere, tum à capite electivè educantibus, quibus semper succedant potiones copiosæ refrigerantes; Interim errhimum suavissimum, caput recreans & reficiens, more tabaci in usum ducendum, ex pulvere majorane, & iridis Florent. paratum, ut ab infundibulo & gutture materia catarrhalis divertatur, non omitt. nocturno tempore, confectionibus sublingualibus, ex Diacodio cum bolo, vel ex diatragacantho frigido, pariter cum bolo.

Hoc loco intemperies corrigendæ veniunt, proprio ordine, & prius capitis humiditati mox caliditati ejusdem, & jecoris, incumbendum. In quem finem Sacræ thermæ, ab effectibus ita dictæ, à Viro Excellentiss. proponuntur usurpandæ, quæ saluberrimæ in agro nostro Patavino scaturiunt, pro capitali stillicidio, vocantur *Lastrenses*, exsiccant enim citra in signem caliditatem, cum multi aluminis, exiguæ calcis, sive gipsi, paucique sulphuris mineram contineant. Etsi capitis calor non obstitit, præsto sunt *Aponenses*, magis exsiccantes, sulphure, cinere, alumine, & gypso constantes. Aliæ vero ejusdem agri sunt ore sumendæ, quæ B. V. dicuntur, refrigerantes, parum salis & sulphuris, nec non alumen & juxta aliquos ferrum quoque continentes, quæ tamen prout reliquæ minerales, sulphuris participes capiti nocent, quare ab Andrea Bacio, celeberrimo viro, prohibentur, utpote effumantes, & caput plurimum replentes, locum tamen habere poterunt capite prius internis & externis exsiccato.

Præcedat itaque (quod omnino necessarium etiam præter usum harum aquarum) jus pulchre junioris, china, santalo albo, & radice rosar. damascenar. alteratum aqua beton. & farfaræ paratum, quod exsiccandi quidem citra calorem, refrigerandi facultate pollebit, per mensem exhibendum, quo tempore stillicidium quoque aqua *Lastrensi* administrabitur. A quibus ad aquas jam dictas Beatz V. deveniri poterit, primis diebus dejectorias, sequentibus vero diureticas, quarum usus si aliqua difficultate urgeri videatur, Aquæ *Nocerianæ* huc advectæ ex agro Romano iisdem à nobis substitui solent, frigida namque scaturiunt, nec exportata spiritus diffiant, cum non minerales sint, terram enim Samiam potissimam habent, quæ jecur egregie refrigerant sine ulla capitis offensâ. Quæ jam dicta, & alia Sereniss. Matronæ Salutaria evadent sub prudentissima viri Excellent. directione, ita D. O. M. vota nostra secundet.

Pro eadem.

Utinam sic firmum, ac Sereniss. Matronæ saluti proficiens, quæ sitis iam propositis admitteret responsum mutilata historia, quæ modo pervenit ad manus nostras, prout fidelissimum & more nostro integerrimum reddetur.

Quatuor igitur in Scheda proponuntur solvenda quæ sita, circa Sereniss. D. statum quibus nos addimus abortus causam expendendam quæ licet externa esse potuerit ob præteritos dolores, vigilias, corporis & animi motus,

utin secutis antehac abortibus nihilominus imbecillitatem quoque in utero contractam fuisse supponimus.

Primum autem quæsitum fuit, an integra secundina hucusq; extracta fuerit, an vero pars ejusdem non exigua adhuc num in utero hæreat. Secundum, utrum lochiorum expurgationem in puerperio necessariam possit supplere, aliæ albæ materiæ profluvium adhuc durans.

Tertium, an alicujus levis ulceris in utero suspicio esse possit.

Postremum num in dictis afflictionibus, Balnea, sive aquæ nostræ Patavina prodesse possint, & si non convenient, num hyberno tempore facultates suas adeo conservent, ut Sereniss. huc se conferre, earum causa expediat. Balnea quippe hic habemus utero firmando, ac roborando quàm maxime opportuna, quæcunque demum intemperies imbecillitatis causa fuerit.

Quæsitum igitur quod attinet, statim ab abortu hæsisse secundinam autopsia liquido patet, non enim excreta apparuit, sed præterea id mox apparentia confirmant imminantes scilicet dolores, sicut ejusdem suppressæ & putrescentis indicia sunt nausæ & animi deliquia, licet mirum acciderit, quod neque rigores, neque febres excitatæ fuerint. Num vero integra secundina excreta fuerit, prorsus ignoramus, siquidem putrefacta sexta aut septima die delabitur, quam si præterierit nonnunquam ad 60. protrahitur ejusdem excretio. Nos autem latet tempus ab abortu & præterea, num fragmenta plurima & manifesta, vel crassa materia tæns profluxerit, quanquam dolorum & deliquiorum moderatio, si non totam, magnam tamen ejusdem partem fuisse excretam certum nobis præbeat indicium, siquidem graviorebus accidentibus alioquin premeretur Sereniss. D. D. nostra.

Secundum quod spectat, consuetas expurgationes esse materiæ albæ continuo per uterum excretæ, minime dubitamus adscribere serositatibus & cruditatibus ex liquato catarrho, in venoso genere Sereniss. scatente.

Ad tertium de ulcere dicimus, quod hoc plurimum præcedere solet inflammatio, quæ non datur sine febre acutissima, doloribus atrocissimis, & sævioribus aliis symptomatibus, de quibus nulla mentio, quod licet quandoque etiam fiat ex abortu difficili, aut violenta secundinæ extractione, has tamen causas non præcessisse supponimus. Neque ab acri humorum fluxione ulcus excitatum existimamus, quoniam dolores & pungentes, & corrodescentes antehac passa fuisset. Quare ulcus in utero non adesse censemus, absentibus potissimis præsentis ulceris signis ab Hipp. recensitis, quæ sunt, continuus dolor acutus, qui ad tactum exasperatur, protensus ad pudenda, pubem, imum ventrem, ilia, & lumbos non sine febre, cum puris, & serosæ saniei effluxu, quibus à casu nostro prorsus alienis, nec ulcus in utero adesse suspicandum. Et licet quandoque recrudescant dolores, horum tamen causâ, vel in partem aliquam secundæ hærentis, vel in materiæ per uterum effluentis suppressionem referenda est, continui namque forent, si ab ulcere, ut pote à causa continua procederent.

Quibus ita statutis, ut quarto quæsito satisfaciamus, num scil. Thermæ nostræ dictis afflictionibus conferre possint, considerandum easdem tres esse secundinam scil. retentam, album ex utero profluvium & ulcus si adesset.

Et primo si de suppressa secundina loquamur laxantibus, putrefacientibus, & detergentibus per uterum injectis, & impellentibus per os assumptis indiget,

Si secundo de albo profluvio sit sermo, hoc cum Puerperæ expurgationis vicem suppleat, non est suppressendum, sed permittendum. Quod si quadragesimo transacto die persisteret & morbosum muliebri profluvium evaderet, tunc totum venosum genus serositatibus & cruditatibus purificandum foret, mox intemperies calidæ coris, humida capitis corrigenda, in quem finem aquas nostras B. V. per os assumenda utiles censerem, sicut & Laurentes quoque pro stillicidio ad capitis humidam intemperiem contemperandam. Verum ut diximus, profluvium hoc observandum an morbosum redditum fuerit. Interim animadvertamus, aquarum B. V. vires caniculari tempore vigere quo assumi solent, quia facilius permeant, & per urinam excernuntur, quæ aliis temporibus non sunt ex usu utpote quarum vires pereant. Primo quia calidioribus temporibus ab ambientis ætate rarentur quodammodo, earumque vires & facultas à minera sursum attolluntur, & per ipsarum substantiam diffunduntur, prout contrarium accidit frigidiori tempore. Secundo quia ab aquarum pluvialium mistione vitiantur, & tandem quia anni tempore minus calido non permeant, sed cum agrorum detrimento in corpore hærent. Unde ingruentibus pluviis diebus quinetiam canicularibus, Patientes ab earum usu abstinent per plures dies; quæ eadem ratio est Laurentium pro stillicidio, & fere Aponensium, pro infusu.

Si tertio de ulcere verba faciamus, quoniam non adesse speramus, & credimus, ex relatis in Scheda, ideo de remedio ulceri curando, à nostris aquis depromendo, non est quod cogitemus, quod tamen si à Peritiss. istis Archiatris in progressu forte deprehenderetur in utero superstes, hoc tantum casu, in gratiam harum aquarum, adventum Patavinum Sereniss. D. D. proximâ hyeme, & quam primum necessarium omnino existimamus, ubi balneum extat montis agrorum appellatum, cujus minera continet Gypsum, Calcem, & Alumen, ulceribus exsiccandis mirabilis facultatis, quæ non adeo facile refringitur, ut cæterorum Balneorum, & potulentarum aquarum.

Hæcque abunde, ut quæsitis pro virili ingenuè satisfaciamus, atque omnia in superiori consultatione proposita pro salute Sereniss. D. D. confirmemus, addentes interim, quod in hoc adversæ valetudinis Sereniss. statu, aeris & regionis mutatio, ut pristinum & meliorem facilius adipiscatur, præsentissimum, & penè unicum futurum sit remedium, quod candidè & ex corde pronuntiamus, prout summam felicitatem Seriss. universæ familiæ à D. O. M. enixe precamur. *Joan. Raymond. Fortis consult. & Respons. Medic. Cent. 1. T. 1.*

Illustrissimus Vir in Hispania natus vel con-

tinuis Jurisprudentiæ studiis vel gravi negotiorum mole (ratione ministerii) fatigatus, à fluxionibus quas ad dentes aliasque corporis partes passus est aliquando; inulto cauterio in brachio sinistro, deinde salsa parilla & guajaci propinato sudorifico decocto, anno ætatis trigesimo nono convaluit, ita ut per tres sequentes annos stomachi robore abuti non formidaverit: proinde enim natura (quæ solet esse morborum medicatrix) singulo mense humoris atrabilaris copiam sponte excernebat. Uxorem interim duxit, & meliori victus ratione instituta (excepto quadragesimo quinto ætatis anno; quo fluxu sanguinis per alium, & febre correptus est) usque ad quinquagesimum vitam duxit saluberrimam; post quem usque ad quinquagesimum sextum quem hodie numerat, non sine labore pituitam quotidie multam, & bile commistam, prius paucam deinde & inspidam per os summo mane excreare consuevit. Quinque ab hinc annis ineunte æstivo tempore oedematosi tumores cum aliquo rubore pedes & crura occupantes, depositam à natura, adhuc forti, pituitam cum aliqua portione bilis, ad minus nobiles partes ostenderunt. Verum anno ætatis quinquagesimo tertio, post multa in sex rebus non naturalibus errata, vehementissimis colicis doloribus correptus, postquam opportunis adhibitis remediis convaluit, per anni spatium benè & sine crurum tumore se habuit, sed tumefactis denuò partibus ipsis, licet absque dolore laborem in motu quem passus non erat antea, persensit, & duobus abhinc mensibus, evanescente denuò partium inferiorum tumore in novum importunum que morbum incidit: Nam ab assumpto cibo inter tertiam, quartamve horam ab hypochondriis, & a dextero præcipuè removeri quidpiam agnoscit quod statim usque ad sterni medietatem ascendens, ita violento dolore pectus opprimit, ut subsistendum illi sit, sudor circa frontem erumpat, brachia & gingivæ, leniusculo tamen dolore, & in dextera magis corporis parte coæfficiantur. Citò invadit dolor, & citò etiam evanescit; Modico evim aquæ saccharatæ haustu, duo vel tres ructus erumpunt, post quos aliqua solet pituitæ viscidæ quantitas excerni, & si aqua desit, qualibet re actû frigida, exterius admota, sublevatur: Condensantur enim vapores illi ascendentes & minus spatium occupantes, minorem etiam faciunt continui solutionem. Statim à metu se recolligens Illustriss. Pat. ita se habet, ut transactæ pressuræ nullum remaneat vestigium, & nihil labefactata naturali facultate circa vitales actiones omnes melius se habere fateatur, quam antea, dum crura & pedes intumescabant. Modò tuum, Vir Sapientissime, anxie consilium efflagitat.

Licet unius rei unica tantum assignari possit causa, ab una tamen eademque causa plures procedere effectus sæpè videmus, ut in casu Viri hujusce Illustriss. cujus temperamentum totius & spatium, atque corporis habitus, quamvis in historia desiderentur, ex aliis tamen relatis, totius & jecoris, iustoque humidius tum cerebri tum ventriculi conjicimus; ut propterea olim fluxionibus ad varias partes Pat. obnoxius fuerit: sicut ob jecoris fervo-

rem sanguinis fluxibus, & atrabilaris vomitibus. Naturales autem jam dictas intemperies omnes non parum foverunt & auxerunt intensa studia & vehementes in arduis animi applicationes, quæ caput replere, defatigare & imbecille reddere solent, sicut ventriculi robur dissolvere. Undè jure merito dicebat Aretæus, *Studiosi ventriculum necessario debilitari: amor enim disciplinarum à quo non avocatur? à Patria, à parentibus, à semetipsis usque ad mortem.* Et sicut decoctum sudorificum Catarrhales fluxiones jam imminuere, & ventriculo non nihil prodesse potuit, ita jecinori calorem addidit, unde paulo post atrabilaris humoris proventus. Interim & in capite & in ventriculo tum Catarrhalis, tum crudæ & pituitosæ materiæ urgente reproductione, ejusdem copiosâ, plures annos summo mane quotidie per os excretio visa fuit, non sine exigua bilis permissione. Verum quoniam à capite continuo, & noctu potissimum in ventriculum delabens, & ab eodem quotidie ex assumptis genita, adeo copiosa fuit, ut illa per os evacuatio sufficere non potuerit ad venas conversa, inde per arterias ad pedes à natura deposita fuit, talique metastasi tumores oedematoli in pedibus utiliter suborti. Verum ab erroribus in victus ratione commissis, cruditatum adauctâ mole, naturæ vires obruente, cessarunt abscessus, evanuerunt tumores, & in abdomine stagnans colicos excitavit dolores, à quibus congruis remediis liberatus, sat bene habuit Illustrissimus vir, per annum scilicet, nimirum usque ad novam crudæ materiæ accumulationem, quam rursus sinceriores, quam antea natura ipsa ad pedes deposuit, sine bile, & ideo sine dolore, cum habeamus à Gal. quod *humidum & siccum sine violentia corpus attingunt*: humiditas enim opponitur solutioni continui, nec illam nisi copia replendo inducere valet, ideo ex illa aut nullus, aut valde exiguus dolor, licet mole sua spatia dearticulationum implendo, motum difficilem reddiderit. Sed tandem rursus materia eadem naturæ repugnans, aut ob sui copiam, aut facilius ob sui viscidam, quinimò & crassam qualitatem à calore jecoris inditam, sicque admotum inepta reddita, restitat in via, & in venis tum mesenterii, tum hepatis, nec non lacteis hærens vapores emittit, dum a calore ejusdem resolutio tentatur, qui præsertim elevari solent tribus vel quatuor horis ab assumpto cibo, dum Chylus ad venas jam dictas perveniens movet cruditates viam eidem interceptantes, quâ occasione fumosi halitus multiplicantur, & ab hypochondriis, à dextero potissimum elevari percipiuntur, quorum pars fursum elata exitum quarens, nec inveniens, septum fortiter comprimens, pectus opprimit, & sterno dolorem inducit: portio alia à venis lacteis per ductum thoracicum perreptans facile ad jugulum, indeque ad brachia pervenit, & per carotidas ad caput & ad gingivas ipsas, quæ tandem in sudores solvitur.

At si simplices halitus, cur non facile dissolvuntur, cur dolores adeo immanes ac violentos excitant? an quia vaporosa & halituosa materia non est, sed fuliginosa, crassa, acris, aut acida, & mordax, à minera ejusdem conditionis elevata; humor namque olim tantum

se in vertice capitis continuam quandam frigiditatem sentire, & capillos non esse adeo humidos, ut solent.

Ager hic Catarrhis infestatur, qui sunt humorum excrementiorum defluxiones præter naturam è capite ad partes inferiores.

Victus refrigerans crudius ac pituitosum nutrimentum corpori exhibens remota mali causa fuit, hinc enim refrigerata & debilitata sunt viscera coctionibus inservientia, multaque in corpore generata est pituita excrementitia, antecedentem hujus mali causam præbens: quæ in cerebro majore copia collecta, illud nimis frigidâ & humidâ intemperie affecit, atque inde quâ datâ portâ defluens ad alias inferiores partes, causam continentem constituit.

Pituita autem illa collecta fuit in cerebro partim quia cerebrum intemperie frigidâ affectum, exiguo suo calore tam frigidum, crassumque humorem coquere & dissipare non potuit: partim quia obstructi fuerant meatus per quos salsa excrementa naturaliter evacuari solent, & debent, scilicet viæ quæ ducunt ad nares & palatum, nec non pori in vertice Capitis.

Contingit autem hæc obstructio partim in interioribus, partim in exterioribus capitis partibus: In interioribus ob crassitiam & viscositatem istorum humorum angustos meatus, excretioni talium excrementorum dicatos, infarciunt. Unde cum per debitas vias, evacuari nequeant defluunt modò ad aurium interiora, ubi tinnitum, dolorem, gravem auditum: modò ad laryngem & pulmones, ubi validam tussim & suffocationis periculum: modò ad ventriculum aliasve interiores partes, in quibus gravia mala excitant. In exterioribus, ob pororum in vertice capitis ab iisdem humoribus repletionem, eorundemque a frigore externo constrictionem: à quo frigore externæ capitis partes adeo refrigeratæ sunt, ut æger frigus illud continuum in vertice perferat. Quod frigus præterquam quòd poros constringat, in causa est, ut quicumque vapores è cerebro per futuras & cranii poros transeunt, illic extra cranium sub cute vel pericranio condensentur in humorem serosum ac pituitosum, qui ob pravam coctionem sæpè salsus & acris existit. Hic cum ob suam crassitiam & pororum constrictionem dissipari nequeat, secundum externas capitis partes defluens ad maxillas, dentes, cervicem, scapulas, aliasve quasque partes, ut dolores, alia etiam mala inducit.

Vias ordinarias, excrementorum istorum evacuationi dicatas, esse obstructas, ex eo liquet, quòd nares agro præter consuetudinem siccae & capilli quoque sicciores sint, quodque pauca sputa ejiciat: nam per palatum, nares, & verticis poros, maxima horum excrementorum pars naturaliter evacuari solet, & debet, quod hic non fieri manifestum est.

Affectio hac, præterquam quòd symptomatum multitudine ac gravitate molestissima est, etiam periculo non vacat: nam humoribus his copiosis & acris subito ad fauces & pulmones defluentibus, repentina suffocatio, vel pulmonis erosio & exulceratio, hincque tabes metuenda est: ad alias verò partes interiores ruentibus, Apostemata occulta & periculosa induci facile possunt.

In curatione (quæ sine periculo differri non potest) primò corpus bis tervè expurgandum est pilulis cochiis, pulvere diaturbith, vel diacarthami, aut tali haustu: Rec. Folior. Senæ mund. Drachm. iij. agarici albi drachm. j. β. Sem. anisi drachm. j. cinnamomi electi, Zingiberis albi ana scrup. j. β. decocti hordei q. s. fiat infusio s. art. adde colaturæ elect. hieræ picræ drachm. j. diaphœnici drachm. ij. misce. fiat haustus.

Deindè sequenti apozemate corpus & cerebrum corroborandum & siccandum. Rec. Rad. acori, scæmculi, ana drach. vj. galangæ drach. iij. herb. majoranæ, betonicæ, thymi, rosmarini, melissæ, calamenthæ, ana. m. j. fol. Lauri, flor. stachados, ana m. β. sem. anisi, fenic. ana drach. ij. baccarum lauri drachm. j. β. Aquæ & vini ana part æq. coquantur s. art. & fiat apozema ad lib. j. β. de quo sumantur tres, quatuorve haustus de die.

Meridie, & vesperi utatur post pastum particulâ hujus conditi. Rec. specierum dianthræ, diamoschi, diagalangæ, ana drach. β. conservæ anthos, rosarum rubr. ana. drachm. vj. rad. acori condit. drach. iij. Syrupi de stachadæ q. s. misce, fiat conditum.

Magnum hic etiam locum habebunt decocta guaiaci, salsæ parillæ & sassafras; imprimis si cum cephalicis calefacientibus & siccantibus præparentur, iisque sudor semel de die provocetur.

Interea dum hæc fiunt, etiam masticatoria, & errhina sunt adhibenda, ut dictorum meatuum obstructions tolli, & excrementa per debitas ac convenientes vias deduci seu evacuari queant. Tabaci usus eundem in finem etiam multum proderit.

Capiti imponatur hujusmodi cucupha, vel capitium: Rec. fol. rosmarini, majoranæ, thymi, flor. lavendulæ, ana p. ij. mastichis, thuris, ana drach. j. gariophyllorum, nucis moscatæ, ana scrup. j. fiat pulvis pro cucupha. Tempora & vertex illinantur quotidie hoc linimento. Rec. olei rosmarini, succini, majoranæ, ana. scrup. i. olei nucis moscatæ expressi scrup. ij. unguenti martiati drach. ij. misceantur pro linimento.

Si malum his adhibitis diutius perseveret, ut Catarrhus à principalioribus partibus diverti possit, conveniet foniculus in altero brachio, aut cervice excitatus.

In diætâ sit aer modicè calidus. Cibi sint euchymi & eupepti, assi potius quam elixi, conditi cum aromatibus & cephalicis calefacientibus, attenuantibus, & siccantibus, fugienda autem raphanus, allium, synapi, cepe, aliaque quæ copiosos vapores excitant, & sic caput replent. Potus sit paucus, & generosus, somnus moderatus, potius brevior quam longus. Corpus mediocriter exerceatur, & animus quietus sit.

Isbrand de Diemerbroëk de morbis capitis medicat. 16.

Juvenis 28. annorum, eufarcus, plethoricus, & vino largiore sæpiusculè sese oblectans, postquam diu æstû solis sub diu incaluisse, incidit in magnam capitis incalescientiam, & gravitatem eam jam comitatur copiosus, acris, tenuisque & falsi humoris, per nares & in os defluentis, descensus, ejusque copiosa & frequens

quens cum sreatu per os rejectio. Adest faciei rubedo, atque etiam tussicula, vesperi sub lecti ingressum ingravescent: & noctu sæpè omnem somnum ipsi adimens. Pulsus adest celer, creber, magnus. Plus justo sitit, urina est rubicundior.

Pars in hoc agro præcipuè affecta est caput, ut patet ex nimia ejus incallescencia & gravitate: Item pulmo & aspera arteria, ut docet tussicula. Item cerebrum nares, os & fauces, ut indicat copiosa & frequens humoris tenuis & falsi cum sreatu per os rejectio. Atque etiam cor, ut constat ex pulsû celeri, crebro & magno cum siti; & totum vasorum genus, ut probat urina rubra.

Morbus præcipuus, qui eum affligit, est intemperies calida & serosa, & nimis laxa cerebri & glandularum, vasorumque circa nares, fauces, & palatum existentium; quæ copiosos humores acres, tenues & falsos, in nares, palatum, fauces, & pulmones demittens, sreatumque & tussiculam sæpè excitans. Catarrhus calidus acris & falsus à Medicis synecdochicè nuncupatur.

Causa procatactica hujus morbi est vinum largius ab hoc juvene ingestum, unde multi humores calidi & serosi geniti, & per totum corpus diffusi, causam antecedentem huic morbo præbuerunt: iique in caput reliquasque partes jam enarratas delati, & serosis suis partibus, à reliquo sanguine, vi æstus solis humores attenuantis, porosque cerebri, faucium, glandularumque narium, & vasorum nimium aperientis, separati atque per nares & foramina palati in os, fauces, & pulmones delabentes, & in capite putrescentes, continentem ejus & symptomatum omnium causam constituunt.

Materia enim serosa, in caput cum reliquo sanguine copiosius delata, ibique à sole incallescens, produxit capitis nimium calorem & gravitatem, & faciei ruborem eaq. ibi putrescens & majorem calorem concipiens, ac deinde ex parte in cordis ventriculos, cum reliquo sanguine ad cor redeunte, reversa producit cordis & arteriarum pulsum crebrum, celerem & magnum, urinam rubram, & sitim febriculæ symptomaticæ indices. Dum verò serosus ille sanguis ab æstu solis nimio attenuatus, & ex parte in vapores est dissolutus, porique vasorum & cerebri nimium sunt aperti, magna copia istorum humorum & vaporum a reliquo sanguine sese separans, & in liquorem concretescens in substantiam & ventriculos cerebri, reliquasque partes affectas, sese effudit, & etiamnum effundit. Quæ ibi, propter angustiam loci, & minorem ejus calorem, in serum acre & falsum coagulata, & densata, ac ad cerebri basin in glandulam pituitariam, glandulasque & ductus aquosos narium & alias vicinas spongiosas & porosas partes descendens, *perpetuam humoris tenuis, acris, & falsi in nares, palatum ac fauces delabentis, parit defluxum, ejusque frequentem excreationem.* Pars autem hujus seri ex palato & faucibus per conniventis epiglottidis rimam, in arteriam & bronchia pulmonum descendit, & partes illas ita vellicat, ut fibrillæ nervorum asperæ arteriæ & pulmonum, in ventriculos cerebri, extremitatibus suis, desinentes, poros ejus copiosius & fortius subinde ape-

riant, spiritusque animales copiosos, modò in musculos thoracis & faucium inspiratorios, modò in expiratorios vehementius & inordinatius transmittant; atque ita thoracem inordinatè & vehementer dilatando & contrahendo, aeremque contentum per vices vehementius & inordinatius cum strepitu expellendo, *tussiculam illam molestant* producant.

Ingravescit autem hæc *agri tussicula vesperi sub ingressum ejus in lectum frigidum*, quia vapores & humores cerebri & pulmonum, aliarumque partium affectarum, à lecti & advenientis noctis frigore copiosius coagulati & densati, & à cerebro, aliisque paribus affectis, sese ob frigus superveniens magis constringentibus, in pulmones copiosius tum deturbati, augent tantoperè defluxum humorum, & hinc orientem tussiculam, ut illa propter humorum ad pulmones copiosius defluentium, illudque attollentium & pandentium copiam, sæpè ipsi *omnem somnum adimant.*

Morbus hic est valde periculosus, quia est humoris acris, & falsi ac copiosi, non tantum in nares, & palatum, sed etiam in fauces, & pulmones defluentis destillatio: unde exulceratio pulmonum, ac inde tabes imminet. Benè tamen sperandum, quia æger est validus, & malum non est inveteratum.

Curatio igitur haud perfunctoriè est aggredienda: quæ consistet in causæ procatacticæ, antecedentis, & continentis, ac intemperiei cerebri, aliarumque partium affectarum, per contraria ablatione.

Primò itaque purgetur æger hoc medicamento:

℞. Fol. Sennæ ʒ iij. Rabarb. Electi ʒ j. Sem. anisi, fœnic. an. ʒ iij. Infundantur in decocto hordei q. s. in colatura dissolve cremor. tartari ʒss. Scammonii gr. iv. M. F. Haustus manè exhibendus & pro re nata postea reiterandus.

Sub vesperam sumatur de hoc lacte amygdalato, ad somnum conciliandum, & humores acres, & falsos temperandum, eorumque fluxum sistendum.

℞. Amygd. dulc. excortic. ʒ ij. sem. quat. frig. major. ana ʒ j. Papav. alb. ʒ iij. Aq. hord. lb j. F. Emulsio amygdalata.

Vel sumat subinde vesperi pilulam gr. iv. laudani opiatam vel pil. de cynoglossa, gr. xvi. quæ in pilulas duas formeitur: vel syrupi de papav. unc. ʒ. vel ʒ vi.

Magni etiam usus ad catarrhi defluxum sistendum, & acrimoniam ejus temperandam, est cochleare sequentis syrupi, postquam corpus benè est purgatum vesperi sub ingressum lecti sumtum.

℞. Syr. de papav. albo, de hyssopo, Oxy-mell. simpl. an ʒ j. Misce.

Postridie aperiatur vena, & educatur sanguis satis largiter, cum æger noster sit plethoricus.

Deinde si malum perseveret, humor est alterandus, & incrassandus tali decocto.

℞. Fol. lactuc. portul. plantag. an. m. j. Sem. quat. frig. maj. papav. alb. ana ʒ ij. flor. viol. nymph. pap. rhæad. an. p. j. cōquantur ex aq. com. ad lib. j. in colatura dissolve Syr. violacei, rosar. siccar. an. ʒ j. Misce. F. Apozema pro tribus dosibus, bis in die sumendis.

Ad materiam defluentem ulterius incrassandam

dam, & fluxum inhibendum atque acrimoniam ejus temperandam, hunc sequentem liquorem in ore teneat.

℞. Flor. ros. rubr. p. j. cortic. cap. papav. num. j. vel ij. jujub. recent. p. j. decoquantur in aqua communi pro ℥j. colaturæ adde syr. papav. ℥ij. diamori ℥ss. boli arm. veri ℥j. milce.

Tum etiam trochisci sequentes in ore frequenter erunt detinendi.

℞. Gum. tragacanthi & arab. an. ℥ij. boli armen. terræ sigill. lotorum in aqua rosacea an. ℥j. sem. papav. alb. succi liquiritiæ an. ℥ss. sacch. penid. ℥j. cum mucilag. sem. cidon. extracti cum aq. ros. q. s. f. troch.

Interdum etiam ad catarrhum sistendum, & materiam tenuem incrassandam, & acrimoniam ejus temperandam, commodè utetur hoc linctū.

℞. Loch. de papav. ℥j. syr. papav. ℥j. & ℥ss. de jujub. ℥ss. spec. diatragac. ℥ij. m. & lambatur cum bacillo liquiritiæ.

Ad materiam aliò revellendam, adhibeantur lotiones brachiorum & crurum in aq. decoct. flor. nymph. fol. salicis, cap. papav. alb. & flor. chamom. Frontem & tempora inungat ad somnum conciliandum oleo nymph. papav. & ung. popul.

Ad caput roborandum, fluxionem sistendam, ejusque reliquias absumendas convenit hæc cucupha.

℞. Gum. junip. ℥j. ros. rub. p. ij. myrtill. ℥j. macis, nucis mosch. thuris, sem. pæon. cort. cap. pap. an. ℥ij. nucis cupressi ℥ss. pulverisentur & cum floccis panni coccinei, ac syndone rubra, f. cucupha interpuncta, perpetuo in capite gestanda.

Si his malum non cedat, fonticulus aperiendus in brachio, vel etiam circa nucham, ubi etiam velicatoria poterunt adhiberi.

In diætâ aër sit temperatus, aquilonaris, & strinus, ventosus, & pluviosus vitetur. Cibus sit concocti facilis, ex piscibus saxatilibus, lactuca, ovis forbilibus, pullis gallinaceis, hordeatis. Cibi quantitas sit moderata, cœna prandio parciore, sub finem refectionis sumatur portio carnis cydoniorum: sumantur etiam uvæ passæ, & amygdalæ dulces. Potus sit cerevisia tenuis, parce, quantum potest, sumpta; lectum vesperti ingrediatur moderate prius calefactum. Somnus sit moderatus & nocturnus. Tegatur caput mediocri tegmine, excrementa alvi quotidie vel arte, vel natura respondeant. Motus immodicus & animi perturbationes vitentur. *Henricus Regius apud Theodor. Craanen Medicationum lib. i.*

Juvenis 26. annorum cum excalefactus ad ignem, & postea foras in aërem frigidum & humidum subito esset egressus, cœpit in parte nasi, quæ os frontis attingit sentire gravitatem, & respirationis per nares faciendæ difficultatem. Malum hoc postea auctum jam per biduum durat, humorque acris ex naribus exstillans, easque exasperans, magnam molestiam ipsi parit.

Pars quæ in hoc juvene præcipuè afficitur est nasi radix & os ethmoides, idque ex gravitate circa radicem narium percepta, & ex respirandi per nares difficultate patet.

Morbus qui ipsum affligit, est intemperies narium & ossis ethmoides, ac vicini cerebri frigida, humida & acris, cum obstructione eorum conjuncta; quæ gravitatis sensum in iis, respirandique per ea difficultatem pariens, latine gravedo & græcè coryza dicitur.

Causa hujus morbi est corporis & præsertim capitis calefacti, in aërem frigidum & humidum subita delatio. Inde enim partes jam commemoratæ fuerunt refrigeratæ, porique circa nares & anteriorem cerebri partem ab igne ante aperti, per frigus, superveniens externi aëris, profundius in cerebrum ingredientis, subito clausi, impediverunt, quominus vapores copiosi, in cerebro calido existentes, satis abunde ex eo, & naribus exhalare possent. Illi autem ibi retenti & vehementius agitati, aperuerunt in anteriore cerebro, & naribus ita poros, ut copiosum serum & pituita salsa, à reliquo sanguine eorum ope separaretur, ac ad nares deflueret. Cumque illi pori cerebri etiamnum ita dispositi maneant, hinc fit, ut humores, etiamnum eo defluentes, obstructionem narium, gravedinem, & asperitatem ac rosionem in iis pariant.

Hoc malum plerumque si diætâ rectè instituitur, sponte cessare solet. Verum quia hoc nostro juveni magnam molestiam parit: & non sine periculo est ne catarrhus hic auctus etiam ad pectus aliasque partes defluat, idcirco curatio mox est adhibenda.

Eaque in humorum superfluatorum, ex toto corpore, & partibus affectis, evacuatione, pororum clausorum apertione, & intemperiei per contraria correctione consistet, maneat itaque purgetur talibus pilulis.

℞. Aloës rosatæ, scammonii optimi an. gr. xiii. olei cariophyllor. gut. j. cum syr. ros. sol. q. s. f. pilulæ num. iv.

Interdum hunc nodulum sæpe naribus admotum olfaciat.

℞. Sem. nigellæ, cymini, thuris, cariophyllor. an. ℥ss. contusa includantur linteo & f. nodulus.

Purgato jam corpore, vesperti, & manè caput mantili injecto & undique dependente tegat, excipiatque pronis naribus, fumum à cariophyllis indicis sex vel septem, in ignem patella exceptum, & naribus suppositum, aliis post alios conjectis, exhalantem. Nares interius ad asperitatem tollendam & exulcerationem præcavendam oblinat unguento rosato vel pomato.

Vapor etiam à majoranæ, chamomeli, meliloti, & sisymbrii decocto, vel ab aceto rosaceo, in laminam ferream ignitam injecto exhalans, & naribus exceptus, multum hic conducit.

Versetur domi in aëre moderate calido, & caput tegat integumento quod ad frigoris sensum tollendum sufficiat. Vesperti cubitum iturus sumat cochleare spiritus vini cum saccharo albo. *Henricus Regius apud Theodor. Craanen Medicationum lib. i.*

De Catarrho pro viro Ampl. D. D. M.

Affectus Illustrissimo Domino præcipuè molesti & opem medicam postulantes, sunt catarrhi

rhii; corysa scilicet bronchusque, nunc cum fe-
bri juncti, nunc citra illam affligentes: nam mu-
cum quem emungere cogitur; quandoque ita
induratur, ut nares tenaciter obstruat, agrequē
eliciatur, frequenter autem sputum, vel sreatu,
vel tussi, nunc fortiore; dum materia adhuc
cruda est & aquea minusque aeris impulsui ce-
dit; nunc faciliore negotio etiam ex intimis
pulmonum recessibus inspissatum; & crassefa-
ctum, excernit:

Horum catarrhorum indaganda materia ex
qua tam frequentes & diurni producuntur;
locus ex quo in nares, fauces & in pulmonum
bronchia stillat; forte etiam in ventricu-
lum; causa materiam ad tam largam & cre-
bram stillationem impellens; atque hæc scire
ad faciliorem curationem plurimum interest;
& in medendo magnum momentum adfe-
ret.

Materiam quod attinet, non videtur lymphæ
in specie sic hodie nuncupata, cum illius mo-
tus sit ab externis ad interna, scilicet aut ad
receptaculum chyli, aut ad ramos venarum
majorum non uno in loco: sed serum, quod
cum sanguine per arterias ad partes defertur,
per quas alias tum superfluum, tum usui alicui
inserviturum excernitur. Serii natales, & om-
nia quæ de eo dici possunt, huic responso infe-
rere intempestivum foret, & propè in volumen
excreveret: pauca delibabo atque ea solum-
modo quæ ad explicationem Illustrissimi Do-
mini affectuum pertinebunt, primum non ne-
gabitur serum perpetuum & individuum san-
guinis comitem esse, ei que commisceri cum
vitæ primordiis; ausimque dicere illud jam san-
guini junctum in vesicula saliente, antequam
ullum viscerum confusum matum esset; nisi scili-
cet ab illo dilueretur sanguis; nec fluidus es-
set; nec per minutissima capillamenta exporri-
geretur; ut taceam illum ipsum sanguinem ni-
hil nisi limpidissimam aquam prius fuisse, quam
Excellent. Harveius appellat colliquamen-
tum.

Deinde certum est serum massæ sanguineæ
quotidie in sanis reparari non solummodo ex
potulentis, sed etiam esculentis, nam & hy-
dropotorum sanguis, qui parcissime bibunt, &
non raro demum tertio vel quarto die; item
avium quarundam quæ nunquam potulenta in-
glutunt; sero diluitur. Aquilæ duæ, hic ubi
hæc scribo, jam à 26. annis nutriuntur, rarif-
simeque animalibus seu vivis, seu mortuis sangui-
ne irriguis, sed plerumque carnibus exsuccis &
exanguibus scil. intestinis & extremis anima-
lium potiuntur, ac ne guttula potus apponitur;
nihilominus more aliarum avium mingunt. Pa-
radoxon pridem, at nunc physicis curiosiori-
bus non ignotum, & ipsemet in omnibus avi-
bus renes & ureteres urina candida turgidos,
& non ita pridem in aquila ejusmodi, & dum
hæc scribo in cloaca aquam lymphidissimam
cum sedimento cretaceo in falcone reperi: in-
stauratur autem serum hac ratione; absumpta
liquida non diu in ventriculo manent; nec in
intestinis moras longas neunt, sed inde ce-
leriter per vasa lactea ad receptaculum chyli &
cor amendantur, ac partim per vias à natura
ad id destinatas, à sanguine separantur; &
nonnunquam brevi post eliminantur. Tertio

serum non solum plurimos usus corpori huma-
no præstat; verum etiam ipsum mortuosum;
plurimorum symptomatum morborumque cau-
sa fit; si vel copia, vel qualitate, vel motu, vel
loco peccat. Apud Illustrissimum Dominum
peccat copia, qualitate falsuginosa; loco fre-
quentioris excretionis, ac receptionis incon-
gruo, atque etiam propterea graviora minari
videtur. Sero abundare macilentos, fuscios, ve-
nis amplis & capillis nigris præditos, passim Car.
Piso de colluv. serosa & alii tradunt, Illustrissi-
mum Dominum verè hujus plurimum cumulare;
non solum & frequentia & pertinaci duratione
catarrhorum, sed etiam sensu ipso constat, dum
in sanguine venæ sectione emissio, multoties se-
ri proportio debitam excedens inuenta fuit,
hoc in massa sanguinea Illustrissimum Dominum
non credo coacervasse ob nimiam potulento-
rum ingurgitationem; cum semper temperan-
ter vixerit, superfluum potius in massa sanguinea
colligi videtur, quia in illa portio molestiam pa-
ritura permanet, nec per vias & ductus à natura
destinatos sufficienter excernitur, videlicet, aut
vitio renum quos forte hæreditario imbecillio-
res nactis est; fratrum unus ex ulcere renum
obiit, alter ischuria, atque ipsemet Illustrissimus
Dominus ab anno 1653. ad annum 1673. dum me-
rum bibit ac victu calefaciente & siccante frue-
batur, urinas colore, consistentia, sedimentis,
varias excrevit: quandoque obscuras cum se-
dimento copioso, crasso, etiam mucoso, non
sine suspitione renum agrorum; aut glandula-
rum subcutanearum, ob habitum corporis
macilentum sicciorum, minusque perviarum,
nec ad sudorem, aut insensibilem transpiratio-
nem satis bene dispositarum, eoque minus quia
serum ad faciliorem exitum non ritè præpara-
batur, nam Illustrissimus Dominus ob negotio-
rum multitudinem & gravitatem legendo &
scribendo maximam vitæ partem sedentarius
traduxit, & nimis calorem egregiè superfluum
aquam absumentem excitavit; aut denique
glandularum intestinalium, per quas massa
sanguinea vere & autumnò diarrhœis salubriter
depletur, atque à superfluis humiditatibus vin-
dicatur & levatur, nam plerumque alvi siccioris
fuit. Serum falsuginosius esse apud Illustrissi-
mum Dominum sapor sputi manifestum facit;
in super patet ex sabulo seu subtilissimis arenulis
rubris & flavis, ut & ex operimento urinæ telæ
araneæ simili, quæ nihil nisi salinæ concre-
tiones sunt; sive matulæ fundo aut lateribus ad-
hæreant, sive sedimento permisceantur, nam
demum post aliquam moram apparent similes
prorsus crystallis nitri, aut tartari, quæ in liquo-
re aliquo soluta post quietem mediis in undis
coagulantur, atque operimentum urinæ, pingue-
do hæcenus credita, monitore Excellentiss. D.
Willis de urinis, sal esse comperitur; si exstilla-
tum cultri apici imponitur, & candela ardens
subjicitur; nam nec diffluit, nec flammam con-
cipit, sed instat salis culinæ crepitat. Unde
falsuginem excedentem obtineat serum apud
Illustrissimum Dominum, prolixè res explican-
da foret, si cum contentiosis agendum mihi es-
set; rem paucis absolvam, primò serum om-
nium animalium sanguineorum in sicco viven-
tium salum & nitrosum esse existimo; quamvis
quædam ne guttam quidem salis culinæ, aut

alterius seorsim existentis degustent, nam urina omnium quotquot novi acrimonia salina nares ferit, & deglutata procūldubio salinam sobolem prodiret: pullus asinivus nullo alio cibo nutritus quàm lacte materno, aliàs ad sanguinem edulcorandum tantopere commendato, urinam falsam emittit, cuniculi solo funcho levi & lactuca cibati acerrimam urinam emittunt, equos graminibus pastos, vena secta copiosissimum falsissimumque serum acquirere veterinarii fidem faciunt & sudor illorum testatur; deinde arbitror falsuginem feri quotidie reparari, & quandoque augeri, nam quamvis à primordiis vitæ aliquid salis ipsi immistum fuisset, vel milles evanisset, cum naturæ volatilis sit, ut ex feri & urinæ destillatione notissimum est. Tertiò concedetur mihi cibos & potus plerosque cœu corpora perfectè mixta aliquid salini & pinguis continere, nisi que his prædita essent ad nutriendum inepta forent, quod utrumque rationibus & inductione alimentor. probarem, nisi brevitati studerem, denique non negabitur alimenta in chylum lacti simillimum converti, adeo ut lac etiamnū plures nihil nisi chylum esse tantum non apodicticè demonstrent; chylus igitur cum lac sit, vel lacti similis, utique quoque cremorem seu portionem pinguem habebit, calidi nativi pabulum, quod aliorum pinguiorum in morem à flammula vitali incenditur, deflagrat, ac fuligines post se relinquit, & quamvis harum portio per expirationem & insensilem transpirationem avolet, pars tamen magna sanguini permixta manebit, quæ in liquorem soluta illum salinam efficiet, non secus ac à cineribus lixivium enascitur: cum itaque omne serum falsum sit, illud quotidie reparetur ex cibo & potu, dum non solum alimenta solvuntur, sed etiam portiones pinguioribus comburuntur quasi & deflagrant, facile constabit, quò temperamentum totius calidius, eò serum sanguinis magis salinum evasurum. Quoniam igitur Illustrissimus Dominus quoque tale temperamentum nactus est, ut ex plurimis indicis constat, quia insuper massa sanguinea ipsius à frequentibus febribus continuis & intermittentibus toties tantum non combusta fuit, mirum non est, pinguibus consumptis maximam partem, salina magis in propatulum venisse, & tandem prope principatum obtinuisse, serumque falsissimum evasisse.

Mucum qui emungitur ex Glandulis narium; sputum quod simplici creatu prolicitur ex Glandulis supra pharyngem in faucibus sitis, item extremæ Tunicæ palati juxta uvulam, insculptis, & tonsillis prodire existimò, cum in ovibus & hominibus his in locis phlegma seu mucum facile non semel expresserim; Neutiquam verò ex intimis cranio indutis partibus & à cerebro huc descendere solidis argumentis Excell. D. Schneideri de Catarrhis fretus, credo, an mucosus in Broncho à faucibus per laryngem in asperam arteriam delabatur? ambigo, cum tantillum liquoris rimæ isti illabens tantum non suffocationem intenet; novi exceptionem quam regerunt; nimirum Catarrhosam illuviem sensim & ad latera descendente tale periculum non afferre, verum cum in Broncho sputum copiosum per plures septimanas ejiciatur, vix turbas istas Illustrissimus Dominus

evitare posset. Ut taceam me non rarò Bronchos observasse, in quibus fauces prorsus ab illuvie mundæ; imò quandoque prorsus aridæ erant; quod nunc quoque his in oris multi febri maligna decubuis accidit, multum sine pleuritide, aut peripneumonia tussientibus, succedente in quibusdam sputo, absque difficultate, simillimo catarrho sine febre contingenti. Existimo potius sputum hoc extillare ex Glandulis Bronchialibus, & extremis capillamentis arteriarum pulmonicarum; nam sero Bronchia perpetuò irrorari constat inde, quia semper tum aspera arteria, tum rami etiam extremi, liquore intus imbuti reperiuntur; Inflatibus pulmonibus etiam multorum animalium spuma ab exagitato liquore copiosa resultat, fluctuante nihilominus liquore in ramulis: denique non semel observavi Aspera arteria secundum longitudinem divisa, digitoque attensa & fortiter pressa protinus liquoris plures guttulas exsudasse intus, nec absurdum est serum in massa sanguinea secretum & despumatum tumultuans uno eodemque tempore diversis in locis exitum querere; non enim semel observatum fuit Broncho & Corysa affectos, simul largiter salivasse, copiosius solito minxisse, insuper sudasse, imò quosdam quoque dolores arthriticos expertos; in aliis quandoque simul larga diarrhæa alvum solutam fuisse: Exorbitans enim in tumultu hoc qua data porta ruit ac effluit. Glandulæ istæ serum ab arteriis accipiunt, quibus ubique pulcherrimè exornantur & ditantur;

Serum commovetur & à massa sanguinea separatur aliquando sua sponte & citra causam aliquam præviam, quæ alicujus momenti esset prægressam; quando nimirum copia aut acrimonia peccat. Apud Illustrissimum Dominum fiebat pridem à quavis tempestate frigida, unde diu Illustrissimæ matris more, frigoris impatiens fuit. Ultima vice evenit, æstuante corpore, à perfrigeratione in umbra frigidæ, idque per *antipræstari* quandam feri, per habitum Corporis exitum querente in vasa sanguifera repulso alibique exitum impetuosius inveniente. An illius commotio & segregatio aliquando fiat præcipitatione quadam cœu fieri solet acido lacti instillato, non certo statuerim, quamvis nec impossibilis sit, nec desint qui hoc etiam rationibus probent. Serum commotum per oscula glandularum narium, faucium & bronchiorum exitum sibi parat, quia naturaliter alias per illas evacuatur; propter crebros verò catarrhos, illorum oscula vasorum deferentium magis patula, cavernulæ ampliores & ostia in cavitates prædictarum partium magis hiantia existunt, ut inde sine impedimento largè emanare possit: largius & diutius continuato effluvio elabatur, quia serum acrisua falsagine osculorum labia prorsus nervea & exquisito sensu prædita continuo lacerant, atque ad ulteriorem effluxum sollicitat; qui eò usque perdurat, donec feri magna pars depleta, illudque tandem in illarum Cavernulis inspissari & incrassari, cœperit: unde etiam sero à lactis asinini potu mitiore reddito, Illustrissimus Dominus minus tussit, & mutato victu calido & sicco in humidum & frigidum ab his molestiis vixit immunis.

Febres continuæ tum solæ tum cum Catarrhis
exo:

exorientes adscribendæ sunt accensione sanguinis alias fervidioris, ulteriori; potissimum à causis externis, nam temperamentum totius calidum & siccum scribitur esse; quod solummodo à tali constitutione dependet; atque alias sæpe ex levi occasione & commotione; etiam à dolore exardescit; intermittentes præterea fomitem aliquem postulant, qui bilis esse videtur, nam Illustrissimus Dominus toto durationis tempore carnes fastidivit ac plerumq; mitigata aut subducta bile curabatur.

Sententia hæc nimium propriæ credulitati litantis est; quæ asseritur neminem inficias iturum, Catarrhos ita frequenter recurrentes ab intemperie viscerum naturalium calidiore & sicciore multa humorum excrementorum colluvie stipata, primario scaturire: ejusdem fortis est quæ paulò post subjicitur, vel certe illam illustrat scilicet colluviei humorum excrementitiorum partem crassiorem & terrestriorem in viscerum naturalium venulis omnibus indefinenter stabulantem, instar fermenti ex intervallis incallescere, atque fermentari, inde massam sanguineam ebullire, atque hoc modo recursus hujus catarrhi frequentes fieri. Certè qui sanguinis motum circularem agnoscunt, hoc effectum ridebunt: nolo iudicium Italorum adjungere de illis qui superstitione, hunc motum in tanta rerum anatomicarum luce spernunt. Cum plurimis Viris Doctissimis per maximam Europæ partem sentio sanguinem venosum ubique sibi similem esse, nec diversum in pollice pedis dextri existere; ab illo qui in auricula cordis dextra detinetur, excepto illo momento quo chylus recenter per ductum Thoracicum affertur, brevi tamen pollicis sanguini similis futurus existimo, quam colluviem crassam & terrestrem cum sanguine in venulis omnibus viscerum naturalium stabulantem; alios potius morbos, non multum recidivantes quam Catarrhos parituram: à stagnatione non oriuntur inflammationes, canceri, scirrhî, scrophulæ, tumores cum folliculo, aliæve mala, prætenditur quidem antiquitas, quæ tamen vix Fernelianam ætatem supergredietur. Novi Excell. Riolanum huic sententiæ favisse, ac propterea circulationem sanguinis peculiarem excogitasse: attamen quoque egregie ab Excell. D. Slegelio Hamburg. de motu chyli & sanguinis aliisque vapulavit. Phthisi Illustrissimum Dominum à pulmonum ulcere oriunda non ægrotare, libera Respiratione, sputum etiam ex imis bronchiis productum puris expers, & febris lentæ absentia demonstrant; num illa quæ à Marcote & pulmonum ariditate originem ducit, vel adsit, vel metuenda foret? summopere dubito, cum Illustrissimi Domini pulmones alias ob crebros Bronchos nimium irrigentur, an omnino talis visa fuerit non ausim negare; quamvis illam nunquam observarim in praxi mea trigessimum primū annum excedente, nec viderim, quamvis non pauca phthisi emortuorum cadavera secuerim. Waldtzech ad Renum in vicino monte specus est in quo lapides molares effodiuntur & dedolantur, in illo aer semper etiam gelidissimā brumâ, calet, pulvisque volitat subtilissimus loculos coriaceos penetrans arctissime clausos & nummos conspurgans: quotquot lapidicidarum ultra annum in illa morantur, quod non

pauci faciunt, diviti lucro inhiantes, omnes phthistici fiunt, quidam etiam anno nondum elapso. Paucissimi & non nisi maturè opem poscentes evadunt: fortè his pulmones exarescunt; certo id affirmare nequeo, quia hactenus nullo cadavere potiri potui, quamvis id prece ac pretio attentarim, ab hac phthisi Illustrissimus Dominus ut sibi metuat nullam rationem habebit, licet macilentus sit, nec à liberaliore victu habitus augeatur: maciei enim causæ plures aliæ, præter febres lentas, esse possunt; plurimorum habitus non augetur licet nullus morbus adsit, vel propter unicum succum nutritium, ob falsuginem quoque minus ad instauracionem aptum; quia vero Illustrissimus Dominus parens & fratrum unus phthisi obierunt, oportebit saltem medentes cautiores esse atque etiam tuta timere: plerique falsos catarrhos phthisi militari tradunt, quibus tamen Exc. Platerus in praxi adversatur, plures quoque novi frequenter illis obnoxios ad seram senectam pervenisse, & quotidie videmus serum falsum sine damno pulmones permeare, fortè Illustrissimus Dominus jam aliquid arthritici experitur, dum in his paroxysmis catarrhosis brachius sinister, ubi fonticulum gestat, aliquoties doluit, nisi symptoma hoc adscribendum fonticulo devio & nimium versus tendinem deltoidis vergenti, vel affluxui alicui feri falsuginosi, ad partem à fonticulo aliquantulum debilitatam & ad affluxum dispositam.

His ita præsuppositis, indicationes erunt, serum in massa sanguinea redundans imminuendum, falsius & fluxibilis edulcorandum, & densius reddendum; sanguinis inflammabilitatem emendandam & pro virili incendium declinandum; denique oscula glandularum nimis patula coarctanda esse: quibus his auxiliis satisfaciendum est.

Venæ sectionibus semper aliquid feri subtrahitur, simulque sanguinis impetus coercetur, nimia ebullitio & effervescencia obtunditur, at illas neque usque adeo crebras suaserim, cum in qualibet V. S. non exigua spirituum portio profundatur, unde ob hanc spirituum depravationem sanguis serosior redditur, qui cachexia & secundum Avicem Apoplexiæ paratior tandem evadit; à scarificationibus utilius quippiam non sperare quam venæ sectionis succedaneo expectari potest: idem de hæmorrhoidum apertione sentio, quia non alius sanguis ab hyrudinibus elicitur, quam si aliæ venæ affligerentur; fonticuli cum semper aliquid feri de massa sanguinea subtrahant & illud quotidie fiat, non sine Illustrissimi Domini commodo contingeret, si in dextro quoque brachio alter quoque excitaretur: in pedibus raro illos paro; cum sæpe erysipelata superveniant, ulcerum difficiliorum curatu auctores; quod Illustrissimo Domino eveniret ob massam totam debito fervidiorē;

Vesicatoria in habitu macilento atque ad febres præclivi, renibus aliis debilibus, imprimis si è cantharidibus pararentur facile turbas extarent: tutius propterea omittentur; purgantia ex cassia, senna (addo Rhabarbarum, Tamarindos, syr. ros. sol. syr. flor. pers. & similia) non improbanda, attamen in his modum servandum existimo, cum à frequentibus purgantibus

tibus ventriculus & intestina mire enerventur: fortiora verò hydragoga ex jalappa, Gummi Gotta, & similibus in habitu macilento, & ad febres admodum proclivi detestor;

Sudorifera & diaphoretica non pœnitius damnanda arbitror, cum serum æque ac purgantia evacuent, nec metuendum illud acrius inde evasurum, non enim mera aqua his viis excernitur aut tam graves ab illis quam à purgantibus turbæ excitantur. Purgatio enim sive irritando oscula glandularum intestinalium, sive sanguinem fermentando, sive utraque ratione fieri putetur, id nunquam sine sanguinis commotione peragitur. Certè in principio quoque phthisis vix quicquam purgantibus nocentius exhiberi poterit: nullum novi qui horum usu convaluerit, tenuè principium ab illorum abusu invaluit, & semper mortem ipsis acceleravit: Unde non immeritò Hippocr. diarrhæam phthisicis etiam citra purgantia supervenientem lethalem pronunciat, l. 5. aph. 14. & alibi; non tamen suaderem sudorifera aut diaphoretica valde calida: quamvis sint qui etiam tabidis decocta ex guajaco & similibus parata suadeant, & se cum fructu adhibuisse publicis scriptis bona fide attestentur, ut Jos. Freitag. in consilio contra phthisin, ac etiam Exc. Riverius in suis observationibus, & alii in sudore vel leviculo madore ciendo, curationem ineant; nec ab illius eruptione tantopere terrerent; nimirum si mane circa horam quartam aut quintam sudor emergeret, neutiquam statim illum reprimere, sed ad bonam tolerantiam manare sinerem; nec moderata exercitia ad sudoris emerfuri metum, mane cœlo sereno & benigno, aut in conclavi temperato, vel vesperi tantopere prohiberem, quia calore nativo aliquantulum excitato, & vegetiore reddito, multum feri, catarrhorum materia futuri, si non per sudorem, saltem per insensilem transpirationem subtrahitur, citra ullum incendii periculum: præterea absque ullo scrupulo Illustrissimo Domino sape darem, maxime mensibus autumnalibus, hibernis & vernis diaphoretica absorbentia, simulque sanguinem edulcorantia, juxta potum lactis asinini, aut Jusc. Carn. vitul. aut similia, idque summo mane hora scil. quarta vel quinta: Cujusmodi sunt pulv. antihect. Pot. C. C. philosophicè præparati, Ebor. philosoph. præpar. unicornu fossil. Terr. sigill. Turc. Bol. arm. & similia, tantum abest ut hæc nocitura sint, ut ausim dicere, me aliquos phthisicos qui adhuc superstites sunt, benedicente Deo, integræ valetudini restituisse; nec possum perspicere, qui tutius catarrhorum fons perpetuus sine his exauriri possit. Doleo Thomam Willisium, virum optimè de re medica meritum hoc nomine suggillari, ac neminem ipsius methodo à phthisi vindicatum fuisse, licentiosius pronuntiare: nolo nunc illius causam agere, illud solum addo, rectius neminem ex pulmonum ulcere phthisicum, se curatum posse fateri, æterno illo circulo clysterum, venesectionum, purgationum & ptisanarum, utpote si res penitus excutiat, methodo veræ rationi & experientiæ refragante, & umbram non corpus, symptoma non ulcus aggrediente. Prædicta hac ratione exhiberem.

℞. Pulv. Antihect. pot. 3 ij. C. C. philosoph.

præpar. corall. præpar. Terr. sig. ana 3j. unicornu fossil. præpar. Matr. perl. præpar. ana 3j. Tab. man. Christ. perl. 3 vi. M. f. P. cujus dosi sit 3ß. cum aquæ scabios. vel veronic. vel Tussilag. pauxill. hora supra memorata. aut omissis Tabell. Man. Chr. perl. reliquum pulverem miscerem conf. ros. rubr. 3 iij. conf. fl. bellid. min. succo numular. aut simili inspissato, paro sc. ex 3j. pilulas numero XL. dosi sunt pil. X. cum paux. syr. viol. fl. bellid. min. hæc raro sudorem movent, aut si sudor emergat, nemini vel minimum nocuisse testari possum: nollem tamen illum culcitris aliterve violentius cieri.

Ead. diureticor. ratio est quæ non prorsus exhibilanda videntur, nec illi ipsi qui verbis illa detestantur, improbant, dum lac Asininum, Juscul. vitul. Cassiam, suadent, quæ ipsamet diuretica: fateor tamen mitiora seligenda, calida fugienda esse, lac Asininum mane hora 6. vel 7. & vesperi hora 5. ad 11j. tepidè Illustrissimus D. bibere posset, admisceo semper Jul. ros. aut viol. 3j. vel 3 iß. ut ventriculo gratius sit minusque aciescat, continuare illius potum poterit non per unum alterumve mensem, sed etiam pluribus mensibus, quandiu nimirum illius potum ventriculus toleraverit, (nam non raro lac fastidit & summopere averfatur) nec symptoma prohibens supervenerit, ad podagram expugnandum jam pluribus proficue suasi: illius insultus hac ratione Illustr. Dom. evitaret, quos dolor humeri sinistri, & Illustrissimæ Dominae matris valetudo, quæ demum sexagenaria, podagrica facta fuit, minari videntur.

Si lac Asininum non amplius bibet, Juscul. vitul. substitui poterit, ac non nudum, sed alteratum scorzonera, endivia, aliisve cichoraceis recentibus addito pauxillo hordei mundati, hac enim ratione major feri portio simul recederet, ac sanguinis effervescencia compesceretur; Ciocholam, omisso pipere indico aliisque aromatibus non omnino improbarem, cum nucleum Cacao hecticis imprimis conducere legerim aliquando in Hernandi Thesaurorum medicarum Hispaniæ novæ. Commendant quidam contra catarrhos potum cavae sive caffè & decoct. herb. thee, ambo tamen Illustrissimo Domino minus convenientia opinor, ob calorem quo prædita sunt, licet nunc apud plures in usu sint, & sua quoque beneficia præstent: hæc potationes antiquior. potui calido respondere videntur, quas Europæi nunc ab Orientalibus mutuuntur. Semicupia seu infusus in conclavi temperato parata ex humectantibus sc. malv. flor. Nymph. viol. hord. fursur. macris in aqua fontana decoct. extra paroxysmos catarrhorum non rejicio, cum quoque hac ratione salsugo emendetur, pori referentur, habitus ad incrementum disponatur: verum illis utatur mane tepidè, post infusum lectum petat & toto die corpus contra frigus muniat, ne catarrhis ansa præbeatur. Diæta accuratissima ineunda est: aer frigidus, nebulosus, ventosus semper nocebunt, ut etiam præservidus; cibis vescatur boni succi, facilis digestionis; cum lactis potui, carniū teneriorum esum nunquam prohibeo: cibi aromatibus, sale nimirum, item succis acidis cydoniorum, aurant. aceto aut saccharo nimio conditi; item fructus horei crudi

crudi p̄nitus fugiendi; pisces, pastæ farinaceæ succum nimis glutinosum præbentes; cuni Glandulas globosas inviscent; omnem butyri usum non p̄nitus rejicere possum, cum etiam flammulæ seu pabulum debeatur, & particulæ quædam pingunculam refocillationem exigunt; abusus vero ejusmet ut & ipsius olei etiam optimi, aliorumvè alimentorum præpinguium damno: cum effervescentiæ sanguinis ansam præbeant; vinum dum lac bibitur in cibo & potu exulet; præ aqua fontana laudarem ob frequentes catarrhos decoctum aliquod E. g. in aquæ fortanæ ꝑ ij. coque ligni visc. quern. aut lentisc. aut santal. citri. aut rad. chin. ꝑ ij. quibus commode passul. maj. exac. ꝑ j. vel ꝑ ij. dederentur; Cæna longè parcior prandio: Exercitia moderata nihil prorsus nocebunt; somnum pomeridianum & lucubrationes summopere dissuadeo, non tamen statim à cæna se ad somnum componat; sed demum post aliquam ambulationem. Si alvus sponte aperiatur clysteres superflui videntur, imo rectum & colon temerè enervant flatibusque implent, &c. *Ex Consil. Manuscripto Clar. D. Wepferi, die 12. Octobr. 1678.*

Ad Glandulas faucium roborandas conducet gargarismus leviculè adstringens, ex flor. rub. flor. malv. arbor. & hord. parat. pulmonibus prodesse rotul. pector. ex spec. diatrag. frig. & bolo armen. parat. maxime dum catarrhus adhuc tenuis & aqueus est; item Diacod. Montagn. cum aq. lactuc. ad cochl. ij. vel iij. ante somnum sumptum.

Pro eodem ex aliis præcitati Excell. Wepfer literis.

Haftenus alteras accepi literas quibus traditur successus potus lactis asinini, & consilium Excell. D. T. B. Lac Asinum non contemnenda beneficia præstare, & ulteriora polliceri facile perspicio: illius usum diu continuandum arbitror; quandiu scil. illud ventriculus tolerabit; nec symptomata prohibentia supervenient, alias soleo ejus potum mane hora 6. & vesp̄ri circa 5. sc. duab. horis ante cænam suadere; verum quia Illustr. Dom. parcat & hora quinta vesp̄tina hordeatum bibat; potus nocturnus non multum nocebit; licet ad mictionem stimulet; atque somnum aliquo modo interrumpat; quia statim rursus indormiscit. Excell. Dom. B. Consilium quod attinet, video in præcipuis, maxime in illis quæ imprimis in curatione attenduntur, nos consentire, primum enim mecum statuit catarrhorum, sc. Corysæ & Bronchi materiam serum esse cum tenue & mobile sit; addo semper præsens, adeo ut ad quamvis causam externam catarrhos etiam subitaneos parere possit, non verò phlegma quod tardioris motus sit; nec obstat catarrhorum visciditas & crassities, quæ tum imprimis conspicitur, quando vulgò coqui dicuntur, cum nunc notissimum sit serum sanguinis facile à calore spissari & gelatinæ simile reddi; serum quoque falsius fatetur testibus gustu & totius pruritu. Copiosius generari putat ob intemperiem totius calidiorem & sicciorem, modum non explicat, fortè saluginem nimiam ab illa derivat, ac cumulari propter insensilem transpirationem inhibitam, imprimis ob ventos Neocomenses vesp̄ri frigidos quosque sentit, accedente abusu fructuum horæorum & ole-

rum. Loco moveri serum & exitum affectare ex vasis sanguiferis, asserit; retentrice ob copiam labefactata, ac propter acrimoniam salinam & nitrosam expultrice sollicitata; Item ob perfrigerationem post æstum, imprimis nudato collo vasis sanguiferis maximis instructo; ob radios solares intensius caput ferientes. De loco ubi serum percolatur, & ex vasis elabatur, in hac corysæ & broncho remotiore, scil. extremis apicibus arteriarum capillarium; nulla quoque dissentio inter Excell. D. B. & me erit, cum materiam catarrhorum serum existimet illudque non nisi per illas ad partes affluat; aliquis intercedet de propiore loco mandante; quamvis si recta ratione rem reputemus inter locum remotiorem & propiorem non longior distantia sit, quam vel dorsum est tenuioris cutelli. Ex omnibus perspicio Excellent. D. B. credere adhuc catarrhorum fontem esse cerebrum, unde fingit cerebrum Illustrissimo Domino humidius esse; ac ob ejus coctionem debiliorem serosi plus in illo produci, & cumulari à vaporibus ex partibus sub diaphragmate locatis ascendentibus; augeri, à meditationibus post pastum, allici & attrahi quasi, à radiis solaribus, exprimi inde per quandam antiperistalsim. Verum primò dubito cerebrum Illustr. Domino admodum humidum esse. Utcumque profundè dormiat, nam non dicitur propterea somnolentus admodum. Imò scribitur in omnibus actionibus procul dubio etiam in animalibus alacrem & promptissimum esse; deinde vaporum ex abdomine ascensum ad caput simileque illud quo caput tecto fumosæ domui imposito aut alembico, comparatur; post circulationem sanguinis in lucem proditam; plures pridem exploserunt, ac publicis scriptis impossibilitatem rationibus & experimentis demonstrarunt; nihilque ex abdomine & pectore ad cerebrum pervenire; nisi per arterias Carotides internas & vertebrales; vaporum obicem in imo ventre esse diaphragma, in pectore pleuram, in basi cranii duram meningem, ibi densissimam & prope quadruplo crassiorem, nec cranium in vivo, aut demortuo animali; nondum omnibus membranis spoliato simile credendum illi, quod in ossuariis reperitur; imò oscula illa quæ in basi conspiciuntur, omnia ita obturari, ut humori vel etiam flatui ne minimus vel ingressus vel exitus pateat, ut facile experiri licet; unde etiam merito affirmant, serum intra calvariam extravasatum, alios potius affectus quam catarrhos facturum, scilicet affectus soporosos, apoplexiam, in tenella ætate hydrocephalos, &c. Nisi intra venas resorbeatur, aut alibi quam per nares & fauces exitum inveniat; & si ostia hæc tam patula sunt, cur post tam graves contusiones capitis, ad Trepanum properandum est? Addidi prius alia quæ hic repetere nolo, moneo solum pulmonum debilitatem non consistere in illorum flacciditate, cum hæc ipsis naturalis sit: componuntur enim ex tenerrimis vesiculis, vasis sanguiferis, & lymphaticis, & bronchiis quæ omnia cavernosa & exceptis bronchiis mollissima ac ad distensionem & receptionem promptissima esse debent; verum in osculorum nimia apertione, per quæ naturaliter fuligines ac portio seri ad Vesiculas & Bronchia humectandas exstillat, ob nimiam

miam dilatationem plus feri elabitur imprimis si aliqua despumatio in massa sanguinea fiat, neque illi propter pororum cutis subitam constrictionem transpiratio concedatur. Denique mihi suspecta est & multis contradictionibus obnoxia sententia de obstructione glandularum globosarum, ob quam lymphæ detenta corrumpatur, acrior fiat, ansem det febribus, fermentationi & segregationi feri, &c. cum quotidie plurimis scrophulis circa collum, sub axillis & in inguinibus refertissimi, horum nihil vel rarius patiantur, qui omnes tamen quoque his glandulis auctis in abdomine scatent, ut asserunt Cl. Riolanus & alii ac ipsemet quoque anatome comperi. Adjungit his ventriculum humidiorē debito, quamvis huic effato adversetur appetitus integer, & pridem proclivitas nimia ad alui constipationem: si enim humidior esset obtunderetur sensus ac pylorus laxaretur, ut cibo nondum penitus subactō exitus pateret ante tempus, unde fluxus cæliacus, lienteria, aut certe alvus magis lubrica hætenus contigisset, & quid opus est ventriculum humidiorē causare, cum ob alias causas serum cumuletur. Verum videtur frustra merito in scaturiginem horum catarrhorum prolixè inquisivisse cum Domini Parisienses & D. B. præterita antipraxi decantata viscerum, ommissa recensione aperitivorum, stomachicorum, cæphalicorum, pneumonicorum (quibus aliàs scatent consilia, omnium nationum extantia de affluxu hypoch. & catarrhis) rectè pergant in medendo ad emendationem sanguinis & subtractionem feri, ac si ipsimet agnoscerent omnem labem in sanguine delitescere, illaque sublata Illustrissimum Dominum ad unguem curatum iri, qua in re ipsis non invitus assurgo, credoque tum in hoc morbo, tum in plurimis aliis sanguinem morbi sedem, ut cunque Misellus ex partium numero expungitur, plurimorum morborum & symptomatum causam, fontem, & terminum, a quo, & nescio quæ non alia existere.

Materiam igitur auxiliorum quod attinet, D. B. V. S. illam non magni facere videtur; nec ego nuper frequentiorē & largiorē laudavi; at penitus illam proscribere in temperamento calido & sicco non ausim neque etiam febrī catarrhali, quæ non semper putredinis expers, ex calore mordaci, urina crassiore, tinctiore & turbata comperietur, hæmorrhoidum apertionem non majoris facio, quam aliam venæ sectionem ubivis factam: & si omnino credantur hyrūdines idiosyncrasia quadam sanguinem adustum & falsum allicere, ut Nicol. Fontanus opinatur, sine verecundiæ jactura alibi quàm turpiter venis sedalibus apponentur. Certe hæmorrhoidum apertio ut cunque ab Italis summè extollatur, in praxi non illam opem fert, quam præstare multi pollicentur, quin sæpe alibi vena secta laudabilior successus consequatur, fonticulos in interscapulio excitatos nunquam vidi; at sæpe in collo loco setacei. Excel. Dom. Willis commendat phthificis & empyficis, fonticulos in spatiis intercostalibus paratos; cum locus interscapulii commendetur ab Illustrissimo Domino de Mayerne non negligendus erit: ad quem eligendum exemplum Dom. De Seguiet permovebit. A purgantibus massa sanguinea sero abundans sæ-

pè ægre depletur, at illorum abusus improbo cum Dom. B. imprimis si ventriculo bene sit, Illustriss. D. appetat: alius quotidie exoneretur, nimium frequentes purgationes ventriculum & intestina mire enervant, vitamque decurtant, quæ in sena & cassia carpuntur, eadem in mannam à scrupuloso animadverterentur; dissuadet choleris; adulteratur Esula & scammonio aliisque: novi illam hypercatharthes effecisse & tormina plerumque infantibus funesta, syrupus aureus tutior est. Succolatam cum Excell. D. Parisiensibus merito damnat, at solummodo paratam cum pipere indico: non aromatibus omissis factam, cum etiam Hecticis concedatur, & memini magno Hetruriz Duci emortuo, vel propter solos catarrhos & ad habitum augendum in frequenti usu fuisse ann. 1646. Sulphurata & decocta magna non respuit D. B.; attamen nec illorum necessitatem imperare videtur præsens Illustriss. D. Valetudinis status, nec alias facile suaserim illa antequam mihi penitus ejus constitutio innotuisset. Decocta santalor. rad. chinæ præmisso bolo ex conserv. rosar. rubr. flor. bellid. min. & pulv. Antihect. Poter. suo tempore commendarem. Interea Illustriss. D. his præteritis pergat in lactis Asinini potu, cum inde tussis imminuatur, raucedo ferè evanuerit, ac habitus incrementa sumperit: nam quia urinæ copia potulenta quantitate, superat diureticum est, quia tussis imminuitur feri salsuginem corrigit, quia denique habitus inde augetur, alimentum ultimum ab illo emendabitur: adeo ut vix laudabilius medicamentum & quidem alimentosum, idest tutissimum excogitari posset; Eidem succenturiare videtur jusculum vitulinum hordeatum, si pauxillum Endiv. recent. adjiceretur, magis caverentur febriles insultus, minusque afficeretur ventriculus, quem humidum existimat D. B. nec tam facile inde putresceret sanguis; si omnino talia à jusculis mane potis metuenda sint: secus ac nunc, seu novo modo, seu antiquato in usum revocato creditur, non, ubique locorum mane bibuntur vel succolata, vel decoct. Theè. vel Coffè seu cavè. Vinum dum Illustriss. D. lac bibit plane dissuadeo, cum sæpe gravissima damna attulisse sciam illis qui Podagræ causa lactis cura fruebantur. Baro quidam Eques Melitensis illa sælici cum successu diu utebatur, & podagram tantum non expugnaverat, in principio harum barbarum bellicarum, ex his oris in Cliviam patriam suam profectus, ab Equestribus ad compotationes sollicitatus, post paucos errores, ut mihi à Medico scribebatur, primum in febrim anomalam incidit, quam excepit hydrops, Juveni adhuc paulo post funestus. Exitimo à vino non solum in ventriculo lac, sed etiam in massa sanguinea quorsum ejus portiones integræ abripiuntur, (teste sero lacteo sanguine statim post potum V. S. emisso) coagulari periculosa obstructionum authorem. Perplacet Illustriss. D. in prandio pleniorē victum in hac cura concedi, quod etiam facere apud podagricos consuevi, pauci enim victum illum tenuem sufferunt quem Itali & Galli in cura lactis imperant. Tinnitum aurium nuper præterii, factum fortasse à portione feri tenuioris in labyrintho & cochlea aurium devia; quia evanuit

nuit de illo non multa verba facienda sunt, nec inquisitionem ulteriorem meretur, num quoque ab hypochondriorum æstuario provenit nec ne? &c. *Scaphusii die 30. Octobr. 1678.*

Ad eundem ex eodem Clar. D. Wepfero.

Curam lacteam opem insignem attulisse, multa sunt quæ confirmant, nam hætenus nihil molestiarum Illustriss. Dominus quas antehac expertus est, amplius patitur: facies est vividior, minus irascitur, non læditur à sole, ventis, pluvius & frigore, toto die extra lectum moratur, obambulat sine lassitudine. Pluribus ante aliquot annos Illustribus viris, ac quoque Religiosis suasi hanc curam, qui adhuc feliciter in illa pergunt. Cum itaque hætenus non pauca beneficia Illustriss. Domino lac præstiterit, nec ullum indicium appareat quod illius usum ulteriorem prohibeat, audacter illud continuandum arbitror; sanguinem debilitari, seu aquosiores minusque fibrosus inde fieri non tam facile credo, cum lac nihil prope aliud sit quam chylus atque ex illo &que bonus chylus produci possit ac ex aliis alimentis sive carnes sive pilces, sive olera & fructus sint; imò præstantior, quod ex tam luculenta sanguinis correctione manifestè patet. In hac cura alios cibos nunquam denego, si modò tales eligantur, à quibus chylus non corrumpitur, nec vel acefcit, vel bilefcit: concedo carnes vitulinas, hædinas, pullor. gallinac. perdicum, avicularum montanarum, sive elixas, sive assas, etiam fructus dulces coctos, item olera cum butyro recenti cocta. Nocent verò valde salita, aromatizata, frixa, acida, nimis dulcia & saccharata. Cibis boni succi & facilis digestionis in prandio potissimum frui posset, nec ut lac illo nunc intermittat necesse est. Vinum penitus improbo, quod non solum in ventriculo & intestinis chylum corrumpit, sed etiam jam cum sanguine permixtum, unde sequuntur periculosa vasorum capillarium obstructiones, gravium morborum Authores. Canam semper in hac parciolem suadeo, imprimis in senibus nunquam tamen penitus omittatur.

Nescio quam ob causam Illustriss. Dom. crebrius & fortius purgandus esset quam hætenus fiebat: nam nihil de ventriculo afflicto queritur, & massam sanguineam plurimum emendatam superius recensita beneficia testantur: Merum commentum est lac tot & tantas sordes legitime potum in ventriculo linquere, citra illius vel aliquales laciones. Novi plures hac cura fruantes, vix semel in anno lenitivum assumere, idque sine ulla scilicet nitatis noxa: sufficet igitur Illustriss. Dom. sola rhabarbari infusio. Nodum quoque in scirpo querere videntur illi qui pulverem antihecticum Poterii rariorem improbant: posito illum fermentum stomachi, quod plures opinantur acidum esse, edulcorare, at hac ratione tutior lactis potus redditur: illum verò fermentum effatum prorsus reddere nemo me facile persuadebit: Certè si æquo animo reputare velint adversantes, facile animadvertere possent uno atque altero mane sumto hoc pulvere, eodem & sequentibus diebus agros tam bene appetere & alimenta assumpta coquere ac antea fiebat, imò plerumque & me-

lius cibus sapit, & laudabiliter dissolvuntur alimenta, quam diebus prægressis, modò nitrum probè ab illo eluendo sublatum fuerit. Hydropis quidem prænuncii sunt pedum œdema, & respiratio difficilior; verum quoniam toto die sine lassitudine obambulare valet, vix credo œdema quod alicuius momenti sit, adesse, eoque minus quoniam pedes quandoque sudarunt. Si solummodo respiratio difficilior observetur in ascensu ad arcem, non tanta erit ut Illustrissimum Dominum terrere debeat; hoc enim senectutis culpa, non ab aliquo vitio intra cavum pectoris abcondito, aut graviora minante sit: certè si domesticas scalas, citra interpositam quietem ascendere valet, si que in lecto non altum decubitus eligere cogatur, quod vix credo, quia sex horis continuè noctu dormit, nec hanc dyspnæam timendam arbitror. Memoriam apud senes minui in vulgus notum est, at & hoc plerumque non fit ob aquam intra cranium stagnantem, sed quia & objecta negliger, ceu pridem nota, non attendunt, aut quia propter multivaria negotia, quæ recenter obveniunt à succedentibus oblitterantur; hanc ob causam non forem Author Illustriss. Dom. ut pro memoria roboranda uteretur confectio. anacard. pulvere mneumetico Trithemii, aut similibus exsiccantibus, quibus marasimum senilem accerseret: præcipuum remedium erunt induciæ à copia negotiorum, imprimis tadioforum, & animi quædam tranquillitas. Concludo ulteriorem lactis potum Illustriss. Dom. proficuum fore; frequentes purgationes nocituras, pulverem antihecticum præservationis causa, semel in septimana, profuturum, aut, urgente affectu, etiam crebrius sumtum levamen allaturum, & lacti citra ullam noxam pleniorum victum adjungi posse.

D. T. O. M. Illustrissimum Dominum porro conservet, curæ benedicat, ipsumque ad Nestoris annos servet.

Soloduri 1. Februarii, ann. 1687.

Observationes.

Continua coryza affligit nares Integr. Dom. Pauli Mothi Archiatri regii, ætatis ingravescens, ut per nares impedita via difficilis sit illi & somnus & spiratio: obstructionis narium peculiaris causa & ratio est: Quotiescumque molestior est affectus per narium cavitatem prolabitur vesicula oblonga, rotunda, candida, sero plena, quod exsudet: Ea verò vesica membranosa sæpè in medio narium subsistit, sæpè extra nares propendet, levi digitorum impulsu sursum ad caput retruditur, naresque deserit, sed circa os ethmoides & olfactum & spirationem impedit: Evacuatur subindè exstillante sero, & liberior redditur olfactus. Ex pulvere sternutatorio sæpè amicorum hortatù hujus coryzæ quæsit levamen, sed quia majores in naribus obstructions nimia tractione catarrhi oriuntur, ab illo destitit unumque dormienti remedium est, in opposito latere obstructæ naris decubitus. Facillimum foret vesicam pendulam forfice amputare, si de membranulæ natura & origine constaret.

Ad varias conjecturas mentem torfi: an processus mammillares? Per Epilepsiam ad nares

protrusos author est *Erasmus*; & recipiendis excrementis cerebri destinantur à *Warthono* in *Adenogr.* Sed quomodo ossis ethmoidei foraminula permeabunt, nisi p. n. cribrum hoc dilatetur amplius? At quid de olfactu dicendum? ut in quavis coryza, ita & hic propendentibus vehiculis cessat odoratus, qui illis evacuatis redit: Taceo processus facile rumpi posse nimis sero distentos? Polypi principium quominus credamus, facit substantiæ diversitas & mobilitas. An duræ matris productio vella-xatio? Id sine insigni doloris sensu haud fieret, quo tamen caret vir optimus. An vasorum lymphaticorum progenies? Nec color ablu-dit, nec contentus liquor, nisi alia subsit causa: forsan idem cum Polypo generationis mo-dus, observante enim *Riolo* 4. *Anthropogr.* cap. 6. In cellulis ossis spongiosis caruncula exiles continentur, quas vidit prolongatas, & ad imas nares prolapsas, sponte verò adstrin-gentibus medicamentis supernè revelli: Vesi-culas membranosas sine dubio, loco caruncu-larum in hoc corpore natura efformavit, quæ se-ro ex catarrhoso cerebro defluente intumescant. *Th. Bartholinus hist. 37. Cent. 6.*

Quemadmodum aliis nares sanguine stillant, ita semel vidi illas pituitâ tenui cuidam stillare integrum triduum, per intervalla tamen: va-cuato autem cerebro cessavit. *Quâ de causâ hyeme nares stillent*, notum est, per compressionem scil. cerebri quâ causâ itidem per æstatem scil. per fusionem humorum: hoc loco autem quomodo separatio illa humoris pituitosi à reliquâ massa sanguinea contigerit, merito dubitatur, in cerebro enim tanta copia latere non potest absque gravitate.

Id plane sibi evenisse assererat conjux. N. quod nempe cum virgo adhuc, integrum tri-duum absque ullo prorsus somno choreis con-sumpsisset, per quatrimum integrum dormierit, evigilanti verò caperint nares pituitâ sincerâ per dies aliquot stillare cessavit autem iste flu-xus usû pilularum cephalicarum. *Salmuch. Obser-vat. 37. Cent. 1.*

*Catarrhus frequens in insulis Ferroensibus
Dania Regi subiectis.*

In Insulis Ferroensibus propter aëris frigi-dam constitutionem, Incolæ penè omnes vere & autumnio Catarrho affliguntur, (quem vo-cant Krüm) longè vehementiori quàm alibi terrarum. Ad nares defluit & pectus, cum tussi molestissima, & expectoratione, dolore ca-pitis, & membrorum debilitate, ut vel lecto diu detineantur, vel moriantur. Salutaris ta-men, censetur, & criticus, expurgans corpus ab humoribus humidis morbos graviores mini-tantibus. Deinde eadem frigida humiditas sæpe excitat morbum acutum (*Landsaeruet* di-ctum, eo quod regionem pervagetur) non absimilem morbo Castrensi militum ex mora in cubilibus humidis, frigidisque, febris ar-dens est; cum dolore capitis ingenti & de-lirio, in nonnullis cum diarrhæa nec antè solvi-tur quàm medulla ossium consumpta corpus tabescat; plerique tamen evadunt. *Thoma Bartholini in actis Hassn.*

*Malignitas occulta Catarrhum in pectore
mentita.*

Morbi qui ab initio blandiuntur, plerumque mutato schemate sub finem sæviunt, & dum apertè jocantur, occulte jugulant. Quod si de ullo, certè de maligna febre dici potest, quam meritò *P. Nencranz de purp. cap. 12.* Morbum fal-lacissimum *Anton. Meniot.* vaserrimum atque ver-sipellem, & *Hachst.* quovis vertumno mutabilio-rem, varias induentem larvas, modò hanc, mo-dò illam faciem formamvè mentientem. *Dec. 1. observ. 6.* appellant, quæ ita quandoque & inge-nium, & mores suos occultare novit, ut nec lynceis possit observari oculis, semperque quo segniores ciet turbas, eò res ægotantis dete-riori loco sitæ, quoniam furtiva mansione ma-gis radicatur, firmioresque nanciscitur, mali-gnitatis nervos, ut inquit præfatus *Meniot. in febr. malign. hist. & cur. p. m. 49.* Vera hæc esse sequens probat historia. Circa finem mensis Aprilis anni 1674. huc venit Hungarus quidam robustæ aliàs naturæ, nomine *Michael Todt*, ha-bebat ille nescio quos dolores in pede, unde tamen rectè curatus, remanente aliquâ eorum imbecillitate, quam ex prioribus doloribus proveniente credidit, & neglexit: Non mul-tò post languore corripitur universali totius corporis cum tussi valde, urgente, & ut appa-rebat, cum gravi catarrho in pectore. Deam-bulavit hinc indè quanquam languidus, pro-strata omnis appetentia, calor nullus, nulla si-tis, dedi, cum Dietam non semper observavit bonam, aquam laxativam & post Elix. propr. *Parac.* Undè rediit appetitus, sed tussis exa-sperata; sumpsit decoct. pector. *℞ij. mann. el. ℞j.* quo quinquies purgatus. Sumpta cæna decubuit, mediâ nocte expergefactus de calore ex-traord nario, & siti vehementissima conque-stus. Manè ipsum accedens corpus quidem observo plus justo calidum, in pulsû nil nisi aliquam debilitatem circa vesperam vehemen-tissimè delirare caput, præpostere ad omnia respondens, corpus summè calebat exterius, lingua arida, vultus torvus, nihil tamen muta-to pulsû. Apertâ venâ brachii, exhibita sudori-fera, alexiteria, sed ille tertio die postquàm delirare cepit obiit. Latuit sub specie Catarrhi malum, diu cum natura aliàs robusta conflicta-tum, donec prostratis viribus uno impetû mentem & vitam ademit. Sanguis qui V. S. emit-tebatur, floridus erat, nullum vitium notabile habens quod sæpius in malignitate observavi, & notavit hoc etiam *Meniot. l. c. p. 2.* Quod mi-remur, ait, sanguis iste profugus (è naribus scil.) ac plerumque ille ipse etiam, qui sectâ venâ educitur, rutilus, optimusque apparet, quod venenosa qualitas sensum lateat, solisque pate-scat facinoribus, vel quod venenatæ putre-dinis focus altior, strictisque limitibus circum-scriptus *D. Caroli Raygeri.*

*Singularis Catarrhorum extractio ope pulveris
cujusdam.*

Transiit anno 1661. mense Januario Suinfur-tum quidam veteranus Bombamachides, qui pulvere quodam farinæ purissimæ simili, insi-pido

pido ferè, nisi quòd paulum acrimoniæ linguæ aut faucibus affricaret, insignem pituitæ lentissimæ copiam è naribus catarrhorum, quibus pulveris istius quidpiam indiderat, absque permutatione aut molestia, cum stupore elicit; asseruitque esse pulverem cujusdam radicis ex Arabia delatæ, summique artificium multorum Medicorum in Imperio admodum celebrium testimoniis corroboravit, ego suspicor esse corticem Rheumaticum, quem *Carolus Clusius à Nicolao Monarde* in *simpl. Medic.* ex novo orbe delatum 3. p. 10. ita describit. Ex Peru mihi missus est crassus quidam cortex, quem ex vasta arbore ulmo simili, tum amplitudine, tum forma, detractum ferunt: Nascitur ad ripas fluminis cujusdam 25. leucis à Lima distantis, nec alibi in India facile reperitur: Indi in capitis defluxionibus, rheumatismis, aut alioqui corporis gravedine laborantes, hujus arboris corticem in tenuissimum pulverem comminuunt, & naribus imponunt, humores insigniter educit, quâ ratione liberantur quod verum essenos ipsi experti sumus; secundum caloris gradum excedere videtur.

Hætenus Clusius. Si Colonienfis ille Pyrgopolinices alio quoque concesserit optandum eilet, ut certo inquiri posset in genuinam hujus pulveris naturam à Medicis propter insignem usum, quem præbere posset in curatione catarrhorum, si neret familiarior. *D. Joh. Mich. Fehr.*

Fortè est idem Colonienfis quem describit *P. Schottus in lib. 11. Phys. curios. p. 1289. nova edit. de anno 1667.* Fuit præteritâ hyeme (inquit) hic Herbiopolis, Colonienfis, qui aliquandiu in Creta apud Venetos contra Turcam militaverat, ac dein militiæ pertasus in Palæstinam trajecerat, & annis aliquot propè Hierosolymam in ipsâ valle Josaphat, ut dicebat, habitaverat inter Turcas quidem, sed tamen non sine Christianorum, etiam religiosorum consortio. Habebat is pulverem, cujus exigua portiuncula, quantum apice cultri sustentatur, naribus imposita, & sine attractione retenta, projiciebat è naribus ac faucibus catarrhos ac fætidus humores tanta copia, sine ulla tamen violentia, ut qui curam patiebatur, sentiret notabiliter dictos humores è capite extrahi, atque ad nares & fauces confluere. Multis curam adhibuit, semper cum emolumento. Ajebat pulverem contici ex radice aliqua Arabiæ, nulla tamen aperire volebat vel nomen radicis. Sat magno pretio vendebat hunc pulverem. Fortè & iste pulvis & radix in nostris pharmacopoliis reperitur, cum incredibile unicum hominem tantam eius copiam è Palæstina attulisse, ut sufficeret in aliquos annos, & pro multis Germaniæ urbibus. *Hæc Scottus l. a.* Et talis Bombardarius Vratislaviæ quoque venit nundinatum tempore anno 1664. & aliquot experimenta fecit, à Medicis tamen, quod dolendum, non prius observatus, nisi cum dudum abierat. Insigne tamen exemplum adducam, quod mihi sequenti anno 1665. oculatus retulit testis aliquoties, cum me suæ valetudini præficeret Generosissimus Comes *Casspar S. R. I. Comes Colonna L. B. de Fels*; is cum ex constitutione nativa partim etiam morbosa difficulter spiritum traheret, & nares haberet maximè obstructas,

audito nuncio de hoc homuncione, illum accersiri jubet. Compareret is vocatus, & cum Gen. Comes jam major septuagenario in se ipso primum experimentum vix tentare auderet, secretario suo persuasit, qui difficulter pariter anhelabat naribus obturatis, ut in se permetteret fieri tentamen. Annuit ille, & in præsentia Comitum prædicti & Rev. Patris *Theodori Moreti* è Soc. Jesu Mathematici insignis pulverem tenuissimum, ab isto homine in aqua oblatum, naribus attrahit, quo factò tam insignis copia humoris tenuissimi per palatum abique ulla molestia educta fuit, ut aliquot minores pelues argenteas impleret, & post optimè respiraret. Ipse Comes quidem hæc vice ab ipsa cura, quam false vocabat *die Flüße abzupffen*, abstinuit, sæpius tamen postea indoluit, & conquestus est, cum aliis nundinis amplius ille circumforaneus non rediret, quod tamen speraverat. Vidit *D. Joachimi Georg. Elsnerus collega noster Jenæ*, dum studiorum gratia ibi moraretur, Rusticum quendam in Thuringia Catarrhos tentasse educere maxima cum audacia adhibito pulv. Euphorb. & ut os tenerent eo facilius apertum, instrumentum adhibuit singulare pro apertura (*einen Bnebel*) & ita copiosissime humores è capite vidit in subjectam pelvim fluentes cum molestia tamen; pariter hunc modum vocabat *Flüß abzupffen* & pro singulis libris educti phlegmatis, Imperialem solvere ægri cogebantur. *Joh. Michael Fehr.*

Appendix ad caput præcedens.

De singulari Catarrhorum extractione.

Mentio facta fuit *Artificis* cujusdem Catarrhos singulari artificio extrahentis; quid hac de re ulterius innotuerit, placet verba *Excell. D. D. Salomonis Rgiseli* Archiatri Hanoviens. meritisimi, amici sincerissimi, adducere ex *Liner. 24. Januar* hoc ipso 1671. anno è Hanovia ad me datis: in vetra *Observat. 34. inquit*, facta fuit mentio de singulari Catarrhorum extractione cujusdam Bombardarii qui pulvere rheumatico ad nares attracto insignem copiam humoris tenacissimi eduxerit: antè paucos dies, *inquit*, Hanoviam transiit circumforaneus quidam nomine *Joh. Georgius Clar. Stutgardianus* Herniarius, Lithotomus, qui præter suffusiones detractas ejusmodi pulverem vendidit rheumaticum quem ineptè quidem in schedula sua ab Arabibus *Panchinachobi* dictum ad multos usus & destillationes, pisorum duorum magnitudine attractum laudavit publice: is ea de re interrogatus apud me privatim, & bona sed sua fide *Halussis* (fortè adhuc ineptius quàm antè) dici affirmavit, & esse corticem ex Arabia allatum radice betæ rubræ, undè color rubeolus, permittum & auctum. Retulit porro quod Stutgardiæ stipendio Serenissimi Ducis vivat, ibique eo pulvere utatur, quod eo usus sit *Vratislavia* circa annum 1664. comitatus servo, qui ad plebem colligendam ignem evomuerit. Fides sit penes ipsum. Pulvis ipse est incarnatus nullius ferè saporis, sed si naribus attractus sit, multæ acredinis, undè distentis præsertim ligno faucibus, plurimum seri per nares, oculos, &

palatum educit cuius rei ut experimentum facias, indeque facilius subodorari possis, quæ desideras, mitto aliquot doses. Incidit hujus occasione in memoriam alterius cujusdam radicis, quæ masticata, compresso paulum stomacho, appositione manuum inclinato capite, aperto ore & efflato spiritu tenacissimam & copiosam pituitam in quodam, magno cum levamine ventriculi, si is gravatus fuerit, eduxisse aliquoties vidi, quod in aliis licebit imitari. Id ipsum nè longius animum sciendi cupidum avarus teneam, gratis accipe, est cortex aut cauda acrioris raphani. Hæc D. Reifel. ad D. Sachsum.

Appendix altera.

De Dicto Pulvere Rheumatico.

Anno Christi nati 1658. vir quidam militaris nomine Jacobus Weidenfeld patria Colonienfis, Ratisbonam venerat, medicinam vendens quandam ad purgandum Caput ab omni humore excrementitio sub forma pulveris grisei cum albido mixti pretio satis ingenti, considerato sexu & ætate, in varia dosi. Imponeretur autem pulvis hic parum madefactus extremis oris utrinque narium, ea tamen cum cautela, ut ne cerebri meninges convellerentur, ore patulo patiens semper & capite inclinato sederet, aut staret, quousque humores profluebant, compressis interim per vices paululum, & leniter, ast non emunctis nariibus, tunc è momento incepterunt mucores, humores excrementitii, non sine risu & miratione adstantium, continuato fluxu, & connexi ad quadrantem horæ per nares ac palatum posfluere imò etiam ex oculis destillare, & cum humoris crassi & viscosi defluxiones sponte desisterent, signum fuit evacuationis completæ ac deinceps patiens corpus & caput reflectens erigere se, & circa tempora, sinciput & verticem, expansis manibus retrorsum fricari jubebatur. Vix dictu credibile, quam hilares & leves in capite se senserunt patientes post hujus pulveris usum. Si major copia humorum in sincipite, major fluxus per nares; si major in occipite, per palatum major fluor fiebat; tardior vel lentior operatio, mica panis tosti ad nares calide admota stimulabatur. Aiebat medicaster, se biennio, vel triennio ab hoc tempore è Terra Sancta in Germaniam reducem, medicinam hanc per medicum Arabicum in secreto obtinuisse, ac de trunco, seu stipite certæ cujusdam arboris esse in Arabia crescentis; defectum sive penuriam sibi suppleri cura & familiaritate Patriarchæ Damasceni. Arborem hanc præterea referebat, esse crassitie & proceritate malo nostrati non dissimilem, patulis, sed paucis ramis, corticem habere non valde rugosum coloris spadicei, medullam ligneam, coloris subalbidi, duriorum quam in arbore malo, frondescere cum foliis salicis, germinare cum flore magno, rotundo, patulo, in diametro propè pedali, qui intus colore varius, viridi, cæruleo, rubro, nigro, artificiosè intertexto, exterius, vel in extremitate ac laciniis flavo; floribus succedere fructus, baccas scilicet vel pomula parva, rotunda, subni-

gra, sed nullius usus, quæ & sponte decidunt. Arborem hanc in lingua Arabica, (Etiopata) vocari. Truncum, qui odore & sapore aromatico insigniter acris, solus hactenus ab octodecim annis apud Arabes in usum medicinale venerat, in particulas parvas & minutim dissectum, atque subtilissime pulverisatum calcinari in vase æneo super carbone ignito, atque dum fumus acris sub cæruleus de pulvere devolaverit; cui ob acrimoniam inter calcinandum propè aditare nemo audeat. Experimentum hujus pulveris cum effectû bono in personis illustribus, mediocris ac inferioris ordinis, tam religiosis, quam secularibus utriusque sexus, & diversæ ætatis in urbe Ratisbona factum fuit ex observ. propr.

Scholion Helvwigianum.

De hoc pulvere rheumatico legatur in Tomo seu anno 1. Ephemeridum medico-physicar. Academia Naturæ curiosorum in Germania, Observatio 34. ubi ex epistola Nob. D. Johan. Mich. ælis Fehr. Physici Suinfurtenfis, perhibetur, eundem medicamentum anno 1661. Suinfurti fuisse, ac eundem pulverem cum magno applausu vendidisse, & ex radice rheumatica Calori Clusii præparatum esse. Meminit etiam P. Schottus S. L. lib. 12. Physicæ curios. hujus pulveris; nec non & D. Philipp. Jacob Sachs, Physicus Uratislaviensis, in scholio ad observ. prædictam refert, quod idem vel talis homo cum pulvere suo Uratislaviæ anno 1664. in nundinis fuerit, & applausum magnum habuerit; vid. etiam annus 11. dd. Ephem. append. Placet his adjungere litteras, quæ Roma Ratisbonam, & vicissim Ratisbona Romam de hac materia missæ fuerunt, ex quibus Reverendi & excelsi nominis P. Athanasii Kircheri S. J. sententiam, sensumque meum quis percipere potest.

Sebasti. no Denichio, Præsuli Almirensi, Suffraganeo Ratisbonensi. Reverendissime, & Illustrissime Præsul. Mirabitur forsitan meam in respondendo tarditatem, sed causas ejus pauce expono. Jam à mense ingenti auriculari catarrho ita divexatus fui, ut me ferè ad omnia inhabilem reddiderit, obsurduisse videbar omnibus nec quicquam medico proficiente suis passim dari solitis alexiteriis, Dei gratia tandem convalui à surditate, remedio mihi à Deo inspirato, & fuit sulphuris accensi vapor intra aures immissus. Atque hic fuit rerum mearum hucusque status. Litteras interim Illustr. D. V. penitus excutiens, circa mirum illud nescio à quo empirico propositum medicamentum hic statim in eo imposturæ vestigia subolsi. Primum fuit, quod pulveris nomen Arabicis litteris exhibere voluerit, quæ literæ non arabicæ fuerunt, sed cabalisticæ, & amuletariæ, ex planetarum, signorumque characteribus confectæ, ut quis facile advertere poterit. Secundum fuit vox (Etiopata) quæ vox Arabica non est, sed per anagrammatismum id significat, quod est opiata. Est autem opiata confectio ex opio, helleboro, similibusque mirifice caput expurgantibus medicamentis confecta, mahumetanis valde usurpata, utpote quæ mirificam vim ad capitis humores trahendos obtineat, spiritus corporis ad insaniam usque exci-

excitet, opportunitum proinde remedium quo ad hostes furiose invadendos utuntur. Tertium est quod Archiepiscopus, seu Patriarcha Damascenus illud dispensare soleat. Ego sane alium Patriarcham Damascenum nescio quam Patriarcham Maronitarum, qui habitat in monte Libano in monasterio Genubin, mihi literis notissimum sed neque a Maronitis hic Romæ meis amicis, neque ab ipso patriarcha, de hoc mirifico pulvere quicquam innotuit, utique hic, sicuti multa alia peregrina a Maronitis mihi communicantur, ita & hoc tanti momenti non prætermisissent. Addo quartum, nullum hic mercatorum Arabum de hujusmodi Arabiæ felicis arbore, ejusque virtutē quid nosse, inde concludo nullam simili medicamento fidem adhiberi posse & debere, cum & periculosissimum sit, & a superstitionis lucris profectum, quibus in more positum, sine magico amuleto nullum ferē simile medicamentum exhibere, uti in magia, & cabala saracenica fusc ostendit tom. 2. Oedipi part. 1. syntagm. 4. & de virtute quidem istiusmodi pulveris non dubito, cum innumera in Oeconomia botanica reperiantur, quæ similes effectus præstent, ut sunt Helleborus, solanum, peplum opium omne certa arte præparatum; & similia reperiuntur in Prosp. Alpino de plantis Egypt. de virtute itaque talis, uti dixi, pulveris non dubito, sed ut tales statim, assumptum effectus præstet, quos Ill. D. V. descripsit, illud dico esse suspectum, & ponamus non esse suspectum, dico tamen nulla ratione adhibendum esse, ob summam quam naturæ infert violentiam, & damna vitalis æconomiae irreparabilia atque hoc est meum de pulvere isto judicium, salva doctiorum medicorum opinione nil igitur restat, nisi ut me gratiæ suæ commendatum habeat. Vale, decus Præsulum, meque ut soles, ama. Romæ 20. Julii 1658. *Athanasius Kircherus.*

Reverendo admodum Patri Dom, Athanasio Kirchero S. I. feliciter agere! Reverende admodum Domine pater.

Quantum contristatus fuēram de percepta agitudine tua, tantum iterum sum lætatus, cum literas manu tua ad Rev. Dom. præsulem Almirensē videbam exaratas. Et quid ni? dignus etenim omni benevolentiae & amoris affectu, quem omni honore dignum censet, & cui scepra submittit literarius orbis. Averruncet, precor, altissimus, ne prius cælum laboris præmium capias, antequam nobis mundum subterraneum sagaci opera tua recluseris & publicaris, quem omnes anhelantes expectamus. Sententiam tuam, vir reverende de pulvere, seu medicamine empirico, in præmemoratis literis tuis ex benevola Reverendissimi præsulis communicatione, jucundam sane perlegi, sagaciter omnia & erudite literulæ ipse enim, quarum figuras ego in ullo orientalium scriptore unquam invenire, aut pro Arabicis agnoscere non potueram scrupulum mihi imposturæ moverunt. Nec displicet anagrammatismi enotatio, si latiori sumitur significatione opiata vocabulum. Sub hoc siquidem veteres illa magna medicamenta, quæ opium admistum vel stuporem inducunt, intellexerunt, moderni vero etiam multas confectiones cardiacas, alte-

rantes, purgantes, vocabulo hoc denominant. (ut Renodaus lib. 3. Institut. pharmaceut. tempeitive annotavit) credo ob subitas earum operationes. Linquamus interim Empirico secretum suum, quo hactenus multorum loculos enunxit, & est inuentum illud non ita modernum, octavo etenim ab hinc anno, & quod ultra, eodem cum medicamine idem homo bavarum peragraverat, ut incolæ quidam mihi naraverunt qui, eo non absque enecubono, isto tempore quoque usi sunt. Imo ante sexdecim annos in Helvetia Lucernæ, & Tiguri quendam doctorem medicum pro usu communi agrotorum suorum, ejusmodi pulverem in eadem substantia, colore, odore, sapore, inque eundem finem, in publico præparari pharmacopolio curasse, fide dignus nolter Pharmacopæus, qui societatis Collegio hac in urbe pro tempore inservit, retulit. Placuit quoque discursus R. T. de conficiendo ejusmodi pulvere valde elegans; sed secreti hujus pulveris præparationem legitimam ex agyrta illo audire, posito quocumque pretio, hactenus non licuit; licuit verò ex operosa investigatione, & variarum compositionum experimento demum subolfacere pulverem hunc certè ex nihilo alio, quam ex euphorbio fore compositum. Observant hic quidem aliqui, sub hujus manibus sapius tractari radices pyrethri & morsus diaboli, inde in experimentum conficiebant ex dictis radicibus tritis & cum paucis Zingibere ac cornu cervi præparato mistis pulverem fere ejusdem coloris cum priore, sed saporis acidioris, dum iste sit acris & aromatici, phlegma etiam ac humores serosos e naribus atque palato trahebat, alit non tam cito & potenter veluti dictus. Quocirca sagaciori processu alii procedentes præpararunt ex euphorbio & calce trita, qui quidem potentius humores, ac majore cum impetu trahebat; interim vero ob vim suam causticam, insignem & acerrimum capitis dolorem aut molestiam causavit. Usque dum ad formam & processum illius supra memorati medici Helvetii, præparari mihi portionem curaveram, quem pulverem ex una parte euphorbii & dimidia parte amyli confectum, comperi unum & eundem esse in substantia, colore, odore, sapore, & effectu cum empirico isto. Euphorbium autem basin genuinam esse hujus medicaminis, acrimonia sub lingua & odor accensi super carbone aromaticus ostendunt, atque causticam ejus vim infringi amylo, usus docebat. Et cum Euphorbio rite præparato & correcto, cujus præparationis quinque diversi habentur modi in catapotis, & aliis utimur, etiam si a quibusdam pro veneno habetur, non dubito cum fructu & citra periculum quoque sub forma prædicti pulveris, sternutatorii vel errhini instar illud usurpari posse, si modo inconsulto medico id non fiat; quod sane in utroque tum empirico isto tum illo cura mea præparato pulvere expertus sum, quibus igitur laudem omnem derogare non poterō. Et dum Dioscorides cæterique veteres & moderni Botanici frigide fati Euphorbii historiam dederunt, imò nunc ex arbore, vel frutice concisis succus manet, discrepant, descriptionem magis genuinam ejus a vero, præsertim arboris, vel fruticis ipsiusmet, atque magna mihi & bono publico

gratia fiat si hujusmodi historia à modernis Arabibus, aut iis qui in Lybiæ oris negotiantur, peteretur: in quo te V. R. multum posse non dubito, modo te exorare liceat. Hæcque sunt, quæ tibi tum ex jussu & voluntate reverendissimi præsulis, tum proprio motu ac confidentia veteri in itinere quodam nostro contracta, notificare debui, simulque ulteriori tuo favori, cujus non parvam favillam è literis tuis ante biennium ad me per quàm humanissime datis ceperam, me meaque simul commendare volui. Vale, & fatum tuum, Mundum subterraneum, demum feliciter enitere. Ratisbonæ d. 5. Id. Septembr. A. C. 1658.

Johannes Hellvigius.

Pulverem rheumativum, quem Dom. Joach. Georg. Elsnerus Jenæ apud circulatorum quendam agrestem observaverat, sicut D. Sachsus enarrat in Schol. supra cit. nec ego dubito, aliud quid, præter pulverem istum medicastri Colonienfis ex euphorbio fuisse, assidua ejus abundantia quoque & experientia ipsa persuadent. Alioquin posterioribus annis celeberrimus D. Guernerus Rolfincius in tract. suo de purgantibus vegetal. sect. 4. art. 3. euphorbii historiam accuratissime conscriptam, & præparationem pulveris hujus rheumatici genuinam tradidit.

SCHOLIUM SCHRÖCKII.

Alias etiam Errhinorum ex Euphorbio formulas, idem Vir Excellentiss. in ord. & meth. medic. spec. comment. lib. 6. sect. 4. cap. 1. consignavit. Sed uti cautum semper in quovis adhibendo errhino Medicum esse decet, ita in primis in illis, quæ ciendo sternutationem, levius cujusdam epilepsia ideam referentem, vehementioris operationis existunt. Quale utique Euphorbium esse, si sibi relinquatur, nec additis idoneis aliis, acrimonia ejus infringatur, nemo non novit, cujus nempe acre & adurens quasi sal volatile variorum incommodorum causa esse valet. Quod sane Regius in Dania Capitaneus pessimo eventum expertus fuerat, inflammationem capitis funestam sibi causatus, cum testantur magna regni illius fidera medica, Simon Pauli Class. 3. Quadripart. botan. cap. de tithymal. nec non præfat. tract. de Dosis vomitorior. ac purg. & Thom. Bartholinus Volum. 2. Act. Medic. Hafniens. observ. 102. Item Dissert. t. G. de Medic. Danor. domest. Quamvis si debite temperatum, & à prudentis Medici provida manu porrectum fuerit, innoxium evadere, optimosque præstare posse effectus, experientia sua confirmat Nobiliss. D. D. Franc. Ignat. Thiermairius Consilior. Med. lib. 2. cap. 2. ubi etiam pulveris hujus rheumatici, cujus historia in præsentis observatione traditur, præparationem edocuit, quem utique ob disgregatas & obtusas à Coraliis, & amylo potentioris succi istius Lybici particulas, blandiorem agendi vim sortiri credibile est. Alias quoque oleosis distemperatum mutescere, ex Mesue constat, quem Augustani nostri in Dispensatorio sui Classe 20. sequuti fuerunt à me pag. 432. Pharmac. August. restit. defensi, videlicet ab

olei hamositate salis volatilis spicula (quæ etiam acidus citriorum pomorum succus frangit, atque obtundit,) illaqueari, Celeb. Joh. Nicol. Pechlinus exercit. de purg. Medic. facult. cap. 21. ostendit. Quâ ratione non ineptè Agyrta ille pulverem catarrhalem, quem Matri Excell. D. D. Joh. Ludov. Hannemannii dederat, oleo olivarum infusum, naribus attrahi jussit, quem utpote ejusdem cum Euphorbio farinæ fuisse illustr. Bartholinus l. c. Act. Medic. Hafn. non abs re suspicatur quamvis idem potentissime quidem tenacissimi humoris pluviam ex oculis, naribus, & palato concitaverit absque tamen sperato levamine, non tam pulveris ipsius culpa, quàm ut ipse D. Hannemannus judicat, quod corpus non antea debite præparatum vel evacuatum fuerit. Quos verò Euphorbii vehementia nimium terret, alia tutiora, quæ substituant, habent, nec tamen minoris virtutis Errhina; quæ inter in primis Aqua majoranæ laudem meretur, magnoperè à D. Simone Pauli Class. 3. quadripart. botan. tit. majoran. commendata; nec non Vitriolum album à Nobilissimo nostro Wedelio in Ephemerid. Curios. Ann. iiij. Observ. 14. debito cum encomio communicatum. Cæterum quæ circa actionem, usum, & virtutem Errhinorum notanda, optime expressit idem Wedelius lib. 2. de medicament. facult. sect. 2. cap. 2. Vias etiam, per quas serositates arte ista evacuantur, eleganter monstravit. Magnif. Guern. Rolfincius lib. de purg. vegetabil. sect. 4. art. 3. cap. 10. & Cl. Nicol. Steno observat. anat. de glandulis oris §. 23. ac observat. de vasis narium.

Ante annos sex Agyrta quidam Matrem meam de imbecillitate capitis, & Vertigine conquerentem accessit, pulverem qui evacuat Catarrhos, ipsi dedit, cum in oleo olivarum infusum naribus attraheret hinc acutum ex oculis, naribus, palato, tenacissimus pluebat humor, usque ad guttam sanguinis, quod pro bono successu interpretatus, cum ex ipso quæterem quoddam genus medicamenti esset? gummi exoticum ex India allatum dixit, cumque mihi ostenderet aliquot frustra, aliqua gummi species mihi visa fuit, hanc catarrhi pluviam nominabat *Fluss abzupffen*; nil verò levaminis inde sensit mater mea, quare? ratio in promptu, quoniam corpus non ante præparatum vel evacuatum, ut oportuit, scis enim quam præpostera & sinistra utantur medendi methodo, quâ homines magis belle necant, quàm tuto sanant. De Catarrhorum extractione similem observationem Ephemeridum Curiosorum anni primi Observat. 34. p. 110. 111. 112. legi, cui hanc historiam meam socio, eamque dudum ad aliquod Academiae membrum transcripsi, quæ dubio procul hujus anni Melli inferetur J. Ludovic. Hannemannii.

Empirici Errhinum, quod ad pluviam Catarrhi adhibuit Matri tuæ, ejusdem forsan farinæ fuit. Vidi vel mensuram portæ nostræ liquore ex naribus stillante velut ex fonte perenni impletam à quodam Empirico. Secretam autem hanc artem servant Agyrtæ, nec satis illi fident, cum euphorbio vix sit melior. Rectè ille ----- Ignotum molis proponere notis
Cognita Judicio constant, incognita casu.
Optima quippè remedia, Hollerii Judicio,
quæ

quæ plurimis cognita, pluribus probata sunt. His ergo utamur, præeunte *Vindiciano* ad *Valentinianum* Imperatorem, quibus sumus bene experti, & quorum beneficio consequuti sumus optabilem sanitatem. Non dubito ad eliciendam per nares aquam, quin *Agaricus*, *Gummi gotta* quocumque modo præparata plurimum valeant. *Th. Bartholini ad D. Hannemannum. Responsio.*

Vitriolum album Errhinum tutissimum.

Legi in *Observ. 34. Ann. 1. Misc. Medico Phys. p. 3.* de pulvere ad Catarrhos extrahendos è naribus & faticibus, quod olim jam apud citatum *Schottum* legi. Non possum non mentem meam, quam circa illud Medicamentum hætenus fixi, exponere. Putavi enim aut illud fuisse radicem *Euphorbii*, ita cum aliis temperatam, ut minori energia, exuta agendi tyrannide, ageret, quale *Excell. 1.* ipsa quoque suggessit, vel quod probabile visum est (uti de non viſo Medicamento conjectari licet) *Vitriolum album*, subtiliter pulverisatum vel solitarium, vel mistum, idque 1. quia *Schottus* ipse putavit, illud in nostris etiam *Pharmacopoliis* reperiri, inductus tantâ copiam Medicamenti, qua artifex intrusus erat. 2. addit. Idem sine attractione in naribus retineri debuisse, dubio procul nè stertutationem ciceret, vel saltem miorem. Si additum fuisset, an in aqua, quacum administratum est, Medicamentum illud solutum fuerit necne, esset id longè probabilius & certius asserui. Quicquid verò horum sit, *Vitriolum album* expertus sum in aqua s. vel cephalicâ solutum, pennaque naribus modeste applicatum, liquare in debita quantitate ex voto Catarrhos, & extravocare, ita ut infantibus etiam recens natis, præ spiramentorum nasi obstructionibus, uti sæpius fit, vix lactare valentibus & suffocandis, feliciter aliquoties id adhibuerim. Quo casu neque ol. *Amygd. d.* naribus intillatum, & radici earundem mistum, neque aqua *Majoranæ* indita, semper votis responderunt. Hoc Medicamentum omne tulit punctum. Novumque non est circumforaneos talibus sæpe ludere vulgus, ut peregrina illa jactent, quæ pro foribus sæpe reperiuntur. *Georg. Wolff. Wedelii.*

Ex succo betæ noxa.

Non infrequens apud nos est in coryza difficilius usus succi radice betæ, quem permittunt aquæ majoranæ addito mellis *Antholati* tantillo naribus excipiunt ægri, & ita paulatim lenta pituita copiam inde prolectam, sed non esse æque omnibus salutarem sæpe deprehendimus; imò noxiam iis quibus glutinosa illa pituita non hæret in ipsis naribus, aut supra palatum, sed stagnat adhuc in vasis capitis sanguineis exitum moliens, quibus convenientius est solum foliorum betæ in aqua majoranæ infusum, ut quod minus narium interiora radit, minusque offendit. Spretæ hujus admonitionis pœnas luit non ita pridem virgo nubilis, quæ ut matri familias coryza laboranti, & exhausto radice betæ cum aqua majoranæ succo nares cum dolore contrahenti ludibunda gratificaretur, excepit & illa naribus satis liberalem ejus misturæ por-

tionem, sed paulo post inter cruciatus intensissimos caput ejus totum ita intumuit, ut duplo majus naturali appareret, & vestigia prioris formæ obliterarentur omnia. Post triduum ab infelici *Errhino* meæ curæ permissa ostendebat faciem tumidissimam, duram, sublividam, præsertim sub oculis, conquesta de vertigine, inquietudine, *ἀγρυπνία*, doloribusque gravissimis. Inter hæc mala nihil ipsi tristius, quam speculum inspicere, & in vultu suo vultum frustra querere, ita ille

Hæc mihi, qualis is erat, quantum mutatus?

Ego præmissis universalibus contrario *Errhino*, ex solo lacte recenti, eoque tepido, curam hanc, Deo bene fortunante, prospere absolvi. Præfagiens enim læsas primum ab acri betæ succo narium membranas malum ad Meninges cerebri, & alia vasa propagasse, credidi fore, ut infuso per eandem viam blandiori lactis succo obliterentur iterum offensæ partes, & acrimonia betarum obtusa paulatim ad officium redirent. Quod ita successit ut hodie in conjugio vivat, felix nuper mater & priorum oblita laborum, *D. Olai Borrichii.*

*Caloris & frigoris in eodem corpore mirificus
lusus à Catarrho.*

Vir validus ex dolore ossifrago nocturno non sine suspitione luis veneræ, & metu tabis dorsalis sæpius laborabat, semel, iterumque à me curatus post vehementissimos animi irati motus, ad quos incredibile quantum esset proclivis, in eundem recidit affectum, sed propter anni, temporumque inclementiam, multo sæviorem, erat perpetua feri fluidioris & falsuginosi à capite destillatio, modò in os, unde tum sale lixivo exuri palatum querebatur, modò in nares, quæ & ipsæ erodebantur, nunc etiam ad postica; ibique cum immensi frigoris sensu. Pulsus intemptus, & de die pro vario Catarrhorum fluxu ipse quoque varius; calor incertus, & frigore alternatus, nunc *καυερός*, & ad interiora vehementi æstu recedens deserta superficie. Somni summa inopia & rheumatismum de nocte inquietantium nulla remissio. Cum totum hoc negotium à copiosiore feri stillantis impetu proficisci conjicerem, pilulis de *Cynoglossis*, quarum usus nunquam me fefellit, occurrendum esse rebar, nec mora, quin à tribus, quatuorque pilulis immodicam illam falsuginem, fluorumque descensum coerceri ipse æger notaret, subrepente etiam molli somno. Sed cum postridie ad novi impetum paroxysmi recrudescerent rheumata, alvo lenta & contumaci, copiam feri evocandam esse duxi præsertim cum illud remediî genus olim commodo suo absumpsisset. Exhibeo ergo resinæ *gialappæ* gr. vi. (mobilitas enim feri augere dosim vetabat.) cum vitello ovi, aquis rosarum, cinamomi & syrupo de acetositate citri, nequid ad gratiam deesset, permitta. Inde alvus quaterdecies soluta, & morbus multis partibus jam levior, spem faciebat sanationis, imò intra tres dies de lecto surgere, obambulare ædes inceperat sui securus, pulsū etiam nihil monstri alente. Verum post aliquot dies malo domestico concitatus, in tantam incidit iram, ut redditam sibi valetudinem momento distur-

baret, jamque superveniente tremula palpitatione membrorum, non febrem tantum, sed fluores quoque istos in perniciem suam revocaret. Id unum autem circa frigoris, calorisque vices à me singulare deprehensum, quod utraque qualitas corpori quidem simul gravis esset, sed diverso, quam hactenus observatum est, modo: quippe dimidium corporis à capite ad calcem, vel ut perpendiculari sectione, calido & frigido sensu distinguebatur, neque illo levi, nam unam partem glacie, alteram igne infestari serio querebatur, admotâ manû differentiam quidem, sed non adeo magnam notante. Hoc peregrino & prodigiali symptomate exterritus nihil boni ominari cœpit, sed quod eventus monstravit, fatum prædixit. *Joan. Nic. Pechlini.*

Anatomica Inspectiones.

Eminentiss. Cardinalis Camillus Melius non simplices catarrhi quamvis levioris, molestias aliquoties perpeßus, aliquam capitis debilitatem advertit, quibus *febris sociam* se superaddens, 14. ab invasione die septuagenarius moritur.

Cranio ejus aperto plusquam libra feri tenuioris inter duram & tenuem meninges diffusa videbatur, quo turgida pia mater solitam crassitiem quater superabat: eodem sero, sed rubicundiore, ventriculi cerebri erant repleti. *Henr. à Moirichen in Epist. Th. Bartholini Ep. 97. cent. 2.*

Catarrhus suffocativus in muliere, cujus cerebrum illaßum fuit, soli Pulmones vitati.

Mulier dies 40. fœtum gerens, dum forte sororem est nacta, eamque complectitur, paulo post *tenebrosum quid ob oculos observatur*, nec amplius potest consistere; hinc aphonos jacet, ac *primum sterit* ac si suffocante catarrho premeretur, convellitur, nullâ ratione restitui potuit, omnia tentata sunt, convulsiones perseverant, sex horis post moritur; aperto cadavere, pulmones inveniuntur corrupti, ac sanie fœtenti & olidâ repleti, sed hoc non fuit causa tanti morbi, quanquam juvare potuit. In cerebro nihil fere alienum compertum est: in ventriculis aliqua erant corpuscula, sed adeo tenuia & exilia ut parvi essent momenti. Accipimus etiam huic morbo alias obnoxiam fuisse: erant hæc epileptica, & non interiisset nisi convulsiones assiduæ fuissent, nihil enim est quod tam vires frangat: vitium illud pulmonum ad subitam istam moriendi occasionem aliquid forte attulit. *G. Ballonius epid. & ephem. lib. 2. p. 69.*

D. Kirstenius plures observavit cordis polypos, in quibus catarrhos suffocativos ideo oriri imprimis credidit, quia omnes illi in quibus polypos hos observavit, catarrho hocce extincti sint. Credidit scilicet hujusmodi excrementas inhibere aut plane sistere fluxum purpure alimentaris *G. Segerus ad Th. Bartholinum Epist. 85. cent. 2.*

Quotquot Apoplexia aut Catarrho suffocativo mortuos aperui, in omnibus corpora illa callosa,

viscida, ac glutinosa, aut in corde, aut in cerebro, aut in ambobus aliquando reperi, de quibus scribit Excell. Wepferus Exercit. de Apoplexia. *Ex Joan. Georgii Greifselii observat.*

C A T O C H E.

Vid.

C O M A seu C A R V S.

C A V S V S

Vid.

F E B B I S A R D E N S.

C E P H A L E A

Vid.

D O L O R C A P I T I S.

C E P H A L A L G I A

Vid.

D O L O R C A P I T I S.

C E R E B R I C O N C V S S I O , C O M M O T I O & c.

Vid.

C O N C V S S I O & C O M M O T I O C E R E B R I.

C H I R A G R A

Vid.

A R T H R I T I S.

C H L O R O S I S.

Chlorosis quæ Virgineus morbus, febris alba, amatoria febris, & ictericia alba nuncupatur, est affectus Virginum nubilium, aut Viduarum juniorum per quem totum corpus languet, facies pallet, ac etiam livescit, *Chlorosis* autem dicitur à voce *χλωρός* quæ ambiguit est significationis, modò namque ex virore pallescentem, interdum pallidum, luteum, aut sub pallidum denotat colorem; Virgineus præterea morbus quia Virginibus frequentior; Febris alba, non quòd ea afflictae semper febriticent, sed quia specimen febrientium præ se ferunt, nimirum debilitatem, pulsus celeritatem & frequentiam, & insuper pallore albescent; Febris amatoria, non quòd eâ laborantium color amantibus sit aptus, (quia scil. pallet omnis amans) sed potius quia amantibus, aut amabilibus virginibus, ac pulchrioribus sæpe accidit; Alba tandem vocatur ictericia quia ut ictericia flava per admistam sanguini bilem totum corporis habitum flavo colore, depositis scil. unde quaque illius particulis, inficit, sic in hoc morbo sanguis sero putrido prægnans, illud per circuitus repetitos in varia membra partesque musculosas & nerveas, ac ipsam faciei cutem insinuando, præter lassitudines aliaque symptomata, plura, in colore alterationem parit, quæ præcipuè in facie, tanquam maximè expositâ parte, visitur, dum aut albescit, aut ex albedo virescit, aut ad flavum, imò fuscum vergit.

Pars præcipuè affecta, de sententia omnium prope Medicorum, sunt organa seminalia, unde

de toti sanguini & per eum etiam succo nerveo, imprimitur labes symptomatum mox enarandorum causa.

Differt hic Affectus à *Cachexia*, quæ est morbus utrique sexui communis, interque fæminas non minus vetulis, atque maritatis, quàm virginibus ac junioribus viduis, familiaris. *Chlorosis* enim aggreditur tantùm virgines, viduas, aut similes extra viri consortium viventes. Præterea *Cachexia* in mulieribus ut plurimum mensium suppressionem habet comitem, cum in *Chlorosi* sæpissimè fluere persistant, nec aliter ut plurimum subsistant, quàm post longum morbi decursum. De differentiis *Chloroseos* respectu colorum ab ea inductorum, ut & respectu varietatis symptomatum eam consequentium, nihil hic addimus.

Causa est in liquore seminali alterato ac nonnihil corrupto, propter sui retentionem, succorumque illi efformando idoneorum appulsus continuum. Propterea hic morbus formosæ virgines ac viduas, easque etiam vegetiores ac temperamenti laudabilioris, quæ viro naturæ, aut illum jam expertæ, amplexibus tamen virilibus aut nondum fruuntur, aut frui cessant, aggreditur, quia in illis materia seminalis est uberior. Qui generationem humanam ex ovo fieri, non lecus ac illam avium, piscium, animaliumque forsitan omnium ac plantarum, statuunt, volunt quod de materia seminali jam diximus, proprie penes ova, in ovaris, seu testiculis mulierum retenta, esse, super quo adfertur historia à Domino Denis Medico Parisiensi Regio, de Virgine octodecim annos nata, quæ variis *Chloroseos* symptomatis diu & frequenter vexata, ac tandem oppressa, obiit, in cuius scilicet cadavere aperto nihil morbidum, præter testiculi sinistri, eam tumefactionem, quæ partem naturaliter minoris fœtus siccæ magnitudinem habentem, in ovi anserini molem elevabat, quod præter vesiculas pisi formes, seu ova naturaliter constituta, concludebatur ovum grandius, scilicet olivam & figuram & magnitudinem quàm maximè referens. Nobis perinde est sive materiæ seminalis, sive ovi nomine indigitetur materia illa, cujus retentionem diximus esse in causa affectus quem explicamus. At dicent aliqui vix ac ne vix quidem tantas turbas, tamque gravia symptomata totum corpus afficientia, à tam levi particula concitari posse. Verum respondemus miasmata venenosa per animalium morsus aut puncturas inducta, imò à variis venenis è regno, tum vegetabili, tum minerali petita, minoris esse molis, imò quædam inter ea prorsus insensibilia, non minus tamen totum corpus eorum vi ita concuti, ut brevi mortem per truculentissima symptomata adferant, nisi maturè ipsis occurratur. Addimus præterea quod nobilior & spirituosior est succus quispiam, eò funestiores esse ipsius corruptiones, facile enim fermenti naturam acquirit quod promptè in massam sanguineam aliosque succos se infundit. Sic ab ovaris mulierum affectis, quasi Pandora pyxide, orri videmus furores uterinos, suffocationes, aliaque innumera de quibus suo loco. Illud autem etiam minus mirum videbitur si attendatur ad varios plexus nervos innumerasque nervorum per partes semi-

nales distributiones, quibus, dum afficiuntur, facile totum corpus in affectionis suæ consensum trahunt; quomodo videmus liquorem illum seminalem naturaliter constitutum sub pubertatis annis, alacritatem, robur, venustatem & similia cum menstrua fermentatione & mammarum fororiatione, conciliare.

Signa diagnostica sunt, quod *Chlorosi* affectis faciei, genarum & labiorum color palleascit, plumbeus, vel subalbidus efficiatur, qui antea roseus, rubeusque sæpe fuerat, quod prædictæ partes & oculorum palpebræ quadantenus tumeant, sicuti crura juxta malleolos; quod pulsus temporum ac dorsi arteriæ, sæpe cum capitis gravitate, & dolore tum occipitis, tum lyncipitis; quod cor contremiscat, maximè dum nimium moventur, saltant, aut acclivem locum ascendunt, tumque etiam difficilis accidat respiratio, ita ut contractæ, anhelosæ atque impotentes se projiciant, mæstæ, dejectæ ac pigræ fiant, cibos fastidiant, præsertim carnes, lassitudine premuntur & corporis gravitate; quod appetant nonnunquam extranea, sed præcipuè quod aliàs curis & vacuæ & bene constitutæ visæ sint, nec in diætâ peccaverint, aut morbus per mensium suppressionem inchoaverit.

Quoad *Prognostic*, facillimum est concludere quod quò diutius durat hic morbus, eò deteriora insequantur symptomata: Virgines autem satis promptè liberantur si viro cohabitent: Quibus verò morbus associatur magnis lienis obstructionibus, ille facile in melancholicum habitum, icterum nigrum, delirium &c. degenerat.

Indicationes Curativas & Curationem quod attinet de iis vide in sequentibus, ubi scilicet *Curationes, Consultationes & Observationes* adducimus ex variis.

Curationes:

Cursus hujus affectus perficitur obstructionum apertione, vitiosorum humorum ex toto corpore vacuatione, & intemperiei viscerum correctione, eorumque roboratione.

Obstructiones auferuntur iisdem remediis quæ in obstructionum hepatis, & lienis curationibus fuere proposita, additis nonnullis quæ uterum respiciunt, & ad venarum ejus obstructiones referendas magis appropriata sunt.

Primò igitur medicamentum purgans exhibendum est, laborantis naturæ & temperamento congruum, ex benignioribus compositum, ut primam tantum regionem evacuet, idque præmisso clystere, si alvus non sit libera.

Postea vero Vena-sectio erit celebranda, si affectus non fuerit inveteratus admodum, & puella valde exanguis vel ad cachexiam inclinans. Vena autem brachii ab initio erit aperienda, quamvis menstrua suppressa fuerint. Si enim ex pede sanguis tunc temporis detrahatur, majores fient venarum uteri obstructiones, auctâ earum plenitudine. Ex brachio denique sinistro sanguis detrahatur, si lien magis obstructus sit: è dextro vero, si hepar obstructiones magis invaserint.

Educta ea sanguinis quantitate quæ necessa-

ria fuerit, solennis purgatio instituenda est apozemate aperiente & purgante, quale in obstructionis hepatis curatione fuit propositum. Cui addentur herbae utero peculiares: ut artemisia, matricaria, pulegium, & si lien obstructus fuerit, addi etiam poterunt, quæ illum peculiariter respiciunt, ut cortex capparis, ceterach, scolopendrium. Si vero biliosum fuerit temperamentum, & calidioris, & siccioris hepatis indicia apparuerint, calidiora omnia simplicia ex apozemate erunt detrahenda, & aperientia frigida eorum loco substituenda.

In puellis delicatioribus loco apozematis, juscula in dictâ curatione obstructionis hepatis descripta usurpari poterunt, ejusdemque simplicia immutari, ut de apozemate dictum est.

Interim fons & linimentum dicto loco descripta admoventi debent, non solum Regioni hepatis, sed etiam lienis & uteri.

Peractâ solemnî purgatione, paretur sequens Balneum, ad vasa aperienda & relaxanda, & materiam obstructionum fundendam atque digerendam. Cujus tanta est efficacia, ut aliquando viderimus quibusdam agrotantibus menstruas purgationes in tertio aut quarto balneo profluere incepisse, quæ per longum tempus antea delituerant.

℞. Rad. althææ, liliorum alb. enulæ campanæ, bryoniæ, cucumeris agrestis, ana ℥ ij. foliorum malvæ, violariæ, mercurialis, pulegii, matricariæ, melissæ, ana m. iv. seminis lini, & fœnugr. leviter contusi, an. ℥ ij. coquantur in aqua fontis pro balneo, quod ingrediatur tepide, bis in die sine sudore, longè a pastu, per biduum singulis diebus decocto renovato.

Postridie ultimi balnei, si mensium suppressio adfuerit, aperiantur venæ inferiores, & emittatur sanguis ad ℥ iij. idque bis aut ter repeti poterit eo tempore, quo menses fluere solebant. Aut si nunquam adhuc apparuerint, quo tempore agra magis affici, & gravius laborare solita est.

Absolutis hisce remediis, ad viscera roboranda, & obstructionum reliquias conterendas conveniet opiata aperiens & roborans, dicto loco descripta, cui utiliter fœcula bryoniæ & sal artemisiæ ad drach. ij. utriusque, addi poterit.

Quia vero non raro adeo contumaces sunt obstructiones, ut primis remediis non cedant; hoc casû syrupus magistralis parari poterit ex materia apozematis præscripti, aucta purgantium dosi, quo utetur agra bis aut ter in mense.

Pilulæ etiam usuales erunt efficacissimæ, quales in dictâ obstructionis hepatis curatione fuerunt propositæ, quibus utiliter addentur remedia ex tartaro, vitriolo, & chalybe composita, ibidem descripta.

Zacutus Lusitanus *Observ. 99. lib. 2.* proponit historiam cujusdam mulieris, quæ chlorosim per decennium cum mensium suppressione passa erat, & variis purgantibus & aperientibus remediis, quibus chalybs etiam accesserat, curari non potuerat; hanc ipse curavit conservâ artemisiæ, triginta dierum spatio exhibita, superbibendo aquam stillatitiâ sabinæ, in qua per noctem rhabbarum maduerat.

Idem Zacutus *Observ. 117. lib. 3.* aliam proponit historiam cujusdam virginis, quæ multo sa-

le sese ingurgitans, ex diuturno atque assiduo illius usu incidit in diarrhœam biliosam cum tabe implicitam. Quam ipse curavit, post totius providentiam, lacte caprino chalybeato, & frigidis hepatis applicitis.

In contumacissimis & diuturnis obstructionibus, cauticum tibiæ dextræ vel sinistræ (prout hepar aut lien afficitur) inustum, plurimum conferre poterit.

Referatis magnâ ex parte obstructionibus humores pituitosi ac serosi, tum in venis residui, tum præcipue in habitu corporis stagnantes, per sudores resolvendi; sunt cui usui conveniet decoctum guajaci, in naturis frigidioribus, vel radicis chinæ ac salæparillæ, in calidioribus, per 15. aut 20. dies exhibitum. Hac cautione adhibitâ ut quarto aut quinto quoque die, intermisso sudore, catharticum detur, quod humorem circum viscera collectum præparatum, ac concoctum, (ad sudores tamen ineptum) per alvum detrahat. Alioqui intus si restitet ibi obdurecens & putrescens febris & aliorum morborum occasio erit. In eundem finem thermæ sulphuræ usurpari poterunt, quales sunt nostræ Balerucanæ, tam potu quam balneo. Potu enim istarum aquarum, expeditis prius & liberatis viis, remediis antea propositis, detergitur, excluditurque humor, in primâ & secunda corporis regione contentus, per alvi & urinæ profluvium; tertia vero regio excitata à balneo sudoribus ab humorum sarcinâ liberatur.

Ac denique congressus, si legitime fieri possit, post deobstruentium remedium usum, erit utilissimus; illo enim calor naturalis in partibus naturalibus multum excitatur, quo uteri vasa impensè dilatantur. Et docet experientia, interdum primâ conjugii nocte pallidis istis mensium fluxum, excitari: aliis vero, quæ optimâ fruuntur valetudine, tempus conuectum anticipari. *Lazar. River. Prax. Medic. lib. 15.*

In morbo hoc curando imprimis corpus cachecticum bene purgari debet, antequam ad deobstruentia (sic dicta) perveniatur v. g.

℞. Rad. petrosel. fœnic. glycyrrhiz. an. ℥ ij. sem. anis. & coriand. præp. ana ℥ j. crem. tartar. ℥ iv. fol. sen. mund. ℥ ss. pulp. tamarind. ℥ iij. ss. decoct. & colat. addatur infusio ℥ iv. rhabbari seorsim fact. in aq. fumar. cum ℥ ss. santal. citrin. reducantur omnia ad dosin: in qua dissolv. man. calabr. syr. ros. pallid. comp. cum agar. ana ℥ j. m. f. potio danda in auror. 3. hor. ante jusc. cum custodia.

Post diem unum aut alterum iteretur purgatio, à qua si non videatur satis vacuatus stomachus, sed supersit cruditas cum plenitudine, utile fuerit vomitum provocare vel data ℥ j. vitrioli alb. depurat. vel ℥ ij. vini emet. cum debita custodia, ita tamen, ut post purgationem, ante vomitorii exhibitionem, per biduum incidatur tenax humor exhibitio oxymel. syr. viol. cum spir. vitrioli bis terve in die cochleari longè a pastibus. Si vero sufficiens fuerit purgatio, à vomitorio abstinendum.

Purgatione generali præmissa ad deobstruentia deveniendum, quæ vel cum purgantibus mixta, vel sola exhiberi possunt. Deobstruentium omnium basis est chalybs, in cujus præ-

parationibus omne fert punctum anima hepatis toties laudata.

℞. Aloës opt. ʒij. specier. hier. rhabarb. agaric. ana ʒß. Croci Martis ʒij. spec. diarrhod. Abbat. ʒj. croci ʒj. Aqu. Meliss. q. s. f. massa pil. Dosis ʒj. vel ʒß. per plures dies continuos.

Vel ℞. Rad. curcum. & aristol. rot. ana ʒijß. Rad. chelidon. maj. enul. ar. præp. valer. sylv. calam. aromat. croci Angl. ana ʒj. flaved. aurant. & citri sicc. cort. cass. fr. ana ʒiv. sem. trifol. odor. Sem. Myrrhid. ocul. cancr. & chel. cancr. marin. maj. constellat. C. C. vitriolati ana ʒv. flor. matricar. agerati ana ʒij. Trita omnia seorsim in alkool. ponderata & mista excipiantur, s. q. Mellaginis liquidæ, bacc. junip. & f. *Electuarium*.

℞. Hujus Elect. ʒiß. Croci Mart. Tartarei ʒß. resin. Gambodix gr. vi. viii. vel x. pro una dosi: capiat doses xx. xxx. xl. superhaustâ alâ maciatâ calente, & superambulet.

Vel omisâ resinâ Gambodix, loco mellaginis bacc. junip. excipe species syr. vel succo inspissato bacc. spinæ cerv.

Vel si purgantia omittere velis, ad formam seq. formentur *Tabellæ*.

℞. Croci Martis aperient. ʒijß. conf. Alkermes ʒß. magist. perl. & corall. ocul. cancr. præp. ana ʒij. cort. citri & aurant. sicc. condit. ana ʒiß. rasur. C. C. primar. rec. ʒvi. ossis e cord. ejusdem, cinam. ana ʒiij. Sacch. ʒij. f. omnium pulvis ut alkool, excipiend. mucilag. sem. malvæ extract. in aq. cinam. f. pasta ex qua formentur *Tabellæ* æqualis ponderis num. 20. pro totidem diebus. Cap. mane hor. 4. vel 5. ante prandium superambulando per horas duas; superhauriat aliquid vini absinthit.

Tabellæ Diatartari. ℞. Crem. tartari albiß. ʒß. Ocul. cancr. cum succ. limon. præp. gr. x. flaved. extimæ citri sicc. cinam. inter. ana gr. 17. curcum. sal. absinth. cochinell. anim. hepat. ana gr. iij. Omnia subtiliss. pulv. excipiantur mucagine admodum liquidâ rad. alth. aut sem. ejusdem vel malvæ, & f. *Tabellæ* pro una dosi, quæ usûs tempore reducatur in bolum cum syr. flor. veton. rubr. vel dissolvatur in juscule vel posseto. Sumatur hor. 4. ante prandium per plures dies; inter præparandum teratur massa optimè in mortario n. armoreo & exactè subigatur.

Alternis autem diebus capiat. pil. stomach. cum gum. ʒij. horæ quadrante ante levem cænam. vel vesperi sing. diebus pilul. tales.

℞. Gum. Ammon. in vino generos. vel aceto scillit. dissolut. ʒiß. Aloës ʒj. myrrhæ ʒij. croci ʒiß. sal. absinth. & artemis. ana ʒj. Sal. corall. ʒiv. M. & cum syr. de artemis. vel oxymel. scillit. f. pil. Dos. ʒj.

Si chalybeata minùs arriserint, sequentia ut plurimum sunt utilia.

℞. Rad. Petrosel. fœnicul. gram. asparag. ana ʒß. ras. C. C. ebor. dent. equi marin. ana ʒij. uvar. Corinthiac. cappar. à sale mundat. ana cochlear. j sem. alkekeng. & milli solis ana ʒijß. Includ. omnia ventre galli gallinacei, qui confusus elixetur cum fructo carnis vitulin. addend. sub finem coctionis fol. borag. bugl. caryophill. adianth. polytrich. ceterach. ling. cervin. salv. vit. hepatic. ana p. jß. flor. calend. vetonic. rubr. primul. ver. violar. ana p. ij. cort. pomor. redolent. m. j. Reduc. ad ʒxxiv. pro 3. dosibus

matutinis, in quarum singulis dissolv. crem. tart. vulg. ʒij. magistralis ʒj. m. exhib. 4. hor. ante prandium cum exercitio. Repetatur ad placitum.

℞. Rad. oxylap. chelid. maj. ana ʒij. Rad. filic. fœm. cichor. taraxac. gram. asparag. fœnicul. rusc. ana ʒj. fol. agrimon. chamædr. chamæpit. hyperic. capillar. omnium ana m. j. fl. calendul. genist. rubr. ana p. 2. sem. anis. fœnicul. dulc. coriand. ana ʒij. pom. redolent. num. 3. f. omnium decoctio & colatura, quæ levi coctione reducatur ad ʒb. iß. In qua dissolv. syr. de cichor. simpl. & de 5. Rad. ana ʒij. M. f. *Apozema* clarificat. aromatiz. cochl. uno aqu. cinam. pro 4. dosibus in die sumend. longè à partibus, continuand. per plures dies.

℞. Rad. sicc. chelidon. maj. ʒvi. Rad. cich. taraxac. petrosel. rub. tinct. ana ʒß. verm. terrestr. præp. ʒj. flaved. aurant. condit. sicc. ʒiij. Sem. Alkekeng. miliu solis, myrrhid. bardanæ ana ʒij. spodii ex ebore, C. C. calcin. reduct. in magister. cum ol. vitrioli, ocul. cancr. corall. rubr. cum succ. limon. dephlegmat. apert. ana ʒiijß. crem. tartari utriusque ana ʒv. spec. tron Santal. nostr. ʒiß. Sal. artemis. & absinth. bis ust. ana ʒiv. Terantur terenda ut alkool, omniaque mixta excipiantur syr. de cich. simpl. & de quinque rad. & fiat *Electuarium*. Dosis ʒij. vel ʒiij. superhaustâ cerevis. absinthite vel potui sequent.

℞. Sarsaparil. ʒviiij. rad. filic. fœm. oxylap. ana ʒxij. rusc. asparag. ana ʒiv. lign. lassatr. cum cort. ʒiij. fol. agrimon. meliss. capillar. omnium ana m. ij. fl. genist. sambuc. & garyophyl. ana p. 3. nuc. moschat. ʒj. Includantur omnia sacculo è tela rara, quæ pendeat in gallon. vj. cerevis. non lupulat. recent. utatur pro potui ordinari. dum sumet electuarium præscriptum.

N. B. Satiùs est uti iis quæ remonent impedimenta quàm naturam impensius irritantibus. *Theodor. de Mayerne Prax. Medic. lib. 3.*

Curatio Chloroseos absolvitur primò V. S. præcipuè in talo, si malum recens est, nec sanguis in alium humorem degeneravit, imprimis si à sanguinis evacuatione suppressa oriatur.

2. *Purgatione*, præmissis præparantibus.

3. *Deobstructione*, in qua omnium viscerum habenda est ratio. Mensium imprimis suppressio maxime attendenda venit.

In Dieta acetum fugiendum. vid. *Franciscus Ranchini Profes. Monspeliensis de Morbis virginum* qui instar omnium esse potest: Exstat item *Disputatio inter Basilienses de hoc affectu* lectu digna.

Purgantibus semper digestiva & aperientia præmitti debent. Digestiva & aperientia simul sequentia sunt.

℞. Croci Martis aperit. ʒß. Sal. cichor. fraxini ana ʒj. fœcul. Bryoniæ ʒij. M. F. Digestiv. Datur a ʒj. ad ʒß.

℞. Croc. Martis aperitivi ʒß. fœcul. Bryoniæ ʒj. Sal. aperitiv. ʒij. M. F. Digestiv. Pulvis.

℞. Tartar. vitriolat. ʒj. Sal. cichor. fraxini, uterini ana ʒj. M. D. in 6. p. æqu. S. Digestiv. Pulvis.

℞. Essent. chalyb. liquid. aperit. splenet. bovis (si lien simul laborat) ana ʒij. S. Digestiv. Essent. Dos. gutt. 50. vel 60.

Vel

Vel ℥. Essent. aperitiv. chalyb. liquid. ana
3℔. M. S. ut supra.

℥. Aqu. Aperit. compos. 3iv. Syr. aperit.
Minder. 3ij. Essent. aperit. chalyb. liquid. ana
3ij. M. Dos. cochl. j. vel ij.

℥. Elix. propriet. aperit. ad menses ana 3ij.
M. Purgantia (vomitoria etiam si vires ferant)
adhiberi debent, & possunt.

℥. Pulv. Diajalap. Myns. 3j. Agar. trochisc.
croci Martis Sacch. ana gr. viij.

℥. Pulv. rad. Jalappæ 3j. Croci Martis
Saccharini, fæcul. Bryon. ana gr. vj. Scam. sulph.
gr. ij. M. D. & S. ut ante.

℥. Pulv. phlegmagog. 3j. Scammon. sulph.
resin. Jalapp. ana gr. v. Vitriol. croc. Martis
Antimon. gr. iij. (fit ex regulo croco Martis &
Antimonio.) M.

℥. Agar. trochisc. 3℔. Pulv. rad. Jalap. 3℔.
Scammon. sulphur. gr. iv. Tartar. vitriol. 3℔.
conserv. & syr. ros. q. s. pro efformando bolo.

℥. M. P. de ammon. Quercet. Tartar. Ejus-
dem ana 3℔. Scammon. sulph. gr. xij. Extract.
troch. alhand. gr. v. F. l. a. Pilulæ num. xxiv.

℥. M. P. de Sagapeno 3j. resin. Jalapp. gr. vi.
Extr. troch. alhand. gr. ij. c. f. q. Essent. chalyb.
liquid. F. l. a. Pilulæ.

℥. Extract. diacartham. 3j. troch. alhand.
gr. iij. Croci Martis aperit. gr. vi. F. l. a. Pilulæ
num. xxi.

℥. Extr. diacartham. 3j. Scammon. sul-
phur. gr. vi. Extract. troch. alhand. gr. ij. F. l. a.
Pilulæ.

℥. Extr. chalyb. resin. Jalappæ, Scammon.
ros. Tart. rati ana gr. vij. F. l. a. Pilulæ Adsparg.
fæcula Bryoniæ.

℥. Extract. diacartham. 3℔. dissolve in f. q.
Aqu. aperitivæ, adde Scammon. rosati gr. v.
Essent. croc. Mart. liquid. aperit. ana 3j. Syrup.
aperit. Mindereri q. s. F. potiuncula.

℥. Essent. croc. Mart. liquid. aperitivæ ana
3j. Extract. diacartham 3ij. Syr. de pom. laxat.
q. s. F. l. a. Potiuncula.

℥. Pulv. cathol. purg. 3j. Essent. aperit. croc.
Mart. liquid. ana 3j. Syr. de pomis laxat. F. l. a.
haustulus.

℥. Herb. agrimon. cuscut. Marrub. ana Mj.
Florum Borrag. buglossi, Cichor. genist. Epat.
Nob. ana pug. 2. Rhabarb. Monach. 3℔. Rad.
Helleb. nigri, filicis ana 3j. v. aperient. ana 3ij.
Sem. Carthami 3vi. Agar. albi. 3ij. Cinamo-
mi elect. Cassiæ lignæ veræ ana 3ij. Caryophyll.
3℔. spic. 3j. Sal. Tartar. albi. 3℔. F. l. a.
Nodulus.

℥. Agarici albi. 3ij. Rad. Jalapp. 3iv.
Adsparg. Tartar. tinctur. a. infunde per noctem
in f. q. Aquæ aperitivæ compos.

Adde syr. de pom. laxat. 3℔. Essent. croc.
Mart. liquid. 3j.

Hiscæ præmissis sequuntur *Confortantia*.

℥. Pulv. cachect. Q. 3ij. ebor. sine igne
spec. diarrhod. abbatis ana 3j. cum f. q. Sacch.
Aq. Scorzonæ. dissol. F. l. a. Rotulæ.

℥. Eboris sine igne calcin. fæcul. Bryoniæ
ana 3j. Pulv. cachect. Q. 3ij. spec. diarrhod.
Abbatis 3iv. *Joh. Michael in præxi. clinic. gener.*

Curam quod attinet, quid melius quam ju-
cundo amplexu tam molesta exterminare ma-
la? Quod si hoc ipsum non liceat ad remedia
alia accedendum. Verum pauca admodum, ut

horum affectuum, ita & remediorum ap. pra-
cticos est mentio: Eo tamen imprimis quoad
indicationes est collimandum, ut liquoris ge-
nitalis s. seminalis vitium corrigatur, & mass.
sanguineæ hinc derivata vitata crasis emende-
tur ac denique variis inde ortis symptomatis
remediis appropriatis obviam eatur. Ut a po-
steriori incipiam: symptomata horumq; trucu-
lentiam optimè remonent *opiata* specificis mista.
Sed hæc ipsa opiata non curant morbum radici-
tus, sed saltem ferocitatem ejus palliando oc-
cultant.

Quæ ergo seminalis liquoris corruptelam
corrigere valent, erunt imprimis *camphora* &
camphorata quæ non tam absumunt quantita-
tem, quam corrigunt virulentiam hujus ipsius
liquoris, hinc & mass. sanguineæ & spirituum
animalium vitia mire emendant: Nam singulare
aliquid in his affectibus latet in *camphora*:
Unde & pestifera miasmata tum potenter cor-
rigit, eorumque violentissimam ferociam miti-
gat & obtundit. His adjuncta *succinata* erunt
proficua: Nam præter vim corrigendi mali-
gnitatem seminalem, sal. ejus vol. oleosum ad
hystericas aliasque convulsivas passiones mirum
est auxilium. *Myrrham* etiam non contemnendi
usus putarim non minùs quam *Castoreum*. Deni-
que ex Saturno parata remedia tam ejus sal. s.
Saccharum quam c. spiritum nitr. aut solo, aut c.
aceto distillato acuato, tam ex minio, quam
ex minerâ Saturni parati crystalli: Hi enim &
vitiosos sapes succorum corporis corrigere
& præternaturales sanguinis effervescentias
potenter compescere valent. Moderata acida
ex *citro* imprimis petita, item ex *granatis*, aut
cydoniis erunt proficua. His intermiscenda se-
men extinguentia dicta ut ex viticæ, salice,
cannabi, ac similibus elicita medicamina, for-
san & *Balsamica Terebinthina* vis genitalibus lo-
cis imprimis dicata erit non inutilis.

Vena sectio denique ubi opus fuerit interdum
cum prudentia instituenda: imò habita cir-
cumstantiarum ratione repetenda erit. Verum
cum raro occurrant tales affectus, eorum me-
delam vel primariam innuisse sufficiat. *Mich.
Ehnmüller. de morbis mulierum cap 3.*

Consultationes.

Illustis, & admodum reverenda virgo
quoniam habitu decore, & formoso donata
est à natura, ea propter non miretur aliquis
(quod timor, & moestitia demonstrant) si in
affectionem melancolicam inciderit, solent enim
quæcumque ex fœminis pulchriores hoc genus
mali, atque quodlibet aliud simile ex pravis
succis natum incurrere, cujus nulla alia (ut obi-
ter hoc sit dictum) censetur ratio, nisi quod
fœminæ quo formosiores, & colore vividiores,
eò etiam temperatiores, & quo corpus earum
est temperatius, eò etiam plures illius partes
purius, atque temperatius alimentum exoptant,
si alimentum, & alitum similia sunt, quare ali-
menti quod remanet in corpore sit deterius, &
intemperatius oportet, quod per universum
corpus propagatum, ac distributum affectus
præter naturam præactos producit.

Atqui melancholiam, de qua agitur esse,
quam flatulentiam, & hypochondriacam dicunt,
hæc

hæc attollantur, ventriculi languor, inappetentia, dolores, ac status per unum ventrem discurrentes, urinæ copiosæ, crudæ & turbidæ, ac tandem alvus stiptica, verum hanc eandem affectionem esse consummatam durities in medio ventre cum magno pulsu, cordis palpitatio cum tussicula, & pectoris dolore, totiusque macies, ac lassitudo demonstrat, nec capitis dolor, vigiliæ, auriumque tinnitus affectionem à capite, & non ab hypochondriis oriri suadent, quando hæc cum Symptomatibus ad hypochondria attinentibus juncta melancholiæ ab hypochondriis, & non à capite (materia vaporosa in caput idem effumante) sint argumenta.

Quod verò postremo sit melancholiæ hypochondriacæ ob uterum malè affectum indicio sunt menses imminuti, valde decolorati, ac sine ordine prodeuntes, potissimum verò morbus virgineus, febris alba à quibusdam vocatus, qui quidem virgineus morbus, sicuti fœminis ob rationem à principio adductam contingere quoque solet ita & pro sui characterismo, ex Hippocrate in lib. de Morb. Virg. habet venarum præcordiorum obstructionem cum sanguinis crassi affluxu & permansione, qui cum transmissus ab hepate ad uterum non potuerit vel ob sui crassitudinem, vel quia incidit in venam non ocella propria sorte angusta, expurgari, necessario ad hepar, & præcordiorum venas recurrit, & regurgitat, obstructionemque parit, à quo varia incommoda, in nobili autem ventali quæ proposita sunt suboriri necesse est, & quoniam præter timorem, mæstitiam, corporis segnitiam, & quamplura alia mala pulsus celer, ac frequens plus iusto, deficiente debita ventilatione sub morbo virgineo evadit hinc hic ipse à quibusdam febris nominatur, cum tamen sui natura sit frigidus, quoniam per ipsum calor ingentus ex magnis obstructionibus strangulatur, & veluti suffocatur, proindeque corpus universum ad intemperamentum frigidum perducitur, quia humores retrudescunt, refrigerantur, crassescunt, & impactiores fiunt, quod in aliis obstructionibus minime usu venit, quia humores sub his ex prohibito transpiratu potius incallescunt, febris verò eadem quæ miserrimas virgines apprehendit, albo faciei, labiorumque colore alba dicitur, sub qua palpebræ ac crura prope malleolos sæpe etiam intumescunt, ut affectus virgineus icterus quidam albus exillere videatur, nam quemadmodum ex bilis effusione in cutem icterus flavus, ex effusione melancholiæ, icterus niger producit, ita etiam & ex pituitæ effusione icterum album oriri nemo erit qui neget.

Sed jam ad melancholiæ nostram hypochondriacam redeuntes, generationem, & modum generationis illius adducamus, quocirca si ad Galenum 3. loc. aff. 7. respiciamus, proculdubio affirmandum, sit venis hypochondriorum ex obstructionibus ibidem factis phlogosim quandam generari, merito cujus exhalatione atra, & terrea in cor effumante cor anxium reddi & spiritus animales obscurari, hincque timorem, & mæstitiam derivari oportet, nec obstat quod Galenus eo loci ventriculum, & lienem, non autem uterum proponat, ut propterea sententia illius non videatur accom-

modari melancholiæ nostræ quæ ex utero pendet, quoniam responderi potest quod Galenus meminit earum partium tantum exemplificans, non autem ex proposito loquens, proinde Avicennas non tantum uterum, sed etiam mesereum ac jecur ex proposito loquens proponit; quod si ad morbum virgineum animum convertamus, qui est affectus frigidus, jam non à phlogosi, & hypochondriorum æstu, sed eorum frigiditate hanc melancholiæ oriri contra Galenum est statuendum.

Quare ut hæc lis dirimatur, dicendum, generationem, & modum generationis melancholiæ hujusce nostræ sic perquiri posse, quod nimirum illius principia generationis in agentis efficaciam, & passi habilitatem referantur, Agens efficax est exhalatio atra, & tetra cordi, & cerebro communicata, elevata à minera simili non legitima sed spuria, cujus mineræ causa generans tum effectrix est frigiditas, seu intemperamentum frigidum non modo uteri, sed etiam præcordiorum.

Verum cum ad præcordia ventriculus, mesereum, jecur, atque lien referatur, merito dubitari potest an omnia hæc viscera, an verò aliqua malè habeant; De ventriculo igitur (ut res hæc decernatur) nulla est difficultas, quando inappetentia & languor illius aperte demonstrant ipsum malè affici, sed & durities in medio ventre mesereum ipsum laborare ostendit, solum igitur de liene, ac jecore est difficultas, quoniam tametsi sub morbo virgineo fœminæ colore albo sint refertæ nihilominus jecore affecto cum colore illo flavities aliqua, sicuti liene laborante subnigredo conjungitur, quorum in literis missis nulla pœnitentia sit mentio, ut propterea aut jecur, & lienem omnino intacta esse, aut saltem à statu naturæ vix recedere sit constituendum; Utrumque autem sit, intemperamentum frigidum jam propositum ab caloris ingenti ob magnas obstructiones in visceribus illis extinctione ortum ducit, ad has enim obstructiones semper affectum frigidum sequi scribitur ab Hippocrate & Gal. 4. acut.

Quod verò minera melancholica spuria ex frigiditate, sicuti legitima ex calore nascatur Aetius & Avicenna, primum tamen Galenus 3. de Sympt. cau. 2. scribit, sanguis enim dicit Galenus, nigrescit, & ob id melancholicus ex frigiditate evadit, nam ab hac, partibus sanguinis Diaphanis & luminosis expressis sanguis idem nigrescit. Et si quis objiceret quod Galenus 3. loc. aff. cit. de generatione melancholiæ hypochondriacæ loquens phlogosim, & non frigiditatem proponat, hic ipse sciat, Galenum id quod ut plurimum accidit respexisse.

Causa verò materialis ejusdem mineræ melancholicæ spuria est sanguis menstruus copiosus, ac crassus in vasis viscerum prædictorum præter naturam retentus, non ob angustiam vasorum naturalem, quoniam molestiæ quas nunc patitur ante biennium incaperunt, quocirca menstruum retentum fuisse ob sanguinis crassitudinem ac visciditatem vasa obstruentem à pravo viciu, & aliis similibus occasionibus externis acquisitam putamus. Nec obstat quod menses aquosi prodeant, quia tenuior pars percolatur, & crassa retinetur, quæ in vasis conclusa frigiditate viscerum nigrescit & à calore ali-

quo præter naturam in vasis prædictis concitato in cor ac cerebrum effumat nec enim inconvenit in corpore quantumcunque etiam refrigerato calorem aliquem extraneum & ultra leges naturæ excitari qui & putredinem efficere, ac fumos elevare possit, exemplo sunt corpora hydropicorum alioquin refrigerata, in quibus & putredines fieri, halitusque elevari quotidie videmus, & hæc de agentis efficacia.

Subsequitur modoabilitas passi perpendenda, ad quæ duo Hippocrates in libro de morbis virginum totam earum melancholiæ constitutionem reduxit; retulit verò habilitatem corporis mulieris ad pusillanimitatem, & timiditatem, cum etenim fœminæ frigidiores sint, propterea ex Aristotele, Avicenna, & aliis pigra, ac segnes sunt proindeque quavis causa, levi concitante, animo deiciuntur, animositas enim, ut in ore omnium positum est, à calore proficiscitur, quapropter si halitus ater spiritibus animalibus permisceatur, virgines, imò verò & omnes aliæ fœminæ ob inuatam timiditatem affectui melancholico obnoxie fiunt, quod illustri & nobili vestali accidisse liquet.

Verum tamen quoniam affectus melancholicus ob caloris ingeniti omnium operum vitæ opificis jacturam, quam illi infert, omnium malorum veluti seminarium existit, minimè alicui mirum videri debet, si tot incommoda nobilis hæc virgo sustineat, hæc enim veluti germina ac partus affectus jam propositi existunt, quandoquidem calore nativo depauperato, ac lacescito, succi crudi, & ex succis crudis, ac alimentis flatus quam plurimi gignuntur, qui ad diversas partes distributi, ac relegati eas malè afficiunt, & incommodant, cunctaque mala, quæ in historiis describuntur gignunt.

Quibus ut Medicus præsto sit, in id incumbere debet, ut caloris nativi jacturam submoveat, atque hunc ipsum tum toti, tum singulis ejus partibus præcipuis reparet, ea tamen ratione ut prius totum à colluvie excrementorum pituitosorum, & melancholicorum expiatur, deinde obstructions ac sanguinis menstrui vitia propriis præfidiis attenuantibus, detergentibus, ac impetum illi ad uterum perhibentibus emendet; tametsi provincia Medico curanti valde ardua, ac difficilis offeratur, ut vix metam attingere posse putandum sit, affectus enim est vehemens, & vires totius corporis rectrices ferè superat, quod ex his facile est intelligere, primum enim affectus de quo agitur secundum propriam essentiam est cum insigni lapsu à naturæ statu, Symptomata plura, & hæc ipsa magna adjunguntur, causæ vehementer agunt, ut atrophiam ipsam minentur. Secundò viscera omnia naturalia, vitalia, ac animalia, imò verò, & totum ipsum corpus, ut de se liquet, labem ex frigidityte aliquam contraxerunt, postremò adeo difficulter, (uti pulsus languor, totius marcor & lassitudo ostendunt) vitium hoc à facultate regitiva tolleratur, ut hæc ipsa quasi succumbere videatur, nihilominus Deo, Optimo Max. auxiliante spero ob patientis obsequentiam, prudentiam, ac florentem ætatem futurum, uti si affectus propositus, ejusque Symptomata non penitus cedant, saltem imminuantur, quod per materias medicas proponendas obtineri posse existimo.

Et quantum ad chirurgicas spectat, hoc tempore cauteria femoribus secundum partem domesticam infixa laudamus, mox obstructionibus aliquo modo referatis, ac sanguine per calefacientia, & concoquentia ad meliorem frugem deducto, scarificationes malleolorum, vel potius cucurbitulas scarificatas suris tibiæ hinc inde applicitas non improbamus, sicuti nec frictions humidas nunc toti corpori præhabita totius providentia, posthac partibus infernis ex aqua ardenti, vel elixire vitæ adhibitas vituperamus, imò verò & cucurbitulæ sicca femoribus secundum partem domesticam citra scarificationem applicita, ubi usus postulabit, videntur opportuna.

Pharmaca administranda evacuantia, & alterantia erunt, in serie priorum non tantum ea quæ sensibilibus, sed etiam insensibilibus agunt arident, quæ sensibilibus evacuant sunt lenientia purgantia & menses evocantia, lenientia quæ hic opportuna videntur, sunt vel syrupus de polypodio magistralis cum mel. ros. sol. vel hiera cum Diacatholicon, purgantia verò, quæ placidiora seligantur, & per intervalla, ac vices usurpentur, nam corpora magnis obstructionibus referta medicamentis venementibus non sunt irritanda, & humores crassi, ac viscidii unica vice non possunt concoqui, & evacuari, sed sensim concoquendi, sensimque evacuandi sunt, pilulæ igitur de tribus cum Rhabbaro, de hiera cum agarico Mes. de Sagapeno Mes. probantur, quibus portio aliqua vel epithimi, vel ellebori nigri præparati est adicienda, hinc quoque referendum infusum agarici trociscati & ellebori nigri præparati cum syrupo de polypodio magistrali, item & cydoniatum ex carne cydoniorum in vino decoctionis polypodii, & epithimi cum saccharo cocta & pulvere radice mechocani factum, postremo & vinum ex sena, & carthamo cum radicibus buglossi paratum, item & triphera de epithimo, nec non Diachartamum ex descriptione Nic. Florentini addito pulvere senæ præparatæ compositum.

Menses evocantia hæc placent, primum ex aqua pimpinellæ, & croco paratur, alterum est pulvis radice gentianæ ad drag. j. ex jure cicerum rubeorum quotidie datus. Tertium est sal Sabinæ chemicum ad scrup. i. ex decocto pulegii exhibitum. Quarto Castoreum devoratum ad idem conducit, sicuti & medicamentum quod fit ex æquis portionibus boracis mineralis, & cassiæ lignæ in formam potus cum aqua adianti exceptis. Quinto antidotus hæmagoga. Sexto oleum vitrioli Romani ad scrup. f. in vino decoctionis betonicæ & matricariæ exhibitum. Postremò est vinum chalybeatum quod componitur sic.

℞. Vini albi generosi lib. 12.

Aqua stillatitia matritaria lib. 3.

Foliorum Diptami Cretici

Pulegii

Colamintæ

Origani Orientalis

Sabina

} an. pug. i.

Radicis eritroidis

ciperi

} an. unc. i.

Cinna

Cinnamomi
Macis
Sem. danci } an. dragm. ij.

M. & bulliant in duplici vase ad consumptionem quintæ partis, deinde addatur lib. j. limatura chalybis prepar. & omnia reponantur in vase vitreo bene obturato, vasque in stufa furnaria per decem dies continuos detineatur. & quotidie vas agitetur. Dosis est ab unc. iij. ab lib. i.

Chalybs quoque fusus Magni Ducis Herurix ad drag. ij. in decocto nepitæ ad plures dies bibitus huc est referendus.

Pharmaca insensibiliter evacuantia, quæ post totius prospectum ad pituitæ dissipationem conveniunt, tametsi plura sint, duo potissimum possunt illustri, & Reuerendæ Veltali usui esse, Primum est antidotus magna mediæ ætatis intervallis quibusdam devorata; alterum est jus columbi turrini, vel (quod magis probatur) galli antiqui, in quorum ventre lignum Indicum, sassafras, radix cinæ, lignum visci quercini, betonica, melissa, capillus ven. Ceterac, cuscuta, artemisia, menta, passula, & tartar. vini albi sint incocta; exterius quoque abdomini spongiæ madefactæ in decocto eorundem simplicium facto in aqua, & vino odorato, adhiberi poterunt.

Occurrunt tandem medicamenta alterantia, quæ vel ad materiam crudam, vel ad obstructions, vel ad viscerum intemperamenta diriguntur, si ad cruditatem materiæ primum syrupi de betonica, acetosus de radicibus, & de artemisia diluti cum jure columbino decoctionis betonicæ, pulegii, boraginis, melissæ & artemisiæ, deinde syrupus de calamento, vel oxymel scyllinum cum decocto matricariæ, vel Diacalamentum, vel Diatrium p' pereum probantur.

Si ad obstructions præter alia jus columbi, & galli superius propositum, adjectis ladidibus aperientibus maximè laudatur, quod magis proderit, si ante syrupum matutinum bolus ex gummi ammoniaco, & sale absynthii detur, quod pertinet infusum radice scorchiõneræ in vino odorato, adjecto pulvere lapidis Bezoar, & vinum quod ex infusione chalybis supra propositum.

Postremo si alterantia ad intemperamenta viscerum pertineant, pro ventriculo præter nucem muscatam conditam, ac radicem gingeris, & pulverem Angelicæ odoratæ, maximè extollitur, stillicidium ad motum ex oleo amygdalarum dulcium, & vino Cretico cum polio montano, absynthio, menta, nuce myrrhistica, cinnamomo, ligno sassafras, myrrha, Benzoino, & mastiche in duplici vase ebullitis factum, à quo ceratum ex mastiche pulvere Angelicæ aromatizatum appositum juvabit, sicuti & lana illota, infectorio coccio infecta jugiter gestata. Pro mesenterio in medio abdominis indurato stillicidium pariter ex oleis amygdalarum dulcium, & semine lini, in quibus in progressu radix peucedani & cucumeris agrestis sit incocta maximè juvabit, à quo pariter superdandum ceratum ex oleo seminum lini ad spissitudinem cocto pariter in progressu addita portione cerati. Ex quibus apparet, nec lac nec balneum aquæ dul-

eis hoc tempore ob caloris nativi indigentiam, ac labem ex frigore contractam convenire.

De victus ratione statuendum moderatè attenuantem convenire, quem nobis Galenus in proprio tractatu reliquit, solum igitur notamus primum pulverem coctilem ex pane biscocto, agalloco, cariophyllis, croco, & coriandris cum saccaro cibariis esse inspergendum; præterea, vinum fulvum auratum, vel calybeatum in cœna, & prandio continuo potandum esse, immo verò vinum in quo chalybs præparatus cum pulvere coriandrorum per sacculum maceratus continuo detineatur maximè probatur, sicuti & quod tempore hoc vindemiarum instante cum roremarino, radice buglossi, china, & ligno sassafras pro tota hyemè conficitur; Postremo pro alio irritanda præter clysteres emollientes, laudantur hæc: primum sal tartari albi, vel Mercurialis chymicum ex ovo sorbili apsumptum. Secundo caricæ pingues in quarum medio granum salis positum sit in prima mensa commansæ. Tertio pruna dulcia primum in manna dissoluta, ex infuso senæ infusa, deinde manna simplici antequam ex toto siccentur obtecta; Postremo aloes succotrina in succo Sabinæ nutrita. Atque ut hæc in salutem hujus dignissimæ Virginis cedant D.O.M. precamur. *Jul. Cesar Claudin. Consultationum Medicinal. libro.*

Barbara Margareta filia viri Nobilissimi Domini C. A. K. p. m. ab anno decimo quarto ætatis usque ad decimum septimum menstruatim & ordinate per uterum purgabatur: Hinc fructibus horariis & lacte, piscibus item, aliisque cibis crassis & viscidis copiosius, frequenterque ingestis, menses substitere, faciesque & labia ex colore roseo in subalbidum & virescentem mutari, totumque corpus, maximè crura, & pedes intumescere coeperunt. Accessit, & capitis dolor, ciborumque fastidium & murmura, rugitusque ventris cum hypochondriorum tensione, interdum & cordis palpitaciones molestæ erant, spirandique difficultas, maximè à concitatore corporis motu.

Ex Prava victus ratione humores crudos, & viscidos in corpore collectos, sanguinique permixtos mensium retentionem induxisse statuo, quatenus obstructis uteri venis sanguini menstruo denegatur effluvium.

Ex hoc fonte reliqua scaturiunt symptomata:

Facies & labia pallent ab humore pituitoso, & seroso ad ambitum corporis & cutem delato.

Totum corpus, maximè crura, & pedes intumescunt ob eorundem vitiosorum humorum abundantiam, quorum potissima pars ad pedes decumbit.

Capitis dolor à vaporum adscensu, quatenus membranae cerebri ab iisdem distenduntur, dependet.

Ciborum fastidium impedita chyli distributio, crudique humoris copia excitat.

Murmura rugitusque ventris à conclusis & hinc inde divagantibus flatibus moventur.

Hypochondriorum tensio à sanguinis ad majora vasa refluxu, dimanat.

Cordis palpitatio spirandique maximè post motum concitatiorem, difficultas, suboritur à vaporibus, qui è sanguine crasso & impuro per motum incalcescente elevati, respirationis orga-

na comprimunt, cordique molesti sunt.

Humores itaque vitiosi evacuandi, obstructions viscerum referendæ, intemperies corrigenda, menses provocandi, & victus ratio melioranda.

Evacuationi præmittenda est viarum communium relaxatio & humorum præparatio. Illud prunis nostris laxativis, hoc emulio supra descripto obtinui.

Purgationem ipsam pulvere nostro panchymagogo institui. Ad viscerum autem obstructions expediendas, intemperiemque corrigendam, vinum medicatum præscripsi, quod simul & menses movet.

℞. Fol. meliss. Chamædryos, Arthemis. Agrimon. ana m.ß. Sabinæ. Rad. Enulæ, ireos, rubiæ tinct. ana ʒ.ß. Sars. parill. ʒvi. flor. cheiri, rorismar. apic. flav. lil. albor. ana p.i. Sem. dauci, anis. fæmcul. ana ʒij. Croci integri ʒi.ß. Incisis & conquassatis affunde vin. Rhenani albi q. s. bibat manè & vesperi cyathum unum uncias circiter quinque continentem.

Verum cum pertinacia mali hæc omnia eluderet. duro nodo durum ratus quærendum esse cunem, corpus denuò évacuavi, exhibito pulvisculo exiguae quantitatis, sed magnæ efficacæ.

℞. Facul. Bryon. ʒj. Magister. gummi de Goa gr.x. ol. stillat. mace. gt.j. M. F. pulvis ex aqua cinamomi sumendus in aurora, cum jejuniis & custodia.

Hinc Electuarium meum chalybeatum per dies 14. singulis matutinis cum vino melissato hauriendum præscripsi.

Postmodum denuò pulvisculum ex Magisterio gummi de Goa exhibui, cujus iterato, & efficaci usu humor serosus in tantum absumtus est, ut pedes manifeste detumescerent, & vena tali, quod antea propter œdema non erat integrum, aperiri posset, quo facto menses erupere, perfectaque quæ in hunc usque diem gaudet, subsequuta est sanitas.

Interea toto curationis tempore victum commendavimus ex cibis boni succi, & facilis coctionis, interdicto frigidorum, humidorumque ut & flatulentorum usu, leguminibus scilicet & oleribus, piscibus, carne suillâ, anserinâ, anatinâ, jurulentis, lacte, & lacticiniis, fructibus horariis, & imprimis aceto, quod calorem viscerum debilitat.

Pro Potu ordinario obtulimus cerevisiam melioris grani & vinum Rhenanum, quandoque & sectarium, sed parcius.

Cætera vigilas & somnum, animi pathemata, motum & quietem &c. omnia moderata esse iussimus; excretionem autem nisi quotidianæ per naturam essent, arte promovimus. *Baldass. Timæus casuum Medicin. lib. 4.*

Honestæ virgo, 15. annuæ ætatis, à nativitate totius temperamentum calidum & humidum sortita, pravis eduliis semper de more enutrita, pallida facie, satis tamen formosa, cui parca menstrua, nec ante 18. annum apparuere, continuo circa viscera naturalia aliquod incommodum passa fuit, sed postquam duobus ab hinc annis ei menstrua omnino defecerunt, mæsta & timida evadere cepit, cum sensibili cordis oppressione atque palpitatione, & difficili quadam respiratione strangulationem æmulante; nec non hypochondriorum tensione, &

coxarum atque tibiæ torpore. Tandem febris cum horroribus correpta est, quæ statas periodicationes minimè servat, sæpe cum mentis alienatione, clamoribus ac vociferationibus, adeò ut à Dæmone ipsam possideri Religiosi aliqui affirmant, vulgares suspicentur, dum verò ad mentem redit, mortem ut jucundissimam, vitæque multo meliorem, desiderat. Præterea pedes tandem semper, palpebræ verò & facies tota quandoque œdemate tument. Religiosi vocati pro signaculis. Maleficæ mulieres, ad maleficia solvenda. Divis vota facta. Cum verò horum nihil profuerit, tandem ad nos Medicos confugiunt, ut de agendis pro Virginis salute consulamus.

Cum Medicinæ Scriptores dubitaverint affectum hunc forsitan nullo nomine nuncupandum, pluribus ab iis sollicitè fuit insignitus. Ab aliis enim Virgineus morbus fuit dictus, quia Virginibus familiaris esse solet. Ab aliis febris amatoria, pulchriores enim potius quam deformes hoc affectu corripiuntur, ratio est quoniam partes in his bene temperatæ, bonum sanguinem ad se trahunt, malum rejiciunt, qui corpus inquinat. Quibusdam febris alba seu alba ictericia, quia hoc affectu correptæ corpus album, cachecticum, ac veluti œdematosum præ se ferant. Et tandem ab Hippocr. Erronea febris, quia nullum typum nullumve ordinem servet.

Est autem affectus iste morbus in via, nimirum obstructio vasorum, circa uterum primo, deinde circa mesenterium & jecur, dum enim sanguis statis temporibus uteri venas pervadere non potest, refluit, & præ multitudine resilit in cor & septum transversum, unde timores, pavores, dæmoniacæ imaginationes, difficiles respirationes & veluti strangulatus, cordis oppressiones; qui sanguis depressus ex coxis ac femoribus, in tibiæ & pedes, torporem inducit, donec ad superiora revertatur, quod facile fit propter venarum rectitudinem. At ex corde & septo non adeo facile refluit, venæ enim obliquæ sunt, & locus est ad insaniam & delirium satis aptus, quo repleto, & horror cum febre ingruit, quas erroneas febres appellant. Verum quia ex pravo sanguine detento, frigida in visceribus & toto corpore succrescit intemperies, ideo frigidorum atque crassorum humorum copia congeritur, quæ nativum calorem cordis, jecoris & totius suffocando modò pedes & faciem paulatim, brevi verò & totum corpus, veluti œdematosum, ac verbo, cachecticum reddit.

Affectus, qui neglectus, sæpe in schirrhos viscerum naturalium, hydropem, insaniam & mortem terminatur. Curatu quidem difficilis in hac Virgine, sed difficilior multò evadit si maritatis sterilibus contingat, nam Virgines si viro utantur, aut menses suboriantur, aut conceperint, promptius liberantur.

Pro curando hoc affectu duplex est medica intentio. Altera totum. Altera partes, tum obstructas tum intemperatas respiciens. Totum itaq; 1. per partem post partem evacuandum. Secundò, mesenterii, jecoris & uteri venæ deobstruendæ. Tertiò, ventriculi, jecoris & uteri frigida intemperies corrigenda & auferenda. Et quartò partes affectæ roborandæ. Cujus quidem affectus

Etus curatio, curæ Leucophlegmatix non admodum dissimilis est.

Et si de remediis à fonte Chirurgico desumendis loquamur, hujus affectus curatio est sanguinis detractio, & quidem in hoc casu venæ superiores prius aperiendæ, ut auferatur & dematur sanguis collectus, qui per venas inferiores nullo modo evacuari posset, imo sectis primò venis inferioribus, uteri obstructions adangerentur. Secundo verò loco, ex venis inferioribus, circa tempus consuetum menstruæ purgationis. Parce tamen erit sanguis educendus, cum jam in Coccochymiam migraverit, at potius elective purgantibus pravi humores erunt educendi. Cauterium in coxa dextera locum habebit; Pariter frequentes pedum lotiones, aqua falsâ & nitrosâ, aut lixivio forti, addito sale.

In totius expurgatione; ventriculus est primò mundandus, melle rosar. cum manna, vel elect. lenit. tart. Prima præparatio procurabitur ita.

℞. Mell. ros. col. oxym. simpl. an. ℥i℥. aq. cinnam. ℥j. M. pro syr. & sic pro aliis quinque. A quibus expurgatio succedat syr. rosar. & mell. ros. sol. cum elect. diacarth. vel elect. lenitivo, diachnat. cum granis extracti mechoacan. Hac sequentia primarum viarum expiatione, secunda ineunda erit præparatio tali syr.

℞. Oxym. comp. syr. byzant. cum aceto an. ℥j. syr. de cichor. cum rhab. ℥℥. decoct. cich. borrag. meliss. beton. agrim. cuscuth. rad. gram. ℥vj. M. pro syr. & sic pro aliis septem. Deinde præparati humores erunt ita expurgandi.

℞. Agar. trochisc. ℥ij. rhab. opt. ℥j. fol. fenn. epith. an. ℥i℥. cinnam. integri ℥j. aq. melliss. q. s. M. f. int. per hor. 12. deinde fiat fortis expressio, & colat. adde syr. ros. sol. ℥iiij. elect. diaphanic. ℥ij. M. f. potio.

Vel ℞. Electuar. lenit. diaphanic. diachnat. an. ℥iiij. pilul. de hiera cum agar. ℥j. M. f. bol. 4. horis ante cibum assumendi.

His peractis, nemo in arte versatus facile crediderit omnes obstructions circa viscera naturalia omnino expeditas, minus verò totum venosum genus à pravis humoribus defæcatum. Quare reliquæ obstructionum sunt removendæ, ac totum, quantum fieri potest, expurgandum, in quem finem nil syr. Fernel. præstantius excogitari potest, eidem addendo rhab. ab eodem omisum. Præbeatur autem quotidie ad ℥ij. in semicyatho vini albi maturi, non valde generosi, matutino tempore, 4. horis ante prandium per 15. dies. Post ejus usum, cum viscera naturalia deobstructa satis fore conjectari possit, totumque, si non omnino, sat tamen bene expurgatum, ideo tempestivum fuerit quam primum ad obstructions uteri demolendas, mox ad menstrua provocanda devenire.

Pro contumacibus obstructionibus auferendis, principem locum obtinere chalybem tota Medicorum schola proficitur, qui tamen, nec nimis triturratus sit, nec nimis ignitus: trituratus enim in argentum vivum degenerat, tuncque vomitum provocat, & alvum turbat: nimis autem ignitus privatur suo sulphure & mercurio: qua ratione evadit crocus martis, po-

tius adstringendi quàm aperiendi vim obtinens. Quare in hoc casu convenientissimus erit crocus martis aperitivus, cum acido sulphuris paratus, ita exhibitus.

℞. Croci mart. aperit. gr. iij. trochisc. de eupat. ℥j. de myrrha ℥℥. M. & cum aq. capill. ven. q. s. ref. bol. j. & aur. à quo bibat Patiens talempotionem.

℞. Salsæ elect. rad. fanic. petros. gram. lign. sassaf. incis. an. ℥℥. aq. agrim. lib. iij. M. f. inf. per hor. 24. deinde bull. ad. consumt. dimid. addita quarta parte pulli junioris, & colat. servetur pro duabus vicibus, matutino tempore assumenda, quæ efficacior reddetur, additis gut. iij. vel iiij. spir. sal. vel. ℥j. spir. tart. ter rectific.

In hujus medicamenti usu per xxx. aut xl. dies erit persistendum. Sed interim externa quoque deobstruentia aministranda, quæ humectent & aperiant, non exsiccent, cujusmodi erit fomentum paratum ex decocto malv. melil. orig. puleg. calam. leucos. rad. alth. & lil. alb. quod mane & vesp. per horam administratur, inunctis mox pudendis oleo lil. alb. & keirino mistis.

His peractis, si menstrua adhuc, prout opus est, non eruperint, eadem provocantia continuo erunt adhibenda. Quare instituendum jus familiare alteratum fol. capill. ven. arthem. orig. puleg. calam. mont. exhibendum singulo mane ad ℥vij. additis, vel aq. ex alio destill. ad ℥j. vel oleo sabinæ ad ℥℥. adhibitis interim infusibus usque ad umbilicum, in aqua Apocynitana sulphurea.

Toti exsiccando, & partibus corroborandis, usus theriacæ antiquæ præstantissimus fuerit.

Quibus victus ratio congrua erit calefaciens, parum exsicicans atque attenuans, & nisi medicamentis, aut Dianæ votis malum cedat, viro jungatur, & sana evadet *Joan. Raymund. Fortis lib. de Morb. Mulier. Tom. i. Consil. inferio.*

Virgo Nobiliss. ætate jam nubili submelancholica censenda ex totius colore fusco, hepatisque intemperie justo calidiori, sedentariæ vitæ sexui propriæ addicta, proximè præteritis annis succos crassos in venis congestit, qui ad uterum expurgationis causâ quolibet mense transmissi, tandem ob eorundem crassitiem & visciditatem in ejusdem venis occlusi & fixi obstructions & infarctus induxerunt, unde consueta menstrua purgatio suppressa fuit. Quoniam verò si menstrua non fiant, ex utero morbi contingunt. Ideo duobus mensibus ab eadem suppressione, succi in venoso genere hærentes, prædominio biliosi, & subdominio melancholici atque pituitosi, putredine concepta, febrem duplicem tertianam continuam excitarunt, cui mirum non est, capitis dolores, & ventriculi angores accessisse, tum ob exhalationes ad caput & os ventriculi à putridâ minera elevatas, tum propter uteri consensum cum omnibus corporis partibus.

Congruis autem medicis auxiliis sanata febris, judicataque Pat. fuit. Verum quoniam causa antecedens eodem tempore auferri non potuit, menstruorum nempe suppressio, & præterea quia obstructions licet nondum putrescentes, circa viscera adhuc superstitæ, supponimus, ex aliquo potu copiosiori in febre præ-

gressa æstiva contractas, ideò paucis post diebus novis coacervatis cruditatibus ab imbecilliori convalescenti ventriculo relapsa est Nob. Pat. in febrem non quidem ut antea acutam, sed febriculam potius, ut potè à cruditatibus partes non adeò Nobiles obsidentibus productam.

Hæc verò neglecta, una cum accommodata victus ratione, cruditates, & excrementa varia, indeque obstructions, non leve incrementum susceperunt unde hepar, & lienem obdurusse tunc primum, atque mesenterium, & universam abdominis regionem intumuisse credendum, tuncque nutritionem, labefactari paulatim cœpisse, accedentibus mæore, cibi fastidio, capitis, lumborumque dolore, cordis angustia atque tremore, difficili respiratione, totius lassitudine, ac tandem faciei & labiorum pallido colore, cum febricula erronea, nullo ordine invadente, & pulsu parvo, ac frequenti, quæ omnia symptomata virginæ morbi, sive febris albæ, superiorum viscerum naturalium obstructions utero perpetuo fovente. *Cum enim osculum exitus mensuris purgationibus non fuerit aperitum & sanguis continuo influxerit, tunc sanguis non habens effluxum, præ multitudine resilit in cor & ad septum, quæ partes repleta in frigidantur, & ideò fatuitatem & torpedinem sequi scripsit Hipp. Ad hæc horror cum febre ingruit, erronea dicta, formidant Patientes, usque gladiatur respiratione, timent, marant, & tandem in vitæ desperationem incurrunt.* A quo statim ab Hipp. descripto, parum aut nihil abesse Nobil. hanc Virginem utique censuimus.

Quo ideò liberari difficillimum putamus, est enim ex illis morbis quorum curationem à Diis auspiciandam esse dixit Hipp. ejusdem difficultatem his verbis significans, quæ & augetur a prægressa plurium mensium menstruorum suppressione. Nihilominus quoniam tumores nondum in visceribus genitos supponimus, & anni tempus purgationibus idoneum accedit, supposita Pat. obtemperantiâ, & in medicamentorum usû perseverantiâ, hucusque minimè servata (unde non mirum si leve, aut nullum ab arte medica juvamentum sit secutum) curatione à nobis proponenda, ab imminente cachexia, & hydrope Nob. Virg. præservandam, & ad multò meliorem statum redigendam speramus.

In quam rem recto ordine primæ viæ erunt excrementis emundandæ, inde paulatim per partem post partem mesenterii, hepatis & lienis obstructions aperiendæ, mox totum venosum genus à cacoehymia vindicandum, & tandem ad uteri venas referandas erit deveniendum, corroboratis denique visceribus.

Quibus intentionibus ut satisfaciamus, à fonte Chirurgico repetita sanguinis missio est depromenda ex brachio, post primarum viarum expiationem, verum eâ cautione ut Medico præsentē, si tenuis, & valde serofus effluerit, supprimatur. Secundo ex saphena, sed parcè, ratione tantum motus, & solum sub finem post adhibita hysterica aperiencia. Cauterium omnino conveniet coxæ inustum, sicuti pedum lotiones in fine tantum curationis, & quotidianæ inunctiones uteri regionis, oleo simpl. lil. alborum.

A fonte Pharmaceutico præcipua desumen-

da remedia, quoniam jam sanguis suppressus in cacoehymiam descivit. Sic primò conveniet potio ex manna clarif. cum infus. sen. & tart. Primum præparans erit Julap. acet. ad ℥ij. vel iij. totidem additis drachmis creni. tart. & ℥ss. Aq. cinnam. Quinque verò post diebus repetatur eadem potio, ut supra institutâ mox novâ præparatione. Et quoniam in uterinis affectionibus, & hypochondriacis affectibus, non multum conferunt Sacch. aut mellita, ideò succi potius herbarum depur. decoct. erunt intundendi, ut

℥. Succi depur. borrag. agrim. an ℥j. tart. vitr. gr.x. decoct. cichor. borrag. buglos. bet. meliss. petrosel. ℥iv. m. pro syr. & sic pro aliis. Septem verò exactis diebus, præbeatur infusum ex agar. rhab. & senna additis syr. ros. sol. & de polyp. à quo jus hordeac. ebibat.

Inde ad efficaciora deobstruentia erit progrediendum, in quem finem efficacissimus erit Syr. Fernel. quem cachecticum appellant addito Rhabarbaro, cujus mittimus descriptionem nobis familiarem. Præbeatur autem alternis diebus ad ℥ij. in jure cich. vel end. alterato, & absente febre, etiam in semicyathos vini albi tenuis, non dulcis, more Ferneliano, diebus autem intermediis exhibeatur Bol. ex ℥j. Extract. rhab. & ℥ss. tart. vitriol. paratus, à quo bibat decoct. cich. end. agrim. melissæ petrosel. & fœnic. ℥v. vel cyathum aq. still. agrim. sicque pergat per mensem, etenim nec levibus remediis, nec brevi tempore affectum hunc expurgari posse pro certo habendum.

Tunc temporis vero de Chalybeatis medicamentis cogitandum fuerit ut duriores & contumaciores obstructions attenuari & atteri possint. Chalybs autem ita præbeatur, ut peractâ operatione extra corpus educatur simul cum excrementitiis humoribus obstructions inducentibus, cujus causâ medicamento aliquo purgante, vehiculi loco illi immixto opus fuerit. Præ omnibus autem Chalybis præparationibus à me expertis, præstantiorem observavi, quam crocum Martis aperitivum appellant, cum acido sulphuris paratum, cujus grana duo aut ad summum tria mirabiles certè effectus semper præstare consueverunt. Quare præberi poterit bolus ita paratus.

℥. Pil. de tribus cum Rhab. ℥ss. croci Mart. aperit. gr.ij. m. f. Bol. quem sequatur potus decocti falsæ, & tamarisci, idque pluribus diebus, prout Excell. Viro adstanti opportunum ac necessarium visum fuerit.

Tandem ad uteri venas aperiendas erit perveniendum, in quam rem xv. aut xx. diebus præbeatur aqua destill. ex capill. Ven. & artemisia, addito vel cochleari Aq. Sabinæ still. vel gutt. Ol. Sabinæ, vel gr.x. sal. arthemisiæ, præmisso quinetiam bol. ex troch. de myrrha, cum Tereb. reformato, quo tempore, præstò sint filia cannabina in lixivio cocta, & imò ventri, matricis nimirum regioni calida admota, efficacissimum enim hoc ad menstrua provocanda remedium, quo ablato, inunctio ex ol. lil. alb. cum aromatibus usurpanda.

Interim ventriculo ac jecori roborationem conciliabit sal absinthii ad ℥ss. hora ante prandium & canam exhibitus.

His omnibus tandem congrua & accurata vivendi

vivendi ratio addatur. Vinum ad mensam sal-
sa, tamarisco, & pauxillo sassafras medicatum
paretur, & familiare medicamentum purgans
prescribatur; magist. scil. mechoac. ad gr. xii.
vel xv. cum 3ss. pil. aggreg. vel 3ij. elect. lenit.
iterum aut tertio quolibet mense assumendum.
Quæ omnia à Prudentiss. atque Excell. Viro
Adstanti administrata; ope divina, profutura
speramus; ut tandem Hipp. consilio, viro jungi
possit Nobiliss. Virgo. *Joh. Raymund. Fortis con-
sult. & respons. medic. Tom. 1. Cent. 2.*

Vita vexationibus plena, quam à naturæ pri-
mordiis traxit Illustrissima patiens, quantum
visceribus potissimum naturalibus detrimentum
afferre potuerit, unicuique in arte perito mani-
festum est cum existimaverit Plato; omnia no-
stra mala ab animo pendere. Eorundem præ-
terea viscerum nativus calor non parvam con-
traxit labem ex venenata assumptione: Uteri
pariter intempestivam infæcunditatem læsio-
nem iisdem attulisse credendum. Damnum ta-
men non sese manifesto prodidit; dum viguit
ætas & calor nativus; sed eo paulatim debili-
tato, imperfectiores quotidie semper magis
coctiones, nutritionesque de pravata sunt red-
ditæ ab excrementorum & crassorum & viscid-
orum proventu, unde totius jam color sem-
per fere vitiatus, excelsus tamen observati non
sunt, donec menstrua purgatio singulo mense
onus deposuit. At quia tandem tum ex immi-
nuto calore nativo; tum ex ætatis conditione;
succo & crudiores & melancholici copiosio-
res geniti sunt, ii sibi ipsis viam ad uterum in-
tercluserunt, unde menses dimiuti; nec per
idem tempus semper venientes, imò tandem
præpropere ex toto fere suppressi; qui præter-
quam quod massam sanguineam impuriorem
significabant detenti & ad superiora conversi,
obstructiones jam sub pyloro; nunc magis in
ramis inferioribus; in liene manifestas, in he-
pate & utero non adeo manifestas produxe-
runt; cum caloris nativi harum omnium par-
tium imbecillitate; qui ut parvus ignis à copia
lignorum viridum suffocatus est. Quare mirum
esse non debet si ex utero morbi contigerint;
menses enim recurrentes per venas in septum
difficultates anhelitus & suffocationis sensum
pariunt; in caput destillationes; in ventricu-
lum inappetentiam & nauseam; in jecur san-
guificationem vitiant, unde vitiatus totius co-
lor, tumores pedum oedematosi; in cor tre-
mores; palpitationes; pavores, melancholias
(imò & in senioribus cor fatuum fit ex Hipp.
indeque torpedio, & delirium) & tandem eo-
rundem excrementorum portio circa viscera
naturalia putrescens; vel agitata incalescens
nonnunquam jam febres quartanas & erraticas;
nec non in præsentia fere continuo erroneas &
albas producit.

Affectus quidem difficiles, recursus enim
mensium ad inferiora ob ætatem progressam
obtineri non poterit. Quare hoc insigni naturæ
beneficio destituti; omni arte tuenda erit Illu-
strissima mulier à melancholia; cachexia; &
Hydrope: quod præstabimus; diligenter de-
faciendo massam sanguineam; aperiendo ob-
structiones; auferendo intemperies; & semper
fovendo calorem nativum; cum totius habitus
jam ad frigidum vergere inceperit. A sanguinis

missione inchoat Curationem Hipp. si nihil
prohibeat. In casu nostro sola quantitas pro-
hibebitur; quare vena superior aperienda erit
ad sanguinem pravum in toto collectum edu-
cendum; & si se obtulerit occasio; caute tangi
poterit; & saphæna ad motum. Duo cauteria
affigenda; & si forsan affixa sint, custodienda.

Evacuantia medicamenta erunt lenit. cum
tart. vel potio magistralis; elect. diaphan. ma-
gist. Jalappæ, flos antimonii, præparatus se-
cundum Fontecam. Specificum autem est in
hoc casu medicamentum extractum Veratri
cum Cassia. Præparantia erunt Oxymel cum
aqua cinnam. sine diluto; oxymel cum syr. Bi-
sant. & de cich. cum rhab. cum decoct. borag.
malv. melissæ, artemisiæ, scolop. eupath. absinth.
& quatuor radicum aperientium. Alternis au-
tem diebus syrupus Fernel. ex vino albo. Tunc
temporis forsan ex usu esse poterunt aquæ Tet-
tucianæ, de quibus consilium in arena. Mox
decoctio Epithymi Mes. aut extractum ejusdem
per tres aut quatuor vices alternis diebus cum
fero, si opus fuerit. Diebus autem intermediis
succus cich. & fumaris depur. in jure aperien-
te. Ultimo loco ad usum chalybis tanquam ad
alexipharmacum deveniendum, qui chalybs
nec nimis triturratus sit nec ponderosus sit; ar-
gentum vivum evadat ventriculumque turbet:
nec sit nimis calcinatus, ne partes sulphureas
amittat; & astringens; ut crocus martis eva-
dat: namque sæpe frustratur expectationem no-
stram, quia perperam præparatur. Alumatur
verò cum pilulis de tribus cum Rhab. aut de
hiera cum agarico. Huic associabitur jus co-
lumbi alteratum china, momento sassafras; ta-
marisco; dictamno, artemisia, & quatuor radi-
cibus aperientibus. Declinante verò ætate
magnæ antidotus ex usu erunt. Nec displice-
rent uteri infestationes in Balneis Aponensibus.

Congrua his omnibus addenda erit victus
ratio, ut felicem eventum à nobis tantopere
exoptatum assequamur, qui ut facilius obti-
neatur; prædicta omnia ab eximio, & pruden-
tissimo judicio dilecti Viri Illustrissimæ Patienti
corrigenda fuerint. *Joan. Raymund. Fortis Consult.
& respons. Medic. Tom. 2. Cent. 2.*

N. V. De Aristotele ingenti illo naturæ lumi-
ne; Platonis discipulo; refert *Alianus* cum
adversa valetudine premeretur; & Medicus
vocatus non prævio de morbi genere discursu
ipsum curare tentaret, ita fuerit affatus: Ne
me velut bubulcum suscipias curandum; quin
prius de causa morbi edisseras; tum me ma-
gis morigerum & præceptis tuis audientem ha-
bebis. Hoc ipsum ne mihi eveniat, priusquam
in curanda filia tua dulcissima medendi metho-
dum proponam, paucis te de morbi, quo la-
borat; indole & ingenio erudiam. Affectus
cujus illa; meliori fortuna digna; succumbit
tyrannidi ab Hippocrate artis Medicæ veneran-
do conditore χλάρσις, à recentioribus morbus
virgineus nominatur; cum virginibus sit pecu-
liaris. Idem à *Brabantiorum* matronis febris
alba; ob faciei pallorem & amatoria appella-
tur, cum palleat omnis amans; & color hic
sit aptus amanti, quamvis febris raro coinci-
dat in hoc affectu; quæ antehac Roseo ge-
narum; labiorumque rubore florebant; nunc
velut exanguia eadem triste pallescunt, cor ad

quemvis vehementiorem motum contremiscit, & temporum arteriæ sensibilibus pulsant, in scalarum ascensu dispnoea molestat, ventriculus cibum & imprimis carnem fastidit, crura tandem; præcipue juxta talos, oedemate intumescunt, aliaque complura symptomata infestant. Pendet autem affectus hic immediate ab infimi ventris obstructionibus, unde fit vitiosa in visceribus concoctio, & hinc crudi humores in toto corpore cumulantur, qui ad habitum ejusdem delati cachexiam excitant, in reliquis verò partibus varia symptomata producunt quorum singula jam particulatim allegare non vacat. Causæ saltem obstructionum, quæ in venis viscerum contingunt sunt humores crassi, visceri & crudi, ex pravâ victus ratione geniti; ut *Diogenianus* ex iis non ægrotare, ex quibus vivimus, verissime pronunciarit. His calor partium natus, omnis humorum coctionis in corpore opifex, obrutus, magnum generat crudorum humorum proventum. Malum hoc ut plurimum periculo vacat, & ad longum sæpe tempus perdurat. Si tamen negligatur, ut altas radices agat, ita ut magnæ nutritionis depravatio contingat, graves partium naturalium affectus subsequuntur interitum producentes. Idæa Curationis in eo consistit, ut obstructiones referantur, humores in toto luxuriantes, evacuentur, & viscerum intemperies corrigatur, & tonus eorum restituatur. Hæc non sunt hujus tempestatis, quia Sirius intenso flagrat æstû. Sub cane & ante canem difficiles sunt purgationes, inquit summus in Medina dictator *Hippocrates*. Ne tamen malum eundo crescat, & morâ diuturna augeatur, velim filiæ tuæ curam auspicari emetico ad everrendam ventriculi saburram. Id commodè faciet vino squillitico adjecta uncia hujus cum dimidia oxymelitis semuncia. Hoc ventriculi everriculum excipiat lenis primæ corporis regionis evacuatio hoc vel simili modo; Rec. rad. Polypodii fol. senæ ana ʒiʒ. Agaric. Rhabarbar. ana. ʒʒ. cinamom. ʒj. Macis gr. vii. Infundantur per noctem in s. q. aq. Betonicæ; in colatura dissolve mannæ Elect. syrupi rosar. sol. ana ʒj. misce fiat potio, sequenti die aperiatur Saphena sinistri pedis. Postea verò utatur decocto obstructiones aperiente. Rec. Radic. apii, fœniculi, Petroselinii, ana ʒʒ. Helenii ʒij. Herb. capillor. veneris, artemisiæ, pulegii, ana M. j. hyssop. sicci, florum Betonicæ, & anthos an. p. ij. calami aromat ʒij. cicerum rubr. ʒj. granorum alkekeng. ʒij. semin. meli solis, fœnic. dulc. ana ʒj. bulliant in vini alb. lbij. in vase lapideo probe clauso in M. B. per horas 6. ubi refrigerint colentur. De colatura bibat omni mane ʒiiij. cum syr. de artemisia ʒʒ. absoluto hoc decocto purgetur. agaric. Trosch. ʒj. pil. de Hier. & fœtid. an. ʒj. syr. de artemis. q. s. misce fiant pil. no. v. purgato corpore ad chalybeata progrediendum, quæ inter omnia remedia ad hunc morbum profligandum sunt efficacissima, corpus ab obstructionibus liberant, humoresque vitiosos in visceribus collectos evacuant, sed nolim ut chalybem in substantia assumat, vellem potius meum propinare syrupum simplicem, vel jussulo alterato herbis convenientibus permiscendum sine violento exercitio, à quo incallescit corpus, & caput, de cujus dolore con-

queritur, oppletur. Quod si syrupus non arriperit sale martis conserva permisto uti poterit. Sed inhærendum diu præstantissimo. His recte administratis, spes est fore, ut fausto & annuente *Apolline* filia tua meliorem corporis statum attingat. Interim observanda proba victus ratio, quâ solâ hujusmodi affectus sæpe evictos fuisse constat. Faxit Deus optimus maximus ut omnia cedant in filiæ tuæ salutem omnimodam. Vale. *Frideric. Lossius consil. Medic. libro.*

Virgo ætat. xxij. annor. habitu corporis gracili, & longiori paululum staturâ, pallidoque faciei colore prædita, postquam varios aliquandiu in Diætâ commisisset errores, cibis potissimum acidis, & crassi succi delectata, & aliquoties choreis mox à pastu institutis, multamque in noctem productis una interfuisset, mane vero electo surgens potu frigido jejunum obruere ventriculum consuevisset, paulo post finito somno quandam in facie & palpebris intumescantiam observare cœpit, accessit ciborum, præsertim euchymorum fastidium, quod mensium suppressio, hactenus continuans, cum dolore capitis diuturno & gravante excepit, conqueritur nunc insuper, quod etiam ad leviolem corporis motum palpitatio cordis satis molestâ corripitur, pulsationes in temporibus sentiat, neque absque insigni respirandi difficultate, & lassitudine scalas ascendere valeat. Pulsus plerumque celer ac frequens est debilisque apparet, & aliqualis in pedibus tumor conspicitur, graviora metuens Medici opem expetit.

Affectus cum quo agra nostra conflictatur est *χλόρος* dñi & *χλώρας*, quo color ex virore pallescens, innuitur nomen habens malum virginibus familiare; unde latinis febris virginea vel alba, morbus item virgineus dici suevit. Plura ad Etymologiam pertinentia apud *Sennert. River.* & alios videantur. Rem ipsam ut definiamus, est chlorosis (ad mentem *Sennerti* & aliorum) caloris nativi & floridi in toto corpore, præcipue autem in facie, in pallidum, lividum, ac virentem mutatio; cum virium langore, difficili respiratione aliisque gravibus symptomatibus conjuncta, ab imminuta & depravata nutritione, vasorumque circa uterum imprimis obstructione, originem trahens. Ex quibus patet affectum non esse simplicem, sed compositum, in quo magna symptomatum caterva concurrat, unde à variis variè describi solet prout vel morbi vel symptomatum rationem magis respiciunt. Nobis interim iis subscribere libet, qui formalem istius rationem in coloris nativi in p. n. & pallidum &c. mutatione ponunt culpamque in vitiatam nutritionem vasorumque quam diximus obstructionem transferunt.

Adesse verò hunc affectum, neque alio nostram virginem laborare patet primo ex essentialiter inherantibus, in ipsâ mali descriptione occurrentibus, colore sc. nativo in virentem mutato, cum langore totius, difficili respiratione &c. secundo ex essentialiter consequentibus, quorum plura in historia recensentur v. g. in actionibus naturalibus occurrit appetitus prostratus; qui ad cibos præcipue *ἰσχυρὰς* nauseat; in vitalibus palpitatio cordis, temporum pulsatio &c. in animalibus ad leviolem corporis motum oborta lassitudo; In Qualitatibus pedum intumescantia &c. patet id tertio quoque ex causis variis

variis prægressis, ita sane comparatis, ut non potuerint, non producere tandem hoc mali genus, cujus rationem in subsequ. fusius examinabimus.

Subiectum seu pars affecta quænam sit? Rogantibus, cum *distinctione* inter *subiectum morbi* & *causam* respondemus. *Vterum*, sane cum suis *vasis* fo. item subministrare non est, ut quis dubitet, cum juxta *Hipp. lib. de loco in hom.* Uteri muliebrium morborum omnium sint *causæ*: hinc *eodem teste*. Menstruis abundantibus morbi ex utero *scilicet*. *s. aph. 57.* Cujus quidem de *partis naturalis* æque ac p. n. *constitutione* ut prolixè jam agamus, nostri non est instituti; poterit, qui talia desiderat, anatomicos præsertim Riolan. *Encheirid. lib. 2. cap. 36.* Rolinc O. & M. *generat. dicat. part. c. 13.* aliosque consulere; scopo nostro sufficit, pluribus hanc *generationi* sacram partem esse dotatam *vasis sanguifluis*; quæ quoties in *distribuendo* suo *penso* vel *solvendo debito lunari officii* rationem negligunt, id genus turbat. de quibus historia loquitur, moveri experientia docet. Morbi v. *subiectum* quod attinet, *totum* id esse *corpus*, tot mutata in eodem *qualitates externa* de quibus supra mentionem fecimus testantur.

Causa immediata & Proxima dum in descriptione nostra ad *obstructionem vasorum uteri* refertur, petenda simul est juxta quosdam à pororum circa uterum p. n. dispositione; tumque imprimis à *naturalis turgescencie*, & *fermentationis sanguinis defectu*, in quem ceu, supra innuimus, viscera primæ & secundæ coctioni dicata, officio suo minus rectè fungentia conspiciant. Quod dum fit neque uterus, quæ debet, expurgat S. M. magis depravatur, ad superiora regurgitat, & in habitum corporis effunditur, ubi non solum partes nutriendas genio suo defraudat, sed etiam livido & virescente colore cutim, seu potius, cuticulam, defædat.

Pater hinc causam mediatam Proximiorum in massa sanguinea latitare: quæ sicuti tali in casu particulis viscidis, crassis, & chyiosis imperfectioribus scatet, ita humorum pituitosorum nomine ut plurimum exprimi solet. Et sane si ægræ nostræ constitutionem aliaque quæ in historia commemorantur, consideramus, non exiguum ejusmodi saburræ apparatus adesse, deprehendemus. Præterquam enim quod ipse corporis & faciei præsertim pallidus color talium particularum prædominium confirmet, docent id insuper.

Causæ mediatæ remotiores. Nam temperamento præditam esse hanc virginem frigido, ex actionibus languidioribus, textura corporis tenerâ, aliisque supra enarratis facile liquet: imò etiam si natura tale non fuisset initio, errores in victu commissi inducere id quam maxime potuissent: quantum noxæ adferant utero acida non est ignotum, sic nec cibi crassi succi, melius nutrimentum partibus subministrari possunt; præsertim cum intempestivo frigida potu ventriculi calor obrutus & choreis istis mox à pastu institutis, & in multam noctem continuatis chylus crudior & indigestus ad receptaculum per vasa lactea concitatus, tota corporis æconomia maxime turbata fuerit.

Quibus causis tum præsentibus, tum, ut fieri

solet, in totius detrimentum potius, quam emolumentum concurrentibus, mirum non est, tanta virginem nostram Symptomatum syndrome quasi obrutam, modo de his, modo de illis, modo de singulis, quibus misera affligitur, molestiis conqueri: quarum omnium rationem breviter jam examinabimus.

Adest itaque 1. Pallidus faciei color, qui sui causam agnoscit nutritionem depravatam, cum enim hoc in affectu crudi, viscidis, serosis, ac lentis abundant humores, subtilior horum portio effervescit, & ab expultrice ad corporis superficiem protrusa, cutim livido, pallidoque pingit colore 2. Intumescencia faciem & palpebras post longiorem præcipue somnum occupat, eo quod magna serosi sanguinis in tenuioribus hisce partibus rest. gnantis copia à calore per noctem conclusa agitur, majorque hinc vaporum elevatio, quam dissipatio oboriatur. 3. Ciborum secuta insuper est præsertim enchymorum inappetencia, quæ a pravis certoque modo corruptis humoribus provenit, qui in ventriculo ob læsam illius coctionem, colliguntur, vel ab aliis partibus eo transfertuntur. 4. Dolor capitis diuturnus ac gravans affligit ob consensum tum uteri, tum ventriculi, cum vapores illi serosi ac crassi ex his visceribus elevati, cerebrum petunt, in poris & cavitatibus, seu ventriculis ejus stagnant, ibidemque membranas replendo & distendendo continuum solvunt, & sensationem ejusmodi molestant inducunt. 5. Palpitatio cordis temporumque pulsatio ad leviorum quoque corporis motum excitatur, propterea quod sanguis crudior, & ex suppressione stagnans retrogrediatur, viscera, & imprimis cor gravet, tumque in arteriis temporum, indigentis suis particulis, turbas moveat: præsertim ubi accedente corporis motu saburra illa agitur, cui debiliior flammula vitalis dum non sufficit, reiterato quasi motu se cor exonerare & colligere vires laborat. 6. Hinc pulsus celer ac frequens, febricitanti haud dissimilis, ob debilitatem facultatis vitalis sequitur. 7. Mensium suppressio accessit, ob nutritionem depravatam qua laudabilis sanguinis portio heterogeneis particulis subruitur, hinc viscosi lenti que humores in vasis uteri coacervati, certo tempore quidem moventur, sed non promoventur. 8. Intumescencia crurum ac pedum tum pituitosi ac crudioris humoris abundantia, tum ejus ponderi, quo partes decliviores petit, debetur. 9. Totius tandem corporis segnitie ac gravitas à devolutis ad musculosum corporis habitum serosis humoribus oboritur, id quod eo facilius fieri potest, quod flamma vitalis ex parte quasi suffocata actionibus sibi convenientibus sufficienter præesse nequeat.

Ut verò nostram nunc de hoc affectu, ratione Prognoseos, sententiam dicamus, non absque omni periculo esse arbitramur. Cum enim pertinaciores, quæ hic occurrunt, viscerum obstructions insignem præ se ferant cacoehymiam, non minus quoque malum ab iisdem foveri atque longius protrahi solet. Hinc Ægineta Chlorosin viam ad Hydröpem valde tritam dicit, quæ non raro in Leucophlegmatiam, à qua non nisi gradu differt, degenerat. Interea tamen cum ægræ adhuc in ætate flore sit,

fit, malumque non tam hæreditaria ab imbecillitate ortum duxerit quam varios per errores in diæta commissos incrementum caperit, spes est fore, ut licet non sine aliqua mora, & difficultate id obtineri posse videatur, sensim tamen ægra, sublata causa, & collectis viribus, pristinae sanitati restituatur.

Quod ut fiat, sine ulla sane dilatione, danda est sedulo opera, ut 1. coacervati in corpore humores tenaces atque viscosi, debito incrementum & aperientium vulgo dictorum usum præparentur. 2. per purgantia postmodum evacuentur. 3. Menses convenienti tempore promoveantur & 4. viscera coctioni primæ & secundæ dicata appropriatis aromatibus roborentur.

Quoad primum scopum obtinendum, proficuum Ægræ judico, si utatur per octiduum quotidie horis matutinis juscule carnis, in quo rad. fœnicul. petroselin. asparag. cum flor. helenii, borrag. anthos &c. fuerint decoct. cum quo veluti vehiculo una sumi poterit seq. tinctur.

℥. Tinct. croci martis cum succ. pomor. parat. 3 i β essent. cent. min. 3 j. spir. meliss. anth. ana 3 β. m. f. tinctur. sumat vero ægra, pro qualibet dosi gutt. xxv.

A meridie proderit pulv. qui.

℥. Pulv. cachect. Q. 3 j. fœcul. aron. 3 i β. bryon. 3 β. gr. v. crem. tartar. stomach. birckm. 3 i. m. f. pulvis. Sumatur 3 j. v. 3 β. cum vino, in quo rad. caryophyllat. pimpinell. herb. meliss. ceterach. flor. borrag. anth. cortic. aurant. &c. infundantur.

Secundæ indicationi ut satisfiat, non tam semel & simul, quam potius per *συνεχῶς* humores crassos & viscidos educendos arbitror. Num elective purgantia dentur? jam non est ut prolixè examinemus, confer. hac de quæstion. *Excell. Dn. D. Wedel. de Med. Facult. lib. 2. sect. 2. c. 3.* virgini nostræ suadeo usum vini medicati, cujus manè & à meridie haustum medicorem bibat; e.g.

℥. Rad. polypod. q. 3 β. pimpinell. 3 ij. herb. meliss. chamædr. ana m. β. flor. cheyr. rorism. ana p. j. passul. min. 3 i β. fol. sen. opt. mundat. 3 β. 3 ij. rhabar. el. ver. 3 i β. agaric. in pet. lig. 3 ij β. tartar. crud. 3 ij. spec. aq. vit. mul. 3 j. misc. incis. d. ad chart.

Usū hujus vini purgantis finito proculdubio de V. S. quæstio movebitur, nisi enim hæc purgationem excipiat, plebecula medicum à scopo aberrasse, saltem generosum remedium neglexisse, censet; verum cum vera methodus indicationibus nitatur, nostræque virgo non tam plethorica quam cachectica sit, affectusque ipse jam aliquandiu duraverit. V. S. differri in commodius tempus, quod consuetus alias naturæ motus innuet, posse, & tum demum in pede parçè instituendam esse, arbitror.

Interea aliquot ante novilunium diebus, ad implendam Indicationem tertiam commodè Ægræ nostræ propinabuntur *συνεχῶς* sive menses moventia e.g.

℥. Elix. uterin. Horst. 3 j. tinct. calendul. 3 ij. spir. puleg. 3 j. M. S. elixir.

Sumatur hujus manè cum aq. aperitiv. Schroder. vel cum juscule carnis cum rad. petroselin. &c. gutt. xxv. & repetatur usus à meridie cum

vino cui cortic. aurant. infundi poterunt. Huius scopo pariter inservient pediluv. ex herb. rheim. meliss. puleg. flor. chamomill. summit. aneth. &c. sub somni tempus usurpanda. Quibus nisi eventus respondeat optatus, parca V. S. in pede, cui dixi, administranda, ad sollicitandum naturæ motum, non intempestive in subsidium vocabitur.

Quartæ indicationi, quæ viscerum roborationem urget, præter laudabilem diætam: stomachica, tum externa, tum interna non inteliciter succurrent, in tanto horum apparatu, commendo ægræ nostræ seq.

℥. Elixir proprietat. Paracels. 3 j. ess. cardiac. 3 ij. spir. menth. meliss. ana 3 j. m. f. elixir.

Sumat singulis diebus mane cum juscule carnis gutt. xx. à meridie autem pulverem seq. sumendo pro dosi 3 β. usurpet cum vino melissato.

℥. Spec. diarrhod. abb. 3 β. ebor. s. igne præpar. 3 ij. ocul. cancr. præpar. 3 j. pulv. stomach. Birck. 3 β. c. pauc. sacch. misc. stomachi insuper regio seq. balsam. sapius inungatur.

℥. Ol. nucist. 3 i β. bals. peruv. 3 j. still. mac. menth. ana gutt. v. caryophyllor. gutt. ij.

Quod si mali pertinacia (uti non raro his in morbis evenit) horum *εὐπρεπῶς* eluderet, validiora auxilia in usum vocanda judico: hinc tum præparantia, tum purgantia iteranda, & quoad illa quidem chalybeata (de quibus *Celeberr. G. Horst. lib. 5. Obs. 1. 2. & 5.* consulatur) quoad hæc vero serum educentia e.g. magist. gialap. gumm. gutt. &c. dextre usurpanda commendarem, non neglectis quoque sudoriferis serum in habitu corporis pariter, ac vasis redundans, discutientibus, & repetitis post modum subinde roborantibus qualia apud laudat. Horst. Timæum & alios plura occurrunt.

Quibus omnibus legitima victus ratio coronidem imponat. Aer itaque ambiens calidus & siccus eligatur; quoad alimenta vero vitentur imprimis frigida & humida, cibique omnes *δυσήκτοι*. hinc a fructibus, lacticiis, piscibus fere plerisque, omnibusque crudis, & crassioris succi carnibus abstineat; iis contra potius utatur cibus, qui calefaciendi facultate pollet, uti sunt juscule vini cum aromatibus & saccharo præparata, brodia carniarum cum sem. fœniculi, anisi, carui, vel etiam cum mace & croco & quas supra commendavi, radicibus petroselin, aliisque aperientibus. Carnes e.g. gallin. vitulin. juvencor. &c. assatæ potius sint, quam elixæ, & frequenter cum mace, cinamom. salv. thym. majoran. rorismarin &c. condiantur. Panis non nimis recens, & bene fermentatus, cui aliquid sem. carui, sem. fœniculi admixtum sit, eligatur. Potus sit vinum tenue, in quo rad. helen. & cort. aurant. cum meliss. censu supra innui, infundantur. Quod si vero vino vel non sit assuetus, vel non lubenter utatur, Decoct. ex sem. coriandr. rad. galang. pauc. cinamom. & lign. sassafr. par. tum substitui poterit: ubique verò tam circa potulenta quam esculenta, mediocritatem observet. Cumque ad levem corporis motum palpitatio cordis immineat, moderato admodum exercitio utatur. Neque nimis diu dormiat, sic enim excrementa

menta in corpore iusto diutius detineatur. Quorum evacuationes omni potius studio promoveri debent; præsertim mentibus intantibus eo erit laborandum, ut ea quæ illorum fluxum adjuvare possunt, minime negligantur. Proinde præter jam commendata, haustus vini aromatizati cum croco, galangâ & saccharo &c. huic quoque scopo multum inferviet, si præcedentibus diebus bis calide sumatur. Animi *moderata*, cum facile sanguinem & spiritus turbent; datâ diligenter operâ moderentur; tristitiaque imprimis & mœrore, quantum fieri potest, abesse iussis, quorum locum potius moderatum gaudium, spiritus restitutus; & alacriores reddens, occupet. *Joan. Michael. Prax. Cithynic. special. cas. 21.*

Puella anno vitæ decimo octavo frumentum crudum, cretam, & arenam subinde edere solita incidit in mensium obstructionem, per tres menses durantem; accessit faciei & labiorum pallor, totius corporis lassitudo, ac hypochondriorum nonnunquam inflatio & intumescencia; palpitatione cordis & respirandi difficultate sæpe etiam afficitur, præsertim ubi scalarum sunt ascendendæ: Ac præterea etiam capite, & ventriculo frequenter dolet.

Afficitur in hac ægra *Vernus*, quod ex mensibus obstructis; *facies & labia* quod ex pallore; *totum corpus*, quod ex lassitudine; viscera in hypochondriis existentia, *lien scilicet & hepatis*, quod ex hypochondriorum tumore; *cor & pulmo ac diaphragma*, quod ex respirandi difficultate; ac denique *caput & ventriculus*, quod ex eorum dolore patet.

Morbis, quo hæc ægra laborat, est pituitosa & serosa viscerum; sanguificationi, & chymosi ac chylosi inservientium, intemperies, cum obstructionibus conjuncta, quæ pallorem faciei, & labiorum, item respirationis difficultatem, ac cordis palpitationem, necnon hypochondriorum inflationem; & totius corporis lassitudinem in hac virgine inducens, *morbis virginis & Chlorosis* vulgo appellari solet.

Causa præcæterea huius morbi est consuetudo illa, quæ hæc puella frumentum crudum, cretam & arenam subinde comedere solebat. Inde enim crassi & fœculenti in corpore ejus geniti sunt humores, qui ad uterum delati, porosque ejus obstruentes, sanguinemque ad menstruam evacuationem ineptum facientes, mensium induxerunt sufflammationem, jam per trimestre spatium durantem. Pravi deinde humores, per menstruorum obstructionem in corpore retenti, atque ad viscera chylosi & chymosi atque hæmatosi inservientia delati, debilitarunt istarum partium calorem nativum, unde serosior & pituitosior in ejus corpore productus est sanguis, qui antecedentem huic morbo præbuit causam. Pars vero ejus ad varias partes delata, variaque symptomata inducens, *continens* huius morbi & symptomatum est causa.

Nam serosi isti & pituitosi humores ad viscera, quæ jam commemoravimus delati, *is intemperiem jam dictam conciliaverunt*. In faciem vero & labia per circulationem sanguinis pervenientes, pallidum illis colorem suo pallore

excitant. In habitu corporis autem existentes; suoque pondere nescios gravantes, & crassitie sua in cerebro iustam spirituum animalium generationem impediētes, inducunt *totius corporis lassitudinem*, in hypochondriis vero nonnunquam rarefacti, & in crassos vapores qui s. tis commodè ob crassitatem & crassitiem suam, dissipari non possunt, dissoluti; excitant ibidem *inflationem & distensionem hypochondriorum*.

Dum vero subinde acriores quidam humores ad cor feruntur, qui cor vehementius & inordinatius vellicant, hinc oritur ex illa vellicatione per nervum sextæ conjugationis ad cerebrum delata, & poros ejus copiosius & inordinatius aperiente, inordinatus & vehemens spirituum ex cerebro in cor influxus, *palpitationem* sive inordinatum & vehementem *cordis* motum subinde efficiens. Effusi vero copiosius in pulmonum substantiam, bronchiaque ibidem arctantes præsertim ubi illi ex scalarum ascensu vehementius in pectore, & visceribus vicinis agitantur, & dilatantur, inducunt *respirandi difficultatem per scalarum ascensum ingravescentem*.

Denique quia sæpe contingit, ut acres illi humores ad caput & ventriculum copiosius ferantur, aliasque partes, tum quantitate distendant, tum qualitati acri rodant, hinc conqueritur nostra ægra etiam de *capitis & ventriculi dolore*, ipsam sæpe molestante.

Morbis hic periculosus est, cum totam corporis œconomiam pervertat, & hydropem, aliaque gravissima mala, sæpe inducat.

Diligente itaque *curatione* erit impugnandus: quæ in causarum jam enarratarum & intemperiei & obstructionum ablatione, consistet.

Primo itaque purgetur tali haustu.

℞. Elect. diaphœnici, diapruni ana ℥ss. aq. hord. q. s. misce f. Haustus. Postridie tectetur vena, & sanguis è brachio educatur, pro ratione virium.

Postea utatur hoc apozemate, sumendo haustum trium vel quatuor unciarum quotidie.

℞. Rad. aperient. rubiæ tinctor. eryngii; ireos; enulæ, salsaparilla; capparum, cort. citr. siccor. an. ℥ss. herb. nepitæ, chamedryos, artemisiæ, melissæ, pulegii, matricariæ, valerianæ, an. m. j. summit. absinth. rom. fœniculi, sabinæ, an. p. j. sem. carthami excort. ℥j. api ℥ij. flor. stœchad. anthos, sambuci, genistæ an. p. j. Cicer. rub. p. ij. fol. sennæ ℥ij. decoq. in hydromelitis q. s. ad ℔i ℥. & colentur pro apozemate aliquoties reiterando.

Convenientissimus etiam erit usus harum pilularum.

℞. Pil. de hiera ℥vj. agarici trochisc. ℥ij. gummi ammoniaci aceto dissol. ℥ss. salis gemmæ, mastich, spicæ nardi an. ℥j. croci g. v. cum syr. de absinthio f. pilulæ iustæ magnitudinis, scrup. j. sumatur ante cœnam.

Corpore aliquoties expurgato, utatur quotidie de his rotulis mane jejuno ventriculo superbibendo haustum vini albi.

℞. Chalib. præp. ℥j. cinnamomi, sem. anisi an. ℥ij. spec. diamoschi ℥j. sacchari in aq. artemis. dissoluti q. s. f. rotulæ de quibus capiat ℥j. vel

vel ij. pro dosi, corpus deinde motu mediocri exercendo.

Non neglegantur deinde corroborantia, quale est hoc conditum.

℞. Spec. aromat. ros. diagalangæ, ana 3j. diacumini; diacinnamomi an. 3ss. conserv. ros. 3j. conserv. melissæ, rorismarini, absinthii, an. 3ss. confect. alchermes 3ij. cum syr. de menta q. s. m. f. conditum, de quo sumatur castaneæ magnitudo ante singulos pastus.

Contra ventriculi & hypochondriorum inflationem ac dolorem, & cordis palpitationem utatur his rotulis ad dragm. duarum quantitatem.

℞. Rad. angelicæ, obstrutii, rhabarb. cinnamomi, nucis moscat. macis, zedoar, calam. aromat. an. 3j. ireos, flor. zinzib. an. 3ss. nucis vomicæ, dictamni albi, pimpinellæ, cubebæ, piperis long. lapid. bezoar. margarit. præp. cornu cervi usti & præp. coralli rubr. præp. an. 3ss. croci gran. xx. pulverisentur omnia separatim, & misceantur cum sacchari albi in aq. ros. soluti 3vj. f. confectio in rotulis.

In victus ratione aer ad calidum vergat, cibi sint sicci, & facilis coctionis, conditi hyssopo, salvia, roremarino, cinnamomo. Panis sit bene fermentatus, semine fœniculi & carui perfusus. Potus sit vinum & cerevisia mediocrium virum. Motus sit moderatus. Venus legitima maxime hic conducit. Somnus etiam sit moderatus. *Henric. Regius apud Theod. Craanen Medication. lib. 4.*

Mulier Itala 32. annorum, formæ alias integræ, constitutionis sanæ, succi plena, postquam per duodecim annos marito sano ac robusto nupta feliciter cum eodem vixisset, & aliquot liberorum mater facta fuisset, illo post mortem sibi erepto incidit paulo post in vomitus enormes, periodice singulis diebus, apparente aurora invadentes, perque duas horas durantes, tanto siquidem cum impetu, ut hoc cessante cervicis tendines adeo tenderentur, ut quasi tetano correpta, per aliquot horas non sine multo dolore illius partis, & totius capitis torqueatur; Ipsa antea floridæ faciei evadit nonnihil pallida, ipsis labiis nativum colorem perdentibus. Mala hæc per integrum annum jam eam mirum in modum excruciarunt, mensibus semper ordinatim, licet nonnihil parcius fluentibus. In abdomine ac circa hypochondria recte se habet. Plures medicos consulit frustra, flagitat nihilominus pro suo malo curam.

Affectus noster est Chlorosis incipiens. Pars primario affecta sunt genitalia, ubi & focus morbi: est enim ægra vidua Itala &c. Symptomatum vero sedes est stomachus & primæ viæ.

Causa proxima est corruptio genituræ muliebri, hinc aura virulenta expirans. Notum quod aura ejusmodi orgasmon, brutis certo tempore concitet.

Hirci nisi crebrius ad venerem admittantur, odorem virosi spirant, ex inchoatâ seminis putredine, ex odore tali canes se invicem cognoscunt, odores penetrantissimi habent se instar fermentorum, quorum naturam per odores *Helmont.* explicat, quatenus summè sunt activa, & volatilia, fermentum stoma-

chi, renum, se habet instar odoris. Odor acetilac coagulat, odor ex chirothecis scabiosis expirans, manns, ex genitalibus infectis, partes sanas in lue venerea corrumpit, odor sulphuris vina à corruptione præservat, odor camphoræ peltem curat.

Causæ remotæ exercitium veneris deficiens, & tristitia.

Vomit fit partim mensium vitio, partim vitio fermenti, ab aura virulenta ex genitalibus, mediante circulatione advectâ, corrupti.

Matutino tempore vomit, quatenus cruditates nitrosæ ex ingestis non rite digestis noctu coactæ, stomachum gravant, & ad expulsionem irritant.

Tetanus oritur ex spasmo musculorum per consensum cum nervis stomachicis.

*Pregno*sis malum anceps est, & metus epilepsiæ imminens, itaque ocyus curandum.

Cura (1) ut vitium genituræ corrigatur. (2) Massa sanguinea, & lymphæ vitiata purgantibus, & diaphoreticis blandis purgetur (3) stomacho maturè prospiciatur.

Quoad prius excellit camphora quæ in specie odores morbosos ex putredine ortos emendat, non tam extinguit, quam refranat impetus venereos, figit quadantenus spiritus animales, hinc in delirio prodest, & somnum inebriando quasi excitat. Egregie confert in potu ordinario crebrius extincta, quali potu furorem uterinum curavit *Bartholinus*. In forma sicca cum nitro & saccharo saturni.

℞. Nitri antimoniat. l. arcan. duplic. myn. 5ij. sacch. saturni s. potius crystall. miner. saturni cum spir. nitri parat. 3j. camphor. 3ss. m. pro 6. l. s. dosib. capiat manè & sub introitum lecti cum potu camphorato, cum his in principio larga venæsectio instituat, eaque repetatur. Vide *Hildan.* ac *Forest.* in observ. Vomitus gravidarum optime venæsectione curantur secundo vel tertio mense: nec inconfectum fonticulos coxis supra genua inurere, in specie, si non amplius nubere velit, in principio curæ corpus purgandum ex hellebor. nig. & mercurio dulci.

℞. Extr. helleb. nigr. gr. xv. ad 3j. merc. dulc. gr. vii. ad 3ss. scam. sulphurat. gr. ij. c. f. q. ol. camphor, f. pilul.

Remediis ex camphora & nitro addendus est liquor salicis ex his incisus verno tempore collectus, impetus venereos in mulieribus singulariter refranans, manè & vesperi pro lubitu propinatus.

Myrrhata ad putredinem, succinata ad spasmos adjungenda.

Externè mentibus remorantibus & seminis vitiis succurrendum per pessos artificiales quales delineat *Rhumelius*. Instrumento *Glauberi*, commodius videtur sequens, phialæ longioris colli immittatur spiritus salis armoniaci, collum linteis involutum muliebribus applicetur; phialæ carbonem candentes providè admoveantur, sic spiritus magis penetrabit.

Michaël Ethmuller. Colleg. Consultator. casu 11.

Observationes.

Aurifabri filia annos 2. deviginti nata sexennio fere foedos colores patiebatur, nil artis remediis contra contumacem malum proficitur. Dum peregre profectura curru succussorio devehitur, nauseabunda tandem vomuit incredibilem humorum variegatorum copiam, animam agere videtur, intra 4. vel 6. dies deperditus faciei color; recuperatus nulla ope medica, sed solo vomitu spontaneo revocatus; ut mirum non sit si tantopere in omni repletionis specie vomitiones *Hippocrates* commendaverit. Iaque credibile est à variis humoribus iisdem corruptis malum hoc ali ac foveri *Guil. Ballonius lib. De virginum & Mulierum morbis.*

Inter cetera in antiquis obstructionibus in usum vocetur radix Enul camp. in taleolas secta & in vino albo macerata, miraculo enim creditur foedos virginum colores tollere, *idem ibidem.*

Vocatus ad virginem nobilem ictericam, cachecticam, verminosam, catameniiis olim fluere solitis destitutam; præmissis purgationibus, decoctoque tartari, rubia tinct, mercurial. &c. Saphenam aperui, tandem exhibito *Monspeliensium* ad pallidos colores pulvere, quem schyronii vocant; menses copiose provocavi; quibus fluentibus, icterus & cachexia brevi cessere. Formula pulveris quem saepe fidum expertus sum est hæc.

℞. Rubia ʒiʒ. sabina, musc. ʒa an ʒj. croci ʒʒ. lumbricor vino lotor. & ustor. ʒj. (ego vermibus illis quos suspectos jam tum habebam boracem substitui) macis. fol. lauri an. ʒʒ. spec. aromat. rosat. ʒj. limaturæ chalybis ʒiij. rad. Enul. ʒj. sacchar. duplum omnium dosis ʒj. cum vino albo dulci *Henric. ab Heers. Observat. 6.*

Fratris mei ancilla annorum 19. febre albâ à primis juventutis annis, ut ex colore faciei pallido ad leucophlegmaciam futuram tendente apparebat; laborans sæpè ventriculi Anorexia, vomitu; lassitudine totius; per convenientia remedia adhibita, aliquatentis sibi restituta visa; semel tantum sua sponte; anno præfato, mensium patitur fluxum; quibus debito tempore non recurrentibus, perpetuis totâ die vomitibus divexatur, cum uteri ac lumborum doloribus. Huic præscripsi multa convenientia; universalia nihil profuere, omnibus iterum per vomitum rejectis. Tandem 14. diebus ante obitum, in credibilem copiam viscerum, lentique parum albescentis phlegmatis (quasi cum Tragacantha flava, farinam volatilem vel amyllum miscuisset quispiam) odore planè excrementa aliina referentis; ut adstantes ferre vix potuerint, continuo usque ad finem vitæ evomuit, alvo perpetuo obstructâ parum saltem vel clysteriis vel balanis sollicitata, excrementorum reddente. Dolores uterini erant continui, cum difficultate respirandi, anorexia, siti, frigida, quæ tamen nocivæ valde, appetitum, faciei modo pallore, modo rubore conjunctis. Octiduo ante obitum post levem præbitam purgationem, eamque quod mirabar, retentam, in animi deliquia ex uterinis evaporationibus, earum commotione orta indefu-

ter incidit; vomitum perseverante, & alvo manente constipata, quæ tamen altero die sua sponte soluta; cum ingenti levamine, idque per totum octiduum. Appetitus iterum rediit; dolores uterini cessarunt; ante fluxum alvi perpetui. Cum verò hic supervacaneus videretur in corpore atrophica correpto, præbitum binis diebus jusculum abstergens ex fol. Mercur. cum Macere conditum & sæcula Ari ʒʒ. pro j. vice. Ecce denuò recidivantes hysterici dolores, vomitus, fluxus fatidissimus colliquativus. Anorexia extremorum refrigeratio; internus vero gulæ ac præcordiorum ardor, & siccitas (quæ etiam pridie ante obitum deglutionem læserat) virium omnium prostratio tandem insecuta; placidissima mors finem fecit malorum. Laboravit autem ab aliquot annis Pica, confessaque se herbas pro acetariis allatas planè crudas cum voluptate devorasse. Colostrum etiam cum lacte coagulato, ceterosque cibos planè crudos; pessimæque coctionis appetuisse; multum etiam retens mirum in modum bibisse, præter ea quæ reticere placuit, ut erat argilla figulina, hordeum crudum &c. Omnia quæcunque vel uterinis symptomatibus (præterquam semel inditum granum Zibethi ad genitalia) vel alvi fluxum adhibita frustranea, & sine fructu fuere. Puto latens aliquod apostema crudum in mesenterio ejusque glandulis extitisse. Phlegmatis autem istius foetidissimi tam per alvum quam per vomitum evacuavit prope mediam urnam, quod summopere mirandum. *Pauli Spindlerus apud Carol. Raygerum observat. Medicin. centur.*

CHOLERA.

De ea sic scribit Clar. Joh. Nicolaus Pechlinus Observationum Medico Physicarum lib. I.

IN Cholera sanè apparet plus esse humorum in corpore humano quam vulgò nostri credunt; ut enim aliquando fluxus ille sit symptomatikus & ab errore ægri aut medentis natus; plerunque tamen criticus est, subitoque & vehementer; quæ est Crisis natura, ægrum absolvit, ne quis tantum viribus cum illa excretorum mole decessisse credat. Ego verò nec hoc observare potui; bilis aut biliosum esse semper hunc fluxum; quando & alterius male corrupti humoris ingens copia maximam excretionis partem faciat. Est quidem; non diffiteor; humor si quis alius; bilis potissimum ad *evacuandum* pronâ & volubili impetu; attamen; copiam & celeritatem excretionis in Cholera considero, non video quomodo ab una vesica fellea & hepate quantumvis mole magno repeti illa possit. Et verò sciendum est hepar solidum esse glandulosum multisque; iisque non exilibus; venis perfusum viscus; cujus quod minimum est; ad bilem pertineat; deinde bilis secretio nem naturâ lentam; aliquando celeriore; nunquam tam præcipitem & copiosam esse; ut tam numerosis excretionibus respondeat. Itaque credamus oportet, vel non omne quod deicitur; biliosum esse; aut non solam bilem ab hepate defluere. Quid quod sollicita ægroantium inspectione deprehenderim, etiam cholericis;

lericis, quibus fluida & meraca bilis initio secesserat, postea serum ut est ejus in corpore pars maxima, fuisse subductum, idque longè copiosissimum. Et quamvis quotidianum non sit Cholera esse *εχολον* omnisque bilis expertem, novitamen, quibus serum solum, idque limpidum, dulce & ad frigus congelabile *αἷον καὶ κίττω* prodierit incontinentia bile, certe non animadversâ. Cholericus, erat, qui cum jam inde ab aliquot septimanis lente grassantem per viscera *ξύμωτον* & borborygmus notasset, tandem occasione acetarii pinguis miscellaneique, nam & amara & falsa & acida & dulcia & pingua in unum coiverant, in dejectiones vomitusque incidit tam copiosos, ut post octo & viginti sellas sedecimque vomitus mirificè fatigatum vires jam iam deferere viderentur, & muscoli gastrocnemii tibiæque, quod in Cholera est familiare, adseri detracti inopiam valide contraherentur. Ego, quod pullum ad se redire intelligerem & excretionem fieri minorem, agrum periculi immunem judicavi, & plane ita accidit. Hic cum de qualitate humoris ager rogaretur, & præter meam opinionem non bilem, sed serum quoddam, aut si mavis, lympham dulcem limpidam & post moram viscosam oculis ostenderet, qualem ab initio omnem fuisse sine ulla bilis nota tantum adjurabat, cœpit mecum ipse decernere, posse etiam fluxum esse quasi cholericum, qui maximam partem sit sero lymphaticus; id quod deinde etiam uno alteroque experimento probatum vidi. Neque hic de viis post tam manifestas & multiplices observationes ullus relictus est scrupulus, cum ventriculus totus quantus, cum intestina, quâ patent, tubulis hydrogogis velut siphunculis pertusa in illo serosi humoris orgasmo suppeditare possint, quod tot alvi dejectionibus, vomitibusque sufficiat. Equidem, si copiam & naturam lymphæ nostræ attendis, una est in cæteris humoribus & copiosissima & fluidissima, & nisi fallor, maximè volatilis, imprimis in hisce regionibus, ubi præterea salino quodam fermento acuitur atque depravatur. *Atque hac de Cholera humida, jam de Cholera sicca adjungit.*

Hippocrates *Cholera sicca* ideam nobis traditur ventrem quidem inflari tumidumque esse, jam & laterum lumborumque, dolores graves incumbere *αἰσχυρόν δ' ἐδὲν καὶ τὸν αἰὲν ἀποσπινέει*, disertis verbis scripsit; adeo censorii ejus interpretes hoc uno Cholera unam ab alia humida à sicca, distinxere, quod in ea alvus copiosa flueret, in hoc nihil planè sive flatum seu humorem dejiceret, causam verò ubique esse eandem, persuasi simili nomenclaturæ exemplo tum Hydropem siccum qui sanè illorum arbitrio Tympanites non est, tum Tussim siccam, in qua & ipsa nihil excernitur, ut præsens sit materia, ab Hippocrate appellata esse. Vidi ego, quibus Hypochondriorum tensio, borborygmi, lumborum laterumque dolores divexante molesta essent, quàm in os & alvum materia desumaret, & vero hætenus Cholera erat sicca, quæ tamen ipsa ubi excretionem solveretur, in humidam transibat: quâ de causâ etiam Cholera definitionem mutare fas erat, ut quarum una ad excretionem referri non posset, & si placet, excretio esset non ex-

cretio. Quamvis autem hunc in modum, emendatis definitionis genericæ terminis, in tres admodum species distinguere Cholera liceat, humidam, siccam, & flatuosam; graves tamen Practici & Epitheti ingenio, & experimentorum usu adducti siccam etiam voluere esse illam flatuum *αἷον καὶ κίττω* excretionem, non infelici augurio; quando tanta sæpe sit flatuum copia, ut postquam discursibus hinc & inde ventrem fatigarunt, importuno turbine sursum deorsumque quantâ maximâ vi effundantur. Vidi aliquot horarum momentis flatus natos alios ex aliis alvum gulamque tam continuato impetu infestasse, ut veluti ex æolypilâ missi toti in ventum abiisse humores viderentur. Notus mihi est, qui quoties cum tristiore animi ægritudine multâ iracundiâ colluctatur, toties ventosâ hujus excretionis incommoda persentiscat. Jam verò etiam alii, quibus morbus hic familiaris est, antequam in alvum & gulam erumpat ille impetus, dura experiuntur & decretoria symptomata, tensiones hypochondriorum, borborygmus, cardialgias, lumborum dolores, & si tandem etiam in sanguinem erepat illa flatuum materia, cordis anxietates, cephalalgias, sudores frigidos, pulsum momenta citissima, quibus ipsis non ante imponitur finis, quàm dato commeatu sursum deorsumque ex ordine proruperint flatus, nimiamque & tumidam circa Pylori confinia effervescentiam novum remedium aut temporis beneficium sedaverit. *Hætenus ille*, unde non necesse est pluribus de morbi aut *definitione* aut *differentiis* agamus. Super illius autem *causis* cum videri possint quæ de irritatione fibrarum ventriculi ac intestinorum humorumque motibus contra naturam, abundè affert sua de primis viis Dissertatione Clariss. Thom. Willis; jam adducemus tantum Cholera descriptionem per sua signa paulo accuratiorem qualis à Clar. Sydenham traditur.

Cholera morbus eam anni partem quæ Æstatem fugientem, atque Autumnum imminentem complectitur, unice ac eadem prorsus fide, quâ veris primordia Hirundines, aut insequentis tempestatis fervorem Cuculus, amare consuevit: Qui ab ingluvie ac crapula nullo temporis discrimine passim excitatur affectus, ratione symptomatum non absimilis, nec eandem curationis methodum respuens, tamen alterius est subsellii. Malum ipsum facillè cognoscitur; adsunt enim vomitus enormes, ac pravorum humorum cum maxima difficultate & angustia per alvum dejectio; Ventris ac intestinorum dolor vehemens, inflatio & distensio; Cardialgia, sitis, pulsus celer ac frequens cum æstu & anxietate, non rarò etiam parvus & inæqualis; insuper & nausea molestissima, sudor interdum diaphoreticus, crurum & brachiorum contractura, animi deliquium, partium extremarum frigiditas, cum aliis consimilis notæ symptomatis, quæ adstantes magnopere perterrefaciant, atque etiam angusto viginti quatuor horarum spatio agrum interimant. Est etiam & *Cholera sicca* à spiritu flatuoso supra & infra erumpente, idque sine vomitu vel secessu; cujus unicum duntaxat exemplum me vidisse meminisse ineunte hujus anni Autumno, quò tempore prior illa species mihi creberrimè, & factò quasi agmine sese obtulit. *Sedulâ*

Sedulâ mentis applicatione, & multiplici etiam experientiâ edoctus, quod si hinc illos acres humores, fomitem morbi, Cathartici expellere conarer, idem agerem atque is qui ignem oleo extinguere satagit, cum Cathartici vel lenissimi operatio omnia magis perturbaret, & novos insuper excitaret tumultus: & si ex adverso Medicamentis Narcoticis, aliisque altringentibus in ipso statim limine primum humores impetum compescerem, dum naturali evacuationi obfisterem, & invitum humorem detinerem, æger, inimico visceribus incluso, bello intestino indubie conficeretur. Has, inquam, ob causas mediâ mihi viâ insistendum esse duxi, ut partim scilicet humorem evacuaem, partim etiam diluerem: morbum itaque hac arte, mihi à multis retro annis compertâ ac comprobatâ, toties quoties in ordinem coëgi.

Pullus tenerior in tribus circiter aquâ fontanæ congiis elixatur, adeo ut carnis saporem vix perceptibilem liquor referat; hujus decocti (vel defectu ejus liquoris possetici) capaciores aliquot cyathos æger tepidè exhaurire jubetur, eodemque tempore, bona ejusdem quantitas pluribus *Enematis* successivè injiciendis inservit, donec qua per superiora, qua per inferiora, tandem omne jusculum absumptum, ac denuo rejectum fuerit. Hisce haustibus, pariter ac clysteribus, Syruporum *Lactuce*, *Violarum*, *Portulacæ*, *Nymphææ*, eorumvè alicujus, uncia subindè admisceri poterit, quanquam & citra ejusmodi additamenta, jusculum ipsum per se rem satis commodè exequatur. Ita ventriculo insigni liquoris quantitate sapius onerato, atque ut sic dicam, subverso, ac reiterata *Enematum* injectione, humores acres vel foras eliminantur, vel retusâ acrimonia, ad temperiem debitam revocantur. Exantlato hoc eluvionis penso, quod tres vel quatuor horas sibi vendicat, mendicamentum aliquod *Paregoricum* curationi coronidem imponit: Mihi hoc crebro in usu est.

℞. Aq. Paralyt. ℥j. Mirab. ℥ij. Laudani liquidi gutt. xvi. cujus loco Narcoticum quodvis officinale succenturiari poterit. Atque hæc quam proposui diluendi humores via multò tutius ac expeditius quàm quæ vel per evacuationia, vel per altringentia vulgò instituitur, periculosissimo affectui occurrit, quippè cum ab illis tumultus concitator, & ferocior evadat, ac omnia fusque deque vertantur, hæc è contra hostem in mediis visceribus detineant, ac ex advenâ redd. ut plane inquilinum; ut taceam, protracto in longitudinem morbo præter periculum ex ejusmodi morâ, quâ in massam sanguinis tandem humores vitiosi irrepunt, atque mali moris febrim facile accendunt, etiam ægris gravissimi mali tedium præcreari.

At verò diligenter est animadvertendum, quod si non accesserit Medicus, nisi postquam æger vomitū ac dejectionibus ad horas aliquam multas continuatis, puta 10. vel 12. fuerit exhaustus, & jam frigescant extrema membrorum, hoc, inquam, casu, omissis aliis quibuscunque auxiliis recto cursu ad facram hujus morbi ancharam, *Laudanum* intelligo, confugiendum est, quod non tantum exhibendum est urgentibus symptomatis, sed etiam cessantibus vo-

mitū, ac Diarrhæâ mane & sero quotidie repetendum, donec pristinas vires æger, ac sanitatem tandem receperit.

Hic morbus, quantumlibet Epidemicus, rarissime tamen (quod supra dictum est) *Augusti*, quo primum caput mense, terminos excessit, ex quo mihi subest contemplari elegantissimum illud, subtilissimumque artificium, quo utitur natura in Epidemicorum natalibus atque ortu: licet enim eadem prorsus maneant causæ, unde plures sub finem *Septembris* æque ac mense præcedente, hoc morbo possunt corripì, nimia sc. fructuuni horariorum ingestio, eundem tamen non sequi videmus effectum. Quisquis autem *Cholera morbi legitimi*, quocum solo nobis impræsentiarum res est, phænomena studiose collegerit, fatebitur morbum istum, qui quovis alio anni tempore invadit, quamvis ex eadem occasione prognatum, atque eorundem symptomatum nonnullis stipatum, ab hoc nostro toto cœlo distare; haud aliter ac si in aëre peculiaris mensis hujus lateat reconditum ac peculiare quiddam, quod specificam hujusmodi alterationem soli huic morbo adaptatam, vel cruori vel ventriculi fermento valeat imprimere. Hæc *Thom. Sydenham libro de Morb. Acutis jam sequuntur Curationes, Consultationes, Observationes & Anatomica inspectiones ab aliis variis.*

Curationes.

In Cholera valent eadem quæ in vomitu, in primis aqu. menthæ, semen rosarum, magister. perlarum, corallorum, tinctur. corall. & essentia Smaragdi. Et, his nihil proficientibus, laudanum opiatum, cujus dos. gr. j. spong. salicibus adnasci solita ad gr. iv. in aqua styptica vel vino rubello. *Joh. Harthmann. in Prax. Chymiatr.*

Conveniunt hic clysteres adstringentes, cum Alexipharmacis.

In hoc affectu semper admiscenda sunt Alexipharmaca.

Decoctum coryphillorum, Succus menthæ, & alia ex mentha peculiari proprietate hic profunt. Aqua Mastichina Myns.

Syrupus ejusdem, Laudan. opiatum debet misceri cum theriaca Smaragdina Dom. Petr. à Castro.

Externè balsamus & emplastrum stypticum Myns. convenit.

Crytallus est proprium bilis æruginosæ medicamentum, etiam in dysenteria Syrup. cryst. *Vid. Horstius Tom. 2. p. 216.* Sed melius exhibetur Crytallus in substantia propria.

Porro huc pertinent Medicamenta ex menthâ, Mastiche, Theriaca Smaragdina, præsertim si veniat à veneno, ut & Tinct. Smaragdi, crocus Martis, spongia salicis, Acetum rosaceum, Faber valde commendat in febribus malignis, Ebur philosophicè præparatum, terr. sigillat. liquor. styptic. bol. armen. Aqu. Solari. Syrup. coralliorum.

Si adsunt convulsiones medicamenta ex Smaragdo specificè profunt. Decoct. carminat. cum Elect. de baccis lauri, decoct. bacc. lauri cum vino malvatico, ess. carminativa, spiritus carminativus, aqua Zedoariæ cum spiritu & syr. aurantiorum, spiritus nitri.

Si à veneno profunt clysteres ex lacte, & quæ corrosivitati resistere valent.

℞. Herba mercurialis, malva, parietaria, scordii ana m. j. flor. Malva p. iij. Rad. alth. ʒj. Coq. in f. q. aqua com. Col. ℞. ʒvi. in quibus dissolve Tryphera Perlica ʒj. M. F. l. a. Clystma.

℞. Flor. chamom. verbasci malva ana m. ss. Coq. in f. q. Lactis. Colat. ℞. ʒviii.

Si dolor sit acutissimus in intestinis, laudani opiat gr. ij. vel iij. addi possunt.

℞. Eboris sine igne, crystall. præp. magist. corall. c. succo citri ana ʒj. Smaragd. præp. ʒj.

℞. Mag. corall. c. succo citri, Eboris sine igne ana ʒj. Smaragd. præp. croci Martis adstring. ana ʒss. divid. in 2. part. æq.

℞. Spiritus Mastich. ʒij. Liq. stipt. ʒj. M. Dol. ʒo. gutt. in jusculo.

℞. Spiritus Mastich. vitriol. mart. ana ʒss. M. Dol. 20. vel 25. gutt.

℞. Essent. menth. ʒii. ʒ. Spirit. Mastich. ʒj. Vitriol. mart. ʒj.

℞. Aquæ menth. cinamom. cydoniat. ana ʒij. Ebor. sine igne, mag. corall. c. citro ana ʒij. Smaragd. præp. ʒj. Syrup. corall. ʒj.

℞. Aqu. cinamomi cydon. ʒij. Laud. opiat. gr. ij. vel iij. Myr. cydon. ʒj. M. detur præmissis universalibus.

℞. Pulv. menth. ʒj. ros. rubr. ʒss. Rad. torment. bistort. ana ʒvi. Mastich. ʒij. Nuc. mosch. ʒij. fermenti acerrimi ʒij. Aceti Rosacei q. s. pro consistentia cataplasmat, vel species possunt pulverisari & insperge pani tosto in vino madefacto.

℞. Empl. de crusta panis q. s. malax. Oleo Mastich. & Balsamo Peruviano, induc super alutam, & obduc syndone rubro in formâ empl. stomachalis.

℞. Olei Mastich. menth. cydon. ana ʒj. Bals. Peruv. ʒij. Ole. still. menthæ g. vi.

In CHOLERA SICCA. ℞. Decoct. carmin. usitat. ʒi. ʒ. in quibus dissolve ole. de baccis lauri ʒj. stillat. lauri gr. iij. M. F. Clyster.

℞. Aqu. carmin. Dorner. ʒij. Menthæ ʒi. ʒ. Essent. Menth. ʒij. Spir. nitr. ʒss. Externe prodest ole. chamom. menthæ ol. stillat. cinamomi. *Henricus* habet observationem, quod à lacte fuerit orta cholera.

Ole. amygdal. dulc. sed recens demulcet acrimoniam ortam à veneno, ubi etiam lac prodest. *Joh. Michaël. in praxi clinica generali.*

Cum in Cholera morbo cunctatio periculosa sit, quam citissime succurrendum, scilicet causæ remotione, correctioneque, mox verò vomitus & dejectionis temperatione, ac virium restauratione. Licebit autem aliquando, blandioribus tamen medicamentis, vomitum, aut ventris subductionem promovere, cum natura videbitur cunctabunda & æger gravamen in ventriculo perferret. At in reliquis satius erit abstinere & solis corrigentibus uti, quibus retundatur vis, & molestia irritantis humoris; idque potissimum observandum, si vires ferendo non sint, nam in turbationibus alvi, & vomitibus ultioneis, si talia purgentur, qualia oportet, confert, & leviter ferunt. Opiata communi voto commendantur, theriaca recens, diascordium, philonium, ut in curatione vomitus dictum est.

Sedato vomitu, virium refectioni deinceps incumbendum, nec tamen subito & immoderate, sed paulatim, nè gravamen inde sequatur, atqui interea tum extrinsecus tum intrinsecus

fovendus venter erit. Vinum Celso commendatur, sed tenue & odoratum cum aqua frigida mistum: refert præterea Erasistratum qui primò tribus vini guttis aut quinis aspergendam potionem esse dixit, deinde paulatim merum adjiciendum. Scribitque Trallianus multos solo vino præter spem evasisse, & quidem si calidum illud exhibeatur, præsentaneum remedium est, cum & calidas potiones unice prodesse, si reliqua omnia æger evomat, advertat Aretæus.

Petrus Joh. Faber aceto rosaceo ex aqua fontis compescendum vomitum esse consulit, ter aut quater iterato. Deinde suadet tincturam violarum cum syrupo violaceo. Riverius etiam oxycrati exhibitione, Vomitum, & alvi profluvium in fœmina quâdam statim cohibuit. Et Langius, cui quoque assentitur Sennertus, præsentissimum & probatissimum in cholera humida remedium testatur esse Crystallum ad semidrachmam exhibitum, præsertim in succo citrii & berberum, ut vult Henricus ab Heers; & Pannarolus vomitum, & dejectionem sanguineam ad virium jacturam usque cum sudore frigido compescuit lapide hæmatites in succo punicorum. Reliqui demum omnes refrigerantibus, & acidis universaliter insistant. Verum hæc opportuna erunt ad humorum acritudinem temperandam, atque in sedanda cholera in picrocholis.

Si maligna febris affectum hunc comitetur, Bezoardica proderunt, & antimonium diaphoreticum, magisterium coralliorum, C. C. ultum, bolus armenia, terra sigillata, ebur, crocus Martis, tormentilla, bistorta, & alia hujus generis.

Cæterum quæcumque stomachum roborant non levem opem in hac affectione præstabunt, præsertim verò quæ ex mentha conficiuntur, ex absinthio & Mastiche.

Ad siccam verò quam appellant choleram, itemque ad ructus, rugitus & tormina ventris, quæ communem videntur habere conditionem, & causam eandem, conferunt flatus discutientia, diacinnamomum, dianisum, diacuminum, diatrion pipereon, diambra, philonium utrumque, theriaca, mithridatium. Commendatur à Sylvio spiritus nitri in aqua fœniculi, & syrupo menthæ, itemque spiritus carminativus ab eodem descriptus. Aliis ambra efficacissima dicitur cum quadruplo sacchari. Aliis vinum malvaticum & Cretense in quo fœniculi & petroselini semina, aut frondes incocta sint. Præcellit verò oleum cinamomi, & essentia caryophyllorum, ac rorismarini. Rusticis familiare est allium coctum cum ruta, quæ nisi profuerint etiam enemata ex iisdem parata sunt in usu. *Hippocrates 4. de rat. vict. in acut.* Cholera sicca medelam describit per usum clysterum, vini meracioris, olei, & lactis Asinæ, præter somnum, quem illi conferentem esse dicit. *Lucas Tozzæ Medic. Pract. parte secunda.*

Consultationes.

Juvenis quidam temperamento biliosus, dulcibus & pinguibus vesci solitus, cum in eadem mensa æstivo tempore cæpis, peponibus, raphanis, aromatibus, & vino generoso largius

largius usus fuisset, cœpit à cœna, cum se ad somnum composuisset, nauseam cum dolore pungente & anxietate, circa ventriculum & reliquum abdomen sentire. Paulo post subsecutus est vehemens vomitus, & alui per inferiora evacuatio, quibus tanta copia humorum corruptorum & biliosorum cum flatibus, torminibus, & magnâ angustia per vices fuit ejecta, ut jam æger valde sitiat, animique deliquis, exsudationibus, & magna virium imbecillitate affligatur.

Afficitur in hoc ægro ventriculus cum intestinis ut ex nausea, vomitu, aluique copioso secessu est manifestum; afficitur etiam *cor & habitus corporis*, ut ex animi deliquis, & sudoribus, ac virium illa imbecillitate patet.

Morbus, qui eum affligit, est intemperies ventriculi & intestinorum biliosa, & nidorulenta ac corrupta, quæ nauseam, vomitum aluique secessum copiosum ac animi deliquia inducens. *Cholera* vulgò appellari solet.

Causa procacitica hujus morbi est usus alimentorum pinguium & dulcium, antehac ab ægro nostro frequenter usurpatus, item larga illa cœparum, peponum, raphanorum, aromatum, & vini generosi in eadem mensa assumptio. Hinc enim magna biliosorum & acrium humorum copia, in corpore ejus genita *antedecedentem* huic morbo præbuit causam. Eaque corrupta, & vehementius circa ventriculum & intestina, item in eorum & reliqui corporis vasis, ebulliens & effervescentia *Continens* hujus morbi & symptomatum est causa.

Nam hinc *ventriculus* irritatus primùm *Nauseam*, & *ad vomendum proclivitatem magnamque anxietatem*, per inordinatum spirituum in ventriculum, intestina, & cor ex cerebro defluentium influxum induxit. Aucto verò hinc illo spirituum, in illarum partium fibras, tum oblique ascendentes, tum descendentes repentium, inordinato influxu, mox etiam per fibrarum istarum contractionem, subsecutus est *vehemens vomitus*, & *alui per inferna evacuatio*, quibus humores acres, corrupti & effervescentes, tum à corde ex arteriis cœliacis & mesaraicis in ventriculum & intestina propulsi, tum in iis antea collecti, tanto impetu, tantæque copia per vices cum multis flatibus & torminibus, à magna illa humorum effervescentia ortis fuerunt evacuati, ut dissipatis & expulsis per magnam evacuationis istius vim spiritibus & humoribus utilibus. *Æger jam animi deliquis, exsudationibus & sui magnopere torqueatur.*

Morbus hic est valde acutus, ac proinde periculosissimus; metus enim est ne ex humorum perturbatione, & spirituum, humorumque evacuatione magna, æger subito per lipothymiam vel convulsionem exstinguatur.

Curatio itaque mox sedulo instituenda, eaque in humorum deterfione, alteratione, & evacuatione, ac symptomatum mitigatione consistet.

Primò itaque cum etiamnum adsit nausea, humores ita detergantur, & blande educantur.

℞. Hordei tosti m. j. s. Decoque in aqua Chalybeata ad tertiâ partis consumptionem pro lib. i. Colaturæ adde Syr. cydonior. acetositat. citri an. ℥i℥. syr. de mentha ℥℥. misce F. Julapium, de quo frequenter aliquid exhibeatur.

Interea temporis frictiones, & ligaturæ fiant brachiorum & crurum subinde solvendæ ut iis fluxus humorum advenientium nonnihil sufflaminetur.

Post abstersionem leniter factam, & ubi materia corrupta sic satis evacuat afuerit, exhibeatur hoc electuarium corroborans.

℞. Conservæ rosar. antiq. Radic. cichor. an. ℥j. s. Rob de Ribes, carnis cydonior. an. ℥℥. sem. acetosæ, citri, pulv. an. ℥℥. cornu cervi ulti præp. ℥j. s. cum syr. de acetositat. citri q. s. F. Electuarium, de quo sumat frequenter quantitatem castaneæ majoris.

Ubi per diem unum & alterum symptomata vehementiora quieverint blando cathartico reliquæ materiæ peccantis si quæ supersint, educi poterunt.

In victus ratione, Aër ad frigidum paululum declinet. *Cibus* sit ex ovis sorbilibus, carnibus gallinarum, veruecum; Parum autem alimenti admittat, donec vehementiora symptomata mitigata fuerint. *Potus* sit cerevisia tenuis. *Quies* corporis imperetur. *Somnus* omni ratione conciliandus. *Viteatur* ira, mæstitia, & sollicitudo. *Henric. regius apud Theodor. Craai. in medication. lib. 3.*

Ancilla ab hera ad pharmacopolium, cornu cervi, ad vermes intestinorum necandos, emendi causâ missa, attulit (suâ, incertum, an alienâ culpâ) arsenicum; illudque cum rob de ribes mixtum, a matre; rei hujus inscia duobus liberis, post cœnam cubitum ituris fuit exhibitum: Paulo post uterque puer incidit in magnam sitim, stomachi ardorem, ventriculi & intestinorum rosiones, acutissimum dolorem inferentes, quem jam secutus est vomitus magnus, aluique copiosus secessus.

Afficitur in his ventriculus & præterea intestina, quod sitis, ventriculi ardor, intestinorum rosiones, vomitus & alui copiosus secessus satis evidenter docent.

Causa hujus morbi remota fuit ancilla, quæ arsenicum, loco pulveris cornu cervi, attulit. *proxima* vero fuit mater, quæ culpâ commissæ inscia; arsenicum illud pro pulvere vermium necandis apto, liberis suis exhibuit. Idque innotuit ex diligenti inquisitione, quæ occasione vehementissimorum symptomatum, in historia superius commemoratorum; & post hujus pulveris sumtionem subito apparentium, in pharmacopolio postea fuit facta.

Morbus, qui eos affligit, est intemperies calida, acris, & corrosiva ventriculi & intestinorum; quæ ab arsenico assumpto orta, materiæque acris copiosum vomitum; & excretionem multam per inferiora efficiens, aliaque commemorata gravia symptomata producens, *Cholera arsenicalis* est dicenda.

Intemperies hæc vulgò deleteriæ & occultæ qualitatis vitium esse dicitur: Verum cum ea in manifestissimo particularum arsenici acumine; quo illæ instar pulveris vitri scindunt, & præterea in vehementissima incalescendi vi, quâ illæ in modum calcis vivæ urunt, & partes contactas incendunt, revera consistat, atque hinc suam magnam, stomachi ardorem, ventriculi & intestinorum acutissimas rosiones, præterea excretionem rerum acrium per vomitum & alui secessum, dum manifeste producat, & nisi remedia tem-

pestive adhibeantur *singulum, spasium & ipsam mortem*, hac manifesta sua acrimonia & caliditate, sit productura, nullam causam video, cur non hic in manifesta hujus morbi intemperie subsistamus *Morbis* hic cum a causa vehementissime agente, gravissimaque symptomata inducente, & ni ei mox obviam eatur, graviora etiamnum inductura; originem ducat, in *maximo vite periculo* versantur hi pueri.

Celerrima itaque *curatione* suppetias ipsis veniendum: *qua* in arsenici evacuatione & in ejus reliquiarum acrimonia & caloris attemperatione, & in corrosione ablatione consistet.

Singulis itaque eorum mox exhibeatur tale vomitorium, quod simul acrimoniam veneni retundet, & leniet atque evacuabit.

℞. Conservæ asari ℥vi. Contundatur in mortario marmoreo, addendo Aq. decoct. hord. ℥ij. & exprimatur per linteum succus, cui adde olei amigdal. dulc. recentis ℥j. Misce. F. vomitorium.

interea temporis, dum hoc medicamentum præparatur, ut etiam postea quovis tempore, utique liberaliter subinde bibat cerevisiam in qua copiosum butyrum est liquatum; eam enim ratione, & evomitio arsenici procurabitur, & acrium & scindentium, ac corrodentium ejus particularum acies, per ramosas & plicabiles butyri & olei partes, implicabitur, & obvolvuetur: ejusque rosio & scissio, calefactioque impiedietur præsertim cum ista pinguedine etiam ventriculus, & intestina, aliæque partes sint obducendæ, eaque adversus corrosionem, tum factam, tum faciendam muniendæ.

Ubi per vomitum purgati fuerint, exhibeatur singulis hoc medicamentum, ad eundem scopum.

℞. Olei amygdalarum dulcium ℥iij. Theriacæ Andr. ℥ij. misce. Ad sitim leniendam hac utantur ptisana.

℞. Hord. mund. m. j. liquir. ras. passular. an. ℥ss. malvæ m. j. sem. malvæ ℥ij. coq. in aq. comm. ad lib. i. s. postea colentur pro Ptisana.

Subinde etiam sumant de hoc syrupo.

℞. Syr. acetositis citri ℥iij. violacei ℥j. Misce. Ad veneni hujus partes implicandas & frænandas magnopere etiam conducent sequentes tabellæ.

℞. Crystalli veri, Margaritarum an. ℥j. contundantur, & postea terantur super marmore in alcohol, sive pulverem omni asperitate orbatum; deinde cum sacchari albi ℥iij. in s. q. aq. melissæ solutis. F. tabellæ. Itaque de his dragmæ quantitas per vices subinde ipsis exhibeatur.

Item magnopere hic conducit crystalli alcohol, ad ℥j. quantitatem cum oleo amigdal. dulc. recenti exhibitum.

Lixivium sarmentorum per os assumptum etiam summopere hic prodest, cum salinæ ejus particulæ, cum arsenici particulis acutis, instar pectinum sibi mutuò implicatorum ita inter se contexantur, ut mutuas acies abscondant, atque ita vehementiores punctiones impedian.

Postridie ad excretionem reliquiarum veneni, si tormina adhuc adsint, singuli puerorum sumant ℥v. cassiæ recenter extractæ, in formâ boli. Tumque in reliquis remediis etiam perseverandum.

Inter *alimenta* exiheantur lac, Oryza, jus-

cula pinguia, butyrum, malua, portulaca, vitentur omnia alimenta acria. *Henric. Regim apud Theodor. Craanen medication. lib. 3.*

Vir triginta annorum, crassus & ingluviei deditus, incidit in enormem evacuationem spontaneam, quâ multa corrupta per superiora & inferiora magno impetû rejecit. Hanc subsequuta est syncope, a qua vix liberatus, mox prolapsus est in magnam musculorum manuum, pedum, crurum, colli, gutturis, Pectoris, dorsi, & ventris inferioris, contractionem, quæ tantis doloribus, & animi deliquiis est comitata, ut adstantes ipsum jamiam moriturum metuant.

Partes quæ in hoc ægro afficiuntur, sunt *ventriculus, & intestina*, ut ex vomitu, & alui secessu; *cor* ut ex syncope: item *musculi totius corporis*, nec non *cerebrum*, ut ex ingenti illa partium contractione est manifestum.

Morbis quo hic æger laborat, est intemperies ventriculi, & intestinorum varia, acris, & nidorulenta, ac corrupta, quæ vomitum aluique secessum copiosum, animique deliquia, & musculorum totius corporis contractiones vehementes inducens, *cholera convulsione comitata* appellari potest.

Causa procataretica hujus morbi est ingluvies nostri ægri, quâ multi varique humores acres, in corpore ejus geniti *antecedentem* huic morbo præbuerunt causam. Pars verò eorum circa ventriculum & intestina, & in eorum, reliquique corporis vasis ebulliens & effervescentes continens hujus morbi & symptomatum est causa.

Hinc enim ventriculus & intestina irritata motum vehementiorem, inordinatumque impresserunt nervis sibi implantatis; quo per illorum fibrillas ad cerebrum, cerebrique spiritus delato, pori cerebri ita fuerunt aperti, spiritusque cerebri ita determinati, ut illi in fibras ventriculi, & intestinorum, oblique ascendentes, & descendentes, magno impetu confluerint, easque secundum latitudinem dilatando, & longitudinem abbreviando, contraxerint. His contractis ventriculus, & intestina ita fuerunt mota, ut copiosi humores acres, corrupti & effervescentes, tum a corde ex arteriis celiacis & mesaraicis in ventriculum, & intestina propulsi, tum in iis antea collecti, *magno impetu, tum per os, tum per alvum fuerint rejecti.*

Dissipatis autem & expulsis, per magnam istius evacuationis violentiam, spiritibus, & humoribus utilibus, sanguis ad cor perueniens ineptus fuit ad justam dilatationem in corde suscipiendam, quo *spiritus vitales deficientes syncope induxerunt.* Expulso verò deinde ex corde pravo illo sanguine, & meliore ad illud redeunte, spiritibusque vitalibus satis copiosè recens ex eo genitis, *æger noster syncope fuit liberatus.*

Quia verò reliqui pravi humores, in corpore postea effervescentes, jam vehementius suo impetû membranofas vellicant partes, motumque illum vehementem & inconvenientem per nervos ad cerebri ventriculos, spiritusque ibi contentos deferunt; hinc fit, ut illi tam pravam motus determinationem accipiant, porique cerebri ita aperiantur, ut spiritus, inordinates in partes fluentes, valvulas nervorum, musculis totius corporis insertorum, quæ iis contrahendis

hendis inserviunt, citra aut contra voluntatem nostri ægri jam aperiant, tantæque vi, tum ex cerebro, tum ex oppositis musculorum poris & cavitatibus, in musculos gutturis, dorsi, pectoris, inferioris ventris, item brachiorum & crurum, fluant, eosque cum magno dolore, novam lipothymiam per constrictionem cordis subinde inducente, vehementer secundum latitudinem, & profunditatem distendant, secundum longitudinem verò contrahant; atque ita totius corporis vehementissimam convulsionem nunc excitent.

Morb hic periculosissimus est: Metus enim est, nè æger ex vehementiâ doloris & perturbationis, subito extinguatur.

Curatio itaque diligens quàm primum est adhibenda. Mox igitur sumat hoc medicamentum, ut ventriculus ab humore acri abluatur, humoresque acres temperentur, & excernantur.

℞. Decocti hordei communis, non excocti ℥iij. Syr. ex infusione ros. rubr. ℥j. Misce.

Pro lipothymia aqua digitis in faciem ægri inspergatur, & vinum generosum cum linteis, naribus admoveatur.

Postea ad impetum cholerae inhibendum, vomitum, & alvi secessum reprimendum, ut etiam ad lipothymiam tollendam, de sequenti mixtura quotidie aliquid sumat.

℞. Rob. de Ribes ℥ij. Ceraforum ℥j. Syr. cydoniorum ℥iβ. Manus Christi cum perlis ℥vi. Misce.

Ad contractiones membrorum, partes omnes convulsionem patientes inungantur indefinenter cum frictione forti, hoc sequente linimento.

℞. Olei irini, vermium terrestrium ah. ℥ij. Castorei pulverisati ℥iv. Misce.

Ubi malum inclinaverit, nutriatur lacte amigdalato, cui modicum sacchari sit additum, & reficiatur cibus euchymis, ut ovis sorbilibus, & pullis gallinaceis, ac similibus. Exhibeatur etiam diacydonium post singulos pastus.

Ubi per diem unum, atque alterum symptomata vehementiora quieverint, blando cathartico reliquæ materiæ peccantis, si quæ supersint, educi poterunt.

Ad præcautionem novi paroxysmi utatur parciore cibi & potus quantitate, corpusque subinde blandè expurgetur. *Henric. Regius apud Theodor. Craanen. Medication. lib. 3.*

Observationes.

Juvenis quidam bilioso temperamento præditus, incidit ætate mediâ in febrem tertianam, quæ duabus primis accessionibus satis mitis apparuit, sed in tertia accessione, tanta fuit humoris biliosi malignitas, & ferocia, ut concitato vomitû, atque alvi fluxû frequenti, cum maxima virium jactura, summum agro periculum impenderet, vocatus ad eum præscribo clysterem ex jusculo cum conf. alchem. ℥iij. Theriac. rec. ℥j. quo statim vomitus & alvi fluxus sedatus est, quia verò in hujusmodi febribus malignis sæva illa symptomata in singulis paroxysmis redire solent, & ægrum secunda, vel tertia invasione de medio tollere, ad præcautionem præscripti victum iurassantem, & laudani gr. iv. duabus horis ante paroxysmum su-

menda, sicque symptomata prædicta non rediere, levis accessio fuit, & Julepis refrigerantibus, incrassantibus, atque alexipharmacis curatio absoluta est. *Laz. River. Cent. 3. Observ. 78.*

Mulier quædam correpta est Cholera morbo 23. die Julii circa meridiem & ad vespèram usque vigesies alvum deposuit, cum gravissimis doloribus, non solum intestina, sed etiam ventriculus intestantibus, ita ut sequenti die, etiam vomitû premeretur, multosque humores acres & biliosos excerneret. Maritus à me consilium petiit, dum alia remedia pararentur, consulo ut ægra oxycrati cyathum assumeret, cujus adeo efficax fuit operatio, ut vomitus & alvi fluxus statim cohibiti fuerint, & alia remedia omissa, dictitante ægra, se à morbo liberatam, & pristina valetudini restitutam. *Lazarus Riverius, Cent. 4. Observ. 8.*

Mercator quidem *Monspeliensis* septuagenarius, gravi Cholera morbo correptus 4. præcipue remediis intra 7. dies liberatus est. Clystere ex lacte confect. de hyacintho conserv. ros. & vitell. ovor. fotu ventriculi adstringente & roborante, cum sacculis in vino rubro maceratis, Julepo ex decocto plantag. & portulac. cum Syr. cydonior. & confect. de hyacintho manè & serò exhibito, & laudano cujus gr. j. singulis noctibus in Julepo dissolvebatur. Pro miraculo habita est hæc curatio in tam propecta ætate. *Lazarus Riverius, Cent. 4. Observ. 53.*

Laterarius quidam mediâ dum ætate uxorem suam formosam noviter nuptam, nimio libidinis ardore accensus aliquando cognosceret, valde periclitatus est, nam copiosissime per vomitum & secessum sanguis excernebatur, cum calor & motus ora venarum aperuissent, istum morbum sanguineam cholera appellavi. Sanguine ad 12. circiter libras ejecto maxima aderant symptomata, nempe pulsus deperditio cum dejectione virium, facies *Hippocratica*, sudor frigidus, & jam desperatus erat, tamen propinatis cum vino granator. Lapid. Hamatidis ℥iv. statim sanatus est, magnâ omnium admiratione. *Dominicus Panarolus Obs. 11. Pentecoste 1.*

Dominum quendam latè imperantem, subita aggrediebatur cholera, cujus vomitum sequens sedabat medicamentum.

℞. Laudan. aromatic. gr. ij. Syr. Corall. ℥ij. Aqu. cinnamom. ℥j. Misc. alvi autem fluxus adhuc tantus erat, ut cum magno ventris, ex flatibus dolore per biduum centies excrementa ejiceret. Quiescebat tandem effervescentia, auxilio supra scripti medicamenti, quod decoctum hoc sequens, pro potu ordinario adhibitum, maxime adjuvit.

℞. Conserv. Rosarum ℥ij. Ligni sassafras ℥j. Rad. Tormentillæ ℥β. Hordei mundat. ℥j. Coquantur in aqua communi colaturæ ℥b ij. adde Syr. Coralliorum ℥ij. Misc. f. potio.

In Urbe Batavia quædam fœmina Illustris in vehementem vomitum, fluxumque alvi frequentem, quos ventris do. ores flatu concomitabantur, misere incidebat. Per sequentem mixturam graviora symptomata quieverunt, & durantem adhucdum alvi fluxum infra scripta emulsio sedavit.

℞. Laudan. aromatic. gr. v. Syr. cinnamom. Corallior. an. ℥ij. Aq. menth. ℥ii β. Misc. pro 3. aut 4. vicibus.

Emulsio. ℞. Conserv. Rosarum ʒij. Rasur. C. C. ʒβ. Lign. Sassafras ʒj. Coquantur in aqua simplici q. s. ex colatur. ℥ij. & Amygdal. dulc. ʒj. Fiat emulsio, huic adde Corn. cerv. ult. ʒij. Philosoph. præp. ʒi β. Syr. corallior. Perlarum ana ʒj. Misc. *Hermann. Nicol. Grimm. Compend. Medico chymici lib. 3.*

Puer quatuordecim quasi annos natus, hero suo qui est à pedibus, & manu, feriâ tertiâ Pentecostes hujus anni, finitâ concione vespertinâ, invisit domum alicujus patris familias hujus urbis; qui merendæ loco oxygala ipsi apponit. Idem domum reversus cum forte in culina heri sui reperit solito in loco, ab ancilla sepositum lac ovillum, ejus magnam partem in se ingurgitat, non avariter. Pauculis autem horis intermissis, & die se in crepusculum præcipitante, ecce puer hic usque adeo horrendis symptomatis corripitur, ceu toxicum hausisset. Accersor, comparco, jubeo actutum ut paretur Clyster domesticus ex lacte, ac ei dextre applicetur. Verum licet is alvum semel atque iterum ab illius usu deiceret, attamen gliscebant symptomata cholerae propria, usque adeo ut præ doloribus intolerabilibus, ita sive exclamaret, sive vociferaretur, ceu in quæstionem esset datus. Jubeo adstantes pararent, ex terna infusione vini, florum camomillæ campestris, potionem pro aliquot sive dosibus, sive vicibus, eum in modum, quem pridem in historia camomillæ Quadripartiti mei, Argentorati à filio meo Charissimo Simone editi, publici juris feci, quem proin non opus est huc arcessere, nè actum agere ac medicinæ candidatis, aut novellis practicis, veluti cramben bis coctam obtrudere velle videar, quorum ingratiam & commodum, (non moror, non sum invidus) hic loci noto, quod ab usu dicti infusi florum camomillæ, horrenda illa symptomata mitescere quidem ocepunt, attamen cum contumacius esset malum (lac quippè coagulatum in vivo corpore comparatur ad venena) ac labascentes vires pueri præsentissimum Alexipharmacum poscere viderentur, hoc ipsum, Collega, & consultore Viro celeberrimo *Dom. Olao Borrichio* præscripsi quod

℞. Aquæ Zedoar. cum vin. ʒiv. Cardui Bened. Veronic. an. ʒvi. Theriac. Andromach. recent. Dioscord. Fracastor. an. ʒij. Radic. Zedoar. galang. an. ʒj. Syrup. menth. crisp. q. s. ad edulcandum. Misc.

Cujus mixturæ, cum unum itemque alterum cochlear absorbuisset, dictum, factum, divinâ interveniente benedictione, dolor & cætera symptomata evanuerunt penitus. Interim Medicinæ candidatis (insuper lubeus illorum causa, vel paradoxologus nominabor ab illorum hominum, genere, qui nihil rectum putant scioli, nisi quod ipsi faciunt) revelabo hic arcanum practicum: Jam Dei gratiâ, ab hinc quadraginta & amplius annos, praxin medicam exercens, nempe ex simplicium aut vegetabilium numero, contra inflationes hypochondriorum ac ventris tormina in utroque sexu, haud reperiunt in Zedoariæ radice generosius medicamen; imò insuper puerperis lochiis cessantibus, radice Zedoariæ nihil est conducibilius. Si illius pulveratæ draghina dimidiata, duabus tribusve guttulis rosmarini olei irrorata, aut con-

spersa in vini haustulo calido propinetur. *Simonis Pauli.*

Anatomica inspectiones.

Puella 20. annorum cholera obiit cadaver ab *Adr. Falkenburgio* sectum vasa mammaria diligentius inquirenti nusquam apparuere, in abdomine multa immutata; Ventriculi fundus transversum palmum infra costas spurias demersus, nullo omenti fotu gaudebat, unde ventriculus imbecillis tantâ vehementiâ viventem puellam ad vomitum concitavit, ut revocato omni ad caput sanguine, post mortem rubeus faciei color perstiterit: quâ etiam vehementiâ ruptis viscerum vinculis, ventriculus cum intestinis fuit depressus: Omentum infra ventriculum ad os lichi protendebatur, intestinum colon profundius, multis alias gyris & circumvolutionibus distinctum, hic levi inflexione serræ dentes amulabatur: In intestinis verò vermiculus rubicundus latitans, corpus verò cacochymicum notabat. Lien duplâ magnitudine, tumidus, à solitâ figurâ in globum oblongum mutatus videbatur. Meatus cholidochus in plurimos ramulos divisus multum bilis ob angustiam regurgitare fecerat, unde molestus ille & lethalis biliosarum humiditatum vomitus concitatus. *Th. Bartholinus Cent. 2. Hissor. 81.*

Secundo Comitum Aufumondianum, offendimus porum cholidochum, aliàs in ecphysin se exonerantem, proximè pylorum egressum habuisse, ita ut non minus ventriculo quam intestinis bilem transmitteret; hinc causa, cur sæpius nausearet vomeretque & alvo esset duriori; Natura enim nativo suo clysmate orba, cum nihil expultricem irritaret, desidebat, unde subito cholera diem finiit. *Barthol. Cabrollius Observat. Anat. 6.*

CHOREA SANCTI VITI.

T Arantulatis affine est malum quod Chorea, & saltus S. Viti appellatur. Hoc enim delirio & insanix genere qui laborant, dies, noctesque saltare gestiunt. Nonnulli equidem choream S. Viti ad *ἐκθυσιασµὸν* veterum referendum censent. Neque negandum est, quandoque etiam quiddam divini subesse, & malum hoc pœnæ loco interdum divinitus immitti, sicut sedecim viris & tribus fœminis in camiterio choreas ducentibus ex imprecatione sacerdotis anno Domini 1012. id accidisse refertur ex *Vincent. Belvacensi lib. 26. cap. 10.* Verum sæpissimè hoc malum à causis naturalibus & humore maligno provenit; cum *ἐκθυσιασµὸς* Græcorum sine dubio à Dæmone immissus fuerit, & præcipue in sacrificiis, quibus cessantibus etiam *ἐκθυσιασµὸς* cessavit. Qui verò hoc modo laborant, continuo, diesque noctesque saltant. Ita refert *Felix Platerus lib. 1. Observat. ut & in Practic.* se vidisse fœminam Basileæ, cui Magistratus viros aliquot robustos constituerat, qui alternatim uno fesso, altero succedente cum ea dies noctesque tripudiarent. Quod ferè mensis spatio spectantibus multis duravit, sine ferè intermissione, & si solearum pedum ejus cutis attrita esset. Et licet aliquando ut cibum caperet, & somno

omno correpta, sedere cogeretur, tamen gestu, motuque corporis inquieto interim nihilominus corpus veluti saltans agitabat. Ortum autem habet proculdubio hoc malum ab humore maligno Tarantulæ veneno simili. Sicut enim hydrophobia quidem à rabidorum animalium veneno extra communicato plerumque oritur: interdum tamen, ut supra dictum, etiam in ipso corpore tale venenum generatur, à quo hydrophobia excitatur: ita etiam non impossibile est humorem malignum Tarantulæ veneno cognatum in ipso corpore generari. *Daniel Sennert. Pract. lib. I. part. 2. cap. 17. oper. T. 2.*

Quod Vitistæ cura à nobis describitur, & proponitur, res multis temeraria, & planè impossibilis esse videtur, his rationibus persuasis, quòd nempe Vitistà à S. Vito nomen traxerit, qui plagæ & pœnæ loco hunc hominibus morbum immittat: aut quòd Viti vice ipse Deus propter hominum peccata malum hoc mitigat. Quod quidem verò esse simile quandantenus nos minimè inficiamur; non tamen arbitramur interim, pœnam eam talem esse, quam vel Deus ipse, vel Divus nobis infligat aliter, quam permittendo, ut per choreæ Viti imprecationem, imaginatio ejusmodi in animis hominum generetur, per quam iste morbus deinceps introducatur, & emergat quem vulgus postea pro pœnâ divinâ æstimet, cum tamen ægritudo ea sit merè æstimativa seu imaginativa, sicut in capitulo de origine ejus tradimus. Contra ejusmodi Vitistam æstimativam vel imaginativam, curam talem proponimus, eamque peculiarem. Præterea si originem traxerit ex levitate animi, consentiente voluntate, quæ affectio, chorea lasciva, vel levitas animi vocatur: Contra hanc ipsam quoque aliam, eandemque singularem curam docemus. Tertio contra choream coactam cujus origo naturalis est, naturalem quoque Medicinam apponimus. His tribus distinctis speciebus tres distinctas curas opponimus, quarum qualibet suo morbo seorsim applicanda est, nec una pro altera unquam facit.

Dum ergò primum de Cura choreæ æstimativæ, vel imaginativæ ex imprecationibus disserimus, notandum vobis erit, discrimen aliquod intercedere inter æstimativam, & imaginativam, quia nimirum altera ex ira, altera ex lascivia oritur. Primam ergò nos *Vitistam*, alteram *Lascivam* vocamus, quarum cura quoque diversa est, velut ortus. Et Vitistæ extra nata cura ejusmodi est. Ex cera vel resina patiens imaginem sibi similem finget & obstinate, firmiterque sibi persuadebit aut cogitabit, universas adjurationes seu imprecationes, quas unquam fecerit, pro sua voluntate in hac imagine perfectum & impletum iri, hac ratione: nempe intra sese ita cogitabit, quòd imagini omnia ea mala imprecetur, omnesque suas cogitationes, ac animum penitissimum citra recordationem omnem aliorum hominum in solam eam imaginem intendet & defiget, ac cum intentione eam animi obstinatissimâ tandem imaginem in ignem projiciet, exuretque ut nec cinis nec fuligo ulla ex materia imaginis corporaliter superstes relinquantur. Dum ista prædicto modo sunt, ex imprecante cogitationes usque adeò efficaces & validæ in imaginem procedunt, & effundun-

tur, ut nihil obstare aut adversari queat. Imprecationes enim perficiuntur in iis, qui eas faciunt, non in iis, contra aut in quos fiunt aut jactantur, idque ob hanc causam, quia aliorum lenitas per suorum hostium iram lædi non potest: Sicut de imaginibus traditur. Itaque ejusmodi reluctatio nulla etiam in imagine existit, sed hæc corporaliter comburitur, ita ut imprecanti cogitationes hæc omnes adimantur. Hæc autem qui ex ipso fundamento intelligi debeant, plenius de *Imaginationibus & incantationibus*, de *impressionibus* traditur. Et fieri hoc etiam potest, ut si vel tantillum cineris corporaliter de ista imagine relinquantur, ægro curæ satis præstitum minimè sit, sed de morbo aliquid adhuc superstes maneat. Quâ causâ sola cera & resina huc conducunt, ceu de imaginibus & impressionibus dilucidius docetur. Sed hæc hæctenus de curâ Vitistæ ex irâ dictâ sufficiant. Deinceps etiam de Choreâ lasciva & impudicâ differemus tali ratione.

Per usum ac rerum Magistram experientiam constat, quòd contrarium unum per alterum naturali modo pellatur. Hoc verò cum modis variis, diversisque fiat, nos hoc loco nostram quoque experientiam proponemus, quæ lasciva & intemperata chorea expellatur, & expugnetur, & sit hoc modo. Si choreista, vir, vel femina ex uberiore lascivia choream hanc ordiatur, & saltare incipiat (quod fœminis, quàm viris frequentius accidit, ut quæ plures æstimationes, & cogitationes habent, & profundius, efficaciusque imaginantur, & facilius à naturæ suæ fortitudine seipsas vincunt & expellunt) nihil magis prodest ac conducit, quàm quod cogitationibus & operibus eorum adversum est. Ipsarum enim cogitationes liberæ & lascivæ sunt, levitatis plenæ, omnis pudoris, timoris ac verecundiæ vacuæ, quas ita expelles. Abstrude eas in locum caliginosum & obscurum, cibentur aliquandiu solo pane, & aqua, nullo misericordiæ affectu in eo loco sordido serventur. Hoc modo fiet, ut per esuriem, & penuriam, aliam naturam ac cogitationes concipiant, ita ut lascivia per eam abstinenciam expugnetur in ipsis, & opera luxuriosa sopiantur, sanguis ferocior residat, spiritusque vitæ leniatur & remittat, corque ex lætitia in mœrorem à captivitate, & loci sorditæ conjiciatur, adeoque vetus morbus vaneat, & tristitia recens, nullâ lætitia, nullo risu, saltivè ac clamorè comitante, animum occupet ac gubernet. Quibus omnibus præstitis, ex loco obscuro captivæ emittuntur, sensimque ac de die in diem prior diata laxetur, & cibus paulatim melior præbeatur, carcerque subinde lenior & tolerabilior reddatur; donec ipsa quoque Melancholiâ consumptâ, ratio vera postliminio redeat. Et hujusmodi regimen tam cogitationes, quàm gestus & opera horum amentium tollit. Mera verò insania est, quod quidam putant hujusmodi choreas expugnari, si saltantibus immittantur & jungantur alii, qui eodem modo tripudiant, & ad ægrorum exemplum similiter se gerant, cantentque & subsilient. Istâ enim æmulatione ægri plus incitantur, quàm ut reprimantur: licet diversum statuunt alii, persuasumque habeant, ægros saltatû exanimatum iri tandem, nisi tali diludio cohibeantur. Id quod morum

merum somnium est. Quinimo hoc multò conducibilis est, ut fustibus probè pulsantur, & comminuantur, & a saltu per vim in carcerem abripiantur, & abstrudantur. Ubi tamen hoc quoque simul notandum est quod vapulantes in quandoque intra se iram graviolem concipiant, cujus vi prosterni & interim possint. Et hac cautela observata omnino opus est. Rarius autem non proficit, si in aquam frigidam insperato conjiciantur.

Reliquum est ut tertiam quoque curam choreæ naturalis scilicet ex ipsius naturæ principio ortæ, subjungamus, prout in capite de chorea definivimus, quod malum hoc ex venis risivis oriatur, quarum vi & incitatione ægri ad saliendum compellantur. Hæc autem cura per remediorum genera duo perficitur, nimirum per externa & interna. In externa cura notanda sunt loca exteriora, in quibus morbus sese prodit, & exierit. Interiora verò remedia ex essentia quinta sunt hujusmodi. Aurum potabile, oleum Margaritarum, materia gemmarum, aqua margaritarum, anodynum suum um, Quinta essentia Opii, quinta essentia mandragoræ, quinta essentia papaveris, Quinta essentia lolii, aqua vitæ, cancerorum &c. ex his sunt nonnulla, quæ non intus saltem, sed etiam foris adhiberi possunt, ut summum anodynum, essentia mendragoræ, essentia opii, essentia papaveris, Ess. loliatorum.

Hiscel loca & regiones inungi debent. Formula tamen hæc compolita nobis usitata sæpius commoditates ingentes præstitit.

℥. Essentiæ quintæ opii ʒj. essent. quintæ mandragoræ gr. viij. essent. quintæ lolii ʒj. essentiæ quintæ papaveris ʒij. essent. quintæ jusquiami ʒiij. auri potabilis ʒiij. aquæ cordis ʒvi. misceantur omnia. Mixturæ hujus, mane, vespere, & circa diem mediam, guttas 4. in vino bono aut aqua pura propina, ad finem usque sanationis. Externa verò membra inunge his rebus.

℥. Summi anodynii ʒβ. ol. nucis muscatæ ʒj. ol. musci ʒj. misceantur in formam unguenti quo membra titillationis primaria, velut alas, collum, inunges.

Prodest hoc etiam in casu prædicta carcerandi norma ac ratio, severitate tamen lascivis debita aliquatenus remissa. Nam & hic tristitia inducenda, & alteratio corporis per abstinentiam facienda est. Sed hæc de chorearum curâ hæcenus sufficiant. *Theophrast. Paracelsus de morbis Ament. tract. 2.*

Puella est Pia ac proba, bene morata & educata: salubriter antehac vixit, nihilque deprehensum, quod corporis offensam argueret: temperaturæ, ut videbatur, calidæ & siccæ, adeoque cholericæ, quæ ad iracundiam levissimè incitatur, fratrem habet epilepticum, & certè ejus ipsa natura, sicut & sororis in idem malum propendere videtur. Ea 7. Julii anni præteriti 1622. cum pridie leves capitis dolores sensisset, mane circa septimam, cum ad templum se præpararet, subito quasi consternata, concidit, & scamno innixa adhæsit, loquelâ impeditâ incedere, manus pedesque movere ac attollere nequivit. In lectum translata, quadam quasi anhelitus difficultate, ita ut ægre spiritum duceret, & pectus, scapulasque inter res-

pirandum insigniter attollere cogeretur, premi cepit, & interdum clamorosa suspiria duxit; rediit autem subinde quasi per paroxysmos hæc difficultas, atque pressura, in qua nil quicquam loqui potuit, reliqui autem sensus, visus & auditus integri manserunt. Paulo post caput hinc inde conjectare cepit, mox tamen rigidam & immobilem cervicem habere visa est, & quod postea in erectione capitis à me animadvertum, cum quid sorbitionis vel medicamenti ingerere vellet, capite retrorsum magna vi retracto, manumque attollentis deprimente, opisthotono prehenam judicavi: perterritus autem ægritudinis infrequentia & infueto morbi, qualis nunquam occurrit, insultu, cum diu suspensus hærerem, ea fere adhibui medicamenta, quæ in Epilepticis invasionibus utilia existimavi. Sed durabat affectio, & post leves intermissiones subinde recurrebat, ad horam usque duodecimam, quando omnia invalescere incipiebant. Tum majoribus suspiriis anhelans, & ejulans spiritum traxit, atque cervicis nervorum rigore continuo detenta, pejus habuit adusque tertiam. Hinc mitigato malo loqui cepit, delirare, cibum poscere, vociferari, indignari ad usque vespere, ubi tum ab inquietudine hæc languescens extremâ debilitate laboravit, ita ut sensu motuque privata, animam exhalatura videretur: duravit autem languor hic per 2. ferme horas, quibus exactis sensim se recollegit, & ad sese rediit, cibisque refecta per totam noctem placide dormivit. Altero die mediocriter habuit, & medicinam purgantem sumxit. Duodecimâ autem horâ malum reversum est & prioris diei fere formamque modumque servavit, nempe per intervalla retano correpta, cervicis rigorem, spiritusque difficultatem atque pressuram passa est: inter paroxysmos de tanto capitis dolore conquesta, ut ad clariorem etiam vocem & loquelam quiritaret, alias loqui, imò linguam movere non potuit, nisi forsan ubi mitior invasio, ubi tum lingua titubavit & inexpedite loquuta est. Tertio die sat bene habuit. Quarto post levio-rem paroxysmum in tantum pedum convulsionem & contractionem incidit, ita ut pedes retracti quasi funibus corpori alligati viderentur, absque tamen omni dolore, tendines autem sub genibus lapideâ ad tactum duritie, & rigiditate continuâ afficerentur. Et quamvis post convenientes inunctiones melius habere videretur, attamen ad quartum usque diem spasmodica hæc & violenta contractio, continuo perseveravit, interim corpore reliquo bene valuit, à prioribus paroxysmis plane immunis: quarto autem die circa vespere subito distensio hæc remisit, ipsaq. ex improvviso è lecto profiliens in pedes se coniecit, & parentibus accurrens letabunda liberationem annuntiavit: post hæc bene se habuit, sensimque validior facta est, ita ut penitus restituta crederetur.

At post mensem nempe 6. Aug. cum pridie magnos capitis, frontis maxime, temporumque dolores passa esset in idem ferme malum, alio tamen invasionis modo, incidit, nam mane sumto jentaculo, cum corporis titubatione, & vertigine vexari videretur, in lectum redire iussa, profundo quasi somno abrepta est:

in quo tanquam somnians varia loquebatur: subito autem exterrita, quasi cum magna & præcipiti corporis concussione, evigilavit, mox rursus somno se dedit, denuoque terrore concita expergefata est, & id per integram horam, vel diutius paulo duravit idemque post prandium & cœnam, & posthac sapius quam primum aliquid cibi ingessit, evenit, itaut mox super dormire cogeretur, & rerisico tali somno corripere, nocte alias placido ac naturali somno semper ferè dormivit, exceptâ tertiâ ab accidenti hoc nocte, quam fere totam deliravit, ita ut omni intellectû orbatâ videretur; memoria ita defecit etiam ut orationem dominicam amplius orare nequiverit: per intervalla tamen mens & memoria reversa, post leve autè momentum iterum extincta. Circa vesperam convulsio invasit nunc hoc, nunc alterum brachium, ita ut extendere ac movere non potuerit, mox pedes quoque eadem contractio corripuit, ita ut tum brachia & pedes convulsi sisterentur, sed paulo post brachia reliquit, hinc etiam pedes, itaut tam brachia quam pedes movere potuerit. Postremo die maximâ omnium membrorum inquietudine correpta primum tandem in pedes se conjicere, & in hypocanto discurrere ac saltare cepit: miserabili sane & stupendâ insanix specie tentata ac turbata, varios ac turbulentos mores exhibuit. Nam nulla neque vineque increpatione contineri potuit, quominus hinc inde cursitaret, nulloque modo subsisteret, sed indefinenter inquietudine hæc detenta, in lecto etiam si forsan cohiberetur ex uno loco in alium sese conjecit: imò parietes etiam transcendere, & circa fornacis extremitates discurrere quæsiuit: extra lectum dissiliens, scopas vel aliud quid simile apprehendens, pavimento à sordibus diverrere, omnemque immunditiem conclavis, omnes angulos evolvendo, exquirere, & expurgare nunquam cessavit. Interdum subitanæ pedum contractione inter discurrendum correptâ, subsistere coacta fuit, mox tamen soluto iterum spasmo, denuo saltare perrexit; imò defatigata, vel alioquin lassâ si pigriorem interdum cursum iniret vel subsisteret, pedum affectio spasmodica mox irruerat; solvebatur autem si cursum repeteret, & impetuosius se agigaret. Quinetiam paroxysmo hoc turbulento, interdum repente soluto, substitit, suisque quod stare posset, acclamavit, lectum etiam ingressa, quievit; mox autem iterum prosiliens denuo saltare compulsâ fuit, subinde namque per intervalla longiora jamjam breviora inquietudo hæc ipsam, maximè autem à cibo sumpto invasit, non raro ramen inter prandendum aut cœnandum subito de mensa surgens, in pedes se conjecit, nec cohiberi potuit, vi autem cohibitâ, pedibus tripudiando, quasi humum indefinenter pulsavit. Quod si ne in pedes se conjiceret, prohiberetur interdum, (quod non raro parentes tentarunt) insigniter affligebatur circa præcordia, maxime juxta orificium stomachi, ubi de validissimâ compressione querebatur, quæ mitescere si sese saltando jactaret, protinus autem quando subsistebat, denuo iterum dicto loco gravissimas passiones sustinebat, itaut ab iisdem impelleretur indefinenter discurrendo se exercere, languebat

etiam plurimum, ac debilitabatur, & distensionibus membrorum tentabatur, quando nondum inito paroxysmo sese agitare cessabat, aut prohibebatur. Si mitiores fuere invasiones, in lecto, locoque suo manere potuit, nec evagari coacta fuit, attamen tum inquietudo nunc hoc, nunc aliud membrum invasit, ita ut incessanter quassare nempe, brachium hinc inde movere, vel pedem sursum, deorsumque trahere, serie continuata, cogeretur. Sæpe caput solum ut hoc hinc inde indefinenter jactaret malum occupavit, sæpe saltem ejus partem, nempe linguam, unde titubatio, maxillam, unde dentium collisio atque stridor, aures, nasum, buccam, labia, collum, unde earum partium tremor, atque concussio, totam denique faciem, unde ejus fœda distortio sequuta: inferiores etiam non raro partes vexavit, pectus nempe, ventrem, exteriores musculos, unde palpitantes & distensiones exorta, imo mirabili varietate nunc hoc, nunc aliud membrum, nunc unam saltem, sæpe plures partes simul invasit, atque afflixit. Semper autem & in omnibus paroxysmis, linguam simul affectam vidimus, ita ut tremere, vellicare, balbutire, & impedite loqueretur, leviter etiam deliraret, ratione aliquantum destituta, licet alio tempore plus, alio minus, quæ mentis, sermonisque imperfectio & titubatio, manè præsertim cum è lecto surrexisset, animadverti, futuram invasionem semper indicabat, quamvis aliàs in ipsa accessione, dum saltaret atque discurreret, vel membra jactaret, sensus exteriores illæsi ac integri permanerint, quod facile judicare fuit ex eo quod quodvis audire, & ne sese offenderet, sedulo cavere potuit. Interdum loqui omnino non potuit, & ad interrogata nequicquam respondere; sæpe autem quando affectio linguam inquietavit, incessanter garrire, imò canere etiam coacta fuit, & tum, quò plus loquebatur, vel canebat, eò minus se circa præcordia affici, & immunem à molesta cordis compressione fieri dicebat: quàm primum autem inquietudo linguam deseruit, ipsaque debilerare & canere cessavit, membri alterius, aut pedis aut brachii quassatio, & agitatio secuta est. Interdum ratione omnino priuata, interdum mente satis valere visa. Cibus in paroxysmo maximè vehementiori, assidue flagitavit. Crassum imprimis nempe panem secundarium cum butyro coctum, quem avidissime semper devoravit, quòd si denegabatur, urgentissime poscere non destitit, sæpe cum precibus, lachrimis, & indignatione, si alius quandoque & diversus ab eo, quem petierat, forsan exhiberetur, pro eo tamen, quem postulaverat, cupidè comedit; imò interdum, si non confestim adesset, exacerbata, obvia quævis, ligna, stipulas, linteos, pannos, vel quidvis aliud ori ingessit, dentibusque maxime si malum maxillas prehenderat, laceravit. Et si brachia inquietudo occupavit, illud quo uteretur inter edendum, ad eò hinc inde jactavit, ut difficulter cibum ori admoveere potuerit, adeo ut sæpe ingerendo opem ferre necessum fuerit. In omni invasione frontis, temporumque venæ turgescences & livescences apparebant: frontis autem dolor, cordis tremor, orificii stomachi compressio, deliri sermones etiam, linguæ item tremor

tremor, ac vocis titubatio futuram invasionem prænunciabant.

Dysuria etiam accessit non raro, ita ut sæpe per integrum diem nihil excreverit, quamdiu nempe paroxysmus duravit, eo autem soluto, urinam emisit. Per totam noctem ferè semper dormivit, placideque quievit, quantumvis totum diem inquiete peregerit. In somniis tamen aliquoties turbata est, licuti & prius, cum sana adhuc viveret.

Prodigiosum hoc malum per 14. continuos fere dies duravit, ita ut in dies vel membrorum motus concussivi, vel inquietudines jam enumeratæ exorta sint: postea vero remittere cepit, & non nisi certis dierum intervallis recurrere, eandem autem fermè idæam servavit semper, ita ut vel discurrere, vel membra quassare cogeretur, cuius invasionis principium delirationes, linguæque titubationes tanquam prænuntii indicabant.

Varias adhibui Medicinas, purgantes, roborantes, bezoarticas, internas & externas, fonticulum etiam nuchæ impressi: nihil autem, vel parùm profeci, tandem autem mense Decembri, cum illa medicamenta, quibus olim Hassiaci Medici in morbo quodam publicè grassante, huic pene simili, usi sunt, quorum descriptionem ab Excellentia tua accepi, exhibuissem, sensim imminui affectio cepit, ita ut primum paroxysmi mitiores facti fuerint, post ipsæ saltationes remiserint, tandem etiam membrorum concussionem mitigatæ. Nec tamen ne nunc malum extirpatum nam quotiescunque ad iracundiam commoveretur, uti facile fit in re familiari, in quâ valdè se industriam exhibet, vel quando terretur, uti maximè accidit viso fulgure, & audito tonitru, aut impetuosiore, aut repentino sonitu, denuò ejus rudimenta subito eam apprehendunt, ita ut loqui nesciat, aut balbutire incipiat, sæpe etiam hinc unum, aut alterum membrum, agitare compellatur, nec tamen diutius hæc durant, sed per mediam saltè, sæpe tamen etiam per unam aut duas horas, postea ad se reversa, rectè iterum se habet, optimeque valet, adeo ut nihil adversi in ipsa animadvertere liceat. Plerumque etiam recrudescit affectio, quando Luna superiora signa, nempe arietem atque Taurum, occupat, tum à sumpto cibo mane præsertim, quàm primum aliquid degustat, tale quippiam quandoque patitur, ita ut delirare, linguæque tremere atque titubare, sæpe etiam hinc inde membrum quoddam agitare incipiat. Quando verò pulveris illius & electuarii bezoartici usum non negligit, sed continuâ adhibitione subsidium sibi subinde comparat, ferè à mali invasione servatur. Et hæc ferè est mirabilis illa, & prodigiosa affectio, quæ stuporem omnibus astantibus & videntibus peperit. *Gregor. Horstius Observat. & Epistolar. Medicinal. lib. 2.*

Memini me præcedenti verno tempore cum mulieribus quibusdam loquutum quæ quotannis *Sacellum S. Viti* quod est in finibus ulmensium, non procul à Geislingem propè ditionem Rechbergensem, visitant, ibidemque saltu cum perturbatione mentis eousque sese nocte, dieque exercent, donec Ecstaticorum instar corruant, quâ ratione sibi restitutæ videntur, ut parùm vel nihil sentiant, per an-

num integrum, usque ad Maii tempus subsequens, ubi membrorum inquietudine eousque sese torqueri referunt, ut vicissim circa festum *S. Viti* ad prædictum locum saltationis gratiâ sese conferre cogantur, quemadmodum una ex ejusmodi mulieribus per viginti & plures, alter per 32. annos ibidem quotannis saltavisse dicebatur. Absque superstitione hoc quicquid est, non est, utpote cum verisimile videatur exacerbari verno tempore causas convulsivorum motuum in membris naturaliter, quas postea cum singulari vehementiâ animi, spe restitutionis per sacrificium *S. Viti oblatum*, suscepta saltatio fortassis ita dissipat, ut recollectis viribus aliquandiu tales ægotantes ab invasione liberæ permaneant.

Novi puellam Honestam, Mercatoris filiam in hac Reptublica, quæ jam per annos aliquot verno tempore, cum aliquâ, sed levi, mentis perturbatione, similem affectum ferè patitur, ut inquieta jam hoc, jam illud membrum movere cogatur, sæpius & lingua, sermonisque operatione intercepta, de loco ad locum hinc inde commovetur, quod per septimanas aliquot singulis annis, nocte dieque continuat. Valdè vereor, ne tandem gravius aliquid hic etiam expectandum sit. Quanquam verò non ignorem, ex authoribus, quosdam in *Saltu S. Viti* nihil quicquam convulsivi concedere velle, contra alios ex Arabibus, quatenus mens istdem alienata tantum videtur, cujus ratione perversus saltandi conatus & appetitus oriatur, nihilominus si fides adhibenda mulieribus illis cum quibus hac de re præcedenti verno tempore sum loquutus, omnino statuo convulsivos hic motus concurrere, præsertim cum affirmarint, quod pluribus septimanis, antequam *Sacellum Sancti Viti* accedant, tensivos omnium artuum dolores, una cum lassitudine spontanea, capitisque gravitate paterentur, in quo statu permanent, eo usque donec accedentes ad consuetum saltationis locum, organum musicum, quod in eorum gratiam pulsatur, audiant, ubi mente magis, magisque perturbata (fortassis concurrente simul imaginationis firmioris, spe sanationis, impressione) saltare cogantur, ut accidat ipsis ferè, quod iis, quos à Tarentulæ morsu læsos dicit *Marthiolus. Gregor. Horstius Observat. & Epistolar. Medicinal. lib. 2.*

Tarentulæ morsui affine est malum, quod *Chorea S. Viti* appellatur, de quo refert Gregorius Horstius, secum mulieribus quibusdam locutum, quæ quotannis *Sacellum S. Viti* quod est in finibus Ulmensium, visitantes, ibidemque saltu cum perturbatione mentis, eousque sese nocte, dieque exercent, donec ecstatarum instar corruant qua ratione sibi restitutæ videntur, ut parùm vel nihil sentiant, per annum integrum, usque ad Maii tempus subsequens, ubi membrorum inquietudine eousque sese torqueri referunt, ut vicissim circa festum *S. Viti* ad prædictum locum, saltationis gratiâ, sese conferre cogantur. *Horst. Epist. Med. sect. 7. de admirandis convulsionibus.*

Profecto usitatum est (prout sæpius observavi) tum viros, tum fœminas, interdum ea membrorum inquietudine, & velut æstro quodam urgeri, ut necesse habuerint; usque ad lassitu-

lassitudinem ambulare, quin etiam saltare, huc illuc discurrere, ut hac ratione graviores molestias, & lipothymias alioquin invasuras evitare possint. Quorum ratio videtur esse, quod spiritus animales, quatenus in toto nervoso genere à copulâ heterogenea incitati, efferi prorsus ac effrænes evadunt: quos quidem ita exerceri, atterique opus est tum ut ipsi perdomentur, tum ut copula explosiva excutiantur. *Thom. Willis de morb. convuls. cap. 7. operum part. 2.*

Tarentulæ ietus, ut inquietudinem, & canis rabidi venenum, aquæ metum, sic inducit, vel perpetuas Choreas, vel indefatigabilem cursum, illa insanix species quam Felix Platerus Viti saltum nuncupat, cujus miserrimi morbi specimen licuit nobis aliquando videre propè Cortracum, modicum Flandriæ oppidulum, in homine verè misero.

Qui dies ac noctes cursitabat, subsultu tam pernici, & agitatione tam perenni, ut præ defatigatione deflueret undiquaque sudoribus, neque tamen propterea, vel tantulum quiesceret, homo volaticus, & irrequetæ huic revolutioni, tam stricte addictus, ut nunquam se dederit ulli quieti, nisi quam invito extorqueret, inevitabilis dormiendi necessitas. *Nicol. Tulp. Observ. lib. 1.*

CILIORVM AFFECTVS.

Vid.

PALPEBRARVM AFFECTVS.

CIRSOCELE.

Vid.

HERNIA.

CLAVVS OCULI.

Vid.

OCULI VITIA.

CLAVVS PEDIS.

Vid.

PEDIS CLAVVS.

CÆLIACA PASSIO.

Vid.

LIENTERIA.

COLICA PASSIO.

Hic morbus tam accuratè à Clar. Willisio describitur ut aliunde nobis non necessarium videatur quod de eo dicendum habemus, mutuari. Sic itaque ille.

Quo jure hunc morbum inter Affectus cerebri, & nervosi generis referimus, in superiori capite innuitur, nempe tum respectu symptomatum præcipuè urgentium, quæ sunt dolor, & motus convulsivi, tum ratione causæ à Carolo Pissone in ἑρπετός (& quidem non improbabili-ter) collocatæ.

De Colica vocabulo, ab intestino Colo (quod in hoc morbo potissimum affici, perperam licet, vulgò supponitur) non litigabimus. Affectus des-

cribi potest quod sit, partium quarundam Abdominis insignis vellicatio, unde dolor valde acutus, cui plerunque vomitio, nec non spasmi, & contractiones viscerum ferè omnium totius ventris adungi solent. Quippe umbilicus, ejusque vicinia modò velut cum perforatione quadam intus retrahuntur, modò cum inflatione, & velut exilitione magnâ extumescunt; intestina, fibrarum motu inverso, sæpe sursum convelluntur: Quapropter alvus summè astricta, parum aut nihil reddit, immo, licet ab enematis crebrò sollicitetur, contenta sua haud faciliè deponit: *Ventriculum cum duodeno, & vesica fellea* pariter convelli, ex vomitu, & copiosâ bilis, flavæ aut viridis rejectione, liquidò constat: Quandoque etiam *ureteres & vesica urinaria* ita contrahuntur, ut toto paroxysmo urina aut supprimatur, aut parcius excernatur: Præterea in *capite vertiginosi affectus* frequenter hujus morbi insultus præcedunt, aut sequuntur: Quinimo Colica ingravescens, & inveterata non raro dolores in membris exterioribus accersit, ac demum in *Paralysin* terminatur: Cum itaque partes ab eâ plures laborare solent, inquirendum erit quæ sit primariò affecta, & cujus ratione reliquæ patiuntur, dein quæ sit morbi *causa conjuncta*, in quo loco subsistat, ac unde originem ducat?

Quoad partem primariò affectam licet morbo urgente tota ventris regio perturbari solet, at tamen ejus sedes primaria collocari debet, ubi dolor potissimum infestat, & pertinacius hæret: Hoc autem, ex Medicorum plurimorum consensu, alicubi in *Colo intestino* esse perhibetur. Quare *Celsus* dicit *Colicam intestini majoris Affectum*; quod etiam ratio nonnihil suadere videtur, nam sive materies morbifica in *cavitatibus intestinorum* congeri, sive in *membranis* illorum penitus defigi supponitur, certè in *Coli plicis*, pro receptaculis ejus profundiores extant cellulae, atque intestini hujus tunica crassiores existunt, in quibus humor peccans altius impingi queat. Verum enim vero hæc opinio (cui non facile assentimur) uti & Affectus denominatio, ex eo tantum Medicorum Scholis increbuisse videtur, quia passim observamus *Intestina* à flatibus, à pharmaco, bile, aliisque forsan humoribus intra cavitates eorum contentis irritata, dolores ac tormina ini- re; hinc ut obvium sit inferre *dolores colicos* tantummodo ab intestinorum, ac imprimis *coli* contentis acrioribus, & irritativis exoriri. Quod tamen ita si haberet, procul dubio quæ ventrem solvunt, atque flatum, & fæces copiosè educunt, certissimum levamen adferrent; ejus contrarium sæpenumero evenit, nempe à catharsi crebriori, aut violenta, morbum istum intendi.

Quamobrem ut morbi hujus sedes, & natura rite innotescat, hic imprimis distinguere oportet, de *ventris torminibus*, sive *doloribus* pro *colicis* vulgò habitis: Isti nimirum aut mere *occasionales* à causâ evidenti solitaria oriuntur, & sine præviâ diathesi hominibus quibuscumque, illique imprimis, qui teneræ constitutionis fibras valdè sensiles, spiritusque citò dissipabiles habent, passim contingunt; ad hunc modum incongrua, vel inassueta epota, vel comesta, item pharmaca, frigoris contractio, pluresque aliæ

circa sex non naturalia alterationes, in visceribus us imi ventris perturbationes insignes, cum doloribus non raro excitant: Cujusmodi tamen affectio non *morbis*, sed tantum *symptoma*, à causâ manifestâ excitatum, censeri debet.

Attamen præterea, *Colica* ita propriè dicta, non tantum à *causa accidentali* producta quibusvis contingit, sed homines nonnullos peculiari ritu prædispositos incessens, omnino à *causa procatartica* sensim maturatâ dependet. *Morbi insulsi* graviores plerumque *periodos* suas habent, atque Aëris, & Anni alterationes observant; porro excitati, remediis non facile cedunt, neque citò pertranseunt; verum non obstante epithematum-usu, aut ventre per enemata aut cathartica copiosè licet subducto, sæpe per plures dies, ac interdum hebdomadas, cum magnâ ferociâ persistunt. *Dolores* in quolibet paroxysmo, eandem usque partem repetunt, & aliorum symptomatum pari ut plurimum syndrome stipantur: Caterum *dolores colici*, licet non eandem in omnibus sedem habeant, sed modò sub *ventriculo*, modò circa *umbilicum*, aut *hypochondria*, quandoque in *hypogastrio*, aut *versus lumbes* maximè deserviant; attamen, quoties in eodem Ægrotante repetunt, eundem sæpissime focum observant.

Pro explicanda hujus morbi *Ætiologia*, non satis erit statuere, *intestina* vel ab acrioribus suis contentis vellicari, vel à sanguine, aliisve humoribus iisdem suffusis, ac continuitatem solventibus, irritari. Nam quoad prius summè improbable est, *bilem*, vel *pituitam*, vel *succum pancreaticum*, aliumve quemcumque humorem aut simplicem, aut cum aliis effervescentem, *dolores* adeò atroces, fixos, & diu perseverantes excitare posse: Præterquam enim quòd *intestina* propria muccagine obnita à contentis, licet acrioribus, non facile pungi, aut exasperari solent, in tantum ut sedes acriores, quæ anum sæpe excoriant, *intestinorum ductus* paritè aut minùs divexent, insuper hæc gravius irritata, quicquid molesti in ipsorum cavitate continetur, facile excutiant, atque sursum vel deorsum propellendo, citò eliminant; prout in *Cholera* morbo, aliisque Affectibus *dysentericis* planè cernitur; neque ulla fere est saburra horum membranas stimulans, inque dolores ciens, quæ una aut altera purgatione foras exterminari non potest. Dein 2. quod spectat ad *sanguinis*, aut *seri* intra *intestinorum tunicas* suffusiones, à quibus *phlogosis* aut *tumores dolorifici* excitantur, revera ita heri interdum concedimus, immò *avroψία* novimus; exinde verò *passionem*, non *Colicam*, sed *Iliacam* excitatam fuisse observavimus. Quippe cum plures ab *Ileo* defunctos aperuerim, *intestini* cujusdam *inflammationem*, aut *sphacelum* ferè in omnibus & morbi, & mortis causam fuisse deprehendi: neque mirum hoc, quoniam in membrana tenera, & maximè sensili magna *solutio continui*, spasmos, & corrugationes dolorificas ita continuas, & atroces ciebat, propterea ut *intestini affecti motus peristalticus*, quo fæces alvi versùs anum provehantur, inhibeatur ac prorsus invertatur.

Cum itaque morbi *Colici*, alijsmodi tum *materies* sive *minera*, tum *sedes* & *affluxionis via* perquirendæ sint; jure merito *liquor nervæus*, ejusque *recrementa* in suspicionem veniunt; eò ma-

gis, quòd *passio* istæ cum alijs *Cerebri*, & *nervosi generis affectibus*, intimum adeò consensum habet, prout supra innuimus. *Carolus Piso* cum plerisque totius corporis affectus, tum insuper *dolores Colicos* à *colluvie serosa* in *capite aggesta excitari statuit*, morbi hujus sedem, nec in *tunicis*, nec *cavitatibus intestinorum*, sed in *Peritoneo* esse, atque *causam* omnino in *cerebro* juxta *nervorum origines* harere, contendit. Nimirum supponit ille (quod ex *observatione Anatomica* compertum ait) *serositates* in *postica cerebri regione depositas*, *nervorum paris vagi capitella* obsidere, proindeque ipsorum *ramos*, & *propagines* quasdam *ultimas peritoneo insertas*, in *spasmos* agere, atque ab hujus *contractione dolores tum in ipso, tum in visceribus substratis atrocissimos*, ac velut *perterebrantes excitari*. In probationem hujus sententiæ exemplum subdit, cujusdam à *paroxysmo Colico* graviore defuncti, & dissecti, in quo *postica capitis regio juxta cerebellum*, & *nervosas paris vagi origines aqua limpida in tantum perfundebatur*, ut *substantia medullosa instar papyri madidi plurimum humectata appareret*. Sect. 4. c. 2.

Verum enimvero, ut *colicam* ex humoris *cerebrum*, & partes *nervosas irrigantis vitio* oriri concedatur, attamen haud isto modo, quem hic Author designavit, pathemata istæ dolorifica excitari putamus. Quippe nec in *peritoneo morbi sedem*, nec intra *crani* *causam* ejus primariam subsistere putamus. Nam quoad hunc, etsi *materies morbifica*, in *capite* juxta *nervorum origines aggesta*, quandoque in partibus longè distitis *motus convulsivos, spasmos, & stupores*, (uti pluribus instantiis, unâ cum affectuum rationibus alibi ostendimus) producat; attamen in *dolore* (qualis solet esse *colicus*) valde atroci multo secus habet. Quippe ad hunc, qui semper à *solutione continui* procedit, excitandum requiritur, ut *causa dolorifica* sive *objectum* improporcionatum ipsi membro affecto, aut saltem ejus parti, aut *portioni* cuidam intigatur: Nec enim sufficit dicere *convulsionem* à *causa remota*, ac inde *dolorem* à *convulsione* procedere: Quippe licet *dolor* sæpe *motus convulsivos*, attamen *hi istum* per se, saltem magnum & diu perseverantem, minimè producant. Quapropter in *dolore colico*, *materies* *fibras sensiles dilatahens*, & ab invicem divellens, proindeque in *corrugationes dolorificas irritans*, haud usque in *cerebro* commorari, verum exinde, per *ductus nerveos* versùs *intestina* descendens, alicubi in eorum *vicinia* juxta partes dolentes congeri, & subinde vel ob plenitudinem sponte turgescens, vel cum alio humore effervescens morbi istius *paroxysmos* inferre videtur.

Mineram verò *colicam* à *peritoneo* rejicimus; quia *membrana* hæc cum admodum tenuis, ac *vasis paucioribus* & tantum *exilibus* donata sit, nec *magnæ humorum affluxionis capax*, neque ipsa, ut convellatur, *viscera substrata* comprimendo, aut contrahendo in *dolores* urgere posse videtur. *Materies* autem *morbifica* à *capite* per *nervos* in *ventrem* lapsa, *nidos* maximè idoneos in *mesenterio* reperiet; in quo scil. *nervi* plurimi, & magni, eorumque *plexus* & *distributiones* valde insignes habentur: Quare, cum pars hæc valde sensilis, & humorum *nervosi generis affluxionibus* plurimum obnoxia fuerit, *morbi colici sedes* merito statuatur.

Motuum quorundam in Abdomine *convulsivorum*, qui vulgò *Hysterici* dicuntur, causas sæpenumero in *plexibus mesentericis* latere olim ostendimus, porro in iisdem locis *dolores colicos* interdum iudos suos habere tunc asseruimus, & ex *observatione Anatomica* satis ratum fecimus. Attamen non eadem, sed nonnihil *diversa materies* est, quæ utrosque ita dispares affectus, sub eodem lare excitare solet. In *passionibus* dictis *hystericis* spiritus animales *copula elastica* onultos, ab invicem elidi, seu velut explodi, proindeque corpora continentia, in motus irregulares, seu præternaturales invité rapere, in *priori tractatu* satis fusè declaravimus: In *doloribus* autem *colicis* iidem spiritus propter materiem iis infestam, & improporcionatam irritati, proindeque ab invicem divulsi, & distracti fibras sensiles in *corrugationes* valde molestas agunt: Quo ritu in *doloribus colicis* hoc fiat, item quæ morbi istius *causa conjuncta*, *procatarxis*, & *symptomatum rationes* fuerint, jam paulo explicatiùs dicemus.

Itaque pro *Affectus colici* seminio sive minerâ, humoris nervei recrementa quædam à cerebro per nervos decidua, inque *mesenterium* aliofque *Abdominis plexus* delapsa, ibidem congeri supponimus; quæ si crassiora, & magis viscosa fuerint, quàm ut per lymphæ ductus excipi, & amandari, aut per v. forum propagines exiles, in cavitates intestinorum excludare possint, in partibus illis stagnantia & sensim coacervata, tandem in plenitudinem irritativam assurgent; dein materies ista stagnatione plus degeneret, & magis infesta evadens, occasionaliter, aut sponte turgescens, vel forsan cum *humore salino fixo* è sanguine illuc suffuso effervescent, nervorum propagines, fibrasque nerveas, quibus innumeris *Mesenterium* scatet, corrugationibus valde molestis, & dolorificis torquebit; cujusmodi illorum affectio, haud planè cessat, donec materies effervescent aut discussa, aut in cavitates intestinorum expressa, aut demum subacta fuerit.

Porro in quantum è *mesenterio* ejusque plexibus propagines fibræque nerveæ in *ventriculi fundum*, *vesicam felleam*, *ductus choledochos*, *intestina omnia*, & quaquaversus in cuncta ferè totius abdominis viscera densissimè protenduntur, idcirco, dum *materies colica* in mineris suis effervescent, tormina, & cruciatus sæpe acerrimos ibidem ciet, unà in partibus plerisque aliis membranosis *spasmi*, & *contractiones convulsivæ* aut *dolorificæ* ubique excitantur. Hinc ob *mesenterium* primariò affectum sub umbilico dolor acerbus, quasi pali affixi, aut terebræ perforantis speciem præ se ferens; dein circumcirca in toto ferè Abdomine, propter *intestina* simul in diversis locis variè diducta, aut retracta, dolores vagi huc illuc excurrunt, atque ob fibrarum motus, tum in his, tum in vasis urinariis perturbatos, aut inversos, alvus ferè semper adstricta est, & urinæ interdum suppressio, aut paucitas succedit: Quin etiam *Duodeno*, *vesica fellea* cum ductibus, atque *ventriculi fundo* spasmò affectis, eorumque fibris sursum tractis, *vomitio* crebra, cum *bilis flavæ* aut *prasina* rejectione copiosâ, durante paroxysmo subindè infestat.

Quod autem nonnulli, ejusmodi *bilem* (quæ

nonnumquam instar *viridelli* intensè *prasina* rejicitur) morbi *causam materiale* esse contendunt; ejusque copiam, & in viscera exudationem *dolores colicos* in *intestinis* excitare: Dico humorem istum circa paroxysmi iuvitia, in *cysti fellea* sine offensâ quavis contineri, postea tamen propter viscerum spasmos inde expressum & quasi emulctum, in *ventriculum* vomitu affectum exantlari; ibidem verò humori alteri forsan acido, occurrens, *colorem viridem*, immo quandoque *atrum* (prout olim observatione Anatomica compertum habui) acquirit. Atque hoc quidem ex eo patet, quod qui temperamenti frigidioris *bilem* minus progignunt dum colicè laborant, *flavi* aut *viridis* parum, aut nihil vomitu rejiciunt; attamen doloribus haud minùs acerbis divexari solent.

In *paroxysmo colico*, doloribus *ventris lumbares* atrocissimi, in imo dorso sævientes sæpenumero adjunguntur: qui certè à nullius *intestini* irritatione oriri possunt. Attamen facile erit concipere, eos à causa morbinica in *mesenterio* constituta excitari: in quantum scilicet nervi quidam insignes *lumbares mesenterii plexum* nerveum maximum ingrediuntur; hinc ut non tantum *spasmi dolorifici* per consensum ab una parte, in *litteram* tradantur; sed probabile in super sit, etiam *dorsi & lumborum* recrementa quædam hoc transitu in *mesenterium* derivari; atque aliquatenus ob hanc rationem, *Scorbuticos* ventris torminibus, & fluori ita plurimum obnoxios fieri.

Hæc de morbi Colici natura, & sede, nec non de *causa conjuncta*, & *symptomatis* ab eadem in actu existente oriundis: Quod ad *procatarxin* spectat in *his duobus* ea potissimum consistit, scilicet *primò* quatenus in liquore nerveo recrementa plura congeruntur; & 2. quòd ea potissimum à nervis, ad viscera imi ventris destinatis excepta, & ad *mesenterium* delata, mineras ibi morbidas constituunt. *Primò* prius horum plerumque *cerebri* culpa, ac vitio contingit: nempe quatenus *hoc* unà cum *liquore nerveo* particulas heterogeneas, & regimini animali infestas intra fines suos admittit; præterea item quòd hæc, aliaque recrementa ordinaria per idoneas cloacas haud statim amandat: Quapropter materies incongrua, cum aliàs à *cerebro* ablegari nequit, in *nervos paris vagi* maximè patientes facillimè irruit. Atque ob hanc rationem est, quòd *sæmine* à quavis *cerebri* inordinatione *diathesin Hystericam* dictam frequenter contrahunt; nempe quatenus recrementa liquoris nervei, sive ex *spasmodica & elastica*, sive *dolorifica, & irritativa* tantum fuerint, in *par vagum* deponi aptiora, symptomata *convulsiva* æquè ac *colica* ita passim excitant. *Secundò*. Quòd materies hæc *nervorum par vagum* incurrens, in *mesenterio*, aut aliis intra Abdomen plexibus deponitur, ratio est, quòd in hos *plexus nerveos* conjugationis istius nervi plures & majores, ferè ultimò terminantur: Quamobrem si humoris nervei recrementa hic quasi in imum subsidencia, nec per vasa quæpiam regeri, nec in cavitates intestinorum transire possunt, necesse erit eadem focos morbidos in hac parte struere.

Causæ evidentes duplicis sunt generis, scilicet *primò* quæ cerebro & generi nervoso injuriæ, *materiæ morbificæ* proventum majorem fa-

ciunt; vel secundò quæ sanguinem, & humores agitando, mineras aggestas, & prius quiescentes exuscitant; inque effervescentias dolorificas cient. Tædio hic esset multiplices, ac diversimodas *ætiologias*, à quibus *dolores colici* in prædispositis accientur, examinare; hos enim & inordinationes magnæ in sex non naturalibus, & aeris & Anni mutationes, ac insuper ipsa à (quibus juvamen expectatur) *pharmaca* intempestivè exhibita, crebrò accersunt.

Ex prædictis morbi hujus *differentiæ* facilè innotescunt. Nam *primò* ratione *causarum* ostendimus, *Colicam* aut *accidentalem*, quæ propter intestina à contentis acrioribus irritata infertur; aut *habitualement*, qualis modò describitur, secundò, ratione *loci affecti* *Colica* modò *superior*, modò *inferior*, modò *lateralis* est, prout materies morbifica aut in mesenterii parte modò hac, modò illà, vel in aliis Abdominis plexibus defigitur. Tertiò, ratione *Ægrotantis temperamenti*, & valetudinarij status, dicitur *colica biliosa*, *pituitosa* aut *atrabilaria*; item vel *simplex*, vel *scorbutica*; non quòd humores isti imaginarij *colicam* per se excitant, sed juxta corporis affecti dispositiones, symptomata variari faciunt.

Quoad *prognosin* satis vulgò innotescit; *Colicam accidentalem*, scilicet à causà evidente solitaria excitatam sæpissime tutam esse, & facili negotio curari; *habitualement* verò & quoad *dialthesin* difficulter admodum eradicari, ita ut paroxysmi non amplius redeant; & ipsos quandoque paroxysmos, non obstantibus remediis peritinales esse, atque per plures dies, immo hebdomadas ac menses interdum persistere.

2. *Dispositio Colica* febribus intermittentibus diuturnis, & continuis malè judicatis frequenter succedit, in quantum scil. liquor nerveus insigniter vitiatus recrementa plura congerit, quæ in Abdominis plexus, quasi receptacula magis patentia altius deponuntur. Porro ob hanc rationem febris epidemica quibusdam Annis increbuit, cui *Colica* velut symptoma pathognomonicum adjungebatur: Hinc pariter *Scorbutus* diuturnus ac ingravescent, quatenus liquorem nerveum pervertit, etiam *Colicam* accersit.

3. Postquam *dolores Colici* aliquandiu in ventre desævierunt, sæpenumero *lumbos*, & dein morbo ingravescente, membra, & musculos ferè omnes in toto corpore incessunt, tandemque non rarò in *paralysin* terminantur; quod certè indicio manifesto est, materiem morbificam non per *arterias*, sed *nervos* deferri, ejusque subjectum si ve sedem, non intestinorum cavitates, aut tunicas, sed mesenterii plexus nerveos esse; nam quod *dolores lumbares* ventris torminibus superveniunt, præterquam quod nervi utriusque loci communicant, tandem insuper in *causa* est, quòd materies morbifica in capite multum aucta, non tantum in *par vagum*, sed etiam in spinalem *medullam* illabitur; quam subiens, ac in imum ejus subsidens, primò in *lumbis*, ac postea nervis plerisque aliis, qui à spinà procedunt, affectis, in membris, & musculis aliis *dolores* exoriri facit; denique nervorum ductibus, à materia morbifica in ipsis ad plenitudinem aggesta, infarctis, *paralysin* infertur.

4. *Colica atrocior*, & plurimum immanis, cujus causa intestini cujusdam *inflammatio*, aut *abscessus* est, *passionem Iliacam* plerumque lethalem inducit.

Methodus Therapeutica, in *Colica*, ut in plerisque morbis intermittentibus, *tres primarias Indicationes* suggerit: Quarum *prima curatoria*, in paroxysmo adhibenda, dolores sedandos, atque morbi accessionem citius, ac facilius tollendam respicit. *Secunda Præservatoria*, quid extra paroxysmum ad morbi causam tollendam, ne paroxysmi sæpius repetant aut gravius infestent, agendum sit, edocet. *Tertia Vitalis*, remedia ad vires inter tormina & diros cruciatus conservandas, & spiritus refocillandos suppeditat. Super his singulis paulò explicatius ordine dicemus.

1. *Indicationem curatoriam* in *Colicà accidentali* ferè solam respicimus; etenim causa evidente, quæ intestinorum à contentis acrioribus irritatio est, remota, dolores ut plurimum sponte cessant, nec recidiva absque simili occasione timeatur. Quare ad hunc morbum citò curandum, praxis apud vulgus, imò quosvis e plebe homines satis idonea innotescit, scil. protenus *Emmata emollientia*, *Topica anodyna*, & *narcotica* exhibere; quibus si febris adsit vel metuatur, *phlebotomia* sæpe cum fructu adjungitur. Horum *formulas*, & utendi ordinem in *Therapeià colica habitualis* modò subdemus.

Itaque pro Affectus hujus *paroxysmo* sanando, *duæ* sunt præcipuæ intentiones; nempe, & *solutio continui* dolorifica tolli, & fibrarum live *spirituum* in iis excandescencia compesci debet. Ratione *prioris* enitendum erit, tum ut mateties minera uni aut pluribus impacta, & effervescens, aut discutiatur, aut subigatur: tum interea ut novæ materiæ affluxus inhibeatur. 2. *Intentio* cui primò, & continuè insistere oportet, per *Anodyna* potissimum & *narcotica* perficitur: Quo ritu, & quibus remediis quæque hæc methodicè peragenda sunt, trademus.

Doloris Colici curatio sæpissime, & satis rectè à clystere incipitur. Hic primò sit tantum leniens, & emolliens, à quo, velut à *foetu interno*, fibrarum corrugationes compesci, & spiritus excandescences demulceri poterunt. In hunc finem *lactepidum*, cum *saccharo*, vel *molloso*, aut *syrupo violaceo*; item *decocta emollientia* ex *Malvâ*, *Alibea*, *Mercuriali*, floribus *Meliloti*, *Sambuci*, cum oleo *Amgdalarum*, vel *olivarum*; item *decoctum ex capite vervecino*, aut *pedibus vitulinis* conveniunt: Interdum *enema* ex mero oleo *Olivæ*, aut *Lini* præ quibuscumque aliis juvare solet.

Quod si *enemata mitiora* non faciliè redduntur, aut ventrem non laxant; quæ magis irritant, atque humores ab Arteriolarum osculis exprimunt, & quasi emungunt, adhibeantur: In quem finem parentur *decocta carminativa*, aut *amara*; in quibus dissolvantur *electuarium Diacatholicon*, vel *baccis Lauci*, aut *species Hieræ*. Item liquoribus istis usitatum est addere *infus. croci metallorum* ℥ iij. vel iv. vel *decocti emollientis* ℥ j. adde *Terebinthinæ Ven. solut. cum vitello ovi* ℥ j. aut ℥ iij.

Vel ℥. *Urinæ sanæ* ℥ j. *Tereb. Ven. sol.* ℥ iij. *molloso* ℥ j. *miscæ*, f. *Enema*. Hoc magnum juvamen sæpius contulisse novi; cujus ratio videtur, quòd *Terebinthinæ* particulæ balsamicæ intestina confortant; ac insuper à sanguine venoso accepta, & cum eo per totum corpus circulatæ, urinas movent, ita ut lotium à tali clystere sæpe copiosius succedat, & semper odorem violaceum reddat. Forsan etiam particulæ *Terebinthinæ* ubique diffusa

diffusæ; materiam morbificam aut stagnantem movent, aut acetosam, aut alias degenerem ad crasim meliorem inclinant.

Dum intestina clysteribus colluuntur ita, ac intus quasi foveantur; Epithemata exteriora etiam Abdomini applicentur.

℥. Folior. Malva utriusque; Mercurialis, Parietaria, an. m. iv. floribus sambuci, chamomeli, meliloti, an. m. j. capui vervecinum discissum. Coquantur in f. q. aquæ font. colatura usurpetur pro fortu, cum stuphis laneis calidissime intinctis, & expressis, atq; vicissim applicatis: repetendo quoties dolores intensius urgebunt: Circa fortis intervalla cataplasma, aut linimentum adhibeatur.

Magma herbarum confuso adde farina Avenacea q. s. f. Cataplasma, quod interpassatim insuatur duobus sacculis figura quadrata pro abdomine obtegendo. Horum unus pro vice effervesat in patina supraprunas ardentes cum oleo lumbricorum, aut Ranarum; imponatur calide, mutando quamprimum frigescente incipit.

Vel ℥. Olei Lumbricorum, aut Ranarum q. s. illinatur pars dolens post fortu: & charta emporetica tenuis eo imbuta applicetur, & gestetur.

Omentum Agninum aut Pulmones, aliave Brutorum viscera calentia Abdomini imposita, & subinde mutata, dolores interdum mire sedant.

Observavi in quibusdam constitutionibus, & temperamentis Epithemata ex calidioribus aut calidiùs applicata dolores exacerbasse potius, quam lenivisse: Quare in his casibus ex re fore videtur, fortis ex solutionibus niri, vel salis Armoniaci, aut aliis liquoribus chymicis, prout in doloribus Arthriticis, quandoque (uti Septalius refert) ex aqua pura pura frigida instituere.

Quod si ventris tormina horum usu non remittunt, hypnoticis utendum erit; quæ scil. iustâ dosi exhibita, inducias sæpe magnas præbent: interim ut vires ac spiritus fatiscientes refici, & contra morbum apparatus adhuc major institui possint.

℥. Laudani liquidi Tartarificati gr. 16. ad 20. detur hora somni, in coch. aq. florum chamomeli superbibendo ejusdem coch. 6. Repetatur noctibus alternis, vel tertiis, si dolores graviter urgebunt.

In constitutione calidiori. ℥. Aq. flor. chamomeli ℥ ij. syrupi de meconio ℥ ss. aq. mirabilis ℥ ij. f. haustus sumendus hora somni.

Interea dum hæc aguntur, pro doloribus sedandis, atque materiâ focus morbidis impactâ aut discutienda, aut saltem laxanda, remedia evacuantia vices suas habeant, nempe tum ut minerâ colica penitus extirpetur; tum ut supplementa sive fomes ejus (ne magis accrescat) præsciundantur. In hos fines vomitio (ubi convenit) atque lenis purgatio; insuper in temperamento calido, ubi febris urget, aut timetur, phlebotomia celebrari debent.

℥. Sulphuris Antimonii gr. 5. ad 7. vel 8. conserve Boraginis ℥ j. detur mane cum regimine. In hoc casu juxta Medici præsentis judicium, aut infusio cruci metallor. vel Mercurii vitæ, Tartarus emeticus Mysichti, expressio foliorum Asari, ac in constitutionibus tenerioribus, sal vitrioli & vinum oxymel scilliticum exhiberi possunt.

Purgantia, ne stomacho laboranti nauseam moveant, in dosi tantum perexiguâ & formâ eleganti exhibeantur.

℥. Resina Jalapii, scammonii an. gr. 5. cremoris

Tartari ℥ j. Cinnamomi pul. gr. 4. f. pulvis, aut redigatur in pilulas vel in Bolum, cum conserva florum Borag. aut Rosar. damascenar.

℥. Scammonii sulphurati ℥ ss. crem. Tart. g. 15. Antim. Diaphoret. ℥ j. f. pul. detur eodem modo.

Si febris non urgeat, exhibeatur dosi pilular: stomach. cum Gummi, aut de Succino vel per se, vel cum resina Jalap.

℥. Pilular. Rudii gr. 25. vel 3 ss. Laudani gr. 1. f. pil. 4. sumantur hora somni. Hæ primo somnum accersunt, & mane purgant.

Vel ℥. Calomelanos ℥ j. resina Jalap. gr. 6. scammon. gr. 4. Ammon. q. s. f. pil. 4. sumantur hora somni. In Colica diuturna, cum remedia quævis alia parum vel nihil juvarunt, sæpius novi medicamentum hoc semel aut bis exhibitum, cum maximo ægrotantis levamine salivationem movisse. Etenim si quando materies morbifica, in plexibus nervis, aliisq; circa Abdomen locis uberius aggesta, & penitus impacta, per alia medicamenta dimoveri nequit; particulâ Mercuriales sese quaquaversus explicantes, eam facile dissolvunt, in minutias dividunt, easque huc illuc variè dispellunt, & tandem prorsus dissipant: Quamobrem in Colica diuturna ac pertinaci, salivationis mitioris ergo, nonnunquam feliciter exhiberi possunt.

Balnea & sudorifica in doloribus colicis passim præscribi solent; attamen, quantum nostræ observationi constitit, rarius cum fausto successu. Quippe hæc sanguinem & humorem nervum exagitando, eos plus adhuc materiæ in mineram colicam deponere, quin & materiam ibi depositam magis efferverescere, & ferocire faciunt, eamque perraro integre discutiant.

Diuretica multo commodius exhiberi solent, à quibus cum sanguis funditur, ejusque serositates copiosè præcipitantur, inde morbi fomes præsciunditur; atque massa sanguinea inanita partem materiæ morbificæ excipit, propterea ut reliquæ ejus facilius discutiantur. In hunc finem.

℥. Sp. Tartari optime rectificati ℥ ss. detur 3 ss. bis vel ter in die in cochlear. j. vel ij. Julapii sequ. superbibendo ejusdem coch. 5.

℥. Aq. folior. Bardana, aut Ari, aut Persicariae ℥ j. aq. flor. Sambuci, Chamomeli an. ℥ iv. aq. Gentiana compos. Raphani compos. ℥ ij. sacchari ℥ iv. misce.

Eodem modo ac spir. Tari. in iusta dosi exhibeantur, modo Tinct. sal. Tart. modo Mixtura simplex, aut sp. salis Armoniaci succinati.

℥. Millepedum præpar. ℥ ij. flor. sal. Armon. tartarificat. ℥ j. olei nucis moschat. ℥ ss. Terebinth. q. s. f. massa, formetur in pilul. sumantur 3. vel 4. semel aut bis in die superbibendo dosin Julapii, vel aq. destill. sequentis coch. v. vel vj.

℥. Millepedum recentium mundatar. ℥ i ss. flaved. 6. Aurant. & 4. Limonior. nuces moschat. num. 6. minutim confectis adde micæ panis albi veteris ℥ j. omnibus simul confectis, & probe mistis asfunde lactis recentis ℥ iv. vini Hispani ℥ ij. destillentur f. art. liquor totus misceatur, & edulcoretur cum saccharo, aut syrupo violaceo, ad placitum.

In Colica diuturna ac pertinaci, cui adsunt temperamentum, ac viscera fervidiora, Acidula purgantes, vel serum lactis cum syrupo violaceo sæpe cum magno juvamine propinari solet: utrique enim liquores, ubi congruunt, copiosius epoti, stomachum, ac intestina æstuantia refrigerant eaque à spasmodis, & corrugationibus dolorificis

contracta, aut flatibus convulsivè extensa statim solvunt, & laxant; insuper, unde potissimum (ut opinor) juvant, *particulas salinas*, alterius indolis, mineræ morbificæ insinuantur alias hujus incolas salinas & irritativas edomant; & subigunt, easque per catharsin excitatam sæpe foras educunt.

In hoc morbo siquidem *omnia omnibus* non conveniunt, imò nec *eadem* semper aut aliquamdiu *eidem* personæ, Medici prudentis observatione sedula, & quotidiano consilio opus est, ut per *coindicaciones à juvantibus*, & *laxantibus* desumptas medendi methodus rectè institui, & subindè variari possit.

II. *Indicatio vitalis*, Curatoria adjungi, & subinde intercalari debet. Quippe cum Ægrotantes torturâ, vigiliis, vomitu, & abstinentiâ ferè continuis affecti, in languores sæpe incidunt, ac de vita interdum periclitantur, *remedia* quæ vires sustentent, spiritus reficiant, & contra morbi ferociam inducias quasdam procurent; nempe *Cardiaca* ac *Hypnotica* vices suas habeant.

℞. Aq. flor. Chamom. Samb. an. ℥iv. Cinnam. hordeata, citri totius an. ℥ij. Margar. pul. 3j. sacchari 3ij. f. Jalapium, capiat subindè coch. 5. vel 6.

℞. Pul. Margarit. oculor. Cancr. an. 3j. dividatur in 4. partes; pars una detur bis, vel ter in die cum Jalapio, vel cum Decocto rad. Contrayervæ.

℞. Conservæ Cariophyll. 3j. Confect. de Hyacinth. Alcher. an. 3ij. Margar. pul. 3i℔. Syrup. è succo citri q. s. f. confect. detur q. nucis Mosch. ter vel quater in die cum Jalapio.

In constitutionibus minùs calldis *sp. C. C. Fuliginis*, *sa. Armon. succin.* item *Tinct. Anim.* aut *Corallii* non rarò egregiè prosunt.

Opiata in morbo Colico necessarij sunt usus, sine quibus nec *ægrotis* vivere, nec *Medicis* ac *ministris* quiescere aut otio quovis frui licebit.

℞. Aq. flor. Paralyseos 3ij. syr. de Meconio 3℔. Aq. Mirabilis 3ij. mis. f. haust. hora somni sumendus.

Si dolores magis intensi, tali remedio non cedent, *Opii preparata*, & *compositiones* exhibere oportet. *Laudanum Paracelsi* aut *Londinense*, *pilula de styrace*, aut *Cynoglossa* conveniunt; *Opii solutio tartaris.* ad gr. 16. vel 20. mihi præcipuo in usu esse solet. Quod sanè pharmacum, quibusdam ab hoc morbo diu ac misère divexatis, interdum longo tempore, noctibus modò singulis, modò alternis cum bono successu exhibui.

3. *Indicatio præservatoria*, in paroxysmorum intervallis tantummodo locum habens, morbi *procatarxin*, proinde ut dolorum insultus, rarò aut nunquam postea redeant, præsentem tollendam, ac futuram inhibendam molitur. Quorum gratiâ *sanguis* & *liquor nervæus*, ne materiam morbificam gignant, depurari ac in crassi debitâ conservari; atque *cerebrum* & *Abdominis plexus nervei*, ne illum promptè nimis suscipiant, corroborari debent. Propter hos fines victus ratione instituta, *Vere* & *Autumno* solennes Medicinæ cursus, cujusmodi *pro Arthritidis prophylaxi* præscripsimus ineantur.

Vomitio, si congruat, in hoc casu nunquam omitteretur; qua nempe *viscerum emunctoria* inanita sanguinis, & liquoris nervei recrementa, secus materiam morbificam auctura; uberius excipiant; insuper, & plexus nervei, partesque omnes excutiantur adeò, ut nihil in mineram morbi cessurum ibidem stagnare, aut aggeri sinatur.

Purgatio per tres, aut quatuor vices, cum debitis intervallis, item in constitutione calidiori *phlebotomia* celebrentur; insuper *remedia alterantia*, ac imprimis *chalybeata*, quando à catharsivacat, horis medicis quotidie sumantur.

Præ cæteris autem quibuscunque remediis *Acidula minerales ferratæ* æstivo tempore per mensem epotæ, juvamen maximum conferre solent: verum cum istæ propinantur, sedulo cavendum est, ut bene, & celeriter per urinam aut sedes reddantur, ne fortè, si in corpore diutius morantur, in caput aut pedes incurrendo (uti crebro assolet) *vertiginem* aut *Podagram* inducant.

℞. Tinct. nost. Chalybis 3j. sumantur gr. 15. ad 20. bis in die in Jalapio sequentis coch. 7.

℞. Aq. folior. Ari. Bardan. an. ℔℔. Lumbr. magist. Gentianæ compos. Pæonia compos. an. 3ij. sacch. 3℔. misce.

Eodem modo *Tinctura Antimonii*, & *succini*, quin & *remedia alterantia* ad affectus *Cephalicos* multa alia superius præscripta, etiam in præservatione à Colica, cujus nempe *procatarxis* à cerebro procedit, hic meritò locum habet.

Quod autem spectat ad *Caroli Pisonis* observationem, qua probare nititur, *Colici doloris* causam omnino in cerebro hæere, eò quod serosa colluvies in capite cujusdam ab eo morbo defuncti reperta fuerit: Dico serum istud in *rynopharynx* aggestum, illius morbi causam remittam & antecedentem, ac minimè conjunctam fuisse. Enimvero probabile est, ab istâ primâ scaturigine seri superflui, & acris, portionem quandam ductu nervoso in *Abdominis plexus nerveos* descendisse, ibidemque affectionis *Colicæ* mineras constituisse. Porro, licet materies morbifica illic prolapsa præ tenuitate partium, & exiguitate nidorum rarò oculis conspiciatur, attamen talem hujus morbi inveterati, & atrocioris facti mineram. non ita pridem *famina illustris*, cujus alibi facta est cadaver aperiens, in mesenterio planè vidi, & palpavi.

Hæc *Thomas Villis* de morb. ad anim. corpor. pertinentibus tractatu. Iam adducimus *Curationes*, *Consultationes*, *Observationes* & *Anatomicas inspectiones* ex aliis variis.

Curationes

A dolore sumitur indicatio, cum adeo vehemens est, ut tantisper neglectâ causâ, curationem ad se pertrahat. Propriè enim symptomata curationem non requirunt, nisi rationem causæ majoris mali habeant. Quare si dolor auctus tantus fuerit, ut secum maximi periculi metum apportet, posthabita curandi lege, protinus sedandus est & mitigandus.

Tripliciter autem dolor aufertur. Primò iis, quæ causam doloris tollunt, eiq; contraria sunt. Sic dolor à frigore tollitur, calidis, & contra: Secundo anodynis, quæ paregorica dicta, propriè doloris causam demulcent. Hæc enim gradui nostri caloris similia causam mitigant; concoquunt, & æquabilem reddunt, leviterque rarefaciunt. Tertiò narcoticis dolor aufertur, hæc enim quia sensum partis solent, dolorem non percipi efficiunt, cum pars sensu privata non doleat. Verum propriè causam doloris non tollunt, nisi fortè per somnum quem inducunt, ea miti-

mitigetur & concòquatur. Si dolor itaque vehementissime urget, Narcoticum, si non adeo vehementer, anodynum saltem indicat, si per os, si per clysterem, & suppositorium sumendum.

In usu verò horum observandum est. Primò nè usum horum differamus, donec vires labefcentes prorsus deficiant. Secundo quod commodius & tutius usurpentur in doloribus à causa calida, quàm frigida; Tertio, quòd tutior sit usus compositorum, quàm simplicium.

Ad morbum ipsum siue doloris causam quod attinet, si sit nuda intemperies, quod tamen in hoc casu raro vel nunquam usu venit, vel si accidat, non diu tamen sola immaterialis subsistit, per contraria est alteranda: si cum materia, quæ quantitate peccet, evacuetur, ut si sint flatus, discutiantur, si bilis, pituita, vel alius p. n. humor evacuetur.

Hic autem considerandum, an causa doloris essentialiter in colo generationem habeat, an vero aliunde communicetur, & fomentum suum accipiat; siue illud sit intrinsecus, siue extrinsecus, à causis externis ortum, cui prius prospiciendum est.

Et si igitur dolor hic, pro varietate causæ varia & diversa, imò quandoque contraria exposcat præsidia, tamen in genere notandum est, quod semper in hoc casu plurimum conducatur, ut alvus sit aperta: deinde, ut medicamenta potius per clysterem injiciantur, quàm per os exhibeantur: tertio ut nulla medicamentum per os dentur aut extrinsecus adhibeantur antè alui apertionem.

Quando itaque à pituita crassa & viscida ortum ducit, tum prima indicatio est diminuire illum humorem ex parte affectâ leniter purgantibus, idque per locum, quo natura sua maxime vergit humor, per alvum videlicet, quod Hiera simplici vel sola, vel cum Terebinthina commixta, additis paregoricis dictis perficitur vel per vomitum, quod decocto alterato cum anetho, aniso, addito oxymelle vel simplici vel squillitico præstari poterit.

Quo facto, secunda indicatio docet pituitam crassam ac viscidam fundere, eliquare, & hac ratione ad expurgationem præparare, ad flatum denique crassos simul respicere, cavendo, illa, quæ nimium calefaciunt.

Postea ad validiora purgantia progrediendum, ita tamen, nè vehementium purgantium attractione ad locum affectum, materia morbifica augeatur, præsertim in principio. Quapropter tutius est, ut vicibus mediocriter purgantia propineuntur, quàm unâ vice vehementia, cavendo tamen Rhabarbarum & Myrobalanos ob astringentem, quam possident, facultatem. Senam & Cassiam, ob flatulentiam quam gignere solent.

Sunt autem mediocriter purgantia, infusum seu decoctum Agarici, Mechoacanna, Elect. Diaphanum, Diacarthami, vel Elephochoph dissolvenda in decocto accommodato, & additis oleis infundenda, vel sine his per os assumenda, uti & jus galli antiqui cum agarico, sem. Carthami, & seminibus carminativis præparatum.

Expurgatâ materiâ etiam calefacientibus,

& attenuantibus, & discutientibus uti possumus, quibus admisceri possunt Chynica, ut spiritus salis nitri spagyricè præparatus, qui omnibus scopis dictis satisfacit, spiritus terebinthinæ extracta quoque & olea, ut vis medicamentorum magis ad intimiores intestini partes penetret, in quem finem etiam propinantur theriaca, Mithridatium, aquæ theriacales, aliæque aquæ compositæ, quibus sudor una etiam elicitur, quem haud inutilem tunc judicamus.

Extrinsecus profunt fotus calidi & sicci ex furfure & milio, sacculi, inunctiones ex oleo smegmatis ol. anethino, chamomel. quibus penetrationis causâ guttulæ aliquot aliorum destillatorum oleorum admisceri possunt. Solemus etiam lapides interdum quosdam calefactos, & linteo involutos admoveere loco affecto: Balneum etiam & infusus ex simplicibus accommodatis tunc temporis utiliter usurpari possunt.

Si ex flatu affectus suboritur, discutienda imprimis indicantur, tam intus assumenda, quàm exterius applicanda. Inter assumenda sunt rotulæ variae, ut Diacyminum, Diacalamment. Aromaticum rosat. Rotulæ factæ cum oleo succini anisi, & fœniculi, Zedoariæ aq. stillatitia ex cinamomo, vinum hippocraticum dictum: præterea magnæ antidoti, ut theriaca, mithridatium. Extrinsecus paranda sunt fomenta, sacculi &c. ex milio, sale tosto, floribus chamom. seminibus fœnugræci, fol. lauri, rutæ &c. additis gutt. aliquot oleorum stillatitiorum penetrationis causâ.

Valet quoque in hoc casu remedium à Galeno celebratum lib. 12. meth. med. c. ult. materiâ flatutim prius subtractâ, cucurbitula scilicet magna umbilico imposita, nec spernendum est consilium ejusdem Galeni, ut scilicet in doloribus præsentibus cingulo constringantur partes abdominis.

At si dolor proficiatur ex biliosis & acris humoribus, tunc humores illi statim detergendi & expurgandi sunt iis, quæ bilem respiciunt, ut vomitoriis ex aqua hordei cum oleo: dejectoriis per os adhibitis ex Rhabarb. syr. infusion. rosar. aut violar. elect. diaprun. solut. pil. ex aloë, &c. per clysterem; ex decoct. malvæ, violariæ, parietariæ, sem. lini, cum elect. hieræ simpl. elect. diaprun. & diasebestem sine diagridio præparatis. Extrinsecus vero usurpetur oleum rosatum cum mucilagine sem. lini Balneum aquæ dulcis.

Si vero dolor ex phlegmone seu inflammatione fiat, tum, si inflammatio sit supra umbilicum, secunda est vena in cubito: si infra umbilicum, ut urina intercipiatur, ex Paulo secetur vena malleoli. Clysteres, & refrigerantes & laxantes quales commodil. sunt ex decocto hordei, lacte, sero cum saccharo rubro & ol. violaceo &c. maxime hic conveniunt. Pariter quæ per os assumuntur sint refrigerantia. Exterius vero in initio locus affectus inungatur oleo rosato completo cum vitello ovi, postea ol. amygdal. dulc. & chamomel. astrictoriis in hoc casu Gal. l. n. meth. med. c. 16. dicit opus non esse, nisi fortè affectus cum fluxione sit.

Denique si dolor Colicus à duris & diu retentis excrementis suboritur, primum hæc

emollire oportet, & clysteribus injectis ex oleo, & assumpto mulso, oleo, balneo, item aquæ dulcis cum simplicibus humectantibus eorumque oleis præparato. Postea vero propinandum medicamentum validum quod emollitas jam fœces possit deturbare. Possunt etiam addi, quæ vermes necant, medicamenta, si videlicet illos adesse suspicio sit.

Quod si hæc valida non proficiant, confugiendum est ad illud auxilium propositum ab Hippocr. lib. 4. de morb. & acceptum ab Amato Lusitano cent. 4. curat. 89. ut folle fabrili inflentur intestina patientis, ut ex hac inflatione separentur fœces ab intestinis: quo facto statim injiciendus est clyster fortis, cui admiscendum salis gemmæ aliquid, quod ut testatur Forellus, peculiari vi dura stercora dissolvit, ægerque in balneum prædictum locandus.

Interim quoque non negligenda sunt medicamenta ea, quæ peculiari proprietate juvare creduntur, qualia sunt intestina lupi præparata, & in vino ad 3j. epota. Item stercus ejusdem, quod Gilbertus sapissime cum successu se probasse testatur, cruribus tantum aut pectini alligatum, avis galerita quæ (teste Galen. lib. 2. de simpl. med. fac. cap. proprio, & Aëtio. 9. cap. 31.) pulverisata idem præstat. Cornu cervi præparatum, umbilicus infantis nuper nati, exsiccati & pulverisati, stercus bubulum exsiccatum aut succus illius, aut aqua ejus per alembicum destillata. Verum his & similibus experimentis ita fidendum esse putamus; ut semper auxiliis illis potius utamur, quibus præter experientiam ratio quoque manifestior suffragatur, quale est vinum malvaticum cum aliquot gutt. vel spir. Terebinth. exhibitum ol. nucis moschatæ expressum, amygdalar. dulcium &c.

Quod restat, omnibus his compar victus ratio instituenda est; siquidem hanc negligere, vel perspectam non habere calamitatis plena res est secundum Hippocr. 6. epidem. sect. 8. part. 48.

Tota itaque ad calidum magis & siccum vergat, quam ad frigidum & humidum, aeris itaque humiditas & frigiditas vitetur.

Cibi sint optimi succi & paucorum superfluitatum. Laudantur itaque volucres omnis generis, præcipue sylvestres, & galerita, gallinæ, capones &c. à carnibus bubulis, suillis, anserinīs; anatum & omnium palustrium, piscium item summe est cavendum ab omni olerum genere abstinendum, præterquam à fœniculo, melissa, mentha, salvia petroselino, majorana, quibuscum cibi condiri possunt.

Pro potu, si causæ calidæ (quod etiam in aliis præsupponimus, quia omissis reliquis causis raris, potissimum diatam, proponimus, quæ in colicâ à pituitâ & flatibus oborta tanquam frequentissima, servanda est) absint, vinum convenit generosum album, absynthite, & Hippocraticum dictum: cerevisia, absynthite, cum calamo aromatico, & Baccis Lauri præparata.

Exercitium corporis valde ante cibum sumptum prodest, contra vero à cibo nocet.

Animi perturbationes, cujusmodi sint arceat, excretionem alvi quotidie ut respondeant, laborandum esse, ante jam dixi, & qui concitantur sint monstravi; Quare finem hic facio, me-

liora monstrantibus cedere paratissimus. *Joan. Harthm. disput. chymic. Medic. 15. in 4. parte suorum operum.*

Curatio hujus affectus pro varietate causarum varia instituenda est.

Ac primum flatulentia & pituitosa eadem curatio adhibenda est, quæ incipit à clystere emolliente, cui postmodum succedat carminans & discutiens (qualis in dolore ventriculi à simili causâ descriptus est) qui reiterandus est eadem die bis, ter, quater, donec dolor dispereat. Si tamen uno aut altero clystere alvus non deponat, ut interdum contingit, acri suppositorio sollicitanda est. In uno autem prædictorum, clysterum utiliter admiscuntur, aquæ benedictæ 3iv

Vel colocynthidis 3ij. vel iij. in clystere emolliente & carminante decoquuntur. Si clysteres dolorem non solvant, in iis pertinaciter insistendum non est, sed satius est levi aliquo medicamento uti. Observatum est, cum æger quidam triginta clysteres sine fructu accepisset, alium medicum manna 3i ss. cum ol. amygd. dulc. 3ij. in juscule gallinæ pingui exhibuisse, & ægrum à dolore liberasse. In dolore tamen qui fit à pituita crassa, fortiora medicamenta exhibenda.

Postea verò fomenta, inunctiones, balnea, emplastra, aliaque remedia, convenient, quæ in dicta doloris ventriculi curatione supra proposita sunt. Quibus addenda sunt specifica nonnulla, huic affectui maxime proficua.

Intestina lupi vino albo abluantur, postea in furno exsiccantur, in vase terreo, donec in pulverem reduci queant. Hujus pulveris capiat æger drac. i. cum vino albo: subito dolorem sedat.

Aqua simplex bulliat, eique ferventi adde ol. commun. quartam partem & grana aliquot piperis crassiuscule nitri; capiat æger cochl. iij. vel iv. calidè quantum fere poterit, sedatur dolor ferè in momento.

℞. Aloës opt. drach. j. laudani opiat gr. iv. diagrydii gr. vj. Misce formentur pilula vj. deaurata, capiat æger horâ commodâ, dolorem post horam sedant, & postea humores noxios evacuant. His etiam pilulis substitui potest medicamentum ex diaphanico & philonio Romano, in dolore ventriculi descriptum. Hipp. lib. 6. de internis affectibus proponit purgationem ex peplio, & meconio. Olei amygdal. dulci. aut amarar. recentis 3vj. exhibitæ dolorem demulcent & materiam intestinis adhaerentem per inferiora deturbant. Cum sequentibus etiam mixtum utilissimum est.

℞. Ol. amygdal. dulc. vel alterius pro pauperibus, 3iv. vini generosi 3j. sem. syrupi de papav. 3j. misce fiat potio.

Cum manna etiam exhibitum oleum amygd. dulcium in juscule pingui, ut supra dictum est, dolorem lenit, & materiam peccantem evacuat.

Semen ameos pulverat. cum vino exhibit. ad 3j. urgente dolore eum subito sistit, & secundâ exhibitione morbum plerumque aufert admovento simul cataplasma ex terebinth. 3iij. stuppis exceptum, sinapifatum piperis, & sang. draco. subtiliss. pulverat. an. 3j.

Galbanetum Paracelsi humori discutiendo idoneum est, si totus venter eo illinatur, illius descriptio à Cratone talis proponitur.

℞. Gummi Elemi, hederæ, galbani, ol. laurini, ana partes æquales. Distillantur in arena per

per retortam; servantur seorsim, primum aqua: deinde ol. clarum, tertio ol. crassum instar mellis, quo inprimis utendum est.

℞. Calami Aromat. ʒj. galangæ ʒiij. flavedinis exterioris corticis arantior. ʒiv. cinam. electi, sem. anisi & fœniculi, ana drach. iij. cumini drach. vi. baccar. juniperi recent. ʒss. baccar. lauri drach. iij. pulverentur subtilissime, & infundantur in vini malvat. opt. lb iij. stent in infusione in loco calido per vi. dies. Postea distillantur in balneo mariæ. Dosis ʒj. præmissis evacuationibus.

Ventri admoveatur utiliter gummi caragna, & tacamahaca, & prius cucurbitula magna umbilico affigatur.

Etiamsi emplastra prædicta ventri non admoveantur, omittenda tamen non est cucurbitula umbilico admota, quæ ipso Galeno teste dolorem à flatibus excitatum discutit instar incantamenti.

Si affectus sit diuturnior, decocto guajaci per multos dies continuato faciliter curari poterit, purgando per intervalla, & clysteres frequenter injiciendo. At si cholicus dolor fiat à pituita vitrea, decoquatur guajacum cum vino, quemadmodum usurpavit Amat. Lusit. cum fœlici successu *Curat. 32. Cent. i.*

Sedato dolore apozema pituitam evacuant præscribendum est, quo reliquæ omnes educantur; vel ejus loco decoctum galli veteris cum incidentibus, attenuantibus, & catharticeis compositum. Vel Julepus efficacissimus in colica ventriculi descriptus.

Colica biliosa curatur clysteribus emollientibus, & acrimoniam humorum temperantibus.

Foveatur venter decocto emolliente & anodyno, aut quod melius erit, paretur semicupium ex eodem decocto.

Conveniet etiam cataplasma infimo ventri ex farina hordei, & sem. lini coctis in ol. chamæmel.

Tum etiam epithema refrigerans hepatis regioni admotum, in hunc modum compositum.

℞. Succu endiviæ, & cichorii ana lb ss. succu lactucæ, & aceti rosac. ana ʒij. misce fiat Epithema.

Julepi exhibeantur ex aquis papav. rhœad. lactucæ, endiviæ, acetosa, cum syrup. violac. de pomis & de limonibus.

Si doloris atrocitas urgeat, ad narcotica confugiendum erit.

Mitigato aliquantulum dolore, expressio Rhei in aqua cichorii, cum syrupo rosaceo exhibenda erit, & frequenter repetenda, donec tota humorum saburra evacuata fuerit.

Si purgatio ista benignior morbo eradican- do non sufficiat, confugiendum est ad mercurium dulcem, qui aliquoties exhibitus cum purgantibus diagrydiatis curationem absolvit. Quibus suspectum est diagrydium, solus exhibeatur mercurius dulcis, in pilulam efformatus, cum conferua rosarum, superhausta infusione sennæ, & rhab. addita manna, & syrupo rosaceo.

Postea utiliter usurpantur aquæ acidulæ, & vitriolatæ.

Sæviente dolore ad balneum, & laudanum

confugiendum est, cui aliquando purgantia misceri poterunt, sed majori dosi, quæ eorum vis retunditur à laudano: Galbanetum Paracelli, quamvis calidum ad humorem discutien- dum idoneum est, si totus venter eo illinatur, illius descriptio supra proposita est.

Phlebotomia in hac colicæ specie aliquando convenit, cum metus est, ne caloris vehementia sanguis incalescat, febrisque generetur. Si vero febris adfuerit, statim celebranda est.

Urgente admodum siti, aqua frigida exhibenda est, docente Galen. lib. 12. meth. cap. 7. ejusque usu testatur Amat. Lusit. se talem dolo- rem subito, incantamenti instar, sustulisse; eadem se usum feliciter tum sumpta tum admota, testa- tur Septalius duabus historiis lib. 7. animad- versionum practicarum descriptis.

Ad colici doloris, qui in paralyfim degene- rat, curationem, alvo variis clysteribus solutâ, priusque viis cathartico apertis, demittatur æger in balneum tepidum, ex decocto emollien- tium paratum, bis, ter, quater, quinquies in die, ut acrimonia humoris temperetur, ac pori membranarum aperiuntur. Postero die cathar- tico accommodato humor ille purgetur. Dein- de repetatur balneum. Idque alternis diebus faciendum, si vires ægri ferre queant, donec ex purgatis humoribus, & sedato dolore, æger in tuto sit.

Interim clysteres continuentur; præsertim qui ex lacte parantur, ad dolorem demulcen- dum utilissimi sunt, quibus cassia ol. violaceum, & liliorum admisceri poterunt.

Venter ol. chamæmel. anethino, amygdal. dulc. lilior. cum butyro frequenter inungatur.

His seri lactis, & acidularum usus tandem subjiatur.

Ac denique affectû in longitudinem abeunte, ea quæ in melancholiæ hypochondriacæ cura- tione relata sunt, hic aptari poterunt.

Neque omittenda est ab ipso morbi initio, phlebotomia, eaque purgationi præmittenda, ac sæpe iteranda, si sanguis pravâ qualitate in- fectus appareat, aut si dolor rheumatismi par- ticeps esse videatur.

Denique omnia remedia, quæ in colica bilio- sa proposita sunt, hic etiam aptari poterunt. Quibus non conferentibus, nonnulli Medici confugiunt ad potionem sequentem quam licet sordidam & delicatorum hominum ore indi- gnâ exhibent, & dolorem statim mitigare as- firmant.

℞. Stercoris Equini ʒj. minutim dividatur, & infundatur in lbj. aquæ papav. rhœad. in qua spiritus vini guttæ viii. vel x. dissolutæ fuerint colentur cum expressione levi, & dividantur in tres doses satis amplas, sumendas horis exacer- bationis doloris.

Si vero affectus in paralyfim degeneret, le- nienda est spina dorsi, & partes paralyticæ bal- samo resolvente, & nervos roborante, modo febris absuerit. Si enim adsit, lana succida oleo, aut unguento digerente imbuta, partibus para- lyticis alligatur, cavendo diligenter frigus, quo humor partibus impingitur, illiusque diffusio impeditur.

Galbanetum Paracelsi hic præcipuè confert, si partibus prædictis, tum etiam umbilico ad- moveatur. *Lazar. Riverius Prax. Med. lib. 10.*

Cum

Cum singula hujus affectus Phænomena eum ab acri aliquo siue humore siue habitu è massa sanguinea in intestina excusso, nasci aperte doceant, indicatio curativa primaria mihi hæc est, ut scilicet evacuetur dictus humor, tam antecedens in venis, quam continens in visceribus conclusus; altera verò ab hac, ut Anodynorum usû & compescatur humorum eo tendentium impetus, & mitigetur immitissimus dolor.

Sanguinem itaque à brachii venis paulo liberalius educi (si nempe id fuerit hactenus intentatum) & post horas 3. vel 4. Anodynum exhiberi curo. Postero die catharticum aliquod lenitivum præscribo, interposito die uno repetendum, ad tertiam etiam nonnunquam vicem, prout humoris reliquæ plures mihi videntur, aut pauciores. Observandum est autem, quòd si malum hoc, siue fructibus horariis nimis avidè ingestis, siue alii cibo cuiunque *διεπνεύται* originem suam debeat, unde scilicet succi pravi corruptique primum in sanguinem transmittantur, atque ex eodem postliminio in viscera, rebus inquam obstantibus, ventriculus ante omnia eluendus est lacte cerevisiato affatim hausto, & per vomitum rejecto, quo exantlato Anodynum propinandum est, sequenti autem die primum venæsecanda, & in cæteris eo quem jam docuimus ordine, procedendum.

At verò cum & doloris vehementia, & vomituritio, ob quam intestina ad inversionem quasi feruntur, cathartorum operationi obstant, intendendæ sunt eorundem vires, neque leo subere excipiendus. Frustra enim mitius catharticum exhibueris, nisi fortè æger alvo sit facilè solubili, quod diligenter inquirendum est: Cum enim hujusmodi medicamen viam sibi facere per intestinorum canales non valeat, æger ab eo læditur magis, dum scilicet ab ejusdem inefficaci agitatione & vomitus & dolor augentur. Potio cathartica lenitiva ex infusione Tamarind. fol. senn. & Rhei in qua dissolvi possunt Manna & syr. Rosaceus, cathartici aliis anteferenda, cum humores minus exagitet, & commoveat: cum tamen siue ob ægri aversionem medicamenti formæ liquidioris, siue vomituritionum in ventriculo retineri vix queat, Pilulæ necessario in subsidium vocandæ, inter quas Cochix mihi præ cæteris semper placuere, utpotè certissimo pede quam cœperunt viam insistentes, tum in hoc casû, tum aliis plerisque. Ubi vero tanta est siue ventriculi debilitas, siue etiam vomituritio, ut nec pilulæ possint detineri, ibi remedium primo Anodynum impero, & paucis horis elapsis Catharticum eo temporis spatio interjecto, ut Catharticum à Narcotico tanto distet intervallo, ut ab eo non vincatur, & pereat, eas autem in ventriculo moras trahat, quæ ad virtutem purgativam eidem communicandam sufficiant, ut suam demum exerat operationem, cessante altero. Licet Catharticum, modò id possit fieri, diu post Anodynum rectissimè propinatur, cum etiam ad horas duodecim ab hoc assumpto, alvus isti ægrius respondeat, atque non nisi operosius solvatur.

Cum autem hic, uti in aliis plerisque mor-

bis in quibus indicantur Narcotica, Catharticum semper dolorem intendat (saltem huiusmodi operatione, quæ quidem urgente mitius nonnunquam cum ægro agitur) idcirco solenne mihi est Anodynum ingerere, ubi primum expiravit Cathartici *ἐνέργεια*. Quale quidem manè etiam & serò quotidie hauriendum impero, spatio scilicet omni inter purgationes medio, quo certius dolorem consopiam donec Catharsis debite fuerit celebrata.

Peractâ Catharsi humorum *ἐργασίαν* compescere (quod jam solum restat agendum) Anodyno manè & vesperi jugiter exhibito, contendendo: quod etiam sæpius aliquando est repetendum: nec unquam mihi contrigit, dolores vehementiores sedare posse nisi dosi largiori & reiterata; quæ enim alteri malo debellando par esset, ab hoc vincitur, violentiâ doloris remedii vires frangente. Tutissime autem repetuntur Narcotica urgente hujusmodi dolore, non item ubi ille desierit. Quamobrem doloris indicium secutus Narcoticum repeto, donec vel cessaverit ille vel admodum fuerit mitigatus; eo nihilominus interjecto temporis spatio, ita compertum mihi sit, quid à dosi precedente sperari debeat antequam alteram superaddam. Plerumque verò, nisi ubi summè viget dolor, Paregoricum manè & serò exhibitum sufficiet. Anodynum mihi familiare Laudanum istud liquidum est supra descriptum, cujus guttæ xvi. in aqua Cardiaca stillatitia solvuntur, vel augetur dosi pro doloris magnitudine.

Simplicissima hæc methodus, quæ primum humor peccans venæ-sectione, & purgatione evacuat, deinde Narcoticorum ope conciliatur quies, semper mihi felicissimè cessit præ aliis quæ mihi hactenus innotuere omnibus. Cum enemata carminantia, eo fine injecta ut humores acres exterminent, crabrones irritent tantum, & concitato humorum tumultu diuturniorem reddant morbum. Hic autem imprimis animadverti volo, quòd licet tam Phlebotomiam quam catharsin huic sedandi methodo necessario esse præmittendam affirmavero, nonnunquam tamen, re ita postulante, ea utrâque omisâ à Paregoricis ordiendâ tela est. Exempli gratiâ, ubi ob prægressam ægri tudinem aliquam evacuationes copiosiores non ita diu ante colicæ adventum institutæ fuerint, (non raro enim ob viscerum debilitatem, maxime si accedat major caloris gradus à vino, vel spirituosio liquore alio immodice hausto, qui nuper ab alio convalescere morbo in hunc præcipitantur) hoc inquam in casû non modò non necessarium, sed & noxium esse censeo, alia insuper adjiciendo Cathartica novos excitare tumultus atque omnia denuo perturbare; illud jam taceo, quòd in hoc affectu æger ut plurimum prius quam consulatur Medicus, repetito enematum usû intestina satis proluit, ita ut partim hæc de causâ, partim ob diuturniorem morbi moram Narcotica fere sola in usum videantur reuocanda.

Mense Augusto 1671. Nobilissimus Dominus Baro Annesly colicâ biliosâ laborans cum cruciatu intolerabili, & frequenti vomituritione jam ab aliquot diebus, ad castellum de

de Belvoir accersiri me iussit; nullum non enematum genus, atque alia insuper remedia à Medicis Doctissimis, experientissimisque eo locorum degentibus præscripta jam tentaverat. Ego nullis usus ambagibus, repetitum narcoticorum usum ad normam jam traditam suasi, quorum ope prope diem convaleuit, & mecum ad urbem sanus rediit.

Quandoquidem autem dolor hic præ cæteris quibusque ex sua natura recidivus sit, omnis ei revertendi ansa Anodyno bis quotidie ad aliquot dies exhibitio præciudenda est. Quod si, quoties intermittitur Narcoticum, dolor subinde recrudescat (ut nonnunquam fit) nihil à me hæcenus excogitati potuit quod ad persanandum ægrum ita certo faceret atque equitatio vel in currum vectio, quo longiora itinera contulit debueret; Anodyno interim manè & serò indefinenter propinato; huiusmodi enim exercitiis materia morbum committens in corporis habitum deducitur, & sanguis perpetua agitatione comminutus de novo quasi depuratur, ipsaque demum intestina caloris nativi excitatione haud parùm corroborantur ac refocillantur. Nec pudet fateri, me dicto exercitio in partes adscito morbum hunc, cui alio quovis modo devincendo par non fui, plus semel penitus expulisse. Neque verò illud tentandum est, nisi post evacuationes debitas sufficienter celebratas, neque ab eo nisi post dies aliquamultos desistendum. Pauper quidam mihi vicinus, qui & adhuc est superstes, colica biliosa vehementissima per hos annos liberavit, quàm catharticeis, clysteribus, globulisque plumbeis devoratis expugnare diu sed frustra erat conatus. Hic ego ad frequentem Narcoticorum usum confugi, neque pœnitendâ operâ, quamdiu enim ista repeterentur, satis recte habuit, sed cùm his palli retur tantum malum, non extirparetur, (revertebatur enim ut primum erat exhausta Narcoticorum vis) ego hominis misertus & gravi morbo, & re angusta afflictissimi, equum ex meis commodavi, quo iter dicto jam modo peragendum aggrediretur, eoque ad dies pauculos continuo, viscera eas vires recipere, ut morbi reliquiis excutiendis paria jam essent, & sine Anodynorum præsidio omnino convalesceret.

Et ut quod res est loquar, non in hoc tantum casu, sed in morbis aliis chronicis quàm pluribus, hoc exercitii genus nunquam non cum uberrimò fructu usurpatum memini, modò quis in illo improbius perseveraret. Si enim nobiscum reputemus ventrem inferiorem, in quo disponuntur organa secretiora, hoc maxime exercitio vibrari, eaque succussionibus aliquot mille uno in die exagitari solere, facile credemus, eadem succum quemlibet recrementitium ibi impactum ope dicti exercitii posse excutere, & (quod majoris adhuc est momenti) validiori ista caloris nativi excitatione ita corroborari, ut munere quod iis mandavit natura in sanguine depurando recte defungantur.

Diatam si junior fuerit æger, & calidioris temperamenti, refrigerantem atque incrassantem impero, puta hordei cremorem, Panatellam &c. & tertio quoque die si latret adhuc

stomachus, pullum teneriorem, merulamve piscem coctum; Potum non alium concedo quàm cerevisiam tenuem, mitemque, vel lac cum aqua coctum: neque ulterius quicquam indulgeo, nisi equitatio ad reintegrandam sanitatem necessaria, pleniorum victum & generosiorem postulet liquorem, quibus rependantur spirituum exercitio exhaustiorum divina.

Quinimò observatione constat, quod ubi hic morbus minus perite tractatus diutissime fatigaverit, ita ut viscera elanguerent, atque æger extremam jam macie atque debilitate tantum non esset confectus, in hoc inquam casu, liberalior sive aquæ epidemica, sive mirabilis, sive aliis demum cujuscunque qua sanus maxime delectabatur, usus, hoc tempore eundem ultra spem omnem juverit, hujus enim ope paucissima ista caloris nativi spirituumque reliquia excitabantur, & fermentum præternaturale visceribus adhærens, & novis paroxysmis fomitem subinde ministrans, à liquoribus magis spirituosus exstinguebatur.

Porro ut in morbi curatione, ita etiam & eodem jam depulso, diætâ illa tenuis, de qua diximus, adhuc aliquamdiu est observanda, cum enim morbus hic recidivam præ aliis omnibus affectet, atque insuper sedem sibi delegerit præcipua coctionis instrumenta (viscera intelligo, jam ab eodem infirmata) vel levissimus hujus generis error malum haud leve confestim apportabit. Quocirca tam in hoc quàm in cæteris omnibus viscerum affectibus cibi *διετηταί* cane peius & angue sunt vitandi, & qui conceduntur *εὐπαραί*, eâ tantum quantitate sumendi, quæ ad vitam sustinendam possit sufficere.

Fœminarum nonnullas vexat affectus hysterici species quædam, colicam biliosam ita ad linguam referens, tam doloris acerbitate, quàm situ, tum etiam humoribus coloris flavi, viridisque vomitu rejectis, ut mihi obiter tractanda veniat, ne à quopiam pro jam dicto morbo hæc habeatur.

Quæ habitu corporis laxo, crudoque sunt mulieres cum hoc malo præ cæteris constrictantur, quæque alio aliquo affectu hysterico jam pridem laboravere; aut (quod sæpenumero fieri solet) quæ à partu difficili ac laborioso ob natum infantem grandiusculum, qui vires & naturam matronas nimis exhaustit, vix evasere. Regionem ventriculi, nonnunquam & paulò inferiorem, dolor haud mitior quàm in passione colica, iliacæve primum oblidet, quem vomitiones sequuntur enormes, nunc viridis materia, nunc verò flava.

His accedit, (quod sæpè observavi) major animi dejectio, desperatioque quàm in morbo alio quocumque. Post diem unum alterumve cessat dolor, qui post paucas septimanas revertitur, nihilo lenius faviens quàm antequam solveretur paroxysmus.

Icterus quandoque satis spectabilem, comitem sibi adsciscit, intra dies pauculos sponte evanescentem. Cessantibus jam symptomatibus omnibus, ubi ægra sibi satis valere videatur, levissima animi commotio, sive ab ira sive à dolore ea fuerit excitata (quibus hoc in casu promptissimè afficiuntur fœminæ) dolorem ferè revocat, quod etiam & de ambulatione, & de alio exercitio quolibet præmaturè nimis suscepto dicent.

dicendum est: cum ab huiusmodi causis eleventur vapores in habitu corporis laxo, atque imbecilliori. Vapores cum vulgo dico, cum sive istiusmodi sint, sive convulsiones particularum partium, utrovis pariter modo solventur *φαινομένη*. Hi vapores sive convulsiones hæc, ubi hanc, illamve corporis regionem invaserint, pariunt symptomata, ei quam invasere parti accommodata; ac proinde licet unum atque eundem ubique morbum faciant, plerumque tamen quibus miseri cruciantur affabre simulant quod vel ex hoc liquet affectu, qui cum partes *Colo* adjacentes infederit, *Colicam biliosam* ad amissim imitatur. Neque minus id patet in multis aliis corporis partibus eodem modo tactis; e. g. nonnunquam *Renum* alterum vehementissimo dolore afficit, unde vomitus immanis; atque etiam per ureteris ductum persapè delatus, calculum simulat, & cum ab enematis aliisque medicamentis Lithontripticis & calculo exturbando dicatis exasperatur, uno eodemque tenore diutissime affligit, subinde etiam (præter morem suum, cum per se omni vacet periculo) agrum ad plures deducit. Visa insuper & symptomata ab eodem prognata quæ vesicæ calculum omnino referebant. Non ita diu est, à quo noctu excitabar, ut Comitissæ mihi vicinæ, dolore in vesicæ regione admodum violento, & urinæ suppressione derepente correptæ, consulerem: cum ego illam affectibus hystericeis variis obnoxiam certò scirem, atque ex eo augurerer non isto eam quem putabat, laborare morbo, enemata, quæ parabat ancilla, injici non patiebar, ne ab iis cresceret morbus, at horum loco, atque emollientium verbi gratia Syr. de althæa &c. quæ adferebat Pharmacopola, Narcoticum exhibui, quod symptoma illud subito compescuit. Neque sane vel una aliqua pars corporis ab huiusmodi insultibus penitus eximitur, sive interna ea fuerit, sive externa, ut sunt fauces, coxæ, crura, in quibus omnibus dolorem excitat intolerabilem, atque ubi discesserit, teneritudinem quandam quæ tangi recuset, relinquit, perinde ac si carnes multo verberare fuerint emollitæ.

Quemadmodum autem quædam ad colicæ hysterice historiam pertinentia obiter tradidi, ne scilicet illa pro biliosa falso haberetur, ita & quædam etiam alia *ἐν παρ' ὅδῳ* attin-gam, ad symptomatis doloris, qui eam comitatur, curationem facientia: Curatio enim radicalis, quæ morbum sublata causa tollit, alterius omnino est, & speculationis, & loci.

Venæsectio, & repetitæ purgationes, quæ in colica biliosa incipiente apertissime indicantur, hic locum non habent, nisi in casu infra dicendo. Docet enim experientia & exasperari dolorem, & invalescere symptomata alia omnia, à tumultu, quem ista cient, adjuta, atque adeò plus semel animadverti, enematum, vel lenissimorum repetitionem, continuam symptomatum seriem invexisse. Experientia ratio etiam astipulabitur, quæ morbum hunc à spirituum potius *ἀταξία* atque inordinato motu, quàm humorem vitio aliquo produci dicabit, si expendamus nempe circumstantias illas, quibus ut plurimum originem suam debet. Huiusmodi sunt magnæ atque indebitæ sanguinis profusiones, motus animi uti etiam & cor-

poris violentiores, & alia id genus. Quæ omnia, remedia illa suadent proscribenda, à quibus major spirituum perturbatio possit excitari, atque eorum loco anodyna esse usurpanda, licet viridis ac pravus materiæ vomitû rejectæ color contrarium indicare videatur: subtilior enim est atque minutior colorum speculatio, quàm ut evacuationibus, quas ipso facto nocentes deprehendimus, auctoritatem conciliare valeat. Nullusque dubito, morbum hunc (qui licet acerbissimum dolorem, nullum tamen vitæ discrimen apportat) ob errores hoc nomine commissos lethalem sæpenumero evadere. Adde, quod si quis emeticum vel fortissimum hodie propinaverit, ut scilicet eam, quam putat, morbi mineram exhauriat, ægra postero die materiam æque viridem aut pravi alterius coloris, atque erat prior illa, evomet.

Observandum est tamen, eam quandoque sanguinis atque humorum copiam reperiri, quæ narcotici operationi eo usque obsistat, ut quamlibet sapissime repetatur, orgasmum tamen cohibere nequeat, nisi sectâ prius agræ venâ, aut alvo subductâ; quod in fœminis temperamenti magis sanguinei atque viraginibus mihi subiit notare. Si ita res se habeat, vel Phlebotomia, vel catharsi, fortè etiam utraque Anodyno via aperienda est. Celebrata enim harum utraque, narcoticum, quod prius summâ licet dosi exhibitum, nihil quicquam profecit, jam etiam in mediocri dosi, effectum obtinebit, cui destinabatur. Raro autem hoc contingit, neque tum reiteranda sunt hæc remedia. Quibus præmissis, ubi opus iis fuerit, in anodynis eâ methodo, quam in colicâ biliosa proposuimus, exhibendis progrediendum est, quæ crebrius, parciusve sunt ingerenda pro doloris recedentis ratione. Quæ quidem methodus præsens atque instans vehementissimi doloris symptoma tantum respicit, cum non hic loci illam, quæ morbi causæ occurritur, tractandam in me receperim.

Cum verò hic morbus tam in hypochondriacis, quàm hystericeis (nam utrobique ut alio loco dicetur, par est ratio) sapissime in ictero desinere soleat, atque iisdem passibus, quibus hic ingreditur, iste se proripiat, observandum occurrit, quod in hac icteri specie curanda cathartica omnia, vel omnino omittenda, vel si adhibenda fuerint, rhabarbaro solum, vel leni quovis medicamento utendum. Etenim metendum, nè à catharsi novi tumultus cieantur, ac proinde symptomata omnia postliminio recurrant. In hoc itaque casu nihil omnino agendum, cum icterus huic occasionem originem debens, sensim sponte suâ faceffat, ac tandem brevi temporis spatio penitus evanescat: sin autem icterus longas moras neccat, atque non nisi ægre discedere videatur, ad remedia confugiendum. Hoc uti soleo.

℞. Rad. rub. tinctor. & curcumæ an. ℥j. chelidon. major. cum toto & summitat. centaur. min. an. M. j. coq. in aqualibus partibus vini Rhenani & aquæ font. ad ℥ij. colaturâ dissolve syrup. de quinque radicibus ℥ij. m. f. apozema, capiat ℥ss. calide mane & sero usque dum convaluerit. At ubi icterus per se invadit, colicâ neutiquam prægressâ, omnino oportet

oportet, ut præter alterantia jam dicta, etiam cholagoga, i. e. quæ per alvum bilem subducunt, agro exhibeantur, nempe semel vel bis antequam aggrediatur usum præscripti Apoze-matis, & postea semel singulis septimanis du-rante ejusdem usû; ut

℞. Electuar. è succo rosar. ʒij. Rhabarb. subtiliss. pulv. ʒss. Cremor. tartari ʒj. cum s. q. Syr. cichor. cum Rheo. f. Bolus. sumat summo manè superbibendo vini Rhenani haustulum. At si vel his diu continuatis morbus adhuc ob-stitit, ad aquas ferreas, quales sunt istæ Tun-brigenfes abeundum, quæ ex ipso fonte bibendæ sunt singulis matutinis dum convaluerit. *Thom. Sydenham de morbis acutis sect. 4.*

In omni colica quacunque sit servetur alvus aperta semper, quantum fieri potest & hinc Anodynus sedetur dolor.

Observeetur 2. si est à materia in intestinis contenta, tunc imprimis est acidum tempe-randum, viscidum incidendum, & evacuan-dum, & flatulentum dissipandum.

Observeetur 3. si verò est colica convulsiva propinanda appropriata nervina imprimis salia volatilia opiatas mista, & hinc primarius mor-bus curandus.

His scopis ut satisfaciamus, dum 1. debet servari alvus aperta.

Observeetur quòd in principio Colicæ pur-gantia non conveniant, quatenus talia, si verò debent usurpari, sint lenia & opiatas mista.

Cum enim in colica sæpius periculosus adsit vomitus, metus est nè ita purgantibus irrites crabrones & ex colica contumacem Ileum pro-ducas.

In progressu verò morbi attenuata viscida materia & temperata ejusdem acrimonia blan-dè subducentia conveniunt.

Deindè si ex inflammatione est colica, Me-dicus caveat, nè ullo quantumvis leni medi-camento subducente utatur, ex irritatione enim intestinorum, inflammationem auget, & hinc volvuli seu Ileus metum infert.

Observeetur 2. Opiata in principio appropria-tis mista sunt optima; frequentius tamen in usum duci possunt, ubi materia morbifica sit acrior, minus verò ubi eadem sit viscidior.

Nam opiatas acrimoniam temperant, viscidæ verò materiæ motum ulterius impediunt, qua-tenus motum intestinorum inhibent.

Denique si quando opiatas utendum, non sunt differenda eo usque, donec vires vitales jam collabascunt, ægerque non longè sit ab in-teritu: tali enim in casu non raro solet vita dor-miendo finiri.

Observeetur 3. Clysteres in omni dolore co-lico conveniunt, magis tamen quando malum hæret in intestinis crassis, minus quando in te-nuibus.

Deindè ubi non sumus certi materiam pec-cantem hæere in crassis intestinis, minus con-veniunt purgantia clysteribus admista, propter metum volvuli. Ubi verò sumus certi, quem-admodum in dolore Hypochondriaco commu-niter hærent in colo, tunc fortioribus purgan-tibus seu stimulantibus per clysmata eadem evacuare convenit.

Quòd si videmus clysteribus malum non mi-tigari, iis ulterius insistendum non est, sed præ-

sumendum vitium hæere in intestinis superio-ribus.

Hoc ergò in casu quando adest morbi sedes in intestinis superioribus conveniunt potius blandissima per os laxantia & abstergentia: quod confirmat experientia D. MOEBII in in-fante colicâ laborante, cui Medicus quidam aliquot clysteres applicandos curavit, sed sine fructu: tandem Moëbius advocatus laxantia blandissima per os adhibuit, quod ex voto ces-sit & infans brevi convaluit. *Vide Colleg. Moëbii in synopsis. cap. de colica.*

Ea quæ propinquantur in Colica internè, & qui-dem ubi materia est in intestinis sunt aromati-ca. Hæc enim sola satisfaciunt scopo, ratione salis volatilis, temperant acidum, incidunt vis-cosum, & discutiunt flatulentum.

In colica verò convulsiva conveniunt ea quæ mulieribus in passionibus hysteris propinan-tur imprimis volatilia salina, item ex Castoreo cum opiatas mista.

Videamus hæc ordine 1. Clysmata in colica stercoraria aut à pituita viscidiorè nunquam obliviscatur Medicus salis gemmæ. Nam hoc est expertissimum ad resolvenda stercora & mu-cilagines crassas. Elegans est de hoc observatio F O R E S T. lib. 11. observ. 5.

Dabo exemplum Clysmatis injiciendi in tali casu, ubi materia hæret in crassis intestinis.

℞. Herb. malv. m. ij. Radic. lilior. alb. ʒss. Flor. sambuc. Verbas. ana mß. (sunt anodynii) coqu. in Aqu. simplic. s. q. colat. ʒ viii. add. Electuar. Hieræ picr. ʒss. ad ʒvi. (stimulat. & est aloëticum) salis gemm. ʒij. ad ʒj. Vitel. ov. n. ij. Misc. Ubi adsunt flatus loco sal. gem. potius ol. destill. addenda, quæ potenter pene-trant, & flatus discutiunt. h. m.

℞. Rad. Angel. l. levistic. ʒvi. flor. chamom. roman. mß. (aut commun. sunt basis.) Folior. laur. p. ij. sem. quat. calid. minor. ana ʒij. coq. in aq. comm. s. q. colat. ʒx. add. Elect. de bacc. laur. ʒvi. ol. destill. Angelic. cumm. carui. Lauri. ana gt. ij. l. iv. syrup. papav. ʒss. vel The-riac. ʒj. ad ʒij. Vitell. ovor. n. j. Misc. pro Clysmate

Pro duabus dosibus injiciendo propter fla-tus, qui impediunt quominus totus possit injici.

RULANDUS ceu expertum clysmata laudat in dolore colico. & Iliaco sequens.

℞. Decoct. Thapsi barbat. flor. chamom. ana ʒvii. ol. chamom. ʒv. Vitell. ov. n. j. salis ʒj. sacchar. rubr. ʒss. benedict. laxativ. ʒj. Dia-gryd. gr. vii. Misc. pro Clysmate. (incondita est compositio.)

Commendat usum hujus Clysteris tanquam sibi sæpius expertum.

Quòd si certum sit hæere in intestinis infe-rioribus malum quod tamen nulli vult cedere remedio; tunc ad infusionem antim. Clysteri-bus admiscendam felici cum successu accedunt practici. Videatis hæc in parte River qui sæpius usurpat Aqu. benedictam, aqu. infusionis croci metallorum in alemb. vitr. paratam & ad ʒij. vel iv. miscet has cum clysteribus, nunc cum emollientibus in cent. 2. observat. 58. & 67. videbitis exempl. It. Cent. 2. observ. 12. & cent. 3. observ. 22.

Imitatur hæc in parte RULANDUM, qui ipsi hic est antecessor, qui & ipse solet in Enemate dissolvere aq. benedict. hac forma.

℥. Juris Pisorum ℥ viii. (egregiè abstergit) sacch. ℥ß. Aq. benedict. 3iß. ol. commun. ℥ iv. Misc. Injiciatur calidè quavis horâ doloris recrudescentis : insigniter commendat hunc clysterem & quidem in contumacissima alvi obstructione, in dolore iliaco & colico. Simile exemplum habet idem in contumacissima alia obstructione in puerperâ quæ per 20. dies nihil excreverat, etiam stercorea per os exhibant, curata hoc clysmate in quo loco aq. bened. addidit extractum esulæ.

℥. Jur. pisor. ℥ j. ol. sem. lini ℥ iv. Extract. esulæ ℥ j. Misc. quo injecto alvi que excrementis copiosis rejectis curata fuit ista puerpera.

Superius in dysenteria dedi exempla clysmatum therebinthinatorum, quæ similiter conveniunt in colicis, præprimis ubi adest suspicio affectuum uterinorum vel etiam renalium, aut in alio casu clysteres therebinthinatos admodum laudat DEODATUS in valetud. p. 247. qui etiam in colicâ flatulenta hoc clyisma præscribit.

℥. Fol. Mercurial. chamom. Bet. ana mß. Absinth. Rut. Laur. ana m. f. sem. cumin. Baccar. laur. ana 3iij. Fiat decoctio in aqua com. & vini malv. t. ana ℥ß. (ingredientia sunt nimis copiosa pro ℥ß. potest faciliè emendari) ol. nucis expressi ℥ iv. castorei ℥ß. Therebinth. ℥ß. Misc. pro clysm. in affectibus renalibus & uterinis, alias etiam clysteres ex lacte tanquam insigniter emollientes injiciuntur. Sunt qui ceu singulare clyisma laudantes commendant decoctum veronicæ cum vino & myrrha quibus B. D. LANGIUS addit sal. tart. 3ß. ad 3j. aut tinct. Tartar. 3ij.

Clysteres ex fumo Tabaci sunt præstantissimi, id videre potestis in BARTHOL cent. 6. Epist. pag. 523. instrumentum verò quo commodè potest sibi applicare unusquisque tale clyisma habet Cent. ultima historiarum anatomicar.

Uterius ubi sunt nimii flatus in intestinis, ibi præ cæteris conveniunt clysmata ex urinâ pueri, quæ mira faciunt in affectibus flatulentis. Si scil. recipiatur urina pueri impuberi & ipsi addatur parum fermenti, ipsique postmodum incoquantur semina anisi, fœniculi, anethi & colatur. ℥ viii. vel ix. additis mellis de spumat. 3j. sicque injiciantur, insigniter confert in affectibus flatulentis.

Quæ alia sunt usitata clysmata carminantia & emollientia, studio prætereo.

Quod attinet interna ea sunt varia, & subinde varianda, usitata tantum proponam.

Herba veronicæ ceu singulare specificum laudatur, cui tamen non cedit chamomilla in specie Romana. Nam chamom. sive aqu. sive decoctum specificè commendatur à Gabelhover cent. 1. cur. 10. imprimis ol. saphyrium quod est præsentissimum carminativum, & anodynum. Veronica multum probatur cum vino & myrrha decocta & ejus decoctum assumptum. Porro species est Hormini quam vocant Sclaream, quæ solent adulterare vinum nostrates, ut fiat moscatellinum & odoris penetrantis & tetræ, si quid tamen aliud vegetabile, est miraculosum quod facit, in colica virorum & suffocatione mulierum uterina; sive decoctum usurpetur, sive exinde parata essentia aut succus in conveniente vehiculo adhibeatur, mira præstat imprimis in suffocatione uterina mulierum in arcanis habenda.

Radix allii jam à GALENI temporibus laudatur. Notum enim est exemplum de rustico esu allii se curante, quod ex GALENO habet SCHENCK. & ZAC. Lufu. de Medic. princip. hist. lib. 2. hist. 95. Ad hujus imitationem commendatur jusculum ex allio & ol. olivarum (nec sine ratione) hoc ol. enim laxat intestina, (allium humorum acrimoniam temperat) quæ calidè hauriantur cum parte dimidiâ vini, & hanc misturam ceu sæpius expertam commendat BORELLUS Cent. 4. Observ. 92.

In corticibus aurantium non est vis vulgaris anticolica, & certè essentia cortic. aurantium legitime parata, aut saltem ejus pilul. usurpatus, aut Eleosacharum ex ol. corticum aurantium sunt egregia remedia in affectibus colicis. Mirum est quàm potenter acida quæcumque temperentur à corticibus aurantium. ob id etiam quod obiter moneo in stranguria ab acido conveniunt.

Helenium ejusque radix, absinthium, & similia alia nota.

Helenium cum vino ceu singulare experimentum laudatur. Et postmodum absinthium convenit iis imprimis, qui peregrinationibus dediti, colicis doloribus vexantur, sive decoquatur, sive minutim dissectum cum saccharo misceatur & capiatur. Ob id MINDERERUS in Medic. milit. commendat vinum decoctionis absinthii vel radice Helenii cum corticibus aurantium. calidissimè potum addito pauculo Theriacæ vel mithridatii.

Semina quatuor calida minora in vino ebullita & ita hausta rectè dicuntur ab HELMONTIO solamen pauperum, virtus consistit in eo, quod nempe corruptionem & aciditatem inhibendo faciunt egregium solamen intestinis §. 75. in m. de flatibus.

Semina hæc decocta in vino & hausta à STOCKERO commendantur.

Usitata etiam est aq. flor. chamom. veronicæ, cinamom. menth. aqu. spirituos. composita aq. carminativ. DORNCRELL. N.B. Aq. theriacalis camphorata, it. Syrupus corticum aurantium, de papavere, ubi dolor adest. Syrupus de althæa Fernelii, ubi emolliendum, & acrimoniam temperanda.

Restant quædam de Materia medica in cura colicæ necessaria, & quidem.

Castoreum est similiter medicamentum admodum egregium in colica, non tantum in ea ubi adsunt flatus, quos potenter discutit, aut ubi adest pituita viscida, acida quam temperat, sed etiam in colica convulsiva, ubi notum est quod sit egregium. In suffocatione uterina quæ revera est colica convulsiva: It. in doloribus scorbuticis convulsivis egregium quoque est Castoreum, sive per se, sive mistum cum aliis in colica convulsiva permiscetur cum salibus volat. in spec. cum sal. volat. succini cui addatur unum l. alterum gr. opii sit egregium medicamentum.

Dabo exemplum in colica convulsiva seu suffocatione uterina.

℥. Castorei 3ß. sal. vol. succin. ritè præp. gr. v. (nam in succino multa latent arcana contra convulsiones & Epilepsiam) Laudan. opiat. gr. 1ß. ad 2. Misc. F. pulvis.

Unde Castoreum ad 3ij. propinat JOEL in sua praxi, si colica sit orta, uti dicit à causa frigida:

in aliis tamen etiam convenit. Et *Solenand.* commendat *Castoreum* clysteribus additum; sc. aliquot gr. ejusdem in vino dissoluta infunduntur loco clysteris in colica. vid. *ejus sect. 3. consil. 18.*

Item *Essent. Castorei* hic convenit: quo facit *essent. anonyma B. D. Langii.* facta ex castoreo, & Asa foetida, cum spir. vini tartarificato, quæ essent. anonym. & in colica & in passionibus histericis, id est, colicis convulsivis, & in stranguriis, & in præcavendis variolis & morbillis est egregia.

Extractum Castorei commiscetur commode cum extract. theriac. quod habet vim opiatam, & sic cum ol. succini hant pilulæ anticolicæ.

Porro sulphur ejusque flores valde commendantur in colica si scil. à ʒss. ad ʒj. propinentur, & sanè expertissimum sunt remedium flores sulphuris: Vidi Romæ effectum egregium in comite, colicâ pertinaci laborante, qui aliis irritis per ʒss. flor. sulphur. fuit curatus. Propinantur commode in vino calido.

Permiscantur sulphur & ejus flores convenienter cum *Eleosacharis carminativis* factis ex ol. destill. corticum aurantiâ, anisi, Zedoariæ & similibus quibus imprægnatur Sacharum v. gr.

℥. Flor. sulphur. ʒj. ad ʒss. Eleosach. anisi Zedoar. ana gr. viii. Laudan. opiat. gr. j. Misc. F. pulv. Dolor sedans flores sulphuris sunt egregii, vobis ergo sint recommendati.

De aromaticis res est nota, quod eorum sal volat. oleosum insigniter conveniat in colicis torminibus: præ cæteris eminet inter Aromata Galanga alias egregium uterinum, Zedoaria, cinnamomum, nux moschat. & caryophilli, & hinc ex his paratæ species sic dictæ in dispensatorio: nempe species diacumini, diacalaminthæ, dianisi, diagalangæ, diatrion pipereon, & tandem species diasulphuris *Mynsichti*. Item pulvis factus ex Tenellis cornubus cervi, cum myrrha & pipere, commendatur à Sennerto cap. de colica.

Ut & pulvis ex mandibulis Lucii piscis, oculis 69. & similibus acidum absorbentibus similiter laudatur. Pertinet huc pulvis *Schalleri* ad colicam; compositio hæc est.

℥. Cortic. aurant. pulver. ʒi ss. dent. inferior. auratæ, oculor. cancr. Dent. Lucii pisc. Succin. præp. Talor. lepor. Zedoar. ana ʒij. Misc. F. pulvis. M. dos. à ʒss. ad ʒij. Meliorari possit hic pulvis additione flor. sulphur. & irrotatione cum ol. carminantibus.

Porro essentia s. extracta, itidem sunt egregia. Nempe essent. s. tinct. Zedoar. Essent. s. tinctur. Corticum aurant. facta imprimis cum spirit. chamomill. Romanæ. Extract. calami aromatici, cortic. aurant. & denique extract. specificum colicum *Mynsichti*. Est elegans compositio (utut quædam adsint ingredientia non multi pretii.)

De Theriaca, Mithridatio res est nota, quod ad ʒj. in vino propinata, ubi aperta prius fuerit alvus, sint egregia remedia, idque ratione Laudani opiat: nam laudanum opiatum est generale, & universale remedium & anodynum.

Cæterum notum est varias esse opii præparationes, e quibus omnibus duas vobis commendo (in praxi enim sapissimè adhibendum venit opium) quæ semel pro semper notentur.

Est secundum modum *Helmontii*, fermentando

cum succo cydoniorum, idque tribus vicibus, postmodum cum spiritu vini, aut in formâ liquidâ, essentia, aut sicca, extractum potest adhiberi, uti didici ab amico, qui hunc modum ab *Helmontio* juniore habuit communicatum. Videri etiam potest hic modus in *Barthol.* cui à *Langelot.* fuit communicatum in *Epist. cent. 3. Epist. 45. p. 188.* Præparatio est sequens in *Bartholino.*

Vidi id sanè non sine insigni voluptate cum una cum appropriato succo corrigente succo cydoniorum leni calore ad fermentandum exposuissem. Exspirabat primò volatile illud sulphur fatidum, cerebro, cordique adeò infestum, si quis eo propior factus id copiosius cum aère hauserit: Ego sanè cum meo ipsum damno expertus sum, cum primâ vice pararem. Cautior deinde factus elegi locum aëri maxime pervium. Colligitur dein sensim, sensimque reliquum quod inest impurioris substantiæ: atque ea quæ levis spumosaque est superiorem, ea verò quæ crassa & terrestris est, imum occupat locum, utraque in magna quantitate ea tamen imprimis quæ inferiora petit; Mirum quàm puri parùm adsit. Est liquor perlucidus, rubini instar rutilans medio consistens loco, qui à doctis accuratè separatus, balneoque vaporis ad spissioris extracti consistentiam, redactus, circulatur tandem per unum aut alterum mensem cum alcoole vini, ut quod crudi reliquum est, excoqvatur, adque debitam maturitatem deducatur, &c.

Usus ejus est amplissimus, atque extendit se ad omne ferme morborum genus. Exceptis soporosis, vel naturam motu inordinato peccantem sedando, viribus defectam reficiendo, doloribus & vigiliis consumptam placidissimâ quiete refocillando, vel humores nimium effervescentes compescendo, vel spiritus paulò concitatiores ad temperiem reducendo.

Adjungo ut plurimum appropriata cuicque membro remedia, inque magnis ardoribus flores nitri, nitrum perlatum, sal. Ducis Holsatiæ: sequenti tamen compositione familiarissimè utor.

℥. Pulv. diacherm. Aug. Sala ʒij. sal. Ducis Holsat. cum aur. par. flor. nitr. ana ʒss. Essent. opii nostræ gr. 54. Misc. optime. dos. est gr. xv. xvii. xx. pro adulto, quam dimidium tantum granum essentia opii ingreditur; rarò enim ad gr. j. aut is. ascendo, & nisi in magnis doloribus & vigiliis, &c.

Hæc sunt verba *D. J. Langelot.* & desumpta ex *Bartholin. Epist. cit. loc.*

Angli in frequenti usû habent istud laudanum opiatum *Helmontianum*. Nec potuerunt mihi satis decantare singularissimas ejus virtutes. Vide *Bartholin. cit. loc.*

Vix inferior priori est correctio opii beneficio salis tartari: Nam sal tartari ut obiter moneam corrigit & omnia purgantia & præprimis etiam corrigit opium: sive addatur insimul vinum; sive quod melius est addatur spirit. therebint. & est laudanum multarum virium à quibusdam in secretis habitum. Hæc sunt duæ singularissimæ opii præparationes quas semel prosemper ne prolixus videar, commendo.

Multa sane prostant in Medicina cum opio, adeo ut *Sylvius* dicat, se malle non esse medicum, quàm carere Laudano opiato.

Bbb 2 Porro

Porro Spir. anticolicus est summum *Harim.* Arcanum & ultimum refugium, quem ipse describit in praxi chymiatrica. Fit ex parte 1. spir. nitr. & part. 3. spirit. vini, omnibus bene rectificatis: & sane hic spiritus est egregius in quocunque flatulento casu adeo ut etiam in Tympanitide suum faciat egregie officium.

Modus præparandi est, si spiritus dicti in quantitate notata misceantur, misti in Balneo digerantur, digesti duabus vel tribus vicibus, cohobentur, donec perfectissimè uniantur, & sic fit Spir. anticolicus à 3ß. ad 3j. in appropriato vehiculo propinandus.

Vehiculum appropriatum est imprimis decoctum radicis Helenii, vel decoctum priapi tauri.

Loco spiritus vini vulgaris melius sumitur spir. appropriatus v. g. sp. chamom. per fermentationem paratus, aut idem spir. infusus speciebus carminantibus digestus, & tandem in balneo aliquoties cohobatus, sic enim rapit secum particulas carminantium aromaticas per alembicum, idest salinas volat. oleosas & ita cum spirit. nitr. junctus fit efficacior & melior.

De spiritu carminativo ex nitr. tart. & spir. vini superius locutus sum ubi de cardialgia.

Spiritus Itidem Therebinthinæ commendatur ab *Harimanno* qui abstergit egregiè intestina, ut nihil remaneat.

Undè quidam commendant hoc remedium ad colicam.

℞. Spirit. therebinth. juniper an. infundantur cum Floribus Hyperic. digere per diem & noctem, exprime & ita cum floribus novis perge, quod erit liquor rubicundus cujus dos. ʒj. in brodio sumptus in colica est expertissimus.

(Unum adhuc observa de perforata, idest, Hyperico, si sc. digeratur in spir. vini per mens. supernatabit ejus ol. in usû chirurgico externo & Medico interno pretiosissimum. Sapiienti sat.)

Denique olea destillata carminantia similiter egregiè commendantur: qualia sunt Carui, cumini, anisi, fœniculi, caryophyll. lauri, cortic. aurant. angelic. succini, macis, Zedoariæ, menthæ, quod insigniter commendat *Thonnerius*; cum his oleis possunt fieri Eleosacchara, uti antea monui.

Hinc *Panarollus* *pentec. 2. observ. 8.* ceu sæpius expertum remedium ad dolorem ex causa frigida in colica commendat ol. baccar. lauri aut ol. ex corticibus aurant. per expressionem paratum cum vino (potius est succus expressus) quo bibito ægri per breve tempus sedato dolore somnum capientes convaluerunt.

Porro sordes aurium humanarum pro præstantissimo auxilio in colica similiter commendantur.

Pulvis testiculorum Equi ad 3j. cum pulv. sem. anisi experimentum est *Fonsec.* anticolicum in lib. 1. consil. 57. (fuit archiater Papæ) Qui pulvis testiculorum equinorum in aqu. lilior. convallium cum croco exhibitus; & fuit remedium *Polychreston* Anticolicum *Zvvelserl.*

Pudendum s. Priapus tauri experimento egregio comprobatum est à *Zac. Lusitan.* lib. 2. prax. admirand. *Observ. 24.* in colica quam curat & præservat. dos. ad ʒj. in vino malvatico.

Similiter commendat Pudendum cervi *Bartholin.* cent. 6. hist. 50.

Fuligo pulverisata cum acet. destill. mista & bibita calidè, statim dolorem pellere dicitur, similiter etiam spir. fuliginis aliquando felici cum successu fuit propinatus.

Sacharum saturn. in colica à nimio acido remedium est singulare si ad gr. iij. vel iv. cum aliis propinetur.

In sacharo saturn. magna vis medica latet.

Denique stercore animalium sunt remedia aliis omnibus si non anteferenda saltem, tamen æquiparanda.

Præ cæteris stercus equinum recens: hujus succus cum liquore appropriato expressus tantum non præsentaneum est remedium colicæ: habita tamen si fieri potest ratione sexus, ita ut succus ex equo propinetur masculo, ex equa vero fœminæ.

Loco hujus stercus Catti exsiccatum in aëre in vino resolutum & edulcoratum, hinc percolatum aliquando magnatam aulicum restituit.

De stercore lupi res est apud omnes decantata: præ cæteris totus est in commendando, *Panaroll.* *pentec. 3. obser. 36.* Item *Forest.* lib. 21. *observ. 15.* Item in *observ. River.* & tantum non apud omnes autores in magnis laudibus versantur stercus & intestina lupi. Hinc etiam aq. destill. ex stercore Bovis Junioris ad 3j. propinata laudatur.

In colica ubi metus est Parescos, in tali casu salia volatilia propinata expectato sudore juvant, certo præ cæteris convenit sal. volat. urinæ quod & præservat, & curat Paresin expectato sudore.

Spir. tart. volat. legitimè paratus (quo volatilioreo melior, variæ sunt ejus præparationes felix est qui optimam habet) est excellens remedium pro curanda Paresi per sudorem. Obiter moneo. Ex facibus vini fit volatiliore spir. quam ex ipso tartaro modò rectè destilletur; & super caput mortuum rectificetur.

Deindè necesse est ut alvus clausa etiam per inferiora aperiatur in quo casu raro fortiora Purgantia, quin tantum Lenia aut emollientia, aut abstergentia conveniunt. Sin verò necessum sit propinentur Purgantia paulò fortiora, iis commodè permiscetur Laudanum opiatum.

Veteribus nonnullis in specie Helidæo Paduano hoc fuit usitatum, qui Helidæus propinavit in colicis doloribus Electuar. diaphanicon. à 3v. ad 3vi. *Philon. Romani.* 3j. quod laxat, doloremque sedat.

Cæterum nostra delicatula rostra non perferunt hos bolos s. Electuaria: propterea conveniunt potius Pilulæ ad imitationem Riverii præscribendæ: qui cent. 2. *observat. 1.* & cent. 1. *Obs. 63.* has imprimis commendat pilulas.

℞. Aloës optim 3j. Diagryd. gr. viij. Laudan. opiat. gr. iij. f. v. vel sex pilul. misc. f. l. a. (satis forte non ita præscriberem.)

Similes pilulas cum laudano permistas videbitis apud *Porterum* cent. 3. cap. 27.

Pertinent huc pilulæ Stockeri, quibus ut ipse scribit cum summo suo honore ducem Tartariæ curavit in colica.

℞. Aloës succotrinæ. Pilular. Aloë. phanginar. 3j. opii, croci an. gr. ij. (pro croco potest sumi castoreum) misc. F. pilul.

Exhibeantur stomacho jejuno: dolorem enim post horam sedant & postmodum solvunt,

ac faciunt uti dicunt operationem. Si velis ut potentius operentur gr. ij. l. iij. scammon. essent addenda.

Verum perfecta purgantia non semper in colica conveniunt, quin lenissima plura præstant quam fortissima. Hinc noto usitatam esse Mannam ab ℥j. ad ℥iij. cum ℥ij. ol. amygdal. dulcium propinari cum jusculo gallinæ pingui, commendat hanc misturam River. prax. l. i. c. i.

Singulare experimentum Cratonis ad solvendam alvum & sedandos dolores colicos est ol. amygd. dulc. cum vino malvatico & ℥ss. spermatidis ceti.

Plateri potio ad dolorem colicum in principio propinanda ex simili leniente & emolliente procedit; hæc est præscriptio.

℥. Ol. amygdal. dulc. ℥i ss. Vini malvatic. ℥ss. Sirupi de papav. ℥ss. Misc. F. potio. Vide *Observationes* Plateri. Nam & ol. amygdal. dulcium in jusculo calido propinatum subito sedat tormina infantum.

In declinatione morbi ubi adhuc hæret pituita viscida ac nitrea commodè usurpatur mercur. dulc. qui hanc ipsam potenter abstergit.

Imitandus hæc in parte Deodatus qui has præscribere solet pilulas.

℥. Mss. pilul. Cochlear. minor. ℥j. Aquil. albæ dulcis s. Mercur. dulc. gr. xvi. ad xx. ol. anisi gut. ij. Misc. F. pilul. manè deglutienda (inepta est compositio possunt assumi aliæ.) Mercur. dulcis est egregium medicamentum; & videbitis in *obs.* River. sæpius fieri mentionem Chalomelan Turquenti qui nil aliud est quam merc. subl. dulc. additis tantum aliquot granis scammonii in hac proportionem v. gr.

℥. Mercur. sublim. dulcis gr. 20. Scammon. gr. x. Fiant cum Mucilagine Tragacanthi. l. a. Pilulæ. Sed hæc obiter. Denique subsequuntur externa, quæ abdomini applicantur ad compescendos dolores colicos iliacos: quæ inter sunt notissima ol. externe inungenda: Ol. aneth. chamomill. rutæ, amygdal. dulcium. Item ol. destill. quæ intus sumuntur, possunt etiam externe applicari.

Oleum laurinum ad ℥ss. cum ℥j. Castorei permixtum, non est inconveniens umbilico inunctum.

Sacculi & fomenta carminantia sunt nota.

Galbanum præ primis convenit tam in omni colica, quam imprimis colica convulsiva: unde etiam est egregium Hytericum.

In omni colica in specie convulsiva, in affectibus hytericis applicatur umbilico.

Huc pertinet *Galbanetum* Paracelsi de quo vid. Schrod. quod est elegans & expertissimum in colicâ quâcunque.

Verum loco hujus etiam ol. Succini umbilico illitum est egregium. Vel *Galbanum* dissolvitur in spirit. vini non adeo dephlegmato, & additur *Castoreum* & ita fit unguentum tenue.

Emplastrum ex gummi Tacamahaca & Carranna est egregium.

Alias usitatum etiam est Emplastrum ex bacis lauri Item Emplastrum

De Meliloto cum ol. chamomill. malaxatum; & ita *Stercus suillum* tanquam Emplastrum calidè applicatum laudatur à Rulando.

Cataplasma verò ex stercore equino cum ol. rutaceo experimentum est Joëlis & Amati Lusit.

Paracelsi remedium externum est ol. nuc. moch. & macis cum Zibetho junctum & umbilico inunctum.

Hæc sufficiant de colica, & passionibus colicis. *Michael Eihmuller. colleg. practici part. i.*

Si excrementa indurata, vel humores crassi, acres, biliosi, fermentantes, agglutinati & pituitosi in causa sunt, per iteratam enematum applicationem, ritè detrahantur.

Ut ℥. Herb. calamenth. rutæ an. m. j. fol. althææ, flor. chamomillæ, summitat. anethi an. M. ss. Bacc. laurifem. cumini, carui an. ℥ss. lini, fœnugræci an. ℥iij. coquantur in aqua simplici & colaturæ ℥xii. adde confect. hamech. ℥ss. o. anethi, rutacei an. ℥ss. sal. gemmæ ℥j. misc. f. enema. in India.

℥. Herb. calaminth. fol. cinnamom. marubii, ocymi, rutæ, malv. arboresc. an. M. ss. baccar. cinnamom. sem. anisi Chinenfis an. ℥j. coq. in aqua fol. cinnamom. & colatur. ℥xiv. adde pulp. cassiæ, sacchar. rubr. an. ℥ss. sal. commun. nitri an. ℥j. ol. coct. fol. cinnamom. rutæ ana ℥ss. Misc. f. enema.

Urgentia debent esse hujusmodi.

℥. Pulp. prunor. ℥ss. resin. jalapp. gr. xii. crem. tartari gr. v. tinct. succin. ℥j. ol. aurant. gut. iij. misc. f. bolus.

Vel ℥. Resin. scammon. jalapp. an. gr. vj. mag. succini ℥j. tartari vitriolati gr. iv. ol. st. myrrhæ gut. iij. Misc. f. pilul. nu. v. vesperi deglutienda. Ad dolores simul leniendos.

℥. Resin. jalapp. gr. xii. Mag. succini gr. v. laudan. aromatic. gr. ij. extr. carminativi ℥ij. Misc. f. bolus.

Vel ℥. Resin. Mechoacani. gr. viii. Extr. agarici ℥j. carminativ. ℥ij. Tinctur. succin. ℥j. Misc. f. bolus.

Inflammatione causam reddente.

℥. Elect. de succo Rosar. ℥j. Pulp. Tamarind. ℥ss. Tartari vitriolati nostr. ℥ss. salis essent. tartari gr. x. misc. f. conditum.

In India. ℥. Pulp. Tamarindor. Cassiæ Prunor. an. ℥ss. Res. Turbith. gr. xii. salis cinnamom. ℥ss. ol. st. fol. cinnamom. gut. iij. Misc. f. bolus.

Vel ℥. Pulp. Cassiæ ℥ss. Extr. sennæ ℥j. Resin. Turbith. gr. viii. sal. Cinnamom. ℥ss. ol. cinnamom. gut. ij. Misc. f. Bolus.

Carminativa anodyna & effervescentiam corrigentia medicamenta sunt talia.

℥. Extr. Carminativi ℥ij. Tinct. succin. ℥j. Aq. carminativæ ℥ij. Misc.

Vel ℥. Aq. Carminativæ ℥ij. extr. laudani aromat. gr. 3. Tinct. Tartari, succini an. gut. xv. Misc.

℥. Extr. Carminativi ℥ij. Tinct. Tartari, succini an. ℥j. spir. tartari ℥ss. Aq. carminativ. ℥ij. Misc.

Vel ℥. Spir. Carminativ. ℥ij. Nitri, tartari an. ℥ss. Tinctur. succini, Cinnamom. Castor. an. ℥j. Aqu. aurant. ℥iij. Misc. detur cochleatim.

In India ℥. Pulv. Carminativi ex fol. cinnam. ℥j. Aq. fol. cinnamom. ℥ij. Misc. pro una dosi.

Vel ℥. Pulv. Carminativ. ex fol. cinnam. ℥i ss. Extr. opii tartarificati gr. v. Aq. Carminativæ ℥ij. Misc. detur cochleatim.

Sudorifera, quæ discutiant flatum, & acres

humores expurgant ac rarefaciunt, ut per sudorem ac urinam eo facilius egrediantur, sunt sequentia.

℞. Rob. sambuci juniperi an. ʒj. Antim. diaphoretic. ʒj. Spir. tart. salsafrati gut. xx. Carminativi ʒss. Aq. menth. fœniculi an. ʒj. Misc. f. potio.

Vel ℞. Rob. sambuci ʒij. Spir. tartari, Tinct. sulph. Antim. an. ʒj. Antim. Diaphoretic. gr. xv. ocul. Cancr. ʒj. Aq. carminativ. ʒij. Muc. f. potio.

Seu ℞. Spir. sal. Ammon. Theriacal. succinat. an. gut. xii. tartari gut. x. Antim. diaphoretic. gr. xv. salis ocul. cancr. ʒss. Rob. juniperi ʒij. Aq. fœnicul. aurantior. an. ʒj. Misc. f. sudoriferum.

In India. ℞. Spir. sal. ammon. aromatic. lign. Ebeni an. ʒj. Essent. lign. colubrin. ʒss. salis volat. oleos. Rad. Cinnam. sylv. gr. v. Aq. Carminativ. ʒij. Misc. f. sudoriferum.

Vel ℞. Extr. Alexipharmac. ʒij. Spir. lign. Ebeni ʒj. Aq. rad. Cinnamom. sylv. ʒij. Misc. f. sudoriferum.

Scorbuto una affligente, specifica antiscorbutica admisceantur.

Colicam, quæ adjuncto spasmō, Indiæ incolæ torquet, & curata paralylin relinquit, primo libro explicui. Quasdam igitur observationes tantum hoc loco enarrabo.

De gangræna verò & contractione intestinorum, alii authores videri possunt. *Herm. Nic. Grimm. Compend. Medic. lib. 3.*

Consultationes.

Pro Reverenda Vestali Doloꝛe Colico detenta.

Tametsi dolores, qui sunt in abdomine varii sint, nihilominus præcipui, ac frequentes sunt stomaticus, intestinalis, nephriticus, & uterinus in mulieribus, quorum aliqui usque adeo difficulter distinguuntur, ut gravissimi viri immò ipsemet Galenus decepti fuerint, nihilominus ego diligenter animadvertens quæ de dolore Reverendæ vestalis scribuntur coactus sum affirmare, ipsum ad intestina tantum, & inter ipsa solum ad cœcum attinere, & hoc mihi ipsi ex doloris positu suadeo, nam præcipue regionem intestini hujus occupat, quia cum intestinum cœcum à dextris ad fundum ventriculi ascendat & à fundo ventriculi per sinistram abdominis partem usque ad inguen descendat, dolorque præcipue hanc partem affligat, procul dubio intestini colici est dolor, accedit & in hujus confirmationem alui adstrictio. Verum dolorem non esse totius intestini, sed partis superioris ventriculo hærentis, necnon proximæ infra costas nothas & circa lumbos satis per se constat; quod verò ventriculus non doleat absentia nausæ, ac vomitus, & utilitas quam ex clysteriorum usu percipit suadent, quod pariter urinæ instrumenta non doleant absentia symptomatum in exitu urinæ, & urinæ omnino à quocumque præter naturam contento immunes demonstrant, tandem uterum intactum esse illud sufficiat argumentum, quod dolore minimam quidem particulam regionis illius attingat; dolor autem hic secundum speciem est gravativus cum ten-

sione perenni saltem secundum fundum ventriculi aliquando remissus, & mitis, aliquando intensus, & acerbus, semper locum determinatum occupans, & velut nexus, tametsi etiam vagus fiat quæ per varias loci illius partes discurrit, ut modo unam magis, modo alteram affligat.

Cujus doloris generatio est ex objecto improporcionado organo tactus, quod illius symmetriam corrumpens sensum præter naturam, atque dolorem infert, & hoc objectum est tum commune, tum proprium, commune est solutio unitatis facta à materia pituitosa, quia dolor est gravans, excreta per alvum sunt succo hoc referta, urinæ crudæ excernuntur, dolor præcipue ab usu alimentorum pituitosorum intenditur, à calidis juvatur, ac cerebrum, & ventriculus, quæ sunt pituitæ officinæ frigidiora existunt, verum unitatis solutio non fit ab hac materia immediate, sed ubi in halitus fuerit resoluta tunc enim partium fit distensio, & aucto halitu, illa quoque augetur, hinc dolor aliquando mitis, aliquando acerbus, immò verò & discurrrens per locum laborantem affligit, ut non sit mirum etiam, si dolor sit tensivus, ac à flatuum excretionem usu carminantium & calorificorum imminatur. Caterum cum materia hæc modo in cavitate intestini, modo impacta, modo inter tunicam, & tunicam sit, contumacia doloris, ejusque perseverantia, (nam à tribus annis vexat Reverendam hanc virginem) materiam morificam esse & impactam, & forsitan etiam inter tunicam, ac tunicam, docet; Hujus autem materiæ principia generantia sunt intemperies cerebri, & ventriculi frigida, ac alimenta pituitosa, ut ex dictis liquet, ab illius verò visceribus materia pituitosa genita protruditur ad intestina sua natura excrementa quæcunque recipientia, præcipue verò ad cœcum, uti magis capax, ibique à calore alioqui imbecillo in statum resolvitur, & merito hujus facta veluti suspensione fœcum, meritò verò, pituitæ quadam inviscatione inducta, ac acrimonia bilis expulsionem inservientis remissa alvus adstringitur, & hæc de objecto improporcionado communi, est & proprium, nempe intemperies frigida intestini colici cum præsentia materiæ pituitosæ, tum aliunde transmissæ, tum ibidem ob errorem facultatis alteratricis collectæ, meritò cujus intemperiei facultate expultrice libefactata facile etiam alvus suppressi potest.

Ut autem dolor, ac cætera mala tollantur, Medicus in id incumbat oportet, ut halitus dissipet, quicquid impactum discutiat, quod fluit retrahat, quod fluxurum inhibeat per calorificam generationem pituitæ submoventia, tandemque intestini calorem vivificet, roboretque, ac intemperiem eisdem calorificis deleat, prius tamen toti consulat, ut autem dolor quando induit rationem causæ ac urgentis demulciatur, mitigeturque Medicus totum animum anodynis, immò & amuletis adjicere debet.

Verum tamen ubique difficultatem inveniet, quoniam ei agendum contra morbum in habitu, & causas valde reluctantes, & rebelles, & materia pituitosa extra locum affectum per alvum esset educenda, cum tamen locus affectus purgationem prohibeat, accedit quod causa prædicta

dictæ habent localem generationem in visceribus præcipuis, jecore inquam; ac ventriculo; læduntque partes; quæ viscera illa per modum circuli afficiunt, nam intestina ventriculo facile suas affectiones communicant; ut sæpè non difficultas, sed periculum etiam suboritur; & mala tolerantia accedat.

Quæ ne eveniant Medicus curans cito præstare esse debet materiis Medicis, inter chirurgicas ergo quæ sanguinis evacuationi destinata est, non videtur ex usu, nisi in maxima doloris sævitie; nam quia tunc imminet sanguinis attractus, ideo ad hoc periculum avertendum sectio venæ, vel saltem ejus vicariæ cucurbitulæ scarificatæ conveniunt, sectio quidem venæ tali sinistri, & cucurbitulæ partibus infernis adhibitæ, pro flatuum discussione magna cucurbitulæ cum multa flamma applicita loco dolenti est opportuna; sicuti & cauterium in utroque femore, præcipue verò sinistro; secundum partem domesticam, imò in abdominis non oblitidine supra partem dolentem inultum, maxime est contentaneum, nec desunt qui in parte dolenti non cauterium tantum simplex, sed duplicatum, setaceum dictum excitant.

Medicamentum ad materiam, ad dolorem, & ad viscera refero, quæ ad materiam, duplicem habent coordinationem nam vel flatus, vel mineram respiciunt, si flatus, per os præter aquam stillatitiam cinamomi, ac Angelicæ odoratæ, præter oleum distillatum ex feminibus odoratis, atque aromatibus, & electuarium Rasis ex baccis lauri, laudo jus galli antiqui, vel columbi sylvestris cum flatus discutientibus paratum; per injecta in anum ultra clysteres carminantes usitatos, probò qui cum oleo de cherua tantopere à Melue commendato, & succo, vel decocto rutæ ab Avicenna celebrato, conficiuntur, qui magis proderunt si electuarium vel de baccis lauri, vel Justinum immisceatur. Tandem per ea quæ exterius, inter quæ assiduam loci dolentis irrigationem cum aqua ardenti & succo rutæ, vel elixire vitæ, & fotum per vesicam bubulam oleo de cherua, vel rutaceo completo refertam, vel cum patera cineribus calidis repleta, prius injectis feminibus odoratis, deinde vino Cretico superasperso, ac tandem panno lineo superdato, & illinitionem cum oleis ex feminibus odoratis; & rutæ ebullito, vel ex quinque partibus olei anethini, una castorei, omnibus præfero.

Quod si medicamenta mineram respiciant, sunt concoquentia, & evacuantia, in genere concoquentium jus columbi medicatum cum origano orientali, betonica, capillo veneris, cicorio; boragine & melissa, adjecto oxymelle composito; imò vero & hyera simplex cum minori dosi aloës, & diacalaminta mirè conveniunt. Evacuantia si sensibilibus agant, & sint lenientia non recedendum ab usu hyeræ cum majori dosi aloës, & aquæ tettucianæ cum melle rosato solutivo datæ, ac intervallis quibusdam repetitæ; si vero purgantia sint, abstinendum ab iis quæ vomitum cient, nam vomitus in colica cum alui suppressione non est tutus, quia aliquando ad fœcum vomitum perducit, præterea si cacochimia in toto subsit, ab omnibus purgantibus abstinendum, priusquam materia concoquatur: quocirca ubi

purgantia erunt usurpanda, mihi probantur quæ valeant purgant, & bilem ad intestina perducunt, ut magis expultrix excitetur, ac tandem, ut materia non ascendat sed descendat referta sint adstringentibus, ideo præter diaturbit Montagnanæ, diacarthamum Nic. Florentini, diaeydonium factum ex dimidia libra conservæ cydoniorum drag. ij. turbit. electi, & drag. s. diagridii ab unc. l. ad drag. vi. vel unc. j. datum mihi arridet; nec contra ulum horum purgantium illud obstat, nempe non trahendos esse humores ad locum affectum, nam licet hoc facere ad evitandum majus malum; cum igitur in nostro casu impendeat fœcum vomitus, ideo licet uti medicamentis ad intestina attrahentibus, in quem usum præter jam dicta clysteres acres sapius injeci plurimum prodesse solent.

Medicamenta insensibiliter evacuantia maxime hic conveniunt, quoniam materia est impacta, ideo decoctum columbiturialis, vel galli antiqui cum guajaco, vel sassaparilla, china, tartaro albo, cartamo, & similibus paratum; extracta guajaci, & sassaparilla, troiscos viperinos, utramque antidotum magnam antiquam nullo modo damno; sed præter hæc habeo ego & alia: Primum est acetum scyllinum infusionis cardui benedicti destillatum, & cum syrupo de corticibus citri simplici datum, alterum est Galeni quod fit ex drag. j. cornu cervi usti, gran. ij. piperis albi, & totidem myrrhæ cum vino exhibitus, vel cum oxymelle simpli in bolum redactis, tertium est sal antiquod chymicum, inter alia autem salis genera laudo quod ex hisce plantis, nempe parietaria, absinthio, verbasco, pimpinella, levistico, & camomilla conficitur, & eo magis si ex aqua arantiorum detur, quartum est oleum calcanti cum vino. Verum & per ea quæ alio subducuntur licet materiam discutere, ideo clysteres ex decocto fultorum aliorum, & brassicæ in vino odorato vel aqua salita naturali; vel artificiali coctorum, & oleo irino aut laurino cum nitro, vel ex urina humana, sapa, oleo rutaceo, & fermento acri in lixivio dissoluto in hunc usum parari poterunt. Tandem & per topica idem peragere licet, quapropter oleum ex croco, & de piperibus Mes. Raffenium Tralliani, ceratum diachilon magnum cum gummiis & portione sacri, vel diapryites, infusus ex aqua naturali sulphurea salsa, & nitrosa cocta cum emollientibus ac solventibus, embroca ex eadem aqua vel oleo communi cum vino Cretico, & baccis juniperi, ac lauri ebullito in duplici vase, cataplasma ex foliis tabaci in oleo amygdalarum amararum coctis, & cum melle exceptis, tandemque synapismus huc referenda sunt.

A quorum omnium usu habenda est consideratio medicamentorum quæ viscera attemperant, pro ventriculo igitur, ac intestinis thermæ porrectanæ novæ bibita, & per modum embrocæ (quo nomine & Tettuccianæ optimæ censentur) adhibita, ea tamen ratione ut ab embroca ceratum masticinum cum extracto nucis muscatæ, vel balsamo naturali alteratum apponatur, sunt præstantissimæ, tametsi plura ex dictis sint, quæ ad hoc opus conducunt. Pro cerebro assumat hora somni conservas cephalicas cum Mithridatio, curetque sibi caput

ablui lixivio decoctionis Plantarum cephalicarum adhibito agarico loco saponis.

Tandem ad dolorem ubi insaverit, convertenda est curatio per materias remedii anodynii, quò circa intus oleum amygdalarum dulcium, & amararum, vel nucleorum persicorum adjecto pulvere mechiocani, vel melle rosato solutivo non semel, sed pluries datum omnibus, excepta theriaca est præferendum, nam & theriacam, non tamen antiquam summopere probò, extra verò insessus ex oleo communi, sacculus ex avena torrefacta, item & venter anatis vivæ ventri adhibitus plurimum valet, sicuti & pedum in aqua ferventissima longa detentio, ac stillicidia ex oleis anodynis. Et ut de Amuletis etiam aliquid dicam, corrigia ex dorso lupi cincta, talus leporis ventri alligatus, & coagulum catuli ex vino sumptum conferre solent.

Victus calefaciens, siccans, & attenuans moderate convenit, ideò carnes facilis coctionis & nullius ferè excrementi concedantur conditæ aromatibus, rore marino, salvia, petroselinò, imò allium à Gale. duodecimo Meth. ultimo laudatur, sicuti & Trallianus porra laudat, amygdalatum quoque, & ptyfana cum melle, ac pipere minimè inopportuna sunt, nec intinctus, qui cum synapi, nec aliquo sale condita, uti cappares, olivæ, aleces, & aliqui alii pisces minimè duræ, & crassæ substantiæ sunt interdicienda; hinc pisces aliqui friabiliore tamen ex mare capti non sunt denegandi, dummodo potius assi, quam elixi offerantur. Vinum potius generosum ex Galeno, & Tralliano concedatur quod si antosatum vel enulatum, vel guaiacinum eligatur, magis placebit; pro alvo irritanda sæpè utatur aloë succotrina ad scrup. j. & in principio mensæ comedat panem ex tota farina cum sale, anisis, & passulis paratum, aliquandoque bibat vinum senu medicatum; reliqua ad victus rationem attinentia ad proportionem respondeant. Interim autem Deum Optimum maximum præcor, ut hæc omnia in salutem Reverendæ Virginis cedant. *Jul. Caf. Claudin. Consultat. libro.*

Vir quadragenarius, gracilis, venosus, cui antehac statutis temporibus hamorrhoides fluebant, antè annum conqueri cœpit de dolore in medio ventre inferiore, ad dextram partem vergente, cum vomitu, alvique suppressione: cui peindè successit febris cum urinis coloratis, quæ antea erant aquosæ, & excretionem materiæ purulentæ per alvum, & quandoque per urinam.

Dolorem itaque illum, qui horam circiter à cibo patientem nostrum excruciat, colicum esse ex situ facile colligi potest, & aliis annexis symptomatibus. Refert enim se dolore torqueri in medio ventre inferiori, parum supra umbilicum, ad dextrum usque latus propè lumbos, tum vomitum succedere, alvum suppressi, & clysterum beneficio excerni compactas feces bubularum instar: quæ nonnisi colicæ passionis indicia esse possunt, in qua vomitus excitatur propter consensum cum ventriculo, per tunicam quam habent communem à peritonæo: suppressitur verò alvus, propter immodicam intestini coli extensionem

cujus ratione prohibetur contractio fibrarum ipsius transversarum.

Nec est difficile conjectare à qua materia colicus dolor excitetur. Nam qualitas doloris, & tempus durationis palam faciunt ipsum fieri à flatibus, cum sit extensivus, & horam tantum, vel duas duret; flatu autem hi elevantur à materia pituitosâ crassâ, viscidâ, & copiosa in eodem intestino colo sensim & sensim collecta; quâ de causa continue pondus in illa parte & frigiditas molesta sunt. Coacervatur verò eadem non magis per generationem, quam per receptionem à ventriculo imperfectè cibos concoquente, propter intemperiem frigidam, & humidam ipsius, cuius indicium est oblectatio illa ex frigidorum & humidorum usu tempore sanitatis, sputum ferè continuum, & languidus cibi & potus appetitus. Hinc fit, quòd urgente dolore evomit non solum cibum assumptum, sed etiam multam pituitam crassam & viscidam, urinasque albas, crudas & tenues excernit, cruditatis indicia, non tantum in primis viis, sed etiam in venoso genere. Neque mirum quòd dolor exacerbetur magis à cibo, tunc enim & cibi calor, & naturalis ad interna recurrens, agensque in materiam pituitosam, multam inde flatuum copiam suscitatur, qui postea insigniter extendentes intestinum, dolorem excitant; Passioni autem frigida calida & inflammatoria successit. Verum in qua parte, & quomodo per alvum, & urinam se prodatur, acriori eget investigatione. Hic enim est affectus princeps de quo conqueritur & qui ad se potissimum curationem trahit. Nam quòd inflammatio præcesserit, inde colligitur, quòd 20. diebus à doloris paroxysmo, urina coloratior reddita sunt, & feces duriores, quòd successerit sitis, febris continua cum obscuris exacerbationibus, ac tandem apparuerit excretio puris, quòd nunquam fit, nisi ab ulcere, vel abscessu. Ulceris verò nulla suspicio, quia nulla præcessit excretio cruenta ulceris incipientis indicium: Abscessus autem supponit inflammationem, de qua dubium in qua parte sedem habuerit, ut ex illo subortum sit ulcus. Dicit enim Hippocrat. 4. Aphor. 75. quòd si quis sanguinem aut pus meiat, renum aut vesicæ exulcerationem significat. Verum nullum est ulcus in renibus, quia nullus ibi dolor: ubi autem dolor, ibi morbus. Neque in vesica, quia vesicæ inflammationem subsequuta esset urina suppressio, dolor acutissimus, & excretio puris per urinam, non per alvum; fuerit ergò in aliquâ parte ventris inferioris, circa umbilicum scilicet: Ibi enim dolor, & gravitat, quæ invalescunt, dum validius comprimitur pars affecta. Hæc autem alia esse non potest, quam pancreas, vel mesenterium, quòd cum sit receptaculum sanguinis crassioris, & melancholici, illius potissimum qui per internas hamorrhoides solet expurgari, non difficili negotio in patiente nostro potuit inflammari ex continua calidorum applicatione: suppressis præsertim hamorroidibus per quas expurgabatur hic sanguis statutis temporibus, qui multâ copiam generatur ob temperamentum jecoris, & totius calidum, & siccum. Est enim gracilis & venosus, atque

atque ætate consistente 40. annorum : quem postea per abscessum disruptum expurgari posse per alvum plenum est, cum venæ plurimæ per mesenterium sparsæ, meseraicæ diætæ inferantur in intestina, in quæ hanc materiam evomere possunt. Quod contigisse meminisse puero illi nobili, qui sex ab hinc mensibus patitur abscessum, & excernit per alvum purulentam materiam modò sinceram, modò fecibus permixtam, majori aliquando vel minori copiâ. Cujus excretionis meminit Fernellius 6. Pathol. 7. Benivenius de abditis morborum causis cap. 33. Dodoneus, & Petrus Forestus lib. 21. Observat. primâ. Neque est difficile determinare cur per urinas excreta sit materia purulenta. Ab eodem enim trunco arteriæ magnæ descendentes emanant propagines ad mesenterium, omentum, & intestina, à quo oriuntur rami ad renes diffusi, arteriæ scilicet emulgentes. Quâ ratione empyema thoracis per arteriam venosam, cor, & arterias emulgentes expurgatur per urinam, teste Galen. licet rarissimè contingat, quia brevior per alvum via est. Verum cum adest multa materiæ copia, utique non repugnat, ut in casu præsentis : Ideò nunc excernitur materia hæc per alvum, & urinam : quanquam per urinam etiam excerni possit à ramis venæ portæ ad jecur transmissa, & ab ipso ad venas emulgentes : quod tamen rarissimè fit, cum plurimum hæc materia per alvum expurgari soleat. Et hæc de essentia & causis horum affectuum.

Quisane sunt gravissimi, & difficillimæ curationis ob durationem ipsorum, & indicationes contrarias. Habitus enim corporis refrigerantia exigit, dolor verò colicus calefacientia.

Pro horum autem curatione quatuor sunt agenda ; detergenda est sanies in mesenterio, & intestinis conclusa ; discutiendi flatus, consolidandum ulcus, & contemperanda intemperies frigida ventriculi, & intestinorum per calefacientia, præmissâ primarum viarum expiatione. Quæ præstabuntur remediis Chirurgicis, Pharmaceuticis, & Diæreticis.

Inter chirurgica præmittenda est venæ sectio ratione totius, aperiendæ venæ hæmorrhoidales ratione evacuationis suppressæ ; inurendus fonticulus dextro interno femori ratione diversionis ; & applicanda magna cucurbitula cum multa flamma, quæ instar incantamenti est in discutiendis flatibus ex Galeno.

In Pharmaceuticis præmittenda sunt universalia præparantia, & purgantia, Viro Doctiss. experientiâ probata ; atque in iis primas sibi vindicat. Hiera picra Gal. & Rhab. cum in substantia, cum passulis, tum in infusione cum mell. ros. sol. mox exhibenda aqua Tettutiana quadrimum ad lib. 4. quâlibet vice, cum cremore tartari, vel melle ros. sol. pro deterfione ventriculi, intestinorum, & ulceris : in quem usum ex usu erit *mulsa, cum lupinis & siliquis fabarum*, addita *emuls. sem. citri* ratione flatuum, à quibus deveniendum est ad potiones vulnerarias à Paræo descriptas in magna Chirurgia, non omisâ decoctione *sem. feniculi, cymini, anisi* ad discutiendos flatus. In quam rem præsentis remedio erunt *aqua Thermales Aponitane* : ex quibus fieri etiam poterit stillicidium ventriculo, & toti ventri inferiori, munitis dictis partibus *lana*

succida imbuta oleo rutaceo & laurino ex quibus oleis frequentes parabuntur clysteres : atque inopia *aqua Aponitane*, stillicidium ex illis fiet.

Addita congruâ victus ratione in rebus omnibus non naturalibus viro doctissimo apprime notis. *Benedict. Sylvat. Consil. & respons. Medic. Cent. 3.*

Savissimi dolores per vices excruciantes Illustriss. Comitem in ventre inferiori, cum tensione ventriculi, & hypochondrii dextri, siti, & oris amaritudine, à vomitu frequenter cessantes, & aliquando suborta icteritia remittentes, ut & erumpentibus superius & inferius flatibus, ut habetur ex historia, excitari quidem possunt in ventriculo, prout à Viro Excell. statutum video, tanquam parte exquisiti sensûs ; & intemperie admodum frigida donatæ, cujus ratione fieri potest corruptio ad acidum, non raro in ructibus observata. Non abs re tamen dolorem hunc colicum pronuntiaverim, non eo solum nomine, quòd dolor præsens sit in parte dextra, quæ sola est doloris colici sedes, ex Ludovico Mercato : sed potissimum, quoniam sit insignis extensio dextri hypochondrii, quæ utique se proderet magis in hypochondrio sinistro, si ventriculus esset pars affecta, ratione fundi ipsius ad sinistra vergentis. Accedit, quòd non raro suboritur icteritia, succeditque flatuum eruptio superius & inferius, atque vomitus superveniens constat materia pituitosa & biliosa, quæ & per alvum dejicitur. Quæ sanè licet doloris ventriculi indicia esse possint, facilius tamen consequuntur dolorem intestini colli, in illa parte affecti, ubi desinunt intestina tenuia, & incipiunt crassa, colon in primis, cujus ortus est in hypogastrio dextro, unde sub fundum ventriculi ad sinistram partem diffunditur.

AFFECTIONIS verò ejus causa est, cum pituita à ventriculo, tum bilis copia à jecore transmissa, non sine aliqua portione atræ bilis acris valde, & mordacis, quandoquidem observamus jecur in Illustr. patiente præcalidum. Quod me quoque judice, primas partes obtinet ad producendum affectum præsentem. Quare statuendum est, dolorem hunc provenire ab heterogenea materia, ex qua dum elewantur flatus, distenditur non solum intestinum Colon, sed etiam duodenum, ex cujus extensione occluditur orificium pori fellei, hincque bilis regurgitatio in jecur, & effusio in totum corpus, tunc potissimum evanescens, quando Pharmacorum ope evacuetur materia in intestinis contenta ; quod sæpius in doloribus colicis accidisse observavi. Neque objiciat quis Aphoristicam Hip. Sententiam 5. Aph. 71. *Auriginosi seu icterici non admodum ventosi*. Gal. item in com. qui addit, flatus ex pituitosa materia generari ; cum præsertim flatulenti à pituitoso & frigido humore, auriginosi sint contrarii, ut potè biliosis. Auriginosi enim fiunt vel ex copia bilis in jecore genitæ, ab ipsius fervore, vel ex angustia pori fellei ipsam transmittentis ad intestina. Si fiunt auriginosi ex bilis copia, non possunt esse ventosi ex pituitæ copia in flatu facessente : verum si icteritia fiat ex sola meatûs fellei angustia, quæ potissimum consequitur extensionem intestini duodeni, ut in casu nostro, auriginosi fuerint etiam ventosi : Censue-

rim tamen dolorem hunc potissimum fieri à materia acri, & ea quidem cum biliosa, tum atrabili in jecore fervido genita, non secus ac dolor colicus in eodem ægro causam habuit immodicum *Scammonii* usum, quo notho quidem cum aliquot dies laboraverit, periodicus factus est: quod alteri quadragenariæ contingit ex acri materia intestinis infarcta, fitque ætate potissimum ob ambitientis caliditatem, ex Gal. 12. Methodi medendi. Quinimò aliquando colicam Epidemicam hinc ortum habuisse refert Paulus Ægineta Lib. 3. de Re Med. Cap. 43. cum dixit hanc colicam à temerario quodam Italo refrigerantibus medicamentis sanatam fuisse. Quibus suppositis tanquam verissimis, mirum non est, quod dolores hi sint acutissimi, quibus nonnunquam accedant animi deliquium, dejectiones item biliosæ, & quod ab immodicè calefacientibus noxam capiat, juvamentum è contrario Comes Illustriss. ab epiceraisticis ipsi à Viro præclarissimo præscriptis, *Oleo scil. Amygd. dulcium*. Et hæc de essentia & causis hujus affectus.

Qui quidem est gravissimus, & quem aliquando in paralyfin facessere asseruerunt Græci, Paulus in primis, nosque non semel experientia comperimus. Quinimò in arthritidem aliquando desinit ex Hipp. 4. in 6. Epid. 3. his prope verbis, *cui intestinum in dextra parte, arthriticus factus est & quietior fuit: post curationem dolore magis fatigatus est*. Hoc autem duplicem ob causam provenire posse addit Gal. in Com. aut quia dolor major minorem obscurat: vel quia fiat metastasis, & transmissio materiæ de loco ad locum, ab intestino scil. ad articulos, & ab his ad colon.

Utcunque tamen, insistendum est Medicis prædiis humorem in intestino hærentem evacuantibus, quæ copia peccat, quæ verò qualitate, contemperantibus, & epiceraisticis, prohibenda est fluxio divertentibus humorem fluentem, & subastringentibus vias, per quas fluit: ac tertio prohibenda est prædicti humoris generatio jecoris fervorem contemperantibus, præmissâ primarum viarum expiatione. Idque remediis Chirurgicis, Pharmaceuticis, & Dieteticis.

Chirurgica quod spectat, sedato dolore epiceraisticis, sanguis est educendus ex jecoraria dextri brachii, & per vices educendus ad libram circiter. Fonticuli quinetiam utrique interno femori, pro majori revulsione sunt inurendi.

Pharmaceutica universalia lenientia sint fl. cassiæ recens extractæ cum el. lenit. & pulpa tamar. vel syr. ros. cum decoct. pulpæ tamar. vel elect. de sebesten sine scammonio. Præparentur aquis cichorii borrag. hepaticæ, & plantaginis; omissis mellitis, & saccharatis, nè bile-scant. Purgentur rhab. & agar. incis, addito syr. ros. sol. Interim clysteres carminativi præscribentur ad discutiendos flatus, & epiceraistica medicamenta, ad demulcendum dolorem, atque in primis oleum amygd. dul. extractum sine igne. Peractâ hæc evacuatione, & mitigatō dolore, duo genera remediorum erunt peropportuna: Primò serum lactis caprini, modò dejectorium cum cremore tartari, modò diureticum, cum syrup. capill. ven. Secundò aquæ Thermales frigida; quales erunt B. V. in agro

nostro; vel *Villenses* in agro Lucensi, vel etiam *Ficoncellæ* in agro Senensi. Calderianæ namque agri Veronensis impensius refrigerant quam par sit, ratione ventriculi. Pro cuius corroboratione, & subadstrictione emplastrum de crusta panis præsens erit remedium, atque fomentum cum spongia insuccata vino rubro austero, cui incocta fuerint, mentha, absinthium, rosmarinus, rosæ, & balauſtia. Tandemque fluxione non cessante, nec dolore remittente, ad opiata deveniendum erit, *Theriacam* nempe recentem & pil. de cynoglossa.

Victu pariter refrigerante, & subastringente præscripto, familiari usû diacydonii sine aromatibus. *Benedict. Sylvat. consil. & respons. Medic. Cent. 3.*

Ex illis quæ diligentissimè & distinctissimè enarrata sunt à Viro per Illustri & Excellentissimo, compertissimum redditur, generosum patientem quinquagenarium dolore colico ætneri cum febre, & vigiliis ferè continuis; atque dolorem hunc dependere cum à flatibus crassis ex materia pituitola elevatis, copiâ genita propter errores in victu, & aliquam imbecillitatem ventriculi catarrhique à capite descensum; cujus magnam copiam excretam vidit vir præclarissimus; tum, & forte magis ab humore bilioso in jecore fervido genito. Dolor enim acutus per vices molestus, febris assidua, vigiliæ, sitis id manifestissime confirmant. Quam ob causam refractarius, & valde molestus est affectus. Humor enim calidus agens in materiam crassam, & viscidam, ab ipsa jugiter flatus & vapores elevat, qui distendentes hypochondrium, dolorem pertinaciorem reddunt: ut propterea statuere possimus dolorem hunc colicum esse ex illis, qui ab Alexandro Tralliano propositi fuerunt, dependentes à materia biliosa, quos proposuit & Galenus. Febris pariter, me quoque iudice, ab huiusmodi materia in venis meseraicis conclusa, & putrescente dependet. Quare non sine ratione de agendis consulitur, cum huiusmodi dolores non raro in paralyfin degenerare soleant, prout à Paulo Ægineta proditum. Quos & ego sæpius observavi.

Agendum igitur & insistendum quidem est attenuantibus, & detergentibus, ratione humoris pituitosi, magis tamen refrigerantibus, & humectantibus, cum habeamus ex eodem Ægineta, illos tantum evasisse, qui à temerario quodam Italo refrigerantibus & humectantibus fuerunt curati.

Quare repetitis lenientibus ex flore cassiæ, cum speciebus hieræ picæ; vel syr. ros. cum tamarindis superbibito sero caprino, evacuandi sunt humores, prius tamen præparati syr. acetos. simplici, & de acetositate citri, cum jusculo alterato cichoraceis, & feminibus citri. Purgentur modica infusione rhabarbari; administratis interim clysteribus, modo deterforiis ex melle ros. sol. cum decoctione mercurialis, betæ, fursurum, & florum chamæmeli, modo & frequentius epiceraisticis, puta paratis ex lacte, & saccharo rubro, vel aliquando ex cremore hordei, lacte, & oleo chamæmelino, supersedendo à quibuscunq. adstringentibus, in augmento febris serum caprinum cum emulsione seminum melonum, præmissâ maceratione comæ absinthii exhibebitur ad unc. viij. circiter.

omen-

omentum castrati imbutum oleo violato, & chamamelino erit ex usu. Magna item cucurbita cum flamma appolita est inftar incantamenti, ex Gal. perseverante febre, sanguinis eductio ex venis sedalibus mihi probatur. Superfendendum verò vesicantibus, propter vigilias quarum causa laudanum tuto exhiberi poterit, conferet enim ratione doloris, prout etiam Theriaca recens. Quibus respondeat congrua victus ratio. *Benedict. Sylvat. Consil. & respons. Medic. Cent. 3.*

Dolor ille perforans veluti, quo referunt frequenter torqueri admodum reuerendam Vettalem in dextra parte abdominis, infra costas mendolas, quanquam censeripot, non nimis colicus, quam nephriticus, cum in eadem regione contingere possit renibus male affectis; ut propterea Galenus ipse crediderit se nephritide laborare, dolore perforante excruciatum, cum tamen divexaretur colica, ut refert secundo de locis Affect. 5. Viro tamen clarissimo, & de re medica bene merito accesserim lubens, dolorem nobilis Vettalis colicum esse scribentis, cum praesertim in historia referatur, dolorem percipi non in regione, sed supra regionem dextri renis, in qua parte adnectitur intestinum colon ipsis lumbis. Neque urinarum color albus, & splendor negotium facient: quia tales etiam conspiciuntur in colica passione. Quod si dolor occupet ampliorem locum, si juvatur à clysterum usu, feces supprimuntur, succedit vomitus, neque desunt & alia colicæ indicia, quæ prætermittuntur, nos tamen de parte affecta certiores reddunt, pronuntiabimus affectum propositum esse colicum.

Qui quidem licet plures agnoscat causas, plurimum tamen provenit à materia frigida, & humida, vel vaporosa, vel ab utraq; ut in praesentia casu siquidem existimamus principem causam huius doloris esse pituitam vitream; minus principem esse flatum, vel vapores crassos, quia a vaporibus & flatibus fiunt extenui dolores, à pituita verò vitrea perforantes, quales sunt religiosissimæ Virginis sacrae; quibus & Galenus ipse conflictatus est, atque liberatus per excretionem humoris vitrei, ex eodem loco citato. Erit igitur affectus huius patientis tristis sensus intestini coli, dependens a copia pituitæ vitreæ, non sine aliquâ flatuum copia. Neque est difficile reddere rationem, cur flatus ibi colligantur copiosi. Elevantur enim ab humore crudo, & pituitoso in intestinis diutius coacervato, cum genito ex vitiata coctione; ob labefactam ipsorum intemperiem à præsentia humoris frigidi, qui eò confluerit, tum ab aliis partibus transmissio, frigida & humida intemperie affectis, quæ totum corpus laborat à naturæ primordiis, cerebro, & ventriculo non exceptis, adaucta quinetiam ab imminuto calore ætatis decursu, ut ex signis in historia propositis colligere est. Quod si jecoris vasa sint obstructa, refert Vir clarissimus observari duritiem aliquam in dextro hypochondrio, patebit magis causa copiosa collectionis humorum crudorum in intestinis. Cum enim à jecore per porum felleum transmittatur bilis ad intestina, ad sollicitandam ipsorum expultricem, contigit, ut propter obstructions ipsa non transmittatur; quæ etiam pauca copia gignitur, ob jecoris intem-

periem frigidam, ut hoc nomine torpeat veluti intestinorum expultrix; cujus ratione sensim & sensim multa pituita vitreæ, & alterius generis copia colligitur in ipsis, quæ postea dolores infert frequentissimos. Bilis liquidem non impedit sanguinis distributionem per universum corpus, quia hæc fit à facultate naturali expultrice venarum, & substantiæ jecoris, concurrente etiam attractrice aliarum partium alimento carentium, atque serosa humiditate attenuante sanguinem jam genitum; quo facilius subiens tenuia vasa, possit pervadere omnes corporis partes; sed solum expultricis intestinorum muneri officit: quæ ratione, qui obstructum habent porum felleum, doloribus colicis sunt maxime opportuni.

Quibus sic constitutis de essentia & causis horum affectuum non est difficile colligere curationis huius difficultatem, cum quia intemperies naturales jam confirmatae ad 43. usque annum sunt fere insuperabiles, frigida præsertim ventriculi partis scilicet exanguis, & membranosa, semper frigida, quæ propterea difficillime incalescit, tum etiam quia ætas declivis corpus reddit frigidius. Sicut enim in juventute conservatur calor, etiamsi humiditatis aliquid pereat, quæ præteritis ætatibus erat superflua, ita & ætate ad senium vergente, qualis est patientis Adm. Rev. calor languescit, ut propterea augeat curationis difficultatem. Attamen si præsidiiis usa fuerit generosis à viro clarissimo præscriptis, & a nobis proponendis rectamque instituerit victus rationem, spero fore, ut à prædicto affectu releveretur.

Quò autem voti compotes fiamus; ventriculus primò, & intestina sunt ab excrementis pituitosis, expurganda: quod ut facilius fiat, sunt incidenda & attenuanda: obstructions deinde jecoris ab humoribus itidem crassis, viscidis, & lentis sunt referendæ usu attenuantium, incidentium, & abstergentium; atque ita totum corpus est expurgandum universalibus purgantibus, ratione capitis, errhinis scilicet & masticatoriis. Tandem intemperies ventriculi, cerebri, jecoris, & totius, quantum fieri potest, contemperandæ calorificis, & exsiccantibus. Quod si id consequi in totum non possumus, ut mihi persuadeo, avertenda saltem erit materia jugiter genita ab intestinis ad alias partes: non tamen hæc sunt corroboranda, cum sint convenientia totius corporis, & emunctoria omnium partium. Præsidia verò expromemus ex fonte Chirurgico, Pharmaceutico, & Diætetico.

Chirurgiam quod attinet; si agatur de sanguinis missione, nullus sane illi est locus, ratione affectus principis propositi: Quia tamen menses sunt immixti, ut referunt, non abhorrerem à levi aliqua ejus educatione, mensibus imminentibus, cum hi suppressi obriendo calidum innatum, possint augere frigidam partis intemperiem, & præsertim jecoris. Mirretur itaque ex partibus infernis per cucurbitulas alte scarificatas, ad uncias quinque, cum sit valde pinguis, exilesque venas habeat. Forficulos quod spectat, præter illum, quem gestat in coxa, alium curarem inurendum brachio sinistro, quò divertatur materia à capite & ventriculo fluens ad intestina. Quando enim

enim copiosius coacervatur excrementia materia, & in multis partibus, paranda etiam sunt emissaria jugiter eandem expurgantia. Neque metus est à majori refrigeratione. Nunquam enim observatum, refrigerari corpus ex evacuatione materiae superfluae, quin potius ex accidenti calefit, dum evacuata materia frigida, partes solidæ fiunt ab illa immunes, quarum alias augebat intemperiem. Quinimò si hi non sufficerent, & tertium pararem in sinistra coxa, quò copiosius manaret inde materia, quæ in hoc corpore valdè exuberat. Quod tamen iudicio Viri Excellentissimi committo præfecti curæ nobilis hujus Vestalis. Atque hæc ex Chirurgicis satis.

In Pharmaceuticis alvus cieatur hiera boli formâ, melle rosato solut. superbibito, dissoluto in decoctione seminum citri. Præparentur humores oxymelite, primò simplici, syrupo de mentha, & de corticibus citri ad unciam semis in singulos. Purgantia blanda erunt. Ventriculus enim frigidus validiora non patitur, præter quàm quòd agitando violenter materiam in intestinis hærentem auferent dolores. Ideò placeret repetita hiera simplex cum electuario diacatholico, vel portiuncula etiam diaphanici: atque die postero ab hoc purgante, clystere pararem ex decoctione carminativa, cum portiuncula utriusque centaurei, addito melle rosato simplici, electuario de benedicta, cum oleo rutaceo, & chamæmelino. Ipsius enim beneficio facilius educetur materia colo intestino impacta, quàm assumptis per os. Quo uter etiam in accessione ipsa, urgentibus doloribus, tum & clystere ex solo oleo rutaceo, & chamæmelino ad uncias xiv. mox verò, quò magis emundentur ventriculus, & intestina ab huiusmodi materia, propinanda est aqua Tettutiana quatuor dies ad libras quatuor cum uncis duabus mel. ros. sol. quin & aquæ salitæ quandoque portiunculam salis addendam censerem, quo magis detergat. Hæc enim quæ detergendo, quæ flatu digerendo, & calefaciendo summopere proderit. A quibus jecoris obstructionibus occurrendum est internis, & externis. Et quoad interna syrupus exhibeatur paratus ex uncia semis oxymelitis compositi, syrupo de cichorio cum rhabarbaro, & de betonica composito, additis uncis tribus decoctionis ex mentha, betonica, agrimonia, & radice fæniculi. Quinimò devenirem ad trochiscos de rhabarbaro, & de eupatorio, Pilularum formâ exhibendos singulis diebus statim ante hunc syrupum. Purgandum postea erit corpus infusione rhabarbari, & agarici in decoctione anisi, schænanthi, dauci & spicæ, addito melle rosato solutivo, & manna. Extrinsecus inungendum hepar oleo amygdalarum amararum, & de absinthio cum pulvere agrimonie, vino albo, portiuncula aceti, & cera; Super addito cerato ex ammoniaco, dissoluto in aceto; misso æsypo, & aliis plus satis laxantibus. Quod si his non cedat obstructio, posset etiam aliquot dies exhiberi portiuncula chalybis potabilis cum vino parati, alterato absinthio, mentha, schænantho, agrimonia, radice filicis & asparagi. Atque dum hæc fiunt, exhiberi possunt pilulæ ex Aloë non lota ad scrup. i. alternis diebus, non longè antè cænam. A quorum usu

contemperanda erit intemperies omnium viscerum caloricis, & exsiccantibus; & quidem intrinsecus conveniet, vel jus galli antiqui, ex præscripto Viri præstantissimi, vel simplex decoctum ex ligno sassafras & china; ita ut quilibet syrupus admittat drach. i. radice china, unc. i. ligni guaiaci & scrup. i. sassafras, facta infusione consueta, atque additis aperientibus & caloricis, ut mentha, absinthio, betonica, & schænantho, quem tempore frigidiore assumet bis in die, sudorem etiam tunc saltem semel in die excitando, cum victu tenui & attenuanti. Sic enim intemperies corrigentur, & superflua humiditas totius & partium absumetur. Quo tempore poterit etiam radice cyclaminis in naribus detenta turundæ formâ caput expurgare, nec non & mastiche cum staphilagria, cera & saccharo, confectis globulis, in ore volvendis, & continuo dentibus atterendis. Atque tunc etiam utetur pilulis de hiera cum agarico, & mastichinis octavo quolibet die 30. dies circiter; non omitta conserva ex absinthio Pontico, & roremarino, cujus assumet unciam quolibet manè ab usu decocti propositi. Horum enim ope affectus præsentis removebuntur, & contemperatis intemperiebus, ab imminenti bus præservabitur patiens religiosissima: si tamen rectam victus rationem à Viro Clarissimo propositam religiosè observaverit. Atque hæc est mea sententia in casu præsentis. Faxit Deus, ut ad vota succedant. *Bened. Silvati. Consil. & Respons. Medic. cent. 3.*

Quemadmodum ex situ partis dolentis compertissimum fit dolorem, de quo conqueritur patiens Illustriss. esse colicum, prout statutum est à Viro præclariss. ita ex ætate juvenili, temperamento calido & sicco, efflorescentiis pruriginosis præteritis, nunc evanescentibus, variisque ac arduis negotiis, quibus dedit operam, existimandum est dolorem præsentem provenire à bile prædominante, in jecore fervido genita, transmissa cum ad ventriculum, tum & magis per porum felleum ad intestina, in quibus pituitosa materia crassa, & viscida in ventriculo impensè frigido genita, quod ex intenso appetitu, & tarda concoctione facile innotescit. Quam ob causam dum invadit affectus, ipsi accedit anxietas ventriculi, ad cardialgiam vergens, hypochondriorum item tensio, dependens à flatuum copia cum pituitosorum, tum melancholicorum ex prædictis humoribus elevatorum ab excedente calore bilis, ratione qualitatis prædominantis. Accedit & alvi adstrictio, & ad vomitum propensio.

Atque ideò præsens affectus summo studio curandus est. Periculum enim imminet, nè in cardiacam passionem faceßat, si os ventriculi petat materia morbifica, vel in iliacam passionem & volvulum, si vomitus convalescat, in paralyßim quinetiam, prout non rarò contingit, dum à bile prædominante attenuata pituita, facta metastasi, transmittitur ab intestinis ad spinalem medullam, critico quodam ritu, cujus Trallianus & Paulus Aegineta lib. 2. cap. 16. meminere: neque negavit Galen. dolorem colicum à biliosa materia quandoque fieri, ut patet ex 12. Methodi medendi cap. 7.

Quare pro ipsius curatione evacuanda est materia peccans, attenuata prius, & incisa; con-

contemperandus est fervor jecoris, astringentibus intercepta est fluxio, alvusque lubrica servanda.

Atque ideo ex Gal. & Pauli Aeginetæ consilio Hiera picra. Gal. est exhibenda, ad drach. ij. cum uncia semis floris cassi. recens extracta. Solo namque hieræ usû liber evasit ille, de quo Gal. 12. illi methodi verba fecit: Præparandi sunt humores aqua cichorii, borraginis, betonicæ, seminibus citri, cum syr. de acetositate citri. Purgentur rhab. intuso in aqua cichorii, cum spica, & syr. ros. sol. Mox pro majori primarum viarum expiatione, in usum veniat Aqua Tettitii, cum syr. ros. sol. quæ ex literis Viri clarissimi ad me datis, triduo jam epota feliciter permeavit, & primâ die pellucida fuit excreta, secundâ diè utcunque turbata, etiam fecibus permixta, ac tertia vice magnæ bilis, & atræ bilis copiæ; cujus ratione biduo ea adhuc usus fuit, cum non dissimili excretionem: quod magis confirmavit bilis prædominantiæ. Exhibita deinde fuit aqua B. Virginis, cum emuls. seminum melonum & syr. capillorum ven. quò facilius per urinæ vias permearet, diverteret humores, & jecoris fervorem compesceret, prout successit. Facto autem fomento & inunctione ventriculi, ita corroboratus fuit, ut aliquot annos, immunis vixerit ab affectu, quò antea frequente infestabatur. Caterum posthabita vicinis ratione, publicis que negotiis magis in dies addictus, de novo invaluit, à quo tamen non difficili negotio liberatus est, evacuata bile iterum congesta; ut proinde sperandum si Excellentiss. Virum convalesceret omnino; sit in sex rebus non naturalibus moderatè se gesserit & præsertim in publicis negotiis curandis. *Benedict. Silvatic. consil. & Respons. Medic. Cent. 3.*

Egregius mercator sexagenarius, temperamenti secundum totum & jecur calidi & humidus habitus, obesi sedentariam vitam domi ducens mercium venalium gratia (cum illi unicus sit filius, & quidem extra urbem mercaturam faciens) crassis & frigidis cibis semper usus, necnon fructibus, & vinis crassæ substantiæ ac recentibus delectatus, tribus abhinc annis vomitibus pituitosis obnoxius fuit, quibus sex abhinc mensibus omnino suppressis, hoc ineunte hyemali tempore ventris doloribus corripicæpit, à dextero Rene in sinistram diffusis, adeo ut Zona quâdam præcingi sibi videretur, atrocioribus equidem modo cum quodam sensu gravitatis, modo eum distensione & inflatione, ventrisque rugitibus, nausea, vomitu, & alui stypticitate; qui nec remediis plures dies administratis cesserunt, quinimò immensi nonnunquam cruciatu invadebant, ut pars veluti terebrâ perforari videretur. Tandem tamen cessant, copiosis erumpentibus flatibus, & primò evacuationes fecum alui inquantum, bubularum consistentia, inde excretionem copiosâ pituitæ, crassæ, viscidæ, & glutinis, imò & vitri speciem præ se ferentis. Verum mense elapso rursus dolores iidem recruduerunt, copiosis progressis eructationibus, ventris murmare pituitæ expuitione & ciborum fastidio, à quibus pariter flatum & pituitæ ejusdem speciei evacuatione, Clysteribus carminativis, & ex calidis Oleis paratis sollicita liberatus fuit.

At quoniam vires valde labefactæ sunt, & de eorundem recursu gravis metus impendit, ideo Pat. egregius à nobis præservacionem, & si dolores recurrerent, curationem exposcit.

Ventris dolores quibus per intervalla divexatus fuit vir iste, propriè colici à parte affecta nuncupandi sunt licet Ileii nomine eisdem plerique complexi sint & præsertim Diocles Caristius apud Celsum, Colon enim ut plurimum est pars affecta, unde à Celso *Morbus intestini plenioris* fuit nuncupatus. Et quamvis Gal. Medicos reprehendat, ut populares, qui vehementissimos quosque dolores in qualibet parte abdominis. Colo adscribunt, nobis tamen summo opere placet loquendi formula. Avic. dicentis. *Et in Colo quidem intestino accidit colica, secundum plurimum.* Mox subdit *Et colica quidem secundum veritatem habet suam causam in intestinis grossis.*

Quare ut colicus dolor dici mereatur, satis sit, in crassis intestinis excitari, prout iliacus in tenuioribus, licet nostro casu propriè & exactè colicus appellandus sit, cum in intestino Colo fuerit. Symptoma equidem in actione Animalis Tractricæ depravatè læsa in quo, quoniam ob dolores intestina in sese contrahuntur, aliud in excretis præter naturam immo-dice retentis sequitur. Et quidem colicum nobis manifeste demonstrant qualitas doloris terebrantis, & palo infixi similis; nec non sedes ejusdem, Colon scilicet intestinum, à dextrâ parte in sinistram exporrectum, ac protensum. Et licet adeo Nephritico similis sit ut Gal. in semet ipso fuerit deceptus, lapidem in vetre sibi concludi existimans, cum tamen clystere ex oleo rutaceo injecto vitream Praxagoræ pituitam excreverit, & liberatus fuerit, attamen colicus dolor multo atrocior est nephritico, prout & illius symptomata, nausea scilicet vomitus, & alui stypticitas, sæviora quàm Nephritici. Sequentia quoque colicum dolorem testantur, cum flatibus erumpentibus & vitrea pituita evacuata cessaverit, prout in nephritico, arenosa in urinis subsidentia, quæ ex eodem Gal. omnem quæstionem dirimit.

De causa non est quòd dubitemus, morbum enim ostendit sanatio. Fuit igitur pituita vitrea copiosis flatibus immista, quorum causa ructus, ptyalismus, pituitæ vomitus, nausea & dolores præcesserunt. Hanc autem semper produxit & fovit victus ratio, pituitæ generanda opportuna, crassorum nempe ciborum usus, vini crassæ substantiæ potus, vita sedentaria ætas quoque, temperamentum, corporis habitus, & tandem anni tempus, quæ omnia pituitosi etiam humoris præsentiam confirmant. Hinc dolor plurimum gravans, licet ob flatum cum pituita missionem, quandoque etiam distendens, & vehementius divellens, cum in flatatione, & rugitibus evaderet, progressu fructuum fugacium usû, & copioso multo potu. Neque de flatibus dubitandum, cum excrementorum flatulentorum innatantium, & copiosæ eorundem evacuationis per alvum certissima habeamus indicia quos tamen flatus, non inter intestinorum tunicas, sed in eorum cavitate concludi credendum lethalibus ferè alioquin tormentibus & cruciatibus futuris. Neque cû aliquibus mirari subit, tantâ dari in viventi corpore frigiditatem, ut inde vitrea pituita actu & potentia

frigida procreari queat. Etenim cum humor sit maxime crudus, destituitur à natura, atque à proximo resolvente calore, magisque in dies crassescit, donec crassissimus, adeoque caloris non capax, frigidus evadat. Verum non possibile solum, sed & necessarium omnino, frigidam pituitam colicos dolores excitare, hancque vel ut humidam, vel ut frigidam: non ut humidam, ex ipso Gal. ergo ut frigidam: vehementissimi namque dolores ab activis qualitatibus pendent. Neque quis credat, huiusmodi dolores fieri posse à frigida intestinorum intemperie: non enim tam citò sedarentur: neque pituita per alvum excreta cessaret.

Hinc autem affectus magnus est ratione essentia, unde quidam coli dolore vexati, animi deliquio extincti sunt, aut se ipsos interfecerunt, ut narrat. Gal. cui quandoque etiam Iliaca passio supervenire solet; quinimo & Hydrops sicca, & nonnunquam etiam in Paralyfin & Arthritidem, si humores tenues fuerint, desinit. Neque in nostro Sen. periculo vacat, cum vires magnopere prosteruat, unde facilis sit in Lipothymiam lapsus. Quare ut hanc prævertat, auxilium implorat.

Pro præservatione itaque præmissa accommodata primarum viarum expiatione, totoque venoso genere cruditatibus expedito, frigida & humida ventriculi atque intestinorum intemperies corrigenda eademque partes roborandæ.

In quem finem efficax fuerit Aqua Tettuciana, quinque vicibus exhibendi. Inde paretur decoctum in jure Galli antiquioris, Medulla Guaj. Ligno lentisc. & Sassafr. alteratum, cui præmittatur bolus ex Mithrid. confect. & Sale Mentha, quibus 30. diebus assumptis, ad Thermas Aponenses Pat. deducendus, ut sulphureas eas Aqu. 12. aut 15. diebus hauriat, dejectiones potissimum, quæ tamen postremis diebus etiam diuretica prodesse. Tandem magna Antidota in usum revocet iterum aut tertio, qualibet hebdomada, obesum enim totum corpus calida & sicca medicamenta facile tolerat.

At si fortasse, his non sufficientibus, recrudesceret affectio, curatio duplex esse poterit. Coacta scilicet & regularis. Coacta locum habet atrocissimis urgentibus doloribus, Anodynis, imò & Narcoticis perficienda, unde Gal. ait, *licet ego omnium maxime ab usu graviter sapientium abhorream, ea tamen in colico vehementissimo exhibeo.* Quod repetit his verbis cogente dolore stupefacientibus necessario utor. Ad quæ tamen deveniendum non est, nisi post alia medicamenta incassum adhibita: *Dolores enim sedant, sed dispositiones non sanant.* Hinc Aëtius considerat stupefacientia calidis humoribus magis conferre, frigidis verò nocere, quia illos cogunt, atque incrassant, & valde refrigerant. Ita Trall. & Paul. scripserunt, quod à stupefacientibus humor frigidus crassior & ad motum ineptior evadit, intestinorum tunica densiores redduntur, & tandem aucta dispositione prorogant morbum. Quare nobis Anodynus utendum, missis quoad fieri poterit Narcoticis. Anodyna autem sint interna & externa. Inter interna jus pingue cum gutt. olei Chamam. habetur pro secreto. Oleum item Amygd.

amar. oleum de Lino. Clysteres ex decoct. chamam. Anethi, Melil. Pariet. addito oleo chamam. & Vitellis ovorum. Inter externa oleum Amygd. chamam. Lil. alb. pinguedines, omentata suilla, Vitulina, jam dictis oleis imbuta, & ex Trallian. fomenta magna spongia valde laxantia.

His non sufficientibus, mitiora quoque Narcotica usurpanda, intrinsecus & extrinsecus. Intrinsecus Ther. rec. Nepenth. Querc. & Phil. Rom. insignis in hoc affectu prærogativa. Per sedem quoque injici poterit ol. Amygd. in quo Phil. Rom. rec. ad 3ij. fuerit dissolutum. Posthorum autem unum, jubet Gal. ut noxa calidis emendetur. Quare infundatur clyster vel ex oleo Rutaceo, vel ex vino Cretico aut Hispanico. Extrinsecus Viri celebres secreti loco habent gelidam aquam affatim ventri affusam, quod tamen Hippocrati debent, nam frigida largè affusa corpori inducta dolorem solvit.

Legitima vero atque regularis curatio causæ ablationem spectat. Quare omnium primò occlusio auferenda, alvum molliendo, & facies laxando. Secundò pituita educenda. Tertio flatus discutiendi. Quarto intestina calefacienda, & roboranda.

A clysteribus autem medela exordienda, ita paratis.

℞. Decoct. malv. mercurial. flor. Chamam. Pariet. Betar. ℥j. mell. ros. ol. Chamam. an. 3ij. Vitell. ov. nu.ij. sine sale m. pro clyst. cui si non succedat evacuatio, repetatur alius ex solis oleis, aut Amygd. aut Chamam. addito butyro rec. quem detineat Pat. tota nocte, aut die, appositis interim extrinsecus aliis emollientibus. Quod si nulla facum evacuatio sequatur, leniens aliquod præbendum; quoniam verò plura lenientia sæpe frustra exhibita fuisse vidimus; Ideò tutissimum medicamentum, pluries à nobis expertum, Mannam pinguem proponimus, ad 3v. in jure cinnam. alterato dissolutam, suam namque pinguedine, humectatione & partium subtilitate, laxat, penetrat, & facies emolliendo expellit, cui si fortè alvus non cedat, exhibeatur oleum Amygdal. ab 3viii. usque ad integram libram.

Expedito intestino facibus, pituita tenax est præparanda mell. ros. sol. simp. & oxym. addita aqua Vitæ, Anis. aut Juniper. vel etiam Aqua cinnam. Præparata verò evacuetur hiera picra Gal. ad 3ij. cum Elect. lenit. rec. Quod si interim alvus rursus suppressa fuerit, tale præbeatur medicamentum.

℞. Elect. Diaphan. 3ß. Spec. hieræ simpl. 3ij. Philon. Rom. 3ß. M. F. b sedato namque dolore, melius & facilius laxantur intestina, & excrementa ejiciuntur. Quod si persistat affectio, repetenda erit præparatio, hoc modo.

℞. Decoct. Veronica à Cratone commendata, mentha virid. ab Aëtio, Rad. Imper t. 3v. Olei Zedoar. gutt. v. m. pro syrup. Zedoaria, namque adversus vitream pituitam potentissima est. Inde validioribus repetatur purgatio, quicquid dicant magni viri, iis enim uti licet sedato aliquantisper dolore, minorata materia, eademque satis præparata. Quare præbeatur essentia Troch. Alhand. vel spir. Vitæ aureus Rulandi, quæ si præsto non fuerint.

℞. Elect. Diaphan. 3ij. pilul. Aleph. 3j

Trochisc. Alhandal. Castor. an. gr. iij. M. F. b.

Tertia intentio erat statum discussio. Sic cucurbitula apud Gal. cum multa flamma umbilico admota, veluti incantamentum flatus discutens, dolores momento temporis sedavit, quæ tamen efficacius operatur, si antequam applicetur, in vinum malvaticum calidum immittatur, vel succo allii crudi intrinsecus illinatur. Per os cuminum commendat Aëtius à 3j. ad ij. in Vino Cretico, oleum cumini, oleum Croci. Ol. è floribus Chamæm. per destill. è baccis item Junip. aut lauri ad aliquot guttulas in jure. Potentissima est tinctura cort. Aurant. spiritu vini extracta. Allium quoque ab aliquibus commendatur exemplo illius Rustici, qui solius Allii est, & mero meraciori à colica frigida seipsum liberavit, quod propterea à Cælio Rhodigino Theriaca Rusticorum fuit appellatum, ejusdem efficaciam in illis, ac in nobis Theriaca.

Tandem ventriculo & intestinis aliquod robur conciliandum usu vini absinth. vel Aq. vitæ Juniper. Valet præterea Zinziber conditum, Amygd. amaræ, rotulæ ex oleo de citro, Anisor. Caryophyl. Extrinsecus, umbilicus inungatur Zibetto cum oleo nucis Mirist. vel Balsamo Galbani Terebinthinato, nec non oleo de Baccis Juniper. A proprietate juvantia non sunt spernenda, præsertim à Viris inde dignis experta. Sic à Gal. commendantur Cicadæ tres cum pipere ana, cui subscripsit quoque Aët. Mirabilis habetur lapis Hystricis, Aqu. chamæm. dissolutus, sed omnibus præcellit stercus lupinum de quo mirabilia refert Gal. hoc enim narrat se vidisse non solum sanatos, sed colicæ quoque obnoxios præservatos, datur autem potu, in vino albo, & potissimum in colica frigida, quod extollitur quoque ab Aët. Oribasi. atque Trall.

Circa victus rationem Trall. laudat panem cum pipere aut cumino, Paulus allium crudum, & porrum pro agrestibus. Zinziber conditum plurimum pollet, jejuno ventriculo commanum; quandoque buccella panis Aqua vitæ cum cinnam. madefacta. Vinum alb. meracius probat Trall. cui Sassafras infundere utilissimum fuerit. Abstineat à fructibus, mittat usum ciborum frigidorum, & crassi succi, & corpus in posterum exerceat. Quæ pro salute, & præservatione egregii viri satis. *Joh. Raym. Fortis Consult. & respons. Medicin. Tom. 1. cent. 2.*

Nob. Juvenis 31. annorum agens, temperamenti totius & Jecoris calidi & sicci, gracilis habitus, longis itineribus assuetus, & venerationibus quàm maximè delectatus, quorum causâ comestationibus & compotationibus vini etiam meracioris magnoperè indulgit, cibosque salitos, atque aromatibus conditos in usum habuit, quinque abhinc annis Diarrhæis biliosis æstivo tempore obnoxius fuit, quæ tamen æstate proximè præterita suppressæ (vix enim incipientes statim substituerunt) dolores in imò ventre excitarunt, quibus ingens sitis aduncta fuit. Quare Pat. ruri degens, absque Medici consilio, cum vini potus sitim & dolorem potius augeret aquam è puteo hausit, largius potavit, cujus ope per alvum admodum biliosa copiosè deiciens, omni molestia vacavit. Hoc nihilominus ineunte Autumno, is-

dem doloribus correptus me cum Medico domestico, eadem die ad consilium accivit, qui illum inveni de vehementissimis doloribus conquerentem,isque vellicantibus & lancinantibus cum siti molesta, imò lingua arida, prægressis vigiliis, alvi stypticitate, ac vomitum materiæ crudæ primum, mox amaræ & biliosæ. Obsident autem hi dolores abdomen, transversim sub jecoris regione usque ad lienem protensi, quorum causa habita hujusmodi fuit consultatio.

Non rarò dolores hypochondriaci, præsertim in temperamentis calidis, & siccis, & habitu graciliori, à nobis observantur; colicos æmulantes, quorum Fernellius se primum auctorem prodidit, colicos illegitimos appellans, in Peritonæo, seu membranæ sedem habentes, quod tamen cum aliis pluribus callidus deprompsit ab Hipp. qui in Coacis hæc habet. *Quibus dolores hypochondriorum, Hepatis, & partium circumstantium, hi, si sanguis excernatur, sanantur, sinon, moriuntur, quia metus est inflammationis.* Nostro tamen casu hujus conditionis non sunt dolores Nob. hunc Juvenem affligentes, infestant enim Coli intestini regionem, suntque terebrantes, & paulo infixo similes, vomitibus & alvi stypticitate stipati, qui propterea dubio procul colici statuendi. Neque Nephritici ullo modo censerì possunt, cum iis vehementiores sint, neque ad inguina unquam oblique protendantur, ut Nephritici, neque ulla alteratio, aut læsio in mictione observetur, quæ Nephritici laborant, ad eam frequentius sollicitati, & quidem parioris urinæ, ejusque ab initio valde tenuis, & ferè aquosæ, in progressu verò crassæ & turbidæ. Multò minus de Iliacis dubitari potest, quos comitari solet vomitus assiduus & vehemens, potus incontinentia, & tormina in superiori parte, atque Ilei regione.

De causa autem apud vulgares Medicos dubitari posset, falsò credentes, colicos dolores ab humore frigido ferè semper pendere, cum tamen à calido frequentissimè fiant, ut contra illos Trall. exclamat. Quod observavit quoque Gal. in illo quadragenario, cui prius, tum intrinsecus, tum extrinsecus adhibita fuerant calida remedia, fomenta nimirum, Cataplasmata, clysteres cum oleo Rutaceo, Castoreum, & mel coctum cum pipere, ex quibus cum deterius semper habuisset Pat. cognovit biliosos & acres humores esse expurgandos, ut sanitati restitueretur, quod spatio dierum succedit. Verum, quoniam Ars conjecturalis est, experimenti causa, alimentum prius ægrè concoctionis, & corruptionis exhibuit, quia forsitan & ipse Collegas Medicos metuebat, cum aliàs solus ab initio accersitus, illicò tutam & certam conjecturam fecerit de morbi causa calida, & acri, quam etiam Hiera exhibita statim superavit.

Calida itaque causa certò statuenda, primò enim hanc attestantur calidum & siccum Jecoris temperamentum, & habitus gracilis, secundo vita prægressa exercitiis immodicis dedita, comestationibus, compotationibus, vini meracioris, cibis calidis atque aromatibus assueta, tertio Diarrhæa biliosa, tot abhinc annis consuetæ, & hoc anno tandem suppressæ, quibus hujusmodi dolores successerunt, denique putea-

lis aqua inconsulto epota, quæ illi omnino sedati sunt. Quibus accedunt quoque vomitus biliosus, oris amaritudo, sitis cum linguæ ariditate, atque prægressa vigilia, hoc idem certo indicio confirmantes.

Quare certi ideæ morbi, atque causarum, certa quoque erit salutis spes, statim à Medicis auxiliis petenda, cum urgeat affectus, neque ferre possit inducias, dolor enim acutissimus est, atque immanis, qui Pat. aliquando præ animi deliquio interemit, aliquando verò ad mortem sibi inferendam compulit. Præterea nostro casu inflammatio, & Iliaca passio per-
timescenda non sine metu pariter abscessus, in quem colicam migrasse vidit Gulielmus Fabricius.

Statim itaque cura regularis aggredienda, nisi obstet doloris vehementia, tunc enim *noxa aliqua potius ex Narcoticis medicamentis, quam mors eligenda, crudelis enim hominis officium facit Medicus ille, qui una cum morbo vitam quoque homini aufert.*

Ideo si dolor aut vires valdè prosterнат, aut subeat naturam causæ morbum augentis, aut novi imminentis suspicionem præbeat, Anodynis propriis primò, deinde etiam impropriis Narcoticis scil. utendum. Anodyna propria intrinsecus erunt, Jus Althææ, Malvæ, & Flor. Chamæ. Oleum Amygd. sine igne extractum. Clysteres ex decoct. Malvæ, Melil. Chamæ. cum vitellis ovorum, ex oleis quoque Amygd. & Chamæ. Extrinsecus verò omenta suilla, vitulina jam dictis oleis imbuta, fomenta cum Trall. ex fol. Malv. Chamæ. Anethi, Melil. Rad. Alth. Lil. alb. sem. lini, Fænugr. in aqua communi.

Quibus non sufficientibus, ad Narcotica, audacius in causa calida, quàm in frigida, ex Aëtio progredi possumus, interius & exterius. Internæ erunt emulsio sem. papav. albi, Syr. de papav. Nepenth. Querc. & Philon. recens, Clyster quoque injici poterit ex decoct. hyoscyami, & papav. addito oleo Nenuph.

Quamprimùm autem ad curam regularem properandum, refrigerando, & biliosos succos evacuando, unde Paulus narrat Medicum quendam Siculum omnes dolores colicos refrigerantibus curasse, fereque omnes sanasse.

Quod si in fonte Chirurgico, de sanguinis missione verba faciamus, quatuor potissimum casibus convenire videtur. Primò quidem in affectu inflammatorio. Secundò præsentē febre. Tertiò si colicæ icteritia superveniat. Quartò si in contumaci & diuturno dolore copiosum calidum humorum affluxum metuamus, quæ conditiones cum absint à nostro Pat. omittenda ideo quælibet sanguinis detractio.

Ex Pharmaceutico fonte depromenda remedia per os assumenda, per sedem injicienda, & extrinsecus applicanda. In hac verò colica calida Aëtius vomitum provocat copiosâ Aquâ tepidâ, nos autem jure Pullæ copioso tepido. Medicamentum deinde per os exhibendum, quod humorum acrimoniam demulcere, & ventrem laxare possit, quod egregiè præstare potest cassia ad 3x. vel xii. cui superbibat serum cap. aut Asin. ad ℥ ij. Et licet Gal. Colicam à mordacibus succis statim hie-

ra picra sanaverit, ego tamen hiera uti nunquam ausus fui antè humorum contemperatorem. Quare hodie Cassia erit exhibenda, & nocte sequenti clyster injiciendus, ex Lacte, & Flor. Cass. ad humores contemperandos. In quem finem quoque Gal. quendam colicam patientem, ætatis tempore, siticulosum, solo aquæ frigidæ potu sanavit, cui subscripsit quoque Aëtius, quorum exemplo ego quoque Venetiis medicinam faciens, sæpius in colicis passionibus felicissimo successu gelidam propinavi. Attemperati humores expurgari poterunt eadem hierâ picrâ, hoc pacto.

℥. Flor. Cass. rec. ʒj. Hierâ picrâ ʒj. M. F. b. à quibus horâ exactâ hauriantur Seri Asin. depur. ℥ ij. aut iij. quod Serum sequentibus quoque diebus, matutinis horis erit exhibendum & Clyst. ex Lacte, Butyro, vel ung. Malv. parati injiciendi.

A doloribus autem Pat. liberato, quod paucis diebus futurum spero, diathesis illa, & prava intestini dispositio erit auferenda, jecorisque calida intemperies corrigenda. Quare statim Aquas acidulas Villenses pluribus diebus, cum vehiculo dejectorio syr. ros. sol. præberem, clysteribus interim ex Flore Cassiæ eadem Aqua Villensi dissoluto injectis.

Extrinsecus quoque refrigerantia, sed laxantia conveniunt, intestinis enim laborantibus, ab adstringentibus abstinendum. Quare illinatur venter Oleo Viol. Nenuph. Amygd. Ung. Malv. & in fine quoque Rosaceo. Nonnulli magni Viri linteum commendant frigidâ aqua madefactum, & ventri appositum, quod tamen soluta alvo, & facibus laxatis, atque evacuatis tutius fieri poterit.

His omnibus aliqua à proprietate juvantia non inutiliter addi possunt. Sic Galerita tota & comesta dolores sedat, sed & elixa repetita, quam approbat quoque Aëtius, & cuius cinerem ad cochlearia duo exhibet Trall. Lupi quoque intestinum optimum, cum Cornu Cerv. ex Avic. & Rhafi. Ego verò quandoque exhibui cinerem Gammæarum, Astacorum, ad cochlear, & quidem cum juvamento. Extrinsecus extollit Gal. stercus lupinum inguinibus appensum, vinculo facto ex pelle Cervina. Neque hæc, ait ipse Gal. sunt barbara præstigia, sed sunt substantiæ, quas alias operari sum expertus, quod & à Sexto Empirico confirmatur. Avic. verò laudat intestinum Lupi eodem modo alligatum.

Circa victus rationem, primo vino omnino omisso, Aqua putealis bibenda. Cibus sit Ptisana sine Sale, Lactuca quoque decocta, poma pariter cocta. Ab aceto cum Avic. prorsus abstinendum, intestinis infesto. Neque inedia Pat. præscribenda, sed parum, & sæpè potius cibus exhibendus, causa namque biliosa est, temperamentum calidum siccum, habitus gracilis, & pluries quotidie cibus assumendis est assuetus. Quæ pro curatione hujus affectus in confirmationem eorum, quæ à Sapientiss. Viris adducta fuere dicta satis, hoc solum addito, quod ut prævertatur Diarrhæa biliosa, ad usum sit revocanda semel singulo mense Pilula ex Aloë ad ʒj. sub cibi tempus assumpta. Johan. Raym. Fortis Consult. & respons. Medicin. Tom. 1. Cent. 2.

Serenissima Matrona annum agens trigessimum secundum, temperamenti totius calidi & sicci, fervidioris jecoris, habitus gracilis, ad operationes promptissima, arthriticis & podagricis doloribus obnoxia, cruditatibus semper scatens; post intermissum ludendi exercitium, necnon viperini juris usum, incidit jam bis in colicos sævissimos dolores, à quibus ratio, quæ præservari possit à te, Vir præstantissime, quæritur.

Si arthricos seu podagricos dolores Dysenteria superveniens solvit, ut in Prorrh. testatus est Hipp. qui asseruit & in Epidem. idem contingere à doloribus colicis supervenientibus, pro certo quoque habendum, non à solo capite, ut credidit Fernelius, sed à venoso genere etiam Podagram originem ducere, eamque non tantum à bile & pituita commotis, verum & à sanguine, à bile, & pituita corrupto, ut distinguebat Hippoc. libro de affectionibus. Et licet effectus hujusmodi per metastasin fieri ab omnibus Medicinæ scriptoribus ac Professoribus creditum fuerit, hoc tamen nonnisi improprie asseri potest: per deductionem enim sive diversionem proprius id fieri dicendum existimo; siquidem materia in venoso genere collecta, quæ ad articulos ruere jam inceperat, dum ad intestina motum & impetum sumit, ab articulis ipsis divertitur, jam ad eosdem transmissa resolvitur, sicque dolores podagrici cedunt; non autem cedunt, metastasi facta ejusdem humoris in articulis actu dolores excitantis, quod facile quoque confirmare potest quandoque humoris paucitas in articulo existentis; copiosa verò ejusdem sarcina per Dysenteriam ipsam excreta, necnon in colicis, medicamentis & clysteribus ab intestinis educta; quod idem contigit in Sereniss. Duce, dum cruditates in ventriculo genitæ, bili à fervido jecore productæ, associatæ, & in venis collectæ, non amplius ad articulos transmissæ, sed ad centrum & intestina conversæ, & in eisdeten detentæ, crassæfactæ, ac magnâ ex parte in halitus conversæ, intestina ipsa, & Colon præsertim distendentes, continui solutionem, & per consequens colicos dolores quandoque excitant.

Ventriculus autem in casu nostro potissimum est accusandus, qui non adeò validus naturaliter existens, imbecillior redditur, & ad perfectam Chylosin magis ignavus, dum à perpetuis applicationibus, & gravioribus curis in bene regendo calor ejusdem ad caput divertitur, unde cruditates: sicut ab animi motibus jecur, natura calidius, magis magisque fervet, unde biliosi humoris proventus; qui humores antehac ad manus advocabantur, mediante illarum frequenti motu, quo intermisso, ad intestina tanquam ad locum ignobiliorem, magisque conferentem transmissi, neque excreti, colicos dolores, modo jam dicto, & forsan acutiores ob bilis mistionem, nonnunquam produxerunt.

Quibus ita se habentibus, in promptum est præservationis ratio: curandum enim nè hujusmodi excrementa regenerentur. Secundò, ut genita citò & frequenter per alvum ejiciantur; quæ præstanda erunt, Ventriculum roborando; Jecoris fervorem quodammodo con-

temperando; Juges cruditates frequenter evacuando; & venosum genus, si opus fuerit, purificando: ita enim Serenissimam & à colicis, & ab arthriticis doloribus præservari posse sperandum, absque eo quod peccantes humores ab hac vel illa parte divertantur.

Et quoniam venosi generis status jam ab Excellentissimo Viro fuit Saphanæ sectione exploratus, non valde pravus, ideò si libuerit, intermedio inter utramque menstruam purgationem tempore vena superior dexteri brachii magis apparens aperiri poterit, parcè tamen, & nonnisi ad uncias quatuor sanguinem mittendo, ut major adhuc certitudo de qualitate sanguinis habeatur, siquidem medicamentorum purgantium administrandorum norma esse debet. Et si manus articuli non adeò expeditè moveantur, optima erit frequens lotio & immersio in lixivio dulci radicibus althææ alterato.

Quod si Pharmaceutica remedia considerentur, cum jam primæ viæ, ut ex relatione habeo, fuerint expeditæ; aquas Tettucianas propositas approbo, cautissimè tamen cum vehiculo dejectorio administrandas, & dimetientdas, nè portio earundem vel minima ad urinæ vias deferatur. Indè ad aliquod electivè purgans deveniri poterit, præmissâ tamen aliquâ præparatione & viarum dispositione; in quem finem Julapij acet. usus, corticibus citri aromatiz. cui succedat potus aquæ stillat. cichor. & agrim. proderit; imò si aliqua observetur in hypochondriis obstructio, eidem aquæ grana Tartari vitriol. addi poterunt. Purgans autem erit pilula de tribus & aggregat. simul mista, addito Flore Cassiæ ad pilul. calorem temperandum, quibus post horam superbibat quoque cyathum aquæ Nocerianæ aut hordeacæ, & tribus horis ab assumpta aqua prandeat; quod repeti poterit, habitâ sanguinis jam educi ratione, & in progressu aqua stillat. cichor. endiu. aut borag. vice agrimonix, addenda fuerit.

Quoniam verò mellus est medicamentum expertum non experto, ut monebat Avic. ideò ad jus pulli, viperis nutriti, duci poterit Sereniss. Dux, quod proficuum magis erit, si optimæ chinæ portio eidem addatur. Verum quia Æstate & Hyeme jam dicta extrementa colligi solent, sicut Vere & Autumno moventur, ut observabat Hipp. ideò ineunte Vere & in Æstatis fine, vinum medicatum solutivum, xxx. saltem diebus assumendum consulo; ut dolores utriusque generis arceantur, cujus descriptio Serenissimæ adaptata talis erit:

℞. Chinæ opt. inc. ℥ ij. radic. caryophyllatæ ℥ β. baccarum juniperi manip. β. lentisci è chio ℥ j. hermodactylorum ℥ i. turbith. elect. ℥ j. fol. senæ rec. mund. ℥ iv. Rad. polypodii ℥ iij. cinnam. integri ℥ iij. cortic. citri rec. pug. j. vini nigri pro mensa consueti syclum, sive situlam unam, reponantur omnia in vase ligneo, & transacta hebdomoda potari incipiatur, sitque primus cyathus in mensa, tum in cena. Hujus autem usum præcedere debet tantum unica potio ex man. clarif. citra ullam aliam viarum aut corporis expiationem.

Nec interim vinum medicatum alterans reliquo tempore improbo, china, santalo, &

lentisco, sive ligno roris marini parandum. Ventriculo robur quoque addere poterunt duo aut tria grana mastiches, statim ab assumpto cibo integra devorata.

Jam dictis omnibus cautior erit addenda vivendi ratio, & præsertim in applicationibus, quarum urgentiores & majoris momenti mane jejuno ventriculo sunt exercendæ; reliqua vero ad hunc fontem attinentia, à viro Excellentiss. Adstanti relinquo præscribenda, dum sanitatem inculpatam à Deo Serenissimæ ac prudentissimæ Duci ex corde precor. *Joh. Raymun. Fortis consult. & respons. Medicin. Tom. 2. Cent. 3.*

Nephriticis doloribus jam diu torqueri Com. Illustrissimum asserunt in relatione Præclarissimi viri, quibus & ego subscribo, quoniam ex Gal. & Hipp. *si in urinis arenosa subsideant, tollitur omnis questio.* Minor tamen quod in repetitis hujuscemodi doloribus nunquam calculus ejectus fuerit observatus. Colicis item passionibus obnoxiam fuisse à viris iisdem recipio, quoniam excrementa pituitosa & crassa, & viscida non semel excreta visa fuere. Verum tamen est quod inter colicos & nephriticos dolores tanta intercedit similitudo, & affinitas, ut exercitatos quoque viros sæpè decipiat, & Galenum in semetipso semel decipit. Iliaci quoque superadditi fuere cruciatus, & non semel sed pluries, un continetur in relatione, utque & situs, & doloris qualitas, & facilis ventriculi consensus, cum actionibus læsis attestari potuerant, & isti tamen sine evidenti vitæ consuetudo discrimine. Quamvis autem omnibus jam recensitis affectibus omnia jam dicta symptomata communia esse soleant: quia tamen aliquod peculiare, & pathognomicum unusquisque sibi habere consuevit, quod a viris Præstantissimis observatum certo fuerit, idcirco iisdem de omnibus plena fides habetur; sicut plenissima de jecoris præsertim & reliquorum viscerum obstructionibus, quamvis hucusque totius corporis nutritio illæsa servata fuerit.

Horum verò omnium causa materialis, cruditates fuerunt, non tantum à viscerum dyscrasia & imbecillitate, verum multo magis ab improprietatis objectis generatæ, quæ in vasis partium stagnantes obstructiones produxerunt, à jecoris & aliarum partium calore ex clausuris adaucto facile exsiccata, quæ ideo medicamentis non adeo facile cesserunt, eoque difficilius, si à vasis, in hepatis etiam carnem aliqua ex parte sese insinuaverint, ut facilius credi potest, si durities & pondus cum aliis symptomatibus considerentur. Nec mirum, si tam diu adeo atrociter perseverantibus malis, & in ventriculo & in intestinis, & in jecore, (ut scriptum fuit) intemperies & imbecillitates introductæ fuerint, naturalis æconomia fuerit subversa, & juges cruditates necessario emergant, à quibus partim in status conversis dolores exacerbantur, partim vero fermentatis, & calorem præter naturam adeptis, febres modo accedentes, modo recedentes excitentur.

Ab hoc statu morbofo prorsus vindicari posse Comit. Illustriss. in sexagenaria ætate constitutum, non adeo facile video; intemperies enim corrigere & visceribus pristinum tonum

restituere ac robur addere non licet nisi prius organico morbo ablato, & interim Quibus circa umbilicum dolores, & lumborum dolor, qui neque medicamentis, neque aliter solvuntur, in hydropem siccum firmanur, eoque facilius, cum multo abhinc tempore hypochondriaca fuerit, ex quo cum Gal. intemperies habituales colligere licet. Attamen quoniam hucusque coacta potius, quam regularis curatio præstita fuit: ideo novissime proposita à præclariss. Viris, magnopere fidere possumus, cui ego quid addam, aut parum, aut nihil habeo, dum & ego propositis intentionibus recta ordine satisfaciendum esse existimo, primas vias expiando, mesenterii & cavæ jecoris partis, deinde gibbæ obstructiones aperiendo: mox renes & vasa urinaria mundando, atque subinde intemperies corrigendo, & tandem visceribus robur addendo,

Quibus ut satisfaciamus, aliquam sanguinis educationem non omitterem, prius tamen primis viis expeditis, & obstructionibus quoquo pacto immutis, soluta jecoraria dextra, ad caloris ventilationem, & sanguinis qualitatem explorandam, quo fine parca, & non sine Medici præsentia erit facienda ejusdem sanguinis missio; clysteres quoque modo evacuantis modo epicrastici non omittendi, nec pedum lotiones, aut frictiones prorsus deferendæ.

A fonte Pharmaceutico reliqua depromenda: sic Leniens primum esse poterit ex manna clarif. cum cremore tartari; secunda quoque vice, post prima preparantia repetenda; quæ adhuc à Viris Excellentiss. utiliter exhibitæ fuit. Inde oxymel, cortic. citri aromatizatum, parandum erit, & ad ℥ij. exhibendum, totidem aquæ flor. citri simul mixtis. Inde ad secundam præparationem & ad obstructionum resorptionem devenirem, & à valde caloricis abstinere, succisque uterem depuratis & per arenam trajectis, cich. & borag. in jure pullæ cichoraceis alterato, in quo dissolvantur quoque grana decem tartari vitriolati: Ita transactis septem diebus, medicamentum ex cassia, lenit. & pil. de tribus, compositum exhiberem, superbibendo jus tenuè maluis alteratum. Inde aqua Tettuciana tuto propinari poterit cum vehiculo manna clarificata, & mellis rosati solutivi, quæ tribus, quatuor, & quinque quoque vicibus erit repetenda, incipiendo à lib. v. usque ad vi. sat enim erunt expeditæ viæ pro ejusdem aquæ transitu, cum perpendiculariter à ventriculo per intestina procul à jecore ad alvum ducantur. Observandus tamen diligenter earum transitus per alvum; sicuti & eodem tempore observandæ urinæ: namque si aquæ portio in urina observetur, ab exhibitione desistendum, vel sequenti vice vehiculum adaugendum. Inde ad jecoris cavam aperiendam deveniendum, quam rite præstare poterit rhabarbari usus, ut quod aperire, visceribus amicum, roborare valeat. Hoc autem in substantia, primis vicibus, pro cava, in progressu verò, in infusione pro gibba parte referenda exhiberi solet. Præbeat igitur ad semidrachmam cum pass. aut flor. cass. drachmis duabus immixtum, cui superbibat jus pullæ endivia & malua alteratum, in cujus usu octo aut decem diebus insistat, mox medi-

medicamentum repetat ex cassia; lenit. & pilulis de tribus contritum.

Post hæc gibba ejusdem jecoris aperientibus respicienda, in quem finem arrisit mihi semper syrupus Ferneliano modo paratus, cujus dosis erit ad ℥ij. in exiguo vino albo dissolutus, absente febre, quæ presente dissolvatur in jure endivia alterato; præbeatur autem alternis diebus decem aut duodecim vicibus; & diebus intermediis offeratur cyathis aquæ stillat. cich. & agrim. in qua dissoluta fuerint grana xij. salis tartari volatiliz. & præmittatur bolus ex semisrupulo extracti rhabarb. tart. vitriolati, & salis viperini. Descriptio syrupi Ferneliani talis erit.

℥. Radic. cich. petroselini, fœniculi, caparum, polypodii querc. sem. cartami an. ℥ss. foliorum hyssopi, prassii albi, origani, agrimoniz, ceterach, cuscute, adianti an. m. j. lemin. anis. fœniculi an. ℥ij. endiv. melonum an. unc. ss. aquæ agrim. ℥ss. iij. m. bulliant ad consumptionem tertiam; in colatura postea infunde per horas xij. foliorum fenæ mundat. ℥iv. agarici albi ℥ij. epityhmi ℥ss. gingiberis ℥ij. postea bulliant parum, & expressioni adde sacchari albi ℥ss. bull. ad syr. consistentiam, deinde adde Rhab. in peria alligati ℥ss. & fervetur ad usum.

Quod si fortasse hypochondriorum calor non adeo facile syrupi Fernel. usum tolerare poterit, tunc hora transacta, superbibenda præbeatur, post assumptum syrupum, seri caprini destill. ℥ss. j.

Quibus peractis, de ventriculi & jecoris roboratione, & nativi caloris refectione cogitari poterit; & ad hæc præstanda opportunissimum erit jus chinæ à Viris Præstantiss. propositum, cui addi poterit portio ligni nephritici, & portunculæ ligni sassafras, cum palmatū turricola, aut perdice parandum, eidem præmittendo bolum ex terebinthina nostra ad semi drachmam cum semisrupulo salis absinthii & tartari vitriolati: ita namquæ vires cum viscerum roboratione, renū quoque abstersioni, & ductuum mundificationi providebimus, si quis forsan adesset retentus calculus, quod Deus avertat.

Pro sedandis tandem doloribus, præter inunctiones, illitiones, omentorum animalium oleis imbutorum appositiones: præter levium Narcoticorum usum, decoctionem scil. papaveris, syrup. de papavere, Laudanum Nep. Quercetani magnopere conferre, & in usum impune duci poterit clyster ex lacte vaccino, vel ex oleo amygdalino, in quibus dissoluta fuerit drachma philoni Romani recentis, duarum enim horarum spatium prorsus sedabuntur dolores, & conciliabitur somnus, quem tamen clysterem præterito jam dicto tempore excernere debet Illustriss. Patiens, ne ab illo diu detento caput nimis gravetur.

Quibus omnibus addatur congrua victus ratio à Viris sapientibus præscribenda; sicut reliqua quoque omnia pro vera & legitima curatione Patientis Illustriss. ab iisdem proposita, & à me confirmata fuere Joh. Raym. Fortis consulti. & Respons. Med. T. 2.

Gothofredus Hildesheimius Francisci Hildesheimii Medici olim celeberrimi ex filio Ne-

pos, supremus rerum capitalium in exercitu Imperatorio Præfectus; otio & crapulæ deditus, immani dolore ventris maxime sub umbilico, pali infixi speciem exhibente affligebatur; alius obserata nihil excernebat; per os quidem pituitosa vomebat; sed sine juvamento.

Passionem colicam à pituita nata ipse dolor & vomitiones pituitosa indicant.

Dolor pali infixi speciem exhibet, ob violentam tunicarum distensionem.

Alius obstructa est; ob impeditam facultatem in excretionem; propter viarum angustiam à copia pituitæ viscidæ factam.

Adhuc vomitus; ventriculo per consensum ob communionem membranarum affecto.

Sine juvamento; quia materia viscida in intestino colo & tunicis pertinacius hærens, per vomitum; nec facile nec tota rejicitur.

Dolor itaque tamquam principale urgens mitigandus, & causa continuum solvens & dolorem excitans; amovenda.

Ad utrumque scopum consequendum præscripsi clysterem ex emollientibus; laxantibus & dolorem lenientibus.

℥. Fol. rut. branc. ursin. mercurial. Parietar. malv. c. toto an. m. ss. Flor. chamæm. m. j. melilot. summit. aneth. an. m. ss. Rad. altheæ ℥ss. sem. anet. carvi; bacc. laur. ana ℥ij. coq. ex aq. simpl.

℥. Colatur. ℥x. elect. diacath. bened. laxativ. ana ℥ss. hier. simpl. ℥ij. ol. aneth. rutac. ana ℥ss. sal. gemm. ℥j. M. F. Enema.

Ventrem oleo anethino, chamamelino & rutaceo sæpius inungendum præcepi.

Rejeto clystere jusculum ex cremore ptisanæ avenacæ cum paucis saccharo, abstersionis gratiâ, exhibui. Quievit paululum à somno recruduere dolores, repetivi itaque inunctiones & clysterem.

Cum nihilominus perseveraret dolor, balneum aquæ calidæ in hunc modum adornatum, commendavi.

℥. Herb. organ. calaminthæ, rutæ ana m. ij. Flor. chamæmel. m. ij. malv. c. toto m. ss. melilot. m. j. summit. aneth. m. ij. sem. lini ℥ij. fœn. græc. ℥j. aneth. ℥ss. Baccar. Juniper. ℥iiij. incisa & conquassata coq. ex f. q. aquæ simplicis; pro balneo.

Ante inessum exhibui Theriacam cum pulvere meo anti colico.

Hinc dolor sensim remisit: interea de virium languore conquerebatur æger, quarum instaurationi inter cætera optime profuit malvaticum cum mica panis albi.

Ex intervallo trium; quatuorve dierum, ubi dolor ex toto sublatus esset, viresque recuperatæ, ad pleniorē & perfectam humoris pituitosi evacuationem præscripsi pilulas phlegmogas Quercetani, quarum usu ingentem pituitæ copiam rejecit, & sic pristina sanitati restitutus est.

Ceterum cum recidivam metueret, suasi decoctio ligni Guaiaci ad absumendas reliquias & corrigendam intemperiem frigidam, ad tempus uteretur; observata convenienti & frugali dieta. Crapulam ante omnia & vitam desidiam ac sedentariam fugeret, corpus quotidie ante prandium & cenam, deambulando, equitando, vel alio quovis exercitio, moderate moveret;

& nè vitiosi humores iterum cumlarentur, interdum pilulas benedictas, vel phlegmagogas Cratonis, vel aliud scopo huic conveniens medicamentum assumeret. *Baldassar Timæus Respons. Medic. lib. 3.*

Illustrissimus Princeps ac Dominus D. Franciscus Albertus, Dux Saxonæ, Angriæ, & Westphaliæ, ætatis consistentis, temperamenti calidi & sicci, Anno M. DC. XXIX. Mense Julio in acutissimos ventris dolores circa coli regionem subsistentes, incidit, cum totius corporis æstu, siti, nausea, vomitionibus biliosis, inquietudine & vigiliis.

Morbum intestini plenioris, quem colicam passionem dicimus, non tantum ab humoribus frigidis, pituitosis, flatulentis, sed etiam calidis, biliosis & acris excitari, vulgò notum est & constat hoc ipsum cum aliorum, tum Illustrissimi Principis exemplo. Is naturâ calidus & siccus ad acrium & biliosorum humorum productionem cum esset aptissimus, collectâ & mota eorundem per tunicas & vasa intestini grandioris copiâ, facile dolores colicos incurrere potuit, adjuvante imprimis & ebullitionem promovente aëre externo calido & viâ potentioris, cui assueverat, largiore potu.

Totum corpus æstuat ab humorum biliosorum effervescencia, quæ non tantum dolorem in parte affectâ, sed & calorem in toto parit.

Sitis urget, ob humiditatem, quod calor absorbit, in ventriculo defectum.

Nausea & vomitus biliosi, à concitatâ, & in ventriculum ex vesiculâ fellis & duodeno intestino effusâ bile proveniunt.

Vigilias dolor inducit, quatenus in sensum tactus vehementer agendo sensum quoque communem excitat, quo commoto etiam reliqui sensus excitantur, accidentibus & exhalationibus biliosis, somnum impediunt.

Curatio in doloris lenitione & causæ amotione consistit.

Duos hosce parietes, ut unâ quod dicitur fidelitâ dealbare, ordinavi Enema ex anodynis & biliosos acresque humores evacuantibus.

℞. Herb. Endiv. pariet. Malv. è toto violar. lactuc. ana m. ℞. Flor. Chamæ. m. j. sambuc. p. j. summitat. melilot. anethi ana m. ℞. Rad. liquirit. rasæ ℞. Altheæ ℞vi. Sem. lini ℞iij. fenicul. ℞i. Coq. ex l. q. aq. simpl. R. colatur. ℞x. Cast. pro Clyster. ℞j. Electuar. diacatholic. ℞iij. Ol. olivar. ℞ij. Chamæ. ℞j. Sal. gemm. ℞j. M. F. Enema.

Ventrem oleo violarum & amygdalino dulci repetitum inunxi.

Cum nihilominus continuaret dolor, alium clysterem magis anodynum & abstergentem præscripsi. R. Flor. Chamæ. m. j. Sambuc. viol. ana p. j. pap. Rhead. m. ℞. Rad. altheæ, liquirit. ana ℞ss. Sem. aneth. malvæ ana ℞ij. Summitat. aneth. p. j. Coq. ex l. & dulc. q. s.

℞. Colatur. lbj. Sacch. Thom. ℞j. Vitell. ov. num. i. M.

Ab usu clysteris exhibui oleum amygdalarum dulcium recentissimè expressum cum jure pulli.

Postquam semel atque iterum per alvum biliosa excrevisset, dolores magnâ ex parte remittere videbantur. Quare ut cumlati circa primas vias biliosi humores ulterius & plenè

evacuarentur, commendavi vinum passulatum laxativum, singulis vel alternis diebus, pro tolerancia bibendum, cujus usus Illustrissimo Principi adeo salutaris fuit, ut non tantum ab acutissimis doloribus, sed & aliis symptomatibus, ardore scilicet ventriculi, oris perpetuâ siccitate, & siti, quibuscum antehac subindè confictatus fuerat, perfecte liberaretur. *Baldassar Timæus Respons. Medic. lib. 3.*

Vir triginta circiter annorum, temperamento calido & sicco præditus, macilentus, & staturæ oblongioris, leges Diætæ non adeo observare solitus, sed potius appetitui indulgens, cibis delectabatur partim calidis, bilemque adaugentibus, partim quoque flatulentis, saporisque cerevisiam minus defæcatam, vinumque paulò liberalius ingurgitabat. Hinc quandoque adstringi alvus ita cæperat, ut per aliquot dies obserata nihil quicquam excerneret. Ager verò naturæ robori & bonitati, quâ aliàs gaudebat, hæc committens, de remediis parum cogitavit, hinc permanente adhuc alvi adstrictione, ventris dolores, maxime circa hypochondrium dextrum, & versus umbilicum, oborti, insignem perforationis cujusdam sensum & molestiam excitarunt, quibus quandoque murrura, & borborygmi, cum ventris induratione, siti, nausea, & vomitu humoris subamari & visceri per intervalla superveniunt. Doloris itaque acerbitate, metuque mali gravioris indutus Ager Medicum expetit consiliū.

Affectus, quò æger præsens laborat, colica est passio, vel dolor colicus, adeoque ex illorum numero, qui nomen à symptomate & parte affectâ habent, monente *Galen. lib. 2. m. cap. 2.* Dolet enim Colon, intestinum crassum, quod *ἀνὰ τὴν λαγῆαν*, à contorquendo & castigando, eo quod doloribus sit maxime obnoxium derivari solet, recensente *Bartholin. Anatom. Reformation. p. 68.* quamquam aliis magis arrideat derivatio *ἀνὰ τὴν λαγῆαν*, quod retardare, remove, prohibere significat, siquidem in hujus intestini cellulis feces alvinæ retardantur aliquamdiu atque detinentur. Sed mittemus hæc ad Etymologiam pertinentia, remque ipsam potius intuebimur.

Describi potest hæc passio: quod sit tristis sensatio, sive aucta p. n. tactus in intestinis, præsertim colò, variaque perceptio, à membranarum & partium nervolarum, in dicto præsertim intestino, continui solutione proveniens. Patet hinc colicum dolorem ad symptomata primæ classis h. e. actionis læsæ pertinere. Nolumus autem eam litem nunc nostram facere, quæ alias, numper actionem depravatam an auctam potius, hæc læsio explicari debeat? Controversitur: cum quicquid statuatur, defendi, si rectè explicetur, possit, & cæteroquin parum momenti asferre ad curationem videatur.

Esse autem hunc & non alium Affectum, quò noster excrucietur æger, ea quæ in Historia recensentur, haud obscure indicant. Nam i. ipsa adsunt *essentialiter inherentiæ*, sensatio scil. tristis, sive aucta p. n. variaque in intestinis, & præsertim colo tactus perceptio; quæ duo hujus symptomatis naturam & essentiam potissimum absolvent. Adsunt 2. *essentialiter consequentiæ*, siquidem Historia refert, præter alvi adstrictionem, etiam ventris murrura & indurationem percipi,

cipi, nauleamque & sitim cum vomitu humoris subamari & viscerum accessisse. Quod si 3. prægressas examinemus causas tales sane extiterunt, ut ejusmodi passionem haud dinculter producere potuerint, prout postea circa causarum investigationem pluribus ostendetur.

Subjectum nunc, partem affectam quod attinet, partim Ventris in genere fit mentio, partim vero & præsertim Hypochondrii dextri, & umbilici regio, in casu nostro denominatur, ut proinde non obscure pateat, si de parte principaliter affecta sermo instituitur, colon esse, seu superius quoque innuimus; hinc quamvis Colica passio latè sumta omnem intestinorum dolorem significet, nostrum tamen ægrum Colico dolore stricte accepto affligi ipsa regio, quam cruciatus hic maximopere occupat & quæ coli dicitur, ostendere potest. Est enim Colon crassorum intestinorum secundum, cæteris multo amplius & latius unde *κόλον*, quasi, seu cavum aliis dici videtur. Incipit, ut verbis Diemerbrockii dicam, circa os ilium dextrum, proximo ibidem Reni se jungens, hinc sursum atturgit, & facto sub jecore flexu transversim sub fundo ventriculi (cui mediante omento annectitur) pergit & a sinistris Lieni Renique sinistro tennibus membranis adhæret, usque circa os ilium sinistrum, facto flexu, Recti intestini principium orditur.

Quæ sitis & conformationis variis distinctæ cellulis ratio in hunc abit usum ut dicto in intestino fæces aluinæ coacerventur, & usque ad excretionis tempus detineantur. Reliqua, quæ modo recensitis addi possent, apud Anatomicos videantur.

Undenam verò Æger hoc mali genus patitur inquirere jam imprimis convenit, cum effectus non nisi remota causa cessare soleat. Ordine ut progrediamur & primò de causa proxima dicamus solutionem continui in membranis, partibusque intestini potissimum coli nervosis non tam factam, quam fientem, superius allata Affectus hujus definitio accusat. Hinc enim augetur p. n. vel depravatur in partibus maxime sensibilibus, illa tactus perceptio, spiritusque in partibus istis hospitantes in varias *ἀνταγίας* vel inordinationes adiguntur.

Hanc continui solutionem sub improportionati objecti schemate prodixerunt causæ mediata, quarum proximiores in *Humores & flatus* rejiciendæ hoc quidem in casu videntur; siquidem non solum bilis sed etiam Pituita glutinosa sed viscida illi permixta symbolum satis evidens conferunt; quam humorum miscelam, Flatuum quoque haud infrequentem causam esse statuit Sylv. l. 2. c. 21. §. q. ipsaque id ratio & experientia confirmant. Hinc quamvis chylicationis in ventriculo vitium primas quasi turbas moveat, Bilis tamen aliique humores excrementii ad intestina transmissi potissimum accusandi, quippe qui p. n. intestinis subsistentes, & coacervati particulis suis salino acidis atque glutinosis nervosas intestinorum partes insigni cum cruciatu vellicant; exituque denegato in flatus resoluti adeo quandoque colon distendunt, ut etiam brachii amplitudinem cavitate suâ adæquasse observatum fuerit, prout exempla apud *Schenck. l. 3. Obs. de Intest. p. 1. 4. Plater l. 3. Obs. p. 656* *occurrentia testantur.*

Quod si jam porro causarum remotiorum instituiamus examen, & eos juxta duplicem *rerum naturalium, non naturalium, & p. n.* classem consideramus, non parum in lata sententia confirmamur. Nam inter *res naturales* ipsa nobis Historia *Temperamentum* Ægri calidum & siccum s. cholericum ostendit, quod ad evidentem particularum sulphureo salinarum productionem maxime aptum, atque dispositum esse indies experimur. Ut nē jam dicamus, *habitus corporis* macilentiorē tali temperamento multum debere, præterquam quod *sexus Virilis*, præ muliebri, plerumque hoc malo magis & frequentius infestari solet. *Res non naturales* quod attinet, patet ex historia affectus, ægrum de legitimā *victus ratione* parum fuisse sollicitum quin potius genio suo indulgisse, & cibis bilem ac pituitam adaugentibus flatulque generantibus delectatum, *Libero* quoque & *Cereri* strenue litasse jam verò constat, quas Vinum, præsertim recens, & cerevisia minus defæcata excitare turbas & possint & soleant. Flatuosum omne est multum, ut *Galen. l. 2. de Aliment. facultat. c. 9.* neque insolita res est cerevisiam nimis recentem ventrem inflare, turbare alium, atque intestinorum creare dolores, Vide *Sebiz. l. 4. de aliment. facultat. c. 4. p. 1154.* Possemus hæc prolixius deducere, si in Historia morbi observata hætenus diatæ ratio paulò specialius descripta fuisset. Sed plerumque ægri, quid rei gesserint, Medicum celant; semetipsos potius quam illum decipientes, dumque sanis omnia sana putant, eo facilius mediocritatis, naturæ suæ convenientis leges transgrediuntur. Ad tertiam classem, quæ *resp. n.* comprehendit, accedentes, equidem quibus æger obnoxius morbis fuerit, aut etiam laboraverit, historia non recenset nisi quis forsan illam *alvi adstrictionem* quam interdum passus est, eò referre velit, quippe quæ alias sanis non æque accidere solet. Hanc si excipiamus, robur naturæ, quo hætenus usum fuisse ægrum perhibetur, innuere videtur, satis eum bellè, adeoque à morbis, præsertim iis quæ intestinis insidias struunt, plerumque immunem hætenus vixisse. Silente vero historia, non est ut extra oleas vagemur.

Non destituimur autem propterea rationibus, quibus, deducto nunc causarum examine, symptomata quæ dictus dolor secum traxit, & quorum in casu nostro facta mentio est illustremus. 1. enim illa ipsa alvi adstrictio & constipatio vix aliunde, quam à viscerum siccitate & materia glutinosa parietibus intestini coli adhærente, commodius deducetur, quandoquidem ipsa ratio dictitat, cibos calidos sicciore, imo & crassiores, sicuti coctionem primam valde turbant, ita in secunda non fieri meliores, sed bilis & pituitæ viscidæ proventum ubique deponere, hincque ad fæcum aluinarum dutitiem plurimum conferre, præsertim si quis sui curam negligentius gesserit, quod ægrum fecisse ex historia patet. Hinc 2. Dolores ventris præsertim circa coli regionem sunt oborti, eò quod hoc intestinum, seu supra ostendimus, subjecti rationem subeat, hujusque tunicas & membranam interiorem humores biliosi & acres lancinent, ac pituitosi & visceri in flatus resoluti distendant, sicque sol-

solvendo continuuam cruciatibus insignes causantur. *Murmura* interim 3. una percipiuntur, certa flatuum indicia; siquidem in amplo satis coli spatio modò dicta materia pituitosa glutinosa cum bile juncta, tanto facilius in flatu resolvi, & vagos ventris dolores, quin certà etiam ratione alicubi fixos & terebrantes excitare potest. Subsecuta tamen 4. *Ventris inflatio*, ab excrementorum, quæ excerni debebant, durante per aliquot dies retentione; hinc enim flatu ab exitu prohibiti, amplius spatium cum tempore quærentes, Coli cavum non sine molestia distenderunt, & propter hujus intestini ambitum, magnam abdominis regionem inflarunt. Neque ibi turbæ hæc solum excitatæ, sed 5. etiam *sitis* cum *nausea* & subsequente materiæ subamaræ & viscidæ vomitu supervenerunt, eò quòd talis saburra, in ventriculo æquè ac intestino Colo contenta, stomachum quoque irritat, & præter inductam siccitatem, sitis causam, per consensum excommunicatione Nervorum à sexto pari prodeuntium, ventriculumque & intestina amplectentium, affecto colo, in motu *atonia* una rapuerit.

Quibus ita perpensis juxta ac expositis, quid spei ægro, sanitatem quasi anhelanti superstit, & quale prognosticum, ratione eventus, hinc colligere liceat, proximum est ut edisseramus. Patet autem ex præmio nostro, quàm periculi non minùs, ac dolorum plenissimus affectus sit dolor Colicus, quippe cujus tanta quandoque ingruit violentia, ut rectè dixerit *Trallianus l. 10. cap. 1.* ita laborantes mori sæpius, quàm diutius hoc cum affectu conflictari malle; imò nonnulli hos dolores perferre non valentes sibinecem intulerunt, uti testatur *Gal. l. 2. de compos. med. sec. loc. cap. 1.* Interea tamen cum præsentem in casu mali causa non adeò sit vehemens, neque tam altas egerit radices, & symptomata, quæ supervenerunt, paulò remissius agere videantur, tantum abest, ut quandam malignitatem præ se ferant, ipseque Æger valida aliquin corporis constitutione gaudeat, spes bona illucescit, fore, ut modò fæces induratae dissolvantur & excernantur, sicque humoribus, hincque oriundis flatibus exitus concedatur, sopito dolore pristinam ille sanitatem brevi recuperet. Quam ut obtineat Æger, maturanda est curatio, neque enim hic affectus patitur moram, quin potius illius symptomata festinationem urgent. Nè verò sine methodo progrediamur, ea, quibus indicationes opus esse ostendent, ita peragere conabimur, ut præsertim urgentiori occurramus. Urget autem doloris vehementia à solutione continui proveniens, objectum itaque solvens, quò commodius removeatur, præter Anodynorum usum tempestivè & cautè adhibendum, ante omnia fæces duriores emolliendæ pariter atque educendæ erunt. Hisce peractis & jam sopitâ fractaque doloris vi, primæ viæ ulterius ab humoribus peccantibus eluendæ atque liberandæ. Flatuque discutiendi ventriculoque prospiciendum habitâ ubique Virium ratione.

Præsidiorum materiam nobis Fontes usitati subministrabunt ubi quidem, ad chirurgicum quod attinet, venæsectionis nullus hic esse locus videtur, cum neque plethora in Ægro observetur, neque febris adsit; Cucurbitulam

magnam cum flamma copiosâ circa umbilicum abdomini applicandam nonnulli laudant; (*V. River. in obs. communicat. p. 665.*) nostro tamen Ægro, ob causæ diversitatem, hoc auxilii genus nec necessarium, neque utile arbitramur.

Major interim levaminis spes in iis sita est remediis, quæ Fons Pharmaceuticus pollicetur; ut potè quorum beneficio excrementa evacuare, flatu discutere, sicque doloris obtinere mitigationem propius licebit. Nulla autem auxiliorum genera id æque citò, tutoque, quàm clysteres & quidem emollientes efficient, quos ipsa etiam fæcum diuturnior retentio & durities accelerare jubent. Tale igitur Enema, quàm primum fuerit paratum, injiciatur.

℞. Rad. alth. malv. lil. alb. ana ʒβ. Herb. 4. emoll. ana mj. Flor. Verbasc. Chamomill. Sambuc. ana mβ. Prunor. dulc. exollat. n. 9. Coque in s. q. aq. comm. ad 3.

Colat. ℞. ʒx. add. unguent. pro clyst. nat. ʒj. Elect. lenitiv. Florenzol. ʒβ. ol. chamomill. aneth. ana ʒj. Vitell. ov. n. 1. sal. parum M. F. clyster.

Interea quoque venter ol. amygd. dulc. & chamomill. vel unguent. clysmat. & anodyn. iungi poterit. Quod si nihilominus dolor continuet, Enema magis anodynum & abstergens injiciatur.

℞. Rad. alth. ʒβ. liquirit. ʒij. Helen. ʒj. Herb. chamomill. c. flor. verbasc. c. flor. ana mβ. Flor. sambuc. p. j. violar. papav. errat. ana p. ij. summittat. aneth. p. ij. Coq. in s. q. lact. dulc. ad 3.

Colat. ℞. ʒx. Dissolv. sacchar. Thom. ʒiβ. Vitell. ov. n. 1. F. Enema.

Commendant nonnulli quoque purgantia, eò quòd experientia docuerit, unico sæpe purgante dolores contumacissimos & vel triginta enemata eludentes, fuisse devictos, vid. *River. in prax. lib. 10. cap. 1.* Nostro interim Ægro potius ab usu clysteris exhibendum ducerem ol. amygdal. dulc. rec. express. ʒijβ. cum juscul. carni. gallin. & si non responderit effectus expectationi, ad alia interna pariter atque externa Anodyna accedendum erit. Internè seq. mixturam propinare.

℞. Aqu. carminativ. Dorncr. ʒijβ. physogon. Cordial. frigid. B. Tim. à Guldenkl. ana ʒβ. Pulv. intestin. lup. præp. ʒβ. Syr. de Cortic. aurant. ʒij. Vel sumat. cum juscul. pull. gtt. xx. l. xxv. seq. Essent.

℞. Essent. aurant. ʒiβ. Anodyn. Zvvelf. ʒβ. spirit. anticolic. D. Mich. ʒj.

Non ignoro circa Narcoticorum usum Præcticos dissentire, & certum est haud promiscuè illis esse utendum, præsertim si colica à causa frigida ortum duxerit; quandoquidem verò dolor, quem noster patitur, non minùs à bile, quàm à pituita provenit, ipseque æger cholericus est, parere puto, haud *anaspas* narcotica, ipsumque adeò laudan. opiat. si cruciatibus nimis urgeant, in usum vocari; quæ tamen ut nè nimis citò, neque nimis tardè adhibeantur, cavendum esse reor. Vid. Sennert. l. 3. prax. P. 2. l. 2. cap. 6. p. 259. Quare modò laudata præmittenda duxi, quibus etiam externa in subsidium adungere seqq. conveniet.

℞. Ol. Chamomill. ʒβ. stillatit. aneth. ʒβ. carv. fœnicul. ana gtt. v. vel umbilico inungatur

gatur parum Balsam. fanicul. Horst. cui ol. stillat. modo laudata permisceri poterunt.

Vel ℞. Emplastr. de crust. pan. bacc. laur. ana ℥ss. Malax. ol. menth. & aneth. q. s. add. ol. stillatit. chamomill. ℥ss. Vel sacculi ex avena vel sale calefactis aut Herb. absinth. menth. meliss. abrotan. fol. laur. flor. chamomill. sem. cumin. in aqu. vel vino coctis abdomini calide imponantur. Quæ domestica licet & in vulgus nota auxilia, si dextre & methodice adhibeantur, singulare sapientis levamen afferre solent. Remittentibus (ceu superius jam innui) doloribus, danda erit opera, ut cumulati circa vias primas humores peccantes ulterius & plenè evacuentur. Ubi quidem optime conferet. Vinum passulatum laxativum, ex rad. cichor. helen. liquirit. herb. meliss. scord. veronic. card. benedict. absinth. flor. centaur. cichor. passul. min. fol. fenn. rhabarbar. agaric. Tart. crud. cortic. aurant. & ad imitationem. *Dom. Horst. Tom. 2. p. 170. aliorumque Practicorum* paratum, à cuius usu postmodum stomachica e. gr. Elixir. polychrest. c. spir. menth. l. sal. dulc. & aliquamdiu usurpanda ducerem.

Quibus tamen omnibus Diætæ ratio colophonem addere debet; cum alioquin, monente *Galeno*, medicamenta parùm efficere queant, eaque præscribere supervacaneum sit. Eligatur itaque aer temperatus, vitentur cibi acres, calidiores, difficilis coctionis, & flatus generantes, castaneæ, mespila & abstinere Ager à multo, & cerevisia recente, bibat potius moderatè vinum, non nimis tamen generosum, & cerevisiam probe defæcatam, cui rad. helen. cichor. & caryophyllat. parum cum cortic. aurant. infundi poterit, alvus servetur lubrica, cibis emollientibus in usum vocatis, vel ubi opus, Elect. de Tamarind. c. fol. fenn. sollicitetur. Animi pathemata, præsertim ira, rationis freno moderentur. *Joh. Michaëlis Praxis spec. Cas. 14.*

Vir quadr. ginta annorum, otio deditus, pituitosus incidit subito in vehementissimum totius ventris dolorem, qui subindè in varias abdominis partes divagatur. Adest nausea, & sæpe etiam pituitosorum vomitus, qui dolorem tamen hactenus non levavit.

Afficitur in hoc ægro ventriculus & intestina: ut ex nausea, vomitu, & doloribus abdominis vagis, est manifestum.

Morbus quo æger affligitur, est intemperies ventriculi & intestinorum pituitosa acris & flatulenta; quæ nauseam, vomitum, & vehementem illum abdominis dolorem vagum excitans, dolor colicus, pituitosus, acris & flatulentus appellari consuevit.

Causa prima hujus morbi est otium, & temperamentum pituitosum nostri ægri. Hinc multa pituita in corpore ejus genita, & cum sanguine mixta, ac in intestinis existens, antecedentem huic morbo præbet causam. In intestinorum, ventriculi & præcipuè in coli tunicas & cavitatem effusa, ibique in flatus conversa, eaque acrimoniâ suâ pungens, & rarefactione distendens, & varie per illa discurrens, vomitus, nausea, & doloris istius vehementis & vagi, continens existit causa.

Periculum est, nè hic morbus suâ doloris vehementiâ convulsionem, syncopen, vel intestinorum inflammationem inducat.

Curatio itaque therapeutica circumspectè mox adhibenda.

Eaque consistet in humorum pituitosorum evacuatione, flatuum expulsionem & discussione, ac intemperiei per contraria correctione. Mox itaque injiciatur talis clyster.

℞. Herb. malvæ, betæ, mercurialis an. m. j. Rad. althææ, ℥j. flor. chamomillor. p. j. fursuris m. ss. sem. anisi, carui, ammi ana ℥ss. faniculi ℥j. Decoque in aqu. com. ad lib. i. in colatura dissolve elect. de hiera picra. diaphanici ana ℥ss. Sacchari rubri, ol. camomil. anethini ana ℥vi. salis com. ℥j. m. f. clyster, mox injiciendus. Et oblinatur venter calide hoc oleo.

℞. Ol. anethini camomillor. lilior. an. ℥ss.

Si æger clystere purgatus, à dolore non levatur, exhibeatur ipsi hic haustus.

℞. Pulv. intestinorum lupi, vel testicul. equi ℥j. Vini albi ℥ij. Misce F. Haustus.

Si dolor nihilominus perseveret, vel revertatur, in decocto prioris clysteris dissolvi poterunt aqua benedicta Rulandi ℥iv. cum diaphanici ℥j. atque ita injici per anum.

Postea si etiamnum perseveret vel revertatur dolor, exhibeatur pilula facta ex gr. v. laudani opiat.

In victus ratione aer sit temperatè calidus, & abdomen, calidis tegumentis benè muniatur. *Cibus* sit facilis digestionis, liquidus, minime flatuosus, ex carnibus vervecinis, pullis gallinæ, elixis potius, quam assis. Conveniunt hic juscula caponum & pullorum, præsertim in quibus thymus, rosmarinus, hyssopus, origanum, apium, similiaque sunt cocta. Frandium sit parvum, cana parvior. Potus sit cerevisia & vinum generosum. Ante cibum sumptum se exerceat; à cibo quiescat. Somnus sit longior solito. Alvus respondeat arte vel natura. Animi pathemata tristitia vitentur.

Juvenis 26. annorum, biliosus alimentis calidioribus aliquamdiu usus, incidit in vehementissimum ventris dolorem, ab umbilicali regione versus inguen sinistrum præcipuè vergentem, eundemque locum servantem. Cumque ipsi vinum cum aromatibus quibusdam à mulierculis esset exhibitum, doloris cruciatus in universum fuit auctus. Jamque interna lancinari, non orderi, & exuri videntur. Adest sitis, linguæ ariditas, insomnia, atque etiam urinæ in excernendo acrimonia, item nausea & biliosorum vomitus.

Afficitur in hoc ægro venter infimus, & in eo potissimum, intestinum colon, idque ex ingenti illo dolore ventris, ab umbilicali regione, ubi colon angustius creditur, & quo potissimum vergit, versus inguen sinistrum præcipuè inclinante, est manifestum.

Morbus quo hic æger affligitur, est intemperies intestinorum, ac præcipuè coli, biliosa, sive calida & acris, vehementissimum dolorem in illis partibus vehementissimo suo motu excitans; Eaque idcirco dolor colicus biliosus, à symptomate, parte affecta, & causa efficiente proxima, appellari potest. Idque ex symptomatibus, in historia commemoratis, innotescit.

Causa Procatartica hujus morbi est diuturnus calidiorum alimentorum usus calidique inde in ægri corpore geniti humores antecedentem hujus morbi constituunt causam.

Pars verò eorum in intestina, ac præcipue in colon propulsa ab eoque inhibita, ibique ab aromatibus cum vino exhibitis exagitata, ac illas partes vehementicis vellicans, humoresque ac spiritus in toto corpore perturbans, intemperiei hujus calidæ & acris intestini coli, vehementissimique istius colici doloris, interna lancinantis mordentis, & exurentis; necnon omnium reliquorum symptomatum, ægrum hunc affligentium, quæque satis facile ex iis, quæ jam diximus, explicari possunt, continens est causa.

Pars enim perturbatorum humorum & spirituum ad os & œsophagum delata, & partes illas exsiccans inducit sitim & oris ariditatem; ad cerebri verò ventriculos dejecta, eosque vehementi spirituum animalium dilatatione, & copiosa in ventriculos cerebri impulsione, nimis duri & vehementer distendens, & expandens producit insomniam; vesicam verò cum urinis perveniens, & urethram mordicans, gignit acrimonia in urina excretionem sensum; in ventriculo verò effusa, eumque sua quantitate & qualitate acris & calida ita vellicans, ut fiat influxus vehementior spirituum animalium in fibras ventriculi oblique ascendentes excretionique per superiora intervientes, parit nauseam, & biliosorum vomitum.

Periculum est, ne hic morbus, doloris sui vehementia, syncopen, convulsionem, vel intestinum inflammationem inducat.

Curatione consistet in humorum biliosorum expulsionem, intemperiei biliosæ correctione & doloris ablatione. Mox itaque injiciatur talis clyster.

℞. Rad. althææ, malvæ an. ℥j. fol. malvæ, althææ, violariæ, lactucæ Betæ, mercurialis an. m. j. fl. camomill. p. j. sem. lini fœnugraci an. ℥i ss. M. F. clyster.

Per os etiam capiat talem haustum, acres humores temperantem.

℞. Syr. ex infusione rosar. pallidarum ℥ij. feri lactis ℥iij. M. F. Haustus.

Postea adhibeantur purgantia, quæ bilem evacuant, quale hoc sequens.

℞. Fol. fennæ mund. ℥iij. Rhabarb. ℥j. sem. anisi ℥iv. Infundantur in aq. decoctionis hordei q. s. colaturæ fortiter expressæ adde syr. de cichorio cum Rhabarb. ℥j. M. F. Haustus. Ad ventris inunctionem adhibeatur tale linimentum.

℞. Ol. rosac. camomill. ℥vi. Butyri vulgaris ℥β. Misce.

In magna doloris perseverantis contumaciâ exhibeatur pilula laudani opiatæ gr. iij. vel iv. cum vel sine lacte amygdalato.

Balnea hic etiam conveniunt, ex decocto malvæ & violariæ, cum floribus camomeli.

Victus ratio sit frigida & humida. Cremor hordei hic est utilis, & lactuca sive cruda sive cocta, & alia ejus generis. Laudantur hic pedes, & extremæ partes vitulorum & ovium. Potus sit cerevisia tenuissima. *Henric. Regius apud Theod. Craanen. Medicat. lib. 3.*

Sapius jam decantatum fuit, ob stationes, tanto tempore quotidie fere mutatas, diversissimis potuum generibus, vinis præsertim, modo crassis, turbidis, pendulis & feculentis, modo vitriolum sapore referente, acredine austeris, acidis & ingratis, summos & imos vivere co-

actos fuisse. Hinc autem Colicos & Iliacos dolores, & passionem atrocissimas, commotas fuisse quis est, qui non videat? Immaniter n. hæc apud plures grassabantur: ita ut inter equites ad centum tere, simul & semel, acerbissimis hisce doloribus, excarnificarentur: pedite non usque adeo tali lue correpto. Ascribebam hoc duplici causæ: cum quod pedes potius fontibus & scaturiginibus, quæ in Ungaria superiore, mineralibus exceptis, saluberrimæ, sitim restinxisset: tum quod non æque violento motu, qualis nunquam non equestris, vagabundi milites viderentur concussi. Diarrhææ tamen his & alvi profluvia, pravis nempe succis facile, & quidem in copia collectis familiares erant: illos constipationes plurium dierum, & hinc cruciatus Colici summe atroces lancinabant. Ex pluribus autem, tunc non tam decumbentibus, quam ob violentos dolores circumcursitantibus, unum & alterum exemplum in medium adducam. In his primas sibi vendicat Strenuissimus Dominus Signifer Nobilissimus a Nostvitz, &c. Qui satis felici fidere me mature vocans, vix injecto clystere, de quo in Scholio satis prolixè, non modò dolorum qui maxime desavebant, mitigationem, sed totius morbi rabiem, prorsus consopitam cum sensisset, ad hoc medelæ genus plures, qui alias vix ipsa morte adduci potuissent, tanquam ad præsentissimum remedium (& vere quidem) est exhortatus. Cum enim sub Erigones influxu Silesia sita sit, recte ut Curæus annotavit, subrusticus quidam pudor alumnos ejusdem exercet: qui nonnunquam, reclamante sanitate & salute, nimium rigide observatur. Multos tamen acerbitas dolorum perennis, & atrocissima, tandem ut clysteres admitterent, coëgit: cum præsertim ex eventu secundiore, qui prima statim fronte, alma Hygiæ astipulante, satis auspiciatò de meliore fato convincerentur. Accedebat ad ægrotorum felicitatem: quod clysteres ad hos usus paratos, & mecum in castra cum pharmacopolis in arte exercitatis delatos, in promptu haberem: sicut singulis horis sex, septem, plus minusve ægris applicari possent. Nec enim unicum, toto istius expeditionis tempore in castris, juxta Strigonium semper hærentibus, colicis doloribus correptum videram: quod nos vix non otiose stertentes ex potu, secundo flumine minus turbato, & sic satis jucundo consecutos credo: utriusque hujus rei excessu copiis Silesiacis, ut ante dictum, plus satis attritis. Superveniebat his gladium Sardanarum, quas Castaneas vocant, utpote quarum saltibus, sicut & prunorum, Ungaria passim convestitur, intempestivior usus: qui tamen solus ad passionem Colicam invehendas satis esse potuisset. Quod enim viscosiore humido folliculo poris non pervio, in sartagine tostæ, cum stridore disruptæ, exsiliant, vel cuius cum notum sit, quis dubitet, crudas à famelicis latrantiferventique stomacho infarctas, corpore præsertim duriori non minus, tumultuaturas; Hic autem nobilissimus Eques ex honoris & oneris sui molestiis, cum Signifer esset, hoc malum paulatim mutuatus fuerat: quod diutius fere semper equo adhærens, & in mediis turmis oberrans, naturæ sapius urgenti vim facere coactus fuerit, statibus cum excrementis diutius reten-

retentis. Nam & hoc infelix militia in se habet : quod sub dio & in luce hominum versantibus verecundia plus nonnunquam negotii facessat, quam Turca ipse : quod secessus secretiores ipsa castrorum conditio penitus repudiat. Videas igitur nonnunquam liberaliter educatos viros primarios, equis adornatis, longissime se ex conspectu hominum proripuisse : pedites quoque non prorsus caudices longe recessisse : quod tamen quanto cum naturæ detrimento fiat, satis constat. Eadem vis cum sæpius à Domino nostro patiente naturæ illata fuisset : tandem coorta diuturniore constipatione, fecibus induratis, Colica, flatulenta quidem, sed permolesta, ad triduum correptus fuit : quæ tamen errore externo quodammodo irritata fuit. Avenam in aqua ebullientem cum linteis duplicatis ventri imposuisset, & æger aëri semet exponens ob dolores infestiores refrigeratam massam nocte concubia sibi reinjecisset, torminibus longe vehementioribus exagitatus fuit. Cum tamen summo diluculo Clysterem anodynum admisisset, obstructione reclusa, discussisque ventositatibus ipso momento melius se habuit : & post meridiem altero enemate infuso, perque tres horas priusquam erumperet, moras neccente ventre, salubriter emollito, cum circa umbilicum ol. nostro laurino inunctus fuisset, belle convaluit : reliquos iisdem morbis correptos ad æque profutura media exhortando.

S C H O L I A.

Quæcunque præter & contra naturam intestinis accidere possunt : Causæ, Morbi & Symptomata : illis omnibus castra necessario succumbunt. In his autem, qui Epidemice quasi grassantur, sunt alvi fluxus omnis generis, & horum plerumque prodromi colicæ, de quibus nunc, de illis in sequentibus. His autem semper vehementissimis nulla re dexterius, citius, tutius & jucundius, in castris præsertim aciem obvertes, quam clysteribus, sed illis ad hos usus promptis & expeditis, moxque, quod semper ferè ob dolorum acerbiter flagitatur, dolorem sedaturis. Hoc ut consequare, diu ante ratione modoque, quem subjungemus instructus, ea tecum deportes : quæ, necessitate urgente, nunquam satis citò parari, interdum verò nullo modo comparari, malisque urgentibus opponi, possunt. Et primo quidem non sine gravi consilio in tormentis colicis clysteres, ex decoctionibus, & electuariis purgantibus, castris exturbandos suadeo : quicquid ob dolorum vehementiam ægroti occlament. Hi enim nimis interdum molles fractique, interdum doloribus evicti vel cicutam plenis buccis devorarent : dummodo ad breve tempus à tantis Furiis respirare possent. Horum lamentis ne nimium commovearis : ut opij incorrectis massis, vel Philoniis, & requiebus dolores stupore inducendo compescere festines, moneo. Qui enim tunc morbo sæviante pugionibus se confodi, sclopetisque se trajici flagitaverint, brevi post, mente prorsus mutata, necem tibi comminari, dirasque precari audies : si paulum pharmacis sanitatem læsam offensamque animadverterint. Plures enim, qui rectè ob nervos tendinesque exarescentes & corrugatos, manibus pedibusque absque ullo

motu flaccescentibus contracti vocantur, cum in regionibus viniferis obviam habeant, qui prægressis cruciatibus Colicis primo labem assignant, non immerito de subsequutura contractione sibi cavere volunt. Et sane, si per plures continuasque injectiones & clysmata, intestina sæpius eluantur, sic ut marcorem quendam induant, nativumque, & natura solertissime dispositum mucorem, visciditatemque toties abrasam tandem amittant, decoctiones verò ex herbis diversis exhalationes subtilioribus vasis, quæ humoribus occlusa essent, immittant : evenit utique, ut vel ex hoc solo calamitosa, diuque duratura paralytes subsequantur. Videas igitur passim in ipso ætatis flore utriusque sexus homines resolutos contractosque : quos omnes intolerantia paulo delicatior, quod mori maluerint, quam ad breve momentum dolores mitigandos perferre, in tantas miseras conjecit : ut alienis manibus & pedibus vitam ducere cogantur. Has autem Syrtes sæpius effugerent, nisi Medicos interdum nolentes ad dolores tollendos & prorsus eliminandos, summe semper noxiis & ulatibus, vi cogerent. Sunt sane dolores Colici immanissimi ; longe tamen, secundum majus & minus, inter se dissidentes. Nollem igitur quibusvis decoctionibus carminativis, dolores mitigantibus, purgantibus denique & quidem salugine nonnunquam nimia, alvum irritantibus, ac intestina excoriantibus, passiones colicas consopiri : cum tutioribus, & contractiones non introducturis remediis, malo commodius obviam iri possit. In tutissimis autem agnosco clysteres, ex puris putis oleis nulla humiditate prorsus admixta constantibus, & ad usum castrensem hoc modo paratis. Sesquicentum libras olei communis & laurini, partibus æquis recipiebamus : in his mense Junio, quo florentissima Austria præ reliquis cis Alpinis terris cunctis ferè simplicibus viret, vigetque, herbarum aperientium, emollientium, laxantium, abstergentium, deoppilantium, & flatus discutientium manipulos virides tamdiu decoquebamus : donec omni prorsus consumpta humiditate oleum solum remanebat. Conquisierat hoc ex herbis simul ebullientibus aromaticum quendam odorem : consistentiam paulo crassiorem : sic, ut exterius jucunde in cunctis passionibus colicis pro unguento anodyno uti possem. Hoc vasis cyprii, stanno obductis exceptum tanta commoditate deferri, inque miserorum ægrorum salutem erogari potest (in cunctis ferè ventris inferioris morbis) ut nihil ferè supra. Quoties enim ad hanc aram confugiendum est, illico libram plus vel minus hujus Panacææ modico Vulcano tepesfaciendam, syphone injicere poteris : è vestigio miras & suaves illius operationes expecturus. Foris verò circa umbilicum eodem calido admoto, cuiusvis Æsculapio æquabere : cum ventositates, murmura, tormenta & contorsiones intestinorum, modo alvus tepide foveatur, quasi silentio injecto, apud plerosque conticescere soleant. Quinimò sola vesica, cui clystere injiciendum inclusum fuerat, ob doloris atrocitatem, umbilico satis calide impositum, apud nobilem quendam, dolores omnes colicos ita mitigasse vidi ; ut, alvo relaxata, per se erumpentibus flatibus, illius injectioni superfedere-mus. Imò cum ob nimium infestos dolores qui-

dam cerevisiam calidam, loco butyri, tanquam unguento potabili viridi, condidisset, & illam satis forti haustu absorpsisset, alvo lenita, plures quam viginti vermes maximos per inferiora rejecit. Oleum enim laurinum tam illitum, quam assumptum, peculiari quadam vi vermibus resistere nemini non notum est. Hic autem vermibus, intestina lancinantibus rejectis, confestim quoque ex doloribus (quos, sed falso, iliacos esse putarat) reconvaleuit: nec ab illo usque tempore, cum mense Maio Anno 1601. idem non longe à Sopronio hæmorrhagia interiret, de torsionibus aut passionibus ullis, quæ prius ob vermes, quotidianæ erant, est conquestus.

Inter omnes, qui atrocissimis Colicis cruciatibus excarnificabantur, omnium maxime, Strenuissimus Locum tenens Equitum nobilis à Tschirnhaufs, &c. cujus memoria sit in benedictione, torquebatur. Tam enim atrociter desæviebant: ut ex vitrea pituita, omnium frigidissima, illos exaggerari statuerem. Nec enim ad breve momentum dolores remittebant: Domino Patiente continuis vigiliis & torsionibus vix non ad mentis abalienationem deducto. Huic quamprimum sesquilibrium oleorum, cum procerioris staturæ habitusque corpulenti esset, infundi jubebam, actu, quantum fieri potuit, satis calentem: quod frigidissimum phlegma nulla re magis, quam calore actualiter in frigus agente, frenari coercerique possit. Foris quoque venter imus, præsertim circa umbilicum, anodyno nostro iungebatur: stragulisque injectus quamdiu fieri poterat, clyster retinebatur. Interno autem externoque calore coingruentibus madore commode superveniente, cum per plures noctes pervigiliis defatigatus fuisset, paulò plus placide obdormivit, sic ut expergefactus, clystere tandem reddito, doloribus omnibus prorsus consopitis, ab inferorum portis ad vitam quasi revocatus videretur. Abraferat autem Enema diuturniore mora phlegmatis vitrei magnam vim: qua penitus abrafa, dolores omnes (sublata causa materiali & efficiente) licet alias summe efferos lethalesque tam subito disparuisse minime mirandum est. Cum autem etiam hereditario quasi jure colicis doloribus facile succumberet, ut deinde quantum fieri posset, ab omnibus pituitæ vitreæ materiam surrogantibus abstineret, eundem exhortabar. Hoc cum per biennium ex præscripto nostro pro virili observasset: tandem tamen Anno 1602. in motibus illis Transylvanicis compescendis occupatus, cum ob errores in diætâ, multis præsertim peponibus comestis, alvo durior in acerbissimas passiones colicas re incidisset, brevibus sed continuis & infestissimis doloribus prostratis viribus ita exhaustus est, ut septimo die sacris prius Christiano more expiatus, fatis concesserit, apud plures ob varias corporis & animi dolores flagrans sui desiderium relinquendo. A primo autem morbi fatalis funestique limine ad ultimum agonem usque, suspiriis ex imò corde ductis, cum remedia omnia, nec morbum, nec savissima symptomata, vel minimum mitigarent, ad has sibi tam salutares, & ipso momento juvantes, medelas, quibus hoc 1599. anno curatus fuerat respexerat: seque certo, si modo illarum denuo compos fieri posset, sanitatem recuperaturum confirmarat. Hoc autem licet non per-

petuo verum velim, tamen his ipsis clysteribus eo, quo supra dictum fuit, modo paratis, in colicis, & omnibus fere intestinorum malis, in castris & Ungaria præsertim, primas semper, ipsa nobis experientia liquido suffragante, deferro: Cum & hoc utilitatis secum ferant: quod tuto applicari, citò parari, jucunde verò morari & manus suum præstare possint & soleant. Ad peponum esum quod attinet, quibus pia memoriæ à Tschirnhaufs, &c. Semet intoxicaverat, mallem non assuetos ab eiusmodi deliciarum frequentiore esu sibi temperare. Palato quidem apprime blandiuntur, & meracior de fecatoque potu superfuso jucunde refrigerant & humectant: quod utraque frigiditatis & humiditatis summæ qualitate plurimum excellent. Hac autem diarrhæas, ubi laxiores alvos, illa passiones colicas, ubi constipatas adeptæ fuerint, prompte excitari posse satis constat. Hinc minus mirum, si ex unius etiam peponis, vel parum, aut nimium maturi (uterque enim æque insalubris, cum ille crudus, hic flaccidus, & ad putredinem dispositus sit) comestione pro dispositione assumentis, modo obstructions, modo ventris turbationes, excitentur. His enim, inter multos alios, magno Reipub. Christianæ damno diarrhæis è medio sublatus, Illusterrimus Carolus Mansfeldius intempestive succubuit: cum post felicem cum Turcis conflictum, exæstanti hepatis fortiolem haustum, stomacho languenti peponem permaturum, saccharo, ut moris est, conspersum obtrussisset. Nam his inter se concurrentibus *ἀσυνεργείαις* facile effectum est, ut humoribus, diversimode commotis, hepatis parenchymate vix non prorsus dissoluto, lethales alvi commotiones, ad finem usque vitæ, desævierint. Restat ut de stercore lupino, cui alias in doloribus Colicis compescendis magna vis ascribitur, brevibus submoneam: Illud non nisi corpore per Enemata secluso in usum admittendum. Cum enim inter plures alios etiam hic Dominus Tschirnhaufs noster in vino generoso sesquidrachmam illius, ventre prorsus constipato, epotasset, non modo non melius, sed longe pejor deinde se habuit: quod apud plures alios usu venisse sum expertus. Subscribendum igitur ejusmodi medicamentis semper cum ratione methodica medendi summe consultum puto: quod natura morborum & symptomatum tyrannides etiam expertissima sapius alias in similibus morbis remedia non sine causa fastidiant.

S C H O L I A.

Ut omnibus morbis Ungariæ castrorumque importunitas iniquissima est: sic præsertim passionibus imi ventris invisissima, imò sapius exitialiter lethalis esse solet. Væ igitur illis, qui colicis iliacisque doloribus aut profluviiis diversissimis & vulgerrimis, correpti fuerint, si non duplici ratione se tueri conabuntur. Harum prima est: ut sedulo semetipsos respicientes omnes eo nervos intendant, ne quid temere committatur: quod deinde nulla ratione corrigi possit. Altera est, ut quisque de fido Achate & circumstantibus, in ejusmodi malis, summo opere desideratis, mature sibi prospiciat. Quot n. hominum millia duobus his lustris mor-

bis è medio sublata scio, inter illos homines, qui nisi omni ope humana, interdum etiam minima, destituti fuissent, facile evadere potuissent. Non est igitur, ut tantum cœlo soloque hostili, quod cum reliquis Europæ terris plurima communia habet, funestiores expeditionum eventus ascribantur: cum homo homini Sathan ubique locorum esse possit. Sunt sane hac in parte mancipia Mahometica, nobis Christianis longe sibi fideliora, & magis devincta: cum non modo in decurias descripti, tam scite dispositis officiis alter ad alterius placitum se accommodent; ut sanitatem facile tueantur, sed morbis quam minimis correptos, summa fide & plus quam fraterna benevolentia complectantur. Dum n. hic tentorium solo affigit; alter aquatum, tertius lignatum, quartus pabulatum tendit: quintus penum instruit: sextus coquum agit: reliqui imperando & faciendo sunt occupati: summa frugalitate simul comestantes hoc assequantur: ut aut injurias morborum facile à se repellant: aut eosdem obrepentes partim abstinentia, partim mutuis officiis citius evincant. Ut igitur Turcæ nullis fere intestinorum torsionibus vel profluviiis obnoxij esse solent: sic nostrates à summo vertice ad imos talos usque (ut dicitur) inter se dissidentes, ejusmodi Furiis Epidemice quasi succumbere & occumbere coguntur. Mespila enim, castaneæ, avellanæ, vuæ, pepones, poma & pyra, pruna, fructus denique fugaces omnes, cum miles noster in delitiis agnoscat, & illos vesana prorsus incontinentia ingurgitet: quis mirabitur, corporibus pravorum, acrium, mordacium & impurorum succorum sentina coinquinatis, ingluviei helluones pœnas summe meritis dare. Mespila quidem quod etiam ad quasvis diarrhæas faciant, modo cum ratione fuerint comesta, dudum diximus: quod vero sedibus naturalibus impeditis Colicas, imò iliacas passiones, si præsertim ciborum potius ad sanitatem, quam bellariorum ad voluptatem ratione, devorata fuerint, excitare possint, cuius est in confesso. Nocentiores his Castaneas proclamamus: cum vel solæ flatulentæ suæ viscolitatis procellis spatiosos coli anfractus distendere & distorquere possint, crassioris suæ substantiæ saburra graciliores meatus infarciendo, Avellanas autem fruticetis colurnis passim obvias familiare quasi dysenteriiis & lienteriiis fomentum præbere, nemo nescit. Uvas autem, & illas aut subaulsteras, aut permaturas, has diarrhæas, illas tormina & intestinorum erosiones inducere, per se liquet. De peponibus tamen, in Austria *Plöizer* dictis, in Ungaria longe humidioribus & vix non maligniore qualitate imbutis, paulo disquiramus: cum sæpius incautiores, & qui tam suspectas cupedias potius ex inescamento gulæ, quam ex damno subsequituro metiuntur, ejusmodi delitiis, priusquam animadvertant, circumveniantur. Alit Ungaria, & quidem in copia profert pepones, ingentis aliquando molis: qui mense præsertim Augusto à summæ & imæ conditionis militibus maxime expetuntur. Et est sane singularis munificentia Dei paternæq; providentiæ exemplum: quod vinis, præsertim sub Sirio nimium effervescentibus hæc humiditatis & frigiditatis jucundæ, licet in excessu contemperate delitiæ ex diametro opponantur, sic ut apud assuetos & cum

calida, siccaque intemperie colluctantes, peponum usum minime redarguerim, imò commendaverim, modo non sub melle venena delitescant. Vocabar n. Anno 97. sub Illustri Domino D. Comite de Hollach, &c. ad præfectum quendam selectissimæ turmæ Norimbergen. qui cum post meridiem satis magnum peponem comedisset, & haustum vini dilutioris Rhenensis, cui semper ob longinquius iter cum Neptuno res est, superbibisset, syncope correptus illico obmutuerat: sic ut extreme refrigeratus, & sudore frigido erumpente, animam agere videretur. Cum n. ob maximam cognationem, quam os ventriculi præ reliquis omnibus humani corporis partibus cum corde obtinet, frigidus humor, stomacho impactus, & haustui, forti quidem, sed aquoso supernatans, ob vicinitatem cor violentè afflasset, tam gravia symptomata insecuta fuerant. Astantes autem licet de toxico exhibitò tumultuarentur quod nudiustertius hostili cœnæ interfuisset: tamen cum belle se antea habuisset, ut ex rejectis corticibus, caute quid factum esset, subodorarer, tribus guttis extracti croci, Aloës & myrrhæ in cochleari vini, cum paulum post frictiones se recollegisset, exhibitis, enormis vomitus simul cum frustis integre fere ob lubricitatem deglutiti peponis erupit, quo vix cessante recte se deinde habuit: cum Elixir illud, quod vocant, Proprietatis, etiam si venenati quid obtrusum fuisset, Lernam tamen omnem commovisset. Post cœnam, satis frugalem, quod ventriculum vomitu vehementiore conturbatum distendi nollem, cum prolixè, peponem tantum & vinum dilutius syncopen induxisse contestaremur, contra hoc protestabatur: quod Norimbergæ ex tribus & quatuor etiam, urgente siti, peponibus comestis, & nullo, quam Rhenano, nonnunquam Neccareo vino superhausto, nihil unquam damni sensisset, multo minus lipothymias: quas non aliunde, quam ex deleterio, clam propinato inductas fuisse suspicabatur. Postquam autem concessisset, Rhenana & Neccarea vina, quæ in Ungaria vappam potius, quam merum sapiunt, in inclyta Norimberga multo generosiora, reliquos quoque calculos facile exemi. Demonstrabam enim pepones Noricos Pannonicos longe post se relinquere: quod illi solerti cultura in apricis, & mediocriter arenosis, glareis succrescant: & ad maturitatem deducantur: isti verò, humi tantum repentes, nullo verò studio sponte sua plus ab umbrosis locis humiditatis & molis, quam à perviis radiis solaribus suavitatis & maturitatis mutuentur. Maxima enim copia peponum ex Congestis (quæ trinis Danubii alveis in plures insulas sejunguntur) ad castra deportatur: qui ob superabundantem humiditatem nunquam non suspecti fuerint. Accedit, quod ex semiputribus glebis noxium quid & virulens, tuborum instar exsugant: quod deinde non sine gravi damno vescentibus infundunt. Quinimò ipsemet cum in pago non longe infra Pisonium in iisdem Congestis de pepone vix parum gustassem, strangulationem vix evitassem: nisi forti verè Ungarici vini haustu cicutam diluissem: quod tamen factum fuisse non mirabar: postquam mihi poscenti locum, quem peponibus designarat, monstravisset. Altissimis n. arboribus opacus, data quasi opera sole exclusus ad nullam minus quã

peponū sementem commodus erat: ita quidem, ut solo sapore, qui gratior videbatur, fungis & tuberibus præferendi crederentur, ab hortulano plus satis ignavo & imperito terris extracti. Tales autem navi in diætâ castrensi cum quotidie enormiter committantur, Physicus prudens ut lyncea mentis indagine tam repentinis quod sæpe fit casibus coingruentibus circumspectet, magnopere invigilandum erit: cum nonnunquam ex unico verbulo, fortuito casu prolato, plus honoris & emolumenti, quam si summis animi & corporis contentionibus integram legionem morbis eripuisset, sit relaturus. *Thobias Coberus Observ. Medic. Decad. ij.*

Observationes.

Rondeletius Nobilem Matronam curavit, cum gravissimo dolore cõli detineretur ex pituita, & nihil ad manum esset, solo vino hippocratico injecto, eodem modo, & rusticus quidam curatus fuit. *Petrus Forestus in Schol. obs. 7. lib. 21.*

Frigidâ aquâ usus sum in iis quorum vires robustas & partes principes illasas deprehendi: ac scio me levasse omninò dolorem, & totum morbum nè reverteretur ampliùs, prohibuisse.

Amatus cent. 1. curat. 2. Historiam habet de muliere colicâ ex calidâ causâ laborante, quæ ex potû aquæ frigidæ, subito incantamenti instar dolore levata est, non ampliùs redeunte.

Idem quoque in filio Falconis colica à causa calida laborante, gelidam dedit, & insuper pannum lineum frigidâ aquâ immersum, ac manū pressum umbilico admoveri iussit: nec non die papav. in rotulis dabat, ac desuper aquam Endiviæ, quibus paucis intrâ triduum sanus factus est, non sine multorum admiratione, & artis medicæ decore. *Petrus Forestus Schol. Obs. 12. lib. 21.*

Religiosus quidam obnoxius erat colicæ biliosæ diuturnæ & contumaci, quæ sæpe recurrebat cujusdam consilio, sumpsit manè frustum butyri recentis, superbibendo parùm vini, hoc remedio per longum tempus continuato, ab affectu liber & immunis evasit. *Laz. Riverius observ. 71. cent. 2.*

Jacobus Finkius avunculus meus suspiciendus, dolore colico torquebatur, canis milesius ventri impositus, qui cum incaluisse, urgebat exitum, vomuit vehementer, & tormina avunculi remiserunt.

Ancilla ejusdem in dolore dentium, eundem canem genis apposuit, sensitque levamen, sed canis dolorum impatientia hinc inde cursitare & latrare cepit. *Thomas Bartholinus hist. 53. cent. 6.*

Adolescens biliosissimus vigente hyeme in colicum dolorem incidit ita atrocem, ut ingenti dolore sitique oppressus velut amens, tres dies insomnis duceret, vocatus usus sum sectione venæ, refrigerantibus clysmis, frigidis Julapiis, & aliis quæ furentem & acrem bilem mulcerent, ac lenirent; sed cum dolor ingravesceret, sitis urgeret, ex nive Emplastrum parti dolenti impono, & gelidissimam cum saccharo ad satietatem bibendam offero; non transierat hora, quin se sanum repente exclamaret, ita ut eodem victu frigido nutritus, à dolore securus evaserit. *Zacutus Lusitanus observ. 25. lib. 2. Prax. admirand.*

Aulicus quidam incidit in dolorem colicum gravissimum: ad cujus sublationem, primò inje-

ctus est clyster emolliens & purgans, postea carminans & evacuans, cum terebinthina à quo levatus est, sed brevi dolor rediit tandem in decocto carminante dissolvi jubeo aq. benedic. 3iv. Diaphæn. 3j. à quo quater dejecit pituitosa multa & omninò liberatus est.

Eodem clystere & alter à simili dolore sanus evasit *Lazarus Riverius observ. 67. cent. 1.*

Vir quidam quadragenarius gravissimo dolore colico correptus est, qui neque clysteribus laxantibus, & carminantibus, etiam cum aqu. benedicta, neque fomentis ac semicupiis intrâ 24. horas usurpatis sedari potuit: eoque continuo sæviente sequentes pilulas præscripsi.

℞. Aloës opt. 3j. diagrid. gr. viii. laudan. opiat. gr. v. F. pil. vi. deauratæ, has sumpsit media nocte, manè horâ quartâ dolor protinùs quievit, & per diei decursum purgatus est quinques, sicque omninò liberatus. *Lazarus Riverius observ. 1. cent. 2.*

Juvenem quendam 18. annos natum colico dolore acerbissimo laborantem invisens, statim præscribo ad inmanem dolorem coercendum, quem vix sustinere poterat, laudan. opiat. gr. vi. quibus intrâ duas horas dolor omninò sedatus est nec in posterum rediit. *Lazarus Riverius observ. 12. cent. 1.*

Mulier quædam subito correpta est doloribus vehementissimis ventriculi & lienis regionem occupantibus, qui neque fomentis, neque pergatione, sedari potuerunt: sed phlebotomia celebrata satis larga manu è brachio sinistro statim evanuerunt. *Lazarus Riverius obs. 44. cent. 1.*

Mulier quædam sexagenaria doloribus colicis acerbissimis confictata, post duos clysteres frustra injectos. sumpsit intestini lupi pulverat. 3j. cum vino & statim dolor evanuit. Post 10. vel 12. dies, licet per Apozemata purgata fuisset, dolor rediit acerbior quàm antea, ac licet in clystere philonii 3ij. dissolutæ fuissent, dolor non quievit, prædictus pulvis iterum fuit exhibitus, & dolor imminutus est, ac post trium horarum spatium omninò fere sublatus. Sed postridiè rediit acerbior quàm antea; exhibita fuerunt Laudan. gr. v. & dolor omninò sublatus est, nec ampliùs rediit. *Lazarus Riverius obs. 86. cent. 1.*

Filiolus meus *Carolus* in ætate 4. mensium correptus fuit dolore colico sævissimo, qui clamores & ejulatus continuos ab eo extorquebat. Exhibui pulv. el. diamosch. d. ʒss. cum lacte, quo dolor quievit per horæ quadrantem, & iterum rediit cum pari sævitiâ; injectus fuit clyster ex decocto anisi & chamæm. cum vitello ovi, & saccharo, eoque dolor omninò sublatus est.

Post octiduum eodem dolore affectus est, ita acerbo, ut priori deterior appareret. Sumpsit pulverem sed frustra: Injectus fuit clyster prædictus etiam frustra, tandem admoveo folum toti ventri ex decocto anisi & Chamæm. in aq. vitæ, prima applicatione dolor omninò desuit, sequenti iterum rediit dolor, eoque aliquantulum prædictis remediis mitigato, postero die manè exhibita fuit syr. ros. 3j. quem assumendo, vomuit pituitam instar albuminis ovi, sed nihil ferè dejecit, tormina recurrebant. Iteratus syrupus cum 3j. infus. Senæ, etiam parùm præ-

præstitit. Tandem exhibui pulverem comitis ad ℥ss. cum lacte, eoque blandè ac copiosè purgatus est, & ab hoc affectu omnino liberatur. *Lazarus Riverius observ. 27. cent. 2.*

Quidam gravissimo colico dolore excarnificatus triduum integrum, cum nullis anodynis levaretur, sumpta ʒj. pulv. intestini lupi cum paucò vinò generosò, incantamenti iustar in pristinam valetudinem erectus fuit. Mille alios colica laborantes hoc unico medicamento restitui, nullo injecto clystere, aut cathartico sumpto; quod admirationem fovet. *Petrus Pachecus observ. 2.*

Quidam retulit mihi se colico dolori obnoxium fuisse per multos annos; quo frequenter affligi solebat, ab eoque liberatum sequenti remedio, unâ tantum vice assumpto; ita ut nunquam deinceps in eum inciderit, & plurimos alios, quibus idem remedium communicavit, fuisse etiam liberatos.

Hoc remedium est dolij obturamentum, ex subere confectum, quod per plures annos huic usui inservierit; atque adeo probè vinò imbutum sit, illud autem suber igne comburendum est, ejusque cinis exhibendus cum vino albo ʒj. pondere, urgente dolore; *Observ. 7. observationum à Riverio hinc inde decerptarum.*

Nobilis quidam 40. annorum tam sævissimis coli & ilei intestinorum doloribus torquebatur, ut mortem sibi ipsi consciscendi omnem capta- ret occasionem. Ego accitus dolorem hunc immanem multis ritè adhibitis pharmacis demulcere sedulo dedi operam, sed frustra, tandem tale decerno Enema.

℥. Juris pisorum ʒviii. aq. nostræ benedict. ʒiij. Sacch. ʒss. ol. communis ʒiv. M. simul. S. A. & injiciatur quâvis horâ recrudescentiæ doloris calidè. Ex hujus clysteris repetitione miraculosè omni sopito dolore, & causa doloris noxia exclusa convalescit. *Martinus Rulandus curat. 22. cent. 6.*

Vir quidam coli dolore infestè cruciatus, liber & finis illicò evasit per sequens infusum catharticum.

℥. Trochisc. alhand. pulv. ʒj. seri lactis. ʒx. Macerentur per noctem in loco calido, fiatque infusio: de qua colata bibit calidè ʒv. sedens in balneo aqu. dulcis tantundem bibit & fecit sequenti die; & statim sanatus est. *Martinus Rulandus curat. 61. cent. 10.*

Vir quidam patiebatur sævissimum & crudelissimum dolorem colicum, cum cibi potusque vomitu, hunc ita sanabam:

℥. Spiritus vitæ aurei ʒj. hoc valdè est expurgatus, atque inde quievit dolor. *Martinus Rulandus curat. 5. cent. 3.*

Studiofus quidam 18. annorum affligitur colico dolore, sanatur à me unico die hoc modo.

℥. Extract. Esulæ ʒss. aqu. font. claræ ʒiv. M. Fiat. Haustus colandus. Colaturam bibit calidam, qua probè expurgatus est cum colici doloris remissione, altero die iteravit hunc haustum, & integram obtinuit sanitatem. *Martinus Rulandus curat. 45. cent. 7.*

Aurifaber quidam colica & diarrhæa subindè corripitur solitus, hoc facili remedio illicò se curat, sedendo nimirum per satis longum tempus super incudem probè calidam. *Honoratiss. D. Robertus Boyle libro de utilitate naturalis Philosoph. Part. 2. sect. 5. cap. 14.*

℥. Jusculum cum allio & oleo olivarum, & calidè hauriatur cum vini optimi dimidia parte. Sæpè enim expertum est. *Petrus Borellus Observ. 92. cent. 4.*

Multos qui colicâ graviter affecti essent curabat medicus quidam experientissimus facillimo hoc remedio. Stercoris suilli globulos vi. vii. aut ix. soluebât in vino opt. colabat, & fortiter expressum infusum propinabat. Quibusdam præterea exhibebat magno emolumento pulv. compositum ex part. ij. rasuræ ossium dactylorum & part. j. pulv. ovorum ex quibus pulli fuerint exclusi. *Hieronymus Reusnerus observ. 178.*

Syrupus ex aqua vitæ paratus cum Saccharo in crudis humoribus tormina excitantibus mirifice contulit. In colico dolore præsertim circa ventriculum vexante, conferre dicunt jusculum ex succo Amygd. d. cum granis aliquot piperis longi ex vino Hippocratico paucò.

An in colicis doloribus sectio venæ? imò præsens remedium si à bile esse videtur cavendum à medicamentis validis, & tisu linteorum impensè calidatum. Tepore juvantur, & thermasmate. Syrupus violatus confert imò & usus lactis recens mulcti aut calidi. *Guil. Ballonius lib. 1. Epid. & Ephemer.*

Vidimus cuidam acerbitate doloris colici detento placatos esse dolores adhibito umbilico modico Emplastro caustico, & veluti escharam faciente, & intus foras evocante quomodo etiam in doloribus dentium de foris extremo maxillæ inferioris Escharoticon miro profectû applicant quidam. Pericula ista nos debent cautiores & scientiores reddere ad ex-cogitanda affinia remedia, sed illis aliquantò tutiora. *Idem ibidem.*

Efficax ad colicam est oleum Saponis. Quod sic paratur.

℥. Saponis Hispan. part. j. calcis vivæ part. ij. distillantur per alembicum vel retortam, oleum ab aqua separetur, cujus guttæ vi. vel vii. umbilico cum Gossipio imponantur. *Sennertus Pract. lib. 3. part. 2. sect. 2. cap. 2. & instit. lib. 5. part. 3. sect. 3. cap. 6.*

Superato Catarrho quidam Colicam passus est satis molestam, quæ circa vesperam incrementum sumpsit: ante invasionem ab assumpto cibo per vomitum aliquot libras rejecit aquæ limpidæ, sine chyli crassioris admixtione: Causa colici doloris mihi visa est chyli crassities, quæ liquidi seri defectû, quàm libero cursu per intestina ferri non posset, tormina concitavit. Presbyterum novi colicis doloribus divexatum, qui superveniente vomitu aqueæ materiæ sanatus fuit: unde hydragogorum usus non rarò advocandus in colicis torminibus, quorum beneficio sæpè per alvum liberavi agros. *Bartholinus cent. 5. observ. 58.*

Puella bimula ordinatis doloribus torquebatur circa inguina, ut nec cubans, nec sedens, nec stans, nec ulnis gestata dolorum requiem sentiret: redibat iste dolor statis vicibus à decima vespertina ad xii. interjecto tempore diurno, nocturnoque sana erat, tertio paroxysmo finito, nulla manifesta crisi apparente, postea immunis vixit: vermium nulla fuere indicia. Flatulentam igitur colicam fuisse nullus dubitavi, in musculis potius abdominis delitescentem quàm in colo, alvus enim ex voto

respondit: Inunctione abdominis ex oleo absinthii & cumini destillato, & exhibita theriaca in aqua cornic cervini, sublevavi ægram. *Idem Histor. 59.*

Balneator Viennæ postquam tribus annis quadrantibus gravissima discruciatu fuisse colicâ, plurimaque perperam adhibuisset, malumque acidularum usû exasperari videretur, in eisdem uxor juvenis etiamnum eodem affatu nuper defuncta fuisset, idem fatum horrens accersit, Hic toto corpore convelli cœpit, ita ut ominarer materiam ad nervosum genus translatam Paralyfin inducturam, hoc nobis mali facessere; Convulsionibus per medicamenta sedatis, vinum Guajaci, ex *Amali cent. curat. 32.* præcepto, pro eliciendo sudore, per quinque dies ordinavi, & ex toto restitutus fuit: sine dubio colica fuit à pituitosis humoribus flatuum seminariis, intestina occupantibus, qui civino isto diaphoretico liquefacti, & per sudores resoluti sunt. Interjiciebantur quandoque laxativa. *P. de Sorbais. Ephem. German. anni 3. pag. 487.*

Pharmacopæus annos 40. natus retulit mihi se per multos annos colico dolore vexatum, nullum aliud remedium invenire præter hydroposiam, & quandiu in ea perseverabat, prorsus incolumem permanere, quoties verò ad vini usum redire voluerit, intra biduum eodem affectu correptum esse: Meo iudicio non à bile simpliciter colicus dolor excitabatur, sed majori parte ab humore melancholico, humori bilioso permixto, cum dictus Pharmac. temperamento melancholico à prædominio præditus sit: Cum autem melancholia jugiter à liene in ventriculum effundatur, aciditate suâ vinum assumptum inficit, & ita vinum confestim in ventriculo acefcit, ac morbi causam auget: si verò humor biliosus morbi causa existeret, ab aqua potui quidam corrigeretur, sed vini usû tam citò affectum non suscitaret, quia vinum bilis qualitates tam citò non inducit sicut melancholia, quatenus facile acefcit, non amarescit. Conjecturam auget, quòd dictus Pharmac. cum paroxysmo colicæ corripitur, acida per vomitum rejecit, non autem amara. *Riverius cent. 4. observ. 49.*

Testari possum me sæpius observasse iis quibus cibi in ventriculo acefcunt, omnia remedia irrita fuisse quandiu vinum potarent, eo autem dimisso è vestigio sanatos fuisse; Et vice versâ, quibus os amarescit, aquam admodum inutilem inveni, & nihil magis eis contulisse quàm merum in paucâ quantitate assumptum. *Martianus comm. in v. 434. lib. de vet. Medicina.*

Generosus Dominus Starckenburch, Legionis Groëniæ generis Præfectus, vir quadragenarius, mediocriter fortis, temperamento frigidiore ac pituitoso præditus, mense Septembri vehementi colicâ passione correptus fuit. Habebat ventrem à flatibus valde turgidum, quos tamen neque fursum, neque deorsum emittebat: maximi dolores intestina dilacerare videbantur. Conquerebatur etiam de summa cordis anxietate, quâ tantoperè premebatur, ut sudore frigido totus persueret. Quia autem æger à flatibus penè disrumpi videbatur, ac citissimo subsidio opus habebat, sequens enema præscripsi, quod vesperti horâ undecimâ (quo tempore vocabar) injectum fuit.

℞. Decocti emollientis lib. i. Elect. diaphanici, hieræ picræ, ana unc. j. f. olei anethini, chamæmelini, ana unc. j. salis communis drach. j. Misce, fiat clyster.

Hoc enema post horâ quadrantem absque ullo fructu rursus deiecit, nullis nec flatibus nec facibus subsequenter: quapropter illud paulo post de novo injectum, atque ut antè sine utilitate emissum fuit. Eo tempore æger nauseabundus aliquantum bilis cum tenaci pituitâ evomit. Circa horam sextam matutinam aliud enema hoc modo præscripsi.

℞. Herbarum Emollientium, centaurij minor. absinthij, ruthæ, florum chamomillæ, anethi, ana m. f. sem. anisi, levistici, ana drach. ij. Cumini, baccorum lauri, ana drachm. j. f. coquantur in aq. communis q. f. ad lib. i. in colatura leviter ebulliant foliorum senæ unc. j. deinde exprimantur, & addendo, Elect. hieræ picræ, diacatholici, ana unc. j. f. olei chamæmelini anethini, ana unc. j. salis communis drachm. ij. fiat Enema.

Hoc injecto multa excrementa cum plurimis flatibus subsecuta sunt. Postea rursus nauseabundus fuit, & multum bilis ac pituita tenacis cum levamine evomit. Bis eâ die jusculum pulli cum hordeo nuadato, corticibus citri & arantiorum coctum, sumpit, & modò ptisanam, modò cervisiam tenuam pro potu bibit. Vesperti hic bolus exhibitus est, à quo sequenti nocte nonnihil dormivit, & dolores egregiè sedati sunt, ac postridiè alvus ter cum levamine exonerata fuit.

℞. Electuarij nostri anticolici drachm. j. Aloës lucidæ scrup. j. Misce, fiat bolus.

Hic Bolus postea adhuc ter alternis diebus reiteratur fuit. 7. Octobris, cum alvus per triduum rursus constitisset (intermisso usû dicti boli) dolores colici de novo increverunt, tunc, quia æger à clysteribus aliquantum abhorrebat, hauritum leniter purgantem exhibui, à quo multum bilis & pituita fursum deorsumque exoneravit. 10. Octobris, alvo rursus nimium constipatâ, enema injectum est. 13. Octobris etiam advocatus fuit. Dom. Harscampius, Medicus peritissimus, atque tunc communi consilio, ad sedandam nauseam exhibuimus bis aquæ cinnamomi cochleare unum, cum olei cinnamomi gutt. ij. atque hoc sequens linimentum ventriculi regioni illinendum præscripsimus.

℞. Olei nucis moschatæ expressi, laurini, ana drach. j. anethini, feniculo distillati, ana scrup. j. Anisi gutt. iv. Misce, fiat linimentum.

Vesperti assumpsit bolum antea præscriptum 16. Octobris rursus enema injectum est, à quo tres secessus habuit cum magnò levamine 20. Octobris ad alvum subindè leviter solvendam præscripsimus pilulas ex sola Aloë lucida confectas, de quibus tantum duas tresve alternis vel singulis tribus diebus deglutit, quæ pilulæ tantoperè profuerunt, ut postea aliis purgantibus opus non habuerit. 28. Octobris dedi agro electuarij nostri anticolici unc. j. f. cui admisceveram Aloës lucidæ drachm. j. f. cupis subindè manè aut vesperti assumpsit drachm. sem. vel scrup. ij. cum summo commodo, nam stomachum corroborabat, flatu discutiebat, & pituitam simul ac bilem detergebat. Hoc electua-

tuario postea utebatur pro præservativo, intermedium diebus subinde iunens pilulas ex Aloë atque ita tandem pristinae sanitati restitutus fuit. *Isbrand de Diemerbroeck. Curat. & observat. Medicin. 49.*

Spectabilis quidam (Septuagenario major, sed adhuc vegetus) Veteris Civitatis Scabinus, & Aromatarius opulentus, vendens cuidam Nobili Polono nonnulla aromata, flatus alvinos cum fecibus diutius retinuit, ex quâ retentione in constipationem alui incidit, quam colici dolores exquisitissimi consecuti sunt, quorum neque hi vel anodynus vel carminativus, tam interne quam externe adhibitis sedari; neque illa purgantibus aliquoties in diversa forma assumptis, enematisque fortissimis solvi potuerunt, donec tandem sequens potiuncula amara & constipationem & dolores unâ sustulit, quæ talis fuit:

℞. Pulpæ Colocynthid. in petia ligat. ʒ. β. Flor. Chamæ. nostr. Centaur. min. Veronic. ana p. j. capit. papav. num. i. Cinnamomi el. ʒi. β. Sem. anili ʒ. β. f. Decoctio in f. q. aquæ chamæ. Colat. ʒ. ii. β. ad misce olei amygd. d. sine igne recens expressi ʒ. j. mannæ calab. ʒ. β. M. F. Potio. Tum ille post liberationem a dolore, & constipatione pertinaci, ejusmodi naturæ negotia se nunquam amplius dilaturum sponndit. *Simonis Schaltzii.*

Verè sanè Experientissimus Scorbuti Investigator, sedulusque ejus observator, *Doctissimus Eugalenus* libro de Scorbuto, *Observ. 50.* ita scribit: Tam varij sunt affectum quos hic morbus edit, ut minimas omnium differentias numero comprehendere non magis possibile sit, quam arenam maris numerare. Numerosa scilicet est symptomatum in Scorbuto collectio, quæ tamen non omnia in omnibus, sed hæc in isto, illa in alio subjecto se offerunt. Modo enim plura & graviora, modo pauciora & remissiora observantur: Scilicet pro peccantis materiæ quantitate, quæ litate & loco, quem occupat. Quod etiam diutius duravit Scorbutus, eò pluribus & vehementioribus est stipatus symptomatibus: quamquam *Johe Petri Lottichius* Medicus, Philologus, & Poeta insignis observ. propr. lib. 4. c. 6. Observ. 6. Signa Scorbuti Pathognomonica nimis angustis canallis coarctare videtur. Nos inter alia ejusmodi, in Scorbuto etiam gravissimos dolores colicos apud ægros sæpè observavimus, qui neque selectissimis anodynis sedari potuerunt, præsertim in optimo Viro Casparo Wendland, civæ Elbingensi & Pharmacopæo Regio Expertissimo, quem ferè ad finem vitæ vehementer torserunt: tum & virgine quadam lectissima, quæ tandem ex Colica Scorbutica paralytica facta est, sed per Dei gratiam, post ulum remedium idoneorum, tam è Scorbuto, quam paralyti liberata fuit. Denique in Doctissimo quodam viro adhuc vivente, qui sapissime ejusmodi doloribus affligitur: qui tamen partim medicamentis, carminativis, lenientibus, & laxantibus, partim anti-scorbuticis facile tolluntur, iterumque revertuntur, de quibus verendum, nè ingravescente ætate in dies magis ingravescant.

Monachus quidam ructibus ventriculi, ciborum fastidio, doloribus hypochondriacis flatulentis, itemque ventris constipatione ad mul-

tos dies sæpius infestatus, inordinatâ diatâ ut plurimum vivens, ac casei veterati & semiputridi valde avidus, demum ex usu lenientium & emollientium globulos rophaceos & caseum olentes per plures alvo deiecit ac melius se habuit. *Helvigius in Miscell. Curios.*

Desperatæ valetudinis senem pluribus annis post modica corpori, exercitia atroci intestinorum dolore cruciatum, & variis ad colicam facientibus remediis defatigatum. Colica non humerali, neque flatulenta, ut plures opinati, ait, autoritate *Julii Casaris Scaligeri, Guainerii ac Benivenii de abdit. Morb. causis.* Pseudo colica à calculis anfractibus intestinorum in hærentibus, laborare conjecturatus, communioribusvè nihil proficientibus, *emulsione Therebinthinata* cum decocto Foresti parata, & succo citri acuata, ac clysteribus ex sagapeno & bdellio in decocto emolliente dissolutis, quatuordecim, avellanam mediocrem adæquantes, mucos viscoso oblitos, eliminavi calculos, bonumque senem à diris cruciatibus liberavi. Calculi illos in intestinis genitos esse, quia colore, pondere, & figura à Choledochi lapillis distincti, arbitratus sum. Etenim cum ab *Aristotele* Philos. parente, *Hippocrate, Galeno, Avenzoar, Marcello Donato, Zacuto Lusitano, Capivaccio, Foresto, Fernelio, Platero, Paræo, Schenckio, Sennertio, Bartholino*, aliisque nostri temporis, in cerebro, aspera arteria, pectore, stomacho, hepate, liene, mesenterio, utero ac articulis æquè benè ac in venteribus & vesica calculi observati: Idcirco nullam, cur, positâ viscosâ, quâ intestina abundant pituita, veluti causâ materiali, à calore, eorundem tam innato, quam adscisitio ut efficiente, vel secundum Neotericos mucilaginoso, quo referta, accedente spiritu lapidifico, calculi in anfractibus intestinorum generari nequeant, adesse video implicantiam. *Nic. Gultelmi Beckerf. in Miscell. Curios.*

Vixit in urbe vicina Vir Consularis, valetudinis adhuc satis vegetæ, etiam si ætas tum excederet annos 78. Huic antè 20. annos & quod excurrit, subortum est tuberculum instar juglandis in interiore fenoris dextri parte, paulò supra genū. Tædiosum fuit hoc non tam ratione doloris, qui erat exiguus, nisi comprimeretur, sed potius equitationis, quæ impediabatur. Consuluit Medicus apertionem, sed recusavit hanc Dn. Patiens, quod non ita pridem viderit à tumore ejusmodi capitis aperto Epilepsiam & mortem.

Contigit tandem ut dolore tuberculi per liberaliorem vini potum apud Syvidnicenses sepulto, animosior, equo domum festinaret, ita ut iter duorum miliarium, intra quinque horæ quadrantes confuerit. Domum recursus ex humoris serosi effluxu sensit apertionem. Chirurgus vocatus post mundificationem & subsidentiam tuberculi tandem consolidationem meditabatur, sed Dn. Patiens, cum animadvertisset præter lenem eructari calculos & arenulas, prudenter neglexit consolidationem & fonticulum pisis pro more injectis tum ultra 20. annos aluit, nullis molestiis stipatum, sed & deligationi aptissimum. Cruciatum est ante hunc fonticulum crebris & atrocibus coli doloribus. Ex eo sedum gestasset hunc, immunem fuisse mihi asseveravit. Moliri quidem subindè cacochymiam

tartaream sibi periódicas afflictiones, sed sine violentia durante, mox enim solito copiosius exsudare è fonticulo calculos friabiles & arenulas rubras cum sero cruento. Collegit quantitatem non exiguam materiæ hujus tartareæ in veritatis fidem.

Mira crisis hæc, sed non inaudita. Lithogefias hujusmodi exempla in partibus externis recenset. *Bartholinus cent. 5. hist. anat. 91.* Admiratū dignior est sudor arenularum criticus *cent. 1. hist. 34.* *Illustris quidam Vir Regius in Selandia Prefectus, calculo & aribritide, domesticis hospitibus, sæpe obnoxius, subinde in largissimum sudorem solvitur, quo non serum exsudat aut sueti per poros liquores, sed quod mireris, manipuli arenularum quas inducta manu abstergit.*

Fonticulos artificiales, ut inutiles abominatur Helmontius, sed historia hæc egregie commendat eorum efficaciam, & credendum est, Archeum exulcerationibus spontaneis expurgando impuritates tartareas, semper intendere conservationem individui, sed ut plurimum in locis minus convenientibus & dolorificis, in quibus casibus ad faciliorem & securiorem consolidationem supra loca exulcerata fonticuli intercipientes suadentur. Hujus interceptionis valorem confirmat apostema spontaneum & quasi fonticulus naturalis supra fracturam, pedis fracturæ periculosissimæ salutaris. Vide apud Bartholinum *cent. 1. observ. 84.* *Sigismundi Grassii in Miscell. Curios.*

Memini me quondam ex *Clar. Sylvio*, cum in Nosocomio Lugdunensi agroti passione colica decumbentis rationem haberet, audire, hoc malum cujusvis medicaminis nonnunquam vires eludere, difficilisque medelæ causam consistere in copia bullarum ex pituita valde glutinosa conflatarum flatus intus habentium: Bilem autem tum temporis sale lixivo acuatam phlegma rarefacere nimis, quò rarefacto hujus latera magis distensa, flatusque recipientia dictas bullas producere: non secus quam aquam smegmatis beneficio glutinosiorem redditam pueri in sphaericas bullas conflare atque formare solent: Quicquid enim ibi præstat smegma, illud in corpore humano efficere pituitam; & sicuti à spiritû calido smegma rarefactum in bullas effertur, ita bilem tanquam humorem calidum in pituitam agentem hoc munere defungi censebat. Quæ omnia, uti non à recta ratione aliena omnimodè censenda, ita quoque dictis experientia fidem fecit. Anno 1677. accersitus ad hujus civitatis incolam, qui per 5. dies cum passione colica conflictatus erat, ipsius abdomen mirum in modum distensum deprehendi: Quibuslibet medicamentis frustra exhibitis incassum diu sudavi, incertusque fui, qui fieret, quod probatissimis pharmacis hocce malum non cederet. Cum autem in usû clysmatum diligenter persisterem, ægrotus post aliquot dies horum auxilio excrevit massam ex multis vesiculis contextam, quarum majores juglandium, minores nucum avellanarum magnitudinem excedebant. Hæ vesiculæ tam tenaciter sibi adhærebant, ut nullâ operâ divelli possent, quin potius disrumperentur, mephitiquæ flatulentiam cum fatore adstantibus valde molesto emitterent. Hocce spectaculum quamvis sordidum non tamen sine animi vo-

luptate diu intuitus sum, omnemque mihi evulsi hæc observatio admirationem, quare tam infelici Marte Contrà tympanitidem, colicam flatulentam (quam meritò à colica convulsiva solis humoribus acribus adscribenda distinguo) bella geramus, cum de verò remedio dictarum vesicularum rupturam promovente adhuc sumus incerti. Sanatus hoc modo noster ægrotus valet adhuc pancreaticè, liber suis ex passione colica cruciatibus, cum quibus antea tam frequenter ipsi colligendum erat. Simili modo fabri cujusdam ferrarii uxori 66. annos habenti, consilio meo quondam præfui, quæ à longo tempore astmatica & anhelosa suffocationis periculum incurrebat. Hinc perterrita omnes nervos intendebat, ut per tussim obstacula liberum aëri transitum denegantia removeret, & hæc ratione, post conatus Herculeos, laboresque incredibiles, ejecit interdum vesicam magnitudinis pomi Borstorfiani flatu plenam, quæ tamen vesica propter summam glutinositatem rupturam difficulter admittente evocari vix poterat. Hoc peracto aliquot horas libero fruebatur spiritû, donec præterlapsis illis regenerata nova vesica novi laboris faces incenderet, quibus tamen cum agrotâ in dies magis defatigaretur, factum est, ut exhaustis consumptisque illius viribus brevi post naturæ satisfaciens somno consopiretur æterno.

Est apud nos Huxariæ ad Visurgium civis, omnibus benè notus, quoties colica, aut ejusmodi ventris tormenta eum cruciant, subito pulverem lapidis coctilis, in calida cerevisia aut spir. vini sumit, sudat, sicque omnes dolores feliciter debellat. Sciendum, sed non imitandum. *Christ. Franc. Paulini in Miscell. Curios.*

Georgius Sperling mercator apud nos mense circiter Novembri, ex esû flatulentorum in colicam incidit passionem, quæ per totam noctem miserum vix non ad desperationem torquebat. Ex lecto prosiliens abdomen fortiter comprimit, *intusque* ei à conjugæ exhibentur calida plurima, ventri sacculi imponuntur, oleis destillatis abdomen inungitur: quæ cum omnia subitam ferre opem non possent, calefactæ fornaci fortiter abdomen admovet, calore ejus opem sibi laturus: interim me advocari jubet; accedo circa sextam matutinam, & in indusio stantem & fornaci aqualiculum applicantem invenio: monet agrum de adventu meo uxor, & ut in lectum sese componeret, orat: ipse invertens corpus indusium circa ventris regionem totum combustum, ut flamma etiam hinc inde serperet, animadvertit: perterritus ignem manû in indusio extinguit, & in lectum sese componit. Colica passio ab injecto enemate brevi sopiebatur, adhibitis flatus discutientibus, & aliis remediis internis; sed abdomen totum ita combustum erat, ut undique vesiculis refertissimum esset, quæ Chirurgi manû per quinque septimanas tractabantur, & agrum vix non in rabiem agebant, nam plurimis in locis suppurabatur materia, quæ ulcera præbebat dolorifica. Patethinc, quod uti lumen majus minus obfuscat, ita & dolorem minorem præ majore non percipi: nam ubi leviter tantum pars corporis aliqua comburitur, vel potenciali vel actuali igne, molestissimus sentitur dolor; At hic totum abdomen combustum non per-

percipiebatur præ intestinorum doloribus intolerabilibus. *Joan. Schmidt. in Misc. Cur.*

Anno 1683: Juvenis Rusticus 20. circiter annorum, cum tempore messis, fervente solis æstu, siti urgentiori, intempestivo frigida potu, satisfacere studeret, dolores tandem lancinantes & rodentes; hic illic in hypochondriis persensit sed vagos ac iterum dispereuntes, unde iis spreto, operæ ordinariæ ulterius incubuit, sitimque ut prius frigida denuo sedavit, usquedum dolores atrocius sævierint; & appetitus prosternei, alvus pertinaciter suppressa, abdomenque mirum in modum distendi cœperint: vocati d. r. morbi, bol. ex Elect. diascord. cum cinnab. antim. & laudan. op. præscripsimus in antecessum: accedentibus vero retulerunt, aquam quam pridie æger biberat, per os regurgitasse: Cætera abdomen intar tympani tensum deprehendimus, nec vel leviolem hujus contactum ferre poterat, pulsus naturali paulo frequentior; alvus respondit: suasimus mixtur. ex aq. fl. chamom. fœnic. tinct. Castor. &c. cum pulv. ex bol. ebor. & cinnab. antim. Postridie melius habuit, dormivit, sitis remissior fuit: sub vesperam autem ingruentibus doloribus, ol. amygd. dulc. cum essent. croc. aliisque antispasmodicis propinari curavimus, à quorum usu deiecit æger, doloresque multum remiserunt, abdomine in priore statu nihilominus permanente; perrectum in similibus & juxta usurpata tinct. antim. D. 8. morbi affinis ægroti nunciavit, ipsum modice habere. cessasse dolores, neque abdomen amplius distendi: inde pulv. ex aperient. nervinum commendavimus, cujus basin constituit diaphor. mart. cum cinnab. antim. & ocul. cancr. non neglectis externe illinendis: Injectus quoque fuit per intervalla clyst. ex infus. stercor. equin. Eo singula cum successu ut ad pristinam sanitatem rediisse visus sit: abdomine prorsus detumesciente; & appetitui viribusque una redeuntibus; factum autem est aliquot septimanis post, cum appetitui, nimis indulgeret, & cibis horariis, caseo præprimis se oblectaret, ut lenteriam funestam incurreret; cum appetitui aucto, adeo ut continuo cibos ingerere necesse habuerit, quos tamen indigestos mox deiecit, usquedum totus contabescens, diem suum parvo post tempore obiecit. *Joan. Jac. Harderus in Apiario.*

Rogatus olim ut saluti consulerem Senis Reverendi morbo colico à multis annis gravissime obnoxii, eam medendi methodum; ac remedia quæ, jam describuntur, adhibui: quorum usu sedulo post mensem unum aut alterum melius habuit atque intra sesqui annum perfecte sanari visus est, ut postea dolorum paroxysmis prorsus immunis degeret: veruntamen Diathesis colica haud diu cessarat, & solennem medicinae cursum ipse omiserat, quin circa gulam in musculis deglutitioni inservientibus, resolutionem crebra vice infestantem passus est; ut sæpenumero ab alimentis ac præcipue liquidis, illic loci hærentibus suffocationis periculum incurreret. Contra hoc malum per remedia antiparalytica juvamen recipiens per 6. aut 7. deinceps annos valetudine mediocri potitus est; ac ultimo in medio itinere, Apoplexia tunc primo correptus, mortem obiit. Satis obvium est, in hoc casu liquoris nervei recre-

menta circa abdominis plexus nerveos deponi solita; primo affectionem colicam excitasse, dein eadem ab ea parte exclusa, aliisque libidum circa gulæ nervos, plexusque gangliiformes consilientia, oesophagi resolutionem, sive Paralyfin breviorē intulisse; & denique propter eandem materiam uberi nimis copia in cerebri medulla restagnantem, aphoniam lethalem successisse.

Legulejus quidam callidus & vafer, quinquagenarius à multis annis cephalalgia periodica cum sensuum stupore & capitis gravitate insigni molestarī solitus; circa mediam ætatem prædictis affectibus valde laborans, à remediis topicis applicatis derepente levamen percepit; attamen paulo postea colica immani tunc primo corripiebatur; cujus insultus cum tanta ferocia eum incessit, ut viribus subito fatiscentibus, crebra animi deliquia cum sudore frigido subiret; qui tamen Paroxysmus intra 24. horas, sine flatuum eruptione; aut ventris solutione, sensim evanuit. Deinceps vero huic morbo obnoxius accessiones ejus frequentes passus est, quas omnes (uti sedulo advertebam) plerumque capitis dolor cum vertigine & stupore præcedebat, hinc ut dolores colicos brevi postea inscutores præagire soleret. In quodam Paroxysmo, qui per duodecim dies cum insigni ferocia persistit, ipse ægrotans observavit, & mihi retulit, se affectu circa abdomen urgente, nihil molestiæ in capite persensisse, passionem autem colicam remittente, illico vertiginem cum cephalalgia rediisse; ex qua reciproca symptomatum istorum à capite in ventrem, ac viceversa metastasi, arguere licebit eandem materiam morbificam, in nervosis ductibus scattentem, modo inferius delapsam passionem colicam, modo superius restagnantem pathematam istac cephalicam intulisse. Huc referri debent, quæ Carolus Piso de seipso affectibus cephalicis; & doloribus colicis vicissim, & cum mutua dependentia affici solito accuratissime observavit. Sect. 4. c. 2. p. 355.

Non ita pridem Juvenis quidam Illustris, studiosus, & vitam sedentariam agens, queri cepit de magno sensuum torpore, ac hebetudine; nec non de capitis gravitate, & somnolentia ferè continua; porro ventriculus adeo segnis, & stupidus evaserat, ut appetitui prorsus omni destitueretur. Dum contra malam hanc diathesin per remedia, quæ spiritus exuscitant, eorumque sarcinas excutiunt, curatio instituitur, vir egregius in passionem colicam (cui nunquam antea fuit obnoxius) atrocissimam incidit; à qua dolor immanis ac velut perterebrans, medium Abdomen umbilico intus retracto occupabat; atque non obstante remedium cujusunque generis quotidiano usu per tres hebdomadas, cum atrocitate insigni persistit; ut nec somnum interim nisi à Narcoticis assumptis inire, nec doloris sedationem ullam nisi à fotu calidissimo recipere potuerit. Certè in hoc casu unicuique obvium est advertere, liquoris nervei impuritates ad plenitudinem quandam aggestas, totius ægritudinis causam immediatam sive conjunctam fuisse; quæ scilicet materies primò in capite subsistens; cerebri torporem insignem & functionis Animalis oppressionem; deinde nervorum ductu in Abdominis

minis plexus nerveos prolapsa, colicam ita immanem, ac diuturnam intulit. *Thom. Willis de anim. brut. lib. 2.*

Prator quidam in provincia Columbæ, misero intestinorum cruciatu, non raro laboravit, hoc autem saccharo semper convaleuit.

℞. Mag. Succini 3 ℔. Cortic. Aurant. 3 j. Nuc. moschat. 3 ℔. ol. Cinnamom. gut. vj. Anisi ʒj. Sacchar. Candidi 3 j. Misc. f. pulvis Dosis 3 j.

Capitaneus quidam navalis, per 14. dies colicâ afflictus, insuper Nephritidem habebat. Sub costis spuriis dextri lateris, gravissimum dolorem sentiebat. Debilis aderat pulsus, & sudor frigidus, atque suffocationes, flatibus sursum ascendentes, urgebant. Sequens autem mistura, unius cochlearis quantitate singulis vicibus usurpata, secundâ adventus mei die, dolorem penitus repulit.

℞. Aq. Carminativæ 3 iij. Spir. Nitri ʒj. Extract. Laudan. aromatic. gr. 6. Syr. Cinnamomi 3 ℔. misce.

Sequens quoque laxativum deinceps exoptato operatum est.

℞. Elect. de succo Rosarum 3 vj. Pulp. Tamarindor. 3 ℔. Tartari vitriolati nostri 3 ℔. Tinct. Succini gut. 6. misce f. conditum.

Diebus abhinc quatuordecim redibant tormina, & capem misturâ annihilabantur. Tertiâ, post secundam curationem, septimanâ, symptomata hæc ultimo accesserunt, & illis denuo, per prædictam misturam sanatis, æger calculum fabæ majoris magnitudine emisit, quo facto, optima tandem valetudo huic viro permansit.

Vexilliferi cujusdam uxor, columbæ, laxâ alvo, biliosa excrementa ejiciens, per dies aliquot, crudelissimos intestinorum dolores passa est. Hanc sequens mistura restituit.

℞. Spir. tartari, Tinct. Succini an. 3 ℔. Laudan. aromatic. gr. 6. Aq. Cinnamom. Nuc. Moschat. ana 3 i ℔. Misce bibatur cochleatim.

Ego ipse, in prima apud Hollandos navigatione, sæpius colicâ cum vomitu, frigidoque sudore, miserrimè laboravi. Omnia medicamenta, quæ proficua judicavi, inutiliter tum adhibui, donec Tincturam Succini præparaverim, cujus usû non solum sanatus, sed & sic confortatus fui, ut, Dei gratiâ, octodecim annorum spatium recidivam haud senserim, medicamenta externa.

℞. Ol. Laurin. Anethini, Chamomillæ ana 3 j. ft. carui, Fœnicul. Cumini an. ʒj. Succin. fœtid. 3 i ℔. C.C. 3 ℔. misce f. linimentum. *Herm. Nicol. Grim. Comp. Med. Chemic. lib. 3.*

Anatomica Inspectioes.

In Germania & præcipuè in Franconia ac in Norinbergico tractu frequentissimum hoc malum est. Quo vero modo & quibus de causis contingat, ex subsequenti historia intelliges; Secui Juvenem mulierem quæ primò ex epatis & vesicæ bilis obstructione in Tertianam notam, deinde in colicam passionem incidit, paulò post Paralytica reddita integrum annum vixit: quæ tamen usû thermarum aliqua ex parte sublevata ad extremum delirio ac Epilepsia correpta occubuit: Paralysis à principio

occupavit brachiorum superiores partes, sensim ad extremitates manuum, ultimo ad crura descendit: ægra atrophia contabescebat de ventriculi ardore, siti, appetitus edendi prostratione, alvi difficultate & dolore illi sinistri tensivo, gravique (sentire enim sese inquiebat in illo loco pondus aliquod grave, tanquam plumbi massam) conquerebatur.

Hanc mulierem aperui, & reperi jecur pro corporis ratione nimis magnum obstructioneque minimè vacans: Vesicam bilis bile crassâ ac nigrâ turgidam; Ventriculum humore plenum viridi, atque extensum: Ulterius descendens, inveni colon malè atque p. n. conformatum. Siquidem ubi saccus, sive monoculus situs est, & ubi colon ventriculo annexum est, colon fuit valdè laxum, flatibusque expansum, reliquis in locis ad crassum intestinum usque angustum, fæcibus crassis, durisque in globulos concretos infarctum: Eodem modo conformatum vidi colon in multis fœminis. Reliqua viscera, tam naturalia, quam spiritualia, erant illæsa ac integra. Ex cerebri substantia inter dissecandum effluxit aqua tenuis, & colore subrubicundo, quod venarum arteriarumque incisioni adscribendum est: nam aqua, quæ omnes ventriculi scatebant, fuit tum tenuissima, tum limpidissima ac pura, nihil vero pituitæ in ventriculis cerebri vidi: Totum spatium quod in sacra fistula, inter tenuem ac duram membranam est, & ubi nervorum funiculi nervos constricturi à spinali medullâ recedunt, simili aqua plenum extitit. *V. Coiter lib. Observat. Anatom. & Chirurg.*

Matthæus Rumplerus Judicii Suburbani assessor vi probus & pius, constitutionis calidæ & siccæ, doloribus vagis in abdomine sæpe corripiebatur, quos tamen Enemate sibi familiari atque à beato Meisnero nostro in simili casu olim jam ei ordinato dissipare consueverat. Idem hoc anno 1671. quem ætatis suæ septuagesimum numeraverat, postquam per aliquot dies de doloribus infimi ventris, non tamen adeò gravibus, ut decumberet, conquestus esset, tandem die 27. April. è horto suo domum rediens, circa vespere hora post quintam media, tam enormes passus est dolores, ut lecto suo se committere coactus fuerit. Adhibuit mox in subsidium enema consuetum, quod cum nihil levaminis ei attulisset, iterare jussit, Dum vero Pharmacopæus ejus præparationem molitur, urgentibus doloribus, iisque atrocissimis me ad se invitat. Adsum, & agrum, cujus extremitates omninò frigeant, & qui totus copioso sudore frigido fere difflebat, de infixis in hypogastrio doloribus misere conquerentem audio, simul quoque arteriæ motum iusto celeriore deprehendo. Repetitur enema, ex anodynis imprimis paratum injicere jubeo. Simul quoque varia interna atque externa adhibeo. Sic quidem interdum per aliquot intervalla remittere videbantur dolores, qui tamen postea atrociores rediere. Et licet tandem ad ipsa quoque Narcotica descenderim, eaque in desperato hoc malo satis copiosè exhibuerim, simul quoque quartum enema applicare jusserim, ne tantilli tamen temporis inducias obtinere licuit. Unde viribus planè prostratis, postquam ultimâ ante mortem horâ, primum

mum quidem sub viridia, mox atra vomitū rejecit, tandem die 28. Aprilis circa horam quartam matutinam placide obdormivit. Quamvis autem colica biliosa eum extinctum fuisse pronuntiaverim, attamen quia mox post mortem abdomen, alias attenuatum in immensum crevit, suspicio apud consanguineos de veneno assumpto fuit orta, quæ nobis licentiam viscera scrutandi ultro concessit. Vocatur igitur Chirurgus Antonius, qui ubi primum cepit incidere abdomen; gravis erumpens fœtor magnam adesse corruptionem indicavit. Et merito. Nam Peritonæum cum omento adeo erant corrupta, ut ad levissimum tactum rumperent. Intestina, præsertim tenuia cum colo higerima apparebant: Quorum istud flatibus, illa materia quadam sublutea, eaque crassioris consistentiæ, repleta erant. Pancreas totum ulceribus nigrioribus oblitum fuit. Hepatis ima pars nigricans, gibba pallida visa; quarum ista iteatoma, sesqui pugni magnitudinem excedens, continebat. Vesica biliaria liquore flavo turgebat. Lien pallidus, quâ parte omento annectitur, plurima fovebat ulcera nigricantia. Ventriculus cum vesica triharia & ureteribus vacua & sanis similia observata. Renes sani nihil monstri alebant. Reliquas partes molestissimus fœtor lustrare prohibuit. *Georgii Segeri in Misc. Curios.*

Virgo quatuordecim annorum, colico dolore atroci laborans cum ventris intumescencia. Dolor iste intra viginti dies eam de medio tollit. Per biduum ante mortem, multum sanguinis nigerrimi per anum deposuit.

Intestina multo humore viscido erant exterius perfusa; in eoque frustula casei instar ac varia magnitudine dispersa. Intestina quoque sanguine nigro turgebant. In venis & corde nullus sanguis.

Ex humoribus acerbis ac viscidis, diu in intestinis hærentibus, sæpe oritur dolor vehementis, qui ab intestino colo, nomen derivat, vocaturque dolor colicus. Si humores, ex glandulis intestinalibus manantes, nimiam visciditatem & acrimoniam sibi ex sanguine adsciscant, istas glandulas obstruunt; liquoresque exstillantes acorem contrahunt; intestinorumque membranas vellicant; doloremque inferunt, & hinc illæ lachrymæ.

Credo vasa lactea rupisse, candidumque lac per intestina erupisse; ibique ex diutina mora in coagulum mutasse, unde frustula Casei. Serum interim à coagulo segregatum aciditatem induit, qua intestina magnopere lædebantur. Hinc non tantum mucus, sed & convulsiones, quæ omnia viscera, totumque abdomen intumdebant, ut in tympanitide fit. Imò ob vehementes convulsiones, vasa sanguinea, ad rupturam usque ita convellebantur, ut ipse sanguis per ea liberè currere haud potuerit, unde sanguinis turgescencia, & ob eruptionem, ejusdem ante obitum excretio. *Steph. Blancard. in Anat. Pract.*

COLVMELLÆ INFLAMMATIO.

RELAXATIO &c.

Vid.

ERGVLIONIS MORBI.

C O M A.

Vid.

C A R V S &c.

COMBUSTIO.

Curationes, Consultationes, Observationes & Anatomica Inspectiones ex variis.

Curationes.

Ambustio tametsi affectus sit omnibus notissimus, clarioris tamen doctrinæ gratiâ eum sic describemus: *Ambustio continui solutio est, cuticula & cutis ut plurimum, nonnunquam & carnis musculoſa, venarum, arteriarum, nervorum, & cæterarum partium subjectarum, vi ignis impressa.* Hanc autem Ambustionem sequuntur mox dolor acerbissimus, inflammatio, pustula, & si combustio profundior, corpusque cæochymicum fuerit, in sordidum ac difficulter sanabile ulcus non raro degenerat. Etenim in leviori combustione, particula ignea cuticulam absque continui solutione penetrantes, cutem ipsam; ubi venarum, arteriarum, nervorum, ac lymphæ ductuum extremitates terminantur, subeunt; ibidemque has à positione sua alterantes, variè contorquent, & totius texturæ cutaneæ conformationem pervertunt: in tantum ut è vasis omnibus summe irritatis, humor aqueus igneis particulis imbutus in magna copia expnatur: Lympha istæc, quia cuticulam pertransire nequit, eam à cute separat, atque in pustulas vesiculares attollit; è quibus demum sponte, aut occasionaliter disruptis effluit. Sed gravior si sit combustio; particula ignea altius penetrantes cutem non tantum, sed & ejusdem vasa, eique subjectas partes corrumpi ac constringi faciunt, atque escaram inducunt; sicut sanguis, alique continuo affluentes humores retineantur; & sub cute illa indurata quasi incarcerationem: hinc magis incalescant, effervescent, tandemque suâ acrimoniam locum affectum erodant, & magnum ulcus efficiant.

Notandum autem, multiplices & diversas occurrere materias, quibus vim & qualitatem suam ignis imprimit; quæ ut substantiâ differunt, sic etiam una multo vehementius erit, quam altera, sed quamvis combustio à diversis fiat materiis, nihil tamen, vel parum ad curationem id facit. Atque adeo nulla desumenda est indicatio curativa à materia ignita, sed potius ab effectu, quem communicavit. Ut verò curatio ritè instituat, omnes ambustiones, à quacunque fuerint factæ materia ignita, distribuemus in tres gradus, seu species; viz. in levissimam, mediocrem, insignem.

Enimvero materia quæ urit si non diu adherit corpori, & levis fuerit, ut stramen, lignum, stupæ, aut leve aliquod lignum, vel aqua quæ cito defluit, solummodo pustulæ seu parvæ vesiculæ eleantur; estq; hic primus gradus seu species; cujus idcirco indicia sunt, cutis rubi-

cunda

cunda, dolor pungitivus & nisi statim remedia adhibeantur, cuticulæ à verâ cute separatio, cum vesicularum eruptione, in quibus limpida aqua continetur.

Secunda Ambustionis species censetur, si materia urens diutius corpori adhæserit, aut violentiore calore imbuta fuerit, quemadmodum ferrum ignitum, aut liquefactum aliquod metallum, lignum durissimum, pix, oleum, cera vel simile: tunc enim non solum elewantur pustulæ, verum & cutis ipsa adurit, exsiccatur, contrahitur, nondum tamen facta est crusta vel escara.

Tertius gradus excitatur, si res ignita diutissime adhæserit, & violentissimum in se continuerit calorem: tunc enim non solum cutis, verum & caro, venæ, arteriæ, nervi, & cætera partes subjectæ, comburuntur, contrahuntur, & in escharam siccantur. Hujus signum est, si subjecta cutis nigra vel saltem livida conspiciatur, & quum scalpello pungatur obtusè sentiatur, durâ nimirum, & exsiccata existente crustâ, quam demum deciduam ulcus excipit profundum, putridum.

Cæterum levis combustio, ubi solummodo cutis læsa est, quamvis dolorifica, facile tamen & brevi sanatur, vixque cicatrix apparebit, modo recta & methodica instituta fuerit curatio. E contrario insignis Ambustio difficulter sanatur, imprimis quæ, ob cutis contractionem & deperditionem, rugosam relinquit cicatricem.

Combustiones capitis & faciei, si magnæ & profundæ fuerint, glabras relinquunt cicatrices, quandoquidem adeo arefacta, & contracta ab igne cutis est, porique ita sunt occlusi, ut dehinc pili erumpere nequeant.

Oculorum combustio, in primis Ciliorum, ac Tunicarum Adnatæ & Corneæ quantumvis levissima sit, periculosa tamen est, facillimeque visus depravatio, aut saltem imbecillitas sequitur, palpebræque invertuntur.

Periculosa item sunt Combustiones inguinum atque Abdominis, & difficulter sanantur. Periculosa quoque est Ambustio à fulmine, & plerumque lethalis.

Ad vasa majora quæ penetrat Ambustio periculosa est, profunda in primis si fuerit, atque gangrænam non raro accersit.

Quoad *Curandi Methodum*: quamvis passim infinita ad ambustiones in usu sunt remedia, omnia ad hunc finem tendentia, ut empyreuma sive particulas igneas in parte combusta relictas aut suffocent, aut resolvant, dissipentque: Locet tamen Praxis, frigida ambustiones non curare; sed iisdem, ignis particulis intro retrusis, dolorem summo opere augeri, nec non inflammationem, gangrænam, imò & sphacelum quandoque excitari: calida verò, quæ empyreuma evocant, solummodo prodesse; unde & Plebeis æque ac Practicis haud ignotum est, partes combustas non frigidæ immergendas, sed potius igni admovendas esse.

Ut igitur methodica instituat Ambustionis curatio, diligenter examinandi & inspiciendi sunt omnes ejus effectus & accidentia, ut remedia pro re natâ applicentur & mutantur. In primis autem, si nondum elevata fuerint pustulæ, evocetur empyreuma, hoc est, igneæ in

parte affectâ relictæ particulae resolvantur, dissipentur, parte læsâ igni admotâ, vel calidæ aquæ immersâ, aut si fieri id nequeat, intingatur spongia aut linteum reduplicatum aquæ calidæ, & loco ambusto applicetur; vel imponatur Sapo vulgaris seu flores cerevisiæ admoveantur; Cera quoque in mortario cum Sale contusæ, & loco combusto applicatæ, igneas particulas educunt, nec sinunt ut pustulæ eleventur: Enimvero si præcaveri possit, ne pustulæ oriantur, non est quod Patiens deinceps ullam molestiam vereatur.

Eundem in finem Hildanus lib. de combust. cap. 6. hoc laudat unguentum.

℞. Ceparum ℥i β. Salis, Saponis Veneti an. ℥j. simul in mortario contundantur, & addito oleo Rosaceo & Amygdalarum dulcium, fiat unguentum.

Laudibus suis quoque merentur sequentia.

℞. Saponis Veneti ℥iij. ceparum ℥i β. Salis ℥vj. Olei ovorum ℥ss. Rosarum, Amygdal. Dulc. an. ℥i β. Mucilag. Seminis Cydoniorum ℥j. M. F. unguentum.

℞. Cera citrinæ, Resinæ, Adipis Ovilli, Olei Raparum an. ℥j. misceantur. S. A. pro unguento.

Barbette ad omnis generis Ambustiones valde extollit sequens unguentum, si liquefactum parti combustæ sæpius illinatur, dehinc recens Folium Brassicæ, Betæ, aut Plantaginis superimponatur.

℞. Fol. Salviæ rec. M. j. Plantaginis M. ij. Butyri recentis insulsi ℥vj. stercoreis gallinæ rec. albiss. ℥iij. frixentur per horæ quadrantem, & expressio servetur usui.

Paræus in Xenodochio Parisiensi hoc feliciter usurpari scribit.

℞. Lardi concisi ℥j. liquefiat in aqua Rosacea, & coletur per linteum rarum, hinc quater aquâ Plantaginis lavetur, tandem add. Vitellos trium ovorum M. F. linimentum. Alii istud commendant.

℞. Tincturæ Saturni, olei Rosarum an. ℥i β. agitentur probe pro linimento.

De omnibus tamen unguentis hoc notandum, ita comparata esse debere, ut renaciter parti combustæ non adhæreant, sed facile abstergi & removeri possint. Neque enim ulcera hæc ferunt, ut fortiter abstergantur; at ferè linteo subtilissimo parti admoto à pure mundari debent.

Notandum quoque pleraque hæc non convenire Ambustioni oculorum neque iis esse adhibenda; quin prius imponendum Collyrium, ex aqua Rosarum & Plantaginis cum mucilagine seminis cydoniorum, scæniagræci &c.

Vesiculæ aut Pustulæ si adfuerint, nec malum idcirco sit gravius non statim aperiendæ. Si enim mox aperiuntur, ob denudatam cutem dolor excitatur, & tardius curatio absolvitur. Verum tertio circiter die ubi cuticula jam regenerari incipit, aperiendæ: quin & diutius apertio non protrahenda, ne contentus humor acrior fiat, cutemque porrò erodat, exedat.

Cæterum ad primum hunc Ambustionis gradum pertinet ea, quæ à pulvere tormentario fit, de qua lib. 2. cap. 14. dictum fuit.

Atqui Ambustio si tam altè penetraverit, ut non

non solum pustulæ eleventur, verum & cutis combusta siccata & contracta fuerit, tuncque Cepæ, Sapo, Sal & quæ sunt hujus generis medicamenta sunt applicanda sed imponantur ea, quæ combustam & corrugatam cutem emollire ac lubricam reddere queant, quæque humida & temperatè calida sint.

Igitur Pustulæ omnes forficibus in primis incidantur, quò lymphæ particulis ignis imbuta effluere possit. Cuticula quoque, ubicunque separata est, à vera cute abstrahatur, nè saniosa materies sub ipsa colligatur. Dehinc parti combustæ imponatur nunc laudatum unguentum ex oleo Raparum, Resina, cera citrina, & Adipe Ovillo.

Vel ℥. Olei Rosacei, Liliorum alborum an. ℥ss. unguenti Basiliconis ℥j. Vitellos duorum ovorum. M. F. unguentum.

℥. Butyri rec. insulsi, Pinqued. Gallina rec. an. ℥j. Cera citrinæ, olei liliorum alborum an. ℥ss. simul liquefiant, & in mortario admisceantur Croci p℥v. ℥j. mucilag. sem. Cydoniorum ℥j. pro unguento.

Hildanus hoc laudat unguentum emolliens, dolorem leniens, & paulatim cicatricem inducens.

℥. Butyri rec. & loti aqua rosacea ℥ iij. olei violarum, ovorum, amygdal. Dulc. an. ℥ss. Farinæ Hordei ℥jss. Pulveris Croci ℥j. Mucilag. sem. Cydoniorum ℥j. Cera q. s. Misceantur S. A. in mortario pro unguento.

Proderit it. imposito uno ex præscriptis unguentis cum reduplicatis linteaminibus desuper applicare Muriam. in qua Mala limonia conservantur modicè calefactam, quæ mirum in modum empyreumati adversatur. In facie tamen hujusmodi medicamenta, quæ acetum aut sal recipiunt, propter oculos, non sunt applicanda.

Emollitâ & satis lubricâ factâ cute combusta, doloreque mitigato, nonnulli medicamentis exsiccantibus, veluti unguento de Tutia, Diapompholige, similibusve, cicatricem inducendam esse volunt. Sed utut fatear, quoniam hujusmodi exsiccantia cutem contrahunt, hinc & turpes non rarò efficiunt cicatrices, horum usus semper tutus non est. Præsertim quum superscriptis emollientibus, ad finem usque curationis usurpatis, voti sui compos plerumque fieri soleat Cheirurgus.

Interim quia ambustiones præsertim quæ in cutis sunt superficie, ut plurimum vehementer dolent, observent Cheirurgi, ut blandè ulcera hæc abstergant. Hildanus, nè abstergendo ulcera excitet dolores, telâ subtilissimâ, qualis est Cambriacensis, aut syndone cooperire solet totam partem ambustam, nec illam removel, donec ulcera sint sanata, testaturque, per hanc telam pus facillime effluere, & virtutem medicamentorum ad ulcera satis pervenire posse.

Sed periculosior est Tertius Ambustionis gradus, propterea quod in gangranam & sphacelum nonnunquam soleat degenerare. Enimvero graviore illâ combustione cutis vasa, partesque ei subjectæ corrugantur; ac ita constringuntur, ut tum sanguis affluens, tum spiritus influentes liberè permeare, atque per partem ambustam radiare, eamque vivificare amplius

nequeant: hinc suffocato extinctoque nativo calore, pars emoritur, corrumpitur.

In hac ambustionis specie pustulæ omnes vesiculares primum sunt incidendæ, ut acre, urensque serum effluere possit. Deinceps escara leviter est separanda, aut saltem diversis in locis ad sanam usque carnem incidenda, quò acris sub crusta retenta lymphæ effluere, medicamentum penetrare, & quicquid à combustione induratum est emolliari possit.

Hæc autem escaræ separatio primo aut secundo die fieri debet, priusquam affecta pars infletur; estque hoc quoque unguentum statim ab initio adhibendum.

℥. Butyri rec. insulsi ℥ iij. unguenti basiliconis ℥ i ss. olei Liliorum alborum, amygdalar. Dulc. an. ℥ss. vitellum unius ovi M. F. unguentum.

Dehinc linteum reduplicatum sequenti emulsionem imbutum, tepidè ut applicetur suadet Hildanus.

℥. Sem. Cucurbitæ ℥ ij. Cydoniorum ℥ ij. fœnigræci ℥ j. Contund. in mortario & emulg. cum aquæ puræ ℥vj. in colatura solvatur Saponis Veneti ℥ ss.

Sed in facie si fuerit ambustio, Sapo minimè est addendus, propter oculos; sed ejus loco admisceatur aqua rosarum & plantaginis.

Vel loco emulsionis ad mitigandum dolorem, cutem emolliendam, & digestionem promovendam imponatur fomentum.

V. g. ℥. Rad. althææ ℥ i ss. sem. Cydoniorum, Fœnigræci an. ℥ss. Fol. Malvæ, Althææ. flor. Camomillæ, Meliloti an. M. j. coquantur in aqua pura, aut, si dolor vehemens fuerit, in lacte Dulci, & Colatura sit pro fotu.

Ubi escara, & quod combustum est separatum fuerit, ulcus mundificandum, carne implendum, & cicatrice occludendum. Verum cicatrifiantia non minus sicca sint, nè turpis & Rugosa fiat cicatrix. Atque ideo hic ab Hildano hoc laudatur emplastrum.

℥. Emplastri Diapalmæi ℥ ij. gallinæ Anseris an. ℥ss. liquefiant simul, hinc admisceantur aluminis usti, Plumbi Calcinati, Lythargiri, Lapidis Calaminaris an. ℥j. Agitentur in mortario plumbeo, & addendo mucilag. sem. cydoniorum & fœnigræci q. s. Fiat S. A. unguentum.

At si adeò magna fuerit combustio, ut in gangranam & sphacelum commutetur, curetur eo modo, ut lib. i. cap. 17. docuimus.

Si vero ad supercilia, labia, aut in Digitis facta fuerit combustio, diligenter ea curetur, neque partes hæ contrahantur, & ad invicem conglutinentur; quin potius linteamina, filamenta, aut lamina plumbeæ tenuissimæ partibus, ubi conglutinationis periculum est, interponantur. Oculi si ambustione læsi sint, statim instilletur lac muliebte vel Vaccinum recens ac tepidum; idque vel solum vel mixtum cum aqua rosacea. in qua parum Croci integri, maceratum fuerit. Linteum item reduplicatum, & hoc lacte imbutum oculis tepidè imponatur, & quotiescunq; siccum fuerit renovetur. Aut loco lactis usurpetur collyrium: v. g.

℥. Aquæ Rosarum ℥ iij. Plantaginis ℥j. sem. Cydoniorum, Fœnigræci an. ℥ss. croci integri ℥j. macerentur quatuor horas, & Colatura sit pro Collyrio, cui lac muliebte vel Vacci-

num recens admisceri possit.

Dehinc inter duo tenuia linteamina calidè applicetur Cataplasma.

℞. Pulpæ Pomorum repurg. ʒiv. Coctæ in Aqua Rosacea & Fœniculi ad mollitiem & minutim contritæ add. Mucilag. sem. Fœnigræci ʒiβ. Pulv. Croci gr. xii. Albumen unius ovi Lactis dulcis rec. q. s. M. F. Cataplasma.

Atque horum medicamentorum usui est insitendum, donec ab inflammatione & dolore immunis sit oculus. Tunc enim applicetur Collyrium magis exsiccans & visum roborans.

℞. Aquæ Rosarum, Plantaginis, Fœniculi ana ʒiβ. Troch. Albor. Rhasis subt. pulv. ʒj. Tutia præp. ʒij. Sacchari Saturni gr. ʒ. Misceantur pro Collyrio.

Curandum quoque diligenter, nè Palpebræ retrahantur: id enim maximam adfert deformitatem. Hoc tamen si contigerit, siquæ cutis propè oculos indurata fuerit, emolliente aliquo unguento affecta pars inungatur, vel illinatur identidem loco combusto *Pinguedo Anguilla assata*, ut indurata ac retracta, cutis ita emolliatur, & lubrica reddatur.

Inguina si comburantur, quum sint loca humida, laxa, adeoque humorum affluxui obnoxia, remedia usurpentur magis siccantia, quam in partium aliarum ambustionibus. Atque ideo si pustulæ nullæ eruperint, medicamenta ex *Sapone, Cepis*, similibusque parata utilia sunt. Quod si elevatae sint pustulæ, statim aperiantur, ut acris effluere possit humor. Dein applicetur unguentum v. gr.

℞. Unguenti Rosacei ʒj. Basiliconis ʒvi. Olei ovorum, Amygdalarum dulc. an. ʒβ. liquefactis admisceantur, Pulv. Aloës, Myrrhæ an. ʒj. Pro unguento, cum tenuibus filamentis applicando.

Insuper totam partem affectam Hildanus coöperit hoc Cataplasmate.

℞. Farinæ Hordei, fabarum an. ʒij. Pulv. Rosarum Rubrarum ʒβ. fiat ex his cum s. q. Oxymellis. S. A. Cataplasma, quod calidè applicetur.

Sed verò articuli seu juncturæ si comburantur, cum partes sint excarnes nervosæ, ac magno sensu præditæ, nè humorum affluxus fiat, hinc & gravius malum excitetur, medicamenta ex *Sapone, Cepis* & hujusmodi acrioribus (nisi combustio levis fuerit) minimè sunt applicanda, sed emollientibus, lenientibus & Anodynis affecta pars est tractanda. Atqui diligenter, præcavendum in magnis Juncturarum Ambustionibus, nè tendines, articulorumque ligamenta retrahantur, & juncturæ incurventur: Quamobrem totum membrum sæpius inungendum Oleo Lumbricorum, Anethino, Liliorum alborum, Axungia gallinarum, Caponum, Unguento althææ, similibusque; ut quæcunque indurata sint lubrica reddantur, & ita serventur. Interim quoque Ferulæ, aliaque ex ligno vel papyro crassiore facta instrumenta, circum Juncturas sunt ponenda, ut tendinum retractio impediatur. Blandè tamen omnia agenda, nè dolor excitetur. Qui si supervenerit, protinus secandus est, imposito Cataplasmate v. g.

℞. Micæ Panis Albi lbβ. Coctæ in Lacte Vaccino ad formam pultis add. Butyri Recentis, olei Amygd. dulc. an. ʒj. Ovorum ʒβ. Pulv.

Croci ʒj. Vitellum unius Ovi M. F. Cataplasma, calidè applicandum, & identidem renovandum.

Verum in principio si satis diligens non fuerit Cheirurgus, nec ferulas, aliave convenientia instrumenta adhibuerit, sic ut juncturarum combustarum tendines, partesque nervosæ retrahantur; hinc & articulationes incurventur, pars affecta foveatur. Decocto Emolliente, ex Radice Althææ, Bryoniæ, Liliorum alborum, foliis althææ, Malvæ, Chamæpitheos, Floribus Camomillæ, hyperici, semine fœnigræci, Lini & atque deinceps inungatur Unguento Althææ, Pinguedine Gallinæ, Anseris, &c. Tandem applicetur Emplastrum de Mucilaginibus in corio extensum. Tendinibus autem & ligamentis articuli sic satis emollitis ad extensionem accedendum est: quæ sine dolore & periculo satis commodè fieri potest instrumentis ad hoc negotium accommodatis.

Denique post Graves Ambustiones ob nimiam cutis ab igne contractionem & indurationem, turpes non rarò relinquuntur Cicatrices præsertim si sicca nimis cicatrisantia usurpata fuerit. Hæ ut tollantur, in primis durities cicatricum est emollienda, & lubrica facienda Litù ex Pinguedine assatæ Anguillæ, Caponum, Gallinarum, oleo Liliorum alborum ovorum.

At in facie si fuerit cicatrix, atque ita elevata, contracta & indurata, ut maxima inde turpitudine & deformitas sit, ea tolli nequit nisi per excisionem. Hildanus lib. de Combust. c. 14. Joh. Munniks Prax. Chirurg. lib. 3.

De Fulminis, & quomodo eis qui ab eo læsi, sit succurrendum.

Quia ignis cœlestis omnium vehementissimus & periculosissimus, ac in se contineat quasdam facultates supernaturales, quibus homo protinus extinguitur, cunctandum non est, quid faciendum sit. Hanc ob causam, in gratiam tyronum, Chirurgorum castra sequentium, breviter declarare placuit, quomodo eis, qui à fulmite læsi, occurrendum sit; omnibus tamen Chirurgis ad hujusmodi ægrotos accersitis, suadeo, ut operam dent, quò possint sibi adjutum habere Medicum.

Quamvis autem ignis ille cœlestis, ut experientia docet in se facultates quasdam supernaturales, & hominis ingenio planè abditas, contineat, id tamen perspicuum est, ignem illum adjunctam habere qualitatem, & materiam mirum in modum malignam, atque venenosam, idque satis denotat teter ille & pestiferus odor, qui tum ex hominibus, tum animalibus, arboribusque à fulmine ictis erumpit. Hinc fit, ut ursi, vulpes, cuniculi, aliaque animalia, iis in locis fulmine ictis, degentia (ut viri nonnulli docti testantur) propter hujus odoris sævitiam, in eorum speluncis morari non possint. Canes item de carne animalium à fulmine interfectorum non gustant. Ex his perspicuum fit, quàm periculosum sit, uti herbis iis in locis collectis: Conspicitur enim quandoque, ut Olaus Magnus Hist. Septentrionalium lib. 1. cap. 12. testatur, terra quasi sulphure conspersa. Mirum igitur nemini videri debet, aliquando homines subito, & sine manifesta causa mori.

Est

Est autem ighis ille, quemadmodum Seneca testatur, triplex. Primum enim subtilissimus est; hinc fit, ut inanimata, veluti arbores & similia illæsa pvolet. Secundò præter subtilitatem illam, materiam quandam continet siccissimam, & magis terrestrem; hinc fit, ut partes corporis molles, illæsas penetret; duriora verò, quemadmodum ossa rumpat; id verò non solum animatis, verum etiam in inanimatis accidere observavi. Superiori anno 1604. cum ligna pro usu culinæ advehenda curassem, occurrit ingens quercus, quæ ante annos aliquot à fulmine icta fuerat, quod quidem ex fissura, quæ in exteriori parte corticis à summitate ad radicem usque conspiciebatur, manifestum erat. Extrinsecus tamen pulchra & viscens erat quercus illa. Fisso trunco inventa est medulla, quæ in quercibus arboribus durissima, à summitate usque ad radicem planè cariosa. Tertiò materiam habet adhuc magis terrestrem & crassam, quamobrem non usque adeò penetrat, uti de aliis diximus, sed incendit ea, quæ primò obvia veniunt, quemadmodum videmus civitates, templa, aliaque ædificia à fulmine incendi, & in cineres redigi.

Id autem fit partim propter ignis vehementiam, partim quoque, quod humores ut plurimum ad defensionem & extinctionem ignis negligentes sint, ac tardi. Communis enim opinio est, ædificia fulgure incensa, non posse aquâ restingui. Mihi verò contrarium videre contigit. Anno enim 1591. Hildenæ in patria, turrim templi, altam satis & lapidibus tectam, fulminis ictu adeò incensam vidi, ut ex una parte flagrare caperit, trabesque nonnullæ ingentes ab ictu illo fissæ fuerint, quod tandem incendium postmodum aquâ restinctum fuerat. Sic etiam inurit hæc species ignis corpus humanum, ac post se relinquit vestigia satis manifestæ, quemadmodum pustulas, maculas nigras, & fractiones ossium. Subtilis autem & abdita illa penetrabilis qualitas prioris ignis, venenum illicò secum ducit ad cor & cerebrum, moriturque animal ipso momento. Secunda quoque hujus ignis species, quia subtilis est, statim officit partibus nobilibus, sed quia conjunctam secum habet materiam magis terrestrem, quemadmodum dixi, ossa etiam & vasa abrumpit, atque protinus extinguit animal, aut ipso momento, aut paulò post. Tertia verò species, quia (ut dixi) ipsius materia terrestris est, & crassa, minùs erit periculosa. Ex his facile apparet, qualisnam methodus curandi sit instituenda. Illa enim in hoc consistit, ut cor partesque nobiles corroborentur & à vaporibus malignis & venenosis defendantur. Ideoque illicò exuendæ & abjiciendæ sunt vestes, non solum, ut inspirationi & expirationi pulmonis consulatur, verum etiam nè malignus ille vapor fulminis, qui vestibis inhæret, partes nobiles planè suffocet. Exutis suffumigata baccis Juniperinis, radicibus Angelicæ, foliis lauri & rutæ, exhibenda illi sunt lapidis Bezoardici in subtilissimum pulverem redacti grana 6. aut 8. cum aqua buglossæ, Cardui benedicti aut Melissæ dissoluta, provocandusque est sudor, quò natura venenum ad exteriora propellere possit. Si lapis ille in promptu non fuerit, exhibenda est theriaca ad ʒj. plus aut minùs, prout

ætas fuerit. Labia, lingua, nares, tempora, frons & arteriæ ad carpum inungendæ sunt vino malvatico, in quò theriaca sit dissoluta. Cordi applicetur sequens Epithema.

℞. Aquarum buglossæ & Melissæ an. ʒij. Vinum malvaticum ʒj. ʒ. Aquæ cinamomi ʒj. Electuar. de gemmis ʒj. Conf. Alkermes ʒʒ. Coci ʒj. Mixtis omnibus cordi tepidè applicetur.

Brachia & crura fortiter sunt liganda; lintheisque asperis & calidis fricanda; ut venenunt ad exteriora attrahatur. Si pustulæ, vulnera, aut maculæ adsint, applicentur protinus cœpæ cum sale, foliis rutæ & theriaca, quassatæ, applicenturque cucurbitulæ, hirudines, incisis prius vesicis. Putrefacientia & Escharam relaxantia hic locum non habent. Excidatur igitur Eschara Scalpello, & forficibus, postea ulcera sequenti unguento sunt mundificanda.

℞. Mellis rosacei ʒij. Pulveris radic. Vincetoxici & Angelicæ ana ʒʒ. fol. rutæ cum pulveribus quassator. p. ij. Theriacæ ʒij. Aquæ vitæ ʒʒ. Misce.

Fiat Mundificativum. Mundificatis ulceribus, inspergendus est sequens pulvis Sarcoticus.

℞. Pulveris radicum Vincetoxici & Angelicæ ana ʒj. Myrrhæ, Masticis, Olibani, Fol. Scordij ana ʒiv.

Fiat omnium tenuissimus pulvis, ex quo cum sufficiente quantitate succi Nicotianæ, Santiculæ vel pyrolæ fiant trochisci, qui in umbra exiccentur, iterumque in pulverem redigantur. Is pulvis pretiosissimus est, & in hujusmodi, aliisque ulceribus putridis & venenosis, veluti in Anthrace, Gangræna, & Cancro: Mundificat enim, & putredini adversatur: admixto parum aluminis usti, cicatricem quoque inducit. Si qua ossa fracta fuerint, reponenda sunt, sed prospiciat Chirurgus, nè Emplastica astringentia & refrigerantia, ut in fracturis fieri solet, applicet, his etenim exspiratio & evaporatio veneni impeditur, applicetur ita sequens cataplasma.

℞. Farinæ fabar. Lupinor. ana ʒj. ʒ. Pulv. radicum Vincetoxici & Angelicæ ana ʒʒ. Fol. Rutæ M ʒ.

Coquantur cum oxymelite ad formam cataplasmatidis. Postea admisceatur theriaca, aut Mithridatij ʒj. Fractura singulis diebus semel deliganda, & cataplasma renovandum est, membro prius vino, in quò radices Vincetoxici & Angelicæ coxerint, & theriaca parumque, aceti rosacei dissoluta fuerit, abluto. Idque tantisper, dum metus veneni adest, faciendum. Defensivum ad latitudinem palmi minoris supra fracturam applicetur, ut elevatio veneni ad partes nobiles impediatur.

Interim autem dum externa, uti dixi, adhibentur. Cor, partesque nobiles roborandæ sunt, non tantum suprascripto Epithemate, verum etiam conservis & Electuariis, veluti conservæ florum Buglossæ, calendulæ, rosmarini, melissæ, corticum citrionum. Diamargarito frigido, Latificante Galeni, Confectione Alkermes, aquâ cinamomi & similibus.

Utatur jusculis carniū recentium, in quibus borrago, buglossum, calendula, acetosa, rosmarinus, majorana, macis, crocus, cinamomum, & similia coxerint. Ab omnibus, quæ difficilis sunt digestionis, abstineat. Prospici-

ciendum est quoque, ut alvus semper sit lubrica, idque si naturaliter nequeat, fiat suppositoriis aut Enematibus lenitivis. A purgantibus & venæsectione abstinendum est, nisi aliqua adfuerit occasio particularis, ubi consulendus est Medicus. *Guilielm. Fabric. Hildan. libr. de Combustion.*

Combustionis à fulmine curatio.

Pertinet huc & ambustio quæ fit à fulmine. Cum verò fulmen malignam & venenatam qualitatem conjunctam habeat, id quod ex tetro odore & summa vi nocendi & interficiendi patet ut & ex eo, quod canes animalium fulmine occisorum carnes non attingunt: statim homini à fulmine tacti pulv. aliquis Bezoardic. vel theriaca, vel aqua Bezoardica, exhibenda, sudorque provocandus. Arteriæ quoque, Labia, Lingua, nares inungendæ vino in quo theriaca dissoluta sit, & carpis ac cordi epithema cordiale imponendum: loco verò ambusto applicanda unguenta ex cœpis, foliis rutæ & theriaca. Exhibendi etiam sunt syrupi, conservæ, & pulveres cordiales.

Si eschara inducta sit, ea scalpello maturè removenda, & tale unguentum adhibendum.

℞. Pulv. rad. Vincetoxici, Angelicæ ana unc. β. fol. rutæ, scordij ana drach. j. Theriacæ drach. ij. spirit. theriacalis drach. iij. Mell. ros. unc. ij. Misc.

Ulcere mundato pulvis hic sarcoticus inspergendus.

℞. Rad. Angelicæ Vincetoxici ana unc. j. Myrrhæ, mastich. thuris, folior. scordij ana unc. β. Aloës succotrinæ. drach. ij. F. pulv. qui irroretur succo Nicotianæ veræ & saniculæ, & F. Trochisci, qui in umbra siccentur, atque ubi opus, iterum in pulverem redigantur.

Si qua ossa etiam fracta sint, non illa vulgata cataplasmata adstringentia usurpanda, nè veneni evaporatio impediatur, sed aliud ex farina fabar. hordei, lupinor. rad. Angelicæ, Vincetoxici, fol. rutæ, scordij theriaca. Idque singulis diebus renovandum, donec veneni vis victa & discussa sit. Supra verò locum defensivum apponendum, nè vapores venenati per vasa sursum ad cor ascendant. *Daniel Sennert. Pract. lib. 5. part. 2. cap. 18. operum T. 3.*

Combustiones omnes seu à pyrio pulvere incenso, seu à fervente oleo, aqua, metallo aut aliis quibuscvis rebus fiant, solâ inter se magnitudine differunt. Hæ primò quoque tempore dolorem parti inferunt, & calorem præter naturam imprimunt, qui ignis naturam redolens impressionem illam relinquit quam græci *ἰμπύριον* nominant, impressionis illius magis, minusve expressa cernuntur vestigia, pro rei comburentis efficacia, suscipientis, seu patientis partis conditione, & in eadem mora. Si superficialia sit combustio in pustulas & vesiculas cutis exurgit, nisi mature fuerit provisum. Si ima & profundior extiterit scarrha, seu crusta inducitur, ambusta carne vi ignis in crustaceam illam duritiem abeunte. Ignis in quamcunque partem inciderit, vis adurens intemperiem in ipsa relinquit calidam, cutem condensat, contrahit & inspissat, unde dolor: à dolore humorem ex partibus vicinis & remotis at-

tractio: humores illi in aquosos & serosos humores mox versi, dum exitum quarunt, sibi ab inspissata cute ignis actione præclusum, ipsam alvus attollunt, & vesicas quas cernimus, excitant. Hinc variæ indicationes ducuntur, unde remediorum ad ambusta varietas. Alia enim empyreuma, idest, impressum igniti caloris in partem vestigium delent, atque dolorem demulcent; alia vesicularum generationem intercipiunt: alia ulceri curando dicata sunt, procurato Scharrhæ ante omnia lapsu, detergendo carnem, & cicatricem inducendo. Tollendo dolori, & ignito calori, comparata remedia duorum sunt generum: alia enim vi refrigerante id faciunt, quâ nempe, calorem præter naturam extinguunt, sanguinemque & humores qui in partem vi caloris & doloris influebant reprimunt. Alia viribus contrariis prædita calida sunt & attrahentia: quæ nempe cutem relaxando & poros referando, resolvunt & dissipant serosos humores, qui pustulis ortum & materiam præbent, sicque per accedens dolorem & ardorem sedant.

Refrigerantia sunt aqua simplex, plantag. rosarum, solani, hyosciami, cicutæ succi herbarum refrigerantium, unguentum album, capthuratum, nutritum, rosatum, populeum, recenter parata. Hæc & similia subinde renovabuntur per initia præsertim quousque dolor & calor evanuerint. Cæterum eadem illa remedia tepida sunt applicanda: nam si actû frigida apponerentur, dolorem excitarent adeoque fluxionem: adde quod eorum vires in partem ipsam subire & pervadere non possent, & de potentia in actum educi: profectò sic apposita dolorem sedant, inflammationemque & vesicarum exortum prohibent.

Inter calida & attrahentia, qua rarefaciendo & foras attrahendo atque dissolvendo, dolorem, ardoremque ambustorum leniunt, primum obtinet locum ignis, cum adustio levicula fuerit, attractionem enim facit similitudo. Itaque ignis extrinsecus intrinsecum & inustum ad se ignem dum foras evocat, mali quod intulerat & creaverat alexiterium est. Paratû etiam facile & expertum remedium est, si quis statim à combustionem cepas crudas & cum sale intritas dolenti parti apponat. Notandum tamen quod remedio huic locus non est, si jam in ulcus abiit malum: dolorem enim exacerbaret, & inflammationem augeret: à cute adhuc integra, ac non excoriata, si apponatur nihil tale facit, sed pustularum & vesicularum exortum prohibet eam ob causam hoc etiam remedij genere utitur Hippocr. in Scharrhæ lapsu procurando.

Si quis ejus remedij usum ex principio medico, quod contraria contrariis curari dicunt, refellere contendat, atque ideò Cepas Galeni autoritate in quarto gradu calidas ad ambusta non esse utiles asseveret, is intelligat, potestate quidem cepas esse calidas, & actû humiditas: itaque temperie calida rarefacere, humiditate autem activa remollire cutem: quo fit, ut attrahant & foras evocent, dissipentque inustum calorem, sicque pustularum generationem intercipient. Denique ignis ut initio notavimus, igni remedio est. Nec verò Gal. sententia, morbi semper contrariis sanantur, sed aliquando similibus & si omnis sanitas à contrario sit

fit ut legitur lib. 5. simpl. contrarii nomine latius sumpto, ita enim & phlegmone sæpè curatur solventibus medicamentis, quæ nempe vacuata phlegmones materia, ipsam phlegmonem sanant. Ergo combustis partibus, nondum quidem exulceratis aut excoriatis est utilis ceptarum usus. Sunt verò & alia pleraque remedia vesicularum generationi prohibenda utilia, cuiusmodi est fimus equinus recens, in oleo nucum aut rosaceo defrictus, & parti impositus: ad idem valet acetum, succus uvarum immaturarum vulgo verius, atramentum.

Item sambuci aut ebuli folia in ol. nucum cocta & addito paucò sale intrita.

Item calx extincta in pulverem redacta, & cum unguento rosaceo incorporata.

Item jarri & salicis folia cum paulo sale contrita. Prodest etiam ad ambusta fabrilis glutinum in aqua ex vase duplici liquatum, & penna parti ambustæ oblitum.

Item crassior vernix, quo politores seu enfium fabri utuntur. Caterum si dolor acerbior urgeat, ter quaterve in die ac nocte, hæc erunt renovanda remedia, ut illa demulceatur doloris acerbitas. Quod si his remediis impedire non possimus pultularum generationem, primum atque subortæ erunt, excidendæ venient, quod humor conclusus exitu prohibitus acrimoniam acquirit, quæ carnem subjectam erodit, unde emergunt, ulcera cava; sic causarum multiplicatione, & materiæ incremento, augetur inflammatio non per novem modò dies, ut vulgus dicitur, sed per longè plures, nonnumquam etiam per pauciores, si corpus neque cacochymum, neque plethoricum extiterit, & dolori, atque ardori, maturè opportunis remediis occursum fuerit. Cum combustio tanta fuerit ut scarrham induxerit, ejus lapsus est procurandus remollientium & humectantium medicamentorum usu, ut axungiarum, oleor. butyri cum paucò basilico, vel ungenti sequentis.

℞. Mucillag. sem. psyll. & cydonior. an. ℥iv. Gum. tragac. ℥ij. extrahantur cum aqua pariet. Olei Lilior. ℥ij. s. ceræ novæ q. s. fiat unguentum molle.

Ulceribus atque excoriationibus remedia convenientia apponentur: quæ nempe nullam habent acrimoniam; cuiusmodi est unguenrum album Rhasis camphoratum desiccativum rubrum, rosatum & nutritum sine aceto concinnatum, vel oleum ovorum in mortario agitatum, itemque calcem vivam novies lotam, & cum unguento rosac. vel butyro recenti salisque experte, & aliquot ovorum vitellis induratis mixtam, Vel

℞. Butyri recentis sine sale ustulat. & colati ℥vi. Vitellos ov. n. iv. cerusæ lotæ in aqua plant. vel rosar. ℥β. tuthiæ similiter lotæ ℥iij. Plumbi usti & loti ℥ij. Misceantur simul & fiat linimentum, Vel

℞. Cortic. Sambuc. viridis & olei rosat. an. ℥j. Bulliant simul lento igne, postea colentur & adde olei ovorum ℥iv. Pulv. cervi & tuthiæ præpar. an. ℥j. ceræ albæ q. s. fiat unguentum molle.

Caterum siccantium remediorum quantitas semper augeatur, vel minuatur, prout ulceris conditio postulare videbitur. Dolori demul-

cendo sequentia conveniunt, nempe mucaggines sem. lini, psylli, & cydonior. extractæ in aqua rosarum vel communi, & paucâ camphorâ additâ; ac citius quàm par est resiccetur id remedium addendo oleum rosaceum. Ovorum etiam vitelli quinque vel sex cum mucillagini- bus seminis lini, psylli, & cydoniorum mixti & sæpius renovati dolori sedando valde conferunt, Vel

℞. Laridi veteris per frustra concisi ℥j. liquefiat in aqua Rosar. deinde coletur per rarum linteum & frigidum, lavetur quater cum aqua hyosciami, vel alterius generis ejusdem, deinde incorporentur vitelli ovorum recent. num. 8. fiat unguentum. Si acris est dolor, ut in hoc ulcerum genere esse solet, byssina tela erunt velanda ulcera, ne cum detegantur asperiore linteï consistentiâ irritentur. Sic enim per byssi raritatem liber saniei exitus, & medicamentis ingressus atque contactus extiterit. Cavendum etiam, cum ambusta fuerint palpebræ, labra, digitorum latera, jugulum, axillæ, poplites, cubiti flexus, ne sibi invicem ullius rei interventu committantur, alioqui tandem mutuo contactu sibi adhærebunt. Itaque illi rei providebitur apta membri collocatione ex linteï mollis interjectione. Adnotandum verò venit quod profundiores combustiones, quæque dentiores scharram faciunt superficialis minus dolorificæ sunt. Cujus rei veritas eorum exemplo intelligitur qui sectis artubus candente ferro inuruntur, nam mox a combustione exiguum dolorem sentiunt. Ingens enim illa combustio sensum adimit, sensorii vehementia sentientibus partibus sensum adimente, quemadmodum supra cum de nervorum vulneribus & doloribus ageremus notatum à nobis est. Ejusmodi scharræ lapsus procurabitur profundiore scarificatu qui ad vivum usque penetret, ut sic perspiratu liberiori, subjecti & conclusi humores gaudeant, sitque remollientibus medicamentis patientior ingressus ut perfundere possit scharram, atque sic emollire, ut tandem decidat. Reliquum curationis detergentibus medicamentis & sarcoticis perficietur, additis supra dictis unguentis pulvisculis metallicis, cum præsens necessitas videbitur postulare. Quâ verò quantitate miscere singula hæc debeant, dici nequit propter eam, quæ in corporum temperie & consistentia est varietatem, morborumq; contumaciam aut facilitatem. A combustionem cicatrix ferè aspera, hiulca & fœda visu relinqui solet. Itaque illa arte complanari ac molliri debet: Non est verò omittendum, hoc loco, quod pulvis pyrius ignescens sæpè in carnem penetrat, haud ulcerata vel excoriata cute: itaque tenuitate sua sic in carnes se insinuat & penitus infigit, ut nullis remediis, nec phanigmis, nec vesicatoriis, nec scarificatu, cucurbitulis, aut cerniculis eximi & inde elici queat. Adeo ut semper impressa maneant vestigia: haud aliter quàm barbaris servis inusta semel stygmata, nulla postea arte deleri & obliterari possunt. *Joh. Viglerius Chirurg. lib. 3.*

Præservatoria indicatio est. *Procul ab igne:* apud veteres ratione fulminis se muniverunt vel lauro quam in capite gestarunt, qualem coronam ex lauro concinnatam turpissimus Imperatorum Tiberius Nero ob id gestasse dicitur,

teste *Suetonio in ejus vita cap. c. 69.* sed fabulosum puto. Alij pavidum vituli marini pellem super caput ponunt, alii aquilam ob Jovis armigerum servant, ejusque lapidem, sed omnia fabulosa, superstitiosa, imò irrita esse adversus altitonantis Dei iram credimus, juxta Psalmistam *Psam. 139. v. 7.* quo ibo à spiritu tuo, & quò à facie tua fugiam? Si ascendero in cælum, ibi es, & si stratum fecero in inferno, Ecce tu ades, si assumam alas auroræ, & habitem in novissimo maris, etiam illuc manus tua deducet, & apprehendet me dextera tua.

Missa quoque facimus istorum Impostorum ignem devorantium arcana atque experimenta, quibus se muniunt, ut sine damno possint tractare ac devorare ignem, utut modum nobis tradat. *Plin. l. 29. c. 3.*

Majoris verò momenti est indicatio curatoria, quæ consistit in hoc, ut fibræ aliæque partes combustæ ac dilaceratæ non in tantas concinnationes transeant, & statim applica sequens epithema, cum subtili & duplicato lineo loco ambusto, sicque vesiculæ impediuntur.

℞. Aquæ, Calcis vivæ ℥v. spir. vini Camph. ℥ij. M.

Vel ℞. Spir. vini vel aq. Regin. Hungar. ℥iv. Camphor. ℥ij. aq. ad ambust. Qu. ℥i β. Balsam. nervin. m. d. ℥j. vel elixir. vitæ ℥β. M.

Sunt alii, qui ad vesiculas impediendas apponunt liquorem salsum in doliolis butyri saliti reperibilem, ut & aquam marinam vel salisam, alii saponem nigrum, mel, butyrum, decoctum raparum, muriam Harengorum, aut muriam Brassicæ, præprimis si conquassentur cum oleo lini vel raparum applicant. Alii albumen ovi tanquam volatile constans ex animalibus partibus volatilibus ambustis applicatum pro arcano venditant. A Clarissimo Dn. Muys laudatur creta cum spiritû vini camph. imposita cum arctâ ligaturâ.

Linimentum sequens ad ambusta optimum effectum nobis præstitit, imprimis si combustio à pulvere pyrio fuerit producta.

℞. Cerussæ pulp. rad. consol. maj. ana ℥β. Lithargyr. lap. calaminar. minii ana ℥ij β. camphor. ℥β. ol. rapar. M. f. l. a. unguentum.

Hoc tamen fateri debemus, liquida, ut decoct. calc. vel ejus aqua cum spiritû vini camph. vel Matrical. plus nobis præstitisse, quam unguenta ac linimenta: Mixturis enim his continuo calidè partes combustæ laventur & iis madefacta lintea imponentur.

Si tantum cutis externa fuerit ambusta, mulieres nostrates propriam inungunt salivam sale volatili constantem, aliæ cepas cum sapone in forma cataplasmati parant, imponuntque. Plures pro experto exclamant remedio calcem vivam cum oleo raparum commixtam, & calidè ambustis partibus impositam. Alii utuntur oleo raparum cum creta. Rustici sterco gallinæ cum butyro & fuligine, additis herbis Salv. cort. sambuc. misc. & ad formam unguenti coquunt applicantque non absque levamine.

Aliquando ad generosiora transeundum est, ubi enim desinit anicula, ibi sæpè incipit Medicus in curandis scilicet morbis, in ambustis ergo profundioribus sequentia eligere solemus.

℞. Ungu. Basil. ℥j. ol. Juniperi ℥ij. Terebinth. Ven. ℥j. ol. anisi ℥vj. macis ℥β. ceræ ℥ij.

croci ℥j. styrac. liquid. ℥j. gumm. galban. ℥β. M. f. l. a. unguentum.

Quò etiam referri potest unguentum ad ambusta seq.

℞. Cort. med. sambuc. ℥ij. infund. & coq. in olei rapar. ℥β. colato oleo add. axung. ovillæ, ceræ flavæ ana ℥ij.

Liquefactis insperge continuo agitando, pulv. ceruss. minii ana ℥ij β. & si parum refrikerint immisc. Camphoræ tritæ ℥ij. M. f. l. a. unguentum. In gradu secundo, ubi cutis nimis fuerit contracta, ad fortiora transeundum est, & sequens calidè apponi potest.

℞. Sp. Matrical. ℥ij. Tinct. galban. ℥β. aq. ad ambust. vel calc. ℥i β. camphor. ℥j. aq. Regin. Hungar. ℥i β. Balsam. nervin. Tinct. Castor. ana ℥β. M.

Urgente etiam necessitate superponi potest ad calorem partis conservandum sequens cataplasma.

℞. Herb. scord. rutæ ana M. β. rapistr. M. j. melilot. P. j. malv. P. ij. N. M. Caryophyll. an. ℥β. sal. commun. Tartar. sal. armoniaci ana ℥j. cum muls. & urin. foetid. q. s. f. adjectâ farinâ fabarum cataplasma.

Si verò gangræna ac sphacelus parti combustæ immineat, confugiendum est ad sequens cataplasma calidè applicandum, quamvis hoc in casu etiam conducat aqua calc. cum spiritû vini Camphor.

℞. Herb. salv. rutæ scordii ana M. j. cep. crud. rec. ℥ij. Sapon. liq. nigr. ℥β. myrrh. aloës an. ℥ij. Croc. op. ℥ij. aq. Tartar. sal. armoniaci ana ℥i β. l. a. c. vin. & muls. f. cataplasma.

Et si malum fuerit intensius, ut cutis planè fuerit contracta, cataplasmati prædicto addi potest unguentum Basilic. styrac. liquid. ana ℥v. gumm. elemi ℥vj. Galban. ℥ij. olei ceræ ℥ij. M.

Oleum Philosophorum etiam externè illitum egregiam sæpe navat operam, ut & omnia falia volatilia, quæ liberum ac convenientem succis motum restituere, meatus obstructos referare & acridinem illius obtundere valent, hic adhibenda sunt. Omnia enim hæcenus recensita remedia ex particulis volatilibus constant, quæ à materia subtili facili marte commoventur ac agitantur, hinc similem motum communicant carni combustæ ac emortuæ. In graviore ambustione fæces cerevisiæ cum pane applicatæ optimum præstiterunt effectum, ut & allium, lentes palustres, empl. diasaturni Myns. mucilag. sem. cydon. cum aqua sperm. ranar. extract. additis camphora & saccharo Saturni quod elegans est remedium tepidè applicatum.

Momordica in oleo lini infusa & ei addit. ol. Saturni citra inflammationem Ambustiones sanat, oleum apum cum paucis olei ovorum vel scorpionum sæpè juvat.

Vel ℞. Calc. viv. lotæ ℥j. sulphur viv. ℥j. ol. lini rapar. an. q. s. m. pro linimento.

Sunt quoque, qui in Ambustione commendant oleum Nucum cum ovorum luteis mixtum.

Si combustio per prædicta remedia sublata fuerit ad cutem deleniendam & dolores sedandos sequenti utere.

℞. Ol.

℞. Ol. lini ʒ β. M. M. dest. ʒβ. ungu. Basil. ʒj. gumm. Elemi. galban. ana ʒij. Camphor. ʒ β aq. Regin. Hungar. ʒij. croci ʒj. M. f. l. a. unguentum.

Omni enim ope à combustione gangræna ar-cenda est, hinc varia cataplasmata ceu jam di-cta ex volatilibus & spirituosiss paranda, & ca-lide applicanda sunt, spirituosæ enim obstru-ctiones tollunt, tenacem mucum resolvunt, im-primis si camphorata fuerint simul mixta, hinc sæpè sufficit Spir. vini camph. C. aq. calc. Tinct. castor. spir. cœpar. Matrical. Bals. Nervin. Tinct. Galban. quæ omnia compactas particulas val-dè resolvunt & fluidiores reddunt: sic etiam sa-lia volatilia oleosa adhuc sunt fortiora, quia eorum particulæ melius penetrant, & solidio-res ac firmiores sunt, & omnia optimè resol-vunt.

Hic Chirurgos moneo, ut omnia medica-menta in combustione calidè applicent: quia actualis calor ipsam sæpè sanat combustionem; succi enim coagulati per externum frigus à ca-lore iterum resolvuntur ac attenuantur. Cæpæ etiam locis ambustis applicatæ magnum affe-runt solamen, quoniam in se continent sal vola-tile, cujus ope visciditates resolvuntur, hinc, ceu diximus, omnia salia volatilia, tum inter-ne, tum externè in combustionibus conve-niunt.

Sapo Venetus est in combustione egregium remedium, quia constat ex penetranti sale vo-latili & acri, cujus ope visciditates faciliè resol-vuntur, item ex oleosis particulis, per quas cutis fibræ demulcentur, & acidæ salsaque particulæ temperantur.

Aqua forti si quis combustus sit, non incon-veniens erit imponi externum epithema ex a-qua sperm. ranar. cum Butyro Saturni. *Minde-rerus in Med. Militar.* curavit Chymistam ab aqua forti combustum solo oleo lini atque cre-more lactis, sic etiam empyreuma vulgo di-ctum evocatur. Si in levi combustione mem-brum admoveamus igni, particulæ antea im-pulsæ & continuum solventes ab aliis ingredien-tibus retropelluntur, atque simul empyreuma. Malè faciunt qui admovent combustis partibus caustica, quia magis discindunt fibras. Ca-vendum quoque ne applicentur frigida, quæ malum potius augent, quàm imminuunt, omnia enim tepide applicentur.

Crusta vel eschara si adsit, illa incidenda ac leniter separanda est, si non potest fieri in tota parte, fiat diversis in locis, ut ita ichor, devo-rans fibrillans, subtus contentus queat efflue-re. Si verò ad nervos usque pertingat, summâ cautione opus est in removenda eschara, & prius applicanda sunt nervina & demulcentia.

Si in oculo est ambustio, ratio præsertim ha-benda est doloris, in quem finem conducet lac muliebre sæpius tamen mutatum, quoniam fa-cilè acescit, reliqua etiam ophthalmica, aqua nempe rosar. mucilag. sem. cydon. fœmigræc. croc. aq. euphras. hic verò apprimè convenit arcanum. Timæi à guldenklee seq.

℞. Pomor. d. num. 2. coq. in aq. Euphras. rosar. ana q. s. ad mollitiem, trajiciantur per setaceum: add. Sacchar. alb. ʒij. camphor. gr. xv. Croci gr. v. M. & applicetur calidè.

Si combustio in juncturis circa tendines &

ligamenta observetur, statim ad laudata Epi-themata & cataplasmata confugiendum est. Conducet etiam in hac combustione ol. septem florum Myns. cum album. ovi & mucilag. sem. cydon. Quando ossa simul sunt ambusta exi-mantur frustula forcipe, si verò tota pars fuerit adusta, ense recidenda est.

Cum à pulvere pyrio pars quædam corporis fuerit combusta, & grana remaneant cuti infi-xa, non statim ea acui vel alio instrumento exi-menda sunt, sed potius suppurationi relinquen-da, quæ dein in conspectum veniunt, si enim grana pulveris pyrij in frustula fregeris, tantum se magis cuti implicant, & difficilius aut nun-quam eximuntur.

Quando verò prælaudata applicaveris medi-camenta, grana illa pulveris è cute ab efferves-cente lymphâ facili marte propelluntur, quod etiam confirmat *Clariss. Muys. dicens in Podali-rio suo redviv. pag. m. 39.* Grana pulveris tor-mentarij relicta in facie quidam ope acus cha-lybeæ eruere conantur, sed supervacaneum est, quandoquidem fibrillas per emollientia in tan-tum flexiles reddere possumus ut grana sponte prolabantur. Ut etiam paucis interna reme-dia in combustione proficua attingamus, scien-dum est, si cacochymia conjuncta est, & succus nutritius nimis acris sit, ut consolidari nequeat. Ambustio, conveniunt omnia ea interna, quæ sequenti capite de vulneribus præscribimus, imprimis hic commendamus diaphoretica ex Antimonio & Mercurio dulci parata. Antihect. Poterij, oculos cancri, Sacch. Saturni, item sul-phurata, camphorata, myrrhata, & semper in-terponenda sunt volatilia, quæ visciditates re-solvunt, in quem finem etiam Chirurgi cum commodo uti solent, decocto lignorum cum Theâ; cum Sarcosis & agglutinatio partium dependeat à chylo, & nequiquam à vulgò di-ctis Sarcoticis emplastris, aliisque Chirurgorum medicamentis; hoc Chirurgis porro notandum est, ut fugiant in combustione adstringentia & poros obstruentia medicamenta, tum interna, tum externa, quia his combustio magis exaspe-ratur, visciditates cumulantur, & particulæ in-clusæ & infixæ marcent partibus combustis.

Si combustio abeat in fistulam & Medicus ni-mis serò advocatus fuerit, sunt qui in hunc fi-nem commendant Butyrum Antimonij rubr. vel lini destillat. ex capit. Mort. Vitrioli, sed nos commendamus potius Balsamum nostrum divinum, rarò in fistulis fallens remedium.

In quibuscunque Ambustionibus Agricola ex-tollit sequens.

℞. Sacchar. Saturni q. s. add. ol. rosar. M. F. Linimentum, quo locus ambustus calidè in-ungendus est. Oleum Hyperici n. d. etiam egre-gium est sæpius applicatum: imò sexcenta alia possunt proferri, sed si hæc non satisfaciunt, alia certè etiam vix præstabunt: meliora enim & approbata junioribus communicamus Medicis ac Chirurgis, quibus in praxi consummati non opus habent. *Joh. Dolani Encycloped. Chirurg. rational. lib. 6.*

In cura combustionis interdum simul cum externis primariis usurpantur interna, eaque nitrata quæ febrim ambustioni supervenientem interdum optimè compescunt: Hinc nitrum fixum nitr. antimoniatum pulvis pyrius & simi-

lia internè sunt optima, quibus celeberrima ex oculis cancrorum parata Chirurgica aut solum ipsi oculi cancrorum simul commodè subjungi possunt.

Externè quod attinet, quoad eorum usum studiosè observandi sunt ambustionis gradus.

Nam in primo gradu remedia ordinaria Empyreuma & inde ortum nutrimenti in parte alterationem tollentia, & ad ambusta dicta applicanda sunt, qualia primario ferè sunt ex cepis, ex calce viva, ex stercoreibus animalium, ex succo cancrorum & similibus v.g. ex calc. viva usitatissimè sunt unguenta ad ambusta: sive applicetur mox aqua calc. vivæ imprimis si paretur C. decocto raparum; recipiendo nempe decoctum raparum, in quo colato calx viva extinguatur. Hæc aqua calc. vivæ c. linteis duplicatis calidè aliquoties imposita, mirè curant ambusta.

Aliàs usitatum est, ut recipiatur calx viva lota sapius & ab omni acri sale probè temperata cum quocunque alio permisceatur ingrediente v. gr. Recipienda calx viva aliquoties lota eaque probè subigenda est cum butyro majali non salito in mortario plumbeo ut fiat unguentum, quod ipsum applicandum est, idque liquidum, loco ambusto.

Melius est unguentum quod fit ex calc. viva p. ij. cremor. lactis: mellis despumat. ana p. j.

Hæc omnia probè mista in consistentiam unguenti liquidioris s. linimenti optimè conveniunt ad tollenda ambusta.

Melius est si recipiatur calx viva eaque in aquam simplicem projiciatur, ita ut aqua aliquot digitos 4. vel 5. superemineat, & ubi per se efferbuerint, infundatur ol. Rosarum; sic enim subito gelascent in consistentiam Butyri, quæ ipsa loco ambusto miro cum successu possunt illiniri.

Hinc succus allii aut cepar. illitus recenti combustionis ratione sal. vol. acris præcavet omnem acorem in locis ambustis exulcerationem inferentem, aut ex his fiat tale unguentum insignis commendationis.

℥. Ceparum crudarum ℥ i. β. Salis. Sapon. Venet. ana ℥ β. M. in mortario affundendo ol. Rosarum q. s. F. unguentum. Egregium in ambustis.

Optimum est linimentum si cum aceto solvatur minium aut lithargyr. solutioni filtratæ addatur ol. raparum rec. expr. q. s. ut coeant in consistentiam linimenti liquidi, quæ aliquandiu ducantur in mortario plumbeo, donec fiat gryseum, & asserva pro usu.

De cancris it. dixi quod mirabile suppeditant remedium contra ambustiones: id quod fit si cancri fluv. vivi contundantur in mortario, & succo inde expresso calidè fomentatur pars.

Vel cancri contus. misceantur cum Butyro Majali non salito ferveant commodè & despumentur, donec fiat unguentum subruffum, quod transcolandum est, & experiemini usum efficacissimum contra ambusta.

Nam etiam ex cancris composita remedia conducunt insigniter, si expulvere pyrio orta sit ambustio; contundendo scilicet cancris fluv. c. aqua Rosarum, aut quod melius c. aqua spermat. ranarum ex contusis, mucago crassior

aquæ permista separetur, eaque pars s. membrum pulvere pyrio ambustum fomentetur & illinatur. Nam hæc sunt egregia in tali casu.

Notum aliàs est quod etiam mucilagines sem. Psyllii, aut quod melius mucilag. sem. Cydoniorum parata C. spermat. Ranarum & cui parum sacchari Saturni sit permistum illita C. pluma parti ambustæ optimè conducatur ad tollendam ambustionem.

Vulgare est & primâ fronte vilissimum remedium compositum ex p. j. ol. olivarum mista C. album, ovi p. ij. quæ duo conquassentur & exactè misceantur: & nihilominus hoc ipsum applicatum verè est unguentum singularissimi effectus; Cui tamen adhuc præferendum est similiter prima fronte vile apparens, quod fit ex ol. lini C. aqua rosarum lot. ℥ β. Vitell. ovorum an. iv. quæ probe subacta applicantur calidè parti ambustæ idque egregio cum successu.

In graviore combustionis talia etiam, sed tamen paulo fortiora applicanda sunt remedia nempe ubi pustulæ jam sunt excitatæ, citra hoc ut cutis subjecta sit reddita corrugata, relinquendæ hæc sunt ad diem tertium, quo tempore nisi sponte rumpantur aperiendæ sunt, & modo dictis unguentis pars ulterius curanda.

Sin v. a graviore ambustione c. subitaneis pustulis ipsa cutis sit combusta, subito pustulæ sunt aperiendæ, & subito apertis pustulis modo dicta remedia applicanda; aut in apertis vesiculis imponendum est unguentum quod fit ex stercore gallinæ cocto c. Butyro non salito, quæ duo imposita optimè talia curant empyreumata.

Potentius adhuc est si Recipiatur fol. salv. recent. M. j. plantag. M. ij. Butyr. recent. non salit. ℥ vj. sterc. Gall. recent. & quantum fieri potest albissimi ℥ iij. frixantur mutuo per horæ quadrantem, & inde factâ expressione servetur usui.

Notetur hoc, quia bonum aut.

℥. Pulp. pomorum dulcium sub cineribus coct. ℥ ij. far. Hordei, fœnugr. ana ℥ β. Croci ℥ β. M. f. linimentum, vel cataplasma molle, quod illitum & dolores sistit, & cutem corrugatam planam & mollem reddit.

Quod si v. in Tertio gradu ex cute omnino combusta facta sit crusta, & eschara, tunc mox apertis omnibus pustulis opera danda est, ut primis duobus diebus separetur eschara, applicando scilicet desuper linimenta præter empyreuma corrigentia imprimis emollientia & laxantiâ quæ inter mucilago sem. Cydoniorum C. spermat. ranarum extracta, addito butyro non salito ol. lil. alborum & vitello ovi, non ultimum meretur locum. Quin & commodè applicatur linimentum paratum ex butyro recenti bene agitato in mortario plumbeo C. decocto Malvæ; hoc n. tq. linimentum illitum applicando desuper folia Brassicæ tepida subito separat escharam.

Quod si durior & contumacior non separetur eschara, tum hæc ipso ferro, aliquot incisuris est incidenda, & sordes ac Ichores subtus ac latentes evacuandæ, nè harum acore ulcus profundum putridumque generetur.

Factâ humoris evacuatione modo memorata emollientia applicanda; donec separetur eschara: quæ separatâ digestivis & mundificantibus

bus relictum ulcus est consolidandum : in quo casu m. unguenta ex calce viva tota cum ol. rosar. & vitello ovi. unguentum album : unguentum album camphoratum : it. unguentum Alabastrinum convenienter possunt usurpari & imponi. *Michael Ettmullerus in Chirurg. Med.*

Consultationes.

Ancilla 20. annorum, dum imprudenter circa culinæ focum versabatur, evertit vas, aquæ ferventis plenum, in suum crus, ita ut tibia sinistra, ad genu usque, & supra illud, mirum in modum aquâ adureretur. Accessit mox ingens dolor, cuius vehementia totum crus ad imam usque plantam valde intumuit. Ab initio applicata fuerunt lintea spiritû vini madefacta, ex quorum usu tumor quidem nonnihil subsedit: verum cum ægra sequentibus diebus à locis frigidis sibi non temperaret, factum est, ut dolor, inflammatio, aliaque symptomata, in dies magnum incrementum sumerint: Adett jam febris & magna inquietudo. crusque rursus valde intumuit.

Pars affecta est crus sinistrum: quod ad oculum, & ex quærela ægræ patet.

Morbus qui eam affligit est intemperies calida & serosa sinistri cruris cum tumore conjuncta; quæ, ab illapsu aquæ fervidæ excitata, combustio cruris vulgo appellari solet.

Causa hujus morbi externa fuit aquæ istius ferventis in crus ancillæ illapsus, illa enim suo fervoris motu insensibiles particulas cutis & vicinarum partium ita disposuit, ut subtilis materia sive æther; qui in iis existerat, vehementius se & particulas istarum partium posset agitare; atque ita ultionem in crure produxit. Ulta autem cutis partes vehementi suo motu nervos vicinos agitando, agitationemque illam ad cerebrum & ibidem ad mentem deferendo; ingentem illum cruris pepererunt dolorem; qui spiritus in ventriculis cerebri existentes ita determinavit, ut illi copiosius in partes affectas fluentes, poros vasorum in iis existentium multos aperuerint, quo humores biliosi & serosi ibi à reliquo sanguine separati, & in partes affectas per poros illos nimis apertos copiose ruentes, totum crus ad imam usque plantam, in magnum humorem distenderunt, intemperieque calida & serosa perfuderunt.

Tumor autem ille intemperiesque cruris, ex adhibito cum linteis vini spiritû, valde fuerunt imminuta; spiritus enim vini primum calore & humiditate sua, poros partium combustarum aperiendo, serosos mordacesque vapores & humores foras eduxit; & deinde quamvis spiritus vini in aliis partibus excitet calorem, is tamen partibus ambustis hic profundius sese insinuando, tales ibi fecit poros, ut subtilis sive æthereæ materia sese vehementius in iis movere non posset, atque ita aliquam refrigerationem induxit.

Cum verò ægra hæc deinde sibi à locis frigidis non caveret, factum est ut frigus aeris poros in partibus ambustis nimium clauderet, atque ita acres mordaces & calidos vapores & humores, alioquin, exhalaturos, in iis retineret. Hi autem retenti moverunt ita partes ambustas, ut inde dolor, inflammatio, aliaque symptomata in dies magnum incrementum, per partium pravam

dispositionem à vaporibus istis retentis orientem, sumperint, febrisque, inquietudo, & tumor totius cruris accesserint.

Morbus hic, propter magnum suum à naturali statu recessum, gravaque quæ adsunt, symptomata, periculosus est; metus enim est, ne si non satis benè curetur, turpetem, gangranam, vel alium gravem affectum inducat.

Curatio itaque recta mox adhibenda; eaque consistat in intemperiei, tumoris, doloris, reliquorumque symptomatum, per peculiaria ambustis contraria ablatione.

Mox itaque ubicumque epidermis nondum separata est, applicetur sequens unguentum:

℥ Caparum crudarum ℥i℥. salis saponis Veneti alb. an. ℥j. misceantur in mortario, addendo ol. ros. & amigdal. dulc. q. s. ut fiat unguent.

Deinde toti cruri, pedi, & genu, hoc adhibeatur cataplasma, quotidie usurpandum, ad finem curationis usque.

℥ Farin. hordei, fabar. an. ℥vj. sem. fœnug. ℥j. cydoniorum ℥℥. herb. malvæ, althææ, cum rad. pulveris. an. ℥i℥. Rad. curcuma pulveris. ℥℥. butyri recent. ℥iv. croci ℥j. Pulveres sem. fœnigræci & cydoniorum primò aqua parum coquantur, quæ cum refrigerata iterum fuerint, reliquæ farinæ & pulvères, una cum butyro adjiciantur, coquanturque in lactis vaccini q. s. ad consistentiam Cataplasmatidis, cui admisceantur vitelli ovorum num. 2. appliceturque calidè.

Sub vesperamumat hunc haustum anodynum, subinde reiterandum.

℥ Lactis amigdalati ℥iv. Syr. de papavere ℥iij. misce.

Postridieumat talem bolum, subinde repetendum.

℥ Electuar. diapruni sol. ℥ij. scammo. crem. tart. an. ℥℥. syr. rosol. q. s. M. pro Bolo.

Dum Cataplasma adhibebitur, humores illapsi in pus convertentur, quod forsan per poros insensibiles cutis foras expelletur.

Continuandus horum usus ad finem usque: in nonnullis tamen locis magis humidis circa finem curationis adhibeantur linimenta exsiccantia, ut unguentum de cernissâ, de minio & similia.

Diata sit tenuis & refrigerans; abstineat à vino; utatur cerevisia tenui & decocto hordei, in quo agrimonia & veronica sunt coctæ. *Henric. Regius apud Theodor. Craanen Medicat. lib. 4.*

Filiolus molitoris cujusdam quinque circiter annorum puer, in ignem culinarium pronus incidens, subucula, qua solâ amictus erat, flammam concipiente, toto corpore, maximè verò in abdomine, manibus & facie adeo ambustus erat, ut ipsa cutis & in quibusdam partibus etiam subjecta caro adusta videretur; dolor aderat immanis & hinc vigiliæ perpetuæ cum extremâ virium imbecillitate.

Ambustionem hanc curatû quidem fore difficilem prædixi, quatenus profunda pluresque partes ambustæ imprimis abdomen, cujus musculi ob varios motus varie extenduntur & contrahuntur, nihilominus tamen tentandam, idque non frigidis, ut vulgi est opinio, sed calidis quæ peculiarem empyreuma evocandi vim habent. Quemadmodum enim partium refrigerata-

tarum frigus optime frigidis, nive scilicet aut aqua frigida, extrahitur, sic empyreuma non nisi calidis evocatur, ratione similitudinis. Præscripsi hoc nomine decantatum illud ambustionis remedium, quod ex olei olivarum parte una & album. ovorum partibus duabus componitur, nec inefficax, præsertim in facie deprehendi; Verum in abdomine, ubi profundior & cutem penetrans erat ambustio expectationi nostræ parum satisfacere videbatur, quapropter incisus pustulis loco affecto non solum ea quæ empyreuma extrahunt, sed & cutim exiccatam emolliunt, imposui.

℞. Alburnor. in profluente recente captor. ℥j. frigrantur in sartagine cum butyri Majalis f. q. pinguedo fundatur super aq. frigidissimam, coagulata separetur, hinc add. Unguent. basilic. ℥j. Ol. Lil. albor. rosar. amygdal. dulc. ana ℥ss. vitell. ovor. num. ij. Croci ℥j. M. Fiat. Unguentum.

Manibus idem unguentum applicuimus, interpositis digitorum spatiis, nè fortè coalescerent, linamentis ficcis: Tandem separatis escharis ulcera mundavimus, & sarcotica cicatriceque inducentia applicuimus, quæ nè turpes & rugosæ præsertim in facie fierent, devitatis valde siccantibus, emollientia subindè adhibuimus, qualia recipit sequens linimentum.

℞. Pingued. Capon. hominis, piscis tithymali ana ℥iij. Ol. myrrh. ℥ss. Lil. albor. ovor. ana ℥ss. Succilumbric. ℥v. M. F. Linimentum.

Interea dum hæc fierent, etiam virium imbecillitati prospeximus, exhibendo sæpius cochlear unum atque alterum mixturæ cordialis.

℞. Aqu. cordial. frigid. ℥iij. Flor. borrag. bugloss. ana ℥j. Cinam. absque vin. destill. ℥ij. Carbuncul. ℥j. Confect. Alkerm. ℥ij. Spir. rosar. rub. Idæi ana gt. xv. Rotul. man. Christ. perl. ℥ij. M. ad arcendas vigilias & conciliandum somnum doloremque qui admodum urgebat sopiendum per intervalla dedi pulvisculum meum anodynum ex syrupo flor. Rhæados & aqua hypnoticâ.

℞. Pulv. med. anodyn. ℥j. Laudan. opiat. g. i. M. in mortario marmoreo F. pulv. Baldass. *Timæus Casuum Medicin. lib. 6.*

Observationes.

Viggerdus Simonis, super luculentum ignem in cacabo bonam resinæ quantitatem liquefaciebat, eaque, cum nimis effervesceret, fortè flammam concepit: hanc extinguere, & pulvinari cacabum obturare volens, improvidus nimis ambas manus resinæ liquefactæ bullienti & jam incensa totas immerisit, easque vehementer concussit: illud ipsum uxori, eandem flammam etiam extinguere volenti evenit: tandem flammâ extinctâ, de immenso manuum ex ambustione dolore uterque graviter conquerebatur. Præsentaneum hic remedium necessarium erat, cumque nihil ad manus haberemus, fortè venit mihi in mentem atramenti scriptorij, quod paulò antè ad meos usus ipsemet confeceram, cujus integrum cantharum plenum in musæo habebam: illud in ollam effudi, eique manus suas ambo immergebant, atque ita aliquamdiù lavabant & fovebant; quod cum per semihoræ spatium fecissent, omnino cessarunt ardor &

dolor, nullis vesiculis prodeuntibus, nec ullum ex tam vehementi ambustione incommodum retinuerunt.

Petrus Absteë Muskettam explodere volens, fortè posterius disrupta fuit machina, & quamvis à ferri frustis illæsus, totâ tamen facie pyrii pulveris flammâ graviter combustus fuit, plurimæque pulveris grana ipsi cuti impacta remanserunt. His gravis citò exemptis, statim oculis parva lintea duplicata butyro benè salito inuncta imposuimus, toti autem faciei cæpas crudas cum sale in mortario contusas applicavimus, quas ter prima die, & semel sequenti nocte renovavimus: quo cataplasmate totum empyreuma insigniter extractum fuit, etiam in ipsis oculorum palpebris (quas ad oculorum defensionem butyro præmunieramus) nullæ vesiculæ excitatæ fuerunt, ita ut postea unâ aut alterâ inunctione ex unguento rosaceo & pomato, prorsus sanatus fuerit.

In combustionibus statim omni studio enitendum est ut empyreuma extrahatur, & pustularum ac vesicularum exortus impediatur. Ad hoc efficiendum multa variaque commendantur. In leviori combustionibus, illud parte læsa igni admotâ, vel in aquam calidam immisâ, atque in ea, quam calidissimè fieri potest detentâ, facile perficitur. In graviore verò, efficacissimum remedium sunt cæpæ crudæ cum sale contritæ, quibus in gravissimis ambustionibus multoties egregia præstiti. De his audiat Paræus lib. 2. cap. 9. *Experiantur (inquit) plebei homines, ambusta leviter partis ardorem vanescere & dolorem levare, si partem ipsam ardentis candela, vel accensarum prunarum ardori aliquamdiu admoventur, attractionem enim facit similitudo: itaque ignis extrinsecus intrinsecum & inustum à se partem ignem dum foras evocat, mali, quod iniulerat & creaverat alexiterium est. Paratū etiam facile & expertum remedium est, si quis statim à combustionibus cæpas crudas & cum sale contritas dolenti parti apponat, &c.*

Hildanus tamen libro de combust. cap. 6. cæpas in faciei combustionibus minimè convenire, easque oculis damnum & jacturam haud exiguum inferre scribit. Quod verum foret, si cæpæ ipsis oculis imponerentur, aut si oculi ante cæparum applicationem primò aliis rebus non præmunirentur, quod nos linteis duplicatis, vel triplicatis, & butyro benè salito inunctis optime fieri arbitramur; eò quod butyrum salitum empyreuma extrahat ratione salis, & pinguedine sua palpebras leniat ac defendat: minus autem conveniunt aquæ distillatæ, lac muliebre, ovorum albumina, aliaque similia, quæ statim exsiccantur, & parti adeò firmiter agglutinantur, ut vix absque excoriatione detrahi possint. In faciei combustionibus Hildanus potius utitur hoc unguento.

℞. Saponis Veneti, unc. j. olei amygdalarum dulc. rosarum ana unc. f. mucilaginis semicydonior. cum aqua rosar. extractæ parum misce fiat unguentum.

In aliis autem partibus scribit sequens unguentum empyreuma potenter extrahere.

℞. Cæpæ crudæ, unc. j. f. salis, Saponis Veneti, ana unc. f. misceantur in mortario, fiatque unguentum cum oleo rosarum & amygdalarum dulcium.

Præter

Præter hæc multa alia sunt quæ empyreuma potenter extrahunt. Sic atramento scriptorio illud feliciter peractum fuisse, exemplo docuimus antè observatione quintâ. Sola muria linteis eâ intinctis, ut & aqua calcis, idem faciunt. De muria sic ait Lev. Lemnius lib. 5. occult. nat. cap. 9. *Muria aut salsilago præsentanea vi ambustis vim igneam, atque urentem fervorem extrahit, doloresque intensissimos placat ac mitigat, vel ex pulvere bombardico, vel oleo, pice, aquâ fervidâ, prunisque accensis, præsertim si tenui peplo salsilagine imbuto perustæ partes foveantur; hujusmodi enim irrigatione ignea vis elvitur, atque acerrimi cruciatus consopiantur.* Idem de muria quoque testatur Matthias Pactzerus lib. d. Sale cap. 26. Butyrum quoque multo sale pulverisato mixtum, linteis inunctum, & sic impositum, egregia præstat. Verùm hæc omnia in ipso principio admoventia sunt, ante quàm pustulæ aut vesiculæ excitentur & excoxiatio fiat, tunc enim hæc minus conveniunt, sed curatio alio modo instituenda est. *Isbrand de Diemberbroeck in obs. & Curation. Medicin.*

Puella quadam aquâ ebulliente super ventrem ad umbilicum excocta fuit, undè vesiculæ ortæ sunt, & tanquam mortua jacebat, ad eam vocatus, unguento populneo totum ejus ventrem illiniri feci, & vitis folia superaddere, quo remedio intrâ 4. horas, puella ad se rediit, & paucis postea diebus, ex toto sana evasit. Quod verò intus intestina, ex aquæ ingenti caliditate, tumuerint, undè symptomata prædicta ortum traxerint, pro certo crediderim. Ulcera tamen postea ex unguento, à calce sæpè lotâ, parato, sana sunt reddita. *Amatus Lusitanus, curat. 34. cent. 4.*

Mulieres Delphenes in famulis cerevisiariorum, applicant folia hederæ arboreæ cocta in aqua, & sic curant eos, quando ab igne vel aqua calente, quod sæpè fit, adulti sunt. Mulieri consului, ut cruri combusto folia hederæ decocta in cerevisia apponeret, & illicò optimè fuit curata. *Petrus Forestus observ. 18. lib. 2. obs. Chirurg.*

Apud fabros ferrarios, ex manubrio isto ligneo in malleo, si ferro candenti adhibeatur, scaturiet oleum quo loca ambusta felicissimè inunguntur, cui nuper vidi in Nobiliss. à Greisla Juniore, cujus facies valde pulvere pyrio comburebatur, qui tamen intra paucos reconvalevit dies. Aliique plures certam hujus mihi experientiam faciunt. *Georgii Franci in Mistell. Curios.*

Lectissima virgo ex oppido Viburgensi, dum matri in evocando per vesicam æneam spiritum frumenti socias jungit operas, administrato per incuriam calore violentiori ansam præbet infortunio, alembicis enim excutitur, ebullit ferociter magma, & misellæ dorsum quaquaversus ardentissimo liquore perfundit: undè non cutis tantum ustulata mille locis contrahitur, sed & illa tandem à reliquo corpore per summos dolores separata, carnetum dorsî æquor in nodos & tubera asperatur, ex quibus alia pugnæ magnitudine æquabant, quædam etiam ampliora, minutiora nonnulla. Dixisses tergum universum aliud nihil esse, quàm glandularum eminentium congeriem: quam Chirurgus licet sæpè aquis causticis depasceretur, perpetua tamen recidiva crescebat rursus, & quotannis ferè mole auctiori. *Olat Borrichii in Act. Barthol.*

Miserandum spectaculum pulveris pyrii mola urbi dedit. Vix ingressi illam Dominus Prædictus, servi, pueri, cum ictu mallei ad clavum in asserere latentem impulso, scintilla excitata materiam pulveri pyrio destinatam, carbonem nempe & sulfur, accenderet, & dictum factum instantes combureret, quorum unus sulfure in fatibus flagrante statim extinctus, ceteri combusti, ut velut assæ carnes in veribus comparent, magnis cruciatibus vel superstitibus vel brevi defuncti. Vidi Chirothecam unius nativam, quæ ex combusta manu exciderat, cute separata à carne tosta accuratissimè cum unguibus semicombutis, doluique viri boni acerbum casum, inventi authorem detestatus, præsertim cum is Cimber esse perhibeatur, & re & nomine Niger Monachus, primus pulveris pyrii inventor, quanquam Hispani eam prærogativam sibi sumant. Nam si credimus *Garcia de Sylva* in Brevior. Hist. Hisp. p. 114. in obsidione Algezitarum 1344. ab Hispaniensibus Arabibus bombardorum tormentum primum inventum, biennio antequam Angli ad Cresc. acum A.C. 1346. in memorabili pugna, qua prostratus Philippus Valesius Francorum Rex; & 36. annis antequam apud Clodium fossam A.C. 1380. Veneti etiam primum usi, à Genuensibus cruentam victoriam obtinuissent. Pulverem pyrium Venenatam qualitatem spirare & ita incidere læsos docet *Fr. Plazzonius c. 8. de vuln. Sclopetorum*, sua scilicet evaporatione. In nostris verò ambustis manifesta fuit causa, assatis nempe & constrictis vasis circulationem impredientibus, & dolore enecante. *Thom. Bartholini.*

S. F. Zollicensis mulier 18. annorum, pedem sinistrum aqua fervida combussit, à Chirurgo primis diebus neglecta, dein acribus medicamentis tentata per quinque menses miserrimè doloribus vexata est, & affluxus humorum ad affectam partem causatus, ut me convenire coacti fuerint. Re perpensa, Judicavi, & à curante Chirurgo & ab ægra peccatum fuisse; ille enim corrosiva supra tendinem pollicis pedis motorem ad exedendam carnem spongiosam medicamenta imposuit; hæc intemperantem sese gessit, convulsivis motibus obnoxia, vinoque dedita: Ægræ vomitum concitavi cum tartaro solubili emetico; & infusa vulneraria exhibui, manè vespèrique tepidè exhibenda: Pro potu ordinario exhibui Tinct. Rosar. Diætam imperavi; pedem oleo Philosoph. excalefeci, blandisque digestivis atque anodynis deligari jussi, quibus intra duas hebdomadas feliciter curata est.

S C H O L I O N.

Aqua fervens dum calore immodico non tantum cutem, vel ejus glandulas, meatus ac fibrillas violenter invadit, exagitat & constringit, sed & sanguinem cum sero in concitiorum motum impellit, & igneis spiculis instruit, eo ipso etiam in meatibus exilibus, cum tam promptè in venas recipi, aut alias expelli nequeat, stagnare facit: undè acrior ille humor redditus, & præcipue diætâ remediisque incongruis efferatus symptomatum variorum author evadit; hinc quæ liberum atque naturæ convenientem humori motum restituere, meatus obstructos referare, & acredinem illius obtundere

dere valent, his esse adhibenda concluditur. D.
Joan. de Muralto in Misc. Curios.

De Fulmine tacta curatione.

Idibus Junii anni præcedentis 1671. accidit, ut Cælum, quod sudum erat, subito nubibus atris tegeretur; flabat ex austro turbo vehemens, qui & aves violenter ex aëre in terras & ædium tecta dejiciebat. Inter hæc sonus auditur quasi minæ alicujus sive cuniculi, pulvere pyrio repleti crepantis, tanto cum fulgore, ut totum oppidulum ignem cepisse videretur, quem fumus densus tetrum & tartarum accensum olens sequebatur, fumus autem hicce domum viduæ alicujus honestæ adeo repleverat, ut domestici sese invicem discernere non possent. Ædes hæc quatuor in locis à cælo tactæ erant sibi oppositis: notabile erat, lignum alicubi fissum, alicubi terebra quasi perforatum extitisse, nullum tamen combustionis vestigium notari poterat. Interim puella quindecim annorum, viduæ dictæ filia, intra hypocaustum quasi attonita concidit, inque eo statim non observata per sesqui horam manet. Domestici cum hoc notarent, statim accurrunt, eamque mortuam tractant. Thoracis indumenta, vulgò cæruleo pallidiori colore, quem galli *Blenmourant* appellant, tincta fuerant, sed tum temporis quibusdam in locis fuscum dilutiorem colorem, quam coloris speciem galli *feuille morte* appellant, contraxerant. In lectum cum collocata esset, ipsam visito, & corpore nudato læsionem accuratius considero, quam talem inveni.

Primò mamma tota cum aliqua intermixta nigredine rubebat, ac si pulvere pyrio combustio facta fuisset: sub manna striæ subfuscae in longitudine se acuminantes per transversum ventrem ad pubem usque penetrant, quæ itidem pilis privata & excoxiata erat. Hinc striæ aliquæ digiti latitudine per crus sinistrum ad pedes usque progrediebantur, & in calcaneo sinistri pedis desinebant. Ad manum erat aqua aliqua apoplectica, cujus cochlearia duo puellæ infundi jubeo, ex quo statim ad se redibat, ad interrogata benè respondebat, nec comprehendebam hic verum esse, quod Alexander lib. 1. probl. 88. asserit, fulmine percussos si non intereant, tamen vel ad aliquod tempus, vel per totam vitam infatuari. Etenim hæc puella optimè ratiocinabatur, nec de alio conquirebatur, quam de insigni ardore faucium & dolore in parte læsa. Exhibitus statim fuit pulvis bezoarticus Anglicus ad drachmam semis in aqua chærefolii, ex quo benè sudavit, & æstus in faucibus diminutus fuit. Hinc parti læsæ applicabatur unguentum ex cremore lactis & cerussa sæpius reiterandum, ex quo itidem insigni dolorum levamen. Cum autem febricula persisteret, jubeo ut emulsio ad ℥viii. fieret ex sem. papav. albi, aquilegiæ, milii & cardui benedicti, huicque emulsiioni ℥ij. pulveris bezoartici Anglici admiscerentur. Optimè hinc habuit & febris cessavit, nec quippiam supererat, quam ut mammæ excoxiatæ cuticula sua emplastro diasaturni meo restitueretur. Imposterum etiam nihil sensit incommodi, nisi quod cum rempestas aliqua cum fulminibus immi-

neat, insignes dolores & motus convulsivos sinistro in pede experiatur. Pudendum tamen debile manet. Hicce casus mihi in memoriam revocat, alium mirabilem fulminis effectum ante tres præter propter annos, qui Danembergæ contigit, ibi turris castri fulmine tangitur, sine tamen ulla noxa notabili, solummodo excubitoris uxori nummus argenteus in pera exili foramine perforatur. *Alardi, Hermannii Cumineni. in Misc. lib. 1.*

Fulmine icti.

Anno 1637. 24. Augusti, paulò post meridiem, magna subito ingruit tempestas, cum fulmine ac tonitru horribili. Tunc temporis Noviomagi ante urbem in monte Gallinaceo, fortè rustici cujusdam famulus frumenta colligebat, secum habens ancillam, & anum quandam cum infante, ut & currum, qui ab unico robusto equo trahebatur. Ipsi hac horribili tempestate perterrefacti, fugam parant, anus cum infante sub carrum ob pluviam confugit, interea dum famulus cum ancilla equo frenum injicere studet. Dum hæc agunt, validum fulmen ab æthere descendens, famulum, ancillam, equum & carrum ferit, anu & infante intactis. Temo carri, qui ex valido ligno confectus erat, in varia frustra comminuebatur. Equus ipso momento mortuus concidit, nec tamen in toto corpore ulla læsio percipi potuit. Fulmen ancillæ femur & crus dextrum percusserat, quæ partes omnino lividæ & purpureæ erant, præterea partem tunicæ & indusii in mille filamenta dissecuerat: ipsa statim ab ictu in terram corruit, ac circiter duabus horis sine loquela prostrata jacuit. Famulus toto corpore percussus erat, præcipua verò ictus violentia in latus maximè dextrum sæviit, à quo latere thorax, bracca, caliga, indusium laneum, & ipsum etiam lineum indusium, non simpliciter dilacerata, sed quasi discissa & in tenuia filamenta discerpta fuerunt, & simul ingentem combustionis fœtorem retinebant, ac si paulisper in igne jacuissent. Calceus dexter, ex fortissimo corio confectus, quasi miraculosè in tenuia longa filamenta (qualia ne studio quidem quispiam conscindere posset) discerptus, & triginta passuum longitudine à pede projectus fuit. A tanto ictu in terram prostratus fortis ille juvenis in syncope incidit, atque sic pro mortuo domum delatus fuit. Duravit hic animi defectus circiter per tres horas, deinde paulatim ad se rediit. Invisi hominem, ac totum corpus inspexi: totum latus dextrum à pede usque ad caput colorem ex nigro purpurascentem habebat, eique cuticula plurimis in locis abrafa erat, haud aliter atque ab ictu baculi inæqualis fieri solet; magna quoque aderat contusio, cui & ardentem combustionem conjunctam esse manifestissimè apparebat. Ager parum loquebatur, & de maximo totius dextri lateris dolore, ut & de summo cordis ardore (cui tamen febris non erat adjuncta) ac pectoris compressione, atque hinc impedito anhelitu conquirebatur: artus dextri lateris omnino commovere non poterat, atque ita sui impotens per duos menses remansit, & postea paulatim pristinae sanitati resti-

restitutus est. Interrogatus quomodo se habuisset ingruente malo, dicebat sibi nihil aliud inde constare, quàm quòd ipso momento, quo fulmen percussit, sibi cor candenti ferro uri visum fuisset, atque anhelitum quoque trahere non potuisset, & sic statim suffocatus concidisset. Varia ipsi exhibui, varia etiam topica medicamenta partibus percussis adhibui, sed omnia hæc ad ignem istum æthereum nihil vel parum profuerunt, tandem æger spontè sine medicamentis Divino auxilio sanatus fuit, ut & ancilla, quæ sibi nulla medicamenta adhiberi permisit. Anus illa quæ cum infante sub carro latuerat & intacta remanserat, narrabat cum ingenti illo fulminis ictu pessimum simul ingruisse foetorem, cum maximo ardore, quem haud aliter se sensisse dicebat, quàm si caput in furnum pistoris ignitum ad momentum immisisset, ita ut ob brevem istum ardorem etiam ipsa anhelitum trahere vix potuisset. Sed cum fulmen corpora solidiora imprimis ferire soleat, mirum est nec in ancilla, nec in equo ullum os confractum fuisse.

Annotatio.

Quanta vi & quàm mirabiliter fulmina res inferiores interdum feriant, tam Veterum quàm Recentiorum testimoniis satis constat, quod etiam nos ipsimet aliquoties vidimus. Anno 1629. octiduo ante festum Paschatis, subita ingruit tempestas cum fulmine & tonitru horribili, quâ unico fulminis ictu in Blocklandia prope Montfurtum quatuor domus & sex horrea penitus eversa sunt, & arborum plus quàm tria millia non solum confracta, sed penitus eradicata, & cum totis radicibus longè è suis alveis ejecta fuerunt, hominibus tamen & bestiis omnibus illæsis. Anno 1628. prope pagum Bodegravum rusticus quidam in campis fulminis ictu occisus fuit, in cuius corpore pleraque ossa minutim confracta erant, cute cum carne planè illæsa. Vidimus in Gallia Pictavii in turri quadam fulmen illæso plumbò subjectas tabulas incendisse, quæ flamma non sine summa molestia extincta fuit: quod ipsum quoque nostra ætate semel atque iterum evenisse visum fuit. Ulterius in turri Dominicali. Anno 1638. mense Junio, Noviomagi in deambulacro illo, quod Sylvam vitulorum appellant, plus quàm mille aviculæ à fulmine simul occisæ fuerunt: eademque illa tempestate etiam boves aliquot in pratis à fulmine percussi & ossibus confractis occisi sunt, & varia arbores dejectæ ac confractæ fuerunt, quarum folia corrugata, & quasi flammâ ignis ustulata erant. Cardanus de rerum variet. lib. 14. cap. 70. refert anno 1521. arcem Mediolanensem vehementi fulmine penitus dejectam, in eaque 113. homines occisos fuisse. Hildanus cent. 3. observ. 26. valde mirabilem refert historiam, de nobili quodam, qui fulmine graviter percussus concidit, ejusque equus, ut & famulus cum altero equo statim enecati sunt: à fulmine præterea nobilis vestes diffractæ erant, & gladius, illasâ vaginâ, circa cuspidem haud aliter liquefactus, ac si ex plumbò fuisset, imò & extremum vaginæ ferrum eodem modo liquefactum conspiciebatur. Cardanus de Subtil. lib. 2. harum mirabilium operationum causas

inquirens, sic inquit: *Verum motus non solum penetrare magis cogit, sed & calorem ipsum accendit, atque ignem igne calidiorem reddit. Nihil mirum igitur est, fulmini tantam inesse vim, ac ignem illum, quasi ab aliorum ignium natura alienum, miracula quadam efficere: namque ob motum celerem non solum magis penetrat, sed ignis ille multo calidior reliquo omni igne existit, &c. Quis verò est alius ignis qui solo contactu occidat? hoc igitur ei proprium est, quod calidissimus sit, calidissimorum, atque, ut ita dicere liceat, ignis ignium. Itaque illesâ quandoque crumenâ, pecunias colligat, &c. Isbr. de Diemerbr. in Observat. & Curat. Medic.*

Fulmine percussorum cura.

Inter saxa & ignes æthereos, ætheris nos summa nuper servavit clementia ac bonitas: Cum enim dies 14. mensis Augusti anno 1669. horam attingisset ferè quintam pomeridianam, copiosissimas inter pluvias horribili derepente exorto nubium fragore cum fulgure satis terrifico, quasi cælum terra miscere vellet summus Jova, in prædio consularis Viri, civitati Bergæ confini, fulgur ignis ille ignium celerrimo ac tenuissimo suo motu, unoque ictu quatuor penetravit conclavia, una cum cella cerevisiaria, quo factum ut respirationis impedimento, vasa figulina cum fenestris j. nuisque impetuoso fragore ejecerit; Vasa autem stannea ac ferrea (cum fulgur ipso aëre sit tenuius) præstantissima suâ vi tum impetu hinc inde colliquaverit, fuderitque partim, maculis partim inusserit nigerrimis, dolia, ubi cellam intravit, à loco suo planè dimoverit, ubi exivit, epistomium vacillans reliquerit. Uno in conclavi Bibliorum Sacrorum ligaturam à parte posteriori discussit omnino, marginemque à scriptura, illæsis omnibus planè literis tam accurate separavit, ac si cultro fuisset resectus, incipiendo, ab apocalypsi S. Joannis usque ad cap. 1. Corinth. 12. quæ tum Epistola in sequenti die Dominica in Sacra Ecclesia explicanda populo veniebat. Eodem in hypocaulito repleto nebula ac sulphuris odore gravissimo, ut respirandi licentia vix ulli data fuerit, sex mulierculas puerperam visitantes; lectoq; assidentes ad terram dejecit, peripetasmata combussit. Sed mirum dictu! puerperæ istius matrem, uxorem honesti civis, nullo ad resurgendum ferè nisi in terram quasi penitus exanimem prostravit, ut cum Persio exclamasses.

Triste jaces lucis evitandumque bidental.

Mox verò recollectis parumper sensibus, animadvertunt adstantes in hac sola muliere peplam quasi pulvere tormentario esse conflagram, in amiculo catenulam argenteam igne illo subtilissimo fuscâ, ac in quinque partes divisâ, examinant totum corpus illæso indusio reliquisque vestibus, illud infra mamillas usque ad umbilicum palmi unius circumferentia valde combustum ostendunt, quo cum stupore viso, nullum ad curandum hunc affectum præstantius haberi posse medicamentum Lactæ mæliebri uno ore asserunt omnes. Annuit illa dolorum acerbitate permota; illæ lac intinctis in

illud linteolis superimponunt. Verum protuberantibus vesicis, & lacte iterum emollitis, inflammatio ac dolor dolore adaugebatur, ut die sexto me vocare fuerint coacti: ego bis in die cum levi penna seq. unguento locum satis sensibilem inungere jussi.

24. Mucilag. sem. cydonior. c. aq. malv. extract. 3ß. Succ. plantag. rec. 3iß. Litharg. aur. subtr. pert. 3ß. m. ad fict.

Post tres dies sedata jam optimè inflammatione, crusta inductus fuit locus, sublitescente quidem pure, sed valde laudabili. Qua de causa d. 25. Aug. ad maiorem mundificationem ac incarnationem seq. præscripsi Liniment.

25. Mell. rosat. 3j. Succ. plantag. rec. absinth. ana 3iij. per Sarcocoll. Myrrh. ana 3ß. m. pro Linim. D. 28. August. crusta fuit separata, itaque usque ad 3. sept. superscripto Linimento satis superque locum mundificare, mundificato per dies 8. Empl. Spermat. Ranar. c. Mastich. Oliban. Sacch. Saturni ceruss. &c. paratum applicare jussi, & sic ad cicatricem parvo temporis spatio feliciter vulnus perduxit.

Ut jam præconceptum huic mulieri terrorem excuterem penitus penitusque feliciorum illi prædixi vitæ ac annorum Seriem, cum ideò magis Plutarchus fulmen vocaverit divinum, quod corpora divinitus eo afflata *ἀσυνήτα* imputrida, multo tempore perdurent. *Lang. lib. 2. Epist. 32.* cuius rei, cur scilicet animalia fulmine tacta omnino liberentur à veneno, pleniorum, aliqua tamen sub dubitationis nota, adducit *Hier. Mercurial. de ven. ac morb. venenos. cap. 14.* Quod fulmine tacti evadant paucissimi, diversa passim testantur Doctorum scripta. Evasisse *Johan. Mariam Cardanum* & raro supervixisse miraculo *Hier. Cardan. l. 2. subtil.* curiosè notavit. De homine quodam fulmine tacto, sed illæso similem refert historiam, ut & de milite Romæ ædem sacram custodiente. *Plutarch. lib. 4. quæst. convv. quæst. 2.* pariter *Plin. lib. 2. cap. 51.* Marciam Principem Romanam *Cardan. de Rev. Var. l. 8. c. 4.* Scopelianum Pontificis Asiæ filium, & *Gilbert. Cognatus lib. 8. narrat.* Cauponem quendam nomine Croës in rarissimum hoc admirationis producit theatrum. *Dom. Treublerus è Bergis Norvv. eg. in Litt. ad D. Barthol. & exinde uratislav. ad D. Sacksum.*

Scholion.) Vulgata opinio fuit materiam fulminis esse exhalationem calidam & siccam vi caloris à terra in nubes sublatam, quæ accensa Coruscationem, & si majore vi è nube erumpat, fulmen, si minus virium habent, fulgur pariat. Sed *Excell. Joh. Merc. Marci à Kronland in Philosoph. vet. Restitut. part. 2. sect. 5. sub sect. 1. pag. 148.* aliam fovet sententiam, nimirum ea, quæ à terra sublimantur, materiam ignitis meteoris non posse præstare, sed eadem ipso in aëre contineri, ut sint veluti plantæ aëreæ ex invisibili principio in eam speciem nascentes, sicut in æthere quandoque novæ stellæ sint exortæ, unde in aëre crasso minusque simplici, quam æther, multarum rerum semina contineri, quæ in suos ortus statim temporibus maturantur. Necesse verò partem aëris, ex qua meteo- ra segreganda, prius dissolvi in sua principia, Mercurium, Salem, & Sulphur, ex hujus dissolutione pro ratione fermenti varia enasci; Mercurium in ventos & procellas abire, aut

cum Sale in pluvias liquecere: Sulphur Meteoræ ignita producere: hoc, cum tardioris quam reliqua segregationis, minus quoque frequentia, quæ ex illo ortum habeant. Si Sulphur purum & defæcatum accendi contingat, fulgura & coruscationes absque tonitru fieri; quod si Mercurius sit admixtus, quia hic ignem effugere festinat, ignis verò eundem cum sulphure una sequatur, ex vehementis aëris distractione fieri fragorem illum horrendum Tonitru dictum. Edidit 1669. Cracoviæ R. P. *Adalbertus Tylkovski è Soc. Jesu & in Colleg. Warszav. Philos. Prof. Meteorologiam curiosam dictam, ubi part. 1. c. 10. p. m. 23.* definit fulmen esse exhalationem mixtam metallari materiæ, quæ conglutinentur instar farinæ lenis & siccæ, & conetur in secundam regionem evadere, sed ab obstante nube repellatur, sic agitetur & tandem accendatur. Ferri dorsum ex materiæ proprietate eo rapientis ignem, quod pateat ex Auro fulminante & Marte, fulm. flammam ignis fulminei esse coloratam ob alimoniam, à qua ignis colorem assumpsit, eadem ratione si materiæ exurendæ adjiciatur camphora, fieri flammam pallidam lacteam, si pix Græca, fieri flammam rubeam, si sulphur, caruleam, si Sal. ammon. viridem, si Mars crudum, buxam, si pis navalis atram. Flammam ignis fulminei pertinaciter aquis resistere ob mixturam materiæ, quales artificiales quoque ibidem adducit, quæ pariter ubi incendium conceperint, aquis non cedant: ignem fulmineum subindè excæcare ob admixtum exhalationi venenum: obscurum inducere fumum, ob antimonio crudo analogam misturam: non omnibus æquè nocere halitum fulmineum pariter ut non omnibus noceant venena & pestis. Idem *Tylkovski ibid. §. 6. p. 32.* plura effecta recenset fulminis, qualia sunt 1. Omnia sulphureo odore implere, quod exhalatio tartarea illis se imprimat: 2. Alta petere, quia è nubibus una perpendicularis linea ducitur, infinitæ ad latera, & turris alta pluribus, casa humilis uni fulminis viæ occurrit: 3. Exusto dolio vinum conservari, quia viscosa exhalatio inducit tenuem vino pelliculam: 4. Vulnere à fulmine facta frigidiora cætero corpore, quod à metu & veneno infuso provenit: 5. Fulmen venenata animalia percutiendo veneno exuit, quia ignis plerumque tollit venena & pestilens aër igne purgatur. 6. Lædit quandoque fœtum illæsa matre, quod infanti ex metu matris evenit, unde sanguis & humores alterati valde concutuntur: 7. Dormientem si tangit ejus oculos aperit, vigilantis claudit, quia hujus perstringit fulgore, illum expergefacerit. Idem §. 8. pag. 36. Ignis fulmineus denigrat carnes, partim ob adustionem, partim obvenienti affusionem. Solvit Metalla fulmen ob sal. ammon. & nitrum: Metalla frigida reddit ob Mercur. Lacte citius extinguitur, quia lac sua glutinositate se affigit rei accensæ ac intra poros ignem suffocat: aqua verò præ vehementia caloris ab ea in vaporem, unde vapore in altum sublato parum aut nihil aquæ ad ignem pertingit. De remediis contra fulmina idem videri potest. L. a. §. 7. pag. 34. 35. Quod Canes & feles præ aliis animalibus magis fulmine petantur, causam cum *Cl. Bartholin.* conjicit *Excell. Dom. Joh. Jonsson. Philos. & Medicus incomparabilis Thau-*

matograph. sect. 3. cap. 5. pag. 118. In halitus ex animalium horum corporibus exhalantes, quos tanquam materiam cognatam & nutrimentum aliquod fulminis spiritus (foras præsertim si pateant, ut libere in aërem ferantur) sequuntur: Quare vina in cella fulmine moveantur, disquirat Dighæus in de Nat. Corpor. T. I. c. 17. §. 186. Quod dormientes magis securi sint ab ictu fulminis putat. Excell. Marcus Marci lib. 4. Philof. Res. pag. 148. inde præstari securitatem somno sopitis, quod in iisdem sit carentia metus, qui vigilantibus obversatur: consternatio siquidem illa cum imaginatione forti velut magnes ferum ad se trahat. De fulmine ictis & unde cognoscantur tales mortui inventi Paul. Zacchias in quest. Medic. Legal. L. V. 1. 2. q. 11. §. 7. & seq. Item historia relata à Jacobo Javello in sua quadam Epistola ad Ferdin. Angelum Fargas, quæ impressa est post ejusdem Medicinæ compendium, digna est consideratione, ubi traditur citraeorum quos fulmen percussit, eorum curam quoque Hildan. tr. de combustion. cap. 18. Obs. f. 934. & Jos. Schmidt. in Exam. Chirurg. f. 310. exponit, quam absolvit meritissimis Alexipharmacis, quæ alias pesti debentur.

Brevem quoque curam fulmine percussorum D. Beza Medicus Argentoratensis olim communicavit sequentem, dum Argentorati viverem. Statim porrigo Fulmine percussis cordialia sanguinem non detraho nisi summa sit sanguinis abundantia: spiritus namque sunt resoluti à calore & fulminis siccitate, itaque siccatus sanguis indicat humectationem; intemperies verò sicca & calida, quæ impressa est partibus à fulmine, refrigerationem & humectationem indicat; dolor anodynus loca ambusta & exsiccata emolliationem & relaxationem poscunt. Lardum destillatum probatur in aqua ros. cum succo cort. mediani, sambuci & succo sempervivi ac vitell. ovor. inungendi partes ol. rosac. violac. simul mistis & prius lotis decocto chamom. & hord. fomenta item ex althæa, balneum aqu. dulc. in quo ebullierit malv. lactuca, folia vitis & hederæ, quia modice laxat & humectat. J. Friderici Treubleri.

De Fulmine ictis Renunciatio.

Perquiruntur aliquando signa fulminis in eo, qui mortuus in aliquo solitario loco extra habitata loca, & urbes reperitur, neque ullum vestigium vulnere, aut strangulationis, aut alterius mortis generis alias consueti servat, præsumiturque hunc fuisse à fulmine ictum, & tunc nonnulla signa ad id cognoscendum afferuntur à Paræo ubi alias; & à Fortunato lib. 4. cap. 6. quorum duo priora cuilibet fulmini communia sunt admonente Fortunato. Primum ergo ac maximè quidem evidens signum est odor, quem spirat Cadaver, qui gravis profectò est ac sulphureus, ex quo fit, inquit, Paræus, ut hujusmodi cadavera neque à feris neque ab avibus degustentur: relinquitur autem hujusmodi gravis, ac sulphureus odor non modò in cadaveribus, sed quibuscunque rebus à fulmine ictis, Seneca testante lib. 2. Nat. qu. 53. Persensi cum per æstatum animi causa Viterbii adhuc adolescens commorarer cum avunculo meo, cujus me-

moria in benedictione sit, ejusmodi odorem ex fulmine, quod nostras tetigit ædes prope arcem ante Ecclesiam D. Faustini, qui tam gravis fuit, ut facile mihi gravem capitis dolorem excitasset, nisi mihi metipsum propexissem, itaque odorem hunc, ut dixi, non solum ex cadavere exspirare comperimus, sed etiam ex vestimentis, & ex ipsa quoque circumstante terra, & quibusque rebus prope adstantibus. Secundum signum color ipsius cadaveris est, contrahunt enim quæcunque cadavera fulmine icta fuscum quemdam colorem ea præcipue in parte, quam fulmen percussit. Hæc ipsa duo signa conspicua fuerunt in historia relata à Jacobo Javello in sua quadam epistola ad Ferd. Angel. Farg. quæ impressa est post ejusdem Medicinæ compendium, & digna est consideratione, ubi traditur brevis cura eorum, quos fulmen percussit.

Tertio dicit Paræus aliquandò nullum Vulneris vestigium in cadavere apparere, sed tamen si diligenter introspectiatur ossa comminuta, ac fracta in ea parte, quæ icta est, animadvertentur. Adnotandum tamen est, non omnes perire ab ictu ipsius fulminis, sed aliquos à solo pavore extinguere. Proth. Casul. Ethiol. lib. 1. num. 11. in his autem hæc inquisitio superflua est, sicuti etiam & ea, quæ ex inmutato coloris cadavere delimitur; relinquitur autem solus odor gravis, & sulphureus de quo diximus. Si tamen in percussis aliqua pars vulnerata appareat, eam ex Plinii Sententia reliquo corpore longè frigidiorē persentiri dicit Paræus; quod etiam ex eodem Plinio refert Maiol. Dier. Canticul. colloq. 1. par. 1. & Petr. Crinit. de honest. discipl. lib. 9. cap. 12. ejus rei causam quærit, ac reddit idem Proth. Casul. ubi supra, num. 151. absumique, inquit, spiritus à fulmine maxime in ea parte, quæ icitur, unde ea quasi incineratur. Non tamen admittit Fortunatus, quod in cadaveribus fulmine percussis contusio aliqua, aut ossium semper comminutio fiat; cum fulmen solidum quid non sit, sed spiritus quidam, vel tenuis & clarus, & ob id non adurens, vel spissus, & fumidus, & ob id incendio absumens, contundere itaque ossa, aut frangere, aut comminuerē non potest; quod consonare videtur cum opinione Casulani.

Quartò, homo à fulmine percussus cadit super partem, quæ icta est, & convertitur in partem, unde fulmen venit; quod tamen nequaquam verificatur in historia relata per Cardan. lib. 8. de variet. cap. 43. nam cum in Lemno Insula, ubi Insulæ cornu dividitur, octo mæstres sub quercu cænant, à fulmine percussi, atque exanimati manserunt sub ea specie, quâ discubuerant, ut unus comedere videretur, alter ori poculum manu admovere, alius bibere, cumque nigri omnes essent, imaginem totidem statuarum representabant; illud etiam observatum esse, ajunt, quod si dormiens homo ictus sit, oculis apertis reperiatur, si vigilans clausis; at unde hoc? dormiens ad fragorem expergiscitur, oculosque aperit, vigilans ad terrorem concutitur, oculosque claudit ob timorem præsentis mali. Putant autem nonnulli dormientes fulmine non per-

cuti, ejusque rei causam assignat Proth. Casul. *ubi supra*, num. 9. quod tamen an veritatem habeat prorsus ignoro.

Addebat insuper Paræus ex Philippo Cominio, cadavera fulmine extincta non esse reliquorum instar putrefactioni obnoxia, quod etiam admittunt Proth. Casul. *ubi supra* num. 8. & Jun. Paul. Crass. *quæst. Nat. & Medic. num. 34.* qui idcirco damnari dicit Euripidis Poëtæ Clymenem, quæ Phaëtonem de Cælo tactum in vallibus putrescere cecinerit. Seneca tamen lib. 2. Nat. quæst. cap. 31. ex quo etiam Fortunatus ibidem ea verminationem intra paucos dies pati affirmavit; quid experientia doceat adhuc ignoro: si contendendum ratione sit cum prior opinione, sentirem ob sulphuris vim cadaveribus communicatam, & exiccationem à fulmine conciliatam; quæ opinio Casulano quoque *ubi supra*, & Junio Paulo Crasso accepta est, quod si hæc veritatem habent, inter alia hoc erit signum evidentissimum, quod is, cujus cadaver est, fulmine fuerit peremptus, non vero alio mortis genere.

Est Ultimo loco aliud signum à Fortunato allatum, quod hujusmodi cadavera levia evadant, ob humorum consumptionem à fulmine factam; quod signum in hoc casu videtur magni faciendum, cum alias cadavera se ipsis graviora evadant, ut notum est. Volunt nonnulli absumi in his interiora omnia viscera, quod observatum aliquando experientia esse oculatos testes habeo, in omni tamen fulmine idem evenire omnino à vero alienum est; notum tamen alia ex parte est, fulmina nonnulla interna absumere, externis intactis, & infantem in utero perimere salva matre, & hæc de vulneribus dicta sint. *Paulus Zacchias Quæst. medico-legal. lib. 5.*

Anatomica inspectio fulmine extincti.

Vix ausus fuisset molestiam creare statim repetita vice alia epistola, nisi me moveret casus ille qui hic accidit die 10. Maij. A meridie illius diei circa horam quartam percepi tonitru remotius. Circa horam quartam tonitru nobis propius accedente, pluvia effundebatur, & mox (pluvia magis in imbrem & nimbium condensata,) tonitru magis intonabat, & frequentius crebro, diuque crepitante fragore, (quanquam non semper æquante ictu fragoris, quem vel alias audivi, sonitum:) & fulgur seu fulgetrum clarissimis (non obstante clara diei luce) & creberrimis, (cum vix minutum unum completum intercederet duo fulmina, concitatissima fulminum persecutione; aliquando vel antè id temporis secundo fulmine prioris tonitrus fragorem occupante,) radiis seu fulminibus erat conspicuum; tonitrus sonitus ut plurimum percipiebatur octo vel 10. minutis secundis à fulmine elapsis; uti magnam temporis partem ipse ope minutologi observavi; sed semel aut bis observavi immediate (quodammodo) fulminationem insecutum tonitru, quasi eodem momento; fulgure rubicundo & igneo. Non soleo alias multum terreri tonitru & fulgure, illo tamen tempore (nec satis scio, quare?) maxime perter-

ritus eram horrore inusitato, metuens ne damnum inferret, mihi enim videbatur valde humile & propinquum (adeo ut metirer etiam distantiam fulminis crepitu) & frequentissimum ac summe lucidum, ita ut maxime terribile fuisset, si noctu accidisset. Et quamquam haud excessi domo sensibiliter tamen odoratus sum odorem foetidum sulphureum, quo Aër erat infectus. Hora 7. finiit tempestatem, ante quod tempus nunciatus mihi fuerat casus deplorandus, qui accidit Medleii, quod hinc uno milliari vel paulò amplius abest. Duo scholares collegii Wadhamentis, qui soli fuerant in scapha quadam (sine nauta,) à litore non pridem remota, Medleii, ad redeundum domum, positi in capite scaphæ infelici ictu tonitrus aut fulguris statim ex scapha in aquam excussi sunt. Alter eorum ita ictus est ut planè rigidus moreretur, & ex aqua post vix unius minuti moram [uti ex relatu acceptum] extractus, nullum vel vitæ vel sensus motusve indicium proderet.

Alter infixus erat limo (pedes deorsum, & partes superiores supra aquam) ad modum pali, neque sibi ipsi auxilium ferre valebat; vivus quidem adhuc deprehendebatur, adeo tamen omnem sensum terrore penitus casus excusserat ut immotus maneret, quasi in illo loco palo affixus fuisset. Cæterum nullum in toto corpore apparebat vulnus, sed omne malum ei hoc infortunio inflictum erat, quod ita stupefactus maneret, & quasi extra semetipsum rapti mentem non subibat recordatio, quomodo præcipitatus fuerit in aquam, nec utrum tonitrus, an verò fulgur casus ejus causa fuerit, multumque infirmus erat; constitutio illa hominis duravit noctem adhuc sequentem, (quanquam statim lecto calido impositus erat) nec compertum mihi est quid ei postea acciderit.

Alii in alia scapha 10. vel 20. orgyiis circiter ab illa distante (prout ego ex ipsorum descriptione æstimo) senserunt disturbancem & commotionem in navi sua, sub quorum uno sella ejus excussa super ipsum impetu ferebatur, alias damni omnis expertem. Hi nulla mora aliis appropinquantes (quidam exsistentes in aquam ad eos) extemplo trahebant eos, vel in scapham, vel ad littus; nemo tamen illorum vidit hos duos precipites ruere in aquam [cum non illuc visum dirigerent] sed audivit eorum alterum clamore opem implorantem statim post ictum, & odorabantur foetorem valde sensibilem in Aëre; qui, de genere foetoris à me interrogatus, respondit similem fuisse foetori percepto ex mutua collisione filicum.

At simul atque ex aqua mortuus fuit extractus, nihil remediorum inexpertum relictum est, (imposito enim in lectum calidum, frictoque, immisimus ori aquas distillatas, &c. Quo vitæ restitueretur,) sed frustra erant omnia. Quamobrem postridie ejus diei manè in urbem sepulturæ causa delatus est. Ubi inter plurimos Doctor Willius, Doctor Mellingtonus, Doctor Louverus & ego accessimus avidi lustrandi corpus mortuum, si fortè in eo particularia non nulla observanda venirent. In universa ipsius cute nullum apparebat vulneris vestigium.

stigma. Facies & collum nigra erant & livida, sed non in majore gradu, quam solet procedere ex sanguinis sedimento, in dextra colli parte macula quædam parva nigricans, digitum unum longa, quartam vero digiti partem lata, ad summum, notæ ferro candenti inultæ haud absimilis conspiciebatur. Habebat & aliam paulò majorem, ut memini, in altera, i.e. sinistra colli parte, infra aurem. Directè infra in latere pectoris sinistro, locus erat novem circiter digitos longus, & duos digitos latus, hic amplius, ibi minus, qui erat adustus, & durus ut corium igni duratum, colore rubro valde sensibili, in nigrum vergente, cuti porcelli assati similis. In parte anteriore humeri sinistri aliam habebat similem maculam unius circiter solidi magnitudine, quæ tamen tam nigra & notabilis haud erat quam illa quæ in collo apparebat. A vertice humeri dextri deorsum versus dictam pectoris partem erat tenuis linea similis cuti adultæ; quasi aliquid in eam juxta collum intrasset, & ad finem callis ampliorem campum aperuisset.

Maxima pars globulorum thoracis ejus ablata fuit, quod opinabantur quidam abruptos ictu tonitrus, impulso juxta collum, & suo loco erumpente: cui conjecturæ maximam ansum (mihi) præbebat, quod præter 4. & 5. globulos decedentes ad basin thoracis sex circiter penitus aberant à basi collaris deorsum, neque, quantum memini, videbantur residui prope detriti, sed fere novi. Collare Thoracis ejus præcipuè in parte anteriore humeri sinistri fecit disruptum, pannusque una cum materia durante, (cujus generis illo loco solet esse os balanæ,) directè deorsum discerptus, quasi dissectus fuisset instrumento obtuso; lintheum tantum interius, sive gossipium subductitium integrum erat, ex quo & visitatione asperarum & inæqualium extremitatum, mihi manifestum videbatur, ictum accidisse introrsum (ab extra) non extrorsum ab intra.

Pileus ipsius mirè erat laceratus, non quidem exactè per cacumen, sed per latera pilei & extrema.

A latere ejus erat foramen majus pugno; quadam ejus partes omnino abruptæ, & inde undique hiatus sparsi erant, quasi pileus fuisset dissectus aut laceratus instrumento obtuso, aliqui etiam eorum erant satis longi, fere contingentes marginis extremum. Et præter illos una aut duæ fissuræ aliæ erant, quæ non committebantur foramini in latere.

Illud etiam arbitrabar dei accidisse ictu introrsum vergente; non tam ex visitatione extremitatum illarum fissurarum, (ex quibus vix quicquam judicari poterat de ictus motu) sed quia materia subductitia haud erat lacerata, sed tantum resuta extremitate pilei, [cui fuerat assuta] à latere foraminis. Sed cum pileus ejus non fuerit repertus super capite ejus, sed aliquanto longius distans ab eo, liquere non poterat è regione cujus partis capitis foramen illud fuisset factum. In reliquo vestimento nulum casus istius vestigium cernere licuit, cujus rei causa fuerit, partim quod jam temporis non nihil post casum elapsus esset, partim quod vestimenta statim aquam hauserint in quam inciderat homo sequente nocte, tres Doctores

supra memorati, & ego cum quibusdam chirurgis (præter plures alios) convenimus & capitis aperturam fecimus, ut animadvertere-mus, si quid in eo observandum veniret: Sed nullum contusionis indicium apparuit. Cerebrum erat integrum & optimè constitutum, nervi quoque erant integri & nullo malo læsi, vasa cerebri plena & bene disposita, sic ut nihil in iis extraordinarium oculis nostris subiceretur.

Negandum quidem haud est, aperturam illam factam ad lumen candelæ, neque examinari potuisse pro votis, quamvis partem satis accuratè ob brevitatem temporis, (mox enim humandum erat cadaver,) & nimiam congregatam turbæ multitudinem, quæ magis impedimento fuit. Nihilominus tamen, si defectus aliquis extraordinarius adfuisset, in tanto spectatorum numero vix fieri potuisse arbitror quin ille protinus animadversus fuisset. Sunt qui vidisse opinantur fissuram quandam in cranio exiguam, quinque illud tenuerunt, dum serra dissecabatur, asserunt se quandam ibi percepisse rupturam, seu dissonantiam in manibus, apparebatque in oculis simile quid, verum tantillum id fuit, ut perfecte ad lumen candelæ ab omnibus dignosci haud potuerit. Ad tempus dextrum capilli manifestè erant adusti; & inferior pars dextræ auris paulò nigrior partibus circumstitis, sed mollis; & fortassis illius causa tantum fuit sanguinis sedimento. Pars superior humeri sinistri, & sinistra colli facies etiam aliquando nigriores apparebant reliquis partibus corporis sed an illud eveniret ex ictu rum-pente collare & inurente ei rotundam rubram maculam, aut tantum ex sanguinis sedimento, non satis compertum habeo; attamen puto, maximè fieri potuisse ut tam caput, quam partem illam colli læserit prægrandis ictus; cum contusione insequente, (videturque ita accidisse ex dilaceratione pilei & disruptione collaris, & fortassis ex fissura cranii) nullo tamen existente signo contusionis, quia per immediatè sequentem necem non licuerit sanguini ad illam partem congregari, ibidemque subsidere, (quod in contusionibus est causa nigredinis) ita ut non secus esset ac si corpori recens mortuo talis ictus inflicus esset, ubi non solet accidere tale symptoma contusionis, postquam sanguinis circulatio desit.

Examinato itaque capite, pectus quoque apertum est, & inventa adustio transisse penitus totam cutem, quæ in locis illis adustis dura erat & quasi cornea, ac contracta sic ut non esset tam crassa atque tenera seu mollis cutis quæ circa istam erat: interim tamen sub cute nulum ejus rei erat vestigium. Musculi erant in situ suo naturali, neque quidquam ordinarii coloris amiserant, (fortassis ob rationem jam jam memoratam de capite, collo & humero. Tum sublato sterno, pulmones & cor coloris soliti nihil remiserant, neque quidquam alterationis prodebant. Hæc igitur sunt quæ imprimis illo in casu sunt observata, quibus & hoc addo, noctu corpus multò magis tumidum fuisse, quam mane, odoremque sparsisse penetrabilem & foetidum: id quod fortetribuendum astui tempestatis, & calori, quem multitudo in conclave effusa concitaverat. *Ex Actis Philos. Anglicis.*

COMITIALIS MORBUS.

Vid.

EPILEPSIA.

CONTABESCENTIA

Vid.

MARASMVS.

CONCEPTVS VITIOSVS

Vid.

MOLA.

CONCUSSIO ET COMMOTIO CEREBRI.

DE iis jam vide plura supra titulo casus ab alto. Hic tantum paucissima ex Fabricio Hildano observat. Chirurgic. Cent. i. Commotio cerebri in principio neglecta, postmodum gravissimorum symptomatum causa fuit.

Filius Domini Bernardi ab Hatzvelt, Domini in Wildenberg, decennis ex alto cecidit: mox vomuit, sanguinemque per nares & aures egressit: Verum neque loquelam, neque sensum aut motum amisit. Quum autem nec vulnus, nec contusio aliqua extima appareret, nec febricitaret ipse, morbus plane neglectus est, nec ullum initio adhibitum remedium, capite alioqui perpetuo dolente. Post menses quinque aut sex collum relaxatum est, adeo ut nullo modo caput erigere, aut erectum, nisi beneficio numellæ ex pelle & xylo contextæ, continere posset. Postmodum asthmaticus factus est, & relaxatis ligamentis 10. 11. 12. vertebrarum metaphreni gibbosus factus est. Coxam quoque dextram imbecillius movebat: sub claviculis ex utraque sterni parte atheromata conspiciebantur. Quum circiter biennium ita cruciatus fuisset, & symptomata in pejus evaderent, parentes ipsum Coloniam ad Clarissimum Dn. Henricum Botterum, Illustr. Hassiæ Landgravii Archiatrum adduxerunt, qui variis adhibitis remediis, collum in integrum, vocemque & loquelam ex parte restituit. Deinde exortus est ipsi tumor ad sinistram aurem, inter jugulares venas & arteriam asperam, qui sensim in maximum abscessum auctus, quum esset incidendus, aliaque Chirurgica peragenda accersitus fuit. Primo, 2. & 3. diebus ultra libras sex materiæ eiecit, extillavitque ea quotidie copia satis magna. Hujus evacuationis beneficio dolor capitis, omniaque fere symptomata ex parte lenita sunt: at vires in dies imminutæ. Circa 28. mensis Martii novus incidit catharrus, qui in pulmonem & stomachum influens, tussim, nauseam, & vomitum provocavit, sinistram latus resolutum fuit. Nonnulli quoque paroxysmi epileptici acciderunt, & ulcus in collo penitus exiccatum est: ita ut 6. Aprilis 1593. decesserit.

Præsentibus clarissimis viris Johanne Slotano, & Henrico Pallantio, Medicinæ Doctoribus.

Cadavere inciso, viscera sic affecta compertimus:

Incisa cute in tumoribus sub claviculis re-

perta est copia satis magna puris, instar pultis, quæ costis & sterni cariem contraxerat.

Cystis fellis prægrandis, & intestinum duodenum ubique humore bilioso refertum.

Hepar Scirrhum & obstructum.

Pulmo ubique pituitosis & viscidis humoribus oppletus.

Lapides quàm plurimi ex gypseæ materia concreti, & cysti inclusi proxime cor, nimirum in eâ parte, quæ arteria aorta ex corde prodit, & ramos suos versus jugulum mittit: quorum unus magnitudinem nucis superabat: reliqui parvi. Adhærebant autem non tantum arteriæ aortæ & ipsius ramis, qui jugulum petunt, verum etiam asperæ arteriæ, & sinistro recurrenti nervo. Ex quibus facile colligitur, quibus causis vocem & loquelam ex parte amisisset.

Capite aperto, lapidem ex simili materia concretum & membrana inclusum, in posteriore parte capitis sub sutura Lambdoide, inter duram & piam matrem invenimus, adeo adhærentem duræ matri, ut non nisi violenter avelli posset.

In tribus cerebri ventriculis, hoc est, in duobus anticis & medio, ultra libras duas aquæ limpide reperiimus.

Ulcus in collo tum ad asperam arteriam, tum etiam ad os basilare, & foramen quo spinalis medulla vertebrae ingreditur, penetrabat: ita ut materia ex ulcere manans, tum ex pectore, tum ex capite confluisse intelligeretur. Verum propter angustias viarum subtilior pars effluerat: crassa autem in lapides concreta erat, quales propè cor visebantur.

Cerebri concussiones & quidem gravissima curata.

Commotio cerebri rectè in morbis acutis numeratur. Verum initio adhibitis idoneis remediis multoties curata, tum ex Doctorum virorum scriptis, tum ex sequentibus intelligitur exemplis.

Exemplum. I.

Equiso, Generosi Viri Domini Herft, Satrapæ in Lunsdorf Dusseldorpiæ, ad dextram partem capitis percussus in terram concidit, evomit, mox loquelam amisit, & criorem per nares & aures eiecit. Eum in diversorium delatum Cosm. Slotanus, Illustrissimi Juliæensium, Elivensium &c. Principis Archichirurgus adhibitus, variis remediis sanavit. loquela quoque & mens amissa paucis post diebus illi rediit.

Exemplum. II.

Herman Kikup, venator Generosi Domini à Velbruchin Harrad, ex arbore in congelatam terram lapsus mox evomit, & sanguinem per nares, aures, & palatum eiecit, loquelam amisit: fuitque ad undecimum fere diem sine sensu & motu, quasi apoplecticus, febricitans vehementer. Vocatus crines abrasi, & caput oleo rosaceo & myrtillorum inunxi, venam brachii secui: Clysteres acres injeci, aliaque quàm plurima remedia adhibui, quæ hic brevitati studens omitto. Tandem divino favore & mea diligentia, stupentibus Spectatoribus, convaleuit.

Exem-

Exemplum. III.

Puerum gravissima cerebri concussione laborantem cum peritissimo Chirurgo Johanne Crifonio curavi. Variis remediis capiti additis exortus est tandem tumor insignis sub aure, quo inciso maxima puris & sanguinis coagulati copia effluxit: atque sic puer convaleuit.

CONDYLOMA.

Est carnis excrecentia callosa, in digitis manuum ac pedum; præsertim verò circa anum & pudenda muliebria occurrens; sic dictum, quod prominat in modum articuli, quem *κόνδυλος* appellant. In ano autem facile oritur; quia quum sinuosus sit, rugasque coagmentatas habeat; si intumuerit aliqua ex illis rugis propter glandularum per ipsas disseminatarum à sero retento & coagulato turgescientiam; nascitur condyloma, quod aliquando citra inflammationem fit; & molle est, quandoque cum inflammatione, tumque durum est & dolorificum. De hujus in ano & pudendo excrecentis, curatione jam pauca ex Platero:

Condylomata, si ab impuro congressu aut contagio alio circa luem veneream nascantur; tunc evacuato corpore; per venam sectam; purgationem; sudores; eodem modo; ut in aliis vitiis à malignis humoribus progressis; topica loco affecto; quæ ea absumant; adhibentur. Quod si verò à lue venerea infectis erumpant; tunc eadem curâ; quæ huic lue accommodata; per purgationes sudoresque instituta; sicuti in illius cura dicetur; simul plerumque tolluntur; quod si remaneant; integrè nondum morbum curatum esse denuntiant; ob id cura repetitur; atque interim topica loco affecto; ut supra dictum; quæ ea absumant; additis etiam illis; quæ hanc luem respiciunt; admoventur; donec penitus evanescant.

Topica verò quæ adhibentur; ut *Condylomata* absumant; cum digerendo; siccandoque; ut in tumescentibus hæmorrhoidibus; id quoque præsent; eadem ferè quæ illic exposita sunt; hic quoque competunt. Imprimisque fortiora illic descripta hic præcipuè usurpari possunt; cum contumax admodum hæc sit extuberantia; quæ levioribus non ita facile cedit; dolorque hic non adeò vehemens; ut in hæmorrhoidibus; in qua interdum major dolor illa ferè non potest; illorum usum non impediat; atque etiam illis adhuc potentiora cathartica medicamenta; nonnunquam adhibentur.

Cataplasmata proin illic exposita; & infusus; foris ex iisdem simplicibus; bulbis; parata; hic quoque proderunt. Confertque ad hæc præ cæteris hic quoque Scrophularia; Thapsus barbatus; Plantago; Rubi folia; & præter hæc Parietaria; Mercurialis; Barbarea; Sabina; Ballote Capillus ven. Libanotis; Thymus; Thymbra; Ruta; recentia tusa vel cocta vel subacta; uti illic dictum; administrata: maxime ut efficaciora sint; in Vino rubro cum Aqua ferrata; vel Aceto & aqua; aut Lixivio cocta; & in foru cum spongia vel Saculo applicata. Confert & radic. Quinque folii

& Aristot. rot. decoctum; cui bacca Lauri addi possunt; aliave potenter siccantia & astringentia; illic quoque descripta: Quibus Sal & Nitrum quoque addi possunt. Cotonea cruda ejusmodi cataplasmatibus addere jubet Dioscorides:

Stercus Ovillum vel gallinæ cum Sapone vel Aceto subactum & appositum prodest: cui & Fel capræ addi potest.

Vel Pix liquida & Ammoniacum in Aceto forti dissolvantur & applicentur.

Ungiones varix in hæmorrhoidibus dolente traditæ; hic quoque convenient; si efficaciora præsertim ex illis eligantur; hicque imprimis unguentis illis; cathartica illic exposita; addi possunt.

Quibus & sequentia admiscere licet.

℞. Succus Barbarea; Apii veri seu Petroseliniana 3. j. β. ol. de Lateribus 3. ij. Boli 3j. Terebinth. q. s. fiat instar nutriti.

Vel ℞. Olei de Tartaro 3. β. lap. Calamitarius vel Hæmatitis; vel Minii; 3. ij. misce: Ungatur.

Item ℞. Cineres Sarmentorum vitium vinearum & cineres Anethi cremati; & Piscium salitorum cineres; pulveremitem Sabinæ: cum Aceto; subigantur: & inungantur.

Aliud: ℞. Aloës; Thuris; Sandarachæ; ana 3. j. β. gummi Ammon. dissoluti in Aceto 3. j. Aluminis 3. ij. lap. Hæmatitis vel minii 3. j. Gallarum 3. β. Croci 3j. Ovi vitellum assum vel ustum num. j. Terebinth. 3. j. olei Rosacei & Cera q. s. fiat unguentum.

Efficacissimum hoc erit: ℞. Mercurii 3. ij. dissoluatur; cum Terebinthina 3. j. Olei Nucum 3. ij. minii 3. ij. Aluminis; Vitrioli ana 3i. æruginis æris 3. β. Cera p. rum; fiat linimentum. Cui tantillum sublimati additum illud efficacius reddit.

Pulvis hic subtilissime tritus; si huic carni laxa inspergatur; eam admodum exiccat & absumit.

℞. Rad. Aristoloch. rot. 3. j. Sabinæ fol. exicc. 3. ij. cinerum ossium Myrobalan. & Hermodactyl. ustorum ana 3. j. β. Aluminis 3. j. Chalcitidis 3. β. Auripigm. rubr. 3j. fiat pulvis; cui opium addi potest; vel radic. Mandragoræ.

Sublimatum in aqua coctum; aliove modo appositum; ut in anthrace dictum eas aufert. Oleum Vitrioli: & de Antimonio idem facit.

In *Condylomatibus* absumendis; cum magno fructu adhiberi potest oleum causticum; quod & fistulas; serophulos; & excrecentias Carnis; sine sensibili dolore comburit: hoc ita paratur.

℞. Olei laterum optimi; Mastiches electæ; gummi Arabici pellucidi; Terebinthina claræ ana 3. ij. pulverizata misceantur; destillantur per alembicum vitreum; quod exstillat incorporetur cum cineribus Hederæ; reiteretur destillatio; oleum prodiens servetur ad usum.

Fumi siccantes ad Podicem admissi; Condylomata admodum siccant & auferunt: Quales in narium ulceribus expositi sunt. Imprimis si ex Cinnabari fiant. Cujusmodi in lue venerea; si præsertim inde fiant expositi sunt.

Abscinduntur interdum Condylomata; si dura sint verrucarum instar; vel si propen-

deant, fetis ligantur aut filo, ut sic marcessant.
Felix Plater. Prax. Medic. T. 2.

CONGESTIO HYMORVM.

Vid.

ABSESSVS, TUMOR,
aliique morbi ab illa enati.

CONVOLVVLS.

Vid.

ILIACA PASSIO.

CONTRACTURA.

Vid. capita de

CONVULSIONE. EPILEPSIA
SCORBUTO COMBUSTIONIBVS &c.
unde oritur.

CONTRAFISSURA & CONTRAFACTURA.

Vid.

CRANII VVLNERA.

CONTUSIO.

Hic dicitur de morbo qui solutionis continui species est, dum scil. grave aliquid supra corpus incidit, ac id ipsum collidit & continuitatem solvit, citrà deperditionem manifestam substantiæ, aut externam rupturam; ubi plerumque in parte carnea cruor sub cute colligitur, & suggillatio, *εγκύματα* sive effusio dicitur, quia venæ exiguæ sub cute rumpuntur. In specie quoque Contusio dicitur Cranii vel Calvariæ recessus & incurvatio à violenta illusione absque fractura; (& in junioribus, item iis quorum ossa sunt molliora quandoque contingit) quale quid stanneis ac plumbeis vasis si foris illidantur advenire videmus. De hac ultima vide in sequentibus ubi de Fracturis Cranii. Hic jam tantum de aliis omissis tamen que de vulnere contuso, item de ulcere contuso capitibus de vulneribus & ulceribus dicenda veniunt.

Curationes.

Tumor ex contusione sine vulnere manifesto aut magno (nam de vulnere contuso in vulneribus agemus, uti & si per contusionem aliquid frangatur intrinsecus) si levis sit, vel sponte, vel discutientibus adhibitis iterum residet, lividitasque tandem evanescit. Quod si verò major sit, inflammatioque metuatur, vel illa superveniat, primum repellentibus, mox discutientibus remediis, non eodem penitus, ut in phlegmone, sed propter contusam carnem & sanguinem qui coagulatur, nonnihil variante modo in curatione procedimus: Et si discutiri nequeat, sed supuratio sequatur, tunc maturantibus, ut in abscessu dicitur, eam promovemus, & quando in ulcus convertitur, ut ulcus curamus. Ad influxum autem sanguinis mox à principio arcendum, præmissâ, si opus sit, venæsectione, aliisque quæ illum revellant, ut in phlegmone dictum, Repellentia quæ adhiben-

tur, si caro subjecta admodum contusa, sanguinem copiosum contineat, non adeò in alia phlegmone refrigerare tantopereque attingere, vel illa in ambitu potius loci contusi, quam supra illum collocari debent, nè sanguis horum causâ coagulatus retentusque putrescat. Et proin quæ loco affecto adhibentur, & vim repellendi discutiendique nonnihil simul habere debent: qualia in progressu inflammationum usurpari solent, illicque describuntur. Usitatumque admodum est ad hoc præstandum, oleo Rosaceo, Myrtillorum cum albumine ovi, vel mucilagine Psyllii, aliòve agitato, locum contusum illinere, pulveresque attringentes & sicantes, ut Myrtillorum, florum Rosarum, florum Granatorum, rad. Bistortæ, Tormentillæ, Sanguinis draconis, Mastiches, Boli, &c. inspergere.

Vel sic, si pars admodum uti & caput percussum fuerit:

℞. Lentium ʒij. Seminis Myrtill. Balust. an. ʒij. flor. Ros. fol. Sumach, & Tamaricis, ana ʒj. Acaciæ, Mastiches ana ʒj. Olei Rosac. Terebinthin. & Cerr q. s. pro Emplastro vel Linimento.

Quibus in inflammatione præmissis, vel etiam omissis, si nulla timeatur inflammatio ac discurrentia sanguinem affluxum, vel illic coagulatum mox accedemus, illisque etiam nullo tumore vel indicio ex contusione apparente, sed dolore tantum pectorio vel lancinante ex contusione in parte aliqua urgente, cum in profundo magis materiam latere tunc cognoscamus, utimur: Propinatis simul potionibus quibusdam, si de ruptura aliqua intrinsecus & præsertim de sanguine affatim fluente in cavitates corporis, vel etiam ad locum contusum, & de illius coagulatione suspicio sit. Quæ & solæ potiones circa externorum remedium usum, si dolor ex contusione vel casu natus, nullo apparente foris indicio, vel levi, uti dictum, oriatur, ad curationem, tunc, si bibantur frequenter sufficiunt. Quarum descriptiones, cum &, si ex contusione vulnus infligatur, ad vulnus quoque hoc sanandum, uti ceteræ vulnerariæ potiones opitulentur, unâ cum reliquis ejusmodi potionibus proponemus. Ceterum quod externa discutientia remedia attinet, sequentia imprimis usurpantur.

Cataplasmata seu emplastra, fiunt ex absinthio floribus chamomill. vel Meliloti, Rosis, in oleo & vino coctis, addendo benè contusis farinam fabaceam, interdum & Mumia, Sanguinis draconis ana ʒj. ad lbj. Emplastri.

Si caput contusum sit, Betonica aliavè capiti appropriata addi possunt, non tamen nimis calida, si dolor inflammationem præfagiat.

Absinthii pulvis cum albumine ovi subactus, profuit in multis.

Furfur cum pulvere Absinthii & Aceto coctum appositum: addito interdum oleo Rosaceo & Chamamelino.

Liliorum radix & Dracunculi, cum Melle contusa, addito Stercore caprino.

Farina fabarum cocta cum oxymelite, cui si nervi simul contusi sint, Pix liquida additur. Potest & farina orobi addi.

Cochlearum caro cum farina sem. Fanigræ. vel Fabarum contusa.

Ster-

Stercus bubulum applicatur, addito interdum oleo Rosaceo. Excellens in contusionibus, lividitates quoque tollens, cataplasma fit ex rad. symphyti major, pulverisata, decocta in Hydromelite, addenda ad ℥j. succi rutæ & Absinthii ana ℥i ℥. sem. Cymini ℥ij. misce.

Vel ℥. Radic. consolid. pulverisat. ℥j. pulverum flor. chamomill. meliloti, Absinthii ana ℥j. farinæ fabarum, & Fænigræc. ana ℥ij. Butyri vel oleorum prædictorum ℥ij. croci ℥ss. fiat cataplasma: cui & succi, & Cuminum etiam addi possunt; admodum resolvit carnem ex contusione contritam seu mortificatam, ut vocant.

Inunctiones ex oleis calidis discutientibus, ut chamamelino, Anethino, Liliorum, Sambucino, Ebulino, vel simul repellentibus, ut Myrtillorum sunt.

Vel ℥. Axungia, caponis vel gallinæ, Terebinth. dulc. in melle & aqua vitæ: & inungatur.

Unguento Anseris in podagra descripto, si Cymini & Absinthii pulveris portiuncula addatur, in contusionibus etiam convenit.

Unguentum dialthææ per se inunctum vel addito oleo Violaceo, Lumbricorum, Rutaceo Chamamelino, pinguedine Anseris, Butyro, addita aliquando Mumiâ: efficacissimum erit, si inunctioni sem. cymini inspergatur unguentum de Alabaistro, Agrippæ, de Cerussa, oxycroceum in usum sunt.

Lixivium ex cinere sarmentitio Vitium vel vinaceorum cum Aceto, Sale & Melle prodest.

Probatur & cinis Vinaceorum cum Aceto, emplastri modo impositus.

Urina abluatur locus contusus, vel foveatur. Lineus pannus Aqua vitæ irroratus, parti contusæ, tepide, subito, admotus, tumorem impedit, sanguinem dissipat & discutit.

Fomentari vel immergi circa finem, ut resolvatur materia, membrum contusum potest, ex decocto radicum ebulli, osmundæ, Sanamundæ, Absinthio, Pulegio, Artemisia, fl. chamomillæ, meliloti, sambuci vel ebuli Rosarum &c.

Involvuntur in Cotio arietis modo mactati dum calet, quibus totum corpus ex casu conquassatum est: Alii bubulo utuntur vel alio: Alii in fimo eos sepeliunt.

In aurium contusione, Dioscorides Sulphur cum Melle & Vino illinit. Et Bulbos cum Polenta imponit.

Si glandulæ ex contusione intumescant, vel inflammentur, uti & testes quid faciendum, in ipsorum tumoribus fuit expositum. *Felix Plater. Prax. Medic. tom. 2.*

Contusionis capitis curatio.

Initio statim repellentia & adstringentia sunt adhibenda, eaque sæpius, ne incalescant, removenda. Ac proinde statim capillis, si in loco capillato contusio sit, prius abradis, adstringentia, supra, cap. 1. & cap. 8. proposita applicanda, & oleo rosaceo locus inungendus; deinde ovi albumen bene conquassatum, vel solum, vel aquâ rosaceâ & aceto mistum, & stuppâ exceptum imponendum. Vel tale repellens applicetur.

℥. Olei rosacei ℥ij. album. ovor. ℥ij. pulv. nuc. cupressi, balauitiorum, alum. rochæ, rosarum rubrarum, an. Drach. j. misce, & imponatur.

Vel ℥. Farinæ hordei, fabarum, an. ℥vj. olei rosacei ℥ij. q. s. f. Cataplasma.

Locus ipse paulò arctius ligetur, sitque ligaturæ initium in loco affecto, & desinat eo loco, è quo fluxum imminere metus est. Ligatura enim arcta fluxiones arctet. Medicamenta autem talia sæpius renouentur.

Secundo die vinum aut alterum, in quo rosæ, myrtus betonica, & aliquid florum chamamel. cocta sint, tepidum imponatur, & si dolor aliquis appareat, medicamentum bis de die mutetur, & locus oleo rosaceo tepido foveatur.

Si contusio maior sit, & ob dolorem affluxus major metuatur, vena statim aperienda, & si corpus impurum sit, medicamentum bilem purgans exhibendum, vel etiam clyster injiciendus, & tenuis victus imperandus.

Et si dolor vehementior sit, lanâ oleo rosaceo & chamamelino madidâ locus foveendus, vel decocto, rosarum, radice altheæ, lini fœnugræci, betonicæ, vel unguento Alabastrino inungendus.

Ubi jam dolor sedatus, & de affluxu amplius non metus est, danda opera, ut sanguis extravasa effusus evacuetur: quod fit vel insensibiliter, per ἀδύλον ἀγγύλιον, vel sensibiliter, materiâ in pus conversa, & tumore aperto.

Tutius verò longè est materiam insensibiliter discutere, quàm permittere, ut in pus vertatur.

Quapropter paretur tale cataplasma.

℥. Sum. Absinthii M i ℥. rosar. rubrar. flor. chamamel. betonicæ, fertulæ campanæ ana M. ℥.

Coquantur in vino ad mollitiem. Postea contundantur, & addatur Farinæ hordei, fabarum, an. ℥i ℥. pulv. sem. cumin. Drach. ij. olei rosar. q. s. f. cataplasma.

Vel imponatur emplastrum, quod capite præcedente ex Alexandro Benedicto recensuimus; aut emplastrum de betonica, aut de gummi elemi, aut ceratum Iſidis, descriptum à Galeno 5. *Κατὰ γένει* cap. 2. ceratum de matrisylvia, emplastrum de Janua Fernelii, emplastrum de gratia Dei Fernel. lib. 7, method.

Vel ℥. Emplastr. diachyl. ℥ij. oxycrocei, de meliloto, an. ℥j. olei chamamel. anethini, an. ℥ss. malaxentur F. emplastrum.

Vel usurpetur, cerotum Vigonis de minio, quod emollit & discutit, & ita paretur.

℥. Olei chamamel. lilior. albor. an. ℥x. mastichini ℥ij. pingued. vervecis ℥i ℥. lithargyri auri ℥ viii. minii ℥ij. vini boni cyathumi.

Bulliant omnia simul agitando, primum lento, hinc fortiore igne, donec massa colorem subnigrum contraxerit, tum adde terebinthinæ ℥ij. pulv. mastiches ℥ij. gummi elemi ℥j. ceræ q. s. iterum coquantur. F. emplastrum vel fomentum tale paretur.

℥. Nuc. cupressi contusar. num. x. myrtill. ℥j. rosar. rubr. absinthii fol. salv. majoranæ, stœchad. flor. chamamel. an. M. ℥. aluminis rochæ, rad. cyperi, calam. aromat. an. ℥ss. Coquantur in vini rubri ℥iv. lixivii communis ℥ij.

Decocto caput foveatur, & post fomentationem

tionem exsicceatur, & emplastrum aliquod imponatur. Forestus lib. 9. observ. 32. hoc emplastrum Helidæi, quod mirum in modum humiditatem in contusionibus discutiat, commendat.

℞. Flor. rosar. rubrar. chamæmeli, absinthii, betonice, an. M. j. concoquantur ad molitiem, & contundantur adde farin. fabar. ℥ iij. ol. rosac. vini nigr. styptici, an. q. s. Fiat Emplastrum, seu potius cataplasma.

Si verò ob humoris effusi copiam is totus discuti nequeat, & suppuratio impediri non possit, medicamentis maturantibus suppurationis promovenda, ut oleo dulci tepido, vel decocto malvæ, althææ, caricarum; vel parando ex his cataplasma, cum farina hordei, adipe gallinæ, oleo communi; vel imponendo emplastrum tripharmacum, quod sit olei dulcis parte una, aquæ communis partibus duabus, & triticeæ farinæ s. q. quibus vitellum ovi addere licet.

Ubi ex dolore & loci mollitie materiam in pus conversam esse cognitum fuerit, extrahenda ea; idque ocyus faciendum, nè pericranium, & quæ ei connectitur, duram matrem corrumpat. Quod sit sectione factâ in loco decliviore, & ad materiæ evacuationem commodiore. Si temporalis musculus est contusus, sectio non in ipso musculo, sed in loco propinquo instituenda; aut si in ipso musculo sectionem instituere libeat, secundum longitudinem fibrarum fiat; ferrum tamen non nimis altè alligetur; Vitandique musculi caput moventes.

Abscessu aperto, & materiâ evacuatâ, ulcus detergendum tali, vel simili medicamento:

℞. Syr. de absinth. simpl. rosarum, an. ℥ j. terebinth. ℥ i ss. pulv. ireos, aloës mastiches. myrrhæ, farinæ hordei, an. Drach. sem.

Ulcere mundato cavitas implenda, & cicatrix inducenda, carnis tamen excrescentia seu *ὀστέφυλλον* quæ in hisce contusionibus frequenter suppullulat, depascenda pulveribus *καταπραγνίς*, aut liquore illo viridi, qui in *ὀστέφυλλον* quacunque utiliter, & sine omni dolore, adhibetur; qui institut. lib. 5. part. 1. sect. 2. cap. 13. describitur.

De contusione Capitis Puerorum.

Quia verò in primis pueri & infantes, propter capitis molem, tiliarumque imbecillitatem sæpius labuntur, caputque graviter offendunt, & contundunt, sanguisque ex contusione collectus sub cute tumorem excitat; de hac in puerorum capitibus contusione in specie aliquid addemus ex Julio Cæsare Arantio, qui in fine comment. 1. Hippocr. de vulneribus cap. scribit, se juniorem, minusque exercitatum, metuisse, ne sanguis sub cutem effusus ibi putresceret, & ad membranam descenderet, & idcirco sectionem cuti adhibuisse ut sanguis educeretur: sed hoc modo in maximum discrimen infantes adduxisse: cum & ob sanguinem affluentem vires resolverentur, & dolore, ac clamore & ejulatû infantum, fluxio, & tandem inflammatio excitaretur: ideoque longo rerum usu se oculatiorem factum, tandem à sectione plane abstinuisse, ac sequenti curandi modo gra-

ves etiam contusiones feliciter curasse.

Ab accepta contusione protinus, ubi opus, abrafo, aut, si rasio ob dolorem fieri non possit, forfice detonso capillo, linteum, vel Stuppa, ovi albumine, & aceto rosaceo madida, imponenda, & deligatione factâ, integro die naturali linteum extrinsecus iisdem maderaciendum, nè exsicceatur; ita enim humorum confluentium impetus prohibetur, & aliqua pars resolvitur.

Sequenti die sequens Cataplasma imponendum.

℞. Pulv. rosar. rubrar. fol. & baccar. myrti, an. ℥ ij. farinæ fabarum, hordei, an. ℥ j. absinthii, betonice an. ℥ ss. sem. cumini Drach. j. mellis albi ℥ ij. cum vino nigro aultero F. Cataplasma, cui adde olei rosar. chamæmel. ana unc. j.

Hoc medicamentum, quod appellat Benedictum, bis singulis diebus tepide imponendum est, ut non solum contusam partem, sed & circumscritas complectatur; sitque ejus quantitas, quæ unâ vice adhibetur: mediocris. Si enim sit exigua, parum habet virium, & à partis calore facile exsicceatur: si nimia, locus affectus comprimitur. Atque in istius medicamenti usu, ad diem usque nonnun vel decimum perseverandum est. In dies enim partem detumescere, & collectum sanguinem resolvi, ac per poros cutis evaporare animadvertetur, ac si calvaria etiam contusa sit, ad pristinum statum reducitur.

Cum verò dies undecimus præterierit, Emplastrum diapalma Galeni, corio tenuissimo illitum, imponendum, & tertio quoque die immutandum.

Post vigesimum diem ad reliquias humorum absumendas, & collisam calvariam in suum naturalem statum reducendam, emplastrum Barbarum corio illitum applicandum. Et quamvis curatio protrahatur, & collecti, & effusi sub cutem humores tardius dissipentur, tamen curatio hoc modo feliciter expeditur.

Forestus ad tumores, qui pueris ex lapsu in capite oboriuntur, oleum anisi commendat, si eo tumor illinatur. Victus interim ætati sit sufficiens, non nimis tenuis.

Eadem curatio adhiberi potest, si infanti recens nato in partu difficili, caput contusum, & tumidum, ob sanguinem effusum, sit: sed simplicior. Solum enim diaphanicum ex rosaceo confectum tumores hos discutit. Daniel Sennert. Medicin. Practic. lib. 1. part. 1. cap. 21.

In contusione semen cumini cum caryophyllis & rad. Sigill. Mariæ applicatum egregie conducit, vel absinthium in vino rostum & applicatum adhibent nostrates. Alii solo spiritu vini in quo Caryophyll. & N. M. fuerint infusa, ad illinendum vel applicandum utuntur. Omnia enim hic conferunt salia aromatica vegetabilia, quoniam eorum spiritus, salia volatilia, & olea operari, & externè apposita sanguinem resolvere debent, sequens ergo erit egregium.

℞. Elix. vitæ ℥ iij. spir. sal. armoniaci caryophyll. ℥ ss. Matrical. ℥ i ss. aq. flor. sambuc. ℥ ij. Camphor. ℥ iij. M. quod remedium omnibus contusionibus & sugillationibus applicari potest. Sequens nuper in oculi contusione & inde nata Ecchymosi oculo instillatum juvit.

℞. spir.

℥. Spir. Sal. armoniaci volat. ʒʒ. Matrical. ʒʒ. Sal. commun. Saturni gr. iv. Camphor. ʒʒ. Croci opt. gr. xv. Aqu. Fœniculi euphras. ana ʒj. M.

In quacunque sugillatione sequens proderit Cataplasma.

℥. Rad. sigill. M. ireos fl. sem. cumin. fœnicul. herb. Salv. ana ʒʒ. caryophyll. Macis ana ʒij. Coq. in Vin. Gall. & add. Panis bis coct. q. s. ut fiat Cataplasma, quod calidè parti imponatur sugillatæ.

Si sugillatio fuerit ex contusione fortiori, ex qua fit sanguinis è vasis suis effusio, debet discuti & consumi per sacculos discutientes ex absinthio, malva, ruta, semperviv. fl. Chamom. Sambuc. Sal. commun. Tartar. Sal. Armoniaci &c. paratos.

In magis sæpè contusionibus & plagis metuenda est gangræna, vel exulceratio, vel inflammatio, vel abscessus, in quem finem ad hæc symptomata impedienda nullum præstantius offendi remedium quàm sequens, nunquam me nec in desperatis ferè casibus deserens, quod junioribus Medicis communicare libet.

℥. Summ. absinth. m j. Scordii Marrub. abrotan. ana M. ʒ. fl. chamæm. Melilot. Sambuc. ana. Pij. Concis. coq. ex decocto earundem herbarum ut consistent. Cataplasma. acquirat. add. Farin. Hordei lini q. s. Dein add. Sal. commun. Sal. Armoniaci, de parat. ʒʒ. Spirit. Vini camphor. ʒij.

Cataplasma hoc tepidè applicetur, & effectus mirandos in inflammationibus malignis, Punctura nervorum, Gangræna & Sugillatione percipies.

Sunt Ægri qui sæpè Emplastra exoptant, inter quæ aliis palmam præripiunt Empl. nostrum Cinnabarinum de Labdano, de Cumino, de Spermate Ceti, de Bryonia, Diachyl. f. & plura alia alibi dicenda: Sæpè etiam sanguinem evasatum scarificatione facta eximunt, & cutem defædatam illinunt oleo Talei. *Joh. Dolans Encyclop. Chirurg. ration. lib. 5. cap. 5.*

Observationes.

Divi Antonii festo, fenestra lignea satis gravis ex alto decidit in Bregma cujusdam juvenis, cute tamen non scissâ. Sed graviter contusa, ex quo casu in terram prolapsus æger, sine sensu, & motu, cum privatione omnium facultatum principum, horæ spatio; ad quem Medicus magni nominis, simul cum quodam Chirurgo vocatus à principio, applicuerunt medicamenta consuetæ, ovi nempe albumen, oleum rosaceum, & similia; ego verò accersitus secunda die, statim ad cutis sectionem, & cranii perforationem deveniendum censui, renuentibus Chirurgis senioribus, nec non patre ipsius Ægri Varisco; Verum tantummodo præscribentibus cataplasmata, iunctiones, & alia externa remedia. Quindecim verò, aut sexdecim post diebus, denuo accitus, cum viderem tumorem in parte læsa satis magnum, atque sub digitis perciperem pus fluctuans, nedum tamen permiserunt ossis excisionem; at iterum post vigesimam vocatus, annuentibus tandem omnibus, sectionem cruciatim administravi, ex qua maxima copia puris affluxit, cujus ratione summi illi viri te-

rebrationem reprobarunt, nisi post quadragesimam diem, hæc observatione adducti; quod natura per porositates ossis cranii purulentam materiam supra membranas, & cerebrum hærentem trans mittebat, quod antea certe nunquam vidi; materia siquidem effluebat per poros, ad unciam unam quolibet die: quapropter ægrum cum terebrassem, ex foramine quotidie copiosum pus emanabat, ipso tamen ægro sexagesima extincto. Huic similem etiam casum in cive quodam Patavino Merio, pila ferrea contuso in capite, observavi, cum effluxu saniosa materiæ per foraminula, & poros Calvariæ; ad quem tertio tantum invisi, aliis Medicis ad ejus curam vocatis, qui à principio prætermissa terebratione, illi mortis autores fuerunt, quod moneo, nè in istos incidatis errores, si quando præ manibus habueritis hujusmodi vulneratos, cum symptomatibus, quæ nobis demonstrant partes internas læsas. *Petrus de Marchetti. in observat. Medico-Chirurg.*

Contusio nasi gravis, cum fractura, & comminutione ossium ejusdem, felici successu sanata.

Percussus fuit mercator quidam Patavinus gravi ligno supra regionem osseam nasi, à quo vulnere non solum ex altero oculo statim humores effluerunt, cum visionis abolitione, sed & sensum, & motus; horæ dimidiæ spatio; quinimò os nasi comminutum fuit instar granorum milii. Vocatus, recepto motu & sensu, statim imposui lignum accommodatum nasi meatibus, digitisque fracturam composui, & formam naturalem ipsi reddidi; postmodum ligno educto, turundam ex linteolo, ovi albumine, & bolo armæna imbuto indidi, applicito exterius albumine, ovi cum aqua rosarum, & portiuncula olei rosacei conquassato, ac supra oculum pulpis pomorum sub prunis coctorum, cum cassia noviter extracta simul mistis. Interim omnia administrata inhibendæ fluxioni, sanguinis scilicet missio; ac medicamenta lenientia, alterantia, & purgantia, ex lege exhibita, prout in aliis vulneribus, & contusionibus fieri consuetum; postero die parti affectæ, turundarum vice, immisi pennam anserinam, obvolutam telâ tenuissimâ, imbuta medicamento jam dicto, atque parti externæ applicui prædictum medicamentum, eodem ordine servato, usque ad decimam quartam, inflammatione, & tumore ex contusione cessantibus; postmodum cum partes etiam internæ nasi læsæ essent, quò cicatrix callosa illis induceretur, imposui cannulam plumbeam illitam unguento ex tuthia, atque inspersam pulveribus ex cornu cervi usto, terra sigillata, ac rosis rubris, quibus cicatrix inducta in iisdem nasi meatibus; partibus verò externis applicui ceratum Diachalciteos, mistum cum pulveribus boli armænae orientalis; quorum usu spatio quadraginta dierum æger omninò fuit sanatus, eadem naturali & concinna forma nasi illi restituta. Tandem oculo, cessante inflammatione, aquam rosaceam, cum pulvere tuthiæ præparatæ adhibui, ipsumque sanavi, non citrà tamen visus abolitionem, ægro adhuc num in vivis agente. *Petrus de Marchetti. in observat. Medico-chirurg.*

Quòd

Quod si verum sit Hippocratis effatum, experientiam nimirum esse fallacem, eo magis verum esse dixerim, fallacissimam esse praxin sine experientia. Mulier quædam è currû cecidit in terram gelu induratum, undè frons tam vehementer fuit contusa, ut ingens statim ibidem elevaretur tumor. Chirurgus Suburbanus tumore explorato, & ægotam aliquoties vomuisse intelligens, cranium esse impressum & fissum, nec sine cruciali incisione & ossis elevatione posse curari, judicavit. Hisce propositis, adstantes me vocari jusserunt, quando ego hanc propositam encheiresin renuebam, nulla quippe cranii fissi signa præstò esse asseverans. Ad hæc respondit audaculus ille incisor, sese digitis impressionem sentire, nullam verò esse impressionem sine fissura. Revera nisi ejusmodi tumores sæpius in capite digitis explorassem, perque experientiam de eorum vera natura edoctus fuisset, dixissem & ego ipse cranium esse impressum: Ita enim tumores capitis post graviolem contusionem sæpissime palpantibus sese offerunt. Quando namque locus inter tumorem & partem sanam digito comprimitur, cranium sæpè videtur impressum, sicque junioribus facile imponit. Proindè cauti hi esse debent, nè in similem incidant errorem. Itaque loco crucialis incisionis fomentum ex optimis cephalicis applicitum est, ceu videtis infra scriptum, cujus beneficio tumor intra duos tres vel dies evanescere cœpit, atque ægra nostra brevi convaleuit, sine ulteriori magno remedio externo. Non solum autem in hoc casu, verum etiam in cranii vera fractura, in qua symptomata non augentur, haud statim ad incisionem & terebrationem esse confugiendum, existimo. Præstat post venæ sectionem ejusmodi adhibere fomenta cephalica, quæ non parvè, nec linteas exiguis, sed latioribus paucis laneis, calidè sunt applicanda, totumque caput iisdem obvolvendum. Sic non raro felicissimè opem tulit, quorum capitibus jam scalpellum incisorem imminebat.

Fomentum cephalicum superscriptum.

℞. Herb. Betonica Majorana ana m. ij. Salvia. Ruta ana m. j. Flor. Stachados Lavendula ana m. f. Rosarum rub. m. j. coq. s. a. ex s. q. Vini alb. ad lb. iij. Col. detur usui. *Fredericus Ruyschius in observ. anatomico chirurgic. centuria.*

Vir annum agens trigessimum in lphæristerio pilam à reticulo summa vi impulsam accepit circa oculum dextrum, unde statim dolor exortus est atrocissimus.

Patiens in memoriam sibi revocans alios, quos antea eodem modo læsos è vestigio vidit sanari solâ aquâ frigidâ mox ab ictu continuo admotâ, statim applicuit parti contusæ sudariolum suum aquâ frigidâ madefactum, illudque, quàm p. imum intepescebat, nova aquâ frigida iterum imbuebat.

Postero die ictum subsequente amici, qui hoc infortunium accidisse intellexerant, ægotum invisebant, sed utrumque oculum sanum ac belle habentem conspicientes prorsus obstupescabant, quandoquidem firmiter sibi persuadebant oculum, qui ictum adeò vehementem acceperat, egregie debere livescere ac dolere.

Verum quid hoc sibi vult? an aqua frigida jam proderit in contusione? illa nocere potius videtur, quia sanguinem extra vasa profusum intrassat, coagulat ac stagnare facit; nonne spiritus vini, aliaque medicamenta, quæ sanguinis motum adaugent, hoc in casu potius convenissent?

Ut hujus difficultatis solutionem clarè concipias, scire oportet, in partibus à pila valde actâ læsis vascula quædam sanguifera valde parva fuisse aperta, quæ si jam sanguinem in tubulos partium læsarum profudissent, tunc aqua frigida nocuisset; Verum enim verò hæc aqua frigida adhibita fuit, antequàm sanguis exisset, & sic non tantum hæc vascula valde exigua suo frigore iterum oclustit, sed præterea in causa fuit, quominus novus sanguis hæc vascula intraret per aliquod temporis intervallum; sic faciem nostram, rubentem non alia de causa, quàm quia per ejusdem cutim dispersa jacent multa vascula exilia sanguine plena, pallefcere cernimus à frigore aquæ, aëris, aliarumque rerum, quia illud pro tempore prohibet, nè sanguis hæc exigua faciei vascula ingrediatur, sic jucundum ac juvenes ad basia stimulantem labiorum in formosâ Virgine ruborem mutari cernimus in pallidum colorem ab aceto sanguinem à vasculis per labiorum superficiem disseminatis arcente.

Atqui talia tentare velle, ubi tubuli partium contusarum jam sanguine extra vasa prolapso repleti sunt, extrema dementia mihi videtur, ac non raro gangranam in parte contusa exortam novi à frigidis & astringentibus intempestivè usurpatis. *Johan. Mays observat. chirurgic. decade iij.*

CONVULSIO.

Convulsio vel Spasmus est musculorum suam originem verius præter voluntatem contractio, per quam membra aut partes varie fluctuantur, extenduntur, aut in unum alterumque latus contorquentur.

Partem affectam, seu musculum ipsum, seu fibras motrices, seu nervos spirituum vectores dixeris, eodem propemodum res redit. Interim minime dubitandum quin in convulsionibus universalibus, aut saltem quæ plures corporis partes occupant, particula heterogeneæ & explosivæ è sanguine unâ (ut vult Clar. Willisius) cum succo nervoso instillantur, quæ postea in nervosum genus detrusæ, inibi spiritibus accrescant, iisque diathesin convulsivam inferant.

Convulsio autem est vel *universalis*, vel *particularis*. Universalis tres sunt species; *Tetanos*, ubi totum corpus rigidum, & in neutram partem flexile manet; *Emprostotonos*, quando antrosum; *Opisthotonos*, quando retrorsum, cervix, spina dorsa, & reliquæ partes incurvantur. Particularis est cum partes quædam, aut membra, ut oculus, os, brachium, pes, seorsim convelluntur. Oris spasmus peculiaris sortitur nomina, & si ab una tantum parte contrahitur, *spasmus cynicus*; si ab utraque, *risus sardonius*; si mandibulæ quoque convellantur, & dentes invicem contutiantur, *trismus* dicitur. Convulsio præterea alia est dolorifica, alia sine dolore.

Distinguere etiam solent Practici *Convulsivam* à *Motu Convulsivo*; aiuntque in vera convulsione retractionem musculorum esse perpetuam, seu continuam & indefinentem, in motu verò convulsivo esse interpolatam: præterea in vera convulsione membrum esse immobile, in motu convulsivo variè agitari: ut patet in Epilepsia quæ inter motus convulsivos principem locum obtinet. Deinde in vera convulsione sensus omnes plerumque integros esse, in motu convulsivo sæpè lædi. Alias itidem distinctiones à causis petitas afferunt, convulsionemque à *repletionem* & *inanitionem*, motum verò convulsivum ab *irritatione* fieri volunt. Verùm inanitio & repletio jam dudum explosæ sunt. Ad cæteras distinctiones quod attinet, non ita magni ad Praxim momenti esse videntur, quin uterque affectus à Celebrioribus Practicis sæpissime confundatur.

Causa proxima est irritatio partium nervosarum, quæ in convulsione propriè sic dicta, continua, in motu convulsivo alternans est. Clariss. Willis particulis heterogeneis & valde explosivis, spiritibus animalibus quæ in hac aut illa corporis regione degunt, accrescentibus, atque particularum mineralium iniquas combinationes, explosionesque violentas imitantibus, convulsiones acceptas refert. Quandoquidem, inquit ille, in motu regulari & ordinario, muscoli impetum motivum & vim elasticam concipere nequimus, nisi spirituum animalium explosio quædam supponatur; certè multò magis, pro insultibus saltem epilepticis, aliisque convulsionibus admirandis quæ passim eveniunt, excitandis, eorundem spirituum cum aliis particulis valde efferis complicationes, atque ab invicem elisiones vehementes requiri, asserere licebit. Pro hujusce sententiæ clariori intelligentia, consulenda dissertatio de Motu Musculari ab ipso conscripta, cui tanquam hypothesei innititur. Alii Archæi, seu systematis nervosi Præsidis excandescentiæ id tribuunt. Verùm *ἡ δὲ ἀπὸ πλεονεξίας* sine necessitate accersere videntur; pontis enim, sive materia irritante sola, salino icil. acris; sive Willisii explosionibus, ab ejusdem materiæ combinationibus ortis; posita præterea spirituum animalium, tum mobilitate, tum motu per nervos reciproco, nullas videmus insolubiles super hac re difficultates.

Causa mediata Sylvio sunt humor, halitusve acidus, aut aëris ad spinalis medullæ exortum, in convulsione universali; ad nervum aut musculum quempiam peculiarem, in particulari, delatus. De halitibus, vide quæ Cap. de Epilepsia annotamus. Humores quod spectat; succos acidos, aut acres & salino-sulphureos, bilem adustam, pituitam acescentem, & melancoliam, hujusmodi affectum producere posse, nemo negaverit. Huc etiam referenda venena omnia, & ipsa fortiora cathartica, morsus animalium venenatorum, aut iratorum, vulnera, ictus, puncturæ, & inflammationes musculorum, aut fibrarum nervosarum.

Affectus hic facillè dignoscitur, nam muscoli præter voluntatem contractio signum ejus est pathognomonicum.

A superpurgatione, aut immodico sanguinis profluvio convulsio malum Hippocr. Aphor. 3. & 4. sect. 5. A Phrenitide convulsio lethalis.

Imò in omnibus febribus ardentibus perniciosissima sunt convulsiones; quapropter ex Hippocrate, præstat febrem convulsioni, quàm convulsionem febre supervenire. Quæ à veneno assumpto, aut venenati animalis mortui, aut punctura, pessimi semper sunt ominis. Datur autem casus in quo boni ominis sunt convulsiones: Scilicet dum iis, quantumcunque etiam validis, torquentur infantes quibus variolæ mox sunt erupturæ, certò enim significant illas melioris notæ & de genere discretarum fore; quod non tantum observavit accuratissimus Sydenham, sed & alii cum eo Practici, passimque nos ipsi videmus.

Indicationes quod spectat; præter illas quæ venenis assumptis, veneri immodicæ, aliisque sive morbis prægressis, sive causis evidentibus, unde sæpissime enascuntur convulsiones, debentur: in specie requiritur materiæ heterogeneæ evacuatio & eradicatio, & spirituum animalium in motus efferos & inordinatos actorum, ad tranquillitatem, motibus naturaliter peragendis necessariam, reductio.

Hiscæ duabus indicationibus satisfieri debet per remedia, tum universalialia, tum particularia. Inter universalialia sunt clysteres acriores; venæsectio, (si nihil contra indicet,) quæ spiritibus multa conciliatur quies; purgantia paulo fortiora. Particularia sunt volatilia omnia, castoreum, &c. Narcoticis etiam cum cautionibus necessariis maritata, balneum frigidum ex Hippocrate; illaque tandem omnia de quibus in Epilepsie curatione fusè agitur; illuc itaque Lectorem remittentes; jam *Curationes, Consultationes, Observationes* atque *Anatomicas inspectiones* à variis Autoribus petitas adducemus; præmissa Doctissima de iis Laurent. Bellini Dissertatione.

CONVULSIO.

Seu ut Celso distensio, *σπασμός* Græcis *σπᾶν* enim contrahi est (*σπασμα* autem est solutio unitatis in partibus nervosis, vel villis musculorum sine vulnere, ut per validiorem contractionem: *ρηγμα* autem est eadem divulsio sine vulnere, sed in carne, & motus convulsivi.

Antecedentia.

Antecedentia prius desumemus ex variis locis Hippocratis, ut sententia ejus à Galeno, & aliis deinde Medicis partim perversa, partim repudiata clariùs pateat. Itaque

Convulsio vel à repletionem fit, vel ab inanitione; ita verò & singultus.

A copioso sanguinis fluxu singultus, aut convulsio mala.

A sanguinis profluvio desipientia, aut etiam convulsio malum.

A purgatione immodica convulsio, aut singultus superveniens malum.

Convulsio ab helleboro lethalis.

A medicamento purgantis portione mortifera.

Ab ileo vomitus, vel singultus, vel convulsio, vel delirium malum.

Propter vigiliam convulsio, aut desipientia malum.

Convulsio vulnere superveniens letalis.

Febrim convulsioni supervenire melius est, quam febrim convulsionem.

Si muliebri profluvio convulsio, & animi defectus superveniat, malo est.

Spasmo, aut tetano vexato febris si accesserit, morbum solvit.

Qui quartana corripitur, non admodum convulsionibus tentatur; si vero prius tentati fuerint, superveniente quartana liberantur.

In acutis febribus convulsiones, & circa viscera vehementes dolores malum.

Convulsiones cum febre acuta perniciem denunciant.

In febribus spiritus offendens (hoc est, subsistens, ut Galenus explicat, quasi impedimento illidens) malo est; convulsionem enim significat.

Quibus sunt cum ulceribus tumores conspici, ii non admodum convelluntur, aut insaniunt; his vero repente evanescentibus, siquidem postica parte factum sit, convulsiones, & tetani accidunt, si vero à fronte, insania, aut lateris dolores acuti, aut empiema, aut dysenteria, si rubicundi fuerint tumores.

In febre convulsio, manuumque, ac pedum dolores malignum quiddam prænunciant.

Fiunt etiam convulsiones ex laboribus, ex casibus, ex plaga, & si quis onus majus tollat, & excursibus, & lucta, & omnibus id genus (loquitur ibi de convulsionibus venarum, quæ convulsæ varici fiunt similes, & earum convulsionem fieri per vim & contentionem ibidem asserit)

Ex vulnere convulsio letalis.

Convulsio febrim succedens periculum denunciat, minimum vero pueris.

Convulsionem solvit febris acuta, quæ prius non aderat, aut si prius adsuit ingravescentia: confert autem & urina vitrea copiosius pertransiens, & alui fluxio, & somnus: convulsiones autem de repente ortas febris solvit, & alui fluxus.

Quod si convulsio in vena facta sit, hæc quidem per exordia dolorem excitat, & pulsat, progressu vero temporis sanguinem ad carnem transmittit, qui in carne putrescens in pus vertitur (an convulsio aneurisma est?)

Nervus præcisus convulsionem facit, & ut minimè coalescit, ita vehementer inflammatur.

Posidocreon quoque tertio die convulsione correptus est, calor non relinquebat, decimo octavo mortuus est.

Vehementes faucium dolores aurium tubercula, & convulsiones excitant, itemque cervicis, & colli dolores.

Quibus cum dentes erumpunt, alvus crebrius demittit, minus convulsione tentantur, quam quibus sic raro alvus subducitur: quibus in dentitione febris acuta accedit, ii raro convulsionibus tentantur: qui cum dentitione bene habito corpore permanent, gravi somno premuntur, periculum est, ne eos convulsio præhendat.

Convulsiones autem ideo intus afferunt (concussiones corporis, de quibus antea dixerat, hoc est, convulsiones ideo à concussionibus producuntur) quod calefactum corpus cutem vehementer tenuat: carnem vero minus cogunt, quàm cursus, qui in orbem obeuntur,

eandemque humore vacuant.

Pueris convulsiones accidunt, si febris acuta fuerit, venter non deiciat, si vigilant, perterreantur, plorent assidue, & color immutetur, & ex viridi pallidus, aut lividus, aut rubor contrahatur: hæc autem pueris quidem receptis natis ad septimum usque annum promptissime eveniunt, at grandiores pueri, & viri non adeo per febres convulsionibus præhenduntur, nisi vehementissimum, & pessimum quoddam signum ex his, quæ in phrenitide fieri solent, adfuerit.

Convulsione, aut corporis distensione vexato, si febris superveniat, morbum solvit: si febre detentum convulsio præhenderit, febris eodem die, aut postero, aut tertio desinit.

Et hæc sola aliis plurimis locis Hippocratis seligimus, ne res in immensum excrescat. Convulsionem autem antecedunt etiam punctio nervi: situs partis per longiusculum tempus incommodus, quo fit convulsio, quæ dicitur Græcis *σπασμὸς φρενίδης*, seu spasmus flatuosus, nobis *granchio*. Pulsus similis chordæ tensæ agitæ, ac vibratæ, cujusmodi pulsus dicitur Galeno chordosus, & jectigatio, ita fieri ipsi creditus, quia arteriæ sunt juxta nervos.

Conjuncta.

Constans immobilitas ossium ad articulationes, ita ut dimoveri difficile possint etiam valida adstantium opera, nec similiter possint dimoveri à laborante per imperium voluntatis: nulla mentis, aut sensuum læsio. In motibus autem convulsivis alterna ossium dimotio, & immobilitas non raro cum læsione mentis, aut sensuum. In utrisque dolor non tamen semper, febres aliquando, & alia singula, quæ mox accidunt quandoque, non semper: modò calent, modò refrigerantur: facies pallefcit, rubet, turgit: urina laudabilis, modò cruda, copia ingens supprimitur, vel retinetur. Tremor in unam situs differentiam, & semper eandem, motus convulsivi nullo ordine, hi sine voluntate, ille cum arbitrii concursu. In convulsione nervi, & tendines rigidi ad tactum percipiuntur (ait Sennertus, sed quomodo tactu percipit nervos?)

Succedentia.

Qui tetano corripuntur, intra quatuor dies intereunt: si vero hos superaverint, incolumes evadunt. Et idem Hipp. In nervorum distensionibus, & iis, quæ in posteriorem partem sunt dissolutæ maxilla, mortem afferunt: quin etiam letale est in posteriorum partium distensione sudare, & corpus dissolui, & in eodem malo per nares revomere, aut ubi per initia vox defecta fuit, clamare, & nugari; postridie enim adsuturam mortem significat. Quod ipsum confirmat Hipp. primo Prædictorum textu 118. Quæ ex lumbis in cervicem, & caput redundant, & levis syderationis more resolutionis sensum inducunt, convulsionem, ac mentis emotionem minantur, videndumque est, num talia convulsione solvantur. Qui hujusmodi conflitantur, variè morbum trahunt, atque eadem diutius perseverant. (Quo super Galenus & à se visum asserit, qui alternè paralyticus fieret, & convulsus, & Petrus Salius Diversus id ipsum vidit)

Hoc

Hoc ipsum rursus asseritur in Coacis paulò diversis extremis verbis hunc in modum. *Que ex lumbis in cervicem, & caput redundantia levis syderationis more resolutionis sensum inducunt, convulsionem, ac mentis emotionem minantur, videndumque est, num talia convulsionibus solvantur, aut in huiusmodi habentibus alvi male habeant, atque eadem diutius perseverent.*

Quod sit implicata difficultatibus convulsionis explicatio, nemo est, qui non noverit, dummodò medicorum monumenta perquisiverit, quibus occasionem præbuit Aphorismus Hippocratis minùs aptè, atque perspicuè ad ipsius Hippocratis mentem expolitus, & doctrinæ, quam eo super Galenus tradidit, minùs exacta perceptio. Ille est trigessimus novus sextæ sectionis: *Convulsio vel à repletionem fit, vel ab inanitione, ita verò & singulus.* Exposuit id Galenus tanquam pronunciatum ab Hippocrate de inanitione, & repletionem immediata nervorum, quasi nempe non de remota etiam, & universalis intellexerit Hippocrates, ex qua necessariò pendeat particularis, & proxima nervorum, atque insuper quasi soli nervi exhausti, vel infarti convulsionem, nulla autem alia causa producat. Hanc verò talem inanitionem, & repletionem nervorum ut exponat Galenus, remotiorem causam proponit, exsiccationem nempe nervorum, & humefactionem; utroque enim modò breviores fieri asserit, ut chordæ musicæ humido aëre divelluntur, & breviores fiunt, vel eadem igni admotæ extenuantur, hoc est, humido inanuntur, & similiter fiunt breviores: hanc brevitatem, dum fit, sequuntur necessariò appensi musculi, ait Galenus, unde convulsio: quæ sanè vera sunt omnia, licet posteriores Medici vix excusari posse Galenum censeant, & se mille labyrinthis implicent propter incertitiam. Nos itaque ex eodem Hippocrate ostendemus inanitionem illam, & repletionem non esse particularem, & proximam nervorum, sed vasorum sanguinis, seu universi corporis, unde inanitio, vel repletio nervorum necessariò pendet, atque ex hac oriri omne genus causæ convulsionem producentis, adeoque etiam exsiccationem, & humefactionem, & vera esse, quæ de iis exposuit Galenus. Stimulum etiam notum fuisse Hippocrati, & annumeratum convulsionis causis, ac demum inanitionem, & repletionem non ad nervos solum, sed ad arterias, & musculos etiam pertinere, & hæc necessariò deduci ex doctrina Hippocratis posita inanitione, & evacuatione universalis. Manifestum igitur est ex locis expositis Hippocratis, quoties ipse convulsionem commemorat, aliquid exponere, quod vel inanitionem, vel repletionem totius corporis arguit: sic in Aphorismis superius memoratis. *A copioso sanguinis fluxu singulus, aut convulsio mala.* En evacuationem sanguinis, seu inanitionem. *A sanguinis profluvio desipientia, aut convulsio malum.* Rursus. *A purgatione immodica convulsio, aut singulus superveniens malum.* Similiter. *Convulsio ab helioboro lethalis.* Id ipsum. *A medicamento potu convulsio mortifera.* Quæ sanè singula inanitionem corporis, aut vasorum sanguinis, seu universalem indicant. Idem etiam arguit, sed etiam magis nervos. Propter vigiliam convulsio, aut de-

spicientia malum; absumptio enim ingens spirituum, & siccitas nervorum singularis, sicut etiam partium omnium in nimia vigilia fit. Ulterius. *Si muliebri profluvio convulsio, & animi defectus superveniat, malo est.* Quin & Coacarum trigessimus inanitionem potest arguere; ait enim. *In febre convulsio, manuumque, ac pedum dolores malignum quiddam prænunciant.* Dolores illi in summis partibus nervosis, & articulorum plenis acre quid, & liberum, absumpto nempe humido, possunt arguere, quæ nunquam & oppositum possit indicari, ut inferius. Sed multo clariùs in Coacis. *Convulsio febre succedens periculum denunciat, minimum verò pueris.* Quoniam enim absumpto humido superest calor, & quicquid mobile est, & acre liberum, & sui juris; in iis igitur corporibus minimum periculum afferet eorum partium libertas, in quibus naturaliter plurimum humidi continetur, cuiusmodi sunt pueri, eritque huius loci convulsio producta a siccitate &c. humido absumpto per febrim, quod tantum non evidenter arguit succedens textus. *Adultiores, & qui septimum annum exceperunt convulsione in febre non præhenduntur, alioqui periculum denunciat,* quod explicari potest eo, quod calor sit fixior. Sed uterque hic textus potest etiam ad repletionem pertinere, & in pueris quidem minoris erit periculi convulsio febre succedens, si fiat illa ab humidi copia pueris naturali, adeoque non præter naturam cumulata, quod secus accidet in adultioribus, & septimum annum excedentibus. Hoc manifestius. *Posydoceon quoque tertio die convulsione correptus est, calor non relinquebat, decimo octavo mortuus.* Calor, inquit, non relinquebat, hinc siccitas, seu inanitio. Convulsiones cum febre acuta perniciem denunciant, & hoc nimii caloris, & siccitatis opus esse potest. Rursus perspicuum illud. *Convulsiones autem ideo inius afferunt, quod calefactum corpus cutem vehementer tenuat, carnem verò minus cogunt, quam cursus, qui in orbem obeuntur, eandemque humore vacuant.* Pariter ad inanitionem. *In febribus spiritus offendens malo est; convulsionem enim significat.* Quia tamen spiritus potest subsistere quasi impingens statim, ac musculi convelluntur, potest ejusmodi dictum referri etiam ad repletionem. Sed repletionem ipsam universalem arguunt clariùs. *Ab ileo vomitus, vel singultus, vel convulsio, vel delirium malum;* indicabit enim, materiam ilei vasa subire, & infarcire, vel si sit acrior, in motum agere spiritus, & convulsionem producere, qualem secundo loco in Comate vigili exposuimus. Num tamen & hic textus ad inanitionem, si in ileo dolor adsit, aut inflammatio nimis exsiccans, atque absumens sanguinem, ac spiritus? *Febrem convulsioni supervenire melius est, quam febre convulsionem;* si enim illa fiat à repletionem, per motum febris curabitur solvendo: si verò febre convulsio succedat, res erit incerta, an à decubitu, an ex abundantia, an ab acrimonia, & vi proximè expositæ naturæ in præcedenti textu. Huius aphorismi pars, & species sunt frequentes. *Spasmo, aut tetano vexato febris si accesserit, morbum solvit.* Qui quartana corripitur non admodum convulsionibus tentantur: si verò prius tentati fuerint, superveniente quartana liberantur. In febre convul-

sio, manuumque, ac pedum dolores malignum quiddam prænunciant. Ait insuper Hippocrates. Si convulsio in vena facta sit, hæc quidem per exordia dolorem excitat, & pulsat: progressu vero temporis sanguinem ad carnem transmittit, qui in carne putrescens in pus vertitur. Et inferius de venæ convulsionem loquens asseruit venas convulsas fieri varici similes, & concludit de ejusmodi convulsionibus: *Fiunt etiam convulsiones ex laboribus, ex casibus, ex plaga, & si quis onus majus tollat, & ex cursibus, ac lucta, & omnibus id genus.* Quibus positis patet primò, hujusmodi convulsionem nihil aliud esse, quam aneurismata: secundo etiam in partibus moventibus fieri posse eodem modo, & iisdem de causis convulsionem, dummodò possint sinuli intra villos earum contenti in totidem velut aneurismata à materia replente trahi. Sed & hoc evidens. Convulsionem solvit febris acuta, quæ prius non aderat, aut si prius adsuit, ingravescent: confert autem & urina vitrea copiosius pertransiens, & alvi fluxio, & somnus: convulsiones autem derepente ortas febris solvit & alvi fluxus. Vides omnia comparata ad evacuationem, vel resolutionem, ut convulsi convalescant. Vehementes faucium dolores, aurium tubercula, & convulsiones excitant, itemque cervicis, & faucium dolores. In tuberculis materia, unde convulsio cum materia, seu repletionem, sed an non verius ad inanitionem per dolores absumentes, & exsiccantes; Quibus cum dentes erumpunt, alvus crebrius demittit, minus convulsione tentantur, quam quibus sic raro alvus subducitur: quibus in dentitione febris acuta accedit, ii raro convulsionibus tentantur: qui cum dentitione bene habito corpore permanent, gravi somno premuntur, periculum est, ne eos convulsio præhendat. En pleni pueri humiditatum, quas febris motu, & calore minuit, & subductio alui: bona habitudo corporis, & somnus easdem augens. Pueris convulsiones accidunt, si febris acuta fuerit, venter non desiciat, si vigilent, perterreantur, plorent assidue, & color immutetur, & ex viridi pallidus, aut lividus, aut rubor contrahatur: hæc autem pueris quidem recens natis ad septimum usque annum promptissime eveniunt, at grandiores pueri, & viri non adeo per febres convulsionibus præhenduntur, nisi vehementissimum, & pessimum quoddam signum ex his, quæ in phrenitide fieri solent, adsuerit. Hunc textum conjunge cum superioribus duobus 356. & 357. Coacarum. Ad hæc Hippocrates. In nervorum distensionibus. & iis, quæ in posteriorem partem sunt dissolutæ maxilla, mortem afferunt, quin etiam lethale est in posteriorum partium distensione sudare, & corpus dissolvi, ac in eodem malo per nares revomere, aut ubi per initia vox defecta fuit, clamare, & nugari; postmodum enim adfuturam mortem significat. Et ad hunc textum reduces eos alios, quos in succedentibus notabimus, nempe in primo Prædictorum textu 118. & in Coacis 313. ubi similiter plenitudo, aut inanitas. Convulsione, aut corporis distensione vexato si febris superveniat, morbum solvit: similiterque si febre detentum convulsio præhenderit, febris eodem die, aut postero, aut tercio desinit, quod contingit ob materiæ febrificæ decubitum ad partes convulsas. Vides igitur, ubicunque convulsio per Hippocratem, ibi inanitionem, aut repletionem corporis, & vasorum sanguinis; sed ab his pendet inanitio, & repletio

nervorum, & musculorum; igitur illa posita nervi, & muscoli inaniantur, vel repleantur oportet, videsque nullibi ab Hippocrate sermonem habitum aut de inanitione, & repletionem solius generis nervosi, aut de inanitione, & repletionem tanquam causa proxima convulsionis. Insuper ex locis ad singultum pertinentibus vides, ipsum loqui de singultu, qui fit per inanitionem, & repletionem, non qui per stimulum, & de illo proinde loquitur aphorismo 39. sect. 6. Notam tamen fuisse Hippocrati causam convulsionis à stimulo petitam, deduci posset verosimiliter ex Aphor. *Convulsio vulnere superveniens lethalis:* quod idem repetitur in Coacis. *A vulnere convulsio lethalis.* Stimulus enim vulneris majorem copiam liquidi per nervos deducit, quæ potest esse tanta, ut musculus in continua contractione detineat. Quin adhuc clarius. *Nervus præcisus convulsionem facit, & ut minime coalescit, ita vehementer inflammatur.* Inflammatio acer est stimulus, unde in nervos prodeuntes à superiori parte nervi præcisi derivari potest maxima copia spirituum convulsionem producentium in partibus superioribus; in inferioribus vero convelli membrum poterit ad partes oppositas, ut inferius. Ex his igitur satis verosimiliter arguere possumus, stimulum etiam Hippocrati ut causam convulsionis notum fuisse, nec esse quod Galenus allaboret adjiciendam tertiam causam convulsionis ab Hippocrate omissam, nempe stimulum, quo singultus etiam fit; de quo enim singultu ille locutus sit, patet superius & stimulum ipsi fuisse notum; licet autem nec stimulum agnovisset Hippocrates, assero tamen, stimulum, quæ stimulus est, non constituere tertiam causam proximam convulsionis diversam à duabus aliis, sed stimulum esse causam remotam, quæ producit repletio in parte, vel partibus, quæ convelluntur, quod ex nostra doctrina stimulorum est evidens; stimulus enim facit, ut ad partem stimulatam derivetur copia liquidi naturali major, seu ut fiat repletio; quare stimulus in productione convulsionis ad repletionem redigendus est, atque ex his omnibus abundè constat Hippocratis mens. Cum autem ab inanitione, & repletionem universali inanitiones, & repletiones nervorum, & musculorum succedere necessario debeant, & diversis modis diversas affectiones in iis partibus producere, exponamus jam oportet, quid iis inanitionibus, & repletionibus iussit ad convulsionem faciens, & primò ostendemus, verissimum esse, quod Galenus asserit, ac posse per calorem, & siccitatem quamlibet, per quamlibet humiditatem nervos breviores fieri, & cum id contingit, appensos musculos nervis cessuros, & convulsionem producendam. Sint enim ossa quælibet ad articulationem in æquilibrio posita; musculus igitur contrahentes ex æquo in contractionem nitentur, adeoque quantulacunque vis alterutri ipsorum adjiciatur, ossa cedent ad ejus musculi partes, cui vis quantumvis minima additur. Intelligatur itaque nervus in alterutrum musculorum abiens quacunque de causa fieri siccior; fiet igitur etiam brevior, adeoque secum ducet appensum musculus minimæ cuiuslibet facultati cedentem, cum sit in æquilibrio con-

constitutus cum opposito : & siquidem per infartum humiditatis nervi contrahuntur ut funiculi, id ipsum debere contingere, manifestum est; si vero laxantur; igitur laxatio nervo alterutrius musculi contrahentes musculus, cuius nervus laxatur, minus nitetur in articulationem adeoque musculus oppositus contrahetur, seu convelleretur; cum autem nervus sit siccior, inanitur humido : cum humescit, impletur liquido; convulsio igitur à siccitate, & humiditate à Galeno exposita possibilis est. Affero jam insuper, hanc ipsam convulsionem in repletionem, aut inanitione aliqua totius corporis necessariam esse. Primò etenim ita exhauriatur corpus liquido, ut intra vasa sanguinis pars siccior sola supersit : exsiccabuntur sanè partes, & spiritus animales sicciores producentur, unde & ipsi siccitatem suorum canalium augebunt, qui proinde sicciores facti breviores etiam fient, & convulsio succedet, quòd si cum siccitate sit conjunctus calor, validior erit siccitatis effectus, unde nervi contractio vehementior, & convulsio validior. Et talis convulsio fortè illa est, quæ nimis evacuationi per hæmorrhagiam, aut medicamentum potum succedit : quanquam per utrumque fieri potest, & per hæmorrhagiam præcipue, ut convulsio fiat à frigore sublato per ablationem sanguinis, vel per alium calore omni, & motu, unde frigus, quod coagulando quicquid humoris inter villos musculorum, & membranarum continetur, adeo rigidas easdem partes reddere potest, ut cuicunque etiam validæ facultati flexionem molienti difficillimè pareant. Notum id quibuscunque versatis in cadaverum tractatione, postquam à morte per longiusculum tempus dirigerunt; eorum enim partes depræhenduntur inflexiles, & quicquid humidi continetur inter fibras coagulatum occurrit in liquidum viscidius, cuiusmodi coagulationem ne saliva quidem, & mucus urinarum effugere possunt, cum & utraque hæc liquida à frigore mortis concrevant, & vel intra canales suos, vel extra ipsos ad emissaria ita coagulata reperiuntur. Verùm convulsionem à siccitate per evacuationes provenire posse arguit vel titis ingens, & ariditas faucium, & partium omnium, quæ à copiosioribus evacuationibus succedit, quæ sanè in nervis etiam habeatur oportet, unde contrahentur, & fiet convulsio per siccitatem. Sine evacuationibus autem cui non totum in morbis plurimis, linguam, & fauces ita siccari, ut æger ne loqui quidem possit, linguam introrsum retrahi, & videri quid torrefactum? Si igitur quod in lingua non rarò contingit, contingat in aliquo, vel omnibus nervis absumpta circa eos, vel non perducta humiditate, id ipsum debebit accidere, nempe convulsio : & sæpissimè in cadaveribus hominum morbo aliquo confectorum occurrunt pulmones, quorum membrana internæ, vel externæ, vel utraq; adeo sicca sunt, ut cum divelluntur, aut secantur, sonent non secus, ac exsiccatae pelles; quemadmodum igitur pulmones aliquandò tali siccitate laborant, laborare etiam eadem poterunt omnes, aut aliqui nervi, & convulsionem eo pacto producere. Et ridiculum propè est, quod urgent, tabe, marasmo, hectica laborantes tanta siccitate

non affici, ut convelli possint, quanquam illa eorum siccitas sit summa; in ejusmodi enim morbis illa habitudo corporis extenuatio est, non siccitas, proveniens à dissolutione partium omnium, quam necessario sequitur diminutio molis, quod nemo sanæ mentis non videt : & quod arguunt, nunquam reperiri tantam siccitatem in corpore, ut retrahere possit nervum cum appensis partibus, videant, quanti momenti sit in partibus æquilibratis, atque insuper quantæ sit siccitatis lingua, & fauces in aliquibus morbis, & in aliis pulmones, ut exposuimus. Similiter convulsionem à frigore per nimiam evacuationem fieri posse, illud arguit, quòd nimis evacuati languescunt, viribus deficiunt, pallent diluto pallore quasi cadavera, frigent, quæ omnia indicant defectum caloris, & motus, & vim frigoris superantem. Contra contineatur in vasis sanguinis copia naturali major cujuscunque liquidi, quod intrudere se possit inter utramque particulam fibrillarum nervos componentium. Cum igitur liquidum hoc sit naturali quantitate majus, in majori etiam copia sive per externam, sive per internam superficiem, sive per utramque se infundat, adeoque nervum laxabit, vel contrahet, adeoque vel secum feret appensum musculum, vel contrahentem contrahi permittet, & convulsio per repletionem fiet juxta Galeni modum. Neque hinc oriatur paralytis, ut plurimi dubitant; permittetur enim interim intluxus liquidi per nervos, & sanguinis, & villi erunt adhuc minus laxi, nedum sphacelo corrupti, unde deinde, ac postremò paralytis, quæ convulsioni succedet, ut Hippocrates, & Galenus, & Petrus Salius Diversus viderunt aliquandò. Dolor similiter in his omnibus casibus poterit contingere, prout erit siccitas major, aut infartus humidi copiosior, & magis divellens, ut patet. Neque est quod dubites, musculum oppositum per imperium voluntatis debere impedire contractionem nervi statim, ac animal animadvertit se in convulsionem venire, licet enim possit per assuetudinem in musculum contrahentem tanta copia liquidi derivari, ut sua vi superet quantumvis maximam vim contractionis in nervo : quia tamen illa contractio haberi non potest, quin nervus, qui contrahi supponitur, extendatur in longitudinem eodem tempore, quo contrahitur, seu sit brevior, inde necessario fieret, ut idem nervus à duabus oppositis partibus validè trahe-retur, nempe à vi musculi deorsum, à vi nervum contrahente fursum, unde vehementer divelleretur, & acerrimus excitaretur doloris sensus, quem sanè vitare, quantum poterit, studebit Animal, & convelli potius, quàm divelli cum tanto dolore nervum permittet. Ex his igitur patet, quàm apte de convulsione senserit Galenus ratione causæ ab evacuatione, vel repletionem pendens, si unicum excipias animadversione maximè dignum, nempe num per modos hætenus expositos, licet haberi possit dimotio partium ab æquilibrio, & permanens earundem in aliquo situ post dimotionem, sit talis permanens cum tanta illa resistentia ad flexionem, quæ tanquam essentialis supponitur in convulsione, cum ossa in hoc morbo tam immobiliter ad articulationes hæreere debeant,

ut difficillimè, & vix valida adstantium opera dimoveri possint. Sed hoc alii viderint; quicquid enim ea de re sit, illud certe Galenus nimis jejune existimavit, convulsionem omnem non nisi à nervo pronilci posse, & per unicum hunc ipsum modum siccitatis, & humiditatis. His igitur jam expositis, quot aliis de causis, & in quibus aliis instrumentis operari possit convulsionis causa exponamus. Frigus jam superius explanatum, ex quo vera convulsio, constans nempe contractio: in hoc tamen casu non est vera musculorum contractio, aut aliarum partium, sed vera partium immobilitas per congelationem humidi. Sit autem non naturalis calor in corpore, vel absumpto liquido per labores, curas, medicamenta &c. vel naturaliter cumalatus per victus rationem, ætatem, anni tempus, regionem &c. non hic urgeo siccitatem, de qua superius agendum, sed illud animadverto, spiritus animales eo futuros vividiores, vel etiam simul copiosiores, unde impetus eorum major, & contractio musculorum perpetua per subitam irruptionem intra villos, antequam iidem prorsus restituantur, ut in Co nate vigili exposuimus, eritque convulsio ab impetu spirituum. Simili de causa poterit, ac debet produci convulsio à siccitate musculi ibidem exposita, si ejusdem musculi villi nimis exaruerint, & etiam si spiritus sint naturales, post aliquot flexiones, & restitutiones demum ab ultima contractione restitui non possint. Qualibet ex his convulsionibus erit inanitio. Sit insuper sanguis ita vitatus, ut humores quoslibet producat acriores, licet naturalem copiam humidi contineat, spiritus tum similiter acriores producentur, tenuiores, mobiliores, impetus, & nisus majoris in emissaria nervorum intra villos, adeoque, ut mox expositum, in perpetua contractione eosdem detinebunt, unde alio de nomine convulsio. Contra vigeant in sanguine humores lenti, crassi, frigidi, qualis pituita, & viscida qualibet; spiritus igitur crassiores, minorisque impetus producentur, adeoque facilius subsistent intra nervos, eosdemque proinde magis extrorsum urgebunt, & in contractionem aliquam deducunt, & saltem principium convulsionis per contractionem nervi parient. At verò deducti in musculos, sicut etiam sanguis crassior rarefcent quidem, aut se subito effundent quaquaversum cum impetu, sed propter crassitatem partium, ex quibus componuntur, aut continentur, non poterit universa earum moles extirpare per poros villorum, immò portio crassior intra eosdem villos subsistet, unde ex toto restitui non poterunt; & musculus in aliquo gradu contractionis persistet. Fiat jam secunda contractio per confluxum, & effusionem eorundem liquidorum; pars igitur subtilior expirabit, reliquum crassius intra villos subsistet, unde minus, quam in prima contractione, restituentur, & persistet musculus in majori contractionis gradu, & repetitis pluribus contractionibus cum restitutione magis, ac magis semper imminuta fiet demum, ut nihil spiritus, & sanguinis possit ulterius influere, quo in casu erit musculus in contractione perfecta, quæ pendebit ab infartu humoris crassi intra musculos eo derivati per nervos, & arterias: & idem

infartus fieri poterit, non solum per successivas contractiones, ut expositum est, verum etiam si sint humores crassiores, & frigidiores absque spiritibus, vel si spiritus sint iisdem humoribus nimis implicati, & fixi, iique humores influant, & coacerventur intra villos absque ulla contractione antecedente, aut spirituum expansione. Hujus autem generis convulsio, si diutius protrahatur, facili poterit in paralyfim facessere dissoluto demum villo per coacervationem illius humoris, coque facilius, quod tanta humorum crassorum colluvies erit etiam conjuncta cum infartu membranarum ab iisdem humoribus, unde facilitas in paralyfim major. Hæ convulsiones erunt similiter repletiones, ut patet, atque in his salutares erunt supervenientes febres, dejectiones alui, urinæ &c. quæ in textibus Hippocratis proponuntur, sicut etiam exitialia, quæ inibi exposita sunt, & ultrò ex his patent. Insuper sint spiritus, sit sanguis naturalis constitutionis, sed villi musculorum quacunque de causa callo, vulnere, pressione, mala conformatione, & hujusmodi sint duriores, ac densioris texturæ; illi igitur difficilior flecti poterunt, & difficilior expirare partes resolutæ per rarefactionem, unde intra villos colligentur, ac demum producent convulsionem irreparabilem, nisi tollatur illa durities, & densitas. & hæc erit similiter convulsio à repletionem finium à materia subsistente, & inanitione, aut repletionem membranarum à materia duritiem, & densitatem producente. Ulterius animadvertendum est, ne quod convulsionem aliquando existimamus, sit quidem tale quiddam, quatenus conjunctum est cum constanti, & valida immobilitate partis, non tamen vera convulsio, sed paralyfis oppositi musculi, quo non contranitente musculus alter in suam contractionem veniat, partesque in perpetua immobilitate detineat, vel quia tam frequenter contrahatur, ut vices ipsius sensu percipi non possint, vel quia re vera in perpetua contractione persistat. Frequentius autem contrahi, vel in perpetua contractionem persistere poterit etiam naturaliter se habentibus reliquis omnibus, si paralyfis musculi contranitentis pendeat ab obstructione nervi in ipsum abeuntis, ita ut universum ipsius liquidum in musculum oppositum derive-tur, tunc enim aucta quantitas majoris est nisus ad emissarium, & influet in musculum, antequam restituatur, unde ipsius perpetua contractio. Quoniam autem hæc singula contingant oportet sine læsione sensuum interiorum, & exteriorum; neque enim habent hæc quicquam necessariæ connexionis cum qualibet offensione cerebri, hinc in vera convulsione nulla sensuum, & mentis læsio. Cum vero vasis sanguinis magis infartis oporteat, ut arteriæ cerebri magis infarciantur, & cerebrum proinde magis prematur, dari poterit convulsio præcipue ab infartu, quæ promoveatur à pressione cerebri, quatenus per hanc truditur in musculos copia major crassorum spirituum infarciendum eorum sinus: in hoc autem genere convulsionum vix fieri poterit, ut non adsit quædam minor vividitas in sensibus, motibus, & mente, & veluti quidam torpor, aut torporis rudimentum, ut ex doctrina motuum, & sensuum patet. Pro diversitate autem convulsionum, & solu-

tionum in humoribus, qui in eadem convulsione contingunt, & motu materiæ ex nervis, & musculis in vasa sanguinis, vel ex his in eas partes, vel ejusdem quiete in utrisque, aut alterutris fient mutationes colorum, calores, refrigerationes, urinæ laudabiles, crudæ, suppressæ, detentæ, nullæ, paucæ &c. cum aliis superius propositis, quæ explicatu facillima sunt. Nemo est, qui spasmus physodem in se ipso non sit expertus: nos enim singuli, si diutius crura exempli gratia in situ aliquo minus apto, ac naturali immobilia detineantur, moveri minime possumus, cum mox necessitas, aut voluntas exigit, ut moveamur, ac tum facile ad motus potentiam reducimur, si pes validè solo illidatur, quod dum fit, per cruris longitudinem excurrere quiddam sentimus frigidum, immò frigidissimum aliquandò, atque per tenuissimum quasi filum dilabens quasi rependo, aliquandò quid simile calidiusculum, aut calidius, aliquandò modò frigidum, mox calidum, & è converso. Quoniam itaque canales sanguinis, & nervorum aptè patent, cum in naturali positu detinentur; partibus igitur non naturaliter complicatis, superimpositis, detortè nimis inflexis, & hujusmodi, iidem canales aut penitus, aut ex parte occluduntur, unde in musculos liquida non derivabuntur, sed subsistent ad locum occlusionis, ubi magis trudendo extrorsum canalis intera validiorem occlusionem reddent, & quò diutius persistet pars in eo naturali positu, eo major fiet occlusio, ac validior, & depositio copiosior. Partes itaque suis humoribus destituta in torporem, aut stuporem venient, non autem in convulsionem, qui stupor tollitur derivando liquida ad partes, hoc est, discludendo canales. Cum igitur hi validius occlusi supponantur, discludi non poterunt, nisi vis aliqua major adhibeatur, usque disclusis quæ substiterant deorsum fluent, & prout plus minus subsisterant, & plus minus refrigerata fuerant, & prout partes frigidiores, aut tepidiores primo excurrunt, excitabitur sensus frigoris, caloris, aut utriusque per vices quasi intime per crus repentis, unde adacto violentius in terram pede, conciliari tantum in petus poterit liquidis subsistentibus, ut ipsa possint concepto impetu superare resistantiam occlusionis, adeoque canales discludere, & per eos se se agere, & sensum caloris, aut frigoris, aut utriusque per vices parere: sic liquida in angustissimis canaliculis subsistentia sola eorundem canaliculorum succussione valida in fluxum agimus, & ad usque emissaria eorundem perducimus. Et sanè spasmus physodem non esse convulsionem, vel ex hoc ipso patet, quòd pedem movere, immò validius solo allidere possumus ad arbitrium, quòd convulsioni repugnat. Quia verò arteriæ impetu instructæ sunt, adeoque difficilius premi ad usque occlusionem poterunt à distortionem partium, nervi autem ex molli substantia, & nullius impetus faciliè comprimuntur; in his igitur pressionem excipi verosimilius videtur, unde iisdem disclusis tenuis ille quasi per filum excursus rei frigidæ, vel calidæ per longitudinem cruris respondens exilitati nervorum. Torpor igitur, & stupor est spasmus physodes non convulsio, & inane commentum est flatus, à quo flatulenta convulsio hic spasmus dicitur.

Postremò quoniam vulnus, contusio, præcisio nervi, inflammatio, & si quæ sunt hujusmodi convulsionem producentia, cum dolore etiam necessariò conjuncta sunt, dolor autem est stimulus quidam, & quidem vehemens, per stimulos verò fit refluxus vividus, & celer, adeoque copiosus liquidi per nervos, ex copia autem perpetua contractio; ab iis igitur singulis proveniens convulsio fieri necessariò debet ratione solius stimuli: inflammatio autem illud insuper habebit adjunctum, calorem nempe vividum, quæ proinde si proxima sit nervo, vel ad contactum ejus, vel in ipso (ut in præcisione ex Hippocrate) calefaciet spiritus refluentes, eosque magis mobiles, ac citius influentes reddet, atque insuper absument humidum, unde saltem nervum exsiccabit, & producet convulsio gravior à stimulo, calore spirituum, & siccitate nervorum simul proveniens. Hoc ipsum de punctione nervi dicendum esse patet. Quæ sunt summa, & præcipua capita causarum convulsionem producentium, ex quibus locorum omnium Hippocratis facillima explicatio patet, atque insuper patet, convulsionem dari posse, quæ à pluribus ex his causis simul pendeant, easque esse graviores, periculosiores, & magis contumaces. Est itaque convulsio constans immobilitas partium salva mente, & sensibus à calore, frigore, &c. proveniens, quæ siccet spiritus, nervos, aut musculos calefaciat, infarciat, stimulet &c. cum iis omnibus, quæ superius exposuimus. Quæ si contingat in musculis collum, caput, & crura, & brachia ad anteriora moventibus, & flectentibus, ita ut animal cogatur ad anteriora se ipsum intorquere capite ad pectus delato, & cruribus eorsum adductis, quales dormientes canes, aut feles, dicitur Emprostotonos: si verò in musculis retrorsum easdem partes moventibus, Opisthotonos: si in utrisque Tetanos, in quo neutram in partem movere se potest animal, quasi rigidum esset, atque ex solido & unico osse: qui sane Tetanus etiam produci potest singulis de causis superius expositis, non tamen omittendum est, oriri etiam posse à validiore compressione, & æquabili per totum cerebrum, ac spinalem medullam diffusa, qua fiat, ut in nervos omnes liquidum naturali quantitate majus, sed ipsi proportionem respondens deriveretur, unde majori nisu urgeat emissaria, & prius influat, quàm villi restituantur, unde contractio perpetua. Hoc ipsum accidere poterit si spiritus generentur natura vividiores, & juxta naturæ leges per omnes nervos effundantur. Atque ita quidem nuncupantur convulsionem magis universales, & ipsa corpus universum affligens Tetanus, sed & particulares aliquot suis nominibus distinguuntur. In musculis oculorum motoribus Strabismus: mandibularum, & temporum Trismus: labiorum ad alterutram solum partem spasmus cynicus, convulsio canina, & oris tortura: ad utramque partem risus Sardonius: musculorum penis satyriasis, vel priapismus. Nec aliæ sunt in usu appellationes, quibus aliorum musculorum particulares convulsionem, seu perpetuæ contractionem, & immobilitates in singulis partibus exprimantur.

Quoniam vero motus convulsivus nihil aliud est, quàm involuntaria musculorum contractio:

immò verò quæ ne per voluntatem quidem cohiberi possit, & est non raro sine mentis, & sensuum læsione; in his igitur affectionibus motus convulsivi cum vera convulsione convenient, & propterea, nisi obftet aliquid aliud ab iisdem causis, à quibus vera convulsio, provenient. Cum verò convulsio à convulsivis motibus in eo differat, quod illa perpetua, & nunquam cessans musculorum contractio est, hi verò contractiones alternæ, patet, convulsivos motus ab iisdem convulsione causis debere proficisci hoc solum discrimine, quod in convulsione causa sit constans, & nunquam ab effectu desistens, in convulsivis autem motibus ab effectu desistens, alternè, seu vicens, & operans solum per vices: nec captu, aut explicatu difficile est, quomodo hæc alternatio haberi possit, cum affluxus materiæ, vel ejusdem expulsiō alterna esse possit per majora, aut minora temporis intervalla, prout illa est magis copiosa, aut minus crassa, tenuis, villi fortiores &c. Non igitur motus convulsivi semper à stimulo, humoribus nempe acris vellicantibus, & hujusmodi, sed etiam ab humoribus frigidis, torpidis, crassis &c. per intervalla in instrumenta motuum decumbentibus, ac tum quidem salva esse poterit mentis, & sensuum vis, nisi humores ejusmodi quacunque de causa à cerebro proveniant. Quia tamen plerumque in his motibus illa læditur, frequentior causa motuum convulsivorum erit, quæ sensus, & mentem lædere potest. Læduntur autem hæ facultates vel in stuporem, vel in actus vividiores redactæ: stupor à valida pressione cerebri, crassitie spirituum, humefactione partium, nempe ab humoribus frigidis, & crassis: actus vividiores à spiritibus mobilioribus, solutis, incerti motus, quaquaversum divagantibus, incerto, & majori cum impetu, nempe ab humoribus acris, calidis, vellicantibus, stimulantibus. Utraque hæc, tam frigida sci icet, quam calida vel sunt intra nervos, vel exterius eosdem tangunt, & perinde se res habebit, quomodocunque sit, nisi quod calida, & vellicantia ad nervos extrinsece perducta mentem turbant in refluxum agendo spiritus cæteroquin naturales, & Animal in motus convulsivos venit partim necessitate refluxus ex stimulo, partim voluntate, & nisi molestum illud stimulans expellendi. Cum verò eadem sunt intra nervos, ex se ipsis per copiam, vel impetum etiam absque refluxu, & voluntate animalis, immò etiam ipso repugante, & nihil stimuli percipiente motus convulsivos producent. Ex quibus patet, nec bene communiter asseri motus convulsivos semper à stimulo pendere, primò cum dentur per frigida, & hebetissima: secundò cum motus convulsivi etiam violentissimi dari possint, ac debeant absque sensu vellicationis: ac demum quoniam hæc ipsa vellicatio habere potest originem ab iisdem spiritibus, non verò ab aliquo extrinsecè stimulante, quod unicum communiter supponitur, cum tamen ab ipso non tanquam ab unica causa pendeant convulsivi motus, sed per extrinsecum illud stimulans sit singularis quidam, ac certus modus eosdem producendi. Ex his autem omnibus patet, cur inter præcedentia aut convulsione, aut motuum convulsivorum sit pulsus chordosus, seu jectigatio, qui

sane pulsus non est, ut Galenus asserit, tensio quædam, ac vibratio propter viciniam nervi mox in convulsionem venturi, quasi ipsius tensio, & vibratio etiam arteriæ ad contactum positæ communicetur, sed ut patet ejusmodi pulsus observantibus, in uno digiti loco percipitur pulsus, in alio satis remoto jectigatio, quæ manifestè dignoscitur, ut motus convulsivus debilior, seu convulsione initium: qui sane motus satis erit periculosus, nisi indicet convulsionem, aut motum convulsivum musculi solum circa carpum casu aliquo contingere; secus enim erit indicio, musculos omnes convulsione corripiendos, vel motibus convulsivis tentandos. Reliqua ex Hippocrate proposita ex nostra hæc convulsione expositione abundè patent, nisi quod quæ desiderari possent ad singultum pertinentia, repetenda sunt ex propositione decima secundæ partis nostræ Respirationis, in qua singultus distinctè explicatur, & ipsum esse motum convulsivum musculi succingentis ventriculum, ostendimus.

Datur ulterius quædam motuum convulsivorum species in universo corpore & in morbis, & in statu sanitatis, quæ nihil aliud sunt, quam leviores, aut graviore musculorum omnium concussiones, vel eorundem rarior, frequentior, debilior, validior tremor. Hæ in febribus præcipue intermittentibus ad earum potissimum paroxysmos contingunt, sicut etiam ad quodlibet frigus intensus, aliisque diversis, ut inferius, & nomine horroris, (qui idem etiam horripilatio dicitur Apuleio) vel rigoris veniunt, & horror minus vehemens tremor est, rigor autem concussio major. Quia verò etsi apud Medicos multa super his verba infarciuntur, nemo tamen est, qui rationem, ac necessarium earum concussionum modum explicet, & res est cæteroqui momenti maximi, & secum habet conjuncta mille sanè prodigiosa, seorsim de his agemus aliquantò distinctius, ut res ex sua necessitate planè pateat, de frigore prius aliqua explicantes, quæ ad eosdem motus pertinent.

Horror, & Rigor.

Prodigiosa sanè videri possunt quæ in horrore, & rigore contingunt; motus enim ejusmodi excitantur in musculis à sensu rei impensè frigida, sed è contra eadem concussionem cum sensu frigoris excitantur non raro per speciem rei nihil cum frigore communionis habentis. Sic in febribus cum frigore paroxysmi, & perfrigeratione corporis conjungitur concussio cum sensu frigoris intensi, ac molesti, in quibus tamen non raro concussio præcedit summum gradum frigoris, ad quem sensum provehitur. Sic affusa frigida præcipue nihil tale expectantibus sensum quendam frigoris per varias partes vagum cum majori, aut minori corporis totius, aut earundem partium concussione producit, sed hanc ipsam cum eodem sensu vagantis refrigerii, immò rigoris excitant immatura quælibet, dum manduntur, præcipue verò magis stipitica, & austera, sorba, mēspila, pruna sylvestria, acria etiam, & quæ stuporem dentium produciunt. Ac tam affusio frigida, quam horum sapor sensum humi, & concussione movent in puncto

puncto temporis, & pariter in puncto temporis producitur similis sensus, similisque convulsio sapissime, postquam urinam reddidimus, imò etiam cum illa exitum tentans vi supprimitur, neque effluere permittitur, in utroque enim casu, & in primò quidem ad foramen summi penis extra corpus patens post mictum percipitur quidam acer stimulus, post quem subito corpus totum concutitur cum subito rigoris sensu per ipsum: in secundo vero idem acer stimulus percipitur ad radicem penis, post quem statim affectiones eadem corripunt. Sed illud etiam magis admirabile auditò sono aris, vel orichalchi, quem edunt, dum torno poliuntur, & sub scalpello acutè strident, vel duorum quorumlibet metallicorum, quorum alterum in aciem desinens ad alterius superficiem validè, & celerrimè agitur sit, stupent dentes non minus, quàm cum immatura illa manduntur, & succedit convulsio similis cum perceptione rigoris. Hæc autem ut in puncto temporis producantur, sic brevissimo temporis spatio persistant, & ex se ipsis evanescent. Denique nemini ignotum, per frigus vehementius hyemis, nivis, aut glaciei tremere unumquemque nostrum, & validè, ac diu concuti, quousque urget frigus vis. Et minus admirabilis videri posset convulsio à frigore hyemis, & sensus acrioris frigus, quo tempore concutimur, sicut eadem in febrium paroxysmis; fiant enim illa paulatim, ac per longum tempus protrahuntur, quasi sensim vincatur calor corporis, ac demum ex toto superetur: at paulum frigida affusum cuti vigente motu sanguinis calore vivido vividum sensum frigus producere cum concussione per corpus, atque illud in puncto temporis, quàm difficile captum est? Sed quanto difficilius à saporibus in puncto similiter temporis in ipso vegeto caloris statu eadem excitari, quàm admirabile à sonis, quàm incredibile ab exclusione, vel suppressione urinarum! Neque enim admirationem movet solum subita excitatio, aut sensus frigus à minimè frigidis, in ò toto Cælo à frigore diversis, ut soni, ut saporis, ut urina sunt, sed quod præsentem calorem, neque præsentem solum, sed incurrentem in nervos, sed nitentem in eosdem, & nitentem, quanto majori impetu potest, excitetur ille sensus, atque illa convulsio, quo tempore nervi tremere debere viderentur tremore calidi urgentis, cum tamen res contraria planè ratione contingat, & sensus frigus in medio calore percipiatur. Et sanè nemo rem prodigio similem satis admirabitur. Itaque ut rei singularis causa, quantum per nos licet, necessariè deducatur, ad fluxum, & refluxum liquidum intra nervos confugiendum est, ex quibus pendunt hæc omnia, & ad quasdam certissimas affectiones à natura frigus provenientes. Hinc igitur exordiamur oportet. Frigore constringi quàm liquida, quàm solida nostri corporis, satis cuique notum est, & nos superius convulsionem à frigore deduximus per coagulationem liquidorum, & rigorem villorum, & ulterius res confirmari ex eo potest, quòd diutius glacie, aut nive tractata intumescit manus, & vividè calefit non sine sensu doloris extendentis: rubet primò, inde livescit, argumento certissimo, vi frigus constrictas venas, atque inde probiberi refluxum sanguinis, qui cum coagula-

ri non possit propter continuum affluxum novi sanguinis ex arteriis, partes calidæ implicari, & cohiberi intra gelu nequeunt, neque subito expirare per densitatem pellium, & summæ crustæ sanguinis prope cutem, unde calor cum dolore extendente, tumor, rubor, ac livor, postquam plurimum sanguinis continxit. Ex quo factò vides insuper, rei superius propositæ difficultatem augeri, cum in hoc casu non solum in medio calore non excitetur frigus sensus, sed è contra in medio, & intenso frigore à præsentem, sed quasi immobili sanguine calor insignis percipiatur. Elto igitur frigus quodlibet, atque illud intensius ad aliquem nervum sive per hyemem, sive per viciniam nivis aut glaciei, sive per affusionem frigidæ, sive per vim febris corripientis; contringetur igitur ille nervus, fietque durior, ac denior, tenuis, & crassior. Erit igitur velut indexilis, & undis concipiendis à quolibet impetu ineptus, unde si vis frigus sit tanta, ut major sit tensio, ac durities ab eadem in nervo proveniens, quamvis à quantolibet circumposito, & quantumvis in nervum nitente calido, nullus caloris sensus, sed frigus, & quidem subitus, & cuiuscunque gradus producet. Admirabile dictu prima fronte, sed si ad deliria respicias, ad profundas meditationes, ad aberrationes mentis, in quibus etsi mille vividissima sensibus, atque animo obversantur, quia tamen nervi velut obduruerunt in univiam flexionem delirij, meditationis profundæ, &c. Nervi inflecti à nullis aliis speciebus possunt, sed per lubricum singulæ quælibet dilabuntur ad usque flexionem permanentem, & nihil est, quod non idem videatur deliro cogitanti, &c. Cum igitur hoc ipsum contingere debeat in quocunque casu fiat, ut nervus vel unico, sed vividissimo tremore tremat, vel nullo tremore tremere possit; si igitur supponatur nervus vel unico frigus, eoque vividissimo tremore tremere, si frigus velis positivum quid, vel nullo tremat, & nullo tremere possit, si sensum frigus privationem tremoris velis, manifestum est, calorem sentiri non posse, etiam si idem calor nervum ita afficiat, quoties ejusdem nervi constrictio à frigore proveniens nervum reddit inflexilem. Supponatur itaq; intensum illud frigus ad summum aliquem digitum; ibi igitur fiet constrictio valida nervi, adeoque introrsum movebitur cum impetu, & contentum liquidum extrudet sursum deorsum, seu in refluxum aget quaquaversum, unde excitabitur sensus frigus in summo digito, atque ad eandem partem etiam liquidum nervorum evadet aliquanto crassius, constrictum similiter à frigore, sed propter motum refluxus coagulari planè non poterit: semiconcreta tamen pars frigus suum communicabit proximæ, atque ita deinceps ex ordine, sicut etiam prima pars nervi frigidam reddet succedentem, eoque facilius, quod liquidum contentum in succedenti frigidum est, & semiconcretescit, & id ipsum fiet in omnibus ex ordine succedentibus partibus nervi per totam longitudinem ejus ad usque cerebrum, adeoque ad singulas nervi sectiones orietur tremor novi, ac succedentis frigus per totam nervi longitudinem, seu singulas ejus ex ordine succedentes partes, quas cum per assuetudinem benè distinguere noverimus, nempe quæ sint primæ, quæ mediæ, quæ summæ, atque inter

has comprehensæ quælibet, & successivè ad earum singulas novus, & successivus frigoris tremor producat, pronunciabimus, atque ita sane se res habebit, frigus per totam partem, aut nervi longitudinem ascendere ad usque caput aquæ frigidæ allabentis, vel auræ frigidioris ascendentis instar, quæ etiam huc illuc divagabitur, prout major ille nervus, huc illuc ad partes varias sese diffundit. Quia verò hæc tremorum successio fit tantum non in puncto temporis, in puncto pariter temporis sensus ille continget. Postquam autem nervus totus constrictus fuerit ad usque cerebrum, vis frigoris sese exeret ulterius per cerebrum ipsum, ac spiritus in ipso contentos, unde cerebrum totum constringetur, & spiritus, seu potius lymphæ eorum vehiculum crassescet: & quia interim spiritus per nervum frigore affectum refluent in cerebrum toto impetu constrictionis nervi, & cerebrum ipsum pariter contractius est, nempe validius nititur in spiritus; tam igitur spiritus refluentes, quàm effluxuri è cerebro à duabus velut oppositis facultatibus prementur validè, adeoque nulla lege huc illuc derivabuntur in nervos reliquos universi corporis, per quod proinde totum excitabunt intensi frigoris sensum, & nullo ordine musculos contrahent, & cum liquidum nervorum factum sit crassius; igitur ex ipso pauciores exprimentur spiritus, unde musculorum motus, aut nîsus debiliores quidem, sed in impeditis à motu frequentioris nîsus, in non impeditis frequentioris contractionis propter vim validam, qua à cerebro exprimentur. Quia insuper etiam cerebrum tensum est, nec nisi tremore frigoris tremere valens; per eum igitur diffluxum spirituum perturbatum nulla species excitabitur apta moderandis motibus musculorum, aut sistendis: quare ii movebuntur, ut fert necessitas illius derivationis, cum arbitrium, aut assuetudo non valeat novum impetum conciliare, vel alio divertere nervorum liquidum ipsis nervis rigentibus. Affero igitur, jam in hoc casu refluxuros spiritus, seu derivandos in musculos natura facilius mobiles, & quibus movendis sæpius assuevimus, & qui sæpius, ac facilius in usum veniunt, quod evidens est; in hos enim musculos abeuntes nervi patentiores sint oportet, & trajiciendis spiritibus ferè per quamcunque inclinationem dispositi, cum per mille differentes species eosdem moveamus, hoc est, per mille inclinationes liquidum derivemus, unde majorem copiam liquidi in dato tempore per ipsos, quàm per reliquos trajiciemus, ex quo fit amplitudo immisarii major, seu major derivationis facilitas. Ex his autem assero secundò, fieri, ut Animal moveri debeat motu convulsivo, seu tremulo musculorum, & in easdem semper partes, ad quas facilius est motus vel per naturam, vel per assuetudinem, & quia omnes assuescimus faciliè, ac subito iis motibus, qui natura sunt faciliores sunt antrosum, ac retrorsum, non ad latera; hinc alternè contrahendos illos præcipuè musculos, qui artus movent sursum, ac deorsum, non qui ad latera, multo minus qui circumagunt. Et primò quoniam universa moles femoris, & brachii nititur in suam articulationem, nempe introsum, seu versus centrum gravitatis totius corporis: ex

mechanicis igitur utraq; illæ partes iis motibus minus resistent, per quos ab eodem centro, vel linea directionis ejus minus remonentur, minus autem remonentur ab illa linea, cum antrosum, aut retrorsum ducuntur, quàm cum extrorsum ad latera, ut patet; illæ igitur partes in motum antrosum, ac retrorsum facilius natura veniunt, quàm in motus extrorsum, & ad latera. Itaque motus ille sursum, ac deorsum facilius tam in manu, quàm in brachio. Non multum dispar ratio est de capite, ac spina, quarum utraq; quàm difficilè movetur per latera ossium articulatione prohibente, quàm facile antrosum, ac retrorsum. Maxilla inferior & pondere, & assuetudine, & usu continuo, ac necessitate diductionis oris in cibo assumendo, in locutione, in respiratione deorsum, ac sursum agitur potius, quàm per latera, quibus etiam adde articulationis modum hæc ipsa exigentem. Adde his, quòd cum brachium, & femur possint quidem vi quacunque extrorsum per latus agi, non tamen eadem restitui introsum, ne validè impingant in pectus, aut femur oppositum difficulter, & magna attentione moderandum illum impetum restitutionis, quod in perturbato refluxu spirituum, & nulla vigente specie regiminis in intenso frigore contingere non potest. Igitur si quidem ostenderimus, per ejusmodi derivationem non motum tonicum debere succedere, sed motum alternum etiam musculorum contranitentium, rem ex toto confecerimus. Quoniam igitur est refluxus perturbatus sine ullius speciei regimine; igitur non in apta ad motum tonicum, seu æqualem contranitentium quantitate in nervos musculorum contranitentium derivabitur, & derivatur alterne; igitur ille musculus contrahetur validius, in quem copia major liquidi derivatur, nec alter contranitens contrahetur, quousque ille restitutus sit, unde tremor: cum verò cerebri contractio perseveret eadem postquam eadem derivatio semel, aut iterum, aut pluries peracta fuerit, efformabitur veluti quadam assuetudo, per quam semper eodem modo ducetur derivatio illa cæteroquin perturbata, & tremor idem persistet. Non tamen inde credas, nihil derivari etiam in musculos per latera moventes, imò derivari potest quantumvis copiosum, quod tamen tremorem antrosum, ac retrorsum non permutabit, sed aliquantum obliquum reddet. Quoniam enim & ejusmodi musculorum nervi patent, & diffluxus fit quaquaversum; etiam igitur in ipsos liquidum derivabitur, sed in minori quantitate, unde contrahentur muscoli, ut poterunt, trahendo ossa per latera: trahuntur autem interim validius antrosum, aut retrorsum; igitur idem os à duabus facultatibus non oppositis, sed ad rectum angulum per suas directiones concurrentibus trahitur eodem tempore, quare movebitur per lineam, quæ sit inter utramque directionem media, & directioni validioris facultatis magis proxima, nempe ad anteriora, aut posteriora aliquantum obliquè. Ita autem constituto cerebro, & nervis minor etiam quantitas spirituum ad cor derivabitur, unde pulsus ejus minor, vis sanguinis per arterias minor, adeoque lentus motus, sed & ad piam matrem per frigus cerebri quasi concrevit in tenuissimis filamentis

ris arteriolarum; igitur minor derivatio materiæ pro ſpiritibus, unde ſucceſſive minor generatio, & pulſus cordis, & fluxus ſanguinis magis lentus, adeoque non fiet intruſio novi ſanguinis, qualis in manu tractata nive, vel inflammatione ſiſtrophica, eryſipelatode, vel phlogoſi, ſed dabitur quies ſanguinis ſerè ſine novo affluxu, & frigus ejuſdem cum colore fuſco, ut in contuſionum, vel percuſſionum vibicibus, in quibus ſanguis ſtagnans ſine novi ſanguinis affluxu liveſcit, nec calet. Cum autem decumbimus, ipſe lecti contactus motum per latera multo difficiliorem reddit; ſuperanda enim eſt ejus contactus reſiſtentia per totam illam quamvis exiguam amplitudinem, per quam ad contactum lecti duceretur, ac reduceretur pars in tremore, cum è contra ſuſum, ac deorſum non ſolum non ſit eadem ſuperanda, ſed adjumento ſit, ut vim majorem exerat ad alterutram partem propter eandem reſiſtentiam, quemadmodum pulvis in tormentis bellicis vim maximam per emiſſarium exerit ab obice reſiſtentis fundi, ut patet. Ex his vides, cur per voluntatem ſiſtere nequeamus huiusmodi concuſſiones, & facile patent quæ ad horrorem, ac rigorem febrium pertinent. Sed de his etiam ſuo loco ſpeciati. Si verò circa, vel intra muſculos ſita ſit facultas aliqua quemlibet ſenſum excitare apta, quæ ſi non in tremorem agere nervos, ſaltem ſuo appulſu validius introrſum trahat nervum jam eo nitentem per conſtrictionem à frigore, tum ſenſus frigoris fiet acrior cum quodam ſenſu, quem explicare nescimus, niſi per quid irritans, dolens, pungens, ſtimulans, vel quid ſimile: nervo autem magis introrſum acto fit derivatio in eundem muſculum copioſior, & crebrior; tum igitur dabitur crebrior tremor, & vehementior & per frigus, & per quid irritans, quæ ad febres etiam faciunt.

Eſto jam ſive ſapor, ſive ſonus, ſive urina, ſeu quidvis aliud nervos non quidem conſtringens, denſans, aut craſſiores, & duriores faciens, ſed in tremorem tam vividum ipſos agens, ut caloris impetum eludant, & quaſi dixerim, ipſum excutiant, erit jam hæc nervorum conſtitutio planè eadem, ac in delirantibus, & eſſet delirium planè, ſi per diuturnum tempus produceretur, & ſemper eadem conſervaretur, & erit tremor ille compoſitus ex tremore ſoni acutè ſtridentis, vel ſaporis ſtiptici, vel cæterorum, & privatione tremoris à calore provenientis, ſeu conjunctus cum ſenſu frigoris, & fiet in puncto temporis, in puncto temporis evaneſcet, niſi tremor conſervetur ab externa ſpecie ruſus impreſſa: erunt reſluxus vivi, derivationes proinde perturbatæ &c. quæ ſuperius. Non tamen pulſus parvus, nec debilis tremor, immò cum non conſtringatur cerebrum, nec coaguletur liquidum, vis erit inſignis, & pulſus validus, & cum ſpecies ſit recens, & in motu conſiſtat, non autem in inflexilitate, & duritie nervi, ut in frigore, erit locus aliquis aſſuetudini ad excitandas ſpecies vividiores, ut ſaltem nitantur cohibere vim concuſſionis: erunt proinde vagæ per corpus affectiones etiam caloris, & ceſſante externa ſpecie, vel remittente ipſius impetu colligentur animi, & nitentur in motus validos clamando, fugiendo, ſaltando, in quæ ſimili-

ter venire poterimus per ipſam trementem ſpeciem, cum in eos validiores motus venire aſſueverimus per ſpecies ſimilium validiorum dolorem acerrimum inferentium, unde liquidum derivandum paratam, ac perviam inveniet viam, ut de facilitate ſuperius dictum eſt. Quæ ſanè comparata cum expoſitione concuſſionis per frigus rem totam proſectò admiratione digniſſimam ſatis perſpicuè demonſtrant. Cur autem orichalchum ſub torni ſcalpro acutè ſtridens ſtupefaciat dentes, eadem ratio eſt, ac cur acida, ſtiptica, immatura eandem noxam dentibus inferant, quæ non alia eſſe videtur, quàm talis nervorum motio, ut ſerè divellantur, unde difficultas illa, & repugnantia ad excipiendam preſſionem in dentibus quaſi laxatis per laxationem membranæ ipſos ſuccingentis, vel quæcunque eſt alia neceſſitas ab hoc ſanè non multum remota. Atque de his quidem hæcenus. Sed & convulſivis motibus annumeratur.

Tremor.

Huius nomine intelligunt Medici alternam eorundem muſculorū contra nitentium contractionem à debilitate proveniente, & luctari, ajunt, pondus partis cum facultate, quæ ut debilis modo ſuperat, modo ſuperatur; res autem ita ſe habet. Quoniam muſculi alternè contrahuntur, & cum ſuſtinendum eſt pondus per temporis ſpatium longius, quàm unica naturalis contractio fert, oportet, ut multæ, ſed frequentiffimæ contractiones repetantur, vel ut continuè contrahatur muſculus, per quantum temporis ſpatium requiritur, hoc eſt, ut continuè per illud ſpatium temporis ſpiritus deriventur in muſculos; igitur qui paucis ſpiritibus donantur, non ſolum apta ad frequentiffimas, & multas contractiones, vel una producta per longum tempus quantitate ſpirituum deſtituantur, verum fieri poterit, prout magis, ac magis deſciunt ſpiritus, ut muſculi contrahantur rariùs, quàm in naturali ſtatu, unde elevabitur, ac demittetur alterne pondus rariùs, frequentius, prout major, aut minor copia ſpirituum viget, ſeu in iſdem dabitur tremor crebrior, rarior. Hinc in ſenibus, in imbecillibus, in ſui ipſius diſſidentibus, qui nempe dubitant, num iis viribus polleant, quæ ſufficiant ſuſtinendo oneri, contingit tremor; per ejuſmodi enim ſuſpicionem jam excitatur tremoris ſpecies, imò verò ipſa ſuſpicio vicens nihil aliud eſt, quàm ipſa tremoris ſpecies jam excitata: hinc etiam validi in tremorem venimus, cum calicem vino nimis plenum tenere, & admove-re ori cogimur; ſtatim enim dubitamus, num tanti ſinus ad traducendum calicem abſque eo, quod vinum deſluat, cum opus ſit contractione maximè æquabili, atque continua, ejuſmodi autem dubium nihil aliud eſt, quàm ſpecies tremoris, qua actu vigente fiat tremor oportet. Et ſi quæ ſunt huiusmodi ex dictis obvia, & non minus ſcitu, quàm viſu jucunda, quibus immorari non libet.

Curationes.

Curatio huius affectus varia eſt pro varietate cauſarum, quæ ab inanitione ſit, rariſſimè contingit,

tingit, & incurabilis est, ideo illius therapie non immorandum. Authores humectantia omnis generis præscribunt & inunctiones ex oleis chylasticis. Ea verò quæ sit ab irritatione, ab aliis morbis dependet, & illorum curationi subicitur. Superest igitur ut convulsionis à repletionem curationem proponamus, quæ cum à pituita & flatu potissimum dependeat, ad illorum sublationem dirigenda est. Eaque primum à venæ sectione auspicanda, si sanguis abundet, & vires sint validæ. In qua tamen evacuatione satius est peccare in defectu, quam in excessu; cum illa causæ principali, quæ pituita est, contraria sit.

Post venæ sectionem, aut eâ omisâ, si conviens non sit, purgatio instituenda est per pilulas, quæ satis potenter evacuent (habita tamen virium ratione) juxta formulas, in frigida cerebri intemperie descriptas. His verò adjungenda sunt castorei gr. iij.

Si pilulas fastidiat Ager, potionis, pulveris aut alterius medicamenti forma usurpari poterit, prout dicto capite habetur.

Post purgationem admoveantur cucurbitulæ cum scarificatione, si sanguis non fuerit detractus, alioqui siccæ: primo quidem partibus remotioribus, postea affectæ parti vicinis. At si crura sint convulsa, natibus & lumbis applicentur: si brachia, collo, & scapulis. Hoc in omnibus observando, ut fluxio versùs originem retrahatur.

Vesicatorium etiam partibus affectæ oppositis utiliter admovebitur. Interim post primam purgationem, materia præparanda est apoze-mate descripto in curatione intemperiei frigida. Purgante quidem, si vires & reliqua consentiant: sin minus detractis purgantibus.

Finito Apozemate iterum Pilulæ exhibendæ, castoreum illis, & omnibus purgantibus adjiciendo.

Si apozema tantum alterans usurpetur, per illius usum clysteres acres frequenter injiciendi, quales in soporosis affectibus fuerunt propositi.

Fiant etiam inunctiones supra partem affectam linimento convenienti.

℞. Unguenti de althææ ℥vi. Ol. Terebinth. & chamæmeli. ana ℥i. Ol. lavendulæ ℥iij. Ol. vulpini ℥ss. Styracis liquidæ ℥ij. Fiat linimentum, quo inungatur pars affecta calidè frequenter, & spina dorli. Vel

℞. Ol. anethini & chamæm. ana ℥j. Unguenti martiati. ℥ss. Ol. petrolei & de spica, ana ℥j. Spiritus vini ℥iij. Misce.

Maximè laudatur axungia anatis, in sequentem modum parata.

℞. Anserem pinguem deplumatum, & exenteratum, quem reple materia sequenti.

℞. Fol. Salviæ majoranæ, & stæcad. ana. m. j. Gummi ammoniaci & bdelli, ana ℥j. Calami aromat. nucis moschat. macis, caryophyll. ana ℥ss. Contundantur in mortario, & malaxentur cum ol. Lumbricorum, postea includantur ventri anseris, qui benè consuatur, nè quid effluat, in veru assetur. Pinguedo extillans excipiat vasa aceto semipleno, eaque illinantur partes affectæ.

Efficaciùs operabitur, si usurpetur in sequentem modum.

℞. Pinguedinis prædictæ ℥vi. Oleor. ceræ, nucis moschat. & salviæ arte chymica extractorum, ana ℥ij. Misce, fiat linimentum.

Post inunctionem partes convulsæ contegantur pelle arietis adhuc calente: & cum refrigerit, si novarum non sit copia, recalescat Oleo anethino, aut simili valde calente.

Utiliter etiam parti convulsæ adhibentur pulmones vervecini calentes, tum etiam pulli columbini, catuli, galli, gallinæ per medium sectæ.

Pars etiam affecta in intima bovis aut vervecis aut majoris alius animalis, recens caesorum immittitur & ibi tamdiu detinetur, quamdiu animal calet.

Balnea ex decocto herbarum cephalicarum etiam conveniunt addita olei tertiâ parte, vel inunctis mox à balneo partibus convulsis.

Alii hoc Emplastrum commendant.

℞. Colophoniam ℥ij. Resinæ, picis navalis, ana ℥j. Thuris, mastiches, cerussæ, ana ℥ss. Sanguinis draconis, salis communis, salis Ammoniaci, Terebinth. ana ℥ij. Ceræ novæ ℥ij. Vitrioli albi ℥ij. Matris perlarum ℥i. Lapidis magnetis ℥ss. Succini flavi. ℥ss. Ol. ovor. ros. ana ℥ij. Fiat secundum artem Emplastrum, quod aluta inductum imponatur.

Præstantissima verò sunt balnea sulphurea, in diuturnis præcipuè convulsionibus. Conveniunt etiam balnea sicca seu vaporosa ex decocto Salviæ, rorismar. stæcados, chamæp. origani & similium cum vino albo lapidibus ignitis, aut scoriis ferri ignitis infuso.

Optimum etiam est fovere occiput & cervicem aqua vitæ calente.

Penotus sequens linimentum mirè prædicat, ad convulsionem brevi tempore dissolvendam.

℞. Ol. terebinth. ℥. ss. ol. caryophyll. gutt. vj. mucaginis bryoniæ q. s. ad consistentiam linimenti. Misce, inunge locum affectum cum radice sui nervi.

Alii oleum seu spiritum salis cum oleo terebinthinæ ceræ, chamæmeli & similium commixtum, membra convulsa citò restituere asserunt.

Linimentum sequens eximia est efficaciam.

℞. Butyri rancidi, & lardi veteris, ana quart. i. bdelli, ammoniaci, ana ℥. j. myrrhæ, castorei. an. ℥. ij. flor. stæcad. & anthos, an. P. i. nucis moschat. & garyophyl. an. ℥. i. catum parvum exenteratum, excoriatum, & in frusta divisum. His inferciatur Anser, & consuatur, ac torreatur in veru. Primus qui illabit succus magis aqueus abjiciatur; secundus verò pinguior, colligatur in vase aqueo semipleno, eoque illinantur partes convulsæ & tota dorli spina.

Interdum verò dolor ita intolerabilis sentitur, ut ad eum prius cura dirigenda sit, illi igitur convenit sequens linimentum.

℞. Olei Violacei, lilior. & chamæmeli. an. ℥. i. ss. olei amygdalarum dulcium, mastiches, & rosac. an. ℥. Misce inungatur pars affecta. Si potentiùs agendum sit, paretur sequens Balneum.

℞. Rad. althææ, & liliorum, an. ss. fol. malvæ, violariæ, origani, salviæ, absinthii, an. M. ij. sem. lini & scænuigr. an. ss. j. Decoquantur

quantur pro balneo, in quo diu non immoretur æger. Sed dolore sedato contestim egrediatur; sufficiet autem partes convulsas tantum immergere.

Alii parant balneum ex oleo puro, & si æger sit dives, in eo decoquunt Vulpem unam, aut alteram.

Dum hæc fiunt, cerebri expurgationi incumbendum est, apophlegmatismis & errhinis, suis capitibus descriptis.

Tum etiam eadem pars roboranda est opiata cephalica, aqua apoplectica, theriacali, aut alia earundem virium.

Rondeletius de aqua sua hirundinum hæc habet. Aqua ex hirundinibus & castoreo parata, exhibita convulsionem à repletionem subito cessare facit. Ejus descriptio est in cap. de Epilepsia apud Authorem dictum.

Lazar. River. Præcos Medic. libr. I. p. 17.

Quod spectat ad curationem, ejusmodi affectionum spasmodicarum, quæ in foeminis, aut viris à causa morbifica nervorum origines obsidente, procedunt. *Prima indicatio* erit morbi fontem subtrahere, scil. impedire, quominus sanguis particulas heterogeneas, aut in se genitas, aut aliunde à visceribus acceptas, capiti affigat. In hanc rem evacuatio & per catharum & per phlebotomiam nisi aliquid contra indicat, instituta, commodè adhiberi solet.

Vomitio sæpius juvamen præstat, quare emetica ex infusione croci metallorum, vel ex sale vitrioli aut vino scillitico ab initio propinentur. Deinde propediem sanguinis extractio aut phlebotomia in brachio, aut hirundinum suctu à venis sedalibus celebretur, dein postea lenis purgatio aut pilulis, aut apoze-mate solutivo instituitur, & tempestivè repetatur.

℥. Pilul. è succino Cratonis vel Tartarearum Bontii ℥ij. resin. Jalap. gr. xvi. Castorei ℥j. Olei rorismarini vel succini, ℥ss. Gummi Ammoniaci solut. in aq. hysterica q. s. f. Pilulæ 16. sumantur quatuor die quolibet sexto aut septimo.

℥. Rad. Polypodii qu. Lapathi acut. præp. Cherefolii ana ℥vi. Pæonia maris ℥iij. Fol. Betonica, chamædryos, chamæpityos, verbenæ, Veronica maris an. M. j. Sem. carthami, bardanæ an. ℥iij. Coquantur in aq. fontan. ℥iv. ad medietatem, adde vini albi ℥vj. Coletur in matracium, cui imponatur folior. Sennæ opt. ℥j. Rhabbarbari ℥vi. Turbith. Gummosi ℥ss. Epithymi, santal. citrini an. ℥ij. Salis absinthii, cochleariæ an. ℥j. Flavædinis cortic. Aurantii ℥ij. Digerantur clausæ, in calore arenæ per horas 12. Colatura usui servetur: edulcoretur (si opus sit) cum s. q. Syrupi Augustani, vel è cichoreo cum Rhabbarbaro. Dosis ℥vi. Semel aut bis in hebdomade.

Singulis diebus quibus à purgatione vacat, remedia cerebrum corroborantia, quin & spiritus animales, à copula heterogenea suscipienda, aut ab explosionibus ineundis, vindicantia, exhibeantur. De quibus tamen juxta ægrotantis temperamentum, corporis habitum, & constitutionem delectus quidam instituitur: nam gracili corporis habitu, & sanguini fervidiori præditis medicamenta minus calida, quæque sanguinem haud supra modum exagi-

tent, propinari debent: è contra phlegmaticis, obesis, quorum urina tenuis & aquosa est, atque sanguis hebetius circulatur, visceraque infarciuntur; remedia calidiora, & humores insigniter fermentare apta designentur. In priori casu ad hunc modum præscribatur.

℥. Conservæ flor. Betonica, Tamarisci, pæonia maris an. ℥j. spec. diamargarit. frigid. ℥ss. Pulv. rad. pæonia, & seminis ejusdem ana ℥j. Corallii rubr. præpar. ℥ij. Vitrioli Martis ℥ij. Salis absinthii ℥ij. cum s. q. Succi Aurantior. f. Electuar. Capiat bis vel ter in die, superbibendo haustulum Julapii infra præscripti.

℥. Corallii rubri cum Succo Aurantium in marmore, aut mortario vitreo triti, & exsiccati ℥ss. Pulv. visci q. rad. pæonia maris an. ℥ij. Sacchari perlat. ℥iij. f. Pulvis Dosis ℥j. ad ℥ss. bis vel ter in die.

℥. Specier. diamargarit. frigid. ℥ij. Salis absinthii ℥iij. Rad. Aronis pulv. ℥j. Misce, f. pulvis, dividatur in viginti partes, sumatur dosis manè & hora quarta.

℥. Pulv. rad. Petasitidos ℥j. dos. ℥ss. ad ℥j. bis in die.

℥. Folior. bardanæ, ari an. M. vi. incisa, & simul mista destillantur. Dosis ℥ij. ad ℥ij. bis vel ter in die post dosin Electuarii, aut pulveris.

℥. Hujus aquæ destillata ℥ij. Chalybis nostri præparat. ℥ij. Misce in phiala, sumantur eodem modo.

℥. Aq. Jugland. simplicis, Cerasorum nigr. an. ℥ss. Limacum ℥vi. Syr. flor. Pæonia maris ℥ij. dosis ℥ss. ad ℥ij. eodem modo.

℥. Rasur. Eboris, C. Cervi an. ℥iij. Rad. Cherefolij, bardanæ, valerianæ an. ℥ss. Folior. Betonica, chamæpityos, scolopendrij, summat. Tamarisci, an. M. j. corticum Tamarisci solani lignosi an. ℥ss. Coquantur in aq. fontanæ ℥iv. ad tertiæ partis consumptionem, adde vini albi ℥viii. Coletur in lagenam, cui imponatur folior. Beccabungæ, cardamines an. M. j. f. infusio tepida, & clausa per horas quatuor, colatura servetur in vitris occlusis. Dosis ℥vi. bis in die, post dosin medicamenti solidi. Interdum tali Apozemati infundantur chalybis nostri ℥ij. & sumantur eodem modo.

Tempore æstivo aquar. acidularum usus convenit; in earum defectu nostræ artificiales substituantur.

Quod si ob rationes supra citatas, medicamenta calidiora indicantur, juxta methodum sequentem procedere licebit.

℥. Conservæ anthos, flavædinis aurantij, Limonij, an. ℥ij. nucum Jugland. & Myrobalanor. condit. an. n. ij. Ligni Aloës, Santali citrini, rad. serpentariæ, contrayervæ, Angelicæ, ari an. ℥j. cum s. q. Condituræ nucum Juglandum f. Electuarium, sumatur bis in die q. Nucis moschat. superbibendo dosin liquoris appropriati.

℥. Rad. Pæonia maris, Angelicæ, Corallij rubri præpar. an. ℥ij. Sacchari solut. in aq. limacum, & ad tabulatum cocti ℥vi. Olei succini rectificatissimi ℥ss. S. a. f. Tabulæ, singulæ pendant circiter ℥ss. una aut altera sumatur bis vel ter in die, superbibendo dosin liquoris appropriati.

℥. Rad. Serpentariæ Virginianæ, contrayervæ, Valerianæ an. ℥ij. Corallij rubr. præpar. Margarit. an. ℥j. Cort. Winteran. rad. dictamni

Critici an. ʒj. Vitrioli Martis, salis absinthii an. ʒi ʒ. Extract. Centaurij ʒij. Ammoniaci solut. in aq. hysterica q. s. f. massa pilularis. Sumantur quatuor pilulae manè & hora quarta p. m.

℥. Spir. C. Cervi, aut fuliginis, vel sanguinis humani, vel salis Ammoniaci q. s. Sumantur gutt. 10. ad 12. mane, & vespere in cochleari Julapij, superbibendo haustulum ejusdem.

℥. Folior. Betonicae, verbenae, salviae, cardaminae, ari, bardanae an. M. ij. Jugland. viridium n. 10. cortices 6. aurantiorum & quatuor Limonium, cardamom. cubebae. an. ʒj. concisis; & confusis affunde seri lactis è pomaceo, aut vino albo facti ℥vi. destillentur s. a. dosis ʒij. vel iij. bis in die post dosin medicamenti solidi. Hujus ℥ij. adde Chalybis nostri ʒij.

℥. Aqu. Lumbricor. limacum an. ʒvi. Jugland. simplicis ʒiv. Raphani composit. ʒij. Sacchari albißimi ʒij. f. Julapium. Dosin cochlearia 4. vel 6. bis in die post dosin medicamenti solidi.

℥. Millepedum mundator. ℥j. Caryophyll. concis. ʒʒ. Superaffunde vini albi ℥ij. destillentur in cucurbita vitrea, dosis ʒiʒ. bis in die.

Pauperioribus, per remedia facilius parabilia ad hunc modum consulatur.

℥. Conservae folior. rutae cum aq. p. Sacchari factae ʒvi. Sumatur quantitas nucis moschat. bis in die superbibendo decoct. sem. & rad. bardanae in sero lactis cum vino albo parat.

Vel paretur conserva ex foliis Arboris vitae cum aequali parte sacchari, dosis ʒʒ. ad ʒj. bis in die.

℥. Pulveris Millepedum præpar. ʒiij. Sem. ameos ʒj. f. pulvis, dividatur in 10. partes, sumatur dosis bis in die, vel asellis 12. confusis cum vino albo affuso, exprimatur succus, f. haustus, sumatur bis in die.

Interea dum hæc remedia intus sumuntur, convenit interdum vesicatoriis in nucha, & pone aures applicatis ulcuscula excitare; ita namque serosi & acres humores à capite plurimum emulgentur: porro sternutatoria & apophlegmatismi non raro juvamen insigne præstant. Sanguinis detractio è venis sedalibus aut è pede aliquoties iterari debet, quin & urgente affectu, Emplastra, vel Cataplasmata plantis pedum utiliter adhibentur. Juvat etiam circa suras & femora epispastica admove. *Thom. Willis. de morb. convuls. cap. 5.*

Spasmus, seu Contractio, & Convulsio, Celso Nervorum distensio dicitur; intelligiturque morbus ille quo membra, præsertim musculosa, & nervis referta, contracta simul, rigida, & immobilia observantur. Differt autem convulsio à depravatis illis motibus, qui plerumque Epilepsiam comitantur ut propterea *Epileptici* dici soleant, aliis *Spasmodici*, & *Convulsi*; quoniam in his dum membra retrahuntur, variè contorquentur, & concutiuntur; Quamobrem differunt à Tremore, in quo motus membri spontis suæ est, fitque semper uniformis sursùm, deorsùm; secus, qui motus convulsivi dicuntur, sunt dispares, inæquales, inordinati, & varii.

Spasmus, alter Universalis, toti corpori contingens; alter Particularis, alicui tantum membro. Sub universali, comprehenduntur Tetanos, Emprosthotonos, & Opisthotonos, in quibus scilicet corpus adeò arctè occupatur, ut

flecti haud possit. In Tetano autem aequali robore in utramque partem anteriorem, & posteriorem intenditur. In Emprosthotono solum in anteriora curvatur. In Opisthotono demum ad posteriora tantum. Has omnes Convulsiones Celsus Rigores appellavit. Particularis adhuc multiplex est, pro partium contractarum diversitate. Unde Spasmus Cynicus, faciei: Strabismus, oculorum: Trismus, musculorum mandibularium: Risus sardonius, labiorum: Satyriasis, penis, Convulsiones appellantur. Huc reducitur spasmus ille, quem Græci *σπασμὸς φασσίδης*, & Itali *Cramsum* dicunt, vulgò Neapoli *Granco*, contingens plerumque tibiis, earumque suris cum maximo dolore; cumque à flatibus oriri putetur, idcirco Medicorum plurimi *Flatulentum* illum nuncupant.

Creditum est Antiquis cujuscumque spasmi causam, vel ad Repletionem, vel ad Inanitionem pertinere, autoritate Hippocratis 6. *Aph.* 39. dicentis *Convulsio fit vel ex repletionem, vel ex inanitionem*: Cujus sententiam sequutus Galeus in *Comm.* tradit exemplum à chordis, lorisque petiit, quæ tùm in humidiori, tùm in sicciori aëris constitutione adducuntur, & contrahuntur. Quod etiam confirmat 5. *Aph.* 1. *Sicut enim, inquit, foris videmus lora, & chordas tendi, ubi vehementius exsiccantur, aut multa madent humiditate; sic & in corporibus animalium, par est fieri non raro convulsionem.* Quamquam hoc loco meminit Galenus alterius causæ, quam ad vellicationem, & morsum oris ventriculi, nervis plurimis referti, retulit. Et 12. *meth. cap. ultim.* aliam causam addidit, videlicet intensum frigus, quale glaciæ.

At pluribus, hæc causas convellere nititur Thomas Erastus *disput. de Convulsione*; & fusæ etiam oratione prolequitur Sennertus in *Institutionibus Medicis*, ubi omnes Veterum de hac re opiniones, refert, & exagitat. Ipse verò Erastus neque musculos, neque nervos convulsionis causam subire existimans, tandem concludit in hoc affectu cerebrum principaliter affici à re aliqua mordaci, & vellicante, modo nondum satis perspecto. Et Sennertus depravatos musculorum motus convulsivos dictos fieri quidem à vapore, vel humore tenui, seroso pravo, & maligno, nunc hujus, nunc illius nervi principia vellicante; Convulsionem verò ipsam, nonnisi ab humore in cerebri medulla nervorum origine pertinacius hærente, hancque continenter stimulante opinatur.

Quandoquidem inter plurima, quæ ob stare videntur Hippocratis doctrinæ, speciale illud afferri solet non commodè distingui posse à Paralyfi convulsionem, si ab humore replente, ac obstruente, hæc pariter oriretur; propterea Riverius huic se putans difficultati satisfactorum, inquit, Paralyfim fieri ab humore pituitoso puro, & impermixto, qui partes potius relaxet, quàm distendat; Convulsionem verò, ab eodem humore, at pluribus flatibus consociato, à quibus nervi, & muscoli tendantur, ac versus suam originem contrahantur.

Paracelsus, & Helmontius peculiarem vitam masculis attribuunt, eo quòd post mortem aliquis adhuc in ipsis motus remaneat, sicuti in caudis, & partibus insectorum relictis experimur. Hinc convulsionem quamcumque putat Hel-

Helmontius ex naturali sensu, motuque eorundem musculorum, etiam aliquandiu post interitum superstiti, procedere, concitato tamen illorum spiritu. Quamobrem *de lithiasi c. 9. n. 128.* concludit: *omnem spasmus esse Blas vitale musculorum ex Archeo innato suscitatum, cujus occasio est malignum aliquod irruens in Archeum, musculorum vita insidians.* At verò Hermeticorum alii Mercurium sale acido imbutum, hujus morbi causam assignant.

Musculorum cum Tendinibus inflationem, amplificationemque inductam à flatu, à spiritibus, vel ab humoribus, convulsionis causam existimat Gerardus Blasius *in sua Therap. speciali.*

Willisius licet partium nervosarum irritationes, leviores spasmos asserere posse concedat; graviorum tamen originem constituit, crebras, vehementesque explosiones spirituum, animalium à particulis diversi generis maxime activis, atque nitro sulphureis, potissimum è succo nerveo suggestis, in nervos adjunctosque musculos; unde pari ratione id accidere arbitratur, ac ex accenso pyrio pulvere in bellicis Machinis, eosque ideò vehementer violenterque expandi, contrahi, & exagitari.

Denique Sylvius Leboë in ea persistit sententia, ut putet unicam convulsionis causam esse humorum acrimoniam, quæ membranaceas cerebri, cerebelli, & spinalis medullæ, nervorumque omnium partes ita vellicet, & malè afficiat, ut subindè consequatur impetus spirituum animalium in musculorum fibras, adeoque spasmus, seu convulsio. In cujus opinionis argumentum multa affert, quæ idipsum suadere videntur, sed potissimum historiam memorat Caroli IX. Galliarum Regis à Paræo relatam, atque alteram cujusdam Chirurgi Amstelodamensis, qui ex punctis nervis convulsiones gravissimas passi sunt.

Illud autem animadvertendum occurrit, haudquaquam perpetuò cerebrum, cerebellum, spinam, & nervos affici oportere, ut membra convellantur; cum aliquandò absque proxima cerebri, & nervorum læsione convulsiones accidunt, ut accuratissimè notat Helmontius, sed satis est si muscoli, illorumque fibræ carneæ afficiantur. Neque insuper cum nervi punguntur aut aliter læduntur, spiritus animales (quos fingere non est necesse) in vehementem, ac tumultuarium motum credendum concitari; cum hæc, & alia quæ his affectibus accidunt symptomata, à sola fibrarum contractione, & liquoris nervorum depravatione oriri possint; unde est ut nervi puncti convellantur, cæsi verò minimè; quia ex punctione aliæ ab aliis fibræ inæqualiter flectuntur, retrahunturque; in cæsura verò æquè complicantur, laxantur, aut retorquentur.

Quæ ex Anatome hætenus licuit observare, cerebrum, ejusque meninges, plexus, spinalem medullam, nervos, diaphragma, ventriculum, intestina, renes, ureteres, aliavè viscera affecta in hac ægritudine designarunt, à sero acri, sanie, pure, abscessu, ulcere, inflammatione, veneno, vermibus, calculis, lotio diutius retento, lochiis suppressis cum placenta uterina, aliisque similibus; ut meritò existimet Helmontius omnem, & quamcumque corporis partem sensu præditam, posse convulsiones subire, si nimirum à re vellicanti, & acri stimuletur. Sic pariter ab

usu Hellebori, aliisque cathartici, à frigore nimio, à caustico medicamento, à vulnere capiti inflicto, à punctura nervi, ab acuto odore, luxatione, subito terrore, vehementi animi passionem, ictu venenato, aliisque innumeris, convulsiones, motusque depravatos esse passim testantur historiae.

Quamvis autem abstrusa nimis sit causæ hujus investigatio, ut illam omnino desperaverit Averroës, nullo tamen planè negotio Morbus ipse cognoscitur, atque à cæteris distinguitur: etenim eo partes primùm irregulariter moventur, & contrahuntur; mox verò obrigescent, & nec flecti, nec extendi possunt; dolor tamen plerumque illas excruciat: quare faciliè à Paralyti, seu Resolutione internoscetur. Cæterum tetanus, emprosthotonus, & opisthotonus ex supradictis faciliè dignoscuntur; sicut etiam spasmus cynicus, strabismus, & reliqui, de quibus infra.

Periculosa est, & lethalis hæc affectio, eoque magis, quò plures, vel omnes simul partes convelluntur à cerebri vitio. Hippocrates 5. Aph. 1. Convulsionem ex helleboro lethalem esse scribit; sicut pariter ex vulnere text. 2. atque à sanguinis profluvio text. 3. & 7. Aph. 9. itemque ex nimia purgatione, atque ex ebrietate eodem 5. Aph. text. 4. & 5. & 7. Aph. 25. Similiter ab Ileio vomitus, singulus, convulsio, aut delirium, malum dicitur 7. Aph. 10. Malum quoque in fluxu muliebri, si convulsio, & animi defectus adveniat, 5. Aph. 56. Atque etiam si in acutis febribus convulsiones, & circa viscera dolores vehementes fiant, 4. Aph. 66. necnon ex somnis timores & convulsiones text. 67. Si præterea diurnam vigiliam consequatur 7. Aph. 18. Et æstum immodicum text. 13. In febre verò non intermittente. Si labrum, palpebra, vel supercilium, vel oculus, vel nasus pervertatur, vel non videat, vel non audeat, jam debili existente corpore, mors proxima est. At de Testano speciatim adnotat, intra quatrimum interimere, post hoc tempus verò incolumes ægotantes evadere 5. Aph. 6. & lib. de judicat. Mulieri autem utero gerenti, si Tetanus superveniat, facit abortum 7. Aph. 27. Convulsio demùm, quæ phrenitidem sequitur, lethalis dicitur Aëtio *tetrab. 2. serm. 1. cap. 131.*

At contra melius sperandum si convulsioni febris superveniat 2. Aph. 26. Nam qui à convulsione aut distentione nervorum tenetur, febre superveniente, liberatur 4. Aph. 57. A quartana capti non admodum convulsionibus corripuntur 5. Aph. 70. Si verò prius capiantur, & quartana superveniat, liberantur. Et lib. de judicationibus in fine. A convulsione, aut distentione nervorum vexato, febris accedens, solvit morbum; & si à febre detentum convulsio corripuit, sedatur febris eadem die, aut postridè, aut tertia die. In ulceribus autem, si tumores appareant, non admodum ægroti convellantur, neque insaniunt. Verum his repente evanescentibus, illis quidem, quibus à tergo convulsiones, & tetani fiunt: quibus autem à fronte, insania, vel dolor lateris acutus, vel suppuratio, vel difficultas intestinorum, si tumores sunt rubicundi 5. Aph. 65.

Quæ adversus hunc morbum à Medicis commendantur, plurima sunt. Hippocrates lib. 3. de Morbis in Tetani medelam hæc commemorat: Catapotia ex pipere, & verato nigro devoranda date, & jusculum volucrum pingue calidum: indu-

cende sunt etiam multa sternutationes, & fomenta adhibenda; & partes dolentes calido oleo, & multo, & sæpe illinantur. In Opisthotomo verò specialiter aquam frigidam plurimam superinfundi docet, contactis postea partibus vestimentis tenuibus, puris, & calidis: quod remedium etiam in Tetano convenire subdit; unde *Aph. 21. lib. 5.* scribit: *In Tetano sine ulceratione, juvene bene carnosio, ætate media, frigida aqua multa perfusio calorem revocat: calor autem Morbum solvit.* Insuper *lib. de Internis affectionibus in fine* Linimenta calida instituit, & ad sudorem patientis corpus disponendum monet; interea verò mulsam tepidam, & vinum album quàm jucundissimum, multum bibendum esse.

Quoniam verò à plerisque putatur spasmus quilibet, vel à Repletionem vel ab Inanitionem progigni; propterea quem ex Repletionem, & præsertim à crassis succis ortum credunt, evacuantibus, & attenuantibus medicamentis curandum aggrediuntur; at ex inanitionem, per febrim ardentem, aut hecticam, immodicas evacuationes, & similes; humectantibus impinguantibus & nutrientibus.

Ab his, qui convulsionem opinantur à pravo, & irritante humore excitari, Medicamenta ad illius remotionem correctionemque diriguntur. Et Sennertus quidem Idiopathicam convulsionem tollere conatur missione sanguinis, si is fortasse abundare videatur; Sin minus, cucurbitulis cum scarificatu, autoritate Æginetæ: mox purgante medicamento utitur, & clysteribus acrioribus; Tandem ad Topica devenit per lituras ex pinguedine animalium, oleo philosophorum, juniper. laur. rut. terebinth. lumbric. terrestr. Adhibet quoque balnea etiam vaporifera, & sulphurea. Interea tamen intrinsecus assumenda commendat castoreum cum mulsâ, vel ejusdem castorei essentiam in aqua salviæ, & aquam hiruindinum compositam, præter alia, quæ apud eundem legi possunt. In sympathica verò, si ex consensu ventriculi, neglecto vomitu à Galeno commendato, nisi ab æruginosa bile fiat, potius utitur pilulis per alvum subducentibus, aut clystere acri. Si ab utero, remediis eundem repurgantibus, memoratis à Galeno 6. *de loc. aff. cap. 5.* Si ab ictu venenato, Alexipharmacis. Si à vulnere, vel punctione nervorum, quibus phlegmone præcaveatur, & vulnus consolidatur, absterfa sanie, sedatoque dolore; & si opus sit, secto adhuc nervo, terebratoque cranio, si meninges malum invaserit. Si postremo fiat à flatibus, illos discutientia affectæ parti adhibet. Huic methodo inhæret quoque Gerardus Blasius.

Apud Paracellum, & Helmontium nihil peculiare est, quod ad spasmum curationem pertineat; nisi quod oleum Terebinthinæ calidum commendant, cum ille vulnera consequitur. Verum Petrus Jo. Faber sententiam eandem sequutus, huic morbo occurrit, cathartico antit. deinde partem convulsam illinit essentia salviæ, oleo ceræ permista, iterato etiam, si opus sit, eodem cathartico.

Sicut à Willisio varius fomes proponitur, undè convulsiones, & convulsivi motus oriuntur; ita in illius subtractionem plurima admittuntur, sed præcipuè, Phlebotomiæ, cathartica, emetica, cæteraque in Epilepsia memo-

rata. Quoniam verò ad hos affectus revocat Hystericam, & scorbuticam affectionem, extremam saltationem à morfu (ut creditur) araneæ Tarentinæ, Choream S. Viti, aliasque ægritudines; his quoque speciatim occurrere adnoscitur medicamentis antihystericis, & antiscorbuticis dictis, quæ fusè idem Auctor commemorat.

Postremo Sylvius Leboë pro varietate causarum, quas spasmus inferre posse suspicatur, variam quoque exhibet medendi rationem. Primum autem fusa oratione prosequitur historiam & curationem institutam à Paræo in Carolo IX. Galliarum Rege ex nervi punctione; mox huic medendum subdit oleo terebinthinæ calenti cum spiritu vini, Et si his nec dolor, nec convulsio desinat, omnino rescindendum esse nervum suadet. Ex contusione, & fractura Cranii, Terebræ usum adhortatur, superimposito deinde oleo Terebinthinæ cum spiritu vini. A combustionem, commendat oleum expressum è nucibus juglandibus, & seminibus Rapæ: itemque Cerulam, aut minium in aceto stillatio solutum, atque instar linimenti cum oleo redactum. Ab acrimonia demum humorum conferre existimat Thermas sulphureas, vel balnea arte parata ex sale tartari in calcem redacti, cum sulphure ritè permisto, & in congruenti quantitate aquæ diluto. Prodesse etiam putat olea, & axungias præsertim humanas, & anguillarum, quibus affectæ partes liniantur; necnon fomenta, emplastra, & cataplasmata ex herbis calefacientibus, sale volatili, & oleo abundantibus. Intrinsecus verò sudorifera sale etiam volatili prædita, maximèque spiritum Tartari cum aqua theriacali, aut vini spiritu purissimo permistum; omissis acidis, quæ convulsis nocua omnino dicuntur.

Propria demum in his affectibus medicamenta recensentur, præter antiepileptica superius memorata, Plantæ omnes in aquis crescentes ex Petræo; præsertim autem Nymphæa, itemque Mandragora, Napellum, faba inversa; Ægineta Acanthi radicem, & spinæ albæ semen magnificat. At præstat uti castoreo, ejusque essentia cum aqua salviæ. Thomas Willisius præter alia plurima, hæc facilius parabilia usu approbat; Nempe *pulv. millep. prepar. 3 iij. & sem. ameos 3 j. divid. in 10. partes; & binas exhibet in singulos dies.*

Itemque *Asell. xii. contund. ac ex vino albo effuso exprim. succ. & f. haust. bis in die.*

Externè verò contulisse visa sunt olea, & linimenta ex adipe vulpis, catellorum, mustelæ; sicut etiam ex lumbricis, terebinthina, castoreo, galbano, ammoniaco, anetho, liliis. Horstius affirmat nervosas, & musculosas partes emplastro oxycroceo roborari. Et Davissionius laudat oleum Terebinthinæ, succini & ex lateribus elicatum: ex quibus sequens linimentum componit Rolfinchius spinæ admovendum. *Unguent. Martiat. 3 j. Aregon. 3 ij. ol. vulp. & terebinth. singul. 3 ss. stillat. succin. 3 j. rorismar. 3 ss.*

Apud Riverium in Observationibus communicatis testatur Pachequs hoc alio juvenem toto corpore convulsam statim expedite ambulasse, esseque remedium divinum; idque habet *butyr. rancid. & larid. veter. singul. quart. j. bdell.*

bdell. & ammoniac. singul. ʒj. myrrha, & Castor. singul. ʒiij. flor. stachad. & anth. singul. p. j. nuc. myristica, & caryophyll. singul. ʒj. catum parvum exenteratum, excoctum, & in frusta concisum. His infarciatur anser, & co-suatur, ac torreatur in veru. Primus qui defluet succus, abjicitur, secundus colligitur in vase aceto semipieno, quo liniatur spina cum partibus convulsis.

Simile huic est aliud, quod describitur à Foresto. Anser pinguis evisceratur, atque in eo minutim incilius imponatur felis cum larido, myrrha, & thure confusus, inque veru torreatur, vase aceto pleno supposito; prima pinguedo destillans abjicitur, sed quæ paulò post extillat usui reservetur. Postea Anser bulliat in eodem aceto, & pinguedo supernatans separetur, & cum prima commisceatur, quâ convulsa membra inunguntur. Eâ Gatinariam quandam curasse refert, cui pedes convellebantur, neque dissimili successu in aliis usum. Addit insuper se vidisse quosdam à dolore liberatos solo balneo olei communis cum decocto vermium terrestrium.

Laudat & aliud Penotus; quod habet *ol. Terebinth. vel olei alb. bass. ʒss. ol. caryophyll. gutt. vj. mucilag. bryoniae q. satis ut fitu consistens linimentum, quo calido partes inunguntur.*

P. Bayrus in filio Ducis Sabaudia: usus aliquando fuit *ol. viol. decenter calido supra cervicem intillato.*

Quod si convulsio sit ex vulnere efficacissimum est oleum lavendulae stillatitium, tam interne ad guttas aliquot, quàm externe parti vulneratae, vel nervo puncto adhibitum. Extollit etiam Mynsicht suum balsamum polycresum itemque balsamum, & unguentum spasmatikum, si his membra affecta, & spina foveantur. At ex veneno, vel ictu venenato, refert Petrus mirum illius vim infringere scabiola: usam cum vitello ovi, & pauxillo theriacæ mistam, & superpositam.

Convulsiones epilepticas à malignitate humorum creditas curavit Riverius in puero decennali, promotò primùm vomitu, & alvi dejectione, mox verò exhibito oleo succini, & spiritu vitrioli singul. ad gutt. v. in aqua betonica; ac postremò potione alexipharmaca roborante cum bezoardico joviali. A cæteris causis inductas, remotione, correptioneque earundem, prudens Medicus pro re nata moderabitur.

Pro Coronide addendum Tincturam florum hyperici Tremori manuum, aliarumque corporis partium specialiter conferre ex Francisc. Deckers. Capitis Tremores in senibus curari scribit Borellus fimo Pavonis ad ʒj. in suff. quantitate aquæ vitæ soluto, & ter matutinis horis assumpto. Platerus singulare remedium habet electarium *Orvietanum* dictum. Testaturque Forestus sibi à fide digno Pharmacopæo communicatum esu cerebri Leporis affati Aurificem quendam Bruxellensem à Tremore incolumem evasisse. Et Bayrus mirabiles prædicat has pilulas, in quibus sunt: *Castor. pyrethri, & cinnam. singul. ʒiij. pulp. colocynth. & serap. singul. ʒiv. hiera picra ʒv. hac liquore convenienti excepta rediguntur in massam. Dosis ʒj. vel ʒiv.*

Interea tamen vult assumi bolum ad magnitudinem nucis ex his pulveribus concinnatum,

singulo mane: certò enim convalliturum ægrum, inquit. *Myrobal. nigr. ʒvj. sab. ʒij. oliv. ʒiv. Cyper. cost. & calam. arom. singul. ʒiv. omnia in pulverem redacta cum passulis commiscet.*

Extrinsecus vero plurimum conferre monet idem Forestus lotionem sæpius iteratam ex urina pueri, vel propria. Si ex Mercurio tremor accidat, salutare dicitur decoctum radiceis enulae epotum, & sulphur solare antimonii, vel cinnabaris ejusdem; externè verò unguentum pretiosum ex Auro Zacuti, atque aurum ipsum ex observatione Riverii, & Thom. Bartholini. Cæterum ad Tremorem ob languorem Nervorum, & succi nervei resolutionem commendatur essentia florum anthos, & ambrae griseæ, Aqua vitæ Matthioli, tinctura alchermes, oleum cinnamomi, spiritus formicarum, seu elixir magnanimitatis: atque externè oleum stillatitium ex baccis juniperi, essentia lavendulae, oleum balsami, & balsamum rubicundum Mynsichti.

Quod autem dicitur, Tremoris causam esse improportionem potentia: moventis ad membrum motum, quod scilicet nequeat sustineri à debili virtute: non levem difficultatem patitur, cum compererim juvenes cæteroqui robustissimos in quibusdam motibus tremulas manus habere; & iratos toto corpore contremiscere. Quidam solius capitis tremore laborant, aut etiam solius manus dextræ, vel sinistrae. Unde crediderim affici potius in his nervorum fibras, & motrices musculorum, inæqualiter concitatas à vapore acido, vel acri ex sanguine, vel succo nerveo procedente, valde simili ei, qui provenit ex perturbato sanguine in subito timore, vel furore. Possunt etiam motrices fibrae musculorum inæqualiter concitari & adeò velociter, ut inter sese non congruant, nec motus unius alterius motui conveniat: Quâ ratione putarim tremorem exurgere in iratis, & violentioribus, ad eum fermè modum, quo lingua in his qui memoriâ aliquid recitant, titubare solet. *Lucas Tozz. Medic. Pract. lib. I.*

In Spasmo & Convulsione.

℞. Bezo. rd. C. C. ʒss. Essent. vulner. ʒi. Tinct. Castor. Croci ana gt. xii. Salm. ocul. canceri ʒj. aq. centaur. Hyperic. ana ʒj. Misc. f. sudoriferum, seu.

℞. Bezoardic. C. & ungu. Alcis ʒi. Antimonii diaphoretic. ʒj. Sal. ocul. cancer. ʒss. Tinct. castor. Essent. succini ana. gt. xv. Vulnerar. ʒj. Aq. Lavendul. Centaur. ana. ʒj. Misc. f. sudoriferum.

Si malignæ associati sunt febri.

℞. Bezoardic. corn. cervi, Tinct. Bezoardic. ana ʒss. Sal. ocul. Cancer. ʒi. Extr. croci gr iij. Rob. sambuci, Juniperi ana ʒj. Aq. Alexipharmac. ʒij. Misc. f. sudoriferum.

℞. Bezoardici Viperini ʒj. Extr. gentian. Angelic. Zedoaria ana ʒss. Tinct. Castor. Essent. succin. ana gt. xv. Aq. Alexipharmac. ʒij. Misc. f. sudoriferum.

Convulsione ex canis rabidi, aliorumque venenatorum animalium morsu orta.

℞. Bezoardic. Viperini ʒj. Tinct. Bezoardic. ʒi. Lap. Bezoar. ʒss. Rob. Juniperi ʒij. Aq. alexipharmac. ʒij. Misc. f. sudoriferum.

In India.

℞. Bezoardic. corn. Rhinocerot. Corn. Alcis ana ʒss. Tinct. Bezoartic. ʒij. Sal. Volatil. oleosi Zerumbeth ʒss. Rob. Sambuci Indic. ʒj. Aq. camphor. Zerumbeth ana ʒj. Misce. f. sudoriferum. Aut.

℞. Bezoardic C. C. Viperin. ana ʒss. Ess. ligni colubrin. gt. xxii. Sal. Volatil. Zerumbeth ʒss. Rob. Sambuci Indic. ʒj. Aq. Zedoariae, Rad. cinnam. sylv. ana ʒi. Misce. f. sudoriferum sive.

℞. Theriac. Ceylonic. ʒij. Aq. Zerumbeth. Camphoræ ana ʒi. Misce f. sudoriferum.

Si in Hysterica passione membra convelluntur.

℞. Bezoardic. C. C. C. Alcis ana ʒss. Tinct. castor. ʒss. Solutionis asæ foetidæ, galbani ana gt. v. spir. Tartari, fuliginis cinnamomi ana gt. v. Aq. Pulegii, Naphæ ana ʒj. Syr. Artemisiæ ʒss. misce f. sudoriferum.

Cum verminatio spasmus causatur.

℞. Bezoardici C. C. ʒss. Tinct. castorei gt. vi. aq. Tenellor. cervi ʒj. Misce f. sudoriferum. seu.

℞. Bezoartic. C. Rhinocerotis ʒss. Tinct. Corall. ʒss. Castor. gt. v. Aq. Tenellor. cervi ʒj. Misce. f. potio.

℞. Bezoartic. C. Rhinocerotis ʒss. Tinct. succini. Castor. ana gt. vi. Syr. perlarum ʒij. Aq. Rorismarin. absinthii. ana ʒss. Misce. f. potio.

Pulvis.

℞. Cran. human. ʒj. Sal. Cran. human. Aromatic. Succini volatil. ana gr. v. Butyr. perlarum ʒss. Extr. Croci gr. iij. Sacchar. perlati ʒij. Misce f. pulvis, pro 3. dosibus.

Adultis, tam antecedentia, quam consequentia in majori exhibeantur Dosi.

Evacuantia.

℞. Sulphuris antimonii gr. iij. Mercurii dulcis gr. x. Resin. Jalapp. gr. iij. Conserv. violarum ʒij. Misce. fiat bolus.

℞. Extr. Rhei ʒij. Mercur. dulc. gr. xii. Resin. scammon. gr. iij. Sem. Zedoariae gr. xv. Conf. Rosarum ʒij. Misce f. Bolus vel.

℞. Extr. Rhei ʒss. Resin. Jalapp. gr. iij. mercur. dulc. ʒss. Conserv. Rosar. ʒi. Misce. f. bolus. Sive.

℞. Syr. Cichor. cum Rheo ʒj. Chalybeati. ʒss. Misce. *Herm. Nicol. Grimm. compend. Med. chim. lib. 1.*

Consultationes.

Mercator egregius, quinquagenarius, temperamenti totius calidi & humidis, carnosus habitus, capitis humidioris, cum mense Decembri à Nundinis Germanicis; Patriam repetens, nebuloso atque pluvio cælo, imbris cum vento ingruentibus non procul ab urbe propria, itinere non intermisso, capite & tergo maderet, tandem domum perveniens à domesticis expositus, linteisque calidis deterfus & excalesctus, cum alacriter cænasset merumque potasset largius, cubitum concedens somno se tra-

didit. Tunc verò sub noctem mediam de occipitis dolore conqueri cœpit, ad spatulas protenso, itaut non amplius supinus cubare posset, capite ad posteriora converso, quo affectu cum dolore, magis magisque celeriter ingravescente, summo mane cum Medico domestico accitus ego, ut de agendis simul ambo consulere-mus, inveni Patientem capite ad posteriora retracto convulsus cum dolore & sine febre.

Motus capitis ad posteriora, quanquam naturalis possit esse si voluntarius sit, quoniam naturaliter quilibet musculus ad proprium principium movetur, quia tamen in nostro Patientem id citrà voluntatem, violenter, & cum dolore fieri videmus, ideo motum hunc depravatum, & Convulsionem nuncupandum esse omnino asserendum, quæ quoniam ad posteriora sit, Opisthonos, sicut ad interiora, Emprosthotonos, & ad utramque partem, Tetanos vocanda foret. *Si enim anteriores tantum musculi, dexter & sinister tendantur, tota cervix annuit, sin posteriores, renuit, si omnes quatuor, recta permanet.* Est itaque symptoma facultatis motricis depravate læsæ: depravatur enim primò, quia motus est violentus, secundo, quia præter voluntatem, tertio, quia cum dolore. Cum autem voluntarii motus proprium instrumentum sit musculus, musculi Trapezii, sive Cucullares, & forsitan etiam Splenii, atque complexi erunt pars affecta, unde singultum convulsionem esse negavit ipse Gal. quia ventriculus musculus non est, convulsio autem solis musculis accidit. Ideò concludit, quod ventriculus, sicut & uterus, convulsivo modo moventur, adeò ut contrahi, at non convelli dicantur. Et licet nervi motricem facultatem ad musculos devehant, instrumentum tamen motus immediatum musculus est, prout Auditus & Gustus, non solus nervus, sed auris & lingua sunt propria instrumenta.

At quoniam musculus est pars organica, in convulsione læditur quidem, sed ad nervorum læsionem; non enim puncto musculo sequitur convulsio, ut necessario puncto nervo illico motus convulsivus, quo perdurante vera convulsio accidit, quæ licet succedat quoque puncto tendine; nervi & ligamenti substantia componitur, sit tamen ratione nervosæ substantiæ. Ideò dicebat Gal. quod *tendo minus convulsionem patitur quam ipse nervus.*

Causa hujus affectus in casu nostro, non potest non esse alterutra harum, cum Hippocrat. repletio nimirum, aut inanitio, siquidem in convulsione tertiam nunquam observare potuit Gal. Et licet Avic. tertiam causam invenerit, spasmus scilicet proportionati ad materiam, dicens, & *quando sit spasmus qui ad materiam non proportionatur, eventus causa rei, à qua nervi fugiunt & congregantur ad expellendam ipsam, &c.* Causa tamen hujusmodi est motus convulsivi, non convulsionis, cujusmodi sunt in Epilepsia, quam ideo Gal. appellabat convulsionem non perpetuam. Repletio autem, non inanitio est causa præsentis affectus, non quidem à flatulenta materia, ut Casalpino, necnon Fern. placuit, ab hac enim potius spasmus flatulentus, Granfo dictus, citò evanescens enasci solet, sed ab immodica humiditate imbrum in capite adaucta, & externa frigiditate densata, quæ à largiori vini meracioris potu liquata, ad nervorum sub-

stantiam præfatorum musculorum sese insinuat, & eosdem replevit, unde Lyre chordæ instar intumescunt, breviores facti, & ad suum principium contracti convulsionem excitant.

Neque credo, frigiditatem ad convulsionem hanc efficiendam concurrere, ut causam exprimentem, & inanitionem inducentem, curationem enim diversam postulet, sed potius quatenus cogit & cohibet materiam ipsam, quod expressis verbis Gal. explicuit dicens. *Algor autem & frigiditas omnis, eo quod omnia nervosa corpora efficiunt ad distendendum difficilia, sunt causa ut hæc repleantur.* Addo ego, & si exprimunt, materiam potius ad nervos, non à nervis exprimunt, sicque repletionem, non inanitionem adjuvant.

Affectum hunc superari posse confido, quia Patiens robustus est, nec malum ulterius propagatur, multò namque difficilior esset, si ad partes quoque inferiores serperet, prout difficillimus, imò plerumque lethalis foret Tetanos; Distensio dictus; *Quatuor enim dierum spatio interficit; quoniam ait Gal. in Com. ultra naturam tantum laborem tolerare non potest.* Diuturnus tamen esse posset, juxta materiæ conditionem, partis enim laborantis natura, nervosa scilicet, cum densa sit, materiam imbibitam non adeò facile elidi permittit, aut resolvi, quam difficultatem auget anni tempus frigidum.

Statim igitur ineunda curatio, Evacuantibus, attenuantibus, Resolventibus, & Roborantibus.

Quibus ordine executivo satisfaciendum. Quare omnium primò Clyster injiciatur acris, hæc formulâ.

℞. Decoct. Mercur. Betæ, Pariet. Chamæmel. utriusque Centaur. ℥j. Mel. Ros. fol. Ol. Chamæm. an. ℥iij. Elect. Diaph. ℥ss. Vitel. ovim. pro clyst. inde præbeatur hoc leniens.

℞. Mel. Ros. salpet. ex man. clarif. an. ℥iij. Aq. Cinnam. parum m. f. p. Primum præparans sit hujusmodi.

℞. Mel. Ros. simpl. oxym. simpl. an. ℥i℥. Aq. Cinnam. ℥ss. m. pro Syr. & ita pro v. aliis. A quibus.

℞. Pot. ex man. clarif. ℥vi. addendo infuscolat. Agar. troch. ℥ss. & Aq. Cinnam. ℥ss. m. cui superbibat multam dilutam ad ℥ij. Præparans alterum ita parabitur.

℞. Decoct. Cich. Borrag. Melif. Beton. Ivæ, salv. rorism. Major. Prim. Veris ℥vi. Syr. de Beton. oxymel. simpl. an. ℥j. Aq. Cinnam. cochlear. m. pro Syr. & sic pro aliis decem, & quinque transactis diebus, assumat hujusmodi pil.

℞. Pil. de hiera cum Agar. Aggreg. Coch. præpar. an. ℥ss. m. ref. Pil. & aur. sub finem verò Syr. has assumat.

℞. Pil. fætid. coch. præparat. an. ℥ij. Mast. ℥j. m. ref. pil. & aur. Pilulæ namque fætidæ aptissimæ sunt, ut considerabat Cæsalp. ut potè quæ & Castoreum, & succos ferulaceos contineant, nervoso generi amicos.

Inde ad Topica, tum interna tum externa est deveniendum. Inter interna Theriaca commendatur à Gal. sicut extollitur quoque Castoreum. Confect. Anacard. à Rhazî, ut quæ & sudorem provocare, & febrem excitare possit, convulsioni utilissimam. Succum Cyrenaicum

commendant Paulus, & Ætius. Interim sternutatoria quoque exhibet Hipp. ad movendam & discutiendam materiam, quæ & in casu nostro convenire poterunt, nisi forte à vehementia doloris prohibeantur.

Inter externa in usum veniunt inunctiones, Illitus & potissimum balnea. Inunctiones, à Nucha per Spinam, ex oleo chamæm. lil. alb. cum arom. Vulp. & de Cast. quas tamen præcedant spinæ frictiones, factæ squilla per medium incisa. Illitus fiant ol. nucis moschat. per express. extracto, vel paretur efficacissimus ita.

℞. Felem exenteratum, & in frustula minuta concisum, indatur in ventrem Anseris, addendo Thuris, myrrhæ, an. ℥iij. Stirac. culam. cast. an. ℥ij. Rorism. major. flor. lavend. Anethi an. p. j. consuatur anser, & ad ignem, de more, affetur, subjiciendo sartagine Acet. ros. femiplenam, in aqua liquor emanans colligatur pro quotidiano illitû.

Quibus non sufficientibus, in Balneum descendat Patiens, & primò quidem ex oleo paratum, ut monet Celsus, & Paulus, tum ad dolores demulcendos, tum ad nervosam substantiam emolliendam, & solventibus viam aperiendam. Oleum autem sit commune, sed subjecta decoctione emolliente & aperiente, ex flor. Chamæm. Melil. Pulegii, Calamen. Abrotani, Salviæ, Hyper. radicibus lilior. alb. althææ. Cui succedat resolvens ex aquis sulphureis paratum, quales sunt Aponitanæ nostræ, in quo parum etiam sudare poterit Patiens. Tandem corroborantia aliqua in usum ducenda, ut quinta essentia rorism. rotularum forma, Conf. è flor. Salviæ, rorism. Beton.

Congrua tandem vivendi ratio adjicienda, attenuans, & mediocris inter tenuem & crassam. Vinum vetus paucum concedit Avic. multum enim ut causa procatactica, convulsiones excitat, concedatur itaque album sassafras medicatum, à Coturnicum esu omnino absteineat. Capitis motum ad anteriora vi aliqua convertat & salutis futuræ certus alacri animo vivat. *Raym. Joh. Fortis Consult. T. 1. Cent. 1.*

Sereniss. Dux 7. annum agens, temperamenti totius & jecoris, calidioris, habitus potius gracilis, atque adeo ad actiones tum animi tum corporis promptissimus & aptissimus, Patre Sereniss. defluxionibus arthriticis atque podagricis obnoxio natus, tribus abhinc annis, præter pustulas plures corporis partes obsidentes, fluxionem quoque ad aurem passus surdaster cum evasisset, iisdem cauterio brachio inusto evanescentibus, auditum perfectè, ut antea recepit. Hoc autem tempore ab assidentibus observati fuere motus quidam convulsivi, modò unius, modò alterius brachii, quos tandem sensit quoque Sereniss. ipse in occipite, adeò ut quandoque ad posteriora caput convertere cogatur, qui ingravescent inclinante æstate & in eunte autumno, & gravius quidem ab ambiente frigidiori. Sub idem verò tempus passus est quoque apostema in gingivis, & sæpè ad genas fluxionem, quæ semel tantum ad manum quoque descendit, sensus tamen & motus, sicut & functiones omnes principes, semper illæ sæ ac vegetæ fuere. Modo hoc autumnali tempore quid facto sit opus à te, Prudentiss. Vir quarimus, ut qui, sicut aliàs præsentia, ita modò

scriptis præsto sis in Serenissimi atque Clementissimi Ducis Auxilium. N. N.

Præstantissime Vir. Dum pro Sereniss. Pueri salute solam præservativam Medicinæ partem, non verò curativam administrare animus est, res pro voto succedit, quod summa prudentia, qui polles, futura longè prospicere & prævertere potueris, non verò præverti. Itaque ego tecum perpendens symptoma in actione motrice depravatè laesa, tribus ab hinc annis per intervalla Sereniss. Puerum infestans, motum convulsivum tum brachiorum, tum occipitis, potius quàm convulsionem jure nuncupandum censeo, quem ad differentiam veræ convulsionis, convulsionem non perpetuam appellabat ipse Galen. ut propterea causam immediatam, non inaniitionem, aut repletionem, ut convulsio, sed irritamentum cognoscat, quos quidem motus convulsivos aliam sibi adjunctam habere affectionem nullo modo existimandum, cum expressè scripserit Gal. *Motus convulsivos, sine principum actionum lesione, epilepticos non esse.*

Pars affecta, licet videatur musculosum genus, utpotè voluntarii motus proprium instrumentum, immediata tamen est genus nervosum, ex læsione capitis, quod quidem intemperie humida, non sine aliqua caliditatis exuperantia essentialiter affectum observatur, unde primò auditus gravis, mox veris tempore ad dentes repullulans apostema, & ad genas defluxiones, & ad manum semel. Verum ad hujusmodi motum convulsivum producendum, caput sympathicè potius quàm idiopathicè conspirare puto, ex præteritis pustulis, sanguinis biliosioris & jecoris fervidioris sobole, quas medicis auxiliis evanuisse quidem, sed tamen per universalem diaphorosis, tenuiores adhucnum ichores quotidie insensibiliter resolvi proculdubio est, quia ab ambiente autumnali omni, magisq; hyemali, impedita, à toto venoso genere in caput, si non ichores calidi & acres, halitus saltem ejusdem naturæ efferuntur, quorum per ambitum distillationem ac resolutionem prohibet ambientis frigiditas. Ac tandem hoc ipsum confirmare valet affectus convulsivus, trium annorum spatio, non ultra progressus: etenim si essentialiter caput affectum fuisset, adeo ut causa irritans primam in capite suo originem & productionem habuisset, ad cerebri ventriculos hucusque sese insinuasset, & affectus epilepticos induxisset, tanta enim intercedit affinitas inter convulsiones & epilepticos motus, ut Gal. *Epilepsiam definierit, quod sit convulsio non perpetua omnium partium corporis, cum principum actionum lesione.* E diverticulo igitur ad viam redeuntes, dicamus motus hujusmodi convulsivos, in Sereniss. Duce, fieri ab irritamento facultatis expultricis nervorum, excitato à materia acri, vaporosa potius quàm humoralis, quia citò fiunt, & citò desinunt, eaque non in capite genita, sed à toto venoso genere transmissa, ipsius jecoris vitio, justo calidioris, quæ vaporosa materia detrusa à facultate expultrice per occiput ad quintam & sextam vertebra spinalis medullæ, ibique firmata, resolvitur quidem, sed interim membranosa nervorum substantiam vellicans atque pungens, eorundem, ac proinde musculorum contractionem excitat, licet pars convulsa pristinum situm statim recipiat,

discussa scilicet materia, quæ, si quandoque vel vaporosa nimis, vel nimis crassa fuerit, atque adeo in nervorum principio, nimirum occipite firmetur, totam poticam partem convelli sibi percipit Sereniss. ipse non tamen convulsionem vera, ut potè à causa acri qualitate irritante quidem ut copia nervos minime replente, producta.

Quibus ita se habentibus, affectus hic, sicut magni faciendus non est, ita neque negligendus, partes enim nervosæ afficiuntur, quæ sicut agrè humores admittunt, ita tandem ægerrimè eosdem exeunt, cum præterea vaporosa materia, processu temporis, humoralis vehiculum præbere possit, non sine graviorum malorum periculo, caputque natura non adeò firmum, diuturno humorum & vaporum affluxu, infirmius quotidie reddi possit.

Quare aliqua sunt agenda, quæ quidem affectionem remittere, verum tenellum corpus ac molle, nec turbare neque agitare possint. Primò quidem serositates biliosas à toto educendo. Secundò earundem acrimoniam contemperando. Tertiò vaporum affluxum revellendo ac divertendo. Et tandem caput atque nervosum genus roborando.

Quibus intentionibus explendis ordinem executivum proponiam, adeo ut primò ventriculus & primæ viæ expientur, vel cass. cum tart. vel Syr. ros. aur. aut pot. ex manna clarif. humores præparando simpl. julap. acet. quinque diebus exhibito, & ab eo, leniente eodem repetito. In usum postmodum erit ducendum Magist. Mechoac. ter aut quater qu. rto, aut quinto quoque die, ad gr. x. vel xii. cum elect. lenit. ad ʒij. Vel hujus loco, elect. de succo rosar. ad ʒij. cum ʒij. flor. cass. quibus superbibat Aquam Nocerianam. Diebus verò intermediis humorum acrimonia demulcenda venit decoct. Malv. violar. end. & hepaticæ, seu portulacæ, in jure pullæ parata, vel emulsione diluta ex quatuor sem. frigid. in aqua stillat. end. aut cucurbitæ paranda, addita portione sacchari fini, ad libitum, vel exhibeatur cyathus aquæ stillat. cich. & anguriæ, addita conserva de acido citri, ut tandem ad Balneum aquæ dulcis tepidæ ducatur Sereniss. Puer, ut universo corpore transpirent humores tenuiores, & halitus acres caput petentes, ac nervosum genus lancinantes. Nec obstat anni tempus non adeò calidum & minus accommodatum Balnei administrationi, quoniam ambiens cubiculi potest ad libitum calefieri, Serenissimo absente, igne foras exportato antè ejusdem ingressum, neque enim validius aut tutius remedium excogitare possum, quod humores & vapores à capite divertere, atque eorundem acrem & acidam qualitatem contemperare, & nervoso generi irritato opitulari possit. Quo remedio omissio, illi substituitur totius corporis, articulis exceptis, frictio quotidiana, manibus iunctis ol. amygd. in quo portio vini malvatici ebullierit.

Tandem Capiti quoque, licet non essentialiter in hoc affectu laboranti, aliqua roboratio debetur, in quem finem sub ingressum lecti, conserva aliqua capitalis erit in usum habenda, modò è floribus Beton. modò salviæ, modò lilior. convallium, modò præoniæ vel Tiliæ. Extrinsecus quoque illini poterit occiput & nucha

firm.

summo digito, quinta essentia rosmarini, aut oleo ligni heraclei, intincto, ad vapores dissolvendos, & ad caput nervosumque genus roborandum. Collo præterea appendatur smaragdus aut magna portio radic. pœoniæ recentis.

Atque jam dictis omnibus congrua addatur vivendi ratio à te præscribenda, circa quam præcipua adnotabo. Primò igitur diligenter caput ab injuriis externis, nimio scilicet calore, frigore & humiditate tutum custodiatur, & totum corpus interdum optime vestibus, nocturnè verò culcitris munitum habeatur. Secundo abstineat omnino, inter omnes, ab hædina, à coturnicibus aquaticis, palustribus volatilibus, ab omnibus leguminibus, oriza & hordeo exceptis. Cavendum quinetiam quàm maxime à piscibus omnibus carnosus, pariter ab ostreaceis, & ab illis qui squamis carent; Inter herbas verò, omnino ab apio, à condimento caparum & allii. Inter fructus, conceduntur uva pensilis, ficus, pyra cocta, vinum ad mensam sit album tenue, ut quod caput non tentat. Somnus valde confert nocturnus. Ita & exercitium, sed antè prandium vel sub cœnam moderatum. Ab applicationibus, nec non à religiosis ac piis meditationibus, ab ætate alienis divertatur, nè Senex in juventute evadat, & alacri animo degere permittatur. Quæ omnia dum à D. O. M. Serenissimo Duci salutaria enixe præcor, tuæ interim sapientissimæ directioni committo. *Joan. Raym. Fortis Consultat. tom. I. cent. I.*

Viro 30. annorum vulnus inflictum fuit in brachio dextro, quo nervus denudatus est, sed illæsus tamen remansit, decumbit loco frigido, neque, ob paupertatem, adversus æris injurias satis munitus habitat; Imperitus Chirurgus, subsistente hæmorrhagia, imposuit vulnere petiam unguento Apostolorum & Ægyptiaco inunctam, unde convulsio vehemens & dolorosa vulneratum brachium corripuit, quàm paulò post cruris ejusdem lateris, deinde & in altero latere brachii ac cruris convulsio subsecuta est, interdum ad semiquadrantem horæ, interdum ad quadrantem aut paulò diutius perdurans, atque sic per intervalla modò intermittens, modò rediens. Æger præ summo dolore adeò turbatus est, ut subinde etiam deliret.

1. Afficiuntur in hoc ægro nervi & muscoli, quod ex motu involuntario nimisque aucto; & subindè etiam cerebrum, quod ex delirio satis patet.

2. Symptoma hoc, Convulsio appellatur, quæ est nervorum musculorumque suum principium versùs perpetua & involuntaria contractio. Perpetua autem dicitur, quia diutius durat.

3. Causa remota est infectio vulneris nervum denudantis: proxima verò causa est irritatio molesta ab unguento acri & mordicante, nec non aère frigido, nervo illata, eumque vellente.

4. Ubi enim molestia huic nervo illata cerebro est communicata, & à mente percepta, mox, ut ille hostis excluderetur, eique ingressus denegaretur, spiritus copiosiores è cerebro ad locum affectum determinati fuere, à quorum copia nervus, & musculus ille cui nervus, inse-

ritur, secundum latitudinem magno cum dolore distensus, secundum longitudinem verò contractus est. Postea à maximo isto dolore per nervi vellicationem & dictæ partis contractionem violentam illato turbatum fuit cerebrum, quod ea de causâ spiritus animales inordinatè ad has illasve partes inferiores copiosè dimittens, alias quoque partes eodem modo contrahit, sicque convulsio non solum in parte vulnerata, sed in aliis etiam partibus contingit: & à magna illa cerebri spirituumque animalium turbatione delirium quoque subinde accedit.

5. Periculosum est hoc malum, quia præter nervos & musculos, nobile quoque viscus cerebrum afficitur. Et semper, teste Hippocrate 5. Aphorism. 2. Convulsio vulnere superveniens lethalis, id est, valde periculosa. Quia tamen æger hic juvenis ac fortis est, & hæc convulsio oboritur à causa externa, quæ facile removeri potest, magna recuperandæ sanitatis spes affulget, si convenientia remedia adhibeantur.

6. Curatio igitur quàm citissime instituentda, & ante omnia æger loco calido deponendus, ab ærisque injuriis defendendus est. Deinde statim à vulnere removendum est unguentum illud acre & mordicans, ac vulnus eluendum aquâ hordei cum pauxillo hyssopi coctâ, in qua parùm mellis solutum sit, eique immitenda petia hoc unguento inuncta.

℥. Vitellum ovi num. i. mellis, terebinthina, ana drach. iij. spirit. vini drach. ij. misce, fiat unguentum.

Denique emplastrum de Betonica vel meliloto imponendum.

7. Fomentari poterunt partes convulsæ, & imprimis brachium vulneratum tali fomento.

℥. Herb. majoranæ, rosmarini, betonica, calamenthæ, hyssopi, origani, an. m. j. flor. anethi, m. ij. chamom. meliloti, an. m. j. s. sem. cumini ʒ j. levistici dr. iij. sem. anethi, ʒ ʒ. vini albi q. s. coquantur ad lb iij. pro fomento.

8. Post fomentationem, cum forti frictione calide inungantur partes convulsæ hoc linimento.

9. Interea præmissis clystere, interdum dabitur haustus apozematis cerebrum, nervosque corroborantis.

℥. Radic. acori, fœniculi, pœoniæ maris, ana drach. vj. herb. majoranæ, rutæ, betonica, rosmarini, melissæ, origani, calamenthæ, an. m. j. flor. stœchados, m. ʒ. sem. fœniculi drach. ij. passularum mundat. ʒ ij. aquæ q. s. coquantur s. art. & fiat apozema ad lb j. s. cui admisce aquæ florum tilia, syrupi de stœchade an. ʒ iij.

10. Subinde etiam exhibeatur particula hujus conditi.

℥. Specier. diambra scrup. iv. rad. acori condit. conservæ flor. salvia, betonica, anthos, an. ʒ ʒ. syrupi de stœchade q. s. misce fiat conditum.

11. In eundem finem etiam tale capitium capiti imponatur.

℥. Fol. majoranæ m. ʒ. rosmarini betonica, flor. anethi, meliloti, ana p. ij. nucis moscata drach. j. benzoini drach. ʒ. fiat pulvis grossus pro capiti vel cucupha.

12. Cessante convulsione corpus clementer expurgetur cum infusione foliorum senæ, rhabbari

barbari, agarici &c. vel cum Pilulis cochiis aureis, electuario diaphanico, diaturbith cum rheo, &c. Post purgationem redeat ad usum ante dicti apozematis & conditi.

13. In diætâ sit aer calidior. Cibi sint euchy-mi & eupepti, conditi cum majorana, hyssopo, rosmarino, betonica, salvia, semine anisi, fœniculi, aliisque similibus. Potus sit ptisana, meli-cratum, vel cerevisia mediocris notæ, benè fermentata. Somnus longus sit, magnaue corporis quies. Excreta naturalia benè procedant, & fugiantur animi pathemata. *Isbrand. de Diemerbr. Medicat. lib. 1.*

Observationes.

Matrona quædam convulsionibus brachii sinistri cum maximis doloribus correpta fuit, & per dies aliquot laboravit. Ego tandem vocatus brachium & nucham sequentibus oleis inunxi.

℥. Ol. lumbric. vulpin. lilior. an. ℥ ij. ol. philosoph. & terebinth. an. ℥ β. pingued. human. ℥ j. M. circa carpum cingulum, ex corio humano applicui, his convulsionibus cessarunt. *Fabrit. Hildan. Observ. 9. cent. 3.*

Si ex repletionem fuerit convulsio, evacuationem requirit, quapropter victus tenuis instituendus, corpus expurgandum, & vena secanda, parsque affecta, totaque spina dorsi sequenti linimento inungenda est.

℥. Ol. lumbric. vulpin. an. ℥ ij. ol. terebinth. ceræ de castoreo. an. ℥ β. axung. human. ℥ iij. succi lumbricor. ℥ j. M. applicetur calidè. *Guil. Fabrit. Hildanus lib. de gangrena cap. 26.*

Juvenis toto corpore convulsus erat, ita ut spina dorsi non potest inflecti. Sequenti remedio statim expeditè ambulavit.

℥. Butyrirancidi, laridi veteris, an. ℥ iij. bdellii, ammoniac. an. ℥ j. myrrh. castor. an. ℥ iij. flor. stœch. anthos. an. p. j. nuc. mosch. caryophyll. an. ℥ j. catum parvum exenteratum, excoriatum & in frusta concisum. His infarciatur anser, & consuatur, & torreatur in veru, primus qui defluet succus abjiciatur. Secundus colligatur in vase aceto semipieno, pro litu spinæ convulsæ. Remedium est divinum. *Petrus Pachecum. Observ. 8.*

Ab inanitione cum Nobilis Vir acerbissimis doloribus, à convulsionis vi natis, ferè necaretur. D. Guilandinus eum jussit totum cado olei immergi, unde præclare recreatus fuit. Corallum proprietate juvat convulsionem ab inanitione. *Joan. Heurnius ad Hippocr. aphor. 26. sect. 2.*

In convulsione à repletionem, utiliter calida & sicca in usum duces, ut decoctum pœoniæ, ligni guajacini, sarsaparillæ, lign. sassafras, theriacum, mithridatium, castoreum, & talia cætera. *Jo. Heurnius ad aphor. 53. sect. 4.*

Ubi à plethora nata est convulsio, venæsectio solatio est: ubi ab exhaustu balneum tepidi olei convenit. *Jo. Heurnius ad aphor. 39. sect. 6.*

Puerum quendam 15. menses natum convulsione opisthotano laborantem tribus auxiliis brevi sanavi; abstinentia à carnibus, vino & ovis, linteis in oleo chamæm. & liliaceo madefactis perpetuò impositis cervici, partibusque quæ contrahebantur; & medicamento, quod

constabat ex mithridatio, triplo sacchar. rosaceo, & electuario de moscho cum margaritis, hyacinthis, smaragdisque Orientalibus. *Hieronym. Cardanus. Curat. 15. De admirand. curationibus.*

Nullum remedium utilius est, quàm embrocatio partis posterioris capitis, nuchæ, & colli, cum oleo violac. decenter calido; sicut ego feci, dum essem in servitiis Illustriss. Domini mei, Domini Caroli II. Sabaudia Ducis, in Illustrissimo Ludovico Principe Pedemonti, Illustriss. Ducis Filio, qui dum esset in cunabulis passus est Erysipelas in tota tibia cum bubone in coxa, & febre valdè intensa, à quibus cum convalesceret, incurrit statim in spasmodum à siccitate causa tum, cum continuis maximisque clamoribus, torquendo caput ad posteriora, & nullo modo poterat fugere lac. Ego igitur perfudi nucham, & totam partem capitis posteriorem & collum cum oleo violato decenter calido, permittendo cadere oleum ab alto, manu exprimente petiam in eo infusam, per spatium quartæ partis hujus horæ, & sic embrocando dormire cepit. Mox pannis decenter calidis absterse caput leviter fricando, & eum dormire permisi, qui post tres aut quatuor horas per se excitatus, fugit lac absque difficultate redeuntibus iisdem symptomatibus semel aut bis, eodemmet remedio iterato, cum gratia Dei sanus factus est. *Petrus Bayrus prætic. libro secundo cap. 20.*

Cum medicinam discebam Patavii vidi adolescentem, cujus intestina totumque abdomen convellebantur, testes & vasa spermatica sub osse pubis abscondebantur, rugitus aderat, & tensio hypocondriorum. Frigida huic erat temperies, & ventriculus frigidus cum madore anhelosus erat oppresso à diaphragmate, ac mente in paroxysmo exuebatur. Præceptores mei adhibebant flatus discutientia & attenuantia ac ea quæ evincere possunt materiam frigidam coquendo ac purgando, & roborabant tandem intestina. Primum injectus clyster ex decocto anethi, cum hiera, melle rosac. & ol. chamæmeli. Dein decocto agrimonie, petroselin. præparabatur. Postea pilulis aureis ac alephanginis purgabatur. Alternis diebus clyster repetebatur: foris oleo rutæ & castor. ungebatur. Interdum accipiebat unam pilulam ex castoreo cum syr. beton. hæc inaurata erat. Bibebat vinum Salviatum & ex betonica, dianthis illi in deliciis erat, fricabantur crura. *Joan. Heurnius cap. 26. de morbis capitis.*

Quædam mulier passa dolores brachiorum, humerorum, genuum cum contractione, cum non posset ullis remediis sanari; tandem vetula asperso malvatico ignito lateri, & adjectis foliis lauri, nepitæ, stœchad. majoran. rosmarin. organ. salv. jubebat exciperet fumum; & excitato sudore, convaleuit, *Solenander Consil. 15. Sect. 5.*

Vir quidam militaris ex ictu tormenti bellici vulnus accepit in brachio dextro, quo totum brachium abscissum est, superstitie tantum parte, quæ humero vicina est, ad 4. transversorum digitorum longitudinem. Curato brachio & vulnere optimè consolidato, quædam convulsionis specie correptus est, quæ retrahebatur caput versus partem dextram, & mandibulas

frequenter agitabat. Medici & Chirurgi convocati, uno ore censuerunt in extremitate ossis à tormento bellico præcisi, aliquam eminentiam acutam adesse, quæ nervum aliquem feriendo, talem convulsionem produceret, & ideo rescindendam iterum esse ossis extremitatem, ac diligenter adæquandam. Hæc operatio, sedulo celebrata, nihil tamen profuit. Forte fortuna cum ei occurrisset, & ille incommoda sua mihi enarraret, in mentem venit, aliquod virus venereum intus latens hunc affectum forsan posse producere. Et illico ab eo quæsi num morbum aliquem venereum unquam antea passus esset; respondit se per aliquod tempus antequam vulneratus esset gravem passum esse gonorrhæam, quæ tamen curata prorsus fuerat. Hoc meam conjecturam auxit, ita ut ægro consuluerim remedia luis venereæ experiri, quibus ille hujus morbi curandi cupidissimus, se lubenter submitit. Præmissis igitur purgatione universalis & diætâ sudoriferâ, frictiones ex unguento mercuriali celebravi, à quibus ptyalismus provocatus est, & post tertium diem ptyalismi convulsionem illæ desierunt, neque ab eo malo amplius ullo modo æger conflictatus est. *Ozias Aymar. Chirurgus celeberrimus observ. 10.*

Motus convulsivi amuleto sopiti.

Anno 1654. Inquilina mea à multis annis Hysterica & sterilis, ex tristitia simul & indignatione, quod marito, qui ipsam primò deservit & castra secutus, mox ex his aufugit, sed deprehenso abscissæ fuerint aures, in gravissimum incidit paroxysmum convulsivum non adeò semper obvium, mens constabat, loquebatur interruptis quidem verbis, sed appositè, de nullo dolore queritans, omnibus tamen corporis partibus miros in omnes dimensiones motus patiens convulsivos. Hujus carpo alligavi uxoris meæ primæ amuletum, quod illa ob sterilitatem in primo conjugio Epilepsia laborans Hysterica, sibi comparaverat non exili pretio, frustra-neo in semet affectu, ecce statim cessant omnes convulsivi motus, sola respiratione remanente intercisâ, amoto amuleto iterum recrudescunt iidem, alligato remittunt, sicque ad remotiorem & alligationem illius recedunt redeuntque paroxysmi, ita ut tum demum amuleti aliquam efficaciam adscribere fuerim coactus. Credo autem illud saltem fuisse veram ungulam Alcis, quam omnimodè referebat. Quod aliquando mutuo datum ad arcendum paroxysmum Epilepticum ad me amplius non rediit, auro quod fuisset circumdatum, cujus sacra fames mihi illud eripuit. *Paulus Spindler. apud Carol. Rayger. in observat. Medicin.*

Virgini quindecim annorum, divexatæ frequenter, à vulva, intervenit tandem, admirabilis quædam nervorum contractio: invadens ipsam, non nisi sedentem. Stanti quippè, & ambulanti nihil peperit unquam negotii; quocirca libuit, illam vocare, convulsionem sedentariam: non secus ac Plautus sedentarios appellavit, calceolarios, sutores, ac sartores; & Titus Livius sellularios, qui in sellulis opera sua peragunt.

Causa, inusitati hujus morbi, insedit procul dubio, cum lumbis, tum ligamentis, vulvam

ilei ossibus, utrimque adnectentibus. Motus enim lumbis, & femore, versus sedile inclinato, movebatur evidenter, noxia materia, illic loci stabulans: ex cujus acri vapore, verisimile est, lacesitos fuisse nervos, à spinali medullâ, lumbis concessos: & ex eorum, cum cerebro, consortio, expressam sedentariam hanc convulsionem.

Quam conjecturam confirmavit deinceps curatio. Sustulit namque hanc nervorum distentionem, vehemens exercitium: inducens pernici suo incessu, tantum caloris, exagitatis lumbis: ut discussâ lentâ pituitâ, illic hærente, licuerit virgini domum reversæ, non modò sedere securè, verum etiam molliter decumbere; sine ulla noxa, ullâve nervorum contractione, à qua in posterum, integrè quoque ipsam asseruit, defatigans hæc lassitudo, quæ etiam summo per se semper proderit iis, qui à lumbagine (quam nostrates *het. spit.* vocant,) infestantur. *Nicol. Tulp. observ. Medicar. lib. 1.*

Rarò contrahuntur homini abdominis nervi. Attamen frequentius, quàm animadvertant Medici nonnulli: confisi, nescio quâ imprudentiâ, quemcunque ventris dolorem, vel fieri à bile acri; Vel ob spiritum, intendentem intestinum colon. Verum inæqualis ventris distentio, & abstricta rigidorum musculorum contractio, arguunt satis perspicuè, nervos magis quàm intestina pati. Alias non contraheretur venter tam inæqualiter: neque latera apparent tam obliqua: Vel musculi recti adeò rectâ introsum incurvati. Uti luce clarius videre est, in hac, de qua hic loquimur, convulsione.

Matronæ locupletis, coacervavit frigidus ac humidus ventriculus, tantum crudioris pituitæ: ut saliva ex ore decidua, repletet quotidie pelvim satis capacem. Sed eo fluxu ad intestina converso, vidimus illa protinus adeò flaccida: ut levissimo medicamenti stimulo irritata, excreverint subindè effusissimè. Imò interdum vices, ex quinis granis radices mechoacanæ. Quæ tamen redundantis humoris copia, (nisi illam interdum exhaurirent medicamenta:) insinuabat sese sensim, in sensiles illos nervos, quos spinalis medulla dispergit cum per membranam ventrem succingentem; tum per musculos illi proximè incumbentes.

Quibus, à cruda hac materia, obsessis, excarnificabat ipsam subindè tanta abdominis convulsio, quanta potuit esse maxima. Imò interdum ita effera, ac ferox: ut venter videretur, præ cruciatu, quasi dirumpi. Præsertim si foret gravida. Sed noctu semper acerbius quàm interdum. Qui tamen urgens dolor vix unquam ipsam deservit, nisi expurgatâ ritè causâ, per radicem mechoacanam: vel discusso acri ipsius vapore, utique & spiritu præcordia distendente, sive per mithridatium, sub noctem potui datum: sive per clysterem, ante tormentum hoc, maturè infusum.

Quæ curandi ratio evincit certè evidentissimè, inusitatum hanc abdominis convulsionem, originem sumere ex cruda, ac flatulenta pituita. Ex qua eundem affectum utique derivat Philippus Heghsterus, qui ipsum latissimè descripsit observatione primâ, decadis quintæ. Idem lib. 3.

Filiolus Joannis ab Udem, infans septimestris,

stris, epilepticis convulsionibus (quas nostrates *Snypkens* appellant) ferè sine ulla intermissione per biduum convellebatur, ita ut nihil aliud, quàm certa mors singulis momentis expectaretur. Tandem meum consilium imploratum fuit tertiâ die, rebus jam penè desperatis, cum nullum medicamentum exhiberi posset. Ego in miserabili hoc infantis statu, sequentem cucupham parari & capiti imponi jussi.

℞. Folior. majoranæ, verbenæ, rosmarini, florum meliloti, ana p. j. nucis moschatæ scrup. j. f. Gariophyllorum scrup. j. fiat pulvis grossus, è quo in serico rubro conficiatur f. art. cucupha.

Hæc cum per quatuor vel quinque horas capiti inhæsisset, cœperunt paulatim cessare illæ convulsiones, atque intra duodecim horas prorsus evanuerunt, ita ut non sine admiratione à tanto malo citissimè in totum liberatus fuerit ager.

Cum cerebrum in infantibus sit humidissimum, indeq; plurimi vapores aquosi ac pituitosi eleventur, natura ad faciliorem horum vaporum evacuationem, cranium eorum in vertice ad aliquod tempus apertum relinquit. Sed quemadmodum per hanc viam facilis datur vaporum exitus, ita etiam, si in capite benè tegendo, non satis diligens habeatur ratio, per eandem facilis datur frigoris externi introitus, à quo tunc occlusis poris & refrigerato ac debilitato cerebro, vapores intus retinentur, atque in cerebri ventriculis in tenacem mucum coeunt; quo onere gravata cum se ab illo expedire nititur, & tamen non possit, ex illo motu oriuntur istæ epilepticæ convulsiones, quæ in infantibus valde periculosa sunt, & cum quibus multi commoriuntur; qui verò cum illis evadunt, si malum vehemens fuit, sæpè vel mentis aliquod vitium, vel membrum aliquod paralyticum aut distortum, vel oculos luscis, aliudvè malum toto vitæ tempore inde retinent. Differt hic morbus à verâ epilepsia, quòd convulsiones in eo sint minùs vehementes, sæpè tamen frequentiores, ac diuturniores quàm in Epilepsiâ verâ: præterea quòd hæ convulsiones ab humorum copia & cerebri in eorundem coctione & expulsionem debilitate, epilepsia verò ab humorum malignitate & certa venenositate inducatur. Interdum tamen factum fuisse visum est, ut illi in cerebro taliter coacervati humores, malo diuturniore existente, paulatim malignam qualitatem acquisiverint, & cerebro vel meningibus pravam aliquam qualitatem aut corruptionem infixerint, atque ita morbus hic in veram & omnium gravissimam epilepsiam transferit. Curatio hujus mali in eo præcipuè consistit, ut cerebrum refrigeratum rursus calefiat & corroboretur, simulque pori aperiuntur atque ita vaporibus sursum exitus detur: his duobus satis benè & tempestivè administratis, plerosque hoc morbo correptos feliciter evadere animadverti. Nonnulli oleo succini, rosmarini, aliòvè simili, cum pluma in nares immisso, pituitæ per nares & palatum evacuationem moliri nituntur; sed cum cerebrum à nimia pituitæ copia adeò obrutum & debilitatum sit, ut se ad expulsionem liberè contrahere nequeat; sæpè curatio vix quicquam prodest, imò interdum cerebrum hoc onere gravatum & debilitatum ad fortiorrem, quæ impedita est, expulsionem incitans,

maiores convulsiones inducit. Ita ut longè prætabilius sit, antè omnia cerebrum calefacere ac corroborare, atque ita humorum crudorum coctionem promovere, & vaporum magnam partem per in consolidatum cranium evacuare: hoc enim facto, reliquum pituitæ vel muci, quod ventriculis inhæret, cerebrum deinde satis coquit, dissipat, & per huic evacuationi dicatos meatus spontè expellit. In hujusmodi casu cucupham aliquam cephalicam vertici impositam plurimum prodesse multoties comperi: hæc enim omnibus intentionibus satisfacit, cerebrum calefacit, corroborat, poros aperit, & humorum crudorum concoctionem ac dissipationem potenter promovet. Hæc sola cum magno meo honore innumeros curavi. Interdum etiam guttulam unam aut alteram olei majoranæ vertici primò iungi, ac tunc cucupham supra poni jubeo: interdum etiam, si aliquid assumere possit, exhibere soleo cochleare unum aut alterum ex aquæ florum liliorum convallium, vel tilia, partibus duabus, & syrupi de Stachade parte una: atque his & similibus potissimum utor remediis. Animadverti etiam si infantes hujusmodi cucuphas gestent usque ad firmam cranii consolidationem, ipsos non solum ab hoc morbo, verum etiam ab innumeris aliis frigidis cerebri affectibus certissimè præservari. Ad puerorum Epilepsiam, Nicolaus Fontanus comm. ad cap. 10. lib. de morb. pueror. Sebastiani Austrii, magnoperè laudat urinam puerorum, atque ibidem refert historiam talis ægri, cui cum felicissimo successu injecit tria clysmata ex herbis convenientibus in urina coctis, atque etiam syrupum ex urina pueri cum variis cephalicis confectum exhibuit, quorum descriptiones citato loco videri possunt. *Isbrand. Diemerbr. in observ. & Curat. Medic.*

Anno 1643. Vocatus fui ad puellam fusci coloris, capillitii omnino nigri, ac temperamenti melancholici decem undecimvè annos natam, hic Hagæ habitantem, cui brachium, nec non crus sinistrum, nullo tamen dolore accedente, huc illuc valde commovebatur, fueratque in causa ingens quidam timor. Illa tamen puella, satis præparato convenientibus remediis corpore, per me Castorii maximè usû priori valetudini restituta est. *Cornel. Stalpart. observat. rarior. Cent. 1.*

Quàm incautè puerperæ quædam nonnunquam frigido sese exponant aëri, nec leve incurrant morborum periculum, sæpiusque in eosdem incidant, experientia satis monstrat. Exemplo nobis erit uxor N. *Verboom* Sutoris Hagienfis. Hæc decimo quarto puerperii die, quamquam temerè admodum, & imprudenter, initio Decembris 1683. ad templum sese contulit Deo propter felicem partum gratias actura: Verum brevi post spasmo corripiebatur oris à sinistra parte versùs dextram, ita ut (vitium namque erat valde molestum) me illico ea de re consulverit; ego itaque omnibus ritè perpensis, tertiâ à puerperio hebdomadâ lene quoddam præscripsi purgans, partemque affectam unguento nervino ungi jussi: cucurbitulas etiam cervici, emplastrumque phagedænicum pone aurem sinistram ad moveri præcepi: addidi & sternutatoria, decoctumque ex ligno guajaci, salsa parilla, & sassafras: cui sub finem decoct.

coct. addebantur herb. chamap. prim. veris, & Beton. ac denique sequenti usa fuit remedio.

℞. Fol. lauri: rutæ: rorism. majoran. ana M. j. β. Flor. Stachad. Salviæ lavendi ana M. j. Coq. ex aq. comm. f. a. ad lb ij.

Hoc gargarismate usa est, partemq; affectam fovit. Ad cerebrum autem cum nervis corroborandum sequens datum fuit Electuarium.

℞. Conserv. flor. rosmar. Salviæ ana ℥ i. β. Nuc. Mosch. conditæ ℥ j. Syr. de Stachade q. s. M. F. Electuarium.

Sicque hac Methodo, Divinâ favente gratiâ, intra tres hebdomadas isto incommodo fuit liberata. Idem. Cent. ij.

Fœmina perillustis 30. circiter annos nata, constitutione tenera, & gracili corporis habitu prædita, quavis hyeme *catarrho* in *tracheam* & *pulmonem* exultante, cum *tussi*, *rancedine*, & *sputatione copiosa* graviter affligi solebat: novissimo tamen anno, cura, & cautione diligenti usa istud malum evitavit: at vero post solstitium Brumale à frigore suscepto immani *capitis dolore*, *aurium tinnitu*, *vertigine*, cum *ingenti coryza* afficiebatur, ut facile constaret feri colluviem, antehac in pectus exudare solitari, tunc temporis intra caput & cerebrum omnino deponi: cujus insuper effectus erat, quod *passionibus* quasi *hystericis*, quibus nunquam prius obnoxia fuerat, quoties dormire inciperet valde infestaretur: Si quando enim somnum initura oculos clauderet, illico in abdomine molis ascensus, in gutture præfocatio, circa præcordia tremores, & subsultus excitabantur; quæ tamen affectiones, cum perfecte evigilaret, protinus cessabant, ita ut ægrotaans necesse habuerit per plures dies & noctes somno fere & in totum abstinere.

Ad hanc Dominam, postquam plures dies ægrotaans valde imbecillis evalerat, accersitus, medicamentis tantum blandis uti cogebar: Itaque *sanguinem* ex pede ad ℥ iv. protinus detrahendum, & quolibet die *clysterem* è lacte saccharato injiciendum curavi, à quo ter, aut quater alvum deicere solebat: porro octava qualibet hora dosin *sp. C. Cervi* in cochleari sequentis Julapii exhibui.

℞. Aq. Pulegii, juglandum, Cerasorum nigr. an. ℥ iij. Aq. hystericæ ℥ ij. Syr. Caryophill. ℥ i β. Castorei nodulo ligat. & in vitro suspensi ℥ β. Margaritæ pulv. ℥ j. Misce. Vescatoria pone aures, & cataplasmata ex foliis Rutæ & Aronis cum rad. Bryoniæ, sale marino, & sapone nigro plantis pedum cum fructu admovi. Interdum vesperi in haustulo Julapii præscripti, Diacodii ℥ β. exhibui, cui somnus moderatus, absque solita spasmodorum consequentia succedebat; cujusmodi effectum ab opiatu in tali casu exhibitu sæpius expertus sum. Pro siti restringenda ptisanam cum ingredientibus diureticis incoctis propinavi: horum usu intra breve tempus plurimum alleviata fuit. Attamen, quod maximo emolumento cessit, *abscessus* in *aure sinistra* sponte *disruptus* primo saniem flavam, ac postea per multos dies ichoris tenuis copiam ingentem profudit, à qua evacuatione, viscerum & præcordiorum spasmodis in totum cessantibus, morbus perfecte judicatus fuit.

Quod spectat ad prædictæ ægritudinis *Ætiologiam*, extra dubium videtur, affectus istos à *colluvie serosa* *in* *capite* *deposita* excitatos

fuisse; nam & istius humoris in *caput translatio* morbum primo intulit, ejusque per *auris emundatorium* *excretio* symptomata quævis sustulit: porro cum materies morbifica spiritibus circa nervorum principia consitis *diathesin* aliquatenus *explosivam* intulisset, isti, licet tanquam æstro perciti fere continuo agitentur, quamdiu tamen versus cerebrum resistentes spatium in quo possent liberius expandi obtinerent, phantasia quidem illi solum vehementius exercebant, & absque ulterioris incommodo *vigilias* tantum induxere. At vero cum somno interdum obrepente spirituum irrequietorum excursus versus cerebrum cohiberetur (quod quidem necessario evenit quando obdormiscimus, liquore nervoso intra cerebri poros tunc temporis uberius admissio) *nervorum paris vagi* & *intercostalis* capita iidem tumultuariè irruentes, spirituum intra nervorum istorum ductus scaquentium totas series perturbaverunt, adeoque prædictos circa *præcordia*, *viscera*, & *gula musculos spasmos* intulere. Plures hoc ritu tum viros, tum fœminas ægrotaantes novi, qui cum *cephalalgia*, *occipitis gravitate*, aut *vertigine* laborarent, inter edormiscendum illico in *præcordiis*, aut *visceribus*, aut simul in utrisque *perturbationes* quasi *spasmodicas* sentire, quod quidem contingit à spirituum tumultuantium *in* *capite* à *cerebro* in *nervorum origines* reflexa: Quod autem huic ægrotae *opiatarum* usus somnum placidum, absque solita spasmodorum consequentia accersivit, ratio erat, quia spiritus animales, utut irrequieti & furentes, *particularum* tamen *narcoticarum* implexu, velut catenis injectis ligabantur, ut deinceps resistencia quavis somno obruerentur. Enimvero graves *convulsionum paroxysmos* tum *Asthmaticos*, tum quasi *hystericos opiatu* exhibitis, non raro feliciter curavi.

Mulier honesta M. G. 67. anno ætatis, vultu adhuc florido, & habitu corporis obeso; cum prius faciei intumescencia, & gravioribus cephalalgia paroxysmis dudum obnoxia degisset, intenso Brumæ frigore in vertiginem valde molestam, cum tremore cordis, spirituum deliquio, & crebro, vomendi nixu incidit: lecto imposita si oculos aperiret, aut è latere in latus converteretur, statim insigni *scotomia*, *leipothymias* *meru*, & insuper vomitu inani afficiebatur. Hanc invicens minimè dubitabam, quin ægritudinis causa foret *materies spasmodica* ab exteriori *capitis regione*, ad *intimos* *in* *capite* recessus translata; cujus afflatu, sive copula heterogenea spiritus animales tacti, dum inordinate versus cerebrum exsiliarent, affectus vertiginosos; dumque isti in nervorum capita tumultuariè irruerent, *scotomiam*, *præcordiorum* *anxiæ*, & vomendi nixum excitabant. Hujus curationem *vesicatoria* *larga* *nuchæ*, & pone aures applicata, *enemata* quotidie injecta: item *frequens* *sp. C. Cervi*, & *Julapii cephalici* *usus* intra paucos dies perfecerunt.

Vir egregius 34. circiter annos natus, cum ex longo tempore tussi, cum sputo copioso, & crasso obnoxius egerat, insuper cutis poros valde apertos habens, continuo madere, & qualibet fere nocte sudore multo perfundi solebat: sub initium veris evacuationes istas solennes parcius evenire persensit: interim conquestus est de manuum & pedum plenitudine, ac

velut intumescencia quadam, ita ut *hydropem* ingruentem vereretur; cæterum & in capite *scotomia*, & *vertigine* crebra afficiebatur: Brevi postea hoc malo ingravescente, circa labia, aliasque oris ac faciei partes leves contracturæ, & subiti spasmi passim excitabantur, subinde etiam (materia morbifica, uti videtur, nervorum paris vagi & intercostalis origines influente) cordis tremorem & subsultus, cum crebris spirituum vitalium deliquiis, quasi *leipothymia* jamjam imminente, perpeffus est.

Scio plurimos, pathemata hæc convulsiva, præcordia ita graviter infestantia, vaporibus à liene elevatis ascribere: attamen ratio longè potior videtur, eadem à materia spasmodica intra cerebrum aggesta, & in nervorum principia irruente deducere; quia scil. excrementi cujusdam à partibus aliis in caput metastasis præcessit, ipsumque adeo τὸν ἐν τῷ κεφαλῷ deponi, affectus vertiginosus ferè continuus, istique partium oris ac faciei spasmi planè testantur: quare huic remedia juxta methodum interius traditam præscribere visum est.

Possem hic plurimas hujusmodi observationes proponere, in quibus materia morbifica prope nervorum origines subsistens, cum *vertigine*, leviores tantum viscerum, aut membrorum spasmos ciet. Cæterum quia istius materiæ portio quadam à capite descendens nervorum ductus sæpe altius subit, adeoque circa medios, ultimosque eorum processus, & plexus, *seminii explosivi*, quasi *pulveris pyrii* fomitem struit; ex re fore videtur hujusmodi casuum exempla quadam subijcere.

Puella quædam E. L. procera, & venusta, parentibus sanis orta, ipsaque constitutionis (prout videbatur) originaliter sanæ; postquam Hero longa invaletudine detento diu & ferè continuo ministrasset, atque hinc sæpius totas noctes evigilare, aliisque temporibus crebro expergisci cogeretur, ut nunquam somnus, nisi brevis & interruptus, capesseretur, tandem de capitis hebetudine cum crebra *vertigine* queri cœpit: intra brevem exinde temporis tractum, affectu indies ingravescente, tremores sensit in toto corpore, cum levi membrorum succussu, quibusdam vicibus, licet vagis & incertis, ingruentes: postea dein paroxysmos planè convulsivos, eosque horrendos & crebro infestantes perpeffa erat: paulo ante morbi insultum *Scotomia* brevi afficiebatur, mox *pectoris angustiam* & *oppressionem* magnam, qua præcordia simul omnia strictim contrahebantur, persensit; tum illico stridorem ingentem, cum torti ejulatu edens, in terram concidere solebat: interim animo constabât; at maxima cordis oppressione laborans, donec ista pectoris contractio relaxaretur, se nullo modo relevare potuit: postea cum paroxysmus pertransierat, insigni cordis palpitatione, sensuum torpore, & functionis animalis debilitate magna adhuc aliquandiu afficiebatur. Postquam hæc ægrotans per quatuordecim circiter menses ejusmodi paroxysmis crebra vice repetentibus obnoxia degisset, demum *epileptica* evasit, ut quoties mali insultus rediret, in terram prostrata, αἰσθησία cum spuma oris, aliisque pathognomonicis caduci symptomatis corripereetur. Neque hic affectus iste gradum sistebat, quin vix elapso anni

spatio, in *maniam* degenerabat, ut denique ægrotans, amissionationis usu, modo cum *furore* insaniret, modo cum *stupore* planè desiperet.

Ex morbi hujus initio, progressu, & crebra metamorphosi liquido patet eum primo in capite prope nervorum origines & causam, & sedem habuisse, & exinde hnes suos & in cerebrum & in systema nervosum quotidie latius explicuisse: nam ab initio materies morbifica juxta nervorum principia consistens, viscerum & membrorum leviores tantum spasmos, & succussiones cum *Vertigine* intulit; postea ejus portio in nervos pneumonicos, eorumque plexus delapsa, gravissimas præcordiorum, diaphragmatis & ventriculi convulsiones produxit; quin & ejusdem materiæ portio altera cerebrum ejusque meditullia invadens, αἰσθησίας, ac dein caduci paroxysmos inferebat; atque demum spirituum textura in totum vitiata, eorumque latice in liquorem acerrimum, ac velut stygium degeneri, affectiones spasmodica in maniam transibant.

Quod itaque spectat ad particulares tum morbi tum symptomatum rationes; videtur quod prædicta virgo ex vita sedentaria (omni corporis exercitatione & aura liberioris usu penitus ademptis) præsertim verò ex vigiliis nocturnis, & somno frequenter interrupto, vitiosam sanguinis & humorum diathesin, simulque pravam & debilem cerebri, & nervosi generis constitutionem contraxerat: quibus accessit, quod illa hero suo gravissimis convulsionum affectibus laboranti perpetuo ministraret, atque ex eo forte contagium aliquod, sive miasmata spasmodica susceperat: Et primo quidem particula heterogeneæ una cum succo nervoso in cerebrum & cerebellum suffusa, ibidemque spiritibus accrescentes, præliminari *Scotomia*, & *vertiginoso* affectu quasi velitabantur; dein materies spasmodica nervorum paris vagi & intercostalis, atque medulla spinalis principia obsidens, una cum *vertigine* viscerum & musculorum subsultus, & succussiones leviores intulit: postea cum eadem nervorum ductus altius subiens, in plexus cervicales, cardiacos, & forsan intercostales, aliosque deferretur, atque spiritus respirationis, & pulsus munia exequentes, copula explosiva imbueret; illi crebra vice ob plenitudinem, vel propter irritationem, una cum superioribus nervosæ originis incolis in explosiones adacti, partium respectivarum spasmos horrendos excitabant: Enimvero urgente paroxysmo, à nervis pneumonicis constrictis, derrepente thoracis systole inordinata ciebatur; deinde statim diaphragmate subito & vehementer retracto, ejulatus iste obstrepeus succedebat: porro cum ob istam thoracis systolen diutius continuatam, sanguis ne moveri possit impeditus, omnino in præcordiis stagnaret, idcirco durante paroxysmo, cordis oppressio magna, cum ἀφασία & ἀκίνησια laborantem urgebat: interim vero, cum adhuc cerebri regio à spirituum explosionibus libera ac immunis perstaret, ægrotans animo constabat; postea vero cum materies spasmodica indies adaucta, etiam in cerebri debilitati & præfracti meditullia explicaretur, prioribus circa præcordia pathematis αἰσθησία, dein *Epilepsia*, ac ultimo *mania*, propter rationes modo citatas supervenerunt. Huic ægrotanti medicamenta plurima, & varii generis, à multis tum medicis, tum empiricis, con-

confuse tamen, methodoque incerta, & subinde mutata, præscripta ne hilum profuere.

Mulier quædam venusta *ἀναισθησία* & *δυσσάρκωσις*, à diutino mœrore in diathesin invaletudinariam incidit; circa meridiem, & horas vespertinas plerunque mediocriter habuit: mane autem cum somno satis, & sæpe plus nimio indulserat, usque magis somnolenta, & torpida evasit: expergefata, statim queri solebat de gravitate, ac velut *stupore* in toto capite, cum *vertigine* ad quemvis motum, aut capitis circumactionem; paulo postea *paroxysmum convulsivum*, aut *ἀναισθησίαν* fere constanter expectabant, eamque modo hæc, modo ille infestare solebat: quippe post vertiginem, quasi velitatio velitationem præviam, plerunque in *ventriculo*, & *latere sinistro* dolorem gravativum huc illuc transcurrentem sensit; hunc rugitus, vomendi nixus, flatuum eruptiones, necnon abdominis, & hypochondriorum distensiones miræ insequiebantur, & plurimis interdum horis hanc misere exercebant: interdum vero hæc symptomata abesse contigit, & tunc in *cerebro* affectio immanior successit: namque in crebras *ἀναισθησίας* incidens, aliquandiu immota, & clausis oculis, sine sensu, aut intellectu perstare solebat; cumque famulæ ejus *frictionibus*, & *nicotiane* fumigatione ipsam excitarent, mox animo constabat, at denuo statim revolvitur in similem *ἀναισθησίαν*, atque ita quatuor, aut quinque vices ejus subit, priusquam ad se perfecte, & sine recidiva mox expectanda rediit: Tandem peracta tragœdia, etiamnum *capitis gravitate* & *torpore* aliquantulum afficiebatur: circa meridiem vero, nebulis omnino discussis, sudum, & serenum *πάντα τὴν γαστέρα* obtinere solebant; donec proximo mane rursus eadem symptomata reverterentur.

Qui symptomata hæc rite perpendit, non habebit necesse vapores ab *utero*, aut *liene* elevatos supponere, atque in istis causam morificam frustra quærere, nempe quam multo certius poterit in ipso capite collocare: Videtur enim quod huic ab initio, propter ingentem mœrorem (prout in fœminis crebro assolet) *cerebro* & *nervoso generi* magna *debilitas*, simulque *vitiosa labes* imprimerentur; ita quidem ut spiritus animales in cerebrum & cerebellum derivati, secum particulas heterogeneas mixti generis, scil. partim *narcoticas*, & partim *explosivas* afferrent: cuiusmodi copulam cum illi à somnis uberiores conciperent, mera plenitudine ad ipsam excutiendam ciebantur: quamprimum igitur expergefieret mulier, iidem spiritus commoti, vel *ὑποπνῖ* inferius facta, in *nervorum origines* deprimebantur, ibidemque explosi viscerum spasmos excitabant, aut versus *cerebri medullium* resilientes, ibidemque elisi, *crebras* & *terribiles ἀναισθησίας* intulere. Revera hæc affectio Epilepsiæ aliquantulum affinis erat, nisi quod materies morifica nondum intra regale cerebri palatium, sive medullium ejus ita commorabatur, ut spiritus illic intra primos ipsorum fontes inficeret; iisdem tamen inferius dissociatis, & juxta nervorum origines sese in varios, minoresque rivulos dividantibus, eadem copula heterogenea arctius adhærebat. Interea spiritus, quo istam materiam excuterent, crebrius explosi, cum *versus cerebri arcem* tumultuose raperentur, *stuporem* & *ἀναισθησίαν*, sin alio vergentes in *nervorum principia* irruerent, prop-

terea istos *viscerum spasmos* intulere: Quod autem paroxysmi tantum *horis matutinis* post somnum pleniores ingruerant, ratio erat, quia spirituum copula heterogenea iis cum succo nervoso adveniens, eo tempore ad plenitudinem explosionibus aptam congerebatur; quæ si quidem tunc integre discuteretur, reliquo die agrotans ab affectu immunis perstitit, donec posttridie, cum *somnus nocturnus* novum materię morificę supplementum capiti intulerat, mane similis paroxysmus redibat; qui forsan prout somnus brevior aut protractior fuerat, modo intra *cerebrum*, modo juxta *originem nervosam* peragebatur.

Nec tantum in *sexu fœmineo*, utpote debiliore & magis patibili, *spasmi* ab *origine nervosa* principaliter affecta oriuntur; verum ejusmodi affectiones aliquando in *viris*, à simili procatarxi excitatas observare licet. Ante aliquot annos festinanter accersitus ad hospitem quendam in hac urbe diversantem, ipsum primo intuitu revera damoniacum suspicabar, eique *exorcismis* potius quam *pharmacis* opus fuisse rebar. Erat is quadragenarius, qui jam per tres annos stans quibusdam temporibus *motibus convulsivis* tentari solitus est; *hujusce* ægritudinis, dum hic paucos dies fortuito hospitaretur, occasione ingentis mœstitiæ insultum solito majorem perpeffus erat: morbi accessionem per duos aut tres dies præsentiscere solebat; nempe ex magna intra *incipit commotione*, continua tere *vertigine*, & *crebra oculorum obfuscatione*; ingruente autem paroxysmo, primo oculi varie contorquebantur, invertebanturque, dein moles quædam instar vivi animalis, ab imo ventre sursum versus cor & thoracem, & exinde in caput obrepere videbatur: hujusmodi motum egomet manu ventrem ejus comprimens planè persensi, & quamdiu palmis totis viribus obtentis istius globi ascensum inhiberem, se mediocriter habuit; quamprimum vero intumescencia istæ sensim superius obrepens ad caput pertigerit, illico membra totius corporis immaniter convellebantur, ut tanquam *spiritu malo* obsessus se ad parietes & postes illideret: à quatuor robustis viris vix summa vi detineri, & coerceri potuit, quin exsiliret, & brachia, & pedes, & caput motibus diversimodis huc illuc jactaret: quando ab exsultatione cessaret, membra fuerunt robustissimè extenta, & muscoli rigidi, & velut *tetano* affecti: Talis paroxysmus circiter horæ quadrantem durabat; dein ad se rediens sobrie loquutus est, in cubiculo obambulavit, qualia passus erat conscivit, & veniam ab astantibus petiit; brevi postea oculos inverttere, & ocissime volutare cœpit; dein statim affectus spasmodes repetens, similem uti prius excitabat tragœdiam: atque isto ritu intra tres horas quinq; aut sex paroxysmos ejusmodi convulsivos sustinuit: in medio quodam paroxysmo, vena in brachio pertusa, factoque orificio satis largo, sanguis lente effluebat & statim congelari visus est: ita quidem ut in pelvim exceptus, haud liquidorum more in superficiem planam & æquabilem diffunderet; at instar sevi liquefacti, & in vas frigidum instillati, gutta super guttam accumulata in molem accresceret.

Si affectio hæc stupenda mulieri contigisset, obvium esset, eam *hystericam* dicere, ejusque causam in *uteri* vitium conjicere; eo magis, quia tanquam molis cujusdam ab imo ventre ascensus

paroxysmum inchoavit: attamen cum vulgaris ista solutio, quæ sapissime merum ignorantia subterfugium est, in hoc casu admitti nequit; rationi maxime congruum videtur, omnia ista symptomata in malas *cerebri & nervosi generis* affectiones referre. Enimvero morbi causam in ipso capite, latere, ex symptomatibus paroxysmum præcedentibus, quæ spirituum intra *ἐγκέφαλον* latentium agitationem insignem denotabant, plane colligitur: ista *cerebri inflatio*, graves *Scotomia*, quæque insultu jamjam ingruente constanter evenerunt, *oculorum contorsiones*, manifestò arguunt particulas heterogeneas, & explosivas spiritibus intra *ἐγκέφαλον* juxta nervorum principia degentibus accrevisse. Adeo ut hic casus etiam ad *Epilepsie* naturam prope accederet, excepto tamen quod intra *cerebri medullam* spiritus nec copulam heterogeneam admitterent, nec alibi explosi, illic tumultuarie percurrerent; durante enim paroxysmo ægrotans usque animo constabat: at vero materies morbifica in capite uberius congesta, cum illinc in nervorum tum interiorum ductus altius prolaberetur, in visceribus tum imi, tum medi ventris, etiam in membris exterioribus, semini explosivi mineras valde diffusas posuerat; adeo ut cum spiritus animales juxta *nervorum origines* explodi inciperent, illico statim alii *plexus mesentericos*, & demum alii *alios plexus nervos* à meta extrema usque ad caput interjectos incolentes, ordine explosi, spasmos à parte in partem usque continuabant, donec ad *ἐγκέφαλον* perveniretur: exinde vero explosione statim ad spiritus *spinalis medullæ*, & *nervorum appendicum* hospites translata, musculorum, & membrorum totius corporis convulsiones validissimæ insequuntur: Quod autem ille velut *molis ascensus*, qui sapientimero in imo ventre, circa convulsionum initia percipitur, à spiritibus intra *plexus mesentericos* in explosiones adactis procedat, inferius cum de *passionibus hystericis* dicemus, fuse declarabitur.

Virgo lectissima circa 16. ætatis suæ annum ab equo decedens, & saxo protuberanti allisa, mammam sinistram graviter læsit, unde tumor cum dolore exortus est; quæ tamen symptomata ab initio remediorum usu mitigari, & demum ad longum tempus mediocriter habere visa sunt; post triennium vero à frigore suscepto, ac pessima victus ratione adhibita, omnia exacerbari cœperunt: pars læsa in majorem molem intumescens dolore peracuto, & fere constanti afficiebatur, ut ægrotans præ insigni cruciatu dies & noctes pleræque insomnes degerit, mammarumque glandulas tumidiore tunc factas nec tangi, nec pertractari, imo ne strepitum quemvis, aut concussionem in cubiculo factam sufferre potuerit.

Cum huic tumori versus cancrum degenerari, foci & cataplasmata ex *cicuta*, & *mandragora*, aliisque stupefacientibus, & percussivis applicarentur, perillustri Domina affectiones quasdam spasmodicas crebra vice infestantes pati cœpit: imprimis quoties in mamma dolor atrocius urgeret, illic loci punctiones, nec non spasmos ac contracturas huc illuc excurrentes persensit: deinde statim ventriculus ac hypochondria, & non raro totum abdomen

cum rugitu & vomendi nixu inflari, ac plurimum distendi solebant; mox idem affectus sensim ad superiora translatus *ἀνωθεν*, excitabat, cui brevi postea motus convulsivi in toto corpore adeo validi succedebant, ut ægrotans vix à tribus aut quatuor robustis viris contineri potuerit.

Hujusmodi paroxysmi primò erant vagi, & occasionaliter tantum excitati; nempe succedebant quoties dolor pectoris à causa quadam evidenti intenderetur: postea convulsiones istæ crebrius infestabant: ac demum periodicæ, ac habituales factæ, bis in die, nempe totidem statim horis à pastu constanter repetere solebant. Cumque ad hunc modum per sex menses ægrotans miserrime affligeretur, tandem *vertiginoso capitis affectu*, eam fere continuo exercente molestari cœpit; cui malo cum foci ex herbis aromaticis & cephalicis capiti aliquândiu adhiberetur, quoad *vertiginem* melius habuit; verum exinde novo & plane admirando symptomate, *inani* scilicet *inani* absque sputo dies & noctes, nisi cum somno obrueretur, perpetuo infestabatur: postquam clarissima hæc virgo diversimoda remedia à variis medicis præscripta absque multo commodo tentaverat, demum *thermæ temperatis* apud *Bathoniam* usæ juvabatur, deinde statim nupta, à *conceptu ac puerperio* sensim convaluit.

Si totius morbi ejusque accidentium rationes inquirantur, extra dubium est, affectionem convulsivam à *mammæ tumore*, sive loco dolente primo excitatam fuisse; cujus causa partim fuit acutissimus doloris sensus, à fibris ac nervis istius partis impressus, partim autem *copula heterogenea* spiritibus istarum fibrarum nervorumque intolis affixa; enimvero suspicari licet humorem acerrimum tumori impactum, qui forsitan aliquatenus nervorum ductibus illuc confluerat, Topicorum usu percussus, fibras & filamenta nervea per totam viciniam disposita subiisse, proindeque copulam heterogeneam & explosivam spiritibus accrevisse; ad quam elidendam, quoties à dolore incitabantur, explosiones spasmodicas inibant, simulque spiritus alii intra nervos affines scatentes priorum consensu (uti crebro assolet) pari ritu explodebantur: dein affectio spasmodica nervorum extremitatibus ubi primo inceperat, per eorundem ductus usque ad *ἐγκέφαλον* continuata, *ἀνωθεν*, & exinde in totum systema nervosum resiliens, artuum & membrorum omnium motus convulsivos inferre solebat: circa ægritudinis initium paroxysmi ad hunc modum à parte affecta propter dolorem excitari, ad cerebrum & appendicem ejus, secundo traducebantur: postea vero cum spiritus horum incolæ per sympathiam crebro explosi, partium continentium poros ita laxarant & debilitaverant, ut intra eosdem, una cum succo nervoso, particulis quibuscumque heterogeneis aditus patefceret, *procatarxis spasmodica* etiam in capite succrescebat, atque spiritus *ἐγκέφαλον* incolentes, copula heterogenea infecti, paroxysmum spasmodicum ipsi inchoabant, aut saltem insultibus ejus primos instantibus præbuere, qui ut plurimum à pastu totidem statim horis redibant; quia sc. materies morbifica unâ cum succo nervoso æquali fere dimenso inferebatur: revera in ejusmodi casibus ubi convulsio generalis fere omnes totius systematis nervosi

nervosi partes successive occupat, suspicari licet spiritus animales in toto genere nervoso copulam heterogeneam & explosivam contraxisse, quæ cum statuto tempore ad plenitudinem assurgat, ipsos spiritus pariter hora conductâ ad explosionem incitat: eademque explosio alicubi inchoata, fomitis ignarii ritu, in omnes ordine propagatur.

Quod spectat ad *tussim* istam *inanem*, quæ capitis fomentationi succedens, ægrotantem istam per plures menses fere incessanter exercuit, videtur quod symptoma istud omnino ab *origine nervosa affecta*, & nequaquam à *pulmonum infarctu* penderet, nihil enim tussi exercebat, & si quando istum tussendi impetum violenter inhiberet, statim in gutture præfocationis sensu afficiebatur: adeo ut verisimilius sit materiem morbiicam prope originem nervosam depositam, à fotu rarefactam, & commotam, nervorum pulmonibus dicatorum capita altius subisse, atque in fibris, & filamentis eorum spasmos perpetuos irritasse: simili quodam ritu ac cum succus nervosus qui musculorum fibras & tendines irrigat, acris ac degener factus, partibus iis subfultus, ac contracturas continuas inducit. Hinc quando spasmus in aliquibus nervorum affectorum surculis sisteretur, ita ut tussire non liceret, statim motus convulsivus in surculos alios ejusdem, aut affinis nervi incurrens, præfocationem in gutture excitabat. Libet hic exemplum aliud spasmi è nervorum extremitatibus affectis oriundi proponere.

Clarissima Matrona quinquagenaria postquam ei menstrua per sesquiannum fluere desierant, primo de *dolore pungitivo* in *mamma* sinistra queri cœpit; dein postea illo affectu cessante, circa *ventriculum* male habuit; illic nimirum *tumor durus*, & velut *scirrhus* cum dolore gravativo subortus est: huic stomachi inflatio cum respiratione difficili, nausea, & vomitione crebra supervenit: dein morbo ingravescente, dolore magis acuto, & huc illuc quaquaversus excurrente, in affectiones ventriculi convulsivas incidit: nempe illic loci spasms varie excurrentibus, haud secus ac si ventriculus multifari. m distraheretur, fere continuo molestabatur: porro cum *sui* & *vigiliis*, constans animi perturbatio, & crebra spirituum deliquia, quasi jamjam moribunda esset, Dominam ægrotantem exercebant: quæ tamen omnia symptomata ex isto ventriculi tumore semper oriri, eadem plane persensit: Huic medicamina quævis vomitoria, cathartica, antiscorbutica, & hysterica, absque ullo levamine, molestiæ potius & nocumento fuisse videbantur: à sanguinis missione per hirudines, & lactis asinini usu nonnihil commodi recepit, & postea ab acidulis diu epotis plurimum alleviabatur.

Prædicta symptomata, quæ vulgo *passioni hysterica*, & *vaporibus uterinis* ascriberentur, palam est à tumore circa ventriculi fundum excitato processisse: quippe sanguis Domine isti valde fervidus & atrabilarius existens, cum non amplius catameniorum fluxu purgaretur, recrementa sua & sæculentias adustas primo in *mamma*, & deinde novo incepto, in *stomachi membranis* deposuit: à tumore ibidem facto particula acres & heterogeneæ perpetim decedentes, *fibras*, & *nervos* circumcirca consitos subierant; quæ spiritibus earum partium *insitis*, *insisque*

continuo accrescentes, ipsos ad crebras explosiones, adeoque affectiones spasmodicas in tota vicinia excitabant: quandoquidem vero motus convulsivi illic loci habitus leviores fuerint, hinc apparet totum nervosum genus, ipsumque *ἐγκέφαλον* (prout in spasms majoribus assolet) in eundem affectum nondum consensisse: attamen spirituum inordinatio circa partes affectas exorsa, & illinc minori undulatione ad caput traducta, ejusque adeo spiritus incolas leviter tantum afficiens, vigilias cum ingenti æstu, & phantasiæ perturbatione inducebat. Quæ hactenus de spasms à causa morbifica alterutrum systematis nervosi obsidente disseruimus, clarius elucescent, cum postea de præcipuis convulsionum speciebus, de *passionibus scilicet hystericis, hypochondriacis*, aliisque particulatim agemus: Interea huic, de *spasms* propter *nervorum extremitates* affectas oriundis, hypothesei *methodum therapeuticam* non opus erit adjicere, quoniam *medendi rationes* hujusmodi pathematis postea speciatim tradendis melius accommodari possunt: In præsentiarum vero procedere oportet ad explicandas *passiones spasmodicas*, quarum *causa*, sive *materies morbifica* intra *plexus nerveos* subsistere videtur.

De plexibus nerveis alibi satis fuscè disseruimus, atque ex illorum *descriptione & usu* verisimillimum esse ostendimus *motuum convulsivorum* paroxysmos graviores intra hæc partes sæpenumero incipientes, exinde quaquaversus in viciniam, & non raro in longinquum propagari: saltem multo probabilius videri, particulas heterogeneas & explosivas, postquam *ἐγκέφαλος* ejusque appendicis medullaris tractus superaverint, inque nervorum canales, eorumque ductus, una cum succo ipsos irrigante altius prolapsas, intra *plexus nerveos*, velut *compita*, sive *diverticula*, copias explicare, ibidemque aliquandiu *stativa* habere, donec tandem uberius aggestæ, quasi collectis viribus affectionis spasmodicæ immaniores producant: hoc, inquam, longe probabilius apparet, quam (quod vulgo fit) ex *utero, liene, ventriculo*, aliove *viscere vapores elevatos* supponere, in quos omnis culpa ex facili conjiciatur: Nam intra *hæc plexus* pro mineris morbificis spatia satis idonea conceduntur, ut materies illic sensim deponi possit, & *manere*, donec ad plenitudinem congeratur: deinde vero quia *spirituum copias ingentes*, supra quam in aliis quibuscunque celulis, illic hospitari credimus, *copula heterogenea* iis accrescens in *explosiones* graviores quasi *fomitum* struit; adeo ut spiritus intra hæc corpora explosi ea non modo inflent, & dilatent, verum de *sui* *elevant*, & *attollant*; (velut cum ædificium à *pulvere pyrio* subvertitur) quare partes supra jacentes subito in tumorem efferuntur, atque appendæ huc illuc violenter contrahuntur. Ad hunc modum atrociore circa præcordia & viscera convulsionum paroxysmos sæpenumero excitari, præter argumenta ex ratione petita; non ita pridem *αὐτοψία* comprobatum habui: Cum enim *fœminæ* illustrissimæ paulo ante obitum *affectibus* (quos dicunt) *hystericis* gravissimè laborantis cadaver aperirem, uterum quidem prorsus insontem reperi: verum juxta *mesenterii plexus nerveos* (ut videbatur) in molem attolli, & elevari solitos,

visceris istius *membranas ab invicem divulsas & solutas*, ut circumquaque *humida & laxa*, quasi in *bullulas*, sive *vesiculas inflata* apparerent.

Profecto plura sunt *rationum solidarum momenta*, quibus adducimur ut credamus *pathemata dicta hysterica* sæpissime à materia spasmodica intra *plexus mesentericos* aggesta, & per vices explosa oriri: quod quidem ubi de morbis istis speciatiim agemus, clarius patebit: sed neq; minus probabile est, *dolores colicos* à materia aciori, & irritativa, *iisdem plexibus* contenta non raro procedere. Cæterum quoties *paroxysmi convulsivi* à *liene*, aut *ventriculo* incipere videntur, utpote quorum initia sunt partium istarum inflationes, & perturbationes insignes, verisimile est materiae spasmodicæ nidum intra *plexus nervos* ad *lienem*, aut *ventriculum* pertinentes reconditum fuisse: Quinetiam ejusmodi materies, intra *plexus cardiacos* gravissimos *cordis tremores* & *passiones*, intra *plexus pneumonicos*, aut *cervicales*, terribiles *asthmatis insultus* excitare videtur. In Neurologia nostra casum insignem perillustris fœmina retulimus, cui materies serosa è *syncephalo per nares sinistram* exstillari solita, *postea aurem* decubuerat: ubi cum dolor atrocissimus infestaret, *spasmi* insuper & *contractiones admirande* succedebant: quibus scilicet modo *cerebri & totius systemæ* compages *deorsum*, modo *guttur, præcordia, & viscera sursum* convelli viderentur: cujusmodi convulsiones partes ita oppositas, & longe distitas per vices afficientes, cum ab una eademque morbi sede in medio consita procederent; obvium erit concipere, locum dolentem, uti & affectionis utriusque spasmodicæ originem, fuisse *plexum gangliiformem*, juxta *parotidas* situm: in quem scilicet nervi tum *paris vagi è capite descendentes* ingrediuntur, & è quo *propagines* in *gutturis musculos*, atque *rami* in *præcordia & viscera* protenduntur. Porro ab eadem causa, scilicet materia *gangliiformi* intra *plexus gangliiformes* aggesta & per vices explosa, istum in *gutturis præfocationis sensum* in paroxysmis convulsivis tam crebro excitatum procedere (nec immerito) arbitramur.

Virgo lectissima & piissima, procera & gracilis, patre valetudinario, scilicet gravissimis nervosi generis affectibus, obnoxio genita, circa vicesimum ætatis suæ annum cephalalgia valde atroci & periodica, per plures dies affligebatur; instante demum solstitio brumali 1656. dolor capitis remisit, sed in vicem ejus ingens catarrhus, cum sputo tenui & copioso, nec non ulcerosa, narium, oris, & gulæ affectione successit; cum hujus molestiam aliquandiu pertulisset, tandem ex mulieris cujusdam præscripto, fumum saccini per tubulum ore excipiens, derepente sanata est; catarrhus nempe subito sistebatur, subinde verò conquesta erat de vertigine insigni cum capitis dolore & aurium tinnitu; die tertio cervicis tendines convellebantur, ut caput, modo antrorsum, modo retrorsum, modo ad latus deflecteretur, modo immotus & rigidus perstaret. Brevi post hæc totius corporis membra exteriora, & artus ejusmodi affectio spasmodica invasit. Brachia & manus mirè contorquebantur, ut eorum flexiones & convolutiones haud quispiam agyrtæ aut gesticulator imitari potuerit; crura &

pedes huc illuc divaricare, mutuò concutere, & alternatim transponere necesse habuit: ad hunc modum aut in cathedra sedens, aut lecto commissa, nisi à somno obrueretur, motibus convulsivis perpetuò afficiebatur: cum que summo musculorum uixu membra paululum cohiberet, statim respiratione difficili & anhelosa, cum præfocationis sensu corripiebatur; interim verò oculi, fauces, os, & viscera interiora spasmo quovis immunia perstabant; nec vomitu, rugitu, neque ventris hypochondriorum inflatione tentabatur. Porro animò usque constitit; memoriæ, intellectus, & phantasiæ munia ritè obivit, nihil delirè, aut insipienter loquuta est, aut egit; quin inter stupenda hæc mala verbis ulque piis, & probis fortitudinis & patientiæ Christianæ specimen admirandum exhibuit: appetitus citò dejiciebatur, ut cibos & alimenta quævis valde averfaretur; sitis autem continuo urgebat: vires admodum debiles fuerunt, ut nec stare, nedum pedibus incedere potuerit: urina erat coloris citrini, salsedine plurimum saturata, in cujus superficie pellicula tartarea concresebat.

Cum sexto agrotationis die ad hanc Dominam accerferer, admirandi istius affectus hujusmodi *Ætiologiam* instituebam: Etenim necum multis alijs statim omnia ad *sagarum præstigia* referrem, patris ejus consideratio effecerat, qui in eadem domo passionibus spasmodicis tunc temporis gravissimè laborabat: quapropter ut symptomatum istorum causas naturales investigarem, imprimis obvium erat, suspicari *dominam* illam *hereditaria* affectionum convulsivarum semina contraxisse, quæ tandem circa ætatis suæ *æxulum* in ejusmodi fructus eruperunt: cum enim sanguis particulis heterogeneis & explosivis plurimum imbueretur, istæ demum (prout in tali diathesi assolet) in caput suffundi, ibidemque affigi cœperunt; primo igitur in *meninges* depositæ *cephalalgiam* immanem & periodicam induxerunt; dein postea eadem materies, metastasi accidentaliter facta, in *gula ac oris* emunctoria decumbens, *cephalalgiam* in *catarrhum* commutavit; cum denique intempestivo remedii adhibiti usu *defluxio* sisteretur, materies morbifica in *cerebrum* regurgitans, *vertiginem* intulit, & exinde in *nervosum genus* detrusa, prædictas affectiones *systematis* excitavit.

Quod verò spectat ad *rationem formalem* seu generationis modum, quo materies spasmodica in nervosum genus decumbens symptomata isthac admiranda produxisse videatur: opinari fas sit, quod eadem ab *ἐγκεφάλῳ*, utpote firmioris, confinio in *medullam spinalem* ejusque appendicem detrusa, ac instar fermenti maligni habens, imprimis succi has partes irrigantis massam integram particulis heterogeneis & summe explosivis infecerat; quæ spiritibus per totas eorum series ubique dispositis accrescentes, ipsosque velut æstro quodam agitantes in explosiones continuas irritabant: revera cum *succus nervosus*, uti dictum est, à materia spasmodicæ influxu ita fermentatur, qui partes continentes alioqui blando allapsu irrigaret, atque spiritus animales cum expansione æquabili per eandem traji-

trajiceret, nunc idem fibras nerveas in varias contractiones, & corrugationes torquebat, atque spiritus tum influos, copula nimirum heterogenea onustos, à debita irradiatione inhibebat; tum partis cujusque *infusos* variè exagitans, *afflatu* velut *diabolico* incitabat, adeò ut appetitus imperio minimè obsequentes, motus inordinatos iniverint, eosque huc illuc rapide translato, reciprocatione perpetua iterarint.

Quamvis autem particula heterogenea è sanguine in cerebrum suffusa, indèque in *genus nervosum* protrusa, haud ex æquo nervorum omnium origines, sed *spinalem medullam*, ejusque propagines nerveas præcipuè, ac ferè tantum subiere; ita ut *viscera* interna, insuper *oculi, oris, & faciei* partes spasmo quovis immunes perstarent; ille tamen impetus explosivus, quo minus à membris exterioribus obiretur, vi quadam inhibitus, illico velut *ignis missilis*, qua data via, in *præcordia*, ac imi ventris *viscera* incurrere solebat: quia scil. *spiritus influi* cæstro quodam perciti, & spatium amplius in quo bacchantur exigentes, ab uno loco exclusi, mox alium alicubi patentem subeunt, quapropter *cæstrum* illud, si tum à membris, tum à visceribus fuisset repulsum, non dubito quin in *cerebrum* regurgitasset, *furor*em ibi aut *æra* *æra* *æra* quasi *epilepticam* illaturum. Quæ quidem sympto nata abesse contigit, eo quod Dominæ hujus ingeniosissimæ cerebrum constitutione firmiore præditum, è liquore nervoso recens instillato quicquid congruum & spirituosum fuerat, in penum propriam arripiebat, eoque fruebatur: interim particulas quasque morbificas in *spinalem medullam* deprimebat, à quibus membrorum motus involuntarii, eo quo dictum est modo excitabantur.

Præclaræ hujus virginis *curationem* moliri rogatus, facta imprimis levi corporis præparatione, *portionem solutivam* ex infusione *sennæ & rhabbari*, adjectis *santalo citrino*, & *sale absterghii*, propinabam, qua duodecies cum magno levamine purgata fuit; die sequenti è brachio sinistro sanguinem ad ζ viii. detraxi, quovis vespere opiatam ex *aqua & syrupo florum verbasculi* cum *pulvere margaritarum* exhibui: insuper semel intra sex horas dosim *spiritus C. Cervi*, cum haustulo *Julapii* sequentis sumendam præscripsi.

\mathcal{L} . Aqu. cerasorum nigrorum, juglandum, florum proniæ, an. ζ iij. Antiepilept. Langii ζ ij. Syrupi è floribus proniæ maris ζ ij. Margarit. pulv. \mathcal{E} j. Misc. f. Julapium: quia *purgationem* multam ferre nequibat, *enemata* ex *lacte saccharato* erant crebro in usu: præter *linimenta antispasmodica cervici & spinæ* applicata, *frictiones* membrorum affectorum cum pannis laneis oleo appropriato madefactis, & excalefactis frequentes instituimus.

Horum usu intra sex dies *agrotans* plurimum alleviari visa fuerat; nam motus convulsivi ferè in totum cessabant, membra in debito situ, & quiete continere potuit, solummodo *caput* contractione leviori interdum huc illuc leniter deflectere cogebatur; porro cathedra exurgere, & parum incedere valuit; sed dum gressum faceret, non recta, sed *in latum* oblique procedebat: Hoc tempore discedens, eam multo melius habere visam in manifesto convalescentiæ statu reliqui: post alteram vero septimanam,

cum *Boreas* inclementior nocturno tempore exortus, fenestra haud firmiter occlusa ægrotanti lecto commissæ vehementius afflaret, illa statim à frigore suscepto ejusmodi *recidivam* passa fuit, ut non modo *parhematis spasmodicis*, verum & *paralysi universali periodica* obnoxia evaserit: nam deinceps à mane usque ad *vesperam capiti & membris* (uti prius) huc illuc vicissim flexis atque jactatis, *arius* successivè omnes circumagere, deflectere, ac variè detorquere coacta est; donec sub *noctem*, motibus ejusmodi prorsus sedatis, *membrorum resolutio*, siue *paralysis* succederet, ita ut nec manus, aut pedes, neque ullam præterea partem movere, aut corporis nixu n quemvis motivum exercere potuerit, intra lectu n instar saxi ferè *immobilis* jacens; at aliquanto somno resecta, circa *mane* prout *facultatis motive regularis* virtutem quandam, scilicet brachiis & cruribus huc illuc, imbecillius licet, delectendis parem recuperavit, sic etiam *motus convulsivi & involuntarii*, per totum exinde diem perdurantes constanter redibant, qui *vesperi* rursus in *arium resolutiones* commutabantur.

Ex his liquido constat, *Dominam* agrotantem, & duplici morbo, scil. *paralysi ac spasmo* laborasse, & utriusque *causam materialem* aliquatenus *distinctam* fuisse: videtur enim, quod *spiritus animales* ubique scatentes, à particulis *narcoticis* onusti ferè continuo ligarentur: præterquam quod inter dormiendum, unà cum succo nervoso, *particula spasmodica* uberti u influentes, etiam spiritibus accrescerent, quarum *explosionibus* spiritus incitati motus involuntarios produxerunt; quin & *copula narcotica* eo tempore aliquatenus excussa, etiam voluntarios, seu regulares quadantenus pericere valuerunt. Præter remedia modo citata, alia quæ plurima cujusque ferè generis, scilicet *antiscorbutica, antiparalytica, decocta, sudorifica, aquæ destillata spiritus, elixires, tinctura, balnea, linimenta* cum multis aliis sedulo adhibebantur; quorum usu symptomata nonnihil remittebant; haud tamen morbus integre sanabatur: *paralysis universalis* brevi cessabat, ita ut omni tempore artus movere, & huc illuc deflectere potuerit; quin & membrorum *motus involuntarii* eam rarius molestant; usque tamen *languida & imbellis* perstitit. Cumque illa constitutionis tenerioris ac in tabem proclivis, & nunc quidem nulli exercitio habilis esset, ob transpirationem impeditam sanguinis recrementa in *pulmones* deposita *tussim* inferebant, quâ indies ingravescente, demum *phthisica* interibat.

Ante plures annos accersabar ad *virginem nobilem*, simili ferè ritu & aliquanto gravius ægrotantem: Hæc enim *capitis & membrorum motus involuntarios*, nempe aut *succussiones*, aut huc illuc *deflexiones*, vel *circumactiones* ferè perpetua vice redeunt perpeffa fuerat: insuper *diaphragmatis, & musculorum respirationi* inservientium *spasmo* admodum molesto, & plane stupendo afficiebatur: Etenim quovis hora minuto, & sæpius, *spina dorsæ* circa medietatem e us subito incurvabatur, simulque *pectore* antrosum exsiliante, & *hypochondriis* introrsum contractis, *singultus* valde sonorus, idemque *duplicatus*, modo *triplicatus*, minus tamen, & usque minus stridulus edebatur: per plures horas hujusmodi *motus, & stridor*

doris reciprocationes obire solebat, ut per totas *ades* exaudiretur: si quando breve hujus interstitium contigit, illico *brachia & manus*, modo *crura & pedes* valde concutere, aut contorquere, quin etiam *caput* modo rapidissime conjectare, mox cervicem quasi rigidam, & immobilem tenere cogeatur: quandoque inter loquendum *lingua* eo ritu corripiebatur, ut idem verbum sæpius imò aliquando vices ut minimum repeteret: Cum in membris exterioribus motus convulsivi fortius urgerent, ab affectu isto *stridulo*, & *singultuoso* aliquantulum vacabat, atque hoc spatium intermissionis, & levaminis sui tempus dicebat, licet interea caput ac membra motibus violentis huc illuc proriperentur: si quando in latus sinistrum decumberet, statim dextri hypochondrii introrsum contractio, cum singultu ciebatur; Intra paucos dies hujusmodi pathematum assiduitate viribus plurimum dejectis, tantam in *lumbis & crurum artubus* imbecillitatem contraxit, ut nec stare, nedum pedibus incedere potuerit: *ventriculus* sive *lingua*, sive *spasmo* affectus, quidvis ingestum vomitu reddebat.

In hoc casu, sicuti in priori plane constat, *spiritus animales*, non modo huic aut isti parti vel regioni *insitos* copulam heterogeneam per vices quasdam elidendam contraxisse, sed & *spiritus* nervorum quorundam *influos*, particulis explosivis imbutos, motus convulsivos perpetuos & vagos intulisse. Cumque ab initio contigit *spiritus* ita affectos, non omnes simul *nervos*, nec quosvis indifferenter, verum *spinalis medulle* appendices, atque ad *diaphragma* pertinentes, fere tantum subiisse, ita ut intra horum spatia, spirituum continuo explosorum debacchatio limitaretur, propterea quidem accidit, *affectiones spasmodicas*, in una qualibet istarum parte cohibitas, in alia statim ferocius erupisse; cumque ex proprio instinctu, illorum impetus motivus in una regione intenderetur, in altera idem interea remitti solebat. Porro in hac ægrotante *materies morbifica*, particulis tum *narcoticis*, tum *spasmodicis* constans, affectionem una *paralyticam* ac *convulsivam* inferebat.

Die quarto adveniens pharmacum *emeticum* propinabam; à quo septies evomuit pituitam viscidam, cum bile flava copiosa, sine quovis tamen levamine: die postero *sanguinem* e brachio detrahebam ad $\frac{3}{4}$ vi. exinde statim sanguine versus caput impetuosius raptò, de *cephalalgia*, & *vertigine* plurimum conquesta erat: intra triduum vero *phlebotomia* in pede celebrata, se melius habuit: sumpsit postea remedia nervorum affectibus dicata, scilicet *spiritum C. Cervi*, & *sanguinis*, *pulveres testaceos*, & *bezoarticos*, *julapia*, & *electuaria antispasmodica*: Horum usu symptomata nonnihil remittere visa, usque tamen aliquatenus, juxta typos modo descriptos, perdurabant: Post duas septimanas, ex præscripto mulieris cujusdam rusticæ, cepit sanguinis ex *nare asini* detracti cochlearia sex in haustu cerevisiæ, à quo derepente sanari videbatur: nam motus convulsivi illico omnes cessabant, iisque per 24. horas immunis degebat; attamen morbus cum solita ferocia propediem revertens, neutiquam isti remedio, nec quidem facile aliis quibuscvis cedebat: Itaque in posterum cepit *medicamenta methodice* præscripta: semel intra

sex dies blande purgabatur; præterea sumebat pulverem ex *bezoar*, *margaritis*, & *corallis* cum rad. & sem. *peonia* compositum; item *electuarium* ab Horstio ad convulsiones hujusmodi admittendum præscriptum; insuper *julapia*, & *decocta* in affectibus *spasmodicis* appropriata: *Enemata* erant crebro in usu, *frictiones*, *vestiatoria*, & *linimenta* cum fructu adhibebantur: Intra alteram hebdomadam affectio *singultuosa* prorsus cessabat, quin & reliqui motus convulsivi, sensim mitiores facti plurimum remittebant: ab istis verò *pathematis* convalescens, *catarrho* in fauces decumbente, in tantum molestabatur, ut *salivam acrem*, & velut corrosivam fere continuo expueret, ac si ab assumpto *Mercurio salivatio* induceretur: quod equidem remedii genus in hoc casu peridoneum fuisse eventus comprobavit: ab eo tamen adhibendo, quia cum ægrotantis, & amicorum ejus venia minime licebat, prorsus abstinebam.

Postquam *sputatio* isthæ copiosa, & valde molesta per plures dies perstitisset, morbus fere in totum sanari videbatur: adeo ut *Domina Illustris* motibus convulsivis libera, foras incederet, & viribus, & stomacho valeret: solummodo querebatur quod aliquoties in die, subito totius corporis horrore circiter horæ minutum afficeretur; qualis etiam affectus quandoque noctu superveniens somnum abrumpebat. Intra mensis spatium, hoc etiam *symptoma*, ac insuper *catarrhus* prorsus cessabant: deinceps vero illa interdum *summo acore* in *ventriculo* & *œsophagi ductu*, quandoque etiam in faucibus & *Palato* affligebatur, ut vereretur ne partes istæ cute interiori detrita, diathesin ulcerosam contraherent; porro sæpius in somnis, aliquando etiam evigilans *incubo* tentari solebat. Huic, vere & autumno blandam *catharsin* cum remedium *antiscorbuticorum*, & nonnunquam *chalybeatorum* usu adhibendam præscripsi: Cujusmodi methodum tanto suo commodo observavit, ut per plures annos satis rectè valuerit, & etiamnum valeat.

Inter multa remedia, quæ contra istum *palatæ & œsophagi acorem*, & diathesin quasi ulcerosam sumebantur, præscripsi ut quolibet mane *propriam urinam* recens excretam ebiberet; hæc ut plurimum valde *falsuginea*, levamen ingens conferre solebat: quibusdam vero temporibus *urina* tenuis & copiosa, quæ tamen minime falsa, verum instar *aceti* plane *acida* effluxit, à cujus potu parum aut nihil commodi recepit.

Causa modo descripti *Ætiologia*, priori non multum ab similis videtur, nisi quod in hac ægrotante *particula explosiva*, plurimum nervorum ductus, scilicet præter istos *medulle spinalis* appendices, quosdam insuper *respirationis* muneri, ac per vices quasdam *linguæ* motui dicatos subierint, atque spiritus in ipsis scatentes *æstro* fere perpetuo affecerint.

Quod autem morbi hujus solutio per humoris *acerrimi* in oris & gula *emundatoria decubitus* contigerit, hinc colligere licet, hujus causam *materialem* fuisse *particulas heterogeneas*, & quasi *nitrosas* in sanguine progenitas; quæ cum exinde, *cerebro trajecto*, in *nervosum genus* deferrentur, *pathemata predicta* intulerant: quamprimum verò remedium ope uberius istius *materiæ* proventus inhiheretur, atque *particulæ morbificæ*

ficæ jamjam productæ, tum à sanguine, tum à cerebro & succo nervoso in ista capitis emunctoria derivarentur affectio convulsiva statim remisit, atque intra breve tempus, tali cunctis usque perdurante, morbi solutio perfecta sequebatur.

Quandoquidem *urina*, ex se plurimum *salsa* & quasi *lixivialis*, per vices quasdam *acetosa* evasit, quæ contra *gula acorem*, non uti prior, juvamen præstitit: hinc colligere datur, *sanguinis* & *humorum* particulas salinas per urinam decedentem *duplicem statum*, nempe *fixitatis*, & *fluoris*, subiisse; quare *serum* iis imbutum, modo *hujus*, modo *istius indolis* extitit: videtur enim quod particula salinæ intra massam sanguineam degeneres, *fixiores* manent, & *urinam* plerunque *lixivalem* reddunt: quæ tamen extra sanguinem in *succo nervoso* scatent, aut circa *partes solidas* deponuntur, in *fluorem*, sive *acetositatem* degenerant. Itaque ab *his* in *oris emunctoria* derivatis, insignis ille *oris* & *œsophagi* acor procedebat: porro cum ejusmodi particula in *succo nervoso* ac *partibus solidis* ad plenitudinem aggestæ turgescerent, ac fluxione oborta in *sanguinem* ebullierint: hæ statim exinde confertim *per renes* amandatæ, *urinam* quantitate auctam *acetosam* reddebant. In quantum vero *particula salina*, diversi status, ac minime quæ sunt ejusdem, invicem commixtæ, in se mutuo agunt, & vires suas refringunt, idcirco *urina salsa* ac neutiquam *acetosa gula acorem* sanabat. Experimento satis vulgari constat *spiritum vitrioli acerrimum*, *salis tartari* aut *cujusvis alius lixivialis mixtura plurimum mitescere*: quinimò & *humorem acidum* in *Dominæ* hujus *oris* & *gulæ* partes exudatum, propè ad *aceti calcanthini* indolem accessisse inde constat, quia *nicotiane fumus* ægrotantis ore acceptus mire *dulcescebat*, prout nimirum in quibusvis à *vitriolo prægustato* affolet.

Quoniam hic de *convulsionibus admirandis*, quæ non passim eveniunt, & quarum *natura* & *causæ* in abstruso latent, agimus; pro meliori ejusmodi affectuum illustratione, libet hic *casum* adhuc *unum* & *alterum*, & prioribus haud minus stupendos proponere.

Decem abhinc annis, *nobilis* cujusdam *filiam* ad motus *convulsivos* eo ritu incitatam, ut nonnulli eam à spiritu malo obsessam putaverint, invisebam, *Virgo* hæc 16. circiter annos nata, pulchra & *evocata*, patre tamen paralytico progenita, sine causa evidenti, circa *brumæ solstitium* male habere cœpit: primo per aliquot dies *cephalgia* & *vertigine*, haud gravi tamen modo afficiebatur; deinde in brachio uno, & mox in altero *tremorem*, & subitam *contractionem* perferens; cujusmodi spasmi isto die sæpius repetentes, vix punctum temporis durabant; postridie juxta sororem suam in cathedra sedens, subito exsiliens, saltum unum & alterum, multosque alios successive ad distantiam plurimum pedum mira agilitate perficiebat; dein cum camerae extremum limitem attigit, aliquandiu in eodem loco, & qualibet vice ad miram altitudinem saliens præstabat; cum saltationi ulteriori crura deficerent, in terram concidit ac statim caput cum mira violentia huc illuc conjecit, quasi illud collo excuteret: quamprimum ab hoc motu præ lassitudine cessaret, statim manus, & pedes idem furor invasit, ut necesse haberet membra hæc parietes, aut postes percutiendo,

vel pavementum contundendo validissime exercere: Quando ob pudorem, aut verecundiam amicis aut astantibus debitam, se magna vi ab his motionibus cohiberet, (usque enim animo constabat, & sobrie loquuta erat) statim affectu interius transmissio, insigni cordis oppressione, cum gemitu, & singultu valde stridulo plurimum infestabatur; dein cum se relaxaret, statim æstro ad artuum exteriorum musculos transmissio, aut saltare, aut caput, vel brachia immaniter huc illuc conjicere, aut etiam in camera rapidissime cursitare, vel humum pedibus contundere cogebatur; quippe hujusmodi vehementes *artuum*, aut *viscerum commotiones*, affectus *tragædia* velut in orbem revertente, se mutuo excipiebant.

Die quinto à quo hæc *domina* primo ægrota-verat adveniens, *vomitum ex infusione croci metallor. vino scilicito*, & *sale vitrioli* propinabam, à quo septies evomuit bilem æruginosam in magna copia, cum admittance humoris acerrimi, & quasi vitriolici: postridie *sanguis* è vena *saphæna* ad 3 x. detrahebatur; præterea sumebat bis in die *antidota ex pulveribus lapidum pretiosorum, cranii humani, & rad. pæonia maris*. Horum usu intra septimanam sanari visa, per plures exinde dies affectionibus prædictis immunis degebat: Attamen post binas hebdomadas, instanti plenilunio, ejusdem morbi recidivam solito atrociorum patiebatur; nam præter *salus admirandos, capitis & membrorum contorsiones, convolutionesque* vehementes, insuper intra cubilis spatia *cursum huc illuc rapidissimum* iterare cogebatur. Cepit hoc tempore, ex aliorum præscriptis, *remedia antihysterica*, & stasis quibusdam intervallis *purgantia*, sine quovis tamen juvamine: Denuo accersitus, siquidem robusto corporis habitu, & spirituum efferatione insigni prædita videbatur, *emetikum fortius* propinabam, à quo decies evomuit bilem instar æruginis viridescentem, cum pituita instar aquæ stygiæ acerrima, & subito alleviabatur: Exhibui posthæc quovis mane, *haustum vini albi cum aqua cerasorum nigrorum* dilutum, *asellis contritis* superaffusum, & fortiter expressum: Horum usu statim curari visa, per mensem & amplius integrè valebat: Cumque postea affectus redituri quævis præludia unquam perferens, mox *vomitum* & ejusdem *millepedum expressionis* usu morbi insultum avertebat: Intra tres menses sanitatem pristinam ita recuperabat, ut plures nunc annos affectionibus ejusmodi spasmodicis immunis degeret: attamen à quo tempore pathemata convulsiva prorsus cessarunt, quandoque circa *oris* & *gulæ* partes *humoris acidissimi* ac instar *stigmatis vitriolici* defluxione afficiebatur: Insuper interdum *malacia* & *pica*, aliquando etiam *russi*, cum *sputo decolori phthisin* minante obnoxia fuit, quæ tamen remediis in ejusmodi casibus usitatis facile sanabatur.

Quod spectat ad prædicti casus *Ætiologiam*, non est cur vereamur hujus morbi, & symptomatum causas, ad *particulas explosivas è sanguine* (cerebro usque impune trajecto) in *genus nervosum* continuo suppeditatas referre: quæ siquidem copia ingenti suffusa, intra privatas mineras tantum per vices elidenda, minimè coercerentur, *spiritibus* ubique tum *influis*, tum *insitis* accrescentes eos, velut æstro afflatos perpetim ex-

explodi, & per manipulos huc illuc inordinate efferrī cogeant: ita nimirum ut intra partes continentes paulatim regulari nequirent; quia eos impetuosē tumultuantes, & hic illic, turbinis instar, corripī aptos, exercitio valido, ac admodum violento subigi, & perdomari opus fuit: Revera in hac ægrotante non aliter res se habuit, quā in *organis musicis*, quæ si vento nimis insufflato supra modum impleantur, nitatim plures fistularum aperturæ recludantur, brevi totius machinæ compages concutitur, ac in partes dissilire periclitatur: pariter in hac domina cum spiritus animales nervorum quorundam ductus, & fibras appendices actuan-tes, ultra debitum tenorem exagitarentur, necesse erat eorum impetus, dum corpora nervosa supra modum inflarent, in motus locales una plures & vehementiores impendi: quapropter cum eorum rabies ab una parte cohiberetur, mox uti ventus oclusus alio se proripiens, in quadam alia parte violentius erupit.

In hac ægrotante vomitorii usus semel, atque iterum juvamen præstitit, eo quod *cysti felleæ*, quin & *glandulis & emunctoriis*, quæ circa coctionis viscera consita sunt, hoc modo inanitis, *sanguinis & succi nervosi* purgamenta in eadem copiosius allicerentur: propterea quidem, ut spiritus animales intra ductus nerveos affectos scatentes, ab iis minus inticerentur: Hac ratione etiam *succus asellorum* profuit, quatenus materiam morificam è *nervoso genere* ad *vias urinarias* derivavit: Præter hæc remedia materiæ morificæ *radicem & ramos* magna ex parte amputantia, cum & alia velut *antidota*, ejus *vegetationem* ubique impredientia sedulo adhiberentur, quicquid ejus reliquum fuit, natura demum superior facta (solita in his casibus *ἐκκρίσις*) ad *oris & gulæ* emunctoria ablegabat.

Dum hæc scriberem, *virginem* illustrem invisebam, quæ aliufmodi motibus convulsivis, iisque universalibus, & non minus admirandis afficiebatur: Hæc circiter annum ætatis 18. *ἐν ἡλικίᾳ*, venusta, & antehac sana, cum grassante in hac vicinia *pestilentia* ejus contagii periculum incautē subiret, in *terrorem* panicum, cum crebra *leipothymia* incidit: sequenti nocte, tanta spirituum deliquia, & *ἀνία* passa erat, ut planè moribunda videretur: isto tamen malo ægrè eluctata, deinceps quolibet die *paroxysmos convulsivos*, horis tamen primo incertis, & sub specie multiformi redeuntes habuit: verum intra breve tempus morbi accessiones regulares factæ, *bis in die*, scilicet *hora undecima* ante, & *quinta* post meridiem, constanter repetebant, ut nulla febris intermittens periodos suas exactius servaverit; quin & singula *paroxysmi* accidentia simili ritu quotidie obtingebant.

Cum per tres septimanas hoc modo laborasset, quodam die accersor ut symptomata quævis ac integrum *morbi typum* advertere possem: Hora decima matutina lecto excitata rectè valuit; vultu, incessu, colloquio optimè se gessit, ut nullus eam quoquo modo ægrotare suspicaretur: hora undecima de *ἰνικάλῃ plenitudine & spirituum torpore*, cum *levi scoromia* queri cœpit; mox in *hypochondrio sinistro* pulsationem insignem, & quasi vivi animalis exsultationem persensit: hunc motum lateri manum meam admoventes plane percepi; dein *pandiculatio & rugitus* suc-

cedebant; quo facto, illico ad lectum ducebatur, & ancillæ super pulvinar sedenti tenenda tradita est: Hæc ægrotantem in gremio suo, brachiis circa medium corpus ejus complicatis, durante paroxysmo arctissime constringit: insuper præsto sunt ministræ, affinesque adstantes, quæ modo ejus *brachia & manus* cohibent, modo *ventrem & hypochondria* in molem ingentem elevata, & sursum nitentia comprimunt. Præcipua morbi symptomata, quæ vicissim excitata, ferè totum paroxysmum dividebant, erant hæc duo, scilicet modo *immanes viscerum spasmi* infestabant, ita ut abdomen in molem ingentem assurgens obtentis astantium manibus contraniteretur, ut vix, ac ne vix comprimi potuerit; simulque *præcordiis* sursum contractis, cordis & sanguinis motus pene sisterentur: quo temporis spatio virgo hæc caput reclinans, cum pulsu diminuto, & ferè nullo *ἀφύπνῃ*, & ferè insensibilis jacet; post duo aut tria horæ minuta hi spasmi cessant; & dein ægrotans sese erigens, alacriter circumspicit, & aliquantulum morbi impetum in *colloquia & cantilenas* convertit, quorum utraque lepidissima, & supra propriam indolem elegantissima indefinenter effundit: ejusmodi effatis, & dictariis adstantes quosvis prosequitur, ut nihil uspiam in *comœdia* facetius occurrat, dein *harmonia modulor* suavisimos, & jucundiores quam aut alius quispiam potest, aut ipsamet alio tempore profert: postquam ita jocando, canendoque circiter sex aut septem horæ minuta transegit, denuo viscerum & præcordiorum spasmos, & *ἀφύπνῃ*, uti prius incurrit: atque his brevi remittentibus, spirituum *ὄππῃ* à nervis inferioribus in cerebrum resiliens, denuo *loquela cantusque* facetius impenditur; quoties cum adstantibus colloquitur, si quid ab his acerbius aut ignominiosum reponitur, illa viscerum spasmos graviores & diuturniores subit: Ad hunc modum, scilicet alterna *viscerum & cerebri* affectione circiter horæ unius spatium molestari solet; dein paroxysmo versus finem vergente, viscerum spasmi leviores facti ter aut quater cum minima intermissione repetunt: dein his in totum cessantibus, morbi impetus, in membra exteriora erumpit, unde statim penitus evanescit; nam brachia & crura per horæ minutum contracturas, subsultusque patiuntur: illico dein ægrotans excitata, è lecto descendit, omni spasmo, usque dum novus redit paroxysmus, immunis, quin & viribus mediocriter valens, circa ades obambulat, & durante affectus interstitio consueta vitæ munia alacriter obit, excepto tamen quod stomachus languescens toto die alimenta fastidit, vesperi post secundum morbi paroxysmum modicè cœnat.

Hic præsens *morbi status est*; in cujus paroxysmis quarundam facultatum *usus illustrior*, aliarum *anomalias* quadantenus compensare videtur: Verum circa ægrotationis initia paulo secus habuit; quippe viscerum spasmi longe graviores fuerunt, iisque *ἀναισθησία* adjungebatur: illorum insuper interstitia, *fabulatio absurda, cantus inconcinni*, quin & *risus*, aut *fletus*, ratione haud conscia erumpentes, excipere solebant: nunc autem spiritus animales in explosiones diuturnas coacti, eas tam regulariter modo hac, modo illac, qua data via commodior, peragunt,

gunt, ut quodam modo *rationis & voluntatis* imperio fieri videantur.

Itaque ut juxta nostram *hypothesin* hujusce affectionis *Ætiologiam* instituamus, videtur imprimis quod *timor vehemens*, spiritus *cerebri & precordiorum* incolas in magnas *anxiās* adegerit; ita ut istis extra ordines suos perturbatis, & amentia quædam, & leipothymia crebra succederent. Porro suspicari licet ab eadem impressione *cerebro* ipsi noxam illatam fuisse, ita ut conformatione ejus nonnihil vitata, particulae heterogeneae & morbificae, una cum succo nervoso admitterentur: dein licet spiritus ab initio confusi atque perturbati, post breves inordinationes sese denuo recuperarent & functionis tum animalis, tum vitalis solita munia exequerentur: attamen ob labem *cerebro* impressam particulae heterogeneae constanter admixtae spiritibus accrescentes, *diversas* explosivas inducebant; quamprimum enim spiritus copula extranea ad plenitudinem saturantur, ad ipsam excutiendam, sive elidendam irritati, explosiones *spasmodicas* inibant.

Circa morbi principia, cum & *cerebri*, & *spirituum* incolarum diathesis à noxa recens suscepta magis perversa & vitiosa esset, copulae heterogeneae plenitudo citius contigit, proindeque explosio ejus crebrius & inordinatius succedens, cum majori tumultuperagebatur; postea vero cum regiminis animalis noxa remittente, istius copulae, non secus ac *liquoris nervosi* supplementa æquali dimenso quotidie ingerebantur, spirituum explosiones regulares mitioresque factae, iustas observabant periodos.

Quod ingruente paroxysmo in *capite plenitudinem*, ac velut *inflationem*, cum spirituum *torpore & scotomia* agrotans persensit: ratio est, quoniam hoc tempore spiritus *cerebri* incolae, jamjam in explosiones parati, primo exagitari, & velut turgescere solent; dein pulsatio ista in sinistro hypochondrio successit, in quantum spiritus *plexus fibrasque nerveas* circa *lienem* densissimè confitas incolentes explodi incipiunt: postea cum spiritus intra *plexus* tum *mesentericos*, tum *cardiacos* scatentes, una exploduntur, istae *abdominis & thoracis* elevationes, & quasi *subfultus* inducuntur: cumque in hac affectione *cordis & sanguinis* motus ferè in totum sistuntur, ideo *pulsus diminutus* & ferè nullus, cum *apnoea* & aliquali *anæsthesia* evadit.

Remittente *viscerum & precordiorum spasmo*, garrulitas & cantus succedunt, quia spirituum adhuc explosorum *portio* è *nervoso* genere in *cerebrum* facta, *spasmos* in *phantasia exaltationem*, & promptiora phantasmatum exercitia commutat. Quamdiu spiritus intra *cerebri medullium* regulariter ac ordinate exploduntur, facultatum & habituum actus tantum nobiliores, & quasi supra naturæ vires & tenorem eduntur, prout in hac agrotante: è contra autem, cum in ista regione spirituum explosiones inordinatae contingunt, ut plurimum *amentia*, aut saltem potentiarum istarum exercitia incongrua, ac absurda peraguntur.

Viscerum spasmi & actiones phantastica sese mutuo & alternatim excipiunt; quia scilicet spirituum copiae ad explodendum dispositae, velut undulatione *directa & reflexa*, tendentiam suam modo in hanc partem, modo in istam vicissim

faciunt: dein ultimo, cum ferè omnes exploduntur, *viscerum spasmi* crebriores excitantur: cumque explodendorum manipulus tantum exiguus superest, ille denuo tum à *capite*, tum à *visceribus* exclusus, in *spinalem medullam* excurrit, ultimosque morbi impetus in *brachiorum & crurum* convulsiones impendit.

In hoc casu difficultas adhuc insignis restat, quare morbi hujus *paroxysmi*, cum statis semper horis exacte repetant, *periodos* tamen adeo *inaequales* habent; nimirum ut *accessio prima* tantum sex horas antecedit secundam, & dein secundae reditus ad primam non nisi 18. horarum spatio contingat. Propter hujus solutionem supponendum erit paroxysmos istos pendere à *liquore nervoso* particulis heterogeneis ad plenitudinem referto; quæ particulae huic è *massa sanguinea* omnino convehuntur, atque *sanguis* easdem è *succo nutritio* à *visceribus* suppeditato imbibit. His ita suppositis, considerare oportebit quo temporis spatio *massa sanguinea* particulis istis morbificis saturatur, & dein quali dimenso eas in *liquorem nervosum* suffundit. Super his, in agrotantis hujusce casu, ut melius constet quo ritu habet, sciendum est, eam in toto nycthemero unica tantum vice victum plenum assumere: nempe paroxysmo secundo finito circa horam septimam mediocriter coenat, reliquo die appetitu carens, vix quidquam alimenti ingerit; itaque probabile est *materiem morbificam*, una cum *penu nutritia*, potissimum tempore nocturno in *massam sanguineam* suffundi; idque uberius quam ut totum exinde statim in *liquorem nervosum* derivari possit: particulae heterogeneae, quæ primo è *sanguine* recens saturato in *liquorem nervosum* convehuntur, ad plenitudinem aggestae paroxysmum primum excitant; cujus accessio ideo diutius protelatur, quoniam & spatium unum requiritur, quo *sanguis*, & dein aliud quo *cerebrum & nervi* impleantur: post exactum hunc paroxysmum, quia *sanguis* adhuc satur, plures alias ejusmodi particulas in se continens, eas succo nervoso è vestigio suffundit, idcirco paroxysmus alter sub triplo istius spatii quo prior, inducitur: hoc autem finito, quia tum *massa sanguinea*, tum *succus nervosus* sarcina sua profus liberantur, agrotans melius quam alio quovis tempore se habens, alimenta satis avide capebat; deinceps vero, cum ad paroxysmum proxime sequentem primo *massa sanguinea*, & tunc *succus nervosus* materia morbifica saturari debent; ideo *gemino huic penso hora octodecim* requiruntur; siquidem vero ad secundum paroxysmum tantum opus est particulas alias è *massa sanguinea* adhuc plena, in *liquorem nervosum* derivari, ideo huic effectui spatium longe minus, sex scilicet horarum sufficiat.

Postquam hanc *Dominam* per plures septimanas ejusmodi paroxysmis periodicis laborantem, denuo inviseram, præcepi ut tres horas ante secundum paroxysmum, *sanguis è vena pedis* ad 3 x. detraheretur, quo facto accessio vesperti expectata, prorsus eam deseruit, neque unquam postea repetebat; alter vero paroxysmus pristinam vicem observans quotidie redibat, donec phlebotomia paulo ante accessum ejus celebrata, patiens isto die morbo immuniis perstitit, qui tamen postridie rediens, juxta eundem typum eam per plures menses exercuit: interim illa,

illa, quia brumæ frigus gravissimè urgebat, remedium usum aliquandiu distulit: attamen ineunte vere; Illustrissima Domina Oxonium adducta sequenti methodo sanabatur.

Imprimis hoc *catharticum* exhibui, atque sexta aut septima qualibet die idem repetendum curavi.

℞. Sulphuris Antimonii gr. vi. Mercurii dul. ℥j. Resin. Jalap. gr. iv. Zinziberis gr. vi. simul terantur in marmore, dein addendo conservæ violar. 3j. f. bolus: bis aut ter vomitum, atque tres aut quatuor sedes provocare solebat. *Catameniorum fluxus* ei itatis temporibus in magna copia contanter eveniebat: quare cum sanguis valde copiosus, & calidus videretur, medio inter periodos menstruas tempore *phlebotomiam* bis aut ter instituebam: porro singulis, quibus à *purgatione* vacabat, diebus cœpit bis in die quatuor *pilulas massæ* sequentis, superbibendo haustulum *Julapii* infra præscripti.

℞. Radicum pæoniæ maris 3℔. Serpentariæ virginianæ, contrayervæ, dictamni cretici, an. 3ij. Cranii humani præpar. 3℔. Ungulæ alcis 3j. Corallii rubr. præpar. Margarit. pulv. an. 3j. Salis absinth. 3ij. Salis corallii 3j. cum s. q. Syrupi de floribus pæoniæ maris, f. massa.

℞. Aqu. florum pæoniæ maris, cerasorum nigrorum, juglandum, an. 3iv. Aqu. Antiopilepticæ Langii 3ij. Syrupi de floribus pæoniæ 3℔. Castorei nodulo ligati & in vitro suspensi 3j. Misc. f. Julapium.

Quando pilulas fastidire cœpit, iis omissis sumpsit bis in die, scilicet primo mane, & sero vesperi circiter ℥j. Pulveris sequentis in cochleari Julapii, superbibendo 4. aut 5. cochlearia ejusdem.

℞. Lapidis Bezoar, utriusque succini albi, Margaritarum præparat. Corallii rubr. an. ℥j. Cranii humani ℥ij. Rad. serpentariæ virginianæ, sem. rutæ, an. 3℔. Misc. f. pulvis, capiat ℥j. Mane & vesperi cum dosi Julapii supra præscripti.

Dein cum & hoc medicamentum tædio esse cœpisset, Pilular. aut etiam *elixiris proprietatis*, quandoque etiam per plures dies *sp. C. C.* usus succedebat. Postea demum ab *isto pulvere* aliquanto spatio quotidie assumpto juvari cœpit.

Interea dum hæc *medendi methodus* instituitur, *capillitio derafo*, caput tenui solum amictu cooperiebatur. *Emplastrum hystericum*, cum *Galbano admixto* super abdomen gestavit; pro potu ordinario *bochetum ex sarsa & china*, rad. pæoniæ maris, aliisque appropriatis in aq. fontana infusis, & decoctis bibebat. Intra mensem paroxysmi aliquantulum remittebantur, dein mitiores sensim minoresque facti tandem ferè in totum cessabant: nisi quod instante *catameniorum fluxu* ejusdem morbi insultu uno aut altero affici solebat, porro *verrigine* ferè constanti & *anorexia* laborabat. *Media æstate* bibit *acidulas Astropenses* per sesqui mensem, & perfectè convaluit.

Quod vero spectat ad *Therapias* rationem in genere pro convulsionibus ejusmodi admirandis adhibendam, non facillè erit aut *remedia morbo huic Herculeis* paria, aut *curationis methodum* certam & crebris experimentis comprobata assignare: præterquam enim quod casus isti similes raro occurrunt, insuper observare

est, quod eadem medicamenta, quæ huic ægrotanti hoc tempore profuerunt, alteri, aut eidem alio tempore adhibita, ne hilum juvarent: cujus ratio videtur esse, quod morbi causa in *succi nutritii dyscrasia* consistat, qui liquor non uno semper eodemque modo pervertitur; verum à multiplici *salium ac sulphurum* combinatione indolem varii moris, ac generis morbidam adipiscitur, eamque subinde commutat: quapropter in gravissimis ejusmodi affectibus, *medicamenta* haud *vulgaria* & ex *pharmacopeia* deprompta, sed *magistralia*, & pro re nata, juxta symptomatum admirandorum apparentias præscribantur. *Vomitio lenis*, *purgatio*, & *phlebotomia* imprimis celebrari, ac aliquoties prout opportunum videbitur, iterari debent. Quoad *medicamenta* autem *specificæ* ac in casibus istis appropriata, cum præcipua indicatio fuerit, *succi nervosi* crasin emendare, plurima tentare, & ab effectu eorum virtutes rimari liceat: itaque experiri fas sit, quid remedia *sale volatili* aut *armoniaco* prædita efficiant. In hanc rem *sp. & sales C. Cervi, sanguinis, fuliginis, flores & spiritus salis armoniaci* assumantur: His nihil juvantibus ad *chalybeata* deveniendum est, *tinctura & solutiones corallii*, ac *antimonii* præbeantur; cujusmodi medicamenta in tali dosi & forma, & tam crebra vice exhibeantur, ut ex iis *alteratio* quædam toti *sanguini* & *succo nervoso* inducatur: porro si talibus deerit successus, ad *alexipharmaca*, quæ contra *venena & malignitatem* humoribus impressam juvant, procedere oportebit; scilicet ex his *vegetabilium decocta, destillata, pulveres, conservas, aliæque præparata* instituere, & alia cum aliis varie componere, & diversimode administrare. Verisimile est, quod ejusmodi medicamina, quæ *demorsis à vipera*, aut *cane rabido*, etiam quæ contra *aconita & toxica* ore assumpta prodesse solent, etiam in *convulsionibus* supradictis ex usu esse possunt. Licebit hic, juxta exemplum Gregor. Horstii in tractatibus suis de morbo convulsivo maligno, item de convulsionibus admirandis, *remedia magistralia* sub forma *electuarii purgantis*, item *pulveris & antidoti convulsivi* præscribere, eademque ex *simplicibus* partim *alexipharmacis*, partimque *antiepilepticis* varie componere. Thom. Willis. de morb. convuls.

Filiolus quidam ferè quadrimus 11. Junii 1673. conqueritur de tumore circa colli vertebra, qui in dies augebatur, variis cum symptomatibus, calore summo, siti, vigiliis, anorexia, alui constipatione atque inquietudine, 13. Junii hora 4. pomeridiana. Convulsionibus corripitur, ut ut generosa adhibuerimus medicamenta; rediere tamen istæ horis 8. & 12. nocturnis, quætaque matutina (adeò certas servabant Periodos singulis 4. horis) postremæ omnium erant sævissimæ, ut in illa lucta naturæ, cum malo dirumperetur sponte sua maturum & virulentum apostema, è quo sædissima effluxit sanies, quo facto statim cessarunt convulsionibus, Deoque propitio, cui laudes, puer rectè convaluit hætenus satis vegetus.

Scholion) Observatio hæc stabilitur ratione & verbis Cl. Willis de morbis convulsivis cap. 1. p. m. 12. ubi convulsionis causam tribuit sanguini, impuritatem aliunde accipienti, inquietis: Ita in magnis viscerum impuritatibus, ac præcipuè cum partes aliquæ abscessu aut ulcere virulento vel

vel fermento noxio afficiuntur, è talibus enim *μιασματων νοσηρων* mineris particulæ noxiæ in sanguinem ebulliunt, ejusque commeatu postea in cerebrum deponuntur. *Idem ibidem p. m. ij.* scripserat; *Novi quibus à tumore vel ulcere in mesenterio, utero, aliisque visceribus existente convulsionibus cum in parte affecta, tum circum circa eam increbescere solebant: cujus ratio non videtur aliunde petenda quam à particulis heterogeneis in loco affecto uberius congestis, quæque simul in fibras nervæas per totam viciniam consuas irrepentes, in motuum convulsivorum, veluti pulveris pyrii igniendi fomitem suppeditant: At verò spasmi ob tales προφασεις oriundi haud sese solent longe lateque diffundere, neque semper ad caput adscendere.* Qui *ibid. pag. 7.* meminit ab ulcere in cujusdam brachio excitato muscoli tendinem prorsus nudatum fuisse; qui cum specillo Chirurgico tangeretur patientem rigore quodam in toto corpore & concussione illicò oborta, aliquamdiu inhorruisse. Nec admodum abludit *πολλων αντιξικων αλλων* *Clar. Sennertus* noster, quando *Prax. l. i. p. 2. c. ii.* docet, ex vulnere, capitis fieri convulsionibus: ubi præcipuè hanc addit causam: *quia, inquit, à sanie collecta membrana & nervi vellicantur.* Quod antè 5. annos observavi in Rustico Rosbacensi 26. annos nato, qui ab amico per imprudentiam in sinistris temporibus sclopeti globulo vulnerabatur, ubi pars globuli cum aliquot cranii particulis, posticæ cerebri parti infigebatur: Inde homo 17. die post inflictum vulnus spasmò maxillæ inferioris corripiebatur 19. verò die convulsionibus obiit, in cujus apertione materia purulenta in loco affecto cum dictis cranii & globuli particulis inveniebatur. Curationem convulsionis ab apostemate proponit *Forestus 60. observat. 120.* in Schol. hisce. *Curetur apostema, & præ omnibus dolor sedetur unctionibus, emplastris anodynis & membrum ponendo in oleo tepido communi, vel huic rei apto. Et oportet magnam rationem habere originis nervorum, isque oppositis temperatè calefacientibus & humectantibus, & agrum in vinam olei communis tepidi immittere poteris, si commodum videatur; & febres, si adsuerint, admittant, &c.*

De morbi causa accuratè ut omnia Oculatissimus noster *Argus*, sed de periodorum stabilitate addendum videtur, Naturæ frequentissimum esse, morbi modum moresque in quarto prodere, 2. *Aphor. Hippoc. 29.* præsertim in convulsionibus, quod passim constat, & illustri exemplo confirmatur in *Scorzonera mea p. 95.* sic variolæ, sic morbilli & petechiæ quarto plerumque proderunt, & ut breviter totius historiarum summam, præsertim in variolis ostendam, tribus quatrividuis aut 4. triduis plerumque absolvitur eorum periodus, in primo maxima humorum malignorum invalescit effervescencia, & emulsionibus est temperanda, in secundo pustularum efflorescit intumescencia, quæ blandis diaphoreticis promovenda, suppurascentia autem, quæ in tertium quatrividuum incidit, Naturæ committenda & providis adstantibus, ne quid impedimenti naturæ benè agenti afferatur. Quarto judicantur peracuti, nec quartus est index septimi, quod dicti aphorismi interpretes quidam cum Galeno autumant, sed *παις επται* ex septem diebus, vel cujuslibet septimanæ quartus qualis ex mente *Hippocrati*, est etiam 11.

manifestis signis futuram morbi historiam vel longam vel brevem denuntiat; Sanguinis stillæ in quarto sunt funestæ, & febres ac vomitus vulneribus capitis in quarto supervenientes; quarto febris puerperarum lactaria oritur, 4. quaque septimana menses prodeunt, quarto mense Embryo movetur, quarto trimestri in lucem editur, vel septem quadragenariis i.e. diebus 280. &c. Oculatioribus causam hujus rei intimius eruendam propono. *Georgii Franci.*

Dixit equidem Artis nostræ Atlas maximus, *Cons V. Aph. 2.* *επι τραύματι σπασμός επιγονόμυθ θανάσιμος.* Verum non adeò jurem in magistri verba, uti quidem videri possit doctissimus *Bernh. Langwedelius* in *Hippocr. defensione*: nec adeò illum rejicimus, uti *Clar. Georg. Fridericus Laurentius* in *Exercit.* (quorum enim ista litigia & scommata:) sed credimus sapientissimum senem locutum *ως επι το πλείον:* nulla enim sine exceptione regula *Joh. Valent. Eblin.* Ann. 22. von *Westhofen* in Palat. inferiore 1675. ipsa ætate (dum inter imperium Germ. & Gallicum gliscebatur Bellum) à Gallo quodam perfido, cui hodogetæ officium præbebat, fraudulenter minoris Sclopeti globulo pone tempora dextra tribus transversis digitis supra aurem trajicitur, ut octo vel decem ossicula fracta inde fuerint exempta à perito nostro Chirurgo *M. J. P. Weislero.* Homo accepta plaga ab equo cecidit, pro mortuo spoliatus relinquebatur ab interfectore. Verum semi-animis dein inventus, resectus atque (quæ Dei singularis fuit Clementia) curatus fuit feliciter à laudato Chirurgo, cui præerat Nobiliss. *D. D. Steigerus Medic. ordin. Elect. Nosodoch. & Poliater. Heidelberg.* Amicus Suavissimus: utut æger magnas easque repetitas passus fuerit convulsionibus, cum aphoniam 8. dierum, & notabili deperditione ipsius substantiæ cerebri; adeò ut ex eodem extraxerit reliquias globuli cum adhærente theca papyracea (von *der Patrone*) Chirurgus noster. Homo vivit adhuc cætera sanus; nisi quòd à potù generosiore citius ac alii deliret, ac ebrius reddatur.

Scholium.) Similia vulnerati cerebri cum particulæ ejusdem deperditione & convulsione exempla, præter aliorum à *Schenkio lib. i. observ. Medic.* citatorum, etiam habent *Sachsus noster Ephem. N. C. ann. ii. observ. 119. Timæus lib. 6. cas. Med. 37. & Cabrolus observ. 161.* Hinc, si *Hippocratem* salvum velimus, idem quod paulò supra ex *Galeno* notatum fuit, hic repetere tenemur, ipsum nempè *sect. 6. aph. 18.* Vulnerum lethalitytem non solum de iis prædicare quæ necessario, suapte natura, & semper, sed etiam quæ magna ex parte lethalia sunt; idque de cerebri vulneribus, *lib. i. de morb.* inter lethalia primo loco positum, non obscure edixit *Coac. prænot. διαβήγισσι θάνατοις, &c.* Ex vulnere ferè mors contingit, si cui vulneratum fuerit cerebrum, & vertente sic *Foësius*, & clarius *Prorrhæ. 2.* inter τραύματι θανάτου δέοντα, quæ magis lethalia sunt, sive uti *idem Foësius* interpretatur, ferè mortem adferunt, illa quoque recenset, quæ cerebrum læserunt, addens, quæ sanè magnam quidem perniciem afferunt, non eam tamen ut (quod quidam existimant) nemo ex his servari possit. Id quod etiam de convulsione vulneribus superveniente *Galenus comm. sect. 5. aph. 2.* edixerat, το θανάσιμον idem esse scribens ac periculosum, ita ut convulsio ista ad mortem

lapius terminetur, non tanquam ex necessitate ac semper mortem afferens, sed tanquam admodum crebro. *Georgii Franci.*

Mensis nunc est, à quo mulier Holschaminensis ex Ducatû Guelferbytano. puellum fere septennem mihi sistebat non uno malo miserum. Nec ambulare nec stare poterat, brachia veluti trunci pendebant immota, rigebant digiti, venter immensum distentus, facies cadaverosa, pedes inflati, manus foedissima scabie obductæ. Subitò mihi oriebatur suspicio de vermibus. Pauperculæ itaque pulv. ex mercur. dule. C. C. crud. rasp. &c. largior. Hoc solo cum lacte dato 72. Vermes expuli, quos deinde in scatula collectos non sine gaudio monstrabat. Deo mihiq; summas agens gratias pro obtenta filioli sanitate. *Christiani Francisci Paulini.*

Filiam 8. annorum consilii conferendi gratia ad me adducit mater, cujus caput, brachia & crura in continuo erant motu, & quidem caput à dextro in sinistrum & contra; brachia & crura sursum deorsum ipsa invita agitabantur, adeo ut neuter pes ullibi permaneret fixus. Cui malum hoc originem debeat, dubius primum fui. Ad convulsivos autem motus referre non dubitavi. Nulla præter motum istum inordinatum offensæ valetudinis aderat nota: omnia sua debite fungi munere videbantur: urina tantum pallida & fermè aquosa viriditatis leve dabat indicium. Omnibus in ægra bene ponderatis, vermes hanc convulsionis speciem producere conjeci, licet evidentia illorum signa alia non adessent. Ea enim, fatente *Foresto l. 21. obs. 28. schol.* nonnunquam adeò obscura & symptomata adeò multa & cum aliis morbis communia sunt, ut doctissimos aliquando Medicos fallant. Succurrit tum observatio apud *D. Thonerum lib. 2. pag. 49.* quam sibi quoque communicatam tradit *D. Greg. Horstius Epist. Med. Sect. 7. de filia 14. annorum,* quæ à vermibus non tantum ingentem colli constrictionem, quasi laqueo injecto fauces præcludente, cum imminenti suffocationis periculo, sed utriusque insuper tum brachii, tum cruris motum convulsionum passa, ita ut crus modo dextrum, modo sinistrum ad nates usque invitâ ægrâ, quasi funiculis agitata, alternatim fuerit flexum. Nostram ægram mitius quidem animata colluvies, ut ex dictis videre est, tractavit, gravem tamen sibi remediorum omnium apparatus primum respuit, respuere autem desuit & tandem emigravit, oblato aliquoties haustu aquæ stillatitiæ raphani rusticani, aliis aquis ob acrimoniam temperatæ; quam etiam commendat *D. Sebizius lib. 2. de alim. facult. p. 400.* ubi hoc condimento, esu sed raphani illius rasi foeminam quandam aliis remediis frustra usurpatis plurimos ejecisse vermes notat. Vermibus xi. è puella nostra aquæ dictæ usu ejectis, convulsivi motus brevi cessarunt. *Joan. Christiani Frommanni.*

Cum anno 1667. Zittaviæ degerem, curæ meæ committebatur Puer quinque annorum, qui ad quartum usque annum bona valetudine erat usus. Circa initium quinti anni male se habere cœpit; cum virium & caloris nativi jactura. Tandem febris lenta & ventris tumor eum invasit, quibus subsecuta brachiorum, præprimis autem pedum contractura, ita, ut neque

stare, neque ambulare amplius posset. Causam hujus metamorphoseos lumbricos esse ratus, curam, præeunte experientissimo Riverio Cent. 1. observat. 16. p. 13. ad debellandos eos instituendam duxi, quod & felicissimo successu præstiti; & una vice fermè triginta, sequentibus vero diebus, partitis tamen vicibus, supra quadraginta expuli, partim vivos, partim mortuos, tali cum fructu, ut puer brevi tempore, reliquis ad rem facientibus non omissis, iterum stare & ambulare inciperet. Vermes dejecti omnes erant cornuti instar cochlearum, cum rostello acuto, formæ, longitudinis & latitudinis hic exhibitæ. *Melchioris Fribe.*

Anno 1642. Pastor quidam Parœciæ Ringenum, in Ostrogothia, duobus miliaribus. Sudor copia distantis, opem meam implorabat, quem miris convulsionibus, per sesquiannum adeo diu exatum, ut toto illo tempore vix dormire aut cibum capere potuisset, domestici referebant.

Ad ægrum verò accedens inveniebam eum dextri lateris paralyti affectum, resupinum, seminudum (intimum enim ventrem lodice saltem texerat) pedibus elevatis, & lecti assamenti firmiter applicitis, sine intermissione ferè, & tam miserabiliter afflictum, ut cœnare in ejus præsentia, nam è regione cubilis mensam straverant, prorsus nequirem. Tanta enim vehementia omnes articuli successivè, ter dextrorsum; totiesque inde sinistrorsum, circumgyrabantur, ut sani brachii fragorem in proximo conclavi, ante cubiculi januam, decem ad minimum pedes ab ægro remotus, non obscure interdum perciperem.

Imminentis paroxysmi prænuncius erat sanæ manus index, is enim, elevato brachio, convellendam sinistri hypochondrii partem, inter superius ventriculi orificium & lienem, bis tribus vicibus apice suo fortiter pulsando, luctæ locum designabat, ac sine mora subjecta viscera ter dextram, totiesque sinistram versùs, reciprochè circumagi, illisque liberatis, quantocyùs se in thorace similiter inquietari, licet astantium visum hæc fugerent, patiens referebat. Postea omnes brachii articuli ab humero, ad ultimum usque indicis condylum: deinceps cervix & oculi, eodem modo rotabantur. Imò circa verticem quoque ac in resoluti lateris partibus omnibus, ab humero, ad pedis usque pollicem, similem prorsus motum, quamvis à nobis observari id nequiret, se sentire asseverabat.

Eo vero cessante, alter pollex, omnesque insequenter sani pedis & lateris articuli, idem patiebantur, donec in loco, ab indice prænotato, desineret, & furiis his agitato, delassatoque ægro aliqualis redderetur quies, quæ tamen levis admodum erat, & adeò brevis, ut vix centum verba inter hanc & novam similis mali invasionem, profari quis potuisset.

Sciscitanti, quamdiu hanc sustinuisset pugnam, & quamam ejus fuissent præludia narrabat? se ante biennium è pago vicino, ubi infantem sacro baptismatis fonte abluerat, equo domum reductum, non procul ab ædibus suis, hemiplexia, in dextri lateris paralytin postea desinente, correptum, & à suis cubiculo illatum, ab usu calidiorum aliquot antapoplecticorum medicaminum, à Sacerdote vicino, &

Gallico Chirurgo subministratorum, in ingentem ventris humorem repente incidisse, & instar pilæ majoris, aëre distentæ, inflatum esse, nec ullo artificio, nisi sæpius & fortiter contentum in eo spiritum efflando, alleviari potuisse, semper tamen aliquoties labore isto repetito, ventrem subsedisse, & ad naturalem statum reddisse.

Tandem verò, crebrò ab empiricis illis, exhibitis oleis carminantibus, tumorem quidem omnino desisse, sed motum hunc convulsivum & membrorum agitationem, eidem successisse.

Rogabant amici, ut auxiliates ipsi manus porrigerem, cum autem, omnibus rationis trutina exactè ponderatis, morbum ejus non ex causis merè naturalibus, sed magica sagæ cujusdam incantatione potissimum oriundum, me statuere, sicque naturalibus mediis non cessurum regererem, facillè quidem assentiebatur æger, ante biennium æditui sui, veneficii insimulatam, & baculo à se percussam uxorem, se non inultam id laturam interminatam sibi esse, recordando, instabant tamen ut, Hebilis ejus conditionis misertus, appropriata nihilominus quædam remedia præscriberem, fore dicentes, ut, si non omnino virtute eorum convalesceret, mitius tamen forsan deinceps affligeretur.

Quod cum denegare illis nequirem, generosa & selecta nonnulla medicamina hic fieri jubebam, utendique modum & seriem astantes docebam. A quorum usu etiam si indomitus affectus non in totum cederet, multum tamen à ferocia sua illum remisisse & longiores inducias concessisse, ipse æger latabundus fatebatur.

Cum vero remedia ista munificentia viri cujusdam primarii nactus esset, & deinceps, ipse pauper & inops, plura id genus obtinere non posset, reliquam spem morbo, recrudescente, majoresque vires acquirente in sola Numinis misericordia collocans, & per dimidium ferme annum supplicationibus & precibus publicis in omnibus provinciæ templis, pro benigna ejus dimissione, ad Deum fufis, placidè expirans, miseram hanc cum feliciore vita commutabat.

Et hæc est, Vir Excellentissime, quam in chartam conjicere me volebas, de mira illa membrorum omnium circumgyratione, in cultiore quidem stylo exarata observatio, quam pro accuratissimo tuo judicio lucem videre publicam, vel oblivione oblitterari sinas. *Bernardus Belovv.*

Virguncula decennis à fulgure & tempestate conterrita, tam vehementibus brachii ac cruris sinistri correpta est convulsionibus, ut neutiquam ab assistentibus contineri posset, sed mentis compos alteri innixa cruri cubiculi penes parietes discurrere cogeretur: per venæ-sectionem autem aliaque anti-convulsoria ab iisdem vindicata est. Quod concitatori gressu per cubiculum discurrerit, nemini mirum videatur, nam sicuti *Avicen. Sententia Prim. 3. tract. 5. cap. 8.* ubi ait impossibile esse hominem Epilepsia detentum erecto posse permanere corpore, verissima est: ita illa *Galen. 1. de sympt. caus.* ubi nulum in convulsione functionum principum fieri nocumentum docet, intaminata manet atque stabilita, per Marcellum Donatum, qui con-

vulsus non cadentem, Benivenium, qui stantem; Dodonæum qui sedentem; & Erastum qui cursitantem observavit. *Nicolai Guilielmi Beckers.*

Rusticus, incola pagi Hettlingen, ditionis Vitodurana, in agro Tigurino, horæ unius itinere à Vitodurano distantis, nomine Franciscus Muller, pater sex puellarum est, & unius filii. Hujus filia nati majores, secunda & tertia videlicet, Magdalena & Anna, illa nono ætatis anno, hæc septimo, mense Maio, Anni 1672. cum aliis puellarum more ludentes, prope ædes Sub-præfecti illius loci recens extruendas, lignorum segmenta ab opificibus rejecta tractantes, & convivium ficta nuptialia instituentes, precibus fufis, se eorum nonnulla devorare simularunt, imò quibusdam ea devorasse creduntur, ipsæ vero puellæ rei sunt incertæ, nec bene memores: hæc vero deglutitio penes nos fidem vix meruit. Ab eo tempore nil sinistri fuere conquestæ, exceptis subinde abdominis doloribus, qui sensim incrementum, compressivi, lancinantes, pungitivi, stomacho, cibo distento, & abdomini Magdalena inprimis, negotium facerunt, præcipue in cursu concitatore, in quo impedita à sociis facile vincebatur; cibo quoque cito satiabatur, ab eoque sudabat, cæteræ sanæ.

Die 17. Decembr. St. V. Anni 1673. istæ duæ, Magdalena & Anna, decumbere cœperunt, accusantes punctorios ventris dolores, salvo tamen appetitu, somno, alviq; officio. Magdalena manè & vespere convulsivis fuit agitata motibus, convulsiones singulis diebus rediere, excepto unico die secundo, videlicet Januarii, Anni 1674. (paroxysmus sæpè per tres horas duravit.) Quum per quatuordecim dies decubere, die Lunæ, quinto Januarii, Parens consuluit, oblata urina, anum medicastram in *Witendangen*, quæ, pro more, somniabat, Magdalenam laborare morbo, quem *der Nick* appellavit, & alia futilia edicebat, rationi neutiquam consentanea, dabatque herbas quasdam in aqua decoquendas, cujus decocti sumeret manè & vespere haustum per quatuor dies, videlicet Martis, Mercurii, Jovis, & Veneris.

Die Saturni 10. Januarii, sumpsit ejusdem suasi & præscriptione potionem purgantem, (infusionem vitri antimonii) quæ validissimos excitavit vomitus, nulla tamen segmenta extrusit. Diebus novem sequentibus, singulis diebus semel saltem bibit decoctum dictum. Die lunæ vero, 19. Januarii ultima vice id sumpsit, die Martis, 20. Jan. sub vespere Magdalena primò prodiit ex ore parvulum segmentum: die Mercurii, 21. Jan. plura & majora eructavit segmenta, per totum diem usque ad decimam noctis horam; nec non & sequentibus diebus semel atque iterum, præsentibus loci sub-præfecto & senioribus.

Segmenta illa lignorum, multis foraminulis peresa, veluti annosa, fuerunt parva, magna, longa, curta, lata, angusta (uti superstites portiones testantur) idest, quædam digiti, quædam duorum, unius vel dimidii articuli longitudine, nonnulla dimidiæ uncia, nonnulla quartæ, sextæ, vel octavæ uncia partis latitudine, quædam instar spinæ acuta; nunc pauciora, nunc plura: aliquando una vice undecim, sæpius

tria, quatuor, quinque vel sex ejecit, magno semper nisu convulsivo, nunquam cum vomitu, at cum labore ingenti ac dolore; restitarunt namque subinde in gulæ medio circa thymum fixa cum dolore, vellicatione, angore & asthma; interdum ventriculum repetierunt. Hædere verò nonnunquam in gula per totam noctem, nihilominus, dormivit puella: manè convulsivo motu illa rejecit, nunc citius, nunc tardius, nunc majori, nunc minori nisu: decumbens nulla excrevit, omnia sedens vel erecto corpore. Intrà 18. dies trecenta hujusmodi segmenta extrusisse dicitur, (quæ ferè omnia, apud plures licet, supersunt, & maxima eorum pars in Bibliotheca nostra civica, cum teredine asservatur,) cum levamine, salvo appetitu, sine siti, cum somno naturali; at convulsionibus perseverantibus.

Anna quoque singulis diebus fuit convulsa, sub vesperam diei Saturni 24. Jan. St. V. tria segmenta pari modo, uti *Magdalena*, ab ore dedit, die sequente Solis quartum: præterea nulla.

Die Lunæ, 26. Jan. Pater denuò vetulæ consilium poscit, monstrans urinas 4. puellarum, quæ convulsionibus agitabantur, videlicet *Magdalena*, nunc undecim annorum, *Anna* novem, *Ursula* 7. & *Elisabeta* 5. an. 6. m. Vetula præter morem aperte confessa, se affectum *Magdalena* non intelligere; jussit saltem oleo olivarum gulam perungere, ut faciliteretur segmentorum exitus: *Ursula* dedit potionem emeticam, aiebat enim laborare chlorosi, quod falsum & absolum. Reliquæ relictæ sine auxiliis. Die 6. Febr. *Magdalena* ultima vice elidit lignea segmenta, ab hoc tempore per mensem nulla prorsus: singulis nihilominus diebus acriter convellebatur.

Die Veneris 13. Febr. *Magdalena* per totum diem fuit debilis; Vesperi inter octavam & nonam sæpè sputum eructavit spumofum; tandem caput viperæ ad digiti longitudinem prodiit, quæ à Matre tum præsentē & ipsa puella obscure & attonitè fuit observata, quæque hinc indè circumspiciens, rotato capite, mox iterum in fauces & stomachum se recepit, cum sensu frigoris; instar lactis coagulati. Noctū dormivit puella, nil de angue percipiens.

Die Saturni 14. Febr. horâ quintâ vespertinâ excrevit ab ore teredinem, uncia ferè unius longitudine, vivam, cum paucis sanguine, sine dolore, tussi & vomitu: teredo vixit in diem Martis usque. Eodem hoc die Saturni, post horæ quadrantem dolorem sensit pungitivum, tunc ambabus apprehendit manibus totum pectus, quo valdè commoto, subito anguis ascendit; ac aliis sororculis Deum invocantibus & ipsa orare cœpit. *Psal.* 23. sed desistere coacta fuit ob anguem magis magisque ascendentem, *Anna* sola ipsi propius adstans, reliquis longius distitis, ponè fornacem in obscuro versantibus, vidit *Magdalena* quidpiam in os exurgere, & extra os, spithamæ ferè longitudine, propendere, ac illicò regredi. *Anna* asserit fuisse animal in dorso nigricans, & in ventre variis coloribus variegatum, plura non observavit, quoniam præ timore in convulsiones incidit: *Magdalena* verò id ambabus apprehensura manibus, ab eo in monticulo digiti indicis manus dextræ fuit demorsa, cum levi dolore, sine alio subsequuto deteriore symptomate: cujus puncturæ

vestigium nobis tandem accersitis monstravit. Post quartam horæ partem vipera rediit, ostentans se digiti longitudine, moxque refugit. Noctū iterum bene dormivit.

Die solis 15. Febr. bestia sæpius in os ascendit, atque denuò in stomachum descendit, in ore suxit ac stridit, ut ab adstantibus suetus & stridor faciliè perciperetur. Puella hoc die suus rusticorum comedit *carnem salitam*, haustumque jusculum sensit viperam sitientem avidè arripere. Idem accidit die Lunæ continuantibus convulsionibus.

Die Martis, 16. Febr. demum advocatus ego inveni istam puellam convulsionibus gravibus, frequentibus & universalibus distorqueri; serpentem sæpius & faciliè, illitis labiis vel lingua melle vel lacte, vel ejus calentis odore saltem percepto, in os ascendere, sugere, stridere. Sugente verò & os opplente serpente, puellæ dentes convulsivo motu adeò stringebantur, ut eos à se invicem vel exquisitissimo instrumento nec Ego, nec Chirurgus nostras minimum diducere, & os aperire, valuerimus. Retrogradiente verò vipera puella os aperuit, & appositè omnia explicuit; (id quod faciliè admoto ori pane vel vino procuratum) hiantē ore nunquam plenè & perfectè in os ascendit vipera; quamdiū autem in ore præsans erat, os aperire nequit; ac simul ac recessit aperuit os, ut semper. Testatur puella se subinde rosiones, morsus & motus inordinatos frigoris, ceu anguis, in stomacho persentiscere. Exhibui hoc die. Aq. perlar. cum pulv. march. ut & Aq. Antepilept. Noctū quieta fuit, nec anguis motum sensit. Soror ipsius *Anna* ob convulsiones hodiè à Syrupō, meo emetico egregiè vomuit.

Hoc die rem notam facio Nobiliss. atque Excellentiss. *Dn. Christophoro Hardeo*, Medicinæ Doctōri celeberrimo, ac Physico Scaphusano felicissimo, Fautori ac Patrono meo summo, & in pluribus casibus probatissimo, per puellarum patrem, qui adventum promittit in diem Jovis.

Die Mercurii, 17. Febr. refecta fuit eadem Aq. perlar. cum pulv. march. & Aq. Antepilept. Hora 10. antemeridiana anguis in os exurgit, edens vocem instar pullorum columbarum, retrocedens in stomachum, eum punxit à meridie sæpius in os rediit. Accessit non vocatus circumforaneus quidam nefandæ famæ, puellæ anguis formam in mensa creta adumbrans, ac fasciam sericeam rubram à collari suo abreptam, odorandam offerens, nam colore rubro serpentes valdè delectari, illumque sequi referebat: à domesticis abactus, ac procul ire jussus in diversorio varia artis suæ jactabundus promulgavit dogmata, ejus pretii atque præmii, ut jussu Magistratus in carcerem fuerit conjectus.

Circa quartam vespertinam *Magdalena* diuangebatur, tandem ex catu hominum se subducens, & ex hypocaulito in pratulum excurrē anguem in præterfluentem rivulum, ad quem alvum (salva venia) exoneratura sedebat, ut ipsa narrabat, projecisse dicitur, quæ saltū magno decem circiter pedes alto, peracto, in rivulum iterum decidens, ampliùs visa non fuit, quoniam se absconderit, incertum: terra enim tunc gelu erat indurata, atque propè rivulum dumeta,

dumeta, ut facile se abscondere potuerit, neque investigari. Dicitur quoque anguis, antequam se rivulo immitteret, insectari voluisse puellam cum clamore fugientem, ac nè hospes tam dirus antiquum hospitium repeteret, metuentem, quæ à Patruo abrepta in hypocauftum reportata fuit. Anguem istam nemo vidit, quam puella ipsa & ejus pater, per foramen muri domus actum hunc observans. Hinc læta puella optimè habuit, nec quicquam conquerens, comedit, dormivit optimè.

Die jovis, 18. Febr. hora 10. antemeridiana iterum atrocissimis fuit occupata motibus convulsivis totius corporis per integram horam, qui nunc opisthotonon, nunc emprosthotonon, nunc alias figuras referebant. Hoc tempore nulla aderant indicia anguis præsentis.

Hora undecima antemeridiana accedens Excellentiss. D. D. Harderus, cum filio Dn. Joanne Jacobo, φίλος, rerum rariorum ac curiosarum studiosissimo, invenit puellam convulsionibus quidem liberam, at parum articulatè adhuc loquentem, ob perpestas convulsiones, sensim vox restituta. Ad excrementa anguis & corruptos in itomacho humores exturbandos *Magdalena* dedimus syrup. mei emetici dosin, purgata bene cum tolerantia, tandem denuò atroces sustinuit convulsiones, & frequentes, nullo anguis indicio. Annæ dedimus iterum dictum syr. emet. nulla subsequuta operatio: *Ursula* & *Elisabetta* itidem; hæc fuere evacuata cum *εὐφορία*. Nam & hæc, in primis *Elisabetta*, sæpius in die convulsione, in primis opisthotono lacefebantur, ut & filia triennis, *Susanna*.

Sub vespèram ipsa quoque Mater iisdem, & primà nunc vice, tentatur convulsionibus, ab exhibito tartaro emetico planè non vomuit: convulsiones itentidem rediere; ori infudimus pulv. antepilept. cum Aq. antepileptica: nariibus obtulimus massam pilæ hystericæ, rutam tusam. *Magdalena* & *Elisabetta* dedimus pulv. antepilept. & gemmatum: à cœna Matri exhibuimus pulv. march. cum laud. opiat. *Elisabetta* verò ob frequentissimos paroxysmos pulv. march. cum pauxillo laud. opiato.

Die Veneris, 19. Febr. alius apud *Magdalenam* comparuit serpens motu per collum in os; suctu & stridore, necnon convulsivo maxillarum motu sese manifestans: Varia cum lacte, saccharo & melle tentavimus, at incassum. Ab hora nona antemeridiana ad 12. perpetuis ferè & horrendis fuit divexata convulsionibus. Nunc & potissimum, opisthotonus ipsam tenebat, nunc oculos ipsi distortos fingeat Spasmus, nunc convellebatur panniculus carnosus capitis, nunc totum corpus circumgyrabatur, nunc serpebat humi instar serpentis, nunc digitos vel manuum vel pedum, alternativè vel extendebat singulos ordine, vel omnes simul, nunc hos vel illos complicabat, diaphragma sæpius convulsivo motu partes inferioris & medii ventris horrendo aspectu quatiebat: ventrem seu abdomen sæpius in altum elevabant instar arcus, subitoque in dorsum cum sonitu recidebant, in primis *Magdalena* & *Elisabetta*: in ipsa vel savissima convulsione sæpius perstiterunt mentis compotes, audiebant, nonnunquam videbant omnia, atque spasmò solutæ distinctè acta omnia enarrare sciebant. Finitis convul-

sionibus, ut ante, dedimus *Magdalena* carnes valde salitas, ad irritandum anguem. Annisi quoque fuimus eundem prolectare melle, saccharo, lacte dulci, sed eodem, quo prius effectum, videlicet nullo: simul ac enim vipera os conscendit, suxit, suctuque dentes validissime constrinxit: nec in tubulum; nec in vesicam, nec in præterfluentem rivulum, nec in vas latum aqua vel lacte repletum, allici potuit. Stomacho applicuimus cataplasma ex theriaca; umbilico sacculum ruta & absinthio infarctum; vino & aceto incoctum: Internè quoque dedimus theriacam vino dilutam, iterum carnes salidas, tandem lac, cui allia incoxerunt; omnia per intervalla & successivè: Anguis quidem hinc irritabatur, convulsiones excitabat, os petebat, at valido suo suctu dentes stringebat, adeo, ut exitus omnis præcluderetur. Tubulum verò & vesicam (licet ex illo mel omne avidè hauriret) anguis ut intraret, obtinere neutiquam potuimus; nec eo usque caput exeruit, ut forcipibus apprehendi à nobis sedulo ipsam anhelantibus valuisset. Sub vespèram planè quievit serpens. Et puella superatis convulsionibus à Solis occasu melius habuit, fuitque instar sanissimæ, læta, jocosa, in primis per octiduum; abhorruit hypocauftum ingredienti capite pileo tecto, & quorum colla martes cingebant, (eandem aversionem & *Anna* passa est) at parum comedit, saturata prius carne salita, ut dictum, & lacte. Hora 10. noctis dedimus puellæ devorandas pilulas ad anguem enecandum ex Mercur. dulc. M. P. de Aloë cum Rhab. omnes expedire deglutiit cum decoct. pot. ordin. per totam noctem bene dormivit.

Hoc veneris die Matri ob convulsiones, anxietates circa præcordia, oris amarorem, ac insuavitatem, in primis, quoniam heri planè non ab exhibito vomitorio fuit purgata, dedimus pulverem è tartar. emet. & crem. tartar. qui tardè, at egregiè eam evacuavit.

Elisabetta propinavimus de pulv. march. quæ sæpius ultra 20. per diem horrendas, ast breviores, quàm antea, pertulit convulsiones. Ut omnibus convulsis, Matri, & filiabus quinque decenter succurreretur, pro necessitate repetito usu medicamenti minus pretiosi præscriptimus pulv. ex rad. pæon. valer. sylv. aron. opt. visc. querc. gran. pæon. exc. C. C. ust. præpar. & sacch. alb. paratum. Loco potius ordinarij bibebant omnes decoctum C. C. usti, cui calenti adhuc dum immergeretur nodulus ex rad. pæon. cinnam. & anis. compositus. Sub vespèram dedimus Matri prædicti pulveris dosin, cum decoct. pot. ordin. item *Anna* & *Elisabetta*, pro atate; *Susannæ* verò exhibuimus manè syr. emet. unde sat purgabatur. *Anna* hodiè bis saltem fuit convulsa.

Die Saturni, 21. Febr. summo manè *Magdalena* quater *αἷμα ἐκ νῆτος* fuit purgata; per superiora excrevit aquam spumofam; per inferiora excrementa viscida, A carne salsa comesta sensit motum anguis circa præcordia, hinc convulsiones abominandæ: à melle anguis in os prolecta arripi non potest, nec vesicam vel brevioris colli seu tubuli intrat. Convulsiones identidem rediere, tandem puella nobis alacris relicta.

Mater & *Elisabetta* iterum sumpserunt pulveris dicti

dicant-Epileptici portionem, idem faciunt sequentibus diebus manè & vesperi: in hunc finem ponderata aliquot doses, & marito tradita. Elisabetha quater vel quinquies passa est convulsiones ex improvise ipsam adorientes, cum opisthotono semper incipientes, atque distortis oculis sat atroces, at breviores, cum summa abdominis elevatione, ac tandem violento, repentinoque ejusdem relapsu, quibus finitis visis, comedit, hinc inde cucurrit, conquerens saltem de dolore quodam dorso, capitis & cordis suspicatur & hanc uenenati quid alere, abdomen enim & diaphragma quovis fere paroxysmo mirum in modum convelluntur ac quatuntur.

Die Solis 22. Febr. Magdalena hora 3. matutina excrevit tres lumbricos per inferiora cum fecibus mucosis, albis & flavis, & cum impetu maximo evomit materiam quandam aqueam: hora 7. matutina sumpsit bolum ex mercur. dulci, à quo aliquoties alvum soluit, unde vires defecerunt, cum appetitu dejecto: refecta aqua cardiaca melius habuit; convulsionibus hodie ter prehensa.

Elisabetha nil mota à bolo ex mercur. dulc. hodie devorato, ultra 20. convulsiones passa. Pater conquerens de ventriculi & capitis dolore sumpsit emeticum cum *Opesia*.

Die Lunæ, 23. Febr. Magdalena septem longis usque atrocissimis convulsivis agitatur motibus cum linguæ prominentia & intumescencia: conqueritur subinde de morsu & rosione circa cordis regionem, unde mox aderat hæmoptysis. Anna 10. convulsivos passa paroxysmos, at breviores ac mitiores. Elisabetha 24. habuit insultus convulsivos, leves, breves; sumpsit hora quarta vespertina pil. de extr. cathol. & mercur. dulc. Susanna hodie ter fuit convulsa.

Die Martis, 24. Febr. Magdalena hoc mane sumpsit pulv. de guttet. cum aq. pæon. hoc die sexies fuit convulsionibus distenta. Anna itidem sumpsit hodie istum pulverem, atque itidem sexies convulsiones perpessa. Elisabetha sumpsit quoque eundem pulverem, & 26. paroxysmos innoxie pertulit. Susanna deglutito eodem pulvere quinquies convulsionibus velliata.

Die Mercurii, 25. Febr. Magdalena sumpsit pulv. diagrydiat. cum Mercur. dulc. Hinc quater purgata. & hora quarta vespertina tres excrevit lumbricos; quinquies fuit convulsa: sub vespertinam accepit pulv. de guttet. dein conqueritur de morsu cordis, hinc hæmoptysis rediit.

Anna habuit quoque pulv. diagrydiatum cum mercur. dulci, à quo sæpius excrevit materiam albam, mucosam, cum 2. lumbricis: quinquies exercita convulsionibus; sub vespertinam accepit pulverem de guttet.

Elisabetha absorpsit quoque diagrydiatum pulverem cum mercur. dulci excrevit materiam copiosissimam, tenacem, viscidam, spermatis ranarum instar, cum capillorum flocco conglutinato: sub vespertinam exhibitus pulv. de guttet, quoniam 24. vices convulsionibus lacinata. Susanna verò iisdem ter correpta.

Siquidem hand vana suspicio puellas istas pluribus scatere vermibus, præscripsi medicamentum ex pulv. contra vermes, de guttet

merc. & troch. alhand. compositum; & singulis fuit dosis exhibita manè & vesperi, cum decocto potus ordin.

Die jovis, 26. Febr. Magdalena duos ejecit lumbricos, vesperi sumpsit dosin unam pulv. contra verm. præscripti: novies convulsa Anna septies, at mirè convulsa, accepit dosin pulv. contra vermes.

Elisabetha tres excrevit lumbricos, deglutit dosin ejusdem pulveris; ad 24. vices itidem convulsionibus agitata.

Susanna sex convulsivos sustinuit paroxysmos, & blandos, devorat conf. sem. citæ.

Die Veneris, 27. Febr. Magdalena novem atroces convulsionum sustinuit paroxysmos, varie figuratos: propinata manè & vesperi pulv. contr. verm. dosis.

Ursula nullis fatigatur convulsionibus; hodie excrevit lumbricum sine usu medicamenti.

Anna hora 8. matutina egressit 6. lumbricos, cum materia viscida, mucosa, bis fuit convulsa, accepit etiam manè & vesperi dosin pulv. ad verm.

Elisabetha propinatis itidem dosibus 2. pulv. ad verm. excrevit hora quarta vespertina una vice 24. vermes, & quinquies convulsionibus exercita. Susanna similiter quinquies convulsionibus afflicta.

Die Saturni 28. Febr. Magdalena circa meridiem sumpsit diascord. Fr. vino solut. manè injectus clyster. ex lacte & melle: sub vespertinam alius laxans, unde secutus lumbricus: quinquies convulsionibus conflictata.

Annæ injectum enema laxans, quod evacuat materiam flavam, nunquam sensit convulsiones.

Elisabethæ ante meridiem injectum ex lacte & melle: sub vespertinam verò laxans, quod extraxit materiam viscidam, & ter convulsionibus, at brevissimis fuit agitata. Susanna verò bis iisdem molestata.

Die Solis, 1. Martii Magdalene pulvis purgans quinquies alvum subduxit, excreta materia flavâ, 12. convulsiones passa: durantibus convulsionibus conquesta de cordis rosione, quam finito paroxysmo secuta hæmoptysis, binâ vice sumpsit diasc. Fr. vino dilut. Anguis nec motu per collum, nec suctu se amplius prodit.

Anna à pulvere purgante excrevit planè naturali, colore & consistentia; bis saltem leves convulsiones in oculis animadvertæ.

Ursula sumpsit similem pulverem purgantem, octies hinc fuit evacuata, egerendo duos lumbricos.

Elisabetha à simili pulvere egressit quinquies materiam viscidam cum lumbrico unicam convulsivum vidit insultum. Susanna omnia repuens, octo at levissimos accessus pertulit.

Die lunæ, 3. Martii Magdalena duodecies horrendis & diuturnis fuit conflictata convulsionibus. Angues iterum comparuere, & ut ægra refert, numero tres, ast minores, ordine collum & os conscendentes, vocem edentes instar pullorum vel murium, dentes, ut pridem, motu stringentes convulsivo. Clauso puellæ ore, ego cum adstantibus sibilum, viperarum more, manifestè audiui; eo verò aperto, nil soni quispian percepit; at puella illorum in collo perseverantiam conspicuè sensit. Post cordis morsum,

sum, puella (ut mater retulit) expuit ad uncias tres sanguinis clari, boni: sumpsit mane & vespere diascord. Fr.

Anna hodie semel convellebatur, usa sem. cinæ; ut & Ursula & Elisabeta, quæ bis convulsionibus mota.

Die Martis, 3. Martii Magdalena eadem rediere symptomata cum 15. convulsionum insultibus; vespere *æw* decem rejecit lumbricos.

Anna bino insultu adorta in longiori paroxysmo sibilus obauditus; hinc adstantes viperam adesse pronunciarunt, & collum ascendere: *æw* eliminavit lumbricum.

Ursula 13. excrevit lumbricos. Elisabeta trino insultu defatigata; manè 4. vespere 5. abesi sem. cinæ expulit lumbricos. Susanna bis convulsionibus distenta exoravit lumbricum.

Die Mercurii, 4. Martii, Magdalena hora septimana matutina ab usu sem. cinæ 7. ejecit lumbricos: hora 10. ob virium defectum exhibui lap. bezoar; & recollectis viribus, horat. injectum clyisma laxans; hinc 4. alii secuti lumbrici, cum materia nigricante, viscida, tenaci, summum & horrendum foetorem exhalante. Vespere locum habuit enema ex solo lacte. sensit angues in ventriculo hinc inde vagantes, versus superiora denuò scandentes, à quibus ad duodecimam noctis horam admodum fuit inquietata: sæpius enim in os exurgebant cum suffocationis periculo & metu; undecim insultus abominabiles convulsionum sustinuit. Plurima quoque tentavi hic, at frustra.

Cæteræ satis benè se habent, utuntur quotidie sem. cinæ; unde complures exturbant lumbricos. Excepta Elisabeta, quæ die Jovis quinquies, die Veneris 14. die Saturni 10. die solis 12. convulsionum insultus toleravit.

Die Jovis, 5. Martii, præscripsi Magdalena pulv. ex rad. Zedoar. dictam, sem. citr. in tres dies. Patruus jussu meo, præsentem puella, hausit fumum tabaci; tandem & illa circa vespere arripuit fistulam; haultque tabaci fumum, à quo *æw* *æw* mota, per totam noctem optime quievit, duodecies convulsionibus irritata.

Die Veneris, 6. Martii, sumpsit bolum ex mercur. dulc. troch. alhand. & cons. ros. paratum, à quo copiosa & flava secuta materia. Eodem die etiam segmenta aliquot lignea, præsentibus & mirantibus Dom. Pastoribus loci & excrevit. Nocte sequente tota fuit inquietata ad tertiam matutinam, & 23. vicibus convulsionibus laceffita.

Die Saturni, 7. hujus, me præsentem denuò tabaci fumus usa, quem angues perferre nullo modo possunt, sed quàm primum ascendunt, statim abiguntur, & fugantur hinc, convulsionibusque statim cessant.

Hoc ipso die præsentem erant viri cives Vitoriani, omnis ordinis plures, puellas vexatissimas visuri, qui ipsi summam inter anguem & tabacum antipathiam experiri tentabant, atque experti maxime admirabantur. Si enim anguis sucturus linguam Magdalena ascendebat, admotis vel minimis disiecti tabaci, vel naso, vel ori particulis, quàm citissime, atque ad ictum oculi se proripuit: multotiesque hoc tentatum. Si anguis ascendens ab initio statim tabaco excipiebatur, absque omni molestia atque læsa

puella resilliebat: si verò suctioni ejus in ore mora concedebatur, convulsionibus puellam sensim infestare incipiebant, ut languesceret, caput dorsum versus inclinaret, atque oculos distorqueret: sed tabacum admotum illico hostem fugavit atque puellam restituit. Moram aliquando longiorem sugentem anguem trahere patiebantur præsentem; quàm tam horrendus convulsionum paroxysmus inscutus, ut puella à mensa, cui assidebat, alias hilaris, in lectulum deportata omnes ferme attonitos redderet; modo in os ascendit anguis, quàm avidissime sugens, modò in ventriculum rediit, tam inquietè se movens, atque tali cum sono, ac si piscis in vase aqua pleno vehementissime se volutaret. Iterum igitur illi tabaci virtutem experturi fistula assumpta fumum ejus ori & naso puella immiserunt, nec defuit effectus, statim enim & anguis sedatus & convulsionibus, atque puella, quàmvis ad tempus languidior ad se rediit. Sæpius postea anguis irritatus in os ascendit, at ne misella paroxysmo tam gravi iterum affligeretur, tabaci segmentis admotis absque mora abactus.

Non omittendum hic, quod de carne salita observatum. Collatis consiliis Magd *æw* *æw* caro salita semel atque iterum ingesta, quæ angui, gustata illa sitis excitaretur, ad quam sedandam in vasa aquis plena apposita provocaretur. Carnem verò salitam anguis toletare in ore puella non potuit, & vel digitis illam iterum iterumque ingestam, in os ascendens repulit, conatum ita nostrum plus semel eludens.

Hora duodecima ipse propriis manibus extraxi ex ore puella segmenta duo lignea, quæ adhuc dum sputo madida. Amplissimo Dn. Prætori, Hegnero, Reverendo ac Clarissimo Dn. Rectori Meiero, & dictis jam plurimis urbis nostræ civibus (qui paulò ante ab ægrorum turba discesserunt) tum in Subpræfecti domo degentibus monstravi, alias fuissent *αἰτέματα*, quod unice expetiissem. Viginti excrevit lumbricos, & duodecies convulsionibus agitata. Tabaci fumum nunc perfert sine incommodo, sine vomitu & successu; imò hinc quietiores noctes acquirit. Nobiliss. D.D. Redi in tractatu suo de Viperis Italice conscripto, qui mihi ex dono ejus, ad manus, asserit, oleo tabaci & olivarum posse vipers interfici (nam lumbrici & alia animalia, quæ perspiratione vivunt, unctuosus, prohibita perspiratione extinguuntur,) ideo oleum olivarum per 15. dies usurpavit.

Die solis, 8. Martii Magdalena usa fumo tabaci, 11. vicibus convulsionibus passa unicum egressit lumbricum.

Die Lunæ, 9. Martii, itidem hausit tabaci fumum duos vermes excrevit, duodecies convulsionibus.

Die Martis, 10. Martii, ante meridiem continuis ferme laceffita convulsionibus; circa duodecimam injectum enema, excreta materia viscida & flava: circa nonam vespertinam serpens exerto semel capite sese denuò prodidit, referente ita sartore Juvene, & Patru conjuge; hinc puella per totam noctem adeò inquieta, ut serpentem jamjam proditurum expectarent. Infusum mensæ lac puella admoto ore, avidè petiit, instar canis famelici & planè absorpsit.

Die Mercurii, 11. Martis manè ob prægressam

noctem inquietissimam una cum Chirurgis vocor, ut angui egressuro opem ferremus, ubi variis technis per aliquot horas anguis exitum procurare moliebamur, at frustra: admotum lac avidissima puella quam primum petiit, convulsionibus atrocissimis fuit correpta: corpus enim mirum in modum tendebatur, & ad oblatum lac violento quodam impetu rapiebatur, quod horrendo aspectu quam citissime de mensa fugebat: & cum puella de mensa ad lectum, qui repositoriis atque scamnis lecti destinatis proxime erat substratus, deportaretur, erecta & convulsionibus quasi rigida scamna illa petebat, atque summum lactis sugendi desiderium præ se ferebat: remoto lacte convulsionibus cessarunt. Ad præterfluentem rivulum asportata puella, angue cunctante, nec egrediente, subridens edixit: annon nobis serpens imponit, illuditque? Hodie accepit pulv. viperarum & enema.

Die Jovis, 12. Martii, quater convulsionibus, & iisdem ferè fuit exercita symptomatibus.

Die Veneris, 13. Martii, sæpius convulsionibus irritabatur, imprimis odore lactis percepto.

Die Saturni, 14. Martii in Xenodochium nostrum fuit deducta, in via autem sæpius convulsionibus præpedita. In Xenodochio hora octava appellens à convulsionibus fuit libera usque ad nonam noctis, dein reliqua nocte benè dormivit.

Die Solis, 15. Martii, quater convulsionibus lacessita sumpsit manè & vesperti dosin pulv. de guttet. cum pulv. viperarum.

Die Lunæ, 16. Martii, ab hora tertia pomeridiana à convulsionibus fuit libera, usque ad horam octavam vespertinam sequentis diei. In Xenodochio convulsionibus fuerunt mitiores & rariores, at diuturniores.

Die Mercurii, 18. Martii, quinquies in convulsionibus prolapsa: oblato lacte anguis proripatus, denuò os conscendit, suxit, & dentes pro more constrinxit. Puella asserit se nunc unicum anguem percipere.

Die Jovis, 19. Martii, nullæ interdum aderant convulsionibus, at vesperti, idque cum suctu.

Die Veneris, 20. hujus, admoto lacte fuit convulsa, at per breve spatium: adhibitus pulv. viperarum.

Die Saturni 21. Martii, jacuit quasi per sesqui horam quasi in ecstasi.

Die Solis, 22. Mart. continuatus pulvis viperarum: quater convulsionibus tentata.

Die Lunæ, 23. Mart. manè & vesperti pulv. viperarum datus: hora octava matutina patitur convulsionibus, non motus convulsivos, reliquo tempore fuit libera.

Die Martis, 24. Mart. sub vespertinam per bihorium fuit inquietissima, & sæpius hinc inde, furiosæ adinstar, cucurrit, adstantes adscripserunt vino largiter ingesto, manè enim conquesta fuit de capitis dolore.

Die Mercurii quinquies: die Jovis semel fuit convulsa: sub vespertinam sese ostentavit vipera, vocem edens instar pullorum. Die veneris tumuit venter, hora demum noctis nona semel fuit convulsa: ut & die Saturni semel.

Die Solis bis, at mitissimas passa convulsionibus, abdomen adhuc tumet, Jussu Magistratus aliquandiu medicamenti supersedit, ut vide-

rent omnes qualis subsequatur sit eventus. Visitur ab Ecclesiæ ministris, cum ea preces privatae funduntur, & pro ea publica instituantur.

Die 30. 31. Martii & 1. April. videlicet die Lunæ, Martis, & Mercurii optimè habuit. Die Jovis, 2. videlicet April. correpta febri cum rigore, capitis dolore, sudore copiosissimo, oris amarore, abdominis, cordis, capitique dolore; hora nona vespertina vomitum rejecit materiam viscidam, ac sanguinem grumosum; nil comedit: per totam noctem fuit inquieta cum vociferatione, sine convulsionibus; abdomen subsedit.

Die Veneris, 3. April. dormivit, sudavit, & quoniam de iisdem conqueritur symptomatibus, injectus clyster, undè excretis alvi facibus duris, statim sensit levamen; sub vespertinam sumpsit syr. emet. unde iterum rejecit materiam viscidam cum sanguine grumoso.

Die Saturni, 4. April. passa capitis dolores atroces, & quasi intolerabiles cum frequenti oscitatione, bis per vomitum spontaneum excrevit materiam aqueam: vesperti injectum clysterem non diu retinuit. Frontale dolores lenivit. Sub decimam noctis alvum irritavit suppositorio: totam noctem dormiendo transiegit; progressu die nil ciborum sumpsit: per istam septimanam convulsionibus fuit libera; nunc optimè habet.

Per 14. dies febri tertiana intermittente laboravit, imò & diætam morbis suis convenientem respuens, clanculum patriam suam repetiit, malens vivere vitam rusticam, quam Medicorum regulas observare. (Quæstio incidit de usurpanda *Sideritide* à *Schrædero*, aliisque in incantationibus decantata.)

Magdalena domi vitioso utens victu, in primis *lacte & lacticiis*, febri tertiana adhuc dum divexatur.

Die Veneris 15. Maii, plurimas per inferiora & minimas, cum materia mucosa, excrevit hirudines, quarum exsiccata corpora penes nos Medicos residua; in primis unam, quam die Saturni, 16. Maii, cum paucissimis alvi facibus reddidit, quæ diu in urina natavit, sed in aquam immersa frigidam statim se constrinxit, & mortua cecidit. Conqueritur puella de dolore Stomachi compressivo, vomendi conatu & nausea, ideò die 18. Maii præscripsi syr. emet. at simul ac sumpsit, vomitum rejecit: itaque frustraneum medicamentum.

Die Mercurii, 20. Maii, per inferiora absque alvi facibus vermem, vel potius teredinem excrevit (quem Excell. D.D. *Hardero* transmissi) vivum, quique per septem dies vitam protulit.

Die Veneris 22. Maii, sumpsit potionem ex resina Jalappæ, syr. emet. & elix. vit. M. quæ *æris & nigri* ipsam purgavit egregiè, materiamque biliosam in maximâ eduxit copia, à qua melius habuit, & licet fuerit dies paroxysmi, *anipet* tamen illam traduxit. Die Solis ipsa me accessit, nec tum caloris febrilis quicquam sensit. Die ascensionis, 28. Maii sacris interfuit.

Die Veneris, 29. Maii & Solis, febris recidivam habuit, ideoque denuò exhibui syr. emet. undè sursum deorsumque insigniter evacuata. Hinc febris ipsam deservit.

Die Solis, 14. Junii, Pater cum filia me convenit,

venit, referens filiam hora quinta matutina, in lecto alta exclamasse voce: & quasi vi quadam quippiam deglutire conatam fuisse; Patrem tunc statim ab illa petiisse, quid hoc sibi velit? Filiam verò respondisse, se nulla protulisse verba, nec quicquam sensisse. Idemque coram me asservit, nec de quoquam symptomate conquesta est.

Die Lunæ, 15. Junii, *Magdalena* per tempus segmenta domum apportavit lignea, & quadantenus defatigata, per horæ spatium passa convulsiones, sine omni motu tamen, & finitis illis de capitis, & circa cordis, regionem conquesta est dolore.

Die Saturni, 20. Junii, cum sororibus collegit spicas, & ita commota sine motu fuit convulsa.

Die Mercurii, 24. Jun. ab arbore satis largiter comedit cerasa, & non canata se cubitum contulit, ista quæsta de capitis & cordis dolore, item nausea, vomendi conatu, vertigine.

Die Jovis expergefacta eadem accusavit symptomata, ideo ordinavi syrup. emet. à quo egregiè *ava* purgata, optimè habuit. Interim tamen semper terrores patitur nocturnos, & solis radios perferre nullo modo potest.

Die 10. Augusti, *Magdalena* interdum adhuc patitur convulsiones, manuum præsertim contracturas, ita ut mensæ accumbens sæpè cochlear prehendere non possit; inter ambulandum oportet interdum, ut sedeat subito, sine convulsionibus tamen, sed oculis illacrymantibus, antè octiduum pedum & manuum digiti per tres dies adeò fuere contracti, ut Parens illos vi distendere neutiquam potuerit, quo tempore etiam inarticulatè omnia protulit, timore fuit plena: quoties parum largiter, vel etiam consueto more cœnat, inquietè transigit noctem, propterea sæpè cœnam prorsus intermittit. Interim semper conqueritur de dolore circa cordis regionem compressivo, ventriculi ardore, vertigine & lassitudine spontanea.

Die 17. Augusti & 6. Septembris, ipsa una cum Matre me accessit, referens se nil sævioris pati, nisi digitorum manuum & pedum frequentes contracturas, in primis quoties frigida manus abluit: lotis verò vino contractura disparet. Parentes autumant, filiam esurientem potius & finita coctione convulsionibus corripit: cætera benè se habet. Offensa aliquando propè rivulum à Sub-præfecti filio est, allocuta nullum dedit responsum, stans fixa instar itaturæ.

Die Mercurii, 9. Septemb. & seq. diebus, exceptis 14. 23. 24. 25. hujus mensis, quibus sudavit, singulis manè vel à septima usque ad octavam, vel ab octava usque ad nonam, interdum dimidiam decimam, jacuit in lecto sine omni sensu & motu, oculis tamen apertis, tandem se recolligens conquesta fuit de capitis, laterisque sinistri dolore, cum horrore quodam. In principio paroxysmi observat in pedibus obtusum quendam dolorem, cum sensu fornicationis, qui sensim ascendens perreptat, & superiora petit, cum cordis dolore, qui caput invadens è vestigio malum hoc ciere & spiritus figere solet.

Similes ecstáticas corporis fixationes cum oculorum circumgyratione singulis manè eadem semper hora passa est, ab 28. Sept. usque ad

12. Octobr. quo sumpsit syrup. emet. & egregiè evacuata *ava* à convulsione ista immunis perstitit, per mensem ferè, quo semel tantum vel bis in eadem fuit detenta; interim munia sua obiit domestica, inprimis fila ducendo. Hactenus nullæ comparuere viperæ, vel simile quid.

Tandem spasmus iste rediit singulis fermè diebus, eadem circiter hora, eodem plane modo, cum valida digitorum contractione, adeò ut expliciti vi statim iterum contrahantur, nec levamen nunc sentit, ut pridem, a lotionè vini; in usum acceptus pulv. epilept. manè & vesperi, cujus operationem se sentire asserit in manibus ac pedibus, ac si quid exitum quæreretur: convulsiones hinc imminuuntur; quoties verò istum pulverem negligit, convulsio eo die rediit.

Die Solis 8. Nov. in templo quasi catalepsi prehensa, Matrem alta voce bis acclamavit.

Die Lunæ, 9. Nov. tempore cœnæ vel comate, vel catalepsi correpta per horam integram, ut sedens instar dormientis capite nectaverit, oculis clausis; ast interrogata respondit, oculos aperuit, verum mox iterum clausit. Hoc paroxysmo manus valdè sudarunt; ab usu pulv. antepileptici isti paroxysmi mitescunt, evanescent, ea propter 12. Nov. fuit reiteratus.

Die Saturni, 21. Nov. convulsiones rediere, quoniam manè à sororibus ex profundo somno excitabatur.

Die Mercurii, 25. Nov. excrevit per inferiora lumbricum, ideo repetitus pulv. mercurialis cum diagryd. qui sexies alvum movit sine ullius vermis dejectione.

Die Lunæ, 30. Novemb. noctu sensit dolorem pungitivum circa umbilicum, tandem lumbricum excrevit magnum.

Mense Decembri, subinde sensit convulsiones & digitorum contracturas, inprimis; quoties pulv. antepilepticum omitteret; quibus non rarò accesserunt ventris tormina sæva. Ab esu Sem. cinæ maximam lumbricorum copiam per vices exturbavit, cum capitis dolore, & virium imbecillitate.

Anno 1675. Mense Jan. phlegmone in brachio dextro oborta, ad suppurationem perducta & aperta multum puris fudit.

Mense Febr. cibos vomitu rejecit, conqueritur de compressivo ventriculi dolore, syr. emetico & oleis adstringentibus externis fuit percurata.

Interdum patitur manuum tremores, nonnunquam convulsiones.

Mense Majo gliscentibus convulsionibus sumpsit tartar. emeticum, hinc eximiè evacuata, nil porro convulsionum passa est in hunc usque diem, & sana vivit cum cæteris sororibus, excepta *Elisabeta*, quæ febrì correpta, & neglectis remediis die 7. Martii, Anni 1676. obiit. *J. Henrici Hegneri.*

Notum est *Coj* elogium 5. *Aph.* 1. spasmus ab Helleboro lethalem, & 6. *Aph.* 39. convulsionem ab inanitione & repletionem oriri, quorum altero generalius, altero speciali exemplo exprimit, fieri ab evacuatione nimia spasmodicos affectus. Utut verò Hellebori virulentiam simul accusent interpretes, albi scilicet, quem intelligi Pergamenus in commento arguit, putaverim tamen injuriam fieri Helleboro utrique, quod

quod solus tam infamis sit, tam *φασικὸν καὶ λικόν, ἐλαττικόν*, medicamentum, ut convulsionem post se excludat, unde & magis exspirasse ejus usus videtur, præcipue cum & suppositum eundem eadem symptomata inducere scribatur, ac assumptum. Vid. Spigel. l. 6. c. 4. de H. C. F. Quis verò Mœn rdum hodie sequeretur, qui crebro se exhibuisse scribit hellebori nigri integram dragmam, adjectis etiam diagrydii gr. iij. citra vel molestam, vel majorem plus debito sequentem purgationem l. 3. ep. 3. Mitiora dantur, longè optima, & inter hæc præcipua & laudatissima gialapa. Nihilominus dicere ausim, à quovis purgante hypercatharsin, & consequenter spasmum excitari posse, non tam ab inanitione, quàm subsequente acrimonia, plus justo evacuata ex glandulis intestinalibus lymphæ: quam in rem legi merentur quæ *Prosper Martianus in 6. Aphor. 39.* commentatus est. Notabile verò visum fuit exemplum consequentis inde spasmi flatulenti, dignumque ut infereretur analæctis curiosis. Vir eruditus, scholæ collega, 50. annorum, die 10. Februar. 1678. ad evacuandam cacochymicam saburram assumit pulverem purgantem ex radicis gialapæ scrupulo, cum granis aliquot cremoris tartari, quam dosin & alias jam assumpserat cum successu, inde verò cum plusquam trigesies purgatus esset, remedio sistere fluxum negligens, sed potius more vulgi ex copia dejectionum medicamento æstimans effectum, vespere illius diei, & biduo sequente spasmu flatulento utriusque pedis dolorifico & permolesto per vices cruciatur, ubi consultus exprobravi negligentiam, & dato pulvere cinnabarino cum anodyno brevi abegi molestum symptoma. *Georg. Wolfgangi Wedelii.*

Veteres duas saltem admiserunt spasmi causas, scil. repletionem, & inanitionem, & quidem autoritate *Hipp. l. 6. Aph. 39.* Sed ipse *Sennertus l. 1. p. 2. c. 28. qu. 1. prax. p. 586.* tertiam addere haud dubitat, scil. irritationem, adducens autoritatem *Hipp. Aph. 1. 1. 5.* Impugnat hanc doctrinam de repletionem & inanitione. *Clar. Willis, Path. cerebr. p. 6. & seq.* Et quia in anasarca & tabe convulsionem non excitantur, rejicere conatur hæc causas; nec, irritatione contentus, altiores causas indagare satagit. Spasmi sequentis causam ad inanitionem referri posse, facile concedo. Si verò alicui placuerit eam ad irritationem ab acredine & faldedine feri reducere, nec cum illo litigabo. Observatio talis est.

Anno 1667. vocatus sum ad acicularum fabricatorem, adveniens inveni hominem ambulanti celeri gradu per hypocaustum, spasmu pedes, manus imò cervicem convellente, ita ut propter doloris acerbiteriam jacere vel sedere non potuerit, nervi in truribus retrahebantur, ut foveæ fierent pugni profunditate. De causa sollicitus, inquirenti dixit se diarrhœa laborare & sæpissimè alvum exonerasse, materia excreta erat serum biliosum, ultimo sanguine tinctum. Ego *Aphor. 4. sect. 5.* considerans, & Epilepsiam metuens, cum periculum in mora erat, neglectis abstergentibus ad constipantia & confortantia properans, sequens præscripsi.

℞. Conf. ros. antiq. ʒj. torment. ʒss. primul. ver. lil. conv. an. ʒij. cort. aur. citr. cond. an. ʒ. nuc. mosch. cond. ʒss. carn. cydon. cond.

ʒj. decoct. ras. C. C. q. s. F. l. a. contusum. col. add. conf. alkerm. de hyacinth. an. ʒj. corall. v. præp. ʒss. terr. sig. bol. armen. præp. ana ʒj. mastich. menth. corall. an. ʒss. M. dos. ʒij. & quidem sæpius. Hisce usurpatis hæc ipsa die à spasmu immunis evadebat. Sed vires valde labefactatæ erant, cum diarrhœa non totaliter sublata esset. Itaque sequens ordinavi.

℞. Conf. ros. antiq. torment. an. ʒj. rad. symphyt. maj. cond. cort. aur. citr. cond. an. ʒij. terr. sig. præp. corallor. præp. bol. arm. præpar. an. ʒj. cum sir. cydon. q. s. F. l. a. elect. Cum verò artus valde dolerent, nervis scil. à spasmu distensis, hoc oleum ordinavi.

℞. Ol. lumbr. terr. vulpin. lil. alb. an. ʒss. castor. ʒss. M. illinantur nervi ubique. Pro viribus refocillandis dedi sæpius cochlear unum vel alterum sequentis aquæ.

℞. Aq. cord. citr. cord. cerv. fr. an. ʒij. cinam. cyd. ʒss. spir. ceras. n. ʒij. M. Cum tandem attritione ventriculi laboraret; hæc mixtura profuit.

℞. Aq. memb. ʒi ʒss. Zedoar. ʒss. galang. cubeb. an. ʒij. sp. absinth. ʒj. mist. f. ʒss. elzofach. anis. fœnic. an. ʒj. M. Et sequenti oleo ventriculi regio inuncta.

℞. Ol. nardin. ʒj. mastich. menth. ana ʒss. absinth. dest. g. v. M. Et sic præter spem multorum convaluit *Georg. Wolfgangi Wedelii.*

Puer 14 annorum, An. 1679. Mens. Februar. diarrhœa serosâ atroci vexatus; quam dolor ventriculi, appetitus prostratus, vomitus & artuum lassitudo, hincque etiam dysenteria levior comitabantur, nostram imploravit medelam. Pulsu æquali & blando existente, humorum acrimoniæ bolo ex elect. diascord. &c. prospeximus, additis pulveribus absorbentibus & nervin. demulcentibus: inde etiam pilulis ex extract. rhabarb. quod superesse poterat, eliminare studuimus: Quibus cum bene haberet, diebus proximis, tempestate humida admodum ac pluviosâ, signifer per urbem cum commilitonibus (more circa Bacchanalium festum recepto) circumvagabatur, diætæ parum studiosus, quin pomis crudis & aquæ frigida potu mane & noctu gulam frequentius oblectaret, unde & molestam scabiem à multo tempore sibi contraxerat: sub finem circiter dicti mensis, deterius habere cepit: facies cum artub' intumuit, inferioribus præprimis, quibus spretis ager sub dio solisque radiis adhuc obambulavit: appetitum inde dejici incipiente, & urgente nausæa ac vomitu materiæ acris, serosæ, denuò accersitum sumus: A præscripto Diaphoretico, tantisper sudavit, julepum vero vespertinum ilico revomit: sudor tamen ex parte evanuit: sub vespere reduces, dolor capitis miserum torquebat, & materiæ biliosæ evomitio, pulsû juxta naturali persistente: Ventric. regio ol. balsa. & nervin. inuncta, & epithem. fronti applicatum: juxta bolus roborans exhibitus ex confect. de hyacintho, circa decimam noctis: Cum jam inducias expectarent adstantes, sub mediam noctem motus convulsivi invadunt ilico, qui circa sinistram hypochondrium incipientes, mox femur proximum, & hinc brachium, cum reliquo latere aggrediebantur sensim ingravescentes salvo manente dextro: Præscripta pulveris antepileptici dosi, cum julepo tali per cochlea-

cochlearia sumendo, mane injectus fuit clyster, & myxura cum cinnab. antimonii iterata: Quibus cum ad se redire videretur, convulsionibus non ita crebro affligentibus, insisti iussimus, addit. tinct. Castor. cum spir. urin. naribus admo-
vendo, ubi res postulaverit, sacculo item ex carminativ. vino incoctis abdomini, hypochondrio præsertim sinistro applicando. Somno hinc blando ægrotus capiebatur, hostisque remittebat, unde in præscriptis sub vesperam pergi curavimus addito decoct. ex Mercur. vivo, si quid fortè verminosi, quod fœtor oris præsa-
giebat, juxta subesset. Postridie melius habuit, noctem quietam transegit, sed jam pulsus celer & frequens, sitis intensa, urinæ tinctæ, cum sedimento crasso: V. S. hinc indicia ad sanguinis ventilationem, & julepis certatum, addit. bland. diaphoret. Vesperi febre remittente, tra-
geam ex absorbentibus & antepilept. præscripsimus, d. seq. urinæ turbidis ac crassis etiamnum existentibus, cum pulsū frequentiore, julepo ex alterant. præparante perrectum est, in crastinum vero purgans ex syr. ros. sol. compos. & c. paratum, quo aliquot diebus post iterato, cum copiosè dejecisset, urinæ sentim clarescere cœperunt, cum sedimento utcumque laudabili: accidit autem ut clarescentes sanguinolentæ evaderent, citra doloris vel in renibus aut perinæo indicia, cui adstringentibus, fibrasque hinc roborantibus, pilul. præprimis ex terebinth. rhabarb. & sanguin. dracon. parat. subvenimus, ægrumque favente Deo pristinæ sanitati restitimus. *Joan. Jacob. Harderus Apiar. Observ. 37.*

Filia sedecim annorum, à prima nativitate muta, menstruisque hætenus orba, catnosa quamvis & bene habita, primo Februarii 1683. de qualicunque horrore, cum subsequente calore acri anxietate circa præcordia & inquietudine tacitè conquesta est, cum aliquot menses ante dolore circa lumbos se affligi gestibus monstrasset: Vocati die quarto, crus utrumque cum femore vehementer intumuisse notavimus: Tumore existente pellucido & doloroso, sui-
que indicia ex sinistro latere ad eandem mammam usque, multo cum ægræ cruciatu pro-
dente: abhinc tamen anxietas & inquietudo cessarunt: pulsus celer & frequens, cum siti utcumque intensa; præscriptis diaphoreticis volatilibus, ad feri discussionem, viarumque, si-
cubi natura vellet, reiterationem, id impetrasse videbamur, ut tumor crurum satis fuerit imminutus: Noctū interim convulsionum insultus, quamvis breviores, ægra bis experta fuit, unde ad volatilia antepileptica postridie confugimus, vesperique symptomatibus pari vi-
pergentibus, iisdem fortius decertavimus: in sequentibus diebus cum motus isti frequenter ingruerent, mirari subiit medicamentorum inertiam; retulit verò mater, jam à primo ortū convulsivi quid misellam per intervalla per-
peti, d. 7. ad sanguinis ventilationem, particularumque acrium distractionem ac subactio-
nem V. S. in brachio dextro imperavimus, quæ feliciter cessit, citra paroxysmi vel antè vel post meridiem invasionem: postridiæ autem eodem denuò ingruente, tinct. antim. in usum vocavimus, ad gutt. x. vel xii. manè & vesperi in idoneo vehiculo sumendam: atque hæc ali-
quandiu usurpatâ, paroxysmi manifestè remi-

ferunt, ægraque à frequenti horum impetu, sanguinisque febrili agitatione liberata fuit. *Joan. Jacob. Harderus apiar. observ. 38.*

Die II. Januar. Anno 1686. auxilium nostrum efflagitavit, fœmina primipara viginti circiter annorum, 14. à partu diebus, conquesta de dolore pungitivo & lancinante circa lumbos & inguen dextrum, qui in crus & pedem immo ejusdem lateris atrociter saeviebat. In isto tumor aliquis subdurus & renitens observabatur, citra ullum ruborem, ægraque pedem nec flectere nec movere, nec eidem insistere potuit: Rogata num ante partum dolorem similem per-
senserit, annuit, & quidem ita, ut incedere interdum inde prohibita fuerit: ingruentibus doloribus partus, crus idem maxime affectum fuit, in conveniente, ceu debuisset, siti non possum: jam lochia fluere desinebant, sitis intendit & appetitus prosterne cepit, pulsus celer erat & frequens lumbis & femori ol. lumbric. hyperic. & c. cum liq. C. C. succin. suræ verò & pedi fomento ex herb. salv. fl. chamom. sambuc. & c. in vino decoct. additâ camphorâ & croco prospeximus; juxta pro emendando acri in massa humoralis stabulante tragæma ex Diaphor. Martiali ocul. cancr. corall. & c. cum sacch. paravimus. Sub vesperam dolor idem urgebat, simulque femur petebat: suavis ut dict. liquor. cum tinctur. croc. & aliis illud blandè lavaretur & fricaretur, additâ mixturâ diaphor. ex aq. card. ben. veron. C. C. philos. præparat. & c. D. sequ. retulit se noctem utcumque quietam transegisse; doloris ex femore in pedem insultum non ita crebrum nec atrocem esse, rigor tamen in partibus musculosis maxime sub genu, dolorosus admodum perstitit, cujusmodi etiam in femore animadvertimus, & alvi fluxus aliqualis ægram invasit: à sumptâ mixtura parum sudavit, pulsus tamen hesternon elior, plenus nec ita frequens: perrectum est in præscriptis, circa tertiam verò pomeridianam bolum ex elect. diascord. corall. & c. exhibuimus, quem mox evomuit, quod ad medicamenta difficilis erat: sub vesperam dolores in inguine recruduerunt crure universum, cum pede obrigescente: iussimus illi fotum applicare, & suræ cataplasma, ex farin. rad. alth. flor. sambuc. chamom. semin. lin. carv. addit. axung. can. mur. Alp. camphor. croc. ol. lumbric. & c. Postero manè reducens, dolorem multò mitiorem esse audivimus, tetano quamvis adhuc subsistente, sumsit hoc mane de tragæa & in cæteris perrexit. Vesperi dolor punctorius rediit atrociter, pes tumebat supra modum, & renitebatur cum fragore, qualem ubi tantisper in alium locum movebatur cum sonitu edidit: pulsus celer & parvus: cataplasmati additâ ʒ. aliquot fimi caballini: in fomento & oleis perrectum, juxta paratus sacculus ex radic. bryon. lilior. alb. herb. bryon. flor. sambuc. & c. cum croc. lacti incoquendus & inguini calidè applicandus: internè verò propinavimus julep. blandè diaphoret. in 2. dof. Postridie ex sacculi usu dolor remisit redux ad tantillum motum, pes verò nec ita renitebatur, nec tanto cum fragore: perstitimus in externis, internè autem julepus similis rursus exhibitus; & quia diarrhæa denuò miseram vexabat, emplastr. ex gumm. tacamahac. Bals. Peruv. ol. dist. menth.

& pice stomachi regioni applicuimus. Vesperi ægra pedem aliquantum movere poterat, sed non extendere; dolor urgebat præcipue infra genu: in inguine verò nonnisi per intervalla affligebat, in medium femur usque pergens: siquidem in pede imò tensio remiserat, in externis nil inmutatum fuit, horâ verò somni Julepi dosin dimidiam propinari iussimus. D. seq. symptomata ferè eadem, nisi quòd pes minus tumeret, tensusque esset: jam cataplasma femori applicuimus: suræ verò & pedi imò fumus adhibitus ex flor. Sambuc. sem. aneth. oliban. mastiche, thure, &c. juxta præscripta emulsio in duas doses ex amygd. d. sem. nasturt. cardbened. &c. addit. jul. rosac. Diarrhæa remiserat, urinæ tantisper lixivæ, nec ita crassæ ut præcedentibus diebus, die postero tensio & dolor in sura paulum ingravuerant: unde ad cataplasma rediimus, auctâ dosi fimi caballini, additoque sale volat. C. C. iterata quoque fuit emulsio ex semin. sal. volat. imprægnatis: seq. manè retulit ægra se noctem satis quietè transexisse, remisisse dolorem in pede, adeò ut digitos flectere possit, etiam in sura & femore, nec nisi sub genu aliquid ejus superesse, pulsus erat melior, nec urinæ ita saturatæ, appetitus magis constans: perrectum fuit in externis addit. ol. ovorum Tinct. croc. &c. In crastinum verò iussa est lenem Sudatiunculam pane recens ex furno extracto experiri: cum rediremus d. proximâ, non sudarat, sura & pes imus multum detumuerant, pedemque in lecto facillè movebat, ipsi tamen ob musculos extensores etiamnum spasmodicè affectos, insilire non potuit: Sudor quoque de reliquo corpore per intervalla fluebat, cæteraque benè habebat, iussimus subsisteret in ordinariis, à quibus illud per Dei gratiam levaminis sensit, ut in seq. diebus genu flectere, commodumque obambulare potuerit.

Die 23. Januar. ægrotâ levi de causâ ad iram commotâ, dolor vehemens inguen sinistrum invasit, citrà tamen femoris vel imi pedis spasmus, qui succedentibus diebus utrumque horum invasit, accessit febricula, ob quam V. S. parca imperata fuit: sanguis eductus viscidus omninò fuit & corruptus, appetitus prosternebatur, sitis ingruit. Propinati hunc in finem, Julep. & emulsiones ex blandè sudorem cientibus, juxtaque Diaphor. Mart. pluribus vicibus exhibitum: Externa verò eadem in usum vocata fuerunt, provocato sub finem sudore ope herb. bryon. flor. Sambuc. rad. bryon. &c. in aq. fervent. coct. atque his per aliquot dies iteratis, sura & pes emolliri, tumorque aquosus, qui comparuit ultimis diebus, discuti cepit, Ægrotâ in hunc diem vegetâ superstitè. *Johan. Jacob. Harderus Apiar. observ. 39.*

Anno 1625. Mense Majo Matrona quædam Bernensis juvenis, convulsionibus horribilibus cum desipientia per dies aliquot laborabat. Tam impetuosè autem corpus ex una in alteram partem concutiebatur, ut duo viri quamvis robustissimi, ipsam vix continere possent. In istis motibus convulsivis autem corpus non aliter agitabat, ac si cum marito suo coivisset. Id cum probè observassem, & medicamenta omnia ipsam respuere vidissem, suasi, ut maritus qui per menses aliquot abfuerat, accerseretur, alioquin de ipsa actum esse. Sequentè die

adveniente marito, brevi restituta fuit & ad se rediit. Membra tamen ab ipsis convulsionibus concussa & labefactata, per dies aliquot sequente linimento inunxit.

℞. Ol. ex floribus Slotani ʒj. Lumbricorum, Vulpin. Chamomelin. Lilior. alb. Rosac. an. ʒʒ. Misce.

Ab eo tempore degentem vitam cum suo Medico jugali, nunquam nec convulsionibus, neque aliis morbis ipsam correptam fuisse s. io. *Guil. Fabric. Hildanus observ. Chirurgic. Cent. 6.*

Mirabilem illam, de qua sæpe coram, affectionem, Virginis puellæ, 12. annum agentis, describere, totamque varimodè succrescentis, & variis ac stupendis accidentibus subindè efflorescentis, historiam integram, & secundum symptomatum varietatem, concursum ac seriem perfectam calamo concipere ferè mihi impossibile est, citius namque verba, conatusque scribendi defectura sunt, quàm ut omnia exactè secundum omnes circumstantias exprimere valeam. Attamen præcipuorum accidentium formam, diversitatem, impetum, accursum & recursum, & admirabilem eorum varietatem breviter enarrare, & ex iis morbi speciem exhibere, quantum possum, quantumque memoria adhuc teneo, enixe laborabo.

Puella est pia ac proba, benè morata & educata: salubriter antehac vixit, nihilque deprehensum, quod corporis offensam argueret: temperatura, ut videbatur calidæ & siccæ, adeoque cholicæ, quæ ad iracundiam levissimè incitatur, fratrem habet Epilepticum, & certè ejus ipsa natura, sicut & Sororis, in idem malum propendere videtur. Ea 7. Julii, anni præteriti 1622. cum pridie leves capitis dolores sensisset, manè circa septimam, cum ad templum se præpararet, subito quasi consternata, concidit, & scamno innixa adhæsit, loquelâ impeditâ, incedere, manus pedesque movere ac attollere nequivit: in lectum translata, quâdam quasi anhelitûs difficultate, ita ut ægrè spiritum duceret, & pectus scapulasque inter respirandum insigniter attollere cogeretur, premi cepit, & interdum clamorosa suspiria duxit: rediit autem subindè, quasi per paroxysmos, hæc difficultas, atque pressura, in qua nil quicquam loqui potuit; reliqui autem sensus, visus, & auditus, integri manserunt. Paulò post caput hinc inde conjectare cepit. Mox tamen rigidam & immobilem cervicem habere visa est, & quòd postea in erectione capitis à me animadversum, cum quid Sorbitionis vel medicamenti ingerere vellet, capite retrorsum magnâ vi retracto, manumque attollentis deprimente, opisthotono prehensam judicavi: perterritus autem ægritudinis infrequentia, & insueto morbi, qualis nunquam occurrit, insultu, cum diu suspensus hærerem, ea ferè adhibui medicamenta, quæ in Epileptici invasionibus, utilia existimavi. Sed durabat affectio, & post leves intermissiones subindè recurrebat, ad horam usque duodecimam, quando omnia invalescere incipiebant. Tum majoribus suspiriis anhelans, & ejulans, spiritum traxit, atque cervicis nervorum rigore continuo detenta, pejus habuit ad usque tertiam. Hinc mitigato malo, loqui cepit, delirare, cibum poscere, vociferari, indignari ad usque vesperam, ubi tum ab inquietudine

dine hac languescens extrema debilitate laboravit, ita ut sensû, motivè privata, animam exhalatura videretur: duravit autem languor hic per 2. ferme horas, quibus exactis sensim se recollegit, & ad sese rediit, cibisque refecta per totam noctem placidè dormivit. Altero die mediocriter habuit, & medicinam purgantem sumpsit: duodecimâ autem horâ malum reversum est, & prioris diei ferè formamque, modumque servavit, nempe per intervalla tetano correpta, cervicis rigorem, spiritusque difficultatem, atque pressuram passa est: inter paroxysmos de tanto capitis dolore conquiescit, ut ad clariorem etiam vocem & loquelam quiritaret: aliàs loqui, imò linguam movere non potuit, nisi forsan ubi mitior invasio, ubi tum lingua titubavit, & inexpedite locuta est: Tertiò die sat benè habuit: Quarto post levior paroxysmus in tantam pedum convulsionem & contractionem incidit, ita ut pedes retracti quasi funibus corpori alligati viderentur, absque tamen omni dolore, tendines a sub genibus lapidea ad tactum duritie & rigiditate continuâ afficerentur. Et quamvis post convenientes inunctiones melius habere videretur, attamen ad quartum usque diem spasmodica hæc, & violenta contractio, continuò perseveravit, interim corpore reliquo benè valuit, à prioribus paroxysmis planè immunis: quarto autè die circa vespèram subitò distensio hæc remisit, ipsaque ex improvviso è lecto profiliens in pedes se coniecit, & parentibus accurrens latabunda liberationem annuntiavit: post hæc benè se habuit, sensimque validior facta est, ita ut penitus restituta crederetur.

At post mensem, nempe 6. aug. cum pridie magnos capitis, frontis maxime, temporumque dolores passa esset, in idem ferme malum, alio tamen invasionis modo, incidit: nam manè sumpto jentaculo, cum corporis titubatione, & vertigine vexari videretur, in lectum redire iussa, profundo quasi somno abrepta est: in quo tanquam somnians varia loquebatur: subitò autem exterrita, quasi cum magna & precipiti corporis concussione, evigilavit, mox rursus somno se dedit, denuoque terrore concitata expergefacta est, & id per integram horam, vel diutius paulò, duravit, idemque post prandium & cœnam, & posthac sæpius, quam primum aliquid cibi ingessit, evenit, ita ut mox superdormire cogeretur, & terrifico tali somno corripere, nocte aliàs placido ac naturali somno semper fermè dormivit, exceptâ tertiâ ab accidenti hoc nocte, quam ferè totam deliravit, ita ut omni intellectû orbata videretur; memoria ita defecit etiam, ut orationem dominicam orare amplius nequiverit: per intervalla tamen mens & memoria reversa, post leve autem momentum iterum extincta. Circa vespèram convulsio invasit nunc hoc, nunc alterum brachium, ita ut extendere ac movere non potuerit: mox pedes quoque eadem contractio corripuit, ita ut jam brachia & pedes convulsi sisterentur, sed paulò post brachia reliquit, hinc etiam pedes, ita ut tam brachia, quam pedes movere potuerit. Postremo die maxima omnium membrorum inquietudine correpta primum tandem in pedes se conicere, & in hypocausto discurrere ac sal-

tare cepit: miserabili sanè & stupenda infania specie tentata ac turbata, varios ac turbulentos mores exhibuit. Nam nulla neque vi, neque increpatione contineri potuit, quominus hinc inde cursitaret, nulloque modo subsisteret, sed indefinenter inquietudine hac detenta: in lecto etiam, si forsan cohiberetur, ex uno loco in alium sese coniecit: imò parietes etiam transcendere, & circa fornacis extremitates discurrere quæsit: Extra lectum dissiliens, scopas, vel aliud quid simile apprehendens, pavimentum à sordibus diverrere, omnemque immunditiem conclavis, omnes angulos evolvendo, exquirere & expurgare nunquam cessavit. Interdum, subitaneâ pedum contractione inter discurrendum correpta, subsistere coacta fuit, mox tamen, soluto iterum spasmò, denuò saltare perrexit: imò defatigata, vel alioquin lassâ, si pigriorem interdum cursum iniret, vel subsisteret, pedum affectio spasmodica mox irruerat: solvebatur autem si cursum repeteret, & impetuosius se agigaret. Quinetiam paroxysmo hoc turbulento interdum repente soluto, subtitit, suisque quod stare posset, acclamavit, lectum etiam ingressa, quievit: mox autem iterum profiliens, denuò saltare compulsa fuit, subinde nunc per intervalla longiora, jam jam breviora inquietudo hæc ipsam, maxime autem à sumpto cibo, invasit, non rarò tamen inter prandendum aut cœnandum subitò de mensa surgens, in pedes se coniecit, nec cohiberi potuit; vi autem cohibita, pedibus tripudiando quasi, humum indefinenter pulsavit. Quod si, nè in pedes se coniceret, prohiberetur interdum, (quod non rarò parentes tentarunt) insigniter affligebatur circa præcordia, maxime juxta orificium stomachi; ubi de validissima compressione querebatur, quæ mitescebat, si sese saltando jactaret: protinus autem quando subsistebat, denuò iterum dicto loco gravissimas passiones sustinebat, ita ut ab iisdem impelleretur, indefinenter discurrendo se exercere: languebat etiam plurimum, ac debilitabatur, & distensionibus membrorum tentabatur, quando nondum finito paroxysmo sese agitare cessabat, aut prohibebatur. Si mitiores fuere invasiones, in lecto locoque suo manere potuit, nec evagari coacta fuit; Attamen tum inquietudo nunc hoc, nunc aliud membrum invasit, ita ut incessanter quassare, nempe brachium hinc inde movere, vel pedem sursum, deorsumque trahere, continuatâ serie, cogeretur. Sæpè caput solum, ut hoc hinc inde indefinenter jactaret, malum occupavit, sæpè saltem ejus partem, nempe linguam, unde titubatio, maxillam, unde dentium collisio atque stridor; aures, nasum, buccam, labia, collum, unde earum partium tremor, atque concussio, totam denique faciem, unde ejus fœda distortio sequuta: Inferiores etiam non rarò partes vexavit, pectus nempe ventrem exteriores musculos, unde palpirationes, & distensiones exorta, imò mirabili varietate nunc hoc, nunc aliud membrum, nunc unam saltem, sæpè plures partes simul invasit, atque afflixit. Semper autem & in omnibus paroxysmis, linguam simul affectam vidimus, ita ut tremeret, vacillaret, balbutiret & impeditè loqueretur, leviter etiam deliraret, ratione aliquantum destituta, licet

aliò tempore plus, aliò minus, quæ mentis, sermonisque imperfectio & titubatio, mane præsertim cum è lecto surrexisset animadversa, futuram invasionem semper indicabat, quamvis aliàs in ipsa accessione, dum saltaret, atque discurreret, vel membra jactaret, sensus exteriores illæsi ac integri permanerint, quod facile judicare fuit ex eo, quod quodvis audire, & ne sese offenderet, sedulo carere potuit. Interdum loqui omnino non potuit, & ad interrogata nequicquam respondere: sæpè autem quando affectio linguam inquietavit, incessanter garrere, imò canere etiam coacta fuit, & tum quò plus loquebatur vel canebat, eò minus se circa præcordia affici, & immunem à molestia cordis compressione fieri dicebat: quàm primum autem inquietudo linguam deservit, ipsaque deblaterare & canere cessavit, membri alterius, aut pedis aut brachii quassatio & agitatio secuta est. Interdum ratione omnino privata, interdum mente satis valere visa. Cibus in paroxysmo, maxime vehementiori, assidue flagitavit, crassum imprimis, nempe panem secundarium cum butyro coctum, quem avidissime semper devoravit: quod si denegabatur, urgentissime postulare non distitit, sæpè cum precibus, lachrimis & indignatione; si alius quandoque & diversus ab eo, quem petierat, forsan exhiberetur, pro eo tan en, quem, postulaverat, cupidè comedit: imò interdum, si non confestim adesset, exacerbata, obvia quævis, ligna, stipulas, linteos pannos, vel quidvis aliud ori ingessit, dentibusque maxime si malum maxillas prehenderat, laceravit. Et si brachia inquietudo occupavit, illud, quo uteretur inter edendum, adeò hinc inde jactavit, ut difficulter cibum ori admoveere potuerit, adeò ut sæpè ingerendo opem ferre necessum fuerit. In omni invasione frontis, temporumque venæ turgescences & livescences apparebant. Frontis autem dolor, cordis tremor, orificii stomachi compressio, deliri sermones etiam, linguæ item tremor, ac vocis titubatio futuram invasionem prænunciabant.

Dysuria etiam accessit non rarò, ita ut sæpè per integrum diem nihil excreverit, quamdiu nempe paroxysmus duravit; eo autem soluto, urinam emisit. Per totam noctem semper ferè dormivit, placideque quievit, quantumvis totum diem inquietè peregerit. In somniis tamen aliquoties turbata est, sicuti & prius, cum sana adhuc viveret.

Prodigiosum hoc malum per 14. continuos ferè dies duravit, ita ut in dies, vel membrorum motus convulsivi, vel inquietudines jam enumeratæ exortæ sint: Postea verò remittere cepit, & non nisi certis dierum intervallis recurrere; eandem autem ferme idæam servavit semper, ita ut vel discurrere vel membra quassare cogeretur, cujus invasionis principium delirationes, linguæque titubationes, tanquam prænuntii indicabant.

Varias adhibui medicinas, purgantes, roborantes, bezoarticas, internas & externas, fonticulum etiam nuchæ impressi: nihil autem, vel parum profeci: tandem autem mense Decembri, cum illa medicamenta, quibus olim Hassiaci Medici, in morbo quodam publicè grassante, huic penè simili, usi sunt, quorum de-

scriptionem ab Excellentia tua accepi, exhibuissem, sensim imminui affectio cepit, ita ut primum paroxysmi mitiores facti fuerint, post ipsæ saltationes remiserint, tandem etiam membrorum concussiones mitigatæ. Nec tamen nunc malum extirpatum, nam quotiescunque ad iracundiam commovetur, uti facile fit in re familiari, in quo valde se industriam exhibet, vel quando terretur, uti maximè accidit viso fulgure, & audito tonitru, aut impetuosiore, aut repentino sonitu, denuò ejus rudimenta subito eam apprehendunt, ita ut loqui nesciat, aut balbutire incipiat, sæpè etiam nunc unum aut alterum membrum agitare compellatur: nec tamen diutius hæc durant, sed per mediam saltem, sæpè tamen etiam per unam aut duas horas: postea ad se reversa, rectè iterum se habet optimeque valet, adeò ut nihil adversi in ipsa animadvertere liceat. Plerumque etiam recrudescit affectio, quando Luna superiora signa, nempe Arietem atque Taurum, occupat, tum à sumpto cibo mane præsertim, quamprimum aliquid degustat, tale quippiam quandoque patitur, ita ut delirare, linguæque tremere, atque titubare, sæpè etiam hinc inde membrum quoddam agitare incipiat. Quando verò pulveris illius, & electuarii bezoartici usum non negligit, sed continua adhibitione subsidium sibi subinde comparat, ferè à mali invasione servatur. Et hæc ferè est mirabilis illa & prodigiosa affectio, quæ stuporem omnibus altantibus & videntibus peperit.

Cujus naturam & causas veras inquirere & indagare quamvis difficile sit, nihilominus tamen, cum nonnisi ad convulsorii affectus speciem referri posse existimem, generalia quædam de convulsione hic proponere, ejusque naturam rimari, causasque indagare, non abs re duxi.

Convulsionem, quæ consideratur tanquam symptoma depravati motus, aliam esse in neri, quando nempe repetitis vicibus musculi contrahuntur, & convelluntur, uti in Epilepsia: aliam verò in facto quando ii contracti servantur, nec motus interrumpuntur, ut in tetano apparet, per se manifestum est.

In hoc verò casu, cum primum Opisthotono prehensa, immobilem cervicem haberet, postmodum in varias partes diffuso affectu, variæ convulsionum formæ, ex motuum convulsoriorum varietate exortæ sunt: nunc verò non cervicis tantum, sed & pedum, uti & brachiorum musculos distentos, & immobiles vidimus, mox verò eosdem variâ contractionis specie hinc inde agitari & præter voluntatem, iteratâ & continuatâ commotione, totum etiam corpus concitari observavimus.

Ex natura autem arbitrarii motus, qui non est nisi contractio musculorum ad propria principia, capita nempe, à voluntate excitata, convulsivi & symptomatici motus natura & conditio perspicitur & investigatur, ut qui est motus depravatus, vel contractio musculorum ad sua principia, præter voluntatem à causa præternaturali suscitata.

Causa hæc, ut exactius cognoscatur, primò locus affectus seu *πρῶτον δεικνὸν* hujus παθήματος disquirendum est. Hoc triplex communiter Medici cum Galeno statuunt, nempe 1. *Cerebrum*. 2. *spinalis medulla principium*, & 3. *particularem*

larem etiam nervum vel musculum, Carolus Piso, in observationibus suis de colluvie & illuvie serosâ, argutè satis & eruditè de affecta convulsione sede, cerebro nempe, spinalis medullæ principio, differit, quod nempe nervi tanquam funiculi quidam ita continui sint cerebro, ut ejus membranis, tanquam principio nervorum, præter naturam contractis, concussisque, aut rigidis factis, necesse sit nervorum genus appensum, sive totum, sive magna ex parte, contrahi pariter, concurrere aut rigescere: membrorum autem contractionem sæpius repetitam, ita & constantem rigorem inferri à corpore alieno sua plenitudine replente nervorum principium ejusque latitudinem seu cavitatem distendente, nempe dum cerebrum corrugatur, seseque ipso brevius efficitur, secum trahere omnia adnata, appendicem scilicet, nervosum genus, adeoque fieri totius corporis convulsionem non proportionatam materiæ, &c. Sed, quod pace tanti viri dixerim, ejus sententia parum firmis rationibus fulcitur. Nam cum anatomicorum teste, cerebrum corpus fibrosum non sit, nec motu voluntario agitur, certè subjectum etiam convulsionis, quæ non nisi in membrum voluntario aliàs motu præditum cadere potest, per se nequaquam erit, sed per accidens saltem nempe propter effusionem materiæ spasmodicæ, in capitis, vel totius etiam corporis musculos. Principium autem nervorum, quod est juxta primas spinalis medullæ partes, etsi fibrosum nonnihil sit, & hinc in substantia sua exiliter contrahi & dilatari possit, quia tamen molliissimum est, & carnis omnino expers, tantum roboris, viriumque habere non poterit, ut convulsorios motus, si ab opplente corpore contrahatur & distendatur, per se excitare queat, cum nec pro arbitrio nostro, vel unum membrum, nedum totum corpus simul contractione sua movere possit. Et quæ, quæso, imaginari nobis possumus, nervorum originem aut cerebrum sic impelli posse, aut tam violenter distendi ac contrahi, ut contractione sua ob longitudinis decessionem se cum sursum trahat nervorum, qui ab ipso procedunt, surculos?

Nervi sanè in musculos absumpti, nequaquam tanquam funes eos, & ex consequenti, artus, quibus ii inserti sunt, movent: nam minutissimi sunt nervuli, qui in eos inseruntur, ita ut contractione sua nequaquam partem movere possint: imò si Vesalio credimus lib. 4. Anatomia, quibusdam nulli prorsus distribuuntur: sui verò distribuuntur, in tota tamen eorum corpora nequaquam sparguntur, sed nunc in ventres tantum, nunc in capita, aliàs in tendines eorum ramuli disseminantur, ita ut, & si contrahuntur, totos tamen musculos majores simul contrahere nequaquam possint. Imò ferè obliqua est, & flexuosa eorum insertio, quæ contractionem, tracturo organo necessariam, moliri non potest; qui ergò contractiores effecti, musculos, quibus inserti sunt, ad se pertrahere possunt? Et sanè si in corporibus mortuis manibus nostris trahuntur, non tamen musculos ad se attrahere percipimus, sicut hos, aut tendines eorum tractos, ossa videmus attrahere.

Nervi ergo nequaquam principalia & immediata motus arbitrarii organa sunt: Nam non ideo contrahuntur musculi, contractioneque

sua membra movent, quia ab iis, nervis nempe contractis, versus originem suam, trahuntur; nam ipsi contracti, musculos tamen secum trahere, uti jam probatum, nequaquam possunt? Sed id à natura destinati sunt, ut animale duntaxat facultatem cum spiritu, adeoque imperium à cerebro ad musculos deferant, qui ipsi musculi, & potissimum fibrosa eorum caro, omnium Anatomicorum teste, primum & per se instrumentum sunt voluntarii motus. Si instrumentum, ergo etiam subjectum. Et si subjectum motus voluntarii, etiam involuntarii, adeoque convulsorii motus *distenduntur* erunt: nam voluntarium & involuntarium sunt contraria, quæ idem subjectum alterius occupant, ut de aliis quoque contrariis dicitur.

Nervi autem, quamvis moveantur toto moto musculo, non tamen motio ab ipsorum tractione provenit, sed ipsi tanquam eorum partes simul moventur, adeoque ut per accidens motus voluntarii, ita etiam involuntarii, nempe convulsionis subjectum sunt, licet aliàs ipsi sensum, motuumque causæ, propter spiritum nempe, quem musculis & partibus sentientibus communicant, & distribuunt, rectè vocari possint.

Cum ergo neque in cerebrum, neque spinalis medullæ principium, talis & tam violenta distensio, & contractio cadere possit, ita ut appensum nervosum genus ob longitudinis decessionem, quæ ad latitudinis augmentum & extensionem aliàs sequi solet, sursum trahi necesse sit: ipsi etiam nervi, quantumvis contracti ob causas supra dictas, musculos tamen secum trahere nunquam possint, profectò communem illam Medicorum de convulsionum primo subjecto opinionem rejicere cogemur.

Quamvis namque aliàs omnia corpora laxa atque ductilia nempe membranæ, corrigia, lora, vel funiculi, seu chordæ, ex intestinis, fibrosisque animalium partibus concinnatæ, si vel aqua madefiant, vel uvido aëre turgeant, tantundem in sese contrahantur sponte, & de longitudine deperdant, quantum alienus humor, occultos poros subiens ac replens, latitudini augmentum dedit, & è contra, si eadem excidentur nimium, aut evacuentur, mox tum quoque incurventur atque attrahantur: non tamen hoc ad nervos accommodari, & inde convulsionis generatio per similitudinem hinc declarare potest: quia nervi humorum, vel redundantia, vel defectu contracti, tales maturent, nec rursus dilatarentur, & postea iterum repetitis aliquot vicibus, ut in convulsionibus evenit, contraherentur, quemadmodum etiam chordæ, vel alia corpora laxa à nimia humiditate & siccitate contracta, contracta etiam manent, nec modo contrahuntur, modo dilatantur iterum, repetitis vicibus nisi in alium transferantur aërem. Insuper, si humor quidam convulsionem faceret, partes convulsæ faciliè in suum naturalem situm torqueri, flecti, aut extendi iterum possent, nec tam fortiter distorquerentur, nec aliquandiu distortæ manerent ac vigentes: Nam humor mobilis est, omnique violentiæ cedit, nulla per se ad resistendum vi præditus: Cujus concretio & congelatio in nervis aut musculis immedicabilem rigorem, non solitam convulsionem, indicaret. Et quæro,

si humoris exuperantia convulsionem progigneret, quo pacto paroxysmi, quantumvis vehementes: interdum, tam citò, uti alias celerissimam convulsorios motus generationem & solutionem habere videmus, solvi possunt? Exuperans certè humor tam citò discuti ac absumi nequit, tam citò etiam non procreari, vel de novo rursus impelli ac irruere: Imò, si copiosior subinde irrueret, & sic magis magisque impleret, distendendoque longitudinem immiueret, membrorum rigiditatem & distensionem nervorum continuam & constantem, nec contractionem sæpè repetitam, & concussionem talem nervorum efficeret. Deficiens autem humor, sive nervorum exiccatio, multò minus convulsorios motus gignere potest. Nam tam subitò is restitui ac reparari non potest, iterumque exiccari, ut tam iteratæ concussionis exoriri, tamque celeris solutio, atque etiam generatio locum habere possit: quin & in vivo hominis corpore nervi eò usque exiccari non possunt, ut intendantur, quemadmodum chordæ in instrumentis musicis, quæ sic habiles sunt, ut pro conditione aëris humidioris aut siccioris, cui exponuntur, contrahi & extendi possint. Nervorum autem, qui ex seminali materia constant, ea natura & conditio non est, ut per se contrahi & extendi possint; & quamvis intendantur & contrahantur, per accidens tamen hoc saltem fit, nempe musculis intensis aut relaxatis, quorum ipsi partes sunt: nec etiam in corporibus nervi ita tensi ac sicci, ut in fidibus chordæ, apparent, sed laxi sunt & tanquam pusilli ad musculos accedunt ita ut animo concipere impossibile sit, quomodo sic propter repletionem dilatentur, aut ob exiccationem distendantur, ut manifestè breviores fiant, & hinc sequatur convulsio.

Ex hæcenus dictis patet, quod uti convulsionis subjectum, neque cerebro, neque nervorum principio, nec ipsis nervis assignari, sic humoribus illuc irruentibus & oppletionem suâ distendentibus ac contrahentibus, efficiens causa proxima & conjuncta rectè adscribi non possit. Humores namque, sive crassi ii sint, sive serosi, & tenues, si in cerebrum & spinalis medullæ principium, & hinc etiam, in nervos irruunt & obstructions faciunt, alios affectus, nempe apoplexiam, carum, Paralyfin &c. inducunt: nec ulla firma ratio adferri potest, cur serositates, si principium nervorum subeant, ibi subsistant, nec secundum nervos decumbant, atque paralyfin progenerent.

Et quamvis Piso effervescentiæ & ebullitioni materiæ causam adscribat, ex qua sursum potius moveatur, quàm ad locum declivem delabatur, nihilominus tamen, cur non etiam pars ad nervos transmittatur, eosque affligat, vel si fervor remisit, non ad ipsos decumbat, vel vincente expultrice cerebri virtute eò propellatur, adeoque paralyfin gignat, sicut in apoplexia hoc fit, ratio dari nulla potest: nam materia tam cito, ac penitus resolvi nequit: tam copiosa enim est, ut oppletionem suâ, secundum ipsius sententiam, spinalis medullæ principium distendere atque contrahere sufficiens sit. Nec soluto paroxysmo per palatum, vel alias vias eam excerni observamus: quamvis enim quandoque excretam materiam ipse observavit, non

tamen, nisi paroxysmi violentiâ, eam, quæ forsan in capite delituit, commotam, probabile est: sanè hic nihil tale observare licuit. Et si autem quandoque Epilepticis convulsionibus paralyfis vel apoplexia superveniat, non tamen hoc accidit, ob eam materiæ copiam & plenitudinem, quæ plus magis aucta, vehementiores & alios graviores affectus jam inducit, sed per accidens hoc saltem fit, nempe ratione convulsivorum motuum per quos humores, antea quieti, nunc extimulantur & agitantur, & sic in iis corporibus hoc evenit, quibus debile caput & pituitosis humoribus oppletum adeoque ad apoplexiam & paralyfin per se dispositum est.

Causa ergo continens convulsionum ac depravatorum motuum alia inquirenda erit, quæ quidem ex voluntarii motus natura & actione exactius investigari poterit.

Nam idem debet esse substantia & specie, quod utrumque motum voluntarium, ac involuntarium naturalem ac depravatum excitat, hoc tantum servato discrimine, quod si illa substantia secundum naturam se habeat, voluntarius, si autem præter naturam sit, involuntarius, & sic convulsorios excitetur motus.

Cum autem motus voluntarius ab animali spiritu qui per nervos deducitur, ac in musculos excidit, eorumque fibras *ἐλκεῖ καὶ ὥσκει* movet atque pellit, excitatur, consentaneum profecto est, motum depravatum, & convulsorium non minùs à spirituosâ substantia, utpote flatu, aut flatulento vapore, musculorum fibris præter naturam sese insinuante, & pulsû, tractûque illos ad suum principium contrahente, progigni & excitari. Ubi tamen quàm maxime observanda diversitas utriusque causæ efficientis. Nam animalis spiritus ab appetitû pulsus, motusque, siquidem si secundum naturam affectus est definitè musculorum fibras, agentium quidem intendendo, oppositorum autem laxando, movet, & sic contractionem ad sua principia voluntariam, quam postea totius membri vel inflectio sequitur, vel extensio, qui motus naturalis est & voluntarius, efficit. Præter naturam autem affectus spiritus, & vel admixtione flatuum inutilium adulteratus, vel alienâ & infestâ qualitate depravatus, temerè & indefinitè undiquaque subiens, vel propter impetum ac copiam, musculorum fibras plus æquo replet, atque distendit, vel propter malignam, fibique infensam, qualitatem exagitatus atque disturbatus, musculos quoque variè impellit atque exagitat, adeoque depravatos & convulsorios motus excitat.

Spiritus sanè flatulentus, vel teter vapor animalibus spiritibus admixtus, musculisque inclusus, quàm maximam vim habet, invitis nobis violenter movendi, variasque spasmodorum species excitandi: nam si vel unius musculi fibras præter naturam nimium intendit, vel oppositorum copia sua replet, varias convulsiones modo compositas, secundum vel unam saltem, vel duaseriam, aut tres loci differentias gignit: Tot enim cuius membro convulsorii motus accidere possunt, quot modis juxta discrepantes loci differentias membrum illud à voluntate alias naturâ & arbitrio moveri potest. Qualitas autem aliena & substantiæ nervorum ac spirituum

tuum infesta, si & ipsa per nervos in musculos diffundatur, sopitos in musculis spiritus excitare & turbare potest, ut musculos convellat, non aliter atque appetibilia rerum species spiritus secundum naturam impellunt: & quò quidem talis qualitatis violentia major est, quam naturalium impressionum appetitus, tanto quoque naturali ac voluntario violentior excitatur motus: quin & eadem pituitosa qualitas crudos halitus, vaporesque in partibus delitescens transitu suo exagitare, & ad musculos secum quasi rapiendo deferre, adeoque motus præter naturam, & convulsiones excitare potest.

Causa hujus efficientis assertio verificatur, quod spiritus ad movendum, quàm maximè valent, id quod aliæ etiam res, ut terræ motus, tonitrua, & bombardarum fragor testantur: infesta autem naturæ qualitas spiritus perturbare atque cogitare, naturalem eorum vim, pulsum atque motum qui alias à spiritibus sanis appetitu naturaliter motis definitè excitatur, pervertere & ad summam violentiam pertrahere potest.

Imò convulsoriorum motuum celerior solutio, subita generatio, & repentinus recursus satis declarant, talem ipsorum esse causam, quæ discussionem & regenerationem etiam celerior rem recipere potest: tales autem sunt spiritus, utpotè, qui confestim absumi & expelli, iterumque generari, aliena autem qualitas statim à natura superari & evinci, mox autem iterum ex foco suo diffundi potest.

Quin etiam momentanea spirituum per corpus translatio & celerrima quoque qualitatum, continuitatis alteratione, diffusio; ita ut hinc etiam manifestum satis sit & perspicuum, convulsorios motus, nonnisi ab his causis efficientibus conjunctis & immediatis excitati.

Verum causa hæc convulsionum efficiens alias in ipsis partibus musculosis generatur, quando nempe ibi flatuosi vapores coacervantur & colliguntur, & ex suppressa aliquâ evacuatione, humore eò translato, inde evocantur, qui in fibras musculorum penetrantes convulsionem excitant: alias autem aliunde ad ipsas defertur, sicuti hoc fit, cum à cerebro; vel spinalis medullæ principio vapor aliquis, vel infesta qualitas ibidem excitata, vel ab aliis partibus, ut stomacho, utero &c. eò transmissa, transfunditur, ut in Epilepticis affectionibus hoc evenire solet.

In his enim pro materiæ copia, alienorumque vaporum multitudine, potio vel in capitis, ejusque partium, vel in reliqui etiam corporis, ut manuum aut pedum musculus, per nervos distributa, & effusa, convulsiones, distensiones, palpitationes, tremores, aliosque consimiles, præter naturam, motus ciet, & excitat. Sic quando musculus, capitis aut cervicis motibus destinatus, flatuosi vapores communicantur & insinuantur, & ab iis æqualiter ipsorum partes tenduntur, convulsis ad principium suum utrisque musculus, tum inclinanti- bus & erigentibus, tum flectentibus & tendentibus, ut nullam in partem inflecti queat, tetanus sive rigor exoritur: Si verò in anteriora tensio sit, è convulsione flectentium *ἐμπρόσθεν*, si verò in posteriora, è convulsione tendentium

ὀπισθεν generatur. Quando verò iidem vapores ad alias partes distribuuntur, quatenus diversimodè earum musculus sese insinuant, alias etiam convulsionum species adferunt: Sic alia convulsio solitaria est, alia conjuncta cum rigore, tremore aut palpitatione, alia plures habet motuum repetitiones, alia pauciores, alia plures membri partes occupat, alia pauciores, vel unam tantum infestat. Imò ex ipsorum vaporum naturæ & conditione variæ species produciuntur: nam flatuosi si sint, & crassi admodum, cum magna distensione convellent, si malà qualitate præditi, vario modò spiritus animales exagitant, & quemadmodum in ipso cerebro eos ita alterant & perturbant, ut inhabiles fiant, quominus amplius principalium, & *ἐνδοκράτειον* instrumentum esse possint: ita per nervos ad musculos depulsi, eosdem spiritus ibi contentos ita præter naturam afficiunt ac labefactant, ut naturalis & voluntarii motus opifices amplius esse nequeant, sed violenter exagitati, violentos & præter naturales motus excitent. Et hoc quàm maximè fieri potest, si tali qualitate vapores infecti sunt, ut cerebri *ἐνδοκρατεῖον* non penitus tollant & extinguant, uti alias in epilepsia fieri solet, sed labefactent saltem & depravent, ubi tum iidem in musculosas corporis partes, cum animalibus spiritus, delati atque depulsi, depravatos quoque motus varios ac insolentes creare & ferè tot modis musculos ac membra, præter naturam & voluntatem, exercere & exagitare possunt, quot modis aliàs à spiritibus secundum naturam se habentibus, ab appetitu sano ac integro pulsatis atque motis, membra naturaliter moveri possunt. Quod sanè in præsentis hoc casu manifestum est, in quo varias illas convulsionum & perversarum motionum formas, nonnisi à flatulento vapore, malà qualitate prædito, qui spiritus animales in ipso cerebro, quin etiam in nervis & musculis variè afflixit, atque exagitavit, suscitatas esse, paroxysmorum invasiones & solutiones veloces, recursus repentinus, inulsus subiti, afflictiones mirabiles, quæ diversimodè & per quævis temporum momenta, nunc hanc, nunc aliam corporis partem, nunc superiores, nunc inferiores, modò dextras, modò sinistras, nunc unam vel plures, nunc omnes simul, nunc mentem, nunc corpus, infestarunt, ac corporis *ἐνδοκρατεῖον* motum, imprimis naturalem, depravarunt, abunde demonstrant. Ubi autem, & in qua parte materia illa, ex qua præfati vapores mali susci- tantur delitescat, vel ubi focus ille resideat, quæ pars fomenta assidua det, obscurum omnino est, cum nulla fere pars, suæ vel infirmitatis, vel alterius cujusdam affectus indicia exhibeat. Capitis quidem dolores paroxysmum præcedentes, aliaque signa etiam, cerebrum affectum, alia verò ex inferiori corpore elevari common- strant. Utut sit vapores sanè mali, vel in ipso capite, vel inferiori corporis parte suscitati, modo ad ipsum cerebrum, modo nervorum principium, primasque spinalis medullæ partes delati, animales spiritus perturbant atque labefactant, adeo ut principium *ἐνδοκρατεῖον* depravationes, mentis & memoriæ læsiones ac delirationes sequantur. Ex cerebro autem in origines nervorum & spinalis medullæ distributi, & inde per nervos in musculos dispersi & dissecti,

eos ita replent & intendunt, ut variæ spasmorum vicissitudines, & tam violentæ pedum & brachiorum distensiones, oriantur. Spiritus autem in nervis & musculis contentos ita exagitat, ut indefinitæ membrorum concussiones, & inquietudines perpetuæ suscitentur. Ad quoscunque autem nervos ex cerebro vapores hi deferuntur, easdem illi partes, ad quas ii excurrunt, affligunt, sicuti plerumque per sextæ & septimæ conjugationis nervos hætenus delapsi, linguæ & stomachi orificio maximum negotium & difficultatem attulerunt.

Sed nolui hic exactè omnium symptomatum accidentium rationem, generationisque modum describere, sed hæc saltem generatim de causis convulsionum, & præsentis affectionis proponere, & absque omni aliorum injuriâ, & contumeliâ in medium proferre lubuit.

Tibi autem, Vir Clarissime & Doctissime, hæc penitus examinanda, & disentienda remitto, omniaque judicio tuo submitto. Vale & mihi favere perge. Dat. Memmingæ 10. Julii anni 1623.

S. Grata mihi fuit observatio tua singularis, de mirabili morbo convulsivo, Vir Clariss. & Excellentiss. Fautor & amice pl. colende: digna profecto, quæ posteritati relinquatur, quam ob causam eandem cum aliis meis, si pace T. Excell. fieri poterit, publici juris facere conabor.

Complicatos hic cerebri, nervosque generis affectus concurrere video, primò quidem præcedentibus animalis facultatis, tam quoad sensum, quàm etiam quoad motum læsionibus diversis, opisthotono laborantem puellam affectam dicis, quem tandem vehemens & perseverans pedum convulsio subsecuta fuit, ad quartum usque diem juxta progn. Hipp. perdurans, quâ subito desinente per menstruum spatium optimè habuit agra.

Cum autem sub initium Aug. præcedentis anni 1622. capitis dolores ingentes præcessissent, titubatione vertigineque præeunte, prædictam puellam in coma quasi vigilans incidisse refert, cum repetita corporis concussione, memoria interim & intellectui quoque deficientibus mox, mox etiam redeuntibus, donec tandem partitis vicibus, jam brachia, jam pedes, præter voluntatem hinc inde convellerentur. Hac particulari convulsione conquiescente, membrorum inquietudo, tandemque miserabilis infantiæ species, quam saltationem S. Viti nominare consueverunt, ut scribis, successit, cum aliis accidentibus variis, ob varias nervosi generis læsiones in diversis partibus obortis, quemadmodum diligenter & graphice illa omnia depinguntur. Hujus affectus rari, multumq; complicati memini inter alias amicas conversationes, quas de re medica coram habuimus, factam fuisse mentionem, ubi succurrebat memoriæ morbus convulsivus epidemicus, qui quondam inferiorem Hassiam, & vicinas regiones graviter afflixit, cum quo similitudinem quandam prædictum affectum habere patabam, quod etiamnum verisimile redditur, cum addas, appropriatis istis medicamentis, quibus olim Hassiaci medici convulsivum morbum expugnare conati sunt, sensim affectum imminutum, ipsasque convulsiones, jectigationes ac saltationes mitigatas fuisse. Sanè dignus est hic

morbus, in cujus causas penitus inquiratur, quamobrem ea quæ de natura convulsionis sub-jicis, libenter legi, præsertim cum videam, te potius rei veritatem, quàm aliorum auctoritatem, fundamenti loco ponere. Rectissime enim depravati motus causam determinabimus, quando, qui secundum naturam animalis corporis nostri motus periciatur, exacte satis intelligimus, quemadmodum rectè statuis. Hic tecum præcipuum motus arbitrarii instrumentum, musculum statuo: non enim sufficit, ut objectum, tanquam immobile movens ab intellectu vel phantasiâ cognitum, appetibilem facultatem excitet sed necessum est, ut isto appetitui locomotiva, partibus motui destinatis inhærens, incitetur, quæ tum demum ager, & motum localem absolvet, quando proportionatum motus instrumentum nanciscetur, cujus beneficio commune facultatis animalis organum, spiritus videlicet animalis affluens, commode recipi possit. Hæc spiritus animalis *αἷμα* facta receptio jam hoc, jam illo musculo, motum ex intentione jam hunc, jam illum producit, idque sensibili musculorum agentium contractione, quàm sensualis eorundem in latum extensio, & per consequens induratio quasi, satis confirmat, quemadmodum pluribus in exerc. de motu voluntario demonstravi us. Quod si motus jam impediatur, necessario musculus præter naturam sese habebit: idque vel per se, quatenus ipsius substantia minus ad spiritus animalis cursum, atque recursum momentaneum recipiendum, propter alienum quid, inhabilis est; vel ex accidenti, quatenus communicatio spiritus animalis, tam qualitate, quàm quantitate peccans esse potest. Ita per se motus omnino tollitur, musculi ratione, in paralyti confirmata post colicos dolores, ubi peccans materia per *πυρρὸν* ad habitum musculorum translata impedit, quominus affluens spiritus recipiatur: Sic morbosa musculorum dispositio, vel ob virium dissolutionem, vel ob eorundem oppressionem, concurrente facultate motrice, tremorem producit. Per accidens autem musculus ad movendum inhabilis redditur in paralyti proprie dicta, quando spiritus animalis obstructis nervis penitus non influit: vel ubi communicatur quidem, sed imperfectè, quod fit in epilepsia, quæ motum convulsivum habet conjunctum à musculorum læsione, non per se, sed ex accidente proveniente, quatenus cerebrum & potissimum nervorum principium in hoc morbo, qualitate noxia potius in vaporosa, quàm crassa materia subsistente vellicatur, ita ut in surgendo contra malignitatem ejus expellendam, facultas animalis, ob influxum animalis spiritus impeditum, totum nervosum genus concutiat. Jam quod convulsionem propè dictam attinet, rectè deducis ex accidente musculum hic non laborare motu tensionis & contractionis præter voluntatem, idque non principaliter cerebro laborante, nec etiam nervo, vel repletionem, vel inanitionem præter naturam. Juxta communem assertionem, affecto, præsertim cum experientia confirmat, cerebro sapius integro, nec quicquam præter naturam affecto, quod persistens ejus operationes testantur, nihilominus gravissimas con-

convulsiones jam hanc, jam illam partem torquere posse, sicuti non tantum in morbo convulsivo, Hassiæ olim epidemico, sæpius, sed etiam in Illustrissima quâdam Puellâ, propter imperfectam variolarum expulsiōem diversarum partium miserabiles convulsiones patiente, ante decennium circiter vidi, quemadmodum pluribus in meis observationibus idipsum deducitur.

Nervorum enim repletionem vel inanitionem rectè contra communem insufficientem statuis, in quo Erasmo, Sennerto, & aliis subscribis, quorum assertio mihi quoque verisimilior videtur. Miror autem, cur non tantum veteres, sed etiam recentiores ita se torqueant in demonstrando convulsioni modo per inanitionem & repletionem nervorum obortæ, cum tamen quibusdam hujus affectus exemplis, coacti tertiam causam, nimirum irritationem, ab aliena qualitate proveniente in musculosis partibus agnoscere cogantur, quemadmodum alicubi apud Galenum, Avicennam, & reliquos videre licet; & unius effectus causæ proximiores toto genere differentes, salvâ philosophicâ veritate, quomodo statuentur. Necessum igitur erit in omni convulsione proprie dicta (convulsivos enim motus per consensum irritatione principii nervorum factos excipio) qualitatem aliquam fibræ musculosis inimicam musculis offerri, cujus ratione facultas naturalis ad expellendum irritetur, quam agentem animalis facultas in consensum tracta juvet, ut eo promptius agat, unde motus depravatus oritur, musculis præter voluntatem contractis & extensis. Hanc inimicam qualitatem non crassæ cuidam materiæ, sed vaporosæ potius substantiæ rectè tribuis, idque non solum generationis, sed etiam resolutionis modus satis confirmat, quemadmodum illud pluribus à te confirmatur. Hoc non tantum sensus testatur in partibus convulsis, ubi subito contractos musculos intumescences, & induratos deprehendimus, sed confirmant idipsum quoque media flatuosam & vaporosam materiam discutientia, quâ ratione subito theriacalibus aquis, ita destillato hirudinum cum castoreo & similibus, externa frictione & fomentatione adhibitis, ad miraculum usque tensionem partium dolorificam remissam atque lenitam fuisse vidi, tamdiu, donec de novo concitata, vel exacerbata vicissim peccans ejusmodi vaporosa substantia facultatem expultricem irritaret, sive in ipso habitu musculoso prædicta causa radicetur, quod in observatione nostræ puellæ Illustrissimæ, propter imperfectam variolarum expulsiōem, ejusmodi convulsionibus graviter affectæ, patebat, sive etiam aliunde nervosis musculosis partibus confertim communicetur, quod fortassis in tua quoque puella factum fuit, utpote quæ remediis illis, contra morbum convulsivum viscerum olim obortum, præscriptis bene habuit. Quod tamen his remediis in talibus casibus plurimum tribuendum sit, ipsemet confiteri cogor. In probl. meis Med. Dec. 10. quæst. 7. mentio fit puellæ cujusdam, quæ Gieslæ, anno 1609. recidivam morbi convulsivi patiebatur, cui per prædicta quoque remedia pristina sanitas, Dei benignitate, restitue-

batur, ita ut ad discessum usque meum per annos multos, nihil amplius de hoc malo conquesta fuerit. Fratrem habet eadem, qui in pueritia similem passus est affectum, cui Clariss. Medic. Dom. D. Henricus Ellenbergerus, tunc temporis Professor Marpurgenfis, jam verò Brandenburgicus Halæ Saxonum Archiater, quem honoris causâ nomino, iisdem quoque remediis succurrit, idque modo singulari puerulis accommodato, quemadmodum ex addita ejusdem epistola ad prædictorum liberorum parentem, Clariss. Dom. D. Petrum Hermannum Nigidium, Professor. Marpurgensem tunc temporis perscripta, num. 1. colligere poteris. Imò sæpius etiam ubi suspicio tantum vel similitudo quædam hujus affectus adesse videtur, præsentaneum adjumentum præstitisse, prædicta remedia testari possunt, quod sequens historia confirmat. Vivit etiamnum Vir Reverendus & Doctus Dom. Christophorus Schellenbergerus, Parochus in Schlitz, Ditionis Fuldensis, qui Anno 1614. 4. Maii, gravativos circa collum atque scapulas dolores patiebatur, qui tandem genu sinistram admodum excruciant, una cum superveniente tumore, mox locum hunc relinquentes genu dextrum etiam occupabant, imò & brachia, manus atque pedes alternatim vagabundis ejusmodi doloribus intumescabant, absente interim omni viscerum intemperie ciborum appetitum naturaliter se habente. Cum autem, me tunc temporis absentem Clariss. Viri Dom. D. Cornelii Thaureri, Medici Hirschfeldensis, opem imploraret præmissâ primùm evacuatione conveniente, potum quotidianum sequentem ordinavit, nimirum vinum medicatum quod

℞. Rad. cichorei ʒj. Vincetox: garyophyllatæ an. ʒß. succisæ, pœon. an. ʒij. herb. betonicæ capill. veneris ivæ arthrit. primulæ veris cum toto. an. Mj. Fl. anthos salviæ. Thymi an. Mß. fol. card. ben. Mj. incidantur grosso modo pro vino medicato.

Insuper addidit usum quotidianum pulveris convulsivi quem hoc modo præscripserat.

℞. Pul. rad. vincetox. sarlapparill, succisæ garyophyllatæ an. ʒij. pœon. bacc. lauri an. ʒj. pul. rosmarini salviæ thymi ana ʒß. sp. plires archont. diamosch. amar. dianth. ana ʒj. f. pulvis.

Hoc pulvere singulis diebus matutino tempore quantitate ʒj. assumpto, simulque sæpius sudore provocato, & per septimanam unam atque alteram continuato, gravissimi dolores & partium externarum tumores ita discussi fuerunt, ut postea paucis remediis corroborantibus pedetentim pristinæ sanitatis vigori patiens restitutus fuerit. Quanquam verò hoc loco potius arthritidis aliqua vaga, quam convulsivis morbus adfuerit, nihilominus absque ratione prædicta remedia non fuerunt adhibita, propter materiæ peccantis convenientiam, quæ proculdubio convulsionem produxisset, nisi crassior & serosior, minusque vaporosa fuisset, unde dolorem mox intumescencia partium subsecuta fuit. Sic in Scholæ ministro præcedentibus mensibus hic gravissimam arthritidem vagam, dysenteriam invadentem habuimus, ubi dolores jam hoc jam illud

membrum, cum subsequentibus tumoribus graviter affligebant, sæpe simul convulsis etiam partibus quibusdam, imprimis lingua præter voluntatem tremefcente, cui non aliter tandem quam per china & salisfras decoctum succurri potuit, qui proculdubio citius restitutus fuisset, si prædictis etiam appropriatis remediis uti potuisset. Mirandum vero quod addis, convulsiones illas *Saltationem, S. Viti*, symptoma rarum & paucis visum, introduxisse. Memini me præcedenti verno tempore cum mulieribus quibusdam locutum quæ quotannis *Sacellum S. Viti*, quod est in finibus Ulmensium, non procul à Geislingem, ditionis Kechbergenis, visitant, ibidemque saltu cum perturbatione mentis, eò usque sese nocte, dieque exercent, donec Ecstasticorum instar corruant, quâ ratione sibi restituta videntur, ut parùm vel nihil sentiant, per annum integrum, usque ad Maii tempus subsequens, ubi membrorum inquietudine eò usque sese torqueri referunt, ut vicissim circa *festum S. Viti* ad prædictum locum saltationis gratiâ sese conferre cogantur, quemadmodum una ex ejusmodi mulieribus per viginti & plures, alter per 32. annos ibidem quotannis saltavisse dicebatur. Absque superstitione hoc, quicquid est, non est, utpotè cum verisimile videatur exacerbari verno tempore causas convulsivorum motuum in membris naturaliter, quas postea cum singulari vehementiâ animi, spe restitutionis, per *sacrificium S. Vito oblatum*, suscepta saltatio fortassis ita dissipat, ut relictis viribus aliquandiu tales ægrotantes ab invasione liberæ permaneant.

Novi puellam honestam, Mercatoris filiam in hac Republica, quæ jam per annos aliquot verno tempore, cum aliqua, sed levi, mentis perturbatione, similem affectum ferè patitur, ut inquieta jam hoc, jam illud membrum movere cogatur, sæpius & linguâ sermonisque operatione interceptâ, de loco ad locum hinc inde commovetur, quod per septimanas aliquot singulis annis, nocte dieque continuat: Valde vereor, nè tandem gravius aliquid hic etiam expectandum sit. Quanquam verò non ignorem, ex authoribus, quosdam in *Salutem S. Viti* nihil quicquam convulsi concedere velle, contra alios ex Arabibus, quatenus mens iisdem alienata tantum videtur, cujus ratione perversus saltandi conatus & appetitus oriatur: nihilo minus si fides adhibenda mulieribus illis, cum quibus hac de re præcedenti verno tempore sum locutus, omnino statuo, convulsivos hic motus concurrere, præsertim cum affirmarint quod pluribus septimanis, antequàm *Sacellum S. Viti* accedant, tensivos omnium artuum dolores, unâ cum lassitudine spontanea, capitifque gravitate paterentur, in quo statu permanent, eò usque, donec accedentes ad consuetum saltationis locum, organum Musicum, quod in earum gratiam pulsatur, audiant, ubi mente magis, magisque perturbata [fortassis concurrente simul imaginationis firmioris, spe sanationis, impressione] saltare cogantur, ut accidat ipsis ferè, quod iis, quos à Tarentulæ morsu læsos dicit *Matthiolus*. Imò tua quoque puella satis hoc ipsum confirmat, quæ non tantum antecedentes & in ejusmodi saltationem degenerantes passa fuit convulsiones, sed im-

pedita quoque convulsivum, quid in præcordiis protinus sentire fuit visa, quâ de causa trequens ista saltationis commotio causam convulsionum in ipsis mitigare videtur. Cæterum ubi focus antecedentis causæ latuerit in puellâ tuâ, non facile patet. Ex vermibus latentibus, & certis temporibus virus malignum expirantibus convulsivos motus interdum excitatos fuisse constat experientiâ, quemadmodum etiam casus, occasione historiæ tuæ communicatæ per Clariss. Virum *Dn. D. Augustinum Thonierum, Collegam meum colendum*, ad me perscriptus n. 1. idiplum confirmat. At verò cum diuturnus affectus maxime radicatam mineram innuat, potius in collectione corrupta circa venas splenicæ & meseraicæ, causam antecedentem residere putarem, quemadmodum in honesta quoque fœmina, superiori Anno, similem convulsivum affectum per excretionem copiosam materiæ peccantis, per alvum rejectæ, præeuntibus variis digestivis, maxime mitigatum fuisse memini, sicuti pluribus in lib. 2. observat. mearum patet. Verum cum de occultis & latentibus morborum causis, quod hoc, vel illud individuum attinet, anceps sæpius judicium sit, hic etiam subsisto, tibi que pro communicatione singularis hujus casus gratias maximas ago. Vale Vir Clariss. & Excellentissime, meque posthac etiam amare perge. Dabam Ulmæ pridie Calend. Decembr. 1623.

Clarissime Vir, amice & Collega honorande, quod heri promiseram, me cogitatum, quomodo filioli tui, difficili sanè & afflictæ valetudini succurratur, uti debui, feci sedulo. Neque causam video, quare sententiam meam de usu pulveris istius mutem: nempe decoquendum potius leniter esse in sero lactis caprini, vel etiam ipso lacte, & hac ratione propinandum. Vitabitur ea ratione difficilis ejus transformatio, & calor puelli imbecillus commodius medicamento utetur. Capias igitur licebit pulveris istius convulsi, uti vocant, duas drachmas, & conservæ Betonicæ & florum pæoniæ, singulorum unam unciam, eaque simul linteolo includas, lacte ad levem ignem incoquito eique frequenter instillato. Ita vires aliquantulum instaurabis, & morbi vehementiam lenies. Illinire etiam dorsi spinam bis, tervè, de die cum oleo, cujus heri usum commendavi, non poterit non prodesse.

Deus opt. max. suâ benignitate misero puello opem ferat, teque sollicitudine clementer levet rogo. Dabo operam, si vixero, ut crastino die te invisam. Vale tuus Ellenberger, D.

S. Clarissime & Excellentissime Vir, fautor & Collega plurimum colende. Quoad casum puellæ convulsi, à *Dn. D. Eckoldo*, literis consignatum, & mihi communicatum, quin symptomata illa à vaporosa & venenosa materia, fuerint pronata, haud ambigo: cum, prout subitam habuere *παύσην* ita & *διάλυσιν*. A qua minera verò vapores illi sublatis, qui fons atque scaturigo, qui locus primario affectus, certi quippiam statuere haud obvium nec expeditum, nec libet ea pro tempore scrupulosius investigare. At non abs re fore duxi, non absimilem convulsi affectum, à vermibus concitatum, delineare, qui mihi ante annos 16. in Urbe Imperiali Tünnensi praxin tum Medicam exercenti,

curandus obtrigit. Est etiamnum in vivis Dominus David Wolff, Vir oppido bonus, mercator opulentus, & illius Reipub. Consul, cujus filia 14. annorum, cum hyberno tempore, mediâ nocte sævissimis symptomatibus tentaretur, & ego; ut præsidia adhibere in medica accersitus, thalamum ingressus, offendi ægram in lecto sedentem, recta cervice spiritum ægrè ducentem, ingentem colli constrictionem sustinentem, quasi laqueo injecto ita fauces præcludente, ut præsentaneum immineret suffocationis discrimen, ni subitanæ auxiliares manus præstò fuissent. Primo aditū ac contuitu attonitus ac dubius, quidnam de morbi genere pronuncian- dum, necnon anxius & sollicitus, quibus remediis succurrendum. Superis cogitationes meas dirigentibus, ilico aquam cordialem Bezoart. ordinavi: vix unius atque alterius cochlearis dosi assumptâ, colli coarctatio protinus, haud sine stupore adstantium, & meo remisit: at quadrantis horæ spacio post rediit: ab usu istius aquæ denuo recessit. Cum id observassem, muliercularum catervæ tum adstanti referebam, me suspicari, *πάλιν* illud à vermibus causari, qui ducedine ac suavitate aquæ Cordialis illecti ac sopiti conquiescant, symptomati illi inducias concedentes: at cuidam Medicatrici, eo loci primariæ, istud meum effatum absonum videbatur, dum rei eventus vaticinium comprobaret. Ab usu illius aquæ constriction colli omnino abiit, ut ægra quali è faucibus mortis erepta crederetur. Interim tamen supervenere convulsiones utriusque brachii, & utriusque pedis, per intervalla repetentes. Modò dextrum, modò sinistrum ad pectus: jam dexter pes, modò sinister, ad nates usque invita ægra, magna violentia alternatim reflectebantur, & quasi funiculis alligata retrahebatur. Tam miserabile spectaculum mihi haud obvenit per totam vitam. Ad malum illud eliminandum præscripsi hydromel laxativum, scopo in vermes directo, primo haustu absorbito, circa vespèram, cum colluvie pravorum humorum etiam excretus vermis oblongus, & tardius prædictarum partium convulsiones redire, aliquot horarum intervallo conquiescentes. Postea matutina altera dosi assumpta, duo itidem, oblongi & sat crassi vermes rejecti. Tertiò diluculo tertio cyatho oblato, unicus adhuc vermis expulsus, & exin juvencula illa ex toto in integrum restituta, ab omnibus illis symptomatibus libera, ac immunis evasit. Et sic *αὐτοψία* & *εμπείρα* luculento erat testimonio, præcitata symptomata, prout meum augurium, à vermibus pronata. Num autem in virgine illa, cujus D. Eckoldus mentionem fecit, vermium seminarium delitescat, & symptomata illa sæva invehat, aliis speculandum relinquo: mea cymba littus legit. Valeas athleticè: Ex Museo, Ulmæ 3. Decembr. Anno 1623. Gregor. Horstius observat. & Epistolar. Medicin. lib. 2.

Anatomica Inspectiones.

Quidam per biennium conquestus fuerat de dolore in occipite, tandem Phrenitide ac Convulsivis motibus correptus subito interiit. Huic crassa cerebri membrana aliquot locis exesa erat variis foraminibus, idque potissimum in

bregmate sub sagittali futura, ubi & cum coronali jungitur: Ex iis foraminulis effluebat, & per membranam dictam effusus erat sanguis ferme concretus, ater ac adultus, admodum færens: Tali quoque sanguine distenta erant vasa per exteriori crassâ meningis superficiem discurrentia, quin & ea quæ numerosa per tenuem disseminata sunt: Huic intra cerebellum abscessus humore non naturali scatens, repertus fuit: Erat is humor colore ex citrino. d. pallorem vergens, pallida bilis nimirum: Ipsa Cerebelli substantia flaccida omnino, molliorque multò quàm cerebri substantia P. Pavius observ. 8.

Miles quidam cum per integram noctem ebrius in solo decubisset, evigilans tam repente spasmus correptus est, flexo in posteriorem partem corpore; ut omnino rigidus ac incurvus permaneret, ipse nostræ curæ mandatus est: nihil deglutire poterat, & turbidè loquebatur, tanquam ex loco subterraneo vocem emittens, truculenter nos intuebatur: at etsi omnia adhibita, intra quatuor dies interiit.

Cadavere aperto Vitalia & naturalia integra invenimus: cerebrum autem ad ventriculos usque dissecuimus, quos repletos invenimus materia quadam viscida ac glutinosa, colore luteo, vitello ovorum perquam simili, sed fætida admodum: hæc incumbens principio nervorum, tam sæva symptomata in subjectis partibus excitarat: Venæ intercurrentes utramque cerebri meningem, admodum turgidæ erant bilioso sanguine.

Eadem modo pauco post tempore affectus fuit signifer: Sed hic præter prædicta symptomata spasmus cynico in dextra maxilla torquebatur, ita ut loqui planè durante isto paroxysmo non posset, & intra 24. horas è vivis excessit. Jacobus Boninus in Medicina Indor.

Nobiliss. puerulus bimulus, Generos. D. Dive, Equitis aurati, filiulus, formosus atque optimo corporis habitu præditus, cum per duos tresve dies minus benè haberet, & tussis sicca laboraret, cum inquietudine, nocturno præsertim tempore, & crebris ejulatibus, nutrix eum dentibus laborare putabat, donec tandem in gravissimos & continuos motus convulsivos incideret: quibus pacandis duo mecum Medici in consilium adhibiti; Varia ad eos sedandos exhibita sunt, sed frustra omnia, Nobili puerulo tertio convulsionum die naturæ debitum solvente.

Aperto corpore, diligenti scrutinio nihil invenimus quod lethum accelerare potuisset, donec ad intestina deventum, quibus examinatis, duodenum à terete lumbrico perforatum & exesum invenimus, quem adhuc vivum inde extraximus. Frid. Lossius lib. 2. observ. 33.

In Stabulo Regio dissectus fuit à Chirurgis Regiis equus generosus, cujus affectus fuerat quod subito os obriguerit clausumque fuerit, ut pabulo vesci nequiverit, unde senlim contabuit: In cujus affectus causam inquisituri, sequentia in sectione strangulati animalis invenerunt, quæ annotavit D. Simon Paulli.

1. Statim jugulato equo, musculi colli & dorsi (qui vivente animali tensi & duri erant) flaccidi evaserunt. 2. In apertione abdominis, inter peritonæum & musculos abdominis, ichor quidam flavescens observatus, ad os pubis usque

que protensus. 3. Inter intestina & peritonæum multi vermiculi candidi, longitudine digiti, crassitie fili mediocris, partim mortui, partim viventes reperti. 4. Omentum pravi coloris, exile & contractum. 5. Lien colore p. n. in limbis contusus, quasi ut friari potuerit, colore quàm reliquum lienis corpus rubicundior. 6. Epar valde magnum, concava parte plumbeo colore, convexa sanius, sine vesicula fellis, sanguine, qui in vasis erat, nigro & adusto. 7. In ventriculo satis parvo, magna copia vermes singulares reptabant, rotundi, crassi, nigri, grisei: aliquot cochlearia plena quoque aquolæ, flavæ & nigrescentis humiditatis. 8. Pylorus ferè cartilagineus. 9. Cor insolitæ magnitudinis, in sinistro latere durum quidem tactu, sed secari tamen aptum: In ventriculis Polypus 1. quadrantes longus, pollicem crassus. 10. Pulmones exiles, duri, colore p. n. præditi, nempe pallidiores præter morem aliorum animalium, immisso siphone immobiles. 11. Musculis colli digito separatis, utrinque ad latus asperæ arteriæ, præsertim ad latus sinistrum, pellucida, flavescentis lymphæ, inter musculos adhuc membrana sua involutos reperta. 12. Glandulæ p. n. aures & infra maxillam inferiorem, solito copiosiores, magnæ pariter & exiguæ, quarum minores digitis facillime, majores minime friabiles erant. 13. Caput à vertebra colli prima resectum nihil insoliti monstravit. 14. Separatis musculis maxillam inferiorem moventibus, penitusque abscissis, & carne ossis palati resecta, maxilla tamen immobilis mansit in articulatione cum superiori, ut manibus fortissimis separari aut aperiri non potuerit. 15. In cerebro nihil p. n. notatum, licet solito fuerit siccus. In cranio os singulare, inter cerebrum & cerebellum observatum, quale in canibus solet. *Observatio Simonis Pauli Regis Danicæ Archiatri.*

Quæstionem sibi in aula propositam, quæ causa fuerit. *Quod Equo nobili subito & insperato maxilla contracta fuerint, ut cibum capere nequiverit, & spina dorsi obriguerit*, erudite solvit D. Simon Pauli, & publico scripto Lingua Germanica edidit Hafniæ: Neque ea cura infra dignitatem ejus æstimanda; A Medicina enim, si credimus Vegetio, præfat. Artis Veterinariæ, non adeò in multis discrepat Veterinaria: Imò Joh. Philippus Ingrassias, Quæst. de Veter. cap. 13. Veterinarios Protomedicorum examini subji-ciendos voluit: Hic per compendium repetam libelli laudati præcipua momenta, rationes prægnantiores & observationes Medicas notatû dignas. Respondet igitur Anatomicus expertus.

1. Sanguinem omnem totâ substantiâ corruptum, unde polypo cordis nata occasio, quem ante cum Chirurgo in humano corde, repentina morte extincto, cum venenati oblatis suspitione Hafniæ viderat. 2. Notandum inter musculos abdominis ichorem insolitum, uti & inter musculos colli ad latus utrumque arteriæ asperæ collectum fuisse. 3. In quodam cum Hafniæ ex gangrana os humeri resectum esset, successisse post paulo maxillæ inferioris immobilitatem, ut liquida per dentium rimas hauriret & per easdem verba proferret. 4. Eidem 24. horis antequam expiraret postremum, præter convulsionem colli prædictam, etiam Tetano universum corpus, brachia, pedes & dorsum

obriguisse, ut integro intellectu, neque ipse, neque aliorum auxilio se membraque sua movere potuerit, sed trunci instar ad fatalem usque horam decubuerit. 5. Viduam N. post chole-rum morbum, simili Tetano comprehensam ex esu limonii, quod febricitans alia ægra diu manibus versaverat. 6. Ex suppresso igitur sudore in his exemplis, & in equo regio Tetani oriri posse. In cujus rei confirmationem duo exempla recenset, Primum de puero 14. annor. cui ex suppresso sudore in paroxysmo febrili tertio, Spasmus levis 14. post diem, successit oris, colli & aliarum partium, moxque tetanus earundem partium & nonnullarum paralysis, ut integris sensibus internis, non tantum mutus fieret, sed oculis solis nutu animi sui sensum exprimere potuerit: hæc symptomata superveniens febris maligna curavit, qua rursus ex methodo extincta, paronychiæ digitorum excreverunt: Alterum, Nobilis quidem in choreis velata facie, larva intus argento foliato obducta submisstrat, qui cum sudorem extra larvam collectum abstergere non posset, musculis oris convulsis, spasmus cynicum passus est. Ex his observationibus & hypothesebus de circulatione & vasis lymphaticis, ad Equi regii morbum devolvitur Author, sanguinemque corruptum velli-casse musculos, & lympham extra vasa sua magis quàm sanguis malignam suspicatus. Ex intempestivis verò habenis, nimisque arctis, circa collum compressis glandulis, & cursu exercitiisve calefacto, & maturius ad aquæ potum adducto, forsan sudorem repressum, Tetanum aliaque equorum mala induxisse: in rusticorum Equis affectum illum Capitis vulgo *Fiebel Gallis*, *les Arives*, provenire partim ex crassioribus habenis caput constringentibus, partim quod in pratis humidis frigidisque gramen mordicantes, infrigidentur pedes: magnum autem consensum pedum & cordis esse, circulationis beneficio, experimentis duobus demonstrat. 1. Juris quidam Doctor Hafniæ, ex sphæristerio reversus in hospitium, pedes frigida immergens, post paulo in leipothymiam & cordis palpitaciones incidit, ut ferè obmutuerit pulsi deperdito: Evocavit istum ab orci faucibus calido vini spiritû, quo lavit pedes, & vino Gallico albo, cui calidissimo immerfit pedes. 2. Similia passam fœminam mensium tempore inordinate viventem, curavit immisso brachio cubitum tenuis, in amphoram vino Gallico calido repletam. *Thom. Bartholinus observ. 11. & 12. Actorum Medic. Ann. 1671. & 1672.*

Juvenis annorum decem, *Calcearii Furthensis, Adami Bös filius*, jam tertio ætatis anno Epileptici insultibus vexari cœpit, iique annis labentibus adeò indies increverunt, ut aliquot ante obitum mensibus brachia cum pedibus illis convulsionibus penitus in gyrum agerentur, ipsaque ossa tam humeri quàm tibiæ sinistra partis confringerentur, quibus ejus loco Chirurgus, *Lorenzius Gabriel Will.* restituendis & aptè devinciendis, sedulam quidem navavit operam, humorumque juxta cum tibia spleniis & ferulis ritè colligavit, sed reversus convulsivus ille impetus, nil conferentibus qualibuscunque ligaturis, extrorsum denuò ita emovit, circumrotavit, & effregit modò vix dum commissa ista ossa, ut nullo amplius ingenio composita

posita servari potuerint, Unde factum ut misellus hic homo, misera sic transacta ætate, ac tanto amplius sufferendo morbo impar, viribus scilicet paulatim exhaustis, ob repetitos frequentiores crudelis huius sui hostis insultus, vehementissima tandem convulsione aliqua, & quæ os humeri fractum, eâ parte qua cubitum attingit, per cutem transegit, mortuus sit. In tanta tamen miseria de nullo dolore conquestus æger, nec vel minimum vociferatus est, adeo ut sensu quasi omni orbatus, ac mense sibi non satis constare visus sit, præsertim cum toto morbi decursu nihil quidem cibi petierit, nec tamen oblatum respuerit, sed assumpserit.

Defuncti cadaver sequenti post obitum die 30. April. huius anni 71. Furthæ dissectum fuit, omnia viscera inculcata apparere, & magna bilis vesica, viridi suo colore vicina stomacho intestina infecit. Aperto brachio sinistro, conspectum id os humeri fuit effractum, & sinistrorsum ex cute prominens. Os femoris ejusdem regionis extrorsum violenter à suo capite divisum trochanterem acutum, suæque cuspide cutem perforantem habuit: Appendix inferior femoris sinistri, atque interior, qua genu efformat, vasto se satis tubere manifestavit. Tibia tandem introrsum reflexa & curvata cum tibia sua in medio violenter fracta visa fuit, atque illius ossis cavitas omnino ita oblitterata, ut nec medullæ, aliàs in ea continere solitæ, vestigium animadvertetur. Sectioni manus cum Willio accommodavit in Chirurgia utraque exercitatus juvenis, *Georgius Brotmannus*, præsentibus inter cæteros *Bambergensis Præfetti*, *Domini Maieri filio* & *Theodorico Dauchovits. Pharmacopæo Furtensi. Joan. Georgii Volcameri.*

Puella decem annos nata, parentibus sanis similibus orta, ab infantia ranarum, lacertarum, murium, carbonum, cæciliarum, imò & serpentum, omnisque insectorum generis comestione mirè delectabatur, ut quæcunque etiam occurrerent avide deglutiret. Annum ætatis circiter quantum agens de doloribus ventris & capitis balbutiendo conquerebatur, cum per totum vitæ curriculum pronunciare nec verbum valeret. Emaciabatur sensim misera, dolores perseverabant, tanta interdum atrocitas affligentes, ut bestialiter debaccharetur, humique ventre serperet. Varia à variis agyrtis, carnificibus &c. adhibere parentes remedia, ægrè verò his doloribus eluctata (puella) quolibet die paroxysmos convulsivos, horis incertis, & sub specie multiformi redeuntibus habuit, maxime tamen manè & sub vespere ventriculo jejuno existente invadentes: redibant hi trium annorum spatio singulis diebus, ultimis tandem annis typum & naturam mutantem, capitis hic ibi allusione & succussione, per hypocaustum vel loci cursitatione, atroci que stipati ejulatu redeuntibus; per plures sæpe horas huiusmodi motus, stridoris dentium &c. reciprocationes obire solebat, per totas interdum ædes cursitans, caput parietibus allidens, eique simul insistens. Agyrtarum medicamentis parùm valentibus tadio affecti, barbitonforis cujusdam opem implorarunt parentes, qui partim per superiora, partim per inferiora emeticis aliis catharticis adhibitis lumbricos diversæ magnitudinis diverso tempore ad quadraginta expulit; succe-

debant à fortiore dato emetico duo serpentes aquaticis similes, longitudinem dimidiæ ulnæ habentes digitum parvum crassi; Vivaces valde erant, nec bene contineri poterant, asservabat eos barbitonfor in vasculo, luteo leviori operculo tecto, unde ea nocte exsiliens proculdubio, manè nec vestigia amplius apparebant, nullibique nec videri nec deprehendi poterant, sed cum vasculum extra fenestram fuerit positum, facillimè in subjecta prata recipere se poterant: unde tamen infandus in vulgo rumor obortus, puellam dæmone obsessam vivos duos evomuisse dæmones, qui statim nullibi deinceps visi seu reperti, evanuerint. Mitigata posthinc convulsiones sensim remisere nec ad finem usque rediere; sed ventriculus spasmo affectus assumpta nunquam retinebat, verum quavis ingesta vomitu reddebat: barbitonfor ab hoc malo liberaturus, misera tres venas secabat, ab hinc indies viribus & corpore deficiens, inclemente hoc fato abrepta animam luit. Quantum licebat, ex morte ejus in prædicti morbi diagnosis, omni parentes peioris suspitione liberaturus, inquirere satagebam: proinde à Reverendissimo Abbate cadaveris dissecandi venia impetrata, symptomatum in hoc affectu præcipue urgentium rationes & vestigia clarius patebant. Cutis per totum erat discolor, in hac parte livida, in illa flava, in ista subnigra apparebat: musculis ejus in membranas penè emaciatis detractis, idque apertum, tetrum spirabat odorem; omentum consumptum fere erat, glandulæ Mesenterii induratae erant. Ventriculus & intestina bene colorata, facie externâ satis bene habebant. Sed ventriculus valde inflans, apertus materiam liquidam cineritiam, plumas compactas, fila, continebat, ejusque tunica interior absque plicis aut rugis plana evaserat: Intestina tenuia maximam partem erant inanita, flatibus solum distenta, utpote quæ in perpetuas fere evacuationes sollicitata fuerint, quæ etiam pluribus in locis mutuo involvebantur parte unius superficie convexa in alterius concavam intrusa intestina crassa fecibus substantiæ tenuis impensè ex rubro flavescens penitus oppleta conspiciebantur, & quod mirum; nec ulla, vel in ventriculo vel toto intestinorum tractu, semina, quæque vel augurari liceret, etiam sedulo investiganti prodire. Hepar à sana constitutione plurimum defecerat, fuit namque tumidum & subdum, per totam substantiam merè ochraceum, ex sanguine prorsus & ex succo, in unicum continuum lobum concretum; vesicula fellea ei adnata bilem prorsus viridem continebat. Sanguis in vasis inferioris regionis contentus colore cum hepate conveniebat; Lien qui histronibus pessime semper audierat, fuerat prorsus insons, & quavis culpa immunis apparebat, prout in maxime sanis observamus, fuit subatri coloris, mollis & superficiem æqualis, è compage ejus dissecta sanguis copiosus rubicundus effluxit: Renes culpa non omni carebant, quos duriores multò membranarum contextui penè involutos reperimus; alter eorum inusitata erat figura, in plures scilicet lobos findebatur. Pulmones colorem monstrabant lividum & ichore spumoso tenui penitus infarcti videbantur. Ex utriusque cordis ventriculo polypos exemimus

mus, sanguis in substantiam nempe solidam flavescens concreverat, quæ juxta cordis & ventriculi in pulmones ascendentium cavitates effusa omnes meatus pertransiit. Nec minus clara morbi hujus vestigia in capite deteximus, nam calvariae ossa cum difficultate detecta (dura enim mater futuris firmissimè inhæsit) statim vasa meninges perreptantia sanguine plurimum turgescere conspiciebantur, quasi major cruoris massa in capite aggereretur, venis namque ini ac medii ventris sectis aut ruptis parum sanguinis effluxit. Pars cerebri corticalis & ejus anfractus undique gelatinæ simili humore referti fuere. Integumentis cerebri substantia prorsus madida & humore seroso supra modum irrigata videbatur, qualis tamen nulla colluvies ventriculos inundabat; acriter hic humor linguam mordebat, ingrati saporis existens. Plexus chorioideus grandior, subdurus & nigricans existens plurimum à naturali deflectebat: Conspeimus glandulam pinealem insignia crura medullaria; Pituitaria verò glandula liquata quasi & dissoluta à viscosiore lymphâ, quæ omnes fere partes irrigabat, vix discerni poterat, digitis contrita instar grandiorum arenularum ossicula plura, ipsi adjuncta obveniebant; Paria nervorum ad sensus facientium grandia duodecim monstrabamus: quas raras etiam demonstrationes adstantibus dedi, eas huc addere supervacaneum censeo: sæpius rariora etiam examinanda mihi occurrunt, quæ in aliud tempus differam. *Sylv. Sam. Antonii.*

Die 15. April. 1682. cultrum injecimus infanti 7. mensium, matre hypochondriaca pronata, quæ tempore gestationis præcipuè, animi pathematis vehementioribus sæpius se vexari passa est: misellus hic cum primis mensibus bene haberet, parentibus haud parvam sollicitudinem creavit, quod signo masculo in scroto caruit, inde deterius habere incipiens, respiratione anhelâ, voce clangosâ, & abdominis intumescencia subita, quam flatus sonori erumpentes quandoque præcesserunt, matri gravioris doloris causa extitit, usquequaque tamen diu non isthac durabant, licet in die sæpius interdum, interdum rarius redierint: Causa mali humori acri, irritanti per vices fuit attributa, stagnanti circa ventriculum præcipuè & intestina, atque ad hanc medicamenta præcipuè fuere directa: ægrotulo ad se redeunte, alimentum porrectum gratum fuit, ad ultimos fere dies usque, quibus symptomatibus istis mirè reiterari incipientibus corpusculum magis in dies delassatum fuit, tandemque penitus succubuit. Abdomine quod faciem externam tumidam & lividam ostendit aperto, ichor modicus foetidus prorupit. Hepar grandiusculum satis erat in superficie nigricans, reliquaque parte cava admodum corruptum. Vesicula fellis cum ductu hepatico, bile ex atro viridescente plena fuit: Intestina tenuia variis in locis ab humorum acrimonia inflammationem passa fuerunt, citra gangranosim tamen. In cæco nihil delituit vel humoris acris vel p.n. Mesenterium glandulas rutilas hic illic ostendit, lieni itidem corrupto; adjacebat glandula ovalis minuta: pancreas laudabiliter habebat. Renes quasi ex pluribus lobulis conflati, quorum alterum etiamnum in sp. vin. custodimus. Testiculi inguina non egrediebantur, quin his adnati hærebant. Unde etiam in scroto illos animadvertere nuf-

quam licuit: Pulmonum lobus sinister, inferior à sanguine stagnante corruptelam evidentem contraxerat. Corculum satis magnum pro ætate, auricula dextra sanguine grumoso turguit, & in ventriculo dextro polypus majusculus hæsit. *Joan. Jacob. Harderus apiar. observ. 100.*

Vir Illustriſſ. Parentibus, Proavisque aut cerebri, aut nervorum dispositioni alias morbidæ obnoxius, oriundus, circa ætatis suæ primò artuum debilitate, stupore & spasmodicis levioribus tentari solebat, cujusmodi affectibus cum diu laborasset, demum curationis gratia Bathoniam adiens, thermis calidioribus nimis crebro usus, vice remedii tantam morbi exacerbationem retulit, ut ab isto tempore prædicta symptomata non amplius per vices, sed fere constanter urgerent; nimirum singulos artus, imo quamvis partem corporis motus convulsivi, & tensiones dolorificæ incessanter exercebant, ita ut muscoli simul omnes subsultibus repetitis perpetuo convellerentur, idque non sine insigni cruciatu; cuius unica sedandi ratio in hoc sita erat, ut corpus modo totum, modo aliqua ejus membra motu locali perpetim exercebantur: quamdiu enim evigilabat, in lecto vel sedili agitari, aut in curru vehi, aut membra comprimi vel fricari necesse habuit; in quem finem illi parabantur cathedra & lecti cum basi arcuata, uti sunt puerorum incunabula, in quibus cum decumberet, vel erectus sederet, huc illuc, motu versatili, continuo agitaretur; quod si fieret, immani dolore, & musculorum tensionibus atrocioribus infestabatur: Hujusmodi diurnam affectionis spasmodicæ molestiam tempore nocturno, & statim à somno symptomata longe graviora exceperet: nam recens expergefacto, illico totum corpus horrescere, musculi tensionibus dolorificis plurimum exerceri, singuli artus, velut instanti mortis agone, sudore squalido perfundi solebant; qui in tantum corrosivus erat, ut instar æq. fortis, lintea, si statim abluerentur, cito exederet, & corrumperet. Ager durante hoc conflictu sudores inter & horrores per plures horas torquebatur, donec penitus defatigato somnus obrepens levamen aliquod afferret; quod si paroxysmo ingruente protinus à lecto excitaretur, melius habuit, adeoque solitam affectus ferociam præcavebat: idcirco quamprimum à somno expergisceretur, licet hoc intra horæ semissem contingeret, illico ut torturam evaderet, domesticis ascitis, statim lecto eximebatur: quantum ad appetitum satis valens, absque nausea comedebat, neque à comestis stomachus turbabatur; sæpe tamen de cardialgia querebatur, ac interdum sputatio molesta, cum faetore oris, velut ab assumpto mercurio, per plures dies eum exercuit. Calidiora quævis, tum alimenta, tum pharmaca constitutioni ejus minime congruebant; vinum, aut cerevisiam generosorem ne pitiscere andebat. Primis ægrotationis suæ annis ad conspectum ignis horrescebat, postea imbecillior factus, licet urgente bruma, prope focum sedere renuebat. Urina semper fuit citrini coloris, quæ si in vase fictili supra prunas evaporaretur, sacculentia salina, supra dimidium liquoris, infundo residebant; alvus continuo astricta, nisi à pharmaco, aut enemate irritata, sarcinam nunquam deposuit. Quinimo præter motus convulsivos paralyſis spuria totius corporis membra quævis occupabat; nec enim manus attollere

attollere, aut pedes gressui accingere potuit: lingua vacillans verba non nisi imperfecta protulit, interdum verò cum ex occasione gaudio repentino gestiret animus, spiritibus, & robore mire exsuscitatis, è cathedra subito surgere, & sine alterius ope recta incedere, & salire valebat; quod tamen intervallum vix horæ minutum durabat, quin membra denuo vacillarent, & solito languore & tremore afficerentur. Cum supra duodecim annos Dominus insignis ad hunc modum ægrotabat, Medicorum in tota Anglia maxime celebrium consilia adhibuit, & remedia quamplurima, ac ferè nullius non generis tentavit, scilicet *antiparalytica, antiscorbutica, dietas exsiccantes, sudoriferas, purgantia, cunctaria, balnea, linimenta*, quin & *salivationem* bis expertus est: verum nulla ejusmodi medendi methodo sanari potuit, quare dimissa penitus curationis spe, per septem posteriores vitæ suæ annos tantum remedia quædam symptomata præcipua respicientia usurpavit; scilicet ter in septimana medicamentum solutivum, ex *senna & rhabbaro*, cum correctivis, in forma modo *syrupi*, modo *extracti* cepit; *opiata* ex conservis & speciebus temperatis dosin qualibet nocte sumere solebat: porro *Julapium* pro data occasione, cum spiritus fatiscerent, sumendum præsto habuit, insuper *cerevisiam avenaceam*, herbis temperatis & diureticis alteratam continuo bibebat. Horum usu septem ut minus annos, sine magna in pejus alteratione transiegit; tandem ingravescente *senio*, simul ac *morbo*, spasmodorum paroxysmi atrociores, non uti prius, somno peracto, sed quamprimum lecto incalesceret, ipsum invaserunt, ut necesse habuerit lecto suo omnino abstinere, atque vestimenta raro, nisi ut lintea mutarentur, exuere: hinc transpiratione impedita, recrementa serosa, aliaque evaporari solita, in *pulmones* defigebantur, quæ primo *respirationem crebram*, postea *affectionem asthmaticam*, ac denique *tabem lethalem* intulere.

Si prædictorum *affectionum rationes* inquirantur, obvium erit, universa hæc mala à *prava cerebri, & nervosi generis constitutione*, ac immediatius *succi istas partes irrigantis dyscrasia*, ac vitio deducere. Nam cum liquor iste, in quo spiritus animales scaturiunt, quoad *temperiem* summe acris, & instar *aque stygiae* corrosivus esset, & quoad *mixturem* particulis tum *narcoticis*, tum *explosivis* referebatur: haud mirum est, propterea *spiritus* plurimum onustos, proindeque à debita expansione cohibitos, ubique in minutas *explosiones*, seu velut *crepitus* urgeri, & *corpora continentia* à debita tensitate, & robore exsoluta, etiam in corrugationes dolorificas continuo irritari.

Affectiones istæ spasmodicæ mox à somno acrius infestabant, quoniam calor lecti heterogeneas *succi nervosi* particulas exsuscitat, easque rarefaciens velut in *explosiones* adigit; tum etiam quia *partes nervosæ* in somno *succum suum*, ac cum eo simul allatæ materiæ morbificæ penum uberiorem imbibunt; quibus ad plenitudinem saturæ, primo evigilationis instanti, protinus quod molestum est excutere nituntur. Propter hanc rationem observare est *scorbuticorum* dolores, & *asthmaticorum* paroxysmos à lecti calore, atque à somno plurimum ingravescere; ideo statim lecto eximi, ut his, ita ægroto nostro

levamen conferre solebat. Quod autem molestia à continuis musculorum subsultibus, & tensionibus dolorificis excitata, corporis, aut membrorum motu locali aliquatenus sedaretur, ratio est quia spiritus animales, dummodo in actiones diversas ab extra coguntur, inordinationes quasvis ab intra suscitatas remittunt: etenim ut in *dolore & pruritu*, qui leviores sunt spasmi, partem affectam comprimere, fricare, aut scalpere juvat; ita musculorum, ac tendinum motus convulsivi, à totius corporis, aut membrorum agitatione inordinata aliquatenus placantur.

Quod spectat ad *pyralismum*, sive copiosam *oris sputationem*, cum fœtore anhelitus, quæ incertis intervallis redire solita est; suspicari est, eam forte à *Mercurio* clanculum aliquando exhibitum processisse; quanquam & multos viderim affectibus tum convulsivis, tum scorbuticis laborantes, quibus hujusmodi perpetua sputi ex ore defluxio, citra omnem Mercurii suspitionem molesta fuit; nonnullos etiam (uti mox infra dicitur) quibus salivatio superveniens (materia explosiva ad huc modum critice evacuata) morbum solvit: porro verisimile est, hunc affectum à meris succi nervosi recrementis productum fuisse; *ductusque salivales*, cum plures & satis patentes fuerint, superfluitates à *nervis*, æque ac *arteriis* in glandulis copiose depositas excipere, & foras convehere.

Quoad *lucida intervalla* quibus æger inducias quasdam, licet breves, mitigata quasi morbi ferocia, obtinere solebat; ut quem modo ægritudo cathedræ alligabat, derepente exfilire, & circumcirca deambulare potuerit; insperato tamen atque evanido hoc robore, mox iterum in pristinum languorem desinentem: Dico ejusmodi motus naturæ laborantis, & sub gravi onere prostratæ, fortiores quosdam nixus, & ultimos conatus esse, quibus scilicet ad momentum temporis se recolligit, & quasi morbi jugum excutere tentat; verum quia huic certamini diu sustinendo impar sit, denuo statim relabitur, & pristina succumbit sarcinæ. Profecto mirum est quantum supra naturæ vires, *ira* ac *timor*, aliaque animi passiones quædam nervosum genus intendunt, atque impetus plane stupendos edere cogant: sunt verò exiguæ tantum durationis hæc *conatum prodigia*.

Designata ad hunc modum morbi prædicti *causa conjuncta*, & *symptomatum* præcipue urgentium *rationibus* ostensis; adhuc inquirendum restat, circa causam *ætiologicam*, nempe ob quas *ætiologicus succus nervosus* ita degener factus, primo *paralysin*, ac deinde *musculorum omnium subsultus*, sive *spasmos* intestinos intulerit: porro explicare oportet, quamobrem morbi hujus fructus paulatim accrescentes, *thermarum* usu tam cito ad maturitatem pervenerint: item quare *ægritudo* ista nullis remediis cedens, *incurabilis* extiterat.

Quoad *prædictum*, dicendum esse videtur, quod ægrotans parentibus, qui morbis cephalicis graviter obnoxii fuerunt, oriundus, malam *cerebri & nervosi generis* constitutionem originaliter contraxerat, adeo ut intra sextum ætatis suæ lustrum *paralysi spuria* laborare inceperit; dein cum *procatarxi* huic *hereditaria causa evidentes* sanguini, & humoribus majorem indies

a bem affigentes accederent (erant enim varii casus atque infortunia quæ viro eximio mœstiam & melancholiam continuo intulere) propterea quidem liquor nervosus salesfixo, & scorbutico supra modum imbutus, instar aquæ fortis, aut stagmatis vitriolici, summe acris, & irritativum evasit; proindeque spiritus, & corpora eos continentia, non secus ac prædicti liquores lumbricis suffusi, in contugationes, & contracturas spasmodicas continuo incitaverit.

Quod autem hic morbus, primo sensim accrescens, *thermarum calidiorum* usu in statum longe deteriorem cito evehebatur, ratio facile patet: experientia enim constat *balnea calida*, & *sulphurea* in corpore humano *salinas*, aliasque *morbidas*, quæ intra viscera, aut humores scatent, *particulas* plurimum exaltare, & cito ad *expõnitas* perducere: eas scilicet exagitando efferatiores reddere, è primis viis in sanguinem, & exinde in cerebrum & nervosum genus urgere, quinimò prius secretas & otiosas conjungere, ac in *gummosum* quandam incitare: quare qui aut *arthritidi*, aut *calculi* hæreditario obnoxii, istorum affectuum paroxysmos nondum perpassi fuerunt, à *thermarum* usu sæpissime alterutrius morbi fructus in se statim maturari sentiunt. Cum itaque in hoc ægotante & sanguis, & liquor cerebrum nervosum irrigans particulis tum *narcoticis*, tum *spasmodicis* imbuerentur: quin & à *crasi dulci*, & *balsamica* iste versus *salsum*, atque hic in *acetosum*, & *stagmatis vitriolici* æmulum degenerarent, tantum absuit *aquarum calidarum mineralium* usus ab auxilio ferendo contra hæc mala, ut propterea statim omnia plurimum exacerbarentur: atque morbus ab humoribus, quoad *temperiem* & *mixturam* ita depravatis procedens, nullis uspiam remediis curari potuerit; nihilo facilius scilicet quàm *acetum* in *vinum* reducatur.

Cum *Illustriissimi* huius viri à *phthisi* demum extincti *cadaver* aperuissim, pauca admodum ejusmodi gravissimorum pathematum *vestigia* detegere licebat. Hinc ut constet, *paralysin* & *spasnum* non tam à crassa & copiosa materia, alicubi in *mineris* congesta, quàm à mala spirituum animalium, qui subtilissimi ac invisibiles sunt, affectione pendere. Quæ circa huius *anatomem* notatu digna occurrebant, paucis exponam.

Abdomine aperto omentum (prout in ple-risque à *tabe*, aliisque morbis chronicis interemptis assolet) putridum erat, & ferè consumptum. Interim *ventriculus*, *intestina*, *pancreas*, & *mesenterium* satis recte habuerunt; scilicet *membrana* erant firmæ, bene coloratæ, & abscessu quovis aut *tumore scirrroso* liberæ: *intestinis* majoribus *excrecentiæ* quædam *carneæ* instar *auricularum muris*, adnascebantur; hujusmodi cum plurimæ fuerint, ex utroque *intestinarum coli*, & *recti* latere, ad certa quasi stadia, instar ramorum arboris, gemellæ prodibant: Simile quiddam in *tabido* olim reperi: Hujus ratio videtur esse, quod in *phthisicis nutritio* (licet circa partes solidiores & exteriores deficiat, aliquando tamen) interius propè succi nutritii fontes plus debito perficitur, proinde ut *epiphyses nonnaturales*, & *superfluæ* excrecant.

Lien, qui semper pessime audierat, & à ple-risque medicis, velut *scorbuti*, & cæterorum om-

nium affectuum *causa principalis* damnatus fuerat, prorsus insons, & quavis culpa immunis apparebat: nam prout in maxime sanis observamus, fuit *subatri coloris*, *mollis*, & *superficies equalis*, *obstructione*, aut *scirrho* quovis liber, *fibris*, & *vasis* satis *distinctis*, & *firmis* præditus: e compage ejus dissecta sanguis nigricans effluxit.

Hepar (quod equidem mirari subest) mediocriter se habuit, nec à tam gravi & diuturna ægotatione solito durius, aut *scirrhum*, aut *tuberculis* oblitum evaserat: erat tantum grandius, & coloris nonnihil obfusci.

Renes, licet *calculo* ac *ulcere* quovis immunes, tamen culpa non vacabant: nam in medio dextri renis *cavitas* ingens à *pelvi* distincta, eoque multo amplior, aqua limpida impleta conspiciebatur: talem in *hydropicis* sæpenumero comperi: atque hæc quidem fortasse ex sero in renem istum deposito, quod haud facile per meatus, & poros ejus percolaretur, orta est; quippe serum inibi subsistens, ab initio specum sibi exiguum procuderat, quæ sensim postea dilatabatur: cumque ob hanc rationem seri secretio, & per ureterem exitus aliquatenus præpedirentur, latex ejus in sanguinem reitagnans capiti noxam graviolem intulit, quod quidem eo magis suspicari fas erat, quia *ren* etiam *sinister*, valde extenuatus, & absumptus, plures *hydatidas*, & *cavitates* aqua limpida repletas continebat.

Pulmones sterno, & *costis*, & *diaphragmati* undequaque adnati, sine ulla ferè distinctione loborum, unà tantum compages carnis spongiosæ, putridæ, & materia ichorosa per totum infarctæ videbantur. Proculdubio ægotans hoc malum non ita pridem contraxerat, scilicet cum nullo corporis exercitio defungi, nec intra lectum, ut liberius perspiraret, commorari potuerit, sanguinis faculentia, & recrementa, quæ per cutim evaporare solita sunt, in *pulmones* deposita, in causa erant quod hi & inter se, & cum aliis partibus concreverent, eorumque *tonum* & *conformationem* prorsus vitiarunt, ita *phthisis* demum exorta cæterorum affectuum, quibus diu ac misere affligebatur, *effectus*, & *productum*, ac minimè *causa* fuerit.

In utroque cordis ventriculo sanguis in substantiam solidam, albidam, & carnis coctæ æmulam concreverat, quæ juxta cordis, & vasorum cavitates, & processus effigiata, *serpentis*, cum *candamultiplici* & *divisa*, figuram nonnihil referebat; quo quidem in multis post longam invaletudinem defunctis, nihil usitatius occurrit: Cujus ratio est, quod sanguis à longa ægotatione effectus, atque hinc circa præcordia pigre circulatus, in corde & vasis appensis stagnare incipit, proindeque in *concreta* ejusmodi *carneæ* sensim congelatur.

Dum *cranio* aperto præcipuam morbi causam inter contenta ejus perquirimus: primo occurrebat, *cerebri molem* justo minorem, & *gyris paucioribus* instructam fuisse, unde spiritus animales non satis copiosè productos suspicati fuimus: porro universa *ἑγκεφάλου* compages justo humidior, latice aquoso madida & prorsus immerfa videbatur; ut integumenta ejus, scilicet *meninges integræ* divellerentur, atque *anfractus* & *ventriculi* omnes aqua limpida mundarentur. Probabile est hoc *cerebri diluvium* nuper accidisse

disse, nempe quatenus ob *aliquam* impeditam, & *lotii* secretionem parcius habitam, *serositates* in massa sanguinea aggestæ capiti traderentur: ideoque *cerebri* substantia, & imprimis *corpora striata* uliginosa prorsus & tam madida erant, ut discissa eorum substantia vix compacta maneret, quin, liquidorum inspissatorum, more aliquatenus diffunderet: intra *sinus* cerebro ejusque *appendici superstratos ac insertos*, atque *vasa* ex iis prodeuntia, sanguis in *glomeres* duriusculos, ac velut carneos, non secus ac intra *cordis ventriculos*, & *vasa* iis appensa concreverat; quod etiam nuperrime cum sanguis pigre circularetur, propter eandem rationem, qua sanguis intra præcordia coagulabatur, accidisse putamus.

Spinalis medulla truncus aquæ limpidæ immer- sus valdè extenuabatur, ut vix dimidium osseæ cavitatis impleverit: quod equidem à *seri* *salis*, cui velut incoquebatur, colluvie effectum censemus. *Thom. Willis de Morb. Convuls.*

Puella quædam nostras honestissimis parentibus oriunda, per duos annos integros miris agitabatur convulsionibus, quibus non solum totum corpus contractum fuit, sed etiam sensuum primariorum organa ita læsa, ut per octo-decim menses oculis suis orba degeret, nulla tamen opacitate, aut in tunicis, aut in humoribus apparente: Præterea per aliquot menses, eosque non continuos, at per intervalla longiora, vel breviora, interruptos, surda prorsus viveret, imò identidem loquelam amitteret; perstantibus interim doloribus atrocibus iisque perpetuis ac indefinentibus, quorum conditionem & naturam vix subinde explicare poterat, cum tamen mens omnino sana ac immota per totum morbi decursum permaneret. Omnis generis sunt adhibita remedia pro tam crudeli debellando hoste, sed omnia incassum; unde etiam superstitiosi quidam, quibus quicquid propriæ non subiacet conceptioni, naturæ limites transgredi videtur, suspicabantur diabolicum quid hic subesse. Verum ineunte mense Novembri anni præsentis 1692. ægræ nostræ corpus sensim se expandere, viresque deperditas ita resumere cœpit, ut per urbem lento passu ambulare, quamvis non perfectè erecta spina, imò sacrum catum frequentare, bis aut ter potuerit, sicque Parentes spe integræ convalescentiæ non parum lætaverit, cum præcipuè viderent, & dolores, & oculorum, & aurium atque organorum voci dicatorum affectus, tum temporis etiam valedixisse. Interim brevis admodum fuit triumphus quem de victoria contra morbum, imò (ut etiam ipsi vulgi erroribus & deliriis, non satis liberi, aliquatenus credebant,) contra diabolum parta, celebrabant, siquidem medio circiter Decembri prædicti anni dolores recruderunt, comitesque habuerunt spasmos tam atroces ut sexta post sui recursum die misellulam hanc enecarent anno suæ ætatis duodecimo. Sic nobis occasio data morbi tam abstrusi causas intimius rimari, quare cadaver cultro nostro subjectum die vicesima 1. Decembris, quò sectionem à capite orsi in eo sanè nihil cui affectum referremus, apparuit, nam neque in cranio, neque in dura aut pia matre, illiusque sinibus, neque in substantia cerebri glandulosa, corticali dicta,

fibrosa, seu potius tubulosa, callosa vocitata, neque in ventriculis, ac plexu choroide, neque juxta nervorum quæ creduntur origines, ac præcipuè juxta eorundem è cerebro egres- sum, aliquid extranei se manifestavit, præterquam seri parum inter cerebrum & duram men- yngem effusum, quodque ejusdem portiuncula in filamenta congelata ac polyposum quid ef- formans, in sinu faleonato cerneretur. Obser- vavimus autem in hac juvenili ætate quòd cere- brum foret solito compactius & firmitus, glandu- la pinealis pellucidior, omnesque protuberan- tiæ, quibus nomina, dantur tum natum, tum testium, tum protuberantiæ annularis, tum il- læ quæ secundum Willisium faciunt corpora striata, thalamosque nervorum opticorum, &c. distinctiores ac magis quam in aliis cerebris elevata, viderentur. Propterea tam liber erat spirituum in hoc viscere commeatus, ut ratio ac memoria expeditior & promptior in hac puella fuerit, quam in aliis ejusdem ætatis fami- liare sit.

Thorace postea resecato, reperiebam pul- mones justo crassiores, & si ita loquili ceat, de corpore verè vesiculari, carnosiores, per sui partem superiorem duorum digitorum trans- versorum longitudine pleuræ quàm firmissimè adnatos. Cor parvulum, sed alias bene consti- tutum in tota substantia, ventriculis, valvulis, earundemque columnis; nec minus bene se ha- bebant auriculæ, nisi quòd dextra tumidior, in se complecteretur ad integram plenitudinem serum congelatum, quò conticiebatur unum ex iis corporibus quæ polyposa dicunt, magnitu- dine nucis juglandis mediocris.

Recluso tandem Abdomine in eo veram morbi originem reperiebamus: sed de omni- bus suo ordine. Hepar erat grandius, & per totam sui partem gibbam ad extremas propè oras, tum diaphragmati, tum peritonæo ita ad- hærens, ut ab illis sine laceratione divelli nequi- verit; substantia tamen ipsius integra ac inte- merata. Glandulæ mesentericæ non tantum multò grandiores, numerum etiam ordinarium non parum excedebant, & materia sebacea ad absolutam turgescientiam replebantur, ac plu- ribus in locis rete quodam e vasculis varicosis confecto circumcingebantur, quibus vasis san- guis grumosis, ac quasi tollus continebatur. Quod verò nostram præcipuè meruit attentio- nem, fuit corpus aliquod glandulosum, & plu- ribus sui partibus prope cartilaginofum, lum- borum omnibus vertebrais ita firmiter conne- xum, ut ab ipsis nulla vi, sine totali laceratione divelli potuerit. Erat autem è plurib⁹ corpuscu- lis ovalibus, rotundis ac angularibus, racema- tim dispositis, solidiori ac alperiori unica con- clusis, contextum, duos pollices crassum, quin- que latum, sicque ad dextras ac sinistras, præ- dictas omnes vertebrais firmiter cingens. Eò autem attentionem nostram meruit, quod in illo videremus veram causam omnium sympto- matum quæ puellam hanc miserè excruciataverat. Corpus enim illud, primò proprio pondere, ac etiam durioribus tuberculis iisque angulosis quibus ex parte conticiebatur, lædebat plexus aliquos mesentericos, quam graviusque com- primebat nervulos illos qui è vertebrais lumba- ribus emanantes, obviam eunt ramificationi-

bus quibusdam prædictorum plexuum, quibus-cum coeunt, cum iis postea distribuuntur in varia abdominis viscera; sicque procreabat ex parte irritationem illam spasmodicam tum totius corporis trunci, tum illam in specie quæ & oculos, & aures, & organa vocis, affligebat. Secundò acrior humor qui è tam maligno fco necessario & continuò exudabat non parum vellicationem hanc convulsivam augebat. Sic autem mens non minùs immota peritabat, ut neque minus manet immota in pluribus ex iis convulsionibus quæ à punctione in aliqua corporis parte extra cerebrum posita eveniunt. Eo autem tempore quo corpus se expandere & postea lentè ambulare ægra cœpit, spinam perfectè erigere non valuit, quia vincula per tumorem descriptum vertebrae lumbaribus injecta non permittebant ipsarum liberam extensionem, etiam si per excussionem factam pro tempore materiæ spasmodeos, propter rationes nobis incognitas, cæteræ partes tum liberæ forent.

CORDIS PALPITATIO TREMOR atque ad illud ipsum pertinens PULSUS INTER- MISSIO.

DE Palpitatione ac Tremore Cordis, ut & Pulsu Intermittente, tanquam præcipuis hac in parte materiis acturi, non est sanè quod alio exquiramus unde Lectori abundè satisfiat quàm ex iis quæ de Passionibus Cardiacis accuratè pro more differit Thomas Willisus, cuius propria hæc sunt verba.

Post Pharmaciam Cardiacam, ita vulgo licet improprie, dictam, modo tractandum sequitur de Passione cardiaca; in qua nempe cor revera laborabat, proindeque remedia verè cordialia postulat. Sub isto verò nomine duo affectus, inter se nonnihil diversi, communiter denotari solent; nempe Tremor cordis, & Palpitatio ejus: in utroque pathemate cordis motus, sive pulsus inordinatus, & quodammodo convulsivus esse videtur: attamen prioris inordinatio in Vibrationum ejus crebritate, ac alterius in earundem vehementia consistit. In posterioris hujus Ætiologiam primo inquiremus, & deinde alterius etiam Theoriam, & tandem utriusque curationem tradere nitemur.

Cordis Palpitatio adeò vehemens, & immanis interdum existit, ut non solum tactu manifestius percipi, verum & oculis conspici, imò interdum ad distans quoddam audiri possit. Porro ab Auctoribus fide dignis narratur, à vehementiore cordis vibratione, & costarum percussione, eas interdum effringi, aut in junioribus foras propelli, protuberantesque manere.

At verò hic motus quamvis ad Sensum ita multiplicem perceptibilis sit, attamen rationi nondum constat, quæ pars ita moveatur, ut quovis pulsu suo pectoris latus sinistrum exilire faciat. Credo omnes tum doctos, tum imperitos, uno ore profiteri partem ita motam, & fortiter evibratam, ipsummet cor esse; sed interrogo utrum cordis tota compages, aut aliqua ejus pars ita exiliat, & solitam vibrationis suæ

sphæram transgrediatur? si dicatur corpus ejus totum, ita efferri, assignent vellem, an hoc in Systole ejus, aut Diastole fiat: certè non prius, quia dum cor contrahitur, *auricula* patet, molem ejus quoad omnes suas partes minui; nec magis in Diastole dicatur, quoniam in eo statu cor ad situm, & magnitudinem tantummodo naturalem, & ordinariam redit, inque eo aliquantulum manet. Hinc siquidem cor juxta vibrationis suæ, quantumlibet auctæ, aut intensæ, leges, adeò palpitare, & exilire nequit; (Quod etiam amplius constat, quoniam in paroxysmo febrili, ubi vehementissime pulsatur, non extrahitur, & costas percussit) olim suspicatus fui ipsum durante affectu illo, motum convulsivum, & ordinario plane diversum obtinere; quoniam nempe, velut membrum spasmodice agitatam, cor prorsus totum eleveatur, & è loco suo moveatur. Attamen neurologia plenius intellecta, ab hac sententia statim recessi, quia certum est, cor à nullo alio musculo, præter suas ipsius fibras motrices, quaquam attolli aut efferri posse. Quapropter super hac re serio magis cogitanti, demum animo occurrit, quod dum cor ad sanguinem, è sinibus suis excludendum contrahitur, atque mucro, & latera undique concidunt, & propius adducuntur; si tamen sanguis illico totus quaque systole penitus ejici, & eliminari nequeat, necesse erit vasorum radices ad summum impletas, & plurimum intensas cum impetu quodam exilire, dein, propter reverberationem hic factam, totam cordis compagem valde concuti.

Profecto à tali interdum causa, Affectum istum oriri, ex observatione Anatomica nuper confirmatum vidi. Theologus insignis, & pius, postquam palpitationi cordis per crebras vices modo sponte, modo occasionaliter obnoxius degisset, tandem ea continue dies, & noctes, cum gravi dyspnoea affligi cœpit; & deinde intra paucos menses, à morbi molestissimi assiduitate attritus, fatum obibat. Cadavere aperto, Cordis sinus dexter mox sanguine concreto tumidus apparuit; cuius item auricula, in immensum aucta, & extensa, cruoris grumosi copiam ingentem continebat. Contentorum horum ratio statim apparebat, viz. quia pulmones summe obstructi, & cruore atro extravasato, & ubique stagnante infarcti, sanguinem, è ventriculo isto jugiter explodendum, haud totum admittere potuerint: quapropter dum cor, exclusioni ejus totali summe adlaborans, unaquaque systole juxta conum, & medietatem intus contrahitur, & quoad magnitudinem diminuitur; Basis ejus ob sanguinem ibi coacervatum, ac in transitu hærentem, aut reverberatum, valde impleta extuberat, atque propter Auriculæ molem magis tumida amplius evibrat, & latus attollit.

Verum enimvero, haud solummodo ab hac causa, cor palpitare constat; quia morbus iste, non semper constans, & perpetuus est, sed plerumque vagus, ac incertus per vices quasdam infestat, & deinde sponte, aut remediorum usu cessat. Porro nonnullos, quorum pulmones satis sani & tabe quavis immunes sunt, passim in-cessit.

Utrumque tamen licet morbus iste à causis diversis exoriri possit, in iis tamen omnibus cau-

eandem usque afficiendi rationem esse judicamus. Videtur enim quod cor solummodo palpitat, quatenus in systole ejus, dum conus, & latera simul contracta angustantur, basis cum vasorum radicibus, ob sanguinem illic aggestum, & non nihil hærentem, aut repercussum, ampliata extumescat. Revera sanguinis curium hic loci nonnihil præpediri, aut reperiendi inde constat, quia dum cor in latere vehementer, & fortissime vibrat, arteria in carpo plerumque languide, & debiliter pulsatur, utpote sanguinis rivum non nisi exilem conveniens. Cum itaque morbi, istius causa conjuncta, siue ratio formalis omnino in sanguine circa basin cordis, & vasorum radices remora, & aggestione consistat, inquirendum sequitur, quot modis, & ob quas alias causas, ejusmodi affectio produci soleat.

Super his, ut cordis carnes, siue fibras proprias motrices non multum culpemus, vitium hoc potissimum, & maxima ex parte, aut sanguini aut vasis cordis appensis imputandum videtur. Prioris ratio satis constat, in quantum sanguine aquoso, atque ad effervescentiam aut accensionem minus apto præditi, uti virgines *χλωρῶσαι* laborantes, atque viri, aut mulieres, cachectici, huic morbo plerumque obnoxii reperiuntur, & insultum ejus à corporis motu quovis citatiore fere constanter pati solent. Cujus causa est, quod cruor, siquidem particulis segnioribus, & non satis activis constans, è cordis sinibus non libere & expedite ejicitur, sed partim in iis sæpe residet, & facile stagnat: idcirco quoties à corporis motu iisdem uberius infertur, ut penus ejus totus quaque systole eliminari nequeat, cor summo nisu laborans, in basin suam & vasorum radices, & vix ultra propellit; ubi cum aggeritur, & paululum subsistens partes continentes extumescere facit, passionem cardiacam una cum dyspnoea infert.

Præterea tamen affectio ista cardiacæ quosdam sanguine præfervido, & prompte satis accendi aut fermentescere apto, prædictos sæpe numero infestat. Plerisque enim passioni hypochondriacæ, Hytericæ, aut alias spasmodicæ multum obnoxii, hoc malum frequens, & familiare est: quapropter in his casibus, Arterias cordi appensas in culpa habendas merito suspicemur. Quo pacto harum obstructio, sanguinis è corde effluxum liberum impediens, cordis palpitationem inducat, historia modo citata manifesto declarat: porro vasorum istorum occlusiones, & infarctiones aliis modis excitatæ, eundem effectum producere possunt. Novissem Cervisiæ fortioris ac vetustæ, nec non vinorum potui crebro à multis annis assuetum, prædicti morbi insultus crebros pati solitum; cujus postea, à stomachi sphacelo, cum vomitu quotidiano, spirituum languore, aliisque symptomatis defuncti, cum cadaver aperirem, deprehendi arteriæ magnæ truncum mox à cordis egressu plane offeum, seu potius faxeum, ejusque latera valde compressa fuisse, ut rima tantum relictæ sanguis vix per dimidium, quo debebat torrentem, effluere potuerit. Proinde ut huic causæ palpitacionem cardiacam, ei sæpius molestam, merito ascriberem. Ceterum probabile est pathema istud à sanguine, intra cordis sinus, & vasa appensa grumescere,

ac in frustra quasi carnea concreto, interdum procedere.

Verum insuper his, siquidem palpitatio cardiacæ affectus alios spasmodicos, prout modo innuimus, sæpe numero comitari solet, etiam suspicari licet; illius causam quandoque mere convulsivam esse. Olim in neurologia nostra ex observationibus Anatomicis ostendimus, nervos, & propagines nerveas fere innumeras, in pluribus locis, ac præcipue juxta basin cordis, arteriarum truncos complecti, & circumligare; quorum usus, & actiones ejusmodi fuisse putabamus, ut diversimodi sanguinis æstus, fluxus, & refluxus immo interdum stagnationes propter vehementes iræ, timoris, gaudii, tristitiæ, aliosque affectus, excitari solitæ, propterea contingant, quatenus funiculi isti nervei vasa hæc sanguifera varie stringunt, comprimunt, aut forsitan aliquando penitus occludunt. Porro haud multum improbabile est, ob vasa ista spasmodice affecta, & paulo diutius constricta, ita ut sanguis è corde exilitionem liberam præpediant, palpitacionis cardiacæ insultus nonnunquam exoriri. Profecto tum hæc, tum alteras istas cordis passiones, tali causæ merito imputamus; Verum efficiendi rationem à sententia ista paululum recedere visum est. Postquam enim nervorum actiones, & usus exactius perpenderam, deprehendi tandem ipsos, eorumve propagines nihil omnino trahere, aut constringere, sed totum hoc negotium omnino à fibris carneis perfici, atque nervos solummodo, in has partes motrices, novas subinde spirituum copias, insuper & motuum obeundorum instinctus convehere: quale pariter munus erga fibras membranaceas pro sensuionibus peragendis exequuntur.

Dum itaque serio perquirerem, quibus usibus totidem nervi per vasorum tunicas disseminati inserviant; demum reperi, Arterias istas proprio Marte, pariter ac alia præcordia se contrahere, & dilatare, atque pro motibus illarum tum naturaliter, tum patheticè obeundis, & spirituum copias, & instinctuum rationes, per nervos istos deferri. Enimvero ex observatione Anatomica plane constat, Arteriæ cujusque tunicam mediam esse plane muscularem, atque fibris carneis (cujusmodi sunt ventriculi, intestinorum, & quorundam aliorum viscerum) per totum constare. Quæ fibræ annulares densæ velut capillamentorum serie; Arteriæ ductum, siue Tubum ubique cingentes, proculdubio systolas suas proprias, & Diastolas, æque ac cor ipsum, obtinent. Quapropter imprimis, dum fibræ cardiacæ, & dein hæc Arteriosæ successive, & seriatim contrahuntur, necesse erit sanguinem è meta una ad alteram rapidissime propelli. Quare haud prorsus de nihilo est, quod medici quidam etiam Arteriis facultatem pulsificam attribuerunt: quippe multum improbabile est, mero cordis tanquam Emboli impulsu, sanguinis circuitum peragi. Quinto verisimilius est, Arteriam in toto ductu suo, à fluctus cujusque sanguinei tergo aliquatenus contractam, ipsum usque prorsum per rivulos, licet minores, & spatia magis angustata, urgere. Juxta hunc ritum ordinarium, sanguine æquabiliter circumpellendo, Arteriæ constantes systolæ & diastolæ vices habere videntur. Quæ licet celeres ad-

modum, & ictu oculi citius, successive tamen per omnes tubi arteriosi partes peraguntur. Caterum vero cum advertamus æquabilem sanguinis cursum, juxta passionum impetus diversimode interrumpi, & perturbari, necesse erit tantummodo ita fieri, quatenus Arteriæ (propter inclinatum per nervos ad fibras motrices datum) variis in locis subito contractæ, fluentum sanguineum aut sistunt, aut reprimunt, aut prorsum impetuosius adigunt. In timore, tristitia subita, pudore, amore, aliisque pathematis, Animi consternationem, aut confusionem magnam inducentibus, probabile est Aortæ truncum, à fibris istis subito, & diutius contractis, adeo contrahi, & coarctari, ut sanguis ægetantum, & non nisi per minutas portiones è cordis sinibus exiliat. Quamobrem ab illo ibidem aggesto, & stagnante gravamen ingens, & oppressio magna statim sentiuntur: deinde si huic sanguinis Remoræ, cordis ad sanguinem ejiciendum pulsatio fortis, & vehemens superveniat, necesse erit, ob cruorem quaque systole in cordis basin ejectum, ibique percussum, partes eas plurimum distendi, proindeque palpitationem cardiacam inferri.

Quemadmodum autem vehementes Animi passiones, affectum istum fere quibusvis accersunt; ita Hypochondriaci, & spasmodice dispositi insultus ejus de levi qualibet occasione, immo interdum sine ulla causa manifesta subeunt. Enimvero in quibus nervi splanchnici, & cardiaci materia morbifica sæpius obsideri solent; proinde ut illa, ob plenitudinem aut irritationem commota, spiritus istarum partium, & vicinarum incolas frequenter in spasmos, & contractiones inordinatas adigat; passim accidit propter nervos Arteriarum Cardiacarum radicibus insertos, à tali causa affectos, etiam vasorum horum fibras spasmodice affectas, & contractas eo, quo dictum est modo palpitacionem cardiacam excitare. Quo ritu nervi cardiaci à causa propinqua, aut remota, à materie morbifica, aut in capite juxta originem nervosam, aut citra præcordia, aut hypochondria subsistente irritantur, inque, spasmos varii generis aguntur, alibi à nobis ostensum est; unde palpitacionis cardiacæ, quoties eadem etiam spasmodica fuerit, causæ deduci possunt.

Quod spectat ad affectus hujus Therapiam, siquidem causæ ejus variæ, & multiplices existunt, etiam curatio diversimoda institui debet. Nam quod nonnulli statuunt, ejusmodi remedia, quæ cardiaca vulgò dicta, cor refocillare, eique laboranti suppetias præbere creduntur, in quibusque his casibus convenire, tum rationi, tum experientiæ communi refragatur. Cum itaque supra declaraverimus; Cordis palpitacionem, vel à sanguinis, vel ab Arteriarum cordi appensarum vitio, procedere, & utrasque horum varias afficiendi rationes innuerimus, modo restat, unicuique morbi istius speciei aptam medendi methodum, una cum selectis remedium formulis accommodare.

1. Primo igitur si quando morbus hic à sanguinis vitio procedat, Intentio Therapeutica primaria erit sanguinem nimis aquosum, & accendi, & fermentescere inhabilem, ad meliorem crasim exaltare, ejusque principia activa depressa, aut diminuta evehere, aut augere; in

quem finem medicamenta spirituosæ, item salina cujusque generis, sulphurea, & imprimis chalybeata conducunt. Quinimo huc referri possint, quæ in Pica, leucophlegmatia, & scorbuto frigidior, præscribi solent.

℥. Conserv. Absynth. pontici, flaved. Aurantii, & limonii, an. ℥ ij. Cort. Winteran. pul. ℥ ij. specierum Diacurcumæ ℥ j. chalybis præp. cum sulphure ℥ iij. salis absynth. ℥ i ss. cum q. l. syrupi è cort. citri, f. electuarium: Dosis qu. nucis Moschat. mane, & hora quinta pomerid. superbibendo Julapii sequentis ℥ iij. & deambulando.

℥. Aq. fol. Ari th j. Pulegii, Hyssopi, ana ℥ iv. Aq. Lumbr. Limacum, Mirabilis, an. ℥ j. sacchari ℥ j. misce, f. Julap.

℥. Tinct. Antimon. ℥ j. Dosis gut. 20. ad 25. bis in die cum eodem Julapio. Porro huc Tinctura chalybis, aut syrupus ejusdem, item elixir proprietatis cum multis aliis accenseri possunt.

Secundo Cordis palpitatio, & crebrior, & multo immanior ab Arteriis cardiacis in vitio habentibus exoritur: & tunc illarum culpa, aut Obstructio est, aut Affectio spasmodica.

Prior iste morbus plerumque continuus, & non raro incurabilis existit; præsertim vero, si à pulmonibus tabidis, aut Arteriarum radicibus propter Tuberculum, aut excrecentiam ossæam semioppletis, aut compressis excitatur. Cujusmodi causæ si quando subsint, & perfecte dignosci possint, frustra esset earum sublationes moliri; quin potius id unice agatur, ut levamine quodam per hypnotica subinde procurato, ægrotantium vita, etsi misera paulo diutius protrahatur.

Caterum vero non improbabile est (prout modo innuimus) Arterias interdum à concretionibus polyposis ibidem, ac interdum intra cordis sinus, progigni solitis, magna ex parte impleri, proindeque sanguinis exilitionem liberam, & totalem impediri. Hujus vero uti diagnofin valde difficilem, ita curationem non minus raram putamus: quando illius suspicio est, maxime ex usu fore videntur medicamenta salina; & ex iis sale volatili aut Acido prædita exhibenda: eadem vero non simul, sed quodam temporis spatio hæc, (quibus non juvantibus) dein istæ altera experiri oportet.

℥ Sp. salis Armoniaci compos. viz. cum mil-lepedis, vel cum aliis Antasthmaticis destil. ℥ iij. Dosis gut. 15. ad 20. ter in die, cum Julap. vel aq. destil. appropriata: eodem modo spir. C. C. fulig. sang. Cranii defossi tentari possunt.

℥ Sp. salis marini, aut vitrioli cum sp. vini herbis pneumonicis imprægnati, destil. & sæpius cohobati ℥ iij. Dosis gut. 15. ad 20. eodem modo. In hos usus sp. Tartari, ligni Guajaci, aut Buxi usurpari solent.

3. Palpitatio Cordis, sæpiissime affectio convulsiva est, & à simili causa, & afficiendi ratione, qua pathemata alia hypochondriaca, vel asthmatica produci solet. Cujus item curatio per remedia antispasmodica pariter tentari debet: quorum vero delectus, sub discrimine quodam, juxta quod morbus in temperamento aut calido, aut frigido contingit, instituitur.

1. Respectu prioris sequentia præscribantur.

℥ Sp

℞ Sp. succini Ammoniaci ʒ iij. Dosis gut. 15. ad 20. bis in die cum Julap. vel aq. dest. appropriata; eodem modo Tinct. Tart. Chalybis, vel Antimonii per vices exhiberi possunt.

De Cordis Tremore.

Tremor cordis (qui etiam sub nomine passionis cardiacæ vulgo cedit) affectus à palpitatio-
ne ejus distinctus, immo diversus existit. In eo namque ipsius fibræ carneæ, sive motrices per se affici, nec, prout in altero isto pathemate, causa morbifica in sanguine, aut in Arteriis cardiacis subsistere videtur.

Cordis tremor optime describi potest, quod sit, carniū ejus convulsio spasmodica seu potius trepidatio; qua nempe fibræ motrices celerime, at tantum semicontractæ, systolæ & diastolæ vices ocissimas, verum abruptas, & quasi dimidiatas efficiunt; proinde ut sanguis per minutissimas tantum portiones, tum cordis sinubus inferri, tum ex iis efferri possit.

Quandoquidem hæc affectio sit musculi cujusdam, scil. cordis motus convulsivus, ad pleniorē ejus notitiā huc referri deberent, quæ alibi de motu musculari; item quæ de pathematis convulsivis disseruimus. Ne plura repetendo tædio fuerim, verbo tantum adnotetur, unumquemque muscū, duobus tendinibus, & ventre carneo constare; atque contractionem inde peragi, quatenus spiritus animales, è fibris utriusque tendinosi, in carneas prosiliunt, quas dum inflant, & intumesciunt, propterea decurtant, & contractivas reddunt; motu autem finito spiritus in tendines redeunt, & fibræ carneæ relaxantur.

Cum functio motiva sit duplex, sc. spontanea, & mere naturalis; in priore advertimus spiritus è tendinibus in fibras carneas, per appetitus imperium evocari, atque intra has, in actione manere, donec illius nutu dimittuntur; deinde vero in tendines reverbos quiescere, donec rursus foras jubentur, hinc ut illorum motus, & quietis tempora, sint inæqualia, incerta, & pro libitu nostro varie determinanda.

In functione mere naturali, multo secus habet; quippe spiritus animales, è tendinibus in carnes, perpetua vice sive constanti reciprocatione, efferuntur, & contractione brevi facta, mox ex his in illos resiliunt, ac ita vicissim; ad quem modum cor ipsum, arteriæ, & respiratoris organa, quinimo ventriculi, & intestinorum fibræ carneæ, nisi propter objecta sua alias determinantur, per systolas & diastolas perennes agitantur.

Juxta hos ritus ordinarios, functionis utriusque motivæ munia peraguntur. Quæ tamen juxta quod spiritus Animales, motuum istorum excutores, varie afficiuntur diversimode perverti, aut perturbari solent. Enimvero satis manifesto liquet, motus cujusque contractivi, à quocunque musculo obeundi, instinctum, cerebro, aut cerebello, juxta appetitus jussum, aut naturæ indigentiam per nervos convehi; viz. Spiritus Animales intra horum ductus scatentes, juxta impressionem à capite traditam exciti, ac in tota serie commoti, mox alios tendinum incolas exuscitant, inque motus analogos cient: pari fere modo ac si quisquam

pulveris pyrii acervos, per funem ignarium ad distans accenderet. Quamdiu igitur spiritus istum in principio, viz. intra *ἐντεπάρων*, tum in via, sc. ductibus nerveis, tum in fine, viz. intra tendines confiti, recte ac ordinatim habent, motus cujusque ab Anima aut natura requiriti instinctum illi formant, isti convehunt, atque hi demum exequentur: sin vero spiritus ad functionem motivam destinati, intra quamvis dictionem præternaturaliter affecti, in *ἀσάτως* adigantur, propterea statim in membris, aut musculis respectivis motus convulsivi excitantur. Quo ritu ob causam morbificam, juxta originem nervosam in capite, quo item, propter eam alibi intra ductus nerveos consistam, membrorum aut viscerum aut præcordiorum affectiones spasmodicæ exoriri solent, alibi satis fuse declaravimus; viz. in quantum spiritus intra nervos scatentes, à causa quadam præternaturali, & vehementi irritati, ac velut æstro quodam perciti, dum in has aut illas partes ruunt, motuum ciendorum signa injusta, & falsa deferunt, necesse erit in his, vel illis musculis, aut membranis, contractiones aut distentiones violentas, ac convulsivas accieri. Varias hujusmodi affectionum species, & rationes formales in Spasmiologia clare designavimus; at vero, quod illic prætermisum, atque ad rem propositam spectat, nunc insuper advertimus, dari alia spasmodicorum genera, quæ sine præsentī aut magno *ἐντεπάρων* aut nervorum vitio, ob spiritus Animales ipsorum tendinum incolas potissimum, ac fere tantum in culpa existentes oriuntur.

Affectionis hujusmodi singularis, & velut privata, dux species observanda occurrunt: una satis vulgo nota est, in qua spiritus injussi sæpe è tendinibus prosiliunt, atque fibras carneas valide atque moleste inflantes, non statim, aut facile recedunt. Alterea, licet minus notabilis, tamen frequenter occurrit; in qua scilicet spiritus musculares, neque intra tendines, neque intra carnes diu permanere possunt, verum summe irrequieti, ex his in illos, & vice versa appetitu vel natura invitis excursus, recursusque suos valde crebros, sed debiles usque & inordinatos faciunt. Super his affectibus spasmodicis [quoniam à plerisque adhuc medicis fere intacti manent, eorumque notitia ad passionis cardiacæ naturam, & causas rite explicandas plurimum facit] operæ pretium hic duco, quamvis extra rem propositam, & quasi in diverticulo, pauca tamen subjungere.

Prior iste affectus qui proprie *κράμπος* (atque Idiomate tum nostro, tum Gallico, *le cramp* appellari solet) plerumque exoritur, in quantum spiritus animales injussi, è tendinibus scilicet aut uno, aut simul utroque in muscoli ventrem sponte prosiliunt, unde pro more solito mox regredi nolunt, verum diutius intra carnes manentes, eas valde inflant, & summe contractivas reddunt; dein siquidem alii musculis hisce neque cedunt, neque in contractione conspiciunt, pars rigida, & cum summo dolore tensa evadit. Hujus causa est, materies quædam heterogenea, & *φυσική* quæ per ductus nerveos, una cum succo eorum in musculos descendens, & spiritibus cohærens, eosdem elasticos, simulque obstinatos reddit; proinde ut intra

fibras tendineas contineri nequeant, sed spatia ampliora desiderantes, in carnes excurrant, ibidemque, donec deferbuit eorum tumor, permaneant.

2. Ad posteriorem istam motus convulsivi speciem proprie spectat Passio, sive tremor cordis. Porro ad hunc censum referri debet Affectus satis vulgo notus, & plerisque familiaris; nempe, ut interdum muscoli cujusdam privati, puta, in labro, gena, in oculis, aliisve membris subsultus, sive trepidationes valde crebras, & æquales patiantur; quæ postquam per duo forsan aut tria minuta perduraverint, sponte, cessant. Non ita pridem per literas à Gallia huc missas consulebar pro viro quodam Illultri cujus musculos omnes, in toto corpore ejusmodi subsultus, seu velut trepidationes fere perpetim exercebant; adeo ut carnes exteriores, ubique exilientes, ipsius cordis vibrat ones, sive pulsus, ad amussim æmularentur.

Hujusmodi Affectum, uti & Tremoris Cardiaci, ratio formalis in eo consistere videtur, quod spiritus Aniales ad musculos quosdam pertinentes irrequieti, ac velut æstro perciti, è tendinibus continue in carnes profiliant, redeantque, adeoque perpetua vice excursus suos recursusque iterent; interea cum exiguis tantum copiis efferuntur, ut fibras carneas haud plene inflect, in iisque minimo tantum spatio morentur, nixus motivos, creberrimos licet, tantum non nisi debiles, & valde minutos edunt; in tantum sc. ut membra, & artus à musculis ita perpetuo agitati, haud locomoveantur, & cor, durante tremore ejus, utut celeriter concussum, tamen vix, & ne vix sanguinem circumpellere valeat; uti plane constat ex pulsu parvo, ac velut tremulo, atque virium omnium fatiscencia.

Quod spectat ad pathematum istorum causas, viz. conjunctam, & procatacticam, à quibus nempe spiritus musculares ita instabiles fiunt, sive vim istam desultoriam acquirunt; videtur, quod materies quædam heterogenea, & elastica, cerebrum & ductus nerveos transgressa, demum in musculos, eorumque fines tendinosos defertur; ubi spiritus subinde accrescens, eos iriitet valde, ac velut æstro quodam afficiat, proinde ut nullibi consistent; verum huc, illuc continue discurrant, atque interim pensa debita aut onittant, aut non strenue præstent.

Tremoris Cardiaci causa communiter in lienem rejicitur, etenim vulgo supponitur, ab hoc viscere obstructo, aut alias perperam habente, vapores tetros ad cor elevari; qui ipsum ferientes, adeo concuti, & trepidare cogunt, immo quodam velut rigore afficiunt. Opinioni huic fides, aut saltem probabilitas inde astruitur, quod hypochondriaci (seu quod idem fere sonat, splenici) huic passioni cardiacæ plurimum obnoxii reperiuntur. Qualis, & quanta Lienis in præcordia sit influentia, olim sat fuse declaravimus. Ex istis partimque ex modo dictis, satis liquet, sententiam istam, receptissimam licet, de corde à vaporibus affecto, futilem prorsus, ac erroneam esse. Quod autem pro Lienosis, etiamque Hystericiis vulgò habiti, Tremore cordis ita passim infestantur, in causa est, magna ista affinitas, ac intima communicatio, quam nervi

splanchnici cum cardiacis habent, adeo ut non solum partis unius affectio alteram facile in consensum trahat, verum si quando materies spasmodica nervorum ramos, ad lienem, aut viscera imi ventris pertinentes, infederit, raro abest, quin eadem pariter nervos ad præcordia spectes occuparit.

Quod spectat ad Therapias rationem, in tremore cordis adhibendam, quandoquidem hæc affectio sit mere spasmodica, idcirco remedia non cardiaca, quin potius cephalica, aut vasa indicantur; quæ tamen juxta temperamentum, & constitutionem patientis, aut calidiora, aut moderata, aut modo hujus, modo illius naturæ esse debent. Ut rem paucis comprehendam, cum in morbo isto tria remediorum genera maxime proficua esse soleant, viz. testacea, chalybeata, & sale volatili prædita, cujusque illorum formulas quasdam, & usus hic breviter designabimus. Itaque imprimis, factâ per evacuantia totius provisione, & pharmacîæ, quæ magis usui fore videtur, delectu habito, juxta modos præscribatur.

℞ Corallii præpar. Marg. an. ʒij. Bexoar. utriusque an. ʒß. succini albi. ʒij. Ambra grisea. ʒj. f. pul. Dos. ʒß. bis, vel ter in die, cum aq. destil. aut Julap. appropriato.

℞ Pul. è chelis compos. ʒij. pulv. rad. Proniæ maris, Cranii humani præpar. an. ʒj. flor. Proniæ maris, Lilior. convall. an. ʒß. f. pul. sumend. eodem modo.

℞ Ebor. Coral. rub. pul. an. ʒiij. spec. diamb. ʒj. sacchari albi. in f. q. Aq. Naphæ, solut. & ad Tabul. coct. ʒviij. f. f. a. Tabulæ pond. ʒß. comedat. j. vel ij. sæpius in die ad libitum.

℞ Conser. flor. lilior. convall. ʒvj. pul. corallii præpar. Marg. eboris, ocul. Can. an. ʒiij. vitrioli martis ʒj. q. f. syrupi è coralliis f. elect. Dos. ʒj. ad ʒij. bis in die, superbibendo haustum Julapii seq.

℞ Aq. Naphæ, Citri totius, an. ʒvj. è cort. aurant. cum vino destil. ʒij. sacchari ʒß. f. Julap.

℞ Syrupi nostri de chalybe ʒvj. Dos. cochl. j. mane, & hora quinta pomerid. cum ʒij. Julapii præscript. sine saccharo, vel cum aq. destil.

℞ Pul. eboris, corallii, an. ʒij. specierum diambra ʒj. salis chalybis ʒij. sacchari ʒviij. Ambra grisea. solut. ʒß. f. Tabul. pond. ʒß. Dos. ʒiij. vel iv. bis in die.

℞ Fragorum recent. lb viii. cortic. exteriores 12. Aurant. limaturæ ferri recentis lbß. simul contusis affunde vini albi lb viii. fermentari sinantur in olla clausa, per 24. horas, dein destil. organis communibus.

℞ Sp. C. C. aut sang. aut similia ʒiij. Dos. gut. 20. bis in die cum vehiculo idoneo.

℞ Forum salis Armoniaci, Corallii præpar. an. ʒij. Dos. ʒj. bis in die.

℞ Chryst mineral. ʒij. salis succini ʒj. salis C. C. ʒj. misce Dos. gr. 15. ad 20. bis in die cum aq. destillata.

De pulsu intermittente.

Passionibus cardiacis porro accenseri debet pulsus intermittens, & quidem merito; quoniam in hoc Affectu, aut saltem in quadam specie ejus,

cor

cor ipsum laborat; tamen more nonnihil diverso, quam in palpitatione, aut tremore ejus: quippe in his, quoad motum suum, in isto vero quoad quietem, perperam & irregulariter habet; hæc nempe interdum duplo longior est, quam juxta ritum ordinarium assolet.

De Pathemate hoc imprimis distinguere oportet, cujus (ni valde fallor) duæ sunt distinctæ fiendi rationes. Nam licet quandoque pulsus intermittat, quoniam cor pro eo tempore à motu cessat; attamen præterea tactu indice pulsus nonnunquam in carpo intermittere videtur, dum cor in pectore celerrime ac incessanter (uti fit in tremore ejus) vibrare sentitur: cujus causam esse suspicor, quod urgente ista cordis passione, sanguinis portio tantum perexigua quaque systole in Aortam projicitur. Quare hæc inanita, & flaccescens, atque sarcina promovenda carens, ne frustra sæpius agat, contractionem suam quandoque intermittit. Pariter hoc fieri videtur, ac circa navem exonerandam, viz. quo tempore merces difficilius, & impeditur admodum depromuntur, bajulatores exportaturi itum, & reditum vices quasdam prætereunt. Porro in febribus malignis, aut funestis, si quando pulsus creber, & debilis sit, etiam is subinde intermittit; cujus ratio est non quod cor à motu interdum cessat, (hoc enim tunc imprimis indelinenter laborat) sed quatenus sanguis non uberi satis penus, quæque systole in Aortam profertur; quare hæc, opere satis agendo carens, nonnunquam oriatur.

Verum insuper pulsus quandoque intermittit, quia cordis ipsius contractio, pro vice quidam suspenditur, sive pausa ejus duplo longior existit; quod quidem manu pectori admota quispiam in seipso, aut alio facile deprehendat, imò laborantes per gravamen pectoris, & oppressionem, planè in se perferunt, quoties cor à motu cessat. Porro hæc affectio non tam languidos, moribundos, aut periculose ægrotantes, quam satis validos, & quoad purissima rectè habentes passim incessit: quare non semper juxta vulgi opinionem pro morbo, aut signo pernicioso admodum, aut valde fontico sumi debet. Huic obnoxii plerumque etiam vertigine, cephalalgia, aut pathematis spasmodicis molestari solent. Cæterum iste cordis defectus quoad typum varius est; nam intermissionum periodi modo sunt certæ, & ad pulsus vicem quandam, puta, tertiam, quartam, quintam, aliamve aut crebriorem aut rariorem, determinatæ; modo incertæ sunt, ac vagæ, ut necessario post pulsus jam pauciores mox plures contingat. Arteriæ vibrationes, dum continuantur, satis validæ sive fortes existunt, & plerumque sunt æquales: quandoque tamen pulsatio prima post intermissionem maxima est, quæ succedit paulò minor, ac ita sensim minuuntur, donec intermissio repetat; dein postea pulsus magnus incipiens, quasi per scalam rursus ad *ἀσφυζίαν* descendit.

Novi quosdam pulsu intermittente (quantum observationi nostræ res constare potuit) semper præditos, ut nullo non tempore arteriam tangens, ita habuisse deprehenderem; interim ut illi satis sani visi, de nulla alia ægritudine quererentur; attamen quosdam alios adverti tantummodo cum adesset, vel immineret,

cephalgia immanis, aut capitis affectio quæpiam gravior, etiam pulsum solito tardior, & intermittentem habuisse.

Ex his constare arbitror pathematis mox descripti causam, sive rationem formalem, non à sanguinis mistione aut crasi, sed tantum ab irregulari spirituum animalium, è cerebello in nervos cardiacos, indeque in tendines cordis dispensatione pendere. Enimverò suspicari fas sit, propter nervos istos nonnihil obstructos, spiritus animales, haud pleno satis alveo, aut influxu, ad musculi hujus tendines descendere; quare cum penus eorum nonnihil deficit, cordis motus pro unico pulsu subinde cessat, donec spirituum copias mox denuò instauratis, actio ejus redintegrari possit: ita vidimus molendinum à rivo perexiguo circumactum, limpha interdum subidente, & pene exhausta, paulò subsistere; & deinde mox cum assurgeret aquarum cumulus, circuitus suos repetere.

Quorum pulsus ex se magnus & satis fortis, intermittere solet, illi non tantum cephalalgias, & affectionibus vertiginosis, sed plerumque etiam incubo, & non raro apoplexiæ, obnoxii degunt: nam si contigerit, nervos cardiacos, prius non satis apertos, & expeditos, postea in totum obstrui, propterea necesse erit, corde (quod primus Elater est) immobili facto, corporis animati machinam mox totam à motu, & consequenter à vita, cessare.

Quamvis affectio hæc præsentem incommodo, aut periculo sæpissime carens, curationem præproperam non exigit, attamen præservationis gratia, ne morbi graviores insequantur, remedia, & methodus quædam therapeutica, adhiberi debent, saltem in tota, quæ supererit vita, ratio victus quoad omnia ritè ordinetur: quinimò medicinæ cursus quidam levis, vere & autumno, solenniter observandus instituitur; videlicet ut quantum fieri possit, morbida quævis seminari, intra *ἐνέφαλον* jacta, aut ibidem progigni apta, tollantur, & præcaveantur. In hunc finem huc referimus methodum, cum medicamento contra Apoplexiæ insultus, prophylacticam, alibi à nobis descriptam.

Curationes, Consultationes, Observationes & Anatomica inspectiones ex variis.

Curationes.

In palpitatione cordis à quacunque causa profecta memorabilis est Lapis Bezoar genuinus non adulterinus ejus gr. ij. vel iij. cum magisterio perlarum & corallorum an. gr. vi. quotidie, usque ad remissionem morbi, exhibeantur in aqua Cinnamomi vel aqua cordiali composita.

Externè applicentur inunctiones ex balsamis cordialibus. Item Epithemata tum calida tum frigida.

Nota: Palpitationem cordis inveteratam penitus aufert Mimia hominis sani, aliquoties in aqua Cinnamomi exhibita: aqua theriacalis Crollii. Item aqua theriacalis Camphorata Crollii, quæ ingreditur compositionem mixturæ simplicis. Item liquor margaritarum cum spiritu Guajaci præparatus mirificè proficiunt, si suis dosibus intro dentur.

Uusus

Ufus Olei Cinnamomi in rotulis multum prodest.

Subnasci in corde vel sub capsula Cordis vermiculos extra dubium est, (morbus hic virginibus familiaris.) Morbi dignotio sumitur 1. à puncturis & doloribus cordis. 2. Lumbricis excretis vel non excretis. 3. Signum pathognomoni cum est convulsio.

Cordialia, seu calida, seu frigida, seu etiam specifica (nisi quod Lapis Bezoar ab initio, antequam convulsiones subsequantur, cum sale Tanaceti vel Diptamni cretici aut vulgaris sumptus, dos. gr. 4. 5. 6. & 8. interdum aliquid proficiat) parum aut omnino nihil efficiunt.

Cura specifica est talis. 1. Expurgantur Lumbrici per Mercurium in conserva rosarum exhibitum hoc modo.

℞. Mercurii vivi purgati, verbi gratia usque ad ℥j. diltempera vel mortifica (Mercurius non mortificatur propriè) cum Saliva jejuni, vel cum Succo Limonum: Misce cum conservæ rosarum ℥ss. adde benzoës pulverisat gr.ij. aut si Mercurius crudus reformidetur, tantum ejus ℥j. vel ij. infusione in aquæ frigidaë haustum per noctem facta tandem exhibeatur sine Mercurio (qui non attrahitur quidem ab aqua, sed odore suo eam efficit) aut aqua destillata ex cæpis vel allio quantitate ℥ij. vel iij. propinetur. Lumbrici certò emoriuntur aut expelluntur.

2. Lumbricis quidem excretis, sed convulsionibus & paroxysmis recurrentibus, unde certissimum signum vermiculi cordialis deprehenditur, specifica extracta allii, raphani sylvestris & nasturtii aquatici exhibeantur dos. ℥j. an. in brodio vel jusculo, ubi raphanus sylvestris maceratus fuerit.

Ab hac cura citissime curantur.

Nota: In defectu extracti sufficiunt succi an. cochl. 1. 2. 3. in hoc salia prædictorum simplicium dextre parata idem præstant. *Johan. Hartmann. In prax. Chymiatr.*

Ut in syncope motus cordis imminutus, sic in palpitatio est depravatus. Malè à quibusdam tremor cordis nominatur, cum tremor sit passio motus animalis & voluntarii, & non nisi partibus voluntario motu præditis competat.

Curatio palpitatio cordis varia esse debet pro varietate affectuum, à quibus dependet, ac primum ea quæ à peculiari affectu cordis aut pericardii curationem non recipit, ideò tota practicum curatio ad sympathicam dirigitur, quæ à variis partium inferiorum affectibus dependet, quorum curatio è propriis locis depromenda est.

At præter illa remedia, quæ causæ sublationem respiciunt; usurpanda etiam sunt, quæ symptomatis sedationi, aut lenitioni conferunt, cor reficiendo roborandoque, nec non flatus & vapores, ex humoribus melancholicis, aut crudis, & pituitosis elevatos discutiendo. Quæ sunt Julepi, cardiaci, opiata, epithemata, & odoramenta in virium imbecillitatis curatione describenda, tum etiam sequentia.

℞. Conservæ melissæ, anthos flor. borrag. & caryophylli nostratis, ana ℥j. confect. alkerm. & theriacæ vet. ana ℥j. pulv. elect. diambraë, & diamoschi dulcis, ana ℥j. Cum syrup. de cortice citri, fiat opiata, qua utatur frequenter.

℞. Aquar. buglossi, rosar. & flor. arantio-

rum, ana ℥ij. Syrup. Caryoph. nostr. ℥ss. aquæ cinamomi ℥ss. Spiritus rosar. ℥ij. Confect. Alkerm. ℥j. Misce, dentur cochlear. ij. per intervalla. Liqueor sequens ad imitationem succi ex cordibus sequenti cap. describendi, erit utilissimus.

℞. Corda porci, aut vervecis num. 3. cinam. & caryoph. ana ℥j. Sem. acetosæ, & lactucæ, ana ℥j. Sem. vini albi unc. ij. aquar. borrag. Scabios. & rosar. ana unc. j. Sem. Alkerm. ℥j. Bulliant omnia inter duo vasa. De hoc liquore capiat cochl. ij. mane & vesperi.

℞. Rosar. rubr. & flor. rorisem. ana ℥ij. flor. lavendulæ drach. j. Sem. Angelicæ, cortic. citri, Caryophyll. cinamom. macis ana ℥ss. Croci scrup. j. Moschi, ambræ, ana gr. vi. Cum sindone rubra fiat sacculus qui irroretur vino albo, & aqua rosar. & applicetur tepidè regioni cordis.

℞. Unguenti rosac. ℥ss. Olei cinam. & caryophyll. ana gutt. vi. Moschi, ambræ, ana gr. iv. Misce fiat linimentum, quo illinatur regio cordis.

Clysteres purgantes, & castrinantes frequenter injecti flatuosam materiam potenter evacuant, & discutiunt.

Sed venæ sectio omnibus remediis præstat, in hoc affectu, urgente paroxysmo. Et Gal. testatur 5. de locis affectis, cap. 2. Se nunquam inutiliter venam secuisse in palpitatio cordis.

Quidam Practici admovent thoraci cucurbitulas sine scarificatione, quibus magnam vim tribuunt discutiendis ac digerendis flatuosis spiritibus qui in partibus internis inclusi continentur. Alii hypochondriis admovent, quando in iis mali minera residet.

At Zacutus Lusitanus cucurbitulam scarificatam regioni cordis admovit cum miro successu, ut videre est in historia ab eo descripta in Praxi Medica admiranda, observ. 133. lib. 1.

Alii verò commendant rhaponticum verum ad ℥ij. cum vino exhibitum, aut vinum in quo eadem radix macerata fuerit. *Lazar. River. Prax. Medic. lib. 8.*

Convenit in Palpitatio Cordis & Syncope omnium optimè aq. de corde cervi, tinct. corall. spir. C.C. Essent. & spir. melissæ cum vino, aq. cinamom. borrag. cord. Saxoniar, vitæ. Externè verò oleum meliss. carb. & citri: Ex his tribus fit balsamus optimus cardiacus. Confectio Hyacinthos de corde cervi. Cor suillum valde commendatur ab Authoribus, & in defectu cordis cervini ex eò potest aqua destillari. Liqueor cordialis, perlarum, C.C. solar. tinct. solis cum oleo cinamomi.

Si adest simul malignitas, misceatur balsamo cordiali alexicacus.

Si oritur palpitatio cordis ex morbo virgineo ℥. ex utero non conveniunt, tunc cordialia tantum sed & chalybeata & vina medicata c. lini. *Mart.*

Si à vermibus, conveniunt medicamenta ex nasturtia aquatico, & cordialibus miscenda sunt specifica contra vermes.

Si à causa maligna, prodest theriaca, Smaragdina, Confectio de Hyacintho.

Si à terrore, prodest V. S. ut scil. sanguis ad cor retrocessus, revocetur ad habitum corporis, nam quosdam à terrore suffocatos esse experientia docet.

In animi deliquio convenit balsamus citri apoplecticus & oleum carbunc. aq. cinamom. melissæ cum vino, vitæ cord. lax.

Medicamentis suave olentibus in mulieribus misceatur essentia castorei vel aq. hirundinum cum castoreo ne ex suave olentibus illæ lædantur. Inunctio theriacæ, mitridat. oleum melissæ: Confect. Alkermes etiam addi potest remediis aliis.

In Lipothymia à nimia V. S. nihil magis convenit, quam sal ori inditum linguaque eò fricetur Authore Horstio.

Si quis incidat in deliquium animi ex hypercatharsi aliisque evacuationibus nimis, optima sunt restaurantia ex theriaca & aq. cinamomi: vel theriaca externè emplastri modo ventriculo imponatur vid. notas in Morellum p. 130. Hartmannus in Praxi p. 176. Grulingius Cent. 1. observ. 4. B. Tim. Præstat, aq. cinamomi Authore Grulingio d. 1. *Joh. Michael. Praxeos Clyn. general. part. 1.*

Si in gravidis Palpitatio Cordis aut Lipothymia à sanguinis copie mediis gestationis mensibus proveniat, quæ sæpe futuri abortus in plethoricis, sunt indicium, certissimum & tutissimum est venam aperire & sanguinem moderate emittere; quò modò prægnantes, & ab his, & ab aliis symptomatibus, instantæque abortus periculo liberatas fuisse sæpius observatum est. Aliàs usu rhabarbari cum conserva rosar. humores leniter expurgare conducit.

Quòd si verò à flatibus, aut vaporibus Syncope, vel Cordis Palpitatio oritur, assumenda medicamenta cordialia, tetroque vapores pellentia; ubi profunt bezoardica cum conserva rosar. rad. scorfon. cond. spir. lilior. convall. scord. aq. cinam. borrag. meliss. cum vino, sicut & bal. ex oleo meliss. & carbunculi. Confect. Alkerm. (in iis scil. quæ eandem ferre possunt) Confect. de Hyacintho.

Externè prodest unctio olei Scorpion. Matthiol. cinnam. cum theriaca, oleum meliss. citri. Sacculi cordial. repleti pulvere sem. allii, C. C. carlin. santal. spec. diamb. diamoscha, angel. & flor. cordial. &c. Item Epithema ex mica panis cum malvatico, vel aq. borrag. meliss. succ. citri pauco aceto rutæ, lavend. rub. idæi, bezoard. &c. Vel ex croco cum panno scarlatino, adhibitum calidè. *Idem ibidem.*

In Palpitatione & Tremore Cordis, quando debilis & intermittens pulsus reperitur.

℞. Sp. C. C. gtt. xx. Tinct. cinnam. gtt. xii. Tinct. croci gtt. viii. Syr. corall. ℥ss. Aq. meliss. menth. ana ℥j. M. detur cochleatim.

Vel, ℞. Spir. sanguin. cervi gtt. xx. Essent. cinnam. gtt. viii. Tinct. tart. ℥ss. Tinct. croci, gtt. vi. Syr. perlar. ℥j. Aq. naphæ, lavendul. ana ℥ss. M. detur cochleatim.

Seu, ℞. Spir. sal. armon. gtt. xxv. Tinct. cinnam. & succin. ana gtt. x. Essent. ambr. gryf. gtt. viii. Syr. perlar. ℥ss. Aq. aurant. ℥ij. M. dosis anteriori similis.

In India. ℞. Spir. ex ebore gtt. xv. Essent. cinnam. gtt. v. Essent. ambr. gryf. gtt. vii. Essent. rorismar. ℥ss. Syr. perlar. ℥ss. Aq. flor. cardamomi sylvestr. ℥ij. M. pro duabus dosibus.

Vel, ℞. Spir. C. Rinocerot. gtt. xv. Tinct. cinnam. & ligni Aloës ana gtt. x. Syr. corall. ℥ss. Aq. menth. & cinnam. ana ℥j. M. pro duabus dosibus.

Seu, ℞. Bezoardici C. C. ℥j. Aq. cinnam. aurant. ana ℥j. Sal. perlar. ℥ss. M. pro una dosi.

Vel, ℞. Specier. diasolis ℥j. Syr. corall. ℥ij. Aq. cinnam. ℥ss. Rosar. ℥j. M. pro una dosi.

Bezoardicum C. Rinocerotis, hic eodem quoque modo usurpari potest. Pulsu autem tardò sed forti; sequentia, propter majorem præcipitandi vim, meliora erunt.

℞. Bezoardici C. C. ℥j. Syr. corall. ℥ss. Aq. citri totius ℥ij. M. pro una dosi.

Vel, ℞. Decoct. hordei & C. C. ℥iv. C. C. usti præparat. ℥ij. Philos. præp. ℥ij. Sal. perlar. corall. ana ℥j. Syr. acetosil. citri ℥ij. M. detur cochleatim.

Sive, ℞. Decoct. hordei & C. C. ℥iiij. C. C. Philos. præp. ℥j. Sal. perlar. ℥j. nitri vitriol. ℥j. Syrup. corall. ℥j. M. dosis præcedenti similis. *Hermann. Nicol. Grimm. Compend. Medic. chymic. lib. 2.*

Cordis Palpitatio symptoma aliquando est *periodicum*, incertis invadens recurrensque intervallis, ex abrupto incipiens & desinens; aliquando *continuum*.

Ab hypochondriis sæpius origo mali; naturalium viscerum adeit *καχεξία*, sed etiam vitalibus partibus inusta labes. Dyspnœam ut plurimum conjunctam habet.

Notandum eos qui diu partium spiritalium, pulmonum, &c. Vitiis laborant, ut plurimum incidere in hydropem thoracis, & tandem post ingentes angustias & recurrentes respirationis difficultates suffocari.

Obstructiones viscerum potenter aperi: subinde humores & crassos & tenues evacua habitâ virium ratione: flatus discute: naturalia viscera corrobora: à vitalibus revelle, deriva: cor refocilla, ac constringe cardiacis refrigerantibus, vel additis stypticis cum iis quæ penetrandi vi pollent. Considerationem scorbuti noli prætermittere.

Ad obstructions aperiendas, malignitatem humoris melancholici retundendam, vapores dissipandos, &c. magna inest vis *chalybi*, quem vel in substantia sumere potest æger; vel capiat sal sive vitriolum Martis, vel Martem potabilem.

℞. Rad. vincetox. cochlear. Batav. sicc. ana ℥ij. Rad. raphan. rustican. sicc. sem. nasturt. aquat. ana ℥j. Rad. enul. calam. aromat. ireos Florent. ana ℥ss. Cortic. rad. sassaf. lign. Aloës, lign. Winteran. flaved. arantior. & citr. ana ℥iiij. Herb. siccar. absinth. vulgar. menth. meliss. costi hortens. agerati, rutæ, chamædr. hyperic. centatur, min. salviæ rubr. majoran. rorismar. flor. lavend. ana ℥ij. Sem. Angelic. fativ. anis. fenicul. pastinac. cardam. macis ana ℥v. Mastich. terebinth. Cypr. cocturâ indurat. ana ℥iiij. Cremor. tartar. utriusque ana ℥v. Magister. corall. perlar. oculor. cancr. C. C. præp. ana ℥ijss. cum syr. ex vino Canarino per solam sacchari dissolutionem præparat. f. *Electuarium*, cui adde pro singul. ℥xvi. Ol. cinam. & succin. rectificat. ana ℥ss. Omnia exactissimè permisceantur.

℞. Hujus Elect. ℥ss. Vitriol. Martis vel animæ hepatis nostr. gr. x. mss. ascendendo paulatim usque ad ℥j. & ultra usque ad ℥ss. Cap. quotidie manè per dies 30.

Alternis autem diebus immediatè ante cœnam

nam sum. ʒj. Pil. Ruff. vel istiusmodi ad alvi astringentem præcavendam.

Vel loco istius Elect. sumat æger dosin pil. seq.

℞. Gumm. guajac. Aloës ana part. æquil.
f. Pulvis subtilissim. excipiend. f. q. Balsam. Peruvian. nigr. f. Massa pilular. de qua cap. ʒj. Vitriol. Martis gr. x. m℥. formentur pil. n. ʒ. de aurat. additâ guttâ unâ ol. cinamomi, exhib. mane horis quatuor ante prandium per dies 30. vel plures, si opus fuerit, augendo quantitatem Martis, & pro re nata addendo gr. j. vel alterum extract. Alhandal.

Ad dissipationem vaporum melancholicorum.

℞. Terebinth. Cypr. mastich. puriss. ana ʒij. Gumm. guajac. benzoin. ana ʒj. Ambr. gris. ʒß. Moschi ʒj. Sal. absinth. ʒij. Balsam. Peruvian. q. s. m℥. f. massa pilular. Dosis ʒj. per dies 8. vel 10. manè. Vel dentur gutt. ij. vel iij. Ol. succin. rectificat. in pane format. in pilulas.

Ad palpitationem cordis *pilula* hæ multum valent.

℞. Magist. perlar. corall. ocul. canc. ana ʒj. Lap. contrayerv. viperin. Virgin. ana ʒß. ultramarin. ʒij. Lap. gagat. præp. ʒj. Ambr. gris. ʒß. Mosc. ʒj. cum extracto hyperic. f. massa pilular. Dosis ʒß. per dies 20. aut plures, superbibend. vini Viperini momentum, quod ipsum est remedium haud contemnendum.

Item *Tabella* hæ : ℞. Ceruss. antimon. ʒß. Magist. corall. perl. ocul. cancer. corn. cervi ad albedinem calcinat. ana ʒß. Confect. Alkerm. ʒj. Sacchar. crystall. ʒi. Optimè misceantur & excipiantur f. q. mucilag. gumm. tragacanth. f. pasta ex qua tabell. lento calore siccand. Tales tabellæ præparentur n. xx. Sumantur manè vel per se, vel cum liquore aliquo convenienti ad faciliorem deglutitionem.

Si *hepate* malè sit, tactuique istud *durum* appareat, eidem applicetur *Emplastrum pro hepate nostrum*. At ne confirmetur durities in scirrhum, & ut unâ operâ emolliendo aperiamus, & per urinas ducamus, *pilula* seq. efficacissimæ sunt.

℞. Rad. ari præp. terebinth. Venet. cocturâ indurat. Gumm. guajac. natural. ana ʒij. Mastich. ʒ iij. Extract. absinth. solid. ʒß. Salium absinth. cardui benedicti, corall. ocul. canc. ana ʒij. Gumm. ammon. in succis depuratis meliss. & cochleariæ Batavæ dissolut. & inspissat. ad pondus omnium. M℥. & cum f. q. Balsami Peruv. f. massa pilular. de qua capiat. æger per plures dies consequentes (30. 40.) ʒj. quotidie manè, superhausto cerevisiæ antiscorbuticæ momento, horis, 4. ante prandium.

Extractum absinthii. ℞. Absinth. vulgar. m. iij. Rad. chelidon. major. ʒ ij. Rad. asari ʒj. fol. siccor. chamædr. chamæpit. menth. meliss. rutæ ana m. j. coq. in vino Canarino, exprime, coagula. *Theod. de Mayerne in Praxi Consult.*

Consultationes.

Pro Illustrissimo Comite Julio Tassonio Ferrariensi febre putrida, hæctica primi gradus, macie totius insolita, ptyelismo, lienis scirro quasi consumato, ac demum cordis palpitatione per intervalla laborante.

Inter vitia, quibus Illustrissimus Comes de-

tinetur, primum est febricula quædam, quam esse de genere putridarum unicuique satis perspectum esse confido, atque in harum serie tum continuam, quia singulis diebus absque frigore, & rigore exacerbatur, tum biliosam esse, ut suadet Illustrissimi patientis temperies, nemo in dubium revocabit; Cæterum propter morbi longitudinem, ac propter ætatem illius inclinantem, ventriculumque frigidior, bili pituitam admisceri non dubito, quinimò & propter lienem malè affectum succum melancholicum illis duobus adjungi pro certo habeo, ut ex his febris prædicta notha existat. Verum tamen an aliud genus febris, hæctica inquam huic adnectatur, tum propter passi habilitatem, tum verò maximè ob febrem putridam à multis diebus Illustrissimum virum vexantem aliquis non immeritò suspicari posset; Atque ut ego verum fatear, hæcticam saltem primi gradus, qui est difficilis cognitionis, & facilis curationis adnecti ob rationes nunc adductas existimo. Alterum vitium, quod in patiente nobilissimo observatur, est macies totius insolita; 3. est ptyelismus quidam jugis, à Cælio Aureliano Saliciatio vocatus; 4. est lienis scirrhus, quasi exquisitus, cum ab omni sensu ferè immunis existat, cui etiam & illud attestatur, quod hujusmodi tumor citra aliquod levamen ipsius ægrotantis medicamentis fuit pertractatus; Postremum tandem vitium est cordis per longa intervalla palpitatio, quæ aliàs majori etiam cum periculo Illustris virum vexavit; Consultò autem sub scapula dextra tumorem omitto, tanquam eum, qui nunc operam medicam haud exigere videtur.

Et ideò ad modum generationis aliorum malorum animum attentè convertens illorum tum principalem, tum communem causam unicam à capite destillationem esse constituo, quamvis illa ipsa ex se invicem aliquo modo fieri non ignorem.

Destillatio igitur prædicta sicuti est crassum excrementum præter naturam in cerebro genitum ob vitium facultatis concoctricis dependens ab intemperie frigida ejusdem cerebri (quemadmodum materia minimè sapida per sputum excreta suadet, ad quod etiam conducit & id, quod ab ineunte ætate destillatione hac nobilissimus patiens correptus fuit) ita & istud ipsum in subjectas partes decumbens, non solum affectus enumeratos, sed etiam longè plures, longeque majores parere potest, nam in ventriculum, & jecur descendens alimentum impurum reddit, unde macies, cui & calorem febrilem humidum substantificum absumentem non parum favere credo; Pariter prædicta destillatio in eadem viscera decumbens coctionem in illis fieri solitam perturbat, ac inde succorum pravorum generationi, obstructionibus in omnibus visceribus naturalibus occasio præbetur; Ventriculus etenim ad generandum humorem pituitosum præparatur, qui à jecore fervidiori attractus insignes in eo parit obstructiones, unde succi biliosi, & melancholici proventus arripit occasionem, atque sic pituitoso permixtus, & in liene receptus, secundum vasa obstructiones efficit, secundum verò parenchyma replendo propter copiam, & quasi concretionem propter frigiditatem inducendo, scirrhum ex-

excitat; At biliosus humor per venas lienis, atque mēseraicas omnes propagatus, putredinem nactus in cor effumat, ac ita febrem accendit, cujus exacerbationes circa antepositionem, & postpositionem ordinem non servant, propter diversum statum Illustrissimi patientis, ac forsan etiam propter diversam ejusdem vivendi rationem; Ad hæc succi pituitosus, & melancholicus in vapores resoluti Cordis motum vitiant, ea ratione qua vapores hi cavas cordis partes ingrediuntur, ac exitum querendo omnis agitationis præstant occasionem: Postremò eadem destillatio in palatum incidens, ptyelismum illum efficit, quin etiam & humiditas excrementitia à ventriculo ascendens eundemmet auget, & fovet.

Quibus ita constitutis, oporteret, ut medicus ratione febris refrigeraret, obstructionsque attenuantibus ac detergentibus auferret, ratione autem emaciationis humiditates excrementitias absorbendo, sanguinem depuraret, & quod jam est absumptum humiditatis substantiæ repararet, ratione vero scirri emolliret, & discuteret, Vapores qui Cor adire solent retraheret, ac dissiparet, destillationem illam per alterantia cerebrum ad calidum & siccum finiret, Ventriculum calefaceret, & Jecur moderatè refrigeraret, prius tamen habita de toto providentia, à qua ex vi methodi dogmaticæ medicus primum in destillationem incumbere tenetur.

Verum enim verò, quoniam plura mala simul complicantur, & hæc ipsa cum maximo lapsu à statu naturali conjuncta, atque sine aliquo fructu varia jam fuere tentata remedia, ad huc & causæ morbificæ insignis activitatis existunt, a quibus potius graviora mala, hæctica nempe progressa hydropica passio, quinimò & ultimum terribilium imminet, contrariæque occurrunt indicationes, medicum suum opus haud perficere posse suspicior, atque hoc eo magis, quoniam omnia viscera principalia, atque plura his ipsis inservientia laborant, itemque facultas regitiva totius in dies languidior observatur. Quocirca præservationi solum studendum.

Et quantum ad materias medicas attinet, & primum ad chirurgicas præter sanguinis missionem per salvatellam sinistram sectam, ac per venas podicis hyrudinibus apertas, setaceum in cervice, ac mustiones ad hypochondrium sinistrum factas propono. Ac si destillatio subitum periculum minaretur, à vesicantibus adhibitis capiti non abhorreo: De fonticulis autem, quos nunc habet, ita decerno, ut post aliquot dies alter sanetur ne à duobus macies in dies magis, ac magis augeatur, & qui gestabitur, si in sinistro femore esset inustus magis etiam mihi probaretur.

Pharmaca ad evacuantia, & alterantia reduco, Evacuante si respiciant totum, atque sensibiliter agant sunt tum lenientia, tum purgantia, in genere priorum conveniunt mel rolatum solutivum completum, de succis vocatum, necnon syrupus de polypodio magistralis. In genere posteriorum probatur infusum Rhabarbari, agarici, senæ, atque etiam Hellebori nigri, adjecto melle ros. sol. probantur & Catapocia de tribus cum Rhabarbaro, vel de hiera cum agarico, dummodo tamen ab istis apoze-

ma ex syrupo de polypodio propinetur, quinimò & aliquibus intervallis Catapociorum de tribus dictorum usus adjecto Helleboro nigro præparato mihi non parum arridet.

Quod si evacuantia hæc agant insensibiliter, jus columbi, vel Galli antiqui cum china, ac guajaci modico, vel sassafras adjectis simplicibus aliis opportunis medicatum maximi censeatur usus.

At si eadem evacuantia respiciant, potissimum caput, & sensibiliter agant, herrina medicamenta tum liquida, tum solida conveniunt, si insensibiliter, Ceratum Montagnanæ sincipiti adhibitum, ac Antidotus magna cum pulvere spicæ nardi, & boli Armenæ hora somni devorata non improbantur.

Alterantia medicamenta præparant humores, obstructions auferunt, & viscera in contrarium statum adducunt.

Præparantia itaque seligantur, quæ ex cicorio, agrimonio, boragine, capillo veneris, scolopendrio, lingua cervina, & betonica fiunt, eo semper constituto, ut à valde dilutis, & copiosis ad modum abstinereatur, quando hæc male lienem affectum implere multum soleant; idcirco omnibus ego præferrem syrupum acetosum ex prædictis paratum.

In genere deobstruentium mihi probantur gummi nempe ammoniacum, succus absinthii, & Eupatorii concretus, trochisci de Cappariibus, de agno casto, & de Eupatorio; huc pertinet oxymel ex arte paratum cum decocto radicum filicis maris, liquiritiæ, alteæ, corticum capparorum, tamarisci, ac simplicium jam dictorum, medicamentum etiam calybeatum maxime opportunum existimatur. Atque ad lienis proprietatem servandam mirum in modum proderit, si hisce omnibus medicamentis plantæ splenetica, præcipuè verò pulvis ex equuli liene exiccato adjungantur.

Cæterum & medicamenta hujus generis exterius poterunt adhiberi, Ideò præter communia, pro lienē laudo fotum factum cum spongiis madefactis in aceto decoctionis radicum filicis, in quo lapis pirites ignitus fuerit extinctus, & à fotu linimentum factum ex butyro recenti, oleo nardino, & succis tum senecii, tum radicis cyclaminis, facta decoctione in duplici vase ad consumptionem succorum, ac tandem adjecta cera admoveere expediet.

Stillicidia etiam primum emollientia tantum, deinde emollientia, atque discutientia simul aliàs adhibita, nunc repetita summopere placeant, à quibus cerata ejusdem prorsus facultatis adhibenda, inter quæ maxime laudo quæ succo tabacci referuntur.

Postremo in genere alterantium pro capite faciunt lotiones, tum sicca factæ ex fursuribus calefactis, tum humida cum lixivio decoctionis simplicium cephalicorum siccantium valde, at moderatè calefacientium parata, Embrocæ quoque sive ex thermis, sive ex decocto secundum artem parato fiant, mirifice prodesse solent, cucuræ adhuc, & suffumigia accommodata conveniunt, & præter hæc conservæ capitales, Mithridaticaque confectio hora somni devorata probantur.

Pro corde conservæ cordiales cum confectio Alchermes, adjecto pulvere cordis lupi,

vel Accipitris plurimum utilitatis afferunt, quemadmodum & extractum croci, ac liquor stillatitius, qui ex succo boraginis conficitur, in quo tamen succo prius crocus fuerit immaceratus. Exterius autem & confectio prædicta, vel theriaca cum croco, & oleum florum citri cum gallia moschata pariter illitum arrident, quinimò & sacculus sericus repletus cotò, cum quo aliquot grana musci sint involuta super congestatus non parum proderit.

Pro jecore succus cicorii tum assumptus, tum admotus propriè convenit, sicuti pro ventriculo radix Zinziberis, & nuxmoschata condita assumpta, & stillicidium ex stomaticis calefacientibus paratum maximè efficacia censetur, pro liene verò illa eadem, quæ obstructions auferunt, ac intemperiem emendant, meo iudicio sunt opportunissima.

Hiscæ omnibus adjiciatur demum accommodatus vivendi modus, qualis jam præscriptus fuit, atque etiam iterum, si oportebit ab Excellentissimo curante præscribetur, solum de viño illud animadverto, ut seligatur quod album, tenue, non dulce, non aulterum existit, quod magis proderit, si cum radice buglossi, ac plantis spleneticis alteretur, & ad alvum subducendam cum sena poterit aliquando alterari, quibus omnibus Deo favente, spero mala Illustriss. & Nobilissimi viri pro aliqua saltem parte imminui debere. *Julius Caesar Claudius in Consultationibus.*

Pro perillustri, & Nobilissima Matrona tumore duro uteri secundum partem dextram, hæmorrhagia ejusdem, cordis tremore, vigiliis, somnis turbatis, rugitu imi ventris cum timore, & mæstitia, necnon febre putrida quotidiana laborante.

Fœminæ præter calamitates utrique sexui communes, quibusdam propriis ratione mammarum, ac uteri potissimum subjiciuntur, ut non sit mirum, si Nobilissima Fœmina nonum supra quadagesimum annum agens præter melancholicam hypochondriacam ex timore, & mæstitia, cum rugitu imi ventris, & alui stipticitate, vigiliis, ac somnis turbatis cognitam, præter cordis tremorem sæpius, ac præcipuè noctu recurrentem, & quemlibet sexum vexantem, de quibusdam affectibus uteri peculiaribus conqueratur, qui numero duo præsertim existunt, Tumor inquam in parte uteri dextra, durus, ac ferè indolens, qui aliquando augetur, decrescit aliquando; necnon hæmorrhagia, quæ sapit interdum naturam sanguinis melancholici, deinde biliosi, ac tandem ejus, qui loturæ carnis redolet naturam. Cæterum cum tumor ille, ut de se patet, durus existat, est sine dubio de genere scirrorum: at quia indolens, est de genere scirrorum legitimorum; quia verò modo augetur, modo imminuitur, est de scirrorum genere, qui admixtam habent inflationem, nam tumores ob aliam causam affatim non augentur, & diminuuntur, nisi ob flatum ipsos, à quibus tumor, qui communiter inflatio dicitur, ortum habet, ut potius scirrus hic spurius, & non legitimus ob inflationem adjunctam dici mereatur.

Sed illud est dubitandum, num febricula singulis diebus post meridiem invadens sit morbus an Symptoma; Dico quod postquam febris hæc typum aliquem habet, invadit enim cum extremorum perfrigeratione, sum in ea sententia, ut sit morbus, & sit ex coordinatione februm putridarum, quotidianarum.

Nam mulier nobilissima in somnium est valde propensa, vix sitit, urinas pituitosas excernit, & febris calore fumoso, ac parum mordenti, qualis est qui in lignis viridibus accenditur continetur, in cujus rei certiore adhuc notitiam faciunt excrementa omnia succo pituitoso redundantia, & habitus corporis subpituitosus.

Verum tamen febrem esse de genere intermittentium patet ex frigore extremorum quod paulatim serpit in totum, cui potius quidam horror, quam rigor accedit, quem tandem intervallum obscurum valde subsequitur.

Verum, & adhuc dubitandum occurrit, quomodo ab utero in tumorem elevato possit prodire sanguis, nisi subsit Ulcus, vix enim fieri potest, ut à tumescente parte sanguis prodeat ubi prius illa non fuerit erosa.

Responderem in hac Nobilissima Matrona uterum secundum partem dextram tantum tumore corripì, ut propterea sanguis ab ejusdem parte sinistra, aut cervice saltem prodire possit.

Rursus dubitabit aliquis, num alui adstrictio inter proprietates affectionis hypochondriacæ, ut videor ego superius asseruisse, sit reponenda.

Cui respondeo ferè nunquam hypochondriacam ægritudinem ab alui stipticitate separari propter multas rationes.

Prima est, quoniam in hoc affectu insignis fervor subest præcordiorum, meritò cujus iterus valde exiccatum expulsionem admodum reluctatur.

Secunda est quoniam laborantes hoc malo, ut de se constat, pluribus cruditatibus scatere necesse est, quæ tum fœces inviscando, tum etiam bilis acrimoniam expultrici intestinorum destinatam placando, sunt in causa, ut fœces retineantur.

Quibus tertiam addo, qua calor nativus, sine quo intestinorum expultrix nihil molitur unquam, in hypochondriacis valde languet, ut ex indè necessariò fœces haud expellantur. Quod autem calor nativus languet, ex eo facile est intelligere, quod calor extraneus, ut unicuique satis est perspectum, plurimum redundat.

Horum autem malorum productionem in obstructions vasorum chili, uteri, ac jecoris referre non hæreo, quæ sicuti extensionibus, ac aliis Symptomatibus ad infimum ventrem attinentibus dignoscuntur, ita non à sanguinis copia, sed ab humoribus fœculentis, & viscidis oriri nemo esset statum hujus Nobilissimæ Fœminæ perpendens, qui dubitaret, est enim in ætate jam inclinanti, & habitus subpituitosi, antequè plurimum frigida potavit, quæ omnia in prædictorum succorum generationem conspirant.

Verum cum humores iidem sint opus præter naturam, quod necessariò actionem læsam aliqujus visceris subsequitur, videre oportet quodnam viscus in casu nostro sit illorum occasio constituendum; Respectu igitur humoris fœculenti, ac terrei jecur ob obstructions in dies

magis, ac magis adauctas fervidius constituerem, ventriculum vero respectu succi viscidii, & lenti frigidiorum redditum cum ob multas causas, tum verò maxime ob jecoris æstum, & frigidæ potum; cui postmodum uteri hæmorrhagia plurimum favit.

Sed interim qua ratione affectus ii omnes ab hisce obstructionibus nascantur examinandum occurrit, sic etenim principium generationis omnibus commune, contractum fiet proprium quod ad curationem instituendam maximum momentum habet.

Suppositis itaque prædictis obstructionibus, in mesero, & fundo ventriculi potissimum calor, veluti inflammatorius accenditur, qui fervor in iisdem locis veluti exurens in cor, & cerebrum fumos emittit, hinc affectus melancholicus, ut de se patet, hinc affectus ille cordis, tremor dictus, qua fumi illi cum flatibus à ventriculo languidiori productis immixti, & per vasa cordis propagati exitum quærunt, quem non assequuti concitato motu, veluti ad invicem inita pugna moventur, atque cor motu illo depravato movent, ac potissimum noctu, quia tunc temporis calore retracto, sicuti major copia vaporum gignitur, ita non discutitur.

Pariter eadem obstructiones in vasis prædictis transpiratum impediunt putredinem quandam succis, pituitosis, quibus maxime scatent, necessario inferunt, hinc fumus exustus elevatus cordi per venas, & arterias communicatus febris est causa.

Ad hæc & mala uteri ab iisdem obstructionibus nascuntur, quia si scirrum perpendo nemini dubium est, quod vasa illius prius obstructa tensionem in eo pepererant, à qua materia obstructante parenchymati uteri communicata scirrus est subsequutus; Materia autem illa est tum melancholica, tum pituitosa, crassa, lenta, necnon flatuosa in aliis visceribus naturalibus genita, ut ex dictis liquet, ac in uterum imbecillum ex propria natura, & nunc ex accidenti imbecilliorum redditum transmissa, quamquam ob calorem uteri languorem, non bene proprium alimentum confici, sed tumorem à materia cruda, & flatulenta in eodem utero genita foveri, & augeri sentiam.

A quo veluti causa principali melancholicam propositam pendere jurassem, nisi Matronam propositam ante hunc uteri affectum hoc vitio detineri cognovissem.

At qua ratione scirrus hic ex prædictis materiis ortum duxerit, non est difficile ex dictis intelligere, nam illud certissimum existit, corpus hoc succo pituitoso admodum scatere, id etiam observatur, uterum valde refrigeratum esse, & nullam causam siccitatem inferentem præcessisse, ergo fateri est necessarium per repletionem à copia, & per concretionem à frigido, non autem siccationem hunc scirrum factum fuisse.

Sed & hæmorrhagiam ab illis ipsis obstructionibus pendere, duplici ratione existimo, una quidem, qua in jecore obstructo sanguis vitiosus generatur, qui ad uterum transmissus secundum sui portionem crassiorem, in parte uteri obstructa retinetur, secundum verò tenuiorem portionem exit, hæmorrhagiamque facit.

Qua ratione autem id contingat melius intel-

ligere necesse est; Quocirca cum sanguis hic præter naturam exiens symptoma sit secundarium, in retentionem uteri læsam referatur oportet, quæ cum lædatur, vel læsa facultate, vel ob errorem externum, in casu nostro læditur primum facultas ob morbum, non quidem in soluta unitate per erosionem quia calor, morsus, & dolor à patiente non perferuntur; non in soluta unitate per fractionem, quoniam nec saltus, nec percussio, vel aliquid simile præcessit, non à morbo in mala compositione per eludationem, quoniam sanguis nec paucus, nec ferrosus exit, relinquitur ergo, ut per Anastomosim, ac uteri venarum apertionem prodeat, quæ cum fiat tum à copia, tum ab acredine sanguinis, & hæc sit excludenda, quoniam (ut dictum est) nullus calor, ac morsus perferuntur, à copia sanguinis hanc Anastomosim fieri concludendum.

Et si quis objiceret, in hac nobilissima ægro tante, ut dictum fuit, sanguinem minime redundare. Dicerem id verum esse in toto, non tamen in utero, qui cum præsertim laboret, ad eundem etiam sanguinem una cum succis excrementitiis confluere puto, quò perventus ob obstructiones contumaces, ob acridinis carentiam non ita subito, sed in ea copia collectus, quæ ab expultrice non possit sustineri, hanc ipsam irritat, ac irritando est in causa, ut retentio ex accidenti læsa sanguinis fluxum admittat, quamquam etiam nunc suspicer ob intemperiem humidam uteri, quam ex jugi ferè emanatione humiditatum excrementitiarum elicio vasa ejusdem relaxari, ac per se retentionem quodammodo lædi.

In tanta igitur morborum colluvie, quid sit agendum unicuique perspectum esse condo, sed quoniam ordine procedendum sit, non ita meo iudicio unicuique perspectum existit.

Certum profecto est morbos hosce omnes (sicuti & alios quoscunque) haud posse sanari, nisi illorum causa communis abscindatur, quæ est obstructio, meritò cuius oportet attenuare, ac detergere, habita prius totius providentia, & ne de novo fiat obstructio, succos crassos, & viscidos jam genitos extra locum obstructionis existentes evacuare, ac novam illorum generationem per alterantia membra generantia prohibere necessarium agnosco, Tumor etiam uteri post hæc erit caletacientibus, ac discutientibus tractandus. Verum quoniam hæmorrhagia tanquam impedimentum occurrit, huic sine dubio per retrahentia præsidia, motumque sanguinis compescentia erit satisfaciendum, atque primum, & ante omnia, quoniam ut dictum fuit, est veluti impedimentum à quo in morborum complicatione, ex Galeni sententia, quælibet est auspicanda curatio.

Sed an liceat intentum obtinere, ego valde suspicor, quia plura mala, ac penè contraria simul complicantur, itemque sic progressa, ut ferè totum naturalem statum corporis per illis patientis jam perverterint, & graviora longè mala immineant, hydropicæ nimirum passionis, affectus somnolenti, atque alii quicunque frigidi sint, immineat etiam uteri exulceratio, sapius enim contingit, ut materia morbifica, quæ in huiusmodi fluoribus ab utero prodit, tametsi non sit acris, nihilominus occa-

si one putredinis talis evadat, ac exulceret. Iraterea video omnia membra principalia, quinimò totum ipsum (ut ex malo, & fædo colore dignoscitur) esse labefactata, adhuc & mala, difficilisque tolerantia præsens est, sicuti ex virium dejectione facile possum intelligere, ut quasi hisce omnibus argumentis adductus mala jam dicta ferè incurabilia iudicem; Poterit attamen Nobilissima Fœmina ad aliquod temporis spatium præservari, quod ut saltem assequatur, medicus illi præsto sit materiis medicis oportet.

Inter quas, Chirurgicas ego animadvertens statuo convenire, & quæ sensibilibus, & quæ insensibilibus evacuant. Priores in casu nostro binæ probantur hyrudines, primum naribus, deinde venis podicis applicitæ, neque non cauteria, unum quidem in brachio sinistro, aliud in femore dextro; Posteriores verò sunt frictiones juges, ac deligationes partium supernarum, itemque cucurbitulæ cum multa flamma citra scarificationem subtus mammæ appositæ.

Post materias Chirurgicas perpendendæ pharmaceuticæ, quarum aliæ respiciunt materiam peccantem, aliæ viscera; si materiam, vel sanguinem, vel succum diversum à sanguine, sanguis ergo quoniam peccat qualitate, quia pituitosus est, ac tenuis, idcirco medicamenta primum eundem mundificantia, deinde coctionem juvantia erunt necessaria. Quocirca in genere priorum laudo pulverem radices mechocani cum decocto myrobolanorum chebulorum, cui immaceratus fuerit agaricus trochiscatus; In genere autem concoquentium conveniunt trochisci de Eupatorio, de Rhabarbaro, Cyphei non solum devorati, verum etiam & hypochondrio dextro cum oleo nardino vel absinthino, & modico rosati completi, ac cera excepti.

At si motum sanguinis respicio, moderatè incrassantia sunt opportuna, idcirco præter electuarium de scoria ferri, pilulas de Bdelio, ac tripheram minorem ex arte Phœnonis summis laudibus extollo, antidotum etiam magnam mediæ ætatis, ut quæ pro sistendo sanguine, & roborando calore innato maximè valeat.

Exterius autem duo lumbis, & pelvi applicita mihi arident, unum est lutum factum ex creta, bolo armena, terra sigillata, & sanguine draconis cum aceto, & albumine ovi exceptis. Alterum est quod ex Pini resina, ac sanguine draconis pariter paratur.

Sanguine suppresso, ad alia est deveniendum medicamenta, quæ ad materiam peccantem diriguntur, primum extra uterum, deinde in utero existentem.

Si extra, primum est lenienda alvus mel. ros. sol. ex succis parato, atque syrupo de polypodio magistrali, postea præparandi sunt humores decocto betonicæ, boraginis, lupulorum, fumaricæ, sem. citri, sonchi, adjectis syrupis accommodatis; tandemque purgatio infuso agarici trochiscati, Epitimi adjectis mel. ros. & syrupo de polypodio solventibus erit opportuna.

Et quoniam insensibilibus evacuantibus erit agendum, idcirco jus pulli, in cuius ventre incocta sit china cum tantillo sassafras, additis simplicibus præparantibus nuper dictis, necnon ad materiæ obstruentis attenuationem, & deter-

sionem capillo ven. scolopendrio, agrimonio, radice apii rec. passulis, & coriandris præparatis, quibus omnibus vigente adhuc hæmorrhagia adderem equisetum, vel ophioglossum, vel sandalum rubrum.

Pro discussione verò materiæ vaporosæ in corde existentis theriaca mediæ ætatis erit opportuna, quemadmodum & aqua stillatitia ex succo boraginis infusionis croci cum syrupo de corticibus citri simplici data, & item, & sal theriacale cum conservis cardiacis, & corticum citri exhibitum. Quo in casu Epithema etiam ex aquis boraginis, buglossi, melissæ, & florum citri ex croco, & speciebus cordialibus temperatis pro Epithemate vino Cretico, ac acetosato paratum, est maximi usus; & eo magis, si ab ipso regio cordis oleo jasmينو, vel florum citri, aut cariophylorum, adjecto eodem croco illiniatur, quinimò & ipsummet oleum croci chimicè paratum mirificè prodesse solet.

Verum si prætermissa materiæ extra uterum etiam existentis copia, qualitas illius, crassities inquam, & visciditas animadvertatur, occurrit statim usus medicamenti calybeati, quod mihi maximè arridebit, si ex calybe de n. ore præparato, speciebus aromatici rosati sine musco, & ambra, & conserva rosarum, itemque boraginis paretur.

Post hæc omne studium, si tamen permitteretur, ad uteri tumorem erit convertendum; ideo præter chinæ decoctum superius propositum adjectis simplicibus matricariis, usum gummi ammoniaci cum succo Artemisicæ, vel matricariæ concreto dati omnibus præferendum censeo. Huc usus calybis hunc in modum exhibitum est referendus.

Paratur primum decoctum in jure pulli ex altea, malvis, dactylis, Artemisia, matricaria, radicibus ireos, lignoque sassafras, & in colato per noctem portio calybis præparati maceratur cum tantillo pulveris cariophylorum, atque manè colati, & expressi unc. viii. vel x. cum syrupo de Artemisia exhibeantur.

Extra verò præterfotum factum cum spongia, vel involucro filii lini crudi, seu lana non lota calefactis cum decocto alteæ, malvarum sem. lini, fœni Græci, radicum cucumeris agrestis, peucedani, ireos, diptami Cretici, præter illinitionem ex oleo amygdalino dulci, seminum lini, liliorum alborum, irino, laurino, præter unguentum ex altea, & Aragon, & martiatum, præter emplastrum filii Zaccariæ cum tertia parte emplastri de baccis lauri, seligo potissimum embrocam factam cum aqua lanarum, vel cum oleo amygdalino dulci, seminum lini, in progressu adjectis oleo irino, & laurino: Ab embroca verò Ceratum Diachilon gummatum cum portione cerati sacri erit admovendum.

Tandemque ad viscerum, primum autem jecoris alterationem succus cicoraceorum tum assumptus, tum hypochondrio dextro cum aceto perfusus omnibus est præferendus, quò spectat conserva violacea, & rosacea, confectioque ex tribus sandalis.

Ad ventriculum autem alterandum nux myristica condita, radix Zinziberis viridis pariter condita, cydoniatum cum pipere albo, crasso modo contuso paratum assumpta proderunt; Exterius verò stillicidium ex aqua Tettuciana,

vel alia simili, sicuti & ceratum infra scriptum admotum erunt valde proficua.

℞. Nucis muscata
Cariophylorum } an. unc. j.
Cinnamomi }
Absynthii }
Mentæ }
Majoranæ } an. m. j.
Calamenti montani }
Rosarum rubearum }
Cyperis orientalis unc. f.
Aquæ ardentis ℥ j.

M. Infundantur per 24. horas, deinde f. colatura cum f. e. adde.

Mastices
Mirræ
Laudani
Stiracis calamitæ } an. unc. iij.
Benzoini }
Ammoniaci ℥ ss.
Musci drag. i.

Iterum infundantur per duos dies, deinde extrahatur liquor per balneum mariæ, fœcibus adde resinæ pini claræ ℥ iv. & cum cera f. Ceratum.

Materia Dietetica hujus census tempore hæmorrhagiæ sit oportet, ut nobilissima nempe matrona vescatur cibis aliquo modo inviscantibus, uti sunt extremitates animalium, fercula ex nilio, oriza, panico, & farre, necnon & ovo integro, jureque carniarum optimarum cum extremitatibus dictis in aqua calybeata parata, & cum gummi arabico, cumequiseto, & ophioglossio alterata; quo etiam tempore vinum nigrum subausterum aqua calybeata dilutum offerri poterit.

Citra verò tempus hæmorrhagiæ victus convenit aliqua ex parte attenuans, boni succi, & affectui melancholico contrarius; Quam ob rem ova, Carnes optimæ, & laudatæ, uti avium parvarum in Montibus degentium, phasiani, perdicis, pulli, caponis, vituli, vervecis pro majori parte assæ probantur, quo in casu etiam borago, buglossum, melissa, petroselinum, fœniculum, patulæ, pistachia, amygdalæ dulces non improbantur. Potus sit vini tulvi, tenuis cum radice buglossi, floribus cordialibus, china, & ligno sassafras medicati. Somnus fiat primum in latus dextrum deinde in sinistrum, elevato tamen capite, cruribus retractis ex Oribasio. Corpus, quemadmodum tempore hæmorrhagiæ quietum est detinendum, ita citra tale tempus ambulationibus, gestationibus, aut etiam frictionibus exerceatur. Alvus lubrica reddatur usu passularum præparatarum, vel conservæ comarum rosarum communium cum manna conditarum, seu mixto ex aquis portionibus pulpæ cartami, & caricarum parato, vel tandem prunis hunc in modum præparatis.

℞ Infusionis senæ factæ cum ℥ iv. seminum Cartami ℥ j. f. manna electæ ℥ iv. M. & adde prunorum dulcium siccatorum ℥ j.

Ponantur ad cineres calidos, quousque totus liquor absorbeatur.

Læto denique, & constanti animo perillustris, & nobilissima Matrona vivat, si modo fieri poterit, Deusque Opt. Max. ille sit, qui hæc omnia à me ex animo in gratiam melioris vitæ lu-

jus meritissimæ fœminæ proposita secundet, atque fœlicitet. *Idem ibidem.*

De Vertigine, Palpitatione cordis, & Hypochondriaca. Pro Illustriss. Madruzzia.

Quamquam de variis morboſis affectionibus conqueratur Illustriss. Matrona diligentissimè descriptis à Viro doctissimo & Præclarissimo: tres tamen sunt præcipuæ, Vertigo scilicet tenebri- cosa, Cordis palpitatio, & Melancholia hypo- chondriaca. Has inappetentia consequitur, an- xietas, talisque ac tanta corporis lassitudo, ut non raro decumbere cogatur ob virium imbe- cillitatem.

Horum omnium causa licet multiplex in me- dium adduci possit; Sterilitas enim, ætas de- crescens, mœrores, jejunia, diuturnæ medita- tiones, & vigiliæ, ita labefactant calidum innat- um cordis, & cerebri, ut quibuscumque super- venientibus injuriis facillimè opportuna fiant: præcipua tamen causa est heterogenea materia, eaque cum melancholica in jecore fervido, tum pituitosa in frigido ventriculo genita, nec præ- lu. crassitie liberè uterum purgata. Etenim hæc majore quam conveniat copia in venis mesæ- ræi acervata, nec liberè ventilata, ab extraneo calore in flatus, & vapores crassos, & opacos conversa, cor petens, anxietatem facit, & pal- pitationem; ad cerebrum elevata, cum mœro- nem inducit, dum mentem afficit; tum vertigi- nem tenebri- cosam, dum inordinate mota per anteriores cerebri ventriculos circulariter mo- vet spiritus animales, tum maximam totius cor- poris lassitudinem, dum rectum eorundem spi- rituum transitum ad principium spinalis me- dullæ intercipit: ita ut cum Hippocrate dicere possimus, quod sicuti mensibus fluentibus mor- bi fieri possunt; sic non fluentibus, vel imperfe- ctè fluentibus morbi fiunt ab utero.

Affectus equidem gravissimi, longè quinetiam graviora mala portendentes. Hinc enim apo- plexiam, vel epilepsiam minantur, cujus præ- nunciæ est tenebri- cosa vertigo; hinc repenti- num interitum. Quicumque enim fortiter, fre- quenter, & absque causa manifesta exsolvuntur, de- repente moriuntur; ex Hippocr. 2. Aph. 41. Ideo- que & de palpitatione peculiariter locutus Ga- lenus, de locis Aff. asseruit, palpitatione labo- rantes non transcendere quinquagesimum æta- tis annum. Quod magis in præsentia metuen- dum, cum habeamus morbos antiquos, con- firmatos, contraria remedia exposulantes, nec de mensium revocatione in hac ætate decre- scente sperandum sit. Non tamen propterea est omnino de salute desperandum, cum vi- geant adhuc vires, generosæque remedia præ- scripta sint à Viro doctissimo, & in arte versa- tissimo.

Quare agendum, & totum corpus diligentis- simè purgandum, obstructions hypochondrio- rum referandæ, peccantes humores evacuandi eorundemque regenerationem, quod forsitan primas partes tenet, ventriculo in consensum tracto, cum Illustrissima patiens sit moderatè carnosæ, & hilaris à naturæ primordiis, juva- mentumque susceperit ab opportuno refrige- rantium usu. Roborandum cor, & cerebrum; &

si qua similis materia regenerabitur, ad ignobiliora loca divertenda. Quæ omnia perficientur remediis Chirurgicis, Pharmaceuticis, & omnium maxime congrua victus ratione.

Inter Chirurgica, cæteris omnibus præferenda est sanguinis missio; primò quidem ex saphe-na sinistri pedis, mensibus imperfectè fluentibus; secundo ex jecoraria dextri brachii intermedio tempore; tertio ex hæmorrhoidibus, dum adventabunt novi menses; quo tempore singulis mensibus easdem venas sedales aperiendas censeo, ut natura saltem assuescat huic evacuationi, posteaquam imperfectè purgatur ex utero, & jamjam imminet tempus naturalis mensium suppressionis, & sanè hoc remedio ego quàm maxime considerem. Fonticulos, quod spectat duos inurendos censeo infernis partibus, nec de superioribus cogitarem: quoniam, licet caput affici possit essentialiter in morbo diuturno, & pertinaci, credo tamen ipsum ita affici per consensum, ut si removeatur consensus, facile cessatura sit etiam idiopathica affectio; hancq; ob causam removerem etiam fonticulum inultum brachio, quando per inferiores materia fluere cœperit: ut propterea nec omittenda sint alia leviora remedia revellentia, & ad infernas partes trahentia: imò urgente vertiginosa passione, ut & palpitatione, duo vesicantia internis coxis applicanda censeo, antequam fiant fonticuli, ulcusque aliquamdiu apertum conservandum. Sic enim periculum fiet, utrum fonticuli sint profuturi, nec ne. Et hæc de Chirurgicis.

Pharmaceutica remedia sunt exactissimè proposita à Viro præclarissimo. Ideo superfluum judicans singillatim omnia repetere, seligam portiora tum universalia, tum particularia. Quoad universalia præparantia, probantur quàm maxime *syrup. de pomis, & de corticib. citri*, unà cum aliis præscriptis; ita tamen ut post syrupos simplices deveniamus ad compositos. Quoad purgantia, mirificè proderit *extractum ex helleboro nigro*; nec inconveniens censeo, si aliquando, utamur *pilulis ex lapide lazuli, & coccis præparatis cum helleboro* vel si per noctem infundatur drach. j. *radic. helleb. nigri* in ℥ iv. vini albi subdulcis; ac deinde imponatur idem vinum expressum in *colocynthide* diligenter à seminibus & interna pulpa mundata, ibique per diem naturalem conservetur super cineres calidos; ac deinde dulcoratum cum portiuncula sacchari propinetur. Hoc enim crassiores humores deturbare valebit. Quod si aliquando vomitus provocetur blandioribus vomitoriis; à cibo id fiat, dummodo tamen Patiens Illustrissima sit ad illum facilis; alioquin enim suspectum censeo, cum propter vertiginem, tum propter cordis Palpitationem. Clysteres quinetiam acres, & carminativi, familiares esse debent; & in secunda humorum præparatione possumus alternis diebus uti ℥ iv. decoctionis *Epithymi Mesuæ*, loco decoctionis ordinariæ pro diligentiori expiatione crassioris & tartareæ hujus materiæ. Quod si vires non videntur sufficere, intercedat aliqua quies, & partitis vicibus sollicitentur evacuationes propositæ; & semper post horum medicamentorum exhibitionem porrigatur ptisana hordeacea colata cum carne cocta: hæc etenim detergebit residuum materiæ medicamenti purgantis, & compescet fervorem ab eo impressum. Hanc universalem

purgationem absolverem cum aqua Thetutiana per triduum exhibita ad ℥ iv. singulis diebus, unà cum ℥ iv. mellis ros. solut. in i. cyatho. quod fiet vel continuatis diebus, vel 3. quoque die, si vires erunt imbecilles. His peractis duo potissimum remedia ex usu futura censeo: primum est jusculum galli bimnli ex descriptione Viri Exc. paratum unà cum drach. ij. elect. Saxoniani de chalybe: hoc enim si viginti circiter dies utetur, quam maxime proficiet. Aliud est aqua B. Virginis, modò non absit morbosus ventriculi, & intestinorum siccitas; quod non spero, cum Illustriss. Matrona non sit admodum exsiccata, licet sit minus carnosa, quàm fuerit præteritis mensibus, & annis. Sed quia æstus longe absunt, ideo laudarem ut post universalem purgationem præscriptam, roboraretur primò ventriculus internis levioribus, & externis remediis; ac deinde sumeret aquam B. Virgin. Inter interna placida placet vinum absynthite ad ℥ ij. mane quotidie sumptum, præmissa rotula parata ex portiuncula sassa. oleo destil. anisor. spec. diarrhod. Abb. & trochisc. de Gall. mosc. cum aq. ex flor. citri, & saccharo. Extrinsecus probatur magis stillicidium ex oleis, quàm ex aquis; ita tamen, ut aromata vel prorsus omittantur, vel imponantur in pauca quantitate, & loco cerati supraponendi utatur summitate purpuræ imbuta oleo nardin. mastic. & absynt. idque fiat per quindecim dies. Quod si Patavium se contulisset, ventriculum roborassemus luti thermalibus partim emollientibus, & partim digerentibus, quæ flatus quoque dissolvere potuissent, obstructions referare, & totum ventrem inferiorem corroborare: nec unquam invenire remedium placidius, & efficacius in hypochondriaca debellanda; ut propterea, si per vires licuerit, suadendum sit Illustr. Matronæ, ut post universalem purgationem Patavium se transferat: quod fieri poterit etiam sub finem mensis Junii, Adventante postea Autumno præscribetur jus Galli cum elect. ex chalybe jam descripto, quo tempore vinum quoque dilutum, & medicatum parari poterit cum meliss. buglos. rore mar. tam. r. scolopend. & lentisc. quo per totam hyemem utatur.

Interim placent topica cerebro, & cordi applicata. Ratione cordis conservæ, Epithemata, & sacculi præscripti sunt opportunissimi. Placet quinetiam confect. alchermes præscripta: julep. illud gemmatum Magni Ducis Hetruriæ est jucundissimum, & spiritus ipsos recreat celerrimè. Ratione cerebri, post peculiarem capitis expurgationem per masticatoria blanda, placent odoramenta ex *rosis, santalis, & aceto*, linimenta temporum, & venarum post aures cum succo betæ nigræ; vel cum oleo de buxo chymicè extracto, conf. de ruta capr. cum seminib. pæoniar. & sacch. ros. pulveres capitales præscripti: lotiones aliquando capitis facie supina factæ cum lixivio non valde calido parato cum agar. rore mar. calend. ros. & radice chinæ, Hæcque de remediis Pharmaceuticis: inter quæ laudo etiam balneum aquæ dulcis toti corpori hoc æstivo tempore post ventriculi corroborationem.

Sed præ cæteris omnibus utatur congrua victus ratione, in usu habeat cibos facili digestionis, & boni alimenti: ut sunt pulli juniores, vitulina caro, perdices, aviculæ montanæ. Concedantur

tur melones, præsertim melopepones, fraga, ficus, pruna, amygdalæ dulces; à cæteris abstinendo, necnon à lacticiniis, piscibus, placentis, acetariis, & à vinis admodum generosis. Surgat aliquando è lecto, vel etiam domo excedat in curru non impetuosè moto. Non decumbat intra horam à cibo, semperque sumat à cibo quidpiam subadstringens. Arceantur animi perturbationes, solitudines, nimia vigilæ: aliumque lubricam fervet remediis à Viro Excell. propositis. Sic enim spero fore, ut perfectam sanitatem recuperet, quam Deus Optimus Maximus Illust. Matronæ largiri non dedignetur, enixè precor. *Bened. Sylvatic. Consil. & Resp. Medic. Cent. I.*

Cordis Palpitatio.

Exactissima morbi historia à te, Vir Præstantiss. delineata, & ad nos missa, Illustriss. Patientis statum apprimè repræsentat, qui scilicet annum agens 45. temperamenti totius & jecoris ad calidum & siccum vergentis mediocris habitus, multis abhinc annis hypochondriaca affectione obsessus, vitæ otiosæ, ventri gulæque deditus, anno elapso Cordis Palpitatione corripì cœperit, non diu tamen perdurante, & solum invadente postquam in cibo & potu multum deliquerit, & Hypochondriaca affectio magis eum affligeret, quo tempore & pulsus inæqualitas atque interceptio, brevis tamen etiam observabatur.

Verum quoniam, licet de statu proprio Medicos consuluerit, nunquam tamen remediis usus est, ideo palpitatio antehac rara, & nonnisi ab externo errore, repletione scilicet, invadens sex abhinc mensibus, proximo nimirum Autumno, crebrius, & nulla externa occasione præcedente, Pat. invadit, diutius perdurans, tanta quidem vehementia ut non solum manu pectori admota deprehendatur, sed evidentior facta. Pat. in lecto decumbente stragula ipsa leviter elevet, quibus accedit difficilis spiritus, pulsus p. riter inæqualitas & interceptio diuturnior. Interim decolor Pat. Illustriss. redditus est, viresque totius non parum imminutæ. Quare tandem ad opem medicam confugere coactus fuit, quam pro tua summa prudentia, cum solus præstare recuses, nostrum quoque advocari consilium curasti.

Affectus itaque, quem præ manibus habemus manifestus adeo est ut vel ab ipso Pat. nomine Palpitationis cordis exprimatur, quæ mirum non est si non tactu solum sed visu etiam cognoscatur, cum accidat nonnunquam ut ad aures etiam pertingat, unde observavit Fernel. costas aliquando distringi, vel loco dimoveri. Præsentem autem Palpitationem legitimam esse arbitramur, quoniam à distensione fit, & subsidentia præter naturam, ob crassam & vaporosam materiam, tentatum exitum facile non invenientem. Symptoma itaque est in motu depravato Cordis, quod commodum duas conditiones habet, ad Palpitationem requisitas, cum sit pars concava, ut flatibus impleri, & molis, ut dilatari possit. Hoc tamen, licet immodice & principaliter sit solius morbi opus, mediatè tamen & secundariò est quoque facultatis irritatæ, quamvis enim distensio fiat ab impetu flatulento, difficilè erumpente, impetus tamen ille ab expultrice etiam à flatulenta materia irritata dependet, quæ eandem, vel sola

quantitate nonnunquam distendentem, hoc tamen casu qualitate quinetiam irritantem, ad expulsionem sollicitet, unde impetus ille augeatur, in quo Palpitatio cordis sita est: non enim satis intelligimus, quomodo flatulenta materia sola sua levitate tantum impetum facere possit, neque alium motorem præter facultatem expultricem invenimus.

Palpitatio autem hæc, sicut ab initio per consensum ab hypochondriis excitata est, & à Liene potissimum (hypochondriaci namque flatibus abundant, quia ex Hipp. caloris imbecillitate quam maxime laborant) ideoque & rarius invadebat & celerius recedebat, ita in præsens, quoniam nullum medicum auxilium adhibitum fuit, Corde à gravi adeo affectione, & motu, præter naturam diutius conflictato, & imbecilli reddito, tandem essentialis facta est, unde sicut antea nonnisi post errorem externum Patient. invadebat, ita nunc absque externa occasione, nullaque præcedente hypochondriorum querela, insurgit diutiusque perdurat, cum respiratione difficili, & pulsus inæqualitate ac interceptione, quæ primo quidem, cum in sola hypochondriaca affectione ob flatulentam materiam laves arterias comprimenter, se proderet, brevi cessabat, at modo diutius durat eadem materia non solum comprimenter veram & ob copiam laves arterias facile obstruente, quod non alia ratione accidit, nisi quia flatulenta eadem materia ab Hypochondriis non solum elevatur, sed in ipso corde excitatur, unde ob congestum spiritum à frigido Corde palpitationem suboriri asseruit Gal.

Neque de flatu dubitandum. *Non enim à succo quopiam, sive humore, vera & legitima Palpitatio fieri posset, illico namque non fieret, neque statim desineret, quinimò flatulenta hujusmodi materia debet esse crassarum partium, & copiosa, nam si exigua & subtilis esset, facile per corpus transfluere, scribit ipse Gal. subdens. Si spiritus tenuis & purus esset, neque repleret, neque vacuaret partes concavas distensione & subsidentia, sed citra impedimentum transiret. Spiritus igitur crassus turbidus, aut caliginosus, aut flatulentus, aut quomodocunque nominare voluerit, palpitationis causa efficitur.*

Spiritus autem hic frigidus est, & ideo loco cit. Gal. dicebat, quod *Palpitationis cujusmodi generatio ex frigido est.* Quare nostro casu, vitæ otiosæ, repletionibus & cruditatibus palpitatio successit, Autumno præterito totaque hyeme adaucta. Et licet ab initio flatus hypochondriacos, causam agnoverit, ab exusta minera elevatos, frigidi tamen & ipsi sunt post adustionem, quamvis ex eadem geniti, quod confirmavit quoque Avicen. dicens. *Palpitatio fit ex ventositate inflativa, grossa, cujus significationes sunt velocitas resolutionis, & quod non est nisi in corporibus frigidis, cum potibus rerum frigidarum.* Unde Galen. spiritum appellabat caliginosum, aut flatulentum, sed semper frigidum. Hinc facile elici potest, Cordis palpitationes ob sanguinis copiam & fervorem, cum Paulo & ex humoribus pariter biliosis, cum Aetuario cordis verò motum depravatum, ex Aqua in Pericardio, cum Galen. quinimò palpitationes à causa calida in febribus, cum Hippocrat. in Sileno, & Adolescente Melibææ, non fuisse veras & legi-

timas, sed motus quosdam palpitacionis æmulos.

Palpitatio quolibet semper magni facienda, ratione partis præstantissimæ affectæ, læditur enim Cor. vitæ principium. Periculosior autem præsens est, cum sit facta essentialis & frequens; in Syncopen enim & mortem desinere potest, prout in illo, qui dum exolvebatur fortiter palpitans, repente mortuus est, quoniam ob motus vehementiam, dissipatur calidum innatum, eadem ratione qua flamma extinguatur à nimio motu. Quare, *Qui frequenter palpitacione corripuntur, Senectutem non attingunt, sed inter 40. & 50. annum moriuntur, aut febre acuta, aut Syncope intercepti.* Neque credendum duos illos à Cratone memoratos, legitima palpitacione laborasse, sed spuria, qui propterea 55. annum attigerunt. Neque Antipatri casus, qui ad 60. vitam protraxit, hic locum habet, obstructæ enim illi erant læves arteriæ, à quibus tandem, accedente cordis palpitacione, quam nunquam antea passus fuerat, resolutus obiit. Nec D. Philippus Neri, frequenti palpitacioni obnoxius, ad 80. annum pervenisset, nisi duæ ex mendosis costis sinistri lateris disruptæ fuissent, quæ in accessionibus, follis instar elevabantur & deprimebantur, sicque suffocationem arcebant, ope quidem naturali, non tamen sine divini miraculi concursu.

Medela itaque præservativa potissimum statim Pat. Illustrissimo afferenda, curativa tamen non neglecta. Ideo omnium primò materia, flatuum minera evacuanda. Secundo obstructiones minuendæ. Tertiò intemperies, tum frigida Ventriculi, tum calida Jecoris corrigendæ. Quarto cor roborandum, & calidi innati conservatio curanda. Quibus ut satisfiat.

In Chirurgico fonte in primis convenit Sanguinis missio, etenim *Adolescentes, & adultos omnes sanguinis detractio juvat, imò liberati sunt, qui post sanguinis missionem usi sunt victu & medicamentis attenuantibus.* Et licet non semper conveniat ratione causæ, quando scilicet provenit à cruda & pituitosa minera, ab Aqua in Pericardio, ab Aura venetica, Vermibus, Cordis imbecillitate, semper tamen convenit ratione effectus, ad arcendam nimirum suffocationem, & ut Pat. facilius calida ferat remedia. Nostro autem casu, ratione etiam causæ necessaria est, cum minera, à qua fovetur affectio melancholica & exulta potius sit, quam pituitosa. Educatur itaque per venam sectam, & repetatur per venas fedales. Cauterium quoque coxæ dexteræ inuratur.

A Pharmaceutico fonte desumenda Lenientia, Præparantia, Purgantia, Aperientia, Intemperies Auferentia, Flatus Discutientia, Cor Roborantia, & calidum innatum Conservantia. Leniens sit Elect. lenit. cum Hiera picra, & Crem. Tart. vel Mel. Ros. sol. cum Man. clarif. addita Aq. Fl. Cit. Primum præparans sit Mel. Ros. & Oxym. addita Aq. Cinnam. uncia. Inde quinque aut sex post diebus repetenda hiera cum Lenit. ut supra, à qua duabus post horis bibat Mulsæ dilutæ lb j. f. Secunda præparatio obeunda Syr. de Cort. Cit. Julap. acet. & Syr. de Pom. in decoct. Cich. Borrag. Melissæ, Buglos. Fl. & Cort. Citri, & septem post diebus præbeatur Elect.

Diacath. & Diaph. cum Hiera ʒj. vel peritur infus. Agar. Rhab. & Sennæ addito Syr. Ros. & de Polyp. à quibus bibat Aq. hordei lb ij. & si in excretis cruditates observentur, præberi poterit Aq. Tectutiana, cum vehiculo Mel. Ros. sol.

Postmodum obstructiones referendæ, quæ quoniam, utpote ex materia sicca, rebelles supponuntur, cum inveteratus jam hypochondriacus sit Pat. ideo humectantibus utendum. Quare paratur hujusmodi potio aperiens.

℥. Succo depurati Borrag. ʒij. Cich. Lim. an. ʒj. Decoct. Cich. End. Malv. Agrim. Petrosel. ʒv. m. sequenti vero mane præbeatur eadem decoctio sine succis, cui præmittantur boli ita parati.

℥. Rhab. opt. ʒβ. Fl. Cass. ʒj. m. ref. bol. ij. & ita peragendum ad 15. dies mox præbeatur medicamentum hujusmodi.

℥. Fl. Cal. rec. extr. Elect. lenit. an. ʒβ. Pilul. de tribus cum Rhab. ʒj. m. f. b. à quibus bibat. Aq. hord. lb ij.

His peractis, ad corrigendas frigidas tum Cordis tum Ventriculi intemperies, Jus Galli ab omnibus celebratum locum habebit, caute tamen casu nostro ita parandum.

℥. Ligni Rorism. ʒj. Guajaci ping. ʒβ. Sassafras incisi ʒij. Fol. Melis. rec. ll. Cit. an. pug. j. Aq. com. lb iv. m. f. inf. per horas 24. deinde adde quartam partem Galli mediæ ætatis & bulliant ad consumpt. dimidii, factæque colat. servetur pro tribus dosibus matutino tempore, cui infundantur gutt. x. Julap. Gem. M. Ducis, in cuius usu persistat 30. saltem dies. Interim Jecore & hypochondriis æstuantibus, parari poterit prædictum Jus in Aq. stillat. Cich. & Borrag. cui præterea addi poterit succus Cich. depur. & per arenam percolatus.

Flatuum autem resolutio, licet ad curativam potius quam præservativam partem attineat, nunquam tamen deferenda, idoneo in usum ducat Consec. in Rotulis, ex Ol. de Cort. Cit. vel ex quinta essentia Rorismar. & præ omnibus ex Ol. legit. Cinnam. dissoluto Saccharo cum Aq. ejusdem. Spiritus autem vitalis vivificari & instaurari potest usu Aq. Fl. Cit. cum Spiritu Salis Corallino, usque ad gutt. vi. vii. & viii. Illinenda quoque cordis regio balsami veri liquore, vel Ol. de Scorp. Matth. succo Cit. vel Vino Malv. dissoluto.

Quibus omnibus mixtus ratio addatur quodammodo attenuans. Vinum ad mensuram præparetur medicatum ligno Sassafras, aut saltem Rorismar. Arceantur cruditates, & alacri animo vivat. Hæcque extra accessionem.

Restat ut de parte curativa aliqua dicamus. Quoniam autem unica est Palpitacionis causa, ideo unica curatio, nempe Flatuum resolutio, cum qua tamen & Spiritus fovendi, & cor roborandum, ne in Syncopen incidat.

Omnium itaque primò locum habebit Sanguinis missio, si vehemens ac pertinax fuerit ipsa Palpitatio, parca tamen sit, ex jecoraria aut mediana. Secundum locum obtinent Cucurbitulæ siccæ, quarum altera antè, postè altera, juxta cordis regionem apponenda. Præsens quoque remedium sunt Sinapismi, infernis partibus appliciti, ex æquali portione Caricar. & Sinap. parati. Clysteres etiam carminativi maxime

conferunt, flatus discutiendo, & à corde derivando atque revellendo.

Inter flatus discutientia efficax est Aq. vitæ Juniperina, efficacissima quoque Aq. Theriacalis, præsentissimum item remedium Theriaca, quo præstantius nullum unquam expertus fuit Maximilianus Imperator, Palpitationibus obnoxius quanquam præservativum forsitan potius quam curativum remedium haberi possit. Tria præterea extant validissima remedia. Primum est Aqua Theriacalis camphorata Crollii. Secundum Extr. Croci Paracelsi, ad gutt. j. in cochleari Aquæ vitæ. Tertium Aqua vitæ celebratissima, à nobis experta, ita paranda.

℞. Sem. Ocymi, Caryoph. an. ʒ β. Cort. Cit. rec. Fol. Melis. an. pug. j. Macis ʒ ij. Cinnam. integ. ʒ β. Spicæ ʒ β. Vini albi opt. ℥ ij. m. macerentur omnia per diem naturalem, & destillatione fiat spiritus vini, in quo infundatur Moschus, ad gr. vj. ex qua sumat Pat. ad cochlearia. Extrinsecus quoque discutientibus utendum. Sic regio cordis illinatur Ol. de Cort. Cit. quinta essentia Cinnam. ex Matth. vel Rosmarin. ex Libavio.

Secunda medica intentio fuit, spiritus vitales fovere, cui explendæ conveniunt quidem odorata, sed parce, acutiores namque odores spiritus dissolvunt. Sic intrinsecus confect. Alchermes cum Aq. tot. Cit. vel Cord. Sax. optima erit. Olei pariter Cinnam. guttula in Aq. Scorzoneræ ebibita celeriter spiritus recreat. Extrinsecus paretur Epithema hac formula.

℞. Aq. Melis. ℥ j. Flor. Cit. Ros. an. ℥ β. Spec. cord. temp. ʒ ij. Diambra, Diamoschi an. ʒ j. Succ. Cit. ʒ ij. Acet. Ros. ʒ j. Vini albi ℥ β. m. pro Epith. quam ocysimè spiritus vitales reficiente.

Tertia intentio fuit corroborare, pro qua notandum cum Avic. & ante illum cum Gal. quod evitanda vehementer calefacientia, quia vires dissolvunt, prout & vehementer refrigerantia, quia calorem labefactant, necnon validiora, adstringentia, quia fuliginosa excrementa cohibent. Sic intrinsecus potens est Bezoar, à gr. iv. ad viii. Magist. Perlar. aut Corall. in Aq. cord. Sax. tanquam mirabile remedium proponitur ab Hartmanno. Efficacissima, tanquam à proprietate quoque juvantia, Corda animalium.

Ut ℞. Cord. Cervi, Turturis vel Bovis nu. i. Melis. rec. m. j. Fl. Cord. m. β. Cort. Cit. rec. ʒ β. Sem. Ocymi ʒ ij. Caryoph. Cinnam. Sant. Cit. an. ʒ j. Spec. Diambra, Diamosc. an. ʒ β. quibus addatur Sacch. fin. q. s. B. M. destillentur, & Aq. exhibeatur ab ʒ j. ad ʒ ij. vel sola, Aq. Melis. mista Extrinsecus Epithema jam præscriptum efficacissimum quinetiam fuerit.

Quibus omnibus victus ratio respondeat, attenuans, ut jubet Gal. qui post Sanguinis missionem præcipit medicamenta, & victus rationem attenuantem, non tamen adeo tenuem. Hisque tum pro præservatione, tum pro curatione propositis D. O. M. annuat, & adsit. Raym. Joan. Fortis Consult. & resp. Medic. tom. I. Cent. 2.

Motus tremulus Cordis, sive illegitima Palpitatio,

Nobilis Vir sexagenarius, temperamentis ca-

lidi & humidi, mediocris habitus, deliciis semper vitam ducens, immodicis potibus indulgens, cyathis oris inversi usus, duobus abhinc annis lentire capit pondus quoddam in pectore, ascensu potissimum locorum acclivium ingravescentis; ac paulo post spiritus quodammodo difficilis sibi visus est, licet nulla observaretur in respiratione difficultas; cui molestiæ in dies graviori factæ, aliquot abhinc mensibus motus quidam Cordis tremulus & inordinatus, palpitatio non absimilis, licet non adeo evidens accessit; qui tandem in præsens continuus evasit, Corde veluti Aquæ innatante, ut Pat. refert. Pulsus consueto mollior, corpus paulatim gracilius, floridus faciei color pallore infectus est. Anxius itaque Pat. Patavium petiit, ut nos proprii status certiores faceret, nostrumque consilium scriptis impetraret, quod in hanc sententiam exaravimus.

Regionem spiritalem medium scil. ventrem, in hoc Nobiliss. Sene, læsum esse non est quod dubitemus; prout enim ubi dolor ibi morbus; ita hoc casu, ubi pondus ibi spiritus ipsius coarctatio, suffocationis quodammodo æmula. Quoniam tamen hæc nullo modo respirationi incommoda, Septum ideo & pulmones à qualibet læsione immunes censendi, eaque cordi potius adscribenda, cujus motum turbare depravarique manifestum est, dum spiritus coarctationem tremulus ille consequitur, referente Patientem, se Cor sentire veluti aquæ innatans, cujus pulsus mollior à naturali statu recedit; sicut præstantissimæ insuper partis noxam sat nobis significat diminuta ac depravata totius nutritio, nulla præsentem spirandi difficultate. Neque obstat, quod Tremor cordi competere non videatur; cum symptoma sit Facultatis Animalis, illud vero à naturali moveatur; minus, quod Tremor sit motus sursum ac deorsum, in quo mobile locum mutat; motus verò cordis distensione ac subsidencia, absque loci mutatione consistet: hæc enim de vero atque legitimo Tremore habenda; non autem de motu tremulo, cui proprium caput assignarunt Avic. Rhasis & Aëtius, quinimò & ipse Gal. qui pulsus tremulis mentionem fecit, tremuli scilicet motus, Palpitationi similis, quem aliqui saltum Cordis, aliqui Cordis Jectigationem appellarunt.

Cor autem lædi potest, tum essentialiter, tum per consensum, prout sæpe in Hypochondriacis à paucis flatu, nec valde crasso in ipsum se insinuante, qui motum quidem tremulum, non vero palpitationem inducere potest. Sic & à lavibus arteriis, quo casu pulsus intermittens observatur; necnon à toto venoso genere calida, & prævæ conditionis aura ad idem elevata; quam ob causam Adolescenti Melibææ perpetuo cor palpitabat. Essentialiter autem afficitur cor à materia, nonnunquam flatulenta, quandoque aquosa, ut in casu præsentem, quo continuus est affectus, qui propterea à flatibus pendere nullo modo potest. Aquosa autem hæc materia in pericardio, dubio procul, collecta est; unde Pat. Cor veluti aquæ immersum se sentire profitetur. Neque Gal. latuit hic affectus ab hujusmodi causa, qui proinde motum hunc à vera palpitatione distinguens, ait. *Est & alius affectus. Palpitatio videlicet cordis, aut per se eveniens, aut cum significatione quadam; eo quod in humore cor ipsum moveatur; neque enim*

enim mirum videri debet, tantam humoris multitudinem cumulari aliquando in ambiente cor tunica, ut ipsum, ne attollatur, impediri possit; quippe in Animalibus dissectis vidimus plerumque plurimum humoris urinae speciem referentis, in eo, qui ipsum involvit, panniculo contineri; ita & in Simia quadam à nobis post mortem dissecta, inventus est in ambiente cor tunica tumor præter naturam, humorem in se continens, qualem Hydatides emittere solent. Et licet Aqua huiusmodi naturaliter in pericardio contineatur, quæ à Columbo, Vesalio, Spigelio in Canibus nuper dissectis sæpius inventa fuit, reclamantibus licet Matthæo de Gradibus, Curtio, Lupejo, & Vega; in nostro tamen Pat. iusto copiosior adest, ob potus immodicum usum, præsertim ex vasis oris inversi, cum habeamus ex Hipp. quod, Pericardii humor est particula illa potus, quæ non obstante Epiglottidis operculo, dum bibimus per asperam arteriam deducitur, quam postea cor per laeves arterias trahit; cuius usus est ut cordi calido & æstuanti præstet auxilium. Atque Hipp. subscripsit quoque Gal. his verbis. Per spicuum quoque inde esse potest aliquam potionis particulam ad pulmones deferri; quod si quodcumque libuerit Animal ad eam suum redegeris, ut coloratam Aquam haurire patiatur, & max jugulatum ipsum disseccueris, colore eodem infectos pulmones habere deprehendes. Neque obstat quod tussis necessario excitanda foret; namque ex eodem Gal. Percolatur perpetuo per asperam arteriam in pulmones, ipsius potus tam exile quidpiam, ut protinus ab instrumentis raptum, per quam facile quocumque distribuatur, absque eo quod spiritus vias exacerbet, & Animal ad tussim irriter; descendit enim per rimam tanquam per parietem. Unde iure idem Gal. asseruit quod, Non solus Ventriculus subundos & minime sitientes facit; sed viscera quoque in thorace contenta, nimirum Cor & Pulmo. Facilius autem in nostro Pat. potuit in tracheam potus penetrare, ob inversa calycum ora; Lambitivorum enim ritu potius descendit, unde facilis in asperam arteriam illi aditus patet. Hinc copiosa in pericardio aqua collecta, nil mirum si cordis Jectigationes, pulsusque mollities & lenitas contingant, ut observavit Avic. prout & quædam spiritus coarctatio, intercepto libero Cordis motu; unde nativo ejusdem calore labefactato atque imminuto, ac proinde debili influente ad naturalia, imminuta depravataque secuta fuerit nutritio; ita enim & Simiæ à Gal. dissectæ, ex aquoso tumore, sicuti & Gallo, ex Scirrhuso macies paulatim succrevit.

Affectus hic vix certè sanabilis; cum difficilimum sit copiosam aquam Pericardii, penitioris scil. nobiliorisque partis, exsiccare atque resolvere, hac potissimum senili ætate, atque habitu corporis à consueto laudabili declinante, nativi caloris cordis imbecillitatis indicio. Nihilominus non est deferenda curatio, cum vires adhuc validæ sint, Patiensque Medicis præceptis obtemperans.

Prima itaque intentio sit, Aquam exsiccare. Secunda, flatus discutere. Tertia, spiritus vitales fovere & Corroborare; præmissa primarum viarum & totius expurgatione.

Atque à fonte Chirurgico parcissima sanguinis missio depromenda, ut Cordis æstus ventiletur, & totum corpus ad calidorum medicamentorum usum facilius disponatur. Cucurbi-

tula etiam magna mamma sinistra sine scarificatione affixa proderit, cutis meatus patefaciendo, aquositatem ad superficiem attrahendo, eamque ad resolutionem disponendo; in quem finem rubificantia etiam in progressu applicanda.

Ex Pharmaceutico præcipua desumenda remedia, Lenientia scilicet, Præparantia, Purgantia, Aquam Educentia atque Resolventia, Flatus Discutientia, & Cor Roborantia.

Quoniam autem Pat. Nobiliss. medicamenta omnia sigillatim descripta desiderat; ideo Leniens sit.

℞. Elect. lenit. ʒ vii. Crem. Tart. ʒ i. spec. hieræ s. ʒ j. m. f. b.

Vel ℞. Pot. ex Man. clarif. ʒ vi. Aq. Cinnam. ʒ i. m. f. p.

Præparans erit ℞. Oxymel. s. mel. ros. s. an. ʒ j. s. Aq. Cinnam. ʒ i. m. pro syr. & sic pro aliis quinque. Inde purgans sit huiusmodi.

℞. Elect. lenit. ʒ vi. Magist. mechoac. ʒ i. Magist. Julap. gr. vi. spec. hieræ s. ʒ i. m. f. b.

Vel ℞. Pot. ex man. clarif. ʒ vi. addita inf. consueta rad. Ireos, sambuci ana ʒ j.

Inde, licet materia evacuanda aquosa sit, nova preparatio non omittenda, & quidem ratione causæ antecedentis.

Quare ℞. Oxymel. comp. syr. de Hyssopo, de Prassio an. ʒ i. decoct. cich. hyssopi, prassii, farf. meliss. Botrid. ʒ v. m. pro syr. & sic pro aliis; quarto tamen quoque die, aliquod Hydragogum præbendum levius, atque suavius, ut pluries repeti possit, absque virium & nativi caloris offensa; quale erit succus rad. samb. ad ʒ j. in vino albo, vel decoctio ejusdem pariter in vino albo; vel Aqua ex eadem rad. destill. ad ʒ ij. vel iij. in vino albo generoso; sic Magist. mechoac. ad ʒ j. Ref. bol. cum lenit. placidè namque purgat, & absque ulla ventriculi læsione. Post autem hujus repetitum usum, ad aliquod validius semel exhibendum deveniatur, ut

℞. Extract. Esulæ ʒ i. Magist. Mech. ʒ i. Pil. Aleph. ʒ j. m. ref. & exhibeatur quatuor horis ante cibum; sequenti verò die, Theriaca medix ætatis, ad cordis roborationem.

Inter aquam resolventia atque educentia, primum locum obtinet decoctum exsicicans, sed cum sudore, ut sensibiliter & insensibiliter Aqua in pericardio exhauriatur; erit autem huiusmodi.

℞. Ligni Guajaci cum cortice, Ligni rorism. rad. Enulæ an. ʒ j. Ligni sassafras ʒ i. Aq. meliss. ʒ ij. borrag. farf. an. ʒ j. m. f. inf. per horas 24. deinde bull. ad consumpt. dimidii, & colatura servetur po tribus vicibus, matutino tempore, hora una ante sudorem exhibenda, cui præmittatur pulvis viper. ad gr. xv. vel xx. Sudor autem proliciatur in hypocaulto paulatim, ut sit cum tolerantia, cui insistendum 40. diebus.

Si his res benè succedat, pergat Pat. 20. adhuc diebus in usu pulv. vip. in Aq. Card. Sancti; secus verò, sudore non juvante, confugiat ad Aq. Aponitanas sulphureas, primis diebus dejectorias, postea diureticas; quæ licet profuerint, non tamen his absolvenda curatio, sed diureticis insistendum. Quare inscio Pat. præbeatur quotidie Urina pueri destill. ad ʒ vi. vel vii. cum gutt. xv. spir. Tart. rectif. cui præmittatur bolus ex tereb. Cypr. lota in Aqua Capill. Ven.

Ven. ut efficacius, & pectorale evadat medicamentum. Quibus nisi cedat affectus, jure insanabilis judicandus, naturæque quies concedenda; reperitis tamen alio tempore jam antea usurpatis.

Interim flatus discutientia adhibenda, ut rotulæ ex ol. cinnam. vel quinta essentia Rorismar. quæ præstantissima. Item Cor roborantia interna, ut Diambra, Diamosc. Theriaca, Mithrid. confect. & à proprietate Cor Simiæ afflatum & pulveriz, ex Rhafi, in Aqua Cord. Sax. Externa verò, ut Ther. antiqua aceto & succo Cic. dissoluta, panno purpureo illita, & cordis regioni admota. Ol. succini Cordi illitum, præsertim verò oleo de Scorp. mistum.

Quibus accedat victus ratio, attenuans quidem, sed non tenuis, habita ratione, & morbi diuturni, & virium, ætatisque Pat. cui integram valetudinem precor. *Idem ibidem.*

Cordis Palpitatio.

Distensionem & subsidientiam p. n. in corde, Puerum hunc per intervalla affligentem, vera quin sit cordis palpitatio, haud dubitamus. Et licet motus quoque tremulus, palpitationi similis cordi competat; ille tamen à vera palpitatione excluditur, utpote à paucis tenuique spiritu proveniens, vel ab aqua in pericardio, quæ nusquam à Gal. legitimæ palpitationis causa admittitur, quidquid dicant Paul. & Actuarius. De Puerio itaque hoc verba facturi credimus, non per Idiopathiam, sed per sympathiam à ventriculo, & forsan etiam à liene palpitacionem fieri; dum ex quotidianis repletionibus vapor crassus, turbidus & flatulentus à cruditatibus, per arterias ad cor elevatur, partes concavas ejusdem replet, difficulterque diffatur, & resolvitur; unde palpitatio, quæ non ita citò fieret & evanesceret, producta à quolibet succo, nec fieri posset à paucis & tenui flatu; quia facile per corpus transflueret. A crasso itaque, & multo flatu excitatur; unde calefacientia, & spiritus attenuantia palpitaciones tollunt, quia cujuscunque ortus ex frigido est.

Affectus autem hujusmodi quanto celerior, tantò tutior erit curatio, antequam scilicet cor imbecillius reddatur, metu ne essentialis evadat, aut sanatus, declinante ætate, denuo invadat; tunc enim omnes intra 40. & 50. annum pereunt, aut acuta febre, aut syncope extincti, vel ad summum Antipatri annos attingunt.

Certè itaque sanabitur, si congrua præscripta & servata victus ratione, materia in partibus naturalibus hærens evacuetur. Ventriculi intemperies frigida alteretur, flatus discutiantur, & revellantur; tandemque cor roboretur.

Adolescentes autem & adultos, sanguinis detractio non solum se præservasse, sed & liberasse gloriatus est Gal. quoniam evacuato sanguine pituitoso & melancholico, minera veluti flatulentæ materiæ, cor præservari, ac promptius ventilari contingeat.

Dubium verò, an ob ætatem, habitus gracilitatem, & forsan etiam raritatem, liceat ad generosum adeò auxilium accedere. Quo casu nos tutius procedentes, venas sedales aperien-

das censemus, & sanguinem ad semilibram extrahendum, cum potissimum tumeat lien; idque solum peracta prima præparatione & expurgatione. Si verò continuax, quod non speramus, persistiterit affectus, Cauterium coxæ sinistræ inurendum foret. In accessionibus cucurbitulas laudamus, cum Avic. coxis, imò & visceribus naturalibus, potissimum lieni applicitas, prout non placent dorso, ut Rhafi, nec regioni Cordis, ut Gal. & Zacuto, nisi in essentiali sola. Conferunt quoque ligaturæ, lotiones calidæ, clysteres, & hujusmodi alia.

Evacuabunt lenit. cum hiera, vel mel. ros. sol. cum manna, & decoct. sem. citri. Præparabunt syrup. de cortic. citri, Julap. acet. vel oxymel. cum aqua cinnam. absque diluto. Purgabunt verò hiera cum diacath. vel inf. Agar. Rhab. & fennæ, cum melle ros. sol. Repetatur postea præparatio visceri obstructo accommodata, ut & purgatio. Solent præterea conferre pil. mastich. alephang. & aggreg. Et quia Puer est, facile usurpari poterit extractum lennæ, polyp. mastich. correct. Purgatione peracta, si fuerit obsequens Puer, aqua Tettuciana, quatuor aut quinque vicibus, alternis diebus exhibita, ex usu erit, cum vehiculo mannæ. Omnino autem assumat per mensem jus columbæ alteratum china, saffras, ligno tamarisci, melissa, & fl. citri.

Dum hæc omnia fiunt, discutientia flatus semper proderunt, ut confectiones ex troch. de gallia mosch. ol. anisor. vel citri, vel cinnam. Sic Diambra, Diamoschum, cochlear. aq. cinnam. vel aq. vitæ juniper. Et tandem roborando cordi placet Matth. quinta essentia rorismarini, aut cinnamomi. Serapio verò & Avic. usum melissophylli ad sidera extollunt. Paracelsus gutt. j. extract. croci, cum cochleari aquæ vitæ; vel ol. succini ad gutt. ij. in aqua flor. citri. Nos verò sæpè usi sumus semicyathos aquæ melissophylli, vel borrag. in qua crocus fuerit maceratus, mane frequenter sumpto; & extrinsecus illinimus regionem cordis balsamo, aut ol. de scorp. Matth. Quæ omnia frustra administrabuntur, nisi congruæ imitantur victus rationi, ex præscripto Excell. Adstantis. Quibus ut Deus adsit, & faveat, enixè precamur. *Idem ibidem.*

Cordis Palpitatio, cum Melancholia.

Virginem Nobilissimam, 18. annorum ab Excellent. Viro descriptam, jamdiù, imò ab ineunte ætate melancholicam fuisse, mærores tandem cum lacrymis confirmarunt. Hujusmodi verò melancholiam, sicut in hypochondriis delitescere non ambigo, ob frequentes vomitus aquosæ & viscidæ pituitæ, cum levamine à vomitu, & forsan cum copiosis rugitibus, ita progressu temporis mineram quoque in toto & utero coacervasse credendum; prout ex fusco colore, & mensium imminutione secuta facile conjicere est. Cordis autem palpitatio eandem itidem jamdiù fatigans, an motus sit completus ex distensione & subsidientia, an potius tremor, ac sola trepidatio cordis, valde dubito; veramque palpitatio non adeò forsan carnosam Nobilem hanc Virginem hucusque afflixisset. Melancholicam verò passionem ex obstructionibus hypochondriorum ortum duxisse certò

existmandum, & potissimum sinistri, quod cum plurimis constet arteriis, ad et assi & melancholici sanguinis attenuationem perficiendam, per eandem quoque facilem aditum fumoli, crassi & melancholici vaporis ad cor colligere possumus, qui exitum tentans, nec adeo facile inveniens, cordis veram, aut spuriam palpitationem inducit; non enim ab ullo humore, aut tenui spiritu fieri unquam potest, ut considerat Gal. A fumis autem & halitibus ejusdem crassæ materiæ capitis dolorem ferè continuum, sicut à sanguinis crassitie mensium diminutionem pendere nulli dubium, prout febres à crudis humoribus, in cavis viscerum aliqua bilis portione mittis, putrescentibus fuisse excitatas.

Sunt equidem affectus non adeo facilis sanationis, cum altas, imò naturales radices fixas habeant, nec menstruis erumpentibus cessent; attamen salus non desperanda, tum quia imminutas purgationes modo medicamento- rum ope speramus processuras, cum sanguis ille resiliens in cor, fatuum illud reddens, melancholias augere soleat, ac proinde cordis & capitis affectus; tum quia non exiguam, ex Hippocrate spem nobis facit futurum connubium, atque concubitus.

Medici interim munus fuerit, melancholicam mineram, tum in hypochondrio potissimum sinistro, tum in toto hærentem exhaurire, menstruis vias patefacere, in accessibus status discutere, & Cor roborare.

Tempore itaque medio inter menstruas purgationes, sanguis à mediana sinistri brachii educendus; mox sub finem consueta purgationis (si imminuta fuerit) saphena aperienda; non enim alio tempore & adolescentes, & adultas missio sanguinis semper juvit, Gal. observatione, qui hæc sola multas quinetiam præservatas fatetur. Frequentes adhibeantur pedum lotiones, simplici aqua calente. Fonticulus cor- ræ sinistra inuratur, ocluso, qui in dextera est.

Præter jam administrata, insistendum primò aperientibus & contemperantibus, quibus tamen libenter præmitterem aquam Tettucianam, cum vehiculo de more sumptam; mox probatur usus succi cichorii depurati ad ℥iv. in decoctione cichoraceorum, additis cyclamine, tamarisco, agrimonia, capil. Vener. recen. aut artemisia; cui si addatur etiam fumarie succus depuratus, efficacior foret ad massam sanguinis depurandam, & lienem deobstruendum. Præsentis usus etiam fuerit ℥j. Rhabarb. maturi, infusa in prædicto jure alterato, alternis diebus exhibenda, ita ut xv. aut xx. dies alternatim, succi, & rhabarbarum infusum assumantur.

In accessione etiam palpitacionis, & extra eandem quoque, ob affectum melancholicum, domi præstò sint aliqua suaviora cardiaca discutientia, ut aqua cinnamomi, vel aqua totius citri, cum guttulis olei de citro, aut caryophilorum, vel cum portiuncula aquæ theriacalis: aqua item Scorzonæræ, cum elixir vitæ. Juvat à proprietate aqua succini, cum Marcello. Sicut extrinsecus ex Andernaco plurimum pollet camphora supra cordis regionem continuo gestata. Vinum ligno viridi rorismarini, & recentibus foliis melissæ medicatum, utile fuerit ad mensam.

His omnibus congrua victus ratio addatur,

ut optata salute potiatur, quam illi à D. O. M. precibus efflagitamus. *Idem ibidem.*

Syncope.

Illustriss. Vir 35. annum agens, temperamenti totius & jecoris, calidi & humidi, plethorici habitus, liberalius vivens, & copiosiori vini potui potissimum indulgens, ventriculum à naturæ primordiis exquisito adeo sensu præditum sortitus fuit, ut à teneris annis, dum eduliis vel acrioribus, vel calidioribus uteretur, in ejusdem dolorem incideret, & quidem frequentius usque ad exolutionem, animi deliquium, nonnunquam etiam ad Syncopen usque; quod tamen adhuc num accidit ex acribus & valde calidis assumptis. Cum autem multis jam annis frequentiarum hæmorrhagiæ assuetus fuisset non sine luculento juvamine, eadem hoc anno omnino suppressa, paucis abhinc mensibus, citra ullam quinetiam causam externam, derepentè exolutus est, cum Asphyxia, extremarum partium refrigeratione, & sudoribus frigidis, crassis & oleagineis. Facies initio quidem rubet, venæque oculorum sanguine turgent, cum aliqua spirandi difficultate; mox tamen pallefcit, plumbeumque colorem induit, cum præcipiti virium omnium lapsu. Restitutus verò, auxiliis facultatem excitantibus ab Assidentibus administratis, de virium oppressione, cum quadam spiritus suffocatione conqueritur, adeo ut ægre incedere, minusque acclivia loca conscendere possit. Quare Medici familiares acciti, nos quoque quid facto opus consulunt.

Affectus, quo corripitur Nobiliss. iste Vir, Syncope, propriè dicendus est, cum præceps fiat virium omnium lapsus; cujus nullum hic desideratur signum, cum non sensus solum & motus perturbentur, ut in Exolutione, nec aboleantur solum, ut in animi Deliquio; sed statim concidant totius corporis vires, tum Animales tum Vitales, cum asphyxia & abolitione pulsus, insigniter læso corde, & extremarum partium perrefrigeratione, atque pallido, imò plumbeo corporis colore, recurrentibus spiritibus cum sanguine ad interiora, & manantibus sudoribus frigidis, crassis atque oleaginosi, Syncopticiis dictis ex propria substantifica partium humiditate resoluta provenienti- bus, ad differentiam sudoris Diaphoretici, qui à colliquatione humorum procedit. Atque idem prorsus affectus ab ineunte ætate Pat. post acria assumpta invasit, licet à diversis causis; quamvis enim Cor semper in Syncope lædi necesse sit, quod non accidit in exolutione, & animi deliquio, quibus pulsus nihil immutatur, à qualibet offensa prorsus immunis; attamen lædi potest, vel essentialiter, vel per consensum, & quidem, præsentis casu, per consensum lædi, & jam læsum fuisse censemus olim à ventriculo. *Nulla enim pars nostri corporis adeo exquisitum sensum habet, nec adeo facile in consensum trahit utrumque principium, nimirum Cor & Cerebrum, ac os Ventriculi;* præsertim verò in hoc Pat. qui ejusdem exquisitissimo sensu à natura donatus est, unde facile quoque ab acrium & calidorum usu dolore, animi deliquio & Syncope eundem affici contigit. In præsens autem consensum à toto venoso genere suscipere credimus, à sanguine

guine nimirum multo & crasso, venarum & arteriarum interceptionis atque occlusionis causa; de qua Gal. cum Hipp. *Quod autem quis repente obmutescat, id venarum interceptiones occlusionesque faciunt; oriuntur siquidem Epilepsie, Apoplexia, Syncope Cardiacæ, Aphonia & Asphyxia.* Cum enim spiritus jam in corde geniti per corpus diffundi non possint, simul in corde cum facultate vitali suffocentur; ipsos nimirum intercipientem copioso & crasso sanguine in corde, non adeo expedite suum motum circularem ibi peragente. Neque hæc signis confirmari opus est, plethoricum enim, plurimoque sanguine redundat totum corpus, cujus causa rubet faciei color, & turgida oculorum venæ apparent, necnon oppressa, & ferè suffocata natura, etiam extra accessionem vires imbecilles observantur.

Copiosum autem sanguinis proventum semper fovit vitæ liberalis ratio, & potus copiosioris usus; sicut, & multo magis, suppressa multis abhinc mensibus frequens & copiosa consueta narium hæmorrhagia, quæ hucusque Pat. Illustriss. à Syncope aliisve affectibus vindicavit.

Syncope autem est acutissimus morbus; cum sit mortis imago, quinimò morti quam proximus; unde, *Qui frequenter, atque fortiter, absque causa manifesta exolvuntur, derepente moriuntur.* Attamen quoniam tunc loquitur Hippocr. de Syncope essentiali, ideò dictorum reddens rationem Gal. dixit, *Quia adest virtutis vitalis imbecillitas.* De qua & Paulus quoque hæc habet, *Cor primaria affectione affectum medicorum auxilium non admittit;* citam enim mortem inducit, ideo non adeo desperanda salus, si protinus Pat. Illustri propria medica auxilia præsto fuerint. Hinc Aretæus sedulo agendum esse consulebat, natura enim resoluta instaurabilis est; & mortis periculum in unaquaque accessione imminet.

Quare præservationi statim incumbendum, causis occurrendo; quarum sicut immediata semper est spirituum defectus; ita mediata possunt esse defectus productionis, dissolutio, corruptio, vel suffocatio; quam postremam, tanquam magis urgentem, primò expugnandam suscipimus, dissolutione postmodum ob exquisitum sensum ventriculi, à nobis præcavenda & inhibenda.

Et quoniam suffocatio à copioso sanguine crasso, venas replente & naturam ipsam opprimente procedit; ideo statim, injecto clystere, sanguis est ex jecoraria vel mediana copiosè educendus, quod & ipsa vigente Syncope præcipit Hipp. ipte. Neque unica missio sat fuerit, sequenti die propterea repetenda. *Habitus enim cum ad extremum bonitatis devenerint, statim solvere expedit.* Quinimò singulo mense repetenda hæc fuerit, ut suppressam hæmorrhagiam suppleamus, & eadem opera Cardiacas affectiones arceamus.

Et quia Hipp. cum Gal. Sanguis crassi ratione habita, calida fomenta adhibuit ad eundem fundendum atque liquandum; ideo aliqua interna ejusdem facultatis & à nobis exhibenda. Præbeatur itaque, post sanguinis educationem, mulla acetosa quodie summo mane, vel per aliquot dies ad mensam; mane verò exhibeatur oxymel. aqua hordei dissolutum, & quolibet quarto aut quinto die Crem. Tart. uncia in jure

Cort. Cit. alterato præbeatur; quibus ab accessione præservari poterit Illustr. Pat. & quidem facilius, si Cordi quoque aliquam corroboracionem addamus, quibusdam suavioribus, cujusmodi sunt Aqua Buglossi ad cyathum, mane sumpta, & Julapium ita paratum.

℥. Vini albi dulcis lb j. Aq. Ros. ℥ iij. Cinnam. contusi ℥ ij. Myrob. Citr. ℥ j. m. includantur linteo, & bulliant, additis Sacch. fin. ℥ iv. ad Julap. consistentiam, cujus duo cochlearia mane & serò assumenda.

Ventriculo quoque opitulandum, nimium sensum ejusdem obtundendo, & eundem roborando. Primum præstabit remedia calorem nativum minimè labefactantia, & potissimum, cum præservatio in manu Pat. posita sit, ab acris & valde calidis abstinendo. Sufficiat igitur nonnunquam potus, summo mane Aquæ Lactucæ, vel Juris Lactuca alterati, in quo duæ, aut tres Diacodii Rotulæ fuerint dissolutæ; sub ingressum verò lecti Lactuca condita abundè proderit; sicut quandoque eidem roborando Conserva Rosar. cum Diarrhod. Abbatis, in comestationibus prima mensa hausto cyatho Aq. frigida. Quæ pro præservatione, satis.

Quod si jam dictis frustra adhibitis, recrudescat accessio, spiritus fovendi; virtus excitanda; & spiritus suffocati foras revocandi.

Prima intentio citissimam instauracionem requirit; quia præceptum est virium casus. Inter alimenta autem celerrimè nutrientia est vinum odoriferum; unde Aretæus in solo vino, refrigeratis spem vitæ positam asserebat. Præbeatur itaque Aqua frigida dilutum; spiritus enim resolvi prohibet, cogit humores, & eorum dissolutionem arcet, roboratque ventriculum, cum meracum vires imbecilles feriat. Vino autem succedat aqua carniū Cinnam. aromatizata, jus pulli instaurans, & hujusmodi. Verum quoniam & odoribus spiritus refocillantur; ideo naribus odorata admovenda, ut Aq. Ros. cum Cort. Cit. Aqua flor. Citri, Acet. cum Caryoph. Aqua Cinnam. Moschus Ambra, & similia, quibus facies ubertim irroranda & tempora illinenda.

Secundò Facultas Vitalis & Animalis excitanda, sanguinem & spiritus ad partes externas attrahendo; quod præstari poterit cucurbitulis, extremis partibus apposis siccis, & repetitis frictionibus asperis, totius corporis concussionibus, acclamationibus, vociferationibus, pilorum evulsionibus, & picationibus infernarum partium.

Tertiò quia à suffocatione Syncope dependet, spiritus foras, revocandi, iisdem mox propositis remediis, additis aliis internis & externis. Inter interna Aquæ Theriac. Aq. tot. Cit. mistæ cochlearia infundantur. Sic Aqua Cord. prima præclariss. Saxoniar. Oleum Cinnam. ad gutt. ij. in Aq. Melissæ; vel Quinta essentia Rosmar. Extrinsecus cucurbitulæ siccæ. Frictiones extremorum, Madefactiones Vino malvatico, vel Spir. Vini caryophyllati. Cordis inunctiones, Oleo de Scorp. Matth. cum Trochiscis de Gallia Mosch. succo Cit. dissolutis.

Animadvertendum tamen, quod quando Syncope ab offensa ventriculi procedit, non conveniunt spiritus evocantia, sed eosdem potius ad Cor propellentia, ut aspersio Aquæ frigida

gidæ in faciem, vel Rosaceæ, vel etiam vini albi austeri.

Quibus aliqua circa victus rationem potissima addenda. Caveat igitur ab usu, & potu acrium & calidorum. Secundò computationes fugiat, & parcius in mensa bibat. Tertiò alimentis plurimum sanguinem gignentibus, & valdè nutrientibus raro vescatur. Præterea corpus exerceat, imò fatiget. Vigiliæ potius quàm diuturno somno indulgeat. Sanguinem, ut dictum est, frequenter sibi detrahi permittat. A negotiis nec nimis absteineat, nec nimis incumbat. Quæ omnia Sapientissimæ directioni Excell. Virorum libenter committimus. *Idem ibidem.*

Pulsus Intermittens.

Quinquagenarius Vir, temperamenti totius calidi & sicci, gracilis habitus, frigidis potibus assuetus, & cibis pariter frigidis, humidis ac lenti succi usus, cum post febrem diuturnam biliosam spuriam, omnino liberæ vivendi rationi se tradidisset, quindecim abhinc diebus pulsus intermissionem passus est, & quidem unius pulsationis, modo post quinque, modo post septem; quæ superioribus hisce diebus adaucta est; siquidem & in unica pulsatione aliqua inæqualitas observatur, licet pulsus magnus, satisque validus, & vehemens sit. Nulla adest spirandi difficultas, nullus stertor, nec fluctuationes aut borborygmi in abdomine percipiuntur; sed solum in pectore inæquales quædam pulsationes, cum obscuro spiritus defectu, & brevi lipothymia. Et licet affectus hic ipsius vitæ in præsens incommodare non videatur; ejus tamen causam scisciratur à nobis Pat. opem, si opus fuerit, imploraturus.

Affectus, qui Virum Patientem detinet, est pulsus inæqualitas, cum intermissione, quæ non solum systematica est, sive composita, quod scilicet acervatim, & post multas pulsationes observetur; verum & in una eademque pulsatione percipitur. Symptoma in actione pulsifica, sive Vitali imminutè læsa, dependens non ab imbecilli & dissoluta Facultate; quoniam pulsus magni & vehementes sunt, sed à morbo in via; cum proxima & immediata causa sit angustia lævium arteriarum, vel ab inflammatione, vel à viscido & lento humore, vel à tuberculi præsentia. In casu autem nostro, ab inflammatione fieri non potest, quia omnino febre vacat; non à frigidis & lentis humoribus; quia non ordinata, nec semper eadem foret pulsus intermissio; prout non semper eadem perdurat pituitosorum humorum copia atque qualitas; cum pulsus magnus, validus satis, atque vehemens vigeat. Flatus quoque hypochondriacos læves arterias comprimentes excludimus, ut melancholicis hypochondriacis nonnunquam evenire solet; quoniam in hoc Patientem flatus in abdomine, & murmura, nec antea, nec in præsentiarum observata sunt. Quare reliquum est, ut tuberculum causam angustię necessario constituamus, à sanguine crudo atque glutinoso succo referto, ob pravam vivendi rationem, & à caliditate totius & jecoris incrassato, obdurato, & à gelido potu concreto; quod quia in dies semper majus incrementum suscipit; ideo & major evasit inæqualitas. Nulla

autem adest respirationis læsio, nullusque stertor; quoniam cum per asperam arteriam potissimum, & ejus ramos fiat respiratio, arteria autem venosa nunquam sit vacua, sed sanguine redundans, respirationem impedire non potest, nisi adeò obstructa fuerit, ut compressione, asperæ arteriæ affectum impertiatur. Sic Antipatro Medico, nonnisi sex mensibus elapsis levis quædam spirandi difficultas suborta est, quia paulatim adaucta, & decimoquinto die difficillima reddita resolutus statim obiit, quia tuberculum, in amplam molem elevatum, asperam quoque arteriam comprimere potuit, tantamque angustiam inferre, ut aëri intercluso aditu, eundem suffocaverit.

Inter pulsus inæqualitates intermissio est omnium periculosissima, quæ fit cum distensionem interpellat quies; ut propterea pulsus abolitus tunc sit, adinstar Veterni, aut Apoplexiæ cujusdam; quod enim cerebro, idem propemodum & cordi contingit; atque, sicut *Solvere Apoplexiam fortem impossibile; debilem verò non facile*; ita quietem pulsum diuturnam tollere impossibile fuerit, brevem verò non citra negotium. Diuturna autem est, quæ excedit duorum pulsum spatium; brevis verò, quæ intra duos pulsus manet; omnium incommodissima, quæ in uno pulsu contingit, & quæ pulsus parvus, & languidus est. Quare hoc casu, cum inæqualitas quæ ab initio Systematica fuit, etiam in uno ictu tandem apparere cæperit, gravis est affectus, in dies quinetiam semper ingravescens. Nec obstat, quod scribit Gal. *Juvenes magis, minus pueros, minime senes in periculum adduci*; cum in hoc Virò tuberculum causa censeatur, difficillimè superandum, imò ut plurimum insanabile. Intereunt autem suffocati, aut suppuratione, aut citra eandem, & citius cum tussi quàm absque eadem, quia citius suppurant. Quare verendum ne patiens iste, Antipatri exemplo, pereat.

Agendum itaque omni conatu, ut totius habitus providentia, tuberculum per attenuantia & exsiccantia absumatur.

Et in Chirurgico fonte, duobus casibus convenire posse videtur sanguinis missio. Primò ad inhibendam tuberculi suppurationem. Secundò ratione causæ antecedentis, dum totum sanguine abundat; præsentem tamen casu, admitti tantummodo posset aliqua parca ex venis sedalibus evacuatio, ut quæ magnum cum pectore habeant consensum. Cauteria locum non habent, cum sit remedium præservativum.

Ex Fonte Pharmaceutico desumenda remedia Lenientia, Præparantia, Purgantia, & tuberculum Exsiccantia. Leniens tale esse poterit.

℞. Spec. hieræ simpl. ʒj. Elect. lenit. ʒj. m. f. b.

Vel ℞. Syrup. ros. mell. ros. sol. an. ʒiij. Elect. lenit. ʒss. Aquæ melissæ q. s. m. f. p.

Prima præparatio erit hæc. ℞. Oxym. simpl. ʒj. Syr. de hyssop. de prassio an. ʒss. Decoct. farf. urticæ, porri, iridis, brassicæ, helenii, ʒv. m. pro syrup. & sic pro aliis. Præparati humores ita purgentur.

℞. Elect. lenit. diacath. diaphœn. an. ʒiij. specierum hieræ Gal. ʒj. m. f. b.

Vel ℞. Agarich. troch. ʒss. fol. sen. recens. ʒij. Cinnam. integri ʒj. Aquæ farfar. q. s. m. f. Infus. per noctem; & expressioni adde syr. ros. sol.

sol. mell. ros. sol. an. ℥iij. m. f. p. & tribus post horis, præbeatur multa bibenda ad ℥b j. l. & quibus noris ab ea prandeat.

Secunda præparatio sit instituenda, ℥. Oxy- mel. squil. ℥j. Syr. de pralio, de helenio an. ℥ss. Decoct. pralii, nyllopi, fen. urtica, tabaci, Ari. ℥v. m. pro syr. & sic pro aliis. A quibus hæc præscribatur purgatio.

℥. Elect. lenit. ℥v. Elect. diaph. ℥ij. Pilul. de hiera cum agaric. ℥j. m. f. b.

Vel ℥. Agaric. troch. ℥ss. Cinnam. integr. ℥j. Aquæ pulmon. q. s. m. t. Infus. per horas xii. deinde fiat colatura, & expressioni adde syrup. ros. solur. decoct. epith. Mes. an. ℥iij. m. t. p. à qua præbeatur mulla; ut supra.

Dum hæc omnia fiunt, prima mensa prændio, & cœna; sumat Patiens hujusmodi pilulam attenuantem & exsiccantem.

℥. Ammoniac. ℥. flor. sulph. ℥ss. m. reformetur pilula cum spir. vini.

His peractis, aliquod valde attenuans & res- solvens in usum ducendum, quale esse poterit jus galli antiqui, flagellati, exenterati, vitio malvatico loti, & modicè saliti, ita parandum.

℥. Ligni guajac. cum cortice, salsæ elect. ℥j. Saff. ras ℥ss. Aquæ betonice, farfaræ an. ℥b j. m. f. Infus. per horas 24. deinde adde quartam partem jam dicti galli, rad. helenii ℥j. pralii pulegii, calament. an. p. i. m. bulliant ad con- sumptionem dimidii, & colatura servetur pro tribus vicibus, matutino tempore præbenda; cui præmittatur bolus hujusmodi.

℥. Terebinth. Cypriæ lotæ in aqua farfaræ ℥ij. butyri sulph. Iridis Florent. an. ℥ss. m. cum oxymel. squillit. q. s. refor. bol. ij. & aur. in- cusus u. u. persistendum ad 30. vel 40. dies, qua- libet hebdomada præscribendo pilul. de hiera cum agaric. & flor. sulph.

Huic præstantissimo remedio succedit alte- rium, non minoris efficacæ, valde attenuans at- que resolvens: Aquæ nimirum Aponit. sulphu- reæ, prius dictus cum vehiculo dejectorio, postremis vero diuretico, per xii. dies assumen- dæ; atque in horum usu, non omittenda lam- bitiva, nec suffumigia ejusdem facultatis. Lam- bit. sit oxym. cum gutt. olei sulphur. Vel oxym. squil. si tolerari possit. Pa. entur pariter rotulæ Diaireos cum oleo anisorum, ore detinendæ. Suffumigia verò præscribantur ex styrace, ben- juiuo, myrrha, thure.

A proprietate verò juvare dicuntur Troch. de Vipera ad omnes occultos abscessus, cum aqua scabiosæ, & potissimum ad tuberculum. Sic & aqua ex succo bryoniæ parata, cum spir. vitrioli, vel ol. sulph. ad cochlearia.

Victus rationem quod spectat. Aëris mutatio convenientissima, maxime ad siccum, & ad sul- phureos halitus inspirandos. Cibus pariter sit exsicicans, & potus parvus Vini tenuis substan- tiæ, saffatras alterati. Somnus sit moderatus; vigiliæ namque exsiccant & digerunt, unde vi- gilia vorax. Corpus exerceatur, & frequenter assumat pilul. de agaric. cum Iride & sulphure; atque alacri & constanti animo degat. Idem ibidem.

Pulsus interceptio cum difficultate spirandi in Hypochondriaco.

Vir Præstantissime. Patiens Reverendissimus

anno ætatis sex: ginta septem; stature mediocris corporis habitus plethorici, valde carnosus, po- tius obesus, temperamenti cum totius, tum jeco- ris calidioris, excrementis capitis, sudori co- pioso obnoxius atque expurgationi per n. res muscosa materiæ, quæ hoc anno valde immu- ta sunt: pluribus pro temporum varietate ægri- tudinibus subditus fuit, hypochondriacis nem- pe ac nephriticis cum arenularum ac sabulorum perenni excretionem, à quibus si non sanatus, saltem levatus est, aqua imprimis Tettuciana pro priori affectu exhibita, ac familiari usu suc- ci limonis. His affectionibus quibus in viridiori ætate torqueri cœpit, tertia adjuncta est, vide- licet febricula quæ Patientem quinquagenarium aggressa est, ex indolenti mesenterii: b. cessu de- pendens, quo disrupto copiosaque purulenta materia excreta, convulit. Sed interim ali- quot abhinc annis singula Æstate de quadam coxæ crurisque dexteri stupiditate, ac genu pe- disque intumescencia cum dexteri, tum sinistri lamentabatur, quæ tamen incipiente Hyeme evanescebat. Præterita Æstate parum vel nihil hujusmodi fluxiones Patientem torserunt. De- mum l. bente Autumno, ex immodico exerci- tio atque insolatu incallescens, postea frigescens, in rheumia molestum incidit, ex quo copiosæ excreationes, ut plurimum liquidiores, raro crassæ, cum manifesto sensu decurrentis fluxio- nis per faciei musculos & verticem capitis, quibus statim anhelitus difficultas successit ultra naturalem morem, quæ quidem in dies invales- cit, sine stertore tamen, cum ambulandi impo- tentia, præsertim per acclivia. Quæ conside-rans Patiens Reverendissimus Medicum quen- dam consuluit, ut sibi prospiceret, ex cujus mandato potionem ex manna ac melle rosato solutivo sumpsit, inunctiones etiam & julapia, sed frustra: pannis quinimò lineis calefactis pe- tori applicitis morbum depellere tentavit, sed potius adauxit; quæ mobrem me accersivit, ut ipsi opem ferren, in consilium quin etiam acci- to Præstantissimo Collega. Interim observavi Virum alioquin prudentissimum, moestum, ti- mentem, quandoque plorantem de frequenti evaporatione conqueri, quam e dextero eleva- ri hypochondrio ad pectus perferret, ibique expandi & musculos perstringere, quod tam diu, quam noctem contingit: vigiles ducit no- ctes, facile enim in sonnum incidit, sed illico ab evaporationibus quas ascendere sentit ad fauces, excitatur; unde de quadam oris siccitate sæpius conqueritur. Facilius erectus spirat: super latus dexterum difficilius decumbit: al- ternis noctibus magis torquetur. Quamobrem sæpius e lecto surgere cogitur: rugitus in abdomine patitur, ructus per superiora, per in- feriora crepitus palpitacionem cordis quando- que perpeffus est: non febricitat, febrientium tamen similes pulsus obtinet, celeres, frequen- tes, vibratos, intermittentes, inæquales, non in unica tantum pulsatione, sed systematice & quoquo pacto durissimos: non tussit: aliquan- do magna vi e pectore materiam educit ad in- star grandinis albescentis: faciem habet opti- me coloratam: parum vel nihil expuit: caute- rium gestat in sinistro brachio satis torridum: parum mingit; urina sunt sabulosa & rufa: fæ- ces biliosa, sanguis ad nigrum vergit, fibro- sus.

sus est, nec multum serofus. Talis est Patientis status.

Responsum. Ex accuratissima relatione à Viris Excellentissimis mihi transmissa facile deducere possum, Patrem Reverendissimum olim hypochondriacum, in præsens melancholicum quoque redditum esse, ad summum præterea eadem affectione hypochondriaca eversa, ut sat superque demonstrant copiosiores rugitus, erumpentes flatuositates, diaphragmatis compressiones, cordis palpitaciones, in caput evaporationes, timores & mœrores insoliti cum fletu. Verum non adeo facilis mihi, sicut nec Viris istis Excellentissimis evadit cognitio alterius symptomatis, difficilis nimirum respirationis ejusque causæ: etenim & ego cum iisdem Sapientissimis Viris haud facile ducor ad credendum spirandi difficultatem asthmaticam, minusque orthopnoicam esse, ab angustia asperæ arteriæ proveniente, cum de stertore qui in bronchiis excitari solet, nulla mentio fiat: præterea cum sputa viscida & lenta per tussim non excernantur, sed tantum aliquando crassa ad similitudinem grandinis, nec tamen copiosa. Et quamvis ab initio intumescencia musculorum, faciei, & inde in pectus destillationes observatæ fuerint, quæ tunc temporis aliquam quoque spirandi difficultatem excitare potuerint, hanc tamen cessisse credendum, dum quoque cessarunt catarrhalis ejusdem materiæ præsentis indicia; quare difficilem spiritum potius, quam respirationem, ad differentiam Orthopnoæ & Asthmatis, intelligentiæ & Curationis gratia, licebit nobis cum Hippocr. affectionem hanc appellare, cujus causa non in asperis, sed in lavibus arteriis reponenda erit; hujus autem sufficientissimum indicium esse potest pulsus non in una tantum pulsatione, sed systematice quoque inæqualis, ut observabatur à Galeno in Antipatro Medico, cui spiritus quidem offendebatur, sed non nisi sub finem vitæ suæ & prope interitum levis quædam oborta fuit difficilis respiratione, ut ait Galenus, & obiit. Sed adhuc in dubium revocatur causa hujus angustiae in lavibus arteriis: etenim sicut & ego tuberculum ab hoc casu excludo, ut quod paulatim fiat & augeatur, ita facilius crassos atque pituitosos humores admitto, de quibus certiores essemus, nisi adesset hypochondriaca & flatuosa affectio, & ad summum redacta, quæ læves arterias & obstruendo & comprimendo, frequentissime inæqualitatem hujusmodi in pulsibus, in corde palpitacionem & in spiritu difficultatem oppressioni non absimilem excitare consuevit, adeo ut plurimos pulsus inæqualitate ex flatuosa materia laborantes, paucissimos vero ex viscida & crassa materia obstruente, & nullum forsân ex tuberculo in praxi observaverim. In hoc autem Reverendissimo P. summa cum ratione de materiæ præsentia dubitatum fuit, cum fere toto suæ vitæ cursu totum corpus excrementosum habuerit, partes principales intemperatæ observatæ fuerint, & modo eidem senescenti consueta per varias partes excrementorum evacuationes suppressæ, quæ omnia non minorem hydropis pulmonum suspicionem afferre valent.

In quo rerum statu periculi pleno, ut Reverendissimo P. quantum fieri potest, succurramus,

primò hypochondriacæ affectioni, utpote origine & cognitione priori incumbendum, deobstruendo, & fervorem jecoris & hypochondriorum contemperando, statusque caute discutendo; postea observandum, si Curatio profecerit, quo casu in eadem erit insistendum, sin minus; ad efficaciora & vitetiora tum attenuantia & incidentia, tum purgantia medicamenta audacius & tutius deveniendum erit; imò tandem ad exiccantia & resolventia; interim nunquam omitendo expectorantia, a pectore destillationem divertentia, & Cardiaca spiritus roborantia ac reicientia.

Cum autem sat fuerint viæ primæ expeditæ, aliaque medicamenta exhibita, ad majora deobstruentia & viscera totumque venosum genus expurgantia deveniri posse nobis videtur, prius tamen inuratur Cauterium alterum coxæ dexteræ ad revulsionem vaporum superiores partes petentium, & ad diversionem catarrhalis materiæ à capite in pectus delabentis. Aperiens autem validum & evacuans esse poterit syrupus Fernel. nostra descriptione cum rhab. paratus, qui xii. aut xv. vicibus alternis diebus erit exhibendus ad ʒij. in jure malua & endiu. alterato: intermediis vero diebus præberi poterit cyathus aq. stillat. de succo cicho. & agrim. cum gutt. xv. ut xx. spiritus tartari ter rectif. qui cum in se sal volatile contineat, est Aperiens validissimum, & si fortasse hypochondriorum ætus agere toleret syrupi Ferneliani usum, præberi poterit in sero capr. destill. to, aut in aq. de succo cichorii: quinimò in hujusmodi casu post horam ab assumpto syrupo, seri quoque aut aquæ hordeacæ libram superbibendam permitto, & tribus horis ab assumpto sero prandium.

Absoluto syrupi usu, sicut suspectam habeo aquam Tetrucianam, ita libentius tribus aut quatuor diebus serum copiosum propinari posse credo, nimirum ad lib. 4. vel 5. singulo mane cum vehiculo syrup. ros. solut. aut portionis mannæ clarificatæ: mox lac sive Emulsio arte parabitur, nimirum ex ʒj. semin. melon. mundat. & semiuncia semin. cucurb. & anguriæ xii. aut xv. amygdalis dulcibus additis, cum sacchari albi cochleari, quæ Emulsio extrahi poterit jure tenuimalua alterato, vel aqua malua stillatitia. Interim inter status discutientia validissimum & suavissimum est oleum cinnam. si haberi possit legitime paratum, ex ipso rotulas efformando cum saccharo aqua cinnam. dissoluto: guttulæ quoque ejusdem aquæ cinnam. adduntur, ut cochlearia per intervalla assumantur: flatus enim egregie discutit, & ventriculo qui magnopere aromatizatione gaudet, ut dicebat Avicennas, est valde amicum. Est quoque discutiens simulque cordiale oleum de corticibus citri eodem modo præscribendum: sicut haustus aquarum cordialium cum Julapiis perlatis, aut etiam gemmatis. Inter Expectorantia in his casibus oleum sacchari commendamus ut expertum, ad attenuandam materiam viscidam & lentam in penitioribus partibus stabulantem, necnon ad flatuositates discutiendas, cui, si placeat, aliquod Julapium commisceri poterit. Proderit quoque pectori illinitio externa ex adipe anserino, pulvere iridis Florentinæ, & oleo lil. alb. reformato.

Jam dictis autem pro voto non succedentibus, siue satis non proficientibus, parata jam erunt hypochondria ad Decoctum à Viris Excellent. præscriptum, ex salsa nimirum & aliqua ligni sassafras drachma in aquis stillat. leviter ferendum & tolerandum, præmissa ipsi decocto terebinthina nostra aqua capillorum Ven. aut farfaræ lota: imò & in ipso decocto gr. butyri sulphuris dissolvi poterunt. Conferre quoque posse credo aquam spagiricam stibiatam, ejus descriptio & exhibendi modus Viris Excellent. notissimus erit. Interea majora lumina quotidie magis relucebunt: etenim si hydrops pulmonum, quam Deus amoveat, manifestaretur, de aquis sulphureis opportuno tempore per os exhibendis cogitandum erit. Hæc sunt quæ potui, solidis fundamentis ab Excellent. Viris adductis innixus, prudentissima eorundem considerationi proponere, quibus una cum congrua victus ratione omnia melius dirigenda libenter remitto. *Joh. Raym. Fortis Consult. & resp. Medic. Cent. 2.*

Pulsus inequalis & intermittens.

Eminentissimus atque Reverendiss. S. R. E. Cardinalis quinquagesimum octavum annum agens, temperamenti totius, & maxime jecoris calidi & sicci, mediocris habitus, ad operationes promptissimus, negotiis gravissimis implicitus, & ad animi alterationes valde pronus, propria prudentia tamen cohibitas, septem abhinc annis conqueri cœpit de cordis affectu cum pulsu vitiato, ut infra dicitur, postquam multo antea pluries repetita salsa decocta assumpserit à Medicis præscripta, facile, ut supponi debet, ad tollendas viscerum naturalium obstructions: quibus tamen persistentibus, accesserunt cordis & pulsus affectus hunc in modum; Primò namque cordis saltus siue illegitimam palpitationem summo mane, dum in sinistram latus decumbebat, percipere cœpit, cum pulsus tanta vehementia, ut ipsi visui pulsationes manifesta apparerent, & tactui vibratio atque insignis durities, cum alicujus pulsationis intermittencia, præsertim summo mane; quibus addebatur linguæ & oris fere fuliginosa siccitas. Quæ omnia mensium progressu adeo adaucta fuere, ut undequaque pulsu inæquali & intermittente reddito, animi deliquia succederent, tuncque seri caprini repetito usu curatus fuit, sed non sanatus: siquidem summo mane parumper corripì solebat, non quidem animi deliquis, sed pulsus intermittentiis, quæ ante prandium quoque per horas revertebantur, & interdum tanto cum impetu atque vehementia, ut cor ipsum deorsum trahi, & veluti funiculo quodam ad aurem usque sese extendente, aurem quoque secum ducere & deorsum trahere videretur. Intermittentias autem Eminentissimus ipse percipiebat in corde, absque eo quod sibimetipsi pulsum tangeret, quinimò quandoque veluti aquæ guttulas super cor ipsum cadere sentiebat; tuncque pulsationes non intermittebant, sed multiplicabantur. His verò omnibus accesserunt quoque vigilæ: somni namque non adeò diuturni & quieti ut antea erant, præsertim dum summo mane accessio vehementior futura erat, quæ intensius invadebat,

si forte in somno quandoque pollutio contigerat, magisque molestare solebat etiam post prandium paulò uberius sumptum, & præsertim ciborum aut potuum calidiorum. Exacerbari quoque fuit observatus affectus post usum diuturnum Emulsionis hordeaceæ: iterum post usum rhabarbari, & magis magisque post chalybem potabilem multis diebus assumptum, qui febrem quoque accendere potuit. Tandem spirandi difficultas, præsertim in motu accessit, quæ difficilem etiam decubitus ipsi reddebat in latus sinistram, accedente exigua catarrhalis atque viscidæ materiæ portione, quæ difficili creatu excernebatur: usu vero olei amygdalini & julapii terebinthinati facilius respiratio reddita fuit. Ab usu seri nonnihil levatus fuit: sed multo magis à mora per duos menses in fluvio currenti, pectore adversus impetum aquæ quotidie per horam exposito: namque pulsus intermittencia prorsus cessaverat, & vibratio atque durities valde remiserat; sed relicta Balneo, rursus affectio paulatim in pristinum reversa est. Verum tamen est quod ommissa cœna, & ptisana hordeacea tantummodo vespere epota, spatio unius anni cum dimidio affectus ipse valde remissus est observatus. Cum autem Vere præsentì Eminentissimus P. Patavium se contulerit, ut curaretur, pulsum vibrantem, durum, raro intermittentem, frequentius intercurrentem observavi, naturaliaque viscera tactu explorans, obstructions in jecoris gibba parte, majores in mesenterio, & evidentiores atque duriores in pancreate invenni, cum arteriæ magnæ insigni pulsatione. Quare pro ejusdem affectus remissione sequentem Consultationem exarare & executioni mandare decrevi.

Quamvis pulsifica facultas sit cordis propria operatio, quæ læsa, cordis etiam læsionem ostendit, nihilominus cum alia quoque instrumenta cordi inserviant, ut eadem pulsifica facultas ad universum corpus deferatur, genus videlicet arteriosum; idcirco sapissime contingit ut vitium tactu in ipso pulsu deprehendatur, sine ulla essentiali cordis læsione, ut Antipatro primis mensibus contigit. At si vitiata pulsifica facultati palpitatio quoque, aut saltus cordis accedat, id citra ipsius cordis læsionem fieri nequit, cum affectus hujusmodi sit propria cordis passio: ut propterea censendum sit in Eminentiss. Cardinali, cum non sola vitiata observata fuerit & observetur pulsifica facultas cum cordis illegitimo & depravato motu, non modo tactui, sed visui quoque manifesto, non tantum arterias læves, sed & cor ipsum quodammodo laborare. Verum tamen est quod nec arteriæ neque cor essentialiter afficiuntur, sed per consensum ab aliis partibus: non enim in arteriis lævibus obstructio reperitur à crassis humoribus, minusque à crudo tuberculo; non à crassis humoribus, quoniam tamdiu vivere non potuisset: crassiores enim à calore, & copiosiores exiguo tempore redditi, asperis quoque arteriis communicari, suffocationem autem annum induxissent: sicut tuberculum adhuc citius mortem intulisset, ut sex mensium spatio Antipatro contigit, de quo miratus fuit Galenus, eo quod tamdiu vitam protraxerit, & causam retulit in servatam in omnibus rectam vivendi

rationem. Sed præterea tuberculi signum inseparabile est pulsus inæqualitas & intermittentia, semper eundem ordinem atque rhythmum servans; quæ conditiones omnes absunt à casu nostro. Sed neque cor essentialiter læsum fuisse significat nobis palpitatio raritas atque brevis, imo & ejusdem fere omnimoda remissio sine ullo generoso adhibito medico auxilio. Et præterea cor ipsum essentialiter læsum ex Aristotele tandiu affectionem sustinere non potuisset sine sui ipsius evidenti imbecillitate, qua præsentem, pulsus sunt parvi, tardi & languidi, cum tamen in Eminentia Sua sint omnino magni, vehementes, veloces, validæ facultatis indicium; & ideo conclusum restat, neque cor neque arterias essentialiter sed per consensum affici, quem consensum suscipiunt ab hypochondriis obstructionibus refertis, & intemperie calida affectis, quæ quidem radices sunt, à quibus hypochondriaca affectio germinare solet, in qua cum copiosi flatus observentur, ideo per antonomasiam affectio flatuosa à Galeno nuncupata fuit; cujus signa subdens idem Galenus, ait, quod lædantur à calidis, juvantur à frigidis, ut Eminentissimo Domino contigit, dum decoctis assumptis pejus, ex mora vero adversus impetum aquæ frigidæ, necnon ab usu feri melius habuit. Sed præterea tactus ipse iudex esse potest, cum obstructions sicciore atque duriores in mesenterio, jecore, & præsertim pancreate manifestissime percipiuntur, à quibus sicciore redditus, fuliginosi vapores five potius exhalationes eleventur, & per venam cavam ad cor pervenientes, & cor ipsum distendentes palpitatio inducebant, dum sequuta subsidentia exhalationes ipsæ exprimebantur & dissolvebantur; nil aliud enim est palpitatio quam cordis elevatio & subsidentia præter naturam, quæ rara & brevis fuit & est, quoniam cor ipsum per consensum, non essentialiter affectum fuit. Quoniam vero fuliginosi vapores ubi ad cor pervenerint, per carotidas arterias ad caput quoque eleventur, hinc fit ut spiritus agitando, noctes inquietas & somnos turbatos reddant, & ipsius affectus exacerbationem prænuncient. Pariter neque essentialiter afficiuntur arteriæ læves, sed per consensum quandoque ab iisdem fuliginosis evaporationibus, arterias ipsas, præsertim carotidas obstruentibus, ad quarum obstructionem retrocedit in cor sanguis spirituosus, tuncque non solum pulsus fit intercurrent, sed cum violentia ipsæ carotidæ nonnunquam cum aure ipsa deorsum trahi Eminentissimo Pat. visæ fuere, quod facilius apparet, cum glandulæ prope aures arteriarum ramis refertæ sint. Frequentius autem contigit pulsus inæqualitas & interceptio à compressione magnæ arteriæ facta ab obstructionibus tum in mesenterio, tum maxime in pancreate existentibus; quam compressionem vidit quoque & observavit Galenus: etenim dum spiritus una cum sanguine magnam arteriam pervadere intendit, eadem arteria magna compressa spirituosus sanguini transitum impedit, qui cum provitæ necessitate circulare debeat, impetum facit, & conatur sibi metipsum vias patefacere, quo conatu pulsationes ipsas vehementiores atque vibrantes reddit, dum facultas valens

ad repellenda ea quæ molestant, majores saepe & vehementiores edit pulsus. Sed interim quoniam quandoque remoratur ipsi sanguini transitus, deficit quoque in pulsu diastole, & sanguis resilit in cor, ita ut intensiori reddita in corde systole, in supplementum præterita deficientis diastoles, etiam pulsus ipse inæqualis reddatur, cum sensu vehementioris motus in corde; & ideo inæqualitas non systematica tantum, sed in una quoque pulsatione quandoque observari videtur. Excludenda tamen non est caloris intensio in ipso sanguine, quæ impetum auget & appulsus vehementiorem reddit: imo & spiritus vitales dissolvendo, lipothymias olim afferebat. Uniformitas autem semper eadem non est: alteratur enim ante cibum ab otiantem calore, & post cibum usque ad chyli distributionem ab adaugeta compressione; sed præterea mutatur quoque à flatuositatibus, modo præsentibus, modo absentibus, modo densioribus, modo tenuioribus, quarum causa modo facilior modo difficilior observatur decubitus in latus sinistrum, qui semper idem esset, si fixa & stabilis esset causa ipsa.

Pulsus intermittentia multos decepit Medicos exemplo Antipatri perterritos, causas necnon pulsus conditiones non adeo rectè considerantes seu non cognoscentes: tunc enim lethalis esse solet, si vel à tuberculo, vel à crassis, copiosis & viscidis humoribus, in lævibus arteriis firmatis atque stagnantibus procedat, vel si à languore facultatis vitalis pendeat. Præterea periculo non vacat, si non unica, sed plures, una post aliam pulsationes deficient. At si plures, ut in casu nostro, & fere innumerabiles pulsationes æquales intercedant inter unam & alteram intermittentiā: si præterea non ab obstructione nisi flatuosa proveniant, sed à compressione: insuper si arteria spiritu repleta, pulsus vehemens atque vibrans considerentur, in Patientem hypochondriaco, curis & gravibus negotiis implicito, non erit in Arte versatus qui mortis periculum, hujus affectus ratione, non excludat: eoque magis cum inæqualitas potius, quam totalis intermissio à me hoc tempore observata fuerit: licet enim diastole sub digito deficiat, non deficit systole in corde, imo consueto intensior ab Eminentissimo observata fuit; in præsens vero remissior observatur, hæcque systematica & collectivā, multo minus periculosa: sicut periculosior fuit illa quæ contigit Argenterio ex nimis studiis atque applicationibus cum virium imbecillitate, à qua tamen, omisis studiis, congrua vivendi ratione & Cardiacis adhibitis, spatio unius anni seipsum liberavit; ita & à Victore Trincavella celebri Medico olim liberatus fuit Marinus de Caballis Patritius Venetus, qui cum à Serenissima Republica ad Regem Christianissimum Legatus Missus fuerit, ob intensas applicationes in affectum melancholicum incidit cum pulsus intermittentiā & inæqualitate quæ Gallos illos Medicos decepit. Mortem enim extemporaneam eidem prænunciaverunt, ob idque veniam petiit, & Venetias reversus, curatus & sanatus fuit. Quod idem, sed non brevi tempore Eminentissimo quoque Domino concedi posse sperant.

randum. Dixi, non adeo brevi, propter antiquas & contumaces obstructions viscera naturalia obsidentes, una cum calida exuberanti intemperie naturalem calorem labefactante & humores colliquante, ideoque Cachexiam potius minantes.

In hunc igitur finem repetitæ necessariæ erunt Purgationes, primas vias expiando. Secundò Mesenterii obstructions aperiendo. Tertiò Obstructions jecoris referendo. Quartò Pancreas a sanguine crasso & crudo stagnante vindicando. Quintò Calidam intemperiem hypochondriorum, jecoris & sanguinis corrigendo; atque tandem aliqua Cardiacæ, temperata tamen in usum ducendo, quæ status etiam discutiendi facultatem obtineant, addita jam dictis omnibus congrua vivendi ratione.

Primæ intentioni satisfaciendum Leniente ita parato.

℞. Floris cassiæ rec. extractæ, elect. lenit. an. ℥ ss. crem. tart. ℥ ij. m. f. boli. Præparans autem quinque diebus summo mane exhibendum, sit.

℞. Julapii acet. ℥ ii. aq. florum citri ℥ j. m. pro una vice, & sic pro aliis; quod subsequatur alterum Leniens hujusmodi.

℞. Floris cass. rec. extr. elect. lenit. an. ℥ ss. m. f. boli quibus post horam superbibat seri caprini depur. ℥ i ss.

Pro secunda intentione explenda, humores præparandi potius succis depuratis, quam syrupis saccharatis, Hypochondriacis non valde amicis; & ideo.

℞. Succis depur. cich. borag. melissæ, pomorum dulc. an. ℥ j. decoct. cich. borag. endiv. lupulorum, agrim. ℥ iv. salis tart. fixi gr. x. m. pro syrupo, & sic pro quinque aliis; quibus succedat talis Purgatio.

℞. Floris cass. rec. extr. ℥vj. elect. de succo rosarum ℥ j. Extracti rhabarb. senæ an. ℥ ss. m. f. boli, quibus superbibat seri capr. depur. ℥ ij. & tribus horis ab epoto sero prandeat. Interim prima aut secunda die Præparantium aperiatur Jecoraria dextra, & sanguis ad ℥ vii. aut viii. educatur.

Tertiæ intentioni satisfaciendum Aperientibus hepaticis.

Ut ℞. Succis depur. cich. borag. agrim. an. ℥ j. tart. vitriol. gr. x. decoct. endiv. sonchi, malv. violarum, lupulorum ℥ iv. m. pro syr. & sic pro aliis, in usu quorum 20. diebus insistendum; & quinto quoque die præscriptum nuper minorativum Purgans cum sero eodem modo sumendum. Sed interim primis diebus repetenda erit ex interna sinistri brachii vena sanguinis missio.

Quartæ intentioni satisfaciendum erit ita.

℞. Aq. stillat. cich. agrim. an. ℥ vii. tart. vitriol. gr. x. m. pro syrupo matutino. Sequenti vero die.

℞. Floris cass. rec. extr. ℥ ij. rhabarb. matur. ℥ j. m. f. boli num. 3. quibus post horam superbibat seri caprini destillati ℥ viii. In quorum usu alternatim decem diebus perseverandum; deinde ita purgandum.

℞. Floris cass. rec. extr. ℥ vii. pilul. de trib. cum rhabarb. ℥ j. m. f. boli, quibus post horam superbibat seri capr. depur. ℥ i. & tribus horis ab assumpto sero prandeat. Et quoniam

infusiones facilius ad penitiores viscerum partes pervadere valent; idcirco talis instituat.

℞. Aq. stillat. cich. agrim. an. ℥ iv. succi limon. ℥ ss. rhabarb. opt. mat. ℥ j. m. f. inf. per noctem, & colatura præbeatur summo mane. Die vero sequenti.

Aq. stillat. cichor. agrim. an. ℥ iv. spirit. tart. alchaliz. gut. x. m. pro potu matutino; & in horum alternato usu xv. diebus perseveret. Inde sequatur magis minorativa hujusmodi infusio.

℞. Fol. senæ Orient. rhab. el. an. ℥ j. cinnam. integri ℥ ss. aq. stillat. cich. agrim. an. ℥ iv. succi limon. ℥ ss. m. f. infus. per noctem, & colatura offeratur summo mane. Sequenti vero die.

℞. Succis depur. cich. borag. agrim. an. ℥ j. decoct. in jure pullæ paratæ cich. malvæ, melissa fumar. capill. Ven. Cetrach. ℥ iv. tart. vitriol. gr. x. m. pro syr. matutino; & in horum alternato usu pergat Eminentissimus Dominus ad vigesimum usque diem. Sed interim quotidie summo mane admoveatur fomentum hujusmodi.

℞. Fol. malvarum, meliloti, graminis, absinthii an. m. j. radic. althææ, sem. fœnugræci an. ℥ j. aq. fabror. ℥ vj. m. bull. ad consumpt. tertiæ, colaturæ vero adde succi limon. ℥ ij. & spongia madefacta, mox expressa, repida hypochondriorum epigastricæ parti apponatur. Facta vero fomentatione & abstensione, illinatur totum abdomen hujusmodi linimento.

℞. Unguent. ros. Mes. ℥ ij. malvini, medullæ crurum vituli an. ℥ j. ol. de Ben, amygdal. dulcium an. ℥ ss. ol. de absinthio gutt. x. m. quæ illinitio repetenda erit etiam vespere ante cœnam, sed sine fomento. Quibus transactis diebus, Purgans erit exhibendum hujusmodi.

℞. Floris cass. rec. extr. ℥ vj. elect. de succo rosar. ℥ j. pil. de trib. ℥ ss. magist. mechoac. gr. x. m. f. b. quibus post horam superbibat jus malva aut hordeo alteratum, & duabus horis ab assumpto jure prandeat.

Hanc ad quintam intentionem explendam erit deveniendum, pro qua tria erunt administranda selectoria remedia, usus aquæ, lactis, & Balnei; & primò aqua debet quidem refrigerare & humectare, non autem exiccare: ut propterea minerales omnes sint excludendæ, & Noceriana eligenda, dummodo ab hepate eidem transitus admittatur; quæ tribus primis diebus cum vehiculo dejectorio syrupi ros. solut. aut potionis ex man. clarificata propinanda erit: sequentibus vero xii. cum vehiculo diuretico spiritus tart. rectificati. ad ℥ j. in tribus primis cyathis dividendam, addito etiam cochleari syrupi de succo limonum ad suavitatem. Incipiendum autem à ℥ vi. ascendendo paulatim usque ad x. & nox paulatim dosim minuen-do. Quo tempore ab re non erit aliquod ventriculo robur addere, præbendo statim à cibo pilulam unius scrup. succi absinth. condensati, vel salis ejusdem absinthii scrupulum in exiguo vino dissoluti. Inde ad lactis asinini usum erit deveniendum, ut quod ex Galen. sicciore atque duriores obstructions relictas emollire

atque solvere valeat, incipiendo ab \bar{z} v. cum semicochleari sacch. albi, & ascendendo usque ad \bar{z} x. cum integro cochleari sacchari. Assumatur autem ad 40. dies, sed statim multum cum suo naturali tempore, quoniam ut dicebat Galen. veluti genitale semen illico facultatem amittit. Neque eidem assumpto superdormiendum, nisi urgeant vigiliæ, quoniam caput replere solet. Interim vespertinis horis in Balneum tepidum erit descendendum aquæ dulcis, foliis malvarum, violarum, brancæ Ursinæ, vitis & salicis alteratæ, in quo moretur primis diebus per horæ dim. reliquis vero per integram horam; & in hujus usu 20. saltem diebus perseveret. Statim à Balneo, totius inunctio oleo amygdal. præcipi solet; verum quoniam non adeo emaciatum est corpus, & olei illinitio obstruendo potest Balnei penetrationem impedire, consulto ut omittatur, & potius absoluto Balneo per aliquot dies in usum ducatur.

Postremæ intentioni caute satisfaciendum Cardiacis, flatus quidem discutientibus, sed non valde caloricis. Quare præsto habeat Eminentissimus Dominus paratas compositiones hujusmodi.

\mathcal{R} . Aq. totius citri \bar{z} ij. ol. de cortic. citri gut. x. m.

Item \mathcal{R} . Aq. stillat. cinnam. \bar{z} ij. olei legitimi cinnam. gut. v. m.

Item \mathcal{R} . Aq. scorzonæræ \bar{z} iij. julapii gemmati M. D. perlati an. gut. x. m. & modo unius, modo alterius per intervalla quacunque hora cochlear aliquod assumat. Quod si fortasse cordis aliqua pulsatio revertatur, prodesse poterit quandoque summo digito medio illinire regionem cordis tali linimento.

\mathcal{R} . Ol. de scorp. Matth. \bar{z} j. succi limonum parum, m. dissolvatur pro illinitione.

Vel \mathcal{R} . Succi citri \bar{z} j. trochic. de gallina mosch. \bar{z} j. m. dissolvatur.

Jam dictis omnibus congrua vivendi ratio erit omnino addenda; quæ quoniam non in solo recto cibi & potius usu consistit, ideo uberius est præscribenda. Et primò aer nebulosus, ventosus erit fugiendus; nec unquam paludosus incolendus. Secundò Cæna sit parca, & novem aut decem horis distet à prandio. Prima mensa toto anno in usum ducat jus tenue alteratum Æstate foliis acetosæ: Autumno boraginis: Hyeme endiviæ: Vere cichorii. Inter carnes, nunquam comedat suillam, raro vero bubulam & leporinam: sicut rarissime avium palustrium. Inter pisces, abstineat à conchyliis, ostreaceis, paludosis atque lutosiis, glutinosiis, ut à tinca, anguilla, & hujusmodi. Inter lactaria, rarus sit casei usus, & cætera comedat. Inter legumina, admittitur tantum hordeum & oriza. Evitet edulia ex pasta crassiori parata, delicatioribus exceptis, ut vermiculis Apulien. & hujusmodi. Inter olera, abstineat ab usu selini, fœniculi, cardui, fungorum & terræ tuberum. Inter fructus, conceduntur fraga, melopepones, mala persica matura, pruna matura, verdacia dicta, & mala ac pyra costæ. Inter condimenta, vitentur aromata, exiguo cinnam. & pipere ruditer contuso exceptis: item frequens acidorum usus, ita & allii & cæparum. Potus sit vinum tenuis substantiæ, non

dulce, non acerbum, non valde generosum, sed in his mediocritatem servans. Tertio Somnus potius diurnus proderit, sed nocturnus, raro diurnus, sed brevis. Quarto Exercitium quoque conducere poterit, sed jejuno ventriculo, horis nimirum matutinis aut vespertinis. Quinto Alvi dejectio quotidiana esse debet, alioquin sollicitanda prunis Damascenis vel Gallicis in vino tenui subdulci decoctis, saccharo, mox aspersis, & prima mensa comans, quibus superbibat jus jam præscriptum, aut malvæ comis alteratum. Sed præter hæc, semel saltem in mense non parum juvare poterit minorativa evacuatio arte procurata, assumendo unciam unam Elect. lenitivi duabus horis ante prandium, addita semidrach. pilul. de tribus, cui post horam superbibat jus tenue malva aut hordeo alteratum. Tandem animi passiones atque perturbationes, quantum fieri potest, arcendæ, & intus applicationes omnino corrigendæ, quæ sicut majorem partem obtinuerunt ad hujus mali productionem, ita hoc idem fovere & conservare poterunt; quare geniales conversationes sunt procurandæ, alacriter vivendum juxta illud

Interpone tuis interdum gaudia curis,

ut pristina & perfecta salus redimi, moxque conservari possit, quam ego à summo Deo diurnam Eminentissimo Domino meo enixe precor. *Idem ibidem.*

Palpitatio cordis illegitima.

Illustrissimus Judex annum agens quadragesimum septimum, temperamenti totius & jecoris ad calidum & siccum vergentis, mediocris habitus, nimis studiis & continuis applicationibus deditus, arduisque negotiis implicatus, superioribus annis abicellum in ani regione passus, sex abhinc annis, præsertim Veris tempore, cordis Palpitatione corripitur, quæ progressu invaluit, ita ut toto anni tempore, modo magis, modo minus infestet, cum suffocationis sensu, & interdum cum impotentia ad deambulandum, imo ad seipsum movendum, cum pulsu inæquali & intermittente. Vere proxime præterito, cum integro mense longum iter peregisset per loca, modo frigida & nivosa, modo calida, caput eidem adeo alteratum fuit, ut Vir Illustrissimus in tussim molestam cum asthmatica respiratione inciderit, & cum excretionem catarrhalis materiæ crassæ, flavæ, viridis & diversi coloris: quæ pluribus diebus expurgata, recessit tussis una cum difficili respiratione; non tamen cessavit cordis palpitatio, quæ frequenter & ex levi causa exasperatur, cum pulsus intermittente, inæqualitate & paruitate, quamvis non cum tanta ad motum progressivum difficultate. Accesserunt tandem frequentes evaporationes calidissimæ in caput, diu perdurantes, præsertim post studia aut intensas applicationes; quæ evaporationes tantum capiti fervorem inducunt, ut Virum Illustriss. fere ad animi deliquium deducant. Modo ad Oracula Patavina confugit, ut à tanto malo reddatur immunis.

Cordis motus violentus & irregularis qui intrinsecus à Nobil. Patiente percipitur, & extrinsecus manu quoque adnota observatur, palpitatio cordis, quæ dilatatione & subsidientia percipitur appellari potest, ad differentiam tremoris qui intrinsecus tantum sine violentia à Patiente percipi solet, sicut etiam ad differentiam saltus sive jectigationis ejusdem cordis, quam perpetuam esse observavimus; quem motum depravatum comitatur quoque pulsus inæqualitas, imo interceptio. Et quamvis aliquam spirandi difficultatem secum ducere videatur jam dicta affectio, eam tamen non ab angustia asperarum, sed laxium arteriarum pendere statuendum, & propterea difficilem spiritum proprius, quam respirationem nobis appellare licebit: sicut proprie difficilem respirationem non solum ad Dyspnoeam, sed & ad Asthma, imo ut decubitus impediens, ad Orthopnoeam pervenire censendum sit. Palpitationis causa immediata est procul dubio flatuosa materia crassa & fuliginosa, quæ cordis ventriculos replens, distentionem & dilatationem violentam, sicut cedens subsidientiam & constructionem excitat. Nec tenuis & halitiosa esse potest, ut considerabat Galen. quoniam à cordis calore dissiparetur, antequam ventriculos impleat & extenderet: Neque crassior esse potest, ut humorosa, quoniam non adeo mobilis esset, ut cor tam prompte extendere valeret, nec tam cito dissolveretur: & idcirco crassam, turbidam, caliginosam & flatulentam esse debere palpitationis causam, determinavit idem Galenus, Asthmaticæ vero affectionis immediata causa fuit angustia asperæ arteriæ, in ejusdem scilicet bronchiis, à materia catarrhali non in iisdem genita, sed à capite calido & humido & destillationibus obnoxio descendente, occasione præsertim evidentis erroris externi. Non autem adeo facile discerni potest, num primario, an secundario cor ipsum laboret; num scilicet cor ipsum licet manifeste afficiatur à flatuosa jam dicta materia, ejusdem origo in corde sit, an vero in aliqua alia parte generetur, sicque aliunde ad cor transmittatur. Et quamvis affectus diuturnitas & permanentia, cor ipsum materiam lædentem sibi metipsum fabricare, nobis indicare videatur: nihilominus si Nobil. Patientis temperamentum & ætatem spectemus: si vitam antea actam, curis sollicitudinibus, intensis applicationibus deditam consideremus, in hypochondriis fontem mali latitare, obstructions scilicet cum jecoris fervida intemperie reperiri suspicionem nobis præbent, adeo ut minera hujus flatuosa, turbulenta atque fuliginosa materiæ in visceribus naturalibus facile reperiri possit; probabile namque nimis est, quod ex intensis & diuturnis applicationibus, labefactato & alio converso calore, juges cruditates in ventriculo olim genitæ fuerint, quæ in mesenterio aut liene stabulantes, & à calore præsertim jecoris exiccata, terrea, & melancholica redditæ, exhalationes emittant, quæ per vasa cor ipsum petentes, & ejusdem ventriculos replentes, dilatationem præter naturam excitent; sicut ab eximio calore cordis statim consumptis restrictio illico succedat, ex quibus duobus motibus palpitatio componitur. Et quoniam ab

hujusmodi illegitimo motu cordis, legitimus quoque perturbatur, idcirco inæqualitas quoque in pulsibus observatur: quinimo dum aliqua crassa & vaporosa jam dicta materiæ portio laves arterias ingreditur, ejusdem pulsus interceptiones quoque contingunt diu non perseverantes, ut in Antipatro Medico in quo laves obstruebantur arteriæ, non à flatuosa, sed ab humorosa & crassa materia.

Ex duobus jam dictis malis, urgentiori & principaliori est incumbendum, altero non neglecto: palpitatio namque cum sex abhinc annis semper frequentior evadat, verendum ne continuo tandem affligat, corde nimirum primaria affectione laborante, tuncque ante senectutem inrerit, aut febre ardente superveniente, aut syncope ingruente; ita narrat Gal. quendam qui singulo Vere palpitatione corripiebatur, sanguinis missione pluries liberatum & præservatum fuisse; verum quoniam radix ipsius affectus nunquam extirpata fuit, ideo ante senectutem interiit; nec mirum, cum vitæ principium in hoc affectu lædatur. Nos autem quoniam cor secundario affectum credimus, vitæ periculum ideo abesse quoque censemus, & ab interitu Nobiliss. hunc Pat. præservari posse credimus, congruis adhibitis & repetitis remediis, quæ non nihil etiam capitis destillationi prodesse poterunt. At vera & legitima ejusdem Curatio in aliud tempus erit differenda, si rursus & frequenter ingruant asthmatici insultus.

Curatio igitur eradicativa præservativam partem respiciet, primas vias mundando; exiccatas obstructions viscerum naturalium reserando; Jecoris intemperiem calidam corrigendo; materiam flatuosam cor petentem revellendo & discutiendo, atque tandem cor ipsum roborando.

Pro prima intentione primum Leniens esse poterit syrup. ros. solut. & de polypod. aut elect. lenit. cum tartaro. Præparans autem tale esse poterit.

℞. Julap. acet. ℥ iij. aqu. flor. citri ℥ j. aq. cinnamom. ℥ β. misce, pro syrup. & sic pro quinque, quos subsequatur idem leniens, ut supra.

Pro secunda intentione mellita omnia & saccharata, utpote flatus moventia, sunt vitanda, & succi depurati herbarum eligendi hunc in modum.

℞. Succo depur. cichor. borag. sonchi an. ℥ j. salis prunellæ ℥ β. decoct. in jure pulli malv. violarum, melissæ, agrimon. pentaphylli ℥ v. misc. pro syrup. & sic pro aliis. Secunda die horum succorum aperiatur vena mediana brachii dexteri, educendo sanguinem ad septem uncias circiter. Transacta hebdomada horum succorum, præscribatur hujusmodi Purgans.

℞. Elect. lenit. flor. cassiæ an. ℥ β. pil. de tribus ℥ β. m. f. b. tribus horis ante prandium assumendi, quibus post horam superbibat seri depur. ℥ i β. Deinde repetatur succorum usus, ut exiccata minera emolliri, dissolvi, & tandem expelli possit.

℞. Succo depur. cich. borag. melissæ an. ℥ j. tart. vitriol. gr. x. decoct. in jure paratæ malvarum, endiviæ, sonchi, card. sancti ℥ v. m. pro syr.

syr. & sic pro aliis. Secunda diesyruporum, rursus educatur sanguis ex altero brachio; ait enim Gal. quod sanguinis detractio & adolentes & adultos semper juvit, imo quandoque liberavit. Terminata horum succorum hebdomada, præbeatur tale Purgans.

℞. Flor. cass. rec. extr. elect. lenit. an. ʒβ. extracti senæ, extracti rhab. an. ʒβ. m. t. b. quibus transacta hora superbibat seri capr. depur. ℥ij. & tribus horis ab assumpto sero prandeat.

Tertia intentioni satisfaciendum erit lactis asinini diuturno usu; sed quoniam adhuc verendum ne à jecoris & hypochondriorum calore in ventriculo corrumpatur: idcirco tribus saltem diebus summo mane præmittendum erit serum capr. depur. ad ℥iv. vel v. cum vehiculo dejectorio syr. ros. sol. deinde tutior evadet lactis usus, illud de more quatuor aut quinque horis ante prandium, sit. tim multum exhibendo, cui minime superdormiat, incipiendo ab ʒiv. vel v. cum semuncia sacchari albi, & dosim paulatim augendo usque ad ʒx. cum integra ʒ. ejusdem sacchari, perseverando ad dies 40. vel 50. Nec formidandus refrigerantium usus, eo quod palpitatio à flatuosa materia proveniat: etenim non vaporis humidi, sed sicca exhalationis naturam obtinet, ut ex Gal. verbis satis elicere licet, dum ait Palpitationem fieri à spiritu crasso, turbido & caliginoso, nimirum à sanguinis exustione aut aliis humoribus exustis elevato; quod magis expressit quoque Aët. dicens, Frequentissime palpitationem fieri à vapore bilioso aut melancholico ad cor elevato. Nihilominus palpitatione actuali existente, quarta intentioni satisfacere opus erit discutientibus internis & externis, aeream enim, licet crassam substantiam in se continent ipsi flatus; sic intrinsicè confectiones parari poterunt ex speciebus diambra, item aromatici rosati, efficaces quoque & non adeo calefacientes erunt rotula ex ol. de cortic. citri cum saccharo aqua cinnam. dissoluta parata; sed efficacissima erunt rotula ex ol. vero & legitimo cinnam. ut supra confecta, quod oleum legitimum invenire non adeo facile. Extrinsecus illinienda erit regio cordis oleo de scorpionibus Matth. vino malvatico dissoluto.

Tandem cor in hoc affectu roborat aqua melissæ frequenter ad semicyathum epota, quam ita simplicem præbebat Avicen. sed efficacior evadet, si globulus croci per noctem in eadem fuerit infusus, vel ejusdem croci quinta essentia ad granum unum vel alterum addatur; Libavius autem addebat guttulas quintæ essentia roris marini. A proprietate juvat os de corde cervi pulverizatum, & cum aqua cordiali exhibitum, quo uti solebat Rhasis; sicut ex eodem à proprietate quoque juvat cor sinna assatum & pulverisatum; nec spernenda sunt hujusmodi medicamenta occulta qualitate juvantia, à magnis Viris fide dignis proposita, & à me quoque non inutiliter experta.

His omnibus congrua vivendi ratio est addenda; & primò aerem purum incolat, nullo modo crassum atque paludosum. Ex cibis, inter carnes vitanda suilla, bubula, agnina, lepo-

rina, volatilium in aquis degentium. Ex piscibus, vitandi lutosi, palustres. Ex lactariis vitetur caseus. Ex leguminibus, admittuntur hordeum, sicut & oriza. Ex Passiliis, tenuiores, tantum, ut vermiculi Apulienfes & hujusmodi. Olera permittuntur decocta & optime condita; damnantur fungi, tubera terræ, carduus & apium. Ex fructibus damnantur acerbi & acidi, nec non nimis dulces: admittuntur fraga, pepones, persica matura, ceteri damnantur. Ex condimentis, damnatur pinguedo suillæ, nimius usus caryophyllorum, nucis moschata & piperis pulverizati. Vinum sit mediocris conditionis, nec valde generosum, nec valde aquosum, non dulce, non austerum, sed maturum & odoratum, sive album, sive nigrum, ætate moderate frigidum, non tamen nive aut glacie refrigeratum. Somnus nocturnus sit diuturnus, pomeridianus brevis, si consuetus. Exercitia quoque, sed moderata juvabunt, at ventriculo vacuo. Venus magnopere laedit. Alvus lubrica servanda passulis & prunis decoctis cum saccharo prima mensa sumendis, nisi sponte respondeat. Atque tandem animi applicationes moderatæ sint, & studiis opportune incumbendum, nimirum jejuno ventriculo. Quæ omnia Nobiliss. Patienti, salutaria precor. *Idem ibidem.*

Juvenis 2. annorum biliosus, dum æstivo tempore se vehementius exercebat, incidit in vehementissimum & ordinatum cordis arteriarumque motum, qui ipsum adeo torquebat, ut pene in syncope incidere. Postea ex levi excandescencia, vel alio vehementiore animi motu, eodem affectu sæpius correptus fuit, & jam non patitur paroxysmum.

Afficiuntur in hoc agro cor & arteria; quod ex vehemente & inordinato eorum motu, & syncopes periculo patet.

Morbus qui agrum torquet, est intemperies biliosa & acris sanguinis, quæ in corde & arteriis vehementem & inordinatum motum intuscentia & detumescencia, sive distoles & lytsoles, efficiens, Palpitatio cordis appellari solet.

Procat retica hujus morbi causa est ætas juvenilis, & intemperies biliosa nostri agri. Hunc enim multi biliosi & acres in ipsius corpore fuerunt geniti humores, qui antecedentem huic morbo præbuerunt causam. Pars vero eorum, primo vehementioribus illis exercitiis ab agro nostro, tempore æstivo, factis, & deinde etiam vehementioribus animi pathematibus, à reliquo sanguine separata, vel ex loco aliquo, in quo extra vasa antea existerat, in venas propulsa, sanguinique commista, & postea ad cor delata, illudque vellicans & errescentiam pravam ibi efficiens, continens hujus morbi & symptomatum est causa.

Ex vellicatione enim ista, à biliosis & acris humoribus corde facta, deferitur iste motus pravus per nervum sextæ conjugationis ad cerebrum, cerebrique spiritus, quo pori cerebri ita aperiuntur, ut spiritus, in cordis fibras vehementius inordinatiisque fluentes, inordinatum vehementemque illum motum, qui palpitatio cordis nomine vulgò indigitatur, inducant.

Quia autem per vehementem inordinatumque

que illum motum spiritus, & utiles sanguinis partes valde dissipantur, sanguisque reliquus ad dilatandum ineptus evadit, hinc parum abfuit, quin in syncopem nolter æger incidere.

Morbus hic periculosissimus est, quia, cor, omnium partium pars nobilissima, adeo graviter afficitur, ut lethalis syncope inde sit metuenda.

Curatio itaque diligenter est instituenda, eaque in causâ procatactica, antecedentis, & continentis, & intemperiei ablatione, consistet. Primò itaque per triduum tali utatur medicamento.

℞ Syr. de succo acetos. de acetos. citri, de ribes an. ʒj. aq. cichor. borrag. bugloss. an. ʒiij. M. F. Julapium quod sumat quotidie jejunus per triduum.

Postea tali purgetur potione.

℞ Rhabarb. select. ʒi. ʒ. spic. ʒ. ʒ. aq. cichor. ʒiv. post levem ebullitionem infundantur per noctem. Colat. adde diapr. ʒiij. syr. ros. sol. ʒj. M. F. potio.

Evacuato corpore, matutino tempore quotidie utatur tali electuario, tribus horis ante pastum, magnitudine castaneæ majoris.

℞. Conterv. rosar. violar. bugloss. an. ʒʒ. meliss. ʒiij. specier. diarrhod. abbatis, diatriumfant. diamargar. frigid. an. ʒij. oss. de C. C. sem. citri an. ʒj. corall. rubr. præp. ʒʒ. cum syr. de limon. q. s. F. Electuarium.

Et hoc epithema cordi mane, & vesperi admoveatur tepidum.

℞. Corall. rubr. & alb. sant. omnium, specier. diamarg. frigid. an. ʒj. croci ʒj. camphor. gr. iij. aq. rosar. ʒʒ. borrag. bugloss. an. ʒij. aceti vini optimi parum. M. F. Epithema.

Post usum epithematis talem sacculum regioni cordis admoveat.

℞. Flor. ros. rubr. exsicc. bugl. borrag. ficc. an. ʒj. fol. meliss. exsicc. ʒj. sant. omnium an. ʒi. ʒ. ossis de corde cervi pulver. corall. rubr. pulver. an. ʒj. behen alb. & rubr. an. ʒʒ. Omnia in pulverem redacta includantur sacculo serico, multis locis intersuendo, qui aqua rosarum irroratus, & in olla munda calefactus applicetur regioni cordis.

In victus ratione aer sit temperatus. Cibus eupeptus, elixus potius, quam assus, succo limonum conditus. Potus sit cerevisia, & vinum mediocre. Fugiat vehementiorem corporis motum, & vehementiora animi pathemata. Somnus sit mediocris. Alvus respondeat naturæ vel arte. *Henr. Regius apud Theod. Craanen Medicat. lib. 2.*

Vir triginta quatuor annorum, fortis, sed melancholicus, & simul nonnihil scorbuticus, cibis salis, fumo siccatis, aceto conditis & servatis, aliisque duræ digestionis à longo tempore assuetus, antehac multoties de aliqua ponderosa sinistri hypochondrii molestia conquestus est; jam verò aliud quid accessit, nam sæpe tribus quatuorve horis post pastum, magnam cordis palpitationem persequitur, quam pulsus fortior, admodum inæqualis, & nonnunquam spatio unius aut duorum ictuum intermittens, comitatur, quo tempore magna anxietate premitur. Durat hæc vehemens palpitatio per semihoram, aut paulò longius, postea rursus

cessat redeuntibus subinde levibus quidem, sed brevibus palpitationibus. Cum æger cursu aliove exercitio corpus plus solito movet, mox palpitationes molestissimæ redeunt, eademque per quietem rursus sedantur. Appetitus satis constat, & ventriculus bene digerit. Somnus etiam sufficiens est, excepto quòd propter terribilissima insomnia multoties turbatur.

Præter alias partes, omnium manifestissimè in hoc agro afficitur cor, hæcque dicta ejus affectio, Medicis appellatur Palpitatio cordis, quæ est inordinatus & nimis vehemens cordis motus.

Causa proxima est humor falsus & acris sanguini permixtus, qui chylo ex falsis acrisque cibis confecto, tribus quatuorve post pastum horis, in venam cavam effuso, permixtus, cum eoque in cor illapsus, inordinatæ & vehementis in chylo sanguificando fermentationis causa est, propterea quòd acres falsæque chyli particula, una cum sanguine venoso, acris isto humore imprægnato, in cor delapsæ, fermentationem nimis augeant: unde tunc illa nimis vehemens & inordinata cordis præter modum dilatati & contracti concussio procedit, quam fortis & inæqualis arteriarum pulsus necessario sequitur.

Quia in illo falso & acris humore particulis tenuioribus hic illi admiscuntur particulae multæ crassiores, magis fixæ, & ægre dissolubiles, quæ in corde tam citò dissolvi & attenuari nequeunt, hinc fit, quòd dum cor in earum dissolutione & dilatatione opus habet longiore tempore, illis in ventriculos illabentibus, pulsus ad tempus unius aut duorum ictuum intermittat, unde etiam tunc anxietas oritur, nam quo tempore pulsus intermittit nulli spiritus ad partes propelluntur.

Durat hæc vehemens palpitatio per semihoram, aut paulò longius; quia isto intervallo totus chylus uno passu confectus, aut maxima ejus pars sanguini cavæ permixta, per cor transit, & prout postmodum aliqua pauciores residua ejus partes adhuc transeunt, ita nonnullæ leves & breves palpitationes postea oboriuntur.

Quòd verò acris ille humor, continuè ad cor cum sanguine venoso profluens, non faciat continuam palpitationem, ex eo fit, quòd sanguinis, illiusque acris humoris jam multoties in corde fermentati & dilatati particulae sint æquales, multum mitigatæ & minus acres, atque hinc in eo tam vehementes effervescentiæ in corde excitari nequeant, si modò quantitate mediocri & paulatim in ventriculos illabatur. Quòd si verò cursu, aliove gravi exercitio corpus admodum moveatur & incalescat, hincque sanguis copiosior, cum suis acris immixtis particulis, rapidè per cor transeat, mox cum ab aucto calore, tum ab acrium particularum in cor illabentium majore copia, nimis increcit dicta effervescentia, hinc cordis palpitatio exoritur, eaque per quietem rursus imminuitur & cessat, imminuto scilicet calore & nimio sanguinis motu, copiosoque transitu per cor.

Hic autem falsus & acris humor peculiari vitio lienis generatur, ex eoque per ramum splenicum in hepar effunditur, in quo cum sulphureo succo in chymum excoquitur, atque in cava

san-

sanguini ad cor fluenti admiscetur. Vitium illud lienis, est quædam prava salsaque ejus intemperies, cum aliqua obstructione, ponderosam molestiam inducente, conjuncta.

Ventriculus satis famelicus est, beneque alimenta assumptadigerit; quia primario non laborat, & acres succi sanguini immixti per arterias ad ejus tunicas cum sanguine delatis, fermentationem in eo faciunt.

Somnus sufficiens, sed terribilissimus est, quia satis copiosi quidem, sed nonnihil acres vapores ad cerebrum feruntur, qui somnum quidem provocant, sed membranas cerebri & principia nervorum subinde nonnihil vellicantes, sicque phantasmata præter ordinem excitantes, terribilissima insomniaprocreant.

Affectus hic licet ægrum non repente prosternat, tamen periculo non omnino vacat; partim quia afficitur princeps viscus cor, partim quia lienis illa prava dispositio non tam cito & facile tolli poterit; ægri tamen robur, & morbus non admodum inveteratus sanationis spem faciunt.

In Curatione ad tres scopos collimandum est, 1. ut lienis vitium corrigatur. 2. ut falsi æresque humores in sanguine redundantes, partim attenuentur, & melius coquantur. 3. ut cor omni modo corroboretur.

Ut his tribus indicationibus satisfiat, primò bis terve medicamentis melanagogis & phlegmagogis humores crudi, falsi & acres è corpore lunt evacuandi, ut pilulis cochiis, de hiera, aureis, electuario diaphanico, hiera picra, confectione hamech, infusione fol. senæ, agar. &c.

Postea hujusmodi apozema præscribendum.

℞. Rad. helen. fænic. an. ʒj. cappar. tamarisc. an. ʒβ. herb. chamædr. cusc. fumar. borrag. cardiac. trifol. palustr. an. m. j. meliss. m. ij. cortic. citri, baccar. juniperi an. ʒv. sem. fœnic. ʒij. passul. corinth. ʒij. aquæ & vini partes æquales, coquant. s. a. & F. Apozema ad ʒi β.

Hoc assumpto bibat æger singulis matutinis haustum hujus vini medicati.

℞. Rad. acor. helen. an. ʒβ. cappar. tamar. an. ʒij. herbar. chamædr. trifol. palustr. an. m. β. cortic. aurant. ʒβ. baccar. junip. ʒvj. cinnam. elect. ʒi β. garyophyll. ʒj. sem. fœnic. ʒij. aloës lucid. & agar. albiss. an. ʒiv. F. ex his puppa.

Post meridiem utatur bis terve hujus conditi particula.

℞. Specier. diambr. diamosch. dulc. an. ʒj. cortic. aurantior. & rad. helenii cond. consery. anthos, flor. salv. meliss. an. ʒβ. syr. helen. q. s. M. F. conditum.

Imprimis autem necesse est ut æger convenientem victus rationem instituat. In aëre verfetur calidiusculo. A cibis abstineat salis, antiquis, rancidis, acidis, fumo siccatis, aliisque quibusvis duræ digestionis & acris. Item à brassicis & quibusvis leguminibus, à lactucis, cucumeribus, melonibus, multisque fructibus horariis, aliisque pravi nutrimenti. Cibi sint euchymi & facilis digestionis, ut carnes vitulinæ, vervecinæ, agninæ, gallinarum, cuniculorum, perdicum, &c. quarum juscula præparentur cum rosmarino, borragine, melissa, betonica, hyssopo, calamentha, serpillio, foliis

lauri, rad. raphani sylvestris, corticibus citri & aurantiorum, seminibus anisi & fæniculi, passulis, nuce moschata, cinnamomo, garyophyllis, zinzibere, &c. Item pisces saxatiles, rapæ, ova recentia. Potus sit cerevisia mediocris notæ, non antiqua, vel acida. In pastu etiam vinum album bene maturum. Somnus & corporis exercitia mediocria sint. Excreta naturalia curandum ut bene procedant. Fugienda ira, terror, curæ, omniaque tristitia animi pathemata. *Isbrand. de Diemerbr. Medicat. libro secundo.*

Observationes.

Juvenis quidam vulneratus fuit in dorso sub scapula sinistra, vulnere thoracem transeunte; qui mox febre valida continua, acuta correptus est, & in cordis palpitacionem adeo vehementem & violentam incidit, ut etiam extra domum, in qua æger decumbebat, à transeuntibus palpitatio cordis exaudiretur, ut in vita similem casum neque audierim, neque viderim, neque à præceptoribus meis observatum compererim. Ad hunc juvenem cum ingressus essem, hanc gravem palpitacionem animadverti ortum habere ex sanguine intus remanente, vel ibidem concreto. Venam sinistri brachii statim tundere feci, & ilico à detractioe sanguinis, incio Chirurgo, melissam viridem & borragine accepi, contrivi herbas, ne ab adstantibus cognoscerentur, easque supra tegulam mundam ignitam posui aqua rosacea & aceti momento irroratas; quas cum cordis regioni admovissem, miraculi, seu incantamenti modò ilico cessavit cordis palpitatio, omnibus admirantibus. Hoc autem arcano, nulli nisi verè Pythagorico revelando, aliquando uti videram præceptorem meum Elidæum Tadianum in Nosocomio Bononiæ. Verum is solo melissophyllo utebatur, nos borraginem adjecimus. *Petr. Forest. de Cord. & mammill. affect.*

Juvenis quidam multo sanguine abundans, cum subito in cordis palpitacionem incidisset; statim venam secari jussi, in mentem enim venit illud Galeni dictum lib. 5. de loc. affect. cap. 2. quòd palpitatio cordis, pluribus in integra valetudine degentibus, tum adolescentibus, tum adultis, subito sine alio accidente manifesto evenire visa est, atque eos omnes sanguinis detractio juvit, leniente dein medicamento corpus purgavi; postremò theriacam dedi ad ʒi β. superbibendo parum aquæ melissæ. Exterius etiam hoc epithema cordi apposui.

℞. Aq. meliss. & borrag. an. ʒβ. aq. rosar. ʒij. garyophyll. cinnam. lign. aloës, cortic. citri an. ʒβ. sem. ocymi ʒj. croci gr. v. vini odoriferi ʒij. ambr. mosch. an. gr. 3. F. Epithema cordiale. Quibus remediis, vel his similibus, non solum hic juvenis, sed alii multi convalescere. *Idem ibidem.*

Exterius admotum hyacinthum gemmam, regioni cordis, tum etiam corollam ex rubro corallio, sinistro brachio supra manum aliquoties circumvolutam, continuo gestatam, manifesto experimento comperimus eos juvisse quibus cor tremit & palpitat. Unguentum etiam hic addam quò alias olim præscribente Antonio Guainerio insigni Medico, ad cordis angustias.

ego feliciter sum usus in cordis palpitatione.

℞. Olei è flor. nymph. luteæ ʒi β. flor. nymph. luteæ ʒj. Corall. rubr. santal. citrin. sem. acet. ana ʒβ. Margar. præp. lign. Aloës odori, ossis è corde cervi ana gr. vii. camphor. gr. iij. F. omnium pulvis M. & cum cera alba lota in aqu. nymph. q. s. F. s. a. Unguentum cordiale quo illinatur cordis regio. *Reynerus Solenander Conf. 10. sect. 3.*

Maximilianus 2. Imperator nullum expertus est præstantius remedium in cordis palpitatione, quam theriacam extra adhibitam. Negari certe non potest medicamenta externa, ut sunt unguenta, balsama, epithemata, arteriis & cordi applicata multum prodesse ægrotis morbi gravitate & diuturnitate debilitatis. Sed advertendum talia medicamenta cordialia, & si cor in medio situm est, melius applicaris non in medio pectoris, quod cartilaginofum est, sed paulò infra mamillam sinistram, quò vergit cordis mucro. *Wolfgangus Hæferus Hercul. Medic. lib. 2. cap. 1.*

Cordis palpitatio, non unam ut agnoscit causam: sic fit quoque vel à vulvæ, vel à lienis vitio. Quarum partium vapores, turbant nonnunquam tam potenter cor: ut exfuscitata vi sua pulsifica, nihil non moliatur, quo expellat fuligines sibi summè inimicas. Quam reciprocam acceleratorum ictuum, frequentiam, palpitationem vocant medici. Cujus licet variæ sint causæ; fit tamen illa, quam producit lien, potissimum, ex præassata atra bile: cujus vapor inducit vehementissimum hunc morbum: uti clare docet, Vir jurè Magnus Victor Trincavellius lib. 6. part. affect. cap. 12.

Adriano Rœstio præfecto marino, excitabat induratus lien, tam algidum malæ sinistræ torporem: ut nullis remediis potuerit calor, iterum in cutem evocari. Unde paulatim obfideri cor; & à tetro malignæ bilis halitu, tam frequentes produci palpitaciones, visæ sint; ut æger tandem inciderit in lethalem gangranam.

Sed vix accessere unquam palpitaciones; quin triduo ante potuit illas prælagire: ex crudo ac tenui, quod id temporis reddebatur, lotio. Non secus ac Hippocr. ex pellucida, ac alba urina, urgens phrenitidis periculum: ob bilem, uti interpretatur Galenus, sursum raptam lib. 4. Aphor. 72. *Nicol. Tulp. Observ. Medic. lib. 2.*

Novi Nobilem Matronam hypochondriacam, quæ quoties cinnamomo tum in cibo, tum in condimento utitur, palpitationem cordis incurrit. Hæc aliquando tantum invaluit, ut meum consilium implorare cogeretur. In cura volatilia & aromatica nihil faciebant. Ab acidis tamen insigne sentiebat levamen, præcipue à spir. pro acidulis, & spir. nitri dulci. *Alardi Hermanni Cummeni.*

Nobilissima quædam p. m. virgo, cum ei ante aliquot (dum viveret) annos cum ferculo venenum propinaretur, illaque partim naturæ robore per spontaneas easque plurimas dejectiones factas, partim etiam ope præstantissimorum alexipharmacorum, adjuvante divina gratia, ab ejus nociva vi liberaretur; accidit, ut quotannis ipsa assumpti intoxicati cibi die, nempe sexta Maii, per plures annos, usque ad ultimum vitæ terminum, memorabile symptoma semper recurreret, scilicet anxietas

cordis cum Lipothymia gravissima, quæ tamen accepto aliquo cordiali pharmaco, largissimo sudore solvebatur. *Simonis Schultzei.*

Virum quendam illustris nominis in India nostra, crebram cordis palpitationem, cui pulsus intermittens semper aderat, patientem, quovis tempore semper restituit mistura sequens.

℞. Spir. sal. ammon. aromat. ʒβ. C. C. ʒj. Syr. cinnam. corall. perlar. ana ʒβ. Aq. menthæ, fanicul. ana ʒij β. M.

Mercatoris uxor Bataviensis, cachexia ac suffocatione hypochondriaca interdum laborans, maximâ simul cordis palpitatione oppugnabatur. Hanc subito talis mixtura sanavit.

℞. Spir. sal. ammon. aromat. ʒβ. succinati, C. C. ana ʒj. tinctur. Castor. croci ana gutt. x. Essent. cinnam. gtt. vi. Syr. perlar. corall. ana ʒβ. Aq. menth. fanic. aurant. ana ʒij. M. detur cochleatim. *Hermann. Nicol. Grimm. Compend. Medic. Chym. lib. 2.*

Anatomica Inspectiões.

Excitari potest cordis Palpitatio à tuberculo, abscessu, intemperie calida, sanguine multo obstructionem faciente, vermibus, subitâ vacuatione, imprægnatione, inflammatione, aqua tunica inclusa, ac humore putri & malè olente plena, lapillis, venenosa qualitate, spirituoso halitu sive ab internis, sive ab externis: Ventriculis cordis, sive in substantia, sive in pericardio, sive arteriis causa consistat: Sive accidat extrinsecus, ut utero, hepate, liene, ventriculo. E quibus causis nonnullas in dissecis corporibus hoc morbo peremptis exploratas habuimus. In cujusdam pericardio aqua visa; in alio abscessus in vena arteriosa; in aliis pericardium flatu distentum, qui tandem solet in aquam concrecere, nisi cordis calore dissolvatur. *Scoliographus in Holler. cap. 29. de morbis internis.*

Nos in cordis membrana in Palpitationi subiectis agris observavimus hydatidas. *Gruener. Rolfinck. Epithom. meth. cogn. & cur. lib. 2. p. 2. c. 1.*

Archidiaconi cordis Palpitatione interempti corpore dissecto, abscessus in cordis substantia inventus. *Forest. lib. 17. observ. 1.*

Nuper in N. corde qui Palpitatione frequenter corripitur solitus erat, veluti lapillus quidam niger repertus fuit. *Thom. Erastus in consil. Scholtzei.*

Quidam audacissimus latro palpitatione cordis frequenter corripitur solitus, rotæ fu ita fixus. Nos hujus cordis visendi cupidi, pulsans adhuc incidimus, ac in ventriculo ejus dextro tres reperti lapilli, ciceris magnitudine, coloris cineritii, oblongi, pondo unius drachmæ, &c. *Zacutus Prax. admir. lib. 2.*

In Imperatoris Maximiliani secundi corde secto, inventi sunt tres lapilli quantitate pisorum, unus interim major altero, colore rubiginoso. Frequenter verò cordis Palpitatione gravi afficiebatur dum viveret. *Wierus de Præstigiis Demonum lib. 4. cap. 16.*

Henrici Schrafferi Belgæ annorum 50. cadaver Hamburgi à M. Kirstenio Anatomico & Medico insigni apertum anno 1651. in quo sequentia notabantur publico dignissima. In dextro cordis ventriculo repertum est concre-

mentum, seu Polypus ingens, qui annatus erat dextræ auriculæ in parte superiore versus cor, & extendebatur sinuato ductu in ipsam capacitatem dextri ventriculi, ubi pariter adhærebat parieti inferiori, implicitus valvularum cuspidibus. Porro progrediebatur sursum & exibat per venam arteriosam, in cuius truncum & deinde ramos tripartitus, sive distinctus in tres ramos porrigebatur. Rami illi rursus in alios multos surculos, & tandem filamenta desinebant. Circa exortum duos propè digitos erat lata hæc excrescentia, longa spithamam unam & tres circiter digitos. In auricula sinistra inerat alia excrescentia, sed vel nullo modo, vel planè leviter adhærens. In cavitate auriculæ pars erat latior, referens concretum sanguinem, protendebatur autem in arteriam venolam, ubi candicabat, distributa scilicet in aliquot ramos, inter quos erant tres potiores (qui rursus in alios minimos dividebantur) inserti in ramos minores arteriæ venosæ. In aorta reperiebatur alius polypus ejusmodi insignis, cuius pars lata, sive basis, sita erat in divaricatione trunci, ubi etiam adhærebat firmiter, ibique peculiaris quidam sinus instar spheræ dimidiæ, vel vesicæ effectus fuerat, in quem una & major ejusdem extuberantia inferebatur. Hic appensæ erant duæ quasi radices, quarum una in arteriam dextram immittebatur, altera, eaque bifida, in carotidem sinistram. Basis erat subrotunda instar cucurbitulæ balneatorum, & in longum extendebatur versus cor, ita ut illud non ingrederetur, sed ingressum aortæ in cor attingeret. In fine erat appendicula. Longitudo totius quasi quinque digitorum. Omnia vasa cordis, ut & auriculæ, erant ampliata, mireque dilatata, imprimis caudex arteriæ aortæ. Præterea in vasis iliæ ejusmodi vitia sunt reperta, ut in sinu cerebri falcato, ubi per totam prope longitudinem effusa videbatur concrecentia alia, quæ, imprimis versus posteriora, in duos ramos dividebatur, in plurimos surculos similiter & multas appendiculas distinctas. *Joëlis Langelotti.*

Puer 13. annorum temperamenti sanguineo biliosi, passus est post magnum haustum frigidæ in calore, continuam cordis palpitacionem per aliquot annos: accessit Phthisis & Hæctica.

Mortuò apertò, non tantum pulmones accretos, ulcerosos, purulentos reperi, sed etiam cor stupendæ magnitudinis conspiciebatur, plenum & extensum sanguine atro & nigerrimo. Et ut istam sanguinis copiam bene perpenderem, incepi à vasis versus cor progrediendo, ejus apertionem, ubi in arteria magna, ad longitudinem unius digiti, à cordis sinistro ventriculo, in sanguine jam jam à corde extruso, particulam quandam albam, instar unguis minimi digiti inveni, quam tanquam ibi planè præternaturalem cum acceperim, erat friabilis instar arenæ, & cum ulterius versus cor progrederer, in ortu arteriæ inveni mediam valvulam lunarem, usque ad substantiam arteriæ planè consumptam & deperditam, & illam partem, ubi arteriæ adhærebat, etiam friabilem in similem arenam, sicut alteram particulam arteriæ sanguine refertam, nullum verò pus. *Ex Observ. J. G. Greiseli Medic. Viennens.*

Dom. de Becherar initio mensis Nov. 1646. ad me venit, & de Palpitatione cordis ab ali-

quot diebus ipsum infestante conquestus est. Pulsus illius contrectans, illum inæqualem invenio omni genere inæqualitatis, ita ut statim in memoriam mihi revocaverit historiam Antipatri apud Galenum, quem ipse censuit habere obstructions in lævibus arteriis, vel tuberculum crudum. Nulla erat tunc temporis respirandi difficultas, & æger munia consueta obibat, neque ulla remedia nisi diebus festis usurpare volebat: præscripsi statim venæ sectionem iteratam, ac postmodum purgationem, à quibus meliusculè habuit. Post x. vel xii. dies iterum questus est de eodem affectu. Varia præscripsi remedia attenuantia & incidentia citra calfactionem, quibus tamen non usus est variis districtus negotiis. Tandem initio mensis Decembr. decubuit, cum difficultate spirandi laborare inciperet & tibiæ inflatæ apparerent, & tum temporis remedia præscripta usurpavit cum iterata V. S. quæ cum per dies xii. continuata nihil opis attulissent, sed malum perpetuò in pejus rueret, convocatum est consilium aliorum Medicorum, quorum sententia fuit esse affectum similem illi qui recensetur à Galen. 4. de Loc. cap. 8. Et ita incidentibus & attenuantibus remediis esse oppugnandum. Variæ remedium formulæ in hunc finem præscriptæ, sed æger perpetuò in pejus ruebat, summa difficultate spirandi laborabat, & pulsus nullus apparebat in carpo: Admotâ tamen manu supra regionem cordis, palpitatio sentiebatur frequentissima, debilissima & inæqualissima: aucta etiam erat tibiæ inflatio, ut jam etiam crura invaderet. Remedia præscripta fuere prioribus similia, quibus addita sunt cardiaca interna & externa. Biduo post æger ad extrema redactus videbatur: Suffocatio ingens aderat, & pulsus in brachio nullo modo, in corde vix percipiebatur. Eadem die moriturus putabatur: cucurbitulam apponi jubeo regioni cordis cum scarificatione, cujus beneficio Zacutus Prax. Admir. Observ. 133. lib. 1. quendam ægrum à desperata cordis palpitatione liberasse se testatur. Meliusculè habuit, & nocte insequente cœpi excernere per sputum sanguinem nigerrimum, crassum & glomeratum, cum tussi molesta, unde levior respiratio fieri cœpit. Ad expectorationem juvandam utebatur frequenter syr. de tussilagine, cum quarta parte oxymel. simpl. & jusculum galli veteris cum pectoralibus. His remediis per quatrimum continuatis, æger in eodem statu permanebat, sanguinem continuò nigrum & crassum excernens. 5. die à sanguinis sputo 4. Januar. 1647. exhibui elixyr propriet. ad gtt. xii. cum tantillo vini generosi, à quo levamen percepit æger, & tota nocte facilius fuit anacatharsis. Die 6. literatum est elixyr, & jusculum galli veteris, verum inde non melius habuit, sed auctâ in dies spirandi difficultate, & sanguinis sputo etiam plurimum auctò, die 8. interiit.

Apertò cadavere, inventus fuit cordis ventriculus uterque sanguine concreto repletus ac distentus, tum etiam totus pulmo sanguine multo refertus visus est, unde caloris nativi suffocatio contigit. Præterea in sinistro cordis ventriculo inventæ sunt carunculæ rotundæ, substantiam pulmonis æmulantes, quarum major ad avellanæ molem accedebat, & arteriæ

abrtæ ostium præcludebat, unde pulsationis defectum in arteriis contigisse puto. *Lazar. River. Centur. 4. Observ. 21.*

Puella annorum sex toto vitæ tempore morbis fuit obnoxia, dein Palpitationi cordis & Althmati, tandem Atrophia perit.

Huic inventa auricula cordis dextrâ prætumida, cui iuerat materia quædam alba, membranosa, crassa, oblonga. In ipso cordis ventriculo dextro materia pinguedini similis. *Gaspar. Bauhin.*

Vir annorum 27. gracilis corporis habitus, temperamenti calidi & sicci, quatuor annis laboravit cordis continua Palpitatione, ejus unicum remedium fuit sanguinis missio. Verum symptomate recrudescente, tandem syncope correptus interiit, corde palpitante non in loco proprio, sed circa diaphragma lateris sinistri valde demisso.

Aperto cadavere, cor maximum apparuit, solum unam continens cavitatem seu ventriculum, in quo 3 xvi. Sanguinis nigerrimi adnumerata sunt. Cordis corpus totum erat emaciatum, arteriæ præ pondere elongatæ & conniventes, ita ut sanguis spirituosus motu cordis non potuerit amplius expelli ad arterias. Loco dextri ventriculi vena cava ascendens in ingentem elevatâ tumorem. Dicite jam, si ambo ventriculi cordis necessarii sunt, an in uno præparentur & in alio perficiantur spiritus? *Anton. de Pozzis, Observ. 40. Miscell. Curios. Ann. 4.*

In ventriculis cordis interdum varia p. n. generantur, sanitatis haud parva impedimenta, quæ tamen in agrotantibus à Medico vix sciri aut agnosci queunt. Frustula adiposa, ac quasi carunculas molles & albicantes, magnitudinis circiter semi ovi, interdum majoris, non semel in iis invenimus & spectatoribus demonstravimus, scilicet in morbo sublati cadaveribus. Inter alia mense Octobr. 1665. Secuimus & demonstravimus cadaver juvenculæ circiter 23. annorum, quæ vivens diu conquesta fuerat, de summa cordis anxietate & palpitatione, ac leipothymias sæpe passa, sicque tandem extincta fuerat; in quo cadavere etiam tale frustum adiposum, dextrum ventriculum fere replens, & aliud parvum in sinistro ventriculo invenimus, atque diligentiori examine instituto, animadvertimus non fuisse corpus aliquod ex sanguinis coagulatione genitum, sed revera corpus adiposum atque firmum, quod digitorum frictione non dissolvebatur: Hicque mortis causam fuisse judicavimus, nullam enim aliam in toto corpore invenire potuimus: nec illa vivens de ullo alio malo quam de prædicta maxima cordis anxietate & palpitationibus ac leipothymias sæpe recurrentibus conquesta fuerat: quam ob causam imperiti domestici illam sæpe levi epilepsia sine convulsionibus, vel hysterica passione laborare judicaverant.

Mense Decembr. 1668. in alia juvencula ejusdem ætatis, simile adiposum corpus satis firmum, magnitudinis semi ovi gallinacei, in dextro ventriculo invenimus. *Isbrand. de Diemerbr. Anat. lib. 2. cap. 6.*

In Mercatoris cujusdam dissecto cadavere, vidi dextrum cordis sinum, cui vena cava inferitur, interiore sui parte durum, exasperatum undique & quodammodo squamosum, ut inserta

manus mea squamarum scabritie offenderetur: Quo in loco continebatur frustum condensati humoris pituitosi, lenti, albicantis, longitudine digiti medii, crassitie pollicis, aut amplius, sanguini immersum, quod medullam cruris bovilli calfactam substantiâ & formâ referebat. Laborarat Palpitatione cordis diuturna, ex qua & mortuum narrabat ejus medicus qui me ad sectionem adduxerat. *H. Smerius Miscell. lib. 10.*

Carnosas excrescentias in cordis ventriculo dextro vel sinistro repertas fuisse, in iis qui dolorem cordis & syncopen & passi fuerunt, & pulsum intermittentem habuerunt, refert *Vesalius Anat. lib. 2. cap. 5.*

Nicolaus à Sonnevelt circa 12. ætatis annum ex febre quadam acuta evadens, aliquandiu valetudinarius vixit: nam exinde fere per sexennium diversis malis obnoxius vixit, diuturnæ lienis obstructioni, crebris ex naribus hæmorrhagiis, cephalalgia, multis catarrhis & tumoribus strumosis in collo. Ad 18. ætatis annum cœpit bene valere, sed morosus valde manebat, qualis in adversa valetudine semper fuerat. Circa 20. annum, crescente robore, a patruo ipsius, qui pannis præparandis operam navabat, ad idem opificium delegatur: ubi mox à suis commilitonibus ad crebras computationes invitantibus cœpit rursus male habere. Primò in crebras cordis anxietates incidit, postea in leipothymias & deinde cordis Palpitationes: Cibi potusque erat avidissimus, sed comestunt sæpe regerebat, unde debilitas sequuta ipsum decumbere jussit. Tum prædicta mala quotidie augescere, atque Palpitatio tantâ suborta fuit, ut in vehementiori animi commotione ab adstantibus audiri posset, quod ipsi tum valde dolorificum erat. 20. Decembr. 1641. è vita decessit & cadaver apertum fuit. In abdomine quidem omnia naturali modo constituta reperiebantur: Sed thorace aperto, inventum fuit cor bovino non multò minus, quippe communem magnitudinem quater circiter excedebat. Increverat autem æqualiter fere circa substantiam & cavitates, ipsaque substantia naturali erat solidior: sed in villis septi intermedii, tres calculi reperiebantur, pisi circiter magnitudinis, non admodum solidi, sed arenacei & novacula cedentes. Pulmones satis bene habiti, sed utrique lateri paullum fibrillis quibusdam adhærentes, quod ob angustiam pectoris à cordis incremento, ita contigisse videtur. *Otho Heurnius Observ. 28.*

Ventre Comitæ Belcarrensis, Palpitatione cordis dum viveret laborante, dissecto, compertum fuit omentum esse magnum & parvum: Hepar valde magnum: splen etiam magnus fuit, repletus nigro spissoque humore. Stomachus ejus & viscera omnia vacua, coloris crocei, distenta solo vento. Vesica fellis tumida humore nigro. Renes repleti specie sanguinis grumosi. In Thorace lobi, idest extremæ partes pulmonum, erant integri, sed malo colore, in sinistra parte nigricantes & cærulei, in dextra albicantes, cum tubere subflavo sub uno loborum. Pericardio dissecto nil aquæ istius apparebat cui cor solitum est innatare, ejusque exterior superficies, à basi usque ad verticem, non erat plana sed asperrima: cum seorsim dissectum est quantitas albi inspissati liquoris effluebat,

& infra basin, inter dextrum & sinistram ventriculum, duo lapides reperiebantur, quorum alter magnitudine æqualis erat amygdalo, alter erat duos digitos longus & unum latus, habens tres auriculas vel crispas angulos: Et in orificio dextri ventriculi erat materia carnosâ pinguis. Totum corpus erat sanguine destitutum, tenue & emaciatum, colore nigro & subcarruleo. Cranio aperto tam cerebrum quam cerebellum erant secundum proportionem corporis magna, & ex eo plus sanguinis effluebat quam in ambabus aliis regionibus visum fuerat. *Ex Act. Philosoph. Societ. Angl. Ann. 1665.*

Cordis involucrum pericardium vocatum, continet unum aut alterum viscidâ aut rubicundâ alicujus aquæ cochlear; cum ad faciliorem motum visceris nunquam quiescentis, tum ne præ nimio æstu facile excandescat fons caloris, qui instar Solis vitam impertitur corpori universo: Aqua autem vel copia nimium exuberante, vel calore à statu naturali decedente, exoritur protinus vehemens cordis Palpitatio, cujus indefatigabili motu satagit nobile hoc viscus excutere quod quacunque ratione sibi molestum est, cujus voti nisi reddatur compos, & se & corpus perdit universum. Stephanum Jonam juvenem vegeti corporis, defatigatum impensè ex pedestri itinere, corripuit inopinato quasi insultu acutissimus lateris sinistri dolor cum spiritu difficili, ac summa cordis Palpitatione: Quorum symptomatum impetum, cum nec sanguinis detractio, nec roborantia ulla infringerent medicamenta, actum fuit de ipsius salute, succubuitque sub pondere viribus nimis gravi, contracta, non tantum febre hectica, verum etiam hydrope, abdomen usque eò extendente, ut necesse habuerit tandem sub sudore frigido, vitam cum morte commutare.

Quorum symptomatum gravissimorum ergò, ubi dissecaretur cadaver, invenimus cor flaccidum, ac justo majus; aquam verò pericardii exuberantem ad 15. cochlearia: quæ ipsius copia produxit proculdubio palpitationem cordis. Pulmo totus erat vitiatus, costisque accretus. Venæ ubique tumidæ. Omentum putredine infectum; uti venter cum cruribus aquâ citrinâ repletus. Cavendum itaque obnixè à nimia defatigatione, quæ tantum mali corpori dat. *Nicol. Tulpus Observat. Medic. lib. 4.*

In corpore cujusdam Gorzensis oppidi incolæ, Jacobi Lorei, jampridem Palpitatione laborantis & spirandi difficultate, repertum Pericardium immanem in tumorem elatum, pluribus libris aquæ distentum. *Carol. Piso de Illuvie Serosa sect. 3. cap. 11.*

Contingit aliquando circa Pericardium tumores & inflammationes fieri; si crudus tumor, vel tuberculum fuerit, palpitationem, vel tussiculam facit: si verò inflammatio, eadem symptomata erunt quæ in peripneumonia, & hac nota discernuntur, quòd minori anhelandi difficultate laborent, & minus levantur frequenti & multa expuitione: Æstus maximus & febris maxima in tali affectione esse solet. Nos hanc affectionem deprehendimus in Nobil. & Generoso viro, cujus cor erat obductum seroso humore verso in saniem quandam ob partis illius inflammationem. Et ne decipiaris, sentiunt

quoque dolorem in lateribus membrana hypozocotæ consentienti. Ipsi pericardio rarissimus est hic affectus, à quò pauci evadunt, quem nemo, adhuc quod sciam, annotavit. *Rondeletius de dignoscend. morb. cap. 10.*

Calculus ubivis locorum in homine reperiri certum est, sed in arteriis qui invenerit, hactenus quidem inveni neminem; ac pròinde operæ pretium facturus videor si ejus exemplum hic inserverò. Joh. Arminius Pharmacopolæ minister, ob adversam valetudinem frequentibus medicamentis à puero magis imbutus quam adjutus, devenit tandem in tam vehementem cordis Palpitationem, & irrequietum agitati visceris impetum, ut verberantis ictus distinctè nonnunquam audirentur præforibus conclavis, in quo id temporis decumberet. Quibus accessere frequens animi deliquium; præcordiorum angustia, spiritus difficultas, pulsus intermittens, urina nunc flava modò nigra, modò cruenta, vel muco aut arenulis perfusa: Sed ulterius proserpente morbo incidit quoque in anorexiam ventriculi, cum crebro vomitu, jecinore indurato, abdomine intento, cruribus tumidis, & tanta aquæ copia, ut necesse habuerit ultimum obire diem.

Quorum symptomatum ergò ubi dissecaretur cadaver, inventum omentum putridum ac cruentum, sed jecur magnum & plurima pituita refertum; at reliqua viscera ita parva, ut lien vix dimidiatam manum, ventriculus vix intestini jejuni, & vesicula fellis vix articuli digiti æquaret magnitudinem. Vesica urinaria erat admodum corrugata, & præ torrido æstu planè nigra: In pancreate verò omnia dura; at in pulmone nihil non aridum ac maculosum: Cor contra magnum & amplum, sed sine pericardio ullove vel minimo illius vestigio: Intestina verò innatabant aquis, ut pulmo bili flavæ. In rene dextro latitabant plures calculi, partim rubri, partim nigri, quos inter unus, cæteris major, obturabat integrè ureteris principium. At prope renem sinistram dedit se nobis in conspectum inauditum illud calculi genus, quod à loco cui adhæsit, lubet vocare arteriale: infidebat quippe firmiter illi arteriæ aortæ ramo, qui vergit ad glandulam Eustachii sinistro reni impositam. Disruperat autem caput ipsius (ita appellamus rotundam excrescentiam illius calculi, quæ cum angustiore collo haud malè refert caput implumis pipionis) arteriæ tunicam, latitante reliquo corpore in dilatata ipsius fistula: sed ita ut vulneris oræ minimè hiarent, verum contraherentur tam arctè circa ipsius cololum, ut vix guttula sanguinis potuerit illinc effluere. At verò protuberans hæc pars, quam caput vocamus, ut reliquo calculi corpore fuit durior, sic discrepavit quoque parum à silice, sed quod delituit in arteria erat molle: foris quidem ob adulti succi melancholici miscellam, nigrum, sed intus albicans ac concretæ pituitæ simile: at capitis color fuit ex flavo cinereus, ad instar lapidis bezoar occidentalis: totus autem lapis referebat ad amussim implumem aviculam, sed lanci impositus ponderabat drachmas duas. *Nicol. Tulp. Observat. Medic. lib. 2.*

In scemina asthmatica & cordis Palpitatione laborante, corpora pituitosa ulnæ longitudinem su-

superantia ex aorta extraxi. *Johan. Jac. Wepfer. Exercit. de Apoplex. p. 197.*

Callum cuidam in arteria magna loco cordi proximo, natum observavimus. Multis hic annis cordis Palpitationi obnoxius crebro fuerat: Sex verò ante mortem mensibus, in sinistro carpo pulsus tam exiguum habuit, ut nullus sæpe apparuerit, ac sæpe sentiri non potuerit. Fuit palpitante corde: Difficile fuit admodum potum admittere, si ut vix unciam simul bibere potuerit. In pectoris spatio sublutei coloris humor collectus quoque fuerat. *Dodonæus Annot. in cap. 3. Beniventi.*

Reverendus N. jugi rerum cælestium contemplationi addictissimus, statim à primis unguiculis perpetua, sed quæ in dies, prout ætate proficiebat, cresceret, palpitatione laborabat; cumque 42. annos natus esset, multaque medicamenta frustra admovisset, morbi longitudine & fastidio, vel potius impatientia victus, se tandem veneficæ mulierculæ curandum, vel potius enecandum tradidit; nam sumptis 3. aut 4. potionibus, nihil tamen proficientibus, ad colocynthid. ellebor. nigr. cataput. seminis decoctum devenit, unde subortæ convulsiones quæ ad mortem comitatæ sunt.

Cadavere aperto singula intestina intus & extra observavi, maxime verò ipsum ventriculum valde magnum; namque in eo crudi humores, plurima & copiosissima pituita vitrea fuit reperta, & medicamento paulo ante assumpto commixta & confusa. Aperto autem thorace, pulmones turgidos & flatibus plenos inveni, quibus per mediam membranam separatis, cor ipsum valde magnum neque naturaliter formatum apprehendi: atque pericardio dissecto, ecce inter arteriæ magnæ caudicem, & venæ arterialis radicem, in cordis basi, talem excrescentiam reperi carnis, quæ unciam unam, cum sex drachmis libraret, & aliud corculum repræsentaret: adeo ut unica fuerit perpetuæ Palpitationis causa, mortem tamen non tulit, sed potius ejusmodi potionum assumptio. Eam autem excrescentiam summa qua potui diligentia liberavi, vino lotam & mundatam exsiccavi, quam adhuc reservo. *G. Garnerius Einsheimiens. in Observat.*

Filius Parei Typographi adolescens, cum frequenter utraque manu terræ innixus, uti pueri lusus causa facere consueverunt, corpus in altum erigendo rotaret, cœpit cordis palpitationem & pulsationem vehementem in sinistro latere, circa ventriculi ferè regionem, sentire, quam à corde eò usque propendente proficisci, sectio post mortem; sed & quod capiti innixus, cor denuò ad superiora ducebatur, satis declarabant. Nam asciticus factus, cum mortuum eum aperirem; Cor, relaxatis involucris & vasis illius, quibus suspenditur, subsedisse, & mucrone suo, succingenti tunicæ, circa septi regionem, deprehendi affixum. Dein & præter reliqua, hepatis, lienis, renumque vitia, asciticis consueta, etiam in medio cordis dissecto, os tribus articulis constans, cavumque & arenosa quadam materia repletum inveni. *Felix Plater. Observat. lib. 3.*

Princeps quidam valetudinarius cum ex cordis causationibus multo tempore gravissimè, affligeretur, à Medicis suo pertinaci malo re-

medium quærit: qui variis lectissimisque medicamentis frustra subsidium quærebant: accidit ut & Medicus tyro quidam, qui Principis Medico familiaris immotuerat, eodem casu cognito, inter alia quoque referret, comperisse lese superioris ætatis conscriptorum consiliorum medicinalium lectione, vermis quoddam genus cordi nonnunquam innasci, quod nullis remediis, præterquam unius allii, ejusdemque mane sumpti, usu cederet atque necaretur: Quod remedium, quia vulgare, atque ob id Principi viro, cui pretiosa & exotica potius expetebantur, neglectum est. Principe igitur morbi diuturnitate & sævitia tandem devicto & mortuo, mortis causa abdita investiganda fuit. Dissecto cadavere, deprehensus est vermis albus, præcuto rostelllo, eoque corneo præditus, cordi adhærescere: quem Medici vivum ex allii succo in mensa figuratum conjiciunt circulum, fera circumquaque rependo mirificè se contorquet, & ne circulum contingat c. vet; tandem verò allii vi & nidore victa concidens, circulo adhuc conclusa moritur, unde non tam morbi causa legitima, quàm certa & indubitata remediis vis manifestè innouit. *Johan. Hebenstreea libell. de Peste.*

Cognitum habemus Treveri virginem diu multumque de cordis, tum dolore, tum tremore, conquestam, & mirum in modum tortam & excruciatam fuisse; remediis, quæ ad robur cordis aliàs sunt, frustra tentatis, tandem ægra moritur. Secto ad veri indagationem corpore, vermiculi in corde, mali hujus tam funesti, causæ deprehensi sunt. *Ex M. E. Stakeri.*

Excitari potest cordis Palpitatio à plurimis causis. In quodam vidi genitam ab abscessu in vena arteriosa. *Scholiogr. Holler. ad cap. 29. lib. 1.*

Repertum est Romæ nuper in Beato Philippo Nerio Sacerdote, qui sæpius in cordis Palpitationem incidebat ex vehementi extasi, cor valde amplum, & arteria quæ ducit in pulmonem duplo latior naturali: Eidem duæ costæ mendosæ in latere sinistro abruptæ a suis cartilaginibus, follis instar elevabantur & deprimebantur dum palpitationem pateretur: quo remedio divinitus servatus est ne extingueretur, usque ad annum octuagesimum. *Andr. Casalpin. Catopri artis Medic. lib. 6. cap. 20.*

Vidimus palpitantem affectum ob aneurisma in Liene. Quod si in corde ipso aneurisma sit, lethalis est affectus. *Ballon. lib. 1. Cons. 29.*

Non vulgariter nos mirari coëgit Nobil. viri Cor, in cujus sinistro ventriculo glandulosæ, sed nigricantis interim carnis libras duas reperiimus, corde instar uteri ad hujus carnis molem extenso, & homine ante mortem, habitu utique melancholico, & ad morbum vigili, & pulsu prædito miris sanè modis inæquali & vario, quique arteriæ contractionem manifestè ostendebat: Ita enim multis mensibus ante mortem (cum tamen ante mortem veluti sanus obambulet) pulsus aut arteria contrahi visa fuit, ut trium aut quatuor pulsationum ictuumque intervallo contracta maneret, velutque expulsionem moliretur: Imò postremis vitæ septimanis, ex novem ictuum intervallo, tres tantum, aut duæ dilatationes arteriæ, tantui subinde occurrerunt: Deinde animalis facultas cum principis animæ functionibus, ad

mortem usque satis constabat, quæ non tam ex cordis vitio proximè obvenit, atque ex sinistri cruris gangrana, quæ ab impedito arteriæ pulsu occasionem perinde duxit, ac si intermissi illi ex cordis vitio pulsus cruris illius nativum calorem aptè eventilassent: Potissimum cum ex Sclopeti ictu, ante aliquot annos, ipsi vitiata esset arteria quæ fibulam petit. *Vesal. lib. 1. cap. 5. de human. corpor. fabrica.*

Quidam ætatis anno 30. circiter ex renum ulcere laborans, integro die ante obitum sine pulsu jacebat. Dissecto cadavere, uterque cordis ventriculus duabus quasi turundis oblongis, adipis concreti obstructus est. *Velschius Episagm. Observat. 34.*

Quæ in partibus internis contingunt aneurismata, sunt incurabilia, qualia frequenter accidunt his qui litus & sudores ad curationem luis venereæ multoties pertulere, quod sanguis attenuatus, & nimium inde incalescens, nec jam arteriæ conceptaculis contineri potis, ipsam in eam distendat amplitudinem, ut manum in pugnum complicatam capere possit: Quod ego animadverti in corde vestiarii cuiusdam, qui ex aneurismate arteriæ venosæ, repente, dum pila palmaria luderet, rupto vase, corruit. Ille dum viveret micantium impetu arteriarum omnium pulsus, ingentemque toto corpore calorem se percipere dicebat, cujus rei occasione sæpe animo linquebatur. Dom. Sylvius interdixit illi vino, aquam coctam pro potu, & pro cibo lac pressum, caseosque recentes esse, atque cataplasmati forma imponi dolenti & tumentis loco voluit. Vesperis ptisana ex farina hordei & semine papaveris utebatur, clystere verò ex refrigerantibus & emollientibus, aut cassia sola per intervalla utebatur, quibus remediis multo melius sibi esse dicebat.

Dissecto cadavere, magnam sanguinis copiam in thoracis capacitatem effusam inveni, arteriæ verò corpus, in eam quam dixi amplitudinem dilatatum, internamque ipsius tunicam osseam, quò ego, nomine ejus, paulò post, cum magna admiratione, copiam in Scholis Medicorum feci, dum cadaver publicè disseccarem. *Parvus lib. 6. cap. 28.*

Anno 1654. in Principis cuiusdam filiolo octo dierum observavi casum satis rarum. Toto vitæ vix cœptæ tempore submissè nec clarè vagiebat, non aliter ac si hypochondria essent inflata, lac sugere recusabat, alvus erat difficilis, excreta dura. Mox & inopinatò paroxysmò quodam corripitur, primò, ut putabatur, Epileptico, qui tamen cessavit, paulò post iterum rediens. Facies tota, ut & corpus totum, rubicundum primò, mox ad puniceum colorem vergebat, respiratio interceptiebatur oculis planè immotis, pedibus manibusque parum saltem calcitrantibus, pulsus nec in carpo nec in cordis regione observatus ullus. Ita decubuit pro mortuo sapius habitus per quadraginta octo horas, intra quod temporis spatium centenis ejusmodi paroxysmis ex intervallo primùm minoribus ad finem verò tendente vita majoribus divexatus, remediis omnibus irritis. Post mortem autem D.D. Wernero Imperatricis Leonoræ viduæ Medico adminiculante me aperto cadavere, nutritioni dicata viscera omnia optimè constituta reperta, aqua saltem citrina in cavi-

tate abdominis cochlearis mensura stagnante. Circa superiores autem utriusque lobi pulmonum partes acuminata duo tubercula conspiciantur, variegati coloris ex rubro punicei, quò ferè totus pulmo conspiciendus erat, quæ aperta vomicas referebant, amurca instar materiæ meliceritidis ex albo nigricante plenas. Quæ vomicae proculdubio hujus asphyxiæ causa extitere, denegata circulatione ex dextro in sinistrum cordis ventriculum, quam primis vitæ diebus, anastomosis venæ cavæ & arteriæ venosæ in Embryonibus conspicienda supplere potuit, ea autem pedetentim coalescente, defecit sanguinis motus, & orta ista asphyxia. D. D. Werner causam flatibus ex ventriculo & mesenterio elevatis ob materiam fermentantem adscripsit, anxietque in viscera, ut sententiam contra me, qui pro pulmonum affectu quodam, sub quo *τὸ θῆλον* subsit, habui, tutaretur suam inquisivit, exiguum quod in plicis ventriculi hærebat, phlegma tenaciter, antequam pulmones inspexeramus, tanquam flatuum causam accusans, postmodum facillimè in aliam sententiam prolapsus. Renes solito majores reperti & rubicundi. Hepar sat magnum saturata rubedine. Lien nigrioris paulò, quàm in infantulis solet, coloris, substantia aliàs & figura naturalis. *Paul. Spindlerus observ. Medic. centur. à Carol. Raygero edita.*

Latro quidam è patibulo quò suspensus fuerat, veluti jam mortuus, sed qui tamen adhuc viveret, depositus atque curatus convaluit; verum ut erat homo ingenio malo pravoque, ad eadem statim scelera revolutus, pro quibus antea extremum promeruerat supplicium, iterum capitur atque suspenditur. Hominis admirati nequitiam, mortui cadaver incidendum curavimus, & inventum est cor ejus undique pilis refertum. Hoc idem inventum est in corde Aristomenis Græci, qui solus perhibetur integras acies pugnando in fugam vertisse. Est ergo non tantum scelesti ingenii signum, sed quandoque etiam raræ fortitudinis. *Anton. Benivenius de abdit. morbor. & sanat. libro, cap. 38.*

Amorum circiter 20. homo, corpore gracili ac teneri, per aliquot annos cordis palpitacionem passus est, quæ adeò violenta fuit ut costæ extra locum protruderentur, imò tumor à vehementi palpitacione in sinistro pectoris latere manifestè videbatur. In carpis pulsus remissus satis. Se quietum tenere cogebatur, nam ad quemvis motum paulò celeriores anhelus fiebat, & cum animi deliquio palpitatio augebatur. Tandem post crebras Lipothymias, ac paroxysmi exacerbationes vehementiores; cum manuum ac pedum infrigidatione, mors, quæ nihil exorabilius, colophonem imposuit.

Dissecto Thorace, Cor tumefactum erat, præsertim dextra cavitas, quæ & sanguine coagulato non tantum tumuit, ast carnosum latus magis carnosum & crassum, quàm solet, fuit. Arteria & vena pulmonalis coagulato cruore distendebantur, vena autem sinistrum cordis ventriculum ingressura interiùs cartilaginosa substantia ferè claudebatur, adeò ut vix aciculam crassam admittebat.

Causa hujus Palpitacionis manifesta est, omne enim malum ab occlusionem venæ pulmonalis dependebat. Cum enim sanguini per sinistram

fram cordis cavitatem liber transitus non patescit, in cordis ventriculo dextro, ac pulmonibus, eorumque vasis certe stagnare cogitur; & per consequens novimus sanguinem stagnantem coagulari; hinc sanguis grumofus & coagulatus ortum habuit, imo & cordis vasorumque pulmonalium intumefactio, præsertim dextri ventriculi; qui & magis musculare, crassum & robustum erat, quia occludente vena pulmonali, fibræ cavitatis dextræ ea fortius sanguinem in pulmones propellere debuerint; hinc vis istarum fibrarum aucta fuit, & fibræ magis magisque distentæ; ut illi qui à juventute continuus laboribus assuescunt, robustiores & magis torosi fiunt, quàm qui delicatiori vitâ fruuntur.

Facile quoque percipimus, quare cor tam vehementer colitis allidebatur, ac costæ extrorsum protruderentur, hoc quippe factum fuit à motu cordis fortissimo, nam cum sanguis venam pulmonalem subire non poterat, motus quasi duplicabatur, quia sanguis se reflectere cogebatur.

Ad quemvis motum concitatiores anhelus fiebat, ex eo quod sanguis tunc celeriori motu per pulmones concitatus, ibidem gradum progressionis fitebat: atqui hoc modo impletis à sanguine stagnante pulmonibus aëris introitus excludebatur, & anhelus fieri coactus fuit.

Arteriarum pulsatio in manuum carpis admodum remissa fuit, non mirum nam ex cordis sinistro thalamo paucum sanguinis exibat, unde & succi cerebrales pauca in quantitate in cerebri glandulosa parte segregabantur, qui & elater pulsum, omniumque actionum humano corpore sunt.

Morte tandem appropinquante, sanguis ferè in pulmonibus fixus stagnabat, quare & partium externarum frigus oriebatur, nec non lipothymia crebræ. *Stephan. Blancard. in Anatomia Practica.*

Similem ferè observationem anno 1683. medio Decembr. hic Amstelodami, præsentibus Freder. Ruifch, van Seil, van Tongeren, aliisque Doctoribus & Philanatomicis, habuimus.

Vir, nisi fallor, 30. annorum, cum vivebat quotidie de tussi cum anhelatione pectoris, ac gravitate circa hepatis regionem querebatur: ac à motu corporis celerim cordis Palpitationem incidebat, quæ postea sensim cessabat. Aliquot diebus ante obitum crebras lipothymias patiebatur.

Thorace dissecto, aliquot libris lymphæ, recter ex vasculis lymphaticis effusæ, pectoris cavitas repleta erat. Cor duplo majus quàm solet. Arteria magna unà cum valvulis circa cor, osseam, seu potiùs petrosam duritiem acquisiverat, & tam arctè occlusa, ut vix crassiusculæ aciculæ glandem admitteret. Hepar planè schirrosum fuit.

Per angustatam & penitus fere concretam arteriam, tanta sanguinis copia eam pertransire nequibat, quàm quidem decuit: ideoque in ipso corde stagnare, ac motu suo reflecti cogebatur, unde jugis cordis palpitatio, ejusque laterum dilatatio, & magnitudo solitam peripheriam superans. Cum porrò sanguis nec pulmones liberè pertransire poterat, lymphatica

vascula adeò premebantur & coarctabantur, aut ruptis vasculis lymphæ in pectoris cavitatem efflueret.

Sanguis interim & cor & pulmones subire impotens factus, in ipso hepate, à quo ad cor magna quantitate solet ascendere, morari nimis coactus fuit, ac interim ex mora diuturna in eodem coagulatus fuit & corruptus, unde circa cordis regionem dolor gravativus. Cætera viscera satis sana erant, quia à sanguine minùs lædi poterant. *Idem ibidem.*

Civis quidam quinquagenarius de dolore continuo capitis & circa scapulæ dextræ regionem queritur, imò de tussi Palpitatione cordis, atque his aliquot mensibus vexatus fuit.

Aperto cadavere, hepar erat schirrosum, lien ex obstructione solito major lectus humore lymphatico plenum fuit: pulmonis dextra pars ferè absumpta & sinistra magnopere inflammata. Pericardium haud mediocriter dilatatum puris & saniosi sanguinis ultra quatuor libras continebat. Cor laevum non erat nisi superficie tenus.

Ex hepatis schirrho & lienis intumescencia, pulmonisque dextri consumptione, liquet, liquores per universum corpus circulari ductu liberè vehi impotentes, in iis visceribus moram contraxisse: ex mora corruptio, inflammatio, dolor, tussis, cæteraque symptomata. Prima humanæ sapientiæ laus est valde similia posse distinguere. Quis Apollo Hydrocardiam divinaret? Est procul à nobis sæpe præsentia veri.

Post mortui cadaveris *ἐπιστάτης* pectus & pericardium, ex ruptis ab obstructione lymphaticis, lymphæ corrupta plenum. Ager, cum in vivis esset, de destillatione frigida ad latera colli in pectus querebatur. Num ex cerebro, de cujus dolore molestabatur, per membranarum intercapedines, liquor ibi resistans in pulmones & pericardium descenderit, nec ne, dubium, cum viæ non patebant? Fortasse leves nervorum convulsiones fuerunt.

Humores in Pericardio collecti, suâ acrimoniâ ipsum cor affecerunt, unde sæpe in Palpitationem incidit; imò ob copiam collecti in Pericardio humoris, cordis latera adeò compressa, sanguinem dimittere non potuerunt, quod sæpe fit, cum sanguini liber transitus per cordis thalamos denegatur. Nunquam quis in Palpitationem incidit, nisi in corde, vel circa ipsum, obstaculum sit; quod ex inspectis cadaveribus semper manifestum est, *Idem ibidem.*

Vir nobilis post naufragii terrorem queritur de Palpitatione cordis, ipsum ab aliquot diebus infestante: pulsus ei continuo inæqualis. Cum hoc symptoma diu perseveraverat in difficultatem spirandi incidit. Postea omnibus in peius ruentibus, pulsus in carpo nullus; ast supra regionem cordis frequens, debilis admodum & inæqualis. Crura & pedes inflati. Ante mortem sanguinem nigerrimum & crassum ac glomeratum exercebat. Ager, ad extrema redactus moritur.

Visceribus perscrutatis, cordis uterque thalamus concreto sanguine distentus, imò ipsi pulmones plurimo sanguine referti. In sinistra cordis cavitate, carunculæ satis magnæ inventæ substantiam pulmonum æmulantes, quæ arte;

nam magnam obstruebant.

Post terrorem sæpe coagulatur sanguis, qui in pulmonibus & corde harena ejusmodi symptomata concitat. *Idem ibidem.*

Quidam à tribus annis in Palpitationem cordis incidit, quæ, cum nimium laborando fatigasset, magis exacerbatur.

Post obitum in aorta supra valvulas femilunares tria corpuscula membranis tecta, invicemque unita; inventa, quibus sanguinis exitus præcludebatur. Ad ejusdem arteriæ ex corde exitum osseum quid longitudine transversæ digiti repertum. *Idem ibidem.*

In Virgine præter propter quinquagenaria post absolutam vigintiquatuor horarum *αποφύγιαν* extincta, polypos grandiores in corde multo ampliore, quam illud quod tanquam stupendæ magnitudinis depingit Kerkringius in Spicileg. sui Anatom. observ. 16. invenimus. Polyporum autem illorum alter auriculam cordis dextram lato & crasso principio prope opprensus, contractior sensim factus in ventriculum dextrum descendebat, ejusque infimæ parti per sui extremitatem affigebatur, unde quasi revolutus in amplum abibat corpus, quod polypi velut alter truncus, postquam totam prædicti ventriculi longitudinem decurrisset, per varias venæ arteriosæ ramificationes aliquantulum divagabatur. Alter polypus è pluribus radicibus, in ventriculi cordis sinistri, tum fundo, tum parietibus, positus, ortus, duos propè digitos eâ sui parte quâ ventriculum occupabat, latus, dimidium crassus, circa prædicti ventriculi exitum multum contrahebatur, & in aortam ascendebat. Prioris substantia firmior glandulosum quid, fibris variis quasi nerveis intertextum exhibebat; in cujus medio per totam longitudinem vas sanguineum visebatur. Posterioris verò substantia è fibris quasi sanguineis glutine quopiam albo infarctis, compaginata erat. De his, ut & de Polyporum generatione plura vide in *Bibliotheca nostr. Anatom. Parte 2.*

CORNEÆ TUNICÆ MORBI.

Curationes, Consultationes, & Observationes ex variis.

Curationes.

Tunica Sclerotica seu dura dicta, à dura matre oritur, estque crassa & posterius opaca, hinc ejus partem anteriorem nuncupant tunicam Corneam, quia est sicut cornu politum & pellucidum; cui tunica plures contingere solent affectus, & primò ipsi accidit *Crassities* quædam & nihil aliud est quam obstructio pororum tunicæ hujus Corneæ; inde ægri hoc affectu infestati quasi per fumum videre coguntur, & ipsis nebula quasi in superficie apparet.

Nebula verò est color Corneæ parum mutatus ab humore subtiliori illapso ita factus.

Albugo aliis dicitur & *Leucoma*, estque macula alba Corneam nostram tunicam ita densam reddens, ut radiis transitus denegetur. Des-

cribi potest, quòd sit macula quædam Corneæ tunicæ, ex condensatione humoris impacti, vel propter cicatricem vulveris ulcerisque, vel propter obstructionem à viscido crudoque humore inductam oborta, visionem lædens.

Differt à Nubecula (*νεφελία*) durâ crassitie. Generaliter utraque species cicatricum *αλάν* nomine venit: nemo Medicorum vix has species discernere potest.

Pustula super Corneam tunicam sunt tumores à vi externa, & continui solutione ut plurimum exortæ.

Hypopyon, nonnullis *Pyosis*, aliis *Lunella* audiens, est puris quædam sub tunica Corneæ (*seu potius inter lamellas è quibus compaginatur*) collectio, aliquando post Ophthalmiam male curatam, interdum etiam post sugillationem, materia in pus transmutata, oboriens.

Ulcera huic membranæ & sæpe accidunt ab acri acido, lympham ex glandulis oculi emanantem ita corrumpente exorta: ut & *Vulnera*, facile enim fieri potest ut à re externa violenta Corneæ hæc membrana rumpatur & humor aqueus effluat. Sic & erosa & rupta Corneæ tunica oritur tumor qui Græcis *Staphyloma* dicitur.

Pars affecta est tunica Corneæ dicta, quæ involvit totum oculum anteriorem, & sub se humorem continet aqueum.

Affectus hi faciles sunt cognitu, & ipsos nostros feriunt oculos. Cognoscitur *Crassities* & *Nebula* exinde, quòd nebula quasi in superficie appareat, & ægri quasi per fumum videant. Sic & *Pustula* quæ sunt tubercula & ipso visu cognoscuntur, magnitudine granum milii æquant. *Nonnulla* sunt cum inflammatione, plures absque hac; aliæ sunt superficiariæ, aliæ profundiores, albæ magis videntur, & facile totam carneam corrodere possunt.

Hypopyon verò ex eo cognoscitur, quòd pus, vel nigrum totum oculi occupet, vel iridem adimpleat, & per tunicam corneam pelluceat, maximè commotò oculo, vel portio ejus haud ita magna in cornea unguem resectam, vel lunam decrecentem seu falcatam præsentet, unde etiam nomen adipiscitur *Lunella*.

Ulcera & Vulnera nullis peculiaribus indigent signis, & facile à perito Chirurgo solo adpectu, & relatione ægri dignosci possunt.

Crassa Crassities & *Nebula* consistit meo judicio in obstructione pororum tunicæ Corneæ à particulis humoris viscidioribus: dictæ enim particule facile ei agglutinantur, & crassitiem inducunt, atque vel ex massa sanguinea, vel ex lymphæ glandulis exudante sufficiuntur; Plerumque verò hic morbus fit ab acidorum ac frigidorum applicatione, unde tubuli facili negotio obstruuntur.

Albugo seu macula alba, oritur à crassa & viscida materia, circa has partes se coagulantes; sic quoque à cicatrice post vulnus vel ulcus facta. Particulæ enim viscidæ tunicæ Corneæ poris intrò foras spectantibus, adeò sæpe infarciuntur ut corpus aliquod membranaceum præsentent, unde necesse est ut suam amittat perspicuitatem ac crassior evadat, quod in senibus non rarò contingit, ob fibrarum durtiem ac rigiditatem nimiam, quod irreparabile inducit damnum. Idem ferè contingit à cicatrice

trice ex ulcere relicta, cujus occasione densior reddita Cornea *Leucoma* contrahit, cujus magnitudo variare solet.

Pustula hujus Corneæ oriuntur, vel à solutione continui ab externa injuria facta; vel humor partis coacervatus ac collectus stagnationem & obstructionem facit unde pustulæ enascuntur, aut propter frigus fit tubulorum constrictio, aut per acidum humores coagulans, aut per remedium externum malè adhibitum eos incrassans, unde illorum præcipuè particulæ salinæ malè figuratæ, tubulos prædictos transire nequeunt, ac propterea tam dense agglomerantur, ut circa tubulos corneæ restitent, ac hæc pustulas inferant.

Hypopyi causa proxima est puris collectio in Cornea. Pus autem exinde oritur, quod ipsi succi in graviore Ophthalmia, aut contusione, vel sugillatione extra vasa diutius constituti corrumpantur, & acescere incipiant, sicque multas particulas acidas inter fibras hujus tunicæ transmittant, quæ tubulos earum obstruentes, & pristinas transmutantes figuras, materiæ subtili consuetum denegant transitum, hinc illa fibras impetuosius agitat, unde fibræ irritatæ ad sistendum illum in regionibus suis excitatum tumultum, omnes concutiunt canales, qui tum inordinate suos effundunt succos, quò impetus ille materiæ subtilis vi contraria sedetur. At varia & intemperata sic confluit diversorum humorum, etiam chyli crudioris, miscela, quæ peculiarem sibi efformat fossam, modò in medio Corneæ majorem, & *Hypopyon* cernitur, modò in ejus fine sub initium Uvæ, unde figuræ hujus tunicæ se accommodare tenetur, & figuram unguis resecti, seu lunæ falcatæ præsentat, & propterea nomen *Lunella* nanciscitur.

Vulnere in hac parte, ut & in omnibus aliis, causa est continui solutio & divisio facta à vi externa. In his vulneribus sæpè particulæ ramosæ extra tubulos prolapsæ, sibi invicem implicantur, & concresecunt in materiam quandam fibrosam ac candicantem, non dissimilem illi materiæ quæ conspicitur sæpè in aqua, quæ ex V. S. profluxit, & etiam igni imposita inspissatur. Sæpè etiam ex contusione, vascula sanguifera dirumpuntur, è quibus sanguis sub ratione sanguinis emanans stagnat, ac livore inficit partes sibi vicinas. Sic & raro vulnus in nobili hac parte fit, quin fibrillæ plures simul dirumpantur, & disruptæ resiliant in cincinnos, atque ita tubulos multos obstruant, in quibus humores circulantes accumulati premunt vasa sanguifera vicina, sic ut sanguis stagnet, unde etiam comites tumor & rubor in toto ferme oculo oboriri solent. Dolor verò & ardor oritur quando sanguis in vasis suis capillaribus stagnans & evalatus brevi acescere incipit, hincque particulis suis pungentibus secantibusque fibrillas vicinas solito citius & impetuosius commovet. Lachrymæ quoque sæpè emittuntur, & hoc fit, quando particulæ acidæ ejusdem sanguinis stagnantis & coagulati irritatione sua leves quasdam concussiones inducunt in glandulis oculi, unde contentus liquor excutitur, adsunt enim octo vel novem ductus novi, ab Anatomicis hætenus non observati, qui è glandulis in oculum stillant lachrymas, & à quibus oculi irrigantur.

Ulcus Corneæ est solutio unitatis ab aëredine corrode, seu acido corrosivo producta, hic enim pervertitur alimentum Corneæ proprium in excrementum acre, & in saniem transmutatur. Ulcera hæc seu dictum, oriuntur ut plurimum ab aciditate hac peregrina, in sanguine vel lymphæ quacunque occasione oborta, & sibi imperium rapiente circa hanc tunicam corneam, & tyrannidem suam, lacerando, urendo, dividendo, & absumendo exercente. Sic quoque post vulnus factum facile acido exuperante in ulcus fit transitus, cum vasa plura rumpentes plures succi evasantur.

Omnes hi affectus cum partem nobilem occupent, periculosi & curatu difficiles sunt, & cum in Crassitie, Nebulæ & Albugine acerbis medicamentis opus sit, facile malum his augeri potest. Si Albugo fuerit orta à cicatrice, tum curatio est difficilis, in junioribus, & in senibus nulla. Hæc quæ est à viscida materia coagulata ab acido, facilius curatur.

Pustulæ verò si sunt in annata tunica, facilius, si sunt juxta pupillam, difficilius; si Cornea in partem internam rumpitur, nulla ratione curari possunt, tunc enim transit in ulcus. Superficialiæ etiam profundioribus facilius curantur.

Hypopyon non caret periculo, etenim si materia diutius hæreat sub Cornea, & majorem induat acrimoniam, quod dolor vehemens subinnuit, fieri potest ut propter spirituum nimiam coagulationem subsequatur gangræna, cum aliàs semper difficilis sit curationis, pus enim jam maturum apertionem tunicæ postulat, & sui exemptionem, at tunica non sine noxa instrumeto pungitur, & foramen minusculum non satis commodè puris egressum permittit, eo autem existente majore humor aqueus facile simul effundi potest, & visus debilitari, quem cicatrix etiam relicta hebetare solet, ob incrassationem tunicæ ea in parte in qua remanet.

Si Vulnera non totam dilaceraverint tunicam, hoc est si non tam altè penetraverint, apparet aliqua spes curationis, si verò Cornea fuerit rupta, & humor aqueus effluerit, quod in Ulceribus accidere solet, omnis curandi spes evanuit. Tum si vulnus sit angustum minus periculi habet, si ad uvæam verò procedit incurabile est. Sic etiam quò ulcus sordidius & profundius latiusque est, eò curatu difficilius existit, quia in his partibus membranosis ichor, seu sanies tenuis, acris & minus albicans emanare solet, quod maximè impedit partis curationem.

Quoad Dietam generatim fugienda quæ sanguini & lymphæ acorem conciliant, eorumque circulationem ac motum impediunt, è contra verò usurpanda quæ acorem temperant, corrigunt & succis celeriores motum impertiunt, imprimis in vulneribus oculorum lumen fugiendum, & ægri in obscuro detinendi sunt. In specie potus Thee commendatur.

In Curatione certè Chirurgia nobilia nobis exhibet præsidia, conducunt enim fonticuli, vesicatoria, & setacea.

Ex Pharmaceutico fonte in Crassitie Corneæ, Nebulæ, & Albugine, conveniunt interna remedia, & præ omnibus saburram quocunque in loco

in loco latentem eliminantia; quod obtineri potest per pilulas Cephalicas sive Ophthalmicas meas sequentes decrescente luna exhibendas.

℞. Extract. marocost. ʒss. pilular. lucis maj. ʒj. de succin. Craton. ʒj. Diagrid. sulph. gr. xv. sal. euphras. gr. x. succin. volat. gr. viii. Olei fœnicul. itill. gtt. v. F. Massa. Dentur vesperi cubitum ituro 5. & subsequente mane adhuc 6. vel 7. & dein danda sunt stomachica & cephalica, v. g. salv. euphras. anthos. thee, lavend. beton. cent. min. trifol. aquat. rad. calam. arom. ex his parari possunt infusa, (uti cum Thee facere solemus) decocta, essentia, tinctura, extracta, conserva, &c. Sic & vinum medicatum conducit sequens:

℞. Rad. caryophyll. calam. arom. ana ʒiʒ. Cort. rad. cappar. satiafr. tamar. mediani frang. ana ʒij. Herb. euphras. mj. beton. fol. rorism. ana p. ij. flor. cent. min. anthos, ros. ana p. j. Cort. citri, aurant. sem. anisi, fœnic. cinnam. ana ʒiʒ. M. f. nodulus in 5. vel 6. mensuris vini infundendus, de quo in prandio & cœna primus haustus sumendus. Præsertim hic pro usu continuo sal. vol. C. C. quod hodie in cœna cum vino assumere solent plures, & non absque emolumento; sed ne quid nimis.

Hic quoque topica magnum afferunt sape solamen, eò enim incumbendum ut pori obstructi referentur, & acidum coagulans & nervis inimicum, corrigatur; specinè in crassitie, nebula & albugine, prodesse dicunt aquam anagallidis ex succo destillatam, quod euporiston erit remedium, si vel vitr. alb. vel sal. vol. C. C. vel succini parum acuatur, ad obstructionem tubulorum eò melius referendam & spiritus animales alliciendos, qui quasi freno injecto torpidi in cerebro detinentur, item axungia leporina illita proderit. Imprimis hic prodest aqua Regniæ Hungariæ ad gtt. 2. oculo instillata, mira enim hac præstiti aqua.

Hæc tamen remedia commodum aliquod præstare poterunt, si vitium sit ab humorum crassitie vel impuritate, sin à filamento quodam processus ciliaris à membrana sua libero, & humori aqueo innatante, quod obscuritate & nigredine sua radiorum lucis transitum impediat & nebulosam præstet visionem, neque hæc, neque alia remedia quicquam præstare posse judico, & optimum in hoc affectu remedium erit, vel neglectus remediorum, vel quies & locus non ita luminosus, ne spiritus animales copiosius allecti filamentum illud fortius agitent & plurimum resolutionem intendant. Optime & hic conducunt vesicatoria, setacea, ac frustulum radic. thymelæ apici auris intrusum, Sequens verò collyrium erit egregii usus in albugine.

℞. Decoct. fœnigr. & cydon. in aq. rorism. fact. ʒij. Lapid. calamin. ʒj. Sacch. Saturn. myrrhæ, croci orient. ana ʒss. Aeris usti ʒss. F. collyrium. Aqua verò sequens ad oculorum affectus egregia est, roborat enim visum, tollit nebulas, inflammationem, sordes, &c. Paucis guttis in oculum indiris ter de die.

℞. Vin. alb. lbij. Aq. rosar. lbss. Chelid. fœnic. euphras. rutæ ana ʒij. Tutia præparat. caryophyll. sacch. canth. ana ʒj. Caphura, Aloës ana ʒiʒ. Digerantur per plures hebdomadas.

Cicatrix difficillimè curatur; notum tamen nobis est exemplum illud à Platero in oculo relatum de cicatrice casu per pulverem sublimati loco sacchari canthi oculo inspersum curatâ, quamvis in principio tanta insequuta fuerit inflammatio, ut de oculo periculum attuerit, quare istiusmodi casus non semper adeo promptè imitari licebit.

Pustulæ curantur fere ut inflammationes, in primis prodest sequens;

℞. Aq. euphras. ʒij. Sacch. Saturn. ʒj. M. Ubi verò animus est exsiccare magis, tunc tutia & lapis calaminar, reliquis addantur.

Quando post graviolem contusionem aut inflammationem oculi sanguis evasatus & corruptus discuti nequit, ideoque suppurari, & Hypopyon fieri incipit, ipsa illa materia purulenta omni studio discutienda erit, ne ulterius sibi sumat incrementum; quare oculus abluendus erit spiritu vini camphorato, cui succus chelid. maj. & cent. min. immisti fuerint, vel fots instituat ex decocto rad. valerian. raphan. herb. euphras. chelid. maj. flor. melil. chamom. lil. alb. pal. avenæ, vel si ne sic quidem discuti possit, imponatur cataplasma ex pulpa pomi putridi & passul. cum mucilag. sem. fœnigr. lini, althææ, & pauco stercore columb. Hac etiam de causa illinatur sape oculus specifico illo ophthalmico Hartmanni, ex fellib. gall. anser. cum pauco melle in vitro in linimentum redactis. Materia autem purulenta tam copiosa existente ut omnino discuti nequeat, instituenda est punctura, & foramen ea magnitudine formandum est, ut pus illud commodè eximatur, & quidem punctio hac ea in parte corneæ instituatur in qua tunica omnes concurrunt & terminantur, ad iridem videlicet, ubi tutius pungere licet. Prospiciendum quoque est ut pus omne eximatur, ne quid residuum maneat humores & succos facile inficiens, & novæ puris collectioni ansam præbens, quæ propter si nec sponte, nec levi pressione emanabit, siphunculus quidam foramini commodè est intrudendus, quo pus à famulo exsugatur, qui affabrè ita aptandus est, ut in medio ventrem quandam contineat in quem pus exsuctum adinstuat, nec sugentis os cum nausea subintret, & ab ulteriore suctione molestia illa abarceatur. Pure tandem egresso, fiat ablutio vel aqua hordei cum melle rosaceo, vel sequente collyrio.

℞. Aq. verben. ʒj. Chelidon. maj. ʒiij. Succ. cent. min. ʒj. Thur. tutiæ præparat. ana ʒj. Myrrh. gr. vi. Vitriol. alb. gr. iv. M. Consolidatio sollicitè instituatur, ne cicatrix adeo magna relinquatur, & adhiberi eadem hic possunt quæ jam in curatione vulnerum & ulcerum sumus proposituri.

Vulnus Corneæ admodum providè debet tractari, quia est pars nervea, maximè proinde eò incumbendum est ut circulus sanguinis & reliquorum succorum restituatur, atque acidum temperetur, & cum vulneris hujus curatio consistat in unione partis membranosæ, solinatur, cuius id opus est, ea committenda, si enim succus nutritius, lymphæ & sanguis bene constitutus sit, tanquam balsamus easdem partes divisas reunit; convenit ergo decoctum vulnerarium. Chirurgus tantum hic applicet remedia membranosas partes consolidantia,

earundemque corruptionem ab acido indutam impediendâ, qualia sunt vulneraria & balsamica, & hic, ut in aliis vulneribus, aer externus & peregrinus ante omnia arcendus est, nihil enim magis lædit quàm aer & lumen, acidum enim inest aëri quod vulneribus maxime est infensum, & acor semper est intensior in partibus nerveis, quàm in aliis. Ad balsami ergo nutritivi & quasi glutinosi aciditatem impediendam, & jam factam tollendam, & motum succorum conservandum, conducunt salia volatilia oleosa temperata, talia enim acidum corrigunt, ut sunt balsam. Peruvianus, balsam. sulphur. oleum hyper. terebinth. e.g.

℞. Aq. veron. euphras. plantag. ana ℥ij. ocul. cancr. præparat. corall. præparat. ana ℥j. Sacch. Sat. ℥ss. Tutia præpar. ℥ij. F. collyrium. Sacculi quoque imponendi sunt ex fanogr. hyssop. flor. chamom. euphras. lavend. in vino cocti. Temperata debent applicari, non acria, non acida, non urinosa, quia nervosis partibus sunt inimica, & magis acidum augent quàm minuunt, nec applicentur acria volatilia, detergentia, aut mundificantia dicta. Hic & laudantur Saturnina, inprimis oleum Saturni rubrum, si enim destillatur Sacch. Sat. prodit spir. oleum flav. & rubr. quod Chirurgis secretissimum est, vel instilletur sequens.

℞. Olei destill. terebinth. ℥j. spir. vini ℥j. Camph. gr. vi. M. Cnöffelii experimentum ad dolores compescendos in oculorum vulneribus est sequens.

℞. Pomor. dulc. num. 3. coq. in f. q. Aq. euphras. & rosar. ad mollitiem, trajiciantur per setaceum, pulpæ tractæ adde sacch. ℥ij. camph. gr. v. M. applicentur. Aqua album. ovar. Hartmanni, vel cum aq. veron. & cherefol. laudatur, item succus in veliculis ulni collectus, de quo videatur. *Henric. ab Heers in Observ.* Laudat & Burrhus, Romæ non ita pridem mortuus aquam vitrioli mart. mysteriosè paratam; alii aq. chelidon. cum camphora, ridiculâ hac ratione, quod hirundines occæcatis pullis visum restituant sua chelidonia, quod tamen potius figmentum censemus.

Ubi simul aliquid in oculum illapsum fuerit, sive pulvis, sive festuca, sive musca, hæc manu Chirurgi ope instrumenti eximantur, & dein applicentur acidum absorbentia & demulcentia, ut sunt mucilag. sem. cydon. psyll. cum aq. appropriat. Sic D. Mutillet Chirurg. Aulicus nolter experientissimus, ex puellæ rusticæ 17. annorum, oculo sinistro festucam sub tunica cornea super pupilla infixam, forcipula feliciter exemit, & dein appositis collyriis & cataplasmatibus demulcentibus & traumaticis intra breve temporis spatium ægram curavit. Exemplum quoque novimus insignis vulneris oculi curati ope unguenti Angeli Salæ, de cerussa antimon. & sequent. collyrij.

℞. Sief alb. sine opio ℥ss. Tutia præpar. ℥ss. Thur. subtilissimè pulver. ℥j. Camph. ℥ss. Croci gr. iij. Aq. plantag. rosar. ana ℥ij. M. In vulnere corneæ ubi aliquid humoris aquei effluxerit, applicatur corneæ jam flaccidæ sequens.

℞. Album. ovar. num. 3. conquass. addendo aq. plantag. ℥ij. rosar. ℥j. Bol. armen. terr. Japon. ana ℥ss. Camph. gr. ij. M. Per intervalla applicetur hæc mixtura, & patiens in loco ob-

scuro detineatur. Humor aqueus ab ipso succorum motu restituitur, quia hic humor ex propria glandula, per proprium ductum ad oculum mittitur. Vide de his celeberr. anatomic. Hagiensem Nuck; nunc Professore Leidensem. Oculos vulneratos salivâ jejuna illita curatos fuisse testantur Misc. Medic. Phys. Observ. 92. ann. 3. ubi recensetur adolescentuli cuiusdam 12. annorum, cuspide cultelli tunicam corneam tuncque ita vulneratam fuisse, ut notabilis quantitas humoris efflueret, inflictum vulnus, nullo alio quàm matris saliva curabatur; mater enim diductis palpebris linguam salivâ madidam vulnere admovebat, quò sensim ad curam perduxit, remanente tantum exigua cicatrice cum pupilla angustiore. Sic & Hagendhorn Misc. Med. Phys. ann. 9. sequentem historiam habet. Ancilla, inquit, casu quodam rupturam oculi experitur, quâ humor oculi aqueus tam copiosè effluxit, ut oculi figura, quæ antea globosa, jam collapsa appareat, cum hæmorrhagia, partium vicinarum tumore & intolerabili dolore. Accersitus Chirurgus varia frustra applicuit, tandem verò Hagendhorn pulvisculum immisit ex cathecu, myrrh. & sacch. canthi. quò immisso, & dein aquis ophthalmicis juncto, & calidè in oculum instillato, oculus pristinam recuperavit figur. m. & patiens curata fuit.

Ut corneæ ulcerosæ erosio tollatur, applicentur acidum corrigentia, consistit enim tota cura in hujus acidi mortificatione, in quem finem conveniunt Saturnina, tutia, pompholyx, caput mort. vitriol. & hic quoque detergentia & mundificantia non acria, sed temperata eligenda sunt, ut balsam. Peruv. Esto formula una atque altera.

℞. Aq. Samb. ℥j. Spir. sal. armon. ℥j. Tutia præpar. ℥ss. Antim. diaph. ℥j. Myrrh. camph. ana ℥j. Immittantur guttulæ quædam oculo hujus mixturæ.

℞. Aq. plantag. pomor. redol. euphras. ana ℥j. Sacch. Sat. ℥ss. Mercur. dulc. gr. xv. camph. gr. j. F. mixtura vulnere applicanda. Vel.

℞. Spir. vin. camph. ℥j. Bals. Peruv. ℥ss. M. His præmissis, tandem ad vulneraria balsamica, sarcotica & epulotica dicta accedendum est. Hic conveniunt temperata & balsamica, de quibus mox in vulneribus; Infusum flor. balauft. instilletur oculis variolis laborantium ad exulcerationem eorum impediendam.

Ad aqueum humorem restituendum nihil aliud usurpandum, quàm superius dictum modicè adstringens, nam non aliud medicaminis genus hic necessarium, quàm quod muccagine quadam labia vulneris obliniat, & viam elabenti humori aqueo quodammodo præcludat, ne aqua de novo progenita per vulnus elaboratur; dein inflammatio arceri debet, & levi adstrictione extrema vasorum apertura claudatur, quibus indicationibus jam dictum remedium absolutissimè respondet: totius rei cado in eo vertitur, ut aer arceatur à vulnere, aer enim incrassat succos circulantes, hinc non facile coit vulnus. Internè etiam nonnulla adhibenda sunt ad promovendam curam externam: Præmissis ergo universalibus, præsertim Mercur. dulc. & antimonialibus, ut & tinct. Antim. in usum ducta, semper interponendi sunt oculi caucr. cum myrrh. corall. & quando-

que cum aceto destill. propinati. Sic & conducunt omnia viperina, spir. viperar. & earundem essentia, uti & omnia remedia ex lignis conveniunt, in primis decoctum lignorum. *Joa. Dolans Encyclop. Chirurg. lib. 1.*

In albugine & nebula, præter illa communia cuivis nota, egregiè valet pinguedo ex hepate mustelæ Germ. *quappen Anatrauppen*. Lava ex vino, & statim ita implantetur vitro, ne fundum & parietes ipsius vitri tangat, sed libere in eodem pendeat; vitrum optimè claudatur & exponatur soli aliquandiu, & hepar fermè totum in pinguedinem flavam destillat, quam collectam serva. Usus ejus est externus tantum, inungendo palpebras eundo cubitum. Fortius Operatur si intro in cibus aliquoties exhibeatur pulvis ille de carduis minorib. pratorum *Heydedistel*. In phlycteris valet aq. vitr. albi. In ulcusculis hinc (ex phlycteris scilicet natis) valet aqua ex albumine ovor. Infra de ungue, nebulaque oculorum.

Ad phlycteras, pustulas & maculas oculorum.

℥. Fel Anserinum, gallinarum & piscium an. part. æq. vitro inde, adde mellis modicum F. linimentum quò oculi inungantur.

Ad ungues, nebulas, pterygia oculorum feliciter adhibetur speciticum lucii piscis.

℥. Fellis luciorum q. v. destilla in cucurbita usque ad crassitiem in aqua destillata solve aliquid camphoræ & postea serva. Crassitiem relictam extrahe cum sp. vini & sp. v. vicissim ab extracto per destillationem separa hujus extracti & sal. sarurn. an. gut. i. dissolve in prioris aquæ gut. 3. vel 4. ac cum pluma in oculum manè & vesperi immitte, videbis felicem progressum.

Alia aqua ex albumine ovorum præstantissima præparatur, quæ qualiacumque vulnera citra aliquam cicatricem consolidat, estque magnarum Virium; coquantur ova ad duritiem, dein per medium dissectis (ungeschelet) ovis eximantur vitelli, postea cum quibusdam albuminibus ad duritiem coctis & tenuiter quasi in pulvem cum cultello sectis cavernas reliquorum ovorum comple, partibusque debite conjunctis & filo colligatis in cucurbita præcisè in medium ex filo suspende, ne spondilia ab iis tangantur. Obstructio orificiò cucurbita in M.B. collocetur & coquantur, videbis albumina secta paulatim in liquorem destillare, quem probe ex fundo cucurbitæ collectum (est nimirum satis exiguus) ad vulnera oculorum recentia cum pennæ pluma sapius applica.

Experimentum meum indubie operationis.

℥. Ludum seu foetentem tartarum matulis adherentem; exsicca & tere subtilissimè, fiat cum aqua rosar. aut euphrasæ collyrium, cum pennæ pluma sapius applicandum.)

Ad reliqua quoque attende, quæ ab inflammationibus externis oculos muniunt: non dubium est, quin quævis oculorum vulnera violenter impressa, præsertim si solutio continui adfuerit [modò crystallinus humor cum retina tunica non læsus fuerit] citra visus perditionem sanari possunt. *Joan. Hartmannus in praxi Chymiatrica.*

Corneæ tunica superveniunt ulcera quæ quia

sunt incurabilia, ea non attingam: humor enim albugineus, per ulcus exit, & totus diffuit. Galenus tamen asserit se vidisse ulcus in cornea curatum: Verum id in puerulo, partes autem infantium spermaticæ refici & reparari possunt, atque etiam ulcus illud, vulnere ab erosione humorum interna minimè genito successerat. Verum cum ejusmodi ulcera adultioribus, & a causa interna accidunt, incurabilia sunt, & in tunica conjunctiva difficilia sunt curatu.

Procidencia tunica uveæ accidit cum tunica cornea erosa raptaque fuit. Eam Græci *ρηξ*, *πρόπτωση* nominant, cujus tres species constituantur, ratione varietatum, formarum, licet inter se non nisi magis aut minus differant, ut Paulus & Avicenna scribunt: nam si ea exigua & muscæ capiti similis appareat, Græci *μυσική φάλον*, & Arabes formicam nominant. Cum verò amplius, & eo usque succreverit, ut acinum uvæ representet, *σαφυλάμα* quasi uvatio dicitur: si plurima facta est accessio ut palpebras transiliat, *μήλον* hoc est malum; si verò obcalluerit *κλῶ* id est clavus tunc dicitur.

Causæ illarum omnium sunt internæ, vel externæ; ut vulnus, vel erosio, quum corneæ *ρηξ*, ingens est, & uvea per eam procidit nullus remediis locus est. Minores curabiles sunt, & si cicatrices, & vestigia relinquunt.

Præmissis generalibus remediis, tum vacuantibus, derivantibus, tum revellentibus applicabitur parti emplastrum ex cydoniis coctis in cataplasmatis formam, ex acacia sanguine draconis, & bolo arm. simul mixtis. oculus etiam fovebitur cum aqua vel decocto plantag. rosar. rubr. bursa pastor. vel collyrio sequenti.

℥. Myrrhæ 3 ij. sacch. candi 3 j. aloës 3 β. aquæ scænic. 3 iij. fiat collyrium, instilletur in oculum frequenter vel,

℥. Sarcocollæ nutritæ in lacte mulieris 3 ij. myrr. & thur. an. 3 j. sang. drac. 3 β. fiat pulvis subtilissimus in formam alcool, & mittatur in oculum vel.

℥. Antimonii usti & loti, cerusæ lotæ, cadmiæ ustæ, & lotæ an. 3 ij. spicæ nardi, aloës, tuth. præparatæ, & sarcocollæ nutritæ an. gr. vi. cum mucilagine tragac. & gummi Arabici, fiat collyrium; vel fovebitur oculus cum vino austero; vel collyrio è lapide hæmatite quod tale est.

℥. Lapid. hæmatit. loti & præp. 3 ij. cerusæ lotæ, cadmiæ, licii an. 3 j. amyli, antimon. æris ustorum & lorum, gummi arabici, & opii an. 3 β. cum succo folior. olivæ, fiat collyrium; vel.

℥. Ostrearum ustar. & hæmatit. an. 3 ij. fiat pulvis subtilissimus & insuffletur in oculum; vel.

℥. Ostrearum, antimon. cerusæ lorum, & siccatorum an. 3 j. hæmatit. 3 i β. sarcocollæ nutritæ, tuthiæ præpar. acaciæ aloës succotr. & spicæ nardi an. 3 j. cum foliorum olivæ vel caprifolii succo fiat collyrium.

Si ruptura sit ingens, & uvea tunica procidat, & in modum uvæ acini promineat, eam intus repones, imperando ut ægrotus supinus decumbat, & remedia repellentia appones, & supra eminentiam laminam plumbeam oculo fortiter alligatam adaptabis.

Sunt qui eam serico filo alligant, sensim & paulatim

paulatim quotidie eam constringendo donec ipsa decidat, deinde oculum remediis supra scriptis roborant. Alii verò eam ob deformitatem incidunt. Verùm Avicenna & Gordonus id maximè reprobant, quia per incisionem, humores dilabuntur, & æger visum amittit, quòd certè peius est. Quàm si luscus & lumine brevis permaneat. In Leucomate specificè prodest aq. anagallidis cum succo destillata; item temporibus applicetur tacamahaca, ejusque emplastrum, sive per se, sive cum aliis, ut ceratò cephalicò, permixtum.

Albugo hæc, quæ à pituita fit & humore crasso ex ophthalmiâ relictò, satis facillè curatur, præsertim si non fuerit inveterata: quæ verò à cicatrice relictà, difficillimè, quandoquidem in parte exquisitò sensu prædita remedia acriora, conterendæ cicatrici idonea, vix tolerari possunt.

Si ab humore pituitoso in carneâ concretò albugo sit producta, præmissis universalibus revulsiones & derivationes prosunt: deinde materia fotu ex decoctò fœnugræci, fœniculi, meliloti, chelidonii &c. emollienda. Maximè autem discutientia adhibenda, ubi præstat aq. mellis destillata, saccharum candum in aq. euphrasiæ seu fœniculi solutum.

Amatus Lusitanus nubeculas crassas in puellâ 12. annorum se curasse refert, post decoctum farsaparillæ exhibendo per 20. dies seq. collyrium.

℞. Mellis in ipsò favo ℥ ij. summit. fœniculi. flor. sambuc. euphrasiæ an. p. ij. sacchari candi ℥ iv. destillentur in M. B. & aq. instilletur oculis.

Si à cicatrice, præmissis præmittendis conferunt fella piscium, ut lucii. it. Succus chelidonii majoris, centaurii, anagallidis, quorum mordacitas, si tolerari non possit, inspissari poterunt mucilagine tragacanthi, psyllii vel cydoniorum extracta cum aq. fœniculi, euphrasiæ &c.

℞. Succor, fœnic. cent. min. anagallid. an. ℥ iij. mellis albi ℥ β. M. F. linimentum. Plura vid. apud Riverium.

In dolore oculi & vulnere Corneæ tunica prodest aq. album. ovorum cum succino destillata. Vid. Henricus ab Heers obs. 12. de vuln. ocul. Mira quoque faciunt antimon. vel saccharum saturn. rubeum si destillatur saccharum sat. prodit spir. & oleum flavum & rubrum, quod Chirurgorum secretum est.

In dolore oculorum arcanissimum est pulpa pomorum affata cum saccharo additâ camphora, & imprimis mica panis humectata lacte muliebri, cum paulò crocò, in crocò enim latitat vis narcotica, ut testantur quidam qui dormiére super croci copiam cum periculò vitæ. Ovum ad duritiem coctum calorem ex oculis miraculum educit, sed albumen tantum apponitur. Huc symphitum vid. supra.

Nota si aliquando post V. S. brachium sanguine congruato afficitur, applicetur tantum decoctum symphiti & mira videbis.

℞. Album. ovi num. i. agita & tantumdem aq. ros. & lact. muliebris adde.

℞. Sem. fœnugræci ℥ β. papav. albi ℥ ij. coque in aq. rosarum & decocto album. ovi permisce.

℞. Flor. chamomill. meliloti an. p. j. semin. fœnugræci ℥ j. coq. & in colat. decoq. micæ panis ℥ iij. vitell. ovorum nu. 2. croci ℥ j. lactis parum. F. Cataplasma.

℞. Succ. meliloti, chamomillæ an. ℥ β. ad ℥ j. lactis muliebris, album. ovor. an. ℥ ij. aq. rosar. ℥ j. Agitentur simul & panis madefacti oculo applicentur.

℞. Medull. pan. albi ℥ ij. pulp. pom. dulc. ℥ ij. lactis muliebris ℥ j. olei rosac. q. s. M. & adde parum croci F. cataplasma.

℞. Decoct. sem. fœnugræci ℥ i β. Mucilag. sem. lini ℥ j. sacchari candi ℥ β. croci ℥ β. M. *Joan. Michael. Prax. Clinic. Gener. part. 1. lib. 2.*

Curatio albuginis ab humore pituitoso in cornea concreto productæ, emollientibus, attenuantibus & discutientibus remediis perficitur, præmissis tamen universalibus, quæ causæ antecedentis sublationem respiciunt, & novum humorum influxum ad oculos prohibent, qui facillè proritari posset à topicis remediis, præcipuè iis quæ acrimonia quadam, aut calefaciendi vi prædita sunt nisi illius materia prius submoveretur.

Itaque primùm universales evacuationes usurpandæ sunt, tum etiam revulsiones & derivationes, quæ in cura suffusionis & guttæ serenæ traditæ sunt; postmodum verò ad materiam concretam emolliendam, fotus admovendus est, cum spongiis mollioribus ex decocto fœnugræci, meliloti, chelidoniæ & fœniculi paratus.

Vel ejusdem decocti vapor oculis excipiat, & in hunc finem sequens etiam decoctum parari poterit.

℞. Rad. alth. ℥ j. fol. malvæ, euphras. chelid. maj. an. M. j. semin. lini & fœnugr. an. ℥ iij. flor. melilot. p. j. fiat decoctio in aqua fontis, cujus vapor recipiatur in oculum manè & serò.

Mox discutientia remedia usurpanda sunt, qualia in suffusionis curatione descripta fuerunt: illa enim hic etiam plurimùm conferre poterunt, atque ita collyria attenuantia, & humorem oculo impactum solventia, inde erunt desumenda, & præcipuè ea quæ ex melle cum oxydorcicis remediis distillata componuntur. Aqua enim mellis distillata, etiam sola usurpata, multum præstat ad omnes oculorum maculas extergendas, si illius usus diù continuetur.

Ad idem præstat saccharum candum, in aqua euphrasiæ, chelidoniæ, aut fœniculi dissolutum.

Tum etiam valdè conferet, si oculus linguâ pueri vel puellæ quæ fœniculum masticaverit, frequenter lambatur.

Amatus lusitanus nubeculas crassas in puella duodecim annos nata, se curasse refert, post decocti farsaparillæ exhibitionem per viginti dies, sequenti collyrio.

℞. Mellis in ipso favo ℥ ij. summitatum fœniculi, flor. sambuci, euphras. an. p. ij. sacchari candi ℥ iv. destillentur in B. M. & aqua instilletur in oculos.

Semen hormini oculo impositum horâ somni purgat oculum à sordibus, eumque abstergit, sicque albuginis curationi conducit.

Potenter etiam albuginem discutit succus fœniculi recenter extractus, cui balsami Peruviani gutta una admista sit.

Idem præstat oleum ex linteis combustis,

cum saliva pueri mixtum, & penna illitum elicitur hoc oleum, lintea accendendo, & inter duas patinas suffocando, materiâ refrigeratâ, guttæ illius olei patinæ adhærentes inveniuntur.

Albugo verò à cicatrice producta, curatur iis remediis, quæ cicatricem emollire, attenuare ac dissolvere possunt; cum autem ea quæ cicatricem conterunt, acrimoniâ non careant, majori cura universales evacuationes ac revulsiones præmittendæ sunt, ne fluxio humorum attrahatur ad partem. Illis igitur, ut supra dictum est usurpatis; primùm foci emollientes, aut suffumigia adhibere convenit, quæ suprâ proposita sunt deinde abstergentia & discutientia remedia admovenda sunt. Primò leniora, qualia sunt suprâ proposita, præsertim aqua mellis composita. Postea verò ad fortiora veniendum est, qualia sunt sella piscium, ut uranoscopi, pastinacæ, lucii, tunc etiam aliorum animalium, ut perdicis, galli, anseris, bovis & aliorum. Eodem modo usurpari poterunt succi chelidon. maj. centaur. minor. anagallidis & similibus, quæ melli permiscenda sunt. Tum quod mel abstergendî & discutiendî præditum est; tum etiam quia liquores in oculum infusi, diffiunt ad canthos, nec in pupilla morantur, in qua eorum actio desideratur, sed cum melle inspissati faciliè pupillæ adhærent. Si tamen eorum mordacitas tolerari nequeat, dicti succi aut sella inspissari poterunt mucilagine gummi tragacanthi, psyllii aut cydoniorum, extractâ cum aqua fœniculi, euphras. aut alia ophthalmica; formula collyrii ex succis talis esse poterit.

℥. Succi fœniculi, chelidon. & anagallidis, an. 3 iij. succi centaur. min. 3 β. mellis albi 3 j. M. instar linimenti. Si cum albugine adsit oculorum rubor, utile erit collyrium ex vino albo, sale & tritico paratum in ophthalmia descriptum. Vel sequens.

℥. Aloës & agarici ana ʒj. pulverentur, & includantur nodulo, qui maceretur in aqua euphras. vel fœniculi, & confricentur oculi manè & serò. Aloë abstergit, roborat & fluxionem sistit, agaricus potenter abstergit.

Sugillatio, seu color oculi rubeus ex sanguine in eum effuso productus, si recens adhuc fuerit, optimè curatur sanguine columbino in eum instillato. In illius verò defectu lac muliebre instillari poterit cum paucò thure & croco, vel ovi vitellus cum vino admovebitur, quod remedium à Gal. laudatur 4. de comp. med. sec. loc. cap. 8. Si verò contumax fuerit affectus fovendus erit oculus decocto fœnugr. althææ, fœniculi, rutæ, chelidon. vel illius decocti fumus oculo excipiendus est. Ac denique ea omnia, quæ pro suffusione descripta sunt, ad hujus affectus curationem poterunt esse idonea. Speciatim verò, in malo inveterato, quando rubor ad negredinem declinat à Gal. commendatur hyssopi coma trita, linteo inclusa, in aquam ferventem demersa, & oculo admota. Et docet experientia, hoc remedium tantæ esse efficacis, ut cruor sensibiliter attrahatur, & linteo adhæreat.

Ac denique color flavus ictericorum, qui in oculis maximè apparet, curato morbo sponte discutitur. Si tamen illius dissipationem ac-

celerare lubeat, suffitu aceti oculis excepto, id præstari poterit.

Ad curationem Hypopyi præmissis universalibus remediis, si inflammationis reliquæ superint, auferendæ sunt remediis in ophthalmia descriptis. Postmodum leniter discutientia admovenda sunt emollientibus permista, ne tenuiori parte resolutâ, crassior materia fiat, & resolutioni minimè idonea. Fiant igitur fomenta ex decocto florum chamomil. meliloti, semin. psyllii, & fœnugr. cum pannis lineis, vel sacculis applicanda. In progressu verò addi poterunt decocto folia euphras. chelidon. & semin. fœniculi: vel sequens collyrium usurpari poterit.

℥. Aquar. verbenæ, rutæ, chelidon. rosar. & fœniculi, an. 3 β. aloës opt. tuthiæ præparatæ, an. 3 β. sacchari candi 3 j. pulverisentur & misceantur, addendo lactis muliebris tantillum; & fiat collyrium; de quo bis terve in die guttæ aliquot oculis instillantur.

Sequens erit valde efficax.

℥. Croci, aloës, myrrhæ, an. 3 j. vini 3 iij. mellis 3vj. dissolvatur crocus in vino. Deinde cum aloë & myrrhâ misceantur, tandem mel addatur. Hoc remedio oculi illinantur.

Denique ea remedia, quæ in declinatione ophthalmiæ, in oculorum maculis, & suffusione præscripta sunt, hic etiam conveniunt.

Si resolventibus medicamentis materia discuti nequeat, ad alia remedia confugiendum est. Gal. 34. meth. refert, ocularium quemdam sui temporis Medicum, cui Justus nomen erat, concussione capitis multos hypopyos sanavisse. Collocans enim eos in sella rectos, ac capita eorum utrinque à lateribus apprehendens, mox quatiebat, adeò ut manifestè descendere pus ipsi videretur.

Si neque hac ratione pus visum impediens dimoveri valeat, Galenus loco cit. ad Chirur. confugit, quem sequitur Aëtius & alii quamplurimi, quæ oculi punctione perficitur, qualis in suffusione fieri consuevit, quæ quidem operatio ut parum nostris temporibus usitata est, sic peritissimi Chirurgi manum desiderat, & verendum maximè est ne apertâ corneâ, cum pure humor aqueus effluat.

In cornea & adnata tunica, quemadmodum in reliquis corporis partibus, generari solent vesicæ parvæ, aqua repletæ, bullis seu vesiculis similes, quæ à combustione aquæ ferventis excitantur, φλύκταιναι Græcis, Arabibus *Bothor* nominantur. Suntque tumores quidam parvi instar granorum milii. Ab acri quodam aut seroso humore oriundi.

Harum pustularum cognitio facillima est, cum sensibus pateant. Quæ in adnata oriuntur, rubrum colorem referunt: quæ autem in cornea, subnigrum, si in illius superficie consistent; album verò, si in parte corneæ profundiore sitæ sint.

Quod ad prognosim spectat, phlyctænæ in adnata minùs periculosæ sunt, quam in cornea superficiali pustulæ, minùs periculosæ, profundiores verò magis: metuendum enim est ne tota corneæ densitas erodatur, & vel humor aqueus effluat, vel uveæ procidentia contingat.

Curatio in materiæ conjunctæ resolutione tota versatur, & causæ antecedentis aversione.

Et

Et omnimodo pustularum suppuratio prohibenda est; quæ in ulcus degenerat.

Universales igitur evacuationes, revulsiones, ac derivationes; quæ in ophthalmiæ curatione propositæ fuerunt, hic etiam celebrandæ sunt. Postmodum topica administranda; quæ leviter repellant in principio, tum etiam discutiant; qualia in ophthalmiæ augmento proposita sunt, quæ magis convenient, quando inflammatio pustulas comitatur, quod plerumque fieri consuevit.

In progressu verò, magis exsiccantia & resolventia erunt usurpanda; qualia in statu & declinatione ophthalmiæ descripta sunt: ac præsertim unguenta ibidem proposita; quæ pustulis illis discutiendis & exsiccandis aptissima sint.

Ophthalmiæ succedere solent ulcera in cornea tunica & adnata, quando in supputationem versa est. Succedunt etiam phlyctænis, seu pustulis; in cornea oriundis; iisque disruptis. Fieri etiam solent ab humoribus acerbis & erodentibus in oculos confluentibus.

Variæ eorum differentiæ ab auctoribus proponuntur; ex variis circumstantiis desumptæ: prout scilicet vel superficialia sunt; vel profunda; lata; vel angusta; varias figuras habentia; & alia hujusmodi. Sic ulcus cavum, angustum, & durum βέβαιον, fossula nominatur latum & minus profundum κηλίωμα dicitur. Quod in iridis circulo situm est ἀρράμω appellatur; & a nonnullis ulcus coronale. Quod denique profundum, solidius, asperum; & quali cructolum est, ἐπικαυμά & ἑγκαυμά vocatur.

Cognitio ulcerum non est difficilis; cum per se oculis pateant. Si ulcus sit in cornea, ulcusculum album apparet in nigro oculi; si in tunica adnata; punctum veluti rubicundum in albo oculi conspicitur; ob illius tunicæ venas sanguine refertas.

Ulcera oculorum curatu difficilia & periculosa sunt; multo magis tamen in cornea, quam in adnata. Ulcus quod è regione pupillæ situm est, magis periculolum; quia in eo sanato relinquitur cicatrix; quæ corneæ diaphaneitatem aufert; sicque visionem lædit; & si tota tunica erodatur, fit effluxus humoris aquei; & nixæ procidentia.

Curatio hujus affectus quemadmodum & reliquorum ulcerum; detergentibus & exsiccantibus perficitur; quæ tamen mitissima esse debent; propter partis mollitiem; & exquisitum sensum præmittenda tamen ea; quæ fluxionem ab oculis revellunt; eamque reprimunt; qualia in ophthalmia; tum recenti; tum antiqua fuere proposita. Et si inflammatio ulceri conjuncta sit, remedia; illam respicientia cum prædictis erunt permiscenda. Quibus etiam dolorem lenientia addere conveniet; quoties ille partem infestaverit.

Detergentia & exsiccantia moderata; sunt saccharum, mel, crocus, myrrha; thus, aloës, sarcocolla, tuthia, & cerussa; ex quibus formulæ sequentes componi poterunt.

℞. Decocti hordei & fœnugr. ℥ iv. mellis optimi ℥ β. vel syrupi de rosis sic. ℥ j. Fiat collyrium; quo oculi sæpe abluantur. Vel

℞. Aquar. verbenæ, & plantag. ana ℥ ij. Sacchari Candi ℥ β. Misce pro collyrio. Vel

℞. Aquæ mellis in B.M. destillatæ; & aquæ

rosar. ana partes æquales. Vel

℞. Ovum coctione induratum & a putamine mundatum. Dividatur in duas partes; & detracto vitello repleatur fovea saccharo candido pulverato. Optime ligetur & ponatur in cella vinaria. Extillabit liquor; qui detergendis ulceribus sine morsu valde idoneus est. Et si potentius remedium desideres, myrrha pulverata cum saccharo candido admiscenda est.

Montanius pulverem sequentem valde commendat.

℞. Albumina ovorum recentium num. xx. ponantur in vase stanneo ad solem, donec exsiccantur; postea pulverentur subtilissime cum æquali pondere sacchari, & pulvis immittatur in oculos; qui sine erosione plurimum adjuvat.

In progressu morbi si potentius detergendum sit & exsiccandum; adde collyriis prædictis trochiscos albos Rhasis, thus, aloën, myrrham; sarcocollam & alia hujusmodi; in parva tamen dosi, ne oculos exasperent, & iis etiam lac, albumen ovi, mucilagines; aliaque anodyna addi poterunt.

Tuthia præ cæteris valet; quia minime dolorifica est, & sine morsu siccatur, ac cicatricem inducit. Ideo collyria & unguenta ex ea parata utilissima sunt. Et præ cæteris unguentum in ophthalmiæ curatione descriptum; quod magnam tuthiæ quantitatem recipit; erit utilissimum.

Collyrii valde detergentis & exsiccantis; ac cicatricem inducentis formula talis esse poterit.

℞. Sarcocollæ nutritæ in aqua rosar. cerussæ & aloës lotæ, myrrhæ, tuthiæ præparatæ, ana ℥ β. Sacchari candi ℥ j. cum mucilagine gummi tragacanthi extractâ in aqua rosar. Fiat collyrium; quo palpebræ illinantur.

Ut singulis corporis partibus cancer solet accidere; sic etiam in oculis aliquando contingit. Et cum ea quæ communem canceri theoriam & praxim respiciunt; è morborum externorum tractatibus desumenda sint; nos hic tantum ea; quæ ad oculum peculiariter tali morbo affectum pertinent; paucis attingemus.

Cancer vel occultus est; vel ulceratus. Occultus ad tumorum genera refertur; & in oculo tumor canerosus; seu cancer oculi nominatur. Ulceratus verò; ulcus canerosum oculi dicitur.

In utroque tamen adest durities inæqualis & renitentia; color plumbeus & livescens; dolor intensus & pungitivus; caput & tempora præsertim occupans; venæ lividæ & varicosæ in tumore & partibus vicinis apparent. Sanguis acerrimus & adustus à parte affecta non raro effluit; quando cancer ulceratus est. Ac denique à medicamentis tantillum calefacientibus dolor admodum exasperatur.

Incurabilis est affectus; in oculo; quemadmodum in reliquis corporis partibus; quando jam radices egit nisi operatione Chirurgica radicitus extirpetur.

Curatio duplex ab auctoribus proponitur; vera scilicet & palliativa. Vera; ut dictum est; in canero jam genito; & parti valde radicali; non potest obtineri nisi Chirurgia. Recens tamen cancer ac fere incipiens; curari potest frequentibus evacuationibus humoris atrabilarii; præmissâ venæ sectione convenienti; ut docet Gal. 1. ad Glauconem c. 10. ubi gloriatur se

hunc morbum per initia sæpe sanasse adjungendo remediis prædictis optimam victus rationem.

Curatio palliativa, quæ ad symptomatum mitigationem dirigitur, non solum per dictas evacuationes, sed etiam topica convenientia perficitur.

Primum igitur victus ratio refrigerans & humectans, qualis humori atrabilario debetur, instituenda est.

Postea sanguis detrahatur è directo oculi affectu, hirudines ponè aurem ejusdem lateris applicentur, tum etiam hæmorrhoidibus si aliquantulum tumeant. Cucurbitulæ scapulis admoveantur, & reliqua revulsionum genera celebrentur.

Purgationes & præparationes humoris atrabilarii, fient per potiones, apozemata, juscula medicata, syrupos magistrales, & alia hujusmodi. Sed præ cæteris multum confert ad humorem atrabilarium evacuandum Helleborus niger rite præparatus: ejusque extracto bis aut ter exhibito, cancer incipiens aliquando à nobis sanatus est.

Hæc remedia humoris affluxum ad oculos, dolores & reliqua symptomata vehementia valde imminuunt. Ad id tamen non parum etiam conferunt topica remedia, qualia sunt in ophthalmia, ad dolorem leniendum descripta; præcipuè autem collyria sunt ex mucilagimbus, trochiscis albi Rhasis & tuthia præparata, cum aqua rosarum, solani & plantaginis.

Aqua sequens pro collyrio & oculi ablutione erit præstantissima.

℞. Rad. scrophulariæ maj. & Geranii. Robertiani, ana M. ij. arnoglora; borragin. buglos. portul. euphras. beton. ana M. j. ranarum viridium & albuminum ovorum ana num. 12. sem. fœnugr. & cydonior. ana ʒj. radices & semina contundantur, & folia incidantur. Deinde affunde aquæ rosar. & euphras. ana ℥j. Misceantur omnia & distillantur in alembico plumbeo.

Pullorum caro ad doloris sedationem plurimum potest, & morbum ipsum aliquando hoc solo remedio curatum fuisse à nonnullis creditur. Sic Mauritius Cordeus, comment. 7. in lib. 1. Hippocr. de morbis mulierum, refert historiam nobilis cujusdam fœminæ, cui tota pars dextra faciei cancro, eoque ulceroso obsessa fuit diutissime, quæ cum variis auxiliis, à Medicis Italis, Gallis, Germanis, Hispanis, petitis usa est, tandem vulgari hoc barbitonsonris remedio sanata est. Pullos gallinaceos in partes tenues & latas concidebat, quas sæpiusculè commutando interdum admovebat parti affectæ. Alii admovent carnes pullorum Columbinorum, lectas & adhuc tepidas.

Denique curatio vera canceri confirmati, sola extirpatione obtineri potest, quæ fit omnimodâ oculi extractione: quàm tuto & salutariter fieri posse docet Fabricius Hildanus, & extractionis modum omnesque illius circumstantias fusissimè describit observ. 1. cent. 1. ut ea hic frustra repetere non opus sit.

Cornea tunica tantam aliquando patitur continui solutionem, ut humor aqueus, interdum tunica uvea egrediatur, & illa solutio ruptura corneæ ab auctoribus nominatur.

Hujus causa est ulcus, aut vulnus illius membranae, aut magnus humorum affluxus, à quo dicta membrana ita distenditur, ut media crepet, & contenti humores effundantur: ut in muliere quadam Parisiensi contigisse, refert Pareus, lib. 16. cap. 13.

Incurabilis est plerumque hæc affectio, & visus privationem relinquit, quandoquidem humores oculi effusi regenerari nequeunt, si tamen vulnus sit exiguum, ex quo portio tantum humoris aquei effluat, curationem suscipere potest: quandoquidem aqueus humor interdum regenerari potest, ut docuit Gal. 4. de sympt. caus. c. 2.

Curatio hujus affectus glutinantibus remediis tentanda est. Et præmissis universabus evacuationibus; venæ sectione scilicet, & purgatione, si ea necessaria sint, astringentia, & glutinantia oculo admoveantur & in oculum intulatur albumen ovi, cui trochisci albi Rhasis admisceantur.

Eadem pars foveatur decocto rosar. rubr. fol. polygoni, rubi, bursæ pastoris, & plantag. in vino astringente parato, si non adsit inflammatio, alioqui in aq. simplici. Vel

℞. Carnis cydonior. ℥ss. rosar. rubr. p. 3. acaciæ ʒij. croci ʒj. decoquantur in vino astringente, & fiat cataplasma parti applicandum.

Ad integram consolidationem sequens collyrium adhibeatur.

℞. Aloës lotæ, tuthiæ præparatæ, & sarcocollæ nutritæ in lacte muliebri, ana ʒss. croci gr. v. Cum mucilagine gummi tragacanthi, fiat collyrium. *Lazarus Riverius praxeos Medica lib. 11.*

Pars corneæ perspicua pupillæ foramini obtrusa visum obscurat, quando crassescit aut vitiosum colorem contrahit, qui color vel crassities, aut impedit radios aut vitiose statim coloratos transmittit.

Fit hoc vitium 1. quando in nutritione corneæ perspicuæ vitiata alimentum nonnihil crassius & viscidius suggeritur: Unde fit ut obscurata nonnihil cornea ægris omnia obscura & quasi per nubeculam appareant, quod vitium etiam tunc nubecula oculi appellatur.

Fit hoc 2. quando cicatricula ab erosionem tunicae corneæ, v. gr. in variolis, aut in ejus ulcusculis, aut post ejus vulnusculum remanet. Talis enim cicatricula non secus ac reliquæ omnes cicatrices, cum crassior sit ac spissior reliqua corneæ parte, albedinem repræsentat, & tunc albugo seu leucoma specialiter appellatur.

Fit hoc 3. quando post ictum vel casum, item post plagas oculo illatas sanguis effusus & congrumatus in albo oculi & etiam in cornea hæret, & ita vitiosos colores rubrum, cæruleum, lividum, &c. inducit in vitio, quod suggillatio oculorum vocatur.

Signa hujus mali non secus atque antecedens malum oculis patent. Nam cicatrix instar maculae cujusdam albæ apparere solet: (unde etiam vocatur macula) in nubecula verò cornea nonnihil albicans & spissa certhitur, & in suggillatione color cæruleus, lividus, &c. etiam spontè patent.

Causæ antecedentes, item contusiones, plagæ, &c. ex relatione agri patescunt.

Quod attinet prognosin, Vitium hoc est difficilli-

ficillimum curatu propter summam subtilitatem & simul exquisitissimum sensum corneæ oculi tunicæ: idque eo magis, quo crassior vel diuturnior fuerit vel nubecula vel cicatricula.

Suggillatio verò facile removeri potest. In pueris tenellis adhuc facilius potest abstergi macula & ipsa tendis quam in ætate consistente, ubi spissior & contumacior esse solet. Post variolas oculos infestantes imprimis observetur, ut insequens cicatricula vel macula citò amoveatur, antequam in perfectam abeat spissitudinem.

Quod attinet curam. In nubecula materia crassa attenuanda & discutienda. In leucomate macula & cicatricula abstergenda. In suggillatione sanguis congruatus revolvendus & discutiendus.

Faciunt huc remedia sequentia. Semen Hormini Sylvestris impositum oculo: hoc enim seminem maculas & albugines abstergere solet: Vid. de hoc Riverius in praxi & etiam in observationibus: unde etiam Poterius folia Hormini Sylvestris in oculorum fomentis præscribit.

Albuginem potenter discutit succus fœniculi recentè extractus, cui una alterave gutta balsami peruviani sit admixta. Item convenit huc aqua fœniculi saccharata, de qua locus sum super ophthalmia, quæ colligitur ex saccharo cutilibus fœniculi excavatis indito & relicto ut liquescat. Item convenit ol. panni sive linteorum combustorum cum aqua appropriata mixtum & cum penna illitum. Aqu. mellis ad delendas maculas oculorum & cicatrices imprimis commendatur. Hinc convenit aqu. mellis composita Amati Lusitani cent. 6. cur. 33.

Mellis qui in ipso favo sibi summitatum florum sambuci, Euphrasie, fœniculi ana p. sacchari candi 3 iv.

Destillantur in balneo M. & aqu. oculis instilletur. Succus anagallidis flore cœruleo imprimis floris ejus expressus, & vel solus oculo instillatus, vel cum melle rosaceo mixtus & applicatus, laudatur ad tollendas maculas; Unde & hic commendari solet aqu. Anagallidis cœruleæ destillata non minus quam aqu. Leucoij bulbosi destillata (hoc enim gerit signaturam oculi) experimentum etiam est aqu. Sapphinea Chirurgorum, sed omissa calce viva, qualiter solet eam præscribere Riverius cent. 3. obs. 45.

Detur aqua appropriata, in qua dissolvitur sal. ammoniaci tantillum; ut lenissimè linguam feriat. Hac aqua retineatur per biduum vel triduum in pelvi ænea vel vase orichalceo donec cœruleum acquirat colorem: Hac enim sublata sunt maculæ densissimæ in oculo ex diuturna ophthalmia progenitæ. Alias succus rutæ & ipse instillatus maculam corneæ blandè detergit.

Porro experimentum Plateri, quo omnes albugines curat, est sequens cataplasma, quod fit ex pulpa pomi cocti, mista cum mucilagine fœnugræci, lapide Hæmatite & corticibus granatorum. Hoc ipsum cataplasma etiam feliciter adhibet. Horstius ad maculas post variolas relictas applicatis simul in tali casu vesicatoriis in nucha: Vid. Horstius lib. 2. observ. 39. Ubi habet integram compositionem. Liquor ex flor. cichorei cœruleis per deliquium sive colliquationem in furno pistorio paratus (descriptio vid. in Sennerto cap. de ophthalmia) similiter

specificus, est ad detergendas maculas & albugines: Porro curavit aliquando Forestus puerum, qui ex variolis in phlyctenas incidit, quæ exulceratæ in oculorum cicatrices abierunt, cum collyrio ex aqua fœniculi adjecto felle anguillæ vel paucosaccharo. Denique pulvis ex cruviis serpentum pulverisatis cum oculis cancrorum vel cum melle illitus, vel cum aqua appropriata applicatus etiam delet maculas & albugines: siccuti aliàs hic pulvis experimentum est singulare in vulneribus & ulceribus, item in cancro oculorum. In quibus oculorum vulneribus etiam experta est aqua Chelidonij cum cancro destillata secundum methodum Mynsichti. Aqua superius allegata cum Mercurio sublimato & ipsa applicata prodest in macula & Leucomate: Casu fuit hoc inventum. Platerus enim lib. 1. observ. refert, cicatricem in corneæ medio obortam omnino impediens visam curatam casu per Mercurium sublimatum loco sacchari in oculum insufflatum: Oborta quidem est inflammatio, nihilominus tamen hac sopita macula reperta fuit deleta, unde legitime applicatus omnino erit proficiuus.

In infantibus tenellis, in quibus apparet macula & nubecula: is efficax remedium est, si mater vel nutrix fœniculum masticeat, & mox halitum in oculos infantis inspiret: fortius erit si post masticationem etiam lingua tangat. albuginem, aut ipsa saliva fœniculo tincta glande inungat eandem.

Sin verò fuerit sanguis congruatus sive suggillatio: Tunc optimus est fotus cum aqua Chærefolij & cum aqua flor. Cyani. Hic enim oculis instillatus & etiam cum linteis duplicatis admotus mirè sanguinem congruatum resolvit. Aqu. flor. Cyani, aqu. Chærefolij, aqu. hyssopi & similes sunt expertissimæ; item cuminum teratur intra dentes & probè masticeatur, & hinc halitus oris in oculum immittatur suggillatum, mirè confert, & est remedium Burthit. loco videndum. In pertinaciori malo sumatur coma hyssopi, eaque contusa coquatur & ebulliat in aqu. calida & fotu isto postmodum tepidè foveatur oculus. Nam apertè sanguinem extrahere congruatum asserunt, & confirmat hoc Riolanus in tract. de affectibus oculorum. Decoctum radice symphiti cum dimidio radice sigilli Salomonis, certissimum est remedium in suggillationibus oculorum tollendis. Mich. Emmellernus in Collegio Practico.

De Hypopyō.

Ab oculorum inflammationibus non per resolutionem terminantibus, at in suppurationem abeuntibus (item à contusionibus, &c.) pus aliquando sub Corneâ colligitur, qui affectus dicitur *hypopyō*, aliquando etiam *Unguis*, viz. cum pus iridis cirenitum amplectitur, & unguis resecti figuram refert.

Ad affectum hunc curandum, præmissis universalibus qualia in cap. de Gutta Seren; &c. præscripta sunt, discutientia (emollientibus permixta) principem operam conferunt.

Foveantur ergo oculi *foribus* in dicto capite laudatis.

Item *Collyrium* seq. tepidè oculo instilletur.

℞. Sacch. cand. ʒj. myrrh. ʒß. camph. gr. ij. Indantur duorum ovorum albuminibus, quæ in panno itamineo pinsantur ut artis est, & f. liquoris expressio, cui add. solutionis aloës in aq. extinctionis lapid. calaminaris & ebullitionis tutiæ præp. factæ ʒß. croci nodulo sæpius exprimendo inclus. gr. ij. misce f. collyrium. *N. B.* Proportio aloës est ʒj. ad ʒj. liquoris. Leviusculum tantum dolorem excitat, non est inflammans.

℞. Aq. verben. rut. chelidon. ros. fœnicul. consolid. ana ʒvj. calc. viv. ʒij. Infund. in aq. supradictis per 24. hor. Colaturæ add. *, sacchar. cand. ana ʒij. Ponantur in vase cupreo dum aqua colorem cæruleum acceperit. Pone guttatim in ocul. bis in die.

Si medicamentis istiusmodi pus resolvi & discuti nequeat, quære annon tentanda sit talis operatio qualis in cap. præcedenti laudatur ad suffusionem non consummatam curandam, viz. Corneæ punctura, ita ut pus cum humore aqueo effluat? *Theod. de Mayerne in Prax. Medic.*

In Hypopyo operatio Chirurgica

Hypopium est collectio puris in pupilla oculi. Hoc pus quandoque ita ebullit, ut pupillam totam occupet. Causa duplex est interna & externa.

Causa externa originem sumit à violento motu, ut casu, saltu, ictu, tusione, vociferatione, elevatione vel ab aliis corporis exercitiis, per quæ venulæ, vel in processibus ciliaribus, quibus continetur humor crystallinus, vel in membrana uvea, nimis aperiuntur aut rumpuntur, ubi instillatus & extravasatus sanguis in pus immutatur.

Interna causa varia est, ut febris, inflammationes meningum, cephalæ, animi pathemata, quæ omnia humores possunt in internam oculorum substantiam ex arteriis propellere, & effundere.

Si hic oculorum affectus generalibus, ut venæ-sectione, cucurbitulis, purgationibus, vesicatoris, topicis, exsiccantibus, aut digerentibus collyriis, cataplasmatibus, hisque similibus non mitigetur, Medicus ad Chirurgiam urgeatur, quia non est expectandum; ut pus membranam corneam; sed & uveam & processus perforaret, unde non solum Patiens usu oculi sed & ornatu privatus foret.

Galenus memorat, suis temporibus expertum ophthalmiatrum, nomine Justum agros imposuisse sedi, & manus alligasse lateribus capitis, qui tam diu illud concutiebat, donec abscessu rupto pus descenderet, discusso pure applicabat topica discutientia, sed providus *Galenus* hanc methodum improbat, & suadet incisionem iridis, ut collectum pus extrahatur, ad quam operationem perficiendam aptum foret instrumentum, quod epistolæ *Burrhi* depinxerunt; quod describetur, pus per incisionem exsugendi gratiâ.

Uthæc operatio ad felicem perducatur exitum, æger imponitur sedi, opponitur autem luci, oculo incolumi ligato linteo, caput peritæori serui imponitur, illudque manibus serui apprehenditur.

Postquam Chirurgus sinistra manu palpe-

bras deduxerit instrumento apto, intrepide membranam corneam terebrat, quæ re peracta mox pus effluit.

His peractis linum quadruplicatum imbutum hoc aut simili fomento imponitur & applicatur.

℞. Aq. Plantag. ʒiv. Rosar. ʒij. liquor. album. ovi ʒij. troch. alb. rhas. sine opio ʒij. mucilag. sem. cydon. & psyll. aq. Euphrag. extr. an. ʒj. M. F. Epithema.

Hoc repellente & anodyno collyrio duobus aut tribus utitur diebus; donec dolor & inflammatio mitigetur, tunc ad abstergentia & consolidantia deveniendum.

℞. Aq. rosar. fœnicul. euphorag. plantag. an. ʒj. syr. de absinth. ʒvi. aloës, myrrh. an. ʒß. sal. saturn. ʒj. M. F. Collyrium.

Hoc calefacto, pluma, aut penicillo oculus quater aut quinquies illinitur.

Mundato vulnere oculi præscriptis, utendum stipticis & cicatricantibus remediis.

℞. Aq. Plantag. ʒiv. rosar. ʒj. tut. ʒj. lap. calamin. ʒß. vitriol. alb. gr. v. sacch. cand. albiss. ʒij. M. F. Collyrium.

His bene adhibitis remediis sequitur perfecta cura, modo æger sæpius hoc Mesues collyrium de die adhibeat.

℞. Ceruss. ʒj. Opii, gr. x. sarcocoll. lact. nutrit. ʒx. ammoniac. thur. an. ʒj. tragac. gum. arab. an. ʒß. aq. pluvial. q. s. f. sief. *Joan. Bapt. à Lanzverde in Append. ad Armament. Chirurg. Scultei.*

Hypopyum seu oculi purulentia, collectio est puris in interno oculi, mobilis tamen ad pupillam, tanta sæpe, ut integram eam occupet.

Causæ hujus morbi duplices, Externæ scil. & Internæ. Externæ huc faciunt Casus, saltus, ictus, vociferatio, imò exercitia atque labores excedentes, unde vasorum subtilium in processu ciliari, crystallini humoris fundamento, aut etiam tunica oculi uveæ, ruptura, quam sequitur sanguinis extravasatio, qui facile hinc in pus mutatur.

Interna causa potest esse Capitis dolor gravis, membranarumque internarum inflammatio, unde humorum in oculi interiora per arterias propulsio, quo pars affecta iis liberetur.

Varia in hoc affectu in usum duci solent, & possunt, evacuationes imprimis spectantia, venæ-sectiones, scarificationes cum cucurbitulis, purgationes, Topica exsiccantia, resolventia forma foci adhibita.

Mediis dictis quod si nihil efficiamus necessarium omnino ad operationem Chirurgicam devenire, quæ primo tempore instituenda, ne alia materia purulenta oculo contenta tunica Corneam variis ex pelliculis, quatuor ad minimum, compositam perforet vi suâ corrosivâ, imò tunicas reliquas tenerioris quæ sunt conditionis, uveam scilicet, ciliaresque dictos processus, exedendo consumat, unde in oculo omnium confusio expectanda, imò ipsius visus, sensuum externorum nobilissimi, ablatio.

Tempore *Galen*i referente *Paulo Aegineta* l. 5. cap. 20. Oculista quidam fuit, Justus vocatus, cujus etiam meminit *parie* l. operat. *Chirurg. Fabric. ab Aquapendente*, qui ægotantem, hypopio laborantem, imponebat sedili, hinc utraque manu caput patientis apprehendebat, idque tandiu

tandiu agitabat, usque dum purulenta collectio separabatur, fundumque petebat, hoc ex voto succedente, oculo ipsi medicamenta applicabat resolventia. Non semel simili via procedere nobis placuit, ast nihil unquam efficere licuit, adeo ut operationis hunc modum postea iterum tentare neutiquam libuerit. Consultum eapropter magis visum, *Galen* methodo quam *lib. meth. med. cap. ult.* proponit, procedere. Perforat hic instrumento accommodato tunicam Oculi corneam proximè ad tunicarum eum concursum, qui *Corona & iris* appellari consuevit, sicque materiam purulentam per foramen factum effluere permittit. Hac methodo, sexies, imò octies, bono cum successu, malum dictum curavimus.

Operatio hæc & facilis est, & periculi omni caret; Instituit eam, referente *Jacobo Guilemeau*, dexteritate singulari, ætatis anno septuagesimo secundo; Chirurgorum regionum Gallie primus *Ambrosius Paræus*. Imò ipse *Guilemeau* in duobus subjectis feliciter hæc via processit. Legi hic possunt quæ habentur apud *Paræum lib. 17. cap. 17.* & *Guilemeau part. 4. Tract. de Ocul. cap. 12.*

Ultimus eorum in quibus Operationem hanc instituere nobis concessum faber fuit lignarius ex ordine eorum qui navibus ædificandis interviunt; Penultima curationi nostræ subjecta Uxor erat *Justi Bulzing*, Mercatoris hujus loci, in qua ad hunc modum, præsentibus *Domino Theodoro Wynants*, Medico ordinario, & *D. Petro Smeets*, Chirurgo, processimus: Sella imponebamus ægram, sic ut luci clatiori esset obversa, hinc Oculum sanum regebamus linteo complicato, mox caput ejus manu utraque prehensum, & manibus & pectore servi nostri sustineretur, effecimus. Hisce sic prægressis, manu dextra apprehensum instrumentum, accommodatum, oculi parti superiori applicavimus; loco qui proximus Tunicarum conjunctioni, mox sinistra manus ope dilatatis palpebris, quo certior foret operatio, intrepido animo corneam perforavimus, & illic materia purulenta exitum invenit.

Perforatione peractâ *Emplastrum defensivum Vigonis* parti vulneratæ imposuimus, imò etiam, ope lintei quadruplicati, fomentum sequens:

℞. Aq. Plantag. ℥ iv. Fœnic. ℥ ij. Sief Alb. Raf. ℥ ij. Sem. Cydon. Pillii an. ℥ ij. F. Epithema, calidè applicandum.

Ephithemate, Emplastroque ad dies duos tresve usurpatis, quorum ope & dolor, & inflammatio remiserunt, Mundificantia media applicavimus v: g.

℞. Aq. Plantag. Eufraf. an. ℥ iv. Syr. Absinth. ℥ β. Aloës, Myrrh. an. ℥ j. M. F. Collyrium.

Penicilli ope quater quinquiesve hoc oculo calidè illinire placuit singulis diebus, & quidem per dies quinque aut sex; coacti enim ea quæ cicatricem inducere, oculumque roborare valerent, assumere, hujus conditionis mixtura hæc:

℞. Aq. Plantag. ℥ iv. Tutia præp. ℥ j. Lap. Calam. præp. ℥ j. Vitriol. Alb. gr. 3. Sacch. Candi ℥ ij. M. F. Collyrium.

Et horum usu affectus dictus perfectè sine ulla visus imminutione curatus est.

Sequenti medicamento uti soliti sumus, quoties materia purulenta in oculo se primum manifestare incepit. Descriptio ejus habetur in *subsid. Med. Duranti Schachi cap. 20.* qui eam ex *Mesue* desumpsit.

℞. Cerussæ ℥ j. Opii, Sarcocollæ lacte nutritæ an. ℥ iij. Ammoniæ, Croci Thuris an. ℥ j. Gummi Tragacanth. Arabic. an. ℥ β. F. Sief cum aqua pluvial. aut cum mucilagine fanigraci. *Joan. à Meekren in observat. Chyrurg.*

De depositione Pterygii seu ungula.

Pterygium seu ungula est membranula nervosa ab interno oculi angulo pronascens, & per oculum se obtendens, & usque ad totam pupillam aliquando proveniens, visum atque ipsius oculi motum impediens. Et si autem ungula ut plurimum ab interno oculi angulo oriatur, oritur tamen etiam interdum ab externo, aliquando à parte superiore, aliquando ab inferiore.

Ungularum variae sunt differentiae, aliae desumuntur à colore; & sunt rubri, albi, citrini, aut fusci coloris: Aliae sumuntur à substantia, quarum consideratio magis ad praxin est necessaria; & sic alia ungula est nervosa, adiposa alia. Aliae desumuntur à tempore durationis; sic alia est recens & levis; quæ velociter removetur, qualibet suspensione; alia inveterata & dura; quæ difficilior.

Præcipuum signum ungulae est à sensu, visu facile cognoscitur. Aliud tamen etiam signum est, quod qui eam habeat videatur sibi fabulum in oculo habere, cum ungula jam est indurata & solida facta; tunc oculus non potest moveri, versus latus ungulae oppositum.

Hæc ungula curatur Chyrurgia; in ejus depositione duo sunt pericula; primum ne cornea lædatur, cui ipsa uno suo extremo adhæret: Secundum est, ne dum ea perscinditur circa angulum oculi vulneretur caruncula lacrymalis. Nam si cornea lædatur, fit in ea inæqualitas, & exinde opacitas; & consequenter visus hebetudo, vel cæcitas; Si caruncula lacrymalis lædetur, sequeretur quædam incontinentia lacrymarum & perpetua lacrymatio; & in ipso actu Chyrurgico sequeretur quidam fluxus sanguinis. Itaque agendum est, ut potius aliqua ipsius ungulae particula supersit, quam ut exactè tota præscindatur, & quod ejus remanet per abstergentia seu erodentia medicamenta removeatur.

Chyrurgiæ plures modi sunt. Primus est iste: Ager jejuno stomacho in sedili contra medicum collocetur; vel in sinu medici caput resupinum ponat; si in sinistro oculo autem vitium sit, melius est ægrum adversum in sedili sedere; si in dextro præstat resupinum in gremio medici jacere. Tunc altera palpebra à ministro diducatur; altera à medico. Medicus hamulo argenteo seu unco modicè inflexo; circa medium ungulae inflexo illam leviter elevet, ne cornea tunica trahatur, quod inflammationem pareret. Dum autem sic elevatur, continetur penna anserina plana; ut illa est qua cythara pulsatur, vel aliquantulum majore obtusa cuspide, vel instrumento argenteo cuspidem habente ad similitudinem rosmarini, & à lateribus obtuso.

paulatim excorietur, primo versus angulum lacrymalem, deinde leviter removeatur à cornea; & iterum juxta lacrymalem progrediendo caute apud eum forficibus præscindatur.

Secundus modus est iste: Situato patiente ut supra, medicus accipiat acum argenteam longitudinis quatuor digitorum, quæ undique ad ipsius libitum flecti possit; & illa in foramine habeat filum ex serico, & pilum ex cauda equi, vel loco pili imponatur cordula testudinis & adæquatis pilo & filo, & sputo lenitis acus immittatur, & tota ungula apprehendatur. Si acus commode ingredi non potest, primum ungulæ hamulo attollatur, & acus tum imponatur, deinde filo serico constringatur, & alligetur ungula, & à ministro suspendatur. Tum medicus pilo aut chordula testudinis blande hinc inde excoriando, ambabus manibus filum sursum ac deorsum trahendo ad modum ferræ ungulam ab oculo separet, usque ad angulum lacrymalem. Ungula forficibus præscindatur.

Albucasis lib. 2. c. 16. describit tertium modum, sed is valet quidem in ungula fragili & adiposa, sed non in nervosa.

Post operationem super oculum applicentur, quæ inflammationem impendant, ut sunt illa, quæ in tractatu de cataracta posuimus: postea abstergentia adhibenda. *Thom Fienus de præcip. Art. Chirurg. Controvers. tract. 3.*

Consultationes.

Pro Illustri, & Nobili Bergomenfi Maculam oculi habente.

Illustrem, & Nobilem Virum non detineri ea specie albuginis secundum utrumque oculum, quod ex cicatrice post sanatum ulcus in tunica Cornea orta legitima dicitur, sed quæ spuria, & notha nuncupatur, facta non à scirro, sed à pituita crassifacata unicuique satis perspectum esse non dubito, qui quidem affectus est, qui ab Auctore libri de oculis Pannus, non autem qui ab Arabibus Sebel, à plerisque panniculus vocatur, nam Sebel ex Rase est panniculus venosus qui ut pterigium sibi curationem expostulat. Cæterum quoniam visio fere ex toto est ablata, aufertur autem non solum partium famulantium (inter quas tunica Cornea numeratur) verum etiam vitio facultatis, ac partis, cui primo debetur actio videndi, jure quis quærere posset, an vitio Corneæ conjungatur aliquid aliud ex jam dictis, cui statim respondeo præter dilationem pupillæ, quæ oculis ipsis patientis nostri oculos intuentibus conspicitur, de aliis nil certe statui posse, nam si præteritorum ratio habeatur, cum Illustris Pateriens occasione destillationis ante multos annos inciderit in Ortopnoeam, & ab hac materia ad oculos conversa affectum nunc propositum incurrerit, facile quis suspicari poterit nervos visorios non parum passos fuisse; Adhæc, quoniam antea fere se totum Vir Nobilis Veneri tradidit, ac maiorum, quibus diu fuit afflictatus, occasione, pluribus remediis evacuantibus atque calorem, spirituumque innatum multum dissipantibus usus fuit, nullus est, qui non arguat, propter hæc omnia coadjuvante etiam ætate senili spiritus

ipsos deficere. At quoniam densata, ac veni indurata tunica Cornea, species visibiles non recipiuntur, hinc de hisce propositis certum judicium ut dictum fuit minime fieri potest.

Sed jam principia generationis horum vitiorum atterenda, quæ omnia in insignem pituitæ proventum refero, quæ intra laminas tunice corneæ concreta albuginem, in substantia tunice uveæ imbuta mydriasis parit; Proventus autem hic pituitosus primaria quadam ratione ex fluxione suscipit occasionem, coadjuvat tamen, & facultas alteratrix oculorum à proprio scopo [quia non bene conficit alimentum] aberrans, sicuti in morbis longis, & in ætate lenili contingere solet: Pituitam confluere docet color ejusdem panni, fluere autem per modum transmissionis, partis imbecillitas ex morbo longo contracta persuadet, quanquam succum hunc pituitosum antea propter inflammationem oculorum attractum, ac dissipatis partibus tenuioribus ob calorem inflammatorium crassifacatum fuisse non hæsit.

Quamobrem si affectus ii curandi essent, Medicus omne studium eo dirigere deberet, ut humorem jam impactum discuteret, fluentem ad oculos derivaret, atque revelleret, ejusdem generationem per alterationem tum cerebri, tum ventriculi ad calidum prohiberet, tandemque, & oculorum proportionem remediis oculariis conservaret.

Quas medicas intentiones explere, nemo est ex medicis, qui non videat provinciani penitus impossibilem, nam ubi visio ob affectus præternaturam in habitu, qui pluribus, & efficacibus materis medicis sine fructu non semel à Viris Excellentissimis tractati fuerunt, aufertur, ubi plures oculorum partes affectæ sunt, nullam salutis spem remanere quis est qui non videat? Quoniam ablatam visionem sic restituere est opus divinum, non humanum, quia tamen medicina est donum ipsius Dei, ac instrumenta medica, veluti manus ejusdem solent interdum esse proficua (cum sæpius ipse, & natura ab imminenti etiam morte vindicaverit) ideo à materiis medicis in hoc quoque casu non est desistendum, quin inquam hæc tum ego proponam, tum Pateriens diligentia, & studio Excellentissimi curantis ad usum deducat.

Et propterea (quantum attinet ad chirurgicam) præter vesicantia capiti adhibenda, Cauterium ad aliquot dies in sincipite gestatum summopere laudo, & cauterium, atque setaceum in cervice, tanquam ea remedia, quæ citra aliquem fructum pluries tentata fuisse non propono, sed præter hæc proposita & aurium perforationem, itemque scarificationem cartilaginum eorundem non improbo. De venæ-sectione, sicuti de remedio, quod sæpius fuit adhibitum, atque ipsius nunc nulla sese offert necessitas, nihil dico; cucurbitulas autem, modo siccas, modo humidas, frictiones, ligaturasque partium extremarum proficuas admodum esse posse fateor.

Quantum verò nunc ad medicamenta attineat, mihi videtur opportunum, ut neglectis interim communibus, ac aliis, quæ sæpius gratia totius fuerunt usurpata prosequatur Pateriens in usu decocti chinæ, & medicamenti ex viperis,

ea tamen ratione, ut quibusdam intervallis constitutis non solum tempore usus hujus decocti, verum etiam extra hanc occasionem utatur pilulis lucis tantum, aut etiam admixtis cochuis. Gratia autem capitis peculiariter ad evacuandum masticatoria, ad alterandum embrocam seu lotionem calefacientem, atque siccantem omnibus præfero.

Et quantum attinet ad topica, quæ detergentia, & discussoria esse debent plura sese offerunt medicamenta, inter quæ primum probam aquam fragorum instillatam, secundo sanguinem galli antiqui eodem modo usurpatum; huc pertinet mulla cum succo fœniculi adhibita, oleum balsami, liquor qui extrahitur ex arundine fœniculi in horto ipso de nodo ad nodum perforata, sale minerali, saccharo, pulvereque Eufragiæ repleta, ac cera per noctem obturata. Sed collyrium ex ovo medicato cum viridi are, & aloë lotis, atque sarcocolla nutrita, tanquam efficax medicamentum, usu experientiaque mihi non semel comprobatum propono, sicuti & illud, quod fit ex mica panis nuper ex clibano extracta, in mulla macerata, ac sanguine columbino perfusa, Vapores enim qui ab huiusmodi mixto intra duo vasa stannea conclusi exhalant, in aquam convertuntur, quæ in oculos instillata mirifice valet ad usum dictum, quo pertinet & collyrium Rasis ex fellibus. Verum ante horum omnium medicamentorum usum maxime proderit, si oculi foveantur spongia molli madefacta in decocto altheæ, malvarum, fœnugraci, seminum lini, ac huiusmodi aliorum emollientium. Ad proportionem autem oculorum flos nucis muscatæ cum conserva Eufragiæ probatur.

Atque demum inter ea, quæ victus rationem attinent, illud noto, ut omnia illius cibaria condiantur pulvere Eufragiæ, verbenæ, seminum fœniculi, rutæ, & sacchari; Vinumque cum Guajaco, salsa, & simplicibus ocularibus jam dictis alteretur. Reliqua verò huc spectantia, sicuti & pleraque alia tanquam Excellentissimo curanti notissima consulto prætermitto. Faxit autem D. O. M. ut hæc omnia Illustri, & Nobili Patientis salutaria reddantur. *Julius Cæsar Claudius in Consultatione Medicis.*

Pro Perillustri, ac Nobilissimo adolescentulo Flandro Albugine secundum oculum dextram, diminutæque visione secundum utrumque oculum affecto.

Nobilissimum Adolescentulum superioribus diebus ophthalmia secundum oculum utrumque detentum, nunc macula, seu albugine in dextro oculo tantum, membranae corneæ affectu, detineri, præter id, quod sensus attestatur, manifeste, ex his etiam colligere possum quod huius affectus proprium est tum objectum, veluti per velamen, & per rete visibile reddere (idque patienti nostro contingit) tum ophthalmiam, vel facile subsequi (hæcque pariter præcessit) ex quo Albuginem hanc impropriad esse sequitur, quandoquidem propria factam in oculis ulceris occasione cicatricem subsequitur. Verum quoniam adhuc adolescentulus noster difficulter sibi remota valet videre, præter dictam maculam imminuta quoque visione (quod &

ad oculum dextrum spectat) sine dubio laborabit; A quibus non solum ut interim liberetur expostulat, sed etiam ut ab inflammatione jam prægressa tueatur, ac imposterum præservetur exoptat.

Quæ uti ipsi tutius succedant, mihi circa modum generationis affectuum præsentium, & causas eorundem prius, breviter tamen digrediendum. Et profectò immediatam causam illius albuginis densationem corniformis tunicae ab humore crassiori occasione ophthalmiæ in membrana illa derelicto poros ejusdem obstruente productam affirmo, ex quo ne rerum visibilibus simulacra ad chrySTALLINUM humorem usque, præcipuum visionis instrumentum liberè permeare possint, impediuntur, sicque objecta per nebulam veluti à patiente conspiciuntur, qui quidem humor pituitosus existens (ut ex Albeldine conjicitur) suæ generationis ortum habuit ob errores potius externos, quam quod in vitia facultatum capitis, ventriculi, ac hepatis referendus exiit, quamquam & ipsa aliqua ratione concurrisse crediderim; caput scilicet aliquali humiditate, ventriculum vix frigidityte, & hepatis proprio fervore.

Cæterum quæ causæ prædictam visionis diminutionem efficiant, non ita facile dignosci potest, cum etenim, commodius propinqua videre, quam in debita distantia locata ut plurimum illis accidat; qui aut spirituum visioni deservientium defectum, vel impuritatem patiuntur, cumque perillustrem hunc adolescentulum ab his immunem esse Dei beneficio colligatur ex his, quod in ea ætate florida constitutus, quæ pluribus donata est spiritibus visoribus, nullusque præcessit affectus, qui illos dissipare potuerit, quod secundum oculum sinistram remota quoque, convenienter tamen distantia, bene videt, idcirco aliunde mihi causa est exploranda, quam dilatationem ob foramen Ragoidis ab humiditate distensum, quatenus per hanc aliqualis spirituum disgregatio succedit, immediatam causam huius imminutæ visionis constituo; dilatatio oculi sese offert intuentibus; reliquæ verò causæ humorem prædictum foramen dilatantem producentes ex dictis innotescent.

Quidnam autem causæ sit, cur oculi præsertim in hoc nobilissimo puero passi fuerint, & prædictis affectibus nunc dexter detineatur, cum excrementa in corpore quantitate, qualitateque excedant hæc declarant nimirum partium reliquarum robur ad expellendum potens oculorum naturalis imbecillitas ad recipiendum apta, eorundem ad prædictos patiendos affectus hæreditaria ex parte matris dispositio, inflammatio prægressa occasione doloris, & caloris ad attrahendum apta.

Quibus ita de modo generationis, necnon causis horum affectuum constitutis, jam Medici munus erit tum humorem in cornea imbibitum, & illam obstruendo densantem, tum illum in ragoidis infarctum, & illius foramen distendendo dilatantem, præsidii discentibus resolvere, oculorum proportionem servata; sed quoniam hæc per medicamenta localia consequi oportet, eaque totius providentiam utique supponunt, idcirco ad totius corporis morbosum apparatus, omnem operam Medicis converti oportet, quod quidem summopere ad præventionem

vationem quam tantopere patiens exquirat, conducet, quod tutius assequetur, si caput demum, & hepar illud potissimum ad siccum, hoc autem ad frigidum alterabit.

Quæ omnia quamvis ob dispositionem matris hereditariam, & ob suffusionis propè imminentis suspicionem aliquam difficultatem præse ferant, hanc tamen posse superari primum Dei beneficio suffultus, mox ætatis vigore, ac anni tempore verno, in quo sumus, vel facile arbitror, & quæ hujus rei certissimum præstant argumentum, duo sunt, quorum alterum illud est, quod etiam in oculo sinistro post sanatam ophthalmiam albugo, quædam similis visa est superstes, quæ tandem solo beneficio naturæ fuit resoluta: Alterum est quod patiens perillustis prædictos incurrerit affectus propter errores potius externos, quam ob internas viscerum discrasias.

Materias itaque præsidiorum aggrediens primum ex Chirurgica (ut præservationi etiam incumbendo tutius oculo nunc affecto topica admoveantur) cucurbitulæ partibus infernis applicitæ, & scarificatæ maximi erunt usus, sicuti, & postulante occasione, venæ basilicæ cephalicæ, aut demum salvatellæ sectionem haud improbo; cucurbitula quoque cervicis, vel etiam parti capitis posteriori è directo oculum affectum prospicienti admota, & scarificata, si necesse fuerit, summopere proderit: At revivificante morbo (quod avertat Deus) ad materiæ interceptionem setaceum in cervice mirifice conferret; interim tamen omnino cauterium brachio dextro insingendum esse censerem, quod quantum valebit ad præservationem præsentium affectuum, ac ophthalmiæ in dies adolescentulus experietur.

Medicamenta ex pharmaceutica Medicinæ parte petita varia sint oportet, & primum quæ rationem totius habebunt, erunt mel rosatum solutivum & syrupus rosatus pariter sol. vel cassia, una cum speciebus hieræ Galeni. Secundo humores præparabuntur cicorii, endiviæ, betonicæ, eufragiæ, & chelidonæ decocto, adjectis syrupis accommodatis; post quæ purgans aliquod medicamentum præscribi poterit, sicuti quod ex infuso agarici trociscati, & Rhabbaro addito syrupo rosato solutivo conficitur, in quem finem etiam radice mechocani uti conveniens erit, aut (si fortioribus) pilulis lucis, sine quibus, & assaiaret Avicennæ omnino insistendum. A totius expurgatione deveniendum esset ad partium alterationem, nisi adhuc aliqua impedimenta remanerent tum ratione totius, tum ratione capitis; Et quidem quæ adhuc totum respiciunt, sunt aliquæ excrementorum reliquiæ, quæ commodè per medicamentum insensibiliter evacuans consumi, absุมique poterunt, hoc autem erit chinæ decoctum una cum modico salsa, nisi ventriculus obsteret, aut etiam cum tantillo, si opus fuerit, ligni guaiaci, cicoreæcis tamen castigati, betonica, & ocularibus simplicibus adjunctis: Verum & sensibilibus caput masticatoriis expurgari potest, quo in casu solo mastiche, solve papyro contentus essem.

Ac interea medicamenta discutientia oculo sunt admovenda, quæ simul oculi proportionem respicere debent, sed à mitioribus in-

choandum, inter quæ sunt sanguis columbinus, turturis, aqua fragrorum, chelidonæ, eufragiæ, Urina pueri per se sola, vel una cum melle distillata, & oculo instillata; vel si patientis oculus lingua ejus, qui fœniculum masticasset lambetur, plurimum prodesset.

Quibus non conferentibus ad fortiora deveniendum, ad omnia scilicet fellium genera, perdicis autem potissimum, ad capita similiter hyrudinum detracta in olla exulta contrita, ac tandem pulverata; At quod mirum in modum valet, ut experientia non semel mihi comprobavit, est aqua stillatitia, quæ ex mica panis nuper è clibano extracti aqua mellis macerata, & postmodum sanguine columbino superasperfa, tantillo pulveris calcanti addito in duplici vase destillatur.

Quibus omnibus expeditis, pro capitis alteratione conservæ capitales, saccharum rosatum cum pulvere boli Armeni hora somni devorata, exterius verò lotio ejusdem capitis ex decocto camomeli, rosarum, betonicæ, & eufragiæ erunt accommodatissima.

Pro jecore autem succus cicorii, vel per se assumptus, vel cum sero depurato, & succo acetosæ, vel extra sub forma perfusionis cum speciebus cerati sandalini, & aceto adhibitus hypochondrio dextro, omnibus præferendus; quibus minimè conferentibus ad balneum aquæ dulcis, & Lucenses aquas, Villenses inquam, nunquam satis laudatas, illud de foris administrandum, has verò de more bibendas se transferat perillustis patiens necesse erit.

At quod ipsum summopere juvabit, conveniens est vivendi ratio, quæ ea sit oportet ut in aëre in activis temperato, in passivis ad siccum vergente vitam degat, ut hac de causa aerem Venetum maxime proprium dixerim; Cibi erunt carnes gallinarum, perdicum, caponum, turturis, vituli, & hujusmodi probi succi, ova recentia, pisces saxatiles: Ab omni abstineat repletionem, ab oleribus excrementitiis, caveat ab iis, quæ in caput effumant, ab aromatibus, ut propterea ipsi saccharum rosatum, vel coriandra semicooperta, vel cydoniatum à mensa sint assumenda. Potus vinum sit cum china alteratum, una cum simplicibus ocularibus, exercitium fiat moderatum, somnus existat brevior consueto, alvus quotidie secedat, quod si hoc sponte non accidat, pane utatur nobilissimus adolescentulus ex tota farina subacto, adjectis anisis, passulis, ac sale, vel clysteribus levioribus utatur. Animi passiones, quæ lacrymas præsertim ciere solent, aufugiat. Et hæc sunt, quæ ad curationem præsentium, & præservationem ab ophthalmia in gratiam nostri patientis perillustis volui dixisse; faxit modo Deus, ut in actum secundum deducta optatum sortiantur finem. *Idem ibidem.*

Ophthalmia cum visionis imminutione ex Albugine.

Illustrissimus Comes Adolescens annorum septendecim, temperamenti biliosi, hepatis calidi, capitis præhumidi; elapsis Bacchanalibus diebus correptus fuit Ophthalmia in oculo sinistro, cum fluxione materiæ acris in principio, cum dolore, levitamen. Verum ob ne-

glecta remedia in principio, & ob errata in iis præcipue, quæ ad victum & aërem spectant, usurpatis spatio quindecim dierum circiter solum collyriis ab amicis exhibitis, sævior factus fuit morbus, & perenni affluente materia, visio incepit imminui, unde ab adveniente Medico inventa fuit albugo totam Iridem & crystallinum occupans, parum reliquo oculi rubente. Illico missus fuit sanguis ex brachio, exhibitum fuit deinde Leniens ex manna, & syr. de rosas, cum superbitione aquæ hordeaceæ; postea sanguis missus fuit ex hæmorrhoidibus & per cucurbitulas dorso summo & imo, quæ fuere tum siccæ, tum scarificatæ, non omissa circa nucham incisione. Clysteres fuere in usum revocati, Phœnigmi scapulis, brachiis summis, retro aures etiam fuere appositi, cui loco prius admotæ fuerant hirudines, & ultimo Cauteria brachiis inusta. Remedia ex Pharmacia, post primarum viarum expiationem hausit Nobilissimus Co. infusiones ex senna, agarico & rhabar. cum additione manna, syr. ros. solut. cum superbitione modo seri, modo aquæ hordeaceæ, interpositis Alterantibus pro moderanda intemperie hepatis sanguinisque, & cæterorum humorum peccantium. Collyria à Medicis præscripta fuere, ex quibus incepit albugo tolli, ita ut supra dimidium fuerit ablata, superstita tamen in præsens ejus portione in oculi medio cooperiente pupillam. Decem dies sunt, ex quo cessante ad hunc oculum affluxu, eodem ordine ad dexterum quoque delapsi fuere humores, unde primò rubor, dolor levis, postea magis affligens, non tamen continuo, ita ut visio parumper fuerit imminuta, & objecta nunc indistincte videat, & in dies depereat visus. Nebula quæ in hoc observatur, est veluti velamen decuplo minus crassum, quam alterum; dolor est potius gravis. Materia catarrhalis tenuis erumpit per nares, per palatum, & ex oculo lacrymæ manant, non tamen continuo, ubi ex alterato cessarunt. Quotidie frictiones, cucurbitulæ modo siccæ usurpantur. Collyria in principio huic oculo repellentia immittebantur, nunc additur parum aquæ fœniculi. Ex consilio inito progrediendum in expurgantibus corpus, deinde caput, non prætermittis Alterantibus, ut si morbus contumax observaretur ad decoctum exiccans sit confugiendum. Setaeum renuit Nobilissimus Ægrotans. Hæc in compendio sufficiant viris sapientissimis à quibus consilium in re tanta exoramus.

In Ophthalmiam incidisse Adolescentem Illustrissimum hac tempestate hyemali frigida & humida mirum non est, cum & Hipp. in hac eadem lippitudines viguisse observaverit, eoque facilius in calido & humido capite contingunt, nisi oculi prævalidi fuerint, ut notavit Gal. addita quoque vivendi libertate. Verum cum Ophthalmia sit inflammatio tunicæ adnatæ totum oculum ambientis, & ideo externæ, quæri potest cur & quomodo alium atque diversum oculorum affectum secum duxerit, & num albugo, an vero suffusio, consecutus affectus dicendus sit; & ad primum quod attinet, occasione caloris atque doloris, quæ sunt duæ potissimum causæ attrahentes, per alia vasa ad oculum humores attractos fuisse credo, sed ad quam partem ambigo, num scilicet ad corneam tunicam

intrinsecus, vel extrinsecus, & ita albugo Ophthalmia successerit, vel potius aqueus humor oculis proprius pituitosum excrementum in intercapedine inter corneam & crystallinum existente exceperit, & suffusionem excitaverit. Quod tamen indeterminatum relinquere, nihil universali Curationi, & parum particulari obesse, sed tantum prognosticum alterare potest. Illud interim pro certo habendum, Ophthalmiam humidam esse & non legitimam, sed spuriam, ut ex qualitate doloris, lacryma non adeo acris, & tandem ex affluente pituitoso humore facile elici potest: caput vero non tantum essentialiter affectum esse, sed & à jecore, & à toto venoso genere fomitem suscipere.

Ut propterea contra oculares Medicos Galenus, Topicis omissis, solis Purgationibus, aut sanguinis missione Ophthalmicos se liberasse gloriatur; ut nobis innuat non adeo facile & cito ad collyria & ophthalmica remedia Topica confugiendum esse, ut perperam fecit ante accersitum Medicum Illustrissimus iste Adolescens, toto namque & capite repletis, facillime redundantes humores à medicamentis oculariibus ad oculos ipsos attracti fuere.

Idcirco ex Platonis sententia oculos curare ante caput, & caput ante totum corpus non licere docuit Gal. quod observasse audio Viros Excellentissimos Adstantes, dum evacuantibus, revellentibus, alterantibus, divertentibus & repellentibus primò, progressu vero etiam digerentibus, omnibus tamen anodynis usi fuerunt.

Quibus quidpiam aliud vix addi posse video; etenim revellentia nullo modo deferenda, quotidianæ nempe pedum lotiones & dorsii frictiones; & perseverante fluxione vesicantia quoque, vel scapulis & occipiti, vel saltem brachiorum superiori parti circa musculum Deltoideum ubi Cauteria figuntur, nisi Cauterium impediat, tum ratione revulsionis, tum diversionis & à capite derivationis. Restat considerandum in occipite setaceum, quod sicut capite essentialiter tantum affecto mirabile auxilium afferre solet, ita consentiente toto, infaustum eventum sæpe vidi, & ideo caute valde, & non nisi cæteris omnibus frustra tentatis affigendum. Inter evacuantia, efficacissime à capite & à toto purgant pilulæ capit. Paracelsi, ad semidrachmam exhibitæ circa noctis dimidium à primo somno; continent enim extractum colocyth. elleb. nigri & Diagrydij, diebus Cingularibus paratæ; quæ quoniam Patavij inveniuntur, Veronæ autem præsto non erunt, ideo drachmam unam pro duabus vicibus ex ipsis transmittito; cum enim exigua sit dosis, facile forsitan ab Illustrissimo Pat. assumi poterit, & si opus fuerit, iterum atque iterum erunt repetendæ.

Alterantia humorum acrimoniam demulceant, & Præparantia redundantiam respiciant.

Ita Topica medicamenta ophthalmica caute sunt in usum ducenda eo ordine, ut primo Ophthalmiam, mox consecutum affectum secundo loco respiciant; inflammatio enim impedit crassioris materiæ resolutionem, ita tamen Ophthalmiæ incumbendum, ut nimio repellentium usu, suffusionis aut albuginis resolutio non prohibeatur. Fœnugræci Decoctum Ophthalmiæ spuria quam maxime prodesse, nec suffusioni ob-

obesse voluit Galenus. Albugini externæ linctus à puella aut puero jejuno ventriculo, post scœnuli masticationem certissimum est remedium. Albugini vero internæ potens erit aqua stillatitia ex succis scœniculi, chelidoniæ & prassij, à Gal. marrubij dicti, simul mistis, additis fellibus & melle optimo. Suffusioni tandem ut præstantissimum Ophthalmicum à Quercetano proponitur crocus metallorum in aqua chelidoniæ, quod tamen remedium à me frustratorium & prorsus inutile semper in praxi observatum fuit: & ideo tincturam ab eodem croco metallorum extrahendam curavi, & parata habetur Venetiis apud Hieronymum Rizzetum Pharmacopolam ad signum Sanctæ Margaritæ, quæ tinctura guttatim oculis infunditur, quotidie tribus aut quatuor vicibus. Meliora in præsens mihi non suppetunt, neque ad majora devenire audeo, nisi de statu Co: Illustrissimi certior factus.

Congrua interim à Viris Excellentissimis erit addenda victus ratio, ita ut præter cætera prorsus abstineat à vino, parcum sit prandium & parcissima cœna, & uno verbo, sedata Ophthalmia, victus debeat esse tenuis & attenuans, ut Excellentissimis Medicis Adstantibus magis opportunum visum fuerit. *Raym. Joh. Fortis Consulti. & Respons. Medic. Tom. 2. Cent. I.*

De lesa visione ex Albugine gravi auditu, & semiparalyti. Pro adolescente Polono.

De tribus affectibus præter naturam conqueritur in præsentia Perillustris adolescens annorum 18. videlicet de visione partim imminuta, partim depravata oculi dextri. Videt enim diminutè, & conspicit objecta veluti per velum, seu nebulam: de gravitate auditus in aure dextra: & de imbecillitate ejusdem brachij, ratione cujus vix potest elevare quidpiam ponderosum, vel saltem non diutius tenere: qualis imbecillitas est etiam in sinistro brachio, non tamen adeò gravis, & cum levi quodam dolore scapularum. Has affectiones, plures & graviores præcesserunt, videlicet apoplexia, 15. ætatis anno, cum octo horas immobilis, & sine sensu jacuerit, cum detentione operationum principum, quæ postea migravit in paralytim infernarum partium, crurum scil. Post aliquot menses supervenerunt variolæ, quibus successit tumor insignis in gutture, cum levi dolore, qui deglutitionem aliquantisper impediēbat, inde tumor, & erosio in palato, cum exulceratione columellæ, quæ tamen vel parum, vel nihil est imminuta. Quartò tumor subortus in utroque genu foveam relinquens dum comprimebatur, cum impedimento, & dolore in incessu. Ac quintò confluxus accessit ad sinistram oculum ejusdem materiæ, quam nunc in dextro videmus, cum majori visionis offensa: ac tandem inflammatio sinistri oculi, & insignis rubedo. Hæ sunt præteritæ, hæ præsentēs affectiones. Sed quia graves, illæ non egent consultatione, idcirco ipsarum commemoratio præsentium tantum affectuum cognitioni usui erit. Ex præsentibus verò, cum oculi vitium majus facessat negotium, ab ipso initium facientes, videbimus qualisnam sit affectus, in qua parte, & à qua causa fiat.

Quantum ad essentiam, aliud sanè non est

hoc vitium, quàm albugo vel nebula in cornea genita, siquidem est materia alba crassa, & adhærens; non tamen est vera albugo à Paulo descripta 3. de Re Medica 22. quæ est macula ab hujus tunicæ cicatrice inusta: neque est albugo scirrhusa inflammationi succedens. Licet enim inflammationem passus fuerit, ea tamen non fuit, à qua ejusmodi macula, vel tumor induci potuerit. Sed est albugo spuria, dependens à materiæ fluxione ad illam partem, quæ & nebula dici potest. Habemus enim ex Avic. quod si materia est superficialis, potius nebula, si profunda, potius albugo vocanda est. At in præsentia censeo materiam partim esse superficiale, quia si intueamur oculum, apparet inæqualitas in illa parte; partim profundiorē: cum enim cornea tunica ex quatuor laminis sit composita, ut patet ipsam diligenter separanti, materia hæc non solum superficiali laminæ adhæret, sed etiam ad alias hujus tunicæ lamina pertingit.

Ideo patet ex his, partem affectam esse tunicam corneam, affectum esse morbum in numero, præsentiam scil. materiæ superflue, quæ alia non est, quàm pituita, ut ex colore, crassitie, & visciditate ipsius colligitur, à qua læditur visio; quia talis materia occupat etiam illam corneæ partem, quæ pupillam tegit, licet hanc minus, quam alias partes. Confluit autem hæc materia à capite humidissimo, & fonte omnium malorum præteritorum, cum aliqua caliditate, quam intemperiem hæreditariam patitur æger nobilissimus; quandoquidem Illustr. ejus parens sexcentas morborum species passus est, ob hanc cerebri intemperiem. Neque est quod pluribus hoc probemus, quin potius dubitandum, an materia hæc à cerebro confluens, aliqua sui portione contineatur in nervo optico, & obstruat cavitatem ipsius. Ego enim cum oculum sanum clausum, & inspicies affectum oculum, viderim pupillam ipsam parum dilatari, suspicor adesse levem aliquam angustiam etiam in nervo optico; non quidem talem, quæ prohibeat omnino spirituum confluxum, quia non fieret visio, sed quæ saltem uberiorem impediāt, à quo fit pupillæ dilatatio.

Huic affectioni accedit gravitas auditus, quia & nervus tertiæ conjugationis ad aurem perveniens est utcunque coarctatus, vel saltem humectatum est tympanum, quod propterea ab aère externo percussum parum resonat. Adest quinetiam brachiorum imbecillitas, cum dolore scapularum: quia portio hujus materiæ confluit ad musculos, & nervos illarum partium, & prohibet perfectam irradiationem facultatis animalis, solvitque continuitatem partium sensitivarum. Hæ ergo sunt affectiones, partes affectæ, & causæ effectrices manifestæ, quibus cum aliud accedat fovens prædictas affectiones, oculorum scilicet caliditas, quæ se prodit ex venis apparentibus in conjunctiva, & ex facili rubedine oculorum ab applicatione remedium utcunque calidorum. Dubium præterea est, an duxerit aliquod inquinamentum Gallicum ex lacte, quod aiunt ab infecta nutrice suxisse: si enim hæc quoque causa accederet, contumacior esset morbus. Verum non credo causam hanc habere locum, cum quia non adsunt certa indicia infectæ nutricis, tum etiam, quia pa-

tiens nobilissimus non prius male habere cœpit; quam anno 13. ætatis. Si enim ab infecta muliere tale inquinamentum suscepisset, etiam ante illam ætatem de quibusdam morbosus vitiis querelæ non defuissent.

Utcunque tamen sit, non possumus non determinare, graves & contumaces fore prædictos affectus, cum dependeant à catarrho hæreditario exuberante: in primis verò illa oculi nebula, cum sit quinque annorum, ac proinde materia sit impacta, & firmata. Accedit, quod generosis præsidiiis hætenus tentata fuit hæc curatio, incassum tamen. Nihilominus non censeo curam omnino prætermittendam; quia si plane non tollantur, imminuentur saltem, & perfectior visio reddetur, intemperiesque aliquatenus corrigentur.

Quare materia pituitosa, quæ ad oculum, aurem & scapulas, nervosque motorios confluit, erit attenuanda, & digerenda: prius tamen novæ materiæ confluxus est prohibendus, caput diligenter purgandum, & intemperies humida corrigenda erit exsiccantibus, necnon & jecur refrigerandum. At quia impossibile est confirmatam intemperiem ad naturalem statum reducere, ut propterea possit omnino prohiberi materiæ regeneratio, ea saltem ad alias partes est divertenda, revellentibus, & derivantibus: oculique, & aliæ partes affectæ sunt corroborandæ. Quæ facilius consequemur habita ratione totius corporis. Quare ab eo quod ultimò inventum est curatio est auspicianda, & totum corpus, & caput est diligentissime purgandum; materia fluens est divertenda, fluxa digerenda; intemperies corrigenda; & partes affectæ roborandæ. Quæ præstabuntur Chirurgia, Pharmacia, & Diæta.

Quod spectat ad Chirurgiam, sanguis in casu præsentis necessario mittendus est e vena communi dextri brachii, non ex hæmorrhoidibus: ac tertio ex vena frontis, vel venis in angulo oculi affecti. Gestat fonticulum in brachio dextro: qui locus videtur suspectus, propter partis imbecillitatem. Sed cum majus sit emolumentum, quod ex hac evacuatione suscipit, ob rectitudinem cum parte affecta, quam noxa propter imbecillitatem brachii, illum servare. Ne verò tanta materiæ copia conflueret ad illam partem, alium pararem in interna parte coxæ dextræ, quò revellamus à jecore. Quod si tertium admitteret in sinistro brachio, summopere prodesset: in tanta enim fluxione multis opus est emissariis. Non defuerunt, qui Chirurgico præsidio receperunt affectionem oculi sanare. Sed, ut credo, errarunt in cognitione affectus. Nebulam enim habuerunt pro ungui, qui est membrana quædam ab angulis originem habens, & expansa supra conjunctivam, & aliquando supra corneam. Quæ curatio Chirurgicis præsidiiis periculi potest: quia materia hæc est impacta in laminis corneæ, neque est in membranam conversa. Quare ad Pharmaciā devenio.

Alvus itaque leniatur *mell. ros. sol. & māna*: Præparentur humores *syr. de beton. de cichorio, & oxymel. simpl.* cum decoct. proportionata: Purgentur *agarico, & rhabarb. cum mel. ros. ac syr. de polypod. compos.* Deinde validioribus attenuantibus præparentur humores, videlicet *syr.*

de beton. compos. de cichorio compos. & oxymel. compos. cum portiuncula *syr. de stæchade.* & decoctione *betonica, euphrasia, verbenæ, & cichorii, stæchadis*: & validius purgetur corpus, pilulis nempe *aggregat. & fœtidis, vel pilulis de nermoadactylis, cum pilulis lucis*: quales debent esse in frequenti usu in tota curatione: Purgetur caput cum masticatoriis, tum errhinis, & deinde ad localia fiat transitus. Intrinsecus autem omnium maxime mihi probatur *decoctum ligni guajaci, & salsa*; sed temperamenti habita ratione, & ætatis, cum sudore bis in die, & victu tenui, & attenuante, non tamen tenui valde; additis decocto *herbis capitalibus, ocularibus, & cichoraceis*, præmisso bolo ex *Terebinthina Veneta*, lota aqua *euphrasia*, vel simili. Quo tempore localia extrinsecus partibus affectis erunt in usu. Oculo autem convenient attenuantia, digerentia, & utcunque emollientia, cum aliqua corroboracione, ob laxitatem venarum. Quare parantur pulveres ex *sepia, combusto punice, cornu cervi*, cum portiuncula *fœniculi, & plantaginis* pulverizatorum. Parabitur decoctum ex *fœnugræco, & meliloto, cum fœniculo, euphrasia, malva, althæa, & plantagine*: vel aquæ jam propositæ, cum portiuncula *aceti, & croci*: ad penetrationem: deinde validiora erunt accommodata, qualia erunt decoctum *sabina, scabiosa, salsa, incisa*, cum portiuncula *plantaginis*; & pulvis ex *sepia, & sale armoniaco* æquis portionibus, vel etiam *pulvis thuris, sarcocollæ & similibus*. Commendatur quinetiam *sies de fellibus*.

Auri verò alia conveniunt; instillatio nempe *olei de fœniculo, de aniso*; sed omnium maxime *suffumigium ex decocto fœniculi, fœnugræci, sabina, salsa, ac bryonia, cum lapide pyrite*. Brachiis autem inunctio facta *oleo vulpino, de castoreo, de lumbricis, & similibus*. A decocto verò stillicidium, cum supra suturam coronalem, tum supra nucham erit ex usu, ex aqua *Lastrensi*: & luta digerentia *Divi Petri* pro utroque brachio.

Quibus jungenda est congrua victus ratio, quam ut optime notam brevitatis gratia prætermittendam censeo. Intrinsecus juvabunt conservæ cephalicæ, de *betonica, de flor. Salvia, rorismar.* cum *Euphrag.* conveniunt aq. *Divi Petri & vesicans* in occipitio; ac tandem repetatur decoctum in Autumno, utaturque vino medicato. *Bened. Silvat. Consil. & Resp. Medic. Cent. 2.*

Pro mercatore Bergomensi Pterigio, seu ungue oculi sinistri detento.

Est res mira, quod oculus ea pars nobilis existat, de qua Galenus ausus fuerit affirmare, caput ejusdem gratia factum fuisse, & nihilominus tot malis miserrimè subjiciatur, inter quos post morbos attinentes ad partes, quæ eundem oculum movent, primum occurrunt morbi adnata, & corneæ tunica, qui cum varij sint, qui nunc occurrit in egregio Bergomensi, pertinet ad magnitudinem auctam, ac tumor dicitur, qui cum in hisce tunicis multiplex esse possit; Pterigium inquam Myrceph, Staphiloma, & Melon, tumor præsens est Pterigium, seu unguis, sicuti oculis ipsis deprehenditur, nam solet morbus hic in adnata tunica nasci ex altero angulo, vel ex altera palpebra adnasci, cum ea tamen differentia, ut rarissime ex palpebris,

raro ex angulo externo, frequenter ex interno prodeat. Cum igitur tumor noster suum initium in adnata tunica ex angulo majori suscipit, jure unguis vocari debet, quod cum adhuc vel persistere possit in prædicta tunica, vel eundem egredi, & modo corneam solum, modo pupillam attingere, tumor propositus erit de numero eorum, quæ corneam ea in parte obsident, quæ est e regione ipsi pupillæ, quia impeditur visio.

Amplius quoniam, ex Principe, alia est ungula carnea, alia membranosa, alia adiposa, & membranosa, alia alba, alia nigra, hæc partim est carnea, ut potissimum in pice color docet, partim membranosa albicans, ut in l. a. i.

Causa immediata hujus vitii est substantia carnea, & membranæ, quarum utraque fit ab alteratrice residente in carne anguli mediante calore innato per astricticem facultatem, coegit tamen ex Aëtio scabrities in oculo derelicta ophthalmiam sæpius perpeffo, agitur enim Jo. Annus, ex quo oculus hic laborat, ut refertur.

Causa verò materialis respectu substantiæ carnea sanguis existit, respectu membranæ pituita, qui humores sicuti ex colore liquent, ita partim per congestionem, partim per defluxionem collecti fuerunt; per congestionem quidem, quoniam tuberculum hoc sensim extuberavit, excrevitque, per fluxionem, quoniam sanguis non in oculo, sed in hepate generatur, ac genitus in prima hujus vitii generatione copiosius, quam par sit occasione ophthalmiæ fuit attractus, nunc verò propter imbecillitatem partis copiosius pariter quam conveniat, transmittitur, ac per venas adnata tunica, pro nutritione, accretioneque tuberculi suggeritur; Quæ omnia, & de pituita affirmari possunt, quando primum à cerebro ad hanc partem attracta fuerit, & nunc ab eodem in illammet transmittatur ob causas jam dictas, sed & pituitam ibidem aliqua ex parte congestam esse supra tactum fuit.

Ut ergo ager ab hoc malo liberetur, tuberculum est adimendum, & procurandum ne reviviscat, quod fiet, aut si prædicti humores alio deflectantur, aut eorundem generatio per alterationem capitis, & ventriculi cohibeatur, ante quæ omnia prius totius (ut dicunt) providentia est habenda.

Et quoniam hoc morbi genus, tanquam illud quod facile materiis medicis cedit, facile vincitur, quod potissimum contingit, quia superficiem adnatæ tunicae solum adhæret, ideo medicus curans proprio sine absque dubio potiri poterit, non negarem tamen aliquam difficultatem esse occurruram, quoniam affectus est in habitu, ac pupillæ regionem attingit.

Quare deveniens ad materias medicas, & primo ad chirurgicas statuo, hæc ad tria capita reduci, ad disponentia inquam curantia, & præservantia; In genere disponentium est sectio venæ brachii, tum internæ, tum externæ ejusdem lateris, nam patiens quamquam sit ætatis inclinantis, est tamen habitus plethorici, quando subdominium sanguinis dominio melancholicæ inungatur, disponent etiam ad curationem apertio venarum ani, cucurbitulæ scarificatæ, primum dorso, deinde occipiti adhibita, item & hyrudines post aures appositæ.

Materiæ chirurgicæ curantes hunc affectum, & ipsæ in casu nostro locum habent, quoniam est absolutus, & consummatus, iniciatus enim secundum antiquos detergentibus medicamentis curatur, Verum quia pteriginem consummatam, vel est mite, vel contumax, si mite, apprehenditur vossella, deinceps ferro incisoria abscinditur, quod si sit contumax, Albuchdis, & Aëtius docent modum pulcherrimum, qui est hamulo perforare tuberculum ad basin, deinde filum lineum duplicatum acu trajicere, utrinque ad basin arte deligare, atque sic tuberculum illis istic deligatum, & apprehensum incisoria instrumento abscindere, quod opus nec Vere, nec Aëtiate, quibus temporibus humores fluxibiles existunt, ex Celso peragi debet, factaque incisione liateamen imbutum aqua rosacea, ac albumine ovi est apponendum, tum ut palpebræ non coeant, hæreantque, tum ut dolor sedetur, ac fluxus reprimatur, tandemque applicanda sunt medicamenta siccantia de quibus infra.

Materias chirurgicas præservatorias refero in cauterium cervicis, & brachii ejusdem lateris.

Medicamenta disponentia sunt primum lenientia, sicuti mel. ros. sol. 2. præparantia, ut decoctum betonicæ, cicorii, boraginis, Verbenæ cum syrupis appropriatis, 3. purgantia, ut medicamentum ex Agarico trociscato, sena, cum manna, Et repetenda meo judicio erit præparatio, deinde purgatio cum pilulis cochlis, & lucis reiteranda.

Medicamenta Curantia, quæ detergentia fuissent, non propono, quia ut dictum fuit, hic non habent locum, solum igitur siccantia adduco, quæ post incisionem conveniunt, hæc itaque præparantur ex collyrio de plumbo, de thure Rasis, huc pertinet aqua stillaticia salis ammoniaci, & quæ ex ipso calcinato, si in loco humido reponatur sponte prodeit.

Medicamenta præservantia sunt quæ corpus, & caput præsertim à succis excrementitiis expurgant, atque idem caput, & oculum affectum corroborant, priora sunt pilulæ lucis, sine quibus, decoctum guajaci, salsa, & china cum simplicibus capitalibus, & ocularibus, masticatoriis, lotio capitis cum lixivio exiccante; Posteriora sunt, veluti vinum medicatum cum eisdem simplicibus capitalibus, & ocularibus itemque lotio oculi cum aqua stillaticia ex conserva Eustragis in succo rosarum macerata.

Quibus omnibus addenda est compar victus ratio, extenuans inquam, & siccans quæ sicuti & alia præsidia proposita utinam proficua valde in gratiam nostri patientis evadant. *Jul. Cæs. Claudin. in Consultat. Medic.*

De Visione læsa. Pro Nobili Raguseo.

Agitur nunc annus, cum patiens Illustrissimus conqueritur de visione utriusque oculi sensibilibiter læsa, magis tamen sinistri, tantum non prorsus obcecati. Utrum vero sit imminuta tantum visio, ita ut imperfectè videat, quemadmodum refert Vir Excellentiss. in consultatione ad nos missa, vel etiam depravata, possumus ambigere. Si enim videret veluti atomos, sicuti relatum in appendice quadam, alienam mihi addita Epistola Excellentiss. Crassi, depravata quinetiam esset

esset visio, ratione atomorum, atque ita præsens affectus non pterygion simplex esset, sed potius principium suffusionis, vel legitimæ, vel spuria; pro diversa ratione atomorum apparentium: in quam sententiam feror, cum alias ante 20. annos offuscationem passus fuerit, oculisque habeat hæreditaria constitutione debiles, & prominentes.

Utriusque tamen unicum principium agnoscimus, fluxionem scilicet materiæ cum vaporosa, tum humidæ à capite ad oculos à naturæ primordiis admodum laxos; & quidem vaporosa in corneam se insinuans per internos ductus, atomos repræsentat, aut firmas, si vapores sunt crassiores, & quasi in humores conversi, aut volitantes, si tenuiores fuerint; humida verò, sanguis scilicet crudus, & crassus, ad angulos oculorum sensim & sensim confluens, & forsitan ad internos: nihil enim hac de re ex consultatione transmissa colligere possumus: inde in externa tunica membranosa illa substantia carnosæ similis expanditur, quæ in dies magis adaucta, & locum occupans ampliorem, non conjunctivam tantum, verum etiam corneam obducit, atque ita visionem impedit. Ideo verò talis materia redundat in capite, quia cum ratione humiditatis excedentis obruto calore nativo, congerit excrementa, tum ratione caliditatis, allicit à jecore fervido, & forsitan à toto corpore calidos vapores, & serosas humiditates biliosas, quæ mixtæ cum pituita, salsedinem inducunt, ob quam alias passus fuit pruritus insignem circa palpebras.

Quod si hi sunt affectus, quibus affligitur patiens, eventus prædictio non est difficilis; siquidem pterygion jam confirmatum nullo præstidiorum genere poterit ita removeri, ut pristinam visionem recuperet. Quanquam enim experto chirurgo sese committeret, qualem non habemus, qui carnis illius tentaret avulsionem: quod difficillimum quinetiam est, propter continuum oculi motum; cicatrix tamen inde obducetur, quæ visionem pariter turbabit, ut propterea perfectam sanitatem polliceri non possumus; sed meliorem saltem statum, atomorum scilicet remotionem, atque præsertionem à majori labe utrique oculo impendente.

Quod ut fiat, flatus sunt discutiendi; fluxio prohibenda; materia impacta, & in carneam substantiam conversa partim emollienda, partim attenuanda, & insensibiliter digerenda; corroborandi sunt oculi; & corrigenda principum viscerum intemperies, capitis quidem, exsiccantibus, in activis temperatis, jecoris verò refrigerantibus, præmissa totius evacuatione, & particulari capitis expurgatione.

Caput peculiariter est expurgandum masticatoriis ex mastiche, fœniculo, zingibere, confectis cum cera & saccharo; Errhinis quinetiam levioribus; ut enim validiora trahunt à capite, ita leviora ab oculis, ex Hippoc. sententia de Locis in Homine. Hæc autem erunt succi fœniculi, majoranæ, chelidonæ, & betæ depurati, & per nares attracti. Hisque administratis præscribendum est decoctum ex sassafra, & visco quercino paratum, addito fœniculo, euphrasia, & chelidonia, cum columba turricola præmisso bolo confecto ex zingibere condito, & trochiscis viperinis: quod etiam validius red-

detur, si loco columbæ decoquantur duæ viperæ, amputatis capite & cauda: quarum carnem si comederit, summo erit juvamento, usurpatis familiariter pil. luctis, cum alephanginis. Pulveres quoque parari poterunt ex semine fœniculi, cardamomo, silere montano, galanga, & pipere albo, cum cibis assumendo.

Inter cibaria autem à proprietate juvantia, sunt passeris, aves rapaces, caro viperæ, cum fœniculo, ruta, chelidonia; vinumque sit oligophorum. Rapas spiritum visivum valde luminosum reddere scribit Averroes. Collyria interim non omittuntur, parata ex melle destillato cum croco, myrrha, & camphora. Inter cetera à proprietate juvantia, laudatur hepar caprillum exsiccatum, & in subtilissimum pulverem redactum, oculisque insufflatum. Et hæc in casu præsentis, ausim dicere incurabili, proponenda duxi, quæ Deum Optimum Maximum ut usui sint, obnixè precor. *Benedict. Sylvatic. Consil. & Respons. Medicin. Centur. 2.*

Puer octo annorum, post variolas, nondum satis rectè exsiccatus, cum sese aëri nebuloso & venoso exposuisset, incidit in oculi dextri inflammationem; quæ per collyria adhibita curata apparuit in eodem oculo membranula densa & alba, per tunicam conjunctivam & corneam, usque ad mediam iridem, sese extendens, eaque visum aliquantum imminuit.

Afficitur in hoc puero oculus dexter, secundum tunicam adnatam & corneam, quod ex alba tunica in iis excrecente & conspicua patet.

Morbus, qui illum affligit, est dextri oculi pterygium; sive excrementa quædam membranæ alba & densa tunicæ adnatæ & corneæ dextri oculi adnascens, & ad mediam pupillam sese ibi extendens, visumque in illo oculo imminuens.

Causa procacitica, unde hic morbus principium cepit, est aer nebulosus & ventosus, cui hic puer ante justam variolarum exsiccationem sese exposuit. Inde enim pori corporis & præsertim faciei & oculorum clausi, halitus acres & calidos, liberè exhalare solitos, in corpore facie & oculo dextro retinuerunt: iique in istis partibus retenti, constituerunt hujus morbi causam antecedentem. Pars verò eorum calidior in tunicam adnatam dextri oculi, per poros ibi nimis apertos delata, ibique vehementius incalescens, vellicandoque eam suo calore & acrimonia majorem ad eam humorum calidorum affluxum faciens, induxit, tanquam causa continens, primum oculi dextri inflammationem, quæ per adhibitionem convenientem collyriorum fuit quidem sublata; sed quoniam pars allapforum humorum circa superficiem tunicæ adnatæ, ob tenacitatem suam, & pororum vicinorum nimiam angustiam ibi fuit retenta, & in membranæ albæ rudimentum, secundum particulas suas insensibiles disposita & formata. Hinc dum copiosiores humores in illud rudimentum magis magisque affluebant, factum est, ut primum in tunica adnata membrana alba & opaca fuerit nata; eaque deinde majus incrementum paulatim sumens, & pedetentim per tunicæ corneæ superficiem prorepens, partemque iridis & pupillæ tegens, jam aliquantum sua

opacitate, iustum radiorum ingressum impedi-
diente, inducit visus imminutionem.

Quoniam hoc malum acia remedia desiderat, quæ ab oculis ægrè feruntur, ideoque difficilis ejus curatio est; quæ sæpè non satis feliciter succedit.

Ea tamen in hoc puero, cum morbus non sit antiquus, per membranæ istius ablationem tentanda.

Primo itaque purgetur hic puer tali medicamento purgante.

℞. Syr. de passulis laxativi ℥j. scammonii gr. iv. aq. decoct. hordei ℥i β. misce F. haustulus brevis aliquoties reiterandus.

Deinde adhibeatur oculo bis terve in die tale Collyrium.

℞. Aq. rosarum ℥iv. Salis ammoniaci q. s. ad levem acrimoniam linguâ percipiendam, eaque mixta indantur peluiæneæ barbitonorum, & in ea relinquuntur per biduum vel triduum, donec colorem viridem acquirant.

Hoc remedium si non suffecerit, ad acriora erit procedendum, quale hoc est.

℞. Lap. hæmatit. ℥ij. vitrioli alb. usti, virid. æris usti an. ℥iij. myrrhæ, croci an. ℥j. piperis longi ℥β. Sacchari candi ℥β. M. Pulveriscentur subtilissimè.

Hujus pulveris ℥j. misceatur cum aq. raphani ℥ij. & applicetur bis terve in die, prout puer ferre poterit.

Ante & post horum usum, ad dolorem leniendum, oculus fovendus erit decocto emolliente malvæ, althææ, flor. camomill. meliloti, sem. cydon. fœnigræci, papaveris.

Si his localibus medicamentis pterygium tolli nequeat, ad Chirurgiam; quam Celsus; Paulus, Aëtius, Aquapendens, alique scribunt si placuerit, erit deveniendum.

Victus sit attenuans & incidens. *Henric. Regius apud Theodor. Craanen Medicat. lib. 1.*

Observationes.

Pro Albugine.

Puellæ cujusdam sinister oculus admodum rubebat, pruriebatque, lachrymæque continuo ex illo fluebant, & quia jam diu hic affectus duraverat, albugo in oculo nata, mediam ferè iridis partem obtexit, ita ut de visus amissione, esset periculum, jussi cucurbitulas cervicis regioni aliquoties applicare, & cataplasma sequens oculo clauso imponere, continuoque gestare, & bis in die renovare.

℞. Pulp. pomorum odor. acidulorum quart. i β. incid. minutim, & in aq. ros. & fœnicul. coq. donec in pulvem redigatur cui contusæ, adde mucilag. sem. fœnugr. ℥ij. album. ovorum nu. 3. cortic. granat. pulv. ℥j. lapid. hæmatit. exactè triti ℥β. ol. rosac. parum M. F. cataplasma.

Hujus remedii per dies 5. usu, oculus ad colorem statumque naturalem rediit, albugoque & macula penitus sublata sunt. *Felix Platerus, observ. lib. 1. pag. 113.*

De oculi cicatrice in pupilla visionem impedi- diente casu deleta.

Puellæ cum ex cicatrice in corneæ media sede nata, visus impediretur, Chirurgus sacch.

cand pulverem oculo inspergere volens, ad eam extergendam, errore quodam pixidem eam arripuit, in qua sublimati pulvis continebatur, quem cum imprudens oculo inspergeret, tanta suborta est inflammatio ut periculum esset de oculo: tamen sanata, tantum abfuit ut quid obfuerit, ut potius multum profuerit: nam cicatrice pene universa deterfa, remanente levi duntaxat macula, visum recuperavit: quod indicio est, globum oculi, fortia quoque perferre posse medicamenta cum cornea ipsius tunica sit durissima & insensibilis. *Felix Platerus, Obs. lib. 1. pag. 113.*

Pro Oculo perforato.

Quatuor annos natam puellam vidimus, cui dum nodum in panno solvere acuto gladio niteretur, resiliens mucro oculum dextrum percussit: quo perforata ipsius oculi tunica, plurimus statim inde fluxit humor: quare etsi visum prorsus amiserit, ipsum tamen haud multo post ritè curata recepit, tanta enim inest vis tenellæ illi ætati, ut hunc ipsum oculi humorem (quod sæpè accidit) in integrum reficere possit. *Ant. Beneven. c. 74. lib. de abditis Morbor. & Sanationum causis.*

Quindecim annor. adolescentem cum *Dom. Joan. Griffonio* Chirurgo præstantissimo curavi, cui acus sutoria perforaverat adnatam membranam prope iridem: hinc factum, ut humor aqueus statim efflueret, & adolescens illico visum planè amiserit. Oculo imposuimus in primo apparatu album. ovi cum aq. rosac. & nonnihil croci: fronti autem defensivum ex bol. arm. terra sigill. cum ol. ros. paucaq; cera & aceto in formam ungu. redactum atq; injecimus statim enema. Sequenti die catharticum exhibuimus, & anodynus ad septimum usque & amplius vulnus tractavimus. Deinde collyrio ex aq. euphras. sacch. & tutia præp. cicatricem induximus, hic curatus fuit nullo superveniente symptomate: haud multo post curationem visum quoque recepit. Curavi etiam puerum cui infixæ sagitta perforata fuit cornea, quia parte conspicitur iris; effluxit nonnihil humoris aquei, unde contracta est cornea; & puer protinus visum amisit. Vulnus curavi ad modum supra dictum: puer hic quoq; non multo post visum recepit. Omnino his ægrotis crystallinus humor compunctus non fuit: est enim ille humor præcipuum visus instrumentum, ac sua propria continetur membrana arachnoide; qua dilacerata, amplius humor crystallinus officium facere nequit, effluxit autem in his aqueus tantum humor, qui cum sit excrementum aliquando renascitur, præcipuè in pueris. Id autem hic notandum, vulnerata pupilla visum recipi non posse, quamvis humor crystallinus sit illæsus, & aqueus renascatur: inevitabilis enim cicatrix impedit, quo minus radii eorum quæ visui obijciuntur, ad humorem crystallinum perveniant. *Guil. Fabric. Hildan. obs. 26. cent. 1.*

Franciscus Plazzonus 12. annor. puero medebatur cui cornea pertusa, humor aqueus oculi totus effluerat. Sed intra binos menses spontè sic preparatus fuit, ut oculi usus ipsi omnino fuerit redditus, ob reliquarum partium constitutionem humidam. Idem *Gal. lib. 1. de Sympt. Causis, c. 2.* annotavit. *Jo. Rhodius obs. 82. cent. 1.*

Pro Oculi tumore carneo.

In muliere vetula paupere, tumor in oculi-
nistri

nistri latere juxta pupillam ante biennium exortus; cum oculi immenso ardore & dolore; adeo accrevit ut medium ferè occuparet oculum, prominebatq; ad avellanae majoris magnitudinem, carnem ex rubro nigricantem representans, adeo deformi colore, ut pavorem insipientibus incuteret, tandem suppuratione facta per dies quatuordecim, ater ex eo effluxit sanguis, remanente nihilominus carne illa ex atro rubente & nunc virescente. Ad me consilii gratia veniens, jussi ut pomum putridum applicaret exiguam spem sanationis habens, verum cum non proficeret, jussi ut sumeret cortic. gran. pulverizaretque & adderet fol. plant. rec. eaque simul in aq. fabrorum ferrata decoqueret, addendo albumen ovi, simulque decoquendo, & sub finem pulv. vitrioli albi ea quantitate, quam oculus perferre posset, hocque cataplasma noctu oculo imponeret, illiusque usum continuaret. Post duos menses reversa, vidi tumorem media ex parte absumptum, quapropter in huius applicationis usu, pergendum esse consului: quod cum adhuc mensibus duob. fecisset, tumor omnis præter omnem spem evanuit. *Felix Platerus obs. lib. 2. pag. 387.*

Pro Oculi vulnere.

Lithuanus quidam qui ab omnibus medicis, aegyptis, anubus, veneticis, chymicis, in tota quam obierat *Europa & Asia*, secreta ut vocabat prece vel pretio, vel permutatione, plurima collegerat; inter alia gallum gallinaceum, utraque illum manu tenens, mihi obtulit, jussitque me oculum sæpius acutissimo scalpello punctum interq; digitos pressum, orbitæ cranii reponere: affudit illi liquoris guttas duas, obligatoq; capite cista includit, e qua post horas octo eduxit utroq; oculo ita sibi simili, ut nec ego qui fecueram, nec adstantium ullus, sectum oculum a sano posset distinguere. Succus ille erat is, ut mihi fatebatur, qui in vesicis ulmorum Majo mense invenitur, quique nisi tum colligatur, in granula quædam rubra vermiformia mutatur. Hanc ego artem ludicram nullique tanquam profuturam dicens, cum scire non possemus, an cum oculi externa pulchritudine visus servaretur: Cum tamen aliquot annis succum hunc colligi curassem, est enim vulnerib. sanandis commodus; casu duabus sororibus à prandio colludentibus, junior adultioris linteum suentis brachium vi elevans, acum in mediam pupillam altè adigit, extemplo, à patre principis consiliario accitus, observo aqueum humorem, & partem vitrei effluxisse: applico oculo tumentis vesicarium ulmi succum sub quartam pomeridianam; jubeo sub mediam noctem linteum admotum novo liquore imbui, quem Othonniam certiùs, quam tot ignoratum herbarum succos nominarent Botanici. Manè testor Deum & Fidem externa sanam offendi, sed illius oculi lumine captam, etiam nunc vigesimo ferè post anno, nullus excæcatum oculum à vidente, etiam si curiosè indaget, discriminare potest, imò multis annis cum marito orbitatis ejus inscio vixit. *Henricus ab Heers obs. 4. lib. 1.*

Ad Oculorum vulnera Beryllum aliqui celebrant, sive illa pupillæ, sive alteri parti inflicta fuerint. Reducitur Beryllus contusus & tritus in pollinem exactissimè ut impalpabilis sit. Deinde lentis quantitate pulvis quotidie manè, supino jacente agro, in oculum donec sanetur, infundi-

tur, ac præcipitur ut æger immotus aliquandiu supinus permaneat. Si pupilla vulnerata fuerit, etiam commodè sanari non possit, tamen ita emendatur, ut oculus deformis non fiat. Si læsiò extra pupillam fuerit, præclare sanat beryllus, quem admodum etiam omnes oculorum contusiones. Suaderem ad contusiones & fugillata, ut infusio fieret aquæ verbasci. Si adjuncta esset inflammatio, aq. rosar. plant. euphras. vel Simili. Si vulnus esset, aq. beton. tormentill. vel plant. *Arfelmus Boetius lib. 2. De Lap. & Gemmis, cap. 71.*

Pro Corneâ male affectâ à Scoria Chalybis.

Rusticus quidam cum Chalybem emeret, optimumq; eligere vellet, & promde ut fieri solet, frustum contra frustum allideret, scintilla ipsi in illam corneâ partem, ubi iris conspicitur, profiliit, ibidemque membranæ firmiter inhaesit, idq; non sine dolore maximo, cum frustra per plures dies adhibita fuissent remedia, en uxor mea remedium longè aptissimum excogitat. Interim enim dum ego ambabus manibus palpebras aperio, illa magnetem oculo quam proximè æger id sufferre potuit admovent, id cum aliquoties & quidem repetitis vicibus fecissemus (non diu enim lucem qua tamen hac in re summopere opus fuit, sufferre potuit tandem Scoria ex oculo nobis omnibus videntibus ad lapidem profiliit. Postea applicato collyrio anodyno brevi convaleuit, fuit hæc quidem curatio ingeniosa satis. *Gnil. Fabrit. Hildanus. Obs. 21. cent. 5.*

Quædam mulier infimæ sortis maculam habebat in oculo cui consilium dedi, ut bis in die succi rutæ guttam unicam in oculum instillaret, quod cum satis diu continuasset macula prorsus absumpta est. *Samuel Fornius. obs. 28.*

Vulnus Tunicae Corneæ, cicatrice obductum.

Anno 1654. mense Decembri, scemina pagana adduxit ad me Filium quasi octennem, cui oculi corneâ prope Iridem cuspide cultri usque ad Uveam pertusa erat: & humoris aquei particula cum Uvea illasa, extra Oculi vulnus ad lentis magnitudinem protuberabat. Illi poscenti auxilium consilium dedi ne quicquam remedii læso adhiberet Oculo; alias enim facile fieri posse ut Uveæ protuberans particula medicamentis præsertim acrioribus adhibitis, corroderetur, & Aqueus humor omnis efflueret, atque adeo Oculus perderetur; Futurum enim esse ut ipsa Natura vulnus coalescere faciat, atque prominentem Uveæ folliculum, obducta cicatrice, sine effusionis periculo dirumpat; id quod postea accidit, Reversus enim ad me puer sequenti anno, quinque hebdomadam intervallo, oculum monstrabat, id quod cicatrix perfectè coaluerat, & ruptæ Uveæ quædam laciunolæ extra propendebant, pupilla vix ad sensum in ellipsim distorta, visu integro: Præcepi puero ut oculo à contusionibus caveret, nam alioquin, rupta denuo cicatrice, nullum contra oculi effluxum superfore auxilium. *Stephani Splessii.*

Vulnus Oculi & coactis humoris Erythralini.

Juvenis 20. annorum in pueritia, ex illisa ve-

hementiori manubrioli cultelli æneo nodulo instructi corneam cum profusione humoris aquei, tum & pupillam dirumpens, omnique inde actione visus orbatu, oculo affecto, qui sinister erat, indies ad deformationem usque crescente; hunc suasu Medici cujusdam Illustris corrigere attentavit. Convocato itaque Chirurgo, ac preparato prius corpore, consultum, ut evacuatis per incisionem corneæ oculi humoribus oculus detumesceret, ac sano multo minor evaderet, sicque daretur locus impositioni corticis vitreæ, ad figuram oculi sani affabrè effictæ, uti Venetiis, & Lutetiis Parisiorum frequenter fieri assolet. Dictum factum: consentit Patiens, Chirurgusque operationi (collocato ægro in sedili humiliori in loco lucido, obfirmato oculo sano, ac affecto per speculum immoto detento) sese accingit: Incisio fit transversim per Corneam absque ullo ægri dolore. Prorupit proximus cum impetu ad notabilem distantiam humor aqueus cum portione vitrei, crystallino ad labia vulneratæ corneæ adhærescente, quo conspecto Chirurgus humorem illum specillo argenteo immisso propellere conabatur, sed irritò conatu: firmissimè enim coaluerat, cum cornea lens illa Crystallina, tum quod & æger, cui imminabat animi deliquium ob profundius immisum specillum & commotionem fibrillarum retinæ ulteriorem tentationem renueret. Inde subsecuta inflammatio oculi affecti cum hæmorrhagia levi propter læsas venas, quæ varicosæ usque ad continua corneæ protendebantur, dolore insigni, hemicrania & sibilo auris sinistræ, quo necdum, elapso ferè sexennio, adhuc liber est Patiens. Coaluit vulnus corneæ spatio ferè decem dierum nullo alio adhibito medicamento externo præter cataplasma molle, confectum ex sedo majori, farin. scænuagræ. pulvere Euphrasie, mucilag. sem. cydon. c. aqu. rosar. & plantag. extracta. Perseveravit dolor & tumor oculi ferè per hebdomadas quinque tracto etiam in consensum oculo sano: abhinc per intervalla repetiit dolor, usque dum totaliter intermitteret, oculus detumuit, & in hodiernum usque diem tabescit. Coalitum humoris Crystallini, qui etiamnum in oculo est patientis, inde deducendum putat patiens, in Medicina non adeò hospes, quod disrupta ex vehementiori illisu pupilla pressisque omnibus humoribus oculi: humor Crystallinus non impediens amplius pupilla antrorsum proruperit ad corneam, illique arctius accumbens & propter aliqualem contusionem quasi adhærescens, tandem adhibitis medicamentis corrosivis ac potenter exsiccantibus, quasi cum cornea induruerit. Patet etiam ex hoc casu insensibilitas corneæ, & periculum quod sano oculo ex talibus operationibus imminet. *Laurentii Wolfstrigel.*

Oculi vulnus scalpello inslictum feliciter curatum.

Puellus biennis, Filius Tabellionis Neocomensis infelici sidere natus, lotium enim non emittebat statim natus, quia urethræ extremum obtegebat membranula tenuis, quam scalpello pertudit meo jussu Simon Puri Chirurgus, indita postmodum cannula plumbea, hinc libere profuente lotio: Hic ipsa prima die qua libertas in-

cedendi per cubiculum absque manuductione concessa est, obvium Patris Scalpel uni, cuius manubrium osseum erat, mucronatum amipit, & post aliquot gressus cadit, impactò manubrio remanente vola manus dextræ, Scalpelli autem cuspidè penetrante plano parte membrana à cantho oculi externo, ad internum, adeo ut duplici vulnere transfixa essent membrana limina Scalpelli maxima ex parte sub iis delitescente: Hic sagacitas matris emicuit; quæ tam dextera manu primo manubrium alte infixum eduxit, postea Scalpelli aciem oculo impactam, ut hic salvus remaneret. Pupilla enim subditiq; humores illæsi fuerint. Præcipit defensius fronti & oculo admovendum, vix jam conspicua cicatrice: Hæc contigerunt anno 1659. *Th. Boneti.*

Ufus Catechu in Vulneribus oculorum.

Ancilla quædam in servitiis cognatæ meæ, antehac visu oculi dextri orbata, remanente tamen ejusdem figura debita, iterum casu quodam ex improvviso rupturam istius experitur oculi. Humor inde aqueus tanta effluit copia, ut volam manus tantum non adimpleret, subsidente statim globosa oculi figura, cum hæmorrhagia non vulgari, dolore intolerabili, tumoreq; vicinarum partium singulari. Accersitus ætutum Chirurgus collyrium immittit, ex aq. ros. alb. ov. & bol. armena: externe applicat epith. ex tutia, bol. arm. camph. croco, cum aq. scænic. euphrag. rosar. &c. paratum: verum exiguo cum juvamine. Hinc ego in consilium unà vocatus, jussi pulvisculum ex catechu ritè præpar. myrrh. sacch. cand. &c. concinnatum per vices in oculum immittere, unde, elapso paucarum horarum spatio, sanguinis humorisq; aquei fluxus cessavit. Cujus tamen usum ob metum recidivæ alicujus reiterare jussi, ita tamen, ut, cum ob dolores formam pulveris ægrè ferret, pulvis iste cum aquis quibusdam ophthalmicis jungeretur, tepideque in oculum instillaretur. Sic oculus pristinam, sanato vulnere recuperavit figuram, præterquam, quod per vulnus ita bis inslictum visus planè fuerit amissus. *D. Ehrenfridi Hagedornii.*

Oculi vulnus curatum: Humor Aqueus restitutus.

Anno 1660. diè 30. Junii, Vittrarii aulici filius, eidem opificio addictus, fenestram reparans, ab alio puero ex nequitia fragmento vitri, longitudine digiti minimi, latitudine dimidii transversi digiti, vulneratur punctim in oculo sinistro, & quidem in tunicâ a uvea, ita ut transsecta esset tertia pupillæ pars versus anteriorem & minorem oculi angulum, effluxit materia albicans instar Margaritarum, (ut referebat) quæ nihil aliud, quàm humor aqueus fuit. Corrugata erat tam adnata, quàm cornea tunica. Principio statim repellens, sequens præscripti.

℞. Album Ov. aq. ros. an. ʒiij. Agitentur & conquassentur probè, adde bol. arm. præp. ʒß. M. imponatur frigide. Crastino die cum nulla inflammatio adesset, sed omnia tranquilla & sedata, sequens ordinavi.

℞. Sief alb. Rhaf. sif. op. ʒiij. Tut. præp. ʒß. Camph. ʒß. aq. ros. ʒiij. M. pro Collyrio. Quod optimè contulit. Cum vero è corpore impuro Symptomata metum incuterent, diè 2. Julii purgationem insilui hoc pulvere.

℥. Spir. Bened. Lax. Diat. c. rhab. ana ℥j. Cryſtal. tartar. ℥ss. Diagryd. gr. j. M. F. Pulv. Dejecit 10. cum Euphoria. Interim collyrio præſcripto uſus eſt uſque ad 6 Julii, ubi ſequens magis exſiccans & conglutinans præſcripti :

℥. Myrrh. Sarcocoll. lact. nutr. Bol. ar. nen. Thut. præpar. & aq. plantag. probè lot. 3j. Pulv. Oſteocoll. gr. vi. Mell. roſ. q. ſ. F. inſtar Linim. Quo per ſpatium 10. dierum uſurpato, vulnus egregiè coaluit, imò *regeneratus* fuit aliqua ex parte *humor aqueus*, cujus teſtimonium exhibebat tunica oculi repletior, & non ita corrugata, ut antea. Cum ſic curationi Colophonem im-poſitum putarem, ipſi Diatam optimam commendans, ille hoc negligens, ſe cereviſia nimium quantum ingurgitavit, & ita tenuentus præceps cecidit (ſalv. veni.) in cloacam, non quidem profundam, tamen ſtraminibus multis refertam, ita ut vulnus de novo apertum eſſet punctura culmi, vel, ut ille dicebat, ſeſtuccæ Ligneæ acutæ. Inflammatio ſtatim, ac major quam in principio ſubſecuta, quod non tantum oculus ſed & partes circumjacentes valde intumuerint, imò metus ſuppurationis aſſeſſet. Priora remedia repetii, ſed non tanto ſucceſſu, ut antea. Mihi inter peregrè abeundum erat ad Nobilem quendam ægrotantem, domum rediens omnia exaſperata inveni: præſcripſi unguentum Angeli Salæ de ceruſſa 3ij. Non poſſum ſatis deprædicare ejus vires, nam ſaltem circumferentia oculi ſecundum Authoris monitum ſæpius illinita, & dolor & inflammatio ſedatus, oculusque ad priſtinam figuram redactus. Tamen ad revulſionem materiæ purgationem priorem exhibui, qua ſepties dejecit, & ſequens Collyrium applicui:

℥. Sief. alb. Rhaſ. ſ. o. 3 i ſs. Thut. præpar. 3ss. Thur. ſubtiliſſ. pulveriſ. ℥j. Camph. ℥ss. Croc. gr. iij. Aq. plantag. roſ. ana 3 ij. M. Quo vulnus iterum coaluit, ita ut eum rursus dimiſſerim. Sed die 5. Auguſt. nescio qua de cauſa Eryſipelate illa parte faciei, ubi erat oculus atfectus, laborare cœpit; quod etiam oculus ſimul intumeſceret, & vulnus iterum dehiſceret. Dedi ſtatim ſudoriſerum ad diſcuſſionem materiæ, ultimumque Collyrium rursus adhibui, cujus uſu tandem perfectè ſanatus eſt, ut ſaltem ab illa parte, ubi cicatrix erat, quæ tamen admodum exigua, viſus impediretur.

CORNUA.

DE Cornuum morboſa vegetatione impræſentiarum acturi, rem propriis Illuſtriſſ. Malpighii verbis conſiciemus, ille ſiquidem in hoc argumento Diſſertationem Epistolam ad Clar. Jacobum Sponium conſcripſit; quam nos ex utriuſque communicatione jam ab aliquot annis in Bibliothecæ Anatomicæ parte prima, primum evulgavimus. Sic autem ille.

Inter reliqua quæ de externo tactus organo alias habui, nonnulla de ungulæ natura & generatione indicavi, quæ ut ulteriori fruantur luce, anatomica obſervatione firmanda veniunt. Duodecimis jam excurrit annis, quò mactandum bovem luſtravi cum præclariffimis viris duo. Carolo Fracaſſato, & Domino Sylveſtro Bonſiliolo, à cujus collo in dextris, ubi jugum

apponitur inſigne pendeat cornu: hujus longitudo decem & ſex digitorum craſſitiem equabat; non longè à baſi, ubi latius erat, octo digitorum latitudinem explebat. Ejus forma conica erat, & in obtuſum deducta apicem non parum verſus finem curvabatur; in baſi tamen, ubi collo nectebatur, arctius erat. Color circa extremitatem ſubniger, lucidiſque erat & perſimilis ei qui in ungula bubula paſſim obſervatur. Exterior ſuperficies aſpera erat præcipuè à baſi uſque ad medium; etenim cuticula, & ſubjectum reticulare corpus cum contentis papillis (quæ in aliis partibus perpendiculariter attolli ſolent, & tactus organum conſtituunt) ſenſim produci inclinarique incipiebant, non diſpari ſpecie ac in noſtrorum digitorum extremitate quilibet propè unguium radicem obſervare poteſt. Papillæ igitur laciniatæ cuticulæ, & reticulari corpore circumdatae, majorem longitudinem ſortitæ, ita inclinabantur, & invicem hærebant, & ferruminabantur, & extremis finibus, ut ſquamoſum piſcium integumentum æmularentur. Circa baſim ſquamoſa hæc corpora breviora erant, ſenſim verò producebantur, & propè collum longiſſima reddebantur. Varius quoque erat ſubſtantiæ modus, nam in baſi mutuo connexa conglutinabantur; ſed ſolutis ipſorum finibus laciniatum, & aſperum excitabantur corpus; ultra tamen medietatem denſiori donabantur compage, unde & lucida, & lævia videbantur. Interius expoſitum cornu concavum erat, ita ut craſſities ipſius in baſi nativam corii altitudinem parum excederet, gracileſcente cute, & attenuato corio, ad naturam quaſi membranæ intus ambiebatur, quod ſanguinea vaſa irrigabant, hocque detracto ſolidum & læve corpus occurrebat. Tota concavitas reſerta erat ſubſtavo, turbidoque ſero, quod igni appoſitum totum ferè in naturam albuminis ovi concreſcebat, ſub baſi glandulæ conglobatæ, depreſſæ tamen, inſigniter luxuriabant. Hoc itaque famigeratiſſimi Aldrovandi muſæo dono dedi, ut exterbrum præcipuè curioſitati præſto eſſet. Ex hujus igitur diligenti inſpectione patet, papillas, (quas non incongruè externi tactus organa credidi) cuticulæ, & reticulari corpore cuſtoditas, ubicumque plus juſto producuntur, & invicem intimè unitæ ferruminantur, in ſolidum deſinere corpus: quod commune eſt ungulis & cornibus, quæ ſola exteriori configuratione, & majori minorive partium denſitate donata, ab invicem diſcriminantur, unde veluti ſenſorii additamentum, cenſenda veniunt, & tactui quoque non parum conducunt. Cornuum è carnio erumpentium obſervata productio his multum lucis conſert. Hanc itaque vegetationem in bove deprehenſam in Phyſicæ additamentum audire ne graveris. In fœtu igitur adhuc in utero contento, cranii os in ſitu cornuum ferè cartilagineum eſt, & poſtremo oſſeam naturam acquirit. Pili ibidem primò erumpunt glabrò exiſtente corio præter labia, quæ quibuſdam pilis ornantur. Hic taliter locantur, ut ipſorum ordines à circumferentia verſus centrum ſituati & inclinati minimum quaſi corium efforment. Poſtremis quoque menſibus in fœtu adhuc concluſo, oſſeæ lamellæ (quibus cranium compaginatur) obliquari

incipiunt, & fractâ directione extra eminent, excitatis intro subrotundis spatiolis, unde supra cranium osseus tumor primò emergit, lenticulare corpus præferens. Hoc extenso corio cooperitur, quod præ reliquis crassum est, & turgentes exhibet glandulas. Inter osseum corpus & corium periossion, seu osseæ substantiæ inchoamenta locantur, quæ paulatim manifestantur. Extra uterum sensim osseus tumor lenticularis parùm assurgit, turgentibus osseis lamellis. Supra os crassum luxuriat periossion, seu futuri ossis inchoamentum. Corium quoque obducitur, à quo tactus papillæ assurgentes reticulari, & cinereo corpore ambiuntur. Altero elabente mense ossea substantia, laminulis & spatiolis contexta extuberat, ita ut cornu rudimentum emergat, dimidiam digiti crassitiem æquans, & conoidem parabolicum repræsentans. Huius exterior superficies lævis, & glabra sensim redditur, nigroque inficitur colore. Corium crassum de more extenditur, à quo tactus papillæ erumpentes, superato reticulari involucro, quod cinereum est, elungantur, & nigro ambiente succo conglutinantur. Hæ circa cornuum basim inclinatæ versùs apicem diriguntur; reliquæ verò ab apice exortæ perpendiculares quasi assurgunt, & reticulari corpore custodiuntur, earum longitudo vix serici villosi longitudinem æquat. Interea inclusa ossea appendix augmentum capit, & interiùs variè configuratur; etenim ut plurimum radix fistulosâ excitatur substantiâ, quæ osseis fibris reticulariter implicitis componitur; reliquum verò usque ad apicem spongioso constat corpore sanguinea vasa intercurrent, & apex perpetuò submollis firma partium compage non gaudet. Corium quoque; extensum osseam substantiam investit, & in basi crassius est; Ab hoc itaque; emergentes tactus papillæ, ita proceræ redduntur ut inclinatæ versùs apicem, simulque reticulari corpore unitæ, tot conica corpora concava efficiant, & ex horum unione (quasi tot lamellis, cæparum instar, intra se positæ) solidum cornu corpus efficiatur. Papillarum ordines in basi erumpentes, licet non omnes apicem attingant, ut plurimum tamen rectâ deducuntur, & ferè cornu ambiunt, aliæ quoque sub diversis planis à producto corio propagantur, quæ longiores redditæ, breviores cooperiunt & includunt: unde secto per longum cornu, non solum ossea substantia occurrit sed etiam corium, à quo molles papillæ emanant, quæ in cornuum substantiam immutata solidescunt, & nigrescunt; avulsoque osse cum ambiente corio, fistulæ in cornu à reticulari opere excitatæ patent. Occurrunt quoque papillarum tactus varii exortus & plana, ipsarumque productio ad apicem; unde cum diversa plana extremum corium constituent, hinc est quod apicis substantia crassitiem ferè digiti æquat. Exaratæ papillæ basim cornuum excitantes molles adhuc sunt, & de facili lacerantur, vel in furfures abeunt; circa finem verò & apicem ita addensantur, & reticulari corpore ferruminantur, ut solidæ factæ nigro, lucidoque; inficiantur colore. Horum progressus evidens est: nam tot quasi filamentis per longum ductis coagmentari videntur. Proce-

rioribus redditis cornibus, ita ut duodecim digitorum crassitiem æquent, inclusa appendix ossea longior redditur, & ubi continuo & pleno osse non coagmentatur, variis cellulis concameratur, & excavatur, secto autem per longum cornu singula dilucidius patent. Primò enim frequenter exarata appendix ossea lamina componitur, ita ut tubus efficiatur, portiones tamen osseæ obliquè per transversum ductæ interseruntur; unde relictæ areæ concavitates oblongas, inæqualis tamen longitudinis & figuræ efficiunt, in quibus aliæ quoque ab assurgentibus parùm osseis parietibus designantur. Omnes hæ concamerationes membranâ tenui obducuntur, sub qua sanguinea vasa in miras propages diramata custodiuntur. Versùs apicem ossea substantia spongiosa est nullis cellulis excavata, unde impensè rubet ex innumeris vasculis, quibus irrigatur. Expositam appendicem osseam extenuatum corium ambit, à quo molles de more tactus papillæ emanant, quæ reticulari corpore custoditæ, simulque; ferruminatæ, versùs apicem deductæ cornu componunt, ita ut cornuum parietes in basi graciles sensim ex papillarum additione crassiores reddantur, & tandem in apice ex omnium unione, duorum digitorum crassitiem æquent, horum interior superficies nigra est & fistulosis foraminulis versùs apicem directis exasperatur, quibus papillæ admittuntur. Exterius apex acuminatus, solidus, lucidus & ater est, versùs medium tamen subalbescit cornu, & circa basim parùm nigrescit, & de facili in squamas solvitur. Ulterius tandem augmentum sortiuntur cornua, ita ut urgente interiori ossea appendice primi papillarum ordines à basi erumpentes avulsi à corio separentur, & ita diversi fines & papillarum limbi appareant, non dispari ritu ac in conchis marinis conspiciamus, quarum compositio diversis testulis superpositis inæqualibus tamen, coagmentatur, ita ut extremi fines quarumcumque; testularum, minimum elegantque; exhibeant planum. Hæc eadem structura evidenter quoque in Dorcadis cornibus elucescit, unde à radicibus usque ad medium asperitates quasi nodi observantur, quæ à diversis papillarum lamellis vario tempore à corio avulsis, & sursum retractis exoriuntur, quæ omnia diligenti microscopii lustratione patent. Postremò tandem cornua ultimum sortita incrementum non parùm immutantur; nam exterius ipsorum color varius efficitur; substantia quoque solidior reddita, diaphana ferè evadit, & continuo usu lavigatur. Interius ossea appendix obtuso terminatur fine, totaque ipsius longitudo gracilescente corio adhuc tegitur. Ab hac emergentes olim tactus papillæ obliterantur præterquam in apice; Interior nimirum cornuum superficies, evanescentibus vaginulis, seu reticularis corporis finibus, ex ferruginantis succi exundante copia, tota ferè circa basim lævis & perpolita redditur, ita ut papillarum productiones quasi obscurentur. Analogam quoque generationem in Gallorum calcaribus observamus, quæ ex cuticula & subjectis papillis reticulari corpore conditis, conflantur, ita ut turgente intus ossea appendice, exterius quoque corium multiplicibus cuticulæ involucri obductum rapiatur, & novum quasi cornu, licet minimum, erumpat.

Ex his igitur conjectari licet monstruosum cornu in bove ortum traxisse, non tam ex ulteriores papillarum corii & reticularis corporis production, sed ex conatu interioris tumoris, & ex compressione facta in cervice à proximo jugo. In naturali namque cornuum eruptione emergens ossea appendix, extensam sibi corii portione sensim urget secumque rapit, ita ut papillæ versùs apicem inclinatæ elôgentur. Proceriores autem redditæ sunt in monstruoso cornu tactus papillæ ex copioso fortasse succo per filamentorum reticularem contexturam, qua corium componitur, excurrente, vel elabente in continuatas papillas, & in mucosum, reticulareque corpus, ut in ungularum vegetatione contingit, quæ cum extremis papillarum finibus excitentur, in deformem producerentur longitudinem, nisi vel arte vel attritu mutilarentur. Probabile quoque est ex urgente assidue jugo proximam cervicis partem compressam, & inde callosam redditam fuisse; sanguinis namque motus non ita feliciter celebratus est; & ichoris quoque ac lenti humoris per exaratum corii contexturam ulterior fluxus impeditus est; & sudoris halitusque effluvia, per propria sudoris vascula suppressa sunt, unde corii papillæ ultra augmentum, in novum situm & compagem adaptatæ sunt, & reticulare corpus, quod aliàs mucosum est, penè osseam nactum est consistentiam. Hæc autem fermentatione probabiliter contingit ex vitriolato humore per excretoria sudoris vasa effluente, vel saltem ab acidis effluviis coërcitis & fixatis, dum interim evaporantibus alcalibus & aquosis particulis, sanguinei instar feri, solidum, lucidumque penè corpus excitatum est.

Franciscus Tronillou nomine, homo staturæ mediocris, corpore satis obesus ac repletus, calvus (occipitio excepto, quod capillis aliquantum investiebatur) aliàs morosus admodum, moribus ac gestibus rusticis planè præditus, ac pelle vulpina vestitus, adeo ut aspectû horridus omninò esset: natus in viculo quodam, Gallicè les Mesieres indigitato, qui ad D. Laverdinum, Regis Galliarum Polemarchum spectat. Huic à teneris in locis sylvestribus à carbonariis educato, ad annum septimum usque ætatis suæ nullum adhuc alicujus cornu indicium apparebat, quo tamen tempore è fronte primum extuberare cœpit, adeo ut circa annum 17. ætatis suæ ad instar apicis alicujus digiti magnitudinem promineret. Quod postmodum progressu temporis paulatim ejusmodi incrementum accepit, donec tandem circa annum ætatis suæ 35. tam magnitudine quàm formâ cornu arietis prorsus referret atque adæquaret.

Cornu hocce è medio frontis enatum, supernè ad verticem, suturam coronalem usque retortum, progrediebatur, ut cutim eo loci omninò fermè attingeret, quod etiam (ipso met id referente) jam semel antehac firmiter adeò cuti inhæserat, ut doloris evitandi gratiâ, id ipsum necesse fuerit aliquantum refecare atque rescindere. Quoties cornu illud palpabatur, vacillabat, cornu tum verò inde dolorem maximum per sentiebat, ita ut tandem ab adstantibus vix amplius sibi istud palpari passus fuerit. Hoc autem an in ipso frontis osse,

vel cute solummodò radices suas fixas habuerit, usque adeò mihi non constat: credibile tamen, quia cornu tam amplum atque ponderosum, radices omninò in cranio ipso egisse. An item cornutus ille dentibus molaribus præditus fuerit, non observavi. Quâ autem ratione & ex quâ materia cornu istud in hoc homine generari potuerit, id omne tibi perpendum relinquo.

Tandem cum cornutus ille per duos menses Parisiis conspiciendus, expositus fuisset, Aureliam versùs conductus fuit. Quo loci quum pervenisset, paulò post diem suum obiisse, intellexi. *Guilielm. Fabric. Hildan. Observ. Chirurgic. cent. 2. Ex communicatione Emanuelis Vrsitii.*

Hujus viri cornuti & monstrosi meminit quoque Jacob. Augustus Thuanus, Tomo quinto, lib. 125. pag. mini 874. qui & ipsum Lutetiæ vidit anno 1599.

Delineatio cornu non omninò cum descriptione Thuani convenit: scribit enim, cornu non spiralibus lineis, sed porrectis striatum fuisse, sed hæc non usque adeo magni sunt momenti.

Porro de cornibus natis cum pueris, aut ex adultis excrescentibus, plura vide apud Dn. D. Schenkium, observat. Medicinalium lib. 1. de cute capitis, mihi pag. 732. Singulare quoque exemplum lector apud Barthol. Cabrollium, Chirurgum longè celeberrimum observ. 2. videre poterit: qui & methodum quomodo abscindenda sint, proponit: dummodò universalia neglecta non fuerint.

Anno 1612. puellam octodecim circiter annorum, ex pago quodam Bernam adductam, ibidemque Nobili ac Doctissimo viro Dn. Paulo Lentulo, pro tempore D. Medico ordinario, à Magistratû Amplissimo, curandam commissam fuisse memini. Hujus puellæ dorsum, brachia & crura, cornibus scatebant: eorum nonnulla duos transversos digitos erant longa, nonnulla incurvata, sed major pars recta, & fusci coloris erant. Ego cum 18. Novembr. ex Belgio reversus essem Bernam, puellam hancce in Nosocomio sanam vidi, cicatrices quinetiam, & vestigia cornuum palpavi, omniaque quæ acciderant à D. Lentulo mihi relata fuerunt.

Methodus autem, quâ D. Lentulus ipsam curavit hæc est. Præscriptâ optimâ victus ratione, apozematibus, & julapiis humorem atrabilarium præparavit, & Melanagogis aliquoties expurgavit, mensesque provocavit. Postea apozemata, julapia, Melanagoga iteravit. Sic satis expurgato corpore, tandem ipsam ad Thermas, hic in vicinia sitas, misit: quibus cum per dies aliquot usâ fuisset, cornua per se deciderunt, & sana ad Nosocomium rediit, ubi mihi, à D. Lentulo, ut dixi, monstrata, omniaque quæ acciderant, relata fuerunt. Post usum Thermarum, refocillatis viribus ac iterum expurgato corpore, ad suos ipsam remisit Dom. Lentulus.

Cornua autem non ossibus, sed cute & carne saltem adhæserant; Ideoque à Thermis emollita, facile deciderunt. Sanam & incolumem ipsam per annum circiter vixisse, Clarissimus & Doctissimus D. D. Barthol. Dunus, qui mortuo D. Lentulo in Medicum ordinarium receptus fuit, aliquoties mihi asseruit. Quum verò propter egestatem, præscriptam victus rationem obser-

observare non possit : purgantia quin etiam (quia à Medicis remota erat) intermisisset, cornua recrevisse, retulit Dn.D. Dunus, sed non tanta in copia, ut antea. Interim tamen cum sine dolore vix stare, multò minùs ambulare, sedere aut supina cubare non posset & à Medicis remota esset, tandem exhaustis viribus, piè obdormivit.

Aqua autem prædictarum Thermarum in loco paludoso erumpit, & per tubulos ad proximum diversorium publicum ducitur, ubi in alieno magno calefacta in diversa lavacra distribuitur. Constat ex sulphure & alumine. Thermæ hæ nervos partesque nervosas emolliunt, dolorem leniunt, ulcera inveterata, scabiem, aliaque vitia cutis sanant : mirum in modum enim mundificant & exsiccant, præsertim si limus qui tubulis & canaliculis adhæret, exsiccatus, & in pollinem redactus, ulceribus inspersus fuerit. Articulorum doloribus & eorum tumoribus, ex causa frigida ortis, conveniunt, & lassitudines membrorum tollunt. *Guilielm. Fabric. Hildan. observat. Chirurg. cent. 2.*

Mulierem quandam tabidam, unguibus pedum non tantum, ut in his morbis usu venit, aduncis & incurvis, sed etiam ad speciem cornu arietini contortis, duobus ferè digitis longis armatam vidimus. Novissimè præterea die 16. Novembr. ann. 1683. Virginem pauperulam 30. circiter annos natam invisimus : Ea ante 14. annos scabie totum corpus occupante infestata fuerat ; quæ cum ad apices usque digitorum, tum manuum tum pedum serperet, ab extremis unguibus proficisci, iisque continuari videbatur : donec tandem ipsi ungues non prolongari tantum, sed in cornuum speciem facere cæperunt. Cornua illa, quo tempore ea vidimus, digiti è quo nascebantur longitudinem ferè æquabant, at multò longiora per vices fuisse asserbat. Teretia in manibus erant, in pedibus figuræ admodum inæqualis, intus concava, in apice obtusa, quædam grisea, quædam nigricantia, sensus eorum exquisitissimus, nec sine dolore, vel leviter attingi poterant. Incerto intervallo, sæpius annuo, decidere aiebat ; tuncque ex eorum cavitate productionem quampiam nerveam, transversum digitum longam, pulpæ quæ è chelis cancrorum fluviatiliū, dum comeduntur, extrahitur, non ab similem prodire. Ipsam cum invisimus ceciderat non ita pridem unum ex his cornubus unà cum ungue annexo. Locum vacuum vidimus, at productio nervea se se jam maxima ex parte contraxerat. Pars horum cornuum tantum ungulæ continua videtur, pars verò ipsum apicem, non secus ac furculi cortex truncum in quo insitus est, obteggit. Illa aquæ tepidæ immersa, & emollita frustillatim quandoque non tamen sine dolore refecantur. At cum Chirurgus quidam nostras ea evellere aliquando tentasset, in convulsiones & syncopen incidit, nec sanguis, qui larga satis manu stillaverat, impedivit quò minùs iterum pullulaverint, & pristinam penè longitudinem intra octiduum, recuperarint. Fera insuper scabies miseram malè mulctat : Volæ manuum, plantæ pedum & calcanei pustulis duris, & veluti corneis, per intervalla etiam deciduis, obsidentur. Unde salibus acidis, qualia in scabie maligna, seu pso-

ra affectorum sanguine luxuriare verisimile est, eò quòd facile concrecant, & ad succorum coagulationem ac ferruminationem non parum conducant ; Salibus, inquam, illis cornuum memoratorum primordia, vegetationem & augmentum, attribui meritò posse, existimavimus. Bibit tamen, comedit, & quæquam ægrè, ambulat ; menstrua statis temporibus patitur, nec adeò tristis aut melancholica apparet, quin dum eius manus & pedes depingi curabamus, minima data occasione subinde ridebat & jocabatur. Hæc ex *Bibliotheca nostra Anatomica parte primâ*, quibus in ulteriorem affectum horum cornuorum illustrationem adjiciemus illa quæ Dominus Dionisius Parisiensis Medicus, in suis affert Ephemeridibus Medico-Philosophicis. Sic autem ille : Vivit impræsentiarum Florentiæ rusticus quidam septuaginta annos natus, vultum gerens caprinum, corpusque aridum, & exsuccum, in cujus polite dextro natum est cornu à vulnere per tres annos neglecto. E vulnere scilicet effectum ulcus primò crusta crassiori operiebatur, quæ in dies augmenta sumsit ; donec è materia ad instar glutinis stillante efformaretur cornu palmarum longum, & ad basim duorum pollicum diametrum habens, quod cornu sensim à basi ad extremitatem minuitur, & tandem è nodo proximè ad apicem elevato ad inferiora contorquetur. Coloris est subcinerei flavo admixti. Substantia est firma & dura, factorem intolerabilem de se emittens. Superficies non est lævis ac polita, sed pluribus concavitatibus à superioribus ad inferiora descendentibus sinuata. Basis quæ ossi adnascitur, excrecentia carnea ad instar coronæ, cingitur. Hoc cornu cum post duos à nativitate annos evulsum fuisset, citò repullulavit multoque majus factum est. Rursus à paucis diebus resectum est, & igne illius reliquias consumere sibi proponunt. Quis demum hujus operationis, futurus sit eventus expectabimus. Schenckius historiam etiam penè similem refert, inquit enim ; Vidimus in Creta vulnerato genu sagitta, cornu nigrum prodiisse ; & materia quæ in ossis substantiam debuerat converti, aeris afflatu in corneam naturam conversa est. Quibus historiis non incongruum fuerit addere aliam quæ Nobilem quendam Florentinum spectat. Is ab aliquot mensibus excrecentia ungularum, tum manuum, tum pedum, ad instar avium quarundam rapacium, falcularum, contortarum, affligitur. Unde ipsi non licet nisi cum maximo dolore, ambulare. Si autem eas resecet inde ulterius sumunt augmentum.

CORPULENTIA NIMIA.

Dissertatio de *Corpulentia nimia* causis commode perfici potest per oppositionem ad ea quæ supra ubi de *Atrophia* attulimus ; illuc itaque Lectorem remittimus ; & quandoquidem, & de morbi definitione, parte in eodem affecta, differentiis & diagnosi, quæ satis sunt nota, non opus est aliquid addamus ; reliqua, scilicet prognosis ; indicationes, & curasequentibus videri possunt. Ubi,

*Curationes, Consultationes, Observationes
& Anatomicæ inspectiones ex
varius Autoribus.*

In corpulentia nimia *Borellus lib. 2. Observ. 2.* sola masticatione foliorum tabaci viridum hominem enormiter pinguem pristino restitutum esse statui scribit. Folia lauri linguæ imposita aquas multas educunt.

Conueniunt autem maxime purgantia, quæ habent vim exsiccandi, v. g. Aloëtica, myrrha, polypodium, *Vid. Zacutus Lusitanus lib. 3. Observat. 101. Prax. Admir. Epiphanius Ferdinandus Hist. Med. pag. 273.*

Incisionem abdominis ad educendam pinguedinem non suadeo, cum sit modus periculosissimus.

Prosum herba absinthii, cent. min. n. sturtii, mentha, sarapilla, gentian, bistort. aristol. rotund. polypod. lign. sanct. lentiscin. allium, oleum amygd. amar. fructus anacard. Aloës, myrrha, sandaraca, Nitrum, lumen de quo *vid. Forest. Tartar. spir. vitriol. coagul. Sol. Tartar. It. Medica nenta ex viperis; balnea naturalia & artificioia cum Nitro & sulph. acetum squilliticum, rutaceum. Item Cuminum sæpius sumitur, elix. proprietatis, essent. absinth. myrrha, crem. & crystal. Tartar. species dilaceæ, diacumini, diaspolicum Galeni, (hoc Dn. Langius pro arcanissimo habet propter Nitrum,) pilula de hiera, de sandar. Myns. p. 154 (quas in arcanis habet Dn. Osvaldus) it. elect. antipod. majus & minus Epiph. Hiltor. 81. p. 254.*

Externè decoctum nucis cypressi Mynsichti.

℞. M. P. de Sandar. Myns. 3 ij. Sal. vol. viper. 3 ij. Elix. propr. q. s. pro forma. Pilularum instar pilorum minorum S. *Sonderliche Pillen* Dos. 3 j. vel 3 j.

℞. Sandarach. 3 ij. Extract. Aloës, myrrha; absinthii, ligni sancti ana 3 j. Spir. vitriol. coagul. 3 β. F. l. a Pilula Dos. 3 j.

℞. Spect. diaspolit. Galen. 3 iij. flor. sulph. 3 j. M. S. *Sonderliche pulver.* Dos. 3 β. ad 3 j.

℞. Loch. de squilla 3 iv. Syr. de 5. rad. acerosæ simp. an. 3 j. M. S. *Safft auf ellich mal.* Dos. 2. *Löffel voll.*

℞. Essent. absinth. liquor. ana 3 β. S. *Sonderliche Essent.* Dos. 40. *Tropffen.*

Ex foliis rutæ, Nitr. pipere, &c. potest fieri pulvis in mensa usurpandus: potest quoque addi sal. absinthii. *Job. Michaelis Prax. Clyn. Gener. Part. 2.*

In cura corpulentia nimia 1. Impediendus est copiosus alimenti laudabilis proventus. 2. Alimentum jam genitum removendum est antequam partibus sese uniat. 3. Unitum jam partibus alimentum est resolvendum ac liquefaciendum, ut sero abluenti imbibitum foras amandetur. Serum enim uti primò est vehiculum alimentorum ita postmodum vehiculum est excernendorum.

Dubium videri possit an corpulentia jam facta resolvendo semel assimilatum nutrimentum possit tolli. Affirmari facile potest: Videmus enim crassos & obesos sub febrium ardentium ardore insigniter emaciari: præterea *Scorbutus* confirmatus corpus etiam ad atrophiam per-

ducit unde atrophia scorbutica. Ad hæc *viscerum ulcera* dum Hecticam inferunt, ita massam sanguineam inaciendo phthificos & macros reddunt. Denique *excretio copiosa lymphæ* absumendo nutrimentum rorem corpus emaciat. Præceteris tamen *urina copiosa & confertim facta evacuationo* corpus emaciare solet. *Vid. Hem. Tr. Jus duu. viratus & Tr. latex. humor neglectus*, ubi refert exempla insigniter obesorum per potiones diureticas subito emaciatorum. Talia exempla habet etiam Schenck. *i. observ.* ubi de Diabete, ibi enim refert multos Diabete affectos per copiosum urinæ profluvium subito fuisse extenuatos. Nec minus efficax etiam est *copiosa salivæ excretio*: notum enim est quod lue venerea ditati, curati per inunctiones Mercuriales Gallis frequentes, ubi continuam ac copiosam excernunt salivam, quod exinde admodum attenuentur. Item refert *Borell. cent. 2. Observ. 2.* Nimiam corporis crassitiem & pinguedinem *continua masticatione foliorum Tabaci* fuisse curatam. Jam notum est quod tabacum sit egregium masticatorium dum elicit copiosam salivam: id quod etiam de *foliis Lauri* dicitur si mastigentur: Salivam enim eliciendo corpus emaciant. Hæc & simili persuadent quod *corpora pinguescunt* post resolutionem jam assimilati nutrimenti à latice aquoso partes ambiente imbibiti, & *sub forma urinae* copiose & ubertim evacuati aut etiam *salivæ* emacientur. Hæc inter ergo quæ huc faciunt ut corpus denudè emacietur primatum obtinet *acetum & omnia ex aceto vini filio degeneri parata remedia*: *Vid. Carr. cit. loc.* ubi refert. Exemplum viri admodum obesi, qui loco vini aceto utens in potu ita rursus extenuatus fuit ut 87. lb. pondere decreverit. Id quod confirmat *Stephanus in operibus Medicis tr. Cosmetica*, ad obesitatem tollendum nihil melius esse quam *acetum Scylliticum jejunio stomacho hauritum*.

Item *acetum rutaceum*, aut etiam potius ordinarius ex aqua chalybeata aceto temperata: Item *acetum Scylliticum* in quo *Absinthium* est maceratum. Ratio hujus est quod acetum stimulat fermentum stomachicum adeoque alimenta potenter dissolvit & incidit eademque in chylum tenuem & admodum aquosum colliquefacit; qui accedente in duodeno bilis attractu transmutetur in falsum diureticum quæ diuretica falsedo non tantum chylum aquosum potenter exhaurit, sed præterea quoque nutrimentum rorem dissolvit ut per urinis excernatur: *Acetum* ergo si *cohobetur aliquoties super nitrum*, eò magis evadit diureticum & eò magis emaciat antea crassos.

Faciunt huc etiam *Purgantia* quæ promptè corpus emaciant. Hinc etiam *Celsus* inquit crebris purgationibus adsuescere est corpus non nutrire. Nam purgantia etiam nutrimentum succum putrilagine afficiunt, & sub forma stercoreum exhauriunt: Verum cum purgantia fortiora ceu venenata non semper tuto in usum vocari possunt propterea *Aloëtica & abstergentibus mista* conducunt imprimis. Hinc *Fernelius Consil. 15.* inquit quod corpora obesa optimè curentur *per pilulas ex rhabarbaro aloë, & agarico* paratas.

Hinc etiam *Elixir proprietatis* sæpius sumptum corpus nihil emaciat, uti etiam omnia insigni-

ter

ter amaricantia, v. gr. Myrrha, aloë, pilula de tribus s. Pestilentialia, pilula de hiera, absinthium & ejus essent. Essent. myrrhæ gentianæ, centaur. minus, mentha, nasturtium & similia quæ omnia amara attenuant & resolvunt rorem nutritium ac sero involvunt, qui interdum excernitur sub forma urinæ interdum sudoris. Præ cæteris tamen omnibus eminent Diuretica fortiora: quæ inter eminet Radix asparagi (quæ & ipso urina foetido odore corripit) radix fœniculi, petroselinæ; item alliata ac cœpacea omnia. Syrupi dicti de duobus, item de quinque radicibus, qui diuretici sunt. Decoctum Cicerum rubrorum; item Cappares, olivæ, Amygdalæ amaræ, & similia condimenta diuretica.

In specie huc facit Tartarus remedium vino ipso nobilius cujus volat. aciditas potenter absterfiva ac attenuativa simul blandè interdum copiosè urinam movet. Sic refert Forestus lib. 31. obs. 12. de Aurifabro adeo crasso ut ferè expiraret qui tamen fuit curatus hoc pulvere.

℞. Tartari ℥ ij. cinamom. ℥ iij. (potius ℥ iij.) zingiber. ℥ j. sacchar. ℥ iv. misc. & subindè absumpsit.

Sic etiam Epiphanius Ferdinandus cons. 8. in specie commendat Tartarum in pulverem redactum contra nimiam pinguedinem.

Aliis secretus est Pulvis contra nimiam corpulentiam paratus ex Tartaro & Cymis s. Julii coryliani. mistis & pulverisatis. Hujus pulveris mane jejuno stomacho & vespere sub introsum lecti ℥ j. aceto destillato irroratus est assumendus, idque continuò donec corpus egregiè emacietur; (quæ dico de tartaro simplici etiam intelligenda de sal. volat. & nobilioribus præparatis quod præsuppono. Pertinet huc etiam Tartarus vitriolatus & ipse ad emaciandum aptus.

Deinde post tartarum est nitrum & ipsum diureticum ac specificum admodum proprium contra pinguedinem nimiam. Nitrum vitriolatum s. arcanum duplicat. Mynsichti specificè etiam contra obesitatem commendetur.

D. Langius ceu singulare habuit arcanum Diospoliticum Galeni ex Nitro & Cumino quod sæpius usurpatum per urinam corpus maciat. Pertinet huc Tartarus nitratus Bartholeti ex sal. tartar. & spiritu nitri invicem mistis paratum, egregium sanè appropriatum contra nimiam corpulentiam.

Facit huc etiam Juniperinum gummi aliàs dictum Sandaracha Arabum; (Græcorum Sandaracha est auripigmentum.) Unde elegantes sunt pilula Mynsichti ex Sandaracha s. gummi juniperi contra obesitatem quarum dosis est ℥ j. singulis manè jejuno stomacho assumenda: D. Olivaud. est author qui primus composuit has pilulas contra obesitatem à quo habuit has Mynsicht.

Semen fraxini seu lingua avis ad 3 j. manè in haustu vini propinatum insigniter commendatur ad evacuandam urinam, ratione cujus & hydropicos curat & emaciat crassos.

Secretum D. Eberbenii est semen esulæ pulverisatum & omni manè quantum cultelli cuspidè capitur usurpatum & continuatum: Hoc enim dicitur expertum remedium.

Nec omittenda Terebinthina ratione virtutis diureticæ, refert Forestus cit. loco de viro valde crasso, qui insigniter extenuabatur, per pilulas ex terebinthina cum saccharo paratas assumendo earum majusculatum v. aut vii. per 2. horas ante prandium. Denique sudorifera sunt quæ & ipsa corpus emaciant, unde omnia lignorum decocta in specie Guajacæ & ligni sancti dicta sudorifera propinata corpus emaciant. Alii salia vegetabilium fixa sal. absinthii, Card. benedicti, item salia theriacalia propinant, quæ corpus insigniter macrum reddere dicuntur. Aliis salia viperina vol. sunt commendata, item alia remedia viperina sunt commendata, quæ & ipsa corpus extenuare & pinguedinem resolvere dicunt.

Denique ex fonte Chirurgico sunt ven. sect. & Fonticuli. Venæ sect. enim cum sanguine simul nutrimentum exhaurit: unde subtracto nutrimento emaciat. Fonticuli verò uti successive partis cui inflicti sunt nutrimentum resolutum exhauriunt, ita etiam mass. sang. depravant & corpus necessario emaciant. Michael Eibmull. Collegii Medic. part. 2.

Consultationes.

De insigni obesitate corporis.

Historiam morbi scribente D. Melino ad D. Ferlium: pro D. de Boisdaphin.

Claudius Lavallensis tibi notus, nonum jam mensem agit hic legatum Regis Christianissimi, atq; tandem incidit in affectum, quem corporis gravitatem appellat ipse; ego verò plenitudinem vires prementem. Præterea ventrem inferiorem natura jam bis laxavit, ex quo ea ejecisse, quibus premebatur, credibile est: quandoquidem facile toleravit dies aliquot, & melius habuit. Erant autem quæ sponte naturæ exierunt fusca, ut plurimum, & graveolentia, & inæqualia, & intus pituitosa pauca, viscida. Alvum sponte fluentem juvit 3 j. sennæ in jure prunorum macerata & expressa. Ergo cum jam intelligat vacatione opus esse; mihi autem, atque his, qui hic medicinam faciunt, non satis fidat; rem totam ad te, cui plurimum fidit, tuamque auctoritatem, defert. Plenitudinem ad vires duo potissimum arguunt, corporis gravitas, & quod levibus ex intervallo repetitis vacationibus feliciter utitur.

Responsum Fernelii ad literas Melini.

Sic summa fide & diligentia literis expressam video Domini tui Boisdaphini valetudinem, ut eam mihi quasi ob oculos proponas, & in memoriam revoces, quam sæpe coram animadverti. Obesus corporis habitus, vasta que moles, quia non nisi pleno liberalique victu sustineri potest, magnum facit excrementorum proveniunt, nunc maxime ætate inclinante, deside vita, cælo frigido, & humido solo. Atque licet D. Legatus frigida, pituitosaque illuvie plurimum scatere videatur, non pauca tamen bile exastuat, quam memini interdum sponte illi ab alvo impetu prorupisse, & quotidie ter saltem alvum movere, eamque semper quam tenerri-

nam servare. Jam si supervacuatorum humorum exuperantia præter naturam & consuetudinem succrevit, quid mirum videri debet, si eorum mole pressum corpus ingravescit, minimeque sit ad consueta munia comparatum.

Ne quid autem posthac gravioris malî contingat tentandum, ut quam exuperantiam victus parcior ac tenuior prorsus absorbere non potuit medicina subtrahat: quandoquidem observatum est, alvum sive sponte, sive arte solutam emolumenti non parum contulisse: id autem sensim ac lentè præstandum, quòd alvus lenissimis illis proritetur, quòdque minime tutum sit tantam illuviem vi & impetu concutere, ne universa corruat: itaque accommodatissima purgatio fuerit per catapotia ex rhabarbaro & aloë, an. ʒij. agarici ʒj. cinnamomi, & fantali citrini, an. drach. s. quæ concinnentur cum syrup. de cichorio. Hac autem lege utendum, ut primum quidem ʒj. offeratur mane, hora una aut sesquihora antepastum.

Duobus tribusve diebus interjectis ʒss. aut ʒij. deitur horis duabus ante cibum. Sic sæpè repetenda erit purgatio ex intervallis brevioribus, sensimque vis illi augenda & continuanda, dum omnem videatur cacochymiam sustulisse, pristinumque corporis robur & integram valetudinem reduxisse. *Joan. Fernel. Consilior. Medicor. 15.*

De Obesitate præter Naturam. Pro Eminentiss. Cardinalis Hippolito Aldobrandino.

Cum moderata corporis constitutio omnium sit perfectissima, & optatissima; amplior vicissim ejus moles, ut & nimia gracilitas pro virili sunt curandæ; non solum quod indecoræ, sed & actionibus sint incommodæ; & quæ vitam breviorē efficiunt, cum suffocato derepente calore nativo à nimia mole, tum eodem extincto pabuli inopia. Quamobrem Eminentissimus Cardinalis æquo corpulentior, veritus ne corporis moles, qua laborat, ingravescat in dies, & operationibus animalibus, quas in præsentia leviter tantum afficit, tandem noxia evadat, cum potissimum sit ipsi innata, non immerito ad nostram confugit opem; quò nimia obesitas coerceatur, qua laborasse antehac fratrum natu majorem duos, conscius est; alterum quidem Eminentiss. Cardinalem, alterum verò Illustriss. & Excellentiss. Principem.

Nos itaque Eminentissimi Viri mandatis morem gerentes, præservativa remedia tunc præscribenda censemus, cum crassitie hujus causas brevibus in medium adduxerimus. Quæ copiam pinguis, & carnosæ substantiæ consequitur, sumpto indicio ex totius ampla mole: pinguedo tamen substantiam carnosam copiam superat, cujus causâ cæterarum partium crassities ventris inferioris amplitudini cedit, qui secundum naturæ leges pinguedine infarctus esse solet; ut propterea ad obesitatem hanc producendam duo potissimum concurrere sit necesse, primò quidem copiam sanguinis alimentalis tenuioris, fluidi, & oleosi, ut causam materiale, tum remissum calorem partium corporis, à quo hic concrevit, & in pinguedinem cogitur, tanquam effectricem, accedente quineiam corporis densitate, materiæ effluxum in-

tercipiente. Neque novum videri debet, quod in Eminentissimo Cardinali hic sanguis redundet, atque in pinguedinem copiosam adeò concrevat, cum ejus ventriculi frigida, & humida intemperies invalescat in dies familiari usu vini aqua diluti, necnon cibi, & potus nive & glacie impensè refrigeratum, quæ causa est frequentis pituitæ vomitus, & flatuum copiosorum, non sine periculo umbilicalis herniæ. Jecoris insuper est humidioris æquo, cum aliqua caliditate, non tamen exsuperante; cui etiam respondet totius corporis temperies; atque hinc fit, ut ex chylo in frigido ventriculo non perfectè elaborato sanguinis copiosi in jecore sit provenus, non quidem exulti, sed plurimum tenuis, oleosi, & pinguis; qui in venas permeans, à musculis allicitur, & in carnosam substantiam concrevit, atque affusus parte magis oleosa membranis exsanguibus; & densis, in his crassitiem quandam adeptus in pinguedinem cogitur: quam auget in dies nova ejusdem sanguinis generatio, & attractio, concurrente potissimum densitate habitus corporis, illius exhalationem, & dissipationem inhibente. Cujus præbent indicia difficilis sudor, atque ex levi qualibet ambientis frigiditate cutis densitas, & febris, cum insigni corporis lassitudine, rigore, & aliarum partium dolore, cessante plerumque frictionum usu, & sudoribus toto corpore erumpentibus. A qua corporis densitate caloris ventilationem prohibente, calorem in internis partibus acriorem fieri vero consentaneum est; atque sanguinem in venis conclusum loco calidiori assari; tenuiorem scil. oleosam magis ejus partem, quæ in pinguedinem concrevit; atque in bilem facessere, quæ in excretis copiosissima ferè semper se prodit; crassiorem verò in sanguinem melancholicum, nigrum, & crassum converti, qui secta vena plurimum effluit: quam ob causam corpus hoc remissiori calore præditum, ac proinde bilis minus ferax, hac tamen abundat maximè, potissimum in primis viis, ob crassitiem corporis, liberam caloris ventilationem intercipientem: quæ fortasse causa fuerit frequentis illius æstus, & ruboris in capite, & facie.

Crassities itaque hæc tenuanda, vel saltem coercenda. Quod consequetur in primis Eminentiss. accurata victus norma; cibo videlicet, & potu; somno, & vigilia; motu, & quiete; excretis, & retentis; atque aere. Cibus autem sit parcus, in cœna potissimum; pauci nutrimenti, ac facultatis attenuantis, & exsiccantis; carnes scil. & pisces saliti, assati potius, quam elixi, conditi aceto, vel fructibus acidis, inspersis pulveribus exsiccantibus coriandri, anisi, cum petroselino, & apio, nenon sal ex viperis combustis, ficus, olivæ, asparagi, & hujusmodi ex tempore parata. A ferculis, placentis, lactariis, melonibus, uvis, cerasis, passulis, pro virili abstineat. Parce bibat, & quidem vinum modicè generosum, album, antiquum: quinimò familiaris usus ʒj. aceti scyllitici, in quo maceratum fuerit absinthium, summoperè ex usu foret. Somnum fugiat diurnum; nisi à valido exercitio quotidie per duas saltem horas, vacuo stomacho, & quidem parvæ pilæ lusu; neque ad nocturnum se componat, nisi altera hora à cœna; otium vitet, quo humores in corpore suc-

crefcunt; ut & exercitio moderato, quo dum exfufcitatur calor innatus coctionis autor, corporis excrcfcit moles. Quod fi ab exercitio adhibeantur friftiones validæ, pannis afperis, vel pulvere corticum fabarum, lupinorum, amygdalarum amararum, & fale, ab his corpus magis attenuabitur. In quam rem commendantur fummoperè balnea ex Aquis nitrofis, falitis, fulphureis, & aliis medicatis; non tamen aluminofis, vel quibuslibet aliis adstringentibus. Alvus continuo follicitetur vel ufu panis ex furfuribus medianis, cum caricis, & fœniculo, femihora ante cibum; vel fex, aut oçto ficibus, cum ficcis, tum recentibus, per femihoram pariter ante cibum affumptis; vel etiam aliquando, ufu pilular. ex aloë lota cum fucco rof. ad 3 j. ftatim ante cœnam; vel pilular. de tribus Rufi; quæ omnium maximè exficcant, ut eas Rufus ad arcendam peftem validiffimas cenfuerit: non omiffis interim diureticis, in quibus potiffima erunt femina fœniculi, anifi, petrofelini, & rutæ fylveftris. necnon fal viperinus, fpecies dialaccæ magnæ Mefues, fpecies diacurcumæ, fal theriacale, & hujusmodi. *Bened. Silvatic. Conf. & Refp. Medic. Cent. 4.*

Observationes.

Pro obafitate.

Nobiliffimæ Dominiæ adeo obæfa ut vix incedere poffet à medicis confultum eft, ut iter unius miliaris fubinde jejuna pedestri itinere abfolveret, fed cum præ althmate ambulare amplius non poffet, magis ei profuit purgatio frequentior: aurifaber quidam cum extremè obæfus foret, ita ut proximus fuffocationi videretur, huic fequens pulvis etiam in cibo datus eft, & ita liberatus fuit.

℞. Tartar. ʒij. cinnam. ʒiij. zinzib. ʒj. facch. ʒiv. F. pulvis Gilbertus Horftius hoc fequenti pulvere, modo per fe, modò in conditis, in obæfis commodè ufus eft.

℞. Tartar. vini albi aut rubri ʒij. cinnam. ʒiv. zinzib. ʒß. facch. ʒiv. M. hæc etiam fubfequentia maximè extenuare obæfos expertus erat; cepe, allium nafturtium, porrum, femen rutæ & potiffimùm acetum fcyllinum: utantur larga ventris folutione, utinam ac fudorem provocent labore multo tum veloci utantur antequam comedant; famem tolerant, diu vigilant, fitim patiantur in balneo aëreo fudent, dormiant parum, & in lecto duro, multum coeant, & morentur fub fole: hæc omnia corpus pingue macrefcere faciunt. *Petrus Forëftus, obf. 10. & Schol. lib. 31. de fucis.*

Purgatio corpore, quoniam præcipuus fcopus propofitus eft, ut caro & pinguedo deterantur, fimulque continuo perfpiratio, & exinanitioni via paretur, ad eos abfolvendos conducturum id remedium efle confido, quod hæc faciendi infignem poteftatem habet; cujufmodi eft ligni guajaci & farsæ decoctum pluribus diebus cum tenui & exficcati diætâ, fudorisque provocatione affumptum: hoc enim (fi modo prudenter adminiftretur) minimè dubitare oportet, quin blandè exficcet, fudoremque provocando cutis meatus aperiat, & confequenter faciendæ infenfibili tranfpirationi magnopere

auxilietur: poft cujus ufum non parum mihi aridet eorum confilium, qui diureticis utendum efle commendant, ut afparago, apio, fœniculo, porro: fimiliter quoque facere non poffum, quin laudem ufum ejus lavacri, quod vim habeat exficcandi, quale eft aqua marina, qua tepida utatur *Hier. Mercurialis tom. 3. confult. 122.*

Abftineat à potatione inter prandium & cœnam, nam talis corpora multum pinguefacit: laudant aliqui maximè in æftate per plures dies cyathum unum aceti minnè, nam potenter corpora ficcat & emaciat; fit ejus ergò affiduus maximè in condimentis & acetariis: verum hoc fugiant qui imbecillos habent articulos nec non & uterum: hyeme ut ejus nimia acredo refrangatur, immifcendæ funt uvæ paffæ: fint in affiduo ufu cappares cum aceto conditi, & olivæ: cauteria maximè probantur, præfertim in tibiis, cum fenfim evacuent totum corpus, friftiones etiam commendantur afperæ pannis afperis donec cutis rubeat: fit affiduus ufus linguæ ovis 1. feminis fraxini ad 3 j. cum vino exhibit. Ex Plinio hydropicos curat. & corpore obæfos ad maciem reducit Arabibus etiam maximè commendatur *Epiphanius Ferdinandus hiftor. 82.*

Pro Obafitate.

Nobilem virum adeo pinguem vidi, ut equo infiftere nequiret, quin ftatim fopiretur, nec loco ferè moveri poffet: ille tamen nunc huc & illuc vadit, mole illa deperdita, & priftinum habitum recuperavit, quod fola masticatione fol. tabaci peractum fuit, ut ipfe mihi afleveravit, pituitofis enim & frigidis corporibus utile eft: folium lauri linguæ in pofitum aquas multas etiam educit. *Petrus Borellus. Obferv. 17. Cent. 2.*

Rara corpulentia incommoda curatio.

Notiffimus hic tribunus militaris jam fexagenario major, fed vivax, & vegetus, ita ferè quinto quoque anno abdomine tardus evadit, & pinguedine nimia diftensus, ut aliis gravis, fibi invifus fit; cui malo cum varia quæfierit remedia, inedia, acida, exercitia, fruſtrante exſpectationem ingrato eventu, noviffimè in Mercurio dulci opem follicitavit, & invenit. Progreditur enim pilulis Mercurialibus ad eam paulatim dofin, ut apertis gingivarum laxitatibus ptyeliſmus confequatur, nec is perfunctorius, fed qualem in adultjs Veneris nepotulis efflagitant Medentes, ut fœdam luem exſpuant. Per has vias omafum ſefe exonerat, & lætum, alacremque tribunum ad munia fœta reddit expeditiorem Ex eo triennium integrum exigit ab infeſto aqualiculi pondere liberum. Tandem redit fenfim malum, & quinto poſt anno novam curam depoſcit. Igitur ille iterum ſupplicat Mercurio, iterum in palæſtram redit promptior. Jamque ter quaterve iterato eodem æquore, vivido faciei colore, toris robuſtis, corpore alacri ad negotia ſua conſurrexit. Exploratum hætenus fuit, fœdam pituitam per glandulas ſalivares excludi, hoc novum, nimis pinguedinis cauſam per eoſdem ductus foras poſſe amandari. *Olai Borrichii, in Act. Barthol.*

*Anatomice Inspektiones.**Pinguedo anomala.*

Pinguedo, quæ musculis infertitur & inæqualia habitus intervalla eleganter rotundat; tam copiose sæpe luxuriat, ut corporis formam, quam ornare debebat; mirificè defædet. Requiritur ad justam gratamque corporis proportionem æqualis partium omnium pro rata accretio; quod si pinguedo copiosior sit & molem cæterarum partium vincat, jam gravis est eam habenti; namque subjectos musculorum ventres pondere suo reprimat, & prohibet ne facile intrentur, & inflati perdurent. Vocantur hi Græcis *πυρρὸι* *πυρρὸι*, homines abdomine graves. Inter hos reperias, qui monstro quam homini similiore corpus circumferant, non crassum duntaxat aut adiposum, verum etiam inconcinnum & difforme. Nobilis quidam statura & protenso aqualiculo magnus varia agitabat consilia; quibus à molestia & inficetâ pinguedine liberaretur. Sed cum pleraque in corpore scorbutico & segnitie corrupto vana essent, contentus erat abdominis molem, in hanc enim imprimis omnis pinguedo conjurasse videbatur; fasciis sustinere eventumque fati committere hac quidem compendiaria, ut succincto ventre obambulare nonnihil in domo; deque uno membro in aliud transferre se posset. Sed postquam unum alterumque anuum sic vitam tolerasset, morbus intervenit isque interne cinus, quippe compressa à nimia pinguedine venæ sanguini motum & spiritum elifere. Vivus roganti mihi ægrè concesserat ventris conspectum atque contrectationem; ibi ego præter omnem opinionem abdomen reperi totum inæquale, glandibusque duriusculis & magnis; velut colliculis, distinctum, inguinis verò limbum; jam ferè ad genua prolapsum, in plurimos lobos timbriatosque duriorum glandularum processus evagantem, citri videbantur aut lacinia ventris penduli. Hæc moles corpus, æstate imprimis, multâ intertrigine excruciat; quare etiam interpositis linamentis ei occurrendum fuit, sed exiguo cum fructu. Pinguedo autem illa tam anomala atque inæqualis non in alio, quam vitiato glandularum adiposarum contextu, sita esse videbatur; ut quæ in scirrum aut steatoma durata, collecta pingui amurcâ, corporis habitum tam misere fœdaverint. *Nicol. Pechlinus in observat. Phis. Medic.*

Pueri præ pinguedine nimia extincti
Anatomia.

Macie confectum vidimus & examinavimus puerum biennalem; examinemus nunc pingiculum & crassiusculum medio anno seniore, qui oblatus fuit 25. Novembris ejusdem anni, & nescio an alio morbo; quam nimiam pinguedinis abundantiam obierat. Vidi candelam non raro nimiam suam pinguedine extinguere, præsertim dum flamma ellychnii exigua debiliior erat; quam ut affluentis sevi absumeret copiam: idem hic factum, si affirmem; omnes corporis partes sanæ & integræ; sed pinguedine undique obrutæ, meæ suffragabuntur sententiæ; si enim pueri exterius pellem tangeres, indicem usque ad primi articuli finem imprimebas: interius autem exi-

les musculos pinguedo copiosa circumdabat & abscondebat. Aperto thorace, cor abesse sacerdotum veterum quispiam, qui eâ ratione populo imponebant, exclamasset: latebat enim ita pinguedine obvolutum, ut non appareret; hodieque à me servatum sub eadem pinguedine delitescit, uti & pericardium; cujus membrana vix conspiciebatur. Inferior venter viscera omnia sana, sed omnia vix semestris pueri magnitudinem exæquantia dabat, ita erant omnia una pinguedo; omentum & mesenterium adeps pura. Cum cerebro autem flaccido ventriculis inclusa erat aqua insipida; plexus choroïdes obsessus hydatidibus, quarum una ad nucis avellanæ excreverat magnitudinem. Ossium tota compages nec forma, nec magnitudine usquam desciscit à pueri perfectissime sanæ, minimeque monstrosi ossibus. *Theod. Kerkring. in Spicileg. Anatom.*

C O R Y Z A.

Vid.

*C A T A R R H V S.**C R A P V L A*

Vid.

*E B R I E T A S.**C R A N I I F R A C T U R Æ.*

Fracturarum quæcunq; corpori obvenire possunt, periculosiores, difficiliorisque curationis nullas reperire licet iis quæ Cranii sunt.

Numerus earum insignis admodum, at symptomatum subsequens infinitus.

Paulus lib. 6. cap. 7. Quinque recenset species, quibus in infantibus addit sextam.

Hippocrates lib. de vuln. capitis à Paulo adductis aliam addit.

Placet nobis, quo curatio certa, quantum possibile, exerceri queat, ex fundamentis certioribus, diversas species, earumque appellationes adducere, nulla habita ratione controversiarum quæ circa varium vocabulorum usum etiam hic proponi possunt, & solent, cum inutiles omnino sint, convenientiusque sit ad res ipsas veramque medendi methodum respicere, quam vocum varietatem variam.

Inter species omnes Cranio obvenientium fracturarum primo nobis loco occurrit Fissio, quæ continui solutio est Tabellarum Cranium constituentium, vel primam seu exteriorem solam, vel insuper & alteram seu intimam, in totum, vel ex parte, dividens, observabilis sæpe, non raro obscura adeo, ut vix notari queat.

Fracturæ huic Vasorum sanguiferorum rupturæ accedit, venarum imprimis, modò earum quæ Cerebri corticem perreptant, quandoque quæ medullam, non raro & illarum, quæ duram matrem s. crassam cerebri meningem. Prior rupturæ vasorum dictorum species lethalis licet habeatur, ultima tamen Cornelium Celsum valde reddit sollicitum, adeo vel etiam Cranium trepano hic perforari vellet primo tempore, ne materia purulenta, ex sanguine extravasato genita, meningem tenuem accedat, eandemque premat, *Sanguis enim hic* (verba ejus sunt *lib. 8. cap. 4.*) *corruptus atque inflammatus partes vicinas ledit, unde deliria, febres, convulsiones, tandem mors ipsa.*

Dicta considerantes haud videbimur inutilia proponere, siquidem exemplo quodam singulari quam verè beneque sollicitus Celsus, minus sæpè debito sollicitos Chirurgiæ cultores doceamus.

Tempore eo, quo Maria Medicea, Regis Galliarum Ludovici XIII. mater, urbem nostram Amstelodamensem intrabat, puer v. vel vi. annorum, cujus nomen Rijkardt Karseboom, reginam, quaque in honorem ejus extructa, videndi animo, fenestræ alicujus domus insidens, procidit in terram, eoque casu, præter vulnus cutaneum satis insigne, Fissuram contraxit parte supremâ ossis parietalis dextri.

Signis fracturæ notis bene perspectis, quo enarrata tollerentur mala, non obstante quod somnus jam adesset inquietior, febris continua, vomitus continuus, sanguinisque per nares & aures fluxus gravis, vulnus cutis, horis matutinis diei secundi, cruciali sectione duplex quasi effecimus, adeoque sic constitutionem Cranii obvii magis, certius cognoscere licuit, digitis enim non solum fissuram ejus, sed & ossis fracti ex unâ parte elevationem, explorare concedebatur. Plumaceolis hinc vulnus replere hoc tempore, circa vesperam verò Cranium trepano perforare necessarium duximus.

Trepanum ubi ad Diploen pervenit, medium scil. tabularum duarum cranium constituentium, impetu sanguinis notabilem quantitatem prodire observatum, notabilior hæc, ubi, absoluta trepanifatione foramen patens.

Foramini huic, adeoque, ejus ope, ipsi meningi crassæ, linteï tenuioris quadruplicati in spiritu vini, cujus parti uni duæ partes mellis rosarum mixtæ, madefacti, quantum loci conditio permittebat, imposuimus. Sequenti die mentem vulnerato constare, linguæque usum concessum, observavimus, febrem etiam, somnum, vomitum, hæmorrhagiamque vale dixisse, curationi quapropter nos accinximus, labia vulneris, secundum monitum Jacobi Carpi, cranio ipsi imponentes, brevi hæc absoluta, satisque feliciter, fragmentis quibusdam squammiformibus, iisque valde exiguis, separatis.

Secunda Fracturarum cranii species Excisio est, *continui solutio in cranio ab externo instrumento secante producta*; fissuræ hic nonnunquam signa adsunt certa, quandoque nulla; quod si excisioni fissura jungatur, utriusque ubi illa tabulæ est periculosa valde conditionis, ad ipsam usque duram meningem penetrare potest.

Squammæ nonnunquam etiam in Tabulâ separantur primâ, nec tamen lethalis semper hæc separatio, quod verum observavimus in quodam Joachimo Ulrico Magistratus nostri jussu à nobis curato. Percussus hic à milite quodam ebrio, ense lato, in sinistrâ ossium parietalium parte, proximâ futuræ sagittali, graviter adeo, ut ex exciso cranii osse dicto, & quidem tabulâ ejus exteriori, particulam ossis satis magnam separatam, solutamque, forcipis ope extrahere licuerit, qua ablata, adhibitis medicamentis convenientibus integrè sanitati æger restitutus.

Hujus conditionis fragmenta varia, (quæ Cranii tabula prima, l. extrema exhibuit, ubi

Excisio aderat) ast oblique magis separata, forcipe commoda auferre mihi concessum in Cranio fracto filiola natu minimæ Joannis van Os, contusam cutem ubi cultro aperuimus. Occurrebant hæc parte inferiore ossis parietalis sinistri, casu gravi in objectum acutum dicto modo læsi. Auferre particulas has licuit nobis die à casu 10. & 11. præmissâ, ut dictum, apertione cutis, integumentorumvè reliquorum commodâ, ast non sine insigni purulenta materiæ effluxione. Et hac institutâ curâ integrè restituta puellula, brevissimo temporis spatio, hoc quo hæc scribimus optime valens.

Fragmenta hæc Cranii ossium antequam deseramus, observationem aliquam Artis Chirurgicæ studiosis exhibere, utile ducimus, quam vir Theologus, Dn. Engebertus Sloot, verbi divini in Slooterdijk præco, à Dn. Joan. Kraanvinkel, apud eos qui Christo nomen dederunt in Moscoviâ Evangelistâ, accepit, declaratur ea quomodo in nobili quodam Cranii particula ense ablata, alia verò ex canino capite desumpta ejus in locum reposita, quæ etiam reliquis cranii ossibus firmiter unita. Accipite ergo quædam eorum, quæ Epistola dicta fabulis annumeranda proponit. Occurrit hoc tempore, *Tibi communicanda excommunicatio admiranda, imò risu digna, quam Theologi Russi exerceverunt in nobilem quendam, cujus nomen Butterlin. Tartarus quidam caput hujus graviter adeo ense vulneraverat, ut, præter integumentare cutem nempe pilosam, aliæque, ossis cranii etiam particula quædam ablata, adeo ut caput inspicienti denudatum non solum, sed & vulneratum, occurreret cranium.* Chirurgus locum apertum quo repleret, occisi canis ex cranio particulam desumpsit, figurâ & magnitudine ei quæ ense ex capite nobilis ablata respondentem, eamque loco læso adaptavit, & hæc methodo integrè sanitati redditus nobilis. Hic miraculosè restitutus, rem gestam, gaudio exultans, amicorum notorumvè variis, enarravit, qui eandem Theologis, & per hos Metropolitanò communicarunt, sicque efficerunt, quod, excommunicatione institutâ, ad loca ea quibus conveniebant Christiani, per totam Russiam, accessus Nobili d. flo denegatus fuerit, usque dum ossis capitis canini particula indicata unita maneret ossibus capitis christiani hominis. Nobilis Ecclesie membris annuñtari mællens, quam, ad veram curationem, quævis non perferre, Chirurgum ossis canini fragmentum auferre jussit, sicque, curatione aliâ adhibita, excommunicationis vim effugit.

Tertia Fracturarum Cranii species Paulo habetur Expressio, quæ contingit quoties cranium per casum, ictum, percussionemvè in partes varias dividitur, sic ut etiam fragmenta quædam eo usque se ad inferiora dimittant, ut non solum membranam Cerebri deprimant, dividantque, sed & Cerebro ipsi continui solutionem inferant, quorum quædam ad ventriculos ipsos quandoque descenderunt, quod artis Chirurgicæ cultorum in gratiam, doctrinæ gratia observatione sequente illustrare confirmareque possumus.

Bernardus Diderici Weghuysen, Sartor, gravi læditur ictu dextro osse parietali, sic ut fragmenta varia cranii vulnerati non solum meningem duram, tenuemque, laderent, sed & ad ipsas usque ventriculorum cerebri cavitates se dimitterent, & quidem vehementia summa, uti in aperto post

post mortem cadavere spectatoribus notare licuit.

Vulneratus domum petit, nullius auxilium implorans, jussu amplissimi Magistratus civitatis nostræ, rogatuve hospitis, eum accessi, cuius ex cerebri interioribus incredibilis magnitudinis particulam à cranio læso separatam, præter fragmenta alia minora: instrumenti commodi beneficio extraximus.

Die vigesimotertio Februarii curæ nostræ commissus æger prædictus qui nono Martii obiit. Consideratione nostrâ dignum quam maximè in hoc agrotante, quod lingulis diebus, à tempore eo quo ipsum accessimus, usque ad diem mortem penultimo præcedentem substantiæ Cerebri quantum cochleari contineri poterat per Vulneratum locum effluerit, loquelâ, ingenio, iudicio, integrè se habentibus. Ast instante, ut diximus morte, febris, delirium, hemiplegia, inter alia symptomata, superveniebant.

Materiæ huic, quæ Expressionis historiam, variaque symptomata, exhibet, antequam finem imponamus, consultum omninò censemus exemplum priori simile, ast cuius terminus longè felicior, hîc proponere. Chirurgus hujus loci eximius Bernardus Heems, cuius curæ commissus æger, quinque mediorum convenientium opera pristinæ valetudini eum restituit, ejus nobis copiam fecit, literis ea de re scriptis, inscriptisque nobis.

AMICISSIME.

Cum constet, rerum variarum, rarius occurrentium, perscrutatore Te esse, arctaque jam à multis annis nos junxerit necessitudo, intermittere haud potui, quin singulare singularis fracturæ cranii in puero 10. aut 11. annorum, ex casu gravi, inductæ, tibi communicem. Frontis hîc os, aliis coronale dictum, læsum adeo, ut particula quedam separata, quæ & Meninges vulnerabat & Cerebrum ipsum, præterquam quod externa capitis integumenta vulnus exhiberent insigniter amplum. Locus læsus substantia Cerebri notabilem quotidie exhibebat quantitatem, quam vel ipse, præter Chirurgos alios, non semel inspexisti. Nec vomitus, nec delirium, nec sanguinis per nares, aures, aliavè loca fluxus in agrotante hoc unquam observabantur, insignis licet amplitudinis apertura, restitutus brevi æger. Considerabilem hunc casum tibi publicoque haud invidere placuit. Vale.

BERNARDUS HEEMS.

Quarta Fracturarum cranii species Decessio est, ubi os læsum versus inferiora procidit, sicque meningis Cerebri deprimuntur.

Lethalis sæpè affectus hic, quo sic humores ad meningis ipsas defluunt, nullâ datâ evaporatione, quod inhibere valdè arduum est. Observavimus hoc in Capite textoris alicujus, cuius nomen Simon Joannis, qui à textore alio graviter cantharo stanneo percussus, sic tamen ut exterius vix aliqua solutio occurreret; in osse frontis circa suturam coronalem, os reperire nobis licuit, teretis omnino figuræ, Vulneratus, nullius considerationis vulnus inflatum æstimans, per tres septimanas oleum ra-

parum loco læso inunxerat, & tamen erysipelas faciem universam occupans, febris, convulsio gravis, fracturæ supervenientia e medio eum sustulerunt.

Via longè aliâ processimus cum Francisco Henrici à West-Reenem, qui ex loco satis alto procidit in saxum, sicque præter vulnus cutaneum, ad ossis frontis suturam coronalem, à parte sinistra, Decessionem ossis dicti contraxit. Ægrum hunc accedentes vulnere ad sanguinis fluxum inhibendum, labiorumque separationem justam promovendam, plumaceoli quantum necessitas exigebat imposuimus, non neglecto Emplastro Defensivo. Nec inconsultum visum fuit eodem hoc die, quo prima instituta visitatio, venæ-sectionis ope sanguinis aliquam auferre quantitatem, fuit hæc ferè integræ libræ; aperta autem vena in brachio corporis sinistro. Quin & suppositorium ex sale, hierâ picrâ & melle eidem applicari, antequam discederemus, curavimus, undè semel largiter deiecit.

Altero die stupiditatis se exhibebant indicia, febrisque, nullus aderat vomitus, licet sitis gravis, cordisque anxietas considerabilis, nocte prægressa valde fuerint molestæ. Vulnus ipsum fragmentum ossis dicti exhibebat, & quidem utriusque Tabulæ, quod ad ipsam matrem duram descenderat, elevatorique operâ à nobis extrahebatur.

Fragmento hoc ablato, sanguinis extravasati, præter naturam hîc collecti, insignis quantitas, pulsu, quasi continuo, per vulnus effluebat. Procedebatur hinc methodo curandi ea, quæ adhiberi solet in trepano perforatis craniis, quæ etiam paucorum dierum spatio sanitati pristinæ redditus æger.

Quinta fracturarum Calvariæ species Cameratio est, quæ divisio dicti ossis est, in quâ pars affecta camera modo exaltata relinquitur, ut Galenus tradit, ac intro à sanis fracturæ partibus ossa magis recedunt, membranisque Cerebri innituntur, quas contactu suo premunt.

Hujus conditionis fracturam nobis non nisi semel toto praxeos tempore notare licuit, in puero 14. annorum, qui, ex casu gravi, & Cranii fracturam contraxit, & utriusque brachii circa ligamentum annulare, sic ut cubiti utrumque os notabiliter loco fracto promineret. Ossa hæc brachii reponere impossibile nobis, quamcunque etiam adhibebamus diligentiam, forsan quod muscoli versus suum principium violentius traherentur. Ne ergò in casu dolorifico, desperato, frustra laboraremus, maximè cum vomitus continuus, febris, narium auriumque hæmorrhagia, valdè molestant, sine sensu itidem, loquelaque decumberet æger, Naturæ negotium in totum commisimus, quæ, arte nullâ adjuta, symptomata enarrata tollere haud valuit, undè factum, quod nox sequens lethalis ipsi fuerit.

Materiam hanc antequam deferamus, è re Chirurgorum fore censemus, siquidem quæ de fracturarum Cranii specie hæc, Cameratio quæ appellatur, à veteribus proponuntur; minus arridere dicamus, quod enim inferiora versus cranium hîc deprimi tradatur, sicque foveas, quas fornices repræsentare volunt, constituere, unde meningum ab incumbente osse

pressio, parum certitudinis habet. Notasse nos in defuncti nostri osse parietali arcum unum alterumve, sursum tendentem, negare nolumus, imò plures se exhibuisse inferiora petentes, certum quoque, aut quo jure fornicum s. testudinum nomen tribui hisce queat non video, cum omnes ex loco inferiore versus superiorem se extendant, neutiquam à superiori ad inferiorem descendant. Antiquitati hic multum debemus, cui nomen dictum fracturæ huic imponere placuit, modo inversam camerationem à nobis vocari, concedant.

Ultima fracturarum Cranii Paulo Collisio est, hanc in infantibus solis locum habere tradit, quod tamen falsum, cum etiam in adultis, senibusque eam notare licuerit, describitur ab ipso, *quod Calvaria divisio non sit, eoque nec fractura rectè dici queat* ejusmodi affectio. Quibusdam, imprimis in infantibus Contusio appellatur, sic tradente Hippocrate *lib. de vuln. cap.* Mulieribus atque infantibus propria magis affectio habetur, quod ossa calvariae molliora, tenuiora, adeoque flexilia magis possideant.

Hic ossis calvæ in interiorem partem impulsio est aut inflexio, concavitatem integra existente calvæ continuitate tantum efficiens, ut licet in cantharis aliisque vasculis ex plumbo, stanno, aut cupro confectis, si foris percutiantur, conspici. Continui solutio vera licet nulla hic, unde fracturis annumerari nequit, symptomata tamen varia, eaque haud levis, non rarò ipsi uncta.

Anno 1656. decimosexto Augusti, ex mandato Ampliss. hujus loci Magistratus accessi mulierem, *Alidam, Wilhelmi filiam*, in qua præter vulnus satis magnum, proximè ad oram musculi temporalis sinistri, Contusionem reperi insignem in osse parietali.

Per octiduum & vigiliæ, & vomitus graves valdè, sine tamen febre notabili; aut die nono somnus invasit cum stupiditate quadam, laterisque sinistri paralyti; depressum os, quod tabulæ utriusque credebamus esse, beneficio instrumenti quod jam ante accuratè à Scheelhanffio, Chirurgo celebri, nuperimè à Joanne Schulteto accuratissimè depictum, & Triploides vocatur, levi manu elevare allaboravimus, quo factò illicò & Paralysis & somnolentia remittere ceperunt, ægraque sic sanitati redita.

Contingit nonnunquam Cranii impressiones exiguas, casu, ictu, percussione, similivè violentiâ externâ, obvenire, imprimis junioribus, nullo præsentis Capitis integumentorum vulnere; fracturæ, fissuræve quod si his nullæ accedant, saltem quæ à Chirurgo notari instrumentis digitivè queant, symptomatum verò graviorum auctores sunt, imò, impressione permanente, si quæ superveniant, ferè tolli solent.

Veritatem dictorum in infantibus puerivè variis notavimus, inter omnes in filio Abelis ter Laan, cujus ossi frontis plumbeo instrumento Impressionem inflixerat puer alius; toto vitæ tempore in filio dicto observabilis ea fuit, neutiquam tamen molesta ipsi vel ulla fuerunt symptomata.

Prægressio fracturis Cranii Paulus Ægineta

loco citato aliam addit, quam Capillationem dicit, sensum hæc plerumque fallit, ferè latens, quia non facilè se ostendit, mortis causam sæpè adfert.

Capillationem hanc notari nobis datum in defuncti alicujus viri, ab alio variâ commotione in pavementum lapideum adacto. Dolor hic in principio obtusus admodum, parte capitis interiore, latere dextro, hinc intolerabilis, cum hæmorrhagia dextri nasi continua. Duodecimo die sopor ægotantem invasit, sine febre, sicque brevi obiit.

Præsentem in arte medicâ celeberrimo Viro Dn. Samuele Costero, Nosocomii publici Medico ordinario, separatis integumentis Capitis mollioribus, Calvariae partem superiorem qua fieri potuit curiositate abstulimus, huius in basi, circa meatum auditorio nervo destinatum, latere dextro, Capillatio occurrebat, subtilis valdè, sub osse petroso ad basilare se extendens, cui cruoris, foetidique humoris exigua jungebatur quantitas.

Meningibus sanguis nullus incumbibat, imò ne quidem ipso in Cerebro aliquis reperiebatur; nisi loco modò indicato, qui inter cranium & meningem duram per fissuram dictam huc erat delatus, ubi spiritus Animales incalefacti, suffocatique, sicque mors inducta.

Missis Fracturarum Cranii speciebus, quæ Paulus Ægineta de fracturis Cranii proponit, accedemus examen illius quam Celsus, Hippoc. alique varii describunt, singularisque considerationis habent, imò omnium ferè fracturarum periculosissimam, eò quod etiam si externo adspectu, & quantum Chirurgica manus præstare valet, post fracturas omnes, quæ oculis notari queunt, & tamen curabiles reperiuntur, curabiles sint, nihilominus Chirurgum sapius ab incepto desistere faciant opere.

Fractura hæc Hippocrati *ἰσφλασις*, Contrusio Galeno dicitur, *Os hic medium desidit, intraque recedit, quoties violentia quadam externa, ictus, casus, simileque infortunium præcessit*, simili omninò ratione, ac glaciem vi externâ frangi, ejusque particulam reliquo quod integrum est supponi facimus; quod enim medium desidit (verba sunt Hippocratis *lib. de vulner. capitis*) ab alio osse naturaliter se habente abruptum fractumque introcedit, adeoque necessariò rima adest.

Sollicitos valdè veteres Fractura hæc fecit, quod ex Hippocrate loco citato colligere licet, quem consulere non sine fructu Artis Chirurgicæ cultores poterunt; & sanè, non semel nobis occurrit, fractam Cranii particulam profunde adeò, sub osse cranii integro, fuisse protrusam, ut etiam si terebrationes variæ, variæque ossis sani separationes, accesserint, neutiquam tamen vel ulla arte, ex loco eo quem occupabat alienum, auferri potuerit, quin ferè Chirurgi industria, laboresque summi, frustra adhibiti, sicque interierit ager.

Rei difficultatem, quodque ipsi supervenire potest periculum non video quomodo, meo iudicio, accuratius describi possit, quam quidem factum legimus ab Ampliss. Reipubl. hujus Consule D. Nicolao Tulpio, dum *lib. 1. observat. cap. 1.* hæc proponit verba: *Cranium uti supereminet omnibus corporis nostri partibus, ita omnes fracturas ejus longè superat ea quæ Hippocrati ἰσφλασις dicitur,*

tur, difficillima curationis. Exemplum ejus rei Magnif. Consul loco citato proponit, addemus nos aliud.

Jacobus Cornelii graviter ligno duriore vulneratur parte Capitis dextra, ad os bregmatis, proximè ad marginem musculi temporalis; ita sapius inter milites, nautasve à verbis ad verbera itur. Per octiduum *Daniel à Suvieten* Chirurgus vulneris curationi præfuit, accessimus nos cum *Georg à Loon* Chirurgo alio, pulsus hic moderatus, sic ut febris indicia nulla, mens constans, quantum ex verbis colligere licuit, in vulnere ipso fragmentum cranii sat notabile desiderabatur, quod ab osse reliquo integro, cui subjacebat, tegebatur; imò & fissura, ad os petrosum se extendens, hic occurrebat.

Vir erat vulneratus vitæ dissolutæ, ad ea quæ de periculoso ipsius statu proponebantur, neutiquam attendens, quin potius maledictis atque blasphemis Deo ipsi se opponens. Nostrum fuit in re gravi nulla negligere tempora; decimo adeoque die à tempore inflictionis Trepanisationem Cranii aggressi sumus, ad modum mox declarandum, quo sic particulam ossis fracti, firmiter admodum sub eo quod integrum adhuc hærentem, auferre, imò & sanguini extravasato sicque loco alieno detento exclusionis locum commodum concedere, liceret, sicuti hæc in re Magni *Hippocratis* inter alios doctrinam, qua primâ occasione Cranium perforari debere tradit, antequam vel febris, vel alia symptomata, sese manifestant, quo sic facilius, in commodum æquè Chirurgi ac ægrotantis, os absconditum in conspectum veniat, imò extrahi queat.

Trepanisatio antequam institueretur, necessarium duximus sectione triangulari locum eum ubi trepanum applicandum præparare, latus infimum hujus trianguli musculi temporalis in margine, quod tamen displicet *Vesalio*, *Fallopio*, aliisque Anatomicis, qui musculi hujus circumferentiam ferro ullo lædi, admittere nullo modo volunt. Arridebat quam maximè Chirurgica hæc operatio, in ipsâ musculi dicti circumferentiâ instituta, utpotè quam fructuosam sapius, nunquam exitialem, reprehendimus.

Die Trepanisationem sequente fragmentum profundè submersum, cranioque arctissime adhærens, qua fieri potuit dexteritate, Triploides ope eximere allaboravimus, ast inexpectatus, isque valdè notabilis, sanguinis fluxus, ab opere incepto desisteremus, fecit. Fluxu nihilominus hoc usu Fungi (neutiquam pulveris styptici) sedato, ossis fracti labia inæqualia, asperitatem maximam adferentia, quo fragmento ipsis exitus commodior concederetur, auferre die altero studuimus.

Die decimo tertio repetere placuit fragmenti dicti ablationem, instrumenti modò indicati beneficio perficiendam, ast irritum omne conamen, qua enim & dexteritate, & circumspeditione procederemus, impedire minimè potuimus, quin sanguis impetu summo, rivulosè admodum, prodiret, undè subitanea exspectanda mors. Ab opere adeoque ipso desistere coacti, nulla præsentè febre, vulneris habendam quam maximè rationem consultum duximus, quo puris boni proventus promoveretur, & sic Deo atque naturæ negotium totum commissum.

Successit curatio ad diem usque vigesimum octavum, quo tempore nil nisi mel rosarum cum spiritu vini vulnerato ossi applicatum, Emplastro de Betonica super imposito, ast post dictum diem omnia in pejus ruere videbantur; vomitus etenim graves, alvi fluxiones largæ, febres continuæ, convulsiones considerabiles, valdè affligebant ægrum, imò quæ circa vulneris labia, purisque constitutionem alias exitum salutarem morbi prædixerant, mortem instare jam, præter naturam constituta, indicabant, quæ etiam brevi secuta.

Consideratis fracturarum speciebus iis, quæ manifestæ magis sunt, aut saltem hætenus notæ, eam etiam proponamus necessarium omnino, quæ occulta magis, eo quod conjecturâ potius quam sensibus adesse constet: statum eâ laborantium his verbis deplorat magnus *Hippocrates*. *Certè infelices omnes, ad quorum occultos morbos, nec oculis, nec judicium pertingere potest.*

Morbus hic occultus Chirurgis Contrafissura dicitur, *Est enim Fissura infortunio, casu scilicet ictu, percussione in parte cranii eâ quæ læse aut vulnerata opposita, producta*, ad eum modum, quo ollam ea parte quam duriore quodam corpore percussimus minimè lædi notamus, at verò eâ quæ opposita est frangi.

Haud crediderim existere Chirurgorum ullum, quem lateat Contrafissura hæc, si modò Cranii fracturas omnes ritè cognoverit, frequentius occurrere quotidiana experientia tradit, quam varii sibi persuadent; legi hæc de re possunt quæ *observ. Med. 2. l. 1.* proponit *Cl. Nic. Tulpinus*.

Experientiæ dictæ, omniumque ferè Chirurgorum placitis loc. cit. sese opponit *Paulus Ægineta*, seipsum se decipere omnes eos docens qui Cranium unâ parte lædi, oppositâ verò frangi, vasis adinstar vitrei, sibi persuadent. Ratio ipsius à suturarum multitudine desumpta est.

Quid opponere hîc licebit? non nisi experientiam, sapius etenim Contrafissuræ nobis occurrerunt. Tot auxilia medica suppeditari vellem, quibus ad curationem Contrafissurarum cum fructu uti liceret, quot se rationes exhibent quibus errores eorum, qui *Paulum* hîc sequuntur refutare concessum.

Cum ergò mediiorum medicorum in hoc casu penuria adsit, imò partem læsam certò cognoscere haut liceat, certi etiam aliquid quoad curationem hætenus constitui non potuit; placet tamen Contrafissuræ hujus, cujus exempla varia occurrerunt, unicum hîc loci exemplum proponere, ne revera eam dari, dubitare, negareve pergant varii.

Fredericus Hermannides sutor, ebrius, mediâ nocte obviam venit virorum eorum quibus excubiæ nocturnæ hîc loci demandatæ aliquibus, indicetur hora noctis exigit, displicet responsio, subortæ altercationes, has excipiunt verbera, unus enim excubitorum hastâ, quæ erat armatus, capitis sutoris partem dextram, ad aurem, ubi os se exhibet bregmatis, graviter adeò percussit, ut coactus fuerit, aphoniâ vertigineque correptus, in terram procidere. Sopor illicò supervenit, & hemiplegia, ast haud diu vulnerato molesta fuerunt symptomata hæc, non minimum terroris & reo & consanguineis vulne-

rati adferentia, priusquam enim duodecim transirent horæ vivis annumerari desit.

Caput jussu Amplissimi Magistratus aperuimus, præsentibus Scabinis variis, loco dextro, qui hastæ impetum sustinuerat, confusio cutis levis occurrebat, pericranium aliquomodo sanguinolentum, in Cranio verò ipso nec rima, nec fissura, nec fractura ulla; imò sanguinis nihil omnino vel in substantia Cerebri, vel inter Cranium & Meningem duram, at verò in latere opposito sinistro, circa inferiora ossis bregmatis, proximè ad ossa auditus non solum sanguinis observabatur notabilis quantitas, Meningem molestant, sed & in ipso cranio fissura duplex.

De abscessu hepatis fracturam Cranii secuto.

Innumerabiles affectus quibus obnoxium caput, exterius sive spectetur, sive interius, varii & illi quos communicat partibus aliis. Capiti obvenientia vulnera, levia licet quandoque habeantur, periculosa tamen ut plurimum, symptomatibus variis stipata, quorum præcipua cæcitas, surditas, aphonia, delirium, fatuitas, paralytis, epilepsia, convulsio, suppuratio partium internarum, & centum alia.

Abscessum secutum partium internarum Cranii fracturam non uno confirmatur exemplo; Nosocomium hujus loci publicum exhibuit & nobis & aliis considerabile. Rarius talia cum obveniant, utile omnino duximus, qua de causâ certi aliquid constet, Medicis nonnullis quæstionem hanc proponere.

Cum non raro vulnus Cranii & Cerebri sequatur suppuratio hepatis, queritur per quas vias Purulenta materia ex Cerebro deferatur ad hepar?

Quæstionem hanc proponere placuit hujus loci Medico celeberrimo Paulo Barbette, his verbis:

Vir Celeberrime.

Quo penitus Chirurgie penetralia pervestigamus, eo magis quæ in eâ occurrunt difficultates nos confundunt. Hic hæremus; Chirurgi Regii Ambrosius Pareus lib. 10. cap. 12. & Petrus Pigras lib. 4. cap. 8. mentionem faciunt abscessum, qui in hepate, ventriculo, mesenterio, aliisque ventris int. visceribus superveniunt Cranii fracturis. Exemplum nobis exhibuit in Nosocomio nostro decumbens Otto Reyneron Oldeburgensis; vulnera hujus capiti inflixerat triplicia sociis, quorum præcipuum occipite occurrebat, ad suturam lambdoideam, fractura Cranii quæ ἰσφλασίς Hippocrati vocatur, ubi nempe fragmentum se dimittit ad inferiora, sic ut sub osse integro abscondatur, stipatum. Ad remotionem fragmenti dicti Trepanisationem instituere consultum duximus, quod etiam successit. Ad diem usque 20. liber omnino ager ab omni febre, convulsione, paralyti, sopore, vigiliis, vomitu, imò symptomatibus omnibus, quæ fracturis Cranii supervenire solent. At paucis diebus antequam moreretur, de dolore gravi circa hepatis, ventriculique regionem conquestus est.

Querelas inter purulentiam in vulnere existens, quæ copiosa valde, imminuebatur admodum laborumque vulneris, similiter ac fundi ejus, insignis notabatur siccitas; accedebat febris gravis, cum delirio, & sic vigesimo octavo die obiit.

Eodem die ex mandato Ampliss. Magistratus, presentibus Samuele Costero & Henrico Lons,

Medicis, Caput defuncti aperuimus, in quo fractura occurrit, cujus conditionem suo tempore ex diario meo Tibi prælegam, ast ad ventrem innum, cujus dolor valde fuerat molestus, ubi pervenimus, Hepar invenimus valde tumidum, abscessu notabili correptum, ex eo enim aperto puris ea effluxit quantitas, quam pinta dimidia vix continere poterat.

Ex capite hanc materiam eo defluxisse probabile valde, ast per quam viam hoc factum, ignotum nobis. Tu quæso, Vir Doctissime eruditâ tuâ pennâ eam indica, quo non solum eruditiores evadamus, sed & quantam possibile & proficuum, in commodum agrotantium, vias tales tollere, corrigere vè queamus; cedit hoc in nominis tui gloriam, proximique salutem. Vale, Vir Optime, responsorias primo tempore expectamus. Fuerunt hæ sequentes.

Chirurge celeberrime.

Monarcha perfectus similis neutiquam imperfecto Alexandro Magno; metuit hic ni novus crearetur orbis, aliquid restare, cujus se victorem dicat, ille in antiquo novam indies suggerit materiam, quo diligentia atque curiositati nostra semper aliquid occurrat, quod melioris notæ sit, quæ ante hac inventa cognitaque fuerunt, nulla artis nostræ pars, in qua non jam ab aliquo tempore vera hæc esse experti sumus, nec licet nobis, nisi ingratis, excellentiorem eam profiteri eâ quæ ante annos centum excelsa. Constabit hoc, inter alia, ut spero, ex iis, quæ ad quæstionem à te propositam ex veterum fundamentis respondere licebit. Est hæc: cum vulnus cerebri sæpius sequatur suppuratio Hepatis; queritur per quas vias purulenta materia à cerebro ad Hepar deferatur?

Consensus qui totius est partiumque omnium in specie spectatarum, magnus valde, atque diversus, ob spirituum, vasorum sanguiferorum, nervorum, &c. multitudinem atque diversitatem, quorum totum corpus pererrantium beneficio quoties vel abjectissima pars corporis malè constituta, illicò statim præternaturalis communicatur cerebro, imò toti microcosmo; Constat tamen, nec inficiari licet, notabiliorem esse confectum, qui est partium triplici corporis ventre contentarum, eo qui est partium his inclusarum ipsorumque artuum. Ratio hæc quæ proponimus confirmat, confirmat & experientia; imò autoritas virorum Doctorum suum huc contribuit. Perpende quæ magnus noster præceptor Cœlius hac de materia habet, Vir sanè, quem majoris æstimamus in arte nostrâ, quam olim Poëta Bartasius 2. jour de la 2. semaine, in arte sua popularem, hæc proponendo.

Marot que je revère ainsi qu'un Colisée
Noirci, brisé, mouffu; une medaille usée,
Un écorné tombeau non tant pour leur
beauté,

Que pour le saint respect de leur antiquité.

Artifex noster post tot secula idem sapientibus nostri ævi, felices omnes quibus volupe fuit tempora sua scriptorum ejus lectione consumpsisse; Accipe artis nostræ cultor variis locis ab eo proposita consensum viscerum internorum clarè declarantia.

Coac. Prænot. cap. 4. §. 1.

Capitis dolor vehemens cum febre acuta & alio signo maligno lethalis est: ceterum sine signo malo, viginti diebus transactis, sanguinis fluxum aut pus è naribus, aut abscessus ad infernas partes significat, &c.

Ibid. §. 28.

Affectiones soporem, fatuitatem & catochen inducentes, variantia hypochondria, & ventrem tumidum

midum habentes, cibum fastidientes, alvo suppressa exsudantes, num his turbidus spiritus, & genitura simile quid prodiens singultum significat? nam & alvus biliosa insuper egerit? spumofus in his mictus prodest; ventres quoque his insuper turbantur.

Libro de aëre, aquis & locis.

Sectio venarum pone aures (nobis nunc tam inusitata quam incognita) infecundos facit.

Aphorism. lib. 6. Aph. 50.

Quibus præciditur cerebrum, his febrem, & biliosum vomitum supervenire est necessum.

Galenus, Erasistratus, Macrobius, alique, ob diligentiam summam, iudiciumque singulare à multis minus iusto, ob errores plus debito, laudati, non solum confirmant ea quæ Antecessor allegatis locis docuerat, sed & rationes addunt varias, à distributione varia Nervorum, sexta imprimis conjugationis, quorum ingens in ventre medio & infimo datur copia, maxime in Ventriculi orificio superiore s. sinistro, desumptas.

Haud displicuisset, si Meninges cerebri prægressis addere placuisset, eo quod pectoris, imique ventris interiora regant, mutuique consensus eorum vel maxima causa sit, ut in sternutatione, tussi, vomitu, &c. evidentissimè patet.

Hic via frè detecta quæ manifestior foret, siquidem cum Glissonio nutrimentum partium nervosarum per nervos adduci, statuere liberet, nervorum pars sextum, vigum antiquis dictum, facillimo negotio purulentam materiam ex cerebro ad hepar deferret, ast cum minus hoc placere curiosis sciamus, alia nobis quaerenda via, eaque commodior.

Primo, cerebri vulnere supervenire hepatis abscessum, certum iudicamus, observationem tuam, accurate satis notatam, testimonia variorum in arte nostra exercitarum, Medicorum æquæ ac Chirurgorum, imprimis Ballonii, Paræi, Pigræi, &c. confirmant adeo, ut de certitudine eius dubitare nec queamus, nec debeamus.

Secundo pus idem, numero & specie, à cerebro ad hepar deferri, (contra ac Te iudicare scimus) minime admittimus, at hic collectum pus aliam omnino agnoscere causam, mox declarandam, quam quæ est purus in cerebro.

Tertio sollicitum me neutiquam declaro, qui inquiram in rationem, cur veteres solliciti adeo fuerint, ut, quæ affectus huius duplicis causa, constaret, certam etenim eam exhibere neutiquam iis datum, doctrina circulari de sanguinis fluxu (quam magno Hippocrati notam fuisse vanè admodum plurimi contendunt) eaque sola lucis plurimum huic negotio conferet; nec crediderim, rationem quæ satisfacere veritatis cultori queat dari posse quæ eidem haud insistat.

Sit ergo hæc ad quæstionem tuam responsio. Cerebro vulnerato vasa sanguifera arteriosa similiter læsa, cerebri ipsius sive sint, sive membranarum ejus, sanguini contento, uberius; parciusve exitum concedunt, hic calore spiritusque privatus sensim putrescere incipit, veramque in materiam purulentam converti; Accedit, quod sanguis nutritivus circa vulnus ex debito mutari nequeat, unde facile in pus convertitur; & hac ratione suppurationis datur incrementum, nisi natura vel ars inhibeat. Circulationem suam motum interim absolvit sanguis, mutationis plurimum non solum in corde, sed & partibus principibus aliis, assumens. Corporis sic partes omnes pererrans sanguis, ipsumque adeo cerebrum malè constitutum, non potest non pravam contrahere dispositionem; prave hic dispositus per arteriarum carotidum ramulos cerebri substantiam percurrentes, Meningis dura exhibitur sinibus, qui receptum deferunt in Venas jugulares, & per has in ipsam venam cavam, sicque in ventriculum cordis dextrum, ex quo, postquam in sinistram deductus,

facilis ad hepar descensus; in hepate, nobili satis parte, sanguinis ulterior coctio, à bile iidem aliisque excrementis separatio perficitur. Difficultatis adeoque quid subest, quo minus sanguis, impurus adeo, hepar accedens, suppurationi ejus ansam materiamque præbere queat.

Via hæc patens adeo, ut nullus dubitare queam, quin mecum eam inire haud recuset. At instabis; cum sanguis corporis partes omnes pererret, cor, pulmones, lienem, renes, &c. quid causa subest, quod solum hic afficiatur hepar? Ad quæstionem hanc respondeo, Cor substantiâ constare solidâ, compactâ, caloreque insito vegeto, hinc paucis subjectum esse morbis, hostem suum vi singulari expellens; Idem quoque Lienem præstare, reticulari nervorum ex plexu compositum, hæcque sua structura non solum ab aliis partibus plurimum differre, sed & quod rarissime in cadaveribus malè constitutus reperitur, efficere; Pulmonem ob substantiâ raritatem, vasorumque amplitudinem haud adeo facile affici posse; Renes impuritates suas sero communicare, sicque per urinam evacuari permittere ac longè aliter cum Hepate constitutum esse; eo quod per venam portæ sanguis illi offeratur multo crassior, fœculentiorque eo qui per venam Cavam, quod & color diversus, & consistentia varia clarè, satis indicant; ductuum lympham ad chyli glandulas receptaculaque vehentium numerus adsit insignis, in quibus ob summam subtilitatem, parvitatemque facillimum humorem subsistere; sanguinis purificationi coctionique continuo inserviat, præter vasorum, biliariorum, sanguiferorumque, maximam copiam, miramque complicationem, vix aliud, ut substantiam componentem, agnoscens quam sanguinem concretum, unde & parenchyma jam à longo tempore dictum, quæ quidem soliditatis aliquid habet, ast fibras possidet firmas minus iis quæ sunt cordis, renumque; quibus accedit; quod arteriis gaudeat paucis, usque exiguis admodum, respectu nempe aliarum partium, hinc spirituum vitalium quantitate minore, unde est quod hostium impetui resistere minus queat, sicque morborum plurimorum nutricula. Scriptis his quæ desunt, ad plenioram explicationem data occasione, verbis addemus.

BARBETTE.

Litteræ hæc quod si Chirurgiæ cultoribus haud satisfecerint, non scio quid adferri queat, ad id ut, quo modo, quavè via materia purulenta ex Cerebro vulnerato ad hepar deferri possit, declaretur; in gratiam juniorum ea quæ Medicus eximius Nicolaus Zassius ad Epistolam nostram ea de materia ipsi missam respondit, prægressis addemus:

Celeberrime, Doctissimeque Vir.

Quæstionem Medicis aliis propositam ne quaeso egre feras, quod & polito tuo iudicio; experientiaque singulari offerre ausus fuerim, est ea: cum vulnus cerebri sapius sequatur Hepatis suppuratio,

Per quas vias materia purulenta à cerebro ad hepar deferatur?

Ad hanc certius ut respondere queas necessarium omnino ducimus casum eum proponere qui nobis occasionem suggessit eam instituendi.

12. Mensis, Junii in Nosocomio publico Amstelodamensi cura nostræ subjectus juvenis viginti præter propter annorum, melancholica temperiei, staturæ mediæ, tribus locis in capite vulneratus; vulnus gravissimum in occipitis occurrebat declivore parte, proximè ad suturam lambdoidæam, cui iungebatur fissura, similiter ac fractura ad meningem penetrans duram; fractura inhaerebat fragmentum ossis deorsum dimissum ad spatium quod est inter duram matrem & cranium ipsum, sicque fractura

fractura eam constituens speciem, quæ Hippocrati *ῥοφλασις* appellatur.

Fragmentum hoc, molestum valde vulnerato, doloris gravioris causam, impedimentum singulare evacuationis materia purulenta fragmento dicto succumbentis, quod tolleretur, instrumenta varia adhibita, elevatoria imprimis, aut frustraneus omnis labor, Trepano cranium perforare necessarium fuit.

Primo à tempore ad diem 20. immunis ager fuit à febre, siti, vigiliis, sopore, vomitu (nisi quod lumbricum evomuerit) delirio, convulsionibus, aut à die dicto puris per vulnus effluere soliti, sub cranio collecti, copia imminui cœpit, accedente febre, doloreque hypochondrii dexteri summo; Tertio ante mortem die febris, aut ultimo delirium, valde augebatur, dolor contra hypochondriacus imminuebatur, 28. mensis dicti obiit.

Defuncti & Caput, & ventrem imum aperiri placuit Amplissimo Magistratui, tum quod ventris dolore gravi circa hypochondrium dextrum laborasset defunctus ante obitum, tum quod ad vulnus Cerebri non raro abscessum hepatis sequi, ex nobis percepisset Magistratus dictus; pro me adducebam auctoritatem Ballonii lib. de morb. Epid. Paræi lib. 10. cap. 12. & Pigræi lib. 4. cap. 8.

Calvariâ ablata puris exigua valde quantitas sub loco vulnerato reperiebatur, eaque dura incumbibat matri; circa os occipitis, ubi fissura aderat cujus supra mentionem fecimus, Trepano facta perforatio, fragmentumque elevatorio remotum, puris nihil omnino invenire licuit, aut omnia hic, mater imprimis dura, laxa admodum, madoreque perfusa.

Ad foramen ossis occipitis, per quod spinalis medulla ad vertebrae spinæ descendit, ubi devenimus, omnia, membranas imprimis medullam investientes, musculosque cervicis caput retrorsum moventes, sero sciatere reprehendimus, quæ tamen humiditatis collectio gravis nunquam agrotantis fuerat.

Relicto capite anatomen aggræssi sumus Abdominis, ubi primo nobis occurrit Hepar, & in eo abscessus, pile magnitudine respondens, puris libram semis exhibens.

Finem hic imponimus observationi nostræ, quam nunc addeò proponere placuit, quo quæ illustrationis loco exhibere Tibi Viro literato animus pleniori stylo nobis offerantur; sententiarum nostros inter Medicos Chirurgoſve mira varietas; sunt qui volunt puris collectionem hepatis constitutioni morboſæ adscribi debere, adeoque ex cerebro minimè destulisse; Placet aliis, quorum numerus insignis, purulentam materiam à cerebro per vias occultas ad hepar destulisse, & huius dicti rationem inde imprimis deducunt, quod notatum fuerit, quoties in cerebri vulnere puris imminutio, toties in hypochondrio dolorem augmentum sumpsisse. Lympha tua lucis plurimum commodiori huic deductioni puris ex capite ad hepar adferet; Galenus lib. 6. de locis affect. cap. 4. Pus sincerum ex Pulmone deferri posse scribit per arteriam venosam in ventriculum cordis sinistram, ex hoc in arteriam aortam, hinc in emulgentia vasa, sicque ex renibus per ureteres ad vesicam, quo cum urinâ evacuetur.

Ambros. Paræus lib. 17. cap. 51. in Secretariis Sarset, quoties brachium vulneratum parum exhiberet puris, toties urinâ, alvique fecibus multum ejus permixtum fuisse, testatur.

Ampliss. D. Consul. Nicolaus Tulpinus obs. Med. lib. 2. cap. 6. & cap. 27. Historiam nobis proponit, ubi purulentia pectoris in sponsâ quadam per umbilicum via sibi elegit, imò hepate collectum pus per os & alvum evacuari posse notatum.

Clar. Medicus Guilielmus Piso, Brasiliæ præin exercens in servo cujus Cranium fractum, casum similem

observavit, & hac observatio occasionem ipsi dedit, ex me, aliisque, etiam me parario, ex Te, quibus viis materia dicta translatio perfici queat, inquirendi.

Vale Vir summe, brevique quæ habes hæc facientia communica, nihil unquam, considerationis alicujus, hic occurreret, cujus te non primo tempore participem faciam, interim.

Officia mea & hic & ubique
Tibi offero

JOH. à MEEKREN.

Responsoria hæc sunt.

Vir curiosissime, Chirurge expertissime.

Ad solutionem questionis propositæ respondeo, abscessum cum quem in casu proposito hepatis innatum scribis, ad instar pile tusoria, materia purulenta non exiguam copiam exhibentem, visceris illius contusioni, aut læsioni cuicunque adscribendum esse, unde putrefactio secuta.

Sententiâ meam confirmant abscessus circumscriptio, extensio quæque eo faciunt, pile etenim figuram formamque habebat in hepatis parte convexa notabilis.

Querelas quas dolores hypochondriaci causant Hippocrates defendit in aphorismis, dum dicit: dum pus sit dolores & febres augentur at eo facto imminuuntur, imò desinunt.

Sequi nihilominus quandoque abscessus hepatis, & mesenterii capitis vulnera libens concedo, sola auctoritate Petri Pigræi motus, cujus cap. 12. lib. 4. videri potest. Placet ipsi abscessum Hepatis & Mesenterii originem ducere ex consensu partium, qui nervorum recurrentium distributioni varia debetur. At hoc in hepate locum non invenit, cum Nervi dicti à sexto pari provenientes hic non inveniantur, Placent nihilominus quæ proponit Vir citatus, cum certum mihi sit (concedantur pro libertate animi sensum proponere) similiter ac nervi nihil aliud sunt quam cerebrum expansum, membranas etiam nil nisi nervos extensos & ampliatos esse, adeoque consensum partium æquè membranarum quam nervorum ope perfici.

Vias ubique exactas eligere mathematici est, in cerebro nostro tales fingere licet, aut reipsa invenire impossibile.

Ipsa per ossa purulentam materiam natura trajicere novit, Hippocrate teste, quid obstabit, quo minus, faciliore etiam negotio, per arterias, vel etiam ligamenta ipsa, quorum beneficio hepar toti coheret, eadem efficiat, corpus ut enim totum perspirabile est, sic & fluxile.

Imò ex sententiâ Galeni lib. de loc. affect. 6. cap. 4. (si benè memini) pus omne, per arterias, venasque totius corporis variè agitato sanguini jungitur, sicque minimè eidem mixtam, ad renes deductum, cum urinâ excernitur, quæ omnia epistolâ tuo proponere nobis placuit. Hæc similiæque natura alicui proprietati, quæ chymicis archens, faber, artifex, & M. dius natura, vocatur, adscribuntur; opus hæc suum perficit non ratione vel judicio, sed vi sola atque virtute facultatis secreticis atque expultricis, uti in scholis loqui solent, vias sibi eligens occultas. Serosus liquor, æquè in vasis ac extra ea detentus, vias feculentarum impuritatum accessu sapius impervias an disponat, adeo ut puri ad hepar facilis concedatur aditus, considerari meretur.

Serosam quod spectat humiditatem, quam copiosam repertam fuisse scribis circa integumenta spinalis medullæ, de quarum tamen partium læsione nunquam conquestus fuerat ager, lympham eam credimus fuisse, innoxiam corpori, eò à naturâ ablegatam, quo à periculis præservarentur partes.

Hæc ad propositum tuum. Vale, salutem meo nomine indices Clar. Guilielmo Pisoni, cuius labores in describendis Brasiliæ fructibus, herbisque valde probamus.

NIC. ZAS.

De Fracturis iisdem.

Ad quæstionem propositam quæ responderunt Medici adducti, Artis nostræ cultoribus satisfacere posse credimus; nihilominus cum plurimi reperiantur, quibus ea displiceant, imò observata nostra æquè ac sententiæ diversorum Authorum fabulis annumeranda habeantur, ex eo, quod, si quando abscessus in viscerum internis reperirentur, haud adeò fracturis Cranii adscribi debeant, quam quidem morbis eorum variis, placet observationem aliam prægressis jungere.

Die 7. mensis Junii curæ nostræ subjectus *Henricus Henrici Osnabrugensis*, in quo ex ictu os frontis fractum, depressumque notabatur; duodecimo ab hoc tempore die obiit æger.

In hoc, æquè ac in aliis decumbentibus, de dolore lateris dextri, puris in vulnere immutatione, denique febre, atque delirio, querelæ fiebant.

Calvariâ ablata pituitosa occurrebat, eaque corrupta materia, non solum in latere capitis dextro circa piam matrem, sed & in sinistro (eò quod ex concussione Cerebri arteriæ lacerata) circa sinus.

Relicto capite, quod de dolore hypochondrii dextri, dum in vivis æger, valde conquestus, purisque in loco affecto immutatio considerabilis, Ventris inferioris viscera accipimus; ad hepar ubi devenimus palmæ ferè magnitudini accedentem inflammationem in eo reperimus, quæ sine dubio purulentæ collectioni an-sam dedisset, siquidem diutius in vivis fuisset jam defunctus.

Observata hæc nostra ultima quibus satisfacere nequeunt legant, quæ simili de materia habet *Petrus Marchette obs. Medic. sylog. obs. 14.* Quintò inquit observavi sæpissimè, quod quando in his vulneribus collum incipit dolere, parte potissimum postica, & laterali, tunc materia purulenta delabitur ad Thoracis, & abdominis cavitatem, quæ longiori mora cum pulmones, tum pleuram, aliquas nempe ipsorum partes, erodit, ex quibus multa sanies emanat, quæ postmodum ad abdomen defluit, cum Jecoris, & Lienis labe, in quibus varias pustulas excitat, quibus disruptis perindè ac ex pulmonibus, & pleura, ita & ex his materia purulenta effluit; quanquam hujus observationis ignari, existiment, abscessus obortos in his partibus, quorum ratione patientes moriuntur, non ex capitis vulnere, quòd ex capite copiosum pus, posse ad inferna viscera delabi, non sibi persuadeant: prout in plerisque observavi, mediam thoracis, & abdominis cavitatem pure fuisse refertam. Quam observationem multis tum in Theatro Anatomico, tum in Valetudinario S. Francisci demonstravi. *Job. à Meekren in observ. Chirug.*

De Trepano, tanquam ad Fracturas Cranii pertinente.

Trepanum est apertio cranii, ut aliquid sub

cranio contentum per illam educatur. Illa apertio fit ferreo instrumento terebrante, quod eodem etiam trepani nomine vocatur: itaque trepani verbum habet duplicem significationem, vel enim significat ipsum remedium, seu capitis apertionem, vel ipsum instrumentum quo apertio fit, modò in una, modò in alià significatione medicè sumitur. Primò dicemus de eo, ut significat instrumentum, ab aliis ipsum instrumentis destinguentes. In medicina sæpè contingit ossa debere perforari, instrumenta quæ hoc præstant generali nomine vocantur terebra. Ossa quæ perforantur sunt quadruplicia, vel enim calvaria perforatur, sternum, vel costæ, vel ossa artuum. Calvaria perforatur, ut aliquid sub ea præter naturam contentum evacuetur. Aperitur calvaria variis modis, vel unctione seu cauterio, vel scalpturâ, vel serratione: cum aperitur scalpturâ, tunc potest aperiri, vel solâ scalpri abrasione, vel cum prævia simul terebratione communi terebro factâ, sed tunc non aperitur trepano, nam nec scalprum, nec commune illud terebrum verè est trepanum. Interdum aperitur serratione cum instrumento rotundo in orbè serrante & ossis rotundas particulas excindente, & illud instrumentum vocatur trepanum, & cum sic aperitur, tum verè trepano aperitur. Costæ & sternum aliquando perforantur, ut aqua è thorace effluat, ut post audiemus. Ossa artuum terebrantur, ut caries ex iis auferatur caustico per foramina insulo. Illud trepanum est quoddam terebrum & species ejus, terebra enim sunt diversa, alia enim sunt triangularia, alia torculata, alia lata, alia cannulata & serrata, terebrum cannulatum & serratum vocatur trepanum, reliqua terebra à trepano sunt diversa, itaque terebrum est genus, trepanum est species, & sic omne trepanum est terebrum, at non contrà. Trepanum ergo propriè dictum est instrumentum seu terebrum ferreum rotundum, cannulatum, dentatum, acutum, quo in orbem ducto serratim ossa, ac præcipuè calvaria perforantur ita, ut ejus fructum integrum excindatur. Per hanc definitionem à trepano excluduntur omnia alia terebra, quibus aliquando caput aperitur: excluduntur etiam cauteria & scalpra, quibus etiam caput potest aperiri, & cyclisci, de quibus mentionem facit Hipp. & Gal. Trepanum vocatur etiam Chœnix, Græcè, & Latine à Celso modiolus, propterea quod instar mensuræ modii dictæ sit rotundum. Hipp. mentionem facit cujusdam instrumenti, quod vocat *τελιν*, quod videtur trepanum nostrum indicare. Aliqui putarunt, quod cyclisci de quibus Hipp. & Gal. meminerunt, essent trepanum nostrum, eo adducti quod ipsi doceant aliquando caput cycliscis aperiri, siquidem caput cycliscis aperiretur, ergo ajunt cycliscus esset trepanum, sed errant, nam non omne instrumentum quo caput aperitur est trepanum, dixi enim suprâ etiam cauterio & scalpri & terebro communi cranium aperiri, sed tantum instrumentum cannulatum, rotundum serratum, &c. Quod autem cycliscus non sit trepanum ex eo patet, quod cycliscus malleo adigatur, trepanum verò non. Ideò Gal. ait, quod cycliscorum usus non sit adeò securus, eò quod caput quatiant, scilicet propter mallei percussione, & id comprobatur Paulus, qui ait, quod

quod cum os est imbecillum, ex fracturâ oporteat scalpris incisoriis cavis, quos Græci cycliscos vocant sensim malleo adactis, ne caput concutiatur uti, ex quo patet, quid cyclisci sint, scalpro & malleo adigantur. Sic Avicenna loquens de iis inquit, & administra facilitatem in percussione parvâ & magnâ: non lædatur caput & inquit & ipsum. Itaque cycliscus est quoddam instrumentum oblongum, rectum suo extremo scindens, quod extremum in formam semicanalis, aut semilunæ est excavatum, quali fabrilignarii utuntur ad ligna circulariter excavanda, nos nostro hoc idiomate nominamus, eenrent, beitelidus, & cycliscus est sine dubio illud instrumentum, quod Celso vocatur scalper lunatus, & Paulo scalper excisorius cavus; cyclisci, ut cujusvis scalpri usus, imò & per se est os radere, & eo utebantur antiqui ad rimas fracturarum scalpendo & radendo extirpandas, cum parvæ erant, at cum majores & penetrantes erant, tum utebantur, iisdem etiam ad cranium perforandum. At quomodo dicetur cranium posse cyclisco perforari, si cycliscus est scalprum. Respondeo, quod antiqui primum locum in orbem terebro multis foraminibus perforabant, postea adhibebant cycliscum, eumque malleo adigendo squammatim quicquid calvariæ intrâ foramina inclusum erat auferiebant, quousque tota ad meningem usque ablata esset. Itaque & cycliscis & terebris olim cranium perforabant, neutrum tamen instrumentum trepanum vocatur, sed sicut modus perforandi eorum à perforatione trepani est diversus, ita etiam instrumenta sunt diversissima. Aliqui putant, quod cyclisci sint scalpria recurvata, quibus hodie Chirurghi utuntur, quæ habent acumen à latere, & scalpunt lateraliter, sed errant, cyclisci enim sunt recti, non recurvi, & scalpunt acutie sui extremi, non autem lateris.

Per trepani nomen etiam significatur ipsum remedium, seu ipsamet cranii apertio, in illâ significatione illud foramen quod in osse est factum, essentialiter est trepanum, non autem ipsa operatio, quâ trepanum fit, non enim illa operatio Chirurgica effectus, propter quos trepanum expetitur, sed ipsum foramen per illam operationem inductum, effectus enim trepani est sub cranio aliquid educere, illud autem non educitur per ipsam operationem Chirurgicam, sed per ipsum foramen: sic in cauterio quod fonticulus vocatur, non ipsa ustio est remedium, sed ulcus & foramen ustione inductum, itaque ipsum foramen est verè trepanum: ex eo cognosci potest, quale remedium sit trepanum, nempe evacuatorium. Verùm cum remedia vacuantia, alia sint generalia evacuantia ex toto, vel pluribus partibus, alia particularia evacuantia, tantum ab unâ parte, & alia sint evacuantia hunc humorem, alia alium, quaeritur quale evacuans sit trepanum, unde & quid evacuet. Dico ergo quod trepanum evacuans particulare sit, faciens evacuationem simplicem & à parte affectâ, scilicet à loco cui supponitur, nempe à capite, sed ex quo loco capitis evacuat, an ex toto an ex parte tantum. Respondeo, quod aliquando possit trepanum adhiberi pro evacuandis fumis & vaporibus in caput ascendentibus, ut in melancholici morbo,

vertigine, epilepsiâ, &c. Sicut post audiemus in tali statu, trepanum ex ipso evacuat cerebro, quatenus illi vapores tenuitate suâ possunt ex cerebro meninges pertransire, & per foramen cranii exire; sed cum trepanum adhibetur pro fracturis, pro sanguine extravenato ad meninges hærente, vel pure ibi contento aut squamulis, quæ ab osse cesserunt, & membranas pungunt, aliisque evacuandis, tum dico quod trepanum, non possit per se evacuare meningibus contentum, sed tantum quod suprâ eas est. Dico per se, quia per accidens, si meninges sint vulneratæ, potest pus sub meningibus contentum per trepanum exire, propterea quod dura mater sit tam crassa & solida, posset equidem benè in tali casu meninx phlebotomo aperiri, & aperta posset tunc per eam, & consequenter per trepanum evacuari, quid sub eâ continetur, sed id facere est lethale & nimis temerarium ac periculosum, præcipue cum nimis difficile & nimis conjecturale sit, scire an aliquid quod evacuatione egeat sub meningibus continetur: ergo concludendum est trepanum, imò & per se est remedium evacuatorium materiæ suprâ duram matrem tantum sub cranio contentæ: sed quid est, quod trepanum evacuet? Dico id esse vel sanguinem extravenatum, vel in pus conversum, vel vermes ibi contentos, ut aliquando fit, vel squammas & frustulas ossis, quæ ita à cranio secessere, & meninges, pungunt, vel frustula teli aut pugionis sub cranio relicta, vel omata & tubercula, quæ subtus cranio aliquando adnascuntur, pro iis omnibus evacuandis potest terebrum adhiberi.

An Trepanum sit remedium periculosum? Aliqui affirmant, aliqui negant, ego distinguo, pro quo notandum, quod aliqui videntes periculum esse in hoc remedio, ne sic meninx vulneretur, dicunt quod ad illud evitandum oporteat trepanare, usque ad ultimum cranii, sic ut totum cranium non perforetur, sed aliqua tenuissima portio ejus adhuc supersit, & quod illa debeat relinqui naturæ superanda. Alii dicunt quod oporteat trepanare, non trepano propriè dicto, sed aliis terebris desquammantibus, si foramen fiat in cranio, illis modis tunc dico, quod non subsit notabile periculum, propterea quod iis modis caveri possit, ne meninx tangatur, à cujus læsione est præcipuum periculum, sed illi modi sunt incommodi, & habent suas difficultates, propter quas etiâ rarò usurpantur, at si foramen fiat trepano propriè dicto, seu rotundo illo & cannulato terebro serrante, & simul & semel usque ad ipsam meningem penetrativè perforatio fiat, sicut hodie Chirurghi omnes faciunt, tunc dico trepanum esse remedium valde periculosum. Illud periculum consistit in multis, Primò in eo, quod meninges & aliquando etiam cerebrum denudentur, & sic exponantur aëri frigido à quo læduntur, etiam cerebrum, cum sit pars princeps, à frigidâ, & membranæ sint corpora nervosa, & acuti sensus à frigore plurimum offenduntur, verumtamen illud periculum non est valde magnum, nec ejus ratione puto hoc remedium adeò esse periculosum; imprimis enim aër potest à longè admoto igni sic temperari, ut frigore suo non obfit. Secundò experientia docet, quod multi post

post trepanum convalescant, quorum tamen meninx fuit aëri exposita, si aër tantum obesset, omnes proculdubio pariter offenderet. Tertio quod aër frigore eas non offendat, ex eo colligi potest, quod membranæ deberent livescere, & trepanati deberent reumate & catarrho corripi, quod ab aëris frigiditate fieri solere est manifestum, quod tamen in trepanatis non fit. Secundo periculum est in eo, quod ossiculum trepano excisum, sæpè fibris, venulis, arteriis fortiter cranio adhæreat, & sic non possit extrahi sine disruptione earum, quæ disruptio dolorem, inflammationem, febrem, convulsionem potest inducere. Aliqui dicunt ex ea parte non esse periculum, propterea quod trepanum plerumque in fracturis adhibeatur, in iis autem à contusione jam fibræ illæ divulsæ sunt, & membrana ab osse separata, & super cerebrum lapsa, & hoc probant experientia, quia in cadaveribus sæpè apparet meninx ab osse separata. Sed hoc verum non est, vel valde rarum & experientia vidimus, semper frustulum jam excisum non iusti violentiâ quadam fibris illis fractis à meningem separari, ita enim fortiter cranio meninx adhæret, ut non facile ab eo possit separari, aut supra cerebrum decidere. Aliqui dicunt meningem non hære cranio per tales fibras, nisi ad suturam, sed hoc est falsum, nam ideo in cranio insculpta foraminula & sulci ac tramites quidam, ut in illa foramina fibræ membranarum ingrediantur, quæ eas cranio alligent, & ut per illos tramites arteriæ & venæ perreptare possent, quas necesse est ad calvariam pervenire, nam nisi in illis tramitibus vasa illa sic occultarentur, & fibris annecterentur, non possent suum situm servare. Iterum tamen neque illud periculum ego permagni facio, nam mox rosaceo & vitello ovi supposito ille dolor & inflammatio facile possunt sedari, ut experientia docet, convulsionem autem inde sequi per se nec credo, nec animadverti. Tertio nonnulli periculum ponunt in eo, quod non possit os perterebrari, quin asperitates quædam & fragmenta ossium relinquuntur sub cranio, & quædam pariscidia seu squammulæ subtus ab osse secedant, quæ cum intus relinquuntur meningem lædere & inflammationem inducere possunt, eodem modo quo videmus, quando asserem perterebramus vel ferramus & perventum est ad imam superficiem ipsius infra frustula plana ab eo secedere, quod fit, quia asser suas fibras habet propter quas nuditur, quales quia etiam cranium habet, verisimile est, quod etiam sic findi persæpè posset, verum etsi id fieri bene sit possibile, bene præcaveri, & raro fit propterea quod os terebretur levi circumactione, leviterque sine pressione comminatur, illa autem pariscidia secedunt tantum propter fortem compressionem, quæ squammulæ decedunt, quando ferramus, aut perforamus acuto instrumento, aut levi ferratione siue forti trusione, cui accedit, qui tales squammulæ per trusionem sic secedant, cum asser est siccus, & non cum humidus, cranium verò in vivente homine est humidum, & ideo cum volueris trepanare calvariam siccam alicujus cadaveris tales squammulæ facile tunc secedunt, sed non cum calvariam hominis viventis, deinde ut hoc aliquando fiat inspecto ossiculo illo quod excin-

ditur potest animadverti, & si fortè aliqua secesserit, potest subtus, à meningi abtergi vel educi, itaque neque ex hac parte trepanum adeo est periculosum.

Quarto periculum est ex eo, quod cum trepanando pervenitur ad ultimum cranei, & trepanum jam penetrat vix fieri posse, quin dura mater, & venæ, & arteriæ, ejus dentibus acutissimi ferrei instrumenti divellantur & vulnerentur, & hoc periculum est summum, & difficulter evitabile, & hujus ratione trepanum est maxime periculosum, quia vulnera meningis sunt lethalia, nam si fibræ venarum & articularum lædantur, imprimis effluit sanguis ex iis, qui se insinuat & dilabatur sub cranio, & corrumpitur & inflammatur, interdum etiam potest sequi hamorrhagiâ, si majores venulæ ac arteriolæ vulnerentur: quia ipsa est nervosa, & acutissimi sensus, sequitur inflammatio ejus febris, delirium, & aliquando convulsio, & cum ipsa inflammatur tunc incrassescit, & elevatur in foramen cranii, & claudit ipsum, & facit ut apertio fiat inutilis quatenus quæ sub cranio est non possit exire, hæc læsio propter tres causas sæpè fieri potest; ima est propinquitas & adhæsiō arcta cranii ad meningem, propter quam fit ut tam citò atque os est penetratum meninx tangatur. Secunda propter inæqualem ossis crassitudinem, habet enim os interius quasdam cavitates, & processus propter quas fit, ut trepanum cum una parte transivit, alterâ adhuc debeat perforari, ex quo fit, ut antequam crassior pars cranii sit perforata, altera jam trepani dentes transmittat, qui ibi meningem vulnerant. Tertia quia Chirurgus trepanum sæpè non rectè tenet, nec ortogonaliter ponit super cranium, ex quo fit ut uno latere tangat meningem, antequam perforaverit, alterum, hoc autem ex eo sæpè contingere potest, quod oculus Chirurgi ex alto aspiciens, non bene possit videre, an trepanum rectè stet, nec ne, nisi ab astante medico admoneatur. Quarto hoc fieri potest, cum trepanum est æquale sine aresto, & cum Chirurgus nimis fortiter premit ipsum, ex quo fit, ut si os tenuius sit, quàm ipse putet, & sic citius perforatum sit, quàm ipse cogitet trepanum, jam impetu quodam pertranseat, & demergatur in meningem, antequam ipse advertat, est bene verum, quod circumspectissimus Chirurgus has omnes causas bene sæpè advertere, & cavere possit, sed tamen non semper, & ideo manet hoc remedium valde periculosum, avertere potest, si sæpè eximat trepanum, & animadvertat quàm verè os sit perforatum, & trepanum versus crassiorem ossis partem inclinet, & trepano utatur abaptito, id est, quod non possit demergi, & habeat arestum.

Diximus suprâ trepanum esse remedium evacuatorium, itaque tantum in illis effectibus convenit, qui sunt ab aliquâ materiâ sub cranio contentâ per trepanum evacuabili materiâ, quæ si est evacuabilis vel immediatè sub cranio continetur, vel profundius in cerebro, & sub membranâ; materiâ quæ profundius sub cranio est, quæque per cranium est evacuabilis tantum est vapor & fumus, non autem materia aliqua humorosa & crassa, talis enim gravis est & spissa, & sic nec ascendere potest nec menin-

gem penetrare, vapor verò cum tenuis sit, & sursum ferri & meninges pervadere potest, itaque in morbis, qui sunt ab humoribus in cerebro contentis non potest trepanum convenire, verum in effectibus difficillimis, qui à vapore & fumo maligno ac venenato fiunt potest trepanum locum habere, evacuando causam eorum, quæ alioquin per solidam ossis substantiam exire non satis possit, tales morbi sunt, Epilepsia, Vertigo, Melancholia, dolores intolerabiles capitis, addo in morbis gravissimis & maxime diuturnis, quia cum remedium per se sit magnum & periculosum, non debet temere, & non nisi in maximis, diuturnis, & intolerabilibus morbis postquam, alia omnia remedia non profuerint adhiberi; cum verò prædicti morbi aliquando fiant ab humoribus, à vaporibus aliquando non convenit trepanum in iis, nisi quando à vaporibus sunt generati, etsi autem propter remedii difficultatem rarò in illis effectibus trepanum adhibeatur, tamen rationi & experientiæ consonum est ipsum aliquando adhiberi: Rationi, quia si in talibus effectibus cauteria sæpissime supra futuram coronalem adhibeantur, ut per ea facilius eidem vapores exire possunt, multò enim facilius exhibant, cum etiam ipsum cranium est pervium foramine, quàm cum tantum ipsum pericranium & capitis cutis. Verum quidem est, quod aliquis objicere posset, quod vapores capitis per suturas cranii sæpè exeant, sed non satis commodè, & in sanis: cum vapores sunt pauci, non autem cum nimii sunt & crassiores. Experientia verò patet etiam hoc remedium, etiam in illis effectibus convenire. Nam Saxonia scribit in Cephalalgia capitis post alia omnia remedia, etiam trepanum convenire, & se cuidam intolerabili & diuturno morbo laboranti caput trepanasse, & invenisse os subtus cariosum, & multam pituitam supra meningem, & quandiu foramen cranii erat apertum, ipsum melius habuisse, sed cum obturabatur, à carne meningi supercrescente dolorem iterum sævuisse: Hollerius quoque propriis observationibus, quas citat Schnellius lib. Observat. E. Dc. d. c. dicit in intolerabili capitis dolore in Epilepsia, mania, melancholia, themicrania constat permultos melius habuisse, terebellis, vel cycliscis aperto capite. In melancholia morbo etiam scribit Guamerius, se ducati magnitudine mulierem trepanasse, & trepanum mense uno apertum reliquisse. Memini quoque mulierem quandam, dividimus Leodii capitis incredibili, & nimis diuturno dolore laborantem, cui ego quoque remedia scripseram, importunè semper flagitantem à Domino Rietio Doct. Medico trepanatam esse, & à dolore liberatam. Certè in hujusmodi nimis diuturnis; intolerabilibus & aliter incurabilibus capitis doloribus, qui sub cranio in eodem semper fixi loco sentiuntur, credo trepanum sæpissime necessarium esse, sæpissime enim tales dolores fiunt ab ossis carie destillante, & supra meningem aggregato, ac ossis particulis propter cariem secedentibus, à vermibus etiam ibi generatis meningem pungentibus & erodentibus, sæpè à lumbricis ibi cranio subtus adnascentibus, ut in morbo Gallico aliquando fit, in quibus casibus, malum sine trepano curari impossibile est, quia enim

alia ratione, quod ibi contentum est, posset evacuari. Præcipuus autem morbus, propter quem ordinariè hodie trepanum appetitur, est cranii fractura, ideo de eà paulo latius disseremus.

Cum cranium ex ictu, vel casu fractum est, contingit aliquando ipsum valdè contra meningem deprimi, ac ipsum cerebrum lædere, aliquando frustra ejus inversa esse, & cuspidem suam meningem pungere, vel in eam esse adacta, vel squammulas quasdam subtus secedere, quæ meningem infestent, plerumque verò sanguinem contra cranium, propter ictum est verius elapsum, per ipsam fracturam rimam meningem in ipsam delabi, interdum concussionem venas & arterias sub cranio contentas rumpi & offendere sanguinem, interdum ab ipsis ossis frustulis vulneratas sanguinem emittere, illo casu sanguis extravenatus concrevit, & ut semper solet, inflammatur, & in pus vertitur, & calore suo meninges & cerebrum inflammatur, & acrimoniâ id ipsum stimulat, dolores, febres, deliria facit, frustra verò, quæ secesserunt, & membranam pungunt ac vulnerant, etiam eadem accidentia inferunt, simulque convulsiones, Epilepsiam, &c. Illa verò omnia sunt educenda, ut æger curetur, educi non possunt cranio non aperto, nec ossium ergo est, ut si ipso ictu non sit apertum, trepano aperiatur; hinc in fracturis trepanum convenit.

Adhiberi trepanum non potest, nisi cute capitis primum longe lateque divisâ, & cranio detecto: hic ergo quæritur: An quando cranium per se non est detectum, sit necessum à Chirurgo detegi; & cutem capitis detegi; Videtur Hipp. lib. de vulneribus capitis indicare quod non: dicit enim, si os est denudatum, ergo vis ictus non penetravit usque ad os, ergo non potest esse læsum; si non sit læsum, ergo non est opus trepano, nec consequenter cutis divisione. Sed respondeo, cranium posse ab ictu lædi, & quæ sub cranio continentur, etiam si cutis externa cranii, non sit usque ad cranium fissâ, hoc imprimis sæpissime fieri potest, cum læsio facta est per contusionem à casu & baculo crasso, tam sæpè cutis est integra & cranium fractum: sæpè etiam in pueris, quibus ossa adhuc sunt mollia: à contusione cranium potest esse depressum, cute externâ integrâ, sed cum læsio est facta, à re acutâ scindente vel perforante, tunc si vulnus non transierit usque ad os, & os non sit denudatum, sequitur quod nec sit læsum, nec consequenter cutis sit dividenda, nec cranium denudandum, vel trepanandum, nihilominus tamen adhuc fieri potest, quod gladius non fuerit acutus, & sic etiam si non vulneraverit usque ad os, tamen ictu suo causerit aliquam sub cerebro concussionem, ex qua venulæ fractæ sint, & sanguis exierit, & in illo casu est cutis dividenda, & trepanum ponendum. At hoc factum cognosci in principio non potest, & ideo in principio in vulneribus sic factis, si non penetrent usque ad cranium, nonnunquam est trepanandum, esset enim temerarium & sine causâ, sed si decursu dierum videatur, quod pessima succedant symptomata, & majora quàm ab externo illo vulnere produci possint, est indicium, concussionem & fractionem venarum subtus factam esse, & tunc est

trepanum figendum, si autem per contusionem rei gravis & obtusa læsio facta sit, ac cutis divisa, atque cranium denudatum manu vel specillo tangi potest; an os sit fractum, si cutis non sit divisa, & ictus sit levis nullâ vi impressus, non est opus cutem dividere; sin est contra, & gravia symptomata adsint, casus vomitus eruginosus, sanguinis per os & nares exitus, &c. cutis est dividenda, nani in eâ dividendâ nullum est periculum, & facile refanescit, nisi ubi magnæ arteriæ aut muscoli temporales sint dividendi, si tunc os fractum apparet; qualis fractura sit est videndum, ad sciendum, necessarium trepanum sit nec ne, non enim in omni statu fracturæ necessarium est, sunt nonnulli qui dicunt, quod in nullis fracturis sit trepanandum, hoc dicit Vidus Vidius super Hipp. de dolore capitis, nisi auctoritate Jac. Perissimi famosissimi Chirurgi, qui dicebat, se longo usu observasse, magis servari eos, qui sine cutis divisione partim lenientibus, partim siccantibus curantur, quam quibus cutis inciditur, & os aperitur, hoc etiam prob. ratione quam inquit, si cutis non scindatur, tunc calor innatus manet conclusus & integer, & melius saniem & sanguinem collectum discutit, & ossa conglutinat, si scindatur, tunc ait, calor evolat & externum frigus accedit, & sic à duplici causa calor fit debilior, & debilior factus non potest illa opera exercere. Secundò sæpè sanies & sanguis tali loco sunt, ut non possint per trepanum evacuari, sæpè enim sit trepanum ab unâ parte, & pus est ab alterâ, aut sæpè pus collectum est loco imò, nec ad foramen à meningē inflammata occluditur. In illis casibus imprimis frustra ægri exponantur periculo ipsius remedii. Secundò est, nec posse esse eos mori, quia sanies inprimis non exit, & propter calorem à foramine debilitatum, tunc non potest à naturâ discuti, in quibus si trepanum factum non fuisset, calore manente unito & valido sanies discuti potuisset. Tertiò quando sanguis subtus & ab it: propter ruptionem venarum, factam à concussione, tunc ille plerunque exit è venis piæ matris, non autem duræ matris, si ex venis piæ matris, ergo colligitur sub durâ matre, ergo si tunc trepanum fiat, frustra sit, & non posset sanguis per ipsum evacuari, ergo tales trepanati propter caloris dissipationem debeant mori, quod sine trepano, calore permante vegeto possent sanari calore, &c. Sanguinem & saniem discutiente. Quod exeat è venis duræ matris potius, quàm dura, colligi potest ex eo, quod pia mater magis abundet venis, & sit tenuior ac venæ ejus tenuiores, dura verò mater sit densa & solida, nec sit verisimile, quod à contusione venæ ejus frangi possent. Quartò quia saltem, cum sic sub cranio sanguis est extraventus, dubium est an ex hujus an verò illius membranæ venis exierit, & sic semper tunc erit dubium, an trepanum juvabit, temerarium aut videtur uti remedio tam periculoso, cum semper dubitatio est de ejus utilitate. Quintò quia videmus, quæ aliæ ossium fracturæ benè curentur sine cutis divisione, & quod natura sanguinem tunc ad fracturam collectum benè discutiat sine eo, quod necessum sit illum sensibiliber per aliquod vulnus vel foramen exire, ergo eadem ratione fracturâ cranii poterit benè consolidari, & sanguis extraventus subtus contentus ac sa-

nies à naturâ discuti sine eo, quod necessum sit cutem dividere & cranium perforare, imò videmus, quod fracturæ ossium aliorum membrorum longè facilius curentur, quando nullum est conjunctum carnis vulnus, seu nulla apertio facta, quam quando est. Sed respondeo, ad primum & secundum certum est, quod aliquando capitis fracturæ benè possint absq; trepano curari, quod quando sc. os solum fractum est, & nullus sanguis sub cranio collectus, quia fractura, ut talis, trepanum non requirit, aut apertionem, sed tantum unionem. Dico secundo quod etiam benè possibile sit aliquando illas fracturas curari, cum quibus sanguinis aliquid sub cranio est collectum absque trepano, quatenus sc. natura cum sicuti in aliis fracturis & inflammationibus facit, aliquando discutere potest, sed est nimis temerarium isti dubio eventui exponi & expectare, an natura eum discutere poterit nec ne, quod si enim non discutiatur, sed in pus convertatur, an non tunc recta mors sequitur, adde quod calor non potest talem sanguinem discutere, nisi sit paucus, cum enim multus est, tunc nunquam discutiet, sed suppurabit, quomodo ergo tunc illud pus sine trepano exibat, nec valet dicere, quod etiam aliquando trepanum frustra ponatur, & sanguis tali loco collectus sit, quo non possit per trepanum exire, quatin certum est ipsum sæpè non juvare, nec educere, sed tunc talis læsio est incurabilis, & saltem factum à nobis fuit, quicquid humanitus fieri possibile est. Neque etiam valet dicere, quod in illo casu, si non fuisset trepanatus, potuisset æger adhuc curari calore valido saniem discutiente, quia invicem quod hoc semel sit, aliquando continere potest trepano non facto, decies è contra possibilis erit, enim curari trepano facto, quam si factum non fuisset & curari qui non facto fuisset moriturus. Quod dicunt calorem propter trepanum evanescere, & sic debilem factum, non posse sanguinem discutere, quem cranio integro validior existens discussurus fuisset, falsum est, non enim adeo propter illam apertionem calor debilitatur, quin ita benè sicut ante sanguinem discutere posset. Ad tertium respondeo, quod videtur, sæpè ex piâ matre sanguis effluit propter multitudinem venarum ejus & tenuitatem, sic è contra ex durâ matre etiam sæpissimè exit, quia ipsa à concussione plus patitur, propterea quod cranium sit vicinior, & quia à cranio quasi pendet, cum altera suprâ cerebrum firmiter jacens nequeat, sic ab ictu conquassari, ut sit, quia dubium semper est, an sanguis ille sub durâ matre, an suprâ eam sit, ideo in omnem eventum est trepanandum, ut saltem à nobis non steterit, quin æger sit curatus, quia casu quo sub durâ matre contineatur, propterea non magis enim tunc calor natus discutere impeditur, calor enim sub meningē includitur, nec ita notabiliter expirat. Ad quartum respōdeo, quod multò magis temerarium esset relinquere ægrum sine trepano soli nature, quæ sanguinem qui plerunque multus exit discutere nequit, aut vix unquam discussura est, nam etsi trepanum aliquid periculi habeat, si illic relinquatur. Ad quintum respondeo, aliud esse de fracturis membrorum externorum, aliud de fracturis cranii: in fracturis illorum inflammatio forti fasciatione impeditur, quæ partes constringuntur & coarctantur. In cra-

nio illæ fasciæ locum non habent, cranium enim non potest fasciendo constringi sicuti brachia & pedes, quia propter sit hoc certum quod in fracturis sæpius trepanum sit necessarium. Dico sæpius, quia non est necessarium in omnibus, ut itaque sciatur, in quibus hoc necessarium sit, & in quibus non; Notandum quod os vel est fractum, vel contusum: fractum os, vel est fractum usque ad diploem tantum, vel usque ad meningem: fractum os usque ad diploem, non est trepanandum, sed radendum: si usque ad meningem, tum fractura vel est valde parva, sicut sit tantum quædam rima, vel valde magna, aut cum frusti notabilis effractione, sicut ipsa meninx, imò & per se vel illius frustuli effracti extractione videri possit, vel mediocris si tantum sit rima atque tenuis, aliquando trepanandum est, sæpe tamen minimè, tum tamen in dubio si suspicio & quid propter rimam simul ab ipsa concussione subtus vena aliqua disrupta esset, & sanguis effluxisset, quia ille absque dubio extrahi non potest sine trepano, eo quod per tenuem rimam non possit exire, esset trepanandum, non propter rimam per se, sed quatenus cum rimâ per accidens subtus extravasati sanguinis collectio juncta esset, verum si ejus suspicio non esset, tunc si rima sit tam tenuis, ut non sit verisimile per eam aliquid sanguinis supra meningem destillasse, non est absolute necessarium trepanare, quia cui usui trepanum fieret, rima enim per se non indicat apertionem, sed potius conglutinationem, sed tantum quatenus suspicio est, quod per eam aliquid sanguinis supra meningem effluxit, quod si propter rimæ tenuitatem factum non esse sit verisimile, & nulla mala symptomata indicatione appareant ubique neque est trepanandum; Dico quod non sit trepanandum absolute, quia aliquando etiam si rima tenuis sit, nihilominus tamen est trepanandum, propterea quod ab ipso osse in rimâ aliquando colligitur sanguis aliquis, qui ibi putrescit, & os corrumpit, & simul afficit meningem, quod apertione trepano factâ debet impediri, hoc autem postea cognoscitur, cum mala symptomata incipiunt apparere, & propterea quamdiu talia nulla apparent, non est necesse, propter rimam in principio trepanare: sed tantum oportet uti medicamentis cephalicis egregiè exsiccantibus & discutientibus, ad talem in rimâ putredinem impediendum, & quod collectum est discutiendum, & rimam callo claudendam. Si fractura sit valde magna, ita ut jam frustulum unum notabile, aut plura sunt effracta quæ extrahi possint, ex quibus extractis jam meninx denudetur, & cranium sit apertum, non est necesse trepanare, quia ideò trepanatur, ut exterebrato per trepanum uno frustulo cranium sufficienter sit apertum, si ergò jam à fracturâ satis apertum sit, quid est opus amplius trepano aperire: si fractura sit mediocris, & fortè cum aliqua fracti ossis depressione est trepanandum, nam in tali casu semper probabilis suspicio est, quod per fracturam sanguis à pericranio sit delapsus, vel in fracturâ sanguinis ex ipso osse & diploem exiliens colligetur, qui ibi putrescens os corrumpat & saniem versus meningem dimittat, unde pessima accidentia, & mors sequeretur, ideò talis sanguis & sanies facto foramine est educendus. Porro si vulnus & fractura

cranium sit illata ab ictu vel puncturâ plerumque squammæ subtus à cranio secedunt, illæ verò trepano sunt educendæ, si os fractum sit & simul depressum, sic ut portio depressa cerebrum & meninges comprimat ideò, quoque magis trepanandum est, ut simul auferatur illa, illis enim ex depressione coarctatis apoplexi, convulsio & mors sequuntur. Hæc cum os est fractum, aliquando etiam est contusum: contusum est duobus modis, ut cum est contusum in substantiâ, vel cum in situ, si in substantiâ est contusum, sic ut substantia ejus sit condensata, sine eo quod deorsum secundum situm sit depressum, tunc tantum conveniunt medicamenta cephalica, quæ impediunt ossis contuli putredinem & sanguinem ex compressione in dyplonem solum penetrans, si os est contusum sic ut figuram rotundam perdiderit, & sit cum foveâ quadam depressum, & tamen non sit fractum, quod in teneris ossibus puerorum potest fieri, tunc trepanum non requiritur, sed tantum elevatorum, aut medicamenta attrahentia, sed si cum contusione suspicio esset, ex concussione sanguinem sub cranio extravasatum esse, omnino trepanum necessarium foret, proinde generalis regula esse debet, seu cranium denudatum sit, seu non, seu os fractum sit, seu non, seu fractura magna sit, seu parva, si ex magnitudine accidentium suspicio sit, sanguinem aliquem subtus ex venis exisse, & sub cranio collectam esse, trepanum esse adhibendum: talis concussio & venarum subtus factio plerumque evenit, cum à re gravi, obtusâ, & contundente cerebrum læditur, attus etiam cum casum & punctum læsum est, præcipue cum instrumenta non sunt admodum acuta aliquando contingit, sicuti memini me quoque observasse. Quæritur autem, an etiam in resonitu trepanum sit ponendum: Resonitus est, cum caput unâ parte percussum, non frangitur illâ, sed in oppositâ; talem resonitum animadvertere licet aliquando in vitris & ollis fieri, quæ videmus unâ parte percuti, & frangi oppositâ, proinde eadem ratione etiam in cranio aliquando fieri Medici animadvertunt, nonnulli tamen negant illum resonitum cranio evenire posse, propterea quod cranium non sit unum os continuum, sed ex plurimis coagmentatum; resonitus autem, inquit, non habet locum, nisi in iis, quæ sunt unum quid continuum: verum etsi cranium ex multis partibus sic est compositum, quia tamen illæ valde arctè per suturas sibi mutuo coherent, sit ut ipsum quodammodo sit, sicut unum continuum corpus, & ideò in eo resonitus fieri potest. Hippocr. lib. de vuln. capitis testatur, etiam talem resonitum aliquando fieri, quod infortunium cum accedit non potest, inquit, juvari, propterea quod nulla via possit, ut inquit prehendi an os fractum sit nec ne, & quo loco? ubi videtur judicare, quod si aliqua adessent indicia loci ubi os fractum sit, quod etiam tunc isthic deberet cutis dividi, & trepanum poni, sed quia cum consideramus partem capitis ictam, & cum videmus ibi non esse fracturam, valde dubium est & obscurum scire, an opposita pars sit fracta, nec ne, & quam valde temerarium videretur ibi secare, ubi non rectè con-

constat, an os sit fractum, & quia posito casu, quod in oppositâ partē certē fractum esse constaret, tamen adhuc incertum est quo loco sit fractum, an sursum an deorsum, antē aut retrō ideo præcipuē quæritur, an in tali casu medicus auderet tentare cutis capitis in oppositam partem divisionem? Et respondet bene Cora Celsus, si inquit percussio fuerit gravis, si mala indicia adsint, & ea parte qua cutis scissa est rima non appareat, non incommodum est, inquit, altera parte quoque considerare num quis locus mollior sit, & tumeat, etenim aperiri rationem insinuat, nam si adest fractura jam certum est, quod trepanum requiratur, si non adest, quod cutis facta divisione certissimum constabit, jam nihil est peccatum, & solummodo frustra semel cutis divisa est, ex qua divisione, nullum venit damnum, cum possit facile resanari.

Circâ trepanum hæc præcipuē consideranda, modus, quo trepanum industriē adhibeatur, ut nihil vel minimum tempus noceat, quo adhiberi debet, quantitas & locus; hic de modo; cranium non potest perforari, nisi imum sit denudatum, non potest denudari, nisi cutis & pericranii divisione, videndum ergo, imò an in capite sit vulnus nec ne, si est magnum vulnus sic ut cranium latè sit detectum, aut tantum ut in vulnere commodè trepanum circumduci possit, non est amplius actis dividenda, si est parvum ulteriore sectione est dilatandum donec sit satis magnum, si non est debet vulnus fieri, secatur plerunque cutis in crucem usque ad ipsum cranium, sic ut totum pericranium persecetur. Dico plerunque quia aliquando secatur in figuram trianguli, cum nimirum vel suturæ, vel arteriæ aliquæ, aut venæ sunt cavendæ, tunc pericranium quod suis fibris fortiter cranio adhæret, obtusiore instrumento, vel novacula dorso est separandum, ut quatuor anguli carnis seu cutis capitis sunt attollendi, & diducendi, & subus tentis plurimis ex stupa idoneo medicamento imbutis infarciendi & suffulciendi, ut diducatur & à se invicem latè separentur, quo postridiè spatium latum pateat figendo trepano, imbuuntur illæ medicamento habente virtutem repellendi, sanguinem sistendi, & dolorem sedandi, ex scissione enim illa, & pericranii violenta divisione potest dolor fieri, & febris, & locus inflammari: ex divisione venarum & sæpè etiam arteriarum copiosus sanguis effluere, qui restringi debet, & venulæ claudi, & ideo curandum, ut postridiè totus sanguis sit restrictus, alioqui trepano impediretur, medicamenta illa sunt, bolus, sanguis Draconis, spodium, ovum totum, aqua rosata, acetum, oleum rosatum, &c, si nullæ arteriæ, vel saltem exiguæ sint præcisæ, facile sanguis sistitur, si majores metuendum quod illæ non tam citò aut faciliè à medicamento claudantur, debet uri vel ferro, vel caustico, vel debent transmissâ per carnem acu ligari: Interim æger debet victu tenui, & refrigerante vivere, ut sic minus ad febrem à remedii magnitudine contrahendam disponat. Est enim alius modus cranii denudandi, quo cutis non scinditur, sed exurit, hic cauterio & potenciali, & actuali, præstari potest, Cauterium actuale illud est rotundum per modum cannulæ & acutum, illud cum incanduit ponitur super cutem

& carnem capitis, & exurit eam usque ad ipsum cranium, ustione facta pars cutis intra cauterium inclusa, una cum pericranio detrahatur & avellitur ab ipso osse, & tunc ibi os pulcrè est detectum, talis modus cranii denudandi habet multas commoditates imprimis quod non habeat tales angulos in carne, qui sæpè obsistunt trepanationi, sed tantum rotundum foramen. Secūda quod avertit omne periculū hamorrhogiæ ab arteria aliqua secta, cauterium enim urendo claudit arterias, & ideo cum ab arteria est pericranium valdè convenit. Tertia ac præcipua commoditas ejus, cum est necessitas citò trepanandi, ut cum trepanum nimis diu fuit delatum, aut periculum est in mora, tum enim facta hac sic cutis exustione statim post licet trepanare, quod non licet, quando cutis novacula est divisa, tunc enim ad minimum una nocte expectare debet, imò sæpè duabus & amplius, si vulnus recens iterum sanguinem emittat. Quarta commoditas est, quod ab ipsa ustione cranio excalescunt fibræ meningum subus cranium adhærescentibus contabescant, & sic sine violentia frustulum cranii exterebratum abduci & secedere possit: Verum si novacula cutis fuerit divisa, postridiè stupa & dente fortiter pilis & cuti ratione aluminis adhærentes sensim & blandè sunt auferendæ, ne si rudius auferantur, iterum venis divulsis sanguis effluat, qui trepanationem impediat. Si ergo sanguis resistit trepanum est affigendum, si adhuc fluat, multus iterum trepanum est differendum quousque sit restrictus, in trepanando tota difficultas & artificium in eo consistit, ut foramen sic in osse fiat, ne meninges lædantur, nam si lædantur est lethale, quia verò hoc est difficile, & tamen tanti momenti, ideo medici varios modos excogitaverunt, ut varia genera instrumentorum quibus hoc fieret imprimis, video cranium posse aperiri tribus modis, serratura, sculptura & limatura, serratura fit per modiolum seu trepanum propriè dictum, & illius usus hodie est maximè vulgaris, cum eo uti volumus sic est agendum. Claudantur aures ægri cotone, ne à strepitu trepani offendantur, tunc caput ab uno vel duobus hominibus teneatur, anguli carnis divisæ tegantur emplastro aliquo, ne à trepano circumducto lædantur & doleant, tunc trepanum imponendum valdè ortogonaliter, & sic continuo tenendum, & non magis in unam, quàm in alteram partem inclinet, & inæqualiter perforet, circumducendum verò mediocriter, nam cum nihil premitur, nihil ferrat, cum nimis fortiter non circumagitur factò jam circulo parum profundo, seu facta jam semita trepani, trepanum est eximendum, & stilus pungens, qui est in centro trepani etiam eximendus, & solum trepanum suo inducendum, nam si per oblivionem stilus ille non eximeretur, cum is extet ultra margines trepani; diu pertransisset cuspide sua cranium antequam ipsum trepanum, & sic perforaret meningem, trepanum aliquando est eximendum, ut dentes ejus extergantur ab ossis serratura, & nimis continuata serratione, unâ cum ipso osse nimis incalescat, & in oleum rosatum est imponendum, ut facilius ex lubricitate, circumducatur, antiqui in aquam imponebant, sed oleum præstat, quia quando ferè os est perforatum, tum

exempto trepano sæpè videndum est, quàm prope finem pervenerimus, ne nimis profundè perforemus & meningem lædamus, & ut videamus an os non sit unà parte citius quàm altera perforatum, ut secundum hoc possimus trepanum inclinare versus partem crassiorē, & si trepanum tale est, ut possit perfundari, tunc summa cautela curandum, ne ex improvviso immergatur, itaque valdè suspensa & timida manu tunc est perforandum, & mox ut ossiculum incipit mutari, tunc est tentandum, an extrahi possit suaviter potius quàm usque ad ultimum extremum undique perforaretur metu semper tangendæ meningis. Hippocrat. voluit ut os non perforaretur usque ad extremum absolute, sed ferè tantum, & tunc relinqueretur naturæ separandum, os enim sic divisum & læsum corrumpitur, & simul fibræ quibus meningi adhæret contabescunt, & tunc ab osse bono à naturâ separatur & excutitur, & hoc ideo fieri volebat, ut eâ ratione, omne tangendæ meningis, & fibras violenter divellendi periculum evitaretur. Ille modus, ex illâ quidem parte est securissimus, sed ex alterâ iterum est periculosus, propterea quod illa separatio non fiat à naturâ, nisi valdè serò & lentè, & interea in mora periculum sit, itaque ubi effectus inducias concedit, ille modus est securissimus, aliàs non hodie simul & semel omnes Chirurghi perforant: Os terebratum suaviter est extrahendum, cum forcipe cannulatâ ad id comparata, perforare trepanis, quæ possunt immergi est valdè periculosum, ideo nulli diligentes Chirurghi unquam deberent istis uti. Trepana quæ mergi non possunt abbaptista illis ferè absque periculo uti possumus, quia non possunt contra nostram voluntatem ex improvviso in meningem demergi, pleraque etiam eorum non possunt ad latus inclinari, & inæqualiter perforari quin animadvertatur, ideo talia trepano non possunt immergi, quia habent quandam exstantiam seu arrestum, quo hærent supra circumferentiam cranii, & impeditur descensus, & ideo illa vocantur trepana securitatis. Illa trepana in duplici præcipuè sunt differentia; aliqua sunt quæ habent arrestum, seu supercilium, seu circulum extantem serratim, qui cum ipsum trepanum cranium profundius est ingressum, superius super convexa cranii superficie hæret & arrestatur, & circumductione etiam ibi serrat, quo impeditur, quod circulus inferior non possit profundius ferrare, quàm circulus superior descendendo serratim permittit. Aliqua sunt, quæ habent utrinque processus acutos scalptim scindentes, qui superius cranio hærent, & ut trepanum profundatur superius circumductione cranium scalpunt, quo fit, quod non magis profundetur trepanum, quàm scalpturæ superioris profunditas ostendat & permittat. Aliqua sunt, quæ habent unum simplicem circulum extra trepanum sursum deorsumque per spiras & helices mobilem, qui circulus facit, quod trepanum non possit profundius penetrare, quàm ipsi volumus, & cum trepanum jam usque ad circulum est ingressum, si os adhuc non est perforatum illum circulum per suam helicem, quantum volumus circumdando adhuc parum abtollimus, quousque to-

tum os est perforatum. Aliqua trepana habent multa foramina, quorum unum altero est elevatius, per quæ stilus ferreus crassitudine foramini respondens transmittitur, qui utrinque extra coronam trepani paululum extans impedit trepanum profundari, qui stilus moveri potest, & vel in altius vel in demissius dimitti foramen, prout plus minus volumus trepanum vel profundari, & major minorve crassities cranii exigat. Aliqua habent appensas à latere alas acutas scalpentes, deorsum angusto in conum desinentes, sursum versus latera utrinque unam vel duas quæ ferræ succedentes, & os paulatim magis, & magis exscalpentes perforant quidem, sed ita ut dum major semper sit perforatio, trepanum alarum latitudine suspendatur, ne repente incidere in meningem possit. Hæc sunt genera veri trepani, seu trepani serrando perforantis. Verum quia ejusmodi trepana habent dentes acutos, & qui omnes æqualiter simul cranium transeunt, & propter ossis cranii inæqualem crassitudinem possunt una parte, transisse, & meningem ibi vulnerare, antequam transierint altera parte, in quo non est parvum periculum, ideo nonnulli ad majorem cautelam & securitatem invenerunt adhuc alium perforandi modum, & alia trepanorum terebrarum genera, quæ non sunt quidem verè trepana, sed cum habeant eundem perforandi cranii usum, & sicut trepanum vertibulo dicantur, sæpè communi nomine trepani appellantur, inventus ergo etiam modus cranii usque ad meningem scalpendo squammatim extenuandi, scalpturæ varii sunt modi, aliqui eam faciunt cum nostris scalpris communibus in circulum semper scalpendo donec factum sit foramen ad meningem usque. Antiqui ut supra multis foraminibus perforantes, cum cycliscis malleo adactis, quicquid cranii foraminibus comprehensum erat squammatim decutientes: verum ille modus propter percussionem cum malleo erat molestius, & à multis eo nomine fuit damnatus, quod percussione illa cerebrum & spiritus valdè quaterentur, & turbarentur secundo etiam ille modus periculum habebat ratione terebræ quæ perforando toties cuspidem suam meningem subuspungeret, vel ex improvviso penetrare potuisset. Aliqui invenerant scalpra, quæ non adducuntur manibus, sed instar terebri manubrio circumducuntur, talia sunt certa trepana quædam alata, subcava, disquamatoria, quæ perforant non unum frustum exterebrando, sed unum rotundum locum manubrii circumductione in ordine scalpendo. Illa trepana, non sunt vere trepana sed sunt vera scalpra manubrio circumducta, vel terebra quædam scalpentia, tale unum trepanum ponit Fernel. pag. 271. suæ Chirurgiæ quod vocat trepanum desquamatorium. Sunt etiam trepana alata, quæ constant alis à latere secantibus plurimis, quibus paulatim cranium scalpendo exscinditur. Sunt etiam trepana habentia sulcos acutos & scindentes, quæ verticulo ducta cranium atterunt. Apertè etiam cranium limaturâ. In eum usum sunt inventa terebra limata habentia caput crassum, quod est limatum, quod caput supra cranium vertibulo in orbem ducto ipsum raspando & limando usque ad

ad meningem diminuit: facto jam foramine usque ad meningem eaque denudata, omnis osium serratura est extergenda, & videndum ne illum ossis pariscidium intrā remanserit, simulque ossis alperitates à ferrā relictæ scalpro leniculari orbem sunt adæquandæ. Deinde arandum à meninge aëris frigus, itaque si aura est hiemalis & frigidior, semper cum vulnus curatur, candens sartago, aut vas aliquod ignem continens, aut quid simile à longo est exhibendum, quo meninx tempore quodam foveatur, aut aëris frigus corrigatur, mox perforatione facta, quid olei rosati solum, vel cum molli rosato, vel etiam vitello ovi est exhibendum, quo meninx dolore à trepano & laceratione fibrarum affecta demulceatur, & ab inflammatione defendatur, dolore sedato, vel rosa tum cum tenui sindone suprā meningem ponatur, suprā os ipsum denudatum, non sunt unguenta seu olea applicanda, quia os corrumpere, sed vel succus sindon, vel lintei particula, quod sic ab aëris etiam attactu aliquo modo defendatur, nam si os aëri multum sit oppositum nigrescit & corrumpitur, & quantum nigrescit, tantum à natura postea separatur & excutitur. Cavendum ne ipsa meninx tantis suprapositis gravetur, nam cum ipsa ab osse sit suspensa pondus ei incumbens dolorem & fibrarum ejus faceret divulsionem. Itaque suprā ipsam meningem & in foramine nihil nisi tenuis sindo est ponendus, superius tamen vulnus multis tentis, emplastro, & linteis tegumentis est cooperiendum, quo aëris externi frigus difficilior possit intrare, & calor internus cerebri iis mediantibus includatur, & non exhalet interrim labra vulneris in carnem per divisionem primam facta, semper impositis tentis deducta sunt servanda, suberoscendo foramen cranii ne obturent, sæpè meninx meninge phylace instrumento deorsum ab osse parum præmenda est, ut puri quod sub eo continetur, facilius exitus detur, quando nihil amplius purulenti è cerebro per foramen effertur, & quicquid præter naturam sub eo contineri creditum fuit, id vacuum putetur, tempus est foraminis claudendi, claudatur autem foramen caone succrescente, in locum enim ossis ablati nunquam aliud os succrescit, sed partim suprā meningem, partim suprā calvariam, nova caro accrescit, partim labra vulneris excrescunt, & omnibus in unum conglutinat, carne foramen impletur, quæ rarò propter ossis viciniam durior, cum tempore callosa evadit, & sæpè non minus bene, quàm si novum os aggeneratum fuisset cerebrum defendet.

Locus trepani figendi desumitur vel ab ejus, quod per trepanum evacuari debet situ, vel à natura partis trepanandæ: Ab eo, quod evacuari debet sumitur indicatio loci; sic quod scilicet trepanum eo loco poni debeat, per quem judicamus commodissimè posse evacuari quod subtus est, is autem locus est ille, qui rei subtus contentæ est vicinissimus. Itaque si vel cuspis pugionis vel teli in capite sit relictæ, si os est in fractura comminutum & depressum & cerebrum premit, aut ibi metus sit ne pariscidia quæ secesserunt membranas pungant, aut ei sint infixa in ipsissimo loco trepanum est ponendum.

Si in aliquo loco fixo intolerabilis dolor fuerit, semper præsentibus metu ne os subtus sit cariosum, aut putredo aut sanies subtus lateant, aut gummata sint adnata, illo ipso doloris loco est perforandum. Si trepanum ponatur pro educendis fumis in melancholia, epilepsia, vertigine, locus superior ad futuram coronalem est eligendus, nam cum vapores cavitae suæ recta sursum ferantur isthic omnium commodissimè exhalabunt, & propterea etiam ille locus pro cauteriis in ejusmodi affectibus ponendus eligitur. Si trepanum pro fractura adhibeatur, ubi fractura est ibi ponendum, si tamen pro sanie, quam subtus contineri suspicio est, educatione adhibemus, præstat paululum demissorem fracturæ locum eligere, pus enim semper deorsum labitur, versus fundum meningis, & difficilior sursum fertur, & ideo per dimissorem locum melius evacuabitur, non oportet tamen à fractura decedere, eo modo suprā fracturam trepanum est ponendum, ut fractura non sit extrā ipsum, sed ejus circulo comprehendatur, interdum ferè medio ipsius, interdum à latere prout judicabitur expedire. Cavendum tamen semper, ut cuspis trepani, seu acutus ille stilus, qui est in centro eis non cadat in ipsam fracturam, si os in multa frustra sit comminutum, super ea trepanum non est ponendum, quia inprimis stilus super is poni non potest. Secundo quia nec trepanum ea potest excindere quia cedunt pressioni. Tertio pressione trepani si qua pariscidia subtus sint, aut penetrant meningem magis aut profundarentur. Quarto illorum frustulorum agitatione meningum fibræ cum maximo dolore avellerentur. Itaque in fracturis si cutis non sit divisa, ubi ictus est receptus, ibi est dividenda, ibi enim verisimilius est fracturam subesse, quod si fractura non inveniatur, & tamen pessima symptomata aliquam subesse indicent, & sic periculum sit resonitus, opposita parte qua tumor, aut dolor, aut mollities est, est etiam cutis dividenda, & si ibi fractura inveniatur trepanum figendum. A natura partis etiam sumitur indicatio loci, quia aliqua loca capitis non patiuntur trepanum, propter periculum, quod ex earum perforatione sequitur, aut saltem non nisi extrema necessitate. Imò dicit Hippocrat. futuras esse cavendas, quem omnes medici sequuntur, futurarum enim vulnera sunt lethalia, & hoc propter fibras nervorum, venarum & arteriarum, quæ per futuras decurrunt, quæ omnes trepano ibi posito miserè dilacerarentur, unde periculum doloris, inflammationis, febris, spasmi, convulsionis, &c. Secundo manet, ut pericranium non tangamus, quanto minus fibras meningum, nam illa trepanatio est quædam dilaniatio, & ideo plus offendit meninges & fibras, quàm simplex vulnus. Et si autores omnes fateantur periculum esse in futurarum trepanatione, aliqui tamen putant, id non esse adeò magnum, proinde cum fractura in futuras incidit, licere etiam futuras trepanare, & probant experientia, quia videmus & legimus plurimos fuisse sanatos, qui in futuris fuerunt vulnerati, imò etiam qui in futura fuerunt trepanati: & Carpus scribit se sæpè in futuris trepanasse, nec invenisse

difficultatem. 2. Non est iis fidendum, certoque tenendum, non debere futuras vulnerari, si ergo in futuris est fractura, trepanum est ponendum, utrinque ad latera futuræ quam propinque eam. Dico utrinque quia illo casu sanies potest esse collecta, & pariscidia excussa, tam bene ab uno latere, quam ab altero, si tum tantum ab uno latere apertio fiat, quod ab altera parte est collectum, non posset per illud unum foramen evacuari, nam meninx quæ futuræ adhæret tanquam quoddam septum est intermedia & impedit ne quid ab uno latere capitis posset ad alterum pervenire. Secundo paulum super supercilia in osse frontis non est trepanandum, ibi enim sunt quædam cavitates aëre plenæ, & humida quædam substantia per quam aër per nares in cerebrum transiens attemperatur. Ideoque si ibi os fractum esse aliquando contingat debemus meminisse illius cavitatis naturalis, ne putemus sic illud nos intro adductum esse. Tertio debemus etiam vitare occipitis demissorem partem propterea, quod ibi sit exortus nervorum & spinæ, quæ si læderentur, aut apertione frigus aut noxam contraherent, essent paralisis aut mortis causa. Quarto non licet etiam os temporum trepanare, & propterea cum illud fractum est paululum supra musculos temporales in osse sincipitis trepanum est ponendum. Causæ quinque sunt, quas Gal. Meth. sexto cap. ult. adfert. Ima est durities illius ossis, propter quam petrosus dicitur, quæ est, quod illud non possit sine magna cerebri concussione perforari. Secunda futuræ squamosæ quæ ibi sunt. Tertia situs dimissus, qui est causa quod cerebrum ibi in foramen exeat & perrumpat, & magnâ mole decumbat. Quarta quia ibi est apertus nervorum qui à latere cerebri sunt, quia antequam ad os perveniatur, debet musculus temporalis præscindi, quod periculosissimum, & certum ferè convulsionis adducit metum, tum etiam per eum arteria magna percurrit, quam præscindere maximi periculi est.

Maxima est difficultas in definiendo tempore quo trepanum sit ponendum, propterea quod authores antiqui circa illius determinationem ita differentes varii & sibi ipsis contrarii fuere. Hippoc. in lib. de vuln. cap. videtur velle quod ultra triduum non oporteat expectare, dicit enim hæc verba: Postquam autem os scalpro raseris siquidem ad perforationem tundere ossis sauciatur videatur perforare oportet, & citrà perforationem triduum non excede, sed in hoc perforare tum aliàs tum tempore calido si ab initio curationem susceperis, circa finem porro ejusd. lib. videtur dicere contrarium his verbis: Si ab initio assumptam curationem ministras non oportet statim os ad membranam perforare, non enim conducit membranam osse nudatam multo tempore manere afflictam, sed postea cum madore corrumpi & putrescere ipsam periculum est, ibi enim dicit, non quidem ante tertium diem perforandum, sed tam diu expectandum, donec putredinis initium & periculum jam incipiat, & hoc confirmat Hippoc. adhuc alio in loco ejusd. libri, cum dicit: Quapropter cum intellexeris febrem hominem invadere, ex aliisque signis aliquid ipsi accidere non oportet cunctari, sed os usque ad membranam perforare ubi indicat, non esse statim

perforandum, sed tum imò cum mala signa incipiunt aperiri. Paulus Ægineta lib. 6. cap. 9. ponit hoc tempus, ut nimirum in æstate trepanatio fiat ante septimum diem, hieme verò ante decimum tertium. Corn. Celsus in temporis definitione non etiam satis sibi constat, etenim cap. 2. lib. 6. ait quid oporteat eos imitari, qui osse nudato diem tertium expectant, & tunc excindunt propterea, quod omnia sint duriora, priusquam inflammatio sit oborta; ubi dicit statim intrà tertium diem esse trepanandum, priusquam mala symptomata sese manifestent, at verò cap. 4. ejusdem lib. contrarium dicit: dicit enim sic: In omni verè fisso fractove osse protinus antiquiores, medici ad ferramenta veniebant, quibus id excindere, sed multo melius est inquit, prius emplastra experiri, quæ calvariæ causa componuntur, quibus verbis indicat, in fracturis non statim trepanandum, sed prius tentandum medicamentis tantum, & si tum videatur mala symptomata oboriri, & medicamenta non sufficere, trepanum tunc primum ponendum est, & addit postea sic usque ad diem 17. esse faciendum, & nec tunc trepanandum nisi febris invaserit, vigiliæ aut somnus turbulentus sequatur dolor ingravescat, cibique fastidiantur. Halialbas etiam in illo tempore designando fuit diversus, nam novo practicæ cap. 84. imò dicit accelerandam curaturam in capitis vulneribus antequam, inquit, bilis accidat rejectio & convulsio & delirium, & syncope, & febris acuta, & postea dicit sic: At si membrana à cranio separata fuerit hyemsque sit, Omnino ante 14. diem, si verò æstas ante 7. est trepanandum, priusquam dicta illa accidentia oboriantur, imò si fractura piam matrem pungat etiam primo die putat esse trepanandum. Avicenna lib. 4. sic, quinta, t. 3. imò sic definit tempus, & non oportet, ut tardetur, inquit illud in æstate ultra 7. dies, & in hyeme ultra 10. & quanto velocius erit melius, & longinquius abest ut accendant nocumenta magna. Albucasis in parte tertia suæ Chirurgiæ cap. 3. & Ravus lib. 1. 10. de nocumentis ante 14. diem in hyeme, ante 7. in æstate debere cranium excindi existimabat, & Raves in eodem loco dicit sic, quod debet ferrari de cranio capitis cum celeritate ferretur, & non expectetur, ut accadat de eo quod descendat ad matrem cerebri ærugo, sic ut faciebant, quidam expectantes, &c. Ego hac autorum contrarietate & dubia temporis definitione dico primò, trepanum poni propter fracturas, vel propter alios morbos cephalicam, melancholiam, vertiginem, &c. si propter hos morbos ponitur tunc non ita definitur tempus trepani ullis diebus, nec est necessum accelerare in trepano ponendo, quia tales morbi sunt longi, & inducias dant, in iis autem non oportet trepanum adhiberi, nisi cum jam amplius tolerari nequeant, vel desperatissimi sunt, & alia omnia diu antè tentata in hilpro fuerint. Sed si trepanum ponatur pro fracturis de quibus omnes supra positæ autoritates sunt intelligendæ, tunc saltem hoc ex omnium superiorum consensu, imò rectum est, quod semper in æstate citius, in hyeme serius sit trepanandum: ratio est, quia æstate calor natus est debilior, & ideo vires tum citius labascunt, unde fieret quod illæ trepano non sufficerent, quando serius

poneretur, secundo, tunc multo citius sanguis extraventus ob contusum & meninx concussa inflammatur, & putrescunt quam hyeme. Tercio propter eandem causam, & etiam propter temperamentum temporis similitudinem citius tunc & febris & omnia mala symptomata oboriuntur, pro tempore vero exactius definiendo. Neteorici aliqui dixerunt, quod nunquam oporteat perforare priusquam mala accidentia oboriantur, horum opinio fundatur in eo quod trepanum sit periculosum, & sapè fractura à natura possint curari sine trepano, unde si in tali casu trepanum poneretur, medicus exponeret ægrum periculo à remedio sine necessitate, & quia si tamdiu expectet donec mala symptomata oboriantur, adhuc tunc satis tempestive ponitur. Verum hæc opinio est falsa, & ab omnibus hodie reprobata, nam imprimis trepanum non est tam periculosum, expectare donec mala symptomata oboriantur. Aliqui dixerunt sic quod cum fractura est magna & evidens suspicio internæ lationis quam citissime sit trepanandum, non expectatis malis accidentibus, sed cum fractura est parva, & dubium est, an subtus aliqua latio sit, quod in tali dubio casu non sit temerè trepanum ponendum, sed tam diu expectandum, donec mala symptomata appareant, ne nimis temerè statim trepanando antequam ejus necessitas appareat æger frustra afficiatur periculo mortis à trepano. Verum hæc etiam sententia falsa est, contra quam sunt Avicenna, Polus Hali, & Neoterici multi, nam in dubio casu illud faciendum, à quo est minus periculum, sed est minus periculum à trepano si ponatur frustra, quam à nimis longa expectatione, si trepanum sit requisitum, etenim ex nimis longa expectatione cerebrum & meninges corrumpantur, unde certa mors: ergo in dubio casu præstat adhuc trepanum mox ponere non expectando mala symptomata, quam ea expectare. Ego sic distinguo, ubi certa suspicio fracturam esse magnam cum depressione, aut sanguine extravento, aut pariscidiis membranam pungentibus statim perforandum est, sine malorum accidentium expectatione, & hoc est in confesso, verum in casu dubio dico sic: Si fractura putetur esse in tali loco, in quo prima divisio cutis est periculosa, vel ipsa etiam perforatio periculosissima, uti in temporibus, tunc non esse tentandum cutis incuriationem, aut trepanum ponendum priusquam mala symptomata incipiant apparere, nam tempora incidere est nimis periculosum, & ideo in casu dubio non est tantum periculum aggrediendum sed expectandum donec manifesta necessitas appareat, tunc enim satis tempestive perforari potest. Quod si contingat propter diuturniorem expectationem ægros sic aliquando mori posse, nihil refert, præstat enim ægros mori ab ægritudine, quæ non potuit certo per artem cognosci, quam per nostram temeritatem, ejusmodi periculoso remedio sine certa utentem necessitate: Ast in casu dubio perforatio commodo loco fieri potest, præstat semper citò trepanare, quam tam diu expectare, donec prava accidentia appareant, tum cerebrum & meninges graviter affici & corrumpi inceperunt, nam etsi trepanum periculum habeat, illud tamen longè minus est, quam illud quod provenit à nimis

diu, seu donec mala symptomata appareant expectando, & ideo minus potius, quam majus periculum est subeundum. Sed quæritur quando sic diutissime esse trepanandum, quodnam illud tempus est, & quot diebus præfiniatur, an semper tunc intra triduum, uti Hippoc. determinavit est perforandum. Dico quod illud tempus non possit certis diebus prædefiniri, quia mala accidentia non eodem tempore in omnibus incipiunt apparere, sed prout complexionis sunt, in aliis serius apparentur, quia itaque illa sunt prævenienda citius trepanandum est, in quibus putantur, citius oboritura, in quibus verò serius, etiam serius paulo licet expectare. Verum tamen ubi trepanum necessarium putatur, & nihil obest ibi, semper præstat illud citius, quam serius poni, potest ergo poni intra diem tertium, sed etiam in die quarto & quinto, & sexto, verum in æstate non oportet expectare, ultra diem 7. aut ad lunum 14. Ratio est, quia trepanum ponitur, ut aliquid subtus putrescens auferatur, at illa putredo, illo tempore inducitur, ergo intra illud tempus est aperiendum, etenim post illos dies cerebrum & meninges incipiunt corrumpi, unde etiam si tunc postea trepanum poneretur, tunc aut vix, aut non juvaret. Accedit quod intra illud tempus vires ægri adhuc sint fortes, & trepanum valeant tolerare, post verò debiles, virtutis autem debilitas remedia prohibet, itaque intra illos dies poni potest, ultra non. Quod autem non sit necessarium semper illud poni intra triduum ex eo probò, quia vix intra triduum poni potest, primo enim die tantum sanguini sistendo plerumque incumbitur. Secundo fractura ferè primum exploratur, ergo non nisi illo latius cutis dividi potest, ergo tertio potest tantum trepanum fieri, sapè & hæmorrhagia adhuc impedit, ne illo fieri possit. Imò aliqui dicunt, non licet interea triduum trepanare, sed esse semper diutius expectandum scilicet usque ad quintum & sextum, & non posse commodum ullum provenire, ex eo quod tam citò trepanetur, sed tantum nocuum. Rationem dant, quia plerumque trepanum ponitur, ut sanguis supra meningem lapsus evacuetur, at ille sanguis non potest evacuari tertio die, quia tunc est coagulatus in grumum, & non est educibilis, sanguis enim per trepanum, non educitur, sub forma sanguinis sed saniei, ergo non est educibilis priusquam in saniem est conversus, in saniem autem adhuc non est conversus tertio die, ergo, &c. Interim verò si citius trepanum ponatur quam prodesse possit, jam tum oberit, quia variet meningem, tanto diutius aeris frigiditati sine necessitate expositum esse, imò facit ut calor internus exhalando difficilius sanguinem in saniem convertere queat, nihilominus tamen tenendum est, quò citius, eo semper esse melius trepanum ponere, præcipue si suspicio sit, frustula aliqua meningi inhaere, tunc enim vel primo die si fieri posset esset trepanandum. Sed quæret aliquis, si ergo medicus est, præscriptos supra dies primum vocetur, & adessent omnia pessima accidentia, & æger videretur desperatus, an non liceret tunc adhuc trepanum ponere: Respondeo cum tempestiva vocetur, nunquam debet ultra illos dies expectare, at si verius sit vocatus in re

desperatissimā adhuc præstat in remedio ancipite quā nullo, sed cum prævia periculi prædictione, ne remedia infamentur, quæ plurimis salutis fuere.

Foramen quod in cranium fit interdum majus, interdum minus: ad hoc debet Chirurgus diversa trepana habere facere foramen magnum periculosius est, quā parvum, ideo non debet magnum fieri sine necessitate, nam inprimis magnum ponitur, cum majori periculo, & in multa spatii comprehensione est major convexitas, quo autem est major convexitas, eò difficilius potest cranium perforari æqualiter, & facilius meninx ab aliquo latere trepani tangitur & laceratur. Secundo in magna spatii comprehensione comprehenditur major inæqualitas ossis cranii, ex eā autem fit perforatio periculosa, nam cum ab unā parte trepani cranium est valde tenue, ab aliā valde crassum, difficulter potest crassior perforari, quin periculum sit, ut oppositā tenuiore jam perforata meninx tangatur. Tertio quo majus est foramen plus cerebrum & meninx aeris injuriæ expolita est, & plus ex eo calor cerebri potest exhalare. Quarto quo plus cranium excinditur, plus adhuc postea à naturā separatur, & si foramen in fine sit maximum, & si cerebrum majore sic opereculi naturalis parte privatur, ex quo postea fit debilius, & ad singulas aeris mutationes facilius alteratur. Quinto quo foramen est majus, eò facilius meninx tumida & inflammata in illud attollitur, ac ipsum claudit, minus verò cum foramen est parvum, è contrā verò si foramen valde parvum sit, poterit aliquando evenire, quod squammæ quæ subtus secesserunt, per ipsum exire non possint, præstat ergo plerumque mediocre esse, cum trepanum poni debet loco quo est exortus nervorum, aut quo cerebrum gravius offendisset, foramen minus est faciendum, ut in temporibus & occipite: cum autem trepanum ponitur loco imo & demisso, non est etiam magnum foramen faciendum, nam ibi cerebri mollis substantia gravitate sua in illud incumberet & clauderetur, cum autem trepanum poni debet, ubi cranium est valde crassum foramen debet fieri majus, cum fractura est magna, & pars ossis aliqua secessit, quæ per foramen extrahi debet, tum magnum debet fieri foramen, ut illa per illud transire possit. Sciendum tamen quod non omnia ossa fracta sint extrahenda sed aliqua, & si depressa sint, elevatorio sunt attollenda & consolidanda, nec tam longè, quā fractura currit ossa extrahenda sunt, sed tantum callo unienda, illa autem extrahenda sunt, quæ meningēs aut cerebrum pungunt. Verum cum tantum sanies sub cranio collecta est evacuanda parvum foramen sufficit. Quod attinet ad numerum foraminum, si fracturæ plures numero diversæ sint, in cranio plura etiam foramina facere utrinque scilicet unum. Si periculum est resonitus, si à latere quo ictus fuit receptus, cutis divisio facta fuerit, & ibi non inveniatur cranium fractum in opposito itidem dividenda est, ut etiam an ibi fractum sit cognoscatur, quando cunque pus aut sanies, aut quodcunque noxium quid trepano evacuari intenditur, ab utraque parte collectum esse putatur, utrinque est perforandum, quia quod ab uno latere continetur, non potest evacuari per foramen in opposi-

to latere factum, propterea quod meninx intermedia tanquam septum ad futuram coronalem pendens impedit comeatum, seu transitum ab uno latere ad alterum. *Thom. Fienus de præcip. Art. Chirurg. Controversis.*

Pro Cranio depresso.

In pueris sapissime hujusmodi depressiones cranii abrasis crinibus, & apposita cucurbita, naribusque & ore clausis quæ ad modum Ambr. Paræus Chirurgus æterna laude dignissimus, ab. 10. cap. 5. recte docuit, in naturalem situm reponui: vel emplastrum aliquod tenaciter adherescens, veluti ex pice, resina, colophonia, & gummi elemi in medio ossis depressi applicetur, vel hoc quod tenacius adhæret.

℞. Farin. tritici, ʒj. ichthyocoll. in aq. beton. & salv. dissolut. ʒss. pulv. matich. thur. farin. volatilis, sang. dracon. gypsi. an. ʒiij. M. coque in aq. beton. & salvia, ad justam consistentiam applicetur calidè, quam primum undique agglutinatum & exsiccatum fuerit emplastrum vi auferatur; sic enim attracta cute & pericranio, cranium depressum simul elevabitur: id si prima vice minus successerit, ab opere tamen minimè desistendum, sed denuò novum emplastrum applicandum, & ut antea vi auferendum. Sit emplastrum ejus magnitudinis, ut tantum tertiam circiter partem impressionis cranii cooperiat, sic enim in ablatione minor erit dolor, & facilius impressum cranium elevabitur. Si hunc dolor aliquis oritur, locus inungendus est oleo rosæ. aut myrtino, & de vitell. ovor. habeat præterea emplastrum in medio funiculum, quo à Chirurgo apprehendi possit. Dum vero Chirurgus emplastrum auferit, os & nares infantis claudenda sunt, sic inflato cerebro propter retentionem in ipso spirituum, cranium in pressum facilius in situm naturalem relevabitur. *Guil. Fabric. Hildanus obs. 5. cent. 2.*

Puellula quædam 18. menses nata per scalas decidit, & capite illiso in lapidem, facta fuit cranii depressio inter futuram sagittalem & coronalem magnitudinis dimidiæ nucis: ad quam vocatus, raso capillitio, parti cucurbitulam admovi sine scarificatione, & consequenter iterum admovi cum scarificatione. Postea applicui cataplasma ex fursure, pane, cum rosis & vino compositum, idque iteravi bis in die, per quinque vel sex dies, iterando cucurbitulæ applicationem sine scarificatione, ante singulas admonitiones Cataplasmatibus; deinde per quatuor aut quinque dies solum Cataplasma admoveo, tum or a cucurbita excitatus discussus est, & depressio sublata apparuit, atque os ad suum naturalem locum restitutum. *Samuel Fornerius obs. 14.*

In multis Cranii depressio curata est, admota post unam vel alteram phlebotomiam, supra depressionem cucurbitula cum multa flamma; addita interdum incisione, & multis aliquando scarificationibus, & interdum sine illis. *D. Des Grands præz. Obs. 3.*

Pro Cranii fractura.

Undecimo die morbi cum æger pro deplorato habebatur, cranium cum successu perforatum fuisse observavi. Historiam hic recensere non gravabor.

Anno 1586. Sexagenarius quidam in bregma sinistrum

sinistrum percussus fuit, cum cranii fractione & depressione cecidit mox in terram, cibum indigestum evomit, & loquelam amisit. Curatio ab initio Barbitonfori commissa fuit: quum verò omnia in pejus ruere vidissent adstantes, *Janum Antonium Saracenum* Medicum longè celeberrimum, & *Johannem Griffonium* Chirurgum peritissimum præceptorem meum fidelissimum in consilium vocarunt. Pervenimus itaque ad ægrum decimo die morbi sub vespere, ipsumque ardentissima febre laborantem, delirantem, & absque loquela invenimus: vulnus angustum & fractura cranii aderat: verum etsi rem in angustiis positam satis superque nobis palam esset; adstantium tamen petitionibus commoti, facta prius prognosticatione, curationem sic aggressi sumus: injecto enemate & exonerata alvo crines abrasimus, totumque caput ol. rosac. & myrtill. inunximus: deinde cutem & pericranium in formam crucis incidimus, craniumque denudavimus, necnon pulvillis ex stupis suavis preparatis & albumini ovi intinctis vulnus implevimus. Sequenti die ossiculis nonnullis quæ à prima tabula separata erant, extractis, cranium perforavimus, & quod asperum in osse instrumento lenticulari, lævigavimus. Postea pannum Sericeum melle rosaceo parumque ol. rosac. (propter dolorem immensum) tinctum cerebro imposuimus, totum verò vulnus sequenti digestivo implevimus.

℞. Terebinth. lotæ in aq. beton. & salv. ℥j. ol. rosac. ℥i. ss. ol. de vitell. ovor. ℥ij. Gummi elemi lentissimo igne cum supradictis oleis dissoluti & percolati ℥j. croci pulveris. ℥j. vitell. ovor. num. 2. M. F. Unguentum quo imposito vulnere, Emplastrum Basiliconis applicuimus; totumque caput & collum ol. rosac. & myrtill. inunximus. Eo die iterum Clysterem injecimus, optimamque victus rationem præscripsimus; atque ista methodo per dies aliquot processimus. Interim pus per factum foramen effluxit, & febris reliquaque symptomata paulatim remiserunt: sedato dolore & inflammatione, melli rosato quod membranæ imponendum erat, guttulam unam aut alteram aquæ vitæ admiscuimus, & vulnere sequens mundificativum imposuimus.

℞. Pulv. rad. caryophyllat. angelic. aristol. rot. irid. fl. an. ℥j. Extract. salv. beton. an. ℥ij. Gummi elemi in oleo rosac. dissolut. ℥ij. M. & F. cum melle ros. q. s. parumque aq. vitæ unguentum in mortario. Tandem sequens Emplastrum applicuimus.

℞. Emplastr. de beton. ℥iv. Gummi elemi in oleo rosat. dissolut. ℥j. Pulv. ros. odorifer. myrtill. an. ℥j. Mastich. cal. aromat. angelic. caryophyllat. an. ℥i. ss. cum q. s. ol. rosac. parumque ceræ fiat emplastrum.

Interim dum vulnus hac methodo curavimus, singulis aut alternis diebus, alvo spontè non respondente, clysteres injecimus: per intervalla quoque syrupo rosat. solut. comp. cum rheo. agar. & senna, manna item, & cassia corpus leniter expurgavimus. Sic divino favore, magna cum admiratione adstantium sanitati restitutus fuit. *Guill. Fabrit. Hildanus obs. 4. cent. 4.*

Emplastrum de betonica cujus hic fit mentio, describitur in hunc modum à *Foresto*. lib. 6. observ. *Chirurg. observ. 43.*

℞. Therebinth. resin. pini ceræ novæ. an. ℥iv. Pulv. betonic. ℥i. ss. Mastich. thuris, an. ℥ss. Mummia, ℥iij. F. massa S. A.

Ante annos 10. vocatus fui à quodam rustico ut ipsius inviserem sororem, quæ vulnus contusum in dextro osse bregmatis, cum fractura & impressione Cranii acceperat. Evomit mox ab initio biliosum humorem, & cibum indigestum; sinistrum latus resolutum est: in dextro autem convulsiones patiebatur, abrasis crinibus, fragmenta aliqua cranii & portiunculam ad instar tabæ ex cerebri substantia digitis extraxi, altero die advenit *Slotanus*, qui dilatato vulnere denuò extrahit fragmenta quædam ossis, & portiunculam ipsius cerebri, ad nucis avellanæ magnitudinem. Postea aliquoties ipsemet *Slotanus* me præsentem de cerebri substantia detraxit, & tamen convaleuit plenissimè. *Guil. Fabrit. Hildanus observ. 13. cent. 1.*

De magna cranii fractura & meningum ruptura sine trepano curata.

Filiolo *Theodori Baertens*, puello septem annorum graviusculus Baculus obtuso acumine ex alto cecidit in caput pileo tectum; attonitus ac pro mortuo domum delatus est, sanguine ex naribus, & oculis profiliante. Ad eum vocatus, sentii magnam in bregmatis regione cranii depressionem & fracturam. Aperta atque detracta cute vidimus ossa ad latitudinem magni nummi ducatonis diffracta, & ad crassitiem pollicis introrsum versus depulsa; imò & ipsam cerebri substantiam inter fissuras nonnullis in locis transeuntem. A bregmate sub cute extendebatur eadem fissura usque ad summitatem nasi, eaque in fronte & prope nasum adeò lata erat, ut calami scriptorii crassitiem admittere potuisset. Chirurgis trepano cranium aperiendum, & diffractæ ossis particula eximenda videbantur: Nobis illud consilium displicuit, quandoquidem exemptis istis particulis nihil erat, quod cerebri substantiam loco suo continere posset, quæ membranis disruptis, modo per fissuras exituriens conspiciebatur. Vulnere igitur in dicto statu relicto, convenientia fomenta imposita, totique capiti circumjecta fuere, alvus laxata, & conveniens victus ratio à nobis præscripta est. Tertia die intumuit frons, hinc cutem paulo supra nasum è regione fissuræ pertundi curavi: è quo vulnuscule per aliquot dies copiosus sanguis cum pure effluxit, sicque æger multum levatus est. Tali modo processimus in curatione per quinque sexve hebdomadas, & sic puer ille, præter nostram & omnium expectationem sanatus est, profunda ista depressione in capite remanente, nullumque in actionibus animalibus incommodum subsequente: duodecimus jam agitur annus, quo bene sanus post dictam curationem vivit. *Job. Baptist. Lamzveerde in Appendice ad Arment. Chirurg. Sculteti.*

De cranii fissura & dura meningis gangrena trepano curata.

Ægidius Spruyt, Nauta, mense Aprili anni 1661. in dextro bregmatis osse lapidis ictu graviter vulneratus fuit, cum magna fracturâ cranii &

& depressione. Perforatione trepano facta, eximimus diffracta ossa ad latitudinem Daleri imperialis. Duram matrem à contusione ista graviter læsam invenimus, quæ & ipsa post paucos dies nigricans sponte separata, & eadem latitudine exempta fuit. Postmodum carne, præter expectationem, ex tenui meninge largiter succrescente, vicesque duræ meningis subeunte, ac sese cum carne ex diploide orta conjungente, desperatus æger, qui jam cum Charonte de naulo pacisci videbatur, sanatus fuit, etiam nono post curationem anno pancreaticè vivit. *Idem ibidem.*

De occulta cranii fissura, morâ trepani minitante Lethum, inopinato restituta.

Lambertus Loofecoot, Nobilis Bataviensis, circiter 25. annorum, 7. Martii anni 1637. à generoso, cui insidebat, equo excussus, caput in vicinam trabem illisit. Mox vomuit, & assurgens, vertigineque correptus bis tervè rursus concidit. Tandem rursus equum conscendens domum venit, inscius quod ab equo cecidisset, & quasi deperditâ omni memoriâ, penitus inscius quid sibi contigisset, aut ubi fuisset. Dum pileo contextus fuerat, atque hinc nullum vulnus, nullaque manifesta contusio in capite apparuit, etsi gravia symptomata maximam cerebri & cranii læsionem indicarent. Suasi cranii apertionem, sed eam non admiserunt consanguinei, qui curationem soli Chirurgo committendam censuerunt. 15. Martii doloribus capitis acerbissimis ægrum excruciantibus, & simul febre, delirio, validissimisque convulsionibus accedentibus, rursus meum consilium imploratum est, & unicè petatum, ut cranium trepano perforarem: quod renui, propter signa læthalia, quæ modò aderant. Post biduum agro in eodem miserabili statu permanente, & consanguineis obnixè cranii perforationem rogantibus, die 18. Martii facta sectione, carnem in postica bregmatis parte dissolvimus, ac postridiè cranium ibidem perforavimus, idque magna cum molestia, propter deliria & convulsionem intercurrentes: cum autem per cranii foramen nihil effatû dignum efflueret, ferramento nonnihil plano & obtuso per foramen immisso duram meningem depressimus, & sic è capitis latere cum impetû exsiliit multum sanguinis & puris, ægerque sequente nocte à delirio, febre, & convulsionibus omninò liberatus, atque postmodum, præter omnium opinionem, integræ sanitati restitutus est. Cujus exemplo docemur, in curationibus ægrorum interdum (ut inquit *Averrhoës*) monstra fieri, & maximè desperatos ægros insperato remedio nonnunquam servari: ac proinde non semper derelinquendos esse eos, in quibus deplorata signa omnem salutis spem amputare videntur. *Idem ibidem.*

Cranii suturæ pavore quodam desunctæ.

Animi motus insolitos etiam corpus tangere, atque agitare, propter arctam, quæ illum, & hoc jungit, unionem, palam est: quâ non tantum, quæ ipsis obveniunt, bona, sed & queis turbantur, mala continuo secum communicant. Quantas autem turbas hi motus dare, quantasque ipsis corporibus æumnas excitare queant,

quamquam vel quotidianæ experientiæ invictò constet testimonio, evidentius tamen, opinor, atque lucidius hac observatione, patefcet.

Uxor *Friderici* cujusdam, qui Hortulanus, ac custos fuit magnificentissimi prædii suburbanii Illustriss. Viduæ *Friderici Henrici* Celsiss. quondam *Arausiorum* Principis, quod in Hagienfi visitur nemore, usque adeò expavit, furibus nocturnis non procul ipsa infractionem ausis, ut præ nimio, quo corripiebatur terrore, cerebrique ipsius agitatione, & concussionem, quam & febris Cephalalgiaque sequebantur, ossa parietalia à se invicem dissilierint. Quam quidem suturarum disjunctionem non, nisi post unum, & alterum demum animadvertit menssem, quamquam illa vel adulti hominis minimum admitteret digitum. Hæc tamen mulier à Chirurgo *du Foix* (vulgò *Lucq.*) priori sanitati, adhibitis fasciis, & ligaturis, restituta fuit.

Sicuti suturarum separatio, cujus modo facta mentio, ab externa causa subito provenerat, & quam minimo temporis intervallo; ita sapius in *Hibernia* (prout *Arnoldus Boonius de affectibus omissis* cap. 4. pag. mihi 17. memorat.) capitis ossa evidenti distantia disjunguntur, præsertim quâ coronalis, quamvis & quandoque, quâ sagittalis excurrit sutura.

Quod tamen lente, atque interna causa, quam exterior vis non præcessit, tam masculis, quàm fœminis, nec minus robustis, quàm tenellis accidit. Hanc suturarum ab invicem separationem gravis; sequitur *Cephalalgia*, quæ ex duræ matris cranio multis membranosis fibris ut plurimum adherentis, ac dictâ ossium divulsione tensæ, atque dilatatæ stimulis oritur. Qui dolor tolli vix potest, nisi conjunctione dictorum ossium, ac in priorem sedem reductione.

Quod quidem imprimis Chirurgi manibus efficitur, quem laborantis caput, si *Coronalis* disjungatur sutura, oportet comprimere, & una manu frontem, alterâ occiput adducere; si verò *sagittalis* aperiatur sutura, ab utraque parte tempora comprimantur necesse est. Quo facto, requisitis fasciis, queis dicta ossa suo loco contineantur, obvolvendum caput est. De modis, quibus juncturarum distantia in ossibus capitis firmentur, legatur *Hippocrates de officio Medici*.

D. Sennertus prax. lib. 1. part. 1. cap. 21. pag. mihi 52. Etiam nonnihil de hoc mali genere refert, cum dicit internis aliquando causas suturas capitis, quæ alias contiguæ sunt, ita disjungi, ut evidens inter eas sit distantia, quod ab humorum copia fieri judicat, quæ distendendo facit, ut suturæ magno spatio distent, ut docet *P. Agneta lib. 3. c. 7.* nec non *Jacob. Fontanus*, qui *Prax. lib. D. cap. 3.* exemplum profert juvenis cujusdam, cujus capitis suturæ tanto disjunctæ erant spatio, quantum quatuor adimplerent digiti.

F. Fabrit. Hildanus centur. 1. observ. 1. pag. 1. duo etiam adduxit exempla divulsarum suturarum, quarum prima disjunctio è diuturna *Hemicrania* orta erat, quâ durante, ac inflammatione, necnon humorum copia in cerebro urgentibus, suturæ adeò hiabant, ut se systolen & diastolen cerebri satis distinctè sensisse memoret: Altera autem disjunctio è morbo graviori, ardentique feбри, cum dolore capitis acutissimo provenerat.

Quin & Thom. Mermannus Consult. 4. lib. 1. fol. 15. Cephalæ, quâ præcipua quædam puella laborabat, mentionem facit, eaque suturam quædam capitis parte disjunctam testatur.

Sutura capitis, inquit *Joubertus de Cephalalgia cap. 9. pag. mihi 437. interdum à se invicem separantur,* quod ego semel observavi in fronte cujusdam puella, cui unius lateris os alterius superabat altitudinem post pertinacem in infantia capitis dolorem.

Ex inflammatione hoc malum oriri posse asserit. *Ælius lib. 6. cap. 25. ut & Hippocrates 7. de morbo popul. Idem affirmat Avicenna fen. 1. tract. 3. cap. 40.*

De sutura cap. *Lambdoide* hiscente in Infante vide sis *Miscell. curiosa German. decur. 1. anni 9. observ. 139. fol. 438.*

Thom. Bartholinus cent. 5. hist. 92. pag. mihi 173. hujus etiam rei mentionem facit, ut & *Fabrit. Hildanus centur. 2. observat. 7. pag. mihi 84. necnon Anthon. de Pozzis Miscell. curios. Med. Phys. Decur. 1. an. 2. observ. 34. de Tribuno* quodam narrans non militiæ minus, quam potandi egregiè gnaro: qui cum se aliquando vino annoso plus æquo ingurgitasset, ob sanguinis inflammationem, & inde ortam vasorum cerebri dilatationem, divulsa magno cum cruciatu durâ meningē, nunquam quieverit, nisi cum cranii contiguæ extremitates circa coronalem suturam ad pollicis latitudinem essent disjunctæ. Ex hoc tamen malo id percepit commodi (si fas ita dicere) quod nempe postea absque cerebri perturbatione abunde se Liberi patris flore aspergere, ebriæque compotorum turbæ solus mentis compos superesse posset.

Petr. Marchettis observ. Med. Chirurg. c. 15. pag. mihi 31. mentionem injicit vulneris frontis usque ad *Diploen* penetrantis, ac gladio inflicti, citra ullam cerebri & membranæ labem, omnibus licet symptomatibus vulneris capitis præsentibus, quare ipse postmodum trepano usus est, subjunctam membranam nonnihil inflammata inveniens, cui apta procuravit remedia. Cum verò vulnerati, ac 14. die mortui caput aperiretur, constitit à vulnere nec membranam, nec cerebrum quidquam incommodi sensisse, imò ipsam vit eam tabulam mansisse illasam: licet sutura *Lambdoides* tam latè esset aperta, ut minimum intromitteret digitum, dum saniei non multum inter ipsas suturas, ac supra duram matrem lateret. Haud absimile exemplum describit *Job. Baptist. à Lamzuerde observ. 8. pag. mihi 232.*

Denique cranii suturæ etiam disjunguntur in infantibus, qui *Hydrocephalo* laborant. *Cornelius Stalpart. observat. rarior. cent. 1.*

Cranii dedolatio.

Inter multifaria capitis vulnera meritò numerandam existimo ipsius cranii *dedolationem*, sive *amputationem*, cujus rei exemplum ipsemet cum fratre meo P.M. *Job. Stalpartio van der Wiel* (qui tempore belli inter *Federati Belgii* proceres, Regemque Gallie gesti, vulneratis militibus cum Chirurgo *Cornelio van der Hoog* medebatur) hic Hagienti in *Nosocomio* in milite vidi, cui ægro ossis *parietalis* pars, nummi, quem *Imperialem* vocant, instar, cum utraque tabula, inferiore tamen superiori magnitudine cedente, prope verticem amputata erat, quam partem pollis

aliquid, ac membrana carnosâ etiamnum affixam tenebat. Quamprimum autem dictum os detractum fuit, pelle sua adhærente caput iterum contextum est, non expectatis, pluribus vulnerati cranii extremitatum separationibus: Atque ita dictum vulnus quam brevissimo tempore omnino percuratum est.

Jobus Mekeranus cap. 1. observ. Medic. Chirurg. pag. 4. Meminit incisuræ ossis *parietalis* sinistri ad *sagittalis* suturæ latus acinace factæ, quâ à prima separatum fuerit tabula ossis segmentum ejus figuræ, quam ille ibidem exhibet de lineatam. *Sculpteus in Armament. Chirurgico observat. 17. fol. mihi 214.* primæ tabulæ *Dedolationem* narrat, ejus nummi, quem modo nominavi, magnitudinis, inque ipsum penetrantem *meditullium*. Haud absimile quid *P. Marchettis pag. mihi 10.* memorat. Illius autem casus quo utraque cranii tabula uno, eodemque ictu sublata, vulneratus vivus permansit, unum ego vel alterum tantum proferre exemplum habeo. Refert *Philip. Jac. Sachs. Miscell. Med. Phys. curios. Germ. decur. 1. an. 2. observ. 119. fol. 195.* de Polono quodam benè poto, quidum digladiaretur, in sinistro capitis summo latere per suturam coronalem usque ad frontem, tale reportavit vulnus, ut non solum cutis cum carne duos transversos digitos lata, unò ulnæ quadrante longæ, sed & magna cranii pars penitus dissecaretur, quo facto læsus semianimis in terra aliquantisper prostratus jacuit, mox dein resiliens, manū caput tangens, partem cranii fere abscissam, & parumper cute adhuc hærentem detrahere voluit, sed in hoc furore frustum saltem cranii arripuit, & in terram projecit. Chirurgus postea accedens reliquam carnosam portionem vulnere denuò adaptavit, & licet varia prava symptomata dein supervenerint, integræ sanitati nihilominus restitutus fuit.

Legitur etiam apud *Cabrolum observ. 29. & 34. pag. 18. & 25.* Simile quid, quam historiam ob mirum rei eventum ipsis adscribam *Cabrolii* verbis: *ut alii,* inquit, *exemplo meo sapere discant, quod mihi olim Juveni contigit, dum Galliac degerem, paucis enarrabo.* Ad divitem quendam rusticum curandum vocatus sum, qui maximo gladii impetū ictus fuerat, ita ut magna pars *brengmatis* ablata esset, cumque eo portio quædam tam dura, quam *pæ matris*, necnon substantia ipsius cerebri. Ad spectū primo obstupui, deinde ita egi, ut ejus curatio alii committeretur: hic quoque vulnere inspecto, nullo modo curari posse cogitans, patientem absque auxilio deseruit, donec rusticola quidam advenit qui ardenti veru laridum transfixit, quod in vas aquâ plenum destillabat, ex eoque sæpius abluto, ita ut nivem candore superaret, medicamentum confecit, quo linamenta omnia, turundas & lanas carpias insuccabat, cujus præsidio patients integram valetudinem intra duos menses adeptus est, posteaque diutissime vixit, hujus rei gnarus, miseris semper succurrendum, nec unquam desperandum esse didici.

Nescius equidem non sum, *Jobum Mekeranum dicto cap. 1. suarum observ. fol. 7. & 8.* referre Nobilis cujusdam caput *Tartari* gladio ita fuisse vulneratum, ut frustum ossis ab ejus cranio cum pelle, ac capillitio avulsam esset, ipsumque quàm latissime hiaret cranium, necnon Chirurgus, ut factum foramen clauderet, haud dissimilem ossis partem è cæsi canis capite sumptam

hianti cranio super imponeret. Quod os postquam cum aliis ossibus conjunctum, & capitis cute contactum esset, dictum Nobilem priorem valetudinem recuperasse ait, hæc autem ipse scriptor, quamvis sibi à Theologo narrata, videtur ridere, nec immerito, meo quidem iudicio. *Idem ibidem.*

Depressio Cranii.

Cum filiolus G. P. civis Hagienſis quatuor natus annos hic Hagæ in vicis luderet, casu satis infelici vexillum quoddam, quod è sublimi fenestra spectandum propendebat, obverso in illius latus sinistrum ossis frontis Manubrii acumine incidit, unde non tantum vulnus, sed & ossis *depressio* facta est. Vulnus tamen hoc satis feliciter Chirurgus sanavit, quanquam quondam vulnerato, nunc senescenti, etiamnum cavitas in illo osse supersit tanta, ut adulti hominis pollicis extremam intromittat partem.

Cranii depressio haud aliter se habet, quam stannea, aut plumbea vasa, quæ casu, vel concussione intus cedunt, deprimunturque. Hic autem animadvertendum est, licet ossis calvariae tabula hoc fracturæ genere non perspicuè à se invicem recedat, fieri tamen in ipsa diploe totius separationem, quæ primæ tabulæ impressione contunditur, friaturque. Dicitur autem hæc fracturæ species Græcis *θλάσμα*, sive *θλάσις*, infantulis sæpius ac terrellis contingens, test. *Galenus lib. 2. de morb. causis cap. ult. classe 3. p. mihi 9.* Quoniam in his multo facilius fieri potest, ut pote quorum ossa tenuia etiamnum, atque infirma sunt valde. Neque enim fieri potest, quin id, quod contunditur, cedat retro, intusque; quod verò ita cedit, tenue sit, nec omnino durum, requiritur.

Tales cranii depressiones in pueris, facile absque instrumentis Chirurgicis curantur.

De considerabili ac magna ossis frontis infantis depressione supra os Temporis ex lapidis jactu orta, pessimisque symptomatibus subsequentibus, absque ullis tamen mali reliquis ope fomentum sanata, agit *Lyserus pag. 279. Item P. Marchettis pag. 18. Riverius observ. p. 355. Sculteti Armament. Chirurg. pag. 109. Rossius p. 121. necnon Smetius pag. 563.*

Ossa capitis depressa, inquit, *Paraus lib. 9. cap. 5.* aliquando per se resiliunt resurguntque pristinae æqualitati restituta, quod aliquando puerorum, foeminarum molliorum, humidiorum, ac pituitosarum, ossibus contingit, quod si ipsa per se non resiliant, admovenda est cucurbitula cum magna flamma, & imperandum ægro, ut ore, naribusque compressis, spiritum magnâ contentione sursum exprimat, &c.

In adultioribus hujusmodi Depressiones (cute præsertim integrâ) rarissimè cernuntur. Quibus autem contingunt iis, aliorum intuitu, tenue admodum est cranium, quod si tale non sit, haud dubiè, si in tabula superiore non animadvertitur fissura, infima tabula magis erit divisa, quam suprema, quoniam docente *Hippocrate*, illa in medio sui subsidere nequit. Id verò quibus contigit vitii, absque cranii terebratione vix sanantur nisi forte in exteriori ossis frontis prominentia depressio foret, cujus exemplum cent. nostræ secundæ observatione quar-

tâ daturi sumus. De plurimis jam adultis, quibus nec cutis, nec exterior cranii tabula, sed interior fracta fuit, narrat *Tulpius fol. mihi 4. Sculteti Armament. fol. 212. Smetius pag. 570. Marcellus Donatus pag. 560.*

De cranii depressionibus in adultis absque manifesta fractura, cutisve solutione, quæ fomentationibus, ac emplastris sanata fuere, scribunt *corpus de fractura cranii, Marcellus Donatus pag. 531. lib. 5. cap. 1. Laz. Riverius observ. pag. 327. Scultetus Armament. Chirurg. fol. 3. & 240.* Quæ- rere equidem hic liceat, utrum cranium depressum loco suo restituatur necesse sit?

G. Fabrit. Hildanus observ. cent. 2. observ. 3. & cent. 3. observ. 21. ut & epist. 90. fol. 1023. id ipsum asserit, adducens exemplum pueri honestæ familiæ decem jam annos nati, subtiliorisque ingenii, qui caput cadendo læserat, unde cranii depressio prope suturam *Lamboiden* orta erat: Quod verò gravia non adessent accidentia, parvi fecere parentes hunc casum, ita ut ille puer postea memoriæ dono non tantum privatus, sed & pedetentim tantâ ingenii obrutus fuerit stupiditate, ut denique ineptus fuerit, qui quidquam addisceret.

Verum *Wurzius part. 2. cap. 6.* ait, non tanti faciendam Chirurgi cranii depressionem, præstare judicans rem ipsam Naturæ perficiendam relinquere, parumque referre, utrum cranium nonnihil maneat depressum, necne, quoniam non semper, nec necessario inde impeditur cerebri motus lato satis spatio duram matrem inter, ac cranium superstitite. Meo quidem iudicio Chirurgi operâ superfederi potest, si in infantibus collisiones cranii reperiuntur, non multum introcedentes, quas nec fissura nec fractura, aliave comitantur accidentia graviora, ita tamen ut, detonsis pilis, læsum locum fomentis adjuvemus, modum invenient Chirurgi Tyrones apud *Julium Casarem Arantium ad calcem comment. in lib. Hipp. de vulneribus capitis.*

Quando autem sive in infantibus, sive in adultis, depressio, sine exteriori fissura apprehenditur, ac gravia sese manifestant accidentia, omnino perforationem requirerem. Quo pacto infantum depressionibus eundem sit obviam, vide *Lyserum pag. 278. Paraus, Fabrit. Hildanum cent. 2. observ. 5. fol. 83. Sculteti Armament. fol. 110.* Cranium in pueris sub illæsis tegumentis, & citrà divisionem depressum, cucurbita communi in suum situm naturalem reducunt quidam.

Quomodo verò adultorum sanandæ sint depressiones, vide *Job Mekeranum pag. 18. Sculteti Armament. Chirurg. fol. 8. 112. & 193. 197. 200. 208.* Item *Riverium p. 326. 354.* necnon *Fabrit. Hildanum cent. 2. observ. 3. & 4. fol. 78. &c.*

Perficitur hæc cura ut plurimum terebra quadam *Triploide* dicta, quâ pars depressa elevatur, cavendo tamen ne hæc ambas cranii laminas perforet, & duram matrem pungat. *Idem ibidem.*

Fissura Cranii.

Petrus ab Evvück, eques Capitanei Coigners, vir 34. annorum cum 2. Februarii in ædibus vice Capitanei Joannis Couper detecto capite cum vice-Capitano super aream colloqueretur, famulus quidam magnum lignum, pon-

ponderis decem vel duodecim librarum, per fenestram altiore in detectum caput dicti equitis imprudenter dejecit. Ipse ab ictu momento in terram prolapsus obmutuit, ac pro mortuo in vicinum stabulum delatus fuit, ubi per horæ spatium taliter apolecticus jacuit, ita ut illum mortuum esse omnes judicarent. Tandem aliquantum ad se rediit, sed tota ista die & nocte sequenti deliravit. Chirurgus ad ipsum vocatus, cum leve tantum & superficialium vulnus adesse animadverteret, nullum periculum adesse credidit, ac se agrum tribus quatuorve diebus facile sanaturum promisit. Dominus Couper tamen huic Chirurgo non satis fidens, cum nuper infelicem minoris vulneris eventum in Thoma Grevener vidisset, tertia die me rogavit ut agrum inviserem. Juveni ipsum sine magnis doloribus, sanæ mentis, cum levi ac contemnendo vulnere in syncope, vix autem penetrante: oculi in circuitu livescebant. Propter pauca symptomata Chirurgus & astantes totum negotium flocci fecerunt. Ego autem totâ historiâ à principio diligentius examinâtâ, certissimè affirmavi cranium non posse non esse fractum, seu fissum, & summo opere necessarium fore dixi, ut illud quàm primum trepano perforaretur, ut hoc pacto sanguis extravasatus subtus latens extrahi posset, neque expectandum esse donec alia gravia symptomata subsequerentur, utpote quibus apparentibus operatio hæc nimis serò institueretur. Aegrè, sed tandem tamen in meam sententiam itum fuit. Itaque alvo statim clystere subductâ, eâdem illâ vespërâ in sinistro bregmatis osse, ubi vulnus erat, incisio satis magna facta est ad formam litteræ T & cranium triangulariter denudatum est. Tunc ob hæmorrhagiam nihil videre potuimus, at postridie invenimus duas in cranio fissuras satis magnas, & ab unico latere particulam longitudinis semidigiti, parum depressam, quæ particula à reliquo osse quasi in circulo undequaque soluta & disrupta erat. In vicina parte firma cranium trepano perforavimus, hincque sanguinis circiter unc. f. (qui inter cranium & duram meningem ex disruptis à casu venulis effluxerat, ibique delituerat) effluxit; quo deteriso, parvum linteolum melle rosaceo imbutum meningi impositum, ac vulnus forissecus carpiâ siccâ oppletum, & emplastro de betonica contextum fuit. 6. Februarii adhuc aliquid sanguinis effluxit, sequentibus autem diebus nihil amplius. Interea alvus medicamento leniente exhibito leviter commota fuit. Porro vulnus usque ad 12. Februarii eodem modo tractavimus, & capitium ex herbis aliisque cephalicis confutum toti capiti imposuimus: postea hunc pulverem cum melle rosaceo mixtum meningi imponere cœpimus.

4. Sanguinis draconis, thuris, aloës, myrrhæ, ana scrup. j. pollinis farinæ hordei scrup. j. f. fiat pulvis subtilis.

18. Februarii ab interiore cranii parte caro succrescere cœpit. 1. Martii, meninx carne connecta fuit. 16. Martii, Squamula à superiore denudati cranii osse separata est. Deinde caro exterior undique succrescens cranium brevi contextit, atque in principio Aprilis æger perfectè sanatus foras prodit. *Isbrand. de Diemerbr. in Observ. & Curat. Medicis.*

Cranii ex contusione fissura ipsas suturas pervadens.

Quam malè usum Partium comprehendant ij, qui suturas eum solummodò in finem homini esse datas asserunt, nè, uno cranii osse fisso, alterum quoque findatur, norunt ij, qui contrarium istius nobiscum observarunt. Anno 1670. moles illa lignea, quâ palos humo infigunt (Belgicè *een Heyblok*) in cujusdam viri bregma devolvebatur, unde in terram prolapsus, omnique sensu interno privatus, sanguineque auribus effluente, brevi post animam Deo reddidit. Oblatum mihi fuit, mali causam investigandi ergò, cadaver. Cranio denudato, os bregmatis (si benè memini) sinistrum à parte superiore ad inferiorem ex toto fissum reperi: Quæ fissura progressum fecit per suturam squamosam, totum os petrosam, & os occipitis, ad magnum ejusdem ossis foramen, futuris ad fissuræ cursum sufflammandum nil valentibus. *Freder. Ruysch. Observ. Anatom. Chirurg. centuria.*

CRINONES ET COMEDONES.

DE iis cum sub nomine vermiculorum capillarum, Dissertationem admodum accuratam scripserit Doctiss. Georg. Hieron. Velschius, placet huc illam integram adducere. Sic autem ille.

§. I. Cum secundo prioris exercitationis capite dracunculum seu Venam Medinensem ab aliis morbis discernemus, ut eò magis elucesceret, quantum ab illo infantium adfectu differat, quem vulgò pilarem vocant, & invicem confundunt, polliciti sumus, singulari exercitatione, priori subjungenda, de illo nos dicturos esse. Hoc igitur nunc agamus. A nomine incipimus, nam, teste Aristotele, *δὲ πρὸς τὸ ἀρθρὸν διδύκεται πρῶτον ἐξέρχεται ὁ ὄμοματις*. Ex Medicis antiquioribus nemo, & è recentioribus paucissimè adfectus hujus meminere. Vulgus Germaniæ appellat: *Mitesser, oder Mifraß*: Norici, scribente sic Viero in tr. German. de Varis vocant: *Die durre Maden*: Unde fortasse corrupta vox illa Mich. Papæ Rochlicienensis tract. German. de pellend. verm. & an. venenatis. pag. 191. *Darm Maden*: Gall. *Tarmes*: malleus enim: *Darre Maden*: Nam *Darre*: Idem quod macies aut tabes corporis. Aliis: *Die Zehrene Würme*: dicuntur. Latinus Vieri paraphrastes apud Henric. Smetium III. Miscell. Med. Germanicum nomen versionem ineptè intrudens: *Mitesserenos*: reposuit, non levi sanè crimine, & quod Orbilius aliquis vel in puero objurgaret. Comedones aut vermes comedentes quorundam sententia rectius dicerentur. Nec desunt etiam qui vermiculos consumptores appellent. Cujus nomenclaturæ rationem optimè edidit Johan. Schenkus V. observ. 188. quod alimentum infantium, quos infestant, abripiant sive absument, adeoque maciem inducant. Quæ cum ad extremum jam deducta est, etiam aliud nomen adfectui parere solet, de quo Theod. Corbeius aut verius Jo. Magirus II. Pathol. sect. VII. c. V. his verbis: Iis adfecti tandem citra auore-

xiani vermiculis humorem alimentarium depopulantibus in eam atrophiam & maciem incidunt, ut cuncta deperdita carne vix ossibus hæreant, cum tanta artuum titubatione, ut ne quidem pedibus inniti possint, & tunc: *Den al-ten Vatter* nominant. Henrichus Varenius disp. 21. Nosolog. Herm. & Gal. §. XIV. Crinones vocat, eosque duplices facit: priores locis maxime articulis vicinioribus generari, ac tumorem cum dolore mordicante & lituras subingras, scorbuticis non dissimiles, excitare ait, quæ interdum in ulcera Chironia terminentur, atque tum demum à suis vocari, *der Haarkoum*: posteriores verò absque ullo tumore cum dolore tamen, lassitudine, imbecillitate virium, & insigni atrophia infestis esse, quò mox §. XV. etiam refert, infantilem illam (sic enim vocat) cum psora conjunctam atrophiam, doloribus lancinantibus, vespertinis & nocturnis potissimum horis tenellis corpusculis mirum in modum molestant, atque à suis *die Bernegrund* nominatam. Ambrosius Paræus VII. Chir. XXI. *abscessus*, inquit, *rarum genus in memoriam revoco, id Crinones*, (credo à crinibus) *nostrates Galli nominant: pueros præsertim divexat ac quasi spicularum aculeis compungeretur dorsum, huc illuc se jactant, quietis impatientes: ab exiguis quidem, qui vix acicula longitudinem equeant, sed crassis & spissis pilis oritur id malum*. Nos tamen Paræum putamus Crinones scripsisse, non *Crinones*, quam voculam fortè typographus depravavit. Crinones etiam & dracunculos à qualicunque similitudine vocabat Balthas. Timæus V. observ. cas. 23. Galli enim *Crinons* appellant, à crinibus haut dubiè, qui iisdem *les Cri.s* dicuntur, & cum vermiculis illis magnam habent similitudinem. Imò si verum fieri oporteat, & ipsi vermes capillares sunt ulceribus pedum foetentibus innati, *נקוב* Hebræorum, *vermibus sit*: & *נקוב* vermis pedum, in Lex. Rabbin. Talmud. Buxtorfii. Quales à Joachimo Jauraviensi Lixivio fraxineo, immaceratis spicis secalinis, & decocto Corticum quercus novellæ, ac denique inpersione pulveris extormentilla aristoloch. rot. bolo Armen. & myrrha curatas recensuimus inter observationes Hieron. Reusneri CXLV. ad quos & diapysmate non valde absimili feliciter utebatur Wolsig. Theodericus Cœringius vir nobilis rei que Medicæ peritissimus in Mss. nostris. Cum Crinonibus etiam Perficis apud Jo. Eusebium Nierembergium dracunculis, & varis confundit Val. Andr. Mollenbrœccius tr. de Varis sive arthrit. Vaga scorbut. c. 1. Jo. Schenkii l. c. *pilos infantes infestantes*: Item: *Vermiculos intercutaneos* vocat, additque quibusdam morbum sive adfectum pilarem dici. Græci *τερχάσιον* & *τερχάσιον* nominassent dubio procul, si morbum cognovissent. Non unum enim adfectum ita appellarunt, ubi Latini interpretes semper morbum pilarem, seu malum pilare reddiderunt: Sic enim primò ciliorum & palpebrarum triplicem adfectum nuncupant, *φαλαγγασιον* videl. *πλάσιον* & *πρόφυσιον*. Tum micrum pilorum, cuius nos supra mentionem fecimus. Fracturæ item cranii speciem quandam, quæ, cum tenuissima sit, sensum omnem effugit, ideoque sæpe letalis deprehenditur. Denique & mammarum dolorem, à pilo, ut quidam suspicantur, ex Aristot. VII. hist. an. XI. in potu

forte haulto, excitatum, seu potius à Vermiculo pilum referente, quæ Guil. Rondeletii sententia erat. Rarus quoque adfectus, trichialis autem A. M. Venuit part. II. Conil. XXVI. memorata, in opere à Josepho Laurenbachio collecto, filamentis ex pituita, à longa surditate, sternutatione ejecis: Et Lingua, pilis sat longis in eadem excrecentibus, pud Amatium Lul. Cent. 6. cur. 65. *σπάλπας τερχάσιον* & *πρόφυσιον*, Francisco Joëli Pr. Med. X. lect. 2. §. 21. quos vet. omnibus Gr. Arab. & Latin. incognitos putabat, non secus ac dracunculi vet. olim nostris omnibus ignoti & indicti erant, antequam navigationes in utramque orbis partem excolerentur. Vermes in dorso Galice *Masclous*, dicti Petro Borello Cent. 1. observ. 8. quos capillaribus in facie, totoque corpore pruriginosis haut ineptè comparabat, iisdem nempe cum festis Naibonensibus *Meylomenii*, de quibus priori exercitatione. Dalechampio tamen in hist. plant. Rovilliana, Hamus verus, Galice, *Herbe du Masclou*, dicitur, cuius usus Toloatibus frequentissimus ex vino albo ad tormina colique dolores adientibus Jo. Baubino in hist. plant. & Dominico Chabreo ejusdem compendio class. 3. Quamvis & Coli cruciatus haut raro a vermibus oriri notissimum existat. At vero J. C. Claudinus V. empir. rational. sect. 1. cap. 4. & 5. utrumque adfectum distinguebat, non plane quidem ab re, sed ipsa experientia edoctus, sapius complicitum, & maximam adfinitatem vicissim habere fatebatur, nimirum ut priori exercitatione haut raro dracunculos obscurissimi motus ostendimus, unde quibusdam omnino nullo præditi videbantur, ita etiam vermiculi capillares interdum pilos tantum immobiles, non animalcula referre solent. Herculis Saxonie utique observatione & Gregorii Horstii part. 1. Epist. sect. 5. quam Guil. Fabricius Hildanus Cent. 5. observ. 2. repetit, puelli capite totoque corpore piloni nati, sponte cadentibus pilis, nunquam deinde vermiculis laborant, quibus lanugine illa destituti plerumque sunt obnoxii. Georgius Cuffnerus in append. libri de morb. infant. à Leoneilo Victorio Faventino ed. cap. 12. *Existunt*, ait, *in puerulis subcutanea quedam animalia viva, lumbricorum formam præ se ferentia. Draconia vulgari appellatione nominata*. Magirus l. c. *dracunculos* vocat. Et Georgius Cœnelius disputationem suam inauguralem Basileæ habitam, cuius ex Jo. Nic. Strupani Medicina Theorica supra meminimus, de dracunculis inscripsit: Verum quantopere erraverit, dum venam Medineasem cum adfectu hoc infantium confudit, statim seq. §. II. demonstrabimus. Nam quod Gasp. Hofmannus III. Instit. 124. §. XIV. alterum genus dracontii apud Paulum Ægnetam existimarit: & doctissimus Jo. Ant. van der Linden Meletem. Med. lib. 2. Patholog. pag. 21. minorem dracunculum subcutaneum, majori in venis similem, & acarum antiquorum subdubitarit, nullo sat gravi argumento probari potest. Clarissimi tamen Seueri sententiâ II. Pr. part. 1. cap. 24. hæc quoque appellatio tolerari queat. Sic enim censet: *Nonnulli Crinones nominant, alii dracunculos ob similitudinem cum dracunculis, qui Ægyptiis, & Indis sunt familiares*. Ipse tamen, ut prioribus monuimus, dubio pro-

procul *quaruplus* obscuritatem & confusionem fugiens, vermes dorsi appellare maluit, quod præcipue in dorso infantium nascantur. Nec aliter Claudius V. Empir. rational. sect. 1. c. 4. similitudinem aliquam admittebat, ipse tamen *intercutaneos puerorum lumbricos* vocabat: & Claudius Deodatus X. Panthei Hygiastici c. 41. *vermes sub cute*. Quod si omnino dicere liceat, quod res est, similitudo horum vermium cum dracunculis vett. aut plane nulla est, aut certe adeo exigua, ut merito contemni queat. Cum igitur morbus sit antiquioribus ignotus, nemo nos, speramus, reprehendet, quia vermiculos capillares infantium vocavimus. Hoc enim nomine nisi fallimur, naturam adfectus hujus sat bene exprimi existimamus, de qua mox plura differenda erunt.

§. II. Quamquam verò cuius ex antecedentibus intelligere pronum sit, vermiculos capillares infantium à vena Medinensi Ebnisina, sive dracontis Græcorum plurimum discrepare, ut tamen nemo hac de re ultra dubitare possit, paucissimis ostendere non pigebit. Primo igitur dracunculos Orientalibus plagis peculiare esse diximus, hos autem vermiculos plerique septentrionalibus magis familiares adscribunt. Deinde adfectiones vena Medinensis supra cap. 3. propositæ vermiculis istis nullo modo conveniunt. Illam enim corpus crassiusculum rubicundum aut album, figuræ teretis, insignis longitudinis, & varios in circulos sive anfractus circumflexum docuimus: hos autem pili spissioris & crassioris forma nigricantibus capitulis, parvos omnino, breves & vix aciculæ longitudinem æquant, nec in ullos gyros circumvolutos omnes continentur. Præterea symptomata dracunculorum à vermiculis his valde aliena sunt: Non enim pustula, non dolor, non tumor, non exulceratio hic locum habet, sed in balneo vermiculi medicamenti prolekti per poros cutis capita tantum exserunt, toti verò vix unquam prodierunt visi sunt: E contrario inquietudo, vigiliæ, compunctio, & tabes adsunt, quæ mala in vena Medinensi nemo observavit. Porro dracunculi ritè curati nunquam sunt periculosi, vermiculi autem isti ob tabem, quam inducunt, sæpius exitiales observati sunt. Tandem & curatio utriusque morbi diversissima est, de qua partim supra jam vidimus, partim postea dispiciemus. At Petrus Monavius Epist. 215. ad Hieron. Mercurialem apud Laur. Scholzum ægritudini bovinæ potius, quam Venæ Medinensi similem conjiciebat, quod tamen magis, ac illud admitti posse, inspecta priori Exerc. nostra cap. 2. facile colligitur. V. C. Hieron. Reusnerus in disput. quadam Medica 1582. Basileæ habita, quam Schenkus adduxit, vermiculos hos capillares infantium cum Varis Vestphalicis & Batavicis videtur confudisse: *Cum infantes, ajens, citra anorexiā in tantam incidunt ægrotā ut omni deperdita carne vix ossibus bareant, obstructionem vasorum adesse certum. Vestphalis & Dithmaris Danie proximis videtur hic idem, qui ipsum Varum nominant, nostri den Mitter, Ribkuchen, den lauffenden und Zehrenden Wurm, ab actione naturali lesa ducta symptomatis appellatione*. Henricus Varenius disp. 21. thes. 27. huic non obscure consentit, quando inter alia Crinorum suorum signa, etiam hoc empiricis

probatum adfert: *Tura lumbricum dolenti loco impositum plantisve pedum suppositum mox emori, contabescere, vel corrugari animadvertunt*. Hoc enim inter certissima varorum signa plerique numerarunt, quamvis haut parum dubium nobis videatur. Ab illis autem jam olim Vierus vermiculos capillares infantium sive Comedones suos distinctos pronunciavit, quod neque proprietate morbi, neque curandi ratione, uspiam conveniant. Nos quoque de varis plura supra diximus cum cap. 2. eisdem à dracunculis jure sejungeremus. Præterea & aliud quoddam vermium genus est, quod vulgus Germaniæ, *den Geitzwurm*, vocat, (ac si avarum Latine dixeris) infantes æque ac capillares illi in perniciosam tabem conjiciens, à quibus tamen omnino discerni debet. Ajunt autem cognosci, si umbilico gobiis fluviatilis imponatur, horisque 24. elapsis pisciculus adrosus aut ad spinas usque consumptus inveniatur. Quo viso deinde quidam pulverem Savinæ & vitri Veneti melle mixtum juglandis putamini inditum umbilico adponunt, ut eo degustato vermis emoriatur. Hæc omnia tamen plerique olim ceu fabulas ridebant. At Jo. Georgius Brenggerus Medicus valde industrius epist. ad Philippum Hechstetterum perscripta, quam hic in fine observ. suarum edidit, testatur vermem istum in nobili puella sibi conspectum, eumque in vena umbilicali latitare putat, semipedalem appellans, figuræ teretis latiusculæ, pallidi coloris, & pellicula non tenui ac lævi, sed duriuscula seu subcrustacea contextum. Viderunt etiam Platerus lib. 3. Pr. cap. 13. Frid. Olevianus ap. Hieron. Reusnerum observ. 97. & Rupertus Sulzbergerus apud Sennertum 3. Pr. part. 10. c. 4. Matthæus Millerus Senior Profess. in Academ. Tubing. disp. singulari 1627. habita, cujus etiam meminit Rudolphus Camerarius Cent. memorab. Med. 12. §. XCIV. A quò fortasse nonnisi magnitudine differt alius quidam & ipse infantes periculosè tabefaciens, quem Zacutus l. Prax. admir. observ. 124. à Lusitanis suis, *Omao* nominari, atque à se Castorei scriptulo in lacte dissoluto ter exhibito aliquoties per alvum proturbatum refert: vermis scil. ut ipsi nominare placuit, obesus, illique similis, qui in corrupto caseo occultantur.

§. III. Quid igitur, qualesve sint vermiculi isti capillares infantium pauci accuratè describunt. Felix Platerus, Medicus cæteroquin experientissimus: *In brachiis, inquit, cruribus, suris, interdum & lateribus, vermes se in adfectu quodam exserere, quos dracunculos vocant, German. Mitter, scribunt: quorum utique nobis incognitorum descriptionem aliis concedimus*. Paræus l. supra c. ad Gallorum suorum mentem eos pro pilis spissioribus habuisse videtur: Nam quando etiam abscessus rarum genus nominat, nequaquam audiendus est, aut potius de alio quodam adfectu intelligendus, cum quo fortasse vermiculos confudit, eumque sequutus Samuel Hafenrefferus lib. 1. de cut. adfect. cap. 11. quamvis laxissimam abscessuum nomenclaturam, etiam apud Hippocratem non ignoremus. Utrique verò quod judicium de pilis atinet, adsentiuntur Saxonia lib. de plic. Polon. cap. 41. & Greg. Horstius part. 1. epist. sect. 5. & apud Fabricium Hildan. Cent. 5. observ. 51. At

Henricus Varenius ut §. I. dicebamus, infantilem atrophiam cum pſora conjunctam appellavit. Reliqui omnes veros vivosque vermes eſſe ſtatuunt, quorum ſententiæ accedimus. Non tamen inefficaci hoc argumento, ut quidam illorum, permoti, quod alimentum infantium abſumant, eoſque in maciem deducant: Poſſent enim eodem & cæteri opinionem ſuam de pilis firmare, ac alimentum corpusculo infantis debitum in horum generationem & nutritionem impendi nobis objicere: cum præſertim non pauci hodiè reperiuntur, qui pilos non è fuliginibus & excrementis generari, ſed vel ipſo ſanguine, aut aliis humoribus alimentariis nutriri contendunt, quam etiam ſententiam ab aliis ſuppreſſo ſuo nomine evulgatam olim quebatur Greg. Nymmanus tr. de apoplex. c. 10. noſtris tamen temporibus detectis lymphæ ductibus & circulatione laticis cum ſanguine adfertâ, multò facilius intelligitur. Ampliſſimus Roſſincius lib. 13. Meth. Conſult. conſ. 3. excrementa tantum cutis viſcoſa, in poris condenſata exiſtimat. Noſ, ut vermiculos veros vivosque credamus, motu illorum præcipuè adducimur, qui omnium conſenſu tunc inprimis manifeſtus eſt, & quaſi ſubitanus cernitur, cum in balneo infantes melle aliſque dulcibus, & vermibus gratiſſimis, oblinuntur: Ut & reſuſu eorundem in corpus, & ſub cutem, niſi illico abradantur ſive eximantur, qui ſanè neque pilis, neque etiam excrementis denſatis, poroſque obſtruentibus, convenire poteſt. Ideoque talem deſcriptionem edimus: *Vermiculi capillares infantium ſunt vermes tenues & exigui, pilis craſſioribus quodammodo ſimiles, ſub cute in artubus & præcipuè dorſo ex humoribus vitioſis, proprioque ſeminio, caloris ſive naturalis, ſive etiam putredinem comitantis opere generati, infantes inprimis pruritu, vigiliis, inquietudine, & corporis extenuatione infeſtantes.*

§. IV. Cauſa, ut Philoſophi vocant, efficiens primaria, horum Vermiculorum eſt ipſa formâ ſive anima in ſeminio ſuo latens, non calor, aut putredo, ut plerique opinantur. Hæc enim rectius in generatione illorum inſtrumentum tantum vicem gerere ſtatuimus. De ſeminio autem animalculorum, quæ ſponte ſolent naſci, rem omnem accuratè conſecit, & expoſuit Clar. Sennertus Hypomnem. Phyſic. §. cap. 8. quem conſulant, qui dubitare non verentur. Quidquid enim de vi illorum & formis latentibus, antequam exſerantur, in contrarium alii excogitarint, egregio illo Theodoreti dicto epit. de divin. decret. lib. 5. facillimè everti poteſt, ſi modò, quod ille de temperatura corporis, anima quibuſdam Medica conſtituta, de iſtis ſpontaneorum formis accipiantur, naturali ſua cognitione, non minus, quam ſenſu & ratione animæ nobiliores, inſtructis: *Oportebat, enim ajebat, ipſos conſiderare, quod etiam qui lyra ſcit, ſi non rectè aptata & inſtructa lyra fuerit, ſuam non oſtendit ſcientiam.* Sic formæ ſcil. animæque omnes non niſi loco, tempore & inſtrumentis commodis præſentibus operantur. Parum ſanè ab iſthac ſententia abludunt, quæ plerique de ſanguine menſtruo ad mentem Arabum, ſive meconio Ariſtotelis memorârunt, inter quos non poſtremus Jo. Colle III. Coſmit. Med. pag. 247. infanti recens nato, dum Umbilicus

ſecatur, ſanguinem copioſum eſſuere permittebat, quod iſthac præſervatione pauciſſimis rariffimisque deinde variolis, aut etiam nullis corripit obſervavit. Neque id abnuens, Jo. Zechius de puer. tuend. valetud. §. IX. ad Aentii mentem tetrab. 1. ſerm. 4. cap. 3. per alvum potius expellendū docebat, melle cocto, vinoque modico diluto exhibitō: (Id enim butyro præferendum arbitrabatur) quod etiam de Coloſtro ſuo ut minus proprie vocabat, Ezechielis nomine Petrus à Caſtro puncto 3 pag. 21. teſtabatur. Sic autem vocabat *μηκώνιον* Ariſtot. (*papaverculum* non adeò bene Theodorus Gaza reddiderat, quia id Dioſc. IV. 65. trochiſcos ex ſucco capitum foliorumque expreſſo, non ipſum papaver, ſignificat.) 7. hiſtor. anim. 10. *πρίτωμα ἢ χρωμα αίματώδες ἐ σφόδρα μέλαν, ἐ πηλώδες, μετὰ δὲ τέτα ἐ γαλακτώδες.* Excrementum colore ſanguineum, & valde nigricans aut piceum, interdum & lacteum, quod Plinius 28. 4. *Sordes infantium alvo editas.* Jac. Dalechampius propemodum ridiculè, Gallorum ſuorum conſuetudine, Syrupum infantium appellavit. *κόπρον τὴν πρώτην* Auctor 4. de morb. inter Hippocratis ſcripta, vocabat, primum puerorum ſtercus, cum quo permulti etiam rotundos latosque lumbricos excreverint, *ἐ προγύλας ἐ πλατύνειας ἔλμινθας ἀπεπείθησαν αἵμα τῇ κόπρω τῇ πρώτῃ.* At Petrus à Caſtro ſubtilius diſtinguens aliud lacteum, ut Ariſtot. à Chyli reliquiis, aliud feculentum à ſanguinis fecibus nominabat, quod Roderico à Caſtro part. 2. lib. 5. de morb. mul. cap. 29. Hiſpanis à colore ferrugineo iccirco: *ferrado*: dictum monebat, ſæpius vermiculis & aſcaridibus reſertum, quales in caſeo naſcuntur, in diſſectione abortuum viſum, quemadmodum & variolas à miaſmate vermiculante ſubortas microſcopicæ obſervationes docuerunt, quarum præſidio pathologiam ſuam animatam ſive vivam mortis imaginem & putredinem animatam inſtruere quondam cogitabant Auguſtus Hauptmannus & Chriſtianus Langius Medici Lipſienſes celeberrimi, ſi per fata licuiſſet, quamquam ex poſtumis alterutrius ſcriptis egregii quidpiam proditurum nec dum ſpes omnis decollarit. At *Coluſtra*, lac novum in mammis Lucilio & Laberio Mimographo apud Nonium Marcellum de propr. ſermon. cap. 2. §. CXVII. quod cum ſeroſius exiſtat, utrum infantibus præbendum ſit? pluribus diſquirebant Illuſtris Veſlingius epiſt. ad Georg. de Medicis Brixienſem. obſerv. 28. lacte utique, quod chylum ipſum, non ſanguinem ex chylo genitum & denuo dealbatum, curioſis noſtræ ætatis experimentis conſtat, non ſecus ac in ſanguine ſemina vermiculorum & vermiculi ipſi ſæpiſſimè conſpecti ſunt. Reliquiæ ſanguinis menſtrualis, qui erat in hora imprægnationis Ebneri IV. ſect. 1. tract. 4. cap. 6. *ἵππυ* in homine Jauhario, quod in brutorum generibus *ἵππυ* primum recens natorum excrementum, antequam quidquam ederint, emiſſum: plurimum ſanè à Coloſtro differens, quod *ἵππυ* lac primum à fœtu edito mulgeri ſolitum.

§. V. Cum ergo forma quævis propriam habeat materiam, in qua & ſubiſtit, & cor amoda occasione oblata corpus operationibus ſuis aptum ex eadem ſibi ipſa exſtruit: iccirco, è proprio ſeminio etiam capillares infantium vermiculos

culos produci in nostra descriptione diximus. Cum verò illa valde sæpè sit exigua, ipsius Aristotelis ingenua confessione, cujus 5. histor. animal. 19. hæc verba sunt: *ὡς δὲ ἀρχὴ τῶν σκαληνῶν μύγῃ*, (minus sanè admiratione digna quam illud Plinii 17. 10. *Cupresso semina tam parva, ut vix conspici possint, non omitendo natura miraculo, è tam parvo gigni arbores,*) imò iudicio Sennerti Hypomnem. l. c. & Liceti 3. de spont. viv. ort. 46. animula illorum etiam in atomis latere possit, quas uterque ideò atomos seminales appellat, propterea & vitiosos humores tanquam materiam satis copiosam, generationi eorum idoneam, meritò addidimus. Pituam imprimis sub cutè & inter poros contentam, ac transpiratione prohibita, putrescentem nominabat J. C. Claudinus Empir. rat. l. c. Neque dissentiebat vir subtilissimi ingenii Joan. Chrysostomus Magnenus in Democrito suo redivivo, sive disp. 2. de atomis c. 4. propos. 35. vermium scilicet & lumbricorum minima tertii ordinis (id est nec atomos simplices, nec secundarias) cum alimentis adsumpta vim concoctricem effugisse, atque quod debiliior esset, non ita potuisse edomari, quin servarent seminales spiritus, formamque partialem. Quod supra nos etiam de seminis dracunculorum c. 7. adseruimus. Nec aliter explicari debet Sennerti opinio 4. Pr. tr. de morb. infant. part. 2. c. 32. de materia viscosa venis capillaribus conclusa, & propter transpirationem prohibitam in vermium genus mutata, quando quid de spontaneo animantium ortu in humano corpore severius censuerit, satis ex aliis ejusdem scriptis planum est. Nec enim aptitudo materiæ ad vermium generationem, quam requirebat, commodius, ac de seminis propriis exponi potest: quod de ichoribus aliisque serosis humoribus è quibus cridones sive dracunculi, tineæ, Vari, vermiculi morbillorum, pustularum, & scabiei cyrones, acari, aliique oriantur, pariter adfirmabat Augustus Hauptmannus epist. præliminari ad Petr. Joan. Fabr. de viva mortis imag. c. 19. quamvis semina illa in elementis contenta, sola putrefactione, corruptione, & influxu cœlesti generari minus doctè minusque verè opinatus sit, primariam scil. efficiendi facultatem instrumentis præponere committens. Multò sanè candidius veriusque vir Nobilissimus Franciscus Redus neque ex animalium demortuorum carnibus vermes nasci curiosissimis experimentis circa generationem insectorum exploravit, nisi ab aliis animalibus vivis semina fuerint apportata. p. 52. obs. de viper. Sed hæc quidem materia proxima dicitur. Remota enim dubio procul eadem est, quæ aliorum lumbricorum, quorum frequentissimus in pueris ac infantibus proventus observatur: de qua cum aliis in locis, & ab aliis abunde actum fuerit, nil opus est multa heic adferre. Hoc verò in transitu monemus: ridiculum & valde scabiosum nobis videri, quod Henric. Varenium §. 21. de crinonibus suis scribere non puduit: *In hisce numerantur, si scabiosis pedibus tibialia lanea superinducantur, hujus filia ulcusculis herentia postmodum animentur.* Quamvis non ignoremus Franc. Bonamicum etiam ex iisdem filis pediculos nasci aliquando credidisse. Ita haut rarò quidam nubem pro

Junone lubenter amplexantur. Similitudo enim, quam vermiculi cum pilis laneis obtinent, memorata Joeli 10. Pr. Med. sect. 3. §. 11. causam tamen non arguit, nec generationis modum evincit. Quin etiam scabiei mentio, satis arguit, non alios hos vermiculos esse posse, quam quales in ulceribus sordidis generantur, & in scabie microscopiis observantur, etsi vel linea vel coriacea femoralia induantur. Nec filum illud sericum in supercilio mulieris Toninensis, à vulneris sutura relictum, atque deinceps continua vegetatione, quamvis abscissum, sæpius excrescens, de quo libellum singularem à Petro Duncano Medico Montalbanensi pererudito conscriptum, nec tamen editum, memorat Petrus Borellus 1. obs. 10. ad animalia sponte nascentia, nec etiam ad plantas ejusmodi pertinet, quas hominum corporibus insertas augeri & crescere posse, exemplo Rocci Martini in Hispania, cujus pectori spina pruni silvestris infixæ radices egisse & germinasse ostendit Petrus Servius diss. de ung. arm. p. 52. & contra Liceti dubitationes tr. de Litheosphoro c. 51. satis tuetur Peirescii testimonium in §. de vit. ejusd. apud Gassendum, & qui cum ipso furculos communicavit, nobisque etiam Romæ sincere adfirmavit *ἀποδείκνυμι* Illustriss. Eques Cassianus à Puteo, cujus virtutem & eruditionem omni majoris fortunæ apparatu adfluentem, avito stemmate splendidissimam, nemo satis pro dignitate laudare unquam valuit. Sed neque ipsa serici ulla vegetatio fingi debuit, ut quod artificii manu netum atque contortum filum forma naturali propria vegetante omni omnino destitutum, à natura aliter produci & continuari non potuit, ac membranosi aut nervosi alicujus corporis accretione quale interdum fidibus non absimile etiam sine ulla serici præsentia densatione atque coagulatione laticis nervosi nutritici quandoque progenerat, ut prioris Exerc. c. 2. de setis Narbonensibus dicebamus.

§. 6. Causas Georgius Cunelius in disp. sua de dracunculis, id est, vermiculis infantium capillaribus, rectè quidem internas & externas constituit, sed quas rimari atque examinare operæ pretium existimamus. Externas §. 10. quatuor proponit: *Conceptionem foetus fluentibus menstruis; Obstetricum & nutricum in sordibus abluendis extergendisque negligentiæ: Linteorum, quibus infans involvitur impuritatem aut etiam humiditatem, si scilicet non satis siccata, aut etiam nocturno aëri & radiis Lunaribus exposita fuerint: & denique victum impurum.* Internas verò §. 12. quinque enumerat: *Vitiosam corporis statim ab ipso ortu constitutionem: Humores vitiosos & corruptos ad partes alendas derivatos: imò & probos sed inertia coctione depravatos: Ipsarum musculosarum partium substantiam corruptam: Et excrementa tertiæ coctionis benigniora, quæ aut expultricis imbecillitate è corpore non pellantur, aut ob pororum cutis constrictionem diffusi & transpirare nequeant.* Nos quasdam ex his omnino reprobamus, reliquas autem quas admittimus, ad causas jam commemoratas reducemus. Quod ergò primum conceptionem fluentium menstruum tempore concernit, cum id à nemine, quod quisquam sciat, observatum sit, nullaque ratione vel in speciem probabili nitatur, non injuria rejicimus.

Nec enim credimus ab hominibus legitimè in matrimonio viventibus quidquam tale patrari. Certè adfectum infantibus satis frequentem tradunt. Et notatu digna est Arabum phrasis, de muliere, quæ menstruorum tempore concepit, apud auctorem Oceani Arabici **סהון אלטואח עמלח** tanquam *per incuriam & halucinationem* id factum sit, aut errore insigni ac vecordia, quam **סהון** significat. Olim sanè Hebræi Dei mandato capitis pœnas dabant, quicumque scientes volentes cum menstruata concubissent Levit. 20. 18. ceteri, qui inscii, aut per incuriam fecissent, septendio immundi, lotionibus & expiationibus opus habebant, Levit. 15. 23. Unde 7. *immunditie pares*, (ut Talmudici vocant,) deducebat Majemonides præfat. in Seder, Tahoroth. **טבעה אכזה אלטואח** quos gonorrhœicis, & leprosis ex Magistrorum suorum mente æquiparabat. Hæc talia verò quamvis ad legis Cerimonias pertinerint, ex intimis tamen naturæ arcanis deprompta, ad sanitatem simul corporum, & posterorum curam, quam maximè spectasse, nemo dubitare debet. De negligentia verò nutricum & obstetricum nemo dubitabit. Harum enim incuria sapissimè, imò & malitia, malè est infantibus, Sordes igitur sive in utero sive postea in cunis contractæ minus diligenter abstergæ gemina ratione nocere possunt: aut enim per poros ipsum corpus subeunt, aut meatus cutis obstruunt & excrementorum transpirationem impediunt. Quò referenda erat etiam cunabulorum impuritas. Humiditas enim eorundem, si absque sordibus sola fuerit, potius alios adfectus producit. Radios autem lunares, quemadmodum mala plurima in corpore humano, vitiosis maximè succis referto excitare certum est, commotis videlicet & liquatis humoribus, ita cur eosdem in linteo metuere debeamus, nondum intelligimus, & debuiſſet Cuneilius nobis explicare. Exoleta quippe illa opinio, neque naturæ consona, quam Manichæis de Luna fuisse Augustinus epist. 119. ad Januarium commemorat, beatus à castris illorum impiis transfuga, *repleri eam, sicut navis, sordibus principum tenebrarum. & fugitiva Dei parte. In herbas quoque salivam venenatam despumare, illas præcipue, quæ Magia destinata, gentilibus quibusdam creditum.* Hadrianus Turnebus 8. advers. 26. ostendit. Nam cæteroquin verè Ptolemæus 1. Tetrabibl. f. quadrip. Lunæ vim in corporeis rebus efficacissimam propter terram vicinam pronunciabat, & humorum evaporationem, *ἡ δὲ πλὴν ἀεὶ ἐκ τῆς πλὴν τῆς ὑγρῶν ἀναθυμιάσειν*, quam terræ atmospheram hodie appellant lunari contiguam, cujus virtute mirificè commovetur. Et huic sanè multò aptius conveniet, quam quod Alcanem Poëtam Plutarchus Sympol. 3. probl. ult. *ὅπου σὺν αἰὲρ & θηλαμέρα & σελήνης* constituit, *rorem aëris & Lunæ sobolem*: verius enim ex aqua, aut terraquo globo vapores sunt à Lunæ radiis elevati, quo sensu & illa accipienda quæ l. c. problem. 10. adferebat *πλὴν ὑγρότης ὑπὸ τῆς σελήνης* *ἡ δὲ χρομένη βαρύνει τὰ σώματα*; *Humorem à Luna diffusum aggravare corpora*. Ideoque nutrices cavere jubebat ne infantes sibi commissos Lunæ ostendant, ne corpuscula eorum humoris plena, viridium ad iutar lignorum convellantur, & per-

vertantur. Præterea victus, quem impurum vocat, pravus potius dicendus, talis nempe, qui vitiosos humores vermium notissimam materiem progignat. Inter internas causas non valde placet nativa illa ab utero constitutio. Nullo enim fundamento huc trahitur: Et qui hæc talia nobis obtrudunt, quid quæso agunt aliud, quam quod ignorantiam fateantur? dumque se aliquid dixisse putant, nihil tamen dixerint? Certè Fernelius 6. pathol. 12. cum inter calculi causas insitam renum arenosam calculosamque constitutionem nominasset, dici nequit, quam diversis studiis voces illæ à Medicis exceptæ sint! Theodorus Baronius 1. de oper. mejendi tripl. l. 18. & Gasp. Hofmannus 3. Instit. Med. 129. mirè eas exagitarunt. Et tamen Fernelius de hereditario adfectu loquebatur, qualem vermicularem istum esse nemo adfirmabit. Humores vitiosos non malè quidem duplices Cuneilius noster fecit, aut enim sua natura tales sunt, aut ex corruptis alimentariis geniti. At partes musculosas adeo corrumpi, ut vermiculi illi inde nascantur, vehementer est absurdum, quemadmodum quæ de excrementis sequuntur, ad humores vitiosos, atque etiam sordes reduci debuerunt. Cæterum Varenius 9. 20. cum causam dracontiorum materiam viscidiorum & malignam nominasset, de qua nos supra egimus, subjungit Crinones suos ex ichoribus humorum pro vario temperamento variis omnibus tamen malignitate imbutis generari. Quod sanè non videtur esse verosimile. Nam pituita & humores visциdi omnium generi aptiores censentur. Malignitas verò absque ulla necessitate fingitur: Nisi, ut supra monuimus, de variis potius, quam vermiculis capillaribus loquutus sit: attamen & hos cum variis & crinonibus confudit, uti ex 9. 15. clarissimè apparet.

9. 7. Subjectum ut vocant, in quo vermiculi capillares frequentissimè conspiciuntur, atatis ratione præcipue consideratur, atque ex ipsa appellatione nostra satis percipitur; Sunt enim pueri & infantes, sicut in iisdem lumbrici quoque reliqui sapissimè nasci solent. At pars adfecta & generalius & specialius considerari potest. Generalius quidem, crura, brachia, & imprimis dorsum sive totum, sive interscapilium tantum, ut Cusnero placuit, ab omnibus nominatur. Specialius verò sunt partes illorum membrorum, subcutaneæ & maximè musculosæ, de quibus omnes omnino consentiunt. Nec tamen cute semper exclusa, per cujus poros exeunt: nam & in istis microscopii subsidio vermiculos observavit Petrus Borellus: ut mirum profectò sit viros quosdam doctissimos negare voluisse, quos tamen etiam in solidissimis corporibus, ut auro, hydrargyri penetratione, Alphonsus Borellus de renum struct. ed. Joan. Henrico Paullino, & singulari dissertatione V. C. Erasmus Bartholinus luculenter adseruerunt.

9. 8. At formam externam alii aliam describunt. Nos pilis crassioribus quodammodo similes, tenues & exiguos plerorumque sententia vocavimus. Cl. Senertus etiam cinericios & nigricantes. Phil. Hechstetterus Brenggero in epist. respondens, eosdem in liberis suis met ferè omnibus observatos illos pilorum radicibus comparavit, quas vulgus in achoribus:

Kolblen: vocat. Cunei. & Reufner. ascaridum figuram ipsis tribuunt: Magirus autem & Schenckius illius vermiculis similes aiunt; qui putrescentibus caseis innascuntur: quod tamen idem fuerit, si Gnaltheri Bruelii sententia admittatur, ut qui inter utrosque parum discriminis agnoscit, eumque, ut videtur, sequutus J. C. Claudinus §. Empir. rat. sect. 1. cap. 4. De capitibus autem quæ in balneo exserere dicuntur; dubitanti propior Joan. Nic. Stupanius Med. theor. semiot. cap. 4. disp. 8. §. 173. de seipso sic loquebatur: *Ego incidi aliquando in huiusmodi abrasionem pueri; sed capita vermium prominula nulla potui videre.* Verum cur ea non vident; plurimæ causæ fingi poterant, unde tamen nemo concludet, capita nunquam exseri; nec una hirundo, ut proverbium est; ver facit. Andr. Dudithius, Orator Cæsareus; vir ipse doctissimus, & doctorum omnium amantissimus, infliberis suis non solum conspexit vermiculorum capita; sed etiam in epistola ad Venceslaum Raphanum Med. Oppaviensem, egregie descripsit ap. L. Scholzius ep. 27. *Humeros; inquit, & brachiola inunximus farina aceto permixta. Vix peracta unctioe & abluta statim emiebant ex cute diversis locis tubercula quadam pusilla; ut papavera, coloris cinericii (quæ ab illis vermium capita esse dicuntur) ea statim cultello abradebantur; nisi id ocyus fieret, recondabantur iterum & intra cutem se recipiebant; hi quoque vermiculi, siue quovis alio nomine vocentur; primo multi se proferebant; postea pauciores; postrema unctioe prorsus nulli. Femina summis horum vermiculorum capitellis nigricantia aliqua quasi puncta inesse adseverabant: quæ tamen ego etsi penè cum ipsi lyncæ certare possim, nunquam videre potui. Vix mihi est tota illa res propè eadem specie aut certe non dissimilis sordibus illis; quæ poris impacta in angulis præsertim narium exterioribus digitis exprimi solent: duritie sunt paullo solidiore.* Hinc igitur clarissimum apparet Dudithium capita vidisse, licet puncta nigricantia non conspexerit. Possunt enim hæc, more aliorum accidentium, abesse aut adesse, ut tamen ipsi rei nihil hinc accecat aut decedat.

§. 9. Signa Diagnostica præcipue suppeditant symptomata illa, quorum descriptione nostra mentionem fecimus. Inprimis atrophie & tabes, citra *anorexiæ* aut alium adfectum manifestum adligens, imò interdum, in grandioribus maxime, cum insigni voracitate conjuncta. Inquietudo item pulsum celeriore reddens, non sine febriculæ suspitione, quam *αλγιστία* plerumque producere consuevit ephemeram non tantum brevem, sed plurimum etiam dierum, & in putridam, ut vocant, transeuntem. Ubi enim vermiculi, Schenckio dicente, *coacervantur & accrescunt, viva carne pediculorum instar abstinentes; alimentarium humorem, qui tenellis corpusculis alendo esse debebat, absorbunt, ex quo in præsentaneam maciem & tabem transeunt.* Tumorem quidem & suppurationem addit Franc. Joel 1. sæpius c. sed id dracunculis vert. potius quam his vermiculis convenire satis manifestum apparet. Quamvis Illustris quoque Rolfincius l. supra cap. puero illi, cui consulebatur, curatione jam peracta, tumorem in scapula enatum commemorarit. Hoc enim ut complicatione facile fieri potuit, ita ad morbi naturam propriam non pertinebat. Ap-

petitum tamen dejectum, & urinas imminuentem adducit Hasenrefferus l. supra c. quod in quibusdam fortassis experientia responderit: non semper; nec in omnibus animadversum. Corbeius seu potius Magirus; etiam alvi constipationem; & vermiculorum excretionem tam per alvum, quam per urinam adjungit. Verum si modo id aliquando observaverit, quod fieri potuisse non inficiamur; non tamen iccirco semper animadverti concluditur; adeoque nec inter signa pathognomonica locum habere potest. Imprimis cum excretio per membra ab adfectis partibus tam remota, intestinorum, aut renum, aut vesicæ potius læsionem aliquam merito significare crederetur.

§. 10. Prognostica paucissima trademus. Primo enim *adfectus non admodum periculosus est*, si debito modo & tempore curatio instituat. Deinde: propter vigilias tamen & corporis extenuationem *interdum letalis* deprehensus est. Cunelius §. 14. addit, infantem, cui hic morbus congenitus sit, ultra septimum mensem vitam non producere: qua de re experientia consulenda, sicut & de altera illa; quando Cuffneri sententiam sequutus curatione non adhibita noxiam suppurationem induci scribit: Neutra sane est vero similis. Nam de tabe exitiali non ambigendum, qua ipse Cunelius filiolum suum se amissile refert. Hieronymus Montuus de morb. infant. tandem & epilepsiam magna ex parte letiferam accedere adfirmat quam ille ab excremento fuliginoso per corpora nervosa à dorso, (aut verius per lymphæ ductus cum succo nutricao) ad cerebrum delato præcipue excitari putat. Quod valde probabile videtur cum etiam à pedibus remotissimis, imò vel eorundem unico digito epilepsia oborta legatur, & alias quoque infantes huic adfectui valde sint obnoxii. Quò nomine in corde etiam tremorem & palpitationem interdum excitare posse Hasenrefferus l. de cut. adfect. cap. 11. recte advertit: non secus ac alios vermes sæpiissime fecisse observatum. Neque spernendum quod obstructione meatuum, in hepate maxime, leucophlegmatiam quoque inducere idem advertat: percolatione nimirum, & depuratione sanguinis impedita, cui sane non multum minus quam generationi in corde tribuendum videtur. Adsentiente Rolfincio l. c. & maciem inprimis à cordis hepatisque consensu deducente: Nec sane ab re inter Chronicos hunc adfectum refert, magnosque morbos, cum ratione actionis læsæ, tam naturalis scilicet facultatis, quam animalis; tum ratione recessus à naturali statu, à quo plurimum deflectat, & ratione eventus, quia haut raro letalis observetur. Quibus addamus nos, etiam ratione *αυγής* quæ omne vermium genus cordi infestum est, & illud ex accidente respectu spatii, quod ferè universum corpus habet.

§. 11. Indicationes huic adfectui percurando hæ fuerint præcipue. Primo vigilie, si urgeant, mitigandæ: Nam diuturnæ corpus vehementer infirmare atque extenuare solent. Deinde vermiculi ipsi cum inter illos morbos referantur, quos vulgò in numero excedente appellant, omnino sui ablationem postulant. Hac autem absoluta denique tabes siue macies relicta removenda. Quæ omnia cum triplex ille medendi

ons, vulgò notissimus, suppeditet: Chirurgiæ scil. pharmaciæ & Diætæ. Nos ordine videbimus.

§. 1. Quod ergo Chirurgiam attinet, hanc prius loco recentemus ideo, quod apud vulgus ferè sola in hoc morbo admittatur. Solent enim mulierculæ Cunelio narrantes §. 4. posthabitis Medicis plerumque tonsores tantum ad curationem accersere aut etiam ipsæmet, quæ conferre putant, suo arbitrato, suisque manibus moliri. Omne verò artificium in cutis abrasione collocant, quam in Laconico inuncto prius infantis corpuscule, novacula admota instituunt & Schenklius optimè sic describit: *Mulieres ad hypocausta & sudatoria infantes deducunt, musculosas adfectas partes blandè primum induta manu perfricant, post etiam melle perungunt. Hac arte ubi prolekti fuerint plurimum, tunc Chirurgi imperant, ut novacula exsertorum capitula abradat & demetat, atque hac vulgi non tam recepta quam compendiosa vermiculos hujusmodi necandi ratio: Probata etiam Felici Wirzio append. de morb. infant. quæ postremæ ejusdem Chirurg. editioni, curante Joan. Rudolfo Wirzio, accessit: quæ tamen ferè tota empirica est, & rationi adversatur: Cum enim capita tantum non totos fermes auferat, adeoque maiorem partem in corpore relinquat, non videtur indicationi suæ satisfacere, utut cæteroquin poros cutis aperiat ac dilatet monente Joan. Dan. Horstio Manu duct. ad Medic. part. 1. cap. 1. §. 2. Cui accedit & hoc, quod portiones in corpore residuæ, dum vita privatæ, quod fieri necesse est, sub cute emarcescunt, non possint non alia mala & symptomata, aut etiam recidivam inducere: cum tamen hæc omnia in curatione perfecta, legitima, & methodica sedulo cavenda & fugienda sint, advertente etiam Claudino Empir. rat. 1. sæpius c. Ita ut rectius fecerint, qui Paræi sententiam sequuti exiguis vossellis integros extrahunt prominentes. Hoc enim modo & Hieron. Montuus à nobili matrona infantes plures servatos accepisse se testatur, part. 3. Pr. lib. 1. de morb. infant. p. 110. quamvis illa ex Didymo de porcis epilepticis valde incerta sint, aut saltem non satis heic tempestiva. Reusnerus quoque abrasionem plerisque frustrari asserit. Borellus quoque Centur. 1. Observ. 8. evulsiones Chirurgicas, & suffumigationes narcoticas cum Sem. hyoscyami, nec non asperiores linteo rudiori frictiones, experimento in fratre suo germano inductus præferebat. Suffitum utique Hyoscyami & decoctum sive lixivium ex Cineribus paleæ avenacæ laudabat etiam Gynæceorum scriptor hypobolimæus, qui Erotis nomine imperitis imposuit cap. 54. Inunctiones autem, quibus evocantur, diversæ à diversis proponuntur. Claudinus empiricas quidem has omnes, sed tamen à ratione non alienas concedebat, ideoque nec omnino repudiandas. Schenklius, ut modò dicebamus, solius mellis meminit: cui Vierus, & plerique alii pollinem triticeum addiderunt. Dudithius farinam triticeam aceto permiscuit, egregio successu, ut supra narrantem audivimus. Joan. Michaël Savonarola tract. de vermibus, quem Praxi de febribus Venetiis à Vincentio Valgrisi editæ subjunxit, cap. 4. hæc protulit:*

Stercus pecudis cum oleo & melle inunctum, dicunt quidam, quod si ex hoc spina dorsum inungatur, multa capita lumbricorum per spinam dorsum egredi videntur, quibus abscessis agrotantes curantur, quod vix à me creditur, si quamvis se vidisse testentur: & tract. 6. practici operis cap. 16. rubric. 23. Inter medicamenta vermes intestinorum nec nunc recenset stercus pecudum cum melle inunctum. Ex quo tamen Vierus, dum allegat, stercus facit, bubulum, contra auctoris mentem, qui haut dubie ovillum intellexit. Itali enim oves, pecore, appellant, & Medici semibarbari talibus idiotismis lectori plurimum nusse in movere consueverunt, ut in Marcello Cumano jam ostendimus, Unde Cunelius quoque sensum verborum §. 28. satis non capiens ait Savonarolam stercus animæ non admodum foetens cum ol. & melle permissum esse. Caseum tamen potius ovillum proponit Michael Papa de pell. verm. & an. venen. pag. 191. Georgius Cusnerus l. c. curationem talem proponit: Si non promissi uti ulro fuerint hoc est, adhibito calido foris, edulcatique (quale meliteraton est) condimento, foris secus ilitio, capitula sua non exsertarint, violentioribus medelis ad progrediendum foras quatiendi sunt. Accipienda nimirum radix Viticella seu vitis alba, quantum manu pressa capi potest. Bulliat in lixivio è quernis cineribus concinnato, quo circumfusum hisce lineolis infantile corpuscule perfundatur & lavetur. Quo facto draconiorum ora progressa novacula præsecantur, quibus sic obruncatis infans denudò predicto diaclysmate puta Conja balneandus & abluendus erit, denudataque vel dissecta pellucula Commageno perlucenda. Hac ille pluribus, quæ paucioribus dici poterant, remedio ex Loniceri Herbario delumpto, part. 2. cap. 276. ex illo autem nec Joan. Hartmannum transcribere piguit in Pract. Med. Chem. tit. de atrophia pag. 142. hoc tantum discrimine, quod rad. bryonia unciam unam aut etiam duas accipere iusserit, lixivio in pultrulam percoquendas, qua infans postea in balneo inungi debeat, non autem decocto illius, ut Cusnero placuit, perfundi aut lavari. Quam Hartmanni opinionem Sennertus quoque l. c. probabat, aliorum præterea experimenta addens è stercore gallinaceo sacculo incluso & per noctem in lixivio macerato, cui postero die infans ad collum usque immergendus, & postquam sudaverit, melle inungendus, ut novacula radatur, quod ter in septimana faciendum consulebat Gothofredus Welchius additam. ad Scip. Mercurii obstetric. cap. 60. At quod de crusta panis auferendis capitulis adiciebat; nonnihil asperius, & tenellis infantulis minus conveniens videtur. Quamvis puellæ trimulæ meticulosæ, novaculam non admittenti eandem adhibuerit Balthas. Timæus lib. 5. cas. 23. Dudithius mulierculis in Polonia usitatum, sibi quoque miraculi loco refert, quod sequitur, quoque liberos suos, ipse percuravit: Injiciebatur in librum aqua calida, in quo pueri lavabant, panis in micæ friati Manipulus, cineris item parva, etotis pueris aqua percolata panis ille in massam compingebatur. Hac massa in diversas partes manibus distilla magnam subtilissimorum pilorum vim oculis offerebat. Quos tamen non veros pilos fuisse existi-

existimamus sed vermiculos pilis similes, non enim est credibile, pani tantam trahendi vim inesse ut pilos, si qui sint, sub cute latentes evellere queat: sed longè vero similis videtur, ad eundem tanquam gratissimam escam vermiculos prorepisse, caliditate aquæ etiam poros dilatante, quanquam Dudithius se nullam ejus rei causam investigando reperire posse fateatur Claudinus l. c. farinam aceto permixtam inter valentiora enumerat, lotionem item ex lixivio querno aut colurno admixto lacte caprillo in quo rad. vitis albæ decoctæ. Franciscus Joël 10. Pr. sect. 4. §. 4. Cataplasma ex fimo anserino & scobe æris c. succo Cardui lactei ad vermes capillares digitorum commendat, quod etiam his dorsi infantium convenire potest. Petrus à Castro tract. de Colostro, qui Scipionis Mercurii Obstetricio additus est, puncto 3. mulierum Lusitanarum experimento fuliginem caminariam c. melle & lacte mixtam dorso illitam laudat. Locum quoque habere potest, quod varis expertum à Dithmarsis remedium ex Viero adducit Mollenbrœccius tract. de var. sive arthrit. vaga scorbut. cap. 15. §. 18. Cataplasma ex rad. Cicutæ aquaticæ stappa obvoluta & sub cineribus assata deinde tusa c. melle & applicita, quemadmodum & remedia Joan. Agricolæ ad trichiasin pedum sive ulcera verminosa experta satis sunt idonea, decoctum nempe ranarum & lacertarum, aut pulv. earundem adjecto Caphuræ momento tract. 5. Chirurg. parv. pag. 630. Decoctum etiam bacc. lauri & lil. alb. in vino quod contra vermes cardiacos ex Mss. Experimentis Philip. Edoardi Com. Fuggeri excerptum J. Udalric. Rumlerus valde proficuum expertus est. Decoctum item fecalis c. absinth. & radic. graminis laudatum Petrus Franciscus Phrygio part. 1. Comm. in histor. Epidem. Hippocrat. ægrot. 12. Decoctum item spicarum siliginis, sive rectius fecalis laudatum Joël l. c. & tela emplastica Cera nova inducta, cui vis eximia ejusmodi animalcula extrahendi, sive sola sive etiam pice crassiori, melle & axungia ut rusticatim vocat, campanarum additis. Nam quod de incisione tumoris suppurati & consolidatione adjungit, nihil ad rem facere videtur, quia ad hunc adfectum, confusione minimè probanda, imperitius trahi jam supra diximus §. 9. Adolphus Occo in Pr. Ms. experimentum de Secali suo quoque calculo probans, vicissim etiam vermes fecali innatos segmentis abiegnis insertis extrahi posse comperit, quod sponte prodeuntes rîdem adhærent: Unde decoctum quoque illorum huic morbo utile conjicere possumus. Vermibus quoque tam hominum quam equorum expellendis nihil valentius expertus est lapathum silvestre latifolio, quod alii Unctuosum, Vulgus bonum Henricum appellat, in balneo præcipuè solum aut aliis adjectis, decoquendum. Succum veronicæ & eupatorii experimento suo commendat Anonymus in Pr. Med. apud nos Ms. Portulacam c. aceto tusam & sedum minus vi detergendi insigni præditum proponit Aretæus 2. Chron. cur 13. seu potius Paulus Ægineta, ex cujus 4. cap. 11. hanc illi laciniam adfuit Georgius Hemischi: *σμήχις ἔχει ἀνδράχνη μετ' ὅξος λευκίται, & ἔλεπτος αἰζῶν.* Minus enim malumus redde

re quam tenue, quia & huic folia nihilo secius crassiuscula obtigerunt. *λεπτοὶ ἐλπίδες* apud Ariltid. in Orat. *exigua spes: & λεπτὰ δὲ*, Luc. 21. 2. *nummi parvi*. Decoctum Chærephylli c. aceto paratum lotioni commendat Samuel Hasenrefferus l. c. unâ cum Cataplasma. ex sanguine Draconis vini latice probè contrito: quod minimè contemnendum, nisi quod cutem colore pertinaciori inficiat, haut facillè eluendo. Nam alterum, quod ex fermento & auripigmento compositum emplastri nomine describit, intutum nobis, nec in tenellis maximè corpusculis usu admittendum videtur. Plurimum quoque prodesse poterit vi detergendi strigmenta cutisque sordes eximia pollens herbula, quam alteram Sideritidis speciem Joach. Camerarius vocat, & huic intentioni Austriacorum experimentis tantoperè extollit Volfg. Hæferus 7. Hercul. Med. cap. 6. præcipuam causam in pororum cutis obstructione reponens, propter difficilem primæ lanuginis egressum calorisque nativi negatam eventilationem, ut quæ deinde maciem corpusculis inducat. Nec obstat, quod doctissimus Anonymus in Ephem. eruditorum Gallicis vermes vervecum jecinoribus frequenter innasce scripserit, si lanionum observatione Sideriti glabra arvensi pascantur, cujus etiam folia latiuscula apertè repræsentent: verosimilius enim videtur animalia, ceu ipse innuit, morbida & vermibus istis fœta, herbam illam occulto quodam instinctu naturæ remedium appetere, non quod ex illa vermes generentur. Nec sane improbanda Clusii sententia, qui marrubium Pannonicum nec Theodori & Gerardi, qui alyssum vocabant cum Dioscorid. 4. 33. disertè *φύλλα ὅμοια τῇ παρασίτῳ* eidem tribuat & *σπονδυλὸς ἀντισφίρις ὡς περ παρασίτου*: *Folia marrubii similia, & orbiculata verticilla, qualia marrubii sunt.* Hoc verò non minus quam alyssum vermibus inimicum nemo peritiorum ignorat. Picris item Veronensium flor. Cyaneo campanulato, quam monte Baldo copiosam omni vermium generi adversissimam commendabat Alex. Benedictus. 21. Pr. cap. 3. gentiana scilicet frutescens, aut pneumonanthe: Nam picris Dalechampii in opere Rovillii Lugdunensi ad hieracia pertinet, floremque habet chondrillaceum & papposum. Omnibus autem externis aliis meritò præferenda sunt aloëtica qualis Tinct. Timæi in Consil. p. 432. in aq. aliqua vel decocto convenienti, abluendo corpori planè eximium remedium ex aloës ʒj. myrrhæ el. ʒiij. croci ʒj. cum sp. vi. s. q. Cui tamen ne nimium tenellam infantum cutem exsiccet, aut exasperet, aqua aliqua destillata addenda est. Succus item hederæ terr. cum Aceto aloëtico mixtus & prioris exercitationis capite duodecimo laudatus. Aqua etiam aloëtica totum corpusculum Timæus 5. observ. cas. 23. inungi jussit, postquam & balnea & linimenta, & rationes frustra adhibuisset. Infuso quoque aloës in aqua folior. Persici nonnihil myrrhæ & salis ammoniaci addebat quondam Jerem. Martius in experimentis suis Mss. successu non contemnendo. Infusum aloës in vin. & aq. ros. æqualibus partibus Platearius proponit tr. de simpl. med. c. 1. Aquam item rosaceam sceniculatam cum aloë soluta Joan. Baptista Montanus

in Consiliis ap. nos Mss. & nondum editis. Butyrum etiam Aloëticum Ant. Saporæ ad morpiones expertissimum in Euporitis Mss. Petri Asselinæ, Med. Veneti. Unctio denique Aloëtica Alzaravii de qua prioris exerc. cap. 11. Conveniunt præterea & plura alia vermibus inimica in balneis adhibita: Ut amarantus luteus, stratiotes seu myriophyllum, polygonum, bupthalmus, gentiana, petasites, thymus, asarina, abrotonum, Selenium, Calamintha, Carduus benedictus, gratiola, tanacetum, verberna, Centaurium minus, nigella, leucojum, fol. & baccæ lauri, aliaque cuiusvis obvia. Inprimis absinthium, quod quidam non secus ac cæteri gentianam, Aloë Germanicam à viribus (non forma) nominant, ut è contrario Apocal. 8. 11. pro absinthio, stella caduca (originem plerumque opinione significante) Paraphrastes Æthiops (ענוסתר) reposuit, id est, *herba amara aculeata*, quæ Ludolfi sententiâ Aloë Folia Solareæ seu *mairissalvia* aut hormini hort. maximè cum aceto & melle applicita ad vermiculos, ut vocat, consumptores, cute illitâ, antequam capitula exferant, proponit experimento suo Petrus Uffenbachius in Castoris Durantis hort. Sanit. à se vernaculè converso: (Cui consentit anonymus noster in Pr. sua Mss. partic. morb. fol. hormini sativi quod Ital. *Ovala*, trita & imposita etiam aculeos spinasque extrahere expertus: Cui tamen *Callitrichon silvestre*, ut efficacius in Unguento Gleucino præfert Jo. Jac. Vuerkerus Antid. spec. lib. 1. §. 8.) Magisterium vitri, cum melle & savina, ut contra vermem cardiacum & Umbilicalem, laudavit Thom. Kesslerus Cent. 1. process. Chem. 83. cuius descriptio 81. habetur. Ut enim unctiones & balnea isthæc omnia tandem dimittamus, satis hinc patere censemus, eorum, quæ commemoravimus, alia vermibus grata & jucunda esse, ad quorum præsentiam sive capita exferant, sive etiam toti, licet rarius, egrediantur, alia autem inimica & adversa, quæ acrimonia, amarore, fædine, & subtilitate sua corpus penetrantia vel invitos expellant, aut ab illis ipsis exeundo fugiantur. Nec enim Claudini opinio perpetuo sibi constare potest, qui amara exterius applicita non probabat, quod vermes illa prorsus refugiant. Si enim satis sint penetrantia remedia, quæ ultra poros, subcutaneas quoque partes pervadere, & per extrema vasorum ora in venas, lymphæ quam ductus transsumi queant, feliciter omnino adhiberi non dubitamus: quemadmodum & dulcibus invitari ac prolici nemo negare poterit, inter quæ Comagenum Plinii præcipuæ virtutis, eidem laudatum (non tamen dissecta prius pellicula, qua nihil opus, quippe ex confusione cum Vena Medinensi aliisque vermibus subcutaneis adducta) cuius verba adscribere operæ pretium fuerit, X. 22. *Aliud reperit Syria pars, quæ Comagene vocatur, adipēs eorum in vase æneo cum Cinnamo nive multa obrutum ac rigore gelido maceratum ad usum præclari medicaminis quod à gente dicitur Comagenum.* Hac sanè intentione, & mixtura eorum quæ partim amica vivæ mortis partim inimica existunt, topica sua remedia, (quamvis occulta & nondum prodita) conficiebat Augustus Hauptmannus epist. prælimin. ad Petr. Jo. Fabrum pag. 172. quibus ad instar

minutissimarum macularum rubrarum prolectos q. Cridones adfirmabat, ut in balneo abradi potuerint.

§. XIII. Pharmaciam vix unus aut alter Medicorum in hoc adfectu attingit. Cunelius §. 16. humoris peccantis evacuationem proponit, sed remedia, vel tironibus notissima, silentio transmittit. Nam quod de Venæ sectione addit (ut id obiter perstringamus, cum ad Chirurgiam pertineat) in tenella hac ætate, & insigni macie viriumque imbecillitate locum habere non potest: Neque sanguinis missio vel in adultis & robustis contra vermes rectè instituitur, nisi is ipse simul peccet, optimè sic limitante Hier. Capiavaccio. 3. Pr. 14. Purgationem verò cum Reusnero, lenem admittimus, quæ nisi imbecillitas & tabes obstiterint, omnino ratione necessaria est, antequam infantes ad balnea deducantur: Saltem ut alvus emolliatur absque ulla contradictione opus erit, maximè si constipata sit, ut voluit Corbeius aut potius Magirus. Ideoque minoribus ac nuper natis infantibus anisum exhibere utilissimum videtur, de quo Jo. Heurnius II. method. ad Pr. c. 20. *Usu comperi à sem. anisi scriptulo crasse comminuto jam recens natos puerulos commodissimè à viridi bile & fæda pituita purgari, cum pulvere saccharatam sumunt, primo cochleari, inditur ac illis exhibetur.* Nam & contra lumbricos anisum cum alii commendârunt, tum ipse Ebnafina 9. sect. 16. tr. 5. c. 4. 3. sect. 16. tr. 5. c. 4. Majoribus autem alia magis conveniunt: Poterunt turundi, ut Marcellus Empiricus vocat, sive, ut vulgus, suppositoria, ex idonea materia confici & adhiberi, aut etiam clysmata infundi, quæ cuiusvis in rem præsentem varia parare integrum erit. Ore Mannam accipiant ad Unciam dimidiam vel etiam integram pro ætatis ratione, eaque vel oleo amygdal. dulc. misceatur, vel in jusclo, aut aqua aliqua stillatica idonea solvatur, cui & Medici arbitrio Serapia quædam immisceri possunt, aut etiam sola exhiberi, uti sunt, Serapium ex manna, ros. sol. simpl. viol. sol. simpl. è flor. acaciæ, mel. ros. sol. viol. sol. & similia: inprimis serapium de Cichorio c. rhab. Nic. Florent. quod Scipio Mercurius 6. de error. popul. Ital. 4. tantopere celebrabat, quod alio loco examinabimus. Diascordium quoque purgantibus utiliter permisceri docet Nobilissimus Sebizius specul. Med. Pr. part. 4. sect. 2. 7. Aq. ex flor. Persici destillatam addito scammon. & turpeto, tanquam ingens arcanum Jo. Heurnius I. meth. ad Pr. p. 70. proferebat: sed quod res est, modicè purgare fatebatur. Nimirum perparum aut nihil de purgandi vi cum aquis transire solet, ut quæ in plerisque aut sale fixiori, aut resina sulphurea residet. Aquæ solventis nomine à 3 ij. ad 3 ß. exhibendæ, laudabat etiam Joh. Bapt. Cortesius Antid. Messan. cap. 6. experientiâ Hier. Rubei, sed parum isthæc, ut ille, animadvertens. Neque majori veri specie Jo. B. Montanus Emplastrum Mediolanense succus ex electo de Sebest. & Cont. Hamech. extrahere solitum per destillationem adfirmabat in discursu de aq. destil. Mss. Ed. sive Extr. flor. Persicorum spir. vini paratum & aq. eorum. solut. in filiole suo expertus est Phil. Gruelingius Cent. 3. observ. 39. Serapio etiam ex iisdem flor. parato Extr. Zeduaræ, & CC. vapore calcinatum, & sal tartari, atque

atque absinthii c. spir. salis guttulis immiscebat. observ. 44. Maiorem sane laudem meretur Serapium è flor. Perlici paratum, rectius tamen per infusionem quam succum expressum qualem Petrus à Castro proponebat, opportunè nimirum recordatus, quam parum succi præbere queat vel maxima florum copia, & quam non valdè magna illa ubivis haberi queat. Extrahabat autem tincturam aqua rutæ Caprariæ, fl. tilia, præonia, aut lil. convall. cum Merc. vitr. acidulata, quam melli deinde ros. Saccharino, sive quod idem est, Serapio rosato simpl. iungebat. Sunt qui è Manna etiam aq. laxantem destillare conentur, atque inter arcana referant, tanquam infantibus morosioribus & pharmaca abhorrentibus gratiorem: quam tamen nonnulli feliciter cum spir. vini, quam aq. stillaticia peragunt, nisi quod tùm medicamentum intemperatius prodire soleat: Unde & liquidam vulgo dictam aq. conven. solutam & alb. ovi depuratam, quam Jo. Kuefero Medico experientissimo acceptam refert Joh. Schræderus 4. Pharm. §. 446. hodieque communi usu omnium frequentissima nec pueris ignota est, destillatæ multum præferendam putamus, qualis etiam illa Bikeri in Herm. rediviv. cum rore Majali concinnanda, quamvis Spiritus nomine descripta à Schrædero 4. Class. 4. §. 446. Nos sane vesica bubula destillata purgationi inutilem, neque cum nitro ad mentem Jo. Olsvaldi elicitam satis respondisse ad vota nostra comperimus, quæ causa videtur, cur l. c. edit. 1644. proposita, postremâ 1662. omissa fuerit. Prævalet sanè illi vis sudorifica, notante Febureo part. 2. Chem. cap. 7. & spir. quoque ejusdem potius diaphoreticus est, sive additamento vini laticis, sive nullo, solus sit destillatus. Neque adfentiendum Jobo Kornthauero, qui Comm. in Paracels. de peste ad Stirienses. pag. 79. cruorem Leonis sive flores Antimonii rubros, cum Tart. & sal. præparatos, ad vermes capillares commendabat, cum etiam adultis sæpius novisse historiæ & observationes Medicorum contestentur. Sic verò vacuato leniter corpore ut Reusnerus ap. Schenkium habet, detur pulv. lumbric. ten. c. oxyssacharo, aut theriaca cum lacte & jusculo pulli, vel succus raporum cum Saccharo Cautio vel species Electuarii Diarrhod. c. Rhabarb. hinc collocetur in balneum aquæ dulcis ex cineribus Coluinis & lacte capillo paratum. Alii plerique, ut supra diximus, in balneo sicco sudare jubent, ideoque Hidrotica exhibent. Quò sanè referri debent decoctum raporum cum succo fœnic. in taleolas sectorum filoque suspensorum, ut arescant, quod Phil. Scherbii Erasti consilium sequuti, experimento tantoperè celebrabat Gasp. Hoffmannus 5. Instit. Med. cap. II. §. 2. Cui propterea ipsum rapor. aut etiam naporum sem. quemadmodum in variolis (plerumque etiam à miasmate vermiculante productis) quotidie cum successu fieri videmus. Omnia certè his ipsis contraria vermibus quoque capillaribus expellendis maximè idonea sunt, & rapis ipsis longè efficaciora sive tostis quæ Bart. Brunnerus Conf. 2. præscripserat, sive passis i. e. siccatis Conf. 43. & Christoph. Henric. Ayxerus apud Franc. Hildeshemium Spicileg. de c. adfect. 2. p. 280. sive denique expressis, ut succum præbeant, quem J. C.

Claudinus l. c. eligebat. Nonnulli etiam quæ alias vermes necant, propinant. Sennertus sem. nasturtii mentionem facit, quod olim Diosc. II. 185. contra vermes commendarat. Lumbricos autem terrestres quidam immeritò suspectos habent. Putant enim sumpto illorum pulvere vermes potius copiosos generari quam expelli: quod tamen non est verosimile. Quis enim credat v. g. horulæ spatio tot lumbricos, & tam grandes, quales sæpè statim ab illius usu dejiciuntur, in corpore nasci potuisse? Neque nos movet, quod Henr. ab Heer. observ. 9. vermes vino lotos & in tegula siccatos exhiberi non probet, quia pituita permixtus pulv. iterum animetur, sicut & muscæ submersæ multis diebus mortuæ, si non premantur, sed simpliciter extinguantur, soli denuò expositæ, vitam volatumque recuperent. Ut enim dicamus, quod res est, nihil ad rhombum facit. Si verè muscas emori & reviviscere unquam credidit *ivthetia* fuit Philosopho indigna: Nam à privatione omnimoda ad habitum, ut loquuntur, Naturæ vi aut ordine nullus regressus datur. At lumbricos terrestres in tegula siccatos & in pulv. contritos vitam omnem amilisse quis neget? Non igitur reviviscunt. Dicat fortasse quispiam, nos ipsos supra adfirmasse, talium animalculorum animas etiam in atomo latere. Non diffitemur, posse diximus: In atomo tamen non quavis, sed seminali. Nec etiam semper est, quod esse potest. De lumbricis igni siccatis, & in pulv. reductis, qui id nobis persuadere voluerit, experimento ostendat necesse est, nam alias in specialibus istis progressus in infinitum fieret: & neque oniscorum neque scorpionum pulveres, quos plurimi contra calculum summopere extollunt, aut similia alia tutò exhiberentur, quin potius metuendum esset, ne in corpore novi enisci & scorpii repullularent. Utut enim id quidam fieri posse putent, non magis tamen admitti debet, quam quod de musco Corallino marino Valentinis mulieribus in Hispania persuasum à vero longius abesse ostendit J. Mich. Paschalius I. P. 51. Non quidem ignoramus resuscitationem lumbricorum & muscarum ex pulvere siccatorum etiam à viro summo Athan. Kircherò propositam 12. mundi subterr. sect. 2. cap. 1. & 4. veremur tamen, ne aliquid fortasse subesse possit, quod experimenti deinde fidem dubiam reddat. Nunquam certè ex solo pulvere resuscitantur. Adfusa autem aqua jam mox suspicio oritur, non tam ex pulvere, quam seminis in aqua latentibus produci, de quibus supra plura ad Nobilissimi Boglæi mentem differebamus. Si tamen quod Kircherus sect. 1. cap. 4. de panspermia & animis post mortem quoque cum seminali virtute remanentibus, non tamen ut formis, sed tanquam in vase, admitti à severioribus queat, fortasse nec isti resuscitationi multum refragari licuerit. Vix tamen à nobis, ut id credamus, impetrare possumus. Viliorum iccirco ejusmodi animalium natura non debuit præstantiorum animas tali prærogativa exsuperare, cum non minus materiales sint, ideoque morte aboleantur, & nova propterea animalcula, non anima residua numeroque eadem, sed corpuscula spermatica animata producant. In calculosis sanè plerisque non minus

quam verminosis & calorem & pituitam plurimam adesse constat, ne quis reliquarum etiam causarum absentiam calumniari queat. Nos de lumbricis contrarium ostendemus. Ebnusua II. tract. 2. ed. Alpagi cap. 198. pulv. illorum ad icterum, urinam provocandam & calculum commendat. Diosc. II. 72. *οἱ τῶν τῆς γῆς ἐντέρων : ἀγὰρ ἔστιν ἐξ αὐτῶν πινόμενα σὺν γλυκύϊ. Vermes terreni triti & cum passo epoti urinas cient.* Contra dicitur suriam etiam ex aqua dulci & myrtina dabat Aabdorrachmanus Asuithensis I. de propr. & virt. an. med. 20. §. 309. quem ex Arab. Latin. factum Abrahamus Ecchellensis edidit, majorem gratiam promeriturus, si Latinis Arabica voluisset conjungere. Ad icterum laudabat Masfarias 3. Pr. 15. & Læl. à Fonte Consil. 15. contra hydropem verò Raym. Mindererus in med. milit. inprimis si rhabarb. quidpiam adjiciatur. In pulv. quoque Monspeliensium ad pallidos virginum colores usitatissimum quem Henr. ab. Heer observ. 6. Jo. Schyronio adscribit, lumbrici siccati recipiuntur. Altimarus de med. hum. corp. mal. cap. 81. tam adultis, quam infantibus, etiam febris præsentem, contra vermes omnis omnino generis, etiam latos, confidenter dari jubet, Aëtium haut dubie sequutus tetrab. I. ferm. 2. cap. 168. Ad lactis etiam generationem omnibus tam Græcis quam Arab. usitatum docet Mercurialis 3. de morb. mul. c. 1. Unde apparet, quam vanus ille metus sit, quandoquidem nemo horum omnium lumbricos ex eo genitos observavit, cum tamen in plerisque adfectibus enumeratis & calor & humoris vitiosi copia adsit. Sed & Theophr. Paracelsus cujus experientia in iis, quæ absurda non sunt aut impia, plus tribuendum est, quam quorundam rationibus I. de verm. cap. 10. *Vermes, ait, terrestres habent vim curandi non solum panaritium, verum etiam alios vermes omnes in hominibus ortum & sustentationem habentes, siccati scilicet in pulverem redacti, necnon intrinsecus administrati cum quovis liquore (in caprillo lacte melius) vermes omnes ad hunc modum expellunt ab intestinis & stomacho per secessum. Per eundem etiam Syrones expulsi fuerunt, aridura sanata (tabem intelligit aut atrophiam, atque hanc ipsam de qua loquimur) nec non membrorum dolores maximi.* Itaque ab re non fuerit ea quæ lumbricis inimica sunt, sudoriferis permixta exhibere, sic enim vis illorum cum sanguine & humoribus nutritiis facile ad cutem usque & partes musculosas penetrabit. Hæc Sim. Sethi *ἐλμίνθων ἀναρωπιγὰ* c. de mentha vocat, quibus Cardiaca semper miscenda prudenter monuit Cahagnesi seu quisquis auctor est Enchir. Pr. Med. c. propr. è quorum tamen numero, ut infantibus gratiora eligenda Sem. Coriandri præparat. rad. Contrayervæ seu Tragopogonis Hispan. & Indici, dictamni alb. personatæ, labri veneris, H. & flor. stœch. citrin. Adriano Spigelio adeo celebrata tr. de lumbr. lat. ut tineariam Marcelli Burdegalensis ac Scribonii Largi plerique putarent. p. 73. Flores secalis lacte incocti experimento Arn. Vueicardi I. thes. pharm. cap. 14. aliaque plurima, quæ lumbricis pariter pediculis, dracunculis necandis recensuit Johan. Georgius Macasius prompt. Med. lib. 2. sect. 9. cap. 19. & Melch. Sebizi Man. Pr. Med. part. 4. sect. 2. cap. 7. Vetus theriacæ lumbricos quinque tritos admiscet

c. Cinnamomi & Sacchari pauxillo, quamvis & theriaca sola id præstare queat, in qua utramque facultatem, sudores scilicet commovendi, & lumbricos etiam latos expellendi jam olim Galenus agnovit. Quam licet Leonellus Victorius Faventinus tr. de agrit. infant. cap. 3. & Claudinus I. c. parum tutam pueris putarint, atque propterea calidiori multum prætulit pulv. Card. benedicti ad Dß. vel Dj. substituendum, qui tamen cum amaritudine valde ingratus sit, omitti, ejusque loco aq. stillaticia aliis sudoriferis mixta exhiberi felicius posset, ut sem. hyperici, quod adeo experimentis suis efferebat Jo. Georg. Brenggerus epilt. ad Rumler. ap. nos Ms. aliaque quæ minus injucunda & infantibus commoda subungere heic placet. Theriacam tamen, ne id quoque dissimulemus, bimulis magno emolumento Hippolyti Salviani Med. Rom. imitatione dabat Thom. Jordanus tract. 3. de pest. phænom. cap. 7. cum vermibus laborarent: Huic autem aptissime alia admisceri possunt lumbricis inimica, ut Terra foliata tartari Paracelso tract. 3. paragraph. lib. 2. tantoperè celebrata & Crusio theatr. Herm. Hippocr. lib. 3. cap. 4. plerisque deinde pro summo arcano venditata, aut Mag. cæruleum vitrioli laudatum à Timæo 6. epist. & Consil. 2. pulvisitem Callimi, malignis quibuscumque adfectibus præstantissimus Cornelii Gemmæ experimento 2. Cosmocrit. pag. 256. aut Magist. Aëtia, quem olim jam Solinus polyhist. 40. contra serpentes & vermes collaudabat. Mag. item & flores Chemini CC. Eboris, & Unicornu fossilis, quæcunque cum spir. Nitri conficiuntur, omni vermium generi adversantur. Cui nil efficacius subrogari poterit, quam ipsa medicamenta Viperina, ut pulv. serpentum Jo. Prevotii ex angue Æsculapii paratus: pulv. item viperinus Petri à Castro cum anodyno minerali seu nitro præparato & spir. vitrioli digestus, tandemque infuso guttatim ol. tartari præcipitatus, aquisque cardiacis denique elotus, cui tamen aut solum Merc. vitr. aut solum Merc. nitr. adfundi mallems, quia conjuncti ipsam Chrysulcam constituunt: Aut pulv. viperinus Card. Richelii, ex illa præcipue viperæ parte, per quam hepar distenditur: cui nonnulli solas vertebrae destinare solent. Aquam etiam ex capp. caudisque vulgò abjici solitis, facto cum sale, ut vocant, strato super strato, & febribus, & aliis adfectibus plurimis proficua, experimentis cognitum nobis quondam adfirmabat Illustriss. Eq. Cassianus à Puteo, cujus inusitata eruditio, prudentia, & humanitas toto terrarum orbe celebrata, antiquam Romanorum virtutem non æquabat, sed infinitis modis exsuperabat. Spir. viperarum cum spir. sanguinis hum. Illustris Veslingius ceu singulare & specificum arcanum prædicabat. Jo. Georg. Agricola Med. Ambergensis I. de us. Med. Cervi dissect. cap. 3. §. 37. Cornu Cervi ust. c. aq. Card. ben. commendat ad Comedones per sudorem expellendos, non malè, nisi quod remedium hoc Vieri esse dicat, in cujus tract. de Varis, quem adlegat, nihil ap. Smetium comparet. Quod etiam in pil. Regis Serenissimi Ferdinandi Ducis Mantuæ & Montisferrati ad morbos malignos omnes, & vermes celeberrimis, positum. Nos nondum in vulgus cognitas, heic propalamus,

mus, quia spei suæ non impares compertæ sunt. Extract. galegæ, angelicæ, bacc. lauri, genistæ, theriacæ ana ℥ij. Sal. comm. C. Cervi, Corall. rubr. ana ℥ij. Rhinocerot ℥i℥. contrayervæ ℥ij℥. terræ signatæ. ℥ij. c. Serapio Citrior. acid. F. M. Pil. Cujus dos. ℥℥. c. Serapio flor. aurantior. vel Card. benedict. Neque absurda Kessleri cogitatio Cent. 1. process. Chem. 99. qui decoctum C.C. cum aq. hyperici præferebat in quo Itannum Britannicum aliquoties extinctum esset. Quin isthac indicatione Gelu potius rec. paratum c. Magist. Jovis aut Badzahardico Joviali, tanquam egregio diaphoretico commodissime exhiberi posset: Tale autem cum ol. sulphuris paratum, præcipitatione cum liq. Tartari procurata, Tartari Saturnini nomine internis etiam usibus aptum Raym. Minderero Poliatro nostrati quondam frequentatissimum erat. Badzahardicum tamen Martiale præferebat Illust. Rolfincius method. consult. lib. 13. cons. 3. Quin etiam Solare & Lunare, & quod simplicius Minerale dicitur, omnia his usibus apta, quippe egregiè sudorifica & alexicaca. Unctur. Antimonii cum successu exhibuit Timaeus V. cas. 23. ritè nimirum præparatam. Utilia præterea Magist. Eboris, & Rhinocerotis Eq. Fr. Ponæ experienciâ tr. de venen. cap. 15. talorum item Vaccin. & Ebur ipsum fossile, Unicornu marinum Greenlandicum & Badzahardica omnia ap. River. Cent. 1. observ. 91. decocta & infusa L. Colubini seu Moluccani (cujus primum inventum ap. Clusium Henrico de Luna Lusitano & Lud. de Tayde Proregi debetur, belliolæ autem Quil. cum serpentibus dimicaturæ potius adscribit Jo. Hugo Linscotanus, in cujus adnot. ad cap. 75. alterum eidem genus cortice versicolore maculosum à Sim. à Tovar dono datum describit Bernardus Paludanus) & Columni nostratis, Cerasi item aviariæ sive Mahaleb Arab. valde commendatum ab Ebn-Jezla direct. sanit. 26. Aq. item acida ex præparatione Antimonii Diaphoretici, aceta sive spiritus acidi succini & Lignorum, inprimis Heraclini, quo nomine aut Columnum Rulandus olim aut buxum intellexerat, c. Tinct. Corall. serapiis jucundioribus edulcata, ex acid. Cit. Card. ben. intubo, fl. hyperici, scordio & granatis. Magist. item Castorei vertebr. Viperin. & CCj. c. Spir. terr. signatæ & Tinct. Lunæ, aut Lap. Badzahardico & pulv. Agagropilorum, in aq. filicis, hyperici, Card. ben. marrubii cum serapiis jam dictis egregia remedia præbent, qualia nobis subinde usitata. Conveniet etiam, ipsaque Tinctura Lunæ efficacius comperietur, si quis in usum ducere voluerit, Leucocephalicum Corvi nigri metallici sive Chemici, Carolo Vuidmanno Poliatro quondam nostrati arcanum laudatum, cujus descriptionem protulimus Hecatortæ nostræ 2. observ. 74. ad Illustrem societatem curiosorum in Germania, prope diem proditura. Quibus & hoc addamus, Pulv. fol. Nuc. jugland. & persici arbor. magna cum laude utebatur quondam Phil. Clauserus, Empiricus Germanus III. Pr. Med. cap. 6. simulque infantem decocto marrubii & rad. bryon. aut lixiv. pineo c. aq. pluvia parato lavari jubebat: aut sem. Nasturtii ex vino dato decocto L. querni fimique Gallinacei imponebat. In Saxoniæ autem locis quibusdam montanis,

ubi fodinæ Metallicæ, valde familiare & sæpius expertum novimus: Infanti myrrhæ rubr. opt. el. q. cultri cuspide prehendi potest, è Cervilia exhibent, atque deinceps aliquot diebus sudorem excitant vapore aquæ calentis helcysmatismis seu scoriis argenti à fornace calentibus adfusæ. Amarum quidem & ingratum hoc medicamentum, quod tamen nostratibus etiam usitatissimum, pulticulæ myrrhatæ, nomine Adamo Hebachio Poliatro feliciori successu celebratum ex myrrh. purissimæ in pollinem tritæ ℥j. Mellis virginis. ℥v℥. Ol. amygd. dulc. rec. ℥iij. & Confect. margarit. ℥iv. permixtis. Parum tamen ab isthoc pharmaco differt pulvis Alexii Pedemontani inter secreta memoratus lib. 1. p. 33. edit. Vueceri curâ procuratæ. Sed istis missis, postremo medicamenta, quæ vigilas infantibus molestas mitigare possunt, enumeranda superessent, cum tamen etiam mulierculis notissima sciamus, volentes præteribimus. Qui verò sic volet Sennertum IV. Pr. part. 2. cap. 9. consulat, cujus copiis abundè instruetur.

§. XIV. Diæta denique sive victus ratio curationi & præservationi conveniens, talis omnino instituenda, quæ crudos vitiososque humores non progeneret augeatvè. Inprimis pultes, non satis idoneæ videntur, quod ciborum genus in victu infantium cum alii damnarunt, tum Jul. Alexandrinus Comm. in Gal. 2. olim fac. 5. & Guil. Fabricius Hildanus Centur. 6. observ. 34. Germaniæ hanc pessimam consuetudinem jure reprehenderunt, quæ illo tenella corpuscula usque ad nauseam infercire solet: quod olim quoque Aristoteli VII. histor. anim. 12. non minus improbatum, viscidum, & lumbricis gignendis aptissimum notavit etiam Vinc. Alsarius Crucius Centur. 3. quæsit. per Epist. pag. 220. Neque ab re nonnulli iccirco panis pulticulam prætulerunt. Sic enim vocabat τροψή Græcorum Soranus Ephesius interprete Aureliano I. Tard. I. quod radulâ, τροψή in micas contereretur, de qua haut ita pridem not. nostris in Marcelli Cumani observ. 31. mentionem fecimus. : חביצה : חביץ Hebr. in Menach. fol. 75. 2. Hispani *edulium* sive *pulmentum* ex pane friato, *Migas* appellant ap. Paschalius I. method. med. cap. 36. & Jo. Paletum in Dict. Hisp. Gall. & medullam panis, *Migajon*, ex qua præcipue paratur. Ebn-Jezla in direct. sanit. ord. 32. §. 2. eleganter *חלבון* vocat, tanquam *farinam panis* dixeris, inprimis simlaginei, Germanis nostris: *Semmelmeel*. In declinatione autem emaciati infantes alimentis commodis reficiantur, quæ omnia dudum ab aliis copiosius explicata sunt.

§. XV. Coronidis tandem loco & animi causa disquiramus, verumne sit, quod de Henrico IV. Imperatore Cunelius §. 4. commemoravit? hoc ipso nempe vermiculorum capillarium morbo 1125. extinctum esse? Viderum scil. sequutus ap. Henric. Smetium II. Miscellan. pag. 226. qui ex Alberti Crantzii historia Saxoniæ idem retulerat, dracunculos appellans, adfectum congenitum, & Henricum V. non IV. sed Quarti filium, qui patrem in carcerem conjecit, seu vi seu dolo circumventum, conspirantibus regni Proceribus imperium deponere, tandemque Leodici mœrore & pœnitudine

confectum mori coëgerat, narrante Jo. Nauclero, Præposito Tubingensi Chronograph. vol. 2. gener. 37. Tanta illorum temporum turbulentia erat, ea animorum in Pontifices & Cæsares divisio, ut quisque partium commodis addictior, gloriæ quoque immoderatus faveret, verique cura propemodum nulla esset, & scriptis utrimque libellis vituperarent alii, alii impensius laudarent, ac Imperatorem bellicosissimum, qui sexagies bis acie dimicaverat, invicto semper animo, Filio tandem supplicem factum, neque hoc satis, in vincula coniectum, maleque habitum, exemplum præclari apophthegmatis præbuisse dolerent, quod olim in symbolum adlegerat: *Multi multa sciunt, seipsum nemo*. Hinc enim Valtrami Nienburgensis Episcopi defensio, & acrior responsio Bernardi Corbiensis monachi: pleraque item non sine adfectu ab Anonymo vitæ Henrici I V. auctore, & Davide Scoto, Mariani Virzpurgensis socio scripta, qui vitam Henrici V. tribus libris complexus est. Antonini item Florentini historiam, & Aenæ Silvii descriptionem Concilii Basileensis non omnem extra culpam, causasque amoris ac odii non valde procul habitas cuius animadvertere licebit. Multi idcirco singularem aliquam vindictam Numinis in filii obitu suspiciebant, morbumque non tam infantibus proprium, quam viris etiam abominandum sive *καρκινώδης* fingebant, quam diu oblectatus, celare tamen frustra conatus fuerit, ut Nauclerus gen. 58. & Cour. à Liechtenau Abbas Urspergensis in Chron. prodiderunt. Hunc utique familiarem Imperatori non tamen congenitum, dracunculi nomine insigniebat etiam Carolus Sigonius in 10. de regn. Ital. pro quo deinde Theod. Zvvingerus volum. 2. Theatr. vit. hum. lib. 7. p. 526. Carbunculum substituebat. Quod sanè ut à præclaro Medico profectum nostris conjecturis & expositionibus de venæ Medinensis tumore atrabilario & anthracode prioris Exerc. c. 3. adlatis non valde dissentaneum apparet, ita putamus, istum non alium quam anginosum quempiam adfectum sæpius ob bilis exuberantiam aliasque tam corporis, quam animi commotiones vehementiores ex intervallis invadentem, postremò letiferum extitisse. Aut verius tumorem cancrum carbunculi nomine falsò habitum, & quandoque retrocedentem ac delitescentem, tandem tamen occultari non potuisse, quin cordis regiam malignitate mortali expugnaret. Jam supra autem plura tumorum genera ab Italis dracunculorum nomine censi c. 1. monuimus. Hoc quia non satis plerisque intellectum, causa fuit, ut hunc in errorem puerilem delapsi videantur, ut ipsum quoque Imperatoris adfectum puerilem existimarent. Cum enim tum temporis Cæsares sæpius in Italiam proficiscerentur, ejusque sat magnam partem, nondum amissam, imperio tenerent, Itali autem vicissim alieno plerumque in supremam Majestatem animo, jugum excutere conarentur, ut sanctius scilicet sed gravius induerent, nec à conviciis plebeiis quandoque sibi temperabant. Ita Fridericum I. Imperatorem Anobardum, Italica sua, *Barbarossa*, vocabant, & Carolum Crassum, Ludov. filium, levicula paralyxi ex apoplexi noxi nonnihil debilitatum, tanquam stolidum, non maleferiatum,

sed vernacula, *malferito* appellabant, quod perquam opportunè ex Annalibus Fuldensibus ad A. C. 15. 487. Thom. Reinesius advertit 1. Var. 4. Maximilianum quoque I. Imp. magnanimum & optimum, *pocodinarium*, tanquam *αλγερμα* & Consulem Augustanum (quod sæpius Augustam concessisset, ibique convivis, choreis, pugnis equestribus, aliisque exercitiis familiaribus non minus, quam publicis negotiis operam dedisse visus esset) contemptum vocabant. Hinc igitur Henrico etiam 5. morbi letiferi Nomenclatura Italica: *Dragoncelli*: de carbunculo quodam haut dubiè cancroso, aut cancro etiam anthracode, cui propterea cum vermiculis capillaribus infantium nihil commune erat. *Hæc Clar. Velschius. jam sequuntur Observationes quadam.*

Macies à Crinonibus sive Dracunculis.

Puella trium annorum, Filia Domini Olai Helleparts excubiarum inter stationarios Colbergenfes Præfecti, mediocri corporis habitu prædita, ante mensem & quod excurrit, sensim contabescere cœpit, & licet quoad cætera bene valere, satisque comedere videretur, attamen parum aut nihil nutriebatur, quin & pruritus in dorso, brachiis & cruribus percipiebat.

Resolutio.

Cum in causam hujus maciei accuratius inquirerem & puellam jam pridem ablactatam, nulloque morbo affectam rectè valere, satisque cibi assumere intelligerem, nec ulla lumbricorum in intestinis latentium adestent indicia, de vermibus cutaneis, sive dracunculis cogitare cœpi, ac proinde emaciatum corpusculum in balneum aquæ calentis collotenus demergendum, musculosæque dorso, brachiorum & crurum partes linimento ex farina triticea & melle illinendas, molliterque fricandas, suasi, quod dum fieret animadverti subtilissima quædam vermiculorum capita cineritii coloris e cute erumpere; Hæc ut subito, crusta panis, novaculam enim non admittebat meticulosa, abraderentur jussi, idque aliquoties per triduum quatuorve dierum intervalla, repetivi, verum cum subinde plures ejusmodi vermiculi proreperent, quotidie deinceps balneo inunctioribus & abrasioni insistendum duxi; At cum ne sic quidem satis proficerem, ad sanguinem vitiosum depurandum mitiora quædam purgantia exhibui, interjecto subinde usû tincturæ antimonii, cujus mira in vitiis cutaneis est efficacia, tandem universum corpus aquâ meâ aloeticâ quotidie inunxi, & sic puellam lepidissimam à molestissimo pruritû, vermiculis & macie. Dei gratiâ, liberavi. *Baldassav. Tynæus casum & Observat. practic. lib. 5.*

Vermis umbilicalis.

Vermis umbilicalis & animalculum vermiciforme, toto genere præter naturam, in vena umbilicali pueri nuper nati, aut non longè post ex nimia sanguinis pituitosi præsertim, copiâ, obstetricis imprimis incuriâ & negligentia eò protrusi & corrupti, virtute tincturæ & principii cujusdam seminalis, & adjuvante calore earum duplici, putredinali, & *τῶ πρῶτῳ ἄσπρῳ ἀγαλῶγῳ* pro-

productum, & postejus incrementum, mirè infantulum, ad longam interdum ætatem, variis symptomatibus, imprimis verò sanguificationem, & totius nutritionem impediens. Ejus autem sequentem habeto historiam.

Puella quædam semestris valde inquieta erat, cum febricula quadam inordinata, cùm autem pharmaca parum proficerent, Mater ejus Nobilis tamina suspicata quod erat, Umbilico filiolarum imposuit unum è pisciculis quos fundulos vocant, vivum, fasciisque alligavit quotidie semel & per horas 24. ita relinquebat, vermis autem depascebatur pisciculum, semper relictis ossiculis ac mox subducebat se iterum in venam umbilicalem, seu habitationem propriam. Accidit autem post 8. vel 16. dies ut fasciæ prædictæ laxatæ, nonnihil deorsum delatæ, ab umbilico recedentes pisciculum secum traherent, hinc vermis prædam insecutus ex umbilico totus excidit, unde regressum in vas Umbilicale invenire non potuit, & sic extra corpus per ventrem infantis extensus mortuusque repertus fuit, semipedali magnitudine, figura terete latiuscula, pellicula non tenui ac levi, qualis lumbricorum esse solet, sed duriuscula, seu subcrustacea, colore pallido ex luteo albicante. Hinc *αὐτοπύλη* didici famam illam quam superstitiosam & anile figmentum antea credideram, non vanam sed veram esse; licet Medicis Practicis vermium hoc genus sit ignotum.

Judicium super hoc Verme Umbilicali.

Historia de Verme communicata grata est, fido videnti, fabulam hætenus putavi. Fundulum ex una parte vidi consumptum, adscripsi calori abdominis, non vermi, ignarus unde illuc pervenire possit, & cur rodar pisces, non carnes hominis, ibi generari vix mihi possum imaginari. Risi sæpe muliercularum medicamentum, quod ex pulvere sabinae & vitro pulverisato ac melle excepto, in formam Electuarii conficiunt, & in putamine juglandis umbilico superponunt, ac si glires interficere cogitarent.

Doctiss. Collega D. Lucas Byler, referebat se in consilium vocatum fuisse ad puellam quandam 7. annorum, quæ & consumita, & dolores patiebatur circa umbilicum. Quam mulierculæ à Lumbrico Umbilicali rodi existimabant, ea propter fundulos tribus vicibus applicuerunt, quos à Lumbrico consumptos putabant. Cùm vero rem penitus consideraret, putrefactos potius (ob foetorem ingratum) vidit, quàm à Lumbrico voratos. Tertio die puellæ defunctæ cadaver ipso præsentem fuisse apertum, secta cutē, peritonæum eò in locò, quò dolores patiebatur vivens, à serò acri & bilioso, erosum fuisse conspectum, qui à lumbrico excitari putabantur.

Vermis umbilicalis cura.

In Umbilico vermem lactentem, applicatione farinæ lupinorum in aceto coctæ, produximus, & extraximus, sine læsione aliam curam requirente. *Joan. Rudolph. Camerarius in Memorabilib. Medicina Cent. 12. ex variis.*

CRUSTA LACTEA.

SEU ACHORES.

Sunt Capitis ulcera manantia, tenuissimis foraminibus cutem perforantia, ex quibus glutinosa sanies effluere solet. Causa proxima est humor acris, serosus, nitrosus & mordax, crasso admixtus: Remota, malum regimen in sex rebus non naturalibus, præsertim in cibo & potu. Puerilis ætas est huic morbo maxime obnoxia; sed mulieres & viros acrius & molestius infestat. Achoribus affinis est alius affectus qui favus latinis, græcis *μειον* dicitur. Hæc statuitur inter ipsos differentia, quòd in Achoribus foramina sint minora, in Favis verò majora, & quòd humor, qui è Favis emanat, sit melli consistentia similis, unde modò Meliceris, modò Cerium dicitur. *Thom. Burnet. in Thesaur. Medic. Præcl.*

Curationes.

Prodest in Achoribus syrupus de fumaria simplex, non vero compositus, hic enim purgat. It. Essentia fumarie.

Antimonium diaphoreticum tuto potest dari infantibus: Potest misceri cum CC. usto. Aqua betulae valde expellit. Item syrupus & conserva rad. helenii.

℞. Aqu. fumar. scabios. ana ℥ss. syr. de fum. ℥j. essent. fum. ℥ss.

℞. Aqu. fumar. ℥iss. CC. sine igne præp. ℥j. antim. diaph. ℥ss. spirit. flor. sambuc. ℥ss. edulc. rot. man. christ. perl. q. s.

Vel infundi potest in cerevisia CC. rasura cum flor. aquileg. fumarie, scabiosæ &c.

Si oriatur vitio Matris, dentur illi, vel nutritici pilulae de fumarie, syr. de fumarie compositus, extractum catholicum, serum lactis cum succo vel essentia fumarie.

Lotiones non statim adhibeantur, neque inunctiones, sed præmissis expellentibus talia externa usurpare demum licet.

Continuato igitur usu expellentium interne, inunctiones fieri possunt ex unguento diapompholygos, lacte sulphur. ol. nuc. bals. peruviano &c. alias addi quoque possunt folia scordii, nicotianæ, rad. lap. acuti.

℞. Fol. beton. scordii, helen. an. m ss. nicot. exsic. p. ij. Rad. beton. lapathi maj. an. ℥ij. incis. & comus. grosso modo. D. S. species in kochen.

℞. Unguent. de helen. diapomphol. an ℥ss. flor. sulphur. ℥ij. lact. sulphur. ℥j. c. s. q. ol. nuc. F. l. a. Linimentum S. Galbe.

Ad promovendam consolidationem autem in fine curationis potest exhiberi essentia vulneraria cum ess. lignorum. It. putr. cranii hum. præpar. cum ocul. cancr. præp. *Joan. Michael. Prax. Clyn. General. part. 1. lib. 6.*

In crusta lactea imprimis præcipitandum est internum acidum nimium, & blanda diaphoresi ad partes ambientes beneficio sudoris est promovendum.

Conveniunt E. internè imprimis aqu. spiritus & ess. ex floribus & rob. sambuci parata: it. remedia ex fumarie & card. benedict. in specie

Viperina sal. vol. viperarum earundem ess. sunt optima.

In adultioribus infantibus una alterave gutta olei destillati viperarum foetidi, miram vim sudorem pellendi & hujus medio hos affectus curandi obtinet: juxta hæc ex ceruo parata diaphoretica imprimis utilia sunt. Hinc myrrha cum oculis cancrorum propinata & sæpius repetita, curationem horum usculculorum mirè faciliat.

Purgantia præmittenda studio reticeo.

Externè conveniunt imprimis lotiones factæ ex decocto radicis oxylapathi, chelidon. major. betonicæ, saponariæ & similibus, quibus commodè furfures addi solent.

Achores equidem per se fere curantur, sed tinea capitis his lotionibus imprimis indiget. Convenit etiam decoctum rad. altheæ, c. urina infantis pro lotionē capitis usurpatum.

Vulgo etiam decocto Nicotianæ utuntur ad capitis tineam abluendam, quidam etiam pulvere Nicotianæ utuntur, sed pravo sapissimè cum successu. Observavit enim Dn. Boyle in sua philosophia experimentalī, quod lotio capitis facta c. Nicotiana in infante tinea correpto, eundem reddiderit ægrum & ebrium: sicuti similem ebrietatem observavit Fehr. tr. de abstinth. pag. 90. ex pulvere nicotianæ ulceribus capitis manantibus insperso.

Duo præter propter sunt menses, quod hic etiam infanti cuidam aliquot annorum propter ubertatem pediculorum inunctum fuit caput unguento ex nicotiana parato, quo facto brevi post infans fuit admodum anxius, vomitus copiosi, diarrhœa ingens & tantum non lipothy-mia superveniunt, causa omnibus latet: tandem deveniunt in suspicionem unguenti: Hoc E. abluunt, & eo abluto sponte postmodum cessant supradicta symptomata.

Propterea cauti: simus in usurpandis remediis ex nicotiana.

Potius decoctum malvæ c. pisces pro lotionē capitis optimè conducit ad tineam, sicuti etiam unguentum n. c. butyro non salito paratum, addita tamen pauca camphora, quin & ulterius conducunt Balsamus sulphuris temperatus c. axungia porcina & illitus, quæ axungia porcina c. sola camphora subacta in mortario plumb. dat unguentum admodum conveniens ad capitis tineam, sicuti etiam unguentum diapompholygos aut unguentum enularum, mistum c. floribus sulphuris & malaxatum c. oleo nicotianæ, sunt remedia satis efficacia in tinea capitis. Unguentum ex amiantho paratum experimentum est Bootii in tract. suo de gemm. quo etiam non sine successu usus fuit Scultetus in Observ. Chirurg. 96. quo ipso capitis tineam contumacem curavit.

Vulgo his ipsis remediis etiam addunt mercurialia, nunc ex mercurio crudo, nunc vario modo præparato constantia, id quod tamen non citrà cautelam fieri debet, periculum enim est imprimis in tenerioribus, ne capitis periculiosorem affectum, v. g. epilepsiam inducant. Sic namque Timæus in suis responsis p. 106. refert infantem acoribus laborantem ex inunctione capitis mercuriali epilepsiam lethalem contraxisse. In robustioribus etiam infantibus mercurialia cautè sunt usurpanda propter me-

tum salivationis quæ superveniens tam spontè & facile sili nequit.

Ob id Mercurius vivus necessitate cogente in pauca quantitate est permiscendus remediis. Tutius adhuc quàm Mercurius vivus usurpatur mercurius præparatus, imprimis c. spiritu nitri præcipitatus: communiter appellatur arcanum cor. illinum.

Item conducit etiam mercurius dulcis qui non inconvenienter unguentis & linimentis permisceri potest. Notum alias est, quod cingula mercurialia s. ut vocant, cingula sapientiæ lumbis circumdata optima & experta sunt remedia præmissis universalibus contra tineam capitis, uti etiam contra phthiriasin: paratur ex cingulo ex panno parato, benè insuccato, ut sic dicam, c. mercurio vivo, vel subigatur mercurius vivus c. axungia porcina & beuè illinatur in cingulum ex panno paratum: Tuto usurpatur in adulto tale cingulum; si præmissa fuerint universalia, si continuo simul usurpentur corpus in blanda diaphoresi conservantia, & tertio si ipsum corpus non nimis exponatur frigori, quin calidum & probe munitum continuo conservetur. Alias ad tineam capitis contumacem præmissa convenienti c. decocto malvæ lotionē commendatur hoc unguentum.

℞. Lithargyrii. cerussæ an. ʒij. flor. sulphuris mercurii vivi saliva jejuni extincti an. ʒj. c. l. q. olei rosacei subigantur probe in mortario plumbeo, & fiat unguentum contra tineam non inelégans. Panarollus in pent. 5. observ. 31. ceu expertissimum & à se crebrius usurpatum, laudat unguentum paratum ex sulphure, axungia porcina, & succo limonum, quo ipso unguento abrasis capillis tineam inungendam suadet vespere, tribus vicinis alternis diebus, quo facto per 5. dies nihil agendum est, quibus transactis fiat ablutio capitis c. decoctione malvæ, & sic brevi curabitur tinea, Oleum non contemnendum contra capitis tineam est & hoc.

℞. Vitellorum ovi ad duritiem elixatorum nu. xvi. Myrrhæ ʒss. Rad. ari. Serpentariæ an. ʒss. Helleb. nigr. iv.

M. probe & coquantur super carbonibus ignitis absque flamma, donec spumescere incipiant, tuncque exprimatur oleum usui reservandum. In specie decrescente luna commodè instituitur cura tineæ: nam acores & favi spontè naturæ cessant ubi pertinaciora, aut periculiosiora fuerint ulcera, lapis medicamentosus Crollii (descriptio prostrat in Beguino & aliis) dissolvatur in aqua nicotianæ & ita levi manu inungatur, valde enim juvat.

Quod si verò ex malo incrementum cranium fuerit læsum, præmissa ablutione ulcerum cranium læso inungendum est mel rosaceum c. spiritum vini, hinc applicetur pulvis aristoloch. subactus c. balsamo Peruviano, sic enim successive deletur caries, & os denuò sanescit. Michael Ettmullerus in Collegio Practico speciali de morbis mulierum, infantum &c.

Consultatio.

Adolescens annorum quindecim; mala diæta diu usus, postquam questus esset aliquamdiu de dolore capitis gravativo & somnolentia, accepit

cepit multos honores, in capitis cute apparentes. Qui postquam deinde essent dissipati, postea redierunt, foraminibus plurimis perforati. Ex hisque glutinosa & flava effluit sanies: quæ in crustas fœdas & tuberosas, fere totum ejus caput tegentes, concrevit.

Afficitur in hoc ægro cutis capitis; quod indicant tubercula illa saniosa, in ejus capite apparentia. Afficitur etiam *cerebrum*, quod ex somnolentia & dolore capitis gravativo patet.

Morbis, qui hunc ægrum affligit, est intemperies quadam acris, salis, & nidorosa cutis capitis, quæ ulcuscula plurima manantia, & fœdis ac tuberosis crustis tecta, in ea producent, nomine *Achoris*, vel *Tinea capitis* appellari solet.

Causa præcatartica hujus morbi est mala diæta, quæ hic adolescens fuit usus. Magna verò copia materiæ acris salis & nidorosa, in corpore ejus inde genita, *antecedentem* huic morbo præbuit causam. Pars verò ejus à corde cum sanguine per arterias in caput delata, & cerebrum gravans, *inducit* primum *somnolentiam* & *capitis dolorem gravativum*. Cutim autem capitis sua acrimonia multis locis perforans, & erodens, & *copiose ex erosa cute emanans*, & *in crustas fœdas & tuberosas*, totum fere caput tegentes, *concrevit*, continens hujus *Achoris*, sive *Tinea capitis*, est causa.

Morbis, hic valde contumax solet esse. Atque ideo difficulter curabitur.

Curatio itaque diligens adhibenda, ne æger in apoplexiam, epilepsiam, lipothymiam incidat, vel alia graviora symptomata incurrat.

Eaque in cacochymia corporis ablatione, & intemperiei correctione, & ulcerum capitis sanatione, per contraria instituenda, consistet.

Primo itaque sumatur tale purgans.

℞. Mercurii dulcis bene præp. gr. xiv. scammonii optimi gr. viii. vel ℥ss. Electuarii diapruni ℥ij. Misce F. Bolus, subinde reiterandus.

Postea ad humores cacochymicos alterandos, & ulterius evacuandos exhibeatur tale Apozema.

℞. Rad. cichorii ℥ij. enulæ campanæ, althææ, Chelidonii major, an. ℥ss. herb. betonicæ, fumaris, borrag. scabios. an. Mj. Flor. borrag. violar. an. p. j. sem. genistæ, agni casti an. ℥j. decoq. in aq. hordei q. s. ad lib. i. ss. Addendo sub finem decoctionis fol. sennæ ℥ij. sem. anisi ℥ss. Colaturæ adde, syr. de cichorio cum rhabarb. ℥ij. Misce F. Apozema, pro sex dosibus, manè sumendis.

Corpore ita per universalia purgato, si tubercula non cedant, ad medicamenta topica sive localia est deveniendum. Tumque crustas, quibus tubercula teguntur, sunt emollienda tali fomento, ut deinde facilius à Chirurgo tolli queant.

℞. Herb. malvæ, althææ, fumaris, an. Mj. Scabiosæ, agrimonis, betonicæ, Mj. flor. genistæ, sambuci an. p. j. sem. genistæ ℥j. decoq. in aq. comm. pro fotu, quo foveatur caput calide & frequenter, sponsa liquore illo imbuta, & moderate expressa.

Postquam crustæ fuerunt remotæ, evellantur vossella pili ex tuberculis, donec subsidant. Quo peracto, sumatur cochleare unum aceti acerrimi, cui addantur guttæ vi. vel vii. olei vulgaris, ac linteis mixtis imbutis & madefa-

cto omnes sordes abluantur, fortiter fricando, ut per poros apertos humores pravi expelli possint.

Si malum adhuc perseveret adhibeatur quotidie hoc unguentum.

℞. Piperis, sulphuris an. ℥j. fuliginis furni ℥j. Pulverisata misceantur cum butyri veteris liquefacti ℥ij. & F. unguentum.

Vel adhiberi poterit illud à Foresto summo-pere commendatur unguentum.

℞. Litharg. aur. & argent. cum aceto acerrimo & ol. ros. nutriti ℥ij. aluminis rochæ combustæ ℥ss. fuliginis furni, rad. enulæ camp. exsic. & in pulv. tritæ vel combustæ, chartæ, quæ perfluit, exustæ an. ℥ij. olei ex vitellis ovor. axung. gallin. porc. an. ℥ss. ol. laurini, rosacei, & aceti q. s. incorporentur in mortario secund. art. ut coeant in formam mollioris unguenti.

Cui etiam, malo nondum cedente, addi poterit Mercurii saliva extincti ℥j. & vitrioli rom. recte calcinati parum.

In victus ratione, Aer sit purus, temperatus. Cibi sint boni succi, qui temperiem acrem nidorosa & salis temperant. Et contra, qui mali sunt succi & acrimoniam augere possunt, vitentur.

In Potu sit *cerevisia* bene defæcata. Vitetur vinum. Panis sit bene fermentatus. *Alvus* sit lubrica. *Exercitium* sit moderatum. *Henric. Regius apud Theodor. Craanen Medication. lib. 4.*

Observationes.

Pro Achore seu tinea crustosa in puero 13. annorum.

Puerum hunc sequentibus remediis ita curavimus.

℞. Fumaris Mij. scabios. beton. borrag. acetos. viol. agrim. an. Mj. sem. endiv. acetos. anis. an. ℥j. rad. enul. ℥ss. fol. senn. ℥vi. Epithim. ℥j. uvarum passiarum exacinat. ℥ss. liquirit. ℥ij. f. omnium decoctio in aq. communis & fumaris an. pt. æqu. & q. s. pro ℥bj. in colat. dissolv. Syr. de fumar. ℥ij. Syr. de Epithymo, borag. & stæchad. an. ℥ss. m. f. apozema, capiebat bis in die, erat facilis solutionis; quotidie enim ter ad minus hoc decocto alvus solvebatur, aliquando & quinquies alvum depohebat. Deinde ut hoc capitis lavacro uteretur mandavi.

℞. Fumar. betæ, lapath. acut. cum toto, chelidon. cum toto, malv. fol. Heder. arbor. rad. althææ, an. Mj. flor. Chon. æm. melilot. & furfur. an. Mj. coq. in aq. q. s. pro ℥bj.

Deinde ut crustæ melius emollescere, jussi ut post lotionem inungeret caput infrascripto linimento.

℞. Mucilag. fœnugræc. sem. lini cum aq. malv. extract. axung. gallinæ, ol. ex vitell. ovorum an. ℥ss. Croci ℥ss. Mf. pro linimento ut artis est. Hisque sæpius reiteratis, caput deinde radi jussimus novacula, continuando lotionem & inunctionem manè & horâ quartâ pomeridianâ.

Post sex deinde dies paravimus iterum apozema purgans sicut antè, addendo polipod. q. ℥ss. ras. ligni sanct. quart. j. ex quo sumebat aliquando semel, aliquando bis in die, si alvus

minus responderet. Novacula rursus abraſo capite, ut materia magis foras evocaretur, ad lotionem hanc plus detergentem devenimus.

℞. Humiterr. ſcabioſ. Caul. rub. betæ, fol. Heder. arbor. malv. raſ. ligni Guajac. an. M ſ. rad. enul. Chelidon. alth. an. ʒj. fl. Chamœm. furfur. an. pīj. farin. fabarum, lupinorum an. ʒiſſ. Coq. in aqu. pro ſb iv. Poſt lotionem hoc lini-mento inungi mandavimus ad detergendum & magis exſiccandum.

℞. Pulv. rad. enul. camp. litharg. auri & argent. Ceruſſ. alumin. roch. combuſt. an. ʒiſſ. terantur ſubtiliſſimè & incorporentur cum lini-mento prius deſcripto; addendo ol. vitell. ovo-rum, q. ſ. & ceræ albæ modicum ut in unguenti formam coëat.

Poſt quinque rursus dies propinavimus inſu-ſum fol. orient. Epithym. & rhei in aq. fumar. ſcabioſ. & beton. addendo caſſiæ & confect. Hamec. an. ʒij. Syr. de fumar. ʒſ. quo ſexies multa & varia excrementa depoſuit, die ſe-quenti rursus exhibuimus, & adhuc ſexies de-jecit. Poſtea lotionibus dictis urinam antiquam adjecimus, & inter bulliendum vitrioli exiguum quo ter tantum caput ablui imperavimus, eò quod robuſtius medi-amentum eſſet, cæterum poſt iſtam lotionem caput inſcripſito unguen-to inungebatur.

℞. Litharg. auri & argent. cum aceto acer-rimo & ol. roſ. nutriti ʒij. ceruſſ. ablutæ cum aq. Solan. ʒj. alum. roch. combuſt. ʒſ. fuligin. furni, rad. enul. exſicc. & in pulverem tritæ vel combuſtæ, chartæ exuſtæ an. ʒij. ol. ex vitell. ovorum, axung. gallinæ, porcinae, an. ʒſ. ol. laurin. roſ. & aceti exigui q. ſ. Incorporentur in mortario S. A. ut in forma unguenti mollior-is coëant.

Iſtud unguentum eſt apud me magni pretii, & mirabile magnæque efficaciæ, ut patet ex il-lis quæ ingrediuntur. Galenus ſolâ chartâ com-buſtâ, & aceto dilutâ locum affectum illinebat, & uno aut altero die, hoc medicamento utens exſiccante, plurimos curavit.

Tandem unguento ultimo præſcripto adjun-ximus argenti vivi cum ſalivâ extincti ʒj. vitriol. rom. optimè calcinati ʒj. & bis inungebatur, his dictis remediis ab achore ſeu tineâ humidâ liberatus eſt puer ſpatio duorum ſerè menſium. *Petrus Foreſtus, obſerv. 17. lib. 8. de extern. capitis vitiiis.*

Pro Achore in puero octo annorum.

Poſt lotiones & univerſalia remedia præce-denti obſervatione dicta, topico remedio ſe-quenti fuit curatus.

℞. Succ. fumar. ʒij. Succ. ſcabioſ. borrag. Chelidon. ſucc. rad. enul. lapath. acut. an. ʒj. cum pauxillo ſacis ol. antiq. & ol. roſ. addendo axungia porcinae q. ſ. & aceti exiguum, bulliant lento igne ad ſuccorum conſumptionem, in fine addendo pulv. litharg. auri & argenti, pulv. ireos, lupinorum, an. ʒj. pulv. roſ. lign. guajac. ʒſ. benè incorporentur & ſ. linimentum. S. A. Expertus ſum etiam valere decoctum guajaci, ut in morbo gallico uti ſolemus, cum optima victus ratione; interea adhibendo lotiones, linimenta, & unguenta, in obſervatione præ-cedenti præſcriptâ. *Petrus Foreſtus, obſerv. 8. lib. 8. de externis capitis vitiiis.*

Pro Achoribus in puero 15. annorum.

Contra hoc malum ſequens lixivium inve-niebam.

℞. Abſinth. fl. Chamœm. ſerpill. matricar. an. M ſ. bacc. Lauri, rad. Ireos an. ʒj. Rad. aſar. ʒiſſ. incidantur & ſacculo condita, coq. in lixivio ex ligni juniperini cinere facto. Hoc lunâ decreſcente caput lavabatur quotidie, ac brevi ſanitatē recuperavit. *Martinus Rulandus, curat. 54. cent. 1.*

Quendam achoribus tineaſque per multos annos turpiter affectum, (cui varia fuerant incaſſum applicata remedia) præmiſſo catha-tico, linimento ex oleo in quo ad exactam co-ctionem bufo, ſive rana terreſtris ebullierat, optimè curavi, quippe ſimplici hoc remedio per paucos dies in capite utens, ſanus, & ca-pillatus factus eſt, durante autem linimento pili emortui, uſſellis à Chirurgo extirpabantur. *Julius Caſar Baricellus, in hortulo gentili.*

CUTIS MORBI.

Sic traduntur à Clar. Willſio.

DE Cutis morbis, & diverſimodis remedio-rum generibus illos ſpectantibus pertre-ctaturi, de partis affectæ fabrica paucis præſa-bimur.

Quoad Cuticulæ ac Cutis fabricas, ac uſus, non eſt ut omnia in libris Anatomicis jam jam accuratè deſcripta, & paſſim nota hic reperam. De Cuticula annotaſſe ſufficiat, hanc pelliculam eſſe tenuem ac denſam exanguem & exanimem, ut pote vaſis & fibris deſtitutam quæ cuti co-hærens, eam integit & ab externis injuriis tue-tur. Hæc ubique perforata eſt, in cujus ſ-ra-mina, ſudoris vaſa excretoria hiant, quæ Mal-pighius per microſcopium accuratius inſpi-ciens, paulo ante hiatus ſuos, quibuſdam quaſi valvulis, pro ſudore detinendo, aut liberius emittendo, donari aſſerit: verum hæc me la-tuiſſe fateor.

Cuticulâ per phænigmm, aut ignem detra-ctâ, cutis nuda, & ob vaſa ſanguifera rubens apparet. Eſt autem hæc, membrana craſſior, quoad maximam partem ex filamentis vaſorum ſanguiferorum, nervorum, fibrarumque nervea-rum, varie inter ſe complicatis contexta quibus glandulæ numeroſæ, & lymphaductus, ſive ſu-doris, & vaporum vaſa excretoria denſiſſimè interponuntur. Hujus ſubſtantia duplex à ple-riſque anatomicis perhibetur, exterior nervea, & interior carnea, ſeu potius glanduloſa pro hujus exemplari, mali aurantii cortex adduci-tur. Si cutis nuda per microſcopium inſpicitur, ex obſervatione Clariffimi Malpighii, primo ſe-ſe offert corpus reticulare, cujus crebris fora-minibus continentur non ſolum ductus ſudori-feri ſed & plurimæ papillæ pyramidales, per or-dines parallelos è cute erumpentes, & in cuti-culam, ubi in plures velut fibrulas dividuntur protenſæ; quas idem author tactus ſenſorium itatuit. Inſuper his, ſubſtantia cutis habet glandulas plurimas, quibus medicamentibus lym-pha, ſive materies hydrotica, ex arteriis per lymphæ ductus ſive vaſa excretoria ad poros de-

deducitur. Enimverò observavit accuratissimus Stenon *singulis poris suas glandulas subjacere*, quæ juxta *ἐκιδρωτικὸν* usum majores, aut minores existunt: sudor, aut vapores ex his per vasa excretoria foras constanter emanantes, papillas nerveas, ne forte arecant, in transitu suo madefaciunt.

Quoad poros sive foramina sudatoria, per microscopium detegitur eos bini generis existere, scil. majores, in quibus plerisque radices pilorum confixæ sunt, & per intervalla, ex utroque latere cujusque rugæ cutaneæ, ordine parallelo disponuntur: vel secundo sunt meatus isti minores, quorum innumeri spatia omnia prioribus interjecta quasi punctis creberrimis adimplent. Enimverò tota cutis, cum rugis suis, instar agri ab aratro sulcati, & dein cum ordinibus verlis, seu potius obliquis occati, apparet; ita ut plano suæ areæ supra sulcos utriusque generis eminentes, figuræ ut plurimum rhomboidis existunt; & juxta quod sulci isti; cum rugis, sive areis, breviores ac minores, aut etiam profundiores ac majores fuerint, textura cutis delicata sive tenuis, vel crassa sive levius densis videtur. Hujus constitutio licet plurimum nativitati, ac primogenæ staminum ac humorum concretioni debeatur, ea tamen propter diversimoda vitæ insequentis accidentia, multifariam alterari solet. Victus crassior, labores duri, aëris inclementia, ac imprimis caloris, ac frigoris excessus, cutim asperiores: etiam è contra educatio mollis & delicata tenorem ejus magis subtilem, ac leviores reddunt.

Ut cutis magis terfa, polita, & æquabilis, evadat, multum interest, poros ejus omnes humore benigno, miti, ac velut oleoso adimpleri; ita namque dum meatus omnes pleni, ac tenses fiunt, totius cutis planities lævissima apparet: attamen si humor vitiosus poris istis suppeditatur, aut qui insuit benignus, nimis exhauritur, cutis proinde aspera & rugosa fiet. Quare si cujuspiam cute mollissima ac planissima præditi manus aqua saponata, lixiviali, calcaria, aut etiam sanguine calenti aliquandiu madefient, propterea mox humore salino, per sales alios è poris extracto, sulci & rugæ illico majores & profundiores evadent: quare scæminæ delicatiores lavacra saponata, & quævis alia cutim sulcantia, religiosè evitant.

Nec tantum humor è poris nimium exhaustus, sed etiam in iis supra modum ac indebitè retentus, cutim asperam ac inæqualem reddit. Foramina pilosa (quæ & sudatoria & si non unica, aut plurima ita fuerint) ob transpirationis beneficium, effluvia copiosiora constanter emittunt, quare majora semper illa, ac patentiora videntur; sin verò à frigore externo hæc subito occludi contigerit, vapores intus coerciti, cutim circa eruptionum loca undique inflant, ac in moleculas attollunt: hinc si quando corpora nostra boreæ nuda exponantur, aut fluvio immergantur, superficies exterior prius glabra, ac mollis, mox cuti auferis deplumati similis scabra & confragosa evadet. Proculdubio majora isthæc foramina, juxta cutis sulcos parallelos & velut quincuncis ritu seriatim confixa, quasi totidem foveæ, pro pilis velut arboribus conferendis instituuntur; ita namque in qua-

drupedibus, imò & in quibusdam hominis partibus hirsutis, aliquatenus habent.

His ita breviter de cuticula, & cute, quoad eorum fabricas & usus designatis, via satis præstuitur, ad indagandos & explicandos partium earundem morbos, & medendi rationes. Itaque imprimis ad cuticulam, cum sit vitæ ac sensus expers, morbi vix ulli propriè spectant. Hæc interdum densa nimis diapnoen impedit; quandoque item propter accidentia quædam in nonnullis locis nimis crassa & *ἀπαλὴ* minimè ægrotat, attamen hæc in causa est quod affectus quidam, forsan per evaporationem diffusibiles, circa cutis superficiem hæreant; in quantum scil. sanguinis, & humorum recrementa, & fœculentiæ exterius propulsa, & totam cutim transgressa, cum ob cuticulæ densitatem prorsus evaporare nequeant, super cutim extimam defixa, varias ejus discolorationes, & defædationes producant; cujusmodi imprimis sunt maculæ *Ephelides* dictæ, necnon scorbuticæ, & malignæ item Lentigines, & quæcunque aliæ suggillationes, sine tumore, aut asperitate cutim, vel cuticulam notis, sive nubeculis quibusdam aspergere videntur.

Ar verò quoad ipsius cutis affectus in genere spectat, siquidem hi varii ac multiplices fuerint, sub vario respectu distingui solent, atque imprimis quod sint vel cum, vel sine tumore: posteriores hosce modò notavimus.

Affectus cutanei cum tumore, vel sunt universales, per totum corpus dispersi, vel particulares in his, aut istis membris sporadicè, & quasi fortuitò excitati.

Priores vel febri superveniunt, uti imprimis *variola*, *morbilli* aliæque exanthemata maligna, quibus etiam accedunt infantium efflorescentiæ volaticæ; vel sine febre contingunt, ut imprimis pruritus, impetigines, & affectus leprosi. Tumores externi particulares, sive sporadici, plerumque non meram cutim, sed & partes subjectas, scil. modò carneas, modò tendinosas, aut membranofas, aut glandulosas occupant, proindeque variæ indolis ac formæ diversimodæ existunt. Super his omnibus particulatim differere, & singulorum Aetiologias & Therapeias designare, non modo integri tractatus, sed magni voluminis res esset: itaque impræsentiarum de affectibus mere, aut maxima ex parte cutaneis (cujusmodi imprimis sunt *maculæ omnes*, ac *lentigines*, necnon *scabies* sive *pruritus*, *impetigines* sive affectiones *leprosa*) breviter dicemus: de tumoribus cujusque generis speciatim edifferendi, olim fortassis aliquando oportunitas dabitur.

Primo igitur (ut à maculis uti pathematis minoris momenti ordiamur) occurrunt *ephe- lides* dictæ, quoniam ab insolatione potissimum exitari solent; atque id propter in vere, ac æstate plurimum increbescunt, circa hyemem rursus evanidæ, porro cum in formosioribus, ac cutim rarissimam habentibus maximè contingant, in iis præcipuè locis, ubi cuticula soli, ac aëri exposita, densissima est, scil. in facie, ac manibus maximè erumpunt. Coloris subflavi, aut fusci, circa magnitudinem morsus pulicaris, inæquales tamen, & quoad figuram irregulares existunt, parum aut nihil hæc differunt à puncturis istis subfuscis, aut flavis, quas nonnulli

nulli lentigines, vocant quæ lentis magnitudine, faciei partes crebris quasi guttis insigniunt.

Harum materies videtur esse, humoris biliosi portio tenuior, vis solis illam attenuantis, & poros cutis aperientis, exterius prolecta, quæ evaporari incipiens, in cute extrema, aut cuticulæ, quam pertransire nequit, concavo, defigitur, profecto has maculas à bile, aliisve sanguinis recrementis flavis procedere indicio est, quod maxime familiares sunt iis quorum pili etiam flavescent. Porro quod in complexione sapius pulchriori, ac præsertim in partibus soli, ac aëri expositis oriuntur, ratio satis liquet, utpote quorum cutis rarior, humorem ab æstu solari rarefactum eousque transmittit, donec à cuticula densiori prope exitus loca sistitur. Hic affectus quoad valetudinis statum, nihil mali indicat, aut ominatur; & quamvis in apparentia nonnihil turpitudinis refert, id tamen compensatur, quatenus ita maculosos puriori constitutione præditos, significat.

Præter has maculas exiguas lenticulares, occurrunt aliæ multo ampliores, supra palmæ magnitudinem, quæ cutim variis in locis, præcipue vero circa pectus, & dorsum lituris modo fuscis modo luridis, aut subnigris conspurcant. Hæ certis temporibus, ac uti in multis observavi, certis in partibus exoriri, ac evanescere solitæ, vulgo maculæ hepaticæ dicuntur, iisque plurimum insigniti, jecur minus sanum, aut saltem bene sanguificum habere creduntur; quod tamen sub hac ratione verum non est, at solummodo quatenus humores biliosi cum non satis intra hepar à massa sanguinea secernuntur, ad cutim protrusi, eam ita discolorant: quod vitium quodammodo etiam lieni imputatur, enim verò defædatio hæc oritur, eò quod sanguinis fœculentiæ, ac recrementa, cum non satis à secretionum officinis excipiuntur, unà cum sero quo diluuntur, ad cutim feruntur, ibidemque sanguine exuta, ac à seroso latice inter evaporandum derelicta, circa poros extimos & foraminula (tanquam lanugo muscosa fluvii angustis hærens) defiguntur.

Lituræ istæ potissimum in æstate apparent, & maxime supra pectus & corium, vid. quo tempore & quibus in locis homines ad sudandum sunt plurimum apti: ipse nimirum latex serosus, qui fœculentias istas à massa sanguinea in cutis angustias provehit, eas penitus evaporare inhabiles, illic relinquit. Affectio hæc nihil mali conjunctum habet, neque enim morbi præsentis symptoma est, nec ullum brevi futurum portendit; porro cum locis plerumque tectis obveniens, nullam deformitatem, aut molestiam adfert, curatione ejus parum aut nihil opus esse videtur: sed quoniam apud vulgus opinio increpuit, hepar ob maculas istas insigniter periclitari, & medicinam necessario requirere, idcirco ut quibusdam pharmaca importunè efflagitantibus satisfiat, præter cosmetica externa, etiam remedia hepatica interna præscribere solemus: quorum usus etsi non admodum necessarius, quia tamen exinde sanguinis depuratio, & viscerum *influxus* sataguntur, haud prorsus inania existunt medicamenta interna ad hunc finem utilia, supra inter remedia hepatica describuntur: externa sive topica prorsus eadem in

his, ac in aliis quibusque macularum generibus conveniunt; quorum formulas quasdam selectas subdemus.

De maculis pestilentialibus, uti & scorbuticis, cum alibi ex professo egimus, non opuerit hic eadem repetere; præsertim quoniam ad has methodus prorsus alia, quam ad modò descriptas requiritur; quatenus nimirum, in uno macularum genere, medicamenta fere tantum externa, absque splanchnicis aut cardiacis, inque altero tantum interna, sine ullis cutaneis adhiberi solent. Itaque ad maculas ephelidas, lentigines, & hepaticas vulgò dictas, ars decorationis propriè spectat; & propter hæc cutis deturpamina tollenda, sine quavis medendi methodo, pharmaca tantum cosmetica præscribuntur. Horum apud Dominas curiosas, aliosque de cute curanda sollicitos, cum ingens ubique & uberrima sit seges; ea tamen omnia quatenus duas solum medendi intentiones respiciunt, ad bina hæc capita reduci possunt: illa nimirum aut cutis accuticulæ poros aperiendo, atque hanc interdum excoriando, humorem exterius attrahendum & prorsus evaporandum moluntur, vel è contra, & sæpe non minori cum successu adhibentur illa, ut materiem maculosam è cute repercutiant, ac intus adigant. Topicorum utriusque generis formulas quasdam ordinarias rationaliter inventas, & non raro sat feliciter usurpatas, hic ordine subdemus, quandoquidem non licet sine magnatum offensa, secretiora artis cosmetica mysteria detegere, & apud vulgus profanare.

Primò igitur ad cutim detergendam, & materiem macularum foras extrahendam.

℞. Lixivii è sale tartari minus saturati ℥ iv. olei amygdalarum amararum per expressionem facti q. s. in tali proportionem misceatur, ut totus liquor illico lactescat, ac ita perstet; cum hac mixtura partes affectæ mane, & vespere illinantur, & blandè confricentur.

℞. Radic. Ari, bryoniæ. sigil. Salomonis recentium an. ℥ j. pulv. sem. fœnugraci ℥ j. camphoræ ℥ β. simul contusis affunde olei tartari per deliquium ℥ iij. f. expressio, applicetur cum petia intincta bis in die.

℞. Sulphuris vivi pulv. ℥ j. saponis nigri ℥ ij. ligat. in petia, suspend. in aceti ℔ j. per ix. dies, dein in usum adhibeatur, loca affecta bis in die abluendo, & confricando.

Secundò propter alteram intentionem, scilicet maculas è cute discutiendas, earumque materiem repellendam ac intus adigendam, lac virginis celebre apud antiquos remedium fuit, & etiamnum à pluribus commendatur, ac in usum adhibetur. Hujus præparationes satis innotescunt: nempe solutio lithargyri in aceto destillato facta, ab oleo tartari per deliquium affuso, in liquorem instar lactis albicantem præcipitatur, quo facies, & manus bis in die laventur, & blandè confricentur: Medicamentum huic simile aut idem, saltem ejusdem virtutis, paratio ex solutione minii, vel cerussæ, in eodem menstruo facta, & cum aqu. Aluminis aut salis gemmæ præcipitata.

Vel ℞. Camphoræ incis. ℥ ij. teratur in mortario vitreo, sensim affunde succum unias limonis, dein adde vini alb. ℔ j. F. Colatura & camphora residua, petia ligata, in vitro suspendatur.

℞. Vi-

℥. Viridis æris ℥ iv. affunde aceti vini albi ℥ ij. cucurbitæ vitreæ indita destillentur in calore avenæ: phlegma primo extillans ad usum fervetur, quo facies illinatur bis in die. In hunc finem etiam ros aut phlegma vitrioli per se destillati egregiè convenit sufficit nonnullis aqua florum fabarum, aut fumariz simpliciter stillatitia, aut etiam vitis succo limpidus, è ramis ejus verno tempore sectis extillante uti. Attamen feminæ curiosiores & artem cosmeticam maximè callere præ se ferentes, vix ullis remediis cutaneis, nisi mercurialibus contentæ sunt; quapropter aqua sequens ad omnes faciei turpitudines commendatur, & ab empiricis magno pretio venditur.

℥. Merc. sublimati ℥ j. pulverisat. ponatur in vase stanneo cum aq. fontan. ℥ iij. stent. per xxiv. horas cum spatula lignea subinde agitando, donec totus liquor nigrescat, qui tamen per chartam emporeticam colatus limpidus evadit; cum petia aut pluma huic intincta, facies semel intra diem unum aut alterum blandè obducatur.

Medicamentum hoc contra turpitudinem quamcumque cutaneam insigniter juvat; quatenus nempe humores intra poros, & foraminula utut minutissima impactos expellit, salium aut sulphurum combinationes inveteratas & pertinaces dissolvit, totamque ubi applicatur cutim quoad meatus ejus malè conformatam restituit, & *ἐκκαθαίρει* facit; Quapropter non tantum ad faciei maculas abstergendas, sed etiam ad pustulas, & ruborem ejus nec non ad affectus erysipelas tollendos utile est. Porro interdum accidit, plerasque faciei partes, præsertim vero nasum, & frontem, punctis nigricantibus creberrimis quasi à pulvere pyrio exploso inustis insigniri: quod tamen inde procedit, quia foramina sudatoria, modo humore atro crassiori, modò vermiculis capita nigra habentibus implentur quæ quidem animalcula è poris expressa, & soli exposita vivere, & se movere facile cernuntur; atque in tali cutis affectione, lotionem aut litus nulli præter mercuriales prodesse solent; attamen huic melli aculeus plus nimium malignus sæpe præsto est; neque hydrargyri particula, una cum salibus (à quibus in minutias dividuntur; ac uunturque) faciei applicata, materiam inde noxiam & defædatoriam poris excutiant; ac depellunt, eam vero intus repressam insequuntur, & propediem sanguini & liquori nerveo (quorum crasses lædunt; se facile insinuant, quinimo horum comæatu sæpissime, cerebro, & nonnunquam præcordiis, & partibus aliis virulentiam suam non rarò postea indelebilem imprimunt, hinc frequens observatio est, feminas aut viros cosmetico mercuriali dies ac multum utentes, vertigini, & affectibus spasmodicis, aut paralyticis obnoxios fieri, eorumque dentes nigricare, & nonnunquam vacillare.

De Psora sive Scabie cum pruritu.

Post cutis affectus simpliciores, qui nempe sine tumore, aut ulceratione contingentes, eam solummodo apparentiis maculosis defædant, jam ordine dicendum erit de pathematis gravioribus, & continuitatem solventibus, at-

que imprimis de psora sive scabie, quæ in variis, & crebris totius corporis locis, curim pustulis sive eruptionibus exiguis, modò siccis & sæpe squamosis, modò humidis ac ad ulcerationem dispositis, cum pruritu valde molesto infestat; atque hujusmodi affectio propriissime istius partis morbus est, utpote quæ in ipsa cute propter contagium externum sæpe incipit, & frequenter per remedia quædam tantum cutanea sanatur; saltem utriusque ratio eatenus tenet, ut rarò aliter perfecte aut suscipiatur, aut curetur.

Psora sive scabies vulgò describitur esse pustularum in toto corpore sparsim eruptio, ab humore acri, & salso, intra poros cutis aggesto procedens, & inde ut disentiatur, ob pruritus insignem, scalpendi necessitatem inducens.

Ut morbi hujus causas, & symptomatum rationem ritè investigemus, paulò altius de materie *ψωραδὲς* & causa ejus conjuncta inquiremus, nimirum ut innotescat, cujusmodi sit humor iste intra cutim aggestus, quo pacto illic aut generatur, aut aliunde adveniat, dein quibus poris aut loculis contineatur, & quomodo foras erumpere nitens pruritus adeo molestus creat.

Itaque circa hujus morbi ortum ut non cum veteribus jecori, vel lienis, culpam nimium imputemus, materies ejus non esse quilibet humor singularis, è quatuor vulgò suppositis, viz. non pituita, nec bilis flava, vel atra, nec etiam ipse sanguis per se extravasari aptus, porro nec illa è duobus vel pluribus horum simul mixtis constare videtur enim vero ut dentur tales humores, ex iis tamen si morbus hic semper constet, non ita facile per merum & leve contagium suscipi, litu vitri solo curari possit. Quamobrem potius opinari fas sit, materiem morbificam esse humorem lymphicum, in glandulis cutaneis constanter, residem attamen ab indole sua genuina, scilicet salino volatili in acidam aut alias vitiosam degenerem. Enimvero cum huic ita depravato, & perpetim evaporanti, supplementa continua à sanguine adveniant, latitantes isti, vetus & recens, non facile congruunt, aut uniuntur, at salium dissimilium ritu mutuo effervescentes, in materiem recrementitiam coagulantur, quæ poros cutis implens ac distendens, ubique passim in tumores attollit, insuper sanguinem in transitu nonnihil impedit, & extravasari cogit. Hinc pustula crebræ excitantur, & quatenus materies ista in ichorem faciens, à sero & sanguine subsequenter usque prorsum, & foras urgetur in moleculas assurgunt, dein spiritus animales fibras nerveas, ut ichoris istius excretionem promoveant, inordinate subeuntes, molesti pruritus sensum efficiunt.

Profectò humorem quendam lymphicum in glandulis cutaneis, quæ singulis foraminibus sudatoriis subjacent, propter usus quosdam recondi, quin & juxta copiam, & moram ejus diversimodam, glandulas has plus aut minus turgidas existere, inspectio microscopica planissimè detegit. Latex iste à sanguine per arterias in glandulis hisce deponitur, nempe ut sarcinula hac exuta, facilius iste per venas redeat, interim illic repositus, suos usus habet, scilicet imprimis papillas miliares, quæ cum fibrillis suis nerveis substratæ proprium tactus sensorium

rium sunt continuè madefaciens, ab ariditate qua sensatio impeditur præservat; insuper idem effluvia adusta à sanguine accenso perpetim decedentia, juxta cutis transitum humiditate quadam imbuit, & halitiosa reddit; dumque adeò laticis hujus pars cum sanguinis effluviis continuè evaporat, impendia ista per lympham usque recentem à sanguine arteriolo (uti dictum est) jugi exutam, reparantur.

Attamen suæ cutaneæ regionis œconomia non ita regulariter usque servatur, quin humor iste glandulosus, ab indole & functione sua deficiens, non modò in cute sed interdum in toto corpore affectiones præternaturales diversimodas excitabit. Hic lentescens, inque loculis pertinaciùs hærens, diaphnoen obstruit; ab eo nimis ubertim foras exūdante sudatio immodica, ab eodem intus restagnante diuresis debito copiosior procedunt. Porro ad scabiem, & eruptiones pustulosas quod spectat, humor iste cum pluribus, ita potissimum tribus hisce modis depravari, proindeque diathesin cum sero à sanguine recens affuso coagulativam inire solet, viz. Primò ipse sanguis valdè impurus, simulque dissolutus, corruptelas & recrementa sua ubertim in glandulis cutaneis relinquit, quæ ibidem fermenti magis corruptivi naturam induentia, cum succis aliis adventitiis, aut pertranseuntibus effervescunt; & varie coagulantur, adeoque non solum affectus *ψωρῶδης* verum & leprosos diversimodos pariunt. Hinc piscium crustatorum, quin etiam aliorum, & quadrupedum salitorum, & sole aut fumo induratorum comestio crebra & assidua, item potus incongrui, & pharmaca venenata assumpta, eruptiones cutaneas passim, & non rarò horrendas cient.

Secundò humor glandulis cutaneis aggestus, interdum mera stagnatione non tantum *ψωρῶδης* sed etiam frequenter *φθερῶδης* evadit; quare non tantum diu incarcerati, sed etiam qui vitam sedentariam agentes squalori insuper, & pædori assuefiunt prædictis affectibus obnoxii degunt; quatenus nempe latex cutaneus minimè ventilatus, liquorum putrescentium ritu, mera stagnatione corrumpitur, adeoque fermenti *φθερῶδης* indolem adipiscitur, cui insuper à sanguine perinde etiam depravato putredinis complementa accedunt.

Tertiò si forsan hæ causæ defuerint, ut cutis humor glandulosus nec à sanguinis vitio, nec propria stagnatione labem ullam contrahat, attamen miasma virulentum ab extra communicatum, eum quoad morbos istos nihilominus prolificum reddit. Ex observatione maxime vulgari hoc liquido constat, in quantum maxime sani, & constitutione optima præditi, vix unquam in eodem lecto ubi scabiosus simul decumbit, aut nuper decubuit, impunè dormiunt: nec ita tantum, quin & scabiosorum sudaria aliis in eodem lavacro lotis, ejusdem affectus sæpe contagium impertiunt. Nullius certe morbi labes (peste tantum excepta) faciliùs, aut certius quam pforæ propagatur.

Quod si hujus ratio inquiratur, statim occurrat, liquorum miasmatis *ψωρῶδης* susceptivum, ad illud maxime exponi, & facillime disponi; ad utrumque certe nullo promptius quam aut sanguinem, aut succum nerveum. Enimverò

cutis latex glandulosus, in extima corporis superficie scatens; atomos quascunq; per foramina & meatus ubique patentes intromissas, primò imbibit, & à sanguine anticipat. Porro quod iste à contagio scabioso tam cito inficiatur, faciunt tum fermenti communicati activitas, tum liquoris glandulosi ad degenerandum eò modo proclivitas. Enimvero effluvia à cutis scabiosæ efflorescentiis decidua, satis aptè comparantur cerevisiæ floribus, summitatem ejus quasi pellucula extrema occupantibus; quorum si portio perquam minima inde demta alteri cerevisiæ novellæ in fermentatæ committatur, totam illico massam quantumvis magnam fermentat; ac in liquoris unde admittitur indolem commutat. Magna certe energiea est, quam particulæ, utcunque minimæ ac paucæ, ad summam activitatem evectæ præstare valent, præsertim vero si in liquorem (cujusmodi est cutaneus) è particulis subtilibus cujusque generis, tum à sanguine tum à succo nerveo delibatis, conflatum, proindeque citissimè fermentari aptum inciderint. Ubi- cunque igitur miasmatis prædicti effluvia, corporis sani parti cuius externæ impingentur, imprimis humorem cutaneum tantum illic loci constitutum inficient, deinde vero hujus ita infecti particulæ, à sanguine venoso susceptæ, & mox arterioso traditæ, per totum corporis habitum diffunditur, adeoque brevi humoris istius totam massam coinquinant, & *ψωρῶδης* efficiunt.

Ex his de Pforæ causis tum conjunctis, tum procatacticis explicatis, Symptomatis primarii, sc. eruptionis pustulosæ, ratio satis liquet. Quoad alterum vero, sc. pruritus cum sit sensio molesta, ut ratio ejus formalis innotescat, considerare oportet, ad quod sensorium proprie spectat, & cujusmodi ejus affectio sive passio fuerit.

Circa hæc, primo certum est pruritus ad sensum *Tactus* pertinere, atque hujus instrumenta primaria esse papellas miliares earumque fibrillas per totam cutim dispersas supra ostendimus. Insuper hoc sensu fibræ omnes nerveæ ubique per totum corpus diffusæ donantur. Attamen cum *Tactus* duæ sint passionis supremæ, & quasi genericæ, sc. *Dolor*, & *Voluptas*, merito ambigitur, cuinam ex his *Pruritus* referri debeat. Pro cujus solutione ostendere oportet, quo ritu spiritus animales *Tactus* sensorium incolentes afficiuntur in *dolore*, quomodo item in *voluptate*: deinde eorundem gestu etiam circa *pruritus* designato, facile constabit, cujus ditionis hæc passio fuerit, & in quibus ejus natura, & fiendi modus consistunt. Hæc quamvis in digressu si plenius & forsan ad tædium usque exponam, ignoscat lector, quoniam *Ætiologia* hæc ad affectus plerosque externos tum dignoscendos, tum curandos perquam necessaria videtur. *Dolor* à *Tristitia* distinctus, & ad *Tactum* pertinuens, definiri solet, *sensio molesta à continui solutione procedens*. Et quidem exoritur iste, quoties, & quatenus sensibile incongruum, aut improporionatum, sensorio isti applicatum, fibras ab invicem dividit & divellit; proindeque spiritus animales in iis hospites à solita & placida emanatione sua repellens, ab invicem distrahit & quasi in fugam vertit; deinde propterea statim, quatenus iste spirituum exterior repulsus, continuata aliorum serie ad

πρωτον διατηρησιν communicatur; spiritus illic degentes in parem confusionem ciet, doloris, sive molestiæ exterius inflicte, perceptio efficitur. Revera tota spirituum animalium quæ dolore afficiuntur series, quasi animæ sensitivæ membrum quoddam singulare, ab objecti impressione velut anxietatem concipiens, cum molestia corrugari, inque dimensionem minorem sese contrahere cogitur.

Cum solutio continui doloris causa statuitur, non ita intelligendum est, ac si affectio hæc tantum à vulnere, aut plaga corpori inflicta crieretur, namque eadem à frigore, calore, flatibus, à sanguinis aliorumque humorum extravasatione, aut alicubi agglutinatione, sæpe membri conformatione adhuc integra manente, passim induci solet; in quibus calibus licet continui partes, ac imprimis fibræ & filamenta nervea, minime præscindantur, ista tamen in omni doloris affectu, aut ab objecti pressione, aut à particulis alienis cuneorum instar adactis, à solita positione divelluntur, inque tensionem nimiam, aut distorsionem, aut divulsionem adiunguntur; proindeque spiritus incolæ, à mutuis amplexibus divulsi, & dissipati, gravate he bent, & molestiæ sive doloris passionem eunt.

Dolori opponitur voluptas, estque sensationis modus isti plane contrarius: qui nempe oritur, quatenus blando mulcimine supra sensorium facto; spiritus illic confluunt, & mox densius conglobati, & delectatione quadam perfusi, in organo quasi exultant & conjubilant: dein quatenus spiritus intra corpora striata insimul parem ovationem ineunt, voluptatis perceptio accietur.

Maxima voluptas quæ Tactui affertur, in eo consistit, ut doloris causa amota partes ab ea prius affectæ temperiem & conformationem pristinam recuperent; ita namque spiritus animales prius fugati, & ab invicem dispersi, se recolligunt, & ad loca quibus exularunt, copiis duplicatis irruentes, quasi ad ovandum se accingunt. Hinc Peripatetici voluptatis rationem formalem solummodo in molesti cujusdam remotione posuerunt; uti cum frigoris, aut caloris excessus, à statu opposito, & magis congruo excipitur. Profecto objectum tangibile (siquidem hoc crassum usque ac hebes fuerit) vix aliud (*ἀφροδίσια* si exceperis) spiritus animales ad sensorium conglobatim allectat, nisi quod eorum confusioni præcedenti succurrit.

Ex his circa passionem istas designatis, facile constat, *pruritus* quoad rationem ejus formalem plene & perfecte, nec dolorem esse, nec voluptatem, verum imperfecte, & inchoative, de utroque statu participare. Enimvero materies *ψωράδης* intra cutis poros aggesta, & pluribus in locis continui solutiones faciens versus dolorem inclinat: attamen cum illa sit volatilis, mobilis, & versus exitum properat, idcirco spiritus animales è fibris etiam si divulsis non fugantur, nec cum molestiæ sensu retrovertuntur, verum è contra, quasi humore infesto se potiores, eique ejiciendo pares sentirent, intra fibras cutaneas densius, se inordinatim agglomerati, eas varie convellunt, & deducunt, quocitius materiem morificam excutiant, & foras depellant. Quapropter quatenus spiritus animales minime fugati, aut repulsi, sed extrorsum

conglobatim in tactus organa confluentes, ibidem *ἀπέναντι* & tumultuarie se gerunt, atque fibras sensiles velut titillando, in leves spasmos cient, non voluptas, verum sensio molesta, quæ item nec dolor est, sed passio ab eo plane diversa exoritur. Quamprimum autem fricando aut scalpendo, spirituum copiarum ubique circa sensorium aggregatarum melius disponi, ac quasi in ordinem redigi incipiunt, maxime exinde voluptatis persensio inducitur. Quare pruritus medius quidam inter doloris & voluptatis initia status, sive spirituum ab illius rudimentis versus hujus complementum transitus videtur. Verum à Physiologia hac parerga, ad pathologiam nostram revertamus. Ex supra dictis facile erit morbi hujus differentias colligere.

Primo igitur Psora quoad originem suam, aut per contagium accipitur, aut propter malam victus rationem, incendiculum & fomes ejus à chylo, & sanguine vitiosi communicatur, vel ob pædorem & transpirationis defectum in ipsa cute generantur: quibus addere licet, infantes quandoque hanc labem à parentibus hereditario contractam nancisci.

Secundo eruptiones cutaneæ quoad formam suam, juxta diversimodas affectorum constitutiones variant: nam in quibusdam temperamenti siccioris biliosi aut melancholici, scabies tantum sicca, & quatenus ob feri defectum minus evaporat, cum pruritu non adeo molesto excitatur: in aliis vero temperamento humidiori, & sanguine impuriori præditis, exanthemata plurima ichore imbuta, & summe prurientia, ad scalpendum valde irritant, & propter ulcera inde concitata, pruritus subinde in dolorem commutatur.

Quoad *prognosin*, licet hic morbus ex se nunquam exitialis, aut valde periculosus, & curatu semper facilis existit: attamen sæpe malum eventum habet; in quantum scilicet diu continuatus, & sanguinem & liquorem nerveum summe depravat, atque ab eo confestim sanato, propter materiem, dum poris excutitur, intus susceptam, præcordiis & cerebro, aliisve partibus nobilibus labes perniciose infertur.

Maximum à scabie periculum pueris & cachecticis imminet; utpote in quibus utrisque, labes ab humore cutaneo partibus nobilibus facilius imprimatur, quæ deinceps cum lues exterior *ψωράδης* deletur, intus manens, non nisi larga pharmacia, (cujus neuter capax aut patiens est) penitus expugnari potest; quapropter tales omni cura & diligentia adhibita, à scabiei tanquam à pestis contagio præservari debent.

Circa scabiei sive Psoræ *curationem* duæ occurrunt primariæ indicationes, ac utraque duplex, viz. prima *curatoria* hæc duo respicit, ut humor glandulosus (fermento ejus corruptivo penitus extincto) ad debitam crasin reducatur. Secundo dein, ut ipsius cutis pori & meatus, concretionibus ichorosis liberati, conformationem pristinam seu *εὐρυσιν* recuperent.

Indicatio secunda *præservatoria* hæc duo præcavet, sc. primo, ne Psoræ impuritates & miasmata corruptiva è cute (dum fermentum expugnatur) excussa, in sanguinem ac liquorem nerveum regurgitent, iisque non tantum dyscrasias, sed insuper (ut sæpe assolet) cerebro

aut præcordiis noxam graviolem inferant. Secundo item navetur opera; ut humorum & partium nobilium labes à materie *ψυράδι* prius contracta, dum cutis vitia emendantur, eradicari possint.

Omnes hæ medendi intentiones, per remedia tum interna, tum externa simul usurpata, una complicari, aut saltem intercalari debent; nempe ut materies morbifica loculis suis excussa, in nullas uspiam latebras secedere, & delitescere queat, quin ex omni parte: intus & foras per medicamenta, impetita in totum amoveatur; itaque purgantia hanc medendi methodum inchoare semper & finire debent. Quamquam Helmontius pharmaciam cathartica cum magna pompa exagitat & quasi triumphatam ducit, quia per se scabiem non curat, affirmare tamen licet, morbum hunc sine medicina ista, vix unquam facile, nunquam vero tuto sanari. Porro *Phlebotomia*, nisi aliquod contradicat, mox ab initio celebretur; insuper his *alterantia* quæ sanguinem purificant, & viscera corroborant, ac contra materiam *ψυράδης* incursum muniunt, vices suas habeant; atque interea linimenta, aut Balnea, aut alius generis remedia Topica, & proprie cutanea adhibeantur: utpote sine quibus non tantum Cathartica, & Phlebotomia, sed & Diaphoretica, imò remedia quæcunque sanguinem ac humores evacuantia aut alterantia, incassum cedunt. Medicamentorum cujusque generis modo recensitorum, formulas quasdam selectiores subdemus. Et primo ad Catharsin rite moliendam, detur ab initio pharmacum purgans, aut emeticum; item post Phlebotomiam (si opus fuerit) celebratam, Apozema, vel cerevisia, cathartica, sumatur per 7. vel 8. dies.

℞. Electuarij diacarthami ℥iij. spec. diaturbith cum Rhabbarbo ℥j. cremoris Tartari, salis absinthii, ana, ℥ss. Syrupi de pomis purgant. q. s. f. bolus sumend. cum regimine. Vel,

℞. Sulphuris Antimonij gr. vii. Scammonij sulphurati gr. viii. cremoris Tartari ℥ss. f. pulvis.

℞. Radic. polypodij qu. lapathi acuti præpar. ana ℥j. foliorum sennæ 3x. Turbith, Agarici, Epithymi, ana ℥j. sem. Carthami ℥ss. santali citrini ℥ij. sem. anisi, carvi, ana ℥ij. incisa & contusa digerantur clause & calide in vini albi ℥iv. per xxiv. horas, liquor clarus effundatur, sine expressione, dosis ℥vi. per se, vel cum cochl. j. Syrupi ex Epithymo.

Vel. ℞. Ingredientia prædicta, & coquantur in aqu. font. ℥vi. ad medietatem, dein adde vini albi ℥vj. & statim coletur. f. Apozema, detur eodem modo.

Vel, ℞. Radic. Polypodij qu. lapathi acuti, ana ℥iij. sennæ opt. ℥iv. Epithymi, Turbith, Mechoac. ana ℥ij. santali citrini ℥j. sem. coriandri 3vi. f. a. præparentur, f. sacculus pro iv. congiis cerevisiæ, post v. vel vi. dies hauriatur, & sumatur ad ℥xii. plus, aut minus, omni mane per viii. vel x. dies.

Pro potu ordinario doliolum iv. congiarum impleatur cervisia tenui, cui imponatur sacculus sequens.

℞. Summitatum Tamarisci, fumaris f. sicc. ana M. iv. Radic. lapathi acut. f. sicc. ℥vi. corticis solani lignosi ℥ij. incisa & contusa, misce.

Vel, sumatur Bochetum ex decoct. sarsaparil. santalo, cum rasur. eboris C. cervi, liqueritiæ, &c.

II. Ad remedia alterantia quod spectat, præter cerevisiam medicatam pro potu ordinario, non multis aliis opus videtur, sed tantum ut recta victus ratio observetur, vitando cibos salitos & piperatos, pisces crustatos, aliosque muria conditos; etiam à vino, aquis ardentibus, cerevisia fortiori, & à liquoribus quibusq; sanguinem incitare nimis ac fermentare aptis temperetur. In psora contumaci & corpus cacochymicum occupante, expediet electuarium sequens cum aqua destillata bis in die exhibere.

℞. Conserv. fumaris, radic. lapathi acuti, ana ℥iij. Trochisc. de Rhabbarbo, specierum diatrion santal. ana 3i. salis absinthii, 3j. Vitrioli Martis Div. cum s. q. Syrupi è cichoreo cum Rhabbarbo, f. Electuarium, dosis 3j. ad 3ij. bis in die superbibendo aqu. destillat. sequentis ℥iv.

℞. Summitatum Abietis M. vi. fol. fumaris, Agrimonis, Elatines, Epaticæ, Becabung. ana M. iv. Radic. lapathi acuti ℥ij. corticis sambuci M. ij. cortices exteriores vi. Aurantiorum. Incisis, & contusis affunde feri lactis cum cerevisia media facti ℥viii. destill. organis communibus, liquor totus misceatur.

II. Unguenta cuti illinenda communissime, & efficacissime, pro scabie curanda præscribi solent; attamen quæ aliis plerisque tumoribus, aut ulceribus adhibentur, minime hic juvant; verum *Sulphur*, ejusque præparata, in hoc morbo virtutem quandam specificam habere videntur, adeo ut linimenta fere omnia *ψυράδι* ingrediuntur, & totius compositionis basis sunt. Receptum apud vulgus maxime tritum est hoc.

℞. Pulveris, aut flor. sulphuris 3ss. Butyri non saliti 3iv. Zinzib. pulv. 3ss. f. linimentum.

Paulo elegantius, etsi non multum efficacius ad hunc modum præscribitur.

℞. Unguenti rosacei 3iv. Sulph. vivi pulv. 3ss. olei Tartari per deliquium q. s. f. linimentum, cui odoris gratia adde olei Rhodii.

Si quando sulphuris energie aliorum adjectorum virtute corroborari, aut intendi debet,

℞. Unguenti enulati sine Mercurio 3iv. Pulv. sulphuris 3ss. olei Tartari per deliquium q. s. In eundem finem unguent. ex radic. Oxylapathi in butyro, vel oleo, cum vino albo ad vini consumptionem coctis, cum sulphure & oleo Tartari componitur. Porro unguenta ista interdum per se, curiosioribus tetrum sulphuris odorem abhorrentibus sæpe cum fructu usurpantur.

3. Tertium linimenti *ἀντιψυράδης* genus fit ex Mercurio, nullo præterea sulphuris, aut vegetabilium satellitio indigens. Quin ex se hoc nimis efficax, non toti corpori, sed brachiorum, & crurum solummodo juncturis applicari, aut cingulo inclusum circa lumbos gestari solet: ita namque de scabie curanda spes fere nunquam deficit. Attamen periculum est ne praxis hæc (uti sæpe assolet) symptomata mala, & perniciofa inducat; nam è litu Mercuriali salivatio frequenter, quandoque item scotomia, vel affectus soporosi, aut convulsivi succedunt. Porro nonnunquam Pharmaci virus intra præcordia, aut viscera, horrendos *Asthmatis*, *leipsothymias*, aut *dysenterie* affectus producit.

Unguenti Mercurialis ad pruritus formula vulgaris, & maxime usitata hæc est.

℞. Hydrargyri cum acido in minutias reducti ac (ut dici solet) extincti ℥i ss. pinguedinis porcini recentis ℥vi. incorporentur optime, diu terendo in Mortario lapideo, aut vitreo.

Nec tantum sub forma linimenti, sed & pluribus aliis modis prædicta medicamenta usurpari solent. Nam Cinnaberis (quod ex Mercurio cum sulphure paratur) carbonibus injecti fumus ore exceptus, aut corporis superficiem feriens, Pforam curat. Aq. Mercurialis cosmetica superius descripta subduplo imbecillior, sicuti in locis maxime ulceratis cum petia applicatur, scabiem omnem tollit. Attamen horum usus non usque adeo tutus est, ut passim omnibus adhibeantur.

Ex sulphure, ac vegetabilibus, vel serosis utriusque sc. per se vel conjunctim, aqua incoctis Balnea parantur, quæ non lavacri communis ritu, cutis tantum sordes eluendo, sed & fermentum ejus destruendo, morbum hunc sanant. Insuper his, restat adhuc alius facilior, & multo elegantior pruritus sanandi modus, nempe ut camisia aquæ fontanæ cum sulphure pulverisato incocta, & per solem, vel ignem exiccata, super nudum corpus per quatuor vel quinque dies gestetur; ita namque morbus iste sine balneatione, aut litus squalore, aut male odore, curari solet.

Quod si horum Ætiologia inquiratur, & imprimis quare sulphur adeo specificum Pforæ Antidotum sit, ut pauperes & plebei (quibus alia pharmacia utendi deest copia) contra affectum istum tantummodo sulphuris pulverem cum lacte intus sumunt, & cum butyro exterius adhibent: dico hujus rationem superius, ubi sulphuris virtutem erga pulmones Balsamicam explicavimus, ex parte ostendi. Illud nimirum in utroque casu prodest, quatenus sanguinis, & humorum aciditates, ac asperitates quasvis exoticas, & corruptivas destruit, ac unicuique latici iudolem benignam, scil. mollem & quasi oleosam restituit: atque ita sulphuris particulæ quoquo modo exterius applicatæ, cutis poros facile subeunt, atque intus admissæ protenus in ichorem ulcerosum illic scatentem agunt; sales inibi præpollentes mortificant, & latici citaneo nituram Balsamicam; deinceps ut bene congruat cum sanguine & sero continue affluis, conciliant.

Quoad *Mercurium*, nihil mirum est si medicamina ex eo parata, cutis loca, ubicunque applicentur, *ψωράδι* persanant, siquidem hac applicatione exanthemata, & ulcera quævis cæcoethea, sc. venerea, & scorbutica duæque petdomari solent. Porro nec res stupenda est, quod Pharmaca hæc privatis quibusdam locis adhibita, dummodo salivationem cient, pruritus universalem curant; at verò quod sine sputo talem effectum producant, uti cum zona hydrargyrum includens circa lumbos gestata totius corporis scabiem tollit, idque interdum sine ulla evacuatione sensibili, aut noxa exinde concitata, hujus inquam ratio non ita facile patet.

Attamen pro hujus solutione dicendum videtur Mercurii particulas, fermenti cujusvis *ψωράδας* extinctivas, cum privata cuipiam parti applicantur, illico istius loci scabiem tollere,

etque insuper à sanguine venoso susceptas, per totam hujus massam diffundi, & paulo postea per sanguinem arteriosum, non solum in eundem ubi suscipiantur locum regeri, sed quaquaversus extrorsum latas, ubique in totius corporis cute deponi; ibidemque scabiei miæma quodvis destruere: dein si forsan contigerit particulas hæc Mercuriales, post medelam peractam rursus omnes cute evaporari, nulla deinceps salivatio, aliudque incommodum sequentur.

De Impetigine, sive Lepra Græcorum.

Post Scabiem cum Pruritu, agendum sequitur de affectu alio, huic ob pustularum eruptiones nonnihil affini, qui communiter *Impetigo*, à quibusdam *lichen* & *vitiligo*, atque ab aliis *Lepra Græcorum* appellatur. Hic uti diversa sortitur nomina, ita eadem ab Authoribus varie applicantur, & ab iis morbi speciem unam, ab illis aliam designare perhibentur. Quare cum affectus hujus appellationes varie confundantur, & forsan quoad naturam, & rationem ejus formalem in diversis regionibus diversimodè habuerit, neque prorsus idem sit in nostro hoc seculo ac fuit olim; idcirco non ex libris, sed ex propria Ægrotantium observatione morbum hunc describere satagam.

Impetigo ad hunc modum exoriri, & afficere solet; vix. imprimis papillæ, sive pustulæ rubræ modo singulares, modo plures congestæ, in variis corporibus partibus, præsertim vero in brachiis aut cruribus excitantur; quibus singulis (morbo incrementum sumente) undique novæ adjunguntur, & brevi ejusmodi molecularum plures velut aggeries, sive corymbi fiunt. Etenim papillæ juxta unamque stirpem, primo indies erumpentes, & latius usque serpentes, sese in orbem diffundunt; adeoque exanthematum aggeries quasque ampliari faciunt. Cujusque harum superficies aspera, & nonnihil albidæ, & squamosa apparet, unde, si scalpatur, squamæ decidunt, & ichor sæpe tenuis exudat; qui tamen mox excitatus, in squamam rursus crustaceam indurescit.

Hi papillarum corymbi primo exigui, & pauciores existunt; in brachio; aut crure, aliove membro singulari; tres forsan; aut quatuor ad magnitudinem denarii; aut semidrachmæ apparent: postea verò; si morbus crescere sinatur, crebriores ubique erumpunt, quæ quidem, quoad areas sensim auctæ; postea coronam argenteam æquant aut superant; verum non semper rotundæ, aut figuræ regularis, sed variiformes existunt. Porro in hoc statu non sinitur, sed affectus nisi per medicinam cohibeatur, in pluribus usque locis ebulliens, & latius ubique serpens, tandem haud solum membra integra, sed & totum corpus vitilagine leprosa obducet: atque hanc impetiginis speciem, sive gradum potius summum veteres propter efferationem ejus *dyseid* appellaverunt, & plerumque incurabilem censuerunt.

Hinc morbi hujus differentiæ præcipuæ innotescunt; & imprimis, quoad morem ejus plus aut minus malignum, distinguitur, juxta quod propius ad scabiei, aut Lepre naturam accedit, vel statu medio se ha-

beat. Insuper notare est, affectum hunc quandoque membra quædam singularia, uti brachia forsan aut crura, corporis reliqui partibus intactis, infestare, interdum vero in iis omnibus simul incipere & ubique sparsim papillas, aut earum corymbos excitare. Porro huiusmodi eruptiones in quibusdam temporariæ, adeoque diversimodæ existunt; namque in his ferè tantum in hyeme infestant, circa æstatem evanescentes, item è contra in aliis quasi Brumam horreant; hirundinis adventum & exitum observare solent: in aliis verò plerisque hic morbus continuus, nullas inducias concedit, imò nullam remissionem, vel mediocritatem habet.

Porro impetiginem, à morbis aliis affinis, atque imprimis à scabie, & lepra distinguere oportet. A priori differt, quoad pustularum formas: namque in Pfora ubique ferè singulares, & spatii licet exigui, ab invicem remotæ existunt, hic plures conglobatim, & quasi per racemos magis intervallis sejunctos erumpunt. Verum inter hos affectus, discrimen maximum inde nascitur, quod scabies per contagium facillime & vix aliter exoriri aut propagari solet, impetiginis verò infectio tam rara aut nulla est, ut miasma à viro uxorem, aut ab hoc illum assidue contumbentibus, minime transeat.

Hic morbus etiam à lepra discriminatur, tum quoad eruptionis formam, tum respectu contagii, quod in hac pariter activum est, ac in Pfora, ipsaque *scabie* multo immanior, & horrenda est, viz. crustacea, & squamosa, ubique continua, & per totum corpus diffusa.

Hinc constat impetiginis causam materialem, non esse humorem mere cutaneum propter miasma ab extus susceptum, aut ob alias occasiones depravatum & à crasi sua degenerem; quia nimirum, non uti in Pfora per contagium facile aliis communicatur, neque statim per totum corpus dispergitur. At verò pustulæ circa morbi initia primo erumpentes, inde procedere videntur, quod in massa sanguinea concretiones quædam acidosalinæ (intar Tartari in vino) contingunt, quæ cum subigi, aut rursus dissolvi nequeant, hic in cutim, quemadmodum illi in dolii parietes, depelluntur. Huiusmodi concretiones donec parvæ ac pauciores fuerint, in membro forsan uno, aut altero, perque unicum aut alterum forsan arteriæ ramum in cutim convehuntur; dein quatenus natura, eundem quem cœpit, excretionis modum continuare solet, materies per eadem vasa ad eosdem ubique nidos advecta, juxta pustulas primas, aliarum circumcirca consitarum aggeries facit; postea verò cum sanguinis dyscrasia, indies aucta, materies ista Tartarea intra massam ejus uberius progignitur, plures ejus portiones per arterias alias, & subinde alias exterius convehuntur; & propterea pustulæ etiam plures, tum in aliis membris erumpunt quas nova materies per easdem arterias continue accedens, & juxta posita, pustularum aliarum adjectione indies ampliat ac undique dilatat; & demum si huiusmodi sanguinis Tartarus in immensum accrescat, per plurimas, aut simul omnes arterias extra delatus, in cute defigetur, & processu temporis superfi-

ciem ejus omnem incrustatione squamosa, aut plane leprosa obducet: atque tunc humor ipse cutaneus per totum corruptus, in morbi partes cedit; namque hic sanguinem & humores, dum inter circulandum pertranseunt, magis inquinando, seu potius venenando, materiæ morbificæ penum augeri faciet, quin etiam effluvia *supra* live corruptiva à se dimittens, ejusdem morbi contagium aliis tradet.

Itaque affectus hujusce *causa* tum *procatarrhica*, tum *conjuncta*, in eo consistunt, quod imprimis absque ullo cutis vitio, sanguinem particulis salinis diversimodi status ac indolis saturari contingit; (in ejus diatheseos causas *causas* mox inquiretur) atqui salia ista præsertim ubi fixa ac acida præpollent, (uti eorum mos est) se mutuoprehendunt, adeoque in coagula quasi Tartarea concrescunt; quæ portiones in sanguinem protrusæ, papillarum eruptiones, quasi totidem morbi hujus nidos inchoant; dein illæ sensim juxta materiæ supplementa tum numero, tum magnitudine indies auctæ, morbi hujus incrementum, & *auxiliu* producant.

Ad causas *causas*, & evidentes quod spectat, duo sunt præcipua occasionum genera, à quibus hic affectus plerumque originem sumit; scil. mala victus ratio, & morborum aliorum, uti imprimis *scorbuti* ac *luis venereæ* male, aut minime curatorum miasmata in corpore relictæ. Singulorum ex his rationes paulo expendamus.

Quoad prius, præter communes circa dietam inordinationes, quibus nonnulli carniū salutarum, & dein sole, aut fumo induratarum elui, simulque vinorum acidorum potui nimis dediti, hunc morbum facile contrahunt; insuper vulgaris observatio est, plures in eum à carnis porcina, & piscium præcipue crustatorum comestione nimis crebra, aut assidua disponi. Prioris instantia satis notabilis est, quod potissimum in morbi hujus prophylaxin, cibus iste Judæis interdicebatur: dein alterius exemplum est, quod olim in Anglia Cornubienses, oram ferè undique maritimam incolentes, quatenus ex iis pauperiores ferè tantum piscibus vescerentur, affectibus leprosis plurimum obnoxii fiebant; in tantum ut propter horum sublevamen, multa in ea regione Nosocomia conderentur. Horum rationes ut paucis inuam, opinari subest utrumque cibum sive quæ rancidus, sive alias improporcionatus, sanguini nostro particulas non rite miscibiles, aut facile domabiles convehere, quibus ita heterogeneis, & dein longo talis dietæ usu in magna copia aggestis, particula cujusque generis salinæ se facile associant, adeoque coagula Tartarea in cutem exterminanda, & affectus impetiginosi, aut leprosi semina constituunt.

Attamen uberrima ejus seges, à scorbuti ac luis venereæ miasmatis in corpore relictis, & demum quoad salium, ac sulphuris efferatorum combinationes ad *auxiliu* evectis progignitur. Morbi prioris, & speciatim symptomatis prædictis eidem *auxiliu*, rationes alibi explicavimus, quæ ad hypothesein modo propositam accommodatæ, magis elucescunt. Atque

que luis venereæ inveteratæ, imò interdum curari visa, ita passim accidit ejusmodi eruptiones pustulosas supervenire, ut nullus ferè his affectus, morbi istius pudendi suspitione careat; saltem medici, quoties in tali casu consulitur, prima statim quæstio est, annon patiens iste labem veneream aliquando prius contraxerit; Enimverò sanguinis corruptelæ, postquam diutina mora heterogeneæ prorsus, ac indomabiles fiunt, tandem particulas salinas sibi consciscunt, quibuscum in coagula ejusmodi Tartarea concrecentes, ac in cutim protrusæ, exanthemata impetiginosa producunt.

Quoad Prognosin hic morbus, etsi mortem, aut imminens periculum rarò minatur, tamen postquam radices altius egit, curatio ejus perdifficilis aut nulla est: Impetigo primo incipiens, atque pustulas earumque aggeries, in membro forsan uno aut altero pauciores excitans, quandoque Therapeiam, sed vix sine Pharmaca efficaciori procurandam admittit. Sin morbus eo processerit, ut papillarum corymbi crebi, ac lati in toto corpore sparsim appareant, tunc parva remedia nihil efficiunt, atque magna utcunque sedulo observata curationem non facile perficiunt. Quod si morbus, invitis quibusque remediis, indies in pejus evehctus, tandem in affectionem quasi leprosam accrescet, pronunciat Celsus *hanc curari non posse, ideoque ab ea abstinendum esse.*

Circa Impetiginis Therapeiam dua sunt primariae Indicationes, scil. *præservatoria*, quæ morbi causam, & *curatoria*, quæ symptoma, viz. eruptionem pustulosam respicit. *Uialis* in hoc casu nisi plane deplorato, ubi somnus ac vires deficiunt, rarò locum habet. Medendi methodus semper incipere debet ab Indicatione præservatoria, quæ morbi causas per remedia interna amovendas procurat, secus enim exteriora ferè nunquam (uti in Pfora) cum fructu adhibentur; attamen præcissis intra sanguinem morbi radicibus, efflorescentiæ cutaneæ cito emarcescunt: propter istas vero tollendas, alias procedendum erit ratione, quando Impetigo per se incipit, & nonnihil diversa quando scorbuto inveterato, aut luis venereæ malæ, aut minimè curatæ supervenit; singulos hosce casus seorsim & distinctè perpendemus.

Quando igitur hic affectus simplex, & primarius, item adhuc recens fuerit, causæ evidentes & externæ amoveantur; mala victus ratio, & aëris insalubritas emendentur; itaque cibis salustioribus, & porcorum aut piscium carnibus dudum ac nimis assueti, ad dietam *ὑποχρῆν*, & *ἐπιήκτων* transeant; porro oram maritimam, aut loca paludosa incolentes, auram deinceps sicciorem, & apricam hauriant; interea non minor potus ratio habeatur, vitando cerevisiam crassiorem, & fœculentiorrem, atque vina tenuiora, & acida, Tartaro nimis referta: demum caveatur ne potus, vel edulia, parentur ex aquis mineralibus lapidescere aptis.

2. Respectu causæ conjunctæ, & procatartica, duæ sunt præcipuæ medendi intentiones; nempe ut viscerum, & humorum impuritates cito expurgentur; item ut sanguinis, & liquoris nervi dyscrasiæ acidosalinæ; (quo

minus in iis materies Tartarea progignatur) in melius reducantur; propter quos hinc, medicamenta tum evacuantia diversi generis, tum alterantia præscribi solent. Attamen quia non omnia, sed remedia ferè tantum magna hic conveniunt, ideò quæ potissimum in & maxime proficua deprehenduntur, sunt *Cathartica*, *Phlebotomia*, *serum lactis*, *acidula chalybeata*, *herbarum expressiones succulenta*, *decoctum ex lignis*, *medicamenta chalybeata*, & *salivario*, cuiusque horum formulas quasdam, ac utendi modos subdemus.

Imprimis itaque purgatione universali, & Phlebotomia, (quemadmodum in Pfora Therapeia) celebratis, *infusio* sive *Tinctura Cathartica*, sequens instituatut, cujus dosis \mathfrak{zvi} . ad \mathfrak{viii} . intra 6. vel 7. dies repetenda.

\mathfrak{z} . Radic. Oxylapathi siccæ. polypodii qu. an. $\mathfrak{z}\beta$. sennæ $\mathfrak{z}x$. epithymi \mathfrak{zvi} . Khabarb. Mechac. ana $\mathfrak{z}\beta$. santali citrini $\mathfrak{z}ij$. spicæ celticæ $\mathfrak{z}\beta$. salis Tartari $\mathfrak{z}\mathfrak{z}$. ponantur in vitro cum vini albi lib. 3. Aqu. florum sambuci lib. 1. stent. clausæ in frigido per dies 3. dein in usum depromantur effundendo quotidie q. s. liquoris clari.

Secundo ad sanguinem edulcorandum, ejusque sales eluendos, serum lactis simplex, vel cum sumaria, Cichoræcis, & Oxylapatho infusis bibatur omni mane ad lib. 2. vel 3. per dies 20. vel 30. si stomacho congruet; simulque vespere, & mane primo sumatur dosis Electuarii sequentis.

\mathfrak{z} . Conserv. rad. lapathi acuti \mathfrak{zvi} . oculor. Cancræ, Corallii præpar. ana $\mathfrak{z}ij$. Eboris $\mathfrak{z}j$. Pulv. ligni Aloës, santali Citrini, ana $\mathfrak{z}\beta$. salis prunel. $\mathfrak{z}ij$. Vitrioli Martis $\mathfrak{z}\beta$. Syrup. è succo lululæ q. s. f. Electuarium, dosis $\mathfrak{z}ij$.

Tertio propter eandem rationem, qua serum lactis, etiam Acidulæ ferratæ, contra hunc morbum præscribuntur, & non raro insigniter juvant, quippe cum cætera quævis medicamenta incassum cessere, cum his solis impetiginem gravem, & pene leprosam aliquoties curavi. Porro his etiam majoris efficacitæ gratia, salis prunel. aut vitriolis Martis, aut Electuarii modo descripti usus commode adjungatur.

Quarto in quibusdam sero nimio, & constitutione aquosiori præditis, ubi seri lactis, aut acidularum potus minus convenit, nonnunquam expedit, decoctum ex lignis horis medicis, ac insuper pro potu ordinario constanter sumi.

\mathfrak{z} . Ras. ligni salicis, lib. s. radic. sarsaparil. $\mathfrak{z}viii$. Santal. albi, ligni lentiscin. ana $\mathfrak{z}ij$. rasur. Eboris, C. Cervi, ana $\mathfrak{z}vi$. Stanni, Antimonij crudi, ana $\mathfrak{z}iv$. in petia ligat. liqueritæ $\mathfrak{z}j$. f. a. infund. & coquantur in aq. fontan. lib. 16. ad medietatem, colatura servetur ad usum.

Quinto *Medicamenta Chalybeata*, quoniam inter remedia præstantiora passim habentur, raro in hoc morbo omitti, quamvis non sæpius cum fructu exhiberi solent: pleraque enim ferri præparata, in quibus particula sulphurea præpollent, quatenus sanguinem fermentant, inque effervescentias *ἐνεργῶν* cient, eruptiones impetiginosas augeri potius quam diminui faciunt; attamen sal. syrupus, Tinctura & infusiones vitriolicæ, quatenus sanguinem figunt, & salium efferationes nonnihil cohibent, me-

dendi intentioni modo propositæ satis apte quadrant; sed potentia minores contra morbum adeo Herculeum minime valent.

Quamobrem, sexto, his & plerisque aliis remediis nihil juvantibus; multi *Salivationem* quasi Athletam fortissimum, ac tanto hosti unice parem commendant. Attamen prægrandi huic expectationi eventus non semper respondet; fateor enim me hoc remedium in quatuor personis impetigine graviore, & medicamentis aliis obstinatâ laborantibus, sine comodo expertum fuisse. Quidam ex his per inunctionem ex hydrargyro, alique per catapotia ex præcipitato solari, in sputationem copiosissimam, quam per 20. circiter dies pertulerunt, ciebantur; quo temporis spatio elapso, eruptiones omnes squamosæ, & papillarum Corymbi evanuerunt; nihilominus ad Therapejam confirmandam potus diateticus ex decocto sarsæ, cum crebra sudatione subtus cratem & debita purgatione interjecta, institutus per mensem continuabatur: attamen hoc cursu finito, cum nulla tunc impetiginis vestigia relinqui viderentur, intra mensem alterum, nova ejusdem morbi seges pullulare incipiens, brevi tempore ad solitam maturitatem accrevit. Porro cum unus ex iis hanc medicinam repetere, atque alter post duas morbi reciduas, eam vice tertia experiri voluit, uterque demum post immanes tot ærumnarum perpeffiones, de curationis spe decidit: unde constat litem veneream, quamvis summe malignam, atque ulcera foedissima & Cacoethez carnes ac ossa depascentia excitantem, multo facilius, certius quam Impetiginem sanari posse.

Cujus ratio si inquiratur, obvium erit concipere; posterioris hujusce Affectus causam, in miasmate maligno, & prorsus heterogeneo, sanguinem & liquorem nervosum ad tempus quoddam inficiente, & quasi venenante, eorundem verò crases non prorsus evertente, aut quoad futurum penitus depravante, consistere; quapropter à salivatione, aut diætâ sudorifica, virus illud totum extirpantibus, atque superflite dein genuina sanguinis & humorum indole, cura peragitur: verum in Impetigine graviore, sanguinis particulæ elementares, & primitus constitutivæ corrumpuntur, adeo ut nisi harum crasis, & legitima diathesis restituantur, evacuationes quæcunque, atque materiæ malignæ venenosæ, aut heterogeneæ cuspis expurgationes, ut ut copiosæ, & eradicativæ, parum aut nihil efficient. Quare non immerito plerique olim celebres medici, morbum hunc confirmatum, ac ad lepræ confinia evectum, vix ac ne vix curabilem censuerunt.

2. Hunc morbum scorbuto inveterato supervenientem eventus nequicquam melior attendit; forsitan hinc medendi intentiones paulo certiores eliciantur, quando hic affectus, istius basis sive radix supponitur; nempe ut Indicatione Therapeutica primaria inde sumpta, remediis antiscorbuticis potissimum insistatur; verum hujus generis acria, & calidiora, uti *cochlearia*, *Nasturtia*, *Rhaphanus Silvestris*, *piperitis* aliaque sanguinem nimis incitantia, quatenus crasin ejus plus dissolvunt, & coagula Tartarea ad cutim uberius propellunt, semper noxæ potius quam emolumento esse

deprehenduntur; atque ob hanc rationem, *Thermarum usus* sive *balneatio* in aquis calidis, quæ siquidem per diaphoresin copiosissimam totius corporis humores evacuat, atque cutis poros abiterget, ac summe mundificat, in hoc morbo valde proficua videatur, sapissime in tantum à juvando abest, ut eruptiones exinde plurimum augeri, & exasperari soleant: novi enim plures haud graviter impetiginosos, Bathoniam, nostram ad Balneandum in aquis calidis profecto, inde prorsus leprosos rediisse. Quapropter, si quando hic affectus symptoma scorbutico *επιπρόσθεν* existit, acrioribus, & elasticis quibusque vitatis, temperatiora solum, atque *sale nitroso*, aut *vitriolico*, aut *volatili* prædita exhibeantur. Cujusque horum generis species & formulas quasdam proponemus; *sale nitroso* imprimis præpollent *Chrystallum minerale*, *herbarum quarundam succi*, vel *decocta* & *acidula* quedam purgantes.

℞. Chrystalli mineralis, sive nitri summe purificat. ℥ j. florum salis Armoniaci ℥j. simul terantur in mortario vitreo, detur ad ℥j. ter aut quater spatio 24. horarum.

℞. Folior. sedî majoris M ij. contusa coq. in lactis recentis lib. iij. donec in serum, & coagulum vertatur, colatura facta, liquor clarus sumatur ad lib. i. bis in die.

℞. Foliorum Taraxici M vi. in massam contusa ponantur in olla fictili vitreata cum operculo, quæ clibano post panes extractos indita, stet per horas 6. vel 8. dein massa in colum effusa, liquor clarus effluat, ejus dosis ℥ iv. ad vi. ter aut sæpius in die.

Fructus Cucumeris virtute nitrosa præditus, & per experientiam contra hunc morbum utilis probatur; quare loco Acetarii, ubertim & sæpe comedatur; porro tres aut quatuor eorum in taleolas incisi, aquæ fontanæ lib. 3. per noctem clausæ infundantur, liquori claro effuso, adde salis prunel. ℥ ij. vel iij. dosis lib. ss. ter aut sæpius in die. In eundem usum etiam decocta ex foliis, una cum fructibus in aq. fontan. facta conveniunt.

Acidulæ sive aquæ quædam minerales Catharticæ, cujusmodi imprimis sunt istæ de *Morth Hall*, Analyfi per evaporationem facta, salem nitrosum quo imbuuntur manifesto referunt; earumque potum per plures dies ad iv. circiter libras assiduum, contra impetiginem leviozem juvare, aliquoties comprobavi.

2. At vero *Acidulas sale vitriolico* præditas, cujusmodi sunt *Spadenses*, atque nostrates *Tumbrigenfes*, tum *Astropenses*, istis *nitrosis*, imo & quibusque aliis medicamentis longè præstare, & pro curanda impetigine, plus valere, superius innui. Quibus, his utendi non datur oportunitas: aquas communes chalybe nostro imprægnatas, adeoque acidulas istas exactissime referentes, bono cum successu, contra hunc morbum propinare soleo, Propter sales minerales, aut saltem ob particulas in iis mercuriales, usu venit, quod *stannum* & *Antimonium* procuranda impetigine à multis prædicantur, & cum aliis remediis præscribi solent. *Rasura stanni*, & *pulvis Antimonii* crudi in cerevisia pro potu ordinario infundantur: item decocta ex *sarsa* cum lignis contra hunc affectum instituta ingrediuntur.

3. *Salis volatilis*, pro impetigine graviore, imo plane leprosa curanda, virtutem insignem satis commendat *vipera*, ejusque preparatorum usus. Hoc morbi istius Antidotum, experimento casuali primo inventum fertur, quatenus nempe (uti Galenus refert) potus è lagena cui vipera imponebatur, ad quendam Elephantias laborantem, venenandum, ipsumque adeo è miseria sua liberandum datus; protinus in remedium cessit, & affectum neci destinatum, à morbo insanabili viso expedit. Huc etiam refertur Analogia, ab animalis hujus natura desumpta, unde colligitur ipsum in hoc morbo juvare: quandoquidem enim *vipera* exuviam suam squamosam quotannis deponit; ideò putaret quispiam, particulas ejus ad excutiendam leprosi pelliculam crustaceam valere; verum his, ut non multum tribuamus, quandoquidem ex crebra observatione constat remedia viperina in impetigine, ac lepra prodesse, certe juvaminis ratio salis volatili, quo plurimo hoc animal præditum est, adscribi debet. Hujus enim particulae, salia fixa, & acida in affectorum sanguine præpollentia destruunt, eorumque combinationes dissolvunt; attamen *Sal*, *Spiritus* ac *oleum* è viperis chymice extracta, ob particulas quas ab igne extrahunt empyreumaticas, & summe elasticas, in hoc morbo minime conveniunt, uti etiam nec *spiritus*, aut *sal volatilis*, (*Cervi*, *fuliginis*, *sanguinis*, aliique consimilis *Armoniaci*; quia nempe sanguinem & humores supra modum exagitandos, eorum crases dissolvi, & corruptelas uberius in cutim propelli faciunt. Quare simpliciora *viperarum preparata* uti *jusculum* ex earum carnibus Aquæ incoctis; *potus* earundem infusionibus, aut incoctionibus imprægnati, atque pulveres ex iis siccatis & tritis confecti, contra hunc morbum utilius præscribuntur. Porro non tantum *viperarum*, sed alius generis *Anguium* ovipararum carnes elixæ, & loco cibi ordinarii comestæ, opem sæpe egregiam præstant.

3. *Impetigo*, sive papillarum eruptiones squamosæ, & in figuras velut corymbeas efformatæ; suis *venereæ* inveteratæ, adeo frequens, & familiare symptoma est, ut quosvis affectione ista laborantes, annon aliquod istius malignitatis cuius conscii sunt lateat; imprimis interrogemus; atque ita rem habere si deprehenditur, statim *specificis* contra hunc morbum quibusque ac *Antiscorbuticis* omissis, protinus ad *decocta ex lignis*, illisque parum, aut minime juvantibus; ad medicamenta ex *hydrargyro* deveniendum erit. Et quidem hac methodo, plures pro impetiginosis, & leprosis habitos, cumque aliis remediis ad hos morbos appropriatis diu incassum tractatos, & misere divexatos, facile ac cito curavi: atque hanc impetiginis speciem, ad luis *venereæ*, cuius appendix est, *Pathologiam* referimus.

Indicatio secunda Curatoria, morbum ipsum & symptoma primarium, sc. Eruptiones squamosas, & pustularum corymbos respiciens, *remedia Topica* cuti exteriori, propter affectus hosce tollendos adhibenda præscribit: in quem finem *balnea*, & *linimenta* imprimis conveniunt: quæ tamen nisi causa procatarectica, viz. *sanguinis diathesis Tarcarea* prius expurgetur, raro aut nunquam per se juvant.

Hujusmodi *Topicorum* farrago ingens, tum apud Authores medicos, tum apud empiricos, & agyras vulgo prostat: è quibus tamen universis, *Balnea* aut *linimenta* è *pice liquida* confecta, cæteris quibusque utriusque generis remediis longe præstant, revera ut illis unicis, ni quod odorem valde tetrum emittunt, utendum fuerit; quapropter compositionum, & cum & sine *pice liquida* formulas quasdam subdemus.

Itaque pro *Balneis* usitatum est, *aquas* doliis, in quibus pix liquida includebatur, aliquandiu contentas, & infusione imprægnatas adhibere: vel,

℥. Picis liquidæ ℥2. incorporetur cum cineribus albis, & cribratis in massam crassiusculam, quæ coq. in aq. fontan. f. q. addendo folior. hederæ terrestris, fumaris, Marrubii albi, radic. lapathi acuti, Enulæ Campan. an. M. iv. f. Balneum cum regimine usurpandum: vel paratur hujusmodi decoctum, sine pice liquida, pro impetiginosis odorem ejus horrentibus.

Balnea sulphurea, tum *Naturalia* tum *artificialia* minus convenire, imò priora sæpius officere; crebra experientia deprehenditur: quin etiam *Balneatio* quæcunque caute admodum adhiberi debet: nam quatenus administratio hæc sanguinem exagitat, & effervescent, crasin ejus (uti modo dictum est) plus dissolvere, & corruptelas in cutim uberius suffundere periclitatur.

2. *Linimenta* quorum usus & tutior, & commodior est, triplicis sunt generis sive gradus, sc. *lenia*, *Mediocria fortissima*, cujusque horum exemplar unum aut alterum proponemus.

1. Primo igitur in *Impetigine leviori*, ubi eruptiones & papillarum corymbi pauciores, & perexigui sunt, commendatur *saliva jejuna*; item liquor ex lignis viridibus, dum utuntur exudans; item mera fricatio cum radicibus lapathi acuti contus. & aceto macerat. Vel;

℥. Olei Tartari per deliquium, olei nucum, vel Amygdal. amararum per expressionem, ana p. a. f. linimentum locis affectis bis in die adhibendum.

2. Secundi Generis linimenta, pix liquida ingredi, ac instar omnium haberi solet.

℥. Unguenti rosacei ℥vj. picis liquidæ ℥ij. simul liquetacta misceantur. Vel;

℥. Portionem carnis vervecinæ pinguiorem, quæ frustis radic. lapathi acuti, consita, & verni infixa, assetur: atque interea, dum pice liquida sensim instillata continue imbuitur, utriusque deliquium, in vase supposita exceptum, pro unguento ad impetiginem præstantissimo fervetur.

3. Linimenta contra hunc affectum fortissima, sunt Mercurialia, quæ nimirum aut hydrargyro, aut præcipitato constant. Prioris formulæ, & compositio eadem sit, ac quæ supra contra scabiem præscribitur. Quoad alterum.

℥. Præcipitati albi ℥ij. unguen. rosac. ℥iij. misce, pro litu partium maxime affectarum: horum usus in hoc morbo maxime suspectus esse debet; nam si forte sputatio ciebitur, materiæ poris cutaneis impactæ saburra perquam immensa movebitur, quæ si tota confertim nimis versus ductus salivales irruens, circa gutturis partes aggeretur, suffocationis periculum incurretur.

Ante aliquot annos *Virgo Illustris* familiarum, temperamenti calidioris, utpote sanguine acriori, & falso originaliter prædita, postquam *Impetigini* perdiu, fere usque ab Ephebis obnoxia degisset, circa pubertatem, graviori modo, eadem laborare cœpit; nam pustularum squamosarum Corymbi, non tantum brachia, & crura, aliasque corporis partes obteatas, ubique obfiderunt, sed etiam manus, & faciem, in tantum defædarent, illam ut in publicum incedere, cumque aliis ordinis sui conversari puderet. Remedia minora fere innumera, sine ullo successu adhibebantur; Thermarum usu primo melius habere visa, exinde tandem deterior facta est. Acidulæ Astropenses, quæ nonnullos impetiginosos integre sanarunt, huic parum, aut nihil opis contulerunt. Quapropter cum methodus quæpiam ordinaria minus affecisset, proposui demum ut salivationem, quasi remedium cæteris quibusque potentius (ac uti dicitur) ultimum, experiretur. Huic consilio cum & patiens, & parentes ejus facile consentirent, statim corpore per Catharsin, & Phlebotomiam rite præparato, juxta morem nostrum, exhibui pilulas ex præcipitato solari per duos dies, & post unius intervallum, & Pharmaco tertia vice repetito sputatio copiosa & laudabilis incepit, & sine malo quovis symptomate per mensem processit; cui tamen in debito tenore sustinenda, artuum juncturis, & locis maxime affectis, modo his, modo illis, *litum subinde mercurialem* applicandum curavi. Ante cursum hunc finitum eruptiones omnes evanuerunt: nihilominus in medelæ confirmationes, simulque ob Hydrargyri extirpationem, mensem alterum purgationi, sudationi subtus cratim, & diætæ ex decocto sarfæ, chinæ, &c. impendebat; quo tempore perfecte sanari visa, ira per quadraginta circiter dies perstitit. Dein vero quamvis exactam victus rationem observaret, morbus idem repullulare cœpit, atque sensim accrescens, demum in statum uti prius *æve* assurrexit. Hoc verum eventu contusus, quasi ut à fluxu menstruo qui nondum eruptus, brevi expectabatur, alterationem in melius speraret. Attamen post longam inde moram, *ex æve* ista tandem eveniens, & deinceps regulariter habens, nullam morbi istius curam aut levamen, sed porius exacerbationem intulit. Quare iterum ad Pharmaciâ recursum habetur, atque remedia diversimoda, cujusque fere generis tentantur: quæ cum omnia incassum fuerint, efflagitabant amici, ut salivationis cursum denuo subiret; viz. in hanc spem adducti, methodum istam, quæ imprimis pro tempore brevi curarat, secunda vice adhibitam, pro longiori saltem, aut forsan integre sanaturam. Itaque ex illorum votis, eodem sputationis, & sudationis cursu per bimestre spatium repetito, indeque pustulis, & eruptionibus squamosis, ubique evanidis, puella insignis tunc denuo ad valetudinem recuperari videbatur. Verum intra sesquimenssem, à medicina finita papillæ, earumque aggeries, sive Corymbi rursus apparent, atque sensim indies numero ac mole auctæ, tandem majorem quam antea totius corporis defædationem accivere; adeo morbus iste, Hydræ similis post unum caput amputatum, cum septemplici reviviscit.

Novi alium virum robustum, & habitu cor-

poris Athletico præditum, qui postquam Impetigine per multos annos laborasset, morbo tandem ingravescente, ac ad statum *æve* evectio, per totum corpus vitilagine alba, & quasi leprosa obducebatur; ut unaquaque nocte, squamæ instar furfurum magna copia intra lectum deciduæ, in acervos colligi potuerint. Hic curationis ergo, imprimis remedia cujusque fere generis ordinaria, sine ullo tamen fructu tentabat; deinde vero salivationem ex Mercurio levio-rem expertus, nihilo melius habuit; postmodum ea methodo repetita, a sputatione longa & graviori ad sanitatem restitui videbatur; verum intra tres menses, idem morbus repullulans brevi ad pristinam feritatem pervenit; quinimo cum tertia vice molestissimum illud medelæ genus subiret, affectus iste pro tempore quodam abigi visus, redibat; & deinceps invitis tum hac, tum alia quacunque methodo durante patientis vita, Tyrannidem suam exercuit. Non opus erit de *Lepa* hic quidquam differere, quæ morbi prioris tantum gradus intensior, medelam fere nullam admittit. Quod spectat ad alios Tumores eorumque sc. species multiplices, & cujusque illorum Ætiologias diversimodas, fateor me vix continere posse, quominus in amœnissimum hunc speculationis campum descenderem. Verum hoc perinde *æve* ac insolens videatur, ac si quis longo cursu defatigatus, ac ad finem anhelans, ultra metam excurrans, illico stadium inchoaret novum. *Hælenus Clar. Willisius. Sequuntur jam alii.*

De Maculis quibusdam levioris momenti, quæ Ephelides, Lentigines, & Hepatica vulgo nuncupantur.

1. Inter Affectus merè, aut saltem maxima ex parte Cutaneos primò occurrunt maculæ, *Ephelides* vulgò, Noltratibus *Sproetelen* nuncupatæ, quæ Verè & Ætate, quoniam ab Insolatione potissimum excitari solent, plurimum increbescunt, atque circa Hyemen rursus evanescent.

2. Sed cum in Formosioribus, ac cutem rarissimam habentibus maximè contingant, in iis præcipue locis, ubi cuticula, soli & aëri exposita, densissima est, scil. in facie ac manibus maximè erumpunt. Porro coloris subflavi aut fusci, ad magnitudinem morsus pulicaris, inæquales tamen, & quoad figuram irregulares existunt. Atque hæ Maculæ parum aut nihil differunt à Puncturis illis subfuscis, aut flavis, quas nonnulli *Lentigines* vocant, quæ lentis magnitudine faciei partes crebris quasi guttis insigniunt.

3. Harum Macularum Materies seu Continens Causa videtur esse, *Biliosi Humoris tenuior portio, vi Solis illam attenuantis, & poros cutis aperientis, exterius prolesta*; quæ evaporare incipiens, in cute exteriori, aut cuticulæ, quam pertransire nequit, concavo demigitur. Et certè maculas hæc a Bile, similibusve Flavis Sanguinis Recrementis procedere indicio est quod maximè familiares sint iis, quorum pili flavescunt.

4. Equidem præter exiguas hæc Maculas Lenticulares & Ephelides, aliæ insuper occurrunt multò ampliores, palmæ longitudinem ac latitudinem nonnunquam excedentes, quæ cutem

cutem variis in locis, præcipue circa Pectus & Dorsum, lituris modo fuscis, modo luridis, aut subnigris conspurcant, ac *Hepatica Macula* nominari solent, usque plurimum insigniti; jecur minus sanum, aut saltem haud bene sanguificum habere creduntur: quod tamen sub hac ratione verum non est; at solummodo quatenus humores biliosi, cum non satis intra hepar à massa sanguinea secernuntur, ad cutem protrusam ita discolorant.

5. Litura ista potissimum tempore æstivo apparent, & maxime supra pectus & dorsum, viz. quo tempore, & quibus in locis ad sudandum homines sunt plurimum apti: ipsum nimirum sanguinis serum, quod fœculentias istas è cruoris massa in cutis angustias provehit, eas penitus evaporare inidoneas; illic relinquit.

6. Affectus hi quoad valetudinis statum, nihil mali indicant, aut oñnantur; & quamvis Ephelides, Lentiginesque nonnihil turpitudinis referunt, id tamen compensatur; quatenus ita maculosi puriori constitutione præditi observantur.

7. Ad Curationem verò horum Affectuum quod attinet; cum Maculae hæ plerumque sint criticæ eruptiones; Pharmaca intus sumenda, quibus Illarum Materies, seu Continens Causa tolli possit, vix ulla occurrunt; nisi quod sudorifera Blanda aliquando Usurpata biliosi humoris recrementa, in cute, aut cuticulæ concavo defixa; magis evaporare faciant. Sed ad Ephelides, Lentigines, & Maculas Hepaticas tollendas, Ars Cosmetica propriè spectat: & propter hæc cutis deturpamina delenda, siue quavis medendi methodo; Medicamenta quibus cuticula decorari solet tantum præscribuntur; quorum apud Domicellas, Aliosque de cute curanda sollicitos, ingens ubique & uberrima est seges. Ea tamen omnia, quatenus duas solum medendi intentiones respiciunt, ad bina hæc capita reduci possunt: illa nimirum aut cutis ad cuticulæ poros aperiendo, atque hanc interdum excoiando, humorem foras attrahendum & prorsus evaporandum moluntur, vel è contrariò, & sæpe non minore cum successu adhibentur illa, quæ materiam maculosam è cute percipiunt, ac intus adigunt,

8. Primò igitur ad cutem detergendam, & maculatum materiem foras extrahendam, sequens conducit Linimentum.

℞. Unguenti Rosacei ℥ij. Florum Scintei, hoc est, Magisterii Marcastæ ℥ij. Misceantur exactè pro Litu, quo vesperi Faciei inungatur, hinc mane cum pannò laneo mundo denuò detergeatur.

Etiam Facies subindè lavetur Aquâ Florum Fabarum, cui admixtus Liquor Tartari; siquæ Aquam hunc efficacem magis desideremus, aliquot guttula addantur Aquæ Aluminosæ seu Mercurialis.

Cl. Willisius *Pharmacent. Ration. part. 2. sect. 3. cap. 5.* illud præscribit;

℞. Lixivii è Sale Tartari minus saturati ℥iv. Olei Amygdalarum Amararum q. s. idque in tali proportionè misceatur, ut totus liquor lactescat. Cum hac mixtura Partes hujusmodi Maculis Affectæ mane & vesperi illinantur, ac blandè fricentur.

9. Sed ad Maculas è cute discutiendas, ea-

rumque materiam repellendam intusque adigendam; Lac Virginis à pluribus commendatur, quod ad hunc modum sæpe conficitur; viz. Solutio Lithargyri in Aceto Destillato facta ab affusò oleo Tartari per deliquium parato; in liquorem lactis instar albicantem præcipitatur; quo facies bis in die lavetur & blandè fricetur.

Vel ℞. Camphor. ℥ij. Teratur in mortario vitreo, sensim affundendo Suctum unius Limonis, dein adde Vini Albi ℥j. M. exactè, & detur usui.

Vel ℞. Benzoini optimi ℥β. Spermatis Cœti ℥j. Spiritus Vini summe rectificati ℥iv. Stent in Digestione per aliquot dies, dein fiat per Chartam Emporeticam Colatura. Hujus liquoris (rubicundi) tantillum misceatur cum Vino albo Gallico, (quod illico lactescit) quo facies lavetur, & blandè fricetur.

Forestus lib. 31. obs. 1. pro Faciei Maculis hanc commendat Aquam;

℞. Albumina ovorum ad duritiem coctorum; eaque more Chymico destillato, & liquorem destillatum usui servato.

Idem lib. 5. Obs. Chirurg. 4. ad delendas Lentigines mirum in modum extollit Aquam è Cothleis destillatam.

Ad easdem maculas tollendas vult Sennertus prax. lib. 5. part. 3. Sect. 1. cap. 3. facies ut sæpius abluatur Aqua Florum, Sambuci & Fabarum, cui aliquid Camphoræ in Spiritu Vini Solutæ addatur.

Platerus prax. med. tom. 3. libro primo capite secundo ad faciem decorandam proponit Aquam, quæ Maria Medicea Regina Mater uti solebat;

℞. Tres Capones albos statim post jugulationem, axungia detracta, concisos, Caseos duos recentes ex lacte caprino confectos, Pulpam sex Limonum corticibus detractis, Albumina octo Ovorum Boracis, Sulphuris an. ℥β. Camphoræ ℥j. Aqu. Florum Fabarum, Nymphae an. ℥j. Collocentur in B. M. atque in alembici rostro aliquot grana Moschi; Destillentur S. A. & liquor extillans servetur usui; eaque sub noctem facies lavetur.

10. Attamen fœminæ curiosiores vix ullis hunc remediis cutaneis, nisi Mercurialibus contentæ sunt; quapropter sequens Aqua ad plerasque Faciei turpitudines summopere commendatur;

℞. Mercurii Sublimati ℥j. Pulverifetur & ponatur in vase stanneo cum Aquæ Fontanæ ℥iij. stent per xxiv. horas, cum spatula lignea subindè agitando, donec totus liquor nigrescat, qui tamen per chartam emporeticam colatus limpidus evadit: cum petia aut pluma hinc intincta facies semel intra diem unum aut alterum blandè obducatur.

Hujusmodi medicamentum contra turpitudinem quamcunque cutaneam insigniter juvat; quatenus nempe humores intra poros, & foraminula ut ut minutissima impactos expedit, totamque ubi applicatur cutem, quoad meatus ejus malè conformatum, restituit. Sed quandoquidem hydrargyri particula, unâ cum salibus (à quibus in minutias dividuntur, acuanturque) faciei applicatæ, materiam de-

fœda-

IV. Continens huius morbi Causa nec videtur esse Pituita, nec Bilis, nec Melancholia, nec etiam ipse Sanguis per se extravasari aptus; porro nec materia hic peccans è duobus vel pluribus horum simul mixtis constat: si namque ex huiusmodi humoribus hic morbus unquam oriretur, non ita facile per merum & leve contagium suscipi, aut solo litu curari possit. Quamobrem potius censemus, esse humorem lymphaticum in glandulis subcutaneis constanter residem, qui ab indole sua genuina desciscens, à salino-volatili in acidum & acri-salinum, nec non aliter vitiosum non raro degenerat. Enimvero cum humori huic lymphatico ita depravato, & perpetim evaporanti, supplementa continua è sanguine adveniant, humores isti, vetus & recens, non facile congruunt aut uniuntur, at salium dissimilium ritu mutuo effervescentes in materiam recrementitiam coagulantur, quæ poros cutaneos implens ac distendens ubique passim in tumores attollit; insuper sanguinem in transitu nonnihil impedit, & extravasari quasi cogit. Hinc pustulæ crebræ excitantur, & quatenus materia ista in ichorem facescens, à sero & sanguine subsequenter usque prorsum & foras urgetur, in moleculas assurgunt: dein spiritus animales fibras nerveas, ut ichoris istius excretionem promoveant, inordinate subeuntes, molesti pruritus sensum efficiunt.

V. Insuper ad Scabiem & Eruptiones Pustulosas quod spectat; humor hic lymphaticus tribus potissimum de Causis depravari solet. 1. Ipse sanguis valde impurus, simulque dissolutus, corruptelas & recrementa sua ubertim in glandulis subcutaneis relinquit, quæ ibidem fermenti corrupti naturam induentia cum aliis succis adventitiis, aut pertranseuntibus effervescunt, & variè coagulantur, adeoque non solum *Affectus Scabiosos*, verum & *Leprosos* diversimodos pariunt. Hinc carniū & piscium salitorum, & sole ac fumo ficatorum usurpatio crebra & assidua, aliaque incongrua comesta aut epota Eruptiones Cutaneas passim cient. 2. Humor glandulis subcutaneis aggestus interdum merâ stagnatione Scabiem producit; quare non tantum diu incarcerati, sed & qui vitam sedentariam agentes, squalori insuper, & poëdori assuescunt, huic affectui obnoxii degunt. 3. Humor hic cutis glandulosus à miasmate virulento ab extra communicato, non raro vitatur; idque observatione vulgari liquido constat, in quantum maximè sani, & optimâ constitutione præditi, vix unquam in eodem lecto ubi Scabiosus simul decumbit, aut nuper decubuit, impunè dormiunt: nec ita tantum, quin & Scabiosorum sudaria aliis in eodem lavacro lotis, ejusdem affectus sæpè contagium impertiunt.

VI. Itaque Scabies quoad originem suam, aut per Contagium accipitur, aut propter Malam Vitæ Rationem incendiculum & fomes ejus à Chylo & à Sanguine Vitiosis communicatur, vel ob Pædorem & Transpirationis Defectum in ipsa cute generatur; quibus addi potest, Infantes quandoque hanc labem à Parentibus hæreditariò contractam nancisci.

VII. Cæterum Cutaneæ Eruptiones, quoad formam, juxta affectorum constitutiones diversimodas variant. Nam in quibusdam siccio-

ris temperaturæ, biliosæ viz. aut melancholicæ, Scabies tantum Sicca, & quatenus ob seri defectum minus evaporat, cum pruritu non adeo molesto excitatur: in aliis vero temperamento humidiorè, & sanguine impuriore præditis, Exanthemata plurima, Ichore plena, & summo-perè Prurientia ad scalpendum vehementer irritant, atque, propter excitata inde ulcuscula, pruritus subinde in dolorem mutatur.

VIII. Scabies porro, ob turpitudinem & deformitatem, molestus est affectus; non autem ita periculosus, & in ætate juvenili sæpè ab aliis morbis præservat, imò & alios morbos sanat. Equidem tuta semper Scabies non est, si que diu continuata sit, in Leporam mutari potest. In senibus pertinax est, ac curatu difficilis.

IX. Circa Scabiei sive Psoræ Curationem duæ occurrunt primariæ indicationes, ac utraque duplex; viz. prima *Curatoria* hæc duo respicit, ut humor glandulis subcutaneis inherens, atque vitiosus, ad debitam crasin reducat: deinde, ut cutis pori & meatus, ichorosis concretionibus liberati, pristinam conformationem recuperent.

Indicatio secunda *Præservatoria* hæc duo præcavet. 1. Ne Scabiei impuritates & miasmata corruptiva è cute excussa, in sanguinem & lympham regurgitent, illique non tantum dyscrasias, sed insuper Oeconomix Animalis noxam graviolem inferant. 2. Item navetur opera, ut humorum & partium nobilium labes, à materia scabiosa prius contracta, dum cutis vitia emendantur, eradicari queant.

X. Omnes hæ Medendi Intentiones, per Remedia tum Interna, tum Externa simul usurpata, una complicari debent: nempe ut materies morbifica loculis suis excussa, in nullas uspiam latebras secedere, ac nullibi delitescere queat; quin omni ex parte per medicamenta convenientia in totum amoveatur. Itaque *Recta Vitæ Ratio* in primis observetur, vitando *Cibos Salitos & Piperatos*, nec non *Muriâ Conditos*; etiam à *Vino*, *Aquis Ardentibus*, *Cerevisia Fortiori*, & à liquoribus quibusque sanguinem incitare nimis ac fermentare aptis, temperetur. Insuper in scabie pertinaci & corpus cacochymicum occupante, expedit *Pharmaca* exhibere *Cathartica*, quibus acri-salini, glutinosique toto in corpore redundantes humores expurgentur, v. gr.

℞. Cremoris Tartari ℥j. Cholagogi simplicis, Mercurii Dulcis an. gr. viii. M.F. Pulvis.

℞. Extracti Catholici ℥j. Mercurii Dulcis gr. viii. F. Pill. num. 5.

℞. Rad. Bardanæ, Lapathi Acuti rec. an. ʒi β. Turbith Gummosi, Santali Citrini an. ʒβ. Herb. Fumariæ, Agrimonix an. M i β. Fol. Senæ mund. ʒj. Glycyrrhysæ rasæ ʒiij. Coq. inf. q. Aquæ Puræ ad ʒxxx. Fiat Colatura, de qua semel vel bis quotidie Patiens haustum sumat.

℞. Rad. Polypodii querc. ʒβ. Helenii ʒij. Fol. Eupatorii cannab. ʒiij. Turbith Gummosi. Baccar. Juniperi an. ʒβ. Aloës, Sem. Carni an. ʒv. Incisa & Contusa dentur in Sacculo, suspendendo in Vini Albi Gallici ℥iv. de quo quotidie haustum bibat Egrotans.

Insuper *Venæsectio*, nisi aliquid contraindicet, ab initio celebretur. Adhæc *Alterantia*, quæ sanguinem, cæterosque corporis humores secundarios

darios purificant, vices suas habeant: quem in tinem conducit *Serum Lactis Dulcis* frequenter potum, vel *Decoctum Salsaparilla*, *China*, *Santalum Citrini*, *Rasura Cornu Cervini*, & *Liquiritia*. Etiam *Sudorifera* aliquando usurpata multum prosunt.

XI. Interim commodus usus hic est *Balneorum*, tum dulcium, tum mineralium ac calidorum, inter quæ præcipuè laudari solent *Sulphurea*. Sed cum Balnea ista Mineralia non ubique reperiantur, alia pro iis substituere licet, quæ facultatem digerendi, detergendi, & poros cutaneos extergendi, atque purgandi vim habent. Ea ex Sulphure & Vegetabilibus parari vulgò solent; atque non lavacri communis ritu, cutis tantum sordes eluendo, sed & incongruum ejus fermentum destruendo, morbum hunc sanant.

℞. Aluminis crudi ℥ i. Sulphuris vivi ℥ ij. Salis communis ℥ iij. Nitri ℥ j. Fiat omnium Pulvis, qui in Aquæ Calentis labrum conjiciatur.

Barbette sequens proponit,

℞. Rad. Bryoniæ, Lapathi Acuti an. ℥ vi. Fol. Fumariæ M vi. Florum Camomillæ M iij. Furfurum M j. Sulphuris crudi ℥ ij. Nitri ℥ j. Aluminis crudi ℥ i. Salis comm. ℥ ij. Contusa coquantur in Aqua pura pro Balneo.

Equidem restat alius Pruritus sanandi facilius modus; nempe, ut camisia Aquæ puræ cum Sulphure pulverisato incocta, & per solem vel ignem exsiccata, super nudum corpus per quatuor vel quinque dies gestetur: ita namque morbus hic sine Balneatione, aut Litus squalore, nonnunquam curari solet.

XII. Sed & *Unguenta* cuti illinenda pro Scabie curanda præscribi solent: atqui aliis plerisque tumoribus aut ulceribus quæ adhibentur, minimè hic juvant; verum *Sulphur* ejusque præparata in hoc morbo virtutem quandam specificam habere videntur, adeo ut linimenta ferè omnia contra Scabiem ea recipiant, & totius compositi basis haud immeritò habeantur. Exempli loco hæc sint:

℞. Sulphuris comm. pulver. ℥ i. Zinziberis pulver. ℥ i. Butyri insulsi ℥ iv. M. F. S. A. Linimentum.

℞. Sinapi confecti, Nostratibus *Mossaart*, ℥ iv. Sulphuris comm. pulv. ℥ vi. Olei Raparum Veteris. q. s. M. F. S. A. Litus.

℞. Unguenti Rosacei ℥ iv. Sulphuris comm. pulver. ℥ i. Olei Tartari per deliquium parati. q. s. F. S. A. Litus.

℞. Butyri insulsi affati ℥ iv. Pulv. Zinziberis, Sulphuris, Vitrioli Albi an. ℥ j. M. F. Linimentum.

℞. Unguenti Rosacei ℥ i. Vitrioli Albi ℥ ij. Misceantur exactè.

℞. Unguenti Enulati sine Mercurio ℥ iv. Pulver. Sulphuris comm. ℥ i. Olei Tartari per deliquium parati. q. s. F. S. A. Linimentum.

Sin verò talia Affectum non curent, aut grave vel inveteratum sit Malum, ad *Mercurialia* veniendum.

℞. Argenti vivi ℥ i. Aquæ fortis ℥ j. Solvatur Mercurius in Aqua forti, dein simul exactè Misceantur cum Axungia Porcinæ ℥ viii. & Fiat S. A. Unguentum; quo partes affectæ leviter illinantur, & blandè fricentur.

℞. Axungia Porcinæ ℥ ij. Olei Veteris, Therebinthinæ commun. ℥ iv. Pulveris Cerussæ

℥ viii. Aluminis ℥ i. Mercurii sublimati ℥ ij. Misceantur exactè in mortario pro Litu. Maximè verò hic conducit Unguentum Enulatum cum Mercurio.

Sed de Linimentis Mercurialibus notandum, quod pueris, aliisve tenerioris constitutionis non facillè sint adhibenda; verum adultis tantum, iisque fortioribus, quia in nonnullis Salivationem facillè movent, quæ in infantibus facillimè, & non nisi summo cum periculo contingit.

Insuper Mercurialia Linimenta non semper omnibus locis scabiosis sunt inungenda, præsertim Ea, quæ copiosum recipiunt Mercurium, quia facillimè tunc sequitur Salivatio; sed tantum manuum carpis, ac artuum majorum juncturis. Quem in finem à multis laudatur hoc Unguentum,

℞. Axungia Porci, Butyri insulsi an. ℥ j. Succu Citri, Radicis Enulæ, Lapathi Acuti an. ℥ i. Salis communis calcinati, Sulphuris, Reagalii, Rad. Zinziberis, Hellebori Albi pulver. an. ℥ iij. Therebinthinæ, Mercurij vivi an. ℥ iij. Misceantur S. A. & Fiat Unguentum.

XIII. Nec tantum sub formâ Linimenti, sed & pluribus aliis modis prædicta medicamenta usurpari possunt. *Aqua Mercurialis* seu *Alumino-sa*, vel sola vel temperata magis, si cuti in locis maximè ulceratis cum linteo discerpto applicetur, Scabiem non rarò tollit. Vel præparetur Lavamentum.

℞. Rad. Ari, Lapathi, Enulæ Campanæ an. ℥ j. Hellebori Albi ℥ iij. Salis Gemmei ℥ ij. Coq. in Aqua pura ad ℥ xvi. colaturæ add. Spiritus Salis Armoniaci gutt. xxvi. Misceantur pro Lavamento.

Barbette laudat id, quod sequitur.

℞. Gypsi Usti ℥ i. Calcis vivæ ℥ ij. Lithargyri ℥ i. Boli Armeni ℥ j. Fol. Nicotianæ sicca. ℥ iij. Vini Albi Gallici ℥ j. Aquæ puræ ℥ ij. Coq. simul S. A. & Colatura detur usui. Alij volunt, ut circa nudum corpus gestetur Cingulum, cui Mercurius crudus insutus est.

XIV. Si verò omnibus hisce remediis Scabies non cedat, sed inveterata & valdè pertinax sit, omni studio annitendum, ut per crebras Purgationes, Sudationes, & Venæsectiones sanguis hac labe impurus imminuatur, ac humor cutaneus variis modis corrigatur, hinc & Affectio hæc curetur. Scribit Riverius *Cent. 1. observat. 62.* quendam adolescentem cis paucos dies à Fœda Scabie fuisse liberatum exhibitò pulvere ex Mercurii dulcis ℥ j. cum Diagridii ℥ i. refert Platerus *prax. tom. 2. cap. 17.* Empiricum quendam Decocto Stibii Calcinati cum Salsaparilla, additis & aliis, perniciosas Scabies aliquoties sanasse. Tandem Bartholinus *Observ. Cent. 6. Histor. 73.* inquit: Nihil utilius detritis calceis. Novi tamen Puerum Melitensem toto corpore fœdis crustis oblitum, qui asperso cinere corij combusti calceorum, cum oleo rosaceo, convaluit.

XV. Inter Scabiei genera numerantur & *Tinea*, & *Scabies Fera*, Affectus nimirum infantibus in primis molesti. *Fera* hæc *Scabies* omnes corporis partes occupare potest, quamvis frequentius Faciem & Pectus, quandoque & Brachia afficiat. *Tinea* verò Caput, præsertim secundum partem ipsius capillatam, vexare so-

let, unde vocatur *Hair-Worm*, sicut prior Affectus *Dau-Worm* dicitur; ac si à vermibus exiguis perforatæ forent cutis partes variæ, ex quibus humor tenax erumpit ac effunditur instar roris, crustas varii coloris producens, unde nomen accepit *Dau Worm*: sicut *Hair-Worm*, quando in specie nocet capillis, adeo ut sæpius excidant, & segnius, vel nunquam iterum excrescant, relictis plagis in capite undosis pilis carentibus.

XVI. Continens horum Affectuum Causa est humor tenuis, acri-salinus, & quid ni acidus quoque, qui glutinoso humori junctus, sicque sanguini inhærens ab eodem secernitur, ac cum eo ad corporis superficiem propellitur; ubi in glandulis subcutaneis existens, & ab indole sua genuina indies magis desciscens atque degenerans, nec non vitiosè ibidem effervescens, poros cutaneos implet ac distendit, hinc pustulas crebras summo cum pruritu & ardore producit. Cæterum vitiosus hic humor in glandulis porisque cutaneis hærens amplius vitiatur, quin sanguinis ac lymphæ allabentis partem simul corrumpit, & pruritum ac dolorem, nec non erosionem, exulcerationemque vicinis in partibus excitat.

XVII. In Scabie illa Fera erumpere solent primum parvæ pustulæ, hanc aut illam cutis partem obidentes, ac præsertim faciei, aurium, brachiorumve, quandoque totius penè corporis, summo cum pruritu; ob quem infantes, quoties possunt, unguibus partem affectam scalpunt & lacerant, & si scalpere nequeant, cuius rei occurrenti faciem affricant, nec desinunt, licet post frictionem succedente rubedine, mox & cutis externæ apertione, tum liquor acer mordaxque, tum sanguis effundatur: quibus omnibus non minuitur, sed augetur potius malum, latius nimirum serpendo, & novam molestiam itidem alibi producendo. Humor porro fricatione illa promanans observatur varius, aliàs aqueus, aliàs flavescens, vel magis etiam obscurus. Equidem tenax plerumque est, ac glutinosus, partibus adhærens, tandemque iterum concrescens, atque Crustam excitans, quæ, nisi nuda sit pars, ut est facies, accrescit quoque indusiis aliisve linteis aut vestimentis parti affectæ proximis; quocirca sine crustæ abruptione, ac plerumque sanguinis quoque, vitiosique humoris nova eruptione nequeunt ab ipsis removeri.

XVIII. Tinea verò, seu Scabies Fera in infantibus ad valetudinem facere haud absque ratione à plerisque creditur, cum vitiosi in toto redundantes humores robusto naturæ conatu in corporis superficiem expelluntur, unde &, si spontè ac subito affectio hæc evanescat, in Febres non tantum, sed & morbos alios longè graviores infantes non rarò incidunt. Huc spectat, quod Hippocrates, *libr. de Morbo Sacro*, scriptum reliquit; viz. infantes, si ipsis ulcera in capite, vel circa aures, vel in facie, vel reliquo in corpore excitentur, liberari ab Epilepsia.

XIX. Quoniam igitur infantes vel Tineâ, vel Scabie Ferâ laborantes, à variis, iisque gravioribus morbis sæpius immunes sunt, atque hoc malo affecti hilares plerumque, & jucundi observantur, hinc Doctissimorum Medicorum

auctoritate, nisi parentibus urgentibus, à Curatione multi abstinere. Quod si verò insistent parentes, medicamenta duntaxat levia adhibent, ac præcipuam curationem in nutricem rejiciunt, quam per intervalla blandè expurgant.

XX. Ipsa interim Affectuum horum Curatio solis externis medicamentis aliquando absolvitur. Sed quum observentur insuper alia in humoribus vitia, ob quæ internâ opus sit Medicinâ, eadem hic esto Indicatio, ac in Scabie. Equidem ipsa illa medicamenta assumpta Tineam aut Scabiem Feram non curant, nisi forsan producta sit à sudore quovis modò impedito: quo in casu utile erit, *Sudoriferis Blandis* sæpius usurpatis denuò viam parare humoribus in corporis superficie hærentibus, ibidemque ita corruptis, ut Feram hanc Scabiem producant.

XXI. Atqui quum criseos modo ad cutem expulsus sit humor acer, qui ob admixtam glutinositatem ibidem hærens Tineam aut Scabiem Feram produxit, cæteris functionibus illæsis, solis Topicis hoc malum sæpius curatur; imò Pharmaca intus sumenda, quatenus corporis humores exagitant, tunc obesse aliquoties observavimus. Hoc igitur in casu varia à praticis laudantur, & præscribuntur remedia. Sedulo tamen cavendum, ne in horum Affectuum Curatione cutis poros occludant imposita medicamenta, adeoque peccantem humorem ad interiora repellant, unde gravissima excitari solent symptomata: quapropter talia sunt usurpanda Topica, quæ cutis poros servant apertos, quin eosdem aperiant, quæque humorem acidum ac acri-salinum temperent, glutinosum incidant, abstergant, sicque Partem Agram restituant, consolidationemque promoveant: quæ omnia præstant, absolvuntque *Salia Volantia Blandiora*. Igitur Affectæ Partes identidem laventur *Vino Gallico*, quod ex vase per epistomium anum guttatim stillavit, Nostratibus *Leck-Wiin*. Vel præscribatur Lavamentum,

℞. Aquæ Plantaginis, Solatri an. ʒiβ. Florum Sambuci ʒiij. Camphoræ in ʒiβ. Spiritus Vini solutæ ʒj. Spiritus Salis Armoniaci gutt. xxv. Misceantur. *Forestus lib. 8. observ. 13.* hanc præscribit Lotionem,

℞. Malvæ, Betæ, Lapathi Acuti cum Radicibus, Hæderæ Arboreæ, Centaurii Min. an. Mj. Caulium Rubrorum Mβ. Colocynthidis ʒiij. Agarici ʒj. Hellebori Nigri ʒiβ. Fol. Sennæ Mund. ʒβ. Coq. in s. q. Aquæ puræ ad ʒiijβ. colaturæ add. Salis comm. p. i. M. pro Lavacro. Idem *observ. 17.* hoc laudat Unguentum,

℞. Lithargyri cum Aceto acerrimo, & Oleo Rosaceo Nutriti ʒij. Cerusæ cum Aqua Solatri lotæ ʒj. Aluminis Usti ʒβ. Fuliginis Camini, Pulv. Rad. Helenii, vel Chartæ Combust. an. ʒij. Axungia Gallinæ, Porcinæ, Olei Ovorum an. ʒβ. Rosarum, Laurini, & Aceti an. q. s. M. S. A. pro Linimento. Et *observ. 20.* pro Tinea Inveterata istud habet,

℞. Butyri saliti, Axungia Porcinæ an. ʒj. Sulphuris pulv. ʒβ. Vitrioli crudi ʒj. Argenti vivi cum Saliva extincti ʒj. Misceantur exactè in mortario pro Litu. Alii laudant id, quod sequitur,

℞. Butyri Majalis insulsi ʒβ. Pulv. Sulphuris, Olibani an. ʒβ. Sabinæ ʒj. Mellis comm.

comm. 3ij. M. F. S. A. Unguentum. Laudatur quoque Linimentum Plumbi compositum, seu de Amiantho Boëtii de Boëdt, quod describit Scroderus *Pharmac. Med. Chym. lib. 2. cap. 87.*

℥. Amianthi 3ß. Plumbi Usti 3 xij. Tutia prepar. 3 ij. Calcinentur, dein pulverisata macerentur cum Aceto Stillatitio, ac per mensem quotidie agitetur materia: quæ dein ebulliat per horæ quadrantem, iterum quiescat, donec clarescat. tum;

℥. Aceti hujus clari, Olei Rosacei an. p. æq. Misceantur exacte in formam Linimenti. Interim dum hoc modo hi affectus curentur, danda opera; ne crustæ à partibus subjectis facile separentur, cum sub ipsis feliciter tota contingat cura.

De Impetigine seu Lepra Græcorum, &c.

I. Post Scabiem cum pruritu, similesque Affectus Cutaneos, agendum sequitur de Affectu alio, hisce ob pustularum eruptionem nonnihil Affini, qui communiter *Impetigo*, quibusdam *Lichen* & *Vitiligo*, aliis *Lepra Græcorum* appellatur. Morbus hic uti diversa fortitur nomina, ita eadem ab Auctoribus variè applicantur, & ab his morbi speciem unam, & ab illis aliam designare perhibentur.

II. *Lepra* igitur, ὡς τὸν λεπίδων à squammis denominata, *summus quidam Psora seu Scabiei gradus est.* Hanc *Græcorum Lepniam* Arabes dicunt *Albaram Nigram*; cujus species est *Albaras Alba*, quæ Græcis *Vitiligo*; *Lence*, aut *Alphus* nuncupatur, uti colligere est ex Avicenna, qui *sept. quart. tract. 2. cap. 9.* sic ait: *Albaras Nigra est illud, quod etiam Impetigo Excoriativa dicitur, estque Scabiositas accedens cuti, aspera, vehemens, & facit squammas, sicut squammas piscium; cum pruritu, atque est cum humore melancholico, & est de antecedentibus Lepram.*

III. *Lepram* verò, seu potius *Impetigo* (quæ mitior tantum *Lepræ* gradus, adeoque curatu facilius est) ad hunc modum oriri & afficere solet: viz. in primis Pustulæ Rubræ modo singulares, modo plures simul congestæ, in variis corporis partibus, præsertim verò in brachiis & cruribus excitantur; quibus singulis (morbo incrementum) undique novæ adjunguntur; & breviejusmodi molecularum plures velut aggeries seu corymbi fiunt. Etenim Papillæ juxta unamquamque stirpem, primò indies erumpentes, & latius usque serpentes, sese in orbem diffundunt; adeoque Exanthematum aggeries quasi ampliari faciunt. Cujusque harum superficies aspera; & nonnihil albida, ac squammosa apparet; unde si scalpatur squammæ decidunt, & ichor sæpè tenuis exudat, qui tamen mox exsiccat in squammam crustaceam rursus indurescit.

Hi Papillarum Corymbi primò exigui, & pauciores existunt; in brachio, aut crure, aliove membro singulari, tres forsan; aut quatuor ad magnitudinem denarii circiter apparent: postea verò, si morbus crescere sinatur, crebriores ubique erumpunt, quæ sensim augentur. Porro in hoc statu non sistitur; sed Affectus, nisi per Medicinam cohibeatur, in puribus usque locis ebulliens, & latius ubique serpens,

tandem non solum integra membra, sed & totum corpus *Vitiligne Leprosâ* obducit: atque hanc Impetiginis speciem Arabes quidem *Lepram*, sed Græci *Elephantiasin*, Nostrates *Lazarus*, *Melaatsheyd*, *Quaad-seer* appellant; estque summus hic Impetiginis gradus ex sententia Veterum plerumque incurabilis.

Totam hujus mali idæam C. Celsus *de Re Medica lib. 3. cap. 25.* ita describit: Totum corpus afficitur, ita ut ossa quoque vitari dicantur. Summa pars corporis crebras maculas, crebrosque tumores habet. Rubor harum paulatim in atrum colorem convertitur. Summa cutis inæqualiter crassa, tenuis, dura, mollisque; quasi squammis quibusdam exasperatur; corpus emarcescit; os, suræ, pedes intumescunt. Ubi vetus morbus est, digiti in manibus, pedibusque sub tumore conduntur, febricula oritur, quæ facile tot malis obrutum hominem consumit.

IV. Ex dictis itaque Impetiginis Differentiæ præcipuæ innotescent; ac in primis juxta morem ejus plus aut minus malignum, distinguitur, juxta quod propius ad *Lepræ* aut *Scabiei* naturam accedit, vel statu medio se habet. Insuper notare est, Affectum hunc quandoque membra quædam singularia, uti brachia forsan, aut crura, corporis reliqui partibus intactis, infestare; interdum verò in iis omnibus simul incipere, & ubique sparsim papillas excitare.

V. Causa Imperiginis Materialis non est humor merè cutaneus, propter miasma ab extus susceptum, aut alias ob occasiones depravatus; & à naturali ejus constitutione degener factus; quia nimirum non tam facile, uti in *Scabie*, per contagium aliis communicatur, neque statim per totum corpus dispergitur. Sed pustulæ circa morbi initia primò erumpentes, inde procedere videntur, quod in massa sanguinea concretiones quædam acido-salina contingant, quæ cum subigi, aut rursus dissolvi nequeant, in cutem pellantur.

VI. Igitur Affectus Hujus Causa Continens seu Conjuncta in eo consistit, quod in primis absque ullo cutis vitio, sanguis particulis salinis diversimodis itatus & indolis saturetur; atqui salia ista, præsertim ubi fixa & acida præpollent, se mutuo præhendant, adeoque in coagula quasi tartarea concrecant; quæ portiones in sanguinem protrusæ, papillarum eruptiones, quasi totidem morbi hujus nidos inchoent; dein illæ sensim juxta materiæ supplementa tum numero, tum magnitudine indies auctæ, morbi hujus initium, incrementum, & vigorem, qui Græcis ἐλεφαντίασις dicitur, producant.

VII. Sed multa occurrunt, quæ ad humoris istius acido-salini generationem faciunt. Enimverò nonnullis hic Affectus Hereditarius est, ab impuro Parentum vel Avorum Semine communicatus; interdum Contagio contrahitur; quandoque etiam spontè, proprioque vitio producit: atque huc etiam facit frequentior usus ciborum salitorum, acrium, & crassorum, simulque immoderatio vinorum acidorum potatio: insuper vulgaris observatio est, plures in hunc affectum à carnis porcine, & piscium in primis crustaceorum comestione nimis crebra, aut assidua disponi. Atque hujus rei in-

stantia satis notabilis est, quod potissimum in morbi hujus Prophylaxin seu Præservationem, cibis iste sub lege Mosaisca interdicebatur: & scribit Willisius Pharmaceutices Rational. part. 2. sect. 3. cap. 7. olim in Anglia Cornubienses, oram fere undique maritimam incolentes, quatenus ex iis pauperiores ferè tantum piscibus vescerentur, Affectibus Leprosis plurimum obnoxios evasisse; in tantum, ut propter horum sublevamen, multa in ea Regione nosocomia conderentur. Insuper ex esu carniū humanarum, præsertim leprosarum, hunc affectum quandoque excitatum fuisse, refert Scultetus *post Arment. Chirurg. Observ. 100.*

VIII. Hinc Affectus Leprosi, etsi mortem aut imminens periculum rarò minantur, postquam tamen altius radices egerunt, Curatio eorum perdifficilis aut nulla est. *Incipiens Impetigo*, atque pustulas earumque aggeries, in membro forsan uno aut altero pauciores excitans, Curationem quandoque admittit. Sin verò morbus eo processerit, ut papillarum corymbi crebri ac lati toto in corpore sparsim appareant, adeoque vera sit *Græcorum Lepra*, raro admodum Curatur. Quod si morbus, invitis omnibus remediis, indies in pejus evectus, tandem in *Lepram confirmatam & inveteratam*, qua & *Elephantiasis* dicitur, accrescit, Curationem plane respuit, & pronunciat C. Celsus, hanc curari non posse, ideoque ab ea abstinendum esse.

IX. Quoniam igitur Lepra confirmata aut inveterata, hoc est, Lepra Arabum, seu Elephantiasis Græcorum, nunquam curatur, & Lepra Græcorum similiter vix ullam medelam admittit; quædam de levioris ejus speciei, *Impetiginis* viz. *Therapeia* breviter adjungemus. Circa hanc duæ occurrunt primariæ indicationes, scilicet *Præservatoria*, quæ morbi causam, & *Curatoria*, quæ symptoma, puta Eruptionem Pustulosam respicit. Ab indicatione Præservatoria semper incipere debet Medendi Methodus, quæ morbi causas per remedia interna amovendas procurat, secus namque exteriora fere nunquam (uti in Scabie) cum fructu adhibentur; sed præcissis intra sanguinem morbi radicibus, efflorescentiæ Cutaneæ citò emarcescunt.

X. Quapropter cum Affectus hic recens fuerit, Causæ Evidentes & Externæ amoveantur; mala Victus Ratio, & Aëris insalubritas omni modo emendentur. Dein respectu Causæ Conjunctæ, duæ sunt præcipuæ Medendi Intentiones; nimirum ut viscerum & humorum impuritates citò expurgentur; item ut sanguinis dyscrasiæ acidosalinæ in melius reducantur: propter quos fines, tum *Cathartica* validiora, tum *Medicamenta Alterantia* (quæ in Herpetis, ac præsertim Scabiei Curatione præscripsimus) præscribenda; nec non *Phlebotomia* celebranda: & quoniam pertinacissimus sit hic Affectus apprimè convenit, usurpato validiore Decocto Sudorifero ex Guajaco, Salsaparilla, &c. in hypocausto quotidie Sudores movere; ut hoc modo, ceu in Luis Venereæ curatione fieri solet, mali fomes penitus eradicetur. Eandem ob causam, remediis aliis nihil juvantibus, multi Salivationem, quasi ultimum remedium, & tanto hosti unicè par, commendant.

XI. Interim ut sanguinis dyscrasiæ usque

magis corrigantur, pro potu ordinario sequens aut simile decoctum bibat Patiens,

℞. Rasuræ Ligni Guajaci ℥ iv. Rad. Salsaparillæ ℥ i β. Chinæ ℥ ij. Contusis affunde Aquæ Puræ ℔ x. stent in infusione calida, dein S. A. Coq. addendo in fine coctionis, Liquiritiæ rasæ ℥ vi. Fiat Colatura ℔ vi.

Similiter ad sanguinem alterandum præscribantur pulveres,

℞. Salis Prunellæ ℥ vj. Floris Salis Armoniæ ℥ i β. Simul terantur in mortario, atque hujus pulveris circiter ℥ β. detur bis, terve in die, cum jusculo, vel superscripto decocto.

vel quotidie bis exhibeatur pulvis ex gran.

viii. aut circiter, Salis Volatilis Cornu Cervini.

valde quoque hic laudatur Sal Viperarum similiter usurpatum.

Scribit Solenander in Consiliis Medicinalibus, se in Lepre Curatione felici cum successu hoc usum esse: „ Accipit duas aut tres „ Viperas, aut si haberi nequeant Viperæ, alios „ Serpentes, quos vivos dissecat, atque multò „ adjectò Hordeo in Aqua coquit, donec hordeum crepitet. Hordeo isto, & ipsa etiam „ carne Serpentum pullos alit gallinaceos, ac „ aliud nullum iis alimentum præbet; quo ubi „ aliquot dies nutriti fuerint, implumes evadunt, tandemque plumis rursus vestiuntur. „ Hæc postmodum Carne, & Jusculo paulatim „ Aëgrum alit. Et usitatum fuit Antiquis remedium ex Viperis: viz. receperunt Viperas, & cauda ac capite abscissis, cuteque abjecta, coctas earum carnes Aëgris comedendas dederunt.

XII. Quoad *Topica Remedia* cuti exteriori, ut Squamosæ Eruptiones & Pustularum Corymbi tollantur, adhibenda; eadem ferme hic conducunt *Balnea Artificialia*, *Linimenta*, & alia medicamenta, quæ in Herpetis ac Scabiei Curatione proposuimus: quæ tamen nisi sanguinis diathesis acido salina ac tartarea prius tollatur, rarò aut nunquam per se juvant.

In scabie humida prodest Tinctura lignorum, Tinctura coralliorum cum spir. ligni salsatras vel spir. lignorum.

Profunt item medicamenta pituitam educentia & sanguinem purificantia, serum lactis mistum cum succo & essentia fumaris, Tinct. tart. antimoniata.

Sudorifera profunt & in specie antim. diaphoret. sulph. auratum antimonii, essentia & spir. Lignorum. Essentia, sal. & spiritus fumaris.

In scabie sicca magis humectantia profunt, & quidem magis in forma liquida, quam sicca, quod in scabie volatili præcipue observandum. Hic ergo prodest fumaris, serum lactis &c.

Purgantia optimè dantur in infuso v. g. in fero lactis. Si verò bolus vel pilula placeant, post eorum assumptionem hora una vel altera superbibatur haustus jusculi pisorum vel feri lactis.

In illa scabie, quæ *malum mortuum* dicitur, profunt optimè medicamenta ex mineralibus & antim. purgantia & purificantia sanguinem: Omnia medicamenta ex viperis; trochisci de viperis, qui tamen non sunt adeò commendandi: magis

magis enim præfunt effentia, magisterium vel spinæ viperarum pulverisatæ. *D. Osvaldus* medicamenta habet ex sanguine humano, cervino, viperis.

Profunt quoque hepatica, essentia lignorum, essentia sudorifera, bezoardicum martiale, Item bezoardicum joviale uti & alia supra citata.

In genere in utraque scabie profunt extractum catholicum Andernaci, panchymagogum crollii, extractum hellebori nigri, resina catholica, jalap. gummi de Peru, extract. esulæ.

In scabie humida pilulæ de fumaris, Mercurius dulcis dulcis simpl. & compositus, merc. vitæ, arcanum corallinum, mercur. cum sol. mercur. præcipitatus.

In scabie humida & contumacissima prodest decoctum contra scabiem mynsichti, syrupus de fumaris compositus, &c.

Externè circa gulam merc. non semper prodest, & sæpè gravia secuta sunt symptomata aq. & decoctum merc. Si in aq. calc. viv. solvatur aliquid de merc. dulci, bonum est remedium externum Balneum fieri potest ex herbis saponariæ, scabiosæ, fumaris, nicotianæ, malvæ, radicibus lapathi majoris, helenii bryoniæ. It. ex sulph. sal. nitr. fursure tritici, silig. farina fabarum. Prodest quoque externè aq. viridiuscula aurifabrorum quæ post præcipitationem argenti remanet; aq. nicotianæ, oleum nic. oleum tart. per deliquium; unguentum medicamentosum mynsichti, unguentum de lythargyrio & cerussa, rosatum cum arcano corallino seu alio mercur. ritè preparato, vel præcipitato.

Nota tamen, quod si unguenta adhibeantur, tamen adhuc benè dentur interna, præcipuè antim. diaph. essentia fumaris helenii &c. alias retropellitur materia.

℞. Crem. tart. 3 ij. sal. fumar. gr. viii. M. D. in duplo.

℞. Croc. mart. aperit. 3j. sal. fumar. 3ß. M. D. in duplo.

℞. Aq. fumar. 3 iv. essent. fumar. mart. liq. an. 3j. syr. de fumar. 3 iß. S. Digestiv. pro duabus vicibus.

℞. Herb. fumar. Mij. flor. cichor. epat. an. p. ij. sem. carthami 3j. vel (si à pituita nitrosa) agar. alb. 3 vi. mechoacannæ albiss. rad. jalappæ an. 3 j. santali rubri citrii an. 3 ij. crem. tartar. albiss. 3 iij. F. l. a. nodulus. Prodest si malum est à pituita. Si ab humore melancholico.

℞. Herb. fumar. epithymi an. Mij. flor. borrag. buglossæ genistæ an. p. ij. fol. sennæ sine stip. 3 j. rad. helleb. nigri præp. polypodii esulæ præp. rhab. mont. an. 3 j. jalappæ 3 vj. cinamomi 3 iij. caryoph. macis an. 3 iß. crem. tartar. albiss. 3 ij. sal. fumar. 3j. F. l. a. nodulus.

Si oriatur à pituita hæc profunt:

℞. Mechoacannæ albiss. agar. albiss. an. 3 iß. rad. jalappæ 3 j. tartar. albissimi 3ß. vel 3 j.

Infunde in f. q. aq. fumar. in vitro clauso per noctem, mane coq. ad dissolutionem tartar. in colatura dissolve syr. de fum. 3 vj. Scammon. sulph. gr. v. aq. cinamomi borrag. 3 iß. M.

Si ab humore melancholico:

℞. Fol. sennæ S. S. 3 iij. Rad. helleb. nigr. præp. 3 j. flor. borrag. buglossæ an. p. ij. crem. tartar. albiss. 3 j.

Infunde in f. q. aq. fumaris vel feri lactis, stent

in infusione per noctem. manè coq. ad dissolut. tartar. Col.

℞. 3 iij. adde essent. fum. 3j. tinct. tartari antimoniata g. xx. syr. fum. comp. 3ß. m.

℞. Conserv. fumar. 3j. pulv. cathol. purg. 3j. antim. per infer. purg. gr. x. c. f. q. syrupi de fumar. F. l. a. Bolus.

℞. Extr. cathol. Andernaci Panchym. Crollii an. 3j. merc. dulc. ritè par. gr. xv. extract. troch. athand. gr. ij. cum essentia fumaris F. pilulæ.

℞. Extr. melanagog. helleb. nigri an. 3ß. scammon. sulph. gr. vi. antim. per infer. purg. gr. x. cum essent. fumar. F. Pilul. pro una vice.

℞. Essent. fumar. mart. liquid. an. 3 iij. m. Dos. gutt. 50. vel 60.

℞. Ess. fumar. tinct. tart. antimoniata an. 3 iij.

℞. Essent. lignor. fumar. an. 3 iij. m.

℞. Tinct. corall. c. spir. lign. 3ß.

Sudorifera.

℞. Antim. diaphor. 3j. sal. fumar. gr. vj. m.

℞. Essent. fumar. 3j. lignor. 3ß. m.

℞. Aq. fumar. S. 3j. syr. de fum. S. 3ß. essent. fumar. 3j. antim. diaphor. 3j. spir. flor. samb. 3ß. m. In scabie sicca.

℞. Aq. fumar. 3j. flor. samb. 3ß. essent. fumar. lignor. ana 3ß. tinct. antim. gr. vj. m.

Balnea.

℞. Herb. fumar. sapon. scabiosæ flor. helen. lapathi maj. ana 3 iv. sulph. crudi 1ß. nitr. 1ß. iß. baccarum lauri 3j. incis. D. S. species, pro Balneo.

Potest quoque addi radix bryoniæ, lap. medicamentosus sal. vitriol. & alia.

In scabie contumacissima eadem possunt, si addantur folia nicotianæ.

℞. Unguent. diapomphol. enulat. ana 3ß. flor. sulph. 3ij. ol. nicot. q. f. F. l. a. unguent.

℞. Unguenti enulati 3j. flor. sulph. 3j. sal. tartar. 3j. ol. nicot. q. f. m.

℞. Decoct. calc. viv. 1ßj. merc. dulc. ad extra 3ß. aq. rosatum 3j. m. pro lotionè.

N B. Potest quoque addi aliquid de saccharo Saturni, si adsit inflammatio.

In omnibus speciebus, etiam desperatissima, nil melius, quam medicamenta ex viperis.

Si oriatur ex scorbuto, antiscorbutica misceantur, v. g. Tinct. corall. antiscorbutica, tinctur. corall. cum spir. lignorum, essent. fumaris, lign. Item medicamenta ex viperis.

Phlyctena, Sudamina, Strones ac Vari.

De Phlyctenis vid. Hasenrefferus de affectibus cutis p. 93. Primario instituat purgatio, ut affluxus cohibeatur, Profunt quoq. sudorifera.

Externè lixivium è cineribus pini confert, it. Succus plantaginis expressus & simul, si adsit inflammatio, succus solani. Exsiccantia pariter, ut empl. de lapide calaminari, unguentum diapompholygos.

In sudaminibus convenit decoctum calcis vitæ, unguentum de lythargyrio.

In stronibus confert unguentum ex sapone Veneto seu Batavico cum sal. comm. Item muria halecis, unguentum ex aloë, sulph. & lacte sulph. cum oleo nicotianæ.

In Varis (vide Hasenrefferum de affect. cutis

lib. 2. pag. 293.) prodest sanguinis purificatio. It. aq. sigilli Salomonis, lil. alborum, rosarum, cosmeticum Cluvii ex marcasita, lac sulphur, saccharum saturni, camphora, oleum tartar. per deliquium, merc. dulcis, lac virginis, decoctum sulph. unguentum e flor. & lacte sulphur.

Interne verò confert hepaticum rubrum, Tinctura florum, bellidis cum sp. vitriol. mart. mane & vesperi.

Facies quoque abluitur & inungitur aq. florum fabarum & sero lactis.

℞. Aq. flor. fabar. lil. alb. sigilli Salomonis rosarum an. ʒij. cosmet. Cluvii ʒj. merc. dulc. gr. xv. camphoræ gr. vii. M.

℞. Unguent. rosati ʒij. flor. sulph. ʒij. lactis sulphur. ʒj. sacch. saturni ʒß. olei rosac. q. s. F. linimentum.

℞. Aq. omnium florum, spermat. ranarum, lil. alb. flor. fabarum, pulpæ citri, sigilli Salomon. an. ʒß. ol. tartar. per del. ʒij. sacch. saturni ʒj. cerussæ, boracis Venetæ, an. ʒß. camphoræ ʒß. merc. dulcis gr. viii. M. est expertissimum.

Epinyctides, Leuca & Alphas.

In Epinyctidibus sanguis purificetur: Deinde purgandum: Denique ad Topica deveniendum est. Riverius specine oleum juniperi commendat.

In Alpha seu Morphea (vid. Hassenrefferus de aff. sect. cutis p. 24.) si à sanguine melancholico, post digestiva purgantia etiam omnia quæ supra de scabie notata sunt, interna & externa, balnea serum educentia profunt v. g. fumaria. It. medicamenta hepatica: Prodest quoque oleum tartar. cum oleo amygd. dulcium & lil. alborum &c.

NB. Radix lapathi, si parti affectæ affricetur, omnes tollit maculas. It. lac virginis. Unguentum ex calc. viv. & sulph. vivo, aq. spermatis ranarum, aq. salsa.

In Leuce (vid. Hassenrefferus lib. cit. c. 3. p. 32.) conveniunt noduli purgantes, sanguinem purificantes, & pituitam educentes &c.

Sudorifera hic quoque profunt & hepar roborantia, v. g. hepaticum rubrum, ebur sine igne, species diarrhodon Abbatis, diatrion santalon.

Deinde Topica v. g.

℞. Flor. sulphur. camphoræ an. ʒj. Sublimentur artificiosè, dein solvantur in aq. scrophul. & sigilli Salomonis. Hoc pro arcanissimo potest adhiberi quoque in variis.

Balnea item fiant ex rad. lapathi, sulph. vivo, nitro cum aliis appropriatis.

Impetigo & gutta Rosacea.

Impetigo seu lichen species est seu primus gradus herpetis.

Profunt hic medicamenta serum educentia & sanguinem purificantia: It. quæ in scabie commendantur, e. g. fumaria, merc. &c. Item serum lactis, si in eo reliqua medicamenta assumantur ex purificantibus sanguinem & serum educentibus.

Topica post universalia applicentur. Profunt hic omnia in præcedentibus annotata, aq. spermatis ranarum, aq. omnium florum, lac sulph. oleum ovorum, Prodest quoque decoctum calc. vivæ, liquor mercurii saccharatus myrsichti, it. ejusdem liquor mercurii acetosus, unguentum

medicamentosum & nobile ejusdem, unguentum e saturno ex oleo camph. & cerussæ. empl. ex saccharo saturni, & bals. sulph. ol. lil. alborum, ol. tart. per deliquium. Unguentum secretum Riverii, quo illæ sæpius utitur, hoc est:

℞. Unguenti rosati ʒij. mercur. sublimati ʒij. M. mercurialia enim quàm maximè profunt.

Ubi dolores in impetigine adsunt, sequens adhibeatur.

℞. Pomor. putridorum n. vi. adde ol. rosati ʒij. lactis muliebris parum, F. cataplasma, & applicetur parti dolenti: Riverius in suis observationibus hoc valde commendat.

Non minus tamen prodest aq. spermatis ranarum, decoct. & infusum sulphur. vid. Poterius.

In gutta Rosacea profunt purgantia ex rhabarbaro & aliis hepaticis purgantibus: Semper enim purgantibus admisceantur hepatica, v. gr. sal. & conserva cichorei. Fiat nodulus ex purgantibus & hepaticis: Prodest tinctura rosarum, violarum, bellidis, epat. rubr. conserv. flor. & rad. cichor. syrup. fragorum cum essent. hepaticæ.

Sunt qui commendant menstruum virginis in aq. appropriata solutum & externe applicatum.

Scarificationem auricula singulis mensibus commendat Hartmannus & alii.

Optima interim hic sunt medicamenta ex calc. viva, merc. flor. sulph. & camphora eaque, quæ alias de variis commendata sunt. Joan. Michael. Praxeos chymica generalis part. 2.

In scabie remedia præparantia.

℞. Crem. tartari ʒj. sal. fumariæ gr. viii. flor. sal. ammon. martial. gr. ʒ. Misc. F. pulvis in aq. fumariæ exhibendus.

℞. Vitrioli martis cum spir. sal. amm. acido præp. ʒß. crem. tartari ʒj. sal. comm. fumariæ gr. viii. misc. f. pulvis.

℞. Essent. fumariæ ʒß. syr. de fumaria ʒj. Tinct. martis gut. v. aq. centaur. ʒij. misc. Detur cochleatim bis in die. Purgantia.

℞. Resin. Jalapp. scammon. an. gr. v. Mercurii dulcis gr. 15. conserv. Fumar. ʒij. M. F. Bolus.

℞. Extr. Rhei, sennæ tartaris. an. ʒß. Resin. scammon. gran. viii. conserv. fumar. ʒij. misc. f. bolus.

Pilula. ℞. Extr. diacatholici nostr. ʒß. mercurii dulcis gr. 12. misc. f. pilul. n. vii. vel.

℞. Extr. Panchymag. crollii ʒß. Mercurii dulcis gr. xv. misc. f. pilul. n. vii. Sudorifera.

℞. Antim. diaphoretic. ʒj. Sal. C. C. gr. v. ocul. cancr. ʒß. Rob. sambuci ʒij. aq. fumariæ ʒij. misc. f. sudoriferum; Vel.

℞. Flor. antim. diaphor. gr. xv. tinct. tart. antim. gut. 22. spir. lign. guajac. gut. 24. Rob. sambuci ʒij. aq. sambuci ʒij. misc. f. sudoriferum.

℞. Bezoartic. C. C. ʒj. Rob. sambuci ʒij. aq. fumar. ʒij. misc. f. sudoriferum; Vel.

℞. Bezoartic. viperini ʒj. Rob. sambuci ʒij. ess. fumariæ gut. 24. lignor. gut. 15. aq. centaur. minor. ʒij. misc. f. sudoriferum. Elixiria.

℞. Essent. fumariæ, lignor. an. ʒj. tinct. tartari antimon. ʒß. misc. Dosis mane & vesperi gut. 20. ad gut. 24. vel.

℞. Spir. tartari cassiafrat. ʒj. essent. fumariæ, tinctur. tartari antimon. an. ʒß. Misc. Dosis gut. 5. ad 20. mane & vesperi. Medicamenta externa.

℞. Ungu. alb. camphorat. ʒiv. ol. coct. ranar.

nar. ʒ ij. Sacchar. Saturni ʒ ij. Mercurii dulcis ʒ j. Sulph. citrin. ʒ ʒ. Misc. f. linimentum. Vel

℥. Unguent. alb. camphor. ʒ iv. ol. coct. Ranar. ʒ ij. Sacchar. Saturni ʒ ij. Cinnabar. antim. ʒ j. solut. sulph. in lixivio sal. tart. ʒ ʒ. Misc. f. linimentum. Vel

℥. Unguent. rosar. ʒ iij. ol. Ranar. ʒ j. Mercurii dulcis ʒ j. Sulph. citr. ʒ ʒ. Calcis vivæ ʒ iij. Misc. f. linimentum.

Balneum.

Hoc potest parari ex decocto Herbae absinthii, Fumariæ, Centaurij, fol. Quercus, & solutione sulphuris cum lixivio Calcis vivæ.

Lepra Græcorum.

In hoc morbo purgationibus repetitis opus est: possuntque fieri sequentibus.

℥. Extract. Hellebor. nigr. ʒ j. Sennæ ʒ ʒ. Resin. turbith. Jalapp. an. gr. v. conserv. rosarum ʒ ij. Misc. f. Bolus.

℥. Extract. Sennæ ʒ j. Esulæ ʒ j. Resin. scammon. gr. vii. Mercur. dulcis solaris gr. xii. Conserv. fumariæ ʒ ij. Misc. f. Bolus.

℥. Extract. Ag. ric. Ellebor. nigr. an. ʒ j. Resin. turbith. gr. x. Mercur. dulcis solar. gr. xv. Conserv. absinth. ʒ ij. Misc. f. Bolus.

℥. Extract. diacatholici ʒ j. panacæ antim. gr. viii. Conserv. fumariæ ʒ ij. Misc. f. Bolus.

℥. Panchymagog. Croll. ʒ j. Turbith. Merc. solar. gr. iij. Misc. f. Pilul. num. vii.

℥. Penacæ antimon. resin. scammon. an. gr. viii. Conserv. fumariæ ʒ ij. Misc. f. Bolus.

Sudorifera.

℥. Aur. diaphoretic. gr. xii. Bezo. rtic. viperin. ʒ j. Essent. fumariæ, lignor. an. ʒ j. Aq. Centaurij ʒ ij. Misc.

℥. Bezoartic. duplicati ʒ j. Pulv. sipin. viperin. præp. ʒ ʒ. Sal. viperin. ʒ ʒ. Spir. tartari lassafati, tinct. tart. antim. an. ʒ j. decoct. sal. seapar. & chinæ ʒ ij. Misc.

℥. Flor. antim. diaphoretic. ʒ j. Pulv. viper. præp. ʒ ʒ. Sal. C. C. gr. viii. tinct. sulph. antim. ʒ j. rob. sambuci ʒ ij. decoct. cortic. & lign. Guajac. ʒ ij. Misc.

℥. Cinnabar. montan. gr. x. Pulv. viperin. præp. ʒ ʒ. Sal. C. C. gr. viii. Ess. lignor. ʒ j. decoct. fumariæ & centaur. ʒ ij. Misc.

℥. Cinnabar. montan. de Tonchino ʒ j. Pulv. viperin. præp. ʒ ij. Pulv. viperin. præp. ʒ ij. Sal. viperin. ʒ j. Sulph. aurat. diaphoretic. gr. xvi. Misc. f. Pulvis pro 3. dosibus.

In decocto salis & chinæ exhibendis.

Medicamenta externa.

℥. Aq. calv. vivæ ʒ ij. Mercurii sublimat. ʒ ʒ. Succ. solan. Plantag. an. ʒ ij. Misc. f. lavamentum.

℥. Fol. Quercus Miv. herb. chelidon. solani an. M ij. Absinth. centaur. an. M j. Rad. Aristoloch. rotund. ʒ j. coquantur in sufficienti quantitate aq. communis, & in colaturæ ʒ iv. solvantur. Mercurij sublimati ʒ ʒ. solutionis sulph. in lixivio sal. tart. ʒ ij. Misc.

℥. Decoct. Calc. vivæ ʒ ij. Mercurij sublimati ʒ ij. Sacchar. Saturni ʒ iij. Aq. rosar. ʒ iij. Succ. solan. chelidon. an. ʒ ij. Misc.

Unguenta seu Linimenta.

℥. Unguent. Apostolor. albi camphorat. an. ʒ ij. Sacchar. Saturni ʒ j. Zinabar. factitij ʒ ij. ol. Ranar. q. s. Misc. f. Unguentum. Vel

℥. Unguent. alb. Camphorat. Rosarum an. ʒ ij. Mercurij saliva extincti ʒ ʒ. Sulph. in sal. tart. solut. & inspissati ʒ iij. Pulv. Ranar. viper. an. ʒ ij. ol. Ranar. q. s. Misc. f. Linimentum.

Hiscæ remediis in omnibus horrendi hujus morbi generibus tantum effeci, ut mihi visum fuerit superfluum, plura hac de re scribere, & sic concludamus.

Consultationes.

Pro Egregio Viro Laurentio Fachineo Cive Foroliviensi scabie ferina, tumor extremarum narium, necnon ulcere internarum, & ureæ detento.

Duo ni fallor sunt vitia, quæ virum egregium malè habent, unum est scabies per totum corpus repens, ut ex cutis asperitate, & evidentibus tumoribus parvis, pruriginosis, cum, & sine scalpillatione, vel affricatione pus, ac saniem humidam valde, corpusculaque furfuracea emittentibus.

Alterum vitium est ulcus tum narium internarum cum tumore externarum rubente, ac crustis referto, & cum deperditione pro majori parte interstitij, tum columellæ, cum ejusdem ad anteriora non parva abrasione, cujus utriusque ulceris non tantum pus prodians, verum etiam & visus ipse fidem facit.

Verum tamen scabies, ut ex dictis liquet, non sicca, sed humida valde, quia nempe insignem copiam ichoris tenuioris emittit, est constituenda, sicuti est in habitu, & veluti hectica, quoniam à pluribus annis patientem afflixit, itemque contumax, & ferina existit, quoniam tametsi generosis admodum, & efficacibus valde præsidis fuerit tractata, non modo non cessit, sed magna potius incrementa suscepit, & quod pejus est suscipit in dies, ut parum absit, ut in lepram permutetur, sicuti enim pruritus est via ad scabiem, ita scabies, potissimum ubi pervicax nimis erit, est via ad lepram.

Ulcus verò quoniam saniem fetentem profundit copiosam, sordidum ideò, & aliqua ex parte malæ naturæ, cachoeteque erit constituendum, non tamen cancerosum adhuc, cum dolor illi non associetur, & pus nigricans haud emittat.

Horum autem malorum principia generationis immediata ex parte agentis, & ex parte passivi non sunt meo judicio difficilia cognitu, si quidem ex parte agentis constituerem ego succum ferosum, salsum, quia sanies tenuis, & alba, prius jugi, ac perenni pruritu infestante prodit, mixtum tamen aliquando cum ichore melancholico, ut color subnigricans cum rubore suadet, hæc enim succorum miscela copiosa, humore crasso, & viscido referta in cuti recepta, & non mota, ob idque putredinem aliquam nata non tantum asperitatem, sed intemperiem calidam, & siccam, tumoresque parvos, & pruriginosos parit, quod à Galeno secundo de Symptom. causis sexto, & à principio ii. simplicium decantatum fuit. Pariter eadem excrementorum colluvies ad nares, & columellam decumbens, ut abradens ulcera corrosiva infert, ut verò copiosa tumores illos externos circa nares efficit.

Ubi autem localem, & propriam habeant generationem excrementa jam dicta sic decernant. Profecto cum sint meri partus caloris vehementis, ut nemo potest in dubium revocare (nam pituita falsa ab exusto tempore, sive per putredinem, sive per ipsam exustionem conerata, cum humiditate aquea permixto producit, sicuti & succus melancholicus exustus, ichorque biliosus ab insigni fervore sunt) & cum in visceribus illis, in quibus non solum alimenta, verum etiam & excrementa generantur, generari quoque debeant atque inter alia viscera jecur primas partes habeat, in eodem ideo fieri pro majori parte certum habeo, quoniam in capite succum falsum procreari non dubito.

Principia ex parte passi penes temperamentum totius corporis calidioris, habitusque similis proprietatem, ratione psoræ, penes autem conditionem locorum affectorum, ratione ulceris, ac tumoris, quando partes narium, & oris internæ valde humidæ, ac putredini noxiæ sint, attendantur oportet.

Cæterum his principiis proximioribus remotiora quoque sunt addenda, quæ omnia refero in errata externa, potissimum verò in potum immodicum, & intempestivum ipsius vini meracioris.

Sed jam de Methodo curandi est agendum, quæ in scabie primum, quantum ego existimo indicationibus præservatoriis est perficienda; quocirca antè omnia danda est opera, ut materia fluens per evacuantia à cuti retrahatur, secundo materia fluxa ut putrida, & copiosa est evacuanda, ea tamen ratione, ut quæ hæret in superficie, ripticis abstergatur, quæ est impacta ecartartica discutatur, sicceturque, ut qualitate nocet eadem materia est in contrarium alteranda; Deinde & curatoria indicationes occurrant, ut propterea pruritus, qui est species doloris anodinis sit amovendus, ac intemperies viscerum malos humores generantium alterantibus sint dimovenda. Verum & vitales indicationes haud sunt negligendæ, saltem ratione partis affectæ, hinc cutis tonus est confirmandus subadstringentibus, modeste tamen usurpandis, à quibus ne medicamenta impediuntur, ut altius penetrent, tenuia tanquam vehiculum addere oportebit, quo nomine Avicenna acetum, & acida, Galenus verò nono Simpl. capite de sulphure, sulphur tanquam tergens, & poros absque adstrictione purgans omnibus aliis admiscebat. In ulceribus pariter ablata omni occasione fluxionis, ipsisque deterfis, & exiccatis ad consolidantia est deveniendum.

Quas indicationes explere posse Medicum vix credo, quando mala omnia cum suis causis sint in habitu, & inveterata ut lepra, ulcera cancerosa, deglutio, ac respiratio vitiata immineant, nullaque sit pars corporis, quæ ab aliqua labe sit intacta, ut propter has rationes indies magis ingravescant, & proinde difficilius tolerantur, quando etiam ex Platone in Philebo scabies præter turpitudinem dolorem inferat, qui vigiliis adjunctus vires ipsas plurimum dejicere consuevit. Danda igitur est opera, ut egregius patiens à majori saltem ruina præservetur, quod forsitan haud erit difficile consequi, si illius ætati vegetæ prudentia, & obsequentia ejusdem adjungatur.

Quocirca si animum ad materias medicas converto, ita de Chirurgicis autumo, ut scilicet quamprimum sanguis copiose per sectam venam in cubito, non quidem unica vice, sed repetitis vicibus educatur, propterea ex utroque cubito meo judicio sanguinem mittere præstabit, deinde habita totius providentia; Cuti tum hyruidines, tum cucurbitulæ parvæ, seu corniculi dicti (quos magis probo) numerosi tamen appliciti mihi quam maxime arrident, sicuti & fomiculi in brachiis, & femoribus inusti non improbantur, quinimò & si alter in sinapite, vel occipite de more excitetur, ratione ulceris narium ac uvæ plurimum proderit.

Pharmaca respiciunt materiam, & morbos, si materiam, vel fluentem, vel fluxam, si fluentem sunt lenientia, ut syrupus de polypodio magistralis, & rosatus solutivus, sunt & præparantia, sicuti est decoctum scabiosæ, sonchi, hepaticæ fumaris, lupulorum, & betonicæ, adjectis syrupis de succo cicoriorum, de fumaris simplicis, de succo betonicæ, sunt demum & purgantia, in quorum serie, quod fit ex infuso hellebori nigri, agariis trociscati, & senæ cum syrupo de polypodio magistrali est opportunum.

Verum tamen repetenda erunt & præparantia, & purgantia, fortiora tamen, quare syrupi de fumaris compositus, labor regis, de cicoreo compositus diluti cum decocto simplicium antedictorum in sero caprino parato, & purgatorium ex confectione hamech, ac hiera aliqua magna Aloë (quæ tantopere in scabie inveterata ab Avicenna celebratur) donata, necnon electuarium ros. Mes. cum lenitivo vocato paratum, esse poterunt ex usu.

Cæterum & sudores moventia huc referenda, quapropter maxime conducturum esse crederem, si falsæ, chinæ, & sandalorum cum tantillo guaiaci decoctum, adjectis cicoraceis pararetur, & bis in die sumeretur, maneque instrumento ligneo sudor (ut in lue Venerea fieri solet) moveretur, novi etenim quamplurimos similibus morbis laborantes hoc remedii genere sanatos fuisse; Atque ut magis, ac magis medicamentum roboraretur, curarem, ut bolus ante syrupum matutinum & extracto guaiaci trociscis viperinis cum speciebus confectionis ex tribus sandalis paratus deglutiretur, ac eo tempore, quo simili medicatione patiens uteretur, eundem ut singulo quinto, vel sexto die syrupum de polypodio sol. assumeret, etiam atque etiam hortarer.

Medicamenta interea ad materiam fluxam sunt tum interna, tum externa, in genere interiorum decoctum viperarum in aquis hepaticæ, scabiosæ, fumaris, & betonicæ decoctorum, omnibus esse præferendum confirmo; quinimò & ipsamet viperarum Caro in conserva cicoracea esset assumenda, huc referatur & medicamentum, quod & auctoritate gravissimorum virorum, & experientia ipsa est præstantissimum, & me nunquam in similibus casibus fefellit, est autem Pilosellæ decoctum ad quadraginta dies ebibitum, sal quoque theriacale sub aëre frigidiore in conserva boraginis assumptum mihi non displicet; quod scio etiam cum fructu alias ab egregio patiente sumptum fuisse.

In coordinatione externorum primum irritatio totius corporis cum aqua stillatitia the-
rebin-

rebintinæ, primum sola, deinde cum modico oleo sulphuris permixta, usu, & experientia mihi valde est comprobata, quo refero ther-
mas Pisanas sub forma lavacri adhibitas, ea ta-
men ratione, ut quater balneum ex illis aquis,
bis verò illud ex aqua dulci tepida, ac ita alter-
natim successivè adhibeatur. Et unguentum,
quod mihi in scabie ferina, atque contumaci est
in usu proficuo, non subdicebo.

℞. *Aluminis Roche usi* } *an. unc. 5.*
calcanthi usi }
Aristolochia rotunda } *an. dragm. ij.*
Viridis Aeris }
picis navalis unc. 1.
pinguedinis Anatis unc. 5.
succi emule unc. 1.
olei rosati completi } *an. unc. 3.*
butyri antiqui }

M. & f. unguentum f. a.

Probo item medicamentum, quod confici-
tur ex sulphure, succo tabacci, unguento rosa-
to, oleo tartari, & camphora, & cum Avicenna
ad inunctionem ex hydrargirio, at cum Galeno
ex radice Camaleontis, vel sublimato adscen-
dere non abhorrerem; nam sub hisce casibus
melius est remediis paulò ancipitibus uti,
quam patientem deferere.

Medicamenta ad ulcera varia sunt, & pri-
mum occurrunt, quæ erosionem emendant, in-
ter quæ, quod fit ex succo plantaginis, & alu-
mine ulto tum naribus, tum uveæ adhibitum
maximè probo, secundo tum virgæ aureæ suc-
cus, una cum urina Asini destillata, tum liquor
stillatitius mellis in quo myrrha, thus, Aloës, ac
pulvis ireos sunt macerata; si per nares attra-
hantur, vel cum catetere injiciantur, opportu-
na videntur, quorum calor etiam succo planta-
ginis castigari poterit, & si majori attempera-
tione opus sit, ab illorum usu lac Asinum, vel
serum lactis Vaccini injecta, vel unguentum ex
succis per se, & una cum unguento albo usur-
patum conducent; sicuti & pro agglutinatione
unguentum ex pômpholige præcipuè conve-
niet, tandem ad uveam sanandam oris collutio
ex aqua Villensi decoctionis boracis mineralis,
tutæ præparatæ, & corticum granatorum, fieri
poterit; Exteriùs autem pro naribus medica-
mentum ex plumbo ulto, succo solani, & oleo
rosato cum cera erit opiferum.

Post hæc verò studendum, ut morbi auferan-
tur, aut mitigentur saltem, idcirco ratione
pruritus nihil præstantius excogitari potest
ipso Philonio Romano aliquot intervallis ad
scrup. i. hora præcipue somni devorato. Et præ-
ter Balneum aquæ dulcis probarem, ut patiens
egregius hora pruritus manibus inunctis oleo
amygdalino dulci in aqua endiviæ loto se scal-
peret.

Intemperies verò jecoris thermis à Vallè San-
cti Marini, Porrectaneis veteribus, & Ficoncel-
lensibus, seroque caprino, cui scabiosa, fumaria;
betonica, sonchus, & pilosella sunt immacerata,
satis emendabitur. At intemperies capitis usu
conservæ violaceæ, & cicoraceæ hora somni de-
voratæ, item & lotionem ejusdem, ex aqua ther-
mali Lucensi, decoctionis fandalorum adjecto
aceto commodè corrigi poterit.

Et ne alia remedia sint irrita, una cum Ga-

leno addenda est proba vivendi ratio; erit au-
tem hæc si patiens tempore localium detinea-
tur in aère calido, alias verò in temperato, ut
vescatur ovis, carnibus optimis, & piscibus pe-
trosis elixatis, caveat à cibariis crassis, calidis,
acribus, ut propterea illi plantæ, fructus, & se-
mina ejus conditionis, quæ refrigerare, & hu-
mectare valent, possint esse ex usu perutili. Et
si ad certum aliquod tempus abstineret à vino,
& loco ipsius, vel Ficoncellensem vel Lucensem
aquam biberet, vel aqua solum in qua, passulæ
fuisse incoctæ, sibi summopere proficuum es-
set, quemadmodum & si in aquis illis propria
cibaria coqueret non parum prodesset.

Victus tempore salæ, & chinæ, sit ille, qui in
usu communiter esse solet; poteritque com-
modè ab Excellentissimo curante præscribi,
semper tamen alvus respondeat necesse est,
quod si spontè non succedat, arte erit agen-
dum, idcirco prunæ, passulæ præparatæ, atque
clysteres ad usum deducuntur. Animi acciden-
tia omnia molesta vitentur; sicuti immodicum,
& intempestivum exercitium, somnus sit mode-
ratus, omniaque secundum proportionem jam
dictis respondeant, quibus illud non possum
non adjicere, ut nempe ab omni cibo vel sac-
charum rosatum antiquum, vel cydoniatum si-
ne mosco, ad juvandum coctionem, & repri-
mendos vapores vir egregius assumat. Deus
autem optimus maximus ille sit, qui prædictis
malis potissimum medeatur. *Jul. Cas. Claudinus*
in Consultationibus.

De Impetigine. Pro Nobili Puella.

Sæva illa impetigo (Herpes miliaris,) qua
ab ipso penè ortu in parte capitis dextra, dex-
traque coxendice, ventre etiam inferiore, non-
nunquam & aliis partibus, non sine molestissimo
pruritu, humorisque cujusdam viridis, flavi, al-
bique transudatione, puella nobilis divexatur,
causam habet insignem copiam serositatis bi-
liosæ, cum humore pituitoso, nec non atrabi-
laris materiæ portione permixtam, in jecore
ardentissimo à materno sanguine, nutritisque
lacte calidiore genitam, vinis generosioribus,
malvatico, ac succi vitiosi cibis uti solitæ, con-
currente etiam ab initio perangusto, ac admo-
dum calido loco; dum fasciis esset involuta.
Cum verò malum hoc cum à plurimis crudita-
tibus, ob ciborum copiam, capitisque catarrho
haud levi, tum ab impensè calida partium af-
fectarum intemperie, à continuo materiæ simi-
lis affluxu contracta; foveatur, mirum videri
minimè debet, esse puellam hæc & febris, &
inflammationi nonnunquam oculorum obno-
xiam, stabulante videlicet in visceribus hoc
humore, quod hyemali plerumque tempore so-
let accidere, per concentrationem, poris cutis
ab ambiente frigore coarctatis.

Judicamus igitur necessarium fore reme-
dium, quod non tam partes affectas, quam ma-
li causam respiciens, eam molestiam, qua nobi-
lis puella cruciatur, quoad ejus fieri poterit,
impediat; præservetque à majoribus malis,
morbo huic supervenire solitis; lepra, scilicet,
quam facillimè incurreret, nisi præsentī malo
quam primum iretur obviam. Siquidem ætatis
mutatio nocumento potius futura est, quam
auxi-

auxilio : calor enim in ætate hac ab excedente quadam humiditate temperatus, ea tempore juventutis imminuta, multò fiet quàm ante mordacior. Sed & menstrua, perseverante ea, quæ adest, sanguinis acrimonia, aut nihil, aut parum admodum sunt profutura. Si verò jecoris, sanguinisque calorem temperantes, prohibuerimus, quo minùs tanta sanguinis acris, & mordacis generetur copia, tunc dubio procul menstrua per uterum purgatio esse ei poterit adjumento.

Laudamus igitur mox instituendam totius corporis expurgationem. Leniatur alvus *floræ cassiæ cum pulpa tamarindorum, sale tartari in jure, electuario de prunis, infusione rosarum solutiva*, nonnunquam & modico *manne cum jure*. Præparetur humor *jusculis soncho, cichorio, fumariæ, borragine, liquiritiæ, & seminibus citri alteratis*, addito nonnunquam *succo sonchi, aut hepaticæ depurato*. Purgetur deinde corpus repetito aliquo ex lenientibus propositis, cum infusione modici *rhabarbari, aut mechoacanæ*, quæ & in pulverem redacta, aut forma confectionis poterit exhiberi : est enim gustui gratissima. Purgationis tempore laudamus e jecoraria utriusque brachii modicam sanguinis evacuationem, hirudinibus duabus brachiis singulis applicitis, aut etiam iisdem (si id fieri poterit) venis hæmorrhoidalibus admotis.

Corpore ritè expurgato, è re futurus est usus *lactis aut asini, aut caprini* duorum, aut trium mensium spatio, quatuor unciarum pondere, quotidie matutinis horis continuatus, permixta subinde *aquæ rosarum, aut aquæ acetosæ modica portione*, cui & infundi aliquando poterit modicum *rhabarbari, aut mechoacanæ*, tumque quantitate majore porrigetur. Suborta nausea, quindecim diebus intermitteri poterit ejus exhibitio, postea repetenda, modico interim *aquæ rosarum* recentis, alembico vitro destillatæ, mane quotidie exhibitio. Si vermes adesse suspicio esset, destilletur (florent nunc perfici) *aqua è floribus persicorum*, atque ab una ad duas uncias propinetur. Movebit corpus, vermibus resistet. Extrinsecus quam maximè laudamus *balneum aquæ fluvialis tepidæ* umbilicotenus, alteriusve aquæ dulcis *malvæ, lactucæ, salicæ, vite, papaveris* alteratæ, non omisso epithemate, atque unctione refrigerante regioni jecoris adhibita. Si verò & de lue Venerea non omnis absuerit suspicio, proximè venturo Autumno, exiguo *china, ac salsa decocto* illi poterit obviari.

Memoratis remediis accedat recta victus ratio est necesse. Cibi refrigerantes sint, & humectantes, cujusmodi *hordeum, cichorium, semen melonum*; conferet & usus frequens *prunorum, cucurbitarum, melonum Venetorum, anguriarum*, aliorumque hujusmodi. Cæna sit modica. Alvus servetur lubrica *prunis, unis passis, aut cassiæ recenti*. Temperetur vinum aqua multa refrigerante; aut certè vinum conficiatur ex succo pomorum, quod & gratissimum futurum est, & utilissimum. Cæterum remedia hæc & facilia & utilia, quæ occurrerunt in hujusmodi casu præscribenda, ut puellam nobilem integræ sanitati restituant Deum Opt. Max. obnixè precamur.

De Lepra. Pro Illustrissimo Comite Vicentino.

Illustrissimus Comes ætatis annorum 30. temperamenti calidi & humidum, habitus carnosus, duobus ab hinc annis conqueritur de pruritu totius corporis, cum pustulis, cutis asperitate squamosa, ex qua scalpando decidunt squamæ velut piscium: multis curatus præstidius, sine ullo tamen juvamento, de agendis consulit, usus est cibis salitis, vinis generosis, ac exercitio valido.

Affectus hic ex accidentibus relatus est ille, quem Avicenna albaram nigram vocavit 3. 4. tract. 3. cap. 9. Græcis lepra dicitur; differt tamen ab Arabum lepra, in qua secundum Avicennæ doctrinam 3. 4. tract. 3. c. 1. non adest tantum cutis asperitas squamosa, sed corruptio complexionis membrorum, formæ item, & figuræ, cum insigni adeo membrorum corruptione, ut sit veluti cancer communis toti corpori, à Græcis Elephantiasis dicta.

Fit autem hæc affectio à sanguine atrabili permixto cum pituita salsa, intemperiem calidam & siccam inducente, non in superficie tantum, sed in profundis cutis partibus, unde & tumores & ulcera cutanea, quorum ratione dici potest morbus in intemperie, mala compositione, & in soluta continuitate, spectans magis ad exornatoriam, quàm ad salubrem medicinarum partem: generationisque ipsius causa est, cum intemperies calida jecoris, tum & magis error in sex rebus non naturalibus, & præsertim in exercitio, & in assumptis humores calidos & acres generantibus, cibis scilicet salitis, & vinis generosis.

Affectus cutatû difficilis, quia confirmatus, & dependens à prædicta intemperie cutis, apta nata corrumpere etiam succos alimentales; ideoque non difficulter degenerare potest in lepram Arabum, sive Elephantiasin. Sicuti enim scabies est affectus medius inter pruritus & lepram; ita lepra est affectus medius inter scabiem psoram dictam, & Elephantiasin: ideoque summa cum diligentia curari debet.

Pro ipsius curatione attenuanda, emollienda, & ad circumferentiam protrudenda est materia impacta partibus cutaneis; detergentibusque, & epicrasticis absumenda; refrigerantibus & humectantibus intemperies corrigenda: prohibendaque est talis materiæ regeneratio refrigerantibus & humectantibus jecur, sanguinem, & totum venosum genus: atque refrigerandum est & humectandum caput, & si quæ materia generabitur, divertenda per ea quæ evacuant totum corpus, præmissa humorum præparatione. Hæc præstabuntur remediis Chirurgicis, Pharmaceuticis, & diæticis.

Chirurgica erunt universalia, & particularia. Quare sanguis educendus erit primo ex jecoraria dextri brachii, ad unc. 10. deinde, ex venis sedalibus, ad unc. vi. & tertio per parvas cucurbitulas, vel per hirudines variis partibus affixas.

Pharmaceutica universalia erunt lenientia, præparantia, & purgantia. Pro alvi lenitione *flor. Cassiæ cum pulpa Tamarindorum, vel Symplicis ros. solut. & de polypodio compositus*, erit accommodatus. Præparantia erunt *cichorium, fumaria*.

ria, borrag. & sonchus, cum unc. i. Syrup. de pomis, & unc. sem. Syrup. de acido citri. Pro purgatione rhabarbarum, agaricus, & senna, cum Syrup. rosar. sol. & de polypodio compositio, ex usu erunt. Repetantur præparantia, & purgantia, nempe Syrup. de pomis compos. de fumaria compos. de betonica compos. cum aqua fumaria, cichorii, & borraginis, alternisque diebus, loco prædictarum aquarum, præscribantur unc. iij. decocti Epithymi Mesues; ac tandem purgatio fiat infusione radicum hellebori nigri, cum agarico in sero caprino, & addito Syrup. de polypodio compositio, fiat potio. Hisque peractis, duo genera remediorum interna, & duo externa debellabunt affectum. Primum internum erit serum lactis caprini optimè depuratum, cum succo citri, sumptum singulis diebus quindecim dies ad lib. 2. modò cum infusione sennæ; ut fiat dejectorium, modò cum emulsione seminum melonum, ut fiat diureticum. Aliud remedium quod erit alimentum, & medicamentum, est caro viperarum cocta cum oleo, aqua, petroselino, & passulis. In prandio, & cœna, mane & vespere comedat duas viperas amputatis capite, & cauda, neque alio cibo utatur, præter panem & viperas spatio quindecim dierum, sic enim purior fiet sanguis, transmissio excremento ad cutem, & interna viscera roborabuntur, ita ut perfecta sanitas subsequatur: quod bis vel ter felicissime experientia comperi. Externa erunt linimentum, & balneum. Linimentum fiat ex farina lupinorum, sulphure vivo pulverizato sale nitro, unguento rosato, & oleo amygd. dulcium cum hydragyro saliva extincto. Quod hunc in modum parari poterit.

℞. Farina lupinorum libram unam
Sulphuris vivi pulverizati } an. unc. ij.
Salis nitri,
Unguenti ros. unc. viii.
Hydragryri saliva extincti. unc. iij.
Olei amygd. dulcium q. sufficit.
Misce pro linimento.

liniatur totum corpus alternis diebus hora somni. Aliud remedium erit balneum universale, & hoc alternis diebus fiet ex aquis sulphureis, in quibus per semihoram moretur moderatè calidis, & tertia quaque die ex aqua fluviali tepida, in qua maneat horam circiter, primum administrabitur ter aut quater, alterum plures dies, ad tollendam intemperiem calidam.

Addatur congrua victus ratio, quæ sit ciborum boni succi, refrigerantium, & humectantium, abstinendo ab aromatibus, acetariis, salitis, & cibis crassi succi, bibendo vinum oligophorum; moderatè corpus exercendo. Ita namque superabitur affectus: qui & curatus fuit in nobilissimo hoc patiente.

De Herpete in mento. Pro Nobili Adolescente.

Affectus quo nunc detinetur Patiens Nobilis, ratione partis affectæ, mentagra dicitur: non est tamen ista mentagra antiquorum, quæ depalcebatur totam carnem menti, sed sunt tubercula quædam in ulcuscula degenerantia, statimque exarescentia, & ad circumpositas partes sese diffundentia. Ideoque non immeritò

herpes miliaris nominanda, eaque genita à fluxione bilis & pituitæ permixtæ jecore præcalido, & humido cerebro genitorum, atque incrementum tanquam ad partem imbecilliorē confluentium post sanationem abscessus in podice suborti, & cicatrice obducti.

Affectus non ita sanatu facilis, cum ratione fluxionis, tum ratione malæ qualitatis, & intemperiei calidæ in parte affecta contrariæ.

Ideoque pro ipsius sanatione divertenda est materia fluens, fluxa sensibiliter & insensibiliter evacuanda; impediendaque similis materiæ regeneratio per ea quæ jecur refrigerant, & caput exsiccant; ac tandem per subaltringentia pars affecta est corroboranda.

Pro curatione præsentis affectus, plura quidem hæcenus, rite & recte præscripta fuere: non tamen omittenda & alia posthac administranda. Quare si de Chirurgicis sermo fiat, cum jam sanguis per venam sectam fuerit eductus, poterunt iterum applicari cucurbitulæ dorso pro revulsione: ac deinde in progressu non displicent hirudines undique mento applicandæ, quippe quæ evacuant humorem illum vitiosum, qui parti affectæ est impactus. Placet quinetiam pro revulsione fonticulus interno dextro femori inustus, summa cum ratione à Viro præclarissimo præscriptus: nec displicent frequentes pedum lotiones cum aqua dulci, vel lixivio alterato malva, lapatho, flor. chamæmel, & violis.

Pharmaceutica quod attinet, licet alvus sponte fluat, non ob id improbantur aliqua blandè evacuantia, nempe flos cassiæ recens extracta ad unc. sem. sæpe parum ante cibum sumptus: diaprunum cum senna, aut passula cum senna; aut quid tale; nec de aliis præparantibus, aut purgantibus generosis quidquam dicam, cum diligentissima totius purgatio fuerit jam peracta, decoctum exhibitum, seu potius vinum alexipharmacum, & solutivum per plures dies: ac tandem serum lactis caprini. Quare supposita accurata totius purgatione jam facta, & non sine ratione repetenda dejectorium per aliquod saltem, ex rhabarbaro, senna, & agarico; laudo aquam Villensem per quindecim dies circiter eamque diureticam reddit, cum syr. quinque rad. & emulsione sine melonum; post cujus usum proderit etiam saccharum ros. recens ad unc. i. manè sumptum itidem quindecim dies, facta inunctione partis affectæ cum lythargyro aureo, cerussa, & granis quatuor sublimati dulcis.

De Scabie, & Hamorrhoidibus dolentibus: & an pro ipsarum curatione pulvis viperinus cum sale prunella assumi tuto possit. Ad Excell. Hieronymum Durantem.

Ex scheda mihi tradita ab admodum Reverendo Patre Franciscano, nomine perillustri & Excellent. D. Hieronymi Durantes, duas difficultates video obijci opinioni meæ de Scabie, & Hamorrhoidibus conflictantibus Nobilem patientem: quarum prima est, in scabie nullam pulveris viperini indicationem, nullamque utilitatem futuram, dum suspecta est acrimonia illa, quam in sanguine pulvis viperinus excitare potis est; non enim, inquit Vir Doctissimus, & optimè, in scabie curanda medica-

menta

menta admittuntur, quæ sanguinis acrimoniam augment: altera est, sanguinem per hæmorrhoidas fluxurum acriorem à pulvere viperino reddi; hoc enim addit, repugnat experientiæ; nam eo sumpto viginti dies, & quod excedit, nunquam ab illis venis sanguinem fluxisse observatum est, quin potius fluxus frequentiam remisisset. Quibus propositis, obfirmat se in ea opinione, quam longa observatione ante pulveris viperini usum conceperat, sanguinem scilicet in Nob. patiente exitum sibi parare non acrimonia, sed copia: sanguinem enim fundunt venæ illæ sine ullo irritationis sensu, vel repletæ, vel laxatæ, ut inquit: ac proinde si copia desit, tunc neque in maximo egerendi facies conatu sanguinis guttula exprimitur, soluta autem alvo à fructibus horariis, vel à medulla cassiæ deglutita, promptè sanguis rejicitur non irritando, non comprimendo, sed laxando. Hæc Vir Doctiss. perquam doctissime in medium protulit.

Quibus ego pro viribus satisfacere conabor, non tanquam alter Hippoc. qui omnium minime in arte me versatum fateor, sed tanquam doctrinæ Hippocraticæ admirator, & pro viribus imitator. Atque ideo cum Hippocr. & Galeno jam scripta confirmare non gravabor, quo supponens ut verissima; quorum primum est, me semper locutum fuisse de pulvere viperino, & sale prunellæ simul junctis, quum scriptum ad me fuerit, Nobilem patientem nunc uti sale prunellæ, & pulvere viperino, quod à præclarissimo Viro in hac schedâ confirmatum video, dum scribit, quod hæret animus in iis in usu scil. pulveris viperini, & salis prunellæ non esse ulterius progrediendum. Quare difficultates non emergunt solum ex usu pulveris viperini, sed ex usu utriusque simul sumpti. Sicuti enim in viperæ carne intemperiem calidam, & siccam constituit Gal. 2. simpl. cap. de vipera, ita in sale prunellæ, ex sale nitri & flore sulphuris confecto, acrimoniam aliquam adesse mihi persuadeo, ideoque à me scriptum fuit, quod medicamentum hoc vi exsiccatoria cum mordacitate aliqua præditum est. Suppono secundo tanquam indubitatum, sanguinem in Nob. patiente non sola copia peccare, sed & acrimonia aliqua, & mala qualitate, idque non solum ex ætate consistente, in qua viget sanguis melancholicus, sed longè magis ex loco per quem effluit, & ex annexa scabie, hoc argumento. Humor ille, quo præsentem fiunt affectus, & participes cujus absentia præservantur, & curantur patientes à morbis dependentibus à materia mala qualitate peccante, est humor non sola copia, sed mala qualitate peccans; Atqui in Nob. patiente scabies aliam non agnoscit causam, quam sanguinem in venoso genere contentum, & per hæmorrhoidas expurgari consuetum, scabiesque fit à materia acri; ergo sanguis hic acrimoniam habet. *Sic atra bile vexatis, & renum passionibus hæmorrhoides supervenientes bonum*, inquit Hippoc. in Aph. atque idemmet divinus senex subjunxit 6. Epid. sect. 3. *Hæmorrhoidas habentes neque pleuritide, neque peripneumonia, neque phagedæna, neque furunculis, neque terebinthi formam habentibus, fortasse neque lepris deineri.* At morbi prædicti non à sola sanguinis copia, sed & à mala qualitate proveniunt. Ergo sanguis per hæ-

morrhoidas excerni consuetus non sola copia, sed & mala qualitate peccat: non negando tamen sola copia peccantem aliquando per has venas evacuari, quod à Galeno cum in Aphorismis, tum in Epidemiis, & alibi confirmatum legi: sed in casu nostro, cum scabiem foveat, & conservet, non potest non habere aliquam acrimoniam, quam si Nob. Patiens non observat in ipsius excretionem, hoc aliunde non provenit quam quod dum effluat, non permeat loca sensibilia, sed facta venarum anastomosi, effunditur. Quod si in magno conatu ne guttula quidem effluit, hoc fit, quia tunc est in pauca copia; quod si excernitur, liberalius ab usu fructuum horariorum, & flor. cassi. hoc fit cum obferositatem, ratione fructuum; tum ob impulsionem à loco altiori, ratione cassiæ, non tamen à sola venarum laxitate: hunc etenim non tam facile sisteretur, & ex valido conatu denuo funderetur. His itaque suppositis, primæ difficultati respondendum censeo: in scabie nullam indicationem, neque ullam utilitatem futuram ex usu pulveris viperini, quotiescunque sumetur cum sale prunellæ, ratione acrimoniam ipsius: sed si solus pulvis viperinus vel etiam caro viperina exhibeatur, usui erit, protrudendo humores ab internis visceribus, & à venoso genere ad cutem, non secus ac factitatum fuisse in lepræ curatione nos docuit Gal. 2. Simpl. cap. de vipera, ubi retulit tres, aut 4. casus lepræ curatæ potu vini, in quo extincta fuit vipera. Ubi enim vitiosus humor ad cutem detrusus fuerit, levata massa sanguinea, tunc facilius sanatur scabies: quæ non aliam ob causam verno tempore alioquin saluberrimo efflorescere solet ex Gal. & Hippoc. 3. Aph. 20. tex. & com. Ex his facile etiam tollitur alia difficultas, nempe, quod si acrimoniam haberet pulvis viperinus, sanguinem hæmorrhoidalem concitatiores reddidisset. Respondetur enim primò, quod solus pulvis viperinus sine sale prunellæ sumptus nullam habet acrimoniam; addo secundo, quod si sumptus fuit cum sale, & nihilominus juvit, duplicem ob causam prodesse potuit. Primò quia propellendo humores ad cutem, divertit ab hæmorrhoidibus & sic imminuit, non tamen fluxionem: secundo quia facta jam copiosa sanguinis effusione, requiritur aliquod tempus ad novæ materiæ collectionem, quæ denuo à natura expurgetur: non secus ac evenit in menstruis muliebribus purgationibus. Si enim copia desit, ut optime scripsit Vir Excellent. non succedit evidens sanguinis evacuatio. Atque hæc dicta sint, ut pro virili quæritis satisfaciam, committens non hæc solum, sed & cætera Nobiliss. Viro necessaria prudentissimo & acutissimo ingenio viri præclarissimi, & in arte versatissimi. *Benedict. Silvæ. Consil. & Respons. Medic. Cent. 1.*

Affectus totius Corporis pruriginosus.

Serenissimus Dux Dominus meus, cujus temperamentum est Illustrissimæ Dominationi vestræ notum, natus ex Patre, qui infectus fuit impetigine, cum pustulis quibusdam per corpus dispersis, quæ dum delitescerant, atrum in cute relinquebant colorem indelebilem, quando desit impetigo, incidit in dolores arthriticos & podagricos immanes, semper qualibet septima die

die repetentes in toto vitæ suæ cursu, cum hac lege ac ordine, quod quando dolores & arthritici cruciatus remittebantur, statim Diarrhœa humoralis succedebat, invitaque medela à variis Medicinæ Proceribus instituta, humores adeo venefici facti fuere, ut in ætate annorum viginti septem diem suum obierit, postquam ex vigesimo primo cœperit præfatis vexari doloribus, ex pingui carnosoque, velut maciæ consumptus factus, & per annos septem ab illorum insultu nullius fere diei ab illis intermissionem expertus, cum maxima admiratione Anglorum, Gallorum, Patavinorum, Romanorum & Bononiensium Medicorum, præter plures Spagyricos, qui illum invisere. Dux meus præsens ex eo natus, nulli in proceritate, forma, partium concinnitate, structura corporis & animi dotibus admirandis secundus, in annorum ætate quatuordecim constitutus, dum Natura cum sanguine & spiritu gliscere incipit, per annos multos inculpatam valetudinem sortitus post medelam ei adhibitam, pro qua simul convenimus, in gratiam cujusdam destillationis ad aures, & pro prurigine corporis, omnino sanus factus est usque ad ætatem annorum quatuordecim, in qua post varias animi & corporis fluctuationes propter matrimonium Sororis Serenissimæ, præter hæreditarium à Patre in eo relictum inquinamentum, plus justo in antedicta ætate incalescente sanguine, adjecti corporis exercitiis laudabilibus quidem, sed inassueto incongruis, incidit in impetiginem totius corporis, cum maximo pruritu, cutis asperitate, & parvis rubris, miliaribusque efflorescentiis per ambitum totius dispersis, ut in collo, pectore, dorso, brachiis, ventre & cruribus, quæ nunc incipiunt redolere naturam humidæ scabiei, dirumpuntur enim nonnullæ efflorescentiæ, aliquamque tenuem emittunt saniem, maxime in collo & manibus, & non in alia parte de præsentis. Jam notum est, quod Bacchanalia dissipant Leges victus rationis, erroresque inferunt in motu, hinc factum est, non ex hoc capite simpliciter, sed jure hæreditario, quod inciderit in dictam impetiginem, hoc tempore, semper tamen ab ejus ortu plus & minus vitæ pruritus persensit, non obtinente optima congruaque victus ratione, vina parva, non dulcia & aqua symphata in quantitate minima bibens, sicut semper parce comedens cum modis ejus temperamento idoneis. Hæc sunt, quæ currenti calamo scribo circa præsentem affectum, pro quo, quid, quale, quantum, tempus & modum omnino subjicio prudentiæ Dominationis vestræ Illustrissimæ, cui me totum voveo.

Dum ego quolibet alio, quàm Medici titulo, Serenissimo nostro Domino inferuire cupio, ægro animo pro eodem operam medicam exerceo. Verum cum humanæ vitæ alterationibus sublunaribus obnoxia prospexit Altissimus, Artem medicam, ut necessariam, ipse creavit, præcipue in Regum atque Principum gratiam, quorum & ipse potissimum curam semper atque custodiam habuit, ut subditis omnibus præesse, eosque recte custodire ac gubernare possent. Et nos igitur ingenium totis viribus intendere debemus pro conservatione hujus meritissimi Principis, quemadmodum te, Vir Excellentissi-

me, præstitisse video, dum ex tua exactissima relatione facile conjicere mihi licet, tum ideam, tum causas affectionis in præsens Serenissimum divexantis; etenim sicut icabies sicca, ad impetiginem redigi potest, ita impetigo quodammodo humida ad scabiem certo redigitur; quare dispositio totius corporis pruriginosa, qua Serenissimus detinetur, mediam quandam affectionem esse inter impetiginem & scabiem, dubio procul decernere debemus, cujus causa non solum in errores in vivendo commissos, nimirum in nimios, tum corporis, tum animi motus, sed multo magis in naturalem & hæreditariam pravam diathesin à Paterno semine contractam referenda est, cum etiam in tenella ætate sex annorum ante errores commissos affectum non absimilem passus fuerit, quo Pater Serenissimus magnopere iterum atque iterum affligebatur; quod non aliunde provenit, quam à jecoris & cordis intemperie calida, alimentalem sanguinem calidum producente, necnon à sanguine congenito, qui cum justo calidior existat, alimentalem quoque calidiorem reddit, cujus ebullientem tenuiorem partem ejusdem spumofam ad universi corporis cutem Natura pro minori malo transmittit, cutem eandem pustulis magna ex parte siccis, nonnihil etiam humidis inficit, & pruriginosam affectionem efficit.

Pro cujus extirpatione, major difficultas in anni tempore consistit; etenim si vernum esset, ut est hybernum, certa foret, & cum minori Serenissimi molestia sanatio; attamen quoniam à Vere multum distamus, & interim affectus impetiginosus certo augeri, & cutaneæ partes universæ progressu facile & infici, & pravam diathesin atque corruptivam dispositionem adipisci possent; idcirco transactis hisce diebus Bacchalinorum, incongruo quoque anni tempore, opem medicam Serenissimo præstandam esse consulo, ut à præsentis molestia vindicetur, & ab alio aliquo imminente affectu, augescente causa, præservetur.

In quem finem primæ viæ erunt expediendæ. Venosum genus à biliosis impuritatibus purgandum. Jecoris, cordis & sanguinis calor temperandus; atque tandem cutaneæ infectioni incumbendum.

Quibus intentionibus ut satisfaciamus, ex fonte Chirurgico duplex erit depromenda sanguinis missio ex utroque brachio, sed parca; tertia quoque facile erit suo tempore addenda à partibus cutaneis, cucurbitulis hinc inde una vice appositis, ut subcutaneus tantum & infectus sanguis extrahatur, non autem à profundioribus partibus attrahatur, Cauterium quod jam gestat, custodiatur, & alterum in coxa, quod muri posset, omittatur, tum quia non adeo ad præsertionem necessarium videtur, tum quia equitationi valde incommodum evaderet.

Ex Pharmaceutico fonte, Lenientia, Præparantia, Purgantia, intemperiem corrigentia, & cutem universam respicientia, sunt desumenda.

Lenientia esse poterunt cassia, aq. cass. syr. ros. vel viol. sol. Prima Præparantia erunt jura pullæ, Cichoraceis, violis, malva alterata, addito julap. viol. vel rosato. Prima peracta

viarum expiatione, ad ulteriora Præparantia erit deveniendum; in quem finem potius aqua stillatitiæ, quam herbarum succi, erunt eligendæ, cum hoc anni tempore herbarum folia suis viribus careant, ad radices contractis; quare aqua stillatitia ex succo cichorii efficacissima erit ad integrum cyathum, cui immisceri poterit Conserva de acido citri, vel syrup. de acido citri & de succo limonum. Prærogativam etiam habet sal prunellæ ad 3j. eidem aquæ commissus; pariter spiritus vitrioli ad gutt. vi. Tua autem erit, Vir Sapientissime, electio. In horum usu perseverabit viginti saltem diebus; & singula hebdomada biliosus humor erit purgandus elect. de succo rosar. cum cass. vel infus. rhabarb. addito syr. ros. solutivo, quibus superbibat serum capr. depur. ad ℥ij.

Hæc Purgatione peracta, residuum peccantis humoris ad cutem expellendum, ad massam sanguineam prorsus defœcandam; quod egregie præstare poterit caro viperina, sive ejusdem decoctiones in jure, sive in substantia pulvis cum aqua stillatitia borraginis & cardui sancti exhibendus. Nec quicquam de calore timendum, cum Vipera inter Animantia frigida apertis verbis à Galen. enumeretur; est tamen tenuum partium & diaphoretica, adeo ut Galen. idem de Vipera dixerit, quod Caro Vipera valde digeratur, & ad cutem properet; ut propterea Philosophum quendam, & alios quam plures observaverit Galen. à morbis cutaneis potu vini viperati sanatos. Dum autem viperata remedia præbentur, frictionibus universalibus totum est exercendum, imo & cucurbitulis siccis cito detractis & repetitis; totumque corpus indumentis munitum est custodiendum.

Post hæc, ut viscerum & sanguinis fervor contemperetur, & simul ejusdem acrimonia edulcoretur, Alterans anni tempori proportionatum erit præscribendum, & hujusmodi esse poterit.

℥. Sem. melon. mundat. 3j. sem. cucurb. angur. mundat. ana 3℔. contundantur, & cum jure pullæ junioris ad 3 vii. extrahatur Emulsio, cui addatur sacch. albi cochlear, vel julap. ros. 3j. & m. summo mane assumenda; in cujus usu perseveret xx. aut xxx. diebus: non enim prorsus deleri poterit cutanea affectio, nisi ejusdem radices evellantur & extirpentur.

Interim topica quoque medicamenta sunt administranda, sed toti corpori, cæteris omnibus peractis; pro manibus autem & partibus apparentibus atque detectis, quolibet alio tempore Serenissimus iisdem utatur; jucundiora autem & minus molesta sunt eligenda; inter quæ apud me paratur aqua hunc in modum.

℥. Vitrioli Rom. calcinati 3ij. Aquæ rosarum ℥ij. Aquæ scabiosæ ℥℔. m. fiat inf. per horas 24. deinde fiat colat. & servetur ad usum; qua aqua madefiat spongiola, & tangantur parter affecta.

Quibus omnibus erit addenda, & à summa prudentia tua præscribenda congrua vivendi ratio, ita ut victus sit refrigerans. Potus sit vinum album, tenue & aquosum. Somnus no-

cturnus sit diurnus. Exercitia sint moderata, motus enim est causa caloris. Alvus obediens servanda, vel jure malva alterato, vel flore cass. ad 3 ij. in prima mensa. Et tandem animi motus, ita nimirum, cæteræque perturbationes sunt arcendæ. Hæcque sunt ab anni tempore permissa administranda, ne affectus hujusmodi in præsens habitudinalis, in progressu habitualis evadat. Ita D. O. M. meritis Serenissimi Ducis assistat, & vota nostra secundet. *Joan. Raym. Fortis Consultat. & Resp. Medic. tom. 2. Cem. 3.*

Pruriginosus Affectus.

Illustrissimus Comes & Gubernator, annum agens quinquagesimum quartum, temperamenti secundum totum & jecur, ad calidum & siccum vergentis, mediocris habitus, in Castris superioribus annis vitam ducens, & ideo, etiam inuitus, eduliis pravi succi, præsertim salitis & vinis generosis, sulphure conditis enutritus fuit. Tandem mense Septembri proximo præterito prurigne quadam brachio sinistro molestari cœpit, quæ ad alterum brachium, & inde ad pectus ac dorsum paulatim sese propagavit. Et quamvis à Medico suo domestico varia fuerint adhibita remedia, nihilo tamen mitior unquam facta est: quinimo adeo increvit, ut somnum interrumpat, & noctes inquietas reddat: ut propterea etiam hoc tempore hyemali ad Purgationes incongruo, medicam opem quære cogatur, ut, si non ex toto auferri, saltem minui atque mitescere possit molestissimus iste affectus.

Pruriginosum affectum pro quibusdam abhinc mensibus molestari cœpit Illustrissimus Comes, ab impuritate sanguinis provenire non est quod dubitemus: cujus impuritas consistit in redundantibus serositatibus, iisque potius acidis & melancholicis, quam acris & biliosis, quæ in declinante ætate & autumnali tempore vigere & abundare solent, & ideo Senibus ut plurimum familiaris est ista affectio: sicut Scabies aliis ætatibus accidere consuevit, quia crassis non solum, sed crudis quoque succis abundant ob vivendi libertatem. Multo facilius vero huic Illustrissimo Viro contigit molestus affectus iste pruriginosus, cum alimentis pravi succi, & frequenter salitis, necnon vinis meracioribus ac sulphureatis (vel inuitus) multo tempore nutritus fuerit: quibus non solum caco-chymum sanguinem, sero salsuginoso & acido refertum, verum & calidam in jecore intemperiem sibi comparavit, juges serositates reproducentem: quas, utpote nutritioni inutiles, provida Natura ad ambitum corporis, tanquam ad universale Emunctorium pro minori malo deposuit. Et cum ab ambiente, autumnali tempore, frigidiori reddito, cohibita fuerit insensibilis earundem transpiratio atque resolutio, hinc factum fuit quod sub integumentis detentæ atque densatæ, indeque ad cutem & cuticulam detrusæ, pruriginosam affectionem constituerint, quæ molestior (adaucta ambientis frigiditate) facta est, prout semper magis insensibilis transpiratio atque discussio inhibita fuit.

Est iste affectus molestus. Et quamvis in præsens periculo vacet, vigilias tamen inducens, coctio;

coctionibus obesse poterit, & Cacochymiam adaugere; & idcirco spernendus non est, sed quamprimum ejusdem radices extirpanda, aut equam pravā diathesis putrilaginosa sub integumentis comparetur, quæ postea non modo difficilem, sed frequenter impossibilem Curationem reddit.

Quare spe pristinae salutis concepta, Purgatio regularis ineunda erit, primas vias expiando. secundo Venosum genus ab impuritate vindicando. Tercio Massam sanguineam edulcorando; atque tandem jecoris & venarum calorem contemperando; pruriginosamque molestiam demulcendo. Quibus intentionibus sub fine Veris tantummodo satisfieri poterit: tunc enim ex Jecoraria sanguis erit mittendus: cucurbitulae plures; vulgo dictæ *Corneæ*, in fine Purgationis universo corpori affigendæ. Expeditis primis viis, succis cichorii, borag. pom. dulc. fumarie depuratis in decoctione Cichoraceorum; additis foliis malvarum, violarum, sonchi, hepaticæ, erit multo tempore utendum: & quinto quoque die minorativum aliquod Purgans exhibendum, ex flore cassiæ; electuario de succo rosarum, Extracto senæ & Magist. mechoac. paratum, solum depuratum superbibendum propinando. Et ut ex toto serositates à massa sanguinea segregentur, & ad cutem impellantur, viperata quoque medicamenta erunt ad usum ducenda, ut viperinis pulvis, aut jus pullæ carne viperina nutritæ. Inde ad duo præcipua & necessaria remedia erit deveniendum, internum unum, & erit lactis caprini usus quadraginta aut quinquaginta diebus; externum alterum, eritque Balneum universale aquæ dulcis, foliis malv. viol. scabiosæ, salicis, & in fine etiam satureiæ alteratæ, viginti diebus administrandum. Tandem Conservæ rosarum usus aptissimus erit, præsertim si superbibatur aqua stillat. de succo cichorii.

Sed quoniam affectus urget, & in præsens quoque medicum auxilium expostulat; idcirco summariam & coactam, non adeo regularem Curationem; quam anni tempus permittit, proponam: & primò ventriculum & intestina ab excrementis mundare est prorsus necesse, quod præstabitur electuario lenit. cum crem. tartari bis repetito; & intermediis quinque diebus, cremore tart. ad semunc. in jure frustulo cinnam. alterato; dissoluto. Hinc statim ad usum lactis arte facti deveniendum; hunc in modum parati.

℞. Seminum melon. anguriæ; cucurbitæ mundat. an. ʒ ss. amygdalarum dulc. num. xv. m. contund. in mortario; & cum jure pullæ re-nui extrahatur Emulsio ad ʒ vii. cui addatur Syrupi de pom. ʒ j. m. pro potu matutino, quatuor horis ante prandium; & in huius usu perseverandum ad quadagesimum usque diem: sed quarto quoque die assumat Minorativum hujusmodi.

℞. Aquæ stillat. de succo cichor. ʒ vii. succi limon. ʒ j. rhabarb. maturi inc. in petia alligati ʒ j. m. f. infusio per horas duodecim & mane facta colatura; præbeatur tribus aut quatuor horis ante prandium. Interim pro pruritu sedando illiniendæ partes oleo amygdalino recenti. Hæcque in præsens sat sint.

Quibus congrua erit addenda vivendi ratio, præsertim in cibo & potu: cavendo ab acribus, acidis, salitis; à vinis generosis; à condimentis aromaticum, allii, caparum: & potius vescatur eduliis ex lacte paratis; Emulsione seminum melonum & amygdalarum dulc. conditis, & in reliquis Excellentiss. suo Medico Adstanti prorsus obtemperet. *Idem ibidem.*

Consultatio. I.

Scabies universalis crustacea.

Admodum Reverendus Pater quadagesimum quintum annum agens, temperamentum secundum totum calidi & humidi, hepatis tamen calidioris; habitus satis carnosus; liberam quidem; at non licentiosam vitam ducens; anno elapso molestari cœpit à pruritu quodam qui paulatim serpendo; ab extremis partibus ad universum corpus sese propagavit, & progressu intensior factus, adeo Admodum Rev. Pat. ad scalpendum cœgit; ut ichores non solum simplices, verum & cruenti erumpere cœperint, crustas subinde relinquentes & postea succrescentes. Ita ut scabiosum cum pruritu & crustis undequaque refertum factum fuerit universum corpus: crustis interim & flavi, & albi coloris copiosis in lecto noctu decidentibus; & novam reproductionem iterum habentibus; quam affectionem nec contactu, nec minus Venereo congressu contraxit. Multa hoc tempore præstita fuerunt modica auxilia, refrigerantia, purgantia, sanguinem fundentia, & Topica, sed omnia in cassum administrata fuere, forsani quia sat non fuit massa sanguinea depurata; nec jecoris intemperies calida satis remissa: & quod ego magnifacio, necessaria aliqua omissa sunt, ablatio nimirum diathesis putrilaginosa sub integumentis latentis. Quæ omnia mihi considerata & perficienda, dum Vere præsentem me de agendis pro salute consulit.

Affectus itaque cutaneus à planta pedis usque ad verticem capitis Admodum Reverend. Patris, totum corpus occupans, sicut ab initio pruriginosus tantum fuit, ita progressu ad Scabiem & Psozam pervenit, nondum tamen Lepræ naturam attingens: Etenim quamvis crustaceus factus fuerit, crustæ tamen decedentes flavi & albi, non nigri & attri coloris apparent & quod magis est, colorem in cute rubrum, non atrum, cutemque ipsam humidam potius, quam aridam relinquunt. Hujus autem affectus causæ externæ forsani esse potuerunt potus vini generosi, aut dulcis, & incolatus in aëre lacultri & crasso, quæ & jecoris naturalem fervorem adaugere, & sanguinem cum spiritibus incrassare & inquinare potuerint, cum nec lues Celtica, nec aliud contagium hic locum habuerit. Verum causa interna & immediata in impuritatem totius sanguinis est referenda, hæcque à calida jecoris intemperie producta, quæ impuritas consistit in nimis fervido, & quodammodo exusto sanguine, cum serositatibus, tum acribus, tum acidis, imò & cruditatibus additis, atque ex commistione salsuginosis redditis; ut propterea

ab iisdem oppressa & irritata Natura cum diutius pravorum huiusmodi succorum presentiam tolerare nequirit, eosdem à partibus internis nobilioribus ad externas ignobiliores propellere conata fuerit, sicque ab initio tenuiori ichoris portione ad cutem detrusa, prurigo tantum in summa cute excitata fuit, at excreta deinde crassioris & heterogenei excrementi portione ad cutem ipsam, Scabies & Psora crustacea secuta est.

A qua omnino liberari posse Adm. Rev. P. non est quod dubitemus, quamvis non adeo facile: operosam enim ac diuturnam exigit affectus iste Curationem, ne migret in Lepram; pro qua Curatione explenda, primæ viæ sunt expiandæ. Secundo Massa sanguinea ab impuritatibus vindicanda. Tertiò Fervida jecoris atque sanguinis intemperies calida corrigenda; Quartò totum corpus extrinsecus à Scabie & crustis mundandum. Quintò Diathesis putrilaginosa latens sub integumentis removenda; atque tandem tota massa sanguinea edulcoranda.

Quibus intentionibus ut satisfaciamus, remedia à Chirurgico Pharmaceutico & Diætetico fonte sunt depromenda. Et à Chirurgico duplex saltem sanguinis missio ex utroque brachio, seu manu: etenim & tertia ex hæmorrhoidibus non parum prodesse posset. Reliqua ex hoc fonte desumenda, ordine executivo erunt proponenda.

Pro prima intentione adimplenda, primum Leniens ita parabitur.

℞. Pot. ex man. clarif. ℥ vi. aq. florum citri parum, m. pro potu. Præparans quinque diebus assumendum, erit.

℞. Julap. acet. ℥ ij. syr. de pom. aq. florum citri an. ℥ j. m. pro syr. & sic pro aliis. Secundum Leniens erit.

℞. Syr. ros. solut. de polypod. compos. an. ℥ iij. aq. florum citri parum, m. f. potio; cui, tribus transactis horis, superbibat seri capr. ℥ ij. & duabus horis ab assumpto sero prandeat.

Pro secunda intentione, Præparantia ex succis herbarum depur. ita paranda erunt.

℞. Succis depur. cich. borag. fumariz an. ℥ j. decoct. endiv. sonchi, melissæ, lupulorum ℥ v. m. pro syr. & sic pro quinque aliis. Interim his diebus prima vice educatur sanguis. Septima die Purgans huiusmodi exhibeatut.

℞. Pot. ex man. clarif. ℥ v. addendo infusioni consuetæ rhabarb. opt. ℥ j. agarici trochisc. ℥ ij. cinnam. integri parum, sicque facta colatura, fiat potio; cui pariter superbibat serum depur. ad ℥ ij. ut supra. Deinde repetantur succi cum decoct. ita.

℞. Succis depur. cich. borag. fumariz an. ℥ j. decoct. melissæ, lupulorum, violarum, malvarum, sonchi ℥ v. salis tart. fixi gr. x. m. pro syrupo, & pro sex aliis; Et interim his diebus fiat secunda sanguinis detractio. Inde aliud Purgans est exhibendum, ita.

℞. Decoct. Epith. Mes. syr. rosati solut. rec. an. ℥ iij. aq. florum citri parum, m. f. potio; cui superbibat serum capr. ad ℥ ij. ut supra. Et inde repetantur succi hunc in modum.

℞. Succis depur. cich. fumariz, agrim. an. ℥ j. decoct. borag. endiv. melissæ, lupulorum,

scabiosæ, cardui sancti ℥ v. salis tart. fixi gr. x. m. pro syr. & sic pro quinque aliis; quibus Purgans succedat.

℞. Decoct. Epith. Mes. syr. de polypod. compositi an. ℥ iij. aq. florum citri parum, m. pro potu; cui superbibat serum capr. ad ℥ ij. ut supra. Inde repetantur succi ita.

℞. Succis depur. cichor. fumariz, beton. an. ℥ j. decoct. borag. violarum, endiv. hepaticæ, melissæ & scabiosæ ℥ v. salis tart. fixi gran. 10. m. pro syrupo. & sic pro quinque aliis. Hisque diebus, si sanguis secunda vice extractus valde impurus fuerit, aperiantur ventæ fedales pro tertia extractione. His autem postremis succis assumptis, sequatur huiusmodi expurgatio.

℞. Decoct. Epith. Mes. helleboratæ ℥ vi. irroretur guttulis aquæ cum m. f. potio; cui, tribus transactis horis, superbibat seri capr. aut asin. depur. ℥ iij. & tribus horis ab assumpto sero prandeat. Hæc eadem potio bis adhuc tertio quoque die repetenda erit, cum eadem seri quantitate. Diebus autem intermediis bibat aquam ita parandam.

℞. Aq. stillat. de succo cich. ℥ x. salis prunellæ ℥ ss. m. pro potu tertio quoque die assumendo.

Pro tertia intentione explenda, potus aquarum sponte nascentium necessarius erit; inter quas, Nocerianas eligendas esse censeo, quæ cum minerales non sint, jecur refrigerare, & sanguinem edulcorare quoque poterunt; præbeantur autem tribus primis diebus cum vehiculo dejectorio syrupi ros. solut. aut potionis ex man. clarificata, reliquis vero xii. diebus cum vehiculo diuretico, ex syrup. de succo limon. & guttulis spirit. tartari ter rectif. parato; in fine exhibendo potionem ex man. clarif. ut educantur portio aliqua aquæ relicta forsan, & non educta.

His peractis, ut residuum impuritatis totum ad cutem propellatur, ad usum pulveris viperini deveniendum, cuius dosis erunt gr. 10. in aqua cardui sancti ad ℥ iv. additis ℥ ij. vini albi aquosi tenuissimi; in cuius usu x. diebus perseverandum. Nec obstat anni tempus calidum: siquidem Vipera est animal frigidum, licet valde siccum & diaphoreticum.

Interim quartæ intentioni satisfaciendum erit remediis externis. Sic quatuor aut quinque diebus, mane, & vesperi manibus madefactis aqua, nunc describenda, illiniatur totum corpus; mox paretur Balneum, in quo maneat per horæ dimidium quotidie matutinis horis per alios quinque dies; & à Balneo statim fiat illinitio, ut supra, eadem aqua ita paranda.

℞. Arantiorum acidorum in frustula incisorum num. 10. ponantur in B. M. & destillentur; deinde.

℞. Aquæ ab iisdem destill. ℥ j. Mercurii dulcis. ℥ ss. m. dissolvatur. Balneum vero paretur ita.

℞. Aquæ com. situlas iv. salis com. ℥ j. m. bulliant, & spuma detrahatur: mox add. foliorum origani, pulegii, calamathi montani, malvarum, mercurialis, borag. salviæ, saturiæ an. manip. j. bulliant ad consumpt. quartæ partis aquæ, quæ in labello ligneo oblongo, aqua communi semi repleto affundatur, &

& simul misceatur, pro Balneo universali tepido.

Decem jam dictis transactis diebus, Cucurbitulæ parvæ, *Cornetti* dictæ, undequaque dorso, naribus & coxis apponantur, & paucis incisionibus factis, extrahatur primus tantum sanguis, mox removeantur, ut quintæ intentioni satisfiat: pro qua perficienda, sequentibus diebus parva spongiosa, aqua describenda imbuta, partes magis affectæ tangendæ sine deterfione: ita namque residuum latens prorsus extirpabitur; aquæ vero descriptio est hujusmodi.

℞. Vitrioli Rom. calcinati ℥ iv. aq. rosar. aq. scabiosæ an. ℥ j. m. infund. per 24. horas, deinde fiat colatura ad usum.

Tandem postremæ intentioni commode satisfacere poterit lac asininum, summo mane de more cum saccharo sumptum ad xxx. vel xl. dies; quo tempore Balneum aquæ dulcis horis vespertinis, malvis, violis, soncho, nymphæa & salice alteratæ, conveniens erit. Velsaltem pro Balneo substituatur natatio in frigida.

Et his omnibus concurrat congrua vivendi ratio, præsertim in cibis & potibus, adeo ut videntur alimenta & condimenta calidiora, & vinum generosum, ut recuperatam sanitatem conservare possit Admodum Rev. P. quam ego à Summo Deo eidem ex corde precor.

Consultatio. II.

Pro eadem.

Jam tertius percurrit annus, quo non minus sædo, quam molesto affectu cutaneo; pruriginoso primò, mox scabioso atque crustaceo summo opere vexatus fui, & in præsens, licet remisse, divexor: ob quem summam Virtutem tuam, Vir Præclarissime, consului, & præscriptam Purgationem executioni mandavi, cum maximo levamine; sed subsequenti anno ineunte Vere recrudit affectus ipse. Et quoniam Tu ad Sac. Cæsaream Majestatem accersitus fuisti, ad Eximios Medicos Vicentinos confugere coactus fui, qui Purgationem ineundam, à tuis Præscriptis non valde dissimilem, descripserunt: qua absoluta, evidentissimam quidem utilitatem, & affectus diminutionem percepi non tamen prorsus affectus unquam evanuit: imo sub initio hujus mensis Martii increvit affectus ipse inguina & scrotum occupans, necnon sub axillis erumpens, cum pruritu, qui me frequenter manus admoveere cogit, & unguibus scalpere, à quibus affectis partibus veluti fures decidunt. Quare pejora timens, dum & à præsentis molestia vindicari cupio, ad Te, tanquam ad unicam spem meam rursus confugio sanandus.

Quoniam veritas una est, & morbum, ut dicebat Hippocr. ostendit sanatio, idcirco in eadem sententia maneo, in superiori Consultatione à meipso exarata, nempe affectum hujusmodi cutaneum pro causa immediata sanguinis impuritatem cognoscere, quæ in acris & acidi humoris redundantia consistit: sicut à fervida jecoris & cordis intemperie, tanquam à media-

ta causa procedere. Quam veritatem confirmavit levamen bis jam sequutum ab elective purgantibus medicamentis, necnon ab intemperiem calidam corrigentibus. Verum quoniam intemperies ad summum gradum redactæ, non adeo facile, nec brevi remitti possunt, ideo ab eodem exuberante calore eorundem humorum reproductio quamvis minor secuta est: ut propterea repullulaverit affectus ipse, non tamen per universum corpus, ut antea, neque sub forma Scabiei, sive Psoræ quoniam humor ipse nec adeo copiosus, nec adeo activus est, sed ut exiguus, è jecore ad inguina & scrotum: è corde ad axilas, tanquam ad propria emuntoria facile deponitur, & pruritus furfuraceus constituitur.

Et quamvis Axioma Medicum sit, quod quæ semel administranda juvant, repetita sanant, non tamen omnino locum habere debet in casu nostro: etenim intentiones quidem medicæ eadem, non tamen eadem medicamenta usurpanda erunt: siquidem, expiatis primis viis, massa sanguinea erit depuranda. Intemperies calida viscerum corrigenda. Sanguis ipse edulcorandus; & Topica affectis partibus admovenda; at tot repetita valida Purgantia, nec impense refrigerantia, convenient, ne Charybdim evitare cupientes, incidamus in Scyllam: Epicraticam enim evacuationem excrementorum exigua & perseverans reproductio desiderat: sicut paulatinam, sed diuturnam correctionem expostulat intemperies, cum dicat Hippocrates, quod impense & confertim calefacere, aut refrigerare, non sine periculo sit, quod vero paulatim sit, tutum est; Quare his jactis fundamentis, sequens erit instituenda Curatio, Paschate peracto incipienda.

Et primum Leniens sit hujusmodi.

℞. Syr. ros. solut. pot. ex man. clarif. an. ℥ iij. aq. florum citri parum, m. pro potu; cui post tres horas superbibat aquæ hordeac. libram, & duabus horis ab epota aqua prandeat. Primum Præparans quinque sequentibus diebus assumendum, erit.

℞. Julapii acet. ℥ ij. syr. de pom. aq. florum citri an. ℥ j. m. pro syr. & sic pro aliis; quibus succedat idem Leniens præscriptum.

Hac prima exacta intentione, ad secundam explendam erit deveniendum præparantibus & purgantibus medicamentis. Præparans autem erit hujusmodi.

℞. Succu depur. cich. borag. pom. dulc. an. ℥ j. decoct. in jure pullæ paratæ endiviæ, sonchi, violarum, malvæ, melissæ, ℥ iv. m. pro syrup. & sic pro aliis decem. In quorum intermedio & fine assumat Minorativum hujusmodi.

℞. Floris cass. rec. extr. ℥ ss. Elect. de succo rosarum, confect. Hamech. an. ℥ j. Extracti senæ, rhabarb. an. ℥ ss. m. f. boli, quibus post horam superbibat seri capr. aut alin. depur. ℥ ij. tribus vero horis ab epoto sero prandeat. Interim primis diebus aperiatur Jecoraria dextera, & educatur sanguis ad ℥ vii. His peractis in eadem intentione insistendum: sequenti namque die succi depur. erunt ita repetendi.

℞. Succu depur. cich. borag. fumariz an. ℥ j. decoct. jam præscriptæ, additis hepaticæ

foliis, $\frac{3}{4}$ iv. m. pro syrupo. Aut si magis ad aquæ potum inclinet Adm. Rev. Pat. ita præscribatur Alterans.

\mathcal{L} . Aq. stillat. cich. anguriæ an. $\frac{3}{4}$ iv. salis prunellæ $\frac{3}{4}$ β . syr. de pom. $\frac{3}{4}$ j. m. pro syr. & sic pro aliis. Die vero sequenti assumat syrupum Ferneliano more usui nostro appropriatum, ita describendum.

\mathcal{L} . Fol. cich. borag. endiviæ, hepaticæ an. manip. j. sem. melon. mundat. anguriæ, cucurbitæ mundat. an. $\frac{3}{4}$ j. aq. stillat. de succo cichor. fumariæ, agrim. an. $\frac{1}{2}$ j. m. bull. ad consumpt. tertiæ, deinde f. fortis expressio, expressioni vero adde foliorum epithymi, senæ Orient. rec. mundat. radic. polypodii querc. an. $\frac{3}{4}$ ij. radic. veratri nigri præpar. $\frac{3}{4}$ β . cinnamomi integri $\frac{3}{4}$ iij. m. f. inf. per hor. xii. deinde f. expressio, colaturæ vero adde sacchari albi q. s. & bull. ad syrupi consistentiam, cui in vase reposito adde rhabarb. opt. maturi in tenui petia alligati $\frac{3}{4}$ j. & servetur ad usum, ejusque dosis erit ad $\frac{3}{4}$ ij. vel iij. in vino albo tenuissimo; & in hujus alternato usu integro mense perseverandum, ita ut alternis diebus assumatur, & intermediis Alterans præscriptum ex aquis debeat.

Inde ad tertiam & quartam intentionem explendam deveniri poterit usu lactis asinini, de more cum saccharo quotidie, quadraginta aut quinquaginta diebus assumendi; & decimo quoque Leniente aliquo erit utendum, ut Electuario lenit. ad sex drachmas unica hora ante prandium. Hoc tempore Balneum aquæ dulcis opportunissimum erit, foliis malvarum, violarum, salicis, lapathi & satureiæ alteratæ.

Tandem affectis partibus pruriginosis levissimum aliquod refrigerans & exiccans medicamentum erit admovendum, quod parabitur ita.

\mathcal{L} . Aquæ rosarum $\frac{1}{2}$ j. vini albi tenuis austeri $\frac{1}{2}$ β . Vitrioli Cyprii, quod est cærulei coloris, $\frac{3}{4}$ β . m. f. inf. per hor. 24. vas pluries agitando, ita ut liquor cæruleum acquirat colorem, & spongiola hoc liquore madefacta tangantur partes affectæ. Eadem Vitrioli quantitas potest infundi etiam in infusione rosarum solutiva, & erit efficacius remedium.

His autem omnibus addenda congrua vivendi ratio alias præscripta, & Adm. Rev. Pat. notissima: cui addere mihi libet, quod per integrum annum in prima mensa hauriat jus endiviæ, vel acetosæ, aut hepatica alteratum. *Idem ibidem.*

Scabies, Muliebre Profluvium, & Infecunditas.

Ad me pervenerunt Jugales Illustrissimi, pruriginoso, scabioso, & crustaceo pertinaci, ac turpi affectu per universum corpus laborantes: præterea Uxor Nobiliss. muliebri profluvio diversi coloris, nempe modo albo, modo flavo, quandoque obscuro, & nonnunquam rubro continuo molestabatur, sicut Vir Illustriss. lacrymalem sinum potius recentem, quam fistulam, paucis abhinc mensibus purulentam potius, quam ichorosam materiam edentem, gestabat, & ambo Juvenes de sterilitate con-

querentes, prolem summopere desiderabant atque desiderant.

His igitur habitis, consideravi vitium sanguinis in utroque & cutanei affectus, & profluvii muliebris, & ipsius sterilitatis causam facile certo fuisse: licet enim contactu contagioso contracta fuerit affectio cutanea, non adeo invaluisse, nisi sanguinis vitiosus apparatus occurrisset, quem facta & repetita phlebotomia, autopsia ipsa confirmavit, siquidem niger valde cum sero, non valde depurato, & tere sanioso apparente fuit observatus, jecoris fervidioris in utroque indicium; & ideo nil mirum, si continuo ab irritata Natura ejusdem portio deterior non solum ad ambitum corporis verum & ad Uterum transmissa & extrusa, cutaneum affectum & muliebre profluvium constituerit. Et quoniam ad conceptionem non solum Viri & Mulieris semen, sed & sanguis menstruus, utpote tertium generationis principium concurrere necessarium puto, ideo ex utriusque sanguinis impuritate, impuritatem quoque & seminis, & menstrui necessario secutam fuisse credo, conceptioni parum, aut nihil idoneam; præterquam quod Uterus continuo profluvio muliebri irrigatus, & lubricus redditus, ideoque semen virile itinere nequens, sterilitatis causa ipse solus esse potuisset. Ab ejusdem sanguinis prava conditione in Illustriss. Juvene exiguus ille abscessus, & inde sinus in angulo oculi sinistri sobolescere potuit, nisi quoque dicamus, caput ab injuriis externis alteratum, ejusdem sanguinis portiunculam ad locum jam dictum emisisse, & abscessulum illum efformasse.

His jam dictis omnibus consideratis, Curationem intrepide aggressus sum, spe certa concepta, fore ut non solum ambo ab affectu crustaceo immunes omnino reddi, verum & Prolem exoptatam consequi possent.

Sicque congrua præmissa primarum viarum expiatione, sanguinis impuritatem, & repetita phlebotomia, & succis herbarum depurantibus, & sæpius iteratis elective purgantibus medicamentis expurgavi partes cutaneas & integumenta ab infarctu pravorum humorum & cucurbitulis, & Balneis, & aliis exiccantibus liberavi; Uterum antea humidiorum & laxiorem redditum, infestationibus ex aquis sulphureis atque nitrosis exiccavi & roboravi; atque tandem jecoris calidam intemperiem, ut mali fontem, aquis stillatitiis & thermalibus satis remissi, sicque Jugales Illustrissimos ad pristinam sanitatem restitui. Supererat tantum Chirurgo, sinum cuspide cultri, aut lanceola aperire, detergere, Sarcoticis carnes implere, & Epuloticis consolidare: quod licet facile à me existimatum fuerit, facillimum quoque reddere placuit Decocto refrigerante & exiccante, nullo modo calefaciente, eoque suavi per destillationem reddito.

Restat in præsens, ut alia nonnulla subdam in usum ducenda, ut conceptionis finis obrianeatur, quorum aliqua interna, aliqua externa, & alia à modo recto vivendi erunt depromenda.

Domum itaque reversi, quoniam adhuc aliquam mordacitatem, tum in acrimonia, tum in aciditate consistentem, forsau relictam fuisse

fuisse suspicandum, & præterea quia ambos humectatione substantifica egere non est dubitandum; ideo lactis usus iisdem erit quadraginta diebus instituendus, Mulieri Illustriss. alimini primis diebus, reliquis Caprini, Illustrissimo vero arte facti, ne lac naturale caput petens, oculi sinus humectando, Curationem impediatur & differat. Ambo igitur omnium primo assumant Cassiam cum Tartaro ita

℞. Floris cass. rec. extract. ʒ vii. crem. tart. ʒ iij. M. f. boli, quibus post horam superbibant aqua Nocer. aut hordeac. ℥ ij. & tribus horis ab assumpta aqua prandeant. Mox incipiat Illustrissima usum lactis ad ʒ iv. cum semicochleari sacchari albi, & paulatim dosim augendo, perveniat ad octo, & ad decem uncias, cum integro sacchari albi cochleari, quinque horis ante cibum, neque ab assumpto lacte dormiat, ne caput nimium repleatur. Decimo vero quoque die sumat Cassiæ ʒ β. cum ʒ ij. crem. tart. ne lactis aliqua crassior residentia in Ventriculo, aut primis viis retineatur; quo toto tempore cœna sit aliquantulum parcius, ut lactis usum ventriculus facile admittat. Illustrissimus vero utatur huiusmodi lacte

℞. Sem. quatuor frigid. major. mundat. ʒ ij. juris pullæ ʒ vii. M. f. Emulsio, cui adde sacchari cochlear & semicochlear aqua florum citri, aut rosarum, m. pro potu quotidiano, matutino tempore, quatuor aut quinque horis ante prandium assumendo. Et si aqua potius stillat. quam jus pullæ Illustrissimo Viro arri-deat, extrahatur Emulsio aqua ex succo cichorii ad ʒ x. & frigida atque suavis ita paretur quotidiana potio; quo tempore si alvus inofficiosa fuerit, flore cassiæ ad semiunciam in prima mensa aliquando sollicitari poterit.

Inter interna à proprietate conceptioni conducentia, erunt, quod Mulier Illustriss. in prima mensa utatur sale Satyrionis ad gr. x. vel xii. in haustu vini albi, instantibus & præsentibus quoque Menstruis: reliquo vero tempore paratum habeat pulverem ex matrice leporis, prius optimo vino abluta, mox in furno exiccata, cuius sit frequens usus mane jejuno ventriculo, aut in jure, aut haustu vini albi ad pondus gr. xxx. Extrinsecus vero statim à menstrua purgatione secuta, alliniatur regio Uteri butyro recenti cum coagulo leporino, ut

℞. Butyri rec. unc. i. coaguli leporini unc. β. m. reformetur. Vir quoque Illustr. iisdem diebus assumere poterit Extractum Diasatyræ ad ʒ j. vel prima mensa bibat jus salvia & herba stellaria alteratum: & in coitu præcedat inunctio glandis ex balsamo factitio Peruviano. Abstineat autem omnino à coitu octo aut decem diebus ante menstruas Uxoris purgationes, ut statim iisdem præteritis, quinimò adhuc parumper fluentibus, concumbat: tunc enim facilius retinetur semen, & fit conceptus.

Quibus omnibus nonnulla in vivendi ratione observare inutile non erit. Primò Custodiendus est Uterus ab ambiente frigido. Secundò & calidorum, & frigidorum ciborum excessus est evitandus. Alimenta sint boni succi; Volucrum sylvestrium optima, Condimenta ex aromatibus opportuna, ex cinnamomo nimirum, & nuce myristica. Evitetur autem mentha, menthastrum, ruta in condimentis, ut con-

ceptioni adversantia: Semen erucæ saccharo incrustatum, & ab utroque comansum, semper utile erit. Vinum vero sit mediocre, nec valde tenue, nec valde generosum, sed moderate sumptum: Bibaces enim steriles credidit & Aristoteles ipse. Tertio somnus valde conducit, præsertim nocturnus, quo deficiente, suppleat diurnus. Quarto exercitium, potissimum ante prandium, vel sub cœnam, conceptioni utile: ideo apud Scythas famula, quia corpus exercebant, facile concipiebant: sicut Domina steriles, quia otiosam vitam ducebant; motiones tamen corporis sunt Illustrissimæ vitandæ statim à coitu. Quinto coitus sit rarus, & ad tempus jam præscriptum potius fervetur. Sexto animi passionnes, molestæ potissimum, sunt arcendæ, & alacris vita degenda cum genialibus consocietatibus, quam diuturnam atque felicem Conjugibus Illustrissimis à Deo Opt. Max. ex corde precor.

Appendix ad Scabiem, Muliebre Profluvium, Sterilitatem.

Quoniam post præscriptam Consultationem accepi Mulierem Illustrissimam nondum omnino à profluvio mulibri immunem esse, sed quandoque guttulas flavæ materiæ stillare, magisq; pituitosæ & viscidæ, ideo restant aliqua addenda, ad huiusmodi fluxum omnino sistendum.

Transactis igitur consueta menstrua purgationis diebus, quotidie bibat summo mane ad decem aut duodecim dies unc. 8. tinctura rosarum, factæ in aqua plantag. & extractæ cum spiritu vitrioli, à qua potione, ut innui, abstinere debeat diebus aliquot ante menstruas purgationes, ne à potione imminuantur, aut supprimantur. Ita agendum duobus sequentibus mensibus, in usum familiarem quoque ducendo duo aut tria grana mattiches, hora una ante cœnam integra deglutienda.

Interim parabitur pulvis, incunte hyeme, triginta aut quadraginta diebus, quotidie summo mane assumendus, accipiendo Turturam exenteratam & vino nigro ablutam, qui granis mattiches electi impleatur, deinde filo consuetur, & in furno reponatur, & ita exiccetur, ut in pulverem omnia simul redigantur, cuius pulveris ʒ j. assumat quotidie Illustr. Mulier in cyatho aquæ ex teneris quercus foliis destillatæ, à cuius pulveris usu abstinere debet quatuor aut quinque diebus ante futuras menstruas purgationes, quibus terminatis, rursus eundem pulverem, ut dixi, sumat. De reliquis præscripta omnia in præterita Consultatione confirmo. *Idem ibidem.*

Scabies post febrem num supprimi debeat.

Ab accuratissima Viri Excellentissimi relatione de statu Nobilissimi Viri accipio, affectioni hypochondriacæ inveteratæ, olim Virum Nob. divexanti accessisse biliosam febrem, febri vero sanguinis per tussim excretionem; quibus omnibus congruis adhibitis medicis præsidis sedatis & in totum ablati, cutis universi corporis molestissima scabie, aut impetigine saltem foedata fuit, non obstante iterata & copiosa sanguinis missione, aliisque medicamentis alterantibus atque purgantibus adhibitis; quam cum ægerrime ferat Vir Nob. quærit, num Scabies

bies ipsa supprimi prorsus ac deleri possit, an vero permitti, & quid agendum?

Ego quidem sicut in præterita Consultatione de affectu hypochondriaco, eoque etiam melancholico hæsitare non potui, ita de statu universalis venosi generis anceps per venam sectam explorandum illum esse necessarium existimavi, veritus ne vitiosus, acris nimirum & biliosus, necnon acidus ac melancholicus in toto venoso genere abundaret, ut exitus comprobavit; primo enim reduadans in ipso bilis, tertianam febrem excitavit, eamque facilius à regione calida in frigidam Nob. Patientem proficiscente, reddito nimirum ab antiperistasi interno calore intensiori, & imminuta à cutis densitate excrementorum resolutione, ac propterea capite quoque magis intemperato reddito & excrementis referto, catarrhalis inde fluxio in pulmones delapsa tussim vehementissimam excitavit; ad cujus impetum alicujus venæ osculum fuit adaperitum, & inde per anastomosisin tussis sanguis excretus, non autem per diæresin, hoc est, erosionem, neque per diaurosin, sive per venæ eruptionem: non enim adeo facile suppressa fuisset sanguinis excretio, imò alia symptomata, de quibus abunde Galenus, subsequuta fuissent. Verum facilior reddita fuit venæ apertio à prava sanguinis acri & acida qualitate intus agente, quam à calore febrili adauctam corrigere satis non potuerunt ejusdem sanguinis artificiosæ educationes, nec spontaneæ per tussim excretiones, & idcirco residuum pravi sanguis Natura expulit ad universi corporis peripheriam per modum decubitus, sive per imperfectam crism, tanquam ad totius venosi generis emunctorium, unde Scabies emerfit.

Hanc autem num suppressere nobis liceat, intelligenti Medico patere potest. Quoniam vero quandoque implorantibus Aëgris Medicus indulgere cogitur (ut facile etiam in casu nostro) hoc tamen non nisi magna cautione permittendum esse censeo, ne bene operanti Naturæ adversetur, & excrementa ab ignobilioribus ad nobiliores partes cum Patientis vitæ discrimine repellamus: certissimum enim est quod exteriora indicant interiora.

Quare necessarium fore existimo, ut primo Naturæ motum à centro ad circumferentiam adjuvemus. Secundò ut internis & externis humorum acrimoniam remittamus. Tertio ut Scabiem detergamus; atque tandem ut cutis universæ siccitatem laxemus & humectemus. Et quamvis non pauci forsitan alii Medici massam sanguineam purgantibus depurandam esse existimarent: his tamen ego subscribere nequeo, in corpore hujusmodi nuper sanguinis missione & medicamentis evacuatio; ita ut reliquis tantum ad cutem una cum Natura expellendis incumbere debeamus, ne ipsi Naturæ contra operemur.

Expeditis itaque primis viis congruente Leniente, devenirem ad usum pulveris viperini; de hoc enim dicebat Galenus, quod valde digerit, & ad cutem properat, ac præterea non ab impetigine solum, & scabie, sed à lepra & elephantiasi vidit liberatos ipse Galenus potu vini, in quo vipera demersa fuerat. Quare pro prima explenda intentione nil præstantius esse poterit, & ideo quotidie assumat pulveris vipe-

rini ℥j. in aqua Cardui benedicti, cui bene coopertus superdormiat, si possibile fuerit; in hujus usu perseveret 15. aut 20. diebus; mox multis parvis cucurbitulis, dictis *Cornetis*, universo corpori applicitis, primus tantummodo sanguis exiens educatur: deinde spongiola aqua madefacta tangantur partes impetigine affectæ, non semel, aut bis, sed pluries in die, & mane, ac vesperi corpus universum: aqua autem talis erit

℥. Aquæ stillat. arrantiorum incisorum ℥j. Mercurii dulcificati 3 j. m. dissolvantur ad ignem, & servetur ad usum quotidianum. Vel

℥. Aquæ ros. ℥j. vitrioli Romani calcinati 3 j. M. f. inf. per horas 24. deinde f. colatura, qua spongiola madefacta tangantur frequenter partes affectæ. Interim jecoris & ipsius sanguinis calor, & prava qualitas erit corrigenda potu quotidiano, matutinis horis semel hauriendo, ita parato

℥. Aq. stillat. de succo cich. 3 viii. tinctura coralliorum chymicæ gutt. vi. m. pro una, & sic pro aliis duodecim aut quindecim vicibus. Tandem ad demulcendam sanguinis acrimoniam uti poterit aliquot diebus Emulsione seminum frigidorum, aqua stillat. de succo cich. extracta; & totum corpus illiniri quotidie oleo amygdalino recenti. Quibus addendum restat, totum corpus vestibus abundantibus ab externo frigore muniendum esse. His etenim observatis, tuto liberari poterit Vir Nobilissimus à præsentī molestia, ut Vere venturo altera efficaciori purgatione, si opus fuerit, totum opus perficiatur, & bona atque prospera valetudine gaudere queat, quam ego ex corde à Deo Optimo Max. summopere precor. *Idem ibidem.*

Medicatio juvenis, Scabie laborantis.

Juvenis 25. annorum, ex Gallia in Bataviam redux, postquam aliquot septimanas patrio aëre & victu rursus esset usus, incidit in cutis totius corporis pruritus; quem postea secutæ sunt multæ pruriginosæ & purulentæ pustulæ, manus, brachia & crura ipsius potissimum obsidentes. Nonnullos etiam ex familiaribus contagio ita infecit, ut ipsorum corpus multis locis simili ulcerosâ & pruriente asperitate sit affectum.

Afficiuntur in hoc ægro potissimum brachiorum, crurum, femorumque cutis; quod ex pruritu & pruriginosis ulcusculis, partes illas obsidentibus, est manifestum.

Morbus, qui eum affligit, est intemperies cutis manuum, brachiorum, femorum, & crurum, acris, salsa, nitrosa, & contagiosa; quæ pruritus & ulcuscula saniosa & purulenta in illis partibus producat, *Scabies* vulgò appellatur.

Procatartica hujus morbi causa in hoc juvene est aëris victusque, per reditum in Bataviam, mutatio; quâ novi frigidioresque in corpore ejus geniti fuerunt humores; qui cum fervidioribus acris & adustis humoribus, in Galliâ natis, mixti, & propter aëris nostratis frigus, poros cutis claudens, & acrium fuliginum exhalationem in ipsius corpore impediens, intra corpus ejus retenti, instar calcis vivæ, aquâ frigidâ perfusæ, in corpore ejus effervesce cœperunt; atque antecedentem huic morbo præbue-

runt

runt causam. Pars verò eorum ad cutem totius corporis, ac præsertim crurum, brachiorumque delata, easque partes suâ acrimoniâ vellicans, & erodens, continens hujus intemperiei acris, pruriginosæ, ac cutem in pustulas saniosas & purulentas exulcerantis, hoc est, ut verbo dicam, scabiei, in hoc juvene est causa.

Ipse verò in suos familiares, contactu manuum, mantilium, aliorumque communium lintheorum, saniosum illum & contagiosum liquorem, è corpore suo emanantem, insensibiliter transferens, similem qualitatem acrem & contagiosam in illis produxit, atque ita ipsos simili brachiorum crurumque scabie infecit.

Malum hoc ubi temporis diuturnitate radices profundas in corpore egit, difficulter solet eradicari.

Ideoque celeri Curatione erit impugnandum. Eaque in ablatione causæ antecedentis, continentis, & intemperiei, per evacuantia, attemperantia, detergentia, acrimoniâ retundentia, & exsiccantia, consistet.

Primum itaque purgetur hic juvenis tali medicamento, ad humores acres educendos & temperandos aptissimo;

℞. Mercurii dulcis ℥j. Scammonii optimi ℥ss. Electuarii diaprui ℥ij. Misce F. Bolus.

Poltridiæ educatur per venæ sectionem, sanguis, ad uncias octo.

Et porro quotidie bibat haustum ℥ij. vel iv. de sequenti Apozemate:

℞. Rad. cichorii ℥j. Polypod. lapathi acuti an. ℥ss. Herb. fumariz, acetosæ, agrimoniz, Scabiosæ an. m. j. Sem. 4. frigid. major. an ℥j. Flor. borrag. m. ss. Passular. ℥ss. Decoq. in aq. hord. q. s. ad lib. i. ss. addendo sub finem decoctionis fol. sennæ ℥ij. sem. anisi ℥ij. Colaturæ adde syr. de cichorio cum rhabarb & fol. sennæ ℥ij. Misce F. Apozema.

Loca scabiosa inungantur omnia hoc Unguento:

℞. Terebinthinæ totæ in aq. scabiosæ ℥j. Ol. rosacei ℥ss. Butyri recentis, axungiz porci an. ℥ij. Salis comm. ℥ss. lithargyrii ℥j. Vitell. ovor. num. 2. Succ. limonum ℥vi. Cera q. s. fiat Unguentum.

Vel adhiberi poterit huic malo sequens unguentum, quo scabies felicissime curatur.

℞. Butyri veteris, in fictili novo ad rubedinem Frixi lib. ss. Huic intepescenti infunde muriz, in qua Poma limonia macerantur & condiuntur ℥ij. Vitellos ovorum conquassatos n. 2. Pulv. sulphuris ℥j. Zinziberis ℥ss. Piperis ℥j. Fuliginis è fumario collectæ ℥j. Hæc misceantur calidè in formam Unguenti; quo articuli manuum, pedum, & reliqui corporis, & loca scabiosa, vesperi, ingressu lecti, inungantur.

Innumeri etiam à scabie liberati fuerunt sequenti unguento:

℞. Rad. lapathi acuti, in mortario pisti m. j. Pulv. Zinzib. ℥j. Baccar. lauri, Aristoch. rotund. an. ℥ss. Cum pintâ dimidiâ floris sive cremæ lactis, coquantur per horam dimidiam in ollâ novâ, & redigantur in formam Unguenti, qua loca scabiosa vesperi inungantur ad ignem.

In victus ratione, utendum Cibus optimi succi, qui sanguinis acrimoniâ emendent & temperent. Carnes gallinarum, vitulinæ, ova sorbilia, pisces saxatiles id præstant. Sal, acetum, aromata, allia, capæ, & herbæ calidæ omnes vi-

tandæ. Cerevisia tenuis, serum lactis, aqua hordei, in potu sunt utilia. Inter herbas culmarias, borrago, buglossa, violaria, malva, ex fructibus, poma; ex cerealibus, hordeum & triticum commendanda. Panis esto triticeus. Ira, vigilia multæ, Venus, vitanda. Henr. Regius apud Theodor. Craanen Medication. lib. 4.

Herpes exedens in facie.

Admodum Rev. Rector, annos natus quadraginta sex, temperamenti calidi & sicci cum subdominio sanguineo, hepatis præcalidi, ventriculi frigidi, cerebri humidi, corporis habitus modicè carnosus, coloris totius albi flavescentis, aliquo tamen in facie suffuso rubore roseum referente colorem, in actionibus, ingenii præstantiâ promptus & expeditus, moribusque maxime urbanis, facilis tamen excandescentie, & ad iracundiam pronus; Juventutis tempore sub diversarum Regionum Cælo, à nativa quietiam maxime longinquarum commoratus, variaque proinde vivendi norma est usus. Quare duodecim, vel quindecim abhinc annis in Patriam reversus, una cum sodalibus persæpe comestationes celebrando, cibos aromatibus conditos comedendo, generosa vina bibendo, ante decem annos fluxionibus factus obnoxius, articularibus doloribus, Podagrâ sc. Gonagrâ, aliisque arthriticis affectibus frequenter laborare cœpit; hinc ab hypochondriacâ quoque passione, juxta cum variis symptomatibus, ab eadem ortum ducentibus, fuit correptus: cui tandem hæmorrhoidali sanguinis fluxu accedente, ab eodem hepate, aliisque visceribus naturali diathesi, ac nativo calore depauperatis, Cachecticus evasit; quinimò ad Hydropem maxime pronus. Licet Medicus ejus curationi adhibitis malorum horum syndromen, opportunis quidem remediis effugaverit, ideoque per annos ferè quatuor Patiens bene valens, munera ac negotia, ut prius, subiens promptè peregerit; duobus tamen abhinc annis, cum Comam quâ solitus erat caput cooperire, sub inclementi cælo deposuisset, ejusdem caput gravari, ac catarrhò repleri cœpit: hinc coryza suborta, quam in dies magis magisque exasperari Patiens expertus est, adeo ut nares catarrhò crassescente per multos menses, obstructas habuerit, per quas nonnisi raro, materiam mucositatē, ac sanguine torrefactō permistam, magno quidem conatu expurgare poterat. Tandem cum nasus inflammari incepisset, ulcera crustacea in ejusdem pinnis apparverunt, quæ post multum tempus, cum in dies magis ac magis serpere & augmentum suscipere viderentur, ad Medica præsidia confugere, tum interna, tum externa, Patiens fuit coactus. Nihilominus ulcera per genas hinc inde, ac per totam faciem ad oculos usque, & pustulæ, ad instar milii, denuò efflorescentes, ac in ulcuscula tandem desinentes, ferè continuò augentur. Idcirco non magis pro contumacia affectus, quam pro cruciatu, quem ferè semper se pati asserit Patiens, anxie Virorum Excellent. Consilium efflagitat, ut à tam sævo ac Molesto Morbo quam citissime, si fieri possit, liberetur.

Sicuti de affectus natura, Admodum Rever. Patientem divexantis, nihil præter adducta à Viro

Viro Excellentiss. mihi restat scribendum, ita agendorum pauca valde supersunt addenda: Etenim & ego cum Viro Doctissimo judico, universam massam sanguineam jam conspurcatam fuisse, dum a prava victus ratione, & viscerum naturalium intemperiebus adauctis, excrementorum copia succrevit: prout caput denudatum, ab ambiente intemperiem contraxisse censendum, sicque duplici ratione affectum fuisse, essentialiter scil. & per consensum ab hypochondriis & a toto: ut propterea excrementa multa idiopathice cumulaverit, & sympathice susceperit: quæ longo temporis spatio per nares obstructas non expurgata, ad faciei superficiem tandem eruperunt, & herpetem exedentem excitarunt, dum catarrhalis materia, serositatibus acribus biliosis, & acidis melancholicis immista, salsa & acida facta fuit: quinimò ob contumaciam, & affectus adversus medicamenta generosiora ritè & rectè administrata resistantiam, labem aliquam putrilaginosam, intemperiem scil. & imbecillitatem in ipsa parte quoque reperiri sub cute, & forsan etiam sub integumentis, jure merito suspicandum, quæ præter excrementorum affluxum, proprii quoque alimenti portionem corrumpat, & morbum foveat.

Quare cum jam primæ viæ exinanitæ fuerint: tota massa sanguinea ab excrementis abundè depurata: jecoris fervor congruis remediis non parum remissus, de Topicis quoque tum internis, tum externis, erit cogitandum, quæ humores in capite existentes, & purgare & a facie divertere valeant, & præterea diathesim illam putridam in parte remove, necnon dolores demulcere possint: non tamen omittendo quæ jecoris & hypochondriorum fervorem contemperandi, necnon sanguinem ipsum demulcendi facultatem habeant.

Primum igitur in usum ducantur quotidie matutinæ dorsi ad inferiora frictiones, & vespertinæ ante cœnam pedum lotiones. Et quoniam Cauterium, nuchæ inustum, parum in his casibus prodesse solet; idcirco setaceum cum filo serico tanquam eximium remedium, transfigendum consulo. Interim, semel saltem per hebdomadam, pilulæ capitales Paracelsi, quæ constant extractis diagrydii, hellebori, & colocynth. exhibendæ erunt ad semidrach. circa noctis dimidium: quibus summo manè superbibat aquam hordeac. aut Nocerianam; & iisdem addi quoque poterunt aliquot grana Mercurii dulcis ad faciliorem materiæ contumacis expurgationem: subscribere tamen nequeo Mercurialibus mendicamentis caput petentibus, & per sputum humores ducentibus. Intermediis autem diebus assumat summo manè lac arte factum, ita parandum.

℞. Semin. melon. mundat. ℥j. sem. anguriæ, cucurbitæ mundat. an. ℥ss. Aq. stillat. de succo cich. ℥viij. contund semina, & cum aqua extrahatur emulsio, cui adde syrupi de pom. ℥j. m. pro potu quotidiano matutino. Extrinsecus autem affectæ parti modò anodyna quæ dolores demulceant, modò exiccantia quæ ad ulcusculam quietiam spectent, sunt applicanda atque inter demulcentia summo opere mihi placet fœnugraci decoctum, à Galeno etiam in doloribus oculorum commendatum: cui, urgentibus

doloribus, addi poterit etiam caput papaveris albi. Quandoque etiam parabitur tenuis emulsio seminum papav. albi, extracta cum aqua nenupharis. Lac etiam asininum tepidum, eidem scopo satisfaciet. Verum interponi debet usus exiccantium, & ulcera respectantium, quæ varia, & plura esse poterunt; selectiora autem, & delicatiora erunt, aqua fabrorum; infusio rosarum solut. chalybeata; & omnium maxime infusio vitrioli Cyprii in aqua rosarum, ita ut aqua ipsa caruleum colorem acquirat: mirabilis enim est exiccandis herpeticis huiusce ulceribus; quibus omnibus, spongiola imbuta utendum est.

Tandem jam dictis congrua vivendi ratio erit addenda, a Viro Doctissimo præscribenda, cuius prudenti iudicio cæterorum etiam omnium rectum usum committo. *Joh. Raym. Fortis Consult. & Respons. Medic. Tom. 2. Cent. 1.*

Herpes exedens.

Pater Provincialis Reverendissimus, quinquagesimum quartum annum agens, temperamenti secundum totum ad calidum & siccum vergentis, hepatis autem fervidioris, sicut calidi & humidi capitis, mediocris habitus, ad actiones promptissimus, negotiis suæ Religionis multis adhuc annis magnopere implicitus; tertius jam currit annus, ex quo exigua exco-riatio, levissima occasione prægressa, in crure sinistro excitari cœpit, quæ paulatim quotidie magis increvit, & diuturno postmodum secuto itinere in Hispaniam, major semper reddita fuit, adeo ut non solum cutis superficiem & integumenta, verum & carnem ipsam erodere cœperit, & ulcus excitatum fuerit, quod topicis medicamentis curatum & cicatrizatum, proximas partes infestare non desit; quinimò non unam tantum, sed plures, & vicinas, & distantiores partes progressu temporis, in eodem tamen crure tantummodo occupavit, & hinc inde ulcera exedentia atque serpentia, eaque satis profunda & putrilaginosa, ichorosam materiam frequenter, quandoque etiam saniosam & purulentam emittentia, excitata fuerunt; quæ ad ambulandum in præsens Pat. Reverendissimum ferè impotentem reddiderunt. Additur postremo aurium tinnitus non continuus, sed tamen nonnunquam infestans. Medicos non semel pro salute adipiscenda consuluit, qui cum hanc polliceri non solum non potuerint, sed prorsus denegaverint, medicamenta omittere decrevit, satius esse existimans à solo morbo divexari, quam ab assumptis quoque medicamentis exagitari. Verum cum malum ruat semper in pejus, causas internas à quibus procedit, dubio procul vires majores acquirere non est dubitandum, quæ pejora quoque minantur superventura; & ideo Prudentissimus Pater ad me confugit, ut imminetia mala evitentur; & præsens si non ex toto tolli, saltem non parum imminui possit; quod licet non sine diuturna & operosa Curatione consequi posse sciam, id tamen possibile fore spero.

Damnavit quidem Gal. hominibus quadam ulceribus imposita; ut Chironia, Telephia, eo quod à Telepho & Chirone Medicis curata fuerint, at multorum aliorum ulcerum appellationibus subscripsit, ut quæ eorundem conditionem atque naturam, quinimò & quodammodo causas

causas nobis insinuare valeant, & idcirco si ulcus aliquod stabile, cavum, diuturnum & contumax fuerit, eo quia ab aliqua excrementorum fluxione, vel à toto, vel a peculiari parte transmissa, foveatur & conservetur, Dysepuloticum ulcus appellari solet, sicut Cacoëthicum nominatur illud, quod easdem continet conditiones, sed præterea ab intemperie & prava diathesi partis ulceratæ contumax redditur, ita ut probi quoque humores ad partem fluentes corrumpantur in parte, & ulcus conservent. Alia demum ulcera quæ non semper eandem occupant sedem, sed priori loco relicto, ad proximum serpendo procedunt, eorumque progressus diuturno tempore durat, Herpitaca, sive Herpetes quasi repetentes, ab Hippocrate edentes dicuntur, cujusmodi sunt ulcera, ferè crus totum Rev. Patientis hinc inde exedentia; hoc addito magni momenti discrimine, quod sicut ulcera superficiem tantum exedentia simpliciter Herpetes vocantur, ita si non solum integumenta, verum & partes carnosas profundas erodant, ut in casu nostro, Herpetes Ethromenos cum Veteribus appellamus, cum quibus non sunt Phagedanica confundenda, nisi improprie, ut fecit Galenus: sunt enim hæc potius firma & stabilia, quam exedentia atque serpentina. Serpens quoque est Herpes miliaris, sed sine ulcere, & milii tantum figuram in superficie repræsentans. Herpetes autem omnes à bilioso humore procedunt, adeo ut sub genere Erysipelatis à Gal. constituantur; sed ab acriori, licet crassiori bile Herpes sit, quam Erysipelas, ut pluribus in locis notat ipse Galenus; ut propterea nonnisi in corporibus cacoehymis, bilioso & pravo succo abundantibus Herpetes exedentes contingant; quo succo abundare Reverend. Pat. non est dubitandum, si ejusdem hepatis, cordis & vasorum intemperiem calidam consideremus, calidioremque redditam à diuturnis applicationibus atque animi perturbationibus, quas necessario incurrunt, qui Regimina exercent, & Clausuralibus præsumt; animi namque motus multo magis, quam motus corporis calorem inducunt; his adduntur longa & laboriosa itinera peracta, & horum occasione ciborum & potuum improprietas, quibus omnibus non solum calor viscerum magnopere fuit adauctus, & pravorum succorum apparatus genitus, verum & pars ipsa, crus nimirum, recipiens, equitando quotidie magis semper imbecillius fuit redditum ut mirum postea non fuerit, si totum excrementosis humoribus scatens, ad crus, ut partem imbecilliore eosdem detruserit, quos tamen humores in R. P. non sincere biliosos, sed & heterogeneos, nimirum & biliosos & exustos, necnon pituitosos, sive catarrhales simul commistos esse credendum, si non solum viscerum naturalium, ut dixi, calida intemperies spectetur, sed si capitis quoque calida & humida consideretur, cujus ratione humido abundat excremento, & ipsius portio ad aures delata, atq; in halitus conversa, tinnitum inducit, dum vaporosa ipsa materia aëri implantato atque immobili, qui à tympano in auditorio meatu clauditur, movetur & agitur, sicque sonitus sequitur p. n. qui, resoluta vapore, cessat.

Quam difficilis sit futura hujusce morbi Cura-

tio, ac difficillima sanatio, non est in Arte peritus qui non prævideat; etenim si ulcera simplicia, dum annua sunt, difficile sanantur, quid erit censendum de herpeticis profundis & mali moris trium annorum? Verum quia ex Herpete, ut ab ungue Leonem, viscerum interiorum pravam conditionem in R. P. conjicere fas est, idcirco præsens malum semper in pejus abiturum, & multiplicatis excrementis, pejora quoque imminere, prospicere debet Medicus observans, quod Gal. Herpetem enumeravit atque reposuit inter Carbunculos, Cancros, Ulcera phagedanica, Chironia atque Telephia. Quare providendum ne pejora mala succedant, & præsens certo non parum imminuatur, & forsan ex toto aboleatur.

In quem finem quod est primum in intentione, nimirum ulcera cicatrizare atque sanare, debet esse ultimum in executione; ut propterea jure merito arguat Gal. Illustrem Matronam Romanam Herpete in crure laborantem, eo quod de ulceribus cicatrizandis, non autem de toto purgando, neque de intemperiebus corrigendis sollicita, nunquam sanari potuerit; quare primo totum à redundantibus excrementis, & potissimum à biliosis est oxonerandum ac vindicandum. Secundò eorundem reproductio est inhibenda, intemperies partium mandantium & sanguinis pravam qualitatem acrem & acidam corrigendo. Tertio partes easdem roborando. Quarto, & ultimo ulceribus incumbendo, primo Catharticis, si opus fuerit, secundò Sarcoticis, atque tandem Epyloticis.

His autem satisfaciendum erit remediis à Fonte Chirurgico, Pharmaceutico atque Diætetico desumendis.

Et à Chirurgico universalia primo, mox tandem Topica depromenda. Inter universalia autem est sanguinis missio, quæ necessaria erit, cum vitium in toto, nimirum in sanguine reperiatur, eaque bipartita potius & parca, nempe ex brachio dextero, & secunda vice ex altero lateris affecti. Cauterium, nisi non gestet, erit inurendum in coxa sanæ partis, ad diversionem; licet enim coxæ affectæ partis inultum ad interceptionem inservire posse videatur, interceptio tamen in distentiori parte fieri debet, alioquin excrementitius humor, duceretur & evacueretur per partem affectam. De Topicis vero suo loco dicendum.

Pharmaceutica remedia debent esse Lenientia, Præparantia, Purgantia, intemperies corrigentia, viscera roborantia, hac servata animadversione, quod in R. P. alvus levioribus quoque medicamentis obediens est (biliosis humoris redundantis indicium.)

Primum igitur Leniens ad primarum viarum expiationem esse poterit syr. ros. solutivus; vel flos cass. cum crem. tartari; sicut primum Præparans Julap. acet. aqua ex flor. citri dissolutum; & quinque transactis diebus, idem Leniens erit repetendum, cui superbibat serum depur. capr. aut asinum.

Inde ad præparandos humores in venis existentes aptissimi erunt succi herbarum depur. nempe cichor. borrag. endiu. pomorum dulc. ad unc. iij. in decoct. sonchi, buglossi, malv. violarum; in quorum usu saltem diebus xv. perseverandum

randum erit: & quinto quoque die Purgans electivum à venis, cholagogum erit exhibendum, quod esse poterit elect. de succo rosarum & confectio Hamech. cum flore cass. cui superbibat serum depuratum.

Purgato toto, & caput erit peculiariter purgandum, quo egregie præstabunt pilulæ Paracelsi, cum earum compositio contineat Extracta diagrydij, hellebori nigri & colocynthidis; poterunt enim, duabus vel tribus vicibus sumptæ, caput purgare, & totum venosum genus omnino depurare; diebus autem intermediis aliquo quoque levi Errhino utatur ex pulv. rad. ireos, majoranæ & nigellæ parato; necnon succis depur. præscriptis.

Toto & capite ab excrementis purgatis, eorundem reproductio est inhibenda, intemperies partium mandantium corrigendo, quarum præcipua est naturalium viscerum fervor, mox capitis excedens humiditas; pro qua intentione explenda, magna industria opus est, non solum in quantitate & qualitate, sed & in tempore, ac ordine remediorum adhibendorum; itaque ordinem hujusmodi servandum esse censeo, ut primum Exiccantibus quæ non calefaciant, calida & humida capitis intemperies corrigenda, deinde Refrigerantibus & Humectantibus viscerum atque sanguinis fervor sit contemperandus. Verum quia priori intentioni satisfaciendum erit decocto sudorifico, idcirco viscera naturalia præhumectare utilissimum erit, præmittendo quinque saltem diebus usum feri capr. depur. aut aq. Nocer. ad ℥v. cum vehiculo dejectorio syr. ros. solutivi, ut inde ad decoctum cum sudore tutius deveniri possit, ita parandum

℥. Salsæ alecæ, chinæ opt. santal. alb. ligni visci pomac. an. ʒss. Aq. stillat. cichor. beton. an. ℥j. m. f. inf. per horas 24. deinde bull. ad consumpt. dimidij, & facta colat. servetur ad usum pro tribus vicibus, summo mane, una hora ante ingressum hypocausti assumenda; & ut facilius sudor evocetur, præmittat bolum ex pulv. viperino paratum. In cujus usu 30. diebus ut persistat, erit satis, cum victu non tenui, nec valde attenuante. Decimo vero quoque die præbendæ erunt pilulæ aggregat. & aureæ, vel elect. de succo rosarum cum cassia, quibus superbibat serum depuratum, ut quod visceribus naturalibus R. P. valde amicum sit, nec præmissio vehic. deject. caput petere possit.

Terminato sudore, totis viribus visceribus refrigerandis & sanguini edulcorando incumbendum erit, primo aquarum acidularum refrigerantium potu, aut B. V. aut Nocera, tribus primis diebus cum vehiculo dejectorio syr. ros. solutivi, reliquis vero quindecim cum vehiculo diuretico spir. tart. rectif. & succo limonum; in fine autem præbeatur potio ex man. clarif. ad educendum aliquod aquæ residuum. Hoc tempore quo propinantur aquæ, vesperi sub ingressum lecti aliqua Conserva capitalis & stomachica præscribi poterit ex flor. beton. rosarum & rorismarini.

His peractis, pro remittenda sanguinis acrimonia atque aciditate, aptissimus erit usus lactis asin. quadraginta diebus, summo mane cum sacchi de more assumendi; hoc enim utpote tenuis substantiæ cum Galeno celerrime per

corpus digeritur; & ideo caput non tentat. Universale quoque Balneum aquæ dulcis, foliis malv. viol. lactucæ, nenuph. salicis alteratæ, efficacissimum esset remedium pro fervore viscerum & sanguinis contemperando; verum quoniam crus affectum ab humectantibus atque laxantibus maximopere læderetur, idcirco omitendum, & ipsius loco Epithemata jecori apponenda, ex succo cich. & infusione rosarum cum succo limon. paranda.

Tandem topica medicamenta proponuntur, quæ in tota quoque præscripta Curatione sunt apponenda; hæc autem esse debent omnino refrigerantia & exiccantia, quorum sylva à Scriptoribus proponi solet, ut unguentum de litharg. de calce, de cerussa, de tutia; at nos in casu nostro, si Cathereticis, paucis diebus, fuerit opus, ob aliquam alicujus ulceris sordiciem, applicari poterit Unguent. de minio, vel componatur ex litharg. vitriolo & camphora cum oleo rosato, addita cera quantum sufficit. Inde ad Sarcotica deveniendum; inter quæ Unguent. de succi Bononiensium præstantissimum erit, ut quod contineat quatuor succos refrigerantes & exiccantes, & propterea lithargyrum, aurum, plumbum ultum, tutiam, bolum Armenam, camphoram cum cera. Tandem ut cicatrizentur ulcera, Epulotica conveniunt; & ideo ex tutia, cerussa, lithargyro & antimonio cum cera, & oleo myrtino, ceratum S. A. erit conficiendum & componendum. Nec omittenda Balnea quotidiana, crus totum immergendo in aquam montis Grotti, sive Ægrotorum, quæ magnopere exiccat atque corroborat.

Quibus omnibus erit addenda victus ratio, quæ refrigerans, in passivis vero qualitatibus mediocris esse debet. Caveat igitur R. P. à cibis calidioribus, à condimentis aromatum, alijs, caparum, ab usu aceti, à carnibus & piscibus salitis, & à potu vini meracioris. A vigiliis, à nimis exercitiis. Bis in mense, proximis à Curatione temporibus, in usum ducat aliquod familiare medicamentum, tum biliosas, tum atrabiles serositates educens, quale esse poterit pilula de tribus cum rhabarb. ad ʒss. additis gr. viii. aut x. pulv. grisei, aut Magist. mechoac. atque tandem animi perturbationes arceat, & in applicationibus moderate se exerceat. Hæcque pro salute Reverend. Patris, quam eidem à Summo Deo enixe precor. *Idem eodem Tom. Cent. 4.*

Herpes miliaris in Crure, & Ferruca in Mamma.

Princeps Illustrissima atque Excellent. cujus res naturales, nonnaturales, & p. n. Dominatio Tua Excellent. plene novit non minus ab exhibita Scheda (quam reassumere non dedignaberis) quam ex aspectu ipso, cum Venetias & Patavium profecta, prudent. consilio tuo curatura se subjecerit annis abhinc quinque. Post reditum Romam, præscripta mandata tua exequi non opus habuit, cum à languoribus illis immunis, pancratice affatim valuerit. Et quamvis affectionibus hypochondriacis uterinis, quibus obnoxia vivit, non omnino vacaverit: mitēs attamen & leves adeo fuerunt, ut nullam suscipere Curationem magnam unquam coegerint.

gerint. Tractu temporis Verruca, quam in papilla dexteræ mammæ gerit, absque ulla manifesta causa cœpit sanguinolentum emittere ichorem, cum pruritu & furfure, nullo externo apparente rubore; nullo tumore, aut tactus renitentia; laniatione nulla. At quia creber exitus & facilis recursus timorem inferebant, apud Medicos & Chirurgos fuit decretum, cruri dextero sub genu fonticulum inurere, habito respectu non minus ad corporis obesitatem ac mollitiem, sero multo scatentis, quam ad expletum Menstruorum tempus, & præcipue ad Uterum, una cum naturalibus visceribus, dyscrasia cum materia donatum, & idiopathice patientem. Res secundis votis successit; nam illico sanie multa, & sanguinolenta, ac mordaci manante, mamma bene habuit, & integre sanata est. Sic stantibus, Junio proxime præterito dexteri cruris Herpete miliari afficitur, sine febre, cum ardore & inflammatione, crustisque crassius adultis, pituitam salsam cum assata bile præse ferentibus. Quare iterum consultis Medicis & Chirurgis, de fonticulo sinistro cruri inurendo, primo sancitum fuit: deinde transacto Siro, instituta Purgatio fuit, Lenitivis celebrata, scil. Triphera Perica ʒss. & drachma una rad. mechoac. ponderosi pulv. cui superbibebat juris longi insulsi, acetosa alterati, libram, & quater sedem habebat cum consuetudine ac tolerantia, eductis tantummodo biliosis lixivis & serositatibus adultis. Nullis fuit mittendi sanguinis locus, tum ratione morbi, tum præpollentis Cacochymia in visceribus, tum qui noxia alias evasit phlebotomia, & sanguinis motus nunquam observatus fuerit proficiuus. Purgatione perfecta, imò quater iterata eodemmet Lenitivo, serum caprinum destillatum ad refrigerandum ebibit, sine tolerantia: nam stomacho repugnante dimissum. Succos accepit endivia, sonchi, cichorii depuratos, eadem cum renitentia: ita ut solo jure cichorio hortensi sativo alterato sit contenta. Cæterum status Excell. hujus Matronæ quoad antiquos & habituales morbos hypochondrii & Uteri, bonus est & l. ud. bilis; quoad vero recentes, accipe. Si quando humores hypochondriaci uterinique fermentantur, & vel cordis palpitatione, vel aliquo alio hysterico symptomate afficitur, Verruca in mamma ichorem sanguineum guttatim emittit non continuum, solo tantum pruritu & furfure. Cruris vero dexteri & tumet, & dolet, & ardet, recurrente per affluxum mordaci serositate; Herpentem exedentem minante, ni purgatissimi judicii tui auxilio succurratur.

Hypochondriaca affectione jam diu detentam Principem Excellentissimam excrementis humoribus abundasse necesse fuit, cum affectio ipsa naturalium viscerum intemperies supponat, & primò atque principaliter fervidam jecoris, indeque sanguinis, secundario vero privative ventriculi frigidam: ut propterea etiam in habitu carioso atque obeso, exuberantis caloris indicia semper apparuerint; Etenim Verrucam in mamma potius ut signum, quam ut morbum, vel causam ego jam consideravi, & ideo Purgationem præservativam tunc temporis scriptis mandavi, superventura prævidens, quæ a statu satis salubri neglecta, postea successerunt; Sat enim non fuerit excrementorum calidorum co-

piam extraducere, minusque alio abducere, sed pro præservatione absolvenda, intemperies jecoris atque sanguinis erat corrigenda, & sanguis ipse acris atque mordax edulcorandus, ut multo minor evaderet biliosa serositatis proventus, & sanguis ipse ad probiorem conditionem redactus, ab ipsa Natura commode in vasis pro totius nutritione detineretur, nec modo ad mammam, modo ad crus ab ipsa irritata Natura detruderetur; sicque modo in mamma verruca, modo herpes miliaris in crure excitarentur. Et quamvis Cauterium summa cum ratione coxa inustum mammæ profuerit, avocatis nimirum biliosis serositatibus a superioribus ad inferiora, non tamen exiguum foramen tot tantisque humoribus educendis, quibus scetet Excellent. Princeps, sufficere potuit; & idcirco quid facto opus sit, unicuique vel mediocriter in Arte perito, nedum Tibi Viro Doctissimo patere potest: expiatis enim primis viis, obstructions sunt quodammodo referendæ. Deinde massa sanguinea à serositatibus tum acris, tum acidis elective Purgantibus vindicanda. Mox jecoris calida intemperies corrigenda; atque tandem sanguis totus edulcorandus. Topica vero aliqua externa affectis partibus apponi poterunt, quamvis, dempta atque recisa radice, plantæ, frondes & fructus de se necessario decidant. Jam dictis vero intentionibus in præsens satisfacere anni tempus non permittit, sed in Ver venturum regularis jam dicta præservatio erit differenda. Interim tamen ne uterque affectus majus augmentum suscipiat, imò potius nonnihil imminuatur, aliqua pauca agenda proponam, quæ excrementitios humores per alvum & urinam educere, & eorundem acimoniam atque aciditatem commodare valeant. Singula igitur hebdomada assumat.

℥. Elect. lenit. ʒss. Elect. de succo rosarum ʒij. Magist. mechoac. gr. x. M. f. boli, quibus duabus transactis horis, superbibat aquæ hordeac. vel Nocerianæ, vel stillat. malvarum ʒss. aut ʒij. & tribus horis ab epota aqua prandeat. Diebus autem intermediis aliqua potio offerenda erit, quæ quam celerrime ad hepat feratur, & per universum corpus distribuatur, ut ideo conditionem aliquam diureticam in se continere debeat; erit autem hujusmodi.

℥. Sem. melon. mundat. sem. cucurbitæ mundat. aq. ʒss. aq. stillat. malv. ʒ vii. m. contusis seminibus, cum aqua extrahatur Emulsio, quæ erit valde diluta, cui adde sacchari albi cochlear, vel syrupi de pomis, aut de succo limonum, aut violacei ʒj. pro potu matutino quadraginta diebus hauriendo. Quod si fortasse Emulsio hujusmodi non adeo facile toleretur, substituatur potus aquæ stillat. malvæ cum syrupo de pomis, aut violaceo. Mirabiles autem effectus non semel observavi ab usu aquæ stillat. ex anguriis decorticatis, & B. M. destillatis, quas Romæ adservatas invenire difficile non erit: diu namque in ventriculo non immoratur, hypochondriorum fervorem contemperat, anodyniam facultatem obtinet, & sanguinis acrimoniam atque aciditatem egregie edulcorare solet: non omisso tamen consueto jure cichorio alterato, sed prius a mensa cum cæteris edulis hausto. Interim quo tempore verruca in-

mamma evanuerit, Saturni balsamo illiniri posset, quod tamen tutius administrabitur, absoluta universi corporis præservativa purgatione, quam Vere venturo, Deo dante, describam, cum de statu Excell. Principis tunc temporis certior factus ero: nec deerit purgantium, aperientium & alterantium medicamentorum sylva, qua tuto & jucunde Excellentia suæ inservire valebimus. *Idem ibidem.*

Observationes.

Juvenula quædam sexdecim annorum cum novem annis scabie infecta fuisset, nec ullis remediis curari posset, ad me tandem consilii causa venit; huic sæpius decocta sanguinem purificantia præscripsimus, quæ conficiebantur ex borrag. bugl. acetos. & similibus in fero lactis decoctis. Deinde corpore rite expurgato, eam nudam per horam in balneo sequenti posuimus, idque quinque diebus continuando.

℞. Lapath. acut. cum rad. fumar. malv. scabios. viol. hederæ arbor. furfur. opt. sal. communis, an. M. ij. coq. in aq. communi pro lavacro, facta absterfione totius corporis, lectum calidum intrabat & sudabat: sic materia sufficienter ad cutem propulsa, tunc tandem eam inunximus unguento ad scabiem in præcedenti observ. descripto; eo cum aliquandiu inuncta fuisset à fœda scabie curata est. *Petrus Forestus. Observ. 11. lib. 5. Observ. Chirurg.*

Quendam scabie & pruritu totum corpus fœdante laborantem ita sanitati restitui.

℞. Decocti fennæ ℥ iv. confect. hamec. ℥ vi. M. F. potio; quæ rectè & copiosè expurgatus est. Postea venam brachii aperuit, multumque sanguinis emisit.

A sanguinis missione septimo die tale ipsi ordinabam balneum.

℞. Alumin. ℥ v. salpetræ, ℥ iij. sulph. vivi ℥ ij. redigantur in pulverem; qui coquebatur in aqua fluviali quanta sufficit; tertio quoque die renovatur, balneabat mane & vespere, & intra viginti dies ab ista fœda lue & symptomatibus liber sanusque evasit. Potus erat decoctum mellisæ saccharatum. *Mart. Rulandus. cur. 80. cent. 3.* Post purgationem.

℞. Rad. lapath. cum fol. num. 3. hord. cum cortice suo, p. 3. radic. alth. ℥ ij. fol. malv. M. ij. rad. helleb. nigr. ℥ j. bulliant omnia simul in aq. f. q. ad dimidiæ partis consumptionem. Deinde fiat fortis expressio, colaturæ adde ol. ros. ℥ iij. Terebinth. ℥ ij. sal. nitr. ℥ β. bulliant omnia ad aq. consumpt. deinde addantur succi limon. ℥ vi. removeanturque ab igne, dumque incipit refrigerari, adde vitell. ovor. num. 3. conservetur postea in vase mundo & bene cooperto, & illinet loca scabiosa omnia, scalpendo prius apud ignem, & sic fiat alternis diebus vespere ante introitum lecti, septem vicibus; ultimo ingredietur balneum, & mundificetur totum corpus, postea mutet vestes & Chirothecas. *Joh. Baptista Montanus. consil. 372.*

℞. Resinæ terebinth. lotæ ℥ ij. butyr. rec. ℥ j. sal. ℥ ij. ol. rosac. costin. sulph. vivi, an. ℥ v. ovor. lutea ij. M. F. Linimentum. Hoc linimentum multum profuit. Postea sequens pro absterfione institutum.

℞. Sulph. vivi ℥ ij. bacc. lauri ℥ j. baccar.

juniper. ℥ v. sal. ℥ iij. contund. omnia & ligentur in petia & imponantur in olla recondito, & sic aliquantulum bulliant. Postea accipiatur illa petia, & cum ea fricetur corpus, quando vadit dormitum, seu singulis noctibus, seu alternis. *Joh. Baptista Montanus. consil. 376.*

Inter topica remedia scabiei convenientia, hoc primatum obtinere tanquam expertus confirmo, quod habet.

℞. Rad. enul. campan. virid. ℥ β. pingued. porcin. ℥ v. in mortar. marmoreo pistentur, & ad lentum ignem parum bulliant, & F. unguentum, quo æger pustulas inungat, est enim admiranda virtutis unguentum hoc, ut incantamento ejus opus simile videatur; cujus vires si expertus fueris, nobis consenties. *Amatus Lusitanus. cent. 2. curat. 98.*

Quidam scabie vulgari in manibus & pedibus infestatus, sic curatus fuit. Sumpsit primum purgans sequens.

℞. Catholic. ℥ β. confect. hamec. ℥ ij. syr. de fumar. ℥ j. cum aq. fumar. & endiv. an. ℥ iij. M. F. Potio. Sequenti die secta fuit vena brachii. Deinde apozemate hoc usus est.

℞. Radic. liquir. ℥ ij. Radic. lapath. (quod Rhab. monach. vocant) ℥ i β. Rad. polipod. ℥ ij. cort. tamarisc. ℥ β. fol. endiv. mercurial. fumar. summitat. lupul. an. M. j. fl. bugl. borrag. scabios. an. p. j. passul. paria x. prunor. num. 10. epithymi ℥ β. sen. ℥ iij. sem. cartham. contul. ℥ j. sem. anis. scenic. an. ℥ ij. F. omnium decoctio, in colat. q. s. pro 4. vel 5. vicibus adde sacch. q. s. aromatiz. ℥ ij. cinnam. absoluto apozemate adhuc semel purgetur sequenti potione.

℞. Rad. liquir. polipod. an. 3 vi. sen. ℥ β. sem. anis. ℥ j. fl. cordial. p. j. F. decoctio in colat. ℥ v. infund. rhei ℥ iv. agar. ℥ j. spic. Zinzib. an. ℥ j. F. expressio. dissolv. syr. ros. solut. ℥ i β. F. Potio. Absoluta purgatione, capiat cubitum iturus mithrid. ℥ j. Vel,

℞. Conserv. cichor. bugl. ros. an. ℥ j. spec. trionfantal. ℥ j. cum syr. de endiv. F. elect. superbibat semper aquam fumar. & acetos. sumat electuar. alternis diebus quod intemperiem sanguinis contemperabit. Balneo dein hoc utatur.

℞. Rad. bryon. lapath. acut. fol. scabios. malv. mercurial. parietar. viol. hederæ, salicum, an. M. ij. decoq. in aq. pluviali: add. aquæ extinctionis ferri & lixivii, an. mensur. aliquot tartar. ℥ ij. sulph. ℥ j. sal. M. j. ut F. balneum, in quo sedeat per horas duas in die; dein in lecto se siccet: à balneo ungatur ita.

Ol. rosar. viol. an. ℥ ij. succ. lapath. acut. & plantag. an. ℥ j. aceti ℥ β. butyr. rec. ℥ β. coq. ad succ. consumptionem; adde litharg. ℥ iij. Rad. serpent. ℥ j. sulph. ℥ ij. ceræ, q. s. F. Unguentum; restitutus mox fuit. *Felix Platerus. observ. lib. 2. pag. 534.*

Adolescens quidam fœda scabie torquebatur à qua liberari nequiverat venæ sectionibus & purgationibus multis intra sex menses per intervalla usurpatis: tandem ei exhibetur merc. d. ℥ j. cum diagrid. ℥ β. quibus optime purgatus est, & à fœda illa scabie intra paucos dies liberatus. *Lazarus Riverius. Observ. 62. cent. 1.*

Quidam Empiricus decocto stibii calcinat. cum sarsaparilla additis etiam aliis, perniciosas sanabat scabies. *Platerus. practic. Tom. 2. cap. 17. pag. 767.*

Certissima experientia comprobatum est ad omnia genera scabiei in capitibus infantum, plurimum opitulari camphoram, si superferrum candens aduratur, & in pulverem redigatur, & scabiei inspergatur, aut cum pinguedine veteri suilla commisceatur, & capiti inungatur. *Franciscus Joël. practic. lib. 9. sect. 2.*

Nihil vilius detritis calceis. Novi tamen puerum *Melitensem* toto corpore cruentis fœdis oblitum, qui adperso cinere combusti corii calceorum cum oleo rosæ, convaluit. *Thomas Bartolinus. histor. 73. cent. 6.*

Ad magnam illam scabiem quæ in tibias excutitur, post morbos longos, & præcipue febrem quartanam, doloribus sævissimis munitam, nihil inveni in tota medicina efficacius quam sequens unguentum.

℞. Unguenti basilici ℥ iv. Terebinth. ℥ ij. olei ros. ℥ iv. vitell. ovorum num. 3. ceræ tantillum. F. unguentum, quo inungantur partes scabie laborantes. *Petrus Pachegnus. Observ. 35.*

Quidam Scabie perpetua sicca illa quæ perpetuo pruritu vexat, mirum in modum vexabatur dies ac noctes; somnum capere non poterat, cibum respuebat, vertigine tentabatur identidem. *Cracovienses* quidam Medici aliquot annis hominem variis medicamentis (alioqui macrum, siccum & melancholicum) excarnificaverunt. Fuit qui sarsaparillam, deinde chinæ radicem, alias guajacum præberet: denique hydrargyro unctus fuit: sed hæc frustra omnia, non potuit morbus his armis propulsari; tandem consilio *Itali* cujusdam *Job. Pedemontani*, qui tum in *Dacia* ei, qui nunc *Polonorum* Rex est, ministrabat, ad Antimonii grana iv. deventum est. Quid multa? Morbus tam diuturnus, tam pertinax paucis mensibus depulsus est; jam sex anni abierunt, etiam nunc bene valet. Addam hoc quoque quod mihi magis mirum videtur; is, quem dixi *Pedemontanus*, jam à quindecim annis singulis ferè mensibus decem, duodecim, quatuordecim, cum lubet & necesse esse putat, grana ebibit; morbosum se fuisse antea ait, post usum stibii rectè semper valuisse; itaque magis ut imminentibus morbis obviam eat, quam ut præsentem aliquem curet, stibio se tam frequenter uti affirmat. *Andreas Dudithius. Ep. 17. lib. 6. consil. & Epist. Cratonis & aliorum à Scholtzio editorum.*

℞. Olei glandis unguentur. ℥ ij. spiritus salis ℥ β. Mosch. vel Zibeth. gr. ij. ceræ q. s. F. unguentum; quo facile & jucunde (cum bonum spiret odorem) scabies curabitur. Pauperes & Milites illam mirè fugabunt sola saponis nigri lotionem; at non diu cuti inhærere debet, sed citò abluendus ne cutem excoriet. Decoctio malvarum cum alumine ad libitum est etiam optima ad scabies curandas, si ter ea corpus abluatur tepidè. *Petrus Borellus. Observ. 7. cent. 2.*

De Nævis maternis.

Vixit adhuc nobiscum hic Thorunii Vir quidam Consultissimus, cui uteri materni claustris adhuc incluso imaginatio materna ad dextra tempora impresserat pellis murini signum pilosum, quia mater gravida, cum ei forte fortuna obviis factus esset musculus, ex terrore manum

dextram dextris imposuerat temporibus. Tetigi hunc nævum, cum pueri essemus, sapissime. Is verò adultior factus, & turpitudine illius notæ commotus, aqua regia locum affectum subtilissime inunxit. Unde primum pili, mox & cuticula secessit, tandem verò Chirurgus tempora erosa mundavit atque obduxit, apparentibus jam hinc inde quibusdam cicatricibus.

Sub finem Februarii Anni hujus 1672. nupta est hic Thuronii Scoto cuidam in vicinia habitanti, virgo, è Scoticis quoque parentibus orta, cujus sinistra manus dorsum ferè totum rutilus occupavit color, à matre gravida, incendium subito ortum advertente, atque ex terrore sinistram suam contrectante, ei impressus. Hæc ante paucos annos ex consilio cujusdam vetulæ sanguine Secundinæ affectum locum obleverat, sed tantum abest ut nævum absterferit, ut potius ingentem inflammationem cum insigni tumore ac dolore excitarit, quam tandem Chirurgus, non sine multo labore & industria compescuit; remanente nihilominus nævo. *Georgii Segeri in Misc. Cur.*

Macula quotannis statò tempore efflorescentes.

Curavi anno superiori adolescentem quendam, qui per sex vel plures annos maculis rubicundis, oblongis, elatis & prurientibus, singula ætate redeuntibus, & juxta motum Lunæ nunc apparentibus, nunc evanescentibus, deturparetur; Data sunt feliciter sanguinem purificantia, cum laxantibus per aliquot continuata dies, succedente pulvere meo Renovativo, ut voco, aliquot usurpando vicibus; componitur ex Antimonii diaphoretici alkool. spinarum viperarum & Antim. sublimat. Ita non amplius visæ sunt efflorescere. *Ehrenf. Hagendorn in Misc. Curiosis.*

Macula corporis ex sanguinis ebullitione.

Sæpè ignaros causarum terrent phenomena in corpore apparentia, quæ nullum secum periculum trahunt. Primæ notæ & formæ scæmina, sibi metuens, consilii causa me revisit de maculis in corpore universo enatis sollicita, sanguineis, latis parvisque in crure & brachio efflorescentibus. Nullo quidem incommodo actionibus officiunt, nescio tamen quas animo sollicitudines ingerunt. A scorbutò enim derivandas opinatur. Aliter persuasus ego, & temperamento mulieris & cæteris comitantibus signis, credidi querulæque persuadere cœpi; ebullitionem esse sanguinis nullo vitio depravati, sed copia peccantis. Menses enim inordinato cursu fluunt. Nunquam concepit. Disparent maculæ quando ægritudine aliqua corpus conficitur, redeuntque ad sanitatem redeunt. Post venæ sectionem non comparent. Unde de alio remedio frustra cogitandum censeui. Non ita pridem similes prorsus maculæ sanguineæ crus speciosum ancillæ pulchræ deformaverant, ut territa illa revelare cum verecundia quadam partes illas mihi ausa sit. Latam bono animo esse jussi, solo sanguine evacuato, nullum corpori nævum super-futurum promittens. Abundare enim sanguinem in corpore, qui extremam cutem petit cum angustioribus vasis excluditur. *Thomas Bartolini.*

De livore totius corporis periodice Recurrente.

Unius anni infans bene valens, circa medium Februarii hujus anni derepente, sine ulla præcedente causa toto corpore factus lividus, non aliter ac si strangularetur, integra tamen mente, sine ullo sensu doloris, nisi, quod caput parum inclinaret, ac si somnolentus esset. Perterrita rei novitate mater me vocat, sed ad adventum meum jam remisit ille livor universalis, qui ultra horam duravit. Et licet infans, jam in facie tantum & manibus sublividus, benè se habuerit, tamen suspicatus aliquid epileptici subesse, cum antea huic affectui fuerit obnoxius, quotiescunque enim nutrix menstrua experiebatur, insultibus epilepticis tentabatur & iste, dedi *Pulv. March.ep. cum Spec. de hyac. & ant. diaph. in Aq. Ceras. nigr.* sic disparente omni livore ad pristinum colorem naturalem rediit, diemque ac noctem insequentem commodè transegit. Tertia die hora octava matutina, pro ut ante triduum, iterum rediit livor, magis tamen in facie & extremitatibus pedum, manuumque, quam in reliquo corpore conspicuus, nec ita intense, sed tantum, ac si membra ex frigore liverent, quæ calore tamen naturali sufficienter erant prædita. Curavi reiterari pulverem, & post meridiem applicatur Clyster, sic iterum per diem & noctem benè valuit, sed rediit tertia, quarta, quinta vice, semper de tertio in tertium, subinde tamen minus. Tandem purgato corpore penitus emansit, parvulusque ad hunc usque diem optime valet. Utrum autem hic aliquis epileptici aut febrilis subfuerit, difficile est judicare. *Caroli Raygeri.*

Menstrualis partium in Puella quadam externarum, utpote aurium, narium, digitorum, &c. mortificatione.

Cum anno 1660. tertia vice Bataviam permigrarem, in civitate Delpheni Chirurgum, in operationibus suis expertissimum & solertissimum, in tota Hollandia & Zelandia celeberrimum, & ante aliquot annos mihi familiarissimum, inveni mortuum, quare à vidua petii, ut MSS. relictæ aliquantulum perlustrandi mihi copiam faceret, quod quidem illa lubens concessit. Ille autem, inter alia memoratu digna, observationem raram annotaverat sequentibus verbis, quam ex Belgica Lingua, in gratiam benevoli Lectoris, transferendam putavi. Hæc autem ita se habet:

Anno 1629. die 21. Martii st. n. Ego *Bernardus Schrader*, una cum fratre meo *Joanne Schrader*, & *Alexandro Lax*, Chirurgiæ studioso, veni ad ostium aquæ in pagum, cui nomen est *Geest*, & quidem in diversorium, cujus hospiti nomen erat *Joh. Brandes*, hujus filia, quæ annum ætatis agebat 23. tali affectu miserè affligebatur. Singulis mensibus patiebatur dolorem insignem in digitis manuum & pedum, ut & extremitatibus aurium ac narium, cum tumore œdematoso, in facie, pedibus ac manibus: quem sequebatur paulo ante & post plenilunium partium istarum corruptio & mortificatio, sicut earum extremitates albæ & siccæ factæ, absque sensu, dolore, humore & fœtore deciderent

frustulatim, eo quod istarum partium supererat naturalem formam & figuram retinente. Ego autem, cum diligentius apud parentes de his accidentibus inquirerem, pater mihi monstrabat scatulam, in qua centum & plura frustula demortuarum partium, quæ spatio trium annorum abscesserunt.

De singularibus morientium maculis.

Occubuit nuper inter nostrates *Johannes Deutschmann*, civis optimus & vis probus, affinis & compater meus, annos tres supra sexaginta natus, marasmo consumptus, cui nono ante mortem die maculæ purpureo lividæ per totum corpus plurimæ erumpebant, & manus dextræ carpus cum metacarpio ad cubitum usque livido & ad nigredinem vergente colore totus tinctus apparebat: quæ omnia ad finem vitæ perdurabant, neque post mortem disparebant; qualia signa mihi, quantum memini, nunquam aut rarissimè in morbis chronicis ante mortem, nisi in scorbuto, aut febribus malignis pestilentialibusque: post mortem autem sapissimè observare licuit. Sed *Dr. Johannes Blümig*, gener meus, quinto die ante mortem in carpo sinistræ manus maculam livido purpuream rotundam cum radiis quibusdam in matre sua charissima se animadvertisse mihi narravit, quæ autem altera à morte die planè evanuit. Tales *Joh. Telemannus in Explanatione, Aphorif. Hippocr. p. m. 237.* maculas agonizantium appellat, indicesque mortis instantis vocat. Verùm ejusmodi macularum doctrina in libris Medicis parum adhuc exulta est. *Simonis Schultzei.*

De intolerabili totius corporis Pruritu.

Solus aliquando pruritus, inquit *Sennertus lib. 5. Pract. part. 3. Sect. 1. cap. 8.* homines vexat, & adeo molestus est, ut etiam Medici auxilium implorare cogat, raro autem curatur in senibus, præsertim decrepitis. Expertus hoc ante annum Senator Ratisbonensis, de Republ. quoad vixit, optimè meritis. Usu quoque id venit cognatæ meæ, aliquandiu non mediocriter excruciatæ. At quorsum attinet colligere exempla ferè quotidiana? Id potius curandum, ut ex adverso nobis consent observationes aliquando reparatorum. Unicum exemplum ex *Mercuriali* adducit prælaudatus autor. Huic jungemus nos obstetricem, octuaginta sex annorum, abstemiam vini pariter & cerevisiæ, quadratam tamen, viribusque isthac ætate satis adhuc constantem. Sensit primo horrorem cum stridore dentium conjunctum, quem hora post tantus excepit totius corporis pruritus, ut aliquot dies ac noctes nec somnum capere, nec cuiquam rei vacare potuerit. Creberrima vehementissimaque frictione pustulæ confertim excitatæ malum haut leviter exasperabant, cutemque paulo post usque adeo fœdabant, ut cum leprosa mihi rem esse prorsus suspicarer. Præscripsi morsulum purgantem (ab aliis enim formis dici non potest, quantopere abhorruit) quo sumpto quinquies deposuit alvum. Partes prurientes adpersæ aliquoties pulvere *glycyrrhizæ, ceruss. alb. ac myrrhæ*, ex quo notabile levamen

vamen caput. Propinata præterea sanguinem purificantia, quorum vehiculum erant, quibus ab ineunte ætate assueverat, lac & aqua. Utroque nullo non die se nimium quantum ingurgitabat, unde horrorem non raro excipiebat horror. Tandem præter spem universum corpus positis exuviis foedissimis, novam prorsus induit faciem; nullo post se relicto pruritu, vel dolore, vel denique deformitatis vestigio. Secunda adhuc usque utitur valetudine, nihil hoc morbo, ad obeunda consueta munia, segnior reddita. Numquid largior lactis potatio partem curationis sibi vindicare possit? haud inconsiderata est quaestio; notum enim ex historicis, apud Scythas lactis potatores nunquam ferè apparere lepram. *Joh. Petri Pruckelii.*

De scabie ex retentione mensium.

Non procul à Patria mea Fridlandia in Ditione Reverendissimi Abbatis Brunoviensis, in pago *Wernersdorff* dicto, Ancillæ anno 1657. fluxus menstruus subsistebat. Ex qua retentione primò tumor, deinde inflammatio utriusque Mammæ, in ulcera tandem desinens exoriebatur. Mater ex incantamento evenire judicavit, sed falso. Postea quolibet consueto mensium tempore scabiosa fuit reddita: Elapsis autem diebus fluxus consuetis, scabies orta, sine Medicamentorum ope, sua sponte decidebat. Molesta hæc cutis foeditas, quolibet mense redux, usque ad annum 1658. quo Curæ meæ committebatur, illam divexavit. Evacuato prius benè corpore, nec intermissis totam massam sanguineam repurgantibus & emendantibus, venam Salvatellam bis secundam ordinavi, postea & utramque Saphenam, porrectis simul Medicamentis menstrua expellentibus. Virgo à foeda scabie, & ignominia luis venereæ, qua vicini illam infectam judicabant, restitutis mensibus, ordinarièque fluentibus, Deo benedicente, fuit liberata. *Melchior Fribe.*

Scabiei intempestiva & empirica curatio periculosa.

Juris quidam Studiosus, Berenburgo-Anhaltinus, Lugduni Batavorum vivens, Anno millesimo sexcentesimo quadagesimo nono, sub finem ætatis, & principium Autumni sicca scabie corripitur, cui fortasse ex parte occasionem dedit mutatio aeris; eo ipso enim anno præterito vere Witteberga se Hollandiam contulerat: hæc cum ipsi nimis molesta esset, tum à me, tum ab aliis Medicinæ Studiosis convictoribus suis (qui erant *M. Hayrio Rigius* Hamburgensis, *Nicolaus Witte*, *Riga Livonius*, *Tobias Scholtz* Thoruniensis Prussus, *Sebastianus Meier* Lubecensis) pro ea abigenda consilium petiit. Ego (utpote ipsi admodum familiaris) corpus ejus Caco-chymicum, falsis & serosis humoribus scatens, considerans, suasi ei, ut primò Diætæ rationem haberet; & tam cibo, quam potu moderato bonique succi uteretur: secundo, medicamentis idoneis Caco-chymiam expurgaret: tertio, falsos & adustos humores per habitum corporis expelleret, & quarto, si tribus hisce præmissis scabies haut evanesceret, externa quadam adhiberet. Ille verò licet quoad primum, Diætam

parum curaret, me tamen ut juxta secundum scopum purgans aliquod præscriberem, sollicitavit. Itaque diversis vicibus purgantibus Medicamentis usus est, operatione semper benè succedente. Elapsis iterum aliquot septimanis, juxta tertium scopum sudorificum Medicamentum à me exigebat: quod ipsi etiam bis præscripsi, non sine successu. Interea dum his utebatur, me inscio; suasu cujusdam *Empyrici*, abluerat externè corpus *Aqua* quadam cujus compositionem, ut ex eo intellexi, *Mercurius* ingrediebatur, tum etiam *cingulo*, cui idem *Mercurius crudus insutus* erat, medium corpus nudum cinxerat, atque ita brevi tempore, scabies evanuit, humoribus scilicet ad extra se moventibus, intro pulsus, sed, ut ego prædixeram, facili occasione gravius aliquod malum corpori illaturis. Cum itaque studiosus hic, elapsis paucis septimanis, jam nihil mali metueret, & decima nona atque vigesima Januarii anni millesimi sexcentissimi quinquagesimi vino Gallico se nimium ingurgitaret, insimulque inter tumultus nocturnos inter Studiosos & vigiles civitatis exortos, corpus nimio motu exerceret, die vigesima prima Januarii manè è lecto surgere volens, gravissimum dolorem circa os pubis percepit, ita nec rectè incedere, nec stare posset: Circa noctem febre correptus, & sopore quodam obrutus est, quibus vigesima secunda Jan. perseverantibus, Dn. *Elemannum* tum temporis Practicum Leidensem ad se venire rogat: cui advenienti rem omnem retulit: *cingulum* etiam illud *Mercuriale* (quo ille tanquam Præservativo contra scabiem utebatur) corpori alligatum monstravit; Eo abjecto varia ipsi prædictus Medicus præscripsit Medicamenta purgantia & sudorifera, donec febre post aliquot dies cessante, tumor durus cum magno dolore circa os pubis inguina occuparet, qui vesicæ urinariæ collum comprimendo, urinæ liberum exitum impediret. Tumoris hujus causa Chirurgus vocatus est, qui Emplastra, primum Diachylon, dein Oxycroceon & alia applicavit, quorum ope ad decimam quartam Februarii dolore paulatim cessante, viribus quoque restitutis, melius incedere cœpit, tumor quoque sensim resolutus evanuit. Huic serè similem casum recenset *Greg. Horstius Part. prior. observ. singul. lib. 2. observ. 10. p. m. 103.* qui ibidem videatur. Tandem sanitati planè restitutus, sub finem Anni mecum Angliam visitavit, & facietum viæ comitem se præbuit.

Scholion.] *Mercuriale cingulum* importunè adhibitum multoties maxima damna attulisse exemplis confirmant *Oberndorf. in Apolog. Medic. Chym. Pract. p. 30. Ruland. in Alexica. Chymiair. p. 44.* Idem unguentum *Mercuriale* colli distortionem. *Thoma Bart. cent. 4. hist. 48.* in Arthritico summos dolores & initium gangrænæ *Hildan. c. 4. obs. 82.* *Spania Ferd. Ponzetta l. 2. de venen. c. 21.* Epilepsiam. *Heurn. de aff. capit. c. 23.* mandibulæ casum *Angel. Sala in Planet. pagyr. p. 204. 9. 3.* & mortem repentinam intulit *Zacut. l. 3. Prax. Adm. observ. 50. & 85.* De aliis nocumentis ex Mercuriali illitione *Unzer. tract. de Mercur. l. 1. c. 16. p. 108.* Cum ipsemet Argentorati Anno 1649. viverem in convictu Excell. Dn. D. *Joh. Alberti Sebizzi* Avo & Patri in Professione & Physicatu Successoris dignissimi, retulit foeminam quandam scabie laborantem

Mercuriali cingulo adhibito tam enormem Linguae umorem expertam fuisse, ut ea extra fauces plurimum protensa, cum metu gangrænae, post aliquot dies vix magna ipsius cura & studio imminui & iustæ quantitati reddi potuerit:

Ex scabie suppressa febrem continuam, cœcitatem & Epilepsiam productam *Sennertus* Paralipom. pag. 157. Quartanam p. 176. & Ictericum *Camerarius* mem. 10. §. 65. memorant. *Simonis Schultzii*.

De Contagiosa cutis fœditate ex accubitu.

Anno 1661. Landishuttæ in Silesia virgo quatuordecim annorum cum dimidio, Curæ meæ se submittebat, quæ alias, quoad formam & nitorem, fuerat elegantissima. Hæc cum ancilla impura per noctem in uno lecto dormierat, inscia illam esse impuram, ea nocte magnam sibi, solo accubitu, attraxerat fœditatem. Eruperant ab initio in cute pustula rubræ, quæ successu temporis in squammas fuerunt commutatae, & postea in eam accreverunt densitatem, ut fermè dimidium transversum digitum æquaret, quod faciliè creditur, quia Chirurgus, cum meo iussu, præviis evacuationibus, venæsectionem tentasset, cum phlebotomo non cutem, multo minus venam attingere potuit. Curam internam quod attinet, dedi ab initio Mercurii dulcis grana xvi. Diagrydii ὄβ. in vehiculo conveniente. Purgante hoc sumpto *ἀκὺς* & *κρίττις* multa mucosa & biliosa excernebat. Reiterabatur hoc purgationis genus, semper cum euphoria. Purgato probè corpore, quia paupercula erat, ad externa progrediebamur. Internè manè ad sudoris elicium præsto erat Decoctum Lignorum. Externè cubitum itura illinebat cutem Linimento sequente:

℥. Unguent. rosat. ḡvi. Vitriol. albi (*Gallitzenstein*) ḡvi. M. pro Litu. Quibus adhibitis, & ad necessitatem reiteratis ad quatuordecim dies & ultra, quolibet diluculo Mater Patientis duos manipulos integros squammarum è lecto facili negotio colligebat. Apparuit tandem, profligatis squammis, cutis rubra & quasi renata, dolens tamen, quapropter à Litu superiori abstinere duxi consultum, & illius loco balneum dulce simulque cutem mundificans adhibui, sicque Deo benedicente, parcioribus sumptibus miseram gratis in integrum restitutam reliqui. De hac cutis fœditate non multum disputabo, utrum Lepra, aut Elephantiasis sit dicenda Lepra fuit, sed ut species sub genere, quia squammosa fuit: Elephantiasis verò, quia *Jonstonus* *Id. Univers. Medic. lib. 6. cap. 9. pag. m. 289.* sub hac tanquam genere, varias comprehendit species, nimirum Leontiasin, Satyriasin & Lepram, asseritque has species esse tumorem totius Corporis cancrösolum ex atra bile, venenata qualitate infecta, & in totum Corporis habitum effusa, exortum, multaque Symptomata inferentem. Sed quoniam Autor nominatus quatuor species capite eodem pag. 290. constituit, & eam, in qua albedo, squammæ & furfures apparent, Elephantiasin Tyriam, à serpente squammoso Tyro, Vere spoliū exuente, vocat, jure meritoque & hanc à me curatam cutis fœditatem Lepram sive Elephantiasin Tyriam fuisse autumno.

Vermes in Scabie animadversi.

In scabie videntur vermes, *Borellus* obs. 32.

In Scabie Venerea vermes limacum instar tantæ fœcunditatis vidit *Kircher*, ut intra dimidiam horam ad 50. alios similes sibi partus effuderit. *lib. 12. mundi subterr. s. 1. c. 10.* Ex *Messi* observ. Microscopic. *Melchior. Fribe.*

De scabie epidemica felium.

Eleganter *Homerus* *lib. 1. Iliad.* pestilentiam refert à pecudibus esse inchoatam: quando morbus, antequam in homines posset irrepere, facilius captis pecudibus incubuit, ceu loquitur *Macrobius* *lib. 7. Saturn. cap. 5. pag. 520.* Prout enim aër impurius hujus vel illius animalis speciei temperamento est contrarius, ita unum sæpè epidemicis tentatur & perit morbis, alterum sine ulla contagionis lue servatur incolume, unde non rarò observata est pestis ovium, boum, anserum, canum, &c. Neque verò ob Temperamenti solum dispositionem seu *idiosyncrasiam*, talis-modi animalia bruta corripit lues; sed etiam, veluti elegantissime *Eustachius Comment. in lib. 1. Iliad. pag. m. 31.* scribit, *διὰ τὸ ἐν τῷ αἵματι εἶναι τὴν πρωτόπαυσιν αἰρᾶς, ἣ ἐν τοῖς μεταλαμβάνουσιν αὐτῇ τῇ κατὰ τὸν γλῶττινός, quod propiores quasi sint primum affecto aëri, illumque citius pronò ad terram nutu hauriant.*

Pertinet huc Scabies Epidemica felium, quæ à duobus annis in Westphalia, aliquot millarium spatio adeo grassata est, ut nulla prope modum felis manserit superstes. Scabie caput oppletur, inprimis verò aures penitus crutis quibusdam obducuntur, oculi quasi cute videntur obduci, quamvis adhuc videant, donec tabo quodam diffuant, & hinc moriuntur. Perpetuus urget ipsas sopor, & non aliter dormiunt, quàm si illam de somni encomiis audivissent Orationem, unde vix ad epulas veniunt. Ultra caput & collum non progressa fuit scabies. Nulla ferè domus, in qua non fuerint hoc malo correptæ, & nisi fallit conjectura, videri poterat generatione quoque communicatum, præter communem aëris usum, quippe eas quoque occupavit, quæ sine ullo cum aliis commercio accuratè fuerunt custoditæ, ne vi contagii corriperebantur. Putantur quædam curatæ pinguedine balneæ, in plurimis verò Medicina non valuit, paucæque evasere. Testem hujus rei oculatum nomino Dn. M. Joh. Prætorium, Gymnasii Susarenfis Directorem, amicum longè carissimum, qui illud ad me perscripsit 1671. Mense Nòvembri. *Georg. Wolfg. Wedelii in Misc. Curios.*

De Morphaa Nigra.

Si quis cutim humanam Nosodochium seu receptaculum omnium morborum dixerit, ne ille brevi multa eaque verissima exprimet. Qualis enim in corpore intus delitescit morbus talis efflorescit in cute. Hinc squalet in *Hedica*, æstuat in *Febribus*, flavescit in *Idlero*, pallet in *Cachexia*, tumet in *Hydrope*, deformatur variis maculis in *Scorbuto*. Nec satis est aliarum partium in se suscepisse atque notasse vitia, suos proprios insuper patitur manes & innumeris detur-

turpatur modis. Quis enim omnes ejus defædationes, impetigines, vitiliginis, lichenis, variolas, papulas, maculas & sexcenta alia enumeret exanthemata? Inter quæ non extremum locum occupat species illa vitiliginis, quæ *Morphea nigra* dicitur, affectus primo aspectu magis terribilis quam periculosus, apud nos satis rarus, à me nunquam adhuc observatus, nisi hoc præterlapso anno binis vicibus. Nam circa initium Januarii cum *Dn. D. Schilpachero* collega meo honoratissimo, accessi puellam quandam trium annorum ex morbillis convalescentem. Huic tota cutis una nocte maculis nigris confersa, sine calore aut dolore. Dubitavi ad quoddam exanthematum genus referrem, extra periculum tamen constitutam puellam videns, suasi si forte quid scorbutici subesset, ut *Mixt. simpl. cum spir. cochl. & syr. de fumar.* ad aliquot dies propinetur, quo facto brevi omnes evanuerunt. Circa medium Augustum eadem iterum observandæ venerunt maculæ in filiola trienni Chirurgi nostri *Alexandri Schele*. Laboraverat illa prius dysenteria, epidemialiter tum temporis apud nos grassante, sat pertinaci, inde autem convaluit: post aliquot septimanas, cum bene de nocte quievisset, mane expergefacta toto corpore maculis nigris defædata reperitur. Vocatus à terrefactis Parentibus, agnovi statim morbum, priori penitus similem, nec dubitavi amplius *Morphea nigra* nomine hæcce insignire jam melius à me considerata exanthemata, quia exacte conveniebant omnia cum descriptione, quam habet *Joan. Tagault. lib. 1. Inst. Chirurg. cap. 2. & Cels. lib. 5. cap. ult.* Nulla quippe aderat cutis vel exasperatio, vel exulceratio, sed superficies tantum ejusdem maculis nigerrimis guttatim quasi aut squamulatim sine inæqualitate defædata, aberat calor, dolor, pruritus omnis, unguibus asperius aut acu etiam punctim tractatæ sanguinem fundebant, quod pro signo habet *Cels. d. 1.* Puella cum ad interna medicamenta sumenda valde fuisset refractaria, neglectis etiam externis, quæ varia describit & commendat *Aëtius Tetr. 3. Sermon. 1. c. 132.* brevi iis liberata, non multo post tamen in variolas incidit, unde jam jam convalescens importuna balneatione, ad nitorem corpori conciliandum, recidivam passa obiit. Recordor sæpius me vidisse maculas cum variolis erumpentes hæc simillimas, semperque funestas, quas ex communi sententia pro Petechiis nigris habui, illas tamen extra variolas in multis aliis Petechiis laborantibus nunquam inveni, forte idem est affectus, nisi quod quandoque cum malignitate conjunctus perniciosior. *Caroli Raygeri in Miscell. Curios.*

De dorsi ineffabili pruritu.

Nuper percurrenti aureas nostræ naturæ Curiosorum Ephemerides, mihi oblata est *Dn. Andrea Cnaffelii* observatio oppido rara, de Pruritu Dorsi ineffabili; quæ in memoriam revocavit similem dorsi pruritus in Generosissimo & Strenuissimo quodam Domino in Ducatu Mecklenburgensi; Ille Generosissimus Dominus mihi non semel confessus est, quomodo olim & adhuc dorsi pruritus tam vehemens illum divedet, ut sæpius equo descendere, & dorsum fa-

muli unguibus subjicere, strenue illud fricare, coactus fuerit, & si pruritus ille ingruit, nihil ipsum placare vel demulcere valet, quam si expertus sit aliquandiu unguum rasuram: erat hic nobilis (parco nomini) ex nobilissima & antiquissima *dr Bulovv.* prolapia, cujus filiorum informationi eram præfectus, inque hujus pruritus ætiologiam alii me doctiores inquirant, malo quippe hic alios audire, quam proprium judicium subnectere.

Scholium.) Causa hujus pruritus molestissimi non alia videtur fuisse, quam serum particulis multis acribus terrestrioribus vel fixioribus acuatam in glandulis cutaneis à massa sanguinea separatum, quod transpiratione alias in statu naturali sensim & insensibiliter exhalare solitum, hic tenuiorem tantum partem dissipari permittens, crassiorum in ipsis tubulis excretoriis stagnationem, & consequenter earundem, majore blandiorum & attemperantium divaporatione subinde facta, concentrationem sensim procuravit, quæ ita ferociore reddita acredine sua nervosas cutis partes pungendo & vellicando molestum illum pruritus sensum induxerunt; usque dum forti fricatione spiritus majori numero allecti non poros tantum magis dilataverint, sicque crassioribus istis excrementis exitum faciliorem concesserint, sed etiam una hæc attenuaverint, atque promptiorem ad divaporationem deduxerint. Hinc quoque maximum illum dorsi pruritus à *Celeb. D. Cnoffelio* descriptum sustulit tum *Antimonii diaphoretici* & *Bezoardici mineralis* internus usus, quæ vitiosi seri particulas acres absorbendo, atque ita quasi volatilizando liberiores transpirationem effecerunt, tum & *Mercurii sublimati* in aqua soluti externa applicatio, qui activis suis particulis in poros penetrans serum in cute retinens & coagulatum liquando ac dulcificando vim suam exseruit. Unde non minus curam à *Petr. Borello* (cent. 4. hist. 36.) tentatam prospere successisse credi potest, qui pruritus ibi descriptum ab humoribus biliosis & acribus procedere autumans, vini usu interdicto, quæ ad bilis, & ita acriorum una humorum evacuationem facerent, juxta cum pituita aperiente & victu incrassante, rebus utpote ad seri contemperationem facientibus, ordinaverat, Nec immerito in exemplo à se prolato *Nob. D. Pruckelii* Ann. 9. Eph. Nat. Cur. obs. II. lactis potui non ultimam curæ feliciter peractæ causam assignaverat. *Joann. Ludov. Hannemanni.*

De Dorsi ineffabili Pruritu ex Obstructione menstrui.

Fœmina quædam annorum triginta sex patiebatur mensium obstructionem, compressione thoracis, gravitatem anhelitus & inappetentiam cibi, cum eruptione macularum, quas vulgo vocant *Leberflecken*. Post sex fere septimanas, ut referebat, insignis & horrendus sequebatur dorsi circa scapulas, & ad costas usque spurias se extendens pruritus. Omnia vestimenta debebant dilacerari & crudelitas unguum magna atrocitate in propriam carnem sæviebat, nec poterat satiari sanguine, donec largiter fluebat, quod unicum erat dimidiæ horæ levamen. Obduratus sanguis novæ pruri-

ginis prodromus existerat. Non enim tam cito sanguis erat incrustatus, cum jam manus ad pristinam sanitatem se armarent, misero neque satis lacrymis deplorando spectaculo.

Applicatis medicamentis primo internis solventibus, evacuatione facta generali, sequente phlebotomia in pedibus, nihil levaminis sensit patiens. Deinde externis, Unguentum enim nutritum absque fructu tribus diebus applicabatur; Nitrum fixum in aëre solutum pro salis volatilis corrosivi præcipitatione paucula quantitate aquæ spermatis ranarum commixtum, noluit obsecundare voto medentis.

Tandem cum Antimonii diaphoretic. gr. xv. & bezoard. mineral. gr. viii. cum vino interne, sapius assumptis ad diaphoresin redacta, & aqua Mercuriali exterius sapius illita esset, cessit pruritus, cutisque, quæ deinde Emplastro de Minio consolidabatur, renascebatur & agra D. A. evasit sana.

Aqua Mercurialis taliter preparatur.

℥. Mercur. Sublim. 3j. affunde aquæ ℥vj. Coque per horæ quadrantem, ut ebulliat, Servetur pro usu. Præsentissimum alias remedium ad guttam Rosaceam Paracelsi.

Quod autem hoc loco admiratione dignum, erat urina tremula vel saltans. Nam urina recens è corpore excreta statim ebullire, & per sex fere horas semper moveri conspiciebatur cum gravi fœtore, successu temporis etiam per integrum diem talis motus continuabat, inexistentis contrarii salis sufficiens index. Quæ tamen omnia ulterius pensitanda, doctissimorum & experientissimorum Virorum judicio, relinquenda duo. *Andr. Cnoëffellii.*

Herpes miliaris in capite.

Puellus septennis, temperamenti calidi & humidi, corpore gracilis, gestu agilis, facie ac ingenio liberalis, bimestris quondam infans variolis laboraverat, exactis illis, achores subsecuti per septimanas aliquot puelli caput affligerant, posthinc ille usque modo nullo fere morbo infestatus fuit. At Anno Christi. 1672. Ratisbonæ sub fine Octobris incipiebat queritari de pruritu sub capillitio, ac brevi momento post frictionem & lavationem capillorum sensit levem & obtusum dolorem capitis, quem mox insequiebantur in vertice ad spatium circiter semithaleri pustulæ albidæ parvæ, milii seminis magnitudine, sine omni terè humiditate, siccæ, cum paucula, & vix sensibili intumescencia, sed quum malo interea nullum remedium adhibebatur, quod pro levi ac puerili affectu haberetur, temporis progressu, in tantum adactum fuit, ut à dicto verticis spatio, ubi maliradix certè latuit, se dilatans majorem partem capillitii, veluti Ophiæ serpentum more perserperet. Post iteratam capillorum lotionem pustulæ illæ siccæ granulorum instar decidebant, locus rubescebat cum paucis subtus calore; sine omni tamen dolore, & triduo post granulosa illa exanthemata semper redierunt, citra omnem aliam corporis internam vel externam affectionem, & isthuc ubi malum serpsit, pili, quia alias coloris spadicei, parum albescentes, tanquam ad radicem usque desiliebant, atque locus quidem affectus conspiciebatur planè sa-

natus, malo tamen alia semper loca novo variatim cursu petente; puellus interim in suis actionibus vividus, juveniliter exultans, ac animo liberali degebat, præter nunc, cum nescio ex quorum intempestivo augurio, malum periculolum & lethale fore percepisset, hoc nonnunquam animo revolvens, moestus incederet. Multi etenim putarunt sub malo hoc gravius quid latere, metuentes ne subtus cutem erosiones simul cranii subsequantur, atque cerebri meningis ipsamet, cum vitæ periculo exederentur. Præsertim cum nobilissimi Parentes Anno 1671. mense Julio circa festum D. Jacobi filiam ætatis undecimo ac dimidio, non orbis tunc graviter decumbentem & denotum in h. bruisent, quæ per biennium ante hujusmodi capitis affectu, herpete scilicet, infestata fuerit, cum prius affectus hic post multas catarrhicas fluxiones, & ingentem odontalgiam initium sumpserit, tamen absque ulla superioris capitis sensibilitate dolorifica, ceterique corporis ægritudine notabili, ut & Medicus loci ordinarius, cum eam morbillis laborantem visitabat, de hac capitis affectione, ejusque prognosi, ac curatione simul requisitus, responderet, affectum hunc nihil periculi habere levem & infantilem saltem morbum esse, itemque facile profligari, aut temporis progressu sponte evanescere. Chirurgus verò quidam arte sua & scientia non incelebris quoque accersitus, inspecto ac contrectato loco morbo, statim prælagierat puellam brevi morituram, referens, se talem agrum aliquando vidisse, nec eum diu supervixisse. Quod & hic factum; namque agra sub medio morbillorum affligentium statur, semper alioquin hilaris pro more consueto, & morbillos facile ferens, subito de insigni cephalalgia queritans, intra paucas horas mortem obierat, & post obitum spatium illud in vertice morbosum cum mollitie quadam denigratum & sphacelatum erat inventum, itemque per nares purulenta & fœtida materia profluxerat, non absque suspitione ulceris sub cranio latentis. Proinde Parentes eundem eventum in filio metuentes, continuum ac prognosticum à me, diversisque aliis Medicis anxie petierunt. *Joan. Helwigii.*

Scholium Helwigianum] Herpes est affectio p. n. quæ & Serpigo dicitur à Serpendo, quod anguinem more serpente videtur, & quod una parte sanescente, morbus in proxima parte serpit, ortum habens à bile flava excrementitia, sincera, subtiliori, acri vel exurente, quæ sensim, nulloque fluxionis impetu è venis expurgata, tenuitate sua omnes corporis partes, præcipue carnosas transgreditur, usque densiorem cutem attingat, in qua tandem decumbit, & detinetur, illamque densitatem cutis exurit, (unde etiam inter inflammationis species refertur) & aliquando pustulas milii semini similes excitat, quæ aridæ è ruptis pauca, vel nulla materia effluit. Galenus lib. de tumor. p. n. non inconcinne censet, bilem hanc pituitæ quid admixtum habere. Herpetis autem species Peccetius lib. i. oper. Chirurg. cap. 15. cum Barth. Castello in Lexico med. dinumerat tres: primam, quæ solum serpendo cutem superficie tenus saltem exurit, ac simplex dicitur; alteram miliarem à similitudine, quia in cutis seu cuticulæ superficie pustulæ semini milii similes excitantur: has duas

duas, puto, secundum magis & minus tantum inter se differre. Tertia herpetis species Græcis *ἰσχυρὸς*, sive fera dicitur, ex crassiore bile orta, totam cutem exulcerare solet, ad suppositam carnem usque. Secunda specie, miliaris scilicet, affectum fuisse puellum nostrum, ocularis inspectio testabatur: tertiam verò observavi infestasse Emin. Arch. S. G. C. de T. qui anno 1671. Ratisbonæ affectu hoc afflictus, & Medici convocati ob mali vehementiam & contumaciam valde defatigabantur; fuerat iste à natura temperamenti biliosi, calidi, & sicci. Videatur etiam de curatione hujus mali, cum aliis authoribus *Anth. Saporita tract. de tumor. p. n. l. 2. cap. 7. & 8.*

Additamentum Schrockii.

Quod Latinis Serpigo, & serpendo, id Græcis *ἑρπης* dicitur ab *ἑρπειν*, quod serpere itidem vel repere ipsis denotat. Licet diversos ex duplici hoc nomine morbos quidam sibi fingant, cujus specimen videre est apud *Guil. Ballonium lib. 2. conf. Medicin. 28.* de diro herpete cum serpigine brachii sinistri consultantem. Hujus, ut Auctor etiam noster monet, diversæ sunt species, quarum una miliaris, Græcis *μυροειδής*, i. e. milio similis adpellatur, & communiter à bilioso humore, cum aliqua pituitæ parte commixto, ortum habere statuitur; quam permixtionem in hoc præcipue puelli herpete contigisse, dicendum erit, cum doloris absentia pituitam copiosam inspidam bili conjunctam, ejusque acrimoniam, dolores excitaturam, temperantem abunde testetur. Serum autem sanguinis hic accusandum sæpius esse, arbitratur *Paulus Barbetie* part. 2. Chirurg. lib. 1. cap. 8. *ductus enim lymphæ*, inquiens, *mali constituti mutationes in corpore humano produciunt, antea ignotas.* Et certe, paulò strictius si naturam sequi velimus, potiores hic serum ludere partes, fateri necessum est, cujus acredinem à sale in eo vitiatum, & a core hostili imprægnato, dolorificum inducere sensum, nec non lentorem pustularum generationi perquam ad commodum, nemo est qui negare queat; quod si sal istud bilem, & serum crassius pituitam, ad Veterum mentem quis nominet, idem dicturus est. Quæ vero ratione lymphæ ductus mutationem hanc in corpore producere queant, paucis disquirendum. Conspiciuntur quidem vasa illa seriflua, liquorem suum à circumferentia ad centrum vehentia, si quid hic conferant, vix alio modo, quam ubi obstructionem patiuntur, quod vel ab ipso sero crassiore fieri posset, id præstarent, ita ut lymphæ per meatus istos versus cor reditura, in eos non recipiatur, & sic restagnans ad cutis potius circumferentiam feratur. Istos tamen lymphæ ductus, sive sudoris vasa excretoria, quæ juxta cum glandulis densissime in cute esse consita, superius Schol. ad Observat. 22. ex *Willisio* monui, excretioni huic morbosæ potissimum inservire credibile est, non alia tamen ratione, quam ut canales tantum sint, per quos ichor iste præternaturalis, in glandulis separatus, ad exteriorem cutis ambitum evacuari queat. Quæ quidem excretio modò universalis est, qualem adfectum, quem ad herpetem referunt, ex *Hieron. Reusnero, Georg. Hier. Welschius in Syllog. ob-*

serv. num. 22. nec non *Exc. D. D. Simon Schulzius* *Ephem. Germ. cur. Ann. 3. obs. 5.* describunt; modò particularis, caput, ceu in præsentī Auctoris Casu, artus superiores, inferiores, aliasve partes occupans; *Sacer ignis fit maxime in pectore, aut lateribus, aut eminentibus partibus, præcipueque in plantis*, ut habet *Celsus lib. 5. de re med. cap. 28.* Curationem non multum ab Erysipelatis recedere, communiter judicant; in quo autem differant, à Galeno lib. 2. de arte cur. ad Glauc. c. 2. docetur; Specialem si quis desiderat, præter alios, ordine expositam inveniet apud *Bald. Timæum cas. medic. lib. 6. cap. 10.* Consilium etiam in herpete capitis apud *Rein. Solenandrum* occurrit lib. 2. conf. 2. Externa inter præsidia, saliva quoque hominis jejuni & sani illita, à plurimis commendatur, qua multum sæpe effecti *Barbette* testatur, & utilissimam vocat *Cl. D. Frider. Hoffmannus* *Clav. pharm. Schröder. lib. 5. sect. 1. §. 23.* Scilicet, quod agnoscit *Exc. D. D. Otto Lachenius* cap. 16. *Hippocr. chim.* Latens in eo alcali, acido isti morbofo contrarium, vim ipsius pungentem infringit atque absorbet, vel si acidi quid, ut aliis placet, natura ejus unà continet, abstergendo etiam utilitatem præstare potest; velut ipsum rorem fenestrarum, ex halitu humano concentrato collectum, serpiginebus, ratione salis in eo delitescens, abstergendo, mederi, Venerandus *D. Simon Pauli* *παρεμβ. de febr. malign. §. 43.* auctor est. Unde etiam salivam tumores, ob subtilem suam & attenuantem naturam discutere *Corn. ab Hogelande*, notis ad histor. *Oecon. animal. p. 73.* judicaverat.

Herpes in pectore exedens.

Eminentissimus *C. S. G. C. de T.* temperamenti calidi & sicci, assuetus diætæ liberaliori & vino generoso, ac iracundia facile percitus, cum Anno 1662. sub initio veris sentiret molestiam circa pectus cum calore quodam præternaturali, infestatus pruritu exurente, ac pustulis parvis cum cutis inflammatione & exulceratione dolorifica valde, à sero bilioso acri, impatiens & ægerrimè ferens malum hoc, convocatis duobus Medicis, sed non ad gustum atque placitum ei servientibus, postulari jubet *Monachio Archiatrum Electoris Bavarici* supremum, qui severe injuncta diætā decente, alternatis per epicrasin cholagogicis ac bilis fervorem infringentibus, simulque externè adhibitis emplasticis & epuloticis, feliciter pristinae sanitati restituit. *Joann. Helwigii.*

De Puella Herpete miliari laborante curata.

Elisabetha, *Joannis Goldneri* Consulis *Thorunensis* cognati mei jam piè defuncti, minor natu relicta filiola, annos tredecim nata, Herpete Miliari correpta, per aliquot septimanas malè habuit. Ego ad ipsam Anno 1670. 24. Novembris vocatus, offendi pustulis exiguis per summam totius corporis cutem, excepta facie, veluti ex densione misere defœdatam: quæ tamen è collatione signorum omnium à tenui & minus acri humore oriebantur: nam in sola superficie cutis: milii seminibus similes apparebant pustulæ levi cum pruritu, ob quam similitudinem

tudinem affectus hic Latinis *Miliaris Herpes* nominatur: Græcis verò quibusdam post Hippocratis ætatem *κνίστις* ob eandem rationem dictus est: *κνίς* enim Græcis, Milium nobis dicitur: Atque hæc species Galeno Autore lib. 2. ad Glauconem Hippocrati generis sortitur appellationem, cum simpliciter & sine additione illi Herpes vocatur. Alibi tamen Herpetis nomine Galenus Herpetem Æthiomenum, id est, exedentem intelligit: Hic autem non protinus ulcus facit, ut alter, qui excedens dicitur, sed admodum exiguas pustulas ad speciem Milii, quæ & ipsæ, interposito spatio, ac procedente tempore, cum disrumpuntur, in ulcus abeunt: quod tamen in Herpete Miliari rarò accidere solet. Quia verò Puella hæc teneræ constitutionis erat, & Medicamenta non adeò grati saporis valde averfabatur, præscripsi ei sequentiâ alterantia, quibus sine nausea utebatur.

℞. Syr. de endiv. sem. Cichor. nymphææ an. ʒ ij. m. de quibus quotidie manè & meridie H. 4. unum cochlear cum haustu cerevisiæ albæ calidæ: cubitum autem itura de sequenti Condito ad quantitatem nucis juglandis assumebat.

℞. Conser. rad. cich. ʒ ij. flor. Nymphææ, Viol. an. ʒ vj. Lap. cryst. mont. præp. ʒ ij. c. f. q. Syr. rubi idæi f. l. art. conditum. Die 29. Novemb. istum Syrupum laxativum ordinavi.

℞. Syr. Diafer. Andern. ʒ vj. Pulv. rad. Jallapp. ʒ j. Crem. Tart. ʒ β. Aqu. Cinnamomi cord. ʒ ij. M. post cujus usum purgatio aliquoties subsequuta. Die 1. Decemb. alterans.

℞. Syr. de endiv. f. de duab. radic. an. ʒ i β. quem pro tribus vicibus cum haustu cerevisiæ calidæ ebibebat. Die 3. Decemb. bolum laxativum deglutiebat.

℞. Elect. laxat. Extr. fol. Senn. nostr. ʒ v. cum Saccharo, Canar. f. l. art. bolus pro una dosi. Hisce ita præmissis sequentia ordinata sunt die 5. Decembr.

℞. Rad. Chinæ pond. non lign. in taleol. sect. Salsæ paril. an. ʒ vj. Salsaf. ʒ ij. Santal. Citr. ʒ ij. Infunde per horas 18. in aqu. font. ʒ i β. cal. tum l. art. decoque in M. B. sub finem decoctionis adde Cinnamomi el. ʒ iij. liquirit. rasæ ʒ j. Colaturam per residentiam optimè depuratam serva pro usu. Hujus decocti sexies parati quotidie manè & à meridie h. 4. Uncias duas cum Syr. acet. Citri ʒ β. consumeat, subsequente sudore. Die 17. Decembr. Balneum artificiale hoc paratum est.

℞. Rad. Scrophul. Lapatii, Herb. lapp. maj. & min. lent. palustr. plantag. Fl. Chamœm. meliloti an. m ij. Herb. fumar. m j. Sulph. vivi, Alum. rochæ an. ʒ β. Incisa crassiusculè d. ad Chartam pro Balneo. Die 19. Decembr. Isthæc inunctio instituta est.

℞. Rad. Lapath. maj. Emul. an. ʒ j. contusa coq; in f. q. aceti ad formam cataplasmatidis, trajectis per setaceum adde Sulph. pulv. ʒ i β. Alumin. ʒ β. Cretæ pulv. ʒ ij. Butyri non saliti Ung. rosat. Mes. an. ʒ x. Cera albæ parum, f. l. art. Linimentum: quo post balneum corpus calidè inungebatur. Inunctionem, quam Valescus de Taranta cap. proprio de curatione formicæ miliaris ex lana ovis succida corresecta & pulverisata, atque cum aqu. rosar. in pollinem redacta, hoc in affectu instar arcani commendat, puella ferre non poterat: Siquidem post hujus

inunctionem de summo dolore conquerebatur. Ab istorum usu puella per Dei gratiam melius habere cœpit: Nihilominus tamen partim ad reliquias humoris vitiosi exturbandas Electuarii Laxativi nostri ʒ β. partim Epatis corroborandi & refrigerandi gratia tale conditum præscripsimus.

℞. Conserv. rad. cichor. rosar. an. ʒ i β. fl. Cichor. cort. Citri. cond. an. ʒ β. Spec. Diamarg. fr. ʒ β. c. f. q. Syr. de endiv. S. F. l. art. conditum. Atque sic pustulis in totum evanescentibus, puella pristinae sanitati restituta jam optime valet. *Simon. Schultzii.*

De Herpete brachii lethali.

Nobilis quidam senex conquestus est aliquoties de pruritu in summo capitis vertice molestissimo. Incidit in febrim malignam cum horrore maximo. Propinantur bezoardica, intumescit collum, erysipelatode tumore descendente ad brachium cum vehementissimo calore & dolore, apparentibus vesicis ichore mordacissimo plenissimis, Pergimus in usu roborantium & bezoardicorum; Brachio repellentia nulla, sed extrahentia apponimus. At vires sensim decrescunt, ægerque post aliquot dies & ætate & morbo fractus & devictus ad alteram beatam vitam avocatur.

Scholium) Crisis fuit imperfecta, etsi enim pars aliqua malignæ & corruptæ materiæ per herpetis excitationem excreta, tamen reliquæ adhuc sufficientes fuere ad suffocandos & extinguendos ætate exhaustos spiritus vitales. Calido enim nativo exhausto, naturæ quoque vires languent, ita ut in expellendo, etsi excitata & stimolata, tamen segnis evadat. De crisis & earum causis hic agendum esset, sed cum ipse *Galenus l. 3. cap. 10.* Deos immortales invocet, se invitum de iis scripsisse, & in hisce propositis angustiis quoque impossibile sit, aliquid lectione dignum proferre, de iis hoc loco scribere supersedeo. *Daniel Wincleri.*

Pro Impetigine & Serpigine.

Duo filii mei patiebantur diu in brachiis ventre, ac cruribus feras, tristes atque flebiles impetigines, quas manè & vespere juxta ignem illinebam oleo sulphuris: quo intra paucos dies dolor, pruritus, omnisque infectio submota est, nec unquam postea recruduit. *Martinus Rulandus. curat. 83. cent. 1.*

Vir quidam in facie & cruribus impetigine laborans, post universalia remedia, curatus fuit hoc lavamento.

℞. Malv. cum toto, fol. salicis heder. arbor. & lappæ: an. M. j. coq. in vino. Laventur eo crura, & apponatur fol. lappæ; ad idem valet & fol. hederæ appositum: sed & hoc commodè usus est, & ego in aliis quam plurimis expertus sum.

℞. Fol. salic. heder. arbor. lapp. ungu. cabal. an. M. j. coq. in vino Pictavienli. Deinde apponatur fol. ung. caball. valet egregie ut experti sumus, etiam si in facie sit, sinapi recenter molitum, & supra linitum, quod quidam pro maximo arcano tenuerunt; etsi apud antiquos quosdam authores ejus quoque mentio fiat. *Pe-*

Petrus Forestus, observ. 10. lib. 2. observ. Chirurg.

Pro hoc malo depellendo quod faciem & maxime mentum deturpabat, quidam infallibili remedio utebatur, sinapi rec. mollito quo loca impetiginosa oblinebat, atque eo remedio tum ipse curatus est, tum plurimi alii post eum, quibus hoc communicavit consilium. *Petrus Forestus, obs. 12. lib. 2. obs. Chir.*

Mulier quædam impetigine in crure graviter affecta, cum per Chirurgo plurimos curari non poterat, ex consilio cujusdam mulierculæ accepit butyrum ferri squammam quæ intercudendum excutitur, quam pulverisabat, & cum pice navali (vulgo *Tart.*) componebat linimentum, inunguens crus leniter, & curata fuit. Sed postea ut ipsamet mihi retulit loco squammæ ferri, accepit carbonem fabriles eosque pulverisatos cribro excipiebat, illumque pulverem una cum butyro & pice navali bulliebat in olla leniter donec in linimentum coiret: quamvis autem foetorem satis molestum ex se remitteretur hoc unguentum, egregie tamen ad rem faciebat, adeo ut hoc solo remedio à fœda illa impetigine tandem sanata sit.

Dum *Roma* agerem, post febrem, qua corripiebar, malignam, die septimo in fronte apparuerunt impetigines quasi per modum crisis: inter *Gisbertum Horstium*. & me conclusum est, ut incuratas sinerem, juxta aphor. 20. sect. 1.

Tandem tamen cum post aliquot dies viderem eas per se non evanescere, sed turpiores evadere, magisque intumescere, omni mane propria saliva, idque jejunè, simul etiam in die sæpius perfricavi; nam hoc contra serpiginem & impetiginem præsertim hominis jejuni valde commendatur: & ita tandem cœperunt sanari ac evanescere absque ullo alio remedio, neque ullum vestigium pustularum in fronte remansit, aut impetigo ista reversa est. *Petrus Forestus, observ. 13. lib. 2. obs. Chir.*

Pro impetigine.

Post universalia remedia unguento infra-scripto egregie curatus est.

℞. Plumb. usti minii an. ℥ij. pulv. præcipit. ℥xii. litharg. auri antim. camphor. an. ℥iv. unguent. alb. camphorat. ℥xvi. omnia commiscendo probè ducantur cum pistillo calido quam diutissime in mortario ad unguenti consistentiam: hoc utor foelicissime in scabie illa dicta *Haeruvorm* quæ species proculdubio est impetiginis ac serpiginis valde feræ: Leviter autem inungitur, sed purgationibus & universalibus remediis semper præcedentibus; appellamus autem unguentum album camphoratum cum antimonio: sed & *Alemaria* in officina tale unguentum paratum habebamus ad hanc serpiginem *Haeruvorm* dictam.

℞. Picis naval. vulgo *Tart.* ℥j. butyr. majal. axung. porc. an. ℥ss. mell. terebinth. an. ℥iij. acet. vini ℥iij. sal. vitriol. rom. tartari, carthami: an. ℥j. æris ust. sulph. an. ℥ij. fulig. camin. vel cacabi ℥iij. M. F. unguentum s. a. *Petrus Forestus, obs. 14. lib. 2. obs. Chir.*

Sulphur. cum aceto foeliciter adhibetur: maxime probatur unguentum hoc nostrum, quod ad omnem impetiginem & scabiem tollendam mirifice valet.

℞. Terebinth. lotæ ℥ij. ceruss. ℥ss. butyr. rec. ℥j. sulph. ℥ij. ol. rol. ℥v. album ovor. num. 2. F. unguentum: cui adde camphor. & mosch. an. gr. v. item paratur linimentum in hunc modum.

℞. Pulv. lithargyr. pulv. tartar. an. ℥ij. sulph. pulv. ℥ij. ol. nucum. ℥iij. acet. rosac. ℥vj. ceræ q. s. F. linimentum. Ubi vero partes jam antea illitas lavare voluerit, aqua utatur chalybeata in qua fraxini folia præbullierint: primum deturbare vitiosos succos oportet, & salubri victus ratione uti, mox localia remedia exhibere exsiccantia, incidentia & detergentia. *Joan. Zecchius consult. 79.*

Domina quædam laborabat fœda feraque impetigine utriusque manus, propter quam tædio maximo afficiebatur; venæsectionem, cathartica & omnia alia remedia respuebat, hanc paucis diebus sic curavi.

℞. Unguenti rosat. ℥iij. præcipitati alb. ℥iij. M. pro litu partium, hoc remedio prædicta Domina Matronam quandam magni nominis, ut mihi retulit, eodem morbo afflictam curavit. *Petrus Pacheguis obs. 48.*

Mulier quædam sera impetigine laborans, cum summo dolore irritis omnibus remediis, sequenti cataplasmate mirum in modum fuit levata.

℞. Putria poma num. vi. per setaceum transmittantur, quibus adde ol. ros. ℥ij. lactis muliebris parum F. Cataplasma, parti dolenti admovendum. Longa experientia didici putria poma dolorem magis lenire quam cocta. *Petrus Pacheguis.*

Pro Herpete Eschioniæ.

Rustica mulier quinquagenaria hinc inde in coxis, brachiis, utroque genu, & cubito, pectore & facie, maculas habebat elevatas, rubras, scabras, asperas, latè serpentes, & de novo hinc inde erumpentes; ad me veniens hoc pacto sanata est.

Præscripsi vinum purgans pro quatuor vel quinque matutinis, quo bene purgata fuit. Deinde jussi scabras maculas semel in die madefacere sequenti aqua penna ea intincta.

℞. Sublimati ℥i. lithargyr. ℥ij. borac. ℥ss. camphor. ℥j. F. pulvis, adde aq. ros. & plantag. an. ℥iv. coquantur, ab illius usu dolorem aliquem percipiebat, qui tamen mox remisit: statimque crutis subluteis maculæ hæc obduci cœperunt crassis & duris, quæ cremore lactis aliquoties emollitæ deciderunt, remanente subtus cute sana. *Felix Platerus, obs. lib. 2. pag. 544.*

Post corpus decenter purgatum, & venam apertam, jussi hac aqua herpetem madefacere.

℞. Lithargyr. ℥vj. ceruti. ℥iij. vitriol. alb. ℥ij. aq. ros. ℥ij. aq. sublimat. ℥ss. aq. virid. (cujus descriptionem vide supra lib. 6. sect. 4.) ℥ij. M. diligenter. Postea hoc unguento inunge.

℞. Unguent. popul. & pomphol. an. ℥j. succ. lapath. & acet. scillit. an. ℥ij. litharg. ℥ss. tartar. ℥ij. rad. serpentar. ℥j. lap. calamin. ℥iij. ceruss. ℥ss. laticæ parum. ol. de tartaro ℥ij. F. instar nutriti. Hoc factò aliquandiu, sanatus fuit. *Idem obs. lib. 2. pag. 546.*

Alteri ad herpes hoc unguentum præscripsi.

℞. Succ.

℥. Succ. rad. lapath. cyclam. serpentar. an.
 ʒj β. limon. ʒj. litharg. auri ʒij. sulph. thur. an.
 ʒj. crystall. borac. vitriol. an. ʒβ. fugitiv. ex-
 tinct. in succo limon. ʒβ. terebinth. dissolut. in
 ol. rosac. q. s. adde ol. tartar. ʒj. F. instar. nu-
 triti. *Felix Platerus observ. lib. 2. pag. 548.*

Pro Herpete miliari.

Illicò pharmacum hoc illi propinavi.
 ℥. Syrup. rosat. solut. ʒiv. diaphan. ʒij.
 infusion. tamarind. ʒij. M. l. potio qua multa
 liquida biliosa egestit. Postea syrupos alteran-
 tes calidam intemperiem exhibuimus per al-
 quot dies.

Tum hæc topica medicamenta sunt appli-
 cata.

℥. Succ. plantag. solan. an. ʒβ. aceti rosac.
 ʒij. M. in quibus pannus lineus intinctus super-
 ponatur malo, & sæpe innovetur. Sed cum ma-
 lum perseveraret, cataplasma hoc applicatum
 fuit.

℥. Plantag. ros. solan. caud. equin. an. Mj. F.
 decoctio in aq. q. s. facta colatura prædicta her-
 bas in mortario tere, quibus adde farin. hord.
 lentium, an. ʒij. vini granator. acidor. ʒij.
 prædicti decocti q. ad mediocrem spissitudinem
 sufficit M. F. cataplasma, applicetur: at quum
 exulcerata pustulæ fuerunt, ad unguentum de
 plumbo devenimus, quò sanus exactè factus est.
Amatus Lusitanus, cent. 2. curat. 37.

Ego in pueris pustulas miliares seu herpes
 in facie habentibus accipio cretam oleum oliv.
 acetum vini, ex omnibus æquas portiones, & li-
 nimenti instar commisceo & felicissimè inungo,
 quo linimento si utaris, videbis subitanè ad-
 modum curationem, & perbreve ac saluta-
 rem. Ad Phlyctanas etiam hoc conducit. Mu-
 lierem quandam herpete laborantem curavi-
 mus applicatione foliorum farsaræ. *Petrus Fo-
 restus. obs. 7. lib. 2. obs. Chirurg.*

Nos (inquit *Valescus, cap. de Cura formicæ mi-
 litaris*) vidimus & fecimus unam mirabilem ex-
 perientiam qua, sine alia medicina quacunque
 præter diætā & purgationes, multi tempore
 meo curati fuerunt gratia Dei.

℥. Lanam succidam ovīs vel mutonis, tor-
 refac. in cacabo super ignem, donec sit nigra &
 arsa: tunc pulverisetur & distemperetur cum aq.
 rosar. vel cum aq. peculi, donec sit quasi incau-

stum cum quo scribimus, & de hoc incausto be-
 ne spisso cum pluma circumliniatur formica, id
 est, herpes, & fiat hæc linitio bis in die aut ter.
 nempe in diluculo, vespere, & in principio no-
 ctis & panno lineo contineatur non stringendo.
 Nobili me hercule medicinam in isto casu ma-
 gis expertam; constatque ratione, quia desic-
 cat & stringit: in quot locis incipit in tot fiat
 linitio, quia ægram partem curat desiccando, &
 sanam defendit stipticando & roborando. *Idem
 schol. obs. 7. lib. 2. obs. Chirurgic.*

Miror cur in herpetibus, inflammationibus, in
 quibus humectandi & refrigerandi consilium est;
 non potius ad aquam solam recurrimus, quam
 ad aquam & succum plantag. & similia. *Guil. Bal-
 lonius lib. 1. Epid. & Ephem. pag. 106.*

Joan. Heurnius pro herpete miliari hoc secre-
 tum habuit.

℥. Facem vini inter duo lintea, & applica.
Notis ad cap. 4. lib. 7. pathol. Jo. Fernelii.

Herpetem miliarem aqua calcis vivæ calide
 in petus applicata mitigat: fortius operatur si
 alumen dulce, vel saccharum Saturni in eadem
 ante applicationem dissolvitur. Sudores præte-
 rea sunt necessarii. Decoctum Perficariæ, ut &
 folia rubi idæi in aq. & vino decocta herpes
 præsertim tiliarum, non tantum mundificant
 sed insuper sanant. Balsamum sulphuris com-
 plementum absolvit. *Jo. Hartmannus. pract. Chi-
 miatr. pag. 387.*

Ego feliciter utor aquis thermarum, quæ
 brevi tempore sanant herpetem miliarem, ubi
 non adsunt hæ aquæ, sumatis marinam, aut aquæ
 salitæ adjiciatis sulphur & alumen, & in hac de-
 tineatur membrum. Herpes verò exedentes
 sic curo: quod totum corpus exhibeo serum ca-
 prinum, interdum sarsæ decoctum: quoad to-
 tum corpus exhibeo serum caprinum, inter-
 dum sarsæ decoctum: quoad partem affectam,
 utor aquis thermalibus Patavinis, aut D. Petri,
 & felici successu hoc applico ceratum.

℥. Succ. tabaci ʒij. ceræ, citrin. noviss. ʒij.
 resin. pini ʒi β. terebinth. ʒj. ol. myrtin. q. s. ad
 formandum ceratum molle *Hier. Fabricii. ab Aqua-
 pend. lib. 1. de Tumor. cap. 28.*

Sæpius expertus sum unguentum emulatum
 cum Mercurio in hoc affectu curando plus cæ-
 teris omnibus præstitisse. *Ambrosius Parvus, cap.
 14. lib. 7.*

Finis Libri Tertii.

BIBLIOTHECÆ
MEDICO-PRACTICÆ
LIBER QUARTUS

De Affectibus à Litera D incipientibus.

DÆMONIACI.

Vid.

TITVL.

De

MANIA.

DEGLUTITIONIS VITIA.



LEDITUR deglutitio quando 1. impeditur sive imminuitur & aboletur, vel quando depravatur. 1. œsophagi ex parte: 2. stomachi seu orificii ventriculi superioris culpâ.

Oesophagi vitium est; (1.) quando musculorum

3. paria, fauces sui ampliacione efformantium, unâ cum sphinctere paralyfi resolvuntur, (2.) quando ipsa musculosa ejus tunica simili malo corripitur. De posteriori vid. Willis. Pharm. rat. vol. 1. pag. 11. de priori Tulpus lib. 1. observat. 42. (2. quando angustatur nimis, sive hoc fiat (a) vel à tumoribus tam propriis, quàm partium vicinarum. Illud quando inflammatur dynanchi, ut quando scirrhuso tumore obsidetur, aut quando à caruncula excrecente vitiatur. Exemplum quorum vid. Rhod. observ. 46. 47. cent. 2. Hoc quando tonsillæ, aspera arteria, aut uvula intumescunt, inflammantur, &c. Sive hoc fiat (b) 2. ab arcta nimis clausura, & strictura fibrarum ejus, idque nunc ex spasmo sive convulsione, quo pertinent hypochondriaci subinde, non secus ac mulieres hystericae, gulæ adstrictionem & contracturam per nervorum spasmos ob consensum patientes, quod alii ex vaporibus stypticis ex hypochondriis elatis fauces stringentibus male derivant, nempe pertinent huc gulæ stricturæ ab utero; cujus mentionem facit Helmont. Tr. Asth. & Tussis §. 31. Hinc etiam in Epileptico paroxysmo difficillima aut nulla solet esse deglutitio. Nunc ex illarum nimia exsiccatione in febribus ardentibus continuis. Quo suo modo etiam pertinet defectus salivæ, deglutitionem plus minus impediens, nunc ex illarum ab assumptis constrictione & corrugatione, quo Hochstetteri facit observat. decad. 3. cap. 5. adstrictio gulæ ex potu vini malvatici, in quo radix consolid. major. infusa fuit. Sive hoc fiat (g) 3. ab obstructione,

propter deglutita varia aut majora in faucium uthmo sive principio œsophagi hærentia, ubi boli majores, nux Persica, ovum gallinaceum, &c. aut acuta gulæ infixæ, ibique tam sui insolita præsentia, quam propter dolorem, & hujus occasione inflammationem aut abscessum, deglutitionem impediunt, v. gr. ossicula, spinæ piscium, aciculæ gulæ infixæ.

Orificium superius ventriculi sive stomachus in culpa est, quando rite licet, per œsophagi iter demissa, nihilominus admittere debita recusat, id quod fit imprimis, quando quacunque occasione irritatus sive laceratus, contumacius se stringit & claudit, adeoque assumpta ulterius progredi impedit, id quod fit, (a) quando vel inflammatum, vel velut excoriatum; aut plus minus exulceratum, vel tumore quocunque, à priori nullo modo cognoscibili, obsessum fuerit, quo facit curiosa & notabilis observatio Willisii Pharm. rat. vol. 1. p. 45. (b) quando copiosiores, plus minus acriores, flatus in ejusdem angustius inclusi fuerint, quorum inimica præsentia utrumque, speciatim superius, orificium ad peritacem sui stricturam irritatur. Unde assumpta nonnisi difficulter admittit, aut admissa eadem copiosi flatus eructantes, insequuntur, eaque plus minus simul unâ rejiciuntur, quo facit non inelegans observat. Riverii II. de morbis infrequent. Item Plateri observat. l. 1. pag. 223. (g) Quando quacunque de causa nauseat, aut assumenda horret ventriculus, nam & sic orificium claudit, non assumpturus sibi hostilia. Hac ratione familiare est febricitantibus, qualibet liquida aut esculenta fluida deglutire, sed carnes, ova frigida, vel similia pertinaciter respuere, & oblata nullo modo, aut non nisi difficulter admittere.

Pertinet huc Amat. Lusitan. cent. 6. cur. 49. ubi post sreatum sanguinis, & assumptorum vomitionem, deglutiendi omnimoda difficultas etiam aquæ, sola vini assumptione salva. conf. Hildan. cent. 5. obser. 54.

Depravata tandem deglutitio est, 1. quando liquida difficulter, solida facile, & contra deglutiuntur, de quorum affectuum theoria in Philosophicis, ubi de deglutitione pluries actum 2. quando in eodem assumptorum vel solidorum vel liquidorum genere, quædam facile, quædam difficulter, quædam omnino non deglutiri possunt. De ejus ratione ex superioribus, speciatim ex nausea ventriculi jam constat.

Quoad Prognosin.

Igitur deglutitio quò magis vel minus tollitur, eò magis vel minus periculum vitæ imminet. A paralyfi musculorum faucium nata difficilis deglutitio periculosum & difficulter curabile malum est. Quòd si ob spirituum moventium defectum, & adeo insignem virium resolutionem, prout in acutis interdum accidit, malum evenit pessimum signum, & mortis futuræ iudicium, si cum sonitu, quasi in lagenam vacuum decidat potus. In vulneribus si accadat ex convulsione deglutitio læsa, periculosum, sicut alias convulsiones faucium in acutis periculosius, in chronicis minus. Si à tumoribus per se quidem, & ex interna causa naturali oriatur malum pro tumorum vel faciliè vel difficulter, vel omnino non curabilium naturâ, prognosin facilis est. Sic v. gr. ex ulcere œsophagi cancroso omnimoda, adeoque lethalis deglutiendi impotentia. Sic ob œsophagum cartilaginofum factum deglutitio penitus abolita: *Ann. 3. M. C. pag. 26.* adeoque lethalis.

Deglutitæ res alienæ in faucium isthmo vel hærent, vel extra hunc, vel ad ventrem tandem descendunt. Dum in faucibus hærent, præter inimicam sui præsentiam interdum simul dolorem excitant, unde tumor, inflammatio, abscessus, iique vel lethales, de quo vid. *Hild. cent. 1. observ. 35.* Item *cent. 5. observ. 35.* ex ossiculo œsophago infixo, tumor, dolor, febris, inflammatio, mors: Vel hoc rupto abscessu, rei peregrinæ cum pure excretionem, aut descensum faciunt. Confer item *Hild. cent. 1. observ. 35.* ubi mulier ossiculum devoratum, quo penè suffocabatur, septimo tandem die, excitata supuratione, ejecerit: Vel per alia plus minus vicina loca, exitum sibi quærunt. Quo facit exemplum notabile *Paræi lib. 24. cap. 29. Chirurgia,* de graminis ramulo deglutito, qui postea integer per intercostale spatium erupit. Item *Hild. cent. 1. observ. 33.* ubi spina piscis gutturi biennium infixa, post, excitato abscessu, in extrema colli parte extracta. Dum verò ad ventriculum quocunque modo descendunt, vel inferius per anum successivè denuo excluduntur: dum v. gr. quidam metu, ne in itinere spoliaretur, 6. ducatos deglutivit, eosque post aliquot dies, injecto clystere abstergente, sine noxa rursus reddidit, teste *D. Michael.* Vel dum fistula deglutita tertio die sine noxa per alvum fuit reddita, auctore *Bartolino cent. 1. hist. anat. 59.* Vel in stomacho pertinaciùs hærentes, varia mala inferunt, dum v. gr. pylorum obstruunt, quæ obstructio, si contumacior fuerit, mortem comitem trahit, auctore *Kircking. in specileg. Anatom. observ. 1.* Confer etiam *Hildanum cent. 6. observ. 35.* Quòd etiam pertinent aciculæ, quarum quædam sine periculo, quædam cum summo periculo deglutitæ observantur, conf. *M. C. Ann. 4. pag. 77.* Vitri frustula aut annulus, cujus asperitate excitatam dysenteriam notat *Zacutus Lusitan. lib. 2. Med. Princ. hist. 84.* Cæterorum huc facientium affectuum prognosin ex dictis facilis est.

Cura.

Pro causarum varietate, & mali inde nati diversitate, etiam variat. Paralyfis partium deglutioni inservientium curatur per decoctum

salviæ in vino, & continendo in ore v. s. infusionis thymi vel decoctum salviæ & erucæ gargariatum, aut in ore contentum egregium est. Nux moschata massicata & deglutita est egregia ol. succini destill. aut ol. destill. anisi salv. guttatim intra fauces assumpta, sunt efficacissima. Essentia castorei, spir. cerasorum nigrorum, liliorum convallium, spir. theriacal. cum essentia castorei juncti; Item aqua anhaltina est egregia, illinatur collum ac nucha ol. lumbric. terrestr. costin. ol. destill. succin. anis. lavendul. & S. Tumores harum partium, siquidem cogniti fuerint, quales sint, more talium tumorum curari debent. Clausura faucium & Oesophagi à spasmo, aromaticis & nervinis, blandis opiatibus additis, tam internis quàm externis curanda. Si à vitio hypochondriorum per acidum absorbentia & opiata, item castoreata. Sin ab exsiccatione in febribus, internè mucilag. sem. cydon. cum aq. sperm. ran. extracta est egregia. Externè unguent. Zacuti ad hunc affectum, compositum ex unguento filii Zach. unguento rosato, resumptiv. ol. amygdal. dulc. violar. & mucilagibus cum lacte muliebri. Salivæ defectus potù præsertim vini, vel cerevisiæ secundaria refarcitur: Item *crystalli* frustula in ore circumacta salivæ copiam nonnihil provocant. Assumpta externa pro sui varietate oppositis curanda, ut in illo *Hochstetteri* exemplo, propinato aceto strangulatio & faucium angustia sublata fuit.

Quoad res alienas deglutiitas, sed intra œsophagi superiorem tractum adhuc hærentes, ex quanto ocyus iterum artificiosè eximendæ veniunt, vel ad ventriculum, si innocuæ sunt; detrudendæ, cui fini inservit, vel instrumentum *Willis. Pharm. rat. vol. 1. pag. 45. aut Hildani cap. 1. observ. 31.* Quòd si his modis non succedat negotium, instrumentis res tentanda, in quem finem vel forcipes rostris longis, vel instrumentum *Hildani cent. 1. observ. 36.* aut hujus succedanea *cent. 6. observ. 34.* Vel candela cerea, vel spongiola cum filo, it. pro aciculis *Hamulus Hildan. cent. 6. observ. 36.* Adhibetur ol. amygd. d. & saccharum in forma electuar. ante paltum, ut dolor per oleum leniri, per saccharum verò ulcus forte præsens abstergi possit.

Quòd si aciculæ, vitri frustula, spinæ piscium, aliæ acutiores per deglutionem in ventriculum penetraverint, opera danda, ut hæc sine noxa per inferiora tandem excludantur. In quem finem propinetur puls aliquanto spissior ex oryza, vel milio, vel panico, ita quidem, ut aliquandiu æger à potù abstineat, ut ita per hujusmodi spissiora involuta res deglutitæ acutiores sensim ex ventriculo per intestina ulterius promoveri queant.

In stomacho si fuerit vitium, priori ex causa, vel mala ejus methodicè curanda, vel instrumento *Willis. Pharm. rat. vol. 1. pag. 45.* utendum. Si ex secunda causa carminantia interna & externa propinanda, infra de inflammatione stomachi præscribenda. Quoad tertiam causam stomacho gratis & acceptis insistendum, ventriculus nondum cogendus.

Depravata deglutitio, cum quædam curabilis, quædam non curabilis sit, illa verò nervorum ex vitio speciatim oriatur, partim ex dictis vel suo loco dicendis curatio manifesta erit. *Michael Etmull. Colleg. Pract. lib. 1.*

Consultationes.

De Lasa Deglutione. Pro Adm. Reverend. Patiente.

Patiens Adm. Reverend. annorum 66. temperamenti à naturæ ortu calidi & humidum, habitusque mediocriter carnosus, duodecim abhinc annis hernia hydrocele laboravit, ex qua quot annis arte educebantur sex circiter libræ aquæ. Anno præsentis ab hac liberatus conqueri cœpit sex ab hinc mensibus de lasa deglutione cum solidorum, tum liquidorum; siquidem ubi primum duos vel tres bolos deglutiverit, replentur ei fauces, & œsophagus pituita viscida albicante, in quibus tantam angustiam parit, ut nil prorsus deglutire valeat. Quod si vim sibi tunc inferat, dolor intensissimus suboritur, cujus ratione assumpta evomit, cum copia pituitosæ materiæ; nec quicquam appetit; imò nec panem, nec cibos ex pasta deglutire potest, carnem verò paucissima copia, & minutissime incisam. Propterea extenuatus de agendis consultit.

Ex hac historia constat, Adm. Reverend. Patientem lasam habere deglutionem, ac proinde œsophagum esse partem principaliter lasam, à Latinis gulam, & ab Hippocr. fistulam vocatam à linguæ radice ad os ventriculi pertinentem, cum ex omnium consensu deglutionis munus œsophago à natura demandatum sit. Tripliciter autem lasa est deglutitio: deperdita, scilicet imminuta, & depravata est. Deperdita, ratione panis, & aliorum solidorum ciborum, quos nullo modo deglutire potest; imminuta, ratione carnis, & aliorum in minutissimas partes incisorum; & depravata, ratione doloris intensissimi provenientis ex violenta deglutione. Cum autem deglutitio dupliciter lædi possit, per essentialem scilicet affectionem, & per consensum cum aliis partibus. In casu præsentis œsophagus utroque modo afficitur; atque essentialis ipsius affectus compertissimus est ex dolore, *Ubi enim dolor, ibi morbus.* Affici etiam per consensum patet ex inappetentia. Appetitus namque est actio oris ventriculi. Et cum œsophagi morbus triplex esse possit, intemperies scilicet, mala compositio, & soluta continuitas, ex enarratis ab ægro Adm. Reverend. constat esse morbum in mala compositioe, obstructionem scilicet factam à materia pituitosa, crassa, viscida, albicante, quæ ad instar globi, ubi deglutionis canalem ita occludit, ut propterea usum ciborum intermittere cogatur. Non tamen perfecta est ea obstructio, alioquin neque liquida deglutirentur; cui tamen junctam esse censeo intemperiem humidam fibrarum transversarum œsophagi, ob quam non possunt ita constringi, ut cibos solidiores detrudere possint ad ventriculum, concurrente laxitate oris ipsius ab eadem materia producta, cujus causâ non fit ipsius corrugatio, appetitum ciborum præcedens. Dolor autem fit à violenta solutione continui tunicarum ab eodem cibo facta.

Ac propterea causa præcipua hujus affectus est copia pituitosæ materiæ, cum à capite fluentis, intemperie frigida, & humida laborante,

hac ætate in primis ultimi senii, tum à ventriculo frigidiori quam par sit, non sine consensu imbecillioris jecoris, quod loco sanguinis ferrosam materiam generat, quæ antehac ad scrotum confluit, & hydrocelen produxit; nunc verò ad partem affectam recurrens eam magis humectat, & relaxat. His ergo sic constitutis, cum neque in ventriculo chylus, neque in jecore sanguis sufficienti copia generari possit, nemini mirum videri debet, quod subsequuta sit macies, & totius corporis imbecillitas.

Ex his cuilibet in arte versato compertissimum esse potest, quam difficile sit præsentem affectum, hac ætate, & hoc virium languore, superare: ut propterea metuendum sit, ne in marasimum senilem labatur æger, & fato cedat. Non tamen supersedendum est medicis præsidii, ut vita saltem longius protrahatur.

Quare materia fluens à capite derivanda; à ventriculo, & jecore revellenda ad infernas partes, fluxa sensibiliter, & insensibiliter evacuada; viscerum intemperies corrigenda contrariis; & viribus consulendum. Quibus intentionibus satisfaciendum remediis Chirurgicis, Pharmaceuticis, & Diæticis.

Ex Chirurgicis tres præsidiorum materiæ locum habent, cauteria, cucurbitulæ, & picationes. Sanguinis missioni nullus locus, cum potius infundendus, quam effundendus esset. Duos fonticulos inurendos censerem, alterum quidem sinistro brachio, pro derivatione scilicet, alium verò interno femori, pro revulsione à ventriculo, & jecore, & revocatione serositatis ad scrotum. Quam ob causam setaceum per illud transmissum profuturum censeo. Neque ex his emissariis majoris maciei imminet metus; evacuant enim materiam excrementitiâ, non alimentalem. Rubificans applicatum futuræ coronali fluxionem revellet, & exsiccabit. Cucurbitulæ cum flamma infra ventriculum, attractionem cibi sollicitabunt. Picationes eidem ventriculo bis in die administratæ sanguinem alliciendo, juvabunt coctionem: imò non præter rem censerem applicare vesicans infra scapulas, ad evocandam, & digerendam materiam in œsophago contentam.

Pharmaceutica sint alvum subducentia, per clysteres, qui admittant hieram picram Galeni, cum melle rosæ simpli. oleo rutaceo, & decoctione betæ, mercurialis, malvæ, & flor. chamæmeli; mox & validiores, paratos ex hiera Pachii, vel Logadii, cum decoctione symphyti, utriusque centaurei, colocyntidis, nodulo inclusæ, addito electuar. de benedicta laxativa: alternis clysteribus nutrientibus, ex vitellis ovorum, carne contrusa, & jure caponis. Licet enim clysteres medicamentosi non pertingant ad intestina tenuia, cum ab ipsorum facultate non attrahantur; renutrientes tamen alimenti inopia attrahi possunt, atque ita nutrire. Interim per os ex usu erunt attenuantia, & incidentia; oxymel nempe simplex, scilliticum, vel mel scilliticum, ad attenuandam materiam, vomituque expurgandam, quibus addi potest modicum farinæ lupinorum, vel fabarum, quod diutius hæreant, & magis detergant, vomitu provocato oxymelite simplici, & succo raphani cum mulla. Mox exhibeatur mulla, vel aqua Tetutiana, pro majori deterfione; præscriptis

interim rotulis ex tribus piperibus, vel ex radice iridis in ore detinendi. Applicetur extrinsecus supra vertebrae unguentum Agrippæ, vel Marciatum: vel fiat inunctio cum oleis de castoreo, rutaceo, & theriaca antiqua. Caput evacuandum per errhina, non per masticatoria, ne majori cum impetu fluat materia ad œsophagum: ideo succus betæ, radix cyclaminis, agaricus in lacte dissolutus, vel etiam pulvis nicotianæ præscribatur in curationis progressu. Quum verò œsophagus minori pituitæ copia redundabit, exhiberi poterit mel. ros. solut. cum aqua Tetutiana, tres vel quatuor dies; moxque reliqua materia insensibiliter digerenda, & partes affectæ erunt exsiccandæ decocto ex ligno Indico, salsa parilla, & modico saffras, cum jure columbæ, additis symphyto, betonica, stœchade, salvia, & origano, cum spiritu terebinthinæ, vel spiritu vitrioli. Quod si deglutire poterit, paretur bolus ex castoreo, & trochiscis cypheos: pergatque in usu ipsius plures dies.

Victus sit attenuans, incidens, ac valde nutriens. Propterea fiat contusum ex pulpa caponis cum pistaciis, succo citri, & cinnamomo: fiat consummatum ex capone asso, adperso succo citri, & caryophyllis: intinctus item ex petroselino, pane asato, pistaciis, & pulpa perdicis: concedantur carnes, & pisces saliti minutim incisi, ferculaque nutrientia. Vinum sit generosum, sed pauca copia. Atque parum & sæpè nutriendus est patiens, & in cibis familiariter utatur melle Hispano, vel Cretico, quod in senibus non difficulter in sanguinem vertitur. Sic enim sperandum est fore, ut vita protrahatur & vires conserventur. *Bened. Silvatic. Consil. & Respons. Medic. Cent. 2.*

De Solidorum Deglutione læsa, & Motu colli impedito. Pro Illustrissimo Comite.

Duo sunt Affectus Comitæ Illustrissimi, tumor scilicet scirrhusus glandularum faucium, solidorum deglutionem prohibens; & motus impeditus colli, & scapularum, cum aliquo dolore accedente, & recedente, magisque, vel minus intenso.

Quorum uterque dependet à catarrho, qui à capite fluxit ad partes affectas, crassiori quidem ad glandulas, ubi in scirrhum conversus: tenuiori vero, & fluxiliori ad tendinosas, & musculosas partes colli, & scapularum. Quo sanè catarrho abundat Comes Illustrissimus, qui copiosus congeritur in ipsomet capite, cum per modum generationis, ratione humiditatis excedentis, tum per modum receptionis, ab imbecillo ventriculo, & à venoso genere; tertio, quia suppressus, ob antiquam narium angustiam, propria excrementa non expurgantium. Collectus autem in capite, liquefactus est à calore ex motu, & insolatu contracto, fluxitque ad partes subcutaneas colli primò, deinde & scapularum, ubi ab ambientis frigiditate detentus, stipatis porositatibus cutis est, causa læsionis motus, & doloris prædictarum partium.

Affectus equidem non adeò facilis curationis in hac senili ætate, & hoc inæquali anni tempore: non tamen incurabilis, quoad motus impedimentum. Glandularum verò intumescen-

tiam quod spectat, aliis utique remediis curari non poterit, quam amputatione alterutrius ipsarum, quæ non difficulter fieri poterit, quoniam tumor est externus, & non amplius, ad radices linguæ hærens: tunc enim ligata radice glandulæ filo sericeo, amputari potest forfice: prout mihi non semel feliciter successit. Atque tunc hæc operatio, fieri debet, quando deglutitio & respiratio erit graviter læsa.

Cæterum hoc affectu nunc prætermisso, si agitur de difficultate motus, hæc curabitur digerendo materiam fluxam, divertendo fluentem, atque prohibendo regenerationem similis, per correctionem intemperiei, jam peracta universali totius corporis evacuatione, de qua propterea non est quod pluribus agamus.

De peculiari capitis evacuatione difficultas aliqua occurrit: credimus tamen caput expurgandum esse etiam per os; siquidem tumor ille scirrhusus indicat nullam amplius fluxionem adesse. Tentanda quin etiam est expurgatio per nares, eas laxando oleo amygd. dulcium, & alliciendo materiam *tabaco pulverizato* attracto, & insufflato. Per futuras quoque insensibiliter expurgabitur frictionibus, pectinationibus, & similibus. Hi que peractis, decoctum præscribetur ex medulla ligni sancti, & salsa, cum visco quercino. Opus est enim valido medicamento, attenuante, & ventriculum roborente: quod omnium maximè præstabit lignum Indicum; parato decocto cum carne, renutritionis cujusdam causa. China enim debilius est virium, *santala* subadstringunt, & refrigerant, quibus non admodum opus in hac ætate: si permetteretur Terebinthina Cypria, esset accommodata. Sudor interim allicietur dolio-lis, vel cucurbitis repletis aqua fervida, alterata salvia, rore marino, stœchade, majorana, calamento, carduo sancto, & similibus. A quo inungatur occiput, & scapulæ oleo laurino, rutaceo, de castoreo, & chamæmelo, superposita lana succida, vel pelle agnina, quam continuo gestabit, excepto tempore sudoris.

His remediis speramus fore, ut Illustrissimus Patiens xx. dierum spatio circiter pristinam sanitatem recuperet, si præsertim jungatur congrua victus ratio. Circa quam notandum est, quod abstinentia à vino conferet: cujus loco in usu erit secunda illa aqua decocti, parata ex coriandris. Quoad purgantia, laudamus generosiora, putà pulverem hermodactylatum sæpè repetitum, vel jalappam, vel mechoacam, cum pilulas non possit deglutire. Et hæc est nostra opinio de affectu præsentis. *Idem ibidem.*

De Sublata Panis Deglutione. Ad Perillustrem Hieronymum Odsium Medicum Brixiensem.

Ex doctissima dissertatione constat, Nobilem Patientem quinquagenarium, mediocris constitutionis, habitus sanguinei, cum bilis subdominio, dum cum sodalibus cibum sumeret, atque panem attritum deglutiret, motum quandam circa os ventriculi persensisse, panemque ad fauces regeßtum fuisse, atque ejus frutulum, quod hæserat in faucibus rejectum, quod toties contigit, quoties ipsum ingerere tentavit; ac proinde nunquam panem deglutire potuisse, siue solum, siue cum potulentis; huncque affectum

etum sex menses perdurare; quamquam panem inunopere appetat; ceteris alimentis cum liquidis tum solidis deglutitis; ita tamen, ut solida gravitatem aliquam circa os ventriculi inferant, qua levatur, dum liquidorum beneficio precipitantur; solo pane etiam cum liquidis superbibitis vomitu rejecto, cibo aliquo suavi cum liquido, tum solidiori aliquando deglutito. In ciborum assumptione observantur, à primo, vel secundo bolo deglutito eructationes nidorulentæ, quibus resolutis progreditur in assumptione cibi, quæ etiam extra illud tempus aliquando superveniunt. Quod si in deglutitione impedimentum aliquod observat, subsistit aliquantulum, atque tunc erumpunt flatus, materiamque catarrhalem aliquando expuit insipidam, ac deinde pergit in cibi usu: nunquam tamen panem deglutire potest. Persentit aliquando ardorem in ore ventriculi, nullo observato tumore in visceribus naturalibus. Multa frustra hactenus fuerunt administrata, lenientia, preparantia, purgantia, & alterantia, cum interna, tum externa, sanguine misso ex jecoria, & hæmorrhoidibus, stillicidium ventriculo ex oleis, frequentes clysteres: & tandem dejectorii usu multa bilis copia fuit evacuata, vehementisque syncope supervenit; æstus causa aquam endiviæ quandoque cum juvamento sumpsit; quod nullum fuit in panis deglutitione. Propterea quaritur præsentis affectus causa, & quibusnam medicis præidiis superari possit.

Quod ut fiat, supponam tanquam verissimum cum Viro Præclarissimo, flatulentam materiam à ventriculo erumpentem, & pituitosam, quæ à capite confluit, ciborum descensum remorari posse. A flatibus namque repelluntur, & à pituitæ crassitie retardatur solidorum descensus, quousque potulentorum usu fluxiliores fuerint redditæ. Quam ob causam gravitatem inferunt in ore ventriculi. Suspiciari quin etiam possumus, adesse humiditatem excedentem in œsophago, impediens validam constrictionem fibrarum ejus transversarum, cibos ad ventriculum detrudentium. Verum cum panis neque solus, neque cum liquidis deglutiri possit, per obscurum censeo. Respondere, quidem possemus cum Galeno, & Hippocrate, panem esse viscidioris, & magis glutinosæ substantiæ, quam alia assumpta; hæc tamen visciditas, & lentor est qualitas, quæ in pane semper inest, & nihilominus antehac deglutiebatur absque impedimento. Verum quidem est, quod tunc non aderat ille renixus in passo, qui nunc apparet, quoniam neque tanta flatuum copia, neque adeo copiosa pituita observabatur: attamen flatus erumpunt, & pituita cum sponte, tum medicamentorum beneficio sæpius fuit deterfa, & expurgata, & nihilominus nunquam successit panis deglutitio, ac fortè alia assumpsit viscida & lenta, ut oryzam, far, cibos ex pasta, limaces, & similia à quibus impedimentum nullum accidit. Ac proinde in eam concedo sententiam, quod hoc proveniat ab antipathia ventriculi, & aversione specifica ab ipso pane, non verò aliorum assumptorum. Plures etenim sunt, quibus à specificis quibusdam assumptis afficitur ita ventriculus, ut non solum ea revomant, sed etiam graviora superveniant ipsis accidentia. Aliqui enim abominantur Allium,

teste Julio Alexandrino, Secundo de Tuenda sanitate, Cap. 13. qui scribit, novisse se, qui ita allium averfabatur, ut nunquam, illud comederit; quod & ego fide mea possum testari de Nob. nostro Patavino Anaxarte Pigna, cui propterea cum ab amicis invitato ad comedendum acipenserem piscem variis modis præparatum, & conditum, cum patinis allium affricatum esset, interdictum illi fuit ejus usu. Refert Amatus Lusitanus, Stephanum Surdastrum Hispanum à piscibus adeo abhorruisse, ut si cum aliis cibariis eo inscio ipsi exhibiti fuissent, in animi angustias, compressiones cordis cum vomitu, alvique dejectione incideret. Petrus Aponensis, referente Matthæo de Gradi, lac ita abominatus, ut nec illud comedentes sine nausea videre posset. Brasavola in Lib. secundum Hipp. de Ratione Victus in Acutis, comm. 34. hæc scripsit: *Vidimus Illustrissimam Juliam Tarraconensem, Federici Regis Neapolitani filiam natu minorem, quæ carnes edere non poterat, imò nec gustare. Si enim bolum in os immittebat, in gravissimam incidebat syncopen, ac vehementem clamorem edebat, in terram procidens volutabatur, idque hora semis spatium contingebat, deinde ad se redibat.* Alii abhorrent à caseo, & eo quidem quocunque modo sumpto, alii seorsum ab aliis alimentis; atque alii eo veteri non recenti delectantur. Aliis acetum vomitum excitat; ut mulieri Burgundæ; aliis sedat. Nec solum in assumptis alterationes observantur, sed etiam absque iis. Scribit enim Autor v. Epidem. Hippoc. adscripti, historiam 79. affectionis Nicanoris, qui cum ad potum progrediretur, tibicinem sonantem cum audiret horis nocturnis, præ timore vix se sustinere poterat, interdum autem eundem audiens nihil commovebatur. Aliam jocosam sympathiam retulit Scaliger de Subtilitate ad Cardanum, Exerc. 344. Reguli Vasconis Equitis, qui, dum viveret, audito phormyngis sono, urinam illico emittere cogeatur, qua quendam ex turma aspersit; qui ridiculam illi molitus est ultionem: pone accumbentem adduxit cæcum quendam cum phormynge; cujus, ut solebat, sono permotus, ibi sub mensa in clarissimorum convivantium sodalitiis quin pedes permeieret, continere sese non potuit. Quinimò nec defuerunt alii vinum averfantes, alii panem ipsum raro comedentes: inter quos liceat mihi referre Patrem Cætus Augustinianorum Excalceatorum, nunc Præfectum Canobii Viennæ ex Nob. Familia de Ramersthal, olim S. Cæs. M. puerum nobilem, nunc verò ætatis annum 40. excedens, qui nunquam panem quocunque modo coctum degustare potuit, nec in præsentia potest, & in primis à pane calido abhorret. A pane autem calido ventriculum quam maximè affici asseruit Hippoc. Secundo de Ratione Victus in Acutis text. 34. Cur autem facta sit hæc panis abominatio in casu præsentis, si quis quærat, respondere possum cum Scaligero Exerc. 274. de subtilitate ad Cardanum; *Harum rerum causas neque ego scio, neque scire labores in: sapientia vera est nolle nimis sapere.* Addam nihilominus duas causas ab Hippoc. assignatas Secundo Acutorum citato; quarum prima est, repentina præter consuetudinem panis deglutitio; Secunda æstus ventriculi. Prima habetur ex morbi historia, dum referunt juxta Italici sermonis vim,

quod in convivantium consuetudine, dum vellet comedere, assumpto pane, eum manducasse, & deglutivisse, sed cum sensisset quandam commotionem circa os stomachi, rejectum esse panem. Ex quibus colligitur, à pane confertim deglutito lationem aliquam in ore ventriculi subsecutam esse, cujus sensus semper exquisitus primam renovat molestiam, ideoque panis rejicitur. Secunda habetur illis verbis historiarum, quod eructationes sunt nidorulentæ, dejectiones biliosæ, & quod insignis æstus percipitur in ore ventriculi; atque ita panis attritus, conversus in naturam recipientis rejicitur tanquam ventriculo infensus; cum habeamus ex eodem Hippocr. Secundo Acutorum citato, quod panis calidus assumptus maximam turbationem facit in ventriculo, sitim infert, & repentinam plenitudinem inducit. Has ergo ob causas, præter occultas, panem deglutire non potest, quamquam ipsum appetat, ex memoria delectationis ab ipso perceptæ, quando ventriculus erat naturaliter constitutus. Plus enim potest præsentia objecti molestiam inferentis, quam memoria præteritæ oblectationis. Ita usu venit in aliis omnibus naturaliter abominabilibus, quod tunc tantum aversionem inducunt, quando sunt præsentia, & actualiter operantur.

Ex his apparet, difficillimam fore præsentis affectus curationem, non tamen impossibilem. Quoties enim cunque expurgatus fuerit ventriculus ab excrementis biliosis, discussique flatus, ac tandem æstuans ventriculi intemperies refrigerantibus contemperata, convalescet æger.

Purgatio propterea ex Viri Præclarissimi consilio instituenda. Atque inter ea quæ proposita sunt, valde commendo fonticulum dextro femori inustum. Aquas Carafanianas tanquam deterforias quam maximè laudo, cum dejectoriis triduum potui datas ad libras tres circiter. A quarum usu aquas Villenses in agro Lucensi, vel nostras Beatae Virginis, vel aquas Ficuncellæ in agro Senensi, vel etiam Nocerianas summopere profuturas existimo. Copiosè bibantur quindecim dies circiter, cum diureticis non dulcibus: puta emulsione sem. melonum, cremore tartari, & spiritu vitrioli, vel salis, incipiendo à libris sex, & singulis diebus addendo libram, ad tredecim usque: mox singulis diebus libram subtrahendo, ad libras sex, præmissa parca cœna, quod facilius permeent. Quod si liberè fiat, ut spero, cum hypochondria bene habeant, supersedebit quindecim dies ipsarum usu plus minus ad libitum: atque iterum ipsas assumet. Nil enim magis extinguet æstum ventriculi: sicutque aliquando dejectoriæ, cum majori dosi cremoris tartari; ita namque excitabitur appetitus, juxta Hippocr. in Epidemiis: Aqua vorax, & vigiliæ voraces. Caput interim Errhinis purgetur: hepatis refrigerantia applicentur: alvus continuò lubrica fervetur. Ventriculo nil extrinsecus apponendum: quoniam à jecoris refrigerio ventriculus roboratur. Panis interim siliginæus variâ formâ aniso, fœniculo, & coriandrò condiatur. Et hæc in medium quæ afferrem habui, committendo omnia prudentiori alicujus judicio. Obiit autem sex mensibus à morbo, impedita deglutitione omnium solidorum, vel liquidis ipsis dissolutorum. *Idem ibidem.*

Anatomica inspectio.

Vir honestus 56. circiter annos natus in tantam incidit deglutendi difficultatem ut cum aliquid in ventriculum exinanitum ingerendum pro vita conservanda veniret, non tantum solida viam sibi in medio œsophago præclusam invenirent, sed etiam liquidorum illac transitus adeò impeditus foret, ut plures conatus quolibet vice per horæ ad minimum quadrantem essent impendendi, subsequenter etiam ingestorum quæ à parte læsa ad fauces usque restagnabant vomitionibus, antequam guttula una aut altera sibi viam aperiret in ventriculi concavum, quò demum peracto aliquid liquidi ulterius absumere imò pulsem tenuiorem ex lacte & farina aut pane confectam vorare valebat. Nec aliquid in subsidium poterant vel instrumenta Chirurgica ordinaria, vel alia quæcunque à nobis excogitata, quin vitam sic miserissimam per annum & dimidium transfegerit, tandemque marasmo, nulla tamen adveniente febre, præterquam ultimis diebus, confectus obierit. Cadavere in casum tam rari causam relegendam apertò, vidimus tuberculum in parte œsophagi media eo latere quo trachæa arteriæ adjacet situm, non equidem admodum magnum sed quod in cancrum quid jam abierat, lividum enim atque etiam saniosum, varicosisque vasis refertum apparebat. Unde satis constitit non tantum tumoris corpore viam impeditam fuisse, sed etiam succo stiptico inde continuo quasi transudante œsophagum eâ parte constrictum non parum alimento transgressuro, obstivisse. Similem propè historiam proponit Clariss. Willis Pharmaceutices rationalis parte prima sect. 3. cap. 3. his verbis. Vir robustus, & aliter satis sanus, à longo tempore vomitu crebro laborans, comesta quæque sæpius, etsi non semper, mox rejicere solebat: Tandem victis omnibus remediis morbus in eum statum devenit, ut valde esuriens comederet ille, donec œsophagus ad gulam usque impleretur, dein nihilo in ventriculum illabente, ingesta quæque cruda regereret; Cum pharmacis nihil juvantibus præ fame summè elanguesceret, & prope diem interire periclitaretur, instrumentum ei instar virgulæ, è pinna cetaceæ, cum spongiæ fibula apici ejus affixa parabam; hoc ægotans statim à cibo & potu assumptis gutturi, unaque œsophago immittens, alimenta secus restagnatura in ventriculum, orificio ejus referato, detrudebat: atque hujus ope per sedecim annos pabulum quotidie sumsit: eademque adhuc machina utitur, & etiamnum vivit valetque, secus inedia periturus. Procul dubio in hoc casu os stomachi, sive à tumore, sive à paralyfi semper occlusum, nihil, nisi violenter referetur, in ventriculum admittit.

DE LIQVIVM ANIMI.

Vid.

CORDIS MORBI.

DE

DELIRIUM & PHRENITIS.

DE Hisce morbis uno & eodem capite agimus ob maximam affinitatem, propter quam etiam de iis simul, atque uno capite scribit Clar. Willisius, quod integrum mox jam adducimus, sic itaque ille.

De Delirio & Phrenitide.

Hactenus de *morbis cephalicis*, à quibus functiones animales per se, & quatenus *corporeæ* sunt, sine respectu ad *animam rationalem* inhiberi, aut perverti solent: In quibusdam ex illis; scilicet *vertigine*, & *Paralysimintellectus* plerumque clarus, & vegetus perstat, atque in cæteris, tanquam oculus in obscuro loco positus, species aut planè nullas, aut paucas tantum *φάντασι* rudiori objectas intuetur; in *errorem* vero magnum, aut *furorem* non facile rapitur; cujusmodi symptomata, propter alias *ἐν γὰρ φάντασι* ejusque spirituum incolarum affectiones, de quibus modò agendum erit, passim inducuntur. Nam si quando *imaginatio* ita perturbatur, aut pervertitur, ut species, & notiones à *sensu* vel *memoria* oblatas, aut perperam concipiat, aut malè componat, vel dividat; propterea statim *intellectus* conceptus, & noemata tantum deformia, ab invicem distracta, & valde confusa speculatur, aut effingit: quæ quidem illi à *cerebro* malè affecto velut *μερμερλουμένη* à speculo variegato, & distorto representantur. Cum plures sint modi, quibus *imaginatio*, & per consequens *mens* & *voluntas*, aliæque superioris animæ potentie, perverti, aut depravari solent, illæ omnes communi de *sapientia* vocabulo insigniuntur. Hæc autem *affectio* distinguitur in *breviorem*, quæ *delirium* appellatur, ac *longiorem* seu continuam, quæ aut febre conjuncta est, & dicitur *Phrenitis*, vel sine febre contingit, eique aut *rabies*, aut *tristitia*, aut *stupiditas* adjungitur, proindeque in *maniam*, *melancholiam*, & *μωρότητα* dividitur: de singulis hisce ordine dicemus? ac in præsentia de *Delirio*, & *Phrenitide*.

Et si *delirium* non per se *morbis*, sed tantum *symptoma* est, ab aliis affectibus procedens; quoniam verò in horum, quibus supervenit, medela, illi per remedia appropriata plerumque occurri solet, idcirco ex re fore videtur in *naturam* & *causas* ejus paulo strictius inquirere. Vocabulum illud, speciali modo sumptum idem est quod *ἁπλοῦς φρεσίν*, & denotat ejusmodi functionis animalis *lesionem*, qualis in *paroxysmis febrium*, ebrietate, & quandoque in *passionibus* dictis *hystericis* exorta, homines ut ad breve tempus absurda cogitent, loquantur, aut agant (scilicet horum aliena, aut simul omnia) inducit.

Delirium excitatur in quantum spiritus animales aut nimis irritati, aut in confusionem acti, huc, illuc intra globosam cerebri compagem (ubi *phantasia* & *memoria* sedes habent) *ἀτακτως* & tumultuose feruntur; ita namque dum variae *imaginationis* & *memorie* species simul excitata, invicem confunduntur; *phantasmata* tantum absurda, & incongrua *animæ rationali* obijciuntur, & proinde tum *intellectus*, tum

voluntatis actus solummodo inordinate eliciuntur. Ob spiritus animales intra *cerebri medullam*, sive *corpus callosum* irregulariter commotos, ut animæ rationali conceptus incongrui, & noemata confusa obijciantur, pariter contingit, ac cum à diuturna corporis circumgyratione visibilium species inferuntur *sensui communi*, unde omnia circumagi, modo in alterum elevari, modo in intum deprimi videntur; ut nihil stabile, & consistens, in debito situ, ac positione conspiciatur. In *cerebro* rectè disposito, spirituum animalium motus, certis quasi numeris, & modis, velut in tripudio peragitur; dum spiritus quidam in his tractibus suscitantur, alii in istis quiescunt, deinde hi illis in motu succenturiantur; & singuli cujusque facultatis actus, quasi totidem in fluvio aquarum undulationes distinctæ fiunt; verum in *delirio* spiritus simul omnes exiliunt, & sibi invicem tumultuose occurrentes, aut se variè proripientes, velut choreas bacchantium agunt: Porro quemadmodum hic intra *cerebri* compagem, tali æstro perciti, cogitationes multiplices, & valde perturbatas, cient; ita dum extra hujus confinia in *originem nervosam* feruntur, loquelam incongruam, corporis, & membrorum gestus absurdos, & non raro motus convulsivos producant. Siquidem verò talis spirituum orgasmus (secus ac in *Phrenesi*, aut *Mania*) statim deservescit, & è tumultu istorum peracto nulli tractus devii in cerebro cudentur, *delirium* cito, pertransit, & affecti mox iterum animo constant, sine relictis *desipientia* vestigiis.

Quod si inquiritur, unde hic *furor brevis* spiritibus cerebri incolis imprimitur, ut excussis *animi* habenis, ita in œconomia sua omnia susque deque habeant; dicimus eos *duplice ratione* hujusmodi inordinationem concipere, nempe æltrum hoc aut è *sanguine* cerebri compagem perluciente iis immediate confertur; aut *spiritus* quidam *animales* exterius, intra *nervosum* genus degentes *ἀτακτως* quandam primò ineunt; dein eadem *cerebro* per ductus nerveos communicata, spiritus ibidem hospicantes pariter afficiens, in *delirium* ciet. Utriusque horum variae sunt *species*, & *causa*; quorum præcipuas hic breviter attingemus: & primò ostendetur, quomodo, & ob quas *νεφελὴς αἷμα*, aut nimia effervescencia tumidus, aut materiâ venenatâ prægnans, quatenus vel particulas efferas & indomitas, vel magnas, & regimini animali infestas *cerebri* poris, & meatibus insinuat, *Delirii* parens existit.

1. Quoad prius in *febrium* intermittentium paroxysmis & continuarum *ἀκατέκτα* sanguis incendio immodico effervescens interdum mero ebullitionis suæ impetu *delirium* concitat; in quantum scilicet iste plurimum turgescens, dum exiles arteriarum propagines, per cerebri exteriorem ambitum ubique diffusas pertransit, eas valde inflat, & distendit; proindeque cerebri substantiam comprimens, spiritus varie impellit, & quasi in turbas valde confusas cogit: Porro è *sanguine* cum spumosa rarefactione ita turgescente, caloris effluvia, cumque iis particulae heterogeneæ *cerebri* poros & meatus subeuntia, spiritus exagitant & huc, illuc tumultuarie corripunt.

2. Propter similem ferè huic rationem, *ebrietas*

aut altum *soporem*, aut *delirium* infert; in quantum scilicet, massa sanguinea, spirituosas vini particulas (à quibus effervescit) in cerebri poros, & meatus insinuat, à quibus spiritus in iis hospitantes, aut planè obruuntur, aut in motus inordinatos, & confusos aguntur. Quippe indomita vini aut cervisiæ uberius epotæ corpuscula, cerebri cujusvis utut firmi, & sani claustra reserant, atque altius in ductus medullares penetrantia, & rationis & imaginationis actus perturbant, & planè evertunt.

3. Nec tantum *sanguis* particulas *febriles* & turgidas, aut *vinosas*, & indomitas, sed interdum *malignas*, & quasi *venenosas* regimini animali suggerens, cum, vel sine febre *delirium* ciet. Quoad prius in *peste*, *variolis*, *febris* *malignis* (etiam si color moderatè habeat) materies maligna ad *cerebrum* translata, quatenus spirituum copias dissipat (potius quàm quòd eos in tumultus adigit) notiones abruptas; incoherentes, & tandem distractas parit.

Ob parem huic rationem *toxica* quædam & *venena* intus sumpta, ac (uti nonnulli asserunt) exterius applicata *delirium* citò accersunt. Hoc de *solano furioso*, *mandragora*, & plantis quibusdam aliis, vulgò fertur; de *radicibus pastinacæ silvestris* res notissima habetur. Narrabat mihi quondam *amicus intimus*, & *vir fide dignus*, perinde ac doctissimus, se generosi cujusdam ædes intrasse, ubi mater familias, filia & ancillæ omnes (unica excepta) simul *deliræ* factæ, incongrua & absurda loquentes, & saltantes per domum discurrebant; cum illas planè *lymphatas* suspicaretur, didicit ex puellâ feriâ, cui mens & ratio constabant, totum illud à comestione *radicum pastinacæ*, quas ipsa tantum non gustaverat, contigisse. Id quod etiam eventus comprobavit; nam postquam delassatæ somno indulserant, omnes demum sobriæ evigilabant. Utrum hæc, & alia ejusmodi *toxica regimini animali* potius, quàm *vitali* infesta labem suam aut tantum sanguinis comæatu, aut etiam aliquatenus spirituum in ventriculo residentium contactu, cerebro communicant, non otium erit hic disquirere.

Verum insuper advertimus, *delirium à spirituum animalium inopia*, & dissipatione magnâ nonnunquam excitari; quippe illorum series abrupta, & ab invicem distracta, non secus ac tumultuariè conglobata, notiones confusas, & incongruas suggerunt. Hinc observare est, quosdam à magnis *hemorrhagiis*, aut *longis vigiliis*, & diuturna *inedia* *delirasse*; propter hanc rationem plures *moribundi delirè* & incongruè loqui solent.

Restat altera *delirii* species, in qua *sanguine infante spiritus* animales, alicubi in nervoso genere scatentes, primò *delirium* subeunt; dein eadem affectio per ductus nerveos ad *cerebrum* perreptans, spiritus medullæ ejus incolas in *delirium* ciet. Hoc satis obvium est in *passionibus*, quæ dicuntur *hystericæ*; nempe post ventris intumescientiam, & cordis oppressionem, demum modò *anæsthesiam*, modò *fabulationem* absurdam, cum fletu & risu succedere. Pariter in *Colica atroci* observavi interdum immanes circa viscera aut lumbos cruciatus, mox *delirium* cessisse, dein paulo postea hoc cessante, tormina rediisse. Novi puellam quæ (prout alibi memoravimus) ab assumpto *pharmaco emetico*, donec ope-

raretur, constanter *delirare* solebat. Huc etiam facit quod sæpius adverto à *Gangrana* in membro quodam externo incipiente *delirium* accieri: Atque hoc pro signo lethali, in vulnere, aut ulcere passim habetur; quia denotat spiritus animales in parte affectâ internecioni dato.

Nec meliorem *prognosin* symptoma istud diu invaletudinariis, ac penè attritis superveniens exhibet; in *febris* *intermittentium* paroxysmis, fere semper tutum est, in continuis vero dubii & nonnihil suspecti eventus, in malignis sæpius malum ominatur; in *morbis convulsivis* primi *Delirii* insultus ut plurimum periculo vacant, attamen ejus frequens accessio, diathesin in *Carum Apoplexiam*, aut *paralyse* non raro parit.

Hæc affectio, quoties satis rûta videtur, curationem non exigit: nam paroxysmus cito ac facile pertransit: Attamen quia nonnulli, quibus cerebrum imbecillius & laxum est, atque spiritus animales nimis dissipabiles, in fugam, & confusionem apti sunt, de levi quavis occasione perturbati, statim *delirè* agere, aut loqui solent; idcirco his medicina opus est, non Helboro tamen, sed remediis cephalicis, quæ cerebrum corroborent, & contra materiæ morbificæ incursum muniant; item quæ spiritus animales fortificent, eosque fixiores & ad resistendum fortiores reddant. Hujusmodi medicaminum [cum ad morbi cujusque alterius cephalici procatarxin tollendam utilia sunt] *formulas* & *administrationum modos* superius descripsimus.

Delirium febris *continuis* & *malignis* superveniens, peculiarem medendi rationem postulat: Namque imprimis indicat materiem morbificam versùs caput periculose translata, exinde quoquo modo revelli debere; in quem finem *vericatoria* cervici, *emplastra*, aut *cataplasmata*, aut animalium carnes aut viscera calentia pedibus admoventur; intus cephalica temperata, uti pulveres à coralliis & margaritis, aqua *Cerasor. nigr. flor. Paralyseos*, *papaveris*, aliaque spiritus refocillantia, ac demulcentia, propinantur.

His ita præmissis circa primum, & levissimum *desipientiæ* modum, ad gradum ejus altiozem, sc. *phrenitidem*, quæ priori affectu longè major, & durabilior est, ascendamus. In *Delirio*, spirituum cerebri incolarum perturbatio, velut aquarum in fluvio à lapide injecto undulatio excitata, verum in *phrenesi* illorum commotio, quasi fluctuum à turbine insanientium æstus videtur.

Phrenitis definitur, quòd sit *desipientia continua*, seu *principum cerebri facultatum depravatio*, ab inflammatione meningum orta, cum febre *synocha*. Huic morbo alter affinis, sc. *paraphrenitis* vulgò accensetur ejusque causa non membranarum quæ *εγκεφαλον* tegunt, sed *dyaphragmatis* inflammatio statuitur. Porro in utroque affectu (uti etiam in *pleuritide*, sed perperam) febris quasi tantum esset symptomatica, ab eadem causa conjuncta, sc. partis cujus phlegmone exoriri perhibetur. Verum enim vero *phrenesin* potius febris succedere, & quia sanguis effervescens recrementa sua adusta c. piti transfert, produci, Hippoc. olim, nunc quisquam vel e plebe observat, in quantum sc. febricitantis *urina*, à turbida, & crassa, in tenuem, & aquosam mutata, *Phrenesin* imminet.

imminentem indicat: cuius idcirco affectus causa exinde colligitur esse, materiæ febrilis in cerebrum metastalis:

Quod autem spectat, ad Phrenitidis, & paraphrenitidis causas conjunctas, facile erit ostendere, illam non semper à meningum, & hanc non omnino à septi inflammatione procedere. In dissectionibus Anatomicis sæpius vidi meningas, immò nonnunquam, & cerebri exteriorum ambitum tumore phlegmonodei obsessas, atqui laborantes minimè phrenesi: verum è contra torpore affecti, à Caro, aliisve morbis soporosis interibant. Et quidem rem ita habere ratio planè dicitur; nam meningis inflammata, eoque magis tumida, cerebrum valde comprimunt, & circa ambitum ejus spirituum ductus & vias occludunt; proinde ut vigiliæ, & memoriæ functionibus impeditis Lethargus (uti de facto liquet) necessario sequatur: At tamen longò secus in phrenesi, cerebri meatus, & pori omnes pro spirituum excursibus amplo nimis patere videntur, in quantum sc. ex ultimis, simulq; omnibus memoriæ Thecis species recondita una suscitantur quæ, sibimet invicem aliisque à phantasia & sensorio communi tumultuariè suggestis occurrentes rationes adeò multiplices, & maxime confusas pariunt. Tantum animæ abest sensitivæ intra *ἐγκεφάλῳ* expansionem (quam certe meningum inflammatio efficeret) angustari, ut potius supra modum dilatari, & cerebri poris omnibus reseratis, ultra solitum ambitum efferri videatur. Eveniat forsan à diuturna istius morbi mora sanguinem intra meningum vasa copiosius aggestum, ibidemque stagnantem, demum in iis phlegmonem parere; sed tunc propterea suspicamur (quoniam ita crebrò assolet) phrenitida in Carum aut Lethargum transire, à quibus nimirum Phrenitici crebrò emoriuntur.

Nec minus rejicimus *Diaphragmatis inflammationem*, quam *Paraphrenitidis* causam Galen. olim, ejusque autoritate moti plerique in omni deinceps ævo Medici assignarunt: *Observationes Anatomice* hujus oppositum planè evincunt. Olim puellæ leipothymia subita interemptæ cadaver dissecantes, in carnosa *Diaphragmatis* parte abscissum magnum cum cysti sanie & vesiculis aquosis impleta, reperimus; nec tamen unquam illa delirio aut phrenitide tentari solebat. Quondam item *virii Illustri Academici* (cujus in nupero tractatu mentio facta est) à *Pleuritide spuria*, & diuturna defuncti cum *Anatomen* faceremus, manifesto liquebat abscissum magnum in *Pleura & musculis* intercostalibus suppuratum, ac interius disruptum, puris copiam ingentem in Thoracis cavitatem profudisse, quod *Diaphragma* substratum corrodens ingens in eo foramen excuderat; nec tamen hic in tota ægritudine sua phreneticus, aut animo delirans fuit. Quapropter hunc affectum vix unquam à tali causa produci arbitror: verum opinio isthac inde nata videtur, quod sæpenumero in vera *Phrenitide* una cum desipientia continua *Diaphragmatis* motus impediatur aut perverti solet; uti colligere est ex respiratione inæquali & difficili, sc. modò anhela, & quasi suspensa modò crebra & celeriter repetita cum inspiratione interdum duplicata; cujusmodi symptomata, simulque mentis alienatio, dicuntur à septo inflammato, & propterea convulso procedere; quamobrem Anti-

quiores *Diaphragma φρένας* appellabant: verum istis non opus fuerat, si considerassent, *Diaphragmatis* actionem omnem à spirituum animalium è cerebello effluxu pendere, & propterea necesse, esse si materia phrenetica cerebrum invadente, quædam pars ejus unà in cerebellum irruet, ut præter desipientiam, insuper sepius, ex se licet infantis motus alteretur, prout alibi fufius ostendimus.

Itaque *Phrenitidis ratio formalis* in eo consistere videtur, quod spiritus animales, imprimis in toto cerebro plurimè irritati, in motus inordinatos, & valde confusos, simulque impetuosos adiguntur; proinde ut functionis cujusque animales actus depraventur, & varie pervertantur; rerum Ideæ simul plurimæ, è memoriâ suscitata, veteres cum novis, aliæque aliis malè conjunctæ, aut divisæ mire confundantur; phantasmata multiplicia, & penè innumera, eaque tantum incongrua, imaginatio suggerat; sensibilibus species distortas, duplicatas, aut incohærentes sensorium commune repræsentet; hinc ut mens & voluntas conceptus, & passionibus non nisi ridiculas, & impertinentes eliciant, atque corporis actiones fere tantum irregulares edi faciant. Porro non tantum in cerebro, sed etiam in cerebello, & ubique in nervoso genere spiritus, velut æstro perciti; tumultuantur; quare phrenitici non solum delirè loquuntur, sed inæqualiter respirant, vociferantur, pugnos cædunt, manus, & pedes jactant, quin & membra quæque viribus intensis cumque impetu validissimo exerunt; revera ut tota videatur anima in toto corpore furiosa excandescere, & debacchari, seu potius velut incendio correpta inflammari. Et quidem *Phrenitis* nullo modo aptius definiri potest, quam quod sit *totius anime sensitivæ sive spirituum animalium quoad totam eorum hypostasim phlogosis sive inflammatio*. Incendium hoc à spiritibus cerebri incolis semper incipiens, & exinde in reliquas animæ sensitivæ partes emigrans à sanguine, igne febrili prius æstuante, tum materiem primo incipientiam, tum constans incendiū pabulum accipere videtur. Enimvero probabile est sanguinem febriliter ardescendentem, particulas interdum sulphureas unà cum spirituosas cerebro offundere, quæ semiaccescæ, & quodammodo efflagrantes, si unà cum alteris penetrarint, exinde mox omnes ductus medullares, & nervos subeuntes, spiritibus ubique adhærent, eosque adeò inflammatos summe efferos, & in placabiles reddunt. Certè verisimilius est, *Phrenitiden* hoc ritu à spirituum phlogosi potius quam à meningum aut cerebri inflammatione, quæ *Cephaleam*, aut *Lethargum*, certius quam furorem (prout ex crebris *Anatomis* compertum habui) inferrent, excitari.

Et quidem ita fieri haud nostra tantum aut nova prorsus opinio est, verum Hippocratis præcipuus ille sectator & interpret optimus, Prosper Martianus, idem expressis ferè verbis statuit; videlicet comment. in lib. de morbis 3. vers. 99. pag. 151. dicit *Hippocratem vocare phrenitin, delirium cum febre, quod continuum est, & à firma & stabili affectione dependet, viz. ab inflammatione earum partium quæ nature institutio, & rationi, & menti inserviunt; Ita enim spiritus animales, quorum vitio deliria fiunt, non simplici qualitate, quatenus incallescunt, sed etiam secundum substantiam alterantur*. Hic manifesto distinguit inter

inter calorem & flammam, atque istum respectu qualitatis, & hanc respectu substantiæ alterationem esse statuens, Phrenitidis causam spirituum inflammationi planè ascribit. In eodem loco plura habet ad rem nostram maximè apposita, nempe quod Phreneseos causa continens fuerit, non meningum, sed spirituum inflammatio, quorum substantia siquidem alteratur, hoc est, quandoquidem ignea facta est, delirium adeo continuum excitatur.

Spirituum à sanguine in cerebro productionem, destillationi chymicæ sæpius comparavi: De qua observare est, si liquor spirituo-sulphureus igne nimis intenso urgeatur, cum inter extillandum quandoque ignem concipere, ac efflagrantem cum flamma aperta in Alembicum ascendere. Hoc de oleo Terebinthinæ per se, aut cum floribus sulphureis ebulliente quibusdam in quo suo, damno satis innotuit. Pariter opinari licet; sanguinem intensius ardescensentem etiam spiritus de se extillatis non raro incendium communicare, sc. particulas quasdam semiadustas cerebri poris insinuare, quæ in spirituum ductus omnes, tum ibidem, tum in appendice ejus irruentè, spiritus ubique accendunt, atque in motus perniciosissimos, ac velut fulguratos cogunt.

Quod autem febribus non omnibus, nec tantum maximè ardentibus, Phrenitis superveniat, rationes ex sequentibus patebunt: Nempe, cerebri claustra in tantum obserata esse debent, ut non modò iis nihil extraneum suffundatur, sed nec sanguinis, ut ut summè flagrantis, & circumcirca consiti, flamma intensior ea perrumpere valeat; quare nonnullis febre causo affectis, etsi cruor totus ardescit, torrentur viscera, æstuant medullæ, lingua & fauces velut à carbone vivo afflantur, usque tamen cerebro firmiter occluso functiones animales sartæ tectæ perstant. Verum è contra alii, quibus cerebrum debilius, & nimis laxum est, atque sanguis plus debito sulphureus, non tantum à febre ardente, sed interdum à mitiori visa phrenetici evadunt. Propter qualem procatarxin, & ob quas *προφύσεις* sive causas evidentes, hoc fieri solet, jam proxime inquiramus.

Ostenso igitur phreneseos subjectum immediatum esse animam sensitivam, sive spirituum animalium hypostasim, & morbi rationem formalem in illorum inflammatione consistere, atque causam conjunctam esse particulas sulphureas à sanguine, in cerebri claustra suffusas, ibidemque spiritus continenter accendentes; quod modo incumbit non difficile erit causas ejus procatarcticas assignare quas partim in sanguine, partimque in cerebro ac incolis ejus inveniemus.

Sanguinis prævia diathesis ad Phrenesin disponens modo simplex, modò duplicata existit; prior est constitutio ejus calida & acris, sive biliosa, nempe quod plurimas in se particulas sulphureas contineat, quæ plus debito in febre accensæ sanguinem magis efflagrare, atque incendium suum cerebro insinuare aptæ sunt. Dispositio hæc, quando potens & summè actuata fuerit, morbum istum per se non raro producit; plerumque verò subest altera sanguinis diathesis quæ priorem adjuvat, & magis efficacem reddit, nempe quod præter particulas sulphureas, & inflammabiles, adsint aliæ asperæ, & penetrativæ,

quæ videlicet subeunt, & aperiunt, adeoque priores facilius introducunt: Hoc corpuscula salina sulphureis conjuncta quodammodo efficiunt; hinc biliosi & melancholici febricitantes in furrores sunt magis proclives; Attamen longe potius particula heterogenea cum sanguini insunt, à febre commotæ, cerebri ostia aperiunt, & inflammabiles quasque intromittunt: Quapropter variolis & febribus malignis, ac pestilentibus Phrenesis crebro supervenit.

Aliter, qui cerebri est apparatus ad Phrenesin partim in istius temperie, & conformatione, partimque in spirituum incolarum indole consistit: Quoad prius; cerebro calido & sicco præditi in Phrenesin maximè proclives reperiuntur; non quod ea constitutio inflammationi sive phlegmoni magis obnoxia sit, (nam ad hanc minus apta est) sed quoniam in tali cerebro, secus ac in calido ac humido, vel frigido & sicco, pori, & meatus apertiores sunt, & nimis dehiscetes materiæ incentivæ à febre suggestæ aditum præbent: Quæ insuper multo facilius admittentur, si spiritus admodum fugaces, & pathetici, levi quavis occasione in tristitiæ, timoris, iræ, aut odii passiones apti fuerint; proinde ut materiæ extraneæ incurribus minùs obstant, ipsique incendium promptius concipiant.

Phreneseos causæ evidentes, aut remotiores sunt, sc. quæcunque res intemperiem febrilem excitare solent; uti crapula, ebrietas, corporis, aut animi perturbatio vehementior, evacuationes solennes suppressæ, cum multis aliis; aut proximæ, uti febris, ejusque appendiculæ & adjunctæ; nempe si ea pestilens, maligna, aut mali moris erit, si propter crapulam à cibis aut potu maximè incongruis orietur, vel passionibus violentis, amoris, odii, invidiæ, indignationis, aut tristitiæ, aut studiis immodicis succendet: Hujusmodi etenim *προφύσεις* & sanguinem, & spiritus animales febriliter æstuant ad affectionem phreneticam valde propensos reddunt.

Quandoquidem hic morbus ab anima potius & immediatius quam ab humoribus aut partibus solidis, affectis dependet, species & differentia ejus nec variæ, nec multiplices erunt: Respectu magnitudinis Phrenesis intensa aut mediocris, it. continua vel intermittens est, nempe juxta quod spiritus animales plus aut minus inflammantur, atque incendii sui pabulum à sanguine continenter, vel per vices accipiunt. Secundo prout incendium vel à cerebro tantum, vel ab hoc simul & cerebello incipit, vulgo in Phrenitidem & Paraphrenitidem distinguitur; quod tantundem est, ac functiones animales spontaneas ferè tantum, & potissimum, aut unà cum his etiam vitales lædi. Cæterum hic morbus quoad febris, cui appenditur, naturam & morem, malignus, aut malignitatis expers; etiā pro ratione temperamenti ægrotantis Phrenitis in *sanguineam*, *biliosam*, *pituosam*, aut *melancholicam* distinguitur; atque hoc non improprie, namque spirit. animales juxta varias ipsorum indoles, diversimodè ab hoc morbo excandescere solent.

Prognosis in hoc morbo semper dubia est, & cum mali eventus, suspitione instituenda est: Nam Phrenitis ex se (uti inquit Trallianus) *πάντοτε ἐξολογῶν ἔστί' πικρὸν δυνάτωρ*, dein si febre pestilenti malignæ, aut quæ mali moris est superveniet, exitum

exitum non nisi funestum expectare licebit.

Si *Phrenitis* corpori sano, *ευστασία*, temperamento sanguineo, ac in ætate juvenili, contigerit salutis spes major erit, quam si agrotans annosior, macilentus, biliosus; & passionibus violentis obnoxius fuerit.

Si *Phrenesis* crebra vice remittens, lucida intervalla habet, melius est, quam si furor sit interdiscontinuus: Sin ægroti interdum melius habere visi, post somnos moderatos furiosi semper evigilant, indicium est morbum pertinacem, & proinde periculosum fore; inquantum scil. novus materiæ incentivæ penus subinde cerebro suggeritur, quod quidem in somno longè uberior quam in vigilia fieri, alibi ostendimus.

Phrenitis, aut brevi tempore in salutem, aut mortem, cum febre terminatur; aut diu protrahitur, & post febrem superstes, demum vel sanatur, vel in alios morbos, nempe aut *Lethargum*, aut *Maniam*, aut *Melancholiam* transit.

Si febris crisin laudabilem per sudorem, aut urinam copiosam habens, integre solvetur, plerumque etiam *Phrenitis* prorsus cessabit: sin febris minime judicata materiam usque morbificam *πρὸς ἐγκεφάλω* ingeret, adeo ut præter functiones animales depravatas, vitales fatiscere incipiant, (quod ex pulsu, & respiratione in pejus alteratis liquebit) si urina sit pallida, si crebra sanguinis è nare stillicidii, si vomitus, & convulsiones evenient, mortem in propinquo esse medicus concludat.

Interdum febris etsi non semel; & integre judicatur, postea tamen sensim, ac lentè transiens, *Phrenesin*, sive desipientiam superstitem relinquit; quæ si nondum morâ suâ spirituum in cerebro tractus priores oblitteravit, deinceps aut sponte paulatim desinit, aut remediorum ope sanatur.

Quod si ob *Phrenesin* diutius protractam, meningis, aut cerebri cortex à sanguine, aut sero ibidem aggesto, & stagnante, demum tumore phlegmonodei aut illuvie serosâ occupatur, lethargus aut morbi soporosi succedunt, quorum curatio sæpè difficilis, aut nulla est à longâ *Phrenesi* aut spiritus animales (eorum incendio licet cessante) indolem vitiosam contrahunt, aut cerebri meatus & pori pervertantur, desipientia non rarò perpetua (morbo priori in maniam, aut melancholiam, aut *μωρόσιν* transiente) non rarò succedit. Quare vulgo dicitur *Phreniticis* non citò curatis, cerebrum fractum esse, proinde ut semper infant, aut delirent.

In *Phrenitidis* curatione respicere oportet unâ febrem & furorem sanguinis incendium febrile, sive effervescentia immodica, quæ plerumque alterius effectus causa antecedens est, imprimis compesci, & sedari, simulque spiritus animales mulceri, & excandescentiâ quavis immani liberari debent. Si *Phrenitis* circa febris initium, aut medium contingit, eadem ferè remedia, & medendi methodus in utrumque finem conducunt: sin vero ille affectus huic, dum in statu, aut *παράμην* est, superveniat, sanandi rationes sæpe mutuo repugnant; & summâ cautione opus est ne, dum uni morbo occurrimus, alterum augeamus; in hoc indicatio vitalis circa vires conservandas primum locum obtinet, atque sanguinis missio, aut purgatio non temere, & copiosè celebrentur.

In priori casu, cum febris, & *Phrenesis* ferè *συνχευον* sunt phlebotomia, rarò aut nunquam omittenda, statim adhibeatur, & si vires ferent, postea aliquoties iteretur: Nihil enim æquè ac remedium sanguinis flammam immodicam deprimit, ac diminuit, nihilque incendium ejus è regimine animali magis avertit, aut revocat: Quapropter si res exigat, vena modò in brachio, aut manu, modò in crure aut pede, modò in cervice, vel fronte aperiatur: quandoque forsan expediat arteriam temporalem pertundi; qui etiam ex aliis locis per hirudines nonnunquam aut cucurbitulas sanguinem detrahi: Hoc enim potissimum auxilium, juxta Galenum; *ὡς πρῶτον ὑπὲρ πάντων, καὶ μέγιστον ἐσθλόν βῆθημα*, plurimas in *Phrenesi* indicationes explere solet.

Cæterum ad præcavendos materiæ febrilis è visceribus in caput raptus enemata præcipui erunt usus; quibus, si opus fuerit, alvus continuè lubrica servetur vomitoria, & cathartica nisi tantum lenitiva rarius hic locum habent. Cataplasma ex Ruta, chamomelo, Verbenâ, rad. Bryoniæ florum Papaveris erratici, cum sapone totis pedibus admoveantur; vel eorum loco columbæ, & pulli dum calent discissi applicentur; interim Julapia, Apozemata, pulveres confectioni, à quibus tum sanguinis æstus, tum spirituum excandescencia sedetur, pro re natâ præscribi debent.

℥. Aqu. Pomorum, Cerasorum nigrorum, Paralyseos an. ℥ iv. Citri totius ℥ ij. Margarit. pulv. ℥ j. Syrupi è succo citri ℥ j. Misce f. Julapium, sumantur ℥ iij. ter vel quater in die.

℥. Rad. Graminis, foliorum Liniulæ, Pimpinell. an. M. j. hordei ℥ β. Pomum incis. uvarum Corinthiacarum, vel fragorum, aut fructuum rubi Idei M. j. coquantur in aq. font. lib. iv. ad tertiæ partis consumptionem. Colaturæ clarificatæ adde syrupi violacei ℥ j. salis punellæ ℥ iij.

℥. Foliorum Borag. recentium, & teneriorum M. iv. liniulæ M. ij. duo poma curtipendula, salis prunellæ ℥ ij. pulpam unius Aurantii, sacchari albi. ℥ j. simul contusis affund. aq. font. lib. 2. vel 3. f. expressio fortis, servetur in vitro per subsidentiâ depuranda; capiat ℥ vi. vel vii. ad libitum sæpius in die. Pro siti restinguenda bibat Palmerii potum divinum, scil. aq. fontanam cum saccharo, & succo limonii, vel aquam, aut serum lactis cum foliis ulmarie, aut pimpinellæ infusis, aut decoctis, emulsiones ex decocto rad. & florum nymphæ, cum sem. Melonum, vel aq. fontanam aut destill. cum pulpa pomorum coctorum dissoluta.

Hypnotica in hoc morbo sæpè necessaria sunt, fortiora tamen haud statim ab initio conveniunt, nec crebro in usu sint; quia somnus opiatu inductus, plus materiam morbificam cerebro ingerit, eamque illic penitus infigit.

℥. Aq. flor. Paralyseos ℥ iv. Syrupi de Mœconio ℥ β. Margarit. ℥ j. f. haustus sumendus sera nocte.

℥. Sem. papaveris albi ℥ ij. Sacchari candi ℥ iij. simul contusis affund. aq. papaveris albi ℥ vi. f. expressio sumenda eodem modo.

Narcotica, quæ ex merè frigidis constant, cautè exhibeantur; quia nonnullis, quorum stomachi fibras valde teneras & sensiles habent, minus conveniunt. Sæpius observavi hujusmodi hypnotica magnam in ventriculo oppressionem exci-

excitasse, dein statim inflationem ejus, & paulo postea spirituum in cerebro, imò in toto corpore distractiones, & inordinationes insequutas fuisse; proinde ut non tantum somni frustratio, sed maxima inquietudo ciceretur.

℞. Laudani liquido, cum sale Tartari, aut succo Cydoniorum parati. Dosis in convenienti liquore propinetur.

Quæ somnum, invitant etiam epithemata temporibus, fronti, & syncipiti sæpè cum fructu adhibentur; cujusmodi sunt oxyrrhodinum, embrocatio ex aqua vel lacte linimenta ex oleo nucis moschat. per express. & unguento populeo; cui interdum opii gr. v. vel vi. adjiciantur: aut placenta rosacea, vel florum papaveris cum aceto, & nuce moschat. &c. Porro in hunc finem, potius quàm ad tollendam meningis inflammationem, agni, aut vervecis pulmones calentes, item columbæ vel pulli discissi opem non rarò egregiam præstant. In hunc usum sedum majus contusum, & cum lacte muliebri mixtum, & syncipiti raso applicatum mire laudetur; item Penoti epithem. ex moschi. gr. 12. Camphoræ ℞ss. & aq. rosaceæ tinctura fant. rubri imprægnat. ℞xx. à nonnullis commendatur.

Porro non tantum capiti, sed etiam cordi, hepati, aliisque partibus epithemata adhiberi solent: Sacculus ex syndone cum speciebus cardiacis interpassatim cum bombyce insultus atque aq. destill. vel aceto rosaceo irrigatus, præcordiis applicetur; Item lintea aceto rosaceo madida imponantur testibus: Pedes decocto foliorum salicis, lactucæ, capitum papaveris albi balneentur. Hujusmodi autem topica infri-gidantia tantum & demulcentia, circa morbi principium usurpentur; in statu verò iis resolventia, & emollientia, uti sunt flores chamomeli, meliloti, sambuci, &c. Item folia malvæ, atriplicis, majoranæ, hyssopi, & similia adjiciantur; in morbi declinatione resolventia tantum, atque ea parcius adhibeantur.

Interea virium maxima ratio haberi debet, namque his nimium labefactis, curationis spes omnis deperditur. Vires autem cito atteri solent, propter magnas vigilias, animi, & corporis agitationes perpetuas, victum tenuem, & phlebotomiam quandoque sæpius requisitam. Quapropter sedulo cavendum est, ne dum catharsi, aut crebriori sanguinis missione morbum eradicare facessimus, functionem vitalem subito debilemus: si hæc vacillare incipiet, neglectâ *phrenesi*, & victu magis *ιχυρῶς* concesso, cardiacis præcipuè utendum erit.

℞. Tincturæ coralliorum ℞ss. sumantur gt. 20. bis vel ter in die cum dosi Julapii cephalici, aut cardiaci, vel detur solutio coralliorum lactescens cum succo Aurantii facta ad cocl. j. sæpius in die.

℞. Rob. vel conservæ rubi Idei, oxyacanthæ ℞j. Margarit. præ. Magisterii è coralliis an. 3j. Confect. de hyacintho 3ij. Syrupi de succo chermes q. s. f. confectio; sumat quantitatem nuchis moschatæ, ter vel quater in die superbibendo Julapii sequentis ℞iij.

℞. Aq. florum Nymphææ, rosar. rubr. solior. ulmaria, an. ℞ij. Syrupi è coralliis ℞ij. Aq. cordialis Saxonica 3j. Misce.

℞. Conservæ florum Nymphææ, violarum

an. 3j. caulium lactucæ condit. 3ss. pul. coralli rubri in marmore cum succo Aurant. triti & exsiccat. 3ij. Specier. diamargarit. frigid. 3j. sem. papaveris albi 3i. ss. cum q. s. Syrupi de succo luvulæ, f. electuarium, sumat. quant. nucis moschat. sæpius in die.

In *Phrenesi* non tantum alvus, sed & vesica officii sui immemor, cerebro sollicitaria, ut etiam irritari debet.

Quapropter Egrotantes monendi, & matulâ oblata rogandi sunt, ut urinam reddant; cui si non obtemperant, regio pubis decocto parietaria, flor. sambuci & seminum apii, & Dauci cum spongia foveatur, & post fotum oleo scorpionum, & unguent. Dialthææ illinatur: in longa urinæ suppressione candelam ceream urethræ immittere oportet.

Phreneticorum historia, & casus tam multi, ac diversimodi ab Hippocrate in *libri Epidem.* accurate describuntur, ut parum opus videatur hic alias adjicere; præsertim quia inmenti operis, ac tædii esset varios insanientium mores, & gestus referre: interim quoad morbi eventum haud magna diversitas occurrit; quippe ut plurimum aut febre indicata phrenitis paulatim cessat, aut illâ crasin nullam, aut malam habente, mors, aut longa desipientia succedit. Attamen, quo hypothesis nostra de spirituum inflammatione illustretur, libet hic instantiam unam rariorem proponere.

Olim ad Ancillam robustam, quæ febricitans, & summè insaniens, continue in lecto vincta tenebatur, curandam accerserem. Huic sanguinem copiose, & dein iterato mitti, alvum ab enemate crebro subduci, quin & alias quasque administrationes, in hoc casu usitatas ordine celebrandas præcepi; interim Julapia, emulsiones, & hypnotica propinari: Verum his parum aut nihil juvantibus, per septem, vel octo dies illa insomnis usque, & furiosa admodum persistit, potum frigidum ejulando, & clamando perpetuo exposcens; quapropter hydropotia, ad libitum imò ad satietatem concessâ, nequaquam sedatior, aut sitibunda minus facta est; itaque (si quidem tempus æstivum fuit) ut mediâ nocte à mulieribus sublata, & foras perducta Cymbæ imponeretur, dein vestibus exuta, & vinculis soluta fluvio profundo immergeretur, fune tantum circa corporis truncum, ne forte submersa interiret alligato; verum istiusmodi, retinaculo nihil opus fuit; namque puella ut vix melius vir quispiam artem hanc probè edoctus, sponte natabat: post tertiam, aut quartam horæ partem, sana, & sobria aquis eximitur, dein lecto commissa dormivit, & copiose sudavit, posteaque sine alio quovis remedio convaleuit. *Curatio* hæc tam subito, feliciter successit, quantum flamma tum vitalis, tum animalis simul immensum auctæ excessus, à proprio ignis intensioris remedio, scil. humectatione, & infri-gidatione ab aquis tollerentur.

Is que hæcenus habet Clar. Willis subjungimus que de Phrenitide sua de morbis Capitis tractatus scripsit Clar. Bellini in absolutiorem hujus affectus theoriam; sic autem ille.

Antecedentia Phrenitidis sunt.

Calidorum usus nimius, insolatio, meri potio, ira, & hujusmodi: vulnus, percussio, contusio capitis,

capitis, mox febris, eaque ardens eodem ferè tempore cum expositis, tum somnus interruptus, insomnia terrefactia, & in eodem somno vociferatio. Sunt qui è lecto exiliant, delirium interruptum potissimum ad accessiones, & exacerbationes febris: oculorum præcipue, & faciei rubor, aurium sibilus, sonitus, strepitus, tinnitus, objectorum apparens geminatio, oculorum lacrymatio, & perturbati motus, jactatio, & motus varii corporis, excretionis nifus sine necessitate, urinæ ex coctis cruda, albæ, tenues: oblivio eorum, quæ dicuntur, responsiones iracundæ, & jam jam invadente phrenitide torvus, ac fixus intuitus, & in accedentes irruptio.

Conjuncta cum phrenitide mitiori, seu, ut appellant, in dispositione.

Febris acuta continua, delirium perpetuum, vigiliæ, dolor capitis, & cervicis, qui mox evanescere videtur: floccos, & festucas legere videntur alterna summorum digitorum explicatione, & complicatione: in iram facilitas, dentium stridor, oculorum rigor, tremores, & concussioniones corporis: petunt matulam, inde abstinent ab urinæ excretionem: exerunt linguam, neque inde retrahunt: Pulsus parvus, durus, celer, frequens, respiratio magna, rara, lingua arida, aspera, nigra, citrina, tremiscens, nullus tamen sitis sensus. Torvus aspectus, oculorum rubor cum squallore, nec ipsi vividi, & micantes, iidem lucem averfantes, sed & facies tota rubet. Acres lacrymæ, paucæ, densæ, oculorum angulis adhærentes, vel lacryma una, aut altera ex altero tantum oculo acris similiter, & densa: stilla sanguinis è naribus, eaque nigra, urinæ suppressio, & cum excernitur, alba, & pelucida: alvus adstrictior, dejectiones albæ, convulsio, extremorum rigor, capillorum evulsio, faciei laniatio per ungues, & quilibet alius in proprium corpus læviendi modus.

Conjuncta cum phrenitide in habitu Hippocratici, & deinde Medicis Hæctica dicta.

Sensuum omnium amissio, sive externi sint, sive interni, unde nulla molestia, nullus dolor, non delirium, non responsio, vix, aut nulla locutio: faciei, & oculorum rubor, mox corporis languor, & impotentia motus ita, ut raro decubitus mutant agri dormientibus similes: manus tremulæ, & sæpè motæ quasi apprehendendum aliquid quæritantes.

Consequentia.

Gangræna, vel sphacelus cerebri, convulsio, lethargus, Coma: vox clausa, tremula, singultus: fœcum, & urinæ involuntaria, nec percepta dejectio: sudor universi corporis calidus, & copiosus præcipue à capite: copiosior sanguinis fluxus è naribus, pus per os, & aures. Delirium cum risu (quod inter signa melioris exitus, & phrenitidis in sanitatem abitura ponunt.)

Quoniam calidorum usus nimius effectum non nisi à caliditate proveniente potest producere, nempe calefactionem: ab ejusmodi autem usu phrenitis oritur; igitur erit illa ca-

lesactum: aliquid. Hinc fit, ut febris ardens, atque acuta corripiat ex humoribus solutis, & in calorem abeuntibus excitata. Somnus autem exigit humidum, & frigidum; ubi igitur hæc desint, adsit autem calidum, quod non solum frigido contrarium est, sed insuper exsiccat, somnus continuus, qualis naturalis dari non poterit: erit itaque plus minus interruptus, prout calidum illud exsiccat qualitate, quantitate, aut utroque erit validius. Quia verò vis calidi exsiccantis est acrior, & momenti majoris; igitur calidum illud expirans per corpus, cerebrum, & nervos, & materiam suppeditans generationi spirituum, movere poterunt hi, vel illud species momenti majoris, quales sunt terrificæ, utpote ad indignationem, vel violentiam cujuscunque generis comparatæ, & siquidem species, quæ excitatur, conjuncta sit cum metu somniantis, vociferabitur ille per assuetudinem propter metum. Si verò species, quæ excitatur, ipsum somniantem ad minas, & indignationem moveat, erit vociferatio similiter effectus assuetudinis conjuncta cum motu indignationis, & minarum. Poterit etiam casu id contingere tum ratione somni, tum ratione delirii etiam in vigilia. Iisdem de causis, vel ut fugiat, si timeunda somniet, vel ut manus inferat, ulciscatur, &c. si iracunda: proflire è lecto poterit dormiens, quod etiam iisdem de causis præstare poterit vigilans, si per delirium, quod est somnium vigilantium, timoris, vel iræ species excitentur. Quia insuper motus delirii est motus specierum incertus, vagus, & per varias brevissimi temporis species; excitabitur igitur illud à corpore maxime mobili, & nullius certi motus (ut in somno naturali à perspiratione) qualis calor, quod tamen continuum non erit, nisi continuè calor urgeat, & tunc majus, cum idem magis urgebit, quod in accessionibus, & exacerbationibus febrium continget, vel tum sanguine magis fermentescente, vel cum stagnet in partibus corporis, tum magis premente cerebrum propter obstructionem, vel eò pervenientibus solum particulis calidioribus utpote tenuioribus. Quoniam verò per calorem sanguis rarefcit, adeoque majus spatium exigit; igitur nitetur extrorsum intra vasa, eaque majoris reddet amplitudinis, unde subcutanea magis conspicua fient, seu faciem, & oculos colore sanguineo, seu rubicundo inficient. Sed quoniam non corpus universum contrahit ruborem; calor igitur auctus non erit sufficiens causa producendi ruborem in facie etiam ab extrinseca superficie conspicuum, nec ullum indicium est ullius obicis ad cor, aut pulmones, quo sistatur sanguis è trunco ascendente venæ cavæ refluus; adsit igitur in capite obex aliquis oportet, quo impediatur, vel retardetur motus sanguinis per arterias, & rubor ille ab infartu arteriarum pendeat: obex autem in arteriis facit, ut per continuum affluxum sanguinis earundem canaliculi minimi in molem attollantur, & veluti totidem parva aneurismata producant, vel sanguis extra easdem exsudet in spatia interarterialia, adeoque eadem infarciat, & in molem majusculam extendat; minima autem quæque pars plurimis arteriis instruitur, quæ simul sumptæ tumorem insignem producent, si singulæ etiam parum intumescant, &

tumor ille fiet à sanguine, seu inflammationem constituet; ille igitur rubor faciei, & oculorum ab inflammatione, & quidem sytrophica poterit provenire, nempe cum tumore conjuncta: quòd si infartus fuerit minor, poterit pars affecta vix in tumorem attolli, sed solummodo vividè rubescere, eritque inflammatio sine rubore, quæ dicitur Phlogosis. A quacunque autem ex his causis proveniat, aderit calor acer, & pressio intra cranium major, quæ si tanta ob tumorem, vel locum tumoris sit, ut cerebrum plus minus comprimat, ea omnia producentur in animali, quæ ab insigni calore ad cerebrum, & ejus pressione producantur oportet. Per caloris impetum quaquaversum nitentem excitabuntur species, quæ poterunt. Quia verò arteriæ truncis majusculis distribuuntur per aurem internam sub membrana tympani, & earum pulsus augetur per obicem inflammationis, poterunt illæ tum eo ipso pulsu, tum calore copiosè evaporante in membranam incurrere, eamque movere excitando hanc, vel illam soni speciem, quæ excitari potest ab incurrentis caloris impetu. Rursus quoniam oculorum nervis allabuntur Carotidum majores trunci; iis igitur occurrat oportet sanguis toto impetu, & qui per obicem inflammationis sit naturalis major, instructus, sed non utrinque æqualis, cum id non sit necessarium; quando igitur non erit utrinque æqualis ille impetus sanguinis naturali major, dimovebitur uterque opticus inæqualiter ab axe optico, seu objecta videbuntur gemina. Insuper quoniam propter obicem inflammationis major copia sanguinis in arteriis colligitur, subsistit, ac premitur; igitur secretiones excrementorum, quæ ab illo sanguine fieri possunt, copiosiores erunt, hoc est, è glandulis lacrymalibus major sui liquidi excernetur quantitas, quæ quantitas naturali major cum lacrymas constituat, oculi lacrymabuntur. Quoniam verò calor nulla certa lege movetur, nulla etiam certa lege movebit spiritus, & nervos, per quos exspirat; muscoli igitur omnes nulla certa lege, vi, ordine, ac tempore movebuntur, sed modò quiescent, modò contrahentur, & quidem modò rariùs, modò frequentius, modò plures, modò pauciores, prout incertus caloris impetus trudit spiritus in hos, aut illos, unde non solum oculis accident perturbati motus, sed jactationes, & varii motus in corpore toto, è quorum numero est excreationis nifus sine necessitate, cum ejusmodi nifus sit musculorum motus, (ut ex doctrina nostra excreationis patet in secunda parte respirationis exposita) quem tentat tum homo non adactus necessitate screandi, sed per influxum spirituum vi caloris præter voluntatem intrusorum. Hæc autem inconstantia, & varietas motuum eo magis fieri debebit, si adsit cerebri mediocris pressio, quæ spirituum motus retardet, quibus proinde non detur liber fluxus in musculos, nisi post certum tempus, quo cumuletur spirituum certa quantitas vim pressionis excedens. Quoniam verò sanguis ad tumores derivatus ab eorum obice sistitur; igitur præterfluere non poterit, nisi quod est tenuissimum, ac liquidissimum subsistentibus ad eundem tumorem partibus minus ad motum aptis, cujusmodi sunt partes terræ, & salis. Ab his autem urina

constituitur crassior, & coctior; igitur hæc ad inflammationem subsistent resluentibus per corpus solum fluxilioribus, nempe aqueis, similibusque, à quibus fit urina crudior, & tenuis, unde urina ex coctis in crudas, albas, ac tenues abibunt. Quia igitur per caloris vim fit perpetua quadam, & varia spirituum agitatio; species igitur eorum, quæ dicuntur, non tremunt solæ, neque toto suo momento libero, sed cū aliis illis incerta, & semper varia agitatione spirituum permotæ, unde iis animum advertere non poterimus: cum autem contentione animi maxima opus sit ad memoria retinendum, (quod maxime assequimur quiete omnium aliarum specierum excepta illa, quam memoriæ mandare volumus;) igitur aliis, ac semper variis eodem tempore tremantibus memoriæ mandari illa non poterit, & ejusdem obliti videbimur, unde eorum, quæ dicuntur, oblivio. Similiter quoniam iræ species majori sunt impetu excitandæ, & hoc instructus est calor; & hæc igitur excitabuntur, & æger iis excitatis motus illos in responsionibus exeret, qui sunt cum ejusmodi speciebus conjuncti, nempe motus iracundos. Quod si jam invadat Phrenitis, erit tum maximus calor, unde motus omnes ad violentiam comparati, & propterea, ut in Comate vigili dictum est, torvus, ac fixus intuitus, & in accedentes irruptio, & hæc non solum à calore provenient, sed à pressione inflammationis augebuntur, quæ licet statim invadens major esse debet, quàm antecedenti tempore, unde tum primò totum cerebrum magis premet vel mole sua, vel arterias magis infarciendo, quare spiritus copiosiores exprimet, qui speciebus iracundiæ obtemperantes ducentur in musculos torvo obtutui, & illationi manuum servientes. Quoniam verò extendi membrana non possunt, quin fiat aliqua inter ipsarum partes divulsio, ex hac autem pendet dolor; in phrenitide igitur aderit dolor capitis: dolor autem est sensus quidam, nec sensus sine influxu spirituum; nisi igitur influant spiritus, dolor percipi non poterit, licet divulsio perseveret, imò etiam augeatur: sed per continuam, ac semper majorem canalium distractionem nervuli intercurrentes tandem ita comprimuntur, ut nihil spiritus ulterius possit influere; igitur post dolorem primò excitatum licet non cesset, imò augeatur inflammatio, cessabit ejusdem doloris sensus. Quoniam verò viget tum insignis calor; igitur humidum quodlibet absumitur, unde somni impotentia, seu vigiliæ, sed insignis hic calor semper viget; igitur semper varii, ac perturbati spirituum motus, seu delirium perpetuum. Absumptis autem liquidis superest in arteriis, & venis sanguis acrior cum certa obstructione in capite; hinc igitur febris acuta, ardens, continua, in qua & obstructio, & fermentatio sanguinis, & acuti motus musculorum, licet non omnium, neque semper, quæ singula ex se sola, ne dum omnia simul sumpta ad febris productionem sufficiunt. Cum igitur, ut superius, per calorem, & pressionem ab inflammatione spiritus nullo apto, & certo motu moventur, tremant, & concutientur corpora, prout spiritus in musculos influunt: stridebunt dentibus, prout in maxillæ inferioris musculos alternè influunt spiritus contrahentes cum impetu

petu; inde enim fiet mutua dentium validior allisio, ex qua eorundem stridor: oculi rigebunt, nempe motu aliquo tonico detinebuntur, cum æqualium momentorum spiritus in musculos eorum oppositos deducuntur. Simili de causa feltucas detergere, floccos vellere, & colligere videbuntur, cum ejusmodi motus nihil aliud sint, quam certi quidam motus certorum musculorum, qui contrahuntur, prout influunt spiritus. Quoniam verò in Phrenitide perpetuum est delirium; igitur petitio matulæ potest etiam esse petitio delira, non autem per meiendi necessitatem facta, quare hoc supposito phreniticum non meiendi post petitionem matulæ non erit indicium oblivionis. Insuper quoniam urinæ emissio, cum illa instat, & urget, est opus tam proprium necessitatis propter stimulum, ut etiam nostri compotes illam suppressere nequeamus; eandem igitur suppressere multo minus poterimus, cum delirio detenti arbitrio minimè uti possumus; quare tum maxime urina sponte fluet: non fluit autem, ut supponitur; non igitur quia obliuiscatur phreniticus, sed quia per obstructionem, & vim morbi, vel pressionem cerebri minor est vim musculorum expellentium, quam constrictoris colli vesicæ deficientibus spiritibus, vel quia ob morbi calorem, & siccitatem convulsus est tam musculus constrictor, quam musculus vesicæ advolutus, ita ut vesica occlusa detineatur, nec in ipsam influere ab ureteribus urina possit, vel denique quia nihil urinæ secernatur humido per morbi calorem absumpto, duro autem ad inflammationem detento. Par est ratio, cur linguam exerant, neque retrahant, quod de ore diducto perseverante post oscitationem in Lethargicis exposuimus non absimili necessitate. A caloris autem vi jam superius ostensum pendere facilitatem in iram, & torvum aspectum, quin etiam ruborem faciei, & oculorum à mora, vel quiete sanguinis intra arterias caput petentes, unde illæ extenduntur, trudentur magis extrorsum, & colorem sanguinis subcutaneum exhibent: non erunt tamen oculi vivi, micantesque, sed squalidi, cum desit alimentum aptum, apta humiditas, & apta spirituum quantitas movens, & quasi per pellucidum ipsorum corpus expirans, sed squalore, & quasi languore pressi, adeoque multo infirmiores, & sustinendo luminis incursui sine fastidio, ac dolore impares. Insuper vel à delirio, vel adhuc sensu doloris non solum in capite, sed in toto corpore per tantam morbi vim excitati phrenitici rapiuntur in quamlibet sævitiam, & offensionem proprii corporis, & capillos evellunt, & faciem laniabunt unguibus, & sibi manus inferre quoquo pacto machinabuntur, imò & inferent. Per calorem insuper morbi partes exsiccabuntur absumpto humido, unde arefcet lingua, & pili, qui per ipsam distribuuntur, dirigebunt, nec tactui cedent molliter, sed ipsum ferient, quasi parva totidem, & disjuncta spicula, unde aspera videbitur: nigra etiam, vel quia subsistat solus sanguis sub ejus superficie destitutus humido aqueo, à quo color ejus fit dilutioris rubedinis: vel citrina, si sit permixtus humori bilioto, nisi hic color à cibis subsistentibus, vel halitu ventriculi pendeat: tremiscens verò ratione influxuum incertorum per

spiritus, ut de cæteris motibus dictum est. Ulterius per vim morbi absumentis plurimum liquidum cum sanguine fluentis, & ratione obstructionis plurimum ejusdem detinentis ad inflammationem continebitur in arteriis copia sanguinis naturali multo minor, unde pulsus parvus: propter siccitatem partium omnium, adeoque etiam arteriarum durus: propter parvam quantitatem sanguinis, ejusque mobilitatem celer: propter stimulum in corde ab ejus affluxu nimis calido, mobilitatem spirituum, & pressionem ab inflammatione (nisi hæc pressio sit æquo major) frequens. Quia verò ad movendam universam multitudinem musculorum pectoris multo majori quantitate spirituum opus est, quam ad movendum unicum musculus cordis, iidemque muscoli non vellicantur extrorsum, ut cor à sanguine ventriculorum, neque interius tam vellicantur, quam villi cordis, cum intra villos pectoris sanguis sit minoris impetus, quam intra villos cordis, in quos derivatur ab ipso statim trunco arteriæ; igitur in musculos pectoris vix quicquam spirituum infuit per motum derivationis ratione stimuli: per influxum autem naturalem intant multo pauciores, quam in naturali statu, cum multo pauciores spiritus à tam imminuto sanguine generentur; igitur rarius moveatur pectus, seu respiret Animal oportet; interim verò cumulabitur in nervis copia liquidum major, quæ intra musculos tandem deducta respirationem magnam producet. Quoniam verò partibus arefcens nervi concidunt, ita ut spiritus vix possint fluere; igitur ab objectis hebetibus produci non poterunt suæ species, hujusmodi autem est sensus sitis, & in arida lingua comprimuntur nervi, tolletur igitur sensus sitis non secus, ac de dolore capitis dictum est. Ulterius absumpto liquido cum quicquid inest sanguini sit acerrimum, & possit per glandulas lacrymales secerni, erit illud acre, sed non nisi minimæ quantitatis, cum in iis glandulis aqueum quiddam secernatur, & aqueum supponatur absumptum; erunt igitur lacrymæ ex utrisque, vel ex altero oculo tantum, una, aut altera, vel plures, & paucæ, prout plus minus liquidum adhuc superest in sanguine: acris autem illa materies erit maxime tenuis, seu mobilis, sive perspirans, atque evaporans, adeoque ad oculorum angulos relinquet suum vehiculum crassius, quod utpote satis siccum brevi densabitur, citò exarefcet, & oculorum angulis adharebit. Erunt autem hæ lacrymæ pessimi ominis, tum quia minimum liquidum arguent, tum quia argumento esse poterunt, ipsas non per secretionem naturalem effluere, sed potius villis erosas, aut lassatas, adeoque corpore jam ad dissolutionem tendente. Quoniam insuper color sanguinis eo fit ad nigrum magis vergens, quo major copia liquidum pellucidi ipsi detrahitur; gutta igitur sanguinis nigra dabitur jam absumpto humido, & gutta singularis arguet acrimoniam ejus, paucitatem, & validam obstructionem prohibentem ipsius fluxum, vel debilitatem naturæ, seu villorum disrumpi patientium, unde & hoc pessimi ominis erit. Insuper absumpto humido urina ex sanguine generari non poterit, unde suppressi videbitur vel per convulsiones musculorum, ut superius: quod si

reddatur subsistentibus duris partibus ad obstructionem inflammationis, erit alba, & pellucida. Similiter absumpto humido etiam alvi fœces erunt siccae, & villi intestinorum vel à sicco morbo convulsi, vel à siccitate rigidi, vel ab utroque moveri non poterunt, unde fœces premere, quæ etiam ex se ipsis propter siccitatem suam expressioni magis resistunt, non poterunt, nec ipsæ ex se fluere, cum duræ sint, unde alvus adstrictior: Cum verò deicientur, erunt coloris albi, cum quicquid terreum easdem inficit, vel intendit ad flavedinem, vel colorem quemlibet alium saturum, detineatur in capite, nisi forte etiam prohibetur chylo influxus in lacteas per siccitatem partium occlusas, unde color albus in fœcibus. Convulsio quibus de necessitatibus fieri possit, facile patet ex superioribus: quia tamen in phrenitide adest delirium perpetuum, & est morbus caloris, ac siccitatis, maximæ convulsionem in phrenitide contingere potissimum debere dixerim per siccitatem ea ratione, quam in Comate vigili exposuimus. Denique extremorum rigor effectus est febris, obstruentis ramulos capillares, à quibus exprimitur omne calidum, præcipue autem cum reliquum sanguinis adhuc fluens tenuissimum sit, & facile evaporans: quæ sunt cum phrenitide in dispositione conjuncta. Quod si phrenitis vel sit per plures dies confirmata, vel paulo ante quidem apprehenderit, sed fuerit vehementior, ita ut obstructio, & inflammatio totum cerebrum validissime presserit, ita ut omnis refluxus, & subitus spirituum motus impediatur, tum nullus sensus, siue internus, siue externus operari poterit, unde nulla molestia, nullus dolor, non delirium, non responsio, vix, aut nulla locutio, nempe sonus per linguæ motum editus; superesse enim poterit per aliquod breve tempus debilis aliquis motus, quousque pressio non occluserit ex toto nervos, & spirituum generationem pariter premendo impeditur. Hinc sensim illis occlusis, & impedita horum generatione languescet magis corpus, & motus reddetur impos, nec mutabunt ægri decubitus, & similes dormientibus videbuntur, & imperitis medicis sub ea falsa imagine imponent, tremantque partibus magis pendulis, & à fulcimento remotissimis, ut sunt manus, per alternū influxum spirituum, qui adhuc supersunt, & influunt, per quem influxū cum complicantur & explicentur digiti ab alterna contractione musculorum iis motibus inservientium, videbuntur manus quasi apprehendendum aliquid queritare. Aderit tamen & in hac phrenitide vel maximè oculorum, & faciei rubor, cum inflammatio intensior fluxum, & derivationem sanguinis ad caput magis impediatur, unde ruborem hunc provenire superius ostensum. Ex his autem omnibus facile innotescit, qua ratione per vulnus, ictum, aut contusionem capitis excitari possit vera phrenitis, nempe delirium continuum cum febre acuta continua, quæ ab inflammatione pendeat; si etenim vulnere, &c. succedat inflammatio intra cranium, quæcunque de Phrenitide hactenus exposuimus succedere debere manifestum est: per simplicem autem pressionem absque inflammatione, & febre aliqua quidem ex iis, quæ phrenitidi competunt, produci poterunt, ut ex superioribus

morbis facile patet, sed non omnia, ut per singulas phrenitidis affectiones excurrenti statim innotescet. Sed neque illud est omittendum, spirituum penuriam in phrenitide non provenire solum ab expositis causis, verum etiam ab ipso inflammationis loco, quo fieri potest, ut cerebrum plus minus, prout explicatum est, prematur; ea enim pressione prohibetur, ne sanguis, ex quo generantur spiritus, in glandulas influat, atque insuper etiam si inflammatio non premat, cum tamen ejus obice impediatur fluxus sanguinis, & derivatio ad arteriolas quasque capillares, illæ omnes, quæ sanguinem non trajiciunt, facient, ut in glandulas cerebri derivetur quantitas sanguinis naturali minor, unde spirituum copia minor generabitur. Itaque perdurante inflammatione si vi ejus erodatur quicquid continet, laceretur, mortificetur, ac demum veluti diffuat plane corruptum, & pertingat ejusmodi erosio, & corruptio ad usque, & intra cerebrum, succedet phrenitidi Gangræna, vel sphacelus cerebri, quod erit proximæ mortis argumentum. Convulsio etiam succedere poterit, quæ facillimè orietur ex siccitate, & calore, ut superius expositum: hæc autem quæquam maximè periculosa, cum arguat summam humorum, & solidarum partium siccitatem, & quasi rigidam tensionem per humectantia difficile superabilem, tamen quia nondum datur partium solidarum corruptio, aliquid spei relinquet. Ad convulsionem pertinet singultus, & vox tremula, quorum ille à materia acri, calida, & sicca, vel in cavitatem, & os ventriculi, vel identidem pro spirituum, & humorum paucitate per nervos in musculum ejus derivata, sicut etiam ab iisdem, ut superius, vox tremula; tremor enim vocis à tremore musculorum linguæ, faucium, & maxillæ inferioris; asperitas autem illa vocis, quam clangorem dicimus, ab asperitate instrumentorum vocem efformantium, quæ asperitas à siccitate, & calore, unde hæc plus minus arguunt periculi, prout cætera in eo statu morbi plus minus sunt gravia. Excrementa verò præter voluntatem, & sensum excernuntur vel jam ad extremam dissolutionem tendente animali, ita ut etiam humidum ab iis secernatur, & tantum fluxilitatis ipsis conciliet, ut ex se ipsis effluere ex intestinis, & vesica possint, vel iisdem sponte fermentescentibus, atque ita partim stimulo, partim vi fluxus per fermentum acquisiti sibi viam aperiant, vel extrema contractione musculorum per ultimum, & copiosorem spirituum influxum, qui ultimus ideo copiosior, quod circa cerebrum stagnat sanguis totum ipsum magis comprimens, & quicquid continetur spirituum exprimens: sine sensu autem, vel quia nervi jam arverunt, vel quia propter extremam rigiditatem tremere non possunt, vel quia spirituum mobilitas, & tenuitas impressioni non parer. Hæ igitur excretiones sunt supremæ depurationis. Quod si sudor calidus, & copiosus præcipue à capite proveniat, minuet ille inflammationem, & indicabit reliquum corporis minus obstructum esse propter calorem, cum quo effluit: sicut sanguis è naribus copiosus, aut pus per os, & aures; hoc enim inflammationem ad suppurationem venisse, & pus excerni, & fluere cum sanguine, ille verò exitum materię

terix morbificæ ostendit, unde hæc omnia salutaria. Delirium cum risu minus mali ominis esse, asserunt, quod non crediderim admittendum, tum quia in paraphrenitide vel hic idem risus est maxime exitialis, tum etiam præcipue quia cum delirantium motus sint omnino vagi, incerti ordinis, & nullius connexionis, potest excitari risus casu, sicuti ceteri motus delirii, & nihil indicabitur, & id quidem fiet facile, cum eum motum oris, quem risum dicimus, non exeramus, nisi per contractiones musculorum labia ad latera, & ab invicem distrahentium, quæ sanè contractiones per incertos delirii motus fieri poterunt absque eo, quod delirus ille speciem risus in nervis moveat, & propterea non verè rideat, sed ridere propter motus labiorum, quales in ridentibus, videatur, quemadmodum spasmus cynico affecti, quamquam labia movent sicut ridentes, etiam à vulgaribus Medicis non dicuntur ridere. Si verò tutus, ac certus esse possit Medicus, motus illos labiorum excitari per veram speciem risus (quod in delirantibus vix fieri posse à quolibet licet peritissimo crediderim, nisi delirium sit circa eandem rem constans, & de ea ipsa re loquatur ager, eamque ridiculam esse, & ea super se in risum moveri ager testetur,) cum res in risum moventes non sint tanti impetus in excitatione specierum, quanti truculentæ, & irarum plenæ: si in phrenitide hæc species præcesserint, inde verò succedat delirium cum risu, argui poterit humorum calor, & siccitas minor inflammationis pressio, unde spei aliquid affulgebit. Hinc igitur deduces, quid sit Phrenitis, eamque esse morbum à calore, & siccitate maxima proveniente, ex qua pendent febris acuta continua, delirium perpetuum, & quæ hucusque exposuimus singula: cum autem hæc ab inflammatione intra cranium facile oriri possint, hanc ipsam inflammationem intra cranium esse ut plurimum, & præcipuam causam cæterorum omnium, & cum vasa sanguinis non solum per membranas cerebri, sed & corpus ipsum ejus distribuuntur innumera, & membranæ, & cerebrum inflammari poterunt, & phrenitis provenire ab inflammatione cerebri, vel membranarum ejus, vel utrarumque. Non tamen inde fit, ut nullus detur modus producendi phrenitidem, hoc est, omnia, quæ phrenitidi competunt præter inflammationem, absque hac ipsa inflammatione. Fac enim qualibet alia de causa sanguinem calidum, ac siccum, qui tamen obstructionem non producat in capite, nihil erit, quod phrenitidem non mentiatur. Denique prout alii humores admiscuntur sanguini, fit phrenitis sævior, aut mitior: si humores pituitosi, mitior: si biliosi: sævior: si atrabiles, adhuc sævior; sed hæc patent. Phrenitidem in lethargum, vel Coma facessere maxime ominosum, & deploratum; cum etenim ejusmodi affectiones ab humoribus frigidis, & humidis oriantur, manifestum est, phrenitidem excitantes humores calidos, & siccos in gravelescente ipsa phrenitide non posse in frigidos, & humidos commutari, adeoque lethargus ille, vel Coma superveniens phrenitidi nec verus lethargus est, nec verum Coma, sed privatio sensus, & motus, quæ phrenitide perdurante à nulla alia causa provenire potest, quam à prohibita prorsus spi-

rituum vel generatione, vel motu, vel utrisque, & hæc non nisi ab inflammatione immensum aucta, & cerebrum ex toto comprimente, vel à gangrana, aut sphacelo ejus. Phrenitis per consensum dicitur paraphrenitidis, de qua seorsim breviter propter ea, quibus à vera phrenitide, quam hactenus exposuimus, distinguitur.

P A R A P H R E N I T I S.

Conjuncta.

Cum Paraphrenitide omnia conjuncta sunt, quæ cum phrenitide præter inflammationem intra cranium, intensiorem calorem capitis, ruborem oculorum, & faciei, respirationem magnam, & raram. Itaque in paraphrenitide adeit inflammatio diaphragmatis, calor capitis remissior, rubor oculorum, & faciei dilutior, vox acutior, delirium cum tussi, risu, dolore lateris, calore ad inum pectus, & hypochondria, hæc ipsa palpitantia, & sursum, & introrsum revulsa, ut Hippocrates primò Epid. Egro secundo. Aunt insuper tantum non omnes, in paraphrenitide respirationem non esse magnam, & raram, ut in phrenitide, sed parvam, & frequentem, & idemper, cum tamen Hippocrates ibidem in Sileno paraphrenitide laborante per totum morbi tempus respirationem fuisse magnam, & raram asserat. Melius itaque cum aliis modò parva est, & frequens, modo rara, & magna, modo inæqualis, & incerti ordinis. Sunt etiam qui ab inflammationibus aliarum partium internarum oriri paraphrenitidem asserant, sed nullius partis inflammatio præter septi transversii producit delirium perpetuum, & hanc solam appellavere Veteres paraphrenitidem.

Quoniam in inflammationibus à cerebro distantibus calor cerebro non communicatur, nisi à sanguine per ejus arterias fluente, qui in cerebro subsistere ad locum inflammatum non potest, cum hic locus in cerebro nullus sit supposita alibi inflammatione; igitur in inflammationibus à cerebro distantibus multo minorem à calore vim patietur cerebrum, quam in phrenitide: ab hoc autem præcipue pendet delirium perpetuum in phrenitide, agitatissimum nempe continuè spiritibus incertis motibus ob copiam caloris in cerebro semper incertis motibus expirantis; ad hoc igitur, ut excitetur delirium per inflammationes à cerebro distantes, oportebit, ut cumuletur insignis copia caloris in capite, qui totus simul nitens intra cerebrum moveat demum se ad spiritus, nervosque, quibus occurrit, atque delirium excitet. Quia tamen interim evaporat, nec calor affluentis per unicam vicem sanguinis sufficit ad ciendos incertos spirituum motus, cessabit delirium, quousque tantum sanguinis per plures pulsationes influxerit, ut per ipsum conceperit cerebrum illum calorem, qui delirio excitando sufficit, quod proinde excitabitur rursus, rursus cessabit. Si verò etiam in inflammationibus à cerebro distantibus detur alia causa, quæ caloris insignis in capite vices gerat, poterit etiam in ipsis delirium continuum dari. Quoniam igitur septum transversum est musculus magnam, & continuam vim exerens, &

validè, & copiosè tendinosus; inflammari igitur non poterit, hoc est, alicubi in tumorem attolli aliqua ipsius pars, quin cum movetur, distrahatur ad partem tumefactam validè, & periculum divulsionis subeat, seu, quod idem est, vehementer doleat, præcipuè si tumor sit ad tendines acerrimi sensus, adeoque refluet liquidum per nervos diaphragmatis vi maxima, cum dolor sit ingens. Neque refluet solum per nervos ejus, sed cum per eundem musculum transeant nervi ad ventriculum tendentes, etiam per ipsos fiat refluxus oportet. Quia insuper inflammatio est tumor maximè calidus; igitur excitabitur ad diaphragma sensus caloris intensi, & dolor præcipuè ejus lateris, ad quod inflammatione affligitur septum. Refluet igitur liquidum per nervos septi, & ventriculi duplici vi in refluxum actum, calore nempe, & dolore, adeoque liquidum refluens statim accipit ad confluxum nervorum, huc illuc nulla lege per vim à refluxu conceptam nitetur, ac fluet, & contentos spiritus nullo ordine dimovebit, seu delirium excitabit; & cum calor, & dolor ad septum continua sint, continua erit etiam refluxus vis, seu continuè producet, seu, quod idem est, continuum erit delirium. Eò autem erit major vis illa spirituum refluorum ad nervorum confluxum, quod tam nervi diaphragmatis, quam ventriculi quasi recto ductu ab iis partibus in cranium feruntur, & sunt insignes trunci, seu fasciculi ex plurimis nervis collecti; ex altero enim fit, ut impetus refluxus minùs minuatur, per alterum verò, ut maxima sit quantitas spirituum refluorum, & major proinde quaquaversum diffusio, & motus varius ad confluxum. Cum autem hæc in reliquis partibus non reperiantur, nullum etenim est viscus, quod tam sentiat, ut septum, quod tam crassis nervis instructum sit, quod tam validè moveatur, & continuè excepto Corde, quod sentiat per nervos ad cerebrum tam recta tendentes, quin imò ne ullus quidem alius musculus, aut pars qualibet artuum; his igitur inflammatis excitabitur, & ponetur delirium alternè, prout alternè colligitur calor agitatus in capite, & evaporat; septo verò inflammato per impetus continuos, validos, & incertos spirituum è nervis refluorum, & incidentium in spiritus contentos ad confluxum nervorum fiet delirium continuum. Quia verò ab his ipsis nervis, per quos fit refluxus, deducuntur aliqui ad musculos faciei, & labiorum; in hos igitur derivabitur copia liquidi naturali major, & cum, dum fit respiratio, os semper aliquantum diductum teneamus, vis musculi constringentis labia minor erit viribus trahentium ad latera, & deorsum, adeoque nervi horum musculorum paratiores erunt (ut desint alia) ad recipiendam majorem quantitatem spirituum refluorum, quam nervi constrictoris, unde ille contrahentur validius, & os diducetur magis labiis ad latera, & deorsum actis, seu risus imago excitabitur, qui sane non erit verus risus, sed contractio musculorum, & motus labiorum, qualis in risu factus non per veram speciem risus, sed per refluxum liquidi, cujusmodi motus contingere solet etiam in vulneribus septi, quod vidit Hippocrates in Tychone, qui risit septo vulnerato, & relicta

intra vulnus hastilis parte, qui die tertia mortuus est, quemadmodum pariter Silenus ille supra laudatus occubuit undecima, qui risit tertia. Ex quibus intelliges, nec delirium cum risu in vera phrenitide esse certò posse melioris ominis, cum dubitanti occasionem præbeat, an inflammatio sit etiam in septo, & hæc sit maximè periculosa, cum affecti diaphragmate, licet ridentes, facillè moriantur. Quoniam verò septum propter tumorem non potest ex toto contrahi, & vim suam exere; igitur in cavitatem abdominis nitetur minùs, & in eandem movebitur per multo minus spatium, unde musculi abdominis introrsum contrahi liberè poterunt, & contenta viscera fursum agi, unde videbuntur hypochondria, seu præcordia introrsum, & fursum revulsa, Quia verò septo non se penitus contrahente motus pectoris fit minor, atque ex hoc respiratio etiam minor, & inflammatum septum se minus contrahit; igitur in hac ejus affectione respiratio parva. Neque verò minus se contrahit septum ob solum impedimentum tumoris, verum etiam per voluntatem animalis, quæ prohibet, quantum potest, motum validum, ut majorem dolorem à divulsione ad tumorem evitet: quia tamen dolor adest, ergo refluxus per derivationem naturali major, seu influxus frequentior, seu contractio septi frequentior, hoc est, respiratio etiam frequentior, unde his ita se habentibus erit respiratio parva, & frequens, & frequentia etiam sollicitari poterit ab assuetudine, ut arceatur fastidium restitantis intra pulmones sanguinis in respiratione parva. Si verò ultra hæc laboret æger magna spirituum penuria, ita ut pectus moveri non possit, nisi ipsorum expectata copia, quæ sensim cumuletur in nervis, tunc respiratio continget rara, & ad extrudendum sanguinem è pulmonibus aucta copia per assuetudinem Animalis, fiet motus validior, seu respiratio etiam magna, quæ etiam fieri poterit, si tanta identidem, vel alternè spirituum copia refluat à nervis septi, ut nec vis assuetudinis ipsorum derivationem in idem septum, & cæteros respirationis musculos impedire possit; tunc etenim etsi cum acriori sensu doloris respiratio magna succedet, quem tamen ne rursus sentiat æger, poterit per assuetudinem suppressere similem secundam, cum jam tantum spirituum non fluat, ac refluat. Insuper hæc eadem magnitudo cum raritate dari poterit, si septum validè contractum ita detineatur, ut se restituere nisi lentissimo motu possit, quod per impedimentum tumoris, vel loco motis, vel quasi divulsis villis fieri facillè poterit; absoluta enim restitutione jam per nervos plurimum spirituum cumulatam erit, & magnam respirationem parient, sed lenta restitutio raritatem faciet. Ex his autem, & incertis fluxibus in nervos ratione delirii facillè patet, respirationem in paraphrenitide esse posse magnam, parvam, raram, frequentem, & quomodolibet inæqualem. Quia verò musculi abdominis, præcipuè autem transversi contermini sunt, ac tantum non coherentes septo, & communi peritonæi tunica succincti, & contrahatur oportet ad locum inflammatum, & caloris sensum concipiat; per hæc igitur etiam iidem musculi præcipuè qua parte per hypochondria septo proxima ducuntur, trahentur à contractione

ctione peritonæi, & pressionis sensum cum calore conjunctum patientur, unde motus derivationis alternus, & contractio minima illi derivationi respondens (cum pressio illa, & calor non sit maximus) seu, quod idem est, præcordiorum palpitatio, quæ sanè affectio potest etiam aliis superextensis musculis abdominis convenire, sed transversis planè necessario competere videtur. Quoniam verò motus tussis est violenta quædam musculorum pectus moventium contractio, quæ propterea fit ab influxu liquidi per nervos naturali quantitate copiosioris, per calorem autem, & dolorem septi refluunt spiritus copiosi, & cum impetu per nervos ejus, & ab his iisdem nervis derivantur rami in nervos, & musculos moventes pectus; igitur per hunc solum refluxum (quod idem accideret etiam sine horum nervorum communione perducto refluxu ad usque cerebrum, & inde facta derivatione in nervos musculorum pectus moventium) tussi excitari potest. Quia verò septum est pars pectoris, cui inhæret molestum quiddam in loco inflammationis, abripiendis autem è pectore molestiis tussim excitare assuevimus; igitur si per delirium contingat, ut species illa assuetudinis excitetur, tussis in eum finem excitabitur etiam absque refluxu, quanquam ejusmodi finem nec paraphreniticus tum intelligit, neque molestiæ aversionem fortè procurat. Quia verò in paraphrenitide sanguis impensè calet non secus, ac in phrenitide, sed in hac detinetur in arteriis ad caput tendentibus, ita ut ipso infarciri, & maxime extendi cogantur propter obicem inflammationis intra cranium, in paraphrenitide verò liberè per ipsas fluit, & in venas refluit; igitur in paraphrenitide minor quantitas sanguinis in dato tempore intra arterias capitis detinebitur, eruntque illæ minus distractæ, seu extrorsum trusæ; quare primo quidem de nomine minorem calorem in capite excitabunt, quam in phrenitide: secunda autem de causa ruborem in facie, & oculis dilutiorem, qui tamen uterque erit vividior, quam qui à solo fluxu sanguinis proveniret; respiratio enim non libera in paraphrenitide, & inæqualis subsistere cogit sanguinem ad cor, & pulmones, & truncum venæ ascendentem, unde tumere possunt venæ in capite, & colorem, & calorem vividiorum producere, quod in phrenitide non continget propter respirationem raram quidem, sed magnam, nempe totum sanguinem è pulmone protrudentem. Postremo quoniam septum est ad contactum pulmonum; ipso igitur inflammato calor communicabitur pulmonibus contingentibus, & aëri contento, qui per expirationem reddendus est. Membrana igitur pulmonum minus flaccidæ, seu aridiores fient, & magis tremulæ tremore vivido per densas undas: aër verò contentus similiter fiet aridior tenuatis particulis aqueis, cum quibus permixtus redditur, & ex quibus fit tardi motus, ac minoris impetus, & tremoribus per densas undas ineptior, unde per has ipsas tremet facilè. Si igitur per ipsum formetur vox, erit illa sonus vividè, & per undas densas tremulus tum ratione instrumenti rigidi nempe tensi, tum aëris similiter tensi, ut ita dicam, quare, ut in doctrina de sonis, erit vox acutior. Pater igitur, Paraphreni-

tidem esse collectionem omnium expositarum affectionum cum delirio continuo ab inflammatione diaphragmatis præcipuè proveniente.

Hactenus Willisius & Bellini, hic pro explicatione Phrenitidis & Paraphrenitidis in specie, ille tum pro Phrenitidis, tum pro Delirii explicatione, ac etiam pro eorundem curatione; sequuntur jam *Curationes, Consultationes, Observationes, & Anatomica inspectiones* ex aliis variis.

Curationes.

Quando depravatur ratiocinatio, ita ut à consueta lege & ordine aberret, dicitur *Delirium*.

Aberratio hæc fit, secundum omnes tres mentis operationes. Nam 1. in simplicium objectorum, indeque formatorum conceptum apprehensione v. gr. dum delirans quid pro quo, vel aliud pro alio concipit, ut dum quendam vulgarem hominem Regem Hispaniæ appellat. 2. & 3. in conceptuum apprehensorum compositione & divisione indeque facta conclusionem & ratiocinationem, v. gr. dum aliquis existimans sese conflatum esse ex butyro, ob id nolebat accedere ignem, quia metuebat, ne exinde incalescens colliquesceret. Omnes hæ aberrationes à recta ratione uno nomine *Delirium* appellantur, Græcis *παράφρεσις* depravatio nempe rationis & aberratio ejusdem ab ordinaria cogitationis lege, qua deliria varia, subindè ridicula, subindè etiam seria, sed absque nexu & ordine & sine fundamento confusè ut plurimum proferuntur.

Causa horum in genere consistit in *spiritu animali*; Mens enim immutabilis eadem semper est nec potest mutari, aut ab ulla alia causa externa lædi & inquinari.

In spiritu ergo hæret vitium, idque varium & diversum. Unde etiam varia deliria, variarumque eorundem species. Rem exemplo declarabo: Quemadmodum enim in *ebriis* idem vinum diversa tamen subebrietatis exorbitantia parit deliria, eaque diversa in diversis subjectis, dum unus fit furiosus, alius fit amorosus, tertius fit canorus, & cantans. 4. fit somnolentus. 5. se æstimat maxime divitem. 6. omnium evadit sapientissimus, &c. In his utut unum sit vinum, quod omnes inebriat, indeque omnes etiam delirantes reddit, nihilominus tamen pro diversa constitutione subjectorum, eorumque alia habitudine diversâ, ex massæ sang. crassi naturali & seminali distincta & inde pro varietate spirituum animalium varia & distincta fiunt deliria.

In genere deliria omnia vel ex interna oriuntur causa, sive habent fomitem quendam internum in corpore stabulantem, vel ab externa oriuntur causa sive ab assumpta, sive ad extrinsecus admota pertineant, sive ex animali sive vegetabili regno oriuntur.

Ex regno vegetabili 1. omnia narcotica simul cum virtute fixativa seu quasi ligativa spirituum animalium certam vim obtinent determinandi certo modo spiritus animales, ut pro dicta eorundem determinatione, diversi conceptus in mente formentur indeque deliria oriuntur: v. gr. refert *Hirschius de Peste* quod 2. Monachi ex

esū cicutæ fuerint redditi amentes, & quidem ita ut cicuta iisdem impresserit talem imaginationem quasi transmutati essent in anates, & anseres, unde isti monachi piscinas petiere & in iisdem se submergere & natare cœperunt.

Pertinet huc Pharmacum phantasticum Bartholeti (de quo suo loco plura) ex scammonio paratum, quo vult determinare imaginationem ad certum conceptum & determinatam imaginationis speciem.

Sic opium copiosius & frequentius assumptum uti mos est in Provinciis Orientalibus, in India, Persia, & similibus, inducit somnia jucunda quasi versentur in viridariis, in paradiso, ibique hilariter & jucundissime vivant.

Contrarium fit in nobis Occidentalibus & Septentrionalibus, in his enim opiata frequentius usurpata, familiare narcotica inducunt somnia horrenda, quasi vexarentur à dæmone, quasi vulnerentur & versentur in jurgiis.

Hinc etiam Hyoscyamus ridiculum infert delirium.

Sic Borellus cent. 3. obser. 45. refert quendam rusticum cum sua familia ex esū radicis Hyoscyami totum fuisse lamentatum, ita ut quasi simia varias gesticulas & ridiculas actiones perageret.

Pertinet huc vis narcotica nucis Metellæ de qua Bartholetus tract. elegant. de respirat. lib. 4. cap. 3. pag. 405. Quod nempe nucis metellæ semen ad certum pondus datum latam afferat stultitiam, cum risu, cum jucunda animi hilaritate, & cum insigni liberalitate, ita ut qui sumpserit istud semen liberalimanū omnia sua dare & offerat, omnia occulta promulgeat, & omnia delicta profiteatur, & omnibus jussis obsecundet: E contra semen & cortex hyoscyami peruviani eodem auctore referente delirium facit ecstasticum, quo delirantes putant se versare in viridariis in conversatione angelorum: E contra semen hyoscyami nigri infert delirium cum jurgiis & contumeliis: & semen solatri majoris dat delirium, quo se à dæmonibus vexari & à serpentibus ac satellitibus malè tractari existimant.

Similia verò non inelegantia leguntur in Doringii tract. de opio ejusque virtute, ubi inter alia pag. 72. observat artificialem dementiam quandam, qua ægri putant se naufragium pati.

Sicuti idem Doring. cit. loc. pag. 79. observat. dementiam similiter ex medicamento, quo ægri primò hilares, hinc iracundi, tandem admodum mœsti fiunt: adeo determinata deliria vegetabilia inferre solent, determinando certo modo spiritus.

Præter vegetabilia etiam animalia certa & determinata inferunt deliria, imprimis animalia nobis dicta venenata, & hinc etiam animalia rabida: Notum enim est, quod in cane rabido demorfi ex delirio in mores caninos transformantur: sicuti iidem semper hydrophobia si ve insigni omnium liquidorum & aquarum metū corripiuntur.

Præterea notus est Tarantismus quando à Tarantulis demorfi ad Tarantularum gestus & ad musicam determinantur, & telarum texturam & similia exactè imitantur, utut in delirio. Nota etiam est rabies felina, dum quidam esitantes de felibus, rabiosi exinde & delirantes fiunt,

ut instar felium unguibus se lacerent & morficando invicem congregiantur. Huc similiter lupina & suilla rabies pertinet; quorum esu homines similiter in talia deliria feruntur.

Pertinent huc Philtra tam vera quàm falsa. Falsa, hæc enim ipsa sapius maniam inferunt & furorem. Vera habent simul vim determinandi spiritus animales, ut ferantur in determinatam personam sua inclinatione. De quo veri filtri parandi modo per munus naturalis conformationem cum certo subjecto & hinc transplantationem suo loco plura. Ab his ergo externis certo modo determinantur spiritus animales, ut exinde anima rationalis tam deliros format conceptus, ut antea dixi.

Quod quomodo fiat certò nondum constat: Cum nulla adhuc constet opinio, quæ animum scrupulosum simulque veritatis avidum possit exsatiare.

Præ cæteris equidem ideæ ab Helmontio aut Marco marci tract. de Ideis operatricibus, item tract. de Philosoph. restituta, Hæ inquam, ideæ rem equidem illustrant, & prima fronte maxima probabilitate nobis imponere solent: sed tamen si exactè paulò ad rectæ rationis trutinam examinentur, & ad primarios usus fundamentales vera fiat inquisitio; si etiam paulatim in nosmetipsos faciamus reflexionem, ut possimus concipere quid & quale sit, & quomodo operari possit talis entitas idealis seu intentionalis & immaterialis sub compage materiæ, & quomodo hæc ipsa aut involui aut evolui possit: Certus sum, quod tunc omnis ista Idealis imaginatio instar fumi seu variæ cujusdam ideæ subito sit transpinitura & evanitura.

Hinc est quod multi curiosi & exercitati naturæ scrutatores, quos inter meritò refero nonnullos Anglos, & hos inter Dn. Boyle, non sine nominis honore nominandum, maximi æstimat & admiratur Helmontium, ubi in praxeos & philosophiæ materialis terminis se continet: Ubi verò in extravagantias ideales prorumpit, ejusdem somniis, quidem indulgendum, non verò inhærendum arbitrantur. Et quidem fundamentum istius opinionis & quò subinde probat existentiam suam idealem Helmont. desumptum est à formatione fœtus in utero ejusque per imaginationem maternam transformatione; hoc ipsò tamen obscurum per æque obscurum declarare nititur, obscurum enim magis formationis & transformationis fœtus per maternam imaginationem est negotium, quàm tota superstructura idearum doctrina adeo ut obscuri per æque obscurum declaratio non satisfacere possit nobis. Hæc de delirio à causa externa in genere.

Ea deliria quæ fiunt à causa interna, & ipsa pro fomitis interni varietate sunt varia & diversa, prout diversimodè spiritus afficiuntur. Quomodo autem talia vitia interna possint determinare spiritus ad certum quoddam delirium, declarabo itidem per exemplum.

Nam consideretis semen turgescens in vasis & vesiculis seminalibus ibique titillationem suavem excitans, determinat istud semen spiritus ut exinde fiant somnia venerea, quibus somniando imaginamur nos venerem cum formosis puellis exercere, indeque etiam seminis excre-

cretio seu pollutio nocturna ordinario succedit.

Optime huc facit hoc exemplum: ut enim semen turgescens titillando infert somnium verum, ita etiam simili fere modo series vitiosa, vel alia quæcunque causa interna determinando spiritus infert deliria certa.

Nam rectè in somniantibus insomnia dicuntur dormientium deliria: Sicuti contra vigilantium deliria rectè dicuntur vigilantium insomnia, cum tale quid patiantur delirantes, quod patiuntur somniantes.

Unde etiam delirantes interdum recordantur eorum, interdum non recordantur, quæ sub delirio fecerunt, non secus atque fit interdum cum somniis paulò profundioribus. Qui rectè novit declarare naturam, & fieri modum somniorum, hic ipse etiam manifestatam habebit Theoriam deliriorum; istud exemplum de pollutione nocturna curioso potest administrare aniam altius meditandi in somniorum & deliriorum naturam.

Quo etiam pertinet Delirium dictum Furor uterinus, cum aliàs notum sit quod somnia naturali ordine soleant insequi temperaturam ut vocant, live naturalem corporis crasin.

Hæc quoad generalia Deliria; Quæ ab interna oriuntur causa sunt varia. Et 1. quidem sunt vel cum febre vel sine febre. Delirium cum febre aut est levius aut est gravior. Illud delirium simplex aliàs etiam Paraphrenitis appellatur; hoc vero nempe gravius ordinaria appellatione, nomine phrenitidis audit, eamque phrenitidem ex inflammatione membrarum cerebri oriri vulgò æstimant. De hac phrenitide ita explicata jam superius monui, quod nempe proprie secundum primos auctores medicinæ diaphragmatis inflammationem insinuat: 2. Quod isdem inflammatio cerebri ejusque membrarum vocata fuerit sphacelus, malum ut farum, ita ut plurimum funestum & lethale. Verum cum loquendum sit cum vulgo, sentiendum autem cum paucis, ob id & nos non neglectâ veritate phrenitidis vulgari modo acceptum nomen usurpabimus, idque imprimis quia ratione medendi methodi, & in diaphragmatis inflammatione, & in sphacelo cerebri eadem sit curandi ratio, quæ in vulgò sic dicta phrenitide.

Causa ergò tam levioris quam gravioris universalis delirii sive phrenitidis est spirituum varius & confusus in cerebro motus, cujus occasione (dico occasione) varia & in variis coherentiâ & diversa phantasmata ab anima efformantur, quorum index & nunciis sunt inconditi sermones, risus aut fletus, flosculorum qui nuspiani sunt, collectiones, vigilæ, jectigationes, muscarum insolitæ venationes & variæ artuum motiones, donec aucto & nimis impetuoso spirituum reddito motu, tandem convulsiones sæpè lethales superveniant, aut donec spiritibus tantum non absumptis, vel incendio narcoticorum usu fixatis phrenitis in lethargum mutetur, vel in affectum caroticum potius.

Causa remota incondita istius spirituum agitationis in cerebro est nimia cerebri incalescentia ob effervescentiam insignem massæ sanguinis, unde subtiliores & fervidiores redditi spiritus, agilius quidem, sed simul confusius & perturbatius in cerebro moventur, unde primò vigilæ pertinaces hinc phrenitides, tandem convulsiones oriuntur.

Unde etiam in incremento febrium continuarum, aut in principio statim ipsius status, febrium ardentium & continuarum imprimis delirium affligere solet, ubi nempe maxima est sanguinis effervescentia.

Ubi enim in principio morbi absque insigniori febrili sanguinis effervescentia vigilæ pertinaces cum leviori delirio se manifestare volunt, malignitatis anguis latet sub herba, & causa maligna perturbationis spirituum motus solet esse origo: uti fit in peste & aliis morbis malignis, quod probe observetur pro praxi. Interdum vero istud inflammationi cerebri, vel membrarum inflammationi, vel saltem cum inflammatione corticis cerebri est conjunctum.

Exempla talia subinde prostant & reperta sunt post apertionem cadaverum phrenitide mortuorum: Sic enim Rhodius cent. 1. obs. 39. phreniticum biduo extinctum, in cujus capite aperto cerebrum & membranæ ejus cum intenso rubore adeo tumebant, ut facile venæ ab ipsius substantia potuerint separari. Sic etiam Nicolaus Fontanus in Analectis cap. 2. Ubi nempe phrenitide mortuum refert, in cujus resecto cranio cerebrum ubique maculis sanguineis conspersum & meninges, in specie pia mater tumida admodum & sanguine nigrescente turgida visa fuit, & insigniores ejusdem rami per cranium dispersi sanguine congruato tumidi reperti fuerunt.

Et tales inflammationes membrarum cerebri imprimis corticis ejus tunc adsunt, quando per metastasin materiæ fit phrenitis, id est, quando post erysipelas externum aut post pleuritidem sive peripneumoniam aut post anginam subito curatam sequitur phrenitis: Signum enim tunc est sanguinem coagulatum in istis partibus inflammationibus solutum de novo hædere in membranis cerebri, aut ipso cerebro, & ibidem novam inducere inflammationem. Unde interdum in phrenitide adest inflammatio cerebri & membrarum, non tamen semper.

Causas quod attinet remotiores, certum est quod *ætas Juvenilis, ær æstivus & usus potuum generosorum* in specie vini admodum promptos nos reddat ad phrenitides, uti videmus in ebriosis.

Exemplâ sanè prostant ubivis ex abusu vini Juvenum correctorum phrenitide: quin & excretiones sanguinis suppressæ, uti febres ita etiam stagnationem sanguinis postmodum in cerebro inducunt: Qua ratione ex insufficienti puerperii seu lochiorum purgatione phrenitidem abortam in puerpera refert *Horstius lib. 2. observ. 25. & cit. loc. observ. 26. ex retentione hæmorrhoidum* abortam phrenitidem recenset. Affectus animi gravior, quos inter primatum obtinet ira quæ admodum nos disponit ad febres, & hinc ad phrenitidem. Nam ipsa ira quasi est parva febris naturalis, dum in ira sanguis effervescit circa præcordia, unde corpus calet, facies rubore tincta perspicua, pulsus est frequentior & major ex aucta sanguinis fermentatione. Unde non mirum si superveniat febris & phrenitis.

Febres malignæ etiam uti monui, sæpius conjunctas habent phrenitides; & quidem hæ phrenitides in febribus malignis superveniunt citra insignem sanguinis effervescentiam & corporis incalescentiam: Unde & sæpius in principio Medicus talia deliria observat, ne perditos reddat ægros.

Differentias quod attinet omne delirium in febribus, quò etiam fuerit phrenitis, vel est ridiculum, vel serium. Ridiculum est, quando ægri varia, absurda, incondita & minus coherrentia cum quadam hilaritate interdum cum risu &c. proferunt. Serium verò delirium est, quando ægri quasi aliquantisper irati cum impetu & quodam furore proferunt varia & incondita, & interdum tam inscii quam excogitando in varios sermones prouunt.

Quæ differentia observatur propter Hippocratem, qui dicit, quod deliria ridicula sint tutiora & minus mala, quàm deliria seria aut cum jurgiis.

Quoad Signa.

1. Quidem in febribus necesse est ut delirium imminens præcognoscatur, ut possimus præcavere. Et quidem imminens delirium ferè solet facile cognosci ex quadam garrulitate & nimia loquendi promptitudine, item ex mutatione morum, si nempe is qui aliàs mitis est fit nonnihil ferox & temerarius: item fiunt nonnihil proclives ad iram: Item si is, qui aliàs est taciturnus, fiat loquax, si corpus indecore moveat, aut etiam corpus denudet, si eorum quæ legit vel locutus fuit, subito obliviscatur: si eundem sermonem sæpius citra rationem repetat. Item si vigilæ perternates adsint aut saltem somnus admodum turbulentus præcesserit. In talibus casibus delirium imminere patet, id quod imprimis confirmant oculi: sic enim si fiant aliquantisper mobiliiores solito, si fiant splendidiores & quasi fulgidi, si fiant instabiles, tunc metus est non leve imminere Delirium. Ipsum delirium præsens faciliè cognoscitur ex inconditis sermonibus, variis actionibus ex quibus faciliè præsens vel adstans deliramentum vel delirium agnoscitur.

Porro an in vera phrenitide revera adsit inflammatio Diaphragmatis aut inflammatio cerebri & membranarum, an verò tantummodo incalescentia indeque natus fervor spirituum ex sequentibus agnoscitur: quod nempe immanis dolor adsit in phrenitide in qua est inflammatio cerebri: nam ex natura partis facile patet, quod dolor sit vehementissimus, cum dura mater cerebri simul sit affecta, quæ est sensibilissima. Unde est quod tales phrenetici soleant avellere capillos, inscii tamen propter immanem & acutissimum dolorem, quem percipiunt. Item perpetuo manus capiti admovent, & vario aut quasi furioso motu caput agitant.

Dolores ergo adsunt acerbissimi in inflammatione cerebri & membranarum: Unde est adeò brevis affectus cum non possit durare propter insignem dissipationem spirituum. Accedunt præterea interdum convulsiones, idque quando inflammatio cerebri incipit in gangrænam abire, nam omnis inflammationis finis

est gangræna. Deinde in tali casu pulsatio adeo vehementissima, de qua ante delirium conqueruntur ægri, quæ quanta sit percipitur, si attentè conspiciatur collum, ibi enim arteriæ carotides quàm impetuosissime pulsant propter sanguinem influentem & ob inflammationem in cerebro stagnantem: Unde etiam Hippocrates arteriam pulsantem in temporibus prænuncium æstimat phrenitidis imminantis.

Quod attinet Prognosin.

Phrenitis omnis malum est periculosum & auctum. Majus tamen periculosum: in qua inflammata sunt membrana & ipsum cerebrum, minus periculosum quando est spirituum tantum fervor & sanguinis incalescentia. Si vires sint languida in phrenitide ut plurimum moriuntur ægri.

Quod si accedant phrenitidi convulsiones, linguæ aponia, aut singultus, aut dentium stridor, aut vox tremula, item fecum & urinæ inscia dejectio, hæc phrenitidem lethalem indicant. Phrenitis si vertatur in lethargum aut affectum comatosum ut plurimum est lethalis.

Observeretur autem quod quadam deliria in febribus phreniticis vel paraphreniticis sint interdum critica. Probè ergo sunt distinguenda deliria febrium critica à symptomaticis, propterea quoniam symptomatica necesse est curet Medicus: Criticum vero delirium omnino intactum est sinendum.

Signa ergo Delirii critici, quod ut plurimum sequitur Hæmorrhagia narium sunt sequentia. Si coctionis signa appareant in urina & pulsus sit inæqualis, sit nonnihil magnus, & nonnihil validus: item si tranquillitas quadam in symptomatibus sit in ægro: si ex oculis splendores videantur elici, si delirium superveniat à subito nata cephalalgia, si nares pruriant, si facies rubeat & adsit tensio mollis hypochondriorum, ætas sit Juvenilis & forsan aliàs æger consuetus sit excernere per nares sanguinem; In tali delirio caveat Medicus, ne istud solve-re conetur, quia est criticum, salutare, adeoque naturæ motus: Quod delirium Criticum uti dixi hæmorrhagia narium ut plurimum sequitur: & tale delirium est salutare & saluber-rium, reliqua symptomatica semper sunt suspecta.

Quod attinet curam.

In Cura sanguinis & hinc spirituum fervor temperandus, imprimis sanguinem evacuando; 2. Effervescentia sanguinis febrilis est compescenda, & 3. spirituum turbatus motus figentibus nonnihil tam internis quàm externis & sistendus. Hoc ut fiat observetur, quod sibi debeat cavere Medicus imprimis Junior; ne ad ebrium vocatus, ceu morbi delirofi curationem instituat, uti aliquando observatum fuit factum fuisse ab incautis Medicis, ne hac occasione se risui exponant ignaro popello.

Deinde cum iis adjunctus sit sæpius somnus deficiens sive Agrypnia, quæ delirio admodum favet, subinde Hypnoticis blande & etiam narcoticis agemus, idque tam in medicamentis internis quàm externis. Cautè autem usurpentur internè omnia talia in specie opiata.

Nam

Nam si opiata non sistant spiritus & eorum motum compescant potius delirium gravius reddunt, cum ipsum opium somnia inducat turbulenta & truculenta.

Sin verò Narcoticis spiritus nimium figas, metus est, ne ægrum sopiendo, tandem non possis amplius exsuscitare, aut metus est ne per opiata phrenitidem in lethargum mutes. Cum enim spiritus in phrenitide sint admodum volatiles & subtiles, & simul propter motum continuum auctum pauci, ob id facile ex Narcoticorum dosi auctâ permutari in lethargum sive carum potest, quæ mutatio est periculosissima.

Certum est, quod Narcotica & opiata legitime adhibita sint magna remedia & optime in phrenitide febrili commendentur. Verum si tempore non opportuno aut non legitime parata adhibentur plus nocent quam prosunt.

In eorum ergo usu observetur 1. Quod sint legitime præparanda in febribus quidem imprimis per acida ut acetum. 2. Ratione temporis adhibeantur opiata non nimis tardè, sed imprimis in incremento morbi ubi incipit æger vigilare: Melius enim est tempore vigiliarum quam delirii adhibere Narcotica. 3. Ut his opiatis semper adjungantur Bezoardica & Diaphoretica.

Non tantum quod in phrenitide sæpius subsit malignitas, sed etiam quia blanda diaphoresi concitata effervescentia sanguinis febrilis insanguine placetur & mitigetur. Unde etiam per consequens talibus ipsa phrenitis non rarò tollitur. Ante omnia mox Ven. Sect. instituenda, quo citius eò melius. Nam si erit febris ardens phrenetica absque malignitate, optime convenit hæc ipsa, aut licet adsit malignitas, tamen in principio primo sine tanto periculo potest secari vena.

Larga autem sit ven. sect. Auctore Lindano, quid refert suum parentem cum D. Tulpio Viro cuidam phrenetico uno die 3xxxvi. sanguinis emisisse, tertio die totidem, & quarto die 3xxv.

Sic enim inquit: Medicus, ubi adest furor morbi, Medicum se præstare debet. Verum in ipsa ven. sect. quoad locum est notandum, quod si forsan præcesserit suppressa quædam sanguinis evacuatio, ut in puerperis, in partibus inferioribus in talo, & postmodum in brachio secanda vena.

2. Quod tempore ven. sect. Medicus mittat manum super caput ægri, ut ex pulsû agnoscat, quando forsan sufficiens sit sanguinis evacuatio: item ut ex pulsû cognoscat an æger sit animo defecturus.

3. Ubi æger minus fert sanguinis evacuationem, in ipsa evacuatione subinde digito obturandum est Foramen denuò aperiendum, & denuò obturandum, donec sufficiens sanguinis quantitas sit extravasata, sic enim cum meliori euphoria, & minori ægri debilitate sanguis evacuetur.

In topicis sive externis utut aliquantisper acetum addere sit conveniens, tamen multum ejus non addendum quoniam Vigiliæ & Agrypnias augeat. Unde etiam nimis gravia odorata in externis sunt vitanda, ne talibus volatilibus augeatur phrenitis propter continuam spiritus incitationem.

Medicamenta ergo quæ conveniunt in cura deliriorum, sive etiam ipsa phrenitide, præterea

quæ in febribus ardentibus externè & internè conveniunt, speciale specificum est Anagallis flore Phæniceo de qua vide Gabelchov. cent. 6. cur. 13. qui in febribus phreneticis & paraphreneticis experientia frequenti compertum habet decoctum Anagallidis flore rubeo: Præcipit. ut Mij. Anagallidis hujus decoquantur in vino & aq. an. mensura 3 ad consumptionem tertiæ partis: de quo decocto manè & vesperi detur bonus haustus, simulque fiat ex ista planta sacculus similiter in prædicto decocto humectandus, & ita futuræ coronali extrinsecus applicandus.

Confirmat hoc Hildesheim in suo spicilegio, qui ad deliria febrilia & phrenetica commendat hoc decoctum.

4. Herba anagallidis (fol. & flor.) Mij. coronarum capit. papav. alb. nu. 20. Hæc invicem coquenda dicit in 3xvj. vini malvatici & Rhe-nani ad casum 3vj. colaturam forti expressione trajicit, & pro duabus vicibus hauriendam propinat in spicileg. 2. p. 190. Post anagallidem est lactuca, Nymphaea, sedum majus, item semina 4. frigid. major. & exinde paratæ emulsionem: Succum subacidi granatorum, ribium & berberum. Porro Serum lactis, & cum eodem parati julepi. It. aq. Anagallidis, aq. verbenæ, aq. Nymphaeæ, papaver erraticum, & omnia ex eodem remedia. Item spiritus acidi minerales in specie spiritus nitr. dulcis & spiritus sal. dulcis, Camphora internè cum aliis commodè propinatur.

Hæc enim licet sit subtilissimum, & penetrantissimum remedium, tamen virtute quædam occulta spirituum fixativa & narcotica pollet, & tamen hæc camphora, mirum est, quantum ad curandam phrenitidem cum aliis externè & internè conveniat. Externè in epithematis: Internè in potibus somniferis (NB. observetur, quod non præscribenda sit integra opii dosis, quando simul præscribitur camphora, quod ego ita semper observo) Saccharum Saturni & Medicamenta similia saturnina similiter commendantur ad phrenitidem.

Item mistura simplex: Tinctura Bezoardica: uti etiam nitrum antimoniatum potui ordinario injectum. Verum primatum obtinent legitime applicata opiata, v. gr. Syrupus de papavere albo, qui est magis usitatus quam de papavere nigro; Emulsio sem. papav. albi, cum aliis opium, & laudanum opiatum.

Bartholetus non immeritò commendat essent. opii cum spir. vitriol. vol. paratam. Veteres in usu habuerunt Philonium Romanum, Diacordia, requiem Nicolai, & similes: Horstius aliquando curavit phreneticum post vini generosioris abusum per potionem narcoticam die 6. uti refert lib. 2. obs. 12.

Item Fontanus in cur. & resp. 1. 2. p. 20. refert juvenem 22. ann. qui post universalia remedia per 3j. Philonii Romani fuit curatus. Inter externa commendatur admodum cataplasma exportulaca, sempervivo, & rosis capiti circumligatum, cui etiam nonnulli addunt Nymphaeam, chamomillam & melilotum.

Bartholetus commendat in phrenitide, carnem cucurbitæ tufam & raso capiti impositam. Quæ præter omnem spem desperatus phreneticus fuit curatus: quo etiam fuit observatio Borelli cent. 4. obs. 94. de rustico, qui alterum phreneticum per taleolas cucurbitæ capiti impositas curavit:

Con-

Confirmant etiam hæc quæ habet Gabelchov-
rus supra cit. loco cent. 3. cur. 23. in Scholio, quod
scil. si excavetur cucurbita per medium dissecta,
& in eandem immittantur pedes ægri ad tem-
pus, idque subinde repetatur, tollat insigniter &
tervorem febrilem, & etiã ipsum delirium phre-
neticum. Sedum majus contusum & instar cata-
plasmatis cum aceto plantis pedum applicatum
etiam conducit, quin etiam solum syncipiti ad-
motum blande demulcet delirium, sed detra-
hendum est cataplasma, quando incipit dormire
æger. Epithema fronti admovendum conducit
ex mastiche & myrrha cum Tinctur. Santali. Vide
descriptionem in praxi Riveriana, pag. 117. de-
coctum radicis Mandragoræ & Hyoscyami cum
similibus externè applicatum tepidè fronti,
commendatur ceu expertum à Zacuto Lusit-
ano.

Egregius est succus cancr. fluv. Virorum ex-
pressus qui ad imitationem Rulandi fronti ap-
plicatus mirificè confert: Sicuti idem Rulandus
sequens epithema cum linteis duplicatis utili-
ter admovet.

℞. Aqu. rosarum ℥ x. opii ℥ j. croci ℥ ss.

Hoc ipsum cum linteis duplicatis admovet
tepidè fronti. Nam sic blando conciliato somno
mens redit.

Bartholæus commendat usum aq. spermatis ra-
narum extrinsecus applicatum (& credo quod
sit potens remedium) Potentius est si misceatur,
cum succo cancror. fluv. & fiat tale epithema ad
imitationem Rulandi quod credo non futurum
inelegans.

℞. Aq. Sperm. ranar. ℥ viii. succi cancr. fluv.
contusor. expressi ℥ ij. opii, acet. correcti ℥ ss. ad
℥ ij. camphoræ ℥ ss. croci ℥ ss. M. pro epithe-
mate.

Veteribus in usu fuerunt animalcula viva, a-
nates & palumbes per medium dissecta & calen-
tia syncipiti aut toti capiti raso applicata. Ni-
hilominus tamen apud nos in desuetudinem
abierunt. Lindanus interim dicit hoc remedium
esse inæstimabile ad curandos phreneticos: qui
curat phreneticos sanguinem primùm mitten-
do, hinc propinando sub noctem ℥ ij. syr. papav.
& hinc adhibet columbam viventem, vel gallum
viventem, vel catellum viventem, quæ animal-
cula secatur per pectus, & statim cum omnibus
interraneis ita applicat capiti si fieri potest
raso.

Et ita applicato animalculo imponuntur lin-
tea vel culcitæ, nè subito cesset omnis calor,
mirum dicit quantum juvent hæc animalcula:
remoto uno, post hoc subito applicetur aliud,
idque aliquoties.

Nam sic statim & dolor remittit, & ipsum
delirium nonnihil imminuitur. Dicit si per ho-
ram relinquatur, & postmodum removeatur, sit
horrendus fœtor in animali applicato, ut ne-
cesse sit subito immergere in aquas propter fœ-
torem intensissimum.

Præter hæc & similia observanda sunt ea, quæ
conveniunt in febribus ardentibus. Fit inter-
dum ut phrenetici non percipientes urinæ sti-
mulum continuo eandem retineant, non abs-
que nocumento.

In tali casu impositæ perinæo cepæ coctæ
cum pinguedine anserina urin. provocant.
Aut.

℞. Fol. parietariæ Mij. herb. petroselini cum
rad. Mj. Fiat decoctio: decocto addatur ole.
scorpion. ℥ ij. & ita fiat. Fetus pro pube.

Dabo exemplum pulveris propinandi in
phrenitide maligna.

℞. Cinnab. antimonii gran. xii. bezoard.
lunaris gran. vj. laudani opiatu canphoræ gr. j.
M. dentur in dupl.

Quod propinari potest in decocto Anagal-
lidis vel in aqu. Anagallidis aut in emulsione
tenui seminis papaveris albi, paratæ cum
aqu. Anagallidis, Nymphææ, Hyperici & si-
milibus. Præterea nunc conveniunt julepi aci-
duli, dum effervescentiam sanguinis compes-
cunt, quibus adduntur pro alvo referenda, si
adsit ejus obstructio, pulpa Tamarindorum,
quæ laxat blandè, & simul sanguinis efferves-
centiam compescit. *Mich. Euthymul. in Colleg. Practic.*

Cum imaginatio, & æstimatio depravatur,
Delirium accidit, quod dicitur Declinatio à
recta Rationis semita, undè ægri absurda, &
incongrua loquuntur, aut imaginantur.

Deliriorum Medici constituunt idiopathi-
cum unum, sympathicum alterum, & quidem
ab hypochondriis, diaphragmate, utero, aliis-
que partibus. Aliud sine febre; aliud cum febre.
Atque ex his Phrenitidem, Maniam, Melancho-
liam, à diversis etiam humoribus deducunt: de
quibus sigillatim.

De Phrenitide.

Phrenitidem intelligunt Galenici Delirium
perpetuum, & continens cum febre acuta, &
continua; quod ab inflammatione cerebri, &
membrarum ejus à sanguine bilioso ibidem
putrescente oriri arbitrantur.

Quoniam autem in quocumque delirio po-
tissimum in phrenitide animales operationes,
nempe imaginatio, & ratiocinatio depravan-
tur, ab illarum læsione tres deducunt phreniti-
dis species ex Galeno tùm *lib. de diff. sympt. c. 3.*
tùm *4. de loc. aff. c. 2.* Aliquando depravari dici-
tur Imaginatio sana Ratiocinatione, ut in
Theophilo Medico qui putabat Tubicines esse
in angulo domus, eosque tamquam sibi mole-
stos esse ejiciendos. Simile quid fatetur Gale-
nus sibi accidisse *4. de loc. aff. cap. 2.* evellendo
floccos, & colligendo festucas. Interdum vero
dicitur offendi Ratiocinatio illæsa imaginatione,
ut in eo, qui singula vasa rectissime nomi-
nans, illa tamen projecit, ut & puerum, quem
adstantes confractum sustulerunt. Nonnun-
quam etiam utraque lædi solet; quin & memo-
ratrix quoque, ut ex Thucydide refert idem
Galenus *cit. lib. de sympt. diff.* quod à Peste A-
thenis grassata evasi omnium immemores re-
manserunt, etiam suorum nominum. Contin-
git quoque frequenter Phreneticos memoriã
deficere, cum non raro obliviscantur egisse quæ
gesta sunt, & quàm anxie cupidissimeque petie-
runt aquam bibere.

At impossibile existimat Eustachius Rudius,
illæsa ratiocinatione imaginationem lædi posse:
quod & Nos aliàs innuimus; cum hanc illa per
suscepta phantasmata, quo modo apprehensa
sunt, necessariò prosequatur. Unde Theophilus
ille Medicus assererat esse abjiciendos Tubici-
nes, quia imaginabatur illos adesse in angulo
domus

domus. Tunc enim Ratiocinatrix facultas sana dici deberet, cum corrigeret, non sequeretur errorem imaginatricis.

Ab inflammatione præterea cerebri, & membranarum ejus Phrenitidem minimè oriri Anatomicis observationibus ostendit Thomas Willisius, qui se pluries vidisse fatetur Meninges, imò & cerebri exteriorem ambitum tumore phlegmonode obsessas, laborantes verò minimè phrenesi, at potius torpore, & Caro periisse. Adnotarunt etiam Sennertus, Heurnius, Vallesius, Volcherus Coiter, alique cerebrum inflammatum cum membranis absque delirio: & phrenitidem absque illius inflammatione.

Neque insuper perpetuò septi transversi phlegmonen comitatur delirium illud sympathicum, quod Paraphrenitis appellatur: Nam aliquando compertum est Diaphragma citra delirium fuisse affectum, ut ex dissectis cadaveribus idem Willisius deducit. Quod autem diaphragmatis viscus nervis plurimis refertum sit, adeoque maximum consensum ineat cum cerebro, haud congruenter evincit Phrenitidem subsequi cum ipsum inflammatur: etenim stomacho, pleurâ, mesenterio, phlegmone obstitis, phrenitis plerumque non succedit, quæ tamen sapissimè corripit peripneumoniâ, & hepatide laborantes, quare cujuscumque visceris inflammationem sequi potest.

Causam Phrenitidis quæsit Helmontius in duumviratu, præsertim verò in stomacho ex Hippocrate dicente: *Cui vena in hypochondrio fortiter pulsât, is mox mente alienatur.* Et Neoterici in spiritibus animalibus collocarunt, vel nimium irritatis, vel in confusionem actis. Unde verisimilius est, inquit Willisius, Phrenitidem à spirituum phlogosi potius, quàm à Meningum, aut cerebri inflammatione, quæ cephalæam aut lethargum certiùs quàm furorem inferrent excitari.

Verùm in Phreniticorum cerebro credere licet tantam vaporum, qui in liquorem nerveum commutantur, copiam acritate præditam adunari, ut nedum motione plurima, & irregulari per ejusdem cerebri poros, & nervorum substantiam concitetur, undè phantasmata varia, & confusa cum impetu, & vigilia; verùm etiam confluxu vehementi, sensus externi, licet depravatè, acuantur, & motus animales musculorum roborentur, ut vix detineri queant. Universus namque sanguis, qui ad cerebrum fortè laxiùs defertur, plus justò in auras abit, totusque in liquorem nervorum & quidem tenuiorem, maximeque volatilem, permeabilemque, commigrat; undè Phrenitici, quamvis deficient viribus vitalibus, animalibus tamen plurimùm valent. Porro fibræ nervorum, & musculorum motui dicatæ, ejuscemodi liquore tumidæ, nimium vigent, & firmiter tenduntur; multoque magis in Maniacis, quibus febris deest. Quoniam verò vapor iste nerveus acritudine præditus est, & immoderanter, violenterque in nervos, musculosque adigitur, trepidi, & temulentorum ad instar Phrenetici in tanto robore esse solent.

Proximam itaque causam hujus affectus in liquore iste nervorum constituendam opinor, qui tenuior, & acrior evadat à sanguine in cerebrum confluyente pari conditione, vel vitio sui,

vel vitio viscerum, affecto: quemadmodum in febribus acutissimis, & ardentibus, atque in internis inflammationibus, & affectionibus hysteris. Atque hinc contingit, aliquando delirium fieri interruptum, cum scilicet ad tempus solummodò liquor nervorum inficitur.

Congruunt his, quas Practici ex observationibus Anatomicis plurimas memorant paraphrosynes, & phrenitide, ortas à retrocedente erysipelate, à iero, à felle cystis acriori, ab inflammatione ventriculi, & pulmonum, à variis meningum, à disruptis abscessibus, à venenis, præsertim solano furioso, mandragorâ, & radice pastinacæ sylvestris, ex cujus esu lepidam historiam narrat Willisius *hoc loco*.

Notissima sunt signa Phrenitidis, & cujusvis delirii præsentis, cum gestibus, tum verbis parum consonis. Imminentis verò recensentur nimia garrulitas, immodica vigilia, somnia perturbata, oculorum rubor, & fulgor, motusque inordinatus, præteritarum rerum oblivio, responsio ferox, lotiorum, quæ prius crassa erant, tenuitas & perspicuitas, decubitus incompositus, oblocutio inter dormiendum, aurium sibilus, linguæ ariditas absque siti, torvus, & immobilis obtutus. De reliquo sympathicum & interruptum delirium faciliè ex superius dictis intelliscetur.

Undecumque autem illa semper periculosissima est; longè verò gravior censenda, si dejectiones decolores, & urinæ aqueæ appareant: nares modicum sanguinem stillent: pus erumpat: dentium stridor accidat cum maxillarum, & temporum convulsione: itemque singultus, tremor, aphonia, vomitus: si in veterum commutetur, vel in desipientiam Hippocrati obscuram dictam. *A Peripneumonia quoque inflammatio cerebri, malum, 7. Aph. 12.* Copioso autem sudore, urinæ profluvio, è naribus hæmorrhagia, & quandoque etiam alvi fluxu, dummodo vires constant, salubriter terminari consuevit.

Cum ferè communiter hæc ægritudo putetur sequi viscerum inflammationem, proinde ad hanc tollendam illius curatio dirigitur: Et quidem venæsectione iteratâ, mox à principio repellentibus oxyrhodinis, cum decocto foliorum lactucæ, rosarum punicarum, violarum, capitum papaverum alborum, florum nymphææ, pariterque cucurbitulis, frictionibus, clysteris, & lenientibus pharmacis: postmodum somnum conciliantibus, tum internis ex opio, tum externis ex lotionibus, & linimentis capiti, & pedibus adhibendis ex medicamentis hypnoticis; itemque applicitis ranis, gallo, aut catello per medium sectis supra futuram; institutâ interim diætâ refrigerante, humectanteque; detentoque patiente aut in tenebris, aut in luce, pro varia ejusdem conditione, & virium robore, ut admonet Celsus. *lib. 3. cap. 18.* strepitus verò, & animi, ac corporis motus omnino prohibendo.

At Phrenitidem à septo transverso curandam proponit Hippocrates per ea quæ tussim, & sputum promovent ut in Peripneumonia. Alterius etiam delirii meminit in virginibus, de quo tamen alibi.

Hermeticis præter venæsectionem, & cucurbitulas scarificatas, sunt quoque in usu irrigationes supra futuram coronalem, & pedum lotiones cum herbis soporiferis, necnon linimenta

hypnotica, & purgantia leviora, ac opiata, moderate tamen exhibita. His non suffragantibus, consulit Paracellus cranium esse terebrandum, ac foramen per mensem patulum esse detinendum. Hac enim ratione, inquit, quamcunque amentiam certissime curari. Vult etiam Cardilucius præter suum præcipitatum aureum, cunctis impensè commendatum succum nasturtii hortensis, vel aquatici, mistum cum tertia, quarta, vel quinta parte aceti acerrimi, ac pugillo salis communis decrepitati, additoque oleo olivarum in affectibus pectoris: cujus mixturæ cochlearia duo in singulas horas assumenda præcipit, atque ita etiam interna apostemata dirumpi, febresque omnis generis, præsertim verò intermittentes, cum ingruunt paroxysmi, omnino fugari fatetur, ut raro quartum repetere opus sit. Aliam hujus morbi curandi rationem memorat ex Carrichtero, quam apud eundem legere est.

Helmontio sicuti ceteræ ægriitudines cerebri, ita & deliria, remediis eustomachis, non cephalicis, curantur, præmissis tamen vomitum promoventibus, præsertim ex helleboro. At verò P. Jo. Faber potius diureticis, & humores deducantibus insistit, inter quæ potissimum magnificat suum tartarum vitriolatum, & liquorem Mercurii acidum, quem summum arcanum adversus Phrenitidem fatetur.

Antiphrenitica demum recensentur saccharum, & spiritus saturni, Bezoardicum lunare, liquor Margaritarum, qui mirificus celebratur ad compescendum sanguinis fervorem, ferturque aliquot illius guttis vini spiritum figi & coagulari. Magnæ etiam existimatur virtutis essentia florum hyperici, eorumque extractum in decocto glomorum cynosbati. Ac postremo opium, & quodcumque ex opio conficitur, ad somnum conciliandum, quoniam in deliriis nil somno conducibilius. Quare Zacutus *in prax. hist.* pilulas componit ex opii gr. v. croci gr. iv. & castor. gr. ij. atque in jure, aliove liquore per intervalla exhibet. Verum enim verò opiatorum usum vituperat Helmontius in amentis, cum omne opiatum ipsi dicatur esse in se amens, & amentia nil aliud; quam somnium vigilans: inesse præterea opio monet, præter soporiferum, aliud virus, quo amentes acrius læduntur; quinimò vix decuplam opii dosim somnum insano conciliare, & cum labore. Ejus autem loco commendat sulphur vitrioli spir. quod somniferum & suave illi est.

Externè verò sedum majus contusum, & cum lacte muliebri mistum, syncipiti admotum, phrenitidem sedare, & somnum allicere plerique testantur: at cum primum dormire cæperit æger, removendum, ne coma subsequatur. Tutiora existimant alii ramenta cucurbitæ cum albumine ovi. Riverius in praxi ex Penoto hoc epithemate ægrotum sopiri, & convalescere testatur; quod conficitur ex Aqua ros. punic. cum tinctura santal. rubr. imbuta ad 3xx. Camphor. gr. xx. Mosch. gr. xii. Vult autem per diem integrum calidè futuris apponendum. Est aliis in usu decoctum musci terrestris pari modo applicitum; aliis Rana viva, aut Tinca dissecta, & plantis pedum imposita.

At quamvis hæc prodesse possint, non tamen omittenda diaphoretica superius memorata, &

quæcumque acrimoniam, fervoremque sanguinis temperare possunt: hæc quidem potius in principio, illa verò circa statum Phrenitidis, præsertim cum de interna inflammatione dubitatur. Quamobrem pro varietate causarum, modò his, modò illis utendum.

Isdem fere Pervigilio occurrere expediet, ac præterea unguento Alabastrino, populeo, somnifero Augustano oleo papaverum, & hyosciami, extracto croci, pinguine lucii piscis, temporibus, & plantis pedum illitis. Langius parat oleum mirabile ex capitibus duobus alii, & uncia una opii simul contusis, atque in B. M. distillatis. Conficit etiam aquam quandam Hypnoticam dictam: & Mynsicht. vinum hypnoticum, & pulverem anodynum Michal. Alii, alia. Sed omnibus præstat laudanum opiatum aliquo liquore dissolutum, & parum, ac sæpè propinatum. Invaluit nunc tandem apud nostrates usus cujusdam potionis ex expressis seminibus melopeponum, & papaverum alborum cum amygdalis dulcibus, & conditura florum nymphææ in aqua lactucæ dissolutis. Illam autem post cœnam potissimum potandam offerunt, ut opportunius somnum alliciat.

Consultationes.

Phrenitis essentialis.

Egregius Juvenis 35. annum agens, temperamenti secundum totum & jecur calidi & licci, negotiis impensè deditus, & ideo vigiliis valde obnoxius, liberè vivens, potissimum in meri potu, cum Venetiis æstivo tempore Pata-vium migrasset in Navi tecta & cum sodalibus, ac commensalibus mero plurimum indulisset, nocte sequenti sævissimo capitis dolore, atque acuta febre correptus fuit, cum siti molestissima, vigiliis, vel somnis saltem turbatis, cum clamoribus, à quibus insueta temeritate loqui cæpit. Tertia autem die respiratio magna & rara, pulsusque minores atque duriores, squallentes oculi, necnon venosi, sive sanguine pleni apparuerunt, & tandem quarta, floccos vellere, festucas carpere, & demum non solum verba plurima facere, & nugari, sed etiam continuo plane delirare incæpit, prout & nunc delirat, cum familiares non distinguat, servum fidelem œconomum furti accuset, eodemque tempore adblandiatur & benè excipiat. Urina autem tenuis & decolor, cum tenui nubecula apparuit. Quæ omnia ita succreverunt, quamvis à medico domestico rectè hætenus fuerit curatus, qui secunda die leniens, & tertia ex brachio sanguinem educi jussit. Modò in quarta accersiti, hæc habuimus.

Cum tria sint genera delirii, sub nomine deficientiæ, tanquam sub genere contenta, cum febre unum, Phreneticum scilicet; duo verò sine febre, Maniacum, & Melancholicum, Phrenitide modò laborare egregium hunc Juvenem palam constat, ita dicta à Phrene, mente scilicet. Hinc cum Antiquiores observarint septo inflammato mentem aberrare, hanc in ipso residere suspicati sunt. Est itaque phrenitis mentis alienatio continua, cum febre acuta. Cum autem mens alienari, ac depravari possit, quoad imaginationem, ut in Theophilo Medico, qui

ex principiis falsis veram conclusionem deducebat, vel secundo quoad rationem, ut in illo, qui Romæ Lanifici puerum post vasa per fenestras projecit, & ex principiis veris falsam deducebat conclusionem, vel tertio quoad memoriam, ut contigit Athenis Peste à Thucidide descripta apud Gal. quam memoriæ depravationem, vel circa tempus, vel circa locum, vel circa personam credidit Valesius, confirmarunt Fernel. & Capiv. in casu nostro, omnes actiones principes depravari censemus, cum falsa imaginetur, neque ex imaginatis veram inferat conclusionem, ad quarum operationum depravationem, depravari quoque memoriam, non contra, necessarium existimamus. Hanc verò mentis alienationem ulterius progressam credimus, atque adeò plane delirare egrum statuimus in historia: plures enim delirii phrenitici gradus ab Hipp. diversis verbis descriptos observamus. Si quidem primum, ac leviozem significavit, dicens. *Parum delirabat*, vel *Nugatus est*. Vel. *Sermones ac verba fecit*. Vel. *Parum mente constabat*: aut *Aliquantulum delirabat*, ut de Melidia. Secundum gradum gravioris delirii explicuit hoc verbo, *Deliravit*, ut de Herophonte, Epicratis Uxore, & Clazomenio. Tertium gradum sic expressit, *Plane deliravit*, ut de muliere, quæ decumbebat in Littore. Quartum gradum deterioris delirii ita, *Multum deliravit*, ut de Uxore Dromedai, & de Philini uxore in Thaso. Quintum delirii gradum, sic *Omniò deliravit*, *Magnopere deliravit*; ut de Philisco. Postremum autem, omnium intensissimum, prorsusque lethalem descripsit dicens, *Tremula, obscura, blandaque & contrectabiles desipientia, valde phrenitica*, ut Didymarco in Coa obvenita, heclicas enim & consummatas phrenitides significare voluit Hippoc. ut Gal. in Com.

Est itaq; mentis alienatio in nostro Pat. multum progressa, continua enim est, sicut & febris, quia essentialis unde Gal. dicebat, *Nisi febricitet ager, & continuo deliret phreniticus non est, in vigiliis enim febrium desipientia phrenitica non sunt*.

Ad hanc autem phrenitidem excitandam, conspirant primò causæ omnes antecedentes, tum internæ, tum externæ, ætas juvenilis, temperamentum totius & jecoris calidum & siccum, anni tempus æstivum, intensæ applicationes, & ab iis vigiliæ, unde *In vigilia convulsio, vel desipientia malum*. Præterea tectum navis à Sole excalefactum, caput accendens, & meraci potus copiosior. Sic *Adolescens Melibææ, ex nimio potu, & Venere diu excalefactus, decubuit, & phreniticus factus est*. Sic *Ex multa potatione, rigor, & desipientia, malum*. Ac tandem febris acuta, de genere ardentium, cum molestissima siti invasit, & phrenitidem, ut causa, præcessit, cujus & causa & comes esse solet. A quibus omnibus causa conjuncta, & immediata, nec non continuo fovens introducta fuit, caliditas scil. præter naturam in cerebro: eo namque intelligimus & deliramus. Quæ caliditas intensa sit oportet, quia alioquin fieret sola mobilitas in spiritibus & opinionibus, ut docebat Gal. Hæc autem inducitur à calore solis, & meri potu, potuit quidem continuum membranarum solvendo (cum cerebrum parum, aut nihil sentiat) capitis dolorem, vigiliæ, somnosq; turbatos inferre, verum ad delirium continuum excitandum, necessaria

est inflammatio membranarum cerebri, imò præter hanc requiritur humor biliosus in cerebro redundans, & in eodem commotus, atque discurrens, unde Gal. dicebat, quod *Bilis in cerebro, & ejus membranarum phrenitidem facit*, & alibi. *Phrenitis fit à bilioso humore*. Quod desumpsit ab Hippoc. dicente, *Morbus hic fit à bile, cum mota fuerit*. Subministratur autem cerebro biliosus humor, à membranarum inflammatione, facta à sanguine bilioso, & biliosum ichorem in idem per transudationem ac diapedesin eructante, non secus ac in pleuritide evenit, in qua sputa cruenta & biliola excernuntur. Quam veritatem omnino aperit & confirmat Gal. cum Hipp. dum enim Hipp. ipse phrenitides confirmatas, & heclicas nobis ob oculos posuit, dicens, *Tremula, obscura, blandaque & contrectabiles desipientia, valde phrenitica*. Gal. in Com. ait id fieri, *Quoniam biliosus succus non amplius confusus & tumultuosè in cerebrum decumbit, sed inelutibiliter permixtus est, ut tintura in lanis, & ideo ut hectica insolubilis est*. Quod vero bilis decumbat in cerebrum, ab inflammatione membranarum, ita expressit Gal. idem: *Phrenitis à bilioso humore, lethargus à pituitoso, hic, ex ipso potius cerebro, illa, ex tenui meninge, & septo*. Et clarius adhuc; *Phrenitis fit ex inflammatione meningum cerebri, & si magna fuerit, etiam musculorum temporalium*. In cerebro vero, licet aliqua plogosis & calida dispositio in phrenitide dari possit, vera tamen in membranarum requiritur inflammatio, si enim daretur & in cerebro, longe deterior phrenitide ipsa contingeret affectus, sub titulo de corruptione cerebri ab Hipp. descriptus, de quo dicebat. *Quibus cerebrum sphacelatum est, in tribus diebus pereunt, si verò hos effugiant, sani sunt, recedente scilicet inflammatione*. Sic Aët. & Paul. inflammationi cerebri proprium caput assignant, à phrenitide distinctum.

Phrenitis igitur essentialis affligit Pat. nostrum, tum quia nulla præcessit querela de alia inferna parte malè affecta, tum quia delirium continuum habet. Et licet continuum videatur in facta per consensum à septo, unde Gal. *Ab aliarum partium consensu, nulla delirium perpetuum habet, deimpto solo septo*. subdit tamen. *Cujus vitio excitatum delirium, parum à continuo distat*. Sed præterea, delirium à septo risum tumultuosum secum ducere solet, ut Tyconi, septo in bello vulnerato. In nostro autem Pat. signa præcesserunt phrenitidem præmonstrantia, à Gal. proposita, vigiliæ nimirum, ob siccitatem in cerebro inductam, ob quam & somni turbati cum clamoribus fiunt, ob somnia conspicua, temeritas non consueta, à membranarum & cerebri incallescencia, respiratio magna, & rara, dum à copia phantasmatum occupatus respirare obliviscitur, quod supplet respiratione magna; squalentes oculi, propter vigiliæ, à sanguine turgidi, ob incipientem membranarum inflammationem. Pulsus autem minores & duriores fiunt, ex membranarum inflammatione; ob duritiem enim arteria non adeò dilatari potest, sicut urina decolor atque tenuis biliosum humorem per venas in caput efferri significat, atque tandem floccos avulsit, & festucas carpsit, dum ab imaginatione oculi decipiebantur, unde & Gal. Ardente febre detentus, dum mente quidem sanus erat, sed imaginatio depravari

incipiebat, exclamabat. *Amici mei, auxilio mihi estote, ne phreniticus evadam.*

Affectus quidem, Phrenitis, acutissimus atq; periculosissimus, ut proinde nihil certi pronunciare possimus, præsertim cum adhuc in principio reperiatur, & usque ad 11. progredi soleat, unde dicebat Gal. quod si quinta die inceperit, decima septima judicabitur; si 7. inceperit 20. tantum, quod forsan ab Hipp. desumpsit, dicente. *Judicatur hic morbus, brevissimus, 7. die, longissimus, 11.* Solus ægrotus 4. 3. Epid. descriptus 3. die phreniticus defunctus est, acutissimæ phrenitidis exemplo, qui tamen obiit ex qualitate succorum virulentorum, tanquam ab epoto veneno, non à phrenitide, ut notat Gal. Progressus itaque attente observandus, namque si pulsibus accedat crebritas modica, mortis periculum: si verò immodica, mortem proximam prænunciat. Urinæ si fiant albæ & perspicuæ, malæ. Unde dicebat Gal. in Com. *Se nullum Phreniticorum vidisse salvatum, in quo urina alba & perspicua, id est aquosa apparuisset.* Quod idem confirmavit quoque Lib. de Urinis. Alvi quoque albæ dejectiones malæ essent, ut Archecrati, sursum enim flava bilis ferebatur, scribit Gal. propterea Hippoc. *Egestionis alba in Phreniticis, mala.* Respiratio quoque attendenda, spiritus namque magnus & rarus in toto morbo, & hypochondria palpitantia utrinque demissa, phrenitidis sunt notæ, morbo ad exitum spectante, in quo statu somnus potius delirium excitat, accedit stridor dentium, & labiorum, atque totius tremores.

Quod si ad salutem vergat, vel per resolutionem, ut Pythioni contigit: vel per crism, & frequenter per hæmorrhagiam narium, & sudorem, ut contingit ei, qui dum Romæ erat, Athenis se esse credebat. Sed nonnunquam & per abscessum, & per transmutationem in alium affectum desinit. Si per abscessum, cerebrum sphacelatur, & pereunt, nisi pus ad anteriora vergat, & per nares, aut os expurgetur. Si per transmutationem, vel in lethargum, de quo Hipp. *Non utiliter phrenitis in Lethargum se convertit.* Gal. in Com. *Phrenitis contra tollit veterum.* Vel transmutatur in peripneumoniam, de qua Hipp. *Si phrenitis in peripneumoniam transiit, pauci effugiunt.* Vel mutatur in convulsionem, exsiccatis nimirum membranis, quod succedit exitiali maximè Phrenitidi, ex Gal.

Medicæ itaque intentiones pro hac phrenitide curanda, erunt reliquis inflammationibus communes, ab initio scil. repellere, in augmento repellere & digerere, in statu digerere magis quam repellere, in declinatione tandem digerere, quibus addamus, quod sit revellendum, & ratione febris refrigerandum, humectandum, & evacuandum, ac tandem symptomatibus occurrendum.

Atque omnium primò convenit sanguinis missio per venam sectam; omnium Medicinæ Principium, cum Gal. & Avic. consensu. Et licet Gentilis, Arculanus, Mesue, Rudius aliter sentiant, falso tamen supposuerunt phrenitidem à sola bile fieri. Quem errorem corrigit. Avenzoar dicens, *Et scias quod non generatur apostema in hoc panniculo ex uno simplici humore, cui etiam alius humor non sit adjunctus, sed denominatio fit à majori.* Recte igitur ex brachio missus fuit, tum

ratione refrigerationis, ne sanguis adeo facile in bilem vertatur, tum ratione revulsionis, ne adeo præceps ad partem fluat, nulla namque datur revulsio major, quam per sectam venam. Ex venis sedalibus repeti poterit, ante septimam, sicuti tandem in jam facta, ratione derivationis, ex vena frontis, cum sit remedium locale. Cucurbitulæ quoque scarificatæ, dorso prius, ac tandem occipiti, & revellere à syncope, & derivare possunt. Reliqua omnia revulsionum genera conveniunt, frictiones, lotiones, sinapismi, imò & vesicantia.

Interim adhuc in repellentium usu persistendum, oxyrrhodo ex rosac. & succo citri parato, aceto omisso, pace Gal. non adeo bene ab Herodoto edocti, ut ipse fatetur, dum acetum rosaceo, ad penetrationem addebat in phrenitide. Applicetur autem frigidum, prout hyeme tepidum. Et quoniam urgent vigiliæ, succus lactucæ, vel nymphææ adjici poterit, qui alioquin penetrationem impedit. In augmento aliqua digerentia ex usu erunt, ita

℞. Ol. ros. omph. ʒ ij. chamæmel. ʒ j. succi lim. ʒ j. m.

In statu æquali dosi repellentia ac digerentia immiscenda, atque ita in ol. ros. serpyllum, aut pulegium, decoquatur, vel.

℞. Ol. ros. compl. chamæmel. an. ʒ ij. succi lim. ʒ j. m.

In declinatione, solis digerentibus erit utendum, sic applicetur solum chamæmel. in quo serpyllum ebullierit, vel animalia per medium dissecta apponantur, ut Columba, Gallina nigra, pulmones adhuc calentes, minus tamen operosum fuerit fomentum ex decoct. chamæmel. meliloti, origani, pulegii, serpylli, satireiæ, spongia capiti admotum.

A Pharmaceutico desumenda Evacuantia, Alterantia, & biliosum humorem Contemperantia. Inter evacuantia, lenientia sunt usurpanda, nullo modo purgantia. *Concocta enim medicanda, atque movenda, non cruda.* Et præterea. *In acutis morbis raro, & in principio medicamentis purgantibus uti, & id cum præmeditatione faciendum.* Sed aureum documentum ab Hipp. traditum, & à Gal. receptum, in omnibus inflammationibus, ad memoriam revocandum. *Quicumque ea quæ inflammantur, morborum inter initia, medicamento solvere conantur, si non solum ab intensa, inflammataque parte nihil adiuvant, cum non cedat nec obsequatur ea quæ cruda adhuc est affectio, verum quoque & quæ morbo resistentia, ac sana sunt, absument atque colligunt, duæque ad imbecillitatem corpore, morbus superior evadit, qui ubi corpus vicerit, remedium non habet.*

Leniens itaq; sit medicamentum, differendum tamen post sanguinis missionem, præmisso leni clyst sit autem syr. ros. violac. solut. cum decoct. pulpæ tamarind. vel flos cass. cum eadem pulp. vel crem. tart. à quibus si fieri possit, propinetur ser. depur. aut aq. hord. ad lib. 2. ut factum fuit.

Alterantia & bilem incrassantia quotidie repetita convenient quam maximè, ut decoct. cich. end. acet. sonch. hepaticæ, viol. portul. lactucæ, additis succ. depur. acetos. end. Vel syr. de ribes, & viol. Et quoniam sitis urgere solet, licet eam non sentiant ægri, ideo serum copiosum propinandum, vel aquæ stillat. end. acet. cucurbitæ, hord. cum syr. de ribes, de gra-

granatis, de acido citri, quæ nive quoque refrigerentur, siquidem & Aret. frigidam permittit. Denique jam dicta omnia, tum lenientia, tum alterantia, suis loco & tempore repetenda, si possibile fuerit.

Et Symptomatibus interim occurrendum, quæ esse solent vigiliæ, motus violenti, suppressio urinæ, & alvi stypticitas.

Somnus igitur conciliandus, cum sit delirantium remedium, & ideo Hipp. *Ubi somnus delirium sedat, bonum*; Unde Gal. dicebat quod *Sopire, ac stupefacere principem facultatem oportet, cerebrum supra modum excalescentem refrigerando*; Cavendum tamen ne narcoticorum incauto usu ad Lethargum deducatur æger, ut propterea ab Asclepiade somnifera supervacanea censeantur. A levioribus itaque, & extrinsecis inchoandum; sic fiant à cœna pedum lotiones ex decoct. mal. violar. lactucæ; anethi, salicis, cap. pap. albi. Nares & tempora illinantur lad. Nep. aqua ros. dissol. Irrigetur sutura coronalis ol. nenuph. copioso ex Rhase. Fiant capitis perfusiones decoct. lactucæ, viol. nenuph. & in pertinaci affectu, radic. mandrag. sem. jusquiami, cap. papav. addito lacte vaccino.

Intrinsecus emuls. amygd. dulc. in cibis, & sem. papav. albi extracta cum aq. lactucæ. Papav. decoct. proponit Celsus. Diacodium Tral. ac tandem Nep. Quercet. Theriac. quippe rec. nec phil. Rom. in hoc biliosiss. affectu fidendum.

Ad urinam verò ciendam sollicitetur Pat. vesica comprimatur, titillatio in meatu urinario excitetur. Pubi fomenta ex decoct. pariet. fœnic. petrosel. radic. asari in vino albo parata applicanda; vel cataplasma ex radic. raphani & pariet. contusis, additis ol. de scorp. aneth. chamæmel. Inunctiones perinæo iisdem oleis quinetiam adhibendæ.

Fæces provocentur supposito parvo, & acri repetito, ex troch. alhand. hiera, sale gemmæ, & melle parato.

A propietate juvantia non sunt omittenda. Intrinsecus quidem corallium nigrum ad 3 j. in aq. rosar. Aqua item titillat. ex hirund. junioribus. Extrinsecus verò spuma lactis, Aprogala dicta, capiti apposita; Succus Anagallidis, vel Rutæ sylv.

In vivendi ratione primò de aëre dubitatur, num locus obscurus, an luminosus phreniticis conveniat; cum Asclepiades, ita referente Celsus, quem sequutus fuit Paul. in lumine esse detinendos crediderit, Hippocr. verò in Conclavi obscuro. Quæstionem tamen Celsus, & post ipsum Aet. & Aret. sic dirimunt, neutrum perpetuum esse dicentes; siquidem intenebris detinendi, qui lucem: in lumine, qui tenebras formidant. Ex neutris autem, debiles in tenebris: fortes in loco luminoso sunt collocandi. Picturæ amoveantur. Et sæpius iis assentiendum quàm repugnandum, ut paulatim mens in melius revocetur. Cibus sit refrigerans, humectans & incrassans, non valdè nutriendus; quia scil. inedia ægrè tolerant; biliosum enim humorem & animum demulcet ipse cibus, ex Aret. Vinum omnino denegatum à Gal. concedi videtur ab Hippoc. aquosum, prorsus inodorum, & exiguum in declinatione, ut decidit Tral. Somnus & quies procuranda. Clyst. mollioribus ex lacte, butyro, & saccharo paratis alvus solici-

tanda, ita permittente agro. Et amici familiares, non domestici, aut cognati assistant; & de rebus gratis ac delectabilibus cum eo agant. Quæ omnia, imò pauciora quoque, Deus salutaria reddat. *Raym. Joh. Fortis Consult. & Respons. Medic. Tom. 1. Cent. 1.*

De Phrenitide.

Juvenis robustus, temperamento biliosus, sanguine abundans, & intemperanter vivens, cum in symposio vinum copiosius bibisset, atque hinc multum incaluit, tandem ab alio contumeliis affectus, magnâ irâ incanduit; cumque à præsentī vindicta detineretur, ac domum deduceretur, tota nocte non dormivit, sed furentis intus per cubiculum discurrit, nil nisi de vulneribus, pugnis, litibus & vindicta loquutus, idque cum ferocia & multis admixtis ineptiis. Postridie omnino deliravit, & ipsis quoque domesticis violentas manus inferre cœpit, ita ut à robustis viris detineri debuerit. Secundam quoque noctem vigil cum summo delirio ac furore transigit, modo floccos & festucas colligens, modò in astantes irruens. Oculi rubent, torvum videt, vociferatur, valde sitit, febricitat, urina pallet. Die tertia Medici consilium imploratur.

1. Continuum & ferox delirium cum vigiliis cerebrum in hoc agro graviter laborare demonstrat, sicut febris reliquum quoque corpus male affici.

2. Morbus quò affligitur est inflammatio membranarum cerebri, hincque procedens intemperies calida cerebri & spirituum, unde producuntur febris continua, & illa mentis emotio, quam *phrenitidem* appellant Medici, quæ est *delirium ferox & continuum cum febre continua, cum inflammatione membranarum cerebri* ortum.

3. Remota morbi causa est intemperies vitæ, quò biliosi sanguinis magna copia in corpore genita, antecedentem causam præbuit. Sanguis ille biliosus à nimio vini potu & ira excalescens ac vehementer commotus, & ad caput copiosior delatus, ibique in substantiam membranarum cerebri nimia copiâ effusus, morbi hujus continentem causam constituit, quem morbum hoc symptoma sequitur.

4. In illas enim membranas nimia copiâ percalidus irruens, ibique putrescens, illas inflammavit; ac parte illius putredinis per venas cordi communicatâ, indeque fervidiore per arterias ad totum corpus expulsâ, febrem accendit, cujus magnum calorem œsophagi & oris siccitas cum siti immensa sequitur.

5. Ab hac membranarum inflammatione etiam calida intemperies ipsi cerebro & spiritibus ejus inducitur, à quorum nimia caliditate ac mobilitate & inordinato motu, principes cerebri functiones depravantur, sicque delirium generatur: quod ferox ac continuum evadit, & cum vigiliis conjunctum est, propter nimium continuumque calorem, spirituumque ferventium rapidum motum.

6. Morbus hic variis de causis periculosus est. 1. Quia pars princeps laborat. 2. Quia continuæ vigiliæ ægrum valde fatigant. 3. Quia febris adest continua. 4. Quia hoc delirium non est cum risu, sed cum ferocia. 5. Quia

dicta inflammatio inde etiam multum fovetur & augetur, quod biliosa materia, quæ urinam tingere solebat, tota ad caput abripiatur, sicque urinam pallidam relinquat. Sanationis tamen spem faciunt virium robur & absentia pessimorum symptomatum, qualia sunt, convulsiones, aphonia, singultus, dentium stridor, aliaque similia. Ac proinde curatio quamprimum erit instituenda, antequam malum in pejus vergat.

7. Hæc curatio consistit in causæ antecedentis ac continentis ablatione, & intemperiei correctione.

8. Biliosus sanguis qui ad caput copiosior affluit, necessario quamprimum est evacuandus, revellendus, derivandus, & repellendus. Quapropter clystere emolliente præmissio, vena in brachio aperiatur, & sanguinis unc. x. vel xii. extrahantur: quæ venæsectio postmodum in altero brachio reiteretur, atque etiam tertia die, si necesse videatur: primum enim in hoc malo remedium est sanguinis detractio; quæ, si æger id permetteret, non incommodè secunda vel tertia die institueretur, in vena frontis.

9. Ad humorum biliosorum expurgationem detur hic haustus.

Rec. Rhabarbari optimi, fol. senæ mundat. ana drach. ij. Tartari rhenani drach. ij. Sem. anisi scrup. i. aquæ cichorei q. s. fiat infusio s. art. colaturæ addantur. Elect. diaprui solut. drach. ij. diagridii gr. ij. Misce, fiat haustus. Si sequentibus diebus alvus quotidie non respondeat, clysteribus proritetur, & tertia vel quarta die præscriptus haustus iterum exhibeatur.

10. Bis terve de die inungantur tempora & frons hoc linimento:

Rec. Unguenti populei drach. vi. Olei papaverini drach. ij. Misce, fiat linimentum. Post hujus inunctionem sequens oxyrrhodinum cum linteis capiti tepidè applicetur:

Rec. Olei rosacei unc. ij. Succi lactucæ unc. ij. Succi sempervivi majoris, aquæ rosarum, aceti rosacei, ana unc. j. s. Misceantur bene, & fiat oxyrrhodinum.

11. Ad materiæ morbificæ diversionem columbæ vivæ dissectæ, vel hoc suppedaneum plantis pedum applicetur.

Rec. Fol. brassicæ rubræ, betæ albæ, ana m. j. s. Contundantur in mortario, & cum fermenti acidi unc. iv. Salis drach. ij. Aceti rosacei q. s. fiat pasta suppedanea.

12. Sub noctem exhibeatur pilula ex laudani opii gr. iv. Vel si pilulam respuat, aut abjiciat æger, dissolvantur istius laudani gr. ij. in decocti hordei unc. i. & additâ syrupi papaveris rheados unc. i. fiat haustus ad somnum provocandum.

13. Interea dum hæc fiunt, bibat æger pro potu ordinario cerevisiam tenuem vel tenuissimam, vel serum lactis acidi, vel aquam fontanam, in qua pomum citri in frusta confissum immaceratum est, addito pauxillo sacchari & aquæ rosacæ, vel hujusmodi julepum:

Rec. Fol. lactucæ m. iv. Endiviæ m. ij. Fruct. ribesiorum rubr. m. j. Aquæ hordei q. s. coquantur ad lib. i. Colaturæ refrigeratæ addantur syrupi violacei, de limonibus, ana unc. j. De papavere unc. s. Succu citri recentis q. s. ad gratum acorem, Misce, fiat julep.

14. Utatur etiam sæpè de die particulâ hujus conditi:

Rec. Pulveris diamargariti frig. scrup. v. pulpæ Tamarindorum, conservæ viol. rum, rosarum pallidarum, rob. ribesiorum rubr. ana drach. ij. Syrupi violacei q. s. fiat conditum. Circa vesperam (nempe cum laudanum opiatum non sumit) bibat haustum unum aut alterum hujus emulsionis:

Rec. Sem. 4. frigid. maj. ana drach. ij. Sem. papaveris albi unc. s. Decocti hordei q. s. fiat emulsio ad unc. viii. Cui adde, syrupi papaveris rheados, violacei, ana drach. v. Misceantur.

16. Cum malum nonnihil incipit mitescere, ad materiam peccantem citius resolvendam, capiti admoveatur gallina viva per medium dissecta, vel pulmo vituli aut ovis recentem & mactato animali evulsus, tepidus imponatur.

17. In diætâ sit aer aliquantum ad frigidum & humidum inclinans, & sublucidus. Cibus sit parcus, & refrigerans, cum lactuca, endivia, borragine, acetosa, aliisque refrigerantibus præparatus. Qualis potus conveniat, antè dictum. Absint ab ægro multa colloquia, multique colloutores, & quies ac somnus omnibus modis concilietur. Furibundus animi affectus paucis ac blandis sermonibus demulceatur, imprimis à talibus; quorum præsentiam tempore sanitatis amavit æger. Alvus quotidie vel spontè, vel arte respondeat. *Isbrand. de Diembroëck, Medicat. lib. i.*

Observationes.

Delirium Anginæ & Calculum in renibus sequutum.

Non alienum est in Febris malignis, diebus præsertim Criticis, aliena loqui; sed notavi idem in simplicibus anginæ, nulla febris suspicione, quandoque contingere, quoties malum est paulo vehementius, & materia peccans jam in pus resoluta sanguini se miscet, unde nervosæ cerebri partes ultra solitum vellicatæ notiones confundunt. Sed cum malum hic usque adeo vicinum sit sensuum metropoli, causam symptomatis assequimur facilius, in calculo autem renum officina malæ a cerebro longè remota tumultuatur. Vidi nihilominus, qui calculo gravius infestante non constarent sibi, nec nisi delira loquerentur, sed momento post, translato in vesicam hoste, dictorum ejusmodi essent oblitæ, & tum corpore, tum mente validi. Tandem excluso calculo animadverti causam mentis emotæ in acutissimos lapidis angulos rejiciendam esse; quippe nulla unquam deliria, in iis deprehensa mihi calculosis, quibus calculi rotundi, aut obtusioribus angulis molesti fuere, sed tantum (nec tamen semper, propter mentis majorem in quibusdam constantiam) in istis. Scilicet pelvis renum vestitur tunica *serosa*, quæ & ipsa interiorum ureterum membranam constituit; hæc punctiunculis acrioribus sollicitata contrahit se violentius, & tandem nervosa cerebri in consensum rapit, unde noemata quandoque turbare credibile. Quin & visus mihi Parisiis, à la Greve, qui rotis fractus, pectore nondum contuso aliena loquebatur. Jussus enim ab astante monacho, ut pendentis in cruce Salvatoris;

toris, quem oculis ejus identidem objiciebat, memor esset, quod in propinquo mors expectaret; An ergo, inquit, saucius sum, si tam subito moriendum; annuente sacrifico graviter saucium esse. Cur ergo, excepit, in nosocomium non deportor, ut manu Chirurgi sanari queam. Verisimile, ossum in cruribus, femoribus, brachiis fragmenta acutiora, totidem cuspides fuisse, quot in calculosis illis exquisitiores anguli, adeoque in utrisque eadem secuta quandoque symptomata. Nec fortasse in somnis aliena loquuntur nonnulli ob aliam causam, quàm quod vel in partibus solidis, vel fluidis cuspidatæ quædam particula nervosa pungendo quietem spirituum interturbent. Sed nec illud fortassis ubivis obvium, quod verminosi pueri quandoque aliena loquantur. Id mihi præ cæteris compertum in H. Brechlinii filio sex annorum, qui postquam miserabile triduum inter convulsiones & deliria exegisset nullo febris argumento, propinatis liberaliter quæ vermes exigunt, novendecim tandem excrevit lumbricos vivos longos, crassos, & propemodum spithamæos, quibus exclusis præter spem Parentum convaluit. Olai Borrichii.

Ex ira Phrenitis.

Ira furor brevis est, & ex Ira nuper Phrenitis. Uxor enim cujusdam Scriniarii temperamento cholérico sanguineo, cum menstrua ipsi, consueto equidem tempore erumpere cœpissent, cum Vicina sua altercari coacta est, hinc ex illa animi commotione sublitere menstrua, quid fit? circa noctem phrenetica ex lecto profilit & varias movet turbas, hinc optimus maritus me summo mane vocat & auxilium implorat, suadeo Venæ sectionem in pedibus, sed nolebat admittere etiam coacta: ut ergo sedatior esset, propinavi ipsi potiunculam anodynæ, cui immixta erant extracti Anodynæ *Hildani* gr. x. (quod extractum nihil aliud est quam succus capitum papaveris immaturorum expressus & l. a. inspissatus) hinc post levem somnum paulo sedatior admisit V.S. in utroque pede supra talum (qua largius celebrata, rubebat enim facies valde ex sanguine sursum delato) sensim ad se rediit, Divino aspirante numine. *Caspar. Colichen.*

Phrenitis Aphrodisia.

Juvenis quidam amore puellæ cujusdam ardens, cum spe exciderat, in gravissimum morbum incidebat, febrem nimirum cum vehementi delirio, quo nunc se Cæsarem, nunc Dei Filium esse somniabatur, aciem instruebat, nunc remeabat, nunc vincebatur, nunc resistebat, nunc ad judicium perveniebat. Tandem ad se rediens adhuc vibices monstrabat, quas accepisse à latronibus se dicebat. Balneum exposcens, quo concessio indies ad saniolem mentem rediit.

Scholion.

Improbe amor, quid non mortalia pectora cogis?

Amor etsi à principio nec delirium nec melancholia sit, tamen, si id quod amat nancisci non potest, multis sollicitudinibus & mentis perturbationibus, in delirium & melancholiam degenerare potest. Mærore enim & curis melancholicos humores gigni & coacervari, ne-

minem latet. Accedunt vigiliæ & imaginationes variæ ineptæ, ita ut vel mediantibus hiis solis homo ad mentis vacillationem pervenire possit. Balneum verò haud sine ratione concessum, exsiccatum enim corpus humectare, humores fervidos attemperare in hoc malo multum ad rem facit. Quapropter etiam balnea à Paulo lib. 3. cap. 17. commendantur in hoc affectu. D. Danielis Wincleri.

Anatomica inspectiones.

Phrenitis à cerebri inflammatione & membranarum.

Phrenitici biduo extincti caput apertum, in quo cerebrum & membranæ cum rubore adeo tuebant, ut venæ ab ipsius substantia separari possent. I. Rhodius Cent. 1. Observ. 39.

Phrenitis à Pia matris inflammatione illaso cerebro.

Fabritius Bartholetus mihi fassus est se in plurimis phreniticorum cadaveribus invenisse piam matrem sine omni cerebri noxa inflammata. I. Rhodius Observ. 40. Cent. 1.

Phrenitis à dura matris exulceratione, Vasorum ejus plenitudine & Pia, cum Abscessu in cerebello flaccido.

Quidam per biennium conquestus fuerat de dolore in Occipite, tandem hic Phrenitide ac convulsivis motibus correptus subito interiit. Huic crassa cerebri membrana aliquot locis exesa erat variis foraminibus, idque potissimum in bregmate sub sagittali sutura, ubi ea cum coronali jungitur. Ex iis foraminibus effluebat, & per membranam dictam effusus erat sanguis ferme concretus, ater ac adustus, admodum foetens. Tali quoque sanguine distenta erant vasa per exteriorem crassæ meningis superficiem discurrentia, quin & ea quæ numerosa per tenuem disseminata sunt. Huic intra cerebellum abscessus humore non naturali scatens repertus fuit: erat is humor colore ex citrino ad pallidum vergens, pallida nimirum bilis. Ipsa cerebelli substantia flaccida omnino molliorque multo quam cerebri substantia. Petrus Pauvius Observat. Anatom. 8.

In quodam ab obscura Phrenitide extincto reperta sunt vena cerebri varicosa, medulla cerebri siccissima, membrana siccissima.

Adolescens medio Octobri capite doluit, febris sed ea fallax, cum se febrile non putaret, nulla dum intermissio officii, lex vitæ neglecta, dolor tamen capitis aggravescerebat: Externa accusabantur, ut ætas ad omnia prona: Tandem febris aucta, dolor capitis auctior, febris verè κεφαλική τυφώδης: nihilominus tamen sui negligens ruri, modo in urbe fuit, securus omnium, tandem lecto affigitur & affligitur: fallax pulsus, ut in morbis capitis, urina fallacior, ille febri non respondebat, & in capite secus erat; segnities alvi, nec nisi arte provocata quicquam ex alvo profluebat: æstus viscerum, sed major capitis, oculus ardens, facies rubra, maxime

genæ aliquid pulmonicum suspicabamur; dolor capitis major ad sinciput: omnia noctu graviora, clamores, jactationes, deliria fugacia, indecora corporis compositio, mox ad se reditus: rursus deliria intra verba, somnus profundior ut vix excitaretur: deinde coma vigil, & inæqualis symptomatum mixtura: mox catochus; nisi quod deliratio jugis non foret, mox lethargicum quid, mox typhomanias species: tandem oculi fixi & rigentes, ut in catochæ obscura phrenitis, blanda, contrectabilis, dextrarum partium rigor revera *παραμυδία* & deinde paraplegiacum quid; Siriasin quandam & *φλόγωσιν* suspicati sumus, difficilis respiratio, qualis peripneumónico: omnia visa sunt mitiora: Convalescendi spes aliqua; morbus variè lussit oppugnatus, sed non expugnatus invaluit, dolores repetunt, omnia in pejus ruere, per dies 40. traxit mors.

Aperto capite venæ quasi varicosæ, tabo & sanguine nigro turgentes videntur: Idem observatum in ventriculo medio serum multum: medulla cerebri, quæ mollior & friabilis esse debet, siccior: membranæ siccissimæ, quasi per siriasin & deflagrationem arefactæ & rigentes, vix lacerabantur, vix novacula præcedebantur, acutiei secantis resistentes: imò sectæ crepabant more membranarum arietinarum atque occalescentium: Pulmonis partes dextræ lateri adhæsu contumaciore, lacerabiles necdebantur plenæ vomicis tabo & pure scatentibus: hæc reliqua ex gravi peripneumonia, quæ anno præterito illum oppressit ac pene consumpsit: Hepar labem conceperat, sed non maximam qualem pulmo: *Ballonius lib. 3. conf. 71.*

Phrenitis à tumore inflammatorio in substantia cerebri.

Ad invisendum puerum duodecennem accersitus, arteriam in carpo contemplor duram cum pulsu frequenti & exiguo: ægrum imaginatione laborare deprehendo, continuo delirantem, floccos carpentem, insomnem, immergerum: cui lingua exusta, fuliginosa, nigra: excrementa sicca, dura, pilularum instar: Hunc phrenitide confirmata laborare, eaque exitiali mihi persuasi: nam triduo post, nullis auxiliis aptis proficientibus, migravit è vivis:

Secto capite, contemplatoque cerebro, in ejus medullari substantia repertus est tumor nucis juglandis magnitudine, rubidus, & venis turgentibus sanguine repletus, qui hujus noxæ causa fuit certissima: rupto abscessu, emanavit foetidus ichor, cochlearis quantitate, & venæ jam ante tumidæ, subsederunt: *Nicol. Fontanus Analector. cap. 1.*

Phrenitis à verme utramque meningem perforante.

In Anatomia cerebri vermis inventus est, qui piam & duram matrem transfoderat, unde phrenesis generata fuit: *Paracelsus lib. 2. Paramyr. §. 2.*

Phrenitis à meningum, præsertim pia, inflammatione.

Laboraverat juvenis gracilis & siccus Tertia-

na quadam continua, pravis comitibus symptomatis: imò quotidie sæviens cephalalgiam concitavit, ex retorridis fuliginibus ad caput ascendentibus: Ob dolorem, accedente etiam vigilia, vaporibus tetris oppletum est caput: quorum copiam multam cum cerebrum reciperet, factum est ut nono die paraphrenitis invaleret agrum, ex qua paulatim Phrenitis suborta, & sævis stipata symptomatibus superveniret, quæ nullis auxiliis levata est; sed cum pulsu duro, cute arida, rubentibus squallidisque oculis, fu iofus, amens, inquietus & insomnis, 63. die occubuit.

Dissecto cranio, cerebrum sine læsione inventum, sed maculis sanguineis undique respersum: Meninges, præsertim pia, tumens visa est, sanguine nigriusculo turgens, & eo excessu, ut omnes eius ramuli, qui per totam cerebri molem disperguntur, aliquatenus apparerent tumidi & accensi: quoniam igneus inflammationis calor, alteratione per continuum facta, imò communicatis fuliginibus, universam tenuis meningis molem inflamat ubertim: *Nic. Fontanus Analect. cap. 2.*

In Phrenitici cerebro nulla phlegmones nota reperta.

Ego Phreniticum jam phanaticum redditum, qui septem diebus *μανικὸν καὶ τρεχιδὸν* intuens quovis invadebat, à fatis secui, Nec ullum unquam phlegmones vestigium deprehendere potui. *Heurnius de morbis pector. cap. 1.*

Phrenitis ab aqua carulea cerebri ventriculos replente, à qua sinister exesus erat.

Juvenis anno 183. Phrenitide xvii. die perierat; Hunc secuit Matthias Grabigadius Medicus Germanus: Inventi cerebri ventriculi aqua pleni carulea, Ab hac sinister ventriculus exesus erat, acerrima enim inventa est: *Observatio Nereti Neretii Medici Florentini.*

Phrenitici cadaver exhibuit Diaphragma gravi inflammatione correptum, Hepatisque partem inferiorem, Cum Polypo in sinu longitudinali dura meningis.

Dec. 11. 1674. aperui cadaver defuncti Phrenitici: Diaphragma gravi inflammatione correptum notabatur, similiter ac hepatis pars inferior: In sinu meningis duræ longitudinali, materia continebatur alba, tenacissima, quæ non tantum sinum ipsum videbatur replere, sed & ad omnes sinus hujus rivulos, meningem tenuem pererrantes se extendebat, sic ut quoties stylo digitovè traheretur materia hæc sinu dicto hærens, eadem ad aliquot digitorum longitudinem se extendens moveretur: fibrosa maxime erat, & in filamenta plurima separabilis, non tantum quæ sinu detinebatur, sed & quæ sinus hujus ad anfractus cerebri excurrentibus paginibus: Exacte satis hæc cognoscere licebat, quoties elevata substantia ea quæ in sinu hærebat, funiculorum ab ea ad sinus dictos rivulos extensorum unum alterumvè lenta manu extraheremus: Phreniticus hic quod motu convulsivo obierit, valde probabile mihi faciebat digito:

digitorum utriusque malus, brachiorumve contractura graves, quales in demortuis aliis laud notari solent. *D. Blasius Obs. Med. 2. p. 6.*

Phrenitis absque inflammatione cerebri & membranarum ejus, ab aqueo & vitioso humore in pluribus partibus cerebri;

Anno 1567. mense Augusto, Mulier ex ingenti animi mœrore, febris ardenti cum capitis dolore, cui postea Phrenesis supervenit, correpta; vulgus dixit Hungaricum illum morbum fuisse: Signa omnia attestabantur hanc Phr. ex sanguine tuisse, ridebat; jocabatur, cantabat, omnibusque gestibusque hilaritatem exhibebat: interim ad interrogata responsum dedit, aliquando non; frequenter manum capiti, tanquam illic dolorem persentisceret, admovebat: tempestive fuit levibus medicamentis purgata & vena secta; sanguis erat majori ex parte pituitosus, crudus & serosus: tandem resipuit & paulo post obiit.

Aperi caput: dum ferra cranium removebam, effluxit aqua lotura carniū similis: Tenuis membranæ & plexus choroidis vasa aquosa & pituitosa sanguine turgebant: uterque ventriculus, tam dexter quam sinister, plenus aqua fuit inventus: Nullam nec in membranis, nec in cerebri substantia deprehendere quivi inflammationem: Ex sinibus duæ membranæ cerebri ut alias ex suspendio enecatorum cerebris, extraxi fibras, seu filamenta crassa, lumbicis non dissimilia, ex alba pituita conflata; Similes sumpsi ex cordis ventriculis. *Valch. Cœter. lib. Obs. Anatom.*

Phrenitis absque febre, cum inflammatione cerebri & meningum.

Avicennas & Rhazes nobis describunt quandam Phrenitidem veræ similem, tamen absque febre atque adeo sine apostemate, cæteris autem similem inflammationi meningis: In hac; inquit, stringitur ipsius anhelitus, & sitis ejus, & cum bibat aquam, strangulatur ea, & expellit ipsam, & plures mortes ipsorum sunt cum strangulatione &c. Dices, non est hæc phrenitis idiopathica, quia sine febre & apostemate; sed tantum similis in multis accidentibus? fateor, verum eadem ratione, imo majori, potest contingere in ea vera Phrenitide quæ fit cum febre & apostemate, si sit maligna & ferina; ut ex bile acerrima & quasi venenosa, ut aliquando accidit, imò in plerisque: Et possum ego sanctè hoc affirmare, vidisse in Medicinæ praxi aliquos Phreniticos, qui statim 2. aut 3. die hæc symptomata passi sunt usque ad mortem, quorum unum memini me præsentem dissecum, qui ex phrenitide notha & remissa incidit in paralysem & apoplexiam, ex quibus periit: Ei inventa est meninx purulenta, & medullæ cerebri exterior pars vicina inflammata, partim ex rubro nigricans, partim purulenta: Alios aliquos omnia idiopathica Phrenitidis signa habuisse, qui idem passi sunt quod diximus: nulla tamen inflammatio diaphragmatis aut angina primariæ experti sunt: Ejusmodi affectus, aut phrenitis idiopathica, cui similis est, necessario habet

spirituum parvum & frequentem, ob necessitatem ventilationis, atque adeo vocem acutam quæ prius non fuerit: Quare spiritus, parvus, frequens, ac vox acuta non sunt tecmerium inflammationis diaphragmatis (quod vult Laurentius) sed communia Phrenitidi idiopathicæ. *Theodorus Collado Adversar. lib. 1. cap. 20. §. 56.*

DENTALIS LAPIS.

Vid.

DENTIUM MORBI.

De quibus jam per

Curationes, Consultationes & Observationes ex variis.

Dentium vitia sunt si deficient, si vacillent, si stupore aut dolore afficiantur.

Deficiunt dentes, vel proprio vel alieno, gingivarum vitio, infra, ubi de dentium vacillatio ne, prolixius explicando. Proprio vitio, dum evelluntur, aut excutuntur à quavis causa externa, vel ita alterantur, ut tanquam minus viventes non amplius cum gingiva viva coherere queant, sed sponte sua decidant. Ut enim mortificatum, v. gr. cariosum os, cum vicinis partibus, vita communi & propria pro ratione spiritus influi & insiti gaudentibus, uniri nequit, sed necesse est, ut excidatur & separetur, quo cum viro esse partes subjacentes molles, viventes, consolidatione debita, nutrimento mediante uniri denuò queant: ita & dens minus vitalis non jungitur amplius gingivæ, sed ab hac separatus excidit, idque:

1. Si mortuus fuerit propriæ ætatis, adeoque senii sui ratione, de quo videatur *Helm. alimenta Tartari insania §. 25.*

2. Si ab externis nimis lædatur & vitiètur ut sunt nimis frigida, aut copiosius assumpta dentibus inimicissima, & quæ senium eorum accelerant, item nimis calida, dentes & gingivas quasi amburendo alterantia; eaque vel crebrius assumpta, vel dentibus admota, à quibus successive ita penetrantur & arroduntur dentes, ut frustulatim tandem excidant. Quò facit perversa plurium consuetudo, dolores dentium vel aceto simplici, vel per coctionem medicato curantium, à quibus stupefunt non solum omnino dentes, & insensibiles sic fiunt subtiliores illorum intimæ fibrillæ, sed & ipsi dentes simul mortificantur & corroduntur.

3. Nimis viscida & glutinosa dentibus inimica sunt, ut sunt omnia dulcia, saccharum, ficus, uti & caseus &c. hæc ipsa enim, ut promptè & tenaciter dentibus adhærendo; transpirationem eorundem propter necessariam nutritionem impediunt, ita & successive acorem attrahunt qui continuata sui adhæsiōe, successive eosdem alterat hinc & lac, & quælibet lactinia; ob hanc rationem inimica dentibus observantur eò usque ad sui corruptionem sive cariem & successivam deficientiam disponere. Hæc ipsa gingivas simul plus minus alterando, & laxiores flaccidiores reddendo, indeque

deque nutrimentum pro dente, per gingivas transmittendum, corrumpendo, ipsos dentes insigniter lædere valent.

4. *Cariæ* denique plus minus exesi dentes à lapide dentali sive lithodonto obfessi seu sordibus variis inquinati, nigrique ac fœtidi redditi, minus firmiter gingivæ cohærent sed successive decidunt. Quæ posteriora vitia non nisi ex vitiata dentium nutritione privata, undecunque primitius orta, originem ducunt. Inquem finem noto, nutriri dentem, non solum per propria sua vascula, arteriolas & venulas, circa sui radicem implantatas, sed lateraliter etiam, ex adhære n tibus ipsis gingivis, unde & tam firmiter earum quousque sani sunt est nexus, ut dens sive osseum concretum, ex se indolens, quousque gingivis investitur, acutissimi tamen sit sensus? adeo mutæ vitæ & nutritionis dentes sunt participes.

Ac sanè particularis, ac præ aliis partibus, propria dentibus est nutriendi ac augmentandi ratio, adeo ut, cum continua attritione necessario imminuantur, nisi nova eaque continua augmentatione reparentur, brevi penitus absumerentur. Quod ulterius ex eo patet, quod uno evulso vel elapso, vicini utrinque se dilatare magis soleant, & ex opposito ipsi respondens oblongari nonnihil, & prioris spatium aliquantulum subintrare observetur.

Cariem igitur dentis quod attinet, hæc est *arrosio dentis, nunc major, nunc minor, qua insensibiliter substantia ejus absumitur, & nunc successive excavatur, nunc altero latere pedetentim consumitur, donec successive magis corrosus frustulatim excidat.* Inchoat malum ut plurimum in parvo puncto extrinsecus quod nigrescit primitus, hinc foraminulum aperitur, sicque ad interiora ejus penetrat, quæ quò teneriora ac molliora, indeque facilius dissolubilia, eò promptius absumuntur, & dentem cavum reddunt. Conjungitur tunc, ad interiora, ubi penetraverit corrosio, dolor, nunc major nunc minor, prout radicem dentis nerveam diversimodè simul arrosierit. Ex corrosio ita dente nata sanies, ubi per dentis foraminulum relictum, ceu per fistulam, liberum spatium effluendi haud nacta fuerit, sed interiora magis ac radicem dentis unum alterumve, speciatim in maxillaribus, vitiaverit, acrimonia sua nunc gingivam, nunc ipsam maxillam rodit & præsertim per illa hujus foramina, per quæ vasa in dentes subeunt, sensim extra effluit, & & tubercula, nunc in gingivis, nunc sub maxillis, excitat, quæ tandem exesa saniosum acre liquamen fundunt. Et licet curetur tale tuberculum & excitatum ulcusculum, subinde tamen, quoties ex carioso dente sub nutritione vitiata nova sanies generatur, recidivat, & interdum in fistulam vel gingivæ, sive maxillæ, degenerat, adeo ut talia curari nequeant, nisi dens læsus evulsus fuerit. Fœtorem etiam subinde dentes cariosi inferunt, halitum oris inficientem præsertim si major fuerit eorum excavatio, ut alimenta carnosæ retenta in eadem putredinem attrahere queant: Imò ex nutrimenti dentis cariosi proprii corruptione, aut alimentorum masticatorum in iisdem retentorum putredine, vermes in eorum cavitatibus generantur, gravissimorum dolorum aliorumque malorum auctores.

Causa cariei est læsa dentis quacunque occasione nutritio sive gingivarum vitiatarum, & a contiguo dente abscedentium, indeque ejus lateralem nutritionem impredientium, (unde scorbutici, gingivæ vitio, omnium frequentissimi cariem patiuntur) eveniat causa, sive ipse dens sub nutrimenti assimilatione, aut hujus successiva transpiratione frustratus ex illius corruptela, & in acidum corrosivum degeneratione, cariem pedetentim contrahat. Acidum itaque ex nutrimento dentis degenerato, tandem corrodens cariem inducit. Causæ remotæ rationem habent tum omnia dentes alterantia supra allegata, quàm infra circa gingivas, alleganda.

Quoad lapidem dentalem sive lithodonton (ut vulgo ex varia persuasione vocant Tartarum dentium;) hujus ortum & genesis optime delineavit *Helmont. Tract. alimenta Tartari insensua §. 22.* nempe nutrimentum dentium laterale ex gingivis depravatum, sub surperfecta cum dente assimilatione frustratum & vitiatum, sicque in excrementitiam plus minus naturam degenerans, adhærescit saltem, superficie tenus denti, ibique quia jam ad duritiem dentalem ex aliquali sui pro nutriendo dente alteratione, determinatum fuit, ad indurescentiam quasi lapideam dentalem, coagulatur saltem, & talem, plus minus tamen friabilem duritiem acquirit, simulque quicquid mucilaginis ciborum ac potuum imbibitis, simul secum fortiter inducat. Nunquam igitur sanæ gingivæ & quæ cuspiduli figura ad dentis medium assurgunt, hancque firmo complexu retinent, dentalem hunc lapidem generare solent, bene autem laxæ; flaccidæ, cruentæ, minusque apte dentibus adhærentes, adeoque externis injuriis ad sensilem dentis partem aditum permittentes, nec commodum nutrimentum suppeditantes, sed potius etiam laudabile pervertentes, hoc malum inducunt. Par omnino est ratio sordidorum, nigrorum aliove modo male coloratorum dentium: quicquid enim hic subest vitii, nonnisi productum morbosum ex frustrata ac depravata privata dentium nutritione enatum, sive externa illa supra circa dentium casum, memorata speciatim viscida & dulcia primam occasionem suggererint, sive gingivarum morbosus flatus, alterando nutrimentum dentium, & vitiando lateralem ejus nutritionem, in causa fuerit. Sanè ut scorbuticis nil æque familiare est, ac gingivarum varias subire passiones, speciatim cruentam flacciditatem, ita & in talibus dentium nigrities & sordities frequentissima est. Nigrities sane dentibus adhærens, quid nisi extravenati ex gingivis, plus minus corrupti, & acore infecti cruoris dentibus adhærentis vestigium est; à cujus hostili præsentia, ut irritantur gingivæ, & inviscantur dentis pori, ita ex facili hinc acescentia erosio & cariei successivus progressus. Juxta læsionem gingivarum & dentium læsio, indeque sordium excrementitiarum pluralitas ac veritas æstimanda: Hinc & ab inunctione Mercuriali pro cura luis venereæ similive concitata salivatione, uti notabiliter vitiantur gingivæ, ita nigrescere subito, & pluribus sordibus inquinari observantur dentes;

Quoad Curas.

Dentes excidentes aut deficientes reparare, solius naturæ est, quæ in junioribus, per recentium dentium subnascentiam priores alveolis suis extrudit, & defectum ita restituit. Quamdiu itaque dentium novorum primordia & quasi semina inter gingivas restitant recondita, novi dentes, post priorum defectum renasci facile possunt; id quod non tantum genuini sive sapientiæ dicti dentes comprobant, sed quod etiam interdum in senectute dentes renati observati fuerint. Arti quod relictum est, saltem defectus illos naturæ nonnihil supplere, artificiales dentes, ex ebore, vel dente hypopotami, fabricatos in istorum locum substituendo, pro loquelæ saltem gratia, non autem pro melioris masticationis beneficio. Equidem exempla quædam prostant dentium sanorum ex homine recenter revulsum, in proprios vel alienos alveolos denuo insertorum firmiter cum gingiva coalitorum, tanquam si nunquam dens defuisset, ita ut etiam masticatio fortis hoc modo perfici potuerit. Sed quoniam adeo incerta res nondum confirmata est, eam in medio relinquo. Vid. observat. Schenchii pag. 202. ex Paræo l. i. c. de dentib. Item Riverium in observ. comm. pag. 357. vel 615. Borell. lib. 2. observ. 10. p. 18.

Quoad cariosos dentes, equidem præsentissimum remedium est cariosi evulsio, interdum etiam necessarium, si longius processerit caries cum facile aliàs contiguus dens contagio carioso infici, & hinc idem malum contrahere possit. Ut taceam, confirmatam cariem, alia ratione quàm evulsione, curari non posse. Quamdiu vero vel nondum eousque processerit malum, vel propter pericula, sub dentium evulsione interdum observata, hæc nimis metnatur, remediis res tentanda est, cariei scilicet progressum ulteriorem inhibendo.

Evulsio appropriato peragitur instrumento ac succedit eo melius, quo minus firmiter dens hæserit, & quo magis idem vacillaverit. Quo autem disponatur ad facilem, magis & minus dolentem, evulsionem, remedia quædam à nonnullis adhiberi solent verbi gratia, Tithymali succus denti inditus: aut si ex eo sale & ammoniaco formentur globuli, aut cum farina triticea fiat pasta, & cavitati dentis indatur.

Præter tithymali lac alia ex simili lactearum genere, pari virtute pollent: ut lac ficulneum farinæ admixtum, vel ex lacte tithymali cum farina triticea subacta fiat pasta, quæ frixa in pinguedine ranæ facit dentes sine dolore cadere: vel farinæ siliginis misceatur cum lacte cataputiæ, instar pultis, indatur denti, cavo, sicque aliquandiu permittatur, brevi sic cadere affirmant. Succus pariter chelidonii majoris, cavis dentibus inditus, eos frangit & ejicit. Pinguedo item ranarum viridium, dentibus affricata, aut iisdem indita, dentium casum promovet, nempe coquantur ranæ in olla vitreata affusa aqua communi, & pinguedo quædam innatabit, quæ dentis evulsionem promovet.

Vel 2. Gummi ammon. sem. hyoscyam. succi ejusdem an. 3 i β. Mistis addatur lingue dinis ranæ viridis ac ceræ parum F. unguent. denti extrahendo applicandum vel indendum.

Cariei vero ulterior progressus per artem, & medicamenta inhibetur, efficacissimè imprimis per inustionem dentis cariosi in loco carioso cum cauterio actuali, sive ex ferro, sive ob subtilitatem commodiorem, ex argento vel auro facto, quo facto auro foliato dens cavus repleatur: præservatur enim sic à majori putredine & corruptione: vel ex cera cum mirrha probe subacta, vel potius ex cera viridi, propter admixtam aruginem, impleatur dentis cariosi excavatio. Ipsa myrrha denti indita, egregia est in hoc casu. Confer hic River. in observat. communic. pag. 309. ubi refertur, quod dentes terebinthina impleantur, & cauterio actuali dens inuratur in carie. Loco actualis cauterii, ubi necessum visum fuerit, potentiale adhibeatur: Sic aqua fortis denti carioso admota vel spiritus vitrioli ad gutt. 1. vel 2. bombaci indita, ac denti adhibita, mirè corrosionem juvare & præservare dicitur. Item Zingiber in oxymelite coctum, & in cavernam dentis immixtum, præservat corruptionem coralliorum pulvis denti cavo inditus, vel ossa sepiæ, item camphora cariei ulteriorem progressum inhibent: vel ex pulvere coralliorum alborum cum melle rosato ad consistentiam linimenti crassioris redacto dentibus illitum cariem inhibet.

Fæto rem dentium ablata caries sponte curat: sin minus gallia moschata cum cypero & mastiche mista, denti cavo indatur. Soluitur & fætor dentium, si abluuntur aqua in qua sal armoniacum solutum, post prandium & cœnam.

Vermes ex dentibus elicere subinde necesse est. Præstat hoc optimè Sabina in vino decocta & in ore retenta, quæ copiosius vermes elicit. Fumus item seminis hyoscyami specificus est, per infundibulum susceptus ore, mirabiliter vermes expellit. Confer. Act. Med. haff. volum. 1. pag. 209. Suffitus item sive fumus ex fructu halicacabi contuso, cum cera mixto, facta exinde pasta, & in laminam ferream ignitam injecta, fumum suggerit, quo ore excepto, catervatim vermes cum sputo copioso rejecti, & crudelissimi dolores sopiti, observati fuerunt. Spiritus sulphuris quoque dentibus cum bombace inditus vermes optimè necat, & dolorem inde oriundum placat, vel ex pulvere gallarum, cum succo rad. pyrethri imprægnato paratur remedium, quod denti inditum vermes expurgat serum cervinum quantum contra vermes dentium valeat. Vid. Bartholinus centur. 3. histor. 96.

Quoad Tophos (sive Lithodonton) dentium eorumque sorditiem & nigritiem, ne ab his dentium caries, crebrior dolor, aut præmaturus casus superveniat, cura instituenda venit, per ea, quæ sordes dictas abstergere, vitiosum earum acidum, gingivis & dentibus hostile, absorbere & hinc blanda adstrictoria vi gingivarum tonum roborare valent: quod si longius

longius processerit malum, & tenacior mucus dentes vitiaverit, potenter incidentia & dissolventia, & quidquid heterogenei fuerit absumentia & quasi exedentia adhibenda erunt habendo semper respectum ad scorbutum plus minus. Convenient igitur in leviori malo ossa sepiæ, C C. ust. mandibul. luc. pisc. testæ ovorum calcin. cinis majoran. rorismarin. urina calida, cum qua fricentur subinde dentes & gingivæ: Tartarus calcinatus aut parum salis tartar. ust. &c.

Duriora subiecta lapidea ex silicibus, pumice, & vitanda sunt, quia crebriori usu gingivas atterere & absumere valent, ut rectè monet Zvvelferus in Pharm. reg. pag. 101. nisi ubi fortius agendum: tunc enim paulo tamen rariùs adhibita, talia minus nocent. Exempli loco sit farina virginea Mynsich. egregie dentes dealbans, & à tartaro corrosivo purgans.

Hiscemodo dictis convenienter radix Irid. Flor. additur, præsertim quod & ipsa conveniat propter odoris gratiam, propter quem ultimum finem non inepta. Paratis dentifriciis aliquot guttæ olei destill. caryoph. aut lign. Rhodii possunt addi. Quod si dictis pulveribus color purpurascens conciliandus, Coccionigiam in aqua aluminis solvamus, & soluto aspergamus pulverem, qui exinde rubescit, sed leni admotus igni idem purpurascit. Quod si pertinacius fuerit malum, sordes tenaciores, obstinata nigrities firmitus dentibus impacta, ac firmitus conglutinata lithodontes, optimum remedium est spiritus salis cum melle ad gratiam saporis, vel quantum placet mistus, & ita gingivis illitus. Spiritus vitrioli suspectus est, cujus loco oleum sulphuris in aqua communi dilutum, vel cum melle rosato subactum adhiberi potest. Pertinet huc opiata Borelli cent. 2. obser. 65. ad gravius malum præsertim conveniens. Non incommodum est, si recipiatur vinum, cui permisceatur spiritus sulphuris, ut acescat, huic immitte radiculam polypodii per 24. horas, hunc sicca & utere pro dentificio, firmat, mundat, & candorem iisdem inducit. Et ea quæ de spiritu vitrioli refert Riverius in libro sexto prax. capite secundo, potius spiritui salis, quam spiritui vitrioli applicanda veniunt. Quo etiam facit ejusdem liquor ex auro usto, hic egregiè conveniens citato loco.

Pulvis dentifric. Principissæ Altenburgensis.

℞. Off. sapiæ, C C. ust. pumic. præp. an. ℥iij. moschi ʒj. M. F. pulv. cui adspargatur spir. rosar. ℥ss. & sicca. Interim.

℞. Gran. cherm. Santal. rubr. an. spir. vini q. s. pro extrahendo Tinctura, qua irrorata aliquoties prædictum pulverem, & sicca. Non incommodum est hujusmodi pulveribus dentifricis sal armoniacum subinde addere, dentibus, gingivæ, ac omnibus oris partibus imprimis conveniens.

Quod attinet dentes vacillantes sive minus firmiter gingivis connexos hoc vitii contrahunt propriâ vel alienâ, gingivarum culpâ. Propria eadem est, sed in minori saltem gradu, quæ & dentes decidere penitus & cadere

facit, de quo superius sufficienter actum. Aliena gingivarum culpa consistit in eo, quod fibrosa illarum caro vel mollis, sive flaccida, vel simul tumida, vel etiam nonnihil exulcerata, adeoque omnibus his casibus plus minus cruenta simul evadat. Rarum est, quod in Schenckii collectis observat. libro primo capite de dentibus pag. 200. refertur, ex defluxione in dentium alveolos, hos gypsea pituita interdum impleri, ut dentes extrudantur. Suspicio tamen non tam ex defluxione, quam lapidis sive tophi dentalis uberiori incremento, potius vitium hoc ortum traxisse. Ita verò mala gingivarum oriuntur frequentissima salivæ, vel in genere acrioris, vel in specie scorbutico sapore, sive vitioso acri sale inquinatæ culpa, à qua tenuis fibrarum gingivarum resolvi & emolliri, penetrari eadem, & plus minus successivè, non raro sensili admodum cum pruritu erodi assolent, vasculis sanguinis una per diæresin vitiatis, sanguinem paulatim fundentibus.

Postea & mercurii usus, tam in salivatione excitanda, & hinc acrioris & præternaturalis cujusque copiosioris salivæ profluvium, quam faciei pro usu cosmetico applicatus, ordinario gingivam valdopere laxare, & omnes dentes hinc mobiles quasi reddere solet.

Quod si ulterius procedat negotium vitiari magis gingivæ, exulcerari profundius, absumi eadem, vel corrumpi etiam, & ad gangrænam disponi assolent. Malum, quod in genere scorbutus appellatur.

Quod si firmior paululum gingivarum fuerit textura relaxata, eadem nihilominus sanguinem uberius in se recipit, & spuria intumescit & excrescit carne laxa, flaccida, & sordida, & facile ad tactum cruorem stillante in gingivarum hinc dicta excrescentia sive dentium superincarnatione.

Ut igitur moveantur hæc mala, præmissâ debitâ radice morbosæ internæ curatione, gingivæ flaccidæ, tumidæ, cruentæ adstringendæ, exulceratæ absorbentibus, & mundificantibus ac adstringentibus consolidandæ, corruptæ & plus minus gangrænata, ab ulteriori mali progressu præservandæ. Conveniunt igitur Flor. ros. rubr. flor. aquileg. & ex his paratum unguentum de aquil. ad scorbut. oris præsertim proficuum Descriptio profertur in Tilemanni materia Medicin. C C. & ebur. ust. Lacca & Myrrha alumin. tam crudum quam ustum lap. cancror. fol. quercus. ligustri, radix ireos, flor. bistort. tormentill. flor. malvæ arborescent. nasturt. aqua ruta, salvia, Rosmarin. Ex his vel fiunt Pulver. dentifrici, cujus exemplum vide in Barthol. Centur. 6. histor. 54. vel ex iisdem fit decoctum verbi gratia, Ruta in vino decocta, quo calidissimo os eluatur, egregia est contra hos affectus scorbuticos. Salvia. item Rosmarin. decocta in aqua cum paucis additis aluminis, egregius est Gargarismus ad dicta dentium vitia vel

℞. Herb. salv. Man. ijss. flor. malv. hortens. rubr. Man. j. rad. polypod. unciam sem. Fiat decoctio in lib. j. aqua fontana colatur. adde

adde mellis rosat. \mathfrak{z} i β . alum. ust. \mathfrak{z} j. lapid. prunell. \mathfrak{z} iij. terr. figillat. \mathfrak{z} j. M. F. Dentiluvium.

Pertinet huc *Gargarismus de Tormentilla Mynsicht. pag. 403. Decoctum ad gingivas roborandas Poterii in pharmac. pag. 313.* Si quoque aliud quid, certè Myrrha & lacca in istis gingivarum vitiis sunt præstantissima. Huic Tinctura lacce associari solet. Nam sola Myrrha crebrius Masticata præservat egregiè contra scorbutum oris. Tinctura lacce prostat, *pag. 46. Arniam. Myns. & Conf. M. C. Ann. 6. App. 26. B. D. Michaëlis* tincturam lacce ita parabat.

R. Phlegm. vitrioli q. v. in quo dissolve alumen. q. s. soluta & mista infunde lacce pulverisate donec tingantur M. Porro ulterius mel rosaceum cum spiritu salis tantillo usque ad gratum acorem imprægnatum, omnia ulcera & putredinem partium in ore sanat, si præsertim ex scorbuto originem ducant. In specie si simul cum decocto salviae subinde abluantur gingivæ. Egregium quoque est *linimentum Hartmanni* ad hos gingivarum affectus, quod describit in *prax. chymiatr. pag. 123.* Sed cui non incommodè Myrrha addenda venit, ad imitationem *Senn. in prax. lib. 3. p. 5. s. 2. cap. 7. pag. 63.* Cui simile est elegans linimentum contra oris & gingivarum scorbutum, quod habet *Deckerus in comm. in prax. Barbett. pag. 156.* Cujus loco possit etiam recipi.

\mathcal{L} . Alum. crud. \mathfrak{z} i β . flor. aquileg. fol. salv. an. \mathfrak{z} ij. Rad. ireos fl. \mathfrak{z} iij. Myrrh. elect. \mathfrak{z} ij. c. s. q. mell. ros. F. linimentum egregium ad vacillationem dentium scorbuticam. Vel.

\mathcal{L} . Rad. bistort. \mathfrak{z} i β . flor. ros. rubr. \mathfrak{z} i β . Balauft. \mathfrak{z} j. Aluminis usti \mathfrak{z} ij.

Imprægnetur largiter spirit. cochlear. qui ad oris scorbutum est egregius. Hinc in excrescentia gingivarum scorbutica, succus cochlear. cum alumine usto mistus per quam egregius est. Sicuti ad hæc ipsa gingivarum vitia ex scorbuto nullo cedit vermicularis; cuius decoctum cum alumine & melle nobile experimentum est, gargarizando usurpatum. Vid. *M. C. Ann. 6. pag. 50.* In *Dighe Medic. Experiment. part. 2. pag. 78.* Itidem egregia est mistura pro his gingivarum malis ex aq. calc. viv. cum alumine crud. & usto. ac rad. ireos flor. quod in mentem revocat aliam non inconvenientem misturam, efficacissimam in scorbuto oris, nempe cremorem aquæ calcis vivæ supernatantem saliformem.

\mathcal{L} . Hujus cremor. \mathfrak{z} iij. Gumm. lac. \mathfrak{z} ij. Vitriol. Cypr. gr. vi. aq. rosar. salv. an. \mathfrak{z} i β .

Solve calore leni, ut probè imprægnetur à lacca, eo laventur gingivæ, probatum est. Ac merito extollitur ulus, lacce: Nam *B. D. Michaël* aliquando putredinem gingivarum scorbuticam, tantam ut gangrænam minaretur, & propter insensissimum factorem nemo juxta ægrum commorari posset, per solam tincturam lacce præmissis internis universalibus, feliciter restituit. Juxta laccam hanc nobilissima est Myrrha, verbi gratia.

\mathcal{L} . Fol. salv. alumin. usti. maxill. lucii piscis calcinat. Myrrh. rubr. an. \mathfrak{z} i β . Mell. q. s. pro linim. ad fricandos dentes.

Quod si efficacius postuletur, aliquot gutt. spir. salis imprægnetur.

In graviore malo ulterius procedendum est,

atque sic, præter *linimentum Hartmanni*, supra laudatum, ad unguentum *Egyptiacum* melle rosato probè permixtum, deveniendum, pro graviore exulceratione, aut inde metuendis malis gingivarum curandis.

\mathcal{L} . Alum. usti, salis armoniaci, an. \mathfrak{z} j. Mastic. thur. an. \mathfrak{z} i β . M. F. Pulvis.

Affricandus gingivis, postea quàm ante & post decocto salviae, tormentill. ac ros. rubr. os elotum fuerit. Imò interdum aqua forti gravior gingivarum luxuries sedanda. Confert item *Linim. Sennert. l. 2. prax. part. 1. cap. 16. pag. 52.* Aut denique aqua viridis ex viridi æris, paucis auripigm. alumine & quibusdam vulnerariis, addito melle in aquam infusis & decoctis, hic commodè adhiberi possunt, quo affricte gingivæ à luxurie, flacciditate & putredine defendantur, e. g. sit vel aqu. virid. *Hartm. Pr. pag. 110.* Vel aq. virid. *Plateri* cujus descriptio prostat in fine observationum ejus.

Stupore, tandem sive *Hemodia* affici dicuntur dentes, sicque masticationem impedire, quando speciali doloris genere afficiuntur, post acida vel assumpta, vel vomitu rejecta.

Cui affine malum est *Algor Dentium*, dum frigoris contactu notabiliter alterantur dentes, nempe acidum & frigus inimicissima existunt dentibus, unde illorum nimia impressione afficiuntur fibrae, illorum interiores, & quasi irritantur, ut à cujusvis objecti actione specialis quidam dolor in dentibus percipiatur, masticationis negotium insigniter impediens.

Curat stuporem dentium portulaca recens masticata, caseus tam recens quàm Vetus, adeoque alcali manifestiori dives. Siliqua caracea masticata, item calidum ovi vitellum, ad duritiem coctum applicatum. Omnium optimum calida urina applicata; Algorem quod attinet spir. vini dentibus affricus, vel panis calens masticatus, vel vitellum ovi assatum, calidè masticatum; item theriaca dentibus affricata huic malo medetur. *Michaël Ettmullerus collegii. Pract. Part. 1.*

In stupore dentium fricentur dentes stupidi sale, vel masticetur pannus laneus vel pilosus pileus.

In nigredine dentium evitanda, præsertim evitetur acetum & cibi admodum calidi.

Removeatur item sæpius adnatus Tartarus & impuritates dentium, colluendo os à sumpto cibo, vel cum vino.

Deinde nigredo & colores dentium fœdi hoc modo commodè auferuntur.

\mathcal{L} . Aq. fontanam, dilue in eadem spiritum Vitriol. vel aquam seu spiritum aluminis q. s. ne scilicet nimium acefcat. Cum hoc lavamento quotidie manè & vespere cum Lacinia lanea frica dentes diligenter, deinde eosdem frica cum magisterio Corallorum vel cū hoc pulvere.

\mathcal{L} . Mandibularum Lucii piscis, Corall. albi. CC. ubi, aluminis usti. rad. ireos \mathfrak{z} i β . sal. gemmæ \mathfrak{z} j. M. F. pulvis.

Nigredo dentium & lingua, ex esu ceraforum vel myrtillorum extemplo tollitur suffitu candelarum sulphurearum, *Schwefelstecken*, faucibus tamen propter fumos nocivos occlusis.

(Nota, sordes & nigredinem dentium statim ac faciliè quidem spiritibus acidis detergi, sed, si sæpius iis utamur, faciliè dentes ut alcali os-

seum erodi fragilesque factos postea tanto majori nigredine & squalore infici propterea in his affectionibus dentium commendatum habeas saccharum aluminis, de quo paulò infra, aut per se aut cum pumice corallivse rubris præp. commixtum ut dentifricium adhibitum.)

Mobilitatem dentium aufert peculiare & specificum remedium seq.

℞. Gland. ʒj, gallar. ʒss, aluminis usti, succi acaciæ an. ʒss, fol. rosarum rubrarum M ʒ. Coque cum vini rubri ℥ij, ad casum unius pollicis, postea cola. Cum hoc decocto sæpius quotidie eluantur dentes, rursus figuntur & immobiles redduntur.

Odontalgiam ex quacunque causa ortam ex quadam specifica proprietate tollit radix lappæ acuti (ante germinationem vere collecta præstat, mihi familiaris) exsiccata & denti dolenti applicata.

Idem præstat, sed remissiùs rad. lappæ quæ dolores subito aufert, humoremque superfluum extrahit magis.

Si fiunt dolores ex destillationibus, decocto rad. urticæ majoris, alii decocto cum pauxillo nucis moschatæ rasæ & croci in vino adusto & acet. ana parato & calidè in ore, locove dolente retento humores illapsos mirabiliter extrahunt: ab initio quidem videtur dolor augeri, sed paulò post mitigatur & desinit.

Idem præstat decoctum Guajaci cum vino & aqua paratum. In eodem casu præstat decoctum serpilli (in primis si ex destillatione) vel ejusdem aqua gargarizando nempe cum iisdem.

(Dolores dentium propediem sedat aspersum sequens. *Saccharum Aluminis*.)

Rec. Aluminis crudi ℥ij. vel iij. & per retortam in arena læto igne phlegma abstrahere, quo facto cessa, & refrigeratâ retortâ phlegma redde exsiccato alumini, cumque per 24. horas in digestionem B.V. steterint, phlegma iterum abstrahere, qui labor cohobandi, digerendi & phlegma abstrahendi septies repetatur. Tum post ultimum phlegmatis egressum, illud quod in fundo retortæ remansit, in cella humidove & frigido aëri expositum in liquorem abeat, qui filtratus & per 12. dies in cineribus igne lento digestus demum per cucurbitam in cineribus ad siccitatem usque omni humiditate exuatur. Remanet in fundo saccharum Aluminis.)

Si dentes sunt cavi & dolent, vel etiam citra cavitatem in dentibus dolentibus præstans est ol. Caryophyllorum, in cuius scil. ʒj. Camphoræ ʒss. solutus fuerit. Hujus compositi gut. j. vel altera in gossypio (præsertim quod cum mosco fuit) cavo denti immissa vel etiam dolenti aliquin applicata, omnem dolorem aufert.

Externum est laudanum opiatum in forma pilularum dentibus illitum vel inditum, vel externè (in genis) cum unguento alabastrino (gr. j. laudani ad ʒj. unguenti) dissolutum. It. cum Emplastro de mastice & cera.

(Subitaneum est remedium persicaria contrita & denti dolenti applicata vel ut pilula efformata cavo dentis imposita.)

Dentes corrosos juvat suffumigium ex semine Hyoscyami per tubulum vel tritorium ad dentem dolentem factum.

Dentes cariosi evelluntur promptiùs, si duobus digitis madefactis, ac inspersis pulvere ex

lacertis aquaticis exenteratis & in clibano calcinatis aliquandiuprehendantur. Lacertæ colliguntur Aprili & Majo.

Sic etiam dens ex maxilla mortui evulsus, & cum radice sua dentem cariosum sæpius tangens, tandem post aliquot dies frustulatim dentem cadere facit.

Laxitati, putredini & exesioni gingivarum à proprietate quadam Aquilegia mederi videtur. Potest autem inde tale compositum fieri:)

℞. Pulveris fol. aquilegiæ, salviæ, menthæ crispæ, Nucis Moschatæ ana ʒss, Aluminis usti ʒj, mellis purissimi ʒiv. Mel incalescat ad ignem & leniter decoquendo despumetur, deinde pulveres prædicti cum melle adhuc calente sentim aspergendo misceantur & servantur ad usum. Hoc unguentò illinantur gingivæ bis quotidie (NB. Decoctum summitatum rubi idæi etiam valet hic) quòd si cibus capiendus est, eluatur os aquâ prunellæ vel infusò nasturtii aquatici in vino (in primis in scorbutò.)

Ad mundificationem autem gingivarum putrescentium maximè valet aqua illa viridis mea composita secunda, de qua supra in Narium affectibus, ozana nimirum.

Dolor dentium, quia plerumque fit à capitis defluxionibus, ideoque in curatione ipsius statim ad ea accedendum, quæ fluxionem inhibent. Unde statim temporibus applicandum Emplastrum de Gummi Elemi, vel etiam Mastiche factum, quod antequam applicetur, calefiat optimè.

Inter scapulas applicetur cucurbita magna sine scarificatione.

Hinc statim ad repellentia materiam fluxumque evacuantia confugiendum, qualia sunt galla matura in acet. cocta, ita ut acet. in ore supra dentem dolentem detineatur calidè per horam ʒ vel j.

Hinc ad topica, anodyna ex proprietate occulta dolorem tollentia progrediendum.

Quod si continuus sit dolor hisce non cedens, sed ab aliqua intemperie vel capitis vel totius corporis, aut copia materiæ ad caput fluentis, & inde ad dentes, capiti simul providendum tum evacuantibus, tum alterantibus & confortantibus medicamentis, tum etiam toti corpori.

Topicorum quibus vel solis sæpiùs dolor omnis aufertur sequentia sunt præstantia.

Laudanum opiatum cujus gr. iij. cum gut. ij. spir. Vitrioli denti dolenti applicentur, simulque pil. j. in corpus assumatur: Dolor sopitur, applicato etiam Emplastro ad tempora, & si opus, cucurbitulis.

Similis planè effectus est oleum ex buxo destillatum.

℞. Serrati buxi q. s. & repleantur 3. partes retortæ vitreæ, retortam in cineres loca & destilla oleum & liquorem aqueum igne primùm lentò, postremùm fortiori, & tandem summo, & destillabit oleum. Idem oleum rectiùs per descensum aut per vesicam destillatur. Hujus olei (è buxo)

℞. Gr. iij. & cum vino, si affectus à frigida defluxio ne veniat, aut cum acet. si à calida. M. Contineat æger mixturam dictam in ore, post aliquid tempus exspuat. Si dolor nondum cessabit, repetatur, donec ad sextam vicem, tan-

tandem abluat os vino aut aceto, & sedabitur dolor.

Idem pulvis gallarum in succo radicis pyrethri decies vel 12. imbibitus & exsiccatus cum fermento, M. F. globulus parvus qui denti dolenti impositus dolori medetur, dentes firmiores reddit, vermiculos in ipsorum cavernis genitos necat, fluxiones omnes ad gingivas delapsas extrahit.

Tandem ultimum in omni & acerrimo dolore perfugium, applicare vesicatorium post aures & cervici.

Exterius intungi possunt maxillæ oleo amygdalarum dulcium, & tumori applicetur emplastrum de meliloto. Si intus in ore ad apostema tendat dolor; fiat cataplasma ex ficu assata cum farina tritici. Si aperiatur, dissolvatur mel rosatum in aqua plantaginis, atque eo abluatur os. *Joh. Hartm. in Prax. Chymiatr.*

Dolent sæpius Dentes in radicibus, ubi membranulæ, & nervuli diffunduntur, à sanguine, vel lymphæ eas partes pertingente, acri, acida, salia, aut aliter præter naturam affecta; unde interdum etiam tument mandibulæ, & gingivæ; quin & dentes carie, ipsæ verò erosionem, ulcerationemque inficiuntur, & cum scalpuntur, vel cibus manditur, nonnihil sanguinis stillant. Tantus autem, ac talis dolor quibusdam accidit, ut impatientes mortem sibi adseverint; quamobrem maximis tormentis annumerari potest ex Celso.

Inter dolorem sedantia, illiusque causam corrigentia omnium præstantissimum perhibetur à Roderico à Fonseca oleum buxi, si in foramen dentis una vel altera gutta injiciatur: quod etiam à Samuele Formio confirmatur, & modus illud extrahendi describitur, apud Riverium *in observationibus eidem ab illo communicatis*. Idem quoque præstari dicitur ab oleo caphuræ pari modo in dentis foveam instillato. At Julius Cæsar Claudinus extollit oleum Terebinthinæ chimicæ paratum cum pulvere camphoræ. Camphoram ipsam in aceto modicum elixam adhibet Montagnana; itemque opium: Thonerus solam camphoram: & Rulandus oleum camphoræ gossipio exceptum; vel etiam oleum ligni heraclei, quo præterea humores ibidem stagnantes educi, vermes dentibus innatos necari, & causam quamcunque doloris adimi, ait. Alibi quoque laudat aquam solani, cum oleo vitrioli romani ad acidum saporem usque permistam. Radices sambuci in aceto, & vino decoctas singulare experimentum inquit esse Raymundus Mindererus apud Grullingium. Decoctum Nicotianæ, & florum chamæmeli tepidum ore detentum commendatur Jo. Heurnio, & Riverio; & Cardilucio illud Sabina. Atque Foresto radix lapathi acuti concisa, & supra dentem dolentem apposita: quam etiam magnificat Hartmannus, qui præsentaneum quoque f. tetur esse remedium oleum caryophyllorum cum quinta parte camphoræ. Essentiam similiter saturæ mirificè dolores dentium sedare tradit P. Jo. Faber si aliquot guttis dens dolens & gingiva perfricetur infusâ, etiam in auribus guttulâ. Mirum est quod refert Helmontius se vidisse os brachii bufonis statim primo contactu odontalgiam tollere: & contactu dentis

hominis senio extincti, dolentem dentem excidere. At admirabilius, quod memoratur à Borello: allium contusum cum momento salis pollici admotum velicas excitando, aquam educere, & dolorem dentium fugare. Bursa patioris pinstrâ, & inditâ auribus, sicut & naso betonica ejusmodi dolorem aliquando desisse fertur ab eodem; itemque lapide imperiali dicto denti dolenti imposito: conficitur autem is ex sale petra, & alumine fuis cum aliqua portione sulphuris: atque cerebro purgando, visui acuendo, & nervis opticis detergendis plurimum conferre dicitur. Sale fraxini arteriæ temporum applicito curatum dolorem dentium vidit D. leseq. apud Riverium: & pice Burgundica cum pulvere nucis odorata, Borellus. Magnetem cælo sereno in pulverem redigit Tacchenius, deindeque in calcem, donec viridescat; postmodum miscet cum farina, vino, & trigacantho in formam rotularum, & denti laboranti utiliter imponit ex Grullingio.

Ad extrahendos verò dentes dolentes absque ulla Chirurgi opera, scribit Riverius efficacissimum esse helleborastrum, si eo dens affectus confricetur. Et Franciscus Joël. dissolvendum ait gummi ammoniacum, aut galbanum cum lacte esulæ, vel hyoscyami, ac decoquendum lento igne donec lac absumatur; residuum verò in globulos redactum dentium foraminibus indendum per noctem: mox sine dolore dentes eximi posse subdit. Idem & ego aliquando usu gummi hederæ arboreæ factum vidi: cujus decoctum cum rore marino in posca, tepidum ore detentum dolentibus dentibus mederi notat Heurnius.

Si verò stupeant dentes, ut ab acidis, creduntur prodesse portulaca mansa, cera, succus glycyrrhizæ, amygdalæ, avellanæ. At quicquid calet, certo hæmodiam tollere experimur; unde panis calens, vinum calidum, præcipue si in eo ebullierit salvia, rosmarinus, piper, pyrethrum, aliudve simile; aqua etiam ardens optima observatur. Fehr. Academicus curiosus fumum absinthii supra prunas injecti ore exceptum, dolorem, & stuporem dentium prohibere docet. Et Hartmannus eos sale fricari jubet.

Ad dentes insuper erosos valde prodesse suum odontalgicum scribit Crollius ad granum unum denti admotum cum gossipio. Et Fridericus Hoffmannus spiritum salis adhibet. Olea etiam & essentia omnium aromatum aliis sunt in usu, sed præsertim caryophyllorum; itemque spiritus vini cum modico camphoræ. Quod si præterea gingivæ ulcerentur, & sanguinem stillent, commendantur antiscorbutica medicamenta, infusiones, pulveres, & spiritus Nasturtii, cochleariæ, beccabungæ, salviæ, menthæ, & aquilegiæ, quam cæteris præfert Hartmannus. In usu practico sunt pulveres, & conditura baccarum myrti, rosarum rubrarum; Coralliorum, myrobalanorum. Sed alkalia acutiora præstantiora existimantur; Et si fortasse tumeant gingivæ, ficus assus intrinsecus admotus præsentaneum remedium dicitur ab Hartmanno, & Borello.

Si dentium mobilitas accesserit sequens decoctum expertum ait Hartmannus, quod habet: glan. 3j. gallar. alum. usti, & succ. acac. singul. 3ss. fol. ros. punice. m. 3. decoq. in lib. ij. vini rubr. & servetur ad usum. Eo autem sæpius dentes

eluendos præcipit. Aliud commendat Zecchius, quod paratur ex mell. $\mathfrak{z}\beta$. sandarachæ, seu vernic. ammon. alum. scissilis, & thur. singul. $\mathfrak{z}\beta$. bull. j. in aquæ vitæ $\mathfrak{z}\text{ij}$. acet. alb. $\mathfrak{z}\text{j}$. deinde col. & add. croc. g. ij. & cum gossypio eo dentes, & gingivæ fricentur. Non solum, inquit hic Auctor, mobiles dentes confirmat, & roborat, verum etiam congelatos in pristinum statum restituit, dolorem sedat, & rheuma desiccât. Tincturam enuloticam Curandi Frommanni describit Grulingius, cujus vires summas esse fatetur in dentium mobilitate, & gingivarum putredine. Hanc etiam opiatam efficacissimam testatur Borellus ad dentium radices carne obducendas, dentesque firmandos, & dealbandos. Conficit autem illam ex modico aluminis cum uncia una olei sulphuris, & conditurae florum buglossi, vel rosarum unciis sex. Mox deterso dentium tartaro ope scalpelli lignei opiatam prædictam admovent. Præstat itidem Aqua descriptione Portæ ad dentes confirmandos, quæ mobiles stabiliri, & exesos carne repleri ait. Firmandis quoque, & dealbandis dentibus optimum dicitur oleum vitrioli à Montano, & Foresto, si nimirum eo dentes refricentur; sed aliquoties in usum relato, exitus acta non probavit.

Vermes, denique dentium radicibus hærentes perimuntur decocturâ corticum fraxini, & radicum urticæ Auctore Jo. Cratone. Et Thomas Bartholinus sibi à Rustico quodam Empirico communicatum refert mirabile remedium ad vermes extrahendos, & dolores mitigandos: nempe sebum cervinum linteo exceptum, ad ignem liquatum, & gingivis impositum. *Lucas Tozzi. Medicin. Pract. lib. 1.*

In dentium dolore primò videndum est quanam sit istius causa, & secundum varia causarum genera varia & apposita remedia sunt adhibenda. Dentes dolere solent. 1. ab humorum in eos & partes adjunctas influxu, licet dentes ipsi non sint vitiosi. Hoc casu ante omnia purgetur patiens hydragogis fortioribus; hinc enim humores vel pituitosi, vel serosi, per sedem educti à dentibus derivantur, unde eorum dolor protinus cessat. Revulsio etiam per chucurb. vel vesic. prodest. Vel 2. à Catarrho in dentes cariosos; vel concavos delabente. Hic etiam purgatio imprimis utilis est; at topica sæpe etiam sunt necessaria, eaque sæpius opiatæ. Ut

\mathfrak{z} . Olei Caryoph. still. $\mathfrak{z}\beta$. dissolve camph. $\mathfrak{z}\text{j}$. adde tinct. opii cum optim. spir. vitr. prius digesti, deinde cum vin. sp. extract. & ad mel. lag. reduct. $\mathfrak{z}\text{ij}$. tinctur. croci $\mathfrak{z}\beta$. Ambr. gris. $\mathfrak{z}\text{j}$. Mosch. gr. v. m. s. serv. in pyxide argentea bene clausa, vel vitro laticusculi orificii vesicâ occluso. Urgente dolore intingatur gossypium & indatur concavo denti.

Aqua hæc Crollii magnæ est efficacæ.

\mathfrak{z} . Origan. serpyll. salv. mentastr. hydropiperis, seu persicar. rasur. guajac. ras. tamarisc. & buxi ana m. j. affunde spiritum vini opiatum, id est à preparatione Laudani residuum, ad eminentiam quatuor digitorum Extrahatur infusione tinctura. De hoc spiritu tincto tantillum in ore teneatur parte illâ ubi sunt dolentes dentes, postea iterum expuatur. Reiteretur si opus sit. Si dens sit concavus, gossypium intinctum imponatur.

Vel fistulæ tabaci circa tubi medium indatur filo ferreo aliquid gossypii aut linamenti capti; caput tubi repleatur pulvere tabaci pro more, accendatur, & totus fumus exfugatur donec pulvis redigatur in cineres: frangitur tubus, & eximatur gossypium oleo tabaci madens, quod indatur denti cavo: illico cessat dolor.

Sic oleum stillatitium buxi denti cavo instillatum dolorem compescit certo experimento.

Remedium sequens non fallit.

\mathfrak{z} . Lithanthracum pinguium partes tres, sulphuris vivi partem unam, pulverizentur sin ul in mortari stann. & distillantur in retorta lento igne: primò exhibit fuliginosa substantia nigra & pinguis, tunc auge ignem, & exhibit aliquid unctuosum, quod seorsim clausum reservetur; postea separa oleum à liquore: oleum rectifica; serva; applica cum bombacæ.

Trochisci seq. cavis dentibus inditi mirè dolorem sedant.

\mathfrak{z} . Sem. opii $\mathfrak{z}\text{j}$. Sem. hyoscyam. $\mathfrak{z}\text{ij}$. styrac. calamit. mastich. ana $\mathfrak{z}\text{ij}$. pyrethr. piperis longiana $\mathfrak{z}\beta$. Castor. croci ana \mathfrak{z} . camphor. gr. v. opii præparati $\mathfrak{z}\beta$. m. s. & cum balsamo Peruv. q. s. f. massa, ex qua trochisci.

Denique hæc aqua nulli secunda est.

\mathfrak{z} . Succu allii $\mathfrak{z}\text{ij}$. opii $\mathfrak{z}\text{j}$. caryophyll. $\mathfrak{z}\text{ij}$. vini Malvatici vel Canarini $\mathfrak{z}\text{ij}$. macerentur per quatrimum, deinde f. distillatio ad siccitatem in B. vaporoso vel sicco. Aquæ stillatit. adde camphor. per vini spiritum solutæ $\mathfrak{z}\beta$. Mercur. anodynus in opt. vin. sp. soluti $\mathfrak{z}\text{vi}$. m. s. serva vase optimo clauso, applic. denti eroso è gossyp. Mercurius anodynus hic est.

\mathfrak{z} . Merc. sublimat. q. v. huic affunde aqu. fact. ex nitr. i. & vitriol. ij. q. s. & f. cohobatio decies aut duodecies donec instar olei fluat, & in frigido crystallizetur: crystallos spir. vini solve, exhala ad siccitatem; solve iterum, exhala ad pelliculam, & in cella ut a. e. crystalliza.

N. B. Ut fœtor ab opinio removeatur (docente Saadino) pistetur $\mathfrak{z}\text{j}$. opii cum duobus capitibus allij: deinde distilletur hæc mixtura per alembicum: De istâ aquâ detur in potu secundum discretionem, qui mirabiliter provocat somnum & erit sine fœtore. Quod pulchrum secretum non est omnibus revelandum.

\mathfrak{z} . Opii $\mathfrak{z}\text{ij}$. castor. $\mathfrak{z}\text{j}$. croci $\mathfrak{z}\beta$. addito paulo balsamo Peruviano nigro f. massa, ex qua turundæ, quæ involutæ syndone rariss. indantur auri lateris dolentis.

\mathfrak{z} . Mass. istius $\mathfrak{z}\text{ij}$. mastich. cum vin. spir. emollit. $\mathfrak{z}\text{j}$. gum. elemi & tacamahac. ana $\mathfrak{z}\beta$. m. s. f. Emplastrum, cujus portio extendatur in holoserico, & applicetur arteriis temporalibus ad fluxionem inhibendam.

3. Dentes aliquando dolent à vermibus qui in iis geniti eos exedunt. Hi enecantur vel ab aquâ Mercuriali suprâ præscriptâ, vel ab Aloë suprâ laudatis medicamentis admixtâ.

Si dolor (undecunque oriatur) nullis remediis cedat, dens dolens ferro extrahendus est: quam operationem si præ metu refugiat æger, tentetur medicamentum empiricum sequens ad dentes sine dolore evellendos.

\mathfrak{z} . Ranas virides arboreas quot voles, has in sufficienti roris Majalis quantitate probè ob-
turato vase vitreo in cinere vel arenâ locato;
tam-

tamdiu fac coquere donec liquentur & aqua fiant: hanc in fimo equino vel balneo inter ferraturam abiegnam putrefac; & supernatantem oleosam pinguedinem, quoties apparuerit; corneo cochleari, aut ligneo aufer; nulla amplius adveniente; reliquam ut inutile abjice: Hæc allecta pinguedo dentes à suis radicibus vellit, adeo ut si fenum hac illinatur bos aut equus hoc fenum vorans in ipso præsepi dentes amittat. Linitur lignellum hoc unguento, & circum dentem ducitur, qui statim à tali illitu postea facile separatur: *Theod. de Mayerne in Praxi.*

Consultationes.

Dolor ille dentium, qui te tam immaniter exercet, à frigida destillatione originem habet, quæ à sinistra capitis parte in maxillam ejusdem lateris, & dentis nervos, interdum usque ad omoplatas decumbit.

Ad hujus præcautionem primò cohibendus est catarrhus, causaque ejus penitus circumcidenda. Id autem fiet his catapotis semel in mense devoratis, vel hac potione si æstas sit aut calida aeris constitutio. Sequenti die à primæ purgatione totum caput his seminibus in duplicato linteo conclusis fricabitur, idque fiet spacio duodecim aut quindecim dierum quibus elapsis purgabitur corpus ut prius. Dein postmodum caput maximeque pars ejus sinistra, pauxillo aquæ vitæ singulis matutinis temporibus fovebitur, asperso pilis, post fotum, sequenti pulvere. Interea dentium ratio habenda: quibus detergis ter aut quater in die longè à cibo sumpto, retineatur in ore & manducetur hoc masticatorium, ad pituitam è toto cerebri corpore, maxime ex ejus ventriculis, per infundibulum in os & palatum attrahendam. Deinde hoc decocto sapissime in die gingivæ abluantur.

Interim cibus boni succi vescendum, sobriè vivendum: abstinendum ab humidis; vitandum frigus capitis, dentium & pedum.

Remedia infra scripta diu ac diligenter continuanda, quia morbus est inveteratus.

℞. Mass. pilularum cochlearum & de agarico; Pilularum assaiereth. an. ʒj.

℞. Aquarum salviæ & betonicæ, vini albi an. ʒj. In quibus infunde rheubarbari electi, Agarici trochiscati an. ʒj. In expressione dissolve diaphanici ʒij. Syrupi capillaris ʒss. Fiat potio purgans.

℞. Milii ʒss. Salis communis ʒss. Seminis anisi & fænicali an. ʒij. baccarum Lauri contusarum ʒj. fiat pulvis tenuissimus. Inspargatur raso capiti.

℞. Pyrethri, Staphisagriæ, Gingiberis, Cardamomi, Caryophyllor. Styracis calamitæ ana ʒss. Fiat pulvis subtilissimus ad usum dictum.

℞. Mastiches ʒj. Radicis Pyrethri ʒss. Cubebarum ʒij. Incorporentur in forma solida cum melle anthosato: fiat masticatorium.

℞. Salviæ minoris man. j. foliorum myrti man. ss. Mastiches conquassatæ ʒss. Bulliant simul in vini albi & aquæ fontanæ an. ʒss. Coletur & reservetur in phiala pro collutione oris. *Joh. Fernelius consilior. Medic. 5.*

Dn. Egidius Heidemann, Senator Colbergensis optimè meritis, compater & amicus

meus honorandus dolore dentium pinctorio ac profundo afficiebatur, adeo vehementi, ut aliquot noctes insomnes duceret, sapor in ore falsus, acris & subamarus deprehendebatur cum aliquali totius corporis aestu & siti.

Resolutio.

Causam hujus odontalgia, humorem ex bile & sero mixtum esse, sapor indicat falsus, aeris & subamarus, non minus ac ipse dolor pinctorius, qui vehementior quidem est & profundus, quatenus materia circa nervulum in radicibus dentium & membranam eorundem internam nerveam hæret.

Humores itaque serosi & biliosi addentes confluentes revellendi & repellendi, qui verò jam influxere discutiendi & evacuandi, imprimis autem dolor, tanquam symptoma urgens, mitigandus.

Præscripsi hoc nomine anodyna quædam & narcotica, scilicet parvam Minde-
reri, & laudatum opiatum cum spiritu vitrioli.

Revulsionis gratiâ cucurbitulas scarificatas scapulis & brachiis apposui: à phlebotomiâ enim prorsus abhorrebat.

Hinc vesicatorium Riverii post aures applicui; fronti & temporibus ad intercipiendam fluxionem emplastrum adstringens ex bolo, mastiche, & ovi albumine, induxi.

Interea & collutiones oris ex repellentibus & adstringentibus usurpata:

℞. Fol. myrth. plantag. acetos. ana m ss. Rad. oxylapath. tormentil. ana ʒij. flor. rosar. rubr. balaut. ana p. j. Cort. granator. ʒij. Incis. & conquassat. coq. exaqu. plantag. & aceto q. s. & colent pro collutione oris.

Ad evacuationem humoris serosi & biliosi præbui potiunculam:

℞. Rhabarb. opt. ʒij. Cinam. acut. ʒss. infund. per noct. in aqu. cichor. ʒss. Endiv. ʒj. Manè colentur: add. syr. de cichor. c. Rhabarb. ʒvi. pulv. Gialapp. gr. ix. M. F. potiuncula.

Sub noctem magna ex parte remisit dolor, manè ad reliquias materiæ discutiendas & absorbendas commendavi aquam rorismarini & salviæ cum tantillo aceti florum lavendulæ. Calorem totius & sitim restinxi Julabio quod sic componitur.

℞. Aq. cichorii acetos. Endiv. ana ʒss. Syr. berber. ʒij. flor. pap. Rhead. ʒij. spir. vitrioli q. s. ad grat. aciditat.

His methodicè adhibitis ab immani cruciatu liberatus est vir optimus, quem ut porrò salvum & superstitem divina præstet elementia devote precor. *Baldass. Timæus casuum Medicin. lib. i.*

Adolescens 15. annorum, temperamento pituitoso præditus, cum à validiore exercitio excalesfactus, nudo capite se aëri frigido & ventoso diutius exposuisset, in atrocissimum maxillæ sinistri lateris plurium dentium incidit dolorem, usque ad capitis interiora & superiora se extendentem, quo diu noctuque continuo infestatur. Nullus in gingivis aut maxilla exteriorè tumor, nulla rubedo aut inflammatio apparent. Sentit è dente quodam molari excavato serosum, falsum, acrem, ac instar glaciæ frigidum humorem in os exstillare.

1. Hujus ægri affectio Medicis *Odontalgia* & *Dentium dolor* appellatur.

2. Causa antecedens sunt humores pituitosi ac frigidi in toto corpore collecti, qui a majore calore exercitio conquiriti in vapores attenuati, sicque copiosiores ad caput delati, à causa procatactica, scilicet frigore externo, non tantum ob pororum occlusionem intus detenti, verum etiam in liquorem serosum, & ob cruditatem falsum atque acrem rursus condensati sunt, qui cum ad vias excrementorum cerebri evacuationi dicatas non decurreret, sed ad sinistri lateris maxillares dentes deflueret, acerrimum ibi dolorem excitavit.

3. Frigidum, serosum, ac falsum esse hunc humorem ipse æger lingua satis percipit ex guttulis per excavatum dentem in os delabentibus.

4. Dolor autem inde fit, quod nervulus cavitati cujusque dentis molaris insertus una cum perioestio, quo cavitas & radix investitur, ab acri humore eroditur, ab ejusque summo frigore (quod nervis maxime inimicum) male afficitur.

5. Dolor autem sursum usque ad capitis interiora extenditur, quia nervuli dentium cavitatibus inserti, sunt propagines tertii & sexti paris; iis igitur male affectis, non est mirum totos illos nervos usque ad capitis interiora dolere: imò credibile est hunc frigidum & acrem humorem per cranii foramina, ex quibus nervi illi egrediuntur, secundum nervorum istorum longitudinem usque ad dentes defluere; sicque non tantum eas particulas, quæ radicibus dentium inferuntur, sed integros nervos secundum longitudinem à cranio usque ad dentes à dicto humore affligi.

6. Nullus autem tumor est in exteriori maxilla, quia humor ille, unde fluxio procedit, non est copiosus, sed paucus & acer. Neque etiam tumor fit in gingivis, quia humor in iis non diu subsistit aut colligitur, sed paulatim per excavati dentis foramen in os effluit.

7. Nulla etiam rubedo præter naturam aut inflammatio in gingivis aut maxilla apparet, quia licet humor deluens sit acer, est tamen actu & potentiâ frigidus, ita ut inflammatio aliave calida intempies ab eo produci nequeat.

8. Atrox hic dolor, licet in parte sit ignobili, atque hinc minoris momenti esse videatur, tamen contemnendus non est, cum propter summam crudelitatem, & continuas quas inducit vigilias, humorumque & spirituum commotionem, facile delirium, convulsionem periculosissimam, aut febrem validam inducere possit. Ac proinde illius curatio differenda non est.

9. In curatione primò imminuenda est causa attendens, mox continens, ac procatactica statim removenda, dolor sedandus, & caput corroborandum.

10. Corpus igitur purgetur cum pulveris diaturbith aut diacarthami drach. j. aut cum his pilulis:

Rec. Massæ pilul. cochiarum, aurearum, ana scrup. j. diagridii gr. iv. Cum pauxillo syrupi de stoechade, fiant pil. vii.

11. Ad humoris in cerebri ventriculis contenti evacuationem hoc errhinum in nares atrahatur:

Rec. Succimercurialis, majoranæ, ana unc. s. beta unc. j. s. Misce pro errhino. Hujus loco æger hoc pulvere sternutatorio subinde uti poterit:

Rec. Rad. pyrethri, hellebori albi, fol. majoranæ, ana scrup. j. piperis nigri gr. v. fiat pulvis.

12. Ad capitis corroborationem, pororum apertionem, & frigidi humoris dissipationem, præparetur hoc capitium:

Rec. Fol. rosmarini, majoranæ, salviæ, ana m. s. flor. lavendulæ, meliloti, rosarum rubr. ana p. j. nucis moschata, gariophyllorum, ana scrup. ij. thuris, mastichis, ana drach. j. fiat pulvis grossus, è quo in tenui serico consuatur s. art. capitium.

13. Temporibus utrinque imponatur hoc emplastrum:

Rec. Thuris, mastichis, ana scrup. j. sagapeni, tacamaccæ, ana scrup. j. s. Misceantur, & extendantur in serico nigro: fiantque duo emplastra rotunda.

Interea etiam exhibeantur condita & apoze-mata cephalica, ex majorana, rosmarino, salvia, betonica, conserva anthos, salviæ, aliisque similibus confecta. Tabaci etiam fumus per fistulam communi modo sumptus non erit inconveniens.

14. Æger os sæpe colluat hoc decocto calido:

Rec. Radic. oxylapathi unc. j. pæoniæ maris unc. s. Herb. majoranæ, salviæ, hyssopi, thymi, betonicæ, rosmarini, ana m. j. Sem. fœnic. anisi, ana drach. ij. vini q. s. coquantur s. art. ad lib. j. pro collutione.

15. Post collutionem denti excavato cum petia ex gossypio immittatur guttula una olei origani, aut gariophyllorum. In summo dolore interdum etiam pauxillum spiritus vini in ore ad dentes affectos detineatur, quod tamen non est sæpe faciendum, ne gingivæ inde lædantur.

16. Interea etiam ad humorum diversionem summa cum utilitate vesicatorium post aurem, atque in cervice applicabitur, & locus diu apertus servabitur.

17. His omnibus non juvantibus, in summa doloris atrocitate exhibeatur sub vesperam pilula ex laudani opiatu gr. iij. aut tres pilulæ ex massæ pilularum de cynoglossa gr. xij. aut dentur philonii romani scrup. ij. vel iij.

18. In victu sit aer calidus & siccus, viteturque turbulentus, pluviosus, imprimis aquilonius. Cibi condiantur cum cephalicis calefacientibus; fugiantur autem omnia salsa, acria, acida, & ea quæ caput vaporibus replent, ut allium, porrum, raphanus, &c. Potus sit cerevisia mediocris notæ, & vinum tenue. Somnus longior. Exercitium mediocre, & alvus facilis sit.

Observationes.

Vir quidam literatus gingivarum laxitate & dentium carie affectus, scripta quædam medica evolvens, fortè incidit in Consilium Cratonis 72. ubi hæc habentur: Ad dentium putredinem & cariem vix ulla res melior est, quam spiritus vitrioli: paulò post & Horstii tractatum de Scorbuto relegit, ubi sectione. 2. Thesi 15. hæc existunt. Dentibus vacillantibus optimum est remedium spiritus vitrioli cum melle rosato mixtus, quantum ad intensam aciditatem sufficit: Inungantur gingivæ & aliæ oris partes affectæ, singulis diebus ter. Remedio itaque huic à Medicis celeberrimis tantoperè laudato confusus, singulis diebus spiritum vitrioli cum melle rosato gin-givis

givis & dentibus illiniv̄it. Sed p̄nitendo admodum eventu: Brevi enim consumptis gingivarum carnibus & laxatis alveolis, dentes, quos primores appellamus, tam superiores quàm inferiores exciderunt, reliqui molares subsistere quidem, sed à medicamento acrimonia adeò corrosi, ut ciborum masticationi parum sufficerent.

Rectius olim h̄ac dere judicasse videtur Joël, cujus tomo sexto sect. 2. p. 137. h̄ac sunt verba: Parum benè consulunt, qui spiritum vitrioli crebrius dentibus illinire docent. Etsi enim eos candidissimos efficiat, tamen crebrior ejusdem usus eos calcinat & friabiles reddit: *Baldass. Timaus casuum Medicin. lib. 1.*

Dentium dolor ploratū solutus.

Nobilissimus Dn. Richardus Froreich, Hæreditarius in Czarny Damerovv, amicus meus specialis, ultra semestre dentium dolore interpolato & per intervalla recurrente miris modis vexabatur, tentata varia remediorum genera tam interna quàm externa, sed frustra, subinde enim recrudit dolor, tandem inter acerbissimos cruciatus plorare cœpit, adeò effusè ut ultrà horam à fletu sibi temperare non posset. Exindè dolor penitus remisit, absque ullâ in hunc usque diem recidiva.

Resolutio.

Dentium hunc dolorem ab humore tenui & seroso excitatum, nullum est dubium, is fletū solutus & per lachrymas tam copiosè promanantes, effusus, doloris immunitatem, sublata scilicet causâ, dentibus attulit, secundum illud Poëtæ (ut inter lacrymas etiam joculari liceat.)

Expletur lachrymis, egeriturque dolor. *Idem ibidem.*

Filia N. de intolerabili dentium dolore conquerabatur, qui per aliquot menses continuos duraverat, nec ullis topicis aliisque assumptis medicamentis dispelli potuerat. Consului ut per aliquot dies cubitum itura deglutiret duas pilulas, pisi magnitudinis, ex solâ Aloë lucida confectas, nec quicquam superbiberet. Hoc cum ter quaterve fecisset, dolor cessavit, neque deinceps rediit. *Isbrand. de Diemerbr. in Observ. & Curation. Medic.*

Cornelia Jacobi mulier robusta dentium dolore vehementissimo cum dimidii capitis dolore laborabat: Huic tale vomitorium exhibui.

℞. Vit. antimon. pulver. gr. xii. vin. alb. ℥v. Fiat maceratio per noctem. Manè coletur vinum per chartam emporeticam & detur pro haustu. Hinc plurima biliosa, pituitosa, ac tenacia evomuit, aliquot etiam secessus habuit. Nocte sequenti bene dormivit, & cessavit dentium dolor, neque rediit. *Idem ibidem.*

Dens cancro affectus.

In Sacris Ægyptiorum literis si quid auditum, aut arcanum luci proditum ac revelatum ostendere quis vellet, inquit *Pier. Hieroglyph. l. 28.* de Cancro, Pagurum & ejus generis pisces, vel testacea; quæ latebris gaudent, face apposita figurabat. Ego hodie ubi obscurum infantis Hebræi casum, cancro non absimilem, ad illius causæ indaginem Naturæ curiosis propono, ab eorundem ingeniorum splendore, & toto orbi

cognita eruditione illi facem adponi exopto. Erat hic puerulus unius anni, corporis emaciati, coloris ad lividum inclinantis, in quo anteriores aliquot dentes naturaliter albicantes erupere, mox prodeunte alio retuso in mandibula sinistra, qui totus quantus niger conspectui sese offerebat: hoc etiamsi intuentes parentes, ut inauditum, & nunquam visum, admirati essent, cum tamen nullam molestiam puero inferret, per integrum fere annum nullo adhibito consilio tolerarunt. Sed ubi alios proximos mandibulæ sinistræ dentes pari atro colore inficere, tumor dolorosus parti accedere cœpisset, ad malum debellandum Chirurgum sollicitarunt: Is non cognito affectu varia adhibuit, etiam tumorem scarificavit, infelici sane successu, non tantum gingivam sed & totam genam sinistram exulcerando. Anxio Chirurgo, parentes me in consilium vocare coacti sunt, Examinatis examinandis Cancrum primo occultum, nunc per intempestive, & immoderate adhibita exulceratum, ulcus certe malignum, sordidum, livens, & cacoëthicum aspectu horrendum esse deprehendi: Faeto prognostico de gravi & periculoso morbo, in quo est repugnantia in via Naturæ, & quod Cancri confirmati & exulcerati nulla fere curatio (maxime ubi commode excindi vel exuri non valet) meliusque fuisse eum occultum non curasse, curati enim citius intereunt, non curati vero longiori tempore vivunt, teste Hippocr. 6. Aphor. 30. nam Cancri non exulcerati medicamentis solventibus facile exulcerari possunt, quæ ulcera, ut ab atrabilario humore provenientia incurabilia esse dixit idem Hippocr. Nihilominus ne misellus infans omni auxilio destitueretur, præter Dietam modice humectantem & refrigerantem, (aderat enim socia lenta febricula) palliativa ordinavi, quæ ipsi cancro blandiri, eumque lenire possent, ut ita minori cum molestia vitam transigeret, cui est Aqua ad Cancrum *Chalmetæi*. Henrici III. Gall. Regis Chirurgi peritiss. quò ulcus foveretur & ablueretur, appposito deinde Emplastro Saturnino *Minsichti*; Sed ulcus pertinax & rebelle, imò de sua natura insuperabile, superari non potuit, quod sensim serpendo musculum temporalem affecit, & convulsionem inducendo mortem acceleravit; Mirabilis certe h̄ac fuit observatio, & forte inaudita, Cancrum radices suas tanto temporis spatio in hoc solo dente sparsisse, nec alios statim dentes affecisse: quod factum puto ob nutrimentum dentis depravatum, quod provida natura, quamdiu potuit, retractum servavit, abhorrens sui interitum.

Cancer hic à Dente oriundus, non fuit caries, nulla enim caries solido denti aderat, nec ista tumorem excitat, ut musculosas partes occupat: Neque fuit Gangræna, ea enim est imperfecta mortificatio ad necrosin, seu principium & via ad corruptionem, quæ ad plures menses absque vicinarum partium sphacelo & corruptione perdurare non potuisset. *Galenus l. 2. de Arte curat. ad Glauconem cap. 5. Celsus l. 5. suæ Medic. c. 38. & alii. Matth. Franc. Hertoli.*

Odontalgia à Verme excitata.

Quidam Odontalgia inmani ac periodica vexatus sensit in dente quid saliens per tempo-

rum intervalla, cui remedia plura incassum adhibita: Abrasa demum carie dentis in vasculum subjectum vermem exspuit, qui capite ad caudam reflexo saltus varios iteravit, foramine insigni, per quod exierat vermis in dente conspicuo: Qui vermes suffitu hyoscyami, seu cervino gingivis imposito, aliisque e dente elicitos pro fibrillis habent, ab experimento hoc sæpius laudati *Tyson* aliter erudientur. *Oligeri Jacobi.*

De Mirabili quadam Odontalgia, & Innoxia Opiatorum continuatione.

Nobilis & honesta fœmina, à longo tempore valetudinaria, ob suppressos menses & regurgitationem sanguinis ad superiora, hæmorrhagia narium, quandoque satis enormi, sæpius afflicta, cum duritie laterum, inflatione ventriculi, pedumque tumore, ante duos annos convenientibus tractata remediis, & imprimis ex *Acidularum Egranarum* usu, penitus convaluit, & per integrum annum optime se habuit. Præterita autem ætate ex mœstitia & fletu largiori, dentium acquisivit dolorem, quem uno vel altero medicamento adhibito suppressit. Non multo post tamen recrudit malum, miris stipatum symptomatibus. Nam quotidie circa versperam rediere dolores, quorum prodromus fuit materia quædam crassa, viscida, sanguinolenta inter dentem caninum primumque molarem in maxilla sinistra superiori effluens: hanc excipit limpidissima pituita, continuo stillans, adeo copiosa ut vasculum satis magnum impleverit, cum cruciatibus tota nocte durantibus. Observavi, quo sputum limpidius eò acriores fuisse dolores; illo cessante, remisisse etiam istos. Adhibui quæ concipere poteram, revelentia, reperiencia, appropriata, sed omnia frustra. Nihil magis conduxit quam *Laudanum Opiatum*, quo dolores & fluxus istius pituitæ suppressi, somnusque procuratus optimus. Dum hæc ita fiunt, in oculo sinistro extrinsecus naturaliter constituto, omnia apparere duplicata, sine quidem dolore, sed cum magna molestia: applicatis vesicatoriis restitutus visus in integrum, quem tamen elapsis aliquot septimanis penitus in eodem oculo amisit, itidemque exiguo temporis spatio elapso recuperavit, perseverantibus in eodem statu doloribus. Dentes quos inter hæc materia effluxit sine labe erant, alterum tamen eorum, quia vacillare videbatur, evelli curavi, absque ullo emolumento. Tandem omnium pertasa, solis, me licet quàm maximè dissuadente, inhæsit opiat, sumendo illa quotidie. Sic allevata Mense Decembri *Viennam* concessit, unde mihi ante sex vel septem septimanas scripsit, quod in illum usque diem quotidie, antequam cubitum eat, bolo ex granis tribus *Laudani cum Confect. Alkerm.* parato utatur, quo vel una vice omisso, statim percipiat dolores majores. *Caroli Raygeri.*

De Vermibus Dentium.

Quemadmodum nulla ferè corporis humani pars, quàm nobilis etiam illa sit, existit, quam non aliquando à vermibus infestatam observarint Scriptores Medici; ita neque dentes ab iis immunes sunt, quippe qui, carie exesi excava-

tique, huic ex putredine enata soboli nidum sat commodum præbent.

Quales eos observaverit *Excell. Dn. D. Joh. Nicolaus Pechlinus, P.P. Kiloniensis, & Collega curiosus* honoratissimus. *Observatio 24.* superius exhibitam ostendit. Nobis, ut paulò post dicemus, alia prorsus species sese obtulit, nosque dubios fecit, utra eorum *Sinonum* nomine, quo vermes dentium, *Battæo Syria monacho* olim ob nimiam inediam enatos, vocari docet *Jonstonus; Hist. Nat. de Insectis l. 3. c. 2. art. 3. p. 184.* appellanda sit.

Acutissimorum verò dolorum vermes hi omnes causa existunt, adeo ut de necandis & tollendis iis meritò solliciti sint Practici: & præ reliquis varia commendat *Sennertus Med. Pract. lib. 1. cap. 10. pag. 26.* Quibus jure meritò annuerandum censeo mucum, seu chyli reliquias interiori tunica ventriculi suilli adhærentes, qui licet sordidum quadantenus, & delicatioribus fortassis abominabile sit remedium, vulgo tamen nostratibus crebris experimentis est commendatissimum.

His ipsis diebus Fœmina, intra lares meos habitans, doloribus acutis lancinantibus dentis maxillatis excavati vexabatur, qui, licet medicamentis sopirentur, subinde recrudescebant. Tandem suasu alterius fœminæ, ut est istud hominum genus in talibus consilii promptissimi, rorellæ foliola conglobata denti cavo, remisit tunc dolenti, indit. Malum! subito dolores in immensum exacerbantur adeo, ut ob eorum vehementiam saltim non ad insaniam redigeretur. Commodum autem accidit, ut in vicinia porcum culinæ destinatum eviscerari audiret: Auxilii ergo, quod alia vice in simili dolore senserat, adhuc memor, lanionem adit, & mucum, pyloro ventriculi adhærentem, calentem adhuc petit, eumque linteolo exceptum, formula noduli, dolenti denti imponit. Post breve tempus titillationem gingivæ percipiens, nodulum ex ore eximit, atque vermes plurimos linteolo adhærentes invenit, pluresque alios cum phlegmate viscido exspuit: dolore paulò post sopito.

Vermes hos aqua ablutos mihi ostendebat, qui, lumbricorum more variè se contorquentes, aliquandiu adhuc vivebant. Latum pollicem longitudine ferè omnes æquabant, tenuissimum netricum filum crassitie vix superantes; coloris, dum vivebant, incarnati, mortui verò & arescentes magis rufescebant. Per microscopium inspecti egregiè intestinorum lumbricos referebant, utrinque in acutum rostrum desinentes, corpore ex annulis innumeris coagmentato pellucido, rubello intestinulo per cutim transparente.

Cæterum ut mucò isto vermes dentium inescatos & ex cavernis suis elicitos vidimus; ita olim *D. Ræslerus*, vermem crus perforantem interna ventriculi suilli pellicula evocatum observavit *Observ. 312.* anni 3. Eph. Germ. dubio procul ob congenerem quandam putredinis odorem, quem tunica ista, multoque magis mucor ex dapibus, quibus præprimis gaudet amica luto sus imbibit. *Gottfriedi Schulzii.*

Vermis Odontalgicus.

Horrida olim morborum exempla nunc tandem suffragante experientiâ credibilia fieri com-

compertum est. Vermes in solido durissimo-
que corpore generari res visa supra fidem : at
postquam Lapidum quoque corruptelas & de-
trimenta à vermibus excitari innotuit, etiam
de verminosâ Dentium carie observata narra-
tibus fides negari non poterit. Mirari autem
usque subit, qui molliculum & penè invisibile
vermiculi rostrum tam solidi durique corporis
perforare substantiam possit : perforat tamen,
& à basi ad radicem usque cylindrico foramine
pertusum dentem solo doloris indicio com-
monstrat : neque enim ante demolitione ani-
malculi constabit, quàm transmissio corpore
sensiles nervorum fibras attigerit. Enimverò
tum immanissimos cruciatus parere mobilis ro-
stri petulantia solet, & in abdito latenti im-
punè grassandi libertas est, non facile alio quàm
Dentis jacturâ coercenda. Sed quod & quale il-
lud rostrum? Sanè plusquam Corneum & an-
nulatū corporis impullu vibratum vel ferro par;
neque enim aliter tanta ossis duricies superari
polle videtur. Major autem de origine & nata-
libus hujus animalculi difficultas. In Dentium
cavernis, ubi ciborum reliquiæ hospitari solent,
putredinem esse, quæ spiritu animata in vesicu-
las sese induat, ideâ aliqua operante, articu-
lata vermemque referat, mobile animal, tra-
laticium est. Sed unde prima vermiculi exor-
dia, quando nulla adhuc caries in Dentibus
conspicienda, aut quis ille in integro solidoque
Dente foraminis cylindrici auctor? Nimirum
obstita sunt plerunque Dentium bases, qua al-
vearibus insiguntur, mucō quodam albo, quem
qui oris amant nitorem, aliquoties de die, im-
primis autem manè, detergere solent, aptatis
in hunc usum Radicis Althææ fibris. Hic ipse
mucus nuperis Leevvenhoeckii, mirifici in ex-
plorandis minimis Mystagogi, Observationibus
totus quantus verminosus deprehensus, & forè
ex hac classe aut tribu est, qui deinde oberrans
rostri aliqua prærogativâ impulsus Dentem cor-
ripit, erodit, tandemque miserum os notis do-
loribus crudelissimè exercet. Cum autem mihi
quoque exemplum vermium ejusmodi objectum
sit, operæ pretium me facturum esse existimo, si,
quid mihi obtigerit, recenseam. Vetula erat ta-
bifico & propemodum corrosivo Scorbuto affe-
cta. quæ tandem inter alia Symptomata præter
meam expectationem in deploratam incidit
Odontalgiam nullis planè remediis, neque op-
timis, cedentem. Solet nempe ludibrium Artis
esse Dentium dolor, & magis sæpe anilibus, su-
perstitiosis vulgaribusque subigi remediis, quàm
exquisitis, delectis, &, ut alibi vocant, Cano-
nicis. Adeò nihil hic conceptæ formulæ aut ex-
cogitatissima remedia juvare videbantur. Ani-
cula autem, sive asperitate doloris seu casu ada-
cta, Mel, quod fortè in propinquo erat, cujus-
que aliàs usum suspectum habebat, delibare
audacius cœpit, & ne consilium temeritati de-
esse videretur, ruinosis dentium cavitatibus pe-
tulantī linguâ inferere. Hic ubi medicaminis
inconsulto assumpti pœnam expectabat, ang-
mentum doloris, præter opinionem alia acci-
dunt; nam vix horæ momentum, cum dolore se
remittente notat intolerandam in summâ linguâ
pruriginem, quam ut à fluore acri salso oriri cre-
didit, tentata manu medela, reperit tandem
volubiles passim vermiculos numero quinque.

Accersi me protinus jubet tam exilium mon-
strorum fortuita domitrix; vixque intratveram
anes, cum illa gaudio perfusa atque à dolori-
bus libera tum lulum fortunæ mirabilem, tum
vilis remediis successum operosè explicat. Post-
quam autem nudam oculorum aciem, tandem &
armatam admoveere cœpi, inveni eos pedicu-
lis planioribus, si seriempedum annulatamque
corporis formam exceperis, sanè quàm similes
multo saltem concinniores, quàm quos in O-
vium Hepate comperit experientia vulgusque
Lanionum in Italia *Biscioli* vocat, à Francisco
Redi, Nobili Aretino, illo de Insectis libro,
depictos. Illi autem Vermiculi unde nati, quo
ovo, semine aut putredine educti? Figuratum
ibi rotundulumque & oviforme corpus hæsisse,
quod sese deinde accessu Archæi alicujus in
Vermiculum refluxerit, nequidquam credas,
jam verò etiam superstitis escæ ramenta semi-
nio ante aliquo aut ovulo animata in planum
tandem figuratumque animal excrevisse est cur
dubitemus. An potius ex Scorbuto dentium
Tartaro Spiritus, vel Ideæ seminalis unde
raptæ commercio vivaces & ampullatæ ver-
mium vesiculæ, tandem etiam rostratæ pedu-
læque emerferint, penes alios judicium esto.
Quomodo deinde tantum creaverint dolorem?
Utrum sugendo trahendoque Hirudinum instar,
nam dolorificæ suctionis speciem persensisse se
ægra significabat? An verò mordendo & velli-
cando nibrillarum nervearum extrema, quæ ex-
scæ cavitatis fornici impendent, si modò ulla
denticulorum vis in tantâ exilitate fingi possit?
Id verò constat, Vermes, qui in vultu sæpe ni-
dum ponunt pustularum specie, ipsis sese cutis
& glandulosi contextus poris intulisse, subinde
etiam fusco aut nigro capitulo emicare dolo-
remque si quem excitant, aut pruriginem, ad
feri salioris affluxum inquieto articulorum
motu efficere. Sed quod de Verme Odontal-
gico monui, utrum ad alios quoque dolores &
Auris illos quos immanes sæpe notavimus, &
Dentium istis vel pares aut majores, transferri
possit, non antè dixerim, quàm in Cerumini-
bus quoque, non aliter ac in Dentium illo mu-
co, Vermes enasci experientia compertum sit.
Memini tamen in corrupto utriusque auris Ce-
rumine analogi quid vidisse; corpuscula certè
erant ampullata & figurata alia aliis incum-
bentia; sed quod vitali motu, attrita forte &
refrigerata, destituerentur, non statim teme-
rario sensui accedere opinio debuit. At cum
in Pipere, in Calce, & acerrimis quibusque re-
bus, nasci vermiculi possint, ceruminum illa
materia, mitis sæpe & purulenta, verminatio-
nem non abnuet, & sic etiam novis dirissimis-
que doloribus scenam parare poterit. *Nicol.
Pachlin. in Observat. Physico-Medicis.*

A Dentium dolore Maxilla Caries.

Neque ideo omnis dentium dolor à Verme
repetendus, aut particulare contingens univer-
sali enunciato æquiparandum; quando tot ite-
rum aliæ causæ tragœdiæ huic ineunda mate-
riam præbere possint. Est Sanguis, Serum, Pus,
sunt alia, plerunque tamen corrosiva, quæ eun-
dem illum dolorem creare queunt, quid quod
nec flatuum ex hac parte sit immunitas. Atque
hunc

hinc adeo est, quod in nullo admodum morbo tanta sit medicamentorum varietas, tanta farrago, atque in ipso hoc, si partem aestimes, exili sane morbo. In foeminis saepe Sanguis sive ab Utero seu aliunde in caput inque dentem redundat sola sanguinis missione revocandus. Aliis Serum copiose destillat, nerveisque dentium filamentis acrimonia, eaque salsa aut acida, insultat; aliquando & frigore Ammoniaccali, nunc & aestuoso calore aut vicina aut destituta lymphâ infestat. Aliquando etiam a sordibus & dentium mucilagine, cui ipsi vermes innasci non improbabile est & jam vidimus, orta acuitas atrocissimis doloribus ansam præbet. Hac ego mucilagine universos interni atque incrustati dentes vidi, nec ante dolorum requiem fuisse, quam acri adstringenteque Decocto comminuta visci lamellati aut membranæ instar recederet. Hic certe acor est ex putredine natus, & ut Ossium texturæ nihil est acido hostilius, ita Caries quoque ab uno illo nasci plerunque solet; atque ita feralis ille dolor ab impuritate oris, ab ascendentibus ciborum reliquiis originem saepe trahit. Sic Vermis, qui denti allapsus foramen figat penetretque, sed in hoc deinde foramen abdita ciborum reliquiæ putredinem & ex illa acrimoniam concipient adeo Nervorum filamentis Dentiumque radicibus infestam. Posse verò etiam lympham, illam glandulosæ Gingivarum carnis sobolem, tam internecina subinde acrimonia imbui, ut omnem à Medicamentis temperiem recuset, & tandem cum tempore carniæ texturam ipsorumque imprimis ossium terebret permolatque, nec ante desinat, quam rodendo suam ipsius infregerit acrimoniam. Observationibus puto conitare. Ostendit mihi Pharmacopœus & doctus & Artis suæ peritissimus spongiosas tubulatasque maxillæ inferioris laminas complures, quas acrimonia lymphæ sæpius per aliquot hebdomadas sævientis sedibus suis extruserat exulcerata carne, mox iterum sedata ferocia coeunte. Notus mihi aliàs, qui Fistulam aluerit in Gingiva inferiore prope dentem primum molarem; fundebat illa semper aliquid putidæ saniei, quâ sufflaminata dici non potest, quantis doloribus excrucietur; adeo nunquam de consolidando hoc vulnere fuit sollicitus. Sed quæ illa lymphæ ferocia, aut, si mavis, *ιδιόφυγοία*, non carnes tantum sed & ossa, spongiosa illa & tubulata maxillarum, narium vicinæque depasci illæsis dentibus, quod in atrocissima illa Scorbuti, Stomacacæ; specie & in Lue Venerea non sine horrore vidimus. *Idem ibidem.*

Alveoli dentium ob varias causas penitus consumti, unde dentium vacillatio & casus.

Affectui in Observatione 76. descripto, puta ossium diminutioni, jure merito annumeranda est talis alveorum dentium in nihilum redactio, in qua ne vestigium quidem eorum relinquitur, unusquisque tanquam ex tripode dictum, pro certo habet alveolos seu præsepiola dentium evulsionem aut casum spontaneum neutiquam manere aperta. Cui opinioni calculum quoque oppono: Ast verò quid proprie in illa commutatione eveniat, non satis unanimiter

eloquuntur Anatomicorum Coryphæi. Curiosus partium & structuræ corporis indagator Thomas Bartholinus hæc nobis reliquit in sua anatomia cap. 9. fol. 720. Aliquando *obliterantur & constringuntur* (de dentium differit alveolis) *dentibus cadentibus vel evulsis*. In senio non raro amissis dentibus alvei oblitterantur, & circuitus acutiores facti, durique, ut in senibus ad manducandum dentium vices subeant. Adrianus Spigelius super hac re ita inquit: *Tot sunt cava, quos dentes, cum quilibet primum erumpens sibi proprium ac peculiare condit præsepiolum, concidens etiam secum una alveolum suum perdat, ita ut ne vestigium quidem maneat*. Joannes Riolanus in sua Anthropographia hæc habet: *Dente evulso, nisi novus succedat, ita constringitur & occæcatur alveolus, ut ipsius nullum remaneat vestigium*.

Horum neminem refutare animus est, sed potius eorum observationibus illustrandis hæc addere; nempe non solum alveolos in senio oblitterari, & circuitus acutiores & duriores fieri ad manducandum, aut alveolos occæcari, aut concidere; sed præterea in multis ita in nihilum redigi, ut, mirum visu! maxilla tam superior quam inferior tantum spatii in profunditate amittat, quantum occupavere alveoli: ita ut ne quidem minimum digitum lata maneat inferior, superiorque ad nasum fere usque deficiat. Hinc foramina pertransenti ramo nervi quarti paris, (ut cum antiquis loquar destinata, non in antica & laterali maxillæ inferioris parte, sicuti in maxillis quæ dentibus alveolisque omnibus instructæ sunt, inveniuntur; verum in summo maxillæ inferioris. Hinc etiam maxilla superior tantum amittit de sua altitudine, ut inter os & nasum latitudo calami scriptorii vix intercedat. Causam istius destructionis aut potius totalis annihilationis alveolorum, soli attritioni in masticandis cibis non possumus adscribere, sæpe enim videmus dente uno evulso alveolum ipsius ita aboleri, dentibus proximè adstitis alveoli attritionem cohibentibus. Imò non raro in nihilum rediguntur alveoli ante dentium casum aut evulsionem, unde vacillantes dedtes maxillis solummodo cohererent gingivarum & membranarum beneficio; & gingivis quoque deficientibus eos soli membranæ adherentes deprehendi. Frustra itaque in tali constitutione dentium remedia ad firmiorem cohesionem quaritant homines totum malum scorbuto attribuentes, & nil minus quam defectum alveolorum suspicantes: Noli interim credere, Lector benevole, hoc malum nemini contingere, nisi ætate provectionibus; memini me hoc in triginta solum annos nato vidiisse, qui aliquot ex anterioribus dentibus ita vacillantes aliquamdiu gestarat, donec nullis proficientibus remediis antiscorbuticis facillimè eos solis digitis evelleret. In aliquibus (ut dixi) etiam observavi, simul cum alveolis gingivæ perire, & per solas tunc membranas dentes maxillis adherere, idque tum laxè, ut ne quidem libere comedere possint afflicti, imò à linguæ motu in locutione tanquam fluctuantes sese moveant dentes. Dixi superius, eorum alveolos in masticando cibo ab attritione sola non aboleri, neque etiam puto eos semper pellicula ossea claudi, aut concidere, vel occæcari, verum in nonnullis senibus in totum aboleri & in

nihilum

nihilum redigi, quemadmodum arteriæ umbilicales, sæpius in lucem edito, sæpius in tenuem degenerant membranam, ac si nunquam arteriæ exstiterent; sic & mammae in senectute sæpenuero in totum exarescunt. Itaque si perquam tenues sint à natura facti alveoli, evulsis aut elapsis dentibus non habent unde repleant cavitatem, & propterea maxilla ita diminuuntur. Si vero aboleantur alveoli antequam dentes exciderint, nullam aliam agnosco causam, quam scorbuticam affectionem, & tartaream materiam dentes obsidentem; unde non solum gingivæ, verum etiam alveoli sensim sensimque consumuntur. *Frideric. Ruysch. Observat. Anatomic. Chirurgic. Centur.*

DEPILATIO.

Vid.

PILORVM DEFLUVIUM.

DERBIA

Vid.

IMPETIGO.

DESIPIENTIA

Vid.

DELIRIUM.

DIABETES.

Diabetes apud antiquos morbus adeo rarus fuit, ut multi celebres medici nullam ejus mentionem fecerint, & Galenus tantum binos ab eo laborantes noverit; in nostro autem seculo computationibus, & imprimis vini meracioris ingurgitationibus dedito, affectus hujus exempla, & instantiæ satis crebræ, ne dicam quotidiana occurrunt: verum ut ut familiaris, & quoad Typum satis sit notus; quæ tamen sint ejus causæ, & ratio formalis fere in totum nescitur. Super his philosophari seu potius conjectare ausim, imprimis morbi hujus descriptionem quoad omnia, aut præcipua ejus phænomena trademus; dein, cujus partis aut humoris vitio ea singula oriuntur, perquirere nitemur.

Diabetes à *Alag. Bahra* transeo dicitur materiæ potulentæ nimis celer transitus, item urinæ profluvium. Hoc affectu laborantes multo plus mingunt quam bibunt, aut alimenti liquidi assument; insuper sitim continuam, atque febrem lentam, & quasi hecticam semper adjunctas habent. Quod autem plerique Authores potum aut parum aut nihil immutatum reddi asserunt, à vero longissime distat: quoniam urina in omnibus (quos unquam me novisse contigit, & credo ita in universis habere) tum à potu ingesto, tum à quovis humore in corpore nostro gigni solito, plurimum differens, quasi melle aut saccharo imbuta, mire dulcescebat. Prædicti erroris occasio, (ut opinor) fuit urinæ color, qui semper crudus, aquosus, velut Pica, aut hydropes laborantium, apparet. Ut symptomatum horum rationes indagemus, primo inquiratur unde urinæ excretio tam copiosa, & celer est, dein ad reliquam affectus hujus æ-

tiologiam procedamus.

Quod nonnulli pro Diabetis causa, renum vim attractricem assignant, nobis minime arri-det: quippe sanguis ad renes non attrahitur, sed motu cordis pellitur. Porro nec serum è sanguine eos perlucens hauriri, aut emulgeri, sed partim percolatione, & partim fusione quadam sive præcipitatione (prout superius clare ostendimus) secerni videtur: quapropter Diabetem sanguinis potius & immediatius, quam renum affectionem esse, & originem suam inde sumere credimus, quatenus cruoris massa velut deliquescit, & in serositatem copiose nimis funditur: quod equidem ex urinæ quantitate ita in immensum aucta, quæ non nisi à sanguinis deliquio, & consumptione procedat, facile constat: Propterea item cruor residuus sero ejus ita ubertim abscedente multo crassior, & ad coagulandum aptior evadit; uti ex pulsu celeri, & laborioso arguere licebit: nam idcirco cor rapidius movetur, ut sanguinem, plus solito dum exagitat, à coagulatione præservet. Porro ut hujus fluiditas, ob nimiam ferrosi laticis impendia periclitari apta, continuari possit, materies potulenta siti immanti urgente copiosissime ingeritur, ac insuper humores solidis partibus impacti à sanguine resorbentur, quinimo ipsarum farcimenta in hujus reparationem deliquescunt, hinc ut morbo isto laborantes, plurimum sitiant, & brevi emarcescant.

Itaque, ut Diabetis causam conjunctam, & rationem formalem designare ausim, opinari ducor sanguinis crasin sive mitionem ita laxari, & quadantenus dissolvi, ut particula aquosa à crassioribus contineri nequeant, quin illæ harum amplexibus cito elapsæ, & salinis imbutæ, per vias renum maxime patentes excurrant. Interim vero ad sanguinem diluendum, & à coagulatione vindicandum, humores alii, tum ab extra, tum intus in eum corripuntur; atque præcordia magno usque molimine in motum rapidiorem urgentur.

Præterea tamen in causâ conjunctâ partem aliquam renes quandoque accedere putamus, utpote quorum fermentum ita nonnunquam vitari solet, ut sanguinem non salis lixivialis influxu in debita mixtione atque fluiditate continet, proinde ut serum mera percolatione ab eo separetur; sed interdum accidit à sale acido in renibus deposito cruorem, dum eos pertransit, velut à coagulo quodam in serositatem copiosam, quæ mox per ureteres amandatur, præcipitari. Hinc observare est, in ple-risque Nephritidi obnoxiiis paroxysmos ingruente urinam limpidam, & copiosam reddi. Cujus causa est, quod humor acidus per ductus nerveos illuc delatus, & dolorem (prout alibi ostendimus) excitant, imprimis sanguinem renibus illabentem fundit serique uberius ab eo decessum producit.

Cæterum non improbabile est *dispositio* copiosam, aliquatenus à renum mala conformatione procedere, in quantum scilicet horum tubuli lymphatici nimis ampli, & patentes, seorsum laticem nimis prompte excipiunt, & sine remora quavis celeriter transmittunt, propterea ut major ejus quantitas in urinam excurrat. Verum enim vero ut tubulos hos quandoque, & præ-

fertim

sertim in calculosis, nimis patere concedam; attamen proinde lotium cruentum potius, quam copiosum excerneretur. Et revera mictionem sanguineam à tali potissimum causa exoriri putamus. Porro cum urina copiosa, & cruenta simul existit, sanguinis dyscrasiam cum mala Renum conformatione concurrere censemus, prout in causa cujusdam ægrotantis notabili mox declarabitur.

Interea non est ut dubitemus, præcipuam & maxime crebram Diabetis causam, in sanguinis mitione dissoluta nimis, & laxa consistere, quin etiam pari ratione *δυσκρυσ* minutam, & debito pauciolem, sæpenumero à sanguinis compage nimis stricta, & velut obserata pendere. Porro hic opportunum erit inquirere an non totalis urinæ suppressio interdum à tali causa procedat? Quanquam enim satis vulgo notum est, Ischuria fortioris & pertinacis causam, sæpissime infra renes consistam, omnino à ductibus urinariis penitus obstrictis pendere, cumque egomet plures ab urina totaliter suppressa defunctos aperui, in omnibus reperi mortis causam invincibilem, ureteris unici paulo antea patentis (altero dudum occluso) à calculo recens impacto, obstructionem fuisse. Attamen Doctiss. Dr. Riverius duos refert Ægrotantium casus, in quibus Ischuria totalis & plurium dierum sola phlebotomia curabatur, & propterea morbi causam ascribit Venis Emulgentibus supra modum distentis, adeo, ut propter seri expulsionem se contrahere nequirent, quemadmodum observatur passim in vesica urinaria, quæ valde impleta non facile ad mictionem componitur. Verum enimvero, ut Historiis istis (uti par est) fidem præstemus, isti tamen Ætiologiæ assensus minime debetur. Quippe vasorum emulgentium non illud munus est, quod vir Clarissimus assignavit; non venæ enim, sed Arteriæ serum una cum sanguine, absque ullo urinæ plenitudinis aut rigiditatis periculo, constanter deferunt; cum autem serum in vias patentes non cito excurrat, ratio videtur esse, quod cruoris massa stricta nimis, & compacta, laticem aquosum; intime permixtam è sinu suo ægre dimittit.

Huc facit observatio Anatomica super cadavere Reverendissimi Episcopi Cestrentis nuper facta. Cum Illustrissimus ille Dominus, diu calculosus, demum à suppressione urinæ diuturna fatum obierat; mox præsumebant omnes lethi causam fuisse, ureteres à lapide aut materia sabulosa penitus obturatos; attamen disquisitione per Anatomiam accuratissimam adhibita, nulla omnino in ductibus istis obstructio, aut lotii impedimenta deprehendi poterant. Similem huic observationem anatomicam haud pridem à se factam retulit mihi vir Doctiss. D. D. Lover, ubi nimirum Ischuria lethalis, nulla prorsus circa vias urinarias sui vestigia reliquerat: Hinc ut conjicere obvium sit, siquidem renes insuper sarti tecti erant, morbi causam omnino in sanguinis concretione, & compactione nimia constituisse.

At vero à diverticulo hoc regressi, post Diabetis causam conjunctam, & rationem formalem explicatas, ad causas ejus procatacticas eruendas procedamus. Itaque si inquiretur, unde sanguinis compages ita laxa, & dissoluta, inque serositates deliquescere apta evadat; dici-

mus, hujus sicuti & lactis, fusionem ex eo procedere quod cum in massa ejus sales diversæ indolis conveniunt, & associantur, reliquæ particule salinis [quæ eas ab invicem sejungunt, & in mixtione continent] liberatæ statim in partes secedunt. Quod si amplius inquiretur, uadenam sales isti, quorum privata combinatione, sanguinis mitionem solvi, ejusque fusionem introduci supponimus, adveniunt; non est pro illis designandis ut longe disquiramus; etenim plane constat, massæ sanguineæ particulas salinonxas, & volatiles, naturaliter semper inesse, quibus si quando sal acidus, seu fluore potius, satis ubertim accedat, prædictam affectionem facile excitabit. Hinc est, quod vinum Rhenanum, Pomaceum, & liquores acidi epoti *δυσκρυσ* copiosiores provocant, propterea item in quibusdam valetudinariis, quorum sanguis sale acido abundat, medicamenta sale fixo aut volatili prædita urinam movere solent. Nec tantum ab aliuntis, sed ab humoribus intus productis, affectus iste passim evenit. Observare est plurimos pathematis spasmodicis obnoxios, ante, vel post paroxysmos, urinæ limpide copiam ingentem reddere; cujus certe causa est, quod sanguinis, & succi nervei recrementa, in partibus solidis aggesta, si quando in acorem degenera turgescant, & in sanguinem refluant, fusionem ejus, & proinde urinæ profluvium inducunt. Quapropter cum talis urinæ profusio constans, & habitualis existit, nihil verisimilius dici potest, quam, quod humores excrementitii, in partes solidas ablegati, indeque, postquam acorem illic contraxerint, in sanguinem reversi. hujus liquorem in serositatem nimiam fundunt, proindeque perennem adeo, & immensam excretionem cient.

In præcipuam vero hujus noxæ partem, succum nerveum merito referimus, quippe hunc, si quando à recta crasi deciscat, admodum malignum, aliisque tum humoribus, tum partibus solidis infestum evadere, alibi ostendimus; Quapropter ab eo depravato, etiam sanguinis mitione perverti maxime periclitatur. Ipsum vero succum nerveum depravari arguere licebit, quoniam in Diabete spiritus animales plurimum oblanguescunt, & nutritio statim omnis frustratur.

Porro quod sententiam hanc egregie confirmat, observavi in pluribus huic morbo per intervalla obnoxiiis, quod paulo antequam in urinæ profluvium inciderint, in toto corpore partium nervearum dolores vagos, & corrugationes, modo cum stupore, aut fornicationis sensu, modo cum crebris spasmodis, ac tendinum subsultibus, aliisque spirituum perturbationibus, & inquietudinibus paterentur: indicio sane manifesto liquorem fibras nerveas irrigantem, à crasi degenerem, & fæculentiis refertum, spiritus irritare, inque *ατάξια* cogere. Dein postea cum succi nervei recrementa, & superfluitates, fluore oborto in massam sanguineam exundantia, Diabetem inferrent, prædicta symptomata cessabant, succedente vero spirituum languore, & virium coincidentia.

Diabetes dicitur vulgo hydrops ad matulam, & nonnulli contendunt utrumque morbum revera eundem esse, easdemque causas & rationem formalem habere, & symptomata tantum quoad serosæ excretionis modum variari; nempe quod sanguis in utroque pariter affectu

feri incontinentis; & arteriis expuere coactus; in uno, ipsum in corporis habitum, & viscerum cavitates profundat: inque altero, idem in renibus affatim per ureteres amandandum deponat. Verum enim vero, si res accuratius perpendatur, inter hos morbos notabilis differentia occurret. Nam Anasarca plerumque originem suam inde primo desumit, quia sanguis imbecillis, & nimis frigidus, non satis accenditur, & effervescit, ut chylum continenter ad vectum coquat, & assimilet, adeoque volatilis, quo inter circulandum eum in sinu suo contineat; quin necesse habeat hunc una cum lacte seroso ubique locorum expuere, & juxta vasorum interstitia relinquere: dein postea morbo ingravescente sanguis non modo debilis cruditatibus, verum in crasi degener fluxionibus, & coagulationibus obnoxius fiat, proindeque humores serosos, & copiosius prodigat, ac in partes indebitas impetuosius suffundat. Verum est contra in Diabete cruor fatiscit, immo ut plurimum nimis effervescit & accenditur, ac chylum ad vectum celeriter & supra modum coquit: quinimo partes solidas colliquat, earumque liquamina absorbet, secum per vasa circumfert, & super quam satis est coquit; attamen cum ob salium concursus, sanguinis compages penitus dissolvitur, ac inferositates funditur, portiones, quæcunque abscedere possint, intra renes secretæ, per ureteres excurrunt. Si morbus Diabeti similis sed inversus (sc. in quo sanguis in serositates, exsolutus liquamina sua in totum corpus profuderit) usquam ullus occurrit, proculdubio erat febris olim epidemica (Sudor Anglicus) dicta; ubi sanguis in aquosiores deliquescentes humores omnes, tum utiles, tum inutiles, usque ad pabuli vitalis impendium, in poros corporis per sudorem amandandos profundebat.

Hæc de morbi Diabetis ratione formali, & causis, sc. Coniunctis, & Procatasticis; quod ad Evidentes spectat; propter quas nimirum occasiones, succi acidi, sanguinis fusionem sive coagulationem excitaturi; in corpore nostro gignuntur; hæc varii generis, ac originis existunt. Mala victus ratio, ac imprimis assiduus, & immoderatus pomacei, cervisie, aut vinorum acidorum potus; interdum mæror, & tristitia diuturna, item affectus convulsivi, aliæque spirituum animalium depressiones, ac inordinationes, diathesis hanc morbidam parere aut fovere solent. Novi quendam, vino Rhevano pro potu ordinario per 20. dies usum, Diabetem incurabilem contraxisse; ex qua, non obstantibus medicorum plurium insignium consiliis, & remediis quibuscunque intra mensem interibat. Memini duas mulieres, pathematis spasmodicis & hypochondriacis obnoxias, quibus subinde magna urinæ profluvia cum languore, & carniū intabescencia accidebant.

Explicata jam nunc morbi huius Theoria, adhuc restat symptomatum notabilium rationes exponere. Harum nonnullas ex præmissis satis constare arbitror, sc. quamobrem in Diabete urinæ excretio ita celer, & copiosa existit: quod autem laborantes febricitant, & valde sitiunt, ratio partim est, quoniam humores, & succi quibus tum sanguis, tum solidæ par-

tes & humectantur & refrigerantur, continuo per diuresin impendio plus nimis exhauriuntur; quare fauces arent, & præcordia insigniter extuant: & partim, quoniam urgente naturæ instinctu cor, & pulmones in motus rapidiores urgentur, ut sanguis, sero diluente privatus, & coagulatione sive concretione vindicari, ac in circulatione debita continuari possit.

Attamen explicatū magis arduum videtur, quare Ægotantium urinæ adeo mire dulcescunt, sive saporem mellitum referunt; cum potius est contra si juxta hypothesei nostram sanguinis fusio, & (quæ propterea succedit) urinæ profusio ob salium combinationes accidat, certe liquor his imprægnatus potius salis esset quam dulcis. Verum huic referre obvium est, dicendo imprimis urinam sapore salso privari, in quantum plures sales, qui diversæ sunt indolis, in ea combinantur. Nam hoc multiplici in chymicis experimento constat, quod cum sales, qui diversæ sunt indolis; uti fixus, aut volatilis, cum acido miscentur, utriusque acrimonia obtunditur, aut amittitur; quare quod urina Diabetis laborantium minime salia sit, non est quod miremur. Cur autem instar sacchari, aut mellis ea mire dulcescat, nodus vindice dignus est.

Hunc effectum ex eo quispiam oriri putaret, quod una cum sanguinis sero, per renes excurrente, tum liquor recens nutritius, tum solidarum partium liquamina amandarentur; quare non improbabile videtur dulcedinem istam ex succis hisce optimis lotio permixtis conciliari. Verum enim vero ex mixtione ista sapor tantum lenis ac instar lactis aut jusculi carniū blande demulcens, sed non mellitus, excitabitur: quinimo ad hunc, qui non solum gratus, sed quodammodo pungens est, spicula salina, tina ac mulcissima sulphurea (prout alibi ostendimus) concurrere debent. Quare prout saccharum, & mel merito ad concretiones salino-sulphureas referimus; ita suspicari fas sit, urinam in Diabete adeo dulcescere, eo quod salibus in seto combinatis particula quædam sulphureæ ex colliquatione solidarum partium delibata accrescunt.

Quoad prognosin hic morbus incipiens sæpe ac facile curatur, confirmatus autem raro admodum & difficillime; quatenus nempe sanguinis crasis paululum laxata, sine magno negotio reducitur; illa vero multum soluta ita, ut plurimæ partes aliæ ab aliis secedant, vix aut ne vix restitui potest.

Quod vero ad Therapiam spectat, difficillimum videtur in hoc morbo veras medendi intentiones designare; in quantum causa ejus ita profunde latet, altasque adeo & valde remotas origines ducit. Nam quod vulgo putatur Renes, aliasque partes solidas, serum, & sanguinem continentes aut transmittentes peccare, quatenus contenta sua propere nimis dimittunt; proindeque Astringentibus potissimum, ac fere tantum insistendum esse: dico huic tum hypothesei tum Praxi, & rationem, experientiam refragari: in quantum pauci, aut nulli hac methodo curantur: & summe improbabile (ut non dicam impossibile) est, *disperis* istam à tali causa procedere.

Itaque in hoc affectu, sicut in plerisque aliis tres erunt Primariæ Indicationes Therapeuticae,

Viz. Curatoria, Præservatoria, & Vitalis. Hæc Prima morbum respiciens & diuresin nimiam cohibere nitens, absque Secunda quæ in morbi causam colligans, sanguinis mixtionem, sive crasin debitam præservare, ac restituere conatur, peragi nequit. Quapropter circa morbi hujus Therapiam præcipuæ medendi intentiones erunt, Sanguinis fusionem ne fiat præcavere, atque ullatenus factam tollere. Primo sanguinis fusio inhibetur, dummodo partes ejus crassiores, & Aquosiores se invicem contineant & contineantur, neque aliæ ab aliis ita continuo & præpropere abscendant: quod quidem efficitur per Remedia Incrassantia vulgo dicta, quorum scilicet corpuscula viscosa admodum & glutinosa, in massam sanguineam admissa, particulis ejus activis pertinaciter coherent, adeoque eas ab invicem separant, & ne fluori- bus obortis mutuo inter se; aut cum salinis aliunde suffusis combinentur, impediunt. Propter hunc finem Oryza, Amylum, vegetabilia mucilaginosa, necnon Gummi, & resinosa quædam in hoc morbo juvare solent. Secundo ut Sanguinis fusio aliquatenus facta tollatur, ejusmodi remedia indicantur, quæ salium concretiones dissolvunt, ita, ut particulae quæque elementares insitæ, denuo sui juris factæ, situs priores recuperent, adeoque sanguinis crasin primævam redintegrent. Hujusmodi effectum in Lacte Coagulato, salis fixi, volatilis, aut nitrosi additione, necnon spiritus C. C. salis Armoniaci & similium infusione produci supra ostendimus. Cujus ratio (prout ibidem innuimus) procul dubio hæc est, ut dum particulae salinæ fixæ, volatiles, aut nitrosæ, in uberi satis copia lacti inditæ, particulis acidis sive præcipitatoriis occurrunt, cumque iis combinatur, reliquæ salinæ quæ prius ligabantur, jam liberatæ, perque liquoris massam diffusæ, sulphureas & terrestres inter se combinatas dissolvent, & quaquaversus dispergant, proinde ut particulae rursus omnes æquabiliter permixtæ, se mutuo contineant, & contineantur. Quantum hisce ἀνολογ. Sanguis propter stigmata saliva ipsi calenti affusa alteratur, per experimenta ibidem citata declaravimus. At vero pro curanda Diabete, medicamenta salina quoniam à plerisque fere semper Diuretica aestimantur, non facile, aut temere exhibemus; quamquam interea huic methodo, uti non ratio, ita nec dum experientia refragatur. Nam sæpius in hoc morbo tincturam Antimonii cum bono successu præscripsi, atque Aqua solutionis calci vivæ, cum rasura Sassafras seminibus Anisi, passulis, & liquiritia, juxta receptum vulgare à nonnullis eximie commendatur.

5. Indicatio Vitalis, per diætam incrassantem, & modice refrigerantem, perque cardiacam temperatam ac imprimis per Hypnotica idonea, & tempeſtiva perficitur, quorum species præcipuæ ac formulæ quædam selectæ, in capite sequente subjiciuntur, inque hujus calce coronidis loco cujusdam Nobilis ab hoc morbo, interea dum hæc primo meditarer, ac postea scriberem, Ægrotantis Historiam proponere visum est.

Comes quidam Insignissimus, tum natalium splendore, tum propter insignes Animi dotes

prænobilis, temperamenti sanguinei, vultus floridi, atque an ipso ætatis suæ vigore, incertum ob quas αἰσθησίν, ad diuresin nimiam proclivis evasit; cumque adeo per plures menses, urinæ profluvium subinde pati solitus esset, tandem in Diabeten (uti videbatur) confirmatam, ac pæne deploratam incidit. Præterquam enim quod nycthemeri spatio, urinæ limpidæ, mire dulcescentis, & quasi mellitæ fere lesquicongium excerneret, insuper siti immani, ac febre velut hectica, cum insigni spirituum languore, virium coincidentia, totius corporis intabescencia afficiebatur. Cum hoc tempore ad consulendum cum Medicis celeberrimis D. D. Michlethvuit & D. D. Witherly accerferer, remedia sequentia (quorum usu brevi convalescere visus erat) præscripta fuerant.

℞. Summitatum Arboris Cupressi M. viii. Albuminum ovorum conquassat. ℥ ij. Cinnamomi ℥ ss. minutim incisus affunde lactis recentis ℥ viii. destill. organis communibus, cavendo empyreuma. Capiat unciam vj. ter in die.

℞. Gum. Arabici, Tragacant. ana 3vj. sacchari pened. 3j. f. pulvis. Sumat. circa 3j. vel 3i ss. bis in die cum aqua destil. 3iij. vel 3iv.

℞. Rhabarb. pul. gran. ij. Cinnamomi gran. vj. f. pul. sumat mane, repetendo intra 6. vel 7. dies.

℞. Aq. Paralyseos 3iij. Cinnamomi hord. 3ij. syrupi de Mœconio 3ss. f. haustus sumend. omni vespere.

Diætâ fere tantum ex lacte, quod modo crudum, & vel aqua destillata vel aqua hordei dilutum, modo coctum cum pane albo, vel hordeo aliquoties in die sumebat. Horum usu cum in dies melius habuerit, intra mensem pæne sanatus videbatur: quando modice convalescere cœpit, urina insipida liquidi assumti quantitatem haud multum superabat, & deinceps nonnihil falsa, potulentis ingestis copia minor fuit; dein paulatim solito spirituum tenore & viribus pollens, ad pristinam Diætam redibat.

At vero Diathesis in hunc morbum haud ita penitus cessabat, quin postea crebra vice, propter inordinationes in victu, & forsan ob mutationes circa Anni tempora, in recidivam aptus, urinam primo copiosiore, & dein limpidam, & dulcescentem, cum siti & febricitatione, & spirituum languore reddebat. Eorundem vero medicamentorum usu, brevi rursus evadere solebat. Non ita pridem, post longius rectæ valetudinis intervallum, paulo antequam urinæ profluvium pati cœperat, magnas in nervoso genere enormitates. & deliquia passus est: viz. in cerebro torporem, & vertiginem, in membris subitos spasmos, tendinum subsultus, & quasi venti huc illuc repentis varios transcursus persensit. Deinde cum remediorum idoneorum usu, prædicta symptomata sanari videbantur, Diabete more solito (scilicet materia è fibris, & partibus solidis in sanguinem, & inde ad renes, & vias urinarias exundante) recrudescerebat.

Sub hoc tempore, prædicti Medici in consilium vocati methodo, ac remediis pæne iisdem ac

ac prius utendum præcipiunt; quorum usu cum intra paucos dies melius habere cœperat, Aquam calcis vivæ ter in die ad \mathfrak{z} v. vel vi. sumendam præscribere visum erat; quo remedio per quatrimum usus urinam in quantitate modica, bene tinctam; & nonnihil salsam reddebat, & quoad reliquâ fere sanus; uti olim fuerat videbatur. *Thom. Willis, Pharmacent. ration. part.*

*Curationes, Consultationes, Observationes
& Anatomica Inspectiones
ex variis.*

Curationes.

Diabetis specificum positum est in Marte; Essentia Croci Martis à Crollio descripta multum hic prodest: Felicitus operatur Tinctura Smaragdi, de qua in Dysenteria.

Cæterum Mars non tantum intrinsecus, sed etiam foris prodest (purgantia hic non commoda, neque diaphoretica) Itaque Balneum ex aqua ferrariorum præparatum & fomentatio ex aqua plantaginis cum aqua chalybeata decocta & regionibus renum ac vesicæ à singulis balneis quotidie bis vel ter adhibita profuvium urinæ Diabeticum multum juvat.

Dieta porro ex cibis siccantibus & semper cum aqua chalybeata coctis, unice laudatur.

Potus nè nimium ingeratur, providendum est: ad sitim tantum explendam sufficit aqua Chalybeata vel decoctum C.C. usti (vehementius, sic mirum calidè adstringit, nec sudores nisi fortè paucissimi erumpunt) aqua plantaginis, tamen nec sola, nec semper, sed cum aliis miscenda fuerit.

Tinctura Corallorum. It. Sal Corallorum mirabiles in Diabete habent potestates. *Joan. Harthm. in Pract. Chymiatr.*

Diabetis curatio consistit in calida renum, aliorumque viscerum intemperie corrigenda, eorumdem imbecillitate ac laxitate reparanda, humorum ad eos confluentium tenuitate incrassanda, & maligna qualitate oppugnanda. Quæ omnia sequentibus auxiliis præstari poterunt.

Venæsectio in principio morbi, viribus adhuc satis validis existentibus, revulsionis, & refrigerationis causa convenire potest, parva quantitate, & partis vicibus celebrata. Si tamen vires jam dejectæ fuerint, aut hic affectus alteri succedat, non erit locus huic remedio.

Evacuatio excrementorum per mollientes, & lenientes clysteres molienda est, in hunc modum compositos.

\mathfrak{z} . Fol. lactucæ, portulacæ, malvæ & plantag. an. M. j. hordei mundati & ros. rubr. ana P. j. Fiat decoctio ad \mathfrak{ss} j. sem. In colat. dissolve diaprun. simpl. drachm. vi. mellia rosac. & ol. omphacini, an. \mathfrak{z} ij. Fiat clyster, frequenter injiciendus.

Tum etiam purgatio blanda instituenda est cum medulla Cassiæ, & pulpa tamari Indorum; vel decocto plantag. portul. lactuc. tama-

ryiid. & myrobal. cum syrupo rosaceo.

Vomitus etiam à nonnullis commendatur ex decocto seminis raphani & ebuli, cum oxymelite, qui vacuat, & revellit à partibus urinaris.

Ad intemperiem autem dictarum partium corrigendam & humores incrassandos, conviunt julepi ex aquis, vel decoctis lactucæ, portulacæ, plantag. cum syrupo myrthino, cydon. & similibus, atque etiam de papavere in modica quantitate; addendo pulverem diatragacanthi frig. trochiscos terræ sigillatæ, & similia.

Vel ad magis astringendum in hunc modum componi poterunt.

\mathfrak{z} . Rad. consolid. major. & plantag. an. \mathfrak{z} j. fol. plantag. M. j. balauftior. & myrobal. citrin. an. drach. j. sem. plantaginis & portulacæ; an. \mathfrak{z} . sem. rosar. rubr. P. j. coquantur ad \mathfrak{ss} j. In colatura dissolve syrapi cydonior. \mathfrak{z} iij. Fiat julep. pro 3. dosibus.

In eundem finem pulvis, vel opiata confici poterit in hunc modum.

\mathfrak{z} . Sem. plantag. portulac. coryandri præp. & rosarum rubr. ana \mathfrak{z} j. coralli præp. boli armen. margaritarum præp. & radicis tormentillæ, an. \mathfrak{z} j. nucis moschatæ drach. sem. Misce, fiat pulvis.

\mathfrak{z} . Conservæ ros. antiquæ \mathfrak{z} iv. boli armen. coralli præpar. & cornu cervi usti, an. \mathfrak{z} j. cum miva cydonior. fiat opiata.

Erattus valde commendat syrupum, ex radice symphyti majoris, & prunis sylvestribus confectum, quem se summa cum felicitate in affectibus huic malo similibus usurpasse testatur.

Narcotica etiam, ut theriacæ recens, syrupus de papavere, & laudanum opiatum, prudenter usurpata, in hoc affectu plurimum prodesse poterunt.

Perseverante affectu lac ovillum, aut bubulum, aut asininum erit convenientissimum: modo prius serum absumatur, injectis frequenter filicibus candentibus. Eoque æger uti poterit manè, prout in aliis affectibus dictum est.

Sudorifica etiam ab authoribus commendantur, quibus serosus humor ad corporis superficiem evocatur. Ea tamen suspecta merito esse debent, quandoquidem summam cum diureticis cognationem habent, viscerumque intemperiem augent. Si tamen iis locus aliquis unquam esse videatur, ex temperatioribus, utpote rad. chinæ, aut salsaparillæ, cum foliis endiviæ, borrag. acetosæ, decoctum parari poterit, imò in consumptis fieri poterit ex decocto pulli, aut gallinæ junioris, ut simul re nutritioni corporis consulatur. At verò tutius esse censemus externis remediis sudores elicere, putà vapore decocti convenientis in ligneo instrumento (ut vulgo fieri solet) nudo corpore suscepto.

Prædictorum sudorificorum loco maxime conviunt diaphoretica, quæ simul malignam qualitatem oppugnare possunt: qualia in febribus malignis proposita sunt, ex quibus ol. vitrioli præcipuum est, quia ad sitim extinguendam, fluxum cohibendum, & malignitatem infringendam præstantissimum est.

Pro potu utatur æger aqua ferratâ, cum syrupis acidis & astringentibus; vel decocto prunorum sylvestrium & corticis interioris

quercus. Quo remedio fere solo se hunc morbum in puero curasse testatur Eraſtus.

Exterius vero admoveatur fots regioni lumborum, ex decocto rad. acetosæ, fol. plantag. cortic. granat. sem. sumach. & similibus, quibus aceti parum addatur. Vel quod utilius erit, paretur infusus ex eodem decocto.

Eademque pars inungatur unguento rosaceo, santalino & comitisæ simul mixtis vel sequenti linimento.

℞. Olei rosac. & myrtin. an. ʒj. santali rubri, rosar. rubr. & corall. rubr. an. ʒj. succi plantag. ʒj. ceræ, q. s. Fiat unguentum.

Denique symptomata hunc affectum comitantia, ut sitis, vigiliæ, consumptio, aliaque remediis in propriis capitibus descriptis mitigantur. *Lazarus River. Prax. Medic. lib. 14.*

In Diabete, ℞. Conserv. flor. consolidæ, Rosarum an. ʒj. Tinctur. sulph. vitrioli, solutionis corallor. an. ʒʒ. sangu. Draconis, Pulveris mastichis ana ʒj. Syrup. cydonior. q. s. Misce fiat Bolus. Dosis ʒj. manè & vesperi. Vel.

℞. Conserv. Rosar. ʒj. Hord. mundat. ʒʒ. coq. in aq. fol. quercus q. s. colatur. ʒ viii. adde lixivii calcis vivæ ʒj. Misc. Dosis cochleare bis in die, Seu.

℞. Tinctur. tartari, Corallior. ana ʒʒ. Martis ʒj. Misc. Dosis gut. xii. in Decocto hordei & rosar.

℞. Tinctur. tartari antimoniat. ʒj. Dosis gut. xii. manè & vesperi. *Hermann. Nicol. Grimm. compend. Medic. Chymic. lib. 3.*

In Diabete conveniunt tinctur. corall. tinct. sulphur. vitrioli, crocus mart. adstring. species diaplantag. Myns.

℞. Spec. diaplantag. Myns. ʒ iij. croci mart. adstring. ʒ i ʒ. M. dos. ʒʒ. vel ʒj.

℞. Tinct. mart. adstring. Croll. ʒʒ. dos. gut. 40.

℞. Tinct. corall. ʒ iij. Dos. gut. 20. vel 25. Profunt quoque balnea & unguenta ubi de incontinentia urinæ describenda. *Joan. Michael. Prax. Clyn. gener. part. 1. lib. 4.*

Diabetis cura præcipue consistit in tollendo ac resolvendo tartaro in renibus producto, qui siccitate & caliditate sua humidum potenter attrahit, quod potissimum obtinebis à spiritu sal. tart. rectificato & acido vitrioli, cum primis verò aquâ mercuriali, quæ sola omnes materias tartareas resolvere potens est. *Joan. Petrus Faber in Pathologia Animata super quo hæc est Christiani Langii animadversio.*

Media curandi quæ ab Autore hic proponuntur, potius renum impuritates, unde illi intemperiem contrahunt, abstergerendi vim habent, & saponaria existunt, quibus remotis renes ad pristinum vigorem redire possunt, & retentrix robur suum vel sponte recipit. Spiritum sal. tart. & aq. mercur. à virtutibus suis abundè jam cognovimus, quæ tamen non immediate, sed mediatè hoc beneficium præstant, non secus ac vomitoria frequentes vomitus sistunt. Quid verò per acidum vitrioli intelligat, ariolandum nobis erit, putamus igitur vel spir. vitrioli rectificat. vel tart. vitriol. vel spir. vitriol. etiam coagulatum hoc termino

Autorem innuere, quæ omnia contractas in renibus cruditates & vitia effectissime corrigere, atque horum substantiam corroborare, adeoque per accidens adstringere valent. Adstringentium usus utitur Autor, cum hic neglexerit, tunc quàm maximè subjiciendus, inter quæ præter jam nominata, tanquam nobiliora laudamus insuper terram vitriol. dulcem, essentiam mart. tinctur. corall. veram, & tinctur. sulph. vitriol. Illa enim quæ ex vitriolo & tart. facta sunt, potius aperiendi & abstergerendi vim habent, adeoque in Ischuria rectius commodiùsque assumentur.

Consultationes.

De Diabete in Puero Septenni, Lucensi, Ad Præclarissimum Virum Franciscum Mariam Florentinum.

Quancum nihil in Arte medica sit adeò reconditum, quod Viro Præclarissimo non pateat, cujus propterea doctrina, & experientia alieno non eget consilio; meam tamen sententiam in medium quoque proferam in casu hoc perdifficili Nobilissimi pueri septennis, urinæ profluvio novem abhinc mensibus laborantis, cum ut me consulentibus morem geram, tum ut optimè discussis à Viro doctissimo subscribam. Duo autem nobis incumbunt potissimum. Primum expendendum numquid hoc urinæ profluvium sit verus diabetes, necne; secundò, generosiora remedia illis, quæ hucusque ritè, & ex arte fuerunt in usum revocata, & administranda proponuntur, addemus.

Primum itaque quod spectat, licet multa pro vero diabete faciant, mictio scilicet copiosa, cujus ratione hydrops ad maturam nuncupatur, sitis immodica, cujus causa diabetes dicitur Græcis; non tamen propterea præsentem affectum verumdiabeten pronunciandum censeo, quinimò ab ipso differre non solum in essentia, verum etiam in causa morbifica. In essentia quidem, quoniam verus diabetes est copiosa potulentorum non mutatorum mictio, ex electione facta; quam propterea Galenus lienterix similem facit L. de Loc. Affect. cum hæc excretio in principio fuerit involuntaria, noctu saltem, atque potius urinæ incontinentia tunc nuncupanda. Accedit, quod hæc excretio non statim à potu succedit, sed sex, octo, decem, & duodecim horis ab illo, neque assumptorum non mutatorum, cum excreta urina enæorema aliquod habeat, sitque coloris subflavi, ut habemus ex historia. Adde, quod hic caret siti illa adeò immani, quæ in legitimo diabete se prodit; ut propterea differat in essentia, & annexis symptomatibus à vero diabete, ut & longo quoque intervallo in causa morbifica, & parte primò affecta. Verus namque diabetes est essentialis renum affectus, ipsis primario, & per se affectis intemperie calida modò cum materia, modo sine ipsa, succedens aliquando febribus ardentibus, vel malignis, vel immodico diureticorum usui, vel ipsorum phlogosi, & æstui; estque affectio adeo

adeo rara, ut profiteatur Galenus se duos tantum vidisse legitimo diabete laborantes. Hoc autem urinae profluvium non provenit ex vitio renum impense calefactorum: alioquin subortus esset potius æstas, & post morbos calidos, cum tamen cœperit cum urinae incontinentia, & diarrhœa serosa in puero septenni, temperamenti calidi & humidum. Autumno, cum sopore, Bulino, & frequenti vermium teretum albicantium excretionem. Ex quibus luce clarius patet, profluvium hoc non esse verum diabetem, sed potius affectum illum, quem Avicenna cum Arabibus vocat urinae multitudinem, ab inæquali viscerum intemperie, humida scilicet cerebri, unde sopor, frigida, & humida ventriculi, à qua Bulinos; & calida jecoris, sanguinem utcumque incrassante, unde major serositatis proventus. Quas ob causas adfuit etiam diarrhœa serosa, quæ certe à renum vitio fieri non potuit. Accessit quinetiam cutis constipatio, insensibilem prohibens distensionem, imò eam juvans, densando aëream substantiam per arterias attractam. Quæ omnes humiditates partim à renibus attractæ, ob aliquam ipsorum caliditatem, partim ab aliis partibus, & toto corpore ad illos transmissæ, tanquam partes imbecilliores, producunt hoc urinae profluvium, cum suppressione, & adstrictione ventris; juxta dictum Hippocratis, *Mictio noctu plurima paucam significat dejectionem*. Atque hic casus memoriam refricat similis à Cardano propositi 8. de Varietate, & ante ipsum à Marco Gatinaris, suis ad 9. Rhasis ad Almanforem, Comment. Capite de cura involuntarii exitus urinae. Referunt enim, puellam quandam annorum 18. Mediolani urinam tanta copia duos menses continuos minxisse, ut singulis diebus ad libras circiter triginta sex effunderetur, cum eibus, & potus non excederent septem libras: unde subducta ratione spatium duorum mensium excrevit præter cibi, & potus mensuram, libras 1740. quod excedebat longè ipsius puellæ pondus, licet tota in urinam fuisset soluta. Propterea addit Cardanus, quævisse Joannem Marlianum, tunc temporis primatem Virum hujus rei causam: cui responsum, aërem, in omnibus arteriis contentum, in substantiam aqueam facessere: qua excreta, alium jugiter similiter in aquam cogi, atque ita ejus fieri uberrimum proventus. Itaque me iudice, sunt præsentis affectus causæ, quem necessario sequitur macies, deficiente in venoso genere serositate, sanguinis vehiculo ad singulas partes nutriendas, hincque aliqua sitis, absumpta humiditate in ore ventriculi. Nec aliam ob causam credo invaluisse hanc affectionem sub hyemis adventum, quam ob majorem cujus constipationem, & humidorum halituum copiam.

Quæ si ita se habent sperandum quoque erit fore, ut Nobiliss. puer convalescat, non secus ac levibus remediis adolescentulam illam sanitati restitutam retulit Cardanus.

Quod ut fiat, divertenda est fluxio, & prohibendus tantæ serositatis proventus, iis quæ caput exsiccent, ventriculum calefaciant & exsiccent, absque insigni jecoris incalescentia, renesque substringant, & moderate refrigerent.

Prædictis intensioribus satisfaciendum censebam alvum subducentibus; puta usu prunorum Damascenorum, preparatorum cum manna; conservæ ex fl. perlicorum, & potissimum frequenti usu clysterum emollientium, & laxantium. Revocandæ quinetiam sunt serositates ad corporis habitum, blandis frictionibus primo pannis asperis, mox & manibus inunctis oleo chamæ. & amygdalino: quinimò & per sudorem excitatum, non ope balnei, ne internarum partium augeatur humiditas, sed appposito pane ex minutis tursuribus parato, recenti à furno: vel laconico sicco. Vomitus quoque aliquando statim à cibo cieatur unctuous, & pinguis præmissio copiosiore cibo. Exsiccentur caput frictionibus, & pulveribus exsiccantibus, capillis inspersis: roboretur ventriculus, absque calefactione jecoris, primo modico usu vini abstin. jejuno ventriculo, mox & decocto ex lentisco, cortice ligni guajaci, & santalis, cum carne vitulina, alterato absinthio, mentha, & betonica; in quo dissolvantur nuclei pinei & pistacia contusa. Roborentur & substringantur venæ emungentes succo granatorum & absinthii; abstinendo à cydoniis urinam cientibus; observ. tione Paschalis Meth. curandorum morborum cap. 50. qui refert historiam Sereniss. Regis Neapolitanorum Alfonso, diabete laborantis ex frequenti ipsorum usu. Quare horum loco latidat Rhasis loco supra citato drach. i. olibani, cum aqua absinthii. Ex usu sunt etiam trochisci de terra sigillata, cum semine acetosæ, & aqua menthæ. Aqua item ranarum & Astacorum, cum oxalide, & absinthio à Viro sapientissimo proposita, erunt accommodatissima; Lactis usum quam maxime commendamus, dummodo non sit serosum. Quæ fuit causa, quod eo Asinini usus diarrhœam induxerit, cum urina excreto ejusdem saporis odoris, & coloris, quo fuerat haustum. Propterea ovillum, ultimo loco præscriptum optimum erit, si præsertim leviter decoquatur, vel etiam vaccinum. Nec minus profuturum speramus decoctum ex radice symphyti majoris, antehac præscriptum; omissis omnibus diureticis, cum calorificis, tum refrigerantibus; & applicitis extrinsecus substringentibus regioni lumborum. In quem usum ad rem erit unguentum santalinum, infrigidans Galeni, cum mastich. vel paretur ceratum ex acacia, hypocistide, mastiche, thure, bolo armena, & resina.

Accurata verò victus ratio est instituenda alimentis incrassantibus, coctis carnibus cum limacibus, caudis astacorum, & carne testudinum, cum absinthio, vel mentha. Vinum sit mediocris substantiæ, & substringens, parca tamen manu: exercitium non sit validum: fugiatque omnes animi perturbationes, aërem frigidum, & ventosum, borealem. Sic enim spero fore, ut hoc tempore calido pristinae sanitati restituatur. Quod à Deo Optim. Max. enixè contendo. *Bened. Sylvat. Consil. & Respons. Medic. Cent. 3.*

*De Mictione Potulentorum non mutatorum.
Pro Nobili Virgine Lucensi.*

Rarus sanè est affectus propositus, nec à me antehac unquam observatus, quod scilicet Nobilis Virgo viginti quinque annorum circiter,

non semel, sed sæpius urinam minxerit, potui non abfimilem colore, odore, & forsitan sapore, si liceret eam delibare, absque ulla alia morbo-
sa affectione. In diabete namque legitimo mi-
ctio est quidem potus prorsus non mutari, ex
Galeno Sexto de Locis Affectis Tertio. In hac
vero affectione sitis urget inexhausta, mictio
adest copiosa, & corporis colliquatio, Verum
quod in corpore salubri id contingat, hoc ad-
mirationem aliquam parit. Ut propterea dum
de hoc affectu olim intellexisse, suspicari su-
bierit hanc esse urinam illam vineam ab Actua-
rio descriptam, & Christophoro à Vega in duo-
bus senibus observatam, rubicundam scilicet,
à sanguineis ichoribus sero permixtis. Verum
certior factus postremis hisce literis urinam in
Paciente nostra non semper rubram esse, qualis
est vinea, sed tunc tantum, quando vinum ru-
brum biberit; albam verò, quando album, &
omnino aqueam, quando vini loco aqua usa fue-
rit: in eam concessi sententiam, affectionem
hanc diabeticam quidem nuncupandam esse,
non quidem legitimam, & morbosam superius
propositam, de qua Galenus, sed ampla signi-
ficatione, qua pro potulentorum non permuta-
torum mictione usurpatur. Quanquam de no-
mine non admodum solliciti esse debeamus,
cum gravior occurrat difficultas in assignanda
hujus causa.

De qua brevibus meam sententiam aperiens,
statuo primo hanc omnino referendam non esse
in venam illam splenicam ad ventriculum per-
reptantem à Cabrollo Anatomico propositam,
atque ab aliis forte non neglectam; siquidem
sive fuerit vena illa, quam alii Anatomici vas
breve vocant, sive alius venarum ramus à Ca-
brollo inventus: non enim rarò occurrunt varii
rami cum in liene, tum in aliis partibus, qua-
rum alii meminere, mihi satis non constat quo-
modo assumpta permeent ad lienem, & ab ipso
ad vias urinæ, cum ex Anatome palam fiat ve-
nas lienis venæ portæ esse propagines, per quas
hic expurgatur, aut per alvum ex Galeno de-
cimotertio Methodi decimosexto, quæ ut faci-
lius longè transmitti possit materia à ventricu-
lo per venas meseraicas ad jecur veram sangui-
nis officinam, & ab ipso ad ramos venæ cavæ
emulgentes, ad renes, & vesicam. Quod si ali-
quando per urinam expurgatur lien, facta meta-
stasi à venis ad arterias lienis, & ab ipsis ad emul-
gentes arterias, & vesicam, hic tamen conflu-
xus fieri non potuisset sine aliqua assumptorum
mutatione. His accedit, quod si vas istud ab
ortu efformatum fuit in liene, cur quæso non an-
te hac se prodiderit hæc potulentorum mictio;
cum aliàs vitia à mala membrorum conforma-
tione, non per vices, sed continuò exerant, il-
lorum testimonio, in quibus potus felleus per-
reptat ad fundum ventriculi; qui propterea con-
tinuò bilem evomunt, nec cibos perfectè con-
coquant. Non ergo hæc fuerit causa hujus de-
pravati mictionis. Tria autem in casu nostro
concurrere posse mihi videntur; primò quidem
aliquam ventriculi imbecillitatem, cujus indicia
sunt dolores ante hanc evacuationem ipsam pa-
tientem divexantes: hinc enim fit quod assump-
ta justo tempore ventriculo non immorentur,
sed citius præterlabantur. Accedit secunda cau-
sa, & quidem potior, inanitio venarum superio-

rum, nec non & valida ipsarum attractio, atque
amplitudo. Hæc enim omnia conspirant maxi-
mè ad attrahenda assumpta non mutata. Quod
autem à laxioribus venis & facili cursu id con-
tingat, patet experientia Julii Alexandrini suis
in Galenum de Substantia Facultatuum natura-
lium Commentariis, ubi refert se observasse in
urinæ frustula radicum apii; A falsedine autem
& potu vini meracioris, ac frequenti usu fœnicu-
li, petroselini marini, vidit Lusitanus diabete-
m, in quo quicquid bibebat patiens, & ejusdem
quantitatis, meiebat, Secunda Centuria obser-
vat. Curatione nonagesimaquarta. Tertia causa
est imbecillitas retentricis, cum robore attra-
ctricis earundem, venarum, Quas ob causas dia-
bete legitimo laboravit Nob. ille Venetus, frater
Cardinalis quondam Pisani, qui febre correptus,
cum assumptis quibuscunque gelidissimis utere-
tur, vinum non solum, & aquam, sed & syru-
pos non alteratos minxit, teste Victore Trin-
canello Libro decimotertio de Ratione curan-
di humani corporis Affectus, curatione unde-
cima. Quam solam causam tanquam potissi-
mam & adequatam diabeticæ affectionis cen-
suit Galenus Sexto de Locis Affectis tertio,
conferens diabete cum lienteria cum sola tum
caninæ appetentiæ annexa. Quibus sic statu-
tis, non difficili negotio nobilis Virgo sub tem-
pus mensium, & fluentibus hæmorrhoidibus
urinas istas reddere potuit: cum ventriculum
habuerit imbecillum, quod patet ex dolore &
profluvio muliebri præteritis, venis amplis, at-
tractice valida, ratione vaporum acrium, & æ-
stuosorum à massa sanguinea expurganda eleva-
torum, ac expultrice cum impetu ad inferiora
præcipitante tandem renum debilitate, ratione
fluxionis pituitosæ, & melancholicæ materiæ
cum ad uterum, tum ad hæmorrhoidas, ad quas
est proclivis.

Verum quia hæc omnia in patiente hac re-
missiora sunt, nec multum naturæ limites ex-
cedentia, ideo neque diabetica passio est per-
fecta. A qua tamen metus est, nisi Viri Ex-
cellentissimi accommodatis remediis illi occur-
rerint. Hæret vero scrupulus, quod plures mu-
lieres prædictis affectionibus laboraverint: quæ
tamen neque tempore menstruæ purgationis,
neque extra illud hujusmodi urinas reddiderint.
An quod quilibet proprietatibus quibusdam in-
dividualibus donatus sit, quarum ratione affe-
ctioni alicui magis quam alii opportunus fiat?
Atque hæc proponenda habui, Virorum Excel-
lentissimorum mandatis potius, ut morem ge-
ram, quam quod per vires id mihi liceat,
cum nondum ex luxatione humeri convale-
rim, spe meliorum à Viris Excellentissimis.
Idem ibidem.

Nobilissimus Juvenis studiosus 25. annorum
agens, temperamenti secundum totum, ad ca-
lidum & humidum vergentis, hepatis tamen ca-
lidioris, cum renum incendio & laxitate, plu-
ribus abhinc annis frequenter ac copiosè min-
gens, post liberam victus rationem, in omni-
bus, sed potissimum in usu salitorum, & potu
vini generosi, viginti abhinc diebus incepit u-
rinam reddere consueto adhuc copiosiore, diu
noctumque, cum molestissima siti, in dies sem-
per adeo adaucta, ut illi in somno lingua aspe-
ra & arida fiat, & noctu quoque bibere cogatur,
potif-

potissimum vero interdum frequentissimè bibit & mingit, ut plurimum tamen aquam, quam celeriter ferè immutatam per urinam excernit, quibus, postremis diebus, accesserunt imminuta appetentia, æstus in præcordiis, & virium aliqua insueta imbecillitas. De agendis itaque pro salute consulit.

Effluxus celer potus ferè immutati, cum siti inextinguibili, nullo alio nomine quàm Diabetis appellari potest, qui affectus & Hydrops ad matulam, à copia urinæ, & Dysacus, & siti immani nonnunquam nuncupari solet. Hinc malè Aretæus illius causam in colliquationem retulit, cum tamen in veloci effluxu potus immutati sita sit, quem rarum affectum esse testatur Galenus ipse, qui toto vitæ curriculo bis tantum eundem legitimum vidit. Quoniam verò potus, vini potissimum, non omnino immutatus egeritur, dubitatur, num spurius ac illegitimus diabetes, an potius incipiens, & nondum perfectus dicendus sit. Nos autem potius non omnino legitimum hunc nuncupabimus, cum legitimi tum principium, tum augmentum, ne dicam & status nos lateat; etenim, tum renum, tum vasorum desiderium naturale tantummodo est, non animale, hoc est, nobis perceptibile, nisi tandem cum ad os ventriculi pervenerit, atque adeò in cæteris convenit hic affectus cum hienteria, & fame canina in hoc solum diversus, quod in canina fame principium ex eo patet, quod statim ac initio movetur facultas animalis, in diabete verò tantummodo in fine, eoque jam perfecto.

De causa verò non conveniunt Auctores, forsàn quia Gal. eam absolute non expressit. Sic à frigiditate fieri credidit Aræteus, à caliditate Paulus & Tral. à calidis & acris humoribus Aetius. Ex recentioribus, Fernellius aliud quid certè accedere existimavit. Trincavella intemperiem frigidam, Platerus colliquativam, Rudius jecoris calorem, & ventriculi imbecillitatem. Joh. Baptista Sylvaticus insignem calidam intemperiem, tum jecoris, tum Renum, & totius massæ sanguineæ, quæ postrema, licet verisimilior nobis videatur, potissimum in hoc Patiente, ex salitorum & vini generosi usu, necnon impensioribus studiis, vel contracta, vel saltem adaucta, non tamen immediatam, sicut minus cæterarum nullam admittimus, de qua quoniam Gal. anceps, vel saltem non adeò ad rem locutus fuit, cum renum imbecillitatem primo accusaverit, quam tamen necessariò præcedit attractricis robur, & vires immodicæ, ideò nos, cum Avicenna potius censemus primario lædi renum, postmodum vasorum & jecoris attractricem facultatem, ab intenso renum, jecoris & vasorum calore, tum attrahente, tum colliquantem (unde præcordiorum æstus & virium defectus) quæ vehemens continua attractio, ut renum propria actio, semper exhauriens per partem post partem, ad os ventriculi pertinens, inextinguibilem sitim excitat, atque fovet, famemque extinguit. Sitim autem Patiens copiosissimo & continuo potu explere cogitur, qui statim & affatim ad renes attractus necessario copia, & pondere, renum retentricis facultatis naturalem imbecillitatem adauget, & secundario lædit. Quibus omnibus si quis addat læsionem concoctricis, dicamus, potum non

concoqui, neque permutari, potius ob illius celerem effluxum, quam ob facultatis concoquentis imbecillitatem. Ex quibus patet, Renes esse partem primario affectam, ne quis falsò credat esse ventriculum, quia ibi sitis accendatur immodica, tunc enim potus in eodem diutius hæreret.

Affectus hic, sicut in ardente febre & colliquatione, insanabilis est, ita in cæteris difficilis, nisi statim ab initio curetur, namque processu temporis ad tabem, & ad colliquationem Patientes ducit, ex Avic. indeque ad interitum, ut eleganter notat Aretæus. Ideò statim illi succurrendum, torquetur enim Patiens ab indefinente & perenni siti, quæ Aretæi testimonio, omnium dolorum maximus est.

Quare primo totum, quod succis redundat, evacuandum. Secundò renes acris humoribus emundandi. Tertiò potus ad vomitum alvum, & sudorem convertendus. Quarto calor renum, jecoris & totius contemperandus. Et tandem eorundem renum laxitas roboranda.

Atque in Chirurgico fonte convenit, casu præsentis, sanguinis missio, quia morbus recens, quæ, eo inveterato, inspecta, ob virium defectum, quod si primus sanguis adustus appareat, repetenda parca ejusdem missio ex utraque basilica.

In Pharmaceutico fonte primò cieri potest vomitus, si Patiens ad eum proclivis fuerit, aqua hodei tepida, cum julap. acet. & ol. amygd. prima vice, morbi verò progressu, post copiosum frigidæ potum. Citato vomitu, evacuentur humores per alvum, ita

℞. Flor. Cass. rec. extr. ʒvii. pulpæ tamarind. ʒiij. m. f. b. & exacta hora bibat serum capr. aut asin. depur. ad ℥ij. atque tribus horis ab eo, prandeat. Vel potu.

℞. Syr. ros. solut. ʒvi. decoct. pulpæ tamarind. q. s. m. f. p. cui tribus post horis, superbibat serum. Instituat deinde præparatio, jure pulpæ alterato sonco, violis, plantag. portulaca, ros. myrto, & symphyto, cum succo depur. plantag. & intybi. Et quia hoc tempore virides herbæ desunt, substituamus hujusmodi præparans.

℞. Aq. plantag. portulacæ an. ℥ss. ros. ʒiij. succi mororum immatur, aut cydon. ʒij. m. pro syr. & sic pro aliis. Biliosi vero humores sunt deinde expurgandi.

℞. Flor. Cass. rec. extr. ʒvi. Rhab. immaturi ʒj. cortic. myrob. citrin. ʒj. pulp. tamarind. ʒij. m. f. b. à quibus bibat serum, ut supra.

Vel potu. ℞. Rhab. immaturi, cortic. myrob. citrin. an. ʒj. spicæ gr. iij. pulpæ tamarind. ʒij. seri q. s. m. f. inf. per horas 12. & facta forti express. colat. adde syr. ros. sol. ʒv. m. f. p. b. epoto ab ea sero, ut supra.

His peractis repetantur alterantia hujusmodi.

℞. Aquæ cucurbitæ, plantag. lactuc. an. ʒss. syr. de nenuph. de portul. de papav. an. ʒss. m. pro syrup. & sic pro aliis, decem aut duodecim diebus. Atque interim, nisi alvus bene respondeat, clysteres blandiores & humectantes convenient, quinimò si urina cum aliquo sensu caloris & ardoris procedat, ad abstergendos acres à renibus humores, assumat bolos hac formula.

℞. Flor. Cass. rec. extr. ʒss. crem. tart. ʒij. Rhab. immat. ʒj. m. f. bol. assumendi, in medio yruporum usu. Tandem repetatur præscriptum

medicamentum, aut bolo, aut potu, cum sero.

Hoc verò tempore, sudores proleſtari ſolent à quibuſdam in balneo tepentis aquæ, licet hoc tempore melius in lecto, cucurbitis aqua plenis id ſuccedat. Aliqui verò præbent decoctum pentaphylli, & chinæ. Verum conſultius ducō, ut aſſumpta ꝑj. cornu C. Philoſoph. præparati, bibat. copioſam gelidam aquam, & ſtatim in lecto calido cooperiatur, cucurbitis ad latera aqua calidiſſima repletis.

Quod ſi ſudor facile non procedat, & Patiens ab æſtu, tum ſtrati, tum cucurbitularum divexetur, ad incrāſſantia, conteimperantia & adſtringentia deveniendum, atque adeo in uſum revocetur lac coctum, de quo Zacutus aſſignat, ſe deploratos, ab aliis medicis derelictos ſanitati reſtituiſſe ſpatio unius menſis, potu lactis aſſinini chalybeati, & Philonio Romano, vel Perſico, per intervalla aſſumptis.

Tandem ad refrigerantia & adſtringentia, tum interna, tum externa progrediendum. Intriſecus parari poterit hoc elect. à Gal. præſcriptum.

℞. Pulv. pellicular. ventris gallinæ ꝑj. thuris, glandis, ſiccæ, balauſt. gallar. an. ꝑij. conſervæ roſ. antiquæ ꝑvi. m. & ad ignem ref. elect. cujus doſis ad ꝑf. à quo mox præbet aquam frigidam, nos verò aquam foliorum quercus. Ego verò hoc uſus ſum.

℞. Conſervæ roſ. antiquæ ꝑvi. pulv. veſicæ vitulinæ exſiccatae ꝑf. Pulv. ſanguinariæ ꝑij. Croci Mart. conſtrict. ꝑj. ſucci cydon. q. ſ. m. ad ignem ref. elect. cujus doſis ad ꝑij. mane & vesp̄ri, hora una ante cibum. Vel.

℞. Diarragacanthi frigidi cum bolo ꝑij. comedat, bibat verò quod ſequitur.

℞. Aquar. plantag. fol. quercus an. ꝑf. tincturæ corall. gutt. v. m. & aſſumatur quotidie matutinis horis.

Cæteris autem non juvantibus, ad narcotica quoque devenire licet, tum interna, tum externa. Interna erunt. Philon. Perſic. & Rom. recens, Theriacarecens, Emulſ. ſem. pap. extracta cum aqua lactucæ. Externa, mandragoræ ſuccus & folia, & ſuccus papav. Sic à Chymicis habemus eſſentiam croci Martis, à Crollio deſcriptam. Tinctura quoque ſmaragdina optima eſt, ſic & tinctura corallorum, & ſal eorundem.

A proprietate verò juvare dicitur, aqua ranar. & aſtacorum cum oxalide & plantagine deſtillata. Extriſecus illinantur renes hoc linim.

℞. Ung. roſ. Meſ. infrig. Gal. ſantalini, popul. an. ꝑj. ol. de papav. ꝑf. m. ref. Vel.

℞. Ol. ſem. juſquiami, roſ. omphac. nenuph. an. ꝑf. pulv. balauſt. acaciæ, bol. arm. an. ꝑj. opii gr. v. ceræ par. m. ref. ſimin. pro renibus.

Victus rationem quod ſpectat, cibi ſint boni ſucci, non mordaces, acrimoniam potius obtundentes, refrigerantes & adſtringentes, nec qui adeo facile conſiciantur. Sic conveniunt ova ſorbilia, lactaria, potiſſimum caſeus recens, carnes porcinae benè coctæ, & extrema animalium. Offæ condiantur amylo, diacodio, emulſ. ſem. pap. & amygd. dulc. Convenit ptifana, lactuca, intybus, portulaca, oxalis. Inter piſces, ſaxatiles. Inter fructus, poma, pyra, mēpila, cydonia tamen ſuſpecta. Potus ſit aqua Chalybeata, cum pomis decocta, vel cum ſucco

aurantiorum, aut granatorum. Atque deficientibus viribus, vinum adſtringens Chalybeatum. Declinante autem affectione, parcè bibat, & omnia ſemper Chalybeata. Exercitium interdicit Rhafis, & ſomnum commendat. Venus diabeticis inimica. Alvum lubricam ſervet Clyſteribus refrigerantibus & humectantibus, atque conſtanti animo vivat, puſillanimes enim, ex Aretæo, Diabetici. Raym. Joh. Forſis Conſult. & Reſponſ. Medic. Tom. 1. Cent. 3.

Diabetica affectio cum Meſenterii obſtructionibus & Gallici ſuſpitione.

A variis in omnibus ſex rebus nonnaturalibus commiſſis erroribus, in uſu Veneris, à qua etiam Gallicas Gonorrhœas contraxerat Juvenis Illuſtriſſ. calidi & ſicci temperamenti, elapſi jam Decembris initio moleſtari cœpit ardenti ſiti quovis potu inextinguibili, nimia appetentia, vigiliis, urinarum profluvio, colore, ſubſtantia, que aquæ ſimilium. Morbo neglecto, conſuetum ſervavit regimen uſque ad Januarii finem, quo ingreſſentibus malis auxilium medicum petiit. Præter ſitim, nimiam appetentiam, vigilias, urinas albas & copioſas, ſemper ab initio continuatas & adauctas, adnotavi in Nob. Pat. febrem lentam continuam, ipſi ignotam, durities in hypochondriis, ad medium abdomen extenſas, cum aliquali totius macie. Pro remediis Medici Excellent. advocati ſunt, ſtabilitumque per ipſos, affectionem Nob. Pat. eſſe paſſionem Diabeticam, ſeu incipientem Diabetem, ſed diſſidium erat in cauſa & Curatione. Quidam exiccantibus & aſtringentibus, ad abſumendum ſaltem circa viſcera ſtabulantem, ſitis cauſam, & ſupprimendas urinas, utendum decreverunt. Alii incumbendum eſſe aperientibus, incidentibus, evacuantibus, pro minorandis & tollendis m. teriebus ex hypochondriis, atque extinguentibus viſcerum calorem, ſitis vehementis cauſam ex Gal. 1. de Sympt. cau. & 1. de ſimpl. Medic. facult. ex Aëtio Tetrab. 4. cap. 119. ex Paulo Aegineta lib. 2. cap. 51. crediderunt. Hinc ad luis Gallicæ reliquias, tanquam minus urgentis, tranſeundum; Gonorrhœas enim quoties contractas, toties curatas, ceſſaſſe refert Illuſtriſſimus. Huic poſtremæ ſententiæ ego quoque adſcribens, manum medicamenti impoſui. Per octiduum remediorum vi febris quievit, ſitis multum diminuta eſt, urinae tamen ſimiles fluebant: nec enim Nob. Pat. à largo potu poterat ſe continere. Verumenimvero cum Pharmacæ lenientia (uno primo excepto, quod bene movit alvum) tam in bolo, quam in potione proſus non evacuarent, ſed anxietatem, inquietudinem, ad lipothymiam uſque perducerent, Nob. Patiens à Cura ſe revocavit, iterumque conſuetæ vivendi licentiæ ſe tradidit, quam adhuc proſequitur. Duobus abhinc menſibus Tarviſii quædam remedia & Balneum aquæ dulcis cum juvamento adhibuit. Sed cujuſdam Spagirici promiſſis allectus, Extracta quædam ſumpſit, & bis pulverem Algaroti, ex quibus deterius habuit. Ecce nunc Pat. Illuſtr. morbo & ſymptomatis vexatus, Patavium ad Sapientiæ fontes, ſanitatem ſitiens, accurrit. Veſtra, Patres Doctiſſimi, Sacroſancta conſultat Collegia, è quibus, ut ſalutem expectat, ita mandatis polli-

pollicetur obedientiam. Meam hanc brevem præteritorum Epitomen, partim autopfia, partim relatione compositam expollulavit, ut una secum vestris repræsentet judiciis. Lubenter exaravi, & tanquam ad sacrum Apollinis Tripodem responsa fida laturum, Virum Nob. stimulavi, quo cum servitutis meæ obsequia magnæ vestræ transmittō Virtuti, meque devote consecro.

Ex morbis & symptomatibus multis abhinc mensibus Nob. Adolescentem divexantibus, alia manifesta atque certa inveni, alia non adeo. Manifesta sunt, Diabetica affectio, & mesenterii atque lactearum obstructions; non adeo manifesta & certa, sunt Gallica lues & febricula: certiora, ut urgentiora, Curationem exigunt: non adeo certa, considerationem & observationem expostulant. Et primo certam Diabeticam affectionem nobis repræsentat urinæ crudæ & aquosæ profluvium, cum inextinguibili siti & totius corporis macie. Obstructions verò tactus ipse discernit, quæ in mesenterio percipiuntur, & in pancreate, ut profundæ sub ventriculo conjiciuntur. Diabeticæ affectionis causa immediata est vehemens vasorum attractio, in jecore ut venarum radice incipiens, ab intensissimo calore, tum naturali, tum acquisito contracta, & eo mediante, renibus, & usque ad ventriculum, cæterisque corporis partibus communicata: dum uno, eodemque tempore, ab eodem calore liquatis non solum alimentis, sed humoribus quoque, imò tandem solidis corporis partibus, totius macies secuta fuit, & ad horum colliquationem serosæ humiditates multiplicatæ fuerunt & multiplicantur, quæ partim attractæ, partim ab irritata expultrice ab earum copia ad renes transmissæ, cedente tandem tanto ponderi retentrice facultate, urinæ profluvium, Diabetem, sive Hydropem matulæ excitarunt: eoque facilius, cum juges quotidianæ cruditates à debilitato ventriculo producantur, quæ à calore liquatæ, facile in serositates convertuntur. Huic autem suctioni, sive attractioni à jecore & renibus incipienti, & ad ventriculum pervenienti, humiditatis exinanitio, imò & siccitas necessario succedit, unde sitis: cui quoniam sine modo & mensura copioso nimirum aquæ gelidæ potu, satisfactum fuit: ideo ventriculi nativus calor labefactatus, ob-
rutus, & etiam positive valde imminutus fuit: ut propterea cruditatum, & subinde obstructionum auctor fuerit: & eo magis, cum uberius & liberalius comedat Nob. Patiens: proprium enim ventriculi frigidum est, plurimum appetere, & parum concoquere.

De lue Gallica dubitatur: quamvis enim bis Gonorrhœam à muliere contraxerit, Gallica lues frequenter ad hepar non pervenit, sed in vasis spermaticis firmatur, & sine humorum infectione solvitur; dubium, sive potius spem ipsam auget, quia nullum symptoma Gallicum suppressæ Gonorrhœæ comparuit; verum si quoque adesset, neque urget, neque status corporis in præsens ejus Curationem admitteret, sine perditione Patientis; & ita, ut dicebat Gal. adversus quosdam incautos Medicos, Morbus quidem curatus esset, sed Æger mortuus. Febriculam verò, si adsit, ab hypochondriorum obstructionibus & cruditatibus pen-

dere posse arbitror: quia evacuationibus, Lenientibus & Præparantibus procuratis, jam cessaverat, & multis diebus sine febre Nob. Pat. fuit observatus.

Jam dictis ita se habentibus, mirandum non est, si in hoc ancipiti & pleno periculi statu ad Tabem tendente, ambigant Viri Excellent. in ejus Curatione proponenda: siquidem qui à Gallica virulentia calorem in visceribus intensiorem fuisse redditum putant, Gallicam lues tanquam causam primam, extirpandam esse necessarium judicant: præsertim cum & febriculam: Gallicam esse existiment: cui intentioni non nisi exiccantibus medicamentis satisfieri potest. Qui vero febriculam hypochondriacam esse, & progressu habitualement, & hecticam evadere posse arbitrati fuerunt, obstructions primò referendas esse volunt, utpote nutritioni incommodas; Qui tandem omnium maxime affectionem Diabeticam, tanquam urgentiorem magni faciunt, colliquanti calori & universæ maciei incumbendum esse intendunt: cum Aretæus dicat, quod *Diuturna est hujus morbi creatio, brevis autem hominis vita, in quo affectus perfectus fuerit, velox namque colliquatio, & festina mors advenit.*

Ego idcirco, præmissa primarum viarum expiatione, levioribus aperientibus mesentericas obstructions esse aperiendas, mox totam Curationem adversus Diabeticam affectionem dirigendam esse refrigerantibus, substantifice humectantibus, & nonnihil, sed parum roborantibus, sentio; perperam enim faciunt Medici illi, qui ad roborantia, imò ad astringentia properant: cum tamen quousque humiditates in corpore à colliquatione multiplicantur, evacuari, non detineri debeant, quamvis à renibus ad alvum non inutiliter diverti possint: sed caute & sine purgantibus medicamentis, quæ calefaciendi & maxime exiccandi facultatem obtinent; neque in calidis & siccis temperamentis, à corporibus emaciatis quicquam educunt, agreque tolerantur, ut docuit ipsa experientia, cum gravissimo Nob. Pat. detrimento.

Itaque omnium primò præbeatur flos cassiæ cum crem. tartari, cui post horam superbibat feri asin. depur. ℥ij. & duabus horis ab assumpto sero prandeat. Sequenti die assumat Julapium acet. ad ℥iij. aqua stillat. agrim. & aceto paratum, cum macerat. radic. cich. petrosel. & graminis: jam dicto vero Julapio superbibat jus pullæ aut vituli, cichorio & endiu. alteratum. Tercio die assumat rhabarb. ad semi-drachm. drachmis duabus floris cassiæ immixtum: cui post horam superbibat jus, ut supra, cich. & endiu. alteratum. Quarta die repetat Julapium, quinta rhabarbarum, ita alternatim perseverando ad duodecimum usque diem: tuncque repetendum erit primum medicamentum, ex flore cassiæ & crem. tart. paratum cum sero, ut supra.

Pro secunda & tertia intentione explenda, nil lacte præstantius excogitari potest, quod primis xv. aut xx. diebus asinum de more cum saccharo statim multum summo mane præbeatur; viginti vero sequentibus aliis diebus caprinum; atque tandem vaccinum, cujus serum Medicinæ Principes silice excandefacta absorbere solent. Quo tempore pro Balneo incongruo existente substituantur toti & renibus in-

unctio.

unctiones, necnon Epithemata jecori. Pro toto sufficiens erit oleum amygdal. rec. sine igne extractum copiose affusum. Pro renibus paretur linimentum ex ung. ros. Mes. infrig. Gal. & populeo; quibus, progressu, addatur quoque ol. hyoscyami atque Saturni. Pro hepate paretur Epithema ex succo cich. aceto ros. & speciebus trium santalorum.

Dum lac asininum atque caprinum summo mane assumet Nob. Pat. præbeatur vesperi, duabus horis ante coenam, & octo ab assumpto prandio cyathus aquarum stillat. sempervivi, endiviæ & anguriæ, quibus immisceatur syrupi papav. alb. ʒj. Tempore vero vaccini lactis, eadem hora vespertina offeratur cyathus aqu. stillat. plantag. sempervivi & polygoni, addita tinctura coral. chym. & quandoque essentia Martis. Toto autem tempore usus cujuscunque lactis, bis in hebdomada cassia cum pulpa tamarind. ad an. ʒ iij. sub prandio erit præbenda, & quandoque ventriculo robur aliquod addendum parum ante prandium, præscribendo duo aut tria grana mastiches integra devoranda: aut pilula ex ʒj. succo absinth. condensati.

Quibus omnibus congrua vivendi ratio erit addenda, ita ut alimenta sint boni, sed crassioris succi, refrigerantia potius, quam calefacientia: astringentia potius, quam aperientia, nec ullo modo diuretica. Sic inter carnes Gallinæ, Capri, caro Vituli, imò & extremitates ejusdem: quandoque etiam caro suilla elixa, optimè decocta: hæc namque non ita facile à calore colliquantur, nec in serositates convertuntur; elixentur autem semper in aqua chalybeata, & sine sale. Inter pisces, conceduntur saxatiles non solum, verum etiam quandoque glutinosi, ut Tinca & Anguilla. Conceduntur lactaria, & quandoque etiam caseus recens sine sale. Inter legumina, hordeum, alica, oriza. Conceduntur quoque edulia ex pasta delicatiori parata, & præsertim vermiculi Apulenses. Ex oleribus, cichorium, endivia, lactuca. Ex fructibus, pyra, poma, mala cotonea, mespila & castaneæ. Prohibentur condimenta aromatum, exiguo cinnamomo & pipere ruditer contuso exceptis. Prohibentur pariter condimenta allii, caparum, limonum, citri: probantur autem arantiorum, granatorum & agrestæ. Potus sit vinum, potius crassæ substantiæ, multa aqua chalybeata, aut aurata dilutum: quod santalo rubro & exiguo lentisco in doliolo medicatum non inutiliter reddi poterit. Sed quoniam copiosior potus iis qui multum mingunt, non est denegandus: idcirco non semper vino, sed quandoque aqua præsertim extra mensam, erit utendum, quæ una cum pomis decoquatur, ut placuit Aëtio, aut eorundem succus immisceatur: sicut quandoque succus granatorum: & semper chalybeata, aut aurata; Quantitas autem ab Excell. Adstanti præscribatur, habita copiosæ urinæ ratione. Somnus sit diuturnus. A Venere prorsus absteineat; parum corpus exerceat, & alacri animo vivat. Quæ omnia Nob. Adolescenti à Deo salutaria præcor. *Idem Tom. 2. Cent. 3.*

Vir Illustriss. hic Romæ degens, annum supra quadragesimum agens, temperamenti sanguinei subbiliosi, proceræ staturæ, mediocris habitus, cum rubra facie flavisque capillis, post validos corporis motus & vehementes animi pertur-

bationes, in varias corporis affectiones incidit. Decem abhinc annis sitim immodicam pati cœpit, cui potibus satisfacere coactus fuit. Interim sanguinis in toto accensionem frequenter percepit, cum maculis per universum corpus rubris: necnon cum ejusdem sanguinis ex gingivis eruptione, quæ omnia phlebotomia & refrigerantibus medicamentis evanescebant: perseverante tamen semper bibendi desiderio, & magis hyeme, flante Borea, quod nunquam cessit, nec potibus Nocerianis, nec Balneo aquæ dulcis: imò duobus abhinc annis post Erysipelatis eruptionem in facie, sitis intensior facta fuit. Et quamvis cibum appetat, satis comedat, commode dormiat, nihilominus cum lassitudine totius & renum gracilior semper redditus est, dum & potulenta, & solida assumpta à ventriculo statim attrahi se percipere asserit; semper autem urinæ crudæ & aquosæ quantitas quantitatem potus superavit. Tandem anno elapso Patiens Illustr. Medico rursus seipsum commisit, & congrua instituta vivendi ratione alimentis refrigerantibus & incrassantibus purgatus fuit, serositates biliosas evacuando, non sine parca sanguinis missione. Jura carniū herbis refrigerantibus & incrassantibus alterata, mox lac vaccinum exhibitum, necnon fercula eodem lacte parata in usum ducta fuerunt. Quibus symptomata remissa visa sunt: namque & sitis minus infestabat, & urinæ crassiores, atque cum nubecula apparebant, nec adeo copiosæ. Verum quoniam hujusmodi declinationi fidendum non esse censuimus, idcirco ad usum lactis cocti & chalybeati, & ad medicamenta astringentia, roborantia & divertentia devenimus, additis infessionibus, necnon illitionibus refrigerantibus & roborantibus. Sed quia à lactis usu ventriculum sibi gravatum observavit Pat. Illustr. ideo illud omisimus, ferculis ex lacte paratis contenti: mane verò jura herbis refrigerantibus alterata, additis succis, instituta fuerunt. Hæc à nobis administrata, Archiattrorum censura subjicimus, quorum Oracula expectamus.

Falso nonnulli Diabetis causam in renum imbecillitatem retulerunt, cum omnium primò in eorundem attractricis facultatis robur, secundò in colliquationem, atque tandem in retentricis imbecillitatem sit referenda; ut propterea Viro Illustr. ac Reverend. calida intemperie jecoris, cordis, vasorum omnium & renum à natura prædito, diabetica facile decem abhinc annis inceperit affectio, cum & ætatis ratione, & ob errores, præsertim in animi motibus & ad gravissima negotia applicationibus commissos, calor in toto fuerit magnopere adauctus, ut significarunt Erysipelas in facie, pustulæ, seu maculæ rubræ in toto erumpentes, sanguinis è gingivis effusiones; quæ omnia symptomata augmentum suscipiebant hyberno tempore, flante Borea, dum per Antiperistasin internus calor intensior reddebatur, qui calor quotidie semper incrementum suscepit, & adeo increvit, ut in renibus robustiorem attractricem reddiderit, & in visceribus atque vasis omnibus humorum colliquationem adauxerit, sicque serositates redundantes, in universo genitas, ad sese renes per partem post partem violenter attraxerint; quantitati verò retentrice

trice facultate cedere coacta, copiosa mictio præter naturam, Diabetes dicta, tandem necessario succedit, quæ legitima non est, quoniam superiorum partium retentrix facultas in suo vigore servata est. Ad hoc enim ut potus prorsus impermutatus mingatur, tres causas supradictas simul uniri necessarium existimo, renum attractricis facultatis robur, retentricis omnium partium imbecillitatem, & jecoris, cordis atque vasorum exuberantem calorem colliquantem; quibus præsentibus, facultati concoctrici tempus non datur, ut proprio munere fungi possit; & idcirco concoctricis imbecillitas non per se, ut aliqui asseruerunt, sed tantum per accidens, ad hunc affectum producendum concurrat.

Hujus affectus sævitiam compescere, ac prorsus evincere non potuerunt medicamenta & alimenta, rite & recte postremo administrata, quoniam ægre Curationem admittit, nisi statim ab initio præstita fuerint, cum tamen principium non adeo facile innotescat, quia facultates læsæ, naturales sunt, non autem animales, ut in fame canina contingit. Et præterea cum decem annorum spatio opportuna Curatione neglecta fuerit, certam salutis spem nobis adimit.

Idcirco ad aliud transeundum non est, sed intentionibus à Doctissimo Viro propositis, satisfieri curandum, refrigerando & incrassando: ita enim robur attractricis facultatis remitti poterit; nec de retentricis imbecillitate magna cura est habenda. In hunc finem plura medicamenta & alimenta administrata fuisse audio; inter quæ principem locum tenet lactis usus, ut quod humores incrassare, immodicum calorem remittere, robur attractricis facultatis laxare, & totum corpus nutrire valeat, ita ut nullum medicamentum, aut alimentum præstantius pro casu nostro administrari possit. Et quamvis plerique Medicorum, etiam antiquorum, ut Aëtius & Hippoc. lac coctum, sive silice excaudfactum, præbendum proponant ad majorem humorum incrassationem, attamen ego cocturam non admitto, nisi asinini & caprini: at quando vaccinum adest præbendum, coctura opus non habet, ut per corpus distribui, & ejus facultas ad renes pervenire possit: coctum enim facile in ventre coagulatur, & difficilius per corpus digeritur. Quoties igitur à Viro Illustr. tolerari possit, adeo ut à calore non corrumpatur, lac vaccinum nuper mulctum cum modico saccharo erit offerendum. Et quia audio ob hanc causam in præsens omissum fuisse, ideo prudentissime se gessit Excellent. Adstant, præbendo jura refrigerantibus alterata: quibus per aliquot dies exhibitis, rursus lactis usus erit tentandus. Interim vesperi in prima mensa nonnunquam syrupus de papav. alb. ad ʒj. in jure lactuca alterato poterit exhiberi: sicuti summo mane in juscule refrigerante infund i poterit syrupus coral. Quercet. à Viro Excellent. propositus. Mirabilis quoque solet esse tinctura Martis, & frequenter tinctura Smaragdina, in jure portulacæ & plantagine alterato. Extrinsecus vero aliquod obstupesciens linimentis addendum, ut vis attrahendi torpescat; quare unguento Comitissæ populeum substitui poterit.

Alimenta pariter incrassantia & refrigerantia

conveniunt, ex lacte & pasta parata: oriza cum lacte: ptisana cum emulsione amygdalarum dulcium: capita & pedes Vituli: gelatina ex pedibus cum succo agrestæ parata: Vinum verò rubrum, & potius subdulce, ut facultatis attractricis robur laxetur. Alvus medicamento à Præstantiss. Viro proposito ex Cassia & Tamarindis sollicitetur; Clysteribus quoque ex lacte & butyro paratis. Motus autem tum animi, tum corporis, quam fieri potest, arceantur, & alacri ac confidenti animo vivat. Quæ scripsisse volui, ut Illustr. Viro imperanti morem geram, non autem ut Sapientissimo Adstanti quid novi suggererem. *Idem ibidem.*

Fœmina, sexaginta annos nata, temperamento biliosa, calidis alimentis frequenter uti solita, jam ab aliquot diebus urinam magna copia ita excernit, ut omnem potum ingestum protinus per urinas emittat, eumque crudum, ac à natura vix concoctum. Adest magna sitis, item calor, dolor & punctio circa lumbos, corporisque totius macilentia.

Afficiuntur in hac ægra renes; quod ex copiosa illa urinæ excretionem, item ex calore, dolore, & punctione circa lumbos percepta, est manifestum. Afficitur item cor, quod ex magno illo calore; nec non totum corpus, quod ex totius corporis macilentia patet.

Morbis, quo ægra affligitur, est intemperies renum calida & nimis rara & laxa, quæ serum sanguinis, nimis copiose separatum, per poros eorum nimis apertos perpetuo magnâ copiâ transmittens, urinæque evacuationem nimis copiosam efficiens, *Diabetes* appellatur.

Causa præcædente hujus morbi est diutinus ille calidorum alimentorum usus: unde multi humores calidi & acres ac ferosi, in corpore geniti, antecedentem huic morbo præbuerunt causam. Illi verò in corde existentes & deinde ad renes delati, ibique intemperiem eorum calidam & nimis raram inducentes, continens hujus morbi & symptomatum sunt causa.

Hinc enim cor nimis incaluit, & pori renum nimis sunt aperti, sanguinisque partes crassiores arctius vi caloris unitæ, ac serosa à reliquo sanguine nimium separata, & aciores factæ, jam à fervido corde vehementius in omnes corporis partes, ac proinde in renum poros nimis hic raros & laxos, perpetuo propelluntur: eaque ipsos dolore circa lumbos afficiunt, immoderatamque hanc produciunt urinæ crudæ, utpote, ob celerem suum transitum, satis concoqui nequeuntis, evacuationem; ex eaque ingens corporis exsiccatio, & inde sitis, calor, & totius corporis macilentia, originem ducunt.

Morbis hic periculosissimus est; primo propter ægræ nostræ senectutem, & deinde propter macilentiam jam inductam: & præterea quod hæc sit tam vehemens non tantum excrementitiarum, sed etiam utilium partium, perpetua evacuatio; unde metus est, ne vires brevi penitus prosterantur, ægraque citò extinguatur.

Curatio itaque seriò est auspicanda: eaque in causæ antecedentis & continens, ac intemperiei per contraria ablatione, & symptomatum mitigatione & suffuminatione, consistet.

Primo itaque præscribatur medicamentum tale purgans.

℞. Pul-

℥. Pulpa cassia recent. extracta 3v. Tamarindor. 3ij. Rhabbarbari pulveris 3ß. cum syr. rosar. q. f. f. bolus, manè deglutiendus, vel cum jusculo exhibendus.

Et porro frequenter utatur de sequenti apozemate:

℥. Rad. borrag. buglossæ an. 3iß. plantag. 3j. fol. portulacæ, plantaginis, violariæ an. m. j. sem. plantag. portulacæ an. 3ij. flor. borrag. violarum, nymphæ, buglossæ an. p. j. myrobalanor. citrin. 3vi. Coq. in aq. comm. qu. suff. ad lib. jß. colatura adde syr. ros. ex infus. multipl. 3ij. M. F. Apozema.

Atque etiam subinde sumat de sequenti electuario quantitatem castaneæ majoris.

℥. Conserva flor. buglossæ, mixta cydonior. an. 3j. Gummi tragacanthi, in aq. ros. dissol. 3ij. Sanguinis draconis, boli armeni an. 3ijß. cum syr. de papavere q. S. F. Electuarium.

Lumbi & spinæ, ab ultimis costis, manè & vesperti inungantur sequenti unguento.

℥. Unguenti rosacei, populei an. 3vi. camphoræ 3j. ol. rosar. cydoniorum an. 3vi. Cera & aceti parum, F. unguentum.

In victus ratione, Aer ad frigidum & humidum declinet. Cibus sit euechymus, & qui crassum succum gignat, ac acrimoniam humorum temperet, ex lacte amygdalato, oris forbilibus, piscibus saxatilibus, carne bubula, pomis, pyris, oryza, caseo recenti, intybo, lactuca, portulaca. Abstineat à diureticis & acerbis. Potus sit vinum adstringens. Abstineat ab exercitiis: contineat se inquiete. Somnus sit consueto longior. Alui excrementa arte vel naturâ respondeant. Fugât vehementiores affectus. *Henric. Regius apud Theod. Craanen. medicat. lib. 3.*

Observationes.

Honestus quidam civis urinæ detinebatur profluvio: Subindè uno die amplius quam urinam 40. librarum reddebat, bibebat non minus, ut qui propter assiduam urinæ profusionem, assidua quoque siti premeretur. Cum autem huic nulla prodesse remedia, & vix ulla sibi adhiberi pateretur, paucis diebus deficiens, è vita commigravit. Morbum hunc diabete fuisse apparet, quem *Galenus* comparat lævivati intestinorum seu lienteria: quemadmodum enim per hanc cibum assumptus citò dejectur; ita & in diabete potus velocissimè per vias urinarias descendit. *Rembertus Dodonæus lib. observ. cap. 12.*

Puer quidam 7. annorum usu acidularum *Griesbachensium* in tantum urinæ profluvium incidit, ut an unquam simile visum sit, valde dubitem. Hinc sitis talis supervenit, ut singulis noctibus plus quam libras x. aquæ (quantitatem vini, quod admiscebatur, non observant adstantes) ebiberet, & eodem modo protinus, nihil alteratam, iterum emingeret. Ego cum alio Clarissimo Medico in consilium adhibitus, victus rationem refrigerantem & insigniter nutrientem præscripsimus. Loco vini & aquæ, quibus antea, copiose usus fuerat lac amygdal. & juscula castratorum, caponum & pullorum, in quibus vitella ovorum dissolvebantur, propinavimus, carnem assatam castratorum, perdicum, caponum, turdorum, alaudarum, & similia avicularum dedimus. Hæc cum per dies

aliquot usus fuisset victus ratione, & vires non nihil recollegisset, Syrupo rosato solutivo composito cum rhab. & myrobal. citrin. corpus leniter expurgavimus, & per intervalla potiunculam sequentem exhibuimus.

℥. Rad. tormentill. bistort. symphyt. mai. plantag. an. 3ij. fol. agrimon. veronic. ros. rub. an. Mß. coq. in aq. ad tertia partis consumptionem in colat. 3ij. dissolv. Syr. de ros. siccis 3ij. C. C. usti & præpar. corall. præpar. trochisc. de spodio an. 3j. M. F. potio. De præscriptis pulveribus quoque non raro cum lacte amygdalino dedimus, renes unguentis & oleis refrigerantibus & adstringentibus, veluti oleo rosac. myrtillorum, mastiches, unguento rosac. & comitissæ inunximus. His cum per aliquot dies usus fuisset remediis, & victus ratione, plenissimeque restitutus esse nobis videretur puer, domum me contuli. Post meum abitum, cum victus rationem non observasset, & loco lactis amygdal. vinum aqua dilutum iterum bibisset, denuò in eundem morbum incidit, & quidem tam graviter, ut naturæ debitum persolverit. *Guil. Fabricius Hildanus observ. 53. cent. 5.*

Duo diabete laborantes qui ita squalidos habebant renes, ut folia nymphæ illis imposita, momento temporis chartæ pergamenæ instar durissima redderentur, post quamplurima frustra usurpata præsidia tandem lactis asinini chalybeati potu unius mensis spatio nutriti & philonio persico ex intervallis assumpto à tanto malo, me jubente, fuere immunes. *Zacutus Lusitanus observ. 30. lib. 3. Prax. admirand.*

Mulierem quandam diabete laborantem istis paucis & facilibus remediis liberavi.

Manè & vesperti agra residebat in Balneo aquæ dulcis, in qua ferrum vel ignitus chalybs aliquoties extinctus erat. Post egressam Balnei, regionibus renum ac vesicæ applicabat plantaginem aqua chalybeata decoctam. Cibus præscribebam siccantem & ex Chalybeata aqua vel lacte coctum. *Martinus Rulandus curat. 98. cent. 2.*

Diabete curatum vidi hoc medicamento.

℥. Cancror. fluviat. in clibano siccant. & pulv. 3j. Thuris masculi 3ß. sacch. modicum, detur in potu. *Achilles Gasserus observ. 36.*

Juvenis Patritius, ob calculum, in pueritia sibi excisum, perhorruit usque adeo, crudeliter, hujus tormenti recidivam: ut nulla non admitteret remedia, dummodo cicerent lotium. Quo tamen impensius fluente, ob continuum usum, vini malvatici, cum semine urticæ, præparati: contraxere inde incalescentes renes, tantam imbecillitatem: ut dissoluto ipsorum tono, inciderint in diabete: sive tam vehementem, currentis urinæ transitum: ut quotidie emingerentur circiter sex liquoris libræ.

Quo perenni profluvio, ultra tertium mensem continuante, emarcuit summopere corpus, cum lenta febricula, siti inexhausta, vigilia indefatigabili, & tandem totius compagis, ac omnium viscerum dissolutione tam evidenti: ut Verè fuerit in ipso videre: quid argutus *Aretæus* intelligat, per colliquationem illam, in quam dicit resolvi, carnes, & membra eorum, qui diabete laborant. lib. 2. diut. aff. cap. 2.

Est autem *Alaginus* (ut cum Paulo *Æginetâ* loquar) velox transitus eorum quæ bibuntur. Adfectus certè ad primæ rarus. Quem *Galenus* dunt-

duntaxat bis : & Victor Trincavellius , spatio quadraginta annorum , ter solummodo vidit. Et nos annis viginti quinque , in frequentibus ægris , bis improspere , & semel feliciter , in anu sexagenaria , ante diem quartum decimum , sanata.

Causa ipsius est , imbecillitas renum. Sive eam induxerit frigus , post potum refrigeratum : uti in Abbatisa Veneta , & Cardinalis Pisani fratre , animadvertit Victor Trincavellius. Sive calor , excitans non modo sitim , sed irritans præterea , vim attractricem renum , velut decrevere. Paulus Ægineta , Alexander Trallianus , Avicenna , & Aretæus lib. 1. de sig. diut. morb. cap. 2.

Ubi expressè statuitur , morbum hunc excitari , à dyspnoea , viperâ venenatâ. Quam Dioscorides , & Aëtius Causum appellant. Sive , quod commorssi ab illa , in festentur febre ardente , sicuti loquitur Galenus , libro de Theriaca , ad Pisonem. Sive , quod producat (ut vult Dioscorides) sitim adeo inexhaustam , ut nulla compescatur aquâ. Quæ omnia maximum , cum arguant incendium , mirum certè non est , æstuantem calorem , poni à Medicis , inter causas , diabetes , uti hic à nobis quoque factitatum. Nicol. Tulp. observat. medicar. lib. 3.

Mense Septembre anni præteriti rarissimum casum practicum , haud ita sæpè occurrentem in rustico quodam quinquagenario observavi , quem ipse Gal. 6. de loc. aff. cap. 3. se totius vitæ suæ tractu bis tantum vidisse scribit , Diabetem nimirum l. mictionem frequentem ac copiosissimam cum oris siccitate , siti continua atque inextinguibili , (linguam enim , statim etiam à potu , semper habebat aridissimam ,) ac intensa totius colliquatione sequente , ab hepatis ac imprimis renum intemperie calida , sicca ; non solum omnia potulenta & liquida , sed etiam omnes alias humiditates corporis ad se attrahente corpusque exsiccante. Singulis ferè diebus ægrotus duodecim mensuras urinæ tenuis ac limpidissimæ reddebat , cum tamen toto die vix quatuor mensuras tam cerevisiæ quàm Julebi , ordinati sumebat , atque ita potus quantitatem urinæ quantitas multo superavit. Hinc Hæctica febris subsecuta , cui equidem variis humectantibus & cum modica adstrictione refrigerantibus tam internis quàm externis , à me occurrebatur , ast sine penitiori effectû. Prognostico itaque factio æger , labascentibus de die in diem viribus , è vivis tandem sublatus est. Joh. Matthia Nosteri.

Triennium est , ex quo urbs nostra cum febribus malignis conflictatur , exactis propemodum in exilium intermittentibus. Certè totis mensibus vix tertianam observamus. Iis cum se varia misceant symptomata , ante biennium miscuit se quoque spurius diabetes , quem pluribus lethalem fuisse notavi , salutarem paucissimis ; sero enim illo copiosè fluente , interpellati sudores , impeditus somnus , vires collapsæ. Sed quod mirum , in religioso quodam viro junxere mutuas operas , durante febre , dysenteria , spurius diabetes , & oblitio , licet ex præceptis artis sperare fas esset , profluente ultra debitum urina , cessaturum alvi fluxum , hic perseveravit utrumque. Mirius quod Elisabetha Bornholmica eadem febre , & profusione urinæ tentata plu-

ribus ante mortem diebus non tantum diem obitus sui , sed & horam præcisè definiret , cumque à me amicè moneretur , ut ab ejusmodi præagiis temperaret , & in imaginationum vitia conjiceret , si quid tristius animo obversaretur , illa lata fronte ad eventum provocavit , non falsa augurii ; quippe incidit mors in eandem horam quam prædixerat , sive imaginationis pertinaciæ id velis adscribere , sive Monitori angelo , quod illa constanter asseveravit. Quod & in aliis mihi observatum. D. Olai Borrichii.

Vir magni nominis anni. 1669. à Scabie antea medicamentis ordinariis liberatus , verè inenunte 1670. pro præservatione , infcio Medico bibit per vices ultra 15. mensuras succi Betulæ , etiam tandem ferè corrupti. Inde in corpore cacoehymico (quod in non levi gradu habebat) & scorbutico turbati humores à natura irritata omnes ad renes & vesicam affectabant viam. Sitis urgebat maxima , calor aucto morbo accedebat fortis , & quotidie triplo sextuploque ferè demum majorem potu excernere cogebatur urinam ; On nibus specificis internis & externis mart. ipsisque opiatis incassum adhibitis , convulsivis accedentibus motibus moriebatur. Ut Diabetes vulgò Siphonem notat , per quem aqua citò ~~diabetera~~ transcendit : ita affectus hic nominis sui originem reipsa satis superque comprobat , nec minus siti immensa , nullaque potatione sedanda , molestus est , unde Dyspnoea audit , ut aliorum nominum , quod v. g. hydrops ad matulam , lienteria urinalis , &c. audit , taceamus. Viscerum æstus maximus illi conjungitur , & incendium tale Pathognomonicum signum Diabetis idcirco rectè dicitur à Riolano l. contr. Chim. Rarior quidem habetur affectus , sin tamen observata authorum colligamus exempla plura videre licet , præter Galenum , apud Eras. consil. med. 5. pag. 187. Lomm. Observ. Med. lib. 2. pag. 190. Cardan. Curat. ad mir. 27. Ruland. Cur. Empir. 98. cent. 2. Dodon. observ. cap. 42. Item apud Tulpium , Bartholinum , Rolfinkium , Hollerium , &c. Sed causa ipsa indagatû est longe difficilior , neque enim vel solus calor viscerum , vel aër ambiens attractus , ut quibusdam visum fuit , & in corpore in aquam resolutus , aliæque vulgares sufficiunt ; Verum dubio procul adest colliquatio humorum & partium in corpore , sive ab acescente sanguine (vid. Willis. Tr. de urin. pag. 346.) sive ab aliis causis inducta. Viam videntur propinquiorem concedere ipsæ lumbares lacteæ , per quas ad renes , p. n. ipsorum attractione aucta , statim fluit materia , & quidem ob alterationem ibi nullam factam , sine substantiæ mutatione.

Succum itaque Betulæ addidisse humoribus stimulum , extra controversiam est , ipseque æger confessione sua id dolebat. Est enim Diureticum improprie dictum , quod Helmontii suffragio ad calculum curandum facit , quo nomine serenissimi quidam Principes nuperis annis ex eo loco aquæ simplicis , cerevisiam parari mandarunt , utile Nephriticis alimentum medicamentosum. D. Georg. Wolfgang. Wedelii.

Rarissimum affectum esse Diabetem Galenus noster ait de loc. affect. At in hac ipsa raritate ejus singulare hoc est , absque incommodo notatû digno per totam vitam eum perferre ; Sicut apud nos uxor molitoris in proximo pago , quæ

ab incunabilis ferè enormiter & quantitate vix credibili bibendo, tantundemque statim per urinam emittendo adhuc vivit per viginti & quod excedit annos, optimè colorata, satisque valida, quamvis parumper macilenta. In puellari ætate aliquot mensuras aquæ, multumque vini singulis diebus hausit, & adhuc cum minimùm sex mensuris majoribus quotidianis sitim sopire vix potest, cum tamen nunc pro proportionem tam non bibat, quàm antea. Causam dicunt, quod pater illius ex stulto amore infanti adhuc vinum non permisit tantum, sed etiam ultro imperando obtulit: inde incendium renum natum esse putant, quæ tamen sufficiens causa esse non videtur, nisi accedat viarum laxitas, & aliæ causæ forsan adhuc incognitæ. Ad remittendum calorem & placandam sitim ante paucos annos me connivente (non consulente, cum noverim diuretica magis nocere, quàm prodesse) usa est acidulis Taynacenſibus, sed earum, quæ aliis præscribitur, quantitate dupla vel tripla fauces aridas proluere vix potuit, omnium cum admiratione. Par exemplum vix legi, nisi quod *Dodonæus cap. 32. observ.* recenset; & *Fernelius* se novisse quendam, qui quotidie horæ spatio tepentis aquæ medicatæ libras sexdecim exsorbebat, ac qualem sumserat, talem protinus emeiebat, scribit *D. Johannis Wolfgangi Mogling.*

Diabetem hîc voco non ex *αρεβία* Medentum, sed insuetam & copiosissimam urinæ per aliquot dies profusionem, sine ulla manifesta causa ægro supervenientem: Hanc raro exemplo passus est jam ante biennium facundissimus quidam Ecclesiastes simul cum infelici dysenteria, & levibus deliriis, nullo alioquin vel caloris insoliti, vel pulsus febrilis indicio. Mira *Σωδορμή*, cum ratio sponderet, fore, ut translata ad vias urinæ, quæ intestina divexabat, materia, cessaret alui profluvium, vel è contrario, nihil horum contigit. Duravit cœpta violentia utrumque malum in decimum quartum usque diem, advenientibus identidem deliriis, sed mitibus & tandem longiori vita dignum fatali metæ adstituit. Nec omiſſa, quæ omnibus scopis servirent pharmaca, sed plusquam gemina hîc adfuit hydra, cui conficiendæ vix ullus Hercules par fuisset. Scilicet acrimonia humorum in hoc corpore tanta erat, & tam pertinax, ut simul & pungendis cerebri membranis, & renum pelvi, & denique intestinorum ductibus plus quàm sufficeret. *Olai Borrichii.*

Vir triginta annorum post largiorem vini potum corripitur diabete cum calore totius corporis intensissimo, siti vehementi, profluvioque urinæ tanto, ut potum ultra triplum per urinam redderet, nec hoc solum de die, sed & noctu insensibiliter. Cæterum post, venæ sectionem & ex frequenti usû Tincturæ Corallorum, decocto plantaginis, imprimisque mistura illa quam Excellentissimus Dominus *Sylvius Præxeos sue lib. 1. cap. 30. §. 183.* pro temperanda, succi pancreatici volatilitate habet, intra quindecim dies malum remittebat. *Alardi Hermannii Cumeni.*

Vir amplissimus Civitatis nostræ hoc anno id est, ætatis suæ 66. sensim in *Diabeticum* prolapsus est affectum, non quidem illum exquisitum (neque enim haustum potum vel subito red-

dit, vel nihil plane immutatum) sed, si ita appellare fas est, spurium. Enimvero, cum vivat sobriè & temperanter, quovis tamen mense, plerumque bis, rarò semel tantum hoc malo affligitur: Oritur autem malum frequentius Luna plena, & tribus quidem primis diebus cum doloribus intolerandis stillicidium urinæ perdurat, sed exigua admodum copia profluente: reliquo triduo resolvitur vesicæ sphincter, continuatque involuntarium & copiosissimum aquosi plane & decoloris liquoris profluvium, multis hinc inde ramentis albis urinæ immixtis: & hoc quidem triduo utcunque gravissimi adsint in urethra, vesica, renibus dolores, tolerabilius tamen malum est primo triduo, quod urina interea continuo destillando secedat, & multum secum acrimoniæ salinæ avehat. His tribus diebus septuaginta duæ circiter libræ urinæ evacuantur, cum interea vix unam libram eberit; & ne toto quidem antecedente mense 40. libras liquoris hauserit. Septimo morbi die, urina sensim ad colorem suum redit, clauditur Sphincter, & decimo die Nobilissimus æger ad negotia publica, paulatim revertitur. Has jam diu leges sibi finxit difficillimum malum, nunc paulò mitius agit, & paulò inconstantius, adhuc tamen crudeliter. In hac historia duo mihi admiranda occurrunt, acerrimo iudicio tuo expediunda: unum, unde immensa illa urinæ copia, in exactissima ægri diætâ, & potu parcissimo? alterum, cur ægri corpus interea nullo modo flaccescat; durat vividus faciei color, muscoli omnes pleni, lacerti robusti, venæ tensæ. Scio tentare nodos hos solvere tum opt. *Sennertum*, tum *Servium* in Moniali Romana, sed, nè quid dissimulem, evidentior adhuc rationem ardentem desidero. *Olai Borrichii.*

Dom. Petrus Bullichius, olim Serenissimi Regis nostri, Divi Friderici Tertii Archiater, nunc Regiæ Urbis Præses & Consiliarius Regis, *Diabetem* patitur cum dolore post Nephriticos cruciatus singulis mensibus recurrentem, quodque mireris, instante Plenilunio XII. mensuras aquæ mingit, quanquam vix tertiam partem unius mensuræ bibat, neque tamen ulla sequitur colliquatio aut corporis emaciatio, quod vegetum & plenum permanet. In urinæ destillatione expertus est dolorem sibi augeri, quando calor fornacis est intensior. Suasi lac chalybeatum, vel decoctum hordei chalybeatum, consilio Augenii. Ille aurum extinctum maluit. Per alvum quoque sæcibus permixtæ arenulæ exeunt, & ex lotio copioso arenulæ in pannis resudant, ut massam sanguineam Tartaro abundare credere cogar. Tentavit curam transplantatoriam exiguo cum emolumento. Exhibuit cani sal urinæ propriæ, unde canis mortuus pilis cadentibus. Quid de casu hoc & symptomate rarò iudices, non gravaberis perscribere. Dignus æger est senio & mentis æstimandus, meliore sanitate & Doctiorum cura. *Thoma Bartholini.*

Anatomica inspectiones.

Diabete extincti Renes flaccidi & decolores inventi.

Anno 1590. Filia Præsidis Hollandiæ 18. annorum

rum aliquot ante obitum annis Diabete laborarat, adeoque sitibunda extiterat, ut unico die non raro urnas duas tresve potus assumeret, nec minore quantitate urinam in dies reddebat.

Renes huic non absumpti, rerum flaccidiores solito, figura cineritia non impenſe rubra. *Petrus Pavvius observat. Anatom. 2.*

Diabetes à vitio Renis sinistri magna molis, lapide obsessi exiguo : Dexter minimi & fere consumpti.

Vidua Barnabæ Panthou sæpè nephritica erat : aliquando è vesica detractus lapis : Tandem post multos dolores nephriticos doluit inguen sinistram, febricitavit, mox in imò ventre dolor erat intolerabilis, jactatio, vomitiones assiduæ, imò dolor ad pectus, variæ admodum erant species doloris : In sinistro hypochondrio tumor apparebat magnus & durus, Quidam verè splenem intumuisse dicebant : Alii Renem, Febris marasmodies, convulsiuncula, frequentes leipothymia, involuntariè profluebat urina : Species quædam erat Diabetæ, urinæ tenuissimæ, aliquando cruentæ, post multos dolores mors.

Aperto cadavere Ren sinister inventus est lapide obsessus exiguo : Ren in magnam molem undique increverat, Adæquabat Renem bubulum magnitudine Paulum saniei in eo erat : Dexter adeò parvus erat ut fere reperiri non potuerit ; Macruerat multum : Nunquid verum illud à Renibus febres Marasmodies contingere ? *Ballonius Ephem. & Epid. lib. 2. pag. 152.*

Diabetes à vitio vesica tumore σφακελώδη affecta excitatus.

Multis ementitus Diabetes : causam ad Renum affectionem referebant : Mortui contracta planè vesica reperta est, cum gangræna & tumore σφακελώδη in capacitate ipsius vesicæ : Quod notandum nè quis decipiatur. *Ballonius Epid. lib. 2. pag. 152.*

Diabetes à rene uno lapide obsesso, & in ureteris initium implantato : altero minore reddito & collapsio.

Joh. Chalumeau annos natus circiter 50. corpore qualido & visceribus pari modo affectis, nephriticis symptomatis conflictatus est : dolor fixus, excretio nonnullorum lapidum ex intervallis : Ren sinister lapide angulos obtusos habente obsessus est, In ureteris principium implantatus deprehensus est post anatomen : febris conclusa, plus in recessu quam in fronte habens, adustio & squalor ; Extimus habitus aliosus : lingua squallida & horridula, æstus & sitis, meiebat plusiusto, urina aquea planè, sensim extabuit, Diabete interiit.

Ren alter lapide non obsessus, justo minor erat & penè collapsus : In altero lapis prædictus deprehensus est, Nullum aliud commemorabile vitium quod sub oblutum caderet. *Ballonius Epid. & Eph. lib. 2. pag. 183.*

Diabetes à renibus malè affectis.

Vir quidam in ætatis flore, diu atrocibus ne-

phriticis doloribus vexatus, renisque abscissum passus, in diabetem incidit. Singulis septimanis dolium dimidium cerevisiæ ingurgitare difficile illi non fuit. Post mortem cadaver aperiendi copiam mihi fecere consanguinei. Viscera satis benè constituta, exceptis renibus & ureteribus, conspexi, uterque enim ren ex parte consumptus erat, præsertim dexter ; cujus substantia planè consumpta, ejus membranas summoperè incrassatas & contractas, pelvisque capacitatem adæquantes vidi. *Frederic. Ruyschius in observat. Anatomico Chirurgicis.*

DIARRHOEA.

DE hoc morbo non est sanè quid specialius hic agamus, siquidem tum supra capite de Cholera, tum infra capite de Dysenteria abundè satis explicatur. Hic itaque tantum de illius speciebus quæ vel Diarrhœæ simplicis, vel Cæliaci fluxus, vel Lienteriæ, &c. nomine audiunt, per *Curationes, Consultationes, Observationes & Anatomicas inspectiones ex variis.*

Curationes.

Omnes fluxus Intestinorum primariò à ventriculo pendent. Hujus ergo, ut partis mandantis, primò habenda ratio fuerit, nisi fluxus nimis urgeat. Ideoque ventriculo corroborato ipsi quoque fluxus cessant, sed tamen præmissis influxibus incipientibus vomitibus, adhibitisque Epithematibus (de quibus supra in affectibus ventriculi) tandem Enematibus abstergendum & consolidandum.

Triplex autem non sine causa statuitur alui profluvium ; Diarrhœa, Lienteria, & Dysenteria. Ad fluxus ventris omnes detur ter in die de croco Martis, singulis vicibus grana x. cum succo prunorum sylvestrium, Item sequens.

℞. Hepatis lupi Mithridatii ana ℥j. Magisterii corallorum, boli armeni C. C. ulsi, Mastichis ana ℥ss. aquæ tormentillæ ℥iv. Cichorii ℥ij. Mivæ cydoniorum ℥j. Misce.

In Diarrhœa & Dysenteria Epidemica præmissis vomitibus ad Antidota fugiendum.

Diarrhœa, quia à variis causis pendet, & semper alterius morbi effectus, diligenter videndum à quanam causa hæc ipsa dependeat, & an critica hæc sit, naturæ consueta, vel symptomatologica. Si ob errorem aliquem externum accidat, an à partis aliqua intemperie, aut humorum copia fiat : quæ omnia si quis ritè observet, non difficile erit huic morbo resistere.

In genere notandum, nullam talem subito reprimendam & retinendam esse nisi fortè in phthisicis & peripneumonicis. Etsi quid molendum, à medicamentis lenioribus & imbecillioribus semper incipiendum est, dato solo diacydonio, aut mivæ cydoniorum composita. Ventre exterius inuncto oleo cydoniorum, mastichino, nardino, de mentha ; prodest etiam lac ebullitione unica coctum & chalybeatum manè & vesperi hor. 4. ante cibum, ad poculum unum addito terræ sigill. ℥j.

Si verò vires dejiciantur, ad fortiora accedendum, deinde ad clysteres & medicamenta primum abstergentia, hinc ad adstringentia

H h h h 2 tam

tam externa quàm interna, de quibus in Dysenteria: ita tamen semper habeatur respectus ad membrum primò affectum: in externis tamen notandum, ne exterius muscoli constriuantur, sic nimirum augebitur malum. Constrictio autem à musculis auget excretionem: quare optimum, ut tenuium sint partium, ut penetrent ad intestina. Quod optimè consequeris, si addideris acet. fomentis & cataplasmatibus.

Maximè in omni alvi fluxu prodest, si regioni ventris calidè imponatur Emplastrum de Theriaca antiqua & terra sigillata ana. Multum quoque in omni alvi profluxione prodest syrupus de rosas siccis, myrtillorum & in primis de ribibus, de berberis, de Corallis Quercetani, C. C. ustum & intestina gallinæ in clibano exsiccata & in pulverem redacta, lota prius aqua aliquâ adstringente. Iisdem ferè remediis occurritur Lienteria, seu intestinorum lævitati, in qua tamen magis calefaciendus & roborandus ventriculus & intestina. Et nonnunquam si à pituita aquea eas partes lubricante fiat, causa expurgantibus tollenda. Conveniet hic super ventriculum cucurbitam parvam ponere, ut diutius cibum retineat.

Si ob affluxum bilis ad intestina, aut ob errorem aliquem externum, iis ablatis & mutatis, morbus facilè tollitur.

Si fluxus fiat propter obstructions venarum mesaraicarum aut imbecillitatem hepatis attractricis, causa suis medicamentis tollenda: inprimis in fluxu hepatico prodest sal Corallorum in aqua plantaginis dissolutum à ℥j. ad 3℥. sæpius per vices exhibitum, cæteris necessariis non omisis.

Diarrhœa correpti creberrimè utantur oryzâ cum jure carniū seu lacte cocta.

Potus sit aqua Chalibeata, in qua Corallia, C. C. ustum, spodium tormentilla, bistorta, nux moschata, citri, granat. punica mala cocta sint. *Joh. Harthm. in prax. Chimiatr.*

Cum Diarrhœa symptomatrica plerumque oriatur ex prævis corruptisque humoribus biliosis, pituitosis, melancholicis, aut serosis, & præcipuè biliosis, acrimonia sua facultatem intestinorum expultricem irritantibus; illius curatio ab humoris peccantis evacuatione auspicienda est, quod fiet medicamento, quod purgando astringit, ne humoribus commotis alvi fluxus nimium irriteretur, quod in similem modum concinnari poterit.

℞. Rhab. elect. 3j. Myrobal. citrin. 3℥. Santal. citrin. 3℥. Infundantur in aqua plantag. In expressione dissolve rhab. pulverati 3℥. Syrupi rosac. 3j. Fiat potio. Poterit addi catholicum, vel aliud medicamentum purgans, pro conditione humoris expurgandi.

Vomitibus etiam interdum convenire poterit, quia revellit & evacuat materiam morbosam.

Si sanguinis redundantis indicia fuerint, & robur virium, phlebotomia initio celebranda est. At si febris adfuerit, sanguis detrahendus est, etiamsi nulla plethora appareat.

Ante & post purgationem clysteres detergentes injiciendi sunt, quorum descriptio talis esse poterit.

℞. Hordei integri P. ij. furfuris macri & rosar. rubr. ana P. j. liquirit rasæ & passul. integr.

ana 3j. Coquantur ad ℥vj. In colatura dissolve sacchari albi 3j. vitellos ovor. n. 2. Fiat clyster.

Corpore sufficienter evacuato, tum medicamentis purgantibus, tum ipso alvi fluxu, astringentia & roborantia usurpanda erunt, tum per os assumenda, tum per clysterem injicienda, tum ventri admovenda quorum formulæ à curatione dysenteria erunt repetenda.

Præterea verò sequentia utiliter usurpari poterunt.

℞. Aceti chalybeati partem unam, aquæ chalybeatæ partes duas, fol. & fructuum Myrti, cydonior. mespilor. sorborum. ana M. ij. nucum cupressi par. vi. Coquantur ad medias. Colatura foveatur totus venter, tepidè frequenter.

℞. Ol. mastiches, cydonior. & myrtin. ana unc. j. Sang. drac. thuris & gummi tragacanth. ana 3j. Cera quantum satis. Fiat unguentum, illinendum post fotum. Vel

℞. Mica panis assata, & in aceto chalybeato infusa, & carnis cydonior. sub cineribus coctorum, vel cydoniati, ana unc. iij. thuris, Mastiches, Sang. drac. ana Drach. ij. cum syrupo de absinthio & cydoniorum. Fiat cataplasma.

℞. Mastiches 3ij. bulliant in ℥ij. Aquæ fontis pro potu ordinario. Præstat aqua ferrata, quia alvum turbat, sed in affectu calido non valet: in cujus curatione convenienter poteris uti tinctura rosarum; vel conserva rosar. cum aqua fontis permixta, cum aqua extinctionis auri, cum syrupo cydoniorum agitata.

Amatus Lusitanus refert quendam curatum diarrhœa biliosa largo frigida potu in æstate. Nos verò cuidam viro sanguineo, diarrhœa biliosa æstate mediâ laboranti, cum siti intensâ, præscripsimus salem prunellæ in potu ordinario, tum etiam julepis, cum aqua lactucæ & portulacæ, ter in die sumendis & intra viginti quatuor horas curatus est.

Si humor fuerit valdè acer & adustus, parcius & mitioribus medicamentis purgandus est æger, alioqui affectus ingravescit, sed refrigerantibus & humectantibus temperandus est; tum etiam sanguine parca manu detracto.

In eodem casu plurimum confert semicupium tepidum, cujus exemplum habetur in observationibus nostris.

Folia plantaginis in jusculis decocta, ad hunc affectum utilissima sunt.

Ne verò diarrhœa in dysenteriam transeat, ad demulcendam humoris acrimoniam, clysteres ex lacte chalybeato usurpandi sunt, tum etiam emulsionem ex seminibus frig. maj. & sem. papav. albi.

Ad eandem diarrhœam biliosam syrupus sequens erit convenientissimus.

℞. Succu cydonior. unc. vi. Succu endiviæ, & acetosæ ana unc. iij. sem. acetosæ, & plantag. ana 3ij. coral. rubr. 3j. Aquæ plantag. 3iv. coquantur ad mediæ partis consumptionem. Colentur & fortiter exprimantur. Adde sacchari parem colaturæ quantitatem, & fiat syrupus, de quo capiat drach. ij. manè & serò.

In omni autem diarrhœa, præmissis universalibus bolus sequens usurpari poterit.

℞. Conservæ rosar. antiquæ 3℥. Cydonior. condit. 3j. pulveris tormentillæ 3j. boli armeni 3℥. cum saccharo. Fiat bolus frequenter iterandus, vel si affectus sit diuturnior, ex iisdem aut

aut similibus majori quantitate præscriptis, opiata concunari poterit, ad plures doses sumenda.

Vel ad potentius astringendum utatur æger pulvere sequenti.

℞. Sang. drac. thuris, mastic. mumia, terra sigill. lapidis hamatit. troscisc. de carabe, ana drach. j. boli arm. veri drach. iij. Fiat pulvis, de quo capiat ʒ ij. cum liquore idoneo.

Rhab. bis infusum, & postea aqua rosar. lotum bis aut ter, & exsiccatum, utile.

Tabellæ triasantali quadruplicato rheo, bis in die exhibitæ, pondere drach. ij. alui fluxus materiam auferunt, viscera corroborant.

Conyzæ folia super prunas injecta, ut fumus in cathedra perforata recipiatur specifica vi alvi fluxui medentur. Tum si eadem herba cum aceto trita, regioni stomachi admoveatur.

Suffitus etiam tapfi barbati in cathedra perforata receptus, insignis est efficaciam, cujus exemplum habetur in observationibus nostris.

Syrupus corallorum ad idem est efficax, & multo magis illius tinctura, vel magisterium.

Conserva cynorrhodi per se ad diarrhœam biliosam utilissima est, tum etiam, si opiatis astringentibus permisceatur.

Ubi verò ex fluxu frequentiori, & acriori, periculum est ne vires deficient, laudanum opiatum cum mastiche, & terra sigillata utiliter exhibetur.

In contumaci alui fluxu, clyster ex jusculeo & theriaca recenti utilis.

Pilulæ de Bdellio bis aut ter in septimana, vel alternis diebus usurpatæ: ad diuturnos & contumaces alui fluxus sistendos utilissima sunt.

Ad idem valet mespilorum usus frequens, ut se experientia comprobasse testatur Forestus *observ. 1. lib. 2.* his verbis. (qui diuturno alui fluxu laborabat, & omnem suam substantiam frustra in Medicorum ope consumpserat, consilii causâ, ut ab hoc malo liberari posset, ad me accessit. Cui consilium dedi, ut mespila etiam immatura in maxima copia devoraret. Quibus comestis alui profluvium paucis diebus cessavit. Uti & cuidam evenit mercatori Zelando, ad Johannem Spirinchium quondam Medicum Lovaniensem celebriorem profectio, ut ab eo curaretur. Qui cum multis mensibus laborasset profluvio, & tandem etiam dysenteria, neque ab ullis Medicis curari posset tandem mespilis comestis, ex ejusdem Medici consilio, sanitatem consequutus est, & Medico trecentes aureos, pro sola mespilorum præscriptione numeravit, quibus solis in pristinam sanitatem fuerat restitutus. Hæc Forestus.

Verum advertendum est, ut ante mespilorum usum corpus ab excrementis, & omni cacochymia liberum præstetur.

In diarrhœa inveterata sequentia utilissima sunt.

℞. Ras. eboris ʒ iij. Confect. alkerm. ʒj. sacchari in aqua ros. dissoluti unc. iv. Fiant tabellæ.

℞. Croci martis reverberati gr. vi. bezoard. min. ʒß. Conservæ ros. ʒ ij. spir. vitr. gut. iij. Misce, fiat bolus qui detur bis in die, longè a pasto.

℞. Succu persicariæ maculatæ, & semper-vivi mai. an. ʒ iij. bulliant. ad tertiæ partis

consumpt. & dentur manè. Certò curant quemlibet fluxum quantumvis inveteratum.

Mercurius diaphoreticus per aliquot dies ad gr. xii. exhibitus, omnes corporis impuritates auferit, quæ contumaces interdum alui fluxus parere consueverunt.

Decoctum granorum juniperi in vino paratum, per triduum exhibitum multum confert. Tum pulvis cicadarum cum vino albo exhibitus ad drach. j. Hæc duo conferunt, materiam alui fluxum committentem derivando ad urinæ vias. Paratur autem decoctum juniperi in sequentem modum.

℞. Granor. juniperi M. j. vini rubri lb iß. Bulliant ad duarum tertiarum consumptionem; colaturam capiat manè per triduum.

Potus aquarum sulphurearum, totum corpus expurgando & ventriculum roborando, inveteratam diarrhœam curat. Cujus rei exemplum habetur in observationibus nostris.

Si diarrhœa fiat à catarrho, cerebro prospiciendum est velut parti mandanti, iis remediis, quæ in catarrhi curatione proposita sunt. Si vero pendeat ab hepatis, aut lienis obstructione, vel imbecillitate, illis affectibus mederi oportebit, prout in peculiaribus eorum curationibus docebitur: tumque astringentium medicamentorum usus nullus, aut paucissimus esse debet. Platerus in cura hæmorrhoidum, dicit sanguinem calentem injectum mirabiliter alvum fluentem cohibere. *Lazar. River. Prax. Med. lib. 10.*

In Diarrhœa medenda cautiones ferè ex differentiis Diarrhœarum patent.

In genere enim, quando est sistenda Diarrhœa; sanguinis effervescencia compescenda, per præcipitantia blandè adstringentia seu in-crasstantia & anodyna.

2. His si adjungatur Sudor; curatio erit magis fida seu tuta.

3. Evacuanda sunt excrementa occasione subministrantia.

4. Roborandus est stomachus: cum in omni Diarrhœa stomachus sit labefactatus, unde semper attendendum est ad stomachum.

5. In Diarrhœa maligna aut Epidemicè grassante, Sudorifera alexipharmaca blandè adstringentia utramq; paginam facere debent.

Ea ergo quæ conveniunt in diarrhœis sunt imprimis tormentilla, cujus extractum, præmissa, si opus est, levi purgatione absterforia; à ʒß. ad ʒj. propinatum in conveniente vehiculo, à quibusdam aliis omnibus præfertur remediis in Diarrhœa etiam Epidemicæ. Post Tormentillam convenit radix Plantaginis, it. herba Plantaginis & Portulacæ, uti etiam folia Myrti, flor. Balaustrorum, Lysimachia flor. luteo & purpureo: fructus Myrtillorum, Mespilorum, Sorborum, Cydoniorum. Est species Mespili, quam vacant Sorbum, cujus succus è fructibus nondum perfecte maturis expressus & inspissatus, superiori anno egregie profuit. Forestus *lib. 22. observ. 1. 1.* aliquoties expertus est usum Mespilorum in quibusdam diarrhœa continua laborantibus; qui aliis irritis his mespilis fuerunt curati. Lignum Lentiscinum, s. lignum ex quo transudat Mastiche, ubi potest haberi minori pretio, est admodum elegans; postmodum semen Portulacæ, & in specie sophiæ Chirur-gorum valde commendatur. Spongia salicis ex-

siccata ad 3ß. data à quibusdam singulariter commendatur, hæc ipsa spongia alias commendatur ab Harthm. ad Cholera, paucorum granorum dosi, si in aq. styptica propinatur. Nux Moschata & Macis communia sunt & omnibus nota contra Diarrhœam remedia. Inter aq. appropriatas sunt imprimis, aq. Tormentill. Pimpinellæ, Plantaginis & Portulacæ: Ex succis, sunt succus Cydoniorum & granatorum. Rob. & muscus prunorum sylvestrium, quod Rob. commodissime loco hypocystidis potest substitui. Gelatina C. C. in potu ordinario dissoluta est admodum specifica in Diarrhœa in specie Epidemica grassante, Decoctum Mastichis, seu gummatiss ex Lentisco secretum fuit D. Osvaldi contra Diarrhœam in aq. appropriata vel potu ordinario. Loco huius decocti quidam imprægnant aq. fumo Mastichis, scil. accendant Mastichen supra prunas calentes, fumum excipiunt olla nova, & mox ollam fumo bene repletam implent aqua appropriata) hoc subinde repetunt, donec subtilem Mastichis saporem acidulum aq. contraxerit, quæ est potus conveniens in Diarrhœa & Dysenteria. Ovi vitella dura aceto rosaceo irrorata & acidulata sunt experimentum Helmontii *p. m.* 184. §. 22. Alias aq. Chalybeata. Item serum lactis chalybeatum uti & acetum chalybeatum convenit. Decoctum granorum Juniperi laudatur à Riverio, urinam enim promovendo necessario alvum exsiccatur. Mulum Cydonium cera impletum & adlatum comestumque egregie convenit. Bolus Armena, terra sigillata, terra solar. vitriolata seu spir. vitr. irrorata insigniter convenit, cum effervescentiam Mast. sang. potenter compescat & præcipitet: Residuum ab extracto Rhabarbari, aut etiam rhabarbarum tostum, scopis multis satisfacit, adstringit, acrimoniam humorum temperat, & tum temporis potenter sudorem movet. Sacchar. Saturn. à multis non incommodè commendatur, ubi imprimis excrementa sunt nimis acida. Hoc mistum cum croco Martis adstringente valde convenit in Diarrhœa & Dysenteria. Vel ex vitriol. Martis & Saccharo Saturn. fit Hamatites artificialis, cuius gr. x. vel xv. in aq. appropriata insigniter conducunt: Nam & ipse Hamatites naturalis ex Mart. & Saturn. vim suam habet in sistendo sanguinis fluxu & compescendis etiam diarrhœis. Sal prunellæ non est inconveniens ubi imprimis in febribus cum siti & ardore affligit diarrhœa. Exemplum habet Riverius de diarrhœa per usum salis prunellæ curata. *Cent. i. observ. 33.* Denique præter liquorem stypticum, de quo suo loco dictum, confert opium, & utramque faciunt paginam opiata: Nam opium quoscunque motus & evacuationes corporis præter sudorem compescit, hæmorrhagias sistit, paroxysmos febriles inhibet, vomitus sedat &c. in genere omnes humorum motus, si sint effervescentiæ, si alii potenter compescit, unde semper cum præcipitantibus & diaphoreticis miscetur opium: propter hoc opium: Theriaca tales meretur laudes contra quoscunque alvi fluxus, imprimis cholericos ita ut veteres non satis illam potuerint laudare, & ab opio vim suam habet sudoriferam. Theriaca in hoc casu si externe applicetur umbilico, illita & regioni stomachi, si interne à 3j. ad 3ij.

assumatur, egregie confert: Et quidem quomagis est recens, eo potius operabitur, quoniam minus infractæ sunt opii vires.

Myva Cydoniorum aromatica cum Theriaca mista: vel myva Cydonior. arom. ad 3j. vel 3ij. cum aliquot guttulis olei destillati Cinnamon & Macis, experimentum est sæpius probatum Lotichii in observat. quibus si addantur aliquot grana Laudani opiatum erit bolus eo magis efficax.

Quidam ℥. Boli armen. nuc. mosch. ana miscent cum vitello ovi ad mollitiem cocto & ita absque sale sumunt quod experimentum est Stockeri in sua praxi. Quibusdam etiam cui probatissimum commendatur sebum hircinum (multa sanè latent in hirco) quod liquefactum cum tantillo farinæ triticeæ miscetur, ut fiat instar pulmenti, quod pulmentum subinde assumptum; laudatur insigniter contra diarrhœam. Pro potu ordinario sit decoctum Mastiches supra dictum.

Stockerus decoquit Mastich. in aq. pluviali, quod decoctum tepide sumptum, ceu certum experimentum commendat. Elienbergius quondam Medicus Hüllensis Saxo pro potu ordinario mens. j. Cerevisiæ in qua decoxit Sacchar. alb. 3ij. & gumm. Arabici 3ß. propinat.

Quando grassatur Diarrhœa Epidemica maligna, Alexipharmaca sudorifera, præprimis conveniunt quæ etiam conducunt in quacunque diarrhœa.

Sudorifera usitata satis cognita, miscenda tamen semper appropriata, cum spiritu Theriacali conjungatur spiritus Mastichis, cum terra sigillata, sal volat. viperarum & similia.

Superiori anno cum grassaretur hic Diarrhœa Epidemica non absque applausu medentium aliquoties usum vidi egregium huius pulver. etiam ubi jam adesset Delirium.

℥. Antim. diaphor. terr. sigill. an. gr. xv. sal. volat. viper. gr. vi. pulver. nuc. moschat. gr. iv. misc.

Fiat pulvis pro dos. j. blandum sudorem expectando, cui interdum etiam unum alterumve gran. l. ud. opiatum additum egregie convenit. Item mixtura hæc aliquoties feliciter successit.

A. Aq. tormentill. 3ij. Diascord. Fracast. 3ij. extr. torment. 3j. antim. diaphor. 3ß. syrup. cydonior. 3j. misc.

Pro duabus dosibus expectetur sudor, post unamquamque dosin.

In eadem Diarrhœa maligna Gelatina C. C. semper egregium habuit effectum.

Externe contra diarrhœam insigniter commendatur Theriaca umbilico imposita & illita, aut etiam regioni stomachi simul, si sola, si cum ana Balsami Peruviani misceatur, & irroretur aliquot guttis ol. destillat. Macis, emplastrum de crusta panis malaxatum cum ol. Mastichis, similiter convenit crusta panis tosta vino austero adpersa similiter convenit quando inspergitur pulv. nucis moschatæ & applicatur stomacho. Balsamus seu linimentum factum ex ol. Macis destillato & ol. Menthæ & carui destillatis & s. q. Ol. nucis moschatæ expressi, quantum sufficit scil. pro corpore. Fiat bals. stomacho & umbilico illinendus.

Quando opus est abstersione intestinali tunc notum est, quod usitatum sit Rhabarbarum, idque

que nunc in substantia ad ʒ j. cum conserva rosarum, nunc verò totum ad ʒ ij. cum pulver. nucis mosch gr. v. vel vi r. vel Sirupus rosarum solutivus propinatur in decocto hordei, cui additur ʒ j. præter propter terr. sigillatæ.

Fit nonnunquam ut diarrhœa sint admodum diuturnæ, itaut etiam ad aliquot annos sese extendant: in tali casu convenient Therma. Sic Riverius cent. 2. obs. 47. facit mentionem alvi fluxus per octo annos durantis, qui tandem usu Thermarum fuit curatus. Quibus ipsis Thermis etiam curatus fuit alius alvi fluxus diuturnus cum ulcere conjunctus. *Michael Ethmull. Colleg. pract. lib. i.*

Consultationes.

De Diarrhœa, Tenesmo, & Febre absque manifestis annotationibus. Pro Illustrissimos Octavio Tridento, Nobil. Vicentino. Ad Præclariss. Viros Alexandrum Massariam, & Iacobum Torefanum.

Agitur nunc trigessimus quartus dies, cum p. tiens Illustriss. post varios commissos errores in Victu, Venetiis in carnisprivio cibis usus variis, piscibus, & ostreis magna copia, & liberalius bibens vina generosa, atque Veneri indulgens, redux Vicentiam, conqueri cœpit de frequenti dejectione per alvum materiæ à prædominio biliosæ, cum subdominio atræ bilis, & pituitæ salis, torminibus ventris, frequenti dejiciendi cupiditate, excretionem aliquando sanguinis nigricantis, & lenta febricula, cum siti, & vigiliis. Cum autem duos fere menses continuos affectum neglexisset, tandem Medicorum Præclarissimorum auxilio implorato, plures clysteres epicetastici fuerunt illi præscripti, ex lacte caprino, saccharo rubro, ovi vitello, & senu hircino; addita refrigerantia, & humectantia, atque lenientia semel saltem fuerunt assumpta, nempe syr. ros. sol. cum decoct. pulpæ tamarindorum, superbibito sero lactis caprilli destillato. Ratione vigiliarum exhibitum laudanum Nepenthes Quercetani, & ad extinguendam sitim, serum caprillum majori copia, non omissis epithematibus refrigerantibus jecoris fervorem. Quibus tamen frustra administratis, quaritur utrum sanguis per venam sectam sit educendus, ut censent, cum diarrhœa non excedat, adsitque dysentericæ principium; & quid porro præscribendum sit pro debellando affectu præsentis.

Quibus satisfacturi, statuendum censemus adesse congeriem humorum vitiosorum in mesenterio, & intestinis, ex præterita incompositissima victus ratione, omnesque prædictos humores acrimoniam, & mordacitatem majorem ex putredine contraxisse, à qua provenit lenta illa febricula, vix ab Illustriss. patiente observata; ac proinde non tam copia, quam mala qualitate irritari intestinorum expultricem ad eorum expulsionem: unde facta aliqua ipsorum abrasione, subsecuta est dejectio sanguinis nigricantis, cum continuo egerendi conatu, ob lationem intestini coli, & recti, vel etiam muscoli sphincteris podicis.

Quibus sic statutis, respondemus, à quacum-

que sanguinis missione desistendum esse varias ob causas. Quarum prima, quia habemus corpus cacochymum, ob succos vitiosos genitos: secundo, quoniam materiæ peccantes sunt in primis viis, intestinis nempe, & mesenterio, quæ propterea per venæ sectionem trahi possunt in venas: tertio, quia vires non possunt non languere ob diuturnas dejectiones: quarto, quoniam præterita Venus immodica ipsas magis labefact. re potuit, accedente innata Illustriss. patientis inbecillitate.

Omissa itaque sanguinis evacuatione, consului pergendum esse in refrigerantibus, divergentibus, evacuantibus, & epicetasticis, ac somnum conciliantibus. In quem usum commendo serum lactis caprini, modò dejectorium, modò diureticum. Quod propterea exhibendum quarta quaque die depuratum ad ℥ ij. cum ʒ iij. syr. ros. solut. addita decoct. pulpæ tamarindorum: atque intermediis diebus præscribatur destillatum, diureticum redditum, cum emulsiōe ʒ iij. seminum quatuor majorum frigidorum, ad ℥ j. macerata in eo coma absinthii. Sic progrediendum aliquot dies, non omissis interim clysteribus, non solum epicetasticis supra propositis, & hactenus administratis, sed etiam aliquando deterforiis, cum mell. ros. simplici, & aqua hordei, succo plantaginis. Hisque peractis, & sublata febre, præscribi poterit aqua B Virginis aliquot dies, ad tres vel quatuor libras quolibet die, cum emulsiōe seminum diureticorum propositorum. Clysteres verò fiant ex lactis cocto cum terra sigillata, & bolò armena. Theriaca recens exhibeatur ad conciliandum somnum, & fluxionem sistendam.

Præscripta congrua victus ratione Viris Præclarissimis perquam notissima. *Bened. Silvati. Consil. & Respons. Medic. Cent. 2.*

De Alvi Fluxu. Pro Generoso Patientis.

Alvi fluxus, quò multis abhinc mensibus, & annis conflictatur generosus patientis, est fluxus materiæ biliosæ, viridis, nigricantis, & humoris melancholici, ab hepate proveniens calida intemperie donato, cum obstructionibus valde confirmatis; quarum ratione calor ascititius intensior redditus adurit humores, & fluxum rebellem efficit. Huic conjungitur excretio materiæ cruentæ quam ab hæmorrhoidibus potius provenire censeo, quam à superioribus partibus, cum quia sanguis est ab aliis excretis separatus, tum quia excernitur cum aliquo tenesmo, & aliquando sincerus neque est similis loturæ carniū, prout ex hepate effundi solet.

Est quidem affectus pertinax, qui nullis hactenus remediis cedere potuit; non tamen incurabilis, si tollantur obstructiones, jecur refrigeretur, & partes affectæ corroborentur, cum præsertim facile toleretur à generoso juvene. Et quanquam annexam habeat febriculam quandam, spero tamen fore, ut sublati obstructionibus cesset & febris.

Materiæ præsidiorum erunt potius Pharmaceuticæ, & Diæticæ, quam Chirurgicæ, cum jam missus fuerit ipsi sanguis semel, atq; iterum.

Inter Pharmaceutica autem tria remedio-

rum genera ex usu futura censeo. Primò quidem aliqua blanda dejectoria subastringentia. In quem usum commendo syr. ros. sol. cum tamarindis, & myrobalanis chebulis. Secundo refrigerantia diuretica, & moderate aperientia. In quibus erunt serum lactis caprini destillatum, cum agrimonia, gramine, capillo veneris seminibus frigidis diureticis, & portulacula absinthii; quo utetur plures dies, præmisso bolo ex succo agrimonie concreto, ammoniaco, & succo cichorii; cui tertio, aut quarto quoque die infundetur drach. j. rhabarb. Tertium erit usus chalybis; primò quidem potabilis, cum prædicto sero caprino: deinde etiam electuarii forma, cum conserva ex capillo veneris, & filipendula, addita portione sacchari ros. antiqui, & trochiscorum cypheos. His accedant fomenta, inunctionesque aperientes, sed temperata: ac tandem applicetur coctum oxycroceum Galeni.

Quibus jungetur congrua victus ratio, quæ diureticis sit permixta. Vino utatur oligophoro, & tenuis substantiæ. Et hæc agenda censeo in casu præsentis, pro salute hujus patientis. *Idem ibidem.*

De Purulenta materia excreta per alvum, & vomitum, & ad crus decumbente. Pro Nobili Matrona Angla.

Ex enarratis constat, Mulierem viduam, semper infœcundam, ætatis consistentis, à decennio passam esse tumorem in dextro hypochondrio, progressu temporis suppuratum, cum excretionem materiæ saniosæ, foetidæ, copiosa fere semper per alvum quandoque etiam vomitum, & aliquando per decubitus in tibiam. Qui tumor sæpius recrudit usque ad annum præteritum: quo tempore, loco tumoris, inanem prædictam partem percipiebat, ac deinde mensibus non liberè fluentibus, materia nigra, foetida, cum per os, tum per alvum cum frequenti lipothymia excreta fuit cum convulsione tandem internarum partium, seu potius motibus convulsivis, quos nunc quoque aliquando patitur, licet leviores; ut propterea de agendis consulat, potius præservationis causâ, quam curationis. Quare ut constet quid sit agendum, statuendum est, qualesnam fuerint affectus præteriti, & quæ fuerit eorum causa.

Tumorem itaque præteritum quod spectat, sicuti corruptissimum est, fuisse apostema productum à materia heterogenea, pituitosa scilicet & melancholico sanguine; alioquin longè citius ad suppurationem devenisset: ita censeo, non potuisse esse apostema hepatis. Non enim mihi persuadere possum viscus illud princeps, sanguificationi dicatum tam diu tumorem illum absque insigni labefactione calidi innati tolerare potuisse. Addo, quod febrem habuisset comitem, cum macie totius, & menstruum suppressione. Neque obstat, quod hydropem ascitem passa sit. Fieri enim potest etiam affecto jecore per consensum partium: prout non rarò ex scirrho lienis accidit, qui non adeò facili negotio discussus esset, denuoque recurrisset, cum tumore partis affectæ. Propterea censeo tumorem hunc in mesenterio genitum fuisse, quod sæpius sit sentina multorum excrementorum, atque obtusi sensus

cum sit, diuturnas tolerat affectiones, & in quo non rarò suboriuntur apostemata suppurantia: qualia frequentissimè fuerunt à me observata, quæ tandem subsidebant per dejectiones purulentas, iterumque statutis temporibus recurrebant, & oblitescabant denuò per similes dejectiones, non rarò cruentas, ita ut imposuerint quibusdam, illas pro dysentericis habentibus. Nec præter rem est hujusmodi materiam partim fuisse per vomitum excretam, facta ipsius transmissione ad ventriculum per venas lacteas, sive mesaraicas: neque quod ad crus ipsum decubuerit, cum partes omnes sibi invicem consentiant; ita, ut ego observaverim aliquando puerum Nobil. ulcere brachii laborantem, pus per alvum excrevisse, suppressa expurgatione per ulcus; nec semel, sed sæpius hanc metastasin factam fuisse. Quod autem novissimè supervenerint convulsiones, non bene fluentibus mensibus, cum dejectione materiæ nigra, foetidæ, feculentæ, nemini mirum esse debet, cum materia illa vitiosa transmissa fuerit à natura ad intestina. Quæ propterea sicuti exhalans in cor lipothymiam induxit, ita vellicando nervosam substantiam spinalis medullæ, motus convulsivos inferre potuit, non rarò invadentes in hysterice passionibus; quemadmodum nec rarò doloribus colicis succedit paralyxis, facta metastasi materiæ peccantis. Et hæc de affectibus propositis, & ipsorum causis.

A quibus ut præservetur, insistendum est frequenti alvi subductioni, mensium revocationi, etiam per connubium, diversioni per venarum sedalium familiarem resectionem, & emissarium aliquod infernis partibus inustum. Materias remediorum Viris doctissimis perquam notissimas data opera præmittendas duxi, ne Minervam, quod aiunt, Athenas ducere videar. *Idem ibidem.*

De Fluxo Hepatico. Pro Illustrissimo Barone Germano. Ad Perillustrem, & Excellentissimum Ioan. Iacobum Hartigium, Medicum.

Illustrissimus Baro, ætatis annorum 35. temperamenti calidi, & humidus, densi habitus, à juventute in locis montosis, & asperis Germaniæ degens, quindecim abhinc annis peregrinationibus susceptis per Galliam, Hispaniam, & Italiam, promiscua victus ratione usus, sub cælo modò æstuoso, modò frigidiori, & ventis opportuno, quatuordecim abhinc annis in alvi profluvium incidit, cujus causa ex Chymici cujusdam consilio stibiatam potionem sumpsit, à qua turbatus valde in gravia incidit symptomata, à dogmatico quidem Medico sedata, non tamen sublata omnino: quinimò sensim, & sensim adaucto fluxu, à potu gelidæ in Hispania, fructibusque nive refrigeratis, & in Germania, in Aula Cæsarea, præsertim à somno meridiano sæpius hausta aqua gelidissima ad libras duodecim Medicas, cum cinnamomo, acido citri, & saccharo, nulla succedente cœna, spatio annorum aliquot, trib. abhinc annis ita invaluit alvi fluxus, ut die, noctuque modò 7. 9. 10. modò frequentius alvum dejicere cogatur. Frequentiores tamen sunt nocturnæ, quam diurnæ dejectiones

ctiones, plurimum inconcoctæ, frequenter bilivæ, & pituitæ viscosæ immixtæ, cum sanguine nonnunquam cum crasso, & splendido, tum aquoso, loturæ carniū nuper mactatarum non dissimili; quas præcedit semper flatuum copia, intima ventris regione, umbilico, ac pubis ossibus circumscripta, dolore acutissimo subsequente, qui non raro irritō deijciendi conatu tenesmum æmulatur. Propterea de agendis consulit.

Nos itaque illi opem allaturi determinandum censemus, affectum præsentem esse cum diarrhœam, tum dysenteriam, cum aliquo tenesmi principio. Diarrhœam quidem, ratione materiæ heterogenæ excretæ, pituitosæ, & biliosæ, cujus causa est symptoma in excretis, consequens irritatam expultricem intestinorum, à materia cum acrimonia, tum copia peccante: dysenteriam quinetiam, ratione sanguinis excreti, nomine tamen dysenterix latius usurpato, pro quacunque cruenta excretionē; non secus ac ea voce usus est Hippoc. 4. de Articulis dicens: *In ossium præcisione progressu temporis expectandas esse dysenterias.* Ubi Latinus interpret cruentas dejectiones reddit: & 1. de Nat. Hum. 33. 2. in Pr. Epid. 7. & 36. 3. in 3. Epid. 7. & alibi, cum Gal. in com. Præsens namque affectus vera dysenteria dici non potest, quoniam non provenit ab intestinorum ulcere, sed potius à vitio cum ventriculi, tum & magis ipsius hepatis. Ventriculi quidem, ubi labefactato calido innato, inducta est intemperies frigida & humida ab immodico refrigerantium usu; ut hoc nomine congerantur cruditates, & coacervetur copia pituitosæ materiæ, à qua debilitata etiam est retentrix intestinorum, frequentis dejectionis causa. In Hepate verò adest vitium duplex, utrumque magni momenti, intemperies scilicet in excessu calida, ob quam congeritur bilis copia; & morbus in mala compositione, obstructio nempe cum in ipso, tum & in mesenterio, cujus causa excernitur sanguis crassus, splendor, & exustus, intercepta caloris ventilatione: atque dejectiones nocturnæ sunt frequentiores, ob ejusdem caloris refluxum ad interiora. His tamen de causis fluxus hic propriè hepaticus non est dicendus, licet à morbosa jecoris affectione proveniat, nisi propter aquosum illum sanguinem non absimilem loturæ carniū nuper mactatarum, hoc nomine censerī debeat, cum ab Alex. Tralliano lib. 8. c. 3. dysenteria hepatica vocetur, à Gal. item, & aliis Medicinæ scriptoribus fluxus hepaticus. De quo tamen duo quæri possunt. Primum est, quam pars jecoris potissimum afficiatur; alterum, quam sit causa princeps hujus dejectionis. Nec immerito quæritur de parte affecta. Hepar enim constat ex parenchymate, & magna venarum propagine cum ex cava, tum ex porta emanantium, cum præsertim Gal. ipse 6. de Placitis Hipp. & Pl. tex. com. 14. prodiderit, dubitatum olim fuisse à Medicinæ scriptoribus, utrum facultatis sanguificatricis sedes sit in parenchymate, vel in venoso genere. Quod dubium adhuc viget, siquidem Vesalius, & cum eo Laurentius Joubertus in Paradoxis, existimant sanguificationem fieri à venis, non à parenchymate; quod pluribus rationibus confirmant: duabus potissimum. Quarum prima est, quoniam actio fit per contactum; chylus autem tangit venas, non

parenchyma, Secunda, quia omnis actio fit à calido innato validiori: sed validius est calidum innatum in venis, quæ sunt spermaticæ, quam in parenchymate, quod est substantiæ sanguinæ. Cui venoso generi sanguificatricem facultatem adscripsit etiam Gal. 1. de Nat. Facult. 5. dum eandem facultatem tribuit venis in sanguificatione, quam cordi in generatione spiritus vitalis, & cerebro in spiritu animali. Argenterius è contrario tueretur parenchyma esse partem principem sanguificatricis facultatis. Cujus opinioni ego quoque subscribendum censeo, his argumentis adductis. Quælibet partis actio fieri debet à proprietate substantiæ ejus, cujus est actio. Sed nulla est pars in toto corpore, quæ habeat substantiam similem magis sanguini, parenchymate. Ergo sanguificatio fit à parenchymate. Addamus, quod sanguificatio est chyli concoctio. Sed concoctio est mutatio ejus quod concoquitur in naturam coquentis: sed sic est, quod chylus, dum in jecore concoquitur, convertitur in substantiam similem parenchymati, temperie, colore, & modo substantiæ. Ergo sanguificatio fit à parenchymate. Accedit, quod eadem ratio arteriarum ac nervorum, quæ est venarum. Sed arteria non generant spiritus vitales, neque nervi animales, sed devehunt tantummodo. Ergo & venæ non generabunt sanguinem ex Gal. de Plac. Hipp. & Platon. lib. 6. c. 14. Præterea sanguificatio fit à calore temperato. Sed venæ sunt frigidi temperamenti; languet enim in ipsis calidum innatum. Ergo non possunt sanguinem producere. Non tamen neganda est aliqua præparatio in venis, non secus ac in ore fit ciborum. Quod innuit Gal. cum asserit in venis fieri sanguificationem. Quod autem fiat actio per contactum, id fit immediatè, vel mediatè. Propterea concludendum est, parenchyma jecoris esse partem principem, cui demandata est sanguificatio: ac propterea cum in casu præsentī hæc læsa sit, pars potissimum affecta est jecur, & parenchyma ipsius.

Causa effectrix ratione flatuum, & pituitosæ materiæ, est intemperies frigida & humida ventriculi, contracta ex potulentis, fructibus frigidis, & nive refrigeratis; ratione verò materiæ biliosæ, est intemperies calida jecoris, cum materia obstructionum causa, unde sanguis ille crassus, & splendor: ratione autem sanguinis aquosi, est imbecillitas calidi innati ipsius, cujus ratione Aëtius Tetrab. 3. Serm. 2. c. 1. egit de fluxu hepatico in Capite de Imbecillitate hepatis. Alex. Trallianus ubi de imbecillitate hepatis l. 8. c. 3. inscripsit Caput illud de Dysenteria Hepatica; & Gal. passim patientes istos hepaticos vocavit 5. de Loc. Aff. 7. 8. de Comp. per Loca. 3. de Causis sympt. & alibi. Imbecillitas autem hæc potest esse cum qualibet excedente intemperie. Propterea mirum non est, quod intemperiei calidæ bilem generanti accedat imbecillitas calidi innati non perfectè concoquentis, aquosumque sanguinem generantis: cui tandem jungitur dolor in imo ventre, & conatus irritus deijciendi, sive tenesmus. Humores namque acres cum biliosi, tum pituitosi falsi dum deijciuntur, in effluxu expultricem irritant. Et hæc de essentia, & causis præsentis affectus.

Qui quidem est maximi momenti: quoniam facillime potest in lenteriam, ratione continuæ dejectionis; & in hydropem, ratione imbecillitatis calidi innati.

Attamen cum vires consent in Illustriss. patiente, insistendum est Medicis præfidiis divergentibus, præparantibus, purgantibus, & corroborantibus.

Pro diversione probantur frictiones totius corporis, cucurbitulæ non scarificatæ pluribus partibus appositæ, & cauteria in utroque brachio; non omiſſa parca sanguinis detractio ex ſalvatella dextra pro revulſione, & ratione caloris excedentis.

Præparentur humores cum cichoraceis, capillo veneris, pentaphyllo, absinthio, & mentha. Purgentur deinde rhap. immaturo, & saccharo ros. solutivo, parato scil. ex roſis Perficis, & decoct. corticum myrobalanorum chebulorum. Mox repetantur præparantia magis aperientia, & diuretica, cujusmodi erant radices fœniculi, petroselini, agrimonie, cortices radicum cappari, cum seminibus anisi, fœniculis, & coriandri præparati, mentha, & absinthio, bolo præmisso ex succo absinthii concreto, trochisci de rhabarbaro, & hepate lupi præparato. Repetita purgatione cum eodem rhabarbaro torrefacto, mixto cum saccharo ros. antiquo ex roſis Damascenis. Hisque peractis, præscribendum erit decoctum ex ſassafras, ligno rhodio, & lentisco, cum seminibus anisi, dauci, & radicibus diureticis fœniculi, asparagi: addito semper absinthio, & succo cichorii depurato, parato in jure galli junioris, præmisso bolo ex terebinthina cypria, mastiche, & trochiscis cypheos: atque blando sudore excitato cum pane nuper è furno extracto, & linteo involuto, diversis corporis partibus admoto, vel cum doliolis aqua sudorifica repletis. Horis vespertinis exhiberi potest tinctura rosarum extracta cum spiritu vitrioli in aqua cichorii, & menthæ. Aquæ quinetiam Thermales moderatè calidæ potui datæ conferent: non omiſſis aliquando clysteribus ex lacte chalybeato, cum sacch. rubro ſevo hircino, ratione tenesmi, Extrinsecus usui erit stillicidium ventriculo, ex oleo mastichino, absinthite, de mentha, & communi, cum schœnantho, calamentho, & vino Cretico. Inunctio totius corporis oleo chamæmelino, amygdalino, Jecori ceratum oxycroceum; non omiſſo usu sacchari ros. antiqui, cum terra sigillata; & si patient ad vomitum proclivis fuerit, blanda vomitoria: non tamen laxantia conferent.

Victus præscribatur facilis coctionis, & boni nutrimenti, sumpto in prima mensa diacydonio, parum & sæpè nutriendo, & vinum rubrum subastringens potui exhibendo, cum mediocri exercitio, & somno. *Idem ibidem.*

De Puris excretionep̄ Alvum ex ulcere brachii, cum perforatione intestini cicatrice obducta. Pro Illustr. Pueri septenni Superantio.

Rarus affectus, nec minus cognitu, quàm curatu difficilis nobis occurrit expendendus, & profligandus, cujus hæc est historia. Illustriss. & Nobiliss. pueri Superantio, annos nato septem circiter, temperamenti calidi, ad siccum vergentis, ex confluxu materiæ, ob contusionem

forſitan, accrevit abscessus in sinistro brachio propè cubitum, cui suppurato, & disrupto, successit in dicta parte ulcus altum, sinuosum, caecothæ, cum affluxu materiæ, ex quo mensis spatio circiter magna saniei copia emanavit: mox cessante ferè omnino fluxione, observatum fuit quod per alvum excernebatur cum fascibus aliqua puris copia; ac deinde palam factum, quod quamdiu pure, & sanie manabat ulcus, illis non inquinabantur alvi feces, & vicissim, dum per alvum excernebantur, brachii ulcus illis vacabat: & quod mirum, patuit nobis parvum apostema in umbilico, ex quo disrupto non solum pus effluxit, sed & cum eo granum passularum, & medius nucleus pineus, quæ assumpserat, indicio manifestissimo intestini perforati, cum alioquin assumpta per umbilicum erumpere non potuerint. Atque adeo duos observavimus affectus maximi momenti, metastasin scil. puris à brachio ad intestina, & ab intestinis ad brachium; inter quas tamen partes consensus non ita patet. Quinimò sapius à Gal. proditum, quæ sunt in thorace, & partibus supra septum transversum, expurgari per urinam; quæ verò infra septum transversum, per alvum: ut propterea longè minus per alvum expurgari possint humores, qui sunt in brachiis. Alter affectus est intestinorum perforatio, quem statuit Hipp. esse non solum incurabilem, sed lethalem 6. Aphor. 18. his verbis: *Pertusa, perfectave vesica, cerebro, corde, septo transversò, tenui quopiam intestino, ventriculo, jecore, lethale est.* Effluxus autem assumptorum per umbilicum prodit intestini tenuis perforationem, ac proinde affectum lethalem. Convaluit nihilominus Illustrissimus patient, & sanus degit, excepta brachii contractione, seu convulsione ad interiora etiamnum perdurante: cum inculpatissima alioquin corporis valetudine utatur triginta quatuor, & quod excedit annis ab affectu proposito.

Cum itaque de transmissione prædicta à brachio ad alvum, & ab alvo ad brachium nulla sit difficultas. Oculata enim fide id testari possum, quam confirmare possem testimonio Præclarissimi, & celeberrimi Anatomici, Hieronymi Fabricii ab Aquapendente, Equitis, si esset in vivis; cum præsertim in promptu sint historiæ hujusmodi transmissionis apud Ambrosium Pareum 10. lib. suæ magnæ Chirurgiæ c. 12. & lib. 16. ejusdem operis c. 49. ubi refert se vidisse expurgatam saniem cum ex dextro, tum ex sinistro brachio, non solum per alvum, sed etiam per urinam. Difficultatis caput situm est in assignando ductu, per quem à brachio ad intestina transmitti, & confluere possit materia purulenta. Qua tamen in re, missa ex aliorum sententia generica illa via, quod sc. totum corpus sit transpirabile, & sit consensus unus, conspiratio una, & convenientia omnia, ex Hippoc. censeo ego, quod per venam axillarem à brachiis transmitti possit materia ad venas thoracicas ejusdem litteris, & ab iis per ramos venæ *æzore* cum quibus junguntur, ad hepat, à quo per anastomosis venæ portæ cum cavæ ramis, facili via postmodum ad intestina confluat. Et sanè, si à surditate diarrhœa superveniens eam tollit, ex Hip. dummodò sit recens, addit Gal. in com. Aph. 29. 4. particulæ per evacuationem scilicet biliosæ

biliosæ materiæ surditatem inducentis, quid prohibet, quominus transmittatur ab expultrice brachii ad venas prædictas, & expurgetur per alvum. Quinimo Paræus l. c. refert historiam cujusdam, qui per evacuationem purulentæ materiæ à brachio per alvum, & urinam, sanatus fuit absque localibus parti affectæ applicitis. Alterius enim loci loca recipientia, aut pondere, aut alio aliquo liberant, ex divini Hipp. oraculo 3. in 6. Epid. text. 37. Quod confirmavit 4. in 6. Epid. 3. his verbis: Cui intestinum in dextra parte, arthriticus fiebat, & quietior, postquam autem curabatur, dolentior. Vena autem azygos duplicem consensum habet cum venis thoracis, ut observat Fallopius, & confirmat Andreas Laurentius celebres Anatomici; prior est cum thoracis venis, quæ ab axillari propagantur, unde inquirunt, in pleuritide venæ ejusdem lateris sectio maximè confert: altera est cum emulgente, per ramulum, à quo puris in thorace collecti fit expurgatio per urinam. His sic suppositis, statuimus, à venis brachii, quæ sunt propagines venæ axillaris, ad thoracicas, indeque ad *ἄνωρον*, ab illa ad hepatis, ab hoc postmodum ad venam portæ, & intestina confluisse materiam, quæ per alvum postmodum expurgabatur. Quod autem cicatrice obductum, & sanatum ulcus intestini, mirum non est, cum quia puerilis ætas, in qua plurimum est calidi innati, superat gravissimos affectus, tum etiam, quia morbus erat in principio, nec adeo gravis. Hippocratis enim sententia tunc tantum obtinet, cum insignis est perforatio, ut notat Gal. in comm.

Quare præmissa blanda corporis purgatione, solo decocto ex radice chinæ, verbena, serpentaria, consolida, & cichorio, cum carne pulli; & extrinsecus cum aquis thermalibus Montis Ægrotorum, injectis per siphonem in sinum ulceris, modò cum melle ros. modò cum pulveribus sarcoticis, & immersione cum brachii, tum inferioris ventris in iisdem aquis, præscripta congrua victus ratione, patientem Illustr. pristinae sanitati restituimus: quam eidem nunc Senatori Excellent. à præpotente Deo longævam enixè precamur. *Idem ibidem.*

De Diarrhœa, & mensium suppressione, cum corporis Macie. Pro Nobili & lectissima Juvene.

De duobus potissimum affectibus conqueri video lectissimam juvenem, de alvi fluxu videlicet, & mensium suppressione, ut optimè observatum est à Viro Excellent. Alvi autem fluxum provenire ab intemperie frigida, & humida ventriculi compertissimum esse censeo, cum ex affectu simili præterito ante aliquot annos, tum ex diuturnitate ipsius, tempore excretionis, hora scilicet concoctionis, qualitate excretorum, necnon & ex flatuum copia. De mensium autem suppressione non ita constat utrum dependeat ab obstructionibus venarum uteri, vel ex defectu sanguinis ad eum non confluentis. Quoties enim cumque non fit bona concoctio, nec fieri potest copiosa sanguinis generatio, prout forsitan accidit in casu præsentis, in quo affligit diarrhœa decem abhinc mensibus, ac propterea sanguis copiosus adeo congeri non potest, ut & nutriat, & statutis mensibus expurgetur, hinc-

que fit quod patiens ipsa in dies macrescat. Neque obstat quod intumescant venæ fedales. Frequens etenim dejectio causa est tenesmi, venarumque illarum turgentia, cum aliqua sanguinis excretionem. Propterea existimarem ego mensium suppressionem provenire potius à defectu sanguinis & à derivatione humorum ad alvum, quam ab obstructionibus. Rarò namque accidit, ut natura consueta obeat munia alio distracta.

Utcunque sit, spero menses liberè fluxuros curata diarrhœa. Quod fiet contemperata ventriculi intemperie calorificis, & exsiccantibus, necnon & humores alio divertentibus, & præsertim ad vias urinæ.

Quod ut obtineatur, summa cum ratione præmissa fuit diligens corporis purgatio, exhibita, item aqua Teturtiana necnon & præscriptum decoctum ex radice chinæ, & saffra, addito lentisco, ratione ventriculi, & diureticis præscriptis paratum, cum columba turricola; cui præmitti poterit drachm. i. Terebinthinæ Cypriæ: in cujus usu persistet viginti dies, semel in die matutinis horis: vespertinis verò, hora ante cœnam assumet unc. i. Conservæ ex absinthio umbellifero: cum drachm. i. Boracis mineralis: non omissis externis topicis. Ratione ventriculi duo remedia erunt valde accommodata, stillicidium scilicet ex oleis mastichino, absinthite, cydoniorum, rutæ, & nardino, decoctis cum vino Cretico ad consumptionem vini, addita infusione schœnanthi, spicæ, & ligni Aloës, cujus usum continuabit 15. dies quotidie, horam circiter, superposito deinde cerato ex mastiche, caragna, & tacamahaca. Aliud erit picationes ventriculo singulis diebus administratæ manè & vespere hora semis ante cibum, applicando picem navalem obductam corio, quæ vi removebitur, totiesque applicabitur, dum rubor excitetur in cute: tunc enim statim supersedendum erit illius usu, quò calor ad ventriculum attractus cum sanguine, retentricem, & concoctricem facultatem corroboret. Cum primum autem remiserit diarrhœa, revocandæ erunt menstruæ purgationes inessu in aquis thermalibus sulphureis, quibus deficientibus, lixivium ex usu erit, paratum ex cinere ficus, & sabinæ, alteratum scordio, dictamno, matricaria, artemisia, pulegio, & sabina, immissa cannula pertusa in sinum muliebrem: factaque deinde inunctione oleo liliorum, laurino, & rutaceo, cum modico moscho, & ambra.

Cibus sit facilis coctionis, parum & sæpè exhibitus, præmissis semper diacydonio cum pipere, non liquidus; & potus sit vini modicè generosi, rubri, subastringentis. Atque hæc in præsentia præscribenda erant, abstinendo ab omnibus fructibus, præter mala cydonia. Quod si his non cesserit affectus, autumnio parandum erit vinum medicatum, ex ligno Indico, lentisco, absinthio, & roremarino, quo tota hyeme utetur in prandio, & cœna. *Idem ibidem.*

Lienteria cum Atrophia, & Cachexia principio.

Puella morigera, æque supra ætatem modesta, ac prudens, animique fortitudine in ærumnosa sua valetudine prædita, annorum octo cum dimidio, ab exortu delicatula, mollis habitus,

gracillimi, atque raræ texturæ, coloris albicantis, rubentis in genis, Jecoris præalidi, frigidi verò ventriculi, anno elapso, à quo exordium sumpserit ejus morbi, post piscium usum à prægressa quadragesimali observantia, à domesticis male se habere observata fuit, sæpiusque quàm par foret, alvum deponere. Cum tandem circa medietatem Veris, variolis, quas alias imminue passa fuerat, leviter iterum tentata est, ac insuper post ipsas Ophthalmia laboravit; quibus cum ab adstanti Medico prospiceretur, assumpto Magisterio mechoac. successit contumax alvi fluor, etiam nunc perdurans, tribus quandoque horis, & plus distans à cibo, quandoque ab eo statim juxta esculentorum crasim, dejectionesq; sæpius noctu, quam diu affligunt, absque tamen intestinorum dolore, licet quandoque tormina adfuerint. Rugitus in intestinis & murmura tunc maxime adsunt, cum alvi fluor excitatur. Depositiones modo rariores, modo frequentiores fiunt, ad quatuor vel quinque ut plurimum vices, quandoque verò ad octo vel decem. Excreta ab eo tempore, à quo Curationem suscepi, albicantia, maxime fœtida, quoquo factò spumosa, semper liquida atque serosa conspexi, licet quatuor tantum vel quinque vicibus compactioris consistentiæ extiterint per totum morbi decursum. Quibus tandem commisceri incepterunt alimenta nihil prorsus mutata; macie interim ac totius corporis pallore insuper additis, una cum pedum intumescencia. Venter inferior tumidus, tensus est, ad instar tympani resonans. Dolores vagi puellam quandoque torserunt, modo in hypochondriis, modo in artubus inferioribus, modo in mandibulis. Quibus ærumnis inseparabilis febricula juncta est, cum pulsu celeri, duriusculo, caloreque arteriæ post cibum tribus circiter horis magis se exerente: Usque adhuc attamen aliquam duplicis tertianæ ideam servasse conjeci, cum magis una die, quam altera febrile videatur, incipiente quinetiam febre, vel cum rigore, vel cum levi refrigeratione, quod à principio usque adhuc rimatus sum. Quæ cuncta committatur omnimoda ciborum abominatio, cum appetitus penitus exoleverit, succedente ab assumpto cibo frequenter vomitu. Non sitit Ægrota, satis dormit. Pro quibus varia præsidia tentata sunt, sed incassum omnia. Quare abs Tripode petimus meliora ac selectiora pro singulari vestra humanitate in Puellæ salutem, dum interim ego Virtutis vestræ immortalis æternum memor, obsequentissimus mandata expectabo.

Quamvis deploratos attingendos non esse, sed finem morbi tantummodo prænunciandum, consuluerit Gal. nihilominus humanitas & Christiana pietas monet & præcipit, miseros Ægros à nobis nunquam deferendos esse, nec implorantibus deneganda remedia; quod idem innuere voluit Divinus Senex, dum dicebat, se observasse quod multi præter spem sanati fuerunt. Nobilis igitur Puella quæ in infantia pravo lacte nutrita fuit, & ideo non adeo bonum habitum comparavit, mox ex alimentis pravi succi anno elapso, quadragesimali tempore obstructions contraxit, in præsens multis torquetur malis, unumquodque quorum difficilem Curationem admitteret, quæ difficultatem quo-

que adaugent, quia ultro nimis progressa sunt: fluxus enim alvi, qui Diarrhoea intestinalis nomine ab initio appellari poterat propter obstructions à cruditatibus in vasis tum mesarais, tum lacteis acervatis contractas, aucta intemperie frigida & humida, & ut dicebat Avic. refrigerato calido, tractoque in consensum ventriculo, Cœliaci affectus nomen acquisivit, qui progressu ad lentericum fluxum pervenit, dum ab innati caloris paupertate, laxatis etiam antea ab humiditatibus ventriculi & intestinorum tibus, ut contigit Thasiis, retentrix facultas in eo imbecillis reddita fuit, ut cibum sustinere tanto tempore nequirit, quo concoctrix (& ipsa debilis) eosdem conficere, imò vel permutare posset: & ideo sicut olim alimenta corrupta, in cruditates aliosque humores conversa, excreta conspiciebantur, tum propter improporcionata objecta, ita subinde adauctis obstructionibus, validiori reddita intemperie frigida & humida intestinorum, ventriculi depauperato nativo calore, non solum ab ipsa intemperie, sed etiam ab humidi defectu, facultates inservientes imbeciliores semper factæ fuerunt, & ideo subversa naturali œconomia, nec retineri, nec concoqui, nec permeare potuerunt alimenta ad jecur ipsum pro hamatosi, ad totum corpus nutriendum: unde necessario accessit Atrophia, Tabi proxima, non sine Cachexiæ principio, ob alimenti defectum atque depravationem. Quos affectus acceleravit & fovit quoque febris, non solum à fermentatis cruditatibus, verum & à quotidiana alimentorum corruptione proveniens. Nec mirum ex cruditatibus flatuositates elevari, & ex imperfecta hamatosi serositates generari, quæ huc & illuc divagantes, dolores in variis corporis partibus excitaverint & excitent.

His ita habentibus, spes in angusto posita est, evidens autem interitus periculum: Tabida namque febris & Hydrops præforibus sunt. Minuunt insuper salutis spem auxilia medica selectiora, congruo ordine & propriis intentionibus hucusq; administrata ut propterea ad aliud transeundum non esse videretur; nihilominus quid, meo judicio, in hujusmodi status angustia faciendum sit, paucis exponam, rectum usum Præclariss. Viro Abstanti committens.

Ordo medendi legitimus expostulat, ut expeditis primis viis, referentur obstructions, mox ventriculi & intestinorum humida intemperies corrigatur. Tertiò Calor natus ventriculi & aliarum infernarum partium refocilletur, & febrilis remittatur. Quartò ut fibrarum laxitas exicetur & roboretur; atque tandem totum corpus emaciatum renutriatur.

Quibus intentionibus satisfaciendis, Chirurgica remedia locum non habent; & prima paucis valde Pharmaceuticis eget, siquidem lubrica nimis sunt redditæ viæ, & ad evacuationem paratæ; nihilominus decoctio pulpæ Tamarindorum cum tribus uncis syrup. ros. solut. sufficiens esse poterit ad primas vias expediendas.

Secunda intentio esse deberet obstructionum referatio; verum quia jam confirmatæ sunt, & urget nativi caloris defectus: ideo ne dum Romæ consulitur, Saguntum expugnetur, ordine regulari relicto, urgentiori incumbendum venit,

venit, nimirum ventriculi & intestinorum nativo calori, fovendo, & laxatas fibras exiccando atque roborando, ut postea, si dabit Deus, reliquis intentionibus satisfieri possit. Itaque pro fovendo ventriculi & intestinorum nativo calore, necnon ut laxata fibra roborentur, multa, & varia à Medicinæ scriptoribus proponuntur; sed mihi magnopere arridet huiusmodi compositio.

℞. Conservæ rosarum antiq. pulpæ Cydoniorum elixæ, an. ʒij. Conservæ absinth. Pon. ʒj. Mithridati opt. ʒj. pulv. membranæ internæ ventriculorum gallinarum ʒij. specierum Diarrhod. Abb. aromatici ros. an. ʒss. tincturæ coralchym. gutt. xii. m. reformetur electuarium, ad ʒss. quotidie summo mane assumendum; Vespere vero hora una ante cœnam præbeatur bolus ex pulveribus ita paratus

℞. Pulv. Margaritarum præparat. mastichæ electi, specierum Diarrhod. Abb. an. ʒj. m. & cum vino malvatico reform. boli n. v. quorum unus singula vice offeratur. Extrinsicus verò emplastrum ex fermento, ab Amato Lusitano descriptum, ventriculo apponatur; & interim reliquis intentionibus quoque satisfaciendum decoctione exigui Rhapontici in jure carniū, quo edulia parantur: non enim ad majora Aperientia deveniri posse censeo, cui chinæ opt. incisæ taleolæ tres aut quatuor addi poterunt. In his per aliquot dies pergendum erit, & observandum num lactis usus locum habere possit, quod sit, aut muliebri è mammis multum, aut caprinum chalybeatum, sine saccharo & guttulis aquæ cinnam. aspersum. Sicut interim chalybeatum quoque serum destill. pro febrili calore remittendo idoneum Alterans esse poterit.

His omnibus congrua erit addenda victus ratio, ab Excellent. Viro præscribenda, ita ut parum & sæpè nutriatur, ut in imbecillo calore cum Hippoc. notat Galenus, & alimenta sint optimi succi, facilis coctionis atque distributionis; sic nonnunquam parentur panatellæ cum emulsione pistaciorum & nucleorum; nec vinum, paucum, tenue & oligophorum denegetur, china opt. medicatum, sed nullo modo aqua dilutum; interdum etiam ossa panis vino aliquo aromatico, non dulci, imbuta permittatur. Quæ in hoc præcipiti casu contraindicationibus referto, à me proposita, faxit Deus, ut proficiant & salutaria evadant. *Raym. Joh. Fortis Consult. & Respons. Medicin. Tom. 2. Cent. 3.*

Cœliaca Passio.

Reverendiss. Pater sexagesimum secundum annum agens, temperamenti totius calidi & humidi, calidioris jecoris, habitus naturaliter carnosus, ingenio ac doctrina clarus, ac inter rariores suæ Societatis mentes ad efformandum Sereniss. Ducis animum maximo jure delectus; mense Julio præteriti anni, post vini nive refrigerati, & fortasse etiam fructuum usum, incidit in alvi fluxum, copiosum adeo, ut decies aut duodecies quotidie dejiceret materiam subalbidam ut plurimum, & veluti cinerei coloris, aliquando vero subrubeam, sed ad pallidam magis vergentem, & loturis carniū non ab similem, viscidisque mucositatibus permistam, cæterum nulla acrimonia, nullo calore, nullo

unquam dolore molestant, quamvis etiam flatus non exigua copia producerentur. Quare Pat. Reverendissimus malum huiusmodi nihili faciens, reliquum Aestatis, integrum Autumnum, & ferè totam hyemem faciei colore ac viribus immutatis, sollicitaque vigente appetentia, ac propterea nullis tentatis remediis, hoc statu transegit. At tandem Februario mense appetentia ac vires dejici cœperunt, nocturnus somnus imminui, adeoque Patiens qui parcissimo interim utebatur cibo, gracilescere, ut Aprilis initio ingens macies totum corpus, & ventrem potissimum occupaverit. Quamobrem cum fluxus adhuc perdurans, sexies aut septies quotidie repeteret, coactus denique ad medica præsidia confugit, atque adeo evacuatione per alvum, iteratis medicamentis, & sanguinis missione, salvatella soluta, totius corporis expiatio procurata fuit. Aqua etiam Tettuciana, nisi semel exhibita ingentes cruciatus attulisset, iterum ac tertia repetita esset. Decoctum ex china & carne viperina, cum stomachi fomentis & illitionibus, vinum absinthio medicatum, pulvisque viperinus, qui in præsentiarum etiam in usu est parum profuere: namque alvus materiam ejusdem naturæ quinquies quotidie adhuc deponit: nec unquam naturales egerit fæces, nisi ope pilularum ex Aloë, quæ octavo quoque die assumptæ, consistentium excrementorum non mediocrem copiam extrudunt. In hypochondriis non semel exploratis, nulla tensio, nullæ unquam obstructions deprehensæ. Modo Pat. Reverendissimus ruri degit, ubi si apparentia ac somnus considerentur, melius nonnihil habere videtur; cæterum fluxui supra omnium medicamentorum hætenus exhibitorum vim contumaci auxilium quarit.

Quoniam quandoque contingit ut homines à quàm plurimis malis præserventur, supervenientibus Diarrhœis, quarum ope natura ab excrementis exoneratur, hinc fit ut sæpè sapius easdem permittant, non incipientes solum, verum & diutius perseverantes, licet decipiantur, cum quandoque Dysenteria succedere soleant à Diarrhœis biliosis & excrementiis, quandoque virium defectus & totius corporis macies ab iisdem chylosis & alimentalibus existentibus, in quo postremo casu est quoque deceptus Reverendissimus Patiens, qui ab annua Diarrhœa detentus, nec ab initio, nec in progressu ullam noxam, sive dolorem percepit, utpote à chylosa & benigna materia excitata, non quidem per Dyspepsiam, sed potius per Bradypepsiam producta, & ideò nullus morsus, sed tantum chylosa materiæ crudæ, subalbida & cinerici coloris, non autem flavæ, licet tandem quandoque etiam rubescentis coloris, mucosæ quandoque, nonnunquam aquosæ, & aliquando masticata carnis formam representantis fluxus, ex quibus Cœliacam passionem adfuisse & adesse credo, hepate quoque tandem nonnihil ad imbecillitatem deducto.

Quoniam verò hæc fieri potest, vel frustrata coctione, vel distributione impedita, ideò de causa dubitari poterat; ego tamen utramque conspirasse existimo, & primò cruditates ex concoctione imminuta, cum in hac senili

erate potibus nive refrigeratis fuerit usus; & facile fructibus aliisque hujuscemodi alimentis impropriis: à cruditatibus autem non lacteas tantum venas, verum & magna ex parte mesentericas obstructas fuisse censeo, unde paucis post diebus chylosa materia in ventriculo satis elaborata, aditus & transitus fuerit interceptus, quæ in intestinis inutiliter commorans, ad alvum deponeretur, dum naturaliter venas jam dictas pervadere debuerat, & perfectiorem acquirere, quousque ad hepar, ut in sanguinem verteretur, pervenisset pro totius corporis nutritione, exigua excepta tenuiori & puriori earundem portione, quæ per lacteas ad ductum thoracicum ferri, & inde per venas jugulares ad cor deferri solet; cujus veritatis testimonium præbent fæces consistentes, quæ à medicamento exhibito, ab Aloë scilicet figurata excreta videntur, primæ concoctionis sat bene celebrata signum: etenim si fluxus iste à soluta imminuta concoctione procederet, fæces consistentes à chylosa materia non adeo bene segregarentur, sed confusa cum eadem, liquida per alvum educerentur, & ideo Chylo licet sat bene concocto, ab obstructionibus transitum interceptum fuisse certo credendum. Verum cum causa hujusmodi medicamentis nunquam ablata, sed imminuta coctioni tantum provisum fuerit, hinc factum est ut non solum fluxus iste ob impedimentum distributionem perseveravit, verum & imbecillitatem, tum ventriculi, tum intestinorum pro altera causa acquisiverit, quæ licet ab initio Diarrhœæ prima causa fuerit, cessisset tamen, & cito, si aperientibus auxiliis viæ reserata fuissent; licet non sit negandum quod tanto tempore affectus iste perdurans, non intra solius celiacæ passionis limites sese continuisset, sed ad Lienteriam quoque pervenisset, sicque non solum cruditas, sed celeritas quoque excretionis addita esset, nisi medicamenta corroborantia, & calorem nativum foventia administrata fuissent; sicut imposterum de hepatis imbecillitate & fluxu hepatico superventuro jure merito dubitari posset.

Quare ut & imminens intestinorum lævitas & hepaticus fluxus præcaveantur, & Atrophia potius, quam Hydrops arceatur, omni industria hujus affectus confirmati Curatio, licet difficilis, est aggredienda. Primò, primas vias caute mundando. Secundò Aperientibus venas expediendo. Tertiò Ventriculo & intestinis robur aliquod addendo; atque tandem, si fuerit opus, jecur quoque corroborando.

Pro quibus explendis intentionibus, non est quod de remediis Chirurgicis loquamur.

Ad Pharmaceutica itaque deveniendum, & exiguo flore cassiæ & lenitivo cum Aloë primæ viæ sunt expiandæ. Inde per quinque dies earundem deterfio procuranda, exhibita mulla, exiguo aceto, ad incisionem; acetosa reddita, & corticibus citri rec. atque frustulo cinnam. aromatizata, & ad cyathum summo mane propinata. Inde idem superscriptum medicamentum repetendum, ut ad Deobstruentia deveniatur, quæ potius liquida, ut facilius confirmatas obstructiones pervadere possint, quam solida sunt præbenda. Sic præstantissima erit rhabarbari infusio ad 3j. per noctem, in cyatho,

ex aqu. stillat. de succo cichor. & agrim. parato, summo mane exhibendo. Die vero sequenti eandem aquam assumat Reverend. Pat. in qua gr. xii. salis tart. volatiliz. sint dissoluta. Tertiò vero die repetatur rhab. infusio, & ita alternatim perseveret, infusionem & tartari salem assumendo ad xx. dies, & amplius, si res pro voto succedat, ita ut egerendi vices diminuantur, & materia quoque exeuntis qualitas in meliorem mutetur; sin minus, aperiendi provincia deferenda non est, sed deobstruente erit utendum, ita concinnato

℞. Fol. cichor. intybi, borag. agrim. pentaph. sonchi, cuscute an. manip. ij. radic. petroselin. asparag. gram. fœniculi, sem. melon. an. ʒij. rad. liquiritia ʒj. sem. apij, dauci an. ʒij. Aq. Nocer. lib. xx. incid. contund. & m. macerentur B. M. ad duos dies, deinde fiat torcularis expressio. Expressioni vero adde secunda vice jam dicta nova ingredientia, & iterum macerentur ad duos alios dies, deinde fiat rursus torcularis expressio: mox calcinentur fæces omnes, & cineres reponantur in lato colatorio, quibus ter vel quater superaffundatur tota jam dicta expressio fervens, ut à cineribus extrahatur sol, & fiat lixivium. Tandem reponatur idem lixivium in vase vitreo, & B. M. destilletur, ut aqua ad usum servetur. Infundo vero colligatur butyrum sive Extractum, quod pariter ad usum servandum.

℞. Igitur jam dictæ aquæ ʒvii. spirit. tart. ter rectif. gutt. xii. m. pro una vice, & sic quotidie pro aliis; cui potioni præmittatur bolus ex semidrachma jam dicti Extracti paratus, & auretur. In horum autem usu insistendum vel usque ad mensem, si opus fuerit, singula hebdomada fæces educendo pilula, ex ʒj. vel ʒss. de tribus cum rhabarb. parata.

Expeditis viis, difficile non erit ventriculo & intestinis aliquam roborationem addere, si prima mensa tria grana maltiches integra devorentur, si in cœna sal absinthij ad ʒj. pariter prima mensa in exiguo generoso vino assumatur, si vinum pro mensa consuetum lentisco & exiguo ligno sassafras alteretur, adeo ut unamquamque situlam vini lentisci è Chio incisi unc. ij. & sassafras unc. ʒ. ingredientur, quæ omnino ad hepatis roborationem conducere quoque poterunt; sed ut aliquid quoque peculiare eidem tribuamus, poterit parari bolus ita

℞. Confectionis Alchermes ʒj. pulv. hepatis lupi ʒss. salis absinth. ʒj. m. reform. boli iij. & aur. tribus vicibus assumendi, quibus superbibat haustum vini absinthij; addi quoque poterit bolis jam dictis semidrachma theriacæ, ambientis fervore remisso.

Quibus omnibus congrua atque diligens victus ratio est omnino addenda, sine qua nihil reliqua profuerint, adeo ut alimenta sint omnia probi succi, facilis coctionis & facilis distributionis. Somnus, quia concoquit, si opus fuerit, conciliandus unico grano Nepenth. Quercetani. Animi passionibus, meditationibus & applicationibus prorsus ablegandæ, & in reliquis omnibus erit accurate à Viro Excellentiss. instituenda: cui & reliqua omnia opportune administranda relinquo. *Idem ibidem.*

Diarrhœa duorum annorum.

Illustrissima Virgo annorum viginti quinque, temperamenti totius calidi & humidi, calidioris jecoris & humidi capitis; jam dudum salis catarrhalibus fluxionibus ad nares & labia obnoxia, duobus abhinc annis excruciat fluxu ventris, materiæ heterogenæ, biliosæ scil. pituitosæ ac crudæ. Dejectiones frequentes sunt, quæ ideo vires valde prostrarunt, & maciem universalem induxerunt, cum febricula ferè continua. His additur catarrhalis fluxio ad pectus cum tussi. Menstrua quæ antehac imminuta fuerunt, modo nulla apparent, dexterumque hypochondrium obstructionibus est impeditum.

Dum dixit Hipp. quod quibus nares natura humidiores, ij integra sanitate frui non possunt, respexit prave effectus à capitis destillationibus provenientes: prout enim ad varias corporis partes catarrhalis materia à capite decumbit, varios quoque atque multiplices affectus producit: unde idem Hipp. considerabat, alvi profluvia ex pituita à capite defluente, quandoque contingere, quinimò & lenterias inde quandoque exoriri affirmavit, à falsa nempe facilius Diarrhœas, ab insipida Lenterias. In Illustriss. vero Virgine ista, sicut catarrhalis destillatio in capite olim detenta, utpote falsa, & nares, & labia excoriavit atque corrodit, ita per laryngem ad pulmones defluens, tussim excitavit & excitat, & copiosior reddita, majori ex parte in ventriculum delabens, non quidem immediate, ut superius considerabat Hipp. Diarrhœam, modo duobus abhinc annis affligentem excitavit, verum eidem occasionem præbuit, chylificationem impediendo, sicque cruditates multiplicando, quæ ad mesenterium & hepar delatæ, & in venis tum lacteis, tum mesentericis, imò & ejusdem hepatis firmatæ, obstructiones produserunt, à jecoris & partium circumstantium calore crassæfactæ, & quodammodo induratæ, quæ præterquam quod ventilationem naturali calori inhibentes, eundem p. n. & concoctionibus obeundis ineptum reddunt, chylo quoque imperfecte concocto, & forsitan frequenter corrupto, transitum interceptiunt: unde duo necessario symptomata consequuntur, alterum est corruptio ejusdem chyli, à calore p. n. corruptionibus potius, quam concoctionibus apto, ad cujus corruptionem varij sequuntur excrementorum colores, à quibus primò excitatur febricula, quæ symptomatice dici potest, & ab iisdem tanquam à re inutili irritata facultas expultrix, eorundem excretionem Diarrhœam excitat. Alterum symptoma est, in toto nutritionis defectus, deficiente nimirum chylo pro sanguine generando, dum ab obstructionibus jam dictis interceptitur ejusdem progressus ad hepar, quæ si non adessent, nec sequeretur ejusdem chyli corruptio, nec ad alvum transmissio, sed ejusdem pars purior & magis spirituosior; per aliquas lacteas, & ductum thoracicum ad venas jugulares, indeque ad cor pro celeriori spirituum nutritione: crassior vero per alios lactearum ductus, magisque per mesentericas ad hepar duceretur, sanguis generaretur, & caro in toto augeretur, aut saltem conservaretur: & sanguine tunc re-

dundante, facile quoque menstruales expurgationes prodirent. Quare destillationem præsentis Diarrhœæ ab initio occasionem præbuisse puto, sicuti causam præcipuam, ne dicam unicam, obstructiones esse existimo.

Ex quibus facile patere possunt Medicæ intentiones pro hac inveterata Diarrhœa curanda, primò primas vias ab excrementis mundando. Secundò Obstructiones, primò mesenterij, ino ipsius hepatis aperiendo. Tertiò Hypochondriorum & jecoris fervorem contemperando. Quartò Ventriculum & intestina quodammodo corroborando; & quoniam occasio quoque morborum respicienda, dicebat Hippocrates, destillatio quoque à ventriculo quoquo pacto divertenda; atq; tandem humectantibus substantiis totius renutritio procuranda, non omnino febrili calore neglecto.

Et licet jam dictis indicationibus satisfacere non adeo facile fuerit, cum obstructiones confirmatæ, totumque corpus valde emaciatum, viresque ideo non adeo validæ sint, attamen quoniam generosiora & maxime propria remedia non adhuc experta fuere, ideo desperanda salus non est: est enim juvenis, & gratiosa Juventus, dicebat Hipp. & quod magis sperni adaugere valet, est quod Viro Doctissimo directio pro curatione verâ & propria sit committenda.

Sic ex fonte Chirurgico quamcunque sanguinis evacuationem omitto, tum quia missio sanguinis obstructiones non curat, tum quia si adesset indicans, non adest permittens. Cauterium autem in lævo brachio laudo, ad divertendam à ventriculo fluxionem.

Primarum viarum expiatio utique necessaria censetur, exigua cassia cum crem. tartari bis repetita, Præparante quinque diebus interposito, ex Julapij acet. syr. de pom. & aquæ citri an. ʒij. parato. Ablutionem autem primarum viarum, quæ aqua Tettucij fieri non potest, supplebit aqua hordeac. vel serum asinin. depur. ad libras, cum vehiculo syr. ros. solut. ad ʒij. semel vel bis procurandam, ut inde ad Aperientia deveniri possit; in quem finem succi depurati & per arenam trajecti, cichor. & agrim. ad ʒij. opportunissimi erunt, in quibus dissolvantur gr. x. tart. vitriol. & exhibeantur in decoc. cich. endiv. sonchi, cuscutæ; & septem transactis diebus, repetatur flos cass. cum pil. de tribus, cui superbibat seri destill. libram. Inde ad efficaciora Aperientia ascendendum, hoc ordine administranda.

ʒij. Aqu. stillat. de succo cichor. agrim. an. ʒij. salis tart. volatiliz. gr. x. m. pro potu summo mane assumendo.

Sequenti vero die ʒij. Aquæ de succo cich. de succo agrim. an. unc. ij. Rhapontici optimi drach. j. m. f. infus. per noctem, & factæ colaturæ addatur parum succi limonum, & præbeatur summo mane. Tertiò die repetatur sal tart. volatilix. in dictis aquis, & quarto infusio rhapontici; quod si præsto non fuerit, eidem substituantur rhabarbarum maturum ad ʒij. sicque in horum alternato usu diutius erit persistendum, viginti nimirum, imò & triginta diebus; in quorum progressu si sitis & calor urgeant, sal tartari quoque dissolvi posset in sero asinino destillat. ad libram: hoc enim ordine

ne fluxus huiusmodi diurnos non semel curatos vidi.

Obstructionibus autem reſeratis, aquas thermales S. Martini, ſive Maſini ſummopere commendo, ut quæ reliquias obſtructionum auferre, & fervorem hypochondriorum, jecoris & renum commodare valeant, & à gracilibus quoque corporibus facile tolerantur. Quibus aſumptis, omnino ſuccedat lactis aſinini uſus per quadraginta ſaltem dies, quod nullo modo obſtructiones adauget, & totum corpus ſubſtantiſſe humectare, ac renutrire valet. Et ſi tunc temporis omnino ceſſaverit Diarrhœa, Balneum quoque aquæ dulcis conveniet.

Interim ſi ventriculus aliqua roboratione indigeat, parum ante cibum deglutiat pilulam ex \mathfrak{D} . ſucci abſinth. condenſ. vel duo integra grana maſtiche devoret: in hoc enim licet morbi occaſio inceperit, cauſa tamen ejuſdem in illo non reperitur.

Quibus omnibus conveniens victus ratio eſt addenda, ab Excellentiffimo Viro Adſtanti diligenter præſcribenda, habita caloris febrilis & gracilitatis corporis ratione: cujus ſummæ prudentiæ reliqua quoque, & dijudicanda, & melius dirigenda libenter relinquo. *Idem ibidem.*

Alvi fluxus antiquus.

Vir Illuſtriſſimus ætatis quadraginta quinque annorum, temperamenti totius calidi & humidum, evexia præditus, ſtatim à nativitate in adeo enormem & vaſtam carnis totius corporis molem excreverat, ut Parentibus & adſtantibus admirationem excitaverit, veluti rei inſuetæ; quam cum ſuſpectam haberent, & poſſiſſimum tenella ætate gravioribus morbis opportuna, Medicum conſulere Lugdunenſem, magna nominis celebritate illo ævo florentem, Jo. ſcilicet Antonium Sacracenum, qui & ipſe metu Epilepiæ terrefactus, Matri connaturalis, vel alterius gravioris affectus ingentem illam molem carniſ extenuandi conſilium cœpit; in quem ſinem variis uſus remediis, tandem ſyrupum ex floribus perſicorum infanti exhibuit, cujus uſu ſoluta adeo eſt alvus, ut paucis poſt diebus detumuerit corpus, & extenuari cœperit immodica illa carnis moles. Ab illo verò tempore paſſus eſt fluxum alvi immodicum, quo plures dejectiones per diem fuerunt obſervatæ, quæ ani tandem procidentiam induxerunt, à qua tamen non difficili negotio opportuno remediorum uſu convaluit, ſuperſtite tamen eodem alvi fluxu frequentiori quandoque, quandoque verò remiſſiori, adeo ut qualibet die vigefies, trigefies, necnon & quadageſies dejecerit alvus; prout nuper in Creta, ob ætuoſum fortasſe ærem & aquæ marinæ uſum. Excrementa ſunt quandoque biliſa, quandoque pituiſa, quæ nullo dolore deſciuntur, perſeſerante aliqua ani laxatione; citra tamen extramiſſionem & procidentiam. Egerit autem alvus quinquies minimum per diem, tum ſi lautius, tum ſi moderaciſſe cibo utatur, quanquam & aliquando parciſſe eo aſumpto, copioſius feratur alvus; pluries egerit, ſi ſtatim ab aſumpto cibo ſe ſomno tradiderit, parciſſe, ſi longa itinera peregerit. Copioſior evadit & frequentior alvi fluxus dum alimenta

facilis concoctionis aſumpſit, ut ova ſorbilia, juſ carniſ; parciſſe ubi eadem concoctu difficilia comederit; & quandoque poſt copioſiorem ſecutam diarrhœam, moleſta remanet, adinſtar Tenefmi, deſcendi cupiditas. Cæterum nulla de alio quopiam affectu extat querela; omnibus etenim vitæ exercitiis integre fungitur, niſi quod quandoque ventriculum ſibi gravari percipit, & intumeſcere cum acidis eructationibus, cui malo quandoque uſu roris ſolis & uſu ſpiritus vini aromatibus conditi præſentaneam attulit medelam. Jam dictis acceſſit novem ab hinc menſibus dolor in extremitate brachij ſiniſtri prope humerum, ex motu ejuſdem brachij moleſtior evadens, qui tamen à Viro Illuſtr. parvi ſit. Sed ut prior moleſta affectio remittatur, neve adventante ſenectute in deterius labatur, medicam opem implorat.

Eximia illa corporis moles, in quam excreverat à primo ortu ad tertium uſque menſem ætatis ſuæ Illuſtr. P. Obefitatem, non autem Plethoriam fuiſſe ex eo conjicio, quod à quodam ſyrup. ſol. floribus perſicorum parato, adeo copioſa viſcida, crudæ & pituiſa materiæ excretio viſa fuit, ut inde enata frequenti non ſolum dejectione, verum & deſcendi conatu, ſuſpenſor muſculus inteſtini recti laxatus fuerit, & inde ani procidentia ſequuta. Hæc quidem congruis remediis mox ſanata fuit, ſed ab illo tempore uſque in præſentem quadageſimum quintum ſuæ ætatis annum perpetuo alvi profluviſ laboravit Vir iſte Illuſtr. quod ſicut in genere Diarrhœa eſt appellandum, ita in ſpecie excrementorum proluviſ, & communiter Diarrhœa inteſtinalis dici poſſet, ad differentiam Lienteriæ & Cœliacæ paſſionis, in quibus vel omniſmoda, vel ſaltem aliqua ciborum permutatio perpetuo obſervatur; ſicut ab hepatica & univerſali Diarrhœa differt, quia neque cruenta, neque proſus biliſa cernitur. Quod autem nobis non leve faceſſit negotium, eſt indagare adeo diurni & copioſi profluviſ cauſam, quod eo difficilius evadit, cum totum corpus carnoſum, optime nutritum & perfectæ evexia præditum, ſervatum ſemper fuerit; hanc verò in intemperiem quidem referri poſſe video, eamque inæqualem, calidam nempe, licet non excellentem, hypochondriorum & jecoris, frigidiorum verò ventriculi, à quibus non infrequens ſequitur ciborum in ventriculo acidæ corruptio, quandoque à ventriculi frigiditate in caſu noſtro procedit, tuncque rore ſolis & ſpiritu vini emendatur, quandoque verò à calore quoque excitatur aciditas, ut à calido ambiente acidum reddi vinum obſervamus, tuncque ab actu calidis aſumptis, ut jure carniſ, vel ovo ſorbili adaugetur corruptio, & alvi fluxus movetur; hinc acidi ructus, hinc ventriculi frequens afflictio, quæ partim ab aſumpto ſpiritu vini, partim ab excretionem corrupti cibi ſedatur.

Verum ſi res ita ſe habet, quomodo Diarrhœa huiusmodi inteſtinabilis, ut dixi, & non potius ſtomachalis erit dicenda? cui quaſito neceſſario reſpondendum, ut cauſa tam diurni affectus, quæ ineffabilis ferè videtur, aſſignari, explicari, & ut ita dicam, oſtendi poſſit. Dixi igitur, & recte, inæqualem intemperiem ad effectum huiusmodi quandoque concurrere, at nec

nec solam, nec præcipuam esse affirmo; siquidem cum non quotidie, nec ex cibis quibuslibet contingat jam dicta corruptio, ideo neque ex illa quotidianus procedere posset alvi fluxus. Quare in intestinis quoque latere tanti mali causam, non in intemperie, sed in mala conformatione positam opinor; dum enim olim infantulo existenti syrupus ex floribus persicorum frequenter exhibitus fuit in adeo tenella ætate, tenerrimis existentibus partibus naturalibus, fibras intestinorum non solum obliquas expulsionem paratioribus fuisse redditas, verum (quod est) transversas quoque lubricas & laxatas fuisse arbitror, adeo ut chylum à ventriculo non perfecte elaboratum, & ad ipsa intestina transmissum, ut iisdem morando majorem perfectionem semper acquirat, intestina ipsa ob prædictam laxationem retinere non possunt, sicque elabatur, & fluxus adeo contumax & diuturnus constituitur.

Provida autem Natura nostræ conservationis sollicita, attractrice, retentrice, concoctrice, secretrice & expultrice facultatibus, tanquam ancillis utens, à chylosa materia continuo, quod melius est, ad lacteas atque mesentericas venas attrahit, imò rapit, sicque totum corpus satis nutrit, dum non multo in vasis sanguine relicto, partes carnosas atque adiposas auget atque conservat; sicut è contra venosi graciles esse solent. Et ita conclusum restat, potissimam causam adeo diuturni fluxus alvi pendere à morbo in mala conformatione in tenerrima ætate contracta à syrupo è floribus persicorum, solvente, atque fibras laxante, sæpè sæpius exhibitio. Nec mirum, cum infantibus non solum in carnosiss & membranosis partibus, verum & in osseis ipsis mala conformatio inducatur, progressu prorsus immutabilis atque incurabilis: hanc verò comitatur, ut dixi, causa alia, quandoque, non semper agens, ciborum nimirum quorundam ad acidum corruptio, qui cum in alienam & peregrinam qualitatem per corruptionem abierint, ulteriorem coctionem non admittentes, ut nutritioni inepti, tanquam pondus inutile, ab expultrice facultate deorsum pelluntur, & tunc ambabus concurrentibus causis augetur Diarrhœa, & pluribus vicibus egerere cogitur Vir Illustrissimus, sicut paucioribus, concurrente tantum unica causa, videlicet mala fibrarum conformatione. Quoniam verò suspensor musculus ani jam dudum laxatus in integrum nunquam fuit restitutus, ideo & ipse acquisita mala conformatione affectus, ipsius ani semiprociditiam adhucnum conservat, eamque majorem, vel minorem prout major, vel minor extiterit crudæ & mucosæ materiæ quantitas, majorem, vel minorem deijciendi conatum excitans.

Ex quibus jam dictis & consideratis; solutio elici potest quæstis speculatione non indignis, cum nimirum augeatur fluxus, si statim à cibo somno se tradat Illustrissimus Vir, & minuatur idem in itineribus peragendis? Hæc enim contingunt, non quia alteretur causa principalis, nimirum mala fibrarum conformatio, quæ immutabilis est, sed quoniam alteratur causa secunda & coadjuvans, quæ pendet à ciborum corruptione, cum enim in somno calor ad interiora uniatur & concentretur, ideo si statim

à cibo Vir Illustrissimus somnum capiat, adaucto calore facilius sequitur ciborum corruptio & alvi fluxus adauctio; sicut in itineribus, quoniam calor idem ad externas corporis partes expanditur, ciborum corruptio evitatur, alvi-que fluxus minuitur.

Dolorem autem novem aut decem abhinc mensibus in summitate brachii sinistri quodammodo molestantem, in motu præsertim, à diarrhœa prorsus distare, neque causam cum eadem communem habere omnino censeo, sed à fluxione exiguæ portiois catarrhalis materiæ à capite ad illam partem, facile ob externas injurias transmissæ, provenire credo, qui non adeo facile cessit, cum materia illa inclusa reperiatur in spatiis musculorum Deltoideis, infra scapularis, & utriusque rotundi, nec tamen ullum fuerit attenuans atque resolvens remedium appositum.

Ab hac Diarrhœa omnino vindicari se posse Vir Illustrissimus prudenter minime sperat, cum connaturalis hæc reddita sibi videatur; Ego verò idem sentio ob causam in mala conformatione positam (malæ verò conformationes inveteratæ incurabiles sunt.) Quoniam autem causam coadjuvans, à ventriculo pendens, corrigi potest, ideo Diarrhœam posse remitti puto, nec aliquod fibræ quoque ipsis robur addi posse prorsus despero.

Quare ventriculus nonnihil calefaciendus & roborandus; hypochondriorum & jecoris calor contemperandus, atque tandem fibræ robur aliquod addendum. Quibus intentionibus summario & militari modo erit satisfaciendum, tum quia Vir Illustrissimus non solum medicamenta, sed eorum nomina abhorret, tum quia à morbi natura non desiderantur. Ommissa igitur qualibet sanguinis missione, dimissisque tum præparantibus, tum verò maxime medicamentis purgantibus, Curationem ita instituendam esse arbitror; ut primò statim assumat aquas Tettucianas cum vehiculo dejectorio mellis ros. sol. aut mannæ clarif. cum tartaro, tribus vicibus, prima ad libras quinque: etenim cum necessario crudæ atque viscidæ materiæ portio in ventriculo & intestinis reperiatur, ut Tenesmus quandoque Viro Illustrissimo contingens facile nobis significat, ideo pro harum absterfione jam dicta aqua mirabilis est; sicut non minus pro ventriculi exiccatione & corroboracione. His autem assumptis, ad aquas vitriolatas diureticas assumendas in Valle Solis agri Tridentini ut se conferat consulo, quæ hypochondriorum & jecoris calorem contemperandi, aliquas obstructions, si laterent, referandi, & fibras quoque ipsorum intestinorum roborandi facultatem obtinent, & ideo præstantius in arte nullum remedium excogitari posse pro casu præsentis existimo; & licet ab ipsis assumptis ventriculum nihil lædi observatum fuerit, nihilominus ex abundanti aliquot diebus prandium claudat sal absinth. ad scrupulum unum: quinimò toto quoque anno (per intervalla) ipsius usus familiaris esse poterit; siquidem statim à cibo sumptus, exiguo vino dilutus, circa hypochondriorum præjudicialem calorem, ventriculum roborare valebit.

Aliqua tertio loco fibras roborantia, &
Iiii 3 amica

amica ventriculo in usum duci poterunt; & primò Conserva rosarum cum speciebus Diarrhod. Abb. reformata, additis guttulis tincturæ Coral. chymicæ, parum ante prandium assumenda. Quandoque unica hora ante prandium deglutiat duo aut tria integra grana mastich. electi. Quandoque si ventriculo frigiditas percipiat, prandio præmittatur succus densatus absinthij ad scrupulum unum, pilulam efformando.

Valde conferre poterit vinum pro mensa, quod neque dulce, neque valde autterum sit, nec aquosum, nec valde generosum, ligno cydoniorum, aut lentiscino è Chio medicatum, ita ut singulam situlam ingrediantur ʒij. jam dictorum lignorum incisorum. Ab eximio quodam Viro propositus fuit pulvis viperinus, ut qui exiccandi & roborandi facultate polleat, quem tamen ego suspectum habeo; etenim Galenus de eo profert hujusmodi verba: *Curo viperina extenuantis est facultatis, valde enim exiccat & digerit, & ad cutem properat.* Quare cum ad cutem properando, & per diaphoresin digerendo totum corpus exiccare & emaciare valeat, in hac alimenti penuria & perenni diarrhoea majus inde nocumentum, quam juvamen secuturum dubito.

Externa quoque nonnulla Topica præsto sint, statim ab alvi dejectione podici apponenda, ut aliqua musculo roboratio afferatur spongiola itaque aqua rosacea madefacta, infra descripto pulvere intingatur, & podici bis aut ter post debitam abstersionem apponatur, idque pluries in die, ut paulatim musculus ipse robur acquirat; pulvis autem erit hujusmodi.

ʒ. Boli Armen. Orient. Sang. Drach. an. ʒss. Gypsi ʒij. Croci Martis constrict. ʒj. m. fiat pul. subtilissimus: cujus effectus efficacior reddi poterit, si in aqua rosacea ovi albumen dissolvatur, eoque spongiola intingatur, qua pulvis assumetur.

Neque brachii dolor sine modico auxilio relinquendus, molestus enim in motu evadit. Quare valida inunctio attenuans atq; digerens à conditione loci admitti potest, ut partes illas musculosas pervadere, & ad spatia in quibus materia continetur, pervenire possit. Illiniatur itaque pars dolens summo digito oleo succini intincto; & quoniam graviter olet, eidem addantur guttulæ olei de spica, hoc enim & ossa ipsa penetrare valet.

Nonnulla quoque circa vivendirationem adnotari possent, quamvis à juvantibus lædenti-bus Vir Prudent. jam fuerit edoctus. Et primò circa aërem, sicut quemlibet excessum noxium esse puto, ita frigidus ambiens facile fluxum augere posse credo, necnon aërem paludosum atque impurum.

Secundò alimenta facilioris concoctionis, corruptioni quoque magis idonea existimo, sed neque duriora adeo facile à ventriculo confici poterunt, unde sicut à prioribus Dyspepsia, ita à posterioribus Bradypepsia sequeretur. Sic inter carnes, ab annosis & pinguibus abstinentum, à suillis, ab agninis. Inter pisces, à lutosiis & cœnosiis, ab ostreaceis, conchyliis, & ab omnibus vulgo armatis dictis. Inter legumina ab omnibus, oriza & lenticula exceptis. A fructibus omnibus, admitti tamen pos-

sunt pruna longa, verdacia apud nos dicta, perfica quoque, & melopepones, cum observatio-ne tamen, ut potius urinam, quam ventrem moveant. Edulia ex pasta parata conceduntur, sicut ex lacte confecta. Inter Bellaria, conceduntur amygdalæ, præsertim recentes, nuclei pinei, pistacia. Salitorum omnium usus suspectus est, sicut omnia acida condimenta. Moderatus quoque debet esse usus aromatum, & nonnisi cinnamomi & piperis ruditer contusi.

Tertiò somnus diuturnus nonnisi conferre potest, nocturnus tamen, & una saltem vel altera hora ab assumpto cibo: deficiente nocturno, suppleat diurnus.

Quartò exercitium conferre jam Vir Illustrissimus expertus fuit; Verum tamen est quod jejuno ventriculo salubrius fuerit, juxta legem Hippocratis: Labores ante cibum, quod dicat quoque ratio.

Quintò de evacuatione inutilium excrementorum non est, quod aliud dicatur, cum de eadem cohibenda, non sollicitanda sit cogitandum. Si verò utilis excrementi evacuationem consideremus, coitum in hoc casu potius cum Epicuro nullum, quam cum Galeno moderatum convenire decerno.

Ultimò animi applicationes intensa ventriculo proprium calorem adimunt, sicque coctionibus obsunt. Studiis itaque magnisque negotiis nonnisi jejuno ventriculo incumbendum, & alacri animo vivendum. *Idem ibidem.*

Dysenteria cum Diarrhoea.

Cum inter partes Medici curantis præcipua sit, præsidia medica tuto administrare, jure nobis visum est, cum de missione sanguinis deliberandum sit in casu Illustrissimi Comit. quem tu nuper vidisti, Vir Illustr. & Præstantissime, ad te iterum confugere, præsentem tum morbi conditionem, tum accidentium, & Excellentiss. Ægri vires describendo, ut tuo consilio rem perarduam facilius & securius peragamus.

Vidimus nos evacuationem à medicamento quod jam præscripseras, quæ satis copiosa fuit, parum immutatis materiis, quas pridie spontaneus alvi fluxus ejecerat, hoc solum discrimine, quod dysenteria ipsa (si sanguinis copiam consideremus) satis imminuta sit, remanente tamen Diarrhoea, quæ usque adhuc perseverat, non tamen bilis sic adustæ (ut prius conspeximus) sed potius pituitæ copiosioris.

Accidentia quæ Excellentiss. Ægrum anxie vexabant, majora forsan pericula minantia post tuum discessum nulla amplius apparent. Remanet solum totius corporis languor, de quo etiam valde conqueritur, licet pulsus parum à naturali statu distent, sicut etiam urinæ.

Tali rerum statu, in quo ipsius dysenteria finem & Diarrhoeæ progressum possumus suspicari, cum etiam facultas ipsa vitalis satis afflicta sit, quaritur, cum jam præscripta medicamenta repetita sint, an modo conveniat sanguinis missio, circa quam, Vir Præstantissime, ut felicius succedat, tuum consilium iterum peroptamus.

RESPONSUM.

Mirari desino, quod Vos, Præstantissimi Viri, in Curatione Excellent. istius Senatoris me iterum consulatis: quandoquidem & Agamemnon Vir Prudentissimus atque Sapientissimus in rebus non arduis solum, sed charis sibi que dilectis, proferre solebat: *Utinam semper mihi decem Consultores adessent.*

Non igitur abutor honore, quo me ipsum condecorare voluistis, & respondendo dico: à præterita copiosa, biliosa cum prædominio, sed etiam heterogenea longaue Diarrhœa jam totam massam sanguineam sat depuratam fuisse, censendum esse, quæ utpote biliosa, acris, valde mordax jam ab initio dysenteriam excitaverat: Hæc adhuc si perseveret, aliquam partem reproducentem atque fœventem habere necessario credendum, nec alia in Excellent. Viro esse potest, quam jecur ipsum incensum, cujus causa sicut prius dysenteria fuit excitata, ita imposterum aut eadem fœveri, aut multiplicatis cruditatibus à ventriculo, ob hypochondriorum æstum, acida, imò falsa pituita generari poterit, & Tenesmus tandem fieri. Quare præcipua medica intentio versari debet in auferenda causa fœvente, nimirum in contemperando jecoris, lienis & hypochondriorum fervore; in quem finem nil præstantius esse posse novimus omnes ipsa sanguinis educatione: & hæc quoad indicans; quoad prohibens; verò, quid asseram non habeo, siquidem Diarrhœa præsens nec critica est, quæ præsentis sanguis non sit detrahendus, neque ad totius depurationem amplius inseruit: sed juges sequuntur evacuationes, prout jugiter ab intemperato jecore & hypochondriorum æstu excrementa reproducuntur; sicque tantum abest, ut evacuationes perseverantes prohibendi vim habeant, quinimò potius & ipsæ sanguinis missionem indicent; & hæc de prohibente quoque satis: Si verò tandem permittens considero, supponere posse mihi videor, tribus abhinc diebus vires non defecisse adeò, ut operationem hujusmodi prohibere valeant, sicut considerandum propono Præclarissimis dominationibus vestris, quod sicut antehac Diarrhœa Excellentiss. Patienti levamen attulit, ita eadem in futurum vires labefactare atque prosternere possit, ita ut intentio nostra dirigi debeat ad ejusdem suppressionem procurandam, causam auferendo, divertendo, refrigerando, nonnihil corroborando, non autem absolute astringendo: Et idcirco serum destillatum & chalybeatum ex usu esse poterit, cum guttulis quoque tincturæ coralliorum; præmittendo quoque bolum ex succo cichorij densato, addito coralliorum magisterio: Interim dysenteriam non negligendo. Hæcque raptim, ut Vobis, Viris Præclarissimis morem geram, & Excellent. Viri Patientis animo satisfaciam. *Idem ibidem.*

Fluxus Hepaticus legitimus.

Illustrissimus & Excellentissimus Marchio annum agens trigesimum quartum, temperamenti totius, & potissimum jecoris calidi & sicci, gracilis habitus, & submelancholicus, post multos errores in vivendi ratione com-

missos, & præsertim in animi applicationibus, sed præterea & in Venationibus nocturnis hyemali tempore, necnon in vinorum dulcium consueto usu, atque tandem etiam aqua nive refrigerata, jam multis annis colicis doloribus obnoxius, necnon duplici tertiana febre per menses perdurante, & repetita Gallica Gonorrhœa correptus, anno elapso incidit in Diarrhœam, quam Stomachalem existimavit Excell. Adstans, cum alimenta ruditer permutata observata fuerint; nec unquam hujusmodi fluxus omnino cessit, sed potius in deterius lapsus, siquidem præter varietatem excrementorum à domesticis observatam, viginti circiter abhinc diebus invaluit fluxus, adeò ut & ratione quantitatis, & ratione qualitatis adhuc deterior sit redditus: observantur enim serosæ & saniosæ materiæ, imò & aquosæ cruentæ; veluti loturæ carniū, citra tormina Dysenteria propria. Et quoniam doloribus hæmorrhoidalibus jam fuit obnoxius, & modo ab iisdem aliqua observata fuit exigui sanguinis fluxio cum aliqua excoriatione, ideo & egerendi conatus, & dolores ad os sacrum pervenientes, nonnunquam accedunt. Hisce jam dictis accessere quoque capitis dolores cum fluxione ad manus articulos dolores inferente, qui horis vespertinis exacerbantur cum aliqua effervescencia totius corporis. Modo de agendis consulit.

Excrementis abundare Marchionis Illustr. & Excellent. corpus, quinimò & olim abundasse, satis nobis significare possunt febriles præteritæ affectiones; ad venas sedales depositiones, frequentes & diuturnæ Diarrhœæ, integro præterito anno infestantes, & adhuc perseverantes; sicuti ad articulos arthriticæ fluxiones, quorum excrementorum proventus, tum in viscerum intemperies atque imbecillitates, tum in pravum vivendi genus est referendus: capitis enim ejus calidi & humidus, & ideo destillationibus obnoxius, & applicationes, & aëris nocturni inclementia, intemperiem, indeque catarrhalis materiæ productionem adauxerunt, quæ ad manus articulos per spatia decumbens, arthricos dolores excitat; sicut errores alii in vivendi ratione, & præsertim in vini dulcis consueto potu viscerum naturalium imbecillitatem inducere potuerunt, præsertim addita Celticæ luis suspitione. Hinc à jecore biliosæ febres frequentes, à ventriculo colici dolores atque immodica alvi proluvies, quæ stomachalis ab initio esse potuit, cum ciborum ruditer permutatorum substantia in excretionibus observata fuerit; quare Celiacam passionem fuisse existimandum, quæ temporis progressu in aliam affectionem migravit, nimirum in hepaticam Dysenteriam, eamque legitimam: non enim sola hepatis facultas attractrix debilitata conspicitur ut antea, dum excrementa diversis variegata coloribus alimentorum corruptiones quotidianas ostendebant, dum in via remorantia, tum forsan propter aliquod impedimentum, tum propter ipsius hepatis, attracticem imbecillam, ad hepar ipsum non perveniebant, unde corrupta per alvum deiciebantur; sed tandem & portio quæ ad hepar perveniebat & pervenit, ob imbecillitatem alteratricis facultatis in probum sanguinem

non convertitur, sed labefactato calore nativo ejusdem, sanguinis rudimentum per alvum excretum apparet, loturæ carniū similis, ut nobis innuebat ipse Gal. & Trall. atque Paul. cum ipso. Quare sicut antehac Cœliacus erat fluxus, ob nativi caloris imbecillitatem ventriculi & intestinorum, ita modo ob eandem causam in hepate fluxus hepaticus legitimus factus est, qui quoniam latitudinis gradus continet, ita in primis gradibus & in principio hunc esse decerno, quem mirum non est si nutritio totius & immutata & depravata sequatur.

Verum & de vespertina quotidiana febricula, si adest, aliquid discernendum, quandoquidem credendum non est illam esse quæ tractu temporis in fluxu hepatico contingere solet, dum sanguis in viscere ipso corrumpitur, quæ ab imperitis negligi solet, ut notabat Galenus, verum credendum potius à corruptela ciborum extra viscus existentium, & in itinere moram facientium, febrem ipsam suboriri posse, quæ primis evacuationibus facile cedere observabitur, nisi à catarrhali destillatione & articularibus doloribus fortasse foveatur.

Viri Illustr. status celeri, diligenti atque exacta ope medica eget, ne gradibus imbecillitatis in visceribus ejus adauctis, ad Tabem, sive potius ad Cachexiam tandem ducatur.

Quare primò mundatis primis viis, secundo, si quæ adsint in mesenterio obstructions, referandæ, ut facilior reddatur transitus Chyli ad hepar. Tertiò ventriculus roborandus. Quartò jecori robur addendum, tum ejusdem intemperiem corrigendo, tum à proprietate juvantia exhibendo; quibus omnibus executivo ordine satisfaciemus.

Et primò ventriculi & primarum viarum evacuatio erit caute procuranda, flore cass. cum crem. tart. omitta pulpa tamarind. cui superbibat jus hordeo alteratum. Mox ut à crudis viscositatibus vindicentur, quinque aut sex diebus Præparans erit exhibendum, quod parabitur julapio acet. cortic. citri, & cinnamomo aromatiz. ad ℥ ij. vel iij. & si cruditates observatæ fuerint in evacuatione, poterit ita parari Præparans.

℥. Julap. acet. mell. ros. aq. florum citri an. ℥ j. Aquæ cinnam. ℥ ss. m. pro syr. & sic pro aliis. Deinde repetatur leve medicamentum leniens ex Cassia, aut lenit. cum tartaro paratum.

Inde ad Deobstruentia erit deveniendum; & inter hæc principem locum tenet rhabarbarum, quod ideo Pater viscerum fuit appellatum, cum non solum tenuiori sui parte aperiendi, verum & crassiori roborandi facultatem habeat; hoc autem in substantia, & potius masticatum erit assumendum ad ℥ ss. cui superbibat, hora transacta, cyathum aquæ de succo cichor. & agrimoniz: hoc enim modo mesentericæ obstructions referari poterunt, & jecur quoque quodammodo roborari, dum interim & humores corrupti ejicientur per alvum.

Inde de visceribus roborandis cogitandum erit, eorundem intemperies corrigendo, quæ in ventriculo frigida & humida, sicut in jecore calida & sicca jure merito supponenda est. Sic pro ventriculo aqua Tettuciana consideratur, at danda absolute non proponitur, nisi copiosæ

& valde tenaces ab Excellent. Adstante fuerint observatæ cruditates, alioquin omittenda: & si danda, exhibeatur ante propositi rhabarb. usum, ne cruditates à rhabarb. per venas mesaraicas deducantur, quod si omittatur, alia substituenda proponam. Ad hepar itaque transitus est faciendus, pro cuius intemperie remittendæ, succus cichor. depur. prærogativam obtinet, ut qui jecori quam maxime prodest, nec ventriculo officiat, ad cuius penetrationem tres aut quatuor spir. vitriol. guttulæ addi possunt; præbeatur autem ad ℥ iij. per arenam trajectus, in jure cichoraceis alterato, addita quoque absinthij Pont. coma; in hujus usu pluribus diebus insistendum, nec ad validiora refrigeranti deveniendum, ne jecoris nativus calor imbecillis obruatur. Hoc tempore tamen observandus erit calidæ intemperiei excessus, quo præsentē, vena jecoraria dextera aperienda erit, & sanguis modice ad ℥ iv. vel v. educendus. Decem verò aut duodecim transactis diebus, offerri poterit cassia cum pilulis de tribus cum rhabarb. & pulvere myrobal. citrin. cui medicamento superbibat serum capr. destill. ad lib. j. vel ij.

Inde ad aliqua roborantia deveniri poterit, nempe ad usum tincturæ corall. chymicæ ad gutt. vi. vel salis coral. ad ℥ j. in aqua de succo cichorii. Quam maxime prodest quoque infusio, & postea decoctio ligni cydoniorum, præmissa Conserva rosarum antiqua. Spiritus vitrioli in cyatho aquæ fol. quercus destill. Tinctura rosarum extracta cum spir. vitrioli, & in aqua plantag. facta, efficax erit remedium: sed efficacissimum reddetur, si superaffundatur tinctura Martis constrictiva, cujus dosis est ab uno scrupulo ad ℥ ss. quæ jam dicta per plures dies sunt in usum ducenda.

Nec à proprietate juvantia sunt omittenda, quæ ante cœnam exhiberi poterunt; & inter hæc principem locum obtinet hepar lupi, cui addatur flos squinanthi, & cum vino albo reformatur bolus ante cibum exhibendus, vel eidem addatur sal absinthij.

Interim ventriculus sine roboratione non erit relinquendus; quare hora ante prandium in usum ducat pilulam ex uno scrupulo succi absinth. condensati: sicuti ante cœnam sal. absinth. ad ℥ j. in exiguo vino dissolutum hauriat. Quandoque à cibo rotulam ex legitimo oleo cinnam. paratam, saccharo dissoluto cum aq. cinnam. comedat: Ventriculus enim aromatizatione gaudet. Duo aut tria grana mastich. hora una ante cibum integra devorata, optima. Extrinsecus quoque aliqua proficere possunt; sic hepatis regioni unguentum rosac. cum ol. de absinth. reformatum; sicut ventriculo oleum Magni Ducis Hetruriæ, mastichino immistum.

His omnibus congrua victus ratio erit addenda, tenuior quidem præsentibus doloribus arthriticis, at non tenuis in hoc affectu diuturno, in quo deficit toti corpori nutrimentum. Debet esse optimi succi, facilis coctionis & distributionis, non negligendo quod hepata animalium à proprietate substantiæ conferre solent, sicuti passulæ pro condimento ciborum hepatis valde sunt conferentes. Vinum quoque album, sed modicum, ratione arthritidis est permittendum. Nec in eligendis peculiariter ali-

alimentis diutius immoror, sed Præstantissimi Viri Adstantis iudicio hæc & reliqua omnia dirigenda committo. *Idem ibidem.*

Fluxus hepaticus spurius.

Illustrissimus Comes quadragesimum annum agens, temperamenti secundum totum & jecur calidi & sicci, mediocris habitus ad gracilitatem tendentis, rebus domesticis valde additus, & præterea negotiis alienis, maxime vero publicis deditus, ad actiones obeundas promptissimus, mense Octobri proxime præterito febre correptus fuit cum insigni calore in hypochondrio dextero, à qua Medicis præsidus, & præsertim sanguinis missione valde adjutus, ac tandem liberatus fuit; attamen sub finem mensis Decembris rursus recidivam passus fuit, aliisque medicis auxiliis demum immunis evasit. Interim ante mensis Februarii dimidium tertia vice ab eadem febre cum dolore in hypochondrio dextero captus fuit, qui dolor ad scapulam modo, modo ad jugulum usque porrigebatur, cum aliqua respirandi difficultate. Quibus omnibus post nonnulla administrata remedia alvi fluxus successit, ut plurimum materiæ biliosæ & quandoque crudæ, sed nonnunquam processu temporis cum aliqua stilla sanguinis quæ modo facibus aspersa, modo immista, modo diluta & tenuis fuit, modo crassa atque grumosa, semper tamen perseverante febre, licet quandoque matutinis horis exigua valde & fere imperceptibilis observata fuerit. Multa ab Excellentiss. Assistentibus præscripta & administrata fuere remedia, tum refrigerantia, tum modice astringentia & corroborantia, sed incassum omnia: febris enim quandoque magis intendebatur, perseverante fluxu, divexantibusque doloribus in latere dextero, modo vigente, modo dejecta ciborum appetentia. Tandem ego accersitus circa quadragesimum recidivæ postremæ diem, inveni Comitem Illustrissimum magna febre correptum, cum dolore in eodem hypochondrio dextero, imò cum insigni tensione in hepatis regione, gibbam ejusdem partem occupante, alvo quoque fluente quatuor, quinque & sex vicibus in die, & magis tempore digestionis, quam concoctionis. Materia autem quæ excernitur, est nullius consistentiæ, sed diluta, ut plurimum biliosa, non sine aliqua colliquationis nota, quandoque guttulis probi sanguinis & aspersa, & immista. Quibus observatis, alterantia & aperientia à Viris Excellentiss. præscripta, & à me approbata Comes Illustrissimus assumere perseveravit, nimirum ex fero asinino destillato, addito succo cichorii, quibus antea addebatur spiritus vitrioli, cujus vice spiritus tartari ad gutt. vi. vel vii. additus fuit; & pro altero præparante jus cichoraceis alteratum, addito sale prunellæ assumere incepit, ad obstructions in ramis venæ portæ existentes aperiendas. Et quoniam rami venæ cavæ tactu ipso turgentes & sanguine repleti observati fuere, febrisque quotidie intensior evaderebat, Jecorariam aperire, & sanguinem ad 3 vi. educere consultum fuit, qui non quidem valde exustus, sed crassus cum sero satis flavo fuit observatus; eodem & sequenti die ab educito sanguine melius habere visus est Illustrissi-

mus Patiens: nonnihil enim sedati fuerunt dolores, & jecoris tensio & febris parumper remissa videbatur, & alvi fluxus non parum immixtus, dum interim sævissimi dolores in dorso toto, necnon in pectore suborti sunt cum febris augmento, cumque pulsus præcipiti prostratione, adeo ut unius diei naturalis spatium ad asphyxiam cum doloribus intolerabilibus jam dictarum partium fuerit redactus, ut propterea ad Narcotica, leviora tamen, devenire coacti fuimus, nempe ad Nepenthes Quercetani, quo parumper sedati fuerunt dolores ipsi; & interim subsequenti mane, parum restituto pulsu, cassiam cum exiguo rhab. præbere non dubitavimus, quo levi medicamento revocata fluxione ad alvum, remissi quoque, licet non omnino ablati fuere dolores; qui quoniam horis vespertinis recrudescere incipiebant, ideo injectus fuit clyster ex philonio Romano lacte vaccino dissoluto: præscriptæ quoque inunctiones, oleo amygdalino & liliaceo immistis, quibus dolor sedatus, & somnus jucundus conciliatus fuit, adeo ut die subsequenti fere à doloribus immunis inventus sit Illustrissimus Vir; & dum de clystere alvum movente cogitabamus, sponte alvus quoque excrementa reddere incepit, ac postea perseveravit, nonnihil à superius enarratis dissimilia, dum plurima mucosa, aliqua parumper compacta & fecalia, aliqua quoque diluta, non tamen adeo colliquata observantur. Interim ab aperientibus omnibus destitimus, & solum malvarum jus obrulimus. Urinæ copiosæ cum copioso sedimento, eoque exusto & farinaceo, modo albo, modo rubedinem præseferente observantur, sed fere ejusdem tenoris in toto morbi decursu observatæ fuerunt. Interim pulsus ad pristinum statum redierunt, dolores dorsi atque pectoris evanuerunt, hepatis tensio valde remissa, & citra dolorem tactu percipitur; febris vero ut antea, non exigua conservatur, & vires Pat. Illustriss. constantes observantur: è lecto namque absque ullo auxilio surgit & ambulat, quamvis valde emaciat. De agendis pro salute consulitur.

Hepar in Illustriss. Viro esse partem præcipue affectam & omnium affectionum causam, non est quod dubitemus, siquidem & situs doloris ad scapulam & jugulum sese extendentis, & qualitas ejusdem cum tensione manifesta, præterea excreta per alvum frequenter biliosa, nonnunquam guttulis sanguinis comitata, quinimo & febris tamdiu symptomata perdurans, hepatis affectionem confirmant. Etenim si diarrhœa consideretur, stomachica non est, quia Lientericus non est fluxus: neque intestinalis, quia Cœliacus non est; & quoniam ut plurimum biliosus appareret, guttulis sanguinis aspersus, sive immixtus, Hepatica dubio procul censenda est, non tamen legitima, quoniam loturæ carniū sanguis similis non deicitur, neque copiosus, sed exiguus atque probus. Spuria igitur omnino est statuenda, quatenus chylus à ramis venæ portæ in hepate quidem recipitur, at propter obstructions in iisdem stabulantes, ulterius, ut necesse esset, ad ramos venæ cavæ sese insinuare nequit, & idcirco ab intemperie calida ejusdem jecoris tum naturali, tum à clausuris, adaucta, corrumpitur chylus ipse, dum aliquod sanguinis rudimentum

tum acquirere incipit, & flavo colore infectus, ut inutilis, imo naturæ molestus, ab expultrice facultate, tenuissima sui portione ad gibbam, indeque per emulgentes ad renes per urinam transmittitur, crassior vero ejusdem portio per alvum dejicitur. Quod vero nonnunquam guttula aliqua probi sanguinis vel à parenchymate jecoris, vel ab aliquo ramo venæ cavæ excidat, & eidem commisceatur, mirum non est, nec id propterea hepaticum legitimum ullo modo constituitur valet. Dolorem autem qui modo major, modo minor hunc affectum perpetuo comitatus fuit, ab obstructionibus in cava jecoris existentibus, necnon à sanguine ramos venæ cavæ distendente & phlogosin constituyente, provenisse non sine ratione creditum fuit. De febre autem hæsitantes fuimus, dum à bile quotidie in jecore genita provenire potuisse à probabilitate alienum non esset, si semper eadem & ejusdem tenoris fuisset; verum quoniam adeo acuta & magna antea à Viris Excellentiss. observata non fuit, imo valde mitis, talis autem solum x. aut xii. abhinc diebus apparet, sine ulla urinarum mutatione & alicujus alieni symptomatis accessione; idcirco causam aliquam à præterita diversam habere & habuisse suspicandum videtur, hæcque forsan esse posset materia aliqua chylosa corrupta, extra vasa ad hepatis parenchyma introducta, quæ non sub forma abscessus febrem ipsam adauxerit, nisi dixerimus bilis tandem reproductionem à calida jecoris intemperie adauctam fuisse, quod utique desiderabile magis esset.

Verum negotium non leve facessit mihi postrema extemporanea doloris exacerbatio, & non in hepate, sed in dorso & pectore, cum præcipiti pulsuum lapsu magnoque febris incremento, post aperientia medicamenta administrata, quod speculandi ansam præbuit, nec aliunde provenire potuisse mihi compertum fuit, nisi ab eadem materia corrupta & per alvum antea excerni solita; dum enim ramos venæ portæ ingressa occlusas antea inveniebat vias, ut propterea corrupta, & quodammodo in bilem conversa retrocedere ad intestina, & ad alvum cogeretur, dum à medicamentis aperientibus adhibitis obstructiones referari, & viæ ipsæ aperiri inceperant, sanguinisque missione rami venæ cavæ superiores non parum à sanguine reclusi & exinaniti fuerant, materia ipsa corrupta ad superiora per ramos venæ cavæ & ad truncum impetum fecit, quæ cum ipso sanguine circulante ad cor delata, & à dextro ventriculo in sinistrum, si non per septum, per pulmones, mediante vena arteriosa deducta, indeque per arteriam magnam per corpus distributa, & præsertim per arteriolas laterales ad pleuram undequaque transfusa, dolores illos intolerabiles, acutè totam thoracis regionem constringentes & fere lacerantes excitavit; ut propterea mirum non fuerit, si cor ipsum adeo infectaverit, ut propria ejusdem pulsifica facultas & depravata fuerit, unde febris acutior & intensior, & imminuta, imo fere abolita, unde pulsus asphyxia, quæ paulatim recessit, quia materia jam dicta, qua sanguis, & inde cor inficiebatur, jam ad spatia detrusa & deposita fuerat; hæcque eadem paulatim à natura insensibiliter, coadjuvantibus inunctionibus, resor-

luta fuit, unde afflictivi doloris remissio. Hujusmodi metastasin nobis commonstrare valent primò venarum turgentia, atque dolorosa tensio in hepate manifeste remissa; nullam enim querelam ab Illustrissimo Comite de hepate audiui, dum vehementissimis thoracis doloribus conflictaretur; nec dici potest cum Hipp. quod major dolor minorem obfuscet, quoniam remissis quoque & ex toto ablatis thoracis doloribus, hepar nihilominus sine dolore conservatur etiam si manu comprimatur; præterea vidi, post enarratos dolores copiosas visciditates crassas excretas, à quibus obstructiones in ramis venæ portæ sobolescere solent, quarum depositione hepar ipsum levius & expeditum magis redditum est, & præsertim post exhibitum medicamentum purgans.

Cum igitur pars princeps magnopere læsa conjiciatur, nempe jecur ipsum sanguinis officina, necnon cor ipsum perfectio, læsiones vero consistant in fervida intemperie, quæ primò naturalis in Illustrissimo Comite fuit, sed multo magis adaucta ab animi continuis & intensis applicationibus, & forsan etiam quandoque ab aliqua vini dulcis potione, quæ in plerisque aliis error non esset; intemperies autem confirmata non nisi diuturno tempore tolli possint, idcirco difficilem præbent Curationem, cujus difficultas adhuc magis augetur ab obstructionibus, necnon à febre haud exigua vires prosterne, & totum corpus extenuante: difficillimam præterea minatur Diarrhœa hepatica à Viris Excellentissimis non sine colliquatione observata, magnam visceris læsionem demonstrans, & vires quotidie imminuens atque prosteruens. Non tamen impossibilis à me censetur salutis restitutio, dummodo jecoris substantia ab abscessu præterito tempore immunis servata fuerit, de quo dubitari quidem, at nihil certi pronunciari potest. Restat autem ut spes in præsens obscura (remissione febris) magis elucescat.

Dirigenda interim Curatio contra affectus quos certos habemus, quorumque si succedat remissio, abscessus & impossibilis Curationis sequetur exclusio. Verum caute valde in Curatione procedendum, refrigerantibus, ventriculi naturalem calorem non infringentibus; aperientibus, obstructiones quidem in ramis venæ portæ auferentibus, ac materias corruptas ad superiora non deferentibus; & roborantibus, tonumque hepatis conservantibus, obstructiones tamen non augentibus, & si opus fuerit, dolores sedantibus.

Quæ paucis, & ordine executivo mihi proponere liceat, ut in externa consultatione unanimiter conclusum fuit.

Pro jecoris fervore contemperando, & præsertim in hujusmodi casibus, passim uti solet Gal. succo cichorii, ut qui hepati prodesse, neque ventriculo obesse possit: parce tamen in nostro casu eodem utendum, ad unicam unciam in jure pulli junioris cæteris cichoraceis alterato, additis quoque foliis eupatorii, & ut succus facilius jecur pervadere possit, per arenam trajicietur.

Aperientia nullo modo sunt deferenda, sed moderata, ne materia corrupta rursus ad penitiores partes deferatur; in quem finem præstan-

stantius nec inveniri; neque excogitari potest rhabarbaro remedium, sed in substantia, ut quod cavam partem jecoris, ramos scilicet venæ portæ deobstruere, nec ad partem gibbam & ramos venæ cavæ pervenire soleat; præterquam quod quodammodo roboret, & jecori valde amicum sit, ut propterea Patet hepatis nuncupari soleat. Præbeatur igitur ad ℥j. tertio quoque die mastichandum cum passulis, cui post horam superbibat jus tenue pullæ cichorio aut intybo alteratum. Aperiendi quoque ramos venæ portæ facultatem obtinebit sal tartari fixum, sed tantummodo ad gr. v. exhibendum. Ad validiora aperiencia in præsens progredi tutum non erit.

Roborantia tandem locum habebunt; quæ esse poterunt sal coralliorum in aqua plantaginis. In iunctura coralliorum; pariter syrupus coralliorum Quercetani, à Viris Excellentissimis propositus, in aqua destillata è tenerrimis quercus foliis. Nec spernendum hepar lupi pulverizatum, tanquam à proprietate juvenis.

Tandem doloribus quoque occurrendum, si opus fuerit, clystereni injiciendo ex lacte vaccino, addita drachma Philonii Romani rec. quod remedii genus alias utiliter fuit expertum, aut per os præbeatur syrupus de seminibus papaveris albi ad ℥j. qui causâ morbificâ quoque adversabitur.

Hæc pauca, utpote tutiora descripsi: plurâ namque & majora non requirit, nec tolerat status P. Illustrissimi, quibus congrua victus ratio jam à Viris Excellentissimis adstantibus instituta addenda est. Faxit Deus, ut omnia ex voto succedant. *Idem Ibidem.*

Fœmina triginta annorum, biliosa, multo alio, porro, aliisque biliosis alimentis, aliquamdiu usa, incidit in copiosum & frequentem alvi secessum; quo multa liquida, biliosa, crocea & rufa, jam per multos dies, cum dolore satis magno, excernit; unde jam non tantum corporis lassitudo, sed magna etiam extenuatio ægræ nostræ est orta.

Afficiuntur in hac fœmina intestina; ut frequens ille alvi secessus cum dolore conjunctus, evidenter docet: nec non totius corporis habitus; benè defœcata. Corpus quiescat, somnus sit longior, fugiat vehementiores animi affectus. *Henricus Regius apud Theod. Craanen. Medicat. lib. 3.*

Observationes.

Qui diuturno alvi fluxû laborabat, & omnem suam substantiam frustra in Medicorum ope consumserat, consilii causa, ut ab hoc malo liberari posset, me accessit: cui consilium dedi, ut mespila etiam immatura in maxima copia devoraret; quibus commestis alvi profluvium paucis diebus cessavit. Idem evenit mercatori Zelando, qui cum multis mensibus laborasset profluvio, & tandem etiam dysenteria, neque ab ullis Medicis curari posset, tandem mespilis commestis ex Joannis Spirinchii Medici Lovaniensis consilio, sanitatem consecutus est: & Medico trecentos aureos pro sola mespilorum præscriptione numeravit, quibus solis in pristinam sanitatem fuerat restitutus. *Petrus Forestus Obs. 1. lib. 22. De diversis generibus profluviorum alvi.*

Medicus quidam Hibernus celeberrimus in Diarrhœa præ omnibus aliis quibuscunque sequens commendat remedium.

℥. Butyri insull. q. v. bulliat lento igne ad tertiam vel mediam partis consumptionem subinde despumando, exhibeatur de eo ægrotanti satis magna quantitas. Mitigat plurimum acrimoniam humorum, & ab eorundem corrosione intestina defendit. *D. Robertus Boyle, lib. de Utilitate Philosophiæ experimentalis. Part. 2. Sect. 5. cap. 18.*

Vir quidam robustus, ætate media correptus est diarrhœa biliosa valde urgente, cum siti intensissima. Vocatus ad eum, præscripsi sal prunellæ in potui ordinario, tum etiam in julepis ex aq. lactuc. & postulac. paratis, ter in die sumendis; & intra 24. horas convaleuit. *Lazarus Riverius, Obs. 33. cent. 1.*

Correptus sum diarrhœa biliosa tanta acrimonia prædita, ut anum eroderet, ardoremque urinæ concitaret; translata materiæ portione ad urinas. Dysenteria erat in procinctu. Ingressus semicupium tepidum ilico liberatus sum. *Laz. Riverius, Obs. 59. cent. 2.*

Vidi nobilem pleuriticam: huic ad statum fere immanis fluxus alvi supervenit. Præscripsi illi usum syrupi myrtillor. ac summi Dei beneficio servata fuit. *Joan. Heurnius ad Aphor. Hippocr. 16. Sect. 6.*

Evocatus è Galliis ab Illustrissimo meo Principe, Lugduno mediâ ætate discessi, idque in magno ætû: hinc factum est, quod in itinere labore fatigatus, æstûque confectus inciderim in diarrhœam biliosam, quæ statim in dysenteriam commutata est, non subveniente consilio, cum Clysterum pertæsus essem, captans ex tempore consilium, sumebam ferè singulis noctibus statim à dejectione, cum dolor acerbius lancinaret, ℥ij. & amplius theriacæ non admodum veteris (quam tum fortè Lugduno mecum in viam attuleram) dissolvendæ in vino rubello, quo assumpto, qualibet vice, statim sedato sopitoque dolore, occupabat me somnus, corporeque in sudorem resolutus, videbar planè persanatus, eoquæ paucis vicibus rei terato, penitus restitutus, persanato ulcere, nihil amplius incommodi sensi. Satis jam constat quid theriaca possit, quam illa fluxus inhibeat, quantum dolores sedet.

Utile est hoc emplastrum ad hepar, quod sæpe in omni fluxu tum hepatico quam dysenterico excoarctivo, in antiqua diarrhœa, & similibus mirum in modum comperi juvisse.

℥. Eupator Schœnanth. an. Mj. spic. ind. p. ss. mastich. macis, an. ℥ss. lign. aloës odori, ℥iij. myrobal. cheb. emblic. torrefact. an. ℥j. bol. armen. terr. sigill. hæmatitid. an. ℥vj. coriandr. prapar. ℥j. ss. spod. ℥ij. ros. ℥j. spec. trionfantal. sine camphora. ℥ss. scorix ferri præp. ℥j. farin. hord. ℥ij. ol. mastich. myrtill. an. q. s. ad impinguandum F. emplastrum cum modico aceti in bona forma, & superpone ab osse Xyphoeide supra totum ventrem, usque ad os pectinis, removeatur quandoque ne pondere nimis gravet.

In hoc quidem stringentia atque ligantia sunt; quia tamen multis hepaticis & roborantibus temperata non formidanda in actû ipso comperi.

Addam

Addam hoc paratu facile & verè *ἰσχυρότερον*, quod in fluxu pernici vidi profuisse. Incoquantur flores rosamarin. leviter acri aceto, expressi ventri calentes imponuntur. Addam & alia comperta.

Omnem fluxum observavi à Matronis Neapolitanis, tam diarrhœam & lienteriam, quàm dysenteriam, fluxumque hepaticum curari.

Destillabant poma granata acida, necdum satis matura, aquæ extillatæ propinabant 3 ij. vel 3 iij. quibus ad manus non fuit extillata aqua, decoquebant poma, decoctumque exhibebant, haud dissimili effectû. Memini fuisse mulierem, quæ cum sex menses fluxu hepatico coluctata esset, nec posset curari, quodam consulente, ut mane 3 j. pulveris medii corticis fraxini cum tantillo malvatici sumeret; quod cum tertium fecisset fluxum restitisse. Addam & hoc quod sæpenumero plebeis præscribo, qui fere ut hic homines sunt, ab iis medicamentis quæ à pharmacopola porriguntur abhorrere solent; quod compertum est contra fluxum ventris diuturnum.

Accipio turturem pinguem deplumatam, ablavo leviter, exenteratam infarcio ceræ novæ 3 j. percoquo in aquæ q. s. eam edendam porrigo, jusque bibendum: atque ex ossis edendum, comperi istud verum & salutare in quodam Lucense Peraccino qui diu gravissimâ diarrhœa laborabat, atque ab eo tempore subindeutor. Ego delector id genus Euporistis atque diligenter ea observata adnotare soleo. *Reinerus Solenander Consil. 9. sect. 4.*

Generosus juvenis Joan. Franciscus Zelski, Nobilis Polonus, in S. R. M. castris hucusque militans, in novissimo contra Turcam bello ex victu pravo incidit in imbecillitatem quandam ventriculi & *βρογχίτιαν*: hinc quotidianam ventris & hypochondriorum inflationem percepit. Sed cum post assumptum unum atque alterum medicamentum purgans per aliquot septimanas se jam melius valere existimaret; ex insperato alio malo correptus est, scilicet Diarrhœa, sive fluxu chyloso ex mala chyli distributione orto: qui (quod notandum) post cujuslibet generis carnum tam quadrupedum quàm volatilium, etiam teneriorum & facilis concoctionis, esum, semper magis exacerbabatur; ab usu autem piscium etiam duriorum, tam recentiorum quàm salitorum & fumo induratorum ac omnium ciborum tempore jejunii vesci solitorum, compescebatur, quod generosus patiens jamper aliquot septimanas verissime observavit. Verum adhibito ipsi à me Consilio Medico, nempe ventriculo binis vicibus leviter expurgato, dein medicamentis idoneis & moderatis, visceribus concoctionis corroboratis, ab insolito isto symptomate (quale me nunquam in Medicis libris legisse fateor) Deo benedicente, in totum liberatus est. *Simonis Schultzei.*

Cum Thortinii anno 1667. 8. Julii à Meridie Commissarii Regii, ita jubente Serenissimo Rege Joan. Casimiro. Templum S. Jacobo consecratum, atque in novo oppido constitutum Monialibus truderent uxor m. W. Fabri aurarii, observatura quid circa illud Templum facturi sint illi, supremam ædium suarum contignationem conscendit, unicumque filiolum

suum, tum trimulum, secum eò deduxit. Ubi dum intentis oculis negotium illud intuentur, ecce pueruli servula suspensio accedit gradu, illumque ex improvviso ita per terrefacit, ut vix placari potuerit. Subsecuta est sequenti nocte Diarrhœa gravis. Hanc licet variis mediis remediisque domesticis tollere conaretur Mater, nil tamen profecit. Imo crevit potius in dies malum, ac tandem sexta post septimana in dysenteriam degeneravit. Hic mater anxia me demum in auxilium vocavit. Ego prima vice visitans agrum, præter frequentes dejectiones cruentas, vires quoque prostratas, habitusque musculosi totalem deprehendi consumptionem. Debito igitur prognostico famæ meæ tum consulens, variis remediis tum externis quàm internis (licet istis ob ægri nauseabundi pertinaciam nimis parcè) aggressus sum affectum, atque imprimis & enemata in subsidium mox vocavi. Ubi cum post detergentium sufficientem usum aliud ex lacte chalyb. flor. ros. verbasci atque similibus paratum injicere jussissem, mitigando mali ferociam optatos præstitit effectus. Suas! igitur ut sequenti die simile enema ex lacte applicaretur, & quia præcedens adeo benè successerat facile persuasi. Injicitur igitur denuo clyster, non tamen eo quo præcedens successu. Nam horæ quadrante vix elapso, eundem clysterem per os rejecit æger. Eam verò excretionem tanta subsecuta est debilitas, per aliquot horas durans, ut in carpo arteriæ motum vix percipere potuerim, atque extremam adesse horam ipse crediderim. Ne tamen planè pro derelicto haberetur æger, corroborantibus refecimus illum: Deo curam ita postmodum benedicente, ut tandem adhibitis variis remediis, iteratis quoque sic urgente necessitate enematibus, pristinam recuperavit sanitatem æger, quâ adhuc per Dei gratiam fruitur.

Superiori ætate plurimæ nobis Diarrhœa occurrerunt, sed adeo pertinaces ut pleraque remedia eluserint: Plerisque tamen profuit tandem Helmontii remedium, ex ovis ad duritiem coctis cum aceto rosaceo exhibitum, præsentaneum & facile, & nemini injucundum, laude dignissimum, nemini non opem certissimam attulit. V. F. m. tamen Philonio est curata cum bolo Armena & conserva papav. errat. cui ova illa oxyrrhodina non contulerunt *G. Hieronimi Velschii.*

Petrus Nicolai Zythopeptes, nuptias illicita Venere anteverterat, atque ex uxore ante quintum ab inito matrimonio mensem, sustulerat filium; cujus ut nihilominus amore teneretur, tanquam legitimi, vanissima obstetrix persuasit anxie matri, ut excisa foetus vasa, quæ ad umbilicum protenduntur, affaret, & chartæ involuta naribus admoveret mariti; fore enim, ut pater nidore illo inescatus in desiderium infantis effuse raperetur. Interea dum puer sacro baptismatis lavacro in templo à primitiva labe abluitur, obstetrix assum hoc officiosè præparat, & circa vesperam convivanti cum amicis marito ludibunda obtrudit, naribusque ejus propemodum ingerit. Ille à versari foedum odorem, & vinum in usum latitiæ poscere. Obstetrix contra, inculcat, non recedendum à consuetudine, ita solenniter novos maritos suffiri, ut fecundiores evadant. Quid plura? vorat hamum

mum Zythopeptes, & nidore illo ad vertiginem usque se satiat. Dictum, factum; notat aggravari sibi præcordia, & in status ac tormina ventrem distendi. Ex eo perpetua jam sextum mensem colica & simul Diarrhoea laborat, omnibus viribus exhaustus, & fato, ut apparet, vicinus. Ego nuper rogatus opem, cum ex ore tum mariti, tum uxoris rem gestam audissem, execratus superstitionem sceminae, dignum hoc vanissimo inuento præmium esse respondi. Quæ cum illa fletu exciperet, signavi quidem pharmaca, quæ usui fore ratio luadet, nisi jam tum, quod oppido credibile, hepar putridum extrema minetur. *Olai Borrichii.*

Egregius ac virtuosus Dominus Georgius Heidt Civis & Aurifaber Viennensis, rerum artificiosarum deaurationi sedulo intentus, Realgaris sulphureo ac Mercuriali per inspirationem attracto fumo, reiteratis vicibus, lassitudine ulcerosa totius corporis, tremore, & palpitatione cordis prehensus est, à me curatus, Pluribus tandem dum septimanis apparamentis equestribus deaurandis incubuisset, ac quatuor hebdomadis omnino deaurationi supersedisset, præter lassitudinem totius nil sentiendo, ordinaria lenitiva ex securissimis parata, sumpta purgatione, venenatis qualitatibus à tempore deaurationis in corpore latentibus agitatæ, præfatis symptomatibus, sudoribus frigidis, Lipothymis ac convulsionibus totus corripitur, nullisve proficientibus remediis, Regia cordis occupata, robustissimo corporis habitu exspirare cogitur.

Scholion) Ut Metallarii qui in fodinis operantur, peculiaribus obnoxii sunt morbis, de quibus singularem tractatum edidit. Theophrastus Paracels. illosque erudita disputatione Lipsiæ 1652. enucleavit Collega Curiosus præpropere demortuus Zephyrus, Leonhard. Urinus Prof. Botanices: sic non minus Auri fabri, alique qui nimis crebro Mercur. tractant, aut ejus fumum quovis modo, sive per os, sive per aliam viam ad se trahunt, maximo suo damno experiuntur morbos nervos infestantes. Ut etenim si in loco clauso exponatur aureum vas, & dein Mercurius supposito igne avolare permittatur, totus Mercur. qui sublimis in auras evanuisse putabatur, simulata fuga in aurei vasis amplexibus hæreere invenietur, experientia Kircher. de Arte Magn. l. 3. p. 3. c. 2. sic non minus in ipsis evaporationibus, quæ ab istis Artificibus peraguntur, attrahitur in nares Mercur. indeque in cerebrum genusque nervosum. Unde concludit Kircher. de Arte Magn. l. 3. p. 5. c. 3. p. 635. cum Mercur. non raro in craniis in sepulchris inveniat, esse crania talium Artificum, dum etenim in extrahendo aut præcipitando Mercur. multum sint occupati, non exiguum vaporis partem per nares excipiant, qui in frigidas cerebri cellulas receptus, ibi denuo congelascit, ut etiam post mortem tanquam in vasculis perennet, non ut Philosophastrum nugentur, quod intra hominem & ubivis Mercurius, ut materiam Lapidis sui hoc prodigio jactent inveniat. Docet hoc Aurificis Anatomia Romæ facta; quicum summos capitis dolores passus obuisset, in aperti capitis cerebro plusquam lib. 1. Mercurii reperta fuerit ex vapore ejus hausto ibique congelato. In sceminae

calvaria quæ fucis ex Mercur. quotidie usa, & per biennium enormi capitis dolore fatigata, in osse calvaria 3 ij. Mercurii inventi fuerunt. Zuvinger. in Thes. vit. Hum. T. 1. f. 520. ex cardano de subtil. Quin & exterius admotus Mercur. per poros corpori se insinuat, & divisæ istius particulae rursus se uniunt, unde ex mamma cancerosa Mercur. extillavit, quod laminæ ungu. mercuriale adhibita fuisset. Bartholin. c. 1. hist. 7. & Mercur. in fanciati emplastro adhærere visus est, qui antea inunctionem passus fuerat. Rhodius Cent. 3. Obs. 87. Sanè post imperfectam inunctionem in Lue Gallica Mercur. in caput interdum se insinuat, ibique relictus intensissimas cephalalgias excitat, qui tandem Mercurius aureo globulo naribus, & aureo nummo ori indito (quia Mercur. auro ob sympathiam se associat, & illud dealbat) per vices extrahendus Jacoz. Obs. 13. commun. River. & ipse Laz. River. Cent. 2. Obs. 91. ex articulis verò extractionem Mercurii per applicatum aurum foliatum tentat Zacut. l. 2. Prax. adm. Obs. 128. *Nic. Guil. Beckers.*

Similis casus mihi contigit illi ab Excellentissimo Dn. D. Beckers præcedenti anno (vid. Ann. 1. Misc. cur. Obs. 181.) observato, in viro quodam temperamenti sanguineo-phlegmatici, 34. annorum, bonæ aliàs constitutionis & corporis habitus, qui cum suorum negotiorum perficiendorum causa per tempus aliquod ruri vitam degeret varios committens excessus in cruditate humorum, indigestionem, inappetentiam, pruritus ad frequentem vomitum, tumorem & inflationem stomachi incidit, sputum erat continuum maxime matutino tempore, idque album, tenax & valde viscosum, me ad se vocatum pro remedio rogavit, cujus petitioni lubens satisfaciens ordinavi illi pro digestivo vesperti sumendo 3ß. Tartari vitriolati iusculo sumendam, absoluta post unam aut alteram horam pauca & liquida cœna, ut altero die sumendum vomitorium in ejusmodi viscosis humoribus jam parumper præparatis tanto felicius succederet, nam totam materiam in stomacho hæreere adverti, assumpsit ille suum Tart. Vitr. quem aliàs assumere solebat, nam semper eum domi pro ordinaria & domestica Medicina habebat; hora ab assumpto isto digestivo in talem purgationem incidit, ut intra 24. horas ultra centies secesserit, ita per noctem corruit homo aliàs corpulentus, ac si substantiam suam carnosam simul expurgasset, adeoque ob urgentia continua animi deliquia, & virium prostrationem, adhibita omni diligentia fluxum coercere debui, qui utique stetit, ita tamen ut per tres dies sequentes bis tantum singulis diebus excreverit, vires interea se modicum valde recolligebant, 4. die circa vesperam accessit calor ingens, & virium dejectio adeo increvit, ut venæ sectionem prohibuerim, sed videbam etiam penes aliqualem efflorescentiam, eam autem definire nondum poteram, adfuit difficultas respirandi circa præcordia, eorumque ardor & cæsus manum ufferunt & tensio tactui potenter renituit, absque tamen dolore: in his circumstantiis ita constitutus ad alexipharmaca confugi, & ordinatum tale Diaphoreticum, intermixtis aliis variis Cardialibus vesperti assumpsit, & expulso sudore foetidissimo melius respirare,

maculæque se potentiùs monstrare inceperunt, & urina turbidissima non adeò accensa minge-
batur, cum autem idem altero manè ante or-
tum solis reassumendum ordinassem, assumpsit
quoque, & circa Meridiem tam copiosæ macu-
læ illæ petechiales conspiciebantur, ut totum
corpus virgis cæsum quis putasset, symptomata
etiam omnia de hora in horam minuebantur,
non neglectis interea tamen diaphoreticis con-
tinuis, sed non tam potentibus, ita ut 7. die
adhuc insuper per copiosam diarrhœam fati-
dissimam, & variis coloribus intermixtam per-
fectè & saluberrimè judicatus fuerit. Mulier
quædam phthisica raræ texturæ 26. annorum,
temperamenti cholericæ ad me venit, & consi-
lium rogavit, satis adhuc robusta & vegeta,
quia scalas ascendere potuit, sua etiam domi
& extra absque adeò magna difficultate ritè
perfecit, ordinavi illi duas uncias mannæ in
juscule dissolvendas cum uncia una olei amyg-
dalorum dulcium, & assumpto hoc laxativo pec-
torali venæ sectionem, & post venæ sectionem
jacula ex herbis pectoralibus, & ut ulterius
quereret illi dixi, atque ita eam dimisi: vadit
domum & parat sibi hoc medicamentum, & illo
assumpto ita purgavit, ut altera die etiam ex-
purgata anima in lecto mortua inventa fuerit,
ego hac de re nec minimum somnians inveni 3.
die post in scheda mortuorum talem, & talem
esse mortuam, vado ad illum locum, & quæro
causam mortis, sic nihil aliud adstantes dicere
potuerunt, quàm hoc, quod assumpserit man-
nam cum oleo amygdalorum dulcium in juscule
carnium dissolutam, & inde per diem poten-
tissimè excreverit, sine tamen magna virium
amissione, & quod altera die cum summa copia
excrementorum in lecto mortua inventa fuerit,
cum omnium stupore. *Joh. Gorgii Greifselii.*

Nuper ad Ægrotum quendam vocatus, in-
venio ipsum admodum debilem & morti vici-
num. Hic ab agyrta aliquo pulverem accepe-
rat à quo sexages secessit, & decies vomuit,
tandem etiam cruenta excrevit, molestissimū-
que tenesmus secutus est, ex quibus & febre
superveniente, insigni virium dejectione, an-
xietate cordis, salivatione nimia, torminibus
ventris, & dosi parva, pulverem istum Mercu-
rialem fuisse conjeci. Hunc Ægrotum, Deo
(cui sit laus) auxiliante, exhibitis remediis
convenientibus, præprimis verò Tinctura The-
riacali, intra quinque dies ex orci faucibus
eripui. Similem hypercatharsin non sine vitæ
periculo perpessæ sunt, hic mulieres duæ hone-
stæ ex usu azot notissimi Empirici Heslingii, &
ante paucos menses Secretarius quidam alias
dragm. hoc medicamentum plurimis admodum
commendans, qui eo assumpto maximos cru-
ciatus & brevi mortem sibi conscivit, nihil pro-
ficientibus à Medico ordinario efficacibus
etiam remediis exhibitis. De hoc azot brevi-
bus quidem in tract. meo de varis sive Arthriti-
de vaga scorbutica aliquid monui, sed in altera
ejus Editione (quam quia prior multis mendis
& crassis vitiis Typographicis scatet, atque ex-
ceptis paucis exemplaribus distracta plurimum
variis rarissimis medicamentis & observationi-
bus auxi) fusiùs de eo *cu'* *dis* acturus sum. *Val-
entini Andrea Moellenbrocci.*

Dominus Theodorus à Barut his usus est Pi-

lulis ex Extracto solutivo, quibus aliàs sæpè feli-
citer usus erat, die Lunæ dejecit ante prandium
septies, à prandio nihil amplius, sed optimè se
habuit; Vesperis cænavit largiter, dormivit us-
que ad mediam noctem. Tunc subito tormina
in ventre maxima cum vomitu & sedibus mul-
tis oborta, quæ die Martis duraverunt, & quo-
que sequenti nocte. Die Mercurii domum re-
diens ipsum invisi, & dedi Theriac. *Div. Croc.*
Mart. gr. j. in juscule; Imposui Theriac. *3j.* re-
misit dolor, vomitus & sedes. Vesperis omnia
rediere, & quicquid assumpsit, evomuit. Præ-
scripsi sequens.

℞. Rad. tormentill. symph. mai. ana *3ij.*
Herb. agrimon. plantag. ana *m ss.* Fl. chamom.
m ss. verbasc. *P. iij.* hord. *m ss.* coq. in *f. q.* aquæ
ad *3 x.* col. adde Mell. ros. col. *3ij.* M. F. Ene-
ma. Quamprimum assumpsit, omnia remiserunt,
repetitum sequenti nocte bis feliciter. Postea
corroborantia ventriculum dedi. Excrementa
fuere prasina.

Hypercatharsis provenit vel culpa assumpti,
vel assumentis. Assumpti, cum medicamentum
sit violentum, vel non ritè præparatum. Assu-
mentis, cum vel ille errorem committit exter-
num, cum sc. aëri frigidiori se exponit, frigida
nimis bibit, &c. vel propter naturæ ipsius er-
rorem internum, cum scil. commota camerina
viam monstratam sequitur, & ab acrimonia &
copia humorum nimis stimolata insurgens,
plus educit, quàm requiritur, vel vires per-
mittunt. Et hæc ultima causa hic locum habet.
Astringentia cum narcoticis à principio mox
adhibuit, ideò quod vires propter largam eva-
cuationem abstergentia non admitterent, &
morbus in centro conservaretur. Malo verò re-
cidivante, relictis viribus, abstergentia ano-
dynis & astringentibus miscuit, & ita feliciter
malum sublatum est. Sequenti aliquando hy-
percatharsi laborantem à medicamento violento
à Tonsore exhibito, cum jam prodromi con-
vulsionum adessent, liberavi:

℞. Aq. tormentill. *3i ss.* fol. querc. plantag.
ana *3j.* pulv. pumic. *3j.* Syr. Cydon. *3j.* rib. co-
rall. ana *3ss.* M. Quantum enim lapis pumex
valeat in hoc malo sæpiùs feliciter expertus sum.
Dan. i. Wincleri.

Nobilis Bataviensis, cum vespertino tempo-
re mustum liberaliùs bibisset, nocte intensissimis
ventris doloribus torquebatur. Postridie diar-
rhœa accessit, quæ primò aliquod levamen in-
ducere videbatur, sed postea accrescens, intra
biduum in dysenteriam mutata fuit. Tunc Æger
sibi metuens, meum consilium petiit. Exhibui
statim hoc purgans.

℞. Rhabarbari opt. drachm. *ij.* fol. Sennæ
mundat. drach. *ijj.* myrobolan. cheb. drach. *ij.*
sem. anisi, scrup. *ij.* decocti hordei, *q. s.* fiat in-
fusio *f. art.* adde colaturæ syrupi de cichoreo
cum rheo unc. *j.* Misce, fiat haustus.

Hinc multa biliosa dejecit, & ventris tormina
valde imminuta sunt. Vesperis dedi sequens su-
doriferum, à quo illa nocte multum sudavit,
quietè dormivit, & postridie ab omni dolore ac
fluxu immunis fuit, atque exinde optimè valuit.

℞. Theriacæ androm. drach. *j.* philonij ro-
mani, scrup. *j.* aquæ nostræ theriacalis, petroseli-
ni, ana unc. *j.* Misce, fiat potio. *Isbrand. de
Diemerbroeck, observ. & curat. Medic. 64.*

Quem

Quem peregrinationes Orientales, doctrina & aeris Medicæ experientia maxime nobilitant, Doctorem Leonhardum Rauvvolf Augstani, eadem nobis Ungaria eodem anno subtraxit: Agebat tunc copiarum superioris Aultriæ Physicum, spartam sibi commissam dubio procul satis exornaturus; nisi grandior ætas sub oneribus Medicis jam consenscentem Tyrocinium castrense subire nolisset. De hoc Idibus Julii postquam sermones miscuissimus, & ego canos venerandos pulvere castrensi deturpandos non esse confirmassem, maxime cum durius vitæ genus præsertim in castris & apud Ungaros præsens periculum minari demonstrarem, confirmabat quidem, se non modo diuturnis peregrinationibus ad quasvis externas injurias occalluisse, & idcirco in stadio feliciter hactenus decurrenti juxta metam subsistendum non esse, sed tamen paulo post Hadvvanensis aquæ, quæ summe insalubris, unico haustu intoxicatus evadere nequivit. Adscripseram hoc excrementicorum humorum sentinæ: quæ in corpore senili ut plurimum coacervata, itomacho & hepate refrigeratis, superinducta diarrhœa, cum semel enormiter profluere cœpisset, sisti deinde non potuit: cum semper ferè in castris apud paulo provectioris ætatis lethales fuisset, sim expertus. Accedebat quod jam decumbens fido famulatio destitutus, partim secundum castrense proverbium: *Wer ligt, der ligt*, neglectum haberetur (quod tamen paulo serius subolfeceram) partim ab iniquis rerum censoribus parum digne tractaretur: partim etiam curis domesticis, quæ vel ipsa morte graviores, sensim conficeretur: quarum trium catapultarum vel unicum hominem jam satis ætate gravem in castris prosternere potuisset. Vicit igitur conspirantium calamitatum violentia, sic, ut mense Septembri doloribus & continuo fluxu ad extremam maciem deductus, vix sesquipalma telluris Pannonicæ contumularetur vir ille, qui totum ferè orbem pedibus conculcaverat, ægre de tanta mole ad contegendas corporis prædelassati exsuvias unum & alterum cespitem nactus. Erat alias corporis habitu ad labores quosvis perferendos satis commodo, rerum plurimarum cognitione deflagrans, imprimis simplicium, præsertim exoticarum, indagatione, cujus causâ non sine gravi & vitæ & fortunarum periculo magnam orbis terræ partem audacter obierat. Fretus igitur, ut jam dictum, peregrinationum exantlatarum molestiis, quibus ad extrema quæque perferenda obduruerat, Pannoniam quoque, quam prius non calcaverat, tentandam esse, & in castris æstivandum, satis honesto salario evocatus, statuerat; quod quomodo viro optimo ut & multis aliis, qui parum se viresque suas, antequam tantis procellis vela committerent, suo pede fuerant metiti, cesserit, jam liquet. Nec tamen de salute decumbentis mox desperassem, ægro præsertim sanitati, quantum fieri poterat manus porrigenti: nisi mediis, si uspiam, certe in castris, summe requisitis, prorsus destituti fuissimus. Est enim hoc peculiare quasi Physicorum castrensium fatum, ut vel ad momentum decumbentes, sannis, imò sarcasmis, à crassi cerebri milite excipiantur, tanquam res risu digna sit, si quis inter tot decumbentium my-

riadas, agris inserviando, sanitatem propriam insumserit. Nam & de hoc pariens noster p. m. conquerebatur: quod dum juxta Hatevvanum obsessis itrenue tormentis detonantibus castra longius metanda & mutanda essent: ob agros hinc inde dispersos conquiendo defatigatus, viribus vix non deficiens, aquam degustasset, ex qua lethales tandem profluviorum cataclysmi dimanarant. Ægre tamen, nec nisi multis adductis rationibus persuaderi poterat, ex aque unico haustu Hydram tam portentosam repululare potuisse. Ecce enim, dicebat ille, ego qui per biennium ferè inter barbaros, nil nisi sola aqua, eaque indies ferè alia atque alia sitim restinxi nunc haustulo lymphæ Pannonicæ, si Diis placet mactabor? Hos gryphos a. postquam diuturnioris desuetudinis ac ætatis jam gravioris objectu discussissem, & tamen ob pervicaciam coqui (quod genus hominum, præsertim in castris egregie protervum) indigne, ne dicam impie tractaretur, juxta Danubium tandem occubuit ille, quem Tigris & Euphrates salum & incolumem Europæ reddiderant.

Scholia.] Nemo, quicumque tandem sit, & quoscunque tandem labores & molestias pertulerit, tantum sibi suadeat, ut ex Oceano fordidum Pannonicarum se salum enataturum speret. Tot n. ut sæpius jam inculcatum est, tamque variis incommodatum castrensiu cata-pultis quivis oppugnatur, ut etiam magnates, nedum Physici castrenses, servorum nempe ministri, tantis procellis sæpius manus dare cogantur. Si quis tamen rectius salutis suæ consulere voluerit, Medicus præsertim maturè sibi de mensa, vel apud pharmacopæos castrenses, vel quod consultius esse, apud primores prospiciet: quod alias nunquam morbos mortemque sit evasurus. Ego quidem serio mihi gratulor, nunquam vero intermoriturus gratias ago & acturus sum Illustri & verè generoso Domino; Domino Sigfrido à Kolonitsch, &c. quod heroica prorsus munificentia toto quinquennio ne latum quidem unguem à suæ Magnificentiæ mensa me discedere sit passus: cui quidem rei & beneficiis magnopere desideratis acceptum fero, quod inter tot molestias, diurnas nocturnasque ob agros innumeros sanus sospesque perdurare potuerim. Erant autem & reliqui S. Magn. Aulici tam illi, qui ab officiis Aulicis, quam qui à servitiis, ad mores suæ Magnificæ conformati, ut quinquaginta ferè domestici jucunda semper pace, miraue concordia convixerimus, aliis ferè diversarum Nationum comilitonibus & Oeconomis castrensibus sæpius interim rixis & odiis intestinis sensim se conficientibus. Confirmat ergo poëta recte, quod veluti lituos, sic mores tota sequantur castra Ducum. Hoc enim ipsemet, tunc temporis non minore jucunditate, quam hic noster Rauvvolfius p. m. acerbitate, & mentis ægritudine sum expertus. Quibus autem ejusmodi, & apud Pannonas corvo candido riores vivendi occasiones defuerint, his auctor essem, ut symbolis collatis fraterna, vereque Germana familiaritate conviverent: quod etiam decurias Turcicas, quarum singula sub suo Duce vivunt, facit jam supra dictum. Dum enim hic tentorio figendo refigendoque, ille penu instruendo, tertius focum excitando, quartus aquas

apportando, quintus coquum agendo, sextus mensam instruendo, septimus strata (quægausape tantum vilique apparatu constant) parando, intentus est, reliqui vigiliis, armis & imperiis præsumunt: non mirandum est, si disciplinae suæ rigore fraternaque conversatione reliquis gentibus hactenus palmam præripuerint. Talis enim Symposii vel contubernii commoditate si noster hic frui potuisset, etiam ex his forsitan Syrtibus enavigasset: in quibus post tot exantlatos labores, quoad exsuvias corporis quidem misere, quoad ætatem, famam & partam palmam satis mature & feliciter naufragium passus est. Arbitror tamen, si rationes secum subduxisset, utrum etiam oneri ferendo par esset, semet ad tantas molestias præcipitem daturum non fuisse. Exhaustus enim jam viribus erat: peregrinationes Orientales vegetum corporis & animi calorem depasta erant: moerores diuturni intimas ossium medullas eliquaverant: nihil denique ad injurias castrenses perferendas reliqui erat: & tamen satis confidenter, se facilius, utpote qui jam ad labores proflus occalluisset, quam quemvis alium, saxum hoc Sisyphium provoluturum, sibi persuaserat. Idem parvulus quidam paucarumque virium Medicus, solertis alias doctrinæ & ingenij, sibi persuaserat: sed cum fracto ponte vix undis extractus esset, & Borea flante præter vires inhorruisset: cum frigus illud suspectum terroremque funestum aliquot meracioris vini maximis haustibus dispellere conatus esset, è vestigio febre maligna correptus est, phrenesi, licet non nimium effera, superveniente paulo post exstinguendus: licet eundem Viennæ, ne quid durius in se statueret, sedulo præmonuissim. Inter plures autem, quibus hoc officij genus plerumque inofficiosum præstiteram, erat quoque Gabriel Pharmacopæus, ex Chersoneso Cimbrica oriundus: cui cum statura satis proceræ esset, & facies pervenuita, natura ad calidum & humidum tendente, probis, licet, auræ Pannonicæ parum commodis, succis turgeret, ut sibi à castris caveret, multis rationibus adductis persuadere conabar. Sed cum totam ferè plagam Septentrionalem ab extrema Livonia Caletum usque terra marique perhustrasset: cum peregrinationes Arctoas media sæpè hyeme durumque vitæ genus ut plurimum duxisset: cum laborum patientissimum se esse & fore confideret, descendit quidem, me serio dehortante, ad castra, nunquam reversurus; vix una & altera hebdomade elapsa è regione Strigonij contumelatus. Nec enim secum, quantum in aëris mutatione, distarent æra lupinis, rectè perpenderat: aëre Septentrionali frigido & sicco naturæ scilicet calidæ & humidæ convenientissimo, existente, Austrino autem tempore, & humiditate, summè scilicet ob putredinem suspectis, præpollente. Eodem, sed nonnunquam acerbiorè fato, citius quam putarant, confecti sunt plurimi: qui vel naturæ robore confisi, vel variarum peregrinationum molestiis superatis nitentes, Ungariam facile se toleraturos somniant, Etsi enim sextum vel septimum insultum natura robustior interdum devicerit: tamen decimo tandem cedere, decimo quinto sæpius occumbere cogetur, cum telis diversissimis sanitas etiam adamantina passim sit expo-

sita. Et sanè documento summè evidenti possent esse reduces ex castris, qui in descensu floridis plerumque, succique plenis frontibus descendentes, cadaveroso, lurido, subgilosoque pallore ut plurimum revertuntur, turmis aut cohortibus, non tam per hostes, quam morbos ad miram raritatem redactis. *Tobias Coberus Observat. Castrens. Decad. 3.*

Verò languore Pannico correptus per plures dies lecto affixus decubuerat Nobilissimus vir, Egenolph Stebenhaber literis & armis egregiè cultus, quem per plures annos, sex ferè sub peditatu Suevico, vexillo semper summa cum laude præfuisse, memini. Ad hunc Gomorhis commorantem cum Anno 97. eodem die, quo Theodosia vix magno totius exercitus Turcici conatu, summisque viribus, post octiduanam obsidionem expugnanda ciugebatur, evocatus fuissim: viribus extreme prostratis lethaliter decumbentem inveni. Tuguriolum autem in quo detentus vel incarceratus potius decumbebat terræ affixum usque adeò in angustiis positum erat, ut propter liberam eventilationem proflus inclusam, & teporem viro castrensi penitus insuetum, sudorem, quem lethalem putabant, hactenus erupisse confirmarem. Mutandum igitur confestim stationem edico, casula non quidem nimis ampla, sed tamen in editiore loco posita, conducta: quo, dictu mirum, cum vix deductus fuisset, eo ipso statim momento spiritibus refocillatis multo melius habere, ab eoque tempore dextris remediis adhibitis paulatim reconvalescere cœpit, integram tandem sanitatem fœliciter recuperando. Cum autem tam repentinæ mutationis in melius causas altius perscrutaretur (nam præter pomum ambrae ex camphora paratum, & intinctus ex malvatico primo nihil ordinaram) ex aëris intercepti privatione malum incanduisse, viresque prostratas fuisse, ratiocinabar. Aëre enim salubri per aliquot hebdomadas, dum Jaurinum non humanis viribus, sed nutu Jehovæ recipiendum, obsidione cinxissemus, fruebamur: cum quod alveo suo Danubius se semper contineret, tum quod jam mensibus Autumnalibus & primo frigore tellure constricta per liberam planiciem, auras, pro ratione loci, salubres imbiberemus. Qui igitur sub dio, puroque Jove & papilione perflabili quatuor ad minimum menses vitam duxerat, ad cordis animosi vegetique vigorem reficiendum liberimo aëris attractu opus habuerat, postquam parum caute arctiori ergastulo inclusus fuisset, ob vicissitudinem tam molestam non poterat non pejus habere, & tandem vix non de salute desperare. Accesserat & alius error, quod ob morum elegantiam plurimis gratus acceptusque rarò absque turba astantium fuisset: quorum alii moras diu nectendo naturæ, alij multum colloquendo viribus sæpè vim facientes, malum exacerbarant: cum præsertim ob angustiam loci aër per se corruptus, facile coinquinari posset. Fatebatur autem, postquam jam languore devicto, pharmacis exhibitis, vires malo superiores essent, se primo mense Augusti ob esum cancri ex ripis uliginosis Arrhabonis canosi, extracti, & in olla cocti, nauseam contraxisse: cui opinioni eo promptius astipulabar, quod idem flumen inreditu ab expugnata Papa tran-

transiens, stupendæ magnitudinis cancri male coctas carnes degustans ob fœdam mephitim, quam eructabant, eundem fere languorem incurrissem, nisi mox generosioris vini cyathum superbibissem, & reliquos, ut de tam suspectis cupediis abstinerent, deterruissem. Et est quidem Arrhabonis alveus eo loci incredibilis lenitatis ut illud, quod Cæsar de Arari, quod utram in partem fluat, oculis distinguere non possit, fere de hoc nostro dici possit: profunditatis vero tantæ, ut equum cum sessore, prima ripa penitus absorpserit, pisces vero licet multos, putre tamen cœnum spirantes, & ulvam semper olentes producat. His miles quidam retia positurus cum hamum altius depressisset, fortuna favente *εὐχέλῳ* Turcæ, in aquis suffocati, extraxerat, quod in oculis ex crate dependentibus ad centum coronatos piscatori obtulit. Hunc aureum tripodæ casu fortuito oblatum cum simioli quidam æque quæsituri essent, unus & alter submersi, plures morbis maxime spasmicis correpti sunt. Erat inter hos noster Georgius Martius Augustanus, qui natatu flumen, cuius naturam & latitudinem nondum cognorat, transiens, vix salvus nobis redditus, cum recalescere nullo modo posset, in gravem spasmum incidit: quemadmodum & huius Sympatriota Domini nostri Signiferi Locum tenens, vir egregie macilentus, qui vix crebra olei vulpini inunctione, ab intempestivo natatu refarciri potuit. Ut autem ad hunc nostrum Dn. Signiferum Egenolphum revertamur: cum fœliciter, Christo medicante, ex hac Charybdi enataisset, Anno 99. mense Augusto in Scyllam magis periculosa incidit: partim ob mœrorem ex obitu cognati Nobilis de Freiburgk: ut in seq. observat: partim ob contagium, postquam in eodem tentorio prædictus juvenis p. m. diutius decubisset tandem vero fati quoque concessisset. Corripiebatur, n. diarrhœa ex succis Melancholicis, quibus à natura scatebat: quos cum omnium primo evacuandos esse dixissem, nostro vero Dn. Signifero res parum tuta videretur, non prius acquievit, quam rationibus convictus, pedibus in nostram sententiam ivisset. Exhibebam. a. sæpius de die brodium pisorum saccharo edulcoratum, in quo epithymus, cuius magnam vim Augusta ex consilio elegantium Medicorum laudatiss. illius Reipublicæ secum sumpserat, decoctus erat, quod tam ad absterfionem feculentæ materiæ, quam ad dolores mitigandos non parum faciebat. Conservæ autem rosar. antiq. quæ lib. 2. decumbenti ad manus erat, ut sæpius quantitatem nucis juglandis assumeret, suadebam: cumque diutius fluxus instaret, ut cibus amygdalatis & oryza in aq. chalybeata coctæ, terræ sigillatæ nostratis parum inspergeret, concedebam, splene tamen, ad extremum, ob crebram puto refrigerationem in secessibus, cum prius nihil malisensisset, Ol. capparum calide sæpius inuncto. His enim ab omni molestia liberatus pancreatice deinde vixit, singulari me benevolentia non sine honesta laboris nostri remuneratione semper amplectens.

Scholia.) Repentinam omnem mutationem summopere suspectam, naturæque invisam esse, per se liquet. Constat & illud, primas in his

aëris vicissitudines, præsertim in qualitatibus activis obtinere. Actum igitur fuisset, cum hoc nostro vexillifero, qualibuscunque remediis morbum aggressi fuisset: nisi repentina mutatione remota, aëris liberioris & consueti attractu eundem, quasi in integrum restituissemus. Ad causas igitur protacarticas Medicus Castrensis plus fere semper, quam ad *απονοσπιδας* respiciat: quod apud imperitos rerum plurimum ex illis, perparum ex his existimationis sit conquisturus. Quin vel ipsemet postquam senis fere mensibus annuatim in aëre, liberrimo licet, circa Calend. Novemb. acerrimo, sub tentoriis & dio, durissimisque stratis, vitam, ut uno verbo dicam, castrensem duxissem, Vienne, vel Strigonium præscam Romanorum legionum Coloniam & stativa rediens, ægerrime capistratum, conclavibusque incarceratum aërem primo perferebam; somnum vero ne quidem ad breve momentum, nisi fenestris undiquaque patentibus capere poteram: plumis & delicatoribus stragulis non sine sudore & angustia reassuescendo. Quid vero in arcibus & oppidis limitaneis eventurum putes? ubi plerumque profundioribus fossis & restagnantibus lacunis, vallisque contra barbarorum insultus munitis casulæ mansionibus prædiariorum destinatæ in summas angustias sunt redactæ, sic ut plures Gomorrhis, Nova domo, Jaurini, Strigonii, Facia, & alibi in ejusmodi cancellis pejus se habuisse, imo plurimos occubuisse viderim: qui forsitan aëris consueti, licet inclementioris afflatu servari potuissent. Videbis quoque plerosque talibus ergastulis circumseptos, etiam si prospera valetudine, militari tamen fruantur, lurido pallore deturpato: quod mapalia plerumque summe angusta liberioris aëris usum penitus excludant: etsi per se quod milites inculcatum, aër Pannonicus sit suspectissimus. Sanctius igitur veterani, qui diutius in excubiis stando limites superiorum annorum parum tutis induciis defenderunt, tractari deberent: quod homini vere Germano plurimi constet, tam contrariis è diametro rebus, exsuffata fere tota natura assuescere. Rectius quoque Ungari facerent, si non tam sarcasmice debilitatem exterarum Nationum sannis exciperent (ut sæpius non sine stomacho audiivi) quod omnibus exteris plus semper cum Morte undiquaque imminente, quam cum Marte negotii esse soleat. Nec enim dubitaverim, sancta fide & experientia oculari suffulta, confirmare unicam Legionem Suevicam, quatuor semper millibus, ut supra dictum, constantem, secure quadraginta Turcarum millibus, Jehova non repugnante, in acie opponi posse: si eodem corporum vigore, quo sæpius Viennam transisse vidi, recta ad manus cum hoste conferendas deduceretur. Magnum est, quod asserui: cuius tamen cordato rationibus evidentissimis facile demonstrandum: si præsertim res in pugna stataria ad triarios rediret. Sed de his alibi fusiore colo: ad funestam lethalis Diarrhœæ Tragœdiam perveniamus.

Cognatus huius Domini vexilliferi Nobilis Juvenis à Freiburgk, &c. ætate, forma & opibus florens vix 18. annorum, experientiæ conquiendæ causa sese ad servitiū Generosi Domini Marakisch Junioris, tunc Signiferi eque-

stris sponte sua volensque contulerat, parum tamen secundis auspiciis. Cum enim et in contra mentem & edicta Domini, satis alias munifici in suos & perbenigni à conservis parum humaniter tractaretur: primo in languorem Pannonicum, verum nimis funestum incidit: ex quo postquam jam ad extremam maciem deductus fuisset, vix & ægre ad primum declinationis limen pervenerat, multum olei & operæ frustra perditis. Nam stomacho adhuc ob reliquias morbi vacillanti cum male coctas carnes hædinas infarsisset, gravi mox diarrhœa correptus est, quæ paucis diebus viribus jam satis prostratis, juvenem egregium consumpsit: postquam ex tentorio, splendido quidem, sed decumbenti parum commodo, ad cognati Domini vexilliferi nostri mansionem certas ob causas delatus fuisset. Commigrabat autem ad superos mente & summe integra, & sensibus apprime constantibus: quod in omnibus ejusmodi profluvii succumbentibus semper fere evenisse reminiscor. Hoc unico diuturnorum dolorum sævitiam rabies Pannonica mitigare velle videtur: sanam scilicet rationem in corporibus lethaliter ægris vel in ipso agone conservant. Potuisset tamen nobilis hic juvenis ex his Syrtibus enatare languore jam ad declinationem magno molimine deducto: nisi externo errore denuo prostratus, recidivam, semper fere apud Ungaros, ut in Scholio dicitur, lethalem incurrisset: talem præsertim recidivam quæ corporibus convalescentibus præsentissimum periculum intendere solet. Quid enim citius titubantem valetudinem prosternere posset, quam alvi profluvium, fundamentum scilicet summopere requisitæ nutritionis primo ictu evertens? Diu tamen hic noster de Freiburg. p. m. cum morbo de summa rerum depugnabat: partim quod ætas florens naturæ colluctanti graviter suppetias ferret: partim quod in tentorio Domini cognati Signiferi diæta, & omnibus requisitis pro ratione loci egregie tractaretur. Panatellis enim ex oryza contusa, amygdalatis, jecusculis tostis tritisque pro cibo, lacte amygdalato, chalybeato & similibus pro potu, Conserv. rosar. antiq. pro refectioe cum alternatim, & quidem sine intermissione usi essemus, fatum præsens magis protraximus, quam devitavimus. Et sane nisi instantium crebris interpellationibus ad omnia extreme molienda compulsus fuisset; à jam desperato facile abstinuissem: cum præsertim castrensis cujusdam pietatis sit, lethaliter decumbentem non diutius sub infestis doloribus demorari. Hoc tamen boni apud hunc nostrum ægrum ex admotis & assumtis consequeremur, ut sapius à doloribus respirare posset, & viribus una simul collabentibus agon satis atrox futurus, multum mitigaretur. Decedebat enim quasi dormiturus, salutatis omnibus, & quidem, quæ alba cornice in castris rariores, inter sacras meditationes Dominicæ passionis: ad quas bonus hic juvenis non minus pie sancteque confugiebat, quam easdem blasphemii plerique veterani scelerati sani valentesque nequiter conspurcant.

Scholia.) Recidivas, si non omnes plerasque tamen in Ungaria lethales esse, nemo dubitaverit. Si enim prima statim acie morbi Pannonici mor-

tem intentam videmus, quis hæsitabit, si jam natura vix non prostrata receptui cantatum fuerit, recenti hoste superveniente de victoria plane desperandum. Quoties igitur nondum prorsus relictis viribus ad convalescentes, revocabar, toties periculum semper exaggerando, vel præsens exitium minitabar, vel si in re lautior essent ad aëris mutationem palmarium semper in recidivis obtinentem sedulo exhortabar. Sex enim rerum non naturalium dexter usus, si uspiam, certe in recidivis Pannonicis, summe requiritur. Nam quod ægerrime imbibitum semel viri summe noxium aëris inconsumti, nisi manifesta alteratione facta revellatur, cum per se verum, tum ex superioribus satis constat. Aër igitur apud omnes, quos in memoriam revocare possum, qui recidivis succubuerint ante omnia mutandus fuit: cujus tamen mutatio non semper illud, quod volebamus consequeretur: etsi plurimis maximas morborum & symptomatum vicissitudines induxerit: neutra quidem sanitatis dispositione constitutos plures non infimæ dignitatis vires castrenses athleticè convaluisse meminimus, nullis prorsus pharmacis assumtis: si modo ex impurissimo castrensi, & Pannonico aëre ad longe defecatiorem Austriacum reducti fuissent. Ad idem feliciter Dominum Dn. Adolphum Schvartzbergium, cujus memoria in benedictione sit, impellebamus: eundem ex insaluberrimi aëris Hartvvanensis contagiis jam cum morbis confluentem Anno 56, ad montana superioris Ungariæ castris educentes. Hic enim ut plures alii nullis fere nisi diætæ tantum legibus observatis paucio tempore respiravit: quem in eodem aëre subsistentem vix magno molimine fatis eripuissimus. Sanitas autem neutralis cum recidiva quod ἀνάλογον, quid & affine sit, est in confesso: quod hæc in iisdem terminis in declinatione, quibus illa in accessu morborum sit constituta. Hanc autem plerumque apud Pannonas frustra de vita veris, illam consequeris: præsertim in externarum nationum curationibus: nisi vel ad aëris alleviationem, vel mutationem omnium primo respexeris. Cibos quoque ad recidivas castrenses plurimum, si non omnia, posse vel ex hoc nostro Freiburgio liquet: qui carnibus hædinis (hæ tamen in delitiis castrensis, quam recte, quis non videt, esse solent) titubantis adhuc valetudinis systema prorsus evertit. De cibis enim munde, laute & salubriter præparandis, altum sit silentium, in castris: præsertim apud ægros, aut jam reconvalescentes, quod hi plerumque torvo aspectu enecti, à conservis parum pie, ut hic noster tractentur: illi vero passim supine negligantur, imo pro catharmatis habeantur.

Locuples hujus rei testis erat Nosocomium castrense consilio, majore pietate, maximis sumptibus Anno 97. sapienter, pie, munifice constitutum: si eventus, aut illorum, quibus res tanti momenti concredita fuerat, fides & diligentia, votis Reipubl. Christianæ correspondissent. Opinor tamen ingenti decumbentium multitudine, illos quibus res concredita fuerat, implicatos, munia sua dextre obire nequivisse, sic, ut Nosocomium illud, vitæ, salutis, sanitatisque militari consecratum in Cœmitorium cunctis

cunctis vix illatis aut inspectantibus cederet, Bos enim integer prandii cœnæque tempore vix non cum pelle & carnibus alieno frustatim injectus, decoquebatur: hujus jurulenta frustra promiscue cunctis in terra prostratis agris obtrudebantur; tanto successu, ut neminem, plane neminem, testor fidem, in illo Nosocomio sanitatem recuperasse, sed omnes una cum astantibus, Medicis, Pharmacopolis, Chirurgis, curatōribus, ceteris denique omnibus interneciva clade deletos certo sciam.

Idem de Potu judicium esto: cujus vel unus haustus intempestive, vel parum caute sumtus ad recidivas lethales reducere potest.

Sic cum Capitaneus Holtzapffel vir meliore sorte dignus, ex morbo gravissimo convalescens regione Plinteburgii multum vix pitissasset, in enorme ventris profluvium incidens, ex recidiva vix restitui potuit: frustra tamen: cum paulo post à sicariis in rate propria cum tota familia de nocte fuerit confossus. Vina quidem, cerevisiæ, Julep, n. ulla, aquæ coctæ & crudæ, quod tam agris, quam reconvalescentibus in Ungaria, suspectissimæ sint, sæpius jam diximus: & tamen his sanitas conservanda & resarcienda, ægre vero fluctuans in æquilibrio quasi conservanda est. Motus quoque & quies non penes agros aut morbis ereptos, sed penes rigorem castrensem, aut impotenter dominantium Ducum, vel procaciter insultantium sodalium & commilitonum importunitatem, locum merentur: quemadmodum & somnus vigiliæque modo ab hujus, modo ab illius censura & arbitrio dependentes, facillime ex Charybdi in Scyllam quosvis ne dum ex Erebi faucibus vix ereptos præcipites dare possunt. Excretiones quoque quas interdum sanitatis dæmon verecundia, interdum occasiones impediunt, plures ad recidivas impellere posse vero verius est: sic magnæ existimationis Baro quidam cum post morbum satis gravem mentis affedisset, & paulo plus adbibisset, non tamen ob verecundiam naturæ, urinæ excretionem urgenti, manus dare vellet, paucis horis extinctus est, non sine gravi tumultu. Quod vero Pathemata animi in castris tanquam Oceano cunctis totius orbis procellis liberrime velitentur, vel laxis & calonibus notum. Ubi enim major perturbationum animi sentina confluerit, quam in castris: quæ vix non ab horum nutibus & imperiis prorsus dependent: imo ex earundem Tyrannide sortis utriusque progressus semper plus, quam ex ratione æstimare solent. Quam multos igitur, vel ex horum tantum Pathematū *συνδρομῶν* recidivas incurrisse putabis? cum sæpe ex earundem furiis etiam sanos viribusque valentes lethalibus morbis corripit & extinguere viderim. Forsan & huic nostro liberaliter educato, candidique pectoris juveni, minus cognitæ calumniis & technis mœrores insueti accreverant: ex quibus primi languoris fomentum conceperat: quod luculenta flamma depastum, tandem tamen sub favillis delitescens, iisdem folliculis denuo sufflatum usque ad Charontis cymbam defævit. Sed manibus sat datum: ad vivos redeamus. *Idem ibidem.*

Anatomica inspectiones.

Homo tres septimanas afflictus complicatis morbis, Hepatici fluxus, Lienteriæ & Diarrhææ biliosæ comitatis acutissima febre, curæ commissus fuit quatuor Medicorum, quorum consilio phlebotomiam, catharsim, & clysterem sustinuit, quantum ei conducere judicabant, sed tandem ita in pejus morbus ejus degenerabat, ut motu, sermone & sensu æger privaretur, & evomeret quæcunque ore hauserat, quare desperantes, idque declarantes coram pluribus viris celebribus, consentiebant in experimentum transfusionis, à necessariis ægroti propositum, tanquam ultimum refugium omnino nolentibus refugere rem probabilem quæ à morte redimeret Virum morti proximum: Dom. Dionysius & Emmeray rogabantur ut hujus operationis curam gererent: illi vero considerantes ægri statum deploratum, omnino renuebant tentamen illud aggredi, allegantes Transfusionem non posse restaurare partes solidas, vel mederi gangrænæ, qua verisimile erat intestina ejus esse affecta, debuisse eam adhiberi citius, eoque ipso tempore quando Æger passus fuerat ingentes sanguinis evacuationes: sed iis omnibus nihil obstantibus, obnixè rogabantur ut desiderio ipsorum satisfacerent & non sinerent amicis eorum mori antequam adhibita remedia quævis possibilia: Illi itaque hac instantia solliciti, honore & salute sua asserta per declarationem supra memoratam Medicorum, & consensum eorum in tentamen ejus experimenti transfundebant in venas ejus exiguam quantitatem sanguinis Vitulini, idq; tempore matutino, quo facto, licet æger jam pateretur lethargiam & convulsiones, & debili depressoque admodum pulsū gauderet, ecce tamen inexpectatum eventum; Pulsus ejus in momento elevabatur, & vegetior fiebat, convulsiones ejus desinebant, vivide ipse contemplabatur adstantes, colloquebatur apposite in diversis linguis cum his qui ipsum alloquebantur, & profundo placidoq; somno obruebatur. Experrectus post tres quadrantes horæ hauriebat aliquot juscula in diei istius partem reliquam, nihil evomens, nec ventrem exonerans, cum tamen per tres priores dies nihil potuerit ore assumere, neque refectus fuerit vel minima intermissione profluvii ventris sui ab initio morbi ipso: Cum hæc conditio ægri perseverasset 24. horas, robur ejus denuò diminuebatur, pulsus remittebatur, & profluvium ventris redibat; Tum amici illius Transfusionis reiterationem urgebant, qua tandem proximo mane peracta, æger revera recuperabat nonnihil vigoris, sed haud diuturni, nam etiam si tunc optimè jusculum suum assumpserat, sine vomitu, profluvium tamen ventris persistebat, & circa meridiem magis in pejus declinabat, donec circa quintam horam vespertinam moreretur sine ulla convulsionum observatione.

Cadavere ejus dissecto, Ileon ejus comperebatur conversum à capite ad calcem, & infra nodum illum ad Anum intestina omnia erant livida, gangræna corrupta & extremè fœtida: Pancreas ejus summe durum erat, & ita obstructum, ut succo Pancreatico non fuerit

liber transitus qua se diffunderet in intestina: Splen ejus admodum crassus erat, & Hepar grande, & alicubi lividum. Cor valdè siccum & quasi tostum: Reperta vena, qua Transfusio fuerat facta, à sectione in brachio usque ad cor, nihil penitus sanguinis offendeatur, uti nec in aliis venis, nec in ventriculis cordis, quandoquidem exiguum illud sanguinis infusi fuerat imbibitum à carne ejus inflammata & arida.

Illustr. Baro Ferdinandus ab Henäusen, cum inflammatorio Hepatis affectu, febreque continua, tertium & intra annum recrudescente teneretur, toto morbi decursu aquea biliosa profuse reddidit.

In cadavere ejus inter alia cacopragiæ viscerum indicia, Jecur immani tumore extuberans repertum: Cujus superficies quidem tota duos circiter transversos digitos victa prorsus flaccidaque, & mollis prementi manui apparuit: Interius autem corpus ligni instar durum & retorridum prorsus. *Carolus Piso de morbis à sero sect. 4. cap. 1.*

Quidam fluxu alvi laboravit, sexto post anno interiit: Multis vomitis obsessum erat Hepar, & pars mesenterij syderata erat. *Hollerius cap. de alvi fluxibus.*

Thomas Wilson, annos 30. natus, diarrhœa laboraverat. Hujus cadaver dum secamus, hepatisque separationem à diaphragmate (cui latè adnascebatur) molimur nondum aperto eo Tumor amplius, Atheroma dictus, comparuit: Situs erat in gibba hepatis parte, proximè posticam diaphragmatis regionem, juxta cavam venam, figuræ erat rotundæ, & pugno propemodum æqualis, à reliquo hepatis parenchymate liberatus: Pependit uncias quinque, drachmas sex, & grana tredecim: tunica ejus cuti veræ crassitie erat comparabilis, materiæ duo genera in se complectebatur, utrumque crassum valdè & minimè fluidum: alterum gelatinæ instar translucidum: alterum verò cremori spisso aut albæ pulcullæ persimile. Dicebatur homo Diarrhœa laborasse.

Quum ingens est inflammatio jecoris, manifestæ & vehementes omnes notæ apparent, quum verò exigua, obscuræ & exiles: Sæpè enim Jecur animadvertimus Tuberculis & Abscessibus instar furunculorum obsideri, nullo hypochondrij dolore, nullo tumore, nullo decubitu difficili: Febris solum inerat non admodum ardens, cum siti, cibi fastidio, cumque alvi bilioso profluvio, in menses interdum multos perseverante, ut idcirco difficile id mali, quemadmodum & substantiæ corruptela ab intemperie calida, aut ab obstructione internoscere. *Fernelius Patholog. lib. 6. cap. 14.*

Aperto cadavere filioli Dom. Scaronij Confulis, quæ duos menses integros diarrhœa laboraverat & febricitaverat, Inventum Hepar incanduisse præ calore, ut esset friabile: Et cum nata parente utroque sit valdè bilioso, cystis fellis amplior omni opinione erat, pro rata singularum partium portione: Pulmones aliquantulum adhærebant, cæterum erant integri, quod mirum, cum humidissimo esset cerebro & multum tussivisset: at credo tussendi inane hoc desiderium à fervore hepatis fuisse: quod notandum, alioqui vix incolumes esse potuissent: Uterque ren lapidosus erat, trianguli erant

lapides & inserti in substantiam renis: Alvus variis excrementis toto tempore fluxerat & *diversis modis*. Incuria mulierum, quæ accersere Medicos nolentes, in trivialibus suis remediis spem posuere, tacite & clam totum intestinum rectum sideratum erat: In cerebro, pote humidior, inventa est aqua multa. In hoc peccasse videntur Medici, quod ætatula impediti venam non secuerint: Nunc scire oportet in pueris, etiamsi assiduitas febris adsit, si de interno fervore constat, & caloris corrumpentis dominatum, tuto venam aperiri. *Guiliel. Ballonius Epid. lib. 2. pag. 140.*

Uxor D. Poussépin Consiliarij Regij, hora 10. matutina conqueritur de importuno alvi fluore: suadeo ut decumbat, quia motus auget fluorem, & dejectiones reservat. Erant autem similes aquæ albæ, chylosæ quidem, sed liquidæ: implebat magnam pelvim quoties deiciebat: Territus hoc symptomate, postulavi ut seniores in consilium vocarentur: præscripti sunt litus adstringentes, sacculi, julepi, expressum rhei pro die sequenti: dejectione frequenti & copiosa vires paulatim collabuntur. Ante mediam noctem interit, cum illa nihil minus quam de morte cogitaret.

Ut explorarem causam mortis tam subitæ & inopinatæ, impetravi ut corpus dissecaretur: Inveni ventriculum in suo fundo ulceratum. *J. Riolanus part. meth. med. sect. 3. tract. 1.*

Diarrhœa à Callo inter venas mesaraicas nato.

Petrus Aldimarius filium habuit, qui cum octavum jam ageret annum, in corruptum incidit appetitum, quo calculos ruderaque comedens, in lentam tandem febriculam incidit, indeque procedente tempore, & ventriculus non continere, & venter fluere cœpit: Adeoque duobus his malis vexatus est puer, ut paucis etiam diebus è vita excesserit:

Hujus nos cum emortuum corpus incidissemus, repertus callus inter venas mesaraicas, à quo cum venæ ipsæ obstruerentur omnes, ut ferri inde sanguis ultra non posset, necesse fuit puerum è vita migrare. *Benivenius de abditis cap. 37.*

Diarrhœa ob Mesenterij glandulas tumidas, Hepar tabidum, &c.

Catharina Matheligs fœmina Leodiensis 15. annos nata, post hecticam Diarrhœæ vehementia sublata, ad interiorum examen ansam dedit. Viscera omnia flaccida, præcipuè cor & pulmo: In dextro pulmonis lobo vomica: Intra pericardium verò, ubi membranæ mediastini cordis basi annectuntur, glandula Thymi nucis juglandis magnitudine solida densaque latebat: Reliquæ in mesenterio glandulæ majores solito, aliæ Atheromatum materia plenæ, aliæ pure concreto, tam candicante quam ad nigrorem vergente. Plurima aqua pericardio inerat, cordi paucus sanguis: Renes flaccidi, ureteris utriusque extra renem exortus amplior, nihil tamen fabulosi in renibus aut vesica deprehendebatur: Omentum omni pinguedine expoliabatur, Hepar tabidum: Uterus minimus & durus: uterque testiculus gracilis: vasa colli & fundi tenuia, quia necdum mensium fluxum passa fuerat. *Bartholinus cent. 3. observ. 99.*

Diarrhœa à Pancreate scirrhus, Mesenterii vitio.

Marcellus Sacchetti (*de quo lib. I. tit. de Phthi-
si. observ. 88.*) inter alia symptomata, Diarrhœa
laboravit: quæ omnia partim invexere gracile
mesenterium atque omentum, partim scirrho-
des, pancreas, &c. *Severinus de abscess. pag. 273.*

*In viri Diarrhœa, fluxu sanguineo, &c. affecti,
ductu Pancreatico calculi reperti.*

Nobilis 30. circiter annorum, melancholi-
cus, catarrhis admodum obnoxius, vini ac
fructuum horariorum intemperanti usû, inci-
dit in vomitum & Diarrhœam, quibus per in-
tervalla subsequēbatur fluxus sanguineus, unde
viribus ejus magis magisque deficientibus 10.
die valetudinariam vitam cum morte commu-
tavit.

Dillecto cadavere in Pancreate, circa exi-
tum ductus pancreatici in intestina, septem
vel octo calculos, majoris ciceris magnitudi-
nem habentes reperi, Anno 1667. *Regnerus de
Graf, Tract. de succo Pancreatico cap. 7. Ex commu-
nicat. D. Gaien. Chirurgi Parisiensis.*

Diarrhœa abscessum in ventre sequuta.

Per frequentes Anatomes in Xenodochio
sum affecutus, nasci interdum abscessus nobis
reconditos, quorum materies diutissime velut
inclusa membranulis teneretur, quos ipsa hu-
morum copia vel edax malignitas sibi efformat,
inter diploides pleuræ, peritonæi, cujuscunque
meningis alterius, ut evidenti exemplo patuit
in cadavere D. N. cui ex percussione, dum ju-
venis esset, equinæ calcis in ventrem, locus fa-
ctus est imbecillior: senectutis tempore fluxio
nata, in diurni abscessus speciem transit, ac
suppurata demum erosio membranulis, è peri-
tonæo in cavitatem abdominis decidit, unde
paulatim putrefactis intestinis ac diarrhœa su-
perveniente decessit. *Gemma in casu mirabili de
puella Lovaniensi.*

*In quodam post Diarrhœam extincto obstructa
à calculis cystis fellea inventa.*

Vidi in Episcopo Malleacensi, qui Diarrhœa
biliosissima per tres septimanas perseverante
sublatus est, intra vesiculam felleam arefactam
tres lapillos durissimos: quum tamen ad ulti-
mum vitæ spiritum frequenti dejectione bilio-
sissima vexatus fuerit: Nec aliunde fluebat bi-
liosum excrementum quam per canalem bila-
vium ab hepate in intestinum directè proten-
sum. *Riolanus Anrop. lib. 2. cap. 20. pag. 215.*

*Post Diarrhœam malignam ventriculi fundus
maculis obsitus repertus, & Fistula tres
in intestino recto.*

Quidam cum longo tempore Diarrhœa ve-
xatus esset, nec quicquam aliud quam aquam
bibere auderet istum melius valere visus est:
Si verò vel vinum vel cerevisiam biberet, statim
alvus largiter solvebatur: Interim & vitro an-
timonij à Chirurgis exhibito sæpè usus fuerat:

Variis tentatis remediis, præsertim syrupis, sta-
tim pejor se habuit, imò postea à levi causa,
vel cibo aliquo minus salubri, vehementer af-
flictus fuit: Is cum me convenisset, & consi-
lium petiisset, spiritum ex Vitr. Mart. destilla-
tum aliquoties exhibui, qui illi non parvam
opem attulisse videbatur: Interim Pharmaco-
pola illum accessit, & persuasit ut duas uncias
mannæ ebiberet, fore ut statim subleraretur,
quod & me inscio fecit; Epota ea plusquam
quingagesies alvus soluta hominem eadem die
sustulit.

Cadavere aperto, viscera omnia salva re-
perta sunt: Pulmonum tamen lobus dexter li-
vidior: ventriculus autem in fundo plusquam
ducentas & amplius maculas rubicundas dif-
cretas, instar petechiarum macularum habuit:
In intestino recto fistulæ tres, de quibus ille jam
per annum ferè conquestus fuit, vanam operam
Chirurgorum & Medicorum implorans. Suspi-
cio annon maculæ illæ malignæ fuerint: nam
intestina ita elota fuere, ut nec excrementi
quicquam apparuerit, nec in ventriculo quic-
quam nisi duo vel tria cochlearia cerevisiæ cum
pane, quam ante dimidiam horam quam more-
retur, acceperat, repertum & planè omnino na-
turaliter se habebant: An maculæ illæ in causa
fuerint ut tam subito vel potus vel cibus contra-
rius ingestus in fermentationem ageretur & na-
tura stimuletur ad exclusionem? Nam quan-
tum memini, nec cibum, nec coctæ, nec chylum
reddidit, sed acriores humores & liquida multa
ejicere solitus erat. *I. Paterson Hain in Miscellan.
curiosis anni 1671. observ. 115.*

*A Diarrhœa mortui anatome, cujus ventriculi
fundus sideratus repertus, Colon variè
affectum, &c.*

Ultra annum Nobil. Vir de Rens, aulæ Archi-
pincerna, malè habuit, per sex tamen ultimos
menses lecto affixus fuit: Initium morbus
sumpsit ex prolapsu in lumbos, namque ab eo
tempore dolores in regione lumbari sentire
cœpit, ut tandem claudicaret: Exterius nul-
lum contusionis vestigium notari poterat, dolor
tamen quotidie crescebat: Accedebant tan-
dem horrores febriles: Verum cum à medica-
mentoribus usû abhorreret, molestias hæc vel
deambulationibus, vel computationibus, in-
primis bono haustu vini Rhenani pellebat. Olim
aliquoties ischatico morbo laborarat, hinc con-
sueta & experta sibi remedia adhibebat, à qui-
bus aliquantulum, sed parum levabatur: Tan-
dem accedebat Diarrhœa vehementissima, abs-
que ullis tamen torminibus: excernebat mul-
tum sanguinis grumosi: Cum morbus invales-
ceret D. Hermannus Conerdingium, Archiatrum
Guelficum, consulebat, qui remediis ex arte
administratis id præstitit ut sanguinis effusio
minor fieret: Sed mortuo Conerdingio dolores
in intestino recto accedebant, quos cum expli-
caret, hæmorrhoidas internas affici nemo non
judicabat: Huic fini hirudines ano applicatæ,
unde etiam aliquod levamen: manebat interim
Diarrhœa, nec sisti se patiebatur: Recrudescen-
tibus verò postmodum doloribus, cum Chi-
rurgus speculo dilatatum anum accuratius in-
spiceret, cognitum est totum intestinum rectum
hinc

hinc inde carunculis instar glandularum obfideri, quæ attactæ sanguinem cum intensissimo dolore fundebant. Et licet aliquando remediis ex arte adhibitis tollerentur, nihilominus intra 24. horarum spatium regenerabantur: continua Diarrhoea non parum etiam curationem morabatur, nec tamen listi poterat: Si sistebatur, insignes cordis angustiae accedebant, ut necesse esset enemate immisso anum iterum stimulare, quo adhibito horror per bihorium durans sequebatur, redeunte postmodum Diarrhoea consueta: Tandem veniebat febris lenta & continua, cum dejectione virium & appetitus: Per tussim purulenta ejiciebantur, faeces præter voluntatem prodibant; Urina cum difficultate excernebatur, ejusdemque sedimentum album erat instar cretæ: Ultimo, in dextra lumborum regione apostema generabatur, quo aperto materia prodibat inconcocta & fetidissima, ut nemo adstantium illam ferendo esset: Tumor etiam crurum, & inflatio abdominis insignis, mortem præcedebant.

Sub finem anni 1669. dissectum est Nobil. viri cadaver: Cum aperiretur, ingens copia flatuum prorumpebat, cæterum quæ sequuntur observata fuerunt. 1. Omentum, sanum licet & optimum, non tegebat omnia intestina, sed inter ventriculum, & colon convolutum erat. 2. Intestina, præsertim crassa, summopere à flatibus distenta, pellucida erant instar vitri: 3. In colo paucissimæ cellulae observabantur. 4. Ventriculus in dextro latere situs erat: In fundo ejus gangræna observabatur; Substantia ejus tenacissima, tria quoque in ipso foramina observabantur exigua, ac si acufacta fuissent: 5. In fine Coli itidem aderat gangræna, & ibi loci laterat ulceris, quod paulò ante obitum ruptum, uti ex rejecta materia observari poterat. 6. Hepatis color à naturali multum differebat: vesicula tamen fellis optimè colorati copia referta erat. 7. In Liene initium scirrhi. 8. Pulmones mucos tenaci & albi coloris planè erant obducti, in sinistro latere planè purulenti: In dextro latere inflammati erant, sicut esse solent in iis qui pleuripneumonia correpti moriuntur. 9. Cor magnum erat & adiposum, fibrae tamen carneæ aderant, ut nondum desineret esse musculosum. *Alardus Hermannus Cummenus in Miscellan. curiosis anni 1673. observ. 118.*

Diarrhoea ob corruptionem Coli & Tenuium intestinorum, inflammationem sequutam eadem omento non cooperta, Tumorem huic adnatum, &c.

Anno 1663. die 9. Julij Clar. Sylvius secuit Apolloniam Simons vetulam, quæ continuo alvi fluxu per septem hebdomadas laboraverat, in sectione sequentia notabantur: Vena umbilicalis coaluerat cum peritonæo: Linea alba cartilaginea erat: In sinistro latere sub ventriculo Tumor magnus & rotundus, ovi anserini magnitudine reperiēbatur, omento adnatus, qui dissectus continebat materiam variam, maxima quidem parte viscidam instar concretæ pinguedinis, aliqua gypseam, minima autem mellis instar fluidam & luteam: Omentum sursum erat retractum, ut intestina nuda conspicerentur: In intestino Colo nigredo apparebat,

forte corruptionis signum. Intestina tenuia valde flaccida erant & coloris obscurioris, aliquibus in partibus magis rubebant, ubi forte fuit inflammatio: Intestinum tenue, per quod sub mesenterio sinistrorsum ferebatur, profunde admodum situm erat, & usque ad sinistram renem penetraverat: Folliculus fellis bile satis plenus erat, sed pallidior: Quicquid in intestinis tenuibus continebatur, à bile erat tinctum: Ductus Pancreatici in intestinum duplex erat insertio, altera communis cum insertionē ductus bilarii, altera tribus circiter digitis à priore distans: Uterus versus partem sinistram magis propendebat & dextra tuba longior erat: Minor erat uterus, nec major quam in puellis esse solet & satis mollis: Membranulis quasi quibusdam intertexta erat uteri substantia satis flaccida, per quam ductus quidam ferebantur hiantes, & stylum admittentes in ipsas tubas: Inflato vase in parte interna uteri, tota substantia tubarum attollebatur: Internum uteri orificium valde rubicundum erat & pituita viscida refertum: Lien pallidior erat, præsertim in parte postica, & satis grandis, cætera sanus, Pulmo quoque bene se habebat, sed per fibras variis in locis dextro lateri adhærebat, in sinistro liber erat: Hepar etiam laudabile erat: Tantillum aquæ subflavæ continebatur in sinistra thoracis cavitate: Pericardium flatu distentum & turgidum erat, quod sibi nunquam observatum aiebat: In ejus cavitate liquor spumofus continebatur satis copiosus, sapore subfalso & subacido: Inter æsophagum & arteriam magnam in sinistra parte, quærebat & inveniebat Ductum thoracicum ad latus venæ *ægæ* propè ipsas vertebrae, qui satis grandis & elegans erat, color contentorum subrutulus erat: Immisso tubulo in ductum thoracicum & inflato, dexter ventriculus cordis vehementer intumescebat, & sanguis ex vasis erumpebat, & tota auricula dextra mirè inde tumescebat: Valvula in ipso Ductu reperiēbatur, quæ impediēbat quominus versus inferiora inflari posset ductus. Ubi ad regionem lumborum deveniebat, ductus quasi contorquebatur in semicirculum. Ductus quidam minores, ex musculis venientes, inferebantur in ductum majorem, Dum persequeretur ductum, videbat plurima vasa è ductu deferri usque in hepar, & minores aliquot ramos ad intestina. *Observatio Joh. Henr. Brestfeld. Medici Dani, in actis Medic. Barholini anni 1673. Observat. 17.*

Diarrhoea chylosa cum atrophia propter lactearum mesentericarum obstructionem.

Licet in specie & propriè Diarrhoea illum ventris fluxum designet, quo humores sinceriores defluunt sine sanguine & chylo, hic tamen illam vocem cum *Melchiorre Sebizio in speculo suo medicinali practico. part. 4. sect. 2. cap. 15.* generaliter sumimus, ita, ut in genere denotet quodvis alvi profluvium, qualecunque id tandem sit, à quacunque materia proveniat, à quocunque loco, & quocunque etiam modo illud fiat. Diversi humores in Diarrhoea evacuari solent, unde etiam diversis nominibus salutatur. Dicitur enim Diarrhoea biliosa, melancholica, pituitosa, serosa sive aquosa, sanguinea, colliquativa, pue-

puerorum dentientium, verminantium, ut & chylosa quæ, licet ad celiacam affectionem soleat referri, quia tamen plerumque & præprimis hoc in casu, non merus & purus chylus, sed excrementis mixtus, evacuabatur, non immerito Diarrhœæ Chylosæ titulus ipsi imponi potest. Erat enim filiolus Domini Caroli à Pflug annu natus cum dimidio, febris inordinata, nimia appetentia, secretionem per alvum superflua cum materiæ albæ permixtione, & subsequenti macie insigni, diu & per aliquot menses vexatus, ita ut omni diligentia licet adhibita, æger vix ossibus hæreret, vix præter animam residui quicquam haberet, vivæ mortis imago esset, & delicatam adhuc animam ob morbi vehementiam tandem efflaret. Huic celiacæ affectionis, sive potius Diarrhœæ Chylosæ, causam Fernelius aliique, venarum Meseraicarum, Lienis aut Epatis obstructioni adscribunt. Pecquetus rectius Lactearum Meseraicarum (quas insignis superioribus annis Anatomicus Asellius à se detectas Posteritati commendavit) quin & Thoracici illius ductus, à se primò inventi, statuit obturationem, verba ejus ita sonant in nova de Thoracicis lacteis dissertat. Anatom. Exper. pag. 109. Chylosa Diarrhœa, qua scilicet mixtum cum excrementis excernitur Chylus, oriri potest (sicut Riolanus Pater in peculiari sanandi methodo cap. 48. sapienter indicat) ex Obstructione Mesenterio: nam licet sanissimum hepar congruentissimum accendat ad optimam Chylosin, aut Chymosin potius calorem ventriculo, si tamen vel obstructum fuerit Mesenterium, vel humoris viscosus intimam intestinorum tunicam lubricans, obturaverit Lactearum infundibula, certum est prohibitum ingredi Chylum pariter secretum iri cum ciborum facibus, id ipsum necesse est, obstructis thoracicis Lacteis, contingere. Et paulò post. Quod si multiplex fuerit Lactearum obstructio: & adversus aperientium remediorum vim pertinax, Atrophiam sequi necesse est, interdicti alimenti penuria, unde nec reparantur sanguinis impensa, nec corporis tabescentis substantia refarcitur. Prædictas obstructions ob lactis potissimum impuritates & viscositatem ortas fuisse arbitror, quæ in exilibus illis canalibus lacteis ad Cascosam duritiem & quasi coagulationem tetendit, hincque ex obturatione horum vasorum Chylus ad receptaculum, & sic deinceps consequenter ad massam sanguineam interceptus fuit tam maciem quam Chyli necessariò per alvum una cum excrementis fluxum excitans. Symptomata, fames nimirum, sine dubio ob defectum nutritionis in partibus, quæ sui restorationem desiderarunt, nec propter obstructionem illam receperunt, oriebatur. Putamus enim, salvo tamen aliorum judicio, naturalem appetitum excitari à ventriculi bono temperamento & anima; Omnium actionum nostri corporis gubernatrice, quæ defectum materiæ nutritivæ percipit, & ita per appetitum illam postulat. Ab Experientia omnium rerum Magistra informati sumus, post morbos majorem plerumque percipi appetitum ob virium debilitatem, quas Natura recreare iterum tentat. Illi, qui exercitiis gaudent, & laboribus mechanicis delectantur, majori fame & appetitui vexantur, quam qui otio & quieti dediti sunt, eandem ob causam. Vermes in intestinis stabulantes absumunt Chylum, hinc nulla vel pauca par-

tium nutritio, & per consequens major appetitus. Igitur cum Ferdinand. Roderic. pag. 64. exclamamus: Fames ceruissima indigentia & absoluta coctionis prius ingesti cibi certissimum signum. Spiritus acidus & acres appetitum quidem excitant, si autem quantitate peccent, destrunt appetitum, cum ventriculi temperamentum evertant. In iusta autem dosi assumpti, vel ante, vel cum cibis, appetitum adaugent, ratio, quia ante cibos accepti reliquias in ventriculo contentas dissolvunt, ut defectus eò melius percipiatur, cum cibis autem ingesti, pars concoctionis existunt, cibos citius dissolvunt, concoctionem, augendo fermentum, accelerant, & ita per accidens appetitus & sensus assumptionis causa evadunt. Distinguendum igitur inter causam coctionis & causam appetitus, quam naturam salutamus. Alterum symptoma, febris inordinata à viscerum & vasorum obstructione, ut & Tartari copia istas obstructions generantis, inæqualiter effumantis quasi & ebullientis, calidosque vapores in totum corpus mittentis, originem trahebat. Intermittere tandem circa hunc affectus, cum Chyli receptaculi in præcedentibus mentio facta, nequeo, quin animi sensum aperiam, & causam explicem, quæ per tot secula tot Authores decepit, nimirum ob Anatomes imperfectam adhuc cognitionem, & præcipue magnæ illius in centro Mesenterii contentæ Glandulæ, cujus usus & finis antequam à Clariss. Pecqueto consignaretur, multos Authores latuit, dum hi receptaculum istud Chyli post mortem adhuc repletum & dissectum plerumque abscessum Mesenterii fecere: Vix enim observationes reperies, in quibus non aliquoties tales Mesenterii abscessus recensentur. Non quidem mihi mens est, Mesenterii abscessus totaliter in dubium revocare, sed solummodo mihi persuasi, multoties receptaculum Chyli pro abscessu Mesenterii ab Authoribus habitum fuisse. Nobilissimi autem dicti filiolii parentes, cum nutricem certas ob causas mutassent, semper suspicati sunt, (licet Medici fundamentalibus rationibus illis aliud persuadere conarentur) morbum infantis per fascinum introductum esse. Novitate quidem caret, Ariduram ex incantatione provenisse, quale exemplum Hieronymus Jordanus de eo, quod divinum est, pag. 109. recenset. Frequentius verò Atrophiam ex fascino incurrit corpus infantile, quod oculum vocant malum, linguamve malam. Hinc usus etiam muliercularum obtinuit, ut vitio vertant illis, qui elegantioris notæ puerulos attentius vel intuentes, vel commendantes nimium, non addant: Deus te servet? persuasæ, nisi illam illis benè precandi formulam addiderint, facile sic futurum, ut fascino possint lædi. Quæ consuetudo apud illas adeò invaluit, ut simul ac audierint, viderintve, infantulum non ita pridem floridum, ac per omnia sanum, nunc ægrotare & contabescere, de fascino protinus cogitare amsint. Ut igitur amplius ancipiti cura non distraherentur, extinctus filius anno 1665. die 15. Mensis Augusti Halis Saxonum aciei cultri anatomici subiciebatur. Dissecto cadaveris abdomine, ecce monstruosa illicò hepatis, pro ætatis ratione, apparuit magnitudo, quæ vix in adulto offenditur: Totam enim abdominis cavitatem occupabat, substantia ejus præterea

scirrhusa reperiēbatur. Vesicula fellea erat insignis, indicis longitudinem æquans. Lienis similis ut epatis erat constitutio; puncticulis enim tartareis perduris undique erat refertus. Glandula per totum Mesenterium dispersa scirrhusa inveniebantur, causæque mortis manifestè conspiciebantur. *Casparis Theophili Bierlingi.*

Bimulus Princeps Serenissimæ cujusdam in Germania familiæ, diarrhœa, atrophia aliisque symptomatibus defunctus 26. Julii 1676. in præsentia Consiliariorum, Aulicorum, Medicorum, à Chirurgis ad balsamationem exenteratus, sequentia monstravit.

1. Magnum, elegans, candidumque cerebrum, sub quo inter cranium octo & plura cochlearia aquæ cruentæ inventa; cerebrum solum pendebat libras duas & duas uncias. Externa capitis ulcuscula prorsus evanuerant. Dextrum verò latus à capite ad coxas propè regionem hepatis nigricante lividoque colore infectum.

2. Cor naturale, pulmones sani, sine ulla accretione.

3. Ventriculus & intestina splendida, omnibus excrementis vacua, sed flatibus nonnihil distenta, pancreas naturali facie, ut & lien, sed brevior,

4. Renes naturalem magnitudinem superabant. Vesica more consueto constituta, sed contracta.

5. Hepar valdè durum, albicans, inusitata magnitudinis, pondere 17. Unciarum. Inter hoc & intestinum duodenum prope mesenterium, sanguis nigricans infarctus. Vesicula bilis quoque major justo hepatis substantiæ ubique ita firmiter accreta, ut sine substantiæ hepatis læsione eximi non posset. In ipsa vesicula biliaria, non flavus humor, sed materia quædam ex nigro viridis observata, qualis subinde copiosius per alvum secernebatur. Præterea hepar undique angustum & arctè costis spuriis & diaphragmati accretum; hinc facile colligi poterat, unde difficilis respiratio orta, & quâ ratione hepar in functione sanguinis vel depurandi & distribuendi impediri potuerit.

Cum frater Serenissimi defuncti Principis eodem affectu iisdemque symptomatibus detineretur, ut præcaveretur fatum imminens, jussu superiorum Medici quidam Hafnienses hoc consilium scripto consignarunt Hafniæ xiv. Septemb. 1676.

Mandato clementissimo subjectissimè obsecuti, relationem nobis missam de Serenissimi Principis morbo & aperti corporis constitutione, quâ docuit, diligentia expendimus, & exinde intelleximus, beati Principis bimuli morbum primariò dependere ex humida frigidaque temperie cerebri, hepatis; & circumjacentium viscerum nativa indispositione, unde reliqua adducta symptomata fluxerunt. Et quandoquidem Junior Princeps alter, sicut percepimus, simili modo tentatur, & vero simili suspitione similem interiorum viscerum constitutionem habeat, in hanc sententiam conspiramus, donec à Medicis agro Serenissimo præsentibus uberius de morbi statu certiores reddamur, ut ante omnia curandi scopus dirigatur ad hepatis indispositionem, quæ impedit ne bilis & lym-

pha separetur, & quidem leniter aperientibus, hincque partem roborantibus tam quæ externo corpori applicantur, quàm quæ per os assumuntur, pertinaciter insistendum, quibus ritè peractis spe non dubiâ animamur, symptomata sensim evanitura, quæ summa est votorum nostrorum. *Thomæ Bartholini.*

Puellula quædam bono corporis habitu prædita, enormi corripitur Diarrhœa, postea nonnihil remittens, & tandem cum vomitibus recrudescens. Fuit in dextro hypochondrio durities, aderant sitis, pervigilia, dolor capitis, stercora alba, & virium prostratio. Denique Epileptica obiit.

A cervice ad dorsi finem spina erat nigra, Ventriculus aliquo modo nigricans & putrida, humorem continens viridem: Jecur scirrhusum Folliculus fellis nigricante bile turgidus. Cerebrum ingens aquæ innatans.

Videtur fuisse species alicujus febris malignæ, cui cætera symptomata concomitavere. *Stephanus Blancard. Anat. Pract. Cent. 2.*

Hælica post Diarrhœam, obiit.

Post mortem, Viscera flaccida: Vomica in pulmonibus: in Mesenterii glandulis atheromata, & purulenta, Hepar exuccum. *Idem ibidem.*

DICOPHYIA

Vid.

PILORVM VITIA.

DIFFICULTAS RESPIRANDI.

Vid.

RESPIRATIO.

DIGESTIONIS VITIA.

Curationes & Consultationes.

Curationes.

Chylosis seu chylificatio, notum est quomodo fiat, nempe beneficio succi fermentativi salini seu fermenti stomachici salini, à quo inciduntur, dissolvuntur & volatillantur simul alimenta, ita ut abeant tandem in liquorem dilutum lacteum, quem non immerito liquidiori cremori vel Ptisanæ assimilant. Qui liquor chylus dictus natura sua est salsus, volatilis & temperatus. Hæc chyli productio, seu alimentorum in chylum transmutatio variis læditur modis.

Aut enim imminuitur sive aboletur quando non sufficienter digeruntur alimenta: vel insigniter depravatur, unde innumera sunt alimentorum corruptiones.

Ad depravationes alimentorum merito etiam referuntur cruditates dictæ, quæ imprimis sunt duplices acidæ & nidorosæ. Acida est, quando alimenta abeunt in succum acidum, nec sufficienter volatilifatum: Nidorosæ sunt quando eadem corrumpuntur ut abeant in liquamen horridi saporis, putrilaginosum, & omnino nutritioni

tritioni ineptum: nam corruptionem nidorofam solent comparare communiter cum ovis fixis butyro & non benè postmodum concoctis.

Causam quod attinet, notum est ex lectione Veterum quod hi ipsi omnes operationes naturales soli manciparunt calori, & exinde in chylosos læsionibus ut plurimum accusarint calorem debilem stomachi, seu intemperiem stomachi frigidam, nunc simplicem, nunc verò compositam, complicatam cum intemperie Hepatis calida, Lectio frequens Practicorum etiam Modernorum & imprimis Italarum & Gallorum vos docebit quod hi omnes accusent inæqualem intemperiem stomachi frigidam & Hepatis calidam.

Verum hac in parte merito laudes tribuendæ Helmontio; qui primus caliginem discussit, & calorem non effective sed dispositive tantum digerere statuit, & sufficienter confirmavit, quò potius fermenta & fermentationum læsiones, causas, proximas introducit læsarum digestionum.

Quod ergò attinet chylosin læsam, causa ejus proxima erit vel in fermenti stomachi vitio, vel erit in vitio assumptorum alimentorum, in fermento quidem quando non potest sufficienter digerere, aut quando non legitime digèrit, sed potius depravatum alimentum corrumpit. In alimentis verò erit causa, quando eadem digestionem sunt inepta, aut quoniam peccant cum quantitate etiam qualitates dum sunt vitiosa & digestionem aliàs inepta.

Hæc ut pateant imprimis fermentum stomachi non satis volatile, sed acidum nimis fixum aut cum peregrino acore in stomacho corruptum, uti fit in Hypochondriacis, dissolvit quidem promptè alimenta, sed eadem non ritè fermentando nec debite volatilifacit, sed nimia acore eadem in massam vitiose acidam transmutat unde imprimis cruditas acida provenit.

Quòd si ex perverso bilis per vascula fellea in intestina tractæ motu fiat, ut regurgitet in stomachum fit ut ab hoc sale volat. oleolo bilis debilitetur aut vitietur fermentum stomachicum; adeo ut assumpta alimenta non possint convenienter digeri, quin propter talem præsentiam bilis vitiantis fermentum, abeunt in cruditatem nidorofam, quod etiam fit quando alimenta pingua nimis ingeruntur aut butyro nimis frixa & condita nam & alia pingua dant cruditatem nidorofam. Verum in unoquoque subiecto peculiaris & à priori non perscrutabilis est fermenti varietas tam in specie animalium quàm in unoquoque in dividuo humano: ratione cujus fit ut non tantum appetitus variet, sed etiam ut ipsa variet alimentorum digestio, ita ut ea quæ unus avidè appetit & hinc facillimè digerit, alius respuat, aut non sine molestia concoquat. Appetitus sanè est index quid loquitur quasi & monstrat quæ sunt assumenda. Nam quæ facile assumuntur facile digeruntur, quoniam tum appetuntur ea quæ sunt amica fermento stomachico, & quæ ipsi sunt amica, facile dissolvit, & facile fermentatur.

Hinc est quod nobis inculcet Hippocrat. in Aphorismis quod appetita facilius longe digerantur quam non appetita. Ex hoc fundamento etiam consuetudinis magna adeo est habenda

ratio: nam idem Hippocr. in omnibus morbis consueta licet deteriora insuetis tamen esse præferenda, dicit, licet melioribus. Ratio est hæc, quod post omnia assumpta semper remaneat nonnihil in stomacho, seu omnium assumptorum nonnullæ reliquæ hæreant in plicis & rugis stomachis, quæ reliquæ si non ingrediuntur materialem compositionem fermenti, uti multi volunt. Certum tamen est quod nonnihil aut certo modo fermentum modificent seu ad sui similia alimenta magis appropriatum reddant. Hinc est quod ab assumptis minùs lædamur, quando fermentum iisdem quodammodo est homogœneum & nulla est discrasia inter assumpta & fermentum, sed hoc se habet ad illa ut proportionatum agens. E contra insueta sunt molesta quoniam non habent convenientiam cum illo partes alimenti.

Propterea etiam est ut ii qui certa quædam nonnunquam abhorrent, incipiendo à minima dosi ea sibi reddant familiaria nonnunquam: quoniam fermentum stomachi successive alteratum, talia olim hostilia, tanquam amica, facile arripit.

Hæc de fermento, cujus salina volatilis activitas si debilitetur, fit illud ratione modo dicta.

Quod attinet Vitium chyloseos alterum ex alimentis assumptis. Hæc est causa, quando copiosè nimis ingeruntur unde non possunt digeri: ratio, quoniam unumquodque menstruum fermentativum (quod solvit & fermentat, quale est fermentum stomachi) requirit proportionem objecti debitam in quod agere debet.

Si ergo nimia ingeratur alimentorum quantitas, obruitur in tantum fermentum ut eadem nec dissolvat sufficienter, quoniam non est sufficiens, nec convenienter fermentando volatilifacit. Non dissolvit convenienter, quoniam, uti dixi, nimia quantitas superat fermenti activitatem: hinc tarda fit concoctio & non rectè volatilifacit digesta. Imo sapius nimia quantitas alimentorum ingestabit in cruditatem acidam, unde assumpta quidem acorem recipiunt fermentativum sed propter nimiam copiam admodum debilem; unde non possunt fieri volatilia, sed in forma pastæ crudæ acidæ remanent.

Præter quantitatem imprimis varietas ciborum etiam turbat digestionem, utut enim magna sit fermenti stomachici potestas; quatenus semel varios admodum cibos potest dissolvere & fermentare, tamen certum est quod non sit universalis quin magis determinatur ad hunc vel ad illum cibum: si ergò tam varia ingeruntur pingua cum macris, acida cum dulcibus, etiam certum est quod fermentum, potentius dum agit in unum, quàm in alterum, non leviter vitietur digestio, & pessimæ oriantur corruptiones & cruditates quarum comes est mucus copiosus in ventriculo residuus: nam quod non rectè digeritur vix per Pylorum transmittitur, unde copiosus mucus obruit ventriculum & ulterius vitiat chylis.

Quòd qualitatem ciborum certum est quod delectus sit habendus. De Pane tantum loquor qui ex omnibus alimentis nobis est familiarissimus. Ratio, quoniam fermento stomachi est amicissimus idque propter spiritum acidum

volatilem, qui in pane est satis copiosus & quodammodo homogeneous & symbolizans est cum natura fermenti stomachici. Unde etiam Panis ratione fermenti in panificio concepti, vel ratione spiritus istius acidi volatilis, adjuvat ut reliqua assumpta promptius colliquescant, & cum isto stomachi fermentum volatile simul adjuvat, ut promptius volatilisentur & chylicentur. Unde panis quo magis est fermentatus & magis in eodem exaltatus spiritus acidus volatilis, eo est nobis salubrior, quo minus vero fermentatur & quo spissior & glutinosior, eo magis est nocivus, & eo promptius abit in pastam viscidam & crudam in stomacho. Præter Ciborum varietatem etiam Potus nimius est qui insigniter turbat digestionem: ratio, quoniam 1. Potus nimius diluit nimis fermentum stomachi & istud diluendo nonnihil hebes reddit: 2. quoniam facit fluctuationem alimentorum in stomacho quæ nonnihil impedit legitimam fermentationem: 3. quoniam Tonum stomachi lædit, eundem distendit & fibras ejus laxat ac flaccidas reddit ut digesta licet, non possint adeo commodè per pylorum expelli. Hinc eadem præter tempus in stomacho detenta, corrumpuntur & in vitia varia abeunt. Ex his facile patet quid habendum sit de veterum intemperie inæquali: Nam eandem non habere fundamentum in re, patet ex eo, quod sanguis qui calorem & sic dictam Temperiem Vitiat, omnibus partibus distribuitur æqualiter & proportionaliter movetur ad hepar & ventriculum. Quamdiu ergo sanguis debito calore vegetus, & quamdiu æquali proportionem circulator tam ad hepar quam ad ventriculum, tamdiu sanè his ipsis etiam debitam conciliabit temperiem & eodem modo debite calebit Epar atque Calet ventriculus.

In ista ergo quam dixi veterum inæquali intemperie experientia nos docebit, quod semper subsit vitium stomachici fermenti, quod sit nimis & vitiosè acidum. Nec satis volatilifatum quin simul obrutum copioso muco crasso & viscido: propterea instituitur in talibus Cura non cum iis quæ calefaciunt stomachum & refrigerant hepar, sed quæ vim habent attenuandi & dissolvendi, imò etiam volatilifandi & temperandi nimium fermenti acorem.

Præter has causas primarias chyloseos læsæ, Secundariæ nonnullæ adsunt, quæ, quatenus retentionem aut expulsionem turbant, etiam Chylosin vitiant, quam sæpius causam fuisse chyloseos læsæ & similium stomachi symptomatum, Testis est expertus *Zacut. Lusitanus in lib. Medic. Princip. hist. 56. quest. 36.* It. Verrucæ ventriculo adnatæ Chylosin turbare valent. Quale exemplum habet *Forest. in lib. 18. obs. 18. & observ. 30.* Notum etiam est quod renes afflicti calculo propter consensum nervorum qui intercedit ventriculum & renes, similiter solent turbare digestionem.

Quod attinet Signa Diagnostica. Ea sunt facillima. Nam in Chylosi imminuta conqueruntur ægri de dolore stomachi post pastum. Item conqueruntur ægri de ructibus etiam post 5. vel 6. horas ab alimentorum assumptione molestis, iisque genuinum assumptorum saporem repræsentantibus. Porro conqueruntur tales ægri de appetitû dejecto, de inflatione stomachi & quæ sunt similia signa hinc inde obvia.

Præterea sæpius adest post pastum in talibus subjectis Phlogosis seu rubor faciei, in qua phlogosi semper observetur quod fiat à stomacho, hocque muco copioso nimis acido ab alimentis non ritè digestis residuo, onerato.

Item conqueruntur ægri tales de difficili respiratione, quando incumbunt dorso, Item matutino tempore sæpius conqueruntur, quod habeant os muco plenum, qui revera ascendit ex stomacho, dum per incubationem regurgitat & ad fauces tendit & sic matutino tempore excernitur. Cæterum quando vitiata est digestio illam testantur ructus. In cruditate acida habent ructus acidos, habent copiosiores præ cæteris flatus, & quæ rejiciuntur, aut naturâ, aut arte per vomitum deprehenduntur crassa viscida & pituitosa, simulque saporis acidi.

Cruditatis nidorosa cognoscitur ex eo, quod ructus sunt fatidi aut saltem horridi quales solent elevari post ova frixa assumpta: It. quod subinde nauseant. Matutino tempore saporem percipiunt, quem non possunt sufficienter explicare: quæ rejiciunt aut arte aut natura per vomitum sunt liquida subflava, & aut omnino insipida, aut quodammodo amaricantia. Præterea habent alvum sæpius plus solito apertam. Tales cruditate nidorosa laborant.

Quod attinet signa prognostica. Certum est in chyloseos læsione consistere fundamentum quàm plurimorum morborum Chronicorum, in specie certi sitis quod ex cruditate acida & ejus variis differentiis oriantur quàm plurimæ si non omnes febres intermittentes: quod hæc cruditas acida certo modo corrupta sit origo mali hypochondriaci, sit origo Scorbuti, nisi hic oriatur per contagium massæ sanguineæ communicatum: sit origo Passionis Colicæ & similium. Item quod similis acor in stomacho vitians alimenta sit origo morborum Cutaneorum, Scabiei, Serpiginum, Herpetum, forsan & Erysipelatum.

In genere omne acidum seu acor vitiosus subinde in corpore errans, quod ab Heimonio dicitur inimicum toti corpori, fundamentum habet in vitiosa digestionem ex corruptione acidi. Arthritis ipsa dum vinum acescit in ventriculo, aut potulenta vitioso acore tincta prouunt in corpus ex hac acida stomachi aciditate habet suum ortum. Imò (de quo imposterum plura) omnes morbi Chronici qui veniunt aut oriri putantur à viscerum obstructione Mesenterii, Hepatis & Lienis: Tamen sitis certi quod oriantur ex vitio chyloseos & in specie quando fermentum stomachi est nimis acidum nec ritè volatilifatum.

METHODVS MEDENDI.

Corrigendum. Itaque fermentum ventriculi quando fieri potest & collocandum in naturalem statum.

Conferunt hic 1. Ea quæ mucum & succos in stomacho hærentes ut plurimum crassos & viscidos acidos remouent. 2. Ea quæ sale volat. oleoso subtili acido temperato constant: hæc namque nonnihil alterant fermentum stomachi, volatilem subtilemque acorem ei attribuunt.

Quod ergo attinet: Purgantia: Vomitoria primum obtineant locum, inter hos superius dictum

Aut Antimonialia esse præferenda, non ea quæ non infusa, sed quæ infusa: & in Infuso non tam esse ponderandum pulverem quam liquorem in quem fit infusio. Post hæc sunt Asarina & in specie Extract. Asari Emetic. Hartm. Aqu. Nicot. destill. similiter elegans præbet vomitorium. Mass. Pilul. de Hier. cum Agarico superius commendavi & dedi formulam. Præter hæc Pilulæ Mastichinæ sunt elegantes: Nam Mastiche est singulare stomachicum ratione spiritus acidi volatilis. Pilulæ Aloephanginæ ex aromatibus factæ, & uno alterove grano Scammonii aculeatæ conveniunt ad detergendas sordes mucilaginosas stomacho sæpè adhærentes. Dabo exemplum hoc modo egregium.

℞. Pilul. Aleophang. gr. xv. l. ʒj. (sunt enim ex aromaticis) Scammon. sulphur. gr. ij. Extr. troch. alhand. gr. j. ʒ. (est egregium ad pituitam viscidam detergendam.) c. f. q. Tinct. tart. (quæ stimulat. & est salina abstergens) F. l. a. Pilulæ purg. Stomach.

Potest etiam beneficio remediorum salinorum imprimis ex tartaro fieri pulvis laxativus & stomachum egregie evacuant.

℞. Tartari vitriol. crem. tart. an. ʒss. Scamm. sulphur. gr. iij. l. iv. Trochisc. alhand. gr. j. l. ij. (Hi enim præscribuntur in pulveribus) Olei destill. Anis. gr. ij. F. pulvis purg. stomach. Nam ultra ij. l. iij. sedes vix operabitur pro constitutione tamen subjecti.

Post hæc dixi convenire in Chylosi læsa ea quæ constant sal. volat. aromatico blando, quæ si maritentur cum subtilibus acidis fiunt egregia remedia. Ex his imprimis commendantur semina quæ vocantur minora calida: Anisi, Carui, Petrosel. Cumini, & post hæc aromata, præ cæteris Galanga & Zingiber simul.

Platerus in observat. egregia aliquot habet exempla Chyloseos & cruditatis vitiorum stomachi curatorum per usum Zingiberis, Nux Moschata etiam est egregia, sed quia est nimis oleosa, & ob id obtundere solet fermentum Stomachi, aliis subinde est temperanda, imprimis simplicibus stomachicis dictis quæ sunt satis nota.

Præ cæteris palmam obtinebit Absinthium & Mentha; Item Acorus verus: Rosmarinum & lignum Sassafras uti etiam reliqua aromata. Item Elixir quod vulgò vocatur Proprietatis in specie si misceatur cum spir. cochleariæ aut cum spir. sal. Ammoniæ volat. Conveniunt etiam egregie Elixir stomachale. D. Michaël. cujus superius facta fuit mentio, Essent. Melissæ, Menthæ, Pulegii, Rosmarini, Ligni Sassafr. Omnes conveniunt, si acidulentur cum parva quantitate spir. salis vel spir. vitr. sic enim concipiunt subtilem volatilem acorem.

Aut fiat Vinum Medicatum, nam sic acidum vini imbuitur cum salibus volatilibus vegetabilium. h. m.

℞. Radic. Enul. camp. ʒvi. (quam superius commendavi c. Rad. armoraciæ) Rad. Galang. ʒiij. Herb. Menth. crisp. calaminth. mont. Absinth. an. m. ʒ. Sem. Anisi. Cinam. acut. an. ʒiij. Macis ʒj. (quia nimis oleosa) Concisa & contusa includantur cum nodulo in vini Rhénani mens. j. stent per hor. 12. in loco calido. Hinc subinde assumatur haustus ante cœnam & prandium, singulis haustibus addendo spir. salis

dulcis (acid. volatile) gutt. x. l. loco hujus Elix. Propriet. imprimis cum spir. cochlear. facti & parati gutt. v.

Salia ea quæ mucum subtili aciditate potenter abstergunt & detergunt stomachum, similiter egregia sunt: inter quæ excellit sal. Ammon. imprimis si assumatur in vino absinthite s. vino infusionis ligni Sassafras. Post hoc non minus etiam terra soliat. tartari seu sal. tart. essentielle & reliqua ex Tart. parata: Item spir. Carminativus secretus vid. cap. 6. de quo faciam mentionem paulo post, egregie conveniunt: Tart. vitriolat. aut etiam Hepaticum rubeum imprimis si cum aromaticis speciebus Diatrion Pipeleon, aut cum speciebus Dialangæ, aut stomachicis Mynsichti misceatur. Sal. vitr. seu Arcanum duplicatum Mynsichti similiter est egregium in affectibus stomachicis, similibus pulveribus stomachicis mistum: Nec mistura simplex est inelegans cum ex acido volatili temperato constat.

Ambra est conveniens senibus, & in cruditate senum imprimis est convenientissima sive cruda cum saccharo in forma pulver. assumatur sive cum Essentia Menthæ l. Melissæ in essentiam stomachicam redigatur. Noti alias sunt Pulveres stomachici Birckmanni & Quercet. in quibus basis est radix Ari præparata: Propterea quia radix Ari imprægnata est sal. volat. acri & penetrante: Cæterum utut hæc radix præparetur cum aceto vel vino, in arida tamen maxima pars salis volatilis avocat, & ob id inanis nonnihil evadit: Melius ergo est si infusio fiat cum radic. Helenii in vino, vel si succus expressus ex radice & foliis asservetur ut tempore usus cum aliis assumatur.

Sed est quæstio quomodo asservari possint citra corruptionem Succ. R. Observetur quomodo vinum conservetur beneficio sulphuris, & ij qui legunt Helmont. callebunt artificium asservandi succos ad aliquot annos incorruptos.

Præterea pertinet huc pulvis stomachicus D. Michaël. composit. est.

℞. Rad. Ari præpar. ʒij. Panac. Holsteini. ʒj. Sal. absinth. ʒss. Rad. calam. arom. ʒij. (loco hujus acor. ver.) Cinamom. Caryophyll. an. ʒi ʒ. Macis. Piper. long. Zingiber. Cubebæ. Cardam. Granor. Paradis. sem. Zedoar. Coriand. an. ʒj. F. l. a. Pulvis.

Illi qui legunt. Poterium sæpius memoratum in scriptis inveniunt specificum stomachicum, sed quid hoc sit: Nemo scit præter filium Poterij Bononiæ degentem: Interim in aurem vobis dico quod basis sit Regulus Antim. Martialis, sapienti sat dictum.

Ad specifica stomachica etiam pertinet succolata: succus inspissatus factus ab Indis ex fructibus Cacaum conditus cum Cinnamomo & pipere, quæ succolata in vino cocta & pota est egregium stomachicum & simul antiscorbuticum. Non minoris est pretii herba Theæ, planta apud Chineses & Japonenses singularis virtutis: ad nos tantum sicca adfertur: quæ herba Chinesibus & Japonensibus elegantissima est medicina non tantum stomachum roborans, sed præterea liberat tam à Calculo, quam Arthritide (morbis Chinesibus & Japonensibus propter hujus plantæ usum incognitis) item in Cephalalgia potenter, Præservans

ebrietatem & somnum arcens, stomachum confortans, & vigilias citra debilitatem etiam ad tres dies protrahens. Usus est si folia pulverisata quantum 2. vel 3. capiunt cochlearia ebulliant in aqu. simplic. adjecto pauxillo sacchari, & istud decoctum postmodum subinde hauritur.

Hæc in genere de Chyloleos læsione. In specie quod attinet cruditatem nidorofam. Conveniunt Rhabarbarum quod evacuat & Tamarindi: Præterea succus Citri, succus & syrupus Portulacæ, item spir. salis dulcis, Epaticum rubrum. Omnia enim temperant pinguedinem & bilem præcipitant. Item Conservæ Rosarum, aut Menthæ vitriolata, aut spir. vitr. aliquot guttulis irrorata. Cruditas verò acida corrigitur per vinum absinthites, per radicem Helenii & Armoraciæ: per spir. vegetabiles volat. Menthæ, salviæ & similes. per spir. Piperitidis quæ est planta paucis cognita, acerrimi saporis & potentissima in corrigendo stomacho. Spir. salis Ammon. volat. imprimis spiritum vegetabili commistus ut fiat sal. volat. oleosum. Denique sal. absinth. ocul. cancr. corallia & similia quæ acidum absorbent.

Inter externa coctionem juvant olea nonnulla destillata suaveolentia quoniam hæc sunt stomacho grata. Hæc inter excellens est ol. Angelic. destillatum. Menthæ, Caryophyll. Macis, Juniperi, Item ol. stomachale compositum Cratonis, Balsamus Peruvianus itidem est egregius.

Præterea Tacamahaca, Galbanum, Mastiche, in forma Emplastri s. scuti stomachici: si regioni stomachi applicentur. Item spongia vino generoso cui simplicia stomachica fuerunt infusa, inprægnata, stomachi regioni applicata. *Mich. Ettmuller. Colleg. Medic. Pract. lib. 1.*

Chylæsis, seu ciborum in chylum dissolutio, multipliciter lædi solet. Cum aboletur dicitur *Απεία*; cum diminuitur, *βραδυπεία*; cum depravatur, ut in alios humores cibis quam in chylum, commutetur, appellatur *δυαριπεία*. His tribus vitiis addit Franciscus Leboë Sylvius quartum, cum scilicet citius, quam deceat, chylæsis perficitur, licet id tunc nocuum homini existimet, cum diutius perseverat, indeque Plethora, & habitus athleticus consequitur ex Hippocrate valde periculosus: quod sanè rarissimū.

In abolita autem chylæsi, cibi, quo prorsus modo ingesti fuere, crudi, vel sursum, vel deorsum, egeruntur. In diminuta parumper immutantur, & solum in indigestam phlegmaticamque materiam convertuntur, quæ ventriculo gravamen, cæteris verò visceribus, obstructionem affert: quin & aliquando ita sensim cruda hæc, & tenax materia interiori ventriculi tunica inhaeret, ut crustam limosam imitetur, impediatque illius coarctationem, amplificationemque; unde appetitus infringitur, & alia plura symptomata insequuntur, præsertim inflatio, tumor, & hebetudo ventriculi. In depravata commutantur in acidos, nidore graves, corruptosque succos; unde cruditates illæ emergunt, à quibus acidum eructatur, & nidoris species refertur, qualis ovorum corruptorum, vel similibus.

Veteres ciborum coctionem arbitrati ope caloris fieri, cruditates & chylofis vitia, in ventriculi imbecillitatem, & caloris languorem re-

tulere; quamvis cruditatem cum nidore, calori exuperanti, præsertim jecoris attribuant. Ob externos etiam errores coctionem lædi citra ullum ventriculi vitium docet Galenus 3. *de sympt. Causis* c. 1. videlicet ob excrementa ventriculi cavum occupantia, cibos substantiâ vitiosos, quantitate immodicos, qualitate excedentes, potissimum calore, aut frigore, tempore importunos, & sine debito ordine assumptos; ac denique ob somnū, cujus defectu coctio graviter interturbatur.

Recentiores verò à Fermento Ventriculi dissolvente vitiato ejusmodi Chylæsis læsiones deducunt. Unde Sylvius Leboë abolitam, & diminutam fermentationem seu chylæsim fieri ait nunc ipforum alimentorum quantitate, vel qualitate excedentium culpā; nunc fermenti defectu, aut inertia; nunc etiam à confluxu vitiosorum humorum in ventriculum. Auctam contra fermentationem promoveri à Fermento acidiori, à cibis facile fermentescentibus, & ab humoribus acido volatili præditis aliunde in ventriculum pervenientibus. Depravari verò Fermentationem, & in nidorem abire à bile acriori, nimisque volatili ad ventriculum delata; atque in acorem, ab acidis humoribus, ac potissimum pancreatico acidiori, & abundantiori.

Non aliter alii causas læsæ chylæsis à succis dissolventibus, excedentibus, aut deficientibus, infractis, inertibus, commistis, similiterve affectis deducunt; si illi è glandulis, tunicisque Ventriculi, si ex arteriis, aliisque ductibus, ac visceribus deferantur.

Anatome autem compertum est ventriculos ejusmodi languentium repertos fuisse plurimum distentos, atque in suis tunicis, plicisque relaxatos, aut villosâ crustâ, crassiori, densiorique obstitos; vel etiam omento malè affectos: ut est exemplum apud Galenum cujusdam gladiatoris, qui ob resectum omentum de ventriculo, & chylæsi conquerebatur, coactus illam juvare laneis integumentis.

Non rarò læsam chylæsim comitatur vomitus, vel alvi dejectio, aliquando mox à pastu, aliquando post aliquot horas. Adjungitur quoque ventriculi gravamen, ructus, inflatio, languor, inappetentia, fluctuatio, præter alia, quæ intestinis aliisque visceribus contingere solent incommoda: quamobrem origo plurimorum morborum cruditas esse consuevit, cum ex Hippocrate Ventris torpor, omnium confusio, vasorum immunditia, cerebri consumptio.

Auctam citamque ciborum coctionem, & contra diminutam, ac depravatam chylæsim à causis externis, atque ex errore in victus genere commisso, nemo unquam medicamentis prudenter subjiciet: siquidem illa firmam salutem, roburque ventriculi designat; hæc verò, præscripta solum convenienti diætâ, vitatisque iis, è quibus venter læditur, facillimè corriguntur; imò etiam sponte sua in consentaneum Naturæ usum reducuntur. Igitur tribus reliquis duntaxat vitiis occurrendum, ne alias graviores ægritudines arcessant. Perutile autem fuerit causam primum malæ chylæseos internoscere, & tollere; mox verò languentem ventriculum fovere ac roborare, dissolventesque ipsius succos, si deficient, recreare, si inertes sint, acuere, & si ab aliis pravis humoribus inficiantur, commodis remediis repurgare.

In usum medicamentorum fermentationem promoventium proponit Sylvius Acida, & sale lixivii prædita ac per spiritum volatilem alterata: spiritum salis cohobatum, & cum spiritu vini dulcem redditum; itemque sal tartari, succini, urinæ, & C. C. sal Ammoniacum crudum, ejusque spiritum, seu sal volatile, vitatis interea cibis, potibusque fermentum ventriculi figentibus, vel obtundentibus. Speciatim verò crudititas nidorem præferens curari dicitur per bilem corrigentia, & præsertim spiritum salis dulcem: etiam opus sit etiam per eandem evacuantia sive per os, sive per alvum, modica tamen dosi, ne inde cholera Morbus, vel diarrhœa insequatur. At crudititas acida acorem temperantia, tum quoque educentia exposculabit: in quem finem describit suum electuarium Hydragogum, & vinum quoddam medicatum, quo fermentum iners acuitur, & humores pituitosi simul emendantur.

Roborant præterea ventriculum, & coctioni opitulantur zinziber, & nux myristica, piper, & caryophylli ante cibum, vel etiam cum ipso cibo assumpti ex Platero. Hinc diatrion piperis inligne remedium à Galena celebratur 8. meth. licet reprobetur à Tralliano. Mastiche etiam summopere prodest ad 3j. in ovo sorbili, vel vino tribus horis ante cibum. Vinum absinthii, elixir proprietatis, aromaticum rosatum, diambra, diarhodon, & similia salutaria observata sunt; quamobrem licet acida fermentum ventriculi mirifice acuant, cum tamen is crudis succis gravatur, atque acore inficitur, proderunt potius aromata, & amarorem præferentia. Extractum Aloës, & Myrrhæ simul corrigit; & sensim abradet è tunicis ventriculi impactos ejusmodi succos. Commendatur quoque ab Hartmanno sal Ammoniacum purificatum, aqua, seu balsamum ventriculi, aqua cinnamomi, essentia melissæ, pulegii, menthæ, absinthii, & spiritus mastiches: sal absinthii & cinnamomi. Theriaca quoque & Mithridatum suum hic locum habent, præter alia plura passim à Medicis indigitata.

Acidis succis solventibus acuendis usui esse possunt spiritus vitrioli Philosophicus, acetum esuriuum, spiritus sulphuris per campanam elicitus, elixir vitrioli Minsicht. Verum hæc moderatè exhibenda, vel cum aliis stomacho utilibus, commista. Parantur etiam ad hoc diversi generis condimenta ex rebus salitis, & acidis una cum aromatibus, ut nimirum ab his adjunctus ventriculus arctius cibos complectatur, & suavius illos conficiat: quæ sanè in cæteris hujus visceris affectibus opportuna erunt, & maxime conducibilia; unde Hippocrates 2. Aphor. 8. docet, parum deteriore cibum, aut potum, at suaviorem, melioribus, sed minus suavis esse præferendum. Cæterum quamvis somnus maximo juvamento languenti ventriculo esse soleat, non tamen exercitium omnino interdendum erit, imò summopere commendandum matutinis, præsertim horis, & ante prandium.

Denique si cruditati solis corrigentibus videatur satisfieri minimè posse, evacuantibus quoque incumbendum per superiora, vel inferiora, prout æger uni vel alteri evacuationi fuerit proclivior. In his autem modus servandus est, ne nimia dosi, incongruenti medicamine, &

immodica ventris turbatione is gravius afficiatur, & magis elanguat. Quod si de ejus laxitate dubitetur, roborandus ille omnino erit, iis præsertim medicamentorum generibus, quæ corrugandi, adstringendique vim habere dicuntur; cydoniis scilicet, myrtorum baccis, sorbis, mespilis, conditurâ ribium, pulvere Coralliorum rubrorum, terrâ armeniâ, cholcotare vitrioli, aliisque. Narcotica verò vitanda, vel parcè admodum, & cum aliis permiscenda, ob ventriculi languorem; vel solum usurpentur opiata leviora, theriaca recens, diascordium, philonium.

Inflatio, & ructus non dissimiliter curantur, præterea quæ dicuntur ubi de Hypochondriaca affectione. *Lucas Tozzi Medic. Pract. Part. 2.*

Consultationes.

Dyspepsia.

Nobiliss. Vir annum agens quinquagesimum octavum, temperamenti totius ad calidum & humidum vergentis, jecoris calidioris, viginti duobus abhinc annis immanibus stomachi & lateris doloribus corripit cœpit, pro quibus sedandis, statim consilio Medici Purgationem inivit, necnon aquam Tettucianam potavit; cui non sufficienti, substitutum fuit Decoctum galli junioris, quo assumpto, nihil juvaminis percepit. Transactis autem quinque circiter annis denuo Medicum consuluit, qui novam Purgationem cum tenui victus ratione percepit. Purgatione peracta, at vivendi norma minime servata, post aliquod tempus, cum dolores nec remissi, quinimò Autumno præcipue & Vere magis exacerbati fuerint, duobus integris mensibus perdurantes, coactus fuit rursus ad Medicos recurrere, qui præter Purgationem, usum stillicidii per 24. dies instituerunt; quorum ultimo die, urgente à prandio siti magna, hausit cyathum aquæ cicchorii, cui immediate supervenit vomitus materiæ valde copiosæ, pravo colore infectæ, & duabus post horis animi deliquium cum principum actionum abolitione, & lapsu in terram. Paulo post verò in se reversus Patiens, iterum ter brevi temporis spatio ejecit materiam ejusdem qualitatis una cum frustulis sanguinis, cui præterea successit per horam integram memoriæ privatio cum novo casu in terram, subsequuto quoque copioso sanguinis vomitu, pro quo cohibendo adhibitus fuit pulvis constrictivus. Perdurantibus itaque nihilominus tunc doloribus ipsis, Medicus anno proxime elapso novam Purgationem præscripsit, qua peracta, dolores iidem adhuc magis adaucti fuere, undecim continuis mensibus affligentes, in hunc usque diem perseverantes, quibus quotidie succedit ejectio vini in prandio epoti, additis etiam ventris intumescencia & alvi stypticitate. Quare ad eximiam Virtutem tuam, Vir Præclarissime, Patiens confugit, opem Medicam pro integra sanitate recuperanda implorans.

Ventris dolores quibus multis abhinc annis Nobil. Vir divexatus fuit, & modo torquetur, hypochondriaci fuerunt, à causa calida orti, qui tamen ut colici, provenientes à causa frigida, à Medicis ab initio, & forsan etiam progressu calidis medicamentis adhibitis non curati,

rati, sed adaucti fuere, & propterea non solum hypochondriacus affectus fuit confirmatus, verum & jecoris calore fervidissimo reddito, sanguis quoque fervidior necessario fuit genitus, à natura tanquam nutritioni inutilis, & per superiora & per inferiora ejectus. Nec mirum si à calidis, & tetrìs vaporibus ab hypochondriis ad caput elevatis spiritus animales densi & opaci redditi fuerint, sicque principes functiones brevi temporis spatio perierint. Insistentibus autem Medicis in curanda frigida ventriculi intemperie, tanquam positiva, licet privativa fuerit, calidis præsidiis tum internis, tum stillicidiis externis, hypochondriorum calor in suo vigore p. n. persistens, & cruditates cæterosque humores, imò & alimenta colliquans, aqueas humiditates adeò copiosas coacervavit, ut ad multas libras affatim vomitu, saturato colore rejectæ fuerint; nec tamen dolores intermissi aut remissi fuerunt: imò à postrema Purgatione anno superiori peracta adeò increverunt, ut undecim mensium spatio nunquam intermiserint. Quibus additur quoque vomitus post aliquot horas ab assumpto cibo, præsertim vini in prandio epoti, cum ventriculi anxietate ventrisque doloribus, corrupto nempe à nimio calore vino ipso in aciditatem converso, dum ab eodem exiccante sequuta est alvi stypticitas, doloribus ipsis perseverantibus: & à vini ac ciborum corruptione, ventriculi anxietates: à vaporibus autem ab eodem calore elevatis, mesenterii vasa & glandulæ distenduntur, secuta continui solutione, dolores excitantur: eoque facilius, cum obstructions in cava jecoris præsertim, & mesenterio reperiri non sit dubitandum.

Hæc autem mala ut remittantur, exactissima Curatione & diligentissima Medici assistentia indigent, cum mineram jam à tot annis firmam & stabilem habeant; & ideo Vere venturo Purgatio regularis ineunda erit, primas vias mundando. Secundò Obstructions aperiendo. Tertio Jecoris & hypochondriorum fervorem contemperando. Quarto Humores & sanguinem ipsum edulcorando; atque tandem ventriculum, quamvis privative læsum, quodammodo roborando. Quibus intentionibus satisfaciendum erit remediis tunc temporis à me statuendis atque præscribendis, dum de statu Nob. Pat. certior factus fuero.

Interim aliqua leviora ad usum ducenda erunt, quæ si propter affectus magnitudinem non satis juvare, certe nec nocere poterunt. Assumat igitur Nobil. Patiens omnium primò Leniens, ex cassia & lenitivo paratum, cui post horam superbibat jus hordeaceum ad lib. i. & duabus horis ab assumpto jure prandeat. Sequenti summo mane bibat Emulsionem amygdarum dulcium cum jure malva alterato extractam, ad unc. vii. Tertia verò die assumat floris cassiæ 3 ij. & hora transacta superbibat jus tenue malva alteratum, tribus autem horis ab assumpto jure prandeat, & ita perseveret quindecim aut viginti diebus, alternatim assumendo Emulsionem & Cassiam. Sed hoc tempore non parum prodesse poterit eductio sanguinis ad unc. vii. & hæmorrhoidibus, hirudinibus applicitis, nisi impedimentum aliquod in illis partibus adsit.

Si ab his peractis aliquod levamen sequutum fuerit, præscribenda erit alia Emulsio summo mane assumenda, ut

℞. Sem. melon. mundat. unc. β. amygdalarum dulc. mundat. n. 20. aq. stillat. borag. aut malvæ unc. vii. m. f. Emulsio, cui addatur syrupi de pomis unc. j. m. pro una vice, & sic pro aliis: in cujus usu pergat ad viginti dies, imò & ad integrum mensem; sed quinto quoque die parum ante prandium assumat floris cassiæ aut electuarii lenit. unc. β. & frequenter injiciantur Clysteres, ex oleo seminis lini parati, addito saccharo, tum pro facibus excernendis, tum pro doloribus sedandis.

His autem præscriptis addendæ erunt cautiones in vivendi ratione observandæ, & præsertim in cibo & potu; & primò quam maxime conducere poterit à vino abstinencia, saltem primis diebus, cujus vicem supplebit jus tenue aut stillatum ex jure pullæ paratum, in quo ebullierint folia boraginis, & poma dulcia in frustula incisa, cujus cyathum haurire poterit etiam prima mensa, si litis infestet. Abstineat autem ab acidis, à dulcibus, à salsamentis, à carne suilla, à bubula, ab extremitatibus Animalium & à carnibus annosis ac pinguibus. A piscibus lutosiss, à caseo, à leguminibus, hordeo & oriza exceptis, à fungis, terræ tuberibus; & inter fructus, à nucibus & castaneis. A condimentis allii, caparum & plurium aromatum. Vinum autem in progressu bibendum, nec dulce, nec austerum esse debet, sed tenue, maturum & album. Semper autem cœna sit parca. Somnus nocturnus sit diuturnus; & corpus jejuno ventriculo exerceatur. Atque tandem alacri & confidenti animo vivat, spe pristinæ sanitatis recuperandæ. *Raym. Joh. Foris Consultat. & Respons. Medicin. Tom. 2. Cent. 2.*

Dyspepsia in Hypochondriaco.

Eminentissimus Princeps 34. ætatis annum percurrans, temperamenti biliosi, cum melancholiæ subdominio, Jecoris calidioris, Ventriculi frigidi, Capitis verò humidioris, in dies neglecta salute, & fatigata natura, cœpit septem abhinc annis aliquando Ventriculi gravitates sentire, & inde flatibus acidis & nidorosis secutis (quibus nunc etiam abundat) in hypochondriis dolores experiri, qui vagantes undequaque, septum transversum, Mesenterium & vicinas simul partes invadunt, necnon dorsum, renes & lumbos adoriuntur, ubi ut plurimum aliquam debilitatem observamus, & nonnunquam cum mictione cruenta; interdum capitis gravitatem atque languorem inducunt, aliquando vigilias & somnos turbatos efficiunt. Alvus nonnunquam arida est, quæque dejicit excrementa, sicca, rotunda, atro quodam & bilioso circumfusa colore; cum flatibus erumpentibus apparent. Urinæ in impetu morbi variæ sunt, nunc tenues, nunc crassæ, modo albæ, modo tartareæ, ac in matulæ fundo sedimenta instar plumarum gossipiique colliguntur, quandoque veluti arenulæ rubræ parietibus matulæ adhærent, quæ facile dissolvuntur; ac alias exeunt, stimulante natura, paucæ, frequentes, & nonnunquam cum eis in majori languore renum aliquid sanguinosæ tincturæ distillat. Verum enim verò in hujusmodi affe-

affectibus non semper simul Accidentium illa præscripta series dominatur; alias sanè mitiores illi sunt, periodice redeunt; ac alias ferè per longa intervalla eveniunt. Remanet quidem in statu salubri (quod præ cæteris observatione dignum est) quædam debilitas & languor circa regionem renum & os sacrum, quibus cogitur Pateriens non stare diu; flatus etiam nidorosos sæpè, ut diximus, præsentit, circa fauces sæpissime aliquid à capite cadens sreatum promovet, sed tamen pauca exeunt, non salsa, sed aquosa. Proinde audito etiam hic in Urbe doctissimi Viri consilio, jam elapso anno, Veris tempore fuerunt blande primò viæ primæ expiata, saburra ex Ventriculo & vicinioribus partibus eliminata, Jecoris fervor & hypochondriorum calor attemperatus, correctus; obstructions reserata; quoniam enim aliquatiter siccam & terream naturam inducebant, Humectantibus præparare & Lenientibus evacuare curavimus, non omisis roborantibus, necnon etiam dictarum partium Balsamum instaurantibus & reficientibus. Quæ certe omnia fuerunt valde conferentia, nec dolores ulterius, nisi Autumno sequenti: licet pauci, redierunt: Hoc tamen hyberno tempore denuo leviter renovati, haud difficulter blandis remediis recesserunt. Hæc sunt incommoda quæ Patienti contingunt, currenti calamo tacta.

Malorum & Symptomatum Iliadem Eminentiſſimum Principem septem abhinc annis semper magis magisque divexantem, naturalium viscerum æconomiam undique labefactatam pro causa habere non est quod dubitemus: Dyspepsia namque ventriculum laborare, hypochondria flatibus abundare, jecur & renes magno incendio flagrare, attestabantur stomachi dolores, eructationes quandoque acidæ, quandoque nidorosa, hypochondriorum dolores huc & illuc divagantes, fæcalium excrementorum siccitas, urinarum subsidentiæ albæ & crassæ bombycinæ, à calore nimirum visciditate resoluta, sicut nonnunquam arenosa; potius tamen circumstantes, quam subsidentes. Verum hæc omnia ab intenso & exuberante jecoris, renum & hypochondriorum fervore sobolescent, cui tanquam principaliori causæ, ut accessoriæ, adduntur obstructions, quas præsertim in mesenterio, lacteis & cava viscerum parte non solum latere, sed facile quoque tactu percipi posse puto, adeo ut hypochondriacum affectum constituent, & forsitan legitimum, phlogosi nimirum in pyloro, & parum infra existente, cujus ratione cibi in ventriculo corrumpantur, quandoque ad nidorem, quandoque ad acidum, pro esculentorum varietate. Siquidem ab eodem calore & nidorulentiam & aciditatem provenire posse non est qui nesciat in Arte versatus; hinc flatus ejusdem naturæ hypochondria distendentes, & dolores hinc inde excitantes, quicquid petentes gravitatem, ut crassi & tætri pavores in somnos turbatos, & facile quoque cor & cerebrum attingentes, mœrores inducere solent. Quoniam verò cruditas est terminus non solum Bradypepsia & imminutæ concoctionis, sed & Dyspepsia, nimirum concoctionis depravata; idcirco genitæ cruditates in ventriculo, in venis mesaraicis & lacteis firmata, & à calore viscerum circum-

stantium exiccata atque confirmata, obstructions terreas atque melancholicas efformarunt: hinc continuo exhalationes emergunt per varias corporis partes divagantes, easdemque divexantes; à quibus obstructionibus, impedita calori hypochondriorum eventatione, calor idem intensior semper redditus est, à quo non solum portio sanguinis fæculentior consueto, crassior facta, stagnans circularem motum amisit, & ita hypochondriacus affectus, melancholicus quoque redditus est; sed præterea ventriculum etiam adeo molestat, ut cibos cito corrumpens, concoctionem inhibeat: sicque non essentialiter & positive, at per consensum & privative ventriculus ipse ab immodico & importuno calore afficiatur. Verum quoniam cruditatum portio ad jecur etiam, indeque ad renes deferretur, hinc sedimenta crassa & veluti bombycina in urinis observantur, sicut arenulæ, non subsidentes, sed parietibus adherentes, humorum potius in venis, quam in renibus exustionem demonstrant: quamvis omnino sit asserendum ardorem in renibus reperiri, à quo non solum laxatur tota renum substantia, unde insignis sequitur imbecillitas, sed præterea aliquod etiam exigui vasis orificium aperitur, & per anastomosis portiuncula sanguinis effluit, quia nonnunquam cruenta urina observata fuit.

Quamvis affectus hujusmodi principalis de se lethalis non sit, attamen tot alia incommoda secum ducit, ut non solum moleſtam vitam inducat, verum & alia mala cum vitæ discrimine asserere possit; arenosa namque dispositio in casu nostro calculosa effici, & vasorum in renibus laxitas, sanguinis effusionem & mictionem parere posset; præterea progressu macies quoque & totius corporis atrophia subsequeretur, atque tandem neglecta hypochondriaca affectio in morbum exiccatorium, & nigrum facile migrare posset. Quare ut jam dicta omnia imminuentia mala arceantur, & præsentia valde inminuantur, atque tandem ex toto tollantur, sicque præsens vivendi modus molestus, jucundus evadat, modo Purgatio est ineunda. Nec formidare oportet anni tempus calidum, siquidem Purgatio refrigerantibus peragenda est & absolvenda, primò primas vias mundando. Secundò Obstructions aperiendo. Tertiò Massam sanguineam ab humoribus biliosis, & forsitan etiam melancholicis vindicando; atque tandem jecur, hypochondria, renes totumque venosum genus refrigerando, nec de ventriculo valde solliciti esse debemus: ad viscerum enim contemperationem & obstructionem ablationem ipse robur acquirit.

Itaque pro prima explenda intentione, primum & secundum Leniens erit syr. ros. solut. vel Cassia cum elect. lenit. quibus superbibat Eminentiss. Pateriens serum depuratum. Quinque vero intermediis diebus Præparans erit.

℞. Julap. acet. ℥ ij. aq. flor. citri ℥ j. aq. cinnam. ℥ ss. m. pro syrupo, & sic pro aliis.

Pro secunda intentione Aperientia debent esse humectantia, ob materiæ obstructions facientis siccitatem, imò primis diebus solis humectantibus utendum, addendo postea in progressu ipsa Aperientia: paretur itaque hujusmodi Præparans.

℞. Succī depur. & per arenam trajecti cich. borag. pomorum dulc. an. ℥ j. decoct. in jure pullæ malvarum, violarum, endiv. sonchi ℥ iv. m. pro syr. & sic pro aliis x. in quorum intermedio præscribatur.

℞. Flor. cass. rec. extr. ℥ vi. extracti rhab. senæ an. ℥ β. m. f. boli, quibus post horam superbibat feri capr. depur. ℥ ij. & tribus horis ab assumpto sero prandeat; quod idem medicamentum repetat decem jam dictis transactis diebus. At secunda die dictorum succorum aperiatur Jecoraria dextera, sed parce sanguis educatur, portio nimirum magis atra atque crassa, ut facilius massa sanguinea purificetur & ventiletur, jecorisque fervor contemperetur.

His peractis, succorum usus repetendus erit ita.

℞. Succī depur. & per arenam trajecti cich. borag. agrim. an. ℥ ij. decoct. in jure pullæ, malvarum, viol. sonchi, hepaticæ ℥ iv. m. pro syr. & sic pro aliis: succi autem sacchari portione edulcorari possunt, si ita Eminentissimo placeat. Sequenti die summo mane præbeantur boli ita parandi.

℞. Flor. cass. rec. extr. ℥ iij. salis prunellæ ℥ β. m. f. b. quibus post horam superbibat feri caprin. depur. ℥ ij. & tribus horis ab assumpto sero prandeat. Tertia die repetantur succi, ut supra; quarta boli, & ita alternatim perseverare non tædeat Eminentiss. Patientem ad decimum quintum aut vigesimum usque diem.

Dum postremæ intentioni satisfacere curabimus, tertia non erit omnino deferenda: in quem finem parabitur vinum pro mensa consuetum rhabarbarum, adeo ut in uno vini cyathothota nocte infusum fuerit rhabarbarum ad ℥ j. & mane colatum bibat Eminentiss. Pat. in prima mensa, prægressa debita consueta comestione: reliquum vero vini bibendum in tota mensa sit consuetum & sine rhabarb. In cujus vini medicati usu duodecim aut quindecim diebus perseveret. Interim quartæ intentioni satisfaciendum aquis, & præsertim *Acerossella* Romæ dicta, quæ ut vitriolata, aptissima erit: etenim primò obstructions aperiendi, jecur & renes refrigerandi, renes ipsos mundandi, & viscera omnia roborandi facultatem obtinet, dummodo rectus sit ejus usus, ita ut primis tribus diebus cum vehiculo dejectorio syr. ros. solut. præbeatur: reliquis vero diebus xv. cum vehiculo diuretico, quale esse poterit spiritus tart. ter rectificatus ad ℥ β. in primis cyathis, addendo quoque syrupi de succo limon. portionem: quantitas autem diebus esse copiosa, incipiendo à septem, & ascendendo supra xii. libras paulatim, postea declinando. Terminato aquæ usu, usus lactis Asinini ad quadraginta dies de more instituendus erit, ut quod reliquias obstructionum exiccatas emollire, jecur refrigerare, massam sanguineam edulcorare, & totum corpus renutrire valeat. Quo eodem tempore xx. saltem diebus balneum aquæ dulcis ingredi poterit, alteratæ fol. malv. viol. nenuph. lactucæ & salicis, sitque tepidum, ad frigidum inclinans, nullo modo calidum. Et si fortasse ventriculo robur aliquod addere capiat Eminentiss. Pat. caute agendum, ne rursus hypochondria cum jecore caleant: sat igitur erit,

quod statim ab assumpto cibo duo aut tria grana Mastiches integra devoret.

Jam dictis vero omnibus congrua vivendi ratio addenda erit, præsertim in cibo & potu, animique pathematibus; abstineat igitur inter carnes à suilla, bubula, leporena, à volatilibus aqueis. Inter pisces, à paludosis, lutosiis, & glutinosiis, ostreaceis omnibus. Inter lacticia à caseo, maxime veteri. Inter edulia ex pasta parata, eligantur tenuiora, ut vermiculi Apulienses, & alia hujusmodi. Vitentur condimenta aromatum, excepto exiguo cinnamomo & pipere ruditer contuso: pariter condimenta allii, caparum, succorum ac dorum Citri, Limonum, Arantiorum. Inter d'era damnantur fœniculum, apium, carduus, fungi & tubera terræ. Inter fructus eligantur fraga, pepones, persica matura: damnantur autem acerba, nimis dulcia & flatuosa. Vinum non sit dulce, non austerum non generosum, nec minus aquosum, sed sit subdulce & substypticum, quod nos vocamus *racente*, *overo pirante*, cum aqua ab initio ebullitum, non autem quotidie, ut moris est, nuper symphatum. Animi passiones & perturbationes, imò & vehementes applicationes ablegandæ, & alacri atque confidenti animo vivat Eminentiss. Princeps, de sanitate recuperanda securus, dummodo jam dicta omnia executioni mandari permittat: etenim qui vult salvus esse, servet mandata. *dem ibidem.*

DIGITORUM COALITUS

Contractio & Digitus sextus.

Curationes.

Nostro consilio digitorum coalitus cura à ferro tantum, eoque à prudenti Artifice administrato, sequenti modo expectari potest. Cum unionis hujus inconvenientis vinculum sit tenue, nec multis vasis sanguineis majoribus aut tendinibus intermixtum, sed solâ cute contextum sit, facile cura succedit. Hoc enim in casu uno ictu, acuta forfice incidi potest cutis carnosæ paries integerrimus, excissis utrobique superfluis digitorum novorum quasi fundamentis. Non opus hic est ligno, triangulari, ad imitationem Plateri *Mantiss. Observation. 43.* Nec scalpello quò uti solet. *Hieronimus ab Aquapendente Parte secunda Chirurg. cap. 101.* Hic tamen asterisco notandum venit monitum *Celeberrim. Ronhuys. Observ. 10. p. 41.* quòd deligentur digiti in novam cohesionem proni, quod optime, institutis ligaturis, ac medicamentis idoneis, præcaveri potest. Sic quoque cura coalitus digitorum feliciter cessit, testantibus *Ephem. nostr. Ann. 6. Obser. 58. Joan. Doleus Encyclop. Chirurg. ration. lib. 7.*

Sexti digiti cura, me arbitro, in ejus ablatione consistit, & optime perficitur ablatione cum ferro, novacula scilicet, ligaturâ prius institutâ, & hoc potest fieri in infantibus. Legimus enim in *Ephem. German. Ann. 6. & 7. Obser. 118.* Cum infans tertiam septimanam tantum complevisset, ligaturâ prius institutâ; digitum firmius adhaerentem novacula absciderunt Chirurgi

rurgi, mox alterâ die absque ligatura alium ad-
huc digitum amputarunt, quod sine magno
dolore & sanguinis profusione factum, & vul-
nera facillè sanata sunt, ita ut vix vestigium re-
lictum fuerit. Confer *Clar. Riedlini Observ. p. m.*
187. Sunt qui exemplo *Plateri* test. *Obs. 42. Man-*
uiss. à resectione abstinere, usque infantes adul-
tiores facti sunt, sed non videmus ob quam ra-
tionem id omitti debeat, cum digitus tantum
quasi petiolo pendeat, & exiguus sit, is insti-
tutò anabrochismo facillè curari potest, hoc
est ligaturâ cum filo sericeo instituta; hinc enim
digitus superfluous marcescit & decedit, postmo-
dum facili negotio medicamentis congruis pe-
nitùs sanari potest. In adultioribus verò digi-
tus sextus commodè cum ferro quod Germani
ein Meissel dicunt, extirpari potest. *Idem ibidem.*

Observationes.

De Digitorum Contractione.

Anno 1596. Isaacus Gotteran de Perroy, ad-
duxit ad me Lausannam filium suum Michaë-
lem, 14. menses natum. Is autem sexto mense
ætatis manû dextrâ in prunas ceciderat: Hinc
index, medius, annularis, & auricularis unâ
cum externa metacarpi parte, adeo combusti
fuerunt, ut apices horum digitorum usque ad
primam articulationem deciderint. At quia
pater curationem imperitis commiserat, digiti
omnes, (excepto pollice) cum cute metacar-
pi quasi in globum conglutinati fuerant. Septi-
mò mense post absolutam curationem, addu-
cunt ad me puerum parentes Lausannam, auxi-
liumque meum implorant. Purgatò itaque cor-
pore, manû ex iusculo exhibitâ, topica & Chi-
rurgica sic institui. Primò sequenti decoctò
emollienti, & unguento, per dies aliquot usus
sum.

℞. Rad: alth. cum toto, rad. bryoniæ, li-
lior. alb. an. ʒj. flor. chamom. meliloti, hype-
rici, chamæpit. chamædr. an. m. j. sem. fanigr.
lini an. ʒj. coquant. in iusculo pedum & capitis
vervecis, aut vituli pro fotu. Postea inunxi to-
tam manum & brachium sequenti unguento.

℞. Unguenti dialth. ʒj. axung. human. gal-
linar. anser. ursi an. ʒij. succi lumbricor. ʒss. M.
F. unguentum. Tandem manum involvi em-
plastro de mucilagibus. His nervi & callosi-
tas ex corrugata cute metacarpi & digitorum,
in externâ manus parte concreta, satis emol-
lita. Hinc callum inter digitos & metacarpum
novacula excidi, digitos item separavi. Dein-
de inspersi pulverem nostrum ad sanguinem fi-
stendum, & albumina ovorum mista cum aqua
rosacea, & plantaginea oleoque rosaceo, ap-
plicui. Defensivum quoque ad carpum adhibui,
& totum brachium oleo rosaceo, myrtillorum,
& lumbricorum inunxi. Postero die sequens di-
gestivum filamentis suavibus supra incisiones
posui, & brachium, ut antea, supra dictis oleis
inunxi.

℞. Terebinth. lotæ in aq. rosac. & plantag.
ʒj. olei rosac. & de vitell. ovor. an. ʒij. croci
ʒss. vitellum unius ovi. M. Quinto die appo-
sui sequens instrumentum, ex ligno fabricatum,
& incipi paulatim attrahere digitos ad natura-
lem situm. Hoc instrumentum componitur ex

ferulâ, latâ tribus digitis in latitudine positâ,
ejus longitudinis ut a carpo ad cubitum tere us-
que pertingat. Secundo ex baculo rotundo
pollicis crassitie, qui ferulæ firmiter affixus est:
mediò autem hujus bacul. exsurgunt 4. clavi ro-
tundi ex ligno fabricati. Habet item ferula fi-
bulas duas, & lora duo, quorum beneficio in-
strumentum brachio alligatur. Alligatò itaque
instrumentò, & undique linteis, stupis, aut gos-
sypio bene munito, habui in promptu digitalia
ex pelle fabricata, quæ extremitatibus digito-
rum apposui; deinde filò ipsis appensò, digitos
deorsum attraxi, & clavis baculo descriptò affi-
xis alligavi, atque singulis diebus magis magis-
que incurvavi. Id autem ut eò melius fieret,
brachium & manum superiori unguento, quo-
tiescunque vulnera tractabam inunxi. Ne au-
tem digiti denuò conglutinentur, laminas
plumbeas digitis interponebam. His paulatim
digiti ad naturalem situm reducti fuerunt. In-
terim vulnere quoque consolidavi & cicatriz-
avi, non quidem iis quæ valdè exsiccant, sed iis
quæ simul emolliendi vim habent medicamen-
tis. Atque sic Divinò favore manus in inte-
grum restituta fuit. *Guilielm. Fabric. Hildanus*
Observat. Chirurg. Cent. 1.

Post diuturnum colicum morbum, & resolu-
tiones contractionesque secutas in manibus &
pedibus in Nobili quodam Senie remanserunt in
utraque manu contracti digiti, internodiis duo-
bus exterioribus adeo astrictis, ut incurvati in
volam manus digiti nulla vi extendi amplius
possent. Multis usus remediis, & thermis, ni-
hil profecit; durante & jam per biennium per-
severante malo, meo tandem utens consilio;
hoc pacto curationem inchoavi, purgato prius
decenter corpore per triduum vino cathartico
nervis simul accommodato; dextræ manui se-
quens Emplastrum applicui.

℞. Gummi ammoniac. ʒij. galban. opopo-
nac. bdell. an. ʒj. dissolv. in aq. vitæ adde Styrac-
calamit. ʒss. axung. anser. medull. cruris vituli
an. ʒj. thuris ʒij. rad. Ireos. ʒj. hermodact. ʒj.
laric. & resinæ communis an. q. s. f. Emplastrum
super alutam extendi & manus interiori sedi u-
niversæ applicetur, & in plicaturam astrictorum
digitorum imprimatur. Fuit Emplastrum scis-
sum in partes tot, quot digiti erant, chirothe-
cæ instar, singulis digitis petiis obvolutis, ut
exactè illis jungeretur. Postea pittacium ex
panno duplicato formatum, firmiter impres-
sum, & asserculum panno involutum transversim
collocatum, & omnia fascia probè coercita sic
ut Emplastrum undique se digitis incurvatis
accommodaret, eosque nonnihil extrorsum
premeret, totam noctem sic collocatam reti-
nuit, aliquotque noctibus continuavit. manè
verò hisce impedimentis, singulis digitis plum-
beam massulam chorda plana appensam, quæ il-
los sensim extenderet, gestavit, suffitu insuper
manè usus est ex trochiscis sequentibus carboni-
bus ignitis impositis, parato,

℞. Marcal. ʒi ss. myrrh. mastich. an. ʒij.
Storac. benjoin. an. ʒj. rad. Ireos ʒss. cum lari-
cea F. trochisc. hisce vix dum octiduo usus est,
cum digitos, premendo tamen eos, extende-
re posset. Emplastrum rursus sinistra quoque
manui, tribus noctibus tantum apponens, eos
etiam digitos jam cedere nonnihil sensit, quibus

ad me scriptis, jussi ut articulorum roboris causa, bis aut ter manum decocto Salviæ in lixivio, in quo chalybs extinctus esset, foveret, usque horum pergeret: & ut utramque manum digitosque ante Emplastri appositionem hoc unguento illiniret.

℞. Ol. Lumbric. Lilior. an. ℥ ij β. ol. chirin. irin. an. ℥ β. Lithargyr. ℥ j. coq. parum adde gummi ammoniac. in aq. vitæ solut. ℥ j. Styrac. ℥ ij. loric. ℥ β. ceræ q. s. F. unguentum, Interea licet omnia in melius tenderent spesque esset integræ restitutionis, nolens amplius apud nos subsistere, thermas adiit Piperinas, Sed irritato conatu, nam earum usu, digiti amplius astringi potius quam relaxari cœperunt. *Felix Platerus, Observ. lib. 1. pag. 147.*

DOLOR IN GENERE.

Vbi in specie de

DOLORE CAPITIS

Sub quo scilicet

CEPHALALGIA,

CEPHALEA

Et

HEMICRANIA.

Sensus quilibet necessario conjunctus est cum tremore aliquo nervorum, nempe alterna contractione & distractione eorundem: hi autem motus cum fieri non possint absque mutuo excursu ad contactum partium ex quibus nervus componitur, neque hic excursus sine successiva contactuum mutatione, hoc est sine solutione quadam, manifestum est sensum quemlibet esse cum solutione continui aliqua. Quia verò dolor est tremor momenti majoris, hinc fit, ut quæ solutio fit in dolore, sit multò major, ac vehementior, quàm quæ in cæteris sensationibus, & cum hæc sit tristis, reliquæ non item, hæc etiam sola appellari poterit solutio continui, quatenus solutio cōtinui in genere inferre necessario creditur molestum aliquid, cum revera id necessario non inferat, nisi quando est certi gradus, ac dici poterit dolor, ut communiter dicitur, sensio molesta, vel tristis à solutione continui proveniens. His igitur ulterius non immoramur, cum ab Animalium operationibus alibi expositis pendeant, & gradum facimus ad divisiones, & species doloris, quæ à Medicis communiter recensentur. Illæ sunt tendens, seu tensivus: gravans, vel gravativus: pungens, aut punctorius, vel pungitivus, ad quem referuntur acer, mordax, pruriens, lancinans, & hujusmodi: pulsans, seu pulsativus, frangens, vel frangitivus, qui proprius est ossium, & etiam ossium dolor appellatur. Patet autem ex ipsius nominibus, quid sit ejusmodi dolorum unusquisque; premens enim est, in quo sentit Animal se ipsum totum, vel ad aliquam partem premi, ac si pondus esset impositum: tendens, in quo se distrahi sentit cum rigiditate quadam, & duritie partis, aut totius,

ut cum chordæ musicæ, aut arcus tenduntur: pungens, cum se affici sentit non secus, ac cum acu, acicula, stylo ferreo, vel similibus cuspe feritur: pulsans, cum ad aliquam partem dolor percipitur cum pulsu non naturali: frangens denique, cum ossa ita urgeri sentiuntur, ut veluti in fracturam veniant. Facilia hæc quidem dictu, nec etiam satis obscura præsertim, cum per exempla proponuntur, sed si modus, quo ejusmodi dolores excitantur, exponendus est, nec ita obvia, nec à Medicis explicata. Id igitur nostræ curæ erit, quod ut fiat planius primo ostendamus oportet, in unoquoque ex enarratis doloribus tensionem, seu causam doloris tensivi debere contingere excepta una specie doloris gravativi, quæ est per summam partium resolutionem. Quoniam enim ossa seorsim à membranis non sentiunt; omnis igitur fractionis aut verus sensus, aut imaginatio fiet per affectionem membranarum, fractio autem est divulsio; igitur frangitivus dolor est sensus divulsionis in membranis interioribus, atque exterioribus ossium cavitates, & superficies quaslibet succingentibus; divulsio autem non fit sine tensione, ut patet; in frangitivo igitur dolore datur tensio. Quoniam verò in nostris corporibus nullus canalis præter arterias, imò nulla pars præter ipsas naturaliter pulsatur; igitur in dolore pulsativo aliquid non naturale continget arteriis, cujus vi debeat pulsus earum, qui in naturali statu ab animali non sentitur, ab eodem animali sentiri, & sentiri cum dolore. Fiet igitur primo major; neque etenim pulsus prius insensibilis fieri sensibilis, & sentiri quatenus pulsus potest, nisi ex parvo, vel minori major fiat: major autem pulsus motum arteriæ per majus spatium majorem extensionem, & major extensio tensionem secum necessario ferunt; igitur pulsativus dolor etiam cum tensione. Quia verò major pulsus fieri non potest reliquis omnibus benè se habentibus, nisi ad partem, ad quam fit ille pulsus, obstet aliquid sanguinis fluxum impediens, cujus occursum fiat, ut sanguis ulterius procedere prohibitus nitatur quaquaversum, & validius urgeat arterias, atque ita majorem pulsum pariat, ut in fluminibus profluens ad transversos obices intumescit, neque illud impedimentum esse potest, nisi quid aut obstruens interius, adeoque membranas extrorsum urgens, & propterea extendens, ac tendens, vel exterius comprimens, unde eadem extensio, & tensio; igitur etiam hæc de necessitate tensio in pulsativo, & propterea in hoc dolore, quoties per impedimentum fit, dabitur tensio duplici de nomine, & ratione pulsus, quatenus pulsus est, & ratione impedimenti. Quoniam insuper punctio dicitur vulnusculum ab acuto quolibet minimo inflatum; minimum igitur illud ad hoc, ut pungat, cum vulnerare debeat, debet inter duas minimas particulas componentes sese agere, easque totas simul à contactu remove-re absque eo, quod transversè supra eundem contactum excurrant; incidet igitur pungens, antequam eas se jungat, in earundem corpus easque simul cum annexa reliqua longitudine per lineam sui motus ducet, unde fiet tensio vel aucta longitudine, si corpus illud supponatur rectum, aut curvum, sed pungens, incidat in con-

concavum, vel imminuta, si sit curvum, & pungens, incidat in devexum, sed partibus per impulsu coeuntibus, hoc est, in minorem longitudinem abeuntibus: quare etiam punctorius dolor erit cum partium, quæ punguntur, tensione. Similiter quoniam dolor gravativus est affectio, qualis cum à superimposito pondere premimur; igitur in ejusmodi dolore eodem modo afficiuntur partes, at cum pondus in corpus nititur: per pondus autem membranæ, nervi, muscoli ita comprimuntur, & ossa ad articulos urgentur, ut neque hæc ad eosdem sisti absque majore musculorum nisu possint, neque compressi muscoli contrahi nisi per copiosorem spirituum compressionem superantium influxum, neque hi per nervos compressos fluere, nisi violentius agantur, atque ex hoc majori nisu dignoscitur id, quod dicimus premi, & hæc motiones à pressionibus provenientes non sunt sine tensione; igitur nec dolor gravativus, qui fiet, quoties per vitium aliquod nervi muscoli, membranæ, articuli similiter urgebuntur, erit sine tensione. Esto jam vel nimio humido concepto, vel qualibet alia de causa ita flaccida pars aliqua, vel totum corpus, ut suis vix ulterius cohareat partibus, ut paginæ benè madidæ, vel partes etiam corporis aquis diu macerata, uno verbo, ad putrefactionem, vel siccitatem nimiam, qualis eorum, quæ ex se in pulverem abeunt, nec poterunt illæ ad mutuum contactum excurrere, cum ne cohareant quidem: quare in iis fieri neque per contractionem, neque per distractionem tensio poterit: collabi autem supponuntur; igitur nervos, musculos &c. proxima prement, & majori nisu, & copia spirituum opus erit ad motus, ex quo cum dijudicetur pressio, dicetur tum animal dolore gravativo affligi. Cum igitur solum in summa dissolutione partium detur quædam species, eaque unica doloris gravativi, qui sit unicus à tensione sejunctus, hoc est, à causa doloris tensivi, manifestum est, distinctius esse procedendum in enumeratione dolorum, cum tensivus, qui ab ipsis Medicis tanquam quidam separatus, & suam speciem constituens ponitur, sit quid conjunctum necessario cum doloribus omnibus excepto unico gravativo in summa partium resolutione. Quoniam igitur ex dictis patet, in unoquoque dolore contineri pressionem, & aliquam aliam affectionem saltem animo à tensione distinguendam, & ipsi saltem ordine, si non tempore præcedentem, dolorum singulorum species denominandæ à conjuncto illo cum tensione, quæ communis est omnibus, & constituenda etiam alia species, quæ sit, cum afficimur sola tensione partium, quod accidet, cum partes à naturali rigiditate recedent in majorem duritiem, vel per contractionem, vel per distractionem. Reliquorum autem dolorum affectio primaria saltem ordine præcedens tensionem est manifestissima: in pungitivo enim præcedit nisu in utramque particulam divellendam, & earum divulsio, unde hujus solius respectu suam sibi vindicat speciem in gravativo pressio, in fractivo extensio vel divulsio, in pulsativo, impulsus: in sola autem tensione nihil particulare; contractio enim, vel distractio, quæ ordine præcedit tensionem, est commune illud, quod præcedit etiam in reliquis. Secundo jam expo-

nantur oportet causæ, quibus dolores hujusmodi generantur. Et primo patet ex superioribus, pulsativum fieri debere, quoties aliquid prohibet, ne sanguis naturali tenore, ac fluxu fluat per arterias, sed aliquantum, vel ex toto ad partem aliquam cohibeatur, inibi enim interceptus cumilatur, & majus spatium exigit, atque pertingens ad impedimentum, & retrorsum reflueret coactus occurrit sanguini continue affluenti, unde velut inter duas oppositas facultates pressus utroque, cum impetu quaquaversum dissilit, & arteriam ad majus spatium extendit, seu dolorem pulsativum procreat. Id autem contingere debere patet vel per nimis auctam molem sanguinis, vel per naturalem molem ejus, sed rarefactam, & veluti effervescentem, vel aucto impetu à corde, vel occlusionem per quodlibet impedimentum arteriæ; per hæc enim singula vitabitur naturalis fluxus sanguinis, ac fiet, ut in dato tempore per datam arteriæ amplitudinem fluere debeat quantitas sanguinis major, quam quæ ab eadem trajici in eo dato temporis spatio possit, unde pars, vel sanguis universus eo deductus reflueret cogetur, & occurrens affluenti dissilire quaquaversum majori cum impetu, & pulsum majorem producere. Sic in vasis angustioris colli liquida subsistunt ad eas angustias deducta, eoque facilius subsistunt, si majori cum velocitate exaurire vasa illa tentemus. Ex his autem patet, quid portendant ejusmodi pulsativi dolores, & quid causarum debeat præcessisse, quid conjunctum esse, quid succedere, quæ singula diversa esse poterunt pro diversitate partium, in quibus dolor pulsativus contingit, & cujuscunque rationis sint nullo negotio percipiuntur. Quia verò punctorius est affectio, qualis cum pungimur minimis, & acutis instrumentis, quicquid igitur humorum est tam tenue, ac tanti impetus, ut inter utramque illorum particulam se subito possit trudere, easque ferè totas simul absque eo quod supra se invicem ad mutuum contactum excurrant, sejungere, atque divellere, dolorem pungentem non secus, ac illa instrumenta, pariet: hujusmodi autem sunt quicunque humores tenues, calidi, biliosi, cujusmodi ichores &c; igitur ab horum allapsu ad partes sensiles fiet punctorius dolor. Et siquidem in unicam particulam incurrat, & nihil adjunctum habeat, unde punctio illa ad certum aliquem pungendi modum redigatur, dicetur simpliciter punctorius: si verò ita pungat, ut quiddam acre sentiamus, dicetur acer: si tanta vi, ac diversis in partibus proximis, quas insuper quasi laemet, dicetur mordax, vel lancinans: si in diversas partes frequentissimè, easque similiter proximas, vel etiam distantes recurrat, ita ut continuam quandam quasi sculpturam repetat, dicetur pruriens, & si quæ his similia nomina excogitare velis mille. Ex his autem patet, dolorem hunc punctorium facile conjungi cum inflammationibus; hæc etenim cum sint tumores maxime calidi, expirant maxime calidum, adustum, ac purum, nempe ab humiditate liberum ratione ejusdem tumoris maxime calidi humidum vel retinentis, vel absumentis, unde in membranas incidens inter utramque ipsarum particulam sese adiget tam ratione tenuitatis quam ratione motus, easque divellet &c., seu punctorium dolorem excitabit. Tertiò quoniam tenduntur villi per con-

contractionem, & distractionem; tendi igitur poterunt per quidlibet contentum in corpore contrahendis, vel distrahendis villis accommodatum; contrahunt autem humida, & quæcunque liquida humidum aqueum participant trudendo suas particulas inter utramque partem villorum, ut patet in chordis Musicis: distrahunt autem tendendo frigida per densationem (suppositis villorum terminis immotis,) sicca, & calida abripiendo humidum; frigida igitur, humida, calida, sicca tendere villos poterunt. Vides hic similiter, quæ antecedere &c. debeant, eaque pariter esse facillima. Similiter subito patet etiam, dolorem tensivum facile, ac necessario conjungi posse cum inflammationibus, & præcipue ad partes nervosas; calor enim ille abripiet humidum, unde exsiccabit, & per longitudinem distractis villis eosdem tendet, hinc dolor punctorius in pleuritide &c. cum tensione, quæ insuper erit communis omnibus arteriis, si calor inflammationis tam adusserit universum sanguinem, ut hic omne humidum arteriarum absorberet, hinc pulsus duri in inflammationibus internis, &c. Quoniam verò solam pressionem arguit gravativus; igitur decubitus cujusunque humoris tenacioris, tardi motus, crassi, frigidi, pituitosi ad aliquam partem, ita ut illam premat modo superius exposito, gravativum dolorem producat. Quin & hunc producat summa resolutio partium flaccescentium, & concidentium supra se ipsas, musculos, aut nervos, ut ex superioribus. Sed etiam à tensione per intrusionem humidi poterit hic dolor procreari, si intrusio sit tanta, ut villus eo usque crassescat, quousque perducatur ad contactum alicujus musculi, vel nervi, vel utriusque cum nisu in eundem; tunc etenim statim pressio, ut patet. Postremò frangitivus cum nihil aliud sit, quam divulsio, vel distractio membranarum ossa succingentium, manifestum est, oriri ipsum debere à quacunque causa, vel ab extrinseca superficie periostii intra ipsum se se adigat, vel nitatur inter externam superficiem ossis, & internam periostii, vel urgeat intra minimas cavernulas per os dispersas, vel demum nitatur in ipsum os ad mediam, & intimam cavitatem, eamque causam esse posse cujusunque generis, calidam nempe, frigidam, ficcam, humidam, tenuem, crassam, magni, parvi momenti, &c.; cum etenim periostium validè undecunque adhæreat ossi, manifestum est, quæcunque causa supponatur, distractionem ejus moliens non nisi per minima ipsam moliri posse, cum nempe ad minimas quasque partes periostium hæreat ossi, quod cum à quacunque causa fieri possit, patet quod proposuimus. Unde deduces insuper, acerrimum esse debere ejusmodi sensum, cum nulla detur libera longitudo membranæ, quæ cedat, ac proinde retundat impetum facultatis distrahentis, ex quo deduces insuper, ad eas membranas esse debere dolorem maximi sensus, quæ per densiores sui partes affiguntur ossibus, ut pleura, ut pericranium, dura mater &c., unde in his dolores acerbissimi, & cum inflammatione pungitivi. Deduces tertio, dolorem pariter magis acerbum sentiendum in membranarum natura magis tensis, cujusmodi sunt expositæ, eadem de causa, tensio enim facit, ut membra-

næ minus cedant, unde imperus facultatis dolorem excitantis vividior, & magis per minima nitens, & magis divellens, hinc dolor intensus punctorius in pleuritide &c. Postremò ex his omnibus intelligis, dolores omnes, vel eorum aliquot eandem partem eodem tempore posse vexare, prout omnes, vel aliquot eos producentes causæ ad eandem partem simul colliguntur, & operantur, & infrangitivis ab hac, aut illa causa eos produci facile dignoscendum, prout cum sensu fractionis conjungitur tensivus, pulsativus &c. Sed & illud animadvertendum est, dolores in vulneribus, & hujusmodi divulsionibus cum insigni præcisione nervorum post factum vulnus non perdurare ejus intensiois, qua corripunt in ipso actu, quo vulnus excipitur; præciso enim nervo tremor tantum non cessat: quia tamen nervus semper immittit spiritus ad usque locum præcisionis, iidem ad ipsum perducti nitantur in nervi superficiem abscissam oportet, & dolorem continuum excitent, sicut etiam humores à partibus proximis exsudantes, & hic affluxus eo erit copiosior, & quasi continuus, si pars vulnerata sit musculosa, vel musculo proxima ratione contractionis: hinc ulcera, vulnera &c. vix dolent, nisi cum aut ad ipsa affluit materies, aut in pus abeunt, aut munda non conservantur, aut lintea, & alia ejusmodi, quibus absterguntur, & fricantur, iis admoventur, aut cum inflammantur ob affluxum sanguinis, & caloris, quorum vehementia dolor intensus, ac demum spasmus per refluxus continuos à vehementia doloris. Sed & illud ulterius notabis, verum esse posse, quod aiunt communiter, dolorem tensivum à flatu fieri; quicquid enim quaquaversum nititur in membranas circumpositas, eas tendat oportet distrahendo, unde dolor tensivus, cujusmodi verè sunt flatus, & cum hi plerumque proveniant à materiis fermentescentibus, facile dolor ille orietur, cum materiæ intra aliquam partem fermentescunt, præcipue si illa pars sit maximè membranæ: hinc tensio intestinorum in affectione colica, quin etiam in cholera morbo &c., cum humores fermentescunt intra viscera abdominis, eaque quaquaversum nitendo inflant. Hinc patet, simili modo etiam in aliis partibus oriri posse dolorem tensivum à flatu; materia enim potest in parte qualibet fermentescere, & in flatum abire, atque ita quaquaversum niti. Demum notabis, quemlibet dolorem etiam excitari per imaginationem posse, excitata nempe ipsius specie, ut passim exempla occurrunt in incubo, in insomniis, in deliriis, & ex harum affectionum doctrina manifestum est.

Dolor Capitis.

Quoniam, ut patet ex præmissis, unaquæque doloris species potest singulis partibus corporis accidere, manifestum est, quæ ratione, ac necessitate caput etiam possit dolere dolore pungitivo, tensivo, gravativo, pulsativo, immò etiam cum compingatur ex ossibus non fecus, ac ossa cætera, membranarum undecunque per intima succinctis, poterit, ac debet, cum res tulerit, dolore ossum proprio, seu fractivo affici. Ex his itaque, ac præmissis manifestum etiam est, quid sit dolor capitis, nempe solutionem

tionem continui in aliqua ex partibus intra ipsum contentis factam ab hac, vel illa causa, & ejusmodi solutio hunc, vel illum dolorem pariet, prout ea erit, ut hoc, vel illo modo solvere possit. Insuper cum dolor sit quid maxime obvium, & quid singulos dolores præcedere possit, ac debeat, quid conjungi, quid succedere, ex præmissis de dolore in genere facile pateat, ab eorundem enumeratione, atque expositione abstinere tantummodo ad finem recensentes majoris momenti quædam ex Hippocrate ad succedentia, & præagia in hac affectione pertinentia. Cum igitur unaquæque affectio sit idiopathica, & sympathica, erit etiam hujusmodi quicunque dolor capitis, & idiopathicus quidem erit, cum causa vigeat in capite non aliunde ex aliqua parte corporis derivata, sympathicus autem, cum ab aliqua parte corporis provenit. Idiopathicus aliquando à saxis præter naturam in capite genitis, vorribus, ossibus, tumoribus, carie crani, ulcere cerebri, & hujusmodi generatur, quin à crassiori sanguine, vel tenuiori, quorum ille tendat, fluxum prohibeat &c., hic pulset, ac pungat, ut patet per ea, quæ de dolore in genere exposita sunt. Sympathicus verò, cum pars aliqua trajicit in sanguinem humores non naturales, qui perducti ad cerebrum, seu cranium, partem nempe minimæ pressionis præterfluere ex vasis nequeant, unde subsistentes pariant dolorem illum, qui ab iis humoribus necessario pendere debet, vel molliem cerebri afficiant suo liberiori motu divellendo, puniendo. Vel cum in parte aliqua sit talis sensus, ut nervi concutiantur æquo plus, quam naturalis cerebri status fert, unde dolor: vel cum absque concussionem solum trahuntur, & secum rapiunt appensum cerebrum, quod vix fieri posse crediderim, cum nervi, antequam cerebrum subeant, mille appensionibus hic illic sistantur, ita ut cerebrum ab ipsorum tractione vix quicquam pati posse videatur. Major autem videbitur cum iis partibus consensus, ad quas vel majores nervi abeunt, & magis rectâ tendentes ad cerebrum, ut septum, & Ventrículus, vel ex quibus derivantur humores maxime fermentantes, cujusmodi sunt qui ab utero, unde uteri cum capite consensus non tam ratione nervorum plurium, quam ratione humorum ab eo provenientium, qui ad cerebrum partem minimæ pressionis, & maxime delicatam perducti ad ejus membranulas vim suam magis exerent, quam ad membranas reliquarum partium, unde videbitur consensus major, & peculiaris, quanquam re ipsa id continget non ratione veri consensus cum utero, sed ratione peculiaris naturæ cerebri, quæ injurias minus, quam reliquæ partes, ferre potest: dolor autem proveniet ratione partis dolentis, & humoris dolorem excitantis, qui humor ab utero derivatur. Qua de re illud est singulare, quod asserit Langius, mulieres uteri passionibus afflictas solo vertice capitis prope suturam coronalem dolere, ubi glaciei frigus, & pondus se sentire asserunt (quod, inquit Langius, si observaveris, ad discernendum, quando caput per matricis consensum doleat, tibi plurimum proderit.) Quod sane an verum sit in omnibus, equidem dubito, & fides sit penes Authorem. Nec quicquam aliud peculiare oc-

currit in idiopathicis, & sympathicis doloribus capitis accuratius examinandum. Dolor quilibet capitis externus est, aut internus: externi nomine intelligitur qui est extra cranium: internus qui intra. Quanta hic controversiarum series apud Medicos, ut locus doloris intra cranium inveniat, atque ut distinguatur externus ab interno. Ait enim Gal. externum ab interno dignosci, quod internus ad usque radices oculorum pertingit, eo quod oculorum tunica à Meningibus proveniunt, in quibus dolor internus producit: externus verò in pericranio situs non ad usque radices oculorum excurrit, cum pericranium eò usque non pertingat. Alii verò dubitant, num internus occupet Meninges solas, an etiam medullam cerebri, sed hanc alii asserunt affici dolore non posse, cum non sentiat. Ex Anatomicis autem, & experientia Chirurgorum patet, cerebri medullam, & corticem, seu totum corpus ejus, etiam si concedatur non sentiens, quatenus nullis vasis intextum concipi potest, quemadmodum & ossa, si concipiantur destituta membranis omnibus, non sentiunt; tamen quia re ipsa cum intra cranium naturaliter se habet, vasis innumeris implicatur etiam per intimam, quæ sunt ex membranis, seu villis sentientibus, manifestum est, corpus cerebri totum posse, ac debere in dolorem cogi non secus, ac ossa possunt, ac debent, atque ita dolent, ut suum sibi dolorem proprium vindicaverint, & doloris speciem sejunctam ab aliis constituerint. Itaque dolor internus esse poterit & in Meningibus, & in corpore cerebri, nec necessarium erit, ut pertingat ad radices oculorum, immò de facto non omnis dolor internus capitis ad radices oculorum pertingit, ut qui fit ad occiput, & partes circa ipsum, cujusmodi datos plurimos novimus in iis, qui per longum tempus dolore capitis vexati mortui sunt, in quorum craniis ad partes posteriores inventi sunt tumores scyrrhosi, caries ossis, lapilli &c. quæ monstra eo loci inventa certò arguunt dolorem illum, quem ægri in ea parte sentiebant, dum viverent fuisse internum, licet oculorum radices non affligeret sed & externus & radices oculorum potest pertingere; etiam si enim concedatur, pericranium ad eam usque partem non extendi, an non eò perducitur per osstium, membrana nempe pericranio coherens, immò ipsius pars, quæ proinde ipso dolente doleat oportet? Externum igitur ab interno facilius, & tutius distinguet Medicus à conjunctis cum dolore præcipue, si vitientur, aut non vitientur operationes cerebri, nempe motus, & sensus quilibet, sicut etiam perpendendo, num dolor ille possit esse sympathicus, quod ut intelligat, excurrat per partes omnes, ut videat, num ipsarum aliqua vitio laboret, quod cerebro communicari possit: per consensum enim vix fieri potest externus solus dolor capitis tum ratione exiguæ quantitatis, & molis nervorum, cum etiam quia externum caput majoris est motus, quam internum: ac demum tactus, premendo scilicet cutem, agitando &c. indicabit, an dolor externus sit, an internus; tactu enim si internus fuerit, nihil mutabitur dolor, si verò externus, augeri per pressionem, vel minui poterit. Quicunque dolores capitis specialibus singulorum dolorum nominibus nuncupantur,

nempe pungitivi, tensivi &c. præter gravativum, qui in capite specialem Græcam appellationem adhuc retinet, & dicitur *καρφαλαία*. Distinguitur rursus dolor capitis in veterem, & recentem, totius capitis, aut dimidii: qui totum caput occupat nullum sortitus est peculiare nomen, & est vetus, vel recens, & in genere quicumque vetus est, & confirmatus per diuturnum temporis spatium dicitur *καρφαλαία*, qui vehemens est, & levi qualibet de causa exacerbatur, nec æger quicquam strepitus ferre potest, non loqui, non lucem videre. Recens autem est multo mitior, & dicitur *καρφαλαία*, cujusmodi nomen, ut ex vi ipsius patet, dolorem capitis simpliciter, & nullum determinatum significat, Qui autem dolor dimidiam cranii partem occupat, *ημικρανία* nuncupatur, dolor quandoque eximie intensus, & ægrum maxime affligens, & quassans; neque enim in ipso patiens solum ferre non potest aut minimum rumusculum, aut dubiam luculam, aut loqui tantillum, quin neque tangi absque dolore in qualibet parte corporis, concutitur aliquando, sudat frigidum, pulsus fit inæqualis, vomit aquam lymphidam, viridem, insipidam, amaram, salisam, & cum his affectionibus perdurat solidis 24. horas, & ulterius identidem, & frequentissime, & copiosissime vomendo, sæpe cum conatibus irritis in vomitum, quibus horis transactis, & vomitu suppresso dolor evanescit: æger impensè fitit, artubus vix constat omnino viribus fractus. Hujusmodi emicrania laborantem per plures annos vidimus quendam, qui tali affectione laborare incæperat septennis ex casu in caput ad solum ex altiori arbore, & paroxysmus recurrebat per vices incertas semel, bis, quater singulis mensibus, aliquando per solidos menses nunquam, æstate rarius, hyeme acriori sæpius, & in mutationibus temporum præcipue, cum vergebant ad Austrinas, pluvias, & uno verbo humiditas. Fortè autem hæc omnia primò à ventriculo, & intestinis proveniebant minus apte coquentibus, & humores crudos partim transmittentibus in sanguinem, partim intra se retinentibus, unde humores cum sanguine crassiores difficilè per vasa cerebri compressa præter naturam ex casu ab arbore fluebant, unde dolor, hinc eorum copia subsistens infarciebat, & extendebat vasa, & premebat cerebrum, ex quo convulsionibus musculorum contrahente carentium, cujusmodi ventriculus, unde vomitus, & nifus in eundem, & inæqualitas pulsus, & cum interim ventriculus ratione humorum contentorum pariter ab ipsis stimuletur ad vomitum, multo facilius ille succedebat. Interim per vim vomendi, & fluxus, ac refluxus vividos, & frequentes, qui in dolore contingunt, maximus, partium omnium nifus, & expressio cujusque humidi, & derivatio ejus in partes cavas, nempe ventriculum, & intestina, unde materies largior vomitibus suppeditatur, & corpus exsuccum redditur, ex quo oritur fitis absoluto paroxysmo, & debilitas totius corporis assumptis per ejusmodi motus violentos spiritibus. Quod si vomendi stimulus sit tam validus intra ventriculum, ut ex se sufficiat ad ipsum producendum, eadem contingent abs-

que eo, quòd cerebrum prematur, ut patet. Quia vero repetito frequentissime, & per 24. horas protracto vomitu materia in vasis capitis contenta, & dolorem pariens sensim è vasis exprimitur, sensim minuetur copia illa materiei dolorem parientis, & conservantis in cranio per sui intrusionem intra vasa, unde demum fluit tota, & cessabit dolor. Rursus quia tremor ille doloris intensi est veluti delirium quoddam, facile species omnis in eundem tremorem incidet, eumque propterea vividiores faciet, seu dolor augebitur, & æger non luculam, non rumusculum &c. ferre poterit, eo quod quæcunque species in speciem doloris incidens, ejusque tremore tremens dolorem intensiorem producit: quin asserebat ille, se, cum dolore ille detineretur, ne cogitare quidem quicquam potuisse eadem de causa, ut patet. Quia verò constitutiones humidæ tempestatum &c. magis prohibent perspirationem, & crassiores reddere possunt humores, hinc tunc temporis frequentior paroxysmus, sicut acriori hyeme propter frigus constringens cutim: secus autem æstate, cum calor tenuet, moveat, & expirare faciat humores: hinc etiam est, quòd idem melius habebat, ac diutius à paroxysmo præservabatur, si alvum subduceret, & facilis esset egestionis, seu alui humidæ, secus verò, cum alvus siccabatur. Quæ de hac emicrania notare volumus, cum sit à nobis diligenter observata, & sit raræ constitutionis. Hæc autem sunt quæ de dolore capitis novisse oportet. Age jam selecta illa ex Hippoc. de dolore capitis explicemus. *Quibus per febres urina turbata quales jumentorum, is dolor Capitis vel adest, vel aderit.* Quoniam enim urina turbata provenire possunt à solutione partium solidarum, quæ cum sanguine feruntur per corpus, h. e. partium difficilis motus; hæ igitur perductæ ad cerebrum, in quo minima viget vis pressionis facile subsistent, & dolorem excitabunt. *Qui valentes doloribus capitis repente corripiuntur, & protinus muti fiunt, & stertunt, intra septem dies intereunt, nisi febris eos præbenderit.* Subitus enim ille insultus doloris cum vocis suppressione, & stertore indicat copiam ingentem materiei comprimentis cerebrum, quæ nisi trajiciatur in vasa sanguinis, ita ipsum premet, ut spirituum influxus impediat, unde Mors: traducta autem in vasa sanguinis febrem excitat, & per eam absimitur, vel tenuatur, & per excrementa redditur, quare patet pronuntiati ratio. Vide autem universum lib. 2. Coacarum Dureti, cujus hic primus locus. *Capitis dolor prægrandis cum acuta febre, aliove quopiam difficili signo conjunctus mortiferus: si autem omni alio malo signo procul dies 20. excesserit, sanguinis profluvium, aut suppuratum è naribus, aut partium imarum abscessus denunciant: maxime vero 35. annis minoribus profluvia sanguinis, proventiorib. autem abscessus expectare oportet. Ac certè profluvia omnino sperabilia sunt in frontis, & temporum dolore prægrandi.* Quoniam enim dolor capitis supponitur prægrandis, & acuta febris, vel igitur dolor ille est à decubitu materiei crassioris, quæ à febre licet acuta solui, ac moveri, seu concoqui nequeat, vel provenit à calore totius sanguinis febrem acutam producentis, & utrumque lethale, ut patet, sicut etiam cum alio quolibet signo difficili; dolor enim ex se absimit spiritus,

& in capite naturalem eorum productionem, & distributionem aut impedit, aut vitiat, atque insuper datur aliud illud difficile. Quod si mala signa desint omnia, & per tantum temporis spatium productus sit dolor, ut materies eum producens fluere incipiat (quod fieri per experientiam didicit Hippocrates transactis viginti diebus) expurgabitur, quā poterit, & per partes quidem capiti proximas, & vasa sanguinis per eas distributa, cum hæc magis urgeantur, si tamen nondum tantum duruerint, ut divelli à fluxu illius materiæ per vasa sanguinis fluentis non possint in junioribus autem cujusmodi sunt trigesimo quinto anno minores, vasa illa minus duruerunt; in his igitur profluvia sanguinis maxime contingent. Si verò materies sit tenacior, colligetur ad partes excrementa ejusmodi naturaliter separantes, ut ad glandulas narium, vel suppurabitur, & in aliquam ex inferioribus partibus derivabitur, & casu hic illic in abscessum abibit. Si verò vehemens, seu prægrandis ille dolor sit ad frontem, vel tempora, facile succedere poterunt profluvia sanguinis propter proxima vasa capillaria, quæ à proximi, & ingentis doloris vi plurimum per distractionem tensa nullo negotio demum divellentur, & sanguinem mittent. *Quibus cephalalgia, & echus varietas sine febre, & simul vertigo tenebrosa incidit, & tarditas vocis, & manuum stupor, hos vel apoplecticos, vel epilepticos, vel etiam lethargicos fore expecta.* Admirabilis pronunciati necessitas patet ex superioribus luculentissime: hæ enim omnes affectiones indicant, copiam materiæ ad cerebrum colligi, à qua ipsum prematur: deest autem febris, quæ eam abripiat, aut absumat; igitur in ejusmodi dolore sine febre, & cum reliquis conjunctis facile apoplexia cum cæteris. Vide autem textus singulos admirabiles, & facile ex nostris meditationibus patentes. *Laurentius Bellini de Morbis Capitis.*

Inter affectus capitis, Dolor imprimis recenseri, aliorumque istius partis pathematum, quasi agmen ducere solet; utpote qui symptoma communissimum, & maxime frequens existit, cui quidem ferè nullus non aliquando obnoxius reperitur, usque adeo ut in proverbii consuetudinem venerit, *casus* rarioris, & admirandæ signum esse, si alicui caput nunquam doluerit.

Cephalalgia, etsi creberrimus affectus, originem tam variam, incertam, & non raro contrariam habet, ut difficillimum videatur exactam ejus Theoriam phænomenon tam multiplicium, & sæpe oppositorum solutiones continentem tradere. Morbus hic nulli temperamento, constitutioni, victus rationi, nulli causarum evidentium, aut continentium generi constans, frigidos, & calidos, sobrios, & intemperatos, jejunos, & ventre plenos, pingues, & macilentos, juvenes, & senes, immò quoslibet cujusque ætatis, sortis, & conditionis homines passim incessit. Hinc siquidem ægroto cuiuspiam affectus hujus rationes sciscitanti alias satisfieri nequeat, sæpissime dici solet, omnia ex vaporibus procedere. Porro hujus morbi Therapeia non tam per certas indicationes, quam varia tentando, & demum methodum medendi extemporaneam ex juvantibus, & lædentibus colligendo, feliciter instituitur. Qua-

propter si nodum hunc difficillimum aggressus, rem altius, & paulo accuratius deducendo per varias causarum series, & complicationes, longis ambagibus feror, veniam promerebor: si demum ullo modo post morbi hujus Ætiologiam plenius detectam, certior ad curationem ejus aperiatur via.

Itaque ut pathologiam hanc plenius instituere pergamus, imprimis explicare oportebit, morbi subjectum, rationem formalem, unà cum causis, & differentiis; dein methodum Therapeuticam subjungere, eamque per casus, & observationes quasdam rariores illustrare.

Quoad prius, cum dolor omnis sit actio laxa, siue sensio molesta, à fibrarum nervearum spasmò, siue corrugatione dependens, cephalalgia subjectum erunt capitis partes maxime nervosæ, hoc est, ipsi nervi, nec non fibræ, & membranæ, quales illud plures, & maxime sensiles, tum supra, tum infra cranium dispositas obtinet. Sunt autem ejusmodi partes quæ dolore afficiuntur, imprimis duæ meninges, earumque varii processus, nervorum tunica, pericranium, aliaque perioστia, muscoli panniculus carnosus, ac ipsa demum cutis. Quoad cerebrum vero, & cerebellum, eorumque appendices medullares, statuimus hæc corpora: siquidem fibris sensibilibus corrugari, & distendi aptis carent, dolorum immunia perstare: idemque pariter etiam dicendum erit de cranio.

2. Quandocunque autem dolor ubivis circa partes capitis nerveas excitatur, ejus ratio formalis, in eo consistit, quod spiritus animales ab invicem distracti, & fugati corpora continentia, unà convelli, & corrugari faciunt, adeoque sensationem molestant: Quod vero spiritus ita distrahit, ut unde sensio molesta oriatur, est aliquid inproportionatum, in ipsos spiritus, aut in corpora eos continentia irruens, quod fibrarum poros, & interstitia subiens, eas ab invicem divellit, simulque spiritus ibidem hospitantes in *æstus* adigit.

3. Quod spectat ad cephalalgia differentias, vulgaris distinctio est, quod dolor capitis sit vel extra cranium, vel intra cavitatem ejus: prior iste & rarior, & mitior affectus est, quia scilicet partes supra cranium, nec tam sensiles, quam meninges interiores existunt; nec tam uberi sanguinis affluxu irrigantur, ut à subito ac vehementi incursu ejus; supra modum distendi, aut inflammari facile possint. Secundo altera cephalalgia species nempe intra cranium, & crebrior, & multo immanior existit, qui scilicet membranæ cerebrum investientes sunt admodum sensiles, iisque sanguis aditu multiplici, & per plures & longe majores arterias suffunditur. Porro in quantum sanguis, aut serum ejus, & modo per omnes simul arterias, scilicet tum carotidas, tum vertebrales, modo seorsim per has, aut illas, aut symbolas, aut oppositas noxam in meningas transferunt, hinc fit quod dolor iste interior, aut universalis sit, caput totum, aut maximam ejus partem infestans, aut particularis, qui regioni cuidam privata limitatus, hemicraniam modo in latere, modo syncipite, aut in occipite producit.

Plures sunt aliæ hujus morbi differentia, nempe

quod dolor sit levis; aut vehemens, acutus, vel hebes, brevis, aut diuturnus, continuus, vel intermittens; ejusque accessiones modo periodicæ & exactæ, modo vagæ & incertæ. Etiam pro ratione causæ conjunctæ quæ (uti mox declarabitur) modo est sanguis, modo exuvix quædam ejus, nempe aut serum, aut succus nutritius, aut vapores sive flatus, modo est liquor nervosus, modo hujus cum humore sanguineo congressus, & lucta, cephalalgia dicatur aut sanguinea, & ea vel simplex, vel insuper serosa, vaporosa, aliasve excrementitia; aut spasmodes, ab humore fibras nerveas irrigante, easque in corrugationes dolorificas irritante.

Super his ut methodice procedentes, varias hujus morbi species cum illarum causis, ordine quodam recensamus, distinguere visum est, Dolorem capitis in Accidentalem, sive occasionalem, & habitualement: prior iste sine procatarxi, aut dispositione prævia à causa evidenti solitaria excitari solet, uti cum à vini potu, crapula, insolatione, aut exercitio vehementi, item in febrium paroxysmis, cephalalgia, quibusvis fere hominibus contingit; quatenus nempe sanguis plus solito incitatus, ac immodicè ebulliens membranas quas pertransit, valde inflat, ac distendit, quinimo serum & vapores ab eo tunc effervente copiosius emissa, & in membranas irrudentia, fibras nerveas vellicant ac irritant.

2. Dolor capitis habitualis procatarxin aliquam alicubi affixam habet, propter quam, vel constanter, vel crebro molestus est; ita ut quandoque licet intermittat, sæpe tamen sponte redeat, ac insuper è levi quavis occasione excitetur; huic autem sive continuus sive intermittens fuerit, neque semper, neque tantum, pro causa conjuncta, sanguinis aut seri suffusiones, aut evaporationes nimias habet, [quamvis hæ sæpe adsunt, ubi tamen causæ evidenter potius quam conjunctæ loco sunt] verum insuper parti affectæ, aut affici solitæ, semper mala procatarxis, seu prædispositio quædam affigitur, propter, quam, & causæ prædictæ, item præterea liquoris nervosi inordinationes, ejusque cum sero sanguineo vel succo nutritio congressus, & effervescentiæ, dolorum paroxysmos cient.

Procatarxis cephalalgica licet multiplex & diversimoda fuerit, ita ut singulæ ejus species vix enumerari possint attamen ad eam constituendam, hæc duo nempe aut alterum, aut simul utrumque, præcipue, ac fere semper conducunt; nempe 1. partis affectæ mala aut debilis constitutio, 2. dein propterea facilior, & promptior materiæ morbificæ in illâ congestio.

Quoad prius, capitis partes doloribus obnoxix, sunt fibræ nervæ ad membranas, tendines carnes musculosas, aliaque corpora sensilia pertinentes, quarum apparatus morbidus in earum mala conformatione, aut debilitate consistit.

Ex his priorem quandoque innatam, & hæreditariam esse inde constat, quia morbus à parentibus sæpe ad liberos traducitur: idque ea potissimum ratione fieri videtur, quod integumenta capitis debito crassiora, aut constrictiora facile trajiciunt, quare ab his cohibitis, illisque in motu præpeditis, & aggestis, meninges, pericranium, aliaque partes sensiles, aut infractæ nimis, aut inflatæ, aut vellicatæ, dolores acci-

piunt: cui accedit, quod interdum propter cerebri intemperiem originalem humores, aut vapores circa partes ipsum concamerantes variæ congeruntur.

2. At vero longe sæpius accidit, malæ conformationis vitia, quibus hæ, vel istæ partes capitis ad cephalalgiam, disponuntur, de novo contrahi, idque vario productionis genere: quippe nonnunquam à frigore, propter flatum borealem, nives, aut pluvias suscepto, in aliqua capitis regione cutis pori, quin & ipsæ fibræ nervæ ita constipantur, aut alias pervertuntur, debilitanturve, ut nec aëris externi occursum, nec sanguinis vel humorum agitationes qualvis patiantur, quin cephalalgia statim oriatur.

Nec minus raro propter inordinationes in sex non naturalibus prædispositio cephalalgica induci solet. Enimvero sanguis ob quamlibet causam, supra modum citatus, aut ebullitione sua nimia, aut feri, vel vaporum insinuatione, partibus quibusdam nerveis, continui solutionem aut alijsmodi noxam imprimit; propterea ut cephalalgia mox præsens, ac in posterum diathesis eam à levi quavis occasione susceptura, excitantur. Caterum à passione vehementi, à crapula, ebrietate, insuper à capitis ictu, vulnere aut contusione, dispositio cephalalgica non facile debilis, crebro inducitur; proinde ut humores aut proprii, aut excrementitii in iis congesti, & stagnantes, postea aut per se commoti, aut cum alijs succis influi effervescentes, inflationes, aut vellicationes dolorificas cieant. Quinimo phlegmonas, abscessus tuberculas schirrosas, meningis cum cranio adnascencias, aliosque malæ conformationis morbos in cerebri membranarum excitatos novi, à quibus imprimis per longum tempus cephalalgia frequentes, ac immanes, ac demum affectus soporosi, ac lethales inducebantur; morbi causâ, non nisi post mortem, per Anatomiam detecta, & quidem suspicari fas sit, capitis dolores inveteratos, & pertinaces, cum invitis omnibus remedijs frequentibus redeunt, & indies sæviores evadunt, à tali causa invincibili pendere.

2. Nec tantum mala conformatio, & unitas soluta, sed etiam mera interdum debilitas, sive enervatio, quasdam capitis partes cephalalgix obnoxias reddit; cum enim fibræ alicubi ita infirmantur, ut nec proprium humorem ipsæ regere, nec alienis incursum resistere valeant, pars sic disposita, propter levem quamvis occasionem, in corrugationes dolorificas agitur: hujusmodi fibrarum debilitates nonnunquam externa accidentia, uti frigoris, & caloris excessus, quandoque item errata in victu, prout crapula ebrietas, & imprimis somni meridiani, insuper ingentes catarrhi, & feri aëris decubitus longiores inferre solent.

Hæc de cephalalgia procatarxi primaria, quæ & fixa, & radicata est; altera ejus ratio secundaria, & mobilis consistit, in materiæ morbificæ circa partem prædispositam prompta ac facili congestione, à qua dolorum paroxysmi, ac insultus dependent: materies autem cum multiplex fuerit, multifariam congeri, & dolores diversis afficiendi modis excitare solet: Illa prout supra innuimus, vel est sanguis, vel serum ejus, vel succus nutritius, vel liquor nervosus. Unusquisque horum variè dispositus, aut sæculentis

lentiis imbutus, circa loca capitis prædisposita, modo ante paroxysmum, sensim aggeritur, modo hoc ingruente affatim deponitur. Cæterum modo humor unicus plenitudinis, ac acrimonia sua, fibras sensiles distendit, aut irritat, modo plures simul congressi mutua effervescencia fibras divellunt, adeoque spasmos dolorificos cient. Singulas harum species cum signis, & fiendi modis, breviter notabimus. Cum itaque pars capitis, uti imprimis meningis, aut pericranii regio quædam propter malam conformationem, aut debilitatem, ad cephalalgiam prædisponitur, morbi insultus, sive paroxysmi propter varios humorum sequentium scilicet modo hujus, modo istius, modo plurium simul incurfus, & congressus excitari solent.

1. Interdum ipse sanguis, in motum rapidiorem incitatus, ac in caput ebulliens, circa loca prædisposita, inter transendum angustatur, aut silitur; proindeque uberius mox ibidem aggestus, vasa distendit, membranas valde inflat, fibrasque nerveas ab invicem divellit, illisque adeo corrugationes dolorificas inducit. Propter hanc rationem cephalalgia obnoxii occasiones omnes, à quibus sanguis supra modum effervescit, uti vini potum, exercitium balneum evitare coguntur.

2. Serum, in massa sanguinea copiosius aggestum, sæpe aut sponte sua ob meram plenitudinem, aut à causa evidenti commotum, subito fluorem concipit, & proinde statim è cruore exundans, non semper aut tantum in pulmones, at sæpenumero in caput irruit, inque membranas aut musculos ejus suffulsum, circa partes ad cephalalgiam prædispositas copiosius aggeritur, ibidemque inflationes & corrugationes dolorificas inducit. Porro serum, prout recrementa sulphurea, aut salina, acria, acida, biliosa, aut melancholica, aut alius generis infecta secum vehit, eaque fibris nerveis affigit, dolorem acutum, aut hebetem, brevem, aut longiorem infert: Cephalalgia propter hujusmodi procatarxin oriunda, tempore hyberno, cælo humido, & vento austrino, gravius infestant: insuper hunc affectum aliarum faciei, oris, aut laryngis, partium catarrhi sæpe comitantur.

3. Succus nutritius, sive recens chymus, è sanguine ad partes solidas delatus, iisque adponendus, siquidem ille quibusdam capitis partibus malè dispositis impropportionatus fuerit, cephalalgia paroxysmos periodicos excitare solet. Namque hujus penus, juxta fibras quasdam nerveas depositus, siquidem assimilari nequit, post aliquantam moram, eas aggravare incipit, & demum in corrugationes, propter molesti expulsionem irritat. Cephalalgia à tali causa procedens, potest totidem à partu horas quotidie repetere, & pari temporis spatio perdurare, quinimò prout victus ratio quoad quantitatem, qualitatem, & assumendi tempora alteratur, etiam dolorum paroxysmi variari solent, sicut in multis observavi.

4. Liquor nervosus, inordinatione sua, cum sæpe in aliis partibus, ita non raro in capite, dolorum causa, existit; nam ista, aut à crasi degener, aut sæculentiis imbutus, fibras nerveas non ita libere trajicit, quin stagnare, in iisque ad plenitudinem irritativam congeri

aptus est: idque præsertim intra fibras prius debiles, aut male conformatas, (quales interdum sunt capitis membranæ:) quippe in his prædispositis, liquor irriguus in motu præpeditus, ad plenitudinem aggravativam, aut irritativam facile atturgit, proinde ut fibrae adeo impletae, instar stomachi nimis saginati, propter contenta sua excernenda, spasmos, & corrugationes dolorificas ineant, nec ab iis cessent, donec sarcina liberantur, quæ tamen postea rursus, modò citius, modò tardius coacervata, alios subinde, ac alios dolorum paroxysmos infert. Cephalalgia talem ob causam oriunda, sine notabili sanguinis turgescencia, & sæpenumero absque erroribus in victu, lente, ac sua velut sponte oritur; quandoque tamen propter inordinationes, in non naturalibus, aliaque accidentia citius accersitur; sæpius horis matutinis, & post largiores somnos, cum fibrae nerveæ humorem istum copiosius imbiberunt, obtingere solet.

5. In prædictis cephalalgis, materies morbifica humore ut plurimum unico sive singulari constat, proindeque dolorum paroxysmi paulo mitiores sunt, & non raro citius pertranscunt. Subest vero altera hujus morbi causa, cum duo humores (instar salinorum diversigenis) simul congressi, mutuo effervescunt, adeoque à particularum dissimilium lucta, fibrae plurimum vellicantur, inque dolores valde acutos & lancinantes aguntur, iisque non raro diutius infestantur: in hoc casu pugil unus semper erit liquor nervosus, alter vero, aut latex serosus, aut succus nutritius. Sanguinem, quia fibrarum ductus tantum alluit, ac non intima subit, eximimus; liquor autem nerveus, ob vitia modo citata, interdum per se fibras continentes vellicat, inque spasmos dolorificos cient. Quod si huic ita prædisposito, ac intra fibras plenius aggesto, humor alter, sive nutritius, sive serosus (nam uterque reus esse solet) minus congener existens, copiosè suffunditur; particulae statim omnes exuscitatae inter se colluctantur, adeoque mutua effervescencia fibras insigniter distendunt, & vellicant, hinc ut ab iisdem diu & valde corrugatis, dolores acerrimi, & diu permanentes inducantur. Utrum hic, aut iste humor liquori nerveo occurrens, in cephalalgia accersenda potior fuerit, ex propriis utriusque per se peccantis anomalis supra descriptis facile innotescat.

Quo ritu & quas ob causas remotiores, humores, nempe aut serosus aut nutritius delinquant, quoties nerveo intra fibras contento occurrentes, dolorum paroxysmos cient, infra declarabitur: interim præcipua liquoris nervei culpa, cephalalgias crebriores, & habituales produci, satis constare arbitror, quoniam hic & fibris ipsis quæ corrugantur, & spiritibus qui in distractiones dolorificas aguntur, maxime intimus est, tum etiam quia dolores capitis, nonnunquam sine ulla sanguinis, feri, aut succi nutritii inordinatione, aut tumultu oriuntur, atque his quantumvis depletis, aut sedatis, cephalalgia pertinaciter sæpe durant.

De liquore autem nerveo, cū cephalalgia causa est, observamus culpam ejus, modo universalē, & modo privatam esse: nam interdum iste labem suam, à parte affecta acquirere potest; quatenus

nempe intra fibras conformatione lasas subsistere aut stagnare coactus, adeo pervertitur, ut demum infestus istas; vel per se, vel cum alio humore fermentescens, in corrugationes dolorificas irritet: quandoque tamen, ac præsertim in cephalalgis gravioribus existimare fas est, totam liquoris nervei massam in vitio esse nervosas autem capitis partes, præ aliis quibusvis in toto corpore noxam ejus luere; quia nimirum hæ primæ liquoris nervei scaturigini propiores existunt, atque etiam sunt maxime sensiles: quapropter liquor nerveus si quando vitiosus fuerit, intra meningas, aliasque capitis membranas, plusquam alibi in cæteris partibus corporis, vel sponte turgescens, vel ab altero humore ei suffuso effervescens, dolorificus evadit. Rem ita habere constat, quoniam cephalæa diuturna, ac gravis non tam remediis capiti adhibitis, aut appropriatis, quam iis quæ succi nervei, atque massæ sanguinæ crases restitunt, qualia sunt chalybeata, antiscorbutica, curari solet. Quod certe arguit, quicquid liquor nerveus in toto corpore peccat, id capiti partes potissimum plecti.

Hæc de cephalalgæ causis & procatacticis & conjunctis: restant aliæ remotiores, evidentes dictæ, quæ priores exuscitant, inque actus, seu afficiendi rationes dolorificas cient. Sunt autem varii generis, & diversimodæ operationis. Quæcunque nimirum res, 1. aut materiam morbificam, aliunde in partem affectam transferre, au 2. illam in ea prius hospitantem commovere apta sunt, 3. aut denique fibris ipsis, in spasmos dolorificos prædispositis affectionem istam è longinquo, & aliarum partium consensu imprimunt, ad hunc sensum pertinent.

Quoad prius sanguis ejusque inquilini humores, nempe serosus nutritius, nec noncrementa biliosa, acida, ac alias vitiosa, variis de causis commoveri, inque capitis membranas transferri apta sunt, multa quæ exterius accidunt viz. æris ac anni mutationes magnæ aut subitæ, æstus, frigoris, aut madoris excessus, laurus victus, vini potus, balneum, venus immodica, passionēs violentæ, quin & plures aliæ *αἰτίαι* satis notæ, & quibusque cephalalgicis evitandæ, illud passim efficiunt. Porro humores isti interdum, sponte turgescunt, & si causa externa, aut evidenti, commoti, se in caput proripiunt: quo ubi advenerint, fibrisque prius indispositis jam infederint, licet causæ conjunctæ partem constituunt, ipsi tamen cum primum in motu sive fluore sunt, causæ evidentis rationem subeunt. Quare cum prius explicavimus quo ritu sanguis, quæque in eo hospitantur, ad membranas affectas delata, cephalalgias concitant; modo ostendemus quibus modis, & ob quas occasiones, iidem humores commoveri, inque membranas corripri solent.

Et primo sanguis sua sponte, & propter intestinos particularum ejus motus, & colluctationes subinde effervescens, capiti molestias impertit; nec tantum in febrium paroxysmis, aut insuper sine causa evidenti, aut morbi suspicione, turgescentiæ ejus crebræ ac vagæ obtingunt, quas in aliis vix perceptibiles cephalalgæ obnoxii satis advertunt, ac luunt; nec solum à proprio penu sanguis capiti noxam immittit, sed eam aliunde suscipiens illuc desert. Sæpe-

numerò cruor è stomacho, liene, mesenterio, hepate, utero, aliisve partibus, aut visceribus materiam incongruam, aut sibi, aut nervoso generi infestam suscipit, quam brevi postea ut extrudat effervescens, membranæ capitis suffundit, adeoque cephalalgiam vulgò sympathicam dictam, sc. per consensum ab aliis partibus excitatam producit; cujusmodi affectus ab aliis partibus ad caput transmissio, etiam alio interdum modo contingit, uti mox declarabitur.

Cum massa sanguinea sero abundat, nonnunquam mera plenitudine ad illud excernendum excitatur, quare fluorem seu velut deliquium quoddam, quo nempe tenue, & aquosum, à spissiori & cruento secernatur, concipit. Dein si quidem cruor dilutior factus, inter turgescendum celerius, & copiosius trajicitur per arterias, quam reduci possit per venas, ferè quicquid seorsum est, juxta vasorum intercapedines amandatur, inque partes, modo has, modos illas suffusum, prout in quibusdam locis tumores, aut catarrhum ita in capitis membranæ decumbens, dolorum paroxysmos ciet.

Cæterum ob plures alias causas, à sanguine fluorem passio serosa colluvies exundans in meningas, & pericranium irruit, inque ipsis cephalalgias valde molestas parit. Subita pororum à frigore aut madore constipatio, talem affectum in plerisque huic morbo obnoxiiis ferè constantes producit. Vini acidi ac tenuis, pomacei, quin & cerevisiæ propter acorem fermentescere aptæ potus, quatenus sanguinem fundunt, & serositates ejus præcipitant, cephalalgicis tanquam venena prohibentur: denique quicquid ferè podagricis idem etiam & his ob similem in utroque feri turgentis ad partem affectam, ubi cum humore nerveo sæpè effervescit, fluxionem, obesse solet.

Porro non tantum merum, simplexque sanguinis serum in capitis membranæ exundans, dolorum paroxysmos ciet, aut interdum humores alii se adjungunt, hujusque ductu ad partem affectam admissi, morbi tragœdiam adaugent; sæpe accidit humorem tenuem & aquosum à vasis lymphicis, glandulis, forsan & partium solidarum meatibus & poris (in quibus aggregabatur) subito effluere, inque sanguinem venosum suffundi; unde statim cordis sinus trajiciens, & sanguini arterioso confusus, ab eo denuo statim secernitur, & qua data via rejicitur; idcirco partim per renes amandatus, urinæ limpida & copiosissima profluvium facit, quandoque etiam partim in cerebrum, aut nervorum origines redundans, affectus soporosos aut convulsivos (prout alibi docuimus) producit. Quinimò interdum pars quædam ejusdem humoris limpidi in capitis membranæ cum sero correpta cephalalgæ atrocioris paroxysmum ciet: enimvero in pluribus observavi, urinam limpida & valde copiosam, morbi hujus paroxysmum aut præcedere, aut comitari.

Cæterum opinari fas sit, alijsmodi aliarum partiumcrementa, scilicet bilem ab hepate, fæculentias atrabilarias à liene, & forsan humores incongruos à stomacho, pancreate, renibus, &c. à sanguinis sero obsorberi, eique penitus incoqui, quibus dum inficitur, effervescencias multo promptius concipit, proindeque in vasa cephalica impetuosius irruens, cumque liquore

liquore nerveo, ibidem fermentescens, spasmos, & vellicationes dolorificas valde molestat parit.

Serosa colluvies, sive hæc simplex, seu ut ostensum est, complicata fuerit, adhuc amplius capiti infesta est, si quando solennis ejus evacuatio, per debitas, & assuetas vias præpeditur, : (vix) si vel poris constrictis transpiratio inhibetur, vel propter renes male affectos *διέρρηξις* haud satis copiose peragitur, utrumque defectum cephalalgici graviter luunt. Porro ob sanguinis transitum in aliis locis præclusum capitis membranæ plectuntur : quibus enim viscera imi, aut medii ventris, præsertim, si hepar, & pulmones obstructione laborant, ita ut sanguis ibidem vix trajici possit, plenior ejus torrens, in alias partes, ac præcipue versus *ἐγκέφαλον* dirigitur ; ita ut propter hanc causam non tantum cephalalgias : sed affectiones soporosas, & interdum lethales successisse noverim.

3. In cruoris sinu prout serum, ita & succus nutritius, hoc est recens chymus, ex alimentis confectus hospitatur, ac una circulatus, ejusdem quasi fluminis decursu, illorum exorbitantibus obsequi cogitur. Quare cum sanguis mox à pastu impetuose aut inordinate ad caput proripitur, succus etiam nutritius semicoctus, aut depravatus, fibris illic membranaceis affigitur, vellicationes dolorificæ succedunt ; hinc enim est quod à pleno ventre exercitium, balneum, passionis violentæ, lectio, aut seria animi intentio cephalalgicis officiunt.

Interdum succus nutritius, sanguini non statim, aut facile miscetur, quin huic recens illatus mox turgescientiam concitat, adeo ut multi constanter à pastu intenso vultus rubore ; non raro item cephalalgia afficiantur. Hoc vulgo, sed perperam obstructioni hepatis imputatur, cum revera à dyscrasia sanguinis, chymi recentis mixturam ægrè ferentis procedat. Quare talis affectio plerumque febribus periculosis, ac imprimis variolis succedit, nonnunquam crapulæ immani supervenit.

4. Restat adhuc aliud causarum evidentium (à quibus nempe cephalalgia procatur seu prædispositiones actuantur) genus, à prioribus nempe sanguinis, feri, & succi nutritii anomalis, plane diversam ; nempe cum propter spasmos in partibus aliis inceptos, ab iisque ad *ἐγκέφαλον* continuatos, cephalalgia non raro atroces succedunt. Usitatum est ab hypochondriis nec non è regione stomachi, mesenterii, uteri, imò interdum à membris aut partibus externis, quendam quasi fornicationis sensum in caput prorepere (ibidemque mos dolorem aliquamdiu postea duraturum excitare. Hujusmodi affectio, quæ non raro vertiginis, etiam Epilepsiæ, aut Apoplexiæ præcæmum esse solet, vapporum ascensus vulgo creditur ; cum revera sit tantum spasmus in nervi cujusdam extremitate inceptus, qui versus originem ejus sursum proreptans, & dein cranio superato, quatenus aut ipsi *ἐγκέφαλον* aut etiam meningibus, scilicet aut alteri, utrique communicatur, convulsiones, aut dolores ciet. Quæ tamen pathemata fornicationem istam aliunde traditam, modò velut signum, & quandoque velut causam sequuntur. Prioris rationem alibi satis

fusè explicavimus, ostenso nimirum, quod cum materies morbifica nervorum origines, aut partes iis proximas, in capite occupavit, spasmus sæpenumero ab eorundem nervorum extremitatibus incipiens, illinc sursum traditus versus loca primario affecta, quasi perrepando ascenderet : quare non tantum vertiginis, sed & cephalææ vomitio crebro supervenit.

Attamen præterea irritatio in viscere quodam aut membro dissito cephalalgia interdum occasio, & quadantenus causa est, nempe cum materies morbifica, usque ad turgescentiæ plenitudinem jam jam in capitis parte affecta aggeritur, fibrarum continentium vellicatione levitantum opus est, ut materies ista concita morbi paroxysmum inferat ; ad quam acciendam non raro sufficit, quod visceris cujusdam dissi, puta, ventriculi, lienis, aut uteri, cui scilicet, cum capite intimus intercedit consensus, fibræ nervæ vellicentur ; nam proinde statim molestia per nervos communicata, fibræ capitis quædam membranaceæ malè dispositæ, & materia morbifica onustæ, stringi & corrugari incipiunt, cumque adeo morbi minera commovetur, à particulis ejus commotis, fibræ in corrugationes graves ac diuturnas urgentur.

Cephalalgia ad hunc modum à visceribus exoriri visæ, & vulgo sympathicæ dictæ, vaporibus ascribi solent : vix. supponendo humoris noxii mineram in viscere quodam delitescere, è quâ commotâ, dum effluvia in caput ascendant, ibidemque fibras nerveas acriter percellunt, vellicantque, dolores excitantur. Doctrinam hanc olim ita plane redarguimus, ut non opus fuerit rationes hic alias opponere. Interim vero disquiramus, annon aliis etiam modis præter communicationem per nervos spasmodicam, capitis dolores, propter causam morbosam in stomacho, liene, aliisque locis hospitantem oriantur.

Super his opinari fas sit, materiem sæpe degenerem in partibus remotis congeri, quæ sanguinis commeatu, sive trajectu, capiti noxam inferat. Usitatum est humores corruptos, scilicet modo acres, modo acidos, aut austeros in ventriculo, bilem in hepate, sæculentias atrabilarias circa lienem, quin & aliusmodi degenerem materiam circa mesenterium, uterum, aut alias partes congeri, à quibus demum ad turgescentiæ plenitudinem aggestis, miasma fermentativum sanguini infigitur, à quo iste velut æstro imbutus impetnose effervescit, & partim turgescentiæ suæ, partimque in membranas capitis quod incongruum est transferendo, dolorum paroxysmos atroces ciet.

Quoad ventriculum rem ita nonnunquam habere, quidam morbo isti obnoxii plane experiuntur. Quippe horum nonnulli post bilem in stomacho fluctuantem, aliique post insignem illic acorem, & famem caninam, cephalalgia paroxysmum certissime expectant. Cuius ratio ex parte videtur esse, quod ista ventriculi contenta, à sanguine absorpta ipsum effervescent, & turgescentiæ cephalalgicam in eodem concitant ; insuper ab ejusmodi materia acri, vitriolica, aut alias infesta, intra stomachum aggesta & commota, spasmus, sive corruga-

tio molesta fibris, nervorumque extremitatibus illic insertis imprimatur, qui mox eorundem nervorum paris octavi, & intercostalis ductu in caput continuatus, membranis, fibrisque nerveis in corrugationes dolorificas prædispositis communicatur.

Propter eandem inter stomachum & caput communicationem reciprocā nausæ & vomitus, prout modo innuimus cephalalgia non raro superveniunt, membranis à materia morbifica, (non secus ac à plaga aut vulnere illato assolet) in corrugationes dolorificas incitatis, noxamque nervorum ductu, ad ventriculum, ex se insontem transferentibus, vomendi nixus interdum inanis oritur, nihilo quod rejiciatur intra ventriculum superstiti: quandoque tamen ab immani viscerum inter vomendum successione, humor felleus aut pancreaticus, nempe alter tantum, aut utrique simul in duodenum explosi, & vomitu rejecti, pro materia cephalalgica perperam sumuntur.

2. Dolores capitis lienis, haud minus quam ventriculo imputari solent; & quidem passim observare est in hypochondriacis, isti etiam morbo obnoxii, cum in sinistro latere dolor, inflatio, borborygmus, aut alia quævis, velut lienis affecti perturbation, contingit, cephalalgiam quasi exinde suscitata mox crebro succedere; hinc statim vox populi est vapores à liene perturbato emissos, capitis dolorem ciere: verum enimvero ut concedamus cephalalgiam lienis culpa interdum oriri, rejecta tamen ista per vapores αιπολογια huius causa imputari debet, aut malo fermento à liene in sanguinem transmissio, aut spasmus illinc capiti per nervos communicato: quippe in liene male affecto, humor atrabilarius, inque naturam modo vitriolicam, modo acrem, aut acidam, vel alias infestam degener sapenumero aggeritur, qui sponte ob plenitudinem, aut occasionaliter ob perturbationem quandam excussus, & sanguinis confusus, ei fermentationem imprimit, quæ liquor ejus capitis membranis irruens per se, aut cum liquore nervoso effervescens, vellicationes dolorificas ciet. Porro haud minus probabile est, quod interdum spasmus in fibris nerveis, quæ circa lienem quam plurimæ disponuntur, excitatus, illinc per nervorum paris vagi ac intercostalis ductus, ad ενκεφαλον continuatus parem membranis ad in prædispositis affectionem imprimat.

3. Iuxta eandem pathologiam nempe aut mali fermenti transmissione, aut spasmii continuatione, reddi potest ratio de cephalalgis, quæ per consensum ab hepate, mesenterio, utero, aliisque partibus suscitari perhibentur.

Cephalalgia Habitualis, cuius Ætiologia hæctenus satis fuse tractavimus, adhuc in species quasdam dirimitur ea nimirum aut continua est, aut intermittens; cæterum huius periodi modo ad certum tempus determinantur, modo vagæ ac incertæ existunt: super his singulis breviter dicemus.

1. Igitur interdum accidit quæpiam dolore capitis continuo, per plures sc. dies, aut menses prorogato atque parum aut nihil, nisi cum somnus urget, intermittente affligi, quo in casu supponimus non modo causam procatarcti-

cam, sed & coniunctam, alicubi fixam, & constantem adesse. Præterquam enim quod partes affectæ, aut quæ subinde affici solent, sint debiles, & liquor earum irriguus, utpote depravatus, stagnare, aut cum aliis humoribus effervescere aptus fuerit; insuper in illis quædam solutio continui, nempe inflammatio, erysipelas, abscessus, tumor seirrhosus, aut alias cuiusdam generis non raro excitatur; circa quem dum humores diversimodi concurrunt, & aggeruntur, propter fibras nerveas continuo vellicationes, dolores fere perpetui oriuntur. Huiusmodi cephalalgia non raro in affectus soporosos & tandem lethales terminantur; nam cum plurimum ab hisce affectibus defunctorum capita aperverim, signa sive vestigia, prædictas eiusmodi causas morbificas declarantia, apparebant; horum exempla quædam infra subduntur.

2. Cephalalgia habitualis plerumque intermittens est, cuius accessiones, cum certæ, ac periodicæ fuerint, sæpissime intra nycthemeri spatium redire solent. Casus quorundam rariores audiui, & novi, & qui diebus alternis, immo qui semel in hebdomada, aut mense, affectus istius paroxysmos exacte repentes pertulerunt. Vsitatum est cephalalgia profligari visa, circa æquinoctia, aut solstitia, accessiones recrudescere; quia sc. his temporibus sanguis ac humores turgescunt solito majores concipiunt, & proinde cum liquore partium capitis nervearum irriguo effervescere magis apti, solitos dolorum insultus redintegrant. Veruntamen cum circa has anni τροπαις cephalalgia repetunt, haud unica longiore accessione diu prorogantur, sed plerumque periodos subordinatas nactæ, nycthemeri cuiusque spatio statis quibusdam horis infestare solent.

Cum itaque cephalalgia periodica accessiones quotidianas plerumque habet, harum uti febrium intermittentium, rationes à materiæ morbificæ, statim tempore ad plenitudinem assurgentis, & tunc effervescens vitio peti debet. Enimvero supponere, licet, alicubi circa capitis membranas fibras nerveas male dispositas, liquorem proprium pervertere, aut non bene traicere, quare cum succus nutritius, iisdem etiam partibus è sanguine appositus, non statim assimilatur, nec cum altero humore bene convenit, demum ac utriusque simul aggestis, & discrepantibus, mutua effervescencia, proindeque fibrarum vellificatio dolorifica exoritur: quod autem dolorum paroxysmi non eadem semper à paltu distantia, sed in aliquibus citius, inque aliis tardius, atque modo ante somnum, modo post eum oriuntur; in causa est partim quod alimentorum coctionis & distributionis munera, modo citius, modo tardius obeuntur, & partim quoniam in his liquor nerveus, inque aliis succus nutritius plus peccat, quare prout huius plenitudo citius, ac illius tardius contingit, ita paroxysmi tempora variantur: hæc inferius observationibus circa casus agrotantium factis illustrabimus.

3. Cum Cephalalgia intermittens paroxysmi sint vagi ac incerti, nec morbi procatarctis magna est aut constans, nec causa evidens assidua existit, quare cum utraque causa sæpè deest,

deest, & non raro altera desideratur, morbi insultus, non ad certa alligantur tempora, quin isti in quibusdam sunt velut fortuiti, & accidentales, in aliis, quibus prædispositio ad hunc affectum paulo firmiter radicatur, dolores capitis frequentius molestant, & propter varias occasiones passim excitantur, immo & ob quasdam certissime expectari solent. Paroxysmorum ita variè obtingentium rationes ex morbi hujus Ætiologica superius tradita liquido patent, insuper exemplis infra traditis res tota illustrabitur.

Hæc de cephalalgiaë causis, quæ siquidem ita variæ ac diversæ, earumque series tam perplexæ ac intricatæ fuerint; non facile videtur circa omnes ægotantium casus, methodi filum arripere, quod statim ad morbi hujus labyrinthi veram diagnosin, aut therapiam ducamus; nec minor circa prognosin ejus difficultas habetur: veruntamen experientia vulgaris observationes quasdam suggerit, è quibus colligi solet, ægritudinis istius, curationem modo facilem, modo difficilem, aut vix possibilem esse; ita ut inde morbi eventum aut tutum, aut valde periculosum, aut prorsus incertum declarare liceat.

Enimvero si quispiam integræ prius valetudine fretus, ob causam evidentem fortior, uti vini potum, crapulam, venerem, exercitia immoderata, aut similia, in cephalalgiam nonnihil atrocem, & aliquamdiu protractam inciderit; in quantum procatarxis morbida nondum firma jacitur, pronunciamus talem affectum satis tutum, ac minimè per tinacem fore.

Sin vero dispositio *νοσῆσθαι* inveterata fuerit, ita ut à multis annis, paroxysmi sæpe sponte sua, ac insuper à levi quavis occasione reptant, hunc etsi non periculose admodum ægotare, attamen non facile curatum iri prædicimus. Porro *ὑποχονδρία* adhuc difficiliorem fore, si affectiones hypocondriacæ aut hystericae sæpius molestæ cephalalgiam crebra vice excitare solent, vel si luis venereæ inveteratæ miasma, in parte affecta radicum fuerit.

Quod si dolor capitis non solum inveteratus sed fere continuus fuerit, ut jure suspicemur, eum à tumore phlegmonodei ascirrhoso, erysipellate, abscessu, aut vermibus oriri curationis spes exigua, aut nulla superest; præsertim; quia laborantes magna remedia, ut salivationem aut cranii apertionem recusant; quæ si forsan omnino uspiam aliquo cum fructu usurpata sint, prius tamen hæc ut plurimum ægris tædio esse solent, quam molestiâ aut expectatione aliquid dignum efficiunt.

Dolor capitis sive continuus, sive periodicus, si immanis fuerit, atque vertiginem, vomitionem, aliosque affectus aut convulsivos, aut soporosos adjunctos habuerit, periculi magni suspicionem præbet: utpote qui sæpe in Apoplexiam lethalem & non raro in Epilepsiam, Paralyfim, cæcitatem, surditatem, aliosque morbos aut funestos aut incurabiles transit.

Cephalalgiaë methodus Therapeutica, plures indicationes easque varii generis, juxta multiplices morbi hujus species, causas, & differentias comprehendit, quas non facile erit omnes exacto ordine hic digerere & recensere,

Dolor capitis accidentalis, remota causa evidenti, & consequentiis ejus ut plurimum sponte cessat, vel saltem phlebotomia, quiete & sudore tollitur.

Dolor habitualis pro diversitate causarum, sc. tum procatarica, tum coniuncta, etiam diversimodas medendi intentiones suggerit, præcipuas harum, ac ad quas cætera omnes revocari possint, hic breviter perstringam.

In omni cephalalgia habituali, sive continua, sive intermittens ea fuerit, duo præcipui curationis scopi occurrunt, ad quos cætera quæque intentiones therapeutica collimare debent, & quibus contra utramque procatarxeos morbi dæ providetur.

1. Imprimis nempe, ut morbi fomes omnis præscindatur, operam dare oportet, tum ut materies ad capitis loca affecta, aut male disposita affluens, vel subinde affluere apta, vel supprimatur, vel illinc alio avocetur; tum insuper ut spasmi aliis in locis excitati, indeque in caput propagari soliti præcaveantur.

2. Dein 2. quo morbus ipse, sive causa ejus conjuncta (si fieri possit) eradicetur, enitendum erit, ut capitis loca in cephalalgias prædisposita (sive debilia tantum, sive in conformatione læsa) dum à crebris materiae infestæ incursum muniuntur, statum suum pristinum, & vigorem recuperent. Cujusmodi indicatio licet raro unquam subito, aut integrè perficitur, quandoque tamen cura diligenti, & longa, labes morbida, ut ut fixa, & radicata, sensim atteritur.

Quod spectat ad priorem medendi scopum, cujus & prior, & potior ratio haberi debet, diximus materiem, sive humores, qui circa partes capitis, ad cephalalgiam prædispositas congeri, morbique insultus excitare solent, esse aut sanguinem, aut serum ejus, aut succum nutritium, vel nervosum. Insuper cum his singulis vapores, & effluvia, nec non recrementa, modo biliosa, modo atrabilia, modo acida, salsa, sulphurea, aliaque varii generis, è visceribus modo his, modo illis, in sanguinem suscepta, comæatu ejus in caput transferri ostendimus: contra horum omnium impetus, & incursum munimenta *interius* instituantur.

1. Et primò, si jacta circa membranas capitis ad dolores procatarxi, sive diathesi, sanguis utpote calidior, & turgescere aptus, in capitis membranas subinde confertim irruet, cumque non facile pertranseat, vasa supra modum distendens, fibrasque nerveas divellens, morbi hujus paroxysmos excitabit; (cujus indicium sunt, temperamentum sanguineum, æstus, & ruboris in capite circa faciem suffusio, item pulsus altus, & vibrans, cum venis à cruore distentis) protinus danda erit opera, tum ut sanguis sedatior factus, non adeo prompte in turgescencias agatur; tum etiam ne incitatus, ac ebulliens, majori *potius* in caput quam in alias partes feratur, nec itidem propter meningum sinus nimis impletos stagnare cogatur. Quapropter si paroxysmus diutius infestabit, phlebotomia in brachio, aut venâ jugulari, celebretur: extra paroxysmos interdum expedit sanguinem è venis sedalibus per hirudines detrahi; nempe hac ratione ut sanguis

sanguis forte ebulliens; deorsum versus locum istum, quo sæpe sponte tendit, sollicitetur: Oxyrhodina, aut alia, Epithemata capiti adhibeantur: insuper Iulapia, Emulsiones, aut Decocta, quæ sanguinis fervorem, aut æstrum compescant, propinentur, Alvus enematum usu refrigeretur, & lubrica servetur. Porro in prophylaxin, serum lactis, aut acidularum usus est tempestivus; hydropisia etiam, victus tenuis, & refrigerans juvant; vini, aromatum, balnei, motus animi aut corporis violenti quini-
mo calidorum omnium fuga instituitur. Dein ad sanguinem figendum, ejusque effervescen-
tias præcavendas, aquæ destillatæ, herbarum expressiones, aut Decocta, Electuaria, Pulveres, ac præcipuè Chrysellum minerale, crebro sint in usu. Non opus erit hic methodum aut medicamentorum formulas particulares jun-
gere, cum in hoc casu unusquisque fere labo-
rans, crebra à juvantibus & lædentibus expe-
rientia edoctus, sibimetipsi medicus esse solet.

2. Ratio est, quod sanguis solus, aut per se tantum peccat; sæpius alii humores, com-
meatu ejus ad caput delati, ibidemque dispo-
siti, noxam inferunt: si quando igitur collu-
vies serosa è cruore exundans, cephalalgias
(prout modo ostensum erat) crebras inducit
(cujus indicia sunt catharri circa alias par-
tes, sc. nares, os, aut tracheam, simul in-
festi) tunc abstinentiâ, & quiete imperatis,
alvoque per clysterem inanita, serifluxio seda-
ri, & materies capitis membranis suffusa eva-
porare sinantur, quæ si non sponte, & brevi
succedant, in constitutione calidiori, phlebo-
tomia sæpe convenit; quatenus nempe vasa
sanguine depleta, serum extravasatum resor-
bent: in frigidis vero, vesicatoria cervici,
aut juxta aures applicata, egregii sunt usus.
Dein post ventrem ab enemate subductum, flu-
xio Anodynæ aut opiata nitioris usus sedetur:
illaque sedata, lene catharticum, dein medi-
camenta, quæ per urinas, vel sudores, vel si-
mul per utrosque movent, adeoque serosita-
tes superfluas blande evacuant, exhiberi con-
venit.

Medicamenta in hos fines idonea passim in
libris describuntur, quæ tamen haud temere,
& indiscriminatim ab Empericis usurpentur;
sed juxta medici prudentis judicium, & ἀνταρτία,
respectu semper habito ad patientis constitu-
tionem, temperamentum, idiocrasiam, alia-
que accidentia, & circumstantias designari,
& pro re nata componi, aut alterari, immo
nonnunquam extempore præscribi debent.
Quare cum profus supervacuum fuerit pluri-
ma hic recepta, & ingentem pharmacie syl-
vam congerere, satius duxi medicamentorum
cujusque generis, intentiones nempe præcipuas
respicientium, unam aut alteram solummodo
hic formulam proponere.

℞. Pilul. de succino ʒss. resin. Jalapiæ gr. iv.
Balsami Peruviani q. s. f. pilul. iv. sumat. iij.
hora somni, & mane sequenti, si priores non
satis operabuntur.

Vel ℞. Scammonii sulphurati ʒss. cerusæ
Antimonii gr. xv. cremoris tartari gr. viii. f.
pulvis, sumat in cochleari panatellæ mane
primo.

℞. Sulphuris Antimonii gr. iv. resinæ Jala-

piæ gr. v. cremoris tartari gr. vi. simul terantur
& cum q. s. conservæ violarum f. bolus sumen-
dus primo mane cum regimine.

℞. Radic. Rusci, Bardanæ, Cherefolii,
Caryophyllatæ, an. ʒi. Eryngii conditi ʒi. ss.
Jridis Florentinæ ʒiij. Galangæ minoris ʒi. ss.
sem. Bardanæ ʒiij. foliorum siccata. Betoni-
cæ, Salviæ, Verbenæ, Veronicæ, an. m. ss.
passularum exacinat. ʒij. coq. in aq. font. lib. iv.
ad tertiæ partis consumpt. dein adde vini al-
bi lib. ss. f. colatura, edulcoretur (si opus fue-
rit) cum syrupi è s. radicibus ʒii. capiat. ʒvi.
calide bis vel ter in die procul a pastu.

Pro constitutione frigidiori, & phlegmatica
præditis, paretur decoctum ex ligni Gaiaci,
Sasaphras, Sarsap. cum additione ingredien-
tium prædictorum, f. Apozema cujus sumat ʒvj.
vel viii. bis, vel ter in die calide.

Egenis, & sæpe bono cum fructu ditioribus
præscribere soleo, Decoctum foliorum siccata.
modò Salviæ, modò Betonicæ, Verbenæ aut
Rorismarini in aq. font. factum, & dein tinctu-
ra pulveris baccarum Coffee imprægnatum, bis
in die ad ʒvi. vel viii. calide sumendum.

3. Quod si cum sero exundante, particulæ
insuper salinæ, acidæ, biliosæ, aut alias in-
festæ, aut omnino è massa sanguinea, aut hæc
mediate è visceribus susceptæ, in capitis
membranas corripiantur, ibidemque defixæ
dolores magis acutos, & diuturnos pariant:
tunc sanguinis missionem parcam, quin & blan-
dam catharsin aliquoties iterari, epithemata
onodyna, & demulcentia locis affectis appli-
cari, non raro item hypnotica mitiora crebra
vice exhiberi conveniet; item Apozemata,
nec non herbarum succi & expressiones, quæ
bilis fervorem compescant, ipsamque per se-
dem, urinas blande educant, egregii sunt usus:
interim vero medicamenta acriora, aut for-
tiora, sive catharsin, sive diuresin, aut dia-
phoresin ea moliuntur, quatenus sanguinem,
& humores fundunt nimis, & exagitant, sedu-
lo vitentur. Frequenter observavi in capitis
dolore acuto, & pertinaci laborantibus, se-
rum sanguine emisso innatans, flavedine seu
recrementis biliosis eidem incoctis tinctum
fuisse; etiam in hoc casu phlebotomiam par-
cam, & crebram, deinde serum lactis, aut aci-
dulas copiose epotas, insigniter, & præ aliis
remediis juvasse.

4. Porro si visceris alicujus, prout stoma-
chi, Hepatis, Lienis, Vteri, aut cujuscumque al-
terius vitio (propter mali fermenti transmis-
sionem) capitis partes luunt, tunc in curatio-
ne morbi, una cum remediis cephalalgicis
splanchnica adhibeantur; hinc cephalalgicis
quibusdam stomacho etiam peccante, Elixir
proprietas, Elixir vitrioli Mynsichti, tinctu-
ra sacra, vitriolum Martis, pul. Ari. compo-
situs, aliaque pro stomachicis vulgo habita, non
raro prosunt; aliis, quorum capita Lienis ma-
la participant, chalybeata sæpe juvamen præ-
stant. Mulieres quædam cephalalgia interdum
à remediis hystericis levamen sentiunt. Pari-
ter cum aliarum partium vitia cephalalgia con-
tribuunt, indicatis primariis coindicata ab illis
partibus desumpta adiungantur.

Quintò, Interdum succus nutritius (prout
supra ostendimus) cephalalgia periodicæ causa
existit;

existit; in quantum scilicet iste sanguini suffusus, & non rite assimilatus, ob particulas discordes, ei turgescientiam infert proinde ut cruor in caput ebulliens, exuvias suas in meningas, aut illarum partes quasdam prædispositas ingerat, fibræque adeo in spasmos dolorificos irritet. Propter hanc causam noviplures, post variolas, morbillos, aliasque febres aut aggritudines, quibus sanguinis massa vitari solet, cephalalgia quotidiana obnoxios fuisse: viz. totidem a palu horis, modo citius, modo tardius, primo ruboris in facie suffusio, dein capitis plenitudo, & dolor eos infestabant, insuper à vini potu aut alimentis turgidis comestis, gravius plectebantur. Morbi accessio ab assumptis magis aut minus distare solet, prout chymus, aut paulo post primum in cruorem ingressum, aut post aliquantulam in eo moram, turgescere incipit.

Hic affectus periculo vacat, & plerumque facile satis curatur. Post totius provisionem, leni catharsi, & interdum phlebotomia institutis, remedia, quæ sanguinis crasin restituunt, cujusmodi imprimis sunt Antiscorbutica, & chalybeata, maximè proficiunt.

℞. Conservæ Fumariæ, Tanacetii, Iululæ an. ℥ii. pul. Ari compos. ℥iii. Eboris, oculorum Cancræ, coralli præparati an. ℥i. pul. sant. Citrini, ligni Aloës, an. ℥ss. vitrioli Martis ℥i. salis Absynthii ℥i. ss. syrupi de 5. radicibus q. s. f. Elect. capiat mane & hora 5. pomer. q. nucis castaneæ suprabibendo liquoris sequentis ℥iii.

℞. Aq. foliorum Ari, Verbenæ, florum Sambuci, an. ℥vi. aq. Limacum, Lumbricorum magist. an. ℥ii. sacchari ℥i. misc.

Huc medicamenta varia, contra sanguinis dyscrasiam scorbuticam usurpari solita accenseri, & bono cum successu exhiberi possunt: nam cephalalgia quæ in scorbutico ita familiares existunt, sæpenumero à sanguinis humorem nutritium pervertentis, & recrementa sui capitis membranæ ingerentis vitio, procedunt: quapropter remedia contra affectum illum alibi à me citata, etiam hic locum vindicant.

6. Restat adhuc humor alius, nempe liquor nerveus, qui intra meningum aliarumque capitis partium fibras aggestus, modo incongruitate propria, quatenus acris, aut alias degener fibræ improporcionatus evadit, modo quatenus, cum alio humore, scilicet nutritio aut seroso illuc affluente effervesceat, partes continentes vellicat, inque spasmos aut distentiones dolorificas irritat.

Humor nerveus, quando ita est morbificus, vel in tota massa peccans capiti prædisposito maximam affligit noxam, vel ipse ex se insons, intra fibras affectas pervertitur, ac ita secundo morbo evadit; cujus tunc curatio, à partium continentium restitutione dependet; nempe si fibrarum debilitates, aut conformationes læsæ emendentur, humor eas irrigans, statim culpa vacabit. Quibus remediis partium ad cephalalgias prædispositarum vitia tolluntur, mox dicemus.

Interea si humor nerveus, in tota massa degener, majorem capiti ad dolorem præparato noxam impertit, ejusmodi medicamenta, & methodus adhibeantur, quibus iste ad debi-

tam crasin redactus, fibras istas blandè trajiciens, parum aut minimè irritet. In quem finem, nec purgantia fortiora, nec phlebotomia larga aut crebra conveniunt, utpote quæ sanguinem & humores exagitant, viresque attrerunt, proindeque nerveo peccanti majorem acrimoniam, æstrumque imprimunt. Attamen blanda solutiva, & parca sanguinis detractio, interdum ex usu erunt, quo viscera detergantur, & massa sanguinea nonnihil expurgetur, & medicamentis aliis melius successuris via struatur.

Pharmaca autem, quæ liquorem nerveum capitis membranæ ab eo molestari solitis, magis amicum, & benignum reddunt, ejusmodi sunt, quæ cephalica vulgo perhibentur: quorum scilicet particulæ satis activæ simulque tennes, & subtiles, sanguinem absque turgescencia, aut tumultu trajiciunt; dein liquori nerveo se insinuantes, eum blandè actuant, ductusque uerveos adeo explicari faciunt, proinde ut spiritus animales corpora quæque tum sensilia tum motiva liberius irradiant, eaque sine deliquiis, spasms, aut distentionibus anomalis inspirent.

Hujusmodi remedia etsi non semper efficacia existant, attamen cephalalgias quasdam haud multum inveteratas sæpe tollunt, inque aliis, ut ut pertinacibus, non raro juvant. Porro eadem quæ ad capitis dolores, etiam ad cerebri & nervosi generis pathemata, & vice versa, quæ in his etiam contra illos bono cum fructu præscribuntur; eorundem scil. virtus intra ἐνέφαλον explicata contra Apoplexiam, Paralytin, Lethargum, aliosque morbos affines, etiam intra fibras motrices contra spasmos, & motus convulsivos juvant; insuper intra fibras sensiles vires suas exerentia sæpe doloribus succurrunt.

Horum medicamentorum campi amplissimi, vulgo in libris medicis panduntur, ita tamen ut illorum copia, aut inopiam, aut medendi methodo confusionem pepererit; cum inter varia & tot diversimoda remedia simul congesta, sæpe latent aut occultantur quæ maximè ex usu forent; non secus ac triticum, à multa palea difficiliter discernitur, quam illud ab aristis primos sincere excutitur.

Itaque in hoc casu facta totius provisione, & subinde adhibitis, tum per diætam, tum medicinam, quæ sanguinis turgescencias inhibeant, aut mox sedent, medicamenta dicta cephalica, sive quæ succi nervei inordinationes tollunt, sedulo assumenda præscribantur; horum formulas quasdam paucas subjiciam.

℞. Conservæ florum Betonicæ, Caryophyllorum an. ℥iij. pul. rad. Pæoniæ maris ℥ss. Dictamni cretici ℥i. ligni Aloës, santali citrini an. ℥i. coralli rub. præp. Margaritarum Eboris an. ℥ss. salis Verbenæ ℥i. ss. syrupi de floribus Pæoniæ q. s. f. opiata, capiat q. nucis castaneæ suprabibendo Julapii sequentis ℥iii.

℞. Aq. Cerasor. nigror. Jugland. simplicis, Verbenæ an. ℥iv. florum paralyseos. ℥iii. Pæoniæ compos. ℥ii. sacch. ℥vi.

Vel ℞. foliorum Verbenæ Visci pomor. an. M. x. rad. Pæoniæ maris lib. ij. Maceris, nucis Moschatæ an. ℥ss. sem Coriandri ℥i. incisis & contusis affunde lactis recentis lib. viii. (vel lactis

lactis lib. vii. & vini Malagani lib. i.) destil. organis communibus, liquor totus misc. Capiat ʒiii. pro vice.

ʒ. Pul. rad. Pœoniæ maris ʒß. corallii rubri præp. ʒii. Eboris Margarit. præp. an. ʒi. f. omnium pul. subtilis, adde sacchari solut. & ad tabulat. coct. in f. q. Aq. Cerasor. nigr. ʒvi. Tinct. è corallii ʒi. f. a. f. Tabul. ponderis ʒß. ʒß. comedat iii. vel iv. mane, & hora quinta pomerid. superbibendo haustulum Tea.

Vel ʒ. Tincturæ coralliorum ʒi. sumantur gut. 15. ad 20. bis in die in haustulo Julapii, vel aq. destillatæ.

Qui temperamentis sunt frigidioris, aut phlegmatici, sumant bis in die dosin, aut Tincturæ Antimonii, aut spiritus Armoniaci cum succino vel coralliis imprægnati, vel sp. C. C. aut fuliginis in vehiculo appropriato.

Millepedum usus hic omitti, aut postponi non debet; utpote quorum succus, expressus, aqua destillata, etiam pulvis ex iis paratus, pro curandis antiquis & pertinacibus cephalalgicis opem sæpe egregiam præstant. Possim hic multa alia varij generis medicamenta proponere; quinimo illorum fere omnium, quæ contra affectiones spasmodicas olim congesti, formulas huc transferre. At vero curationis cephalalgicæ nodus adhuc extricatu difficillimus restat; quomodo nimirum causa morbi hujus conjuncta, & fixa in fibrarum debilitate aut conformatione læsa consistens, sanari aut tolli poterit.

Hæc autem licet interdum incurabilis fuerit, uti cum tumor schirrosus aut callosus, aliæve antiquus & fixus, meningas occupavit; attamen cum hujus diagnosis sit incerta, & morbi procataxis, ut ut immanis visa non nunquam therapia diuturna superatur, idcirco in omni cephalalgia, donec patiens remedia admittet, ne tædeat Medicum, quæ maxime idonea videntur, præscribere.

Itaque imprimis, quod modo innuimus, sedulo enitendum erit, ut morbi fomite præcisso, & intercepto, paroxysmorum accessiones crebræ inhibeantur, ita namque fibræ dispositæ, quamdiu non male afficiuntur interdum sola natura medente sanitatem recuperant.

Artis medicæ auxilia, in hoc casu indicata, chirurgia potius quam pharmacia petuntur, Nam quicquid ore assumitur, per longas ambages circumiens, virtutem omnem impendit, priusquam ad capitis membranas pervenitur.

Inter Chirurgica primo remedia topica occurrunt, & ex iis emplastra commodissimi sunt usus, & maximum sæpe commodum exhibent: hæc non impense calida sint, quæ humores ad locum affectum plus attrahant, sed modice discutientia & corroborantia. Præscribere soleo emplastrum de minio, vel diasaponis cum subdupla proportionem Emplastri Paracelsi, parti dolenti rasæ applicandum, & aliquandiu gestandum. Quod autem Antiqui plænimus & sinapismos frequenter adhibuerint, & hodierna in praxi est, contra atrociores cephalalgias vesicatoria, toti modo occipiti, modo sincipiti applicare: si quando à calidioribus hisce Topicis levamen successit, propterea fuit, quoniam per administrationes istas, feri acrioris copia ingens à parte affecta excerneretur.

Linimenta ex oleis, & unguentis, crebro licet usurpata, minus efficiunt; in quantum (ut opinor) ea fibrarum tonos, si altius penetrarint, magis laxant, proinde ut materiæ morbificæ incurfibus facilius pateant: insuper cutis poros inferciunt, quo minus effluvia evaporent. Propter eandem fere rationem est, quod foci calidi è decoctis Aromaticis, aliisve cephalicis parati, officiant sæpius quam profint; in quantum humores versus partes affectas attrahunt, simulque poros, & meatus aperiunt, quo promptius admittantur. Propterea item est, quod capitis balneatio, sive embrocatio per antliam intra Thermas calidas, cephalalgicis non meliori cum successu adhibentur: cum è contrâ multis utile fuit, tempora, frontem, & sinciput, quovis mane & vesperi frigida perfundere: immo totum caput omni aurora per antliam aqua frigida embrocare, aut saltem intra vas profundum, aut puteum immergere.

Auxilium aliud chirurgicum, pro cephalalgia præsertim immani ac inveterata, decantatum solet esse fontanellarum in variis corporis partibus inustio aut incisio. Extra dubium est has in brachiis aut cruribus excitas, & minus incommodas esse, & nonnihil emolumenti afferre: in quantum sc. morbi fomitem ex parte subtrahunt, longè à loco affecto avocant. Porro fontanellæ in nucha, atque setaceum in cervice, etiam in auricula, vel prope eam, item clavus ex radicibus Helleborastri auriculæ perforatæ infixus, in quatum serositates multas evacuant, aliasque versus emunctoria, sc. glandulas invitant, sæpe cum emolumento adhibentur. At vero plurimus sermo & major expectio est de cauteriis loco dolenti aut prope eum affixis, ita ut fontanellæ amplæ supra capitis verticem, aut juxta suturarum commissuras excitentur. Si præxeos hujus fructum à successu metimur, parum, & raro commodus, sæpius vero iustus apparebit. Quippe nullum ego per ejusmodi cauteria sanatum, atque multos cephalalgicos inde deterius habuisse novi. Et quidem ratio hoc plane dicitur; nam ubicumque fontanella inuritur, illuc humor serosus, è tota massa sanguinea, & per consequens è toto corpore affluit, ac uberius sæpius aggeritur; quam per emissarium illud constanter exeat: quapropter circa fontanellas phlegmones, pustulæ, varique humores passim oriuntur. Quid igitur minus suspicari possumus, quam quod cauteria juxta capitis locum dolentem applicata, ibi materiam morbificam plus congeri faciant?

Altera adhuc restat operatio Chirurgica, à multis pro cephalalgia pertinaci prædicata, sed à nemine (quod sciam) adhuc tentata, nempe calvariæ juxta locum dolentem cum modiono sive trypano apertio. Hoc insignissimus Harveus noster femina prænobilis cephalalgia gravissima & inveterata laboranti suadere satagebat, inde curationem promittens; sed nec illa, nec alius quispiam administrationem istam admittere voluit. Profecto mihi non constat quid certi ex calvaria ubi dolet aperta expectare licebit; si abscessus ibi latet, hæc unica esset curationis via; verum iste affectus soporosos, aut convulsivos lethales, potiusquam cephalalgiam inferre solet. Si phlegmon, aut pustulæ,

vel Erysipelas diploen occuparit, nescio an tumores isti nudo aëri expositi, facilius evaporent. vel utrum remedia iisdem nudis applicata, aliquid efficiant necne; quod si dolores propter meningas tuberculis, aut tumore scirrhuso, vel calloso obsessas oriuntur, apertionem cranij parum aut nihil profuturam sentio.

Verum hoc donec in praxin assumetur misso, ad alia transeamus, & jam proxime utrum salivatio ad curandas veteres, & obfirmatas cephalalgias adhibenda sit, perpendemus. Revera si dolores capitis à lue venerea oriantur, nullus dubitat, quin malo huic nodo malus iste cuneus adhiberi debeat. Verum illud remedij genus in cephalalgis propter alias causas oriundis experti, messem semento laborioso parum minime retulerunt: me fateor à methodo ista in ejusmodi casibus tentanda quorundam exempla terruisse. Illustrissima quædam Domina (cujus ægritudo infra describetur) p^{ro} sananda atroci ac diuturna cephalalgia ter salivationem copiosam, sc. primo per unctionem mercurialem ex consiliis Domini Doctoris Theodori Mayern, & postea his ab assumpto pulvere nuper famoso Caroli Huis, sine quovis juvamine (urinam & non cum aliquo detrimento) subivit: nam deinceps per plures annos usque in hunc diem morbi sensim adaucti gravissima tyrannidis succubuit. Paulò hoc deterius cessit eximio viro D. G. D. cui cum ad curandam antiquam cephalæam inunctio mercurialis capiti dolenti adhiberetur, salivatio inde concitata, morbo non sanato cæcitatem intulit. Profecto huiusmodi effectus, ab hydrargyro temere exhibitio, unusquisque operationem ejus in corpus humanum rite perpendens vereri debet. Nam ut Mercurium non dicamus malignum, aut prorsus venenosum, in quantum scilicet à particulis ejus unitis noxæ parum, aut nihil inferatur, adeo ut argenti vivi sæpe magna copia satis tutò assumatur; attamen corpuscula mercurialia divisa, & ab invicem separata) sive à salibus chymicis, prout in mercurio sublimatis, & præcipitatis, sive percolatione per cutis poros, quando inunguntur, id fiat) mox effera, & indonita evadunt, atque præ pharmacis quibuscumque aliis, maximas in corpore humano perturbationes cient: illa interdum partibus primò nerveis molestiam afferunt, quàm obrem ob ventriculi, intestinorum, aliorumque viscerum fibras mox vellicatas, tormina, vomitiones horrendæ, dejectiones acerrimæ, & sæpe cruenta, cardialgiæ, deliquia, aliique terribiles affectus brevi post medicamentum exhibitum sæpe contingunt. Quandoque tamen mercurij particula, cum non statim dissolvuntur, sine magna viscerum noxa, vires suas vix prius quàm in massam sanguineam deducuntur, exerunt. Itaque hanc summè agiles, & se quaquaversus explicantes, facile subeunt, & mox totam inficientes, exagitant, & non raro (cum plenius dissolvuntur) in magnam effervescentiam concitant. Dein sanguis, ut corpuscula incongrua à se amoliatur, fermentescens, eadem, qua licet, humoribus intra sinum suum, nempe sero & succo nutritio, contentis tradit, ac penitus incoquit; simulque ipsos mixtura ita præternaturali imbutos exuere satagit. Hoc autem per urinam vel sudores non facile, nec satis ubertim

succedit; in quantum scilicet sanguinis liquamina à particulis mercurii incoctis, instar Smegmatis, magis viscida & crassiora existunt, quàm ut exilia renum aut cutis colatoria pertranseant, illa nonnunquam arteriis Cœliacis (ni inhibentur) erumpentia, diarrhœa, aut dysenteria excitatis, foras exeunt, salivationis voto perinde impedito aut frustrato: sæpius vero latex mercurio imbutus intra sanguinem etiam quadantenus infectum manens, cum eo huc, illuc, per arterias, & venas impetuose correptus, in varias partes arietat, & qua data via, aut foras erumpit, aut visceribus, membranis, aliisque partibus magna sæpe cum noxa impingitur. Præterea item particula quædam mercuriales cerebrum penetrare, seque in succum nerveum insinuant, non modo per totum *ἐγκεφαλον*, sed sed partes omnes nerveas diffundi; adeoque liquorem nerveum aliquatenus fermentare videntur.

Interim vero serositates mercuriales in sanguine resides, maxima ex parte in glandulas, quæ sunt proxima arteriarum emunctoria, deponuntur: Quapropter cum circa partes oris, glandula (quibus pro saliva serici copia ingens destinatur) tum plurimæ, tum maximæ collocantur, ab iisque per vasa excretoria ductus aperti in oris cavitatem dehiscunt, certe hac potissimum via, cruoris latex venenatus, cum alibi non facile possit, exitum inveniet. Quàm obrem sputo oris concitato, sanguis diu fermentescens, quicquid extranei, & non congeneris, aut in sinu suo foret, aut aliunde visceribus, aut partibus solidis, vel ab aliis humoribus absorbere, & excipere potest, instar vini aut cervisiæ despumantis, per ductus salivales, & meatus innumeros ubique in os dehiscences ejicit. Porro verisimile est uti sanguinis, ita & liquoris *ἐγκεφαλον*, & appendicem nervosum irrigantis, purgamenta à Mercurio subingressa excitata, hac etiam via nempe per ductus salivales foras excerni.

Itaque salivatio per mercurium inducta, si forsan recte succedat, morbos nonnunquam difficiles, & plane Herculeos, aliisque remediis omnino surdos tollit, quatenus nempe operatio hæc sanguinem & succum nerveum, aliosque humores, longa *ἐκκαθάρισις* penitus expurgat, fermenta quævis exotica destruit, salium, ac sulphurum enormitates subigit, quin & materiam morbificam ubivis impactam, aut stagnantem exagitat, ac sæpe foras educit.

Attamen hæc medicina periculo non vacat, in quantum scilicet mercurius enorinis factus, & secum seri acerrimi, & quasi venenati copiam ingentem ducens, in partes nobiles, ac imprimis *ἐγκεφαλον*, cum appendicibus medullari ac nerveo, aut pulmones, & præcordia impetuose irruens, iis noxam indelebilem, & quandoque lethalem infert. Quapropter in cephalalgia veteri ac graviori discrimen subest, ne fibra indisposita à mercurio, cum sero multo & corrosivo eas pervadente, plus irritentur, inque majores spasmos, & corrugationes dolorificas agantur; porro ne ab ingenti humorum in caput raptu, cerebrum invadatur, & proinde, quod nimis crebro accidit, affectus soporosi aut convulsivi accerleantur. Super his plura, quoniam magni interest, edisseruisse vellem, nisi quod exactam salivationis methodum, ejusque plenam quoad

modos, & effectus, commoda, aut incommoda rationem à Medico Doct. D. D. Needham propediem in lucem exactam expectamus.

E Chirurgicis restat adhuc aliud quoddam celebre pro curandis cephalæis remedium, scilicet Arteriotomia. Hanc à veteribus in magno pretio habitam, è modernis nonnulli adhibent, ejusque usum valde prædicant. Attamen quoad nostræ observationi constitit, *inæxpectat*, isti successus ita decantatus sapissime defuit. Nec mirum hoc, quoniam ratio ista, cui veteres innixi sanguinem arteriosum à venoso diversum, & magis efferum culpabant, proindeque emittendum consulebant, non omnino tenet. Nec quidem alia subest ratio, quam obrem sanguis ab arteria potius quam è vena juxta locum dolentem detractus, levamen conferat, sed potius è contra majus auxilium à venæ sectione expectare liceat; quoniam arteria inanita nihil à parte affecta excipit, detrahitque, vena autem secta, loco sanguinis effusi, è tota vicinia haurit, & sæpe cruorem, aliosque humores prope morbi nidum congestos & stagnantes reforbet, & circulationi reddit. Utcumque ne ab Antiquorum praxi nimis recedamus, Arteriotomiæ nihil tribuentes eam aliquando forsitan, licet non immediate & causaliter, sed tantum consequentia, & per accidens juvare concedimus: in quantum scilicet arteriæ discissæ fines coalescunt, ita ut sanguini transitus hac viâ in posterum præcludatur; hinc cum paulo minor sanguinis penus versus locum per arterias provehatur, & par usque per venas auferatur, proinde interdum accidat, materiæ morbificæ fomitem minui, ejusque mineram paulatim absorbui. Propter hanc rationem, administratio ista in ophthalmicis non raro feliciter succedit. Porro pari non huic absimili veterinarum ad curandos in equorum *angustis* utuntur; nempe arteriam quâ materies ad partem affectam confluit excipiunt, & ligant, interim quæ impacta fuit, partim evaporat, partimque à vena reforbetur. Eandem fere methodum ab Harveo nostro pro curandis etiam in corpore humano tumoribus strumosis ac scirrhosis non sine successu tentatam audiui. Poteram hic multa alia remedium genera, quin etiam præscripta, & medicamentorum (quæ ad cephalalgias sanandas, tum à Medicis, tum ab empiricis adhiberi solent) formulas subungere: verum his libri Medici plus nimis abundant. Quod superest post morbi hujus Aetiologiam, ita fuse traditam, ejusque Therapeuticen satis adumbratam, ex re fore videtur, quo hæc clarius illustrentur, Agrotantium casus rariores, & imprimis cephalalgia continuæ gravissimæ, quæ item ob causam invincibilem non raro funesta erat, exempla quædam subungere.

Mulier quinquagenaria postquam per sex circiter menses gravissimo capitis dolore, sub sutura sagittali eam perpetuò fere molestante, nullisque medicamentis, aut methodo cedente, laborasset, tandem, in lethargum cum membrorum resolutione partiali incidit, à quibus tamen, per remedia tempestive adhibita brevi recuperata in cephalalgiam uti prius atrocem expergiscebatur; porro deinde intra duas, vel tres septimanas in affectione soporosa relapsa è vita discessit. Cranio aperto è latere sinus ter-

tii, tumor scirrhosus tres digitos latus membranis accreverat, cujus interventu & dura meninx aliquanto spatio pia accreverat, & vasa sanguifera, quæ illic in sinus cavitatē dehiscere debuerunt constipabuntur. Porro cerebri anfractus tū exteriores, tum cavitas interna fuit aqua limpidissima repleta. Ex his observatis morbis itius invincibilis & denuo lethalis causa liquido patebat. Scilicet meningum fibræ maxime sensiles, partim ob solutionem continui, partimque ab humore nervoso ibidem aggesto, & stagnante, simulque ab aliis affluis, cumque eo effervescentibus, continuo vellicatæ, & laceffitæ, in spasmos, aut distentiones dolorificas perpetuo ciebantur: postea cum sanguis, propter tumorem istum circuitu suo diu præpeditus, ut quoquo saltem modo pertransiret, laticem serosum (uti mos ejus est ubicunque obicem offendit) à se copiose amandaret, tandem hydrops cerebri qui lethargi funesti causa erat, excitabatur. Casum in alio quodam huic similem me quondam per Anatomiam observasse memini. Porro cum in multis cephalalgicis morbum à tali causa invincibili dependere ratus sim; libet hic unum ejusmodi affectionis exemplar adhuc vivens spiransque describere.

Ante aliquot annos; ad invifendam nobilissimam Dominam, supra Vicennium cephalalgia primo intermittente ac nuper fere continuo laborantem accersebar. Illa corporis forma elegantissima, & eximia mentis indole, ita ut artes liberales, & litteraturam quævis, supra sexus sui conditionem egregie calleat, instructa, (quasi tantis donis sine aliquo detrimento impune sui nimium à natura crederetur) gravissimas ab hoc morbo plagas tulit. Ante secundum ætatis lustrum, à febre periculosa convalescens capitis doloribus interdum sponte ac sæpius à levi quavis occasione oriri solitis, obnoxia evasit. Aegritudo non uni loco aut parti capitis limitata, modo dextrum latus, modo sinistrum, & non raro totum ejus ambitum infestabat. Durante accessione (quæ raro intra nycthemeri spatium terminata, sæpe per duos, tres, aut quatuor dies urgebat) illa lucis, loquelæ aut soni, aut motus cujusvis impatiens, intra cameram attratam, in lecto erecta sedens cum nullo colloqui, nil somni, aut victus capeffere potuit. Tandem circa paroxysmi declinationem, somno gravi, & perturbato succumbere, è quo evigilans melius habere, & dein sensim convalescere, ac intermissionis tempore mediocriter valere solebat. Olim paroxysmi non nisi occasionaliter accerfati, raro intra viginti dies, aut mensem, postea dein multo crebrius repetebant; nuper autem raro iis immunis degit. Insuper ob plures occasiones, seu causas evidentes (cujusmodi sunt anni, ac ætheris mutationes Solis, ac Lunæ aspectus magni, passionum violentæ, ac errata in victu iisdem immanius plectitur. Quanquam autem hic affectus Dom. Illustriss. (quando eam invisebam) supra viginti annos gravissime affligens, castris prope cerebri confinia positæ regalem ejus arcem tamdiu obfederat, nondum tamen expugnarat: quin Agrotans vertigine, scotomia affectionibus convulsivis, & symptomate quovis soporoso immunis, principes animæ facultates usque fartas tectas habebat.

Propter

Propter curationem assequendam, seu potius conandam, per totum morbi progressum remedia quam plurima, à Medicis potissimis, tum nostratibus, tum exteris præscripta sine quovis successu, aut levamine adhibita fuere: remedia etiam magna cujusque generis, & formæ, at semper incallum tentavit. Ante plures annos ab inunctione hydrargyri salivationem diuturnam, & molestissimam, proinde ut ipsa magnum vitæ periculum subierit, tolerabat. Postea bis à pulvere Mercuriali (quem insignis Empiricus Carolus Hues passim exhibuit) curatio per oris sputum (frustra licet) instituebatur: Thermas & acidulas cujusque fere regionis, & naturæ, pari, ac cætera, cum successu probavit: phlebotomias crebras, semel etiam Arteriotomiam admisit, fontanellas plures, modo in sinu capite, modo in occipite, aliisque partibus inustas gestavit. Regionum diversarum, sc. præter nativi soli, Hybernici, & Gallici aërem hausit: medicata nullius non generis, nempe cephalica, antiscorbutica, hysterica, specifica quævis famosa, immò & empirica, tum à doctis, tum ab indoctis, ab Agyrtis, & mulierculis exhibita sumebat: se tamen à nullo uspiam aut remedio, aut medendi methodo quidpiam aut medelæ, aut levaminis recepisse profitebatur, quin rebellis, & contumax iste morbus, ad quævis medicinæ incantamenta surdus, domari recusavit. Porro iste τῶν ἰγκεφάλων pomœria tam diu occupans, et si cerebri claustra invadere nequiret, at tamen quando eam invisi, in quasdam alias nervosi generis partes fines suos explicans, in membris etiam in lumbis & abdomine dolores atroces, prout in Rheumatismo, ac in Colica scorbutica assolet, concitare cœperat.

In morbi hujus inveterati Ætiologiam si inquiritur, nihil minus suspicari possumus, quam cerebri meningas ab initio levius tactas, postea vitium habituale & indelebile contraxisse. Ab affectus historia liquet primam ejus diathesin à materia morbifica, post febrem male indicatam in caput translata, ortam fuisse. Tunc forsan ob noxam membranæ illatam, fibrarum tonus in tantum læderetur, postea, ut in iis humores, scilicet tum nervus irriguus, tum alii subinde afflui, ad plenitudinem aggesti, aut mera aggravatione, aut mutua effervescentia, cephalalgia paroxysmos excitarent. Tandem vero causa morbifica ob crebros paroxysmos invalescentes videtur quod fibrarum istarum unitas in tantum solveretur, proinde ut tubercula & nodi scirrholi in tota meninge exteriori, aut in magna ejus parte accrescentes, dolores fere continuos, eosque à levi quavis occasione exacerbari aptos, producerent: talsi certe causa invincibilis, & permanens, scilicet duræ meningis scirrosa affectio, pia interim incolumi, cephalalgia, tam diuturna, & nondum lethali par esse videatur. Quacunque enim aliâ de causâ, si naturæ, & medicinæ cum morbo conflictus fuisset, longe citius aut cita mors venisset, aut victoria læta.

Vir egregius 4. circiter annos natus, robustus, & sanus cum per diem integrum pluvia perpetim stillante iter faciens, propter continuum occipitis madorem, frigus contraxerat, propediem in ista parte dolorem pati cœpit; qui brevi tempore plurimum exacerbatus, ægrotan-

tem dies & noctes miserrime afflixit, & fere semper insomnem detinuit. Ad curandum hunc affectum phlebotomia, purgatio, enemata, vesicatoria, hyponitica, quin & plurima nullius non generis remedia, junctis item plurimorum medicorum consiliis, diligentissimè licet adhibita, parum aut nihil præstiterunt. Cum morbus, his non obstantibus, indies ingravesceret, post sesquimensem glandulæ præternaturales tumida, ac dolentes in tota cervice excitabantur, hemicrania interim nihil remittente: insuper colli tendines plurimum distenti, ac rigidi, ei plurimum molestiæ fecerunt; quibus brevissimus convulsivi, & tendinum subsultus variis in partibus, cum delirio succedebant, tandemque Ægrotans doloribus, & vigiliis attritus, morti succubuit.

Et si cadaveris dissecandi copia non daretur, suspicari tamen suberat, & pericranium & meningas in occipite, cerebellum investientes, ubi crassiores illæ, ac plurimum villosæ existunt, primariò affectas fuisse; indeque noxam postea τῶν ἰγκεφάλων communicatam, in totum genus nervosum migrasse: in membranis istis, cum à frigore & madore transpiratio inhiheretur, simulque fibrarum tonus plurimum læderetur, probabile est, quod liquor nervus eas irrigans, tum motu præpeditus, & stagnans, corpora continentia aggravaret, tum iste in crassi depravatus, cum aliis humoribus affluis efferveret, cumque iis demum coagulatus, in tumores quasi scirrholos & strumolos concreveret adeoque cephalalgia gravissimæ seminum copiosum jaceretur: dein postea, cum à vigiliis & doloribus perpetuis, magna spirituum inordinatio, & succi τῶν ἰγκεφάλων irrigantis dyscrasia ingens producerentur, propterea in cervice, concretionibus nodosæ, tendinum rigiditas, ac demum in cerebro totoque genere nervoso spasmus & motus convulsivi succedebant: cumque adeo œconomia animali plurimum labefactata, præcordiorum motus perennari nequiret, flamma vitalis expirabat.

Nec minus à phlegmone, & abscessu, quam ab hujusmodi meningum nodis, & tuberculis nonnunquam cephalalgia lethales, aut incurabiles oriuntur. Olim juvenis Academicus cum per duas septimanas de gravissimo capitis dolore ipsum incessanter affligente conquestus, erat tandem febre aucta, mox vigiliæ, motus convulsivi, ac confabulatio delira succedebant; quo tempore medicus accersitus, phlebotomia, enematis, emplastris, revulsivis, vesicatoriis, item remediis internis, quæ fluxionem sanguinis, ac humorem à capite devocent, sedulo adhibitis, nihil proficere potuit, quin mors brevi successerit. Calvaria aperta, vasa meningas obducentia erant sanguine repleta, & plurimum destenta, quasi cruoris massa illuc tota confluerat, ita ut sinibus dissectis, & apertis, cruor affatim erumpens, ad plures uncias, supra lb. s. pondus efluxerit: porro ipsæ membranæ tumore phlegmonoide per totum affectæ; discoloræ apparebant: integumentis hisce sublatis, cerebri anfractus omnes, ejusque ventriculi, aqua limpida erant pleni, ejusque substantia, utpote nimis irrigata, madida erat, & minus firma. Proculdubio in hoc casu sanguinis effervescentis in meningas incursus, ejusque ibidem aggestio.

phlegmonem excitans, cephalalgia, & subsequens delirii causa fuit: dein sanguis ibidem accumulatus, cum circulare nequiret, feri copiam à se rejecit, à quo totus *ὑπερφύλαξι* cito inundabatur; proinde ut morbus forsan ab initio per phlebotomiam curabilis, postea lethalis evaserit.

Memini alium Academicum, qui post diuturnam hemicraniam, sub futura temporali, per tres septimanas eum perpetuo, & gravissime affligentem, in Apoplexiam brevi funestam incidit. Capite aperto phlegmon juxta locum dolentem in meningibus accreverat, à qua denique suppurata, & disrupta, sanies in cerebrum decedens, substantiam ejus livore & putredine affecerat. Præter hujusmodi causas invincibiles, per Anatomiam detectas, plures observavi casus, aliorum similiter decumbentium, in quibus, cum morbi signa, & symptomata, pari ritu, ac modo describuntur habuerunt, proinde Ætiologiam ejus aut eandem, aut valde affinem concludere licebit.

Quamquam autem, cephalalgia continua, [præsertim si in plures septimanas sine intermissione producat] periculo non vacat: attamen de curatione ejus non illico desperandum erit, quoniam hujus causa, ut ut fixa, & immobilis visa, sæpe longo remediorum usu, immo interdum sine illis natura & tempore sanatur: utcumque in casu fere deplorato, Medicina quadam opus erit, ne præsens affectus in deteriorem, nempe soporosum, aut convulsivum transeat. Hæc de cephalalgia continua: modo restat intermittens exempla, & instantias rariores quasdam proponere.

Itaque ut mittam hic cephalalgia, cujus paroxysmi vagi ac incerti à sanguine aut sero loca affecta irrudentibus procedunt, casus utpote valde crebros, & vulgo notos describere: libet hic observationes quasdam selectas hujus morbi aut periodici, aut per consensum à viscere quodam excitari visi, in medium proferre; quoad prius, dolorum capitis insultus periodicos, vel ab humore nutritio vel à succo nerveo produci ostendimus; utriusque exempla modo subdemus.

Venerabilis matrona anno ætatis 45. gracili corporis habitu, ac temperamento bilioso prædita, cum à longo tempore cephalalgia occasionaliter excitari solitis obnoxia degisset, circa initium Autumnii dolore capitis periodico molestari cœpit: hic affectus circa quartam à meridie horam invadens, ad mediam fere noctem, donec ægotans præ cruciatu & vigiliis defatigata in somnum cogeretur, protendi solebat; dein post somnum satis profundum illa mane evigilans recte habebat. Ad hunc modum Ægotans per tres septimanas morbi hujus insultus quotidianos passa, Medicinæ quam maxime horrebat, usum distulit; tandem vero appetitu dejecto, & viribus attritis, ad therapiam expetendam coacta, post lenem catharsin & phlebotomiam, cepit bis in die, per unam, aut alteram septimanam, Electuarii sequentis quantitatem castaneæ, & integrè convaluit.

24. Conservæ florum Cichorii, fumarie, an. ʒ iij. pul. rad. Ari compol. ʒ iij. Eboris ʒ iij. sant. citr. ligni Aloës an. ʒ ʒ. salis Absynthii ʒ iij. vitriol. Martis ʒ i. syrupi de quinque radicibus q. s. fiat Elect.

In hoc casu, quod post diathesin cephalalgicam morbi accessiones, febrium intermittentium ritu, demum periodice extiterunt: proculdubio in causa fuit, chymi sive humoris nutritii in sanguinem assimilatio impedita: quippe cum penus ejus in massam sanguineam receptus vinci nequiret, post aliquantulam moram discrepare, cumque particulis ejus effervesce solebat: propterea statim sanguis ut mixturam incongruam excuteret turgescens, recrementa sua, prout in alias partes, ita præcipue, & cum majoris molestiæ sensu, in meningum fibras prius debiles, aut in conformatione lasas, deponebat: materies ea capiti suffusa, aut per se fibras sensiles irritans, aut cum succo earum irriguo effervescens, doloris paroxysmum modo descriptum ciebat; qui nempe perdurabat donec particula heterogenea vel mutuo congressu effervescentes, aut subigerentur, aut exhalarent.

Mulier venusta, præcerea, & gracilis, affectibus cephalicis, diu, & graviter obnoxia, interdum per plures dies, immo septimanas, quotidie primo mane somno experrecta, cephalalgia atroci, eam exinde per tres, aut quatuor horas affligente infestari solebat: interim & totius capitis gravitate, sensuum torpore, & mentis hebetudine afficiebatur: cujusmodi affectus, una cum dolore, velut nubes discussa ante meridiem evanescentes, sudum, & serenum relinquebant; donec postero mane iterum velut nebula & caligo *ὑπερφύλαξι* occuparent: pro his sanandis pilulas purgantes, phlebotomiam parcam, vesicatoria insuper; sp. C.C. aut fuliginis, cum julpapiis aut aquis cephalalgicis usum præscripsi.

Quod in hac D. secus ac in altera Ægotante, dolores capitis somno succederent potius, quam ab eo sanaretur, ratio esse, videtur; quoniam in cephalalgia hac matutina materies morbifica in succo nerveo resideret, cujus insignior cruditas, & plenior circa caput aggestio, mox à somnis contingunt, prout alibi satis fuisse ostendimus: alter autem hujus morbi paroxysmus vespertinus, cum à liquoris nutritii intra massam sanguineam plenitudine, & turgescencia penderet, idcirco totidem à prandio horis contingens, non nisi à somno, qui sanguinis inordinationes sedat, compescebatur.

Cephalalgia paroxysmos quandoque per consensum ab aliis partibus, sc. utero, liene, stomacho, &c. oriri, illicet Ægotantium experientia, & querela manifesto prædicant; attamen hoc alia ratione quam per vapores à viscere affecto, ad caput elevatos fieri, ex illorum historiis & phænomenis rite perpensis non minus luculenter patescit. Et primo quod spectat ad dolores capitis ab utero excitari visos, nihil frequentius occurrit, quam à mensibus aut lochiis suppressis, cephalalgias immanes succedere. Porro catamena licet rite fluunt, tamen aliæ fluxu instante, aliæque eodem desinente, atroci capitis dolore affligi solent. Verum enimvero quamvis eodem tempore, ac caput etiam uterus afficiatur, non tamen sequitur noxam hinc inde immediate transferri; sed ipse sanguis est, qui materiem morbificam capiti affigit, eam sc. modo in proprio sinu genitam, & utero destinatam, perperam in cerebri meningas defert; & modo eam ab uteri partibus surripens, cum majori

majori malitia capiti tradit. Hujusmodi Ætiologia etiam cephalalgæ & stomacho, lieni, aliisque partibus vulgo attributa convenit.

Mulier formosa; & juvenis, gracili corporis habitu, & sanguine calido prædita; cum cephalalgia hæreditaria obnoxia fuisset, paroxysmos ejus crebros, & vagos, alios nempe de levi occasione, aliosq; sponte, hoc est absq; causa evidenti oriundos, pati solebat. Pridie morbi accessionem spontaneam, vesperi valde esuriens, cœnam uberiolem cum appetitu famelico, ne dicam canino devorabat; hoc signo dolorem capitis mane sequenti invasurum certissime prælagiens cui augurio eventus nunquam defuit. Quam primum enim evigilabat, cruciatu per totum sin- ciput acerrimo afflicta insuper vomitu humoris modo acidi, & quasi vitriolici, modo biliosi, & summè amaricantis afficiebatur; hinc in indicium daretur cephalalgiam istam stomachi vitio exortam fuisse.

Hujus rationem ut reddere suscipiam, imprimis constat vomitionem capiti læsæ, nempe post plagam, vulnus, aut casum ab alto succedere; at tamen vomitui, cardialgiæ, aut stomacho alias laboranti, dolor capitis, nisi intercedat sanguinis effervescencia, raro aut minime supervenit. Quamobrem in prædicto laborantis casu, cum plane liqueret, cerebri meningas ad cephalalgias prædispositas fuisse, ejusque paroxysmos sanguinis agitationem quamvis excitasse; hinc obvium erit concipere, quando particulæ heterogeneæ propter chyloseos vitium, in massa sanguinea ad plenitudinē congererentur, statim ob molesti expulsionem fluore ejus oborto, eas utpote male congeneres à cruore secretas, partim ex arteriis in ventriculum suffusas, fermentum ejus exsuscitasse; adeoq; famem produxisse, partimque in capitis meningas prædispositas irruisse, ibidemque cephalalgia mox sequutura fomitem, seu potius incentivum deposuisse. Hæc Ægrotans pharmaciam quamvis averfata, cum nullam Medicinæ methodum subire vellet, tandem affectibus etiam paralyticis & convulsivis obnoxia evasit. Ex his facile erit cephalalgia cujusvis alterius sc. hypochondriacæ, hepaticæ, aut alias sympathicæ Ætiologiam designare, ut non opus fuerit hic plures historias aut observationes addere. *Thom. Willis in Pathologia Cerebri.*

1. In Cephalæa seu doloribus capitis quibuscunque in primis usus Aq. Benedictæ Ventriculo jejuno statâ dosi exhibitæ multum prodest. Vide notas in Crollium.

2. Eiusdem effectus quoque est Syr. ex aq. Benedict.

3. Purgatio fit:

1. Per diasenam Laxativam,
2. Per Panchymagogum vegetabile.
3. Radices Ellebori præparat.
4. Scamm. præparatum,
5. Mercur. dulcem,
6. Mercur. vita.
7. Flores antim. Correct.
8. Specificum purgans Paracelsi, quod maxime commendatur. Vide notas ad Crollium.

Inter Interna referuntur pilulæ Capitales non purgantes, sed confortantes ex Ladano, sunt tales:

℞. Ol. Camphor. gr. vi. (ol. Camph. sic fit: Camphora solvitur in oleo spicæ ana.)

Extr. Gumm. Ladan. cum sp. V. facti ʒj. Mosch. opt. gr. iij.

M. F. cum aq. Major. & mucilag. Tragac. pilulæ ponderantes singulæ gr. iv. Dos. pil. 2. vel 3. ad summum reiteratis vicibus, si opus est. Dentur longè à pascu circa vespem. His rectè accensetur spiritus vitrioli Philosophicus in vino exhibitus.

Cum dolor omnistripliciter auferatur. 1. Iis quæ causam doloris tollunt, eique hoc modo contraria. 2. Anodynis, quæ paregorica causam doloris mitigant, consopiant & æquabilem reddunt, leniterque rarefaciunt. 3. Narcoticis, quæ dolorem non percipi faciunt: Hæc propriè doloris causam non tollunt, nisi per somnum fortè, quem interius assumpta causant, mitigetur & concoquatur. Dolor vehementissimus Narcoticum, mitior Anodynum indicat.

Si igitur dolor ab intemperie aliquâ calidâ Cerebri vel vaporibus calidis exhalantibus fiat, ut in febre, cui occurri poterit præmissa evacuatione per clysterem, statim vena secetur, si adsit præsertim Plethora aut totius corporis intemperies, aut quod magis tantum affectum spectat, applicentur Homoplatis cucurbitulæ cum scarificatione: imo ex sæpius reiteratæ in magnis doloribus eodem die sine scarificatione applicentur. Hinc Frontale aliquod anodynum applicetur, quod tale:

℞. Laud. opiat. ʒß. aq. solani. rosar. an. ʒ iij. acet. rosar. ʒ iß.

M. & panni lini iis madefacti applicentur fronti. Olfaciat quoque æger sæpè aq. ros. in qua Camphora soluta sit, & faciem eadem lavet. Interius dentur, quæ intemperiem alterant, humores noxios educunt, quæque vinum habent anodynum, qualia sunt Laudana supra dicta.

Quod si hoc modo non cedat dolor, ad Vesicatoria accedendum, quæ applicentur sin- cipi, vel collo prope nucham.

Quod si verò à frigida intemperie Cerebri vel cum vel sine materia oriatur dolor, à dictis medicamentis abstinendum, & ad ea, quæ à Practicis vulgò præscribuntur, accurrendum. Inter maxime sibi accommodata habeat Medicus acet. & oxymel scillit. aq. flor. sambuc. ol. & aq. pulg. rorismar. aneth. & petrosel. quæ extra applicata duo posteriora vel sola sæpius præmissis tamen præmittendis, dolorem ejusmodi sedant, materiam digerunt & dissipant, vel ita disponunt, ut postea ab Errhinis & Apophlegmatismis facile educi & dissipari queat.

Ad tempora & frontem nec non ad Coronalem suturam summopere prodest eorum inunctio. Profunt etiam ol. nuc. mosch. expr. & Balsamus apoplecticus naribus illitus, it. Cinamomi, succini balsamus. Profunt etiam vel maxime sacculi in modum pileoli ex serico confecti, in quibus insuntur aromata cum herbis capitalibus, & illi, qui ex Milii part. iv. & sal. tolli part. i. sunt, capiti quotidie ter aut quater applicandi, prius tamen calefaciendi.

Et si hic affectus non cedit remediis ordinariis, post aures in parte inferiore excitare vesicas licet, quæ ubi excitatæ rumpuntur, illisque superimponuntur folia brassicæ, vesicæ apertæ detinentur, & si eas consolidare animus, inunguntur unguento albo Rhafis. Possunt etiam, si morbus sit diuturnus & rebellis, applicari seta-

ceum aut cauterium potentiale aut actuale.

Quod si ob ventriculi virium & consensum oriatur capitis dolor, isque continuus aut per intervalla affligat, sæpius detur infusio Croci Metall. vel flor. Antim. in aq. beton. aut menthæ facta. Prodest ut & in dolore à frigidis humoribus causato, Mercur. vitæ & panacæa. Profunt in talibus etiam vel maximè pulveres grossi ex aromatibus Coriandri præparati, anisi confect. rotularum diarrhodon. Abbatis, diamosch. & similib. facti, post pastum assumpti, habita semper cura ventriculi ut & capitis, quod confortandum odoratis Balsamis & aliis, tam intra quàm extrâ assumptis & applicatis.

In omni dolore Capitis tanquam arcanum appropriatum aq. Verbenæ destillata commendatur, quâ sæpè assumptâ pondere \bar{z} iv. cum spir. vitrioli gut. iv. juvat, & Verbena tota contusa & capiti imposita, vel particula ejus vel tota cum radice collo è filo suspensa, ut radix sursùm vergat amuletum est.

NB. Verbena primum cum terra, cui adhæret radix, eruenda, postea radix præhensa ipsa per terram ordine inverso ducatur.

(In doloribus capitis ex Tartaro, qui sunt atrocissimi & acutissimi, revelabo tibi, Lector B. remedium arcanum, cujus vires experientiâ sæpè comprobavi & præstantius hactenus non vidi.

Rec. Nitr. optimè purificati & ChrySTALLISATI q. v. conjice in crucibulum paulatim subjecto igne candefactum, & benè coopertum, ubi nunc nitrum instar limpidæ aquæ fluxerit, prunam injice parvam & continuo exorietur flamma cum sibilo & strepitu, quod iteratò & successivè fac, quoad nitrum flagrare & strepere desierit, ad hæc ignem vehementissimum ad quadrantem horæ continua, post nitrum fixum fracto crucibulo exime & loco frigido humidoque in cellâ expone; transibit primò ad aëris saltem contactum in butyraceam substantiam, postmodum in deliquium, fietque humor ex albo flavescens spissus instar olei Tartari per deliquium. Hòc factò, Recipe Herbam Betonicæ & ex eâ aquam destilla, quam recenti herbæ betonicæ incisæ & in mortario lapideo contusæ superaffunde, addendo ad singulas aquæ libras nitr. istius liquati præter propter \bar{z} ij. vel \bar{z} iiij. stet in loco temperatè calido, in vitro, & intra 24. horas Aqua intensè erit tincta, quam filtra & bis de die ad \bar{z} iiij. ægroto exhibe, quo stupendam operationem comperies.

Nota. Sic ex omnibus vegetabilibus specificis tincturam extrahere potetis, quòd si autem vires medicamenri exaltare volueris, eò labora, ut menstruum separes, quod affuso, sed NB. copioso spiritu vini perficies, qui tincturam menstruo ad fundum propulso, excipiet.

NB. Hòc modò & optimam antimonii tincturam perficies.)

Externa in dolore Capitis.

1. Epithema ex Gammaris.
2. Spir. V. opt. qui valet (quàm maximè) in dolore capitis ex Crapula, præsertim si testiculi cum spongia in aceto vini vel aq. communi macerata & expressa fomententur.
3. Epithema ex Zedoariâ: Pulvis Zedoariæ

irrigetur com. aq. flor. sambuci, (vel aq. communi) rosarum, betonicæ & applicetur ad nucham debite.

4. In hemicrania, præsertim in clavo à proprietate juvat radix cucumeris assumpta cum verbena & absinthio pontico ana p. j. in Vino cum aq. ros. coca F. Epithema.

5. Aqua composita talis.

\mathcal{L} . Aq. ros. sambuci an. \bar{z} iv. Camph. \bar{z} ij. Mosch. opt. gr. iij. vel vi. Extr. Carlinæ \bar{z} ss. ol. spicæ \bar{z} ij.

Dissolve Camphor. in ol. spicæ, postea omnia M. & applicentur in petiis dolenti capiti in magnis & ingentibus caloribus: in febribus vero ab æstu solis applicentur, it. ad tempora & Carpum.

6. Est specificum in doloribus capitis frigidis, quales sæpè vexare solent mulierculas, præsertim si credant sibi in occipitio frigida cum fluctuatione quadam hæere.

\mathcal{L} . Piper. long. \bar{z} iiij. contunde in mortario in pulverem crassum, postea extrahe cum sp. V. & ferva. Usus talis est: fiat sacculus ex succino albo, pulverisato crassiusculè, interpassetur sacculus, & in hac essentia piper. l. madefactus applicetur calidè futuræ coronali (maximè prodest) si opus est, præmittatur Evacuatio universalis per alvum.

7. In gravissimis doloribus capitis (cum vigiliis, urgentibus in primis destillationibus) recurrendum est ad Laudanum opiatum cæteris nimirum nihil proficientibus.

8. Cancri aliquot fluviatiles acet. rosaceo irrigentur & contundantur, ac Emplastri locò circumplacentur.

9. Radix Plantaginis collo suspensa dolori capitis à proprietate medetur.

10. Hederæ folia mollia cum Oxyrhodino torreantur & fronti temporibusq; apponantur. Optimum est in Cephalalgia biliosa.

11. Verbena, ut supra dictum, est insigne specificum intus, & extrâ usurpata.

12. Nuclei persicorum cum aq. beton. vel Verbenæ contusi & applicati juvant mirabiliter in capitis dolore à causa frigida.

13. Unguentum de Alabaistro.

\mathcal{L} . Cimarum Rubi M ij. Fol. Rutæ P j. Flor. chamom. recent. \bar{z} iv. lapid. alabastr. subtilissimè pulverisati \bar{z} ss. olei rosarum \bar{z} j. ceræ \bar{z} ss. Vini albi \bar{z} ij.

Pone in olla vitreata nova per triduum, postea ebulliant ad consumptionem vini, refrigerant, addantur albumina ovorum num. iv. M. Joan. Hartmann. in *Practica Chymiatrica*.

Cum cerebri meninges, & pericranium affliguntur, Nos caput dolere dicimus, ipsumque morbum Cephalalgiam, mutuato à Græcis nomine, appellamus. Non semper tamen patientes eodem modo hic dolor afficit: quandoque enim internas partes capitis molestat, interdum externas tantum, quæ etiam modò pungi, modò gravari, & cum distensione pulsari sentiuntur; nec rarò dimidia solum capitis pars dolet, quæ affectio Græcis dicitur Hemicrania.

Huic morbo causas attribuunt Galenici quæcumque vehementer alterare caput valent, ut frigus, & æstus aëris, venti aquilonares, & austrini, cibi acres & flatus moventes, nimius vi-

ni potus, quæ acutè nimis olent, ictus, casus, affluxus humorum, atque intemperies sive calidæ, sive frigidæ, ceteraque hujusmodi: putantque pungentem dolorem esse ab acribus, & biliosis humoribus, gravantem à phlegmaticis, à flatibus verò instantem cum distensione.

His addidere Recentiores alias plures: veluti sanguinem detentum in plexibus, vel in vasis meningium, qui gravando, aut distendendo dolorem infert: liquorem nervis contentum, qui illorum fibras non repurgatus trahit; unde fortasse periodicæ Cephalalgia: ut advertit Willisius: Serum, seu Lympham in ventriculis, vel inter utramque meningem occlusam, ut pluribus cadaverum dissectionibus innotuit, & testatur Riverius observat. 37. cent. 1. Pus ex abscessu, aut vomica easdem partes obsidens: Tumores, & tubercula dolorem capitis, præsertim diuturnum afferre adnotat idem Willisius de anima Brutorum. A vermibus ibidem genitis, ex Foresto, & Schenchio: Itemque à calculis, inflammatione, aliisque, ut ex pluribus deducit Bonetus. Similiter à mala capitis conformatione, meningum crassitie, & suturarum constrictione, ac relaxatione non rarò etiam diuturnos dolores induci, docemur ab Hippocrate, & Celso; quod pariter in his, qui caput acutum habent, notavit Gal. 6. epid. comm. 1. t. 3.

Per sympathiam, seu consensum aliorum viscerum Cephalalgia non rarò etiam exoritur. Præsertim verò compatitur caput, & dolet, ex malè affectis, ventriculo, utero, liene, mesenterio, varicibus, cæcisque hæmorrhoidibus. Observat autem Joubertus dolores capitis ab affecto ventriculo dependentes magis anteriorem partem vexare; posteriorem verò, & verticem, qui ab utero: quod etiam confirmat Langius lib. 1. epistolarum.

At Helmontius pluribus contendit hos dolores procedere solum à Duumviratu per nudam actionem regiminis constituti in splene, & stomacho, citra vapores caput, & meninges pertingentes; si nimirum prædictæ partes malè affectæ suis muneribus non fungantur.

Verùm quæcumque sentientes partes corporis, malè afficiunt, ut aliàs de sensu tactus ostensum est, hujus doloris causæ esse possunt. Eò autem dolor erit vehementior, quò pars affecta magis nervis referta fuerit, & afficientia violentiora. Quæ verò sensim poros partium subeunt, licet dissimulata sint, tractu temporis consentanea evadunt, & vel nihil, vel levissimè molestant; secus autem, quæ sensim applicata voluptatem afferunt, si repentè adhibeantur, plurimum excruciant; ut experimur cum gelidas manus ad ignem subito calefaciendas admoveamus.

Scribit Galenus 3. de loc. aff. c. 9. solum interiores capitis dolores ad radices usque oculorum pertingere. At verum non est: succingit enim pericranium oculorum orbitas, efformatque primam eorundem tunicam adnatam, seu conjunctivam dictam. Cæterum Hemicrania, & aliæ doloris species ex conquestu patientis notæ fiunt.

Causæ pariter Cephalalgia conjici poterunt ab his, quæ ab adstantibus & ægro referuntur,

ex assumptis cibis, ac potibus, vigiliis, & exercitiis immoderatis, egestionibus, aut retentionibus excrementorum, animi pathematis, aliisque. Conjectamus autem dolorem à sanguine procedere, si præcessere ejusdem suppressiones, qui aut ex hæmorrhoidibus, aut ex utero, aut ex naribus periodicè fluere consueverat. Erit à liquoris nervorum vitio, si cephalalgia statutis quibusdam horis invadat, & repetat, præsertim manè, & à somno, vel tempore distributionis alimenti; vel quando chylus cum remeante sanguine permiscetur, & in arterias carotidas traducitur. A sero, seu lymphæ: si cum catarrho, urinis copiosis, & turbatis, humore narium, & sudoris consueti suppressione fiat: præsertim si vigeat in constitutione pluviosa, aut immoderatos potus, & aquosos cibos sequatur.

A tuberculis, tumoribus, abscessibus, aliisque Cephalalgiam suspicabimur, cum præter graves & diuturnos dolores, cerebrum sopore gravatur: neque tam facile, etiam efficacissimis remediis morbus cedit. Pari modo conjectandum de calculis ibidem genitis, aut de vermibus; nisi quod in his dolores erunt erodentes cum frequenti vertigine, præsertim in motu capitis, fœtor per os, & nares exhalabit, quæ pruritus etiam patientur cum sternutatione, ut observat Sennertus. Quod si puris egestio compareat, vel per aures, vel per nares, aut palatum, certum indicium erit maturati, & jam disrupti apostematis.

A mala suturarum, aut meningum conformatione dolor erit diuturnus, nullis remediis cedens, & à crapula gravior evadet: fortè etiam apparebunt notæ malè conformati capitis.

At verò idiopathicus à sympathico distinguetur, quandoquidem ille continuus est, & in capite vitium arguit, cum aliqua animalium operationum læsione; hic verò erit interruptus, atque aderunt reliquorum viscerum, præcipue naturalium, affectiones. Porro solet potissimum consentiens iste dolor à ventriculo, liene, mesenterio pancreate, & utero pendere; unde nausæ, infirmæ, vel tardæ digestionis, inflationes, ructus, alvi duresces, & alia in hypochondriis symptomata percipientur.

Quamvis autem ex his prudens Medicus plerumque probabiliter conjiciat de variis, diversisque causis cephalalgia, non rarò tamen eundem falli contingit; siquidem dolor creditus ab una causa esse, detectus est habuisse ortum ab alia omnino diversa, facta nimirum sectione cadaverum ejusmodi morbi genere interemptorum. Quamquam & in hoc etiam non levis error accidere possit.

A causis externis illatus, solutu facilius esse solet difficilius verò ab internis. A phlegmone, abscessu, pure, tuberculis, calculis, & vermibus inferre solet deliria, coma vigil, vel somnolentum, motus epilepticos, apoplexiam, paralysem, surditatem. Novi quendam diuturno capitis dolore vexatum, tandem surdum evasisse, facta scilicet post longum tempus purulenti humoris depositione ad aures, unde diu, & abundanter ille effluxerat. Qui à mala capitis, & meningum conformatione ortum ducit, insanabilis censendus est. Si præterea cum acuto capitis dolore exteriora frigescent

urinæ pellucidæ excernantur, atque accedat vomitus varius, & multorum colorum: sonitus aurium, vertigo, aut manuum torpor, malum ex Hippocrate. Quandoque etiam dolor capitis, qui citra causam, vel evacuationem repente desit, lethum prænuñciavit, resolutum nimirum sensu, & mente abalienatâ; At si gravem cephalalgiam consequatur narium hæmorrhagia, salutare: sicut pariter eruptio puris, aquæ, vel sanguinis per os, aut nares 6. *Aphor.* 10. Verumtamen semper timendum à gravi & vehementi capitis dolore.

Curarunt quoque illum diversis modis, prout diversas ejus causas suspicati sunt. Galenici post institutam refrigeratorii victus rationem phlebotomiam præcipiunt, ex pede primum, si dolor sympathicus putetur, deinde ex brachio; mox etiam ex mariscis usu hirudinum, ducti documento Galeni 1. *Aph. comm.* 23. dicentis: *In maximis doloribus nullum majus inveni remedium, quam usque ad animi defectionem evacuare.* Postmodum dolore adhuc perseverante cathartica exhibent, ac interjectis quibusdam diebus, decocta capitalia dicta cum radice chinæ, & jura alterata; adjiciunt suturæ coronali emplastra, etiam quæ vesicas excitant, ac tibias, & brachia cauteriis inurunt. Quæ sanè nedum in hoc, verum etiam in aliis diuturnis capitis affectionibus in frequenti usu habent.

Alii distinctius procedere se putantes, atque singulis causis, congruentibus medicamentis occurrere; si à restagnante sanguine in meningibus, vel plexibus, dolor oriatur, quia aliquando evenit, ut spontè sua dilatatis narium venis, hæmorrhagia morbum judicet, cum naturam deficientem vident, arte conantur ejusmodi evacuationem promovere, fortiter emunctis, vel perfricatis naribus, ut inde sanguinem eliciant. Si verò hac industriâ uti minimè liceat, venam secant, præsertim, in adolescentibus, atque assuetis, fulti etiam auctoritate Hippocratis, qui dolente parte posteriore capitis, rectam venam in fronte sectam prodesse scribit 5. *Aph.* 68. At prudentiores victum tenuem commendant, & olera; carnes, & vina meraca prohibent. Si his non desinat, utuntur alchalicis; & si sanguis acritudinem sapiat, etiam acidis temperatioribus, & narcoticis.

Si phlegmones, aut abscessus timeantur, prodesse aiunt dissolventia, & sudorifica; ut sanguis hircinus, sperma ceti, mumia, cornu cervi philosophicè præparatum, decoctum ejusdem, oculi Cancris, pulvis castorei veri, extractum hyperici, bezoardicum quodcumque, Antimonium diaphoreticum, Mercur. diaphoreticus, Cinnabaris, Antim. suffitus ex Mercur. & alia hujus generis plura: quæ etiam locum habere dicunt, si vitium sit in principio nervorum, & in liquore eorundem; Interim verò spinam universam convenientibus oleis aut cerotis foveant, putâ essentiâ anthos, lavendulæ, nucis myristicæ, unguento nervino, spiritu vini, aliisque.

Cum lymphæ vel serum doloris causa sunt, unde oculi etiam, palatum, & guttur infestantur, ut in catarrhis; optimum remedium arbitrantur urinam, & sudorem promovere, cum & Natu-

ra sponte sua soleat per ejusmodi vias superabundantem lympham salubriter deponere, febre præsertim comite. In iis verò, qui frequenter huic incommodo subjiuntur, & distillationibus veluti per periodos affecti, sapius de cephalæa conqueruntur, hydroticis medicamentis occurrere satagunt, & antequam serosi humores in prædictas partes irruant, aliò avertere, & foras extubare: Quare provocantur expunctiones, nares ad sternutamenta irritantur, fortiterque emunguntur; vomitus, si præcipue ventriculus consentiat, concitatur, & alia peraguntur, quæ si humorem non omnino tollunt, magna saltem ex parte minuant. Ad hanc rem exhiberi solent cum fructu sequentes pilulæ pluries iteratæ; quæ ex his constant: Resinæ, vel extracti jalapæ gr. 15. Ceruss. antim. & crysall. tart. singulorum gr. 12. pilul. de succino 3j. cum oleo macis, vel simili redig. in formam pilul. & manè assum. superdorm.

Pro corporibus humidiori constitutione præditi magnopere commendant pilulas Rusi, & aloëticas, aromaticum rosatum: diarhodon, elixir proprietatis simplici infusione paratum. Invaluit nunc etiam usus decocti Coffeæ, & quidem cum juvamento eorum, qui languore stomachi, & cerebri tenentur. Cæterum ratio victus attenuans semper confert, vitatis iis quantum intrinsecus, tum extrinsecus humefacere valent.

Quod si dolor capitis symptoma sit scorbuticæ, vel hypochondriacæ affectionis, tunc conducibilia erunt antiscorbutica medicamenta, & ex chalybe parata, de quibus alibi. Ab infarctu verò vitiosorum succorum in Pancreate, Mesenterio, Ventriculo, aliisque adjacentibus partibus, conferent leviter purgantia, & simul corrigentia, ex Aloë, & Rhabbarbaro composita, pilulæ tartaræ, Tartarum vitriolatum; quoniam Hartmannus commendat infusum croci metallorum sapius exhibendum in aqua betonice, aut menthæ. Insuper sal absinthii, & centaury: electuarium, extractum, & spiritus baccharum Juniperi: pulvis stomachicus & cachecticus Quercetani, elixir proprietatis Helmontii, spiritus cochleariæ. Quæ pariter proderunt in cephalæa ab utero dependente, ac præterea tinctura succini, essentia croci, extractum castorei, & granorum actes, facula bryoniæ, & alia plura suo loco latius dicenda. Si denique à venerea contagione ducat originem, antivenereis curanda erit, de quibus alibi.

Cæterum à Vermibus, Calculis, aliisque in cerebro genitis, sicut rarò accidit, ita rarenter medicabilis. Testatur tamen Forestus plerisque cephalalgia à vermibus sanatos decocto raphani in frusta concisi in vino Cretico. Et Sennertus in hanc rem laudat suffitum ex centaury minore, marrubio, absinthio, betonica, antimonio, succino: atque cerotum loco dolenti applicatum ex aloë, pulvere lumbricorum, felle taurino, & oleo absinthii cum cera, ut apud eundem legere est. At verò à mala futurarum, & meningum conformatione, nullam curationem admittet.

Quæ hætenus proposita sunt causas cephalalgia potissimum respiciunt. Jam nonnulla specialiora recenseamus, quæ experimentis probata

bata sunt dolorem quencunque sedare, vel saltem capite dolentibus succurrere. Et quidem dolorem leniunt omnia narcotica, præsertim, vero laudanum, opiatum, seu Nepenthes; Quercetani dictum, pilula de cynoglossa, & de styrace, requies magna Nicolai, Rhilonium utrumque, theriaca recens, & similia intrinsecus assumpta. Extrinsecus verò adhibita unguenta, & decocta ex mandragora, hyoscyamo, solano, papavere, lactuca, nymphæa, quibus caput, & tempora, vel etiam plantæ pedum abluuntur, liniunturque, ut præsertim fieri solet unguento populeo, & somnifero Schroderi in sua *Pharmacopœa*.

Speciatim quoque referuntur cephalalgiam tollere verberna viridis collo suspensa, quousque exaruerit, ex Foresto; vel etiam contusa & capiti imposita ex Hartmanno, qui eandem opem præstare, ait, radicem plantaginis similiter collo suspensam, & aquam verbenæ destillatam, ac sæpius epotam ad uncias iv. cum gutt. iv. spiritus vitrioli. Fatetur Bartholinus liquorem ex radicibus nucis juglandis primo vere per incisionem elicatum, & epotum esse singulare experimentum nuper in Anglia detectum; sicut etiam in doloribus articulariis mirabiliter prodesse alii testantur. Describit Forestus unguentum Alabastrinum (quod solum in dosi differt ab illo Hartmanni in *Practica chym. hoc eod. cap.*) illudque mirabile prædicat in omnibus doloribus capitis, præcipue à contusione. Nonnullis sunt in usu folia hederæ teneriora fronti, & temporibus apposita. Nicolaus Chesnau extollit Ranunculi folia vi-rentia, quæ ad miraculum capitis dolorem fugare ait, si in modum emplastri dolenti parti applicentur. Fernelius componit pilulas quasdam ex aloë, speciebus electuarii de gemmis, tribus santalis, & rosis punicis cum syr. absinthii, & violarum. Paracelsus succum cancerorum fluvialium expressum temporibus applicat, præsertim in febribus malignis. Et Rulandus caneros vivos cum aceto rosaceo in mortario pinsit, & pro epithemate adhibet. Hartmannus verò aceto ros. primum irrigat, deindè contundit, atque malagmatis loco dolenti parti admovet. Referuntur ab eodem Hartmanno plura alia medicamenta, tam interna, quàm externa, & sive dolor à causis calefacientibus, sive refrigerantibus credatur inductus, quæ apud ipsum legi poterunt. *Lucas Tox. & Medic. Practica lib. i.*

Dolor capitis dicitur vel *Cephalalgia* & *Cephalæa*, cum totum caput; vel *Hemicrania*, cum dimidiam tantum capitis partem occupat.

Uterque dolor est vel *sympathicus*, ab aliarum partium affectibus dependens; vel *idiopathicus*, cum caput ipsum primario afficitur.

Medico diligentissime perpendendum est an caput ab affectu proprio doleat an per consensum, in his enim curationis cardo maxime vertitur. Frustrà enim caput medicinâ vel Chirurgiâ curabis, si morbi fomes in ventriculo (v. g.) lateat.

Varie sunt doloris capitis idiopathici causæ, quæ singulæ diversam opem postulant.

Aliquando dolor capitis gravissimus siphylide laborantes cruciat, qui remediis nullis

nisi antisiphyliticis cedit. (N. B.) Cum cephalæa irritis omnibus vulgaribus medicamentis ægrum lancinare usque perstiterit, aliquid venerei eidem inesse suspicetur. Medicus.) Si quis dolorem hunc ideò sympathicum nuncupandum esse censeat quia a generali affectu dependeat; sciat me partes tantum particulares respicere cum quibus consentiat caput in ejusdem doloribus distinguendis.

Interdum *Mercurius* inter cranii lamine colligitur, vel à succis mercurialibus, vel ab unguentis ad ptyalismum movendum adhibitis, vel ab hydrargyri preparatis intra sumptis. Undecunque *Mercurius* sanguini immisceatur, si sufficienti & tempestiva purgatione e corpore non eliminetur, quandoque ut dixi, inter tabulas deponitur, unde dolores crudelissimi, qui raro sine trypano perfecte curantur. Immo vix sine hoc evacuantur vitiosi illi & corrosivi humores, qui in diploë aliquando sedem capeunt, & diuturnæ cephalææ aurores sunt.

Hiscæ causis omissis, ad alias transeamus, quæ in genere, vel *calida* vel *frigida* sunt.

In *causa calida* vel *secetur vena* frontis vel hircines applicentur arteriis temporalibus, vel hic fiat etiam *arteriotomia*. Sin æger sit plethoricus, primò extrahatur sanguis e brachio; postea autem ex locis prædictis.

Ante omnia *alvi astrictio* cavenda est, eandem (si torpidior sit) vel clysteribus emollientibus & refrigerantibus, vel lenitivis per os exhibitis movendo.

Victus sit refrigerans & humectans. Jusculum sequens optimè convenit. Farciatur pullus galinaceus hordeo mundato, uvis corinthiacis, capparibus à sale liberatis, mox confusus elixetur cum frustulo carnis vitulinæ & add. cum tempus fuerit, agrimon. pimpinell. borrag. bugloss. acetosell. sylvestr. cichor. an. m. j. post sufficientem coctionem f. colatura, in qua dissolve cremoris tartar. 3 j. infusionis 3 iij. sem. in aq. endiv. fact. per horas 24. cum 3 ss. caryophyllor. sum. lb. ss. vel lb. j. manè. Viter salsa, acris, piperata, vaporosa, legumina; vinum generosum, omnesque spirituosos liquores.

Vigiliæ & somnus ne modum excedant sintque horis convenientibus, nè dormiat paulò post cibum, quia somnus iste gravat caput. *Animi pathemata* violentiora fugiat, iram, merorem, amorem &c.

Capitis perspiratio libera procuranda, capillos detondendo.

Arteriis temporalibus inducatur unguentum de bolo, vel *anacollemma* ex bolo, spodio, succino, mastiche, sanguine draconis exceptis oleo rosar. nenuphari, & aceto rosar. vel unguento populi cum paucis aceto.

In cephalæa toto capiti, in hemicrania parti dolenti applicetur cataplasma seq.

℞. Betonic. virid. m. ij. flor. herb. paralyf. m. j. flor. papav. errat. p. ij. flor. Keyri m. ss. rosar. rubr. p. iij. sem. coriandr. 3 iij. nuc. moschat. 3 ij. simul contendantur humectando cum oxycrati tantillo; f. cataplasma applicandi vespere.

Vesicatorium nuchæ applicatum sæpè insigniter prodest.

Si cephalalgia à *causa frigida* pendeat, remediis

medicis calidioribus externis & internis, fortioribusque purgantibus ei occurrendum est.

Purgetur æger pil. seq.

℞. Mass. pilular. coch. minor. ʒss. calomel. ʒj. ol. rorismar. gutt. ij. m. f. dotis. Exhibe manè horis tribus ante iusculum cum debita custodia. Repetantur bis aut ter, interposito uno vel altero die. Vel si per epicrasin purgare malueris, *cerevisia medicata* sequentis ope voti composeris.

℞. Rasur. lign. sanct. interioris ingerrimi ʒxii. sarsaparill. ʒi. lign. sassaf. ʒiv. rad. pœon. Ireos florent. ana ʒij. fol. veronicæ utriusque, sanicul. brunell. suc. an. m. ij. chamæpit. m. iv. flor. primul. veris siccator. m. v. baccarum juniper. ʒiv. fol. senn. mundat. ʒvj. turbith. hermodact. an. ʒij. mechoacann. rad. helleb. nigr. cum aceto præp. an. ʒij. nuc. moschat. per frusta sect. num. vi. Cerevisiæ non lupulatae galon. vj. Post fermentationem bibat quotidie bis cyathum, viz. manè jejunos, & horâ quintâ p. m.

Vel ℞. Aloës in succ. depurat. caulium & betonic. liquat & coagulat. ʒj. pulver. majoran. ʒij. mastich. ʒiv. cum succo caulium f. massa, de qua cap. ʒj. alternis diebus hor. 2. à cœna levi. Vel sum. eandem dosim pil. macri quæ eadem ferè cum his sunt.

Ex cerevisiæ medicatæ ingredientibus, exceptis purgantibus, præparari etiam potest *potus ordinarius*. *Victus* autem sit moderatè calefaciens & siccans.

Diebus à purgatione vacuis sumat instar majoris avellanae. Opiatæ seq. manè & vesperi.

℞. Conserv. flor. calendul. ʒj. conserv. fl. anthos, betonic. ana ʒi. confect. alkerm. & de hyacinth. an. ʒvj. rasur. cranii humani non sepulti, vini quercini an. ʒij. succin. alb. præparat. ʒij. cinam. interioris ʒiij. ligni aloës, macis ana ʒiv. m. f. & cum syrup. de stœcade sive pœon. compos. f. electuar. instar opiatæ.

Vel ℞. Confect. alkerm. & de hyacinth. an. ʒss. rasur. cranii human. ʒij. rasur. corn. C. primarii ʒi. lapid. bezahar, ʒss. succin. alb. præp. ʒiv. rosar. rubr. subtilissimè trit. ʒi. cinam. interioris ʒiij. sacchar. albissim ʒx. m. f. Excipiantur mucagine gummi tragacanth. extract. extract. in aq. cinam. f. tabellæ ponderis ʒij. ad eundem usum.

Quo ad remedia externa, fricetur caput rasum diu multumque singulis matutinis, *sacculis* in cap. de frigid. cerebri Intemperie descriptis, vel capillis inspergatur *pulvis* ibidem laudatus, ac *fumus* ibi præscriptus hauriatur.

Masticatoriis ad educendam pituitam è cerebro utatur, viz.

℞. Rad. malv. siccatur. quantum volueris: habeatur aqua vitæ optimè rectificat. in qua macerat. fuerint v.g. pro ʒss. pyrethri ʒiij. zinziber. ʒij. caryophyll. ʒi. sumatur aliquantulum de hac aqua, & in ea macer. per horam unam ante usum frustulum radicis malvæ prædict. volutetur in ore, & subinde madefiat iterum in dicto liquore, sitque usus singulis matutinis sedulo expuendo quod dissolvetur.

Vel ℞. Pulv. pyrethr. & staphisagr. an. ʒij. piper. long. ʒj. zinzib. cubeb. an. ʒss. mastich. ʒss. f. omnium pulvis subtil. excipiend. f. q. ceræ virgin. liquat. & formentur globuli ad eundem usum: aut

syndone exceptus pulvis crassiusculus redigatur in globulos.

Post evacuationes generales utatur *Errhinis* ex succ. majoran. betæ, anagalled. vin. alb. in quibus infunde pulvis tabaci, Iris Florent. æs ultum &c. Vel.

℞. Rad. helleb. alb. ʒij. tabaci ʒj. euphorbi ʒss. flor. benzoin. ʒiij. m. f. pulvis naribus insufflandus ex calamo. Post motam sternutationem abluantur nares vino albo.

Foveatur caput manè *fovu* sequenti spongiis mollibus in eadem calefacta tinctis & expressis.

℞. Rasur. lign. sanct. ʒiv. rad. cyper. pœon. enul. Ireos Florent. aristoloch. rotund. an. ʒij. fol. salv. laur. majoran. betonic. Veronic. mar. an. m. ij. flor. chamæmel. melilot. summit. absynth. an. p. iv. rosar. rubr. p. vi. baccar. laur. & juniper. an. ʒi. sem. anis. fœnicul. coriandr. an. ʒj. nigell. Rom. ʒx. f. omnium decoct. in aq. fontan. addendo sub finem dimid. partem vini Hispan. Vel æger ingredietur thermas & f. capitis embrocatio.

Cephalalgia causam dissipabunt sacculi cinere sarmentorum & pulvere salv. majoran. betonic. &c. farcti, vini spiritu irrorati & dolenti parti appositi. Inunctio item ex balsamis majoranæ, caryophylla. succini circa futuras.

℞. Cortic. pomor. curlipendul. & cydonior. an. ʒj. cortic. citr. & aurant. an. ʒi. lign. Rhodii fantal. citr. rasur. rad. juniper. an. ʒvj. flor. rosar. rubr. lavendul. an. ʒss. styrac. calamit. benzoin. an. ʒx. caryophyll. cinam. an. ʒiij. aq. rosar. & naphæ an. ʒj. aq. ocymi ʒss. aceti ros. ʒij. (ambræ ʒij. mosch. ʒj.) m. f. pro fumo excitando ex instrument. idoneo Cassoletta dicto.

Adhiberi etiam possunt *vesicatoria*, *cucurbitula*, *feta*, *fontanella* in locis aptis.

Hæc de dolore capitis idiopathico: Quod ad sympathicum attinet, diligenter inquirendum est cujus partis consensu pœnas luat caput, & parti primario affectæ curatio maxime dirigenda est v. g.

Si ex *ventriculi* affectu frigido doleat caput, post clysterem injectum & rejectum, die sequenti detur vomitorium seq.

℞. Vitriol. alb. ʒj. dissolve in ʒiv. vel vi. ptisan. vulgaris: capiat manè & post singulos conatus bibat haustum posset; parati cum flor. chamæmeli. N.B. Vitriolum inter omnia vomitoria stomachum optimè evacuat, & post evacuationem corroborat. Vel si æger ad vomendum minus pronus sit, fortioribus emeticis utatur. Post vomitum (vel aliàs à flatibus) si adsit stomachi dolor, f. fœtus ex corroborantibus, viz. decocto absynth. menth. rosar. rubr. flor. chamæmel. summit. aneth. semin. anis. fœnicul. cortic. aurant. & citri, lign. Rhodii, macis & caryophyll. in aqua parte vini albi generos. & aq. parato; vel si singultus aut motus convulsivus oriantur, detur theriaca, diascordium, &c.

Propinetur aliquando manè vel initio pastus vinum absynthites. Horâ dimidiâ post singulos pastus sum. cochl. j. pulveris hujus digestivi.

℞. Sem. anis. & fœnicul. dulc. an. ʒvi. sem. coriandr. præp. ʒiij. corall. rubr. margar. præp. ana ʒi. cinam. interior. ʒij. ossis de corde Cervi ʒj. ambr. gris. ʒss. sacchar. albiss. quadruplum pondus omnium m. f. pulvis ut alkool ad usum.

Summatim, sumantur quæ ventriculum *rescent* & calefaciant, pituitosos & viscidos humores

mores attenuent, & exterminent: contrariaque vel remedia vel diata vitentur.

N. B. Hemisrania per consensum ventriculi omnis, usu spiritu vitrioli vel in jusculis vel cum syr. curatur.

Si ab Uteri affectu Cephalæa oriatur, v. g. à mensibus suppressis, curationem menagogis aggre-diatur Medicus; si à passione hysterica &c. Ut in pauca conferam; Quæcunque pars sit mali hujus fons, eandem medicamenta potissimum respiciant.

Episcopus Cestriensis longo & rebeli capitis dolore vexatus, à quodam qui diutissime eodem affectu conflictatus fuerat irritis omnibus aliis præfidiis, sequens accepit remedium, à quo ipse convaluit, & deinceps plurimos alios curavit. *Linteum imbutum aquâ frigidissimâ* toti calvariæ, applicetur aliquoties renovando applicationem; postea caput optimè siccetur. Credo oportere cautè eo uti, metu nimix refrigerationis cerebri, à qua Coma, Lethargus, Paralysis, Apoplexia impendere possunt. Capiti (inquit Celsus lib. i. cap. 4.) nihil æquè prodest atque aqua frigida: itaque is cui hoc infirmum est, per ætatem id bene largo canali quotidie debet aliquandiu subjicere.

Hedera Serpentis supra terram virentis suffitu importuno D. Ashovvort bis in die administrato remedio, curavit intra 9. vel 10. dies Equitem Ser. Frahsveinman ex dolore capitis posteriorem partem obsidente jam ab annis quinque. Idem successit Doctori Bate in nonnullis aliis. Fumus autem iste, debet excipi hiante ore, per nares saltem attrahendo spiritum, herbâ in prunas conjectâ, quæ videtur habere aliquid resinosi. Tegumentis undique injectis ad fumum continendum totum caput velandum est.

Filia D. Relinger Genevæ magnis capitis doloribus obnoxia utebatur felicissimè aq. seq. ad lotionem frontis & temporum tepidè, cum spongia vel linteo.

℞: Flor. lilior. convall. m. j. flor. violæ tricoloris s. herb. trinitatis (jaceæ) m. j. vini albi generosi ℥ ij. stent in infusione per horas 24. in vase vitreo, mox s. distillatio in balneo. Quotannis mense Maio vigentibus istis plantis bonam aqua quantitatem pro ipsa præparabat Pharmacopæus. *Theodor. de Mayerne Præceos Medic. lib. i.*

Consultationes.

De Doloze capitis, palpitatione, & dolore ventris. Pro Nobili Matrona.

Dum attentius expendo morbosas affectiones Illustrissimæ Matronæ, ab Illustrissimo D. Christoforo ejus marito mihi relatas, in eam sententiam necessario concedendum censeo dolorem illum capitis sæpe recurrentem in sincipite, palpitationem cordis, animi deliquium & dolores vagos in lateribus, lumbis, & ventre non rarò supervenientes: esse symptomata prædictarum partium consentientium cum utero male affecto. Mensibus enim non

fluentibus, morbi sunt ex utero, ut inquit Hippocrat. Menses autem in nobilissima patiente si non sunt prorsus suppressi inordinatè saltem, imperfectè & præter periodum fluunt: ideoque mirum non est, partes omnes circumpositas dolore affici propter uteri ligamenta, cordis palpitationem & lipothymiam fieri propter vapores retros ex impuro illo sanguine elevatos per arterias cor petentes; prout iidem exhalantes in caput, & præsertim sinciput multis venis repletum, ejus doloris non rarò sunt causa.

Causa autem propter quam menses non liberè fluunt, ut suspicor, est obstructio venarum uteri facta ab humoribus crudis, & pituitosis, in ventriculo frigido genitis, & ex erroribus in victu commissis magna copia congestis: cum præsertim acceperim, Illustrissimam Matronam habere in familiari usu lac caseum, & alia ex lacte confecta; quantum autem possit frequens lactis usus ad flatulentas & vaporosas collectiones, prodidit Hippocrat. s. Aphor. 64. *Lac dare caput dolentibus malum & hypochondria elata, & murmurantia habentibus;* non sanè aliam ob causam, nisi quia lac est vaporosum & flatulentum, & facile corruptibile. Audio dubitatum fuisse de contorsione uteri, cujus tamen nulla signa video proposita; si enim ad latus esset conversus nobilis matrona dolorem perciperet in imo tantum latere, eumque acutissimum, & continuum, non autem in variis partibus, nec rectè incedere posset; de quibus tamen affectibus non sunt querelæ.

Quid sit prædicendum difficulter assequi possum, cum mihi non innotuerit naturale hujus matronæ temperamentum, corporisque habitus, & affectuum diuturnitas; hoc saltem asserendum, affectus hosce ægrè superatum iri, cum à viris doctissimis nondum fuerint debellati, variis remediis adhibitis.

Utrumque tamen sit, necessaria proculdubio est diligentissima corporis expiatio; *Mulier enim menses decolores, nec non eodem semper modo, & tempore prodeuntes, purgationem indicant esse necessariam,* divini Hippocrat. testimonio s. aphor. 36. quæ eo dirigenda est, ut referentur obstructions uteri, calefiat ventriculus, divertantur vapores cor, & caput petentes, & cardiacis roboretur cor ipsum gravissimè affectum, præmissa universali totius providentiæ. His intentionibus satisfiet per remedia Chirurgica, pharmaceutica, & dietetica.

Inter Chirurgica principem locum obtinebit venæ sectio, quæ fieri debebit ex saphena, dummodo tunc non intumescant pedes; quod si tumidi essent, prout aliquando accidit, ut audio, ex quo conjicere possemus habitum hunc esse cachecticum, in hoc casu vena sub poplite secari posset, aut apponenda cucurbitulæ interna pari coxarum cum scarificatione profunda; scarificationes namque substituit Gal. venæ sectioni in illis mulieribus, quæ carnes habent molles Lib. curativo per sanguinis missionem. Quod si nobilissima patients renuat prædictas operationes, applicentur saltem hirudines venis sedalibus, & moderata sanguinis copia inde extrahatur; nec obstat, quod hac

hac ratione ab utero fiat derivatio, quo nomine, videtur suspecta operatio, ne scilicet avocentur menses; dum enim evacuatur inde sanguis crassus & faculentus, facile fiet ut qui superest fluxilior redditus confluat ad loca consueta, si præsertim ab hoc remedio fovebitur uterus, & cucurbitula non scarificata coxis applicabuntur, observandum tamen est ne fiat operatio hæc præsentibus, vel imminuentibus mensibus. Quod si remediis præscribendis non cederet affectus, sed perseveraret dolor incipitis, & cordis palpitatio, & hoc casu etiam vesicantia apponenda essent internis femoribus, eaque aliquandiu aperta servanda; quibus conferentibus, posset postea inuri fonticulus interno sinistro femori, in hunc finem, ut fieret continua revulsio à partibus principalibus, corde scilicet, & capite. Et hæc de chirurgicis, omissis frictionibus, & ligaturis tanquam notissimis.

Quoad Pharmaceutica, lenienda est alvus electuario lenitivo, & speciebus hieræ simplicis, lubricaq; conservanda frequenti usu pilularum ex aloë lota cum succo rosatum, quarum scrupulum sumere poterit semel in hebdomada statim ante cœnam. Præparabuntur humores syr. de corticibus citri, oxymel. simpl. syr. de hyssopo, cum emulsione sem. citr. per triduum exhibitis sine diluto, mox repetito leniente præscripto, vel pil. mastichinis & alephanginis. Præscribentur syrupi cum diluto, qui parabuntur ex syr. bizantino cum aceto oxymel. compos. & syr. capil. vener. Fernelij, cum syr. de artemisia, & decoctione capil. veneris, borrag. melissæ, betonicæ, origani. agrim. & pulegij: qui exhibebuntur per quinque dies præmisso bolo ex trochiscis de eupatorio, de myrrha, & capparibus; deinde repetenda purgatio cum pilulis de hiera cum agarico, & aggregativis. Hisque peractis, duo genera remedium erunt opportuna, decoctum scil. sassafra, visci quercini, & chinæ, cum herbis aperientibus, & scrupulo semis chalybis potabilis, præmisso bolo ex trochiscis cypheos, hedichrois, triphera sine opio, & mithridatica confectione: paretur decoctum cum columba turricola. Aliud remedium erit jus galli antiqui saliti, itidem cocti cum aperientibus validioribus, ut putarusco, asaro, apio, agrimonia, artemisia, capillo veneris, & radice capparum, in quo alternis diebus infundatur agaricus trochiscatus, & senne: nec prætermittatur aliquando usus boracis mineralis cum trochiscis de myrrha. Extrinsecus non usurpentur suffitus aromatum, ob dolorem capitis: sed fiant fomenta, inunctiones utero ex vino albo modice generoso, in quo ebullierint pulegium, origanum, matricaria, artemisia, malva, & flores chamæmeli; inungaturq; venter inferior oleo liliorum alborum, cheirino, chamæmel. cum myrrha, & croco.

Victus sit ciborum boni succi, facilisque digestionis: vinum sit tenue, subdulce: à cibo semper aliquid assumat adstrictoria facultate præditum, quale erit diacydonium, saccharum rosatum, & conserva de mentha, de absinthio, exercendo corpus curru, si pedibus fieri non poterit. Quæ omnia proposita sint in salutem hujus nobilissimæ matronæ quæ ad vora Illustr. Comitissæ cedant. *Bened. Silvæ. Consil. & Respons. Medic. Cent. 1.*

De Doloze capitis viginti annorum. Pro Adm. Rev. F. Angelino Capucino.

Duo sunt affectus patientis Adm. Rev. dolor scilicet capitis antiquissimus, & melancholia hypochondriaca. Dolor capitis est cum essentialis, factus à materia pituitosa in cerebro humido, & ad frigidum vergente genita, ex qua elevantur etiam flatus, tum per consensum à ventriculo crudos vapores suggerente, & à calido jecore, & mesenterio, aliisque naturalibus visceribus vapores melancholicos, & biliosos capiti suppeditantibus; qua de causa plures dolorum differentias in capite sentit. Alter affectus Melancholia scilicet hypochondriaca, dependet à copia humoris crassi partim melancholici, partim pituitosi: hujus quidem in ventriculo, alterius verò in jecore geniti, & in mesenterio ac liene contenti ibique propter prohibitam ventilationem fervidi redditus, & in flatus crassos conversis, unde ventris rugitus, cordis angustia, & insueta mæstitia, ac diuturnior quam conveniat.

Ex quo fit ut affectus propositi sint ferè insuperabiles, cum ob ipsorum diuturnitatem, ob quam partium intemperies fere contraxerunt habitum, tum ob inæqualem viscerum intemperiem, calidam scilicet jecoris, & frigidam ventriculi: qua de causa læditur hæc pars, ubi alteri opem ferre studemus. Non tamen ob id à quocunque remedii genere desistendum est; cum enim hætenus remedium beneficio melius habuerit patiens Adm. Rev. si perseverabit in medicamentorum usu, sperandum est fore ut in meliorem statum evadat; quemadmodum è contrario, si cessaverit à quocunque remedii genere, in dies labetur in deterius.

Agendum igitur: & materia illa crassa cum viscida, tum terrestris naturalibus visceribus impacta, ab ipsis est deturbanda, præmissa ipsius evacuatione, incisione, & emolitione: materia quinetiam in capite contenta sensibilibiter, & insensibilibiter est evacuanda, partiumque intemperies corrigendæ, ac prohibenda novæ materiæ regeneratio, vel saltem denuò genita divertenda est ad partes ignobiliores: & viscera jam dicta roboranda, habita tamen prius totius corporis universali providentia. Quod fiet medicis præfidiis ex Chirurgia, & pharmacia desumptis, una cum recta victus ratione.

Et quia Chirurgica præfidia plura fuerunt hætenus usurpata, sufficet in posterum habere in familiari usu hirudines venis sedalibus appositæ, semel saltem in mense: quinetiam applicandæ hirudines venis post aures, aut vena frontis incidi poterit; cogitandumque erit de scarificationibus f. & is diversis capitis partibus, nisi aliis præfidiis cessaverit affectus, nam quantum ad fonticulos, aliaque hujuscemodi præfidia, nihil amplius innovandum est.

Quoad Pharmacia, probatur frequens alvi lenitio, potius quam valida purgatio, eaque syrupo de polypodio compos. electuario lenitivo, diacatholico; aliquando verò permiscebitur portuicula electuarii de succo rosarum, fietque levis humorum præparatio cum corpus satis purgatum sit. Non omittantur errhina, & masticatoria: utatur lavacro capitis lixivio parato cum agarico, beton. salia, stæchade, melissa, lupulis, baccara,

baccara, roremarino, salvia, & portione pulpæ colocynthidis: inferiori verò ventri fieri possunt frictiones & inunctiones remediis attenuantibus, emollientibus, & incidentibus. Quod si pedum lotionem familiarem habuerit, summopere prodesse poterit. Non negligantur conservæ anthos, borraginis, betonice, rosarum, imò tempore frigidiori deveniendum erit ad magno antidotos semel in hebdomada.

Quibus omnibus proportionē respondeat victus ratio, gestetque aliquod cardiacum epithema, nec omittantur clysteres carminativi. *Idem ibidem.*

De gravitate capitis; dolore Dentium, ac genu dextri: & hypochondriaca affectione. Pro Illustriss. & Excellentiss. Principe Cognoskofski Polono.

De quatuor affectibus conqueritur Illustriss. & Excellentiss. Princeps, videlicet de gravitate capitis, dolore dentium, incipiente hypochondriaca, & de dolore genu dextri ex levi quocumque motu, à quinquennio molesto.

Capitis quidem gravitas non aliunde provenit, quàm à congerie materiæ pituitosæ in capite collectæ; cum per modum generationis, ob excedentem humiditatem cerebri, eamque naturalem, & forsan hæreditariam, tum per modum attractionis à subjectis partibus, propter intemperiem calidam cum cerebri trahentis, tum jecoris suppeditantis, adjuvante ventriculo frigidiori quàm conveniat, quam ob causam non rarò diarrhœa ex cruditatibus divexari solet. Pituitosa autem materia non solum gravitatem capitis inducit, verum etiam aliquando dolores scapularum, & lumborum, dum occasione validi exercitii, & equitationum fluit ad prædictas partes; imò & falsedinem aliquam contrahens, & ad sinistram mandibulam superiorem confluens corrosionem, & dolorem dentis in eadem parte infert, cui forsan & abscessus aliquis jungitur, cum non rarò sanguis inde profluat, nec levis quidam fœtor observetur.

Hypochondriacæ principium adesse, vel ex eo facile colligi potest, quod rugitus aliquos quandoque percipit in ventre, & mœrore aliquo, solitudinisque desiderio tenetur, huiusque affectus causa est obstructio quædam lienis, non tamen insignis, eaque genita à copia sanguinis crassi, cum melancholici à jecore; tum pituitosi à ventriculo transmissi, & multo magis ab inordinata victus ratione, cum Princeps Excellentiss. habeat in familiari usu carnes salitas, olera, aliosque cibos crassi succi, & quibus facili negotio sanguis sæculentus in jecore præcalido generatur, & à liene recipitur & retinetur.

Quartus & ultimus affectus est dolor à quocumque levi motu in dextro genu subortus. Affectus hic ante quinquennium ortum duxit à luxatione ipsius genu, nescio an imperfecta, vel perfecta, eaque contracta ex violento motu; hinc pars illa imbecillior est reddita, ligamentaque laxata, ac propterea patella mobilior reddita quàm conveniat: unde fit quod ex levi quocumque motu contorquetur genu, jugi-

terque fluit materia à capite ad prædictam partem; ac propterea intumescere conspicitur, exacerbatur dolor statim infra patellam.

Hæ igitur sunt affectiones Illustriss. & Excellentiss. Principem divexantes, hæque ipsarum causæ, quæ licet in præsentia leviores videantur, quàm ut curatione indigeant, nihilominus tamen facile suboriri possunt dolores articulares ex hæreditaria dispositione, hypochondriacæ incrementum, ex sui natura valde molestæ, necnon & incessus impedimentum: prout etiam in mandibula ab ulcere fistuloso metus est, si præsentis affectus insuper habeantur.

Pro quorum curatione evacuandum est totum corpus, & caput, divertendaque fluxio à dentibus, & à genu: resolvenda est materia in ipsum conflua, dentis caries sistenda, tollendæ sunt obstructions lienis, caput exsiccandum, & omnes partes affectæ corroborandæ: hæcque præstanda sunt verno tempore, tanquam magis opportuno, remediis Chirurgicis, Pharmaceuticis, & congrua victus ratione.

Inter Chirurgica pro universali totius evacuatione, sanguis educendus erit ex jecoraria dextri brachii ad unc. 7. circiter; & pro diversione catarrhi, fonticulus sinistro brachio inurendus erit, cujus tædium si renuerit Illustr. & Excellent. Dominus, ipsius loco familiariter uti debet pilulis mastichinis bis in hebdomada: non omissis capitis pectinationibus, & ejusdem frictionibus cum pannis asperis, sæpius repetitis; abstinendo à frictionibus partium cum superiorum, tum inferiorum, ob imminens periculum dolorum articularium; & hæc usque ad ætatem consistentem sunt administranda, quo saltem tempore fonticulus non erit omittendus.

Universalis interim præparatio, & purgatio his perficienda erit, quæ quoslibet humores excrementitios spectant, & præsertim pituitam, & melancholiam prædominantes; idq; præstandum simplici, & composita eorundem præparatione & purgatione, deveniendo ad extractum hellebori nigri, & usum pilularum de hermodactylis. Caput deinde purgandum per nares, ob dentium affectum, non omisso quinetiam modico tabaco pulverizato per nares attracto. Hisq; peractis, accommodatissimum erit decoctum paratum ex radice Chinæ, ligno visci quercini, & ligno indico rasato, cum gallo juniore optime flagellato, additis herbis aperientibus betonica, & iva arthetica, exhibitum triginta dies circiter, singulis diebus ad unc. 8. matutinis horis, instillatis sex vel septem guttulis spiritus vitrioli singulis vicibus prædicto decocto, præmissiq; bolo ex terebinthina laricina, lota aqua betonice, & redacta in boliformam cum pulvere ossium crematorum, & iva arthetica. Dumque hæc fiunt interni remediis, localia quinetiam partibus affectis sunt præscribenda, lotiones scilicet capitis lixivio parato ex residuo prædicti decocti, cûr sale, & cinere ficus; pulveresque capitales non calefacientes noctu inspergendi capillis, qui parari poterunt ex ossibus crematis, ostreis ustis, cornu cervi, rosis, & betonica. Pars dentis corrosa ferro candenti sæpius tangenda, insufflandique pulveres matrissylæ, olivarum, & tuthiæ præparata, & replendum foramen pilula ex auro confecta. Lienis fiant inunctiones ex oleo

O o o o

amyg

amygdalarum amararum, de capparibus, modico aceto, & cera: Ceratumque apponendum ex ammoniaco dissoluto cum aceto, addito succo herbarum reginæ. Pro genu corroboratione in vino rubro generoso decoquenda sunt rosmarinus, salvia, stæchas, iva arthetica, & calendula, addito modico aceto, & sale, & in eo calido spongia magna madefiant, atque fortius expressæ circumligentur genu, saltem nocturnis horis, quominus sint molestæ. Nec solum hæc peragenda, sed tempore decocti sudor provocandus semel in die in hypocaulo, habita ratione naturalis gracilitatis corporis.

Victus sit boni succi, & ad siccum vergens; omittat carnes bubulas, suillas salitas, & non salitas, avium palustrium, legumina, lacticinia, acetaria, nimis aromatica, & fructus omnes, bibendo cerevisiam, atque etiam vinum tenue, album in mediocri quantitate. Cibus, potus, somnus, venus omnia moderata. *Idem ibidem.*

*De dolore Capitis in Supercilio dextro,
Pro Nobili patiente.*

Dolor ille capitis acutissimus, quem per intervalla patitur Nobilis patiens in supercilio dextro, aliquot jam dies divexans, quique aliis remediis non cedit, sola excepta sanguinis missione ex jecoraria dextri brachii, provenit, ut cenſeo, & ex sanatione colligi facile potest, à sanguine bilioso per jugularem externam ad prædictam partem confluxo. Talem enim sanguinem abundare conjicitur ex ætate, & temperamento: jugularis enim externa ab axillari originem trahens, per cervicis latera inter cutem, & membranam carnosam excurrens, ubi fauces attingit, in duas dirimitur partes, quarum altera subcutanea in labium utrumque, pinas narium, frontem, & majorem oculi angulum ramos diffundit, per quos sanguinem illum vitiosum ad oculum, tanquam partem imbecilliorē transfundere potest; ex quo fit, quod sanguine per venam sectam educto, cessat affectus, quem nullis aliis remediis Chirurgicis, aut Pharmaceuticis debellari potuerunt viri præclarissimi; imò neque cauterio dextro brachio inusto. Huic affectui accedit & hernia in dextro testiculo suborta, cujusnam autem speciei sit ambigo, cum ipsam non viderim, propterea quoad ipsius curationem virorum præclarissimorum judicio meum subijcio, & de prædicto dolore supercilii acturus, existimo ipsum à jecoris fervore provenire.

Ac propterea pro ipsius extirpatione tria præstanda esse cenſeo. Primò enim divertenda erit materia fluens; deinde jecur refrigerandum, & demum curandum erit ut adstringatur furculus illius venæ ad oculum perreptantis.

Pro diversione placet sanguinis eductio ex saphena pedis dextri, ter aut quater in anno, frequensque crurum lotio cum lixivio dulci. Ad compescendum jecoris fervorem probatur aqua Noceriana, vel succus cichorii depuratus in jusculo parvæ pullæ per plures dies assumptus; & pro constrictione, linimentum paratum ex succo mori, omphacii, bolo armena, & gypſo, sæpius repetitum.

Horum enim beneficio spero fore, ut juncta congrua victus ratione, abstinendo ab aromatibus, & vinis generosis, sique alvus lubrica ser-

vetur, à prædicto dolore liberetur. Faxit D. O. M. ut ex voto contingat. *Idem ibidem.*

De dolore oculo annorum in dextro supercilio.

Pro Adm. Rev. Patre Capucino.

Antiquus ille dolor, quem octo abhinc annis patitur Adm. Rev. Patiens in dextro supercilio, propagatus ad suturam coronalem, mox & ad musculum temporalem, ex compressione partis affectæ valdè molestus, vocari potest cephalæa, ratione durationis; ratione verò situs partis dextræ dolentis, hemicrania, seu potius clavus dicendus est, terebrationem referens dum ex compressione invalescit.

Originem autem habuit à causis externis, ære scilicet frigido, & humido, cui se exposuit P. Adm. Rev. dum moram duxit Manerbii, incrementumque suscepit ab iisdem causis externis, dum ante triennium Roma rediens, à radiis solaribus insigne nocumentum passus fuit. Atqui solæ hæ causæ externæ non sunt aptæ tam diuturnum, & refractarium affectum fovere; propterea me judice conservatur ab heterogenea materia in parte affecta contenta, à prædominio crassa cum pituitosa, sed falsa, & æris, & loci inclementia congesta, tum melancholica exusta, à vociferationibus dum concionaretur, & ex insolatu in itinere, ad partem affectam imbecilliorē redditam confluxa: quam in hoc corpore redundare testantur hæmorroides valdè molestæ: imò fovere etiam potest ab inæquali intemperie partis affectæ: humoresque prædicti sunt quidem in partibus subcutaneis, ac propterea ad compressionem dolor incrementum suscipit, non tamen in spatiis inanibus, sed potius in arteriis ibi disseminatis; hincque fit quod dolor sit in supercilio, ubi pulsant arteriæ, diffundaturque ad suturam coronalem, & ad musculum temporalem, in quibus itidem partibus eadem evidentissimè micant. Quod si masticatio impeditur, hoc fit tracto in consensum musculo masticatore dicto: hancque forte ob causam exacerbatur dolor ad compressionem, impedita scilicet libera pulsatione: sicuti etiam ex sanguinis missione juvamentum suscepit, facta revulsione, ventilatione, & evacuatione sanguinis melancholici; non tamen liber evasit, quoniam adhuc hæret in parte affecta materia morbifica, persistitque inæqualis intemperies ab heterogenea materia inducta.

Ex his compertissimum redditur præsentem affectum summa cum difficultate, nec nisi generosioribus remediis extirpatum iri.

Quod ut fiat, divertenda est fluxio, evacuada materia fluxa, & intemperies à prædominio frigida moderatè calidis corrigenda. Materiarum remediorum variæ fuerunt hætenus ritè & rectè præscriptæ, non tamen desunt præscribendæ.

Inter Chirurgicas placet repetita sanguinis detractio primò ex saphena pedis dextri, ut faciebat Galen. secundo ad Glauc. ubi in inflammatione oculorum secabat venas pedum, pro majori revulsione. Quod libentius faciendum est, si in venis sedalibus perseverat aliquis dolor. Facta hac evacuatione, præscriptisque frictionibus, & lotionibus infernarum partium, secunda est vena frontis: non tamen sanguis in multa copia detrahendus, ne cerebrum refrigeretur magis quam conveniat: mox applicentur hiru-

hirudines musculo temporali partis affectæ; imò deveniendum censeo, ad arteriotomiam, quando prædictis remediis non cederet affectus, quæ tamen operatio ab experto Chirurgo tentanda est; quo solo remedio sanavit Ambrosius Paræus nobilem Gallum hemicrania quasi deplorata detentum, ut retulit in lib. 16. suæ magnæ Chirurgiæ cap. 4.

Non omittantur deinde localia digerentia materiam morbificam. In quem usum prodesse poterit succus cardui sancti, cum oleo rosato, in quo ebullierint millepedes sub hydnis delitescentes, addito modico aceto: non omittis interim tum universalibus purgationibus, etiam validioribus, videlicet extracto hellebori nigri, & colocynthidis, præmissa humorum præparatione, necnon & peculiaribus caput purgans per os, & per nares; ac tandem parato emissario in sinistro brachio, & in dextro femore. His enim, & similibus remediis à Viris Doctissimis præscribendis, spero fore ut Pater Adm. Rev. ab adeo gravi affectu liberetur. Quod ipsi à præpotente Deo enixè precor. *Idem ibidem.*

De Hemicrania. Pro Eminentiss. Cardinali Fachinello.

Eminentiss. Cardinalis ab aliquot annis conqueritur de dolore capitis in dextro latere, Hemicrania dicto, modo frequenter, modo per longiora intervalla recurrente, graviusque infestante circa tempus dextrum, & retrò aurem dextram diem, & plus eo, tanta molestia, ut quascunque consuetas operationes impediat; quod si levior sit, ruborem, & calorem excitat in naribus, & in aure dextra.

Ex his facile est colligere, partem affectam in hoc morbo esse caput ipsum, non quidem essentialiter, quia non permanet, neque est continuus, sed per consensum; consensumque hunc fieri à jecore fervido vapores calidos ad caput transmittente, quos facile recipit propter imbecillitatem contractam ex continuis, iisque gravissimis negotiis, quibus diu incubuit, & in variis regionibus, ac proinde fieri facile potuit, ut cum in jecore fervido generetur copia sanguinis biliosi, unà cum portione melancholici, cumque alvus naturaliter sit adstricta, quod inquam, non levis, vaporum acrium copia per venas, & arterias externas exhalet in dextram partem capitis, servata rectitudine cum parte affecta, atque ita excitetur dolor hemicranicus.

Affectus curatu difficillimus, cum ob durationem ipsius, tum ob innatum jecoris fervorem ex habitu corporis, venarumque latitudine manifestum, summa qui cum difficultate contemperari potest; cum præsertim refrigerantia perquam necessaria ventriculo frigido, & humido noxam aliquam sint allatura. Non ob id tamen est prorsus incurabilis; est enim de genere illorum affectuum, de quibus locutus Hippocrates quinto in 6. epid. 5. dixit: morbos connutritos in senecta desinere per concoctionem, solutionem, & rarefactionem; ideoque temporis progressu remittente jecoris fervore, cessare facile poterit, quod quidem Eminentiss. Princeps experitur referens, se nunc minus conflictari quam annis elapsis.

Ideo pro curatione validioribus omnibus medicamentis missis, leviora tantum in præ-

sentia sunt præscribenda, quæ facultatem habeant revellendi, repellendi, intercipiendique vapores caput petentes, necnon & divertendi, ac evacuandi humores, à quibus elevantur, jecorisque fervorem contemperandi, desumpta ex Chirurgia, Pharmacia, & Diata.

Inter Chirurgici, tria valde accommodata cum levi molestia esse poterunt. Primum erit balneum, aquæ dulcis calidæ pedibus, & cruribus administratum, cum frictione infernarum partium, appositis tunc temporis adstringentibus externis venis temporum, retrò aures, & venis jugularibus, linteolis scilicet madefactis in succo granatorum, mori immaturi, agrestæ, vel hypocistide una cum albumine ovi, eidem parti dextræ tunc temporis appositis, quando observatur præludium doloris imminenti. Idque fiat mane & vespere, detentis pedibus in aqua calida jam proposita. Secundum remedium erit apertio venarum sedalium semel in mense repetita propè plenilunium, vel eo tempore quo magis afficitur, quale forsitan est tempus prædictum: quo assuefiat natura huic evacuationi, cujus beneficio non solum præservabitur Eminentissimus ab hemicrania, sed etiam ab aliis gravioribus malis. Tertium remedium erit Arteriotomia, sectio scilicet arteriæ temporalis, tunc præsertim tentanda, quando dolor est pulsatilis, ex quo suspicio subesse possit vapores caput petere per arterias ipsas: cujus remedii rectum usum proponit Ambrosius Paræus lib. 16. suæ magnæ Chirurgiæ cap. 4. Prodesse quinetiam poterit inustio fonticuli dextro interno femori, pro continua & majori revulsione.

Pharmaceutica sint evacuantia sine molesta humorum agitatione, & jecoris fervorem contemperantia. In hunc usum familiare medicamentum sit unc. sem. fl. cass. recens extractæ, cum drach. sem. pil. ex Aloë lota cum succo rosarum, semel in hebdomada sumptum. Blandè namque purgabit, & hæmorrhoides forsitan reserabit. Ad jecoris fervorem contemperandum proderit aqua Villensis in agro Lucensi, aqua Ficocellæ in agro Senensi, vel nostra Patavina B. Virginis Montis Ortonis: nec minus proderit aqua Noceriana; quarum aquarum loco ex usu esset serum lactis caprini, nisi evaporaret in caput, sumiq; debebant cum seminibus melonum, & syr. capil. veneris, quoad urinæ vias permeent: præmissa tamen blanda corporis expiatione, ne crudi humores comportentur in venas, sumanturque prima vice ad libras quinque, & singulis diebus addatur libra usq; ad duodecim: postea singulis diebus subtrahatur libra usq; ad primam quantitatem; & si liberè non permeant, permisceatur aliquando manna el. Quod si vel Eminentiss. Cardinalis respueret ipsarum potum, vel tempus non erit congruum, vel liberè permeare non poterunt, in hoc casu denuò uti poterit pusculo alterato cichorio, præmissa in eo maceratione comæ absinthii Romani, vel umbeliferi, ratione ventriculi, & cum ipso sumat unciam semis sacchari rosati ex rosis Persicis, pergatq; in usu ipsius viginti & plures dies applicato jecori epithemate ex succ. cich. depurato cū pauco aceto.

Victus ratione rectè instituta cum cibis facilis digestionis, abstinendo ab aromatibus, à cibis vaporosis, selino scil. hipposelino, vinis generosis, & continuis negotiis, præsertim post

cibum, semperque ultima mensa sumendo quidpiam adstringens, nempe diacydonite sine aromatibus, gelu cydoniorum, pyra, sorba, granata, vel quid simile. *Idem ibidem.*

De Dolor Capitis, imbecillitate Ventriculi, & Pustulis. Pro Nobilissima Virgine.

Ex illis quæ à Viro Præclarissimo relata legimus, compertissimum redditur, Illustrissimam Virginem non rarò conqueri de dolore capitis, ventriculi imbecillitate, & de pustulis Autumno præterito circa tibias subortis, pruriginosis, ex levi confricatione in dolorosa ulcuscula desinentibus, cum ichorosa materiæ transudatione. Quæ omnia cum supervenerint mensium suppressioni, mense Julio elapso subortæ, summa cum ratione referri possunt in uteri vitium: cum præsertim scriptum reliquerit Hippocrates quod mensibus deficientibus, morbi fiunt ab utero; quibus non intelligit in utero ipso generari morbos, ut videtur innuere Galenus, sed morbos in aliis partibus genitos ab utero provenire; ideoque non dixit in utero, sed ab utero.

Vitium autem præcipuum in casu præsentis, me quoque iudice, est obstructio venarum uteri, facta ab ipsiusmet sanguinis crassitie, & visciditate, propter imbecillum ventriculi calorem, crudum chylum jecori suppeditantem, in quo fortè calidiori crassior redditus, difficulter fluere potest. Negari sanè non potest ex descripta corporis constitutione, & gracilitate, defectus aliquis ipsius sanguinis, qui tamen non tantus est, ut suppressionem efficiat, cum præteritis mensibus fluxerit, licet imminutè: minus referendam censeo causam in virginale claustrum, quod cæteris omnibus virginibus nullam mensium suppressionem infert.

Quare consultissimum censeo cum Viro doctissimo, curare ut menstruæ purgationes revocentur. Ita enim spero fore, ut omnia supra enarrata symptomata recedant. Hoc autem fiet per attenuantia, incidentia, & vias referantia, præmissa universali corporis expiatione, nec omissa ventriculi corroboracione, per moderatè calefacientia. Quæ præstabuntur remediis Chirurgicis, Pharmaceuticis, & Diæticis.

Inter Chirurgica, placet aliqua levis sanguinis missio; quoniam me quoque iudice, non adest insignis sanguinis copia: aliqua tamen; alioquin ex mensium suppressione nullus affectus subortus esset: & cum sanguis sit crassus, & patiens gracilis, ex vena poplitis, si apparuerit, tanquam è loco utero viciniore; ipsa verò non apparente, ex vena tali educendum censerem, veritus ne per hirudines, seu cucurbitulas non effluat sanguis crassus peccans. Parca tamen & repetita sit evacuatio, non omissa tamen cucurbitularum non scarificatarum applicatione, inferarum partium frictione, pedumque lotione cum lixivio alterato matricaria, artemisia, pulegio, malva, floribus chamæmeli, & modico sabina. Neq; præter rem fore censeo uterum ipsum fovere viuo albo calido, in quo efferbuerint herbarum prædictarum. De cauteriis cogitandum non censeo in hac ætate, & hac corporis gracilitate, quod video improbatum à Viro Præclarissimo.

Lenientia præparantia, & purgantia optimo

consilio præscripta à Viro Doctissimo summo-pere laudo: omnis tamen uterinis medicamentis, & menses moventibus in prima humorum præparatione, qui sunt in primis viis, ne devehantur ad uterum. Post primam autem præparationem, & purgationem ea peropportuna erunt cum syr. capill. ven. byzantino, & de quinque radicibus. Sensim enim, & sensim præparandi, & purgandi sunt humores, & levioribus purgantibus, utputa Ag. Rhabarb. & similibus, additis semper speciebus hieræ. Nec omittendos censeo mensibus imminentibus, trochiscos de myrrha una cum borace minerali; valde proficuo ad ciendos menses. Hisque omnibus peractis, decoctum præscriptum ex radice china, cum modico sassafra, & lentisco, summopere laudo, una cum herbis stomachicis, & uterinis temperatis, paratum in jure vel galli junioris, vel columbæ, præmisso bolo ex trochiscis de myrrha, de capparibus, & succo agrimonie concreto, subacto cum syr. capill. veneris.

Quibus omnibus jungatur congrua victus ratio, quæ sit ciborum boni succi, facilisque coctionis; abstinendo à cibis glutinosis cujuscumque generis; bibendo vinum tenuis substantiæ, album, subdulce; alvum semper lubricam servando familiari usu pil. ex Aloë lota cum succo ros. parum ante cenam sumptarum, præcipuè mensibus imminentibus: quo tempore proderit motus corporis, & cessatio à curis quibuslibet, omniumque maxime connubium, si fieri possit. *Idem ibidem.*

De Capitis dolore, ulcerosa lassitudine, lapsu memoria, aurium tinnitu, aliisque symptomatibus. Pro Nobili Germano.

Ulcerosa totius corporis lassitudo, capitisque dolor gravativus, nunc potissimum sinciput infestans Nobilissimi Adolescentis, cum lapsu memoriæ, aurium tinnitu, insigni totius sinistræ partis corporis imbecillitate, & impedita penis erectione; imò aliquando etiam cum impedito motu capitis, vel totius corporis, præsertim à somno circa matutinas horas in aëre frigidior, cum sint affectiones diuturnæ, confirmatæ, & quibuscumque medicis præsidis hætenus præscriptis refractariæ, certo certius indicant habitalem intemperiem frigidam capitis, cum præsentia materiæ pituitosæ & fluxione humoris cum biliosi, tum melancholici à calido jecore geniti, & per venosum genus ad caput transmissi, quorum ratione fit ulcerosa lassitudo, dolorque aliquando magis acutus: Antiquos enim dolores frigidos esse dixit Hippocr. in Epidemiis, novos calidos. Præsentem autem sunt valde inveterati, cum sint duorum annorum, nec hætenus debellari potuerint: & licet æstivo tempore, & usu remediorum calidorum cedere videantur, recurrunt nihilominus, & adventante frigido ambiente magis sæviunt. Utrum verò sint Gallici, non immeritò dubitari potest. Tales enim statuendos esse, vel inde colligi potest, quod gonorrhœam passus fuerit cum ardore ingenti mense Januario 1616. post equitationem quidem longam, & computationem vini generosissimi, non sine venereo congressu mense Octobri proximè præterito; accedit quod pro prædictæ gonorrhœæ curatione refrigerantibus, non

non alexipharmacis usus fuerit : quod eadem redierit autumnō subsequenti, ac deinde ipsa sine alexipharmaco sanata, supervenerint prædicta symptomata; quod tinniant aures, ac tandem quod nullis calorificis remediis cesserint affectus prædicti. His tamen non obstantibus, existimo dolores istos non esse Gallicos: Primò, quia post multos menses à gonorrhœa supervenerunt: Secundò, quia non invadunt, vel exacerbantur circa vespertinas horas dolorum Gallicorum more: Tertiò, quia remittunt æstate, hyeme invalescunt: Quartò, quia supervenisse videntur post cohibitam copiosam capitis expurgationem per os, & nares Nobiliss. huic patienti familiarissimam: Quintò, quia determinatum locum non occupant, quod observari solet in Gallicis antiquis & confirmatis. Quod si nondum cessent tot & tantis remediis hucusque cum ratione usurpatis, hoc provenit à crassitie materiæ jam genitæ, ab intemperie partium principalium continuò eam generantæ, & ab imbecillitate nervosæ substantiæ contracta ex inunctione aliàs facta cum hydrargyro.

Non ob id tamen desperet æger, quia tandè divina ope, & beneficio validissimorū remediōrū extirpabuntur, & perfectā sanitatē recuperabit.

Quod ut fiat, incumbendum quidem est indicationibus, & scopis à nobis aliàs propositis: quamquam enim remedia ex methodo præscripta juvare non videantur, ad alia nihilominus deveniendum non est, stante eo quod à principio visum est, divini Hippocratis sententia. Materiæ tamen remediōrum longè validiores esse debent; quoniam extremis morbis extrema remedia sunt opportuna præsertim in hac ætate juvenili; in qua vires sunt robustissimæ, & morbus longè recedit à statu naturali.

Quare post levem humorum præparationem, validis purgantib⁹ manum admoveere debemus, cujusmodi sunt pil. de nitro Alexandri, diacolocynthidos, extractum hellebori nigri, pil. lazuli, & aliæ ex alto trahentes, aliquoties præscriptæ. Caput quinetiam validioribus errhinis, & masticatoriis, ac gargarismatibus est expurgandum ex radice hellebori nigri, antimonio præparato, sabina, euphorbio, & similibus: non omisso oxymelite scyllitico, cum dec. serpylli, majoranæ, sabina, centaurii, & minima portione colocynthidis. Hæc pro diligentiori, & sensibili capitis expurgatione. Quibus peractis, ad insensibilem deveniendum, & ad generosiora topica capiti canda, & toti corpori. Quare si de internis seraplimo sit, repetendum censeo decoctum ligni Indici, salsæparillæ, & ligni visci quercini; quod paretur cum vino albo, addito absinthio, hyssopo, semin. urticæ, apii vel menthastrō montano, quæ facultate specifica pollere dicuntur adversus veneficam hydargyri qualitatem, præmisso bolo ex terebinthina cypria cum myrrha, costō, vel radice cyperi, & sale theriacali. Utatur hoc decocto quadraginta dies, cum sudore semel, aut bis in die pro virium tolerantia: sitque ita generosum, ut pro singulis syrupis sumatur uncia una ligni Indici, & salsæparillæ, cum uncia semis ligni visci quercini, & drach. ij. sassafras, & quarta quaque die utatur drachma semis Mithridaticæ confectionis, singulis octo diebus, ad purgans validum progrediendo, imò quandoq; ad antimonium præparatum. Interim

dum hæc fient intrinsecus, etiam externis remediis curanda sunt partes affectæ. Quare pro capite placent frictiones factæ cum sale, nitro, euphorbio, nigella, & agarico. Laudo emplastra parata ex caricis siccis, pyrethro, abrotano, sabina, cum aceto scillitico, aqua ardenti, & farina fœnugræci. Placent inunctiones cum capitis, tum universi corporis, oleo rutaceo, laurino, cum castoreo, sale, nitro, & aqua ardenti. Devenirem quinetiam ad inunctiones capitis cum caustico non dolorifico, quæ fiant tribus aut quatuor locis. Quicumque enim morbi non sanantur vi medicamentorum, vel ferri, igne sanantur, ex Hipp. Applicarem vesicantia post aures, & nisi abhorreat à fonticulo in occipite, mihi summo opere etiam arridet. Hæc sunt quidem validissima remedia, quæ rite administrata, & prudenter erunt apprime utilia.

Victus sit boni succi, mediocris, attenuans, calefaciens, non interdicto vino, non omissa alvi lenitione cum familiaribus pilulis: quales esse possunt pilul. de tribus cum rhabarbaro, vel de hiera cum agarico. Quod si earum usu jecur magis incalesceret, quod non metuo, exhiberi posset aqua stillatitia paulò antè prandium, vel jusculum cum cichoraceis. Et hæc sunt potiora remedia, quæ ex usu futura censeo. *Idem ibidem.*

Dolor Capitis hemicranicus cum palpebræ superioris læsione.

Nob. Virgo Vestalis in primo senio constituta, temperamenti totius & jecoris calidi & sicci, calidi quoque capitis, à quo tamen exigua catarrhi calidi portio emanat; gracilis habitus, procera staturæ. Superioribus annis gravibus occupationibus implicata, nec non animi perturbationes passa, ventriculi primo molestitus, non tamen dolorificis, obnoxia fuit, quas prænunciare solebat urina multa, cruda & aquosa; quæ deinde ventriculi affectiones recedebat, secuto vomitu materiæ, modò pituitosæ, frequenter tamen biliosæ atque porraceæ, imò etiam in præsens de copiosis flatibus in hypochondriis conqueritur, ventriculum ipsum calefacientibus ac infestantibus. Quinque autem ab hinc annis conqueri cœpit de quodam dolore, non quidem acuto, sed obtuso, in parte sinistra capitis supra aures; qui tamen potius vagus, quàm fixus ab ipsa Patientē observabatur, cum etiam usque ad futuram coronalem, imò & ad dexteram partem ejusdem capitis extenderetur; Progressu autem gravem, atq; difficilem reddere cœpit palpebræ dexteræ elevationem, cum tremore, siue potius palpitatione ejusdem: Quandoque enim contingebant motus isti tremuli siue palpitationes, vel nullâ quin etiam tentatâ palpebræ elevatione, semper tamen sine dolore, & sine visus læsione; manu autem accurrente, & ad locum affectum admotâ cum aliqua frictione, tadium hoc levabatur. Difficultas hujusmodi in dies semper gravior reddita est, adeo ut oculum clausum tenere ferè semper cogatur Nob. Patiens, & potissimum quando elevationem palpebræ tentare conatur; facilius verò, imò & sæpe sine difficultate, palpebram attollit, non advertens juxta, & dum ad aliquam operationem intensius mentem convertit, difficultatis oblita: prout & in reminiscencia difficultas eadem recurrit. Olim verò Patiens curata fuit hujus affectionis causâ; sed

frustrâ, cum morbus respuerit omnem medelam, & præsidia varia adhibita, Purgationes nimirum, & ab ipsis Setaceum occipiti inustum, quod plures menses nullâ ope, imò potius cum affectionis augmento, gestavit. Ex pede venæsectionem, cucurbitulas, & hujusmodi alia experta est. Modò iterum ad Medicos confugit, ut si fieri possit, ab hoc affectu molesto vindicetur.

Rara equidem & speculatione digna est affectio, quâ quinque ab hinc annis divexatur Nob. admodum & Rever. Veltalis, eoque majori indiget acumine Medici, cum varia, multiplicia, & magna remedia, non solum in cassum huc usque administrata fuerint, quinimò potius cum ejusdem affectus incremento, adeò ut à juvantibus, & ludentibus si desumatur iudicium, non adeò idonea, & oportuna hæc fuisse, censendum sit. At quoniam morborum diurnitatis, ac pervicaciæ causam refert Galenus ad partis affectæ conditionem, humoris peccantis renixum, & errores in vivendi ratione; idcirco, cum causa hujus affectionis mediata, sit humor pertinax, atque rebellis, nec pars affecta, mineram continens, adeò curatu facilis, ab his, propterea duabus causis, ejusdem affectionis perseverantia desumenda fuerit. Pars igitur, si non primario, & essentialiter, secundo saltem, & per consensum in præsens affecta, est caput ipsum, quod tamen aliquam labem essentialem progressu temporis contraxisse, non est negandum. Læditur autem potius secundum partem externam, quàm internam: Quamvis enim primus læsionis impetus, in sinistram internam partem inceperit, expansus tamen & ad dexteram partem statim diffusus, extra Calvariam, nempe circa musculos, & præsertim sub palpebræ elevatore, in progressu vera causa innotuit, molesta potius, quàm dolens, quæ vaporis potius, quàm humoris specie se prodit; tū quia non semper eadem perdurat difficultas attollendi palpebram; tum quia, manibus contrectatâ parte, ferè omnino evanescit, ita ut palpebra ipsa mox attollatur; & tandem quia palpitantes, quas frequenter patitur ipsa pars, non ab aliâ causâ, quàm à materia flatuosa provenire, pro certo habendum. In dubium verò revocatur, num minera humida, à qua elevatur hujusmodi flatulenta materia, in capite, an potius, in aliqua alia parte reperiatur, vapores inde ad caput transmittens. Et quamvis non negaverim caput, tot ab hinc annis sympathicè læsum, idiopathicam quoque imbecillitatem, atque læsionem aliquam necessariò acquisivisse, mineram tamen ab initio in hypochondriis extitisse, minime dubito, hancque melancholicam; cum hypochondriacam olim fuisse, & esse Nob. Patientem, facile conjici possit ex ventriculi anxietatibus ante capitis læsionem perpeffis, cedentibus à vomitu materiæ, modò pituitosæ, & crudæ, modò flavæ, modò porraceæ, à ciborum corruptione provenientes; sicut & corruptio ab hypochondriorum intenso calore, Hypochondriacorum proprio. Præterea eandem confirmant flatus copiosi, in hanc usq; diem, in hypochondriis perseverantes, & molestum calorem ventriculo communicantes. Hypochondriaca autem melancholica hujusmodi affectio, sic ut antea à gravioribus occupationibus, & animi perturbationibus inducta fuit; ita & crassas, ac fuliginosas exhalationes ad caput, suapte naturâ calidum,

& ab externis injuriis imbecille redditum, transmittendo, plura, & varia prava symptomata produxit; imaginationem enim quodammodo corripit, ut propterea dum imaginatio, & mens ipsa ad aliquod aliud negotium convertitur, non animadvertens, palpebram attollat; non autem dum imaginationem ad elevationem applicat. Non tamen ideo censendum, à sola depravata imaginatione difficilem provenire palpebræ elevationem; cum dubio procul adsit etiam materia ipsa flatulenta, crassa & fuliginosa, ut potè melancholica, non quidem in nervis secundæ conjugationis, palpebras moventibus; sed quæ musculum pervadens, spatia replendo, in eodem liberum motum elevationis intercipit, qui motus facilius redditur post frictionem, & contrectationem, manibus factam, quâ flatulenta, & fuliginosa materia resolvitur. Hinc factum fuit, quod topica medicamenta, & calida præsertim, nullum levamen, imò potius nocumentum attulerint, sicut neque proxima derivantia, setaceum nempe, sed potius ab infernis partibus humores, & vapores magis attrahere, quàm præsentis evacuare contigerit. Nec ideo mira videri debet affectionis hujus pervicacia, cum quotidie ab humoribus, & vaporibus melancholicis mirabiles, & ineffabiles effectus à nobis observentur, sæpe Medicos in admirationem trahentes; imò & nunquam decipientes, alios nimirum, atque diversos affectus repræsentantes, ac simulantes, ut ab Hippoc. docemur, exempli gratiâ, dum ait, quod Si lingua repente incontinens fiat, aut aliqua pars corporis stupore elanguet, tale est melancholicum signum; effectus nimirum flatulentæ melancholicæ materiæ, quæ huc, & illuc per corpus delata, stupores, imò & torpores in hac, vel illa parte inducere potest.

Itaque pro hoc affectu curando, fontem mali, ut dicebat Celsus, tollere oportet, & diversa à præteritis curativa indicatio est desumenda, conceptâ spe, fore, ut affectus ipse, quamvis confirmatus, propriis remediis adhibitis, auferri possit.

In quem finem primæ viæ sunt expiandæ. Secundo Obstructiones referandæ. Tertiò Massa sanguinea ab impuritatibus vindicanda. Quarto Topica parti adhibenda. Quintò Jecoris, & capitis calor contemperandus; atque Tandem caput idem roborandum.

Pro primo scopo explendo, primum leniens erit potio ex manna clarif. aut Electuarium lenit. cum tartaro. Præparans autem, quinque diebus præbendum,

℞. Julap. acet. corticibus citri alterati ℥ij. Aqu. flor. citri ℥j. m. pro syrup. & sic pro aliis. Deinde repetatur alterum ex superscriptis lenientibus.

Pro secunda intentione, sequenti die, succi depurati hunc in modum exhibendi

℞. Succi depur. & per arenam trajecti, cicchor. borag. pom. dulc. an. ℥j. decoct. endiv. melissæ, malvarum, violarum, lupulorum ℥iv. salis tart. fixi gr. x. m. pro syr. summo manè assumendo. Sequenti verò die præbeatur rhabarbarum ita

℞. Rhabarb. maturi ℥j. floris cass. rec. extr. ℥ij. M. f. boli, summo manè exhibendi, quibus horâ post, superbibat aqua stillat. malvarum,

varum, borag. an. ℥iv. m. & tribus horis ab assumpta aqua prandeat. Tertiâ verò die iterum assumat succos, ut suprâ; deinde die sequenti bolos; atque ita perseveret viginti dies, alternatim assumendo succos, & bolos; in quorum intermedio usu assumat bolos, ita parandos

℥. Flor. cass. rec. extr. ℥vii. Extracti senæ, pilul. de tribus cum rhabarb. an. 3 f. M. f. boli, quibus, post horam, superbibat ser. capr. aut asin. depur. lib. j. f. tribus verò horis ab assumpto sero prandeat. Interim venæ sedales hirudinibus aperiendæ, & sanguis ad ℥v. aut ad summum vi. extrahendus.

Terminatis viginti diebus, secundo, & tertio scopo satisfactum fuerit, si addatur Purgans, quod totum, & caput spectet: dicebat enim Gal. quòd Licet caput per alterius partis consensum laboret, affectio nihilominus ipsi capiti tribuenda sit. Ideo parentur pilulæ, totum, & caput purgantes, hunc in modum

℥. Pilul. aurearum, aggregat. cochiarum an. 3 f. m. reform. pilulæ, & inaurantur, circa mediam noctem, post primum somnum, assumendæ; summo verò mane superbibat ser. capr. aut asin. depur. lib. ij. cui superdormiat, si potuerit. Et quoniam partem affectam, affectionis diuturnitate aliquam labem necessario contraxisse dixi, ideo aliquam quoque, licet exiguam, excrementi portionem, per congestionem producere posse suspicandum, quæ sensibilem, & insensibilem evacuationem exigit. Quare topica remedia, tum interna, tum externa sunt paranda. Intrinsecus prodelle poterit Errhinum, quotidie mane ante cibum in usum ducendum, hoc modo

℥. Pulv. majoranæ, Ireos an. ℥ij. M. f. pulvis, more tabaci per nares attrahendus. Extrinsecus verò paretur fomentum, spongiâ eodem madefactâ, & expressâ parti affectæ, mane, & vesperti, tepidum admovendum

℥. Fol. malvarum, chamæmeli, meliloti an. manip. j. radic. althææ ℥j. liquiritiæ 3 f. sem. fœnugr. hordei an. ℥ij. aqu. comm. lib. vi. m. bulliant ad consumpt. tertiæ, pro fomento; quo amoto, detergatur pars, & illiniatur oleo lil. alborum.

Quintæ intentioni satisfacere poterit lac asinum, quadraginta, aut quinquaginta diebus, summo mane, cum saccharo pro more assumendum: Etenim non solum jecoris, & capitis, totiusque sanguinis calorem contemperare, sed contumaciores quoque obstructions exiccatas emollire, & auferre, necnon totum corpus, jam emaciatum instaurare poterit, præsertim si addatur, oleo amygdalino recenti, universo corpori quotidiana inunctio. Neque obstabit Hippocratis documentum, quòd Lac dare caput dolentibus sit malum; cum per caput dolentes, frigiditatem, catarrhique copiam intelligat; in nostro verò casu catarrhus exiguus, isque calidus valdè, à Nob. Patiente observetur. Quòd si Excellentissimo Medico Assistenti fortasse suspectum habeatur, substituatur lac arte factum, in hunc modum parandum.

℥. Sem. melon. mundat. ℥j. Sem. anguriæ, cucurbitæ mundat. an. 3 f. m. contundantur, & cum jure pullæ extrahatur emulsio; cui adde sacchari albiissimi cochlear unum, m. pro potu matutino.

Tandem pro aliqua capitis corroboratione opportunissimus erit usus, statim à prandio, & à cœna, Conservæ rosarum, ita paratæ.

℥. Conservæ rosarum, ℥v. Tincturæ corall. chymicæ 3 j. m. reform. cujus dosis erit ad cochlear unum.

His autem omnibus congrua erit addenda vivendi ratio, à Viro Excellentiss. præscribenda, ita ut caveat à fumosis omnibus, præsertim calidis, sed & à flatulentis; à diuturna mora tum prope ignem; tum sub radiis solaribus: sed omnium maxime à nimis quibuscunque studiis & animi perturbationibus, ut medicamenta jam proposita scopum salutis attingere possint. Raym. Joh. Fortis Consult. & Respons. Medic. Tom. 2. Cent. 1.

Hemicranicus dolor, in lateris dolorem degenerans.

Pater Admodum Reverend. Concionator celeberrimus, annum agens quadragesimum nonum, temperamenti secundum totum, magisque secundum jecur & cor, calidi & sicci, capitis calidioris, non valdè humidi, destillationibus tamen obnoxii, mediocris habitus, ingenii perspicacis, & ad operationes promptissimus, anno elapso, dum Quadragesimali tempore Veronæ pro Prædicatione morabatur, correptus fuit dolore vehementissimo in sinistra capitis parte, qui musculum temporalem, aurem & maxillam occupabat, & progressu in latus sinistrum circa renis regionem descendit tanto impetu, ut lecto non sine aliqua febricula Adm. Reverend. Patrem affixerit. Dum verò hoc anno Patavii, eodem tempore Quadragesimali, summo cum universali applausu atque Chirillarum fructu verbum Dei prædicaret, dolor non in capite, sed in latere sinistro circa eandem renis regionem ipsum invadere cœperat, noctu præsertim invalescens, verum non adeo sævus & vehemens, ut ideo nullâ die ipsi Concionem impedierit. Modò pro præservatione prudens Admod. Rev. Pater nos de agendis consulit.

Quòd Admodum Reverend. Pater caput habeat destillationibus obnoxium, cum tamen ejus temperies valdè humida non sit, nec excrementis pituitosis scateat, primâ fronte mirum videbitur: at si medullitus totius & partium principalium temperies, necnon intensa & diuturna studia considerentur, admiratio cessabit: Jecur enim fervidum, nonnisi ejusdem conditionis sanguinem producere potest, qui per venam cavam ad cor calidissimum perveniens ut purificetur & perficiatur, propriæ caliditatis quicquam amittere nequit, imò potius caloris plures gradus acquirit. Illius autem portio, dum per Carotidas ad caput ascendit ob cerebri frigiditatem, ut sui moris est, propriæ caliditatis multos gradus deponere deberet, nisi cerebrum ipsum continuo à studiis & applicationibus agiturum consueto calidius inveniret: quò fit ut etiam spiritus animales calidiores ex ipso fervido sanguine generentur: qui principes operationes exercendo cerebrum ipsum semper calidius reddunt. Hinc portio sanguinis pro nutritione eidem destinata ob exuberantem calorem, non in alimentum, sed

in humidum excrementum cedit: cui dum associatur biliosi atque serosi sanguinis portio major inutilis, à venis jugularibus non exhaustur, sicque mistura huiusmodi in spatiis remanens & fluxibilior reddita, partim ab imbecillitate facultatis retentricis, partim ab irritamento expultricis, in subjectas partes delabitur atque detruditur: quæ ut acris & mordax continuum solvendo, immanes dolores concitat: quos cum in maxilla, aure & temporali musculo, ob earundem partium exquisitum sensum natura diu tolerare nequirit, materiam ipsam molestantem, ad ignobiliores partes, ad musculos nimirum dorsales atque lumbales tandem Veronæ detrusit, & sensibilibus medicamentis, atque præsertim sanguinis missione, necnon per insensibilem transpirationem spatium dierum materia resoluta fuit, & dolore vanuit: qui hoc anno rursus rediit, dum Pater admodum Reu. caput eodem modo exercendo & excalesciendo, eodemque tempore viscera omnia, genita fuit catarrhalis materiæ portio, & multò copiosior à venoso genere, serosa atque biliosa transmissa, ne dicam, violenter attracta, ut propterea ab eadem excrementosa missione natura irritata, eandem ad partes infernas deposuerit; neque enim in capite firmata est, sed statim ad renis regionem transmissa fuit, forsan ob materiæ maiorem tenuitatem & fluxibilitatem, aut quia caput non adeò ab aëre Patavino, ut à Veronensi læsum atque debilitatum fuerit, & idcirco in minori copia excrementum produxerit, quod facilius natura statim ad inferiores & ignobiliores partes deponere potuerit.

Ut igitur Pater admodum Reu. præservari possit non est qui non videat partium mandantium primò curam habendam esse, secundo loco, suscipientium. Quoniam verò partes mandantes, sunt venæ totius, vitioso sanguine fervido, seroso atque bilioso refertæ, ideo sanguis ipse à serositatibus calidis vindicandus, & ejusdem qualitas, tum prima, nimirum calida, tum secunda, nimirum acris & mordax temperanda & demulcenda. Quoniam verò sanguis huius pravæ conditionis à fervore jecoris & cordis continuo reproducitur; idcirco horum calida intemperies refrigerantibus corrigenda; & tandem pars recipiens, caput sci. corroboracionem potius, quam correctiorem expostulat, cum aliquem tantum excessum in calore retineat.

Quæ jam dicta omnia obtineri posse, omnino considerem, nisi de continentia Admod. Reu. Patris à nimis studiis & applicationibus dubitarem. Cura itaque præservativa, sed levis atque suavis, hoc anni tempore congruo, est ineunda; & primò primæ viæ ab excrementis sunt expediendæ. Secundò Biliosæ serositates à sanguine segregandæ & educendæ. Tertiò Jecoris & cordis fervor est temperandus. Quartò Sanguinis acrimonia & mordacitas mitiganda, simulque caput refrigerandum, ac postea idem corroborandum.

Pro primâ explenda intentione, convenientissima erit potio ex syr. ros. solut. rec. cui post duas aut tres horas, superbibat seri capr. depur. aut aquæ Nocerianæ lib. ij. & duabus horis ab assumpto sero prandeat. Dein-

de quinque sequentibus diebus summo mane assumat Julap. acet. & violati, aquæ florum citri an. ℥j. pro syrup. matutino. Transactis autem hisce quinque diebus succedat potio superscripta.

Secunda intentio modo facili ita fuerit implenda, ut nimirum sequenti die assumat.

℥. Seri capr. destillat. ℥vii. syrup. de succo limon. aut de acido citri ℥j. m. pro potu matutino, quatuor horis ante cibum. Subsequenti verò die

℥. Rhabarb. opt. ℥j. aq. stillat. de succo cich. ℥vj. m. f. inf. per noctem, deinde fiat colatura, cui pro gustu Patientis addi potest succilimon. cochlear, & summo mane assumatur frigida. Tertia die repetatur serum destill. ut supra: quarta, infusio rhabarb. jam dicta; & ita alternatim perseveret ad xv. dies. Sed tertio ex præscriptis diebus, valde proficua erit venarum sedalium, hirudinibus, apertio quam si tortè renuat Adm. Rever. Pater, suppleat secta vena sinistri pedis, sanguinem educendo ad ℥vi. vel vii. ad summum.

Tertiæ & quartæ intentioni satisfacere possit lac asininum; sed omni suspicione carebit emulsio, ita parata.

℥. Semin. melon. mundat. ℥i. semin. cucurb. & angur. mundat. an. ℥ss. aq. stillat. acetosæ ℥iv. violarum ℥iii. m. & seminibus contubis, extrahatur emulsio, cui adde julapii. violati ℥i. m. pro potu summo manè quatuor horis ante cibum assumendo; in cujus usu, xv. aliis diebus perseverandum.

Ut tandem capiti aliquod robur addatur, per xv. alios dies, tribus aut quatuor horis ante cibum, bibendus cyathus aquæ stillat. de succo cich. in qua dissolutæ sint gutt. v. tincturæ corallorum chym. & totidem quintæ essentia rosarum; sicut sub ingressum lecti rosarum Conserva comedenda. Extrinsecus quoque nares & futura coronalis iungi poterunt summo digito, intincto eadem rosarum quinta essentia; aut exiguum vasculum vitreum eadem repletum, de more ad olfaciendum, secum portet.

Quibus omnibus congrua vivendi ratio erit addenda; quam in omnibus facilem Admod. Reu. Patri futuram existimo, præterquam in studiis & applicationibus quibus debilitatur caput, calescit, & cum impetu, non modo vapores sed calidi quoque humores sursum trahuntur. Interim caput ipsum ab aëris inclementiis, tum calidis, tum frigidis custodiat. Abstineat ab alimentis vaporiferis, calidis & sanguinem fundentibus, ut ab aromatibus; à condimentis alliis, & caparum; ab esu fœniculi, apii, cardui & aspatagorum longo usu. Ab usu quoque aceti in ferculis, & à salitis carnibus, ac piscibus. A vinis valde generosis & aromatibus, præsertim dulcibus. Somnus nocturnus sit diuturnus, brevis verò diurnus, & capite elato. Corpus exerceatur, sed jejuno ventriculo; & alvus officiosa servetur prunis & pasulis decoctis (si opus fuerit) prima mensa assumendis.

Et præter jam dicta omnia, duo documenta à me accipere sit contentus Admod. Rev. Pater; primum, quòd singulo anno diebus Canicularibus duabus aut tribus horis ante prandium

dium de more bibat cyathum aquæ stillat. de succo cich. ad 3. vi. vel vii. in qua dissolvat, sacchari albi aut Conservæ de acido citri, cochlear vnum. Alterum documentum observatione dignum est quod toto anno assuecat in prima mensa, saltem prandii bibere ius carnis quatuor foliis herbarum alteratum, scil. Vere cichorii: Æstate, acetosa: Autumno boraginis: Hieme endiviæ; & hoc remedium magnum ab Antiquioribus appellabatur, quod æquat omnes humores. Quæ si servaverit, Purgationes impofterum evitare, & seipsum non solum ab Hemicranico dolore iam dicto, verum & ab hypochondriaca affectione, quæ studiosis familiaris esse solet, præservare poterit, Ita Deus mea vota secundet. *Idem ibidem.*

Cephalæa cum hypochondriaca affectione.

Serenissima Dux annum agens 27. temperamenti totius, & jecoris ad calidum & siccum vergentis, mediocris habitus, & capitis humidioris, quæ tenella ætate subtilissimo aëri e proximis montibus spiranti caput incaute diu exponere solita erat, decimo suæ ætatis anno capitis dolore corripit, qui usque in hunc diem eandem per intervalla divexare nunquam cessavit; & licet tempora primò inuadere ac lancinare soleat, per totum tamen caput sese diffundit, & clavi adinstat tunc temporis affligit cum frigiditatis sensu. Dolor autem nulla certa periodo inuadit, adeo ut quandoque parum ante purgationes menstruas, quandoque post, imò & iisdem fluentibus, aliquando quinetiam inceperit cum exspuitione aquosæ & insipidæ materiæ, aliquando cum eadem cessaverit. Dolor autem vigente tenduntur oculorum partes nervosæ atque tendinosæ, quæ tensio ad occiput usque pervenit, tuncque veluti attonita permanet, intelligens quidem quæ adstantes loquuntur, ad responsum tamen impotens per horæ dimidium; totaque accessio, ad summum, integrum diem naturalem durat; licet postmodum tribus quatuorve secutis diebus caput imbecille remaneat, & præteritæ accessionis vestigia servet, præsertim si frigidus ambientis exponatur.

Vere proximè præteriti anni adversus hunc immanem affectum medica præsidia administrata fuere, & post universalem purgationem; sanguinis nigri & adusti repetitam evacuationem, Villenses aquas, balneum aquæ dulcis extrinsecus non sine fructu experta est; siquidem invasiones non adeo frequentes, imò bis tantum usque in hodiernum diem repetierunt; verum tamen est quod cum paulò post conceperit, toto gestationis tempore nunquam prorsus ab aliquo dolore immunis vixerit.

Præter affectionem jam dictam, quinque abhinc annis post Sereniss. atque Dilectiss. Sororis obitum, affectum quoque hypochondriacum melancholicum fovere cœpit. Siquidem status copiosos in hypochondriis semper percepit, à quibus & rugitus, & quandoque spirandi difficultas motum quoque progressivum impediens; quinimò & in uteri gestatione cordis palpitationes se prodiderunt; quæ omnia

flatibus erumpentibus minuuntur. Primis autem annis dum vna cum vaporibus humores quoque caput petebant, narium frequentes & leves hæmorrhagias excitabant, ab quas sanguis ex pede, revulsionis gratia, minus fuit: licet postea sanguis ipse ad venas sedales conversus cæcas hæmorrhoidas, & ideo dolores hæmorrhoidales induxerit.

Invaluit hoc tempore alui stypticitas, adeo ut nonnisi aliqua confectioe solutiva in anum immissa, tertio aut quarto quoque die fæces reddat, easque adustas, quo eodem tempore quatuor aut quinque continuas horas urina quoque supprimitur, & postea absque ulla materiæ permissione libere erumpit. Interim totum corpus quodammodo parumper emaciari visum est.

Nulla vero unquam febris jam dictos affectus comitata est; bene appetit, & bene coque-re videtur assumpta; commode quoque dormit: & sicut menstruæ purgationes nunc bene procedunt; ita optime à partu puerperia cum lactis abundantia, & semper sine febre. Restat igitur, ut Sereniss. Matrona à jam dictis malis, ope medica, pro virili omnino vindicetur; aut saltem, quoad fieri potest, levetur.

Ex his quæ jam nos præsentis voce percepimus, circa Sereniss. Ducis statum, & quæ præterea in præsens ab accuratissima historia transmissa accepimus, Sereniss. Matronam sævissima Cephalæa in diu torqueri, & molesta hypochondriaca affectione tandem divexari, clarissime videmus, Priorem, sordam, sive ovum, Avicennas cum cæteris Arabibus nuncupavit, & Tralianus, gravem affectum, & vehementer dolentem; imò morbum pestiferum Celsus appellavit. Est autem periodica inordinata, sed antiqua, cum decimo suæ ætatis anno affligere cœperit: & sicut pars affecta dubio procul est caput, & quidem essentialiter affectum, & secundum partes internas, membranas scil. cerebrum investientes, quod ex dolore ad oculorum radices pertingente, facile conjici potest; ita non idiopathice tantum, sed symphatice quoque læsum esse arbitramur, non solum à toto venoso genere, sed multo magis ab hypochondriis, non modo calida intemperie, verum & obstructionibus affectis; unde tandem quinque abhinc annis, mœroris maxima occasione suborta, Sereniss. hypochondriacam affectionem contraxit. Ad Cephalæam caput ipsum disposuit olim ambientis aëris acuta frigiditas; cui pro more incaute illud exponente Sereniss. ipsa, potuit ille frigidam & humidam intemperiem inducere aut augere; quæ tamen sola affectum hunc neque continuo neque frequenter excitasset sine infernarum partium consentientium auxillio: siquidem à toto venoso genere admodum fervido, primis ætatis annis; postremis vero, & ab æstuantibus hypochondriis obstructionibus infarctis, tum calidi vapores, tum serosi atque acres humores in caput per intervalla delati, paratis, atque jam congestis in eodem capite humiditatibus permisti, prava qualitate potius, quam quantitate peccantes, soluto partium exquisitè sentientium continuo, immanes dolores excitarent, & excitant, qui licet in vna capitis parte incipiant, ad totum tamen paulo post se

se diffundunt, diffusa nempe materia per ipsa vasa, eaque quodammodo, non tamen prorsus stagnante, nec libere institutum à natura circulum obeunte. Hinc tensionis fiunt, & stupida, sive attonita, licet non omnino intelligendifacultate destituta, per horæ dimidium sereniss. observatur: superstitè tamen eodem dolore ad integrum usque diem; quo tempore, si non ab initio, sub finem saltem accessio- nis materia pituitosa sensibiliter per sputum ab ipsa natura expellitur prout calidior atque serosa insensibiliter resolvitur, necessario su- perstitibus postmodum, tres aut quatuor se- quentes dies, afflicti capitis & præteritæ in- signis noxæ vestigiis moxque sana atque immu- nus humilimodi sævo dolore degit, usque ad novum vaporum & excrementorum appara- tum. Interim tamen hypochondriacus affectus molestus esse non desinit, qui flatulentus à Ga- leno dictus fuit; quoniam in eo quam maxime status abundant, à quibus ex sicca minera ele- vatis & in hypochondriis hærentibus, rugitus; ab iisdem vero septum comprimentibus, spi- randi difficultas; & ob insignem tensionem, motus quoque progressivi segnities excitari so- lent; & in uteri gestatione, ad cor pervenientes; atque ob eorum crassitiem resolutioni mi- nus idonei, cordis quoque palpitationem ex- citabant. Ad caput vero una cum sanguine fervidiori pertingentes, ad facultatem expul- tricem irritantes, frequenter narium vasa ape- riebant.

Ambo verò hi affectus curationis certè dif- ficilis sunt; prior quidem, quoniam antiquus, contumax, ac præterea quoniam affectiones, quæ pueris in pubertate, & fœminis erumpenti- bus menstruis non terminantur, consensescere consueverunt, dicebat Hipp. posterior vero, quoniam in melancholia materia fixa est, quæ rebellis semper & medicis præsidii contumax fuit atque reluctans. Nihilominus quoniam Matrona Sereniss. salutem expetit, necdum ge- nerosiora & validiora remedia experta fuit, ac proinde & eandem præceptis medicis obtem- peraturam sperare licet, nec adhuc morbum omnino auxiliis Medicis reluctantem accusare possumus; ideo jure merito spem concipere de- bemus, fore nimirum, ut hoc autumnali tem- pore hypochondriaca affectione se remittente, ac proinde consensu imminuto, capitis quoque dolor mitescat; Vere autem proxime futuro, ejusdem capitis idiopathicæ affectioni si incum- batur, ejusdem dolor prorsus etiam expugnetur; neque enim uno eodemque tempore utrique af- fectioni incumbere possumus, cum diversas, imo contrarias Medicas intentiones postulent.

Hypochondriaca itaque affectio venit hoc tempore curanda; Primò, quoniam materiam capiti, doloris causam suppeditat; quod opti- mè cognoverunt quoque Archiatri illi Præcla- rissimi, qui refrigerantibus & humectantibus remediis adhibitis, eidem capiti non leve iu- vamentum attulerunt; sicque morbum ostendit sanatio. Secundò quoniam est quid impediens, & veram atque perfectam doloris sanationem prohibens; cui perficiendæ Vernal potius, quam autumnale tempus, oportunum est. Quare in hunc finem primæ viæ sunt expian- dæ. Secundò obstructions humectantibus &

aperientibus referendæ. Tertiò status caute discutiendi. Quartò hypochondriorum & vis- cerum fervor contemperandus; nec interim contra dolorem capitis aliqua à proprietate iuvantia negligenda. Quibus explendis scopis, à fonte Chirurgico saltem unica est petenda sanguinis missio ex vena brachii, tempore, pari intervallo medio inter præteritam & futuram menstruam purgationem; sed interim toto an- ni curriculo familiares esse debent mane ante quam Sereniss. è lecto surgat frictiones à dorso usque ad pedes; vesperi vero ante cœnam pe- dum lotiones aqua calente.

Reliqua à Pharmaceutico fonte desumenda. Itaque primum leniens esse poterit potio cla- rif. tum ex manna, tum ex syr. ros. sol. Sicut prima præparatio commode perfici poterit ju- lap. acet. ex aqua verbenæ parato, & frustulo cinnam. aut citri aromat. & exigua aqua totius citri diluto; vel cremore tartari in eadem aqua dissoluto, hac lege ut quinque transactis diebus, eadem potio repetatur; inde ad succor. depur. & per arenam transmiss. usum deveniri poterit cich. scil. & borag. in jure pullæ cichorac. al- terato. Quod si Serenissima succos respuat. aquæ stillat. succorum eorum vicem præsta- bunt, in quibus tart. vitriol. gr. dissoluta fuerint: sequenti vero die flos cass. ejusque usus ingentis profectus esse poterit ad 3.ii. trib. aut quatuor horis ante cibum usurpandus; cui post horam superibbat jus pullæ endivia al- teratum; tertia vero die rursus succos aut aquam repetat, & quarta cass. ut supra, ita al- ternatim perseverando ad xx. usque diem: sic enim exiccati humores emolliiri, obstructio- nes referari, & alvus sicca leniri poterit, omis- so interim usu confect. solut. alvo ciendæ: irri- tando enim, molestas hæmorrhoidas excitant, sicque cohibetur urina.

Hoc eodem tempore, ita admittente am- bientis calore, & non inhibente frigiditate, balneum quoque aquæ dulcis, refrigerantibus & humectantibus herbis alteratum, sive infes- siones ad renes usque, saluberrimæ forent, ad emolliendas & removendas exiccatas obstru- ctiones; tunc enim facilius rhab. usu auferri & extirpari poterunt: præbeatur autem infusum in aqua de succo cichor. addito succo lim. vel sale prunellæ ad xii. vel xv. dies.

Quibus peractis, ut jecoris calida intempe- ries quodammodo corrigatur, quoniam aquæ acidulæ assumenda tempus opportunum non fuerit, ideo stillatitia de succo cichor. sat erit, ad cyathum integrum, cum syr. de succo lim. summo mane xv. aut xx. diebus potanda. Fla- tibus infestantibus præstantissimum & suavissi- mum discutiens est oleum cinnam. si aut rotu- læ ex eo, cum saccharo & aqua cinnam. pa- rentur, aut guttulæ aq. totius, aut florum citri instillantur. Hæcque sufficiant hoc autumnali tempore, congrua addita victus ratione reme- diis propositis proportionata à Viris Præcla- riss. præscribenda.

Vere autem proxime futuro nova erit inveni- da purgatio: quos enim purgare oportet, Vere purgandos, dicebat Hipp. Oportebit enim primas vias mundare; reliquias obstructio- num aperire; massam sanguineam purifica- re; caput purgare; atque tandem ejusdem frigidam

frigidam & humidam intemperiem corrigere; quæ omnia præstabuntur repetita sanguinis missione, & forsan venæ frontis apertione, atque congrua medicamentorum administratione, quæ a nobis tunc temporis, jubentibus Sereniss. præscribenda erunt, ut absoluta totius & capitis expurgatione, ad decoctum sudoris adeo necessarium accedamus, ex salsa scil. visco quercino, fantalo albo & radice verbenæ in aq. stillat. cich. & beton. parandum. Post cuius administrationem rursus aquæ Villenses erunt exhibendæ, & balneum aquæ dulcis administrandum, ut post capitis exiccationem, jecoris, hypochondriorum & venarum fervori prospiciatur, de quibus pariter peculiaris tunc erit deliberatio.

Sed interim aliqua à proprietate juventia in usum frequentem continuo duci poterunt. Intrinsecus scil. aq. stillat. Verbenæ ad ℥ij. vel iij. cum guttulis spiritus vitrioli tanquam mirabilis à Foresto extollitur; sicuti extrinsecus ab Aetio gagates nactu capiti alligatus commendatur, atque ipso doloris paroxysmo vigente, à Sexto Platonico matrix Vulpis exiccata, & capiti circumposita, dolorem auferre scribitur.

Hæc sunt quæ Præclariss. Viris expendenda proponere mihi permittit anni temporis conditio, ab iisdem perficienda ac dirigenda, & si opus fuerit, etiam corrigenda, dum ad Sereniss. Ducis salutem unanimis conspiramus. Ita D. O. M. vota nostra secundet. *Idem ibidem.*

Medicatio Fœminæ, Cephalalgia, Ex causâ calidâ, Laborantis.

Fœmina quadraginta annos nata sanguinea, calidiore diætâ diu usâ, incidit in ingentem dolorem punctorium verticis & occipitis, ad cervicem usque desinentem, qui non externo contactu sed capitis motu exacerbatur, atque ideo immota in lecto jacet. Punctiones, quas in capite sentit, subinde remittuntur, subinde ita ingravescent, ut ægra animo linquatur. Adest citra sitim, magnus totius corporis calor, pulsus celer, urinâ rubicunda. Interdum post somnum quædam præter rationem loquitur.

Jacto hoc historię morbi, ex diligenter ægroty hujus examine collectæ, fundamento, medicatio jam porro instituenda per cognitionem, tum diagnosticam, tum prognosticam, quâ peractâ, progrediendum erit ad Curationem.

Et quantum ad diagnosin, quæ in partis affectâ, ipsius morbi, & causæ morbificæ investigatione consistit: afficitur in hac ægra caput, secundum verticem, occiput, & cervicem, quod ex dolore illas partes occupante est manifestum; afficitur etiam cerebrum secundum substantiam & spiritus, item secundum meninges, quod ex sermonibus præter rationem interdum prolatis, & ex dolore, non externo contactu, sed motu capitis exacerbato, innotescit: item cor & totum corpus, quod ex pulsu celeri, urinâ rubicunda, & totius corporis calore patet.

Morbus, qui eam affligit, est intemperies

capitis, secundum verticem, occiput, & cervicem, calida & acris, sive biliola; quæ in illis partibus ingentem dolorem punctorium excitans, dolor capitis ex causis calidis ortus, vulgo appellari solet:

Causa procatarctica hujus morbi est diætâ calida, quæ hæc ægra fuit usâ. Inde enim, adjuvante temperamento ipsius sanguineo, humores calidi & acres, in ipsius corpore geniti, antecedentem huic morbo præbuerunt causam: pars vero ejus in caput, circa meninges in vertice & occipite, ac ad cerebrum, item foris ad cervicem usque delata, ac ad cor & in totius corporis habitum distributa, ibique calorem præter naturam concipiens, partesque illas vehementius alterans & vellicans, continens hujus morbi, & symptomatum jam commemoratorum, est causa.

Humores enim calidi & acres, ad meninges circa verticem & occiput, ac ad interiora cervicis subinde delati, vehementiorem in partibus, quæ acutissimi sunt sensus, intulerunt motum & punctiones, & hinc punctorium dolorem, subinde remittentem & deinde rursus ingravescentem, ac motus corporis, quo etiam interiora agitantur, non vero externo contactu, qui tantum exteriora premit, exacerbationes inferentem; & interdum etiam in animi deliquium ægram nostram, per spiritus animates, in fibras cordis & vasorum ejus constrictorias ex dolore nimis copiose determinatos, præcipitantem.

Adest autem calor totius corporis, citra sitim, ac urinâ rubicunda; quia humores isti in corde vehementius, citra febrim calefiscunt, & inde in totum corpus atque in renes impulsî totum corpus valde calefaciunt, urinamque biliosis suis partibus adultis rubore tingunt.

Et quia sanguis & spiritus ille calidus, per somnum non satis discussus ex cerebro, ipsum cerebrum, in eoque sensorium commune vehementius & inordinatius agit, hinc fit, ut ægra nostra interdum, post somnum deliros habeat sermones.

Morbus hic satis est periculosus ob cerebrum affectum, doloris gravitatem, & delirium hic subinde conjunctum post somnum; nam in maniam, vel phrenitidem, vel apoplexiam posset degenerare. Quia tamen nostra ægra est valida, bene sperandum, & ad curationem accedendum censeo.

Quæ in causâ procatarctica, antecedentis, & continentis, ac intemperiei per contraria, ablatione & doloris sedatione consistet.

Mox itaque vena in brachio pertundatur, sanguisque educatur ad ℥viii.

Sequenti die purgetur tali haustu:

℥j. Mannæ calabricæ ℥j. syr. ros. cum rheo
℥ss. Aq. hordei. q. s. M. F. haustus, mane exhibendus.

Postridie, adhibeantur, si dolor etiamnum urgeat, cucurbitulæ quatuor vel sex scapulis, cum scarificatione.

Et sub vesperam utatur lotionem pedum, in decocto camomillæ & fol. salviæ factâ, per horas duas; quæ lotio sequentibus diebus bis quotidie, mane ac vesperi sc. reiterabitur.

Atque ad somnum conciliandum & doloris sedationem.

sedationem, sub tempus somni, tale n sumat
potiunculam somniferam & anodynam:

℞. Aq. lactuca ʒj. betonica ʒss. Syr. de pa-
pav. ʒiij. de acetositate citri ʒss. Misce. F. potio.
Et collo talis sacculus applicetur.

℞. Furfur. triticeo p. ij. sem. papav. albi ʒi. ʒss.
Rosar. rub. ʒj. mastiches ʒiij. rad. galangæ ʒj.
conquassata & inclusa sacculo vino irroretur,
& calide applicentur collo. circa nucham.

Ad corroborationem debiliū viriū uta-
tar tali conservā:

℞. Conservæ rosar. majoranæ an. ʒj. Spec.
diarrhod. abbatis ʒiij. Cum syr. de limonibus
q. s. Misce ad formam electuarii, De quo sumat
agra subinde magnitudinem castanæ majoris.

Tandem si gravitas capitis, uti hic sæpe fit,
post punctiones ablatis agræ sit molesta, talis
capiti in ponatur cucupha:

℞. Furfuris tritici p. ij. sem. papav. alb. ʒi. ʒss.
Rosar. rubr. ʒj. mastiches ʒiij. Rad. galangæ
ʒj. ireos ʒij. sem. coriandr. ʒiij. Contundan-
tur & cum linteo & cotone F. Cucupha.

Corpusque iterum purgetur blande, tali
purgante medicamento:

℞. Mannæ calabricæ, Syr. ros. sol. cum
rheo an. ʒj. Aq. hordei q. s. m. F. Haustus.

In diata aër, in quo agra degit, sit frigidus,
humidus Victu utatur parco, refrigerante &
humeſtante, ex lactuca, acetosa, portulaca,
endivia, cichorio, citriis, aurantiis, cerasis,
hordeatis. Abstineat a vino; potus sit cerevi-
ſia tenuis. Somnus sit longior. Perturbationes
animi vehementiores, ut & inedia, vitentur.
Henric. Regius apud Theod. Craanen Medicat. lib. I.

Medicatio Fæminæ. Doloꝛe Capitis, ex cauſa frigida, laborantis.

Matrona triginta annorum, pituitosa, otiosa,
alimentis frigidioribus uti solita, postquam
ineunte hyeme, sese aëri nubeloso; frigido, &
humido, ac vento, exposuisset, magno dolore
correpta est, qui totum caput occupat, illud-
que gravat. Facies multo pallore est perfusa; in
ore pituita abundat; pulsus est parvus, rarus,
languidus; urina pallida, crassa.

Afficitur in hac agra caput; idque potissi-
mum secundum meninges & ipsam cerebri sub-
stantiam, ut patet ex dolore totum caput oc-
cupante & gravante.

Morbus, qui agram affligit, est intempe-
ries meningum & substantiæ cerebri pituitosa
& acris, quæ in illis partibus dolorem grava-
tīvum excitans, dolor capitis ex causa frigida
appellari solet.

Causa procatactica huius morbi est usus
diutinus alimentorum frigidorum, quo, adju-
vante vitâ otiosa & temperamento agra pitui-
toso, multi frigidi & acres humores in ipsius
corpore geniti antecedentem huic morbo præ-
buerunt causam. Illi verò ad cerebrum & me-
ninges delati ibique vi aëris frigidi humidi &
ventosi retenti, à reliquo sanguine separati, &
in substantiam istarum partium effusi, illasque
partes suâ copiâ gravantes & distendentes, &
acrimoniâ vellicantes, continens huius morbi
symptomatumque ejus, sunt causa.

Dum enim illas partes vellicando, & disten-
dendo, ac pungendo, vehementius movent,

dolorem in iis excitant Dum, ad cor ferun-
tur, sua frigiditate faciunt pulsum tardum, ra-
rum, languidum. Dum crassa & cruda excre-
menta ad renes pelluntur, urina evadit pallida
& crassa. Dum multi pituitosi humores ad fa-
ciem deferuntur, oritur in ea pallor. Dum illi
ad palatum propelluntur, os pituitâ abundat.

Morbus hic in corpore, ex pituita debili,
est periculosus, minaturque paralyſin, apo-
plexiam, catarrhum, epilepsiam, vel alium
gravem affectum.

Ideoque diligenti curatione est aggredien-
dus; quæ in causâ procatactica, anteceden-
tis, continentis, & intemperiei, ac doloris,
per contraria correptione, consistet.

Primo itaque purgetur talibus pilulis:

℞. Pil. cochiarum gr. xv. Scammonii gr. x.
Cum syr. ros. q. s. F. pil. No. iv. Mane exhibendæ.
Et utatur tali apozemate:

℞. Rad. fæniculi, petroselini an. ʒj. liqui-
rit. ras. ʒiij. Herb. betonica, hyssopi, cala-
mint. capill. ven. melissæ, majoranæ an. m. j. Flor.
ſtæchados p. j. Sem. anisi, fæniculi an. ʒj. ʒss. De-
coq. ex aq. comm. ad lib. j. Colaturæ: Adde syr.
de hyssopo, oxymell. simpl. an. ʒj. Misce F.
Apozema, de quo sumat bis in die ʒiij. pro doſi.

Biduo post primam purgationem iterum pur-
getur talibus pilulis:

℞. Pilular. de hiera simpl. alephangin. an. xv.
Scammonii gr. viii. Misce F. pilulæ No. vi. ma-
ne exhibendæ.

Postridie in scapulis adhibeantur cucurbitæ
sex cum scarificatione, & mediocris sanguinis
quantitas educatur.

Et deinde reiteretur apozema prius præſ-
criptum, addendo sub finem decoctionis fol.
ſennæ ʒj. & decoquendo ad lib. j. de quo sumat
ʒiij. semel in die.

Postquam ita aliquoties purgata fuerit uni-
versaliter, ad particulares evacuationes erit
veniendum; itaque tali utatur apoplegmatis-
mo, longè à paſtu:

℞. Uvar. paſſ. ʒiij. Hyssopi. ſampſuchi an.
ʒss. Mastiches ʒij. Cum paucis melle & cera F.
globuli masticatorii.

Succo etiam rutæ, majoranæ, betæ, loco
erhini, utatur: uti etiam hoc gargarismo.

℞. Herb. melissæ, betonica, ſalvia an. m. ʒss.
Sem. ſinapi ʒij. ficus n. v. f. decoctio pro lib. j. Co-
laturæ adde mellis ros. oxymell. squill. an. ʒij. M.
F. Gargarismus, quo tepide utatur longè à paſtu.
Frons & tempora tali inungantur linimento:

℞. Unguenti alabaſtrini. ʒj. Ol. irini, ru-
tacei an. ʒj. misce.

Si dolor perseveret, pilulis ante præſcriptis
subinde iterum purganda erit.

Interea, ubi ita corpus erit evacuatum, ce-
rebrum etiam erit roborandum tali electuario:

℞. Conserv. flor. anthos ʒi. ʒss. Theriacæ ʒij.
Rad. acori conditæ ʒiij. Spec. diamusci dulc.
ʒiv. Cum syr. de betonica q. s. F. electuarium.
De quo sumat castanæ magnitudinem, Post
singulos paſtus.

Ad roborandum caput F. cucupha ex flor.
ſtæchad. ſalviæ, majoranæ, lavendulæ, origa-
ni, absinthii an. M. ʒss. nucis muſcata, macis
an. ʒi. cum panno ſerico & cotone q. s.

In victus ratione aër sit calidus, ſicus, Cibus ex
carnibus vervecinis, gallinaceis ovis ſorbilibus.

Aſſa

Affa hic elixis præferenda. Alimenta condiantur serpillio, majorana, hyssopo. Potus sit parvus, ex vino tenui. Motus sit mediocris: uti & somnus. Alvus debet esse lubrica; vomitus vitandus, Tristitia quoque vitanda. *Idem ibidem.*

Observationes.

Pro Capitis dolore.

Famulus quidam capite supra modum dolebat, cum nulla remedia juvarent, tandem ad collum, verbenam viridem aliquo modo tritam, ut ab adstantibus non cognosceretur, appendebam, idque nocte, dormiente & inscio, antequam malum invaderet, & astantibus mandabam, ne ager à somno solutus herbam collo suspensam dimoveret: qua hujus herbæ solius suspensione, miraculi instar, hic ager curatus est. Verbenam à collo suspensa amoveri non debet, nisi exsiccata tandem per se cadat. *Petrus Forrestus, observ. 52. & Schol. lib. 9.*

Illustrissimus princeps *Janethinus Doria* Classis *Hispanica* præfectus afflictus est, in arce *Monspeliensi*, ubi bello captus detinebatur, febre hæmitritæ, quæ inter cætera Symptomata, capitis dolorem gravissimum interebat, eumque continuum, & extra accessionem æque molestum, qui tamen post 4. phlebotomias in brachiis celebratas, eodem vigore perseverans, intra horam sublatus est sanguinis missione ex malleolo dextro, tam promptus effectus observatione dignus fuit; ut tyrones videant, quam bona fiat revulsio à capite per Saphenæ apertionem. *Lazarus Riverius, observ. 40. cent. 3.*

Mulier quadam *Fontinianensis* atrabilario temperamento donata, annorum 40. post abortum non amplius passa est purgationes menstruas, inde gravissimus capitis dolor per 4. menses eam afflixit, nihil conferentibus venæ sectionibus, hirudinibus fronti & temporibus admotis, aliisque remediis, vocatus ego præscribo apertionem arteriæ temporalis, quæ optimè celebrata fuit, neque sanguis saltu egrediebatur ob exilitatem arteriæ, & sanguinis crassitiem, sed guttatim: extractus fuit ad 3v. ruber & floridus: tum vulnus occlusum fuit emplastro ex sola mastiche, cum Ligatura simplici; postquam alia ligatura, quæ in vulneribus capitis solet fieri, per 3. horas adhæsisset; liberata est à dolore capitis sine recidiva. *Lazarus Riverius, observ. 56. cent. 2.*

Patronus quidam celeberrimus cum circa merid. sese soli nimium exposuisset, correptus est paroxysmis febris tertianæ duplicis satis levibus, & circa vespere recurrentibus; hoc tamen Symptoma in paroxysmo urgebat, nempe capitis dolor intensus, qui tribus primis diebus cum febre cessabat, matutinis horis. Interim secta fuit vena bis, & purgans medicamentum semel exhibitum, quibus non obstantibus dolor capitis & æstus plurimum increvit, & continuus factus est post quartam accessionem, ut autem grave hoc Symptoma tolleretur, venam frontis aperiendam consului: ex eaque sanguinis 3vii.eductæ sunt, à qua venæ sectione dolor capitis statim valde remissus est, & sequens paroxysmus multò levior rediit, cum exiguo capitis dolore, at postero die manè doloris omnino expers fuit. *Lazarus Riverius, observ. 21. cent. 2.*

Conferunt hic plurimum pilulæ *Eustachii Rudii*, quæ in *Italia* olim magno in pretio habitæ sunt, dos. ʒj. *Lazarus Riverius, cap. 16. lib. 1. Praxis Medicæ.*

Cum essem *Lodovici* invisi filiam Mercatoris 7. annos natam, quæ à duobus mensibus affligebatur gravissimo capitis dolore circa frontem & supercilia, qui singulis propemodum horis recurrebat, ita acutus, ut illa sibi cultro caput aperiri frequenter postularet. Jam verò à duobus diebus inciderat ter aut quater in paroxysmos Epilepticos cum spuma in ore, à Medico ordinario, præscripta fuere multa remedia, præsertim purgationes per apozemata, cucurbitulæ, & vesicatorium cervici, sed omnia frustra.

Cum essemus de hoc casu consilium inituri, relatum nobis fuit, eam novo paroxysmo fuisse è vivis ereptam, & post mortem puris aliquid per nares effluxisse. Inde conjiciendum fuit in cerebro abscessum latitare, sed eo aperto nihil inventum fuit, præter serosum humorem in cerebri substantiam & ventriculos effusum.

Hic casus mihi in memoriam revocavit historiam cujusdam virginis, quæ cum simili dolore per multos menses cruciata fuisset, & multa remedia frustra tentasset, à quodam Chirurgo totum caput derafo capillitio, vesicatorio contestum est, instar Cucuphæ, & vesiculis excitatis, magna serosi humoris copia effluxit, & ita liberata est, quod remedium huc etiam prodesse potuisset. *Lazarus Riverius, observ. 37. cent. 1.*

Vir quidam *Coloniensis* dolore capitis tam acerbo tamque immensi laboraverat, ut domesticorum suorum per cubiculum gressus & passus (quantumvis exutis calceis, & substrata arena per pavementum cubiuli incessissent) sufferre non potuerit, videbantur enim sibi, quotiescunque ingredientium in cubiculum gressus perciperet, cultelli cerebro infigi. Post multa frustra adhibita remedia, tandem ego in consilium adhibitus, ei setaceum suasi quod & applicui: hoc adeò foeliciter successit, ut indies manifestam doloris mitigationem persenserit. *Guil. Fabricius Hildanus, observ. 7. cent. 4.*

Chirurgus quidam *Ultrajectinus* implacabili dolore particulae capitis laborabat, à nullis remediis juvabatur: tandem jussi cauterium potentiale admoveri, curatus fuit citra aspectabilis malialiquam effusionem, indicibili quadam qualitate vel aura sine dubio fatigatus is fuerat, in ea parte. *Johannes Heurnius, ad Aphor. Hipp. 39. Sect. 4.*

Ego per terebrationem in plerisque cephalæam curavi.

Cum vir quidam nobilis annum egisset in summa doloris capitis acerbitate, me tandem ad se vocavit, ut sibi opem ferrem, ibi cum diffuso per totum caput dolore, certò dignoscere non possem, in quonam loco stabularetur humor morbificus, ut conjectura id investigarem, derafo capillitio, toti capiti cataplasma curavi admovendum: hinc post aliquod tempus amotum Cataplasma, in una parte magis desiccatum apparuit; unde facile deprehendi, in ea capitis parte latitare causam dolorificam, quam pars Cataplasmatum magis exsiccata conegerat, tum terebra caput perforari præcepi.

Sed postquam ad diploem usque, excisa scilicet superiore cranii lamina, perventum est, magna statim humoris, colore atque consistentia, mellei copia foras erupit, indeque dolor quievit, & per Dei Misericordiam sanatus homo, ad hunc usque diem aura & luce vitali fruitur. Erat autem abscessus ille intra utrumque os calvariæ consistens, vera μέλικεας, quæ à melle nomen habet. *Ludovicus Duretus in Annotat. ad cap. 2. lib. 1. Jac. Hollerii de Morbis internis.*

Nobilis juvenula Patavii ultra annum dolore capitis veluti perforante ac fixo mirè cruciabatur. Medicus, quod erat suspicatus aliquid membranarum incumbere, bono eventu cranium terebra tentandum censuit, ipso enim aperto, puris fœtidi guttula vix æquans milii granum excidit, neque ex eo dolor unquam molestus fuit *Jo. Rhodus. observ. 69. cent. 1.*

Illustris quædam domina implacabilibus capitis doloribus tenebatur: suspicabantur humorem esse frigidum, rebellem, efferatum tamen, & jam in flatulentam naturam versum. Sectæ sunt venæ brachiorum, purgatum corpus, vesicæ suillæ admotæ lacte plenæ, nil proficitur; tandem interbastantur Sacculi semine lini pleni, vino & aqua incoquantur, applicantur, dolores cessant, non longè post repetunt, eadem usurpantur: tandem cum nil proficeretur, sæpè adhibentur galli exenterati miraculo convalescit. *Guil. Ballonius. lib. 1. Epidem. & Ephemer.*

Dolor Capitis à Naturâ devictus.

Cornelius Tector, vir pleni habitus, excarnificatus aliquandiu ab intolerabili capitis dolore; contorquebatur tandem tam vehementer à contractione nervorum, ut nihil proficiente arte medicâ, necesse fuerit implorare naturæ opem; quæ etiam tam sedulas tulit suppeticas; ut pulso, per nares, plurimò pure, brevè liberaverit hominem, non tantùm à dolore, verùm etiam à pertinaci, horribilis convulsio- nis illius, causâ. Juxta illud Hippocratis: *Capite dolenti, & vehementer laboranti, pus, vel aqua, vel sanguis, per nares, aut aures effluens, morbum solvit. lib. 6. Aphor. 10.*

Quod ipsum, benignæ naturæ auxilium, etiam aliis vidimus allatum: cum per porriginem, tum per vermes, à naribus, excretos: Quos hic licet silentio præterierim, non possum tamen non meminisse salutaris illius porriginis, quæ affinem Casparis Barlæi, summi, nostri sæculi, cum Oratoris, tum Poëtæ, liberavit officiosè, ab inveteratâ Cephalæâ expul- sâ, per insensibilia cutis foramina, viscidâ pituitâ adhærescente, instar glutinis, capillo- rum radicibus & producente paulatim, ve- ram porriginem, defædantem quidem caput; sed vindicantem interim ipsum à dolore alias invincibili.

Discant hinc Medici naturam imitari, & ob- servare cum judicio; quantopere in capitis dolore ex usu sint, cum sternutamenta in tem- pore mota; tum ulcera capiti maturè inusta: Natura quippe dux optima: nec facile errat, ipsius qui insistit vestigiis. Illâ flante, prosperè navigat æger; & interdum, ipsa duce, incre- dibilia peragit medicus. Uti scitè Seneca. *Naturam sequentibus omnia facilia, & expedita*

sunt: contra illam viventibus, non alia vita est, quàm contra aquam navigantibus. Nicol. Tulp. ob- servat. Medic. lib. 1.

Dolor Capitis sævissimus ex lue venerea sine gummate in septuagenario, repetita terebratio- ne ejusdem, sapius sedatus, & recurrens per longa intervalla, cum gravibus quandoque symp- tomatis; tandem eodem præsidio omnino sanatus.

Læditur caput à multis affectionibus, potis- mum verò à gummatibus gallicis, vel dolore intensissimo ipsius; ut propterea meminerim me vidisse sutorem septuagenarium laborasse dolore atrocissimo capitis ex lue venerea sine gummate, cujus causâ, habitâ consultatione multorum Medicorum, unanimes statuerunt, periculum faciendum fonticuli supra futuram coronalem; cujus ope, aliquò temporis spatio, liberatus à dolore, tribus aut quatuor post an- nis, in eundem incidit, cum stupore & mentis alienatione; quæ tamen symptomata solebant recurrere per intervalla, dolore in parte an- teriore ipsius bregmatis, prope frontem po- tissimum, cum divexante. Quamobrem, secui primò cruciatim cutim, & inveni os totum corruptum; quò propterea terebratò, effluxit maxima copia puris, unde aliquot post dies fuit liberatus æger à prædictis symptomatibus, habuit tamen foramen patefactum multos men- ses, cum os esset corruptum, nec proinde ca- ro ex meditullio posset succrescere, atque ip- sum obstruere. Tandem anno post circiter; do- lor sævissimus caput denuò ipsum divexare, cu- jus causa non longè à primâ perforatione aliam molitus sum, quâ os nonnihil moveri sensi, atque multâ denuò materiâ purulentâ expur- gatâ, ab eo fuit liberatus. Post duos verò, aut tres menses, idem prolapsus est in somnum profundum, Lethargi instar, ad quem proinde vocatus, dum specillo ipsum os explorarem, atque vacillare perciperem, illud eduxi ad ma- gnitudinem scutati argentei, omnino cariosum, & ita corruptum, velut si decem annos sub terra sepultum fuisset; sub ipso autem cranio membrana non apparuit, sed caro aliqua du- riuscula, rubra, & lavis, ut de ipsius vita me- tuerem, nudatis multâ durâ matre, & cere- bro; expergefactò tamen à somno illo profun- do, sequenti nempe die, cum effluxu multæ materiæ purulentæ, apposui supra membra- nam illam tectam carnosa quadam substantia à natura producta, ad ipsius cerebri tutelam, pannum sericum rubrum, absque ullo medica- mento, quò omnino neque pus, neque alia materia supra illam carnem appareret, supe- riniecto postmodum cerato barbaro; quorum usu æger decem, & plures annos superstes fuit, hoc ordine servatò, sine ullo capitis dolore. *Petrus de Marchettis Observat. Medico Chirurgi- cat. Sylloge.*

Villico cuidam ex familia Martinorum, do- lore immani capitis correpto ex lue venerea, exhibui decoctum quadraginta dies cum su- dore, nullò tamen ab his remediis opportu- nis, & validis iuvamento; ut propterea con- sultatione habita cum præclariss. Joh. Dominico Sala

Sala, unanimes decreverimus eundem terebrare, ubi gravior dolor, altera scilicet parte. Facta itaque terebratione, tribus, aut quatuor post diebus cœpit dolor mitescere, qui progressu viginti dierum fuit omnino sanatus, superstitite adhuc nunc & incolumi ægro. *Idem ibidem.*

Hebræam etiam quandam laborantem Hemisrania sævissimâ terebravi, quæ convaluit, dum foramen patefactum fuit, quò, paucos post dies, omnino obstructio, in eundem delapsa est affectum; cujus causâ, multis licet antea, & post quin etiam, à Præclariss. Joh. Domin. Sala remediis ex methodi lege adhibitis, nunquam tamen patiens convalescere potuit. *Idem ibidem.*

Cephalalgia à verme lato.

Fœmina quædam diu de capitis dolore conqueſta, exhibitis aliquando granis decem pulveris gummi guttæ, vermem latum evomuit & melius habuit. *Paulus Spindlerus apud Carol. Kaigerum.*

Dolor Capitis.

Petronella de Kniick, rustica sexagenaria, mense Februario conquerebatur se magnis capitis doloribus, nec non catarrhis ad oculos, dentes, humeros, aliasque partes defluentibus, totâ fere hyeme infestatam fuisse, atque in capitis summitate magnum frigus sentire, haud secus ac si synciput aquâ frigidâ perfusum foret. Præscriptâ prius diætâ calidiore & cephalicâ, corpus pilulis cochiis & aureis expurgavi. Deinde lintea quadruplicata spiritu vini calefacto imbuta ac rursus leviter expressa, toti superiori capiti imponere, idque sequentibus diebus aliquoties reiterare jussi: hōc factō, diuturnus ille dolor, unâ cum catarrhis intra paucos dies prorsus evanuit. Tunc ad præſervationem jussi sequentem cucupham capiti impositam gestare.

℥. Herb. majoranæ p. ij. rosmarini, salviæ, florum meliloti, lavendulæ, ana p. j. Nucis moschatæ, gariophyllorum, ana scrup. ij. fiat pulvis pro cucupha.

In hujusmodi frigidis cerebri affectibus, præter generalia & interna medicamenta, sæpe topica convenientia multum quoque prosunt, ita ut his solis, si in ipso capite primaria doloris causa consistat, curatio multoties peragatur. Quo in casu nos spiritu vini feliciter usi sumus, cujus fœtum etiam summopere commendat Arculanus. Alij aliis utuntur. Platerus anethum, Forestus chamomillam, quocunque modo adhibeantur, dolores à causa frigida potenter sedare scribunt. Aëtius stercus caprinum tritum, & vesperi ac manè impositum; Item nasturtium torrefactum cum aceto rosaceo tritum & impositum, plurimum ac citissime prodesse tradit. Sunt qui frigidos ac superfluos humores hoc modo exsiccant.

℥. Sem. miliilib. j. salis communis lib. f. fol. majoranæ, rosmarini, salviæ, flor. lavendulæ, meliloti, ana p. j. sem. anisi, fœniculi, anethi, cumini, ana drachm. ij. bacc. lauri drachm. iij. His in sartagine torrefactis, & post in sacculos coniectis, siccetur & confricetur calidissime caput per sesqui-horam. Aëtius verbenam cum radicibus & serpillio oleo incoctam, omni capitis dolori ex frigidis & crassis humoribus me-

deri scribit, atque etiam prodesse tradit asellos seu millepedes sub aquarius vasis nascentes, si oleo incoquantur. P. Aegineta lib. 3. cap. 5. scribit mulierem quandam valde inclamuisse, quod sequenti remedio capitis dolores, vel cum, vel sine febre, mirabiliter sanaret: radicem cucumeris asini viridem minutim concisam, & absinthium, in aqua & oleo, donec flaccescerent, coquebat, & hydroleo illo caput rigabat, ac radicem cum absinthio contusam imponebat. Quod medicamentum efficacissimum esse etiam testatur Avicenna, qui illud sequenti forma describit.

℥. Olei communis, aquæ communis, ana lib. j. fol. absinthii m. j. f. Radic. cucumeris asini unc. ij. bulliant simul. *Isbrand. de Diemerbr. in observat. & Curation. Medic.*

Dolor immanis sub osse sterni.

Vice-Capitaneus Mour, vir florentis ætatis, mense Januario subito incidit in acerrimum quendam dolorem, qui rectâ lineâ ab asperâ arteriæ summitate usque ad superius ventriculi orificium, secundum ossis sterni longitudinem, se extendebat, hominemque tam atrociter excruciat, ut se hinc illinc commovere nullo modo posset, atque hinc immanissimi doloris impatiens ab astantibus obnixè peteret ut pugione vel gladio ipsi vitam finirent. Non tussiebat neque difficulter spirabat æger, pulmones cum aspera arteria planè liberi erant, etiam œsophagus in deglutiendo non dolebat: ad hæc foris nec visu malum percipiebatur. Sub ipso osse sterni, ea parte qua mediastinum ipsi annectitur, vel in membranula ipsi interius annexa, doloris causa latebat, quæ hoc modo inducta fuerat. Vespera præcedente æger in convivio quodam vinum Gallicum generosum ac fortè liberalius ingurgitaverat, eoque ante luculentissimum ignem se valde calefecerat. Cum verò tandem media nocte sudans foras exiret ac domum properaret, subito in via maximo frigore (nam alperrimum tunc temporis erat gelu) correptus est, hinc protinus oclusis poris vapores calidi & acres condensati & congelati interiori ossis sterni membranæ adhæserunt, atque hinc pars illa cum acri dolore quasi obriguit, qui dolor motu thoracis exacerbabatur. Ut huic intolerabili malo citissime occurrerem, statim alvò enemate subductâ, hoc sudoriferum calidè exhibui.

℥. Theriacæ scrup. iv. extracti cardui bened. Angelicæ, ana scrup. j. croci Britannici gr. vi. Aquæ theriacalis nostræ unc. ij. olei anisi gut. iv. Misce, fiat haustus.

Hinc optime quidem sudavit, sed dolor in eodem statu permansit. Post sudorem ceratum sequens loco dolenti applicavi.

℥. Pulv. castorei, gariophyllorum, benzoini, croci, ana scrup. j. gummi galbani vino dissoluti unc. f. emplastri de meliloto, oxycrocei, ana drach. iij. Misceantur & fiat s. art. ceratum, quod extendatur in corio longitudinis partis affectæ, & latitudinis quatuor digitorum, & inungatur oleo nucis moschatæ distillato.

Cum hoc ceratum per sex septemve horas parti adhæsisset, plurimum cessare cœpit dolor, multoque tolerabilior evasit, ita ut æger se me-

lius movere posset. Sequenti die medicamento purgante assumpto quinquies alvum deposuit. Prædicto autem cerato adhuc per triduum inhaerente, dolor totus evanuit, & æger rursus bene sanus foras prodiit. Postea verò, mense Februario, cum vinò hispanicò largius haustò rursus nimium incaluisse, idem malum eodem planè modo rediit, atque tunc eodem illo & solo cerato rursus intra triduum curatum fuit. *Idem ibidem.*

Dolor Capitis.

Petrus Joannis, famulus cerevisiarius, homo robustus, mense Januario, cum accerrimè gelaret, crudelissimo capitis dolore correptus fuit (reliquo corpore se bene habente) ob cujus immensitatem aliquot dies noctesque continuas insomnis traduxerat, unde non tantum appetitus languescebat: verum etiam delirium jam aliudve gravius malum imminabat. Attamen æger adeo pertinax erat (ut plerumque solent hujusmodi rudes homines) ut ad mali sanationem nihil medicamentorum assumere vellet: tandem verò meis & amicorum bonis verbis eò inductus fuit, ut topica admitteret. Proinde, cum præsentì egeret levamine, sequens fomentum præscripti, quo caput calide foveri, & lintea quadruplicata ei intincta toti capiti calidè circumponi, ac refrigerata rursus eidem fomento calefacto intingi, idque tota nocte (nam circa vesperam vocabar) continuare jussi.

℞. Rosmarini, verbenæ, betonicæ, thymi, ana m. j. majoranæ, m. j. f. salviæ, m. f. florum chamomillæ, meliloti, an m. j. anethi, stœchados, an m. f. sem. cumini, anethi baccharum lauri, ana unc. f. vini albi q. f. coquantur f. art. ad lib. iij. adde colaturæ spiritus vini unc. iv. misce, pro fomento.

Sequenti die dolor longè mitior fuit, cumque adhuc omnia alia medicamenta repudiaret æger, in ejusdem fomenti usu continuatum fuit biduum, quo intervallo somnus rediit, & dolor ferè totus evanuit, exceptò quòd in fronte supra nasum adhuc aliquantum remaneret, cum narium etiam obstructione. Hoc cum fieret à tenaci quadam pituita, sicut totus morbus à frigido ac crudo humore in cerebro propter externum frigus coacervato, atque ibidem obstructo inductus fuerat ossi ethmoides firmiter impacta, errhinum ex succo radicis betæ præscripti, de quo cum bis terve aliquantum cum penna utrinque pertusa in nares attraxisset, magnam tenacis pituitæ copiam per palatam & nares excrevit. atque ita ab intolerabili hoc malo prorsus liberatus fuit *Idem ibidem.*

Vir annos natus quadraginta & duos dolore capitis vexabatur acerbissimo, & quidem tantum circa tempus unius lateris, ubi fixus permanebat, quem si quis hac de causa clavi nomine insignire vellet, per me liceret.

Causam hujus doloris esse judicavi humorem acido corrosivum ibidem satis profunde delitescentem & stagnantem propter obstructionem valde pertinacem.

Aderat medicinx studiosus, qui sibi persuadebat hujus affectus curam optimè perfici posse sudoriferis, quod ego tamen propter pertina-

ciam obstructionis in hoc morbo æquè impossibile censebam, quam in panaritio, quod tamen nunquam audiivi per sudorifera fuisse sanatum, quamvis itidem ortum suum debeat humori acido corrosivo, nam valde parva sudoriferi pars est, quæ ad partem dolentem pervenit.

Ego igitur parti affecta potius imposui pulverem Cantharidum cum propria saliva efformatum in vesicatorium circa vesperam, & per noctem reliqui.

Clarissimus Sylvius Cantharidibus addit acetum, putans exinde oriri fermentationem quandam, & sic vesicatorium melius operari, imo doctissimus Willisius plerisque vesicatoriorum formulis etiam adjungit acida, quod & ego sæpius secutus sum, sed toties, etiam post integrum totius diei intervallum, nullam vesiculam à Cantharidibus excitatam fuisse observavi, quoties illas miscueram cum aceto, hac scilicet de causa, quod ab aceto sal volatile Cantharidum enervetur, in quo tamen præcipua earundem virtus consistit.

Sequenti die adveniens vesicam ingentem à Cantharidibus productam conspexi, & ex agro dolorem prorsus abiisse, intellexi.

Dolorem autem illum ob vesicam, & propter aquam ex eadem aperta promanantem, sublatum fuisse, minime mihi persuadeo, nam aqua profluens nec acris gustabatur, nec talis esse poterat, quandoquidem alias ante vesicæ apertionem subjectæ cuti aliquem intulisset dolorem, quod tamen non fecit, licet cutis epidermide hoc modo sublatâ, satis sensibilis sit ut patet ex eo, quod ab aëre ambiente non raro lædatur & dolorem sentiat.

Sed quidnam ergo fuit, quod dolorem illum sustulit? sal volatile Cantharidum, quod à vaporibus ex cute egredientibus in motum satis celerem concitatum, pervenit usque ad humorem acidocorrosivum, eumque temperavit & incidit, ac obstructionem sustulit.

Verum unde tunc vesica suam traxit originem dicam; interea temporis, dum particula Cantharidum volatiliores satis alte penetrabant ad humorem peccantem corrigendum, aliæ crassiores & acriores circa cutim subsistebant, in qua fibrillas quasdam diffringebant, quæ in cincinnos resilientes tubulos ita obstruebant, ut humores, in circulatione aliqua ex parte impediti, colligerentur in superficie cutis ac cuticulam elevarent in formam vesicæ, quod facile contingere potuit, quia fibrillæ quæ cutim cum cuticula jungebant, jam disruptæ erant à particulis crassioribus & acrioribus Cantharidum citatis.

Atqui aliquis dicet hic fortasse, quod aqua illa ibidem congregari non debuisset, sed potius foras egredi per poros cuticulæ, per quos sudorem tam sæpe promanare videmus, cui respondeo, particulas crassissimas Cantharidum mansisse & hæsisse circa cuticulam, ejusque poros valde constrinxisse, quod nemini mirum videbitur, qui vel semel in vita vidit, quam facile ignis calore membranæ possint corrugari, & quod ignis communis, qui membranas ita corrugat, etiam aliquando excitet vesiculas, prorsus similes illis, qui à Cantharibus producuntur; quia autem pori cuticulæ ita con-

contracti sunt, ideo vapores alias libere exhalantes accumuluntur, augentque copiam humoris in vesica contenti.

Siquis tandem, ratiocinio nostro nondum plane convictus, credat tam diu Cantharides ob vesiculas excitatas juvare, donec probati alicujus scriptoris auctoritate flectatur, illum adire jubeo Lazarum Riverium, qui centuria 3. Observ. 14. refert, quod vesicatorium dolorem à punctura apis relictum intra quadrantem horæ abegerit omnino, vesicis non excitatis ob moram exiguam.

Franciscus Redi in tractatu de insectis affirmat, se vidisse humorem albicantem & absque dubio acido-corrosivum, ex aculeis scorpionum profluentem, & talem humorem in puncturis apum ex earum aculeis itidem promanare valde verosimile videtur, qui doloris causa existat, unde jam manifestum redditur, quod dolor, de quo Riverius loquitur, evanuit, quia humor acidus, qui ex apis aculeo profluxerat & dolorem excitabat, temperabatur à sale volatili Cantharidum.

Apum autem aculeos cavos esse nemo mirabitur, qui unquam vidit tubulos vitreos arte confectos, quibus utuntur ad sanguinem, aliosque liquores per microscopium examinandos & conspiciendos, quandoquidem illi, licet pilotenuiores sint, cavitate tamen aliqua donantur. *Joh. Muys in Prax. Chirurg. ration.*

Cephalalgia rara.

In naturalibus oppidò raram, qualem nec ulla Autorum lectio, nec agrotorum antea mihi obtulit querela, observavi cephalalgiam, quam non inconvenienter salutavero *Hemicraniam* *Αναισθησιον*. Civis quidam Othinienſis honestioris sortis, ante paucos dies consilium meum petiit & auxilium, querulus de capitis dolore atrocissimo, per vices recrudescente sæpius, hyemali tempore, quoties bruma venit, canisque albeant juga summa capillis; imò & quovis anni tempore, verum non nisi spirantibus gelidis Trionibus, quoties.

Riphaïs implet Boreas Aquilonibus orbem.

Quoties & quamdiu ventus fiat à Septentrionali mundi plagâ, toties & tamdiu torquet ipsum immanis Hemicrania. Fronti potissimum & superciliorum infesta regioni, quæ mox una corripit superiorem utriusque Auriculæ Helicem. Trago auricularum & Lobo triumphantibus, tectis lateribus. Ego puto lympham acido-salsam (quam prodit dolor lancinans & rodens) à Bilis miscela non planè liberam, musculum frontis expugnare; expugnatum per sibi vicinum musculum utrumque temporalem, utriusque auris musculo superiori, sive secundo & proprio, temporalibus incumbenti, suum commodare virus, quâ datâ portâ ruit. Hunc autem hostem solito atrocius sævire existimo, laudatò spirante ventò, quatenus ab hoc ipso concitatus aer, & aliis atque aliis imprægnatus effluviis, poros cutis, dictos tegentis musculos, ita obstruit, ut *μίσμα* hæc, per insensibilem cætera se subducentia transpirationem, ne vel minimam elabendi invenire possint rimam. *M. Georgii Hannæ in Miscell. Curios.*

Dolor capitis periodicus & varius.

Novi virum quendam è præcipuis civitatis nostræ, annorum 53. qui ante plures annos patiebatur dolorem capitis periodicum gravissimum, singulis diebus recurrentem, & per tres horas durantem, instar febris reciprocantis semper postponentem: qui tandem post quintum paroxysmum brevissimum cessit; nihil, neque purgante medicamento, neque venæsectione proficientibus. Symptoma hoc post aliquot annos revertebatur, sed tantum tertiâ die, verum longiore paroxysmo, eademque horâ, scilicet septimâ matutinâ, sævitiam suam exerebat, sexque mensium fere spatio, frustra tam internis, quam externis medicamentis adhibitis, durabat. Tertiâ denique vice, idem malum postliminio, quatuor annorum circulo exactò, quolibet octiduo, sed anticipando, recurrebat; atque tum per Dei gratiam, præmissâ purgatione vernali, ac venæsectione institutâ, fonticulòque in sinistro cubito adhibito, planè cessavit, & hucusque, post aliquot annorum decursum, nondum rediit. De capitis dolore in Autumno sæpe recurrente, vid. *Forestum lib. 6. Observ. & Curat. Medic. cent. 3. cap. 3. & 4. Tulpium lib. 1. cap. 13. D. Simon. Schultzei in Miscell. Curios.*

Hemicrania periodica quotidiana statis horis invadens & desinens.

Hemicraniam periodicam nuperrimis diebus in Viro Illustrissimo observavi planè singularem. Recurrit ea quotidie certâ horâ: septimâ nempe matutinâ, paulatim increcendo & decrecendo ad horam duodecimam, tum nullo prorsus sensu ejus relictò: occupat verò tantum externam frontis partem supra oculi dextri orbitam. Venæsectio juvit, & compressio illius partis. Causa hujus periculi esset divinanda; forsitan vel sanguis, vel lymphâ, per circulationem eâ horâ recurrens ad locum hunc, quocunque vitio debilem, vellicat acrimoniâ suâ pericranium. *Thom. Bartholini in Act. Hassniens.*

Dolor Superciliaris acerbissimus periodicus.

Sæpius oblatus est mihi ejusmodi dolor, supra alterutrum supercilij convexitatem (ubi communiter nervi tertij paris ramulus præter propter dispergi ostenditur) intensissimus, ut plurimum a septimâ matutinâ ad duodecimam, vel à nona ad secundam pomeridianam, interdum cum aliquali phlegmonodi & molliculo tumore, (seu circa Arthriticorum articulos observamus) extensus. Et sanè omnes ita afflicti, aut fuere, aut brevi post, facti sunt Arthritici. Verumtamen nec spiritus volatiles urinosi, (ex Ammoniaco, Calce viva, Fuligine, Tartarò &c.) Essentia camphoræ (similibus, aut spiritibus nervinis) diluta, &c. nec ab altera parte Emplastrum de ranis cum Mercurio, lamellæ plumbeæ, amalgama plumbi cum Mercurio, albumen cum alumine, &c. nec frontalis venæsectio huc quicquam contulere. Senex quidam medicus doloris acerbitate victus, tandem non solum arteriotomiam in vicino ramulo bis, & (quod forsitan notabile) primâ quidem vice, sanguine pacatissimè, secunda verò, (ob quandam quasi

mucilaginositatem) ægerrimè exeunte; verum etiam sectionem supra ipsum locum affectum, (secundum requisitum fibrarum ductum) haut superficialiter instituit: at in cassum, redireque sæpius dolores, donec senio confectus vitæ pausam faceret. His proin dimissis, præsens semper circa eos, qui prædictis illiciis naturam (æquè ac Arthritici nostri primitus solent) non seduxerant, juvamentum percepi, è vesicatorio retrò aurem; ita tamen ut materia per dies aliquot in fluore servaretur, applicato (ni fallimur) Fioravantæ emplastrò resolutivò ad tophos (& cantharidum particula, &c.) vel quod facilius ejus locò confit, ex emplastro de spermate ranarum, cum parte quarta vel quinta emplastri vesicatorij simplicissimi permixto. *Danielis Ludovici in Miscell. Curios.*

Cephalalgia à vermibus capitis.

Puella quadam in districtu Olomacensi, cum longo tempore diris capitis doloribus vexaretur, qui ad aurem dextram, maxillam totam, & dentes ejusdem lateris sese extenderent, ac insomnis per plures dies & noctes ad insaniam usque maneret, faciem totam inunxit oleo chamomillæ, & aliquot guttas ejusdem olei in aurem immisit, quâ inunctione dolor aliquò modò fuit consopitus, ut somnum utcunque caperet. Manè dum os aquâ frigidâ elueret, superveniente sternutatione, per nares vermem in pelvim rejecit, bombyci non absimilem, multipedem, dimidii digiti longum, moxque ab omni dolore liberata est. Vixit vermis aliquot horis, à pluribus visus & consideratus. *Joh. Ferdinandi Hertoldi.*

Hemicrania Arteriotomia spontanea curata.

Temperaturæ calidioris, ac rarioris corporis habitus, annorum septemdecim mulierculæ, Hemicrania circa menstruorum tempus biliosa affectæ, & per eorundem effluvium curatæ, secundo gestationis uteri mense recurrente Hemicrania, in crotaphita lateris dextri, crustula super arteria exorta, Arteria sponte adapertha est, & sanguinis primo tenuioris subflavi uncias quinque, dein totidem circiter atrii evomuit: coaluit arteria & patiens convaleuit. Ex quibus non tantum Hippocratis variis in locis Naturam morborum medicatricem esse docentis, sententia, quam 2. de morb. de superevomitu venarum tulit; sed & Galeni Lib. de cur. per sangu. miss. Andree Laurentii, Parai, Vesalii & aliorum, qui in hemicraniis contumacioribus arteriotomiam, ratione non minus quàm experientia edocti consulunt, doctrina confirmatur. *Nic. Gul. Beckers.*

Cephalalgia spontanea vena sublingualis apertione sanata.

Matronam novi affinitate mihi junctam, quæ Cephalalgia urgente aliquoties venarum sublingualium sectione quasivit lenimen: Hæc aliquando sub furente Sirio faciens iter, dolore capitis ob æstum correpta est recidivo, Domum reversa sub cibi masticatione sublingualem sensit apertam, quæ more fluens, feliciter mitigavit dolorem. *Sigismundus Grassius.*

Magnus Hirudinum usus in Cephalalgia.

Hirudinum usum, hisce in oris minimè frequentem, adeò salutarem reperi, ut sævissimas quasque cephalalgias non alio remedio promptius curaverim. Ex multis, quas novi, historiis unam deligam, eamque accuratius observatam. Anicula integro ferè mense dies noctesque gravissima conflictabatur cephalalgia: dumque omnia adhiberentur remedia, adeò & spe & successu sum frustratus, ut tandem ad infrequentem, sed perspectum mihi hirudinum usum, confugere necesse habuerim: quibus ipsis tantum agræ solatii, mihi que voluptatis accessit, ut semel iterumque indomitam cateroquin cephalalgiam sanguiugarum applicatione sanaverim: & in remedii quidem usu hoc se expertam jactabat anicula, quod quamdiu sanguis traheretur ab hirudinibus floridus, nullam senserit morbi remissionem, sed cum continuato tractu sanguinem emungerent nigricantem viscosum, à doloribus, ceu fascino quodam, liberata fuerit. Quid ergo hic decernendum? Anne hærebat in sinibus cerebri sanguis crassus & lentus, qui intus concepto fervore orgasmum, & tandem distensione membranarum contumacissimum dolorem intulit? sed nolo me immiscere causis exaggerandis, quas vestræ crisi reservasse satius est.

Eundem illum hirudinum usum mihi quoque confirmavit Illustris Heros: Dn. Johan. von der Wick, Serenissimi Principis nostri generalis militiæ Præfectus, qui cum aliquando Holmiæ Suecorum dies noctesque sævissima excrucietur cephalalgia, adeò ut, quæ vis esse dolorum sollet, mentis quoque alienationem pateretur, frustra adnitentibus archiatri, ut Regi suo fidissimum ministrum præsentis periculo eriperent. Tandem verò inter dolorum concertationes ipsi, de salute sua sollicito, incidit remedium, nimirum compertus ille hirudinum usus: itaque ultro applicationem illarum ad arterias temporales vehementius efflagitat, nec mora, applicatis illis, sanguinemque trahentibus melancholicum, dolor omnis est consopitus & suavissimi somni successu tot dierum vigiliæ pensatæ. Sed novo quodam exemplo idem ille heros hirudinum singularem effectum in contumacissimo linguæ tumore est expertus: induruerat lingua ad partem sui dimidiam, idque ex bilis atræ defluxione, ita ut aridi instar ligni immobilis in ore hæreret, vixque ulli usui sufficeret. Huic malo profligando tribus insudatum septimanis, venæsectio cum in brachio tum sub lingua incassum instituta; itaque præstantissima remedia infelicitè usurpata; verum solis hirudinibus, quas Medici dissuaserant, linguæ admotis humor ille crassus viscosusque fuit educus, & æger opportunè liberatus. *Joëlis Langelotii.*

Usus Fonticulorum in Capite, ubi sutura coronalis cum sagittali committitur, in Cephalæa inveterata.

Autores quando loca, in quibus Fonticuli parari solent, determinan, primo loco capitis faciunt mentionem, in quo in ea regione, ubi

sutura

futura coronalis & sagittalis concurrunt fonticulos inuri jubent, eosque in multis magnis & chronicis morbis plurimum commodi præstitisse sapissime observarunt. In Holsatia verò nostra, licet alias in brachiis, femoribus & tibiis frequenter fonticuli excaventur, isti tamen, qui in capite sunt, in usu non sunt, imò ægri ab iis adeo abhorrent, ut difficillimè ad ulcuscula talia paranda se adduci patiantur: cum tamen in plurimis morbis & Symptomatibus auxilium nobis ab iis polliceri possemus. Præsertim in Cephalæa inveterata Scorbutica certum levamen eos afferre, in illustri virgine observavi. Quæ cum per multos annos cum vehementissimis capitis doloribus conflictata esset, qui de die quidem tolerari quodammodo poterant, de nocte vero ita ingravescabant, ut omnia tam interna quam externa remedia eluderent, & ægra iis non amplius esset perferendis; multistandem rationibus ei, acerrimè alias reluctanti persuasi, ut in fonticulum in capite excitandum consentiret. Loco itaque, ubi Sutura Coronalis & Sagittalis est concursus, abradis capillis, prævia masticatione & digiti longissimi, carpo ad nasi radicem posito, extensione, investigato, cauterium potentiale ad motum est; cuius virtus adeo altè penetrarat, ut cum eschara excideret, ablato pericranio nudum os appareret: ad eam enim profunditatem, ad quam Antiquos quoque ussisse legitimus, fonticulos descendere necesse est, siquidem affluentes humores evacuare rite debent, & doloris (quem alias pericranium remanens, dum globulus vel pilum semper ad id alliditur, excitat) expertes esse. Vix 4. septimanas fonticulus fluxerat cum dolores jam inciperent mitigari, qui progressu temporis ita evanescebant ut Nobiliss. ægra bene haberet, & per quatuor annos superviveret; quibus exactis cachexia scorbutica correpta obiit, de capite vel ad ultimum usque vitæ articulum nunquam conquesta. *Casus. Grammi.*

Acerrimi dolores Capitis euporisto sanati.

Vixit non ita pridem apud nos Vir Illustris, sed vixit is Cephalalgia doloribus obnoxius, ut jam diu mortem sibi vita optabiliorem æstimeret. Incipiebant dolores ab utrisque temporibus, & paulatim altius in cerebrum eVecti utrinque tanquam malleo fabrilis latera tundeant; Et quidem visum tolerabile malum quamdiu in imaginarii mallei seorsum tragædias suas exercebant, sed quando miscebantur ictus, ita ut in unam simul in medio cerebro incudem ferociter incumberent, præ cruciatu non amplius apud se erat, sed deliro similis cubicula oberrabat, imò aliquando animi tentabatur deliquiis. Suaserant Medici ut, tentatis incassum variis, arteriam temporalem pateretur sibi incidi, solenne alias in hoc casu remedium, ad quod nescio quo metu inductus descendere recusabat. Tandem cum constaret dolores illos proficisci à nimio sanguinis arteriarum temporalium fervore & impetu, ex consilio cuiusdam in medio dolorum cursu strophilo aqua frigida madido collum circumdedit, & cum à nativo calore incalesceret linteam, novo permutavit. Unde dolor quasi excantatus furere eo tempore desiit, & quoties redibat (id quod singulis ferè mensibus solenne) eodem stratagemate elusus est, admi-

rante ægro tam efficax remedium è puteo suo levi opera hauriri. Medicis autem ea medicandi ratio suspectior, non quod nesciant contraria curari contrariis, aut, ut prudenter Hippocrates, subcontraria subcontrariis, sed quia tum vident symptoma tantum hoc modo tolli, non primam mali causam, tum quia ab illo remedio sapius usurpato vel paralyfin timent, vel apoplexiam, clausis subito frigore nervosis partibus. Aliquando tamen, non inficior, usus vincit rationem, & nihil eo periculo, in quo æger versatur, periculosius est. Parisius nihil in hoc malo frequentius sectione arteriæ temporali; atque notavi in Nosocomio (*L'Hôtel Dieu*) quoties Chirurgus ob profunditatem arteriæ nonnihil tricarari necesse habebat, ut scalpellum iuste adigeret, nonnunquam cum Alexandro violentius usum fuisse oraculo, hoc est, arteriam ipsam transverso ictu resecuisse, unde resedit quidem dolor, & divisa arteriæ partes facilius coierunt quam post incisionem punctim inflictam; metus tamen est ne partes capitis ab illo arteriæ funiculo, qui avulsus, nutriendæ, fovendæque, eclipsin aliquam in posterum patiantur. Quod *Forestus* refert à suspensa è collo verbena sedari dolores capitis, id licet sæpe experiri placuerit, tum in planta viridi, tum sicca, nunquam tamen evidenter successisse animadverti. *Olaus Borrichius.*

Singularis Hemisrania solutio.

Fœmina querebatur de Hemisrania dextrilateris frontem potissimum infestante, adeo ut oculos aperire vix valeret. Administrata V. S. ne adhibentur itidem Pilula cephalicæ à Domino Licentiatò *Julio Georgio Behrens*, Archiatro Guelferbytensi, qui mihi hunc casum communicavit, ordinatæ, sed nullo cum levamine. Aiebat enim ægra vertigine se corripere ad quemvis motum capitis, & quocunque inclinaret caput, eò impendere vesicam aqua plenam, idque constanter asseverabat. Jubentur itaque ad aures applicari vesicatoria, item formari turunda, eaque immergi in Spiritum salis armoniaci volatilem, Spiritusque per nares in cerebrum attrahi. Non diu his remediis usa, cum noctu stillicidium ipsi narium accideret, non sanguinis, sed aquæ ad tactum frigidissimæ, in tanta copia ut ferè mensuram Guelferbytensem, (*ein Quartier*) repleverit, & ex eo tempore omnes dolores capitis cessavere, sanaque fuit. *D. Alardus Hermannus Cummenius.*

Succini efficacia in dolore Capitis.

Præterire hoc loco non possum insignem vim succini in catarrhis & doloribus capitis. Internum usum in similibus affectibus nemo ignorat, quia calida attrahendi vi humores exsiccat. Externe verò eundem eventum præstare, non ita est frequens. *Mizaldus* tamen scribit, cervici alligatum frustum, oculorum lacrymas, fluxus, & ophthalmias miraculi instar sanare. Alia experimenta hujus afferam. Mulier quadam Christiano Hamniensis perpetuo molestoque dolore capitis querula, postquam globulos ex succino collo gestasset, sine dolore vixit. Quocirca semper ferè corollam hanc collo suspensam gestat, quam tamen nonnunquam deponere

cogitur, quia nimium trahere observat humores in corpore. Id quod etiam suo exemplo confirmat Consul urbis laudatæ Vir Amplissimus Casparus Schöllerus, succini æstimator insignis, quo succino magnam experientiam habet. *Th. Bartholinus in Actis Danicis.*

Mulieri post diuturnum Capitis dolorem, tandem excitato in Gena dextra tumore & perrupto prodit ossiculum.

Mirabilis est relatio D. Frider. Lachmund, Physici Hildesensis, de scemina quinquagenaria, anno 1666. Saritedæ in Saxonia Inter. quæ de dolore capitis conquesta tandem tumorem in gena dextra passa est, qui tumor 1667. apertus primum sanguinem & pus fudit, post materiam duram, lapideam, cineream, tuberculofam, quæ aperta exhibuit cerasi ossiculum cortice lapideo & tuberculo obductum. Mirumque quomodo eo à Natura protrusum fuerit cerasi ossiculum.

Cephalalgia Sole Oriente se prodens, Inclinate declinans, In virgine, Cucurbitulis ad motis sedata, in Viro, hirudinibus.

Ex astris solem præcipuè & lunam conspirare cum corpore nostro cumque humorum fluxu, vetus est vera sententia. Sed eundem illum consensum propter irregulares atmosphaeræ motus & tempestatum mutationes sæpius variari, unumque præ alio magis affici, id sanè oppidò manifestum, referreque nunc libet, quid circa hunc solis sive effectum sive consensum in duobus præcipuè agris observare licuerit, Nobili nempe virgine Galla, & archimagiro Sereniss. Principis nostri, Utrique sole oriente intra ipsum ferè temporis momentum dolor capitis succedebat, & cum solis ad meridianum adscensu augebatur, donec in summò cæli vertice consistens doloris quoque ea esset acerbitas, illa exaltatio, ut archimagirus ferè ad desperationem adigeretur. Sed sole à meridiano sensim declinante doloris remissio fiebat, nec tamen antè cessabat quam Sol horizonte elapsus in noctem verge-ret. Duravit hic affectus per dies aliquot, donec ventosæ cum profunda scarificatione universalibus præmissis virgini applicatæ levamentum doloris præstarent. In archimagiro obstinatio fuit affectus, solæque sanguisugæ ab immani isto dolore hominem liberarunt. *Joëlis Langelotti.*

Cephalalgia statâ affligens hora, Pediluvio sanata.

Annus est, & quod excurrit, cum vidua quædam conquereretur de Cephalalgia, singulis auroris circa quartam matutinam tanta cum atrocitate incedente ut futuræ capitis, factæ etiam à me attractu, quasi hiarent; universalibus, anodynis, & illulis omnibus; Hinc maturo consilio suasi pediluvium, unde factum est ut aura frigidissima cum totius horrore à capite ad pedes descenderet, ægraque bis vel ter eidem administrando plane convalesceret. *D. Ehrenf. Hagendorn.*

Ad Hemicraniam Topicum remedium.

In Franconia Hemicraniam, congenereque topicos capitis dolores, vulgus passim, sed in causa frigida, sine haud infrequenti successu, tollere satagit imposita parti dolenti patina stannea, aquæ quid continente, istique plumbi liquefacti particulam, ut patiens calorem emi-nenter fere sentiat infundendo. *Daniel. Ludovici.*

Foliorum Palmæ Christi vis in uredine capitis.

Folia Palmæ Christi applicata capiti multum allevant uredinem capitis, prout in me ipso expertus sum, Estque unicum remedium Indis & Nigris. *Doctor Sinbles in Actis Philosoph. Anglic. mens. Junii 1668.*

Os Frontis Virginis adultæ mobile, cum insigni Capitis dolore.

Virgo prænobilis & generosa, annorum xxvj. conquerebatur quod maxinis & continuis capitis doloribus à teneris unguiculis infestaretur, causam esse dicens quod Cranium nondum esset concretum. Ego inquirebam an forte ossa facta fontanella nondum esset? illa respondebat quod non, sed in risu vel tristitia & fletu, aut forti loquela, ferè pollicis latitudine Cranium dehisceret. Ego rei certitudinem percipiendi cupidus, caput tangens inveni os frontis esse mobile, & à sinapite se divelli pateretur, ita ut digitis quasi cerebrum posset attingi. *Friderici Lachmund.*

Cephalæa à setaceo applicito cessans, eodemque remoto recurrens, idque aliquoties.

Filia cujusdam mercatoris Amstelodamensis octodecim circiter annos nata temperamenti sanguinei; diu laboraverat capitis dolore, assiduo & intolerabili. V. ria à me & magistro Petro Adriani filio ad arcendum malum illud incassum adhibita sunt remedia, ut sunt purgantia cephalica, alterantia, venæsectiones, tam in pede, quam aliis partibus, vesicatoria, iterutatoria, cucurbitulæ, &c. Tandem quoque à nobis propositam admisit cruciatem incisionem in bregmate, quam notabilis sequebatur hæmorrhagia, sine ulla tamen euphoria. Consultationes diversas institui cum celeberrimò Practico Matthæo Slado. Tandem nullis remediis proficientibus animus nobis erat cranium terebra perforare, antequam verò hac extrema institueretur operatio, Setaceum in nucha proposui, cui remedio dicti Viri Celeberrimi calcum apposui, Remedio hoc celebrato, itatim evanescere dolores, & quod notatu dignum est, post aliquod tempus ægra hujus remedii pertasa, extraxit setaceum; quo facto illicò recruduit malum, ita ut coacta fuerit ad novi setacei usum confugere, quo instituto exemplo rursus cessarunt dolores ægram vexantes: tum igitur prudentior facta gessavit hoc setaceum renovatum, donec sua sponte natura illud expelleret. Quid sit? tertiâ vice setaceo abdicato, recidivam patiebatur, & coacti denuò eandem encheiresin iterari iussimus, quâ sic repetitâ iterum libera-

ta fuit ab hoc malo, & posthac pancreaticè vivere cœpit, quemadmodum in hunc usque diem incolumis degit. *Frideric. Ruisch. observ. Anatomic. Chirurgic. Centur.*

Dolor, inter caput, ac pedem, reciprocus.

Vapores à pede, ad cerebrum adscendere, ibidemque morbum comitalem producere, novum non est. Sed eundem dolorem, à pede, in caput, & à capite, identidem in pedem reciproco cursu, revolvi: id certè, nonnisi paucissimis observatum.

Uxorem fabri lignarij, ex cruciavit aliquandiu acerbissimus dolor: proserpens, cum manifesto caloris sensu, modò à pede, in caput; modò verò, à capite, in pedis pollicem: in quem ubi descendisset, iussimus illicò, cucurbitulam illic imponi: ad eliciendum volaticum illum spiritum: qui tam pernici cursu, permeaverat quotidie corpus universum: eoque extracto, vidimus illicò cessare reciprocos illos circuitus: & agram multò convenientius liberatam, quam ruiticos illos quos Gal. lib. 3. de loc. aff. cap. 7. testatur evasisse mortem: amputato illo, quem vipera momorderat, digito. *Nicol. Tulp. observat. Medic. lib. 1.*

Dolor ventriculi, cum sanguinis vomitū recurrens, in abscessum fundi ejusdem mutatus, frustra curatus, tandem omnino sanatus.

Sanavi mulierem duos menses ventriculi dolore laborantem primò, postmodum verò sanguinis vomitū, ad libram unam, qui sponte sedatus aliquot dies, nec ullo dolore molestus; quo tandem denuò recurrens, à peritissimis Venetis Medicis eadem curata medicamentis per os exhibitis, in cassum tamen, Patavium se contulit, cujus ego in Nosocomio Divi Francisci curationem ita sum aggressus. Primò sanguis eductus ex brachio, tum ex pede; atque exhibitum mel rosaceum solutivum; tribus verò aut quatuor post diebus à medicamento assumpto, cum vomisset libras duas circiter puris, cum sanguine mixti, indicium præbuit abscessus in fundo ventriculi, præter continuam quærelam de dolore ipsius partis, nulla licet materia excreta per alvum illi proximam; eidem exhibui postmodum aquam hordei quindecim dies, mixtam cum melle rosato colato, cujus usū vomuit tria frustula tunice internæ ipsius ventriculi, longa, & lata quatuor digitos transversos, non sine multorum admiratione; necnon aliquot dies postea portiunculam aliquam puris sanguine mixti; quibus abstergendis, exhibui aquam Tettutianam quatuor dies, cum melle rosato solutivo; postmodum bolos ex saccharo rosato antiquo, pulvere boli armenæ orientalis & hæmatite, ac dimidia post hora, uncias quinque decoctionis Plantaginis, Polygoni, Balaustrorum, & Hypocistidis; quibus, spatium duorum mensium ægra omnino convaleuit, in hunc usque diem incolumis. *Petrus de Marchett. observat. Chirurgic. sylloge.*

Dolor ventriculi cum vomitu.

Petronella Beekman, juvenula circiter 27.

aut 28. annorum, 19. Junij intolerabili cruciatur batur dolore in alvo superiore, nempe in tota ventriculi regione, qui se modò aliquantum ad dextrum, modò ad sinistrum latus, ut plurimum autem ad lumbos ferè extendebat, atque adeò crudelis erat, ut quilibet adstantes commiseratione agræ commoverentur. Vomitus aderat, interdum mitior, interdum vehemens, quò omnem cibum & potum evomebat. Subinde etiam vehementiori vomitu aquam quandam nigricantem ad lib. j. vel lib. j. s. ejiciebat, cui aliquantum tenacis pituitæ admixtum erat: huic aquæ, (quæ magna cum violentia evomebatur) ordinariè corpuscula quædam (quatuor vel quinque, interdum plura) innatabant, magnitudinis parvæ avellanæ, colore & consistentia butyrum recens adeò exactè referentia, ut etiam ipsos butyri mercatores fefellisset. His vomitu ejectis, dabatur aliquod doloris levamen ad duas tresve horas, post quas dolor iterum recrudescerebat. Nulla aderat febris, nullus in liene tumor, neque etiam dolor eò usque se extendebat; antea quoque nulla lienis affecti signa animadversa fuerant. Nulla quoque in renibus erat obstructio, nec dolor in ureteribus, urina absque molestia, & satis crassa fluebat; nec calculos, nec sabulum unquam antea, nec postea, nec durante morbo excrevit. Menstrua ordinario modo bene fluxerant, nec ullum in utero vitium percipi poterat. Neque etiam diætæ vitio inductus fuerat morbus, neque bilem huc quicquam fecisse docebat vomitus, quo rarò & tantum paucillum flavæ bilis evomebatur. Hæc omnia mihi de loco affecto & causâ mali non parvam dubitationem iniecerunt: judicavi tamen causam morificam vel in ventriculo residere, vel potiùs è parte aliqua vicina ipsi suggeri, & propter vomitus violentiam ligamentorum communione etiam lumbis & vicinis partibus dolores communicari. Sed unde igitur iste vomitus aquæ nigricantis, & illud butyrum? non à ventriculo, cum ibi tanta aquæ nigre copia occultari, & talis butyracea substantia in ejus parenchymate inveniri non possit: non à liene nec hepate, cum hæc viscera nullo modo afficerentur: non à renibus, cum dolor in lumbis parvus ac levis esset, nec ullum in urina vitium. Fortassis igitur illa aqua nigricans in mesenterio vel pancreate collecta, atque inde ad ventriculum expulsa fuit; & butyracea illa materia fortè fuit bilis aliquomodo corrupta, ac in talem substantiam præter naturam mutata. Atqui tunc talia etiam per alvum excreta fuissent; verum in hac agra raræ erant alvi dejectiones, eæque naturalis coloris & consistentiæ. Ita ut verè fatear, hunc morbum mihi admodum obscurum visum fuisse, de quo nihil certi judicare potui, de quo etiam alij Medici, quibus casum hunc notum feci, non minùs quàm ego dubitârunt. Curationem aggressurus, cum nihil retineret, primò topicis vomitum sistere, ac ventriculum corroborare visum fuit: in quem finem ventriculum oleo nucis moschata inunximus, eique calidè imposuimus cataplasma, ex mentha, rosæ rubris, nuce moschata, gariophyllis, mastiche, olibano, fermento acido & aceto rosaceo concinnatum, quod tota nocte inhæsit, sed nihil profuit. Postridie à violento vomitu & continuis ac truculentissimis dolo-

doloribus valde debilis erat ægra, ita ut ad spirituum refectionem corroborans medicamentum præscripserim, ex aqua vitæ Matthioli, aqua theriacali, aqua cinnamomi, & syrupo de limonibus, æqualibus partibus mixtis; de quo subinde cochleare sumpsit, & retinuit, cum tamen omnem alium potum evomeret. 21. Junij emplastrum corroborans ex tacamacca, galbano, gariophyllis, benzoino, & similibus concinnatum ventriculi regioni imposui. 22. Junij haustum leviter purgantem exhibui, quem statim evomuit. Tunc clystima injici curavi, à quo bis terve alvum deiecit. Horribilis dolor in eodem statu permansit, cui per intervalla vomitus adjungebatur. Præter corroborans antè præscriptum, nihil retinebat ventriculus. 24. Junij, cum alvus iterum non responderet, exhibui pilularum Russi scrup. j. quas retinuit, atque ab iis circa vesperam tres sedes habuit. Quia emplastrum ægræ molestum erat, neque levamen adferebat, illud detraxit, cujus loco sacculum lineum imposuimus his intersutum, nempe menthâ, absinthio, salviâ, floribus chamomillæ, meliloti, anethi, nuce moschata, semine cumini, fœniculi, anethi, qui sacculus in vino forti semel bulliebat, atque tunc expressus calidissimè applicabatur. 28. Junij reiteratum fuit enema. 29. Junij circa noctem exhibui philonij Romani cum euphorbio parati scrup. ij. cum pauxillo vini, à quo ista nocte quatuor horis dormivit, cum hactenus à principio morbi omnes dies noctesque insomnes duxisset. Postridie dolor ad antiquum statum rediit: videbatur tamen calidissimum illud philonium aliquam coctionem moluisse, nam ventriculus subinde ructus aliquos difficiles cum levamine edebat, qui ut facilius promoverentur apozema gratum ex flatus discutientibus aliisque similibus, præscripti, sed non potuit retinere. Quapropter circa vesperam iterum exhibui philonij scrup. ij. 1. Julij, ructus faciliores prodibant, illa vespera rursus philonium dedi ut antè. Sequenti die dolores erant mitiores, & vomitus nullus: tunc meridie sorbsit jusculum pulli, idque fuit primum nutrimentum quod toto morbi decursu retinuit. 3. Julij alvus constipata pilulis Russi rursus emota fuit. 4. Julij dolores rursus exacerbati sunt: præscripsi amygdalatum, sed nullam dosim retinere potuit, etiam omnia alia assumpta evomuit, præter corroborans antè præscriptum. Varia topica ventriculi regioni dolenti applicui, sed nihil profuerunt. 6. Julij, rursus ad philonium confugere coactus fui, cujus scrup. ij. s. exhibui, à quo mediocriter dormivit. Postridie dolores erant mitiores, tunc circa noctem eadem dosi philonij rursus data fuit, ut & sequenti die circa vesperam. 9. Julij matutino tempore pilulis Russi purgata est, & vesperi rursus philonium sumpsit, quod etiam sequenti triduo singulis vespertinis temporibus datum est: atque sic hujus usu dolores & vomitus prorsus cessarunt, rediit appetitus, & ægra pristinae sanitati restituta fuit.

23. Novembris iisdem truculentissimis doloribus cum vomitu violento, ut antè, infestata fuit. Exhibitis pilulis corpus expurgavi, & vesperi rursus dedi philonium, cum levamine, in cujus solius usu libenter per aliquot dies continuâsem, sed fuit illud medicamentum nimis

suspectum D. Breulio, Medico docto, qui tunc temporis etiam advocatus, maluit topicis, amygdalatis, apozematibus, conditis, aliisque convenientibus medicamentis curationem peragere, quæ omnia ad illius beneplacitum, frustra tentata fuerunt. Denique illo non redeunte, ego rursus philonium duodecim diebus continuis circa noctem exhibui, singulis quatuor diebus alvum pilulis citando, atque ita tandem pertinacissimum morbum philonij narcosi & calidissima qualitate evici, à quo sic liberata fuit ægra ut postea toto sexennio ab eodem immunis fuerit, & ut spero, semper futura est. *Isbrand. de Diemerbr. in observ. & Cur. Medic.*

Dolor ani, quartâ horâ, à solutâ alvo.

Quantum homini prodest moderata; tantum nocet invicem immodica sanguinis profusio; præcipue ex ani venis. Quæ distentæ acri ac fervido sanguine, nisi maturè sese exonerent, excitant sæpenumero, vel perniciose ulcera: vel dolorem sive continuum sive periodicum; Sed raro ita ordinatum, ut invadat definitâ aliquâ horâ. Quas tamen interpolatas vices, uti contigit nobis videre, in morbis aliis: sic etiam observavimus easdem, in reciproco harum venarum dolore.

Jacobus Scipio, Vir procerus, sed ventriculi imbecillioris, & lienis summè obstructi, doluit insigniter circa anum, quâlibet quartâ horâ, post exsolutam alvum. Quum alios idem dolor soleat invadere protinus, à dejectione. Cujus moræ causa, proculdubio, rejicienda est, in lentam illam pituitam, quam frigidus ventriculus continenter immiscuit atrabili, venis hæmorrhoidalibus in hærenti.

Sed cur accessit hic dolor præcisè horâ quartâ, à dejectione? annon ex natura bilis atræ? quæ uti movetur die quarto: ita fortassis & horâ quartâ? nisi lubeat fortè recurrere; & reciprocum hunc ordinem referre ad abstrusam aliquam causam. Quam equidem in tantis tenebris lubens discutiendam relinquam sagacioribus ingeniis.

Erat autem hic dolor, adeò acerbus, ut vix fuerit ferendo æger: quocirca nihil non tentatum, quo opitularemur homini. Sed præcipuum auxilium tulere sanguisugæ ano adpositæ. Quæ exsugendo sanguinem, venas distendentem, absorplere simul malignum virus, anum summè excrucians. *Nicol. Tulp. observat. Medicar. lib. 3.*

Dolor ventris quinque annorum atrocissimus curatur per ejectionem substantia glandulosa pendens uncias septem infernè factam.

Medici hæc potiora putant, quàm certâ morte perire: agens de iis ægrotis, qui ad desperationem laborant, & inter propemodum certos mortis timores, dubiam aliquam spei lucem ostentant, inquit Latinus Hippocrates: & verè ita esse expertus sum in fœmina quadam habitante *Heemstadii*; pagus is est, juxta arte suâ texendi nobilitatum Harlemense oppidum, non ignobilis. Laborabat jam quinque annis cum hæctica febre dolore ventris intolerabili, quibus, quod alterum accederet malum, paupertas, deserta est à Medicis, crescentibus autem

tem quotidie, & augescantibus doloribus, ipsa ita evanescerebat & minuebatur, ut tandem umbram sepulchralem potius referret, quam hominem.

Degebam id temporis circa ea loca, fugitans urbis frequentiam propter contagionis periculum; accedentem ergo ad me hanc mulierem, iis aggressus medicari potionibus, quæ bilem, unde suspicabar inter cetera mali originem, corrigerent & depellerent: at illa inter purgandum intolerabilibus cruciatur doloribus, agrescebatque medendo indies magis, & macie consumenda, doloribusque enecanda videbatur: suspicans igitur altius latere morbi causam, omnia tentanda ratus priusquam eam defererem recordatusque superius allatorum verborum Celsi, vegetiore quodam emetico, quo sæpe indesperatis felici cum successu usus sum, morbum aggredior, cum apozematibus cholagogis, aliisque medicamentis me jam vel satis præparasse materiam, viasque, quæ pertinax malum educerem, disposuisse, vel plus, quam satis operam, si nihil effectum esset, luisse existimarem. Sumit illa potionem, nihil evomit, sed post copiosas dolorisque plenas dejectiones, tandem prodit infernæ corpus quoddam glandulosum tres palmas longitudine, latitudine binos adæquans digitos, quod septem pendebat uncias; sequitur id ingens copia sanguinis, & mirum dictu, femina se recreatam sensit, & postmodum convenientibus secundum rei exigentiam medicamentis curata, prorsus convaluit. Tanti est ægros altero jam pede cymbam Charontis prementes, aliquando generosâ manurevocare, & vitæ asserere. *Theod. Kerckringius in Specilegio Anatomico.*

Anatomica inspectiones.

Gravis Cap. dolor à Sero in ventriculis cerebri, Vasis meningum sanguine sæculento turgidis, & ab ulcerato ventriculi orificio.

Juvenis robustus cum lauto convivio interfuiſſet, eadem nocte dolore stomachi correptus fuit, qui ab initio mitis, sed post auctus & vagus factus est: nunc de dolore acutissimo Capitis, mox, & in ipso momento, de maximo cruciatu oris ventriculi, ventris & artuum conquerebatur, cum vomitu omnium ingestorum, quandoque febris adfuit continua; anorexia, vigilia, à prædictis doloribus vagis ejulare cogentibus: multa à D. Roscio. frustra præscripta, nam post tormenta 18. mensium, tandem anno 1599. obiit.

Inspecto Cerebro, in ejus ventriculis ad duas libras aqua limpida inventa; arteriæ item & venæ membranarum cerebri sanguine crasso & sæculento turgabant: In ventriculi orificio superiori, parte anteriore, ubi ramus sextæ conjugationis inseritur, ulcus erat magnum ac foetidum, in vacuum usque ventriculi penetrans: cætera in ventre inferiore rectè se habebant: Ventriculus præterea humoribus corruptis, foetidis & atrabiliis refertus erat: *Fabricius Hildanus Centur. 3. Observat. 20.*

Capitis dolor à sero ventriculos replente & spacia intra meninges &c.

Isperlinus Viator 70. annor. anno 1657. phthisi obiit, fere ad ultimum usque halitum loqui poterat, ac ingentem dolorem in utraque femoris interna parte pertulit, quin etiam assidue Caput doluit.

Remoto cranio, plurimum seri subpallidi in omnibus ventriculis & spatio intra meninges reperi, ita tamen ut cerebrum nondum comprimeret: Quin etiam universa anfractuum superficies humore superfluo lentoque, ceti gelatina, oblita erat: Si superficiem illam sauciavi, exstillavit ichor serosus. *Joan. Jacob. Wepferus Exercitat. de Apopl. pag. 300.*

Capitis dolor à colluvie serosa in cerebro, & corruptione omnium principum viscerum.

Inter alia ex cadaveribus notata, hanc in Jurisprudentiæ studioſo observationem ante aliquot anno notavi Castellis Cattorum, Excel. D. Wepfero Med. D. & Practico Schaphusiano Celeberr. Medico sane in Anatomicis curiosissimo, communicavi; quam & Tibi Excell. Vir, tanquam amico integerrimo negare nolui: Hic juvenis xxx. circiter annorum, ab amico amice exceptus, & domum redux, post exacerbatum Capitis Dolorem multa evomit, Palpitationes cordis, Tremores artuum, Convulsionem subsequuntur, & sequenti die desubito moritur.

Judicis jussu apertum cadaver: omnia penitus viscera principaliora corrupta fuerunt inventa: Ventriculus intus coloris viridis, in quo materia quadam cineritia erat contenta: Intestina gangranosa, flatibus turgida & vermicibus dimidii cubiti scatentia: Epar corruptum: Pulmones flaccidi, coloris albi, hinc & inde exulcerati: Cor lividum, contractum & cruore quodam nigro repletum: Cerebrum serosa colluvie usque ad principium nervorum repletum; Cutis exterior maculis rubris inferius punctata, superius instar apoplecticorum coloris nigri & subviridis, foetidissimo odore, licet statim post mortem cultro anatomico subiceretur corpus, adstantium nares implebantur.

Ita ut non exigua veneni exhibitio suspensa innotuerint, cujus tamen nemo reus inventus, ut etiam curiose inquisitum fuerit: Ægrotans ipse mente adhuc constans aliquid extra prandium assumpsisse negabat, Ita ut Judicis & Medici judicium suspensum, & insignis cujusdam malignitatis venenatæ, in ipsis corporis penetrabilibus progenitæ, suspicio saltem relicta fuerit, quæ quomodo tam brevi temporis spatio omnia viscera corruperit, & ad vitæ continuationem inepta reddiderit mirum est, cum antea semper ægrotans firmissimæ & robustissimæ fuerit constitutionis. Ex communicatione. *Excellentiss. & Clarissimi Dom. D. Ludov. Hermannii Combach. aule Hassiæ Medici.*

Capitis dolor à pure inter piam matrem & cerebrum contento, illuc ab inflammatis pleura & pulmonibus delato.

Domina de Chalange, Brito-Galla, Lutetiam

tiam venit Medicorum consilium contra Fluorem muliebrem expetitura, Paucis ab adventu diebus magnus eam lateris dolorprehendit, comite febre: Dom. D. Magnus, Duretus, & Reboursius convocati fuere, qui pleuritide & peripneumonia simul eam affectam judicarunt: Quamvis eodem tempore fluere mensis, præscriptus tamen clyster, necnon sanguinis missio, quam ægra omnino renuit: Postridie, morbi septima, quod ingravescerent symptomata, phlebotomiam admisit: Dom. Duretus bis singulis diebus illam visitabat, prædixitque si superveniret capitis dolor cum pruritu, mortem sequuturam, translata scilicet materia peripneumoniam efficiente ad cerebrum: Postridie dolor capitis cum prurigne successit, paucisque post horis interit:

Quarta aut quinta ab ejus obitu die, Ego, Domini Reboursius & Viardus, Sacrificuli cadaver aperuimus, pleuritide & peripneumonia complicatis interempti, cui quoque accessit Capitis dolor, exploraturi num præmissum prognosticum veritati esset consonum, ac num humoris facta esset à pleura ad caput metastasis? Dempto cranio, omnia pure referta comperta sunt, intra piam matrem & cerebrum, ut in prædicta matrona, concluso: *Ambr. Paræus Oper. lib. 24. cap. 68.*

Capitis dolor ab abscessu seroso, natibus cerebri & infundibulo adherente.

Puella 12. annos nata, temperamento pituitoso & pingui habitu prædita, maximo dolore fixo verticis laboravit per quatuor menses: Vocatus ad ejus curam, eam ferè invenire sine febre sed omnia alimenta rejicientem, aqua autem sola cum saccharo per multos dies vitam traduxit: solum de dolore suturæ coronalis conquerebatur: Frustra fuere omnia remedia: nullus aderat tumor vel rubor: Tandem mors finem miseris & doloribus imposuit:

Aperto capite, omnia optimè conformata & sine corruptione (præter spem tamen) reperiuntur: existimaveram enim pus copiosum latere, præcipuè quoniam paulo ante obitum per oculus dextrum aliquid purulentum amisisset: Sed cum de causa agnoscenda desperaremus, dum curiositatis gratia Rete mirabile & alias partes Chirurgus discipulis suis demonstrare voluit, digitis abscessum rupit, natibus & infundibulo cerebri inhaerentem, ex quo statim aqua clarissima cum impetu & ad libras duas exivit, quasi è fonte scaturiens & in altum profiliens. *Petr. Borell. Cent. 1. Observ. 37.*

Capitis dolor ab inflammatis cerebri membranis, Abscessu in parte cerebri sinistra, cum suturarum in cranio defectu.

Ornatissima Matrona Elizabetha Erot, Uxor Johannis Norry Horologiopæi Lugdunensis, annos nata 23. Eufarca, bonæ formæ, staturæ commodæ, crine subflavo densissimo, leni animo, &c. Nonum tertiæ suæ graviditatis mensem paucis abhinc diebus ingressa, immani capitis dolore, eoque ejulabundo premi cœpit, circa ultimos mensis Novembris dies, hujusce anni 1673. Quo nomine ad ipsam accersitus fui

postrid. Kl. Decembr. St. N. Accedens mirè inquietam ac plangentem mulierculam offendo quamquam ἀσύνετον. Dumque in causam & sedem tantorum dolorum inquirō, tum ex ipsa, tum ex adstantibus accipio, à multo tempore cephalalgia vexari solitam, nunquam tamen tam gravi quàm impresentiarum, imò pathos hujusmodi σύντροφον ἢ συνασπῆς ipsi fuisse, à septimo vel octavo ætatis anno, quo Variolis fuerat confictata: à quo etiam tempore auris sinistra ipsi purulentam materiam perpetuo hæctenus eructarat, quæ nunc longè parcius quàm soleret, effluebat. Percontatus qua parte præcipuè dolaret caput, medium sincipitij verticem manu designabat, quam partem altantium palmis vehementer comprimi aiebat in doloris solatium. Infuso enemate, cum alvus esset attricta, missoque ex brachio sinistro sanguine longè corruptissimo, necnon fotu lactis tepentis supra caput instituto, detonso prius capillitio, injectione item in aurem sinistram detergente præscripta, tentavi dolorem placare. Die septima mensis iterum vocor, video dolores non modo non remisisse, sed increvisse, & mulierem tremulo brachiorum motu πρὸς μὲν aliquid pati: denuò itaque & enema repeto, & è brachio missionem cruoris, qui corruptissimus apparuit, æquè ac præcedens. Postridie partus dolores invadunt, & circa sextam matutinam puellum sanum ac vegetum feliciter enitur. Tunc verò spes affulgebat plerisque omnibus, dolores capitis per lochiorum effluxum conquieturos, ideoque totum negotium Naturæ magisterio relinquendum. Verumtamen die Decembr. 16. & 18. accedens, pessimè solitis doloribus capitis confectam video, cum motibus illis utriusque brachij convulsivorum æmulis. Infuso enemate, Catapl. de mica panis impero capiti super imponi, deinde Catapl. Vigonis ad commotionem cerebri. Sed artem atque naturam vincente dolorum acerbitate, occubuit tandem repente optima scæmina, die 19. ejusdem mensis circa septimam matutinam.

Funesta hujusmodi catastrophe ad investigandam mali causam nos excitavit, quam Cerebri abscessum conjectabamur. Quapropter sub vesperam cadaver apertum fuit, & primo quidem Caput. Cranij ergo fornice remoto, quem ἀρραφον totum deprehendimus, ambo Cerebri omenta inflammata conspicati sumus, quibus incisis, abscessum statim deteximus, in parte sinistra Cerebri stabulantem, peculiari quidem folliculo involutum, sed quem paulo ante sponte ruptum subita necis causam fuisse judicavimus. Processum auricularem ossis petrosi, intra cranij cavitatem conspicuum, dura meninge adhuc tectum, ea remota observavimus sublividum ac cariosum, ita ut specilli cuspe tactum in pulverem nullo negotio comminueretur: Quod ad truncum corporis, nihil in ipso desideratum: Hepar amplissimum erat, Lien parvus, Pulmones ac Renes inculpati, Cor maximum, quale nunquam hæctenus nobis visum: Uterus crassus tres pollices transversos circa fundum, & sanguine adhuc turgidulus, dum incideretur apparuit: qua vero parte versus orificium internum tendebat dissectus, candidiorem & αἰμόσπικρον substantiam exhibuit. Ex

communicatione benevola Clarissimi & Excellentiss. D.D.

D. D. Car. Sponii, Regis consilarii, Vice Decani
Facultatis Medicae Lugdunensis &c.

*Capitis dolor à sero flavo represso Tineam prius
excitante, unde cerebri & membrana-
rum corruptio.*

Capitis doloris causæ sunt (quamvis hi casus sint rariores) abscessus & tophi Gallici, & caries ossium: Habui proximo anno Monachum ex S. Justina, qui laborabat per decem annos capitis dolore, & singulis annis ultra tres libras usus est Philonio ad dolorem leniendum: Erat autem dolor ex tali causa, nam per terebrationem inveniebatur caput plurima pituita refertum, & os corruptum, tandem obiit: Quod ipsum etiam, dum essem junior, vidi in quadam muliere, cui substantia cerebri plane erat corrupta ex multis lotionibus, cum laboraret tineæ.

Aperiui illam cum D. Tiberio, & invenimus in parte sinistra materiam cum aqua flava, & membrana erat corrupta. *Herc. Saxonia Panthei lib. 1. cap. 2.*

Observarunt primarii Medici post diuturnos capitis dolores Syderationem meningum ipsius cerebri evenisse *Ballonius Hist. 4. lib. 2. consil.*

Continuis & gravibus capitis doloribus affligebatur vir triginta annorum per annum dimidium: Post obitum meninx tenuis nigricans, tum in superficie, tum inter anfractus corticis apparebat. *Rolsinkius Tractat. de Dol. cap.*

*Capitis dolor ad occiput & spinam protensus,
à meningum inflammatione, quam
sequuta sideratio.*

Quidam natus annos 30. sapius in dies ebrius, cum à forensi tabula alapa vapulasset, pacem cum illo initurus in multam noctem vino Hispano saburratus, sævissima cephalalgia, cujus dolor etiam occiput spinamque occupabat, cum omnium sensuum dejectione corripitur: ab amico, in cujus domum pro semi mortuo delatus erat, sub medinocitium vocatus, cum viderem assidue exilientem, corpus corybantis instar, & pedes maxime manusque jaçantem, nec verbum, etsi aciculis à me premeretur titillareturque, proferre valentem, dico videri mihi cerebri sphacelo correptum: nam aliquot ante diebus nunquam sobrius, convitius verberibusque combibones plerosque male mulctarat: Acutissime febrieat, & tamen potum omnem respuebat, validisque manibus, dum vires tulerunt, à labiis admota cymbia amoliebatur: rubebat facies cum tumore: rubebant & oculi, quorum fixo obtutu conspectos phanatici instar terrebat; Præscripto quando aliud non licebat, clystere validissimo, ad lectum redii, mane quietissimum inveni, movendi scil. vi per languorem abolita: Silentium tantum ut vulsa barba, punctaque acu aure, vocem nullam ederet, abolito nimirum omni sensu: Cum venæ sectionem vires non permitterent, cucurbitulæ applicitæ, admota quæ ratio dictabat, sed invita Hygieja omnia, die enim tertio ebriam efflavit animam.

Amicis eum qui alapam dederat in jus vocantibus, à Magistratu caput (cum cerebrum sphacelo correptum assererem) aperire iussi: Invenimus meningas valde lividas omninoque syderatas; quas cum Judices mortis causam dedisse, huncque sphacelum non alapa, sed jugi ebrietati, quæ inflammationem cerebri conciverit, tribuendum Medici crederent, ulterius itum non est: fœtore maximo nasos omnium in alia omnia trahente. *H. ab Heers Observat. Med. 17.*

Capitis dolor à phlegmonè cerebri partem posticam obsidente, subsequente sphacelo.

Nobiliss. juvenis annos natus 37. sub cane in gravissimum & acutissimum dolorem capitis incidit, qui ad posteriora & latus sinistrum magis porrigebatur; aderat obscura & levissima febris, sensuum vigor, gustus præcipue: cum his nihilominus sitis ingens & vigilæ perpetuæ: frons nihil incaluit, caput parum, ex tactu licet duro, non dolebat: appositis ad frontem manuum una, ad sinciput altera, cerebrum intus concuti ac convelli sentiebatur: ac caput universum involuntariè subsistebat: urinæ in principio crassæ & albæ: Quibus animadversis, phlegmonem in cerebro metuentes, vel erysipelas, sanguinem mitti &c. iussimus: Quarto morbi die in linguæ latere dextro erupit tuberculum, quod durum & cavum & sine sensu ulcerosum deprehensum est, carcinoma scilicet. Septimo sub vespere paululum deliravit, mox sudor in facie primus, deinde per totum corpus copiosus obortus est, ita ut veram & perfectam crism adfore speraremus: Dum amovebantur stragula & sudor abstergitur, illum ferme resolutum invenimus & continuo delirantem: Vires quæ ante sudorem fuerant prævalidæ, omnino fractæ percipiuntur, atque in eo statu nocte tota usque ad horam 8. diei 9. matutinam perstitit, garrulus supra modum & insipiens, & immemor omnium quæ sibi in morbo contigerant vel facta fuerant: Circa 10. resipiscere visus est, quorundam reminisci, & sic spes animis addita fuisset, ni pulsus convulsivus, artuumque tremor cerebrum pessimè affici indicassent: In procinctu urinæ excretio copiosissima, quæ rubra & igneo splendore coruscabat: Simili hora, qua pridie sub vespere, rursus agrotantem invasit delirium, in eo pejus, quod cum rursus vires constarent factus phreniticus, adstantes summo terrore profligabat: Nonā matutina iterum resipuit usque ad vespere, sub quam tumor exortus est in cervice, pomi mediocris magnitudine, non dolorosus neque à cute diversi coloris, nec minus delirium juvenem occupavit cum manuum motu convulsivo; die 10. omnia similiter se habuerunt: Sub finem 11. convulsus moritur.

Cadavere dissecto, cætera corporis partes inculpata reperta sunt præter cerebrum: aperta quippe calvaria magna copia sanguinis nigerrimi, etsi diluti, illico affluxit, intratis adhuc meningibus, imo ossibus vix diductis ad ferræ capedinem; qui quidem sanguis inter calvam & membranas effusus ponderis lib. ij. vel pluris æstimabatur: Ubi detectæ

sunt cerebri tunica, mox universum venulis nigro torridoque sanguine turgentibus conspersa apparuerunt: Pars autem posterior duorum digitorum latitudine; longitudine quatuor, ubi torcularis sedes definitur, non solum nigricans, sed præterea membranae puniceo colore & gangræna correpta visa sunt. In qua parte dum scalpellum adigi iussimus, protinus inde materia purulenta ad unc. vi. cum foetore emanavit: Novacula altius adacta; tota fere basis cerebri, imprimis cerebellum, & ea pars spinalis medullæ quæ primis vertebris excipitur, & super qua tumor apparuerat, sphacelo similiter correpta sunt inventa: meninges verò partis sinistræ ulcusculis exesæ, per quæ sanguinem sub calviam effluxisse verisimile est: *Henric. Rufus ad Lazar. River. Observ. 21.*

Capitis dolor à totius cerebri Phlegmone quum sequuta ejus necrosis.

Multos vidimus qui cerebrum sphacelatum (hoc est principium ad sphacelum, ut Galen. statuit) habebant: tamen nonnulli [contra Hippocrat. sententiam qui intra triduum perire assèrit] pervenire ad 14. diem; Alii ad 7. alii ad 10. & non sunt sanitati restituti, & horum calvarias aperientes, totum cerebrum penitus sphacelatum, id est, corruptum invenimus: Hoc mihi videre contigit in Illustriss. Comite N. qui 6. die à sphacelismo obiit: Cum Galen. igitur in genere dicimus, cerebrum corruptum habentes nullo modo posse supervivere; imò brevi moriuntur, non tamen in 3. diebus: Nam virum quendam robustum vidimus qui usque ad 14. diem pervenit: Etsi petas, quonam modo cognosci potuit jam cœpisse corruptionem, Respondemus ex vehementissimo dolore quem patiebatur æger, tum putamus sphacelum & corruptionem cœpisse, 4. die effectus est attonitus, 8. die omnes sensus amisit, 14. die obiit: Huic ablata calvaria totum cerebrum corruptum invenimus: *Brassavolus comm. ad aphor. 51. lib. 7.*

Intolerabili capitis dolore in quodam affecto à diuturna lue, Cerebrum pene consumptum repertum est: Cerebri ἀνάλωσις.

In Xenodochio S. Petri & Pauli, Andreas Lippeneus, scortorum amantissimus & perditissimus, post diuturnum morbum Gallicum, variaque symptomata, tandem in crudelissimum capitis affectum incidit, cui nullæ auxiliatrices manus profuere, diata quater repetita, bis suffumigiis factis, & quinquies inunctionibus administratis: Nihilominus noctu diuque, sed tamen magis noctu cruciabatur, ut frequenter manus sibi violenter inferre tentaret: Demum empiricus quidam doloribus quasi enecato ægro & veluti desperato, nobis nescientibus, pisces, tenchas vulgò dictas, plantis pedum alligavit, & fere per totum diem ac sequentem noctem detinuit: At paulatim viribus animalibus & vitalibus in tanto cruciatu deficientibus, hanc miserrimam in meliorem commutavit vitam.

Quo defuncto, facta est disseccandi pote-

stas: factis ergo necessariis sectionibus, cranio serra orbiculatim aperto, & à suis membranis, dura & pia matre liberato, Nihil cerebri in toto cranio reperi, præter quandam mucositatem & phlegma valde indigestum, quod vix quartam cranii cavitatis opplebat partem: Interim tantus foetor ex pedum plantis, quibus admoti fuerant pisces, emanabat, ut nulli assentium ibi adesse licuerit: Unde raptim aperto abdomine, festinanter visis intestinis & naturalibus visceribus, cadaver sepultura tradendum reliqui. *Ex Observation. Dom. Dom. Garneri.*

Atrox capitis dolor ab arteriis carotidibus induratis: Aqua collectione sub pia matre, & Arenulis in Glandula Pineali.

Elizabetha Joppen per 25. annos intolerabili capitis dolore cruciabatur, qui dum primo alimenta masticare inciperet, vel aura tempestuosa adveniret, ita exacerbabatur, præsertim in latere dextro, ut lacrymæ fontium ad instar ex oculis erumperent, ac ejulatu domesticos & vicinos defatigaret: Ad inauditi hujus capitis doloris ablationem plurimum Medicorum auxilia frustra imploravit, & tandem 9. Martii anni 1669. ex hac lacrymarum valle ad superos migravit.

Aperto ejus cranio invenimus 1. sub pia meningē magnam quantitatem aquæ limpidæ. 2. Ventriculos cerebri simili liquore repletos. 3. In glandula Pineali plurimas arenulas asperas, quarum aliquæ calculi nomen propter magnitudinem merebantur. 4. Arterias carotidas, curiosissimo spectaculo, ita induratas offendimus, ut externa facie calculosas, sive in lapideam substantiam mutatas eas judicaremus: sed illis apertis, observavimus earum lateribus materiam callo-lapideam accrevisse: Per harum arteriarum medium sanguini adhuc quodammodo concedebatur via. *Ex Observation. Regneri de Graaf. Med. Delphensis, in Miscell. curios. anni 1670.*

Capitis dolor à nimis arcta Suturarum compage.

Provida natura perforatam esse voluit Calvariam, variisque suturis distinctam, ut purgando à recrementis cerebro nusquam occasio deesset: Quod autem Sutura hunc usum inter cætera præstent, præter Galeni & aliorum testimonium, nos etiam ipsa experientia docuit: Patavii juvenem quendam secui, qui diutino capitis dolore vexatus nullis remediis sanari potuerat, In cujus calvaria vix suturarum vestigia apparebant, adeo erant compacta, ut in unum coacta capitis ossa viderentur: Quamobrem pro comperto omnes habuerunt, non aliunde ingentem, ac fere continuum capitis dolorem, profectum esse quam ex arctissima illa ossium compositione, ex qua nullus exitus patebat fumidis illis crassisque vaporibus, qui & perpetui doloris causa fuerant, & tandem mortem intulerant.

§. 2. Sed neque semel id mihi contigit experiri: complures enim secui qui dum viverent in frequentem capitis dolorem incidere solebant, in quorum calvariis exiguas suturas

ras, & eas coagmentatas invenimus, neque in viris modo, sed etiam in muliere, quod mirum fuit, ut vix credibile: nudatum enim ac decoctum illius caput fere sine futuris offendimus, & hæc pariter multo magnoque capitis dolore quam diutissime affecta atque afflicta, postremo Phrenesi laboravit & mortua est. *Columbus Anat. lib. 1. cap. 5.*

Dolor capitis à Sutarum Dissectione.

Solutio continui contingit aliquando in cerebro à causis internis, ab humoribus nempe biliosis aut falsis & rodentibus: aut ab humorum & vaporum copia, qui distendendo dissolvunt continuum. Vera autem tanta est aliquando ut junctura solvantur magno spatio, auctore Ægineta, Quod vidimus anno 1593. in filio Domini Merindoli Aquensis, E cujus capite dissecto effluxit ingens copia serosi humoris, qui in ventriculis & tota cerebri substantia inclusus manebat: Distabant autem suturae quatuor fere digitis à se invicem. *Jacobus Fontanus practica lib. 1. cap. 3.*

§. 2. Anno 1622. quo ingens pestis in Polonia grassabatur, tanta fuit ejus sævitia, ut in demortuis rumperentur & suturae divisae apparent.

Ingens capitis dolor ab ossis sincipitis dextri carie & Sutarum obliterationis.

Hafniae ulcus caput hominis invaserat in parte ejus dextra, quod malignitate sua ad cranium usque, sine tamen luis suspitione, serpsit, ut incredibilibus doloribus capitis mors lenta succederet.

Cranium defuncti accuratius consideravi, os sincipitis dextrum, à sagittali sutura ad temporalem, profunde caries corripit, excavata prima lamina, & secunda transparente: Ex serpente carie reliquæ partes externæ utriusque bregmatis, asperæ & inæquales sensibus occurrunt, foraminula multa sunt pervia, præsertim ubi venæ transire solent: Prope lambdoideam caries bregmata separavit & manifestiora foramina hiant, Secundum cranii longitudinem diffunditur caries, salvis, ossibus temporum, quod in cranii cavitate clarius apparet: nam os infinitis porulis ab osse sincipitis ad cristam, quasi acu diligenter percussum cernitur; Obliteratione fere sunt suturae sagittalis & coronalis, quanquam in homine, necdum senium prospiciente, ut mirum non sit quod internis injuriis expositus fuerit, ob impeditum vaporum exitum. *Thom. Bartholinus histor. 8. Centur. 6.*

Capitis dolor à carie cranii parte interna juxta cerebellum.

Juvenis diu capitis dolore vexatus, tandem ab Epilepsia vehementissima extinguitur. Diligenter calvariae osse, in posteriori parte externa, perspecto, nullum ibi morbi signum fuit; quo perpetuo dolebat, at capite adaperito, ossis posterioris interiori partem, juxta cerebellum cariem satis notabilem contraxerat. *Zecchini consult. 9.*

Capitis dolor à Carie cranii & adhesionem cum membrana.

Quidam diuturna cephalalgia mirè torquebatur. Omnibus incassum tentatis, quatuor vesicantia cervici & scapulis affixa plurimum profuere: pilulis deinde Cocciis irritata alvo, quum tamen dejecisset, dolor aliquantulum remisit, qui tandem hypocausto cessasse visus: Graviorem autem fuisse mali causam paucis post annis docuit eventus.

Inopinato enim bidui dolore quum succubisset ille, aperto cranio, cerebri membrana glutinosa humore obfusa, quibusdam locis vix avelli potuit, osse passim carie corrupto, qualem in aliis cadaveribus deprehendi: unde lue infestati Venerea, sævis admodum capitis doloribus ab acri & venenoso humore nunquam excarnificantur. *Rhodius Centur. 1. Observ. 74.*

Capitis dolor ab adhesionem crassa meningis cum cranio.

Philosophus quidam intolerabili capitis dolore tenebatur: pars dolens in sincipite magnitudine digitorum non superabat.

Aperto capite, crassior membrana ea parte in qua dolor excitabatur calvariae adhærebat, pauculo humore putri interjecto. *Fernelius lib. de Abditis 2. cap. 15.*

Capitis dolor ab humore maligno cranium, Subditas membranas ipsumque cerebrum exedente.

Rem in hydrargyro admiratione dignam, à nullo quod sciam animadversam contemplerur: hic enim si quis rerum eventus bene observet, non modo pituitosis morbis obnoxia nostra reddit corpora, partesque omnes, inprimis carnosas suo frigore & humore lædit, verum ita labefactat, & sua qualitate imbuat, vix ut corpus febre corripitur possit, etiamsi multa scateat cacochymia. Anno à Christo 1556. Coriarius quendam Tonfor ut inviserem rogavit, rarum affectum & observatione dignum me visurum dictitans. Is tametsi annos amplius decem post curationem, per hydrargyrum, ita salubriter exegerat ut videretur percuratus: repente tamen exorto in sincipite dolore diutius perseverante, non modo ejus partis os totum paulatim computruit exesumque est, ut frustulatim excideret, sed & cerebri utraque meninx eadem putredine absumpta, subjectaque cerebri substantia in abscessum conversa est, unde magna puris copia (miserabile visu) per multos menses, non ex ea tantum parte, sed ex utriusque oculi angulis etiam stillavit, dentes exciderunt omnes: Hic tamen neque febre corripitur visus est, neque cibi fastidio multum premi, neque extenuari, dum ad ventriculos cerebri ventum est, quo tempore mors repente hominem diu misere afflictum à medio sustulit. *Fernelius lib. de Lue Ven. cap. 7.*

Capitis dolor à Cranio sphacelato, Ichore putrido supra meninges corruptas, & Corrupto cerebro nervisque opticis.

Taurini Quæstor quidam jam menses aliquot infomnes peregerat ex gravi capitis dolore circa sinciput ac tempora, ob Venerum morbum: Ab omnibus oppidi Medicis opem acciverat, verum morosus præsidii non insistebat, Hic quoque ut illum inviserem rogat: consului ut capiti caustica aliquot apponerentur juxta proximas commissuras & super partes dolore infestatas, quod statim consilium difficilis æger recusavit: Ego vero Taurino secedens hunc non vidi unius mensis intervallo: Tandem iterum rogatus illum adivi, quem penitus lumine orbatum offendi, oculi tamen nil extranei pati videbantur, &c. Ego illi tunc persuadere nitebar ut pateretur cranium perfodi, renuit: Tandem ut causticum sincipiti adhiberetur ubi magis premebat dolor, fuit contentus, noluit tamen ferre ut apertum servaretur: sic statim decisa crusta sponte cicatricem obduxit, quare illum invisere destitit: Hic demum 60. dies post ad superos migravit.

Eum secuit L. Montanus, ubi cranium ad coronalis & sagittalis commissuræ regionem sphacelatum putidumque invenimus, coronati regii latitudine: statimque cranium ferra aperto, abundans ichor putrilaginosus; instar aquæ, fuligine fumarii & croco aspersæ profluxit, tum per ossis aperturam, tum per aures & nares, membranæque putidæ recta ad os affectum, verum adhuc integræ erant. quæ solo tactu facile rumpebantur: corruptum & cerebrum & nervi optici, cætera verò viscera omnia integrè habebant: Censendum est huic potuisse conferre à doloris principio caustica, vel postea ossis effossionem, rationi si obtemperasset dum præbebat occasio. *Leonardus Botallus de Lue venerea cap. 16. §. 17.*

Capitis dolor ab interiore cranii tabula carie affecta.

Vir 30. annorum, non sine Venereæ luis suspicionem, continuo capitis dolore laborans, post obitum aperiebatur, interior tabula cranii semicariosa apparebat. *Rolfinkius Tract. de dolore capitis p. 106.*

Juvenis quidam, cum per aliquot annos gravi ac perpetuo capitis dolore laborasset, tandem moritur, quem Medici tam diuturnæ cephalæ investigandæ causa disseccantes, interiorem cranii tabulam semicariosam, tanti doloris causam extitisse invenerunt. *Ex Petri Sphererii Medici Florentini Observationibus.*

Capitis dolor à styli frustulo in cerebro relicto, ingruente tantum pluvia molestus.

Joannes Vestingius ante suum iter in Ægyptum, ubi quinquennium Cayri Consuli Venetorum valetudini adfuit, corporis humani dissectionem Venetiis publice instituens, in cerebro mulierculæ styli, seu pugiunculi sub-

tilioris frustulum reperit, quod ipsa quinquennium gestaverat sine omni molestia, nisi quod ingruente pluvia caput doleret. *Joannes Rhodius Cent. 1. Observ. 32.*

Dolor capitis acutissimus, ex materia quadam lapidea dura meningi adnata, aculeis tenuem perfodiente.

Nobilissima N. dolore capitis acutissimo diu conflictata fuit, eoque pungente admodum, instar acuum vel telorum parti infixorum, interdum vehementius interdum minus ipsam divexante: doloris vehementia pressa ejulabat, & ambabus manibus caput prehendebat: ad quem dolorem sedandum sæpe detractus sanguis: parti dolenti, cui instar verrucæ cujusdam callus inerat, admotum fuit pyroticum, & ad crani perforationem deveniendum instabat Don. Pimpernelle: Hæc deinde in hydropem incidit, tandemque interit.

Aperto cranium, inventus sub crassa meningi, juxta canalem anteriorem, seu torcular utrinque, indurata quadam materia & lapidea, instar cujusdam rupis inæqualis & aspera, aculeis multis, & veluti cati unguibus, conchylis, varisque figuris distincta & variegata, ipsique crassæ meningi firmiter adhærescens, inter cujus inæqualitates venulæ ferebantur ad ligularum ferramentorum magnitudinem accedentes, quæ hanc materiam rigabant: supra tenuem meningem humor quidam mucosus repertus est. *Cattierus Observ. Medic. 15.*

A lapide in posteriore parte capitis, inter duram & piam matrem.

Intra Calvariam. hoc est in cerebro, si generetur lapis non solum cephalalgia simplex, verum etiam longè severiora symptomata sequuntur; Vidi id in puero decenni, qui quum per gradus decidisset, & posteriorem partem capitis gradibus allisisset, cerebrumque inde concussum fuisset, non solum sequutus est dolor capitis continuus, sed & plurima & graviora accidentia, quorum omnium causam in dissectione reperi.

Aperto enim capite, lapidem ex gypsea materia concretum & membrana inclusum, in posteriore parte capitis, sub sutura lambdoidea, inter duram & piam matrem, inveni, adeo adhærentem duræ matri ut nonnisi violenter avelli posset. *Fabricius Hildanus Cent. 1. Observ. 11. & Cent. 5. Observ. 1. ex Kentmanno.*

Cephalalgia à calculo in cerebro nato.

Quidam diuturno atque intolerabili capitis dolore adeo fuit excruciatum ut dies noctesque nullam quietem caperet: Eum autem sibi mori usu contractum asserbat: Medicus curæ adhibitus nihil intentatum reliquit, sed tandem æger perpetuis doloribus, usque acerbissimis superatus, esse desit.

Prædictus Medicus, (*Pfeil*) dissecto ægri capite, in cerebro lapidem reperit magnitudine &

& forma mori, colore quasi pullo aut cinereo: *Kentmannus libello de Calculis.*

*Globulus plumbeus menses sex, nullo sympto-
mate superveniente, in cerebro delitescit.*

Globulum plumbeum Vir Reverendissime, &c. In vacuo ventris, aut inter musculos, ad multos annos interdum delitescere posse experientia testatur: In cerebro vero id fieri nusquam visum esse arbitror: Attamen retulit mihi Joannes Griffonius, apud vos olim Chirurgus, casum tam admiratione quam annotatione dignissimum: nimirum tempore belli inter Ducem Sabaudia & Genevenses, in expugnatione Castri, *la Cluse* dicti, quendam ex Genevensibus, Clerget nomine; ictum sclopeti in fronte cum insigni fractura crania accepisse: Egro semimortuo Genevam adducto, se methodicam instituisse curandi rationem, imo ossa non pauca extraxisse, globulum tamen nullum se offendisse affirmavit: Nihilominus miserum hunc pristinae sanitati restitutum fuisse, & semestre post curationem incolumem vixisse: Cum vero morbo acuto tandem obiisset, cranium ejus aperuit, & globulum è regione verticis, inter cranium & duram matrem, ad latus Suturae rectae invenit, membrana tamen plane à globulo illaesa: Natura enim ea in parte materiam quandam callosam procreaverat, quæ duræ matri ad instar culcitrae subiacebat: *Fabritius Hild. Cent. 1. Observat. 2.*

*Capitis dolor lethalis ab ossiculis circa
falces adnatis.*

Dissecui corpus sexagenariae, in cujus capite, parte interna duræ matris, Falce dicta, reperi sex ossicula lata, quorum quædam quatuor, alia quinque aut sex eminentiis, cuspidum acicularum instar acutissimis, donata erant, piam meningem quoque pungentia, hinc continuo capitis dolore vexata fuit; *Neander in Tabaccologia.*

Capitis gravitas ab hydrargyro post inunctionem in capite relicto.

In Xenodochio incurabilium Romæ, in illis qui post mercuriales inunctiones obierunt, capitis tibiæque ossium cavitates argento vivo scatere deprehendi: Atque in uxore J. C. cujusdam (quæ frequenter inunctione ex hydrargyro usa erat, & in eam capitis gravitatem devenerat, ut eo parum in latus aliquod inclinato, statim illuc magnum pondus deferri perciperet, nec caput, nisi adhibita manu, attollere poterat) binas ejus uncias inveni: *Petrus Castellus Dissert. 1. Dodechap. chalcant. p. 7.*

Docet hoc Aurificis Anatomia Romæ facta, qui cum summos capitis dolores passus obiisset, in aperti capitis cerebro plusquam libra una Mercurii reperta fuit, ex vapore ejus hausto ibique congelato. Ex observ. *Ph. Jac. Sachs Medic. Uratislaviensis.*

In foeminæ calvaria quæ fucis ex Mercurio quotidie usa, & per biennium enormi capitis

dolore fatigata, in ossæ calvaria uncia duæ Mercurii inventæ fuerunt: *Zwingerus Theatri f. 520. Ex Cardano de subtil.*

*Capitis dolor pruriginosus à pediculorum cater-
va sub pericranio & intra crani
diploas latitante.*

Matronam in Auvernier (oppidulum est Principatus Neocomensis in Helvetia, quod lacus alluit) pluribus mensibus *ενοπιώδης* Capitis dolor adeo immanis divexavit, ut nullas inducias concedens ab omni consortio, imo etiam sacris cœtibus eam segregaret, perpetuoque scalpti caput dilacerare impelleret, non secus ac eos qui id pedibus oblitum habent, ut cum Titinnio loquar, quamvis nulli decuerentur pediculi: Interim nubentis sororis cæremoniis interesse coacta, doloris insaniam toto bihorio in Sacris ædibus sustinet, semihora in convivio nuptiali, unde se subtrahit lecto ultimo se traditura, in quo paulo post, ferociente dolore spiritusque exhauriente extinguitur, à denegato solito solatio & anodyno quod concedebant unguis.

Mortuæ divisis capitis integumentis, sub pericranio Pediculorum myriades deprehensæ: dissecto vero cranio, ejus meditullium iisdem scatens animadversum, qui viam vi, procul dubio per suturas sibi fecerunt.

*Cephalalgia à verme in anfractibus cerebri
latitante.*

Anno 1571. in Marca Anconitana, in oppido Alburgo Sancte Sepulcro, grassabatur morbus atrocissimus quidam velut Epidemicus, clandestine homines invadens, paulatim Vertigine affligens, verum in secunda, tertia, aut quarta, à decubitu die statim jugulans, & caput solum tentans, Cujus causas & essentiam omnes illius loci Philosophi & Medici plane ignorabant, nec proinde ei occurrere poterant, &c. Longo post tempore Nobilis quidam xxii. natus annos, hujus mali primo suspitione, mox & re ipsa affectus, multis in patria frustra tentatis, Venetias tandem navigavit, mox ad se vocari curavit Medicos, quibus firmiter multisque rationibus comprobavit aliquid esse in cerebro vivens, fieri enim haud poterat ut atrocissimis hujusmodi doloribus periodice ita afficeretur quemadmodum afficiebatur: Nam illaesa rationatione, intellectu, memoria & omnibus internis sensibus, ita pro tempore cruciabatur, ut sibi cranium totumque cerebrum terribello perforari videretur, mox per universum cerebrum extensiones, contractiones multasque commotiones, cum maximis concussionibus & tremoribus frequenter & in omni paroxysmo percipiebat: Ob id multa admota & interne exhibita fuere remedia sed frustra, nam tertio ab adventu & ejus Venetias ingressu die, hac misera functus est vita.

Secandi data venia, novacula in capite ad os usque, orbicularem per frontis medium molitus sum sectionem, & cute aliquomodo remota, calvariæ orbiculatim serra divisi,

atque sectione per calvariam facta, ac superiore calvariae parte à dura matre liberata, ad piam matrem deveni, cerebrumque membranulis denudavi suis, quibus extractis, illico concidit & quodammodo diffluit, moxque ex dextro anfractu prorupit atque apparuit caput cujusdam lumbrici, qui statim aëre percepto frigidior, sese in cerebri anfractus recipit, unde utrinque magnam cerebri portionem, quo cautius potui, abstuli, ne id quod suspicabamur fore detrimentum pateretur: tandem apertis dextro & sinistro cerebri ventriculis, maxime confusis, dilatatis & ad capitis basin conspicuis, repertus est lumbricus totus rubeus, indice digito longior, acutum os, oblongum & nigrum atque pilosum collum habens, multis modis sese in illis anfractibus convolvens, & ad capitis basin ferè pertingens, qui obtusiori fornicula exceptus, & munda papyro appositus, paulo post obiit, qui nostro patienti etiam mortem intulit. *Ex Observ. Georgii Garnerii Medici Austriaci.*

Capitis dolor à vermibus inter meninges & putredine circa cerebrum ortus.

Quandam fuisse matronam memorant, cui post capitis vehementissimos cruciatus pestilentis Hemitritæ, dissecta calvaria magnam putredinis vim ostenderit circa substantiam cerebri, Et inter meninges tum vermiculorum tum cinicum copiam incredibilem. *C. Gemma in appendice. Oper. Cosmocr. de Hemitr. pestilenti.*

Capitis dolor à verme inter calvariam & piam matrem latente,

Cuidam dolor capitis implacabilis circa suturam coronariam: irrita medicamenta; qua parte dolor designabatur, eadem facta scalpello sectio, non profuit.

Aperto capite, repertus est vermis inter calvariam & piam matrem situs: Si terebrata calvaria fuisset, spes vitæ aliqua fuisset. *G. Balonus, Parad. 19.*

Capitis dolor à verme nigra tunica involuto, qua cerebelli substantiam à dextro latere sejungebat à reliquo corpore.

Lutetianæ puellæ annorum duodecim curatis variolis tantus capitis dolor supervenit, ut trium mensium curriculo nec dormire quiverit, nec quiescere, nullas dolore inducias concedente.

Tandem cum Tabida obisset, statim aperto cranio deprehensa fuit universa cerebelli substantia in dextro à reliquo corpore sejuncta, nigraque tunica involuta: Rupta tunica nigra, vermem nigrum pilosum, duobus punctis splendidis loco oculorum, prodidit latentem, ejusdem fere molis quæ reliqua cerebelli portio, qui duarum horarum spatio supervixit. *Thomas Bartholinus Centur. 1. histor. 64.*

Capitis dolor à Scorpionibus in cerebro natis.

Cuidam Italo ex frequenti odoratu Basilicæ

herbæ natus Scorpio in cerebro, vehementes dolores & longos, mortem denique attulit. *Hollerius l. 1. de morbis int. cap. 1.*

Puellam quandam in Gallia ajunt cum sæpe & multum odorata esset Basilicam herbam (minorem puto Gesneri) incidisse tandem in capitis dolorem incurabilem.

Et cum à morte dissecaretur ejus caput inventos fuisse Scorpiones in cerebro ejus: *Gesnerus lib. 5. de Scorpione.*

Dolor Capitis singularis, sine ulla Febri subito ortus & spatio XIV. dierum interficiens.

Litteratissimus Vir, S. Cæs. Maj. Secretarius quadragesima sex annorum, natione Misunicus, Patria Annæbergensis, temperamento supra temperatum calidior nonnihil & gracilis aliquo modo, ultimo complexionis melancholicæ propter permutationem temperamenti (juxta Sanctorium in variis locis) multis annis antehac phthicus & asthmaticus, quatuor diebus ante æstivum Solstitium anno 1670. incidit in dolorem gravativum, tensivum & lacerativum Sincipitis totius & frontis, quem insequuntur continuæ vigiliæ; elapso octiduo deliria interpolata, post continua, suavia tamen, non irata aut furiosa; tandem uno ante mortem die motus totius corporis convulsivi leviores, ac omnium terribilium terribilissimum, Mors. Toto tempore nec vel exiguum signum alicujus febris aut caloris sive vehementis sive lentis, sive essentialis, sive symptomatici, præter ultimum diem, ubi ad præsentiam convulsivorum motuum exigua aliqua & lenta caloris exuperantia apparebat in pulsu, qui per duodecim dierum cursum erat tardissimus, instar pulsuum melancholicorum. Urina primo die usque ad undecimum prodibat tincta instar Ictericorum. Concluseram dolorem hunc oriri ab evaporatione bilis per arteriosum genus, lege circulationis in caput, unde adhibitis cholagogis lenioribus, & emulsione laxativa Mynsichti per epicrasin, urina tandem reddebatur coloris & consistentiæ naturalis: ne hilum quidem remittente dolore & dictis symptomatibus. Revulsione, derivationis, ventilationis, evacuationis causa quantum in corpore phthifico vires vitales permittebant; extraxi sanguinem ex pede, manu, hæmorrhoidibus; applicari curabam cucurbitulas ad homoplatas, hirudines post auriculas, vesicatoria ad venarum jugularium latera: gallinæ disruptæ capiti applicatæ, laudanum Cæsareum exhibitum, pulveres deoppilativi, & juscula alterantia propinata, sed frustra omnia: Ut igitur cognosceretur causa tam pertinacis doloris mortuo aperio caput, & ecce reperio, primo venas arteriasque duræ & piæ meningis turgentes plenæque nigro sanguine, ac ita particularem capitis repletionem, uti sæpius in convulsis & iratis observavi. Secundo sub medio ossis sincipitis dextri, à processu falcato usque ad os temporis extensum, video ulcus oblongum cum sanie crassa & multum flava, quod ego habui pro maligno, quia sciebam,

huic ante aliquot annos ab aliquo Pharmacopæo sciolo in curatione gonorrhœæ fuisse exhibita mercurialia fortè non bene preparata, quæ uti more empiricorum exhibentur, ita etiam eorum effectus post se relinquunt. Interiora cerebri rimando, in ventriculis anterioribus Unc. xii. feri limpidissimi occurrerant, quod in scutellam effundendo monstravi præsentibus D. D. & Chirurgis. Plexus Choroideus nonnihil etiam erat arrosus & putrefactus. Inquisivi quoque in vasa lymphatica cerebri, sed ut ea viderem, tam lynceus non fui. In pectore aperto pulmones dextri lateris duplo erant majores more solito, unde forsàn causa, quod æger semper in dextrum latus etiam invitus decubuerit, sinistri verò à sterno usque ad spinam dorsi ita pleuræ & costis accreverunt, ut judicarem eos mille clavis affixos, quorum interiora plena erant sanie, pure & scirrhis; cor autem optimè constitutum. Breviter ut mentem declarem, salvo aliorum prudentiorum judicio, dico huic ægro, immortalis nominis fama digno, ob ferinam tussim, qua ultimo anno vexabatur, in cerebro fuisse ruptam aliquam arteriolam, vel venulam, vel vas lymphaticum, præcipuè in plexu choroideo, unde exsudavit serum, quod paulatim augmentum sumendo, massam cerebralem distendit, in majorem molam elevavit, ipsas meninges earumque vasa compressit, & capacitatem cranii ita occupavit, ut non fuerit sufficiens ad continendum capeßendumque cerebrum, quemadmodum in ipsa apertura apparuit: exinde & forinsecus & intrinsecus meningum compressio, ac pericranii per sympathiam tensio sensum illum molestem, seu dolorem ad tactum etiam externum inducens, simulque ostendens in cerebro & meningibus diminutam sanguinis circulationem. Mirabar non fuisse phrenitidem excitatam: verùm dubium præsentibus solvi, Phrenitidem fieri à sanguine in cerebro vel meningibus extravasato, stagnante, & cum sit extra locum suum naturalem p. n. effervescente & putrescente: hic vero sanguinem nihil ejusmodi fuisse passum, & ita usque ad undecimum diem ac ulterius absque inflammatione cerebrum potuisse persistere; donec tandem ultimò longa mora ipsis in vasis in putredinem præcipitaretur, juxta illud: & vitium capiunt nō moveantur aquæ. Uti in tua, Vir scientissime, analogia microcosmi cum Macrocosmi Oceano perbellè demonstras. Hæc an rectè judicaverim vestro Curiosiss. simul ac sapientissimo judicio submitto, & si quædam obscurius aut non rectè in hac historia enucleata, ut à felicitate vestrorum ingeniorum magis illustrentur non ægrè fero: licet & ego conquisitis variorum Authorum observationibus historiam hanc forsàn analogis exemplis possem confirmare, attramen negotia tam scholastica quàm practica gravia ac permolesta me ad hæc studia alias avidissimum ab iisdem abstrahunt. Mira res! æger hic laudatus confecerat sibi Thema generethiacum multos ante annos, in quo ita erat legere: In hac genitura Mars mihi minatur turbationem capitis, Jupiter & Venus mor-

bum in genitalibus &c. & ecce omnia deprehensa sunt veritati consentanea, omnesque astrorum revolutiones coincideb. nt cum tempore morborum & mortis, ipseque piè defunctus hæc sibi met coram me sapius prædixit: Unde volens ipsum à concepta opinione divertere, respondi, Vir doctus es, scis quod sapiens possit dominari astris, quod astra inclinent, & non necessitent, quod Medicina astrorum impressiones etiam radiativas possit corrigere & emendare. His consolatus & acquiescens nihilominus prævisum sibi expertus est ætate immatura nimis durum fatum. *D. FridERICI FERDINANDI ILLMERI à WARTENBERG.*

Cephalalgia Historia rara.

Sartor quidam, Vir annorum vigintiquinque temperamento calidus, complexione biliosus (nam ego cum Fieno in semiotica fol. 34. inter temperamentum & complexionem distinguo) facilis ad iram, in eaque sæpius excedens, utcumque temperanter vivens, circa finem Maii anni currentis 1670. incidit in ossis frontis dolorem gravativum, compressivum & lacerativum, ita ut sinciput vix aut parum doleteret, eratque dolor sine omni febre, pulsus habebat tardum similem melancholicis: cæterum sanus toto corpore. Exinde vigiliæ, deliria per intervalla, subinde etiam somnus ad horas tertia vel quarta extensus, adeo profundus ut si ipsi totum corpus dilaniasset vix excitasset: tandem sponte evigilans nullam doloris remissionem sentiebat, dierum quatuordecim spatio elapso sine convulsione Fatis cessit. Prædixi adstantibus apostema frigidum adesse, utens vocabulo ad captum vulgi. Mortuo aperio caput assistente mihi in utroque casu olim discipulo meo, nunc Viro & Collega omnium calculo perinsigniter docto ac perito D. D. Georgio Sebastiano Jungio. Ecce vasa turgent in meningibus, cranium nimiam cerebri molem non poterat capere, interiora rimando occurrunt in ventriculis anterioribus 3 viii. feri flavi & plexus choroideus subalbicans, præterea nihil. Judico hinc vel vas lymphaticum (quale tamen nullum, forsàn ob meam inhabilitatem deprehendi) vel vasa capillaria sanguifera aliqua rupta fuisse ob excessum iræ, in qua ebullientes humores nimia quantitate propulsi vasa minima distendunt, & minorem locum affectando eadem disrumpunt: unde paulatinæ transudationes feri cerebri vasa particularia & cavitates replendo, distendendo & comprimendo hæc symptomata causantes. Curationis gratia extraxi sanguinem ex pede, brachio, manu, applicui vesicatoria, hirudines, cucurbitulas ad lateralia capitis, dedi purgantia, ordinavi epithemata anodyna, roborantia, discutientia, contemperantia: Dedi soporifera, verum omnia in cassum. Curiosius aliquis si legat quatuor libr. Hippocratis de morbis, varia ibi de dolore capitis deprehendet, sed textum qui huc ex integro accommodari posset nullum inveniet: vel enim intra quatuor aut ii dies mortui sunt, vel accessit febris, quæ in nostris casibus non observabatur. Quod si tamen quis vellet analogia quadam uti, cum ipso non pugnabo.

Interim hæc meas observationes de dolore hoc admirabili judico Medicis servituras pro prognosticis faciendis: vix enim possibile videtur quod Medicus, quocunque etiam cathartico munitus ex cavitate ventriculorum cerebri hoc serum extrahere possit, aliis tamen in suis experientiis nil præjudicando. Ne tamen charitatis opus Medicus videatur omittere, curam palliativam suscipere, & prognostico se munire poterit: Hæc & similia quanquam per circularem sanguinis motum, aliaque recentiorum inventa videantur posse clarius explicari, quam veterum hypothesebus insitendo: attamen si quis veterum de motu sanguinis dogmatibus mordicus velit adherere, æque ac sat perceptibiliter eadem symptomata & morborum complicationes ex iisdem congruè deducere poterit. *D. Friderici Ferdinandi Illmeri à Wartenberg.*

Pungitivus Capitis dolor ab Aqua perspicua in posterioribus cerebri ventriculis contenta.

Cerebrum facultatum animalium principum sedem esse jamdudum contra Aristotelem Galenus disputavit, ipsasque functiones eo præstantiores reddere quo purius, temperatius ac magis pervium extiterit: quanquam antopsia contrarium demonstret, nam filiola cujusdam Comitissæ annorum quatuor, habitus corporis gracilis, biliosi temperamenti, correpta febre ardente, sine notabili operationum principum læsione, crescente morbo, decima quarta die succubuit; In posterioribus cerebri ventriculis inventa fuit libra aquæ, ipsa puteali magis perspicua, sine operationum principum læsione, nisi quod aliquando de pungitivo capitis dolore exclamaret: Forsan id ideo quia pauca urinæ prodibant, & ad calefactum caput fecerunt metastasin. *Anton. de Pozzis.*

Cephalalgia à Lapillo intra Duram piamque Matrem in Capite reperto.

Pastor quidam, ætatis consistentis, eximius hypochondriacus, atrocissimos Capitis dolores, & quidem continuò, inq; sinistro potissimum latere, ultra biennium patiebatur, quos plerorumque nostratium medicorum cura vel saltim quadantenus placare frustra planeque irritò conatu tentavit. Aperto post obitum ejus capite, inter duram piamque matrem, è regione sinistri cerebri ventriculi, durissimum scrupulum grani hordeaci magnitudine reperimus, ipsamque calvariam ibidem loci enormiter extenuatam deprehendimus, hincque causam hujus immanis capitis doloris non vana, uti puto, suspitione deduximus. Rarum exemplum, & cui simile non ubivis obvium. Præter enim hoc nostrum, apud unicū Panarolum, quantum ego quidem scio, simile quid legere est; triplicem scilicet spinam lapideam intra duram piamque matrem repertam annotavit *Pent. 5. Observat. 14.* utut cætera *Marcell. Donatus Hist. med. admirab. lib. 4. & Gregorius Horsius oper. med. tom. 2. lib. 4. observat. 47.* alique recentiores in singulis partibus humani corporis lapides gigni posse, ratione & expe-

rientia probarint. *Georgii Abrahami Merklini.*

Dolor ventris lethalis.

Puella quinque annos nata, jam à longo tempore conquerebatur de torminibus ventris. Quæ dolores leniendi, flatus discutiendi, vermesque necandi vim obtinent, aliquoties adhibebatur, at incassum omnia: unde perseverantibus doloribus tandem ex hac vita migrabat. Aperto cadaverculo, præter eam intestini coli partem, quæ rectum nominari incipit, vix ullum (mirum dictū!) abdominis viscus conspiciere potui, idque propter enormem extensionem in dicta intestini coli parte, sub quâ cætera latitabant viscera. *Frideric. Ruysch. Observat. Anatomico-Chirurgicar. Centur.*

Vir quadragenario major jam per decem annos conquerebatur de doloribus circa regionem ventris, qui quotidie magis magisque ingravescerent, tandem hominem emarcidum, & quasi tabe confectum anno 1668. unâ cum vita deseruerunt. Ego ad inquirendum incogniti morbi originem admissus, inveni binas mesenterij glandulas (jam glandes dici poterant, in tantam enim excreverant magnitudinem, ut quindecim penderent uncias) decussatim sibi mutuo incumbentes, quæ renem sinistram ita compresserant, ut pene totus in pus esset conversus: glandulæ autem nullum in substantia contraxerant vitium, solâ magnitudine peccantes; asservantur illæ curiosis oculis spectandæ inter Anatomiae nostræ raritates. *Theod. Kerkring. in Spicilegio Anatomico.*

DRACUNCULI.

D*Racunculi Vena Medinensis* nomine ab Avicenna donati propterea quod Medinæ urbis Arabiæ incolas familiarius afficiant, à Clariss. Georg. Hieronim. Welschio sic describuntur. Dracunculus seu Vena Medinensis lumbricus quidam est, qui proprio suo seminio generatus, sive cum sanguine, sive latice & humore, ut vocant, secundariò, ad partem quandam subcutaneam delato, ejusque calore naturali, aut si quis ita velit, etiam putredinis socio, formam sive animam in ipso latentem excitante. unde primò exiguus, sensim in longitudinem illam insignem, quamdiu licet, auctus, atque iccirco in sinus variè flexus, nihil aut parum molestiæ adfert, sed tandem seu alimenti copiosioris defectu, seu loci angustia, seu aliâ quâcunque de causa, egressum meditatus cutem laceffit, in qua adfluxu ichoris melancholici seroso sanguini permixti, pustula exoritur, quæ deinde intumescens vesicam, seu phlyctænam contrahit, atque mox perforatâ, sive exulceratâ, dracunculo viam aperit, qui tunc exerto capite paulatim prolabitur, neque cessat continuò protendi. Hæc ille; quibus sanè nihil adjicimus in morbo nobis prorsus ignoto, ac de quo magnum ipsum non puduit Galenum sic scribere: *In quodam Arabia loco (ut aiunt) in tibiis hominum dracunculi vocati nascuntur, nervosâ natura, colore crassitudineque lumbricis similes. Multos*

Multos sanè audiivi qui se vidisse eos dicerent, ipse verò cum nunquam viderim, neque de ortu, neque de essentia ipsorum quicquam exakte conicere possum.

Pars affecta ab istis lumbricis, secundum Wellschium mentem Avicennæ explicantem, est musculosa caro, tum crurum, tum brachiorum, tum laterum, idque non tantum in hominibus, sed etiam in equis &c.

Differunt à *Crinonibus* de quibus suo loco, quod illi crassitudinis sint tantum capillaris, atque breviores, hi verò crassiores ac aliquando plus quam ulnæ integræ longitudinis. A verme de quo in *Affectione Bovina* quod ille varias corporis partes pererret ac obambulet, hi vero in ea in qua enati sunt parte consistent, donec suo tempore caput exerendo è nido suo, retrahantur. Quomodo præterea ab aliis discriminentur vermibus, sive umbilicalib. quales ex *Camerario* supra cap. de *Crinonibus*, descripsimus, sive intestinalibus &c. per se patet.

De *Causis* Dracunculorum hic quædam è præfato Wellchio adducimus, scilicet è pituita viscosa & tenaci enaci, eo prope modo quo pili in viis generantur urinariis, unde morbus, enascitur qui *Trichiasis* vocatur quæ pituita ab alimentis congeneribus, qualibus Arabia incolæ utuntur, crassis nimirum ac viscidis, sufficitur. De modò autem quò animetur in vermes viventes, ejusmodi materia, jam mentem suam aperuit in morbi descriptione idem Clar. Wellchius.

Signa morbi Diagnostica ex eadem satis patent descriptione, si addamus ex Avicenna ab ipso Wellchio explicatò. Si materia ex quâ generantur ac aluntur Dracunculi mitior, & præcipue pituitosa fuerit, nullum ferè, aut valdè obtusum dolorem faciunt; si verò acrior sit illa materia, calidior, ichorosa & melancholica; exquisitum illi dolorem excitant. De *Prognosi* hæc habet Avicenna. *Etiamsi uno in corpore quadraginta ferè, aut quinquaginta locis obtingat Dracunculus, curatione tamen evadit.* Unde, ut concludit Wellchius, apparet affectum nequaquam lethalem esse: Imò nec valdè periculosum, si modò dextrè & decenter tractetur. Nimirum nisi aut violenta extensione in parte cui adheret Dracunculus, dolor atque inflammatio excitetur, aut ipse etiam abrumpatur, nihil magni mali minari solet, tum enim relictæ in corpore particula, repente, magnoque cum dolore atque periculo lumbrici in morem, contorquebitur: mox etiam putrescens, ichoresque aut humores acres in partes nervosas exstillans, gravissima symptomata, atque imprimis convulsionem excitabit, quam ipsa tandem mors excipere consuevit.

Curatio Dracunculorum seu Venæ Medinensis ex Avicenna ejusque Commentatore Doctissimo Wellchio duplex est, *Præservatoria* una *Curativa* altera. Pro præservatione vitanda est regio in qua generatur; cum enim morbi endemii ea sit conditio, ut toto illius terræ tractu, quam occupat, causam suam omnibus communem faciat, non fore ullam certiore præsertionem quam locum fugere clarum est. Sin autem id commodè fieri non possit, saltem à cibis abstinendum ex quibus gigni creditur. Quinam tamen illi sint non explicat Avicenna, Alzaravius omnia olera, omnesque fructus illic vitare jubet, ubi vena exiens sive proserpens generetur; hæc enim esse ait, è quibus produci soleat.

Ebn Jezla autem pisces sigillatim enumerat, & lenticulas cum aceto, dactylis, aliisque similibus in direct. morb. tabul. partic. 7. §. 1. Nihil enim dactylis crudis, coctisque, recentibus pariter, passisque toto Oriente & Africa Asiæque tractu universo frequentius in cibo. Joan. Colle Comm. in Avicennam, omnia cibaria potiusque calidiores omnes commemorat, adustos, vitiosos, falsos, ut aquam salinam, carnem salinam, pisces, brassicam, betam, spiritum, aliaque quæcunque chylum acrem, acidum, acutum & melancholicum gignunt. Vina item nimis potentia, vapida, crassa, & excrementitios humores generantia. Præterea vult Avicenna ut oppugnanda causæ morbi antecedentæ evacuetur vitiosus sanguis, secta vena basilica, aut saphena. Item intus ad expurgationem humoris adhibet syrupum myrobalanorum, decoctum epithymi, pilulas coccias, ac trypharam cum sena & fumaria paratam; quibus omnibus addit humectationem corporis cibis humectantibus, balneis &c. Hæc de præservativa; Morbi præsentis expugnationem quod spectat illa sic instituetur. Cum vestigium lumbrici, seu Dracunculi apparuerit, membri refrigeratione uti conveniet, per cataplasmata refrigerantia, qualia fieri possunt adhibitis succis frigidis expressis cum sandalis & caphora, imò post corporis purgationem, per hirudines quoque loco applicitas. Succos expressos frigidos sigillatim ceu vulgò notos non enumerat Avicenna nec quisquam alius recenset præter unum Berta paleam, qui succum sempervivi vermicularis, & herbæ apostematum, quæ faba crassa, seu crassula ac telephium est, nominat. Addi possunt, commentante Wellchio, quoque alii, ut lactucæ, nymphææ, parietariæ, allines, portulacæ, lenticulæ, polygoni, oxalidis, umbilici veneris, capreolorum vitis, & maxime tussilaginis, cujus virtutes omnibus inflammationibus planè singulares & eximie compertæ sunt. Cataplasma quoque Matthiæ Naldii ex farin. lupin. orob. lentium, myrrh. aloë, croco, & ol. absinth. nec non oleo ex fol. absinth. abroton. matric. sem. acetos. fanton. & ol. laurin. compositum, satis commodum contineri non debet, & si ipsum adfectum nunquam vidisse aut curasse ex scriptis illius satis appareat. Nimirum quæcunque vermibus inimica sunt etiam dracunculis adversantur. Sin autem istac eludat, jamque prodierit, tunc convenit ei præparare aliquid, cui adligetur, & supra quod blandè & paulatim convolvatur, ita ut sic usque ad finem sui sine disruptione exeat. Ad hoc autem optimum est plumbi bacillum quod præterquam quòd dracunculo convolvendo aptum sit, ejus ponderis fiat necesse est quod ei trahendo non abrumpendo sit satis. De pondere bacilli nihil amplius Avicenna, sed illud explicat Alzaravius dum ex barbaro interprete sic habet. Si de dracunculo jam aliquid exierit, non valet ingeniatio, nisi ut attrahatur, si est parvus, quousque egrediatur totus, & si est longus ligetur in extremitate ipsius arundo plumbea cum pondere 3j. & deducatur in ipsum quicquid exierit de eo, & caveat ne vena detruncetur. Alii pondus illius faciunt à 3j. ad 3ij. imò etiam alii ad 3j. veniunt. Verum pro diversa Venæ Medinensis crassitie aut robore, pondus illud

illud ex Medici solertiâ & ingenio variandū est. Figura debet esse cylindrica. Summa verò cura sit in exitu Dracunculi facili reddendo, quod fit fulciendo membri cui insidet imbecillitatem & rarefaciendo illud irrigationib. ex aqua calida, & mucilaginis, refrigerantib. oleisq; emollientibus, frigiditate aut subtili calore præditis, & quæcunque ad egressum illis simili ratione facilem readendum idonea sunt. Ac tandem si videatur apertione opus esse, ut integra prodeat Vena Medinensis, nihilque sit quod prohibeat, aperiatur, & extrahatur. Sin verò exitus ejus commemorata extractione non reddatur facilis, & apertio non sit possibilis, butyro putrefacies, tota enim putrescet, atque egredietur. In hoc negotio Aëtius Cornario interprete ait. Quòd si Dracunculus sponte progrediens facile extrahi poterit, nihil amplius faciendum est. Sin ad suppurationem vertetur, à cataplasmatibus & aquæ mulsæ ac olei irrigatione non est discedendum. Nos verò & emplastrum è baccis lauri post cataplasmatum è farinis, mulsâ & oleo ablationem imponere solemus. Facta verò suppuratione, cutis per longitudinem secetur, & dracunculus denudatus auferatur, & cutis ligamenti inditis disparetur, & reliqua curatio suppuratoria adhibeatur, ita ut animali suppurato & extracto ulcus incarnetur, & ad cicatricem perducatur. Incisio, quæ aliquando necessaria, duplex est, una dracunculo integro extrahendo, altera quæ abrupto tantum conveniat. De illa sic Avicenna: Maxime verò si secetur locus à Vena Medinensi longinquior, ibique immisso subtus specillo depellatur, & frictio dum egreditur cum sale paulatim & blandè continuetur. Ubi enim cum ipsa ita actum fuerit, tota egredietur. Posteriores incisionem idem Avicenna his exponit verbis: Quòd si rumpatur, seseque occultet, nullum dubium esto quin aperiri debeat, ita ut denuò capiatur, deinde leniter extrahatur, & locus ut vulnera solent, percuretur.

Atque hæc de Dracunculo seu Vena Medinensi dicta sunt, in cujus ulteriorem explicationem *Observationes* demum aliquot à Clariss. Welschio in suo de Vena Medinensi tractatu à variis adductas, adjungemus.

Observationes.

Æthyops maris præfecti servus, juvenis 18. annorum, cum primum ex Memphi Ægypti celebri civitate Thessalonice advectus esset, illicode cruris dolore conquestus est, in quo juxta talum primò ulcus excitatum est, in quo venæ modo caput conspiciebatur, quod advertentes Turcæ morbum cognoverunt, periculosum esse in Ægypto & India, ac reliquis regionibus quibus innascitur, significarunt, quæ Arabes præcipue Avicenna, Venam Medenam, fen. 3. lib. 4. appellari tradit, veluti Avenzoar & cæteri hujus doctrinæ homines, quibus morbus hic satis cognitus & familiaris erat: Pro cujus curatione accersitus Medicus Parahyas lingua Arabicæ doctus, ita orsus est. Primò debita victus ratione proposita, partem extremam venæ, aut veriùs nervosæ cujusdam substantiæ subtili ligno alligavit, quam paulatim ligno trahabat rotabatve, adeo ut ad ejus ultimam par-

tem, h. e. ad trium cubitorum longitudinem post multos dies pervenerit. Unde Æthyops à doloribus & angustis, morbo ipso liberatus est, nullò supraposito cataplasmate concoquendi vim habente, aut calida superfusione aliqua, quæ ex Sorano & Leonide ultimis verbis lib. 4. suæ Medicinæ huic morbo auxiliari tradit. *Amatus Lusu. Cent. 7. Curat. 64.*

Hollandus quidam è penuria Rupellam delatus, de dolore, inflammatione, & tumore in utroque malleolo conquerebatur, rem Chirurgus defert, monetque ut de vermibus cogitaret. Id factum. Inflammationi succurrebat cerato Galen. 14. Meth. med. 3. descripto, cui parum basilici miscebatur. En duos quasi vermes aut nervos, ex utroque malleolo unum, prorumpentes. Hos Chirurgus sensim protraxit, usque dum ager de dolore conquereretur, tum in nodum, quod extractum erat, replicando concinnavit, de die in diem opus idem repetendo, usq; dum planè exciderit. Istud quicquid fuerit nervi, aut ligamenti, aut vermis, nunquam vitæ alicujus specimen exhibuit. Longum erat pedes quinque: convaluit. *Antonius Guenotius Parisiensium Medicus & Chirurgus, referente Welschio è suis adversariis à schedis Versungianis petitis.*

Montalbanum è Rupellæ penuria homo allatus jam descripto morbo laborans, sed non ita feliciter curatus: Dum enim rei istius p. n. extractioni nimia violentia operam dedit Chirurgus, eam dirupit, unde inflammatio, dolor, convulsio, & 24. horarum spatium ipsa mors sequuta. Aperto cadavere, periosteum inflammatum deprehensum est, cui planè adhærebat istud, quicquid fuerit, funiculi instar juxta malleolum in gyros quinque vel sex contorquebatur, inde recta ad genu porrigebatur, quo in loco iterum in circulos reflexum, tandem ad os Coccygis ferè, aut saltem Ischii protendebatur. *Idem eodem referente Welschio.*

Ad littus cui nomen Capocors, sive promontorium Corsicum, quidam correptus tanquam febris, primò horrore concussus est, calore succedente, totoque corpore pustulis erumpentibus, valde exiguis, quæ tamen omnes, probè operto mox iterum discussæ evanuerunt. Delatus igitur in proximum pagum, cui nomen Agrara, haut procul à Castello Sancti Georgii, seu arce Nigritis Mina dicta, circa malleolum in tibia dextra duas pustulas erupisse advertit, quæ vesiculam contrahentes mox rumperentur, & vermis sive dracunculus ibidem latitans caput suum exereret, non majus quam aciculæ, est, quod ideò à Chirurgo Batavo captum, pennæque medio parumper fissæ insertum, deinceps quotidie circumvolvendo eò usque extrahebatur, donec dolorem aliquem percepisset. Ita unus bidui spatium integer paulatim eductus, prodit, alter verò abruptus tumorem cruris doloresque maximos excitavit. Qui integer prodierat longitudinem ulnæ nostratis superabat, tenuis erat ad instar chordæ testudinariæ, coloris dum recens erat albi, exsiccatus autem nonnihil flavescentis, qui tensus etiam ad instar fidium sonabat. Chirurgus morbi istius nondum satis peritus erat, ideoque unguentum basilicon & emplastrum palmeum applicuit, quibus tamen solis curationem feliciter absolvit. Nigri illius regni incolæ aliàs ligno utuntur exiguo ad extrahen-

trahendum, & reliquum curant solo oleo palmarum, sive coccorum, quod habent copiosissimum. Triennium illic transegit, antequam morbum hunc contraxisset, qui toti regioni familiarissimus ex aquis præcipue in cibos potumque adsumtis oriri creditur. *Georg. Hieron. Welshius ex communicatione Joan. Abrab. Heinzelii Patricii Augustani qui ultra decennium in Guinea regno vitam duxit.*

Qui in Guineam navigant, & in Castello S. Georgii de Mina habitant, cujus districtus ad aliquot milliaria extenditur, toto corpore vermibus affligi solent, magis tamen Æthiopes incolæ, quàm Germani advenæ. Notatu autem dignum est, si quis tantummodò præternavige præuritum in cute sentire, maximè in brachiis & cruribus, frequentissimè verò in femore. Tunc oritur vesicula, unius, in quibusdam tamen trium pisorum magnitudine. Hæc autem nisi à verme ipso pertundatur, ubi Chirurgi satis maturam judicant, (sunt autem ejusrei peritissimi) aperiri debet. Mox prodeunt pili gemini, albi, & capite adnati, qui ideò barba vermis dicuntur. Vesica ipsa aqua distenta est: tum vermis quotidie mane & vespere extrahitur. In partibus corporis musculosis, si articuli ferè longitudine promineat sæpe accidit ut unico tractu educatur. Longitudine ulnam, aut etiam sesqui cubitum exæquant, nivei coloris & frigidissimi, quamvis ex carne calidâ exeant. Tenuis ad instar fili, alii tamen ut funiculi. Crassiores venenosissimi & pessimi existunt, valdè que difficulter extrahuntur. Inferiori crurum parte sæpius nervis & venis circumvolvuntur, atque tum quidem educi nequeunt: sed abruptuntur. Abruptis autem tumor ingens in pedibus, suppuratus, & copiosam materiam concludens, donec tandem fonticulus excutitur, aut scalpello foramen fiat, quo plures quandoque *ἀνύτροι* redduntur, magnisque doloribus afficiuntur. Ipse ego, cum illic degerem, tribus ejusmodi laboravi, duobus scil. in dextro & uno in sinistro crure. Primus dextri pedis in ipsa planta enatus erat; quò 14. dies decubui, neque ambulare potui, donec tandem disruptus exaresceret. Alter infra malleolum ad digitos usque protensus, ideoque magnis cruciatibus & ulcerationibus curatus est. Tertius itidem sub talo sinistro, cum ad dimidii cubiti longitudinem prodisset, disruptus retrocessit in tibiam, quæ ideò insigniter intumescerat, ut 4. menses integros ægotarem. Nec enim nisi sectione curari potuit, quò tempore nec stare, nec ambulare poteram, sed necesse habebam ab Æthiope perpetuò gestari. Stolarchæ nostri coquus 30. ejusmodi vermibus diutius excruciatu est, per semestre integrum decumbens, ut plerique de vita ejus desperarent, tribus enim aut quatuor curatis, mox alii exoriebantur. Quamquam verò pauci reperiantur, qui absque hoc morbo ex illis locis redeant, vicissim tamen pauci occurrent, qui tam multis, ac coquus iste affligantur. Sanatus autem & ipse est, ut me discedente, etiam ulterius restiterit. Æthiopes se ipsos sic curant: Ubi vermem digiti longitudine extraxerint, abscindunt & oleo palmæ illinunt, foliumque recens ejusdem arboris emplastri loco superimponunt: tumorem quoque, postquam aper-

tione facta, materiam purulentam & ichorodem effluere permiserint, ita per sanare solent: Postquam aqua ex pipere aliisque herbis satis acriter reddita eluerint, imponunt deinde oleum palmeum cum folio ad mitigationem. Atque hoc remediò ad omnia ulcera utuntur. *Michael Hemmershamius Noricus Itinerarii Guineensis vernaculâ linguâ conscripti cap. 13.*

Lara urbs magna est bene structa, murisque fortissimis cincta summo montis apice sita. In illa mercatus est, quò varia mercium genera venum comportantur, magnaque illic fructuum copia reperitur. Sed aqua prava, insalubris, putredinum & morborum graviorum ac letalium causa existit. Ex hac aqua, ad Gómeron usque se extendente, ut scribunt, vermes quidam longissimi generantur, qui cruribus humerisque exerescunt, rotundi, congyrati, & in carne occulti. Quamprimum animadverti concipiunt, aperitur locus, ut caput vermis capi possit. Tum ligneolo diffusio captus circumplicatur sive convolvitur, sex sæpe pedes longitudine excedens: parum tamen quotidie sic extrahitur, donec totus sensim prodierit. Cautè tractandus est, si enim abrupteretur, portio in carne residua, ulcus periculosum efficeret. Medicina contra hanc aquam vitiosam est vini providentia, vel saltem abstinencia à potu aquæ illius, antequam cum cura per pannum transcolata fuerit. *D. de Bourges in descriptione Gallica itineris ab Epistopo Berytiensi in Sindis suscepti.*

Peregrini imprimis qui Guineam appellant, corripuntur vermibus in corpore genitis, imò & Æthiopes non tantum albi, sed etiam nigri prope Meutam, locisque vicinis, cum tamen ii qui 25. milliariibus orientem versus habitant, huic malo non sint obnoxii. Vermes isti, quos linguâ vernaculâ *Ιερion* vocant, non omnibus, qui eò tendunt sed quibusdam tantum manifestantur. Sunt enim qui iis laborant, dum in litore aurifero degunt, alii in reditu demum, & iterum alii post iter peractum, etiam 4. 5. 6. imò & 12. mensibus, infestantur. Sunt vicissim, qui ter litus illud adierunt, & tamen nunquam de his vermibus quidquam audiverunt. Nonnulli congressui causam adsignant, alii singularis cuiusdam piscis esui, vermibus scatentis. Alii natationibus & balneationibus in aqua frigida adscribunt. Quidam à nimio vini palmei potu, vel esu panis miliacei, *Cándrarum*, originem trahere dicunt. Sed omnes istæ rationes parum vero consonæ videntur: quia, qui nec cum mulieribus rem habuerunt, nec pisces panesve illorum degustarunt, nec vinum palmeum biberunt, nec frigidam marinam aquam ingressi sunt, vermium tamen hoc morbo afflicti fuerunt, cum è contrario plures in terra illa, etiam cum meretricibus viventes, vinoque palmeo sæpius inebriati, nihil hujus mali pertulerint. Verosimilius idcirco fuerit, ex singulari quadam aeris malignitate, aut aquæ potu, nasci, quam Nigri illic ex quodam fonte petunt, Albisque vendunt. Verum quidem est peregrinos multos in litore aurifero aquæ plus nimis bibisse, qui nunquam morbo correpti: sed hi navibus suis infra Mouream appulerunt, non Acara, aut aliis locis. Qui enim Mourea

THESIS I.

appellunt, vel aquam multam bibunt, citius vermibus laborant, quam qui Acaræ, aut superioribus locis. Variis modis invadit hic affectus: Alios scil. cum febris, vel horrore febrili, alios cum imbecillitate, lipothymia aut anxietate magna, quosdam etiam cum delirio. Primo se manifestat vesicula exigua, sive pustula, mor sui pulvis similis, vel tumor, in quo vermis inter cutem & carnem sæpe etiam videri potest, vel efflorescentia quædam sanguinea cum symptomatibus similibus. In carnoia maxime parte crurum, brachiorum, genuum & narium, imò præcipue in omnibus partibus carnosiss, quandoque etiam in scroto, quò maximos dolores creat, quanquam etiam interdum hic loci non doleat. Sunt qui trimestri integro iis molestantur, alii è contrario, vix tribus septimanis. Alii etiam aliis plures. Quidam unum tantum, nonnulli una vice etiam 10. habent. Variæ sunt longitudinis & magnitudinis. Alii duas ulnas exæquant, alii unam tantum, alii denique unâ etiam breviores sunt. Quidam crassi, ad instar fidium crassiorum, alii tenues, ut filum sericum. Multi non credunt vivere, sed pro nervis corruptis habent, nec vermes esse putant. Sed motu, quem exitu ostendunt, diversum comperitur. Curatio rarò instituitur, antequam vermis ipse exitum pareat, aut caput exferat. Tunc enim capitur, & tenetur, ne retrocedat. Sensim postea extrahitur tamdiu, donec ulterius prodire cesset. Ita parumper quiescere sinunt, donec denuò prodire incipiat. Quidquid extractum est, ligno cuidam exiguo circumvolvitur, ne in corpus retrò meet. Sic verò trahendo ex intervallis pergitur, donec totus omnino egressus fuerit. Si iustò fortius trahatur, haut rarò abrumpi solet, & tum plerumque vulneris inflammatio subsequitur. Exeundo etiam plerumque multum saniei secum defert. Nigri manum non admovent, sed cicurari sinunt, vulnusque aquâ falsâ eluunt. Optima curatio est, corpus à putrida sanie, mundare, & vulnus butyro recenti insulso inungere. Locus quò vermis se manifestat, ante omnia, semper caleat, necesse est, custodiendo illum diligentissimè ab omni frigoris sensu. Nisi enim id probe observetur, intumescit plaga, & inflammatur. O. Dapperus in Africa descriptione ex Isaaci Vossii Manuscriptis.

DYSENTERIA.

AD Dysenteria absolutam explicationem nihil defuturum spero, si jam produxero; tum quæ in Thesis Discipulorum Viri Amplissimi Domini Caroli Drelincurtii Regii olim in Galliis Consiliarii ac Medici, nunc verò in Universitate Lugduno Batavo. Professorum omnium antiquissimi (cujus ductu nihil sanè quàm accuratissimum ac solidissimum conscribi potest.) Tum etiam quæ in Clariss. Thomæ Willis Dissertationibus, super hac materia reperire est. Veniant itaque primò Theses memoratæ.

Ab officii difficultate passio nomen habet Dysenteria, quæ Aureliano *Intestinorum rheumatismus est cum exulceratione*. Hic enim cum Veteribus causam immediatam uti πῶν τῶν ἐντέρων ἐλκυσιν agnosco, ita mediatam omnem profiteor πᾶν τὸ δεινόν, τὸ δακνόν, τὸ ἀλμυρόν, τὸ νιπρόν; vel ut brevius, sed plenius dicam, πᾶν τότε ἀβρωπικόν & τὸ ἀνατομικόν.

Intestina quippe ἐνέσθαι τε ἐν ἐλκυσίν, illorumque vasa corrodi atque recludi liquet, 1. quidem ex torminibus, vel tormentis ut cum Celsò loquar, quæ hic sæviunt, unde merito Tullius torminosos vocat, quos Plinius Dysentericos vocitat, quique Aphrodisæo δυσεντερικοί, uti Nicandro δυσέντεροι dicuntur.

Excreta deinde, mucus, bilis, serum, sanguis fluidus, grumosusve, pus, partiumque strigmenta aliud nihil loquuntur quàm intestinorum ἐξόν τε ἐν τραχυσμόν. Jure igitur ab Hippocrat. ἡ δριμύτης, κάθαρσις illa habetur, quæ totὸν δακνόν, totque ξυσματώδες, imò, quæ totὸν ἐφελκιδας, totque ξύσμα, seu ramentosas dejectiones, vertente Gorraeo, profundit.

3. Insuper id ipsum Anatome clamat, Dysentericorum enim interanea, vel perlucens membranacea, carnei intertrimenti causâ hoc fortiori velut smegmate detergi, subduci; vel carnosâ sui parte vasis irriguâ tumenti, atque plagulis moribusve cruentata, uti fert carniū indoles; fauciatos enim, in simulque sanguinantes tumidosque videre est laertos.

4. Demum serpit ulcus tam altè ut intestina perforet, faciesque profundat vel in ventris alveum, vel in abdominis ulcus è directo ulcerosi intestini, ex oculatâ fide Avicennæ. Matth. de Gradib. atque Sennerti, qui Germanorum decus est grande.

II.

Sit igitur Dysenteria dejectio mucosa, saniosa, cruenta, purulenta, frequens, torminalis, intestinorum interiorum vel fauciatorum, vel erosorum ergo.

Hâc definitione secludo fluorem diarrhoicum, lientericum, coeliacum & cholericum, omnem insuper πῶν διὰ γαστρὸς ἐκκρίσιν αἱματώδη χυρὸς ἐλκώσεως. Dysenteria siquidem fundatur ὑπὲρ ἐν τῷ διαβρωτικῷ, illud sive sit primitus inquilinum humorale, vel animale; sive recens assumptum & advena, vel Diæticum, vel Pharmaceuticum.

1. Internorum vulgatio est Pituita vel acida, vel falsa, quæ bombycinum intestinorum subtegmen ad vasorum usque deterget ora, eò primùm loci, ubi adhæsit, sed mox latius atque latius gliscit, suisque spiculis intestina fodicat, convulneratque.

Noscitur excretis quasi mucosis, aliàs adeò largiter profusis, sed cruore modico perfusis, ut sui copiâ atque glutinamentò Practicos in admirationem traducat, talem Promotor meus Cl. Drelincurtius in altitudinem stupendam ab imò ad summum coherentem sustulit. Pueros hæc, senes, sequioremque sexum, unò verbo

verbô, desides & cochleæ vitam agentes, olera, fructus & pisces si præsertim vorant, arripit.

2. Bilis mordacior & plurimis aculeis hirta, quæ cholericô more flexuosos intestinorum orbes non permeet, sed quæ lentorem nacta, intestino- rum flexuras lentè perreptet, illasque sensim ar- rodat atque desquamet, sicque post mucum at- que cruorem, tot quæ excernuntur detritarum partium ἀπὸ σπυγμάτων undique corrodat. Hanc Plato celebrat propter intestinum tumultum, ex alvô, ceu seditiosâ civitate fugientem, & fugâ suâ tot & tantas obviis quibuslibet intesti- nis, ceu hominibus, plagulas inferentem.

Hippocrates Platone major, pituitam, bilem- que mistas inculcat. Illarum enim amalgamate, (si præsertim salsior bilis, salsiori pituita jungitur) bilis glutinum majus, pituita verò plures enfi- culos, quibus intestina dilaniet, nanciscitur, atq; sic juratò veluti, & ex conditò ruunt in nefas.

Sicarios istos, fuga detegit. Alter siquidem atque alter alvô secedunt cædibus cruentati. Hæc species ætate vulgatio, & in homines ca- dit temperie biliosâ victu utentes sibi analogo.

3. Serum, suas & tragædias movet, si diatæ vitiô austerum, acerbum, acidumve fuat. Hinc Tullius ex heluellis in Augurali apud Lentulum cœnâ, graviter ex intestinis laboravit. Hinc milites atque lixæ horariis austerioribus dum sese ingurgitant, tota castra dysentericis implent. Hinc Imperatores ipsi Theophilus, Fridericus III. & Albert. II. algidâ & peponibus torminosi. Hinc & ab uvis atque multô apud Forest. tor- menta. Hinc & intestinorum difficultates apud Hildanum, tum vinô cupreis vasis refrigeratò; tum acetô urceoli plumbei. Acidum enim Ce- reris, Najadum, Veneris & Saturni (si præsertim humore Bacchi in ventriculô non retunditur) usque adeò corrosivum est, Helmontiô teste, ut excretum lintea rodat. Sic meus Pr. in Dys. le- thali dejectiones vidit, & teterrimum acorem exhalantes, & in tantum effervescentes, ut ho- rula spatiô, musteâ cerevisiâ citius, scaphium pede altum, ab unciis ternis conscenderint. Notitia hujus ex dictis clara distinctaque.

Serum falsitudine voratorum & Salsus & Sy- giuum fit, acutieque suâ & cuspidibus, ceu tot li- gonibus intestina fodiat, cuniculos agit, mu- rumque Vasis extructum suffodit, quò suffosô cruorem saniosum, torminalemque profundi necessum est, uti B. Sylvatici fide, puero lixiviâ haustâ contigit.

Sic Pr. mei calculô, Parisiis haud insolens ad- venis obtingit Dysenteria, ob aquam Sequanæ, alias sanissimâ; haustorum pigritiâ, non è pro- fluente limpidô, sed juxta navigia linteis sapo- ne tergendis dicata, quò Civitatis purgamina confluunt, muriaticam haustam. Noscitur as- sumptis.

Illius porrò seri vitiosi fontes, non unas dun- taxat ἡ γαστήρ glandulas, serum illud Wir- sungianô siphunculô in Herophilianam eructantes ἐκφύσιν, è quâ in ventris Dædala deturbatur, sed & gracilium intestinorum acinos agnosco. Illos enim reputo unâ cum reliquis ἐλασμίαις glandu- lis serô vitiatô perpluere.

4. Pus demum humorales inter causas nume- randum venit. Humoribus enim natales debet acceptos, & adhuc dum fluere natum aptum. Id profectò nostros apud Majores injuriosè non in-

famatur δυσεντερικῶν αὐτοῦ. Fidem quippe mihi fecit Pr. meus, sese variolis laborantes, Phthisi- eos, & Empyicos sedibus dysentericis purgatos vidisse.

Quaternis istis, Animalem causam, sed bru- tam, quidui accensebo. Meus enim Pr. cladis illius animantum copiam, alias exanguem, cruen- tos reos in flagranti delictô deprehendit. Qua- dragenario quippe Medicinam fecit, cujus dy- senteriam diarrhœæ triduanæ succedaneam, nullis Phœbi potentibus herbis sanare valuit. Ac proin, alvô toties profusâ, exhaustôque vi- tæ thesaurô sanguine, & doloribus identidem ingravescens, omnemque, somnô requiem, depellentibus, fato cessum est.

Incisis à pyloro ad anum interaneis, insolens nihil tenui e fistulâ venit in conspectum. At uni- versi coli decursus, tantus quantus est, vel suis in secretioribus cryptis atque cellulis vermium latibula passim prodidit. Illorum autem alii ad- huc dum locorum palantes huc & illuc grassa- bantur. Alios verò angineô flexu contortos, implicitos, conglomeratosque cernere fuit. To- ta insuper colon atque rectum, exteriora qui- dem livida, interiora verò flammea, tumefacta & tumulis densis exasperata. Interior enim il- lorum tunica ubivis crassior erat, & frequenti, ac supra modum gibberâ papillâ sanguinariâ protuberabat. Tot loca meus Pr. nuncupat nu- peræ cruentæque cladis: eò quippe loci vasa cernere fuit oppidò tumidiora, atque Lumbri- corum morsuunculis, & fossionibus reclusa, cruoremque manantia.

Istos porrò homicidas, eò loci foricarum putore ferociore, agnoscere est suis è navis, quos ar- cessivisse à capite, nunc alienum est.

Defunctum quod attinet, totos dies quinde- nos perdius & pernox abdomen manibus com- primens sellæ insedit foricariæ, nullis enim ar- gumentis adducebatur lectum ut peteret, ne confestim alvi deponendæ causâ lectô exilire cogeretur, jugibus enim egerendi stimulis agi- tabatur. Podice deprehensus est ita hiulcô at- que patulô, ut καλαμίαν indere φαρμακίαν l. ctei enematis ergo, ituduerint frustra.

Cæterum tremulus erat universè, adeò ut explorando pulsui locus denegaretur: appetitu vige- bat, nausæ sitisve nescius: Verum, sub extrema fata, abdominis ambitum ad rabiem usque torminosum ululabat. Alsit universim, manibus atque scrotô lividis. Fæces totæ diar- rhoicæ, consistentes nusquam, & primum qui- dem griseæ, sanguinolentæ demum atque lethales. Brevibus istis fidam τέμπερσιν, ceu cynosu- ram habes. Quocirca in dysenterix sedibus crassis, tenuibusve, distinctius internoscendis nullus ero. Imò brevitatis gratiâ, quæ hic dis- cutienda venirent de torminosi intestinis non semper laceris & extenuatis, de illorum situ, mucô, adipe, sanguine fluidô, grumosô, paucô, multô, fæci- bus mistô, impermistove, laminis, fibris, carunculis & ulceribus cavis, (quæ fæcum abdomine me- diô sunt emissaria) atque singulatim de tenesmô, deque tenesmi atque dysenteria gradibus, & συ- σπικνωσὶ & συνδυσπικνωσὶ, de illorum effluviis atque conta- giô; de therapeuticiis controversis, deque specificis in specie, lubens fileo, ne diatribam margine plenâ, non autem Inaugurale lemma φιλιάνων oculis subjiciam.

Strictim igitur causas & Externas attingam. Diæticæ Theſeus ſecundæ refricuiſſe nolim, Pharmaceuticæ inſolentiores quidem de annulô voratô, Euphorbiô, Ephemerô Colchicô, adamante, vitrô, &c. repeti velim ex Luſitano, Cluſio, &c. Vulgatiores meus Pr. in Adverſaria, quorum eſt mihi copia, retulit de Mercuriô tum vivô vel unctiône vel ſuffitu; tum ſublimatô, atque etiam præcipitatô vel rubrô, vel albô, deque minerali Turbit, temerariis Barbitonſorum auſis, perperam uſurpatis, de Theophraſti Gillâ, de pane dulciariô bis coctô diagrydiatô, de trochiſcis albandal, de cataputia minore, de granis Cnidii, de Strobiliſ Indiciſ, de purgatrice tandem, aliâs in nocuâ, Mannâ.

5. Dysenteria univerſe χαλεπή τε & ἐπικίνδυνος, dum quippe torſionibus excruciat, humores frugi conſumit, ſpiritus exhaurit, partesque depopulatur, ſi potiſſimum ægrotantis in perniciem collatitias ſibi commodant operas ſymptomata. Tunc quippe πολύπονος quidem, at non πολυχρόνιος exiſtit. Ominofa ſiquidem eſt, citoque non inteſtinorum duntaxat, graciliſ imprimis, ſtamina diſnectit, ſed & vitæ totius abrumpit fila, ſi cauſis interniſ eſt orta, ſi febris adeſt, ſi faſtidium cibi, ſi nauſea, ſi ſingultus, ſi convuſio, ætas ſi infantiliſ, ſeniliſve, conſiſtens item uterus ſi gerit; lumbrici ſi ferociunt, ſi tergora dant; lipothymia ſi arripit & repetit, ſudor ſi frigidus, extrema ſi algent, ſi livent; torſiones ſi nulliſ aut brevibuſ ſint induciſ interciliæ; vel ſi derepentè altum ſilent, nec repungunt; malaciam enim tantam iuſſidam me docuit Pr. meus, quadragenario quippe Medicinam fecit rabiðè torminoſo, ſed cujuſ rabioſa tormenta continuo ſiluère. Sciebat quidem meus Pr. τὴν ἀσθένειαν ῥα τῶν ἡσυχῶν ἀδελφαὶ τε εἶναι & θανάτου ἐπιφέρειν, ſed hanc de Dysenteria ſingularem prognôſin, nec à mutiſ nec à vocalibuſ doctus erat Præceptoribuſ, atq; adeò triumphū cecinit, ſed ante victoriam. Effluſo enim triduò deriumpavit, ut cum Tertullianô dicam, æger quippe doloribuſ ſolutus beatuſ in ſedes evolavit.

Apertô cadavere, extra Omalô exceptô, nuſquam extantia, ſed contracta depreſſaque, nec non liventia & uſque adeò ſiderata, ut contrectatione vel leviori, tota in lamellâ abierint, ſuâque graveolentiâ cunctoſ abegerint.

Haud ita pridem Comitum Germanorum alterum, poſt torminoſas decumanâſque procelâſ, dieſ ejuſmodi illuſerunt halcyonei. Omnem lapidem meus Pr. exiſpiciuſ gratiâ movit, ſed quia de præteritiſ exiſpiciuſ non datur, noluit Py-lades, Oreſtiſ cadaver apertum.

Siniſtri inſuper ominis eſt, dejectio vel glutinoſiſſima, inque placentâ ductiliſ, qualis è veſicâ grandiori atriâ calculô, vel ſanioſa, purulenta, foetens, ſpumans acore fugienda, vel prâſſina, æruginoſa, ſatodes, atrabilariave grummiſ ſtellantibuſ ſi radiat ebullitque; meconia item, omniſque vel ſincera, vel multifariam variegata, ſi demum vel putridiſ carunculiſ, grumiſve, vel ſanguine fluxô; & omniſ factore olidiori ſcatet.

Felicem nihilofeciuſ conclamant exitum, Galenûſ quidem, Avic. M. de Gradib. atque Senn. inteſtiniſ altum exeſiſ; Braſſavolûſ verò carunculiſ excretiſ; Schenckiuſ ramentiſ ſpithamam longiſ; Helleriuſ dejectionibuſ piceiſ; Solenander demum, atrâ bile largiuſ profuſâ.

Dysenteriam abortione partuque ſolutam terniſ exempliſ notant Hipp. atque Senn. Lienem, variolâſ, & Empyemata fluore dyſenteri-cô purgari, Hippocratei codiceſ, meique Pr. Adverſaria teſtantur. At fugacem illam decet eſſe, altâſ quippe ſi radiceſ agit, ſymptomatum myriadiibuſ pullulat. En vulgatioſa germina, ſtoloneſque præcipui, Πονηρὴς ὅ τ' ῥίγνη, πονηρὴ τὴ βλαστύμω; cibi faſtidium, diarrhœa perenniſ, alvûſ aliâſ impenſè ſtricta, lenteria, tabeſ, hydrops, coxarum doloreſ, nervorum debilitâſ, meſenterij, coli atque recti abſceſſuſ, ulcera Telephia, Chironia, ſcabieſ foeda, lepræ contermina & puſtuliſ ſanioſiſ & pruriginofiſ ex-cranda, Epil. inſania, ophtalmicâ demum, lateraleſ & arthriticâ querelâ ex luculentâ Hipp. Gal. Avicen. Benivenii, Hollerii, Saxonia, Hildani, Bartholini, aliorumque benè multorum ἀποψία. Sed verborum parcûſ, tot hitoriariuſ famam ſupprimo.

6. Curationem nec miraculoſam, uti Paulina eſt apud Melitæoſ; nec ſictam, ut Amphireti, dyſenteriam (quò Lemniſ Pyraſiſ ſeſe ſubduceret,) epotâ rubricâ ſimulantis, ſed Medicam atque Germanam adhibemus.

Ulcûſ ergo tergemuſ atque ſolidamuſ: Cauſam retundimuſ: Symptomata demulcemuſ, atque etiam depellimuſ.

Rem totam brevibuſ confeſturi, erectum in Pharmaceuticoſ, Chirurgicoſ, Diæticôſque fonteſ digitum intendimuſ.

Pituitam, bilem, ſerum atque puſ retuſa exterminamuſ. Feraſ ipſâſ, quæ viſcera noſtra depaſcuntur, vel vafrè & ſubdolè vinô oleoſo atque lacte, ineſcamuſ, cicuramuſ, ſoporamuſ, ne noſtra ſæviant in præcordia; vel apertô Marte, ceu tot hoſtileſ copieſ, amariſ, catharticiſque fundimuſ atque fugamuſ.

Aſſumtiſ aſteriſ dyſenteriam ortam aromaticiſ compeſcimuſ, Vinô v. g. aromatite, Theriac. Mithridat. Opiat. Salom. Diaſc. Frac. Sal. Volat. ol. Salv. Roriſm. Cort. arantior. & citr. caryoph. Item gingib. nucif. myrob. &c. conditiſ. Aſt iſthæc bilioſum v. g. febrilem focum luculentioſem incendunt. Aliundè etiam quæ inter illâ pulvereſ admittunt malè lævigatoſ, ſuiſ ſpiculiſ ulcûſ refricant, & doloribuſ acuunt. Dyſenteriam verò, mochliciſ genitam, ab ipſiſ, ut ita loquar, incunabuliſ extinguiamuſ, oleoſiſ quippe atque mucilaginoſiſ, lacte præſertim, cum inteſtina loricamuſ, tum inprimiſ, catharticiſ mordacitatem infranamuſ.

Febris ſi deurit ſitiſ fera, inflammatio ſi vel ſuborta, vel in procinctu eſt, dolor atrox ſi vigiliſ atterit, viſeſque ſi conſtant, calida, purgantiâque exulent. Refrigerantiâ verò atque lenientia veniant in uſuſ, tundaturque baſilica, Praxim noſtram ne traducant Aëtiiſ, Trallianuſ, Altomari, Holleriuſ, Valetiuſ, Botalluſ, Duretûſ, Schenckiuſ, Hildanuſ, Hautinnuſ, Claudinuſ, Sepraliuſ, Rhodiûſ atque Riveriûſ, alioſ numeroſoſ ne adducamuſ venæſectione feliciter uſoſ. Abſit ergo τοῖς αἰ μωφότοιſ Εἰραῖſερατῶτοιſ palpuſ ut obtrudamuſ; Abſit ruruſ αἰματοφότοιſ ut aſſurgamuſ; profuſâſ enim execramur αἰματοεχχυſiâſ; purpureâſ enim ægrotantiuſ animâſ evocant. Mediſ miſſimuſ ibiſ.

Practiciſ emunctâ nariſ deridendoſ ſeſe propinant Cathedraleſ Doctoreſ, dum Rhab. &

Tamarindos apud. *Rondeletium, Hollerium, Duretum, Forestum, Hildanum, Septalium*, atque *Sennertū*, culpata legunt, atque idcirco omnes omnino purgantium decurias rejiciunt: Felix enim ad *Chronicam Dysenteriam* iteratæ atq; decies repetitæ purgationis exitus, secus sentientes arguit. Lactentes ipsos atque prægnantes, *mens Pr.* tuto purgat Syr. vel violac. vel de cichor. comp. cum rh. vel ros. solut. veter. vel Cathol. Fern. simpl. quadruplicatō rheo, vel extract. rhab. vel ejusdem aut insensō aut decoct. cum Cortic. myrob. citrin. sant, citr. & crocō ex aq. plantag. *Cane pejus & angue, hic, ut & alias in torminosis*, diagrydiata, mercuriata, unō verbō, omnia *mochlica* refugimus. Usus si præscriptis exposcit fortiora, sambucinam ebulinamque sapam, unā cum illarum tragemate Quercetanicō nulli secundas habemus.

Sed ne fusiores simus, Diætetica medicamentosa electè digeramus. peritiorum erit morbi ficæ causæ culibet palmaria tribuisse.

Alterentur gallinacea, vervecinaque juscula oxylapat. agrim. plant. burs. past. vincā perv.

Decoquantur aut petioli, aut omasa vitulina, aut vervecinum caput suā obductum alutā, additis subsidente fervore santal. rubr. mace, cinnamomō, pareturque gelatina frequentis usus.

Palnam habent lacti incoctæ summitates hypericonis & tapfi barbat. cum incisis capit. papav. alb. & cydoniorum sem. crocique momentō, non omissis ovor. vitellis ad frequentes tepidosque hasutus.

Ptisanam paramus vel ex rad. Symphyt. maj. filipend. mor. vel ex ras. ebor. C. C. subere, haud neglectis usis tempore Syr. vel de cyd. vel de ros. rubr. sicc. vel de corall. vel de granat. acid vel de oxyacanth. vel guttulis demum è lap. hæmat. tinct. secretiorimodo parat.

Bubulum coctum & calculis ignitis sapius fervidum aut per se, aut in pultem redact. sive amylo, sive far. fabar. vel oryzæ, vel lentium, vel milii, cum tragac. g. momentō, miras virtutes exerit:

Sorbiles insuper ovor. vitelli cum olivō vel amygdalinō optimis, saccharatā vel plantag. vel rosar. aq. superhaustā, non infimas tenent. Imò primas tenebunt, si modicum admiserint vel laud. vel mast. vel terr. sig. vel bol. Arm. vel bals. Ægypt. aut Peruvian. vel etiam sulphuris Terebinthinat. vel ætherei demum terebinth. spir. Tota etiam terebinth. cedat in usus, vel ex ovi vitellō, vel cum pulv. Arm. boli, vel ex ovi testā, additō, vitelli vice, syr. cydonior. momentō; vel in Enematis demum, ex vaccinō coctō cum hypericon. tapf. barbat. ros. rubr. atque cytinis additis ovor. vitell. vel ol. hyperici, cydonior. aut lentisc.

Vilibus & incultis, notæ melioris Practici nec alb. Græc, nec Arcadici pecoris, nec Bœoticæ suis recrementa dare despiciunt. *Hactenus Theses memoratæ. jam videamus quæ Thomas Willis in sua habet dissertatione.*

Quamvis Dysenterix vocabulum, communi acceptione Alvi fluxum cruentum, sicut Diarrhæa humoralem denotet; attamen salva Etymologia, libet nomen istud morbo huic Londinensi, etiam quando minimè sanguinolentus est, applicare. Etenim sæpe, & jam dudum

observavi, fluxus illius, qui ferè quotannis hic circa Autumnum increbrescere solitus, vulgo ventris tormina (sive nostro Idiomate) *Gripping of the Guts*) appellatur, duas, & longè diversas esse Species; in una sedes Aquosæ & quasi limpida cum subita virium prostratione, in altera cruentæ attamen tolerabiles existunt; dejectiones interim biliosæ, aut phlegmaticæ (dum alteruter morbus grassatur) rarius eveniunt, & morbum non ita mali moris esse denotant. Quo utrique isti morbi Dysenterici, quoad rationes formales, causas, & ab invicem differentias, clarè innotescant, ex re fore videtur utriusque Typos, quibusdam annis quando endemii fuerunt, à me observatos, & tunc graphice descriptos, hic subicere.

Anno 1670. circa Æquinoctium Autumnale quamplurimi Dysenteria incruenta, verum atroci admodum & valde periculosa laborabant Affectus, & subito, & frequenter absque manifesta occasione invadens, laborantes cum vomitu immani & sedibus crebris, & aquosis cito in maximam debilitatem inque spirituum horrenda deliquia, & virium omnium prostrationes redigebat. Novi plures pridie latis sanos, & valde robustos intra 12. horas morbi hujus Tyrannidi adeo miserrime dejectos, ut cum pulsu debili, & exili, sudore frigido, atque respiratione anhela & elata, jam jam moribundi viderentur: & quidem non pauci, quibus remedia idonea aut medendi oportunitas defuerunt, ab eo cito interibant. Ægritudo hæc per mensem integrum desævians circa Idus Octobris decrescere cœpit, & autē calendas Novembris fere in totum evanuit. Pauci eo tempore sedes cruentas, & non multi biliosas, plurimi vero & vomitus & alvi dejectiones aquosas & ferè ilimpidas, & copiosas, habuerunt. Dumque intra hanc Urbem Dysenteria ista popularis adeo immaniter grassata est, ruri aut saltem ultra tria milliaria fere nullus decubuit. Porro hic loci quamvis plurimi ægrotabant, morbus haud per contagium propagari, sed tantum prædispositos afficere videbatur. Nam in eadem familia cum affectis conversati, haud magis quam eorum contubernia vitantes, corripiebantur.

Pro curatione hujus morbi, nulla evacuatio juvabat, quinimo phlebotomia, vomitus, & catharsis nunquam non nocebant; verum remedia fere tantum cardiaca, eaque calidissima, sc. spiritu, ac sulphure aut sale volatili abundantia, commoda fuerunt; in tantum, ut spiritus vini cum saccharo parum deflagratus remedium popolare, & quasi epidemicum fuerit; atque in tali dysenteria fere semper proficuum; etsi in altera cruenta indifferenter usurpatum sæpe noxium deprehenderetur. Medendi methodus, quam in plurimis satis feliciter tunc adhibui, & simili casu etiamnum soleo, juxta modum sequentem fuit.

℞. Theriacæ Andromachi ℥j. vel ℥iiss. sumat. in lecto superbibendo Julapii sequentis cochl. vii. vel viii. & repetat tertia vel quarta vel quinta quaque hora.

℞. Aq. Menthæ, Cinnam. hord. ana ℥iij. Aq. Cinnam fort. Epidem. Theriacal. ana ℥ii. Margar. pul. ℥i. sacchari crystal. ℥iiss. misce f. Julap.

Eodem tempore placenta, ex pane tosto Theriaca illinito, & vino generoso aut rubro calfacto intincta, ventriculo calidissime applicetur, & subinde mutetur.

Vesperis si pulsus, & respiratio satis robusta fuerint, propinetur Laudani liquidi Cydoniati gr. xx. in haustu. Ap. Epidem.

℞. Diascordii ʒi. Laudani liquid. ℥ss. pul. è chelis compos. ʒj. Aq. Cinnam. q. s. f. Bolus sumend. hora somni.

Quibus Theriaca, & Mithridatium nausæ sunt minus congruunt, exhibeatur dosis pulveris sequentis, aut spiritus Theriacalis, tertia quaque hora cum Julapio.

℞. Pul. è chelis compos. rad. contrayer. serpentariæ, Virgin. ana ʒj. Cinnamom. rad. Tormentillæ, ana ʒss. croci, coccinellæ, ana ʒj. f. pul. Dos. ʒss. ad ʒj.

℞. Sp. Theriacalis Armoniaci ʒiii. Dos. ʒj. cum Julapio quarta quaque hora, vel intermediis temporibus inter doses pulveris. Eodem modo sp. C. C. vel fuliginis exhiberi possint. Potus sit cervisia cum crusta panis, macerè, & Cinnam. coctis, edulcorata, aut vinum ustum, & aqua Menthæ dilutum. Victus sit juscum puli, aut avenaceum, aut panatella cum rasurâ C. C. eboris rad. Scorzon. &c. incoctis.

Circa morbi hujus endemii Ætiologiam, imprimis quæ causa ejus conjuncta fuerit, disquiramus: cujusmodi nempe humor peccans, & excernendus viscera adeo infestavit, inque spasmos excretorios cum torminibus, totius corporis perturbatione, & virium omnium subita prostratione iritaverit. Certè nullus hunc bilem, vel succum pancreaticum, aliumve quemvis intra ductus intestinales genitum putabit: nec quidem à mero sanguine (prout aliquando in febrium crisis accidit) eum in viscera suffusum credimus. Quin potius (uti ex subito languore, & cita spirituum animalium concidentia, & partium omnium enervatione conjicere licebit) suspicamur in hoc affectu succos corporis præstantiores, scilicet nervosum, & nutritium solidis partibus adpositum, à crasi sua penitus vitari, & quasi fluorem passos deliquari, inque massam sanguineam redundare; dein statim ex ea (si quidem incongrui, & immiscibiles, atque per urinam aut diapnoen amandari inhabiles fuerint) versus stomachum, & intestina per vasa cœliaca transferri, ididemque arteriarum osculis confitissimis exundantes, horrenda isthæc symptomata dysenterica excitare. Porro videtur quod insimul ipse sanguis aliorum humorum gurgite perfusus una colliquescat, inque crasi solutus liquamina sua, cum alteris recrementis in viscerum cavitates profund. nt.

Certè ex nulla alia causa fibræ omnes motrices, cum totius Animæ concidentia è vestigio resolvi possint, nisi quod humor eosa ctuans, & in quo spiritus Animales hospitantur, eas prorsus destituens, efflueret & quidem effluere censemus, quatenus in crasi vitiatum, & quasi lac coalescens Partes continentes molestat, inque corrugationes, quibus excutitur iste irritet. Præterea morbum hunc fere semper cum rigore capisse advertimus, cui tamen calor & æstus febrilis minimè succedebant, quia sanguis, licet per se parum in vitio, nihilominus succi al-

terius invadentis diluvio pene obrutus, haud emergere aut se recolligere potuit, ut febriliter ac in crisin effervesceret. Hinc cardiaca non nisi fortiora, & calidissima, uti aquæ ac spiritus ardentes, Theriaca, Mithridatium, & similia juvant; quorum viz. particulæ summe activæ, dum vasorum splanchnicorum oscula facile subierint, humores exundaturos repellerent; porro sensim in massam sanguineam se insinuantes ipsum vigorarent, inque fermentationem & diaphoreses motum cierent; quo & crasin pristinam recuperare, & quicquid ei incongruum ingeritur, in habitum corporis retorquere queat.

Hæc de morbi hujus causa conjuncta, sive proxima, remotiores sunt προγενεσφαι, sive antecedentes, manifestæ, sive evidentes; illæ denotant à qua προφασι, sive apparatu diathesis hujusmodi morbida & epidemica procedit; atque hæc propter quas occasiones, in Affectum Dysentericum citius prorumpit. Quoad priorem, morbus hic siquidem frequentius in Autumno grassatur, immoderatæ fructuum æstivorum, seu potius ὀρεῖων comestioni, à pluribus ascribitur; quod equidem pro dysenteria cruenta in causæ partem facile admittimus; quin etiam in aliquibus, morbum prædictum inde seminum quoddam habuisse merito suspicamur. At vero hanc causam istius morbi haud integram & adæquatam esse, vel hinc constat, quia multi hujus urbis incolæ, fructibus abstinentes, aut parcius utentes Dysenteria incruenta, dum epidemica fuit, passim laborabant; atq; alii fructivori in pagis vicinis ab ea prorsus immunes, febribus aliis sine alvi torminibus, aut fluxu affiebantur. Enimvero sæpius observavi (quod etiam hoc Anno contigit) post æstatem impensè calidam & siccam, in Autumno febrem Epidemicam, & Anomalam, in pluribus Angliæ locis increbuisse, atque tunc temporis Londinenses pauciores quidem ab ista febre, quam plurimos vero à morbo dysenterico decubuisse: cujus ratio videtur esse, quod cum corpora nostra propter æstatis prægressam intemperiem, in febres Autumnales disponantur, in fumoso & spississimo hoc aëre, illæ potius in hanc morbi speciem determinantur. Quippe transpiratione impedita, humorum degenerum corruptelæ, per cutis poros efferri inhabiles, intus restagnant; ibidemque, ex arteriis simul omnibus erumpentes, horrenda isthæc viscerum pathemata inducunt.

Porro tempestas æstiva, juxta quod magis aut minus calida aut frigida insimulque humida, vel sicca fuerit, magnam in corporum nostrorum humoribus, prout etiam in succis quibusque fermentativis, alterationem facit; eosque à crasi sæpe genuina, in naturam acrem, aut acetosam, aut adustam pervertit. Insuper in quibusdam Annis mutatio isthæc potissimum Sanguini, inque aliis magis Liquori Nervoso imprimatur. Ratione prioris, plerumque febres Autumnales, vel synochæ acutæ, vel intermittentes, atroces insequuntur; respectu alterius, febres anomalæ, & mali moris oriuntur; in quibus sine magna sanguinis incallescencia, aut morbi crisi, cerebri & nervosi generis affectiones periculosa increbrescunt. Porro in hujusmodi pathematis, aut liquoris nervosi sensim dege-

degeneris recrementa, pigri motus sine turgescencia critica lente ac paulatim aggesta, ac intra partes continentes diu permanentia, febres *redigendæ* cum torpore, & stupore (quales in spasmologia nostra olim descripsimus) pariunt: aut succi istius in crasi sua multum ac subito mutari corruptelæ, magis efferæ & activæ cum fluore quodam turgescunt, atque è fibris, partibusque nerveis, & solidis ubique in massam sanguineam redundant, & exinde statim in viscerum cavitates exudantes, dysenteriam huiusmodi incurrentem, qualis modo describitur, producant; & quidem hunc ventris fluxum aquosum à succi nervei, & nutritii potius, quam ipsius sanguinis depravatione, & colliquatione exoriri, propter subitas & magnas spirituum dejectiones (quas tanta meri sanguinis effusio non pareret) hinc insuper constat, quoniam hoc morbo laborantes, non æstu ac faucium ardore, aut linguæ scabritie molestantur, quin medicamenta calidissima bene tolerant; & quamprimum ab iis exhibitis humoris peccantis inversio, inque habitum corporis retorsio procuratur, illi sine febre, vigilia, a liis-que sanguinis corrupti consequentiis facile convalescunt.

Circum morbi huius causas evidentes non est ut multum differamus, quando talis Anni constitutio est, ut propter iniquam aëris aut cœli influentiam succi à sanguine procreati scilicet nerveus, & nutritius à debita crasi, in alienam naturam infestum, ac uti videtur acetosum, & proinde dysentericam degenerent. Errores in victu aliisque non naturalibus tunc temporis admissi pravam ejusmodi diathesin fovant, adaugent, citiusque in turgescentiæ eccathartica plenitudinem perducunt: singulas, à quibus fiunt, causas manifestas, & occasiones, non operæ pretium erit hic particulatim explicare, quin potius ad dysentericæ alterius, nempe cruentæ, Theoriam exponendam transeamus.

De Dysenteria Cruenta.

Autumnus Anni 1670. dysenteria incruenta modo descripta insignem, Hyems impenso frigida, qualem vix quisquam tunc vivens cognoverat; insequuta est: nec minus alterius extremi particeps erat Æstas succedens, calidissima nempe & siccissima; ingruente posthæc Æquinoctio autumnali Febris epidemica exorta, per totam fere Angliam grassabatur. Hæc febris intermittens typum servans, paroxysmos modo quotidianos, modo tertianos habuit, cum nullo tamen aut perexiguo tantum frigore, sed calore valde intenso, qui per plures horas, & non raro ultra nycthemeri spatium protractus, vix in sudorem, eumque non nisi partialem, & sæpe interruptum transibat, *ætuosa* minimè succedente. Laborantes statim languore insolito, vigiliis, vertigine, & frequenter cephalalgia immani afficiebantur; atque morbus raro aut nunquam crisi perfecta judicatus, diutissimè protelabatur, & non raro capiti, aut pectori noxam incurabilem affigens, in affectionem Soporosam aut Phtisicam, & sæpe lethalem definebat. Febrem huic similem in Puretologia nostra, una cum Theoria & Therapeusi, olim descripsimus; quam & simili-

lis Anni constitutio præcessit.

Dum vero hæc febris ruri per vicos, & opida ubique fere palabatur, Londini Dysenteria vere cruenta, utpote tum sanguinolenta tum crudelis valde desævians, complures in sepulchrum subito præcipitabat. A prima huius morbi invasione, plerumque cum ventris dolore, & torminibus, cruor copiose & crebro deiciebatur; vigiliæ pertinaces, cum febre & siti ingenti urgere solebant; usque tamen vires medicriter constabant, ita ut affecti, postquam circiter hebdomadam agrotantes, fere vigesies quotidie dejecerint, lecto exsurgere potuerint. Dejectiones cruentæ licet terribiles viderentur, attamen laborantes haud cito interibant, quin plures septimanas, immo interdum menses sanguinem quotidie in magna copia excernentes perstitebant; & demum, siquando morbus usque in pejus vergens in exitum tenderet, ante lethum symptomata alia, ac imprimis vigiliæ, linguæ ac oris scabrities, sitis, & nonnunquam Aphæ exitiales apparebant; quinimo fluxu intempestivo, & debito citius cohibito symptomata ista citius erumpentia, magnum vitæ periculum indicabant. Pauperes mala victus ratione, à longo tempore prius usi, etiam quorum cura ab initio prætermittitur, aut perperâ administrata fuit, frequenter interibant, aut ægrius convalescebant; è contra meliori corporis habitu præditi, atque medicina tempestiva ac idonea freti sepius evaserunt. Porro ipse morbus, licet Epidemicus, haud tamen pariter in omnibus malignus, sed in quibusdam mitior, inque aliis atrocior videbatur; viz. Alvi fluxus ab initio modo lenis, & diarrhæa non ab- similis fuit, in qua dejectiones licet crebræ; sine dolore tamen, aut multo sanguine facile, ac interdum cito curabantur. Modo affectus iste valde teter, ac horrendus apparebat, in quo nempe sanguis in copia ingenti cum torminibus, & cruciatu acerrimo profunde- batur. Cæterum dejectiones in his liquidæ, & sanguine diluto tinctæ, instar loturæ carni- um, in aliis crassiore cruore saturatæ, ac insuper muc- o albicante, & non raro membranarum frustis refertæ fuerunt. Doloris sedes modo superior, modo inferior, in his intestina tenuia, in illis crassa magis affici indicabat.

Medendi methodus, cum remediis quæ in plurimis juvamen contulisse deprehendi, juxta modum sequentem fuit. Imprimis ad fluxum paulo sistendum, aut moderandum.

℞. Theriacæ Andromachi ℥j. laudani liquidi Cydoniati gr. xx. f. Bolus hora somni sumend.

℞. Conser. rosar. rub. vitriol. ℥ii. Theriacæ And. ℥j. pul. rad. Tormentillæ, Contrayer. Margarit. Corallii præpar. ana ℥j. syrup. è rosis siccis q. s. f. confect. sumat. quarta vel quinta quaque hora q. nucis castan. superbibendo Iulapii sequentis ℥iii.

℞. Aq. Menthæ, Meliss. Cinnam. hord. ana ℥iv. Theriacalis, Epidem. ana ℥ii. Marg. ℥i. sacchari ℥i. misce, f. Iulap.

Post diem unum aut alterum exhibeatur portio purgans & astrictoria.

℞. Rhabarb. incis. ℥ii. myrobalan. citrin. incis. ℥i. sant. rub. Cinnam. ana ℥i. f. infusio per noctem in aq. plantag. & Cinnam. hord.

Rrrr 3

ana ℥iiss. f. express. fortis, cui add. Aq. Cinnamonomi fort. ℥iiss. f. haustus.

Unoquoque vespere, ac insuper in quibusdam casibus interdum Laudani Dosis satis magnam exhibere solebam; nec unquam dysenterico cuiquam medicamentum hoc obfuisse novi; siue quod medicamenti vis narcotica à ventriculi succo acidiori perdometur & quasi cicuretur, seu potius, quod particula ejus ad sanguinem transmissa, exinde rursus, quo minus cerebrum afficiunt, cum sedibus cruentis citro eliminantur.

Quibus Confectio superior, aut nausea, aut minus commoda fuerit, loco ejus pulvis sequens exhibeatur.

℥. Pul. pannonicus rub. ℥i. rad. Contrayer. ℥ss. f. pul. divide in tres partes, sumatur pars j. in quolibet liquore.

Vel ℥. Boli Armen. Alexit. (hoc est succis fol. Torment. Bistort. ros. rub. &c. imprægnat. & sole exsiccat.) rad. Contrayer. ana ℥j. Margarit. Corallii rub. succini albis. ana ℥ss. f. pulvis. Dosis ℥ii. ad ℥j.

℥. Rad. Caryophyll. Scorzonæ, ana ℥j. Torment. Bistort. Contrayer. ana ℥iiss. C. C. ulsi ℥iii. rasuræ eboris, C. C. ana ℥ii. Cocci nel. ℥ss. flor. ros. rub. ℥ii. coquantur in f. q. aq. font. ad ℥b. ii. circa finem adde conser. ros. rub. ℥iii. colaturæ clarificatæ adde Aq. Epidem. ℥iv. Dosis iii.

Ad sedanda intestinorum tormina, & erosiones sanandas enemata crebro ex usu esse solent.

℥. Decoct. summitatum hyperici, cum pedibus vervecinis, aut mesenterio ovino ℥vii. vel xii. Theriacæ Andr. ℥ii. olei hyperici ℥iiss. f. enema.

Omitto hic plures alias medicamentorum formulas, quæ in libris practicis passim extant, & quas unusquisque pro re nata præscribere possit, ac debeat. Quod superest in morbi hujus Epidemici, seu potius Endemii Ætiologiam paulum inquiramus.

Dysenteriam, uti non incruentam, ita nec cruentam à meris intestinorum contentis acrioribus procedere ex prædictis satis constat. Porro sicut alter iste morbus, à Liquoris Nervei, & Succu Nutritii degeneris fluore; ita hic potissimum à Sanguinis corruptela & vitio originem habuisse videtur; ac ideo quemadmodum istius hic loci Endemii alibi ægritudo *υπερδυσ* contemporanea fuit, ita cum Dysenteria cruenta Londinensis afflxit, febris intermittens tertianæ hæmitritæ (prout à Medicis describitur) similis reliquam Angliam infestabat. Et quidem satis obvium erit concipere, cum sanguis æstivis caloribus assatus, proindeque circa Autumnum in effervescentias febriles, & tanquam vina excalescentia in fermentationes, quibus expurgentur, immodicas aptus fuerit, si particulas degeneres & excernendas propter Diapnoen, in aura spissiori impeditam, ordinaria per diaphoresin via amandare nequeat; quod iste effervescens adhuc, eas versus intestina transferat, perque arteriarum ibi confitissimarum oscula magis patentia eliminare satagat. At vero siquidem cruoris degeneris recrementa incongrua, siue *μίσματων οστέων* ei penitus incocta: & intime confusa non facile extricari,

aut secerni possunt, propterea iste saburra hac gravidus, ac onustus, inter circulandum, vala exiliora dum pertransit, plurimum coarctatur; proindeque circa intestinorum superficies internas, ubi arteriarum tunica sunt teneriores, & oscula laxiora, sanguis ibi turgescens, simulque ob particulas heterogeneas, quibus satur est, incrassatus, & ad coagulandum aptus, facile erumpit; cumque recrementa sua secernere & exuere nequeat, sui ipsius portiones iis maxime infestas effundit.

Itaque ad Dysenteriam Popularem excitandam tria hæc concurrere oportebit viz. imprimis adsit massæ sanguineæ dyscrasia, propter Anni intemperiem exorta, quæ in effervescentias febriles, aut sponte, aut occasionaliter ineundas, valde proclivis sit. Quapropter dum hic morbus Londini, febris Anomala in ple-risque aliis locis grassari solet. Secundo sanguinis ita effervescentis, & crasi degeneris recrementa, & corruptelæ ipsi intime adeo confunduntur, & incoquantur, ut neque facile secerni, nec Diaphoresi, aut Diuresi cito eliminari possint. Quare observavimus Febrem Dysentericam huic contemporaneam usque diuturnam, & judicatu difficillimam fuisse, ejusque paroxysmos vix unquam in *ἀνυπερίσταν* delisse. Tercio his accedat (quæ diatheses prædictas in Dysenteriam cruentam determinat) pororum contipatio, propter fumosam & crassiorem aëris constitutionem inducta: Hæc etenim sanguinis effervescentiam *κατὰ πόρον* versus intestina dirigit; ubi cum purgamenta ejus secerni, ac à reliqua liquoris massa facile abscedere nequeant, ipse per portiones maxime infestas, & proinde extravasari aptas, sponte effluit.

Propter hujusmodi apparatus Dysenteria Londinensis ordinaria, & non admodum maligna exoriri solet; quæ licet præ sedibus cruentis, horrenda statim, & plerumque diuturna est, haud tamen valde contagiosa, aut sæpius lethalis existit. Verum insuper hic morbus interdum virulentus & quasi pestilentialis plures interficit, & miasma suum per contagium late explicat. Porro in tali statu sanguinis portiones malignitate quadam tactæ, velut in peste corrumpi incipiunt, & statim à reliqua massa, ne tota mox pessundetur, secerni, & eliminari debent; quæ tamen siquidem crassiores, proindeque per alvum potius, quam per habitum corporis aut urinam, expurgari aptæ, Arteriæ Coeliacæ, & mesentericæ ductu intestinorum tunicis inferuntur; ubi cum à reliquo sanguine non facile abscedunt, partim è vasis erumpentes, sedes cruentas inducunt, partimque intestinorum membranis infixæ, diathesin in iis aut phlegmonoeiden aut ulcerosam, quandoque item sphacelofam, & cito exitialem pariunt.

Hæc de Dysenteria cruenta, quatenus circa Autumnum hujus loci morbus endemius esse solet, causis, tum Conjuncta tum Antecedenti: quod spectat ad causas manifestas, siue occasiones quæ diathesin *υπερδυσ* citius in actum deducunt, huc imprimis referri debent mala victus ratio, atque aëris inspirati pravitas; quapropter in quacumpue regione, ob fetorem, & vitiosa alimenta militum castris, & captivorum carceribus familiaris existit; por-

ro ad hunc censum pleraque alia in non naturalibus errata pertinent, de quibus nec otium, nec operæ pretium erit hic particularius disserere.

Indicationes Therapeuticæ, in quas medendi ratio, sive praxis superius adumbrata resolvitur, potest, præcipuæ, sive primariæ sunt quatuor, scilicet dux respectu sanguinis, ac totidem respectu Viscerum. Primo quoad sanguinem, tum recrementa & corruptelas ejus intus vergentia exterius versus habitum corporis, quo per *Agmolum* exhalant, propellere, tum coagulationes ejus dissolvere, & crasin, quantum, & quamprimum fieri potest, restituere oportebit: Prius horum Diaphoreticis, & alterum Alexipharmacis idoneis perficitur. Secundo quod spectat ad viscera, fibrarum nervearum sensio molesta, & carnearum ad spasmos excretorios irritatio sedari, atque vasorum oscula, ne sanguinem, & humores in ductus intestinales profundant, occludi debent. Prius horum Opiata, & alterum remedia Styptica, sive astringentia efficere solent: Insuper his, symptomata maxime urgentia, & malos affectus huic morbo supervenire solitos, cujusmodi imprimis sunt Febris cum Siti ac Vigilii, intestinorum tormina, ac interdum erositio, inflammatio, ac ulcera, sanare oportet.

Indicationibus istis primariis non singulatim & successive insistendum erit, verum eas simul omnes complicare, eodem tempore prosequi incumbit. Quapropter medicamentorum formulæ, remedia diversi generis, sc. Alexiteria, Styptica, Diaphoretica, & Opiata comprehendere debent. Quoniam non facile erit hæc in methodum certam, & præcepta, quæ plurimis convenient, redigere; ideo satius duxi curationum dysentericarum Autumno Anni 1673. quando hic morbus atrociter desævit, factarum, exempla quædam nunc in medium proferre.

Juvenis illustris 25. circiter annos natus, temperamenti sanguinei, & constitutionis prius sanæ, circa calendas Octobris, sine causa manifesta in dysenteriam incidit; & quamvis à primo statim die, sedes copiosæ & cruentæ cum torminibus erant; attamen robustus, & viribus adhuc constans medicinam, ad tertiam usque diem distulit, quo tempore, sera nocte accersitus præscripsi bolum sequentem.

℞. Theriacæ Androm. 3j. laud. liquid. Cydoniat. ʒj. misce, superbibat Julapij sequentis haustulum.

℞. Aq. Tormentillæ, Menthæ, Cinnam. hord. ana ʒiv. Theriacalis Epidem. ana ʒij. Margarit. ʒj. sacchari ʒj. f. Julap. porro tertia quaque hora cepit electuarij sequent. circiter ʒjss. cum eodem Julapio.

℞. Conserv. Ros. Rub. ʒij. Ther. Androm. ʒj. pulv. rad. Torment. contrayer. margarit. corall. præ ana ʒss. syr. papav. Rhead. q. s.

His remediis morbi ferocia cito minuebatur, ut nichilominus spatium vix supra 6. aut 7. sedes habuerit, quæ item non valde cruentæ ut prius, sed carunculis, & quasi membranarum frustis refertæ apparebant; quod ita proculdubio fiebat propter tunicæ villosæ portiunculas quasdam erosas: unoquoque vespere opiata laudano sumebatur.

Die morbi quinta cepit haustum sequentem
℞. Rhabarb. incis. ʒij. myrobalanor. citrin. ʒjss. fant. citrin. ʒss. Cinnam. pul. ʒj. salis absinth. ʒss. f. infus. per noctem in aq. plantag. & Cinnam. hordeat. ana ʒijss. colaturæ adde aq. Cinnam. fort. ʒij.

Ter vel quater purgabatur cum levamine, & die postero, febre imminuta melius habuit, adeo ut convalescere visus carnes comederit; inde tamen mox recidivam passus est, ut dysenteria cum febre rediens statim atrocior quam ab initio fuerit, eo tempore, cum medicamenta priora nauseæ esse cœperint, juxta modum sequentem præscripsi.

℞. Pul. rad. Tormentillæ, Contrayer. boli alexiterij ana ʒj. Margarit. corall. rub. pr. succini albi ana ʒss. f. pulv. dosis ʒss. in aq. destillat. ʒij.

℞. Summit. Cupressi, Myrti, ana M. iv. folior. Ulmarie, Pimpinell. Hyperici, Caryophyllat. ana M. iij. rad. torment. Bistort. ana ʒvi. florum ros. rub. M. iv. Baccar. Chermes ʒiv. Cinnam. maceris, ana ʒj. concis. omnibus, & simul contusis affunde vini rub. Florentini, Aq. rosar. rub. ʒb. iv. destillantur organis communibus, liquor totus misceatur & edulcoretur inter sumendum, cum syr. è coralliis. Item ter, vel quater in die cepit decocti sequentis ʒiii. vel iv.

℞. Rad. Caryophyllatæ, Scorzonera, ana ʒi. Torment. ʒi. CC. usti, & pul. ʒvi. ras. Eboris CC. ana ʒii. summitat. Hyper. M. j. flor. ros. rub. balauft. ana p. i. coquantur in aq. font. lib. ij. ad iij. addendo circa finem vini rub. Lisbon. ʒiv. confer. ros. rub. ʒiv. effervescent clausæ per horam i. dein coletur per Manicam Hippocratis.

Singulis noctibus cepit Laudani liquid. ʒj. in aq. dysentericæ modo descriptæ cum syrupo caryophyl. ʒiii.

Pro potu ordinario decoctum CC. usti, cum hordeo, crusta panis, macere, & Cinnam. cujus lib. iij. lactis recentis lib. i. addebatur.

Infusio purgans iterum sumebatur, cujus, & priorum usu, intra 10. dies febre evanescente dysenteria longe mitior evasit, quæ licet sine torminibus aut multo sanguine, usque tamen cum carunculis, membranarum frustis, & phlegmate sive gelatina cruenta quotidie excretis, persistit.

Itaque ad intestina corroboranda, & sananda sequentia exhibebantur.

℞. Summitatum Cyperici, folior. vincæperviricæ, pilosellæ ana M. j. flor. rosar. rub. pug. i. coquantur in jure intestinorum vervecin. colaturæ lib. j. adde olei Hyperici ʒii. mellis ros. ʒiij. misce pro duobus clysteribus, quorum unus mane, & alter hora quinta pomeridian. injiciebatur. Emplastrum de Minio & Paracelsi sup. abdomen gestabatur, porro bis in die cepit succi plantaginis cum Aq. Scordij & epidemica expressi ʒiii. item quotidie comedebat pomum Cydonium excavatum, atque pulvere olibani, Mastichis, & balsami Tolutani impletum ac sub cineribus coctum.

His remediis constanter usus, intra mensem perfecte convalescebat.

Circa idem tempus Juvenis alter robustus in Dysenteriam terribilem incidit: à primo statim

die sedes crebræ, & valde cruentæ cum dolore & torminibus erumpebant; insuper febris intensa, cum vomitu atroci, siti, & vigiliis infestabant: cum ab opiatīs assumptis symptomata hæc paulo mitigarentur, mox delirio, & vertigine, cum pulsu intermittente, & rigoribus horrendis afficiebatur; in quantum sc. materies maligna intus cohibita, illico in cerebrum, & nervos redundaret; qui tamen affectus quoties alvi fluxus, & vomitus redirent, illico sedabantur. Die quinta materiam cruentam evomens, de insigni stomachi cruciatu, & dolore velut ulcerolo conquestus erat; revera ut suspicio esset illic phlegmonem, aut ulcus, prout circa intestina assolet, incepisse; verum à jussulis emollientibus, & lacteatis adhibitis, vomitio, & stomachi tormina brevi cessabant, aucto interim alvi fluxu. Cepit ista nocte Diacodii ℥i. cum aq. Paralyseos, & Cinnamomi aquosa ana ℥iiss. à quo remedio in tantum alleviabatur, ut nycthemeri spatio, sine vomitu, aut doloribus, & paucis tantum sedibus cumque pulsu laudabili, & crebro somno mediocriter habuerit, verum nocte insequente repetita licet eadem opiata alvi fluxus valde frequens, & cruentus redibat. Postridie cepit infusionem Rhabarb. cum myrobalan. sant. rub. & Cinnam. crebro dejecit biliosa, summe acria, & prorsus incruenta; dein vesperi isto sumsit laudani liquidī cydoniati gt. xxv. in cochl. aq. Cinnamomi hordeat. somnos modicos, & magis placidos habuit. Postea medicamentorum plurimum abhorrens, cepit tantum opiata unoquoque vespere, modo hanc modo istam, & brevi convaluit.

*Curationes, Consultationes, Observationes
& Anatomica Inspectiones
ex variis.*

In Dysenteria proprietate (cæteris omnino observatis, quæ in cruenta dejectione necessaria sunt) specificâ unice juvant.

1. Essentia seu tinctura smaragdi, quæ fit hōc modo.

℥. Particulas seu recrementa smaragdi (℥j. venit 4. vel 5. basis) tere; (non in mortario nisi ferreo) pulverem tenuissimum super porphyrio, superfunde urinam puerorum simplici destillatione paratam, & in loco calido tincturam extrahe, quam toties affuso menstruo recenti collige, quoties illa in idem mittitur. Tincturas omnes collectas & filtratas, ablato per destillationem menstruo, reduc in pulverem griseum, quem de novo cum sp. Vini extrahe in summam viriditatem Spiritus Vini denuò ablato ad aliqualem consistentiam, relinquitur Essentia vel tinctura Smaragdi in fundo: cujus gr. 2. 3. 4. ad 8. vel 10. in aqua plantaginis, tormentillæ, exhibita, omnes dysenterias miraculosè sistit & ventriculum roborat.

NB. Spir. vitrioli non detur, præcipuè si exulceratio adsit.

2. Essentia Croci Martis à Crollio descripta.

3. Aluminis crudi ℥j. in aqua plantaginis ad potandum data, dysenteriam solvit.

4. Tinctura corallorum ad gr. 4. 5. 6.

(Præsertim quæ cum spiritu ligni quercini est parata vel

Tinctura de Catechu.

℥. Terræ Japonicæ sive Catechu q. v. affunde spir. vin. tartarizat. & s. a. Extrahe in digestionem Tincturam, quæ Datur ad gr. 10. ad 20.)

5. Laudanum opiatum cæteris paribus.

(Hoc præ omnibus ut sacram anchoram commendo, modò sit ritè præparatum)

6. Aurum potabile Anglicanum (It. pulvis spongiæ salicis, de quo supra.)

In Dysenteria, causa, quæ est humor biliosus & fervens, infusione ex Rhabarbaro & Myrobalanis tollenda, facta infusione in aqua hordei, ipsoque Rhabarbaro fortiter expresso, semel atque iterum facta repetitione purgantis, ad leviter adstringentia, tam extrâ quàm intrâ applicanda, accedendum. Quale in primis est seq.

℥. Succī baccarum sambuci q. v. in eum injice micam panis ex furno extracti calidam, ut succum imbibat. Hinc iterum in furnum, ut exsicceetur, inde, quo facto iterum in dictum succum immerge, exsiccaque, idque tertio & quinto repete. Tandem sicceetur, ut in pulverem, redigi possit, dos. ℥j. singulis matutinis. Prodest etiam hic nux moscata & Myrobalani conditi in quantitate aliqua assumpta, syrupus ribium, berberorum &c. Crollius emplastrum ex Theriaca & terra sigillata tepidè applicat.

Injiciatur quoque Clyster ex decocto anodyno Chamomillæ, anethi & rosarum, in quo dissolve sebum hircinum ab ℥ss. ad ℥j. cum ovi vitello dissolvendum, ne cohærescat.

Quod si malum ad statum & incrementum pervenerit, convenientissimum remedium est, in principio miscere clysterem sequentem, quem sæpius reiterare convenit. Nam, si materia pauca sit, solis interdum id genus Enematis, adhibita jam dicta purgatione curatur morbus.

℥. Lactis ustulati seu chalybeati ℥iiss. mellis rosati ℥iiss. ovor. vitell. Num. ii. F. Clyster. Quod si cares lacte.

℥. Aquæ hordei, in qua folia Chamomillæ & rosarum an. p. ij. incocta sint, aut loco decocti hordei capiat vervecum, capitum in primis, si dolor magnus adsit: postea ad ea quæ vim habent constringendi & simul refrigerandi, Enemata properandum, quale in primis est seq.

℥. Herb. Centinodij. burs. pastoris, plantaginis an. Mj. summit. tapsi barbat. equiseti an. Mss. & si fortius desideras, adde balaustr. Mss. Myrtillorum ℥ii. sem. plantaginis. portulacæ an. ℥ii. flor. rosar. p. ii. Coq. in s. q. hordei. ad ℥bj. aut ℥bjss. in decocto dissolve mellis rosati. colati ℥ii. sacch. rub. aut rosacei ℥j. F. Clyster, qui sæpius injiciendus & nonnunquam cum præscripto adstringente permutandus.

Interiùs per os exhibeantur syrupi adstringentes, opiata, condita & conservæ. Præstat conserva radicis symphiti cum terra sigillata & Sale corallorum. Præstat etiam post abstersionem sæpiùs exhibere dosin Laudani opiatī mei. Hoc nimirum ad omnem alvi fluxum, evacuatâ priùs materiâ tutò exhibetur magnoque cum fructu. Aut exhibeatur potio Cardiaca, quæ:

℥. Theriacæ recentis aut mediæ ætatis confect. alkermes, ana ℥ss. trochisc. de Carabe. de terr. sigill. an. ℥ss. ad ℥j. syr. rib. aut violar. ℥j. de rosis siccis ℥ss.

M. Capiat horâ somni, aut post meridiem.
 ℞. Confect. Alkermes. de hyacintho an. ℥i.
 trochisc. de carabe ℥i. aq. plantaginis ℥i. syr.
 rosarum ℥i. F. Potio Aut Bolus ex confectio-
 ne de hyacintho ℥i. terra sigillata aut bolo
 armeno aut trochiscis de carabe ℥i. cum sac-
 charo. F. Bolus.

Exteriùs inungatur oleo myrtillorum & cy-
 don. ana aut fiat ex herbis seq. decoctio, quâ
 fomentetur venter & renum regio.

℞. Plantaginis. Centinodii an. Miv. fol.
 symphiti. equiseti an. Mii. gallarum. nuc. cu-
 pressi. gland. quercuum an. ℥ii. flor. rosarum.
 verbasci an. p. iii.

Decoque in aqua pluviali & vino adstringen-
 te, addito sub finem coctionis pauco acet. aut
 inungatur venter inferior Unguentô comitissæ
 aut unguentô stypticô Fernelii: applicetur Em-
 plastrum de Mastiche, ol. cydon. an. ℥j. pul-
 veris myrtillorum ℥iii. Prosunt etiam hic lapi-
 dum pretiosorum solutiones & perlarum.

Crura laventur decoctô sequente.

℞. Gallarum immaturarum, nucum cu-
 pressi an. ℥i. rad. filicis. Calcitrapæ an. ℥ii.
 fol. plantaginis tapsi barbati an. Mi.

Coque in Vino adstringente, cum decocto
 laventur crura manè & vespèri.

Cùm corpus satis purgatum clysteribus di-
 ctis, offeratur infusio Rhœados cum rheo tosto:

℞. Rhabarbari parùm tosti ℥i. Infunde cum
 Myrobalanorum Citrin. ℥ss. santali Citrin. ℥ss.
 Cum sero lactis aut aq. Endiviæ, exprimantur,
 expresso adde. Rhabarbari torrefacti ℥i. syr.
 capill. Veneris ℥i. Capiat manè.

Hinc ad ea, quæ fluxum planè sedant, ac-
 cedendum, in quibus sequentia medicamen-
 ta primas tenent:

℞. Gummi Arabici & Cerae albæ ana ℥ss.
 includantur in pyro aut malo cydon. alicujus
 magnitudinis, quod in cineribus vel ad ignem
 assetur, ut optimè mollescat, exhibe manè &
 vespèri, quoties visum fuerit. Non incommo-
 dum quoque fuerit sæpiùs cum vino rubro ad-
 stringente aut cum vino granatorum exhibere
 suprâ dictos panes cum succo baccarum sambu-
 ci.

Experimentum certum, si iustô tempore
 præcipuè, ubi exulceratio mundata, & jam
 consolidanda.

℞. Pomum Cydonium vel aliud acidiuscu-
 lum, excavetur superiori parte & expleatur
 cerâ albâ rasâ & gr. iii. mastichis, iterumque
 claudatur & involvatur stupâ & assetur in ci-
 neribus, pomum assatum detur hora j. ante ci-
 bum & mira operabitur,

℞. Carnis Cydoniorum q. s. cum rosis ru-
 bris & vino rubro Chalybeato, & applica ven-
 tri inferiori, summum arcanum est in hoc affectu.

Crocus Martis, Limatura Martis seu Chaly-
 bis primò urinâ pueri, seu aquâ dulci aspersa
 exedatur tota nonnullis infusionibus acet. tar-
 tarisati, acetum evaporet, ejus substantia re-
 sidet, forti calcinatione in pulverem rubicun-
 dum impalpabilem convertatur, quem aquâ
 pluvîâ & rosar. ablues & exsiccabis.

Hujus. ℞. ℥ss. Seu ℥i. in dysenteria & san-
 guinis profluviiis & obstructionibus ab extra in
 hæmorrhagia desperata.

Ejusdem usus est Oleum Croci Martis, cujus

processus sequens. Crocum Martis cum urina
 pueri forma in massam, quam per retortam de-
 stilla more spiritus vitrioli, & proveniet oleum
 rubrum & aliquantum spilium, quod si per
 dies aliquot vel sub fimo digeres, vel in cine-
 ribus circulabis ad intrinsecos morbos egre-
 giam operam præstiteris, usus idem, qui Croci,
 Dos. minor croco gutt. 4. vel 5.

Sulph. Solis, Hoc à proprietate sua fixa sul-
 phuri microcosmico dissoluto maximè confert.

℞. Sal. nitri & Sal. communis q. v. (v. gr.
 ℥i. ss.) boli communis ℥vi. destilla. a. oleum,
 ueluti destillas oleum Sal. communis. Hoc oleo
 solve Solem prius amalgamate & admixtione
 flor. Sulph. calcinatum (ut infra dicitur) in
 cineribus positum in matraccio pulverisatum,
 affusò oleo destillatò ad eminentiam digito-
 rum aut ad ℥j. Solis additur ℥ss. sp. Sal. dicti. In-
 curam separa & spiritum usque ad siccitatem
 sæpiùs inde evoca per destillationem ipsam, So-
 lis solutio remanebit in fundo rubra. Huic su-
 perfunde spiritum (oleum) vini & tincturam
 destilla ad oleositatem. Hujus guttæ v. vel vj.
 in vehiculis convenientibus datæ fluxum ven-
 tris sistunt & ventriculum corroborant.

Amalgama & Calcinatio Solis. ℞. part. j.
 Solis part. vi. argenti vivi. F. s. a. amalgama,
 quod in crucibulum ponatur, & evaporetur
 omnis Mercurius. Pulvis relictus cum novo
 Mercurio, ejusdem dosis amalgamatur, idem
 Mercurius exhalet. Eadem amalgamatio re-
 petatur. Hinc adde part. ii. florum Sulphuris,
 in crucibulo detineatur in igne, donec Sulph.
 omne exhalet & deflagret. Idem labor sextâ
 vice repetatur.

Non sinè fructu quoquè in hoc malo sudor
 provocetur cum terra sigillata & lapide Bezoar.

Afferunt quoquè non levem opem cucurbi-
 tulae umbilico & illis affixæ.

Potus sit aqua hordei, in qua CC. coctum sit.

Dysenteria in superioribus intestinis si fue-
 rit, plerumque lethalis est simul, ob consen-
 sum evomente aut singultum patiente ventri-
 culò. Potest tamen iis remediis curatio ten-
 tari, exceptis Enematibus, quæ aut nulla aut
 pauca esse debent, assumptò per os lacte cum
 melle aut saccharo rosaceo ratione absterfio-
 nis & cæteris necessariis suprâ dictis exhibitis.

Quod si ab intemperie calida acres humo-
 res generentur ab hepate, & dysenteria hoc
 modo foveatur, ungatur hepar Cerati santa-
 lini ℥iv. ol. Nymphaeæ, rosarum an. ℥i. Cam-
 phoræ ℥ss. assumanturque, quæ intemperiem
 alterant.

Experimentum in Dysenteria.

℞. Cupular. glandium q. v. affunde aquam
 fabrorum ferratorum, vulgò das Löschevasser
 auff. der Schmitte Coque donec intensè satu-
 ratam rubedinem contraxerit, Aquam tinctam
 filtra & singulis duabus vel tribus horis Hau-
 stulum ad ℥ii. propina. Joh. Hartmann. in Praxi.
 Chymiatr.

Ut ad Curativas Dysenteriae Indicationes
 tandem procedamus; cùm varia, quæ huic
 morbo accidunt symptomata, diligent ac
 maturè mecum pensitasset, Febrem eum esse
 (sui

(sui sc. generis) in intestina introversam deprehendi, cujus ope humores calidi atque acres in massa sanguinea contenti atque eandem exagitantes, per Arterias Mesaraicas in dictas partes deponuntur, unde à vehementiori sanguinis atque humorum eò contendendum impetu patetactis vasorum orificiis, sanguis per sedem effunditur. Interea temporis importuno intestinorum nisu, quæ omnem adhibent operam ut humores acres continuo infestantes expellant, mucus iste, quo naturaliter obducuntur, singulis sedibus, nunc parcius, nunc copiosius unà egeritur. Proinde ultro se Indicationes offerre videbantur, neque mihi aliud quippiam incumbere existimavi, quam ut primum acres istos humores sectâ venâ immediate revellerem, quo facto in super reliquam massam contemperarem, tum etiam dictos humores per Cathartica subducerem. Hæc itaque Methodo sum usus; Quo primum accersebar die, venam cubiti tundendam suasi, eadem nocte & Paregoricum propinavi; & sequenti Aurorâ Potionem hanc Cathartica Lenitivam mihi familiarem.

℞. Tamarind. ʒss. fol. Sennæ ʒii. Rhei. ʒiʒ. Coq. s. q. Aqua Colaturæ ʒiii. dissolve Mann. & Syr. Ros. Solut. an. ʒi. m. f. Potio sumenda summo manè. Hanc ego Potionem Electuario cuilibet cum Rhei paucâ quantitate parato, soleo præponere; licet enim Rhabarbarum Cholerae atque acrioribus quibusque humoribus evacuandis sit dicatum; attamen nisi Manne aliquid, aut Syrupi Rosacei, vel aliud ejusmodi, eâ quantitate admisceatur ut ad plenioris Catharsin assurgat, non admodum conducit. Quandoquidem verò satis est obvium, Medicamenta Cathartica etiam lenissima, & tantum *Εὐνοπρωτίνη*, ventris tormina intendere, spirituum etiam dejectionem, atque *αἰσχύν* universalem ægro inferre, adventitio nempe illo tumultu quo sanguinem ac humores commovent inter operandum; ea propter solenne mihi est Paregoricum temporius aliquanto subicere quam post Cathartica consuevimus, horâ sc. pomeridianâ quâcunque, modò Catharticum suo defunctum munere videatur; quo sc. quem concitavi motum denuò sufflaminare valeam. Deinceps adduas ad huc vices dictum Catharticum præscribo, alternis sc. diebus hauriendum; Paregoricum etiam post singulas Purgationes, quo supra monuimus tempore. Hoc insuper diebus à Purgatione vacuis tam manè quam serò exhibendum curo, quo sc. symptomatum ferociam debellem, atque inducias impetrem, dum cum humore peccante exterminando mihi res est. Anodyno autem utebar, maximè Laudano liquido, guttis nempe 14. vel 15. in Aqua qualibet Cardiaca, pro dosi una: Post Venæ-sectionem & Catharsin semel celebratam, Aquam Cardiacam è temperatioribus subinde degustandam concessi: Aquam sc. Epidemicam, Aquam Scordii compositam, aut similem, (idque imprimis in senioribus ac Phlegmaticis,) quò nempe spiritus magnâ Dejectionum vi, quod in hoc morbo usu venit, prostratos erigerem quadantenus, & refarcirem; Potus erat Lac coctum cum Aquâ triplo, aliquando etiam Lac Cerevisiatum, vel Cerevisia cum panis cortice & Maci inco-

ctis; Panatellâ item nonnunquam vescebatur, nonnunquam jusculo è carnibus ovinis macilentioribus. Grandæviores lectulo magis addixi; Aquam item Cardiacam illis familiarem liberalius indulsi, quam infantibus aut junioribus par erat. Laudata Methodus omnibus, quæ mihi hætenus innotuere, in hoc morbo vincendo facile palmam præripuit, qui perarò ultra tertiam Purgationem duravit.

Quòd si morbus præfractior his non cederet, dictum Paregoricum ægro inhibui singulis diebus mane & horâ somni, donec omnino convalesceret; nec vel minimum quidem incommodi à tam frequenti Medicamento Narcotici repetitione mihi adhuc videre contigit, (quantamlibet noxam inde sequuturam comminiscantur inexperti,) licet plures noverim qui in morbo contumaciori idem ad septimanas aliquot continuas quotidie usurpaverint.

Ut unicâ instantiò (neque enim pluribus Convalescentium exemplis, nullâ cogente necessitate, Lectori tadium creabo) Methodum jam à me propositam commendatam faciam; Vir Pietate atque Eruditione insignis *Joh. Belke* S. T. P. & Comiti Sancti Albani à Sacris Domesticis, durante hac Constitutione, Dysenteria Acutissimâ laborans, me in subsidium accito, ipsissimâ hac Methodo restitutus est.

Infantes hoc morbo correpti eodem planè modo erant tractandi, sanguinis tamen extrahendi quantitate, tum etiam Medicamentorum, tam cathartici quam Anodini, viribus pro annorum ratione imminutis; ita ut v. gr. Narcotici guttæ duæ infanti unius anni sufficerint.

Laudanum Liquidum, quod in quotidiano, ut dictum, usu mihi erat, hanc ad normam simplicioris præparavi.

℞. Vini Hispanici ℥j. Opii ʒii. croci ʒj. pulv. Cinamomi & Caryophyllorum an. ʒj. infundantur simul in B. M. per duos vel tres dies, donec liquor debitam consistentiam acquirat, Colatura servetur pro usu. Hanc nostram præparationem Laudano Offinarum solido anteferendam virtutibus quidem non censeo, sed ad formam saltem commodiorem & majorem Dosis certitudinem, eidem antepono; cum sc. Vino, Aquæ Distillatæ, aut liquori alii cuicunque instillari possit. Et profectò non hic mihi tempero, quin gratulabundus animadvertam, Deum Omnipotentem *πάντων δυνάστην ἑαυτὸν*, non aliud remedium, quod vel pluribus ma is debellandis par sit, vel eadem efficacius extirpet, humano generi, in miseriarum solamen, concessisse, quam sunt Opiata; Medicamenta sc. ab aliqua Papaverum specie desumpta. Et quamlibet sint nonnulli, qui credulis persuadere velint, omnem ferè Narcoticorum, Opii præsertim ipsius, virtutem ab artificiosa ac debita, quam soli adhibent, præparatione pendere; qui tamen experienciâ judice certaverit, & tam simplicem succum à naturâ oblatum, quam ejus præparata cum diligenti observatione in usum frequenter revocaverit, nullum ferè discrimen intercedere comperiet, & mirandos illos effectus, quos edit, nativæ ipsius plantæ bonitati atque excellentiæ, non verò artificis polydædali solertiæ deberi, certò sciet.

Quin-

Quinimò ita necessarium est in hominis periti manu organum jam laudatum Medicamentum, ut sine illo manca sit ac claudicet Medicina; qui verò eodem instructus fuerit, majora præstabit quàm quis ab uno Remedio facile speraverit; rudis enim sit oportet & parùm compertam habeat hujus medicamenti vim, qui idem sopori conciliando, demulcendis coloribus, & Diarrhææ sistendæ applicare tantum novit, cùm ad alia plurima, gladii instar Delphici, accommodari possit, & præstantissimum sit Remedium Cardiacum, unicum penè dixerim, quod in rerum naturâ hactenus est repertum.

Hæc Methodo erant tractandæ Dysentericæ in genere. Observandum est autem, quod cùm primo quæ ingrediebantur anno, indolis magis subtilis, uti dictum, ac spirituosæ essent, quàm quæ sequentibus annis infestabant, idcirco non ita promptè Catharticis parebant Medicamentis atque illis quæ tam sanguinem diluebant contemperabantque, quàm acres istos humores qui ex eodem in titulum intestinalem excernebantur. Quamobrem primo autumnò quo Tormina sicca & Dysentericæ invadebant, Methodum sequentem constanter ad utrumque morbum abigendum adhibui, eventu ubique astipulante; donec appetente frigore eandem etiam anno eodem minùs efficacem esse sentirem, atque annis sequentibus cùm jam magis à subtilitate recederet morbus, prorsus inutilem.

Ita verò processit: si æger ætate florens febricitaret, cubiti venam tundendam præcepi, atque elapsâ horâ unâ aut alterâ, eundem ingesto affatim liquore diluendum, ut in Cholera morbo, facitaram; non verò, ut illic, juscule à carnibus pullorum, aut Lacte Cerevisiato, at Lactis ipsius sero, quod eadem quâ illic copiâ, frigide propinandum, tepide verò inferius injiciendum curavi, nec Saccharo adjecto, nec aliâ re quâcunque. Tormina, & Dejectiones sanguine permixtas, rejecto jam quarto Enemate semper evanescere animadvertēbam: Hoc labore exantlato, & transmissio sero lactis omni, quod duarum triumve horarum spatium fiet, si diligenter operam navaverit æger, lectulo protinus eum commisi, ubi brevi sponte suâ in madorem solvebatur (à sero lactis sanguini immixto,) quem ad horas 24. continuari jubebam, nihil interim concedens præter Lac crudum paulò tepefactum, quo etiam utebatur solo ad dies tres vel quatuor postquam è lecto surrexerat. Si vel ob lectuli, vel lactis usum nimis præmaturè intermissum, recidivam pateretur æger, eadem vestigia denuò repetenda erant. Hæc Methodus, si certa atque expedita fuerit, non ideo à viro quolibet prudente repudiabitur, quod fastoso Remediorum apparatu non se venditet.

Hujusmodi Febrem symptomatis, qualia supra descripsimus, stipatam iis in locis & temporibus reperiri quibus Dysenteria Epidemicè regnat, & Methodum hanc quam delineavimus, eidem omnino deberi, testimonio viri probi atque eruditi Doctoris *Bulter* amplius confirmabitur, qui Nobilissimum D. D. *Henricum Howard* à S. Maj. Regia Britannica ad Moroccensem in Africa Legatum comitabatur;

quibus in regionibus, ut mihi ipse retulit, observavit Dysenteriam per ea tempora, uti semper, Epidemicè grassari, & Febrem, quæ cum illa jungebatur, omnino illi similem quam depinximus; quibus ille medebatur, tam in urbe Tingitana quàm aliis in locis, sive Nostrates essent ægri, sive *Mauri*, dictâ Methodo, felici semper exitu. Quam quidem neuter alteri debemus, sed pari fortuna in eandem dissitissimi incidimus. Prostebatur autem, optimè istic sibi cessisse in illius morbi Curatione Methodum illam, quâ liquoris diluvio submerguntur Dysentericæ. Atque existimo ego, omnino par esse ut in calidiori isto Climate longè rariùs successu careat hæc Methodus quàm in nostrâ Britannia.

Primo illo Autumnò quo vigeat hæc *Constitutio*, *Daniel. Coxe* M. D. vir ingenio & omnisfariâ eruditione ornatissimus, Dysentericâ acutissimâ laborans, me, quem consuluit, suadente, ope Methodi jam laudatæ, Cito, Tuto, & Jucundè sanatus est; post tertium sc. quartumve Enema, dum lecto assiderem & Tormina & Dejectiones sanguineæ evanescere; nec qualibet re aliâ, præter lecti ad dictum spatium patientiam, & Lacteam Dietam, ad sanitatem redintegrandam opus habuit. Eodem planè modo & idem postea alios quàm plurimos hoc malo affectos restituit exeunte eodem Autumnò. Anno autem proximo, illum etiam idem molientem spes fefellit.

Jam olim diximus, quod sapienterò hic morbus, si diutius excurrat, intestina seriatiim omnia deorsum versùs afficiat, donec tandem omnis ejus vis in Rectum decumbat cum assiduâ desidendi cupiditate, quâ nihil præter Mucosum quiddam & subcruentum excernitur. Hoc si fiat, frustra erit, me iudice, qui medicari sataget vel quâvis Methodo prædictâ, vel Clysteribus Abstergentibus, Glutinantibus atque Astringentibus, pro variis ulceris, quod supponitur, temporibus, injectis; vel etiam Fotu, Incessu, Suffumigiis ac Suppositoriis dictos scopos respicientibus. Liquet enim, hoc ab ulcere Recti non procedere, sed ex illo potiùs quod Intestina quibus gradibus vires resumpserint, iisdem etiam materiæ morbificæ reliquias in Rectum deturberint; quod quidem indefinenter proripit singulis sedibus mucosam illam materiam, quâ ex naturæ providentia intestina duplicatur, elidit. Corroboranda est itaque pars affecta, quò possit, aliorum intestinorû exemplo, jam fatiscences mali reliquias funditus eliminare. Hoc autem ea sola præstabunt, quæ corpori in genere vires adjicere apta nata sunt. Topicum enim, qualecunque id demum fuerit, parti dolenti applicatum, cùm Alienum quid sit, contactu molesto debilitatem magis adferet, quàm robur subministrabit. Tolerandum itaque est ægro, donec Dietâ Analepticâ & liquore aliquo Cardiacò, qui palato arridet maximè, pro libitu ingesto, revocari possint vires; quibus redeuntibus, pari passu suâque sponte proripiet se hoc Tenesmi symptoma.

Accidit etiam nonnunquam, licet rarò admodum, ut Dysenteria, sub initio non ritè curata, particulare subjectum ad annos aliquot discruciet, integrâ sanguinis massâ Crasin quasi

Dysentericam jam indeptâ, unde acres calidique humores intestinis continuo suppeditantur, ægro interim singula vitæ munia mediocriter bene obeunte. Hujus specimen se mihi obtulit non ita pridem in muliere quadam meis adibus vicinâ, quæ per tres annos hujus Constitutionis postremos hoc malo continenter exercebatur. Cum remedia quamplurima esset experta antequam ad me accederet, Venæsectionem tantum, missis cæteris præsidis quibusque, celebrandam censui; quam ut sæpius repeterem, longioribus tamen intervallis, tum sanguinis color, Pleuriticorum sanguinis æmulus, tum insigne illud quod post singulas vices magis ac magis auctum, sentiebat levamen, mihi addebant animos: cujus ope tandem pristinam sanitatem consequuta est. *Thom. Sydenham de morbis acutis.*

In Diarrhœa, Dysenteria & Tenesmo affinis morbis & curationis magna ex parte similis Indicationes sunt, ut humorum acrimonia obtundatur, dolores tollantur, & fluxus sistatur.

Victus sit tenuis, ex hordeatis, gelatinis, panatellis, &c. absteineat à carnibus nisi sint viscidæ, ut animalium extremitates, & viscera; ut quoque à fructibus, eduliis omnibus falsis, piperatis, acidis. Utatur vino rubello, aut oligophoro diluto decocto sequente.

℞. Aq. chalybeat. ℥v. rad. chin. ʒij. Coq. ad ℥iv. injiciendo sub finem mastich. pellucid. gr. x. Cola ad usum. Aqua chalybeata sic præparatur. In aqua fontana ebulliat magna quantitas battituræ ferri bene prius mundat, & contrit. ad tertiæ partis aquæ consumptionem.

Purgetur cum rhabarb. myrobalan. tamarind. &c. & repetatur octavo quoque die aut sæpius si opus sit. Aut fiat cum rhabarb. in sublt. & diascord. cum laud. Lond. gr. β.

Aut ℞. Rhabarb. pulv. ʒβ. conserv. ros. rub. cydon. condit. ana ʒij. Ml. sumat mane per tri-duum superbibendo haustum jusculi.

Si Febris sit magna (in Dysenteria) instituat venæsectio in brachio.

Post Universalia conveniunt Pilulæ sequentes.

℞. Rad. torment. bistort. ana ʒij. symph. ʒj. sem. plantag. sophiæ Chirur. anther. rosar. rub. ana ʒβ. santal. citrin. rub. lign. Brasil. ana ʒij. sumach. balaustr. ana ʒii β. acac. hypocist. ana ʒij. Concisa bulliant in aq. plantag. ros. ana q. f. exprime fortiter & reducat ad extractum mellag. unde sume ʒj. oss. human. calcinat. C. C. calcinat. ana ʒi β. terr. sigillat. bol. Armen. ana ʒj. Magister. perlar. corall. ana ʒiv β. laudan. specific. vin. rub. solut. ʒij. F. Massa pilularis. Dos. ʒj. mane & vesperti longè à cibo. Huic massæ addo aliquando animam hepatis & crocum martis corallin. (de quo postea) ana ʒi β. aut ʒij. Cum syrupo aliquo astringenti potest fieri Electuarium.

Opii præparatio hæc est. Post sulphuris impuri exhalationem in clibano, dissolvatur in duabus partibus aceti rosacei fortissimi & una vini Canarini, limpidum exprimatur, & à scæcibus separatim coaguletur.

Crocus Martis corallinus talis est.

℞. Limatur martis q. v. dissolve in aqua cum sp. vitrioli acidissimo; cum opt. spiritu vini præcipitetur, vitriolum uratur ad summam rubedinem.

Sæpius Electuarium sequens præscribo.

℞. Conserv. ros. rub. vet. cydoniat. vet. ana ʒvj. conserv. cornor. fruct. cynosbat. ana ʒij. ecchylomatis prunellor. ʒiv. pulv. subtil. rad. torment. bistort. symphy. rhabarb. torrefact. myrobalan citrin. ana ʒjβ. sem. plantag. sophiæ chirurg. pulv. gland. cupul. eorundem, anther. ros. rub. ana ʒvj. terr. Lemn. oss. human. calcinat. cornu cerv. calcinat. spod. ana ʒx. gum. arab. tragacanth. mucilag. sem. cydon. inspissat. sang. drac. ana ʒvj. magister. perlar. corall. cum alum. præcipitat. ana ʒvj. coagul. lepor. ʒβ. croc. mart. corallin. ʒij. sap. cydon. aut syr. myrtin. q. f. F. Electuarium, ad cujus singulas uncias adde opii nostr. gr. iv. Dos. à ʒij. ad ʒβ. Huic addo aliquando alum. rup. ʒij.

Injiciantur Clysteres emollientes, lenientes, & anodynii ex lacte cum theriaca & opio. Aut ex ol. communi aut cremore hordei. Si adsit ulcus, lithargyr. integrum candefac, extingue in aceto, teratur in alkool, & cum ol. lin. aut lacte capril. aq. fabror. aut hord. & ol. ros. f. Clyster. Addi possunt solutiones gummitragacant. & arabic. in succo plantag. Ad detergendum adde terebinth. ovi vitello solut.

℞. Fol. plantag. tapsi barbat. ana m. j. ros. rub. p. iv. flor. hyperic. p. iij. sem. coriand. sophiæ chirurg. ana ʒiβ. Coq. in lacte. Colaturæ ʒx. adde vitell. ovar. num. ij. gum. Arab. in aq. plantag. solut. ʒβ. Ml. f. Clyster. Addi potest aliquid balsami Lucatelli. Fieri quoque possunt ex jure capitis ovini cum summitat. hyperic. rad. tormentill. &c. incoct. Si Dysenteria multum urgeat.

℞. Rad. cynogloss. ʒiv. hyoscyam. ʒij. tapsi barbat. totius m. ij. malv. totius m. iv. ol. com. rec. ℥iij. Coq. addend. aq. sperm. ranar. ℥i. ros. & plantag. ana ℥β. coq. ad aquarum consumptionem. & herbarum putrilaginem. Exprime fortiter, & partis hujus olei composit. purioris ℥j. adde mucilag. liquid. sem. psyll. & cydon. aquis prædictis extract. ʒiv. vitell. ovar. num. ij. Ml. f. Clyster. Huic addi possunt fol. bugul. sanicul. prunell. vinc. pervinc. &c. Unguentum Comitissæ dissolvi potest in Clysteribus, vel Juscula communia vel medicata injici, facta cum herbis vulnerariis & astringentibus cum lacte perlar. & corall.

Possentum fieri potest ex vin. rub. ℥iij. bulliant, & adde lact. rec. ℥j. alum. ʒij. sacch. ʒiv. cinamom. bacillum integrum, post aliquot ebullitiones pars caseosa separetur à limpida. Ml. pro duabus dosibus mane & vesperti exhibend.

Horâ somni Bolum hujusmodi præscribo, præcipue post purgans.

℞. Conserv. ros. rub. antiq. ʒij. confect. alkerm ʒi. laudan. Lond. gr. ij. Ml. f. Bolus. post Bolum sumatur haustus alæ maciatæ. Huic sæpius addo diascord. margarit. corall. &c.

Specificæ sunt sequentia. Mucilag. gum. tragacant. & arabic. succo plantag. solut.

Extractum prunellarum cum omphacio ad consistent. pilul. Dos. à ʒj. ad ʒβ. ante pastus.

Clysteres ex lact. ℥i. & vitrioli albi ʒβ.

Pulvis concharum furno exsiccat. cum cinamom. & nuc. moscat. ad ʒi. in vin. rub.

Malum cydonium cerâ aut cum gummi Arabico

bico repletum, clibano coctum, & exhibitum. Bolus ex sacch. Saturn. gr. x. croc. mart. ℥j. conserv. ros. parum.

Sem. plantag. à ℥j. ad ℥ii. in vin. rub.

Pulvis saturni crudus cum nuce moschi. & caryophyll. in vin. rub.

℥. Croc. mart. ℥j. nuc. moschi. ℥j. aut ℥ss. Mf. sume ex ovo sorbili aliquoties.

Vinum granatorum cum pulv. panis alb. clibano exsiccat.

Suffitus ex cortice lignoso pomorum pineæ.

Pulv. cran. human. calcinat. ad ℥i. in vin. rub.

Amaranthi flos pulv. vino sumpt. Ut quoque pulv. rad. palm. Christi majoris, & pulv. flor. palm. Christi minoris in aq. ferrata exhibitus.

Vitell. ovorum cum pulv. nuc. moschat.

Cydonia exsiccat. & concis. aqua communis decoct. pro potu ordinario.

Pulv. fol. vinc. pervinc. cum rhabarb. & conserv. ros.

Taleolæ carnis bubulæ, pulv. cumin. cina- mon. & cret. conspersæ, intense calefactæ & umbilico applicatæ successivè deploratum restaurarunt.

Ol. commune & vin. Claretum coquantur simul ad vini consumpt. Sumatur cochl. i. sæpius in die.

Malum cydonium cochinelâ repletum & torrefactum & cum saccharo comestum.

Aqua quæ lignum petrificat ad ℥bii. hausta dysenteriam pessimi moris sanavit irritis aliis remediis.

Alvi depositio in ignem luculentum.

℞. Sacch. ros. ℥bi. ocul. cancr. præp. ℥ss. corall. rub. præp. margarit. præp. ana ℥ii. Mf. Dos. cochl. j in haustu lact. recentis sextâ quaque horâ.

Os sepiæ tostum & pulverizat. cum vin. sumpt.

Gelatina cornu cerv. cum succo vinc. pervinc.

Ex Creta alba lacte soluta & cum farina fabar. sacch. & cinamom. f. Pulticula.

Ovum recens vacuetur ab albumine, impleatur sp. vini, & per se coquatur: Vitellum sic coctum remedium est certissimum.

Aqua optima astringens in Diarrhœa hæc est, viz.

℞. Moror. rub. Idæi succi vinos. ℥iv. cor- nor. ℥bii. fol. querc. tenell. plantag. concis. ana fascicul. j. Distilla in Balneo: hujus liquo- ris distillati.

℞. ℥bij. phlegmat. alum. & vitrioli ana ℥j. aq. sperm. ranar. ℥ss. succi cydon. & ri- bes ana ℥x. Mf. In liquoris ℥xvi. dissolve a- lum. ℥ii. sacch. ℥iv. & infund. cinam. ℥ss. Cola ad usum. Dos. ℥iv. bis terve in die.

Aquæ medicatæ multum hîc faciunt, viz. ferruminatæ, aluminosæ & nitrosæ, ut Tun- brigenes, &c. Aut facitiæ fieri possunt ex aq. stillat. cichor. taraxac. plantag. &c. cum granis aliquot animæ hepatis, & aromatizetur cum cinamom. aut coriand. & edulcoretur cum syr corall. viz.

℞. Aquæ ℥bi. animæ hepat. gr. vi. syr. co- rall. ℥i. Mf. pro duabus dosibus.

Indi fumum zinziberis carbonibus vivis in- ject. recipiunt per sellam perforatam, donec

sudore perfundantur, & animo liquefcere in- cipient; dein lecto calido committuntur, ut sudores promoveantur, exhibitio brodio ca- lido ad vires refocillandas.

In Hibernia laminam ferri candentem mag- daleoni sulphuris intigunt supposito marmo- re, vel alio lapide lævi, ferrum liqu. tum in- star ceræ fluet in lapidem unâ cum sulphure accenso, cujus flammam folle extinguunt. Fer- rum unâ cum sulphure terunt in pollinem, hu- jus exhibent ℥i. cum conserv. ros. rub. vet. vel diascord. bis in die ad sex vices, super- bibendo aliquid aquæ vitæ. Exhibent quoque cran. human. furno exsiccat. non calcinat. sed pulverizat. ad ℥i. in vehiculo idoneo.

Postquam morbi violentia infringitur, con- venit pulvis digestivus sequens post singulos pastus ad coch. j.

℞. Lamin. panis alb. vin. malvat. macerat. & siccatur. ℥ii. sem. anis. scenic. dulc. ana ℥ss. cortic. exter. citr. condit. sicc. ℥i. corall. rub. præparat. margarit. præparat. ana ℥ii. scg- cin. alb. præparat. ℥ss. ambr. gris. ℥i. cina- mom. ℥ss. sacch. alb. triplum pondus. F. Pul- vis ad usum dictum.

In Tenesmo, præter ea quæ suprâ præscri- buntur in Diarrhœa & Dysenteria, conveniunt. Topica, ut Clysteres minimâ quantitate, In- jectiones &c.

℞. Mucilag. sem. psyll. cydon. & alth. in aq. tapsl. barbat. solan. & chelidon. maj. ex- tract. ℥iv. lact. vaccin. rec. ℥ss. vitell. ovor. numero ii. croc. pulv. ℥i. diacod. ℥ii. Mf. & injiciantur ℥iii. aut iv. pro vice, & continea- tur quamdiu potest, & sæpius repetatur.

Aut Vitellus ovi crudi cum pulv. bol. ar- men. subtil. aut ceruss. injiciatur. per sypho- nem, & sæpius repetatur.

Vel ℞. unguent. popul. ℥ss. ol. cer. stillat. ℥ss. ol. amygd. dulc. hyperic. ana ℥ss. vitell. ovi unius. Mf. pro duabus injectionibus.

Convenit quoque suffitus ex gagate in sella perforata.

Item fofus ex chamamel. melilot. tapsl. bar- bat. flor. sambuc. hyperic. sem. lin. & scenu- grac. aquâ & lacte coct. quo imbuantur spon- giæ molles, & foveatur anus.

Aut ℞. aq. plantag. ros. sperm. ranar. ana ℥ii. tapsl. barbat. ℥iv. sacch. saturn. ℥i. Mf. f. Fofus cum spongiis mollibus usurpandus.

Litus fiat ex ol. mastichin. cydon. ana ℥vi. aurant. ℥ss. ol. nuc. moschat. per express. ℥i. Mf.

Unguentum fieri potest ex unguent. popul. ℥vi. butyr. rec. ℥ii. ol. lin. rec. ℥ss. opii gr. iv. Mf. f. Unguentum quo inungatur pars affecta.

Cataplasma hujusmodi applicetur è bomba- ce, & renovetur antequam exaruerit.

℞. Bulb. lilior. alb. sub ciner. coct. mic. pan. alb. lacte infus. ana ℥ii. cass. rec. extract. ℥i. unguent. popul. & de stramonio ana ℥iii. alb. grac. ℥ss. Mf. f. Cataplasma.

Intus exhibeatur cochlear. i. pulv. seq. sexta quaque hora in pinta lact. rec. mulcti.

℞. Sacch. ros. ℥bi. oculor. cancri ℥ss. Co- rall. rub. præparat. margarit. præpar. ana ℥ii. M. F. pulvis subtilis ad usum dictum. Theodor. de Mayerne in Prax. Medic.

In India Orientali ex Diarrhœa, Dysenteria & Lienteria multa millia Europæorum velut peste exitiali pereunt. Majorem tamen expirantium numerum constituunt milites gregarii, & remiges. Hi enim inordinatam consueti transigere vitam, fragile suum corpus vino palmatico, cerevisia saccharina, spiritu ardenti, fructibus insalubribus, &c. semper ad nauseam usque implent. Et sic proprio experiuntur periculo, etiam in vino palmatico, quod Schola Salernitana olim scripsit de multo, nempe.

Impedit urinam mustum, solvit citò ventrem Hepatis emphraxin, splenis, generat, lapidemq.

Nec in vino hoc quiescit plebs nostra, sed uti narravimus, nunc acrem ardentissimumque Chinenfium spiritum, *Arach* dictum, nunc decoctum illud saccharinum immodicè hauriunt, & propterea rarò unò morborum enumeratorum afficiuntur, quin simul febris ardens, & magna viscerum inflammatio sit admixta. Omnem igitur Medicum, cui horum salus, propriæque famæ integritas cordi est, ad solas, acidorum, biliosorum, acrium, & in ventriculo ac visceribus fermentantium humorum correctiones, præcipitationes, & abstersiones, suam sanandi methodum dirigere oportet; quod optimè peraget medicamentis postpositis, si illorum usum tamdiu continuat, donec vellicantes humores expirant, ac pituitosa, chylosa, biliosa, fatida, purulenta, & sanguinem admixtum habentia excrementa, ritè deficiunt. Nam gravioribus hisce malis convictis, per alia remedia, morbo finis facile additur. Sit itaque cura hujusmodi.

℞. Rad. rhabarb. ʒij. cortic. myrobalan. citrin. ʒj. santal. citr. ʒss. cinnamomi ʒj. sal. absinth. ʒss. infunde per noctem in aq. fol. quercus ʒij. in loco calido, exprime, & adde syr. chalyb. ʒss. C.C. usti præparat. ʒss. matr. perlar. præpar. ʒj. M. F. potio.

Vel ℞. Rad. rhabarb. cortic. myrobalan. citrin. & Emblic. ana ʒss. sant. rubr. gr. xv. nucis moscat. ʒj. sal. tart. gr. xij. infunde per noctem in aq. persicar. ʒij. exprime, & adde C.C. usti & præpar. corall. rubr. præpar. ana ʒj. Syrup. ros. corall. ana ʒij. M. F. potio.

Seu. ℞. Rad. rhabarb. ʒiij. nucis moscat. ʒss. solut. corall. ʒj. infunde per noctem in aq. ros. ʒij. exprime, atque adde syr. chalyb. ʒss. M. F. potio.

Vel ℞. Rad. rhabarb. ʒijss. cortic. myrobal. ʒss. flor. ros. rubr. p. ij. sant. citrin. ʒss. tinctur. tart. ʒj. infunde per noctem in decocti hordei & C.C. ʒiij. exprime, & adde syr. corall. ʒss. C.C. usti & præparat. ʒss. oculor. cancr. præparat. ʒj. M. F. potio.

Vel adhibeantur sequentes pulveres.

℞. Rhabarb. tosti ʒiij. nucis mosc. ʒj. C. C. usti & præparat. ʒss. sal. perlar. ʒss. olei macer. gutt. ij. M. F. pulvis pro una dosi.

Vel ℞. Rhabarb. tosti ʒj. sant. citr. ʒss. nucis mosc. ʒj. C. C. usti & præp. ʒss. nitri antimon. ʒj. M. F. pulvis pro una dosi.

Abundante sero. ℞. Rhabarb. tosti ʒj. Jalapp. ʒss. sal. absinth. corallior. ana ʒss. olei nucis mosc. gutt. ij. M. F. pulvis.

In India. ℞. Rad. rhabarb. ʒij. cortic. myrobal. citr. ʒij. sant. citr. cinnam. ana ʒj. Sal.

cinnam. ʒss. infunde per noctem in aq. fol. marmell. & bolangor. ʒij. exprime, & adde C. C. usti, matr. perlar. ana ʒss. syrup. de bolang. ʒss. M. F. potio

Gregariis militibus hunc pulverem, qui optatum dedit effectum exhibui.

℞. Rad. rhabarb. ʒj. cortic. myrobal. ʒss. C. C. usti ʒij. matr. perlar. ʒj. Sal. cinnam. ʒss. Olei macer. gutt. ij. M. F. pulvis.

Vel ℞. Pulver. dysenter. ʒj. ad ʒij.

Vel ℞. Specier. diamartis ʒj. ad ʒij.

Robustis ac fermentantium humorum plenis hominibus, primò maximè prosunt vomitoria; quorum optima esse sapam vomitoriam, tartarum emeticum, & sulphur antimon. ad hunc morbum judico.

Clysterum usus est necessarius, quia humores detrahunt. His etenim immanentibus, ab acrimonia eorum Tenasmus, venarum hæmorrhoidalium & intestini recti corrosio, cum maximis doloribus generatur. Abstergit igitur sequens.

℞. Decocti hord. ʒss. mell. ros. ʒj. olei ros. ʒss. M. F. Enema.

Vel ℞. Lact. chalyb. decoct. hord. ana ʒiv. mell. ros. ʒj. M. F. Enema.

Seu. ℞. Lact. chalyb. ʒviij. vitell. ovor. num. i. olei ros. mell. ros. ana ʒj. F. Enema.

Intestino recto, venisque hæmorrhoidalibus, aut ulceratis, aut perforatis.

℞. Lact. chalyb. decoct. hord. ana ʒiv. vitell. ovor. n. i. terebinth. venet. ʒss. M. F. Enema.

Consolidat & dolores sedat sequens.

℞. Lact. chalyb. decoct. hord. ana ʒiv. terebinth. venet. ʒss. Sacch. Saturn. ʒss. mucilagin. sem. cydonior. ʒss. M. F. Enema.

Vel ℞. Rad. consolid. ʒij. flor. balauft. p. ij. nucum cupress. ʒj. hord. mundat. ʒij. coquant. in aq. chalyb. colaturæ ʒviij. adde sacch. Saturn. ʒss. mucilag. tragacanth. bals. sulph. terebinth. ana ʒij. M. F. Enema.

In India pro Clystere. ℞. Herb. conyzæ M. j. fol. bolang. marmell. ana p. ij. coq. in aq. chalyb. colat. ʒviij. adde mell. ros. ʒj. Olei coct. baccar. cinnam. ʒss. M. F. Enema.

Cum humores satis sunt correcti, vel jam educti, unum ex sequentibus medicamentis exhibeatur.

℞. Conserv. ros. ʒj. carn. cydon. ʒss. C. C. usti & præp. ʒij. corall. rub. præp. croci mart. ana ʒss. sanguin. dracon. ʒj. syr. corall. q. s. M. F. conditum. Dos. mane & vesper. à ʒj. ad ʒij.

Vel ℞. Conf. ros. ʒij. syr. corall. cydon. chalyb. ana ʒss. C. C. usti & præp. ʒij. matr. perlar. præp. terr. vitriol. dulcis ana ʒj. M. F. conditum. Dos. anteriori similis.

Seu. ℞. Conserv. flor. consolid. rob. acaciæ ana ʒj. syr. cydon. corall. ana ʒss. C. C. usti & præp. ʒj. sang. dracon. ʒss. tinctur. mart. ʒj. succini ʒss. M. F. conditum. Dos. à ʒj. ad ʒij.

Vel ℞. Conf. ros. ʒij. Consol. maj. ʒj. extr. torment. ʒij. sal. corall. ʒss. lap. hæmatit. philos. ʒj. syrup. stipt. q. s. M. F. conditum. Dos. à ʒj. ad ʒij. manè & vesperi.

In Dysenteria. ℞. Conserv. ros. consol. ana ʒj. flor. hyper. ʒss. extract. tormentill. ʒj. tinct. mart. ʒj. tinct. succin. & corall. ana ʒss. terræ vitr. dulc. ʒij. sal. Saturn. ʒss. bals. peruvian. ʒj. M. F. bolus. Dos. à ʒj. ad ʒii. manè & vesperi.

Vel

Vel ℥. Conserv. ros. carn. cydon. ana ℥i℥. Syrup. stipt. ℥j. tinctur. lapid. hæmat. ℥℥. bals. sulph. anis. gutt. xxv. Peruviani ℥j. terr. solaris, vitriol. dulcis ana ℥℥. C. C. usti præpar. corall. rubr. præp. ana ℥j. sang. dracon. ℥℥. M. F. conditum. Dosis anteriori similis.

In India. ℥. Conf. ros. ℥ij. flor. granat. ℥j. carn. cydon. nucis moscat. ana ℥℥ tinct. sulph. vitriol. ℥℥. olei nucis moscat. expressi. ℥i℥. tinct. vitriol. dulc. ℥ij. ossis elephant. calcin. ℥ij. M. F. conditum. Dos. ℥j. manè & vesperi.

Vel ℥. Conf. flor. granat. marmell. ana ℥j. rob. bolangor. ℥℥. Olei nucis moscat. expr. ℥j. oss. elephant. calcin. ℥ij. terr. martial. Ceylonic. ℥j. terr. mart. ℥j. M. F. conditum. Dos. anteriori similis.

Vel ℥. pulver. dysenter. secundi ℥j. detur mane & vesperi.

Cum ingentes simul dolores adsunt, mixturis adde aliquid laudan. cydoniati, tartarifati, vel laudan. Bontii; & pro flatibus extracti laud. nostri aromat.

Potus ordinarius sit, ex decoctis & emulsionibus annexis, quia præter id, quod sitim extinguunt, symptomata quoque imminuunt.

℥. Hord. mund. vel orizæ ℥ii. C. C. rasi ℥j. lign. saffras ℥j. sant. rubr. ℥℥. cortic. myrobalan. ℥ii. coque in aq. chalyb. & colatur. clariss. ℥℥j. adde amygdal. dulc. ℥ii. sem. melon. papaver. alb. ana ℥iij. M. F. s. a. emulsio. Huic adde aq. plantag. portul. rosar. ana ℥ii. cinnam. ℥i. syr. corall. ℥ii. C. C. usti & præp. ℥ii. Philosophicè præparati ℥j. M.

Vel ℥. Hord. mund. ℥ii. C. C. rasi ℥j. cortic. myrobalan. Emblic. ℥ii. Conserv. rosar. ℥j. coq. in aq. chalyb. & colaturæ ℥℥j. adde syrup. papaver. cydonior. perlar. ana ℥℥. M. F. potio. Ad ulcera intestinorum consolidanda, addantur rad. consolid. tormentill. summit. hyper. fol. sanic. alchim. &c.

In India. ℥. Herb. conyzæ ℥ii. myrobal. ℥ii. conserv. ros. ℥j. cortic. lign. santal. citrin. ℥j. rasuræ cornu Rhinocer. ℥℥. coq. in aq. chalyb. & colat. ℥℥j. adde aq. flor. marmellæ ℥iij. Aq. cinnam. ℥j. Syr. cydon. corall. ana ℥j. M. F. Decoctum.

In principio morbi, viriumque ægroti robore, sudoriferis sequentibus malignitas, tam per sudorem, quam per urinam educi potest.

℥. Bezoartici C. C. ℥j. decoct. lign. saffras. ℥ii. M. F. Sudoriferum.

Vel ℥. Bezoart. viperini ℥j. decoct. C. C. ℥j. Aq. Zedoar. ℥i℥. M. F. Sudoriferum.

Seu. ℥. Antimon. diaphor. ℥j. C. C. Philosophicè præparati ℥℥. lapid. Bezoard. Orient. ℥j. spir. terr. sigill. ℥ii. Aqu. alexipharm. ℥ii. M. F. Sudoriferum.

In India. ℥. Bezoart. C. Rhinocer. ℥j. sal. volat. Zerumbeth. gr. v. aq. Zedoar. ℥ii. M. F. Sudoriferum.

Vel ℥. Lap. Bezoar. Orient. ℥j. C. C. Philosophicè præparati, usti & præparati ana ℥℥. Sal. C. C. volat. ℥℥. Aq. rad. cinnam. sylvestr. ℥ii. M. F. Sudoriferum. *Hermann. Nicol. Grimm. Compend. Medico-Chymici, lib. 3.*

Consultationes.

Pro Reverendo admodum Monacho Augustiniano Dysenteria laborante.

In Reverend. admodum Monacho affici intestina inferiora, non solum ex positu doloris infra umbilicum agnosco, verum etiam & ex sanguine separato ab aliis excrementis excreto. Affici verò intestinum rectum, atque colon secundum extremitatem, qua recto continuatur, non est difficile intelligere; si namque animus ipse convertitur ad inspectionem factam ab Excell. Chirurgo, necnon etiam ad experientiam factam ab ipsomet patiente, qui narrat per digitum immittum in anum cum maxima sui molestia ulcus perferre, atque etiam digitum sanguinolentum extrahere, omnino cogor affirmare intestinum rectum affici: si autem respicio ad conformationem intestini coli in parte proposita, in qua sit veluti angulus quidam, qui facile excrementa discurrentia recipere potest, atque etiam animadverto dolorem paulò supra regionem intestini recti pervenire, non possum non affirmare intestinum Colon in parte jam dicta coaffici. Sed quamquam locus affectus sit cognitus, idea tamen, & species morbi apud me adeò difficilis est cognitu, ut opus interim sit maxima diligentia. Dicam ego quid sentiam paulò altius petito exordio.

Certum est, quemcumque per anum fluxum sanguinolentum (excepto illo qui ab hæmorrhoidibus pendet, de quo interea sermo non est) ab Hipp. & Gal. vocari Dysenteriam, cujus quatuor species constituuntur. Prima vocatur Hepatica, in qua materia similis loturæ carnis animalium nuper mactatorum excernitur. Secunda est periodica, sub qua sanguis vividus, & floridus, copiosusque secundum periodos quosdam redditur. Tertia est, in qua sanguis nigricans, & splendens evacuatur, occasione febris alicujus exutentis. Quarta, & postrema est, in qua sanguis exit impurus cum torminibus tamen imi ventris, & hæc Dysenteria verè, & propriè nuncupatur, quam puto in casu nostro locum habere, excernitur enim per anum sanguis cum maximis cruciatibus.

Verum tamen aliqua obstare videntur, nam sub hac Dysenteria sanguis ita nigricans (quemadmodum in Reverendo admodum Monacho contingit) excerni non solet, amplius in Dysenteria septem mensium vix fieri unquam potuit, quin in excretis si non carunculæ, saltem ramenta intestinorum aliqua apparuerint, quæ tamen nunquam ullus in excretis patientis nostri potuit observare. Accedit & illud, quod in dysenteris, quæ ad menses durant, sordescere ulcus consuevit, & valde purulentum evadere, quæ in casu nostro non contingunt, vix n. aliquid puris unquam (ut referunt) visum fuit, ut propterea ex his, aut affectus propositus minime dysentericus constituendus existat, aut si dysentericus, profectò necesse sit, ut aliquid conjunctum habeat, quod faciat ipsum à caracterismo dysentericæ vulgaræ quoquo pacto deviare, sicuti ego existimo. Puto etenim ulcus cancerosum adungi, & puto etiam præter ulcus adesse tumorem.

Quòd quidem adsit ulcus ab omnibus conceditur, quoniam dysenteria vera, de qua agitur,

ulcere definitur, quod verò cancerosum, præter ætatem inclinantem, temperamentum melancholicum, & parvum, atque cacochymum corporis habitum, dolor insignis, excrementum nigricans, atque portiones quædam carneæ, spongiosæ (ut audio) excretæ luadent, quibus accedit mali contumacia, propter quam multa hucusque præsidia sine fructu tentata fuere, sed quod me magis, ac magis in hanc sententiam adducit est evidentia ipsa. Cum etenim annis superioribus nobilem quendam Lucensem eadem prorsus Symptomata patientem curandum præ manibus haberem, factum est ut nunquam ex aliquo præsidio Medico juvamentum aliquod sibi comparare potuerit, tandemq; obiit, & dissecto cadavere in loco superius commemorato ulcus cancerosum cum insigni tumore fuit adinventum, ut propter hanc etiam evidentiam in patiente nostro ulcus prædictum reperiri ad credendum adducar; cui tumore adjungi adhuc, pondus ibidem perceptum non obscure declarat.

Quibus ita constitutis, jam de generatione agendum occurrit. Dysenteria itaque ut omnes norunt est excretio sanguinolenta, quæ necessario in retentionem læsam intestinorum tanquam in propriam causam refertur, quæ retentio læditur, non ob morbum in mala compositione, sed ob solutam unitatem, Diauresim, seu erosionem vocatam, hæc enim est illa, quæ potissimum sibi dolorem adjungit, qui in casu nostro insignis admodum observatur, & quoniam ulcus, ut dictum fuit, redolet naturam carcinomatis, idcirco erosionem per quam illud fit ab atra bile fervidiori pendere statuendum est; Ad hæc quoniam atra bilis ex Galen. à bile flava, & succo melancholico exustis, agente jecore fervidiori generatur, puto in patiente nostro à succo melancholico ortum duxisse, nam patiens est temperamenti melancholici, & morbus in hoc Autumno est exacerbatus. Nec obstat, quod incepit affectus æstate præcedenti, quoniam tempestas illa solum causam exurentem præstitit, calorem nimirum scilicet, non autem materiam, succum melancholicum inquam, qui modo jam dicto genitus, in partem nunc affectam olim tanquam imbecilliam transmissus fuit, nunc autem ob dolorem continuò quoque attrahitur.

Quapropter Medici erunt, habita totius providentia, cum his quæ atrum humorem respiciunt, ad deterfionem devenire, cum his quæ citra morsum detergunt, ac exiccando absumunt quidquid extremitatum, & superfluum superest, partemque denique sanare, atque roborare, at præsertim ne denuo humor melancholicus generetur per alterationem jecoris ad frigidum prohibere, aliàs aliò erit avertendus.

Sed quoniam cum maximo recessu à statu naturali patiens laborat eo genere morbi, qui sui contumacia, & perversa Medicis præfidiis quæ maximè reluctatur (ut propterea hujusmodi affectus pro irremediabilibus ab omnibus habeantur, apud me erit impossibile fines illos propositos attingere, & eo magis, quoniam Divinus Hippocrates hac data occasione dicere solebat, difficultatem intestinorum ab atra bile lethalem esse; quibus omnibus accedit pravus totius patientis habitus, accedit & anni tempus Autumnale, quæ solent esse morborum consimilium causæ maximè feraces. Quoniam tamen ex

Areteo desperatis etiam non est deneganda medicina, tum consolationis, & productionis vitæ gratia, tum quia Deus & natura solent ab imminente morte quandoque vindicare, idcirco de materiis Medicis in gratiam nostri Reverendi admodum Monachi aliquid proponendum.

Quantum igitur attinet ad Chirurgica, quoniam jecur incensum valde observatur, putarem ideo aliquam venæ sectionem in cubito dextro eventativam tamen, illi posse plurimum conducere; fonticulum etiam duplicem, unum in brachio sinistro, & alium in crure dextro summoperè laudarem, sicuti & juges partium superiorum frictiones, deligationes, & lotiones non improbarem.

Medicamenta alia respiciunt fluxionem, alia verò terminum ad quem ipsius fluxionis. Quocirca primum occurrunt medicamenta, quæ copiam, & qualitatem materiæ fluentis respiciunt, vel ejusdem originem. Priora itaque sunt lenientia, præparantia, & purgantia. In genere lenientium convenit, quod paratur ex syrupo de polypodio Magistri Augustini, & syr. ros. fol.

In genere autem præparantium decoctum boraginis, buglossi, fumarie, cichorii, plantaginis cum syrupis appropriatis; tandem in genere purgantium maximè arridet syrupus de polypodio prædictus, cum Rhab. & decocto myrobalanorum Indorum, citrinorum, & chebulorum. A qua purgatione cogitandum erit de aliis medicamentis evacuantibus tum sensibiliter, uti per vias urinæ, tum insensibiliter per poros cutis.

Per vias urinæ evacuant thermæ frigida, quæ etiam plurimum ad acris materiæ temperationem faciunt, huc pertinet serum destillatum. In genere autem evacuantium insensibiliter, est decoctum chinæ, sed medicamentum, quod partim per vias urinæ, partim insensibiliter evacuabit, erit jus gallinæ antiquæ cum china, capillo ven. citrach. agrimonio, seminibus melonum, boragine, buglossi, radice liquiritiæ, ac verbasco paratum.

Medicamenta verò, quæ originem materiæ morbificæ respiciunt, sunt alterantia jecur, ideo præter aquas medicatas frigidas, & serum cum succo cichorii dicta, lac asinæ opportunum existimo.

Exterius laudo balneum aquæ dulcis, laudo & perfusionem jecoris factam cum succo cichorii, hepaticæ, & speciebus cerati sandalini.

Pharmaca, quæ respiciunt locum affectum, vel respiciunt ulcus, vel dolorem, quæ ulcus, leviter, & citra morsum detergentia sint oportet, idcirco inter alia propono injectionem factam ex decocto hordei, parato in aliqua aqua Thermalis frigida cum syrupo de rosis siccis, aut melle rosato simplici. A qua ad siccantia deveniendum, in quorum serie seligo medicamentum factum ex succo plantaginis, solani, sempervivi, tutiæ præparata, cerusa abluta, plumboque icto, & loto, quod medicamentum in sero chalybeato dissolutum in anum injici poterit.

Pro dolore sedando convenit Antidotus magna per se, vel cum saccharo rosaceo exhibita, laudo & injectionem factam ex lacte asinino, quibus addenda sunt, quæ à proprietate agunt, idcirco omne genus coaguli arridet, item & jecur Arietis exiccatum, pulveratumque necnon decoctum foliorum populi albæ laudantur.

Victus

Victus autem sit temperatus, ideo omnis aeris inclementia est fugienda, cibis boni succi, & facilis coctionis offerri debet, uti sunt ova, aves parvæ montanæ, carnes pulli, hædi, vituli lactantis, vervecis, & hujusmodi. Et quoniam visciditate aliqua cibus hic debet esse donatus, hinc carnes prædictæ in aqua chalybeata coctæ cum extremis animalium dictorum ex usu erunt utiliori: Potus sit vini rubri, & subadstringentis aqua chalybeata diluti, atque tandem reliqua secundum proportionem respondeant; faxit autem Deus, ut demum Reverendus admodum Monachus his, & aliis præsidiorum materius Medicis consimilibus bene se habeat. *Jul. Cas. Claudin. in Consultat. Medicin.*

*De Diarrhœa, & Dysenteria. Pro Nobili
Patiente.*

Nob. Patiens ætatis annorum 52. temperamenti calidi, & sicci, cum frigiditate ventriculi, vertigines antehac perpeßus per vices valde molestas, quibus non semel accessit virium lapsus, cum detentione omnium functionum, & sudore copioso; quibus medicis præsidis (ut scribunt) sublati, ad tempus saltem, dum ætivo tempore sub radiis solaribus diu commoratus esset, corpusque non mediocriter exercuisset, suppressa expurgatione per nares, fructibusque copiosis usus, de dolore gravativo capitis conquestus fuit: quo remisso, in alvi fluxum incidit, primò quidem materiæ liquidæ, & cineritiæ; cum levibus torminibus, mox & pituitosæ, viscidæ, & spumosæ, necnon flavæ, ac biliosæ, mixtæ aliquando: semper tamen cum mucosanguineo; modò aliis excretis permixto, modò sincero. Pro cujus affectus curatione multa medica præsidia ex præclarissimorum medicorum consilio adhibuit, necnon & spontè hausit frigidam ad satietatem, à cujus usu visus fuit melius habere: in deterius tamen lapsus est, quandoquidem excreta in præsentia sunt plurimum pituitosa, cineritia, vel mixta, cum graviori ventris inferioris dolore, cui paulò post succedunt dejectiones, supervenit lenta febricula, rugitus, fluctuationes, sitis, inappetentia. Propterea de agendis consultit.

Quare ego expensis erroribus, & accidentibus præteritis, excretis enarratis, atque affectibus nunc affligentibus, licet supponam sanguinem illum excretum indicium esse aliqujus intestinorum abrasionis ab acri illa materia, quæ excernitur, & propterea iuxta cum Viro Excellentiss. dysenteriam adesse censeam: affectum tamen præcipuum diarrhœam constituendum esse reor, cum in præsentia mucus ille cruentus à prandio tantum appareat semel atque iterum, matutinæ autem, nocturnæque dejectiones sint materiæ excrementitiæ, à prædominio pituitosæ, & cineræ, ut scribunt: quam non aliunde provenisse mihi persuadeo, quàm à venis mesaraicis obstructis ab humoribus crudis, & pituitosis mesenterio infarctis, iisque plurimum in ventriculo genitis, licet & à capite non sit negandus eorum aliquis confluxus. Ab his etenim vertiginosam quoque passionem præteritam, dum exhalarent in caput, atque animi deliquium quo laboravit, os ventriculi coarctando, corde in

consensum adducto provenisse mihi verisimile est. Hi verò in præsentia dum congeruntur in mesenterio, non ventilati, ac proinde putredinem aliquam concipientes, febrem, atque irritata expultrice ad intestina transmissi, diarrhœam cum torminibus, vigiliis, siti & inappetentia producere facili negotio possunt; necnon & aliquam intestinorum abrasionem inducere, unde dysenteria principium.

Quæ cum ita sint, non præter rem dubitaverit quispiam, præsentem affectum non adeo leve futurum, cum fieri possit facile, ut putredo in venas majores propagata febrem interat graviorè. Nec minor impendet metus gravioris intestinorum abrasionis. Si etenim dysenteria in longius protrahetur, non solum vires prosterneat, verum etiam levitatem intestinorum, seu lienariam, aut aquam inter cutem, & hydropem invehere poterit, teste Hipp. 6. Aph. 43. *Quæ lienosi difficultate intestinorum corripuntur, iis supervenientem longam dysenteriam aqua inter cutem, aut intestinorum levitas excipit, & moriuntur.* Addit Galen. in comm. rationem assignans Hippocraticæ sententiæ: *Male affectis enim, & labefactis intestinis à prætorum humorum effluxu, cum vires ipsorum laborant, tumpevit caloris nativi symmetria, propterea & aqua inter cutem, & levitas intestinorum supervenit.* Verumenimverò cum dysenteria sit tantum incipiens, & abrasio in intestinis crassis, ut ex dejectione statim subsequente tormina colligere possumus, bene sperandum de patientis hujus rebus.

Materia itaque peccans attenuanda, incidenda, sensibiliterque, & insensibiliter est evacuanda; fluxio à capite divertenda, obstructions meserei referandæ, ventriculus calefaciendus, & intestina sunt munienda, viribus interim conservatis, cum alimentis congruis, tum bezoardicis, & calidum innatum fomentibus.

Atque ideo lenienda est alvus melle ros. sol. & manna electa, cum decoctione cordiali, & sem. citri. Præparandi sunt humores mell. ros. simpl. de corticibus citri, oxymel. simplici. & emuls. sem. citri; purgandi verò agarico trochiscato, & melle ros. solutivo, cum infusione, & decoctione myrobalanorum emblicorum, & pulpæ tamarindorum. Mox & aqua Tettutiana, bis saltem, ad lib. tres qualibet vice, cum unc. iv. mellis ros. solut. est exhibenda: vomitu interim excitato succo raphani, & oxym. scyllitico, si patiens Nobil. ad eum sit pronus. Proderit enim quam maximè ad diversionem materiæ peccantis. Perseverante autem febre si vires non erunt adeò dejectæ, sanguis educi poterit ex salvatella dextra, ratione febris, & dysenteria incipientis; pauca tamen copia, quò vires solvendo morbo sint pares. Fonticulusque paretur in sinistro brachio, pro diversione materiæ à capite fluentis, præmissa ejus expurgatione per nares. Quibus enim dejectiones in diarrhœa sunt spumosæ, his à capite sit fluxio. ex Hipp. Hisque peractis præscribendum erit decoctum aperiens cum columba turricola, & radicibus fœniculi, asparagi, rusci. seminibus anisi, danci, feseleos, & cymini, cum agrimonia, cetrach, filice, & scolopendrio; quo quindecim

dies utatur, exhibita alternis diebus drachm. i. rhabarb. immaturi, cum passulis attriti, & deglutiti, superbibito deinde juscule proposito. Quod si febris remiserit, & persistierint obstructions, electuarium de chalybe Saxonianum, cum trochiscis de eupatorio, & de rhabarbaro præmitti poterit juscule præscripto: calefacto interim ventriculo stillicidio ex oleis mastichino, nardino, rutaceo, & laurino oleo communi, spica, zingibere, & schœnantho additis. Roboretur cor Theriaca antiqua, horam ante cœuam assumpta ad drachmam sem. quando febris jam recesserit, vel fuerit parum molesta: munitis intestinis clystere injecto, parato ex lacte chalybeato; in quo macerata fuerint rosæ Damascenæ, cum sevo hircino, & tuthia pulverizata.

Victu præscripto, qui sit facilis digestionis, & proportionem respondeat propositis medicamentis. *Bened. Sylvatic. Consil. & Respons. Medic. cent. 2.*

*De Diarrhœa, Dysenteria, & Tenesmo.
Pro generoso Viro.*

Vir generosus ætatis annorum 46. sanguineus, boni habitus, floridoque vultu, ventriculo satis firmo, hepate fervido, promiscua usus vivendi ratione, ac peregrinationibus fatigatus hæmorrhoidum fluorem dies aliquot passus est, à quo gravius nihil accidit. Tribus abhinc mensibus diarrhœa satis profusa dies aliquot, sine dolore corripitur, à quo tempore postea ante septem hebdomadas observavit sanguinis quidpiam sine dolore in dejectione naturali: cujus causa infusum rhabarbari, & clysteres ex lacte fuerunt præscripti, nihil tamen remittente malo: verum paulo post sanguini immixta effluxit materia alba, & glutinosa, cum nigro interdum, adusto, & coagulato sanguine, à facibus sejuncta sine dolore insigni, paucâ semper copiâ: quinimò quandoque à prima defidendi cupiditate, guttatim, quandoque ad medii cochlearis, vel ad summum, unius mensuram. Alvus interim suppressa dum injectionibus plurimum sollicitatur, dolor nullus percipitur, sed fervor solum quidam in excretis, æqualibus plerumque. Interdum tamen materia hæc sæpius ejicitur sola, sine molestia, adeo ut consueta munia obire valeat, toleretque etiam nunc vectari curru, & equitare. Sub mediam verò noctem quandoque prius dolor dorsum, seu potius ossis sacri, & surarum ingravescit: atque ossis quidem sacri profundus, qui tactu nequiquam exacerbat, nec rubore, aut tumore se prodit, licet patiens corpus exerceat. Vigesimo primo Martii, præmisso rhabarbaro, è mediana missus fuit sanguis: à quo insurris dolor nullus, qui nunc ante triduum noctu invaluit. Clyster quoque anodynus, & sanguinem sistens, sine dolore injectus, mediæ horæ spatio si contineatur, dolor solitus tota nocte, in auroram usque affligit, atque vices, & sæpius etiam nullo clystere admisso, sine aliorum excrementorum, aut serosæ illuviei permixtione, materia cruenta, tenaxque alvo excreta, quæ duo, tria quatuorve cochlearia non excedit: cæteris excrementis interim omnibus suppressis. Fluxus quandoque unum, alterumve diem remittit, sed mox recurrit. Venter

initio quidem visus est intumescere, nunc rectè se habet.

Hæc est affectus præsentis historia, fusè sanè & accuratè à Viro præclarissimo enarrata, cognitu tamen perquam difficilis, cum quoad partem affectam, tum quoad causam. Si enim loquimur de parte affecta cum ibi sit morbus, ubi dolor, dicere possumus, præteritis mensibus viscera naturalia fuisse partem affectam, cum venter intumuerit: nunc verò esse partes ad os sacrum spectantes. Dolor namque nocturnis horis circa os sacrum, & suras molestus est. Quod si item de causa effectrice sermo sit, dicendum est, causam hujus affectus esse copiam humorum, cum quantitate, tum qualitate peccantium. Quare brevibus statuendum cenleo, Generosum hunc patientem congregere magnam copiam cum sanguinis melancholici, tum pituitosi: melancholici quidem, ob naturale temperamentum, ætatem, & vitam excitiis addictam, cujus evidentissimum signum est sanguis hæmorrhoidalis aliàs spontè fluens; pituitosi quinetiam, ob promiscuam vivendi rationem in ventriculo geniti, & à fervore jecoris attracti, atque utriusque in mesenterio, tanquam in sentina veluti omnium excrementorum hærentis, unde ventris intumescencia initio apparuit, cui, natura sarcinam hanc deponere tentante, diarrhœa successit: prout contingit non rarò mulieribus, mensibus deficientibus. Reclusis autem mesenterij venis ad intestina hiantibus, ad illas, & venas hæmorrhoidales, quæ à ramis venæ portæ propagantur, suborta est dysenteria, non quidem vera, cujus essentia, & forma consistit in ulcere intestinorum, atque ideò definitur à Gal. per ulcus intestinorum, sed amplo modo usurpata, prout complectitur quamlibet cruentam dejectionem: quo sensu, dysenteria nomine Hippocrates usus est passim quarto de Articulis. Primo de Natura Humana 33. & in Epidemiis: atque Galenus 5. de Loc. Aff. 7. eam modò sinceram, modò pituitosam materiam permixtam, modò sanguinis tenuioris, modò nigricantis, adusti, & coagulati, qui extravenas stagnans aut grumescit, aut putrescit, modò majori, modo minori copia, prout redundat, & ad effluxum proclivior fuerit. Tandem & tenesmus accedit, irritata expultrice musculi sphincteris à mucosa materia falsedinem aliquam sortita, cujus causa, cum hujusmodi excretio facta sit à natura rectè operante, humorisque peccantis, semper successit absque torminibus, & molestia.

Quod si quis querat, cur fiat dolor ad os sacrum, & suras: & cur noctu tantum, non verò interdum infestet. Respondendum censerem, dolorem hunc provenire ab humorum fluxione à venoso genere ad partem illam imbecilliolem redditam, atque ad suras diffundi per easdem venas, ramos in primis venæ iliacæ descendentes cum ad os sacrum, tum ad suras, & crura; ut propterea non sit continuus, sed accedat & recedat, exciteturque in utraque sura, & ex venæ medianæ sectione XXI. Mensis Martii cessaverit, denuò tamen recurrens. Affligit autem noctu magis, quam interdum, quoniam tunc ob corporis quietem, Et prædictarum partium calorem fit major humorum confluxus. Et hæc de essentia, & causis hujus affectus satis

tis abstrusi, cujus accuratam magis historiam habere non potuimus, ob loci distantiam. Ex quibus facile colligi potest, quid prædicendum sit, & quid agendum.

Prognosticum quod atinet, licet duratio affectus, trium scil. mensium, difficilem reddere possit curationem, nihilominus cum patiens sit boni habitus nullamque labem essentialē patiatur viscerum principum, viribusque valeat, sperandum ipsum pristinam sanitatem adepturum esse.

Hoc autem fiet tribus potissimum præfidiis, quorum primum, & palmarium est congrua victus ratio in omnibus sex rebus non naturalibus. Secundum, usus medicamentorum attenuantium, incidentium, detergentium, & evacuantium, quò liberetur ab illa humorum sarcina, quibus scatent primæ viæ, & potissimum mesenterium, & intestina: quod clysteribus deterforiis consequetur ex aqua marina, muria & huiusmodi, cum mell. ros. à quibus deinde subaltringentibus erit locus. Tertium, ut sanguis divertatur, & per epicrasin imminuatur, primò per venas superiores ex utroque brachio, deinde per venas fedales, ad revocandam evacuationem illam, quam habet innatam. Materias remediorum Viro præclarissimo notissimas brevitati consulens omittendas duxi. Faxit D. O. M. ut ad vota succedant. *Idem ibidem.*

Illustrissimus Comes, 30. annum agens, temperamenti totius & jecoris, calidi & sicci, gracilis habitus, ad iram pronus, deliciis deditus, & hac ætate potissimum sicca, fructibus, ficibus scilicet, melonibusque nive perfrigeratis usus, quorum frigiditatem vino meraciori nivato contemperari, ventriculumque alimentis copiosis aromatibus cōditis præmuniri sibi persuadebat, præterito mense, autumno scilicet, incidit in alvi fluxum quo tribus aut quatuor primis diebus cruditates excretæ sunt, flavo tamen colore ut plurimum tinctæ, mox & biliosæ ferositates, non sine infimi ventris doloribus, copiosius quidem primis diebus; mox parcius, sed frequentius soluta alvus pinguis, flavi & crocei coloris deiecit; quindecim verò post diebus pellicula quædam, epidermis nimirum pinguedine mista fuit à nobis statim ab initio accersitis observata. Et quoniam in dysenteriam prolabi Illustrissimum Com. conjiciebamus, de agendis consultum fuit; quæ tamen respuit, quòd fluxum hunc sibi salutarem fore persuasum haberet; nec tamen nos dimisit, imò quotidie eum invisere jussit; ut propterea Dysenteria progressum nobis exactè observare datum fuerit, qui excrementa sincerè biliosa vidimus, cum doloribus vehementioribus, quibus accessit absque evidenti commissione non solum ephelcidis, sed & interioris intestini tunicæ aliqua porrio, siti insuper aucta, & appetitu dejecto. Et quamvis invalescentis dysenteria, ob tormina, à nobis admonitus fuerit; nullum tamen medicamentum, præter clysteres epicrasticos admittere voluit; unde sanguinem quoque, & subinde pus, & saniem non exiguam excretam Pat. Illustrissimo ostendimus, vitæ quinetiam periculo prænunciato; febricula namque quatuor aut quinque abhinc diebus eundem correptum, una-

nimes observavimus. Quare casus historiam tibi sapientiss. Viro à nobis referri jussit, agenda pro curatione expetens, atque expectans.

Quoniam docet experientia, diarrhœam sæpius nos ab imminenti morbis præservare, undè Gal. dicebat, Sæpè fieri ex virtutis robore cum salubri providentia; quoniam est commune auxilium pravos succos habentibus, ideo Comes Illustrissimus salutarem sibi futuram credidit incipientem diarrhœam; adstantibus Medicis fide non adhibita, qui ventris fluxum huiusmodi, & quartum & septimum diem excessisse observantes, morbosum fore censuerunt, cum Celso dicente; Uno die fluere alvum sæpè pro valetudine est, & etiam pluribus, si sine febre, & intra septimum diem id conquiescat; purgatur enim corpus, & quod intus læsurum erat, utiliter effunditur, verum spatium est periculosum; interdum enim tormina, interdum febriculam excitat, viresque consumit. Ita evenit Com. Illustrissimo, neglecta namque diarrhœa tormina & dysenteriam excitavit, à parte affecta ita dictam, quam Paracelsus morbum dissolutum appellabat. In cujus affectus cognitione non est, quod hæsitemus; siquidem dysenteria, & pleuritidi quoddam veluti privilegium hisce verbis concessit Gal. Ne requiras, inquit, in omni affectu huiusmodi notas, quales in pleuritide vel dysenteria apparent; scientifica enim est eorum cognitio, sicuti aliorum conjecturalis agnitio. Sat igitur est adesse alvi fluxum torminosum, ut incipiens dysenteria statui possit; cui si addantur excretiones mucosæ, pingues, membranosæ, cruentæ, absolutam atque perfectam dysenteriam factam esse produnt. Ita casu nostro, fluxus quatuor dierum diarrhœa fuit ex cruditatibus, à gelidis tum fructibus tum potionibus facile congestis; at quoniam Pat. ætas, temperamentum totius & jecoris, anni tempus, constitutio sicca; præterea fructuum copiosus usus, & vini meracioris potus consuetus, ad biliosos humores gignendos, & in venoso genere coacervandos conspirarunt; hinc contigit, ut primò cruditatibus in primis, & circa primas vias hærentibus natura exonerata (neque enim motus ille fuit præter naturam dicendus, cum id quod contristat, excerneretur) deinde hoc idem tentaverit, adversus biliosorum humorum apparatus, in venis latitantium, quod forsan cum Illustrissimi Viri levamine contingere potuisset, si natura medicum adminiculantem habuisset, qui intestina adversus bilis transeuntis acrimoniam præmunisset; verum quoniam ab ipso Pat. diarrhœa omnino neglecta fuit; ideo biliosa excrementa, Colon intestinum corrodentia (ut doloris situs, pinguis potius quam mucosa prodeuntia, nec exacta cum excrementis permixtio sat nobis ostendunt) dolores primò, secundò pinguedines, tertio ephelcidis portionem abraferunt, quæ tria tres gradus dysenteria fientis adhuc constituerunt: prout ramentum internæ tunicæ, & sanguis cum pure, primum & secundum gradum ulcerosæ jam factæ demonstrant. Quare modò superest, ut ulcus ad secunda & exteriorem tunicam pervadat, ut tertius & ultimus gradus statuatur, quo dysenteria depascentes, malignæ, sordidæ

da atque callosa evadunt: à quarum ulcere elevati putridi vapores ad ventriculum & cor ipsum, inappetentiam atque febriculam inducunt; quæ cum in secundo quoque gradu supervernerint, non exigui ulceris, & copiosi puris indicium præbent.

Dysenteria ex se morbus magnus, & periculi plenus est, longus, laboriosus & lethalis ab Hipp. dictus, si tertium gradum attigerit, ita ut carunculæ prodeant. Et quamvis Hollarus & Brasavolus observarint dysenterias sanatas, excretis licet carunculis ipsis; fuit tamen interior tunica tantum exesa; non autem exterior. Ita & Gal. maximam vidit intestinorum partem putrefactam, superstitibus tamen ægris; quia tunica exterior illæsa remanserat.

Status igitur Illustris Pat. adeo gravis est ut partim à deplorato absit, qui Curationis difficilis fuerit, non modò quia ulterius progressa; verum etiam quia à sincera dejectione facta est; unde concludebat Gal. quod, Ut ab atra bile intestino exulcerato auxilium negatur; ita à flava ægrè impetratur. Gravius insuper periculum imminet addita inappetentia, atque febricula, inflammationis, aut magni ulceris putridi indicio, ex Gal. in Com. Non est tamen desperanda salus; quia juvenis est Illustr. Pat. & nunc obtemperans, viresque satis constant, quantum ex relatis conjicimus; cum de atrocibus doloribus mentio non fiat, & tandem cum nondum generosiora, imò nec ullum remedium expertum & administratum fuerit; licet ad gradum insanabilem nondum devenit.

Statim itaque aggredienda curatio; quæ duplex esse solet, Canonica altera, altera Coacta. Prima spectans morbum, & causam morbi. Secunda symptomata, vehementissimos nimirum dolores, & profluvium sanguinis, quæ cum casu præsentis non adsint, vera & canonica statim tentanda, ut nos quoque monet Galenus, & repetit Hippocrates ipse.

Quare primò acres & vitiosi humores evacuandi. Secundò eorum acrimonia contemperanda, & si adsit malignitas alexipharmacis expugnanda. Tertio ab intestinis pravi humores divertendi. Quarto fluxus sistendus. Quintò ulcus mundandum & consolidandum. Et tandem contra symptomata pugnandum.

Quibus ut satisfaciamus intentionibus, in fonte Chirurgico considerata primò venit sanguinis missio; quæ à plerisque in dubium revocatur, imò prohibetur. Primò quia neque ab Arabibus, neque à Gal. in dysenteria curatione de ipsa fit mentio. Secundò quia fluente alvo sanguis non est detrahendus. Tertio, ne bilis effrænis fiat. Nihilominus & Æt. & Trall. sanguinem mittunt, quos sequuti fuerunt Alumarus, Claudinus, Amatus & alii, & meritò quidem, quia dum adest indicans & permittens, sanguis omnino mittendus est: nimirum sanguis, substantia indicans, quantitate, & motu peccans; permittens virium nempe robur. Argumentum verò pro parte negativa nihil concludit. Gal. verò auctoritate, fluente alvo sanguinem mittendum non esse, plures ægros occidunt quam servant, ut exclamabat Valesius; dum enim evacuatio est alterius evacuationis curatio, omnino permittenda est;

non autem, quando critica fuerit. Acres autem & biliosi humores prohibere quidem solent quantitatem sanguinis, at non educationem omnino. Quare casu nostro educatur sanguis ad inflammationem inhibendam, jecoris fervorem remittendum, & motum humorum ab intestinis revocandum, ut ulcus citius & facilius sanari possit: præterquam quod & febriculæ proderit: parcè tamen emittatur, ut monet Æt. & Paul. præsertim cum non adsit principium, sed progressus morbi.

In Pharmaceutico fonte, omnium primò considerata evacuantia & purgantia medicamenta: non autem adstringentia cum Medicorum vulgo. Ideo irridet Gal. Herodotum, & Diocl. qui quovis tempore dysenteria adstringentia convenire crediderunt: quinimò proficetur, dysenteria intempestivè suppressa melancholiam, insaniam, pleuritidem, nephritidem, sanguinis vomitum, epilepsiam & hydropem succedere posse. Opus est igitur humorum expurgatione & diminutione, ut ita tim & affatim evacuentur humores vitiosi, qui longo & lento lapsu intestina exulcerare solent. Nec nos deterreat Avic. monitum, quod Solvere ventrem supra ventris solutionem, timoroso sit. Id enim solum locum habet si ventris fluxus criticus fuerit, tunc enim, Quæ judicantur & judicata sunt integrè, neque movere, &c. at in dysenteria fluxum fluxu sanari jubet etiam Hipp. ipse. Et quoniam à toto, casu nostro, detruditur materia biliosa; ideo non solum de lenientibus, verum & de purgantibus exhibendis est cogitandum, à Valesio, Fuchsio, & Massaria damnatis; sed forsitan in principio, quo & ab ipso Gal. prohibentur; sicut probantur ab eodem, & exhibentur sedato fluxionis impetu ad intestina; caco-chymiam enim valido medicamento affatim expurgat.

Verum in præsens, cum valde progressa sit dysenteria, & febricula adsit, cautissimè procedendum. Et primò quidem statim cassiæ ʒvi. cum ʒiij. pulp. tamarind. præbendæ erunt, quibus superbibat seri capr. præpar. ʒij. Neque verenda cum Foresto tamarind. aciditas, tanquam ulcus irritans; quoniam tum à flore cass. tum à sero refringitur, ut consideravit Heurnius, atque interim adstringit & exsiccatur ulcus. Inde à salvatella dextra sanguis ad ʒv. educatur, ut jecoris & venarum fervor contemperetur, humores ab intestinis divertantur, & inflammatio in parte inhibeatur.

Secuta evacuatione, mox alteratio, & biliosorum humorum contemperatio procuranda, quæ tantæ est efficaciam in dysenteria curatione, ut in admirationem traxerit Amatum, quod Juvenis quidam dysentericus, sine medici consilio, solo gelidæ potu sanatus sit. At nobis cessat admiratio, observantibus Celsum, aquam frigidam dysenteria curandæ, ut remedium optimum proposuisse. Sed hic locum habent decoct. herbarum & succi, serum, Thermæ Aquæ, Lac, hoc ordine, casu nostro administranda.

Primo quidem per quinque aut sex dies hujusmodi exhibeatur syr.

℞. Decoct. end. lactuc. violar. plantagin. portulacæ ʒv. succi depur. plantagin. portulac.

ana

ana ʒ i. m. pro syr. & sic pro aliis. Vel huius loco.

ʒ. Aq. stillat. lactucæ, nymphaeæ, plantag. an. à ʒ ii. sem. papaver. albi ʒ ii. m. f. emuls. cur adde lucci cydon. ʒ i. diamargariti frigidi ʒ i. m. pro syr. & sic p. o aliis. A sacch. namque abstinendum omnino, prout & à melle.

Vomitum interim p. odesse solet, qui nisi spontaneus, arte sollicitetur, biliosi humoris copia imminuta, & acrimonia contemperata; atque adeo, ait Hipp. quod, A diuturno alvi profluvio, spontaneus vomitus superveniens, solvit morbum. Levioribus tamen excitandus.

Præmissa jam dicta præparatione, aliqua humorum tentanda expurgatio, ut imminutis humoribus, citius & facilius ulcus exsiccare & olduci possit. Cassiæ itaque, & pulpæ tamarind. addatur rhab. portio, ad ʒ f. à quibus bibat ser. depur. ʒ ii. Rhabarb. autem sit totum, quicquid dicat Hollerius, Amatus, Salvus Sclanus: Hippoc. enim ad alvi profluvium cohibendum assata & tosta optima esse asseruit; quem sequuti fuere & Paul. & Æt. hosque Matthiol. Mesue, Forellus, Trincavella: ita enim minus purgat, & ulcus magis exsiccat.

Dum verò humores biliosi diminuuntur, eorundem contemperatio nunquam omittenda, & ulceris ratio semper habenda. Utrumque vero præstare possunt casu nostro Aquæ Thermales acidulæ terratæ; inter quas nos sæpius Villensibus usi sumus feliciter, primis diebus, cum vehiculo dejectorio syr. ros. sol. cum decoct. pulpæ tamarind. ad ulceris detersionem, & exsiccationem, mox cum diuretico, nimirum spir. vitrioli, quarum usui insitendum decem, vel duodecim diebus. Animadvertendum tamen, quod sicut laxis intestinis tenuioribus medicamenta conveniunt assumpta; ita laxis crassioribus magis injecta, ejus causa clysteribus frequenter utendum.

Tertiò alterantis loco, ad usum lactis perducendus est Illustrissimus Com. quod ulceri quoque sarcoticis curando, magnoperè proderit. Ulcus quoque detergendum & exsiccandum, injectis potius quam assumptis, ut nos docet ipse Gal. crassis laborantibus intestinis: atque adeo clysteres interim injiciendi, dum lac assumet, infra describendi. Lac præbeatur itaque, non obstantibus biliosis dejectionibus, aut febricula: bilis enim potiori parte expurgata fuit; præterquam quod tollitur incommodum, si decoquatur, vel cum aqua plantaginis cum Aret. vel, ut Hipp. lapidibus, aut Cylindris candentibus in eodem extinctis: facultate enim imbuatur exsiccante & corruptioni resistente. Febricula autem, quia non vehemens, lactis exhibitionem non prohibet: hoc enim conceditur ab eodem Hipp. iis, qui non valde multum febricitant. Sic idem Hipp. lac præbuit Critolai filio, qui circa æquinoctium autumnale dysentericus fiebat, & cum febris tenebat: alvi egestionibus biliosis, tenues, multæ, & moderate subcruentæ, dolor ventris vehemens, & ubi serum, & lac bibisset, silice candefacto immisso, dolores, & subcruentæ egestionibus moderatiores fiebant, sed biliose comitabantur, & sæpè ad exonerandam alvum surgebat, sed minori dolore. Tandem lacte asinino cocto propinato, sanatus est. Exhibeatur igitur ad ʒx. quatuor horis ante cibum.

Et licet non tenuia, sed crassa intestina casu nostro lasa sint; attamen assumpta per eo exsiccantia non sunt omittenda. Ita Crytallus optimè lævigatus, ut magnum remedium proponitur à Conciliatore & Guarino, & ante eos à Dioscor. Cera item usus in ventre pullorum, vel in cavo cydoniorum, à Dioscor. & Galen. A Chymicis verò crocus martis constrict. à Paracelso sal lithargyri, & alumen Saturni. Nos verò frequenter & feliciter utimur hujusmodi pulv.

ʒ. Ossis sepiar. ust. & pulveriz. ʒ ii. spongiæ pice imbutæ, & in ollula ustæ, in cinerem redactæ, cortic. ovar. iudurat pulveriz. an. ʒ f. margar. præpar. bol. arm. an. ʒ i. m. ejus dosi ʒ i. in aqua polygoni, aut ex foliis quercus destill. pluribus diebus assumenda. Utinur quoque syr. corallor. Querc. ad cochlear unum, procul à cibo. Commodius tamen curatur ulcus clysteribus, primò detergentibus, secundò exsiccantibus, & tertiò, si opus fuerit, epicerasticis.

Detergentium verò tres sunt gradus. Primus est eorum qui parantur ex mulla, cum aqua hordei, addito melle ros. Secundi ordinis sunt parati ex aqua salita, Tettuciana, vel Montis Falconis, quæ salgemmea est; addito pariter melle rosac. Tertii ordinis parantur ex muria, addito etiam ægyptiaco, ut nostro casu; quia ulcus est sordidum atque depascens.

Et licet de Muria usu dubitatum sit, exemplo illius Medici, qui cæparum esu, & clysteribus ex muria, omnes dysentericos curabat, & convulsionibus intericiebat, amethodus enim fuit; attamen in hoc depascente & putrido ulcere, non solum muria; sed caustica quoque conveniunt, ita consulente Gal. si callosum quoque fuerit, & Celso, quibus subscripserunt Avic. cum Æt. Cautè tamen & muria & caustica sunt injicienda, tribus nimirum observatis conditionibus. Primò in viribus valentibus. Secundò nonnisi narcoticis commistis, more Gal. Tertiò ut clysteres non detineantur ultra horam, ut monet Ætius.

Absterfo ulcere, clysteribus exsiccantibus utendum, in tres pariter gradus distinctis. Primi gradus sunt ex decoct. hordei torrefacti, plantaginis, rubi, rosar. myrti, polygoni, cum ol. ros. bolo armena & ovi vitellis. Secundi gradus ex decoctione plantag. consolidæ, millefolii, verbenæ, cynoglossi, portulacæ cum bolo arm. terra sigillata, lithargyro, & sebo hircino. Vel ex aqua Villeusi, & aqua Montis Agrotorum cum succo plantag. Tertii ordinis, ex aqua fabrorum, vel vino nigro cum troch. de Charabe ad ʒii. & troch. Gal. ad ʒi. quorum descriptio est hujusmodi.

ʒ. Chartæ combustæ, arseniciusti, squamæ aris, croci, opii, calcis vivæ extinctæ an. ʒ iij. m. & cum succo plantag. f. troch. Quibus utebatur Gal. ad omnia prava ulcera sananda.

Sed circa omnium jam dictorum clysterum usum, nos observare solemus materiæ redundantiam in detergentibus, & ablumentibus, paucitatem in exsiccantibus, mediocritatem in epicerasticis, & temporis brevitatem in causticis; atque tandem successivum eorundem usum, adeo

adeo ut detergentem sequatur statim exsiccans, indeque anodynus, si dolores urgeant.

His verò Com. Illustrissimum sanitatem consequuturum speramus; ita ut ad victum humectantem atque Balneum confugere atrophie causa, & tabis vitandæ minime cogamur; ut in intemperie jecoris & totius calida & sicca, habitu gracili, & facile resolubili, dejectis viribus, nec acria medicamenta tolerantibus consulit Tral. ab Hipp. forsan edoctus, dicente. In curatione dysenteriae, multa calida paries sub umbilico lavato, maxime si dolor aduerit. Et licet alvo fluente Balneum ab eodem prohibeatur; id tamen ab initio fit, quando corpus excrementis abundat.

Circa victus rationem nonnulla selectiora adnotamus. Et primò quidem, quod excrementa Illustrissimi Pat. sint qualibet vice exportanda, ne ab eorum halitibus foveatur morbus.

Ciborum verò parsimoniam commendat Gal. cui subscripserunt Tral. & Serapio, dicens, quod sic membra avida humores retinent, & ab exiguo stercore minus intestina molestantur.

Qualitas verò sit subadstringens, nec acida, nec acris. Sit itaque cibus epicrasticus, emplasticus, cūchymus & coctus facilis. Sic Aëtius, & Paul. laudant pultes, & oryzam cum lacte. Gal. ova in sartagine cocta, aceto aspersa; ita & Orib. addit tamen Gal. omphacium, vel granatorum succum. Carnes Volucrum & sylvestrium animalium in progressu concedit Aët. Lentem Gal. Portulacam Diosc. Conceduntur Mespila, cydonia, sorba, pyra.

Potus cum Paulo & Aëtio sit aqua pluvialis Chalybeata, vel aqua plantaginis, & ex tenerimis quercus foliis; cui addatur, in virium defectu vinum austerum & subadstringens.

Somnus sistit omnes fluxiones præter sudorem. Concilietur itaque emuls. amygd. dulc. & sem. papav. albi.

Quietem imperat Celsus; omnis enim exagitatio exulcerat; & ideo non surgat, sed in lecto egerat.

Et tandem arceat omnes animi affectus atque commotiones. Quibus omnibus Deus Omnipotens aspirare dignetur. *Raym. Joh. Forrig Consult. & Respons. Medic. T.1. Cent. 2.*

Juvenis 25. annorum biliosus, diarrhoeam biliosam per tres dies tempore dysenteriae epidemicae, cum virium jacturâ, ex frequentioribus dejectionibus ortâ, passus, sanguinolenta spermaticque ranarum simillima jam frequenter excernit excrementa. Adsunt dolorosa ventris tormina, tempore excretionis potissimum molesta. Pulsus habet justo celeriores, caloremque totius corporis acrem ac febrilem. Siti, anxietate, & vigiliis magnopere inquietatur.

Afficiuntur in hoc ægro intestina, ut ex sanguinolenta per anum copiosa excretionem, torminibus dolorosis conjunctâ, est manifestum. Afficitur etiam cor & totus corporis habitus; ut ex pulsu celeri, & acri ac febrili, totius corporis calore, ac siti, patet.

Morbus, qui eum affligit, est intemperies intestinum acris, biliosa, & putrida; quæ eorum tunicam abradens & erodens, sanguinemque & materiam spermatic ranarum similem in capacitatem eorum effundens, ipsaque ad eorum excretionem frequentem & dolorosam ir-

ritans, febremque inducens, Dysenteria, febri comitata, appellatur.

Causa procatartica hujus morbi est aeris intemperies acris & maligna à qua, in pulmones per inspirationem delata, sanguis in iis existens simili qualitate & intemperie fuit infectus, qui deinde cor ingressus, & inde per totum corpus dispersus, Antecedentem huic morbo præbuit causam. Pars verò istius infecti sanguinis in intestinis à reliquo sanguine separata, ibique putrescens, & acrimoniam sufficientem adipiscens, intestinaque erodens & abradens. Continens hujus morbi & symptomatum est causa.

Putredine enim, perpetuò ad cor veniente, accendit febrem, anxietatem, totius corporis ardorem acrem, pulsum celerem, sitim, & vigilias molestas inducentem. Acrimonia verò abradens & corrodens intestina, eaque ad excretionem, per spirituum animalium in fibras oblique descendentes influxum perficiendum, vellicans, excitat excrementorum, spermatic ranarum visciditate & colore similiem, nec non sanguinolentorum excretionem, dolore & torminibus, excretionis tempore, ob humores tum eo maxime fluentes, potissimum infestantibus, comitatum.

Metus est, ne hic intestina ab acrimonia materiae peccantis ita exedantur, ut vasis mesaraicis, corrosis, sanguis tantâ copiam effundatur, quæ ægro nostro vitam adimat.

Curatio itaque sedulo instituenda; eaque in materiae acris deterfione, evacuatione, & attemperatione, intemperieique reliquæ correctione, ac intestinorum erosorum consolidatione consistet.

Primò itaque præscribatur talis haustus purgans:

℞. Rhabbarbari tosti & pulverisati ℥iij. syr. ros. solut. ℥j. s. aquæ hordei tosti ℥ij. Misce. F. Haustus, mane exhibendus.

Evacuatione peractâ, sub vespere, ad acres humores, febrilemque calorem temperandum, utatur sequenti potione.

℞. Aquæ acetosæ, fragariæ, folior. quercus ana ℥iij. Pulv. nucis moschatæ. cinnamomi, santal. citr. an. ℥ss. Coquantur levi ebullitione Colaturæ adde syr. de acetositate citri ℥j. myræ cydon. ℥ij. Misce. F. Potio, qua utatur ad libitum.

Sequenti die, pro ulteriore deterfione utatur decocto hordei tosti chalybeato; & simul pro corroboratione & refrigeratione præscribatur sequens conditum:

℞. Conservæ rosar. antiquæ ℥jss. Diacydonii simpl. ℥ij. Nucis moschatæ condit. ℥j. Spec. diarrhod abbat. ℥ss.

Cum syr. de acetos. citri F. Conditum, de quo sumat frequenter magnitudinem castaneæ.

Circa quintum aut sextum morbi diem injiciatur Clyster talis abstergens, refrigerans, & adstringens:

℞. Rad. tormentillæ ℥ss. Herbar. plantaginis, endiviæ, lactucæ an. m. j. Flor. rosar. rubr. m. ij. Coque in s. q. aquæ hordei tosti ad ℥xv. quibus colatis adde Sacchari rubri ℥j. mel. rosat. colati ℥jss. Vitell. ovi. No. j. Misce F. Clyster.

Hic ubi per biduum singulis diebus semel injectus

jectus fuerit, & intestinorum exulceratio satis deterfa, majoris adstrictionis & consolidationis causâ, talis clyster vicissim per biduum, singulis diebus semel, erit injiciendus:

℞. Rad. tormentillæ ℥ss. Herbar. plantag. faniculæ, bursæ pastoris an. m. i. f. Portulacæ m. ij. Folior. rubi, quercus an. m. i. Sem. plantag. sumach. oryza an. ℥ss. Coq. in f. q. lactis chalybeati ad ℥xv. Colaturæ adde sevi Hircini ℥i. succi acaciæ, hypocyttidis an. ℥i. Vitell. ovor. N. ij. Misce F. Clyster.

Ubi per biduum eo usus fuerit, assumenda erunt per os varia adstringentia, quale est hoc electuarium.

℞. Conservæ rosar. antiq. ℥ss. Croci martis, corallor. rubr. boli armeni, terræ sigill. an. ℥i. Sem. plantag. tost. ℥j. f. Cum syr. de rosis siccis q. s. F. Electuarium, de quo aliquoties in die sumat castaneæ quantitatem.

Venter foris inungatur unguentis adstringentibus & corroborantibus.

In diætâ Aër sit temperatus. Cibus sit ex jure carniū, acetosâ, endiviâ, & portulacâ alterato, cum paucis panis candidi benè fermentati; item puls ex oryza. Potus sit cerevisia tenuis, & vinum rubellum adstringendi vim habens. Quies imperetur. Somnus concilietur: & Animi affectiones tristes, aliæque vehementes, ablegentur. *Henric. Regius apud Theodor. Craanen Medicationum lib. 3.*

Observationes.

Mercator quidam *Delphis* habitans temperatura biliosa triginta annos natus, per longam peregrinationem, multosque perpestos labores, ex *Gallia* reversus, & nunc paulò tranquillior, cum uxorem duxisset, & delicatè magis viveret in fluxum diuturnum ventris incidit, mox in dysenteriam lapsus; per sex integros menses, cum miserè vitam duxisset, doloribus ac torminibus sub umbilico pene extinctus est, verum cum hic experimenta multorum, ac muliercularum frustra, ac diu, multumque tentasset, tandem nostram opem expostulavit, omni spe destitutus, qui equidem cum hæc subsequenteria remedia eidem per me fuissent præscripta, præter omnium opinionem sanitatem consecutus est. Omnium primò injectum est hoc Enema.

℞. Decoct. hord. parum torrefact. ℔bj. ol. rosac. ℥iii. sacch. rub. ℥i. vitellum unius ovi. M. Materia eo clystere utcunque deterfa, dolor quoque nonnihil mitigatus est. mox altero die sequens Enema infusum, recipiens lactis bubuli chalybeat. ℔bi. sacch. rub. ℥i. vitella ovorum. Deinde & tertium, ita.

℞. Decoct. hord. torrefact. ℔bi. ol. ros. cotoneor. an. ℥i. ovorum vitellos numero ij. sacch. rub. ℥i. M. jis tormina cessarunt, & facta est excrementorum mutatio in meliorem statum: injectis demum clysmis his acres materias eluentibus, per superiora hæc propinavimus; & primò absterforium hoc medicamentum.

℞. Decoct. hord. communis, ℥vi. syr. ex infus. rosar. ℥iij. M. conficiebatur ex rosis omphacinis non valde apertis, affusis septies vel pluries, atque abjectis, ut ego parare soleo;

in eo enim inest vis doloris sedandi mira, & etiam oblinendi.

Purgavimus autem hoc modo.

℞. Fol. plantag. Mj. fl. ros. rub. ℥i. mirobal. citrin. ℥iii. mirobal. chebul. indor. an. ℥ss. schænanth. ℥i. bulliant in aqua in colat. ℥iii. adde rhab. el. ℥i. syr. infus. ros. & cotoneor. an. ℥ss. M. F. potio. quinquies eduxit. Deinde & hoc præscriptum est.

℞. Hord. commun. p. j. sem. plantag. fl. ros. rub. an. ℥i. bulliant in aqua in colat. ℥iii. dissolv. syr. cotoneor. & infus. ros. an. ℥ss. M. Postea dedi ℥i. rhab. parum tost. cum decoct. plantag. & fl. ros. Deinde & ea quæ magis constringerent.

℞. Sem. plantag. exsicc. & pulv. ℥i. trochisc. de carabe, de spodio. an. ℥ss. C. C. ult. ℥i. corall. rubr. ℥ss. pulveriscentur subtilissimè & dividantur in tres partes, & detur una dosis, cum vino rubro, altera cum decoct. sem. plantag. fl. ros. & centinod. tertia cum decocto vini rubei in quo bullierint rosæ, sem. plantag. & centinodium. Hoc etiam condito usus est.

℞. Conserv. ros. vet. ℥vi. diacydon. sine speciebus ℥ss. troch. de spodio, ℥iv. syr. cotoneor. rob. de ribes, syr. myrtin. an. ℥ss. M. Insuper victu convenienti utens probè convaleuit à Dysenteria deplorata. Unicè etiam prodest vinum decoctionis Gnaphali, tam potum quam loco fomenti adhibitum, & nihil præstantius quam ℥i. coaguli leporis pota ex sapa: & stercus canum sola ossa vorantium, cum lacte chalybeato, ut sapius expertum est *Petrus Forestus. obs. 35. lib. 22.*

Nobilis quædam mulier gravida in Dysenteriam incidit, consilium sequens dedi.

Lac amygdalinum cum aqua cocta chalybeata paratum, loco vini bibat. oriz am cœtam cum jure gallinæ frequenter comedat. & pultem (*Cadle*) cum vino rubro in quo aurum extinctum sit, ovis & saccharo coctam.

Electuarium hoc manè & vespere sumat, quantitate nucis mosch.

℞. Pulv. rad. tormentill. ℥ii. sem. lapath. ℥i. corall. ℥ss. conserv. ros. & carn. cydon. an. ℥ss. cum syr. cydon. F. Electuarium.

Julepi hujus coch. 2. superbibat; atque circa meridiem totidem sumat.

℞. Syr. cydon. ℥i. syr. fragor. ceras. acid. de papav. (ad sensum intestinorum nonnihil obtundendum) an. ℥ss. aq. ros. & plantag. an. ℥ii. M. F. Julep.

Inungat ventris regionem oleo absynth. mastichino & cydon. pedes abluat vino rubro stiptico, sic restituta fuit. *Felix Platerus. obs. lib. 3. pag. 861.*

Prægnans mulier quum gestationis nonum mensem ingrederetur, dysenteria lethali corripit, quæ nullis præfidiis domabatur, at cum pareret, illicò dysenteria restricta est, & illa paulatim sanitatem consecuta fuit: Dysenteria ante partum salubris ab *Hippocrate* judicatur, quod verum esse hystoria nostra testatur: ita enim *Hippocrates* lib. De morb. popular. quinto memoriæ commendavit. Epicharmi uxori ante partum dysenteria, dolor, alvi egestiones subcruentæ mucosæ aderant; ubi peperisset, statim sana erat, diversionis fortè ratione. *Amatus Lusitanus Centur. 2. Curat. 51.*

Mulier medica quædam annosa (sunt enim authore *Galeno*, lib. 6. *De locis aff. cap. 5.* & mulieres medica quædam) mirabile consuluit remedium in Dysenteria.

Iussit pomum integrum (cotoceum magis laudarem ob vim adstrictoriam) excavari, implerique cavitatem cera alba vel citrina selectissima, & indito operculo prunis admoveri pomum donec omnifariam liquesceret cera & pomi substantiæ intermischeretur, tumque pomum sic paratum esitare ægrum jubebat ante omnem cibum, & profecto optime contulit, nam cum clam me dies aliquot hoc esset usus remedio, mihiq; postea rem omnem detexisset, & ecquidnam mihi de tali adhibito remedio videretur rogasset, ingenuè quidem respondi, non malum mihi omnino auxilium videri, cum virtutem habeat emplasticam, qua agglutinare ulcera intestinorum posset; quin & dysentericis opitulari ex *Dioscoride* affirmavi; nec me propterea remedium improbare velle, quod esset à muliercula excogitatum, cum & *Gal.* ipse veritus minimè sit, nec dedecori sibi fore putavit à plebeio homine inventam fumarie herbæ vim, ad stomachum roborandum & ventrem lubricandum in monumenta sua referre, & tanquam exploratum probare, ut *lib. 7. De simpl. facultat. cap. De Fumaria, Franciscus Valeriola. Observ. 4. lib. 3.*

Ilico præscribe Julapia ex aq. cichor. cum emulsione sem. cichor. & endiv. misce syrup. de ribes, & alternis diebus propina rhei & myrobalan. ana ʒss. cum syrup. de ribes. *Joh. Heurnius, ad Aphor. Hipp. 23. sect. 7.*

Principem vidi quæ querula fuerat ante de splene: in febre dejecit alvo cruentam atram materiam copiosè bis aut ter; trepidabat illa ad conspectum excrementi; verum in bonam spem eam erigebam, evasit, non erat hæc dysenteria ab atra bile, nec diuturna, nec illa quæ est cum ulcere intestinorum, sed cruenta, quæ illico placatur, nam splenem evacuat. *Joh. Heurnius, ad Aphor. 48. sect. 6.*

Optimum remedium est infusum rhabarbarum in decocto ros. sicc. rad. plantag. & myrobalan. ex aqua endiv. cum pauco cinnamomo, expressio fiat valida, præbeatur cum syrup. de ribes vel de rosis siccis. Sumatur bis in septimana. Intermediis diebus lac à vacca calens datur ter in die cum saccharo rosato. Dolor si urget, lac clysmo infundatur cum butyro rec. & vitello ovi. Coquatur in lacte taphus barbatus & rosæ, tandem ut stringas lactis dimidium excoque. Bibat ter in die. *Johan. Heurnius, ad Aphor. 3. sect. 6.*

Quendam vidi, quem dysenteria longissima ad tabam tantam deduxerat, ut ei lac sugendum muliebri Medici præscripserint. Sed miraculo quasi curatus optime & breviter fuit, usu aquæ pro potu ordinario, in qua suber bullierat: usus est etiam utiliter syrupo Corallorum & conserva Cynorrhod. Sed aqua suberata præcipuum ejus curæ fuit instrumentum. *Petrus Borellus. Observ. 57. cent. 1.*

Nobilis quidam *Lusitanus* devoratis tribus pyris ab amasia porrectis, in fluxum incidit ventris diuturnum, cum diris symptomatis. Plurima ex abstergentium primò, deinde adstringentium sylvæ medicamina parantur, ex-

tra admota, intus assumpta, & per sedem infusa, sed frustra: cum tandem de veneno suspicio esset, propinantur cardiaca & alexipharmaca, at malum solum smaragdo trita, & conserva cydon. obvoluta conquievit. Hanc alternis diebus jejuno ventriculo assumebat, superbibita aqua, in qua tragacanthum prius erat incoctum, smaragdi, quantitas erat pondus duodecim granorum, quam cum quinquies devorasset à fluxu immunis evasit. *Zacutus Lusitanus. Observ. 91. lib. 3. Prax. admirand.*

Puerulus quidam bimulus dysenteria contumaci laborabat: post multa alia remedia frustra usurpata, exhibui extract. Corallorum ʒss. cum aq. plantag. & eodem die fluxus cohibitus est. *Lazarus Riverius. Observ. 66. cent. 1.*

Adolescens quidam 20. annorum laboravit dysenteria per 12. dies, quam nullo remedio oppugnare conatus est, donec ad Xenodochium deductus, sumpsit ex præscripto medici Xenodochii Salis vitrioli ʒi. in aqua dissolutam, multa evomit biliosa & pituitosa; sicque facta est revulsio humoris ad intestina defluentis, & hoc solo remedio curatus est. *Lazarus Riverius. Observ. 9. cent. 3.*

Alvum coactam vomitio solvit, & plus æquo fluidam sistit: illam quidem humectando, hanc verò siccando. *Hippocr. Libro de diætâ.*

Uxor mea mense Augusti incidit in gravem dysenteriam, ab assumpto pridie pharmaco leviori. Circa horam somni exhibeo laudani gr. 2. cum Conserv. ros. Postridie hora secunda pomeridiana, cum perseveraret affectus, exhibeo ejusdem laudani gr. 2. continuavit alvi fluxus sine sanguinea dejectione, qui per 5. vel 6. dies perseveravit, ac tandem medicamento ex infus. Rhabarb. & myrobalan. cum rheo pulv. & Syr. rosac. omnino sublatus est. *Lazarus Riverius. Observ. 84. cent. 2.*

Puer quidam 8. annos natus dysenteria tenebatur, cum multo sanguine, dejectionibus viridibus & porraceis admixto, & febre continua, tertio morbi die sumpsit infusum rhei ad ʒi. in aqu. plantag. cum Santalo citrino, dissolvendo rhei pulv. ʒi. Syr. rosac. ʒi. optime purgatus est, multa excrementa rejecit sine sanguine, & febris ferè expers fuit toto illo die. Postridie sanguinem purum rejiciebat, frequens erat dejectio, cum dolore ventris & febre, quæ perseveravit usque ad diem octavum, licet omnia remedia ordinaria, interna & externa adhiberentur, tum etiam Clysteres varii. Septimo die extractum Corall. ter exhibitum fuerat ad ʒi. cum aq. plantag. & Syr. Cydon. sed frustra. Octavo die cum & febris & fluxus ingravescerent, ac merus sanguis excerneretur, circa meridiem secta fuit vena, & sanguis ad ʒv. detractus, nocte omnia eadem, postridie manè exhibui laudan. gr. 2. cum extract. Corall. aq. plantag. & ros. & Syrup. Cydon. alvus omnino suppressa est per quatuor horas; & placidè dormivit, sensim tandem convaleuit. *Lazarus Riverius. Observat. 37. cent. 2.*

Quidam dysentericus omnia remedia respuens, solo usus est Pimpinellæ decocto cum aqua & butyro confecto, cujus Scutellam sumebat manè & serò & intra triduum curatus est.

Pluri-

Plurimum valet Pimpinella ad depurandum sanguinem, & levem habet alstringendi vim, ideo non est mirum, si dysentericis conferat. *Lazarus Riverius. Observ. 84. Cent. 3.*

Domina quædam dysenteria gravi correpta est, mense julio, ætate maxime sæviente, ad eam vocatus tertio die morbi præscribo clysterem detergentem, & venæ sectionem, quarto purgata est medicamento ex rhab. 3 i β. myrobal. 3 β. infus. in aq. plantag. dissolvendo rhab. pulv. ʒj. Syr. ros. ʒj. bis deiecit humores excrementitios; sed in reliquis dejectionibus, quæ frequentes erant, mucosum quid sanguine perfusum. Vesperis exhibui laudani gran. 2. quibus tormina parum remiserunt, & dejectiones paulo rariores fuere. Quinto tormina eadem, dejectio frequens eaque sanguinea: Clysteres ex lacte, & vitell. ovor. frequenter injiciebantur. Vesperis iterum sumpsit laudan. ad gran. 3. cum conserva ros. & ilico dolores sedati sunt, ac semel tantum in hora deiciebat. Dormivit per intervalla. Sexto die dejectiones iterum frequentiores cum doloribus intensis, rursus secatur vena: & post 3. horas sumpsit decoctum intestinorum vervecis, cum pulveris granorum actes. ʒj. dolores omnino sublatis sunt, & dejectionum intervalla multò longiora reddita: statim etiam à venæ sectione totus venter inungebatur oxyrhodo ex ol. rosac. aceto & aq. ros. parato, quod admovebatur singulis horis ad sedandam intestinorum inflammationem; & hoc remedio multum levabatur. Vesperis injectus fuit Clyster ex lacte cum ʒj. succi plantag. ad eandem intestinorum inflammationem demulcendam, noctu etiam exhibitus fuit julep. ex aq. plantag. cum ʒj. pulv. gran. actes. Postmodum per triduum sumpsit manè decoctum myrobal. quo integrè curata est, illud decoctum ita compositum fuit.

℞. Cort. myrobal. chebul. ʒj. citrin. ʒ β. passul. corinth. ʒij. coq. in aq. lbij. ad tertiæ partis consumptionem in colat. dissolv. Sacchar. ʒj. clarificentur & aromaticentur cinam. ʒij. capiat in iv. doses manè & sero. *Laz. Riverius. Observat. 2. Cent. 3.*

℞. Juris intestinorum aut capitis castrati ʒ viii. Sacchar. rub. ʒij. M. F. Clyster.

℞. Ossis sepiæ ust. pulv. ʒij. spongiæ pice imbutæ & in ollula ustæ & in cinerem redactæ cortic. ovor. indurat. pellicula ablata interiore an. ʒ β. margarit. præp. boli armen. an. ʒj. M. F. pulvis dosis ʒj. in lacte vel chalybeato vel cocto, aut in aqua polygoni, certò vobis polliceor, hunc pulverem recentes omnes dysenterias nisi fluxio admodum urgeat, licet valde cruentas, statim sanare. *Hercules Saxonia. Pract. part. 2. cap. 19.*

Civis *Hassniensis* honestus secreto suo aliquot mille dysentericos servasse se gloriabatur, ad præservationem vinum vel cerevisiam absynthites commendabat, ad curationem præsentis fluxus seu albi seu sanguinei, libram semis calidæ cerevisiæ propinavit adultis ægris, cui summities absinthii & sal album incoxerant, & nucem moschatam tritam cochleari ultimo superbendam dabat. Infantibus verò pro ratione ætatis cochlearia hujus potus tria 4. vel 6. miscuit. applausum à multis meruit hoc secreto. *Thomas Bartholinus. Histor. 65. Cent. 2.*

Sæpe contulit pulvisculus stercoris canini per

triduum cum ossibus nutriti, cum lacte caprillo haultus. Nos sapissime glande ex opio facto & intestinis inserto tormina abstulimus, & dysentericum produrivum cohibuimus, & somnum ægroto conciliavimus. Crebro autem gians ex opio podici inseratur, sed ultra quadrantem horæ in intestinis non est dimittendus, sed rursus appenso filo eximendus. *Francisc. Boerh. Pract. sect. 3. lib. 4.*

Memini frixis equorum ungulis in butyro, iisdem dein pulveratis, sedatum fuisse frequenter pylori furorem, itetisse dysenterias, atque medellæ benignitatem sensisse, olido illo remedio adhuc intra stomachum detento. Sima autem ungula sit juveni lascivientis, dysentericis certam perniciem allatura dicitur. *Jo. Helmontius. Tractat. cui titulus: Pylorus rector.*

Linteum in leporis (venando per canum morsum interempti) sanguine tinctum, siccatumque & in vino carptim exhibitum curat dysenteriam: & siccum Erysipelati appositum illud sanat. Milites Germani leporem fumo siccatum præbent in potu, & curatur dysenteria non fallaci eventu. *Jo. Helmontius. Tract. cui Titul. Potestas Medicaminum.*

An in fluoribus dysentericis assiduus Clysmatum anodynorum usus tutus? nequaquam, & in hoc valde Medici decipiuntur: cum intestina abluendi lacte finem non faciunt; dum enim sic intestina proluuntur & diluuntur, effeminatio & mollitudo adfertur ipsis intestinis, unde fit diarrhoea quam Galenus *ῥοιδαρῆν* vocat. *Gul. Balonius lib. 1. Ephemerid. & Epid.*

Quidam dysentericos certò curabat fumo gingiberis per anum in sella perforata recepto, alius verò prætulit fumum C. Cervi. Nobilis *Robertus Boyle, lib. De utilitate naturalis Philosophiæ part. 2. sect. 5. cap. 14.*

CrySTALLUS in tenuissimum pollinem redactus, ac cum vino propinatus dysenteriam curat, ac albos uteri fluxus sistit, fluxum præterea cholericum, vel coeliacum citissime & à proprietate tanquam Bezoar aliquod compescit. *Anselmus Boerius, lib. 2. De lapid. & gemm. c. 74.*

Dysentericum quendam ita curavi. Glandes quercinas in aceto forti concoquendas jubeo, quarum nidorem & fumum ano per sedem perforatam excepit. Hinc sedabatur dolor, fluxio sistebatur, & paucis diebus integras vires redintegrabat. *Martinus Ruland. obs. 40. cent. 7.*

Studiosus quidam in Dysenteriam incidit cui opitulatus sum his paucis præsidiiis; cibus, quo meo monitu vescabatur, aut siccans erat, aut tostus, aut assatus, aut in aqua vel lacte chalybeato decoctus. Potui dabatur à me lac amygd. dulc. ex aq. chalybeata confectum. Præter hæc sacculos calidiss. ex fursuribus in forti aceto coctis factos crebrò ano applicari jussi, & sic bidui spatio convaluit. *Martinus Rulandus, curat. 18. cent. 5.*

Dysenteriam sæpius à se curatam notavit. *Jo. Prævotius* in adversariis suis exhibito ʒj. pondere, ex vino aut ovi vitello, pulvere rad. filipendulæ, quem ante ipsum secreti loco commendaverat. *Ludovicus Mercator. lib. 1. de recto præsidiorum usu c. 14.* est sanè huic plantæ insignis vis adstringendi. *Georg. Hieron. Velschius, obs. 44.*

Pro arcano habeo à Viro Illustrissimo, argentinæ folium plantis pedum admotum, omnes dy-

senterias intra 24. horas sistere, notavi aëris mutationem mirè ad dysenteria curam conferre.

Vidi enim D. Solierium Mercatorem Nemausensem dysenteria fere morientem, qui curari nunquam potuit, nisi aëris, Castrensis, cum suo in mutatione; postquam statim curatus fuit pinguisque evasit, licet antea tabe confectus esset. *Petrus Borellus, obs. 13. cent. 1.*

Tormina sedabuntur hausta aqua verbasci cui parum aq. juniperi admixtum. Fiant facculi etiam è verbasco aqua incocti, & ventri dolenti imponantur. *Philippus Michaël, consil. 94. lib. 7. consil. Craconis &c.*

Gerardus Vossius, vicinus noster, dysenteria per aliquot dies laboraverat. Maximus intestinorum doloribus miserè cruciabatur, sæpe multa deiciebat, quæ cruenta & mucos tenaci permixta erant omnia: nihil dormiebat: appetitus planè dejectus erat, vehementer sitiebat, febris aderat non admodum vehemens, sed continua. Licet æger juvenis esset triginta annorum, & valde robustus, attamen his malis exagitatus adeò prostratus fuit, ut paucis diebus ad summam debilitatem pervenerit. Sexto Februarii, morbum curaturus, tale purgans exhibui, à quo multa biliosa deiecit.

℞. Rhabbarbari opt. aliquantum ustulati drach. ij. myrobalanorum Indorum, citrinorum, ana drach. j. folior. senæ mundat. drach. iij. sem. anisi drach. j. papaveris albi drach. ij. aquæ plantaginis q. s. ebulliant per semihoram, adde colaturæ elect. diaphanici drach. j. s. misce, fiat haustus.

Vespero post purgationem hunc bolum exhibui, à quo illa nocte per horam unam aut alteram quievit.

℞. Terræ sigillatæ, requiei Nicolai, ana scrup. j. mithridatii Damoc. scrup. ij. misce, fiat bolus.

Postridie sequens apozema coctum fuit, de quo ter de die & semel nocte mediâ haustum bibit.

℞. Hordei mundat. ℥ j. radicum bistortæ, tormentillæ, corticum granatorum, an. ℥ β. foliorum quercus, plantaginis, saniculæ, pimpinellæ, alchimillæ, bistortæ, an. m. j. seminis rosarum minimarum drach. vj. capitum papaveris albi num. iij. passularum cum acinis ℥ v. aquæ communis ℔ iv. coquantur s. art. ad medias: fit apozema.

Intermediis horis etiam sæpe de die particulam hujus conditi comedit.

℞. Nucis moscatæ, trochiscorum de terra sigillata, an. drach. β. cornu cervi usti, coralli rubri præparati, lapidis hæmatitis, mastiches, an. scrup. j. pulverisatis adde, conservæ rosarum rubrarum ℥ i β. myræ cydoniorum, rob. acaciæ, an. drag. iij. requiei Nicolai drach. j β. syrupi granatorum acid. q. s. misce, fiat conditum.

Sitim, quantum possibile erat, ferre jussi, cui legi eò facilius obtemperavit, quod post potum, imprimis cervisiæ, semper maxima tormina sentiret atque hinc etiam locò cervisiæ, tale amygdalatum pro potu ordinario præscripsi.

℞. Hordei mundati ℥ i β. seminis rosarum minimarum ℥ j. papav. albi, plantaginis, lactucæ, an. ℥ β. aquæ communis ℔ iij. coquantur ad medias.

℞. Dictam colaturam, amygdalarum dulc.

depilat. ℥ v. sem. papaveris albi drach. iij. 4. frigid. major. an. drach. j β. fiat s. art. amygdalatum, cui admisce syrupi de papavere ℥ j. rosarum rubr. ℥ i β.

9. Februarii manè exhibui rhabbarbari parum ustulati & pulverisati scrup. iv. cum pauxillo cervisiæ. 10. ut & 13. Februarii apozema, 12. autem conditum reiteratum fuit. Atque his medicamentis fluxu cessante, æger paulatim convaleuit, & vires deperditas convenienti diætâ recuperavit, verum adhuc diu post sanationem à quolibet potu malè afficiebatur & magna intestinorum tormina sentiebat, quod malum etiam paulatim evanuit, nempe intestinis ab usu ciborum novò mucos (priori humorum acrimoniâ abraso) rursus oblitis & investitis. Hòc ægrò sanato, in iisdem ædibus paulò post idem morbus tres quatuorve alios invasit, qui omnes simili fere modo curati fuerunt.

Eodem illo tempore Montforti per totum oppidum dysenteria inter vulgus passim grassabatur, multosque necabant, integræ quoque familiæ hóc morbo corripiebantur, queni propterea multi malignum & contagiosum esse judicaverunt; sed malè, quia non contagii, sed temporis anni & diætæ ratione communis erat: causa enim mali hinc procedebat, Autumnus anni præteriti fuerat calidus & humidus, multosque in corporibus humores accumulaverat: hunc subsequēbatur hyems admodum sicca & intensissime frigida, quod frigus cum asperrimo gelu longo tempore duravit, humoresque valde condensavit. Initio Februarii asperrima illa frigida tempestas subito in tepidam mutata est, qua humores à frigore condensati ad fluxum dissoluti fuerunt. Durante autem gelu, cum nihil neque carniū, neque pisciū, aliorumque eduliorum recentium adveheretur, vulgares (ut isto in loco consueverunt) toto illo tempore vescebantur carnibus & piscibus antiquis, salsis & fumo induratis, etiam multis capis, & aromatibus calidis, aliisque similibus, quæ humoribus non parvam acrimoniam induxerunt, quibus tandem repentinò calore ad fluxum dissolutis, tot passim dysenteria excitata sunt; non tamen alibi quàm apud vulgares, qui tali diætâ usi fuerant, divites enim qui liberalius vixerant, ab hoc malo immunes erant. Hinc etiam evenit, quod ratione unius ejusdemque diætæ, tres quatuorve in iisdem ædibus sæpe hóc morbo inficerentur, non autem ratione contagii, quod æquè alios qui ipsos adibant, quàm hos invasisset. *Isbrand. De Diemberbroeck in Observ. & Curat. Medic.*

Pancras Collert, juvenis robustus annorum circiter 22. eodem tempore dysenteria quoque correptus fuit, cumque à Medicinis esset aversus, fortè quia valde erat avarus, noluit Medicorum consilia petere, sed sibi ipsi Medicus esse voluit. Viderat aliquoties me dysentericis in principio curationis medicamentum purgans exhibuisse, quapropter hoc meum consilium in suo ipsius morbo etiam sequi, & interim sumptibus parcere volens, ipsemet sibi tale purgans præparavit: sumpsit tabaci minutim incisi semunciam, idque per noctem maceravit in cervisia tenui, manè parum coxit & colavit cum expressione, ac totam colaturam unico haustu ebibit. Paulò post summa anxietate usque ad animi deli-

deliquium correptus fuit, ita ut ipsum jam jam morituum crederent domestici. Eandem enormis vomitus & ingens per inferiora purgatio supervenit, magnaue variorum humorum, maximè bilis flavæ ac viridis, copia fursum deorsumque ejecta est, atque eo modo causa morbi violenter & simul evacuata, hoc unico haustu à dysenteria in totum liberatus fuit.

Sæpe (inquit Celsus) *quos ratio non restituit, temeritas adjuvat*. Liquet illud in prædicto juvene, cujus temeritatem si qui fortè debiliores sequi vellent, facile per effluxum ipsius animæ dysentericum alvi fluxum sanarent. Nam tabacum tali modo sumptum, est medicamentum turbatorium vehementissimum, cujus violentiæ non est cujuslibet resistere. Ac proinde ego non omnibus auctor esse velim ut hujus experimenti periculum faciant. Si nonnullis robustissimis hominibus hujus violentissimi medicamenti temeraria assumptio casu feliciter cesserit, non in omnibus ille eventus sperandus est. Quod tamen tabacum in robustissimo juvene dysenteriam sanaverit, non est à ratione alienum; nam maximâ suâ violentia mali causam simul evacavit. Audivi etiam tunc temporis, adhuc alios duos rusticos dysenteriâ laborantes, eodem experimento fuisse sanatos. *Idem ibidem.*

Eodem tempore quo prædicta febris tam crudeliter grassabatur, etiam dysenteria maligna, multisque lethales, plurimos invadebant. Post mucum intestinorum statim ægri sanguinem excernebant, non quidem solum & purum, sed humori cuidam albo, viscoso & tenacissimo permixtum, qui instar picis aut visci rebus omnibus firmissimè adhærebat, & in longissima filamenta extendi poterat. Aëgris aderant ventris tormina intolerabilia, febris continua, cordis summa anxietas, vires maximè debiles, sitis ingens, totalis appetitus dejectio, vigiliæ continuæ, & nonnullis urinæ ardores. Quibus limus iste viscosus & albus, & sanguinolentis dejectionibus permixtus, valde tenax erat, plurimi moriebantur, at quò minùs tenacitatis adesset, eò melius evadebant. Qui in dejectiōe flatus simul excernebant, de iis magna recuperandæ valetudinis spes erat. Illi qui ægris diu aderant iisque inserviebant, à communi contagioso fœtore sæpe ejusdem mali participes fiebant. Difficillimæ curationis erant hi fluxus, in quorum curatione venæ sectio parum aut nihil proderat: sæpe quoque nec purgantibus, nec astringentibus, nec sudoriferis, aliisque remediis, in hujusmodi morbis adhiberi solitis, quicquam proficiebatur.

Eadem illa lues hoc ipso tempore in castris nostris ante Schenckianum munimentum innumeros infecit, & plurimos occidit; cumque Medici castrenses omnes in curatione hujus mali omnia tentarent, sed pauca prodesse, tandem à Medicis quibusdam Italici (qui cum Gallorum exercitu huc venerant) auxilium inventum est, quò postea innumeri curati fuerunt. Primò purgabant ægros cum rhabarbaro: deinde sumebant ceræ drach. 16. vel drach. ij. hancque minutim incisam in lactis dulcis 3 iv. vel v. aliquantisper coquebant usque dum perfectè liquefacta foret, atque tunc illud lac

quàm calidissimè bibendum dabant, (calidissimè sumi necesse est propter ceram quæ in lacte tepido coagulatur, ita ut bibi non possit) si primâ vice non subfilteret fluxus, etiam secundâ & tertiâ repetebant. Cum autem plurimi in castris hoc morbo laborarent, tantum ceræ albæ brevi tempore consumptum fuit, ut Pharmacopæi Emericenses in tota civitate nihil amplius haberent, sed illam bonâ quantitate aliunde coëmere coacti fuerint. Etsi autem cera rariùs exhibeatur per os, tamen novum remedium non est, nam Dioscorides lib. 2. cap. 105. scribit eam ulcera implendi vim habere, & dysentericis in sorbitionibus dari. Sic Valleriola lib. 3. Observ. 4. refert dysentericum desperatum tali remedio fuisse restitutum: pomum integrum excavatum cera citrina mundissima implevit, & indito operculo prunis assandum admovit, donec cera liquefceret & pomi substantiæ admisceretur, idque pomum ante omnem cibum ægro edendum aliquot diebus dedit. Idem Valleriola adhuc præstabilius fore putat si cera tali modo liquefcat & affetur in malo cydonio, ut medicamentum simul astringentiam & glutinatoriam vim habeat. Quercetanus idem remedium parat ex pomo curtispendulo excavato, & ceræ albæ ac gummi Arabici, ana drach. j. repleto: quo remedio feliciter usus fuit Greg. Horstius lib. 4. observat. 18. Solenander lib. 4. consil. 9. turturem ceræ 3 j. infarcit, & in aqua coquit, postea carnem edendam & jusculum cum pane sumendum porrigit. Alii pullum columbinum cerâ infarctum & assum, comedere jubent. *Idem ibidem.*

Marcellus Bor, vir robustus, annorum circiter quadraginta, prædicta dysenteria etiam correptus fuit. 9. Octobris ipsum purgavi cum rhabarbaro. Deinde julebos, condita, pulveres, & apozemata refrigerantia, incrassantia & astringentia, sudorifera quoque, aliisque convenientia medicamenta convenienti modò & tempore exhibui: verum hæc omnia nihil profuerunt, ita ut tandem viribus ægri ad extremum dejectis ipsum pro desperato haberem, neque per biduum in tali statu vivere posse crederem. Cum autem vehementer sitiret, & aquam frigidam appeteret, jussi in desperato casu illam magna quantitate & frigidam ægro offerri, ut hoc copiosiore aquæ potu causa morbifica (si fortè fieri posset) ab intestinis ablueretur, ejusque acrimonia vi frigoris retunderetur. Ager itaque totâ illâ nocte aquam putealem frigidam magna copia (nam maximè sitiebat) ad libitum bibit, quæ in principio raptim intestina transibat, & magna tormina inducens per inferiora defluebat; postea minora tormina faciebat; circa matutinum tempus intestinorum dolores ferè nulli erant, & dejectiones multò rariores: circa meridiem ager in somnum prolapsus per aliquot horas quietè dormivit; ante vespere fluxus omnino substitit, atque ita hic ager, qui jam cum Charonte de naulo pacisci putabatur, convenienti postmodum diata refectus, convaleuit, insperato hoc remedio à morbo desperatissimo liberatus.

De aquæ frigida potu in dysenteria vix loquuntur Medici recentiores: est tamen remedium in cholericæ dysenteria non alienum,

nam humiditate suâ abluit intestina, eaque ab omni humorum acrimia saburra liberat, & interna ulcera emundat; præterea frigiditate suâ obtundit bilis calorem & acrimoniam, atque intestinorum ulcera astringit. Frigidæ potum etiam Veteribus in hoc morbo ignotum non fuisse liquet. Aëtius tetrab. 3. sermon. 1. cap. 45. sic inquit: *In potu à principio quidem pluvia aqua utendum est; quod si pluvia optima non adfu, fontana utentur.* Cornelius Celsus lib. 4. cap. 15. hæc scribit: *Si pluribus diebus remedia alia non juverunt, vetusque jam vitium est, aqua bene frigida potio assumpta ulcera astringit, & initium secundæ valetudinis facit.* Similiter etiam Paulus alique Veteres frigidæ potionis in dysenteria gravi meminerunt. Inter recentiores Amatus Lusitanus cent. 2. curat. 56. etiam dysenteriam biliosam frigidæ copioso potu curatam vidit.

Aliàs quoque sæpe evenit, ut optimis remediis nihil proficientibus, interdum simplex aliquod desperatas dysenterias curaverit. Sic ex relatu plurium Capitaneorum intellexi, cum anno 1624. Breda ab Hispano milite obsessa esset, & dysenteria in urbe graviter dominarentur, nec ullum huic malo remedium excogitari posset, cum omnia Medicis nota auxilia nihil prodesse, tandem casu novum aliquod inventum fuisse, quo plerique sanati sunt, nempe sericum duplici rubro carmosino colore tinctum in tenuissima filamenta pexum, & in vino maceratum: hoc vino cum scrup. j. vel semi drach. pulveris ejusdem serici aliquoties assumpto, innumeri restituti sunt. Novi quendam dysentericum pro desperato jam habitum, qui cum mespila cruda majore copia devorasset, præter spem convaleuit. Alius quidam pulvere ossium humanorum aliquoties cum vino rubro assumpto ab incurabili fluxu liberatus est. Solum oleum olivarum assumptum, vel cum pane albo tosto ei intincto comestum multoties egregia præstitit. Testatur Hollerius hederæ terrestris succum propinatum plurimos à morte liberasse. Forestus lib. 22. observ. 35. scribit se aliquando expertum fuisse, in hoc casu nihil præstantius contulisse quàm stercus canum sola ossa voratium cum lacte chalybeato exhibitum. Hoc remedio refert Fuchsius se uno anno plùs quàm centum dysentericos curasse. Riverius centuria 3. observat. 84. scribit dysentericum quendam usum fuisse solo decocto pimpinellæ, cum aqua & butyro confecto, atque intra triduum curatum fuisse. Bruyerinus lib. 11. de re cibaria cap. 22. de se ipso dysenteria laborante ita scribit: *Nos gravissimè tentati penè à Medicis deplorati jacebamus; exitium enim superabat opem, nullaque auxilia videbantur morbum lenire, nedum juvare. Tandem consilio anus cujusdam, sorba cruda largissimè vorans, postridie vim propemodum omnem torminentalem sensi depulsam: indeque firmata alvo, ab Orco (ut ita dixerim) revocatus, & pristina valetudini restitutus, verissimè expertus sum Cornelii Celsi dictum, videlicet, temeritatem plerumque efficere in morbis, quod prudentia nequiverrit. Idem ibidem.*

De Dysenteria lethali ex usu brassicæ capitatæ noxio rore infecta.

Exulceratio intestinorum, Dysenteria nomine veniens, quam Celsus lib. 4. c. 15. intestinorum tormina appellat, est plerumque morbus Epidemius; interdum tamen etiam tantum certæ temperaturæ ac constitutionis homines invadit: inter cujus causas remotas, Præctici non solum fructus, præsertim autumnales, aliosque cibos pravos & insolitos, sed etiam aquas, ærem & influxus astrorum recensent. De quibus inter reliquos videatur Forestus Obser. Medic. lib. 22. Obs. 3. Amat. Lusitan. Cent. 3. Curat. 35. in Schol. Aëtius tetrab. 3. Serm. 1. c. 45. Baccius lib. 12. cap. 9 Hippocr. lib. 3 Aph. 11. Sennertus Med. Pract. lib. 3. part. 2. Sect. 2. cap. 7. Nos quicquid hac in materia ipsi observavimus, annotatione dignum fore judicamus. Anno 1654. die 7. Augusti profecti sunt nonnulli Patresfamilias cum conjugibus & liberis, recreationis gratia, villam Grembocz in milliare Germanico à Thorunio distantem, ibique pernoctantes, in prandio sequentis diei comederunt de brassicæ capitata adhuc novella & tenera cum butyro recenti & pipere frixa paulo largius: post cujus esum prima statim nocte omnes fere de gravissimis torminibus conquesti sunt, quæ deinceps Dysenteria periculosa comitabatur. Qui itaque sani Thorunio egressi, postea omnes ferme ægri paucis exceptis domum reversi sunt: plerique tamen adhibitis opportunis remediis post aliquot dies per Dei gratiam evaserunt; Sed duæ Matronæ, una Catharina Puschia Joanni Hübneri, Consulis Thorunens. jam piè defuncti conjux cum duobus filiis, altera Dorothea Stenveeria, Martini Lochmanni etiam piè demortui, civis & Mercatoris hujus loci consors, vehementia morbi extinctæ sunt. Cujus quidem causam non tam ipsi brassicæ, quàm ei adhærenti viscido & foetido cuidam rori adscribimus, quo illa planè imbuta, alias natura flatulenta, ventriculo & intestinis adeo nocivam vim impressit, quæ inquinamenta, si coqua aqua limpida bene abluisset, cibus ille proculdubio innoxius fuisset, ceu postea compertum, ipsaque coqua confessæ est. Adstipulatur hisce Aristoteles, qui Sect. 1. Problem. in fine, morborum alios ab igne, alios à rore creari statuit. Plutarchus Quæst. Natur. qu. 6. ita scribit: Habet ros vim quandam rodendi: hinc roris potus graciliores reddit potantes, & pingues mulieres tenuibus vestimentis, aut lanis rorem excipientes; videntur eo nimias carnes consumere. Huc pertinet illud Theocriti in Thyrside, vetula macra Rorenè vivit more cicadæ. Similiter rorem terræ noxium proponit Plinius lib. 21. cap. 17. dicens: palustribus desertis nocturnos rores nocete. Idem lib. 18. cap. 29. ne ros satis noceat, inquit, sarmenta aut palearum acervos & evulsas herbas, fruticesque per vineas camposque, cum timebis, incendito, fumus medebitur. Sed omnium optimè Albertus cap. 14. rorem dicit aliquando herbas ficcare, Quia, inquit, quicquid est ex vapore habente multum humidi ærei & subtilis terrestris sicci, tum frigore temperato pinguescit humidum æreum, unde fit ros viscosus ad modum mellis. Ipso autem

tem delapso super herbas; actione Solis evaporat humidum, & terrestre siccum combūritur; & ita sua siccitate exsiccat herbas & folia, & inducit sterilitatem. Ex eodem rōre aliud addit nocumentum: oves, inquit, avidē depascunt herbas dicto rōre affectas ob mellis saporem, unde fluxu ventris moriuntur. Ex aliis, si post copiosum rōrem Sol ferventior fuerit, plantas ad marcorem adducit, exhalato spiritu, quo fovebantur, nisi pluvia succedat. Si importune, inquit, cadat, plurimum obest. Nam Messes solet corrumpere, præsertim si pluribus diebus cadat. Est enim ros calidus & humidus, quæ qualitates sunt principia putrefactionis; aqua autem frigida est, & a putrefactione præservat. Sueffanus de signis Serenit. cap. 5. ita scribit, Pannus lineus lotus noctu capitur à rōre, redditur lacerabilis, quia ros illum putrefacit. *Simon. Schulzii.*

Dysenteria variis symptomatibus infesta.

Ut singuli homines suos patiuntur manes, ita singulæ propemodum morborum species, quoties populariter affligunt, novi generis irritamento agros adorantur. Hoc anno dysenteria passim se adjunxere dolores acerrimi circa regionem cordis oppressiones pectoris, interceptiones anhelitus, adeo ut ægris nonnullis à suffocatione metus esset; accessit ea in faucibus lentæ pituitæ copia, per aliquot dies recurrens, ut gargarismorum opem frequentem non secus requireret, ac febres malignæ in fauces humorem noxium effundentes. Quibus non raro se aggregavit lumbricorum copia, atque pertinax agrorum à pharmacis abstinencia, & solius cerevisiæ frigida amor, quod utrumque ultimum non paucis funestum fuit. Tandem trahente se in longum morbo, circa vigesimum primum diem obortæ quibusdam vomitiones sanguinis, & illæ modicæ quidem, sed plerisque agrorum lethales, utcunque jam per plures dies non sanguis amplius, sed cum excrementis ichor tantum subinde per posticum excluderetur. In curâ, post rhabbari usum, etiam frequentiore aliquando, profuit maxime tinctura Martis adstringens, sed curiose elaborata. Pulveres adstringentes, decocta adstringentia, quæ solemner huius malo destinata sunt, parum, immo propemodum nihil hoc anno adstringere visa sunt. Sed & malo tandem evicto, tenesmi solito pertinaciores aliquandiu cruciaverē. Cuidam Equitum Magistro dysenterico, meæ curæ subjecto, hoc peculiare, quod indubitanter prædicaret, quoties excrementa sua proditura essent cruenta, quoties sanis similia: quoties enim sentiebat in urethra & testiculis dolores lancinantes, certum erat exituri sanguinis indicium, quoties in ventre & intestinis vagabantur dolores, nil tale observatum. *Ol. Borrichii.*

Dysenteria lethalis, ex esu fructuum & olerum recentium.

Serenissima Elisabetha Danica, Dux Brunsvv. & Lun. cum jam annum 53. ætatis ageret, & 5. Jul. in cœna & ante cœnam cerasa alba, uvas

crispas, faba & pisa recentia liberalius escitasset; nocte sequenti dysenteria correpta est, quæ eam vehementer itatim afflixit, & vires dejecit.

Die 8. Jul. data purgatio lenis ex infuso rhabbarb. deinde alternis diebus pilulæ ex rhabbarb. & mastiche, quibus quoties usa fuit, & rarius excrevit, & probioris coloris saburram egressit. Alloquin non modo cruenta, mucosa, multa item tincta, sed & viridia, livida, & nigricantia exclusit, præsertim cum confortantibus, sive leniter adstringentibus uteretur. Crocus Martis propinatus non tantum nihil profuit, sed & vires dejecit, & excretionēs multiplicavit, ut eo nisi ista vice, & semel tantum deinceps uti voluerit. Clysteres sæpius sunt injecti ex decocto hordei, & nonnullis illi incoctis roborantibus & lenientibus, interdum ex lacte admisto succo plantag. & melle rosato; hinc semper melius habuit, & lenimentum sensit. Tandem, ob bilis & humorum corruptorum acrimoniam, intestinum rectum cum sphinctere exulceratum est, quapropter clysteribus locus non fuit per aliquot dies, præsertim cum interfamīneum etiam ita intumuisse perhiberet, ut urinæ retentionem quoque metueret.

Die 18. Julii tametsi magno cruciatu, iterum infusus clyster ex decocto hordei, succo plantag. & melle rosato, viscosæ pituitæ & muci plurimum eduxit, & reliqua excrementa post id magis ad naturalem statum redierunt, vires tamen magis magisque fractæ sunt, & pulsus adeo debilis, vix ut sentiri potuerit, somnus interruptus semiclausis oculis semper laborem, molestiam & animi angustiam post se reliquit, & magis visus est impotentia vigilandi, quam verus & naturalis somnus; suborti etiam ructus & singultus quam molestissimi, qui tum intrinsecus assumptis, tum foris adhibitis nihil aut perquam parum remiserunt. Postremis etiam diebus motus convulsivi in digitis & labiis observati sunt, iusculis delicatioribus minima quantitate alta fuit. Post cerevisiam, quæcunque tandem esset, & ructus & singultus increbuerunt, post potum vini Petri Simonis rariores prodierunt, verum ex eo calorem se persentiscere conquesta fuit, cum tamen nemo adstantium ullum calorem neque in pulsu, neque in contactu totius corporis, sed perpetuum frigus animadvertere potuerit.

Die 19. Jul. 1626. vespere inter 7. & 8. horam constante mente ex hac miseriarum valle emigravit. Serenissima Domina macilenta, calidæ & siccæ fuit complexionis, quo circa humores consimilis naturæ in corpore coacervati & constitutione aeris calidiore, quæ ea æstate plurimis dysenteriam attulit, non paucos etiam sustulit, prout corpus magis minusve dispositum fuit, facile in atram bilem converti poterunt, à quâ quæ nascitur dysenteria, omnibus sæculis à doctis Medicis lethalis habita fuit. Hæc tantæ interdum est sævitia & malignitatis, ut non tantum subito vires deiciat, verum etiam vicinas partes, ventriculum, ejusque utrumque orificium, epiploon œsophagum & vicinas thoracis partes propter continuitatem & contiguitatem facile inficit & inquinat, cujus exempla adducit Hollerius Schol.

ad caput de Dysenteria, Quibus ego moveor ut credam consimili contagio superiores quoque corporis partes fuisse contaminatas; præsertim cum perpetuis ructibus & singultibus Celsitudo ejus sit divexata, & sæpius, efficiebat per vomitum materiam mucosam rubore tinctam non multum absimilem illi quæ ab alvo injecta est: Libenter assumpsit omnia præter Rhabarbarum, quod semper abominata fuit. *Thom. Bartholini.*

Dysenteria indolens.

Lubet meminisse Dysenteria indolentis. quo ipso locus Hippocraticus lib. 2. Epidem. comm. vi. videtur illustrari posse, Anno 1669. in plusquam quadringentis Dysentericis multa ab aliis non annotata observavi. Et hoc peculiariter, quod multi de nullo unquam Dolore usque ad extremum halitum fuerint conquesti, Omnes vero hi mortui, nullus evasit, seu malignitatis majoris, seu intestinorum gangranosa constitutione sensum omnem excludente abrepti. *Thom. Bartholini.*

Dysenteria ἀνονος, sive indolens.

Difficilis extat locus apud Coum. 2. Epid. Com. 6. 1. 25. ubi volvulum scribit, etiam febris solvit, & δυσεντερία ἀνομος, & dysenteria indolorifica. Res mira visa est interpretibus, unde alii cum Valesio vitium in codice causantes, delendum voces illas, sine dolore, esse statuunt: alii cum Lindenio in select. dysenteria vocem latè accipiendam jubent, ut per eam h. l. intelligatur diarrhœa, aliudve alvi profluvium, doloris expers, Nihilominus dari dysenterias indolentes in pluribus ægris spectandum exhibuit dysenteria epidemica anno 1669. viciniam nostram exercens. Ægri aliquot, pueri, viri, mulieres, ab ipso inuasionis momento ne de minimo quidem dolore conquerantur, sanguinolenta tamen confestim egerentes, mirati sumus cum adstantibus novitatem rei, ægris aliis torminibus maximis afflictis, hos ne micam doloris præ se ferre. Et licet viderentur hi mitius ægrotare, citiusque evasuri, omnes tamen moriebantur, utut generosis juvati Bezoardicis & Specificis. Hinc inquirentes causam, illam adscribendam visum fuit 1. malignitati majori, quæ in Dysenteria non finit dolorem semper obtinere primas, ut quæ pleno passu ad corruptionem inclinat. 2. Gangranosæ intestinorum constitutioni. Fingat enim quis, si illud dari non statuit, cauterium indolens, quod ob agendi energiam sensu omni partem, cui applicatur, exiit; pari ratione corrosivi humores in tantum quandoque pollere possunt, ut omnem sensum tristem excludant, intestinis statim quasi sphacelatis. 3. Mentem simul laborare interdum, & doloris lancinantis faces non sentiri in Phrenitide alibique conspicuum est. Jungi hæc potest causa, sed quæ non omne exhaurit punctum. *G. W. Wedels.*

Dysenteria cum vomitu cruento.

Quidam Dysentericus, anno suprâ citato,

adeo affligebatur, ut præter solita communia Symptomata aliquoties sanguinem non solum ~~cruentum~~ sed etiam ~~cruentum~~ excerneret, nihilominus tamen evasit, utroque fluxu subsistente. De vomitu aliàs sanguinis, vid. Dodon. Observ. cap. 26. ubi ex tribus locis potissimum ejici posse sanguinem scribit. 1. licet rarò, à Jecore. 2. à Liene frequentius, qui sunt pallentes & tumidum habent splenem ante vomitionem. 3. ab Utero, à suppressis mensibus. Medios Absinthii quoquo modo usurpati virtute aliquos servavit, citatque Histor. Stirp. c. de Absinth. De vomitibus Hypochondriacorum nigricantibus aliàs plura, qui non per acida, sed aromatica curandi veniunt. *Georgii Wolfgangi Wedels.*

De Quibusdam in dysenteria observatis.

Præterita æstate, cælo maximè æstuoso, per integrum Julium, Augustum, mediumque Septembrem dysenteria apud nos epidemialiter grassata, promiscuè Senes cum Pueris corripiebat, nec paucos jugulabat. In qua sequentia observare licuit. 1. More morborum epidemiorum multo simul æqualiter sine data causa invasit. Nam licet alias flagrante Sirio apud nos dysenteria aut alvi fluxus non adeo infrequentes sint, sed ab uno vel altero ex esu Peponum aliorumque fructuum horarum contrahantur: hac tamen vice omnes indiscriminatim, sive fructus comederint sive non, quin imò parvulos recens natos, aut demum ablactatos invasit; multos ex haustu aquæ frigidæ; quàm plurimos absque ulla prævia causa acquisivisse recorder. 2. Infantibus quàm adultis perniciosior fuit: Ex his quippe paucissimi interiere, illi autem statim in primordio vel circa nonum diem interempti sunt. 3. Paucissimi, dixerim prope nulli, qui nonum diem superarunt mortui sive parvuli sive adulti. 4. Nulla tamen adfuit malignitas; Alexiteria namque & sudorifera nec profuere nec nocuere. 5. Quin potius qui ab initio statim Manna in decocto cort. Myrob. cit. soluta aut Rhabbaro tosto cum iisdem corticibus pulverisatis exhibito purgati, servati fuere omnes, quæ purgatio locum non invenisset in malignitate. 6. Quos cum vomitu bilioso invasit, ægrè evasere, juxta Hippoc. in Coac. dysentericis vomitus biliosus in principio malus. Indicium siquidem, tonum ventriculi esse læsum, illumque compati intestinis, vid. Sennert. l. 3. p. 2. s. 2. c. 7. Contra hunc tamen vomitum quandoque cum fructu dedi Balsamum Peruvianum cum Saccharo vel Magisterio Corallorum mixtum. 7. In quibusdam moribundis, in primis adultis observavi quandoque viginti quatuor horis ante mortem, totalem tum pulsus tum caloris extinctionem, salvis sensibus, motuque membrorum illæso: refrigerationem autem istam non percipiebant, sed potius de calore interno & siti inexplebili conquerebantur, ut manibus glaciei instar rigidissimis subinde loca petierint frigidiora; ob inflammationem forte, & exinde contractum sphacelum intestinorum. Hanc dysenteriam Mense Octobri excepit febrium quoddam genus singulis diebus instar tertianæ duplicis cum omnibus symptomatibus, sed paribus horis invadens: Præter tamen morem

rein autumnalium nec longæ nec lethales erant, intra xiv. quippe dies evasere omnes. *Caroli Raygeri.*

In Dysenteria quibusdam circa mortem quasi aura ex auribus exire visa est.

Nonnullis Dysentericis circa mortem quasi aura ex auribus exire visa est. *Thom Bartholini.*

In Dysenteria cum Vomitu cruento, Singultus non lethalis.

Vidi in eodem morbo singultus non lethales, vomitum cruentum conjunctum, evadente ægro, cum convulsionibus non mortuos, cum Petechiis frequentissime maritatum; Gravidas, licet mediis & ultimis mensibus nullas eo mortuas: Taceo Ructus supervenientes bonos &c. *Thom. Bartholini.*

Hepar Vipera Antidysentericum & partum facilitans.

Summè illud & pro specifico laudat Dn. D. Michaëlis p. m. in dysenteria epidemia, in MSS. Pract. Feci periculum aliquoties, & ob vim morbi quidem frustra id in aliquibus adhibui, ubi scilicet urgentia affectus & copiosissima sedes aliud postulerent; virgo tamen quædam dysenterica, ut postliminio Ephemerides meæ suggerunt, cum nullis aliis juvaretur, adhibito hepate hoc, cum aliis permixto, manifestum sensit levamen, Debet verò tunc esse à fellea vesicula separatum, cum fella stimulent. Sed si pro partu difficili allevando propinare idem sit animus, consultius est, ut cum felle conjunctum exsicceetur, & in usum trahatur. Cum enim fel anguillæ, Helmontiano experimento, tam secundis partum promoveat successibus, idem ab hepate hoc experiri cum manifesto juvamento licebit, *Georg. Wolfgang. Wedeli.*

Curatio Dysenteria per lotionem in aqua frigida.

Lavatio in aqua frigida ab Indis in omni ferè commendatur morbo, in dysenteria præsertim, & febribus extra paroxysmum, ægrisque maximè prodest. Cum Anno 1677. Mensibus Novembris & Decembris periculosissima laborarem dysenteria, & optimis quanquam medicamentis usurpatis, quotidie mortì magis appropinquarem, ad lavationem in aqua frigida me (viribus adeò eram fractus, ut à servis portatus ex superiori camera in inferiorem domus locum lavationi magis aptum venire) contuli. A prima melius habui, ac cæteræ, benedicente Deo, prorsus sanum me effecerunt. Anno 1678. Mense Majo, miserabilis (cum vulgo loquor) effervescencia & febris angebat. Dolor capitis, vigiliæ, vomitus, fluxus alvi, ventrisque dolor me fregerant penitus. Atque per eandem lavationem, cum debito medicamentorum usu eundem valetudinis finem acquisivi? *Joan. Otthonis Helvigii.*

Dysenteria periculosa acidulis Schvvalbacensibus curata.

Grassante æstate præterita Dysenteria Epidemica, honesta quædam matrona fluxu illo eruento corripiebatur, adeò periculoso, ut adhibitis etiam expertissimis medicamentis ne minimum quidem cohiberi posset, petebat instantè ad fallendam sitim & reficiendas vires Acidulas Schvvalbacenses, quas nolebam concedere ob rationes satis notas, tum etiam alterius cujusdam ægri exemplo edoctus, qui me refragante clam illas biberat, & fluxu irritato intra paucos dies moriebatur; ne tamen crudelis viderer in ægros, in consilium vocavi Medicinæ illud decus & Practicum celeberrimum D. Geilfusium, virum ut in omnibus, sic in præscribendis acidulis expertissimum, is Schvvalbachio rescribebat, in Dysenteria serosa cum cautela concedi posse, subsequente nimirum mictione frequenti. Itaque unum vel alterum vitrum concessi tanto cum successu, ut largiori orta mictione fluxus sisteretur. & ægra neglectis omnibus aliis medicamentis. solis his aquis per Dei gratiam restitueretur. *Joan. Jac. Waldschmid.*

Dysenteria ob ulcus pedis Curatum.

Vir quidam quadragenarius die domi detentus fuerat ulcere pedis dextri, mali pertæsus illud consolidare curavit, quo facto statim incidit in Dysenteriam lethalem, tanto cum egestorum fœtore, ut vix illum invisere potui. Paulo ante obitum excernebat sanguinem putridum, coagulatum, parenchyma disruptum representantem. Vidi & in septuagenario ex ulceribus pedibus intempestivè sanatis epilepsiam, ex scabie sicca retropulsa asthma, & hydropem in Judæo, ex scabie humida pruriginosa malas deformitante, & à matre Ungu. exsiccativo curata subitanæ dyspnæam & paulo post suffocationem in infante 15. mensium. *Joan. Jac. Waldschmid.*

De Balsami Peruviani usu in Dysenteria.

Non minorem meruit laudem odoris suavissimi efficax hæc, in sanandis tam internis, quam externis ulceribus Medicina, apud Reverendissimam quandam Illustris Cœnobii Sacerdotem maximam. Ad quam hinc peregrè evocatus, lecto affixam inveni, correptam febre tertiana notha, cum doloribus dorsum, hypochondria, tibiasque ferè continuo instantibus; conjungebantur capitis infirmitas, linguæ siccitas, respirationis difficultas, nausea & ventriculi imbecillitas; nonnunquam palpitabat cor, somnus erat interruptus & perturbatus; urinæ apparebant nunc crudæ, nunc rubræ, mox turbidæ, sæpius subsidentia sabulosa refertæ; alvi dejectiones ut plurimum cruentæ & purulentæ, hæc rarò ventriculis, Ascariidum forma, scatentes. Ex qua malorum caterva etsi corporis vires, in animo ad quævis perpetienda tranquillissimo, vigoris sui aliquid remitterent, nihilominus natura, opportunis auxiliis adjuncta, tot suos hostes superavit, de iisque gloriose triumphavit. Quod autem à tam sævis ac periculosis Symptoma-

tibus immunis evaserit Nobilissima huc Matrona Religiosa, virtutum ornamentis cumulatissima, non quidem defraudabo planè debitus suis præconiis varia usurpata auxiliorum genera, primas tamen tribuere debeo partes Balsamo proximè ad verum Opobalsamum suis dotibus & notis accedenti, quod è nostris Pharmacopœis quidam possidet, hujus sumpserat. Illa per aliquos dies, pro qualibet dosi ʒ β. c. vitello Ovileniter cōcto solut. inbrodii, sive juris gallinæ, dempta pinguedine, tepidi haustu, ex quo evidens juvamen sentiebat & percipiebat. Nec mirum, Opobalsamum enim cunctis ferè malis, quæ perpetiebatur. Illa, medendo prodesse, experimenta Celeberrimorum Præticorum dudum comprobarunt. Hinc apud Ægyptios nullum esse Medicamentum, quo magis ac frequentius Gens illa medendo utatur, quàm Opobalsamum, quod quidem illi ferè ad omnes morbos ac Symptomata adhibere Prosp. Alpinus lib. de Plant. Ægypt. cap. 14. pag. 56. recenset. In particularibus autem morbis, in febrib. à crudis frigidisque humoribus, obstructionibusque viscerum obortis Idem commendat pag. seq. & cum eo Joan. Schroderus Pharm. Med. Chym. lib. 4. classi. 2. cap. 373. p. m. 181. Visceribus putredinū & corruptionis labem emaculare, adeoque Jecore, ac potissimum renibus fœdō abscessu laborantibus, inter præstantiora auxilia præcipuam operam conferre, testatur magnus Studiorum meorum olim Promotor, Jo. Veslingius in Comment. super citatum Alpinum de Pl. Ægypt. cap. 14. pag. 20. & in Vindiciis Opobalsami pag. 37. illius usu interno vaporum ad caput ascensum minui, redintegrata cibi digestionē, tradit. Hinc ad Stomachi dolorem, læsam concoctionem, & appetitum abolitum commendat Paulus Zacchias lib. 2. de Affect. Hypochondriacā cap. 15. Schroder. J. c. Necnon Asthmaticos ac Phthysicos juvare, mulieribusque singulare præsidium in Uteri affectibus esse, Idem ibid. ut & Alpinus, ejusque Scholiastes accuratissimus, perseveranter asserunt. Imò Juventam conservare Clusius Comment. in Monardum cap. 9. commemorat; usurpandi autem, in hunc finem, illius modum prolixè docet Alpinus l. c. pag. 58. Cum præpotentis Dei auxilio, præsidii his secundum methodum legitimam adhibitis, à tot atrocibus malis liberata esset Optima Antistita, virium autem aliqua adhuc imbecillitas remaneret, juxta convenientem à me præscriptam Dietam, corpus Aqua Magistrali confortante ex voto refeci, in seq. forma præscripta.

℞. Caponem evisceratum, atque minutim incisum, lava vino Neccarino, deinde coque in f. q. aq. font. ad horam unam.

℞. Postea Brodii colati ℥ iv. Vini Malvat. ℥ β. Spir. Fragor. ʒ j. Aq. Bugloss. Meliss. Lillior. Convall. an. ʒvj. add. Cort. Citri rec. extimor. ʒ iij. Cinam. acuti. ʒvj. Macis. ʒ i β. Flor. Rosar. rubr. Tunic. Chamæm. Rom. Melissophyll. an. P. j. Sem. Fœnic. ʒ ij. Misce omnia simul, & per 24. horas digere, post in alemb. destilla. Destillatum edulcora cum Sirup. è Cort. Aurantior. ʒ j. Jul. Violar. ʒ iv. Misc. & d. ad V.

De Aqua hac Analeptica sumpsit singulis diebus mane ʒ iij. cum tanto successu, ut secunda

ac tertia vice eam renovari curam, nec in posterum de recidiva quicquam conquesta fuerit. Luca Schroeckii.

De Dysenteria Castrensi ejusque causa Verminosa & curatione.

Exercitus Danici in Scania non ita pridem militantis cum Medicum agerem, inter alias contagiones Castra nostra infestantes, grassabatur præcipuè crudelissimus & sævissimus ille dysenteria dictus affectus. Cujus originem & causam paullo accuratius investigans observavi in scybalis non solum meis purulentis & cruentis, (nam & ipse hoc affectu lethaliter ægrotabam,) sed & in suis militum plurimi observavere mecum cruentæ cladis cruentos reos, scilicet, animalcula quædam, anguineo flexu gregatim perreptantia variæ magnitudinis & formæ, quorum delineationem accuratam Curiosorum oculis in præsentiarum sistere nequeo, ob defectum microscopiorum, quibus illo ipso tempore quod doleo, destituebat. Accedit, quod valetudo infirma cadaveris sectionem negaverit. Quantam autem atrocissimorum dolorum Lernam excitarint hospites isti ingratiissimi, intestina fodientes, mordentes, lancinantes, imò, an ipsa præcordia sævientes, quilibet facillè cogitatione assequi potest. Ideoque ne malum ipso in limine hærens ulterius serperet, exitiumque sibi metipsis cacerent ægrotantes milites ab expeditione Christiano politana reduces, maturo consilio opportunum remedium datum fuit ab Archiatro Regio Celebratissimo Dn. D. Christiano Fossio tunc temporis præsentē, scilicet absinthium non procul à Castris nostris ubique in agris luxurians, cujus summitatum in cerevisia cum Sale communi vel nitro coctarum largo ac tepido haustu bis terve in die facto, anguem, quem juxta proverbium in sinu suo fovebant, sensim necarunt ægrotantium plurimi. Quo & ipso consilio Wilhelmus Trelund ante hos 24. annos Hafniæ percuravit dysentericos aquam plurimos, qua de re extat adhuc scriptum ejus in luce publica, vid. Tho. Bartholin. histor. 65. Cent. 2. Nec minori virtute pollebat aqua antidotalis Matthioli cum essentia absinthii composita ad præservationem propinata, ut nihil dicam de aliis remediis vermes sive vivos, sive etiam ante occisos è sedibus suis eliminantibus.

Hujus commatis observationes pathologiam animatam optimè illustrantes, cum altiori mentis indagine opus habeant, altioribus merito mentibus relinquo, haud quaquam operosè disquirens, utrum hæc vermiculorum generatio æritam aquæ sive horum elementorum bigæ quod suspicor, imputanda, cum notissimum sit ærem sive atmosphæram effluviis sæpe putridis & verminosis, sub forma rubiginis interdum segetes & fructus horarios corrumpentis, arborumque foliis arefactis auripigmenti ad instar adhærentis, scatere; variaque in sinu suo occulta vehere semina, in corpus quæ facillè trahi possunt; Aquam autem æstate præprimis, propter tunc frequentius silentes ventos itagnantem & quiescentem putrescere, juxta illud Poëtæ.

Ut capiunt vitium, ni moveantur aqua.

Undè verminosum seminium in ea hospitalis propullulat & aburente sirio excluditur: Quid mirum, ejusmodi progentie verminosa prægnantem aquam largiter hauritam in ventriculo insignes excitare turbas; quinimo, sæpius lacertos & bufones ex ea produci, ceu illud quam plurimæ testantur observationes ab Æsculapio nostro Boreali Thom. Bartholino annotatæ. Et Delphis Batavorum triennio abhinc mense Augusti à famæ celebritate Cl. Viro Dn. Levvenhoech admiratione pleno mihi per microscopium singularis artificii unica in aqua guttula innumeram vermiculorum oberrantium numerum commonstratum fuisse memini. Quamvis & huc suam quoque symbolam addere soleant copiosæ in castris circumvolitantes muscæ, præcipuè majores illæ *Spy-Fluer* nostratibus dictæ, jam oletis agrotorum, modo alimentis sive crudis sive coctis insidentes, fermentumque hocce malignum in cibos transportantes, vel ovis ubique suis, ex quibus vermes excluduntur, alimenta conspurcantes; quinimò eadem & ipsæ cibariis immerse assumptæque catharsin excitantes. Ut nihil dicam de cerevisia novella, nec debita fermentatione à fecibus depurata, aut vetustate acrescente, vel ex frumento ad putredinem vergente, & curculionibus (*Malts Wurmer*) scatente, confecta, copioseque epota, hanc malorum Lernam pariente & fovente. Et hæc est symbola illa, forsitan alibi obvia, quam hac vice hisce doctis doctorum virorum observationibus, ex voluntate eorum, quibus reluctari maxima mihi religio est, annectere volui, Hafniæ postridiè calendarum Decembris 1679. *Pauli Brandii.*

Dysenteria Acidulis curata.

Nobilis quædam Domina, Illustrissimi Domini Baronis de Chaos, pie defuncti Soror, Dysenteria nullis cedente remediis hoc anno 1672. in Autumno diutissime torquebatur, quam Dysenteriam cum viderem à bile flavâ ardentissima foveri: Acidulas propinavi, & illico pristina sanitati eam restitui. *Pauli de Sorbati.*

Illustrissima quædam Anno 1680. Mense Julio, postquam per dies aliquot ventris torminibus, capitis dolore, febricula, &c. afflicta fuisset, tandem Dejectiones alvi & frequentissimas & dolorosissimas cum totali virium depreditione, & appetentiæ absoluta prostratione, patiebatur; Ego advocatus Dysenteriam incruentam esse judico de qua sic Excellentissimus Willisius, in altera Dysenteria specie sedes aquosæ & quasi limpida cum subita virium prostratione existunt; dejectiones interim biliosæ & phlegmaticæ rarius eveniunt, & morbum non ita mali moris esse denotant: addit in sequentibus ulteriorem hujus morbi descriptionem ut & curationem idem Author. Clariss. Sidenham etiam de eo his verbis. Quandoque ne minimum quidem sanguinis per omnem morbi dysenterici decursum dejectionibus admiscetur; quo

non obstante, (modò frequentes sint dejectiones, cum ventris torminibus & colluvie mucosa,) morbus haud minis rectè dysenteria vocabitur, quam si una manaret sanguis; sic Clar. Barbette in Dysent. definitione dicit fluxum in illa esse vel cruentum vel purulentum tantum. Adde quod tunc temporis ibidem loci alios viderim Dysenteria Cruenta affictos. Primò cum advocarer, fluebant menstrua à diebus duabus, propterea à venæsectione pro revellenda materia acri in intestina deposita abstinebam, & julapiis quibusdam anodynis atque paululum cardiacis, ut & Enematibus appropriatis insistebam. Elapsa die una atque altera cessabant menstrua, fluxus interim alvi augebatur & quoad frequentiam, & quoad tormina, afficiebantur præterea aures difficili auditu, oculi obnubilatione, fauces inflammatione & tumore, totum cerebrum effusione humoris acris vigilias perpetuas & delirium procreantis. Unde patebat materiam morificam & abundantissimam & pessimæ sortis in partes omnes impetum facere. Venæsectionem, quam primò non ausus fueram celebrare, propter rationem enarratam, tunc tandem celebravi, haustulumque anodynum & confortans propinavi; Die subsequenti remedium purgans ex rhabarbaro, paucissima senna, manna, & Symp. de cichorio cum rheo exhibeo, vesperi julapium anodynum continuò repeto; sic ex parte rejecta materia peccante, remittebat quidem aliquatenus malum, sed brevi recrudescibat, & quasi vires acquireret eundo, magis ac magis Illustrissimam vexabat. Enemata injici curo è decoctione flor. Chamæmeli, Nymphaeæ, Papaveris, Rhæados, herbæ Paralyseos, Tapfi Barbati, Rosar. Rubr. &c. in jusclo tenui, & post alterum à prima purgatione diem, eandem repeto, ut & die subsequenti Rhabarbarum pulveratum Symp. Absinthii admistum exhibeo, continuatis itidem singulis diebus julapiis Anodynis; varia præterea fronti, temporibus, plantis pedum sunt applicita, pro profligandis vigiliis; sed in cassum omnia, nam sic hoc symptoma, non minis quam alia, semper infestabat; propterea ad Laudanum Opiatum confugio illiusque grana duo exhibeo, unde somnus ex parte accersebatur, & Dejectiones fiebant minis frequentes, & minis molestæ, sed interim major accendebatur febris, cerebrumque magis afficiebatur, quæ rursus omnia per injectum clysterium, purgantibus admistis, minuebantur, revocato in integrum fluxu, sed minis doloroso. Morbi pertinaciam, malumque morem miratus, alium Medicum accersiri curo, unaque consilium inimus de tundenda salvatella, pro revulsione iteranda, sic sanè febris omniaque alia symptomata, momento quasi minuebantur; sed dum die subsequenti in colloquiis versaretur longioribus Illustriss. omnia rursus invadunt. Rhabarbarum, Julapia anodyna atque Enemata descripta, addita tantum vel Theriaca Andr. vel Diascordio Fracastor. ut prius repeto, sed cum parum inde accederet emolumenti, mor-

morbusque his omnibus surdus foret; Lac Asininum propono: sperans humorum acrimoniam acidam quæ prioribus remediis minime auscultarat præsidio isti forsitan obtemperaturam, meoque in proposito confirmor dum video Illustriss. Sidenham non reformidare lac etiam vaccinum aquæ admixtum pro potu ordinario Dysentericis propinare, & in Dysenteria apud ipsum sicca dicta, non alio quam lacte crudo tepefacto per quatuor dies ægròs nutrire; Observoque præterea celeberrimos practicos Lacte prædicto tanquam remedio in Dysenteria uti: Interim alterius Medici consilium pro hujusmodi usu exquiro, cumque ille in meam sententiam descenderet, eo confidentius, illud hauriendum cum Saccharo perlato & succinato præbeo. Ventris tormina sic prorsus evanescebant: humorumque acrimonia temperabatur; attamen vigiliæ aliæque multa semper vexabant, itaque post quartum à primo lactis asinini usu diem, consilio cum tribus Medicis inito, Enema injici curo ex Decocto supra memorato addita Philonii Romani largiori dosi; Liniamento è Cerato Santalino, unguento Comitissæ, Oleo cydoniorum, macis stillatio & pulveribus quibusdam aromaticis confectototum Abdomen calidè inungo. Quibus peractis dormiebat Illustrissima per duodecim circiter horas nullo per totum id tempus urgente fluxu, expergefacta omnia bene procedebant quandoquidem præcipua ex parte evanuerant symptomata, Delirium scilicet, Alvi fluxus, Oculorum obnubilatio & difficilis Auditus; unde patebat acrimonia humorum, lacte adhibito, temperata, sicque ut & aliis mediis evacuata non impossibile jam esse, aut saltem non tam ut prius periculosum ejus ulteriorem cursum inhibere, itaque in Enematum exhibitione pergo, ut & postea Pilulas Cathecu Anodynas à Clar. Hagendhornio descriptas singulis diebus serò devorandas trado. Superveniente etiam tussi sicca, à sola faucium irritatione per salium peccantium nondum in totum correctorum illuc depositione: adjicio Tabellas terræ Catechu anodynas & corroborantes è Terra Catechu, Confectione Alkermes, Pulvere Anodyno Daniel. Ludovici in pauca quantitate, & Saccharo in aqua fœniculi dissoluto. Sic in totum brevi convalescebat Illustrissima à morbo desperatissimo omnibusque remediis propè majori. Pertotum morbi decursum potus fuit primum aqua pullorum additis sem. frigidis major. postea tinctura rosarum rubr. & flor. papaveris rhæados, admixtis syrupis idoneis. Cibus erat, vel jusculum avenaceum, vel simplex è carnibus, vel panatella tenuis, aliquando condita quæpiam, & gelatinæ. Hic non addo pulverem Pannonicum & alios, gelatinam cornu cervi compositam aliæque multa per usum medicamentorum memoratorum exhibita; sufficiat præcipua & indicationibus morbi maximè accommoda attigisse.

Dysenteria à bile viridi è Cysti manante, unde Ileï & Coli corruptio.

Erat fœmina 40. annorum, pinguis & optimi corporis habitus; quæ anno 20. Augusti Dysenterica obiit Amstelodami: Hæc ante tres septimanas inciderat in fluxum dysentericum, qui tum temporis epidemius erat; quæ rejiciebat in principio morbi erant nigra, subsequente tempore rubescere incipiebant, aliqua tamen intermixta albedine: dolebat ventrem, diverso tamen modo, nam vel dolor ad umbilicum hærebat, tuncque deprimebatur venter: vel si hic attolleretur, cinguli instar circa umbilicum movebatur: Sitis ipsam urgebat intolerabilis, quam quocunque volebat potu sedabat, spiritus vini & aquæ vitæ usu nunquam intermisso: Medicamentorum nihil sumere volebat præter decoctum aliquod alterans, & pilulas de Landano Amstelodamensium, ex quorum assumptione dolor sedabatur, & somnus, qui alias aberat, obrepebat: Cum dejiceret sentiebat dolorem circa anum insignem: Purgata fuit aliquoties tempore morbi, partim pulvere Rhabarbari solo, à quo nihil aut parum, sine levamine movebatur: partim cum rad. Jalappæ misto, à quo multum cum euphoria dejiciebat: Clyster etiam injectus est, à quo pessime habuit, neque etiam ferre poterat inunctiones, unde postmodum horum usus intermissus est: Tempore morbi ter sedatus fuit fluxus cum optima spe, sed cum pessimo uteretur victus regimine, recidivam passa tandem fatis concessit.

Cadaver apertum hæcce dabat observanda 1. Omentum justæ quidem erat magnitudinis, sed sphacelatum, colore atrolivum. 2. Intestinum Duodenum & Jejunum repletissima erant bile, unde Sitis intolerabilis causa derivari poterat. 3. Ileon, quo ad Cæcum tendit, cubiti unius longitudine corruptum & sphacelatum erat: 4. Colon quatuor transversos digitos à Cæco sanum erat, post ad 8. digitos corruptum. 5. Folliculus felleus maximus erat & bile repletissimus: Bilis quæ in eo reperiebatur, viridis erat sicut gramen: Cætera optime erant constituta: In Intestino Recto nihil notari poterat, nec in aliis visceribus: Hepar, Lien, Pancreas sanissima erant. *Alardus Hermannus Cumme-nus in Miscellaneis curiosis anni 1673. Observ. 116.*

Anatome Dysenterici, cujus intestina, ab initio coli ad finem recti, ulceribus & apostematibus obsessa erant.

Potest Dysenteria emanare à tumoribus p. n. in intestinis procreatis: Perit Filius meus Honoratus, novem annos natus, Dysenteria ab ulceribus orta, ex tumoribus intestinorum: Cum ejus locus nobis esset ambiguus, & symptomatum causæ penitus ignotæ, demortui corpus secundum curavimus.

Chirurgus invenit à principio coli ad finem usque recti, plusquam ducenta ulcera rotunda, mixta cum apostematibus: quorum ulcerum aliqua corroserant totum intestinum: Illis ulceri-

ulceribus interjacebant partes aliquæ intesti-
norum sanæ & integræ. *Jacobus Fontanus practi-*
ca lib. 3. cap. 23.

*Dysenterici intestina sphacelata, erosa &
perforata reperta.*

Filius viduæ N. assuetus bibere spiritum vini,
patiebatur Dysenteriam summo cum dolore: re-
jiciebat sanguinem concretum pulcherrimi co-
loris, i. e. arteriosum, eumque sæpe ad libra-
rum duarum pondus.

Aperto cadavere reperi intestina tenuia hac
illac sphacelata, tunicas erosas & quatuor in lo-
cis perforatas. *P. Barbette prax. lib. 4. cap. 5.*

Dysenteria per plures annos grassata, impri-
mis post ætates impenſe calidas, immensum æ-
grorum numerum nobis obtulit, inter alios Fi-
liam, septem aut octo annos natam, Illustr.
Marchionis de Lucinge, ex dysenteria mor-
tuam, in oppido sex aut septem leucas Geneva
distantē, *Rumilli* dicto, quo cum accessissem,
solusque prognostico locus esset, duobus post
diebus mortuam aperiri visum fuit: Intestina ni-
griora apparebant, cum quibusdam ulcusculis,
& interior tunica lacera villosum sericum ni-
grum representabat, qua cruciatim velut disse-
cta, in pilos surgens horrebat: *D. Puerarius in*
Observ. ad Thomæ Burnet Thesaurum lib. 4.

*Anatome Dysenterici, cujus intestina purulentis
tuberculis scatentia deprehensa sunt.*

Purulentis his tuberculis scatebant Intestina
mulieris Hafniensis primariæ, Dysenteria ex-
tinctæ: cui ne clyster quidem ob puris con-
tranitentis copiam intrudi poterat. *Bartholinus*
Cent. 6. hist. 2.

*Dysenterici corpus intestinorum vitiatum
reperitum est.*

Hieremias N. febre assidua laboravit; xi. die
dysenteria à prava bile, xxiv. interiit. Huic in-
testinorum corpus erat vitiatum: *Ballonius Epi-*
dem. lib. 2. pag. 245.

*Dysenterici intestina inflata, cum interioris tu-
nica abrasione reperta sunt &c.*

Anno 1624. aperui aliquot cadavera ex Dy-
senteria mortuorum; inter quæ corpus militis
cujusdam è diuturna dysenteria vita functi: Et
invenimus intestina vehementer inflata, ac eo-
rum interiorē tunicam plane abrasam: Tum
folliculus fellis, quod maxime in eo erat mirum,
repletus ac distentus erat humore lento ac vis-
cido albo, instar pultis ex amylo, Bilis autem
ne vestigium relictum erat. *Bontius Medic. In-*
dorum lib. 3. Observ. 3.

*Pus in involucriis intestinorum Dysenterici coer-
citum reperitum est.*

Si sursum & deorsum obseratur intestinum, in
involucriis eorum acervatur magna puris quan-
titas, quæ tandem interficit: Quod nos cujus-
dam corpore dissecto observavimus.

Libram unam vel alteram materiæ pu-

rulentæ in recto intestino cadaveris puellæ Lug-
dunensis inveni. *Joan. de Lamoniere de fluxu Dy-*
senterico cap. 7.

*Dysenterici pueri intestina crassa tumida, in-
flammata animadversa sunt.*

Puellus annorum 4. dysenteria correptus,
quæ tunc popularis erat, excrementa excerne-
bat per sedem cruenta, flava, tandem etiam ni-
gra, quibus mucus pellucidus, copiosus adhæ-
rebat: ultimo die, 7. morbi, deficientibus viri-
bus, quæcunque assumebat removebat magno
conatu & clamore, idque interpolatis vicibus:
circa mediam noctis, cum in agone esset, simi-
lia excrementa flava & nigra, qualia per alvum
dejecerat, evomens mox expiravit.

Corpusculum aperuimus, crassa intestina tu-
mebant, atque, ac si inflammata fuissent, live-
bant, uti loca inflammata in viventibus rubra
post mortem vivere solent: Ea intrinsecus ob
summum fœtorem non licuit inspicere. *Platerus*
observat. lib. 3. pag. 875.

Dysenterici intestina gangrana affecta fuere.

Nobilis quidam sexagenarius dysentericus,
cum quinta die morbi obiisset, & venter ipsius à
D. Claudio Chapuis Chirurgo aperiretur, inte-
stina undique gangrenosa reperta fuere, pro-
culdubio propter ingentem inflammationem.
Fabritius Hildanus lib. de Gangrena cap. 4.

*Dysenteria & variolis affecti intestina
pustulosa erant.*

Ill. quidam Comes juvenis, Variolis correp-
tus, ob febris & Dysentericæ vehementiam, sep-
timo die morbi mortuus est: Dissecto Jecur,
Lien, Pulmones & Intestina, haud secus atque
ipsa cutis, papulis manantibus scatebant. *Joan.*
Daniel Horstius Observat. Anat. 9.

*Dysentericorum non intestina solum, sed alie
partes quandoque exulcerantur.*

Vidimus quendam qui cum torminibus diu-
tius vexatus fuisset, ex iisdem denique in ero-
dentia ipsorum intestinorum ulcera tum in ta-
bem, post in mortem incidens, erosa intus vis-
cera ostendebat: è quibus dum ita affectus su-
pervixit, ut triennium non excesserit, conti-
nuo sanies effundebatur. *Benivenius cap. 96. de*
Abditis.

Sæpe latius quam ad intestina pervagatur af-
fectio: adolescens annos natus 12. bilioso pro-
fluvio cum febre correptus, dejiciebat frequen-
ter similia dysentericis, nigrum sanguinem: sitis,
manus frigida, vigilia, vini magna appetentia:
nihil adjutus remediis, obiit die 9.

Apertus, Oesophago interiorē ad os ventri-
culi superius & ad medium thoracem, nigro
corrupto; Epiplois similiter corrupto, Pulmo-
nibus alteratis, Recto intestino exulcerato: Do-
lor fuerat in sinistro latere, imo ventre & stoma-
cho. *Hollerius ad cap. 1. de morbis.*

*Dysenteria ab intestinis apostematibus obsessis,
ut & mesenterio.*

Accuratissimus Falcoburgius Leidæ homi-
nem

nem evisceravit, quem Dysenteria abstulerat: In intestinis, colo præsertim & recto, apostemata hinc inde conspiciebantur, quorum quædam rupta erant, & eo loci lacera intestina patebant: In mesenterio glandulæ quamplures tumida maturo pomo similes, quibus apertis tale pus foetidum exspuebatur, quale, in Dysenteria adhuc superstitie effluerat. *Barth. cent. 6. histor. 2.*

Dysentericorum quorundam intestina tantum crassa sanguinem continere observata sunt.

In sectione quamplurimorum Dysentericorum, sanguis in intestinis tantum crassis observatus fuit, non in tenuibus. Ratio est quod humor corrodens in superioribus intestinis facillime fluit, unde non potest fieri excoriatio & corrosio, ut accidit in crassis, præcipueque in Colo, ubi ob anfractus & concamerationes maximopere stagnans, morbificus humor supra modum corrodit tunicas, unde mucus & sanguis effluit: Ideo clysteres abstergentes, aquasque thermales optimas existimarem, sicut optimas inveni, habitata tamen causæ morbificæ ratione. *Dom. Panarolus Pentecoste 1. Observat. 9.*

Gravem dysenteriam, absterfa crusta intestinorum carnea, sequitur cicatrix chyli distributionem impediens.

Chylus à facibus alvinis secretus, percolatur per crustam intestinorum carneam & spongiosam in lacteas venas. Læditur hæc percolatio quando abrafa est hinc inde ea crusta, & illi subjecta intestini pars cicatrice obducta, occlusis simul ad lacteas venas tendentibus poris, quemadmodum id nonnunquam evenit post alvi fluxus dysentericos graves, sicuti non semel post mortem in cadaverum sectione observavi. *Sylvius de le Boë Præceos lib. 1. cap. 16.*

Dysentericus ulceratum habuit ventriculum.

Alteri febris, vomitio, ventris dolor, Dejectiones pici & nigro sanguini similes: xx. die mors. Secto corpore inventum ulcus ustulatum, in ambitu exesis tunicis omnibus ventriculi, qua parte declivis est ad pylorum. Huic procidit anus toto fere morbo. *Hollerius ad cap. 43. lib. 1. de morbis int.*

In Dysenterico Hepar sphacelatum inventum & Epiploon, pylorus & tenuia intestina inflammata.

Duorum cadavera curiosius inspicere placuit, eorumque apertio subjecit oculis quod mens antea conceperat, & Doctores actuosæ Medicinæ non contemnendi nobis reliquerant: In uno repertum est Hepar sphacelatum, pariter & Epiploon cum inflammatione insigni pylori & tenuium intestinorum, propagata ad rectum usque gangræna correptum. 7. die hic æger triginta annorum, gracilis, & acrium humorum incineratione melancholicus, interiit Augusti fini: Ipsum visitavimus. 3. morbi die, reperimus cum febre continua, singulis diebus post meridiem ferociente, dejectiones sinceræ, mox nigra cum summo dolore & calore flue-

bant, Sanguis paucus, modo permixtus modo impermixtus aderat, qui duobus diebus ante mortem omnino suppressus est: lingua scabra, glaciale extremorum frigus, & alia graviora symptomata biduo fere eandem præcesserunt. *Joan. de Lamoniére de Fluxu Dysenterico cap. 1.*

In Dysenterico Hepar siccum pallidumve fuit, cum abscessu prope cystin fellis, alio in mesenterio.

Rusticus Delphinus 40. annorum, post dysenteriam imprudenter ruri suppressam, doloribus ventris per septem hebdomadas continuus, & per breviora intervalla continue intensius exacerbatis, interiit mensis Decembris initio: Plurimum cadavera iustis rationibus moti nolimus aperire.

In illo Hepar siccum pallidumve conspicuum fuit, simul & abscessus cystidis fellis pugni magnitudinem æquantis, prope jecinoris cava pus eructans. Alius visus est etiam in mesenterio. *De Lamoniére de Fluxu Dysenterico cap. 1.*

Dysenteria à vermibus excitata.

Anno 1608. mense Augusto, nata est Dysenteria in puero Dom. Consiliarii du Perier, quæ per intervalla excitabatur, quam suspicabar à punctura vermium nasci, quorum quantitas admiranda fuit inventa in intestinis post dissectum ejus cadaver: Nec mirum cum viderim intestina reduplicata à vermibus. *Jacobus Fontanus præctica lib. 3. cap. 21.*

Dysentericorum ulcera ab usu Opiatorum magis putrida & sordidiora evadunt.

Thomas Minadous, Medicus Italus & Professor, se observasse asserit omnes Dysentericos, quibus ex consilio Medicorum Laudanum Opiatum oblatum, defunctos; post eorum usum ulcera magis putrida & sordidiora reddita, ex longiori mora materiæ purulentæ & noxiorum humorum: Istud admonitum maneat alta mente repostum pro cautela. *August. Thonerus lib. 3. Observat. 10.*

Viri à Dysenteria in decem diebus extincti, Pericardium aquæ expers repertum.

Cor motu continuo, & propria natura calidissimum, aquam obtinuit ut in ea assidue, veluti balneo temperatum madesceret, quo floridum & vegetum conservaretur: Unde quibus per ardentes febres, vel in edias, vigilias, & ingentes mœrores exhausta est, Tabidi pereunt. Vidit *Jessenius à Jesson*, in febre ardenti aquam Pericardii consumptam. Vidi in cadavere illust. Cancellarii *Dom. de Sillery*, post obitum ad pollincturam exenterato, pericardium siccum, aqua illa per morbum dysenteria cum decem dierum exhausta, nec tamen cor torrefactum exaruerat, sed erat mollius & flaccidius quam par erat. *Riolanus Antropog. lib. 3. cap. 7.*

Anatome Fluore hepatico laborantis in quo hepatis apostema, ejusque dissolutio reperta est.

Miles Anglus cum inflammationem Hepatis primum

primum passus esset, & frustra tentassemus ea quibus opus erat, dolor se remisit quidem, sed desit malum in Fluxum hepaticum, tumore qui ante erat in hypochondrio, planè evanescente. Cum hoc modo per sex ferme menses languisset, tandem ad extremam maciem ita perductus est, ut ipsissimam, qualis pingitur, mortem dixisset & sic miserrimam vitam cum morte permutavit.

Aperto corpore, invenimus loco Hepatis solam membranam ipsum investientem, satis crassam instar succi, cui adhuc portio saniei, loturæ carniū similis inerat, qualem tam longo tempore excreverat. *Bontius Medic. Indorum lib. 3. Observ. 9.*

Consul Parisiensis Hepatico profluvio bilioso sex annos vexatus est, & nullis remediis allevatus est. Eo mortuo inventus est tantum Hepatis locus & membranæ, illius parenchymate consumpto & colliquefacto. *Ballonius lib. 1. Consil. 53.*

Cuidam ex dysenteria febris tertio die oborta, accessit Fluxus hepaticus: cum absque intermissione purum impermixtumque sanguinem, interdum loturæ carniū non absimilem excerneret, febrisque intenderetur septimo morbi die interiit.

Sectio ostendit Jecur universum prope dissolutum. *Jordanus cap. 19. de Pests phenomenon.*

Inspectio Anatomica.

Fluxu Cœliaco extinctorum hic extra ordinem.

Diarrhœæ diurnæ Fluxum cœliacum successisse observavit *Magnum Reipublicæ Medicæ Lumen Excellentissimus Dn. Drelincurtius Præceptor atque patronus meus in æternum venerandus*; ubi in his cadaveribus dissectis Intestinorum fistulam flatibus multum distentam, attenuatam & tunicam villosam consumptam deprehendit; oscula Lactearum, Lymphæ, quæ humectari deberent, magna ex parte exhausta corrugantur, atque collabuntur ita ut sese, ad chylum advenientem excipiendum, elevare nequeant, chylo, introitu per oscula denegato ulterius meare cogitur scil. ad Colon & Rectum, ubi cum fecibus extra eliminatur. *E Thesis Discipulorum Clariss. Caroli Drelincurtii.*

D T S P E P S I A.

Vid.

DIGESTIONIS VITIA.

DYSURIA & ISCHURIA.

Vid.


VRINÆ VITIA.

DYSPOŒA.

Vid.

RESPIRATIONIS VITIA.

Finis Libri Quarti.



BIBLIOTHECÆ

MEDICO-PRACTICÆ

LIBER QUINTUS.

De Morbis à Litera E incipientibus.

EBRIETAS.



PLATO in Timæo ad decimum octavum vino abstinuisse penitus juvenes, ad quadragesimum dilutum bibisse, ab hoc verò largiùs & meraciùs, non tamen ad ebrietatem hausisse refert. Carthaginensium quoque legibus sancitum erat, ne Princeps eo anno, quo imperaret, vinum biberet. Persæ utebantur tantum vino pro incitabulo ingenii & virtutis, & eo tantum die, quo Soli sacra faciebant ad ebrie-

tatem bibere Rex concedebat, *Athen. lib. 10* Penes Romanos sub mortis pœna interdictam fuisse Temulentiam M. Menacii Uxor proprio corpore experta est, à Viro virgis ad mortem cæsa, quod è dolio vinum bibisset, *Valer. Max.* sed ceciderunt Majorum instituta, quo sobrietati patrocinebantur, & primum in scelera humanum genus proprio altu non pauca invenit venena, quibus vino minimè contentum spontaneam inferre posset insaniam. Verum enim verò, Ebrietatem pœna comes premit & phalans morborum ipsam insequitur, caput fœdis exhalationibus disrumpitur, Cerebrum vertigine tentatur, oculi torquentur, aures undoso spiritu crepant, lingua vacillat, sermo futilis, oris halitus teter, stomachus subvertitur, cordis palpitatio, manuum inepta & insana gesti-

Vuuu

culatio.

culatio, pedum incertus lubricusque gressus, inquietas nocturna, turpes ronchi, furiales somni, alvi & vesicæ spurcissima solutio, ut in hac eluvie, (quemadmodum in cœno lutulenta sues) persæpe volutantur. Vide *Jason. Pratenf. Tr. de curandis cerebri morbis c. 20.* Miror interim paucos inveniri practicos, qui prolixè satis alios morbos enarrantes aliquid de Ebrietate immiscuerint, fortè quod Medici rarò ad eandem curandam vocentur, uti putat, *Forestus lib. 9. Observ. 28. Schol.* frequentius verò ad morbos, qui hanc sequuntur. Cum itaque Ebrietas in specie ex vino frequens causa morborum existat, ita ut *Rondeletius M. M. cap. 13.* scribat in Britannia Medicos divitias sibi colligere ex foliis affectibus à Temulentia ortis, à paucissimis verò Medicorum attendatur, placuit de hac ipsa materia disputando in ejus tàm causam, quàm medelam inquirere, annuat Deus!

Temulentia, cum à prisca voce temetum, quod vinum est, derivetur, vi nominis eam tantum Ebrietatem designat, quæ à copiosa vini ingestione ortum traxit. Inde à tractatione nostra omnes Ebrietatis species ratione Etymologiæ excluduntur, quæ ex aliis, quàm vino, spontaneam hanc insaniam inducendi vi præditis, contrahuntur.

Excluditur ita Ebrietas, (1.) ex aqua, qualem ex potu amnis Lyncestii contrahebant.

Hunc quicumque parum moderato gutture traxit,

Haut aliter titubat ac si mera vina bibisset.

Ovid. lib. 15. Metamorph. Lyncestii aqua acidula vini modo Temulentos facit, *Plin. Histor. natural. lib. 2. cap. 103. Senec. quæst. natural. lib. 3. c. 20.* sic pisces ex ponto Euxino, si in aquam dulcem projiciantur, inebriari tradit *Baco de Verulam. Hist. nature & artis.*

Excluditur (2.) Ebrietas ex *Cerevisia*, quod *ἐν κερῶν* vinum ex hordeo vocat *Theophrastus de plantis, lib. 6. cap. 15. ἐνὸς κερῶν &c.* Vid. *Dioscorid.* quò refero omnia ferè potuum genera ex fructibus per fermentat. parata. *Virg. Georg.*

----- pocula lati
fermentato atque acidis imitantur vitia sorbis.

Hinc, *Plin. Histor. natural. lib. 14. cap. 21.* Est Occidentis populis sui Ebrietas fruge madida. Mira vitiorum solertia inventum est, quemadmodum aqua inebriaret, conf. *Placor. Schook, Meibomium, &c. de Cerevisia.*

Ebrietas (3.) ex lacte, Tartaris & Scythis non infrequens, paratur autem ut inebriandi vim acquirat duplici modo, vel (α) per fermentationem, quod Chymum & pozam nominant, (hunc potum *Prosp. Alpinus de Medicin. Egypt.* ex farina loliaca, seminibus cannabis & aqua componi asserit) quem modum ex *Joh. Luca* relatione de Tartaria gallicè conscripta citat *Dn. D. Eumullerus disput. de Med. Hippocr. chym. cap. 3. §. 7. v.* (β) per destillationem. Et probabile hoc videtur (inquit *Sennertus pr. l. 4. part. 2. de inf. morb. cap. 7. de siriasi*) cum lac butyrum multum quod pingue & oleosum est, in se contineat. dixi verò alibi (sunt verba *Sennerti*) pingua & oleosa omnia, spiritus chymicis dictos, suppeditare & olea à spiritibus vix aliter quàm substantiæ modo differre.

Ebrietas (4.) ex Opio Turcis ita familiaris, ut in proverbio dicant: Opium comedisti *Bellon. observ. lib. 4. cap. 15.* quod an idem sit cum

Maslach Turcarum, uti *Sennertus, pr. T. 1. part. 2. cap. 6.* contra *Tarabeiserum* disputat, an verò compositum sit, uti credit *P. Andr. Matthiæolus, lib. 3. Epist. pag. 180.* in medio relinquo.

(5.) Ex rebus narcoticis. Horum enim vis antequam eò progressa est, ut stuporem excitet, prius Temulentiam, & Delirii quoddam genus producit, v.g. fol. cannab. ex quibus bolos parant *Aegyptii*, quibus utuntur sub nomine *Affis. Lolii semeni* hujus farinam cum fol. cannab. miscet & plusquam assis præstare dicunt, *Prosp. Alp. de Med. Egypt. lib. 4. cap. 2.* Huc pertinent nuncies insanæ, de quibus *Clusius Exot. lib. 2. cap. 26.* *Nuxmyristica* vid. *Lobelius observat. stiry. Cortices Mandragora* vid. *Schröd. pharmacop. Rad. Tuboris Theophrast. lib. 9. hist. plantar.* *Nicotianæ* funus, & plures aliæ herbæ, semina, radices, quorum catalogum hic scribere esset extra limites vagari.

Intelligimus ergo per Temulentiam Ebrietatem ex solo mero contractam alio nomine *νεγισμάν* Græcis dictam, Latinis *Crapulam*. Vox hæc licet variè à variis accipiat, uti *Foësius* docet *Not. ad Hippocr. lib. 2. de morb. vulg.* (a) Pro quavis ingurgitatione hesternæ. (b) Pro *apepsia* ex vino; magis tamen audiendus *Galenus*, qui ad *Aph. 5. sect. 5. Capitis offensionem* ex vinolentia *νεγισμάν* vocat, conf. *Consider. Med.*

Temulentia itaque hoc sensu erit productum morbosum lædens spirituum animalium actiones, à sulphure vini copiosius hausti ortum trahens.

Tria esse, quæ valetudini nostræ negotium faciunt, Morbum scil. Morbi causam, & symptomata, *Galenus* putat *Libr. de Const. Artic. 15.* quam opinionem per traditionem ad nostra sæcula propagatam ex plurimis libris legimus. Verum quia ipsimet symptoma cum morbo confuderunt, ternarium hunc rerum p. n. numerum ad binarium redegerunt moderni; Causam nimirum morbificam & productum ejus vid. *Tit. Dn. D. Ammanni paren. ad studios.* sufficit enim Medico practico causas, ad quas solas attendere debet, a productis seu effectis distinguere, quorsum etiam impræsentiarum respexi, dum Temulentiam rem homini p. n. per productum morbosum, loco generis definivi.

Differentia sumitur (1) à forma, læsa scilicet actione, quam communem habet productum hoc cum reliquis. Cum enim vita sana consistat in actuatione partium corporis secundum leges à natura præscriptas, vi contrariorum hujus labefactio Morbus erit seu productum Morbosum, ejusdem abolitio Morf.

Sumitur (2) differentia à parte affecta seu spiritu, ab usu animalis dicto: spiritus enim nostri corporis licet diversas actiones edat, diversisque organis gaudeat, nonnisi unus est, si substantiam aspicias; *Aristoteles lib. de animal. motu, Hoffmann. lib. 2. institut. Argenter. lib. de somno, & vigil. Deusing. libr. de spiritibus: Helm. Tr. Blas. human. §. 58. Tr. spir. vitæ §. 29.* ratione verò usus ab arte dispescitur in vitalem & animale, quorum ille actionum vitalium, hic animalium sensuum scilicet & hos consequentium motuum animalium autor existit. Itaque Temulentia ratione partis affectæ distinguitur non modò à morbis sanguinis & partium solidarum, verum etiam à morbis spirituum vitalium.

Spiri-

Spiritus quidem hos partem corporis & consequenter morborum subiectum esse negant Veteres. Negandirationes collegerunt. *Conimbr. Comment. ad Aristot. l. i. de gen. & corrupt. quest. 24.* sed ipsi definitione partium viventium recepta quam ex Galeno petiit Fernellius, refutari possunt, quæ talis est: pars est corpus toti coherens communique vita junctum ad usum comparatum.

Paradoxon videri posset spiritibus hanc partem applicare definitionem, dum per corpora definiuntur, sed homonymia est in vocabulo spiritus, quod hic non propriè sumitur, quatenus substantiæ corporeæ contradistinguitur, sed impropriè & comparatè, perinde ut Chymici liquores volatiles ob mobilitatem & substantiæ raritatem spiritus dicunt: ita quoque subtilior hæc corporis nostri pars ob subtilitatem & generationis modum, quem cum spiritibus chymicorum eundem ferè obtinet; fermentationem scil. & circulationem, spiritus dicitur, h. est, corpus subtilissimum quod (1) toti coheret, cum sit de essentia corporis viventis & sine interitu ejus seu abolitione actionum, quam mors sequitur, separari non potest: (2) communi vita fruatur, quia proximum animæ instrumentum, quod vitam h. e. vivendi actum largitur; per quod verò unumquodque tale est, illud magis est tale: (3) ad usum comparatum, qui est actuatio partium organicarum. Ipsi enim aut imminutis, aut abolitis, aut depravatis, aboletur, aut imminuitur, aut depravatur motus animalis, salva licet organicarum partium structura. Inde *Hippocrates* quoque corpus nostrum instar machinæ hydraulico pneumaticæ divisit in partes continentes, contentas, & impetum facientes seu moventes h. e. spiritus.

His itaque notatis, concludimus spiritibus corporis nostri non modo definitionem partis competere, sed ex usu quoque, quem præstant ipsos (non excluso sanguine) esse partem primariam activè moventem, adeoque primarium uti vitæ & sanitatis, sic quoque morborum subiectum. Uti enim vita & sanitas & actiones exercendi vis effectivè & radicaliter à spiritibus his unicè dependet, ita his ipsis læsis spiritibus laborare credimus, & quidem in Temulentis (qui nostræ jam sunt considerationis) animales, quia motus spontanei & sensus imminuuntur ac depravantur, uti testantur Ebriorum exempla non tantum non quotidiana.

Scilicet spiritus hi, qui sub seminis tegmine in uterum excernuntur, & postmodum sese ex sanguine in corde multiplicant, in cerebro perficiuntur aut separantur cum materiales sint, uti supra dixi, materiales quoque habent conditiones, ratione quarum in statu naturali appropriati sunt systemati fibrarum organico; præcipuæ sunt falsedo & volatilitas.

Salsedo probatur à vi Balsamicâ, Balsamici sunt (inquit *Helm. Tr. sp. vita*) & custodes à corruptione, Unde & his enervatis aciditatum morbificarum in corpore observatur Dominium quarum acrimoniam, illi ante temperabant. *Tit. Dn. D. Bohn. Disp. phys. 15. §. 18.* hanc falsedinem per fermentationem acquirunt, quæ ex duobus salibus sibi invicem contrariantibus in liquido solutis oritur, ex quorum con-

nubio nascitur tertium enixum seu salsum, volatile, vel fixum, prout pugnantia salia nunc sunt volatilia vel fixa, utraque autem alterum alteri prædominatur.

Generantur enim spiritus ex sanguine per fermentationem, sive ea fiat ad modum Sylvii propter bilem per Epar, (*vid. Sylv. diff. 6. it. de febr. disp. 2. §. 21.*) lixiviosam volatilem (*Tackius chrysog. animal. & mineral. p. 37.*) ascendentem & acidulam lympham per venam axillarem (*conf. Schuyt. Tr. pro Vet. Med. Barthol. in Ep. Diemerbroeck. anat. lib. 1. Suvalve lib. de pancreas p. 67.*) itidem volatilem descendentem, sive beneficio fermenti propriæ eadem accidat, sive alio modo fiat.

Utraque suas patitur difficultates, Sylviana duplici modo impugnatur, primò ab illis qui bilem per porum biliarium versus Epar scandere, secundo ab iis, qui lympham acidam esse negant. Illis satisfacere videtur Experientia (violenta tamen) (1.) *Fracassati* quod atramentum vesiculæ injectum hepar denigrare monstrat, (2.) *Sylv. 1. Diff. 6.* qui flatum in felle vesiculam immisum versus hepar non intumescat, inde est, quod subligatione compressa vesicula copiosè non modò versus hepar (unde etiam est, quod post factam ligaturam abscissa vesicula aliquid refluat, quod contra *Malphigium* nota) sed etiam versus intestina patente ductu communi bilem effundat, unde copiosæ agonizantium dejectiones. His præter autoritates allegatas oppono, quod saliva humor lymphaticus, non modo cum saccharatis effervescat, sed etiam lac coagulet, & martialia præcipitet, inde si vel tantillum salivæ liquori Mart. Solar. admiscetur, statim turbatur. Altera de fermento cordis proprio ab iis negatur, qui cor muscolum esse & cavitatem accidentaliter saltem formare credunt. Sed recte *Helmont.* omnibus partibus & sic musculis quoque peculiare fermentum assignat, quod tamen de münere digestionis & coctionis, privativæ potius quàm publicæ, interpretandum venit.

Volatilitas inde constat, quòd porosam minùs cavam nervorum substantiam penetrare & citissimè ad partes fluere ac refluere possunt. Hanc agnoscens *Willisus lib. 1. de anima brutor.* maluit eosdem cum lucis radiis, quàm subtilissimo liquore chymico comparare, quod hic de vase in vas effundi & destillari queat, spiritus verò animales illicò evanescentes nullum sui vestigium relinquant. Hinc *Graff. l. de succo pancreat. cap. 2. edit. ult.* discisso nervo notabili ad crura tendente, ipsi phialam applicans angustioris colli nec guttulam decidentem vidit, nec spiritus vitri lateribus per condensationem adherere notavit.

Obtinent hanc (1.) ab aëre ad generationem ipsorum concurrente, cujus in volatilisando sanguine efficaciam probat *Helm. Tr. Blas. hum. §. 45.* confirmant experimenta, *Louvenè & Hookij* quæ refert *Tit. D. D. Bohn. disp. physiol. de pulmon.* (2.) à generationis modò, qui est per fermentationem & circulationem, quæ res in naturam spirituofam elevant, confertur *Ep. Beckij de volatilitat. sal. Tart. p. 30.* quod vel solus odor sub fermentatione & destillatione nares feriens testatur.

His spirituum conditionibus ritè & naturaliter sese habentibus, vegeta succedit corporis actuatio, sicut iisdem spiritibus fixioribus ac aquosioribus redditis eadem frangitur ac debilitatur. Huic debilitati uti medentur indistinctè ferè omnia medicamenta, quæ ratione viridæris volatilis, spiritus volatilifare & in debita falsedine conservare potis sunt, ita tandem ex contrario producunt, quæ spiritus figunt, ut pingua, resinosa, sulphurea, particulis ramosis salino volatiles maxime activas remorantia. Talis vis à vino quoque inest, cum in Temulentis similes videamus affectus, dubitari equidem non potest, quicquid dicat *Angenius Tr. 3. Ep. Med. 3. cap. 4.* quanam verò pars, cum vinum unâ pluribus constet, ita vi polleat, sequentibus patebit, ubi de causa proxima. Non enim secundum totam substantiam inebriare probat *Schoock. de Cerevis. cap. 17. pag. 142.*

Differentia sumitur (3) à causa efficiente, quam sulphur nominavi. Qua in parte non contradico veteribus, qui passim videri possunt, nec *Helmontio Tr. spir. vitæ*, qui vinum, cum nihil aliud sit, quam liquor uvarum expressus & fermentatus ratione partis spirituosæ ex fermentatione natæ (experientia edocti paratos per fermentationem spiritus inebriare) Temulentiam causare credunt, modò hanc virtutem non secundum totam substantiam spiritibus tribuant proximè; duplici namque particularum genere constant hi spiritus sulphureis scilicet & salinis, *Becherus phys. subterr. lib. 1. sect. 5. cap. 2. Helm. T. spir. vitæ* quæ enim hætenus de mercur. vini fabulati sunt, ea de partibus salinis intelligenda esse suadet *Becherus l. c.*

Partem sulphuream esse in spir. vini h. e. corpus insipidum seu dulce (*Dn. D. Bohn. Ep. de insufficient. princip. acid. & alcal.*) substantiæ ratione resinofum quod *Barnerus (Ep. de spir. vin. sine acido)* ex Magneno Ceram pingueniam nominat, probat, (a) genesis dum fiunt hi spiritus ex succo uvarum subjecto sc. sulphureo mediante fermentatione, quæ causa est, ut unâ cum partibus salinis in phlegmate solutum sulphur spiritus ardentis naturam induat, adeò ut spiritus hi nihil aliud sint quam oleum seu sulphur per fermentationem in suo phlegmate solutum, hinc etiam perinde ut ipsum flammam concipiunt, & ardentium nomen obtinent, (2) analysis dum ex iisdem oleum seu sulphur vel nuda aquæ infusione separatur, quod ulterius beneficio liquoris prorsus salini in resinam abire docet *Barnerus l. c.* saporis & odoris expertem, ardentem tamen & æquiponderantem ferè corpori suo.

Liquor hic oleum vitrioli est, & succedit experimentum in pluribus oleis destillatis, nunc facilius, nunc difficilius, unde cum oleo destillato anisi felicissimè procedit, difficilius cum oleo Terebinth. uti prolixè hæc deducit *Dn. D. Emmüll.* in litteris nuperrimè ad me datis, ad alia verò olea destillata, quæ liquor hic non præcipitat, forsan alius salino acidus adhiberi potest, unde modo memoratus *Dn. D. Emmüll.* ex oleo destillato pinguedinis humanæ cum spir. sal. similem resinam paravit, perinde ut idem cum eodem spiritu ex oleo olivarum communi produxit concretum pinguedinem animalium exactè repræsentans, ad imitationem scil. experi-

mentorum à *Grevv.* tr. of. Mixture : pag. 28. & *Symson. Zymolog. pag. 145.* relatorum.

Salinam partem quod attinet, probat (1.) genesis cum (a) ex musto copiosè sale abundante, uti monstrat *Tart. (β)* per fermentationem resultet, quæ absque salibus arti & naturæ impossibilis & (γ) substantiam pinguem intimè admixtam habeant, quæ non miscetur nisi per salia, quæ ob id, *Barnerus l. c. ex Helmontio* pingua vocat. (2.) analysis dum (a) humiditate abstracta in Crystalllos abeunt, vid. *Libav. l. 2. Chym. Tr. 2. cap. 38.* & (β) olea, quæ ex ipsis separantur nunquam sint absque sale, unde & in salia resolvi possunt. Sic *Helmont.* oleo Cinnamomi addito alcali proprio absque omni aqua trium mensium artificiosa occultaque circulatione in salem volatilem commutavit. *Tr. Chym. princ. §. 83.* quin (γ) ipsum phlegma putredinis expers salium innuit præsentiam.

Cum itaque spiritus in duabus partibus consent, quanam illarum proximè sensus & motum liget, investigandum est. Atque hic dicimus esse sulphur vini & quidem cum addito copiosius, quia semper certa proportio, inter agens & patiens requiritur, haustum seu ore assumptum, nam quod ex clystere injecto, Ebrietatem observaverit *Borellus cap. 1. observ. 56.* id rarissimum est. Nostrum erit itaque hanc opinionem de sulphuris vinosi inebriativa virtute ulterius tum rationibus, tum experientiis à juvantibus & nocentibus desumptis probare.

Ratio, qua sulphur vini spiritus ligare & ita Temulentiam causare posse confirmatur, à substantia ejus desumpta est, quam resinofam & viscidam appellavimus adeoque capacem, qui spiritus salino volatiles ratione viscositatis in actionibus remorari possit. Inde omnia sulphurea narcotism possident & omnia narcotica sunt sulphurea, quamvis sulphura mineralia & metallica fixa quæ etiam figendi spiritus potentia pollent, in quo tertio cum vegetabilium sulphureis conveniunt, alio paululum modo agere videantur, ob exiguam, qua sumuntur dosin, unde & *Helmontio Tr. in herb. verb. &c.* Irradiantia vocantur, sicuti etiam materialiter ultra paucas vias vix pergere videntur.

Hanc rationem confirmat experientia à juvantibus & nocentibus seu Ebrietatem inducentibus & præcaventibus desumpta. (I.) inducunt Ebrietatem citius vina, quæ copioso sulphure gaudent, ut sunt (a) vina suppressa, *verhaltens beine*, quia egressus sulphuris crassioris, in omni fermentatione aliàs exhalantis (monstrat hoc *Langelott. Ep. ad Curios. de fermentat. Opij.* & probat exhalans sub fermentatione Gas adstantes inebrians) impeditur (β) vina sulphurata &c. (γ) Hispanica, quæ plus spiritus sulphurei quam acidi continent. conf. *Henric. ab Heer. obs. p. 225.* (δ) Vina ambrata huc numerari possunt etiam ebrietatem accelerantia. *Matthiol. ad Dioscor. lib. 1. cap. 20.* (II.) præcavent omnia quæ sale volatili acri spiritus acuunt, quo minus resinosis sulphur. vinculis vinciri aut vinci possint, in specie spir. sal. armoniaci, quem *Beckius den Gauff.* spiritum nominat. (III.) *Curant.* (a) acida. Nimirum in omni Narcosi æquè ac Temulentia felici successu adhibentur, quatenus scil. hæc solutum à ventriculi fermento sulphur ex primis viis præ-

præcipitant (β) aquosa qt. dilatando poros menstrui solventis sulphur, hoc ipsum separant, perinde ut sp. vini lacrescere & oleum suum ex poris dimittere animadvertimus affusione aquæ.

Sed respondendum jam quoque erit *Tacckenio*, *Beckio* aliisque tantum non omnes morbos & sic quoque Temulentiam à sale acido deducuntibus; Hi in eo feliciores sunt cæteris Medicis, quod faciliorem viam consequendi medicamentum quoddam universale invenerint, cujus vicem penes ipsos imprimis sustinet, spir. sal. armoniaci, acidum, universalem fere secundum ipsos morborum causam potentissimè infringens. Negari equidem non potest, acidum corpori extra ventriculum inimicum esse, ut loquitur Helm. & plurimum ita morborum causam exitere. An tamen idem acidum, quod & sulphur à similitudine vocat *Tacckenius clav. Hipp. chym. p. 8.* (Hinc *Barnerus* sulphur intra salia acidia ponit. *chym. præcep. à Beckio editis*) in vino vero exuberans, licet à sulphure distinctissimum (conf. *Major. Tr. de sal. c. 4. de liq. acid. ortu*) sensum & motum in ebriis liget, inquirendum est, quod ut commodius fiat, prius ad singulorum argumenta respondebimus, tum quæ porro obstare videantur, subiciemus.

Tacckenium quod attinet, ipse *Hipp. chym. c. 19. p. m. 154.* à juvantibus seu potius præcaventibus herbis scil. alcali occulto gaudentibus, ut sunt herba vulnerariæ & olera omnia in specie brassica, concludit in acido vini inebriativam vim consistere. Aberrare tamen in eo videtur, quod ipsas has dictas herbas non operari credat, nisi temperando & absorbendo acidum spiritus aliàs figens, cum Temulentia medeantur, non tam acidum infringendo, quam vi nitrosa stimulando urinam & sic vinum totum eliminando. Hinc eadem quoque conducunt in Ebrietate, ex spiritu vini Tart. contracta, quem tamen haud acidum esse omnes norunt.

Quod *Tacckenius* obiter unico argumento, id *Beckius* in *exper. circa natural. rer. princip.* prolixè per aliquot paginas variis ratiociniis, tum ab actionibus Ebriorum, tum ab experimentis particularibus desumptis, probat. I. ab actionibus Ebriorum, hilaritate sc. & hunc insequente sopore, quas non commodius explicari posse scribit, quam per effervescentiam acidi ex ventriculo ad cerebrum emissi, cum spiritibus animalium alcalicis, quos tandem ex largissimo potu copiosius accedens acidum somnum & torporem causet, Exemplo suo hoc testari non modo poetas, sed Magnates quoque, quos consiliis dandis aptiores credit, cum plusculum bibissent.

Verum enim verò, si experientiam consulimus (1) non præcisè has actiones ab effervescentia spirituum alcalicorum cum acido derivandas esse videmus, cum natura pariter ac arte constet, non modo acidia cum alcalibus, sed & alcalia cum alcalibus, sulphurea cum alcalibus &c. effervesce, &c. Clarum hoc est in spiritu vini cum sale Tart. per deliquium soluto aut bile oleosa cum lacte, magis clarum hoc est in corpore humano, ubi sulphurea in specie Opiata, omni acido destituta (quod summus amaror, juratus acidi hostis testatur)

sulphure abundantia (hinc inflammabilis) antequam somnum inducant, mentem hilariorem reddunt, conf. *senn. pr. Tr. 1. part. 2. cap. 6.*

Licet acidia volatilia ut plurimum hanc vim possideant, non tamen vice varia omnia, quæ hunc effectum præstant, sunt acidia volatilia, adeoque ab illo principio dependere crederem, & quidem sulphureo, cum hoc non modo in vino copiosius contineatur, sed etiam, quia omnia sulphurea, hanc virtutem possident, & vice versa omnia, quæ vi ac potentia hac pollent, sint sulphurea.

Nec obstat hic quod *Vigenarius Tr. de aq. & sale* (vid. *Theatr. chym. T. 6. c. 9.*) spiritum vini, quem minus acidum esse §. 29. diximus, minus inebriare scribat, quam vinum ipsum sale acido adhuc perfusum tali quantitate assumptum, quantum illud ante Aq. vitæ extractionem constituebat, seu 3j. sp. vini minus inebriare, quam ea vini quantitas, ex qua 3j. est parata. Nam ex ipso Autore respondeo (1.) procedere hoc experimentum in iis locis, ubi sp. vini in usu frequens est, Germaniæ sc. oppidis, & locis frigidioribus, & proculdubio etiam in iis subjectis, qui raro meracius bibunt, sc. in his valet illud *Hipp.* assueta licet deteriora minus alterare corpus, quam inassueta licet meliora. Hinc Turcæ opio, quod nos sine vitæ periculo vix ad gr. ij. &c. exhibemus, ad 3ß. utuntur, (conf. *Bellon. in observ.*) (2.) sulphur subtilius & volatilius penetrans sub forma Gas in destillatione exhalare, testante hoc odore, à quo destillatores sæpè magis inebriantur, quam à spir. destillato, nec dubitarem (3.) quin in residuo aliquid sulphuris remaneat.

Alterum argumentum *Beckii* desumptum est à juvantibus (1.) alcalicis (α) in genere tam volatilibus quam fixis, quorum vim in labefactandis spiritibus acidis consistere, quatenus cum his coagulantur ex chymicis notum esse dicit, e. g. dum sp. sal. armoniac. cum sp. vini non modo ratione acidi salis in spiritu vini latentis coagulatur, sed & sal. Tart. fixum ex spiritu vini rectificatissimo acidas partes (quod ex aucto sal. Tart. pondere concludit) attrahit, (β) in specie brassica quam specificè in Temulentis exhiberi unanimiter scribunt.

Sed Resp. alcalium vim non purè consistere in oppressione acidi, ut potius præcipuè in corporibus nostris ob cognationem, quum habent cum spiritibus, in eorundem confortatione, unde labascentes in agonizantibus vires non semel his ipsis restituuntur. Coagulationem verò sp. sal. armoniaci cum spiritu vini ab ejusdem acido dependere, aut sal Tartari ejusdem acido imbibere, atque adeò suo pondere crescere eademque ratione acidum imbibendo ebrietatem præcavere dubium videtur. sal enim Tart. à quo spir. vini abstrahitur quantitate non augeri, sed minui docet *Dn. D. Bohn. Ep. c.* ut & *Barnerus cap. 1.* spiritum vini verò non ratione acidi coagulari, inde constat, (α) quia de aciditate adhuc dubitatur, vid. *Barnerus l. c.* (β) quia non modo alcalia cum acidis sed & alcalia cum alcalibus coagulantur, unde & sp. vini Tart. eodem modo cum spiritu salis armon. coagulatur, vid. *Dn. D. Bohn. c. 1. p. 27. Barnerus p. 16.* perinde ut hic ipse cum sale Tart. per deliq. soluto in offam coit. Nec spiritus vini in-

briare ratione acidi nec alcalia absorbendo acidum ebrietatem præcavere ex eo constat, quod spiritus vini Tartarificatus vim inebriativam æque obtineat, ac si ficto illo acido adhuc gauderet. Tandem brassicam quod attinet sal alcali ratione (quod ipsi ex sapore & effectu, quem in vulneribus præstat inesse credo) ebriis conducere negare nolo, an autem absorbendo acidum operetur, inde dubito, quod uti §. 30. dixi, conferat etiam in ebrietate a spiritu vini Tartarificato contracta.

Juvantibus oleosis, amygdalis scil. amaris & emulsionibus ex seminibus frigidis, quas operari credit ratione olei, quatenus scil. pinguedine sua acidum obtundant, atque sic ebrietatem præcaveant. Oleosa autem acidum obtundere probat per spiritum vini, qui licet ipse acido volatili gaudeat (ex ejus supposito) olei tamen ratione aquæ fortis aciditatem temperet. Miror sanè hic spiritum vini oleositate sua externum & peregrinum acidum satisque potens infringere, & proprium (si quod est) minus potens negligere.

Verum licet adductorum oleosorum effectum non planè nego, an tamen obtundendo acidum ebrietatem tollant, inde dubito quia (1.) solummodo amygdalis amaris hanc vim tribuit non dulcibus, cum tamen hæ æque oleosæ sint ac amaræ : (2.) Emulsiones ex seminibus frigidis paucio oleo gaudeant, cum copiosiori substantiâ aqueâ consent, & semina quoque aquosiora sint. (3.) quia non omnia oleosa, quæ acidum obtundunt, etiam ebrietatem præcaveant, ut oleum hyosciami, papaveris, ambræ, &c.

Ut itaque *Tackemius* & *Beck* ex juvantibus concludunt, Ebrietatem à vini parte acida oriri, ita refutatis ipsorum argumentis ex eodem fundamento contrarium inferri posse sequentia probant (1.) quia non omnia, quæ acidum tollunt Ebrietatem etiam præcavent, hinc amara sal acidum potentissimè infringentia, lupulus, Crocus, &c. minimè Temulentiam curant. De Absinthio quidem ex *Arculano* refert *Senn.* c. 1. Ebrietatem ex vino curare, sed experientia id refellit, quæ vinum absinthites maximè ad somnolentiam & Temulentiam disponere quotidie monstrat. sic de croco scribit *Dioscorid.* lib. 1. cap. 25. ex passo sumtum crapulam arcere, sed falsum esse experientia eorum monstrat, qui etiam ex croco leviter odorato capitis repletionem & somnolentiam patiuntur, unde rectè *Nic. Piso* lib. 1. de cognosc. & arcend. morb. in specie crocum ebriis vetat. (2.) Quia etiam ea quæ acida non sunt inebriant, v. g. spir. vin. tart. amara plura, in specie amarulentissimum opium, quod similem effectum producere Turcæ sciunt. (3.) Quia vina austera, ut sunt rubella, minus inebriant, cum tamen austeritas ex acido in subjecto terræ gignatur. (unde concretum oleosum maximè austerum ex terra sigillata cum spir. sulphur. artificialiter confici potest) (4.) Quia acida ebrietatem tollunt; unde potatoribus *Sennert.* T. 1. prax. part. 2. cap. 6. commendat acida, acetum simplex, vel aq. font. dilutum, poma acida, pruna, cydonia, lac acidum, acidulas, &c.

Signa diagnostica per quæ præsentem ebrietatem dignoscere queamus, recenset Domini-

cus *Leoni-lucensis*; sed ignoratâ causâ occasionali certi aliquid pronunciare non possumus, alii enim ut apoplectici cadunt, adeo ut quendam 4. dies malè pro apoplectico curatum *Henric.* ab *Heers* observ. 19. annotaverit, Alij delirantium instar varia sibi imaginantur, sic refert *Plater.* observ. lib. 2. quendam in platea lunæ splendorem in terra intuentem existimasse se videre fluvium profundum, & quo natare posset, vestimenta deposuisse: Sic alij pro phreneticis habiti, unde observavit *Borell.* cap. 1. Observ. 56. mulierem abstemiam clystere ex vino injecto inebriatam, quod ignoranter proximi adstantes errorem quendam à Pharmacopola & Medico commissum opinabantur.

Quia autem fiat, quod ex ebrietate nondum consummata, alij irascantur, alij tristentur, alij loquaces sint, alij somnolenti; An. sc. quod humores affectibus convenientes in corpore nostro commoveantur, uti putat *Plater.* Prax. lib. 1. cap. de Temulent. an aliò modò accidat, nondum liquet. Conjicerem animum sensus alias mediantibus spiritibus dirigentem, ipsis spiritibus per fumosas sulphuris vinosi partes obscuratis, quiescere à muniis propter ineptitudinem instrumentorum; unde hi liberiores (primò antequam à sulphure planè supprimuntur) pro diversitate conceptarum idearum potissimum exequentur suas actiones. Inde fortè quod *Senguerdus* de Tarantismo scribit, animalcula, hæ easdem imaginativæ impressiones imprimere fortius, quibus intentos quos mordent, inveniunt; hic quoque applicari certò modò posset, dicendo: Temulentos secundum ideas agere, quas archæus animæ superioris dominia jamjam liber, paulò ante ebrietatem, conceperat.

Non negandum interim, temperamenta (non primarum qualitatum elementalium) particularum sanguinis aliquid conferre; inde sanguinei, quorum sanguis ex debita particularum mistura constat, læti sunt, quia in his spiritus celerius & agilius paulò moventur. Cholericæ h. e. in quibus particulæ urinoso-oleosæ dominantur, mobiles sunt & inconstantes, quia spiritus volatiliores & facile disperguntur, unde superficialia saltem fit idearum impressio, & propter hanc actionum facilis immutatio. Melancholici, quorum sanguis particulis salino-acidis scatet, propter spiritus ex sanguine hoc generatos paulò fixiores, impressiones tardius quidem, fortius tamen recipiunt, unde constanter vel rident, vel tristantur &c. Phlegmatici tandem, & quibus lymphæ obruit sanguinis salia fermentativa, paucos gignunt spiritus, unde citissimè succumbentes, somniantur.

Cum itaque non ex sale acido vini, sed sulphure, quod ab effectu narcoticum appellamus, temulentia oriatur, eadem quoque extimescenda sunt mala, quæ narcoticorum usum insequuntur, licet vini sulphur ipsis paulò mitius sit, sensuum nimirum stupor, & sensuum debilitatio, ut & ex fixatione & oppressione spirituum omnium digestionum labefactatio, si frequentior sit; Alias citò discutitur per somnum, si scilicet vis illa narcotica à natura jamjam est subacta, spiritusque à vinculis, quibus ligabantur, sese expedierunt, pro vini tamen conditione, ægri peculiari naturâ, locò & tempore sol-

solvitur ebrietas quibusdam 2. vel 3. die, vel se-
rius, prout crasso vel tenui vino incaluerunt.

Optimum igitur & sanitati maxime profi-
cuium est ebrietatem, quantum in nobis est vi-
tare, quod fit vel abstinendo à vini potu; (un-
de abstemi dicuntur) suadet hoc prolixè Deo-
datus, Panth. Hygæst. lib. 1. cap. de ebriet. vel
corpus certis remediis disponendo, quò vel per
alvum aut urinam evacuetur assumptum vinum,
antequam vires suas expandat; vel confort-
tando spiritus, quò se ipsos à vinculis quibus
detinentur, liberent. Distinguat tamen sem-
per ebrietas ipsa h. e. sensuum & motus cessa-
tio à sulphure vini orta, ab aliis morbis ebrie-
tatem vel concomitantibus, vel consequenti-
bus; cum hi plerumque ab acido vini, hæc ab
eiusdem sulphure dependeat.

Tutissima præservatio est per abstinentioniam
quam certis remediis procurari posse (si alias
obtinere non possumus) nonnulli medicorum
credunt. Collegit hæc ex aliis Sachsus in Am-
pelograph. sect. 6. membr. 2. cap. 2. de vini abusu.
Sunt autem rana viridis, anguilla in vino suffo-
cata, lachryma vitis, ova noctuæ, aqua fontis
Clitorii, uva marina, rad. arbor. amavil. &c.
quibus ex Franc. Schacchio de salubri potu,
cap. 20. addo mullum in vino necatum. Albert.
Magn. lib. 22. de animal. laudat stercus leonis
in vino. Confert etiam lacerta viva, vel testu-
do lacustris, vel semina caulium patiente inscio
in vinum immissa, si de ipso hauriat. Capiuacc.
lib. 3. de Affectib. ventriculi, c. 8. de Siti. Omnia
frequentioribus experimentis confirmanda.

Quòd si verò medicamenta dicta horreat
ager, vinòque liberalius uti cogatur, de quo
aulici ut plurimum conqueruntur, non inutile
est corpus ita disponere, ut citissime per alvum
aut urinam reddat, quod per os involuntariè,
ingestum est vinum. Per alvum imprimis eva-
cuat oleum olivarum, quod lentore suo vias lu-
bricat, non tamen cum Nic. Pisone lib. 1. de Cu-
rat. morb. cap. 6. statuamus integrum vini do-
lium hoc præmissò posse sine ebrietatis peri-
culò hauriri. Dominicus Leoni-lucensis com-
mendat olivas sale conditas sect. 1. lib. 1. cap. 20.
Brassica cocta (alii crudam eligunt ad nutum
Cratonis) principio mensæ apposita, quam vim
etiam raphano tribuunt, qui brassicam Græcè
ραφανόν & raphanum dici, nostram verò radicu-
lam *ραφανίδα* nominari ignorant. Lang. Epist. 301.
Notetur hic interim, vitem etiam vivam bras-
sicæ odorem fugere. Huc pertinet etiam lac, &
omnia quæ primas vias lubricantes reddunt,
item pil. Glassii, quas frequenti in usu biboni
fuisse compertum habeo, unde etiam pilul. ad
ebrietatem ipse nominabat. Similem refert
Kirckemann. disput. de ebriet. Jenæ edita.

Per urinam movent, vel quæ sale salso stimu-
lant, aut sale volatili amaro abundant, amygdal.
amar. lupulus, ruta, &c. quatenus hæc cum
sale vini acido in salsum diureticum abeunt, sul-
phurque vini narcoticum unâ secum educunt.
Eadem hæc medicamenta, si paulò fortiora
sint, quatenus spiritus volatiles. Salsos in cor-
pore acuunt, quò viscositati sulphuris vincien-
tis commodius resistere possint, confortando
eosdem ab ebrietate præservant. Plateri consi-
lium, qui Observ. lib. 1. se in convivio ebrietatis
præcavendæ causâ per bihorium abstinuisse vi-

nò prodidit, usque dum ad satietatem come-
derit, hisce temporibus vix incitandum, ubi ab
ovo pocula hauriuntur.

Sin autem sulphur vini spiritus jamjam vin-
ctos in triumpho ducat, necesse est ut vinum, si
adhuc in stomacho hæret, per vomitum rejicia-
tur, qui vel irritatione faucium mediante digi-
to, vel etiam medicamentis, si opus, excitetur.
Acrescens enim in ventriculo vinum, ob sup-
pressos, aut exhalatos spiritus sulphureos per
alvum ducere, ob metum colicæ passionis, &c.
nimis periculosum est. Medicamenta vomitoria
sint v. g. Mercurius vitæ cum melle mistus, vel
oleum nucum faucibus cum penna illitum, vel
sapa vomitoria. Monstrat hanc viam ipsa natu-
ra sponte sæpius vomitum excitans; unde Lan-
gius Epist. 30. lib. 1. suadet, ne dormiat æger,
priusquam evomuerit.

Tum adhibeantur quæ vel sulphur narcoti-
cum mitigent, ut sunt acida, quorum vis in
infringenda narcosi, uti ex præparatione opii
nota est, ita vini eam proprietatem quâ ine-
briat, & stupidos attonitosque reddit, retun-
dit. Unde ebriosos, hac arte sibi prospiciendo,
ad multos annos perseverare posse notavit Pla-
ter. Observ. lib. 1. &c. Vel quæ illud à spiritibus
dilatando, eorundem poros separant, ut sunt
aquea, vel quod melius acida his juncta. Non
incommodè ergo adhibetur aq. fontana succo
citri aut aceto diluta, quam Plater. lib. 1. anti-
dotum ebrietatis vocat, si quantitate majori
sumatur, eoque insignem potatorem, jam longò
tempore in dies ebrium, se ne inde labem con-
trahat, præmunivisse scribit locò citatò. Vel
acetum ipsum abunde potum, de quo ibidem.
Vel lac acidum ebutyratum. Item decocta al-
terantia spiritibus mineralium acidulata, & va-
rii generis julapia ex citro, cydon. granat. &c.
parata, non sine fructu adhibentur.

Illa verò quæ confortando spiritus conduce-
re diximus, cum ex genere volatilium sint,
adeoque cum acido vini simul ingesta nimium
effervescendo febres excitare possunt, commo-
dius temulentis externè pro discutienda som-
nolentia naribus saltem applicantur, aut lin-
guæ. Hippocr. lib. 2. de Morbis, aquâ copiosâ
calidâ spongiâ imbutâ caput lavat, & naribus
cepam purgatam admovet. Huc pertinet quo-
que castoreum, & castorina cum spir. sal. armo-
niaci juncta, quod licet pingue & oleosum vi-
deatur, quatenus tamen externè saltem appli-
catur cum spir. sal. armon. præpollet sal volatile
cum sale armoniaco exhalans, spiritusque no-
stros confortans, internè verò ratione sulphu-
ris caput replet, unde hysterica sæpius de hoc
conqueruntur; quod ipse in Persona Illustri
non semel observavi. Vel etiam excussò sopo-
re, morbis temulentiam concomitantibus, in-
ternè adhibentur v. g. spir. sal. armon. spir. C.
C. fuligin. &c.

Ad spiritus excitandos non parum quoque
conferunt frictiones extremorum, & partium
maximè sensibilibum, quales in viris testes, &
mamillæ in fœminis. Huc pertinet observatio
Henric. ab Heer. qui ebrium per 4. dies pro
apoplectico curatum, & jamjam trepanò tra-
ctandum, vellicando mystacis pilos ab ebrieta-
te excitavit.

Annectenda jam ultimò venit dicta, ubi con-

veniunt ex cibo & potu acida, v. g. cydonia, citrus, serum lactis acidul. acidulæ naturales & artificiales, tinctur. mart. solar. ut & aquosa, emulsiões. Somnus convenit, modò ritè ponatur, ne supinus jaceat. Si tamen nondum consummata ebrietas, spiritus moderatò motu excitentur, v. g. per saltationem, pilæ lusum. Inde etiam affectus animi læti, quatenus spiritus in motum cient, sensim temulentiam tollunt. Quoad excreta attendatur, si vomitus imminet, aut urinæ excretionem impediuntur; ut enim illud cardialgias excitat, ita & subito putrescens urina renibus ac vesicæ nocet. *Michaël Ettmullerus Dissertation. Academicar. quinta.*

Observationes.

Interrogatus sæpenumero, cum tot annos ab agris plurimis frequenter accersitus Principibus, Nobilibus, & aliis Magnatibus, apud quos splendide vivitur, quomodo mihi cavere potuerim, quo minus ab illis ad potandum invitatus, uti moris est, inde noxam nullam contraxerim, & ad hanc grandem & vegetam ætatem salvus pervenire potuerim. Respondi id quod & verum erat, me in convivis, quæ in multas horas protrahuntur, ab initio ad horam unam vel etiam duas à potu abstinere posse, idque eo facilius, quod sitis me non urgeat, donec ad satietatem ferè comederim; tuncque ventriculo cibis referto, etsi quandoq; liberalius bibens, nullam offensam inde me hactenus sensit, quod cum & alii quidam me suadente, fecissent, se quoque contra ebrietatem egregiè fuisse præmunitos, mihi sunt fassi. *Felix Platerus, observ. lib. I. pag. 41.*

Ebrietas subito discussa.

Cum Anno 1655. Ottenvillæ degerem, civis quidam ibidem habitans, ebrius noctu domum rediturus in finetum ad genua usque incidit, postmodum in frigidam salientis fontis descendit abstersurus tibialia & caligas, ne hisce sordibus offenderet uxorem. Hujus aquæ frigore perfusus statim sensit evanuisse vini narcosin ut planè sobrius domum redierit. Hoc pariter amico meo Argentinæ contigit, qui ebrius in fluvium Breusch. descendens, periculum & frigus sentiens crapulam subito sensit discussam. Hi frigoris sensu ab ebrietate liberati, sic alius terrore, Nam ebrius quidam L. H. per jocum gladio vulneraverat amicum, hic cum ob abortam gravem hæmorrhagiam, & vitæ periculum terreretur, planè sobrius factus est. *Salomonis Reiselii.*

Sutura discessio ab Ebrietate præservans.

Anno circiter 1648. exauthorato Græcii Cæsareo milite, quidam magnæ familiæ Colonelus, non solum militandi arte eximius, sed potandi exercitio celeberrimus, postquam Lutenbergici vini sese ingurgitasset copia, calidissimis ejusdem fumis ad caput impetum facientibus, divulsa magno cum cruciatu dura meninge, nunquam quievit, nisi cum cranii contiguæ extremitates circa suturam coronalem ad pollicis latitudinem dehiscerent, atque

à se invicem separarentur. Verùm omne malum propter aliquod bonum; in posterum poterat bibere sine mentis perturbatione plures mensuras, multosque inebriare, antequam a potu sentiret minimam læsionem. A vaporibus hypochondriacis & hysterics divelli futuras non solum constat ex historia cujusdam monialis ad me missa, verùm etiam ex relatione *Arnaldi Boot. cap. 4.* confirmatum legimus. *D. Antonii de Pozzis.*

Ebrius secta vena evadit sobrius.

Potabant in caupona militares aliquot homines, & jam iis præ vertigine tectum ambulare videbatur, ita se vino & cerevisiâ generosiori invitaverant, cum Magister equitum, cujus imperio parere necessum erat, ingreditur cœnaculum, adjectisque minis cogit equos inscendere, ut mandatum iter persequantur. Illi ebrii, & vix sui compotes, nec inscendere se posse, nec etiam hæere in equis nutanti corpore satis declarant. Tum ille stomachabundus ad Chirurgum suum vertitur, & , seca, inquit, temulentis venam, ut subito comitari queant, res enim moram non patitur. Dictum, factum; misso liberaliter sanguine equites ad sanam mentem redeunt, & Magistrum suum non segnes sequuntur. Hic necesse est, spumantes illos Bacchi & Cereris spiritus, qui cerebrum inquietaverant, magnam partem è secta vena exhalasse, adeoque partes vellicatas rediisse ad officium. Non tamen interposuerim fidem meam successurum illud quoties vel mensuram omnem excessit temulentia, vel spiritibus excitatissimis foeta vina, item stillatitii vinorum, aromatumque liquores solidam invexere ebrietatem, cum tum omnis sanguis in corpore operosius ab ingestis tumultuetur, ideoque una subito janua exire nequeat. Sed cur ij, qui ebrii vulnerantur, non statim ad sobrium mentis statum redeunt; redeunt haud dubiè non pauci, quibus largiùs emanavit cruor, eoque, ut molestiam inde pœne nullam sentiant; qui verò ebrii simul & stomachabundi sauciantur, levamen non ita promptè experiuntur, revocatis in cerebrum stimulis spirituum acrioribus. Sic quibus ebriis caput sesqui plaga vel contunditur, vel aperitur, aliquando expurgiscuntur nunquam, sæpe in lethargum incidunt, adeoque à secta vena ebrietatem nequeunt excutere. Memini inter plures, Ostervaldum, cubicularium cum ebrius ex edita fenestra in saxum aræ præcipitatus caput gravissimè læsisset, adeoque in lectum deportaretur, neque ex cruore per vulnus profuso, neque ex sanguinis è vena brachii missione, quam statim imperaveram, ad sanam mentem rediisse toto biduo, turbatis nimirum ratiocinandi instrumentis, quanquam postea plenè convaluerit. Et Magister textorum in pædotrophio Christiano-Hafniensi, postquam ebrius è scalis in caput provolutus esset, & simul in somnum funestum prolapsus, nunquam evigilavit, licet ad triduum pulsu & anhelitu sic satis constantis vitæ adhuc proderet argumentum, & plusquam necesse esset ex aperto capitis vulnere excluderetur. *Ol. Barri-chii.*

Lolii perniciosi effectus.

Tiguri domestici præclari cujusdam viri, pro jentaculo pultem avenaceam, (alias ipsis inolitam) comedentes, quam Plinius *H. N. l. 18. cap. 17.* Germanorum cibum esse ait, variis symptomatibus mox afflicti fuere; omnes enim ex his cardialgia, vertigine & capitis dolore correpti, quidam insuper temulenti & somnolenti redditi, convulsiones etiam passi sunt, imprimis ancilla, quæ se nimium eadem ingurgitarat; aliis denique vomitus supervenit, qui hinc à prædictis symptomatibus statim liberati sunt. Postquam autem suspicio inter ipsos oborta fuisset, pultem eam intoxicatam fuisse, me ad se accersi jubent; cum verò ex eis percepissem quid pro jentaculo assumpserint, facile ex visis symptomatibus colligere licuit, farinam seminis lolii, sive *Æræ*, Germ. *Trümmel*, pultis huic admixtam fuisse, quandoquidem rustici nostri semen lolii haud pari studio ab avena separent, atque circa frumentum facere solent, cum tamen & juxta Ovidium *Fastorum l. 1.* summa diligentia eradicandum esset.

Ut careant lolii oculos vitiantibus agri,

Nec sterilis culta surgat avena solo:

& eodem tempore Textoris cujusdam nostratis familia, ex esu talis pultis, in similia symptomata incurrisse, notum mihi fuerit: proin vomitu apud illos moto, qui nondum vomuerant, adhibitisque mixturis alexipharmacis, brevi tempore sibi redditi, & in integrum restituti sunt. In mentem hoc mihi tunc revocarat lepidam historiam, quam prope Tigurum Ann. 1342. contigisse, apud *F. Joannem, Vitoduranum*, Minorritam, *ὁν ἔργον* legi, cujus *ἀντίγραφον* MSC. in Bibliotheca Tigurinorum Civica asservatur, quam hunc in modum in sua *Historia* recenset: *In villa quadam apud Thuregum, equus quidam tantum de lolio comedit, quod à Domino suo putatus mortuus, extra villam vectus fuit, & excoriatus, qui tandem post somni consummationem evigilans, domum rediit, & domina & aliis hominibus eum cernentibus stuporem incussit.*

Scholion. In Lolio vim inebriandi, somnum movendi & mentem tentandi cum habeant cognitam, ab avaris Zythopœis cervisiis illud aliaque similia incoqui solent, observante id etiam Martino Schorckio *cap. 19. de cervisi.* qui à Græcis quoddam *αἶμα* vocetur, *αἶμα ἢ αἶμα*, sursum extolli, *cap. 9.* adnotat, cum noxia lolii aura cerebrum petat, non temulentiam modo, sed & vertigines inducens. Hinc pistorum cum in publica annonæ penuria lolium tritico commiscuissent, multos qui eo vescebantur, statim capite dolere incepisse &c. *Galenus lib. 1. de aliment. facult. cap. 37.* refert, & panem ex eo confectum villico suo, una cum ipsius familia, talem temulentiam ac veluti amentiam, qualem in vita nunquam sentisset, concitasse testatur Camerarius in *Hor. succis. cent. 3. cap. 93.* inde etiam Zizaniam hanc in Italia Imbriacam i. e. herbam inebriantem vocari. Jenæ ex loliacei panis esu in nyctalopiam homines incidisse, qui solo hepatis bubuli esu restituti, monet in *histor. humor. gener. cap. 2.* *Joh. Theod. Schenckius*; quam nyctalopiæ curam etiam *Dec. 1. Ephem. nostr. 3. observ. 133.* confirmatam dedit, jamque olim *Hippocrates lib. de visu*, morbum hunc patienti

jecinoris bubuli crudi, melle imbuti, frustum quam maximum poterit, unum aut duo devoranda exhibere præcipit. Qua ratione id præstare queat sagacioribus discutiendum relinquo, In Lolio vero sulphur aliquod narcoticum, spiritibus animalibus infestum; latere, tum symptomata usum ejus insequentia, tum & remedium, quod præsentaneum esse in *J. C. Baricelli* hortulo geniali legitur, ostendunt. *D. J. Jacob. Wagneri.*

Stupor mortalis ab exhalatione musti recentis in cella vinaria effervescentis.

Vinitor quidam, Anno 1613. tempore vindemiarum, cum in cella vinaria dolia musto implevisset, illudque efferveret, vaporeque, uti solet, acri & vehementi cavam implevisset, volens inspicere sua dolia, cum in cellam veniret, vaporem hunc hauriens, attonitus concidit & statim expiravit.

Hoc idem anno præcedenti in eadem cava, ex simili vini effervescencia, prædicti filio accidit, ut cum aliis eum sequentibus in cellam descenderet, omnes corruerent stupidi penitus, è quibus, cum è cava exportarentur, duo statim expirarunt, tertius agrè evasit. *Platerus, lib. 1. Observationum.* recensente *Joh. Rudolpho Camerario Memorabil. Medic. Cent. 14.*

Quomodo musti exhalationibus penè suffocati, in vitam revocari debeant.

Si musti vaporibus penè suffocati, Medico curandi offerantur, danda opera ut quamprimum vapores illi discutiantur. Itaque agri statim in aërem liberum deducendi vel deportandi sunt, & aqua vitæ aliqua præstans, vel apoplectica, quæ vapores illos discutere potest, instillanda, cui aliquid theriacæ addi potest. Hinc vomitorium cum oxymelite exhibendum, & sternutatorium naribus inflandum, atq; oleum destillatum, vel balsamus rutæ, salviæ, vel simile quid naribus inungendum. Palatum fricetur theriaca & mithridatio, quibus non inutiliter extractum castorei liquidum permisceri potest. Neque omittendæ revulsiones per clysteres, frictions & similia. *Sennert. Pract. lib. 1. parte 1. recensente ibidem eodem Camerario.*

Historia de inducto vini fastidio.

Filio ebrioso & sæpius ex ebrietate variis periculis exposito, dum consulere cogito, ab honestis viris hoc remedium accepi; ranam viridem, ex iis quæ in fontibus salientibus reperiuntur, vivam in vini mensura, (duarum librarum fortè) suffocatam, eam in vino vim relinquere, ut qui vel haustum unum inde bibisset, per omnem deinceps vitam abstemius degeret. Ego sollicitus, & metuens ne quid aliud etiam inde detrimenti sequeretur, cum filio (recens etiam ex ebrietate periclitate) institutum meum confero, acquiescenti propino vinum (in quo tamen palustris rana, cum circa fontium scaturigines nulla reperiretur, suffocata fuerat) duobus haustibus, uno vespere, altero mane. Volui autem ipse prægustare vinum, & experiri saporem, os tantum colluendo, ita ut nihil inde deglutirem: qui licet non displiceret, postea tamen

tamen ad duos ferme menses vinum fastidivi. Uxor ejus quæ odorem tantum vasis vinarii illius olfecerat, ab eo tempore hætenus (nescio quantum temporis) vinum non bibit, etsi enim interim, experiundi gratiâ, non semel gustaverit, inde tamen stomachi dolore non mediocri percepto abstinet. Uterum quidem non fert, ne quis eam ob causam vinum ei fastidio esse suspicetur. At in filio non ultra 14. dies fastidium hoc duravit, citius tamen à vini potu, caput ei nunc tentatur. Experiemur aliàs idem remedium cum rana viridi è fonte saliente, & rei eventum ad te scribemus. *Amicus quidam ad Gesnerum de quo Aquatil. p. 953.*

Ebriosis si sibi temperare nequeant, ut vinum penitus fastidiant, suffocatâ in vinò anguillâ, vel ranâ, vel mullò pisce, vel etiam putrefacto in eo rubellione pisce, vel uva marina; eoque vinò postea propinatò, effici id posse, aliqui prodiderunt. *Platerus in Praxi Medica, recensente eodem Camerario.*

Juvenis latice Lyæo plenè perfusus, nicotianæ fistulam sub camino sedens ore gerit. Is inter stertendum caput inclinat, & fistulæ crassius extremum ad parietem allidit; gracilius verò (totius auricularis digiti longitudine) confractum sibi in fauces adigit. Mox anhelosa atque sonora arctius urget dyspnæa suffocans.

Chirurgus ore diducto fistulæ supremum intruere nequit, ut pote jam contectum tumefactis uvula & amygdalis. Juvenem idcirco citissimæ morti confestim adjudicat. Accitus ego fistulæ transversum apicem intrusum sensi musculos inter sinistros, styloglossum atque stylo ceratohyoeideum, & acie scalpelli ad fistulam adactâ, sicut ad calculum adigitur à *κυστήρι*, nullo negotio fistulam eduxi, & ab imminente suffocatione miserum ebrium liberavi. Nostris enim *ἰσχμῆς*, & V. S. atque diætâ, citò, *Dei nutu*, convaluit; sed periculi tanti nescius omnino, nisi ebrietate post V. S. disculsâ. *E Clarissimi Viri Caroli Drelincurtii Dictatis, communicante Excellentiss. Domino Guyot M. D.*

ECCHYMOA.

Vid.

CORNEÆ MORBI.

ECSTASIS

Vid.

CATALEPSIS.

ECTROPIVM

Vid.

PALPEBRARVM VITIA.

ELEPHANTIASIS.

Elephantia totius substantiæ morbus est, contagiosus, occultus, venenatus, ferè elephantis corio ac tergori cutem haud ab similem reddens, unde & nomen accepit. Habet igitur corporis elephantici forma ferè elephantis naturæ similia multa. Ut elephas nulli animali similis est, sic neque hic morbus, alii cuiquam. Ille omnia animalia magnitudine & crassitie superat: hic morbus non solum genere maximus est, sed laborantes etiam efficit seipsis

maiores & crassiores, totumque corpus in tumorem attollit. Qua ratione nonnulli hunc definiunt tumorem præter naturam, qui totum corpus in speciè elephantis immutat: non quod tumor unus in corpore sit, sed multiplex & inæqualis, & per universum corpus huc illuc dispersus, intus à visceribus factò initio, & progressionem usque ad extimam cutem continuata. Summa corporis elephantici pars crebras maculas, crebrosque tumores, & tubercula, verrucis persimilia habet, quorum rubor in lividum aut atrum colorem paulatim convertitur. Et omnes quidem elephantes maculis multis leviter extuberantibus aspersi notatique sunt, & livido cinereoque colore toto corpore obscurantur, nocti & morti pene similes. Ad hæc summa elephantici cutis inæqualiter crassa & dura, quasi squamis quibusdam exasperatur, ac interdum finditur, rimisque dehiscit: & elephas quidem corium habet asperum, crassissimum, duris extuberantibus inæquale, & scissuris multis, semitis ac sulcis prælongis intersectum atque maratum. Elephantici capilli & supercilia & barbæ pili vel excidunt, vel in lanuginem extenuantur rarissimam. Et elephas rarissimam lanuginem, non pilos, aut setas toto corpore gerit, præter animalium morem. Denique frigoris impatientissimus est elephantia conflictatus, & elephantes quidem hyeme, aut regione frigida contremiscunt, horrent, & intermoriuntur, nisi tota hyeme calido in loco contineantur, & vino generoso reficiantur. Quæ causa est, ut in frigidis regionibus, nec nascantur, nec aliunde advecti diu vivere possint. Tument digiti in pedibus, ac pedes pene similes evadunt elephantum pedibus: unde nonnulli vitium elephantiasim appellatum volunt. Archigenes tamen à magnitudine morbi, sicut ante proposui.

Sunt & qui morbum hunc leonem aut leontiasim appellent, à buccis & superciliis, in his non minus quam in leone protuberantibus, ac flexili mole præditis, seu ob tumidæ frontis dilatationem ad similitudinem rugosæ pellis superciliorum leonis. Aut denique quòd non minus horrendum & formidabilem, quam leonis aspectum præ se ferant elephantiasim laborantes.

Satyriasis etiam nonnullis appellatur, quod iisdem malæ cum rubore attollantur, & musculis maxillaribus veluti convulsionem patientibus, mentum ipsum efficta quadam ad satyrorum formam similitudine dilatetur, aut ob inexplebilem impudentemque coeundi, qua hi continenter jactantur libidinem. Hac enim fabulosi Poëtæ satyros exardescere memoriæ prodiderunt. Habent igitur faciem satyris persimilem, & concubitus vehementer appetunt atque concupiscunt. Dicitur & herculeus, quoniam eo nullus major est, neque contumacior: & magnus quidem est potestate morbus, quod ad mortem inferendam potentissimus sit atque omnium longe efficacissimus. Nempe à mortis causa ducit originem, quæ primigenij est humidi ab alieno calore depopulatio præpropera, quam terrena omnium partium siccitas consequitur.

Contagiosus vero morbus existit elephas, idque magis quam lues venerea. Non enim, ut illa solo impuro vel concubitu, vel attactu, sed

sed etiam inquinati aëris inspiratione contrahi vulgo fertur. Inquinatur autem aër quem inspirando trahimus, ulcerum virulentorum foetore, & corrupta spiritus exhalatione. Quod si aliquando neque ex parentum semine, neque ex alterius inquinati contagione, sed ex proprio intimoque vitio generatur, non idcirco contagiosorum morborum numero expungenda est elephantiasis, non enim contagiosus morbus, ex solo ortu primo, sed ex invadendi serpendique modo & ratione spectatur.

Occultus autem morbus dicitur, quod diu intus delitescat, priusquam se prodatur, nec ullam insignem sui conjecturam notumve ipsius principium exhibeat, ut qui à manifesta humorum intemperie, aut putredine oriuntur, & quod neque dolor, neque febris, ullave alia aperta atque inusitata affectio ante hominem incessat: neque in corporis summis partibus repræsentetur per initia, ut protinus eum videre quis possit, & venienti occurrere ac resistere. In visceribus namque abditus fomes succenditur, ibique sævit, dum interiorum victor, in superficie tandem exardescat. Non igitur ut rectè scripsit Archigenes tum gigni morbum hunc existimandum est, quum ad cutem tumores prorumpunt, sed potius perfici. Prima enim mali labes in jecore & liene residet, atque inde vitium serpit, partes in internis visceribus tumores excitans, qui in externis postea apparent.

Venenatus quoque censetur elephas. Non enim terrenus & melancholicus humor, toto etiam corpore exuperans, vel bilis flava, vel ex iis genita atra, prius hunc infligit, quam venenatam quandam malignitatem ac perniciem asceverit, quæ tum universi corporis humores, tum partium solidarum substantiam polluat & labefacet. Hujus rei argumenta sunt, melancholia morbus & mania, in quibus atra bilis toto corpore diu redundare potest sine elephantiasi, & febris quartana, tum intermittens, tum continua, in qua melancholicum humorem putrescere fatemur nullo elephantia periculo.

Elephantia causa aliæ externæ & evidentes, aliæ antecedentes, aliæ proximæ continentelque dicuntur. In externis numerantur, diurni & exurentes solis ardores, longa & perperam suscepta inedia, victus tenuis siccans & exalfaciens, decocti guajacini usus diuturnus & intempestivus, vini generosioris & meracioris potus: esculenta ac potulenta, quæcunque vel bilem flavam exurunt & extorment, aut crassum & melancholicum succum procreant, ut bubula, cervina, asininave caro, & reliqua ejus classis omnia, quæ alibi particulatim enumerata sunt. Deinde salsamenta omnia & pipere aut alio aromate condita. Postremo legumina plurima, ut lentes, fabæ. Hæc enim omnia crassi pravi que sunt succi.

Secundum locum tenet alterius inquinati contagio, quæ sive concubitu, sive accubitu, sive assidua vitæ consuetudine comparetur, idcirco elephantiam infligit, quod ex elephantico corpore perniciofa quædam qualitas pariter cum humore, vapore aut spiritu transferatur in integrum corpus, cujus non solum humores, sed partes etiam omnes sensim pervadat atque contamine. In evidentibus primum ac præcipuum locum sibi vendicat vitiosa alterius aut utriusque

parentis elephantia laborantis constitutio. Nam si forte parentum alter quum genuit elephantia tenebatur, foetus profecto ei nascetur elephanticus, tanta est divinæ procreatrix facultatis energia, ut in semine intemperato ac profus impuro consistens, corporis partes vel ex impura materia fingat & efformet. Si nondum elephantia parens quum genuit, tenebatur, sed in eam duntaxat propensus erat atque proclivis, filius eadem ætate qua parens, elephantia præhendetur, eritque elephantia hæreditarius morbus elephantico parentum semine genitus. Fieri tamen posse arbitror, ut quemadmodum Aëtius scriptum reliquit, non omnino contagiosa sint successiones hujus affectionis in omnibus, quum videlicet alterius parentis integra valetudine præditi semen in conceptione vincit.

Mulierem quæ instantibus aut profluentibus mensibus conceperit, foetum edere in elephantiam proclivem Avicennas literis prodidit, non admodum verisimili opinione. Multis namque orbis tractibus nunquam grassari deprehensa est elephantia, in quibus tamen sæpe produentibus mensibus mulieres concipere verisimile est. Et in hac nostra Gallia, quæ parum mensibus repurgantur, vix alio quam ipsius purgationis tempore concipiunt, citra ullam in elephantiam propensionem. Secundo loco sunt mensium & hæmorrhoidum diuturnarum suppressio, aut varicum, in quas natura sese exonerare consueverat, sectio, vel ustio. Deinde jecoris calida & sicca intemperies bilem flavam cumulans, quæ diu cohibita in atram facile degenerat, & venenatam perniciem indipiscitur, quam toti impartitur, ac communicat. Animi mœrores, & perturbationes, quæ melancholicum & terrenum humorem adaugere possunt. Frequens iracundia, quæ bilem flavam in atram ustione commutat.

Antecedentes causæ putantur bilis flava, sanguis, melancholicus humor, & pituita falsa. Hi enim humores quum supra modum torrentur, in atram bilem degenerant, quæ diu coercita sensim ac tempore venenata labe inficitur. Nam venenum in nobis sponte gigni posse, Pelopis auctoritate confirmat Galenus, & experientia docet in epilepsia, suffocatione uterina, aliisque ejus classis affectibus.

Proxima continensque elephantia causa terrenus & melancholicus est humor, virus perniciemque adeptus, quod pustulæ maxime demonstrant, duræ, siccæ, lividæ, purpureæ, inæqualis cutis durities ex rubro nigrescens. Hic autem humor malignam ac venenatam qualitatem ustione indipiscitur, quam tum visceribus, tum aliis partibus omnibus sensim impertitur, ac communicat. Illa vero semel inquinata, non nisi terrenum quendam & melancholicum succum, vel ex purissimis alimentis postea proferunt, ejusdem veneni participem: quo partes deinceps imbutæ ac enutritæ, tempore similem nanciscuntur naturam, fitque elephantia totius substantiæ morbus, & universi corporis velut cancer quidam. Totum igitur corpus in elephantia ita afficitur, ut ipsa quoque ossa vitiari dicantur, quod ipsa etiam impuro fruuntur succo. Verum prima ac præcipua mali labes in jecore residet, è quo postea cum sanguine in totum spargi propagarique solet.

Quæ sponte proprioque vitio nulla alterius inquinati contagione invadit elephantia viros, quam sceminas sapius & crudelius exercet, atque inter illos, rursus frequentius, qui crassum, lentum & melancholicum sanguinem, aut salisam pituitam congerunt. Ac proinde qui victu ad huiusmodi procreandos humores idoneo utuntur, sapius, quam qui contrario.

Quamplurimos enim in Alexandria elephantia conspurcari propter victus rationem, & regionis fervorem, ex veterum monumentis accepimus. Illic enim elixata farina, & lentibus, & cochleis, & multis salientis, & nonnulli ex ipsis, aluminis carnibus & aliis quibusdam cibis, qui crassum & melancholicum succum generant, vescuntur. At in Germania & Misia rarissima hæc affectio videtur. Et apud Scythas latius potatores nunquam fere apparuit. Deinde qui vel otio torpescunt, vel cibo & potu nimio sese ingurgitant, vel inedia, vel violenta exercitatione, quæ sæpe humores adurit, vel cibos in ventriculo corrumpit, præsertim in calida & sicca regione, utuntur, non raro in elephantiasim incidunt.

Nationum igitur alia familiarem agnoscunt morbum hunc, ut Ægyptus & Judæa. Alia vix novere, ut Germania & Scythia & olim Italia. Alia inter utrasque media. In universum æstuosius regionibus, quam temperatis, & frigidis, frequentior. Quanquam sunt qui extreme frigidis ac gelidis familiarem esse contendunt, quod prohibita transpiratione, coercitoque calore humores exurantur.

Quod ad ætates pertinet, quum nec pueri, nec adolescentes, humorum quæ dixi vitis pateant, elephantia vix eos, sponte sine seminis labe invadit, sed ætate florentes, vel etiam proveciores. Vix etiam ullus eunuchus hoc morbo tentatur. Qua ratione nonnullos legimus sibi testes executisse, neea ignominia labe aspergerentur. Sed & qui elephantico parente progeniti sunt, raro in elephantiasim ante pubertatem incurrunt, si prudenter se gerant atque contineant. Eadem de mulieribus, quæ singulis mensibus naturæ lege purgantur: deque viris, quibus statis temporibus hæmorrhoides fluunt, vel insignes varices, in tibiis sanguinem profundunt, sententia ferenda.

Antequam in externis corporis partibus certæ elephantia notæ se prodant, ingens corporis segnities, & ignavia motusque difficultas, exercet, spiratio tarda & difficilis evadit, alvus sicca & adstricta est, urinæ jumentorum lotiis simillimæ, albæ, crassæ & turbidæ sunt. Expiratio gravis & fœtida, ructus continui, ipsi etiam agroti non parum molesti, assidua cruditas. Appetitus nec integer est, nec omnino prostratus, digestio facilis, tanquam in suum ipsius alimentum morbo raptim attrahente, propterea inferioris ventris siccitate laborant. Impetus in venerem intensus, in somnum propensio. Insomnia metus & mœstitia plena, velut & animi mores, qui subdoli quoque & vafri existunt. Vitij causa foras emigrante, maloque ad cutem progrediente, malæ crassiores fiunt, & pro florido ac vivido colore, livido rubore tinguntur, & tumores in facie extuberant. Plerumque enim in facie hæc lues erumpens, tanquam ignis de specula procul conspicuus effulget.

Hinc humore multo perfusa cutis sensim crassior, durior, asperior, decoloratioque redditur, & crebras maculas, crebrosque tumores habet: & alius quidem nigricat aut livescit, quibus melancholicus succus, alius flavescit, quibus bilis flava, alius albicat, quibus pituita salis, vel in atram bilem degeneravit, vel atræ bili permixta est, alius ex rubro livescit, quibus crassus sanguis ustione nigrescit, atque in atram bilem depravatur: unde quatuor elephantia differentia constitui possunt. Alia enim subrubicunda dicitur, quæ à sanguine melancholico & limoso profecta est, & mitior esse solet. Alia alba à melancholico humore pituitæ salis admixta, vel potius à pituita salis nitrosa & acris. & hac minus deturpari ac dehonestari ægri solent.

Alia nigra ex vera atra bile, quæ omnium pessima & fœdissima existit: In hac enim corpus universum tandem ulceribus scatet, & extrema putredine consumpta plerumque nullo sensu decidunt. Alia subflava, quæ à bile flava præassata, & in atram degenerante fit. Hæc per initia quidem mitis, tandem fervida & pessima evadit. Primum autem in facie, aut in manibus, aut in pedibus elephantia signa comparent, natura quoad licet vitia longissime à corde, & hepate propellente in corporis extrema, minime tamen expurgante, ob humoris crassitiem & cutis densitatem: deinde verò & in reliquo corpore pululant. Eadem de causa in extremis corporis partibus sensus paulatim hebescent, tandem plane torpescit, inestque frigus perpetuum, maxime verò in pedibus, & tibiis calore in præcordiis coercito, ubi noxiæ materiæ scaturigo & focus latitat. Motus verò semper per initia integer, in quibusdam etiam ad obitum usque servatur: in aliis tandem depravatur vel prorsus aboletur: maxime verò in pedibus & tibiis. At frigoris & stuporis sensus toto morbi decursu fatigat, sed magis eo ingravescent. Tum temporis depravata in omnibus partibus concoctiones & assimilationes fiunt, qua ratione tubercula plurima verrucarum instar, alia juxta alia succrescunt, & tumores alij juxta alios exurgunt, melancholici humoris exuperantiam natura foras extrudente, quæ in cute concrevit. Primum quidem, ut supra positum est, in fronte & reliqua facie, quoniam exhalatio omnis sursum facillime fertur, præsertim ad faciem, in qua venulæ multæ obliterantur. Deinde etiam in manibus, & reliquo corpore. Pedes, suræ, manus, & facies, elephantiasis facile intumescunt, interdum quoque & reliquum corpus, quod intolerabilis gravitatis sensu semper premitur & torpescit. Labra sensim adeo crassescunt ac prominent, ut invertantur, eorum parte inferiore livescente. Nares resimæ evadunt, & extrinsecus atris tuberculis scabræ: intus verò alarum crassitie obstruuntur, & rimis discriptæ, atque ferè intus ulceratæ crustulas nigras atque cruentas excutunt. Quibus ex causis olfactus ferè concidit. Venæ temporum distentæ sunt, & quæ sub lingua conspicuæ apparent, livido, nigro, & fæculento sanguine turgent. Lingua verò ipsa grandinosis varis extuberat, velut & palatū verrucosis tuberculis. Aures extenuantur rubentque admixto nigrore, ulcera in earum basi sunt, è quibus sanies defluit, ac pruriunt, aut obstructæ sunt & elephantiasis, ut solito grandiores esse videantur. Oculi caliginosi, in orbem coguntur,

tur, alio atque alio colore notantur, plerumque tamen candidum ex rubro flavescit, miraque crassitie quasi ungue obtegatur. Supercilia pilis nudantur, prominent, crassa, prædura, ac fere callosa evadunt, deorsum versus pondere vergunt. Color lividus aut ater est. Episcenium vehementer contrahitur, dum tandem oculos contegat, ut irascentibus leonibus accidit, unde & leonina hæc affectio forte vocitata est. Pili in toto corpore præmoriuntur, dein sensim defluunt: sed primum supercilia, & palpebræ, & mentum & pubes glabrescunt. Dein rara in capite evadit casaries, intempestivi cani, & calvitium subito ingruunt. Horrenda denique evadit partium omnium deformitas. Nam si qui pauci pili remanent, hi magis dedecent, quam qui defluxerint. Totus corporis habitus sic commutatur, ut multi alarum instar, prominentes scapulas habeant, & mutato faciei colore, characteri & mole auribus retortis satyros referant. Pedum plantæ & calcanea rimis profundis & asperis intersecta sunt, manuum pedumque digiti siccitate dehiscunt, unguesque funduntur ac dilacerantur. Totius corporis cutis exarescit, atque fœda eaque sicca scabie exasperatur: sapius cum pruritu, nonnunquam sine hoc. Malo ingravescente, alimento quidem privatur corpus, ipsaque musculorum caro absimitur, sensimque liquefcit, sed crassescens tamen cutis rugis asperis magis ac magis exaratur. Ad hæc quæ primum stupida cutis erat, sensu omnino destituitur, manente motu, ut ne infixæ quidem acicula dolorem moveat, neque aspersa fervens aqua exurat. Observavi tamen in quibusdam pedum motum cum sensu perisse, & in quodam alterius brachii: qui tamen restitui sunt. In omnibus spontaneæ insunt lassitudines, & singula membra quantumvis exigua, inusitata & intolerabili gravitate premuntur. Quinetiam corpus omnia gravatim fert, non illuvie delectatur, non cibo, non jejuniis, non motu, non quiete. Ab omnibus enim morbus alienus est. Somnus exiguus & brevis est: vigilia peior, mala sua cogitans, vox raucescit, crassæfacta, exasperataque grandinosis variis arteria & gutture. Neque enim, ut recte scripsit Areteus, inopinabile est omne corpus talibus scatere tuberculis, quandoquidem & suillæ carnes, elephanticæ grandinis plenæ sunt. Spiratio difficilior multo quamdudum evadit, & nonnulli circa somnum sic afficiuntur, ut præfocari, strangularique videantur. Spiritus totiusque corporis exhalatio fœtore molesta est. Pulsus exiguus, imbecillus, creber, tardus. Tumores malarum, menti, digitorum, aliarumque partium, in sordida & virulenta, eaque fœda ulcera degenerant, gravisque putredo omnia contaminat, dum aliis nasus, aliis manuum aut pedum digiti: nonnullis etiam pedes ac totæ manus de corpore excitant. Neque enim elephantia prius perimit à turpi vita, sævisque cruciatibus liberans, quam membratim dilaceratus homo sit, sed longæva est, quemadmodum & elephas animal. Aliter atq; aliter in hisco habet appetentia, non obtusa, sed gustatus atq; qualitatibus expers est, nullaque edendi aut bibendi delectatio. Angusto pusilloque animo fiunt, neque præ vitæ amore vitam relinquere & contemnere possunt, neque calamitatem gene-

roso altoque animo perferre, verum seipsos condamnantes sese occultant, & hominum notorum confortia, conspectusque fugiunt. Non tamen omnia in omnibus, sed alia in aliis symptomata deprehenduntur, ut est peculiaris cujusque corporis natura, vitæ lex, & grassantis veneni perniciies. Et quo graviora insunt, eo sævior elephas judicandus est. De elephantia signis plus satis, nam quæ ex urinis ac sanguine petuntur, incerta sunt omnia atque fallacia.

Quum morbis quo dissolvantur, vel paria, vel majora esse remedia oporteat (quod enim super infirmis morbo est, hunc quidem minuire, eaque ratione juvare, sed nec prorsus tollere, nec profligare potest) nemini mirum videri debet, si nulla remedia à veteribus excogitari potuerunt, quæ elephantem ingens malum expugnare, ac funditus excindere queant. Neque enim in parte una, aut viscere uno inhærescit, neque aut intus duntaxat labes occultitur, aut extra tantum prorumpit, neque humores solum, mollesque corporis partes leviter afficit, sed & in penetralibus totum hominem occupat, & extrinsecus totum amplectitur, in solidas quasque partes, atque in ossa ipsa ita sese insinuans ac penetrans, ut propriam illarum substantiam prorsus immutet. Triste profecto & visu terribile spectaculum. Quod ubi ad summum malignitatis suæ fastigium conscendit, tum stabilem ac firmam in ipsis visceribus & solidis partibus sedem collocat, ut omnino dimoveri, divelli que non possit. Hic igitur perniciem differre non auferre, vitam in longius tempus protrahere, & morbi fœditatem emendare, non funditus ejus causam excindere licet.

At si ad novam & adhuc orientem elephantiam curandam, idonea victus ratio, & medicamenta quæ mox referam, conferantur, salutis spes tandem affulgebit, præsertim si ex improba victus ratione, vel ex alterius inquinati contagione, non ex parentum semine malum originem habet. Nam quum ex elephantico semine vitium contractum est, etiam si adhuc oriatur, de ægri tamen salute spes omnis abjicienda, nostris tamen remediis morbus coerceri reprimique potest. Sunt autem ex iis, qui vitium ex præva victus ratione, vel inquinati alterius contagione, non ita pridem contraxerunt curatu faciliores, quibus à bile flava, aut à pituita falsa, aut à crasso sanguine superaffatis, proxima mali causa orta est. Quæ à bile originem trahit, sævioribus quidem symptomatis urget, & neglecta citius premit, quam quæ à melancholico succo in atram bilem converso proficiscitur: ideoque majorem curandi rationem postulat, sed facilius remediis cedit & obsequitur. Quibus testes vel natura desunt, vel execti sunt, ij vix unquam elephantia tentantur, si Archigeni credamus. Sed nec jam prehensis aliunde præsentius remedium, quam ex testium excisione affulget. Quotquot enim execti sunt, tanti mali discrimen effugiunt, si modo temperatam eamque frigidam & humidam victus rationem in posterum tenuerint: hancque veterum complures, ut omnium tutissimam curandi rationem sequutos esse comperio. Legibus cautum est ne cum sanis versentur elephantiaci: nec injuria, mea quidem sententia. Licet enim ex iis, qui elephantia laborantibus perpetuo assiderent, neminem hæcenus so-

la inspiratione eodem vitio contaminatum videre potuerim: observavi tamen halitus graveolentia, ulcerum fœtore, & tetra totius corporis expiratione illorum bonam constitutionem tandem labefactari.

Quamquam igitur elephantia perinde atque luis venereæ virus humore quodam non spiritu, pro vehiculo utitur, sine quo vix consistere, aut in alios commigrare, & parem affectum parere queat: ideoque vel concubitu, vel accubitu, vel osculo, vel alio impuro attrectatu opus est, ut contagionis seminaria celeriter in alios commigrent: quoniam tamen inspiratione sic aërem inficiunt elephantici, ut assidentibus omnibus gravis & morbidus sit, recte eos à reliquorum societate leges sejunxerunt.

Qui elephantiam curare aggreditur, humores præter naturam in corpore collectos primum educere debet, deinde contractam intemperiem & terrenam siccitatem veneni participem emendare. Quæ dum fiunt & in corpore jam genita tubera ferro excindenda, aut caustico medicamento exedenda, & ulcera illinc relictæ, vel sponte nata, tergendæ, implenda, atque cicatrice obducenda, & alia symptomata corrigenda sunt.

Remedia ergo in genere sunt, initio quidem, incremento, & quandiu humor effervescent, refrigerans & humectans vitæ lex: ubi vero defuerit, & calor elanguescere cœperit, temperata, vel paulo calidior. Purgatio frequens, venæ sectio ex intervallis repetita. Balneum aquæ dulcis, litus ex hydrargyro, aut certe catapotia ex eo ipso & auro, alia alexipharmaca varia. Cornua seu cucurbitæ. Caustica & cutem detergentia, atque faciem illustrantia: quorum omnium usum particulatim expediā a victus ratione orsus.

Incipiente morbo victus ratio imperanda, quæ refrigerandi & humectandi facultatem habeat. Calida enim & sicca est morbi causa, quæ per contraria profligari postulat: plus ramen aut minus, pro humoris morbum committentis, & corporum differentia. Convenient igitur frequentes sorbitiones ex pullis gallinaceis, & vitulina carne, quibus sub finem coctionis, acida & refrigerantia olera adjiciantur, oxalis, atriplex, portulaca, viola, buglossum, borrago, lactuca, scariola, plantago, uva acerba, oxyacantha, aliaque ejusdem classis, quæ atræ bilis calorem & siccitatem temperant, malignitatemque infranant. Ebur, & cornu cervinum siccitate quidem aliquantum obesse videri possunt, sed veneni perniciem oppugnant & infringunt: maxime vero cervinum cornu, ideoque & sorbitionibus incoquitur, & cibis utiliter permiscetur, qui illius siccitatem corrigant. Carnes boni succi & coctu faciles, elixæ optimæ sunt, si superpositis herbis condiantur. Conceduntur & assæ, si cum omphacio aut alio condimento acidulo earum fervor retundatur. In id primas tenent mali punici, aut citrii, vel medici succi. Sequitur oxalidis succus, omphacium & acetum: quibus aqua ros. aliquando commode adjicitur. Item ova sorbilia & pisces euchymi. Cremor hordei amygdalino lacte exceptus, & cum saccharo rosaceo coctus, omne alimenti genus anteit profecto, seu bonitas succi, seu coctionis facilitas, seu calidæ & siccæ, ustæque bilis contempe-

ratio quæritur. De lacte asinino eadem fere sententia est. Vacuationibus igitur necessariis præparato corpore, invicem modo hordeatum, modo lac asinum, pro jentaculo sit, præsertim per æstatis ardores, & in elephante quem atra bilis à flava genita procreavit, aut certe alternis mensibus usurpentur. Quinetiam qui ex hordeo panis conficitur, utilis est, terget, refrigerat, alvum liberam efficit, & alimentum corpori præstat non contemnendum.

Vitentur salsamenta omnia, & aromatis condita, aliaque omnia potulenta & esculenta, quæ bile ferventem sanguinem procreant, veluti cepe, allium, porrum, sinapi: deinde bubulæ, cervinæ, asininæ, suillæ, leporinæ carnes, caseus vetus, alique cibi omnes, qui terrenum ac melancholicum succum progignunt. Item legumina omnia, & quæ difficile coquuntur, & flatus, quibus elephantici maxime premuntur, proferunt. Nisi forte per morbi initia quum fervidus calor omnia exurit. Tumenim & mala carpentula cruda & pira christiana cum saccharo esse licet, & lactucam ac portulacam in acetariis, ut tantum fervorem restinguant, maxime vero melones & reliquos fructus horarios ejusdem generis, vel cerasa acida. Capparum usum etiam veteres in acetariis concedunt.

Potus esto non merum, quod invalescentem partium siccitatem foveat, & humores exurat, non cerevisia, quæ crassi succi copiam aggerat, non aliud denique potulentigenus, quod ferocientem elephantia causam exasperet: sed vel pomaceum, limpidum, pellucidum, optime defæcatum, nec acidum, nec præ dulce, pari etiam aquæ portione dilutum, vel hordei & passerum decoctum, vel vulgaris ptisana. Quod sequitur decoctum humorum fervorem restinguere & malignitatem occulta proprietate reprimere atque obtundere potest. Ideoque in hac curatione omnibus aliis antecellit, quandiu insiti caloris vires frigida nullo negotio vincere, ac concoquere possunt. His enim languescitibus decocto frigida detrudere præstat.

℞. Saniculæ buglæ, plantaginis, pimpinell. calendul. ulmaria, singul. p. j. scobis eburnæ, cornu cervini, utriusque 3 j. passerum purgat. glycyrrhizæ rasæ, utriusque 3 ij. hordei p. j. Coquito in aquæ ℥ viii. dum duæ decesserint. Decoctum percolatum, & syrupo violato conditum usui reponito. Easdem vires habet quod sequitur.

Cichorii radices tres quatuorve uncia, cum passerum pari pondere, aquæ ℥ viii. coquuntur, dum sex solum supersint. Tum glycyrrhizæ purgatæ tussæ fescuncia, hordei pugillus, scobis eburnæ, cornu cervini & sem. fœniculi, singul. 3 j. adjicitur. Ferveant omnia rursum dum libra una absumpta fuerit: dein olla ab igne semota perfrigeratum decoctum colo trajiciatur, quod per se vel cum syrupo violacei momento in vicem vini usurpetur. Plantago & lactuca recte inferitur tum sorbitionibus, tum decocto modo descripto, dum fervet humor & exurit. At inclinante ac fatifcente natura frigida omnia marcescentem insitum calorem convellunt, & flatus gignunt, sæpe etiam febrem movent. Pimpinella quod venenatæ perniciæ obluetur, neque frigore aut calore obsit, omni morbi tempore tuto usurpatur, velut & borrago, faucula, calen-

lendula & bugla, quod putredini adversentur: Hordei solius decoctum (aqua hordei vulgo appellatur) & palato non ingratum; & retundendo incipienti morbo aptissimum existit. Commode in eo mali punici acidi aut subdulcis granula imponuntur; & in vicem sacchari glycyrrhiza ac uvæ passæ.

Benefaciet & potus divinus, qui pro aquæ coctæ, vel decocti hordei libris singulis succei mali citrii unciam, & sacchari unam habeat unciam cum cinnamomi pauxillo: sed tandem ventriculo officit. Si forte ingrata hæc displicebunt omnia: aqua simplex optima usurpetur, quæ tamen affecta ætate & remissione calore noxia putanda est, cujus loco aq. sacch. & modico cinnamom. condita conceditur. Inedia quum biliosas materias imprimis commoveat & accendat, atque grassantem clanculum partium siccitatem promoveat, jure inter res huic morbo infestissimas habeatur. Invalescente putredine ac calore fatisciente potus deligendus, qui spiritus instaret, vires foveat, serpentem putredinem arceat, & vitam in quam longissimum fieri poterit, tempus proferat: cujusmodi est qui sic habet.

Capus & frustum vituli aquæ libris decem coquitur, dum sex supersint: sub finem adduntur veronicæ utriusque, buglossi. borrag. asclepiad. pimpinell. calendul. saniculæ, symphyti majoris & minoris, plantag. scariolæ singulorum Mj. rad. pentaphyll. veronicæ coronariæ, sem. cardui, scobis eburnæ, & cornu cervi, singulorum ʒʒ. Colatum jus in vitream ollam inditur, ut in duplici vase aqua proliciatur, quæ saccharo & santal. citrini momento condita usus apta sit. Cibus igitur sit paulo plenior, sed euchymus & coctus facilis, isque bis die potius quam semel sumatur. Nova enim esca continenter corpori applicata spatio temporis anti-quam vacuationibus jam minorem factam, obscurat atque infringit.

Vehemens omnis exercitatio, quæ sudorem elicit imprimis noxia est, ut & duræ corporis frictiones, & quæcunque vel corpus excant, vel humores inflammant & torrefaciunt. Adde & fementa omnia sicca, & natationes in mari aut sulphureis & aluminosis aquis. Deini & unctiones omnes siccandi facultate præditas, & vinum absynthites (quod tamen à vomitione aliquando, & ubi cruditas urget tuto dari potest.) Hæc enim omnia aliaque ejus generis invalescentem partium solidarum siccitatem diuturno aut frequentius foveant, & mortem accelerant: quemadmodum & ira, & moeror, & reliqua omnia animi pathemata, quæ humores exurere, & calorem insitum labefactare, atque atterere possunt. Somnus diurnus elephantice perniciosus est, nocturnus autem aptissimus, post justum à cæna intervallum. Deambulatio lenta commoda, velut & frictio lenis, subductis alvi fecibus redditæque urina. Hæc quidem refrigerans & humectans victus ratio, quandiu fervet humor, vigetque calor insitus, alieno tamen æstuate tenenda: maxime vero in eo elephante, qui ab atra bile quam flava procreavit, profectus est. Nam quum ita jam exusta ac retorrida sunt omnia, ut cinis duntaxat supersit frigidior, in calore & frigore temperata alimenta necessaria

sunt, alioqui labascente calore insito ac pene jam extincto, quæ ab eo sunt concoctiones frustrantur, aggerunturque flatus & cruditates, quæ corpus mire laceffunt. Qui eo miseriæ jam præcipites acti sunt, sumpto potulento aut esculento refrigerante, febre tentari solent, donec nata inde cruditas evicta sit: qui tamen morbi initio calidis tum alimentis, tum medicamentis valde offendi viderentur. Itaque pro morbi progressionem, ætatis & temperamenti differentia, aliaque medendi opportunitate prudenter immutanda victus ratio. Hoc tamen sciri velim, calidiore & sicciore victu, quam humidioris & frigidiore graviores noxas ab elephantice contrahi. Inclinate ergo natura, vini sed diluti usus concedendus, alimenta temperata, euchyma ac concoctu facillima deligenda, imperandaque sunt, quæ à languidiore calore nullo negotio confici, concoqui que possint. Fugienda etiam acida omnia, nisi saccharo aut cinnamomo condiantur. In his nulla tentari debet curatio, quæ morbi causam excindat. Illic enim symptomatum impetum retundere, ac perniciem differre, non morbum radicatus evellere licet. Idonea victus ratione præscripta, in humorum qui naturæ molesti sunt & graves, præparationem & vacuationem incumbere oportebit. Sed quoniam tres omnino sunt corporis regiones, è quibus excrementa arte educuntur, priusquam crassus & sæculentus sanguis, venis majoribus coercitus agitetur, quæ in prima corporis regione coacervata sunt, eluenda, expurgandaque, primum quidem clystere, deinde cathartico blandiore: cujusmodi sunt cassiæ atramentum, rhabarbarum, & senna, & quæ ex his sunt compositiones cathartice. Si quis tamen ubi plenitudo inest, ante usum catharticum sanguinem mittat, nullam gravem noxam accersiverit. Avicennas Græcorum imitatione venæsectionem quum ex usu est, purgationi præmittit, nec ante octavum ab ea diem purgare aggreditur. Purgat autem per hieram diacolocynthidos, vel per apozemata, aut catapotia, quæ helleborum, scammonium, lapidem cyaneum, pulpam colocynthidos, & aloem habeant, à quibus in hujusce morbi initiis, ob cruditatem, lentorem & crassitiam humoris abstinendum censemus, ne magna sequatur perturbatio. Ille satis esse putat, si semel aut bis quoque anno validis hisce pharmacis purgentur elephantici: nos mitioribus sæpius repetitis, sensim cacochymia sentinam melius, tutiusque exhausti didicimus: illorum tamen usum turgente materia haudquaquam repudiamus.

Archigenes primas purgationes molitur colocynthidis pulpa in catapotia redacta, qua tamen serosos humores, qui atræ bili, veluti frænum aliquod injiciunt, & pituitam potius detrahi comperimus melancholia retorrida intus testitante. Itaque primo curationis hujus die, alvus clystere proluenda, postridie vero, purgans medicamentum, quod nulla perturbatione ventriculum, primas venas & intestina sordibus exoneret, propinandum: tertio die vena incidenda in cubito dextro conspicua: postero die secunda & interna sinistra si vires valent: sin minus, bidui interjectio iis recreandis aptior fuerit. Detrahendi autem sanguinis mo-

modum, vires & vasorum plenitudo præscribent. Oportebit & in malleolis, post aliquot dies venas tundere, deinde & in fronte. Ut semel dicam, sæpe & multum, & variis ex locis in hoc affectu sanguinem mittere operæ pretium est. Reviviscit namque elephantorum calor detracto putri & fervente sanguine hacque quasi sarcina levatum corpus multo alacrius evadit. Exigua quippe sanguinis pars, in elephantosis optima est, quæ naturæ in alimentum cedat, reliqua vero plurima. Hanc repetita evacuatione detrahere, illam familiari ac bono alimento adaugere oportebit. Habendus tamen modus in evacuando, dandaque erunt intervalla, quæ recreandis viribus satis sint, & quo magis progrediente morbo vires imminuuntur, eo minus sanguinis detrahendum. Interea dum sanguinis detractiones fiunt, si durior alvus diutius subsisterit, alternis diebus solvenda, aut etiam ducenda, vel cassiæ atramento, vel juscule purgatorio, vel clystere, aut vicissim modo hoc, modo illo. Sanguine quantum opus erit detracto, duo scopi supersunt, ad quos medici consilium omne, curaque dirigatur, purgatio & commutatio. Purgatio quidem ejus quod sic vitium fecerit, ut pristinam integritatem recipere non possit. Commutatio vero, cum humorum, tum partium nostri corporis sic venenata labe inquinatarum, ut tamen in pristinam bonitatem revocari, reduci que possint. Arte igitur sensim educenda quæcunque à naturali statu ita recefferunt, ut nullis remediis restitui queant. At verò immutandum quicquid emendari atque corrigi posse videbitur. Educatur autem secta vena, catharsi, cucurbitis, cornubus, balneis, unguentis, & emplastris digerentibus aut suppurantibus. Venæ sectio noxium quidem humorem demit & vacuat, sed una cum eo utiles spiritus & humores puros in sanis detrahit, eaque ratione vires dissolvit, & nativi caloris robur atterit: at in elephantosis, ubi fere totus sanguis venenatam putredinem concepit, si intervallis repetatur, nihil nocuerit quandiu vires valebunt. Purgans tamen medicamentum id duntaxat detrahit, quod naturæ prorsus ineptum atque inutile est, relicto utili alendo corpori idoneo, quod immutantibus emendetur, si quod substantiæ aut qualitatis exiguum vitium contraxerit. Qui circum viscera & in venis majoribus redundat crassus ac fœculentus humor, (ejusmodi esse solet, qui hujusce morbi materia censetur) nec per sudores evacuari, nec cæca transpiratione digeri, nec vomitione facile ac tuto excludi, sed sola alvi purgatione & venæ sectione detrahi potest. Porro horum remedium usus multiplex ac varius existit, nam modo purgantibus & immutantibus confusis atque permixtis, eodem die purgatio & commutatio adhibentur, modo vicissim purgatio & immutatio tentatur. Noxios igitur humores eodem die præparare ac purgare possunt syrupi & apozemata, quæ præter sennam, agaricum & elleborum, radices, herbas, semina, ac flores habeant, quibus attenuandi, incidendi, aperiendi, humectandi, refrigerandi, putredinem inhibendi, atque atræ bilis perniciem edomandi, infringendique facultas insit. Sed his alternis duntaxat diluculis, aut quarto quoque die locus erit, ne quotidiano usu ventriculo ac vis-

ceribus (quorum robur ad morbi longitudinem tueri operæ pretium est) ulla vis & nox inferatur. Diebus verò interjectis, præparantibus, & immutantibus pugnabimus. Immutant autem quod emendari potest, & præparant quod purgatione excludi postulat, cardiaca refrigerantia, humectantia, bilem utramque & crassam pituitam attenuantia, incidentia, & vias purgationis aperienda medicamenta, zulapii, apozematis, syrupi, sorbitionis, opiata, tabellæ, pulverisve forma: quorum materia medico exercitato notissima est. Adde & unguenta, & balnea, & alia quæcunque in id usus comprobavit. Veteres ellebori nigri obolos tres cum scrupulo scammoni in sero lactis asinini dissolvebant, ac frequenter præbebant elephantosis. Purgato deinceps corpore vomitiones proritabant, primum quidem à cibo deinde etiam jejunis, idque interdum per raphanos, interdum per album veratrum. Sed effrans nimis & periculosa, ac nihilominus parum efficax isthæc medendi ratio deprehensa est. Purgatio per elleborum ante balnearum usum, & exquisitam præparationem magna molestia minimum proficere comperi. Vomitus nec materiam crassam circum viscera, & in venis inhaerentem detrahere, nec genitam intemperiem emendare, nec malignam morbi perniciem infranare potest: mucosam duntaxat ventriculi pituitam & bilem multis cruciatibus evellit. Multo igitur sit satius, si nigra & retorrabilis cassia, rhabarbar. & senna haud satis strenue detrahi videatur, ellebori nigri momentum, apozematis, & syrupis purgantibus, quæ sennam & rhabarb. habeant incoquere, hisque semel aut bis in hebdomade alvum ducere. Est autem purgantium, & præparantium quæ modo proposui, usus vicissim repetendus, dum alimenti penuria morbis fatigetur, ipsæ vero corporis vires alacriores evadant. Nec negligenda etiam in cibis medicamentosa purgatio, quibus diebus validiora cathartica non porriguntur. In prunorum damascenorum decocto colo transfuso, aut in jure pingui sennæ semuncia recte incoquitur, cum buglosso, borrag. oxalide, & hyssopi ac thymi pauxillo. Excolatum dein decoctum horis duabus cibis præmittitur. Hæc dum fiunt, si vel tubercula, vel latæ quædam maculæ livido rubore cutem deturpent, sive sensus in his jam perierit, sive integer adhuc & incolumis persistit, primum fotu & unguento emollienda, deinde discissa cute cornua suctoria identidem adhibenda, quæ parti tenacius impactum, & hærentem sanguinem exugant atque extrahant. Sic illa fronti, genis, cervici, brachiis, manibus, aliisque minutioribus partibus, commode infiguntur, oreque exugitur, quicquid in parte redundat humoris alieni. Cornua suctoria quum desunt, nec cognitus est admovendi modus, cucurbitulæ sufficiuntur, etiam si multo imbecillius trahant. Post cornua altius rursus discindenda tubera, & catheterico medicamento, aut etiam caustico exteenda, absumendaque sunt. Latæ maculæ scalpelli cuspidem discissæ, mercurio sublimato in populo unguento dissoluto radicitus exeduntur. Idem sed imbecillius ac minore molestia præstat pulvis mercurii, vel solus vel unguento rosato exceptus, neque validioribus opus esse comperio ad omnes elephantorum verrucosas pustulas, si quis prudenter

denter ut inoverit. Maculæ emplastro è cantharidibus, fermento & sapone nigro facile abolentur. Hoc enim vesicas latas tenui sero turgidas excitat, quibus ruptis effusoque humore, mortua epidermis à vera & crassiore cute divulsa, facile nulloque negotio vel excidit, vel eximitur. Tumque si locus nimium extuberat catharticum unguentum imponitur, quod illam reliquis adæquare possit. Quo quum ventum est, cicatrix inducitur. Si non extuberat, contractus ardor unguento rosato demulcetur, dein cicatrix contrahitur. Jam vero quum primum istorum præsidiorum usu toti corpori provisum fuerit: balneum tepidum ex remollientium decocto apparandum, in quo bis die elephanticus insideat, mane quidem ante epulas horis duabus, & vesperi ante cœnam horis totidem. Hoc in biduum asservari potest integrum, & semel in hebdomade instaurari, donec remittant, aut prorsus evanescant omnia luis hujus symptomata. Ea cautione, ut neque in lecto post balnei egressum, neque in ipso balneo sudor cieatur, aut diffuat è corpore. Hic enim calidioris balnei nota est. Sit igitur justo tepore moderatum balneum, ne calidius morbi causam (quæ sudoribus, præ nimia crassitie tolli nequit) exasperet.

Vesperi post balnei egressum corpore resiccato, illitus ex hydrargyro adhibetur: & postridie balnei, catharticum propinatur, quod fustum, liquefactumque humorem in alvum rapiat. Singulis ergo hebdomadibus balneum innovari debet ad biduum, & semel quoque die à balneo corpus unguento ex argento vivo in lecto perungi: dein sumpto cibo euchymo & eupipto, somnus si accedat excipiendus nulla sudoris profusione. Non enim partium solidarum substantiam hydrargyri litu liquefacere, & in sudores, aut mucosum sputum depravare, sed earum siccitatem humectantibus emendare ac corrigere, & refrigerando fervorem retundere consilium est. Ideoque si bis innucto corpore sputatio aut dysenteria imminere sentiatur, semel duntaxat in hebdomade postea inungatur, & impendens sputatio propinato cathartico coerceatur, ne corpus quod humefacere consilium est, nimio exiccet opere. His quæ dixi remediis, tribus mensibus continuatis, tametsi morbus in totum nondum erit abactus, fatigatæ tamen naturæ duorum triumve mensium remissionem concedere operæ præstium fuerit: ea lege ut interea octavo quoque die, & syrupo, aut alio cathartico, quicquid de quotidianis alimentis corrumpitur, detrahatur, & balneum singulis mensibus biduo saltem usurpetur citra hydrargyrum. Interim asinini, aut caprini, aut si ne hoc quidem suppetit, vaccini lactis quinq; sexve uncia quoq; diluculo exorbendæ adjecto saccharo rosaceo, cujus usu atræ bilis pernicies coerceatur. Recreata natura, si nondum prorsus deleta erunt elephantica symptomata ad principium suprapositæ curationis reflectere oportebit, omniaque suo ordine facere, velut ante positum est, præterquam quod multo religiosius sanguis mittetur. Idque bis, ter, quaterve his, quæ dixi intervallis repetere operæ pretium fuerit, si ex descriptis præsidiis profectus evidens quæritur. Maligna hujus morbi natura, tenaciter adeo visceribus, aliisque

partibus solidis inhærescit, ut in plerisque nisi sæpius repetito remediorum usu, funditus non excindatur. Aliis igitur annus unus ad curationem satis est, qui neque ex parentum semine vitium contraxerunt, neque diu tentati sunt, aliis, quibus extrinsecus acceptum vitium jam diu inhæret, vix duo anni satisfaciunt: aliis, qui vel hæreditario hoc vitio, vel ascititio, sed inveterato tenentur, in totam vitam continuanda, quæ postea tradetur curatio.

Una elephantia præ aliis longis morbis remediorum varietate ac vicissitudine gaudet. Suntque in hoc affectu, si quo in alio, ab omnibus fere remediis induciæ quædam & intermissiones sæpe agro concedendæ, deinde & resumptio, & ad priora reditio, & novorum remediorum admotio adeo necessaria, ut eum vix unquam convaliturum credam, qui in unico remedio quamlibet generoso spem salutis collocarit.

Alia curandi ratio superiori affinis, sed facilior.

Præparato qua dixi ratione corpore, neglecto litu ex hydrargyro, catapotia usurpanda, quæ calidam & siccam viscerum ac solidarum partium intemperiem emendare, omnium humorum ferociam & perniciem reprimere, obstructions viscerum solvere, & earum causam sensim expurgare, atque idcirco elephantiam profligare solent. Cujusmodi sunt, quæ sic habent.

℞ Argenti vivi ℥ss. cum panis adhuc calentis medulla, manibus diu subige, ut in eam plumbaginem deponat, purgatum dein hydrargyrum succi limonum momento, & olei è myrrha arte Chymica deprompti ℥ss. exacto misceto, adjecta terebinthinæ venetæ aqua ros. elotæ ʒj. tum adde auri purissimi, eodem artificio Chymico in tenuissimum pollinem redacti, vel si desit, foliorum auri ʒj. ambaris ʒj. pulveris electuarii, diamargar. frigidi & electarii trium santaloni simplicis, utriusque ʒij. fingito massam, cui sequentis magmatis ʒi ss. admisce.

℞. Foliorum sennæ electorum ℥j. rhabbari infrustula dissecti ʒiv. rad. arefactæ ellebori nigri nostratis ʒj. diem unum œnostagmate macera, quod dein exime ac sepone, atque aliud affunde, idque rursus exactis duodecim horis expressum cum priore misceto, & vitreo vase exceptum in diplomate exhalare curato, atque relictum magma ad usum servato. Hujus compositionis ʒss. dabitur quindecim alternis diluculis, tribus horis ante cibum: idque alternis mensibus, interjecto balneorum, & aliorum omnium præsidiorum descriptorum usu.

Recens orta elephantia, quæ gentilitio jure comparata non sit, his remediis profligatur. At quæ vel hæreditario jure successit, vel inveterata est, nullo unquam remedio penitus excinditur. Hæreditaria quippe naturæ & seminis vitio, quod ars nulla emendare potest, committitur. Inveterata vero quoniam partium solidarum substantiam in sui naturam prorsus jam immutavit, nullo amplius remedio vincitur. Præstat tamen in rebus angustis, arctisque, vel etiam deploratis, aliquod experiri remedium, quam in

certam desperationem, ægrum præcipitem dare. Humanum enim est, & plenum benevolentiae signum, in summis etiam malis ad experimentum usque progredi, ut difficilem affectum, si non omnino tollamus, certe leniamus & compescamus, sic tamen ne vulgo dedecore afficiantur præsidia, quæ multis fuere salutis. Itaque in utrisque tentetur modo tradita curatio, si caloris nativi robur supererit. Elephantia hæreditaria aut inveterata causam, si radicitus non tollit, eam saltem infringit ac debilitat, perniciem si prorsus non aufert, illam certe differt, vitamque prorogat, plerumque in longissimum tempus, & morbi fœditatem obscurat. Sed ut erit nativi caloris robur, & corporis natura, hydrargyri modus in unguento, quod in egressu balnei aliquando adhibebitur, veniet decernendus, veluti & in catapotiiis. In omnibus quidem naturis ac corporum generibus, idem remedium, sed non eodem modo usurpandum fuerit. Qui viribus valent, ac firmo corporis habitu præditi, neque ætatis florem egressi sunt, eis non raro multa & frequens hydrargyrosis, quæ ad sputationes usque progrediretur, sed citra sudorum profusionem præfens auxilium, opemque attulit: qui vero senilem jam ætatem assequuti, viribusque fracti, rheumatismis afflicti, oppressique sunt, nihil aut parum adjumenti ab hydrargyro percipiunt. Quum enim frigidus & humidus sit hydrargyri, frigidum senum corpus calore nativo qui supererat extincto, morti celeriter addicit. Incipiente igitur, increscente & vigente elephantiorum calore, non vanis titulis famigeratum ex viperis remedium, non theriaca, non ferrum, non ignis, non aliud denique ullum præsidium hydrargyro secundum deprehenditur. Quod ne temere dictum videatur, meæ opinionis longo jam usu & experientia confirmatæ, rationem paucis, ut mos est, expediam.

Elephantia admodum siccus & terrenus morbus est: argentum vivum summo humore præditum, quum partium tenuitate omnia permeet, indurata omnia mollit, laxat & humectat. Acris, exustus & malignus humor est, qui elephantem parit, argentum vivum tum frigore, tum alia occulta proprietate & efficientia, acrium omnium humorum fervorem retundere, & malignitatem, feritatemque infringere deprehenditur. Elephantia non externas tantum corporis partes attingit, sed solidarum etiam substantiam labefactat. Argentum vivum maxima partium tenuitate præditum, non in extrema cute hæret, sed ad viscerum, & solidarum partium substantiam usque pervadit ac penetrat, omnia ex æquo fere suis viribus afficiens atque efficaciter immutans. Itaque prudenter, ut jam præmonui, corporum generibus, & nativi caloris robori, appetitur hydrargyri modus, & justis cancellis circumscribatur utendi ratio. Hic enim grassantem solidarum partium siccitatem remorari, atrabillarii humoris incendium restinguere, feritatem cohibere, & invalescentem putredinem arcere potest.

De venæ sectione idem esto iudicium. Neque enim in deploratis, quorum languent jam vires, fatiscitque calor insitus, tam sæpe mittendus sanguis fuerit, tamque copiose, quam in recens contaminatis, qui & virium robore valent, & sanguinis plenitudine tenentur. Mit-

tendus tamen iusto intervallo quum putredinum in venis invalescens, perniciem accelerabit, ut sublata putrentis sanguinis sarcina, reliquum languescens calor facilius concoquat.

Cætera omnia quæ elephantiosis convenire dixi remedia, vix unquam ulla noxa, maximo fere profectu semper à prudenti & rerum usu perito medico usurpantur. Tenendus tamen vel in his modis, quæ semper salutaria deprehenduntur, concedendaque naturæ intervalla, & veluti quædam remediorum induciæ, feriæque, quo repetita illam postea magis velut nova afficiant atque immutent. Itaque non modo semel in hebdomade melanagogo medicamento alvum ducant, sed etiam clysteribus sæpe illam solvant, atque etiam interdum sorbitione purgante quæ borraginis, buglossi, oxalidis, oxylapathique folia habeat cum sennæ semina, & thymi atque hyssopi pauxillo. Sæpe laxantibus atque emollientibus balneis insideant. Sanguinem quoque mense, aut si ætas jam valde inclinatur, tertio aut quarto quoque mense, aut saltem vere & autumnio detrahant, plus minusve, ut feret plenitudinis, putredinis & virium ratio.

In loco habitent salubri, temperato, lucido, æstate media, solis ardoribus minime exposito, sed ad septentrionem aperto, nam hyeme meridiana solem habere præstat, frigidis hisce regionibus.

Cibus utantur boni succi & facilis concoctionis, iisque temperatis, si jam inclinatur ætas ac restinctus est bilis atræ fervor: refrigerantibus vero & humectantibus, si nondum morbi calor deferbuit. Vino in omnem vitam abstineant, aut certe ad sexagesimum annum usque, tumque eo quam dilutissimo utantur. Calfacientia & siccantia alimenta, & medicamenta omnia declinent, nec se inedia conficiant, iracundiam cohibeant, mœrorem metumque pellant, cupiditates, sollicitudinesque omnes detrahant, & perturbationes, concitatoque animi affectus coerceant, atque moderentur. Cardiaca quæ venenata labi oblectantur, frequenter usurpent, opiata, conditi, pulveris, electarii, aquæve stillatitiæ forma, idque mane, & ante epulas, vel sub horam somni, interdum & cum epulis: quorum omnium compositiones postea trademus.

Qui elephantico semine progeniti sunt, non subito concidunt, sed sensim invalescente putredine corrumpuntur, membratim dilacerantur, tandemque intereunt. Hic varias humorum mutationes ac multiplices morbi & naturæ conflictus observare licet. In his primum faciei cutis crassescens vividum colorem amittit, atque ex rubro livescere incipit, quod symptoma antevertere, atque arcere expedit, alienæ materiæ, (quam è venis ac visceribus natura sese exonerans eo pepulit) vacuatione, balneis aquæ dulcis tepidæ. in qua emollientes, laxantes, ac tergentes stirpes decoctæ fuerint, victu humectante & refrigerante, fotu emolliente & rarefaciente, unguento molliente, rarefaciente & tergente, ad motis cucurbitulis, aut cornu sutorio post scarificatum, unguento ex hydrargyro corpori post balnei egressum illito. Si malum nihilominus serpit, brevi tubera erumpunt, pri-

primum quidem in facie, dein in tibiis, manibus, aliisque partibus. Hæc scalpello discissa catheterico medicamento radicitus exeduntur, dein de cicatrix inducitur. Progrediente tempore cutis quibusdam faciei locis mire crassescens, maxima deformitate in tumorem attollitur, cui color inest ex rubro nigrescens ac pellucens. Hæc scalpello vulnerata feculentem sanguinem fundit, qui etiam cucurbita, vel cornu sutorio, majore vi elicitur. Emplastro dein catheterico quicquid inæqualiter intumuit ac supercrevit, exeditur, atque adæquatur, cicatrix tandem contrahitur. Neque enim verendum, vel supercilia, vel frontem, vel genæ particulam sic vulnerare, atque reliquis quæ non ita intumuerunt, æquare, quum relictæ ex ulcere cicatrix, multo quam reliqua cutis venustior esse soleat. Ulcera quæ sponte vel in tibiis, vel in aliis partibus nascuntur, sanguinis sæculenti & corruptio decumbentis loboles sunt. Ideoq; purgato corpore sanguinis missione, curatio ineunda. Mittitur autem primum quidem incisa vena, quæ fluxionis fontem exhauriat, dein quæ ab ipsa parte derivet ac vacuet. Hinc pars incidenda satis altis plagis, ut multus ex ea sanguis extillet, adhibendaque cucurbitulæ: postremo ulcus aliorum more curandum.

Commune est in omnibus ulceribus, quæ in hoc morbo sponte emergunt, post vacationes universales, & derivationem, ex affecta parte, altis sectionibus, partem ipsam cædendam esse, ut adhibito cornu sutorio, aut cucurbita, sanguis ipsi impactus extrahatur, dein catheterico medicamento quicquid vel occaluit, vel supercrevit, vel nimis intumuit, vel aliud inemendabile vitium contraxit, absumatur: postremo ulcus aliorum more & carne impleatur, & cicatrice obducatur quam elegantissima.

Morbo ingravescente sæviora symptomata emergunt. Primum igitur sensus in externis partibus hebescit, inestque frigus fere perpetuum. Quæ symptomata etsi nullis auxiliis funditus tolluntur, leniri tamen solent, & periculum differri: primum quidem ea curatione quam supra retulimus: deinde topicis medicamentis, quæ frigidum & crassum humorem parti insertum digerere, crassescentem cutim emollire, laxare ac levigare. & insitum ipsius partis calorem fovere atque erigere possint. Cujusmodi est oleum quod sic habet.

Sigillum Mariæ, radix bryoniæ, & althææ, prunis vino albo & oleo sensim incoquantur, dum vinum absumptum sit, oleum dein exprimitur, quo pedes, tibiæ & manus, si stuporis & frigoris sensus inerit quoque vespere inungentur. Benefaciet & fons digerens, rarefaciens, & corroborans, ex malva, violaria, sem. lini, rad. althææ, origano, sampsocho, salvia, anagallide, ros. rub. omnibus sacculo conclusis, & aqua ac vino albo incoctis.

Quum jam eo miseriæ ventum est, ut putredo hominem membratim dilaceret, infelix sed unicum solatium superest, quicquid sic vitiatum est, vel medicamentis exedere, vel ferro rescindere, vel urere. Exscinduntur, vel vicissim exuruntur minutulæ partes, quas putredo cadaverosa tabefacit, & ulcera illinc relictæ aliorum more curantur: in corporis

trunco cathetericis potius locus est.

Oculorum membranæ sensim crassescentes, visus obscuritatem inducunt: remedium est, fons emolliens, rarefaciens & discutiens. Collyrium tergens, attenuans & siccans, aquæ pulveris syrupi unguentive specie. Fons fiet ex malva, violaria, euphrasia, fœniculo, semine lini, sacculo conclusis, & aqua ac vino albo decoctis. Collyrium ejus qui ægrotabit naturæ & vitii magnitudini aptum comparabitur ex myrrha & æruginè, ovi albumine coctione indurato, conclusis, & loco humido reconditis, dum aqua viridis extillaverit: cui syrupus de absynthio, aquæ stillatitiæ, euphrasiæ, fœniculi & plantaginis, ea temperatione miscebuntur, ut citra vehementiorem dolorem efficaciter attenuet crassescentes membranas, & sordes omnes abstergat. Acriori remedio opus est quum membranulæ ex majore oculi angulo enata pupillæ obtendantur, aciemq; perstringunt, qualia sunt quæ ad pterygium traduntur. Buffo vivus olla fictili exceptus exuritur: tenuissimus pulvis in oculum afflatus, pterygium concoquit, & in pus deducit. Sed quum adhibetur refrigerans remedium, extrinsecus oculo superponendum, ne ejus acrimonia, dolorem & inflammationem pariat.

Malo invalescente, sic elanguescit insitus calor, ut in omnibus corporis partibus frustrentur concoctiones, multaque serosa excrementa colligantur, maxime vero in capite, quæ sæpe in thoracem tanto impetu decumbunt, ut asthma suffocationis periculo horrendum, sæpe etiam febrem accersant. Interdum in oculos irruunt, & disruptis eorum membranis, repentinam cæcitatem inducunt, aut inter eas intercepta, implacabiles dolores cient, ac prorsus obcæcant, oculis protuberantibus, ac pene exertis. Præsentaneum auxilium affert sanguis celeriter missus, phlegmagogum atque hydragogum confestim datum atque repetitum, dein concoquentia & tenuis victus ratio.

Quum nares præ alarum crassitie, ac crustulis, quæ illic adnascuntur, obstruuntur, primum crustulas excutiet molliens, tergensque decoctum, dein siccitatem leniet, & crustas denuo adnasci prohibebit butyrum salis expers, aut certe oleum amygdal. dul. recens expressum rudicula & linteolo, vel calamo intromissum illitumque.

Concubitum elephantici maximopere concupiscent, nec eo interdici debent, quum & corpus refrigeret, & mœrentem illorum animum demulceat. Quoniam tamen nimis frequens vires solvit, pro ratione ætatis & naturæ ægrotantis in eo modus adhibendus.

Qui descriptorum remediorum efficacia integram valetudinem recuperaverit, ne recollectis in corpore noxiis excrementis, mali radix tandem aliquando revirescat, omni opera prohibeat. Itaque cibis euchymis uti conveniet, vel temperatis, vel paulo frigidioribus & humidioribus, vino omnino sibi interdiciere, vel eo quam dilutissimo uti, calidis & siccantibus alimentis omnibus vitatis, salsis quoque & aromaticis omnibus, porris, cepis, alliis, sinapi, & reliquis omnibus, à quibus abstinendum esse in superiori curatione præcepimus. Loca incolant æstate quidem frigida & humida, hyeme vero paulo sicciora & calidiora. Ad hæc

aliis atque aliis medicamentis melanagogis, alvus intervallis ducenda. Habenda sæpe & medicamentosa in cibo ratio.

Vere ineunte & autumnio vena secanda est, aut etiam sæpius, si quando ulla plenitudine corpus tenebitur. Sæpe & cardiaca, quæ venenatæ morbi malignitati resistent & obluentur, usurpanda venient, opiata, conditi, pulveris, electuarii solidi, syrupi, aquæve stillatitiæ forma. Biduo etiam quoque mense, balneum comparandum æstate præsertim, & in eo bis die desidendum, qua methodo supra posuimus, adhibita in exitu, corpore tamen prius reficcato hydrargyrosi, velut ante præceptum est. Alioqui catapotis ex Sole, & Mercurio supra descriptis, ex intervallis utendum.

Fama est elephanticum quendam vitæ pariter ac morbo finem imponere quærentem, viperam in multo dolium irrepsisse, conspicatum, extincta in eo vipera, sese multo ad satietatem, semel atque iterum ingurgitasse. Cujus vi post virulentas vomitiones, ebrietas, profundusque sopor morti haud dissimilis obrepfit. Quibus tandem discussis, imprimis pili defluerunt omnes, & ungues exciderunt, dein omnia in ambitu membra corporis contabuerunt, denique certum exitum in propinquo videbatur, quum ex reliqua quadam virium scintilla, natura hominem redintegrans, alias carnes enutrivit, ungues novos, & nitidam formam instauravit, ac vetus corium, ceu serpentis senectam exuit. Ita habet fabula non admodum verisimilis quidem, sed cujus tamen imitatione, antiqui elephantia curationem ad occultam viperarum proprietatem retulerunt, de aliis remediis desperantes. Occultam proprietatem dixi, propterea, quod qualitatibus manifestis elephantia causam augeant potius quam infringant. Nam vel Galeni testimonio, manifestæ ac generales qualitates carniū viperarum sunt, exficcare valenter, digerere mediocriter, & excalfacere. Atra autem bilis, quæ hujus luis causa est, calida & sicca quum sit, per contraria retundi postulat. Vere potissimum elephantiorum curationem aggrediuntur, primumque corpus in aliorum fere omnium diuturnorum morborum modum identidem purgant: deinde venam secant, si vires ferunt: hinc ad viperas se convertunt, quas alii aliter apparare solent. Omnes in hoc conveniunt, caput & caudam ut abscindant, dein interanea omnia ac cutem etiam ipsam eximant, postremo corpus ipsarum exquiesce eluant. Quidam, quod casu contigit imitatione confirmantes, in vini generosi dolium illas conjiciunt, ac sinunt dum suffocentur, dein vinum agris nescientibus propinant. Alii medicinam ex viperis confectam, quam theriacam vocant, sæpius adhibent. Alii sale theriaco utuntur, quod vivis viperis cum quibusdam aliis medicamentis in fictili novo combustis comparatur. Alii viperas ipsas comedunt in pastillos redactas. Alii illas in anguillarum modum apparatus exhibent. Atque hoc omnibus commune est, viperis tandiu utendum esse, dum elephantia vel in lepram abeat, vel in totum desinat, in tenues auras diffante per cutem affectu. Galenus elephanticos aliquot ita se percurasse gloriatur: quin & incipientem morbum sola catharsis & phlebotomia vere & autumnio præscripta

profligasse atque propulsasse se venditat. Cujus auctoritatem tot seculis confirmatam, etsi non repudio, vix tamen quid de hoc remedii genere censuerit Fernelius, quidque partim dum is Lutetia floreret, partim post ejus obitum expertus sum, perpetuo silentio involvere possum. Elephanticos multos veterum imitatione quum viperarum usu restituere maxima methodo studisset Fernelius, nemini in tota vita, ut erat in votis successit: quod cum mihi indicasset, & a remediis omnibus siccantibus abstinendum non esse monuisset, vererum medicorum auctoritatem ejus opinioni anteponendam ratus, & illorum pollicitis nimium forte addictus: theriacam elephantis multis, qua methodo illi præcipiunt, præbui, sed nullo prorsus profectu: quæ res effecit, ut viperas ipsas aliter atque aliter apparatus, experiri aggressus sim, quas tamen nihilo plus opis asferre comperi.

Paucos (fateor) post dies cutis extrema squammas & furfures remittit, tanquam elephas in lepram degeneret, videturque juvare per initia hoc remedii genus, si solius cuticulæ rationem habeas, sed neque viscerum constitutio, hocce modo melior fieri, neque verrucosa tubera intermori, neque crassescens cutis deformitas emendari solet: sed elephanticum virus, post viperarum usum, è visceribus multo majore quam unquam impetu in cutim remeans, omnia symptomata sic exasperat, ut aucta putredine membratim dilacerentur ægri teterrimo fœtore. Neque enim pastilli theriaci, neque venenatæ viperarum carnes, quovis modo præparatæ, siccam & terrenam partium constitutionem corrigere possunt, sed omnia depravare, atque venenata perniciæ inficere. Si quis tamen veterum auctoritati tantum tribuit, ut Fernelii & meam hanc experientiam universis medendi legibus consentaneam suspectam habeat, ei facile sit, qua ratione illi præcipiunt, viperarum usum experiri. Tutissimam utendi rationem hanc tradunt recentiores.

Viperas præparatas in aqua cum hordeo decoquito, quo postea gallinæ alantur dum implumes evadant. His ergo gallinis elephantici alendi sunt, donec comæ ac pili defluant omnes, & crassior cutis squammas ac furfures remittat.

De proximæ elephantis causæ temperamento multi inter se non parum dissentiunt. Galenus melancholicum quidem humorem elephantiam progignere passim confirmat: sed quum ampla significatione id nominis Latini usurpent (nam & de proprie dicta atra bile, acerrimo & ardentissimo humore, qui & corpus rodit, & terram fermentat, & de melancholico succo frigidiore, qui sanguinis veluti fex & limus est, dici solet) haud facile assequi posse putant, quo in significato, melancholici humoris nomen in procreatione elephantis accipiat. Sunt qui eum comment. in Aphor. 2. lib. 4. succum melancholicum frigidum, proximam elephantia causam his verbis facere existiment. In atra, inquit, bile totius corporis color ad nigritiem tendit. pustulae nigrae fiunt ex ejus colore. Et quicumque morbi ex ejus fiunt exuperantia, multitudinem melancholici humoris manifesto indicant, quemadmodum cancer, elephas, quartanus circuitus ex melancholico humore generantur. Si

Galenus

Galenī sententia, inquit, quartanus circuitus & elephas ex eodem fiunt humore, quartanus autem circuitus non raro ex propria dicta atra bile perniciosissimo humore, saepe vero ex melancholico succo frigidiorē & terreno originem habet, & elephantem ab eodem saepius neri, oriri que necesse fuerit. At libro de atra bile aliter sentire videtur hac sententia. Verum alia quoque plerisque non febricitantibus in cute crassescēte, siccescenteque exanthemata provenire videmus, cum melancholici humoris redundantiam natura ad extimas partes pellit, quo genere is quem elephantem nuncupant, continetur. Ubi autem tale quidpiam simul cum febre exoritur, humor melancholicus, qui in cutem abcessit, facit eum quem carbonem appellant. At si citra febrim decumbat, sitque cum sanguine conjunctus, gignere elephantem potest: si solus sit in principio quidem tumorem atrum producit, sed progressu temporis in cancrum definit, cum utique corrosa cute acrior sit magisque malignus, cum mitior sine ulcere, latentem cancrum efficit. Evidens enim est hos affectus omnes, praecipue cancrum, ex humore melancholico gigni. Cancrum, inquit, carbunculum & elephantiam, ab uno & eodem humore fieri tradit Galenus: at carbunculus à maligna atra bile fieri, contrahique alibi dicitur, quare & elephas: Contra tamen, qui calidus est humor melancholicus carbonem, qui non est ejusmodi, cancrum & elephantiam gignit ex Galeno. Eodem etiam libro eum affirmare tradunt, subrubros elephantes, ab atro humore qualitatibus mitioribus praedito, sanguinique admixto, procreari: & si inveterarint, nigriores reddi. Quod ut componatur dissidium, atram bilem ex humore melancholico nuper genitam, humoris melancholici nomen & appellationem idcirco veteribus etiamnum retinere crediderim, quod nondum plane incaluerit, nec pristinis qualitatibus omnino spoliata sit. Procedente vero tempore quum manifeste jam incaluit, saevioraque symptomata invexit, proprie tum atram bilem nuncupari: tamen si eadem utriusque forma, eademque sit species: sic enim videtur sentire libro de tumoribus praeter naturam. Elephas, inquit, affectus melancholicus est, cujus prima origo ex melancholico sanguine est, spatio vero temporis copiosior, quam sanguis atra bilis redditur: quo tempore corpus jam male & graviter olet, turpeque & deformatum videtur, & aspectu horrendum, atque interdum etiam exulceratur. Hunc affectum, quum incipit, satyriasmum vocant, quod satyris aspectu similes elephantici evadant.

Atra igitur bilis proxima est omnis elephantiae causa, sed quæ quum vel ex succo melancholico ac feculento sanguine, vel ex bile vitellina, vel ex nitrosa pituita exustis ac torrefactis, non ita pridem habuit originem, illorum etiamnum appellationem interdum retinet. Neque me iudice, immerito, quod suæ procreationis initio nondum late ab humore à quo nuper genita est, dissideat. Frigida quidem videtur atra bilis Galeno, quia terrestris, non tamen caloris expers, quemadmodum nec cinis, nec etiam acetum. Jam Arabum de ea iudicium ac sententiam inquiramus.

Avicennas auctor est elephantiasim partium solidarum substantiam, qualitatibus vitæ nostræ è diametro repugnantibus & insensis, continenter immutare ac pervertere. Quod si verum est, frigidam & siccam statuere oportet elephantis causam (calore namque & humore vitæ nostræ fovetur, contineturque.) Quibus perspicuum est, frigidum & siccum è diametro opponi. Elephantia, Avicennæ est bilis atræ per universum corpus profusio, qua membrorum temperamentum, forma & compositio labefactatur: unde tandem continuitatis solutio, & partium casus & foeda ulceratio sequatur. Ad hæc melancholicum humorem ustum non prius elephantem parere tradit, quam reffixerit, & inveteratas, diuturnasque obstructions non aliam ob causam elephantiam inurere, quam quod minime ventilatus calor nativus praefocetur, unde & refrigeratur & crassescit sanguis, eique gignendæ idoneus fit. Postremo in elephantiacis sanguinem non raro circum articulos congelari, & pullum imbecillum iis idcirco esse dicit, quod facultas sit imbecilla, & exigua necessitas, frigido utpote morbo fatigante. Principem hunc Icholæ Arabicæ sequenti recentiores fere omnes, elephantis causam frigidam & siccam esse prodiderunt, atram bilem non prius eam inferre dicentes, quam absumpta omnino fluxili, liquidaque ejus substantia, calor tandem prorsus dissipetur atque divanescat, terrena duntaxat eaque siccissima ejus parte cineri haud absimili superstitite. Idque perinde esse atque quum succensus ignis absumpto prorsus ligni humore, quo terrenæ ejus partes inter se junctæ cohærebant, evanescit, & extinguitur, siccissimum duntaxat cinerem pro ligno relinquens: quem accenso ligno, si conferas, frigidum existimes. His igitur auctoribus frigidus & siccus humor elephantiam progignit.

Ego vero (si de re tam controversa meam dicere sententiam licet) facile efficiam, ut hoc composito dissidio inter veteres concordia coeat, vel si dogma eligendum est, Græcorum potius sententiæ subscribendum sit. Quanquam acerrima ac calidissima atra bilis, quæ corpus rodere, & terram fermentare creditur, à frigido & sicco melancholico succo, temperie ac specie recedit atque dissidet: saepe tamen veteres illam melancholici humoris appellatione designant & insigniunt: sive quod illa metu & mœstitia, aliisque melancholicis perturbationibus animum mentemque percellat & exagitet, perinde atque melancholicus succus frigidior, sive quod suæ procreationis initio, dum nondum vehementer incaluit, accensaque est, haud multum à feculento sanguine discrepet, ut nec quum siccescens de suo calore non parum deperdiderit. His ergo ex causis, veteres maximeque Galen. elephantiam quæ re ipsa nunquam aliunde quam ab atrabilario humore undecumque genitus sit, proficiscitur, saepe à melancholico succo aut humore nasci tradunt, & Avicennas frigidum morbum esse prodidit.

Quanquam autem elephantiae omnis origo, ab atra bile ducitur, ea tamen pro affectorum corporum natura, & humoris è quo orta est, affectione, non parum & invadendi, serpendique modo, & symptomatis variat. Ut enim quæ elephantemprehenduntur corpora, minime ante hanc, melancholica, ut ita loquar, erant omnia, sed

sed alia sanguinea, alia biliosa, alia melancholica, alia pituita salsa perfusa, alia ex iis mista: sic certe neque atra illa bilis ex uno eodemque humore perpetuo nascitur, sed interdum à succo melancholico, frigido & sicco, interdum à bile flava in vitellinam versa, interdum à nigrosâ pituita originem habet. Quæ igitur ex frigido & sicco, eoque melancholico succo exusto procreatur atra bilis, quoniam ejus humoris, à quo non ita pridem uisione genita est, naturam conditionemque etiamnum redolet, diutius occultitur, nec nisi sensim lenteque tandem in externas partes erumpit: quo quum ventum est, elephantem levioribus symptomatibus conspicuum profert: quem nonnulli frigidam causam habere idcirco dixere, quod manifesta caloris symptomata nulla statim corpori intentet nec incutiat. Quæ vero ab adusta flava bile fit, causæ suæ naturam redolens, multo tenuioribus partibus quum sit, brevi contaminatis visceribus, in extremitate corporis ocius exardescit, sævissimaque incendiî symptomata, nisi occurritur, inducit, quæ sui causam calidam esse manifesto demonstrent. Medio quodammodo se habet, quæ à salsa pituita proficitur. Quæ vero à sanguine fervidiore exusto proxime ad eam, quæ à præassata fit flava bile accedere deprehenditur: ut quæ à feculento & crassiore, ad eam quam à melancholico humore fieri diximus. Quod autem proponunt nonnulli, quum jam eousque serpendo processit elephantia, ut exhausta humida atræ bilis substantia, cui calor insidebat, soli ejus cineres frigidiores superessint, ardoris, incendiique omnia symptomata tum remittere, morbumque frigidam causam habere, plane falsum est. Licet enim usti ligni cineres minime eum retinent calorem, quem vel ejus flamma, vel carbonēs exhibebant: sunt tamen integris rebus, à quibus demanarunt multo calidiores. Quod vini sæces demonstrant, quæ ustæ longe calidiores, acrioresque evadunt. Tantumque abest, ut vel atra bilis, aut nonnullarum aliarum rerum cineres frigidi judicari possint, ut etiam frigidorum quorundam cineres, non parvam uisione acrimoniam, caloremque conquirant, & assequantur, sicut experientia nos docuit, qua compertum est frigidissimi ac humidissimi argenti vivi cineres, cathetericos, acres, urentesque esse. Ad hæc si frigida & sicca est elephantia causa, cur cedo non solum elephantiorum tubercula exedantur, & in profunda ulcera serpendo degenerent, sed etiam partium ipsarum extrema, vel humoris acrimonia absumpta pereant, vel corrupta, & putredine carieque confecta excidant? Non enim frigidus & siccus humor melancholicus, vel frigida & humida pituita, illorum possint esse operum causa: nisi immutata specie in alterius humoris naturam commigrarint. Quod igitur dictitant nonnulli atram bilem per initia elephantia calidam, absumpta tandem liquida & fluente ejus parte, frigidam evadere, minime permutata specie, absurdum plane censerî potest. Habent enim singuli humores proprium & peculiare temperamentum, quod superstitè formâ nunquam depereat. Calida enim semper bilis flava, calida & atra, ut pituita semper frigida, frigidusque semper melancholicus humor. Hæc tamen bilis alia calidior, frigidiorque interdum hæc, quam

illa pituita censetur. Nisi forte putrescens, per febres pituita, quoniam incalescit manente forma, istius axiomatis veritatem convellat, atque labefactet. Sed hanc impermistam, veterum nonnulli vix unquam putredine sic incalescere censuerunt, ut febrem accersat, febres omnes biliosas arbitrati: quorum opinioni subscripsit Fernelius. Nec si putrescens incalescat, amplius pituitæ nomine insignitur, sed ejus humoris, in quem putrescens degenerat.

Elephantia itaque omnis calidam causam habet, quæ tamen caloris, siccitatisque ratione, pro corporis affecti, & humoris, è quo profecta est, natura, proque morbi tempore, non parum varia est. Quod & veterum auctoritate doceri potest, qui non alia ratione castrandos censuerunt elephanticos, quam quod testes vim maximam caloris, fervoremque in universum corpus effundant, qui elephantia causam exasperet.

Pomaceum è succo malorum dulcium maturitatem assequutorum, satis defecatum, satissimumque maturum, tenue, subflavum, & limpidissimum, quale in Neustria copiosum ferunt agri Constantini, elephanticos & melancholicos ab atrabilario humore adeo salubre est, ut omne potionis genus bonitate vincat. Quod me longo usu, ratione duce comperiisse profiteor, & complures melancholicos hypochondriaco, quibus jecur & mesenterium morbo causam dederant, ejus ope restituisse. Nam & tetros melancholia vapores, multo quam syrupus è succo pomorum efficacius discutit, & cordi lætitiâ adfert, & viscerum atque humorum siccitatem, ferinamque qualitatem omnem demulcet ac temperat, & alimentum copiosum corpori præstat, & assuetis gratissimum existit. At pyraceum omne & pomaceum, è malis acidulis expressum, vel vetustate coalescens, noxium existit, perinde atque omnia cruda & acidula vina vulgo vidia appellata. Repudiandum & pomaceum, quod ex malis dulcibus expressum dulce quidem existit, sed nondum satis concoctum: multoque magis quod fecibus prorsus non depositis turbidum & crassum persistit, nec inclarescit donec aceſcat, qualia fere sunt in pingui Algiæ solo nata. Copiosius quidem alimentum corpori suppeditant, & agricolis ac fossoribus expetuntur, sed quia obstructions pariunt, crassique succi copiam aggerunt, tum sanis tum ægris noxia putanda sunt. Curent igitur Medici, ut elephantici & hypochondriaci, quibus jecur & mesenterium (quod fere fit) vitio causam præbent, tenue, subflavum, pellucidum, beneque maturum pomaceum, pro generosissimo remedio veteribus quidem incognito, sed nunquam satis laudando, in vicem vini usurpent quod tamen calidæ & siccæ naturæ, præsertim vero æstate, aquæ quadrante diluent.

Aliud gratum & innoxium poculenti genus, temperatis, aut non ita calidis naturis ex usu.

℞. Aquæ purissimæ ℥vj. scobis santali citrini ʒj. sacchari alb. ʒv. fervefacito horam dimidiam vase argenteo, aut in olla nova. Colo postea trajicito.

Aliud

Aliud fervente magis humore commodius.

Habet aquæ purissimæ ℥vi. sacchari alb. ℥iv. scobis fantali citrini ʒj. hordei integri P. j. succi mali medici acidodulcis ʒij. Conserveant aliquantisper, dein percolato, & utitor. Vulgus ptisanam vulgarem, vel hordei decoctum semine fœniculi conditum, usurpet, vel certe (modo ventriculi & præcordiorum ratio toleret) purissimam & limpidissimam aquam.

Potus nonnullis divinus appellatus, calidis omnibus naturis, in calidis morbis omnibus utilis, si valet ventriculus.

℥. Aquæ optimæ ℥vi. sacchar. ʒv. succi limonium ʒj β. (plus minus pro ventriculi & caloris nativirobore, aut imbecillitate & agrotantis palato) scobis fantali citrini ʒj. Bulliant horam dimidiam, tum adjicito cinnamomi ʒβ. colato & utitor.

Alii sacchari plus minusve inferunt, sumpta indicatione ab agrotantis natura, ætate, consuetudine, anni tempore, & partium nutritioni dicatarum constitutione.

Alius in elephante bilioso, fervente etiamnum circum viscera humore, commodior, sed insuavior.

℥. Radicum cichorii agrestis, uvarum passarum purgatarum, glycyrrhizæ singulorum ʒij. hordei integri P. j. scobis eburnæ & corn. cervini, sem. fœniculi, fantal. citrini, singul. ʒβ. conserveant horam dimidiam in ℥viii. aquæ, dein decoctum transcoletur. In magno ardore plantago & lactuca recte inferuntur.

Quum partium putredo invalescit, fervente etiamnum humore, profectu majore usurpatur, quod hic habet poculentum.

℥. Radicum cichorii agrestis, uvarum passarum purgatarum, glycyrrhizæ, singulorum ʒij. hordei integri P. j. saniculæ, buglæ, pimpinellæ, calendul. ulmarizæ, plantag. lagopi, singulorum P. j. scobis eburnæ, & cornu cervini, fantal. citrini singulorum ʒj. sacchari ʒvj. succi mali citrii ʒij. Coquito in aquæ ℥viii. ad ℥vj. decoctum, percolato seponito, & utitor. Quum calornativus elanguescere incipiet, frigida detrahentur.

Destillatum instaurans magnatibus extra epulas in vini vicem ex usu affecta ætate & viribus labascentibus.

Vituli frustum & carnem capi in libris xvi. aquæ purissimæ, elixato dum viii. duntaxat libræ supersint: adde sub finem veronicæ, utriusque buglossi. borragin. pimpin. saniculæ, calend. buglæ utriusq; plantag. seriolæ singulorum Mj. rad. tunicis & tormentillæ, seminis cardui, scobis eburnæ, & cornu cervini singulorum ʒij. in colato jure, rursus adjicito conservæ buglossi, borraginis, violarum, nymphæ, ana ʒiiij. conservæ ocellorum ceu caryophyllorum nostratum ʒij. omnia in ollam vitream indito, ut in duplici organo aqua proluciat, quæ saccharo vel Syrupo è limonibus, aut violaceo

& cinnamomi momento condita, usui apta sit.

Et his quidem, aliisque ejus generis potionibus, quas ex tempore & pro re nata, prudens & exercitatus medicus instituere poterit, elephantiasis occurreretur. Jam purgationum formulæ describendæ.

℥. Polypodii querni, seminis cartami, radicum cichorii & oxalidis, uvarum passarum purgatarum, foliorum sennæ, singulorum ʒβ. coquito igne remisso horæ quadrantem, dein adde buglossi. borrag. lupul. scolopendriæ, ceterach. adianti, fumariæ, epithymi, singulorum P. j. conservar. buglossi. borrag. & viol. an. ʒij. seminis fœnicul. & melonum an. ʒβ. conserveant rursus aliquantisper, dein in decocto percolato tepido, macera horis duabus rhabarb. optimi ʒij β. cinnamomi ʒβ. in eodem expresso dissolve syrupi è fumaria ʒj. fiat potus mane sumendus hora quinta.

Si hoc ægre movetur cathartico Elephanticus, Catholici descriptionis Fernelii ʒj. remiscebitur.

Bolus si magis arridebit, esto hujusmodi.

℥. Atramenti cassiæ recens extracti ʒi. sem. fœniculi pulverisati gr. vi. Syrupi violati auxillum.

Vel sic.

℥. Medullæ cassiæ recenter extractæ, Catholici descriptionis Fernelii, utriusque ʒj. syrupi violati ʒj. misce, præbeto mane tribus horis ante cibum.

Vel sic.

℥. Cassiæ recenter purgatæ ʒj β. rhabarb. pulverisati ʒj β. sem. melonum mundatorum & contusorum ʒβ. sem. fœniculi, gr. iv. Syrupi violar. modicum, fiat bolus.

Si undique tenues etiam humores detrahere expedit, confectionis Hamech. ʒij β. inferentur, rhabarbaro quidem detracto, si effrenis purgatio metuitur, sin minus eo etiam relicto.

Apozema primas corporis sedes expurgans, venarum infarctus melius expedit.

℥. Rad. petroselin. fœniculi, & apii, in aceto horis vi. maceratarum, singulorum ʒj β. rad. cichorii ʒij. rad. oxylapathi, oxalidis, asparag. & graminis, singulorum ʒβ. foliorum sennæ ʒij. rad. hellebori nostratis præparatæ ʒij. Coquito in aqua ad doses tres, adde sub finem pimpinellæ, buglossi. borrag. endiviæ, scariol. lupulorum, omnium capillarium, fumariæ, singulorum manipulum β. florum cordi dicatorum, mentæ, epithymi, hyssopi, singulorum p. j. seminis fœniculi, coriandri præparati & melonum, singulorum ʒj β. In colato decocto dissolve, syrupi è cichorio simplicis ʒiv. Clarificetur & condiatur ʒj β. cinnamomi, & ʒj. fantal. citrini.

Alius parandorum apozematum modus, quo nihil virium coctione deperit.

Omnia modo descripta simplicia medicamenta,

mentā, in ollam argenteam aut terrenam induntur, cum eo aquæ modo quem superesse volumus, (fere tamen apozema ad tres doses aquæ \mathfrak{z} xii. habet) olla dein luto philosophico obfignata, in caldarium ferventis aquæ collocetur, ut horas tres conferveant omnia: ubi olla à lebetes summotā refrixerit, decoctum collo trajicitur: & syrupus aut saccharum additur, ut in tres aut quatuor doses alternis diluculis sumendas dividatur apozema.

Detracto helleboro, strenue quidem melancholiam detrahet, sed nec à cerebro, nec à venis majoribus satis efficaciter.

Syrupus solemnīs.

℞. Polypod. rad. oxylapathi, oxalidis, cichorii, bugloss. & borrag. uvarum passerum, glycyrrhizæ, singulorum \mathfrak{z} j. quinque capillarium, bugloss. borraginis, scariolæ, endiviæ, chamædryos, singulorum M. j. Coquito in aqua ad $\mathfrak{f}\mathfrak{b}$ j. Decoctum colo trajectum in ollam inditur, dein adjiciuntur foliorum sennæ purgatorum \mathfrak{z} vi. rad. hellebori nostratis præparati, seminis fœniculi, anisi & melonum, singulorum \mathfrak{z} ß. agarici albi, rhabarbari selecti, contusi, singulorum \mathfrak{z} ß. succorum endiviæ, fumiteræ, malorum redolentium, bugloss. borrag. aquæ rosarum, \mathfrak{z} ij. florum cordi amicorum, foliorum mentæ, hyssopi, origani, melissæ, singulorum p. j. epithymi \mathfrak{z} ß.

Olla luto philosophico obfignata, in duplici organo (balneum mariæ vocant) fervere sinitur horis quatuor. Decoctum denique colatum cum duplo sacchari perpurgatum, in syrupum coquitur, in vase duplici, olla obfignata: dosis \mathfrak{z} ij. aut \mathfrak{z} ijß aut \mathfrak{z} ijj. cum pari portione decocti borraginis & glycyrrhizæ, bis, ter, quaterve mense.

Opiata.

℞. Uvarum passerum purgatarum, uvarum corinthiacarum, jujubarum, singulorum \mathfrak{z} jß. polypodii, querni, glycyrrhizæ, utriusque \mathfrak{z} ß. foliorum sennæ \mathfrak{z} iv. radicum bugloss. borraginis, & lupulorum, singulorum \mathfrak{z} j. coquito in aqua bugloss. igne remisso, ad $\mathfrak{f}\mathfrak{b}$ jß. dein adde utriusque bugloss. utriusque asplenii, adianti utriusque singulorum M. ß. florum cordi amicorum & nymphæ, singulorum p. j. sem. fœniculi, coriandri præparati, utriusque \mathfrak{z} ij. in decocti libra colo trajecta, dissolve sacchari optimi $\mathfrak{f}\mathfrak{b}$ j. Coquito in syrupum, cui adde conservarum, bugloss. borraginis & viol. exquisite contritarum, singulorum \mathfrak{z} ijj. conservæ rosarum \mathfrak{z} jß. conservæ ocellorum, qui & caryophil. \mathfrak{z} ij. sem. iv. frigidorum majorum mundatorum, sem. fœniculi, coriandri præparati, singulorum pulverisatorum \mathfrak{z} jß. santal. citrini, cinnamomi pul. utriusque \mathfrak{z} ß. atramenti, cassiæ \mathfrak{z} iv. fiat opiata mollis, ut ex cochleari vorari possit, cujus dosis erit \mathfrak{z} iß. aut \mathfrak{z} ij. mane, duabus horis ante cibum. Acrem ac ferinam omnium humorum qualitatem frequenti usu domat ac demulcet, viscerum & humorum siccitatem temperat: quicquid ventriculum & intestina obsidet, strenue detrahit, simulque primas venas & viscera ipsa, obstructione liberat, earumque partium impuritatem sensim ac blan-

de in alvum deducit & expurgat.

Huc pertinet syrupus saporis purgatorius, à Mesue descriptus, & syrupus è cichorio compositus, cum \mathfrak{z} iv. rhabarb. pro libris singulis: hujus, aut illius, si tria cochlearia opiata superdentur, plenior, nec tamen molestior erit effectus. Dantur per se ab \mathfrak{z} ij. ad \mathfrak{z} ijj. idque ex cochleari, vel cum aquis cardiacis. Catholicum à Fernelio descriptum invalescentibus cruditatibus, & crascentibus humoribus commodissimum.

Ius pulli purgatorium.

℞. Decocti pulli gallinacei, & vitulinæ carnis \mathfrak{z} viii. in quo macera per noctem foliorum sennæ mundatæ \mathfrak{z} ß. mane bulliant horam dimidiam, igne valde remisso: dein in percolato decocto, rursus fervere facito borraginis M. j. bugloss. oxalidis, an. p. j. origani, hyssopi, thymi, singulorum paucillum; decoctum percolatum, & præbeto tribus horis ante epulas. Si radicis nostratis hellebori præparatæ \mathfrak{z} j. inseretur, melancholicum humorem validius detrahit, nec nocuerit, modo ex longioribus intervallis repetatur. Simplex enim modo descriptum, semel aut bis quaque hebdomada tuto usurpatur, velut & opiata.

Præparantia melancholicum humorem, quibus inter purgationum vices utendum erit.

Accipe radicum apii, petroselini, & fœniculi, in acetum maceratarum horis vi. uvarum passerum purgatarum, glycyrrhizæ, radicum, bugloss. borraginis, lupulorum & cichorii, polypodii querni, visci querni, corticis radicum capparis, & tamaricis, singulorum \mathfrak{z} ß. coquito horam integram in olla nova, dein inserto bugloss. borraginis, endiviæ, scariolæ, fumarizæ, hepaticæ, utriusque asplenii, adianti utriusque, singulorum M. j. conservæ florum violarum borraginis, bugloss. nymphæ, epithymi, singulorum \mathfrak{z} ß. quatuor sem. frigidorum majorum, sem. endiviæ, lactucæ, fœniculi dulcis, singulorum \mathfrak{z} ij. in decocti libra dissolve syrupi è succis descripti \mathfrak{z} iv. Syrupi Byzantini \mathfrak{z} ij. parato apozema clarum & conditum \mathfrak{z} jß. santal. citrini, & \mathfrak{z} j. cinnamomi. Præbeto \mathfrak{z} iv. ante singulos pastus, idque in triduum ante singulas catharces. Convenit quum pars humorum fervet & exurit, pars vero jam retorrída, contumaces obstructions invexit, quas solvere, tetros vapores discutere, cordis arcem ab iis tueri, & incendium internum restinguere, consilium est.

Aliud in elephante bilioso superiore, nisi obstructions multæ insint aptius, incipiente, augescente & vigente bilis retorrída fervore: Eo enim represso, alia præparatione opus est, quæ postea tradetur.

℞. Rad. cichorii sylvestris \mathfrak{z} ij. radicum oxalidis, lupul. bugloss. borraginis, uvarum passerum, polypodii, singulorum \mathfrak{z} ß. glycyrrhizæ \mathfrak{z} ij. coquito igne remisso horam unam: dein adde utriusque asplenii, utriusque bugloss. utriusque adianti, lupul. fumarizæ, endiviæ, scariol. plantaginis, singulorum M. j. conservæ, bugloss. borraginis, violarum, nymphæ, epithymi, singulorum \mathfrak{z} ß. quatuor seminum frigidorum majorum, seminis fœniculi & endiviæ, corian-

coriandri præparati, scobis eboris, & cornu cervi singulorum ʒ ij. in libra decocti, percolati dilue syrupi de endivia, descriptione Fernelii ʒ iv. paretur apozema conditum, fantali citrini ʒj. & cinnamomi ʒ iv.

Syrupus è succis, melancholicum humorem & bilem atram demulcens.

℞. Succorum depuratorum utriusque buglossi. & pomorum redolentium, singulorum ℥ ss. succorum oxalidis, lupul. & endiviæ, singulorum ʒ ij. sacchari albi ℥ ss. Perpurgato ovorum albuminibus agitatis, atque in syrupum coquito, cinnamomi & fantali citrini, utriusque ʒj. conditum. In quem dein nodulum qui isthac contineat, diu macerari fines.

℞. Croci ʒ ss. granorum tinctoriorum ʒj. ambaris cinericii coloris gr. vj. ligni aloes ʒj. fiat nodulus.

Ufus tempore, miro profectu inseritur tenuissimus pullis auri præparati, pondo ʒj. mane præsertim duabus horis ante epulas: vorandus autem ex cochleari, ne quid auri pereat, bis, terve in hebdomade.

Syrupus alius qui dum tetros melancholici humoris vapores strenue discutit, cordi etiam jucunditatem atque hilaritatem, & incensis atque conflagentibus humoribus retri-gerium præstat.

℞. Succu ceraforum rotundorum, rubicundorum, & acidulorum, bene maturorum ℥ ss. succorum buglossi. & borraginis, utriusque ʒvj. in quibus macera noctem integram florum ocellorum, seu caryophyllorum nostratium ʒjss. Mane expressis & abjectis floribus, alios rursus indito, quos exactis horis 24. exprimas & abjicias, eandemque operam tertio aut quarto repetito: in expressis, tandem succis, sacchari par pondus diluito, ligni deinde aloes & fantali citrini momento adjecto perpurgatum præsidium in Syrupum coquito.

Si succi fumarie ʒ vij. inseratur, insuavius, sed adversus melancholicum humorem efficacius remedium fuerit.

Syrupus de endivia à Fernelio descriptus, locum habet in elephante bilioso, quamdiu incendio conflagent viscera.

℞. Conservæ florum caryophyllorum nostratium ʒvj. conservæ florum utriusque buglossi. iij. conservæ rosarum, & nymphæ, utriusque ʒi ss. conservæ florum viol. ʒij. pulv. elect. diamarg. frigid. ʒj. scobis cornu cervi, eboris, & coral. singulorum ʒ ss. auri præparati ʒjss. ambar. gr. vj. syrupi è succis supra descriptis q. s. Confecto opiatam, utitor mane, & sub horam somni, quum tetros bilis atræ vapores discutere, & cordi lætitiæ conciliare est animus.

Si propria ac peculiaris ægri natura, aut humorum exuperantium qualitas, aut anni tempus, præsidium, quod magis refrigeret, postulare videbitur, conserva florum cichorii recte inferetur: sin contra, quod magis concoquat, ac flatus discutiat, conservæ helenii, mentæ, & florum rorismarini, singulorum semuncia.

℞. Radicis siccæ helenii, uvarum passarum, glycyrrhizæ singulorum ʒij. polypō. quercini, corticis radicis capparis & tamaricis, singulorum, ʒ ss. coquito igne remisso, in aqua

purissima, ad ℥j. adde sub finem coctionis asplenii, utriusque sicci p. ij. & quum ab igne lummoventur, absynthii vulgaris succi p. i. conservæ viol. buglossi. borraginis, nymphæ, & epithymi, singulorum ʒ ss. In colato, decocto, dissolve syrupi de succis suprapositi ʒiv. Hoc apozemate ante pastus utendum fuerit ex intervallis, quum flatus & cruditates invalescent. Cruda mire concoquit, crassa enim attenuans, & serosa ac tenuia coctione incrassans, flatus discutit, viscera obstructionibus liberat & corroborat, tetros melancholici humoris vapores discutit & mitigat: ut semel dicam, morbis omnibus à cruditate & frigida causa, aut viscerum imbecillitate natis, supra opinionem opitulatur, & tamen nihil calore nimio exurit: sed præparatus humor melanagogo medicamento ex intervallis repetito detrahendus.

Si forte à jecoris siccitate & fervidioris bilis acervo metus est, ne repetito hujus apozematis usu insolescant, (quod tamen in senibus calore insito jam effæto & frustrata coctione minime pertimescendum esse comperi) sylvestris cichorii radicis ʒij. commode inferentur, & opportune interjicietur purgatio. Huc pertinent Syrupus de Epithymio, Syrupus de asplenio, & Syrupus Byzantinus, & multo efficacior, qui sic habet.

℞. Rad. helenii siccæ ʒiv. macera horis vj. in succis utriusque buglossi. dein adde omnium capil. epithymi, singulorum M. j. conservæ florum caryophyl. buglossi. borraginis, rosarum, singulorum ʒ ss. fervefacito igne valde remisso horam dimidiam, adjecta aqua sufficienti: tum imposito absynthii sicci vulgaris p. j. & ab igne summoveto: in expressione dissolve sacchari albi ℥j. Coquito in syrupum conditum ʒjss. cinnamomi, & ʒj. fantali citrini.

Ufus erit ante pastus ex cochleari ʒjss. prodosi, ad imminuentem ex utriusque visceris obstructione & imbecillitate, hydropem, cruditatem, atque ad omnem insiti caloris à frigida causa languorem. Cruda enim & crassa omnia concoquit & attenuat, frigida & serosa coctione incrassat, flatus discutit, fuliginosos atræ bilis vapores dissipat, viscerum obstructions expedit, ventriculi, jecoris, cordis, & pulmonum robur tuetur augetque.

Remediorum cardiacorum & alexiteriorum forma.

℞. Conservæ caryophyl. seu ocellorum, buglossi. borraginis, violarum nymphæ, rosarum & cichorii, singulorum ʒij. auri in tenuissimum pollinem redacti, vel auri foliati, ʒj. scobis eboris, & cornu cervini, coral. unedonum, scobis cornu unicornis, singulorum ʒj. ambar. optimi grana vj. Syrupi è succis q. s. fiat opiatam, utenda mane ante epulas ʒj. aut ʒjss. pondere.

℞. Conservæ florum buglossi. borraginis, caryophyl. nymphæ & cichorii ana ʒj. mithridat. theriacis, utriusque ʒj. scobis cornu cervini ʒj. Syrupi de nymphæa q. s. fiat opiatam. Præfertur in re tenui, quod minori constet, & facile paretur, præsertim si calor jam deferbuit:

nam æstuante etiamnum humore, quæ sic habet, commodior erit.

℥. Conservæ florum cichorii ℥ ij. conservæ florum nymphææ, bugloss. borraginis, rosar. singulorum ℥ j. rasuræ cornu cervi ℥ j. conservæ ocellorum ℥ j. seminum quatuor frigidorum majorum purgatorum, singulorum ℥ ij. Syrupi è succis descripti q. s. fiat opiata.

℥. Scobis cornu cervini & eboris, unedonum, ossis è corde cervi singulorum ℥ j. coral. ℥ β. auri præparati aut bracteolarum ipsius ℥ j. ambar. ℥ β. conservæ caryophil. & borraginis anna ℥ β. sacchari rosar. sextuplum, fiat conditum.

Aliud in re tenui.

℥. Scobis cornu cervini ℥ i. scobis eboris coral. margaritarum splendorum, singulorum ℥ j. conservæ bugloss. borraginis, nymphææ, ocellorum & cichorii, singulorum ℥ ij. sacchari ros. q. s. fiat conditum. Inclinate calore, invalescentibus autem cruditatibus, mithridatii & theriacis utriusque ℥ j. inferetur: usus erit ex cochleari ante pastus, atque etiam sub horam somni.

Detractis conservis ex utroque condito, pulvis fiet ex cochleari, ut conditum, ante pastus vorandus.

℥. Radicis tormentil. scobis cornu cervini & eboris, margarit. coral. singulorum ℥ j. scobis cornu unicornis, ℥ β. pulv. elect. diamargarit. frigidi, & de gemmis utriusque ℥ j. sacchari alb. diss. in aqua ros. ℥ vj. fiat elect. per tabellas pond. ℥ iij. quarum usus erit ante pastus.

Aquæ stillatitiæ, quæ ad frænandam luis venereæ perniciem præscriptæ sunt, hic etiam locum habere possunt: Alterutrius autem ℥ ij. cum syrupi violacei ℥ j. opiata, aut condito, aut tabellæ superdabuntur, quæ tamen sequitur peculiariter, elephanticum virus domat, ac serpentem putredinem inhibet, deploratis præcipue ad protrahendam vitam frequenti usu commodissima.

℥. Utriusque veronicæ, bugloss. borraginis, betonicæ, plantaginis, saniculæ, buglæ, lagopi, ulmarie, calendulæ, symphiti minoris, florum hyperici, & sambuci, cacuminum centaurei minoris, pimpinellæ, singulorum M ij. Contundito omnia, dein in ollam novam indito permistis, quæ sequuntur.

℥. Scobis cornu cervini ℥ β. scobis eboris ℥ ij. radicis tormentil. tunicis, dictamni, singulorum ℥ j. Conservarum nymphææ, cichorii, ros. bugloss. borraginis, singulorum ℥ iv. aquarum stillatitiarum cardui benedict. agrimonii, scabiosæ, succisæ, singulorum q. s. ut superemineant. Harum tamen loco præstantissima est aqua è sanguine humano, è plethoricis bene habentibus secta vena detracto, & à fero secreto elicitæ.

Omnia olla conclusa ac luto philosophico ob-signata in balneo Mariæ triduum macerantur, dein in alembicum vitreum conjiciuntur, ut aqua eliciatur, dosis ℥ iij. cum ℥ j. Syrupi violacei. Aqua è fecibus humanis elicitæ multis profuisse creditur, cujus tamen nullum feci periculum. Sed pane hordeaceo atque hordeatis vulgo appellatis eum vesci oportere tradunt,

è cujus stercore elicietur: saccharo, aut syrupo accommodato, & santal. momento condiri debet, & mane agris nescientibus propinari.

Fotus emolliens & rarefaciens.

℥. Radicum althææ & liliorum, sem. lini, rad. helenii recentis, singulorum ℥ ij. malvæ violaris, parietariæ, acanthi, anagallidis, meliloti, chamæmeli, singulorum M. j. fiant duo sacculi, ferveant in æquis partibus aquæ & vini albi, ad fotum partis.

Unguentum emolliens, rarefaciens ac detergens cutem.

℥. Violariæ mucaginis, sem. lini, & radicum althææ extractæ in decocto meliloti & chamæmeli ℥ iv. butyri salis expertis, ol. è sigillo Mariæ, & bryonia, quod postea tradetur, singulorum ℥ iij. ol. è myrrha elicti ℥ β. concinnetur linimentum, quo mox à fotu pars illinatur.

Fotus emolliens, rarefaciens, & discutiens oculis ex usu crassescens membranæ.

℥. Fœniculi viridis, chelidonie, euphrasie, chamæmeli, meliloti, malvæ, violariæ, singulorum M. j. sem. fœniculi & lini, rad. althææ singulorum ℥ β. absynthii sicci p. j. Confice sacculos, quos in aqua & vino albo fervefacies ad fotus oculorum.

A fotu aqua instilletur hujusmodi.

℥. Chelidonie, euphrasie, fœniculi, symphiti minoris, saniculæ, singulorum M. vj. sem. fœniculi cum aqua euphrasie macerati ℥ j. Contusa omnia cum mellis libra, fimo equino in olla nova obruantur dies vj. dein aqua arte chemica eliciatur.

℥. Tutie præparatæ ℥ β. aluminis usti, vitrioli usti, utriusque grana iv. sacchari candi. ℥ β. lapidis calaminaris sexies usti & extincti aceto, & postremo in aqua fœniculi ℥ j. conficito pulverem tenuissim. tergendis & absumentis oculorum albuginibus, & attenuandis crassescens membranæ commodissimum.

℥. Succorum chelidonie, euphrasie, & fœniculi, singulorum ℥ ij. sacchari candefacti ℥ iv. vitriol. usti grana vj. Coquantur in syrupum oculis instillandum ex intervallis.

℥. Unguenti de tutia ℥ β. cui adde vitrioli usti, aluminis usti, utriusque grana ij. saponis alb. ℥ j. conficito linimentum.

℥. Calcis vivæ ℥ β. fecis vini siccæ & calcinatæ ℥ iv. diluito in lixivio claro cineris filicis & corticis fraxini, dein sapius transcolato, ac tandem per feltrum lixivium elcito limpidum, denique vase æneo ad mellaginem coquito. Elephantica omnia tubercula exterit.

Aliud dolore molestius.

℥. Sublimati ℥ j. pul. mercurii ℥ β. unguenti rosar. descriptionis Mesues paulum, ut fiat linimentum.

Discissa tubercula in crustam indurat, qua decidua adæquatæ parti cicatrix inducitur.

Aliud

Alius emplastri forma.

℞. Vitrioli calcinati, auripigmenti usti, utriusque ℥ij. emplastri de cerussa ℥ss. malaxentur simul cum unguento ros. Mesue, fiat emplastrum, cujus portiuncula, discissis elephantorum tuberibus, præmunita, refrigerant, & emplastico præsidio vicinia, ne medicamento acrimoniam & fervorem sentiat, imponetur.

Emplastrum quod maculas Elephantorum cutem deturpantes extirpat.

℞. Cantharidum pul. ℥ss. saponis nigri q. s. ut unguenti fiat consistentia cum aceto modico, imposito ac finito dum vesica extuberet, superdato tamen emplastico remedio, quod vesicatorium contineat.

Simplicia ad balneum Elephantorum.

℞. Malvæ violariæ, parietariæ, acanthi, singulorum M. iv. fumiterræ, morsus gal. utriusque M. iv. radicem althææ, sem. lini, utriusque ℔ij.

Unguenta Elephantis à balneo illinenda.

℞. Succum fumiterræ ℔ss. aqua ros. ℥iv. rad. serpentariæ majoris ℥ij. Coquito dum radix contabuerit, & succus pene absumptus sit: terito, dein adde axungia porci, butyri recentis, axungia capreoli, singulorum ℥iv. hydrargyri præparati ℥ij. ss. Caphuræ ℥ij. fingito linimentum.

Vel sic:

℞. Butyri recentis salis expertis, axungia porci purgatæ, utriusque ℥iv. eluito sæpius in succo fumiterræ, vel si hyems est, in aqua rosarum, dein addito, ac diligenter permisceto argenti vivi perpurgati ℥ij. ss.

Catapotia ex hydrargyro quæ retorrida bilis, & omnium acrium ac malignorum humorum ferociam domant & compescunt, eosque sensim expurgant, nullo ventriculi incommodo.

℞. Argenti vivi cum panis adhuc calentis mica, manibus ut plumbaginem deponat ac expurgetur, diu subacti ℥i ss. longa agitatione exacte misceto cum succi limonum momento, & olei è myrrha deprompti, semuncia adjecta terebinthina Venetæ, aqua ros. elotæ ℥ss. his postea adde auri purissimi præparati tenuissimum pollinem, vel si id desit foliorum auri ℥ss. ambaris ℥j. pulv. elect. Diamarg. frigidi & triasantalon simpl. utriusque ℥ij. aloes ℥i ss. fingito massam cum sequenti magmate.

℞. Foliorum sennæ integrorum ℔j. rhabarb. in frustula dissecti ℥iv. rad. arefactæ & tussæ, hellebori nigri nostratis ℥j. diem unum macerato in œnostagmate, quod dein exprimito & vitreo vase exceptum, adjecta sacchari pari portione in diplomate exhalare finito, dum magna melaginem referat. Remedium hujus dosis fuerit ℥ss. aut ℥ij. quindecim alternis diluculis, tribus horis ante cibum catapotiorum specie.

Calidis naturis commodius erit, quod sic habet.

℞. Hydrargyri à plumbagine repurgati ℥j. exacte misceto atque extinguito in aquis partibus syrupi de limonibus & de succo salviæ, adjecta terebinthina in aqua ros. elotæ ℥ss. dein adde elect. Diamargariton frigidi & triasantalon utriusque ℥ij. pul. elect. tragacanthi frigidi ℥i ss. myrrha, croci, gentianæ, ana ℥j. rhabarb. pul. ℥ij. Aloës lotæ in aqua endiviæ ℥i ss. auri præparati ℥j. fingito massam, addendo ambaris moschi optimi, utriusque grana vj. syrupi de stœchad. q. s.

In re tenui aurum detrahatur.

Omnium remedium Elephantorum vires superat catharticum nostrum metallicum, acrem omnem ac ferinam humorum omnium qualitatem ac malignitatem mire obtundens, ac nihilominus blande adeo alvum solvens, ut pueris & prægnantibus tuto dari possit. Constat ex hydrargyro & auro sic permixtis atque immutatis longa maceratione, ut vim cathartica assequantur. Una autem & eadem opera & pituitam, ac crassos omnes humores expurgat, & calidam ac siccam viscerum constitutionem emendat, datur granorum sex pondere. Hoc remedium Cadomi præparat Petrus Philippus, olim nobilis Typographus. *Julius Palmarius de Morbis contagiosis lib. 4.*

*Curationes, Consultationes, Observationes
& Anatomica inspectiones
ex variis.*

Curationes.

Elephantiasis seu elephantica lues, etsi tantum involucri corporis aliqua cutemque imprimit, eamque certis duntaxat in locis possideat, tamen ægerrimè, licet primum illi incipiat, præcaveri, multo minus si confirmata sit, curari poterit, præsertimque si hæreditaria sit. Necdum qui eam curant, hætenus inventi fuerunt, quamvis ij qui psozam, falso ab imperitis pro elephantiasi habitam, curant, se elephantiasim sanasse, gloriantur. Quæ licet ita sint, tamen non negligenda hæc lues, statimque ab initio huic, omnibus artibus occurrendum, & si penitus impediri nequeat, saltem ut protrahatur quam diutissime fieri poterit, cura adhibenda. Atque ubi vitia eruperint, hisce delendis incumbendum, ne agris si invalescant, tandem exitium pariant, cum nisi id fieret diu sapè possent supervivere. Dein & cum deformitatem summam hæc vitia creent, ut minus suspecti, diutius in hominum consortio versari queant, cura interdum palliativa illis quoque adhibetur: Quam magnates à Medicis sapè magnis promissis efflagitant.

Curatio elephantiasis duplici modo instituitur: Primum generatim toti huic morbo accommodata, postea particulatim vitiis tantum illius inde natis.

Generalis curationis scopus in eo consistit, si fieri possit, ut causam hujus luis, venenum scilicet illud evacuandis educamus & qualitatem venenatam inde natam emendemus: Verum

cum quæ peculiari quadam vi id efficiant, vel certis evacuationibus, ut in lue venerea, in hac non sint hactenus inventa, eoque modo in curatione illius procedere nequeamus; Curationis methodus plerumque vitii hisce pravis, quæ nascuntur delendis, accommodatur. Et proin cura non adeo absimilis huic, quæ in psora perversa, aliisque pravis maculis, pustulis ulceribusque malignis usurpari solet, in elephantiasi quoque instituitur, sequentibus modis.

Purgationes prout corpus humoribus superfluis, vel excrementis scatere cognoscimus, instituuntur, cum eas causæ venenatæ accommodare nequeamus, quam tamen ad melancholicum humorem educendum plerique dirigunt, præcipueque ea quæ illius excretionem moluntur, seligunt, permiscendo, illius humoris acrimoniam suâ humiditate & frigiditate temperantia, quæ cum & aliis acribus salis & biliosis pertinacibusque humoribus expurgandis competant, uti in cæteris vitiiis externis inde genitis, in scabie perversa & in lue venerea, sic & in hac lue, in qua & hæc plerumque congeruntur, locum habebunt. Quibus corpora hæc præcautionis loco & ne augeatur malum, veris & Autumnii tempore unâ vice vel pluribus purgamus: Interdum & intermedis temporibus, si impuritas cordis illud requirat.

Perficitur autem hoc ritè: Primum levioribus communia excrementa eluendo: Ut injectione Clysmatis stimulantis, qualia passim describuntur, eaque quæ in melancholiæ veræ cura descripta sunt, hic quoque possunt competere.

Vel datur eo nomine Cassia, Catholicon, Tryphera persica, vel Saracenica, Diasena dissoluta cum aquis convenientibus, vel decocto cicerum, aliove, vel cum Sero Caprino.

Vel ℞. Rhabarbari infusi in aqua Endiviæ, vel sero lactis ʒj. vel ʒiv. Syrupi rosarum solutivi ʒiβ. Cassiæ vel Catholici, vel Tryphera persicæ ʒβ. aquarum Buglossi, fumariæ q. s. fiat potio.

Horum loco vomitus aliquando, cum, ut minus excrementa coacerventur, juvet, in consuetis provocandus, tum levioribus sumptis, tum etiam fortioribus Hellebori præsertim usu concitatus.

Præparatio antè purgationem humorum præmittitur, cum syrupis, ut violarum vel fumariæ simplic. Buglossi, Endiviæ; Vel etiam fumariæ composito, Nymphaeæ, de Cucurbitis, dissolutis cum aquis fumariæ, Lupulorum, Buglossi, Endiviæ, Cichorii, Acetosæ, &c. Aromatis. pulvere Trionsant. vel santalis.

Vel hoc decocto: ℞. Buglossi utriusque cum radicibus M. ij. rad. Graminis, Asparagi, Liquiritiæ ana ʒij. cort. Capparum, Tamaricis ana ʒj. Herb. Endiviæ, Cichorii, Lactucæ, Capill. ana M. j. florum cordial. Cicerum rubr. ana P. j. quatuor semin. frigid. Major ʒvi. Sem. anisi ʒij. Passul. mund. ʒij. fiat decoctio & in ʒβ ij β. dissolve de syrupis prædictis, q. s. vel adde saccharum, aromatis. Trionsantalon: Pro 5. vel 6. vicibus.

Vel utatur Julepo præparante in Melancholiæ cura exposito:

Qui ℞. Syrup. viol. borrag. &c.

Aut eo qui ℞. Succorum Buglossi utriusque, de Pomis redolentibus:

Vel decocto quod ℞. Rad. Buglossi utriusque. Purgamus post præparationem prægressam sequentibus:

℞. Rhabarb. infusi in aqua Endiviæ ʒj. Agarici trochisc. infusi in syr. ros. sol. ʒij. Confect. Hamech vel Diasenæ sol. ʒij. Syrupi viol. ʒiβ. dissolv. cum aqua fumariæ, Lupulorum, &c.

Vel detur, Bolus: ℞. Catholici ʒβ. Conf. Hamech ʒij. de succo Ros. ʒj. cum saccharo, fiat bolus.

Aut hæc potio: ℞. Herbarum cum radicibus Buglossi alterutrius, vel Cichorii aut Endiviæ, foliorum fumariæ, summitat. Lupuli ana M β. seminum Endiviæ, Portulacæ, Melonum, Citri ana ʒβ. Anisi ʒj. florum Cordial. P. j. passul. mund. ʒj. Prunorum num. v. pulp. Tamarind. ʒβ. Radic. liquir. Polypod. ana ʒj. Foliorum Sennæ mund. ʒvi. Epithymi ʒij. adde sacchari, q. s. fiat potio. Possunt infundi Myrobalani vel Rhab. vel electuaria in ea dissolvi.

Horum loco dari possunt purgantia in Melancholiæ cura descripta;

Ut potio quæ ℞. Catholici ʒj. &c.

Vel quæ ℞. Sennæ, Polypodij, &c.

Vel Pilulæ ibidem propositæ.

Præparamus & purgamus interdum simul hoc Apozemate:

℞. Radic. Graminis, Asparagi, Rusci, cortic. Capparum, Fraxini, Tamaricis ana ʒij. Temperentur in vino acidulo, vel addito pauculo Aceto, radic. liquiritiæ ʒij. Rad. Enulæ ʒj. Herbarum cum radicibus Buglossi utriusque Cichorii Acetosæ, Lapathi ana M. j. Herbarum fumariæ, Lupuli, Mercurialis, Scabiosæ, Capillarium ana M. ij. Herb. Endiviæ, Dentis Leonis seu rostri porcini, lactucæ, Hepaticæ Lenticulæ aquat. ana M. j. Betonicæ, Thymi, summit. Rosmar. Chamæpit. Chamædr. ana M. β. Florum Cordialium, Genistæ, Tamaricis, Nenuphar. ana P. j. Semin. quatuor frigid. Majorum ʒj. quatuor seminum frigid. Minorum ʒβ. Sem. Acetosæ ʒij. Sem. anisi ʒij. Sem. fœniculi ʒij. Cicerum rubr. p. j. Passularum enucleat. ʒij β. Prunorum n. x. Jujub. Sebesten. ana par. v. Tamarind. ʒj. Polypodij quern. ʒiv. Sennæ ʒij. Seminis Carthami conquass. ʒiβ. Epithymi ʒvi. Coquantur omnia in aqua cum radicibus earumque infusione ut dictum, addendo sacchari q. s. aromatis. Santalo citrino, cinamom. vel pulvere Trionsantalon, vel Diamarg. frigid. Pro 5. vel 6. vicibus.

Per vices purgationes instituuntur, alias continuando per aliquot dies, alternis ternis, quaternisve semel, vel bis usurpando, prout corpus excrementis redundare videmus.

Syrupi, in hanc rem parantur, qui ad usum diutius conservari possunt; Componiturque ex apozemate prædicto purgante & præparante convenienter talis. Recipiendos radices, herbas, flores, fructus, semina uti illic demonstratum, atque addendo Tamarind. ʒij. Polypodij ʒvi. Foliorum Sennæ quart. j. β. Seminis Carthami conquass. ʒij. Epithymi ʒj. Hellebori nigri ʒβ. factaque decoctione in l. q. colaturæ, infundendo Myrobal. citrin. indarum confricat. oleo amygdal. dulc. ana ʒij. Rhabarb. ri ʒβ. Spicæ ʒβ. Cinamomi ʒj. Agarici trochiscati ʒv. factaque expressione, miscendo syrupi rosarum solutivi ʒiv. Sacchari ʒβ. & decoquendo ad con-

consistentiam syrupi: Cujus decens quantitas per se, vel cum jure Cicerum, aut sero lactis, vel decocto Mercurialis exhibeatur, vel cum aquis convenientibus.

Ex succis sic fiet: ℞. Rad. Polypod. liquiritiæ ana ℥ iij. foliorum Sennæ ℥ iv. Semin. Carthami conquass. ℥ i j β. Epithymi ℥ vi. Tamarind. ℥ ij. passul. ℥ j. Semin. Anisi ℥ ij. fiat decoctio in sero Caprino & in colaturæ ℥ ij. adde succorum fumariæ, Lupulorum, Buglossi alterius, scabiosæ, lapathij ana ℥ iij. Iterum decoquantur & despumentur, addendo Sacchari ℥ β. coquatur ad consistentiam, aromatizetur Santalis & cinamomo ad usum. Si succus Mercurialis addatur, erit efficacior.

Hellebori dilutum seu decoctum, ut ipsius acrimonia minuatur, aliqui sic parant. Fit decoctum in aqua ex endivia, cichorio, Buglossi, utroque, atque in ℥ vi. colaturæ infunditur Hellebori nigri radic. incisorum ℥ i β. & post macerationem aliquam decoquitur ad consumpt. duarum partium. Et de tertia dantur ℥ iv. cum syrupi viol. ℥ β. continuando per aliquot vices.

Epithymi pulverem ad ℥ ij. cum sero Caprino per mensis spatium & ultra propinant. Operabitur melius si pulveris & Epithymi, & Sennæ ana ℥ j. Tartari ℥ β. Sacchari Candi ℥ j. cum sero detur, aliquandiuque continuetur, quibus & alia ut Turbith addi possunt, & quæ grata sunt, pauca aromata. Quæ rectius quam pulvis Diasenæ, quem alias commendant, propinantur.

Electuarium gratum laxans: ℞. Pulpæ Castiæ fistularis ℥ i β. Pulpæ Tamarindorum ℥ i β. Pulpæ passul. majorum & Prunorum dulc. rob. de Pomis redolentibus ana ℥ j. Syrupi violac. & Ros. solutivi ana ℥ i β. Diagrydij ℥ ij. Subtilissimè triticum Sacchari Candi ℥ β. Turbith. ℥ iij. Pulv. rad. Liquirit. & Cinamomi ana ℥ i β. Misce in formam electuarij: Capiat ℥ ij. experiundi primùm gratiâ, postea plus minusve prout operatio successerit.

Medicamentosum saporem magis habebit, si omisso Diagrydio & Turpeto, hisce pulpis Catholicon, Trypheram, syrupum rosarum solut. cum infus. Rharbarbari addas; Item pulv. Rhabarbari, Sennæ. Vel fortiora solutiva elect. ut de succo rosarum, Hamech, Diasenam, de Citro similiaque.

Conveniunt & in eisdem usus ejusmodi per vices usurpatæ purgationes, in melancholiæ cura expositæ: ut apozema vel syrupus ex succis parata: vel vinum aut electuarium: Pulvis item.

Uti & alia aliqua, quæ in cura scabiei perversæ fuerunt, declarata ut serum lactis cum permissione aliorum; syrupi item usuales decoctaque purgantia: Ex succis paratus syrupus: dein & vina purgantia: In primisque Infusum vel decoctum Hellebori potionesque aliæ electuaria & pilulæ, quorum illic meminimus.

Multa quoque in lue venerea exposita purgantia, maxime quæ in acrium humorum redundantia illic competere diximus hic quoque usurpari poterunt.

Finitâ purgatione visceribus robur additur, exhibitione conservarum rosarum, Buglossi utriusque Cichorij, Violarum, Capill. Ne-

nuph. vel tabul. Diarrhodon, Trionfantalon Diamargaritonis: vel Theriacæ, cum conserva Buglioni similibusve.

Sanguinis detractio per venam sectam, Veris & Autumnii temporibus, cum generales purgationes fiunt, ante horum usum institui solet, ad generalem totius corporis evacuationem faciendam, cum alioquin per eam semina hujus luis, quibus sanguis in venis, uti ostendimus infectus non est, tolli nequeant, atque eo nomine minimè institui debeat. Fitque hæc in brachio atque in plethoricis mox quoque sequentibus diebus in manu vel pede: Vulgò si sæpiùs phlebotomia utantur, hæc malum præcaveri posse creditur: Cum tamen per eam corpore exhausto, lues citiùs & amplius invalescat. Temere quoque ut vulgatæ opinioni satisfiat, sanguis, ut ex eo lues hæc cognoscatur, dum examini sistuntur, emittitur & censetur.

Scarificationem singulis mensibus repetitam, in scapulis, tibiis, adhibitis insuper cucurbitulis, convenire admodum credunt; vel etiam sanguisugas illic adhibitas.

Menses movere, si tardi vel omninò suppressi sint, valde utile, vena Malleoli sectâ, aliisve illud præstantibus.

Hæmorrhoides provocare inprimis quoque conveniens, applicitis in podice sanguisugis, aliisve admotis.

Ultio per Cauteria actualia & potentialia, si fortè extremum hoc remedium aliquid efficere posset, aliquando tentatur, non solum in brachiis aut tibiis, uti magis consuetum, sed & in capitis superficie quandoque facta.

Castratio in virili sexu à veteribus in desperatis interdum instituebatur: idque fortè quod per eam totius corporis temperamento immutato, in iis sic examinatis redditus, atque aliam planè constitutionem adeptis, morbum hunc faciliùs cessurum, crederent. Quo remedii genere eo minori cum difficultate sunt usi, quod elephantosis alioquin ne alios inficiant, congressus interdictus sit, & illis sublata virilitas nullum afferat in ea functione ipsis non necessariâ, incommodum, utque etiam eo nomine à coitu arcerentur, quàm ut sic curarentur.

Alteramus ipsorum corpora, ut si fieri possit in meliorem statum ducantur: Verùm cum intemperies non manifesta, ratione hujus luis se patefaciat, non quæ certâ qualitate contraria illi resistent, possunt illi opponi: Sed usurpantur plerumque quæ acrium humorum proveniunt impediunt, eosque contemperant. Dein & cum observatur in ejusmodi corporibus siccitas, ariditasque & consumptio quædam; quæ humectando reficiendoque corpora ejusmodi, restaurent reficiantque, plerumque ipsis præscribuntur. Inter quæ multa ex illis quæ in hætica competere diximus, hic quoque possunt convenire: uti & sequentia.

In Aëre puro, non valde fervescente, sed temperatiore versentur, sintque procul ab illis qui hac lue infecti sunt, semoti.

Cibus euchymus ex carne juniorum animalium, jusculis, ovis, lacticiniis, oleribus, fructibusque humectantibus & temperatis: Ut in hæticis & consumptis convenit.

Ranarum uti & Astacorum fluviatilium & Testudinum aquaticarum & nemoralium carnes

comestæ, uti in hecticis sic, & hîc probantur.

Potus sit aqua vel vinum non nimium potens vel dilutum: Interdum & lac caprinum bibant, aliaque decocta in hectica exposita.

Medicamenta varia quæ refrigerant & humectant seu temperata sunt, atque acres humores contemperant, hinc inde in aliis vitiis externis descripta, hîc quoque possunt competere. Uti & illa quæ in febre hectica describuntur: Julepi, Syrupi, Aquæ, Confectiones, Condituræ.

Inter reliqua hoc electuarium maximè illis conveniet:

Quod ℞. Conf. florum Buglossi utriusque ℥i β. florum Cichorii, Violarum, Nymphææ & Rosarum ana ℥j. Capill. Vener. Rosmar. ana ℥β. Rad. Buglossi condit. ℥j. specierum Trionfanton vel Diarrhodon, Diamarg. frigid. ana ℥β. trochiscorum de Camphora ℥j. cum syrupo de Pomis redolentibus, misce.

Superbibat aquas Fumariæ, Lupul. Buglossi utriusque, Endiviæ, &c.

Alia multa quæ hepati conveniunt & lieniquorum vitio sanguinem immundum genitum huius occasionem præbere putant, propinant, & foris simul hisce visceribus applicant, passim in morbis ipsorum ab intemperie calida & obstructione progressis descripta. Quæ tamen nisi hæc viscera manifestè sic affecta cognoscamus, inutiliter plerumque usurpantur.

Antidota quædam quæ peculiari vi elephantiasis contraria esse creduntur, præcæteris commendantur, suntque sequentia.

Viperarum carnem quocunque modo assumptam, in primis elephantiasis resistere, plerique statuunt. Alij etiam aliorum Serpentum cujuscunque generis, etiam cæcorum usu, cutem cum vitiis illi adnatis abscedere posse, ex eo colligunt, quod cum ejusmodi serpentes exuvium quotannis exuant, hoc ab innata illorum carni vi procedere, & proin etiam in homine idem operari posse, existimant.

Exhibetur autem hæc caro ipsis, præparata variis modis: Aliàs cocta in jure aliquo convenienti cum sale, uti anguillarum caro, pelle etiam, uti in illis, prius detracta, aut alioquin per coctionem derafa, capiteque & caudâ amputatis, & exenteratis visceribus: sic enim, cum se anguillas comedere, illis persuadeatur, minùs à cibo hoc abhorrebunt. Licet & aliter sic coctam & dein incisam, aliove modo conditam, ut minùs eam agnoscant, præparatione possimus efficere. Cujus usû cutem squamarû instar certis in locis vitiatis abscedere, aliqui prodiderunt.

Sufficit & jus interdum, in quo caro hæc coxerit, ut illud sorbeant, vel una cum carne comedant. In quo præter sal, semen Anisi, Anethum decoqui possunt; alij etiam Mentham addunt vel Porrum.

Syrupus ex Jure prædicto Serpentum, addito Saccharo, Cinamomo, aliquando coquitur, ut ad usum diutius asservari possit: Eaque formâ sæpius exhibetur.

Alij, si Gallinæ carne serpentum tamdiu donec pennæ illis decidant, saginentur, & postea coctæ comedantur, idem præstare docent.

Sunt qui & Vinum in quo vipera extincta fuerit, propinatum præbent.

Exiccata quoque caro viperarum, ut diu ad usum servari, & cum non passim viperæ invenian-

tur, etiam alio transmitti queat, in trochiscos redigitur. Ad quos parandos sumitur caro ipsarum tantum, abjectis ut dictum etiam extrematibus & visceribus, atque cum Anetho & sale in aqua coquitur, postea tunditur, & cum panis triticeus micis quarta parte in pastam cum jure subigitur, indeque in Pastillos formatur atque exiccatur: Talesque Pastilli, trochisci de Therio quo nomine viperas Græci appellant, vel de viperis nominantur. Licet è serpentibus aliis eodem modo paratos, æquè efficaces esse aliqui judicent.

Hi autem trochisci rariùs per se, sed cum conservis permisti usurpantur. Quales in electuario supradicto descriptæ fuerunt. Cui & si trochiscorum horum ℥j. vel plus addatur, efficacius reddetur. Dein & cum hi trochisci Theriacam subeant, eam propter ipsos, vel quia aliàs venenis resistit, huic veneno adversatur, Elephantiasis quoque exhibent.

Astacorum fluviatilium, cancrorum vulgò dictorum carnem, eadem vi quâ & serpentum operari, ex eo quod uti illi exuvium sic & cancri testam quotannis mutant, colligunt, nec solum vi reficiente, quâ & prodesse diximus, sed & hac potissimum operari, putant.

Herinacei terrestres carnem exiccata seu assam in cibis quoque exhibet Dioscorides & Salamandram aliis medicamentis miscet: Quæ si quid in hac lue possunt, proprietate quâdam illud moliantur.

Sanguinem humanum à recenter jugulato, bibitum, profuisse, historiæ aliquæ, si non potius fabulæ sint, testantur: Aquam inde destillatam similiter probant.

Cornu Cervi & Eboris rasuram elephantiasis, ut & aliis venenis resistere aliqui docent. Imprimisque magnatibus, unicornu, ut pretium augeatur, commendant, magnique faciunt.

Smaragdi pulvis exhibitus aliquibus magni fit.

Lepræ perfectam curam Chymici pollicentur, per legitimum usum Auri potabilis, Tincturæ Antimonij exaltatæ, Tincturæ veræ & genuinæ Coralliorum, adhibitis specificis purgantibus, inter quæ extollunt, Arcanum Corallinum, Mercurium dulcem, pilulas Antimoniales per secessum tantum purgantes: Clarissimus D. Hartmannus Viridelli, & Essentiæ sulphuris vitrioli dulcissimæ usum, in cura lepræ in sua praxi Chymiatica docet & commendat.

Externa remedia, quibus in generali elephantiasis utimur, sunt Balnea, si forte illorum continuo usû, vis illa venenata & maligna cuti membranisque impressa, auferri atque extirpari posset, & si hæc lues maturè præcaveri, aut etiam si jam invaluerit, curari: Vel saltem per hæc in delendis tuberculis, ulceribus & cutis scabritie, quousque hæc deformitas palliari. Suntque ejusmodi balnea vel naturalia vel artificialia.

Naturalia balnea sunt aquarum dulcium calefactarum, quæ certis temporibus corpore prius & postea quoque bene purgato, frequenter usurpata, Veris & Autumni temporibus, ante & post prandium, in iis sedendo, perseverando in usû horum per tot dies, donec cutis efflorescat, rursumque sanetur, de hac causa maligna in superficie cutis latente, multum demere possunt.

Thermæ Naturæ calidæ validius id præstant, Sulphuræ præsertim, quales sunt in Helvetia nostra, in Argovia, Badenſes, in Valesia Brigenſes, aliæve aliis in locis, quæ uti scabiem cuiuscunque generis, vi singulari, uti in ea dictum, sanant, sic & in lue hac eadem vel malignam illius vim absumere, vel tantum vitia inde nata, si non penitus, saltem ex parte delere possunt; si diu illis, uti alias fieri solet, utantur. Eoque nomine ad has thermas non solum, cum de hac lue constat, sc. ut malum celare aliquandiu possint conferunt, sed & cum de ea adhuc dubii sumus, post examen, eò, an fortè aliqua inde sequutura esset mutatio, illos ablegamus.

Artificialia balnea humida in quibus sedeant, illisque uti de naturalibus dictum, diu utantur, ex aqua fiunt, in qua varia, quæ cutem rarefaciendo & detergendo pravos succos absumant, decoquuntur. Qualia sunt ex radicibus cum foliis, Althæa, Lapathum, Ebulus, Enula: radices item Ari, Serpentariæ, Cucumer. agr. Bryoniæ, Cyclaminis, Iridis, Raphani, Hellebori utriusque, Liliorum; Item herba una cum radicibus, Malva, Buglossum utrumque, Cichorium, Endivia, Sonchus, Beta; Item Absinthium, folia item Sennæ, fumariz, Lupuli, Scabiosæ, Saponariæ, Parietariæ, Violariæ, Hepaticæ, Lenticulæ aquaticæ, Senecionis, Acetosæ, Agrimoniz, Artemisiz, Plantag. Polytrichi, Hederæ utriusque, Chelidoni utriusque, Nymphetæ, Tamaricis; Flores Chamomill. Meliloti, Sambuci. Dein & fabæ aliæve legumina. Furfur macrum, Semina Lini, Fœnugræci, & Cucurbitacei generis.

Hisce plerumque sulphur, Alumen vel Sal addunt, maxime ubi jam aliquoties leviori decocto usi fuerint.

Adduntur & alia, forte artum causâ, Primulaveris, chamæpityſ. Item odoratæ plantæ, ut Calamintha, Rosmarinus, Lavendula; sunt qui & quinque Aperitivas radices addant.

In scabie perversa exposita balnea humida non multum ab hisce differentia, hic quoque locum habere possunt: Inprimisque efficax illud quod Gypsum cum aliis recipit. Uti & decocta quædam, quibus maculas vitiosas ablui debere, in illa ostendimus, pro balneo hic usurpari poterunt.

In sanguine humano si sedeant, eoque balnei vice utantur, profuisse quibusdam, historiæ aliquæ testantur.

Sicca balnea in aëre calefacto, cum nimium corpus accendant, & violenter ad superficiem corporis, humores propellant, non ita probantur. Possumus tamen & illis, ex suffitu decoctionis balnei humidî, leviter calefactis & tepesactis, aliquando corpus, antequam balneum humidum intretur, ut hoc melius operetur, sic disponere.

Illitiones variæ quoque extrinsecus pro generali etiam cura hujus luis fiunt, in corpore hinc inde, ubi præsertim cutis pustulosa, ulceroſa & scabra tumidaque occurrit, ad vitia hæc tollenda, & si fieri posset, malignam illam impressam qualitatem aliquo pacto auferendam. Fiuntque ex illis quæ vi exiccante detergenteque illud agant, additis insuper iis, quæ proprietate quadam id efficere posse existimantur, qualia à Serpentum genere desumpta existunt;

sic axungiam illorum inunctam, idem quod carnem ipsorum assumptam, præstare posse, putant, nimirum ut cutis inde cum vitis illa adnatis abscedat. Uti & oleum in quo caro Serpentum coxerit, vel serpens vivus suffocatus fuerit: Carnem ipsam coctam aliqui inunctionibus quoque miscent.

Ex prædictis itaque tale fiat Unguentum.

℞. Radic. serpentar. utriusque, Asphodeli vel liliorum, Enulæ campanæ, Betæ, croci sativi ana ℥j. pistentur optimè oleo rosaceo omphacino, adde unguenti Citrini ℥ss. Axungiz Serpentis ℥ij. Terebinth. ℥ss. Olei de frumento vel vitellis ovorum ℥i ss. Olei de Tartaro ℥ij. Sulphuris vini, Nitri ana ℥ij. Lithargyri vel cerullæ ℥ss. Boracis ust. ℥vi. Tutiz præpar. Sarcocoll. nutrit. thuris ana ℥ij. Mucilag. sem. lini ℥ij. Succu lapathii, fumariz, limonum, ana ℥ij. Agitentur invicem in formam nutriti: Ungantur partes scabræ, ulceroſæ & pustuloſæ.

Vel fiat tale: ℞. Succorum Limonum, vel arant. vel citri, Lapathi, fumariz, scabiosæ, enulæ camp. ad ℥j. Aceti ℥ij. Aquæ vitæ ℥j. Olei rosac. omphac. Myrtillorum vel Maltichini ana quart. j. ss. coquantur ad succorum consumpt. addendo olei vitellorum ovorum ℥ij. de Tartaro ℥i ss. Saponis gallici ℥ij. Axungiz serpentis ℥iv. Pomatæ ℥ij. Fellis tauri vel hirci ℥ss. Mucilag. sem. psyllij vel lini ℥ij. Mellis ℥i ss. Radic. Ari vel serpent. cucumer. agreſt. cyclaminis, Ireos, ana ℥ij. Hellebori utriusque ℥ij. seminis staph. agr. Raphani ana ℥j. Boracis & Tartari uſti ana ℥ss. Sulphuris vini ℥ij. Ossis sepiæ ℥ij. Cochlearum terreſtr. cineris ℥j. Camphoræ ℥i ss. Lithargyr. tutiz & cerullæ. na ℥i ss. Agitentur diligenter & fiat linimentum: Pro partibus affectis in corpore.

Hisce & alia addi possunt, veluti oleum de frumento, de semine raphani, oleum in quo coxerit serpens, succus cyclaminis: item Nitrum.

Posset & argentum vivum hisce unguentis addi, quod licet venenatam illam vim in elephantiasi, uti in lue venerea, minimè extirpet, & proin non eam uti illam sanet, tamen quia vitia hæc externa in cute, in utrisque admodum emendare solet, ob eam causam illis quandoque misceri poterit, non tamen eâ quantitate aut ea ratione, præsertim si generaliores fiant inunctiones, qua luis venerea venenum expellit, non possit hoc in elephantiasi præstare, sed saltem ad vitiorum ablationem opitulari, & proin in particularibus, quæ tantum ut pustulis adhibentur remediis, rectius usurpatur. Quod si tamen generalibus etiam inunctionibus permiscere velimus, poterimus prioribus unguentis primò præsertim, argenti vivi ℥j. addere.

Vel tale cum eo linimentum parare:

℞. Unguenti Citrini quartarium j. Olei ovorum ℥j. Olei de Tartaro ℥ss. Argenti vivi dissoluti cum pauca terebinth. & unguento prædicto. ℥ss. Succu Limonum vel arantiorum ℥ijss. Boracis ℥ij. Radic. serpentariæ vel ari, lapathi & asphodeli vel liliorum, parum tostorum & contuſ. & cum prædictis mistorum ana ℥ij. Misce.

Si prædictis linimentis & unguentis theriaca Andromachi & oleum Juniperi admisceantur, valde augebitur ipsorum virtus & operatio.

Particulares applicationes, vitis tantum adhibentur, à lue hac prodire solitis, ut licet lues hæc sanari nequeat, saltem vitia hæc minus deformant aut noceant. Usurpanturque tum in vitis externis, si forte ea delere vel aliquo pacto imminuere aut obliterare, ut minus appareant, possint, ut pustulis & ulceribus internis, in Dyspnæa, atque oculorum Pellicula.

In pustulis externis, tuberculis, aliisque tuberositatibus cutis, tum in facie ubi magis patent, tum aliis in locis, applicantur remedia: Fiuntque ex illis quæ exiccando detergendoque potissimum illud agant, vel vi potentiore & caustica. Quâ ratione & cutis nigredinem in cosmeticis & maculas & pustulas rubras aliasve prævas, ut vitiligines similesque deleri, in ejusmodi vitis ostendimus. Quæ remedia externa illic exposita, tam leviora, quam fortia, uti & interdum caustica illic enarrata, cum pustulæ delendæ sunt, hic quoque locum in ejusmodi vitis tollendis habere possunt: Quæ variis modis & formis applicantur.

Ex illis quæ nondum erodunt, aquæ destillatæ ad faciem plerumque usurpantur. Qualis hæc est.

℞. Sulphuris ℥vi. Tartari calcinati ℥ij. salis nitri, vitri crystallini calcin. ana ℥j. Thuris, Myrrhæ, ana ℥iij. Camphoræ ℥j. Succu Lapathi, ℥iv. Succu Limonum ℥ij. Aquæ rosarum, florum fabarum vel florum Nynphææ aut Plantag. ad ℔j. destillentur.

Alia aqua: ℞. Tartari calcinati quartar. j. Boracis ℥ß. Thuris vel Mastiches ℥ij. Sacchari candi ℥j. Camphoræ ℥j. pulveris, & subigantur cum mucilagin. Seminis psyllii vel infus. Gummi tragacanth. factis cum aqua flor. fabarum vel nenuphar. ℥vi. albumin. ovorum agitatissimum. 3. succu Limonum vel Arantiorum ℥ij. vel iij. Destillentur in Alembico.

Alia aquæ quoque idem præstare possunt in discoloratione, inter cosmetica exposita efficaciores, quæ urinam, tartarum, sublimatum cum cæteris recipiunt, vel ex pluribus componuntur & in pustulosa rubra facie, descriptæ aquæ, inprimisque illæ quæ Lithargyrium & tartarum cum aliis admittunt. Dein & in maculis aliis diversorum generum ibidem declaratæ aquæ ex variis compositæ & cum tartaro effectæ.

Liquor albus, quo instar lactis vaginalis uti possunt, ad illinendam faciem aliave tubercula:

℞. Lithargyr. ℥iß. Aceti albi ℥vi. Succu Limonum vel arantiorum ℥ij. Aluminis vel salis gemmæ ℥ij. Tartari calcinati ℥ß. Camphoræ ℥j. Macerentur & agitentur sæpè, ad usum, vel coquantur parum, si statim eo uti velimus.

Vel sulphuris, salis nitri & Crystalli seu vitri Crystallini tenuissimè triti aquæ portiones, parum coquantur, in aceto forti albo: Et cum colatura facies illinatur.

Alii liquores in facie pustulosa in discolorationibus descripti cum sulphure, vel lactei ex lithargyrio parati; horum loco usurpari poterunt. Uti & lac virginale in maculis aliis ibidem declaratum.

Inunctiones privatis partibus adhibentur variæ, quales in discoloratione copiosè sunt expositæ, ut in cosmeticis, unguentum citrinum, quo facies illinitur potissimum, paratum uti illic descriptum fuit. Dein & in pustulosa rubra

facie, propositæ ex variis concinnatæ: Uti & in aliis maculis illic descriptæ, ex succis plantarum, aliisque inde petitis, & ex oleo vitellorum ovorum & tartari, aliisque cum helleboro factæ; Item ex sanguine leporis & fellibus. Inter quæ Capræ sylvestr. fel in elephantiasi probat Dioscorides, oleum lacertæ etiam hic magni fit.

Aliud ad pustulas valdè efficax unguentum.

℞. Aloës ℥iij. Radic. Asari ℥j. Hellebori utriusque ana ℥ß. Seminis Staphi. Agr. ℥j. Colocynthid. ℥ß. Felli stauri q. s. fiat linimentum.

Ex argento vivo, in discolorationem uti & in luis venereæ maculis & pustulis enarratæ illitiones, hisce quoque vitis appositæ; admodum opitulantur, quæ inde peti possunt.

Aliqui hoc remedium extollunt: Ova duo vel tria macerentur in Aceto forti tamdiu, donec testa consumatur, postea contendantur, addendo quartam partem illius aceti; misceaturque pulvis Thuris, Pro facie inungenda. Si Saponem nigrum vel aliud addas, efficacius erit.

Caustica quibus ad pustulas delendas utimur, in discolorationibus copiosè fuerunt in macularum cura exposita, ex sublimato plerumque præparata. Uti & cauteria, quibus in elephantiorum vitis delendis quoque uti possemus.

Vel fiat talis illitio. ℞. Unguenti Citrini, olei de Tartaro an. ℥ß. succu limonum ℥j. sublimati ℥ß. axung. Serpentis vel gallinæ ℥ß. fiat linimentum: Pro facie.

Sunt qui vermes natos in serpente sub terra defosso colligunt, eosque siccatos cum Cantharidum æquo pondere & acri aceto subigunt, atque in unguentum redigunt.

Ablutiones faciei fiunt, ut unguenta aliaque abluamus, ex decocto fursuris macri, fabis conquassatis, illarumve Corticibus ciceribus oryza, Hordeo, lupinis confractis saltem non in farinam redactis, ne passa cum decoquitur, fiat, sicuti & decoctum pro facie illustranda, in cosmeticis fieri diximus. Cui decocto & flores Fabarum, Nenupharis addi possunt, & Malum arantium in frusta dissectum prius.

Vel lavetur facies aliis aquis, ut florum fabarum, vel decoctis, in facie tuberosâ rubrâ, vel fuscâ, in cosmeticis & maculis expositis.

In ulceribus externis, serpentibus, callosis, multa ex illis remediis, quæ pustulis convenire diximus, juvare poterunt. Vel utimur illis quibus alia prava ejusmodi ulcera curari, in doloribus exposuimus:

In pilorum casu topicis præfidiis in pilorum defluvio in deformationibus prolixè expositis, illud quoque vitium avertere studebimus.

In pustulis internis & ulceribus inde natis, narium, palati, faucium, non alia remedia, quam quæ in cæteris harum sedium ulceribus, in doloribus descripta sunt, quoque adhibentur. Uti & si columella exesa sit, raucedoque inde proveniat, sicuti in utroque hoc affectu quoque ostensum, procedendum.

In dyspnæa & raucedine, pulmonum affectorum causa, quæ in illis affectibus cura describitur, etiam hic adhibebitur. Et si narium obstructarum causâ difficulter aërem attrahant, illic quoque, quid agendum, declaratum fuit.

In oculis enascens pellicula carnea rubra, ne pupillam obtegat, & cæcitatem pariat, maturè

turè quantum & quandiu fieri poterit, impediendum, idque non aliâ ratione, quàm ea, quæ in panniculi oculi cura, in visus læsionibus, tum si alias ob causas, tum ob hanc lèvem eveniat, fuit copiosè descripta. Quod si palpebrarum accedat rubedo, xerophthalmia vel scabrities, eodem quoque modo in illis, uti in aliis illorum ejusmodi affectibus, procedendum. *Felix Platerus Præceps Medic. T. 3.*

Consultationes.

De Lepra. Pro Eleganti Muliere Cretenfi.

Cum Juvenis Hebræa Cretenfis, annorum 20. temperamenti calidi, & sicci, menstruis parcius fluentibus, totius corporis pruritu diuexata fuisset; cum tuberculis, quæ Effere vulgo; iidem prorsus subsistentibus biennio abhinc, vniuersum illi corpus fœdatum est; cum vlcusculis in dies magis, magisque serpentibus, atque ichores acres; & mordaces jugiter effundentibus; quibus non rarò accedebant rigores, & febres; ijque aliquando exsiccatis, squamosa excrementa emergunt; recrudescuntibus tamen paulo post denuò majori molestia vlcusculis eodem ichore manantibus. Quæ affectio pluribus hætenus in Patria tentata remedijs; sanguinis frequenti scil. educatione ex saphena; duobus fonticulis vtrique interno femori inustis, ac seri lactis caprini usu, cum impermixti, & copiosioris, tum addito rhabbaro. Extrinsecus quinetiam succis refrigerantibus. & aliquando detergentibus applicitis, nec prætermisso balneo vniuersali ex aqua dulci detergentibus alterata. Quæ cum irrita fuerint, Medicam exposcit manum.

Primò itaque hujus affectus essentia, & causa inquirendæ, atque cum pruriginosarum cutis affectionum plures sint, species duplex tamen potissimum earum genus complectitur, vniuersalium, & particularium, præsens affectus particularibus non est accensendus, ut patet ex ejus historia: proinde, nec herpes nuncupandus, quo laboravit Illustris illa patiens, à Gal. memorata 14. Meth. cum eodem teste, malleolum obsederit. Vniuersalis autem triplex cum sit, Scabies, Lepra, & Elephantiasis, de hac postrema omnis prorsus abest suspicio; quæ cancer est vniuersalis, Galeno, in qua varia in cute prominent tubercula, in fronte potissimum, aures sunt acutæ, resinæ nares, labra crassa, & tumida, cutisque subrubra, & dura torpescit, ex Gal. Lib. de Morb. Causis. 2. ad Glauc. & Libro de Atra bile, quorum nullum in hac Patiente est conspicuum. Quamobrem statuendum censeo, affectum hunc vel esse scabiem feram, & confirmatam, vel Græcorum lepram incipientem, ab Avicenna Albatam nigram nuncupatam, cum squamæ se prodant, lepræ indicio luculento, Actuário teste, inter Græcos non obscuri nominis 2. Method. Utunque tamen, cum utriusque affectus eadem sit causa, præter solum discrimen ejusdem gravioris & levioris, censendum est, præsentem ortum ducere à sanguine melancholico exusto, in jecore fervidiori genito, nec per vterum stato circuitu ex temperamento patientis, ætate, vita præterita, & potissimum ex regione

ipsa; qui sua crassitie vteri venas prorsus obstruens, atque ad partes cutaneas refluens, tenuiori sui parte solum pruritus antehac induxit; crassiori verò sub illis coercita, altius carnem depascit; inusta quinetiam intemperie calida, & licca, qua purum sanguinem, qui in eandem partium alimentum cedit, corrumpit; atque affectum præsentem fovet, juxta Pauli, & Aristotelis sententiam, quod scil. lepra non solam cutis superficiem sed & intima absumat.

Quæ cum ita se habeant, quam difficilis curationis futurus sit hic affectus, patet luculentissimè, cum sit in habitu, à quo periculum insuper imminet elephantiasis, seu lepræ Arabum. Prout enim Elephantiasis Græcorum in lepram facessere potest, contemperato humore, & expurgato sanguine illo fœculento in visceribus, & venis redundante, & ab iis ad partes cutaneas transmissio; ita non difficili negotio lepra in elephantiasim desciscit, exuberante vicissim atra bile, atque viscera ipsa gravante.

Curatio itaque tentanda, atque humores corrupti cuti impacti detergenti, non sine aliqua adstrictione, & partis corroboracione; fluxio derivanda mensis cientibus, & ad alias partes revocantibus; tum novus hujus humoris proventus prohibendus, jecur refrigerantibus, & humectantibus, atque pars affecta contemperanda. Tandem boni succi alimentis sanguis impurus reparandus, corroboratis visceribus, cum venoso genere, quò humores corruptos à se propulsent, & extrudant, ac partes ipsæ idoneo alimento nutrantur, præmissa vniuersali corporis purgatione, quam hucusque accuratius institutam missam facimus.

Chirurgica itaque præsidia quod spectat, prout nobis commendatur repetita sapius sanguinis missio ex partibus inferioribus præmissio vteri fotu, ex humectantibus, & modicè attenuantibus quò sanguis fluidior fiat, adhibitis frequentibus pedum, & crurum frictionibus, ac lotionibus aqua altera malva, althæa, floribus chamæmeli, & meliloto: ita temporis progressu, sanguis corruptus in partibus sub cute conclusus, cucurbitulis scarificatis indidem affixis, vel hirudinibus apposis educendus fuerit, reſeratis quinetiam hæmorrhoidibus, derivationis causa, quanquam huic evacuationi naturam assuefaciendam non esse censeam, hoc potissimum ætatis flore, ne facta hac materia metastasi, in totum supprimatur menstrua purgatio, cum sterilitatis periculo: ut hanc ob causam nubere quam maxime ipsi consulum censeam, licet non sine præſenti conjugis discrimine, cum affectus sit contagiosus.

Pharmaceutica plura quidem suppetunt interna, & externa, atque in internis duo, me judice, potissima. Primò quidem viperæ in cibi usum per multos dies, in modum anguillæ, abscisso capite, & interioribus rejectis, ob venenosam harum partium naturam, atque amputata cauda, velut nulli usui, per diem in aqua macerata, ademptis exuviis, mox cum oleo anethino in aqua, cum modico sale cocta, summopere in hoc affectu commendata ab Auic. & Aëtio, atque propria experientia maximè ex usu compertæ, longè quidem potiori ratione, quam solum vinum, in quo eadem

eandem extincta fuerint elephantiasin sanat, ex Gal. Lib. de Subfigur. Empir. & Isagog. Cap. 12. ubi plures memorat huiusmodi historias; cuius propterea potum suaderem. Aliud remedium accommodatissimum erit lactis potus asinini in primis, velut magis detergentis, & tenuioris substantiæ: quotidie mane ad libras duas, cum saccharo, & cremore tartari, quo dejectorium fiat. A quibus, continuare poterit usum jusculorum ex cichorio, cum ejusdem succo, ad vnc. 1. quotidie, non prætermittis alijs aperientibus, & mensis cientibus.

Externa remedia erunt primò valida detergentia; in quibus linimentum ex sulphure viuo, nitro, sale, lapatho, & lupinis exceptis oleo amigdal. in formam linimenti; quo illinendum totum corpus, immergendum primò in Aquis Thermalibus sulphureis; vel aqua marina moderatè calida, tertia qualibet nocte per horam ante cœnam, quintum, aut sextum; quæ excipiant refrigerantia, & humectantia; & potissimum Balneum aquæ dulcis; inuncto toto corpore oleo amygdalino, temperandæ cutis fecitati.

Quibus accedat recta victus ratio; in qua abstineat ab omnibus carnibus, & piscibus salitis; quibusvis leguminibus, carne bubula, caprina, ceruina; auibus palustribus, atque omnibus aliis melancholiæ feracibus; necnon à vinis generosis, & subastringentibus: quorum loco uti poterit piscibus petrosi, carnibus agnini, veruecinis, cucurbitis, melonibus, lactarijs, hujus generis refrigerantibus, & humectantibus, ac vino item albo, tenuis substantiæ, oligophoro, & aliis huiusmodi. Quæ in præsentî affectu potiora duxi. Quæ ut ad vota succedant, faxit Deus salutis Author. *Benedict. Silvatic. Consil. & Resp. Medic. Cent. 4.*

Elephantia incipiens.

Nobilis annos quinquaginta natus, carnosus quidem, sed tamen squalidus, & ad eum accedens habitum qualis est ictericorum, facie rubicunda, seu ex rubro livescente, sanguine crasso nigroque perfusa, qua macula nigra, aut livida, interdum exoriebantur, ut etiam in reliquo corpore, sensu nullo aut obtuso præditæ, sed sine siti, sine cibi fastidio, & aliis symptomatis gravioribus. Infinitas hic potiones hauserat medicas, & sudoribus corpus exsiccaverat in balneis calidioribus, non sine valetudinis jactura. Verebatur ne Elephantia corripereetur, cujus jam videbatur rudimentum.

Rescripsit D. Fernellius hæc remedia.

℞. Radicis acetosæ, lapati acuti, & Enulæ campanæ, Polypodij quercini, seminis Carthami, Passularum mundatarum an. ʒss. Endiviæ, Cichorij, Plantaginis, Buglossi, Boraginis, lupulorum, Fumariæ, Cuscutæ, Ceterach. Chamædryos, chamæpityos, an. m. j. florum violarum p. ii. Fiat decoctio ad ʒxvi. In colatura infunde per noctem Epithymi ʒss. Foliorum Sennæ mundatorum ʒv. agarici albi ʒij. gingiberis ʒij. Mane bulliant parum, & fiat expressio in qua dissolue succorum depuratorum Fumiterræ & Plantaginis an. ʒiv. Sac-

chari albi lib. jss. Fiat syrupus perfectè coctus, dosi ʒij. vel ʒijss. cum sero lactis, quinto aut quoque sexto die.

℞. Conservæ Buglossi, Boraginis an. ʒi. Rasuræ eboris, & cornu cervi, an. ʒj. Mithridatij veteris ʒij. Misce produabus dosibus post purgationem, horis iij. ante cibum.

Post tertiam aut quartam purgationem vena secetur interior brachij sinistri, detrahaturque sanguis ad ʒx. Deinde si quâ ratione fieri potest, referentur hæmorrhoides: primum quidem fotibus emollientibus & alterantibus: deinde suppositoriis ex hiera simplici, cum succo Mercurialis, vel cum: felle aut si foris conspicuæ sint, & intumescant, affixis hirudinibus: ut his rationibus sanguis ater & melancholicus emanet. Quum ita corpus diligenter præparatum evacuatumque fuerit, perutilis erit balnearum usus ex aqua dulci potabili usque ad multos dies continuatus, mane jeiuno stomacho: sed eâ ratione, non admodum calidæ sint, verum duntaxat tepidæ, ut corpus tantum humectetur, non autem sudores eliciant.

Victus observandus refrigerans & humectans: Cremor hordeij jeiuno maximè conducit, cum præsertim non est opus medicamentis. Juscula quoque ex pullis gallinaceis, carne vitulina aut vervecina, cum buglossio, boragine, oxalide, lactuca, & plantagine. Si vinum æstate circumcidatur, ejus vice saluberrima erit aqua hordei, vel alius potus in laborantis gratiam comparatus.

Si quæ partes in cute existunt nigricantes aut lividæ, nullo vel obtuso sensu præditæ, his affigantur cornua vel cucurbituræ exiguae cum scarificatû, eoque satis alto, ut sanguis pronanet, sensusque revocetur.

De Elephantia.

Quum de his, quæ in facie Ioannis Bocquirese produnt, non benè inter doctos Medicos conveniat aliq; affiment aspectû illum esse horridum, & leoninos oculos, supercilia glabra, rarefcere barbam, nares humidæ, multisque tuberculis tum intus, tum foris deformes cum incipiente vlcere. Hinc respirationem difficilem, tonsillas vlcerari, cum voce rauca & obscura: alij verò istorum quiddam deprehendi negent, & tubercula, siqua, sunt rubra apparere. Necesse est signa, de quibus inter celebres Medicos certatur, omninò obscura & infida latere, neque ab his judicandum quenquam elephanticum, neque si, quæ dicta sunt, omnia compareant judicandum propterea est elephantia initium, cum præsertim probè corpus alatur, nullusque pedum aut manuum stupor aut refrigeratio subsit, qui elephantiam statim initio concomitari solet. Neque si elephantia initium adsit, segregandus ideo est laborans ab hominum consortio, quum nondum corpus aut spiritus graveolens, nec putredo ea sit, cujus contagione vicinos labefactare possit. Ita igitur de re controversa & litigiosa nos subsignati doctores Medici censuimus Johannem Bocquiret etiam crasso aut melancholico sanguine suffusum, & tuberculis subrubris deformem nondum esse inter elephanticos nume-

numerandum, nec segregandum ab hominum consortio.

At si posthac malum omnem medendi vivendique rationem aspernetur, nullisque cedens remediis ingravescat, & manifestiora de se indicia proferat, tum satis opportunè quid agendum fuerit æquiore judicio decernetur. Curatio vere suscipienda. Victus refrigeret ac humectet. Purgetur singulis hebdomadis apoze-mate. Vino prorsus abstineat. Calida autem omnia, & venenata pharmaca tum purgantia, cum elexipharmaca declinet, cujusmodi sunt scammoniata, mithridatium, thriaca, & utquæ non modò non juvent affectum, sed etiam humores adurant, & morbum conduplicent. *Joh. Fernelius Consilior. Medicor. 70.*

Observationes.

Cuidam ad elephantiasin vergenti ita consultum est, justus est in totum abstinere vino, aut eo dilutissimo uti, vescatur carnibus ei-xis, & pullis nutritis pasta ex carne colubro-rum facta, Theriaca bis aut ter septimana utatur ad 3j. cum aqua melissæ, bis mense catholico cum 3iij. confect. hamech. purgetur, aperiatur vena basilica sinistra, balneis aq. dulcis utatur. *Guill. Ballonius. cons. 61. lib. 1.*

Præmissis lenitivo aperiatur vena brachii sinistri, & extrahantur sanguinis circiter 3x. plus minus, tota etiam hac æstate velim singulis mensibus circa novilunium hirudines applicari venis sedalibus, ut inde duæ aut tres sanguinem exugant, quoad sponte sua cadant, etenim fere ex alio nullo remedio majus juvamentum sperare debet: quare ei Author sum, ne ullo modo hoc remedium post primam purgationem intermittatur, sed hac æstate & sequenti autumnò etiam, singulis ut dictum est mensibus reiteretur. Postquam octo diebus ex ordine usà fuerit syrupo præparante & digestivo, assumat hoc pharmacum.

℞. Confect. hamech. 3ß. el. è succo ros. 3iß. fol. sen. 3j. polipod. q. 3ij. F. infusio in decocto liquir. fl. & fruct. cordial. cum paucis cinnam. q. i. syr. ros. solut. 3i. F. potio quæ sapius prout opus fuerit reiteretur, purgato corpore; volo utatur singulis diebus manè hoc electuario ad quantitatem nucis juglandis.

℞. Conserv. fl. borrag. ros. ana 3iß. diarrhod. abbat. theriac. opt. ana 3j. cum syr. de pomis q. s. F. electuar. quo assumpto ingrediatur balneum aq. dulcis egelidæ in quo incoxerint rad. acetos. vel lapath. maj. fumaria, lupini contusi furfuribus mixti, & in panno lineo ligati, quo in balneo sordes abstergi velim; in balneo moretur per horæ spatium, post decumbat, post horam unam aut alteram, absterfo sudore, crura & cæteras partes infectas inungat hoc linimento.

℞. Succ. solani, succ. scabios. acet. rosac. an. 3i. succ. rad. lapath. succ. rad. enul. an. 3vj. ol. ros. 3iv. cortic. helleb. nigr. in petia ligat. 3iij. coq. omnia ad succorum ferè consumptionem, deinde helleborus abjiciatur, adde butyr. rec. 3iß. pingued. viper. si haberi possunt, si non loco ejus theriac. bonæ 3j. plumb. ust. 3ß. lithargyr. ceruss. an. 3ij. thur. 3iß. lityrac. calam. sal. nitri an. 3ij. omnia M. & cum succo limonni agitentur tamdiu in mortario

plumbeo donec formam linimenti acceperint. Post balneum absolutum, placeret hoc remedium, quod apud quosdam pro experto secreto in hoc morbo conservatur, accipiunt milvum deplumatum, postea abscisso capite, pedibus, atque eo eviscerato, interiora omnia, caput & pedes in ollam rudem conjiciunt, quam tectam luto oblinunt, & in furnum calidum imponunt. Ubi omnia combusta sunt, extrahunt, quodque in ea inveniunt, pulverant, atque ex eo pulvere manè in aliquo liquore propinant, quod verò reliquum est avis, partiuntur in tres partes, & quomodocunque coctum, edendum præbent ægroto, eo ordine, ut tertia dies postremam partem avis absumat, quo remedio testantur quidam hunc morbum alias novem dierum spatio persanatum esse. A me verò alias in Italia hoc sequenti experimento curatus est hic affectus. Accipio duas vel tres vipersas, si haberi nequeunt, totidem alios serpentes, conscindo vivos & adjecto multo hordeo decoquo in aqua quoad hordeum tumeat aut crepet, hordeo eo & ipsa serpentum carne pullos gallinaceos multos continuo alo, nec aliud alimentum suppedito; solent pulli postquam aliquot dies enutriti sunt, implumes evadere, & tandem rursus plumis vestiri: ubi igitur per multos dies ita aliti sunt, paulatim incipio ægrum horum carne, & carniū eorum jusculis alere, hoc remedium comprobatum est experientia. *Reinerus Solenander. consil. 25. sect. 1.*

Valescus de Taranta castrationem in hoc casu valde probat, nec ego eam improbandam censeo; testium enim amputatione evirantur homines in morbum proni, sicque in foemineam naturam degenerant, & hepatis sanguinem assantis ardore restincto, humidi & frigidi evadunt: quæ temperies elephantiorum intemperiei calidæ & siccæ toto est genere contraria, adde quod sublatâ elephantice gignendi facultate, tollitur ea huius mali contagio quæ per proles propagationem in humanum genus serpit & effunditur. *Parvus lib. 20. Chirurgie. cap. 13.*

Elephas, lues venerea & struma aliquid habent cognatum & συγγενές, tres has hydras unus alexicacos *Hercules* hydragyrosis vincit & opprimit. *Guill. Ballonius. lib. 1. epid. & ephem. pag. 15.*

Lac asinum arcet elephantiasin, caro asinina proritat & advocat, unde hoc? an quia carnes crassum succum generant; lac autem ferosum & tenue? hoc autem videtur absurdum. Nam *Hippocr. lib. 2. De Dieta*, ita scripsit: quorum animalium lac tenue est, & sanguis similiter, eorum etiam carnes sunt consimiles. *Idem. lib. 2. epid. pag. 186.*

Neapoli cum subsisterem narravit mihi *Marius Schipannus* summus ibidem medicus, Principem *Neapolitanum Caraffam* pro curanda lepra vesci solitum carne asini pulli. *Thom. Bartolinus. Histor. 33. cent. 6.*

Multi, ut ait *Ætius*, castratione se ab hoc morbo vindicarunt, hac ratione juvenem hoc anno liberavimus, qui incipiebat, & ultra principium fuerat progressus. utatur carne erinacei terrestri, exsiccata in furno, hæc non elephantiacis tantum, sed & cachecticis, nephriticis, convulsionibus obnoxiiis, & iis qui aqua

aqua intercute laborant, convenit, ut testatur *Galenus* Potest in locum carnis viperarum substitui, servetur igitur caro erinacei terrestri quæ si multa haberi potest, ad formam placenta reducatur, comedat manè ante alia omnia, vel si velit, elixet cum salvia & borrag. & de ea comedat. *Guil. Rondeletius*. consil. 53. lib. 7. consil. *Cratonis*, & aliorum medicorum à *Scholtzio* editorum.

Tanquam certum remedium ulmi usus in curanda recenti elephantiasi à *Jacobo Doyuneto*. lib. 1. cap. 7. prædicatur. Vidit enim adolescentem tali affectu laborantem, & decoctionis, ulmi usu (factis faciendis) convalescere, ea quidem pro omni potu utebatur in quolibet palatu, cum paucis vino albo, & tantis sudores movebantur graveolentes, ut vix illos custodes ferre possent, ita viscera purgabantur, & magna urinae copia excernebatur, quibus excretionibus sanus factus est. *Jul. Caesar. Baricellus*, in hortulo geniali pag. 306.

Anno 1637. tempore autumnali, Ulmenis Ianio, in medio ferme Viennensi itinere, à venetica quadam hospite, inque diversorio demortui cujusdam leprosi carnibus coctis mensæque appositis tractatus fuit, quarum esu tota ipsius sanguinea massa infecta brevi temporis interstitio, proradici instar, malignas pustulas cum defædatione capitis inprimis, ad superficiem corporis expulit, & percepto rumore, quod scelesti illa scœnina, ob plura alia & varia delicta, publicè flammis combusta fuerit, vultuosus patiens de sanitatis suæ restitutione desperare capit: Nihilominus tamen ne sibi ipsi deesse videatur, chirurgum aliàs exercitatum in consilium vocavit, qui re non satis ponderata, solis externis vnguentis eundem, sed mani spe, restituere attentavit, usque dum, aliquoties in nostris observationibus citatum, Clarissimum Dominum meum Collegam, Doctorem Johannem Georgium Croekelium (ex cujus communicatione & hanc curationem habeo) summis precibus exoravit, ut hac in parte sibi gratificari, & extrema tentare velit.

Hic pro sua humanitate, & agro & chirurgo, solidis rationibus demonstrans, absque jure internorum remediorum usurpatione, sanguineæ massæ per præparantia, purgantia & venæ sectionem exacta depuratione; communicata malignitatis mediantibus sudoriferis discussione; hepatis corroboracione, & vel tandem, externorum debita inunctione, huic, etsi nondum, radicato, malo, occurri minime posse. Quare carnario illi omnem in curando assiduitatem, & diligentiam promisit, modo patiens se in omnibus morigerum præstare velit, quod dum sanctè sponderet, curam sequenti methodo aggressus est.

1. Ordinata victus ratione, præscribendo videlicet cibos optimi nutrimenti ac omni acedine destitutos, ut in morbi gallici cura fieri debet, pro potu decoctum ligni guaiaci & sassafras cum seminibus anisi & foeniculi debite præparati curavit. *Primo, ad sudorem movendum, reservato, altero vero tanquam debiliore ad sitim compescendam concessit.*

2. Corpus per biduum digestivo hoc ad expurgationem præparavit.

℞. Syrup. de duab. radic. ʒj. mell. ros. col. ʒss. crem. Tart. pulveris ʒj. aq. asparag. fumar. ana ʒij. M. prodosi vna.

3. Vitiolam ventriculi saburram, per sequens medicamentum, vino assumptum, removet.

℞. Mercur. opt. dulcis. ʒj. croc. metall. gr. vj. Gutt. Gamand. gr. vij. M. F. Pulvis.

4. Hinc medianam dextri brachij primum aperiri, detractis ʒv. sanguinis, iussit.

5. Per aliquot dies concessa quiete, rursus ad corporis præparationem, quater in iusculo repetitam, accessit.

℞. Pulveris Tartari vitriol. ʒss. dentur doses quatuor & quælibet ad singularem charitam.

6. Felicitissimè sanguinis mundificationem molitus est per appontas pilulas.

℞. Panchymag. Croll. ʒij. mercur. dulcis ʒj. Gutt. Gamand. gr. vij. cum aq. ceras. nigr. Form. pilulæ communes, pro una dosi.

7. Accessit ad sudorifera, ubi ager maxime obediens quotidie in prioris decocti sassafras haultu, dosin sequentis hydrotici accepit.

℞. Sulphur. aurat. diaphor. à gr. xij. usque ad grana xv. F. pulvis ad charulam.

Quare ad quatuor septimanas, tempore matutino solum, in lecto per binas horas commorando, largissimum sudorem movit, exceptos eptimo quovis die, in quo superius notata spilulas reiterando assumpsit.

8. Sinistri hinc lateris vena tacta sanguis emanans prior longè purior inventus est. i. x. Sordium recrementa laconico absterfa, & caput appropriatis, alterato lixivio, mundificatum fuit.

℞. Radic. bryon. ʒj. lapat. acut. ʒss. herb. marrub. menth. crisp. organ. bethon. ana. M ʒss. flor. chamomill. Rad. asar. cum toto ana p ʒj. agaric. crud. ʒss. Crassiusculè l. a. concisa coquantur lixivio communi.

9. Remanentes quædam pustulæ in quibusdam corporis partibus & capite, depulsa, & omnia externa inquinamenta sequenti unguento in fine sublata fuerunt.

℞. Unguent. alb. camphor. ʒj. Mercur. dulc. ʒij. Terendo probè M. ad vasculum.

Sic divino favore, patiens mitis maxime notus, decem hebdomadibus felicissimè restitutus, aliquandiu decoctum sassafras pro potu ordinario usurpavit, ita ut per dies vitæ noti amplius malum hoc repullulaverit. *Joh. Scultetus in observationibus armamentario chirurgico adiunctis.*

De Elephantia lava nova.

Ante 20. circiter annos incolæ Javæ horrendo quodam morbo affligi cœperunt, qui digitos manuum pedumque consumit, duris atque horrendis tumoribus, qui postea exulcerati in putrida atque cacoëthica ulcera cum carie ossium degenerant, facies defædatur, neque ullis medicamentis vicinæ partes ab hac infectione reddi possunt immunes, nisi membrum infectum extirpetur. Pustam acre & corrosivum est, ut quando tubercula spontè non aperiuntur, postea fuerit animadversum, illud in ossa subjecta sævisse: in initio morbi, aurium extremitates supra modum intumescunt, calcaneique omni sensu destituuntur, adeo ut sine dolo-

dolore acus integra possit adigi, illaque partes ut plurimum exulcerantur: in initio livida apparent maculae, omnis sensus expertes, capillitium, barba, & supercilia decidunt, quamquam aliquando id non contigisse observaverim. Inter procatarcticas causas est contagium. Malis, putridis, foetidis & sale conditis piscibus marinis, aliisque crassi chyli cibis & fructibus incolae vescuntur, piperis Indici, Lada Chili dicti, integros devorant manipulos, cibos calidos & aromata sine mensura adsumunt, atque ad libidinis pruritum excitandum Aro quotidie in cibis utuntur, hinc etiam integra terræ jugera herba ista sunt consita: lues venerea iniquissima est, adeo ut febre quotidiana sit vulgatior. Utque eo melius morbus hic pateat, icon ex adverso posita inspicienda. Quæritur jam, ad quod morbi genus pertineat, quibusve medicamentis curari debeat? *Ex Arce Batavia Anno 1681. 25. Novembr. ad D. D. Christian. Mentzelium.*

Scholion.) Præter Observationem hanc, à curiosissimo nostro *Dioscoride*, ad Nobilissimum nostrum *Apollinem* perscriptam, ejusdem etiam dilucidatio, quam magni Parentis filius clarissimus, *Dr. Joh. Christianus Mentzelius*, in Academia Francofurtensi cis Viadrum, Anno præterito, sub Excellentissimi *D. D. Bernhardi Albini, &c.* per modum Disputationis publicæ, non infeliciter in lucem dederat, digna fuit iudicata, cujus præcipuæ partes hic recenserentur. Is itaque morbo huic Elephantiasis, quæ Arabum Lepra est, nomen competere arbitratur, cum taliter adfectis digiti in manibus & pedibus, *Celso* teste, sub tumore condantur, præterea exedantur & livida ac foetida stillent sanie, juxta *Casalpini* *prax. univ. art. med. lib. 4. cap. 13.* malo etiam incrementum sordida ab humorum acrimonia & malignitate plerisque locis excaventur ulcera, notante *Ant. Valetio exerc. 64.* ipsas partes, nasum, digitos, &c. sensim decidere, ex *Aretæo lib. 2. de diut. cap. 13.* ossa interdum fieri cerea, ex *Petri à Castro observ. MS. 40.* plerumque in facie hanc luem erumpere, *Jul. Palmario Const. de morb. contur. lib. de elephant. cap. 3.* extuberationes fieri rotundas, & duras sub lingua, palpebris, auribus, *Jac. Hollerio de morb. int. lib. 1. c. 64.* in *Schol.* aures exulcerari, *Aretæo*, aures extenuari rubereque admixto nigrore, atque exulcerari, *cit. Palmario*, sensum perire extremitatum, & si acu altius pungantur, non sentire, *Hollerio & Francisco du Pont. de Sign. morb. 1. 4. c. 25. §. 30.* neque aqua fervente exuri, *Palmario*, pilos passim decidere, ex *Platero tom. 3. cap. 4.* constat. Quæ omnia ceu maxime pathognomonica signa, dum hoc etiam in morbo, à viginti saltem annis in Java grassante: ideoque novi morbi nomen ibi promerito, deprehenduntur, nomen quoque illud mereri, concludit. His ita statutis, fermentum istius morbi in Javam aliunde fuisse illatum inde ostendit, quod sine dubio & ante hæc tempora idem incolis fuerit victus, qui tamen elephantiaci non fuere, aut certe jam ad unum omnes sub hujus mali vexillo militare deberent, & ibidem licet loci, unde apportatum est, adeo non sæviat, fieri id sine dubio, quod massa sanguinea fermentanda hic aliis imprægnata sit particulis, unde & alius debeat esse effectus. Contagium autem hujus morbi

in eo consistere, quod è corpore elephantiaci expiret id, quod abundat, spirituosioribus videlicet partibus ex humoris peccantis fermentatione sursum ascendentibus, & de fermento elephantiaco participantibus. Cujus exigua portione totum inquinari hominem, non sit mirum, dum quotidie magnam massæ farinaceæ molem à paucis fermentis, cerevisiæ quantitatibus à paucis floribus fermentari, integra regna ab uno peste infecto infici videmus; intestina nempe à fermento excitata lucta paulatim mixturam humorum turbante, tandemque ut in sui generis abeat fermentum cogente, adeo ut sanguis elephantiaci postea totus fiat fermentum, fomesque sit inexhaustus & lerna innumerarum infectionum. Favere huic morbo ipsum Insulæ situm, qui totus in Zona torrida est, magis directos excipit solis radios, multumque ab illius fervore aduritur; Piper Indicum, quod manipulatim adsumunt, cibos calidos cum aromatis, quos sine modo devorant, Arum, quo quotidie in cibis vescuntur, massam sanguineam omnino multis acerbis salibus imprægnare, illamque valde acrem reddere; pisces marinos, putridos & foetidos, crassi chyli cibos, & fructus suo lentore, viscidis terrestribusque particulis, illam incrassare & viscidam facere; luem veneream utrumque indicare, quæ acres volatiles atque fixas particulas tenaci pituitæ junctas esse doceat; nimiam illam venerem, cui supra modum dediti, quidquid in massa sanguinea balsamicum est & spirituosum, omne exhaustum; adeo ut sanguis illorum sit crassus, terrestris, viscidus, & simul valde acris; si misceatur jam huic sanguini aliquod fermentum, quod acre è sanguine præcipitet, tunc lentorem stimulo illo orbatum causari obstructions, ac redinem verò stamen partium lædere, sicque Elephantiasis causam adesse continentem. Lividas maculas nihil aliud docere, quam illas à reliqua cutis superficie superficies mutatas à fermenti admixtione habere & differentes, adeoque angulos incidentiæ & reflexionis utrobique non esse eosdem, unde mens id animadvertens discrimen, de utraque diversas habeat perceptiones, & sic variegata adpareat cutis. Intumescitiam extremitatis aurium & reliquorum membrorum oriri, quod fermentum elephantiacum partium sibi alias mixtarum cohesionem turbet, quæque intestinis iis motibus adeo promptè non obsequuntur, eas ad peripheriam pellat, quæ ingressæ tubulos illos propter crassitiem obstruant, humores præsentis retineant, affluentium transitum impediant, partisque ita causentur tumorem, in primis in auribus, quorum substantia fibris rigidis constans, cartilaginosa, duriuscula & ita obstructionibus magis est obnoxia. Stupere & insensiles esse calcaneos, quia humores viscidi, crassi, terrestres, in his corporibus abundantes, à tubulis nervorum recepti, illos tumere faciant, unde nervi comprimantur, regurgitantibus ita, à clausis hac ratione portis, spiritibus animalibus; hinc nervi illa portio fiat flaccida, & mota licet, motum non propaget, nec mens percipiat quid in illa parte rerum agatur, calcaneum vero & quidem in ipsis morbi principiis adfici, quod sanguis gravior crassiorque deorsum,

naturæ legibus, tendat, maximumque illius propter lineæ rectitudinem impetum sustineat calcaneus, vel ipsa cutis duritiæ & ligamentorum copia commendabilis. Exulcerari istas partes, quia oppellulati tubuli ab humoribus à tergo prementibus, vel claudantur arctius, vel illas rigiditate sua perumpat acere sal, quo sanguis abundat, perumpant etiam propter subtilitatem & alii spirituosii humores, qui viribus fracti in ipso tumore nidulantur, unde calor totius corporis, usque & usque affluens, subtiles illas particulas agitet, sal acre commoveat, atque sic impulsu elephantici fermenti juvet, concutiantur hinc fibræ tandemque disrumpantur, quarum pars in cincinnos resiliat, pars utrobique rupta humoribus innatet, & turbato sic nbrarum ordine fit cavitās, in qua colliguntur humores, sale acri & corrosivo, à pipere, aro, contagio, infecti. Quod acredo puris subjecta potius corrodat ossa, nisi tumor arte fuerit apertus, quam carnem, nihil esse insoliti, prout aqua fortis ferum, non ceram vel picem adgreditur, stamen ossium carnosum solidius multo esse & rigidius, quiescere osseas particulas pertinaciter juxta se, & ita excipere ictus & impetus irruentium, cedere nescias; carnosas vero, molliores utpote & flaccidiores, licet percutiantur, cessione sua ictum absorbere vim quandam, retroagere aliam, diutiusque resistere, perinde ac pilæ immissa vim absorbeat arena, quam efficaciter retroagit murus, & globus sclopetarius trajiciat atheros solidos, quem putre lignum cedendo & resistendo viribus privat. Hoc modo fieri cacoethica illa ulcera, ruptos esse nervos, ossa cariola, carnes corrosas, humorem adesse causticum, unde pars illa non solum moriatur, sed vicina membra paulatim patiantur eademque, serpatque id malum ulterius, denegato com meatu decidant membra, & sic miserrimum hominis fiat spectaculum. Quod si materia morbifica ad glandulas subcutaneas deferatur, radicibus pilorum, quibus hi sunt intixi, resectis, eos decidere, raramque fieri cæsariem, sin minus, hære suo loco, utut hoc inter rariora numerari debere videatur. His prælibatis, & prognosi ex *Hollerio, Casalpino, Platero, Aretæo & Aëtio* addita, ad secundæ Quæstionis solutionem progreditur, iteratam primo suadens venæsectionem, cum enim sanguis terrestris & viscidus sit, abundetque multis acribus, volatilibus & fixis salibus, corrigi eundem debere, innuit, quod quam arduum sit, ægrorum diuturnas testari querimonias, ut igitur feliciter immutari regique possit, imminuendum esse, ita enim medicamenta hostem viribus fractum superare facilius, & sanguinem cor subire sæpius alterarique, nullo venarum habito delectu, si tamen is observandus, electa in eum finem pedis vena, si magna satis conspiciatur, crasso utpote sanguine magis in truncis artuum inferiorum reperiundo. Hæc dum fiunt, sanguinem corrigi debere internis medicamentis, quæ incidant & attenuent, copiose adsumendis, ut omni, misceantur sanguini. Hinc Guajaci decoctum commendat, leve, nec nimis crebro, ob acredinem ejus, sumptum; cui ideo præfert *Sarsaparillam* in mucilaginem, qua acres parti-

culas temperat, resolutam, aut hordei aquæ immaceratam, aliisque etiam, ut liquiritiæ radici, vel passulis permixtam, & mane ac vespere inter stragula calide sumptam, aut interdum urgente siti haustam. Decoctum etiam fieri posse ex cortic. tamarisci, fraxini, rad. cappar. chin. *Sarsaparill. lign. sassafr. sant. omnium, antimonii* crudi vel cinnabaris in petia ligatæ uncia una vel altera, cum tartaro crudo in aqua chalyb. vel sero lactis infusis, addito oxymelite scyllitico & succo limonum; quo per triduum quatrimumve usurpato, purgationem è mineralibus, quarum particule sunt solidiores & graviores, adeoque efficacius operantur, instituendam esse; addendo *Pilulas de fumaris* aut *helleboro nigro*, *Mercurium dulcem*, *Arcanum corallin. &c.* aut, si pituita in ventriculo mobilis suspicio foret, unum alterumve granum *Mercurii vitæ*, vel sulphuris aurati *antimonii*, vel *Turbethi mineralis*; quo facto, ad apozema per aliquot dies redeundum, deinde rursus purgandum, periodo illa toties reiterata donec sanguis videatur emendatus, corpusque satis præparatum; tunc enim exhibendum potens aliquod ex mineralibus sudoriferum, è *Mercurio diaphoretico*, *Tinctura antimonii*, *Q. E. Antimonii Regulo antim. sine marte*, *Sulphure antim. Bezoartico minerali*, additis, ut mineralia hæc eo citius in actum deducantur, sale viperarum volatili, croco, tinctura opii, &c. Ut vero sanguis mollior fiat, sal acre infringatur & educatur, præterea laborandum esse; ibi *Emulsionem amygdal. dulc. &c.* *Seminis psyllii mucilaginem, &c.* hic *Acidulas naturales*, *clystum antimonii*, *scobem eboris*, *C. C. oculos cancri*, *corallia exhibenda*. Nec usum, cautum tamen, *millepedum* vel *asellorum spernendum*, imò nec *vermum majalium acris suo sale caustico spoliatorum* atque in pilulas redactorum, vel etiam simpliciter exhibitorum, ortam hinc stranguriam lactis dulcis haustu statim sedante; copiosum enim sal ita cum urina educi. Viperas ab *Aëtio, Casalpino, & Galeno* dilaudatas, ab *Aretæo & Palmario* reprobari notat, ipse verò utrisque, habito diverso respectu, adlentitur; cum enim maxima viperarum efficacia à sale volatili veniat, si illud in copia ad massam sanguineam derivetur nondum correctam, inanes non solum facere impetus judicat, sed sali acris novum insuper addere stimulum, unde necessario exasperentur symptomata. Cum verò massa sanguinea satis præparata, eo devotum sit ut diaphoreticis uti concessum sit, maximo cum fructu mineralibus diaphoreticis, utpote in operando tardioribus, ea addi, neque tunc ullum ab eo sale metum esse posse, cum nullibi hæreat, sed libere transeat, & qua diaphoresi, qua diversi, sal copiosum secum educat. Castrationem à quibusdam, ut infallibile & præsentissimum remedium, magnopere commendatam rejicit; morbi enim causam ab ea non tolli, adsit licet, ab acris spirituum influxu inexpugnabile coeundi desiderium, illud tamen non causam, sed morbi effectum esse, unde neque illo remoto morbum curari. Inter externa remedia, ad humorem terrestrem fluidum reddendum, obstructions deobstruendas, sal acre educendum, partesque corporis emolliendas, balnea

balnea aquæ dulcis tepida reponit, quorum particula aquæ in poros sese insinuando, illos aperiant, tenacem pituitam diluant, & sal educant; quæ ipsa tamen noceant, si illud sal morbosum sub densa nimis hæreat cute, ita ut educi nequeat, sed majorem concipiat ab aquæ spiritu motum; quo in casu satius sit aqua salis balneum, quod aperiendo poros salu latentem viam exeundi parat, & efficacissimum fore sal, quod antimonio, sale communi & tartari igne potentissimo fusis regulo supernatae, vel scorias reguli antimonij cum nitro & tartaro facti. Thermas etiam sulphureas, mere adstringentibus, qualia sunt aluminosa, repudiatis, hic prodesse, quarum defectum suppleant artificialia Balnea, ex fol. & rad. alth. enulbryon. cyclam. helleb. utriusque, lil. fursure macro, cort. sambuc. sem. lini & fœnugræci, sale ammoniaco, sulphure &c. parata, purgantia studio addendo, ut ab iis excitatis fermentationibus humores incipiant moveri, poris vim faciant, atque sic egrediantur. Tumores esse emolliendos Unguentis &c. notioribus, quæ inprimis Mercurius præcipitatus albus, vel Arcanum corallinum, vel Mercurius dulcis ingrediantur. Quibus non proficientibus, tumoribus vel maculis scarificatis cucurbitas vel cornua suctoria Palmarij superimponendas esse, pro crasso sanguine educendo, vel quod melius, alte discindi & medicamentis catharteticis vel causticis, crystallis scil. argenti, Mercurio sublimato corros. Oleo mercurii, Oleo antimonij, Butyro antimonij, vel quod eo fortius, Butyro assefici. Arsenico sublimato, aliisque exedi, ulcera verò forti guajaci decocto elui, cicatricemque superinducti; & his nihil proficientibus, ferro extirpari membrum oportere. Tandem si ab ullo medicamento, certe à salivatione sperandum esse remedium, quæ omnibus indicationibus satisfaciat, glutinosamque pituitam, revera quandoque acerrimam, in copia educat. Denique brevi diætæ enarratione erudito discursui finem imponit. *D. Andrea Cleyeri.*

Hisce omnibus addamus jam quedam de Cuticula ejusdemque morbis (quævis porius ad Cutis affectus supra descriptos pertineant) Clarissimi nec non celeberrimi Carol. Drelincurtij Collegiis ab Excellentiss. D. Guyot. M. D. communicata.

1. Matronam, vidi quæ fluorem album astringentibus internis & suffumigio thuris sibi suppresserat, sed incidit in pruritum jugem, inque cuticulæ scabritiem tantam ut per plures menses fursures largos atque numerosos interdum, nocturne decorticaverit.

Jusculorum usu è carne vitulina cum chærefol. agrim. eupator. cannabin. cichor. atque fumar. nec non balm. aq. tepid. cum fol. vitis feliciter curata, intermediis V. S. & purgatione.

2. Virum autem quadragenarium frustra curavi per plurimas volatilibus, misturis & diætâ tenui atque diaphor. quod cuticulam ejus emendarem universe scabram instar vel leberidos vel elephantini corii, quæque per amplas & spissas squammas hinc & illinc passim decidebat,

aliâ protinus succrescente, perinde scabra, spissa atque dura, sed pruritus omnis experte. In Italiam se contulit quò viperarum mungatur adipe, & viperinas carnes edat. Exitum ignoro.

3. Juvenem unum & alterum miratus sum quibus sub morbillorum declinationem salutarem, tota cuticula *manuum & pedum* abscessit chirothecarum veludonum instar. Id ipsum tertia vice in viro deprehendi sub finem curatæ febris malignæ.

4. Præprimis autem in admirationem me traduxit decennis puer, cujus mater ideâ piscium, sub initia graviditatis commota, ipsum nonimestrem exclusit pedibus manibusque squamosis, cyprini more, squamis scil. latis, mobilibusque & mutuo ad digitorum motiones sese affricantibus. Imo squamis illis vel sponte, vel imprudenti quovis allisu deciduis, novæ continuo succrescunt.

Quævis autem squama pedunculo nervaceo atque sensili cohæret, sicut mihi patuit earum aliquot apicibus unguis sublati, atque commotis vel etiam leviter inversis, puer enim, præ dolore nullis evulsionem admittit.

Ab Anno autem 1681. quo ipsius squamosis artibus studui nihil de ipso mihi suboluit.

5. Largissimam porro cuticulam, suis vel unguiculis vel unguibus instructam, & è cadaveribus revulsam meis *adversariis* subjecio. Mirantur omnes quo officio id præstem, nam tota illa & illacera unaquæque portio digiti sui refert ideam, sed secretum meum singulos fugit. Extrema prius macero tepida sapius renovata, donec putredinis initia subodoror, & tunc certè levi industria tantas portiones & taliter figuratas extraho.

6. Coronidis vice cuticulam Æthiopum producam, à me quidem invisam, sed fide *Riol. Anthropogr. lib. 2. cap. 4. atque Pechlini, in tractatu de nigred. Æthiop. mihi inscriptio*, nigricantem unice, cute vero subjacente candida.

Non ita pridem ad cuiusdam viri, de lepra non suspecti duntaxat, sed tertium jam à Chirurgis lepræ ad iudicati, examen, Magistratus jussu vocatus, cum viderem bonum virum nihil minus quam leprâ laborare; licet octo jam annorum curriculum leprosis cohabitare fuerit coactus; jussi, ut prædicti illi Chirurghi suam de hoc leproso prolatam sententiam signis syllogisticis, & rationibus instructam in medium proferrent. Hi vultu quodam supercilioso, & fastu, ut ferè sit, plius quam ampuloso, illum leprâ laborare instabant, tum quod nativus faciei color in lividum & fuscum definiret, tum quod visus hebetudine & vocis rauicitate laboraret, tum quod maximo anhelitus foetore & mephiti obvios quosque deterret, tum quod in crure scdum aliquod ulcus haberet; tum demum, quod ante aliquot annos ejusdem filiam lepræ adjudicarint, quæ tandem leprosa mortua fuerit. Hisce machinis & argutijs tantum apud Magistratum effecerant, ut bonus vir communi hominum societate exclusus, & leprosis adscriptus fuerit, quibus jam octo annis convixit, citra ullam tamen veræ lepræ signaturam.

Quæ cum audivissem, ipsique Chirurghi nihil ulterius de lepræ naturâ, essentiâ, causis, dis-

ferentis, signis syllogisticis seu pathognomonicis, in medium proferrent, itatim intellexi, illos lepræ essentiam ignorare, nec inter lepram & non lepram distinguere, nec ullam differentiam inter lepram Græcorum, quam pforam perversam vocamus, & veram lepram Arabum, seu Elephantiasin, facere posse, unde nec mirum, si incautiores, & imperitiores isti Chirurghi in cæco hoc examine decepti, cæcam quoque tulerint sententiam.

Paucis igitur quæ sit inter lepram Græcorum, seu pforam, & lepram Arabum, seu morbum elephanticum, quem & elephantiasin, leontiasin, seu satyriasin & tyriasin vocant differentiam illis aperui, & bonum hunc virum, nullis horum affectuum caracteristicis signis laborare, demonstravi.

Cum enim hoc subjectum nulla feræ & siccæ scabiæ species turpiter defœdet, nullisque nec tenuioribus, nec crassioribus squammis obducatur, sed universum corpus incolume, sanum & nitidum, pilosæ tum capitis, tum superciliorum partes puræ, firmiterque fixæ hæreant, conclusi, bonum virum à Græcorum leprâ immunem & salvum esse.

Eundem quoque nec Arabum leprâ, seu vera elephantiasin laborare, ex absentia omnium signaturarum caracteristicarum, aut signorum pathognomonicorum convici. Cum enim hic affectus sit contagiosus, sæpè hæreditarius malignâ & perniciosâ suâ qualitate, plurimumque vitiorum congerie corpus defœdans, atque membranea solum aliqua involucra, & cutem præsertim inficiens, si tali affectu laboraret bonus vir, haud dubiè octo jam evolutis annis, sese aliquod vitium in apertum dedisset, cum tamen ex sex illis signis syllogisticis nullum hætenus fuerit observatum: Nec enim unquam in cute vel faciei, vel frontis, vel genarum, cubiti, fœmorum, manuum, pedumve tubercula facile mobilia, indolentia, & ex livore ad rubedinem tendentia, horridumque aspectum præbentia, epullularunt.

Nunquam in eo visa sunt oris tubercula, quæ ore hiante, Linguaque depressâ in palato, & faucibus circa linguæ radicem, nunc flavescentia, nunc sublivida, vel visa, vel reperta fuere. Nunquam item vel in pedum digitorum interstitiis, vel in plantis, in crassâ præsertim & durâ illius parte, vel in manibus, juxta cubiti articulum, præsertim in acutiore illius sede, aliisve artuum locis, ulcera effloruerunt. Cum enim ejusmodi ulcera & fissuræ veram cutem penetrent, lata sint, & rarerè ulterius serpent, labiis callosis, ac prætumidis consent, atque lassa facile cruentent, indolentia sint licet, si talia vel adessent, vel adfuissent, facile quoque videri potuissent, & ex iis firmum aliquod judicium ferri. Nunquam insuper in eo visa sunt narium ulcera, earum septum, fungos & ossa, seu cartilaginem depascentia, nasò turpiter delabente, palatum columellamque depopulantia. Nunquam præterea in eo observati tumores, non tumidæ in aurium ambitu pinnae, non crassæscientes auriculæ, non plus justo auctæ, aut dilatatæ narium alæ, non palpebræ, non labia, non pedes, manusve inflatæ, aut tumidæ. Nunquam demum in oculis juxta majorem canthum na-

ta pellicula, sensim accrescens, quæ sane si prædictis jam signaturis accederet, magnò argumentò haberetur.

Cum igitur pathognomonica hæc se signa nunquam in hoc subjecto apparuerint, quis illud leprâ correptum dixerit? Cætera autem signa ab illis Chirurgis allata, quemadmodum & alia quæ addi possent, uti cutis scabrities in pilosa capitis parte, cum squammis & furfuribus, fissuræ item cutis pedum, manuumque & unguum; pilorum item defluxia, sanguinis quoque detracti livor, crassities, cum arenosis seu granulosis quibusdam arenulis; cachectica corporis constitutio, frons cornu instar splendescens, fornicatio ac titillatio faciei, palati, linguæ, totiusque corporis, sensuum stupor; Hæc, inquam, & similia, non moror, eò quòd aliis etiam morbis confectaria atque communia esse possint, quamvis nec & ipsa in nostro hoc subjecto reperiantur, vel si quædam adsint, tanti tamen momenti non sunt, quin durissimos labores, noctuque dieque familiæ sustentandæ causâ, obire possit.

Filiam quod concernit, quam leprâ mortuam putabant Chirurghi, falsâ morbi specie decepti fuerunt. Dum enim rem ipsam diligenter investigarem, cognovi tandem, ipsam non leprâ, sed inveteratò morbo gallicò correptam obiisse. Et quod notatu dignum est, dum cum leprosis octo annis versaretur bonus vir, prolem ab uxore sana sanissimam accepit; Unde si infectus fuisset pater, haud dubiè jure contagij hæreditariò, vel prolem, vel matrem vel utrumque infecisset. (*Claudius Deodatus apud Guilielmum Fabric. Hild. Epistol. centuria.*)

Anatomica Inspectio.

Lepra infectæ Matronæ cadaver exhibuit viscera tum vitalia tum naturalia marcore confecta.

Illustris Matrona, Vasconia Proceribus proxima affinitate conjuncta, Burdegalam venit anno 1660. adiitque Dn. *Dezelis* seniore, Chirurgum, apud quem tunc temporis artis tyrocinia ponebam Lepræ, qua infecta erat, curationem ab illo exposcens: Lepra fuit, eaque confirmata ex judicio Clariss. Medicorum D. D. *Mingelozæu* & *Emery*, Facultati Medicæ Burdegalensi adscriptorum: Magistrorum item *Dezelis* & *Chovet* Chirurgos peritiss. Illius quippe morbi vix ulla desiderabantur indicia: Capillitium omne deciduum tum sponte tum pectine, quod fursureas sordes fœtidas simul decussit: Torvus erat aspectus micantesque oculi, Vultum gutta rosacea fœdabat, & luridus color violaceo proximus; maxime nasum, & labia: Auribus tamen nativa servata conformatio, nec pone ullæ tumebant glandulæ: quæ in parte colli sinistra, juxta claviculas, juglandis nucis magnitudine utrinque eminebant mobiles: Lingua tumebat, extrema parte & prope venas raninas pustulis obsita: admodum fœtebat anima: Thoracem anticum adhuc candidum nullæ squammæ exasperabant sed macies illic summa ut & totius corporis habitus: Mammarum nulla vestigia;

vestigia: Vox nequaquam rauca nisi sermonem protraxisset, fusca enim illico nebat & adeo obscura ut aures vix feriret, subsequente mox potius desiderio ad inductam siccitatem leniendam: Pollicibus sua contabat crassities, manus squammas aut furfures nullos dabant, at sensus tactus obtusus erat, ad punctiōem tantum & fortem vellicationem sentiles: Respiratio qualis phthifico, um anheila; Abdomen, præsertim circa præcordium dextrum durum, & ἀντιπυρ: Lotia effundebat pauca cruda, sæpius & crebro cum foetore turbida: Alvi fæces, quanquam σπύδαλα & πρὸ ἀνίσχυλου tantum deiceret, tetro odore nares teriebant: Cutis color ab imo pectore ad pedes usque fuscus erat, nigro proximus, ubique ea arida & scabra: Femora & tibias, non secus ac Gallorum Indicorum, squammæ vestiebant, omni sensu destituta, acus quippe citra sensum alte adigebatur: Genitalibus ob importunum pruritus manum perpetuo inferbat: Ea nudata pustulas pili magnitudine exhibuerunt, e quibus nigricans sanies exsudavit: Tetricis erat moribus, in excandescentiam prona, maxime post scalptum: Narrabat Illustris. Parentem similem morbum necasse, contagio in legatione ad Lusitanos contractum, imò in matrem, (ante natam Illustris Aegram) transfusum, paulo post puerperium mortuam: Patrem xij. annos illi superstitem fuisse, sed à fœda illa lue tam male exceptum, ut non Aula solum sed & omni consortio se subducere necessum habuerit, quamquam celeberrimi *Garcia à Lopes* Medici Hebræi, opera usus fuerit toto biennio: *Affectus primordia* quatuor ab obitu Illustr. conjugis annis elucescere cœpisse, Ex eo duos liberos, utriusque sexus suscepisse, non diu superstites: Luis immunem fuisse at non scabiei levis, quem phthisis anno ætatis xlii. sustulerit: Conanguinis cæteris pepercisse: Curam Illustris Matronæ susceperunt supra dicti D.D. Medici & Cuiurgi, strenuamque operam toto trimestri navarunt, quorum industria, Deum testor, pene salva & incolumis, castellum suum procul disitum repetiit: pleraque enim recensita Lepræ indicia delituerunt: Novo & nativo capillitio ornatum caput, desuit fœtor, evanuerunt faciei pustulæ, nisi tamen apice suum servante livorem & crassitiem, immixtum tamen, deposuit & lingua sua tubercula: Sitis non amplius molesta, subsedere quæ circa claviculas glandulæ: Femoribus & tibis cutis æqualitas restituta, solus pruritus ex intervallis redivivus molestus fuit: liberior fuit Respiratio, oculi non ut ante truces: At ab axillis virosus odor manabat: Si de venereis sermo incideret, recurrebat in os saliva: detumuit quoque abdomen, cessitque hypochondriorum durities: Vegetus ubique erat sensus Tactus, punctiōes vel levissimas impatienter ferens: nec excrementorum alvi tantus fœtor comes fuit, liberiisque & liberalius efferebantur: Urinæ colore & consistentia naturalibus erant proximæ, aculeato sale exutæ qui ad crebriorem mictionem excitabat: Sibi tandem omnino dissimilis facta est, cunctis mirantibus qui in ea tam insignem ad statum naturalem reditum, quo xiv. mensium intervallo frui

licuit, à quo in priorem, & sex intra septimanas pejorem relapsa est, cui se febris continua adiunxit, quam sitis inextinguibilis consequuta est statim lethalis: Lethum præcessit vultus defœdatio horrorem omnibus incutiens: Crura, quæ in priore morbo excarnia, insigni tumore conspicua erant.

Cadaver à dicto D. Dezelis, me præsentem prænominatis Medicis & Chirurgis dissectum fuit, cujus imæ & mediæ partes solum evolutæ: Pulmones scirrholi omnino & aridi apparuerunt, obestis illorum bronchiis mucoso, crasso & extreme viscido humore: sanguis vasis thoracis conceptus crassus erat & adustus, sero omnino destitutus: Trachæa arteria adeo exsucca & arida ac si sub dio plures dies jacuisset: Cor minimum, parvumque, serum in pericardio: Pulmonum lobi ab omni connexu liberi. lecur scirrhosum lividumque apparuit; in oadacta in visceris interiora novacula, strepitus perceptus ab occurſu corporum durorum, quasi lapilli oblatis essent: admodum quoque parvum erat & aridum, cujus minor lobus vix latitudine duos digitos transversos æquabat, & longitudine tres: Major eam sequebatur proportionem: Cystis fellea magna, bile turgens: Splen summe parvus & durus: Pancreas succo quodam ad nigrum vergente turgebat, & sicco: Mesenterium duris glandulis, magnis & aridis oblitum, succo sebum unguento basilico remixtum, referente tumidis: Inania quoque & arida erant intestina quoad utramque tunicam: Renes calculis infarcti, sinapi instar seminis exiguis, duris, solidis, porri semina colore referentibus: quorum plurimi ureteres occupabant: pelvis & caruncula laceræ erant: In vesica plurimi etiam reperti calculi cum phlegmate; res item lapilli phaseolum æquantes ad instar topi molles vel indurati gypsi: Uteri quoque membrana exsiccata erant, nec non illius substantia, coarctata etiam & vulva & rugosa, patentibus nihilominus admodum multis vasis spermaticis: Incisuris factis in habitus corporis musculis, præsertim artuum inferiorum, reperta pluribus in locis caro scirrhosa, præterquam in tibiis, in quibus paulo minus arida: Venam cruralem inplebat sanguis niger & adustus, inanibus pene arteriis: absque vi è digitis pedum ungues abscessere, manuum pressus cohærebant: *Theophilus Bonetus, ex communicatione Ludovici Bailly Chirurgi, Sepulchreti Tom.2.*

E M P H Y S E M A.

Vid.

A T H E R O M A.

E M P R O S T O T O N O S.

Vid.

C O N V U L S I O.

E M P Y E M A.

Antecedentia in Empyemate sunt.

Peripneumonia, pleuritis, pulmonis Vomica, derivatio sanguinis, vel cujuslibet alius

Zzzz 3

humoris, chyli, lymphæ, &c. in pus mutabilis facta in cavitate pectoris à quacunque causa per erosionem, dilatationem, fractionem &c. Sic Hippocrates. Si in ventrem sanguis præter naturam effusus fuerit, is suppuretur necesse est. Et. Distillationes in ventrem superiorem ad suppurationem perveniunt intra dies viginti. (ventris autem superioris nomine pectus intelligendum esse, Author est Galenus in Comm.)

Conjuncta.

Pleuritide, vel peripneumonia non expurgata febris intensior, rigor, pondus, & sensus gravitatis in parte. Ita Hippocrates in Prognosticis, & Galeno teste, fluctuatio, ait enim. Ubi quis affatim à decubitu transmutatur, idque maxime, si ab uno in alterum latus se convertens defluere aliquid sentiat, puris multitudinem ibi contineri, haud dubia conjectura est. Hactenus ille. Auditur etiam aliquando fluctuatio, cum scilicet pus est tam liquidum, & copiosum, ut fluctuare, & sonum excitare possit. Respiratio difficilior, sputum aliquando purulentum. Empyema autem jam factum, & confirmatum comitantur febris mitior, & lenta, continuè infestans, quæ partim putrida, partim hæctica videtur, interdum mitior, noctu vehementior: sudores multi, sed inutiles, & noctu præsertim supervenientes: tussis frequens, & molesta. Demum maxillæ rubent, oculi fiunt concavi, curvi ungues, tumidi pedes, pustulæ circa pectus, & ut plurimum in latere affecto cutis inflatio, & tumor œdematosus. Ait Hippocrates in prognosticis. Si Empyema in altera tantum parte existat, hos convertore, ac discere oportet, doleantne in altero latere, & an alterum altero calidius sit, atque cubantem supra sanum latus interrogare, an videatur sibi onus aliquod de super suspendi; si enim ita est, in quodcumque latus pondus insit, in altero suppuratio est, quemadmodum si utrinque calor, & pondus sentiat, in tota thoracis cavitate pus continetur. Et idem primo de Morb. Applicetur lintum thoraci madefactum secundum utramque partem, dextram, & sinistram; citius enim excidabitur illud, quod supra partem pus continentem appositum est.

Succedentia.

Hippocrates in Prognosticis. Suppuratorum it potissimum supersunt, quos febris eadem die dimiserit post ruptionem, ac cibum citius appetunt, & sui liberati sunt, & venter exigua, & consistentia rejicit, & pus album, leve, concolorque est, & vacans pituita, & absque labore, & valida tussi expurgatur. Itaque optime quidem sic, ac celerrime judicantur, si minus quibus hæc proximè accedunt. Moriuntur verò ii, quos febris non desierit, aut cum videtur deferere, denudò recalescens innotescit, & sument, nec cibum appetunt, alvus humida est, pus viride, lividumve spurium, vel pituitosum, spumosumque. Pereunt, si hæc adsint omnia. At quibus alia veniunt, aliam horum quidam intereunt, quidam in multo tempore incolumes evadunt. Hæc ille. Et idem. Qui ex pleuritide empyi sunt, si à ruptione intra dies quadraginta sursum purgentur, liberantur, alioqui transeunt in tabem. Et. Si empyi, cum uruntur, aut secantur, purum, & album pus effluat, eva-

dunt: si verò subcruentum, sæculentumque, & sæcidum, pereunt. Et idem in Coacis. Empyici melius habentes, & qui fere expurgari videntur, si sputum sæcidum excernant, cum recidiva intereunt. Et similiter. Quibus specillum à pure velut ab igne coloratur, ii ferè moriuntur. Et pariter. Ex suppurationibus, quas pulmonum morbi excitarunt, ferè senes moriuntur, ex cæteris verò juvenes. Et in Aphorismis. Quicumque empyi, vel hydropici uruntur, aut secantur, si pus, aut aqua universim effluerit, omnino moriuntur. Galenus autem 4. de Loc. Aff. 7. Quibus in magna puris copia intra thoracem, & pulmonem collecta thorax in respiratione attollitur, celerrimè suffocantur.

Cum empyema sit collectio puris in cavitate pectoris, & in ejus cavitate per membranas exsudare possit etiam ex Galeno, ut ostendimus in iis, quæ ad morbos particulares planè exponendos præmittimus; suppurationis igitur pleuritide, peripneumonia &c. vel humore quolibet in pus mutabili per canales quoslibet in cavitate pectoris derivato, ita ut demum in pus veniant, fiet inde empyema. Cur autem in peripneumonia etiam suppurata, & quomodo fieri possit, ut pus non per os reddatur, sed in cavitate pectoris abeat, ex qua deinde rursus per os, ac sputum reddi possit, in peripneumonia expositum. Cur autem distillationes in ventrem superiorem intra dies viginti suppurentur, nulla peculiari à causa pendet, sed per solam observationem, atque experientiam didicit Hippocrates, naturam ejusmodi distillationum talem esse, ut viginti dierum spatium exigant ad fermentescendum. Incipientis autem empyematis pathognomonicum signum non crediderim esse febrim intensiorem non repurgatis pleuritide, & peripneumonia, imò verò arguere posset pus nondum factum, cum, dum pus conficitur, dolores, & febres magis fiant, quam jam confecto juxta Hippocratis aphorismum. Sed neque pondus, & sensus gravitatis in parte, cum hæc omnino esse debeant conjuncta cum ipsis inflammationibus, & augeri, prout illæ augentur: augentur autem mole, dum pus conficitur. Fieri tamen potest, ut pus sibi viam aperiens ad cavitate pectoris, neque adhuc multum fluxile subeat vasa sanguinis, & per corpus derivetur, unde vel obstruendo propter crassitiem, vel agitando, & fermentando febrim intendat, atque interim ejus demum aliquid ad cavitate pectoris è pulmonibus deveniat; in quam tamen cum deductum fuerit, difficillimum erit dijudicare pondus, & gravitatis sensum ab eadem derivata materia pendere, nisi fluctuatio audiat, vel æger sentiat locum ponderis, & gravitationis non esse permanentem, sed huc illuc dimoveri, & hoc esse poterit argumentum collecti puris certissimum. Rigor ab allapsu, & contactu puris, & membranarum erit vellicatio nervorum, seu motus eorum, qualis, dum obstupescunt dentes ab audito sono, ut in rigoris expositione. Quia verò intra cavitate pectoris derivatur pus; prohibet igitur, ne pulmo dilatetur, quantum opus, & ne pectus constringatur similiter, quantum requiritur; dolor igitur, aut molestia, & difficultas major respirationis. Quod si pus possit per suam tenuitatem

nuitatem &c. intra pulmonem derivari, per sputum purulentum reddetur: nisi verò possit, pus non expuetur. Facto autem jam empyemate, vel suppurata prorsus inflammatione admiscebitur sanguini solum pus concoctum, nempe satis fluxile, ac fixum, hoc est, minimè obstruens, & minimè fermentans: remittetur proinde febris, & cum pus continuè exsudet in vasa sanguinis, erit continua, lenta ex humoris placiditate vix intendens se, aut remittens, & ex hoc similis hecticæ: cum autem interdum pateant magis pori corporis, perspirare poterit aliquid ejus humoris, & fiet febris mitior: noctu iisdem obstructis fiet intensior. Insuper cum cavitates pectoris, & humores totius corporis infarti sint, validè autem nitatur pectus in humidum infarciens, validè exprimet tam ipsum, quam humores totius corporis, qui proinde in sudorem abire poterunt; non erit tamen ille sudor ullius levaminis propter puris abundantiam semper remanentem: quia verò noctu pori constringuntur: partes igitur ejusdem puris, quæ interdum expirare possunt propter exiguitatem, & raritatem invisibiles, noctu ad angustias pororum subsistant oportebit, quousque cum aliis succedentibus conjunctæ, & in molem majusculam collectæ resistentiam pori superent conjunctim erumpentes in formam aquæ, seu sudoris. Propter stimulum autem à pure intra pectus proveniente fiet tussis, ut ex iis, quæ de tussi scripsimus, & ex eo quidem molestior, quod pulmonem, & pleuram vellicat, & aliquando quolibet etiam visu molestia minimè minuitur. Invalescente morbo pulmo à pure magis comprimetur, sanguis influere non poterit, subsistet in ramis venæ cavæ ad faciem, unde partes ejus rubescunt. Quia verò ingravescente hoc morbo fit gradus ad tabem, nempe corruptionem, & absorptionem partium; igitur vel quia per corruptionem flaccescant, vel quia per absorptionem extenuentur, fiet minor ipsarum moles, & hoc decrementum iis in partibus erit magis observabile, quæ duris, & immobilibus terminis circumscribuntur, cuiusmodi sunt oculi dura atque immobili orbita ossæ circumscripti, unde oculi fient concavi. Curvi ungues cur faciendi, ex iis, quæ de peripneumonia, intelliges. Tumidi pedes, vel quia eò devolvitur pus, humor nempe, qui utpote minus mobilis facile ad eos subsistit propter minimam vim pressionis, vel quia corpore jam ad tabem vergente eæ partes similiter citius corrumpuntur, in quibus minor vis pus expellendi, unde tabescunt, hinc fermentescunt, & in tumorem attolluntur. Cum autem pus membranas subeat; per empyematis igitur protractionem poterit ad cutim usque penetrare, & quidem vel in insignem molem collectum, vel huc illuc in minores massulas cumulat: producet hoc ad cutim pectoris hic illic pustulas: illud tumorem œdematosum propter contentum pus, nisi & hoc contingat propter corruptionem partis, ut in secundo casu tumefactionis pedum exposuimus. Quæ autem recensuimus ex Hippocrate inter conjuncta ad dijudicandum, alterutranæ, an utraque pars pectoris empyemate laboret, certa esse possunt, si aliunde constare supponatur,

propositum ægrum empyemate laborare: si verò non constet, pondus, & suspensionis sensus, & calor, & exsiccatio lintei esse poterunt quid necessariò conjunctum cum peripneumonia, aut pleuritide, ut patet ex superioribus, & eorum morborum expositione: & cum eorundem ratio, ac necessitas statim ex se ipsa pateat, nihil ejus explicationi immoramur. Quoniam verò febris ab admittione puris proveniens, vel ejus nimiam visciditatem, vel vim fermentandi, aut stimulandi arguit; si igitur in expositis pulmonum affectionibus, quorum suppuratione fit empyema, eadem die, qua empyema fit, seu tumor, in cavitate pectoris rumpitur, febris cesset, argumento erit, pus esse optimæ qualitatis, non fermentans, non obstruens: ducitur autem in vasa sanguinis, & etiam per sputum excernitur, æger igitur evadet ab empyemate. Cum itaque pus non sit quid summè viscidum, non ita multum resistet abstractioni ab interioribus membranis pulmonis, quibus allabatur, eaque de causa sine labore, aut valida tussi per sputum reddetur. Eadem de causa pus erit album, leve, concolor, nempe æquabiliter liquidum, & ex eadem materia æquè liquata, unde concolor, album, cum hic sit puris perfecti color naturalis. Quia verò pituita est humor crudior, & qui ad empyematis constitutionem in pluribus casibus concurrere potuit, hinc si pus cum pituita mixtum reddatur, adhuc aliquid superesse concoquendum arguet: nihil, si absque eadem. Itaque cum hæc apparuerint omnia, evadet æger plus minus facile, aut tutò, si eorum aliquot: ex quibus fiet, ut æger in melius evadens successive magis ad naturalem statum accedat, unde sitire desinet, cibum appetet, alvi fæces demittet, ac producet non multum absimiles naturalibus, nempe, consistentes, & propter cibi parvitatem, exiguas. Contra se habebunt omnia morituris, quæ recenset Hippocrates, ut ex his patet. Spumosum autem sputum arguet & lentorem humoris, & eundem nondum concoctum esse, & parvam quantitatem ejus, quæ difficilè subeat pulmonem, & difficilè ab ejus tunicis divellatur, unde magis per minimas partes permiscetur aëri, cuius eruptioni resistens lentore suo spumam producit. Quadragenarius dierum numerus est tempus, quod naturaliter requiri observavit Hippocrates ad hoc, ut per superpurgationem per sputum possit empyicus evadere, quo superato tabes fit corrumpente pure pulmonem, & impediente elaborationem sanguinis. Ratio, cur si ab empyis per paracentesim effluat pus bonum, evadant: moriantur, si secus, patet ex superius dictis. Quod si empyi melius habere, & ferè expurgati videantur, sputum verò fætidum excernant, venient in recidivam, & morientur; apparens enim ille transitus in melius arguet, expurgatam quidem esse quantitatem puris, sed sputum fætidum ostendere poterit, genitum esse ulcus intra pectus, aut pulmones, ex quo & novum pus generabitur, unde in empyema relapsus, & mors propter partis corruptionem. Similiter specillum à pure, ut ab igne coloratum arguet pus non coctum, lividum, & fortè cum ulcere par-

tem corrumpente, unde mors. Senes verò præcipuè, & juvenes ab empyemate per pulmonum morbos producto moriuntur, cum in senibus propter partium siccitatem difficile coalescere possint villi rupti à rptione tumoris, in juvenibus autem hunc ipsum coalitum impedit tenuitas, & vigor sanguinis: & ex iis adhuc difficilius evadent, qui temperamento sunt aliquanto humidiores; flaccescent enim partes magis, & facilius à sanguinis impetu, & motu respirationis in divulsionem detineri poterunt. *Cur verò pure confertim effluente per paracentesim moriantur empyi, vide in ejus aphorismi commento, quod seorsim morbis præmittimus. Textus autem Galeni ex se ipso patet, sicut etiam, quid sit Empyema. Laurentii Bellini Tractatu de Morbis pectoris.*

Pleuritin, & Peripneumoniam morbos non tantum affines, sed invicem commutabiles, & alterutrinque successivos esse, ex superioribus manifeste liquet; porro tum hæc, tum illa, & nonnunquam utraq; simul non bene judicata, in Empyema transeunt. Si quando enim phlegmone circa pleuram excitata suppuratur, tandem Apostemate disrupto, pus in thoracis cavitatem decidens, hunc morbum producit. Pariter ex pulmone inflammato interdum succedit: nimirum ichor circa locum affectum aggestus, diutina coctione in humorem crassum & flavum abit, qui nisi per tussim ejicitur, aut pulmonis substantiam interiori sensim labefactans, diathesin phthysicam infert, vel unitatem pulmonis totius solvendo, tandemque membranam extimam corrodendo in pectus dilabitur, adeoque empyema parit. Unusquisque pulmonis abscessu aut ulcere laborans, etsi pus copiosum & foetidum, (uti in pulmonis vomica sæpe contingit) expuat, non ideo dicatur Empyematicus. Enimverò vocabuli hujus acceptione communi denotatur, puris intra cavitatem thoracis collectio, quæ scilicet respirationis organa opprimuntur: illuc vero pus istud confluere solet vel ex Pleuritide, vel Peripneumonia (& quandoque forsan ex Angina) suppuratis, & disruptis.

Quandoquidem igitur empyema nunquam primario & ex se incipit, sed aliorum morborum haud rite judicatorum, fere semper effectus sive productum est, circa causas ejus non opus erit multum inquirere. Ratio formalis sive causa conjuncta ejus satis innotescit. Ea scilicet est materia purulenta, è pleura, aut pulmone, aut larynge, in thoracis cavitatem effusa. Causæ autem reliquæ affectuum præviorum propriæ, ad cujusq; istorum Ætiologias pertinent.

Circa materiam morbificam quædam disceptatio est; quippe alii hanc merum pus, alii que non hoc, sed materiam purulentam esse contendunt, in qua opinione est Joh. Heurnius, qui materiam purulentam pro Empyematis causa conjuncta statuens, inter hanc & merum purumque pus distinguit; asserens hoc fieri, *ab humore nutritio sanguineo, hoc est ab ipso sanguine aliquatenus corrupto, sed per asini capaci, materiam vero purulentam humorem excrementitium, viz. serum, aut ichorem esse, qui à sanguine inter circulandum alicubi præpe-*

dito & obstructo provenit. Hinc observare est de abscessu qui pus verum & laudabile exhibet, eum plerumque compactum, undique conclusum, & vel cysti, vel privatis quasi mœniis obvolutum esse; dein postquam maturatus & disruptus humorem contentum effundit, cito ac facile sanari. Verum abscessus materiam purulentam præbens, nidum suum non ita compactum & parietibus obseptum, sed plerumque inæqualem & sinuatum obtinet, atque disruptus sanem potius quam pus effundit, dein ob perennem humoris excrementitii scaturiginem ægre sanatur.

Porro advertere est, utrumque humorem, scilicet tum pus, tum materiam purulentam interdum insigniter foetere, quandoque item odore quovis tetro prorsus immixtum esse. Quædam apostemata maturata, & disrupta pus foetidum, alia inodorum effundunt. Pulmonum vomicas, quæ & partium aliarum phlegmonas, ita diversim habuisse sæpius notavi. Materies purulenta è plerisque ulceribus effluens grave olet; phthysicorum sputa, quæ multo magis periculosa existunt, ut plurimum inodora sunt. Usitatum est è latere propter Empyema perforato, materiam primo haud insuavem exundare, dein post duos, el tres dies aëre orificium sæpius subingressu, eam horrende putuisse: quæ tamen putiditas post injectionem spiritus cujusvis vinosi aut aromatici rursus brevi evanuit. Sed multi tardiores esset, singulorum hujusmodi accidentium & alterationum rationes particulares designare, in quantum perexigua tantum puris, aut materiæ purulente alteratio, iis foetorem inducit adimitq; Cum particulæ sulphureæ æqualiter coctæ, & salinis subjugatæ in mixto continentur, graveolentia abest; quamprimum verò illæ solutæ avolare incipiunt, secumque salinas (è quibus aculeantur) auferunt, odorem valde tetrum quaquaversus dispergunt. Quod autem ulceri putido, aut Empyematis nido, lotio, vel injectio cum liquore vinoso aut aromatico aliquoties adhibita sæpe foetorem tollit, in causa est, quoniam ulceris haud secus ac testæ putentis latera quodam quasi fermento liquorem contentum inquinant, adeoque foetorem imprimunt: cumque adeo à liquore bene temperato & potente, illud vasis aut visceris fermentum eluitur aut subigitur, deinceps foetoris propagatio ista cessat. Hinc sequitur indicium non semper malum, nec itaque valde bonum esse, si quando phthysicorum sputa, & empyematicorum abscessus cum, vel sine graveolentia excernuntur, quoniam utriusque generis casus quosdam salubres, aliosque funestos extitisse cognovi. Ad hæc non certius indicium inde sumitur, quod phthysicorum quorundam sputa aquæ injecta supernatant, aliorumque submerguntur.

Quamquam autem istam puris & materiæ purulente distinctionem haud multum improbamus, attamen nec solummodo hanc, nec semper istud Empyematis causam conjunctam esse statuimus. Quando hic morbus pleuritidi simplici succedens, ab apostemate in latere suppurato & disrupto oritur, sæpiissime purum merumque pus est, quod in pectoris cavitatem decidens morbum istum parit. Sin vero empy-

empyema Peripneumoniæ soboles sit (nisi pulmonis vomica intercedat) materies ichorosa, circa phlegmones locum aggesta, & postea mera coctione crassescens, pulmonis unitatem solvit, & tandem membranam investientem perforans, inque thoracem exundans, Empyema producit. Ista materia purulenta potius, quam merum pus dicatur.

Empyematis signa, vel ipsum dum in fieri est prænuntiant, vel plane factum indicant. Prioris generis habentur morbi alii, quorum hoc proles esse solet, prægressi; cuiusmodi sunt Pleuritis, Peripneumonia, Angina, quandoque item pectoris plaga aut vulnus, quin & alii interdum ejus affectus, non bene judicati, aut soluti: è quibus empyematis secuturi major erit suspicio, si post unam aut alteram septimanam sine sputo copioso, rigores & febris & spirituum languores superveniant. Dein post xiv. aut xx. dies empyematis plane facti signa erunt, respiratio difficilis, pectoris gravitas, materiæ fluctuatio, & molestiæ sensus è corporis situ mutato, sitis & febricula fere constans, genarum rubor, totius inquietudo & vigiliæ.

Empyema multifariam distingui solet, scil. imprimis juxta affectionem præcedaneam cujus soboles est; item quoad sedem ejus in thoracis latere modo dextro, modo sinistro, modo in tota capacitate ejus; & denique quoad materiam morificam, quæ vel merum & laudabile pus est, vel materia purulenta, atque hæc modo mitis & benigna, modo acris & fœtida.

Morbi hujus Prognosis tum ante, tum post sectionem instituitur; prior determinat utrum latus aperiri debeat nec ne; item prædicit, cuiusmodi cum, vel sine apertione morbi eventus futurus sit. Si empyema tardius post primarium affectum, scil. non ante 30. aut 40. diem, quando vires plurimum attrita, atque pulmones vitiati sunt, eorumque conformatio læsa, succedet; ac insimul si febris velut hectica persistet, respiratio brevis ac laboriosa, pulsus debilis & celer, cum sudore frigido, cumque diarrhæa velut colliquativa, & crebris spirituum deliquiis tunc empyici status plane deploratus sectionem minime admittit, medicus eum sinat incruente mori, ne videatur occidere. Sin verò è contra, post manifesta empyematis maturius facti indicia, pulmonum, aut lateris molestia, nec non febris aliaque symptomata remittent, atque pulsus & spirituum robur constabunt, licebit tuto ad sectionem procedere, indeque successum felicem sperare. Sectione facta si pus album, verum bene coctum, aut alias laudabile cum euphoria exilit, & exinde pectoris gravitas, & dyspnœa remittit, & agrotans quoad alia pathemata melius habet, de therapeia minime dubitandum erit: sin vero pus nullum aut malum, si tenue, subcruentum, aut fœtidum ex latere aperto effluet, perexiguam exinde salutis spem concipere licebit.

Hippocrates inter signa empyematis funesti prænuntiæ recenset specillum à pure velut ab igne coloratum; sive quod sæpe advertimus & nonnunquam absque malo eventu, si spe-

cillum argenteum lateris aperti orificio inditum, statim colore tanquam aureo aut cupreo tingeretur: quod certe nihil aliud significat, nisi quod puris aut materiæ purulentæ particula sulphuræ adeo exaltantur, & à mixtionis vinculo laxantur, ut facile abscedentes, corpori cuilibet alteri, & imprimis argenteo, (cui affines sunt) affigantur. Vidi aliquando ferinam à longa & laboriosa venatione occisam statim ob epulas in clibano coctam, non modo tenerrimam ut cochlearibus eximi potuerit evasisse, sed etiam cochlear argenteum nitidum primo contactu deaurasse. Cujus ratio prorsus eadem ac prioris est; nempe carnes istas à nimio dum viveret animal exercitio adeo ad putredinem dispositas fuisse, ut sulphuris particula à concretionem liberæ, & ad avolandum aptæ, subjecto statim alteri capaci adhærent. Verum hæc in parergo.

Quod autem spectat ad Empyematis Therapeiam, imprimis considerare oportet, utrum morbi hujus, utpote jam facti, indicia certa sint vel dubia. In priori casu pharmacia laud multum opus erit, sed tantum corpore præparato, illico ad lateris apertionem procedatur. Itaque si à pleuritide, aut Peripneumonia non ritè judicatis, aut à sanguine post plagam, casum, aut vulnus intus suffuso, puris, aut materiæ purulentæ, vel sanguinæ intra thoracis cavitatem fluctuatio, cum sputo nullo, aut diminuto percipitur; non opus erit ut medicamentis maturantibus, aut expectorantibus amplius immoremur; verum alvo soluta, & sanguine ac humoribus per Julapia, Apozemata, & Anodyna rite temperatis, aut nuda sectio instituatur; aut in teneris & meticulosis cauterium imprimis inter sextam & septimam vertebra applicetur; dein eschara excitata, scalpellus oblique posteriora ac superiora versus sensim, ac paulatim adigatur, donec in cavitatem thoracis penetret; dein cannula argentea indita, materies intus contenta per vices emittatur; ita tamen ut quantum vires ferent totius humoris evacuatio acceleretur; nam portio ejus intus relicta intra paucos dies (propter ærem prout supra dictum est sapius intus admixtum,) fœtorem horrendum contrahet, quod malum ut præcaveatur aut cito tollatur, liquor traumaticus & abstersivus bis terve in die per syphonem injiciatur. Non opus erit reliqua ad operationem hanc, ejusque processum spectantia particulatim describere; quoniam hæc singula Chirurgis quibusque peritioribus planè innotescunt, & in praxi familiari habentur. Post sectionem ejusque administrationem appendicem rite institutam, medico haud multum præterea agendum supererit. Ratio victus idonea, crebra alvi (quoties opus erit) per enemata solutio, insuper & remedia vulgo dicta traumatica, quæ sanguinis dissolutionem, ejusque in serositates pectori injurias profusionem impediunt, præscribere oportebit.

Quod si morbi hujus indicia minus certa, ac (uti à Peripneumonia ac pulmonis vomica præviis plerumque assolet) prorsus dubia sint, ad sectionem haud cito nimis, aut temere

temere procedatur. Novi enim in aliquibus materiam purulentam, imò pus foetidum cum insigni dyspnœa & pectoris gravitates expuentibus; thoracis paracentesin & frustra, & non prorsus innoxie celebratam fuisse. Itaque dum per signa pathognomonica de empyemate plane facto constabit, medicamentis (qualia pro Peripneumonia curanda supra præscribuntur) expectorantibus; necnon evacuationem per urinas & sudores blande moventibus; aliquandiu insistendum erit: quibus tandem nihil proficientibus, & empyemate adhuc manente, vel aucto (quia dummodo vires constabunt, præstat remedium anceps experiri, quam nullum) ad paracentesin procedatur.

Quod spectat ad medicamentorum pro empyemate curando requisitorum formulas, ante sectionem eadem remedia quæ ad Peripneumoniæ præscribuntur conveniunt; paracentesi autem facta, sequentia potissimum ex usu erunt.

Contra languores, & spirituum deliquia quæ in operatione ista, vel postea contingunt, Julapium sequens præsto sit, subinde ad 4. vel 5. cochlearia sumendum.

℞. Aq. Melissæ, Cerasorum nigrorum ana ℥vi. Aq. mirabilis ℥j. Margaritarum pulv. ʒj. Syrup. caryophyllorum ʒj. Misce, f. Julapium.

Decoctum sequens propinetur ter aut quater de die.

℞. Folior. linguæ cervinæ, veronicæ, eupatorii, tussilaginis, pilosellæ, saniculæ, ana Mj. Radic. Rubiæ tinctor. chærefolii ana ʒj. hordei ʒss. cicerum rubr. ʒss. passul. solis ʒi. ss. coquantur in aq. fontan. ℥iv. ad medieta-tem, edulcoretur inter sumendum ad placitum cum melle depurato, vel cum syrupo de pilosella. Si absit febris pilulæ seq. sumantur vesperi, & primo mane ad ʒj. vel ʒss.

℞. Pulv. oculor. canceri ʒij. flor. sulphuris ʒj. salis prunellæ ʒss. spec. diarrhod. abbatis ʒj. Terebinth. venet. lotæ q. s. f. massa, formetur in pilulas exiguas: vel omissa Terebinthina idem medicamentum sumatur in forma pulveris ʒss. ad ʒij. bis in die.

Empyematicorum exempla non ita passim & crebro prostant, atque ab eo morbo curatorum multo rarius. Novi duos, lateris sectionem à medicis omnimodo præscriptam admittere nolentes, fatum obiisse, eorumque cadavera dissecuri. Item binis aliis operationem istam adhibitam vidi, quorum unus convaluit, alter tabidus interiit; cuius tamen ratio erat, quod pulmone insigniter vitiato, & viribus prostratis, lateris apertio serius facta nullum isti juvamen contulit; sed spiritus prius imbecilles depressit valde, eorumque copias absumpsit. Iste cuius latus aperiiebatur, pulmonem satis firmum habuit; sed à lateris abscessu intus rupto, materies in thoracis cavitate decidens septum adeò comprimebat, ut vix respirare potuerit. Chirurgus sine caustico, inter vertebam sextam & septimam scalpellum intravit, & carne penitus perforata cannulam indidit. Ichor cruentus primo effluxit, & dein per vices in modica copia exemptus per triduum sine foetore quovis ef-

fluxit; postea verò quoties foramen aperiretur, odor teterrimus, cloacæ cujusvis maxime putentis foetorem superans expirabat, totamque cameram graveolentia intolerabili inficiebat: quinetiam adeò per plures dies persistebat, donec per injectiones ex myrrha, & herbis amaricantibus aqua & vino incoctis factas, & sapius quotidie adhibitas, tandem extingueretur, quorum usu diuturno, materia morbifica, & sorditie omni demum abluta effluxus omnis cessavit; & denique foramine clauso patiens integrè convaluit. Illorum, qui, cum lateris apertionem nullo medici aut amicorum suasu admittere vellent, interibant, cadavera dissecuri. Unius alibi mentionem feci; cuius summa erat, quod pus ab Apostemate in pleura, & musculis intercostalibus excitato, intusque disrupto emanans, loci affecti & pulmonis contigui partem sphacelo affecerat, indeque diaphragma corrodens, & foramine in dextro ejus latere facto, in viscera imi ventris descenderat: ibidemque toto ductu ventriculi, & intestinorum tunicæ exteriores, in quas materies purulenta deciderat, corrosæ & discolores apparebant; & demum materies purulenta intestinum rectum corrodens, & perforans, unâ cum excrementis per anum foras prodibat. D. Egrotans robustus & medicinæ cujusque impatiens, morbi hujus Tyrannidem per duos circiter menses sustinuit; sed interim febriculâ, siti, inquietudine, ventriculi molestiâ, & crebrâ subversione & ægrotia ferè continuâ miserrime affligens degabat. Cadavere post obitum aperto, odor foetissimus cloacam omnem superans per totam cameram diffundebatur. Alterius ab Empyemate defuncti Anatome, non ita vastam materiei purulentæ diffusionem exhibebat. Illa quidem in latere nidum habuerat, unde in thoracis cavitatem decidens, ibidemque in copia ingenti aggesta, & pulmões continue immersos polluens, febrem lentam & quasi hecticam, à qua ægrotans valde senex interiit, excitabat. *Hæc Thomas Willis Pharmaceutices rationalis parte 2. supersunt jam quædam tum ex Thesibus Discipulorum, tum ex ipsis Collegiis & Dictis Clarissimi ac Celeberrimi Viri D. Caroli Drelincurtii in ulteriorem hujusce materia illustrationem adicienda.*

Empyematis, Primarii & Genuini causa est sanguinis intra capacitatem thoracis effusio, ejusdemque inibi diuturnior mora, quam vasorum vel ἀρτηρίας, vel ἀγγείων, vel πύλης, vel διασπάρων produxerunt, uti certè dignissimi observationum scriptores luculentam nobis quadruplicis illius causæ fidem faciunt, ac proin nullus omnino superest dubitandi locus de Divini Senis Oraculo sect. 6. Aphor. 20. Si sanguis in ventrem effusus fuerit præter naturam necesse est ut suppuretur, cui Sententiæ subscribit & Hippocrates Latinus lib. 2. cap. 7.

Speciatim autem id *Empyematis Primarii* post vulnera in thoracis alveum penetrantia haud insolenter in Castris se vidisse profitetur *Clariss. necnon Celeberr. Vir D. D. Carolus Drelincurtius, Galliarum Regis olim Consiliarius ac Medicus Ordinarius, nunc verò Præceos & Anatomes hæc in Academia*

demia Professor dignissimus, Præceptor ac Præses meus æternum colendus.

Empyema, quod Secundarii nomine indigitamus, pro causa Pleuritidem agnoscere elicitur ex hoc aureo sect. 5. Aph. 8. Quicumque pleuritici facti expectorabilem materiam non excludunt intra dies quatuordecim, iis in Empyema degenerat, quia nempe materia illa quæ inter pleuram musculosque huic incumbentes, maturescit, vel, si magis placet, purulenta fit, membranam pedetentim arrodit, atque sic gliscit in pectus; imò etiam aliquoties impetufacto, locum ampliorem sibi querit & membranam illam confertim dirumpit; Utrò autem illorum modò accidat per μεταστροφὴν & quandam veluti μετακίνησιν, deportationem & commigrationem in verum & Legitimum Empyema degenerat, uti Heurnius etiam comprobatur in viro annorum 30. qui ex pleuritico Empyicus factus est, sed qui tabidus mortem obiit. Comm. in sect. 5. Aphor. 8.

Quamquam autem rariores sint Empyici à Pleuritidis rupta vomica, (*Lucetia præsertim Parisiorum, ubi Medicorum Atlantes suis toties iteratis venæsect. necnon & aliis benè multis vel evidenter, vel clanculum evacuantibus, Empyematis ortui sese opponunt & illum occupant*) nihiloscilicet Clariss. nolter Præses Honorandus, eò loci praxin numerosissimam exercens, Militum Ducem veteranum curavit, qui *Empyemate Pleuritidi succedaneo*, liberali puris expectoratione atque solius χαλκιοποσίας & aliquot bechicorum usu integrè, trimestri spatio, defunctus est. Alteram itidem, in practicis suis collegiis, conscriptam à se historiam nobis exhibuit, de Matrona consistentis ætatis, quæ propter ruptam & intrò latam pleuritidis vomicam, syncopen primùm perpessa est, *ut fert Aph. 8. sect. 7.* & tandem per alvum atque mictuales ductus largiter profuso pure, dysenteria atque dysuria laboriosissimis divexata fuit; sed ab illis, *ut ab Empyemate, Artis Æsculapicæ subsidio, paucos intra menses, immunis evasit.*

Virginem insuper vidi pulmone ulceroso, quæ per os & alvum unicè, citra dysuriam, pus suum profudit ad obitum usque.

Aperto cadavere totum pectus pure stagnatum reperi à dextris & à sinistris, sed nusquam par sui detegendis viis à pectore in alvum purulentiam deducētibus, proximis ob festinationem rei, urgentibus defunctæ consanguineis.

Empyema dextrum periculosius esse sinistro.

Hippocr. lib. 3. de Morb. dextrum Empyema sinistro damnosius esse pronunciat, quia, de mente Præsidis mei, *vena impar* corrosioni magis obvia quam Aorta durior atque compactior. At Riverius è contra Lib. Prax. 7. cap. 4. sinister Empyema pejus esse censet, quòd puris edacitate ventriculus cordis sinister periculosius arrodatur. Sed isthæc ratio apud nos ficulnea atque inutilis. Cordi siquidem pericardium & ejus aqua, vice sunt propugnaculi, atque fossæ. Cor ergo nulli puris mordacitati patet. Imò etsi cor puris injuriis obvium foret undique; annon sinister ejus ventriculus tot illas facilius eluderet? nam plurimis ille atque validissimis fibris musculosis donatus est. Cor siquidem universum ex Hippocr. sententia, *reclamante licet Galeno*, musculus est robustissimus non

nervo sed carnis densitate atque compactione. Et profectò veritatem illam Hippocratem firmam & immotam stare adversum Galenicis impetus, Clariss. oculatissimusque Præses meus, partim libris, partim viva voce, partim *ἐν τοῖς* me docuit. Is enim nunquam satis laudandus Præceptor, in nuperis suis Collegiis frequentissimis, necnon in Amphitheatro majori, corda nobis cessit ovilla, vitulina, atque humana in fibras spirales à basi ad conum dense revoluta atque retorta. Imò fibras illas non solum in orbem reflexas, sed & musculosas esse ad oculum probavit, & illas præterea à sinistris, quam à dextris longè numerosiores atque crassiores replicuit atque retexuit. Rationem potrò discrepantis structuræ suis demonstrationibus attexuit, densiores scilicet esse sinistri ventriculi fibras ut systole validiori sanguinem pellat ad extremos usque microcosmi fines; at ventriculo dextro parciores atque graciliores inesse, ut systole leviori in proximam & insertam sibi pulmonum arteriam sanguinem acceptum regerat.

Ex istis itaque liquet sinistram cordis ventriculum dextrò validiorem validius etiam dextrò omnes à se puris noxas amoliturum, atque adeò non ita periculosum extare sinistram empyema, sed cassos penitus esse Riverianos in Hippocratem insultus.

De latere Empyico internoscendo, ubi memorabile recitatur exemplum de Empyemate inaudita methodo exterius purgato.

Riverius, Prax. lib. 7. cap. 4. signum proponit, tanquam suum, quo latus Empyicum à latere sano distinguatur, tumorem scilicet œdematosum in latere corroso. Verùm diagnosis illam genuinis suis observatoribus Præses meus restituit, Hippocrati nimirum, *Guidoni, Pigrao, atque Thevenino*. Videbis præsertim Duret. Coac. lib. 2. cap. 16. Coac. 68. Sed præterea Præses meus docet latus Empyicum non modò Oedematis more tumere, verùm etiam ichores quandoque emittere & sero quodam sanioso atque glutinoso, fœtidoque stillare. Imò latus narrat *sudorum poris* tabo quodam purulento hic & illic maduisse; & cum omnia symptomata insinuassent pus esse vel ferro vel igne potentiali educendum, ac interim æger Martem & Vulcanum perinde horreret, frustillum plumbi, instar festucæ, in pororum patentioremm unum, tabo crassiori fluxum, turunda ritu solerter intrusum esse, atque sic in dies crassius illud atque longius plumbum inditum esse, donec tandem intimius adactum, pectus ipsum penetrasset, ut ex ejus penetralibus pure deinceps liberius manante & probè detergo pristina salus redintegraretur.

In Empyematis operatione falsò doceri vasis intercostalibus parcere Chirurgo.

Lippis & tonsoribus notum est ad Empyici pectoris apertionem præcipi ut scalpelli dorsum obvertatur costarum crenis, ne vasa cædantur. Sed cautionem illam futilem & agryticam esse nos in Amphitheatro docuit Clariss. Præses meus, Anatomix magnus Antistes; No-

istis etenim oculis subjecit brevi duntaxat tractu crenari costas, & falsissimum esse intercostalia vasa costarum crenas longè decurrere. Imò vasa isthæc pleurâ suâ ita nudavit, ut luculenter viderimus *superiorem* ubique *venam*, *ner-vum infimum*, *arteriam* verò *intermediam* esse, idque tam alta à costarum crenis distantia ut nusquam secandus veniat musculus intercostalis interior, quin isthæc intermedia vasa saucientur transversa. Quid igitur nobis obtrudunt, *suam industriam obventuri Chirurghi*, sese vasa pleuritica longè declinatuos, si modò, inter Empyicum pectus aperiendum, scalpelli aciem in interioris costæ dorsum obverterint. Apagæ nanias agyrtis unice dignas, à Medicis verò genuinis atque cordatis longè abhorrentes. *Atque hæc ex Clariss. D. Drelincurtio. Sequuntur jam.*

*Curationes, Consultationes, Observationes
& Anatomica inspectiones
ex variis.*

Curationes.

Quoad curam empyematis, seu quando pus factum in cavitate fluctuat, & itagnat, 1. Est evacuandum.

2. Acrimonia ejus noxia corrigenda. 3. Læ-sio partis inducta restituenda.

Quoad *puris evacuationem*, hæc per convenientes vias instituenda venit. *Via convenientes* sunt vel *naturales* vel *artificiales*: illæ quibus *natura* molitur evacuationes, & quæ subinde per varia loca inimitabili arte purulentias evacuat, ut dum v.g. pleuriticorum, vel alias in thorace suppuratorum purulentias, nunc per *urinas*, nunc per *alvum*, nunc frequentissime per *sputum* evacuat, imò per *purulentam*, in toto corpore *scabiem*, quo de vio. M.A. N.C. Ann. 2. pag. 230. solvi observatum fuit. Sanè *pus empyici* per *urinam* excretum c. dolore quasi nephritico & stranguria refert Horst. l. 3. observ. 10. Simile vid. ap. Panarolum, item Borellum cent. 2. observat. 17. Ipsemet curavi mulierem gravi pleuritide correptam, suppuratam, cui supervenit foetidissima materiæ purulentæ urina, qua per 10. vel plures dies continuante cum sensibili alleviatione ipsa sanabatur. *Præcavebam simul phthisin ac tabem* per pulveres & antihectic. Poterii, myrrh. ocul. canceror. antimon. diaph. bals. sulphuris therebinth. &c. Elix. Prop. rarò propinabam, quia hoc semper alvi fluxum sistebat, ut necesse esset, eam denuo provocare clysmate. Sicut jam suprà hujusmodi variæ excretiones circa *hepatis & lienis abscessus* insinuatæ fuerunt. Facit huc quod refert Hildan. centur. 3. hist. 39. Nempe ulcus diuturnum in brachio ex ictu sclopeti, quod, quia per *urinam* pus excernebatur, ulcus siccabatur: Quamprimum verò ulcus recenter fluebat, tum patiens rursus *urinas* laudabiles nullo pure permistas reddebat. *Per quas vias materia empyematis in pectore*, v. gr. deferatur ad *urinam* aut *alvum*, aut etiam ad os pro expuitione, plures autores litigant. Conf. Senn. lib. 2. prax. ubi de pleurit. quæst. 3. Willis Pharm. rat. P. 2. pag. 150. 201. M.A. N.C. Ann. 3. pag. 393. & Ann. 6. pag. 75. His in casibus si moriatur aliquid natura, semper minister ejus est

Medicus, dum, quò illam vergere videt, eò simul motum illius promoveat. Si verò *ruptio abscessû & collectio* jam *empyemate* pectoris, eam nil moliri observat, pro copia puris dum vires adhuc constant, evacuanda, imprimis vomitus convenit, cujus insignes utilitates pluribus Pisco de colluvie serosa declarat. Hinc *sputum* imprimis promovendum, ut hujus medio ceu per proximas vias, modumque magis ordinarium, puris fiat evacuatio. Pro quo scopo *Nicotiana* est egregia cujus usum suprà ex *Ferdinando* declaravimus.

In sputo hoc promovendo habenda simul ratio qualit. tum materiæ purulentæ evacuandæ, quæ quò acrior fuerit, ac tenuior, eò magis temperantia simul usurpanda sunt: Quòd si vero non acre sed crassius sit pus evacuandum, incidentia & abstergentia magis in usum vocanda. In specie mel, & ex eo paratum hydromel seu aqu. mulsa, oxymel squilliticum, inter expectorantia primatum ducunt; in qua mulsa hyssopus, scabiosa, parietaria, helenium, iris, marrubium, liquiritia, jujub. passula pro indicantium varietate simul incoqui & propinari possunt. Vel fiat *mistura* expectorans.

℥. Aq. hyssop. ℥ iij. asthmat. ℥ iij. oxymel. squillitic. ℥ vi. syr. Nicotian. ℥ β. emet. ℥ i β. M. capiatur pro lubitu.

Artificiales viæ pro evacuando pure sunt *paracentesis*, quæ ubi priores illæ naturales vel non suffecerint, vel non suffecturas suspicio est, in tempore institui potest. In tempore dico, ut quando natura empyema non expurgat per *urinam* statim instituenda *Paracentesis*, ne pus in saniem convertatur, ne vires frangantur, ac pulmo à sanie corrumpatur.

2. *Acrimoniæ puris & ejus noxam corrigunt*, hoc est, ut aliàs dicunt, *ulcus abstergunt & mundificant* optimè remedia sulphurea, quodcumque acre temperantia & balsamica, quali vi ulteriorem progressum apostematis & puris inhibentia, uti sunt sulphur & antimonialia fixa, &c.

3. *Ea verò, quæ læsionem partis post abscessum suppuratum restitunt*, sunt vulneraria, præcæteris hederæ terrestris, scabiosa, chærefolium, item ligiorum & radicum decoctum, &c. Optimè hæc duo junguntur, sed semper habenda est ratio Puris ut hoc vel prius, vel simul evacuetur. Febris adjunctæ, ne hæc plus majus intensæ augmentetur. Ad hoc ut evacuetur pus præter evacuationem per vomitum si est in thorace, vel in alio loco, convenientissima sunt omnia antimonialia fixa, v. gr. antimonium diaphoretic. quod ipsum cum decocto chærefolii, vel cum hederæ terrestris, vel quod melius cum decocto radice china propinetur, propinando sæpius cum haustu istius decocti ℥ j. Antimonii diaphoretic. Hoc enim mirabiliter suppurationes quascunque curat sanguinem congruatum & empyema imprimis pectoris.

Et tunc cum radice China simul coquenda sunt tussilago, hyssopus, consolida major, capill. veneris & similes: Non opus est multa addere, simplex enim sufficiat decoctum cum quo propinetur Antimonium diaphoreticum.

Post Antimonium diaphoreticum imprimis est Balsamus sulphuris, qui quancunque suppurationem ac internarum partium & viscerum corruptionem, citò, tutò & jucundè curat. Vel sim-

simplex vulgaris, cum spiritû terebinthinæ, vel anisatus cum oleo anisi pectoralis, vel succinatus cum oleo succini; vel juniperinus cum oleo juniperino. Loco Balsami sulphuris simplicis sumatur Balsamus sulphuris auratus antimonii ex Polemanno, erit balsamus eo magis laudatus.

Denique Arcæus tract. de capitis vulneribus, Egregium modum docet curandi empyemata beneficio decocti ligni Guajaci, cujus methodus est optima, & quâ abservatâ aliquot empyematici restituti fuere.

Nec incommodè ligna santala hic recipiuntur, verbi gratia.

℞. Rafur. ligni Cuajaci ℥ j. fassastr. ℥ β. Macera per 2. horas in aquæ comm. ℔ vii. coque ad consumptionem ℔ i β. adde heder. terrestr. comar. flor. hyperici. herb. veronic. an. m j. ad m ij. rad. glycyrrhiz. ℥ β. sem. fœnic. ℥ vi. passul. minor. conquassatur ℥ iij. Coqu. ad remanentiam ℔ iv. M. S. decoctum de quo æger ad minimum ter in die capiat, subjungendo & alia remedia.

Hedera denique terrestris omnibus præferenda est speciebus simplicium quæ suppuratos ex fundamento, ut sic dicam, curat: Ejus decoctum seu essentia si assumatur, aut quod melius cum eodem antimonium diaphoret propinatur, aut denique si ejus succus semper cum decocto Guajaci permisceatur.

Certum est quod hedera terrestris sit inastimabilis in hoc casu.

Hinc sunt qui maximè æstiment.

℞. Succ. hederæ terrestr. ℥ iv. prassii (id est marrubii) ℥ ij. thuris myrrhæ an. ℥ j.

Sacchari parum; redigantur ad consistentiam syrupi, & subinde usurpentur.

Denique decoctum brassicæ capitata rubræ, cum tantillo sacchari temperatum, est egregium, quia materiam purulentam educit per urinam. Potest etiam dari cum decocto Chinæ, antimon. diaphoret. & similia.

Lac quoque caprillum cum saccharo rosato usurpatum, pro ultimo hoc scopo est egregium. vid. M. A. N. C. an. i. p. 78.

Confert. cum his Willis. Pharm. ration. p. 2. ubi de phthisi & empyem.

Balsami sulphuris feci mentionem: si hujus igneus calor pertimescatur, optimè permisceatur saccharum Saturni vel Antihecticum Poterii, quæ in his casibus sunt egregia.

Item Balsamus Peruvianus non incommodè potest substitui balsamo sulphuris. *Michael Ettmuller. Collegii Medici Part. I.*

Quoniam curantur Empyici difficillimè, consueverunt veteres Thoracem incidere: ut inde purulenta materia promptius educeretur. Monet autem Hippocrates ne pus universim effluat: tunc enim languentes Mors certò excipit, ut experimentis pluries innotuit. Partem verò urendam, vel secandam nonnulli eligunt inter tertiam & quartam costam: alii inter quartam & quintam: & alii inter quintam, & sextam. De qua re legendi potissimum Paulus Ægineta, Fabritius ab Aquapendente, Fienus, Scultetus, Barbette, Marchetti. Hippocrates 2. de Morbis utroque latere pure affecto, sinistram potius aperiendum voluit: minus etiam lethalem di cit factam ibi sectionem. Ve-

rùm Epiphanius Ferdinandus ex eodem Hippocrate de internis affectionibus tutius putat perforare costam ipsam. Idipsum approbat Martianus etiam in Hydrope Pulmonis ex eodem Hipp. de Natura mulieb.

At longè periculosiorem, quàm vulgò creditur, Paracentesim esse existimat Jo. Van-Horne, & Tulpius pluries infelicitè institutam ait. Quamobrem plerique ad alia remedium genera confugiunt, quæ si non magni juvamentis, saltem minoris sunt periculi. Fumo tabaci per fistulam excepto, ejusdemque decocto calido cum saccharo bis tantum sumpto, pus è cavo Thoracis per tussim excretum memorat Epiphanius Ferdinandus: debet autem illud convenienti digestionem depurari, & castigari. Alii communius diureticis insistant documento Galeni 6. de loc. affect. cap. 4. Nec denique desunt, qui etiam per alvum expurgatum empyema recenseant: nam præterquam quod visum id aliquandò fertur ab eodem Galeno c. 6. de loc. affect. cap. 4. confirmatur quoque à Velschio, qui acceptum à Matthia Baccono refert, Empyicum ex pleuritide sanatum frequenti potione, ex syr. Althææ, oxymelle, saccharo, mannâ, oleo amygdal. dulcium recenti, & aquâ scabiosâ, pure nimirum, ut ipse inquit, alvo proclivius, quàm ore, expurgato. At ductus isti nondum satis perspecti sunt, quamvis illos ostendere adnissus sit Bauhinus relatus ab Horstio, & à Sennerto; ac multò antea Galenus cap. 6. de loc. affect. 4. & 7. Aph. comm. 30.

Profuisse nimium vidimus Empyicis decocta ex scabiosa, pulmonaria, sanicula, tussilagine, hyperico, hyssopo, carduo benedicto, betonica, iridis Florentina, & lappæ majoris radice, glycyrrhiza, consolida, C. C. C. & majori ex parte ligno guajaco, & lentiscino composita, & exhibita ad plures dies cum balsamo sulphuris, anis. vel terebinth. ad guttas aliquot mane per quinque saltem horas ante cibum. Efficax quoque observatur elixir proprietatis elicitus cum aqua cinnamomi, cum quo commisceri potest syrupus de tussilagine, de hedera terrestri, de hyssopo, de prassio, si libuerit. Flores Antimonii fixi, & Antimonium diaphoreticum ritè præparatum, miram opem præstiterè, sicut pariter illius cerussa descriptione Angeli Salæ, non neglectâ tamen in hanc rem observatione Friderici Hofmanni. Magna etiam vis inest Terebinthinæ albæ Cypriæ, si cum modico vitelli ovi dissolvatur, & cum aqua hederæ terrestris stillatitia guttatim infusa tentisper subigatur, quousque cremorem lacteum æmuletur. Capi potest ad unciam unam vel alteram jejuno stomacho. Succus ejusdem hederæ utilissimus memoratur à nonnullis, si cum olibano diapenid. redigatur in formam Electarii, & per vices assumatur, vel in ore detineatur.

Ad Pulmonis vomitam, refert Cardilucius sibi pro secreto communicatum spiritum è pullegio in spiritu vini per octiduum infuso elicitum, vel insensibiliter vel per sudorem, aut urinam illam dissolvere. At Morbus hic sicuti rarissimus, ita difficillimæ curationis; quinimò prius hominem enecat, quàm internoscatur aut opportunis remediis tractetur, cum repente

è vivis ægros tollere soleat, nisi sponte sua rumpatur vomica & purulenta materia in Thoracis cavum deponatur, vel sensim expuatur. *Lucas Tozzi de Medicin. Practic. part. 1.*

Signa Empyematis sunt gravitas cum fluctuatione (præcipue cum ab uno latere in alterum decumbant) in thoracis cavitate, si Pleuritis aut Peripneumonia præcesserunt, respiratio difficilis, sputum purulentum & foetens, febris hectica, & aliquando sudores nocturni frigidi.

Indicationes sunt puris excretio per expectorationem, urinas, aut alio quocunque modo, ulceris deterfio & consolidatio, & febris hectica ablatio.

Primò injiciantur Clysteres lenientes, emollientes, & carminativi, & repetantur, si alvus non respondeat. Purgetur æger potione sequenti.

℞. Rad. enul. ʒj. glycyrrhiz. ʒij. sem. anis. fœnicul. dulc. ana ʒj. crem. tart. ʒʒ. fol. fen. mund. vin. alb. odorif. nutrit. ʒv. Coque, & Colaturæ ʒiv. aut vi. adde diaphœnic. ʒij. syr. ros. solut. cum agaric. ʒj. M. f. f. Potio mane sumenda cum regimine.

Si vires ferant & febris urgeat, instituat venæsectio in brachio.

Victus sit tenuis & siccans, ex assatis potius quàm elixis. Sæpius comedat pineolas, avellan. amygd. dulc. ficus, passul. &c.

Potus ordinarius sit hujusmodi.

℞. Sarsap. ʒvi. sassafr. ʒij. lign. sanct. ʒijʒ. glycyrrhiz. ʒiʒ. passul. ʒij. aq. hord. ℥xxiv. Infund. & coq. ad tertiæ partis consumptionem. Coletur & aromatizetur ʒj. pulv. coriand. ad usum fervetur in lagenis lapideis.

Vel ℞. Rasur. lign. sanct. inter. nigerr. ʒiv. rad. symphyt. maj. ʒvi. rad. tussilag. ʒv. scabios. veronic. caryophyllat. botry. an. m. ij. glycyrrhiz. recent. ʒij. Infund. in ℥viii. aq. f. vase probè occluso, mox coq. in alembico superposito capitell. ad ℥ij. consumpt. Colatura fumatur bis terve in die ad ʒvi. vel viii. quavis vice longè à pastibus.

℞. Rad. chin. ʒij. enul. ʒj. tussilag. ʒij. caryophyllat. totius, scabios. an. m. ij. fol. beton. pulmonar. pilosell. heder. terrest. erysim. an. m. j. summit. marrub. alb. hyssop. an. m. ʒ. passul. purgat. par. xx. jujub. par. x. dactylor. ficum an. par. iv. Coq. in hydrom. dilut. ℥vj. ad ℥ij. consumptionem. Colatur. adde syr. capill. ven. ʒiv. ol. sacch. ʒij. M. f. f. Apozema. Dos. ʒvi. bis in die longè à pastibus per octiduum.

℞. Rad. enul. rec. ʒj. urtic. urent. ʒij. glycyrrhiz. Hispan. ʒx. fol. veron. mar. cum toto, heder. terrest. botry. an. m. j. ʒ. erysim. m. ij. summit. hyssop. marrub. alb. an. m. j. Coq. in hydrom. vinos. defæcat. fiat Colatura, in qua clarificata macera passul. mundat. ℥iʒ. ficum ping. ʒviii. Bulliant, extrahe pulpam, quæ cum liquore residuo lentè coquatur in Electuarium.

℞. Hujus Electuarii ʒiv. mell. despumat. cum phlegmate ex destillatione olei anis. ʒij. sacc. cand. ʒv. vin. de Malaga ʒvi. Coq. lentè ad consistentiam eclegmatis, instilla ol. sulphuris per campanam, q. f. ad gratam aciditatem.

M. ʒ. & lambatur instar linctus.

Aliquando oleum sacchari hujusmodi præscribo.

℞. Rad. enul. ʒj. ireos Flor. ʒʒ. glycyrrhiz. ʒvi. fol. sic. marrub. alb. hyssop. scabios. heder. terrest. erysim. an. ʒv. rad. caryophyl. sic. ʒx. cort. rad. sassafr. ʒij. sem. anis. fœnic. dulc. an. ʒvii. contus. affund. aquæ vit. ad iv. digit. supernatationem, infunde per quatrimum: Colaturæ ℥ij. adde sacchar. crystal. pulv. ℥ij. flor. sulph. ʒj. accende liquorem in paropside stannea, & agita donec inflammatio cessat, cola per linteum, & adde mellis passulat. quartam partem, f. Eclegma.

Si sputa sint purulenta, & tussis urgeat.

℞. Pulp. rad. alth. & passul. in aq. scabios. & hyssop. simul. coct. pist. & traject. ʒij. pulv. subtiliss. fol. tussilag. glycyrrhiz. Hispan. an. ʒiʒ. ireos Flor. ʒij. lact. sulph. ʒij. sacch. crystal. pulv. ʒviii. cum pauca aqua hyssopi f. Pasta pro trochiscis hypoglott.

Si opus sit majori deterfione, convenit Lohoch de thure.

℞. Thur. mascul. ʒij. sacch. crystal. ʒij. pulv. includ. cavitate majoris pomi dulcis, quod proprio operculo tectum torreatur, & pulpa bene cocta à superfluitatibus separetur, addendo pulp. rad. enul. in hydromel. ad putrilag. coct. pist. & traject. ʒj. pulp. passul. ʒij. pulv. hyssop. & fol. tussilag. an. ʒij. ireos Flor. ʒij. succ. glycyrrhiz. ʒʒ. syr. de erysim. heder. terrest. roris solis an. ʒij. flor. vel lact. sulph. ʒʒ. M. f. f. Lohoch.

Potens admodum est remedium Saponæ sequens magistralis.

℞. Rad. enul. rec. ʒij. alth. ʒiv. passul. maj. ʒij. Coq. ad putrilaginem in hydrom. malvar. pistentur, trajiciantur per setaceum, de pulpa sume ʒij. suc. glycyrrhiz. ʒʒ. ireos Flor. ʒij. sem. anis. fœnic. dulc. an. ʒiʒ. sem. angel. cardam. an. ʒʒ. mastich. olib. an. ʒj. cinam. inter. ʒij. croci ʒij. Terantur terenda in alcohol, adde duplum saponis Venet. alb. & cum syrupo pectorali f. Electuarium, addend. ol. anis. ʒʒ. dos. quant. nusc. moscat. bis terve in die.

Mel Passulatum de quo sæpius supra dictum est.

℞. Passul. ℥iv. aq. f. ℥xii. macera per hor. 24. dein coq. ad tertiæ. Colatura coquatur ad mellis consistentiam, & usui servetur.

Tabellæ de Althæa de quibus mentio supra facta est.

℞. Spec. diatrag. frig. pulv. glycyrrhiz. ana ʒivʒ. sem. papav. alb. ʒij. ireos Flor. ʒij. sacch. alb. ℥iʒ. cum pulp. alth. q. f. f. Tabellæ.

Post deterfionem, si opus sit validâ exsiccatione usurpetur suffitus talis.

℞. Auripigm. ex cineribus vitis vel cum flor. sulphur. sublimat. ʒʒ. Tabaci Indici opt. ʒij. tussilag. rad. enul. calam. aromat. ana ʒiv. lign. aloës, benzoin. gum. guajac. naturalis ana ʒiʒ. f. pulvis subtiliss. & cum tereb. Venet. q. f. vel balsam. Peruv. f. trochisci num. 12. pro suffitu, cujus fumus excipiat cum infundibulo.

Sæpius Tabacum compositum sequens præscribo.

℞. Fol.

℥. Fol. tussilag. siccat. 3℔. laur. salv. mala-
bathr. an. 3ij. rad. enul. 3ij℔. cort. guajac.
gum. ejusdem an. 3i℔. tabac. Indic. 3ij℔. suc-
cin. oliban. an. 3vii. auripigm. flaviss. scintil-
lant. 3℔. Auripigmentum, succinum, oliban.
cort. & gum. pulverizentur, & cum cæteris cras-
siusculè incisis misceantur; & capiat fumum
instar Tabaci vulgaris, idque paulò ante as-
sumptionem apozematum pectoralium bis ter-
ve in die.

Si Empyema per latus alterutrum viam mo-
liatur, latus affectum foveatur fotu seq.

℥. Rad. alth. lil. alb. an. 3ij. brion. ari ana
3i℔. enul. 3ij. fol. malv. parietar. senecion.
ana m. j. scabios. heder. terrestr. marrub. alb.
ana m. ij. sem. fœnugræc. 3x. sem. anis. fœnic.
ana 3ij. Coq. in aq. f. part. xii. mell. part. ij.
acet. scillit. part. j. Colaturæ adde ol. violar.
℔ j. chamæm. rut. ana ℔℔. Mf. & cum spongiis
eodem madidis f. Fotus mane & vesperi per
horam integram.

Pott fotum, optimè detersâ parte, applicetur
Emplastrum sequens lateri affecto.

℥. Empl. diachyl. ireat. 3iv. pic. Burgund.
3ij. ladan. 3ij. gum. caran. tacamahac. an. 3j.
pulv. flor. chamæm. melilot. trifol. odorat.
ana 3℔. pulv. cumin. rut. flor. sulphuris ana
3vi. croc. 3ij. bals. Peruv. terebinth. Venet.
an. 3vi. cer. flav. q. s. f. Emplastrum. Aut ap-
plicari potest Emplastrum Diasulphuris Ru-
landi.

Si adsit catarrhus, conveniunt fontanellæ,
vel in futura coronali, vel in homoplatis.

Aquæ Thermales sulphuræ hic maximè con-
veniunt.

Paracentesis antequam vires sint nimis con-
sumptæ semper fere fœliciter succedit, aperto
latere inter quintam & sextam costam (ab
inferioribus numerando) eo in loco ubi sub
infimo exortus pectoralis musculi angulo
musculus serratus major & epigastri obliquus
externus dentatini junguntur, scalpello a-
cuto panniculo obligato deorsum natante
mucrone, servatâ rectitudine fibrarum inter-
costalis musculi, & cutem ipsam cum sub-
jectis partibus audacter dividat Chirurgus,
adactâ in superiorem costæ quintæ partem
acie. N.B. Potius antrorsum aliquantulum quàm
versus spinam secandi sunt omnes Empyemati-
ci, salvis diaphragmate & pulmonibus qui in
ista parte vulnerari nequeunt, sumto inter se-
candum expirationis momento. Dein fiant in-
jectiones vulnerariæ, detergentes, & postea ex-
siccantes & consolidantes. *Theodor. de Mayerne
Prax. Medic. lib. 2.*

*Hic in Curatione Empyematis jam adda-
mus quæ de Paracentesi thoracis, habet Tho-
mas Fienus in suo de præcipuis artis Chirurgicæ
controversiis libello sic autem ille.*

Paracentesis est sectio, per quam fit vulnus
penetrans in corporis cavitatem. Etsi autem
per paracentesin intelligatur proprie tantum se-
ctio, quæ fit ferro frigido, tamen volo ego eam
hic latius considerare, sic ut sub paracentesin
non tantum sectio comprehendatur, sed etiam
ustio, qua fit ulcus penetrans. Perforatio

enim usque ad corporis cavitatem fit duobus
modis, vel ustione, vel sectione. Quia autem u-
traque est ad eundem finem, ideo utramque
sub generali nomine paracenteseos hic compre-
hendere volo. Dico, penetrans in corporis cavi-
tatem. Corporis autem cavitates duæ sunt;
una supra diaphragma, quæ est cavitas intra
thoracem contenta: alia sub diaphragmate,
quæ est cavitas in abdomine contenta. Ideo
duplex est paracentesis; alia pectoris seu thora-
cis, alia abdominis.

Ufus, & finis utriusque paracenteseos unus
est, ut nimirum per foramen sic arte factum ali-
quid, quod intra illas cavitates contra natu-
ram continetur, & alia ratione à natura exclu-
di non potest, educatur. Quod ibi contine-
tur, vel est pus, vel aqua. Itaque omnis pa-
racentesis est aut ad pus, aut aquam; & vel ex
pectore, vel ex abdomine educendum. Pus in
pectore colligitur, vel à præcedente anginâ,
vel pleuritide, vel peripneumonia suppurata,
& ruptis, & sic affectus vocatur empye-
ma. Vel etiam à vulnere, vel casu ab alto
ruptis intra venis & sanguinem multum effun-
dentibus, qui in pus convertitur. Pus intra
abdomen colligitur aliqua phlegmone alicujus
partis, intra ipsum contentæ, suppuratæ aut
ruptæ, ut renum, hepatis, mesenterii, peri-
tonei, aliisque. Aqua colligitur supra Dia-
phragma in cavitatem pectoris, sic ut pulmo ei
innatet, ex pulmonis nimia refrigeratione,
pericardii fissura, aut feri ex osculis venarum
diapedesi. Et is affectus vocatur hydrops pul-
monis. Aliquando colligitur aqua in abdomi-
ne, & ille affectus vocatur Hydrops simplex,
seu Ascites. In his omnibus affectibus conve-
nit paracentesis, Puto ego, adhuc aliam cau-
sam esse, propter quam paracentesis fieri pos-
sit; nimirum, non tantum, ut aliquid ex cavi-
tatibus corporis evacuetur, sed ut aliquid
etiam in eas immittatur. Sic potest fieri hæc se-
ctio ut decocta aliqua abstergentia, cum syrin-
gis injiciantur; interius scilicet ulceribus aliquot
difficilibus existentibus, quæ curari non possunt,
& ad quæ non possunt alia ratione medicamen-
ta commode prævenire. Sic Harcerus insignis
Chirurgus Hispanus docet, ulcera pulmonis, &
Phthisim facile esse curatu, & sese sæpius ea cu-
rasse, & curæ modum docet hunc; ut nempe in
pectore sectio fiat, & per foramen decocta de-
tergentia injiciantur, quibus ulcus eluatur,
mundetur, & consolidetur.

Quæritur autem: an unquam paracentesis pe-
ctoris sit facienda? Videtur autem quod non,
autoritate Pauli Æginetæ l. 6. c. 44. ubi dicit; *ali-
quos uti sectione, vel ustione thoracis penetrativa
usque ad cavitatem. Sed isti, inquit, statim mortem
inferunt, vel faciunt, ut fistula remaneat.* Hollerius
comment. Sect. 6. Aphor. 27. dicit; *se duos vi-
disse empyicos, sed unum eorum obiisse, alterum fi-
stulosum ulcus reservasse.* Hisce ratio videtur suf-
fragari. Quia si in thorace foramen fiat, per
illud externus aër ingreditur, & calor, & spi-
ritus interni egredientur, & cor, & pulmo,
principes & calidissimæ partes, spirituque ple-
næ refrigerabuntur, & debilitabuntur, & mors
sequetur. Secundo, quia est communis opinio
Medicorum, quod pulmo moveatur fuga vacui,
ad motum thoracis. At si in pectore fiat fora-

men, jam cessabit ratio illa fuga vacui, quia aer, qui potest de foris ingredi per foramen, faciet, ut tunc non sit amplius tale periculum vacui, & ideo debet motus pulmonis cessare, vel saltem valde minui; pulmonis verò motu vulneri imminuto & pure interius cavitatem opplente, & respirationem impediante, sequitur, quod fieri debet suffocatio, & mors. Saltem, cum in cavitate utrinque thoracis pus continebitur, non poterit sectio talis ulla ratione fieri, quia illa sectio tunc fiet, vel in uno latere, vel in utroque: si fiat in uno tantum, fiet frustra, quia per illam tantum poterit evacuari pus, quod in illo latere est, quod autem est in opposito latere non poterit, & tunc illud poterit adhuc tam bene mortem causare per se, quam antea. Si fiat sectio in utroque latere tunc omnino sequitur, quod non poterit pulmo fuga vacui moveri, ergo necesse erit pulmonem à respiratione cessare, & ægrum mori.

Contra verò quod hæc sectio in empyecis, & hydrope thoracis aliquando fieri possit, docet, Hipp. variis in locis. Nam lib. 3. de morbis docet, quomodo empyemate laborantes sunt urandi, & secandi. lib. de intern. affect. docet costas ipsas perforare in hydrope pulmonis, quo per foramen aqua valeat exire, & Aphor. 27. §. 6. dicit: quicumque empyici aut hydropici sunt, & secantur, vel uruntur si pus vel aqua confertim exeant, moriuntur. Ubi insinuat, quod illi quidem secari, & uri possint; sed hoc tantum sit cavendum, ne aqua & pus confertim exeant. Porro omnes ferè Practici docent in empyemate, si videamus, quod natura intrâ certum tempus pus ejicere non potest, paracentesin esse faciendam. Etsi enim illa absque dubio non sit periculi expers, non est tamen certò lethalis, sed sapissime potest curari, ut experientia docet. Præstat ægro remedium adhibere, à quo fit spes sanationis, etiam si periculi aliquid habeat, quâ certæ mortis relinquere. Si enim sic relinquuntur vel mox moriuntur, multitudine puris suffocati, vel quia pulmones in eis inflammantur, & corrumpuntur: vel in phthisin abeunt, quæ omnia sunt mala lethalia. Quod autem hæc sectio non sit tam periculosa, ex eo patet, quod omnes singulis diebus experimur, plurimos homines convalescere, qui vulnere thoracis penetrativo læsi fuerunt. Huic accedunt exempla eorum, qui passi talem paracentesin, tamen fuerunt curati. Scribit Plin lib. 7. cap. 50. quod Phalereus deploratus à medicis vomica laborabat. Et cum mortem in acie inquit, quæreret vulnerato pectore medicinam ab hoste invenit, & per vulnus erumpente pure fuit curatus. Idem scribit Val. Max. lib. 1. cap. 6. Hipp. in Coacis prænotionibus scribit, se compertum habere, unctione aut sectione quosdam evasisse in diuturnis thoracis ulceribus. Paschalius li. 1. c. 29. commendat hanc sectionem, & dicit, quendam nomine Lupum sic ab empyemate fuisse curatum. Vesalius in consilio pro vulnere Ducis Terræ novæ, dicit, se hac sectione sapius usum fuisse, & alios uti se vidisse, & se nunquam advertisse ex ea aliquid sinistri, aut contra præcepta artis evenisse, & licet contigerit aliquando, aliquos sic sectos mori, non fuisse tamen mortuos ratione istius sectionis, sed magnitudinis primi mali, propter quod sectio erat instituta: scribit Brasagonus in suis comment. in

6. Aphor. 27. se quendam suppuratum videri, & sanatum fuisse. Saxonia etiam se unum secuisse dicit, & adhuc vivere. Paræus, Harlaus, Guinimæus aliq; Chirurghi celebres hanc sectionem commendant, & faciendam docent. Quapropter ad argumenta, in contrarium allata sic debet responderi. Ad auctoritates; dubium non esse, quin aliquando secti moriantur, sed id sæpe accidit, ut ait Vesalius, ratione Empyematis, quod interna corrumpit, & non sectionis, sæpe quod sectio mala sit facta, aliquando forte etiam propter ipsam sectionem. Sed non sequitur, quod ideo remedium omnino sit omittendum, quod aliquando obfuit: sufficit, quod possit sæpius prodelle, & ad hoc ut in desperatis casibus adhibeatur. Ad rationes, atque ad primam: non propter foramen internas illas partes valde refrigerari, propterea quod parvum sit, & semper emplastris, & aliis linteis bene sit tectum, & clausum. Ita videmus ventrem sæpe esse apertum, cerebrum esse denudatum, thoracem à vulneribus magnis pertusum, & nihilominus tamen adhuc ægros convalescere, nec exinde internas illas partes adeo refrigerari, ut inde mortem sequi sit necesse. Ad alteram dicitur, quod respiratio non fiat fuga vacui, etsi communis schola medicorum ita sentiat. Scribit enim Felix Platerus, & alii, sese sæpe ægros habuisse, qui ab utroque thoracis latere penetranti vulnere affecti fuere, qui tamen non desierunt, propterea commodè respirare, quod tamen omnino necessum foret, si pulmo fuga vacui, ad motum thoracis moveretur, ut asserunt. Scribunt etiam Alex. Benedictus, Nicolaus Piso; & alii, quod cum ab utroque latere pus continetur, quod ab utroque latere sectio sit facienda: quod non facerent, si utrinque vulnerato thorace respirationem cessaturam, aut pulmonem fuga vacui non amplius motum iri crederent. Sed posito, quod ita foret, adhuc tamen posset sectio utrinque fieri, quando pus in utraque cavitate continetur, sed non simul, verum una post aliam, scilicet pure unius lateris per sectionem ejusdem lateris evacuato, & vulnere iterum consolidato. Posset sectio denuo in altero seu opposito latere fieri.

Ut hæc paracentesis commodè fiat, ante omnia considerandum est, quis locus ei conveniens sit; Pro quo sciendum est, quod semper sectio fieri debet, in loco, in quo pus continetur, & in illa parte, per cuius foramen potest pus exire. Nam si sectio fieret in eam usque cavitatem, in qua non est pus, frustra facta esset, & frustra periculum tentatum, & Medicus ignominia affectus. In thorace autem duæ sunt cavitates distinctæ; una à dextro latere, à sinistro altera: propterea quod membrana, mediastinum dicta, in medio thoracis sit constituta, & unam ejus medietatem ab altera separet: ex quo fit, quod pus, quod in una cavitate est collectum, non possit ad alteram cavitatem venire. Accidit autem, ut aliquando pus in una cavitate, aliquando in altera tantum, in utraque aliquando cavitate colligatur, quapropter multum refert, in quo latere sectio fiat. Colligitur pus in uno vel altero latere, prout phlegmone vel in uno vel in altero latere est generata.

Quæ in dexterâ parte facta est, in dexteram cavitatem pus deponit; quæ in sinistra,

in finitram. Per pleuritidem semper in unum tantum latus pus deponi potest: per anginam, & peripneumoniam, aliquando in unum tantum, aliquando in utrumque. Nam in angina pus quod effluit, & delabitur in tracheam, interdum potest dilabi in unum ramum tracheæ tantum, seu dexterum seu finitrum: interdum in utrumque. Trachea enim, cum ad pulmonem pertingit, in duos ramos bifurcatur, quorum unus in dextram, in finitram pulmonis partem alter fertur: & exinde in finitram aut in dextram cavitatem thoracis vel in utramque. Peripneumonia etiam est aliquando in uno latere pulmonis tantum, aliquando in utroque. Cum est in utroque, potest in utramque cavitatem pus deponere, etsi non necessario: quia etsi in utraque parte sit, non tamen necessario abscessum facit in utraque parte, aut erumpit. In quo ergo latere pus continebitur, in eo erit secandum. Si autem in utroque latere contineatur, quid erit faciendum. Dicit Alex. Bened. lib. 10. cap. 25. & Nicolaus Piso ac alii, tum in utroque latere esse secandam, sed non eodem, aiunt, die. Et certè, si in utroque latere pus contineatur, vel non erit secandum, propter periculi magnitudinem, vel si secandum erit, secandum in utroque: nam alioqui, quod in opposita cavitate pus continetur, non poterit per oppositæ sectionem evacuari, & sic maneret idem periculum mortis à pure in uno adhuc latere contento, quod antea erat à contento in utroque.

Cognoscendum ergo imprimis exactè latus est, in quo pus continetur. Illius cognoscendi varia signa sunt, tumor, calor, dolor, pondus, & strepitus puris fluctuantis. Imprimis dico, tumor: quia tumet, & sublimius quodammodo est latus, ubi collectum pus est, cum cutis exterioris livore quodam, & calore, quem corrupta evaporatio inducit. Sed & naturæ beneficio pus aliquando extrorsum extruditur, atque in musculos externos erumpit. Calor etiam est signum, quia latus illud, in quo pus est, magis calet. Hinc Hippoc. l. 3. de morbis, ad sciendum, in quo latere pus contineatur, docet, totum thoracem creta liquida, vel terra erictica obducendum esse, & quæ pars primofuerit exsiccata, in ea pus contineri. Tertium signum est pondus, quia, cum æger in oppositum, ac sanum latus incumbit, illi pondus aliquod à superna parte pendere videtur, unde interdum angustia premitur, & tussis fatigatur, & majori dolore infestatur. Denique fluctuatio & strepitus manifestus puris auditur in affecto latere, cum æger convolvitur, nisi forsan puris crassities aut copia, totum spacium implens, impediat. Hinc Hippocrat. alibi docet, ægrum manibus esse tenendum, & toto corpore concutiendum, & Medicum oportere aures pectori dolenti adhibere, ut audiat, qua parte strepitus puris audiatur. Cognito latere in quo est secandum, locus præcisè est cognoscendus, illum locum aliquando monstrat natura. Itaque si aliqua parte thoracis tumor, aut calor major appareat, ibi est secandum. Extra illum casum artificio locus est inveniendus.

Aliqui dicunt, intra secundam vel tertiam

Costam sectionem fieri debere. Aliqui, inter tertiam, & quartam. Alii inter quartam, & quintam. Alii (inter quos est Vidus Vidius.) Inter quintam, & sextam dicunt esse secandum. Plærique omnes, vel inter tertiam & quartam, vel inter quartam, & quintam statuunt. Ego noto famosiores asserere, inter quartam & quintam. Illæ autem costæ debent computari ab infra sursum, à costis nothis incipiendo: unde, cum dicitur, quod debet sectio intra quartam & quintam, non debetis tunc intelligere costas spurias, sed veras & legitimas. Verum adhuc multum refert, an versus pectus an versus spinam locus eligatur. Versus spinam periculosus est: Imo quia ibi pulmo pleuræ vicinior est. Secundo, quia ibi costæ sibi mutuo sunt viciniores, ad latera autem costarum decurrunt magnæ venæ, quæ sunt venæ azygii propagines. Itaque illæ venæ ibi sibi mutuo sunt vicinissimæ, sicut difficile sit secare inter costas, quin illæ venæ tangerentur. At sursum versus pectus costæ, & venæ divaricantur, & paulatim fiunt tenuiores, & ideo illic minori periculo sectio fieri potest, debet ergo locus eligi, antrorsum, versus pectus, sex aut septem digitis transversis remotus à Spina Hippoc. l. de internis affect. advertens periculum in sectione esse, ne illæ venæ tangerentur. Docet alium modum, qui videtur esse tutior, ut nimirum supra tertiam costam secetur, & tunc ipsæ costæ terebello perforetur, & inde pleura transpugatur. Illa sectio videtur minus periculi habere. Recentiores tamen Medici nunquam eam usurpant: quapropter necesse est, ut illa magnum aliquod incommodum habeat. Illud imprimis est, quod aliqui habeant costas tam parvas, & angustas, ut eas perforare impossibile foret. Secundo, quia etsi habeant costas satis magnas, tamen nemo eas tam magnas habet, ut per eas magnum foramen fieri possit, sed tantum parvum: per parvum autem foramen non possit satis commodè pus & sæpè tam multum, & crassum evacuari, sed tantum aqua. Et ideo in quibus propter aquam in thorace paracentesis fit, in iis hæc costarum perforatio locum habere posset: vel etiam in iis, qui costas habent valde latas. At verò in iis, qui angustas, vel qui Empyemate laborant, non item, ut Libantius super Aphor. & Paræus in Chirurg. etiam attestantur. Real-dus Columbus insignis Anatomicus, alium locum insinuat, & dicit, commodè, & satis tuto hanc perforationem in sterni fieri posse, quam alii quoque nonnulli sequuntur. Sed cum non habeant certam aliquam de illo loco doctrinam, vobis vulgarem intra costas sectionem commendando.

Quo ad modum perforationis, is duplex est: vel enim fit sectione, vel ustione. Alii sectionem, alii ustionem præferunt. Interdum fit utroque modo. Ustio autem dupliciter fieri potest, vel cauterio actuali, vel potentiali. Antiqui solebant ferro candenti urere, ut ex Hippocrate, & Paulo manifestum est: Paræus lib. 7. cap. 10. dicit, ustionem quæ cum ferro candente fit magis esse securam. Idem ait Leonus: Ratio, propter quam id dicant est, quia ubique inter costas sunt magnæ venæ, quæ facile tangi possunt, & si sectione tangerentur, periculum adferrent magnæ, & pe-

riculosa hæmorrhagiæ: at si ferro candente tangantur non est illud periculum, propterea quod venæ à cauterio claudantur. Vidus Vidius, dicit, debere fieri sectionem cum scalpello, postea ferro candenti locum esse inurendum absque dubio ad eandem hæmorrhagiam evitandam: Verum ego imprimis non probo, ut locus ferro candente usque ad cavitatem inuratur. Nam præterquam, quod hoc remedium sit horrendum, & crudele, non convenit etiam corporibus, jam à morbo tam debilibus; & attactu ignis febris augeri, & membrana succingens coitas inflammari posset. Ideo Paulus, & Albucasis, cum de unctione usque ad cavitatem loquuntur, dicunt esse remedium, à quo statim mors sequatur. Quod si vero prosectio fiat, & tum videatur sequi hæmorrhagia, equidem ut tum insuper unctio fiat, sicut Vidus dicit, esse necessarium. Restat ergo ut perforatio fieri debeat, vel sectione, vel cauterio potentiâ; & vel alterutro solo, vel utroque simul. Cauterio potentiâ solo inurere, nimis longa moræ est: sunt enim decem dies, antequam eschara excidat, & interim à pure intus partes corrumpuntur. Hodie moderni Chirurghi utuntur vel sectione sola; vel cauterio potentiâ, & postmodum sectione per escharam ab ipso cauterio inductam. Uterque modus est bonus. Sed qui sola sectione fit habet interim periculum hæmorrhagiæ conjunctum. Qui verò cum prævio cauterio fit, non item: per escharam enim venæ clauduntur. Quapropter puto ego, hunc ultimum modum esse securissimum, uti etiam Guilimæus attestatur: non tantum, quod per hanc non sit periculum fluxionis sanguinis, sed etiam, quia, cum eschara excidit, magnum fit foramen, quod ultro diu apertum manet, per quod pus potest evacuari. Nam, si sola sectione perforatio fiat, debent ægri continuo cruciari impositis tentis ad foramen apertum retinendum, quod & calorem, & febrem, & inflammationem parit. Si simplex sectio fiat, illa debet fieri, cum novacula angusta, & acuta, non autem scalpello; quia instrumentum debet ab una parte esse obtusum. Scissio debet fieri superne deorsum, sic, ut obtusa pars cultri sit sursum: quia sic cavetur, ne vena quæ sub costa jacet, vulneretur. Et debet duci oblique secundum ductum fibrarum musculorum nimirum versus deorsum ut sic facilius postea iterum vulnus conglutinetur. Cum autem potentiale cauterium imponitur, tum post factam escharam sectio fieri debet: non cum novacula, sed lancetta, ad cavitatem usque: & tunc non necessarium est ductum fibrarum observare, sed præstat rectè transversaliter secundum costas incidere. Sectio etiam faciendâ est, cum æger expirat, propterea quod pulmo tunc contrahatur, & à costis recedat, & sic minus tunc tangi possit.

Sectione facta pus, aut aqua per foramen educenda sunt, sed paulatim. Nam si conferim educerentur, subitæ mortis periculum est, sicut Hippocrat. sect. 6. Aphorism. 27. & aliis libris, toties est attestatus. Tunc suppurantia, quæ crustam excidere faciant, sunt de foris adhibenda, intus verò per foramen, cum syringa, injicienda sunt medicamenta, quæ leniendi, & ad temperiem reducendi corruptas partes simul, & pus detergen-

di vires habent, ut sunt aqua hordei cum melle rosato, aliaque decocta detergentia. Fuit etiam alius veteribus empyicos curandi modus: scilicet ut multis crustis superficialibus, non autem in cavitatem penetrantibus, circumquaque thoracem urerent, quem docet Paulus l. 6. c. 46. Albucasis. l. 1. c. 3. & meminit Gal. l. 7. Aphor. 44. cum ex Platone Comico refert, Linesium Evagoræ Filium ab Euriphonte Medico, multis escharis inustum, fuisse curatum. Sed de illo modo nos hic non loquimur: sed tantum de tali unctione, quæ in capacitatem thoracis penetrat.

Quoad tempus paracenteseos faciendæ, illud vel est generale vel particulare. Quoad generale tempus, dicunt omnes eam in empyemate esse faciendam ante X. à puris eruptione diem: nam post illud tempus vires ægri nimis debiles sunt, & partes thoracis corrumpi incipiunt. Unde etiam si tum paracentesis fiat, partibus sic corruptis, frustranea esset, & æque bene mors sequeretur. Monent insuper Medici ex præcepto Hipp. in Coacis prænotionibus, ut neque tum statim à puris eruptione etiam sectio fiat, sed usque ad XV. dies post illam expectetur. Rationem dicunt, ut pus illud interim concoquatur, quod perpetuo post eruptionem crassescere, ac refrigerari potest. Verum puto ego & aliam rationem esse potiore, ut interea ex propriis signis certius nobis constet, an ita pus erumpere possit, & an in thorace, & quæ ejus parte sit collectum: simulque videatur, an non illud alia aliqua via à naturâ commodius sit expellendum.

Hæc generalis regula esse debet, ut nunquam paracentesis fiat, cum suspicio jam est, partes intra thoracem à pure corruptas esse. Secundo, ut nonnunquam fiat, nisi adhuc cum mediocriter vires ægrotantis constant: nam cum illæ vehementer sunt prostratæ, non sunt tam magno remedio tolerando; sed æger succumbit, & moritur. Hactenus Thomas Fienus de Paracentesi Thoracis, sequuntur jam.

Consultationes.

Pro quodam Illustri, & Nobili Juvене Empyemate, seu suppuratione laborante.

Quisnam sit locus affectus in casu Illustris & Nobilis Juvenis apud omnes non ita constat, thoracem tamen ego secundum cavitatem esse existimo; thoracem quidem, ut suadet spiratio valde difficilis, secundum cavitatem, ut gravitas illa, quæ in profundo ejusdem præsentitur, necnon fluctuatio ibidem percepta, demonstrant.

Et quoniam cavitatis morbus proprius est angustia, & hæc multiplex esse solet, puto ego angustiam hanc esse constipationem factam à materia purulenta, quæ ex abscessu anginoso suppurato, atque disrupto in thoracem cecidit, nam cum abscessus ille præcesserit, per os non fuerit expurgatus, & nunc pus cum tussi expuitur, satis apparet thoracis cavitatem dictam à pure constipari; Ex quibus, ni fallor, constat, quæ sit immediata causa constipationis, est enim pus illud, non quidem genitum in thorace, sed in partibus ipsi superioribus occasione anginae pro-

progressæ productum: Pus namque cum tussi re-
jectum thoracis actiones necessario sequitur,
expulsionem inquam, atque coctionem expul-
sionem quidem tantum, quando pus in eodem
thorace non generatur (sicuti in casu proposito
contigit) coctionem vero simul, dum generatur
in pectore, seu cavitate thoracis occasione ma-
teriæ à capite destillantis, quod in patiente no-
stro minimè locum habet.

Quibus ita breviter constitutis. Dico pus ut
est quid à toto genere præter naturam esse era-
dicandum, ut crassum, & viscidum detergen-
dum, ut acre attemperandum, ut lædit thora-
cem esse educendum per tussicularia, & conve-
nientia remedia, proportio tamen semper om-
nium viscerum thoracis est conservanda.

Quod autem in similibus casibus Medicus vix
possit ad optatum finem pervenire, de se patet,
quinimò nisi spatio 40. dierum materia hæc
expuatur, actum erit; Accedit (& hoc in casu
præsenti non levi timorem incutit) quod lon-
gè pejus est Empyema, ad Anginam, quam ad
destillationem subsequi; Quapropter nisi citò
succurratur, imminet hectica imminetq; phthi-
sis: Quod tamen aliquid spei pollicetur, est agri
prudencia, & ætas juventutis, nec non & illud
quod tota thoracis cavitas haud est repleta, sed
tantum dextra ejusdem pars afficitur.

Accedens itaque ad curationem, venæ se-
ctionem improbo, sed aliis non conferentibus
judicio ad thoracis perforationem in parte
dextra inultione, vel sectione faciendam erit de-
veniendum.

Quoad medicamenta, quæ antequam chirur-
gus ad perforationem accedat, tentanda sunt,
dico quod vel ad pus quiescens, vel motum diri-
guntur, si ad quiescens, jam oportet ma-
teriam attenuare, atque discutere emplastro
ex radicibus althææ, pulvere cimini, radicis
ireos, & oleo liliaceo, vel ceratis conve-
nientibus, uti est Diachylon gummatum, Dia-
pirites, & sacrum.

At si idem pus moveatur, pront ad partes di-
versas movetur, diversa quoque sibi requirit me-
dicamenta.

Si igitur ad cutim facta perforatione utendum
est mulla, & melle rosato simplici cum aqua hor-
dei: At si ad pulmones inclitèt, conveniunt oxy-
mel simplex, scillinum, loch de pulmone Vulpis,
sanum, & expertum, adjecto modico sirupi vio-
lati, vel de liquiritia, vel de farsfara, propter pu-
ris mordacitatem. At si vias urinæ adeat, de-
coctum convenit Asparagi, sceniculi cum lacte
sem. melonum, si verò ad alvum tendat, licebit
uti mel. ros. sol. agarico, & clysteribus communi-
bus.

Quoad victum necesse est patientem cibis uti
medicinalibus. Ideò pure quiescente, convenit
amygdalatum, & pineatum, si moveatur ad cu-
tim mel cum cibariis erit opportunum, si ad re-
nes petroselinum, Asparagus, & lac sem. melo-
num probantur, si demum alvum petat, jus cau-
lium, mercurialis, & passularum mirum in mo-
dum proderit. In materia quiescente convenit
vinum odoratum, in materia verò, quæ ad Ca-
tim movetur vinum cum melle potandum erit, in
ea, quæ ad renes à vino medicato cum radicibus
aperientibus non est recedendum, ac tandem in
materia, quæ ad alvum inclinationem habet, vi-

num alteratum cum senna, cum cartamo accom-
modatum existit. In reliquis autem quid sit a-
gendum, unicuique ex medicis atiam trivialibus
manifestum esse iudico, atque ideo reliqua con-
sulto prætermitto, Deumq; quam maximè oro,
ut sanitatem huic Illustri. Juveni miserè labo-
ranti concedere ne dedignetur. *Julius Caesar
Claudius in Consultationib. Medicis.*

*De Pleuritide in Empyema degenerante. Pro
Reverendiss. Vestali Abbate.*

Reverendissima & Religiosissima Vestalis Ab-
bas, ætatis annorum 54. temperamenti calidi, ad
humidum vergentis, destillationi obnoxia pi-
tuitosæ materiæ à capite ad varias corporis par-
tes, cujus ratione antehac dolores articulares
passa est, duobus abhinc mensibus febricitare
cœpit, febrisque singulis diebus habebat anno-
tationes quolibet tertio die sibi respondentes,
cum levi quadam extremorum refrigeratione; ac
deinde incalescentia, vigiliis, & capitis gravita-
te: cui quarta die supervenit dolor gravis in
thorace respirationi molestus, cum difficili de-
cubitu in utrumque latus, tussi, cum excretionem
materiæ pituitosæ & aliquando cruentæ, urinæ
crassæ, & pulsus oppressionem adeò gravis, ut vix
percipi posset motus diastoles: quibus acces-
serunt animi pathemata, & palpitatio cordis.
De agendis propterea consultit.

Quocirca in consultationem acciti, contre-
ctatis visceribus naturalibus, exacerbatoq; do-
lore ad compressionem partium utrinq; sub co-
stis mendosis, in eam sententiam deveni, quod
laboraret inflammatione spuria septi transversæ,
cui ipsius Medici clinici, aliq; contrariam tue-
rentur, febre scil. mali moris eam detineri; quæ
causa fuit, cur tunc, & antea plurimis cardiacis
usi fuerint, atque vesicantia internis partibus ap-
plicuerint, lenita alvo, & præparatis humoribus,
sanguineque misso ex salvatella. Ego vero obfir-
matus in prima mea sententia, eclegmata præ-
scribenda eluxi ex syr. de farsfara, acetoso simpl.
syr. de hyssopo; atque in dies dolore utrinq; in-
valescente, præscriptum fuit ol. amygd. dulc. ad
℥ v. cum ℥ ij. syr. acet. simplicis, à cujus usu, re-
mittente dolore, cum sensu majoris gravitatis,
& difficili decubitu in latus dextrum, suspi-
catus fui inflammationem in abscessum mutari
in sinistra parte pleuræ, qua pertingit ad costas
mendosas: ac propterea præscripto acriclyste-
re, quod ob virium imbecillitatem dejectoria
per os sumpta ferre non posset, moxque fomen-
to parti affectæ ex flor. chamæm. rad. alth. semi-
nib. lini, & meliloto, in vino albo generoso ma-
ne, & vesperi, cum spongia calida applicato, do-
lor remisit luculentius, ita ut decumbere posset
in utrumq; latus, pulsus invaluerunt, cordis pal-
pitatio, febrisq; remisit; gravitate tamen in par-
te affecta persistente. Lambitivum propterea va-
lidius fuit præscriptum, ex oxymelite scillitico,
ut & cardiacum, Mithridatica nempe confe-
ctio, quam bis sumpsit; ac tandem validiori tussi
excitata, abscessuque disrupto, expuere cœpit
materiam purulentam, cum quibusdam sangui-
nis notis: atque ita præsens affectus in empye-
ma degeneravit. Quare tunc eò collimavit con-
siliū nostrum, ut expurgaretur materia illa,
prænuñciato Hipp. prognostico 5. Aph. 15. quod

quicunque ex morbo laterali Empyi sunt, si 40. diebus purgantur, à qua die fit disruptio, liberantur; alioquin ad tabem transeunt.

Expurgari autem debet sensibilibus, vel per partem affectam, vel per urinam, vel per alvum, vel per os, & sputum. De evacuatione per partem affectam, thoracem, scilicet locutus est Hippoc. 6. Aph. 27. cum dicit: *Quicunque empyi uruntur, aut secantur, si totum pus confertim effluat, omnino moriuntur.* Ex quibus patet, quod educi potest, vel per unctionem, vel per sectionem. Ad alterutrum tamen tunc tantum deveniendum esse ait Gal. in commento, quando nulla est spes materiam evacuandi per os, adestque maxima difficultas respirationis, cum periculo suffocationis. In hoc solo casu hæc operatio administranda. Verum in præsentī, quum levior sit spirandi difficultas, quam ante suppurationem, viresque sint robustiores, ideo ipsa supersedendum erit, quin potius procuranda esset prædictæ materiæ expurgatio, vel per vias urinæ, ut non rarò fit, Galeni testimonio 6. de Loc. Aff. 4. cui subscripsit Paulus Ægineta, & Ætius, cum Recentioribus, facta nempe ipsius transmissione per ramum venæ sine pari insertum sub diaphragmate in venam cavam propè emulgentes, per quam pus ad urinas permeare potest, ut inquit Fallopius; non verò per venam arteriosam ad dextrum cordis ventriculum, hincque in venam cavam, jecur, & renes, ut asseruit Mesue; valvulæ namque venæ cavæ in corde admittunt quidem in ipsam materiam, non autem ejusdem ab eo effluxum ad jecur: per alvum itidem expurgari potest prædicta materia, vel per ramos venæ portæ diaphragma perreptantes à quibus per venam portæ ad intestina, & alvum patet via, ut asseruit Gal. 6. de Loc. Aff. 4. vel tandem per os, tanquam per locum omnium accommodatissimum, ut optimè observat Gal. 5. de Loc. Aff. 3. & sæpius experientia comprobatum est, prout contigit Reverendiss. nostræ Patienti, quæ singulis diebus extussit 8. libras, & quod excedit, purulentæ materiæ; cujus rei causa nos quoque eclegmata præscripsimus parata ex syr. de farfara, de liquiritia looch de pulmone vulpis, de caulibus, radicibus Ireos & seminibus erui pulverizatis, syr. acetoso simpliciter exceptis.

Præscripsimus in primis victum detergentem, & humectantem, cremorem hordei integro cortice. Potus loco mulsa fuit diluta aqua hordeacea, cum coriandris præparatis. Atque ita Divina juvante clementia spatium 40. dierum curata fuit. *Bened. Silvatic. Consil. & resp. Medic. Cent. 2.*

De Empyemate ex vulnere thoracis. Pro Nobili Cretensi.

Nobilis Cretensis annorum 30. temperamenti calidi quoad jecur, & totum corpus, frigidi & humidi quoad caput, sub cælo nocturno sæpius moratus, computationibus & comestationibus deditus, atque in compositissimè se gerens in omnibus sex rebus non naturalibus, tribus abhinc annis, & quod excedit, gravi dolore correptus fuit in regione mamillæ dextræ, gravitatemque sensit in occipite, cum aliqua imbecillitate motus corporis. His suc-

cessit tussis, spirandi difficultas, & expulso cum tussi pituitosæ materiæ novem mensium spatio: quo tempore pugione confossus fuit in læva parte thoracis, inter quintam, & sextam costas, à superioribus, vulnere spithamam penetrante, inferiora versus, & dorsum, cum aeris exsufflatione per foramen, sanguinisque excretionem per sputum: cui paucis post diebus obducto accessit febris, cum ingenti æstu, magnaue spirandi difficultate, & tussi, atque excretionem sanguinis grumosi, cum pure, & quidem sinceri, graveolentis, 30. menses continuos. Foramine deinde patefacto anno post, ex eo valida exsufflatione, & tussi excernitur pauca puris copia, perseveratque ejusdem excretio singulis diebus per tussim; ad libram. Propterea patavium se contulit, & de agendis consulit.

Tria itaque in casu præsentī inquirenda veniunt, supposito, vulnus penetrasse ad cavitatem thoracis, prout patet ex præterita exsufflatione, & sputo cruento tunc apparente. Primum est, quænam partes thoracis sint affectæ. Secundum, an pulmones sint exulcerati, cujus rei suspicio est. Tertiò consulendum de agendis, pro præsentis affectus curatione. Et non immeritò quaritur primò, quænam partes thoracis sint potissimè affectæ, cum in thorace contineantur pulmones, cor, cum pericardio, & septum transversum. De singulis harum partium dubium esse potest. Ex ultimo tamen pulmones affectos quidem fuisse antehac ex defluxu materiæ pituitosæ à capite, non solum ad musculos thoracis circa mamillam dextram, ubi dolorem; nec ad occiput tantum, & principium nervorum, ubi gravitatem, & motus imbecillitatem induxit; sed etiam ad pulmones, ubi spirandi difficultatem, & tussim excitavit, cum excretionem materiæ per tussim. *Morbum enim ostendit sanatio.* Verum quod ex vulnere læsi sint pulmones, verisimile non est. Tunc enim major sanguinis copia, & ipsius quidem spumosi fuisset excreta: qualis non apparuit, ex medici curantis fide. Secundò, facta fuisset inflammatio in pulmonibus, indeque febris statim se prodidisset, eaque perseverans. Tertiò succedisset ulcus, ac deinde phthisis: quæ non apparent 30. mensium spatio, quo robustus permanet. Præterquam quod situs loci affecti est declivis, in quo non rarò fit paracentesis in empyemate, absq; ulla pulmonum offensa. Minus suspicandum est de essentiali cordis labe. Succedisset namque procul omni dubio lipothymia, palpitatio & syncope, nec tamdiu superstes fuisset. *Cor namque viscus omnium princeps diu tolerare non potest graves affectus*, ut asseruit Aristot. De septo transverso gravior incidit suspicio, cum vulnus vergat ad inferiora, atque difficilior facta sit respiratio. Verum tamen neque septum transversum vulneratum fuit. Inflammatio namque, delirium, major spirandi difficultas, & motus aliqui convulsivi necessario supervenissent; quemadmodum contigit Theoni in obsidione circa Datum sagitta in pectore percussio, ab Hippoc. descripto 5. Epid. Hist. 93. cui statim successit risus tumultuosus, sive Sardonius, & tertia convulsus obiit: quorum neutrum apparuit. Quod si febris acuta, spirandi difficultas accessit, hanc habet causam: quia obducto vulnere & expurgata materia, decumbens hæc ad septum & putrescens prædicta induxit mala.

Quare

Quare statuendum cenſeo, vulnus penetraſſe in cavitatem thoracis, ibique ſanguinis copiam fuiſſe collectam, ob intempetiſſimam vulneris curationem, neque inde expurgari potuiſſe, patefacto licet foramine, atque immiſſa fiſtula argentea perforata: quoniam foramen illud fuit altius quàm par erat, adeoque neque valida exſufflatione, & tuſſi excerni potuit; Et proinde tranſmiſſa ad pulmones materia per ſputum fuit excreta, jugiterque copioſa excernitur, ob confluxum humorum ad partem affectam, ubi putreſcunt, ideoque & patiens ipſe obſervat eandem materiam per tuſſim inde expurgari, non ſine continuo aliquo murmure. Cum autem triginta menſes ferè continuos fluxerit hæc materia ad pulmones, non ſine ratione dubitare licet, & de pulmonum eroſione, & exulceratione. Si enim exulcerari poſſunt à catarrho ſaſſo, potiori ratione à pure corrupto, & fœtido id neri poteſt, cum aliquando phthiſis fiat ex purulenta materia, abſque ſputo cruento, aut catarrho ſaſſo, ut aſſeruit Galenus, & experientia ſæpius comprobatum fuit. Exiſtimo nihilominus in caſu præſenti non eſſe exulceratos pulmones. Febris namque continua eſſet, à qua tamen menſibus elapſis erat immunis; corpus eſſet extenuatum magis, viresque longè imbecilliores. Quare ſum in ea ſententia, quod ſit potius empyematicus, ex collectione puris in thorace, quàm phthiſicus ex ulcere pulmonum.

His ſic habentibus, quoad eſſentiam, & cauſas præſentis affectus, non desperandum cenſeo de ſalute patientis; quamquam affectus ſit antiquus nec dum ſanatus. Virium enim robur indicat calidum innatum validum eſſe, atque poſſe materiam peccantem evacuari, ac deinde ulcus ſanari.

Quod ut fiat, tria occurrunt agenda: primò materia in thorace ſtagnans eſt evacuanda, cum per locum declivem magis affectæ partis, tum per vias urinæ, tum & inſenſibiliter per digerentia. Secundò divertenda eſt materia confluens ad partem affectam: & tertio pars affecta exſiccanda, conſolidanda, & roboranda.

Primæ intentioni ſatiſſet potiffimum per foramen patefactum in loco declivi ejuſdem partis; ſecundò per aquas noſtras Thermales Apontanæ, detergentes exſiccantes, & materiam ad vias urinæ comportantes, ſumptas ad Ib vi. ſingulis matutinis horis, cum ſpiritu vitrioli; & tertio potione vulneraria, à Pareo deſcripta in ſua magna Chirurgia. Secundam implebunt cauterium dextro brachio inuſtum, pro majori diverſione à parte affecta. Frequentes item alvi ſubductiones; Caput purgia per os, & nares: & tandem decoctum paratum ex ligno Indico, ſaſſaparilla, viſco quercino, & ligno rhodio, cum radicibus conſolidæ, rubiæ, plantaginis, & betoniæ. Tertio ex uſu erunt muſſa injecta cum ſiphone, pro deterſione; pulveres exſiccantes injecti, & baſſamica medicamenta. Quorum beneficio patiens Nobiliſſimus priſtinam ſanitatem recuperavit, ad laudem, & gloriam Omnipotentis Dei. *Idem ibidem.*

Empyema à Pleuritide.

Reverendiſſimus Canonicus annorum triginti

ta ſeptem circiter, temperamenti totius calidi & ſicci, fervidi jecoris, humidi capitis, gracilis habitus & procera ſtaturæ, dum ſanus ruri vitam agebat, menſe Octobris proxime præterito, ſub nona die extemporaneo lateris ſiniſtri dolore in regione coſtarum legitimarum correptus fuit, prægreſſa tantummodo eadem die in prandio inappetentia, ſequutis vero horroribus inæqualibus, cum tuſſi & difficili reſpiratione acutaque febre. Et cum dolor ille perſeveraverit, tertia die in curſu decumbens ad Urbem ſe contulit, ubi ab Excellentiffimis Medicis ſanguis ex brachio lateris affecti, præmiſſo Clyſtere, detractus fuit: & congrua præſcripta tenui victus ratione, pectorales unctiones & lambitiva, temperata prius & concoquentia, in uſum ducta fuere; Quibus tamen non ſufficientibus, dolore perſeverante, iterum præmiſſo Clyſtere die ſexta repetita fuit ex altero brachio ſanguinis miſſio: imò & die ſeptima hirudinibus ex venis ſedalibus fuit ruruſus ſanguis extractus, cognita nimirum ab Excellentiff. Viris inflammatione interna; Die vero ſequenti puris effuſio à ſecuta intus in latere ruptione ab ipſomet Patientem percepta fuit, cum ſucceſſerit in eodem latere fluctuatio, & materiæ graveolentis ac purulentæ per tuſſim excretio, non ſine catarrhali copioſo à capite deſluxu. Quibus omnibus ita perdurantibus, tenui victu à Medicis multis diebus præſcripto, Expectorantia plura & varia adminiſtrata ſunt: quinimo & Exiccantia atque inſenſibiliter digerentia, necnon per urinam ducentia: parata namque fuerunt Julapia, decoctione prius facta radicis chinæ, ſaſſæ, viſci querc. & lentifci aliorumque pectoralium ingredientium, & Terebinthina exhibita: ſic aliæ confectiones ac lambitiva. Verum hucusque, nempe ad vigefimam ſecundam uſque Novembris jam adminiſtrata non ſatis profuerunt, cum perſeverent ſputa purulenta & fœtida, cum macie & inſenſibili febricula. Verum tamen eſt quod poſtquam paucis abhinc diebus paulo pleniorum victum Excell. Viri conceſſerunt, cum exigua quoque vini portione, Reverendiſſimus Patiens vires reaſſumpſiſſe viſus eſt, ita ut & ſtare & per cubiculum parumper deambulare poſſit. Sed à fœtido ſputo liberari cupiens de agendis conſulit.

Affectum lateralem, eumque pleuriticum fuiſſe primum dolorem, propter inflammationem ejuſdem Pleuræ, & forſan etiam internorum muſculorum, ut à Viris Excellentiſſ. judicatum fuiſſe ex Curatione aptiſſime præſtita conjicio, ita talem eundem & ego confirmo; Contigit tamen Reverendiſſimo Patienti quam citiſſima ſuppuratio, octava die ſcilicet, forſan quia fervidiſſimus fuerit ſanguis: calor uterque, naturalis ſcil. & præter naturam validus, nec forſan ſputa (de quibus in relatione nulla mentio facta eſt) inflammationis minorativa apparuerunt. Suppurata autem atque diſrupta inflammationis purulenta materia inter pulmones atque thoracem contenta, affectum empyematicum produxit, dum per ſputum antea expurgata non fuit: cujus qualitas ſicut abunde patet, dum purulenta apparer, & fœtida à Patientem percipitur, ita quantitas mihi non innotefcit, cum de fluctuatione, de difficili decubitu in latus oppoſitum, nulla mentio fiat. Verum tamen

tamen est quod quantacumque fuerit, nisi in quadraginta diebus post eruptionem expurgata fuerit, in Tabem incidere Patientes pronunciat Hippocrates, cum à pure ipso pulmones inficiantur, & aut erosione aut fraciditate afficiantur. Quare cum hodie quadragesima tertia dies à ruptione transegerit, de Tabe incipiente dubitandum est. Er quamvis Suppurati, sive Empyematici quandoque etiam à catarrhali materia à capite defluente fieri possint, hæc tamen causa in casu nostro locum non habet, tum quia præcessit dolor lateris inflammatorius, tum quia eo modo non nisi diuturno tempore fit, & tandem quia catarrhalis à capite destillatio octava tantum die successit. Et ideo verum atque legitimum pus quod ab inflammatione emanavit, in thorace contineri credendum, cui tamen aliquam catarrhi portionem associari posse non est prorsus negandum. Et quamvis Patientis Reverend. infebriticantem seipsum existimet, hoc tamen impossibile censeo.

Medica intentio potissima in hoc statu debet esse, puris quam celerrima evacuatio, quæ tanquam per viam regiam, per tussim & per sputa pernici solet: quamvis enim Galenus asserat se vidisse pulmonis vomicas per urinam expurgatas, rejecto nempe pure à pulmone quidem per lavam arteriam ad sinistram cordis ventriculum: à corde autem per arteriam magnam ad renes: atque illinc tandem per ureteres ad vesicam; rari tamen censendi sunt hujusmodi casus; sicut impossibiles apud Matthiolum atque Fernelium: Ille enim contra Galenum asserit, quod ex materia purulenta & foetida cor ad Syncopen duceretur: iste vero ait, quod una cum pure sanguis quoque per urinam educeretur. Verum neutra objectio tenet: non prima, quia syncope sequeretur, si in corde materia ipsa diu hæreret: nec secunda, quoniam expultrix facultas pus expellit, & retentrix sanguinem retinet. Sed revera modicæ materiæ in thorace existentis per sputum expurgatio tentanda: sicut copiosa, sectione aut ustione educenda, ut monet Hippocrates: eoque audentius, cum affecta pars sit sinistra, in qua sectio minus periculosa evadit. Sed pro hac operatione observandum Hippocratis monitum, dicentis quod Hydropicos citius secare oportet, Tabescentes vero statim urere. Quartus quoque modus pro materia purulenta absumentia à nonnullis tentatur, Decoctis nimirum insensibiliter digerentibus & exiccantibus, sed incassum semper, si materia copiosa: & frequenter, si etiam exigua fuerit.

Quibus intentionibus propositis & consideratis, exigua existente materia, per regiam viam, nimirum per sputum erit educenda; At si fluctuatio in latere manifesta percipiatur, & decubitus super latus oppositum difficilis Patienti evadat (copiosæ materiæ indicium) tunc satius erit anceps remedium experiri, quam Ægrum ipsum certæ Morti relinquere. Interim totis viribus materia per sputum evocanda Lambitivis jam præscriptis: quibus addi poterit oleum sacchari & grana butyri, sive guttulæ aquæ sulphuris. Oxymel quoque parabitur, facta maceratione hyssopi, prassii, enulæ camp. & ireos. Efficacissimum quoque expertum Lambitivum hujusmodi.

℥. Hyssopi, prassii, pulegi, calamenthi an.

pug. j. liquiritiæ, iridis, scillæ, helenii, nucleorum pineorum an. ℥ ss. biduo macerentur in aqua tussilaginis & aceto, mox expressioni addatur mellis opt. q. s. ad oxymel. consistentiam. Extrinsecus quoque Discussorium optimum parabitur ex farina lolii, bitumine, addito pulvere iridis, & baccarum lauri, omnibus lixivio dulci reformatis.

Quod si placeat materiam ipsam ad vias urinarias ducere, usus Terebinthinæ aptissimus erit cum succo liquiritiæ condensato; cui potio superpræbeatur ex decoctione chinæ, salsæ, exiguo sassafras, radice fœniculi & apii parata: ita enim unum facere, & alterum non omittere, non inutile erit. Et si dabit Deus, ut materia purulenta tota aliquo ex jam dictis modis excernatur, & Reverendissimus à Tabe præservetur, Vere venturo pulmonum laxitas corrigi poterit potu aquæ nostræ sulphuræ Aponitanæ.

Præscriptis autem omnibus congrua erit addenda vivendi ratio: cibos acres & salitos concedendo: Vini albi tenuis & subdulcis potum in mensa permittendo: & mullam ireatam pro frequenti oris collutione parando: ceteraque omnia præscribendo, Viris Excellentissimis perquam nota: quibus notissimam quoque hujus casus angustiam esse existimo. *Raym. Joan. Fortis Consult. & Respons. Medicin. T. 2. Cent. 1.*

Empyema & Phthisis.

Admodum Rev. Pater annorum quadraginta quinque, temperamenti totius biliosi & sub sanguinei, capitis calidi & humidus, destillationibus obnoxii; duobus jam mensibus ex improvviso sanguinis copiam, non sine aliqua purulentia, tussi excernere cœpit, prægressa multo tempore tenui & salsa à capite destillatione cum perenni faucium siccitate. Accersitus Medicus statim missionem sanguinis jussit, victusque rationem refrigerantem & humectantem instituit, ptisanam scil. hordeaceam, & Malvæ succum depur. pro syrupo alterante. Et cum sanguinea & purulenta excretio perseveraverit, quamvis minori copia, una cum febrili alteratione à Patientem non percepta, & insigni macie totius corporis, decrevit Excellent. Medicus usum lactis instituere: cujus tamen usus potius molestus erat, ut ideo lacti substitutum fuerit Decoctum in jure pulli paratum radicibus graminis, foliis malvarum, cich. borag. violarum, seminibus melonum, addito cochleari tart. albi; quibus parum aut nihil cessit affectus: quotidie namque purulenta atque cruenta materia excerni non desit. Quare in eadem victus ratione insistendo, Balneum aquæ dulcis aliquot diebus administratum fuit, sine tamen Patientis tolerantia, imo cum virium diminutione; & idcirco hoc quoque remedium genere omisso, & victus ratione refrigerante & substantifice humectante præscripta, ab eodem Excellentissimo Medico quid agendum queritur, & à Patientem Admodum Rev. enixè expetitur.

Empyema duorum mensium ab Excellentiss. Viro in relatione descriptum, sanationem admittere non potest, si Gal. & Hippoc. credimus: etenim sicut Pleuritici non expurgati, suppurantur: suppurati verò, si quadraginta dierum spatium post eruptionem non expurgentur, ad Tabem

hem transeunt, cum post jam statutum tempus pulmonum substantia non amplius illa servari possit, ut propterea febricula non hectica tantum, sed phthisica quoque, necessario superveniat; ita cum jam sexagesimus dies præterierit, quo sanguis una cum purulenta materia per tussim à pectore excretus fuerit, & quotidie usque in hunc diem excerni perseveraverit, idcirco Tabem sive Phthoem jam subsecutam esse credendum. Sed præterea considerata sanguinis excretio post diuturnam tenuem, & salsam à capite in pulmones destillationem, quæ non solam flacciditatem & fraciditatem pulmonum, sed erosionem quoque, diuresim & ulcus excitare potuit, sicque non tantum Phthisim secundam ab Hipp. descriptam, sed primam quoque Phthisim ab eodem recensitam constituit, præter Empyema quod à catarrhali destillatione in thorace paulatim collectum fuit, ab Hippocrate ipso descriptum.

Quibus ita se habentibus, cum Admodum Reverendi Patris affectiones præter naturam longè superent Artem ipsam, remedia nonnisi ad vitam producendam, nullo modo ad salutem recuperandam proponi possunt. Et quoniam ex una parte purulentia, necnon catarrhalis materia medicamenta exiccantia exigunt: ex altera vero febris & totius corporis gracilitas expetunt humectantia; idcirco unum facere, & alterum non omittere oportet, ut vitam protrahamus, urgentiori semper incumbendo. Et ideo usum lactis Asellæ bene nutritæ confirmo; & præterea Emulsionem in eandem intentionem, seminum melonum mundat. amygdalarum dulc. nucleorum pineorum, in jure cum saccharo; Item carnes pullæ junioris: imo parentur Morfelli ex eadem carne nucleis pineis, pistaciis, cum saccharo & exigua aqua flor. citri. Pro potu vero vinum album dulce, tenue & oligophorum: non omitendo quotidianas universi corporis inunctiones oleo amygdalino recenti. Pro altera vero intentione, in usum ducenda erit radix Chinæ, ita ut quatuor aut quinque ejusdem incisæ taleolæ una cum carne semper ebulliant: imo & in vino quoque pro potu infusæ detineantur. In cœna præbeatur ferculum Saxoniarum, cui addatur China ipsa in pollinem redacta. Interim materiæ purulentæ expectoratio semper adjuvanda Lambitivis paratis ex Oxymelite, aqua portione sacchari & mellis Hispanici, cum aqua farfaræ & globulo pulveris ireos composito. Apertissimum quoque erit Lambitivum ita paratum.

℞. Julap. acet. syr. de Ibisco, olei de saccharo an. ʒj. m. Nec omitte dæ pectorales inunctiones.

Ut ℞. Unguenti malvini, adipis Anseris, an. ʒj. ol. lil. alb. amygdalarum dulc. an. ʒʒ. pulv. ireos Florent. ʒij. m. reformetur. Et hæc sunt quæ in hujus status angustia adducere potui, cum efficaciora ut essent, Decocta exiccantia, Terebinthi usus, & sulphurata alia medicamenta nec admitti, nec tolerari possint: ut propterea nec à Viro Excellent. Adstanti administrata, minusque proposita fuerint. *Idem ibidem.*

Juvenis 26. annorum, post vulnus, in pectoris cavitatem penetrans, consolidatum, jam ab aliquot mensibus ad summam maciem redactus, pus quotidie expuit; magnumque dolorem in illo pectoris latere, ubi vulnus fuit inflictum, sen-

tuit. Tumor etiam, quatuor digitis à vulneris cicatrice distans, ibidem inter costas observatur, liquorisque alicujus fluctuatio ibi digitis percipitur. Vigiliæ ipsum magnopere affligunt. Febris adest, quæ hecticam refert. Nisi in lecto erectus sedeat, præ respirandi difficultate suffocari metuit.

Afficitur in hoc agro totum corpus, quod ex ejus summa macie: item pulmo, quod ex puris sputo, & respirandi difficultate: necnon pleura & muscoli intercostales, quod ex dolore lateris, ejusque tumore: præterea etiam cerebrum, quod ex vigiliis: ad hæc quoque cor, quod ex febre est manifestum.

Morbus, qui ipsum affligit, est cavitatis thoracis, à pure, in ea collecto, nimia angustatio; quæ è puris illa collectione, angustiam cavitatis thoracis faciente, Empyema vulgo appellatur.

Causa prima hujus morbi fuit vulneris, in pectoris cavitatem usque penetrantis, inflictio; vulneris verò consolidatio, ante justam sanguinis è pectore evacuationem, & vasorum vel pororum, sanguinem in cavitatem thoracis emittentium, justam conglutinationem facta, pro secunda ejus causa, est habenda; sanguis autem post intempestivam vulneris consolidationem in pectore retentus, & per vasa pectoris lassa in cavitatem ejus descendens, eamque replens, ibique in pus conversus, partesque vicinas vitians, tertiam & continentem, proximamque hujus morbi, ejusque symptomatum, constituit causam.

A copiâ enim ipsius sanguinis, in pus conversi, in cavitatem thoracis collectione, facta fuit magna cavitatis thoracis angustia, justam pulmonum expansionem impediens; *respirationemque tam difficilem inducens, ut jam ager, nisi erectus sedeat, suffocari, à magnâ copiâ puris, (jacentes pulmones magis, dum illud sursum attollitur, quam eos ex aspera arteria, in erecto corporis situ, pus deorsum pellente, recta sive perpendiculariter dependentes, prementis & gravantis,)* metuat.

Quia autem jam, ab aliquot mensibus, pus illud pulmonum sanguinisque, per eos perpetuò transeuntis, temperiem vitiavit, eumque ad corpus nutriendum ineptum reddidit, & pulmonum poros, imo ipsa eorum bronchia, ingressum est, ac cordis ventriculis sese insinuavit, temperiemque malignam ipsius parenchymati impressit, ac membranam pleuram & musculos intercostales suâ acrimoniâ pungit, & jam ab aliquo tempore corrodit, hinc, *summa agri macies, cum hectica febre & magnis vigiliis conjuncta; dolorque in pectoris latere molestus; item puris sputum; tumor etiam inter costas, circa vulneris cicatricem, cum liquoris fluctuatione perceptibilis, originem duxerunt.*

Morbus hic periculosissimus est, propter febrim, hecticam referentem, puris sputum, & summam maciem, quæ summam pulmonum & cordis arguunt corruptelam. Quia tamen experientia docet, nonnullos, ita affectos, fuisse sanatos, ideoque Curationem etiam tentandam censeo.

Eaque in puris evacuatione, per apertum thoracem faciendâ; ulceris mundatione, & consolidatione, & intemperiei pulmonum, per contraria, correctione, consistet.

Quum primum itaque pectus, circa locum tumoris, scalpello aperiatur, & pus ad quantitatem libræ vel sesquibræ, pro ratione virium, & sequentibus diebus quotidie paulominus, educatur, donec totum pus evacuatum fuerit. Partitis autem vicibus educendum pus, ne conferta ejus evacuatio spiritus subito effundat, & ita ægrum valde debilitet, vel enecet.

Pure evacuato, & ulcere mundato, ejus consolidatio erit, more solito, procuranda: quæ ut felicius procedat, tali æger ab aperto thorace, utatur decocto vulnerario, sanguinem purgante, ulcera detergente, & putredinem inhibente.

℞. Herb. saniculæ, bugulæ, Scabiosæ, betonicæ, Hyperici, card. bened. pilosellæ, pimpinellæ, vincapervincæ, agrim. plantag. an. m. j. flor. cord. p. j. coq. in hydromelite ad t̄b j. s. & colentur pro apozemate, de quo sumat æger ʒ vi. bis in die.

Ex hoc eodem decocto poterunt fieri injectiones, in cavum thoracis injiciendæ, ad puris evacuationem, & deterfionem, & ulceris consolidationem, promovendam.

Vitæ ratio sit siccans, attenuans, & abstergens. Ideoque cibi condiendi hyssopo, fœniculo: utiles amygdalæ dulces, pineæ, &c. Abstineat æger à leguminibus. Potus conveniens est hydromel, præcipuè hyssopo conditum, item aqua hordei, vel cerevisia saccharata. Vinum oligophorum etiam concedi potest, nisi febris sit magna. *Henric. Regius apud Theodor. Craanen. Medicationum lib. 2.*

Viro quadragenario, gravi sinistri lateris pleuritide detento, remedia non ante tertium diem fuerunt adhibita, quibus postea morbus imminutus non est, sed ultra decimum quartum diem excurrit, febre aliisque magnis symptomatibus comitatus. Ab eo tempore dolor multum imminui, febris mitior fieri, & ponderosa gravitas in latere affecto ad costas sentiri cœpit. Circa vigesimum quintum diem, febre jam valde parva existente, cum exiguo dolore, molestiam gravitatem, ad sinistrum maximè latus diaphragmati incumbentem percepit æger, & si ab uno in alterum latus se repente devolveret, humorem aliquem defluere sentit, cujus etiam fluctuatio in motu corporis antrorsum manifestè obauditur. Adjungitur tussicula sicca, qua nihil effatu dignum expuitur. Respiratio difficilis est, imprimis si in latere dextro decubitus fiat. Æger anxius & debilis est, facillè & sæpe sudat sine levamine: ciborum fastidio tenetur, & magis potum quàm cibum desiderat.

1. Affligitur Æger *Empyemate*, quod est puris in thoracis cavitate collectio.

2. Dignoscitur hic affectus, partim ex signis præcedentibus, partim ex præsentibus. Præcedentia signa sunt, quod pleuritis præcesserit, quæ ante decimum quartum diem non est imminuta: quod postea dolor cum febre imminui cœperit sine manifesta aliqua evacuatione per sputa, atque hinc gravitas ponderosa ad costas in latere affecto percepta fuerit. Præsentia sunt, quod molesta gravitas diaphragmati incumbat, & in devolutione corporis fluctuatio humoris in pectore sentiatur & obauditur: quod irrita tussis adsit, cum difficili respiratione, anxietate, debilitate, & ciborum fastidio.

3. Causa collectionis hujus puris fuit, mem-

branæ pleuræ & muscutorum mesopleuriorum inflammatio mutata in abscessum, è quo rupto, pus illud in thoracis capacitatem delapsum est, cumque per diaphragma nullus ei daretur transitus, nec per pulmonem commodè evacuaretur, ibi detentum & cumulatam est.

4. Quod per sputa pus non fuerit evacuatum, factum est. 1. Quia procul dubio hujus ægri pulmo lateri affecto firmiter non adhæsit, ut in multis contingit, in quibus è rupto abscessu pus facillè in pulmonem annexum eructatur. 2. Quia pus in cavitate thoracis contentum, ob suam crassitiem, poros membranæ pulmonem invadentis subire, sicque pulmonem ingredi non potuit. 3. Quia fortè pori in hujus ægri pulmone angustiores sunt, ita ut hujusmodi crassiores humores non admittant.

5. Dolor cum febre imminutus est, inflammationis acri materia jam in pus conversa, & sic mitiore reddita: cujus puris magna quantitas membranâ adhuc conclusa, ad affecti lateris costas ponderosa gravitate molestiam exhibuit. Tandem circa vigesimum quintum diem, rupto apostemate in thoracis cavitatem effluens, molesto pondere diaphragmati incubuit, ejusque in corporis commotione, manifesta fluctuatio percepta est. Eiusdem etiam pondere depressum diaphragma non satis liberè movetur, hinc difficilior fit respiratio, imprimis si lateri sano incubat æger, tum quippe, præter diaphragma, etiam dexter pulmonis lobus à puris cum mediastino incumbentis pondere comprimitur.

6. Tussicula procedit à vellicatione pulmonis exteriori tunicæ ab acrimonia puris illata. Hacque nihil ferè expuitur, quia materia irritans extrinsecus pulmonem attingit, nec ejus quicquam bronchia ingreditur.

7. Æger anxius est ob impeditam respirationem. Etiam debilis, quia ab acuto præcedente morbo vires admodum sunt prostratæ, unde quoque facillè & sæpe sudat sudorem symptomaticum. Ventriculo autem eandem ob causam, unâ cum hepate, valde debilitato, ejus coctio imbecillis, & appetitus dejectus evasit, hincque cibi fastidium processit: adde quod etiam pus diaphragmati incumbens, stomachum ei annexum languidum faciat. Potus tamen magis desideratur quàm cibus, ob aliquam sitim à permanente febricula excitatam.

8. Affectus hic periculosus est. 1. Quia respiratio læditur. 2. Quia subsequitur acutum morbum qui vires admodum imminuit. 3. Quia pus in thoracis cavitate conclusum sponte nusquam commodè evacuari potest, nam quæ per sputa, vel urinas nonnunquam fit excretio, illa adeò rara est, ut ex sexcentis vix uni contingat. 4. Quia si pus dicto loco diutius subsistat, putrescet, sicque pulmonem ei iunctantem corrumpet, febresque auget. 5. Si curatio per medicamenta exhibita instituat, incertum erit de felici eventu, quia pus è thoracis cavitate per purgantia non potest educi, & per alterantia difficulter in pulmonem impellitur. 6. Si ad chirurgiam deveniendum sit, illa etiam non vacabit periculo. Interim tamen quia febris exigua est, vires adhuc mediocriter constant, atque conveniens adhibita medela multos hujusmodi ægros servavit, non est omnino desperandum, sed curatio quamprimum instituenda, quippe quo diutius malum pro-

protrahitur, eò magis vires collabuntur, & affectus periculosior evadit, nam corrupto tandem pulmone facilis fieret in phthisin transitus, juxta 5. *Aphorif.* 15.

IX. Præmissa igitur clementi evacuatione alvi, mox ad expectorantia devenire suadet tussicula. Sic enim tentandum anne pus per illam viam possit educi, ope talium medicamentorum quæ partim pulmonis poros laxant & dilatant, partim pus ad faciliorem in istos poros ingressum præparant.

X. Hunc in finem præscribendum tale apozema.

℞. Radicum helenii unc. j. iridis florent. drach. ij. glycyrrizæ rasæ, unc. s. herb. hyssopi, prassii albi, capilli Veneris, violariæ, ana m. j. brassicæ rubræ m. ij. sem. anisi drach. ij. s. q. frig. maj. ana drach. m. j. s. passularum mund. unc. iij. Aquæ q. s. fiat s. art. apozema ad lib. j. s. cui admisce, syrupi de prassio, de hyssopo, oxymelis, ana unc. j. dentur tres quatuorve doses de die.

Per intervalla lambat æger hunc linctum.

℞. Syrupi de prassio, de hyssopo, de jujubis, ana unc. j. croci pulverisati scrup. j. misce, fiat linctus.

Terebinthina cum vitello ovi in aqua hordei ad cremorem redacta & saccharo dulcorata, plurimum quoque proderit. Neque horum medicamentorum aliqualis calor propter febrem valde extimescendus est, quia febris exigua est, & causæ ejus major ratio habenda est, utpote qua sublata, facile evanescet febris.

XI. Si his & similibus medicamentis æger spatio duarum septimanarum ad puris excretionem non deveniat, ab eorum usu vix quicquam sperandum est, ac proinde, antequam longiore mora vires magis concidant, & pus corruptelam contrahat, eamque etiam pulmone imprimat, citior illius evacuatio molienda est per Chirurgiam.

XII. Igitur in latere affecto, infra axillam, inter quintam & sextam costam, thorax usque ad interiorē cavitatem cultello perforandus est (cavendo læsionem pulmonis, ut & arteriæ, venæ ac nervi intercostalis) foramini non valde lato, sed tali tamen quod tubulum argenteum cavum admittere potest, qui facta incisione statim immittendus est, & ita ligandus ut sponte excidere non possit; anteriore autem parte sit turunda linea obturatus, ut pus præter voluntatem Medici per illum effluere nequeat. Per hunc tubulum bis de die, extractâ turundâ puris lib. s. vel lib. j. (plus minus, pro puris quantitate & facili tolerantia ægri) extrahenda est, hinc ejusdem effluxus immisâ turundâ rursus sistendus.

XIII. Ubi tandem pus totum evacuatum videtur, & nihil amplius effluit, pulmo & interior cavitas aliquoties abluatur hac mixtura per vulnus injecta.

℞. Decocti hordei unc. v. spiritus vini unc. iv. mellis refacei, syrupi de prassio, ana unc. j. misce pro injectione, quæ per aliquot horas intus relinquenda est, & postea per dictum tubulum rursus educenda.

XIV. Si continua & diuturna puris effluxio indicet ulcus interius nondum esse persanatum, præscribenda erunt decocta abstergentia & vulneraria, necnon injectiones modicè siccan-

tes & abstergentes. Tubulus verò argenteus in dicto vulnere detinendus est, quousque nihil puris amplius effluit, tunc demum eximendus, & vulnus secundum artem consolidandum.

XV. Victus ratio siccior attenuans & abstergens instituat, cibique condiantur cum cherrefolio, hyssopo, brassica rubra, beta, fœniculo, passulis, amygdalis, &c. Potus sit ptisana saccharo vel melle dulcorata, aut hydromel. Somnus mediocris sit, & alvus facilis. Ira & tristitia animi pathemata fugiantur. *Isbrand. de Diemerbr. Medicationum parte 2. de morbis Thoracis.*

Observationes.

Senem curavi qui ex pleuritide empyema est passus, febre assidua, tussis sicca, sputo saniei copiosa, difficultate spirandi laborabat, & tabidus prorsus factus erat. Medicis jam deploratus videbatur, & mirum erat, ex quo loco tanta puris copia emanabat, nam quotidie libras duas excernebat. Huic præter alia quamplurima auxilia, lactis asinini potus per tres menses exhibitus miro fuit auxilio, hujus enim ope, puris copia omnino est imminuta, refectum corpus, febricula evanuit, tussis nulla. *Zacutus Lusitanus, observ. 119. lib. 1. prax. admirand.*

Apud nos Juvenis quidam à me fuit liberatus, qui per annum pus in thorace collectum post pleuresin gestavit, & quasi absumptus erat, ustus fuit, & per vulnus purgatum pus. Multos hoc modo curavi, quorum nomina supprimo. *Guil. Rondeletius, prax. med. cap. 15. lib. 2.*

Puer quidam quinque annorum febre continua laborabat, per duos ferè menses perseverante, cum tussis frequenti ac molestia, ita ut ad tabem vergere crederetur. Tandem vocatis in consilium Medicis, relatum fuit illum conqueri de dolore lateris sinistri, præcipuè cum manu contrectaretur, tum etiam relatum fuit, illum in febris principio persensisse aliquem dolorem in illo latere, qui tamen intra paucos dies delituerat, idcirco pleuriticus non fuit judicatus à Medico ordinario. Suspicio fuit Empyema aliquod ibi latere, atque ut res clarior evaderet, decretum fuit, admovendum esse per aliquot dies Cataplasma emolliens & attrahens, quo per triduum admoto, apparuit elevatio quædam in parte, & in ea fluctuatio subobscura percipiebatur, convocato iterum consilio, de Empyemate nemo amplius dubitavit. Apertione facta pus copiosum effluxit, ejusque vacuatio per duos menses continuata est, donec tota materia evacuata, æger tandem pristina sanitati restitutus fuerit. *Lazarus Riverius, obs. 75. cent. 2.*

Servus quidam ex curru decidit, læsus est thorace, præsertim dextra in parte. Dolores remediis non cesserunt, cogitabant de sectione inter quintam & sextam costam. Divisæ sunt sententiæ, tandem vicit pars minor, & periclitandi occasionem captans ex desperatis penè rebus, applicatum cauterium, fluxit per dies plus minus viginti aut viginti quinque materia saniosa ferè ad pintas 15. ut retulerunt Chirurghi, convaluit. *Guil. Ballonius, lib. 2. Epidem.*

Cum summus Hippocrates passim hoc remedium usurpet, nunquid satius est aliquo remedio cruento & ancipiti certam mortem (si aliter

facias, & id remedii genus omittas) redimere? Humanum est, & officii plenum aliqua ratione miserorum ægrorum dolores levare, atque id magis si cum aliqua salutis spe. *Guil. Ballonius, consil. 6. lib. 2.*

Enatum ex pleuritide Empyema; cum alia non profuissent, frequenti potione ex syrupo altheæ, oxymelite saccharino & manna cum oleo amygd. d. rec. & aq. scabios. feliciter curatum *Romæ* accepimus à *Martha Bacconò* Anglo, pure nimirum alvo proclivius quam ore, expurgato. *Georg. Hieronymus Velschius, observ. 29.*

Empyema ex pleuritide, sectione inter quintam & sextam costam, felici successu sanatum, frustra adhibitis ex consilio Medicorum magni nominis, externis medicamentis.

Quæ verò observavi in Empyematicis, nunc in medium producenda, Nobilis Patavinus, ex pleuritide non expurgata, incidit in Empyema, tanta puris copia in cavitate Thoracis conclusa, ut iterum & tertio per diem incideret in Lipothymiam, Syncopi proximam: quem propterea cum decrevissem perforare, neque ejus parens hoc admitteret, vocavit Medicos hujus Civitatis primarios, & potissimum Joh. Veslingium, meum olim in praxi discipulum, præter alios, quorum nomina non refero, quoniam Patavii res est notissima, cum quibus habita consultatione, proposui sectionem inter quintam & sextam costam, ab omnibus Auctoribus laudatam, atque propria experientia sapissimè felici successu administratam, quam cum Medicus quidam in primis improbaret, hujus loco præscripsit cataplasma, apponendum Thoraci, cujus præsidio materia purulenta discuteretur; quem secutus quinetiam Veslingius, quo tamen præsentem sapissimè hanc operationem feliciter peregeram, eam & ipse damnavit, metu scilicet læsionis vasorum intercostalium; quorum opinionem miratus, qui hæc in medium afferre ausi, sequenti die mane Thoracem secui inter quintam & sextam costam, immissa turunda crassa satis, quæ foramen patens servaret, quam sub vesperam eduxi, ac simul tres, & quod excedit, puris libras; à quibus Nobiliss. Juvenis à Lipothymia convaleuit, quem postmodum curavi, prout alioqui vulnera Thoracis, educta scilicet quotidie materia purulenta, atque immissa in vulnus paucis post diebus, canula plumbea, per quam tota sanies penitus exhausta; qua demum educta, ad cicatricem tandem vulnus spatium viginti octo dierum adduxi. *Petrus de Marchettis observat. Medico-Chirurgic. Sylloge.*

Ex vulnere thoracis superius, magna puris copia in ejusdem cavo congesta, sectione inter quintam & sextam costam expurgata; necnon per os, & urinam, diei spatium.

Cujusdam scribæ filius, ex Agiaciorum familia, vulneratus parte superiori thoracis, ad ejus usque cavum, ex quo cum pus ægrè expurgaretur, multà copiā in eundem congestum, decrevi ipsum secare inter quintam & sextam costam ejusdem lateris, imposita postmodum turunda, ut superius dixi, sequenti die, quā edu-

ctā, duæ puris libræ effluerunt. Observatione verò dignum, non solum vulneris orificio pus emanasse, sed & per os quinetiam magnā copiā, necnon per urinam quoque ad libram unam, & quod excedit, per diem; quæ viæ licet omnibus pateant, non tamen naturæ consuetæ, factā potissimum sectione, quæ materiam copiosam effudit; cum tamen patiens esset juvenis 18. annorum, ac robustus, natura propterea has vias communes sibi paravit, ægrò spatio mensis omnino sanato, & adhucnum incolumi ob rationem superius propositam.

Dubium verò nonnullis quā ratione materia purulenta, supra diaphragma hærens, non impediat respirationem, cum tamen hoc Galeno instrumentum sit proprium respirationis; quod scilicet experientia sit ipsis compertum, quendam Nobilem Bellunensem fistulā laborantem Thoracis, inter sextam & septimam costam, nullā respirandi difficultate laborasse; cujus morbi causā consultatione habitā cum viris hujus urbis præclarissimis, negantibus multam adesse puris copiā in cavitate Thoracis, nullā potissimum respirationis difficultate ipsi molestā; illorum tamen opinionem mordicè oppugnavi, materiam scil. purulentam intus concludi affirmans, cujus ratione immisi turundam crassam satis & longam circa horas vespertinas, vocatis sequenti mane multis studiosis, qui consultationi interfuerant, quibus præsentibus, cum turundam educerem erupit ex Thoracis cavo libra, & quod excedit, puris fœtentis adeo, ut adstantes præ odoris gravitate excedere coacti fuerint, quod pus eò confluxerat ex tumore thoracis, quò sex ante mensibus laboraverat patiens, superstitie postmodum fistulā prædictā. Ex quibus patet, quod quotiescunque pulmones pus non contingunt, vel motò quinetiam ipsò diaphragmate, tunc respiratio illæsa est. Quod verò aliquis objicere posset, quā ratione scil. innotescere possit pus in ipsā cavitate conclusum, nullā præsentem respirandi difficultate? Respondeo observandum esse, quod quando adest minima portio puris in Thorace, id non sit sine febre, quod est signum illius pathognomicum, præter alia ab Autoribus proposita; ut propterea superius admonuerim vulnera Thoracis non esse ad cicatricem ducenda, nisi patientes immunes fuerint ab ipsa aliquot dies: quinimò advertendum quinetiam, quod quando purulenta materia in cavitate Thoracis supra diaphragma decumbens, non superat pulmonum alas, tunc per tussim non expurgatur; quia admittere non possunt, eandem non contingentes. Nobilis verò hic patiens non solum laboravit fistulā simplici Thoracis, sed & præterea duabus costis corruptis, quas proinde abradere opus fuit, non sine quibusdam aliis remediis; qui tamen cum per negotia hic morari diutius non posset, non integrā valetudine discessit, illi tantum præscriptis brevi eo temporis spatium, injectionibus ex vino mulso, & aquis thermalibus sulphuris; in quarum usu mirum occurrit, quod statim infusæ tussi excernebantur, ex vino verò injecto, medicamentis potissimum imbuto, illico nullā morā, maximò impetu rejiciebantur majori copiā; ut propterea observandum sit, non solum pulmones, raræ utpote substantiæ, sed etiam omnes partes nostri cor-

corporis suis poris patere, per quos non solum excrementa communia, sed etiam materiæ saniosæ extruduntur ad communia loca; sicuti contingit in vulneribus thoracis, quibus non solum ex locis omnibus notis materia purulenta fluit, sed etiam per intestina. *Idem ibidem.*

De Empyemate à parotidibus, & Phthisi à Quartana.

Juvenis quidam 22. annorum incidit in febrim continuam, 14. die fit translatio materiæ morbificæ, & fiunt parotides ex utraque parte valde magnæ, & cessat febris; factis faciendis parotides copiosissime fluxerunt, ita ut ex una ultra lb. pro una vice effluerit, & cum propter copiam materiæ Chirurgus illas sæpius ligare & aperire debuisset, necio an ex negligentia id de die vix semel aut bis fecit, materia hæc satis copiosa & acris partem ipsam etiam glandulosam & mollem usque ad asperam arteriam corrodit, & facto ibi ulcere ad pulmones & thoracis cavitatem ruit, & in momento loquelam amisit, disparet tumor parotidis sinistræ, nulum amplius ibi pus apparet, tussit potenter, & propter dejectas vires à priori morbo ejicere non potest, & 40. die post moritur. Vir quidam 43. annorum incidit in quartanam, vadit ad aliquem circumforaneum, qui sexies consequenter illi dedit vinum antimoniatum, emanfit quidem febris, sed ob tot vehementes vomitus fit phthicus, partim ex translata materia, partim ex rupto aliquo vase ob potentissimos & toties repetitos vomitus, hic ad exemplum sui Domini, cui Phthico & Hectico cum optimo successu diætam lacteam præscripsi, absque ulteriori consilio ea etiam uti incepit, adhuc continuat, & in tantum se sustentat, ut tamen adhuc sua perficere possit absque magna molestia. *Joh. Georg. Greiseli.*

Puris sputum Menstruum sine Phthisi.

Nota mihi est matrona quædam Nobilis, quæ singulis mensibus semel puris sputo laborat, adeo, ut sæpissime ad tres libras puris foetidissimi rejiciat: bene interim se habet, & formosa est neque etiam tussi vexatur, nisi quando periodicum hoc imminet sanguinis sputum; menses tamen parte fluunt. Judicent nunc eruditi an semper puris sputum signum phthicosos pathognomonicon existat. Ego sanè in ea sum sententia, ulcus pulmonis tabem non esse, nisi longo temporis tractu degeneraverit, vel in vomitam vel in empyema. Inspectio variorum hoc morbo mortuorum & dissectorum Cadaverum aliud me docuit. *Alnardi Hermannii Cummi.*

Lactis usus in Empyemate.

Si Aquilonia tempestas, tusses vigent, faucium asperitates, alvi duræ, horrores, costarum dolores & pectoris, aperuit *Hippocrat. sect. 3. §. 5.* Expertus id ipsum Parochus Kosslezensis in Moravia, habitus crassioris, annorum 30. pleuritide exquisita ascendente sinistræ partis ex inflammatione pleuræ laborans, cum dolore punctorio, febre acuta, difficili respiratione, tussi ac pulsu duriusculo, quæ inseparabilia exquisitissimæ pleuritidis signa proposuit *Galen.*

lib. 3. de Loc. Affect. cap. 3. & lib. 2. de Cris. cap. 10. & l. de constit. art. med. cap. 15. Is septimo die præmissis Universalibus, partim per sputum, partim per resolutionem judicatus est.

Patitur post 5. dies ob causam externam, recidivam, & non aderat magnifica intentio ad hoc ut sputum facile fiat, quemadmodum loquitur *Avicen. 10. 3. tract. 5. cap. 2.* adeoque spatium dierum 14. materia plurima, quæ præ virium imbecillitate resolvi non potuit, retenta in suppurationem abiit, est enim his terminus acutorum *Hipp. l. 5. §. 8.* quicunque igitur morbo laterali laborantes in 14. diebus non repurgantur, ii ad suppurationem vertuntur. Rupto abscessu Empyicus noster magnam puris diversicoloris copiam exspuit, quæ sputiones ad septimanas 5. perdurabant, ea quantitate, ut die noctuque pelvim 5. & ultra libris puris impleveret. Innuimus cum *Hippocr. l. 5. §. 15.* Empyici qui ex morbo laterali suppurantur, si in 40. diebus purgentur à die, qua fit ruptio, liberantur, si verò non, ad tabem transeunt.

Sumpta itaque prima & potissima indicatione à suppuratione, & instituto commodo victus & 6. rerum non naturalium ordine, ea adhibuimus quæ clementer & secure pus educerent, & detergerent, non neglectis quæ febriculam comitantem respicerent, & vires hic apprimè necessarias roborarent.

Sed ob plurimum pus, & sputiones copiosas patiens multum delassatus, somnoque privatus, viribus destituit, & ad Tabem transire cœpit. De salute vix non desperantes venit in mentem quod habet *Galen. 6. §. 27.* Ustione igitur indigent qui plurimum habent pus, ut qui desperent per sputiones posse expurgari, &c. meliusque esse nos in via salutis dubia aliquid agentes periclitari, quam ægrum omni spe adempta certo perire; Sed vires enormiter fractæ ab hoc præsidio generoso avocabant.

Exacto die 40. Patienti Empyico *Lac Capillum*, cum saccharo rosaceo mistum (deerat enim asininum) proposuimus quod cum per alias sex septimanas mane calidum, & recens à capra, etiam in majore quantitate quam à nobis præscripta esset, videlicet ad lb. ij. hausisset, expurgato ulcere, omnique putrilagine, eoque glutinato perfecte convaluit, & crassior quam ante evasit, prout in hodiernum diem incolumis vivit. *Mauhai Francisci Herodi.*

De Metastasi humoris per vias occultas; seu de empyemate post pleuritidem notham per foramen cutaneum, à vena mediana incisa, salutariter soluto.

Rectè sanè *Stephanus Rodericus Castrensis* in eruditissimo tractatu, quæ ex quibus, inscripto *lib. 3. cap. 2.* scribit: Metastasis, seu humoris in morbis transmissio, non solum per vias manifestas, sed per occultas etiam fit. Nam præter vias unicuique cognititas, per quas quicquid fluxibile in corpore est, fertur, sunt aliæ incognitæ, quarum nos contemplatio in admirationem deducit. Et libro eodem *cap. 3.* ita pergit: Cum Metastasin per vias incognitas fieri audis, intelligito incognitas nobis, naturæ verò, quæ licet cognitione non utatur, dirigitur tamen à cognoscente, cognititas: unde *Hippocrates 6. Epidem.*

sect. 5. text. 2. è versione Foesii, Natura, inquit, ipsa sibi per se, non ex consilio motiones ad actiones obeundas invenit, partim quidem ut nictare, partim verò etiam quibus lingua subservit, & quæcunque alia id genus. A nullo quidem edocta natura citraque disciplinam ea quæ conveniunt efficit. Galenus accessus exponit vias, aut imperus ad agendum, ut scilicet natura *con ex dnoias*, sine consilio vel edocta in eas actiones feratur, quibus exequendis accommodata habet instrumenta. Hoc argumentum latissime prosequitur 1. de usu part. cap. 3. & ejusdem operis lib. 15. cap. 7. & 6. de loc. affect. cap. 6. Cæterum Hipp. apud quem prius νόσος φύσις ἰστέσι, natura morborum medicatrix dicitur, adjungit paulò post: adinvenit natura sibi accessus, nempe vias; quapropter non solum loqui videtur de admirandis actionibus, sed de viis etiam, per quas natura ista medicatrix metastasin humorum efficiens morbis medetur, constat hoc, quia utriusque rei exemplis utitur, &c. Huc usque citatus Author, cujus verba paulò prolixius hic recensere volui, ut eò melius præsens casus singularis & contemplatione dignus intelligatur.

Virgo quadam Thorunensis, Dorothea Kriegerin, honesti Johannis Georgii Zöbners, civis & negotiatoris apud nostrates non infimæ notæ privigna, annorum septendecim, constitutionis gracilioris, complexionis phlegmaticæ, incidit annò 1675. hyemali tempore in pleuritidem spuriam sinistri lateris à pituitosa causa, cum paucabile permixta, originem ducentem, sed à causa procatarctica, scilicet saltatione longa, & sudore subsequente à frigore externo suppresso in actum deductam, post suppressionem sanguinis menstrui, huc usque inordinate, utpote pituita copiosa permixti, indeque orta obstructione, fluentis: cui jam à longo tempore singulis noctibus gravis fuit sudor oleaginosus, foetidus, coloris crocei, tam in capite, quam in dorso, etiam indusium tingens, & pinguedine quadam inficiens.

Huic ego perspectis signis, inter quæ urina crassa & tincta erat, dolor cum punctura sinistri lateris gravativus, pulsus celer & validus, respiratio difficilis cum quadam dyspnœa, tertia die morbi è vena mediana dextri lateris sanguinis ultra sex uncias extrahere jussi, qui merè pituitosus erat: dein remisso paulatim dolore laterali, sed calore adhuc superstiti, altera die post è vena poplitea utriusque pedis ad sanguinem magis revellendum, & menstruum fluxum proritandum (qui etiam postridiè, quamvis in pauca quantitate apparuit) aliquot uncia ejusdem eductæ sunt: tum statim calor remisit, puncturæ lateris desierunt, gravativo tantum dolore residuo cum difficultate spirandi manente. Sanguis autem eductus pallidus erat, tunicaeque quasdam secundinis similes representabat, qualem ego quidem nec vidisse unquam, nec è minoribus vasis extractum fuisse, me legisse recordor. Interim hæmorrhagia narium, ut antea, ita & nunc continuabat, urina concocta apparebat, dyspnœa non remittente, quam mox sputum tenue sequebatur, Aphorismum illum Hippocraticum lib. 5. Aphor. 8. qui pleuritide laborant, nisi intra quatuordecim dies supernè per sputum repurgentur iis in empyema fit trans-

mutatio, verificans. Quanquam Aretæus hic interdum vigesimum diem terminum constituat: Galenus verò in commentario non solum empyema, sed quamlibet in pus mutationem intelligat. Sed dum nos materiæ evacuationem per sputa cocta è pectore expectabamus, Ecce novum emergens intervenit, scilicet puris cocti albi instar lactis, paululum tamen ad colorem croceum inclinantis, per foramen cutaneum à vena incisa nondum consolidatum, excretio, quæ quidem metastasis materiæ per vias occultas, nobisq; incognitas pectoris & lateris dolorem sensibilibiter sustulit, sed cubiti illius manus, ut & homoplatarum dolorem majorem excitavit, sputo liquido, salso, per aliquot septimanas continuante: quod tamen postea salubriter secum euphoria cessavit, fluxu menstruo reverso, virgineque ad hanc usque diem feliciter & pancreaticè valente. Simonis Schultzii.

Ab Empyicis non abducar quin 1. juvenem proferam à pleuritide Empyicum, sed cujus purulentia, costas arrosit, quas mihi conservo; & sponte sua diu manavit extrorsum, & quidem foetidissime & lethaliter.

2. Phthificam autem curavi, annum agentem 30. cujus ulcus pulmonale dextrum tam altos egit cuniculos in pleuram, & in musculos intercostales ut ejus tabum per cutem effluerit, citra pectoris damnum. Pulmonis enim ulcus toti ambitui interno lateris ulcerosi ita accreverat, ut digito intruso, & orbiculatim ducto deprehensa sit cohæsiō. Bechicis & injectionibus bis de die iteratis, vitam fœmina protraxit in septennium; nec interea statis mensibus caruit. Imò filium nonimestrem pertulit, & ita vivacem exclusit ut adhuc dum alacer vigeat, stupentibus amicis.

3. Belli ducem curo Empyicum à plumbi globulo. Is jam ab octennio fistulam gerit è Saturno intra fistulam pectoralem dextram; quotidieque manè & vespèri, pus tam feliciter per ulcus excludit, ut nusquam decumbat, sed vitæ muniis fungatur.

4. Id mihi memoriam refricat viri quadragenarii cui à dextris, circa 3. & 4. costam spuriam tumor in suppuratum abiit, & plurimum pus per tres hebdomadas fudit. Quum stupeam ad puris molem horrendam, ulceris fundo studui. Sed profectò jecur esse detexi, cujus purulentia, cuniculis actis, ipsum orbiculatim hypochondrio tam strictè agglutinavit, ut puris nihil in abdomen influxerit, sed id omne proruperit extrorsum.

Indicem sæpè sæpius in ulcus intrusi, & hepar sensi profundius excavatum, quasi digitum inderem pomo vieto partim atque sano; quæ pars enim sana est firmitudinem conservat, dum vieta diffluit nec attrectari sustinet. Diatà vulnerariâ & balsamis injectis & admotis cuncta symptomata eluctatus est ager & salubri nunc vescitur aurâ. Qui in renibus ulcerantur, tam levi cum labore se extricare non possunt, urinis enim stranguriosis divexantur in annos & miseri pereunt, vigiles, febricitantes, sitibundi, *ἀνέσπνοτοι*, exsuccī, sed lumbis indolentes; & id decipit Medicos falsò jactantes ibi dolorem esse ubi morbus, & è contra. Hic enim dolor in vesica & in urethra calculum mentitur, cum urinis glutinosissimis atque purulentis. Dolor autem in rene

rene nullus, quia consumpta illius carne, corialeus evasit & corii bubuli crassitudine Tales sacculos renales coriaceos sæpè sapius habui præ oculis, cum ureteribus è directo pariter præduris & callosis. Unicum vidi è multis qui lacte, trochiscis Gordon. & Balsamo Lucatelli purulentiam renis superavit. Alii omnes extincti, inter quos exemplum mihi sine exemplo, renis enim dextri ulcus arroserat & sibi agglutinaverat ex ulceris directo ileon intestinum; inde colica immanis & dementans cum excretionem alvina dysenterica, pauca, frequenti purulenta sanguinea cui tanquam dysentericæ Medicinam feci. Sed cadaver errorem meum detexit. Non erat enim dysenteria primaria sed à renis tabo transitu suo excoriante & inflammante fistulam intestinale; haud secus ac dejectiones visuntur dysentericæ in Empyemate pectoris; sed ab empyemate renis id nusquam à me vel visum aliàs, vel auditum, vel lectum. *E Collegiis Clariss. Carol. Drelincurtii communicante Excellentiss. D. Guyot ejusdem Discipulo Medic. Doct.*

Anatomica inspectiones.

Empyema Pleuritidi succedens ante decimam quartam diem.

Advertant juniores, quanquam Hippocr. observatione pleuritis non ante 14. diem ad suppurationem tendit, Nostra tamen observatione, non solum in juvenibus, sed etiam viris constantis ætatis, 7. vel etiam 4. id evenire, & evidenter *id detegi rigore* & subsequente febre, ab illis diebus invadentibus & singulis diebus recurrentibus: Sic sane in Nobil. adolescente *rigor febrisque*, 4. 5. 6. 7. ulque repetentes prænuntiarent suppurationem.

Dissectio autem cadaveris secundum intra septenarium morbi, in illo factam suppurationem ante perfectam fuisse demonstravit, cum universus thorax pure prægnans repertus esset: Quin memini me vidisse pus in thorace cujusdam Sacerdotis, qui 9. die extinctus obiit, quod præpostero consilio purgante medicamento usus esset, neglecta v. s. & dilata in sextum, quo sum advocatus. *Carolus Piso de morbis ab illuvie serosa sect. 3. cap. 9.*

Empyema insigne Sinistri lateris thoracis, nulla sui signa exhibens.

Suppuratum mortuum secimus in quo nulla pulmonis sinistri pars aderat, sed tota cavitas aqua & pure repleta erat: cum tamen per duorum mensium spatium, quo tempore ab hoc morbo vexatus fuit, nullam respirandi difficultatem, & paucam tussim, sine ulla materiæ morbificæ ejectione habuisset, Attamen secto corpore tota thoracis sinistri cavitas aqua purulenta referta erat. *Dom. Panarolus Pentec. 1. Observat. 46.*

Empyema pulmonum exulcerationem frequenter sequitur in Phthisicis.

Pus in Pulmonum exulceratione genitum, non solum asperæ arteriæ ramis illapsum exspuitur, sed & tandem quando ex corruptione

Pulmonum substantia dividitur, in pectoris cavitate influens, illicque sensim coacervatum, atque interdum magna copia congestum, Empyema producit, Quod ab exulceratione hac in phthisicis eo modo prodire Sectio patefacit, per quam in corruptione pulmonum puris semper aliquam saltem portionem, si non magnam, pectori adhærere vel innatare deprehendimus. *Platerus pract. lib. 3. cap. 5.*

Suppurati pericardium totum ferè corruptum repertum est, & cordis major pars exesa.

In suppurato, qui post diuturnam affectionem obierat, observatum est ferme pericardium totum corruptum fuisse, majoremque ipsius cordis, quod adhuc quidem, ob diutius scil. putredinalem in eo asservatum calorem, palpitabat, partem exesam extitisse, ut quidem ulcus diutius tulisse facile credi possit: *Franc. Rota cap. 23. de Tormentar. vulnere curatione.*

ENCANTHIS.

Encanthis, Græcè *Εγκανθίς*, in oculi angulo, unde etiam nomen accepit, exiguum tuberculum est, vel ex fluxione obortum; vel ex ungue parum exciso, ac proinde contracto, conglobato, & in tuberculum converso, conveniunt Celsus & Paulus in Chirurgia, quod excipi hamulo & circumcidi debet. Paulus vossellam, ad apprehendendum usurpat, sed hic quoque diligenter temperatâ manû utendum, ne quid ex angulo abscindatur; tum exiguum linamentum, aut Cadmia, aut atramentò futuriò inspergendum est. Paulus Chalcitidem lavigatam usurpat. Sed mitiora, quæ non irritant, tutiora sunt, ut est tuthia præparata, aut pompholyx, aut sies album sine opio. *Hieronim. Fabric. ab Aquapendente in Chirurgic. operation.*

Εγκανθίς est Cornelio Celso, ac Paulo Æginetæ, tuberculum, enascens in oculi angulo: quem *καυθός* nominat, Ruffus Ephesius *lib. 2. c. 5.* dividitur autem in benignam, ac cancrösam. Illa ut occurrit frequenter, sic hæc nonnisi rarissime.

Vidimus tamen eam, luce clarius in naupego Hornano: cui, ex fluxu lacrymali per oleum vitrioli, intempestivè suppresso, usque eò luxuriavit glandula, à narium parte, oculis adposita, ut ejus excrescentia cooperierit, non tantum malam: sed degeneraverit quoque in perniciosissimum carcinoma. Quod tentavit quidem filo comprehendere, & convenienter ferro excindere Cornelius Sasboutius, Lithotomus, ac Chirurgus satis felix: sed acquisiverat jam tum eam malignitatem hic tumor: ut vix potuerit attingi, quin protinus, profunderet plurimum sanguinis: ac proinde fuit necesse solis lenientibus uti: quibus exitium ægri magis fuit dilatum, quàm ablatum. Viderint itaque illi, quibus acria medicamenta in frequenti usu quàm facile committatur error: nullâ arte deinceps emendabilis. *Nicolaus Tulpus Observ. Medic. lib. 1.*

ENTEROMPHALOS

Vid.

HERNIA

Bbbbb 3

EN-

E N T E R O C E L E

Vid.

H E R N I A.

E P H E L I D E S

Vid.

C V T I S V I T I A

E P H I A L T E S

Vid.

I N C V B V S.

E P I L E P S I A.

Epilepsia vox Græca idem est ac apud Latinos *Prehensio*; deducitur enim à verbo *ἡπλάμειν* quod prehendere significat: quia scil. morbus hic incautos ac imparatos insidiosè & de subito adoritur. Dicitur alias *Morbus Sacer*, vel propter magnitudinem, quali sensu os omnium corporis maximum sacrum dicitur, vel quod cerebrum partem nobilissimam, Sacramque Palladis & animæ arcem pro hospitio habeat. *Morbus Herculeus*, vel quod eo Hercules laborarit, ut & alii maximi viri in laboribus continuis non tantum defudantes, sed etiam quasi contriti, vel quod Hercule Medico in eò edomandò opus sit. *Morbus Comitialis*; Vel à solutis, diremptisque apud Romanos die eo quò quis in Senatu hoc morbo prehenderetur comitiis, habebatur enim pro pessimo omine ac portento singulari; vel potius quod in comitiis seu magno hominum conventu affectus hic maximè & præcipuè invadat. *Morbus Sonticus*, quod morbi gravitas utut vehementer sontibus justam absentiae excusationem, testibus Plinio, Gellioque in judiciis afferret. *Morbus Caducus* à subitaneo casu ægrotantium, qui idcirco *caduci* & *cadivi* vocitantur. *Morbus Lunaticus*, eò quod, secundum quosdam, qui diebus illunibus vel concepti, vel nati reperiuntur, hæc luem vix effugiant, vel etiam quod hæc affectio ad Lunæ quadras sit quasi composita. *Morbus qui inspiatur*, eò quod temerè imaginarentur Antiqui Epilepsiam jam illatam ac spumantem per antispuitionem, ut ita dicam, reperiuti, sicuti recanendo incantationes retorqueri arbitrabantur. *Morbus Puerilis*, quod pueris sit vernaculus, unde non immerito puerorum noverca dici meretur.

Est autem Epilepsia universi corporis convulsio cum repentina facultatum principum pro tempore eversione. Aliàs Petrus Joh. Faber in Pathologia Spagirica, dicit Epilepsiam esse affectum præter naturam, seu morbum à virulentò quodam fermentò inebriativò, potius quàm soporiferò oriundum, spiritum animale offendentem, & vitalem adeò oppugnantem, ut à virulentâ illâ qualitate velut inebrietur. Quæ sanè ulterius hic non exagitamus. Advertimus tantum quod etiam si plerisque lubeat Epilepsiam esse convulsionem periodicam, quæ accessus ac recessus suos, nunc insperatò ingruentes, nunc statis temporis momentis, quasi ad edictum invadentes, hæc tamen conditio non sit de essentia morbi caduci, cuius quippè vel unica, nec unquam reversura prehensio veræ epilepsiae nomen mereatur. Ut patebit ex

historia Anatomica è Clariss. Carol. Drelincurtio ad hujus capitis finem afferenda. Verum quid nos ulterius moramur in explicando morbo cuius non modò ideam accuratam, sed etiam descriptionem absolutissimam, tum theoreticam, tum practicam, exhibuit Clariss. Thom. Willisius libro de Morbis Convulsivis, cuius propterea Dissertationem integram præstiterit huc afferre, quàm propria sensa fusiùs enarrare? Sic itaque ille, initiò à morbis convulsivis in genere, pro majori illustratione Epilepsiae in specie, petitò.

Ut *Spasmi*, sive *motus Convulsivi*, & *irregularis* natura, & causæ rectius innotescant, præmittendum esset, quo pacto *functio motiva regularis* in corpore animato peragitur: verum hujus plenior consideratio, quoniam ad Cerebri, & nervosi generis *Physiologiam* spectat, in alium differetur sermonem: In præsentì, quantum ad rei propositæ elucidationem facit, verbo annotetur, *spiritus animales* esse proximum *motus regularis* instrumentum, ipsorumque actionem, seu vim motricem in eo tantum consistere, quod densius agglomerati in parte motiva, ibidemque in spatium amplius expansi, eandem infient, & intumefaciunt, quæ proinde, quoad longitudinem contracta illico ad se partem sibi appensam attrahit. In nervorum descriptione nostra pridem edita, innuimus hujusmodi motum esse duplicem, scilicet *spontaneum*, & *mere naturalem*, hujus instinctum à *cerebello*, ac istius à *cerebro*, utrumque autem per *nervorum* ductus veluti *canales* deferri, cum ad *musculos*, tum ad *fibras*, *membranis*, *parenchymatis*, aliisque *partibus motivis* intertextas; denique in hisce omnibus, tam expedite varias peragi actiones, quascunque aut *necessitas naturalis*, aut *voluntatis imperium* exigit, ea solum ratione, quod inter *spiritus animales*, qui animæ sensitivæ hypostasim constituunt, intra prædictas partes, continuata serie dispositas, ubique eadem est *communicatio officii*, *intima conjunctio*, & *celerrimum commercium*. At verò inter *motum à musculo*, eumque ab aliis *partibus* editum, discrimen hoc notabile occurrit; quod in his, actio sæpissimè intra corporis motivi terminos circumscribitur, ita ut ejusdem tantum *membrana*, aut *visceris* pars una aliam moveat, & deinceps hæc à vicina moveatur: in genere autem *musculofo*, plerumque *pars movens* in uno membro, & *movenda* in alio proxime consistit (quanquam & inter partes musculosas quædam, uti *cor* & *diaphragma*, proprie se ipsas ferè tantum movent:). Hinc *membrana* & *viscera* *motum* quasi *intestinum*, & *vermicularem* habere dicuntur; qualis ubicunque incipitur, spiritus ibidem densius agglomerati, & expansi, primo partem istam, dein ultra pergentes, aliam, & mox ulteriorem intumefaciunt, proindeque partem illam quæ à tergo est trahunt, adeoque intumefactionem, & propterea motum à loco in locum transferunt; simili ferè ritu ac lumbrici, aliaque reptilia progressus suos faciunt. Huic autem *membranarum*, ac *viscerum functioni motiva*, si frequens, aut indiscontinua fuerit, spiritus copiosi requiruntur, qui tamen sine tumultu, aut magno impetu, pensa sua satis tranquille exequuntur: Et quidem observare est, *spiritus animales* in *viscera membranacea* haud multo parcius, quam in *musculis* influere;

fluere; prout arguere licet ab istarum partium sensu exquisitiori, & in iisdem multiplici nervorum insertionem, & diversimoda per plexus & fibras divaricatione; licet interea *musculi* uberiori sanguinis influxu irrigantur: Quoad motum verò in genere *musculoso* peractum, *spirituum agglomerationis* & *rarefactionis* per totam partis motivæ compagem subito ac simul explicatæ, tanto cum impetu, ac robore peraguntur, ut *tractio musculi* in nixu motivo, vim *trochleæ*, aut *vectoris* excedat; cumque vis ista tantum à *spirituum* partis motivæ insitorum expansione, sive rarefactione dependeat, nihil minus concipere possumus, quam *spiritus* ita expansos, *pulveris pyrii ritu*, veluti *ignitos explodi*. Enimverò supponere licet, *spirituum*, fibras *musculo* intertextas incolentium, *particulis spiritibus salinis*, alias diversi generis *particulas*, à *sanguine arterioso* inter easdem fibras ubique interfluo, *nitro sulphureas* accedere, illisque intime accrescere: dein quoties *particulæ* utriusque generis, velut *nitrum* & *sulphur* combinata, propter motus instinctum per nervos advectum, tanquam à fomite ignario, commoventur, protinus ab invicem *elisa*, & velut *explosæ*, *musculum* subito inflant, proindeque tractionem validissimam efficiunt: enimverò in hunc finem ita constitui videtur, ut *musculi* multo uberius quam *viscera membranacea* *sanguine arterioso* perfundantur: nimirum *spirituum copulæ elasticæ*, per motus valde crebros, ac interdum continuos absumptæ, ac perpetim deciduæ, subinde statim nova à *latice sanguineo* substituatur: interim ut ipsi *spiritus* in minori copia per nervos exiles suppeditati, usque in eadem statione, tanquam *militæ veterani*, diutius persistant, & sæpè *copulam* multiplicem impendant. Secus enim, unde jumentis, dum per plures horas, imò per integrum aliquando diem, cursu citatiori *musculos* ferè omnes exercent, *spirituum* penus pro tanto labore sufficiens derivatur? aut quis credat paucos *spirituum* manipulos, per exiles nervorum *pari vagi* & *intercostalis* propaggines cordi adductos, proprio Marte adeò robustum, & indiscontinuum ejus motum efficere posse? Illis, equidem necesse videtur, *copias subsidiarias* perpetim à *sanguine* accedere, easdemque semper protinus *explodi*. Certe ob hanc rationem & cordis, & cæterorum *musculorum* virtus motiva robustior, & supra *organum* quodvis *mechanicum elasticum* evadit: nempe in quantum *spiritus animales*, ubique in *musculoso* genere agentes, sibi *met copulam explosivam* adiscant.

Quod si *Explosionis* vocabulum, in *Philosophia* ac *Medicina* adhuc insolitum, cuiuspiam minus arrideat; proinde ut *Pathologia* *απορροή* huic basi innitens, tantum *ignoti per ignotius explicatio* videatur: facile erit istiusmodi effectus, circa res tum naturales. tum artificiales, instantias, & exempla quamplurima proferre; ex quorum analogia motuum in corpore animato, tum regulariter, tum *ἀνωμαλῶς* peractorum, rationes aptissimæ desumuntur. Nam præter *Nitri* cum *Sulphure*, cum *Tartaro*, & cum *Antimonio* mixturas, quæ omnes cum detonatione igniuntur; atque *Aurum fulminans*, & compositionem ex *sale Tartari*, *Nitro*, & *Sulphure*, quæ absque ignitione actuali, tantum penitus excalescunt, cum fragore vehementi exploduntur; etiam huc re-

ferri possint multi liquores, qui simul commissi, aut quibusdam corporibus affusi, motus violentos, & plane explosivos ineunt, concitantur: *Spiritus Nitri*, & *liquor Antimonii glacialis* invicem confusi; quin & alteruter *limatura ferre* immixtus, ebullitionem maximam, cum calore & fumo atrato concipiunt. Vulgo notum est quanta effervescentia, & impetus plane explosivi à *salibus fixis deliquatis*, ac *acetosis* cujusque generis simul permixtis oriuntur: Nec minus explosionis effectus cernitur, quando *liquor sale volatili imbutus*, uti *Spiritus Cornu Cervi* aut *sanguinis*, *stagnanti salino* vel *fixo*, vel *acetoso*, vel *nitro sulphureo* admovetur; scilicet *particulæ* aliæ ab aliis vehementer elisæ, cum impetu dissiliunt, & quaquaversus longe proferuntur; quæ proculdubio, si intra corporis cujusdam spatia, uti *musculi* fibras coercerentur, ipsum subito intumescerent, adeoque motus localis instrumentum constituerent. Super his paulo apertius in *pathologia* nostra olim disseruimus, atque rem adhuc fulius, & accuratius explicatam forsitan aliquando publici juris faciemus.

Interea tamen ne videar sententiam hanc, revera novam, tanquam mei unius Cerebri factum, omni patrono inopem exposuisse; Libet hic *Clarissimi Gassendi* assertionem proferre; quæ ut hypothese huic nostræ apertissime favet, & quodammodo ejus ansam præbuit, ita fortasse poterit & auctoritatem aliquam conciliare. Itaque *ἀπλολογία* & ille vir animo perpendens quanta sit vis illa sive robur, quo non modo brachium aut crux, sed tota etiam animalis machina movetur, regitur, attollitur, transfertur: Subjungit. *Ecquis facile capiat tenue illud, quodcumque est, intra Elephantis corpus, quod seu animam, seu spiritum, seu aliud quodvis principium motus concipimus, posse illam tantam molem agitare, ac ad tripudium etiam velox, concinnumque componere? Ac tanto magis, quanto ubi tenue illud intra id corpus non amplius viget, tanta externa vi opus sit, ut vel minimum loco emoveatur: sed nempe ad hoc quoque primum facit, eadem natura animæ ignea, quæ tamen si sit flammula pertenuis, sui tamen mobilitate idem proportionem præstare intra corpus valebat, quod flammula ex pulvere pyrio intra tormentum bellicum: dum scilicet non modo globum tanto propellit impetu, sed tanta etiam vi depellit totam machinam. Quod verò ad spiritum attinet, qui (instar pulveris pyrii explosi) agitationem istam subeunt, dubium esse, inquit, an ii sint qui adveniunt ex cerebro, an quæ in ipsis tendinibus quasi connati haberi possint: Verum tamen si utrique concurrant, videntur tamen ad hoc munus illi præsentius destinati, qui sunt connati tendinibus. Non pluribus hic opus est, ut declaretur functionem motivam à spirituum animalium copulæ elasticæ, ejusque decisione pendere. Attamen ex hoc supposito (quod quidem maxima cum probabilitate supponimus) facile sequetur, motus convulsivos multo magis à tali causa procedere: Quisquis enim in membris, aut partibus affectis, subitas intumescencias, violentas & validissimas contractions, quinimò interdum totius corporis concussions, jactationesque impetuosissimas considerabit, nihil minus concipere potest, quam plures spirituum animalium globos, velut fulguris è nube erumpentis, explodi. Porro hinc etiam Elencho velut reciproco arguere licebit, & quia motus *απορροή* sunt ex-*

plosivi insuper & regulares, à spirituum explosionibus produci: quo tamen ritu, quot modis, & quibus de caulis spiritus animales explosi affectiones *παροξυσμίδει*s pariunt, præsentis instituti erit paulo fufius, & quantum res ita difficilis & abstrusa patitur, apertius demonstrare.

In recitandis aliorum, circa *spasmi naturam* & causas, sententiis non multis, hic moror; quæ apud antiquos diu celebris increbuit opinio, affectionem hanc tantum è repletionem, aut inanitionem produci (utcumque huic stabiliendæ præter autoritatem Hippocratis, proferatur exemplum de corio, aut *fidium nervis*, qui aut madido aere impleti, aut nimis sicco inani contrahi solent) facile ex se concidit; quia supponere videtur (id quod nemini fragilitatem nervi experto credibile esse potest) nimirum ipsos nervos quoquomodo abbreviatos atque contractos, posse vi quadam musculos ad se attrahere. Quod si referatur repletionem, aut inanitionem respectu solidarum partium quæ convelli solent, intelligi debere; è contra observare licet, ubi musculi & nervosum genus humore aqueo maxime irrigantur, uti in *Anasarca*, aut eodem plane destituuntur, prout in *tabe*, vel *marasmo*, haud propterea motus convulsivos excitari. E recentioribus plerique solummodo irritationem nervosarum partium, convulsionis esse causam statuerunt, conjecturam inde opinor petentes, quod *αὐτοψία* pateat ab ipsa vellicatione, soloque tactu nervorum spasmos induci: Et quidem plane observavimus, in dissectione vivi catuli, cultro nudatis nervorum spinalium caudicibus imposito, statim & ipsos, & musculorum quibus inferebantur, corpora convelli: nec inusitatum est, à nervorum, ac tendinum puncturis, in quibusvis ferè hominibus, spasmos excitari. Memini ab ulcere in cuiusdam brachio excitato musculi tendinem prorsus nudatum fuisse, qui cum specillo Chirurgico tangeretur, patientem rigore quodam in toto corpore, & concussione illico oborta, aliquandiu inhorruisse. Verum enimverò ut concedamus partium nervosarum irritationes non raro causa evidenter vicem subire; insuper aliquando hac causa solitaria spasmos leviores, & cito transeuntes produci: nihilominus ut graviores hujus morbi paroxysmi, iique crebra vice repetentes debite explicentur, alias, atque altiores causas, scilicet tum conjunctam, tum procatarteticam investigare oportebit.

Quandoquidem igitur *spasmi* nequaquam accidunt, nisi in corpore vivo, ubi partes nervosæ instantur, & turgescunt spiritu animali, in promptu conijcere ipsos spiritus animales, sicut in motu regulari, ita in convulsivo esse proximum actionis instrumentum: nimirum illi quandiu copula explosiva idonea, & moderata imbuuntur, ac ad ipsam elidendam tantum appetitus jussu, aut nature instinctu proritantur, motus solummodo regulares pariunt: sin verò iidem spiritus sibimet copulam heterogeneam, ac nimis elasticam asceverint, vel si justo impetuosius, & vehementius in actus suos rapiantur; utique, tanquam equi effrænes stimulis agitati, inordinate exiliunt, & copulam suam, genuinam licet ac naturalem, violente explodunt; proindeque partes continentes, velut currus appensos, motu perverso, efferoque secum una corripunt.

Cum itaque, ut prædicitur, motus convulsivi ob duas potissimum causas excitentur; hinc totidem illorum species constituentur. Nam i. interdum accidit convulsionem sine procatarxi, aut copula heterogenea prius ascitis, tantum à causa evidenti solitaria induci: ita namque passio vehemens cerebro impressa, solutio continui alicubi in nervoso genere contingens, pathemata, spasmodica nonnullis quibus Cerebrum & nervi debilioris sunt constitutionis: subito intulere: quippè spiritus animales, objecto improporcionado ipsos fugante, partes continentes exagitant, quin & copulam suam, licet idoneam, vehementer elidendo, easdem instant; proindeque alias hisce annexas convellunt: *Spasmi* hoc ritu excitati quoniam in iis spirituum copula naturalis vehementius eliditur, quodammodo sunt explosivi, qui tamen cito desinunt, & sæpius sine viscerum, aut membrorum jactationibus, cum tremore tantum & horrore aliquo in spirituum deliquia transeunt. Verum i. convulsiones quarum paroxysmi sunt graviores, atque diutius persistunt, aut crebrius repetunt, omnino à causa procatartetica, sive dispositione prævia pendere, & ab alia, præter irritationem, causa conjuncta exoriri videntur. Ideoque in hoc casu particulas heterogeneas, & valde explosivas spiritibus in hac aut illa corporis regione agentibus accrescere supponimus: deinde ex iniqua hac combinatione, & irrequieta hujusmodi materia & spirituum collisione, crebras, vehementesque explosiones editas, paroxysmos *παροξυσμίδει*s inducere.

Enimverò præter copulam elasticam, quæ spiritibus à sanguine arterioso ubivis accedit, & à cujus explosione ordinata impetus motivus, juxta appetitus nutum, aut nature instinctum in partibus quibusvis nervosis perficitur (prout alibi declaravimus:) etiam alijsmodi interdum corpuscula naturæ efferæ, & pulveris nitrati magis æmula, spiritibus adveniunt, iisque intime adhærent: cujus materiæ à spirituum amplexibus, cum frequentia & subinde divortia contingant, à mutua particularum elisione corpora continentia varie instantur, adeoque in motus convulsivos aguntur. Revera quoties affectio spasmodica habitualis evadit, ut paroxysmi convulsivi non raro sua sponte, & sine causa evidenti, passim verò levi quavis occasione oriantur, talis morbi procatarxis in hujusmodi mala spirituum animalium diathesi consistit: Neque enim tantæ ægritudini excitandæ, colluvies serosa, aliique minus efferi humores, licet in ipsis cerebri ventriculis, aut circa nervorum origines depositi, sufficiunt: Quippè in defunctorum capitibus non raro cerebri meditullia, ipsaque nervorum principia aquæ limpidæ prorsus immersa vidi; quibus tamen dum vixerunt, nec Epilepsia, nec motus convulsivi adfuerunt: Quin potius ad hos motus producendos requiruntur corpuscula maxime activa, qualia sunt salina, & sulphurea; quæ cum spiritibus combinata, & dein subito erumpentia, particularum mineralium combinationes, violentasque explosiones imitentur. Quandoquidem enim in motu regulari & ordinario (prout modo innuimus) musculi impetum motivum, & vim elasticam concipere nequimus, nisi spirituum animalium explosio quædam supponatur; certe multo magis pro insultibus epilepticis, aliisque convulsionibus admirandis, quæ passim eveniunt,

niunt, excitandis; eorundem spirituum; cum aliis particulis valde efferis *complicationes*, eorumque ab invicem *elisiones* vehementes requiri, asserere licebit. Circa ejusmodi verò *copulam spasmodicam*, quia differt à naturali & ordinaria, quam in motu regulari adesse, & ubivis à sanguine suppeditari alibi ostendimus, inquirere oportet *undenam illa provenit, & quo ritu, quibusque in locis spiritibus accrescere solet.*

Quoad prius, observare licet *explosiones spasmodicas* non solum in *musculis*, quibus solis, quæ motum regularem efficiunt limitantur, sed etiam in *membranis*, scilicet *ventriculo, intestinis, mesenterio*, aliisque *partibus* fere *exanguibus* passim contingere: porro *explosiones ipsas* in affectione convulsiva, licet contra appetitus nutum, & naturam motum excitantur, longe *vehementiores* esse, & *diutius persistere*, quam in motu regulari: Ex quibus constare videtur, *copulam explosivam spasmodicam* aliunde quam motus regularis effectivam advenire: Et quidem probabile est illam, non uti hanc à sanguine arterioso inter fibras musculosas ubique interfluo, profluere, verum à cerebro cum liquore nervos irrigante descendere, & dein juxta horum origines, medios processus, plexus, extremitates, quasi in morbi convulsivi mineram congeri. Profecto nihil evidentius liquet, quam affectus *spasmodicos*, ob noxam imprimis cerebro affixam, & exinde in varias systematis nervosi partes transmissam, sæpissime oriri: hinc enim accidit, quod passio *vehemens*, uti *timoris, træ, aut tristitiæ spiritus* *ἡγέφαλος* hospites afficiens, ita cerebro *pathemata* dicta *hysterica*, ac *hypochondriaca* ordiatur: Porro quod in malis *febrilium crisi-bus*, cum sanguinis recrementa adusta in caput transferuntur, convulsiones passim succedant: Porro & hæc ratio est cur *Vertigo, capitis inflatio, mentis torpor*, aliæque *suprema regionis* accidentia, *spasmodum in visceribus*, & non raro in toto corpore subsequentiū præcæmum esse solent. Quapropter minime dubitandum est, quin *particula heterogenea, & explosiva* è sanguine una cum succo nervoso cerebro instillantur, quæ postea in *nervosum genus* detrusæ inibi spiritibus accrescunt, iisque diathesin convulsivam inferunt. Revera affectus *παθημαδεις*, qui aut *universales* sunt, aut saltem plures simul corporis partes occupant, hoc tantum ritu fere oriuntur. Interim tamen haud negamus, quin *Spasmi particulares*, qui se intra quosdam locos, capite nullatenus affecto, continent, aliis interdum modis inducantur. Nam siquidem nervi ab utroque fine, scilicet *radice, & extremis ramentis*, humorem suum imbibunt (quod *Doctissimus & Glissonius* verisimillimum esse statuit, & à nobis non sine summa probabilitate in *ισορολογία* nostra ostenditur,) profecto hinc quoque inferre licebit, etiam particulas *spasmodicas*, non tantum à nervorum principiis, sed aliquatenus per illorum extremitates intus admitti: Id quod fortassis aperte satis & plane constat, quod *ex liene* male affecto *Spasmi* circa ipsius regionem exorti *hypochondria*, & non raro *præcordia* infestant. Novi quibus à *tumore, vel ulcere* in *mesenterio, utero*, aliisque visceribus existente *Convulsiones* cum in parte affecta, tum circumvicinam increbrescere solebant: cujus ratio videtur non aliunde petenda, quam à particulis heterogeneis in loco affecto uberius congestis,

quæque simul in fibras nervæas per totam viciniam consitas irrepentes, iis motum convulsivum, velut *pulveris pyrii igniendi fomitem* sup-peditant: at vero *Spasmi* ob tales *παθημαδεις* oriundi haud sese solent longe lateque diffundere, neque semper ad caput ascendere.

His ita præmissis de affectionis *Spasmodicæ causa interna, & proxima*, quam scilicet potissimum, ac sæpius ipsi capiti, quadantenus item *nervorum extremitatibus* ortum debere statuimus, modo restat ut varias in utroque genere *causas remotiores*, & multiplicem hujus morbi apparatus particulatius designemus. Aegritudo igitur *Convulsiva* plerumque originem suam à capite desumit: nimirum quoties *particula heterogenea & explosiva* à sanguine in cerebrum aut appendicem ejus medullarem suffusa, illinc postea in *nervosum genus* derivantur, ibidemque spiritibus accrescunt: hoc autem fieri contingit variis de causis; *plures enim sunt rationes, modique* quibus *materies morbifica* in caput admittitur; *plures enim* quibus in hanc, aut illam *systematis nervosi regionem* deducitur; & juxta varias ejusmodi *causæ morbificæ translationes*, diversæ *motuum convulsivorum* species constituuntur.

Igitur quod *particula heterogenea & spasmodica* intra *ἐγκέφαλον* admittuntur, & *sanguinis mittentis, & cerebri suscipientis* vitio imputandum est.

1. Cum *sanguis* materiam morbosam capiti suffundit, vel tota ejus massa depravatur, uti frequenter accidit in *febris, malignis*, item in *affectione scorbutica, & cacochymia*, ac imprimis *originaliter morbida*; vel *sanguis* ex se *insons*, & incorruptus corpuscula maligna aliunde accipit, eaque postea cerebro affigit, ita in magnis viscerum impuritatibus, ac præcipue cum partes aliquæ *abscessu* aut *ulcere virulento*, vel *fermento noxio* afficiuntur; è talibus enim *μιασμαδεις* *τοσπερ* *mineris* particulae noxiæ in sanguinem ebulliunt, ejusque comæatu postea in cerebrum deponuntur: ita ob *Lienem, uterum, aliæque viscera* male affecta *morbi convulsivi* excitantur; qui tamen immediatius à cerebro, istarum partium labes, per sanguinis commercium suscipiente, dependent.

2. Attamen 2. *sanguis*, utut vitiosus, & seminio morbo imprægnatus fuerit, haud facile inquinamentum suum capiti allinit, nisi etiam *cerebri, ejusque appendicis* constitutio aliquatenus in vitio fuerit; quandiu hæ partes bene conformantur, & vigore polleant, se, suæque fuerint; foribus occlusis, nil præter liquorem spirituosum suis usibus dicatum, purum, putumque admittunt: sin vero aut *cerebri meatus, & pori* nimis *laxantur*, aut *spiritus olivarii* ab excubiis suis cessant, vel avocantur, una cum *succo nervoso*, materies heterogenea & morbifica irrepit, ac in regimine animali malignitatem suam explicat. Quod spectat ad ipsius *cerebri malam dispositionem*, eadem aliquando *hereditaria* existit: ita parentibus *epilepticis*, aut *convulsioni* obnoxiiis oriundi, in eosdem affectus plerumque & ipsi proclives sunt: & quidem constitutio cerebri à partu multis modis fieri potest vitiosa: nam aut ipsius *intemperies* justo est *humidior*, aut *siccior*, vel alterius *qualitatis excessu*, aut *defectu* peccat. Interdum *pori* sunt *laxiores*, vel *consistentia* ejus nimis *dura* aut *mollis* est: quin & *partium Cerebri & appendicis ejus conformatio* indebito more habere

bere potest: Cæterum aliquando *Cerebri & nervorum* indoles originaliter iana & firma ex accidente vitiatur, & diathesin morbidam acquirit: *longa intemperantia* has partes enervat: quin & *febres malignæ*, & *morbi chronici* eas plurimum debilitant: porro accidentia externa, uti *frigoris & caloris excessus*, *vulnus*, aut *plagæ earum* crases sæpe pervertit, & impressionum morbidarum magis capaces reddit. Quod vero spectat ad *spirituum animalium ætates*, propter quas particula heterogeneæ & spasmodicæ *cerebrum* absque *repulsu* subeunt, illique facilius cohærent; observare est *spiritus animales* quibusdam ab ipsa nativitate *teneriores*, & cito dissipabiles existere, ita quidem ut nihil *sensui*, aut *imaginationi* fortius & vehementius oblatum tolerare possint, quin statim in confusiones adigantur; propter hanc rationem, *foemina præ viris* earumque aliæ præ aliis *affectionibus* dictis *hystericis* obnoxia fiunt. Porro interdum *passio violenta spiritibus* utut mediocriter firmis ejusmodi prostrationem ac inordinationem imprimit, ut postea nihil fortiter sufficere, nec cuivis injuriæ resistere valeant: ita passim accidit *subito timore*, aut *ingenti tristitia* regimini animali impressiones morbidas affigi, quæ postea vix unquam delentur: hinc enim *mulieres* sæpe *affectiones* dictas *uterinas*, & *virii hypochondriacas* primo contrahunt iisque postea ferè semper assuescunt.

Ex his constare videtur *quibus modis & ob quas causas materies spasmodica* intra *ἐγκέφαλον* admitti solet: jam proxime videamus *quod de illa fiat postea*; siquidem ista materia ad *Cerebrum* adventa affectus convulsivos aut non semper, aut non eodem prorsus modo inducit.

1. Interdum accidit *particulas heterogeneas & explosivas* in *Cerebrum* admitti, quæ tamen exinde sine magna noxa, & priusquam genus nervosum subeunt, rursus exterminantur: quippè *vena & lymphaductus* sæpe quod superfluum & regimini animali inimicum est, resorbent, & vel foras convehunt, vel in emunctoria deponunt. Dum talis materia parumper in cerebro agitatur, particula ejus spiritibus nonnullis affixa, ab iisque demum *elisa*, *vertiginem* & *scotomiam* cient; at verò quia nervorum ductus haud subeunt, affectiones spasmodicæ minime succedunt.

2. Quando *materies morbifica* intra *ἐγκέφαλον* admissa, non exinde statim relegatur, sæpenu-mero noxam suam, priusquam *nervoso generi* infertur, haud prodit; nam intra *Cerebrum* spiritus animales admodum vegeti, & spatium liberius nacti, *copula* cujusvis *heterogeneæ* complexus evadunt; quos equidem intra angustos nervorum canales evitare nequeunt: porro ipsa materies morbifica, siquidem è *Cerebro* per vasa excretoria amandari non potest, exinde mox in *systema nervosum*, utpote partem ignobiliorem dimittitur: sin vero invitis facultatum superiorum præsidiiis, talis materia intra *Cerebrum* diutius commoretur, ejusque spiritus incolas valde inficiat, *Epilepsiam* inducit, prout infra speciatim ostendetur: attamen multo crebrius, labes è *Cerebro* absque magna noxa ejus, in *nervosum genus* traducitur; hoc autem non uno semper modo fieri contingit.

Enimverò *particula heterogenea liquori nervoso* immixta, ac versus nervorum principia delapsa, eadem non simul omnia, neque hæc aut illa,

prout fors tulerit, indifferenter subeunt, verum in *aliorum* ductus præ aliis, idque non sine aliqua ratione diriguuntur. Namque observamus *symptomata convulsiva* sedem plerumque aliam in *pueris* ac in *adultis*, aliamque in *tenerioribus* ac in *robustis* sibi eligere.

In *pueris*, qui *affectionibus cordis*, & *membrorum exteriorum exercitiis* nondum assueverunt (quibus scilicet utrisque causa morbifica longinquius à cerebro profertur) *materies spasmodica* in nervos proximos, eos scilicet *tertiū quinti & sexti paris* sæpius incurrit; quare illis *faciei*, ac *oris* partes maxime convelluntur: rarumque est & inassuetum iis *viscera*, & *præcordia*, prout in *adultis* attolli, motuve inordinato affici: E contra in *profectæ ætatis hominibus*, aditu ad nervos *paris vagi*, & *intercostales*, uti ad istos *spinæ medullæ*, magis patente, partes, quas nervi illi respiciunt, frequentius convelli solent: hoc tamen cum discrimine, quod in *tenerioribus*, & iis qui sunt valde *ἐπιπυδείς*, quibus, ob *passiones animi*, *præcordia* & *viscera* sæpius perturbantur, *materies spasmodica nervorum interiorum* ductus apertiores promptius subit; illique propterea *spasmi*, in *abdomine*, & *thorace* excitatis, magis obnoxii redduntur: Hinc enim est quod *mulieres* *passionibus* dictis *hystericis*, ac *virii* quidam *hypochondriacis* molestantur: sicut postea, cum de affectibus istis particulatim disceremus, fusius declarabitur.

Cum materies spasmodica quorumvis nervorum capita adpellit, vel ibidem subsistens vertiginem tantum, partiumque ad quas nervi isti pertingunt, leviores spasmos, & subsultus creat, vel in nervorum ductus altius prolapsa paroxysmos convulsivos atrociores parit: eadem verò in processu nerveos delata, per caudicis, sive trunci unius aut plurium propagines, modo omnes, modo aliquas tantum, cæteris patentiores disponitur; atque *spiritibus* tum intra ipsos nervos, tum intra *fibras appendicis* consitis paulatim accrescit: nimirum par ratio est, & similis fit apparatus in dispositione ad paroxysmos convulsivos, ac si *pulveris pyrii* successive explodendi grana per longas series jacerentur. *Spiritus* ad hunc modum *copula heterogenea* imbuti, tum intra nervorum *truncos*, tum intra *fibras membraneas*, & *musculis* intertextas potissimum verò intra *plexus nerveos* hospitantur; cumque illi aut *gravati* ob nimiam *plenitudinem*, aut data aliqua occasione exagitati, copulam suam excutere coguntur, particula *elisa* & ab invicem profilientes partes continentes valde inflant, adeoque *impetum motivum* contra *appetitus* & *naturæ* iustitiam, & *leges* exerunt: Porro *spiritus* ad *motus convulsivos* obeundos semel incitati, à systematis nervosi extremitate, una, aut altera, ut plurimum verò in *sine* explosiones ordiuntur. Illi autem, qui primo explosi sunt, proximos quosque prædispositos, velut *iraduce ignario* corripunt; adeoque longa, & continuata spasmodorum serie, à meta una ad alteram affectionem inceptam propagant: nam *convulsio* ab imò *abdomine*, aut à *pede*, aut *manu* exorta, sensim ad superiora, & plerumque ad ipsum *ἐγκέφαλον* prorepat: idemque affectus cum à *cerebro* (prout in *Epilepsia*) orditur, illinc pariter deorsum ad viscera remota, etiam ad membra & artus exteriores derivatur.

Materies morbifica in capita nervorum influens

fluens pro varia sui copia & dispensatione, diversimoda convulsionum genera producit: nam primo observare est, abundante, & exuberante materia, interdum *systematis nervosi*, aut quarundam ejus partium *rotos ductus* occupari, ita ut *spiritus animales* tum influi, tum insiti, *copula heterogenea*, ejusque supplemento perpetuo saturati, in *spasmos continuos* urgeantur. Novi quibus muscoli omnes, ac tendines in toto corpore *contracturis* & *subtulibus* sine intermissione afficiebantur: Novi alios, quibus *brachia*, & *crura*, ceterique artus in varias flexiones, & distorsiones perpetuo cogeantur: quin & alios vidi, qui saltare, huc illuc discurrere, pedibus, manibusque humum contundere necesse habuerunt; quod ni facerent in immanes viscerum, & præcordiorum convulsiones incidebant.

2. *particula heterogenea & explosiva*, si minori copia cum spiritibus combinata sint, ipsis sine tumultu, aut perturbatione adhærent, donec post aliquod tempus utraque particula iterum dissilientes, ac ab invicem elisæ paroxysmos convulsivos cient; cujusmodi *paroxysmi* sunt vel *periodici*, & *statis horis* exacte repetunt: quod accidit ob *materiam morbosam aequali dimensio* generi nervoso quotidie suffusam; proindeque circa idem temporis spatium, ad *plenitudinem explosivam* etiam quotidie aggestam; vel *vagi & incerti*, in quibus scilicet particula heterogenea minori adhuc copia suffusa, non nisi longo tempore ad *saturationem explosivam* assurgunt; quarum interim cum plenior aggestio, tum *explosio* ob *plures occasiones*, sive *causas evidentes* modo *crebrius*, modo *rarius* solent accidere: hinc fit ut *affectio spasmodica* nonnunquam causæ evidenti in totum ascribatur, cum revera nisi *procatartice convulsiva* præcesserat, talis causa nullam excitasset.

Itaque ut de *convulsionum causis evidentibus* nonnihil dicamus: supra observavimus, si vehementiores fuerint, & *cerebri*, ac *nervosi generis* constitutioni teneriori, ac imbecillæ acciderint, eas interdum *solitarias*, *pathemata convulsiva* inferre: at vero quoties *affectio spasmodica* gravior, & *habitualis* facta, sæpius redire solet, licet *causa evidens* in propatulo sit, & effectus culpam sustineat, nihilominus suspicari licet *procatarticam* intus latere, & in efficiendo potentior existeret: nisi enim spiritus *copula heterogenea* imbuerentur, in *explosiones involuntarias*, & *præternaturales* nec tam facile, nec tam crebro adigerentur.

Causarum evidentium duplex ordo, sive *classis* occurrit; aut enim ejusmodi sunt quæ *procatartice* adaugent, eamque citius ad *plenitudinem explosivam* perducunt, uti sunt *mala victus ratio*, & *errata in sex non naturalibus*, quæ *sanguinem* & *succum nervosum* inquinando, particulas heterogeneas majori copia spiritibus ad *saturationem* suggerunt, proindeque *accessiones spasmodicas* eo citius accerunt. Vel 2. *causa evidens* dicitur quicquid *spiritus derepente exagitant* & *irritant*, ut statim *explodantur*, efficit, & *copulam suam*, qualiscunque fuerit, elidant: atque hujus generis plurima sunt, quæ spiritibus modo intra *ἐγκέφαλον*, modo intra *systema nervosum* confitis, accidentia, motus convulsivos instinctu diversimodo (prout in regularibus assolet) aut directos, aut reflexos cient.

1. *Prioris generis* potissimum sunt *violente animi perturbationes*, quibus *spiritus Cerebri incolæ* agitati, atque confusi, alios intra *nervosum genus* Scatentes, & sæpe prædispositos ad *explosiones irregulares* incitant; ita vehemens *timor*, *ira*, aut *tristitia* non modo incommoda valetudine affectis *insulius epilepticos*, aut *hystericos* inducunt; sed interdum aliis quibuscunque *cordis palpitationem* & *tremorem*, quin & *membrorum & artuum convulsiones horribilas* accerunt.

2. Quoad alterum *causæ evidenter* genus, quo scilicet *Spasmi actu reflexo* incitantur; hoc quidem nec infrequenter locum habet, quoties *gravis molestia*, cum *fibrarum & spirituum irritatione*, nervoso generi alicubi exhibetur: quippe eadem *molestia* mox cum primis spirituum fontibus, nempe *cerebro* aut *cerebello* communicata, exinde *motus inordinati*, ac *violenti* præter animi arbitrium incepti, hoc est, *convulsi*, retorquentur; ita namque *lumbrici*, *pharmaca*, aut *acres humores*, intestinorum *tunicas immaniter vellicantia*, istarum partium, & non raro membrorum externorum *spasmos* inferunt.

Hæc de *singulis causarum, conjuncta, procatartice*, & *evidentium* generibus, à quibus *morbæ convulsi habituales* facti, & cum gravioribus paroxysmis repetere soliti, exoriuntur: cum vero alteram *hujus morbi speciem* assignavimus, ubi *paroxysmi* à *causa evidenti solitaria*, seu ferè tantum ab *irritatione*, spiritibus nondum *copula explosiva* præoccupatis, dependent; jam proxime disquiratur quibus, & quot modis hoc fieri contingit. Super his in communi statuitur *insultus spasmodicos*, à *mera irritatione productos*, aut *leviores* esse, & cito pertranseunt, aut *gravissimos*, & non raro *lethales*, prout quando venenis assumptis, aut *ἰατρικὰ ἀπορ* superveniunt. Porro adnotetur cum *materies morbifica*, sive *irritativa* ipsis nervorum caudicibus, aut plexibus insederit, eam non raro etiam *explosivam* evadere, utcunque *spasmos* etiam à *mera irritatione productos* (prout supra annotavimus) *explosiones quasdam* esse. Itaque his prælibatis, rem Propositam expediamus.

Partium nervosarum irritatio, quæ *motus convulsivos* efficere solet, *variis in locis*, *variisque ex rebus*, quæ *spiritibus & fibris incongrue*, atque *inimice* sunt contingit. Quoad *res spirituum nature adversantes*, observare est præter *venena*, & *qualitatum tangibilium excessus*, qui ab extra infliguntur, multa quæ intus in nobis gignuntur, scilicet *varia sanguinis*, & *succi nervosi recrementa*, *miasmata febrilia*, *humores præternaturales*, *salinos*, aut *sulphureos*, quinimò *lumbricos*, *calculos*, cum pluribus aliis nervoso generi infesta esse, & *irritationes spasmodicas* passim ciere. Quoad *loca affecta*, sive *materia irritativa sedem*; licet hæc in qualibet *systematis nervosi parte* noxam inferat, ut plurimum vero maxime infesta esse solet cum juxta *systematis nervosi principia*, vel *extremitates*, vel circa *medios nervorum processus*, ac præcipue in eorum *plexibus* desigitur: Porro talis materia, quæ spiritus irritans, *causæ evidenter* loco esse solet, non raro, prout modo innuimus, etiam *procatartice* rationem subit, quatenus nimirum particula heterogenea ab illa emissæ, *fibras nerveas* subeunt, & cum spiritibus combinatæ, eos ad *explodendum aptiores*, & *procliviores* reddunt.

1. Igitur interdum accidit *humores malignos*, & nervoso generi infestos è *sanguine in cerebri regionem* suffusos, & exinde demum in posticam capitis regionem delatos, *nervorum origini* incumbere; ubi si disrupta pellicula, quæ medullam oblongatam involvit, in nervorum truncos nudos incidunt, eorumque fibras altius subeunt; propterea quidem *motus convulsivi* non modo in *partibus capiti vicinis*, verum aliquando in valde remotis, & non raro in toto *systemate nervoso* oriuntur: Hoc passim observare est in *malis febrium crisis*, materia morbifica in caput translata; item in *affectionibus cephalicis*, in statum pessimum, ac lethalem evertis. Revera cum plurimum hoc ritui defunctorum capita aperuerim, reperi in omnibus posticam *modulle oblongate* regionem sero acri & *salsugineo* immersam.

2. Quemadmodum *systematis nervosi extremitas interior*, sive origo, ita non raro *exterior*, sive *finis* à vellicatione illic facta, *spasmos*, sive *motus convulsivos* suscipit, eosdemque quaquaversus transtert: hoc in *membris exterioribus* passim fieri, testantur *tendinum ac nervorum punctura*. Nec minus à *Vellicatione* in visceribus facta *spasmi* circumquaque excitari solent, si quando *pharmaca*, aut *humores acres*, nec non *lumbrici* in *ventriculo*, aut *intestinis* scatentes partes membranaceas vellicant, adeoque sensationem molestatam primis sensoriis imprimunt; exinde statim ob spirituum excandescencias *motus convulsivi* modo in *partes affectas*, modo indifferenter in *alias quasunque* retorquentur: nam à graviore visceris cuiusdam noxa sæpe *spasmi* non tantum *partes affectas*, & vicinas occupant, verum in *faciei* ac *oris* musculos, necnon in *membra exteriora* transferuntur. *Calculus ureteri* impactus haud tantum in isto ductu, verum in *tota vicinia contractiones* immanes accersit. Porro *symptomata* quædam *hysterica*, aliaque *hypochondriaca* nonnunquam hac ratione inducuntur; quatenus nimirum *vellicatione* in visceris cuiusdam membranis facta, illico *spasmus* retorquetur.

3. *Materies irritativa*, quæ *spasmodorum causa evidens* esse solet, interdum *medios nervorum processus* occupat; & propterea *partes* modo supra, modo *infra* illius sedem ad *motus convulsivos* incitantur: Hoc de nervorum plexibus satis constare videtur; cum enim *succi nervosi recrementa acria* in iisdem congeruntur, non raro *spasmi* per totam viciniam procreantur: hac ratione *affectio colica*, atque *hysterica*, nulla viscerum istorum culpa tantum ab humore in *mesenterii plexibus* deposito non raro progigni, ac excitari videntur (quod equidem posthac, cum de affectionibus istis particulatim agemus planius ostendetur:). Pariter ob *plexus gangliiformes* humore acri & irritativo obsessos, *præfocatio in gutture*, nec non variae *præcordiorum contractiones* inferuntur. Porro *affectiones spasmodicae* ab humore acri intra *totos nervorum cortices*, & corporum nervosorum meatus scatente non raro dependent. Vidimus quosdam *convulsionibus admirandis*, ac *perpetuis affectis*, ut necesse habuerint (prout supra retulimus) membra huc illuc jactare, & distorquere, saltare, discurrere, humum manibus, aut pedibus contundere, aliasque gestulationes stupendas exerere, haud secus ac si *sagarum præstigiis* læderentur, cuiusmodi *passionum causa* genuina in eo consistere videtur,

quod *succus nervosus* genus irrigans, instar *aquæ stygiæ* acerrimus, ac à debita crasi degener factus, spiritus insitos influosque continuo irritaret, ac velut æstro quodam afflaret.

Ex his quæ circa varias *convulsionum causas* differuimus, multiplices earundem *species* & *differentiæ* eliciantur: Nam primo annotavimus respectu *originis*, patheniata spasmodica sæpissime à *capite affecto*, seu materia morbifica in *nervorum principia* influente, derivari; quandoque tamen, licet rarius, ea à tali materia in *nervorum extremitates* irrepente pendere.

2. Quoad *morbi & symptomatum productionem*, observamus eandem aliquando à *causa evidenti solitaria*, uti passione subita, & vehementi produci: Sæpius vero *procatarxim*, sive dispositionem præviam requiri: porro causas interdum ita coincidere, ut *causa procatartica* etiam *evidentis* vicem suppleat; quin etiam è contra, ut *hac illius loco* fuerit.

3. Quoad *morbi extensionem*, *affectio convulsiva* distingui potest in *universalem*, qua spiritus terè totum *systema nervosum*, ipsumque *ἐγκέφαλον* actuates, successive exploduntur; & *particularem*, in qua spiritus intra privatam quandam ditionis animalis regionem afficiuntur.

1. Prior ista cietur quando spiritus animales intra primos ipsorum fontes, nempe *Cerebri*, & *Cerebelli* medullia irritantur, unde ipsorum explosiones violentæ accidunt: quapropter tum animæ *functio quævis interna*, scilicet sensus, & imaginatio obscurantur, ejusque *facultas exterior locomotiva* pervertitur: Hujusmodi *affectio spasmodica universalis*, in qua scilicet præter artuum & viscerum spasmos, *interiores animæ potentie* eclipsin patiuntur, iterum *duplex* est: nempe aut *primaria*, quæ ab *ἐγκέφαλο* incipit, oriturque in quantum spiritus hujus incolæ *particulis nitrosulphureis* imbuti primo exploduntur, eorumque accensio, cæteros in *appendice tum medullari, tum nervosa* scatentes corripit, ibique *explosiones convulsivas* concitat, prout cernitur in epilepsia.

2. Vel *passio isthac universalis ἀνασθησις* inferens *secundaria* est, quæ scilicet alicubi in *nervoso genere* inchoata, exinde spirituum copiis successive affectis, factaque velut *aquarum undulatione*, demum ipsi *ἐγκέφαλο* traditur: hoc passim accidit in paroxysmis, qui dicuntur *hysterici*, in quibus ob spasmum principio in imò ventre incipientem, moles, sive intumescencia in *abdomine* excitatur; dein eodem affectu per nervorum ductus superius lato *ventriculus*, ac mox *præcordia* contrahuntur, ac tandem spasmò *caput* impetente, patientes corruunt, iisque notitia omnis adimitur; denique morbo in *nervos alios* reflexo, membrorum *exteriorum* motus convulsivi succedunt.

2. Quod vero spectat ad *spasmum particularem*, in cujus paroxysmo ægrotantes animo constant, hic quidem varias differentias sortitur: Quoad *materia sedem*, quæ circa nervorum *principia*, *extremitates*, aut *medios processus* contingit, *spasmodorum* (uti ostendimus) diversitas oritur: Quinimò prout ista *materies morbifica*, nervorum principia obsidens circa *medulle oblongate caput*, *medietatem*, aut *caudam* defigitur; propterea accidit modo tantum *faciei*, aut *oris* partes, modo *imi*, aut *mediis ventris viscera*, ac modo

modo *artus exteriores* potissimum, ac fere tantum convelli.

Porro *convulsio*, quoad *insultus durationem*, ejusque *magnitudinem*, distingui solet in *continuum*, ac *intermittentem*: Prior sicut supra innuimus dicatur *τῆρας*, sive *contractio permanens*, uti cum pars una, aut simul plures *constanti tensione contracta* aut *distorta* in eodem situ præternaturali aliquandiu detinentur; sic quandoque musculus, aut membrum, puta oculus, labium, gena, à recta positione distorquentur, nec statim facile reduci possunt: cujus causa interdum est *resolutio*, sive *paralysis* in quibusdam aliis musculis; qui cum relaxantur, oppositi nimis fortiter agunt, & partem, quæ inter utrosque velut in æquilibrio consistere debuit, versus se totam corripunt: aliquando tamen talis *contractio permanens* excitatur propter tendines humore seroso impacto obseles, qui promde rigidi evadunt: Hujusmodi affectus in *scorbuto* familiaris existit, ut agri quandoque nullum membrum aut articulum extendere possint; sed velut in orbem, seu globum contrahantur. Nonnunquam tendines in dorso, ob talem humoris incursum, ossa extra debitum situm trahunt, & *gibbositatem*, vel corporis *incurvaturam* pariunt. Tetanus distingui solet in *universalem*, cujus tres sunt species; scilicet *ἐμπροσθεν*, *ὀπισθεν*, & *τέρας* ita propriè dictus, & *particularem*, quæ membrum quoddam vel articulum privatum respicit: Super his postea speciatim dicemus.

2. *Convulsio intermittens*, aut *brevis* est & *momentanea*, quæ per crebras vices, & quasi per *subultus* peragitur, prout observare est in *horrore* & *tendinum concussionibus*, quæ semper crebra *motus*, & *quietis* alternatione interstinguuntur: vel *spasmodorum insultus*, eorumque *intervalla* diutius protrahuntur; ita usitatum est *paroxysmos convulsivos*, quando repetunt, aliquandiu perdurare, ac rursus desinere; tales autem *periodi* modo certe sunt, atque statim *horis* eveniunt, modo *rara*, ac *incerta*, atque pro variis datis occasionibus diversimode contingunt. Plures sunt aliæ hujusce affectus differentia, quæ postea cum de singulis convulsionum speciebus particulatim dicemus, melius cluescent.

Hactenus *Spasmodorum*, sive *Convulsionum* in genere *naturam*, *causas*, & *differentias*; juxta hypothesein plane novam, & insolitam, sed rationi (ut opinor) satis congruam tractavimus: jam proxime incumbit præcipuas istius affectus species particulatim explicare; inter quas *Epilepsia* prærogativam facile meretur, ejusque consideratio methodi, sive ordinis jure quodam præcedere debet; quippè hic morbus in corpore humano quasi imperium amplissimum nactus, non modo in totum *ἐγκέφαλον*, sed plerumque simul in omnes systematis nervosi partes tyrannidem exercet: quapropter ab affectionis immanitate, *morbis Herculeus*, ab insultus more tanquam à numine immisi admodum stupendo, *τὸς ἐπὶ*, sive *morbis sacer*, ab antiquis appellabatur; cui accedit cujusdam nostratis, haud infimæ notæ, Theologi conjectura nempe plures, qui in novo Testamento pro *Dæmoniis* habentur tantum *Epilepticos* fuisse; morbi quoque hujus à Christo Salvatore *curationem*, *spiritus mali ejectionem* sive *exorcismum* dici: Revera in hoc affectu *materia morbifica* adeo obscura aut prorsus nulla

vestigia apparent, ut merito hic *spiritus malefici afflatum* suspicemur: saltem probabile est, quoties diabolus præstigiis suis miseros mortales affligere permittitur, ipsum non posse ex alia phaterra graviores sagittas torquere, aut sub meliori larya, quam monstri hujusce morbi insultibus miracula ostentare.

Epilepsia symptomata uti sunt plurimum stupenda, ita istorum *causæ*, & *ipsius morbi ratio* formalis difficillime explicantur. Enimvero inter Authores tum de *parte affecta*, tum de afficiendi modo, res varie controvertitur: plerique hujus *sedem in cerebro*, aut *ventriculis* ejus; alii in *meningibus*, quin & nonnulli in *medio*, aut *in ventre* collocant; quo tamen jure mox inquiretur: Interim ut missis aliorum opinionibus, recti rationis filo vera *morbi hujus Theoria* investigetur, primo *descriptionem* ejus, simul cum integro *Phænomeno* censu exarare; secundo, istis rite perpensis, *morbi subjectum*, & *partes* præcipue affectas eruere; tertio demum *rationem* & *modum* quo morbus iste generetur, cum veris *symptomatum causis* subicere nitemur.

Primo, quoad *morbi ideam*, *insultus epilepticus*, universalis, ac *immanior* tantum *convulsio* esse videtur, in qua scilicet spiritibus *cerebri incolis* primo irregulariter commotis, & veit confusis ceteri omnes *Πνεύματε* appendicem tum *medullarem* tum *nervosam* incoletes, simul *motus convulsivos*, sive *contractiones* inordinatas ineunt, eaque aliquandiu cum crebris subsultibus continuant: *morbi accessio* ut plurimum ex improvviso aggreditur, agrosque nihil tale cogitantes opprimit, atque istu oculi citius sensu & intellectu orbos, in terram præcipitat; quippè non tam cadunt, quam cum impetu quodam prosteruntur, ut sæpe pars primo in terram aut corpora adjacentia allisa livore aut vulnere afficiatur; prostratis supervenit stridor dentium, cum *spuma oris*, sæpe etiam *capitis concussio*, & crebra ad humum allisio; *brachia* & *crura*; quinimò *cervix* & *dorsum* aut statim rigida sunt, aut variis flexionibus huc illuc distorquentur; alique *pectus* immaniter contundunt, alii *brachia* & *crura* valide exerunt; eaque, ac totum aliquando corpus huc illuc impetuose jactant; plerisque autem *præcordia* & *hypochondria*, necnon *totus inferior venter intumescunt*, & valde inflantur: post aliquod tempus modo brevius modo longius hæc symptomata, quasi Tragœdia peracta, derepente cessant, & tunc ægroti denuo ad se redeunt, ac mente constant; superstiti verò post paroxysmum *capitis dolore*, cum torpore, & *hebetudine sensuum*, & non raro *vertigine* & *scotomia*.

Paroxysmi epileptici repetere solent, quandoque statim temporibus *diei*, *mensis*, aut *anni*, ut plurimum verò juxta majores *anni tempora*, aut *luna*, aut *solis ortus* vel *aspectus oppositos* certius redire, & gravius affligere solent: quandoque accessiones sunt incertæ, & vagæ, pro occasione & varietate causarum evidentium: sunt autem *paroxysmi* modo leviores, qui cito pertranseunt, ita ut ægroti vix in terram præcipitentur, nec *ἀναισθησία* corripiantur, modo *graviores* sunt, quibus correpti plurium horarum spatio insensiles decumbunt, & velut *Dæmoniaci*, horrendis symptomatis torquentur: aliquando, licet rarius, signa quædam paroxysmi præ-

nuncia lapsuros commonefaciunt, ut sunt *capitis gravedo*, *oculorum coruscatio*, *aurium tinnitus*: interdum in parte quadam exteriori, *brachio* nempe, aut *crure*, aut etiam in *dorso*, vel *hypochondriis* spasmus præcedit, qui exinde in *auris frigida ascendens* & versus caput perreptans, caducum inferre videtur: Morbo huic, *pueri*, & *adolescentes*, magis quam maturæ ætatis homines, aut senes obnoxii reperiuntur: quicumque insultum ejus semel perpassi sunt, nisi remedium ope curantur, postea vix per totam vitam ejus labe prorsus immunes fiunt; paroxysmi quo sæpius repetunt eo graviores usque evadunt, qui cum frequenter iterati valde atroces existunt, *memoria*, *imaginationis*, & *rationis* usum, & dein totius functionis animalis robur ac vires enervant; donec hujus œconomia valde perversa, functio demum vitalis labascatur, & sensim aboleatur. Explicatis ad hunc modum hujus morbi telis, & apparatus malefico; jam proxime inquiremus in qua parte sedem hiat: sive quod sit proximum ejus subjectum.

2. *Epilepsia accessio* & invasionis modus plane innuere videntur *sedem ejus primariam*, sive partem præcipuè affectam alicubi intra caput contineri; quod autem *paroxysmus* nonnunquam in partibus remotis incipiat, & exinde versus caput ascendat, hoc quidem ita fieri videtur tantum, & ex accidenti contingit, cum interim *causa morbifica* circa ipsum *ἐνκεφαλον* subsistit (prout inferius declarabitur:) verum quod à primo morbi insultu statim *ἀνωθεν* cum membrorum & viscerum fere omnium contractionibus succedit, hoc manifesto indicio est, una *totam ἐνκεφαλον compagem*, & *nervorum omnium origines* à causa morbifica occupari; At verò etiamnum explicatu difficillimum videtur, ubi *causa ista*, sive *materies morbifica* præcipuè subsistit; neque enim probabile est, eandem per cunctas cerebri partes diffundi, nec tamen constat in quo loco singulari ea defixa, cæteras omnes partes ita subito in ejusdem noxæ consensum trahat.

E variis super hac re Authorum sententiis, *duæ* præ cæteris magis probabiles videntur, & pari verisimilitudine assensum vendicant. Quarum una asserit *Cerebri medullium*, atque *altera meninges ipsum investientes* esse primariam *Epilepsie* sedem: Prioris ratio in hoc fundatur, quod ubi spirituum animalium fons, & ipsius animæ sensitivæ origo consistit, ibidem hujus morbi causa poni debet; nempe cum principes facultates primo læduntur, cæteræ omnes ejusdem noxæ facile participant: verum enim verò ut concedam in *Apoplexia*, & *spirituum deliquio* ita habere, attamen in *convulsione* (cujusmodi affectus est *Epilepsia*) non sequitur *fibras* & *nervos* omnes convelli, quia *cerebri medullium* prius convellitur: quippe hoc cum sit mollis & fluidæ substantiæ, atque motus & sensus expers, *contractionis*, sive *affectiois spasmodicæ* minime capax videtur: quapropter alii *cerebrum* & quamvis ejus partem à morbi hujus culpa eximentes, causam ejus omnino in *meningibus* rejiciunt; asserentes scilicet *membranas cerebri* investientes, ac imprimis illarum *processus cerebri*, ac *cerebelli fissionibus instratos*, siquidem à materia morbifica vellicantur, *spasmos*, sive *convulsiones immanes* concipere; dein à *meningibus istis* contra-

ctis & diductis una *cerebrum* inclusum valde comprimere, & constringi, ita ut poris, & meatibus ejus contractis *ἀνωθεν* inferatur, simulque nervorum caudices, quibus utraque meninx appenditur, in consensum illarum perducti, etiam motus convulsivos ineant: Et quidem ad hunc modum, *Epilepsie ratio formalis* forte explicabilis videtur; at verò cum rem altius perpendo, etiam ab hac sententia discedere visum est, quia nimirum haud constat *quo ritu*, & *quam ob causam*, imminente caduco, *meninges istas spasmos* adeò horrendos concipiant. Quinimò nec liquet, quomodo ab iisdem, ut ut *convulsis*, *paroxysmus epilepticus* inducatur.

Quoad prius, impossibile videtur *meningas*, quoad *totas earum concavitates*, ita contrahi, ut instar marsupii arctius constricti, contenta sua undique convellant, ac in spatium angustius contrahant: quippe *dura mater* pluribus in locis *calvaria* firmissime cohæret; quin & isti *pia mater*, juxta *sinuum processus*, mutuo membranarum nexu, & ubique præterea vasorum continuitate colligatur: hinc facile patet, *utramque membranam*, quoad magnam sui partem, *immobilem esse*, ita ut *spasmos universales* nequaquam ineant: quod verò ad spasmos minores attinet, ut cum *meningibus hujus*, aut *istius*, vel simul utriusque portio quædam convellitur, revera tales evenire concedimus: nam sæpius audiivi *cephalgia* graviore affectos, de magna partium sub *calvaria* latere, modo *dextro*, modo *sinistro* consitarum *constrictione* immaniter queri, nec tamen exinde ullus *caduci insultus* sequebatur: porro ut *membrana ista* insigniter læsa vellicationes maximas subeant, haud propterea tamen *paroxysmus epilepticus* induci solet: Novi enim *abscessu* in *dura matre* excitato, & postea disrupto cum à pure foetidissimo *meninx tenuior*, & *cerebri cortex* exederentur, ægotantem primo in *stuporem*, & demum in *Apoplexiam lethalem* incidisse; qui tamen in toto morbi decursu, *symptomate* quovis *epileptico* immunis degebat: Item memini *duram matrem*, terebella à Chirurgo imperito adhibita valde dilaceratam; in alio casu eam cum parte *calvaria* per vulnus abscissam, ut portio quædam *cerebri* extuberaret; nec tamen cuilibet horum *pathemata* quavis *epileptica* supervenerunt: Quapropter nec verisimile est, *sanguinem*, aut *humores*, vel (si quispiam ita contendat) *vapores meningibus* istis impactos, majorem noxam inferre, quam aut *plagam*, aut *vulnera* iisdem inflata, aut *saniem* ibi suffusam: præterea *Epilepsia leviori affecti*, siquidem vix concidunt, ac per totum morbi insultum adhuc animo constant, *membranas* ita contrahi, & *cerebri globum* arctius compingi perciperent, si ejusmodi quæpiam affectio subesset; verum illi è contra *cerebrum* quasi *inflatum*, & *spiritus* cum efferatione quadam *exilientes*, ac velut *explosos* persentiscere videntur.

Et quidem, uti verisimillimum, arbitror *paroxysmum epilepticum* à *spirituum animalium cerebri incolarum* (qui nempe sunt primum & immediatum hujus morbi subjectum) *subita quadam rarefactione*, & *explosione* concitari; qua scilicet *cerebrum ipsum inflatur*, adeoque *insensibile redditur*, simulque *nervi appensi* in *convulsiones* aguntur; hinc enim verò contingit hujus morbi accessio-

accessionem ita derepente incipere, & perfecte terminari, sine magna *materiæ morbificæ* aut *provisione*, aut *reliquiis*; quia nempe *labes* non tam *partibus solidis*, quam *ipsis spiritibus* infertur.

Supra ostendimus, quo ritu *copula heterogenea* & *explosiva* *particulis*, uti videtur, *nitro-sulphureis* constans *spirituum animalium* *particulis* *spirituo-salinis* accrescens, ab iisque ob *plenitudinem*, aut *irritationem* denno *elisa* & *explosa*, *symptomata convulsiva* producit: quamvis autem ejusmodi *copula spasmodica*, è sanguine in cerebrum primo extillatur; plerumque tamen spiritus ibi nonprehendit, aut cum iis saltem illic non diu hospitatur: quin potius versus *appendicem nervosam* illico detrusa, *spasmos particulares*, & juxta loca affecta respectivos accersit: interdum vero, siquidem *materies spasmodica* *uberior* & *potens*, atque *cerebri constitutio imbecillis* fuerit, *copula heterogenea* spiritibus non tantum in *nervoso genere*, sed etiam intra ipsum *ἐγκέφαλον* confitis affixa, *diathesi epilepticam* infert; atque *spirituum* & *copula istius particula explosiva* ab invicem *elisa* *caduci paroxysmum* ciem. Quandoquidem enim urgente *epilepsie insultu* *ἀναδνοία* plerumque *symptomata* *primum*, & fere *pathognomicum* exiit, inferre licet *spiritus animales* intra ipsum *cerebri medullium* scatentes, ante alios affici; proindeque partem eam esse *principalem morbi sedem*: dein quatenus *agrotantis casus*, sive in humum projectio, atque *membrorum* & *viscerum spasmi* sapissime *ἀναδνοία* isti succedunt, sequitur *spiritus animales* etiam *systematis nervosi incolas*, eadem *copula explosiva* imbui, cumque ipsis *cerebri incolas* in consensum trahi: ab iisque ad explosiones pariter inordinatas excitari; licet aliquando (totam *spirituum* tum in *cerebro*, tum in *nervoso genere* confitorum *serie*, instar *longioris pulveris pyrii tractus*, ad *explosiones prædisposita*) *spasmus* *exterius* & è longinquo, forsan in membro quodam, aut viscere incipiens, posterius in *cerebrum* traducatur, prout infra plenius ostendetur. Interim ipsius *cerebri regio* semper *hujus morbi sedes primaria* statuatur; atque pro affectus *causa conjuncta* supponere debemus, non *aquam* in *cerebri ventriculis* congestam, nec *humorem crassum*, aut *viscidum* ejus poris & meatibus impactum, tales enim *causæ* sensim gignerentur, & proinde signa quædam *paroxysmi* imminenti prænuntia ederent: porro *accessione morbi finita*, talis *materia* non ita brevi tempore penitus discuteretur; quin à reliquiis ejus *functionis animalis* impedimenta quædam manerent, quod equidem in *Epilepsia*, nisi inveterata rarius contingit: attamen pro *caduci insultu excitando*, nihil minus suspicari licet, quam *spiritus animales*, qui intra *medullam* *cerebri substantiam* scatentes, *sensus interioris*, *imaginationis*, & *appetitus actus* perficiunt, *copulam heterogeneam* *nactos inordinate explodi*, proindeque, istis extra ordines & stationes suas perturbatis, superiores *regiminis animalis facultates eclipsin* pati; dein ab hac *majori spirituum explosione*, velut à *fomite ignario*, spiritus alios, *appendicis medullaris*, & *nervosa hospites*, etiam in *explosiones prædispositos*, similes *ἀναδνας* concipere, pariterque *explosos*, *corporum continentium motus convulsivos* ciere.

Quamvis enim *cerebri medullium* semper esse *primariam Epilepsie sedem* & ab initio, fere tantum in illa regione, *materiam morbificam* congeri

statuimus, tamen affectu ingravescente, hæc uberius in caput delata fines suos latius explicat, adeo ut *particula spasmodica*, & in reliquo *cerebro*, & insuper in *appendice nervosa*, tanquam *pulveris pyrii*, sive *seminii explosivi strata*, huc illuc, longe lateque protensa jaciuntur; quo fit ut primo *ἀναδνοίας* insultui, *convulsiones* modo in his, modo in illis partibus, & non raro in toto corpore excitata, superveniant.

Hæc de *Epilepsie essentia*, & *causi*, in genere: jam proxime incumbit *hujus morbi differentias* necnon *accidentium* quorundam, & *symptomatum* ad eum pertinentium *rationes* explicare: quibus demum *observationes*, & *agrotantium historiarum* cum *medendi methodo* subjungentur.

Epilepsie maxime notabilis *differentia* peti solet à *subjecto*, nempe quod *cerebrum*, aut *pars ejus* in hoc morbo laborans, vel *primario*, ac *idiopathetice*, vel *secundario* ac nonnisi per *consensum* cum aliis partibus afficitur: de *priori specie* hæcenus differuimus: quoad *alteram*, in qua scilicet *caduci insultus* alicubi extra caput oriri visus, dein ipsum *secundario* & velut afflatu aliunde immisso corripit: observare est, ejusmodi *affectum* (prout *Galenus* annotavit) vel à *partibus externis*, aut *internis* procedere: plura equidem *epilepticorum exempla* occurrunt, in quibus *paroxysmo* ingruente, primo *Spasmus* cum stupore in *manus*, aut *pedis digito*, aliove membro *particulari* sentitur, qui statim exinde, velut cum *formicationis sensu* versus caput prorepit, quod cum attigerit: illico *agrotans* in terram prostratus *ἀναδνοία*, aliisque *pathognomonicis caduci symptomatibus* corripitur: nec minus usitatum est istius morbi *proæmium*, & *primam quasi velitationem*, à *stomacho*, *liene*, *utero*, *intestinis*, *genitalibus*, aut aliis *visceribus* incipere: imprimis nempe in istorum aliquo, *perturbatio quædam* cietur; dein ab eo loco, *aure velut frigida* in caput *ascensus* percipitur; cui statim *affectio*, *caduci accessus*, cum horrendo *symptomatum apparatu* succedit: hinc vulgo creditur *Epilepsie causam* in parte ita *primario* affici visa, delitescere, atque *noxam suam* in *cerebrum*, ex se *insons*, propagare.

Verum enim verò super his dicendum esse videtur, in *quavis Epilepsia* *causam* non modo *procatartica*, sed & *conjunctam* omnino in *cerebro* consistere; nempe *spiritus* *hujus incolas* ad *explodendum dispositos*, *ibidemque explosos*, *caducum* omnem inferre. Quoad *præliminaria isthæc* in quibusdam *epilepticis symptomata*, ea interdum *causæ evidentis*, nonnunquam verò tantum *signi rationem* habent: si quando enim *diathesi epilepticæ* mala cujusdam *visceris*, puta *stomachi*, *lienis*, aut *uteri* dispositio accadat; quoties in viscere isto affecto, *perturbatio quæpiam* cietur, facile contingit, ob *fermenti illic transmissionem*, aut *spasmi in caput continuationem*, in *cerebro prædisposito* *accessionem epilepticam* excitari.

Attamen ejusmodi *caduci symptomata*, quæ *exterius* suscitata *affectum cerebro* propagare videntur, non raro ipsius *cerebri consensu* oriuntur, & *paroxysmi epileptici* ingruentis, sive *spirituum* in *cerebro explodi* incipientium tantum *signa* existunt: cum enim *spiritus animales* in *cerebri* & *cerebelli medullis*, simulque in *medulla oblongata* juxta *nervorum origines* confiti, *copula heterogenea* ita saturantur, ut ad ipsam eliden-

dam, proindeque morbi insultum acciendum parati sint, priusquam illi una omnes conglobatim exploduntur, spiritus aliqui exterius in privatis quibusdam nervis scatentes, siquidem assueti superiorum influxu destituuntur, inordinationes quasdam concipiunt, proindeque spasmos ineunt; qui spasmi (prout in ejusmodi affectibus sæpe mos est) à nervorum extremitatibus huic, vel isti membro, aut visceri infertis incipiunt, unde sensim ad eorum principia prorepunt; quo cum pervenitur, illico spiritus per totum *ἐνκεφάλον*, prius in explosiones dispositi, ab eo spasmio commoti, proindeque tanquam fomite ignario correpti, subito eliduntur; adeoque Epilepsia paroxysmum per se prius incipientem, velut secundario, & instinctu aliunde tradito excitare videntur: ad hunc modum aliquando passiones hystericæ, cum ab imo ventre incipientes, & cerebro communicantur, à visceribus istis oriri, & eorum culpa suscitare creduntur; cum interim causa morbilica circa nervorum origines potissimum subsistit, sicut alibi innuimus, & infra, cum de affectibus spasmodicis particulatim agemus, fusius ostendetur.

Restant plures aliæ morbi comitiales differentia; nempe quod sit vel hæreditarius vel acquisitus; rursus utraque species varie distinguitur, ratione ætatis seu temporis quo primo ingruit, nempe cum prima accessio ante vel circa pubertatem vel post eam contingit; porro quoad morbi efficaciam, in fortem, & debilem, quatenus paroxysmi cum vel sine *ἀναισθησία*, & casu fiunt, quoad morem ejus inordinatum, cujus insultus sunt vagi ac incerti; quinetiam juxta symptomata his, aut illis ægrotantibus, propter quandam temperamenti indolem, aut idiosyncrasiam peculiaria, multifariam discriminari solet.

Cæterum ex præmissis, symptomatum plurimorum quæ in hoc morbo occurrunt, causæ facile elucescunt, ut non opus sit ista omnia particulatim hic considerare: de nonnullis verò quæ magis intricata videntur, non abs re fuerit in hoc loco disserere.

Imprimis igitur hic lubet inquirere, cur hoc morbo laborantes non tam cadunt, prout Apoplectici, aut syncopen passi, sed potius cum impetu prosternuntur, inque terram, aliave corpora fortuito objecta, tanquam à spiritu quodam malefico dejecti alliduntur; ita ut sæpissime aliqua capitis aut faciei pars præ casu violento lædatur: affectique haud secus ac Dæmoniacus in Evangelio non raro in ignem, aut aquam præcipitentur: Huc referre oportet, Epilepticos ejusmodi malis obnoxios fieri, eo quod, urgente paroxysmo, iis notitia omnis, sive providentia adimitur: ac insuper nervis capiti vicinis valide contractis, tota corporis moles in præceps corripitur: Nimirum in syncope, & Apoplexia corporis affecti casus videtur tanquam ædificii ruina, quæ ob fulcimenta ejus substracta contingit: at verò in caduco, non aliter res habet quam si domus à pulvere pyrio explosa subverteretur, quæ ut plurimum extra locum in quo steterat dimovetur.

2. Epilepsia symptoma maxime pathognomicum vulgo habetur, si affectis in terram prostratis, & convulsiones horrendas passis, saliva spumosa ex ore effluat; quæ quidem à cerebro con-

stricto in palatum exprimi putatur: Verum enimvero ut concedatur hoc spumæ effluviū sæpe numero caduci signum esse; tamen illud non ita huic morbo appropriatur, quin idem in Apoplexia, in Caro, in affectibus hystericis, aliisq; convulsivis interdum accidit: Porro ejusmodi spuma haudquaquam à cerebro descendit, nullus enim per quem transeat meatus patescit; verum à pulmonibus inflatis, ac usque ad laryngem elevatis, unde velut cum effervescentia quadam, & ebullitione saliva spumescit: urgente enim caduci paroxysmo, cum pleriq; nervi in toto corpore contrahuntur, etiam qui pulmonum & diaphragmatis motibus inserviunt spasmos immanes passi præcordia omnia sursum elevant, eaque in systole diuturna fere immobilia continent; ita nimirum ut pulsus & respiratio vix, ac ne vix perficiantur: interea quia sanguis intra cordis sinus coercitus ipsum distendit admodum, ac fere opprimit, pulmones utcumque impediti ne more solito & naturali moveantur, quod possunt tamen festinata & spissa agitatione, quoquo modo sanguinem è corde exantlare satagunt; à quo ipsorum nisu, aer humiditatem viscosam crebra respiratione succutiens, ut agitatam ovi albumen in spumam attollit, mox sursum in oris cavitatem elevat, & illinc ulterius foras propellit: quare saliva spumosa etiam in aliis affectibus ubi nervi pneumonici, aut contrahuntur, aut à functione sua obeunda inhibentur non raro succedit.

3. Porro ob eandem hanc rationem evenit, quod epileptici quidam in terram prostrati, pectora sua manibus gravissime tundunt, & cohiberi se ægre tolerant: nam cum præcordia spasmio affecta & præpedita movere se solito more non possint, sanguisque in iis stagnans, non sine insigni cordis gravamine, vitæ suffocationem minatur; tunc fit ut laborantes, cerebro licet inscio, mero naturæ instinctu, thoracem percutiant; nimirum ut præcordia ita concussa, & velut exagitata, motus suos redintegrent, adeoque sanguis à stagnatione, & cor à gravi oppressione vindicentur; Non absimili ritu hic fieri videtur, ac cum dormientes aut titillati, aut pulicum morfu vellicati, illico locum affectum inscii confricant, aut scalpunt.

Quod spectat ad morbi huius prognosin, eam difficillimæ curationis esse supra innuimus, quæ quidem difficultas in eo consistit, quod cerebri meditullium (in quo spirituum animalium prima scaturigo & fons est) non tantum à causa morbilica, sed insuper ab effectis ejus, nempe singulis paroxysmis plurimum debilitatur, ejusque pori laxantur, ut deinceps materiæ cujusque heterogeneæ incursum facillime pateant; adeoque ipsa diathesis morbida repetitis paroxysmis confirmata, atque radices altius agens ægrius tollatur. Verumtamen observare est, Epilepsiam interdum sua sponte terminari, item aliquando medicamentorum ope profligari: quorum illud circa pubertatem, & tunc fere tantum contingit; adeo ut qui ista periodo elapsa, h. e. ante 25. ætatis annum minime curantur, vix unquam postea sanitatem recuperent. Nimirum circa pubertatē corpori humano duplex exeratio, atque propterea morbi comitialis, aut alterius cujusvis altius radicati non raro solutio contingit: Nam primo, hoc tempore humor genitalis in vasis sper-

Spermaticis congeri incipit; unde sequitur particulas spirituosas, quæque ipsis accrescere solent nitrosulphureas, & morbificas non tantum in cerebrum, sed etiam in testes deponi: quare si heterogenea ista spirituum copula in novum hoc promptuarium uberius inferatur, exinde cerebrum immunius degens diathesin epilepticam aut alias morbidam non raro exerit.

2. Circa pubertatem, prout sanguis aliquid cerebro prius destinatum per arterias spermaticas genitalibus suffundit; sic etiam fermentum quoddam ab iisdem partibus per venas retributum accipit; scilicet particulæ quædam seminali tinctura imbutæ in massam sanguineam regeruntur, quæ ipsam vigorant, ac virtutem novam & vegetiorem inspirant; quare tunc temporis & corporis, & animi dotes se potissimum exerunt, pili erumpunt, vox magis sonora evadit, fœminis catamenia fluunt, aliaque accidentia superveniunt, quibus liquido constat & sanguinem & succum nervosum *supra* quadam recenti imprægnari: quare fermenta, sive semina morbifica nisi ab hoc novo fermento naturali superantur, deinceps sæpè usque in mortem indomita persistunt.

At verò Epilepsiam aliquando medicamentorum ope sanari experientia testatur: de medendi methodo, & remediorum maxime celebrium rationibus mox disquiremus; interim quod ad morbi hujus prognosin ulterius spectat, si nec circa pubertatem desinit, neque medicamentorum usu profligari potest, diversimodum adhuc eventum in variis ægrotantibus sortitur: nam vel immediate in mortem terminatur, vel in alium morbum, scilicet paralyfin, stupiditatem, aut melancholiam plerumque incurabilem commutatur.

Quoad prius, cum paroxysmi crebro repetunt, & qualibet vice atrociores fiunt, functio animalis brevi debilitatur: atque hinc labe in spiritus, & nervos præcordiis inservientes sensim traducta, functio vitalis paulatim enervatur, donec tandem languente toto corpore, pulsusque imminuto, ac demum cessante, postremo flamma vitalis extinguatur.

Quod autem hic morbus non raro in paralyfin, melancholiam, aut maniam desinit, ratio est, quia crebris spirituum animalium explosionibus cerebri tonus, & conformatio depravatur, ejusque naturalis status tandem ita pervertitur, ut particulis morbificis etiam alius generis intus admissis spiritus figantur, nec amplius in explosiones justo procliviores sint; quin potius vitio interdum contrario superinducto ipsorum virtus elastica nimium deficit, ita ut supra modum hebetes & torpidi evadant; non secus ac intensiora febris incendia sanguinis intemperies justo frigidior sæpè excipit: atque hæc quidem spirituum depressiones partim propria ipsorum culpa contingunt; quippè particulis agilioribus nimium explosis, segniores tantum supersunt, & deinceps suppeditantur; partim verò uti dicimus, cerebri vitio accidunt: eo quod pori & meatus ejus à crebris caduci paroxysmis usque adeò dilatantur & aperiuntur, ut postea una cum succo nervoso, particulis quibusvis heterogeneis, & diversimode morbificis aditus pateat.

Hæc de Epilepsia diagnosi, & prognosi; quibus

explicandis necesse erat rationes nonnihil abstrusas, & à communi pathologia diversas inducere: nec minus in morbi hujus Therapeia, à vulgari, inque aliis affectibus trita medendi methodo recedere cogimur: Enimverò dogmaticorum præscriptiones, quibus ferè tantum per cathartica materiam morbificam educere, ac penitus eradicare conantur, in caduco parum, aut nihil prosunt, imò frequenter obesse solent. Novi quosdam insignes Practicos, omissa penitus intentionum Therapeuticarum serie, ad remedia quædam empirica, absque ulla totius provisione se recepisse; hujusmodi praxis, licet interdum feliciter succedat, ea tamen multo certius propositam curationem assequeretur, si per alia itidem pharmaca corpore rite præparato, impedimenta quævis summoventur.

Quare circa morbi comitialis medelam, indicationes (prout vulgo recensentur) erunt vel curatoria, quæ paroxysmum respiciunt, eumque vel ingruentem arcent, vel præsentem citius abigunt: vel prophylactica, quæ morbi causam spectant, quam si tollant in posterum accessiones ejus inhibentur.

Quantum ad priorem intentionem, evacuantia generalia vix locum habent; nec enim in paroxysmo vomitus, aut purgatio, atque raro admodum venæsectio adhiberi debent; si *anæsthesia* diutius persistat, enemata interdum usui esse solent; id verò quod potissimum incumbit est spiritus animales nimis efferos & volatiles figere, necnon eorum explosiones inceptas suppressere: in quos fines duo remediorum genera præcipue conducunt: scil. primo quæ spiritus animales efferrari & exilire aptos reprimunt, & velut suffitu quodam iis ingrato repellunt, inque ordines suos cogunt: quod equidem medicamenta sale volatili, & armoniaco, aut etiam sulphure vitriolico prædita efficiunt; cuiusmodi sunt sal, & oleum succini, spir. sanguinis, Cornu Cervi, fuliginis, tinctura Castorei, & similia; hæc enim intus sumpta, aut uaribus admota, sæpè levamen conferunt, quin & malos hujus morbi spiritus non secus ac apud Tobitum fumus è felle piscis combusto dæmonem abigere creduntur. Secundo spiritus animales ab explosionibus ineundis avocantur, aut inhibentur, cum illi in opera quædam ipsis assueta alliciuntur, & occupati tenentur: quapropter urgente paroxysmo frictiones per totum corpus adhibitæ, & aliquandiu continuatæ sæpè juvant: quod autem nonnulli affectos erigunt, eorum brachia & crura à motu convulsivo penitus cohibent, vel in hoc, vel illo situ constringunt, porro quod sternutatoria naribus inflant, & cardiaca fortiora ori ingerunt, aut cucurbitulas, & scarificationes adhibent, aliisque administrationum modis caducos asperius tractant, & paroxysmi morem inturbant: hujusmodi inquam praxis sæpissimè perperam instituitur; quoniam hoc modo duplex naturæ molestia, alia nimirum à morbo, aliaque non levior ab astantibus & ministris intentatur; cum longe præstiterat paroxysmo juxta morem suum transire permisso, laborantes unica tantum plaga absolvi.

Profecto maxima Medici cura & remediorum efficacia circa morbi hujus prophylaxin versatur, ut causa ejus sublata, seu radice præcisâ, fructus omnes emarcescant: Medicamenta

huic indicationi requisita plures intentiones respiciunt; quæ tamen ad duo hæc præcipua capita reduci possint: scilicet primo ut morbi fontes immediate à sanguine vitioso, aut succo nervoso, atque mediatus à visceribus, primisque viis suppeditatus præcidatur; dein secundo ut mala cerebri & spirituum ejus incolarum diathesis, quæ nempe Epilepsiæ peculiaris est, tollatur.

Quoad prius indicatum, hic vomitoria, & purgantia, aliaque tum evacuantia, tum alterantia, quinimò phlebotomia, & cauteria locum habent; quatenus nimirum hisce modis ac viis & viscerum, & humorum impuritates subducuntur, ac discrasie emendantur, quanquam enim hujusmodi pharmaca, & administrationes medicæ per se raro aut nunquam Epilepsiam sanent, attamen hæc impedimenta tollunt, naturam erigunt, atque ad hostem suum aggrediendum incitant, etiam vias præparant ut propterea remedia specifica certius & efficacius virtutes suas exerant; quare solenne est dum morbi hujus cura, per secreta & arcana peragitur, Vere, & Autumno, aliisque idoneis temporibus ejusmodi medicamentorum usus intercalare.

2. Quod spectat ad remedia specifica; quæ quidem sola, licet non semper, Epilepsiæ causam attingere, eamque expugnare perhibentur, cuiusmodi sunt Pæonia mas, viscus quercinus, Ruta, Castoreum, ungula Alcis, præparata è cranio humano, succino, corallio cum multis aliis: quandoquidem hæc sine quavis sensibili evacuatione, aut etiam perturbatione in visceribus aut humoribus subsequente assumuntur, mirum est qua ratione formali, aut agendi virtute in hoc morbo uspiam juvare solent.

Super hac re intricata satis & obscura, si quis conjecturæ locus sit, cum Epilepsiæ procataxin in copula heterogenea spiritibus cerebri incolis accrescente, eosque ad explosiones præternaturales incitante consistere superius asseruimus; sequetur ea quæ talem causam expugnant, aut tollunt, ejus naturæ esse ut cerebrum corroborando, ejusque poros constringendo copulam istam excludant, spiritusque intra cerebri medullium scatentes eorum copulam exuendo ita figant & quasi constipent, ut non amplius in explosiones irregulares apti & proclives fuerint; simili forsan ritu ac cum pulvis *ῥηονιασποδίου* cum sulphure tritus, aut spiritu vitrioli irroratus, virtutem suam fulminantem amittit. Et revera hujusmodi proprietates, nempe alteram, aut simul utramque in plerisque remediis ant-epilepticis suspicari, imò aliquatenus detegere licebit: enimverò pæonia, viscus quercinus, ruta, lilium convallium, cum multis aliis manifesta quadam astrictione pollent; ut verisimile sit eorum particulas intus sumptas, adeoque sanguinis, aut succi nervosi vehiculo ad cerebrum delatas, poros ejus nimis laxos & apertos ita constringere & occludere, ut in posterum materiæ morbificæ aditui minime pateant: porrò quoniam hæc concreta *ἀναθυμιάσις*, quasi armoniacam, sive dissipativam spirant, idcirco eadem spiritus animales depurare, & copula heterogenea exutos figere, & corroborare dicuntur: hæc virtus spirituum depurativa à sale armoniaco procedens in remediis quæ

ex mineralium, & animalium familiis petuntur; qualia sunt cranii humani, sanguinis, succini, & corallii præparata, magis elucescit; sicut alia adstrictiora in vegetabilium partibus & præparatis potior existit.

Non erit hic opus Epilepsia curanda completam medendi methodum, cum exactis præscriptionum formulis proponere, quia apud Authores & generalia præcepta, & elegantissima remedia passim extant, prudensque Medicus tum indicationes, tum uberem istum rei pharmaceuticæ apparatus ad particulares ægrotantium casus facile accommodabit. Verum quia morbi hujus theoriam hoc in loco plane novam exhibemus, etiam methodus Therapeutica eidem adaptata, hic tradi debet: quam equidem mox plenius adumbrabimus: postquam casus aliquot, sive historias Epilepsia laborantium descripsimus.

Puella venusta parentibus mediocriter sanis orta, ipsaque ad pubertatem usque bene valens, sub id tempus de capite male affecto queri cœpit: Et primo per vices quasdam vertiginem juxta synciput, quæ omnia circumagi videbantur perpeffa est; simulque dum illud symptoma urgeret, mox delire loqui, & quicquid modo egerat oblivisci solebat: hujusmodi paroxysmi primo intra horæ quadrantem transire, & semel tantum aut bis in mense repetere, quorum intervallis satis rectè habuit: postea insultus sensim graviores facti, etiam sæpius redibant, atque intra sesquiannum, cerebro indies magis labefactato vertiginosus iste affectus plane in Epilepsiam mutabatur, ut ægrotans quovis paroxysmo in terram allisa, *ἀναδυσία* & convulsionibus horrendis, ore etiam spuma diffuente, afficeretur. Observabant domestici eam semper in idem latus præcipitari, ita ut juxta focum sedens, si angulum dextrum occuparet in medios ignes, sin vero sinistrum, in murum à tergo positum allideretur: semel cum sola in ædibus relicta supra carbones accensos corrueret, facies ei & synciput ita misere concremata sunt, ut cranio, cute & carne denudato, eschara lata & profunda inureretur: & postea exterior tabula ejus ad palmæ magnitudinem decideret. Ægrotā interim quamdiu ulcera ab ustione contracta sanie manabant paroxysmis caruit; postquam ea sanabantur caducus rediit: Morbus hic comitialis circa pubertatem primo emicuit, nam puellæ statim ab initio ægritudinis catamenia fluere cœperunt, & postea statas periodos ordinate satis observabant, affectu licet indies in pejus everso: Varia medicamentorum genera huic ægrotanti adhibita nihil profuere, quoniam ipsius & amicorum ejus mos & studium fuit cum medicum, tum medicinæ methodum, siquidem iis felix eventus non statim successit, subinde mutare, seque ad empiricos quosvis, & agyras circumforaneos ut plurimum recipere.

Quod in hoc casu affectus vertiginosus cum brevi delirio Epilepsiæ prænuncius fuerat, plane arguit hujus morbi originem in cerebri medullio consistam, à spirituum inordinatione quadam pendere: nimirum illi ibidem scatentes, ab initio copulam heterogeneam admittere cœperant; quæ plenius aggesta aut sponte sua, aut occasionibus commota dum excutere-tur, ob spiritus perturbatos, necdum verò valde ex-

explosos, priores istos affectus inducebat: postea cum ab eadem causa sensim in deterius evecta, spirituum perturbationes in ipsorum manifestas explosiones assurgerent, vertigo, & delirium in Epilepsiam migrabant.

Quod verò hæc puella circa pubertatem ægrotare cœperit, hinc plane sequitur uti fermenta naturalia, sic interdum præternaturalia eo tempore sese primo explicare; quare sicut purgationes menstruæ tunc primo erupere, ita morbi comitialis semina, sive innata, sive acquisita tunc paululum germinare, & sensim in fructus maturari contigit: cum fermentum præternaturale prius emicuit, non raro naturale succedens ipsum delet, hinc Epilepsia impuberis non raro circa pubertatem terminatur; si fermentum illud, sive *μικροσμία νοσέρδν* fluxu menstruo posterius, aut cum eo simul in actum emergens non statim succumbit, postea ut plurimum ex se indomitum, & remediis quibuscumque insuperabile durante vita persistat.

Ex observatione ista, quod huic ægrotanti cauteria accidentaliter, & casu excitata à morbi insultibus immunitatem præstiterit; inferre liceat fontanellas in Epilepsia curatione utiliter adhiberi: ubicunque enim pro latice seroso, tum è sanguine, tum succo nervoso constanter educendo, emissarium aperitur, illac plures particulae heterogeneae, ac morbificae una effluunt, propterea ut cerebrum immunius persistet.

Filia Cerevisiarii Oxoniensis à prima infantia catarrho in oculos decumbenti graviter obnoxia fuerat, alias satis sana & robusta, item duris laboribus quotidie assueta degebat; circa 14. ætatis annum paroxysmis epilepticis tentari cœpit, quorum plures juxta majores lunæ τροπὰς, præcipuè redeuntes perpeffa est: ut curationem ejus moliar rogatus, vomitorium ex præcipitato solari exhibui, & idem triduo ante quævis novi & plenilunia iterandum consului; insuper ut qualibet vice per quatrimum à vomitorio assumpto bis in die caperet pulv. rad. Pæoniae maris 3j. cum haustu aq. cerasor. nigr. His remediis paroxysmi tamdiu intermittebant ut morbus sanari videretur. Posthæc cum iterum redibant eorundem medicamentorum usu de novo recuperabatur; & dein fluxu menstruo erumpente, & periodos suas rite observante, in posterum à morbo isto immunis persistit.

Methodus Therapeutica.

In curatione Epilepsia à Catharsi incipendum esse duco; & si æger vomitionem facile toleraverit, Emeticum imprimis exhibeatur; & per plures menses quatrimum ante plenilunium repetatur. Infantibus, & pueris vinum scilliticum, oleo amygdalarum dul. recenti admixtum, aut etiam sal vitrioli à ʒss. ad ʒj. exhibeatur: Adultioribus & constitutione robusta præditis sequentes medicamentorum formulæ præscribantur.

℞. Croci metallor. aut Mercurii vitæ gr. iv. ad vi. Mercurii dulcis gr. 16. ad ʒj. simul terantur in marmore, misce cum pulpa pomi cocti, aut conservæ Boraginis 3j. f. Bolus. Vel exhibeatur infusio croci metallorum, aut Mercurii vitæ in vino Hispanico facta ad ʒss. ad ʒij.

Vel ℞. Tartari emetici Mynsicht. gr. iv. ad vi. Qui tenerioris sunt constitutionis sumant

salis vitrioli ʒj. ad ʒss. & post horæ s. superbibant plures libras lactis cerevisiati: dein, penina, aut digito gutturi indito, vomitus provocetur, & aliquoties iteretur.

Die sequente vomitorium, nisi aliquid contra indicet, mittatur sanguis è brachio, vel è venis hæmorrhoidalibus hirudinum suctu: dein postridie sumatur medicamentum purgans; quod postea quatrimum ante novilunium constanti vice repetatur.

℞. Resin. Jalap. ʒss. Mercurii dulc. ʒj. Castorei gr. iij. Conservæ flor. Pæoniae 3j. f. Bolus.

℞. Pilul. foetid. Majorum ʒij. Resin. Jalap. gr. v. Ammoniaci solut. in aqu. hysterica q. s. f. Pilul. v.

℞. Fibrar. Hellebor. nigr. in acet. macerat. exiccat. & pulv. ʒss. Zinziberis ʒss. salis Absinth. gr. xii. Olei succini gutt. ij. f. pulvis. Detur in pulpa pomi cocti.

℞. Pulveris hermodactylor. composit. 3j. Cranii humani præparat. gr. vi. f. pulvis, detur in haustu decoct. hyssop. aut salviae.

In diebus quibus à purgatione vacat, præsertim circa lunationum tempora, mane, & vespere exhibeantur remedia specifica, quæ virtute quadam secreta & innata hunc morbum curare dicuntur: horum immensa extat sylva, eaque variis compositionum formulis præscribuntur.

Medicamenta simplicissima, quæq; experientia valde efficacia fuisse comprobavit, sunt radix Pæoniae maris, & semina ejusdem.

℞. Rad. Pæoniae maris siccat. & pulv. 3j. ad ij. vel iij. detur bis in die in tinctura sequenti.

℞. Folior. visci qu. 3ij. Rad. Pæoniae incis. ʒss. Castorei 3j. Ponantur in vase clauso cum aq. Betonica, vel Pæoniae simpl. & vini albi ana ʒj. salis visci quercini vel communis 3ij. digerantur in vase clauso calore arenæ per duos dies, capiat ʒ iij. cum dosi pulv. præscript.

Pauperes sumant pulverem prædict. in decoct. hyssopi, aut castorei in aq. fontan. & vino albo facto.

Eodem tempore radix Pæoniae in taleolas discissa, & filo transfixa collo suspendatur. Etiam radices sartagine frixæ, aut ad teneritudinem coctæ, inter esculenta quotidie assumantur.

℞. Rad. & sem. Pæoniae maris ana 3ij. Visci qu. ungulæ Alcis ana 3j. incis. & contus. in sindonem raram insuantur, f. sacculus, qui super ventriculi scrobem gestetur.

Inter specifica hic pulvis à multis Authoribus valde commendatur.

℞. Castorei, Opoponacis, sanguinis Draconis, Antimonii, sem. Pæoniae ana f. Pulvis, sumatur ʒss. ad 3j. omni mane cum vino, aut decocto appropriato, aut cum aqua cerasor. nigror.

℞. Cranii humani præparat. 3j. visci qu. Cinnabaris factitiæ, ungulæ alcis an. ʒss. misce. Dosis ʒss. ad ʒj.

Si formula pulveris cuiuspiam ingrata sit, vel si diuturnior ejus usus tædio fuerit, Electuaria, pilulæ, trochisci, spiritus, & Elixires, quæ singula medicamentis specificis constant, præscribi solent.

℞. Conserv. flor. Pæoniae maris, Lilior. convallis

vallis ana \mathfrak{z} iij. sem. & rad. Pæoniæ maris pulv. ana \mathfrak{z} ij. Corallii præp. \mathfrak{z} j. Margarit. pulv. Cranii humani præpar. ana \mathfrak{z} ij. salis visci quercini \mathfrak{z} iß. cum s. q. syr. è Coralliis, f. Electuarium; capiat mane & vesperi qu. Nucis Moschat.

℥. Rad. Pæoniæ maris pulv. \mathfrak{z} j. seminum ejusdem \mathfrak{z} iß. visci qu. ungulæ Alcis, Cranii humani præp. ana \mathfrak{z} ij. rad. Angelicæ, contrayervæ, serpentariæ virginianæ ana \mathfrak{z} j. succini albißimi, Corallii calcinat. ana \mathfrak{z} j. salis visci communis \mathfrak{z} ij. sacchari candi in s. q. aquæ anti-epilepticæ Langii solut. \mathfrak{z} viij. f. confectio, capiat bis in die q. Nucis Moschat.

Pulveres isti addito sale succini, & Cornu Cervi cum s. q. Balsami Capiv. formentur in massam pilularem, cujus sumantur 3. vel 4. pilulæ mane, & vesperi, superbibendo haustum liquoris appropriati.

Vel paretur hujusmodi Elixiris, cujus gutt. 8. ad 10. sumantur bis in die in cochleari Julapii appropriat. superbibendo parum ejusdem.

℥. Vitrioli Hungarici lb̄ vj. destillentur in retorta vitrea calore arenæ per horas 24. dein retorta eadem loricata cum recipiente amplo ponatur in furno reverberii, ut spiritus acidi igni fortissimo, quousque exhibuit, urgeantur. Liquor totus extillatus in retorta minori vitrea calore arenæ avocetur, & in matraccio superafundatur rad. Pæoniæ maris in taleolas sciss. & exiccat. \mathfrak{z} iv. sem. ejusdem \mathfrak{z} j. Cranii humani præpar. Ungul. Alcis, coral. rubr. ana \mathfrak{z} iß. visci qu. \mathfrak{z} ij. digeratur leni calore per plures dies ad tincturæ extractionem: liquor decantatus avocetur in retorta vitrea ad tertiæ partis remanentiam; extillatus seorsim asservetur: remanentiæ isti affunde spir. vini rectificatiss. & eorundem ingredientium infusione imprægnati parem qu. & digeratur per 6. dies in fimo equino f. Elixir cujus dosis \mathfrak{z} iß. ad \mathfrak{z} j. Liquor extillatus detur à cochleari ß. ad integrum propter easdem intentiones.

Vel paretur oleum ex sale Veneris juxta præscriptum apud Henricum ab Heers, & exhibeatur modo descripto.

Inter remedia specifica quæ (cum superiora non fuerint proficua) etiam tentari debent, habentur ranarum hepata, vesica apri, cum urina exiccata. Rad. Bryoniæ pul. pul. cuculi, corvorum, coagulum, & pulmo leporis, hepar lupi, lapilli hirundinibus exempti, milvi jecur, ova corvorum inter alimenta, & medicamenta quotidie assumenda, cum multis aliis, quorum catalogus insignis apud Henricum à Bra Medicum Zutphaniensem extat, & è quibus præscripta pro pauperibus, utpote facile, & sine magno pretio parabilia desumi poterunt.

Dum hujusmodi remedia juxta methodum prædictam intus sumuntur, administrationes quædam exterius adhibitæ opem contribuunt, & in curationis partem merito asciscuntur; quare semper in hoc morbo fontanella, scilicet una aut altera in locis idoneis excitentur, etiam vesicatoria sæpius adhibeantur.

Periapta collo suspensa, aut super ventriculi scrobem gestata, usui esse putantur: radices Pæoniæ recentes in taleolas scissæ, & filo transfixæ in bracteolas formentur quæ toti collo circumduntur; quamprimum exaruerint substituantur novæ, illæque in pulverem intus sumendum redigantur.

℥. Rad. & sem. Pæoniæ ana \mathfrak{z} ij. ungulæ Alcis, cranii humani præpar. ana \mathfrak{z} j. visci qu. \mathfrak{z} iß. grossè pulv. in sericum rubrum insuantur & f. sacculus collo suspendendus.

Amuletum ex frutice sambuci in salice inventi valde commendatur.

Convenit nonnullis capillitio derafo Emplastrum sincipiti applicari.

℥. Rad. & sem. Pæoniæ, Castorei, visci quercini, cranii humani tenuissime pulv. ana \mathfrak{z} j. Emplastri de betonica \mathfrak{z} ij. carannæ, Tacamahaccæ ana \mathfrak{z} ij. Balsami Capiv. q. s. f. massa, extendatur super alutam. f. Emplastrum pro futuris capitis.

Tempora & nares sæpius inungantur oleo succini per se, vel cum oleo Capiv. admixto.

Sternutatoria, & Apophlegmatismi horis matutinis quotidiano sint in usu.

℥. Ellebori albi \mathfrak{z} j. Castorei, Euphorbii ana \mathfrak{z} iß. Majoranæ odorat. fol. Rut. ana \mathfrak{z} ij. f. pulv. Decoct. salviæ vel hyssopi cum confectione sinapeos in eo solut. ore, & gutture obvolvatur.

Enemata juxta usus exigentiam quandoque injiciantur.

Quandoquidem medicamenta solidiora liquidis interdum dilui, aut hæc illis superbibi debent, in hanc rem præsto sint Aquæ destillatæ, Julapia, decocta, aut tincturæ, quæ virtute quadam contra hunc morbum specifica prædita sunt.

℥. Vitrioli Hungarici lb̄ iv. cranii humani recentis pulv. \mathfrak{z} iv. Rad. Pæoniæ incis. \mathfrak{z} vj. simul contusis in mortario affunde vini Hispanici, vel albi tenuioris, vel vini è succo Cerasorum nigrorum in dolio fermentato lb̄ ij. destillentur in retorta vitrea calore arenæ.

℥. Rasuræ ligni Buxi, Vitrioli Hungarici ana lb̄ ij. Folior. visci qu. vel communis M. iij. Folior. Rotæ M. ij. simul contusis affunde vini Hispani lb̄ iv. Destillentur in cucurbita vitrea calore arenæ.

℥. Vitrioli com. lb̄ vj. rad. Pæoniæ maris \mathfrak{z} vj. visci qu. \mathfrak{z} j. Juglandum viridium \mathfrak{z} viij. incis. & contus. destillentur in olla vitreata, alembico vitreo superimposito in calore arenæ.

℥. Hujus liquoris lb̄ j. Aqu. Cerasor. nigr. flor. Tiliæ ana lb̄ ß. sacchari albißimi \mathfrak{z} iv. misce, f. Julapium: dosis \mathfrak{z} ij. ad ii. bis vel ter in die.

Oxymel scilliticum, item hydromel cum hyssopo incocto ab antiquis plurimum laudantur. Vel hujusmodi Apozema paretur cujus sumantur \mathfrak{z} iv. ad vi. vel vii. bis in die.

℥. Rad. Pæoniæ maris, Angelicæ, Imperatoricæ, Valerianæ ana \mathfrak{z} vj. folior. Betonice, Salviæ, Lili convallis, pulegii ana M. j. Sem. Rut. Nigellæ ana \mathfrak{z} iij. Pæoniæ \mathfrak{z} iß. Passular. \mathfrak{z} iij. Liquiritiæ \mathfrak{z} iß. incis. & contus. coquantur in aqua fontan. lb̄ vj. ad tertiæ partis consumptionem. Circa finem adde vini Cerasor. nigror. lb̄ ß. vel \mathfrak{z} x. f. colatura, quæ servetur in vasis occlusis. Dos is \mathfrak{z} vi. ad vii. bis in die post remedia superius præscripta.

Vel prædicta ingredientia exceptis liquiritia, & passulis coquantur in hydromelitis lb̄ vi. ad consumptionem tertiæ partis: dos is \mathfrak{z} iv. ad vj.

Quod si prædicta methodus, cathartico. & specificor. usu constans, aliquandiu tentata prorsus incassum cedit, ad aliud generis remedia,

dia, & præsertim ad ista quæ magna dicuntur, devenire oportebit: In hoc centu diaphoretica, salivantia, Theriaca, & Acidula ponuntur.

Alphonſus Ferrus plurimos epilepticos, simplici Guajaci decocto bis in die ad ℥vi. vel viii. præscripto, ejusque decocto secundo, vice potus ordinarii (prout in lue venerea allolet) assumpto, se curasse affirmat si tali decocto rad. Pæoniae aliæque specifice addantur forsan efficacior fuerit. Probabile videtur salivationem à Mercurio potenter excitatam, succedente postea diata sudorifera, hunc morbum certissime esse curaturam. Quid Theriaca aut acidula possint, aut propria aut aliorum experientia, mihi nondum innotuit. Experiar forsan aliquando quid acidula nostræ artificiales, scilicet tum ferro, tum Antimonio imprægnata per plures dies in magna quantitate assumpta, circa Epilepsiae curationem valebunt.

Post Epilepsiam, velut principem Spasmodum in principe loco, scilicet intra cerebri medullia excitatum, cæteræ Convulsionum species ordine pertractandæ occurrunt. Harum differentia à duplici causarum genere & variis utriusque modis, & accidentibus optime desumuntur. Supra ostendimus affectiones quasque spasmodicas vel à mera spirituum irritatione, vel ab eorum, propter copulæ elasticæ adhæsum, explosione, vel simul ab utroque conjunctim profluere: Quapropter multiplices spasmodorum idæ distingui, ac in classes quasdam distribui possint, prout hanc illamve, aut simul utramque causam in variis *ἑνκεφάλαις* vel appendicis nervosæ locis consistere contingit. Enimvero materies spasmodica, sive spirituum copula explosiva potissimum, ac sæpius per cerebrum, interdum verò & aliquatenus per nervorum extremitates aditum inveniens, aut circa nervorum origines, aut medios processus, aut fines extimos subsistit, vel in totis eorum ductibus scaturit, prout inferius speciatim declarabitur: porro irritatio per se, vel cum procataxi prævia convulsionem ciens, licet ubivis in nervoso genere fiat: præcipue tamen, ac frequentius talem effectum circa nervorum principia, medios processus, & plexus, aut fines producit. Cæterum ejusdem generis causa, & effectus alio ritu in infantibus, ac pueris, alioque in adolescentibus & adultioribus habent. Cum itaque singulas convulsionum species particulatim considerare statutum fuerit, imprimis de motibus Convulsivis infantum ac puerorum differemus.

Infantes, & pueros affectibus spasmodicis tentari passim, & tam frequenter accidit, ut hæc præcipua, & ferè unica convulsionum species statuatur; nam ejusmodi symptomata in adultis aliis insigniuntur nominibus, atque ad Epilepsiam, passiones hystericam, hypochondriacam, colicam aut etiam ad scorbutum referri solent; in pueris verò quasi *κατ' ἐξοχὴν* motus convulsivi appellantur.

Super his observare est, circa duo potissimum tempora pueros convulsionibus maxime obnoxios reperiri, scilicet intra primum à partu mensem, & circa dentium eruptiones: Quamquam huius morbi insultus etiam aliis temporibus, & quibusdam aliis de causis non raro eveniant.

Primo igitur sæpenumero accidit infantulos recens natos, aut saltem nondum bimestres, crebra vice spasmis in diversis partibus excitatis affici. Quippe oculorum inversiones, genarum, & labiorum distorciones, aut tremores, quinimo tendinum contractiones, membrorum, & non raro totius corporis subsultus, & concussiones subita eos infestant; eundemque affectum etiam præcordia nonnunquam afficere hinc sat plane liquet, quod dum spasmi artus, & membra exteriora occupant, etiam à sanguine in corde, & pulmonibus una contractis stagnante, facies modo pallorem, modo livorem contrahit. Cum itaque in pueris spasmi tres corporis regiones infestare soleant; nempe capitis & faciei partes, membra, & artus exteriores, atque præcordia & viscera; observamus modo has, modo illas, modo binas, aut simul omnes regiones à causa morbifica occupari, nempe prout eadem aut circa nervorum origines aut extremitates desiguntur; & cum prius horum accidit, prout medullæ oblongatæ pars superior, media, aut infima spinalis, scilicet unica aut plures simul à causa morbifica impetuntur.

Quod verò spectat ad cæteras huius affectus causas, nempe procataxeticas, & evidentes; quæ prioris generis sunt, in his duobus præcipue consistunt primò quod infantibus *πῦρ & ὑγρότης* valde sint imbecillia, & viscosa humiditate scateant; nempe cerebrum minus firmum, atque nervorum tonus valde laxus, ne leviores quidem cujusvis materiæ impetus sustinere possint, quin spiritus eorum incolæ, etiam à proprio, quo istæ partes irrigantur, liquore, paululum modo immoderatio affluerit, aut saltem copiosior quam pro tantilli roboris modulo, facile in motus irregulares, sive spasmos incitantur. Attamen secundo quoniam observatione constat, puerulos nec solos, nec omnes qui tenuioris sunt constitutionis in hunc morbum proclives reperiri; idcirco pro potiore procataxeos morbidæ ratione haberi debet, quod infantibus quibusdam, propter mala ab utero contracta, & sanguis, & succus nervosus originaliter vitiosi existunt: quippe recens natis massa sanguinea per plures retro menses eventilatione carens impurior evadit; quapropter plerisque infantibus brevi à partu efflorescentia latæ, & rubicundæ morbillorum instar per totam cutem erumpunt; cujusmodi *ἐκάνθησις* si impeditur, aut reprimitur, sæpenumero aphthæ periculosa circa oris partes succedunt. Hinc merito suspicamur tales sanguinis impuritates quandoque in cerebrum & nervosum genus, utpote debiliora suffundi, & propterea spasmodicas affectiones oriri; nempe dum sanguis ab utero vitiosus existens depurare se satagit, sæculentias suas, efflorescentia in cutem facta exterminari solitas, in caput transfert: quare latex modo tenuis & serosus, modo crassior & viscidus, ac uterque salium & sulphurum præternaturalium particeps intra hos, aut illos cerebri, cerebelli, atque medullæ oblongatæ recessus, & cavitates deponuntur; cujusmodi recrementa cum nervi huius aut illius, ac interdum una plurium origines, aut caudices obsident, spiritibus eorum incolis particulas heterogeneas, atque in explosiones spasmodicas aptas

aptas affigunt. Quamprimum enim nervi tales particulas altius imbiberunt, spiritus eorum copula onusti, aut sponte sua, aut à causis evidentibus incitati, eam elidere, & excutere satagunt: pròindeque explosiones spasmodicas ineunt.

Causæ evidentes, quæ in puerulis prædispositis motus convulsivos inferunt, sunt bini generis, scil. primo quæcumque sanguinis effervescencias solito majores cient, uti sunt frigoris & caloris excessus, nutritio uberior, aut julto calidior; aeris, ac auræ mutationes, ac imprimis lunationum periodi: etenim propter has, aliasque similes occasiones sanguis plus debito effervescens copulam heterogeneam spiritibus usque ad plenitudinem citius affigit; utque ab ipsis perturbatis è vestigio elidatur & explodatur, efficit. Secundo, irritatio ferè in qualibet systematis nervosi parte dispositionem spasmodicam non raro in actum deducit: quare non modo qualitatum tangibilium excessus exterius indicti, verum & lac in ventriculo coagulatum, bilis, alique humores acres, aut etiam vermes intestina vellicantes spiritus excitare solent: porro hujusmodi causæ evidentes, siquidem fortiores sint, aliquando per se, absque diathesi prævia, affectus spasmodicos inducunt; quippè lumbrici, forte & acres humores puerulis quibuscumque, saltem tenerioribus motus convulsivos inferunt.

Quo certius atque ad sensum pateret cujusmodi in motibus convulsivis sit materies morbifica, plurimum quos hic morbus oppressit, defunctorum cadavera aperui: causam intra coctionis viscera & primas vias semper frustra quaesivi. Multorum capitibus latex serosus intra cavitatem cerebello subjectam congestus, & membranam, qua medulla oblongata investitur distendens, nervorum origines inundabat: in quibusdam nulla hujus morbi vestigia apparebant; adeò quod spiritibus accrescens, eos ad explosiones irritat: interdum imperceptibili prorsus constat mole, & originem tam occultam habet, ut vel perspicacissimum visus scrutinium omnino lateat. Olim in hac urbe cujusdam mulieris nati plures ex hoc morbo interierunt; tandem foetus quarti intra mensem, uti priores, interempti caput dissecimus; nulla hic serosa colluvies ventriculos inundabat, sed cerebri tantum, ejusque appendicis substantia erat julto humidior, & laxior: quod potissimum observatu dignum erat, in cavitate quæ cerebello subjicitur, supra medullæ oblongatæ caudicem, sanguinis grumosi, & velut concreti copiam insignem reperiēbamus: at verò incertum est utrum materies isthac ibidem ab initio deposita spasmos primario intulerat; an potius sanguis iste à partium circumcirca constrictarum contractione expressus, & extravasatus, convulsionum effectus, & productum, ac minime istarum causa fuerit. Nam & in Apoplecticis ejusmodi Phænomenon passim occurrit: quod tamen morbi effectum potius quam causam esse posthæc ostendemus.

Profecto quod particulæ heterogeneæ, quæ sanguini ab utero innatæ, in plerisque pueris per *ἐξάνθησιν* in toto corpore cutaneam amandari solent, in aliis capiti suffusæ, affectionis spasmodicæ causa materialis existunt, præter

rationes superius citatas, etiam à remediis maxime juvenibus inferre licet: quippe in puerulis hæreditario huic morbo obnoxiiis, insultus convulsivi optimè præcaventur, si mox à partu fontanella in nuca excitetur, & sanguis hirudinum suctu è venis jugularibus detrahatur; illa namque succi nervosi corruptelæ subducuntur, atque hoc cruoris efflorescentiæ impuræ à capite avocantur: hisce administrationum modis, cum prius duo aut tres ejusdem parentis nati brevi post partum convulsivi interiissent foetus, omnes alii ab eodem nato liberabantur.

2. Hæc de puerorum motibus convulsivis, qui mox à partu, propter labem ab utero contractam eos infestare solent. Quod si hac vice aut ipsum morbum, aut saltem mortiferas ejus plagas evaserint; nihilominus circa dentitionis tempora eidem periculo denuo obnoxii reperiuntur: quando enim dentes, præsertim majores, è gingivis erupturi sunt, sæpe febris excitatur, cui non raro motus convulsivi adiunguntur. Et licet hoc tempore infantes viribus plus valeant, eoque morbi insultus melius quam recens nati tolerant; attamen affectiones spasmodicæ etiam nunc, nec graviore aliqua occasione excitatæ valde periculosa, ac interdum lethales existunt.

Quandoquidem autem pueri qui circa dentitionem febricitant, non omnes motibus convulsivis tentantur; ideo sequitur hujus morbi dispositionem quandam, sive innatam, sive acquisitam præcedere, atque dolorem à dentitione illatum tantum causæ evidētis fortioris rationem habere; scil. pueri, quibus aut cacochymicis, aut cerebri & nervosi generis constitutione debiliore præditis, spiritus animales, vel adulterati, vel dissipabiles nimis existunt, in affectiones spasmodicas quandoque ineundas disponuntur: quare cum dolor admodum acutus una cum febre urget, dispositio ista latens in actum ducitur.

Si hic inquiratur, qua ratione febris, & dein qua motus convulsivi in prædispositis dentitioni superveniunt; dicendum erit quod uterque affectus ad dolorem velut causam in medietatem referri debet. In nobis ipsis experimur quis sit cruciatus qui irritationem circa dentium radices sequitur; revera tantus & tam atrox, ut excitari vix possit atrocior; quippè nervorum quinti paris una aut altera insignis propago ad cuiusque dentis radicem pertingit, quæ cum à sanguinis, aliorumve humorum particulis acerbis illic congestis vellicatur, corrugatione sua acerrimum molestiæ sensum, sive dolorem infert. Istiusmodi autem hujus nervi vellicatio in pueris dentientibus ideo contingit, quia dentibus jam in majorem molem crescentibus, & adhuc intra gingivas vixdum cavatas inclusis, membrana & fibra quaquaversus distenduntur: hinc sanguis in circuitu præpeditus tumorem infert, adeoque nervos comprimit, quæ & aciores feri particulas iis suffundit, quibus illi insigniter vellicati corrugationibus, & spasmodicis dolorificis torquentur.

Cum itaque pueris dolores ita atroces à dentitione contingunt, nihil mirum est si febres, ac etiam motus convulsivi interdum succedant: prior horum accidit & quatenus sanguis circa partem dolentem, ne solito atque æquabili cursu

su circuletur impeditus, propterea in toto corpore inordinatus movetur; & insuper quia spasmis alicubi in nervoso genere excitatis, nervi corrugati & contracti arterias comprimunt & convellunt, proindeque in sanguine fluctuationes irregulares & febriles concitant. Cæterum motus convulsivi dentitioni aliquando superveniunt, tum quia sanguis effervescens, particulas heterogeneas regimini animali suffundit, adeoque spiritus in explosiones ciet; tum præterea cum dolor iste acutus, & velut lancinatio dentes erupturos sequuta sensum valde molestum ac irritativum à partibus affectis τὸ πρῶτον διαδύμελον communicet, exinde statim per eosdem nervos, vel alios affines exandescentiæ motus (qui ob dispositionem præviam non raro convulsivus evadit) retorquetur.

Præter has binas (quæ in pueris præcipuæ, & crebriores esse solent) motuum convulsivorum occasiones, scilicet prima infantia, & dentitionis tempora; affectus iste etiam aliis temporibus, & propter alias causas sæpenumero excitatur: In quibus enim dispositionis spasmodicæ semina jaciuntur, illa interdum aut statim à partu se explicant, ac in morbos fructus maturantur, sed aliquandiu latitantia dentitionem modo præveniunt, modo eam è longinquo sequuntur; & propter causas evidentes alias, scil. vel internas, vel externas, cujusmodi sunt nutritrix invaletudinaria, aut prægnans, lac in ventriculo coagulatum, aut in putrilaginem acidam, aut amaram degenerans, intemperies febrilis, capitis, aliarumque partium ulcera, aut exanthemata subito evanescentia, aëris mutationes, solis, ac lunæ *ὁρμῶν* aut aspectus oppositi, & similia, tandem incerto eventu in actum erumpunt. Super his non opus est ut particulatim differamus.

Cum viri cujusdam in hac vicinia degentis, nati omnes intra trimestre spatium convulsi interierint; tandem ad præcavendum in puerulo recens edito ejusmodi fatalem eventum, remedia expetuntur: Post aliquot à partu dies accersitus, consulo ut imprimis fontanella in nucha excitetur; dein postridie ut hirudine utriusque lateris venæ jugulari applicata, sanguis ad 3 ij. extrahatur; insuper ut juxta singulas solis & lunæ *ὁρμῶν*, & aspectus oppositos, per tres dies mane, & vespere pulveris sequentis circiter gr. v. exhiberentur è cochleari Julepii.

℞. Cranii humani præparat. rad. Pæoniæ maris, ana 3j. Margar. pulv. 3ß. sacchari albißimi 3j. misce, f. pulvis subtilissimus.

℞. Aq. Ceraf. nigror. 3 iij. anti-epilepticæ Langii 3j. syrup. de floribus Pæoniæ maris 3vj. misce; item præcepi ut nutritrix iisdem temporibus medicis sumeret haustum seri lactis, cui sem. & rad. Pæoniæ maris & fol. Lili convallis incocta sunt. Infans per quatuor circiter menses bene valebat, tunc vero affectibus convulsivis tentari cœpit: quo tempore iisdem remediis in dosi majori tum infanti, tum nutritrici adhibitis, vesicatoria etiam pone aures applicabantur, & hirudinum suctu sanguis ex utraque vena jugulari fuit detractus: Intra duos, vel tres dies puer convaluit: postea cum intra 4. vel 5. menses spasmi aliquoties redirent, eorundem usque remediorum usu sanabatur. Post sesquiannum affectiones, convulsivæ penitus cessabant:

attamen circa infimam spinæ dorsii partem tumor indolens succrevit, a quo vertebra-rum distortio quædam, atque crurum imbecillitas, & demum p. ralytis inducebantur. Videtur in hoc casu, quod materies spasmodica primo cerebrum, & nervorum principia impetere solita, ultimo spinalem medullam subiens, inque extremitatem ejus detrusa nervorum appendicum capita omnino obstrueret, atque spiritibus transitum præcluserat: nimirum quia particulis explosivis aliæ narcoticæ & crassiores sese adjunxerant.

*Methodus Therapeutica contra affectiones
Convulsivas in pueris.*

In pueris ac infantibus passiones spasmodicas, aut imminentes præcavere, aut jamjam exorsas curare incumbit.

Nam si ejusdem parentis nati priores Convulsionibus obnoxii fuerunt, malum illud cæteris post natis tempestivo remediorum usu præveniri debet: in hunc finem solenne est foetui recens edito, quamprimum spirare incipit, medicamentum aliquod *ἀντισπασμωδικόν* ori ingerere: hinc nonnulli guttas quasdam mellis purissimi, alii cochleare vini canarini saccharo inbuti, quin & alii oleum amygdalar. dul. recens extractum exhibere solent; a quibusdam olei succini gutta i. aut aquæ epilepticæ semicochleare infunditur.

Præter hæc prima infantum libamina, quæ certè nullius non momenti esse videntur, alia quædam remedia, & administrationum modi in usum ascisci debent: scil. bis in die propinetur cochlear i. liquoris huic affectui appropriati. e. g.

℞. Aqu. Cerafor. nigror. Rutæ, ana 3iß. Anti-epilepticæ Langii 3j. syr. è Coralliis 3vj. Magar. præpar. gr. xv. misce in phiala. Die tertio aut quarto post partum excitetur fontanella in nucha, dein si vultus sit floridi, parum sanguinis ad 3iß. vel ij. è venis jugularibus hirudinum suctu extrahatur, cavendo ne inter dormiendum sanguis copiose nimis effluat; tempora, & cervix blande fricentur tali linimento.

℞. Olei Nucis Moschat. per expressionem 3ij. Capiivi 3iij. succini 3j. Periapum ex radicibus, & seminibus Pæoniæ maris, addito parum ungulæ alcis collo suspendatur.

Porro medicamenta antispasmodica nutritrici quotidie exhibeantur: sumat mane, & vespere haustum seri lactis, cui rad. & sem. Pæoniæ maris & sem. fœnicul. dul. incocta sunt.

℞. Conserv. flor. Betonicæ, Pæoniæ maris, Anthos, ana 3ij. pulv. rad. & flor. Pæoniæ maris ana 3ij. Coralli rubri præparat. succini albißimi, ana 3j. rad. Angelicæ, Zedoariæ præparat. ana 3ß. cum f. q. syrupi de Pæonia f. Electuarium: capiat q. Nucis Moschatæ mane & vespere.

℞. Pulveris rad. Pæoniæ maris 3ij. sem. ejusdem 3j. f. Pulvis, sacchari albißimi solut. in aq. florum Tiliæ & ad tabulat. cocti 3iij. Olei succini 3j. f. s. artem Tabulæ, singulæ pendant 3ß. Comedat i. hora qualibet sexta. Illa etiam exacta victus ratione utatur.

Quod si infans quispiam Convulsionibus actu afficitur, quia fontanella minus, & tardius operatur,

ratur, vesicatorium in nucha, aut pone utramque aurem applicari expedit, & nisi temperamentum frigidius obstat, sanguis hirudinum suctu venis jugularibus extrahatur: Linimenta circa tempora, nares, & cervicem, item plantis pedum emplastra admoveantur; enemata quæ alvum copiose subducunt quotidie injiciantur: Porro sæpius in die, nempe sexta aut octava qualibet hora, remedia specifica intus sumantur.

℞. Olei Capivi, Castorei, una ʒij. succini ʒʒ. f. linimentum.

℞. Emplastri Oxycroci p.ij. Galbani solut. p. j. Olei succini ʒj. f. Emplastrum pro plantis pedum. Pulvis de gutteta juxta descriptionem Riverii exhibeatur bis vel quater in die.

℞. Cranii humani præparat. sem. Pæoniæ, ungulæ Alcis, Margarit. præpar. ana ʒʒ. Ambra griseæ gr. vj. f. Pulvis. Dosis gr. vj. in cochleari liquoris infra scripti, ter aut quater in die.

Vel ℞. Cranii humani præparat. Margarit. ana ʒʒ. salis succini ʒj. sacchari perlati ʒj. Dosis ʒʒ.

Vel ℞. Spir. Cornu Cervi gutt. iij. detur sexta vel octava qualibet hora in cochleari Julepii infra præscript.

Pauperum natis exhibeatur pulv. radice Valerianæ sylvestris ʒʒ. ad ʒj. detur bis in die in cochleari lactis, vel liquoris appropriati.

Untzeus valde commendat fel catelli lactantis, nempe ut totus succus cysti fellea exemptus puerulo cum pauxillo aquæ florum Tiliæ propinetur.

Nuper mihi retulit Medicus Eruditus se novisse plures hoc remedio curatos: Porro solent empirici pueris majoribus, post fel epotum, etiam catelli hepar assatum comedendum tradere.

Julepia, aquæ destillata, alique liquores appropriati juxta præscripta sequentia parari possunt.

℞. Aq. Cerasor. nigror. ʒ iij. Anti-epilepticæ Langii ʒj. sacchari perlati ʒij. misce.

℞. Rad. Pæoniæ maris recent. in taleolas scissarum ʒvj. Vitrioli Hungarici ʒviii. Cranii humani ʒij. Aqu. Anti-epilepticæ Langii ʒʒ. Misce, & destillentur in retorta vitrea calore arenæ. Dosis cochlear j. ad ij.

℞. Rad. Pæoniæ maris recent. incif. ʒiv. contusis in mortario marmoreo affunde vini Hispanici ʒj. f. expressio fortis, adde manus Christi perlata ʒʒ. servetur in vitro occluso. Dosis cochlear j. vel ij. bis in die.

Cum ob dentitionem difficilem motus convulsivi eveniunt, symptomata hoc quemadmodum secundarium & minus periculosum existit, ita in Therapeia non semper primam aut præcipuam exigit medendi operam, sed nonnunquam de dolore sedando, & intemperie febrili summovenda potius solliciti sumus; quare & patiens, & nutrix victu tenui & refrigerante uti debent: dentibus erupturis gingivarum aut frictione, aut sectione exitus patefiat, quin & partibus istis intumefactis & dolentibus anodyna applicentur: Enemata, & sanguinis detractio non raro hic locum habent: somnum conciliare, & sanguinis ferociam attemperare decet: interim remedia Antispasmodica usurpentur, verum temperatiora, & quæ sanguinem, & humores minus exagitant: vesicatoria, quia

ferum in caput nimis suffundi aptum evacuant, sæpe juvamen conferunt.

Quando pueri nec statim à partu, neque obdentes erupturos, sed propter alias occasiones, & accidentia moribus Convulsivis tenentur; talis affectionis causa ut plurimum vel in capite, vel alicubi circa coctionis viscera subsistit. Quando prioris suspicio habetur, uti liquere solet à signis quæ colluviem serosam intra *ὑπὸ φάρυγγος* nimis congestam arguunt, remedia superius citata in paulo majori dosi exhiberi debent; insuper in istis qui catharsin bene ferunt, interdum vomitus, & levis purgatio instituantur: vinum & oxymel scilliticum, item Mercurius dulcis, Rhabarbarum, & resina Jalap. egregii sunt usus.

Quoties affectionis spasmodicæ causa in visceribus subesse videtur, aut lumbrici, aut acres humores ventris tormina cientes in vitio deprehenduntur.

Contra Lumbricos purgatio ex Rhabarbaro, aut Mercurio dulci, addita resina Jalappæ instituitur. Olim puero convulsionibus miserrime affecto, ut jamjam moribundus videretur, dosim Mercurii dulcis cum resina Jalappæ exhibui; cum alvi dejectionibus, quas 4. habuit, lumbricos 12. excrevit, & derepente convaluit.

℞. Rad. Serpentariæ virginianæ pulv. ʒj. Corallii ad albedinem calcinati ʒʒ. f. Pulvis, dosis ʒʒ. ad ʒj. bis in die per tres dies continuos, superbibendo decoctum rad. graminis.

℞. Specier. Hieræ ʒiʒ. Theriacæ Venet. ʒij. f. Emplastrum pro abdomine, vel Emplastrum ex Galbano applicetur umbilico.

Si motus convulsivos à ventriculi, & intestinorum irritatione per acres humores facta, procedere suspicamur, lenis catharsis, aut vomitu, aut secessu, aut successive utroque institui debet. In hunc finem blanda emetica ex vino scillitico, aut sale vitrioli propinentur; si quando scilicet laborantes vomendi nixu sponte tentantur: si evacuatio potius *ἡγίτω* tentanda videbitur, Rhabarbari infusio, aut pulvis, syrupus de Cichorio cum Rhabarbaro, aut rosarum cum agarico propinari debent: & non raro hisce remediis tempestive adhibitis, affectionem convulsivam in pueris sanatam vidi: Porro in hoc casu enemata sint crebri usus: Cæterum non omittantur medicamenta externa, scilicet fots, linimenta, aut emplastra abdomini applicanda.

℞. Folior. Camomillæ minutim incif. M. ij. includantur duobus sacculis è lino tenui aut serico confectis, qui lacti calido intincti & expressi abdomini successive applicentur.

℞. Summitates, aut flor. malvæ pariter incif. incoquantur butyro recenti, vel sevo porcino, & sub forma linimenti aut cataplasmatismis ventri applicentur.

Hæc, fusè, ingeniosè ac doctè *Clarissimus Willis*: Quibus subnectimus vim illam explosivam in spiritus animales cerebri incolas, à particulis efferis undecunque demum advenientibus inductam, quam pro causâ Epilepsiæ proximâ habet, non ita omnibus arridere, quin contra eum hac in parte vehementer insurgat Doctissimus ac Politissimus Meniotius, dum Dissertatione sua Pathologicâ de Epilepsia sic habet. Scripsit nuperrimè Medicus *ἡγίτω* studio-

studiosissimus, cornicumque oculos, ut in proverbio est, nitens configere, epilepsiam oriri spiritibus animalibus ad instar igniscentis pulveris pyrii intra cerebrum à materia nitrosulphurea subito rarefactis, indeque in systema nervosum effracte ac inordinate explosis, à quibus tensi muscoli involuntarie contrahuntur. Sed novum istud opinionis commentum refellere per facile est; nam musculos usque adeo tensos, etiam potiori jure, quam in palpitationibus sensibilibus dilatari necesse esset, qui tamen nullatenus videntur intumescere. Deinde in febribus ardentissimis, ac potissimum in mania & phrenitide, spiritus animales flammescunt & quantum ferre potest eorum natura, rarescunt citra epilepsiam; sicque patet nullam spiritibus animalibus cum tormentario pulvere accenso similitudinem intercedere, nec præcipitem comitialium casum rite ædificio comparari, quod substrati pyrii pulveris ignitione non diruitur modo, verum etiam extra locum in quo steterat, dimovetur; corruentes enim epileptici partes quidem variè ac violenter jactant, sed in alium locum toto corpore non profiliunt, nec instar crepitantis tubuli catapultarii huc illucque saltitant. Hæc Meniotius, cujus rationes quam solidæ sint, penes lectorem judicium relinquimus.

Remedia quod attinet antepileptica sequentia suadet Clar. Dan. Ludovici. Qui pulveris nostri bezoardici albi, succini albi præparati, cinnabarisque nativæ selectioris ana miscuerit & adultis quidem ad 3ß. infantibus autem anniculis, ad gr. iij. iv. vj. natu minoribus dimidium horum, curative repetendoque dederit, ac pro indicantium ratione (præmissis aut interpositis emeticis aut laxativis) modo volatilia urinosa (spiritum C.C. Armoniaci simpl. &c.) modo essentiam succini; camphoræ, castorei, tincturam corallior. antimon. &c. modo præcipitantia alia, imprimis ligantia illa ex Opio circumspicte superaddiderit, multum utique proficiet. Lactantibus autem non solum hic, verum etiam in reliquis inquietudinibus, torminibus, vomitibus, diarrhæis &c. admodum confert pulvis antepilepticus anodynus, è pulveris bezoardici albi nostri 3vi. succin. alb. præp. 3iij. cinnabar. nativ. 3iv. & laudan. opiat. nostri 3j. exactâ misturâ compositus, trimestrique ad gr. j. &c. exhibitus. Bezoardicum autem suum parat, dum à mercurio vitæ communi sextuplum boni spiritus nitri per arenam ad siccitatem perfectam abstrahit; pulvere residuo (citra consueta hic cohobia, ulterioresve ignitiones, ac citra nimias grati ac innocentis aëcoris elutriationes) sat validò atque securò. Si nitri spirit. levior sit, oportet addere nitri crudi an. ad mercurii vitæ pondus. De cætero compendiosius adhuc cum croco metallorum similiter proceditur, si pariter boni spiritus nitri sextuplum ad siccitatem inde abstrahatur. Pulvis hinc elegans priori ponderosior, securissimus & eximie diaphoreticus est. Elegantior adhuc habebit qui sulphur antimonii auratum simili sextupli abstractione in albißimum pulverem fixarit. Laudanum verò ita paratur.

℥. Extract. opii part. 2. extract. croci & cinnabar. nativ. aut saltem corallior. an. part. 1. *Hactenus Ludovici.* Medicus quidam apud no-

stros olim celebris præmissis universalibus cochinelæ pulveratæ grana iv. ex aquis appropriatis, per tres ultimos lunæ dies manè jejunò ventriculo epilepticis exhibebat, hocque simplici medicamento plures à sævissimò morbo liberabat. Sequens vinum ab eodem etiam commendabatur.

℥. Sem. pæon. mar. 3iij. rad. enulæ 3iß. fol. fabin. rutæ, hyssopi, salviæ min. flor. calth. in medio nigra, major. abrotan. aneth. nepethæ, rorismar. pedis leonis, baccar. juniper. an. mß. Theriacæ, Mithridatii an. 3ij. pyrethr. 3j. Bulliant omnia, exceptis electuariis, in vini albi generosi lb xii. in vase fictili novò, probè lutato, ad consumptionem duarum tertiarum. Tum colentur, & in colaturâ dissolve electuaria. Dos. ad 3iij. vel iv. pro ratione virium. Ambulet æger post assumptum hoc vinum, spiritum subinde contineat, & aures oburet cotone hoc decoctò imbutò, nec comedat aut bibat, nisi post duas aut tres horas. Decoctum hoc per novem dies continuos manè sumi debet, ubi morbus non est inveteratus. At si ante decem annos incepit, continuare oportet per dies quadraginta, interpositis purgantibus, ex hellebori nigri, & pæoniæ extractis, paratis.

Continuò jam pergeremus ad Curationes epilepsiæ è variis Autoribus tradendas, sed in illius absolutiorem cognitionem & explicationem adducenda prius veniunt, quæ super hoc argumento ordine Geometrico accuratissimè profert. *Laurentius Bellini in suo de morbis capitis tractatu. Sic itaque ille.*

Epilepsia Antecedentia sunt.

Animi, & corporis insueta conturbatio, capitis gravitas, cephalalgia, vertigo, vigiliæ, aut plurimus somnus, à quo nullum levamen emergit, insomniæ turbulenta, mentis torpor, vel anxietas, oblivio, mœstitia, pavor, formido, segnities, artuum gravitas; saltus, & tremores membrorum, sensuum hebetudines, obtutus defixus, scintillæ oculis obversantes, & interdum nubeculæ, aut marmariges, hoc est, splendores coruscationibus similes: aurium tinnitus, fædi odoris perceptio, lingua inflexilis, aut ejus inordinata motio, oscitatio, sternutatio: cordis palpitatio, iracundia, pectoris constrictio, mutata respiratio: cibi fastidium, aut appetitus immodicus, nausea molesta, cardiagmos, seu oris ventriculi morsus: salivæ per os effluvium, urinæ tenues & crudæ, pollutio nocturna frequentior, faciei pallor, præcordiorum inflatio.

Conjuncta.

Cum perfecta Epilepsia sensuum omnium internorum, & externorum interceptio, subitus collapsus, totius corporis, aut partium aliquot varia concussio, oculorum prominentia, stridor dentium, respiratio suffocatoria, qualis laqueo suspensis: seminis, stercoris, urinæ involuntaria profusio: ad finem insultus spuma per os, & nares: ad finem paroxysmi ægro sui compote ante arctarum rerum nulla memoria, aut cognitio. Cum imperfecta autem capitis solum, vel brachii, vel tibiæ, aut femoris, vel dimidii corporis concussio interceptis sensibus omnibus, vel sal-

va etiam mente, & quibusdam voluntariis mor-
tibus, nempe aliquarum partium aliis præter
voluntatem concussis. Cum idiopathica mentis
torpor, tarditas, memoriæ imminutio, insom-
nia turbulenta, sensuum hebetudo, gravitas,
& segnitres, capitis dolor, optima reliquarum
partium corporis habitudo, paroxysmi subitus
sine ulla ægri præensione insultus. Cum sym-
pathica nulla cerebri affecti signa, instantis pa-
roxysmi perceptio, ut cujusdam rei velut aliunde
è corpore ascendentis ad instar auræ; vitium
ali cuius partis, vel symptoma aliquod gravius
tempore invasionis: sic à ventriculo cibi fasti-
dium, inedia difficilis tolerantia, nausea, do-
lor, aut erosio, punctio, aut distensio ventri-
culi, cordis etiam aliquando palpitatio per
consensum. A jecore, & liene flatuum frequens,
& copiosa excretio, ventris inflatio, rugitus,
borborigmi, ructus acidus, præcordiorum mo-
lesta coarctatio, eorundem dolor interdum ad
usque dorsum, vitia in partibus abdominis. Ab
utero hysterica passio cum convulsionibus epi-
lepticis conjuncta, mensium, aut seminis reten-
tio. Ab aliqua partium externarum aura qua-
dam frigida ab eadem illa parte veniens, & ex-
currens ad cerebrum vellicans, titillans, quæ
imminentis paroxysmi nuncia est, qui prohibe-
tur, si illa pars vinculo constringatur. Facit
huius auræ fidem Galenus hunc in modum de
Epileptico loquens puero tredecenni. *Andivi
igitur tum narrante puero dispositionem ipsam ex ti-
bia initium capere, mox illinc recta ascendere per fe-
mur, & superposita ipsi ilia, ac per latera ad cer-
vicem, donec ad caput perveniret, quod cum primum
tangeret, ipsum haud quaquam sibi constare, interro-
gantibus autem Medicis, quale esset id, quod fere-
batur ad caput, nihil habuit puer, quod responderet.
Alius deinde adolescens compos mentis, quippe qui
satis poterat & sentire quod fiebat, & alteri narrare,
dicebat, veluti frigidam quandam auram esse id,
quod ascendebat.* Hactenus ille. A lumbricis
anhelitus, foetor acidus, fæces cineritiæ, stri-
dor dentium, membrorum tremor, terror, &
clamor subitus in somno, narium pruritus, &
frictio, salivæ nocturno præsertim tempore ex
ore effluxus, facies pallida, subito incalescens,
ac rubens, morsus, ac dolor stomachi, & inte-
stinorum, unde frequens abdominis contrecta-
tio, ejusdem insolita durities, rugitus, ac tor-
mina ventris, membrorum atrophica, tussis sic-
ca, singultus, vermium cum alvi excrementis
egestio, quod est præcipuum, & maxime tutum.
Est autem epilepsis aliquando cum abscessu con-
juncta, ossis carie, urinæ suppressione, & simi-
libus, quæ ex se ipsis innotescunt.

Succedentia.

*Epilepsia quibus ante pubertatem contingit, cu-
rationem recipit: quibus post vigesimum quintum an-
num, eos fere comitatur ad mortem usque, ait Hip-
pocrates quinto Aphor. 7. Ubi notabis, à plu-
rimis Medicis aliquatenus damnari Hippocra-
tem quod Epilepticos post 25. annum laborare
incipientes non curari asseruerit, quasi Hippo-
crates dixerit nunquam curari; aliis verò dam-
nari penitus, cum tamen ipse asserat apertissimè,
fere nunquam, aut plerumque non curari, ut ex
Græcis verbis manifestum est. Apoplexia, vel*

Mors in ipso paroxysmo, divulsio partium ce-
rebri per concussionem, ita ut procellum ma-
millarium particulæ aliquando per nares sint
redditæ, inquit Riverius, (quomodo autem
reddentur, si nullus patet exitus?) Melancho-
lia, Paralysis, Quartana, quæ superveniens, ac
diu perseverans morbum solvit. *Juvenes epilep-
sia laborantes mutatione præcipue ætatis, regionis, &
victus liberantur*, inquit Hipp. 2. Aph. 45.

Quod est ad convulsionem apoplexia, idip-
sum est epilepsia ad motus convulsivos, quin in
hac affectione plurima reperiuntur, quæ Apo-
plexiæ etiam conveniunt, Caro, Comati, Le-
thargo, aliisque affectionibus capitis jam ex-
planatis, ita ut nihil sit opus diutius immorari
in explicatione sive præcedentium, sive conjun-
ctorum, sive succedentium, cum eorum singu-
la vel in aliis morbis superioribus jam explica-
ta sint, vel tam facile pateant, ut ulteriori ex-
plicatione non indigeant. Aura autem illa in
Epileptico Galeni patet ex iis, quæ ostendimus
de rigore, & horrore, nisi quod ibi solum de
frigore sermonem habuimus: hic fieri fortasse
potuit, ut non solum frigus fuerit id, quod as-
cendebat, sed quid aliud irritans, atque fer-
mentans, & hoc ipsum etiam sine frigore con-
juncto: sed hoc ipsum frigus succederet ex ne-
cessitate ejus vel fermentationis, vel irritatio-
nis ut ex eodem horrore, & rigore patet: Ex
ejus autem vehementia, ac subita agendi vi
evadebat puer ille sui impos, ubi primum au-
ra illa cerebrum attingebat, quæ si in aliis fue-
rit mitior, atque segnior, mente alienare non
poterit, ut in rigoribus, & horroribus febrium
&c. sive autem à sola materia irritante, ac solo
frigore sive ab aliquo fermento res proveniat,
sive scilicet à causa solum vehementer concu-
tiente, & in tremorem agente nervos, seu mu-
tante contentum liquidum, prohiberi poterit,
ac debet insultus epilepticus injecto vinculo
parti auram mittenti, per vinculi enim constri-
ctionem impiedietur tam ascensus materiæ cor-
poræ, quam protensio tremoris, ut patet. Ita-
que oriri poterit, ac debet Epilepsia non à
sola materia acri, irritante &c. sed ab omnibus
causis, à quibus excitari possunt motus con-
vulsivi, quos ostendimus superius produci pos-
se, ac debere pluribus modis, adeoque erit Epi-
lepsia concussio totius, vel aliquarum partium
corporis cum sensuum omnium, & voluntarii
motus ablatione producta à quacunque causa-
rum, à quibus convulsivi motus produci pos-
sunt: & idiopathica erit, cum causa illa prima-
riò viget in cerebro, sympathica, cum eo per-
ducitur ab aliis partibus. Hinc deduces, epilep-
siam illam, quæ pueris tam familiaris est, eosque
invadit ferè subito ab exclusionem, cum adhuc
humidissimi sunt, & ferè mucilaginei toti, pro-
venire posse, immò re ipsa fortè provenire fre-
quentius à nimia humiditatis copia, qua sca-
tent, quàm ab acris humoribus, qui velli-
cent, & irritent; certè enim in illa humorum
crassitie, quæ nostrum singuli scatemus primis
vitæ nostræ mensibus, vix quicquam acris, ac
stimulantis contineri posse videtur, & si quid
stimulans, atque acre generatur, an non pluri-
mum retundi, ac temperari debet ab eadem
crassiorum humorum copia, & proinde levem
stimulum imprimere partibus illius corporis,
quæ

quæ sunt adhuc tam teneræ, ut vix sibi ipsis hæreant, nedum sint rigidæ, ac maxime tenæ, cujuscumque esse debent, ut acrem sensum concipiant? Lac corruptum potest quidem acere, atque ideo stimulare fieri, sed non temperabitur ab abundantia humidi in puero? Esto autem, nec temperari possit in pueris aliquibus, id sanè fieri debet in paucioribus, aut saltem non in plerisque, quemadmodum tamen pueros tantum non omnes epilepsia vexari continè videmus. Ex epilepsia autem difficilè evadunt pueri, si sint admodum parvi, hoc est, recens nati, cum per violentas illas concussiones partes corporis adhuc teneri divelli possint, præcipuè autem cerebri vix dum consistentis, quod proinde vel divelletur à suis partibus, vel dissolvetur quasi in sphacelum, & facile morietur puer. Verosimilius igitur erit, Epilepsiam in pueris à copia pituitosarum materierum & pressione potius oriri, quàm à stimulo, vel saltem illam esse frequentiorē.

Illud autem animadvertendum est, num Epilepsia à Vermibus proveniat à solâ irritatione in partibus ventriculi, & intestinorum, unde validi refluxus, &c. an à materia humoribus permixta; cum etenim vermes supponantur, igitur datur materies eorum generationi apta, & chyli materies cum ipsorum excrementis miscetur, & ejus aliquid ab iis in cibum assumitur, unde vitia aliquatenus poterit, atque ita vitata, si in vasa trajiciatur, dabit suspitioni locum, num Epilepsia ab ipsa potius, quàm ab irritatione, an ab utraque simul proveniat. Hactenus *Clariss. Laurentius Bellini*. jam videamus.

Curationes, Consultationes, Observationes & Anatomice inspectiones

ex variis.

Curationes.

Epilepsia & similes morbi, qui à paroxysmorum vehementia & pernicie infames sunt, duplicem habent indicationem. 1. quæ paroxysmum respicit, 2. quæ ipsas morborum radices.

1. Aqua vitæ Mulierum (*Weiber aqua vitæ*, aliàs balsamus Embryonatus. Vide *Pharmac. August.*) propinata prægnanti mensura cochl. j. cum spiritus Antepileptici nostri gutt. iij. vel iv. singulis mensibus semel in Novilunio à mense quarto ad partum usque foetum ab Epilepsia præservat: præmissa illa majoris securitatis ergo datur hic pulvis.

℥. Spinam dorsi vivæ mustelæ non coctæ, sed crudæ à capite ad caudam probè mundatam & exsiccatam, eamque pulveris, hujus pulveris.

℥. Et magist. Corall. & perlar. an. ℥ ij. M. Dosis quantum cultelli mucro capit, in pulpa pomi assati.

II. præservantur pueri ab Epilepsia, vel prorsus liberantur, ne unquam succedente ætate tali passione capiantur, si recens jam natis antequam lac sugant vel cibum comedant, ingeratur ol. amygd. dulcium recens cum saccharo fino permixtum utriusque sit à ℥ ss. ad ℥ ij. vel ℥ iij. Sic enim ubi paulisper à sumpto hoc abstersivo quieverint,

℥. Stercus de Vacca nigra adhuc calidum, indatur ollæ novæ, & calcinetur, de quo exhibetur ℥ j. vel ℥ ss. modò nato infanti, (*Electoris Saxonie Secretum*) tandem evomunt pituitosam admodum copiam impuritatū in utero materno ante exitum collectarum, quæ impuritates sunt causæ multorum morborum in pueris, non inatim verò Epilepsia. Quod si non evomunt, per alvum saltem purgantur; deinceps ubi b. lineantur aliquandiu & in primis per tempus puerperii coq. in B. cortices salicis recentes. Sic nimirum non ab Epilepsia tantum, sed etiam à tabe præservantur (specificum in aridura puerorum.)

Spir. Antepilepticus puerorum [vide not. ad Croll.] Cujus gutt. 6. 8. 9. cum aquis Epilepticis flor. tilia, radic. pæonia, aq. hirundinum, cerasorum, Lavendulæ. It. cerasorum nigrorum cum aq. Langii Epileptica exhibita tum in paroxysmo, tum etiam post eundem mirificè puerorum morbum tollunt, præsertim, si in primo paroxysmo exhibeatur.

Expertus sum in puerulo duorum, ni fallor, annorum, qui continuos ferè convulsivos paroxysmos patiebatur, excellentiam spiritus salis armoniaci, de quo, frustra tentatis aliis remediis gr. 4. tantum in aq. flor. tilia exhibebam, statimque convulsiones cessarunt, post horam eandem dosim repetii, quæ puer optimè convaleuit & jamdum valet. Sal autem volatilis urinæ longè præstantius est, præsertim, si cum calce lunæ sublimatur, quæ tum de mum præstat id, quod ipsi alias adscribitur. vid. praxin meam *Chymiatr.* cap. 5. pag. 44. & 45.

In Epilepsia adultorum 1. Præmittantur Universalia Vomitiva, Cathartica, in primis specificum purgans Paracelsi. Postea exhibeantur specifica, qualia sunt.

(Purgantia in epilepsia meliora non invenies, quàm Mercurialia E. gr. Mercurium dulcem, præcipitatum album &c. formula potest esse talis.

℥. Mercurii præcipitati albi ℥ ss. Trochisc. alhandal vel resinæ Jalapp. gr. 3. Mass. pil. de succin. craton. ℥ ss. c. q. f. Essent. Castor. F. Pilulæ. quarum usus continuandus ad aliquod tempus.)

2. Epilepticum Crollii.

3. Pulvis Antepilepticus ex Cinnab. Antim. qui talis est.

℥. Cinnab. Antim. magist. Coral. perl. ana; Alius.

℥. Cinnab. nativi pellucidi & splendentis 3 ss. pulveris in marmore subtilissimè: adde magist. Corall. perl. ana ℥ ij. Croci ℥ j. fol. auri diligenter triti, super lapidem, reduc. in pulverem, cujus gr. 7. ad 18. in aq. saliv. propinentur & sæpius repetatur. Vide supra de sudoriferis.

Alius pulvis Epilepticus magnarum virium.

℥. Cinnabaris Ungarici probè loti & depurat. lb ss. imbebe cum spir. vitr. ℥ iv. scobis cranii humani nunquam sepulti ℥ ss. imbebe cum spiritu vini, relinque in loco calido per 15. dies & postea per retortam destilla liquorem, & illud, quod restat, seorsim serva hinc.

℥. Scobis Ungulæ alcis 3 j ss. Myrrhæ rubræ 3 ss. solve in sp. salis, solutum à fœcibus separa & serva postea.

℥. Croci ꝑ. cum sp. vini tincturam extrahe, liquores omnes simul misce & in iis imbebe cinabarium ante preparatam, lotam & pulverisatam. calore lento semper exsiccando, donec omnem liquorem imbibieris & in pulverem siccum abierit. dosis à gr. 2. ad 4. cum vino generoso aut sp. vini vel aq. antepileptica, in ante, & post paroxysmum.

4. Spiritus cerebri humani, qui sic fit.

℥. Cerebrum hominis juvenis integri, bene sani (adolescentis infra annum 24. & bonæ constitutionis violenta morte perempti, collige frustulatim cum omnibus membranis, arteriis, venulis & nervis cum medulla spinæ tota, conquassa in mortario lapideo, & adde in cucurbita vel phiala potius capaci aquarum capitulum scilicet flor. tilia, pronia, betonica, cerasorum, lavendula in primis, adde diaphoretici in acutis ad supereminentiam 4. vel 5. digit. (plus quam de reliquis simplicibus aquis; addunt etiam spir. v.) claudatur hermetice vas, & relinquatur aliquandiu, per annum 1. 2. 3. &c. postea per cohobia destillatur ex B. roris, ut tota (aliquota) cerebri substantia simul transeat. Hanc aq. abjectis facibus curiose serva. Et facibus post sextuplex cohobium calcinatis elice sal, quem deinceps cum sp. facto junge, & totum curiose serva. Dos. à ℥j. ad iij. in vehiculis convenientibus.

NB. Si initio non addita est mistura simplex propter defectum; postea phlegmate per B. leniter abstracto, adde mistura simpl. partem dimidiam, & procede, ut monitum est. Dos. à ℥j. ad iij.

5. Hepata Ranarum, quæ sic parantur: Collige hepata de ranis viridibus aquaticis non terrestribus 40. quibus vivis jecinora exime & sigillatim pone supra folia brassicæ capitata ad eam partem, quæ terram respiciunt, ita ut se invicem contingant, postea in ollis devitreatis & recentibus (*Irdene Braupfanne*) superius tectis, exsiccantur ad lentum ignem, ita ut in pulverem tenuissimum teri possint, à foliis cautiùs separata. Postea divide pulverem integrum in 5. partes æquales & serva.

Partem unam exhibe patienti præmissis universalibus jejuno ventriculo in haustulo aquæ vel spiritus appropriati, cum Luna ingressa est in cancro; Vesperis duobus horis à cœna alteram partem, atque sic consequenter postero die mane tertiam, vespere quartam; tertio die ultimam partem mane.

Ubi tamen observandum, semper ante & post sumptionem pulveris 2. horis ab omni cibo & potu esse abstinendum. Si patiens præsertim adultus, post sumptam hanc medicinam in fronte & temporibus sudat, est testimonium operationis exquisitæ. Itaque si post 3. 4. & quintam exhibitionem sudor provocetur, vel in lecto, vel in laconico totius corporis, effectus sperandi sunt uberiores.

Caveant sibi ab omni terrore, ab ira, ab aqua & igne, à vino, & ne videat Epilepticos cadentes: horum nimirum conspectu morbus, qui vel diu latuit, vel jam sopitus erat redire potest. Præterea etiam ab ejaculatione tormentorum. Præcipue verò studiosè evitet omnes animi motus vehementes, ebrietatem tanquam pestem fugiat.

Diatæ & cetera 6. res non naturales convenienti ad rationem & modo observentur, ne aliquid accadat, quod isti curæ impedimentum aliquod afferre possit.

NB. 1. Rana virides tantum & non aliæ accipiendæ sunt, & quidem vivæ. 2. hic pulvis Mense Maio, Junio, & Julio usque ad medietatem Augusti tantum confici potest, extra hæc tempora ranae inutiles sunt. 3. Cum exsiccata sunt hepata, ut possint pulverisari, folia brassicæ capitata diligenter sunt segreganda & postea hepata in mortario contundenda. 4. Hic pulvis ultra annum non durat, ideoque singulis annis, si opus est, de novo præparandus.

Vix potest dici quantum emolumenti ab hac medicina simplici accadat. Instituenda est cura in Junio circa solstitium, & si primo anno non respondeat effectus, altero anno hæc cura reiteranda. Hoc remedio restitutus est Fride-ricus I V. Palatinus, qui ab anno 15. ætatis ad 26. Epilepticus fuit.

6. Amuletum ex frutice sambuci in salice inventi, 1. diligenter observetur, ubinam in salicibus præsertim antiquis subnascatur sambucus, id quod sæpe fit, præsertim, in salicetis, ubi non procul ab iisdem ad hortorum sepes sambucus plantata fuerit. Hic nimirum grana matura ab avibus leguntur præsertim à pico. Picus nimirum excrementa sua post coniecta grana sambuci deponens super salicem antiquam (cui interdum innasci solent aliæ plantulae vel frutices, nominatim vero Amaradulcis, urtica, Chelidonia) exinde quasi primordia figit & ponit sambuci exinde nascentis. Picus autem quia Epilepsia laborat, hoc nobile periapton ad similem morbum curandum facit. Colligitur frutex quolibet mense, melius tamen in Septembri & Octobri, quando maturuerint grana sambuci ante plenilunium diebus, duobus & reservetur usui (servari potest annos 12.) teneriores saltem surculi sufficiunt.

Ufus talis est: seca surculum unum tenuiorem in taleolas tenues, quantum fieri potest, integras. Earum 9. redigantur in nodulum vel ex linteo, vel ex serico confectum, & cum simplici filo lineo *Das in demselben Hause gesponnen und von dem Patienten*. licet parum referat. Amuletum adpende collo usque ad orificium ventriculi, ut rectè nodulus eò pertingat. Applica verò hunc nodulum post universalia exhibita ad mundificandum corpus quolibet tempore seu ante, seu post paroxysmum. Nodulus relinquatur tamdiu donec sponte sua citra omnem vehementiam rumpatur filum, & nodulus videatur cadere, quem deinceps neque in se patiens, neque ullum animal nudis manibus vel pedibus tangat, sed mediante aliquo instrumento vel forcipe, vel alio sepeliatur subtus terram, eo in loco, ubi neque homines neque animalia pertransire possint. Secus si tetigerit, morbus Epilepticus denuò invadet eum: vel alios antea morbum non passos corripit, id quod studiosè est evitandum. Hoc amuleto curari possunt & ii, qui longissimo tempore hoc morbo laborarunt.

A curatione deinceps diligentissimè præservandi sunt ab omnibus causis externis, alioquin huic morbo infestis, de quibus diximus in præcedentibus.

Nota: in adultis soleo ex majoribus furculis excavatis facere cannas, per quas tempore gestationis amuleti omnem suum potum hauriunt.

7. Spir. Vitriol. volatilis duplex, de quo in notis ad Crollium (præsertim in adultis.)

8. Landanum Epilepticorum, de quo in o-piologia & infra de Apoplexia.

9. Radix Pœoniæ, maris nimirum, seu nigræ, Nam fœmina nullius efficaciam, si suspendatur de collo pueri Epileptici, morbus cedit, sed radix effodienda est in Julio Lunâ decrescente, Sole existente in leone, in meridie & die solari.

10. Viscus quercinus Lunâ decrescente inter duo Mariæ festa, hoc est, 15. die August. & 8. Septemb. collectus: nobilior autem habetur illa pars, quæ quercui propior resecta est.

11. Mixtura Antepileptica, quæ sequ. m. fit:

℞. Spir. Vitrioli viridis ex Vitriolo & urina puerorum 3 j. ʒ j. cum aqua rad. pœon. & fl. til. an. 3 j.

M. de hac mixtura exhibe in paroxysmo membris convulsis & contortis cochl. ʒ. guttatim, & paulo post redibunt ad sese recollectis sensibus, quò animadversò denuo aliquid exhibeto, atque ita tertio; quod si quidem rediturus sit paroxysmus, ut fieri potest, eundem processum repete. Postea confortantia cerebrum adhibeantur, ceu sunt Magist. Corall. perlar. Cranii humani. Multum possunt hæ Tabellæ.

℞. Mag. Cranii humani 3 j. (quod calcinatum primò, postea per aq. evaporatur pulvis instar magisterii) gran. pœoniæ excortic. m. 16. sacch. in aq. theriacali solut. F. s. a. tabulæ, quarum una atque altera tam manè jejuno ventriculo, quàm vespere longè à pastu & cœna exhibeantur.

Paroxysmus Epilepticus instans, ut evertatur, æger signa quædam præsentens statim capiat pil. j. laudani antepilept. vel rotulam unam antepilept. aut in horum defectu ol. succini gut. j. & alteram.

Nares autem inungat Balsamo antapoplectico, aut balsamo succini.

Præsens sedatur modo sequenti. Cadentis ori cuneus immittendus est, ut apertum maneat, nec linguam commoveat, altâ voce inclamandus, nares constringendæ & sternutatorio seq. irritandus.

℞. Rad. ellebori alb. 3 j. Castorei, euphorb. ana 3 ʒ. F. pulvis suffitus etiam fieri potest ex succino albo.

Membra incurvata molliter ad rectitudinem reducenda, fricanda & continenda.

Fauces Extracto castorei, oleo succini aut Mithridatio, Theriaca in aqua Epileptica solutis: nares autem & tempora balsamo apoplectico illinienda.

Et si suspicio sit, eam ob vitiosos humores in ventriculo collectos, & ad caput exhalantes fieri, utile est excitare vomitum cum aq. Benedicta aut Vitriolo albo in aqua pœoniæ, in qua scobs visci quercini bullierit, dissoluta paroxysmo sedato, si metus sit, ut mox revertatur, clysteres acres injiciendi ad avertendos humores acres, aliosque in cerebrum irruentes.

Cucurbitæ item cum scarificatione humeris applicandæ & si plethora adsit, vena secand.

Quò factò ad radicis Epilepticæ excisionem progrediendum, ubi præscripta bona vivendi

regula ad universalem totius corporis evacuationem perveniendum, observatis hac in parte practantium regulis. Nonnunquam utile est admiscere purgantibus Extr. scammonii, aquam benedictam, Extr. Ellebori nigri, & sapius præparatum corpus purgare Mercurio dulci, Mercurio vitæ, floribus Antimonii.

Hinc ad caputpurgia, & ad ea, quæ à proprietate conferunt, accedendum, non neglectis iis, quæ caput exsiccant, & maxime roborant.

Tabulæ Antepilepticæ.

℞. Rad. pœoniæ 3 j. magist. perlarum, corallorum an. 3 i ʒ. magist. cranii humani. 3 ʒ. sacch. in aq. florum tilia soluti q. s.

F. Tabulæ. Detur una atque altera manè jejuno ventriculo & vespere longè à cœna.

Aqua Epileptica. ℞. Fl. lil. convallium M ij. infunde in f. q. Vini generosi, digere per 10. dies, vel donec habere poteris.

Fl. tilia recent. ʒ ʒ. pœoniæ 3 iv. distilletur in M. B. ad siccitatem, in destillato iterum infunde.

Rad. pœoniæ 3 j. dictammi albi, visci quercini an. 3 ʒ. Cranii humani præparati 3 ʒ.

Rad. pyrethri 3 ʒ. castorei ʒ ij. fol. ruta Mj. flor. stœcados Arabicæ, lavendulæ ana P iv. flor. betonicæ P vj. cubebæ, maceris an 3 ij. cinnamomi 3 j. scilla præparata 3 iij.

Digere iterum per 15. dies, hinc per alembicum in M. B. destillatur & aqua usui reservatur. Dos 3 ʒ. ad 3 j.

Clysterem in epilepsia vide in capite seq.

Balsamum vide etiam in capite seq.

Duo secreta hic bene nota.

In capite porcino retro aures invenies in utroque latere ossa duo petrosa in quibus cochlea est, Hæc ossa pulverisata & in vehiculo convenienti administrata excellentissimum sunt. Specificum in epilepsia, & in interna facie exactam capitis mortui signaturam habent: quæ verò ossicula ex dextro capitis latere maribus, quæ ex sinistro fœmellis conducunt.

Radix pœoniæ epileptico medetur, cujus effectus in quibusdam qui per 20. annos à prima nativitate laboraverant, probavi. Hoc autem requiritur, quod ignoratur, ut tempore exactiori colligatur. Quando solleonis signum ingreditur, iustum tempus esse putant, sed falsò; verum quando sol signum libræ, quod circa 12. Septembris erit, ingreditur, effodiatur. Datur ad 3 j. continuando ad tempus.

Hæc specifica felicius operabuntur, si per aliquod tempus radiis lunaribus fuerint exposita. *Joan. Harthmann. in Praxi Chimiæ.*

Curatio Epilepsia duplex instituitur, alia in paroxysmo, alia extra paroxysmum.

Ad paroxysmi curationem raro vocantur Medici, nisi ipse interdum longius protrahatur, quo in casu conveniunt eadem remedia, quæ pro soporosis affectibus fuere proposita. Præsertim verò aqua apoplectica, cinamomi, aqua vitæ, & aliæ multum spirituosæ, ad paroxysmi materiam discutiendam efficacissimæ.

Extra paroxysmum curatio varianda est pro varietate causarum. Ac primum Epilepsia idiopathica curatio proponenda est, quæ in totius corporis evacuatione, materiæ morbificæ discussionem, pravæque illius qualitatis emendatio-

ne, & cerebri roboratione consistit. Cum autem materia peccans in idiopathica Epilepsia, ut plurimum pituitosa sit, nos ad illius oppugnationem curationem universam dirigemus, tyrones alioqui admonentes, ut si humores bilioli, aut melancholici in vitio esse videantur, medicamenta illos præparantia & expurgantia substituantur. Specifica verò remedia à quacumque causa morbus oriatur, eadem perpetuo usurpanda sunt.

Ad integram ergo curationem sequenti via procedendum est. Primo potio Phlegmagoga erit propinanda, aut aliud medicamentum, ægrotantis naturæ accommodum, ex iis quæ in frigida cerebri intemperie fuerunt proposita, injecto prius clystere, si alvus non sit libera.

Postea si plenitudinis notæ appareant, aut æger sit sanguineo temperamento præditus, phlebotomia erit celebranda, sin minus omitenda.

Mox cura universalis frigida intemperiei cerebri supra proposita sigillatim celebranda erit, hoc observando, ut decoctis apozematibus, diætâ sudorificâ & syrupo magistrali, tum etiam masticatoriis, & pulveribus cephalicis, addantur radix & semen pœoniæ, & viscus quercinus quæ proprietate specifica epilepsiam curare tota credidit antiquitas.

In diætâ verò ex sudorificis guajacum præferatur; cuius usû se multos epilepticos curasse refert Jachinus. Continuetur autem per triginta vel quadraginta dies.

Singulis dosibus decocti sudorifici aliquot guttæ spiritus vitrioli addantur, qui etiam specificus creditur ad epilepsiam.

Notandum est purgantia usualia, nimirum pilulas, aut syrupum magistrale, in frequenti usû habenda, nempe semel aut bis in septimana, prout vires ægrotantis ferre poterunt, & per plures menses purgationes esse continuandas: imò ad fortiora interdum purgantia esse transeundum, juxta præceptum Massariæ, quæ hinc fieri dicit, quod epilepsia raro curetur, quod Medici semper in levioribus hæreant.

Hac ratione Chymici purgantia mineralia usurpare solent, quæ à remotissimis partibus humores attrahunt, at non sine periculo, præsertim si à peritissimo artifice præparata non fuerint. Sitamen in hoc casû felix eventus ex hujusmodi remediis aliquando contingat, ille in primis sperandus est ex mercurio, per se, vel cum auro calcinato in furno arenæ, longo ignis regimine, probè cavendo, ne qua illius portio cruda adhuc & volatilis maneat, quæ summam vehementiam medicamento conciliaret, alioqui satis blandè purgantis, si cum Pilulis coctis, aut quod melius erit cum extracto aliquo phlegmagogo, vel, panchymago, pondere gutt. iv. vel v. usurpetur.

Recens autem Epilepsia sale vitrioli aliquando curatur; quemadmodum refert Angelus Sala, ex hoc remedio, quarto quoque die exhibitio, se epilepsiam tertia exhibitione curasse. Posterius vero curat. 77. cent. 1. gloriatur se stibio calcinato ter exhibitio, puellam undecim annorum ab epilepsia hæreditaria liberasse.

Syrupus de peto Quercet. maximam vim habet ad curandam Epilepsiam, sed non nisi à prudenti Medico usurpandus, quia vehemen-

tissimum est medicamentum.

Loco opiata dicto loco proposita, sequens, magis huic affectui specifica, erit subroganda.

℥. Conserv. flor. anthos, pœoniæ, buglosi ana ℥ ss. corticis citri saccharo conditi ℥ ij. pulv. visci querni, sem. pœoniæ decremente Luna collecti, & ungulæ alces, ana ℥ ss. crani humani non humati, ad albedinem calcinati ℥ i ss. coral. præp. margarit præp. & cornu cervi præp. ana ℥ iv. lapid. bezoard. veri ℥ j. diamoschi dulcis, diatriasant. ana ℥ ij. theriac. vet. & confect. de hyacinth. ana ℥ j. spiritus vitrioli gutt. 15. Cum syrupo conditura corticis citri, fiat opiata, de qua capiat ad magnitudinem avellanæ superbibendo aquæ cinam. parum.

Sequens vero efficacissima est ad morbum radicatus tollendum, post diligentem corporis purgationem.

℥. Conservæ flor. betonica, & rorism. ana ℥ ij ss. rad. eryngii condita, & mithridatii, ana ℥ j. pulv. ligni sassafras ℥ vi. castorei, ℥ iij. crani humani non humati, ungulæ alces, ana ℥ ij. rad. & sem. pœoniæ, sem. nigellæ, rutæ sylvestris, & rad. pyrethri, ana ℥ j. oxymel. q. s. fiat opiata de qua capiat ℥ ij. vel iij. Reliquas omnes efficaciam superat opiata Montagnanæ, cujus beneficio multi epileptici liberantur illius descriptionis talis est.

℥. Rad. pœoniæ maris, stœchados, costi, an. ℥ x. agarici ℥ v. pyrethri, carvi, sem. anethi, assæ fœtida, & aristol. rot. ana ℥ ij ss. succi scillæ, & mellis electi an. ℥ j. & ℥ ij. Scilla & mel simul coquantur lento igne usque ad bonam consistentiam; deinde superadditis speciebus fiat electuarium, de quo capiat æger ℥ ij. vel iij. iv. pro ætatis ratione, continuando per 20. aut 30. dies.

Post usum emplastri epipastici, vesicatorium etiam sincipiti erit admovendum, & cauterium posteriori parti cervicis.

At setaceum multò efficacius humores extrahit à cerebro. Refertque Fabritius Hildanus, se juvenem quotidie Epilepsiâ laborantem, & cui frustra alia remedia adhibita fuerant, & puellam 18. annorum, ab ipsa infantia epilepticam, solo setaceo restituisse.

Si conjectura sit, vapores ad cerebrum exhalantes à partibus inferioribus, affectum producere, vel fovere; utilissimum erit causticum sincipiti admovere, vitatis futuris: refert enim Carolus Piso, duos Epilepticos hoc cauterio fuisse curatos. Tum etiam si à partibus inferioribus affectus producat, aquæ acidulæ mirabiles sæpè effectus producant, & morbum interdum radicatus tollunt, si prius evacuationes universales, & venarum inferiorum sectiones celebrantur.

Peculiariter vero ab utero procedens Epilepsia curationem sortitur pulvere granorum actes à Quercet. descripto in Pharmacop. restit. per triduum exhibitio ad ℥ j. cum aqua quadam hysterica.

Si cætera non profuerint, extremum remedium erit sinciput terebello perfodere, vitatis futuris, ut hoc veluti spiraculo aura maligna exhalare possit. Hoc remedio aliquando desperata epilepsia curata sunt; & sine periculo celebrari potest, si periti Chirurghi manus adhibeatur.

Utatur

Utatur æger pro potu ordinario hydromelite, vel bochetto ex guajaco, & rad. pœonia.

Sacculus de collo suspensus continuo gestabitur, insequentem modum paratus,

℞. Rad. pœonia, visci querc. ana ℥j. ungula alces ℥ij. nucis mosch. caryophyll. macis, ana ℥ij. fol. rutæ & hyssopi, ana ℥i ℔. pulverentur, & rubra sindone excipiantur. Fiat sacculus, deferat appensum collo, sæpe illum odorando.

Post universales evacuationes, inter aliorum remediorum usum, specificis præsertim morbus oppugnandus est, quorum infinitus sæpe numerus reperitur apud Autores. Nos ex selectioribus nonnulla proponemus, præter opiatas supra descriptas, quæ ad hunc morbum expugnandum non infimum locum obtinent.

Rondeletius maxime commendat aquam hircundinum, quam etiam ab eo mutuatus est, Quercetanus in Pharmacopœa. Non minoris est pretii aqua theriacalis cephalica, & syrupus antepilepticus, ab eodem Quercetano dicto loco descriptus.

Radix valerianæ sylvestris à Fabro Columna tantopere celebratur, ut semel, aut bis exhibitam ab epilepsia liberare affirmet, Refertque se hanc multis amicis dono dedisse, qui deinde divino prius numine & fautore glorificato, pulvere hujus radice sibi restitutam sanitatem affirmarunt. Dosis autem est cochlear semis cum vino, aqua, lacte, aut quovis liquore appropriato. Pueris vero in minori dosi cum lacte datur.

Chymici valde commendant mixturam spiritalem, quæ in Epilepsia nullum medicamentum præstantius exoptari posse afferunt. Illius autem compositio talis est.

℞. Spiritus vitrioli partem unam, spir. tartari partes tres, aquæ theriacalis camphorata partes quatuor. Misceantur, & vitro bene clauso, per tres aut quatuor septimanas digerantur. Dosis est ℥j. in convenienti vehiculo.

Rulandus oleum ligni heraclei (quod corylinum esse affirmant chymiatrum) in frequenti usu habebat; & nonnullas historias refert in centuriis, eorum qui hujus medicamenti usu ab eo morbo liberati sunt. Dosis autem est trium vel quatuor guttarum cum liquore idoneo, per quinque dies.

Huic nullo modo cedit, aut forte multo præstantius est oleum succini albi, à perito artifice extractum, quod nullum empyreuma redolet, imo vero fragrantissimum expirat odorem. Dosis à ℥ss. ad ℥j.

Oleum buxi ad gutt. 4. cum pari quantitate spirit. sulphuris, & aquæ flor. tilia arboris ℥iv. per aliquot dies exhibitum, insignis est efficacæ, & à multis creditur verum ligni heraclei oleum; & per descensum elicitur.

Crato cinnabarim nativam epilepsia magnetem vocat, ex eaque talem pulverem parat.

℞. Cinnabaris nativæ pellucidæ limatæ, & in tenuissimum pulverem trita ℥ss. coralli rubri & margarit. præpar. an. ℥ij. croci Orientalis ℥j. fol. auri nu. 15. Terantur omnia subtilissime super lapidem Dosis in ipsa accessione à granis vi. ad ℥j. in aquis appropriatis.

At non minoris virtutis censetur à non paucis Chymiatris, cinnabaris antimonii, quæ post

mercurii vitæ extractionem elicitur. Si enim æquali pondere jungatur cum magisteriis perlarum, corallorum & cranii humani, specificum esse aiunt in epilepsia etiam inveterata. Dosis à granis 10. ad 15. in liquore idoneo.

Sympathicæ Epilepsia curatio ad partem primario affectam dirigenda est. Eaque remediis convenientibus, & propriis capitibus desumendis, evacuanda & roboranda est, non omisis specificis & antepilepticis, quæ in omni epilepsia perpetuo usurpanda sunt. Attamen si à parte aliqua externa concitetur Epilepsia, præter curationem universalem, ad eam peculiariter respiciendum est, & materia maligna in ea contenta educenda cucurbitulis scarificatis, vesicatoriis, & cauteriis admotis. Et si malum perseveret, supra cauterium post escharæ casum cucurbitula frequenter admoveatur: ac tandem urgente necessitate, ad cauterium actuale confugiendum est. Si à cranii carie malum oriatur, trepano & ustione illa auferenda est. *Lazarus Riverius Praxeos Medic. lib. 1.*

In Epilepsia, si adsit plethora, primò instituitur venæ sectio in brachio.

Si ventriculus aliquo modo afficiatur, adsitque nausea, vel ad vomitum inclinatio, exhibeatur emeticum ex infuso croci metallor. cum oxymel. scillit. & aq. aliqua antiepilept. aut ex vitriol. alb. depurat. Vitriolum album sæpius solvi, filtrari & coagulari debet ad rectam ejusdem præparationem. Dosis est ad ℥j. in posseto aliove liquore soluta: nullam turbam excitat per alvum, & ventriculum postea multum corroborat. N. B. Ante Emetici (fortioris) propinationem pridie injiciatur clyster; regio ventriculi & hypochondriorum foveatur fotu relaxante & emolliente: post vomitum finitum autem fotu corroborante & astringente. Repetatur Emeticum semel in mense biduo ante plenilunium.

Prodest quoque citra ullum medicamentum semel aut bis in mense post largiores epulas post duas horas immisso in fauces digito quicquid ingestum fuerit regurgitare. Si facile vomat æger, instituitur vacuo ventriculo; si difficulter, post ciborum assumptionem.

Purgetur æger cum pil. Macr. & speciebus de hier. Aliquando usus sum hell. alb. ad gr. 3. quod violenter sursum deorsumque evacuat, in robustis tamen optimo cum successu. Convenit etiam sp. vitæ aureus Rulandi, hoc est infusio colocynthid. in sp. vin. Dos. coch. j. ad iv. Aquæ quoque Ebeshamenses bene purgant, exhibitâ sub noctem pil. Macr. drachma ℔. cum spec. hier. gr. x. & troch. Alhand. gr. 3. Quibus aquis soleo aliquando admiscere crystal. syderei gr. x. ascendendo ad ℥j. Convenit hic quoque syrupus noster pantagogus amarus in aq. ceras. nigr. flor. til. lil. convall. solutus ad ℥j. aut ℥x. Addi potest aliquando syrup. elleborat. ad ℥ij. aut amplius aquis prædictis, persistend. in earum usu ad dies x. N. B. quod purgatio semel saltem, melius bis, imo quater in mense institui debet, donec materia morbifica evacuetur. Soleo quoque aliquando exhibere ℥j. pil. seq. mane duabus horis ante haustum aquarum, quæ continuari item possunt postea per plures dies superbibendo haustum hydromelitis.

℞. Sagapen. ℥ij. galban. castor. assæ fœtid.

myrrh. ana 3j. balsam. succin. 3ss. balsam. sulph. inspissat. ℥iv. camph. 3ss. cum balsam. Peruv. nigr. q. s. f. massa pil.

Post usum aquarum deveniat æger ad usum pulveris specif. seq. per x. dies mane hor. 4. ante prandium, superbibendo haustum alæ maciatæ.

℥. Miner. argent. transparentis instar. rubin. quæ *Rotgold* in todinis appellatur gr. 4. cinnab. mineral. ex Ungar. gr. 8. bezoar. C. C. corn. alcis, cran. human. ad albed. calcinat. & sp. vitriol. subactorum an. gr. 5. sal. vol. succin. gr. 3. camph. gr. 2. auriferientis, vel, si desit, flor. Jovis gr. 4. croc. gr. 1. secundin. primipar. maris gr. 10. ol. succin. rectif. gutt. 2. f. pulvis cum mucilag. bac. car. junip. vel succ. rut. saccharat. q. s. f. bolus. Quidam laudant *Rotgold* per se cum conserv. flor. pœon. sed exhibui sine ullo manifesto effectu.

N. B. Pulvis dictus, aut bolus, per triduum, viz. pridie, postridie, ipsoque die Novilunii mane est sumendus; itidem in plenilunio repetendus, superbibend. haustum aq. ceras. nigr. flor. til. vel lil. convall. & differatur prandium ad 4. hor. superambulando per aliquod tempus. Aliquando ℥j. hujus pulv. add. verm. terrestr. præp. 3j. rad. valerian. sylv. ℥j. fol. sen. pulverizat. 3ss. syr. pœon. q. s. ut f. bolus pro una dosi.

Pulvis sequens rarò me fefellit post humorum præparationem & evacuationem per Emeticos & purgantes, ad dies 14. continuatus.

℥. Corn. Rhinocerot. cran. human. præp. an. 3ij. nepenth. Quercetan. pulv. cordial. Banisteri an. 3j. m. ss. f. pulvis in vitro exactissimè clauso asservandus. Dos. 3ss. ad 3j. in idoneo vehiculo.

Nepenthe Quercetani est talis.

℥. Limatur. chalyb. puriss. part. 1. vitriol. Ungar. part. 2. pulveriz. & phialæ indantur; affund. acet. distillat. ad supereminentiam digiti & ss. diger. moderatè per dies 12. distilla per gradus in arena donec vitriolum sit calcinat. ad rubed. Huic pulveri adde acet. stillat. q. s. ut supernatet 4. digit. digere in B. per 5. aut 6. hor. ad tincturæ extractionem: acetum decanta & novum affunde, & digere iterum, sicque porro quamdiu tincturam præbebit. Liquor tinctus filtretur & evocetur per alembicum dissolvens (ad eundem usum asservandum) ad mellaginem usque, cui instill. guttatim ol. tart. unde præcipitetur pulvis: liquorem decanta, residuum ablue aq. commun. distillat. ad dulcedinem; sicca, & usui serva sub nomine sulphuris vitrioli fixi anodynii.

Pulv. cordial. Banist. hic est.

℥. Succin. alb. præp. 3ss. bol. Arm. aut terr. figillat. aut antim. diaphor. Croll. 3ij. C. C. 3j. rasur. ebor. 3j. & gr. 15. coral. rubr. præp. marg. præp. lap. bez. oriental. santal. citrin. sem. citr. an. 3j. corn. unicorn. ℥j. & gr. 12. cort. citr. exter. 3ss. & gr. 13. ambr. gris. gr. 10. mosch. gr. 2. fol. aur. argent. an. gr. 1j. ss. m. ss. f. pulvis subtilis.

Materia Medica in hoc affectu.

Rotgold. Cinnab. mineral. Bezoar. Cran. human. Cornu Cervi, Alcis. Ocul. cancr. vitriol. Corall. Succ. lim. Ceruss. antim. vel Jovis. Fl. Jovis volat. Succin. alb. Sal volat. Succin. Rad. Valerian. sylv. Contrayerv. Serpent. Virg. Angelic. Pœon. mar. Calam. aromat. fol. sicc. Rut. Rorismar. Majoran. Flor. Rorismar. Lavend. Stœch.

Arab. Junip. baccæ. Camphor. Ambr. gris. Moschus. Stercus pavon. alb. Secundin. mulier. primipar. quæ marem peperit.

Ex his fiant Pulveres, Pilulæ, Electuaria, & extracta specifica ad hunc affectum.

His addi possunt smaragdus, crystallus rupis, lapis contrayerv. galega, pastinac. sylvest. rad. vincetoxic. scorzon. Hispan. petasit. aristol. rotund. enul. camp. filipend. fraxinel. tormentill. chelidon. maj. fol. verben. tanacet. thym. hyssop. nepeth. majoran. salv. meliss. trifol. odorat. visc. querc. flor. chamæmel. nobil. tilia, beton. sem. pœon. rut. galeg. coriand. cardamom. lign. Rhod. sassaf. aloës, buxi, cortex Winteran. nux moscat. macis, corallina, mater perl. chel. nigr. cancror. hepar ranarum virid. castor. carbo odoratus sub artemisiæ radicibus solstitio æstivo inventus, sanguis mustelæ calens, coagulum leporis vino solut.

N. B. Rad. pœon. mar. effodienda est crescente Luna & in Ariete existente ante ortum solis. Et cornua cervi, alcis, cranium human. non sepultum, calcinata redigantur in trochiscos cum ol. vitrioli Philosophico, aut Philosophicè calcinentur in vapore cephalicorum suspensa.

Opt. f. remedium è visceribus Talpæ, si talpam viventem in medio findas, sanguinem effundas in cyathum vini clareti calidi, viscera omnia palpitantia & calida citissimè comminuas in disco ligneo calido cultro acutissimo, cum vino commisceas, & totum ebibas sine mora.

Specifica quoque desumuntur ex corvo, hirsutine, pica, graculis & lumbricis. Vid. apud Authores.

In pera gerat baccas juniperi, de quibus, sæpius comedat. Baccæ autem hæ sic præparari possunt.

℥. Bacc. junip. recentium, pulposarum, maturarum ℥ij. irrorentur successivè vino de Malaga generosissimo veteri, & post exemptum è furno panem sine uestione siccentur: ultimâ vice baccis utcunque adhuc madentibus inspergatur 3j. sacchar. crystall. pulv. ambr. gris. 3ss. omniaque versentur diu ut pulvis per omnia diffundatur: serventur baccæ sic præp. in vase vitreo. Singulis auroris sumantur hæ baccæ à 10. ad 20. per totum mensem, superhauriendo alam maciatam, ac superambulando.

N. B. Ex harum baccarum usu ad annum integrum incipiendo à 12. & ascendendo ad 40. deploratos curavi, irritis omnibus aliis remediis.

Remedium nobilissimum fit ex sem. hyoscyam. ultra 40. dies usurpat. incipiend. à gr. 6. vel 8. & gradatim ascendend. ad ℥j. aut gran. 24. ex cochl. j. succi semperviv. recenter express.

Expletis 40. diebus in usu hujus deveniat ad medicamentum sequens.

℥. Vin. alb. ℥ij. quibus add. succi fol. rut. succi inter. cortic. sambuc. an. ℥ss. coq. ad medium. Sum. cochl. ij. vel iij. quotidie mane vacuo ventriculo, donec totum sumatur.

Pulvis Hartmanni talis est.

℥. Cinnab. Antim. vel mineral. 3ss. magister. corall. perlar. an. ℥ij. croc. ℥j. fol. aur. nu. vi. m. f. pulv. Dos. à gr. 7. ad gr. 18. in aq. Salviz.

℥. Rad. valerian. sylv. debitè collect. & sicc. cat. summit. rut. an. 3ij. viscerum talpæ præp. 3ij. cran. human. præp. succin. alb. præp. an. 3j. ss. secund.

secundin. mulier. præp. (h. e. per ablationem cum vino alb. siccatur. & pulverizat.) \mathfrak{z} j. castor. \mathfrak{z} j. Omnia seorsim debite præparata misceantur, & cum mellag. liquida baccar. junip. recenter extract. per decoctionem in aq. pœon. flor. til. lil. convall. & cerasor. acid. (ita viz. fact. cum aspersione spir. vitrioli Philosoph.) f. massa pilularis, de qua recipe \mathfrak{z} j. cinnab. mineral. \mathfrak{z} j. ol. succin. limpid. gutt. ij. vel q. s. f. pil. pro una dosi matutina, superbibend. haustum aq. flor. til. & lil. convall. cum syr. pœon. edulcorat. Continuetur usus ad dies sex aut plures cum exercitio. His pil. addi quoque possunt grana aliquot sem. hyoscyam. post primos sex dies finitos. Addere quoque soleo stercus pavonis, sem. galeg. & rut. & tertio quoque die dosi pilular. admisceo trochisc. alhand. gr. 3. ad alvum solvendam.

Pil. de Castoreo quibus sæpius uti soleo, tales sunt, sumique possunt ad aliquot septimanas.

\mathcal{L} . Castor. opt. ceruss. antimon. vel [quod melius] florum ejusdem ad summam albed. fixatorum an. \mathfrak{z} x. opopanax. \mathfrak{z} ss. fol. & sem. rut. rad. valerian. sylv. succin. alb. præp. an. \mathfrak{z} ij. rad. vinetoxic. contrayerv. viperin. Virgin. cort. rad. fassafr. cort. Winteran. cardamom. nuc. moschat. an. \mathfrak{z} j. camph. sal. volat. succin. an. \mathfrak{z} ss. Optimè præparata misceantur cum q. s. mellag. liquid. bacc. junip. f. massa pilularis, cui add. ol. stillatit. roris. & succin. rectificat. an. \mathfrak{z} ss. malaxentur diu & f. fermentatio per dies aliquot ante usum, quotidie sedulo pinsendo & volutando in vola. Servetur in vase vitreo probe clauso ad usum. Dosis \mathfrak{z} j. mane superbibendo haustum aquæ antiepilepticæ, vel Julap. seq.

\mathcal{L} . Aq. stillat. ceras. nigr. pœon. lil. convall. an. \mathfrak{z} iv. sp. castor. \mathfrak{z} j. aq. cinam. \mathfrak{z} ss. confect. alkerm. \mathfrak{z} ij. syr. flor. pœon. mar. veron. rubr. an. \mathfrak{z} i ss. aq. salv. majoran. lavend. an. \mathfrak{z} j. sp. vitriol. antiepilept. (postea describend.) q. s. ad gratiam, m. f. Julapium.

Brunier multum laudat decoctum seq.

\mathcal{L} . Sem. ricin. \mathfrak{z} ss. pœon. visc. querc. an. \mathfrak{z} iij. Coq. in aq. font. \mathfrak{lb} iij. ad med. & potet mane per dies xv.

Aut \mathcal{L} . Sem. ricin. pœon. visc. querc. an. \mathfrak{z} j. sacchar. q. s. misce. mane sumatur cum exercitio.

Convenit quoque Electuarium seq. ad sex septimanas continuatum pro illis qui pilulas sumere recusant.

\mathcal{L} . Rad. valerian. min. Pœon. mar. præp. an. \mathfrak{z} j. enul. \mathfrak{z} ss. calam. aromat. \mathfrak{z} x. fœcul. brion. & raphan. rustican. an. \mathfrak{z} iij. cran. human. C. C. calvar. cervin. calcinat. & spiritu Philosoph. inebriat. ut supra an. \mathfrak{z} iij ss. secundin. mulier. sterc. Pavon. an. \mathfrak{z} v. pulv. stomach. magistral. diaphoret. antimon. fixat. sem. galeg. rut. fol. bux. an. \mathfrak{z} iij ss. succin. alb. præp. sem. myrrhid. levitic. dictamn. alb. Cret. an. \mathfrak{z} ij. viper. Virgin. rad. contrayerv. ana \mathfrak{z} v. f. pulvis, & cum q. s. mellag. baccar. junip. additâ quartâ parte mell. scillit. f. Electuarium. Dosis \mathfrak{z} iij. superbibend. haustum potus medicati postea in hoc capite describendi.

Usus Mithridatii cum pulv. rad. Pœon. mar. ad longum tempus multos sanavit epilepticos.

Tinctura sequens sumatur ad \mathfrak{z} iv. mane quotidie hor. 4. ante prandium.

\mathcal{L} . Aq. flor. til. lil. convall. ceras. nigr. an. \mathfrak{lb} j. reddantur acidulæ ad gratiam saporis cum q. s. sp. vitr. (jamjam describendi) adde rad. Pœon. mar. incis. \mathfrak{z} ij. visc. querc. \mathfrak{z} j. sem. Pœon. mar. per medium sect. par. 12. spong. bedeguar. sicc. \mathfrak{z} ss. flor. lavend. primul. ver. ana p. 3. hyperic. p. 4. Pœon. mar. p. vi. Extrahe tincturam, quæ coletur; in qua dissolve syr. è flor. galeg. \mathfrak{z} ij. sp. junip. \mathfrak{z} j. m. ad usum.

Specifica est Marcasita illa quæ lapidicinis cretaceis reperitur quæ ad aërem rubiginem contrahit, & tandem dissoluta in pulverem reducitur, si ad ignem uratur, & detur cum succ. imperatoris à \mathfrak{z} j. ad \mathfrak{z} j.

Succus quoque rutæ multum hîc facit, qui in quibusdam alvum subducit, in aliis vomitum ciet, ut plurimum verò insensibiliter agit.

Ruta sicca pulv. ad \mathfrak{z} ij. in veteri cerevisia multum præstat ad longum tempus continuata.

Item Gracculi exenterati & optimè deplumati, cum sem. cumin. & aneth. an. repleti, clibano siccati & tenuissime pulverizati multum in hoc affectu laudantur. Dos. cochl. j. aut ij. mane jejun. tribus diebus ante & post plenilunium & novilunium.

Pilulæ sequentes multum valent.

\mathcal{L} . Rad. Pœon. mar. siccatur. \mathfrak{z} ij. rad. valerian. utriusq. an. \mathfrak{z} j. rad. oxylapath. rhabarb. Monach. oxalid. scorzoner. Hispan. an. \mathfrak{z} vi. fol. betonic. visc. querc. an. m j ss. flor. anth. stœchad utriusque calendul. galeg. an. p. iv. flor. til. lil. convall. primul. veris an. p. 3. sem. Pœon. nigell. Rom. an. \mathfrak{z} ss. cortic. exter. citr. & aurant. an. \mathfrak{z} iij. caryophyl. mac. an. \mathfrak{z} j. f. decoctio in aq. ceras. nigr. card. bened. ulmar. meliss. mox expressio fortis & permanicam colatura: In qua dissolv. aloës succotrin. \mathfrak{z} iv. f. lent. igne coagulatio ad mellaginem.

\mathcal{L} . Fol. senn. mundat. minutissimè incisorum \mathfrak{z} iv. rhab. Elect. \mathfrak{z} ij. Infund. per biduum in aq. Pœon. & cichor. q. s. idque in balneo: mox. f. expressio lento calore coagulanda & miscenda cum prædict. mellagine: reduc ad consistentiam pilular. Dosis \mathfrak{z} j. vel \mathfrak{z} ss.

Elect. de fassafras carminativum sequens multum conducit, si ventriculus & intestina flatibus turbentur.

\mathcal{L} . Lign. fassafr. fragrantiss. \mathfrak{z} ij. lign. Rhod. \mathfrak{z} j. rad. valerian. utriusque gentian. aristoloch. rot. enul. camp. an. \mathfrak{z} vi. fol. sicc. absinth. Rom. menth. hyssop. puleg. dictamn. Cret. an. \mathfrak{z} ss. flor. centaur. min. hyperic. sambuc. an. p. 3. bacc. junip. matur. \mathfrak{z} i ss. Omnia sicca concis. & contus. coq. in q. s. hydromel. malvat. vel ejus defectu in vin. Canarin. tenui, f. expressio fortis & colatura per spongiam vel arenam, & tandem coagulatio ad mellaginem: de qua recipe \mathfrak{z} viii. pulv. subtiliss. cort. fassafr. ex radice \mathfrak{z} ss. fol. rut. cortic. laur. an. \mathfrak{z} iij spec. diacym. nostri \mathfrak{z} vi. flaved. citri, aurant. sicc. an. \mathfrak{z} ij. sal. absinth. tartar. an. \mathfrak{z} ij. syr. menth. maj. Mesue q. s. f. Electuar. ad usum dictum.

Victus sit tenuis & siccans. Vitentur vapores, vinum præsertim generosum. Repletio omnis mala. Cœna sit parca, aut nulla: & habitu athletico sæpius imperandum jejunium. Vesceatur caricis assatis, passulis & prunis coctis; amygd. pistachiis, & pane bis octo anisato. Conveniunt quoque pulveres digestivi post pastus

pastus & ad lecti ingressum. N. B. diætā dī-
stinguendam esse prout casus est pituitosus &
viscosus, aut salinus; in illo enim casu attenuan-
tia conveniunt, in hoc temperantia & acrimo-
niam demulcentia. Abstinat à lacte, fructibus
multis & piscibus.

Exercitium sit constans, & alvus fluida ser-
vetur.

Si ventriculus flatibus repleatur & concoctio
non rite procedat, præscribatur talis pulvis
pepticus.

℞. Laminar. panis albiss. vin. malvat. sæpius
infus. & siccat. ℥ij. cort. citr. siccat. ℥j. sem. anis.
fœnicul. d. an. ℥ss. Cran. human. præp. coral.
rubr. præp. marg. præp. an. ℥i ss. succin. alb.
præp. ℥j. cinamom. inter. ℥ij. ambr. gris. ℥ss.
sacchar. albiss. quadruplum, m. f. pulvis. Dosis
cochl. ss. aut j. post singulos pastus.

Aliquando soleo juscula medicata præscribe-
re, pullum viz. infarciendo C. C. ebor. lign.
Rhod. rasur. junip. visc. querc. cartham. coquen-
do & addend. calend. hyssop. meliss. chærephyl.
cichor. endiv. &c. In jusculo post colaturam
dissolv. crem. tart. cum aliquot guttis sp. vitrio-
li sequentis.

℞. Vitriol. Ungar. proprio phlegmate im-
but. ad siccitatem redact. (ut artis est) septupli-
ci cohobatione ℥ij. corall. rubr. ℥j. Irroren-
tur optimè in retorta cum sp. junip. lil. convall.
an. ℥ss. distilla per gradus ad summum usque &
rectificetur, & per vitrum pulverizatum filtre-
tur.

℞. Succin. subtiliss. trit. ℥j. cran. hom. sus-
pens. limat. cornu junioris cervi an. ℥ss. Pulve-
riz. tis affunde aceti acerrimi distillat. q. s. f. in-
fusio per quatrimum, mox decanta, & cum sp.
vini f. tinctura. quæ servetur per se, & magma
pellatur per retortam, & colligatur sal volatile
collo retortæ adhærens, cui affundatur sp. vitr.
extractus ut supra, digerantur per quatrimum
in cineribus in vase collo oblongo, mox in re-
verberio clauso distilla ad summum usque per
gradus. Hic spiritus misceatur cum jusculis gut-
tatim.

Vel ℞. Sp. tart. rectificat. super cineribus
rorism. juniper. guajac. ℥ss. sp. buxi & lign.
Rhod. rectificat. an. ℥ij. sp. vitr. supra præscript.
℥iv. m. & rectifica. Gutta aliquot instillantur
jusculis.

Vel ℞. Crem. tart. alb. ℥iv. instilla sp. vi-
triol. ℥ss. sensim & guttatim: de hoc cremore
dissolv. ℥ss. in jusculo.

Vel denique huic usui Oxoronia Zving. opti-
mè convenit.

℞. Urin. hominis sani & vinum bibentis ℥ij.
vitriol. Ungar. ℥ij. m. putrescant simul per 12.
dies, dein distilla per gradus ad ultimum usque
spir. rectificetur ad usum.

N. B. Juscula usurpentur quotidie mane per
annum.

Potus medicatus f. è decoct. rad & sem. Pæon.
mar. additâ mellis despumati parte octavâ, &
magnâ quantitate bacc. junip. & fermentetur ad
perfectam puritatem, & lagenis indatur ad u-
sum. Sum. haustum extra pastus, & post singulas
sp. specificorum dos.

Vel ℞. Rad. Pæon. mar. ℥iv. lign. Rhod.
bux. an. ℥j. saffr. cum cortic. ℥j. fol. beton. cha-
map. an. m. ij. flor. paralyf. beton. Pæon. an. p. 4.

lavend. bux. an. p. 2. summit. rorismar. majoran.
an. p. j ss. sem. Pæon. ℥j. rut. ℥ss. bacc. junip. ℥ij.
spong. bedeguar. ℥j ss. nuc. mosch. mac. an. ℥ij. aq.
font. galon. 4. Coq. ad unius consumption. Cola-
turæ add. mell. despumat. ℥ viii. ferment. allæ
recent. ℥ iv. fermentetur per dies 7. tunc add.
allæ recent. cong. 2. fermentetur adhuc per dies
7. Depromatur in lagenas ad usum. Usurpatur
ut supra.

Potui diæter. addo aliquando rasur. C. C.
ebor. Cran. human. sarsaparil. rad. filic. scorzo-
ner. (& in casu melanchol. fol. agrim. ceterach.
adiant. &c.) sem. cochlear. Batavic. nasturt.
hortens. (in casu viz. scorbutico) bacc. heder.
murar. cortic. pomor. redolent. Aliquando lin-
teo includo ceruss. antim. fixiss. ℥j. & potui in-
fundo, ut quoque squamas Martis inter euden-
dum deciduas præcipue si sit melancholica.

Ad paroxysmum fugandum convenit aqua
stillatit. seq.

℞. Rad. aristol. utriusque, gentian. enul. che-
lidon maj. cyper. caryophyllat. an. ℥ij. zedoar.
galang. calami. aromat. an. ℥j. valerian. sylv. &
hortens. vincetox. Pæon. mar. an. ℥ij. visc. querc.
& coryl. an. ℥ij ss. fol. siccat. menth. meliss. chama-
pit. absinth. centaur. min. hyperic. puleg. hyssop.
thym. satureiæ, major. rorism. an. m. j. fol. laur. m.
ij. malabathr. ℥j ss. flor. calend. primul. veris, ga-
leg. stœchad. an. p. iv. bacc. juniper. ℥iv. cort. au-
rant. citr. an. ℥v. pullos picar. nu. 4. pullos hi-
rund. nu. 8. Hisce rite præparatis affunde sp. ju-
niper. ℥ij. aq. flor. til. lil. convall. ceras. nigr. sang.
cervin. vel human. ex vitr. ad siccitatem mag-
matis distillat. an. ℥j. hydromel. malvat. ℥ij.
digere per octiduum in B. vaporoso: dein. distil-
la in B. M. ad medias: Residuum liquor coletur,
magma exprimatur, & post residuum f. di-
stillatio ad mellaginem.

℞. Aqua stillatit hujusmodi ℥j. theriac. vet.
℥ij. mellaginis extract. ℥j. sp. vitriol. supradict.
q. s. ad gratiam (viz. ℥j.) m. & digere per tri-
dium in B. vaporis in vase oblongi colli: cola
per chartam, & usui servetur in phiala vesicâ
optimè clausa. Sumat cochl. unum aut alterum
cum paroxysmus instare percipiatur, imò in
paroxysmo.

Huic addo aliquando verm. terrestr. ℥j. rad.
cyclam. flor. lavend. vitriolum Ungaricum aut
Roman. ad ℥ij. rad. brion. &c. Ad ℥ij. hujus
liquoris addo camph. ℥j. sal. succin. volat. ℥ss.
myrob. ℥ij. cohobo in B. M. quater, ultimâ vice
pro ℥j. hujus liquoris add. sp. castor. ℥ij. sp. vi-
trioli antiepilept. ℥ij. aq. ardent. ceras. nigr. per
fermentat. ℥iv. sp. Saturn. ardent. ℥j. syr. Pæon.
stœch. an. ℥j ss. m. Indatur nodulus ex lign. aloës
℥ij. cinam. ℥ij. ambr. gris. ℥ss. mosch. (nisi sit
pro fœminis) gr. vi. camph. ℥j m. sumatur co-
chleatim in paroxysmo.

Vel ℞. Succ. rut. & scord. an. ℥j. succ. calend.
salv. betonic. an. ℥ij. rad. brion. recent. ℥viii. rad.
Pæon. mar. recent. ℥vi. baccar. junip. matur. re-
cent. ℥j. flor. anth. stœchad. Arabic. an. ℥ij. flor.
lavend. ℥j. castor. opt. ℥ss. cinam. ℥ij. caryo-
phyl. ℥vi. mac. ℥ss. succ. ceras. nigr. ℥iv. vin. His-
pan. ℥vi. Diger. per octiduum in fimo, dein-
de per B. aqua eliciatur. Aromatis. ambra. &
moscho: v. g.

℞. Hujus aq. ℥j. ambr. gris. ℥j. mosc. orient. gr. 4.
m. & f. iterum distill. Cap. cochl. j. in paroxysmo.

Electua-

Electuarium hoc etiam in paroxysmo præscribo.

℞. Pulv. de guttet. ℥ iij. secundin. mulier. præp. ℥ ij. castor. ℥ β. camph. ℥ ij. sal. volatil. succin. & cran. human. rectif. an. ℥ j β. m. & cum q. f. syr. alicujus appropriat. f. Opiata. Dosis à ℥ j. ad ℥ j. in aq. Langii exhibend.

Aliquando addo theriac. confect. alkerm. spec. diamb. visc. querc. lap. contrayerv. &c.

Pulvis de gutteta multum quoque valet in paroxysmo, qui talis est.

℞. Rad. Pœon. mar. sem. ejusdem, succin. alb. præp. crystall. rupis præp. C. C. vitriolat. an. ℥ iij. Cran. human. vitriolat. & crud. an. ℥ β. calam. aromat. visc. querc. rasur. lign. bux. an. ℥ j β. coral. rub. corallin. rad. valerian. sylv. spong. bedeguar. an. ℥ ij. nuc. mosc. flor. lavend. an. ℥ j. secundin. mulier. ℥ j. ℥ vi. & ℥ j. ambr. gris. pro quaque uncia ℥ j. fol. aur. & argent. minutim. concis. nu. 24. m. f. pulv. Dos. à ℥ j. ad ℥ j. in adultis. Detur in liquore seq.

℞. Aq. flor. til. lil. convall. ceras. nigr. an. ℥ iij. aq. capit. cervin. rubr. ℥ ij. sp. castor. per insul. ℥ j. syr. flor. Pœon. papav. Rhœad. caryophyl. an. ℥ x. confect. alkerm. (in adultis) ℥ ij. sp. vitrioli Philosoph. (qui est residuum ex mercurii vitæ ablatione) q. f. ad gratiam. Detur cochl. i. vel 2. in paroxysmo.

In paroxysmo naribus admoveantur medicamenta ex succino, gagate, carbone lapideo, plumis combustis, ruta, assa fœtida, galban. castor. camph. &c.

℞. Sp. vitr. ℥ ij. affund. coral. rubr. subtiliss. pulverizat. ℥ β. rad. Pœon. mar. ℥ j. digere ad lenem calorem per dies 3, aut 4. corallium redigetur in puliculam albam, f. residentia per dies aliquot, & supernabit liquor, de quo sume cochl. i. aq. Pœon. aut rutæ cochl. vii. sal. verben. ℥ β. m. pro una dosi post paroxysmum statim exhibenda: item ad præcautionem ter aut quater.

Si oriatur Epilepsia ab aliquo affectu uterino, educantur fœces ex alvo per clisterem. Instituatür Vomitorium ex vitr. albi ℥ ij. cum conserv. ros. rubr. ℥ ij. Præscribatur apozema aperiens, hepaticum, spleneticum, hystericum & purgans. Instituatür item purgatio solennis cum pil. cephal. Galeni min. Præparentur humores visceri in mesenterio, & attenuentur, idque oxymelite sequenti, bis in die sumendo cochl. i. per se.

℞. Rad. eryng apii, fœn. rusci, taraxac. mund. an. ℥ j. cortic. median. fraxin. heder. arbor. an. ℥ i β. rad. ireos Florent. nostrat. asar. (in vin. alb. prius lot.) scill. ebul. an. ℥ vi. filic. fœmin. Pœon. mar. visc. querc. an. ℥ ij. fol. marrub. alb. hyssop. puleg. calament. thym. dictamn. Cretic. an. m. i. flor. genist. p. 3. sem. Pœon. ℥ j. ocym. alkekeng. an. ℥ β. spic. nard. calam. aromat. an. ℥ iij. cortic. exter. citr. sicc. ℥ v. Præparata omnia f. a. infund. per triduum in ciner. calid. vase vitreo probe obturat. in acet. alb. sambucin. vel simpl. acerrimi. q. f. ad 4. digit. supernat. mox f. expressio; & colaturæ add. mell. Narbonens. despum. sacch. cand. pulver. an. ℥ β. Coq. (non in vase cupreo) ad acet. consumpt. aromatizetur cinam. mac. costi, caryophyl. an. ℥ j β. suspendendo in nodul. inter coquendum M f. oxymel ad usum prædict.

De Uterinis in specie vide in cap. de Mensum obstructione.

Si oriatur à melancholia, aut à lienis obstructione aut affectu alio, purgetur æger pil. nostris cathol. à gr. 20. ad 24. aut pil. Tralliani de lap. Armeno, & repetantur ter quaterve ante usum Martis, & in usu ejusdem undecimo quoque die.

Pro chalybeato sumat bolum seq. ad 30. dies.

℞. Sacch. alb. duri ℥ vii. animæ hepatis ℥ xii. aut ℥ β. m. f. pulvis subtilissimus in 30. partes dividendus, & cum syr. violar. q. f. m. f. bolus ex quaque dosi pulveris mane sumendus, superbibend. liquorem posseticum, moderatè corpus exercendo.

Cerevisiæ pro potu ordinari. indatur squama ferri optimè purgata & ignita.

Vinum chalybeatum medicatum tale optimè convenit.

℞. Limatur. chalyb. ℥ β. polypod. querc. rad. valerian. sylv. vincetoxic. cyper. recent. an. ℥ vi. lign. Rhod. cort. lign. sanct. an. ℥ β. fol. sicc. melis. rut. ceterach. an. ℥ iij β. bacc. junip. rec. ℥ v. visc. querc. sem. Pœon. mar. an. ℥ j β. caryoph. mac. cinam. an. ℥ ij. Limatura irroretur bis vel ter aceto sambucin. & siccata teratur; dein in ampulla vitrea ampla affund. omnibus mixtis vin. alb. generos. ℥ vii. obturetur exactè; locetur super furnum pistoris per dies 15. sæpius commovendo. De colatura sumat ℥ iv. alternatim cum sero lactis oxymelite depurato ad ℥ j. sacchar. rosato edulcorato.

Quibusdam multum profuerunt aquæ Tunbrigenes.

Hirudines quoque hæmorrhoidibus applicentur.

Instituatur quoque balneatio in aqua ferrumina, aut aqua dulci.

De Antimelancholicis in specie vide in capite de Melancholia hypochondr. quæ cum anti-epilepticis specificis sunt admiscenda.

Si flatus adsint (uti sæpius in Melancholicis evenit) bis in die ventric. foveo fotu seq.

℞. Rad. aristoloch. utriusque, gentian. enul. camp. angelic. an. ℥ ij. lign. Rhod. cort. citr. aurant. an. ℥ ij β. fol. absinth. utriusque, menth. nasturt. hortens. costi hortens. an. m. 2. summit. rut. origan. puleg. serpyll. an. m. i. bacc. laur. junip. an. ℥ i β. caryoph. nuc. moscat. an. ℥ β. zinzib. ℥ vi. Include sacculis duobus & decoque in aq. fabror. part. 8. & una acet. sambucin. acerr. addendo quartam partem vini muscatellin. F. fotus mediocriter calidè applicand.

Post fotum utor linimento seq.

℞. Ol. lil. alb. rutac. an. ℥ j. ol. express. nuc. moschat. ℥ ij. ol. anis. rorismar. baccar. junip. an. ℥ β. m. f. linimentum pro regione ventriculi.

In pueris epilepticis, vel ob dentitionem convulsis, pulvere seq. optimo cum successu usus sum.

℞. Pulv. nostr. antiepilept. (suprà descript.) aut secundin. mulier. ℥ ij. rad. valerian. sylv. viper. Virgin. contrayerv. an. ℥ j. C. C. vitriolat. magister. vel sal. coral. an. ℥ iv. lap. bezoar. Orient. & Occident. ambr. gris. an. ℥ ij. camph. ℥ β. fol. aur. argent. ana num. 12. (vel quod melius aur. fulminant. crystall. Dianæ ana gr. 15.) m. f. pulvis subtilis, cui add. cinab. mineral. in alcohol. redact. ℥ v. & gran. 15. Phialæ fidelissimè obturatæ indatur ad usum.

Dos.

Dos. à gr. 12. ad 30. ad singulas Lunæ quadras ad præcautionem, aliàs statim post paroxysmum. Convenit hic quoque Mercurius præcipitatus solaris per se præcipitatus: & pulvis de gutteta supra descript.

In infantibus usus sum inunctione cum linimento seq. per totum caput, abradis capillis.

℞. Lumbric. terrest. ℥ij. catell. ping. lactant. exenterat, & per frusta sect. num. 2. ol. com. ℥j. ol. amygd. dulc. recent. ℥v. vin. alb. generosiss. ℥ij. bulliant ad animalium putrilaginem, sub finem addend. flor. primul. ver. m. iv. viol. m. iij. flor. keyr. m. ij. Exprime, & adde medull. crurum vituli ℥ iij. sperm. cet. rec. ℥ ij. m. Huic addi potest pro re nata ol. de castor. & keyr.

Soleo quoque mane & vesperi exhibere ℥j. pulv. Cran. human. è cochl. cum fyr. viol. Si suspicio sit vermium, exhibeo conserv. ros. rub. cum sp. vitrioli nostro acidulatam.

Ad roborandum caput sine insigni calefactione applicetur Empl. seq.

℞. Empl. diachalcit. ℥ij. diachyl. ireat. ℥ iij. de betonic. ℥ j. cum tantill. ol. catell. f. empl. Si calidius velis, adde pulv. succin. salv. lavend. & c.

D. de la Mer. dicit, se multos curasse Medicament. seq.

℞. Acet. acerrimi (vin. viz.) q. s. distilla in alembico lato & amplo plumbeo novo aut saltem abrafo (rosario dicto) evocetur phlegma relictis sp. acrioribus. Dos. ℥ iij. Vomitus movet non nimis violentum, & potenter expurgat ventriculum sine ullo pravo symptomate. Pro fuco coloretur cum santal. citrin. odorque concilietur cum grano moschi. Quidam distillant in alembico cujus fundum sit cupreum & capitelum plumbeum, & post distillationem ad mellaginem, totum simul commiscunt. Pueris exhibeatur à ℥ ij. ad ℥ ℥. Convenit quoque in omnibus capitis affectibus difficilibus, Apoplexiâ, Lethargo, Phrenitide, oculorum & aurium inflammatione, Cephalalgia, & c. imò in tophis Venereis, tinea, scabie, lepra, herpete, arthridite, & c. in obstructionibus item hepatis & lienis.

Mulier quædam sapiens in die ex caduco decedens, stupida, pallida, cachectica, hinc perfecte convaleuit.

Empiricus quidam post universalia remedia nucham candelâ cereâ incensâ, cauterii instar, inurebat, & radices Pœoniæ in patella cum butyro frixas continuò comedendas dabat, & ita juniores & adultos magna cum admiratione curabat.

Medicus quidam Gallicus (nomine Potier) solebat dare solam cerussam antimon. per cochlearia bis terve in die per plures dies consequentes ad debellandos graves morbos chronicos (& hunc inter cæteros.) Est præparatio Angeli Salæ, & color juxta ignis gradum mutatur.

Thermæ naturales vel artificiales multum hic prosunt, præcipuè si sit conjunctus hic affectus cum affectu soporoso. Balnea laconica usurpari possunt è vapore decocti laur. lavend. majoran. salv. calamenth. organ. puleg. stœchad. aliisque nervinis præparata.

Fontanella convenit, si sentiatur aura ab aliqua parte externa ascendens in caput, quæ aperiat in illa ipsa parte affecta.

Sapius Pyroticum applico inter primam & secundam vertebra collis, cujus eschara debet esselata, & ulcus trium quatuorve pisorum capax; & diu apertum teneri: & post annum si ulcus occludi debet, fontanellas duas in scapulis latas facio. Hoc tantum in casu desperato.

Emplastrum quoque sequens capiti raso adhibeo continuè gestandum & octavo quoque die renovandum, post ejus sotum cum vino malvatico calente & spongiis.

℞. Empl. de betonic. ℥ vi. gum. elem. carrann. guajac. ladan. puriss. styrac. calamit. benzoin. succin. (vel, si habeatur, balsam. ejusdem) ana ℥j. sterc. columbin. ℥x. turbith. hermodact. agaric. ana ℥vii. rad. helleb. utriusque, pyrethr. ana ℥ i ℥. caryoph. nuc. moschat. ana ℥ iij ℥. terebinth. Venet. balsam. Peruv. nigr. (aut liquidambr.) an. ℥vii. ceræ novæ q. s. (℥ viii.) terantur terenda ut alkool, & f. s. a. emplastrum.

Operimenta capitis suffumigare soleo mane & vesperi in ingressu lecti vitato nimio calore, idque pulvere seq.

℞. Thur. mastich. vernic. oliban. lign. Rhod. an. ℥vi. ros. rub. flor. lavend. rasur. lign. juniper. an. ℥v. sem. nigell. Roman. cortic. vivid. pistach. an. ℥ iij. m. f. pulvis crassiusculus pro suffitu.

Huic suffitui addo sæpe sandarach. benzoin. styrac. calamit. succin. lign. guajac.

Periapta fiant ex lapide Ætite pulv. & cerato calefaciente excepto. Aut ex ungula Alcis f. annulus digito gerendus, aut collo suspendatur. Item Ambar. Coral. caput Cuculi collo suspensum, lapis Chelidon. qui in hirundinum pullis dissectis primo partu exclusis invenitur, quod accidit plerumq; Lunâ crescente. Item ossa Lacertæ viridis sale corrosa dum adhuc vivæ induntur ollæ & sale consperguntur. Item cingulum de corio lupi. Item rad. & sem. Pœon. mar. Rutæ sylvest. radix aceto humectata & naribus oblata; ut quoque semen ejusdem. Smaragdus integer collo suspensus. Umbilici Infantis portiuncula in annulo gestata. Batrachii rad. recens effossa.

Amuletum compositum sit tale.

℞. Lap. Ætir. rad. & sem. Pœon. mar. flor. album gerentis, batrachii an. ℥j. fol. & sem. rut. sylvest. abrotan. hyssop. an. ℥ ℥. ungu. dextri pedis posterioris Alcis, ossium lacertarum viridium, cineris cuculi, succin. alb. Corall. rubr. an. ℥vi. flor. lavend. stœch. Arab. an. ℥ iij. lapid. chelidon. rufi mense Augusti collect. in augmento Lunæ nu. 3. 5. 7. caryophyl. ℥ ij. amb. gris. ℥j. mosch. ℥j. Terantur omnia, exceptis lapidibus hirundinum, in pul. subtiliss. & cum muccag. gum. tragacanth. aq. rutæ extract. q. s. f. pasta, ex qua fiant placentulæ, quibus imprimantur sigillo quæcunque volueris, sive literæ, sive notæ aliæ: Placentula à summo ad imum transfigatur pennæ milvi calamo, cui indantur lapides chelidonii, & repleatur amalgamate ex parte una Lunæ, & tribus vel quatuor Mercurii vivi puriss. Penna obturetur subere, & cerâ Hispanicâ sive laccâ. Totum siccatum exactissimè includatur sacco ex Corio lupi, tegatur syndone coccineâ, & suspendatur è collo loro serico coccineo, ita ut os stomachi attingat. Gestetur continuò. Potest placentula sine involucro, aureo vel argenteo circulo lævissimo circumsepta, suspendi ex collo, ita ut immediatè nudam cutem tangat.

Mihi contingit Casus cujusdam qui post varia medicamenta incassum exhibita tandem in febrem incidens intermittentem, transactis aliquot paroxysmis perfectè convaluit. *Theod. de Majern. Prax. Medic. lib. I.*

Licet insanabilis putetur epilepsia, plerique tamen ab illa evaserunt. Verùm recens, in pueris, breves habens, & leves paroxysmos, atque à causis evidentibus excitata, facilius solet esse curationis; Diuturna verò, hæreditaria, in senibus, crebrius repetens, & diutius perdurans, cujus etiam occulta causa est, vel nunquam, vel difficillimè curatur. De ea autem scribit Hippocrates 2. *Aph. 45.* Quicumque Juvenes morbo comitiali laborant, mutatione maximè ætatis, & temporum, & locorum, & victuum quoque liberantur. Et 5. *Aph. 7.* Quibuscunque morbi comitiales fiunt ante pubertatem, mutationem accipiunt; Quibuscunque autem vigesimoquinto anno, ferè commoruntur, & eodem libro 1. 70. A quartanis capti non admodum convulsionibus capiuntur; si verò prius capiantur, & quartana supervenerit; liberantur. Idem etiam repetit 6. *epid. sect. 6.* quartanâ correpti à magno morbo liberantur.

Remedia Medici distinguunt, nedum pro causarum, sed etiam pro temporum diversitate. In ipso paroxysmo omnem industriam adhibent ut quàm citius fieri potest æger in sensus redeat; In posterum verò præcavere conantur, ne denuò illo corripiatur, pervestigatis scilicet causis, undè fomitem is habeat, & repetitionem, iisque pro re nata, domitis, vel expulsis.

Ad primum, plura solent in hanc rem adhibere: extremas partes arctè obligant: nares, tempora, & palatum oleo succini, rutæ, Castorei, aliove inungunt: podici supponunt balanos acres ex felle, aut sapone Genuensi: scapulis, & cruribus cucurbitulas cum frictionibus, & cutis incisione, admovent: Capillos evellunt, aut cum spiritu vini cremant: ungulam Alcis, quæ à proprietate dicitur epilepticis succurrere, collo suspendunt: fortiora enemata injiciunt: acerrima violenter in os immittunt, maxillas diducunt & lignum aliquod interjiciunt, ne à dentibus vehementiori motu compressis lingua scindatur: neque desunt, qui in aures cantilenas quasdam insurrent, aut inclament.

Alii solis anti-epilepticis patientes blandius curant, ductus cum cerebro consentientes roborando, fovendoque spinam, essentiis capitalibus, ut lavendulæ, Castorei, rutæ sylvestris, salviæ, rorismarini, succini, opobalsami. Quare ad excitandos epilepticos immitit in nares succum rutæ ad unciam semis cum Castorei drachma una Rodericus à Fonseca. Intrudunt etiam in os anti-epilepticum aliquod medicamentum, ex his quæ infra referemus. Quod autem nonnulli affectos erigunt, illorumque brachia, & crura à motibus cohibent, vel in hoc, vel in illo situ constringunt, sternutamenta moventia naribus indunt, cucurbitulas, & incisiones adhibent, diversisque modis patientes asperius tractant, & paroxysmi morem interturbant, & Naturæ conatus impediunt: hujusmodi enim Praxis sapissimè perperam instituitur; quoniam hoc

pacto duplex Naturæ molestia: altera nimium à morbo, & altera non levior à Medentibus intentatur; cum longè præstitisset sinere paroxysmum juxta morem suum transire, & laborantes unicâ tantum plagâ affligi; sapienter quidem concludit Willisius de morbo *Convuls. cap. 3.* solum vomitoria conferrent plurimum, si à ventriculi gravamine æger convelleretur, & natura per eam partem seipsam exonerare tentaret.

Ad secundum, Prophylaxim variè instituunt, pro varietate causarum, & partium quas putant affectas. Qui in Idiopathica epilepsia obstrui arbitrantur cerebri ventriculos crassis, viscosisque succis, toti sunt in evacuando; neque solum per ea, quæ alvum laxant, aut vomitum movent, sed etiam per er rhina, caputpurgia, cauteria, tum sincipiti, tum collo, tum brachiis, & tibiis adhibita. Quinimò Petrus Salius Lusitanus Diverfus, & Zacutus, etiam sanguinem mittendum aliquando suadent, arbitrati dari posse epilepsiam à sanguine. Exhibent similiter decocta capitalia dicta, ad extenuandos humores, eosque per cutim educendos; ac præterea nonnulla alia medicamenta, quæ ipsis dicuntur à proprietate occulta epilepticis opitulari, & imminentes paroxysmos præcavere. In sympathica verò, præter ante dicta, quæ cerebro succurrunt, offerunt quoque quæcunque malè affecta viscera, unde labes tanti mali provenire creditur, repurgent, & moderentur.

At Hippocrates præter usum Hellebori utriusque, sed præsertim albi quo vomitus provocaretur commendavit Pyrethrum. Et Galenus usus est oxymelle, tum simplici, tum scillitico.

Qui vaporibus acerbis, maligna conditione cerebrum stimulantibus, causam hujus affectus attribuerunt, ipsis retundendis, & castigandis incumbunt, atque insuper humores ex quibus illi elewantur, apposis medicamentis educere conantur; non neglectis interea, quæ visceribus consentientibus occurrant.

Sylvio Leboë commendantur quæ salem possident per lixivium parandum, tum fixum, tum volatilem; ut Ruta, Polium Montanum, Pæoniæ semina, & radices, etiam valerianæ, & Dentariæ; Liliorum convallium, & Tiliæ flores, viscum quernum, & Corylinum. similiter spiritus, & sal volatile C. C. Castoreum, Corallium, succinum, Hirundines, Picæ.

At verò Gerardo Blasio visum est curationem absolvi per emendationem causarum irregularem motum in musculis efficientium. Quamobrem spiritus tenuiores, & mobiliores alterandos præcipit refrigerantibus, & opiatibus: Nervos obstructos aut compressos, reserandos, & amplificandos: vitiosos humores purgandos, & corrigendos; roboratis tamen partibus ad illorum generationem dispositis, & Cephalicis anti-epilepticis remediis congruenter adhibitis.

Paulus Barbette purgantibus insistit, & lympham temperantibus; neque verò omittit, caput roborantia, simul cum visceribus compatiens, sed præcipuè anti-epileptica tum simplicia, tum composita.

Willisio Therapeia instituitur, primò per emeticum, si æger vomitionem toleret, & quidem usu salis vitrioli in tenerioribus; croco metallorum, vel mercurio vitæ in adultioribus. Secundò per phlebotomiam, vel affixas hirudines. Tertiò per medicamentum Catharticum. Quartò per specifica anti-epileptica. Quintò per cauteria, & vesicantia, itemque emplastra Capitalia, sternutamenta, enemata, decocta: atque his non proficientibus per diaphoretica, & salivam educantia.

Non dissimiliter procedit Chesnau. Nam instituto in primis victu tenui, & exiccante, parumque calefaciente, prohibitoque vini, & veneris usu, ab enemate incipit, cujus peculiarem descriptionem habet: mox venam cephalicam utramque aperiendam præcipit; postmodum purgat bis saltem in mense. Ad hæc utitur specificis, sed præsertim potione, qua se expertum dicit, composita ex aqua Præoniæ ʒ iij. Theriacæ veteris ʒ j. Spiritus vitrioli gutt. iv. sumenda tribus horis ante prandium. Neque negligit externa, ut emplastra, pulveres capiti deraso inspergendos, cauteria, & reliqua respicientia partes, unde malignus vapor ad cerebrum exhalat, ut fusiùs apud ipsum est legere.

Hermetici, quia morbum hunc cum Paracello vitriolatum appellant, in spiritu vitrioli viridi illius curationem collocant, illumque præ omnibus aliis remediis proprium, & præsentaneum fatentur: Cujus descriptionem, præparationem, & usum refert Quercetanus in *Tetrade gravissim. cap. affect. cap. 30.* Transcribit etiam Idem Author ibidem ex Paracello anti-epilepticum aliud medicamentum ex vitriolo pariter, aliisque simplicibus compositum. Commendant præterea Paracelsistæ plura alia ad hunc affectum penitus extirpandum, tum purgantia, tum specifica medicamenta ex Mercur. Antimon. Cinnabar. Antimonii, Cinnabari fossili, & nativa, helleboro, cranio humano, & Coralliis elicita, quæ præ cæteris referunt, & describunt idem Quercetanus, Crollius, Hartmannus, Grullingius, & Rolfinchius.

Helmontius multa adversus epilepsiam sparsim retulit, præsertim verò ungulam Alcis affricatam, appensamque instar Amuleti: Sympathicè enim ait epilepticos impetus paulatim arcere, sed assiduo usu effætam, & inefficacem reddi. Hirundinibus etiam magnam vim attribuit. Alibi commendat salem volatilem sanguinis humani, & salia volatilia vegetabilium cephalicorum. Itemque tam Adultorum, quàm Infantium epilepsiam curari dicit Spiritu salis Cruoris.

Quoniam verò ab experimentis innotuit epilepsiam à constitutis quibusdam causis, superius memoratis, oriri posse, quæ nisi auferantur, impossibile sit illam curari, propterea peculiaribus remediis, eisdem occurrendum. Quare Abscessus, vel præcaveatur, si immineat, vel ad resolutionem, modis suprâ relatis, perducatur, si jam factus sit, vel alio artificio digeratur, & expurgetur. Idemque opus in ossis calvaria carie omnino adhibendum.

Si per consensum ventriculi fiat, præter vo-

mitoria, vel subducentia medicamenta congruenter adhibita, specialiter de eo roborando, deque corrigendis succis in eum confluentibus, ratio habenda erit: in quem usum summè conferent electarium baccarum Juniperi, spiritus earundem, elixir proprietatis, spiritus mastiches, pulvis stomachicus Quercetani, pilulæ Rusi, Oleum Cinnamomi, essentia menthæ, aut salviæ, electuarium absinthii, decoctum cooffe: eoque magis, si cum his commisceantur anti-epileptica.

Si ab Hypochondriorum vitio, atque scorbutica affectione, dependeat, ad Anti-scorbutica deveniendum, spiritum cochleariæ, beccabungæ, nasturtii aquatici, raphani; non omittis acidum retundentibus alkalicis, & ex chalybe compositis medicamentis.

A retentis secundinis, & Placenta, nedum sternutamenta evocantia proderunt, commendata ab Hippocrate 5. *Aphor. 49.* Verum etiam hysterica dissolventia, ut radix dictamni, valerianæ, aristolochiæ: extractum granorum actes, sæcula bryoniæ, trochisci de myrrha, extractum Castorei, & hyperici, Tinctura succini, essentia Croci.

Si à vermibus, illi necandi, & deturbandi medicamentis ad id comparatis, quæ suo loco referemus. Pari modo in reliquis causis agendum.

Inter purgantia (cùm corpora sunt succi plena) præstant extractum catholicum, Hierapicra, Pilulæ cochæ, trochisci alhandal, extractum agarici, resina jalapæ, oxymel scilliticum, anthosatum dictum, pulvis Comitæ de Warvich, extractum hellebori nigri, Pilulæ ex tribus Galeni, Barbettianæ, & similes.

Præ cæteris prodesse speciatim experti sunt Medici hæc ab effectu anti-epileptica vocata: suntque Radix, & semen Præoniæ ex Galeno, & Zacuto; ejusque elixir ex Mynsicht: Radix valerianæ sylvestris ex Riverio: Radix Dentariæ, ejusque aqua: semen saponariæ ex Borello: Ruta crucigera, ejusque succus ex Langio: viscum Quercicum ex Boyle, aut etiam Corylinum, illiusque oleum Rutando celeberrimum: Carduus, & millefolium ex Cratone: essentia lavendulæ, spiritus cerasorum nigrorum; saxifras, liliorum convallium, & florum tiliæ, ac verbenæ pulvis ex Mizaldo: Frutex sambuci in salice inventi ex Hartmanno; unde Amuletum ipse componit, quo curari posse, ait, etiam qui longissimo tempore hoc morbo laborarunt; comprobaturque Thomas Bartholinus in *Cent. hist. 4. 69.* Pulvis radices Phu, seu valerianæ sylvestris ex Fabio Columna, & Panarolo: Acori radix contusa, & in potum exhibita ex Heurnio: succus Aquilegiæ ex A. Gassero: Radices Arthemisiæ annosæ emortuæ ex F. Deckers: Fumus nicotianæ, seu Tabaci ex Riverio.

Similiter hepata Ranarum, quorum præparationem, & usum memorat Hartmannus: Cerebrum humanum, ejusque spiritus ab eodem descriptus: Castoreum ex Galeno, illiusque extractum: Jecur lupinum ex Borello: spina dorsi mustelæ fluvialis, ipsiusque sanguis, quo se vidisse sanatum epilepticum viginti quinque annorum refert Hor. Augustinus:

nus : Caro lupi in pulverem redacta, & fel catelli nigri ex Riverio, quod usitatissimum in Anglia testatur Schlegius : Pulvis corvinus, quem ex Gesnero summum secretum esse scribit Reusnerus : Aqua Picarum, & Hirundinum ex Rondeletio : Ipsæque Hirundines in pulverem redactæ ex Forello : Pulvis secundinæ primiparæ ex Finckio, & Deckers : Cranium humanum, ejusque extractum, spiritus, sal volatile, magisterium, oleum ex Paracelso, Quercetano, Hartmanno, Schrodero, Sennerto. Sanguis humanus ex Thoma Bartholino, qui pro Amuleto haberi quoque ait lapidem nephriticum collo suspensum : spiritus ejusdem sanguinis humani ex Helmontio : stercus Pavonis in pulverem contritum ex Cratone, Borello, & Riverio : Cornu Cervi crudum, vel ustum, ejusque spiritus, & sal volatile ex Hartmanno, Sennerto, & Grullingio : Lotium vaccinum ex Libavio : vesica Apri cum lotio in clibano exiccata ; vel testes ejusdem, & Galli ex H. Augenio : Pulvis lumbricorum terrestrium ex Heurnio.

Præterea Cinnabaris nativa Craton, & River. vel ejus loco cinabrium Antimonij, F. Hofmann. Succinum, atque illius magisterium, oleum, sal volatile, Tinctura, Quercet. River. Chasnau : Pulvis chrysoliti Cardan. Smaragdus digitis gestatus A. Boët. vel cum Corallio ut carnem contingat, Zecch. Corallium rubrum, cujus grana x. cum materno lacte exhibita ante omnem alium cibum, vel potum pueros ab epilepsia tueri tradit Villanovanus, & Camillus Leonardus, atque ab his testantur idem, Boëtius, & Hoëferus : Crystallum præparatum, & simul cum smaragdo, & Corallio rubro exhibitum, Sennert. Bezarticum lunare, & dialuna Mynsicht.

Inter composita demum, & usu magis comprobata recensentur Aquæ, Pulveres, electuaria, Potiones, emplastra, & olea.

Ex aquis, ut est quæ P. Barbette mirabilis dicitur : hic sapon. hisp. albiss. 3ß. Coq. in lacte vaccino, & Col. 3iij. exhib.

Item quæ ex Hirundin. xc. rutæ m. ij. Castor. 3j. vini albi lib. iij. destillat. in B. M. & servatur usui. Dosis cochlearia duo in paroxysmo, vel manè, extra paroxysmum, etiam in inveterata epilepsia, apud Guil. Rondelet.

Vel facilis : Hirundines juvenes q. v. Contund. & cum Castor. m. add. mod. acet. acerr. destill. more solito.

Aliam aquam stillatitiam describit, & extollit H. Augen. tom. 2. epist. & Consil. lib. 8. epist. 2. Describitur & alia à B. Sylvatic. cent. 1. observ. 47. ex hirundinibus, & Picis, additis variis simplicibus anti-epilepticis, quæ ab eodem mirabiliter commendatur.

Ex potionibus, & julapiis : Aq. beton. & flor. tilia singul. 3ij. Aq. foenic. vitæ Matth. & anti-epilept. Langii, singul. 3j. spirit. sal. Ammon. 3ß. Tincturæ Castor. gutt. x. flor. hyperic. 3j. laud. opiat. gr. iv. ol. succ. gutt. v. Syr. stachad. 3j. m. & singulis diebus ad minimum cochlear unum, aut alterum quater exhibet Deckers ad Prax. Barbett.

Aliud : Ther. vet. 3j. aqu. Pæon. 3vi. spirit. vitriol. gutt. iv. expertum dicit Chesneau.

Pro infantibus verò : Aq. flor. tilia, & foenic. singul. 3j. Syrup. stachad. & diacod. singul. 3ß. spirit. sal. Ammon. 3ß. Ex eodem.

Ex opiat. & electuariis : Pyrethr. stachad. & Cost. singul. 3x. agar. 3v. sem. Carui, anethi, assæ foetida, & aristolochia rotunda singul. 3ijß. succ. squill. & mell. elect. singul. lib. i. & 3ij. Coq. simul scill. & mel lento igne usque ad consistentiam, deinde superadd. speciebus. f. elect. Dosis omni mane 3ij. quatuor horas ante cibum. Ex Montagnana.

Aliud : Cons. flor. beton. & anth. singul. 3ij. Rad. eryng. condit. & mithrid. singul. 3j. pulv. lign. salicifras 3vi. Castor. 3iij. Cran. hum. non humati, & ungulæ Alcis singul. 3ij. Rad. & semin. Nigell. rutæ sylvestr. & radic. pyreth. singul. 3j. oxymell. q. s. f. opiat. Dosis 3ij. vel iij. singulo mane. Ex Riverio. Utraque morbum radicatus tollere dicuntur.

Ex pulveribus : Castor. Cran. hum. ungulæ Alcis, C. C. calcinati, stybij præparat. opopon. sanguin. drac. & lapid. ætit. singul. 3ß. Salv. sylvestr. & tormentill. singul. 3j. semin. & radic. Pæon. sem. rutæ, & beton. singul. 3ß. Margar. & smaragd. præparat. singul. 3j. succin. albiss. 3j. stercor. aser. sylvestr. visci querc. & Corall. rubr. præparat. singul. 3ß. spinæ dors. serp. 3ij. & calcit. præparat. 3ß. f. Pulvis. Apud Grulling. mirabilis dicitur in suo Florilegio ; cujus dosis 3ß.

Alium pulverem admirabilem prædicat H. ab Heers, quem componit ex cranio hominis, stercore pavonis, vesica Apri cum lotio in furno siccata, visco colurno, oleo succini inodoro.

Sed longè efficacior observatus est, qui conficitur ex Cinnabar. Antimon. magist. corall. margar. & cranij human. singul. 3j. lign. visc. querc. & Castor. veri singul. 3iß. sem. rutæ, & Pæon. singul. 3ß. sal. volat. succin. & Ammon. singul. 3j. Cinnam. q. s. Dosis à 3ß. ad 3j. in aqua hirundinum, lavendulæ, flor. tilia, vel alterius similis mane jejuno stomacho.

Celebratur etiam pulvis corvinus à Reusnero ex corvis juvenculis combustis, & in pulverem redactis cum aliquo liquore convenienti. Alius efficacissimus conficitur ab Hartmanno ex Jecinoribus Ranarum, quo restitutum fuisse scribit Fridericum IV. Palatinum qui ab anno 15. ad 26. fuerat epilepticus. Simplicior verò est qui ex verò visco querno fit, & ad 3j. exhibetur in aqua cerasorum nigrorum singulo mane per dies aliquot (circa Plenilunium nonnulli volunt,) eoque nobilissimam quamdam foeminam epilepsia penè hæreditaria diu afflictam, cum cætera irrita fuissent, sanitatem obtinuisse testatur Boyle : Et nos aliquando Nobilem quendam puerulum novem annorum deformi capite progenitum, & pluribus epilepticis invasionibus conflictatum, unâ cum tertiana febre, perfectè curatum vidimus, cum quo tamen miscebatur cortex Peruvianus, ante imminuentem accessionem exhibitus, quem anti-epilepticum quoque esse alias deprehendimus.

Ex emplastris præstat, quod habet : succ. albiss. thur. & mastich. singul. 3iß. galban. & opopon. singul. 3j. visc. querc. 3ij. ambr. gris. gr. vi. mosch. gr. iij. sem. Pæon. mar. 3ß. lada-

ni 3 i β. ol. nuc. myrist. parum. Extend. super corium, & asperg. pulv. cubeb. & futura coronali imponatur. Ex Cratone, & Horatio, qui efficacissimum tum pueris, tum adultioribus fidentur.

Aliud: gumm. amm. gumm. junip. thur. & mastich. singul. 3 ij. sem. pæon. mar. & nuc. myrist. singul. 3 iij. Corall. rubr. præp. ras. ebor. & C. C. sing. 3 j. malax. cum ltyr. liquid, & f. emplastrum, atque extenditur super alutam. Arcanum habitum est Salieno Medico Monspelienfi, quo etiam pro vecta ætatis epilepticos integræ sanitati se restituisse testatur, præmissis tamen universalibus, atque interea epotâ hac aquâ. Hirundines adhuc in nido existentes viij. rad. pæon. visc. querc. singul. 3 iij. fol. rutæ m. j. flor. Lil. convall. p. ij. Castor. Caryophyll. & macis singul. 3 ij. in suff. quant. vini alb. acet. scillit. & aq. meliss. super cineres calidos infund. per hor. xxiv. deinde distill. atque in vase vitreo opt. claus. collig. & servet. Aqua. Dosis pro natu majoribus ab 3 j. ad 3 ij. pro Junioribus ab 3 β. ad 3 j.

Ex balsamis, & oleis, valet hoc: gumm. galb. bdell. in aq. ard. dissol. singul. 3 β. benzoin. 3 j. styrac. liquid. 3 j. fol. rutæ, chamædr. flor. stœchad. & lavend. singul. 3 ij. rad. cost. 3 β. Castor. 3 j. infund. incisa, & pulver. in aq. vitæ, & detin. ad macerand. in loco calid. per dies aliquot. Eo postmodum frequenter fricetur spina. Plater. lib. 1. obs.

Henricus ab Heers describit oleum quoddam à se ipso expertum, quod fit: vitrioli Merc. aut viridis æris calcin. lib. j. β. cran. hum. & ungu. Alcis singul. 3 ij. visci querni, vel potius colurni, & sem. pæon. mar. singul. 3 j. Hæc cum spirit. vini puriss. lib. ij. diger. in retorta, & distill. secundum artem. Ingratissimum est & odore, & sapore, sed miræ efficaciz si cum aqua convenienti sumatur.

Mirificum etiam est oleum Buxi, cujus guttæ tres in cond. pæoniæ exhibentur jejuno stomacho; & in ipsa accessione cum aqua flor. tiliæ, vel pæoniæ ad 3 iij. gutt. x. Roderic. à Fonseca in Consil.

Plurimum quoque valet essentia lavendulæ, rorismarini, salviæ, & Castor. cum opobalsamo, si his universa spina cum occipitio usque ad futuram coronalem inungatur.

Intrinsicus apud Nostrates in usu frequentiori est spiritus cerasorum nigrorum sylvestrium, sal volatile C. C. spiritus sanguinis, ex sale ammoniaco & tartaro elicitus, sal ammoniaci flores, sal volatile succini. Valde efficax expertus sum, præsertim in sceminis magisterium succini, hoc modo paratum. Dissolvitur succinum albidissimum in spiritu vini, ita ut hic tingatur: per filtrum postea trajicitur, & leni calore ad dimidium evaporet: reliquum servetur. Dosis g. x. usque ad xx. & ultra in aqua lavendulæ, aliòve simili liquore.

Pro coronide non præteribimus quod Paracelsus in diætâ commendat cum oleribus coquenda folia hellebor. nigri, & pro sale viscum querceum in pulverem redactum substituendum quo si contentus patiens salem communem minimè expetierit, certò constare, ait, eum, caduco morbo laborare. Nùm insuper reverà curatus sit, eodem signo dignosci posse: si nimirum con-

dimentum visci quernei nauseam moveat. Conjecturam alij faciunt ex hoc suffitu. Rasuram cornu caprini ad 3 j. cum semidrachma assæ fœtidæ injiciunt in prunas; si morbosus concidat, jam curatum dicunt. Commendat denique idem Paracelsus pro cibis: radicem pyrethri, carnem agninam, fœniculum, cuminum, & lac ovinum; damnat verò carnes caprinas, poma, pyra, rapa, raphanum, aromata, & libidinem provocantia. Luc. Tozzi, Medic. Practic. parte 1.

Consultationes.

Cum apud eruditos experientesque viros scholastica & minutissima quæque persequi indignum videatur, & supervacaneum; operæ pretium & vestra eruditione dignum de affectione proposita duxeram, etiam si apprimè gravis & curatu sit difficilis paucis multa complecti, & summas rerum sententias appositè apud vos proferre. At quoniam ita nunc vestra exigit sedulitas, ut non contracta, sed effusiore quadam orationis serie rem totam particulatim explicem, observata quadam styli moderatione neque periphrasi neque metaphoris neque jocis sed seriis nudisque verbis orationem aliquantum dilatare contendam: non tam vobis, quàm laboranti, & iis qui ingentem admirantur scriptorum vocem, satisfacturus. Sequar autem non eum quem de exponendis naturalibus, non naturalibus, & contra naturam rebus artificiosè ordinem proponitis, sed quem tandem resolutione ad curationem tenendum existimavi. Primumque quæ propositi morbi aut symptomatis notio sit & ratio, & quævis attingam.

Morbus, item symptoma quod in consultationem & deliberationem venit, epilepsia est, quæ annos decem infedit ac inveteravit. Hæc licet à levioribus orta initiis, olim in vertiginis potius, quàm in epilepsiæ genus divertisse videbatur, progressu tamen dierum veram & exquisitam epilepsiæ speciem esse consecuta. Tanta affinitate hi affectus connexi sunt ut rectè Avicenna, vertiginem diminutam epilepsiam, ex eaque in hanc transitum fieri notaverit. Cum etiam in consummata epilepsia observemus, non semper graves illos & immaniores, sed & interdum leviores quosdam & irritos insultus fieri, qui ut in vertigine nulla convulsione, sed sola sensuum & visus hallucinatione cerebrum impetunt. Cum nimirum proxima illa continensque mali causa levius excandescit, & exiguum de se vaporem effert. Hanc autem quæ illustrem & magnificum virum diris modis exercet, & exquisitam & consummatam epilepsiam esse recipio, quod in e us paroxysmo absoluta fiat totius corporis convulsio, quodque spuma stridore quodam elidatur ab ore, & sensus omnis atque cognitio cum memoria pereat. Imò verò si neque ullum ejus signum describeretur à vobis, vestra tamen autoritate innixus, hanc pro epilepsia habendam esse non dubitarem.

Sed quum tamen tria à Galeno tradantur, usque notentur epilepsiæ genera, unum ab extremis suscitatum corporis partibus, ut à manuum pedumque digitis. Alterum ab interioribus visceribus: Tertium à cerebro, quod primum est & ipsi proprium: Optarem sanè à vobis indicia

dicia tradita pathognomonica, tum epiphænomena, quibus certo & luculenter intelligerem in quod genus epilepsiā hanc referendam putetis. Id enim tum ad medendi rationem, tum ad remedium inventionem imprimis necessarium videbatur quum non una omnium, sed suavisque generis curatio. Aliis multo ante paroxysmum tempore, caput artusque omnes ingravescunt, aliis nausea, aut etiam vomitio molesta est, aliis stupore quodam refrigerantur artus: Alij instantem paroxysmum præsentunt possuntque impendentis repentini casus pericula vitare: alij derepenteprehenduntur & concidunt, nulla præsentione futuri mali. Sunt qui paroxysmo soluto protinus surgunt nullo affecti Symptomate: nonnullis verò symptomata quadam ab accessione gravia manent. Horum igitur animadvertione proprium epilepsiæ genus designari internoscique debuerat. Cæterum in hac reticentia conjiciendum nobis & disquirendum in quod hoc genus maximè pertineat. Comitiali morbo intercipiuntur mentis sensuumque functiones: hinc cerebri censetur affectio. At quoniam ea interceptio interdum fit consensu aliarum partium, ut duobus prioribus generibus: interdum verò per se affecto cerebro, neque ex his quæ describuntur ulla proprium generum audio pathognomonica signa, in postremum divertendum puto, & recipiendum, cerebrum *ιδιopathεία*, atque etiam *πρωτοπαθεία* conculit. Nec enim venenatus vapor instar auræ frigidiusculæ aut è pedibus, aut è manibus, sensum partium continuatione in caput aut cerebrum obrepere percipitur, nec ventriculi cordisve subversio, aut præcordiorum molesta coarctio paroxysmum antevertit aut ob oculos nonnulla quasi spectra observari videntur. Sed cum Illustrissimus derepente quasi attonitue, aut fulgure percussus corruat, necesse est cerebrum & ipsam mentis ac sensuum arcem obsideri, in eaque proximam, & continentem hujus epilepsiæ causam contineri, ac proinde in tertium hanc genus esse conjiciendam. Hanc denique epilepsiam esse primariam & ut appellant essentialem.

Percepta jam affecta sede, & quod cerebrum non aliarum partium consensu, sed per se & primario laborat, disquirendum quæ in ea sit causa Galenus tertio de locis affectis & libro de symptomatum causis, epilepsiam, quæ præsertim sit, contendit ex obstructione quadam omnium ventriculorum cerebri proficisci, ob quā animalis spiritus liberè nequit in sensuum motusque nervos influere, & omnis legitima tum movendi, tum sentiendi, atque ratiocinandi functio perit. Impedita vero natura arctius oppressa nondum tamen prostrata onus quasi excutiens, caput, corpusque vehementer conculit, dum obstructione soluta infarctum humorem expellat. Hanc causam, quam vos rectè formalem nuncupatis, magnæ licet rationum probabilitati innixam, & Galeni decreto passim comprobata, validis tum argumentis tum experimentis in pathologia & in dialogis de abditis rerum causis infregimus: aliam statuentes, nempe malignam & occultam qualitatem cerebro cunctisque facultatibus animalibus perinde atque venenum infensam quæ ut è pede percipitur specie quadam frigidioris & malignæ auræ per conti-

nuatas partes sursum in cerebrum efferri: ita ex ipso quoque cerebro suscitari potest, idque protinus sua malignitate ferre nulla præsentione paroxysmi futuri. Hanc verò qualitatem malignam & adversissimam cerebrum multo validius excutere contendit, quàm humorem simplicem solamole obstruentem, neque tamen concussioni aut conversioni finis est, donec qualitas illa, vaporis specie suscitata dissipetur, aut sponte sua evanescat, causa hæc non admodum ei dissimilis est quam vel ipse Galenus lib. sexto de locis affectis de uteri strangulatu fatetur. Ut enim è sanguine menstruo, atque è semine corrupto vis quædam venenata profertur, quæ in præcordia, in fauces, atque in ipsum cerebrum prorepens paria strangulatus symptomata gignit. Ita sanè & alia quædam venenata & malignæ qualitatis species epilepsiam facit. Proprie autem epilepsia symptoma est: qualitas verò maligna cerebro insidens ipsa morbus est isque partis similis, & quem alibi demonstravimus totius substantiæ morbum appellandum esse. His ergo principiis firmitus innitendum, hæc stabilenda sunt nobis fundamento, si quæ tam diræ & inveterati morbi curatio speretur.

Quamquam autem hujusce qualitatis ad excitandam epilepsiam summa atque etiam præcipua vis est, non parva tamen existit & ejus materiæ, è qua tanquam è fonte qualitas illa prodit, & sine qua vix illa subsistit. Eam quidem esse crassam, lentamque pituitam cuidam melancholico humori permixtam, & in cerebro contineri, eique pertinacius adhærere, multis complector indicis. Ac quidem vetus illa dextræ naris obturatio, ante annos quindecim nata, oculi quoque dextri obtusior acies, dextræ auris gravior auditio, dextram ipsam cerebri partem non parum offendi, luculenter demonstrant. In ea autem cerebri parte dextra, pituitæ lentæ magnum esse proventum, ostendit insita cerebri temperatura humidior, quam deinde supra modum auxerunt ingluviæ, crapula, cruditates, & aer impensè frigidus ac humidus. At verò melancholiam pituitæ permisceri, testantur ætas in eum humorem gignendum propensa, curæ, mœrores & graves cogitationes quibus Dominus implicatur. Quod etiam nobilissimus vir plerumque citra occasionem metu atque mæstitiâ jactetur, Hippocrati indicium est jam obfidentis melancholiæ. Hic certè affectus illos tantâ affinitate conjunxit, ut ex eo eodemque melancholico humore nasci putet: qui si in cerebrum infideat, epilepsiam: si in mentem, melancholiam facit. Itaque pituitæ ac melancholiæ non exigua est redundantia in parte dextra cerebri. Sed hæc si simplex sit, minimè epilepsiam infert, nisi & ea quam dixi externa qualitas accedat. Quocirca varia hæc cerebri excrementa diutius cohibita & inhærentia, dierum numero, progressuque temporis, corruptione nacta sunt exte nam illam ac prorsus malignam qualitatem, in qua dixi mali essentiam haberi. Ad hæc multum mihi contulisse videtur tuberculum in dextro tempore instar ovi columbini exortum, & comitiali morbo coætaneum. Memini is disiectis quos viventes morbus comitalis aliquando immaniter corripuerat, me alias circa meninges, alias in cerebri substantia putridam quandam & glutinosam saniem quantitate fabæ

aut nucis juglandis invenisse, quæ crudelis huius & immanis affectus fomes fuerit, ita igitur de continenti mali causa, deque primaria affecta sede statuendum.

Quoniam verò continentem illam & proximam morbi causam alia quædam antecedens appellata fovet, quæ & ipsa interior existit, & sine qua summo veri illa integrè non possit, de hac quoque dicendum. Ea est totius corporis cacochymia & impuritas ex prava viscerum constitutione profecta. Magna hæc quidem & in primis observanda, quod affectæ sedi ipsique cerebro primo mali fonti novam assidue materiam suppeditet. Illustrissimo igitur viro jecoris, cordis, cerebri, & renum insita temperatura principum partium, ut autor est Galenus, constitutionem ferè sequitur. Optima quidem illa, & ad probum sanguinem, & benè quadratum corpus comparandum apta; at vero postea in frigidiori humidiorique cælo frequens habitatio, paludum, lacuum & stagnorum expiratio fœtida, victus omnium quos audiavi intemperantissimus, omnium obsoniorum & ferculorum varietate confectus, nullo instructus ordine, supra satietatem ferina quadam voracitate gravis, ut ei qui gulæ & abdomini omninò sit natus, viscera, Venas, habitumque totum cruditatibus implens: somni, laboris, exercitationis, inanitionis, & pathematum animi ratio prorsus neglecta: bonam illam & laudabilem temperaturam atque insitam corporis constitutionem penitus everterunt, & pro ea vitiosam substituerunt: nuncque ingluvie aliisque commemoratis causis obruto calore nativo vires & facultates præsertim naturales quæ illius beneficio foveantur, impeditæ ac etiam debilitatæ, tantam alimentorum molem modificare atque domare minimè potuerunt. Hinc non cruditates modò, sed & omnis generis excrementorum proventus, toto sic corpore succrevit, ut pars nulla existat, quæ non proprio quodam supervacui humoris vitio prematur. Ventriculum multa esse pituita confectum indicio est nausea illa frequens, & tenebræ à cibo ob oculos offusæ: huiusque ingentem copiam in intestina devolvi, aliam in eis etiam gigni, minimè dubitari potest. Cerebrum multo gravius illius redundantia offundi testantur peculiæ ejus affectiones. Sed & jecur, & lienem obstrui, atque etiam turgere, illud quidem bilis flavæ, hunc verò atræ copia, indicio sunt præter cætera mores, olim quidem ob hepatis calorem & bilis fervorem in iracundiam, nunc verò ob nimiam adustionem in melancholiam propensi. Sub hac vitiosa constitutione viscerum, quis reliqui corporis bonus habitus esse possit? Corpus totum supra naturam & ætatem ingravescens, impuritatis ingentem molem & acervum confirmat. Hæc igitur corporis impuritas ob viscerum imbecillitatem & continuatam vivendi rationem illegitimam, quotidie nova etiam atque etiam succrescens, novum quoque pabulum suggerit continenti causæ quam in cerebro constituimus. Neque hæc antè convenienter extirpari potest, quam corpus ipsum omni sorde & illuvie sit expurgatum.

Epilepsiam quæ aut annum ætatis vigesimum quintum excessit, aut postea hominem adoritur, commori, & in supremum vitæ diem manere,

autor est Hippocrates: cum præsertim, ut hæc vehemens fuerit, & o. iginis suæ nec certum habuerit initium, nec compertam sedem. Classici verò autores toto hanc genere immedicabilem statuunt, quod causa non satis perspecta; illam videant neque medicamentis, neque evacuationibus ullis, neque cæli mutationi, neque vivendi legibus cedere, neque temporis diuturnitate vinci. Quibus de causis plerique omnes divinam hanc appellant, & pro ejus curatione implorant divorum operam. Hujus sanè conditio & essentia supra elementorum naturam est, omnemque sensum, & humanæ mentis aciem effugit: non ratione aut demonstratione, sed observatione sola & usu comprehensa. Quamquam autem difficilis est epilepsiæ curatio præsertimque in malè habito corpore suscipienda tamen ea est, atque iis remediis tentanda quæ multis sæpè profuerunt. Ea licet quadam substantiæ proprietate id præstant, arte tamen adhibenda sunt exinanito & puriori jam facto corpori.

Curationis initium ab eo quidem ducendum est, quod resolutione atque investigatione postremo fuit inventum; id autem est totius corporis cacochymia & impuritas, quæ præsentè, nec tutò quidem medicamenta, quæ substantiæ proprietate prodesse solent, adhibeantur. Sæpe enim vel malum ipsum ingeminatur, vel etiam nova quædam symptomata accersunt. Itaque corporis hæc immodica moles imprimis absumenda, & in pristinum naturalemque statum quoad licet revocanda. Deinde caput & cerebrum modis omnibus exhauriendum, ac demum ipsa morbi radix funditus evellenda, corroboratis simul hisce partibus quæ vehementius affectæ fuerunt. Quæ omnia si non æque distinctè, ut pronuntiatur, tutò nihilominus, & pro ejus quod curationi profuerit judicio, opportunè decernentur.

Nec supervacuum humorum exuperantiam, nec corporis tantam molem semel & universè demoliri licet. Non enim tam repentinam mutationem illa natura feret, sed sensim ac pedetentim, ut quæ longo tempore contracta sunt lentè quoque citra vitium offensionem tollantur. Neque id profectò solis medicamentis præstandum, ut quorum immodico usu corpus nimirum labefactatur, sed tum his, tum victu tenui & accommodato. Hic enim cruditates & luxuriantem corporis molem sensim absumet: illa verò supervacuos ac etiam corruptos humores sensim quoque excludent.

Quoniam verò methodicam illam curandi formam satis videor demonstratione prosecutus, ut tandem frugifera sit hæc nostra contemplatio, conducibile sit omnem deinceps curationis seriem subnectere. Nec enim verebor apud eruditissimos viros ipsas medicamentorum formas depromere, quod sæpè curandi summa vis posita sit in remediorum quantitate & utendi ratione. Autumno igitur aut alio quovis elementiore cæli statu curatione suscepta, primum alvus si adstrictior erit: clystere proritetur, qui etiam crassam intestinorum pituitam eluat atque detrahat. Atque is in lib. i. decocti accommodati habeat hieræ simp. diaphœnici an. ℥ss. mellis ros. & anthosati ana ℥j. olei rutæ & anethi ana ℥i ss. Postridiè portio humo-

morum supervacuorum qui in ventriculo & in primis ductibus sine adhæsu fluctuant, expurgetur hoc medicamento:

℥. Polypodii quercini, sem. carthami, arui, fœniculi, foliorum senæ ana ℥ iij. epithymi ℥ j. fiat decoctio in unani dosim. in colatura infunde Rhabarbari electi ℥ i. Agarici trochiscati ℥ j. Cinamomi ℥ i. expressioni adde Syrup. Capillorum Ven. ℥ vi. fiat potio. Detur manè horis saltem quatuor ante cibum.

Tertio die constituatur vivendi ratio tenuis, & citra manifestum calorem attenuans, eaque ex cibis euchymis, ut ex pullis gallinaceis & columbinis, ex perdicibus, aviculis montanis, phasianis, & similibus: iisque assis potius quam elixis. A jusculis & sorbitionibus multis abstinendum, quoniam præcordia nimis implent atque distendunt. A fructibus quoque, & leguminibus, & ab omnibus flatulentis aut vaporosis. His igitur & purioribus cibis qui facile designari poterunt, parcè nec unquam ad satietatem utatur, & solum bis die cibum sumat, idque ex iustis intervallis quæ concoctioni sint satis. Percipiet autem dominus laborans se his convenienter uti, si nec ventriculi distensionem, nec rugitum, nec ructum ullum in concoctione sentiat. Ut etiam potu cruditatum portio facilius absorbeatur, in easque natus calor validius incumbat, parcus sit potus, isque in pastu solo: potu enim quam cibo impleri facilius est. Immoderatus corpus gravat, omnemque concoctionem interpellat.

Hoc etiam tempore humores ad plenioram purgationem apparandi erunt, vel apozemate ex rad. petroselini, fœniculi, & polypodii, cum hyssopo, betonica, & stœchade, in quo nonnihil oximelitis dissolutum sit. Vel si mavult, guajaci decocto in quo commemoratæ radices & herbae sub finem aliquantum incoctæ fuerint. Alterutro aut bis die, aut certè semel utendum, horis duabus tribusve ante cibum. Sed quàm minimè ciendi sunt sudores. Si interim alvus subsistat, sollicitetur commemorato clystere. Cum & victus ratione, & apozemate, diebus quinque aut sex, apparati jam satis ac fortassis concitati erunt humores, altero medicamento proliciendi erunt; quod aut priori simile sit, aut aliquantò efficacius, & curando affectui accommodatius.

Quale hoc est: ℥. Rad. apij, polypodii quercini, sem. carthami, passularum mundatarum, fol. senæ mundatorum ana ℥ iij. Epithymi ℥ j. fiat decoctio pro una dosi. In colatura dissolve pulveris hieræ simp. diaphœnici ana ℥ ij. fiat potio. Detur manè horis saltem quatuor ante cibum.

Ab hac purgatione ad apozema redeundum, victusque similis continuandus, ac deinde post dies circiter quinque, tertio medicamento, si res postulet, purgandum, quod horum persimile sit.

Ubi autem circiter diebus quindecim horum remediorum ope ventriculus, jecur, lien, pancreas, & partes omnes quæ in prima corporis regione consistunt, puriores existent, tum deinde secunda corporis regio quæ majorum est venarum, tempestivè vacuabitur sectione venæ. Hanc enim non modò morbi species atque magnitudo, sed & corporis habitus & ante acta

vita postulant, vires verò & ætas permittunt. Secunda porro erit vena cubiti media, quæ & è cerebro, & è jecore, ac inferis partibus perinde vacuat: & ea quidem in brachio dextro, quod oculus dexter sit hebetior, ejusque lateris auris, atque etiam naris obturetur, & tuberculum in dextro tempore promineat, partesque omnes dextræ ad motum & ad sua munera sint ob humorum copiam & gravitatem ignaviores. Detrahetur autem sanguis non minus quam libra una, quæ unciarum est duodecim.

A venæsectione cum jam corpus extenuari & macrescere cœperit, ne quid ad perfectam curationem desit, tertia corporis regio, quæ summam omnes partes ipsumque caput completitur, exinanienda erit.

In idque utiliter guajaci decocto, vel simplici, vel, ut dixi, composito, sudores bis die aut semel citentur. Et quo tempore diminuantur, tonso jam capite adhibeantur hæc caloricifica.

℥. Seminis anisi, fœniculi, cumini, baccharum lauri contusarum ana ℥ ij. milij ℥ j. salis vulgaris libram semis. torrefiant omnia in sartagine, reponantur in sacculis, qui calidi applicentur capiti tempore sudoris.

Sudore deterso pituita è dextra præsertim nare proliciatur hoc errhino;

℥. Salviæ, majoranæ ana ℥ iij. tritis affundantur vini albi ℥ iv. fiat expressio, in qua maceretur radice cyclamini minutim concisa ℥ j. rursum exprimatur, reponatur pro errhino, hauriatur in narem dextram, vel penicillus in eo intinctus immittatur in narem dextram, contineaturque dum pituita profluat.

In aurem verò dextram quotidie mane huius liquoris duæ tresve guttulæ instillantur:

℥. Aquæ vitæ, succi cepæ ana ℥ ij. in quibus infundatur pulpæ colocynthidos ℥ j. in expressione Castorei ℥ ij. repone & utitor, ut, dixi, obtureturque auris bombace.

Pomeridianis horis sub canam cucurbitulæ scapulis, cervici, & occipitio affigendæ, modò leves, modò cum scarificatu, idque maxime parte dextra quæ gravius afficitur.

Hæc igitur topica remedia cum guajaco & victu tenui eò usque continuanda erunt, dum odoratus nari, & auditus auri dextræ sit restitutus. Quod si non facile sit assequi, nonnunquam mane caput jejuno lavandum, fovendumque erit lixivio calido in quo cephalicæ herbae incoxerint, quod & ejus noxios humores vetustate concretos colliquabit, fluxosque reddet, ut deinde topicis illis promptius obtemperent, simul etiam occulta quæcunque cerebri vitia deterget.

Superiorum remediorum continuatione, cum & corporis totius, & cerebri vitiosa constitutio, in pristinam ac ferè naturalem rediisse videbitur, intermisso guajaci & topicorum remediorum usu, sed tamen victu siccante, tenui & attenuante semper observato, epilepsiæ remedia propria opportunè decernuntur, hac ferè methodo. Primum quod universalis purgatio aliquandiu fuerit intermissa, hoc modo repetenda erit:

℥. Fol. salviæ, betonicæ, stœchad. anthos, ana m. s. epithymi ℥ j. fol. senæ mundat. ℥ iij.

E e e e 4 fiat

fiat decoctio pro una dosi, addendo sub finem, agarici ʒjss. in expressio adde pulv. hieræ diacolocynthidos ij. fiat potio sumenda die electa, horis quatuor ante cibum. Postridie bolus hic voretur :

℞. Conservæ betonica, anthos ana ʒi. mithridatij veteris ʒj. misce, capiat mane horis tribus vel quatuor ante cibum. Sequenti die qui tertius erit, pulvis hic sumatur, vel solus vel hydromelite dilutus :

℞. Rad. Aristolochiæ rotundæ, epithymi ana ʒi. Rad. asari ʒij. fiat pulvis tenuis, sumat horis duabus ab accepto iusculo aut ab alio quovis levi cibo, si forte vomitionem concitet, non antè cibum alius offeratur quàm ea desierit : ac tum pulli aut capi iusculum apprimè conveniet, ad hoc deinde consuetus cibum. Si ob amarorem hujus pulveris difficilior sit usus, poterit in pilulas redigi, quæ parem vim & facultatem obtinent. Est autem vis huic medicamento summa ad epilepsiam.

At nihilominus ne quid suspectum supersit, die quarto, cauterio aperiatur tumor in tempore dextro prominens, illæsiq; venis, arteriis, & musculis, sensim omnis ejus illuvies eluatur atque detergatur, sinaturque aliquandiu manare dum in naturalem statum redeat. Occipitium verò aut sinciput ad coronalem commissuram cauterio inurere, nihil mea sententia contulerit, neque id citra gravioris periculi discrimen experiri licet. Thermarum, quacunque sint facultate præditæ, vis ad affectum hunc nulla deprehendetur. Neque fieri potest, ut corpus a pravis humoribus aptius vindicetur, quam exposita ratione curandi. His ita paucis videor ad quæstiones respondisse, in quibus plurimum inerat difficultatis.

Cæterum, ut totam curationem compleam, & huic quasi colophonem addam, dum ulcus in dextro tempore inustum curabitur, usurpanda erunt remedia, quæ secreta proprietate epilepsiam inhibent, atque etiam depellunt. Cujusmodi est pulvis aut electuarium ex scobe cornu cervi, & eboris, cranio humano, radice & semine Pæoniæ maris, visco quercino, corallio, & gingibere, exceptis saccharo soluto aqua betonica. Semen Pæoniæ maris collo subnexum vim habere experimur, & ungulam ejus animalis quod vestrates *ellend* appellant, vel appensam, vel annulo inclusam vidimus epilepticam accessionem cohibere. Æstivo solstitio, & maximè divi Joannis Baptistæ profesto, si artemisiæ herbæ radix evellatur, sub ea verus carbo, sed tamen bene odoratus, inveniri solet, qui sindone inclusus appensusque collo epilepsiam arcet. Et hæc quidem propriè symptomati, cætera verò quæ prædixi ejus causæ succurrunt.

Hac autem curatione prorsus & ad unguem completa, ne postea in consimilem affectum relapsus contingat, observanda erit aut exquisitè, aut quàm proximè licebit, vivendi ratio jam exposita. Circum solstitia & æquinoctia luna decrescente, clystere præmissio corpus purgetur etiam medicamento quod præscripsi ex hiera diacolocynthidos. Postridie bolus detur ex mithridatio. Tertio die vomitio proritetur, vel pulvere, vel pilulis præscriptis. Reliquo deinceps tempore ex intervallis ea usurpentur,

quæ dixi proprietate valere. Si certus & status est epilepticæ accessionis recursus, iisdem mediis quinque sexve diebus utiliter antevertentur, nec ejus præcavendi certior lex ulla statui potest. *Joh. Fernelius in Consiliis Medicis.*

Pro quadam Nobili Puella Epilepsiam ex vermibus incurrente.

Quod puella nobis proposita sit Epileptica, præterquam instante accessione cadit, convellitur secundum totum, ex eo etiam potissimum deprehendo, quod motu, sensu functioneque animæ principali interim destituitur, atque spumatore, sed an per essentiam, vel potius per consensum sit Epileptica, meritò dubitari potest, nam ipsam essentiam laborare Paroxysmus longior, & vehementior, spumaque copiosior, quam si per consensum laboraret, suadent; adhuc & pars corporis dextra ferè semper prius convellitur, accedit dispositio hæreditaria ex parte matris, quæ ad musculos faciei convellatur. Ex adverso tamen quoniam patiens ad scensum quendam, & dolorem prius circa ventriculum percipit, atque vermes excreti ab accessione puellam præcavent, Epilepsiam hanc per consensum accedere unusquisque faciliè distinguet. Puto itaque ego per consensum hoc morbi genus propositam patientem affligere, nec mirum, si illa Symptomata sint adeo intensa, quoniam causæ morbificæ plures agunt, nam præter vermes quasi mordentes, vapores etiam hujus mali causas agentes existere puto, aliter ab accessione, non ita puella stuperet per aliquod temporis intervallum; Amplius hujusmodi causæ, potissimum autem vermes sunt maximæ activitatis, ut ex convulsione, quam ferè semper patiens incurrit clarius innotescit. Accedit demum, quod perspicacia illa ingenij, & propensio ad munia animalia solita, nullam materiam morbificam per essentiam cerebrum obsidere demonstrant, ut necessariò hoc Epilepsiæ germen aliundè originem ducat, & per consensum caput afficiat.

Utcunque tamen hujus Epilepsiæ causam duplicem esse, mediatam inquam, & immediatam constituo; Immediata meo judicio duplex existit, vapor scilicet, & qualitas dolorifica, vaporem interim à vermibus mortuis, & à materia cruda in intestinis putrescente elevari pro certo habeo, nam primum, quod vermes adsint, patet, quia illos puella sæpius excernit, patitur item omnia Symptomata vermes existentes subsequentiā, pluries nempe sibimet scalpit nares, est iracunda cum delirio temerario, dolore intestinorum perforativo angitur, dentibus stridet; Quod secundo sint teretes, rotundi, atque longi, præterquam quod sensus visus persuadet, patet etiam ex noxa ad ventriculi fundum percepta, nausea, itemque siti; Ab his ergo vermibus existentibus vapor elevatur sine dubio, quemadmodum & à putredine, quoniam ab hac vermes fiunt hæcque interim insignis existat oportet, quoniam numerosi vermes existunt. Qualitas autem dolorifica ex morsu vermium viventium pendet.

Sed vis interea harum causarum est perpendenda, vapor itaque ut motu undoso movetur, hæretque parietibus ventriculorum cerebri,

bri, idem facit cerebrum contrahere ad expellendum, unde & nervi contrahantur oportet, hinc oritur convulsio, ut verò poros cerebri lædit est in causa, ut functiones animales auferantur. Ut verò muscoli mandibularum immodice agitati agant in pituitam descendentem vaporoso spiritui immixtam, spumam ad os ferri contingit.

Quod si tertio loc. aff. Epilepsia ob pituitam, & melancholiam obstruentem fiat, tunc de Epilepsia per essentiam, quæ etiam ab humore, sed non fit absque vapore (ut notat Avic.) Galenus est intelligendus, quasi quod humor sit mediata tantum causa, quæ postmodum immediatam, vaporem inquam suppeditet in Epilepsia, nunc autem de ea, quæ per consensum, sermo prout occasio requirit, est institutus.

Verum præter causam immediatam illam duplicem, vaporem, inquam & qualitatem dolorificam, est & mediata, minera videlicet illius vaporis, nec non errata in victu, quous habitas passi ratione proportionis nativæ a matre (ut dictum fuit) necnon etiam ratione ætatis propter redundantes humiditatem, & cruditatem est addenda, vapor autem ille a facultate non regente mineram generatur, ideoque causa vaporis erit illa eadem, quæ mineram gignit, & hæc nulla alia est, nisi ventriculi frigiditytas, calor imbecillus, & materia cruda.

Vermes pariter & sui materiam, atque causam effectricem præsupponunt, à quibus producuntur, materia est putredo tertio Aphorism. vigesimo sexto, & quarto Meteor. tertio. Idcirco pituita, quæ quoniam est humida, facile putrescit, quoniam lenta, calorem intensum, & ob id putredinalem suscipit, quod Avicenna, & Paulus tradunt, ac ista putredo ad mentem Avicennæ in rotundis est remissa, in latis verò mediocris, in ascaridibus autem summa, & hæc pituita evadit pus pituitosum, causa verò vermium effectrix est tum calor celestis tum proximus insignis, aliter ab alieno dissiparetur materia, neque mutaretur in vermes, calor verò hic est putredinalis, sed aliquo modo naturalis, quia rursus terminat humidum cum sicco, præter naturam respectu dissoluti mixti, utcumque tamen debet esse insignis, hinc Avicenna vermes fieri à potente factore scriptum reliquit.

Scopi itaque curativi, si in accessione, erunt sensum ablatum remediis dolorificis restituere, convulsionemq; membrorum retrahentibus deorsum emendare, & respectu causarum effectricum vapores fluxos discutere, qui verò fluunt, una cum vermibus retrahere.

Extra accessionem autem scopi Medici sunt vermes jam genitos interficere, allicere & enecare, eorum denuò generationem cohibere: Materiam putridam eradicare, copiosam minuere, viscidam detergere, ac humidam exiccare, causamque illius generantem per calefacientia, & siccantia ventriculum impedire.

Quo pervenire possibile quidem, sed difficile admodum erit, periculum enim subest ne ex symptomatibus magnis ex causa vehemente, atque multiplici, per essentiam puella fiat Epileptica, quod etiam hereditaria veluti dispositio persuadet: præterea vermes sunt magni, pingues,

crassi, rubri, quia sanguinem exugunt, exeunt vivi, signum multam alimenti copiam assumpsisse, amplius teretes generantur in intestinis nobilioribus superioribus inquam, nec obstat, quod Celsus dicat latos esse deteriores, quoniam hoc eo tantum nomine dicit quod latorum generatio est irremediabilis. Sed quod timorem non levem incutit, est facultas haud admodum resiliens, quoniam multa symptomata ferè semper finito morbo supersunt, adhuc, & domicilium facultatis animalis afficitur.

Plurimum tamen in ætatis mutatione fidentum, tum ratione morbi imminenti, tum ratione lumbricorum, & eo magis, quia patiens (etiam si puella septem annorum) quam facile tamen admittit medicamenta.

Quocirca ad materias præsidiorum deveniens ex chirurgicis extra accessionem probo fonticulum in crure propter pituitam, sicuti in accessione frictiones deorsum factas approbo.

Medicamenta extra accessionem aut vermes, aut pituitam, aut cerebri proportionem respiciunt, si vermes occurrunt primum quæ ipsos interficiunt, quæ cum varia sint, interim etiam calida, quia non adest febris admittuntur, sed non adstringentia, quia non adest fluxus; verum quemadmodum hæc tum interna, tum externa esse possunt, ita interna tum communia tum propria existunt; inter communia oleum, quo ego felici cum successu uti soleo est huiusmodi.

℥. Absinthii pontici sanctonici, Abrotani ana unc. j. Hyssopi, thymi, Rutæ, Cardui ana unc. s. menthæ, prassii, Centaur. min. corallinæ unc. ij. florum Hypericonis unc. j. s. succi galeg. drag. ij. radices ireos, radices enulæ, Gentianæ, Dipt. mi albi, tormentillæ, myrrhæ, cornu cervi usti ana unc. ij. Agarici, Rhabarbari ana unc. s. Aloës, Cardamomi, lupinorum ana unc. j. s. seminum brassicæ, portulacæ ana unc. j. Coriandrorum præp. Amygdalar. amar. ℥ j. seminum citri ℥ s. seminum secalæ ℥ ij. Sebestem pinguium ℥ ij. s.

M. & incisus, & contusus, incidendis, & contundendis, omnia in vase vitreo ponantur, addaturque olei olivarum dulcium tantum, quantum possit omnibus supernatare, & per quadraginta dies vas soli subiciatur, vel si citius hoc parandum sit, bulliant omnia: in balneo Mariæ per duodecim horas continuo, deinde oleum coletur absque forti expressione, cuius ego soleo drag. j. pueris exhibere, adultis autem drag. ij. exhibeo, & merifice prodest, & eo magis, si partes etiam pulsatiles inungantur.

Syrupus præterea, vel oxymel, & conserva ex floribus persicorum & ex scordio. Pulvis ex Abrotano, Corallina, costo, citri seminibus, nucleis persicorum ex aqua graminis, & Pæoniæ datus ex Aetio, oleum omphacinum, nucleorum persicorum, amygdalarum amararum, sulphuris & calcanthi ex aqua graminis propinatum, & vinum infusionis Mercurii sunt miri usus.

Propria verò Teretum Medicamenta ex absinthio. sem. sancto, centauro minore, lupinis, Diptamo albo. & secundum Aetium ex pulvere lumbricorum terrestrium ex sapa, vel mulla conficiuntur.

Cæterum pro externis medicamentis variæ primum

primum occurrunt inunctiones, tum ex oleo ad vermes jam dictos partibus pulsantibus, cordi, ventriculo, & umbilico illito, tum ex oleo magni Ducis ad venena; Theriaca pariter cum aloë, scordio, & myrrha, eodem modo illita probatur; in hunc etiam usum medicamentum hujus census preparatur.

Accipitur Arancium acetosum, in quo per foramen imponitur pulvis centaurei minoris, Dictami, absinthii, lupinorum, aloës, & myrrhæ cum modico theriacæ, deinde infunditur oleum amygdalarum amararum, vel rutaceum, ac fel Bovis, demumque coquitur super laterem ad ignem, succus extrahitur, & usui est opportunus. Emplastrum quoque ad umbilicum ex foliis persicorum, farina lupinorum, pulvere aloës, oleo rutaceo, & aceto acerrimo exceptis conveniens erit, eo tamen ordine hæc externa sunt adhibenda, ut scilicet partibus superioribus prius admoveantur.

Atque interim quæ vermes alliciunt Medicamenta, non sunt improbanda, uti Clysteres ex lacte, præcipue asinino, cum saccharo, & melle, vel ex jure pingui, sapa, & butyro, uti glandes ex melle sine sale butyro illitæ.

Interfectos autem vermes educunt pilulæ Ruffi ex hiera, aloës non lota, & Agaricus trochiscatus. Interficit verò simul, & educit aqua Tetrucciana cum melle rosato solutivo pota ad libram unam in casu nostro.

Medicamenta quæ pituitam respiciunt lenientia, præparantia, & purgantia, tum sensibilibus, tum insensibiliter sint oportet; leniatur igitur alvus cum mel. ros. sol. cum syrupo de cichoreo, cum Rhabarbaro, & aqua graminis, Humores præparentur decocto betonice, dictami, hyssopi, cichorii, & radicum Pæoniæ, atque graminis cum oxymelle simplici; Purgentur pilulis de hiera cum Agarico, vel infuso Agarici trochiscati, mel. ros. sol. & modico Rhabarbaro in tota substantia, nam Rhabarbarum potius ad enecandos vermes, & absumendam humiditatem excrementitiam, quam ad purgandum additur, alias detrahendo bilem, quæ suo amaro posset vermes interficere, noceret, & hac ratione forsitan Paulus scammonium laudavit.

Pro purgatione insensibili præter trochiscos Andronis ex Aetio & oleum sulphuris vel calcanthi in minima dosi ex aqua Pæoniæ, duo præsertim propono, unum est oxymel ex decocto hyssopi cum aceto scillino destillato, Alterum, in quo maximè fido, est decoctum guajaci, ligni visci quercini, & corticis guajaci, additis Pæoniæ, hyssopo, & cichoraceis.

Tandem ad cerebri proprietatem individua-lem servandam, ac morbum profligandum præterea, quæ aliis superius sunt immixta, secreta quadam proprietate ab usu olei Chymici ex cranio humano cum aqua Pæoniæ, & betonice, vel conservæ salviæ, & stœchadis cum pulvere cranii humani, aut asinini, ac Mithridato, vel florum rutæ caprarum saccharo conditorum non abhorreo.

Medicamenta accessionis vapores in capite existentes discutiant, & eos, qui extra caput, ac vermes repellant oportet, Pro discussione ergo nares internæ, atque palatum Mithridatica confectione inungantur, fiant naribus evapora-

tiones cum spongia madefacta in aceto acerrimo decoctionis thymi, pulegii, calamintæ, diptami albi, & origani, caltoreum quoque, & assa fœtida ignita in eundem faciunt usum sicuti & allium atque Ruta.

Pro repulsione haultus aceti, succus absinthii concreti devoratus, & oleum omphacinum bibitum summopere valent, quò spectant & petiæ lineæ in aceto, & aqua absinthii madefactæ, collo, cordi, & ori ventriculi applicitæ.

Sed inter cætera instituatur victus accommodatus, qui sit calefaciens, siccaus, attenuans, & detergens, acris, vel acidus, ideoque carnes, piscesque saliti, modelte tamen commansi, carnes item animalium exercitatorum, olivæ, fœniculum sale, ac aceto condita, cappares saliti, amygdalæ, nuces siccæ, brassica, cicerum jus, limones, arancia, citria, acetum, oleum, quod omnia animalia insecti generis ex Aristotele enecat, probantur; præ cæteris autem amygdalorum amarorum, emulsionem seminum citri mundatorum cum modico sacchari etiam, atque etiam laudo. Verum & simplicia Capitalia pro condiendis cibis haud sunt spernenda, hujusmodi verò essent salvia, anthos, sampucus, atque similia. Pulvis quoque cibariis inspergendus ex semine caulium, absinthii fantonici, & Pæoniæ cum modico sacchari factus. At victus nullo modo tenuis existat, ideo summopere probo, ut sapere, sed parum cibi detur. Potus sit vini granatorum medii saporis cum aqua graminis, quod si vinum commune sit offereendum, eligatur subrubrum medicatum cum guajaco, vel absinthio, vel rore marino, Reliqua sint hujus census, ex quibus Deo annuente plurimum utilitatis sibi puella comparabit. *Julius Caesar Claudinus in Consultationibus Medicis.*

De Epilepsia. Pro Muliere Civitatis Forojuliensis.

Meam sententiam prolaturus de gravi illo symptomate, quo per vices conflictatur egregia, & præclara Mulier, annorum 35. temperamenti calidi, & humidi, duodecim ab hinc annis orbata marito; ambigo primò numquid symptoma relatum sit Epilepticum, necne. Novi siquidem Epilepticum symptoma semper esse convulsivum teste Gal. tertio de l. Aff. 7. l. de Sympt. differ. tertio, & alibi; idem suadente ratione. Quando enim causa comitiales morbum inducens irritat, & vellicat internas ventriculorum cerebri membranas, quod facit in epilepsia, expultricem quinetiam excitat ad sui expulsionem, atque inde fit aliqua concussio cerebri, ad quam necessario convelluntur internæ partes, vel omnes, vel aliquæ: at in hoc affectu nullus motus observatur; quare hic affectus inter comitiales non videtur reponendus. Quod si Gal. asseruit eodem tertio de l. Aff. sensum aliquando amitti, nullo accedente motu convulsivo, non tamen dixit, accidens illud esse epilepticum; sed tantum fieri à causa frigida, innuens scil. symptomata illa omnia facultatis animalis, in quibus deperditur sensus, non accedente motu, à causa frigida provenire; cujus generis est etiam lethargus. Affectus itaque nobilis Patientis vel Caros dici debet quarto de Loc. Aff. 2. quinto Aphor. 5. & secundo de Articulis

ticulis 21. vel Suffocatio, seu præfocatio, quando insensibilitati, & immobilitati jungitur insignis pulsus cordis & arteriarum imminutio, ex Gal. sexto de Loc. Aff. 5. Verum quia relatum video, Matronam hanc accessionis tempore dentes clausos habere, & ab accessione spumam ab ore fluere, credibile est adesse aliquam mandibularum convulsionem, cujus ratione prædictus affectus inter comitiales, eosque leviores referri potest. Hic autem affectus necessario consequitur cerebri noxam, non sanè essentialem; quia tunc accessiones essent frequentiores, graviores, & derepente supervenientes; sed potius inferiorum partium vitio consentientem. Cuinam autem membro essentialiter affecto consentiat cerebrum in hac affectione non immerito dubitatur; num scilicet ventriculo, utero, vel utrique visceri. De horum enim viscerum mala dispositione certissima adsunt indicia, nullum verò de aliarum partium vitiis.

Et sanè quod ex ventriculo malè affecto crassos, & frigidos vapores cerebro communicante fiat Epilepsia, manifestissimis verbis expressit Gal. confirmat experientia, & ex eo facile colligitur, quod alias in pueritia propter vermes huic affectui fuit obnoxia, nec in præsentia invadit affectus. Addo, quod præcedat dolor, anxietasque ventriculi, ac inde flatus elevari sentiat patiens; & præcesserint causæ cruditates in ventriculo coacervantes, quales sunt usus piscium, & incomposita victus ratio tempore quadragemali nuper elapso. Nec minus extant indicia uterinæ passionis: quandoquidem invasit affectus dum utero gestabat, tempore verò partus, & post ipsum hoc symptoma corripiebat, in præsentia sentit quinetiam quosdam vapores elevari ab imò ventre, mensesque nunc fluunt inordinate.

Quare crediderim primariam affectionem in utero latitare, inde ex ventriculi consensu contingere jam enarrata symptomata, non sanè ratione seminis. Quia tunc accidentia essent sæviora, nec ipsi fuissent familiaria, quando erat Viro juncta; sed ratione sanguinis menstrui statutis temporibus, & debita quantitate non expurgati. Hanc enim solam ob causam superveniebat affectus purgationis tempore, in partu, & parum post partum. Quia tunc licet semen effluere potuerit, sanguis tamen menstruus ex sui natura vitiosus, & deteriorem naturam adeptus in prægnatione retinebatur, nec perfectè purgabatur: cujus certiores nos reddit exacerbatio hujus affectus tempore menstruæ purgationis. Quod si aliquis aliquid noxæ semini adscribat, non reluctabor, qui norim gravissima mala consequi seminis retentionem, in illis præsertim, quæ à virili congressu, quem habebant familiarem, omnino abstinent: sic nos docente Galeno sexto de Loc. Aff. 5. ubi de affectibus uteri verba facit. Sanguis autem menstruus imperfectè fluit ob angustiam vasorum, consequentem crassitiem sanguinis cum melancholici, tum pituitosi: quam ob causam summa cum ratione dubitatur de melancholia superveniente, tum hypochondriaca, tum & essentiali, quia præsens affectus diutius durans protrahitur cerebrum essentiali affectione corruptit.

Ideo me quoque iudice, remediis congruis agendum est, quæ melancholicam, & pituitosam

materiam præparent, & evacuent; ventriculum abstergant & robovent; uteri venas referent, & ab infarctu liberent; & deinde caput corroborent.

His autem scopis satisfieri poterit per ea, quæ diligenter expurgant totum corpus, non omissa educatione sanguinis per venam saphe-nam, & hæmorrhoidum apertionem, per ea quæ diligenter abstergant ventriculum, & flatus discutiant, in quem usum valent aquæ Tetutianæ, & frequens usus hieræ picræ Galeni, & per ea, quæ divertant à capite; quod præstabitur per fonticulum in interna parte dextræ coxæ paratum; & tandem per corroborantia cerebrum; calefacientia, & exsiccantia ventriculum; uterique vasa referantia absque insigni calefactione jecoris. In quem usum valebit decoctum paratum ex radice chinæ, cum portiuncula sassafra, & hordei, additis Pæonia, visco quercino, capillo veneris, matricaria, mentha, & cichoraceis omnibus; una cum inunctione ventriculi, & uteri infussionibus, & infernarum partium frictionibus, imminentibus mensibus, opportunis maxime ad mensum provocacionem. Et hæc est mea sententia, de affectu præsentis. Faxit Deus ut feliciter cedat patienti, & ad vota virorum in re medica præstantissimorum. *Bened. Silvatic. Consil. & Respons. Medic. Cent. 1.*

De Epilepsia. Pro Nobili Feltrensi.

Affectum generosi nostri Patientis comitiales esse consentiunt omnes Viri doctissimi, qui de hoc affectu scripserunt, confirmantque accidentia tempore paroxysmi apparentia. Numquid autem cerebrum in ipso afficiatur essentialiter, vel per consensum, & à qua causa proveniat, non adeò constat. Quod enim cerebrum essentialiter laboret, vel inde colligendum videtur, quod caput excedit in magnitudine, quodque affectus hic est ferè continuus, cum bis & ter in die recurrat, & diuturnus, quinque scilicet annorum. Caterum cum vix ullus appareat excrementorum proventus in cerebro, non præcesserint morbozæ capitis affectiones, præter ipsius dolorem, & vertigines non semper essentielles in capite, cum in tam diuturno affectu non ingravescat morbus, recordeturque patiens omnium, quæ ipsi contigerunt tempore paroxysmi, ut refert Excellent. Medicus in consultatione, in eam facile concedo sententiam, quod cerebrum sit quidem ad hanc affectionem dispositum, tum ob intemperiem calidam, & humidam ipsius tum ob insignem magnitudinem: affectum tamen ipsum fieri consentiente cerebro cum partibus infernis, eoque magis, quoniam consentiunt Viri præclarissimi præcedere affectionem aliquam circa os ventriculi, quam aliqui angorem, alij palpitationem, alij evaporationem nominant. His accedit quod ætate 23. vel 24. annorum rarò supervenit essentialis Epilepsia, absque aliqua morbosa capitis affectione, contusione, vulnere, ulcere, aliove simili affectu præcedente, quæ saltem perdurare soleat tam longo temporis spatio. Verum enim verò, quæ pars sit essentialiter affecta, nec tam facile determinari potest. Multa enim sunt, quæ suadere possunt os ventriculi esse essentialiter affectum, languor scilicet palpitatio-

pitatioque in illa parte observata, exquisitus sensus ipsius, ejusdemque maximus consensus cum cerebro per nervos sextæ conjugationis, quas ob causas Grammaticus ille, de quo Gal., de Loc. affectis, ex clamore, ira, inedia, & cogitatione in epilepsiam incidebat, ob exquisitum sensum oris ventriculi, ut inquit Gal.

Veruntamen cum audiam generosum nostrum patientem æquè hunc affectum pati, cum bene se gerit in victu, quàm cum aliquos committit errores, cum cibis quadragesimalibus vescitur, vel cum ab ipsis abstinet, æquè tempore purgationum, quando ventriculus est ab excrementis immunis, quàm extra illud tempus, neque juvamentum ex assumptis suscipiat, prout Grammaticus ille, suspicor & ego cum Excellentiss. Viro partem essentialiter affectam esse hypochondria, & fortè sinistrum, & lienem, posteaquam audio ipsum esse jecore præcalido, habitusque ad melancholicum vergentis; estque ea ætate, in qua magis viget cum bile melancholia, quàm pituita, dolentque, & tument aliquando hæmorrhoides. Quæ omnia suadere nobis possunt congestam esse copiam sanguinis melancholici in liene, hincque vapores elevari, & fortè palpitationem cordis inferre, non autem oris ventriculi, quidem caput petentes, malaque qualitate peccantes, vellicando internos parietes ventriculorum cerebri irritata expultrice, concussionem ipsorum inferre, sicque motum convulsivum cum aliqua detentione functionum principum, ob agitationem spirituum animalium, impeditumque ipsorum transitum ad principium spinalis medullæ, & ad sensoria: hinc levis affectus, & cito recedens. Quod si aliquando irruant majori copia, cum impetu majori, magisque molesti sint, tunc gravem pariunt affectum, cum prolapsu in terram: quod ter, & quater in anno accidit. Exercitium quin etiam patientis ipsius ad ignem, & attractio fuliginis ex carbonibus accensis juvare potest plurimum: & fortè huic affectui supervenit aliqua mœstitia, & affectus melancholicus: epileptici enim magna ex parte sunt melancholici, ex Hippocrate, quod dictum tunc potissimum verum est, quando epilepsia fit ab humore melancholico. Et hæc de affectu, & causis affectus, quantum ex consultationibus colligi potest.

Prognosticum quod attinet, scriptum quidem reliquit Hippocrates Epilepsiam ante pubertatem curationem recipere, post 25. annum ferè comitari ad mortem usque: non ob id tamen negat etiam post illam ætatem sanari posse per medica præsidia, si præsertim proveniat ab alia causa. Ibi enim agit de epilepsia facta à pituitosa materia, curationemque suscipiente per mutationem ætatis, regionis, & victus; de qua etiam 2. Aph. 45. locutus fuerat. Propterea licet affectus hic sit diuturnus, & confirmatus, non ob id desperandum est de salute per medica præsidia adipiscenda.

Quare divertenda est evaporatio, tollenda minera, corrigenda intemperies tum jecoris per refrigerantia; tum cerebri per exsiccantia; & corroborandum est cor, & cerebrum; non omissis iis quæ à proprietate juvare dicuntur. Idque præstandum remediis, Chirurgicis, Pharmaceuticis, & Diæticis.

Inter Chirurgica, me quoque consule, principem locum habet sanguinis missio, tum ex sapheña pedis dextri pro revulsione, tum ex interna brachij sinistri pro interceptione, tum & ex venis sedalibus, pro revulsione & derivatione; imò hinc singulis mensibus bis educetur sanguis ad quatuor uncias singulis vicibus, cum præsertim aliquando intumescant, & doleant: si enim natura sanguinem inde excreverit, hoc ipsi erit maximo juvamento: post aliquot menses, sufficet hæmorrhoides aperire semel in mense propè plenilunium. Fonticulus pariter sinistro interno femori inuri poterit, abstinendo à setaceo; non tamen ab ustione occipitis, ad exsicccandos, & roborandos nervos; sicuti pro capitis exsiccatione placet præter alia frequens applicatio carbonis accensi cum cochleari, supposita papyro, & præsertim circa sinciput, & lutas capitis. Vesicantia, ultiones, & similia parti essentialiter affectæ applicari non poterunt. Et hæc de Chirurgicis.

Pharmaceutica remedia Universalia respiciant humorem melancholicum prædominantem, cum subdominio pituitæ; lenientia scil. præparantia, purgantia quæ brevitatis causa tanquam notissima mittenda sunt; hoc adnotato, quod inter purgantia conferet extractum helleb. nigri, necnon & antimonium diligenter præparatum, ne sit vomitorium. Sic conf. hammech, & pil. coctæ cum helleboro, & de lapide lazuli ex usu erunt. Peculiaria capitis remedia sint leviora, & inter hæc mastiche proderit etiam ad roborandum ventriculum; factaque totius, & capitis purgatione, lando aquam Tetutianam pro majori ventriculi deterfione, cum mell. ros. sol. in primo cyatho ad lib. 4. singulis diebus, per triduum. Mox pro detergenda materia melancholica attenuanda, ac evacuanda, si quæ latitat in liene, aut mesenterio, placet summopere jus galli antiqui flagellati, exenterati & saliti, paratum cum ligno buxi inciso, radice liliorum convallium, Læoniæ mare, ruta capraria, fumaria, borragine, melissa, & seminibus odoratis; cum quo jure exhiberi poterunt quinque aut sex guttulæ olei de succino, & spiritus salis, persistendo in usu hujus medicamenti 20. dies circiter præmissa bolo ex conf. alchermes, & de hyacintho, cum modico gelu cornu cervi. Victus interim sit quidem tenuis, & attenuans, boni tamen succi, & facilis digestionis. Ab hoc medicamento, adventante tempore calidiore, duorum alterum mihi probatur, vel serum lactis caprini optimè depuratum, vel aqua Beatæ Virginis: nisi adsit excedens humiditas capitis, placet magis serum lactis, modo diureticum cum syr. de acetositate citri, & capill. veneris; modo dejectorium cum infus. epithymi, & sennæ, qua infusione frequenter utendum erit cum jure galli præscripto. Si verò ad erit imbecillitas ventriculi, vel excedens capitis humiditas, præferendus erit usus aquæ B. Virginis. Extrinsecus pulveres capitales appropriati, lotiones, & stillicidia ex aquis thermalibus compescere poterunt nimiam humiditatem, & roborare cerebrum. Atque stillicidium ventriculo adhibendum, si essentialiter laboraverit. Nec omittendæ erunt conservæ proprietate juvantes cum modico theriacæ, à Viris doctissimis propositæ.

Victus

Videtur debet esse ciborum boni succi, & facilis digestionis, conditus modico nucis moschatæ, seminum ocymi, caryophyllorum, anisorum, dauci, & similium. A vino prorsus abstinendum censeo. Si quid enim est, quod officiat, est vinum ipsum, qualecunque sit. Propterea multi sanantur sola abstinencia à vino: cuius loco confici poterit vinum ex cerasis nigris, quod est optimum. Proponitur aqua antepileptica à Quercetano valde utilis: fierique potest mulsa cum aqua, in qua decocti sint santali, lignum buxi, & radix Pœoniæ. Laudant aliqui sanguinem humanum destillatum. Vitandus est vapor ex carbonibus accensis, & congrua victus ratio servanda in aliis rebus non naturalibus. Sic enim spero fore, ut pristinam sanitatem recuperet, quam ipsi à præpotente Deo precor. *Idem ibidem.*

De Epilepsia, & Oris Tortura. Pro Illustrissimo Guidicionio Lucensi.

Affectus Juvenis Nobilissimi, annos nati 25. sunt duplices. Alii namque sunt antiquiores ab anno 1647. in hunc usque diem per vices recurrentes; posteriores alii anno 1649. post lapsum præcipitem supervenientes, & continuo affligentes. Primi generis symptoma duplex est, Epilepticum scilicet, & maniacum. Maniacum quidem fuit illud, quod contigit mense Junio anni 1647. in quo mota mente nudus per cubiculum oberravit virga ferrea quolibet etiam familiares cadere tentans. Epilepticum verò fuit, & est illud, in quo noctu & repente edito quodam vocis incomposito sono, tanquam vomiturientis (ut scribitur à præclarissimo Viro) cum quadam membrorum concussione, sine sensu brevi temporis spatio in terram corruit. Qui affectus sæpius eodem modo, & fere eadem hora corripuit Patientem Illustriss. & etiamnum invadit: à quo tamen menses triginta duos continuos prorsus immunis perstitit. Secundi generis affectus est oris tortura contusionem capitis subsecuta, cum effusione sanguinis ex aure dextra, & aliquo levi dolore musculi temporalis dextri, & in præsentia perseverante.

Affectuum prædictorum essentiam, & ideam quod spectat dubitandum non censemus cum Viris præclarissimis de symptomate epileptico, cum aquam antepilepticam pro ipsius curatione in usum revocarint. Tria tamen circa epilepsiam discutientia veniunt. Primum est, an præsens affectus sit vera epilepsia. Secundum, an sit essentialis. Tertium, à qua causa proveniat. Nec immerito dubitari potest, an sit vera epilepsia, vel potius somnium in somnis apparens; cum superveniat patienti somniis terrificis assueti, in primo somno semper, & eadem hora saturato ventriculo; atque aliquando successit loco epilepsiæ delirium ferinum, quod non raro fit in somno, ut patet in noctambulis. Ex quibus quis suspicari posset, hoc accidens somnianti supervenisse, dum scilicet vapores à cibo, eoque copioso elevati opprimunt ita primum sensorium, ut impedita spirituum animalium effusione ad instrumenta respirationi dicata, suffocationis periculum inferant, ac incompositus vocis sonus edatur cum suffocationis periculo, quod vi-

tare tentans Patiens Illustriss. natura excitante, ut fit dum dormientes revolvuntur in lecto surgit, præcepique ruit in terram instar epileptici. Cæterum hoc in casu nostro locum non habet. Primo, quia si prolapsus in terram fieret à somno, expectatus non permaneret immobilis, & sine sensu, vel potius cum motibus convulsi vis. Secundo, quia excitatus præteritorum recordaretur, & aliqua referret: quod non fit. Tertio, quia invaderet in somno semper: cum tamen aliquando invadat qua hora ita cubitum, & quandoque pomeridianis horis, quo tempore non decubuerat: ac propterea statuendum censeo, incipere aliquando in somno, perfici tamen in vigiliis, ut non raro evenit cum in epilepsia, tum in vertigine, & aliis affectibus. Affectumque hunc fieri censeo, cerebro tum primario affecto; tum aliunde vapores recipiente, & præsertim à ventriculo, & à præcordiis, ideoque prænunciari modo per aurium sibilum, modo per angustiam partium spiritalium, & aliarum infernarum partium, semper tamen affecto cerebro, quam ob causam immunis ab affectu gravitatem capitis observat, obtusosque sensus habet aliquo temporis spatio.

Majori cum difficultate determinari potest à qua causa proveniat, nunquid scilicet à pituitosa materia, quod fit ut plurimum, vel à biliosa, vel ab atrabiliari. Si proclivitatem ad somnum spectamus, de pituitosa prædominio suspicari possumus. Sed si temperamentum totius & jecoris, si accidentia supervenientia, si excreta, dicendum est, adesse quidem aliquam pituitæ copiam in cerebro humidioris temperamenti, prædominari tamen bilem, & melancholicam; inò suspitione non vacat, humorem melancholicum exustum cæteris omnibus præpolere: ita ut massa sanguinea in casu nostro sit à prædominio melancholica. Quæ ratione prodidit Hip. melancholicos magna ex parte fieri epilepticos; dum enim irruit humor in mentem, sunt melancholici: dum verò in corpus cerebri, epileptici: quod accidisse observamus in casu nostro; quando namque vapores acres atrabiles impetum fecerunt in corpus cerebri, vellicando membranulas ventriculorum cerebri, factus fuit & fit epilepticus; quando verò mense Junio anni 1647. affecerunt iidem temperamentum cerebri ascendentes spiritus, factus fuit maniacus, sive delirus: nunquam tamen bilem evomit, ut mihi retulit: ex quo conjectare possumus affectum præsentem à bile provenire. Verum cum Patiens Nobilissimus sit famelicus, atque affectus invadat post aliquod tempus ab assumpto cibo, statuendum potius in ventriculo atram bilem aliquando congeri, insultusque epilepticos inferre: quod confirmatur ex sanguine melancholico aliquando per hæmorrhoidales venas sponte fluente. Et hæc de delirio, & epilepsia fat erunt, maturiori iudicio semper subjicienda.

Quod spectat ad oris torturam, cum hæc successerit validæ contusioni capitis post præcipitem lapsum è loco sublimi noctu, cum aliqua mora sub dio, & subgrundiis tempore pluvio, cumque tunc non brevi temporis spatio jacuerit sine sensu & motu; ut suspicio subsit Nobilissimum Patientem tunc apoplexia levi fuisse detentum ab Hippocrat. proposita, 7.

Aph. 58. his verbis: *Quibus occasione aliqua cerebri fuerit vehementer concussus, mutos fieri protinus necesse est*; addente Galen. in comm. Hippoc. consuevisse sub nomine Aphoniae significare eos, qui cuiusvis motus aut sensus iacturam faciunt, non aliter ac apoplectici, & attoniti sine ullo sensu omnino, ac motu prostrati jacent. Credibile quinetiam est paralysem subsecutam fuisse, hancque ob causam spasmus cynicus seu oris torturam supervenisse potius in paralyse, quam ex convulsione, quandoquidem contusio facta est in parte dextra capitis, tortura autem facta est ad sinistram. Et sicuti prædictam contusionem subsecuta est sanguinis effusio ex aure dextra, indicio manifeste disruptionis venarum; ita certo certius affirmandum existimo, paralysem factam fuisse ob disruptos surculos nervorum tertiæ conjugationis, cum præsertim nec dextrum supercilium elevari, nec dextra palpebra perfecte deprimi possit, sicuti alias perpendebam, quando de præsentis affectu consului.

Concludendum itaque existimo torturam oris esse prorsus incurabilem, ac propterea de ipsa nil ulterius addendum esse censeo. Si itaque de epilepsia loquimur, hanc utique curatu difficilem fore non nego, cum sit antiqua, cumque ab ætatis mutatione juvamentum nullum suscipere possit, quale ab Hipp. prænuntiatur fuit in 2. Aph. 45. his verbis: Epilepsia laborantes pueri, tum loci victusque, tum maxime ætatis mutatione liberantur: ibi enim loquitur de epilepsia ab ortu naturæ à pituita proveniente; cuius ratione 5. Aph. 7. dixit: epilepsia ante pubertatem mutationem recipit post 25. vero annum ferè comitatur ad interitum: quandoquidem jam statutum est epilepsiam præsentem aut fieri à bile flava, aut ab exusta & melancholia, ut ego existimo; qui humores tantum abest, ut ætatis mutatione imminuantur & contemperentur, quin potius intentionem, & augmentum suscipiant; removeri tamen poterit, Medicis præsidis, & congrua victus ratione. Medica verò sunt Chirurgica, & Pharmaceutica.

Inter Chirurgica commendatur sanguinis extractio antehac experimento comprobata in Juvene Nobilissimo, quæ fieri debet ex jecoraria dextri brachii, vel ex communi ad uncias octo circiter: aperiantur deinde venæ sedales, non hoc tantum tempore, sed singulis mensibus per duos dies ante novilunium, cum affectus hic accesserit die novilunii, vel subsequenti; propterea diligenter observandum est quo tempore frequentius invadat paroxysmus, tuncque occupandus est affectus hæmorrhoidum reseratione, quæ repetatur per plures menses, quo materia assuescat prædictæ evacuationi. Fonticulus inuratur dextro interno femori. Et hæc de Chirurgicis.

Leniatur alvus syr. viol. sol. de polypod. compos. cum fol. sennæ. Præparentur humores syr. de pomis, de succo borrag. & de cichorio, cum diluto cichorii, rutæ caprar. pentaphylli, acetosæ; purgenturque infusione rhabar. & sennæ ipsi familiari, addito syrupo de polypod. compos. & ros. sol. Quod si alvus fuerit adstricta utatur frequenti clystere ex oleo viol. amygd. amar. cum melle ros. sol. Repetatur deinde humorum præparatio cum syr. de pomis compos. de cicho-

rio compos. & melle scyllitico, cum decoct. suprascripta; alternisq; diebus præscribantur 3 iij. decoct. epithymi Mes. loco suprascriptæ decoctionis, insistendo huic evacuationi plures dies. Qua peracta, duo genera remediorum usui erunt, serum scil. lactis capr. & aq. Villensis, vel Nocera. Illud exhibeatur modo dejectorium. modo diureticum; dejectorium cum syr. ros. sol. aut cum infus. sennæ & epithymi: tuncque erit depuratum. Diureticum verò fiet destillatum cum seminibus quatuor majoribus frigidis, oxalide, portulaca, & succo cichorii depurato, cui præmittetur bol. confect. ex margar. præp. smarag. seminib. Pœoniæ pulver. ac speciebus diarrhodonis abbatis: cuius usus erit dies quindecim: exhibendo dejectorium ad 15 iij. qualibet vice, & diureticum ad 3 viii. Interim adventabunt tempora calidiora, tuncque aq. Villensis dari poterit duodecim dies circiter, ea quantitate, eoque modo, ac forma, quæ est notissima viris præclarissimis. Observando quod autumno repetenda erit etiam purgatio.

Major autem diligentia adhiberi debet in re-cto usu sex rerum nonnaturalium, ideoque cibi sint boni succi, refrigerantes, & facili digestionis, concessis prunis Damascenis, passulis, melonibus, cucurbitis, uva crispa, ribes, cerasis acidis, & similibus; ita tamen ut arida ultima mensa usurpentur, interdictis lacticiniis, apio felino, aromatibus acris, omnibusque vaporosis caput petentibus. Cæna sit parvior prandio, & semper à cibo sumat quidpiam subadstringens, & intra horam saltem post cibum non decumbat. A vino prorsus abstinendum censeo saltem aliquot menses, cuius loco in usu erit cerevisia ex lupulis confecta, vel aq. Nocera, vel hordeacea dulcorata cum acido limonum saccharato, vel sorbetto dicto Constantinopolitano; ac interim paretur ipsi potio ex cerasis nigris maturis, accipiendo libras ducentas horum cerasorum contendantur cum ossibus, deinde affundantur libræ centum aquæ fontis in qua infundantur per diem naturalem libræ duæ ligni buxi incisi, & ligni arboris Tiliæ: necnon 15 radic. Pœoniæ, & tantundem radic. lilior. convallium, factaque infusione per diem naturalem in aq. calida & ebullitione ad tertiam partem, aqua prædicta calida colata affundatur cerasis confusis, & fiat ebullitio duos ad dies, postea coletur, & succus seu vinum recondatur in doliolo, impositis iisdem lignis, quæ subsidebunt, & succus clarescet, in usum continuum prandii, & cæna. Fugiat aërem nocturnum, radiosq; solares; somni sint mediocres, pomeridianis vel interdicator, vel fiant corpore supino, nec nocturni sint admodum longi, exercitium mediocre, non statim à cibo; mediocriusque sit veneris usus; alvus continuo lubrica servanda, cuius ratione modicum floris cassiæ nuper extractæ, cum pulpa tamarindorum familiare erit, horisque vespertinis à cæna sumere poterit cochlear conservæ ex floribus liliorum convallium, florib. Pœoniæ, & rosis Damascenis, cum succo granatorum, & saccharo, & quando se quieti tradet, detineat in ore rotulam paratam ex ungula alces in pollinem redacta, Cranio humano uto, rasura eboris, oleo de buxo & saccharo, formati in rotulas cum aqua Pœoniæ, & in ore nocturnis horis detineatur una vel altera. His enim observatis, ani-

mique pathematibus omnibus longe missis, & præsertim ira, spero fore ut ab hoc affectu præfervetur. Faxit Deus Optimus Maximus ut ad vota succedat. *Idem ibidem.*

De Epilepsia. Pro Nob. Linonetti Recanatensi. Ad Excellentiss. Pelliciam.

Quemadmodum compertissimum est Nobil. hunc patientem Epileptica affectione detineri. Involuntaria namque membrorum concussio, cum abolitione functionum principum, spuma circa os, pallore faciei, & memoriæ lapsu à paroxysmo perdurante, id manifestissime confirmant; ita ex relatis à Viro præclarissimo constat, cerebrum esse affectum essentialiter, & dependere affectum præsentem ab intemperie ejus humidioris, cum materia pituitosa partim in ipso genita, partim à subjectis partibus supeditata; diuturna namque oculorum lacrymatio præcedens, frequens expulsiō pituitæ crassæ, morbi incrementum anni tempore frigido, hyberno scilicet, pallor faciei, & similia id apertissime confirmant; cum præsertim nullam ferè mutationem suscepit affectus à victus ratione ordinata, vel inordinata, ex veneris usu, aliisque erroribus commissis.

Quare dubium esse potest, serosam illam materiam alias in cerebro scatentem, quæque antehac per oculorum angulos in fluxu lacrymali jugiter expurgabatur, crassiorem jam factam, diuturna mora in penitiori cerebri substantia corruptionem aliquam, & venenatam qualitatem contraxisse; vel succo melancholico permisceri, cujus in juvenili ætate, & regione calida facilis proventus, sicque affectum hunc contumacissimum & refractarium Productum fuisse, qui tot tamque validis remediis hætenus à Viro Doctissimo præscriptis non cessit; inustioni præsertim duorum cauteriorum ipsimet capiti.

Ex quibus prænuntiare quis poterit cum Hippocrate, & Galeno epilepsiam hanc post vicissimum quintum ætatis annum jamdiu perdurantem incurabilem futuram; nec difficili negotio ætate senili, in apoplexiam desituram, quod Deus avertat. Non ob id tamen à validioribus, & generosioribus remediis desistendum censeo, cum vires habet ita robustas, ut quælibet etiam generosissima remedia tolerare facile possit.

Quare transacta Canicula, totum corpus, & caput erit diligenter expurgandum, materiaque peccans attenuanda, incidenda, sensibilibiterque, & insensibilibiter evacuanda; cerebrum calefaciendum, & exsiccandum; metasyntitici, & à proprietate juvantibus venefica qualitas est eradicanda. Hæc præstabuntur remediis Chirurgicis, Pharmaceuticis, & congrua victus ratione.

Quoad Chirurgica, ratione totius, vena dextri brachii primo erit secanda; deinde aperiendæ venæ sedales, si corpus fuerit plethoricum; nihil enim nobis relatum de corporis habitu, ut propterea ex suppositis sit consulendum, licet capilli sint nigri, somnique turbati, ex quibus caloris quidam excessus in jecore se prodatur. Detrahatur etiam parum sanguinis ex vena frontis in progressu curationis;

imò & vesicantia retro aures, & unctiones variis partibus capitis poterunt adhiberi. Nec abs re esset in affectu adeo refractario, devenire ad terebrationem Cranii usque ad desquamationem primæ laminæ, quod remedium magis erit ex usu, si in parte aliqua capitis fuerit gravitas, vel molestia; non omissis aliis levioribus revellentibus ad impediendam fluxionem.

Pharmaceutica sint duplicis generis, universalis scilicet, & particularia: præparantia, & purgantia humores crassos pituitosos, & serositates melancholicas, eaque generosiora. Ac proinde inter validiora præparantia locum habere poterit, syrupus de hyssopo, de prassio & oxymel scylliticum, cum decoctione radicum Pœoniæ, rutæ caprarie, radicum liliorum convallium, foliorum tilie, peucedani, fumarie, & similibus. Inter purgantia probantur pilule de nitro Alex. de lapide lazuli, & coctæ, præparata cum helleboro, & castoreo. Factaque totius purgatione duplici, & triplici, purgandum erit caput validioribus primò masticatoriis, tum & errhinis, masticatoriaque fiant ex pyrethro, staphisagria, & zingibere, cum cera, & resina, errhina vero parentur ex elaterio in lacte dissoluto, vel ex succo majoranæ, & seminibus nigellæ, aut helleboro pulverizato, cum succo malvæ, aut ex tabaco, seu nicotiana per nares attracta. Accedant tertio quæ lacrymas excitare valeant, si enim lacrymarum suppressio huic affectui ansam dedit, earundem revocatio proderit necessario. Hoc autem præstabunt vapores acres ceparum, allii, nasturtii, oculorum ablutio cum aquis acerbis. Inter cætera caput purgia censeo primas partes deberi fumo tabaci supra proposito. Factaque universali totius, & particulari capitis expiatione, duo interna topica præscribenda censeo, primo laudo aquas thermales magni Balnei Divi Petri in agro hoc Patavino scatentes, si temperamentum totius fuerit calidius; sin minus, uti poterit Aponitanis, tanquam calidioribus, & magis exsiccantibus: hæc enim per vapores caput petentes facile digerere poterunt materiam in cerebro peccantem. Si hæc non contulerint, vel si patiens Patavium se conferre non poterit, laudo aquam stillatitiam hunc in modum paratam. Recipe sex paria hirundinum, & totidem picarum lanugine tectarum, radicum Pœoniæ maris, Luna decrescente sub signo Leonis collectarum, ligni visci quercini, buxi raspati ana ℥ iij. cassias incisi ℥ j. florum liliorum convallium, florum hyperici, tilie arboris, primule Veris, roris marini ana pugil. duos: incidantur illi cum visceribus, & lanugine, contundantur radices, & imponantur in vase vitreo, affundendo succi cerasorum nigrorum, de ruta caprarie, acetosæ, limonum, aceti scyllitici ana uncias quatuor, vini albi generosi libras duas, macerentur triduum in balneo Mariæ, additis floribus præscriptis in maceratione, factaque forti expressione, & colatura, destillentur, & servetur aqua; cujus dosis singulis matutinis horis erit ad uncias tres cum tribus guttis olei de buxo, & spiritus salis, præmisso bolo hunc in modum parato. Recipe terebinthinæ Cypricæ lotæ in aqua lavendulæ, castorei ana

drachm. i. sem. seminum Pœoniæ pulverizatorum, cardamomi, Cranii humani ana drach. i. sem. ungulæ alces pulver. scrup. ij. cum oxymel. scyllitic. folia boli decem quorum singulis diebus sumat duos, & superbibat aquam suprascriptam. Ab his internis duo alia externa utilissima futura censeo, primum erit stillicidium ex aquis thermalibus, amplo tubulo sustenturam coronalem cum impetu perfundens, hoc enim humores etiam crassissimos digerere valebit. Secundum est inunctio venarum jugularium, & retro aures cum oleo de buxo, ejusdemque olei instillatio in aures. Hæc sunt validissima, quæ tutissimè administrari poterunt. Quibus si non cesserit affectus, cogitandum erit de inunctione cum hydrargyro. Hæc enim sicut in lue Gallica contumacissima attenuat etiam gummata durissima capitis, tota materia morbifica per os excreta, sic in casu præsentis extirpare poterit materiam hanc veneficam in penitioribus cerebri partibus conclusam.

Victus ratio sit tenuis, attenuans, exsiccans, Viro præclarissimo quàm notissima: quam propterea lubens omittendam duxi. *Idem ibidem.*

De Epilepsia cum Albugine oculi. Pro Nobili Puer.

Illustrissimus Puer ætatis annorum tredecim, temperamenti calidi & humidum totius, habitusque carnosum, cum inæquali viscerum naturalium intemperie, calida scilicet hepatis & frigida ventriculi, à naturæ primordiis cerebrum impensè humidum & magnum sortitus, nec unquam in infantia favis, achoribus, aliisque capitis ulceribus scædatus, sed semper mundus, statim ab incunabilis gravissimis malis conflictatus fuit. Ex valido namque materiæ defluxu ad oculum albugo suborta fuit, cum ejusdem cæcitæ, gravisque accessit sensus, motus, & actionum principum deperditio, cum concussione corporis, quæ tamen per medica præsidia præscripta, tenellæ ætati accommodata ita remiserunt, ut fieret quidem aliqua mentis alienatio, cum rubedine faciei, subobscura locutione, & aliqua brachiorum levi extensione: quæ tamen statim ita cessabant, ut consueta puerorum ludicra jam missa repeteret, prævideretque imminens symptoma, quod astantibus significabat: atque ideo sedens, vel alicui innixus, accensa facie subobscurè loquebatur, cum levi brachiorum motu, & quadam mentis alienatione, ac brevi temporis spatio cessabat affectus. Symptoma prædictum non raro præcedebat, & aliquando subsequēbatur singultus, semperque à ventre inferiore morbum ortum ducere referebat, qui nunquam tempore somni invasit, sine ulla periodo, nec magis in novilunio, quàm plenilunio, sed indifferenter quolibet tempore corripiebat. Quatuor verò ab hinc annis, dum symptomate gravius corriperebatur, urina involuntariè fluxit, semel atque iterum recurrente symptomate: quod ab anno frequentius est, levius tamen, præterquam mensibus elapsis, cum tota die interesset solemnem belli ludicro equitum hastis concurrentium sub radiis solaribus,

bus, sequenti die comitiali morbo graviore fuit detentus. Apparuit enim totius corporis convulsio, spumaque in ore, cum detentione omnium functionum principum: à quo tempore bis aut ter vera epilepsia correptus fuit. Multa remedia variis temporibus adhibita fuerunt, plures annos gestavit fonticulum in occipite, mox exacto octavo ætatis anno occlusum, inuisto alio sinistro brachio Decocta varia sumpsit radicis Chinæ, ligni visci quercini, & similium: assumpsit serum lactis caprini: alvum valde adstrictam habet, urinam crassam, turbidam, jumentorum urinæ similem, & in magna copia. De agendis consulit.

Quare pro præsentis affectus curatione, supponendum est primo tanquam indubitatum, ex accidentibus propositis, affectum hunc statim ab initio epilepticum fuisse, beneficio tamen remediorum tunc administratorum mitiorem fuisse redditum, ita ut referret speciem vertiginis, & delirii; cum mente non constaret, brachia leviter extenderet, & lapsus periculum adesset, nisi fulcumento alicui inniteretur; progressu tamen temporis in veram epilepsiam degenerasse, talemque esse in præsentia. Difficultas aliqua suboritur in assignanda parte essentialiter affecta, & causa morbifica. Cum enim ratione partis affectæ triplex sit Epilepsiæ species, teste Galeno, tertio de Locis Affectis septimo alia scilicet, in qua caput, & cerebrum essent: aliter afficitur; alia per consensum à toto; & alia per consensum à parte aliqua determinata, tria sunt, quæ nos in eam opinionem ducere possunt, quod caput sit essentialiter affectum; quorum primum spectat ad malam capitis conformationem. Magnum enim caput habere referunt, in quo propterea magnam pituitæ copiam adesse supponendum est; secundum est, quod achoribus & favis non laboraverit lactantibus in capite erumpere consuetis, per quæ ulcuscula vitiosa illa excrementa ex sanguine menstruo congesta solent expurgari; de quibus Divinus Hippocrates in Libro de Sacro morbo prodidit; pueros epilepsia non tentari: qui ulcuscula illa passi fuerint; tertium est, quod in infantia ex copioso humoris defluxu albugo supervenerit, cum cæcitæ alterius oculi, quo tempore gravi epilepsia correptus fuit. Ac proinde per signa desumpta ab essentialiter in hærentibus, ab actionibus læsis, ab excretis præter naturam retentis, atque partibus à capite oriundis facile colligere est cerebrum in casu præsentis essentialiter esse affectum, quod & à Viris Excellentissimis curæ ejus præpositis suppositum esse censeo, cum fonticulum occipiti inurendum præceperunt. Non desunt tamen validissima argumenta, quæ nobis contrarium suadeant: quorum primum, & palmarium est, quod ab Illustrissimo patiente præsentatur paroxysmus imminens, ut relatum est: quod signum tanti æstimatum fuit à Galeno, ut in libro de pueri Epileptico, hoc solo argumento ductus statuerit, puerum illum de quo agebat, laborasse epilepsia per consensum à pede; quoniam sentiebat auram quandam inde elevari, antequam caderet. Aliud est, quod præsens affectus nunquam habuerit certas periodos, quæ in essentiali recurrere

rere solent ad Lunæ motum, ut hanc ob causam morbus Lunaris vocetur. Tertium, quod levioribus remediis in principio administratis ita remiserit, ut in vertiginosam passionem degeneraverit. Quartum & ultimum, quod invadente symptomate rubescat facies, quodque recedens nullam molestiam relinquat in capite. Refertur etenim in historia, quod statim ad se redibat, & consuetos puerorum ludos inchoatos continuabat; cum tamen essentiali affectum subsequi soleat capitis gravitas, & sensus obtusus; præterquam quod singultus modo præcedit: modo subsequitur affectum. Quæ cum ita sint, non immerito quis existimaverit affectum hunc essentiali non esse, sed per consensum ab hypochondriis, quorum molestia præcedit.

Quare statuendum censerem, adesse quidem maximam in capite dispositionem ab ortu naturæ contractam; non tamen à sola capitis magnitudine indicatam. Non enim semper caput magnum est vitiosum; ut habemus ex Galeno in Libro Artis medicæ, Capite secundo, sed tunc tantum quando est male conformatum, de qua mala conformatione in historia nulla mentio; sed potius ex detentis menstribus excrementis, & humidioris intemperie, ob quam multa congerit excrementa: concurrere tamen etiam evaporationem à subiectis partibus elevatam, tanquam causam prædictos humores attenuantem, impuriore reddentem, concitate moventem; atque hinc fieri quod humores prædicti, qui antea quiescentes nullum inferebant incommodum, concitatus deinde moti, irruentesque in ventriculos cerebri, sua mala qualitate, & acrimonia vellicent internam membranam ventriculorum ejus, atque ita excitent expultricem ipsorum ad sui expulsionem; quam necessario consequitur membrorum concussio, ob consensum nervosæ substantiæ, & functionum principum abolitio, ob perturbationem spirituum animalium; non enim censeo epilepsiam fieri ex ventriculorum obstructione, magis aut minus perfecta, ut determinasse visus est Galenus cujus doctrinæ multi in hoc assensum præbent, sed ex simplici irritamento; alioquin apoplexiam semper præcederet Epilepsia. Hæc autem causa movens interna est vapor impurus à ventriculo, & venoso genere elevatus, ex crudis & calidis humoribus in illis partibus contentis, cuilibet obviis ex urinis illis crassis, & turbidis, quas continuo excernit; unde tunc observat Patiens lationem sensibilem circa viscera, singultusque præcedit; vel subsequitur affectum invadentem cum rubedine faciei: idque confirmatur ex eo quod in vehementem incidit Epilepsiam, postquam totam diem mansit sub radiis solaribus, occasione equestris certaminis supra propositi. Quare concludendum censeo, mineram in capite contineri, eamque ab exhalationibus agitari, atque ita affectum esse essentiali, & per consensum à visceribus naturalibus, & à venoso genere. Hincque facile statui potest, quænam sit causa morifica. Non enim est materia pituitosa simpliciter, à qua ut plurimum fit Epilepsia in pueris, neque biliosa, à qua ex Galeno facta fuit in illo Grammatico; sed à menstrualis illo

excremento ut plurimum expurgari consueto per achores; hæc etenim materia deleteria quadam qualitate affecta, magnum morbum, quem Epilepsiam vocant, producere valet, dum præsertim attenuatur, acriorque redditur à vaporibus, & ab aliis extrinsecis causis calefacientibus.

Quæ si vera sunt, compertum est præsentem affectum hæreditarium esse, non solum ex paterna capitis excedente humiditate, sed longe magis ex menstrualis matris excremento non expurgato. Non ob id tamen de salute desperandum, non solum ob mutationem temperamenti per ætatem, de qua Hippocrates, sed & per medica præsidia à Viro præclarissimo alias administrata, nuncque etiam proposita, quibus lubens & volens subscribo.

Duo tamen præ cæteris summo opere profutura censeo, videlicet plures unctiones in variis capitis partibus factæ, intactis futuris Cranii, putrefacta & remota eschara, ita ut d. u. ulcuscula serventur aperta. Aliud est sectaculum in occipite, & fonticulus in dextro interno femore, quæ pariter aperta serventur.

In reliquis, insistendum lenientibus, præparantibus & levioribus purgantibus. Inter præparantia oxymel scylliticum tantopere à Galeno commendatum, & inter purgantia rhabbarum, & agaricus, erunt peropportuna: à quorum usu præscribetur decoctum ex ligno buxi, santalis citrinis, & ligno visci quercini, cum ruta capraria, radice Pæoniæ, cichorio, betonica, & radice liliorum convallium, præmisso bolo ex Cranio humano, castorio, & ungula alces.

Vitus proportionem respondeat, vino prorsus interdicens, ipsiusque loco, fiat vinum cerasorum nigrorum continuo bibendum: cuius inopia, paretur aqua ex ruta capraria. Et hæc annotanda duxi, in confirmationem propositorum à Viro in arte versatissimo. *Idem ibidem.*

De Epilepsia. Pro Illustrissimo Comite Bonifacio de S. Bonifacio.

Comes Illustrissimus vicesimum ætatis annum agens, temperamenti calidi ad humidum vergentis quoad totum, & caput, hepatis calidioris, & humidis, & ventriculi subfrigidi, quinque abhinc annis motum convulsivum totius corporis, cum detentione functionum principum passus fuit: morbum scilicet Comitalem à Latinis, à Græcis vero Epilepsiam vocatum, à Galeno descriptam in Libro de Symptomatum differentiis tertio per totius corporis convulsionem, cum detentione functionum principum, symptoma scilicet in actione animali læsa, & ea depravata, quæ annum cessavit, post diligentem totius expiationem, & aquæ Beatæ Virginis potum: rediit tamen, atque iterum usu medicamentorum cessit, & præsertim decocti confecti ex radice Chinæ, & ligno sassafras. Verum anno elapso, æstivo tempore, dum incompositissima vitus ratione usus fuit, dumque æstuante Sirio Iter fecit in curru aperto, post plures febres tertianas, semitertianas, & errati:

cas, cum universali pruritu, cutis efflorescentiis, & excretionem bilis per vomitum, & alvum, mense Octobri vertiginem passus fuit, cum febre, quibus denuò successit Epilepsia.

Pro cuius curatione, consultatione habita determinatum fuit, adesse quidem pituitæ copiam, genitæ cum in ventriculo, ob errores in victu, tum in capite humidissimo: longè tamen præpollere bilem, & melancholiam, indicatam à febribus præteritis, temperamento jecoris fervido, & excretis per alvum, & vomitum; horumque humorum alios in capite genitos esse, pituitosos scilicet, alios in jecore, ab eoque per venosum genus caput petere, cum sub forma humoris, tum sub forma vaporis: atque ideo epilepsiam hanc esse modo essentiali modo per consensum à toto venoso genere. Quem consensum licet non proposuerit Galenus quinto de Locis Affectis sexto, ubi ex professo de hoc affectu egit, & proposuit tantum consensum ab ore ventriculi, utero, & à partibus extremis; attamen cum asseruerit ex Hippocrate, melancholicos magna ex parte fieri epilepticos, dixeritque tres esse melancholiæ species, essentiali scilicet, per consensum à toto, & ab hypochondriis, quodammodo admisit epilepsiam factam per consensum à toto, propositam à Victore Trincavello in quodam male curato ex scabiei inunctione, non præmissa corporis purgatione: cuius consensus habemus indicia manifestissima: primo ex præcedente pruritu cum febre, deinde ex puncturis quibusdam partium subcutanearum, & fornicatione veluti quadam parum ante accessionem: quo solo signo distinxit Galen. epilepsiam essentiali ab ea quæ fit per consensum 3. de Loc. Affect. 7. Essentialis autem patet ex gravitate capitis, & ex copia pituitosæ materiæ per nares emunctæ: hinc itaque fit, ut à vaporibus acerbis vellicatis membranis internis ventriculorum cerebri, excitata expultrice ad expellenda noxia, fiat concussio cum ventriculorum cerebri, tum & totius corporis, quam sequitur eorundem ventriculorum subsidencia, dissolutis spiritibus animalibus, atque hinc abolitio functionum principum, non propter obstructionem ipsorum, ut est communior opinio, alias semper apoplexiam præcederet epilepsia. Et hæc de essentia, & causis præsentis affectus.

Ex quibus non est difficile colligere, quid de hoc affectu sperandum sit; negandum etenim non est summa cum difficultate sanatum iri, cum sit antiquus, atque frequentior quam antehac, & dependeat ab humoribus crassis, necnon & ab inæqualibus viscerum intemperiebus. Nec sperandum est cum Hippocrat. 5. Aphorism. 7. Curationem ante pubertatem admitturum esse; loquitur enim ibi Hippocrat. de epilepsia in infantia molesta, ob nimiam cerebri humiditatem, & de ipsius remotiore mutatione temperamenti per ætatem, non ideo negans epilepsiam ultra illam invadentem ob alias causas, tolli posse per mutationem victus, & aeris, vel per medicamenta: propterea dixit idem Hippocrat. primo in 6. Epid. 5. Puerorum eclampsies una cum pubertate quibusdam mutationes habent: Galen. in

comment. dixit, non omnes epilepsias pueris supervenientes mutatione ætatis tolli, sed illas tantum, quæ ab ortu naturæ fiunt, ob nimiam humiditatem cerebri. Aliæ namque ex erroribus in victu, remediis opus habent, ut in casu præsentis, cum Patiens Illustrissimus vires habeat robustas.

Ideo Curatio tentanda, vel saltem præservationi incumbendum, si affectio morboïa removeri non poterit. Quod fiet si humores peccantes in toto, & partibus evacuabuntur, intemperiesque jecoris refrigerantibus, ventriculi exsiccantibus, & cerebri refrigerantibus, & exsiccantibus, cum corroboracione corrigentur, non omittis bezoardicis, & à proprietate juvantibus. Quæ præstabuntur remediis Chirurgicis, Pharmaceuticis, & Diæticis.

Et primo quantum ad fontem Chirurgicum, cum jam fuerit eductus sanguis non semel, sed sæpius ex utroque brachio, pede, hæmorrhoidibus, & ex ambitu totius, supersedendum videretur quacunque sanguinis evacuatione; attamen in hac excedente jecoris caliditate melancholiæ copiam generante, non erit inconsultum venas sedales singulis mensibus prope novilunium aperire, quo natura edocta, prædictæ assuescat evacuationi. Quoad alia Chirurgica præsidia, gestat duos fonticulos, in brachio sinistro, & dextro interno femore; qui non occludantur; neque de setaceo in occipite; neque de cauterio prope futuram coronalem cogitarem, ne major materiæ copia trahatur ad caput.

Inter Pharmaceutica, repetantur lenientia, præparantia, & purgantia, antehac cum juvamento sumpta, abstinendo à generosis purgantibus, ratione ventriculi: purgeturque caput gargarismatibus, & masticatoriis, missis errhinis iterutamentum cientibus, metu paroxysmi epileptici. Hisque peractisumat triduum aquam Tetutianam ad ℥iij. singulis diebus, cum melle ros. solutivo. Præscribatur deinde decoctum ex salsa parilla, ligno buxi, santalis citrini, & ligno visci quercini, cum radice Iæoniæ, ruta capraria, & cichoraceis, præmissio bolo ex ungula alces, Cranio humano, & stercore pavonis maris, cum terebinthina Veneta, continuando usum ipsius per 20. dies. Ac tandem bibat aq. B. Virginis ex agro Patavino per 15. dies circiter, cum syr. capill. Ven. & modico spir. vitr. eo modo quo in usu est ut per urinam excernatur. Extrinsecus fiat stillicidium ventriculo cum aq. Aponitana, munito jecore unguento santalino, superposito deinde cerato mastichino, cum oleo nuc. mosch. Capiti fiant lotiones ex aqua nostra Lastrensi. Nec omittantur conf. flor. Pæoniæ, rutæ caprar. lilior. convallium, & flor. borraginis, cum ungula alces ad 3 j. in aurora.

Victus sit refrigerans & humectans: abstineat ab aromatibus, à placentis, lacticiis, piscibus crustatis, & palustribus, carnibus leporinis, agnini, cervinis, & avium palustrium: potu item cuiuslibet vini ad annum integrum, cuius loco pareretur ex cerasis nigris contusis, quæ in aqua ebullierint quatuor dies, servata colatura. Facta prædicta corporis expiatione, sanguine ex venis sedalibus in plenilunio educto singulis mensibus, assumpto vino cerasorum, convaluit usque ad annum 36. circiter, quo tempore interfectus fuit, non obstante sententia Hippoc. & Gal. 5. Aph. 7. quod

quod post 25. annum ferè comitatur ad interi-
tum affectus. *Idem ibidem.*

De Epilepsia. Pro Spectabili Viro.

Affectum præsentem Epilepsiam esse, summa cum ratione determinatum video à Viro Excellentissimo. Motus namque convulsivi, cum detentione facultatum principum, & spuma circa os id clarissimè confirmant. Quibus forsitan jungitur vox inarticulata, & gemitus, prout sæpè evenit in hoc affectu. In quo cerebrum esse partem affectam testantur actiones motrices, & principes læsæ; illa quidem depravata, hæ vero, non dixerim, deperditæ in casu præsentis, cum memoria recolat omnia post accessionem, sed saltem imminutæ, eoque magis, si paroxysmi tempore in terram cadat; Ita tamen afficitur, ut me quoque iudice, id fiat per consensum à ventriculo, non secus ac in Grammatico illo, cuius historiam retulit Galen. lib. 5. de Loc. aff. 6. ubi asseruit, non raro epilepsiam fieri per consensum ab ore ventriculi exquisito sensu prædito. Verum quidem est quod aliquando cerebrum trahitur in consensum ab ore ventriculi, ob cruditates in ipso congestas, aliquando ob humores acres, & biliosos, ut illi Gr. mmatico contigit, tunc epileptico facto, quando vel irascebatur, vel in ediam patiebatur, quod de Patientis nostro nobis non constat, cum vomitus vel non sit subsequutus, vel de eo nulla fuerit mentio. Utcumque tamen sit, consentit absque dubio mediantibus nervis sextæ conjugationis, ventriculus cerebro, vaporesque ad hoc transmittit acrimoniæ alicujus participes, ejus ventriculis noxam inferentes, ac vellicantes internam ipsorum membranam, qui propterea sunt in causa ut cerebrum sese concutiat ad expellendam causam noxiam, ad cujus concussionem agitantur postmodum spiritus, prohibetur ipsorum influxus ad sensoria, & convellitur nervosa substantia intra cranium contenta, atque ita tollitur sensus & motus voluntarius, cum abolitione functionum principum, & convulsione corporis, modo totius, modo quarundam tantum partium, prout major est, vel minor concussio, quod proditum ab Hippocr. & Galen. videl. ab eodem humore melancholico fieri epilepsiam, & melancholiam; epilepsiam, dum irruit in corpus cerebri, melancholiam vero, dum afficit mentem, idest dum alterat temperamentum ejus.

Materiam autem peccantem à prædominio melancholicam esse ego quoque mihi persua-
deo, dum video patientem ipsum tot annos ab affectu immunem vixisse, à quo sanè majorem labem suscepisset in puerili ætate, si à pituita prædominante fieret.

Propterea Hippocraticum prognosticum locum non habet, dum dicit epilepsiam antè pubertatem curationem suscipere, post 25. annum ferè comitari ad mortem usque; ibi namque loquitur de epilepsia infantibus familiari, à pituitosa materia proveniente. Non ob id tamen negandum est affectum præsentem magni momenti esse, medicisque præsidiiis tentandum, antequam ulterius progrediatur.

Quare præscripta universali corporis expiatione, revellendi sunt vapores à capite, mine-

ram congestam evacuando, ventriculique intemperiem corrigendo, eundemque cum capite corroborando, remediis Chirurgicis, Pharmaceuticis, & Diæticis.

Chirurgiam quod attinet, sanguis equidem ratione totius educendus erit ex interna dextri brachii, ratione jecoris sanguinis officinæ, dummodo in sinistro hypochondrio tensio aliqua non observetur, in quo casu educendus est ex interna sinistri brachii; interpositoque congruo temporis intervallo, aperientur etiam venæ fedales, à quarum menstrua purgatione parca tamen, maximam utilitatem percipiet. Fonticulos quod spectat, unum jam admitterem in dextro interno femore. Crurum frictiones frequentes cum aqua valdè calida ad varices excitandos mihi probantur.

Pharmaceutica sint semper leviora, ne ventriculo officiant: ideoque hieram picram Galeni cæteris omnibus præferendam censerem, Galeni exemplo quinto de Loc. Affect. tantopere commendatam, ut ipsa sola congrua victus ratione asseruerit se cum Grammaticum illum incolumem præstitisse, cum quolibet anno bis aut ter medicamento ex aloë uteretur; non omisis syrupis à Viro Excellentissimo propositis, sine diluto, & purgatione facta cum agarico, & rhabarb. infus. addito mel. ros. solutivo, & de polypod. comp. abstinendo à validioribus attenuantibus, & incidentibus; quorum loco exhibendam censerem aquam Tetutianam triduum, cum mel. ros. solut. ac deinde decoctum ex ligno Sancto, visco querc. lentisc. & buxo, cum columba turricola per 20. dies, præmisso bolo ex castoreo, Cranio humano, & ungula alces; exhibita singulis 8. diebus eadem hiera picra, & intermediiis temporibus, pil. ex aloë lot. cum succo rosarum. Peculiarem capitis evacuationem non adeo ex usu existimo, cum statutum sit, caput affici per consensum: nihilominus familiarem mastiches pinguis masticationem non improbo, tamquam ventriculo familiarem; nec minus placet conserva ex ruta capr. florib. tilia, lilior. convall. & florib. Pæoniæ, cum conserv. rori mar. & absinth. umbelliferi. Paretur vinum medicatum ab Excellentissimo Viro propositum: quod si nitatur vino ex cerasis nigris huic affectui appropriatis, abstinere posset à quocumque alio vino. A cibo sumat semper aliquid adstringens, ut puta diacydonium, diacornu, saccharum ros. antiq. vel sorba matura, quæ hoc tempore habentur. Et hæc in confirmationem propositorum à Viro Excellentissimo annotanda duxi. Faxit Deus ut ad vota succedant. *Idem ibidem.*

De Epilepsia, & Phthisis suspitione. Pro Viro Nobili.

Duo sunt affectus Viri Nobil. ætatem agentis 32. annor. Alter est epilepticus, antiquus, ab anno 15. ætatis in hodiernam usq; diem ipsi molestus; alter phthisis, ut colligere possumus ex scheda ad nos transmissa, hincque recens, dependens à catarrho putrido ad pulmones cum impetu irruente autumno præterito, tussim, spirandique difficultatem excitante: cui deinde ob corrosionem pulmonum sanguinis sputum successit, febricula lenta, corporis macies, virium imbecillitas, & excretorum fætor, prædictam

fluxionem juvante cauterio occluso aliàs inusto sincipiti.

Uterque affectus gravissimus, primus quidem, ob ejus durationem quem propterea nec ætatis spatium superare potuit: 25. enim ætatis annum jam excessit, quem sanationis terminum præscripsit Hippocr. 5. Aph. 7. & nihilominus perseverat affectus. Alter vero propter difficultatem sanationis ulcerum pulmonum, cum ratione membri continuo motu agitati, tum ratione medicamentorum, quæ vix ad partem affectam pertingere possunt.

Quas ob causas libere affirmandum censemus, utrumque affectum insanabilem futurum. Epilepsia namque vix debellari poterit temporis progressu & medicis præsiidiis: phthisis autem affectus longè gravior, & prorsus insanabilis, quippe qui longè breviori temporis spatio patientem hunc Nobilem è medio tollere potest: ubi enim primum tabidus reddetur, labefactatis viribus, non poterit extundere materiam in pulmonibus collectam, & facto cedit. Non ob id tamen solo prognostico relinquendus est, quanquam à medicis præsiidiis vel nulla, vel levissima utilitas sit speranda.

Eo autem dirigi debent medica præsidia, ut impediatur quo minus à capite nova materia decumbat ad pulmones, evacuent materiam fluxam, detergant ulcus, & exsiccent, cum ratione materiæ fluxæ, tum ratione ipsius ulceris, additis substantiis humectantibus, ratione maciei, & moderatè refrigerantibus, ratione febris; non spreto affectu epileptico, qui exposcit capitis exsiccationem, & sensibilem, ac insensibilem materiæ morbificæ evacuationem; primo tamen & præcipuè insistendum est curationi ulceris.

Atque ideo præmissa blanda totius corporis expiatione, eclegmata detergentia sunt præscribenda, parata ex syr. acetoso simpl. melle ros. simpl. syr. de farfara, de pulmonaria, & looch. de caulibus, cum saccharo cand. violato. Conferet potus aquarum thermalium sulphurearum, ad lb. vj. & plures singulis matutinis horis sumptarum, mediocriter calidarum, cum syr. de farfara sensim & sensim, ut facilius illabi possint per asperam arteriam ad pulmones, per octo, vel decem dies; mox paretur decoctum ex radice Chinæ, ligno visci quercini, pulmonaria, & hyssopo, cum gallo juniore, præmisso bolo analeptico, confecto cum carne caponis, pistaciis, nucleis pineis, & nuce Indica, usurpandum per 20. dies circiter; tandemque sumat singulis matutinis horis lac asininum nuper è mammis extractum, ad ℥ ij. cum buccella panis & modico saccharo pulverizato, quinque horis ante cibum, instillatis quinque, aut sex guttis olei de buxo, addito modico unguis Alces derosæ, pergatque in usu ipsius 30. dies circiter, somnoque se det: post ejus usum: ac interim vel renovetur cauterium in sincipite, quod tantum defigatur ad primam ossis laminam & apertum fervetur: vel ipsius loco, fiat setaceum in occipite. Dumque hæc peragentur intrinsecus, fiant extrinsecus blandæ frictiones toti corpori, manibus inunctis oleo amygd. dulcium extracto sine igne. Accendatur ignis ex lignis juniperi, & lauri, excipiat per tubulum fumum ex sulphure, benjoin, & styrace; detineatque frequenter in

ore rotulas paratas ex flore sulph. terra sigillata & saccharo cum aqua pulmonaria.

Victus interim sit renutrens, in pauca copia sumptus, & pro potu paretur mulsa diluta. Sic enim prospiciemus etiam epilepsiæ, ratione cuius fiat conserva ex flor. Pœonia, & ruta caprar. cum sacch. ros. antiquo, & terra sigil. cujus sumatur singulis diebus ℥ j. duabus horis ante cœnam. Et hæc sunt quæ pro vitæ productione prodesse poterunt in casu (ut dictum est) incurabili. Faxit Deus ut usui sint. *Idem ibidem.*

Epilepsia essentialis, non sine consensu à toto.

Nobiliss. Puer novem annorum, temperamenti totius calidi & humidum, capitis humidioris, & modo habitus submelancholici, qui Avum maternum ob capitis copiosam humiditatem defunctum habuit. Statim ac natus fuit, exolutus, sine sensu & motu aliquot horis pro mortuo habitus est; inde Nutricem optimi lactis sortitus melius habuit: solum anno tertio febricitavit, sed faciliè quoque à febre evasit; attamen morphæam, sive lactumen in capite, necnon scabiem in toto, usque ad quintum suæ ætatis annum passus est. Tunc vero à Mulieribus domesticis lavacro ex vino & herba regina præparato, & lactumen & scabies in toto absterfa & suppressa fuere, unde statim Puer melancholicus visus est cum carniū considerabili tumefactione, urinæque turbidæ, copiosæ & nigre apparuerunt, & ideo expurgatus fuit Puer ipse, extractusque sanguis ex brachio. Nihilominus mense Maio rursus animi deliquit, sive exolutione correptus fuit, cum principum actionum abolitiones; & eodem paroxysmo noctis tempore sed intensiori recurrente cum febre, pro mortuo rursus habitus est. Post inustionem tamen cervicis, & cucurbitulas incisas, quibus sanguis evacuatus fuit, prævæ conditionis observatus, in se reversus est, & urinas reddidit copiosas & crassas. Tunc inustum fuit Cauterium: sed post duos annos fuit quoque suppressum, nulla prægressa totius expurgatione. Anno septimo suæ ætatis Variolæ supervenere, sed deficientes & paucæ; & ideo eodem anno tumor in humero contumax apparuit, insensibiliter resolutus, & rursus ad apertum fuit Cauterium. Tandem mense Junio proxime præterito, dum ruri degebat, frequenter rubedine in facie, quæ in flavitiem permutabatur, & præterea motibus in manibus & oculo semiconvulsivis corripici cœpit, progressu vero epileptici paroxysmi, licet leves, bis tamen & ter in nocte contingebant, cum urina involuntaria sine spumâ per os: qui usque adhuc, octo nimirum abhinc mensibus eodem modo perseverant præsertim in Pleniluniis; antequam autem invadant, præcedere solet ventriculi molestia, (multum enim comedit, cibosque devorat non masticatos, & copioso potu delectatur) facies inflammatur, & futurum paroxysmum præsentit, ac led ut tempus eidem superfit, quo sedere possit. Nostri primi Medici intentio pro curando hoc Puero est, totum corpus una cum capite, validioribus quoque (habita tamen ætatis ratione) expurgare & cacochymiam auferre; deinde caput decocto convenienti exiccare

care; alexipharmaca in usum ducere; vini potum omnino prohibere. Quæ omnia tuo Sapientis. consilio subijcimus, quod quamprimum moræ impatientes expectamus.

Quod à nativitate Puer iste præhumidam sortitus fuerit capitis intemperiem, testis fuit Paroxysmus ille, cum omnium functionum abolitione, qui contigit ipsi statim in lucem edito: quam mox confirmavit Morphæa, sive latumen in capite ad quintum usque suæ ætatis annum perseverans; præterquam quod aliqua quoque ab Avo materno hæreditaria capitis prava constitutio supponi potest. Verum non minus totum venosum genus excrementis scaterere, febris anno tertio suæ ætatis oborta, universalis scabies, carniū intumescencia, pravus sanguis per cucurbitulas extractus; anno vero septimo tumor in humero post Variolas, urinæ copiosæ, turbidæ, & aliquando nigræ, satis superque nobis significare valent; sicut excrementorum copiam producere & suppeditare potuisse censendum, naturalium viscerum Dyscrasias, & facile multo magis objecta improporcionata cibi & potus, & quoad quantitatem, & quoad qualitatem, ex ingurgitationibus cum imperfecta masticatione & superingestionibus, superaddita prava bibendi consuetudine: unde habitus corporis alioquin probus, ut calidus & humidus depravari, & melancholicus evadere visus est. Quoniam verò sicut provida natura morborum Medicatrix, tum capitis, tum totius venosi generis vitiosos humores expellere, & Puerum ab affectibus tum capitis, tum totius præservare potuit, eo modo quo *Quartana capiti magno morbo non capiuntur*: ita ab importuno lavacro anno suæ ætatis quinto à Mulieribus administrato, cute deterfa, & eodem tempore exiccata ac roborata, excrementosis humoribus exitus fuit interceptus; perseverante tamen quotidiana eorundem reproductione, quorum copiam nonnihil imminuere & educere potuerat Cauterium infixum, quo etiam beneficio destituta fuit ipsa natura, dum importune nulla prægressa totius expurgatione suppressum fuit. Quare mirum non sit quod Puer modo levibus, licet frequentibus epilepticis insultibus corripiatur; sed potius mirandum vitam hucusque traducere potuisse, post secutos tam varios adeoque multiplices capitis insultus, facile caroticos, mutos ab Hippocrat. dictos, vel apoplecticos, cum utriusque febris subsecuta profuerit. Caput enim essentialiter affectum esse non est dubitandum; sed præterea sanguinem in toto, crudis & exustis inquinatum excrementis, circulando continuo eidem capiti materiam suppeditare, & ventriculū iugibus cruditatibus, ac meri potu fovere certum est. Ut propterea vehementem sicut frequentem Epilepsiam non induci, equidem admiratione dignum, & valentis atque strenue resistentis naturæ indicium. Etenim non solum ipsa natura, & medicis auxiliis opitulantibus, levissimum invasit Epilepsia; verum & caput, quamvis essentialiter affectum, à primaria læsione fuit præservatum: præcedit enim querela de ventriculo & infernis partibus malè affectis, cum calidis evaporationibus in caput, antequam ingruat epileptica accessio, adeo ut eandem proximam præsentiat Puer ipse, & se-

dere valeat. Affectio autem certis Lunæ positionibus exacerbari observatur, quoniam Luna, dicebat Gal. Comitiales custodit, & ideo plena valentiora omnia quam in falce, reddere solet.

Affectus iste ex sui natura magnus, tum ratione essentia, tum ratione resistentia, ideo Hercules dictus fuit: eoque major in hoc Puer, cum non à solis erroribus in victu, sed à nativitate originem ducat. Nihilominus quoniam ante pubertatem contingentem, in melius mutari promisit Hippocrat. dummodo tamen addatur congrua victus ratio, ut ait Galenus in Comment. non est desperanda salus.

Interim ego, ut verum fatear, non possum in hoc casu soli ætatis mutationi, cum Gal. fidere, ob altas, tum in capite, tum in toto, huiusmodi affectus radices existentes; & ideo ad Medica selectiora & validiora remedia confugere, tutius non solum, sed necessarium existimo; ineunte Vere primas vias expiando; Obstructiones, si quæ adsint, aperiendo. Totius Cachymiam levioribus primò, mox etiam validioribus auferendo; Caput expurgando; eiusdem intemperiem humidam corrigendo; atque tandem illud idem roborando, & à proprietate juvantia non negligendo. Quibus intentionibus explendis, parum aut nihil adducendum mihi superest, sed paucis ab Eximio Viro proposita confirmabo. Et primò sanguinis educationem secta vena in brachio necessariam puto, sicut Cauterium alterum coxæ affixum. Pariter primarum viarum expiatione congruis Lementibus & Præparantibus subscribo. Ita Præparantibus ulterioribus & Purgantibus, massæ sanguineæ depurationem commendo, ut inde ad capitis expurgationem deveniri possit. Et in hunc finem extractum ellebori cum cassia, & pilulas coch. cum ellebor. præpar. necessarias fore existimo: non paucos enim Comitiales validis Purgationibus sedavit ipse Galen. quibus tamen potiones humectantes exhibeantur superbibendæ. Tandem capitis intemperies humida corrigi debet decocto, jam in relatione descripto, nimirum ex visco querc. salsa, lig. ror. mar. buxi & rad. Pæoniæ in aqua stillat. cichor. beton. & rutæ caprar. parato; quod tamen non satis profuturum vereor, nisi sudor accedat in hypocausto, adeo ut totum corpus, & caput præsertim exudet, alioquin potius liquando, & caput implendo, obesse quam prodesse posset: universali namque evocato sudore, & caput desiccari ac roborari, & reliquum totum corpus à vitiosis humoribus atque ichoribus vindicari poterit. Nec reclamabit, ætas, seu vires, quas conservabit victus ratio, non adeo tenuis; quotidie concedendo, modo carnes assas, modo ptisanam hordeaceam: condonandum enim est ætati, consuetudini &c. Decocto autem si præmittantur grana pul. viper. sudor facilius provocabitur: valde enim exiccatur, digerit & ad cutem properat, ut dicebat Galen.

Tandem à proprietate juvantia, non est quod proponam; sed quæ mihi in usu esse solent, sunt Conserva è flor. lil. convall. quæ ineunte Vere reparari, & domi servari poterit; sicut aqua stillat. è cerasis nigris: & ventura Æstate colligipos-

gi poterunt flores galegæ, sive rutæ caprar. ut paretur Conserva in usum ducenda: quibus immisceri possunt gutt. aut spirit. vitr. præsertim Philosoph. aut tincturæ Corall. Olei autem buxi, succini, & gagatis usus, erit potius externus quam internus ob eorum insuavitatem in hoc Puero. Intrinsecus verò & extrinsecus inservire poterit quinta essentia ros. marini. Smaragdus quoque, & Pœoniæ radix collo eppensa, ex Gal. præservant atque defendunt.

Circa victus rationem, licet omnia tanto Viro silentio obvolvere debeam, subscribam tamen vini omissioni & ciborum omnium qui in caput evaporare, & Epilepsiam fovere atque movere solent: sicut approbare debeo usum alicujus medicamenti bis in mense assumendi, quale esse posset electuarium lenit. addito extracto senæ. Hæcque scripta sint in confirmationem eorum quæ ab Excellentiss. Viris in relatione mihi significata fuere. *Raim. Joan. Fortis Consult. & Respons. Medicin. Tom. 2. Cent. 1.*

Illustrissimus Vir quinquagesimum tertium annum agens, temperamenti totius, & capitis, calidi & humidi, Melancholia quoque subdominante, postquam semper liberam vitam duxit, ac tandem jam duobus annis mense Januario in loco frigido diutius immoratus caput magnopere à frigore sibi lædi percepit, extemporanea Epileptica accessione correptus fuit cum motibus convulsivis & spuma cruenta ex ore egrediente, imò cum aliqua serosi sanguinis excretionem, quæ accessio tertia die repetivit adhuc fortior, cum motibus pariter convulsivis atque oris tortura, necnon spumæ & serosi sanguinis excretionem. Redierunt post paucas horas plures Epileptici insultus semperque ferociore, adeo ut quinque horarum spatio, supra viginti observati fuerint, quibus Apoplexia successit, quæ in levem Paralysem totius dexteræ partis degeneravit, à qua multis administratis Medicis auxilium, & sanguinis repetita educatione, & purgantibus medicamentis paulatim levatus, & ferè ex toto liberatus fuit, sola superstite ejusdem partis imbecillitate. Perseveravit tamen epileptica affectio, licet non adeo frequens, cum copiosa materiæ pituitosæ ab ore expulsionem, cui præterea successit ejusdem materiæ ad vias respirationis destillatio, quinimò & ad alias plures corporis partes, nimirum ad musculorum spatia, ad spinalem medullam, usque ad os sacrum, unde semel respiratio adeo læsa fuit atque imminuta, ut propè ad suffocationem cum stertore, & principum omnium facultatum labefactionem, non sine novæ Epilepticæ accessionis suspitione, Virum Illustriss. duxerit, superstite operationum omnium, tum animalium, tum vitalium, tum naturalium imbecillitate, adeo ut pulsus languidior sit redditus, totius macies invaluerit, neque excrementa facalia sine auxilio reddere valeat: Urina verò, vel ipso nesciente effluat.

De causa Epilepsiæ non omnino conveniunt Medicinæ Scriptores, dum Hippocrat. copia vaporum Epilepsiam excitari credidit, cui subscripserunt quoque & Arist. & Averroës, Galenus verò à frigido & crasso humore; Avicen. & ab humoribus, & à vaporibus; Aret. ex solo animi angore & mœrore; Paulus verò,

& à pituitosis, & ab atrabilariis humoribus, & nonnunquam à sola aura fieri credidit. Sed quod magis est, quod Medicinæ Principes & Auctores inconstantes semetipsos ostendunt, dum Hippocrat. ab humore Melancholico Epilepsiam excitari asseruit, ubi dicebat, quod *Quartana laborantes magno morbo non capiuntur; & si prius capiantur, quartana vero superveniat liberantur*: unde repetit Galenus: *Novimus Comitiales quartana discussos*; & præterea cum eodem Hippocrat. observavit, Melancholicos magna ex parte & facile fieri Epilepticos & contra. Idem insuper Galenus ab aura sola à tibia ad caput ascendente, Epilepsiam contigisse puero decimum tertium annum agentem, Diodoro Grammatico ex inedia à ventriculo memorat. Alios omittimus recentiores, qui ex solis vermibus, ex solo timore & ictu scorpionum fieri observarunt; sicut mislum facimus Paracellum, qui causam hujus affectus ignorans eundem morbum astralem appellavit. Quapropter in dubium revocari posse videtur causa Epileptici insultus pluries repetiti in Illustriss. Viro, num scilicet à materia melancholica, an potius pituitosa ortum duxerit, cum ex una parte submelancholicus describatur, sanguine abundans, & per consequens plurima ejusdem facie. At cum ex altera humidum habeat caput pituitosis excrementis redundans, ut propterea insignis pituitæ copia excreta in accessionibus visa fuerit, ac tandem Epilepsia in Apoplexiam degeneraverit, atque hæc in levem paralysem, ideo harum accessionum materiam, pituitosam potius, quam melancholicam fuisse jure merito credendum; quam veritatem confirmare possunt causæ externæ prægressæ, nimirum diuturna mora in aëre frigido, qui caput ipsum penetrando ad frigidum alterare, & densando implere valuit. Nec pro altera parte ullus melancholicus præcesserat affectus, ut concludere possimus, à sanguine pituitoso prædominante non sine aliqua melancholicæ serositatis mistione, ventriculorum cerebri expultricem facultatem, irritatam fuisse, à quo irritamento membranis eorundem ventriculorum contrectatis, motus convulsivi in iisdem primum, & inde in reliquo corpore excitati fuerint, qua secuta contrectatione & convulsione, quoniam impeditur transitus spiritibus animalibus, ideo hoc impedito, animales quoque functiones necessario pereunt, ut eleganter describit ipse Galenus, sicque Epilepsiam essentialem in capite fuisse credimus, tum quia nulla præcesserat querela de aliqua alia parte male affecta, tum quia derepente invasit & frequentissime rediit, nisi concedamus aliquem consensum à toto venoso genere, portionem acidi & melancholici ichoris capiti suppeditante; & propterea multiplicata pituitosa materia, facilis fuit Epilepsiæ ad Apoplexiam transitus, indeque ad Paralysem, cum dixerit Galenus, quod inter soporem, & Apoplexiam morbus Comitialis est medius convulsionem afferens universo corpori, qui tamen in Paralysem non finitur. Quoniam vero fons malorum omnium, nempe caput essentialiter affectum, nunquam satis exiccatum fuit, licet tota massa sanguinea, & repetitis sanguinis educationibus, & elective Purgantibus

gantibus depurata fuerit, idcirco neque Epileptici insultus infestare cessarunt, neque humiditates à capite in varias corporis partes, nempe ad vias anhelitus, atque tandem per spatia ad musculosas corporis partes decumbere, & ad motum difficultatem augere, totamque naturam magno tædio atque molestia frangere unquam desierunt.

Quod affectus iste & à natura, & ab arte sit insuperabilis, non est Medicus qui non videat; & quamvis quodammodo sedari atque minui antehac potuisset in Illustriss. hoc Viro, in præsens tamen veremur ne medicæ opis incapax sit, & Medicinæ superior: Cum enim magnus sit morbus, magna quoque remedia expetit, dum morbo magno convenit remedium magnum; imbecilliora namque omnino contemnet, nec validiora sustinebit ipsius Patientis status. Quare pronunciare cogimur cum Galeno, quod deploratos non oporteat attingere, sed relinquere, & finem morbi tantummodo prænunciare, alioquin infamantur remedia quæ alios sanitati restituerunt.

Nihilominus cum impium etiam judicetur, Ægros solo Prognostico relinquere, & cum apud eundem Galenum atque Trallianum satius sit anceps remedium experiri, quam Ægrum certæ morti relinquere, ideo nec nos auxilium petentibus prorsus denegare possumus, quod unicum erit Excellentissimorum Assistentium judicio proponendum & committendum, estque sudorificum Decoctum ex China, visco querc. ligno buxi, in aqua stillat. cich. beton. & Pœoniæ parandum, in quo stillentur guttulæ olei de ligno Heraclei, vel quint. essent. roris marini, Ægtum ipsum Illustrissimum post horam ab assumpto Decocto ad hypocaustum mane tantum ducendo, adeo ut totum corpus, & caput præsertim sudare possit; sed primis diebus prorumpente sudore, ex hypocausto immoretur, ita ut mox sudor prolixiatur in lecto, & inde paulatim diutius in hypocausto immoretur, sic ut progressu ad horæ dimidium perduret, si vires ferant. Pro quibus sustinendis consueta tenui diætâ utendum non erit, sed quotidie & ova sorbilia, & ptisana hordeacea, & quandoque pullus junior offerri debebunt, semper tamen sine vino, pro potu namque consuetudo aqua secunda ex residuis erit paranda. Ad hoc autem remedii genus tanquam ad sacram anchoram, si confugere liceat, quamprimum accedendum, cum jam totum corpus, & caput sat expurgatum à nobis supponatur, adeo ut præmissum medicamentum primas vias expurgans à nobis supponatur, adeo ut præmissum medicamentum primas vias expurgans sufficere possit.

Interim quamvis à proprietate juvantia jam administrata & administrari supponamus; attamen aliqua subdemus. In actuali accessione Trallianus à cujusdam rustici experientia sic edoctus, nares fricabat foliis rutæ sylvestris, quam nos rutam caprariam, & galegam appellamus, in quem finem succus ejusdem paratus servari poterit, quo & nos passim uti solemus. Sub ingressum lecti assumat conservam ex floribus lil. convallium, vel ex floribus rutæ caprariæ cum sale Cranii humani reformatam.

Mane & Vesperis illiniantur nares, tempora & futura coronalis oleo de Ladano, vel de buxo, vel de succino. Nec periapta spernanda, ut magna portio radicis Pœoniæ rec. collo appensa, tum à Galeno, tum ab Oribasio commendata. Smaragdus quoque collo appensus laudatur ab eodem: Sicut ungula alcis in annulo gestata, ita ut tamen cutem tangat. Ab aliis commendatur quoque os de corde cervi pariter suspensum.

Quibus paucis jam dictis congrua & jam præscripta erit victus ratio à Viris Excellentiss. addenda: & vinum prorsus interdicens, cuius vicem supplebit aqua stillat. ex cerasis nigris paranda, si Deo placuerit. Omnia verò prudenti judicio Excellentissimorum Adstantium remittenda. *Idem ibidem.*

Epilepsia per consensum à Ventriculo.

Pater Admodum Reverendus trigessimum annum agens, temperamenti totius ad calidum & siccum vergentis, mediocris habitus, jecoris calidioris, Lienisque obstructionibus occupati; septem abhinc annis pati cœpit tremores in brachiis & capite, cum visus obscuritate & progressu, cum principum actionum abolitione & motus privatione, ita ut interram cadere cogeretur. Insultus autem hujusmodi aggredi solebant in Lunaribus conjunctionibus præsertim & oppositionibus. Primis annis sicut frequentius, ita vehementius invadebat affectus cum spuma circa os, semper tamen citra evidentes motus convulsivos. In præsens autem non adeo pravæ sunt invasiones, quæ cum semper matutinis horis jejuno ventriculo contigerint & contingant Patri Adm. Rev. etiam in lecto degenti; modo tamen si decubens maneat, nec è lecto surgat, invasiones evitare solet; semper enim prævidere & præsentire potuit imminentem futuram aggressionem, affecto nempe ventriculo ipso, à quo evaporationes elevari percipit ipse, indeque caput in consensum trahi, & spiritibus animalibus confusis atque irregulariter commotis ipsam subsequi affectionem puncturis quibusdam, ut ait ipse, pariter præcedentibus in capite ipso. Modo ab Eximio Viro quid agendum pro salute implorat.

Quamvis convulsivi motus adeo Epilepsiam addicti esse soleant, ut ideo Galenus Epilepsiam ipsam per convulsionem definiverit, dicens, quod sit *convulsio non perpetua omnium partium corporis cum principum actionum abolitione, ob humores vias spiritibus animalibus impediētes, & facultatem expultricem irritantes*; attamen non semper eodem modo manifestantur, sed quandoque (quia leves) obscuri sunt convulsivi motus, ut ideo Celsus asseruerit, *Epilepsiam fieri aliquando cum convulsione, & aliquando sine*, & præsertim dum caput non idiopathicè, sed sympathice læditur, ut ego existimo in hoc Adm. Rev. Patre, cuius Epilepticum affectum sicut demonstrant symptomata omnia, mandibularum scilicet convulsiones, quibus lingua jam læsa fuit; leves tremores quoque in brachiis & cruribus, quibus partes illæ impotentes redduntur, principum actionum læsiones, ita eundem confirmavit spuma

Spuma circa os, quæ licet non sit perpetuo Epilepsia necessaria, affectus tamen ideam confirmat, quotiescunque successerit. Et quamvis semper in Epilepsia afficiatur caput, non tamen semper essentialiter & primario, ut dictum fuit, sed quandoque per consensum, vel à toto, vel ab aliqua alia inferiori corporis parte, ut in nostro casu; si enim essentialiter caput afficeretur, repente invaderet, & necessario procideret; nec præcederet querela de alia parte inferiori affecta, sicut evenit Adm. Rev. P. nostro, cui tantum temporis permittit invasio, ut veluti admonitus sedere & casum prævertere possit; imò conqueritur ante de ventriculo affecto. Quare sicut de idea morbi dubitari non potest, ita de modo, sive parte affecta non est ambigendum. Restat igitur consideranda pars mandans, quæ caput ipsum in consensum trahat, quam ego quidem Ventriculum esse existimo, tum quia eodem jejuno invadit affectus, ut Diodoro Grammatico evenire solebat, tum quia de ipsius affectione præcedit querela. Verum viscerum quoque, & præsertim lienis læsionem concurrere puto, ab obstructis nimirum splenicis vasis, & sanguine crasso atque melancholico in iisdem stagnante: ab hac enim parte primam originem habuisse & habere epilepticum affectum in Adm. Rev. Patre ego credo, quamvis capitis imbecillitatem atque ad eundem dispositionem præcessisse pro certo sit habendum: ut propterea videamus, plures Melancholicos, Epilepticos fieri, & contra, quem facilem transitum nobis insinuavit Hipp. & Galenus confirmavit, facta nimirum metastasi à mente ad corpus cerebri, & contra: quam metastasin licet Galenus crassiorum humorum esse existimaverit, frequentissime tamen, ut & in casu nostro, Epilepsia à vaporibus excitatur à minera melancholica elevatis, mediante tamen facultate expultrice irritata. Irritatur autem in cerebro per consensum ab ipso ventriculo: nec adeo difficulter, cum nulla pars nostri corporis adeo exquisitum sensum habeat, nec ita facile in consensum trahat utrumque principium, nimirum cor & cerebrum, ut os ventriculi; & ideo sicut ex biliosis humoribus ad ventriculum perreptantibus, & os ejusdem corrugantibus, Diodoro jejuno epilepticus contingebat insultus, tracto in consensum cerebro ab ore ventriculi ex nervosa substantia conflato; ita & in Adm. Rev. Patre nostro à vasis splenicis acida & melancholica serositas ad ipsum matutinis vacuum transmissa eundem effectum producit, dum ab eadem acida serositate agitata vapores feruntur ad caput, qui ventriculi parietes exquisitissimo sensu præditos, mordicantes & irritantes, contrectationem quandam excitant, ob quam spiritus animales inordinate commoti ad partes recta via non transmittuntur, & ita motus regularis partibus corporis denegatur, unde necessario procidit, cum motibus irregularibus, si non convulsionis, saltem tremoris: quam procidentiam evitare potest in lecto quietus manens, quoniam capite & corpore quiescente, quiescunt quoque animales spiritus, nec inordinate moventur; quod idem evenire videmus Vertiginosis, quibus stantibus, aut decumbentibus, ut plurimum Vertigo cessat. Movetur au-

tem affectus iste ad Lunæ motum, ob causas à Gal. adductas, ubi ait, quod *Luna Comitiales custodit.*

Ope medica opus habet Rever. Patiens. Et quamvis Hippoc. asseruerit quod Comitiales post vigesimum quintum annum non liberantur, intelligendus tamen est, quod ante vigesimum quintum annum sine medico auxilio, sola congrua vivendi ratione & ætatis mutatione liberari possunt: sicut post vigesimum quintum sine medicamentis perseverat Epilepsia usque ad mortem. Curatio igitur est aggredienda, & non sine salutis spe, cum Morbus iste ex sui natura semper increascit, ut monuit Hipp. in Rever. verò Patre potius decreascit, & rarius invadat. Spem auget quoque Galenus dicens se non paucos Comitiales purgandos sedasse.

Quare omnium primò viæ primæ ab excrementis expiandæ. Secundò Obstructiones mesenterii, magisque lienis, aperiendæ. Tertio Totum & Caput purgandum. Quarto Evaporationes in caput revellendæ. Quinto Calida jecoris intemperies nonnihil remittenda, & acrimonia atque aciditas sanguinis corrigenda; & ultimo, à proprietate juventia in usum du-cenda.

Pro prima intentione explenda, primum leniens erit.

℞. Elect. lenit. sive Diasenæ ℥j. crem. tart. ℥ij. m. f. boli. Præparans quinque diebus præbendum, erit.

℞. Julap. acet. syr. de cortic. citri, aq. florum citri an. ℥j. m. pro syr. matutino, & sic pro aliis. Alterum leniens erit.

℞. Syr. ros. solut. de polyp. an. ℥iij. aq. florum citri parum, m. f. potio.

Pro secunda intentione, Præparantia debent esse.

℞. Succī depur. cich. borag. an. ℥j. salis tart. fixi gr. x. decoct. in jure pullæ paratæ, endiviæ, melissæ, lupulorum, asparag. ℥iv. m. pro syr. & sic pro aliis septem. Mox præbeatur Purgans.

℞. Rhabarb. maturi, agarici trochisc. fol. senæ rec. an. ℥j. cinnamom. integri ℥ss. aq. stillat. cich. q. s. m. inf. per hor. xii. deinde facta expressione, colaturæ adde syrupi de polypod. ℥iv. aq. florum citri parum, m. f. potio; cui tribus transactis horis superbibat aquæ hordeac. libram, & post horam prandium sumat. Inde ad ulteriora Præparantia, & Aperientia deveniendum ita.

℞. Succī depur. cichor. pom. dulc. sumariæ an. ℥j. decoctionis melissæ, lupulorum, betton. Pœoniæ ℥iv. spirit. tart. ter rectificati gutt. xii. m. pro syrup. & sic pro aliis septem; Quibus succedat Purgans ex infusione, ut supra.

Vel ℞. Elect. lenit. sive Diasenæ, diacathol. an. ℥iv. pilul. de trib. cum rhabarb. ℥ij. misce fiant boli, quibus post horam superbibat aquæ hordeac. vel seri asin. depur. ℥ss. sem. tribus vero horis ab epoto sero prandeat. Interim secunda die horum syruporum aperiat Jecoraria sinistra pro curatione, & educatur sanguis ad ℥vi. & amplius, si exeat niger.

Pro tertia intentione explenda, syrupus de cicho-

cichorio cum rhabbaro Nicolai prærogativam in hoc affectu habere solet. Præbeatur itaque octo aut decem continuatis diebus, hunc in modum.

℥. Aqu. stillat. agrim. Pæoniæ ana ℥ iij. syr. de cich. cum rhabarb. ℥j. acetosi ℥ss. salis cranii hum. gr. x. m. pro syr. & sic pro aliis. Quibus assumptis, totius & capitis expurgatio ita sequatur.

℥. Pilul. coch. cum helleb. præpar. aggregat. ana ℥ss. aurearum ℥j. m. reform. pilulæ in Aurora sumendæ.

Pro quarta intentione explenda, Cauterium coxæ sinistræ erit inurendum, & sanguis ex pede detrahendus: jubet enim Galenus quod Comitialibus, & Vertiginibus obnoxii sanguis ex pede sit educendus pro præservatione; cui substitui posset etiam hæmorrhoidalis evacuatio.

Pro quinta intentione adimplenda, efficacissimum remedium erit usus lactis Asinini, per quadraginta aut quinquaginta dies, quod de more cum saccharo summo mane statim multum, erit assumendum: valet enim jecoris caliditatem corrigere, massam sanguineam temperare, sicque per consequens facultatem expultricem ventriculorum cerebri irritatam sedare.

Tandem aliquod Alexipharmacum anti-epilepticum sub ingressum lecti usurpandum consulo, quod esse poterit.

℥. Conserva è floribus beton. rutæ capr. Pæoniæ ana ℥ ij. tincturæ corall. chym. spir. vitrioli ana gutt. x. salis cranii hum. ℥j. m. reform. electuarium cum succo pom. dulc. q. s. cujus dosis erit ad semiunciam.

His autem omnibus congrua erit addenda vivendi ratio. Et primò fugiat aëris excessus, tum frigoris, tum verò maxime calidos. Quare caput erit custodiendum, & à ventis, & ab hypocautis, sive Stuffis, & à diuturna mora propè ignem hyeme, sub radiis verò solaribus æstate. Secundo abstinere ab Alimentis huic affectui sympathicis, qualia sunt inter carnes, hædina, Volatilia palustria, perdices & coturnices; neque suilla adeo convenit: sicut neque extremitates animalium, ut pedes, caput vituli, &c. Inter pisces, admittuntur tantum saxatiles. Inter lacticinia, caseus, præsertim vetus, damnatur. Inter legumina, admittuntur hordeum, oriza, piselli. Edulia ex crassiori pasta parata nocebunt. Ex fructibus, damnantur acidi & vaporosi, ut esset uva. Ex oleribus, à proprietate Epilepsiam movere possunt petroselinum, & magis apium atque fœniculum: Item smirnum, daucus, cœpæ, allium, tubera terræ. Inter condimenta, nimis acida & vaporosa evitanda essent; quare inter Aromata, cinnamomum tantum & piper ruditer contusum admitti poterunt. Pro potu consueto sit aqua cinnamomo & saccharo condita: à vino enim saltem per annum abstinendum, ut consulunt Medicinæ Principes, Paulus, Aëtius & Oribasius, nisi forsitan reclamet ventriculi imbecillitas: tunc enim quandoque vini albi, tenuis cyathus admitti debet. Et quoniam jejuno ventriculo facilius invadere solet affectus, idcirco summo mane Conserva rosarum, aut boraginis assumpta facile pro præservatione sufficiens erit; sive Electuarium Anti-epilepticum supra descriptum.

Quibus non sufficientibus, aliquid comedat ut panem jure carniū imbutum: ita Diodorus Grammaticus præservabatur ossa panis vino madefacta, cui ventriculus à bile vexabatur. Tertio Somnus pomeridianus Epilepsias excitare solet, & ideo evitandus: quod si fuerit consuetus, sit brevissimus, & non decumbendo, sed sedendo; capite nimirum elato. Quarto Violenti motus sunt evitandi, exercitium tamen necessarium non omittendo, deambulando, non prope flumina, & longè ab omni præcipiti loco. Quinto sicuti conducere poterit ad præservationem levis aliqua Purgatio excrementorum inutilium arte procurata, ita utilium perniciofa semper erit, altera Epilepsia ab Hippoc. nuncupata. Itaque pilulæ præsto sint, ut semel in hebdomada hora una ante cœnam ex his duæ assumantur.

℥. Pilul. Mastich. ℥ ij. Magist. Mechoa. ℥ss. m. reform. pilulæ num. x. & aurentur. Tandem omnes animi motus, atque perturbationes, ut ira, tristitia evitentur: sic & animi applicationes atque nimia studia, saltem per annum, si non omnino omittenda, valde tamen remittenda. Et interim alacri animo vivat, nec adeo proluxa Purgatione & stricta vivendi ratione gravetur, dum pugnandum est contra fortem & pertinacem affectum, quem ideo Antiquiores Græci Magnum, Herculeum & Sacrum appellare solebant. *Idem ibidem.*

Epilepsia per Consensum à Stomacho, & forsitan ab Utero.

Adeo deficiens est & mutilata hujusmodi casus historia, ut vix quicquam certi scribere queam; attamen quia Amicis inservire debeo, verisimiliori, qua potero, conjectura utens, meam de hac re sententiam exarare conabor.

Affectus quo detinetur honesta Virgo, quibuslibet ejus accessum insipientibus notissimus evadit: Epilepsiam enim facile demonstrant totius corporis convulsivi motus cum principum actionum læsione. Hanc tamen essentialem non esse existimamus, sed per consensum ab infernis partibus, tum quia accessio ab ipsamet antea observatur, tum etiam quia præcedit querela, & sensus tristis circa ventriculi os. Ita Grammaticus præsentiebat in ore ventriculi molestiam. Ita Puer à tibia autam quandam ad caput ascendentem prædicebat; quare à ventriculo ortum habere credendum, qui in hujusmodi affectu lædi solet ab una, vel pluribus ex tribus causis, cruditate scil. meri potu, aut nimia Venere; tertia quidem excluditur, ergo à duarum altera læsus est; & potius à cruditate persuadent mihi ætas, sexus, corporis habitus & Virginis conditio. A ventriculo itaque tanquam à minera vapores ad caput elevantur (nisi & ab utero) à quibus vaporibus etiam solis, ut placuit Hipp. de flatibus, Aristot. & Averroi, cerebri ventriculos replentibus, & expultricem irritantibus, ipso cerebro seipsum quatiente, convulsivi motus contingunt, desinentes, quando expulsionem, & resolutionem, victoria potitus est. Nec mirum esse debet si circa plenilunia exacerbari soleant: *Luna enim Comitiales custodit, & plena, valentiora omnia, quam in falce, reddit.*

Est affectus quidem contumax, sperandum tamen fore ut lat. liberari possit, quia vigesimum quintum annum nondum attigit, & quia mutationi vivendi maxime confidendum, præsertim si medica addantur auxilia.

Est itaque ventriculus evacuandus, mox roborandus; & sicuti cruditates, ita quoque nimia inedia inhibenda; nec omittenda à proprietate juventutis. Ita Grammaticus Juvenis præservabatur mica panis in vino madefacta, purgatione ter in anno ex hiera & bonis concoctionibus.

Necessarium remedium existimavit Gal. sanguinis immutationem, hancque Comitialibus & Vertiginosis, potius ex cruribus pro præservatione; ideo instantibus mensuris purgationibus saphana aperiri poterit, & bis & ter singulo mense, si immunde prodeant. Nisi Patiens nubilus esset, libenter fonticulum in coxa inurerem. At saltem quotidie semel ante cibum utatur lotionibus & frictionibus crurum aqua calente.

Evacuatur ventriculus electuario lenit. & hiera. Præparentur humores Julapio acet. melle ros. simplici, & syrupo de cortic. citri sine diluto. Inde expurgentur electuario lenit. hiera & agarico. Repetatur Præparans oxymelite simpl. syrup. de beton. syr. de cich. Nic. in decoctione borag. beton. stœch. d. salvia, lil. convall. & Pæonia. Expurgetur postea jam dicto, aut consimili medicamento. Hoc tempore propinari poterit decoctio Epithymi Mel. tribus saltem diebus ad 3 vj. Post hæc laudo aliquod medicamentum ex Scilla, quo solo Gal. promittit quadraginta dierum spatio Epilepticos sanari. Oxymel itaque scilliticum ad 3 ij. singulo die propinarem in jure Pæonia & majoranæ. Tandem optimus erit usus Theriacæ, & efficacissima erit aqua theriac. cum gutt. ol. succini ad cochlear j. mane, & sero: proderit enim & Utero, si opus fuerit.

Victus ratio proportionem respondeat. Caveat à superingestionibus: nil enim deterius quam comestio supra comestionem. Abstineat à pituitam generantibus & à proprietate nocentibus, ut sunt carnes caprinæ, hœdinæ, Perdices & Coturnices. Præterea ab oleribus, lacticiniis, leguminibus, vinis generosis; imò perseverante affectu, fiat abstemia, saltem per annum, & bibat aquam santalinam cum Pæonia. A cibo abstinthium sumat. Utatur singulo mense 3j. Pilul. de hiera cum agarico; & quamprimum Viro jungatur. *Idem ibidem.*

Epilepsia per consensum à Liene.

Illustrissima Mulier annum agens trigessimum nonum, temperamenti sanguinei, jecur sortita præcalidum; post prægressas intensas applicationes, ac vehementes animi perturbationes atque molestias, pati cœpit cordis oppressiones, cum inexplicabili animi mœrore, & faciei ex roseo in lividum colorem mutatione; tandem jam quatuor annis, ineunte Autumno noctu incidit in totius corporis convulsiones cum difficili respiratione, Aphonia & omnium principum actionum abolitione, ut merito crederetur penitus extincta, nisi deglutiens ac in ipsius ore spumosa quædam humiditas apparuisset. Ab hoc Accidente libera nunquam evadebat,

nisi postquam spumosum cruorem aliquando ad libram eiecisset. Iriduo & ultra, sine ulla tamen, cruenta expuebat, & adeo languida remanebat, ut vocem edere & cibum assumere vix posset. Abdominis, & præcipue versus sinistrum hypochondrium, flatuosa passione divexabatur, & ad somnum propensione tenebatur cum tertiana periodo. In Muliebribus nullus error, minus in victus ratione; in omnibus enim temperatissima Patiens. Nihilominus usque in hunc diem perseveravit affectus ipse cum enarratis symptomatis, excepto semeltri, post medicam Purgationem initam, quo immunis semper ab hoc affectu vixit. Sed rursus rediit, & interim subsultibus per membra sæpè afficitur; noctu dormiendo semper insurgit affectus, una excepta vice, dum Sacris operam dabat. De affectibus istis, Vir Illustrissime ac Præstantiss. cui Par Nemo, cum D. Carolo Fontana alias consuluit; Accidens, Ephialtem, sive Incubum appellasti, pro cuius Curatione duplicatam expurgationem decrevisti; Succos alterantes depuratos commendasti; Aquarum Virginis usum, Lactis, Balnei, & ex pedibus singulo mense sanguinis eductionem imperasti. Quibus omnibus religiose observatis, adhuc tamen menstruale Accidens pertinax concitatur, imò dum balnearet Illustriss. Patiens, symptoma illi supervenit acutum. Solum præscripta Aqua Virginis duobus annis feliciter assumpta profuit, lactisq; etiam usus fuit perutilis, habitus quippè corporis & vires increvere: tunc enim sex menses se gessit immunem. Verum quia iterum se prodit Accidens, & adhuc magis magisque viget, ideo nos de Nobilissimæ Aëgroræ salute solliciti, ac ejusdem jussu, ad Te confugimus, ut salubriora consilia recipientes, optatum finem, qui salus est, possimus obtinere.

Affectum qui jam diu Matronam Illustriss. divexabat, Incubum, seu Ephialtem à nobis, tunc temporis consulentibus existimatum & appellatum fuisse sat bene recordor. Verum quia ob insignem analogiam quam habet affectus iste cum Epilepsia, facile diu perdurans in ipsam Epilepsiam convertitur, idcirco in eandem migrasse attestatur adducta relatio, cum convulsivi motus cum principum actionum abolitione spumaque copiosa ad os supervenerint ipsum affectum comitantes: quæ omnia symptomata epilepticam ideam constituunt. Hanc autem ab humore melancholico provenire non dubito, ut facile conjici potest ex prægressis animi passionibus, ex melancholico & flatuoso affectu quo multo jam tempore detinetur. Et præterea quia prædicit Hipp. In morbis melancholicis periculosos fieri decubitus, nimirum stuporem corporis, vel convulsionem, vel furorem, &c. atque tandem quia quandoque & ego cum D. Vyneto observavi, à sanguine melancholico lienis vasa replente, & ad ventriculum motu præter naturam confluyente, affectum hujusmodi concitatum fuisse, quo per vomitum ejecto, ab insultu Patientes liberabantur; quod idem Matronæ Illustriss. evenire potuit, nisi dicamus, quoniam spumosa est, & cruenta materia ad os perveniens, in capite potius, ex spirituum & vaporum agitatione talis reddita, quod dum à toto per venam cavam, vitiosus atque copiosus sanguis ad cor, indeque per arterias

carotidas ad caput pervenit, in illa epileptici tumultus agitatione, in glandulis non solum saliva secernatur, sed cum illa aliquid cruoris, qui agitato & spumolus per ductus salivales in os delabitur, & sine ulla tussi educitur; cuius cruoris sputa sequentibus quoque diebus perseverant citra tussim, ut idcirco a pulmonibus prodire non sit credendum: caput enim cum sit pars in Patiente Nobiliss. jam imbecillis reddita, & principaliter læsa, redundantem sanguinem atque vitiosum, naturam in illo deponere jure merito existimandum. Et quamvis Incubi accessiones nocturnæ, & in somno contingere soleant, id tamen non vetat, quin & accessiones epileptica horis nocturnis accidere possint. Quæ jam dicta omnia jecur justo calidius, sicut caput præcalidum & humidum necessario supponunt, ut propterea viscus illud sanguinem fervidiorem, adultum & acidum generare, hoc vero eundem facile admittere atque recipere potuerit: à quo, obstructo cerebri ventriculo, præsertim posteriori, motus corporis atque linguæ magnopere offenditur, quia septima nervorum conjugatio principio spinalis medullæ proxima est, nempe prope posteriorem cerebri ventriculum, sicque fit Incubus; sicut progrediente non solum obstructione, sed multo magis in ventriculis, ab aciditate irritamento, Incubus ipse quem Epilepsiam quandam nominabat Gal. Epilepsia vera, atque legitima factus fuerit, menstruales periodos forsan recipiens à menstrui sanguinis motu, non sine aliquo uterino consensu.

Affectus quidem gravis, & qui quotidie se ipso gravior evadit, ut ideo ætatis progressu in Apoplexiam converti posse sit dubitandum. Quæ ut arceatur, & præsens affectus remittatur, repetenda Purgatio hoc Verno tempore congruo, primas vias expiando; Obstructiones aperiendo; Sanguinis copiam imminuendo, & acrem atque acidam ejusdem qualitatem corrigendo; Jecur refrigerando; & à proprietate juvantibus caput roborando.

Quibus intentionibus ut satisfiat, ex Chirurgico fonte repetita sanguinis missio, ex partibus, tum superioribus, tum inferioribus est desumenda, & Cauterium sinistræ coxæ affigendum; frequentes etiam pedum lotiones ante cœnam aqua calente sunt exercendæ.

Pro prima intentione explenda, repetitum leniens erit syrupus ros. solut. & de polypodio, vel potio ex man. Clarif. vel elect. lenit, cum tartaro; & intermediis diebus, pro Præparante julap. acet. Cortic. Citri aromatizatum.

Pro secunda intentione, succi depur. erunt in usum ducendi per x. dies, Cich. borag. & fumarix, in decoct. Cichorac. additis fol. mellissæ, sonchi, lupulorum, cui addatur salis prunellæ ℥j. in quorum intermedio atque fine præbeatur Purgans, ex elect. lenit. Extracto senæ, & rhab. paratum, cui superbibat serum depuratum. Mox per x. alios dies præscribantur succi depur. Cich. fumar. atque beton. in suprascripta decoct. addendo folia Pæoniæ, & lil. Convall. in qua dissolvantur gr. xij. salis tart. fixi; Et in horum pariter intermedio ac fine præbeatur Purgans, ex elect. lenit. diacath. & Confect. Hamech compositum; cui pariter serum depur. superbibat ad lib. ij. Et quoniam ad

hujusmodi affectum debellandum fortiora proponunt Medicinæ Principes, nimirum Veratrum nigrum cum scam. & hieram Archig. idcirco hiera Tuta Alexandri locum habere videretur, sed mihi magis arrident Pilulæ Paracelsi, quæ Extracta continent hellebori, diagryd. & Colocynth. ad ℥ ij. media nocte assumendæ; quibus summo mane superbibat seri, aut aquæ Nocerianæ lib. ij. Ter autem tertio aut quarto quoque die repetendæ. Et quoniam diebus tantum Canicularibus præparari possunt, ideo paratæ inveniuntur hic Patavii ad signum Sirenis.

Ita depurato & imminuto sanguine, jecoris fervor erit contemperandus aqua potius Noceriana, quam Beatæ Virginis. Et quamvis vitriolata in Valle Solis nascentes utiliores esse possent, attamen ob itineris incommodum, præsertim in hoc genere mali, sunt omittendæ, & potius Nocerianæ vitriolatæ sunt reddendæ, affundendo primis Cyathis aquæ pro vehiculo guttulas spiritus Vitrioli: habet enim Chalcanthum vim & facultatem vapores sursum petentes reprimendi, atque impetum sanguinis sistendi: magis autem prodesse poterunt aquæ Nocerianæ, quam Beatæ Virginis, quoniam prorsus omni evaporatione carent.

Post aquas epotas, ad sanguinem edulcorandum atque refrigerandum, lactis asinini usus quadraginta vel quinquaginta diebus erit præcipiendus; & interim Alexipharmaca & à proprietate juvantia in usum ducenda: inter quæ omnes Medicinæ Scriptores extollunt pæoniæ grana nigra n. 15. cum aq. stillat. ejusdem pæoniæ. Potens est sal Cranii humani, inscia Patienti in aliqua Conserva exhibendum. Efficacissimus est spiritus Vitrioli philosoph. in aqua stillat. lil. Convall. sic & tinctura Lunæ. De more autem sub ingressum lecti assumat Conservam è flor. beton. aut liliorum Convall. aut rutæ caprarix.

Quibus omnibus congrua vivendi ratio erit addenda, ab Excellentissimis Viris Adstantib. præscribenda; circa quam iisdem considero à vino abstinendam per aliquot menses, & potum quæ santalinæ, cui immista sit aqua stillat. Ceraforum nigrorum, quæ saccharo & frustulis citri recentis suavior reddi posset. Hæcque omnia à prudentissimo judicio Excellentiss. Virorum, non solum dirigenda, sed alteranda atque mutanda libenter remitto. *Idem ibidem.*

Affectus Epilepticus in Hypochondriaco.

Jam affectu melancholico hypochondriaco antiquo & consummato detineri Nobilissimum Pat. clare nobis ostendit relatio clarissima, accurata & erudita expressio Præstantissimi Viri. Et quoniam Melancholici facile sunt Epileptici, & contra, ideo epilepticis insultibus à decimo octavo usque ad vigesimum octavum annum fuit obnoxius: qui tunc desierunt & recesserunt dum in affectum melancholicum prorsus migrarunt: unde & timores, & mœrores, & nimia animi sollicitudo ad res proprias, imò & alienas agendas; & præterea flatuositates copiosæ, quæ caput per vasa petentes, & spiritus visorios agitantes, trepidationem ad vertiginem veram non pervenientem excitant atque conservant, præterquam quod eosdem animales inficientes atque obtenebrantes, mœrorem atque timorem incutiunt, somnia terrifica in-

ducunt non sine cordis passione. Etenim cum spiritus nihil aliud sint quam tenuissima sanguinis portio, hæc à jecore per venam cavam ad cor, & inde per arterias carotidas ad cerebrum crassa & nigra perveniens, in plexu choroide pravos jam dictos affectus producit, nec interim cor sine læsione relinquit, & ideo totum quoque capiti contribuere in adeo diuturno affectu jure merito credendum, eoque magis a tate præterita, temperamento totius & jecoris, & habitu corporis consideratis; quinimo & caput ipsum capillis nigris natura præditum labem aliquam, siue intemperiem facile contraxisse suspicandum. Has autem affectiones hypochondriacum affectum præcessisse non est quod dubitemus, dum vitam antea tam consideramus studiis intensis deditam, gignendis eruditatibus magnopere aptam, à quibus obstructions in vasis naturalium viscerum genitæ necessario fuere, & ab his exsiccatis crassa flatuositates, nimirum exhalationes elewantur, & flatuosum affectum cum Galeno tandem constituunt.

Et quoniam affectus isti antiqui & confirmati sunt, nec tot tantisque remediis administratis unquam cesserunt, ideo potius remitti, quam deleri posse sperandum, auxilio quoque ad evanescens senectutis.

In quem finem propositis à Viro Excellentissimo intentionibus satisfacere conandum: in alteratione tamen multo magis quam in expurgatione insistendo, atque idcirco vacuantibus, aperientibus & elective purgantibus à Viro Excellentissimo aptissime & administratis, & propositis subscribendo; Inde statim ad humectantia & refrigerantia deveniendum esse cum eodem necessarium censemus, nimirum ad usum lactis asinini quadraginta aut quinquaginta diebus assumendi; nec obstabit Lac dare caput dolentibus malum esse: locum enim habet exceptio illa in capitis affectionibus frigidis, non autem in calidis, minus adhuc in siccis. Obstare videntur quodammodo hypochondria suspensa & murmurantia; sed obiectio tollitur à prægressis aperientibus, evacuantibus, calorem contemperantibus, & siccitatem remittentibus, quibus ad majorem cautelam nos quatuor aut quinque diebus ante lactis exhibitionem serum caprinum aut asinum depur. ad lib. 4. vel 5. cum vehiculo dejectorio syr. ros. sol. præmitti posse putamus; nec evaporatio in caput timenda, cum data opera procurari debeat ad intemperiem calidam capitis corrigendam; præterea extrinsecus balneum aquæ dulcis supra viginti dies administrandum, herbis refrigerantibus alteratum, nullo modo omittendum.

Reliqua omnia tum à proprietate juvantia, tum capitis roborationem respicientia, proposita omnino probamus, sicut quoque purgationem aliquam humectantem & evacuantem cum sanguinis ex venis sedalibus educatione venturo autumno iterandam, dum quodlibet decoctum exsiccans suspectum habemus, cum dictorum affectum nullus à pituitoso humore, sed à melancholico sanguine, spiritu & flatuosa exhalatione proveniat, quibus correctis & emendatis, & timores, mœrores, & terrificæ insomniæ, mentis commotiones, & visus trepidationes, omnia cessura speramus, præsertim cum statum p. n.

Nobiliss. Pat. ejusque causas Viro Doctissimo notissimas esse videamus. *Idem ibidem.*

Epilepsia pueri.

Puerulus quidam, qui unius fere anni spatium emensus, honestis, vegetis, tam publico, quam privato sedulo fungentibus officio parentibus oriundus, nondum ablactatus, omnis generis alios cibos, simul cum lacte matris (quæ acidorum & frigidorum seu delectabatur) capiens, in prandio satis repletus, alvum insolito more habens sicciorum, horis pomeridianis in lectum somnum capessendi gratia repositus, placide quidem requievit, mox autem in somno corpusculum cum anxietate circa præcordia hinc inde movere cepit, donec ex improvise oculi aperti, labia, mandibula, reciproco motu per horæ penè quadrantis spatium convellerentur, à quo paululum quidem symptomatum cessavit vehementia, mox autem rediit, unde Parentes, spectaculo hoc commoti, solliciti Medici exposcunt consilium.

Resolutio.

Affectus, quo noster Ager tenellus laborat, est Epilepsia, quod ex symptomatum concurrentium colluvie facile perspicere licet; I. enim Actiones læsas & quidem depravatas testantur illi motus clonici oculorum, labiorum, & mandibularum ob spirituum animalium impetuorum & inordinatum ad musculos motum, & nihilominus tamen eorum vigorem sensorium fixatum & inhibatum. II. Anxietas verò circa præcordia ob sanguinis vaporosi impeditorem per pulmones & cor motum oriri videtur. III. Inter Excreta læsa Alvi siccitas ob acidas particulas, siue succi pancreatici, siue etiam bilis ex assumptis eo collectas excrementitias intestinorum motum peristalticum cohibentes urget.

Est vero Epilepsia varia & mixta actionum, præsertim animalium, læsio, cum aliorum symptomatum sæpe concursu, imprimis motus localis depravatus, vel totius corporis, vel certorum saltem ejus membrorum, cum sensuum hebetudine ab aura vitiosa acidæ spiritus animales & lympham potissimum diversimodè inquinante, dependens.

Subjectum in nostro agro potissimum patiens, siue pars recipiens, sunt Organa sensuum, quæ externorum, quæ interiorum, quorum agendi facultates & functiones in ipso paroxysmo abolentur, aut nimium imminuuntur; nec non Musculosæ partes earumque fibræ, præsertim oculorum, labiorum, & mandibularum, quamvis sine dubio musculi quoque thoracis & intercostales ipsumque Diaphragma, cœu primarium respirationis instrumentum, comp. tiantur. Pars verò mandans non tam Cerebrum, Cerebellum, & Principium nervorum, quam consensualis ventriculus corrupto acescente chyloso liquore effluvia vitiosa acidæ expirante refertus, & nervoso generi communicans hic potissimum attendi debet, Intestinis non exclusis, præsertim tenuioribus.

Differentia enim datur inter Epilepsiam per essentiam, cujus causa interna & proxima in ipso cerebro & cerebello sedem suam & originem obtinet; & per consensum, quæ causam recipit aliunde è ventriculo, liene, utero & similibus,

libus, *vid. Willis. d. l. cap. 3.* alique. Nostri instituti non concedit ratio, ea prolixius declarare. In nostro vero agro puerulo consensualem esse affectum, extra dubitationis aleam positum est.

Causa proxima irritans est Halitus, quidem mixtus ex acido nitroso & vitriolaceo, aut Onoso styptico cum spiritibus animalibus sive ad principium nervorum commune delatus, & sensuum vigorem obtundens, sive in fibras motrices partium affectarum sese insinuans: ibidemque notatam irritationem convulsivam instituens. Antecedens hic gemina concurrere videtur, partim fermenti in ventriculo dispositio vitiosa & acida assumpta alimenta facile corrumpens; partim etiam sanguinis crudis chylosis portionibus multum referti ad fermentationem inordinatam prout mala constitutio. Procatartica in historia recensita duplices occurrunt, quarum quædam ad infantem, quædam ad matrem spectant. Illæ sunt vitiosa alimentorum variorum ætati tenellæ inconvenientium assumptio, & per copiam maiorem ventriculi aggravatio, ut rite chylicare nequiverit: Hæc est lactis materni vitium, quod acidorum alimentorum & frigidorum frequenti usu contractum est: Qualis enim cibus & potus, talis etiam habetur chylus, lac & sanguis. Nonnulli cum *Willis* causam proximam per auram explicant, & quidem nitrosam explosivam, qualis excitatur à pulvere pyrio accenso: de cuius tamen universali veritate merito dubitant alii, ob duas præsertim rationes, (1.) quod febres supervenientes Epilepsiam plerumque solvant, causam hujus rarefaciendo & dissolvendo. (2.) propter curationem sæpe per volatilia, spirituosæ, rarefacientia instituendam; Alii spiritum sylvestrem appellant. Ex *Hellmontii* hypothesebus Gas nomine venire posset, non quidem vitalis, quod lumen est atque balsamus à corruptione præservans, solari lumini adæquatum, sed sylvestris, qui in se est spiritus concretus & corporis more coagulatus, sed accedente fermento excitatur, quemadmodum utriusque Gas naturam prolixius descripsit *tract. Complex. atque Mist. Elem. figm. num. 14. 21. 42.* Causas antecedentes internas in aliis subjectis occurrentes per essentiam & per consensum ob temporis penuriam non licet hoc loco exponere. Ad Procatarticas alias quoque pertinent Dentitio, quæ fortassis etiam in nostro infante concurrere potuit, suadente hoc ipsa ætate dentitioni favente; licet in historia mentio non fiat, contagium quoque salivæ per pocula communia communicatum inter causas Epilepsiæ procatarticas scil. retulit historia observata à *D. D. Vio Riedlino observ. 33.* Inter causas procatarticas haud infrequentes etiam esse solent vermes sive Lumbrici quæ Ascarides, quæ Terebres oblongi, quibus pueri obnoxii esse solent sæpius, quoniam generantur ex crudis portionibus ab infantis cibis copiosis atque corruptis, imprimis carniū & victuum horariorum ingurgitatione, qui postea mordentes fibrosas intestinorum partes interiores, in motus convulsivos irritari & per consensum & interventum halituum acidorum acrium ipsum principium nervorum afficere possunt, *teste Sylvio. d. l. cap. 10.* De causis fortuitis & contin-

gentibus, quales sunt terror ex tonitru, mora longa in balneo, Epilepticus alius repente in terram prostratus videatur *Sennertus Med. Prax. L. 1. part. 2. cap. 21.* Alias & variolæ, morbilli, & febres malignæ acutæ ansam quoque ad generationem hujus affectus præbere solent, ob sanguinis crudis acidis chylosis aut maligne coagulativis portionibus ac feri effervescentiam halitus vitiosos similes nervoso quoque generi impertientem. Verum de his satis,

Quoad Prognosin: Ratione effectus hic affectus minime lethalis in hoc subjecto, sed salutaris erit. 1. Quia non Essentialis, sed per consensum. 2. Quia non connatus vel hæreditarius, ut ex historia liquet, sed ab errore externo proveniens. 3. Quia recens nec inveteratus. 4. Quia paroxysmi breviores; Longiores enim maiorem causæ peccantis copiam ac vehementiam arguunt, hinc & lethalem eventum asferre, licet à pleniori etiam victu fuerit malum, testatur *Casus VII. lib. 5. apud Tineum de Guldenklec.* 5. Quia acidum peccans volatile explosivum cum acrimonia conjunctum. 6. Quia Epilepsia ante pubertatem curabilis, Comitiales morbi aut convulsiones epilepticæ, quibus ante pubertatem eveniunt, curationem recipiunt; at quibus ex veniunt vigesimo quinto ætatis anno maximam partem commoriuntur; cuius rationem petere licet ex 2. *Aph. 45.* In aliis casibus eventus etiam lethalis præfagiendus v.g. si post febres malignas succedit ob coagulationem & putredinem sanguinis acidioris serosi. Ita etiam ob eandem rationem si variolis & morbillis supervenit, non tam morbi quam errorum in rebus non naturalibus commissorum culpa mortem infert. Rursus in aliis subjectis licet non mortem acceleret, malum tamen inveterascit, & per periodos sive certas, sive plerumque incertas suos habet insultus, atque ad vitæ finem usque comitatur, v.g. quando causa vel hereditaria fuerit, vel mox à nativitate propter labem ab utero contractam, uti loquitur *Willis*, infestare solet, aut quando tenelli adhuc terroribus gravioribus percelluntur, à quo periculo neque adultiores plane immunes esse, exemplum quoque puellæ cujusdam hoc in oppido Epilepsiâ curationem nullam admittente, sed per intervalla adhuc redeunte, afflictæ relatum nobis fuit.

Cura: Quid verò nunc consilii? anxie quarunt exposcentes auxilium omnis moræ expers mœsti atque animo consternati Parentes, filioli vibrari membra videntes. Desiderio igitur illorum ut pro virili satisfaciamus, solutio partim methodo extraordinaria, partim ordinaria procuranda. Cum enim paroxysmi Epileptici rationem habeant symptomatum urgentium, quæ flammæ vitali interitum minantur, scil. ob causæ proximæ internæ vehementiorem motum curationem quoque & hi non ad se trahunt sed rapiunt. Quamvis verò in agro hoc puerulo paroxysmi hæcenus sint breviores, omni tamen studio cavendum, ne sæpius redeant, & infestent remedia exhibendo talia, quæ spiritus animales inimicos dissipent, vel eos exilire & efferrari aptos reprimant quod fit, quando acidum illud volatile & explosivum cohibetur præcipitantibus & imbibentibus, ne principium spinalis medullæ irritare, cerebrique concussionem

inducere valeant. Applicentur igitur extemplo frictiones artuum paulo asperiores & ligaturæ, sique in promptu sit Emplastrum vesicatorium, vel saltem rubificans ad umbilicum & nucham, vel sacculus ex r. d. pœon. recenti cum nitr. sem. sinapi paratus, imponatur. Inungantur nares balsamo rutæ vel succini, si manuum digiti contracti fuerint, leniter in rectum ocyus extendantur. Lignum Aloës vel pennæ Perdicum & similia accendantur. In aliis casibus, ubi aciditas convulsiva magis prædominaverit, in paroxysmo etiam fortioribus opus est remediis, inprimis os apertum servandum, interposito aliquo corpore non duro, aut frangibili, sed tenaci, siue sacculus è tela linea crassiori antepilepticis refertus fuerit, siue è corio, ne linguam morfu lædere possit. Umbilicalia Topica extrahentia minime negligantur, quæ ex propria experientia laudavit nunquam satis laudandus *Excellentissimus Dn. D. Hoffmannus Senior Prud. Med. Diss. 13. Corall.*

Extra paroxysmum Curatio extraordinaria partim prosequenda, partim ordinaria secundum tres indicationes adjungenda. Cum igitur malum in nostro puerulo à nimia repletione provenisse cognoverimus, operæ pretium esse censemus, remittente paroxysmo, mox offerre infanti leve vomitorium v. g. syr. emet. Forest. ʒj. dilutum pauca quantitate aqu. destillatæ alicujus, aut etiam cerevisiæ tenuioris calidæ, vel gr. i. Tartari Emet. aut unum cum dimidio, ut ita saburra cruda acescens è ventriculo maturius rejiciatur. Exhibeantur deinde alia remedia paroxysmi novi insultum inhibentia. Pulver. Marchion. ʒß. aut similis alius v. g.

℞. C. C. s. igne ʒj. Cran. human. Philosoph. calcin. ʒij. Sem. pœon. visc. quern. vel corylini. ana ʒß. Margarit. præp. Corall. rubr. præp. ana ʒj. Smaragd. præp. ʒß. Croc. orient. gr. v. M. f. Pulv. tenuiss.

S. *Pulver offiers davon zu geben.* Dosis ʒß. aut etiam paullo plus minùve pro lubitu. Potest etiam addi pulveribus Cinnab. nativa aut Antimonii rite præp. ad gr. iij. 4. vel 5. vel etiam sal. succin. aut C. C. volat. Vehiculum sit aqu. usitata. v. g.

℞. Aq. flor. pœon. tilia, Ceras. nigr. ana ʒi ʒß. Epilept. Lang. ʒj. Manus Chr. perlat. ʒij. vel q. s. Pro grata edulcoratione.

S. *Krafftwasser, zu dem Pulver, auch sonst darvon zu gebrauchen.* Externa quoque applicari possunt non quidem superstiosa, qualia sunt characteres, numismata, sed naturalia amuleta, inter quæ radix Pœoniæ maris ejusque semina palmam obtinent, uti patet ex *Foresti observ. l. 10. observat. 59.* si remiserint paroxysmi, occasione commodâ alvi quoque siccitas tempestivè corrigi debet vel Lenitivo per os assumendo v. g. syr. de Cichor. cum Rhabarb. Rosar. solut. simpl. Infus. Laxativo D. *Mannagetta* in debita dosi, & per intervalla propinandis, vel Crem. Tartar. à gr. vi. ad ʒß. aut ultrà in juscule offerendo. Vel Clyster aliquis facillè parabilis malvaceus ab ʒij. ad ʒßß. pro varietate ætatis injici potest, quales formulæ passim in *Materiæ Medicæ* scriptoribus prostant. Cæterum cum ab errore in victu & nimia *αδδφανα* infans in horrendum hunc inciderit affectum, è fonte Diætetico talis victus ratio infanti & matri, quandiu lactaverit,

ordinanda, quæ nec quantitate excessiva, nec qualitate vitiosa præsertim aciditate peccante nocere possit, cum reliquarum rerum non naturalium debito regimine, quale etiam non solum præservationis, sed & curationis gratia probe inculcavit *Sylv. d. l. ʒ. 66. seq.* pluribus. Inprimis verò terrores omnes animique commotiones præcavere necesse est. Quibus ritè & ex præscripto observatis per Divinam benedictionem reconvalescentia perfecta erit speranda, & filiolus vitam in posterum viver gravissimi huius mali prorsus immunem *Joh. Michael. in Praxi Clynica speciali.*

Historia & Consultatio pro Nobilis Matronæ Genevensi, qua post affectum convulsivum in tremores intestinos, cum summo virium languore, &c. incidit; quamvis de naturâ morborum epilepticorum propriè non sit.

Nobilissima Matrona N. N. annos circiter 40. nata, duarum prolium mater, & à 12. annis vidua, delicatula admodum, & naturaliter meticulosa, jam à teneris annis, affectibus, qui vulgo hysterici dicuntur, vixit obnoxia; verum per longiora intervalla recurrentibus, & tantum occasione datâ, per incussum v. g. terrorem, vel mœstitiâ grandiore susceptam. Paroxysmi etiam tum non fuere satis magni momenti, ut ex *Ægræ* sententiâ curam aliquam mererentur, ac eo præcipuè quod omnis generis remedia quàm maximè oderit, nec etiam ea quæ aut alvum movent, aut odoris vel leviculi sunt, tolerare prorsus queat. Cum autem prædicta Matrona à quatuor annis Lutetiam iter habuisset, illinc à Chymista quopiam essentiam nescio quam surditati, ut ipse aiebat, conducantem accepit, cujus guttæ duæ aut tres in aurem affectam instillari debuerint, immisso desuper gossypio. Illa Lutetiâ redux, quamvis de obauditione auris dextræ conquereretur, essentiam tamen suam per quinque menses intactam asservavit, donec infausâ quâdam nocte, postquam in magno conventu vigiliam longius promovisset, de affectione, ut sibi tum videbatur, etiam alterius auris perterrita, essentiam prædictam per ancillam in aurem primò afflictam sibi infundi curavit: Unde, siue ancillæ imprudentiâ, largiorem liquoris dosim quàm quæ præscripta fuerat immittentis, siue remedii ipsâ acrimoniâ, siue potius maximâ *Ægræ* nostræ sensibilitate, propter fibrillas nerveas, quibus meatus auditorii membrana respersa est, nimium nudas, fulmine quasi percussa concidit, omni sensu & pulsu destituta; ad se tamen vi remediorum post horam circiter rediit, sed ita agitata ac etiam debilis permansit, ut vix capite erecto in lecto subsistere per aliquot momenta potuerit, eoque magis quod, ut jam significavi, medicamentorum etiam pure corroborantium, ac vel leviculò odore præditorum, vim perferre vix admodum valuerit. Post plures tandem menses resumpsit quidem aliquatenus vires, & è lecto surgere potuit, sed auris quæ prius serosum quid effuderat, jam saniem, & demum pus copiosum ac fœtidum evomit, nec domo egredi, aut liberiori se aëri tradere Nobiliss. Domina quivit; quinimò etiam ad minimum corporis in cubiculo proprio motum toto cor-

corpore quasi convellebatur, ac de tremoribus intestinis, perquam gravibus, viscera imi ventris, & inde per consensum cerebrum, non minus quam cor ipsum afficientibus, continuo conquerebatur, mortique se subinde proximam credebat. Sic elapsi sunt anni ad minimum duo, in perpetuis scilicet agitationibus, quæ cum intenderentur five sub adventum menstrui fluxus, five etiam aliâ datâ occasione, urinae immoderatus profunde bantur, aurisque fluxus, qui per intervalla cohibitus fuerat recrudescerebat. Tandem morbus prorsus quasi profligatus videbatur, vi præcipue junculorum quibus viperæ incoctæ fuerant, aut ultimò ex mælitia quam de Nobilissimæ Matris longò morbo ac obitu habuit, rediit, illamque non minus crudeliter quam prius afflixit, in cuius morbi ulteriorem explicationem addere non pigebit, pulsus, qui naturaliter est parvus, sed æqualis, in paroxysmis fieri debilissimum, inæqualem ac per subsultus tantum digitorum apicem ferire. Paroxysmos nihil prorsus epileptici quoad omnia sua signa extus se prodentia præbere, nec adesse cordis ullam palpitationem aut tremorem sensibilem, sed tantum totalem virium prostrationem cum doloribus in occipitio, pulsationibus in auribus, flatibus ac rugitibus in imò ventre. Tandemque appetitum qui satis aliàs viget, tempore exacerbationum omnino disjici. Quærit jam Nobil. Matr. quænam remedia ad præcavendos paroxysmos, vel eorundem insultus jam advenientes debellandos, imò ad præveniendam vel Apoplexiam, vel Syncopen lethalem (in quam se quotidie prolapsuram arbitratur) in tanta auxiliorum averfatione, seu potius, si ita loqui liceat, intolerabilitate, adhibere queat? An thermis aliquibus sulphuratis, quales sunt Aquenses in Sabaudia, pro nervis à particulis heterogeneis profundius impactis, liberandis tutò uti possit? An pro sanguinis ac feri acrimonia, succoque nervoso degeneri, corrigendis, lac assumere possit; siquidem ex ejusdem usu se aliquando in febrem intermittentem incurrisse opinatur? Scire rursus expetit, quæ purgantia præter clysteres sibi maxime profutura sint, item quales pulveres alcalici, spiritusque volatiles conducibiliores fuerint?

Genevæ die septima Februarii, Anno 1693. Manget. D. M.

Responsum Medicum.

Ex qua classe symptomata hysterica, quæ Nobilissima Domina Agra à teneris per paroxysmos longis intervallis distantes, passa est, desumenda, aut cui annumeranda sint, disceptare nolo, quia illa ipsamet non magni fecit: Nervinis tamen non immeritò accenseri ea videntur, quia illis corripiebatur citrà mentionem magni apparatus vitiosorum humorum, solò terrore, aut metu. Manifestius agitationes ab essentiâ acusticâ in aurem infusâ obortas ex horum numero esse constat, quia subito sine sensu & motu concidit, ac sic affecta per horam jacuit, & postquam ad mentem rediit, nihilominus caput etiam in lecto, propter agitationes istas, erectum firmiter tenere nequit. Certè subita virium atque omnimoda prostratio, citrà dissipationem aut profusionem spirituum vitalium, ut cum veteribus loquar, eveniens,

nonnisi spirituum animalium vitio imputari potest, propter quod multarum partium motus, vel sufflaminatur, vel vitiosus fit: Ob hanc causam crura infirmiora reddita fuerunt, ut illis inniti diu non valuerit. Ei quoque adscribi proculdubio debent tremores viscerum imi ventris, thoracis & capitis, licet foris nec conspiciantur, nec tangantur. Certè systema nervosum cuius primaria sedes intra cranium est, admodum irritabile esse, illoque vel immediatè, vel etiam in parte distantiore, provocato, universales turbas cieri ex multis apud Nobiliss. Dom. patet; illud enim commovent phantasmata terrificæ, aut aliter horrida, à metu, tristitiâ, terrore oblata, odor nares fortius feriens, purgantia, menstrui fluxus, urinæ largior emissio, puris ex auribus copiosior profusio, &c. Systema nervosum irritatis partibus nervinis à cerebro distitis in consensum rapi, mirasque turbas excitare, nunc scilicet Epilepsiam, nunc Catalepsin tandem in Epilepsiam degenerantem, quod etiam in suffocatione ab utero vulgo dictâ atque aliàs sæpe observatur certum est, ut demonstrare multis experimentis & observationibus annis sum in *Commentario de Cicuta Aquatica*. In unò tamen individuò & sexu quàm in altero hoc systema magis irritabile esse quotidiana docet experientia, sceminaque ad hujus generis symptomata procliviores sunt. In quibus hæc irritabilitas consistat, an in spirituum animalium subtilitate, an in cerebri, cerebelli, aut membranarum nervosarum peculiari conformatione, aut harum sensu acutiore & exquisitiore, quem morbum esse Fernel. agnovit, definire nolo & fortè non possem. Nobil. Dom. quia à teneris delicatula erat, & tam graviter ab essentiâ acusticâ læsa fuit, exquisitiore sensu in ductu aurium, forsan etiam in tympano, & intra illud in concha prædita erat. Licet enim apud omnes sensus acutus sit in his locis, teste Otagia dolore omnium propè acerrimo, tamen & aurem aciores essentias tolerare novi: suadeo enim frequentius junioribus & adultioribus obaudientibus, ut sublato cerumine crassiore, mudent aures turundâ oblongâ ex linteo contorto, in extremitate imbuta essentia fellis; nec meminisse ulli vel minimum dolorem peperisse. Fortè periculum citrà damnum in robustiore illa essentiâ acusticâ fieri posset, ut veritas magis innotesceret: Ventris murmura, appetitus prostratus, alvus segnior, pulsus debilissimus & subsultans, ac pulsatio intra aures forsan sunt *εμπροσθεν*: quibus accenseri posset dolor occipitis nisi velimus causam ibi hære tot symptomatum, quia ibi prodit par vagum ramos quoque cordi, pulmonibus, ventriculo, &c. impertiens.

Quæ cum ita sint, imprimis cerebrum & cerebellum officinæ spirituum animalium roboranda, irritationes cavendæ & maturè compescendæ, ac partes horum symptomatum culpâ debilitatæ instaurandæ sunt. Quibus verò remediis præstandum sit judicari vix potest cum medicamenta aversetur. Dominus *Della Torre* quem in praxi Patavii secutus sum his regerebat. *Noi medici non sapiamo guarire con gli brevi di Capuccini*. Quoniam verò ad, ut fuit junculo viperarum carne alterato, in morbo ultra biennium cum semestri, quod proculdubio factum

fuit mafsâ sanguineâ à particulis acribus vindicata; hanc enim vim purificandi sanguinem inelle viperis ex Galeno habemus. Hujus vices egregie præstaret lactis potus diu continuatus observatis legibus medicis: nam nunc multorum experientiâ constat dolores podagricos hoc vel sublato vel mitigatos fuisse; atque etiam in affectu præfenti prodelle succurrit oportunè Nobil. Dom. Mibeli Syndici Friburgensis in Brisgovia Uxoris exemplum. Hæc sapissimè horrendas convulsiones hystericas, ut vocabantur, passa est, atque aliquoties vidi contorto collo planè lividam in facie instar pruni Damasceni, & sine motu, sensu, ac respiratio- ne etiam interceptâ jacentem: multis frustra usa est, tandem vinum ejeravit, ac ejus loco lac promiscuè bibit in palu & aliàs, nullis legibus medicis observatis; nam non abstinuit a fructibus crudis, acetariis, &c. nihilominus ab Epilepsiâ hac immunis fuit ad satis provec- tam ætatem, atque ex alio morbo obiit, Friburgo profuga post captam à Gallis urbem. An febris tertiana quam passa est Nobil. Dom. lacti tribuenda sit ignoro; multi hac corripuntur nul- lum lac bibentes, paucissimi illam experiuntur, & fortè nulli, qui aliàs sibi à vetitis temperare norunt. Thermae quod attinet, longè plura occurrerent argumenta dissuadentia: robo- rant quidem artus & multum feri dissipant; at sanguinis acrimoniam emendare vix persuade- ri possum. Multis vapores sulphurei adversissi- mi sunt. Nobilis & nubilus Virgo nostras per- tingens ad Thermae nostras Badenses vapores- que hauriens ex iis elevatos, equo insidens lei- pothymia correpta illò decidit diuque restau- rari nequit. Si omnino balneandum sit tale artificiale balneum parari posset, quò frequen- ter Austriaci ac Bohemi uti solent, ac quidam etiam apud nos.

℥. Sulphur. vivi ℥ss. Calc. viv. ℥j. coque in f. q. aq. Font. Quidam seorsim coquunt in aq. Tartar. vini alb. crud. E. g. ℥iv. ac balneo ad- dunt. In hoc semel vel bis in septimana ad bo- nam tolerantiam balneari posset. Sic tædia iti- neris evitaret.

Unicum antispasmodicum præstans addo quod mihi hic & Stuttgartiæ in frequenti usu est, insipidum & inodorum.

℥. Cinnabar. antimon. p. j. Cinnabar. nativ. p. ij. sublimentur l. a. Cinnabaris hæc sublimata novæ Cinnabari nativæ additur & rursus subli- matur: hæc sublimatio ter repetitur. Hujus dantur gr. vi. ad viii. bis in septimanâ, si affe- ctus urgeat, aut saltem præfervationis causâ circa novi & plenilunium summo mane in con- gruò vehiculò. Stuttgartiæ ejus ℥j. addo sac- char. alb. ℥ij. & olei cinnam. dest. gutt. ij. fit efficax & suavis.

Purgantia, cen merè irritantia, vix tuta credo, imprimis magisterium jalappæ, scammo- noii, &c. Infus. senn. rhab. agar. mann. abhor- rebit. Aliàs suadeo syrupum ros. sol. ad ℥viii. & ad ℥ij. partitis sic vicibus, scilicet ℥ij. vel iij. mane hora 5. rursus horâ 7. vel 8. & nisi purga- verit horâ 10. reliquum. Sic blandissimè alvum tenerioribus sæpe movi, etiam apud Principes teneræ constitutionis.

Ad aures purulentas. ℥. Ferrugin. subtiliss. q. v. mellis parum M. f. linim. indatur hora

somni cum turunda ex gossypio, aut linteò rarò, mane aures mudentur turundâ ex linteo, im- buta lacte & aquâ calidis. Fonticulus ipsi ne- cessarius foret. *Scaphus die 17. Februar. 1693. Joh. Jac. Wepfer. M. D.*

Observationes.

Calcearius quidam annos 50. natus Epilepsia repente correptus erat, vociferabatur, sterte- bat & spuma ad os ferebatur, & concussio to- tius corporis valida aderat: ad eum accitus, ne ex concussione linguam sibi amputaret, inter- dentes ligneum cuneum intromittebam, ad anhelitum facilitandum & spumam & humidita- tes extra mittendas ad os: fortisque deinde frictiones membrorum extremorum & ligaturas dolorosas adhibeo, ut ita ægrum misere affli- ctum à paroxysmo excitarem rutam quoque in- tra manus meas contritam naribus ægri appli- cabam, & succum quantum potui naribus in- fundebam, naresque constringebam & digitis contorquebam, quibus remediis mox à paro- xysmo liberatus fuit. Verum ne postea rediret, cum hic valde pituita abundaret, & etiam ex parte succo melancholico, post exhibitam hie- ram picram, hoc decocto utebatur.

℥. Beton hyssop. meliss. ana Mj. Salv. ma- joran. fol. Lauri, ana Mss. vel loco fol. lauri ℥j. bacc. lauri, rad. bugl. borrag. pæon. polyp. q. an. ℥ss. thymi, epithymi, ana ℥j. F. decoctio in aqu. q. s. colat. adde squillæ, ℥j. Cranii human. ℥i ss. nuc. mosch. ℥j. iterum bulliant & denuo colentur, hujus decocti accipiebat omni mane ℥iv. oxymel. scillit. ℥i ss. M. deinde & hoc de- coctum descriptum est.

℥. Beton. salv. majoran. hyssop. ana Mj. fl. stæchad. anthos. an. p. j. sem. pæon. foenic. ana ℥iij. rad. pæon. ℥ss. fol. sen. ℥j. agar. alb. ℥ij. epithymi. ℥i ss. polypod. q. ℥ss. sem. cartham. contus. ℥iij. uvar. pass. exacinat. ℥j. liquirit. ras. ℥ss. Coq. in aqu. communi pro ℥ix. fortissimæ expressioni adde syrup. de stæchade oxymel. scillit. syr. de beton. an. ℥j. M. pro tribus dosi- bus matutinis. Postea & has pilulas deglutivit.

℥. Pil. coch. de hiera simpl. an. ℥j. agar. troch. pil. aggregat. an. ℥ss. troch. alhand. gr. v. cum melle anthosato F. pilulæ vii. corpore ita expurgato, quotidie ex infra scripto medi- camento sumens, ad magnitudinem fabæ majo- ris, epilepticos paroxysmos quos antea crebrius habuerat, amplius non patiebatur.

℥. Hirundin. deplumatar. & lotar. in vino & in furno exsiccant. num. 5. pulveriscentur subti- liter; quibus adde conserv. flor. pæon. luna de- crescente paratæ, conserv. fl. herb. paralyf. ana ℥j. rad. pæon. collect. luna decresciente, exsic- cat. & pulv. ℥iij. conserv. anthos. ℥ss. probe misce cum oxymel. scillit. exiguo adjecto aceto scillitico, F. f. a. opiata. sapor non aridebat; tamen sumens curatus fuit. Alium Epilepticum novi, qui corde hirundinis solo pulverisato ute- batur, nostro ægroto magis profuit hirundo cum reliquis pulverisata; cujus usu liberatus fuit. *Petrus Forestus observ. 53. lib. 10. De Cerebri morbis.*

Puerulus duorum mensium Epilepsia conti- nuo affligebatur, ita ut me vocari jufferint, quem cum spectarem misere afflicto, ex Galeni testa- mento

mento sacculum hunc quadrarum collo suspendi ut furculam stomachi nudam attingeret.

℞. Rad. pœon. virid. ʒss. sem. pœon. maris nempe nigri, ʒi. β. radice concisa, & semine contuso, hæc in sacculum concludebam, bombace interjecta & syndone coopertum & interfuturum, ad collum cum filo sericeo rubro suspendi mandavi, ut ventriculi os attingat: & ut ibidem suspensum ad aliquos dies permaneret, hoc suspensorio miraculi instar, paroxysmi cessarunt, neque amplius reversi sunt, eodem remedio eoque solo plurimi alii convaluerunt, ante hoc tempus & postea in aliis hujus suspensorii maximam esse vim & præclaram experti sumus. *Petrus Forestus, observ. 59. lib. 10.*

Puer trium annorum cum Epilepsia corriperebatur, simul vermes mortuos cum excrementis subinde ejiciebat. Existimavi, quod ex tetrivermium fumis in cerebrum elatis hic Epilepsiam incurreret, quare cum eidem pulverem sequentem cum aquis destillatis dedissem, optime deinde habuit.

℞. Sem. contra vermes, pulv. rad. pœon. agar. troch. ana ʒss. dianthosch. dulc. ʒj. syrup. acetos. simpl. ʒss. Aq. absinth. n. elisæ, ana ʒj. M. Dedi illico in intervallis paroxysmorum, & jussi ut continuo sumeret parum rem. Zedoir. saccharo incrustati, usque sum ptis hic statim melius habere cœpit; & ejectis vermibus ab Epilepsia liberatus est. *Petrus Forestus, observ. 65. lib. 10.*

Pro Epilepsia in puero duodecim annorum, Præmissis universalibus commendare soleo sequens Electuarium solidum.

℞. Coagul. leporis, ʒij. sem. pœon. maris ʒss. visci q. ʒv. sang. muſtel. præp. ʒi. β. sem. anis. cinnamom. caryophyll. ana ʒi. β. corall. rub. ʒj. Crani humani anterioris partis adusti, ʒvi. pulverisatis omnibus cum sacch. tino in aq. pœon. dissoluto. F. tabella ponderis ʒij. capiat unam pro vice tribus horis ante prandium. Mustellæ sanguis hoc modo præparatur.

Mustella decollata totus s. nguis allervatur in vase vitreo; mox ubi concreverit, dividitur in partes minutas, & umbræ æstivo tempore expositus, siccare sinitur. Mustellæ sanguis præstantissimus censetur pro Epilepsia sananda; imò hoc certissimè tibi dicere possum, vidisse me sanatum epilepticum 25. annorum solo hujus sanguinis usu, potati scilicet statim atque è venis exiit ad ʒij. cum ʒj. aceti. Curato diligenter ut copiam habeas testiculorum apri, aut saltem verris, ij. e. suis domesticæ venere utentis, ac simul testiculorum galli; exsiccabis illos in furno; mox in pulverem tenuissimum rediges. Sint pulveris apri ʒij. galli ʒj. Deinde addito duplum sacchari fini. De hoc pulvere continuo sumat puer tuus in omnibus ferculis; nam experieris Pharmacum absolutissimum. Referebat mihi *Ludovicus* pater solitum sese dare ʒij. hujus pulveris cum aq. betonic. decem continuis diebus sine saccharo, & sanasse mulierem, quæ passa fuit Epilepsiam annis octo, præcipiebatque ut omnino mense integro abstinere a potu vini. Nunc tibi communico aquam verè præstantem pro hoc morbo aut omnino propulsando, aut certè magna ex parte mitigando.

℞. Flor. lavend. Mviii. fl. lil. convall. Miv. macerentur 6. diebus in lb xxv. vin. flavescen-

tis ac generosi, mox destillentur in M. B. lento igne sine fumo, tum verò postea aq. destill. addito spec. dianthosch. d. ʒss. visci, q. ʒj. sang. muſtel. præpar. ʒvi. rut. licc. Mj. cubeb. & sem. citri, ana ʒij. macerentur hæc quatrinduo: ac quod destillaverit, postea usui reservetur. Exhibeatur hujus aquæ ʒss. ex cochleari mane post Electuarium solidum superius descriptum, antequam invadat Epilepticus insultus, detur ʒss. hujus aq. cum ʒij. juris pullæ, in quo decocta sit radix pœon. & semina. Equidem accessionem si non removet, saltem retardat, observes tempus invasionis, & antea quam invadat, diebus quatuor aut quinque, aquam exhibeas ante cibum horis tribus. Cum verò noveris jam proximè intare accessionem, eandem propinabis; nam aut non revertetur accessio, aut certè quotidie magis brevior faciet. Hæc medicamenta apud me potiora sunt. *Horatius Augentinus, Tom. 2. Epist. & Consult. lib. 8. Epist. 2.*

Juvenis quidam Epilepticus postquam bene purgatus esset, nostro jussu continuo comedebat radices pœoniæ virides per longum scissas & in sartagine frictas, quæ valde profuere: ut & etiam alteri puellæ, quæ ab illarum esu ab Epilepsia admodum gravi curata fuit.

Empiricus quidam post universalia remedia, nucham candela cerea incensa cauterii instar inurebat, & radices pœoniæ in patella cum butyro frictas continuo comedendas dabat: & ita juniores & magis auctos magna cum admiratione curabat. *Petrus Forestus Schol. obs. 61. lib. 10.*

Ego summopere laudarem cauteria in brachiis, imò hoc est familiare remedium, & vidi anno præterito Nobilem senem qui solo cauterio sanatus est. Laudatur pœonia ob singularem quandam occultam vim. Ego tamen sæpe eam exhibui, sed semper coactus sum ad alia remedia devenire, nec unquam ita efficacem expertus sum, detur tamen cum non possit obesse. *Joh. Baptista Montanus, consil. 50.*

Setone ad cervicem adhibito, *Hollerii* Medici unde quaque doctissimi decreto, Adolescentem quendam 20. annos natum, morbo caduco, cujus insultibus ante crebrò prehendebatur, liberavi: derivatis, ut credere par est illa arte ichoribus mali fomitibus. *Ambrosius Paræus, l. 10. c. 25.*

Puer quidam singulis 15. diebus Epilepticus concidebat. Per affectum capitis hoc fieri Medicorum præstantissimi *Frisimelica*, *Montanus*, *Adus*, & *Francanzanus* existimarunt. Sed quo plura pharmaca exhibuerunt, eò affectus magis crevit, ita ut in 24. horis paroxysmos haberet plures centum & quinquaginta, leves tamen, quia parva commotio capitis cum bulla circa frœna labiorum aderat, unde tandem cognoverunt morbum esse, non per affectum capitis, sed per consensum à ventriculo, quare cum illum pharmacis exagitare desisterent, & roborarent, puer egregiè convaluit. *Victor Trincavellius, consil. 2. lib. 1.*

Ut præservetur puer ab Epilepsia quæ imminere videtur, abstineat omnino à vino, bibat aquam decoctam cum Cinnamomo, tormentilla, & pœonia, utatur frequentissimè Agarico, & faciat hoc sibi familiare, ut evacuetur caput, sit dosis pro vice ʒss. *Joh. Baptista Montanus, consil. 46.*

Mirabilia scripsit *Galenus* de pœonia & maxime experimentaliter cum dixit, quod volens

experiri iuvamentum ejus, suspendat eam collo patientis, & nunquam evenit ei paroxysmus; cum autem eam deposuit, reversus est paroxysmus. Et ego iterum depono me hanc experientiam oculo meo sæpe vidisse.

Hoc Electuarium quod sequitur in usum vocetur; cujus experientiam, apud Deum testor, millies me vidisse sanavisse homines ab Epilepsia, & inter alios socium domini Archangeli, qui paroxysmis Epilepticis decies in die vexabatur.

℞. Pyrethr. stœchad. costi. ana 3x. agar. 3v. Sem. carvi, anethi, assæ foetid. aristol. rot. ana 3ij β. succi squill. mell. el. ana ℥j. & 3ij. coq. simul Scylla & mel lento igne usque ad bonam viscositatem, deinde superadditis speciebus F. Electuarium cujus dosi sit omni mane 3ij. & tardetur post ipsum cibum ad minus 4. horis. *Barthol. Montagnana. consil. 43.*

Mulier quædam 20. annos nata, integrum per annum laboraverat motibus Epilepticis, non quidem vehementibus, sed à septima matutina in horam nonam vespertinam durantibus, cum spuma oris, sine loquela, sensuumque manifesto usu, præscripsi ipsi hæc pilulas unica pro vice.

℞. Castor. salis artemis. ana gr. iv. Resin. Jalap. gr. vi. Aloës succotrin. gr. ix. ol. majoran. gutt. ij. M. F. Pil. num. v. deaurentur. Pro voto illis purgata usa est bis quotidie haustulo sequenti.

℞. Sapon. Hispanici albiss. 3β. coq. ex lacte vaccino, & colat. 3ij. dentur usui. miratu dignum erat hoc remedio assumpto paroxysmum indies gradatim, deque hora in horam ita ivisse imminutum, ut trigesimo die plenissime curata exiverit, manseritque restituta. *Paulus Barbette. Praxeos. lib. i. cap. i.*

Juvenem quendam Epilepticum hoc solo condito purgante curavi, sed non ante septimum mensem.

℞. Elect. è succo ros. 3j. pulv. jalap. 3j. spir. salis rectific. 3j. ol. rosmar. gt. viii. M. F. conditum molle, de quo sumat. nucis mosch. magnitudinem ter in hebdomada, loco spiritus salis poterit substitui spiritus salis armoniaci, aliunde salis volatilis oleosi; vel ex hisce duobus mixtis & binis ternisve cohobationibus junctis destillati spiritus 3j.

Pilulæ sequentes in Epilepsia conveniunt.

℞. Extract. rhei, Aloës lucid. resin. jalap. ana gr. vi. salis succini, gr. iij. olei lavend. gt. ij. M. F. Pilulæ iv. deaurentur pro una dosi. *Paulus Barbette. Prax. lib. i. cap. i.*

Commendantur hic spiritus C. C. salis dulcis, ut & nitri dulcis, ast omnibus ferè antecellunt, salis armoniaci flores albi, rubri, flavi, vel ejusdem salis spiritus, qui non tantum pituitam incidit, verum etiam acido austerum corrigit, estque valde volatilis ac penetrantissimus; quo ipsi melancholici redduntur hilares, quod quidem centies observavimus; atque non tantum puerorum, ast quoque adultorum Epilepsias varias hujus beneficio, justo vehiculo mixti, annuente divino numine, curavimus.

Ad Epilepticum quendam vocatus inter alia remedia, quibus tandem annuente Deo opt. max. curatus est, hunc julepum præscripsi.

℞. Aq. beton. flor. tilia, ana 3ij. Aq. scenic. vitæ Matthiol. ant-epilept. Langii ana 3j. spirit.

salis armoniac. 3β. tinctur. Castor. gutt. x. flor. hyperici 3j. Laudan. opiat. gr. iv. ol. succini gr. v. syr. stœchad. 3j. M. cujus singulis diebus ad minimum cochlear unum atque alterum quater annuebat. *Fridericus Deckers, in Notis ad Prax. Barbeitian. lib. i. cap. i.*

Infantes plures motibus convulsivis Epilepticis affictos sequenti mixtura cochleatim usurpata sanavimus.

℞. Aq. flor. tilia, scenic. ana 3j. syr. stœchad. diacod. ana 3β. spir. sal. armoniac. 3β. M. *Idem ibidem.*

Civis cujusdam Lavingani filia decem annos nata, per tres menses quotidie incurrebat in Epileptica symptomata, rogatus ego à puellæ matre, gravi, sævo, & longo huic morbo curationem talem adhibeo.

Purgato rectè capite propinabam per 5. dies mane jejuno stomacho & in ipsa accessione tres guttas olei ligni heraclei: cujus usu mox cum omnium admiratione, Deique laude omnino liberatur à Chronico & quotidiano malo: quod jam annis multis amplius non rediit. Laus soli Deo & gloria; qui contra morbum comitalem peculiarem & occultam huic oleo vim & facultatem indidit. *Martinus Rulandus, curat. 6. cent. 2.*

Puer quidam Lavinganus 7. annorum torquebatur graviter Epilepsia dies noctesque, sed ex hac agitudine sanus factus est isto remedio.

℞. Olei ligni heraclei, gr. vii. has meo consilio ante & in paroxysmo exhibuerunt per 7. dies, atque efficacia ejus Epilepticus paroxysmus postmodum non visus est amplius, sed liber ab hoc malo & incolumis semper mansit. *Martinus Rulandus, curat. 86. cent. 4.*

Consul quidam quinquagenarius gravi Epilepsia correptus erat, in ipso paroxysmo dedi 13. guttas antepileptici nostri: quo adstantibus omnibus obtupescentibus, confestim quievit, ad se rediit, & convaleuit, convalescunt & sanantur per idem oleum etiam innumeri alii ex hoc horribili morbo. *Martinus Rulandus, curat. 32. cent. 10.*

Vir quidam triginta annorum levem passus Epilepsiam, à nobis curatus fuit feliciter & integre hac ratione.

℞. Pulv. Sen. Laxativ. 3i β. vini, 3v. commixta stabant per noctem; manè exhauriebat, multaque ac varia excernebat. Pulvis hic Senæ laxativus, non est pulvis Senæ Montagnanæ qui passim in officinis prostat, sed est pulvis senæ laxativus *Joh. Wieri*, cujus descriptio hæc est.

℞. Fol. Sen. Tartar. alb. ana 3j. sem. anisi, Caryoph. cinamom. galang. ana 3j. diagrid 3ij. F. omnium pulvis subtiliss. S. A. dosi est à 3β. ad 3i β. in substantia ad summum cum convenienti liquore. Dosi in infusione est ad 3β. educit per inferna bilem tam flavam quam atram, & pituitam, atque inde natos morbos curat feliciter: quare in officinis parari suadeo, cum usus ipsius sit maximus & salutaris & tutissimus in omni morbo, ut sum per diu expertus. *Martinus Rulandus, curat. 3. cent. 10.*

Mulier quædam epileptica me consulto & maxime Deo implorato ad sanitatem reducta est hac via.

℞. Aq. flor. tilia, 3vi. trochisc. alhand. 3β. M. F. infusio. S. A. pro duabus vicibus colandis ac per duos continuos dies bibendis, post bonam

nam per alvum factam purgationem, septem dies in lecto sudavit, capiendo de hyssopi decocto calente \mathfrak{z} vi. his ita peractis, liberata ex toto fuit. *Martinus Rulandus, curat. 66. cent. 10.*

Mulier quædam sexagenaria sexies facta est epileptica, hæc à me per Dei gratiam adjuta ac sanata est sequenti solo, facillique remedio.

Vino sublimato imposuit, meo jussu, hyssopum, de quo manè & noctu cubitum abitura bibit tria cochlearia, vel ad \mathfrak{z} ij. hoc cum singulis diebus per septimanam fecisset convulsio hæc ex toto intermisit, & nunquam reversa est. *Martinus Rulandus, curat. 95. cent. 10.*

Erat qui Epilepticos multos etiam profecta ætate, & qui diu laboraverant, post purgationes, hoc pulvere percuraret.

\mathcal{L} . CrySTALL. præparat. \mathfrak{z} j. Corall. rub. \mathfrak{z} ij. Margarit. or. smaragd. præp. \mathfrak{z} ß. M. F. Pulvis, cujus pars dimidia est una dosis ex aqua tarmacaci.

Alius Empiricus hoc feliciter utebatur, in acervis formicarum reperitur aliquid simile thuri, quod pulverisatum dabat Epilepticis ex aqua Pœon. vel florum tilia. *Hieronymus Reusnerus, observat. 15.*

\mathcal{L} . Corvos juvenculos ferè implumes, mense Martio exclusos, statimque nido extractos in ollam novam conjice, probeque lutatam clibano impone ut comburantur corvi, quos tere in pulverem, qui plures annos efficax servari potest, capiat de eo parum in liquore appropriato semel in die. Est hic pulvis corvinus summè secretus.

De corvis *Conradus Gesnerus lib. 3. De Avib. pag. 341.* hæc habet.

Medicus quidam celebris nostra ætate, corvos duos mense Martio è nido combustos, in levissimum pollinem redactos epilepticis propinabat bis vel ter in die, \mathfrak{z} j. pondere exhibitum cum aq. decoct. Caltor. & paulo post cerebrum corvi in stillatico liquore verbenæ haustum epilepticis prodesse nuper amicus quidam ad nos scripsit. *Hieron. Reusnerus, observ. 13. & schol.*

Fabro claustrario annorum circiter viginti, apud ejusdem artis opificem Bernæ operanti, tumor exiguus subortus est in vola manus dextræ, sub radice minimi digiti, cum dolore, qui tumore crescente augebatur. Post dies aliquot, nihil gravius sentiens, subito corruit, epilepsia præhensus, convulsus, sensibus sublati, motuque inordinato aliquandiu agitur, finito paroxysmo ad se rediens, munia consueta obivit, verum exactis diebus 14. paroxysmus rediit; ab eo, diebus octo post, denuò recidivam passus, quo magister perterritus, eum à se dimisit, itaque in patriam ad nos reversus, Magistratu sumptus pro remediis solvente, sic cura fuit instituta.

Purgatus fuit primum hoc pacto.

\mathcal{L} . Rad. pœon. rec. \mathfrak{z} ij. polypod. \mathfrak{z} i ß. fol. sen. \mathfrak{z} ij. epithymi, \mathfrak{z} ß. sem. fœnic. \mathfrak{z} ij. fumar. Mj. F. decoctio in aq. & vino pro tribus vicibus sumenda.

Inde pulvere usus est sequenti.

\mathcal{L} . Cranii hominis triti, \mathfrak{z} ij. rad. pœon. unguis asini, ana \mathfrak{z} i ß. cineris hirundinum, \mathfrak{z} j. visci querni, \mathfrak{z} ß. ras. eboris, \mathfrak{z} j. sacch. ad pondus omnium, fiat pulvis, capiat singulis matutinis cochlear unum superbibendo aq. fl. pœon. \mathfrak{z} i ß.

Denuo purgatus fuit sequenti modo.

\mathcal{L} . Tartar. vini, \mathfrak{z} ij. diagrid. \mathfrak{z} ß. sem. anisi. \mathfrak{z} j. rad. pœon. \mathfrak{z} ß. sacch. alb. \mathfrak{z} v. F. Pulvis tribus vicibus sumendus.

\mathcal{L} . Sem. ocymi, hormini, pœon. palma Christi, ana \mathfrak{z} i ß. visci, q. rad. pœon. ana \mathfrak{z} j. Corall. utriusque \mathfrak{z} i ß. cineris unguis asini, & Cranii anterioris humani, ana \mathfrak{z} ß. spec. diamar-gar. frigid. \mathfrak{z} j. sacch. dissolut. in aqu. beton. & pœon. q. fl. F. tabulæ, dosis \mathfrak{z} j.

Postea hæc opiata præscripta.

\mathcal{L} . Theriac. veter. \mathfrak{z} vi. rad. & sem. pœon. visci, q. ana \mathfrak{z} ij. sem. hormini, & ocymi, ana \mathfrak{z} j. Cranii hominis, \mathfrak{z} ß. cum melle scillitico. F. opiata detur \mathfrak{z} j. cubitum ituro, & continuet.

Cauterium postea inustum cervicis posteriori regioni, à quo tempore licet præludia quædam paroxysmi sentiret, non tamen eo usque ut caderet, invaluerunt.

Postea pilulæ sequentes ordinatæ.

\mathcal{L} . Caltor. assæ-tetid. ana \mathfrak{z} j. gummi ammoniac. sagapeni dissolut. in aceto scillit. ana \mathfrak{z} ij. fellis bovis. \mathfrak{z} j. ol. succini, gutt. viii. cum succo rad. pœon. F. pilulæ pond. \mathfrak{z} ß. capiat unam nocte cubitum iturus aliquoties, iterum etiam fuit purgatus sic.

\mathcal{L} . Pil. aggregat. \mathfrak{z} j. cum aq. pœon. F. pilulæ, dejecit per biduum octies.

Ut vinum sequens biberet injunctum.

\mathcal{L} . Rad. pœon. \mathfrak{z} iv. ireos, enul. camp. ana \mathfrak{z} ß. fol. salv. majoran. chamæpit. ana \mathfrak{z} ij. sem. pœon. \mathfrak{z} iij. sem. fœnic. \mathfrak{z} j. incidantur pro duabus mensuris vini, bibat singulis matutinis haustum. Ab eo tempore quo fontanella fluebat, sex septimanarum spatio, à paroxysmo liber fuit: & post vini præscripti usum, dicebat convulsivos illos motus seu palpitationes in pedibus cessasse, saltem in brachio remanere, quare etiam brachio cauterium fuit applicatum, ulcere inducto, dicebat se noctu ter aut quater sensisse convulsionem levem in digitis, sed non alibi, quapropter iterum pilulis aggregativis fuit purgatus, denuoque vinum prius præscriptum bibit per dies duodecim, cauteriumque tertium in sura pedis dextri fuit appositum, denuoque pilulis purgatus.

Cum adhuc sentiret reliquias aliquas, incipit hoc uti Electuario.

\mathcal{L} . Rad. Pœon. pyrethri, ana, hyssop. sem. Pœon. ana \mathfrak{z} ij. mell. scillit. q. fl. F. Electuarium, utatur singulis matutinis.

Postmodum sentiebat tantum, ut exponebat ab ulcere manus, vaporem per brachium ferri, & per cauterium brachii, & nuchæ, & suræ pedis evaporari, alioquin graviolem paroxysmum non sentiens. *Felix Platerus, observ. lib. 1. pag. 24.*

\mathcal{L} . Conserv. flor. Pœon. \mathfrak{z} i ß. Conserv. majoran. meliss. beton. & flor. rosmar. ana \mathfrak{z} j. calam. aromat. Zinzib. cortic. citri condit. ana \mathfrak{z} ß. pulv. sem. & rad. Pœon. visci, q. ana \mathfrak{z} j. ras. ebor. \mathfrak{z} ß. Cranii hominis pulver. subtiliter, \mathfrak{z} i ß. Cinnamom. \mathfrak{z} ij. nuc. mosch. \mathfrak{z} j. spir. plirisarch. \mathfrak{z} ß. cum syr. cortic. citri. F. Electuarium, capiat alternis diebus, \mathfrak{z} j. manè jejunus superbibendo julepi sequentis \mathfrak{z} j.

\mathcal{L} . Aqu. salv. meliss. ana \mathfrak{z} ij. vini alb. \mathfrak{z} j. sacch. rosar. perlat. \mathfrak{z} ij. M.

Balsamolæo sequenti fricet Spinam.

\mathcal{L} . Gummi galban. bdellii in aq. vit. dissolut. ana

ana ʒß benzoin. ʒj. styrac. liquid ʒj. fol. rut. chamæpit. flor. stæchad. lavendul. ana ʒij. rad. costi, ʒß. castor. ʒj. infundantur incisa & pulverisata in aq. vitæ. Stent in maceratione in calore per dies aliquot ante usum. Hæc profuerunt Epileptico cuidam cordis palpitatione simul etiam laborante. *Felix Platerus, observ. lib. 1. p. 236.*

Per triduum ferè paroxysmis epilepticis corripiebatur puella infans, iussu succum rut. cum aceto fortissimo permixtum in spongia naribus adhibere; cuius usu statim ad se redibat, sed mox iterum recidivam patiebatur, brevibus tamen quando hæc naribus admovebat paroxysmis. Emplastrum hoc cordis regioni applicavimus.

℞. Theriacæ veteris ʒj. rad. Pœon. pulv. ʒß. M. Item pulvere rad. Pœon. capilli conspergantur, & sic præter omnium spem evasit. *Felix Platerus, observ. lib. 1. pag. 29.*

Quidam ultra viginti epilepticos uno anno sanavit hac ratione. Cane vivo dissecto, fel poculo excipiebat, & cystin felleam aceto eluens miscebat, mixturam potiunculæ instar ægroto exhibebat; quam si fortè vomitu rejiceret, ex alio cane repetebat. Eligebat autem juvenibus bimulum, senioribus trimem, foeminam foeminis, & viris marem. *Jeremias Martius, observ. 45.*

Insuave quidem remedium, sed quod spes sanitatis jucundus effecerit, quam crudelissimum sanguinis humani potum, cæterum eodem felle canino cum duplo vini cretici seu aq. picarum aut flor. tiliaë feliciter usum *Ludovicum Hermaunum* idem hic *Martius* alio loco adnotavit, cum aceto sumendum, probeque à portione sudandum monet. *Franciscus Hildeshemius. De capitis morbis, Spicileg. 7. Hier. Velschius notis in observ. 45. Jer. Martii.*

Epilepsia sæpius remedio arcano curata ab avo meo *Petro Gassero*, succo nimirum aquilegiæ cum succo vermium terrestrium æquis portionibus ad ʒ. diebus 40. continuis dato. *Achilles Gasserus observ. 55.*

Dum anno 1659. medicinæ studiis *Monspeli* incumberem; unus ex præceptoribus meis Clarissimus Dominus *Salienus*, Prædicus consummatissimus, perpetuaque merita dignissimus, mihi tanquam secretum insigne Emplastrum sequens ad Epilepsiam benignè communicavit; quo aiebat se plurimos etiam provectæ ætatis Epilepticos sanitati integræ restituisse, præmissis scilicet universalibus.

℞. Gummi ammoni. c. gummi juniperi, thuris & mastich. ana ʒij. sem. Pœon. maris suo tempore collect. & nuc. mosch. ana ʒiij. Corall. rubr. præpar. ras. eboris & Cervi, ana ʒj. malaxentur cum Styrace liquida, formenturque in Emplastri massam in sequentem usum.

℞. Mass. Emplast. præscript. q. s. extend. super alutam vel pannum sericeum rubr. & formentur Emplastrum magnitudinis & figuræ debita, admovendum vertici & futuræ coronali calidè, detonso prius capillitio, ibidemque diu gestandum.

Hac etiam aqua hirundinaria in eodem affectu feliciter utebatur.

℞. Hirund. adhuc in nido existent. num. 8. rad. Pœon. visci, q. ana ʒiij. fol. rutæ, Mj. flor. lil. convall. p. ij. Castor. caryophyll. macis, ana ʒij. cum sufficienti quantitate vini albi, aceti

scillit. & aq. meliss. super cineres calidos infund. per 24. horas. Dein destillentur, atque in vase vitreo optimè clauso servetur aqua, dosis pro majoribus ab ʒj. ad ʒij. pro junioribus ab ʒß. ad ʒj.

Nobilis quidam *Danius* in gravem Epilepsiam incidit, ex translatione peccantis materiæ à partibus externis ad internas; de dolore enim in aure interno prius conquestus erat, quo remittente, protinus successit hic affectus, non tantum ruta contusa & in aceto macerata laborantem à paroxysmo excitamus, guttulis etiam olei succini aliquot naribus per pennam immisissis, sed lenito quodammodo paroxysmo pro corroboratione cochlear unum atque alterum de spiritu ceras. nigror. item aliquid syr. fl. Pœon. cum spiritu vitrioli permixtum, & similia exhibuimus: capiti verò raso Emplastrum *Crationis* applicare iussimus quod,

℞. Succin. alb. thur. mastich. ana ʒiß. galbani, opopon. ana ʒj. visci, q. ʒij. ambræ gris. gr. vi. molch. gr. iij. sem. Pœon. ʒß. ladan. ʒiß. ol. nuc. mosch. parum. ol. ros. q. s. extend. in corio, aspergatur pulvis cubeb. & futuræ coronali imponatur.

His remissionem gravissimorum symptomatum introduximus, ut æger mentis compos vicissim redderetur, & aditantes cognosceret, cum iisque loqueretur ad tempus, donec gravibus recidivis remorantibus, sequenti die naturæ debitum solveret. *Gregorius Horstius, observat. 21. lib. 2. De Morbis capitis.*

Puer quidam duodecim annorum perfecta ratiocinatione & articulo sermone destitutus, post paralyin dextri lateris in Epilepsiam incidit, ad eum vocatus ante omnia Phlegma, serosusque humores evacuandos esse censeui, quare pulverem hunc purgantem præscripsi.

℞. Rad. Pœon. ʒß. crem. tartar. ʒiß. spec. diaturbith. cum rhab. ʒj. diagrid. cum ol. foeniculi præpar. ʒß. sem. anis. coriand. præp. ana ʒßj. M. F. Pulvis divisus in duas partes pro duabus dosibus.

Ad cerebrum roborandum utatur interius per vices hoc pulvere corroborante.

℞. Pulv. marchionis, ʒiß. C. C. ust. præp. Corall. rub. præp. ana ʒß. sacch. ros. tabul. ʒß. M. F. Pulvis.

Spinalem medullam & partes læsas hoc linimento inungat.

℞. Ol. de castor. lumbric. rutac. ana ʒiß. unguenti nervini, ʒvi. ol. foenic. distill. ʒß. M. pro linimento. Hisce aliisque ejus generis per semestrem diligenter adhibitis, Dei gratia, non tantum ratiocinationis & loquelæ defectus corrigebatur, sed etiam pristino vigori restitutus puer, nihil amplius de subitaneo lapsu vel insultu conquerebatur. *Gregorius Horstius, observ. 41. lib. 2.*

Decoctum radicis Sassafras, aut solum, aut cum vino singulare. Frustulum Aloës perpetuò gestandum, ut cutem attingat. Lupi etiam corium ea parte desumptum, qua spina adhæret, latitudine duorum digitorum in cinguli formam effingendum, ventrique & lumbis circumcingendum, & semper gestandum, ut corium attingat cutem, pilis exterius positis.

Cum primum pullus equinus in lucem prodit, vomitu materiam quandam rejicit, quam

nisi

nisi quis præripiat, mater statim devorat, hæc materia siccata & pulverisata, à morbo comitiali liberat certo experimento, ut mira quædam res videatur. Chalcantini olei rite præparati gr. v. in jusclo manè sumpta per multos dies plurimos ab hoc morbo liberant.

Theriaca etiam tam idoneum est morbi hujus remedium, ut ea sola quotidie liberentur multis: aqua etiam theriacalis plurimum prodest. Hier. Donzellinus, consil. 38. lib. 6. consil. Cratonis & aliorum Medicorum à Scholtzio editorum.

Præscripseram nuper cuidam pæro Emplastrum futuræ coronali apponendum, is tentatis multis remediis, beneficio Dei convaleuit. Pharmacopæi conjunx Emplastrum hoc aliis pueris epilepticis adhibuit, itaque tam multus de eo sermo, ut etiam senes bono successu uterentur. Descripto Emplastri hoc est.

℞. Succin. alb. thur. mastich. an 3 iß. galb. opoponac. an. ʒj. visci q. 3 ij. ambr. grii. gr. 6. mosch. gr. 3. sem. pæon. maris, 3ß. kadani, ʒjß. ol. nuc. mosch. parum, aspergatur pulvere cubearum & extend super alutam Jo. Crato. epistola ad Jordanum, lib. 4. epist. Cratonis, &c.

Radice Pæon. collo appendimus, ac in sorbitiunculis eam coquimus. Damus mel Scillæ vi imbutum, hyssopo ac roremarino cibos coqui jubemus.

Cuidam juveni à manu repebat quid per humores in cervicem & caput; mox cadebat. Post provisionem habitam totius corporis, phænigmos adhibui manui, tum malum incipiebat ab humeris: illis caustica admovi; ac ut theriaca uteretur quotidie mane ad ʒj. jussi. Mox à lingua invadebat & à genis, genis phænigmos admovi, perennique theriacæ usu summi Dei beneficio evasit. Sed diu mutus perseverabat, at loquela rediit tandem. *Joan. Heurnius ad aphor. Hippoc. 7. sect. 5.*

Cum advenissem hominem veluti in agone mortis reperi, pulsus adeo erat variabilis, ut nunquam similem in homine qui evaserit, me observasse ausus sim affirmare, jam enim erat magnus & celer, jam tardus, rarus, inæqualis, formicans, parvus, & languidus, sed & (quod omnibus admirabilis est) aliquoties adeo intermittebat & quiescebat, adeoque deficiebat pulsus, ut æger jam animam effudisse videretur, non enim ictum unum aut alterum, verum quatuor aut quinque, aut etiam plures intermittebat, & ita quidem ut facillimè passus quatuor aut quinque, quiescente pulsu, per cubiculum fecisses, interim dum ita quiescebat pulsus, corpus apoplecticorum more, plane sine motu & respiratione jacebat; oculi aperti & fixi erant, & vix signum ullum vitæ in ipso observari potuit, nisi quod p. res corporis, imò ipsæ quoque extremitates suo calore naturali fruebantur. Ego cum advenissem protinus nares, labia & tempora succo rutæ (maximas istius succi in Epilepsia esse vires testantur viri docti) in quo nonnihil theriacæ dissolutum erat, inunxi, regioni cordis & carpis epithema calidè applicui, & pulverem epilepticum & aliquantum confecti alkerm. cum aq. lil. convall. Pæon. & beton. exhibui. Sequenti die cum iterum præscriptam potiunculam sumpisset, præter meam & adstantium opinionem melius se habuit: deinde observata victus ratione expurg. toque corpore, brevi

restitutus fuit. In hoc autem casu videmus quid natura valida etiam præter spem & opinionem Medici præstare potest, quandoquidem ego ut ingenue fatear, cum pulsus ut dixi, non solum variabilem & summe imbecillum, verum etiam omnino intermittentem in ipso observassem, mortem in propinquo esse adstantibus significavi; ille tamen quia juvenis & robustus adhibitis remediis idoneis, intra dies quatuor sanitati restitutus fuit. Respexi autem in prognostico meo non solum ad ea quæ quotidie in præxi accidere observamus: verum etiam ad locum illum Galeni lib. 2. De præcognitione ex pulsu ubi ita scriptum reliquit, si arteria duorum pulsuum tempus moretur, haud scio an quisquam superstes esse possit & eodem libro, naturalis arteriæ motus sanitatem refert; vitiosus morbum, intermissus mortem *Gml. Fabricius. Hilda. m. Observ. 22. cent. 4.*

Cum piscator quidam bis, ter & sæpius quotidie Epilepsia corriperebatur, nec radix Pæoniæ, Cranium humanum, alcis ungula, aliæque remedia, à multis authoribus enumerata juvarent; accidit forte ut legerem in Fabii Columnæ historia Plantarum, cap. de Phu. hæc verba. Præter has vires plantæ huic tributas, addo & hanc proprietatem jamdiu in multis, atque in memetipso expertam, quod pulveris radicis plantæ hujus sponte ortæ extirpatæ antequam caulem edat, cochlearii dimidium cum vino, aqua, lacte, aut alio quovis decenti succo semel sumptum, aut bis Epilepsia correptos liberet; hunc pulverem amicis dono dedi, qui deinde divino prius numine fautore glorificato, ejus usu illis restitutam sanitatem affirmarunt. Hæc sunt ipsius verba: & sicut ipse jubet, ita dedi, & sanatus est æger, & in posterum feliciter hoc remedio usus sum. *Dominicus Panarolus. Observ. 33. Pentecoste 1.*

Adrianus Spigelius memoravit Nobilem Patavinum 19. annor. sæpius epilepsia conflictatum; quum à gravi de scalis lapsu, Fabricius ab Aquapendente cranio ferebram admovisset, nunquam ex eo malum percepisse. *Jo. Rhodius obs. 66. cent. 1.*

Casarem Palavicinum aliumque Nobilem melancholia & comitiali morbo alternatim laborantes, & frustra à Medicis vexatos somniferis & lotionibus capitis; solo potu pulveris chrysolithi ex vino, octo dierum spatio sic liberavi, ut nunquam morbus redierit. *Hieron. Cardanus cur. m. 3.*

Ancilla Epileptica usu oxycrati liberata est; cujus cyathum sumebat mane singulis diebus, & ante tempus invasionis acetum purum curato morbo doloribus artuum correpta est, qui usu thermarum curati sunt. *Lazarus Riverius obs. 10. cent. 4.*

Puella duodecim annorum epilepsia frequenter corripiebatur, ad cujus curationem multa remedia frustra tentata fuerant, cum antea pleuritide correpta fuisset, pluries ei secta fuit vena, & ab eo tempore epilepsia nunquam correpta est: inde colligere licet, venæ sectionem ad epilepsiæ curationem plurimum conferre. *Lazarus Riverius, obs. 38. cent. 4.*

Puer quidam trimulus patiebatur insultum epilepticum à quo liberatus fuit fumo tabaci, quem minister tubulo attrahebat, & insufflabat in os pueri apertum, vomitus inde illi concitatus est, & paroxysmus solutus. *Laz. River. obs. 60. cent. 2.*

Quidam ab aliquot annis Epilepticus, si quandoprehendus esset paroxysmo, auram quandam frigidam ex crure, itemque ex brachio quasi ascendere sentiebat, moxque concidebat. Suasi itaque post adhibita varia medicamenta, ut sentiens vaporis ascensum, partem, ligaret; id quod præstitit, sicque semper paroxysmum inhibuit. *Philippus Salmuthus obs. 90. cent. 1.*

Rusticus quidam longo tempore morbi comitialis paroxysmis frequenter conflictatus nullo remedio curari potuit; donec febre quartana superveniente, ab eo liberatus fuerit. Ita enim *Hippoc. Aph. 9. Sect. 6. lib. 6. Epid.*

Quartana laborantes nullo magno morbo corripuntur, si prius autem corripiantur, & quartana superveniat, liberantur. Galenus in *Comment. nomine magni morbi Epilepsiam intelligit. Philippus Salmuthus Obs. 84. cent. 2.*

Nobilissima quædam domina Epilepsia penè hæreditaria diu afflicta, irritis omnibus remediis ab excellentissimis Medicis præscriptis, tandem solo pulvere veri visci querni ad ʒj. quantitatem in aq. ceras. nigr. vel cerevisia singulis matutinis per dies aliquot circa plenilunium exhibiti, sanitatem obtinuit. Licet nullam haberat medicamentum sensibilem operationem, tamen post primum diem, nisi unum paroxysmum passa est, *D. Robert. Boyle Tractat. de Utilitate Naturalis Philosophiæ, part. 2. sect. 5. cap. 7.*

Ungula alcis præsentanea vi pollet adversus morbum comitalem, quod multis experimentis comprobatum habeo, licet mihi ratio visa sit obscura semel atque iterum contigit, ut muliercula quædam in ædium nostrarum vestibulo, tanquam fulmine icta, concideret, quod ubi essem conspicatus accedo propius, atque annuli gestamen, cui alcis particula inserta erat, digito qui infimo proximus est infero, illa è vestigio erexit se in pedes, potuque refocillata iter inceptum alacriter peregit. *Levinus Lemnius lib. 2. De Occultis Naturæ Miraculis, cap. 3.*

Illustris Neogamus amore formosissimæ puellæ, quam jam quintum deperiebat annum, potitus, in arcem milliari à Leodio disitam eam ducit, ibi cum amore se pulcherrimo ad satietatem explet, depleri facultatem animalem, purissimamque spirituum partem absumi non sentiens, Epilepsia corripitur, advolo ego citato equo, atque à paroxysmo excitato; album pavoninis excrementis detersum in decocto millefolii (erat casu ad manum) propino, à cuius sumptione cum aliquot horas liber fuisset, iterumque corriperetur, antepilepticum Sereniss. Ernesti Principis mei, quod oleum heracleum, qui ingenti pretio ipsi vendiderat Chymista indigitabat; Leodio adferri curavi; quo bis terve sumpto, per omnem vitam ab Epilepsia immunis fuit, ejus olei, quod sæpe fidum expertus sum, descriptionem hic ponam.

℥. Vitrioli veneris, aut viridis æris calcinati, ℥b i ʒ. Cranii humani, ungulæ alcis, an. ʒij. visci querni (malim columnum) sem. Pæon. maris, an. ʒi. cum spir. vini rectificatissimi ℥b ij. digere in retorta & distilla S. A. ingratisimum est hoc oleum, & odore & sapore, sed miræ efficacæ, si cum aqua convenienti sumatur. Huic omisiss universalibus, quia ob virium imbecillitatem mortem timebam, solis antidotis consului, monuique meminisset, dicere stagititam na-

turæ ocellum, synusiam seu coitum esse parvam epilepsiam, à parva autem ad majorem proclivem esse transitum *Henricus ab Heers. obs. 18.*

Puella quædam ab ebris duobus ad stuprum sollicitata, in epilepsiam ex subito terrore & animi consternatione incidit gravissimam. Ad illam accersitus, duos, quæ lecto aditabant famulas rogo, quoties concideret? jam videbis inquirunt, adhuc loquebantur, cum sævissime convulsa fuit, lecto affixus, observo illam duos utriusque pedis pollices confricare, nec uliam in illis movendis, quoties paroxysmo libera erat, quietis partem interponere, extemplo curo fieri butyrum antimonii, ex æquis antimonii crudi & mercurii sublimati concinnatum partibus: quo utrique pollicum applicito, vesicæque magnis excitatis, iisque abiectis, demum carne ad ossa ablata, ab omni paroxysmo, triduo liberrima fuit: quarto die cum levissime convulsam domestici dicerent, sumpto antepileptico, ex Cranio hominis, pavonino excremento, vesica apri cum lotio in turno siccata, visco columno, oleo succini inodoro, aquisque ei rei dicatis adprime facto, nunquam postea vel umbram convulsionis sensit, *Henricus ab Heers obs. 24.*

Hartmanni anuleto ex frutice sambuci in salice inventi, plurimi epileptici salutem suam debent. Medicus quidam nostræ urbis exercitissimus plusculos solo isto anuleto restituit, præmissis præmittendis

Sartor Juvenis Hafniensis tumido ventre diu aquam inter cutem collegerat, nullis adjutus medicamentis, transmissio ad cerebrum sero copioso, epilepticus evasit: urgebat viginti & quatuor horis paroxysmus, & misere torquebatur; sed appenso anuleto, imminutus primum paroxysmus, mox planè remisit, hydrops vero tractu temporis alvi fluxu superveniente detumuit. *Thom. Bartholinus, hist. 69. cent. 4.*

Morbus comitalis sponte sanatus.

Plurima non minus graviter, quam verè dixit uberrimus auctor, Hippocrates, sed nihil majestate ipsius dignius, quam ingenium illud. Naturæ morbis medentur. Cujus effati dignitatem, ut passim omnes, sic ostendit præcipue morbus comitalis, quem eradicatum ubi vult natura, utitur modo, variantis atatis mutatione, modo verò ulceribus in capite excitatis; vel excogitans aliud aliquod solers inventum, dissolvit industrie nodum, arti Medicæ planè indissolubilem.

Consulis Amstelredamensis filia exagitata vehementer à morbo comitali; & parum aut nihil auxilii ab arte impetranti, suppetias tandem tulit officiosa natura: expellens potenter, acrem periodicæ distensionis causam à cerebro in subjectos faucium musculos. Quibus impeditis, cessit quidem, ex toto, morbus comitalis; sed interim intumuit haud parum guttur; periit elocutio; neque deglutiit, nisi admodum graviter.

Sed præcipua molestia fuit à suppressâ voce, quâ caruit ad sextum usque mensem: licet interim non negligerentur, vel convenientia cathartica; vel requisita roborantia: inter quæ facillè primas tenuit oleum, arte Chymicâ è succino elicatum. Quod sanè plurimum profuit,

fuit, recuperandæ voci. Quam iterum adeptâ, fecit primum, receptâ locutionis initium (quod etiam ab aliis, alias observatum) vocalibus A & O. Quibus aliquoties ruditer prolatis, profecit brevi tantopere, ut ante diem quartum decimum, loqueretur, non minus articulatè ac si nunquam obmutuisset.

Quod ipsum, benevolæ naturæ, auxilium, etiam in aliis, subinde licuit videre: sed præcipuè in duobus infantibus, quorum epilepsiam sanavit, per manantia capitis ulcera. Quibus improvidè aliquando suppressis, retinebantur non tantum tetri, maligni morbi, vapores: sed revertebatur ilico terribilis hæc nervorum contractio. Neque desinebat iterum nisi remota cicatrice, referaretur hiatus, exhalandis fuliginibus à natura destinatus.

En præcuntem naturam, o Chirurge; monstrat ipsa, quâ digito, salutarem, inustorum ulcerum usum: ex fama tua erit, imò ex usu ægrorum, si hanc sequaris ducem. Prosumt ulcera arthritidi, expellunt lippitudinem; sed neminem efficacius juvant quam morbo comitiali, obseffos.

A quo utique adsertum vidi aurifabrum, per squamosas quasdam crustas, scædum in modum pedis cutem exasperantes, quibus scalpelli apice dextere ablatis, destillare protinus per exilia cutis ulcuscula, frequens, ac acer humor, qui per anfractuofas ambages ad pedes delatus, eo, proculdubio descendit sive à capite, gennino hujus mali fonte; sive ab hepate, aliove aliquo inaccessio fomite, secreto alibi latitante. *Nicol. Tulpus Observat. Medic. lib. 1.*

Morbus comitialis à splene.

Ex acri quarumlibet partium vapore, cerebrum vellicante, morbum comitalem excitari, novum non est. Sed parti alicui, tam exquisitum inesse sensum, ut attacta duntaxat levi digitorum apice, protinus contrahat nervos; id certe summe rarum est. Et præter unum Fernelium (qui ex simili occipitis attactu, vertiginem vidit obortam) vix cuiquam fortassis observatum.

Juvenis patritius annorum circiter quindécim, doluit ex pube, tam intolerabiliter; extra omnem suspicionem calculi, ut ibidem loci, neque litum olei amygdalini, neque linteo- lum eodem madens, foret ferendo. Sed converso post mensem, omni doloris impetu, à pube, versus latus sinistrum, unde fortassis descenderat, desiit ex toto illius partis cruciatus: & ilico male habuit lien: & ex ipsius consortio, cerebrum. Non secus ac aliis, ex pede vulva; ex liene ventriculus: & à ventriculo caput; instar cucurbitæ universo corpori impositum.

Noxiam autem materiam, à liene, per venas iliacas, ad ilia, ac pubem descendere, vidit olim vir oculatissimus Hippocrates: sed innuit id adeo testè, ut à paucis observetur. Qui nigra (inquit) vomunt, ad pubem dolent. Lib. præd. Expulsâ videlicet illuc acri sanguinis fœce. Unde certe est, quod melancholicis fiant, maximi morbi, ab illis. De quorum molestâ dilaceratione, non minus quoque conqueruntur,

scorbuto qui obnoxii: quibus propterea videntur ilia rumpi: cum ob continuam humoris erosionem; tum propter urgentem, dilaceratarum membranarum, distentionem.

Inquirendum itaque curiose Medicis, in naturam humoris, à natura expulsi: & cavendum obnixè, ne facile regurgitet à loco ignobili, in partem principem. Satiùs quippe est, pestilentem ejusmodi frugem in semine comprimere, quàm adultam demetere messem.

Sed ad rem. Lien a turgido hoc, atræ bilis, fermento, jam tumidus, diffudit ilico ex se vapores cerebro tam inimicos, ut juvenis protinus concideret in vehementissimos morbi comitialis insultus: excitatos non tantum à causâ internâ; sed subinde quoque, ab externâ.

Nam pressâ, vel solo digito, regione lienis, contrahebantur ilico, omnes nervi: & sequebatur confestim miserabilis universo corporis distentio: lædens iteratis suis circuitibus, usque eo, mentem jam aliquoties labefactatam & cumprimis, vim ipsius imaginatricem ut crederet se nescio quem regem, distribueretque non minus largiter qualiacunque munera; imò integras regiones ac si reverâ rerum potitus fuisset.

Insidente ipsi, hac conceptâ majestatis opinione, adeo profundè, ut summè excandesceret, corriperebaturque gravissimâ epilepsiâ, si quis majestatis oblitus, ipsum compellasset nomine usitato; Ceu inferius dignitate sua ratus alio, quàm regio insigniri titulo. Impositis interim familiæ suæ (quæ erat amplissima) promiscuis, quorumcunque animalium, nominibus. Quæ semel data (quod melancholicis proprium) tam firmiter memoriæ mandavit, ut nunquam deinceps, inde exciderint, licet vel longissime quis peregre abfuisset.

Quod si vero quis, loco ursi, felis, canis, draconis, aut leopardi, desideraret proprium sibi restitui nomen, eum reddebat ilico, voti compotem; modo donaretur aliquo munere, quâ facilitate, ab amicis observata, redemere plerique omnes, ignominiosa illa nomina. Eaque donis ipsorum imposita, retinuit invicem tam strictè, ut etiam post plures menses, recordaretur nominatim; quod quisque, vitandæ ignominie ergo, obtulisset munus.

Inusitato autem huic morbo, plurima quidem nobiscum opposuit felicissimus Medicus Joannes Fontanus: sed nihil præponderavit, vel vino chalybeato; vel veratro nigro: quorum primum, posteris quo commendaret Cornelius Celsus scribit expressè animadversum esse, ea animalia, quæ apud fabros ferrarios educantur, exiguos habere lienes: constabat autem hoc vinum, ex sequentibus.

℞. Radic. althææ, asparagi singularum ʒ ij. decoquantur ex aceto vini, & infunde colaturæ limaturæ chalybis, ℥ j. cum dimidia; deinde insolentur, vel macerentur per biduum, in cineribus calidis, addendo chalybi exsiccatæ, & tenuiter trito, vini Rhenani ℥ iv. aquæ melissæ ℥ ij. ligni guajaci rasi unciam mediam, corticum radicum capparum, tamarisci, ceterach, serpilli, singulorum dragmam, croci Britannici scrupulum: concutiantur quotidie fortiter, in lagenâ vitreâ; &

ex colatura fiat, vinum chalybeatum.

Iost cuius usum, inurebatur cruri sinistro ulcus, sed vix deciderat ipsius crusta; quin effervesceret usque eo, turgida bilis; ut nihil differret a furibundo, Cantillans noctu, taciturnus interdiu, cum vultu semper truci, mente perturbata, fame insatiabili, & obstructione gulæ, tam pertinaci, ut vix ullis remediis reseraretur iterum; nisi fortè, per clysteres crebrius infusos; utique veratrum nigrum, dejectionis causâ, aliquoties, potui datum.

℥. Corticum radicum capparum, tamarisci, fœniculi, singulorum unciam. Herbarum fumariz, melissæ, boraginis, singularum manipulum, seminum melonum, limonum, anisi, singulorum dragmas duas, radicum veratri nigri, dragmas sex, uvarum passerum corinthiacarum uncias quatuor. Decoque ex aqua hordei ad libras duas, & dissolve in colatura, syrupi rosacei cum sena, uncias quatuor, mulce, fiat potio.

Cujus medicamenti beneficio, licet uberius deponeretur atra bilis; peperit tamen ingratus ipsius sapor, tantum fastidii, ut necesse fuerit, eo derelicto, præparare insequens catharticum: quod etiam summopere ipsi in rem fuit.

℥. Foliorum senæ mundatorum à stipitibus dragmas duas, radicum veratri nigri, scrupulos duos, seminum limonum, & fœniculi, singulorum scrupulum, infunde per noctem, in decocto fumariz viridis, adde deinde colaturæ, confectionis hamech dragmas duas, syrupi rosacei solutivi, unciam cum dimidia, fiat potiuncula.

Qua aliquoties propinatâ, ejecit continenter tantum atræ bilis; ut tandem ad se redierit: debellato contumacissimo hoste, & expulsa, gravissimæ epilepsiz, materia, attamea non sine aliqua mentis labe. Quæ tamen tanti non fuit; quin potuerit deinceps, & literis rite operam dare: & alia peragere non secus, atque sanissimus. *Idem ibidem.*

Morbus comitialis, à vulvâ.

Mulierem prænantem conjecit malignus vulvæ vapor, in tam acerbis nervorum contractiones: ut pepererit. Ignara tamen partum illum, à se, editum: derogans ad hæc fidem, amicis, id uno ore adseverantibus. Ea quippe fuit hujus distentionis vehementia: ut extendere se, ultra horas novem. Quibus exactis, corripuere ipsam febris, ac sopor adeo torpidus, à sanguine impetuosius sursum raptus: ut tali vena aliquoties fuerit ferienda antequam iterum descenderent ipsi menstrua, & cessaret ex toto febris vehementer ipsam exagitans.

In quem inscium partum, ab eodem vulvæ consortio, incidit utique, haud diu post, affinis nostra, Maria Corvina sed privabatur hæc præterea visu. Licet foris nec hebetudinem aciei, nec aliud aliquod vitium ostenderet externa oculitinnica. Quam cæcitatis speciem ἀνύπνοια veteres; & guttam serenam appellant recentiorum nonnulli.

Quod vitium ut insanabile habetur, siquidem insidet ipsi cerebro: sic curatur etiam difficillime, quantumvis fiat, ex aliarum partium con-

sensu. Ac proinde nequirit etiam in hac agra tolli; nisi per remedia valentissima. In quibus excelluere emplastra vesicatoria, internis semoribus admota. Quorum ope retrahebatur, tam potenter sanguis sursum vergens, ut recuperata gratissimi luminis usura evaserit feliciter perniciosissima illa cæcitas, quam plerique Medicorum judicaverant habere certam desperationem.

Sed circumspecti Medici est, prælagire quidem pericula, sed interim non omittere, quæ ars requirit. Et cur quælo desperaret quis fieri posse quæ hic facta sunt? Incipe animosè, perge prudenter, & annuet forte cœptis tuis Deus. *Id. ib.*

Epilepsia, sexies cottidie, accedens.

Quod in mari est æstus ac recessus: id in morbis vocatur reciprocus circuitus. Quem quò comprehendis minus, eo admiraris magis. Latet quippe plerumque, ipsius causa, & absconditi ordinis ratio, defatigat etiam acutissima ingenia. I. præsertim quorundam morborum, ea cum ut conditio: ut quotidie, non semel, atque iterum, sed interdum quinquies, vel sexies accedant, recedantque. Idque non aliquot menses; sed integros subinde annos, servante quolibet insultu, ex eodem, reciprocantis periodi, momentum. Uti id nonnunquam videre est, vel in interpolato capitis dolore: vel reciproco artuum tremore, sed nullibi evidentius, quàm in periodica illa epilepsia, quam hic inferam.

Matronæ locupleti, intervenerunt ex ventre diutius adstricto, non modo horror, ac febris; verum etiam frequens animi deliquium: accedens primum quidem promiscue, & indistincte; sed mox ordinate, cum in accessione tum in recessione. Quod tamen reciprocans animi deliquium destitit ex toto, post duos menses. Sed ea cum lege, ut illi, è vestigio successerit admirabilis quædam epilepsia: insurgens cottidie, modoternis, modo quinis, modo senis circuitibus, quorum impetus fuit subinde adeo efferus: ut opus non semel fuerit, ipsam detineri à quatuor mulieribus.

Suppressa interim (qualibet accessione) voces; occæcatis oculis; obsardescitibus auribus, & cessante tam diu, sensuum interiorum, functione: donec post horam quartam (is enim terminus cuilibet periodo tuit præfixus) ad se reverteretur: mentis iterum compos: & protinus apta respondere, ad quæcumque interrogata. Quæ animi præsentia mansit illi semper immota: usque dum recurreret, iterum novus insultus: aboluturus denuo & interiores, & exteriores sensus.

Quem tamen reciprocum ordinem immutarent subinde, vel aeris inclementia; vel animi affectus, vel inopinatum aliquod infortunium. Et prout vel leniretur, vel exacerbaretur hic morbus; pro eo etiam, vel tolerabilius, vel deterius sese habuere utique ipsius accessiones: modò leves, modò asperæ, nunc plures, mox pauciores.

Quin imo, deficiente fomite, defecit nonnunquam integer aliquis insultus, sed commoto iterum corpore, rediit utique facillimè: verum cum novo invadendi, ac remittendi ordine. Qua recidiva frequentius ipsi interveniente, vix ausa fuit propterea, mutare unquam cubile suum.

suum, nisi fortè sub horam, venientis accessio-
nis. Ne si secus faceret, præcipitaretur denuo,
ex motu illo, in novum circuitum. Qui plerum-
que excurrerat ultra quartum, quintumve men-
sem, antequam ipsam iterum desereret.

Unde factum, ut circa summum n. orbi incre-
mentum epilepsia hæc habuerit, senos circuitus:
statis horis, quotidie, & accedentes, & rece-
dentes. Quarum periodorum frequentia, exagi-
tavit usque eò, defatigatum hocce corpusculum;
ut tandem inciderit, in accessionem longissi-
mam continuantem quotidie, sine ulla intermis-
sione, ullove, vel cibi, vel potus usu, ad horam
circiter vigesimam.

Cui oneri impar, credebatur ipsa, jam ad ultima
ventum. Sed re plane desperata? apparuit nec
opinanti, quasi, ex machina, Deus. Et ledata, post
diem quintum intolerabili hac tempestate, su-
stulit, ex toto, productum illum paroxysmum,
relictis duntaxat in locum ipsius duobus insul-
tibus quorum alter durabat ab octava matuti-
na: in horam undecimam; alter vero à secunda
pomeridiana, in quintam vespertinam.

Donec decrescere paulatim fomite, usque eo
decreverit utriusque longitudo: ut tandem vix
median excederent horam. Qua utique decli-
nante, vidimus, post annum secundum, conflag-
rato jam omni igni, terribile hocce incendium,
integre fuisse extinctum. Debellata, ex toto,
perniciosissima illa epilepsia, quam, trigesimo
octavo ætatis anno, (quem, id temporis, agebat
ægra) ceu invincibilem, cum omni antiquitate,
crediderat, tota nostra Civitas.

Sed summe admirabamur, nunquam ipsi in-
tervenisse, novum insultum: quin evidenter ip-
sum prælagierint, vel concitata temporum arte-
ria, vel floridus manuum, ac malarum rubor.
Quibus præcisi signis, tantam fidem habuit æ-
gra: ut iis apparentibus, certo semper prædixe-
rit, aliquid monstri ali, neque sanè præter ratio-
nem: accenso enim sanguine mirum haud fuit,
motus fuisse temporum arterias: tinctam manus,
ac faciei cutem: & ex acri, fervidi humoris, va-
pore concitatam fuisse, novam contractorum
nervorum, periodum.

Quotquot autem accederent Medici, acce-
debant vero plurimi; omnes contulere, primo
saltem accessu, morbi hujus causam, in vulvam;
sed intellecto legitimo menstruorum ordine; &
audita gutturis libertate, direxere contra, con-
silia sua, in lienem, ac atram bilem, in pancreate
stabulantem. Hæc enim loca, designabant perspi-
cue, cum dolor lateris sinistri; tum calor in lum-
bis evidentior, quàm alibi. Quib. accessere excreta
subinde quidem flava, ac porracea; sed plerum-
que atra, ac vere nigra: ex quibus, luce clarius
apparuit, cum lienis, tum pancreatis vitium.

Quarum partium calor, adstrinxit ipsi, tam
pertinaciter alvum: ut totius morbi decursu, vix
quicquam reddiderit sponte. Ac proinde neces-
se fuit, eam continenter ducere, per cathartica:
præsertim per catapotia (clysteres quippe aver-
sabat) concinnata, ex granis undecim extracti
catholici, & quatuor pilularum nitri Tralliani.
Aut tantundem, vel veratri nigri, vel pulveris hie-
ræ Galeni; prout variaret morbi inclinatio. ^{sup}

Non omissis interim illis, quæ longo usu, judi-
cantur morbo comitiali apta; quorum tamen
tædium perpulit ipsam assiduo ad easdem pilu-

las, quibus etiam, usque eò, benedixit misericors
Deus, ut illis propemodum solis, cesserit perti-
nacissimus hic morbus. Devictus proculdubio,
eotardius quo minus dormiverit noctu, & par-
cius aleretur interdium, semel tantum capiebat
cibum, in die: eumque semper, circa octavam
vespertinam: & quæbet nocte exagitabatur ab
indefatigabili vigilia: uti interdium, à periodicis
nervorum distentionibus: plerumque ita efferis;
ut continenter opus fuerit excarnificatos ner-
vos, illinere leni aliquo cerato: sed præcipue in
planta pedis, à qua, uti incæpit, ita quoque de-
siit, gravissimus hic morbus. *Idem ibidem.*

Epilepsia ex pollice pedis,

Morbi comitialis, causam statuunt Medici,
vel in ipso stabulari cerebro; vel aliunde eo de-
ferri, sive ex ipsis visceribus, seu à partibus ex-
ternis, planè eodem modo, quo ex ictu scorpio-
nis, ac phalangii, vel à morfu viperæ, instar ali-
cujus auræ, venenum perferitur ascendere, ac
sensim sese insinuare, in principes nostri cor-
poris partes, uti luce clarius videre est apud
Galen. lib. 3. locor. affect. cap. 7.

Curtium Rogerium, uxore orbatum, ac mœ-
stè viventem, quamvis primus morbi comitia-
lis insultus invaserit, sine ullo vel levissimo ipsius
prælagio; sensit tamen insequentes exacerba-
tiones manifestam originem trahere, ex pol-
lice pedis sinistri; inæque, ab ipso articulo,
vagus, ac oberrantem elevari vaporem, pri-
mum quidem genu, ac humero, deinde verò
cervici, ipsique cerebro molestum: cum cons-
picua mentis labe, ac terribili nervorum con-
tractione, reflexo capite versus dorsum, per
eam convulsivæ speciem, quam Græci *ἰσχυρὸν*
vocant.

Quo diro symptomate, non quidem conti-
nenter, sed interpolatis vicibus modo serius,
modo ocysus fuit exagitatus, prout venenata
hæc materia vel citius, vel tardius vapores suos
emiserit, qui etiam non semper recta, in cere-
brum feruntur, quin potius nonnunquam ali-
quandiu subsistunt, cum evidente doloris sen-
su, vel in genu, vel in humero, aut in cervicis
aliquo musculo, antequam eorum offensam per-
sentiat cerebrum, quo tamen tandem irritato,
contrahebantur quidem omnes nervi, sed po-
tissimum illius partis, ex qua malignus vapor
speciatim in cerebrum fuisset delatus.

Quæ venenata fruges in herba quo opprime-
retur, nihil non tentatum, cum per cathartica,
tum per convenientem sanguinis detractionem,
sed potissimum, per arctius vinculum, pollicis
supra articulum, tam arctè circumligatum; ut
coërcitus halitus ne minimum quidem invene-
rit exitum, ad superiora deinceps evolandi,
non omissis interim, quin potius pro virili, par-
te dolenti articulo impositis cucurbitulis an-
gusti oris, ad eliciendum venenum illi penitus
insidens. Quo tamen minus cedente, ad motum
aliquoties pollicis fuit ferrum candens, & in-
stum ibidem loci ulcus, ad os usque penetrans.
Cujus beneficio malum hoc potissimum fuit de-
victum, uti etiam per reliqua manantia ulcera,
quæ cruribus, ac brachiis fuere imposita, quæ
tandiu mansere aperta; donec post mensem
tertium morbus ex toto desineret, ægerque
annos jam natus duodequadraginta, prius-

nam recuperaverit sanitatem, extra omnem recidivæ metum. Licet Hippocrati videatur hoc malum, id ætatis, homines ad mortem usque comitari, at non omnes, inquit optimus aphorismorum interpretes Philotheus lib. 5. cap. 7.

In dissipandis autem vaporibus, ac sudore per cutis foramina eliciendo, præter Theriacam, lapidem bezoardicum, radicem contrayervam, ac decoctum radicum chinæ, nihil ægro magis ex usu fuit, quam aqua arte Chymica elicitæ ex tartaro & vitriolo, quam aurum potabile vocant. Cujus quotidianus usus, primum quidem sudorem elicit, ex illa parte, in qua id temporis, venenum delitesceret: At deinde ex capite, ac corpore universo, donec ex toto cessaret perniciosissimus hic morbus, docens suo exemplo optime agi cum medicamentis chymicis, ubi in gravi morbo dantur à provida manu, universalibus auxiliis jam tum ritè administratis, qua circumspeditione destituta, videntur quidem magna, & quantivis pretii in oculis vulgi, verum nequaquam apud illos, qui rem non tam opinione, quam veritate metiuntur. *Idem Observat. lib. 4.*

Epilepsia cum vocis suppressione.

Isbrando Colineo, adolescenti unde viginti annor. ex pedis pollice, simillima quum elevaretur aura, contremuit intense brachium, & præter periodicas, ac vehementes convulsiones, incidit non modo in resolutionem nervorum, quam paralytin vocant, in tantum etiam vocis suppressionem, ut coactus sit, scribendo mentem suam exprimere, quamdiu obsiderentur nervi recurrentes, voci formandæ à natura destinati.

E quibus tamen intricatis scopulis, felicissimè enavigavit, eodem magnete, quem jam propositum ivimus, sed præ cæteris, præter tenacius vinculum, quo ne tantulum quidem pollex carere potuit, profuerint ipsi ferramenta candentia, primum quidem timide, at mox audacius, usque ad ipsum os pollicis, inusta, ex consilio Egberti Bodæi, Bonnii, ac Hartochveldii, qui juxta medicum ipsi Medicinam fecere. *Idem ibidem.*

Sanguis humanus Epilepticis datus.

A Morbo comitiali, ut merito perterrentur ægri, sic non injuria detestantur sani inusitata quædam ipsius remedia, suadentibus aliis calvariam hominis viventis, aliis ejusdem jecur, aut pulmonem; aliis contra audacior ore, calidum spirantemque sanguinem (horresco referens) hominis recens interempti, quasi vero, ut cum Plinio loquar, lib. 28. cap. 1. sanitas videri possit, feram ex homine fieri, & violare divina, humanaque jura.

Vide sis ô Medice, quid astruatur à Mose Genes. cap. 9. Luca, Actor. cap. 15. & tandem ab Imperatore Leone in Novell. constitut. 58. ubi lex flagris cædit, bonorum publicatione, ac perpetuo exilio multat, qui sanguinem intestinis infarctum in cibum convertit sive vendat, sive emat; quo certè delicto annon multò gravius est, recentem sanguinem quasi cum ipsa anima sorbere, simul ac gladius viam erupturo cruori aperiens, crudeli supplicio, locum fecerit crudiori Medicinæ, quam abominandam feritatem

ecquis non execraretur, etiam in lævissimis belluis?

Movit quidem prior ætas prodigiosum hoc auxilii genus, sed vixi scire ejus judicium? audi Cornelium Celsum adferentem, quosdam, jugulati gladiatoris calido sanguine epoto, à morbo comitiali se liberasse: apud quos, inquit, miserum auxilium tolerabile fecit, miserius malum, audi Aretæum Cappadocem exclamantem lib. 1. diut. morb. c. 4. ô ingentem necessitatem quenquam eo redigi, ut malum malo piaculo depellat? unde tamen ad sanitatem utrum perventum nemo potuit mihi vere affirmare. quocirca non male Scribonius Largus lib. 1. cap. 11. compos. Medic. Licet aliquibus profuerit proscribendum tamen ejusmodi remedium extra professionem Medicam.

Lambertus Vitellius, adolescens florentis ætatis, plurimum molestiarum perpeffus, à frequentibus morbi comitialis insultibus, decrevit tandem ultima experiri, secundum illud Celsi: quos ratio non restituit, illos adjuvat interdum temeritas; confugitque quamvis invitissimus (ô durum necessitatis telum:) ad execrandum, ac detestabilem humani sanguinis usum, quo tremula manu, aversis oculis, pallida facie ac horrente universo corpore in obluctantes fauces violenter infuso, tantum abest ut terribilis morbus inde imminueretur, ut potius plurimum incrementi sumpserit, habueritque multo pejus, quam ante Thyesteam hanc mensam unde factum, ut præ augescentis mali vehementia, corruerit præceps in ignem, exusto illic vehementer crure, & excitata tam ingenti gangræna; ut necesse fuerit, (quo cæteræ femoris pars tuta foret) emortuum crus ferrula præcidere, quo crudeli remedio quantumvis ritè satis administrato, occidit tamen ipsum, postridie ejus diei, major morbi comitialis vehementia, quam vires à recenti cruris amputatione attritæ fuere ferendo.

In quod ipsum præsens vitæ periculum, licet nequaquam inciderit adulta quædam virgo eundem jugulati juvenis sanguinem, id temporis itidem bibens, adeo tamen non recuperavit, horrendo hoc remedio, amissam valetudinem, ut potius in iisdem, modo non & periculosioribus permaneret morbi comitialis scopulis, nolente quasi Deo, ultiore experimento confirmari enorme, atque execrandum hocce piaculum, cujus ignominioso usu, dispudet certè commaculati Medicinam, innocentissimam cæteroquin sanitatis præsidem. *Idem ibidem.*

Epilepsia duos, aut tres menses à vulnere cranii intempestive obducto, terebratione sanata.

Consultationem me habuisse aliquando memini cum præclarissimo D. Julio Sala Professore Patavino, de quodam vulnerato pugione in capite, cum læsione non solum Cranii, & membranarum, sed & cerebri ipsius. Vulnus quibusdam Medicis exterius curatum fuerat, introducta quinetiam cicatrice, ex qua duobus, aut tribus post mensibus, Epilepsia correptus est æger, quabis, aut ter quolibet mense divexabatur, quem cum Exc. Sala interrogaret, an aliquando vulnus aliquod in capite passus esset, ipso vero id affirmante, specillo statim immisso, sub ipsa crusta

crusta inveni vulnus prædictum penetrans: unde illico deveni ad sectionem, & dilatationem partis, adhibita sequenti die terebratione, ea qua effluerunt ichores quidem flavescentes, quorum ratione, supra cerebrum & membranam, balsamum nigrum occidentale viginti dies adhibui, quorum usu caro rubra cœpit succrescere, ægro spatio triginta dierum à vulnere & Epilepsia sanato. *Petrus de Marchett. Obs. Medic. Chirurgic. Sylloge.*

Ex vulnere thoracis inter quartam & quintam costam, Epilepsia suborta, quâ nunquam alias correptus fuerat æger, turunda immissa recurrens.

Cum duo studiosi inter se digladiarentur, eorum alter ex familia Curtorum, vulneratus thorace, inter quartam & quintam costam, prolapsus est in terram Epilepticus, cum spuma in ore, motibusque convulsivis, à quibus symptomatibus, patiens mortuo similis domum deportatus, pulibus tamen validis; quia verò Barbitonfor jam obligaverat vulnus, ipsum eodem statu dimissi, quod cum accidisset matutinis horis, sub vesperam denuo accitus, redintegratis sensu, & motu, postero die vulnus obligavi, cum facultates principes convaluissent; quod cum curarem demisso specillo, patiens graviter conqueri cœpit de dolore, cum levi quadam convulsione, Epilepsia simili, cujus causa specillum removi, atque à turunda abstinui, à Barbitonfore antea immissa, appositis solis filamentis digestivo rosaceo imbutis, ac superaddito cerato ex cerusa, & quidem tertia die, quarta vero, applicato eodem cerato, quibus spatio novem dierum ex toto fuit sanatus æger, qui cum nunquam alias Epilepsia laborasset, ut mihi retulit, ex vulnere solo ea correptus est, ratione scilicet nervi intercostalis læsi, inculcata valetudine etiam nunc Venetiis degens. *Idem ibidem.*

Epilepsia laudano opiato curata.

In filio mercatoris cujusdam primarii hujus Civitatis Posoniensis, paroxysmi Epileptici ex dolore dentium & capitis 24. horas continue durantes, nullis remediis licet satis alias efficacibus sisti poterant, tandem ex mea præscriptione sumsit Laudani Opiati granum unum cum dimidiò in syrupo flor. Pœoniæ, & sedati sunt subito, nec amplius rediere, sicque evidenti auxilio liberatus æger omnibus jam de eo desperantibus anno 1660. *Paul. Spindlerus apud Carolum Raygerum obs. Medicin. Centuria.*

Epilepsia periodica.

Fatigavit majores nostros, quotquot labores suos hominum sanitati procurandæ consecraverunt, omnes, & etiamnum fatigat illa febrium proprietas, quod ita certis intervallis redeant, tanquam si ad conditum citatæ tempus mulctandam suam, vel absentiam, vel tarditatem vererentur. Invenit non pauca, quæ hætenus latebant conspirans in Medicinæ studium temporum nostrorum industria, qua in parte mirum in modum excellit Anglorum illud præstantissimum collegium: hujusce tamen rei rationem nemo, quod sciam, hætenus eam red-

didit, cui mens humana acquiesceret. Quid ego nescio, an minuiam, an augebo difficultate m, dum statos illos recursus non tantum in febribus, in mania, & mirum! in dentium doloribus, sed etiam in epilepsia observatos esse à peccante natura observo. In puella id factum annos nata decem & septem, hæc subsistente menstruum fluxu suffocationibus uteri gravissimis laborare primum, deinde augescere quotidie malo, epilepsia corripit cœpit vehementissima, quæ tertio singulis diebus eam assiliebat, hora nimirum septima matutina, & decima, atque iterum sub noctem hora octava, quæ tempora integro anni vertentis spatio, ita servavit accuratè, ut nullæ ad horam certam conductæ operæ temporis sui rationem habere possint magis exactam Sentiebat autem morbum per dextrum crus, uti agebat, sursum ascendere, quod mitigato deinde malo adhibitis ligaturis, primum aliquamdiu retardari poterat, deinde etiam, ne ad caput ascenderet, prorsus impediri: jamque sanitati suæ pristina restituta valet & vivit, nam sic, ut antea valere, vivere non erat, sed perpetuo cum mortis satellitibus conflicari. *Theod. Kerckring. Spicileg. Anat. obs. 71.*

Virgo quatuordecim annorum ex terrore & spectri apparitione cum affectu colluctabatur convulsivo, *ἐκτασις* dixisses Epilepticam: hæc postquam unam noctem velut furcata obambulasset, spectri semper specie obversante, postridie ad quietem se composuit voce planè suppressa, quæ nec sollicitata prodere volebat. Duraverat hæc quies unum diem, cum major quam pridem membrorum distorsio convolutioque mixta Cephalalgia & Pandiculatione apparere cœpit. Accedebat perpetuus digitorum velut aliquid comprehendendum lusus, jam etiam labiorum orisque major distorsio in risum deinde effusissimum abitura; Cordis palpitaciones erant enormes & tantæ, ut allidi Cor, jam aquis Pericardii jam Costis, videretur, Respiratio erat sedata, nili quod suspiriis aliquando interrumpetur; Oculi adhæc semper aperti atque irretorti; Dentes initio valide in se corbant; Saliva per oris rimam exilem profluebat plurima, limpidam magis quam spumescens. Quæ in Paroxysmo acta erant, plane non recordabatur & velut somnia accipiebat. Hæc tertio quoque die cum febricula redibant & cum quarto demum Paroxysmo finiebantur. In hoc autem duo imprimis memoranda nec quotidie obvia, risus nempe ille spasmorum complementum, & deinde mirum Palpitationis genus, quo Cor velut in aquis quasi fari audiebatur. Primum illud fortè se debuit spectri aut phanasmatis ingenio ista repræsentatione ideali risum provocantis, quod tamen non ante fiebat, quam à morbi invadentis dolore victus animus phantasia pridem corruptæ impetum sequi cogeatur. Alterum phænomenum ter mihi visum, ubique in Epilepticis, an aliunde quam ab aquis Pericardii deduci possit, nescio; admotæ enim aures, ut ne dicam procul, audiri aquarum illam collisionem, *als wenn es schulperre*, luculente percipiunt. Uti Epilepsia, ita hoc quoque symptoma, sceminam exercebat, cujus supra facta est mentio; & vero hæc ipsa adfuturum jamjam paroxysmum inde ominabatur. San- Calculus erat in utraque scemina, quem prodromi Epileptici insultus jam multo ante significa-

bant, nesciis toto illo tempore Medicis, quorum res evaderet. Atq; ita sæpe in Pueris Virginibusque totam hanc scenam Vermes instruunt, cujus etiam exemplum in juvene Viro jam viginti quatuor annos nato à me visum. Laborabat is ferè singulis quatuor aut quinque horis ex universi corporis, imprimis brachiorum & pedum, motu convulsivo tam vehemente, ut nec quatuor homines validi eum compescere possent, & si oppositis viribus molientis robur nonnihil infringi contingeret, diuturnior erat & molestior multo paroxysmus, adeoque deprecabatur beneficium æger; vehemens autem erat hic quoque Cordis anxietas, vehemens palpitatio, sed quæ cum Paroxysmo intra quatuor aut sex horæ minutas finiendo facile se remittebat, verum non modo in intervallis hisce, sed & in ipso insultu tam gravi mens usque integra sensusque vividi commiserationem adspicienti extorquebant. Huic multis frustra tentatis nihil magis profuit, quam Decoctum aperiens ex herbis Splenicis & amaricantibus, admistis seminibus Zedoariæ, Syrupo de Helleboro nigro & illo Diasereos Andernaci. Puella Nobilis undecim annos nata, curæ meæ tradita, initio tumorem in Ventriculi regione sensit maximo comitatum dolore, sed hic protinus recedens in aliud symptomatis genus declinare visus est, nempe in dolores utriusque Hypochondrii intolerabiles alternis vicibus redeuntes, perdurante tamen, cum qua inceperat hic morbus, Cordis palpitatio. Insurgebat autem tanta per intervalia dolorum tempestas, ut in lectum abjecta continuo openi præsentium, imprimis autem manus pressionem, eamque validissimam, jam in hoc jam in illo latere immani voce & ejulatu, quam fieri poterat, maximo flagitaret. Durabat hæc tempestas decem circiter minutas horæ partes, plus minus, & vel decies in die redibat; statim autem post paroxysmum sui potens stare, ambulare & redire ad munia sua gestiebat. Magna vero Cordis palpitatio & corporis in utramque partem ventilatio stentoreis querelis comitata peregrini quid subesse facile testabantur, cumque illa & oculi concavi circuloque notati ex Vermibus laborare Puellam tantum non persuaderent, pulverem adhibui Myrrhatum cum Jalapio & Semine contra Vermes, sed qui non ante profuit, quam Mercurio dulci animatus latitans alibi fermentum alvo deturbasset. At quod nunc referam exemplum planè singulare & supra fidem. Puer erat septendecim annorum, hunc sibi ereptum semper & usque, dies ac noctes, perpetuæ membrorum convulsiones exagitabant, eæque tam validæ, ut à duobus hominibus contineri debuerit; initio autem omnis motus in Ventrem descenderat, namque is sine intermissione ita in altum efferri visus est, ut ei coercendo toti se impenderent, qui aderant vigiles; duraverat hæc Ventris & Diaphragmatis in planum projecti palpitatio octo septimanas, cum fatigatis, credo, musculis & absumto fluido Diaphragmatis motus labasceret, & quod reliquum erat spirituum, in Thoracem & Brachia transfret novo spectaculo servitutum. Ad hæc Venter pridem adeo elatus sic penitus concidit, ut in se coactus spinæ dorsum incumbere omniaque amisisse viscera videretur: & vero portentosum erat, Alvum nuper a-

deo rotundam tumentemque nunc intra concavi fines reductam aliud potius quam Ventrem referre, neque amplius ullo respirationis commercio, quo cæteroquin gaudet, tangi. In Pectus autem, ventri enim jam pridem exequiæ paratæ erant, quod reliquum erat vitalitatis, conisse dixisses, adeo perpetuæ musculorum intercostalium aliorumque crispationes perituram forte respirationem asserere videbantur. Obscura Pulsus vestigia, cadaverosa facies & abdicati jam à longo tempore cibi quid aliud quam suprema quæque adfore nunciabant? At veronec ab initio morbi cibos sollicitaverat, sed promiscue ablatis, modo liquidi essent, absorbebat, inde ad labores convulsionesque relapsus; ad hoc enim unice compellere eum concepta in venis labes videbatur. Unus erat & continuus somnus, qui toto morbi decursu eum detinebat, à quo initio excitatus murmure quodam detrectare responsum velut molestum, subinde & horæ unius alteriusque spatio sibi redditus, cum eorum nihil, quæ acta essent, sciret, miseriam suam verbis lachrymisque deplorare consueverat. Vexaverant illum in principio morbi gravissimi Urinæ ardores & stillicidia, neque quidquam ejus, nisi imm. ni cum dolore ac ejulatu, mittere posse videbatur. Atque inde Medici Calculum conjicere volebant, postea autem semel de die mingere coepit idque copiosissime; ab alvo pauxillum erat, quod rejiciebatur in illa corporis inedia, & non nisi globulo saccharino provocatum. Has autem musculorum Pectoris sive palpitationes seu spasmos, Ventris enim officium jam dudum cessabat, ipsas novem septimanas, cum Ventris illas octo sustinisset, toleravit; hunc itaque etsi diu conclamatum & Prognostico relicum, ubi miseriarum finem adfuturum rebamur, mirifica Dei bonitas servavit, & si non in plenam, certè aliquam sanitatis speciem vindicavit. Qui enim Puer nuper lecto adfixus, qui veterinosus semper, qui Ventris primum, inde Thoracis spasmi affectus nocturne & interdiu iis fatigatus, in illa abstinentia tristisque sui spectaculo mortis beneficium expectabat, post septendecim hebdomadam tædi in tantum convaluit, ut jam *ἐρως αὐτὸν* esse & sui compos stare, ambulare & cibos potumque appetere, jam & membrorum usum regere & collapsum pridem Ventrem revocare videretur; sed nondum penitus morbo defunctum hæc indicabant, quod respiratio brevis admodum & concisa esset, Venterque, ille adeo exilis & pene nullus, in juto majorem altitudinem duritiemque attolleretur; unde non temere novum morbi genus, Hydropem, aliqui harriolabantur; ego autem, si corporalis morbi ratio est habenda, totum hoc negotium ad Vermes, mirificum certè animantium genus, retulerim, quando constat nihil tam peregrinum absurdumque sapius produci, quod non à Vermibus, ubi ubi latentibus originem trahat, ut nonnullis antea historiis testatum fecimus. De eventu nihil dicere certum licet, quia nuper demum hæc acta sunt. Ex hisce tamen innotescere puto, quam diversis motuum lufibus symptomatumque varietate *τὰ ἐν ληπτοῖς* sese exserant, & sæpe levissimum accedens esse, quod valerudinem corporis infamet, & morbi hujus tam suspecti affinitatem prod-

dat. *Joan. Nicol. Pechlinus Observ. Physico-Medicar. lib. 2.*

Epilepsia à vulnere siccata.

Anno hujus seculi septuagesimo & nono ineunte vere ferax erat morborum tempestas, imprimis Epilepticorum insultum, qui adultos etiam Juvenes Plethoricos gravissime exercebat. Enimvero uno eodemque tempore sex mihi objecti Juvenes epileptici, quorum tamen nemini, si unum exceperis, hic morbus in habitum transierat: tribus fane una venæ sectione subventum. Quarto pessime ab hoc morbo habito Naturæ crisis aërisque mutatio profuere. Quinto familiaris jam ante morbus nec postea remisit. Ultimo revocata per artem ulcera morbi immunitatem præstitere. Atque horum utriusque exempla necesse est deducam. Coquus erat viginti novem annos natus, qui jam à multis retro annis cum Epilepsia conflictabatur. Is pridie Pentecostes festi ex capitis dolore, prodromo plerunque morbi, laborare cœperat; nimirum; postquam Fontanellas in utroque brachio, quas valetudinis causa per annum magno suo commodo apertas servaverat, consolidari securus jam & sui fidens curasset. Vix cœverant vulnere labra, cum altero die post gravis incessit & decretorius. Paroxysmus, qui tamen eodem ipso die inducias fecit. Ergo morbo defunctum se existimans Festi sese religioni impendit, Deumque sacramento sibi propitiare parat; cum, ecce, ingens capitis dolor non tantum à Ceremoniis sacrorum ipsum prohibere, verum etiam in tristem conicere Paroxysmum videretur. Atque altero inde die detonuit illa tempestas, misereque exerceri à ferali Paroxysmo incepit æger. Summa erat in jacente pectoris anxietas abrupta respiratione aliisque signis nimium quantum testata. Pulsus ad hæc exilis, lentus, sed tamen numeris suis constans, membrorum vero tam violenta concussio, ut vix quidem coerceri à pluribus potuerint. Toleraverat jam Paroxysmum viginti quatuor horas, cum accederem rogatus; quod primum erat, pectus Spiritu Salis Ammoniaci, sed per Vini spiritum temperato, illini, nares autem acriori Odore ex eodem sale sollicitari jussi. Pedes atterebantur Spiritu C. Cervi, Essentia Castorii & Aquâ antapoplectica Hartm. permisto. Quando autem mali occasio ab intempestiva Fonticulorum exsiccatione orta videbatur, nihil potius duxi, quàm stagnantem in Cerebri Confiniis humorem Vesicatoriis revellere. Itaque protinus quatuor Vesiculas binis scapulis & totidem brachiis, singulis unam, imponi jussi. Vespera Potionem dari curabam ex aqua Hirundinum comp. Fl. Tiliæ, Lilior. Conv. Pulv. March. Cinnabari Antimonii & Sale volatili Succini, & Syrupo Fl. Pœoniæ. Sed neque his neque illis quidquam profectum, donec tertio die post ultro mitesceret Paroxysmus, & æger ad se rediret. Altera nocte subrepens sitis inexhausta novum portendere malum videbatur, nam que nulla eadem potio domare poterat infelici anspicio; quamvis enim convulsiones nullæ subsequerentur, morbus tamen ipse in insanix aut furoris quoddam religiosi genus transisse vide-

batur. Totos enim dies voce violentissima sanctissimum nomen Jesu ingeminabat, neque ullis vel precibus aut delinimentis conprimi se patiebatur. Inde ad æque absurda prolapsus lecto se efferri in penissimum volebat; nec mora, quin, ut erat nudus, pavimento se committeret, & quas poterat conquirere imagines gypseas, manu prehenderet pectorique vehementius applicatis nomen Jesu imponderet; has deinde sibi assertas in lecto attentius inspiciebat & velut religione quadam prosequabatur. Sex totos dies pius hic furor ægrum occupabat, atque inde viginti quatuor horarum somnus paroxysmo delirique finem imposuit. Tertio ab invasione die pustulæ lividæ humidæque in carpo manibusque emerferant, manifestum indicio, repressam à fonticulorum consolidatione materiam novos sibi exitus & latibula querere. Cum hisce demum convaluit, sed ita, ut morbi immunitatem spondere sibi non posset. Nempe ex illo morborum genere hic est, qui, ubi per annos invalere, solent *ἐκπαροξίζονται*. Notent autem vel Medici, aut qui cum hoc morbo conflictantur ægri, quando semel vel vulnere aut Fonticulo corpus alluevit, non temere tentandam esse consolidationem; nam sæpe etiam ex illo invadit, quæ ante non erat, Epilepsia, & quæ erat, gravius quam olim insurgit, quod jam priori exemplo vidimus; at nunc, quam in corpore etiam ab hoc morbo immuni curata vulnere siccatione Epilepsia orta sit, memorabili historia recensebo. Adolescens septemdecim annorum, Pharmacopœi & filius & famulus, tristioris, ut videbatur, animi, laboraverat tota hyeme inveteratis pedum ulceribus, quæ consolidationem sæpe tentatam semper respuebant; cum autem in illo pedum incommodo opetis non sufficeret & negligentia ab hero argueretur, urget, inquit imperat Chirurgus, quavis arte excogitata ulcerum sanationem moliretur. Paret is inconsiderati Adolescentis precibus & vulnera data opera consolidat. Vix abierant quatuordecim dies, cum Lunâ plenâ, cujus in hoc affectu fovendo vires volunt esse quam magnas, in Epilepsiam incidit periodicam inque dies statis horis redeuntem, tribus ante & totidem post meridiem Symptomata tamen uno die remissiora, quam altero. In Paroxysmo nullius rei nec sensus nec memoria. In intermissione quies & tranquillitas, & quamvis mens illi constaret, tamen nec cibo nec voci commodare oris usum vel vexatus toto illo tempore voluit. In Paroxysmo manuum convulsiones erant gravissimæ, quæ nisi mollicula re, pulvinis pannisque in cavum earum intrusis fulcirentur, damnum patiebantur, imo & Paroxysmus, quæ sceminarum erat sollicitudo, diutius perseverabat. Pectoris autem mirificæ erant in omnem partem contorsiones, respiratio frequens correpta & intercisa. Diaphragmatis musculorumque intercostalium tam vaga erat atque incerta reciprocatio & velut undulatio, ut, qui officium facerent, non facile dignosceres, adeo nulli in totum, omnes ex parte se contrahebant; sanè nudato pectore potius crispari aut fluctuare musculos quam contrahi dixisses; & si ullibi in vivis, certè hic musculorum & fibrarum motricum varios quasi versus & stamina agnoscere licuit. Venæ sectio, quamvis

turgeret sanguis, nihil proficiebat. Veficatoria pone aures admissa nullum præstabant emolumentum. Purgatio omnia averfanti & velut ecstático obtrudebatur. Constabat autem ex Sennæ Agaricique partibus, sed correctis, florumque Rorismarini, Stœchados Arabicæ & Acaciæ pugillo in aquâ Decoctis, quibus ad augendum vires aliquid spiritus Liliolum convalium & salis Ammoniaci addebatur. Atque his quidem alvus commodè purgata nihil tamen Paroxysmorum imminuit tenorem, ibant enim redibantque iisdem numeris & pari vehementiâ. Quatuordecim autem dies infesti erant hi Paroxysmi, cum sanitatis spes affulgere cœpit. Interea mirandum erat intra decem dies nihil prorsus ægrum vel edisse aut bibisse, semel duntaxat, idque rogatum, potionis aliquid admisisse. In hoc tumultu morbi que vehementiâ repertus est, qui suaderet spiritus Vitrioli usum, ejus namque Drachmâ in aquâ Betonicæ per Syrupum Stœchados temperatâ Paroxysmum propulsatum se vidisse affirmabat. Itaque hujus honori, quod Medicinæ sacra degustasset, velicaturus jus si addi in misturam Cephalicam aliquid spiritus Vitrioli, sed nec feliciore, quam ante, successu, sive quod famâ magis quam experimento constaret spiritus hujus usus, sive quod qui in officinis venit vulgaris, nihil sapiat Philosophici, crudus nimium & acris. Postquam ergo nec Cinnabarinis nec Salibus volatilibus expugnari potuit morbus, attrivit se tandem ipse post quindecim dies, & prodeuntibus cum singulis Paroxysmis sudoribus copiosis ægrum sibi Parentibusque omnia alia cogitantibus, imò optantibus, restituit. Deinde Fonticulo pedibus inusto immunis ab hoc morbo ex occasione nato vixit. De Pulsu hoc testari possum, fuisse eum non multum sibi dissimilem tam Paroxysmi quam intermissionis tempore, etsi tum paulo tenuior esset contractiorque. Dentium stridor in Paroxysmo erat continuus, nulla tamen ore spuma effluebat, quod alias frequentissimum. Illud verò semper mirandum, quomodo tam validis totque dies continuatis membrorum jectigationibus concussionibusque sufficere ægri, & tamen ita se gerere in intermissione possint, ac si nullis laboribus fatigati essent, cum vel minimum istorum magnam creare sanis lassitudinem eosque infringere selet, quod in primo exemplo factum. Deinde, cum nihil in tam obstinatâ inedia suppetat, quod fluidi haud dubiè pereuntis vel absumpti damnum resarciat, quem in modum fibris inflandis ac tendendis tam diu pares esse possint spiritus animales. At verò si eosdem illos spiritus à musculis aut musculorum vel fibrarum ordinibus unis in alios, mutato duntaxat loco, transmitti quis supponat, utique facilius decerni poterit, qui tot tamque mirificis crispationibus spasmiisque sufficiant. *Idem ibidem.*

Epilepsia Apoplexia superveniens lethalis.

Non infrequens alias apud nos est apoplexia supervenire epilepsiam, eventu quandoque bono, quandoque malo, ut multis exemplis probat D. D. Spindler. in observat. suis propediem edendis. Hoc anno pellionis cujusdam

filii 12. annorum, diu, antequam ipsum inviserem, ægotans, uno vel altero à me sumpto medicamento convalescere visus, redeunte appetitu, viribus, colore faciei &c. Ita constitutus derepentè aliquando in brachii dextri enormes incidit dolores, Jussi fumigari thure, agallocho, myrrha, &c. Cessavit color, sed manus intumuit, curiosius palrans tumorem, materiam subelle deprehendi. Commisus curæ Chirurghi, qui legitime tractavit & facta apertura, magna copia puris effluxit, consolidatum vulnus, motusque rediit. Hæc cum aguntur prægresso lenissimo dolore, paralyti corripitur totius lateris sinistri, institui frictiones cum linteis calidis, aquis arthriticis, unguentis appropriatis, sed sine fructu. Altero die supervenit epilepsia gravissima, qua sinistrum tantum latus, quod alias immobile, mirum in modum convellebatur, dextro, toto durante paroxysmo, immobili ac quasi rigido manente. Finito paroxysmo, iterum motus rediit dextræ, mansit immobilitas sinistræ, ægrotus melius se habuit, comedit & tota nocte dormivit. Hoc in tertium continuavit diem, semper circa horam secundam redeunte epilepsia planè eodem, ut dictum, modo: Dedi laud. opiatum, & continuo suppressum malum, nec amplius rediit, usque ad finem vitæ, qui post aliquot dies secessit. Morbi enim longitudine confectus, viribusque exhaustus, placidè vix advertentibus aditantibus obiit. Credo paralyseos causam fuisse materiam, quæ in dextra per suppurationem fuit evacuata, hic autem nervis impacta hæsit, motumque impedivit; cur autem durante convulsione immobile manserit dextrum, convulsus autem fortissime atque hinc inde jactitatus sinistrum latus, non video, nec satis capio. *Dom. Caroli Raygeri.*

Epilepsia Periodica.

Non solum exactissimis periodis febres intermittentes intervalla sua dimittuntur, & non minus quam fluxus refluxusque maris in macrocosmo circa genuinam causam hominum ingenia fatigant, sed etiam in morbis quibusdam Chronicis eodem mysterio non raro ludere solet natura. In Anno 1. Miscell. Observ. 51. exhibuimus Hemicranii in Periodicam, Delirium Periodicum Salmuth. Centur. 1. Observat. 63. nunc subjungemus Epilepsiam Periodicam, non ad menstrua Lunæ intervalla redeuntem, sed singulis diebus aliquoties recurrentem. Anno 1668. M. Nov. ex Poloniâ Nobilis quidam juvenis 12. annor. cum fratre natu majore è Volschinskiorum Nobili familia, Uratislaviam studiorum gratia venit, & in convictum in Collegio Jesuitarum recipitur. Post aliquot dies motibus convulsivis corripitur, qui singulis diebus circa horam septimam manè, circa horam primam & sextam pomeridianas, statim semper tempore redierunt, indies tamen ingravescerent. Principium affectus sensit provenire ex contorsione pollicis in dextro pede, unde postmodum miserrime contortum & intortum fuit corpus, salvis manentibus sensibus per primos dies, postmodum verò ingravescerente malo in

in paroxysmo omnes sensus deperditi. Cum in consilium vocarer causam investiganti relatum, utrumq; parentem familiarissimo Polonis morbo, plica scilicet laborasse in senio potissimum, cum hic filius natu minimus conceptus fuisset. Unde non levis subiit suspicio, corruptum à latente Plicâ sanguinem hosce motus suscitare, nec forte desituros nisi natura plicam istam ad exteriora expulisset. In hoc calu hoc singulare animadverti, quod toties, quoties ant-Epileptica Medicamenta assumerentur, Paroxysmus anticiparet. Inprimis id observare licuit post exhibitum spiritum acidum ex Vitr. Ven. quem alias D. Zvvelf. pro singulari deprædicavit Antiepileptico; vix eo ad paucas guttul. deglutito, commota materia extraordinarium Paroxysmi tempus antevertens statim contorto pedis pollice & incurvato corpore, convulsisque membris Paroxysmus se manifestavit: cui rei fidem non adhibuissim sanitatis Præfecto hæc narranti, nisi ipsemet bis vel ter eundem Spir. exhibendo vidissem in momento excitatum fuisse Paroxysmum. Constitueram ad eradicandum hoc malum tum tentare expulsionem plicæ, tum ex mente Excell. Willisi in tract. de Morb. convuls. ligaturis strictioribus Paroxysmum vehementiam trænare, aut quod Excellent. Nic. Tulpus lib. 4. observ. 2. in Epilepsia à pollice pedis proveniente feliciter observavit, imponere cucurbitulas angusti oris articulo dolenti ad eliciendum venenum, admoveere pollicis ferrum candens, & inurere ibidem ulcus ad os usque penetrans: sed cum ipsius agnati morbum hunc ex fascino ortum falsò sibi persuaderent, & ægrum in Poloniam revocarent, curatio hæc methodica impedita fuit. Similem Epilepsiam periodicam narrat. Excell D. Theodorus Kerckringius observ. Anatom. 71. pag. 142. in puella 17. annor. quæ ægram ter singulis diebus aggressa est, nimirum hora 7. matutina, 10. & sub noctem hora octava, quæ tempora integro anni vertentis spatio servavit accuratissimè, sensitque morbum per dextrum crus ascendere. *Phil. Jac. Sachs à Leuvenh.*

Epilepsia ex ipsius terrore inducta

“ Scribit Christophor. à Vega l. 2. de Arte Medica cap. 12. se vidisse quendam, cum
“ astantem inspexisset eum qui in comitalem
“ morbum inciderat, subito eo malo correptum fuisse: Talem ego recordor fuisse juven-
culam quandam prima vice gravidam, quæ præ foribus ædium propriarum stans, mendicum-
que Epilepsia laborantem, praterentem, & paroxysmo Epileptico obrutum videns, mox eodem affectu prehensa obiit misere, Novi etiam quendam Excell. Medicum, Serenissimi cujusdam Regis Archiatrum, adhuc viventem, qui neminem Epilepsia obnoxium in ipso paroxysmo inspicere, multo minus rogatus, tali ægro opem Medicam ferre potest, adeo ipsi morbus hic terribilis est. *Simon Schultzii.*

Oculorum splendores Epilepticis funesti.

Verissime Hippocr. l. 1. Prorrh. & l. 2. Coac. prænot. Quibus convulsis oculi intente relucet, neque apud se ipsos sunt, & diutius æ-

grotant: Solent enim istiusmodi ignitos splendores creberrime sequi funestæ Epilepsia, uti exemplum a D. Treublero communicatum in Capitaneo Regiæ navis adducit Exc. Bartholinus Cent. 3. histor. observ. 45. & de Laura fœmina Marc. Donatus l. 2. Histor. Medic. cap. 8. quæ per aliquot dies globulum igneum sibi videre visa est, qui postea in magnam flammam excrevit, deinceps melancholicis & Epilepticis symptomatibus per intervalla vexata fuit. Thomas Bartholinus, in de Luce Anim. cap. 6. pag. 33. causam refert ad lucidos spiritus animales condensatos & vi ex nervis expressos. Similes casus in praxi videre mihi contigit, Anno 1667. Joan. Georg. Hank, Uratislavienis Chirurgus, experientissimus & decennial India Orientalis peregrinatione clarus, (adeo, ut testis Arnold. Montano in descript. Imper. Japonic fol. 368. Sickingodonne Cancellarius Regni Japonici in urbe Jedo, cum legationem Batavianam comitaretur, cum ipso verba fecerit) ex tot itineribus vario sub cœlo & aère peractis valetudinarius per aliquot annos, inopinato Epilepsia corripitur, Adhibita varia fuerunt remedia, & quidem eo cum successu ut videretur malum esse debellatum. Sed dum per aliquot dies conquereretur de splendoribus igneis & globulis flammæis continuo ante oculos volitantibus, & visum depravantibus, tandem tam vehementer ab Epilepsia correptus fuit, quæ nullam pausam faceret, nisi cum ipsa vita extincta fuisset. Eodem anno fœmina quædam cachectica 46. annorum, variis variorum morborum symptomatibus conflictata, demum splendorum igneorum molestias continuo oculos fatigantes, accusavit: Ego prioris exempli optime memor, malum exinde adstantibus pronuntiavi augurium, & instantes motus convulsivos, quos antè nunquam persenserat prædixi: qui etiam nondum elapso biduo supervenerunt, tanta cum vehementia ut ægrum in ipso paroxysmo strangularent *Martinus Bernardus à Berniz.*

Epileptica à spectro.

Honestæ quædam fœmina, morbo satis gravi vix liberata, & adhuc fistula in brachio iterum aperta molestata, post nuptias peractas vix duas vel tres septimanas meliusculè sese habere visa est. Accidit ex improvviso, ut in vicinia Musica audiretur, juvenculus ejusmodi acceptissima, illa de lecto surgens, fenestram aperit, at mox miseræ ex ipso tecto nigrum quippiam ante oculos pedesque videtur decidere, cum tremore & dentium stridore illa sese ad maritum in lectum confert, statimque de horrore febrili conqueritur. Ego adveniens manè bezoardicum propino, sudorem provoco, cordialia præscribo. Sed illa crebro in lecto exhorrescit tota, clauditur os, ut ne specillum quidem admitteret, tandem accedit Epilepsia ipsa, miseramque post unum atque alterum paroxysmum è medio vivorum summo cum mariti mœrore eripit.

Scholion.) Mathias Untzerus lib. 1. de Epileps. cap. 16. §. 11. inter causas Epilepsia externas dæmonem seu spiritum malignum, qui corpus exagitat & materiam ad cerebrum defer-

fert, recenset. Et certe Diabolum esse spiritum malignum notum evadit è Scholio Obser. 28. ubi è cista Medica Hornungi attuli, etiam pestem à terrore ortam. Si itaque pestem Diabolum per terrorem potuit inducere, quidni Epilepsiam? Huc accedit, quod Epilepsia vocetur morbus daemoniacus, imò Theologus Angelus, referente Thom. Willis in Pathologia cerebri cap. 2. audeat affirmare plures daemoniacos in Novo Testamento tantum Epilepticos fuisse. Puto itaque materiam acrem & malignam à præterito morbo adhuc in capite vel ipso cerebro superstitem latuisse, (residuum aliquid materiæ peccantis adfuisse, fistula in brachio testimonium exhibet,) illam vero Diabolum per terrorem spectri agitasse, & maligna qualitate imbuisse, (malignitatem spectris induci testantur oris & nasi exulcerationes eorum, qui ea viderunt) & sic per irritationem Epilepsiam & per illius atrocitatem mortem induxisse. *Daniel Vincleri.*

Epilepsia à Lapsu curata.

A casu Epilepsiam ortam cum rarioribus symptomatibus refert Du. D. Schubart, Collega charissimus. Sed unde hæc orta sint symptomata, tam principium quam solutio morbi ostendunt. Nam V. S. à principio intermissa, & sanguini affluxus liber ita permissus: in fine & solutione morbi videmus materiam peccantem, è sanguine concreto collectam, rejectam esse. Et ita sapius errores committuntur, ob non accersitum à principio medicum. Afferam simile exemplum, ubi à principio recta methodo cura instituta, pessima symptomata facile manus victas præbuere.

Ancilla quædam spiritu vini onusta cecidit in glacie alliso admodum capite, attonita jacebat cum obmutescencia, usu oculorum & aurium privata, ita ut quasi mortua domum portaretur. Cum Chirurgus adveniens, exploravimus, an aliquid fractum esset vel in capite vel aliis partibus, aut nihil animadvertere potuimus. Mox nobis præsentibus Epilepsia corripitur, præcedente anxietate & angustia pectoris. A paroxysmo liberata, V. S. instituto in brachio dextro, & rediit ad se, remittente simul pectoris angustia. Dedi duabus vicibus pulverem contra casum, & capiti dolenti fotum è cephalicis adhibui, sic paucis diebus convaluit. *Christ. Vincleri.*

Epilepsia ex decocti hyoscyami fomentatione.

Textoris cujusdam filia, quoties Mensium fluxum pateretur, toties immani capitis dolore vexabatur. Mater Empiricos adventantes omnes & singulos à consiliis incassum habuerat. Præterito anno quidam mirum quantum laudibus extulerat decoctum hyoscyami pro fomentatione circa vesperam adhibendum. Cum itaque 28. Novembr. Anno 1681. in canpona choreas duceret, & ex hac corporis agitatione nimium incalesceret, Mensiumque tempus instaret, cephalalgia irruit; 29. ejusdem circa vesperam prædicti consilii memor decocto hyoscyami foris loco utitur, sed post semihoru am horribilis supervenit Epilepsia matrem perter-

ritam ad me adigens, casumque filia cum remedii recitatione aperiens. Huic in ipso paroxysmo specificum cephalicum ex Cinnabari nativa & granis aliquot Castorei in aqua squamaria & ruta propinabam, cumque eo per aliquot dies continuabam, dein præmisso nodulo ex uterinis & emmenagogis, cum martialibus patientem plenariè, D. B. restituebam, & ut in posterum cautius mercari disceret, serio admonebam.

Scholium.) Hyoscyamum lethale venenum in sinu suo abscondere, ideoque ex foro medico esse eliminandum, multi sunt qui statuunt; quamvis autem ejusdem in operando vehementiam, & ita, si intempestive aut nimia in quantitate adhibeatur, nocivam admodum qualitatem, quam tot exempla apud Autores passim notata testantur, negare nemo possit, rite tamen in usum vocatus salutaribus non omnino caret viribus; unde eundem Hippocrates lib. 2. de morb. in quartana commendare sustinuit; conferantur etiam, si lubet, Pharmacopœia August. à me restituta pag. 141. & 142. Ipse Dioscorides licet in lib. 6. cap. 15. venena inter reponere eum non dubitaverit, lib. 4. tamen cap. 63. folia medicamentis omnibus dolorem sedantibus per se, & ex polenta utilissime imponi perhibuit. Quare in hoc casu Epilepsiam excitaverit decoctum hyoscyami pro fotu adhibuit, jam paucis videbimus. Sanguinea scilicet massa, multis dubio procul impuritatibus gravata, & jamjam per instantia catamenia, non sine quadam fermentatione & impuriorum partium evolutione, deplenda, à vehementiori corporis agitatione in *ἐπιπληξιν* concitata in perpetuum in cerebri membranas cum irrumperet, adplicatum illud medicamentum, narcoticas suas atomos confertim inspirando, impuras biliosas sanguinis partes altius cerebro impegit & quasi in centro detinuit, quæ salino-sulphureis fœtidis atomis junctæ convulsivas istas irritationes commoverant. *Christoph. Seligeri.*

Epilepsia ex incanto usu Olei Juniperini.

Epilepsia varias, & nonnunquam satis mirandas causas apud autores passim reperire licet. Haud absimilem, & forsitan hactenus adhuc non observatam jam subjungam, An. præterito 1669. mense Febr. honesta hujus loci Matro. sexagesimum ætatis ann. supergressa, corripitur doloribus nephriticis sibi familiaribus. Utitur igitur per aliquot dies remediis domesticis, Emulsionibus scil. Oleo amygd. d. Enematibus, aliisque, quæ mulierculæ adstantes suppeditarunt. Tandem accessit vetula audacissima, fama curandi inter mulierculas celebris, quæ, pro more horum hominum, repetito jurejurando præsentissimam pollicetur opem. Et, quo major ei adhibeatur fides, & hanc, & illam, & istam, in instanti à doloribus Nephriticis immensis, ipsaque inde imminente morte, se liberasse contendit. Ægra cum adstantibus nil aliud quam id quoque exoptantes, consentiunt facile, & salubre illud remedium maximo cum desiderio præstolantur. Sic igitur vesperi medicatrix accedens, secum affert Oleum Juniperinum destillatum, utpote vulgi Nephritide laborantis Panacæam; Ægra, ubi medicamento nomen rescivit, primum quidem illud assumere renuit, dein verò dolori-

doloribus & persuasionibus victa, quicquid cum cerevisia mitum ei propinaverat anilis ille Machaon absorpsit. Sed ecce, vix cochleare exhausserat infelix Matrona, dum simul quoque de medicamento nimia dosi viribusque gravioribus conqueri coepit. Subsecuti mox intensissimi capitis, & imprimis sincipitis dolores, ructus frequentes, vomitus, lipothymia, & tandem Epilepsia. Quibus omnibus amici consternati, sub mediam noctem me in subsidium vocant. Accedo, quæ facta sint, audio, muliercularum credulitatem reprehendo, vetulam graviter increpo, columque tractare jubeo, & facto prognostico ad curam me accingo. Quia autem ægra, finito primo Paroxysmo Epileptico, ob gravissimam sitim plurimum cerevisiæ secundariæ ingurgitaverat, eademque ante accessum secundi Paroxysmi per vomitum rejecerat, simul quoque oleum Juniperinum rejectum jam esse conjeci, clystere revulsionis gratia sollicitata alvo, alterantia atque ant-epileptica, non neglecto Cranio humano preparato, quippe cujus vires antepilepticas haud satis deprædicare possum, præscripsi, quorum usu morbus comitialis ita per Dei gratiam debellatus fuit, ut discusso tertio Paroxysmo amplius non redierit, & ægra post elapsas binas septimanas pristinam sanitatem recuperavit. Et licet rursum per totum ferè hunc annum 1670. Matrona hæc pietate inclyta è calculo renum decubuerit, de dicto tamen morbo hætenus ne levissimum quidem sensit insultum. *D. Georg. Segeri.*

Ex casu Epilepsia cum symptomatibus rarioribus.

Juvenis 17. annorum, Textoris cujusdam discipulus, ante biennium per scalam 20. graduum præcipitem graviter decidit super hypochondrium dextrum, subsequente dolore & tumore; vocatus barbitonsor, inunxit locum dolentem, & superposuit emplastrum, paucos post dies sequitur vomitus grumosi sanguinis copiosus & frequens: adstantes ob metum periculi vomitum sistunt, paucorum dierum intervallo, ab una vel altera bucca panis fermentati, corripitur motu convulsivo totius corporis, sat gravi, sensibus tamen illæsis; varia mox adhibita curationis, tum præservationis gratia, sed, quod notandum, à spirituosis & aliis specificis odoriferis internis & externis, calci pedum licet applicatis, motus isti convulsivi ita exacerbati sunt, ut miser homo posthac nullum odorem seu suavem seu foetidum, etiam in longinquo, sine convulsione, perferre potuerit. Ex minima enim mica panis fermentati degustata vel saltem olfactu percepta, ab esu carnum tam assatarum quam elixarum, lotionem pedum ex aqua calida, jusculis, medicamentis, &c. Paroxysmo nunc graviore, nunc levioze, prout læsio major vel minor, correptus fuit. Breviter nullo cibo vel potu ultra annum usus est, excepto pane azymo, melle, lacte crudo, passulis minoribus & majoribus; & sic nunquam vel rarissime ab interna causa proxima in ventriculo hærente, sed semper & solummodo ab externis ingestis vel applicatis, iste motus convulsivus excitatus est. Quamprimum enim panem fermentatum deglutiret singultus obortus, quia materia putrida in ventriculi fundo,

tanquam parte nervosa latens, à fermento panis, seu vaporoso, commota, unde statim à deglutitione illa pars singultu correpta, mox hujus materiæ vapores per nervos cerebro communicati, hinc ad principium Medullæ Spinalis protrusi, universum corpus motu convulsivo prehensum. Percusso enim vel affecto cerebro ventriculus turbatur, & vomitus hinc, maxime in Hemisphæria: Quid mirum, si vicissim ventriculo affecto, cerebrum totumque nervosum genus compatiatur. Oblatus mihi iste juvenis elapso anno sub finem Mensis Augusti, ubi cum ex unica mica panis hoc triste spectaculum viderem, & quod medicamenta ob metum convulsionum nec acceptare, multo minus tolerare posset, prognostico derelinquendum ipsum statui, urgentibus verò consanguineis ultro, divina adjuvante gratia, desumpta indicatione à juvantibus ac lædentibus, remedium singulare in forma sal. inveni, virtutis incidentis, attenuantis & discutientis, & causa proximæ (nam sublata causa, tollitur effectus) quod ipsum absque metu & exacerbatione Paroxysmi Convulsivi, condimenti loco cibus, (aut inscio Patientē) immistum, quotidie assumit, & sanè divino cum effectu. Sunt enim salia medicata introducta loco Decoctorum longorum, & videntur quibusdam unius esse valoris & efficacæ. Guilhelm. Fabric. salia quidem illepidæ vocat, quod non nisi corrugata fronte hauriantur: Sed rectè Quercetan. in Pharmacop. Rediv. ablegat dubitantem ad experientiam, quæ habetur in diversitate salium; item ad sensus externos, saporem, odorem, &c. quibus constabit salia plurima plerumque conservare virtutem simplicium suorum: hinc dantur sudorifera, diuretica, cephalica, stomachica, deobstruentia, anodyna, &c. Post usum prædicti sal. nulla amplius convulsio secuta, sed spatio 14. dierum, præcedente pruritu artuum, ibidem scabiosus factus, hinc continuavit hoc medicamentum ad 6. septimanas, donec, fortè satis præparata materia, natura exsuscitata, eam per vomitum & alvum ejecit, qua excreta, laxativo reliquias per vices eduxi. Ex eo ita convaluit, ut non solummodo pristinam artem textoriam denuo reassumere, sed & liberè sine metu recidivæ convulsionis pane fermentato, carnibus, &c. & us omnibus, quæ antè cane pejus & angue fugerat, innoxie frui & vesci potuerit. *Godofredi Sehubart.*

Epilepsia & Insania à venæsectione sub lingua.

Haud incongrue loquitur Rozack à Præchien in *Fragm. Spagy. de Phleb. cap. 2. pag. 25.* Sanguis in venis & arteriis contentus, siue illis paucus sit siue multus, thesaurus tamen est tum vitæ tum mortis, & complectitur semina sanitatis & morborum. Ideo non potest vel debet à quolibet impune effundi, nec etiam ab aliis suaderi, quam qui semina & matrices morborum à nutritivis principiis discernere & separare sciaverint, cum æque multa incommoda ac comoda derivari possint in hominem sine ratione ad phlebotomiam suadendam vel admittendam pronum. Ergo & Galenus & Avicenna quanto magis medendi artem exercere, tanto semper timidiore erga phlebotomiam facti sunt, eo

quod plus trahat phlebotomia ex naturali & bono & ex spiritibus, quam ipsa pharmaca; ut verbis utar *Sexteri l. de catarrh.* Prima igitur in morbis curandis sit cautela, an vena secanda? sed cum hæc non sufficiat, altera adjungenda, quamnam vena eligenda? ubi multi perperam accipiunt sententiam Walæi, qui circulationi sanguinis insiliens dicit: nihil referre quæ vena secetur, modo in superioribus superior, in inferioribus verò morbis inferior vena eligatur, adeoque putant nihil discriminis esse in eligenda vena. Sed Clariss. ille Vir hic loquitur de venis communibus & usitatis, scil. in brachiis & pedibus, & tamen secundum morbi sedem venam eligit. Revulsionis enim omnino ratio habenda, cujus proprium in contrarium avertere, & à parte nobili in ignobilem, minime verò contra. In observatione mea superiori enarravi infelicem venæsectionis sub lingua eventum, ubi scil. agrotus mortis alumnus factus; Alteram de eadem materia proferre animus est, ubi quidam per venæsectionem sub lingua in fauces mortis quidem detrusus, sed tamen ex illis ereptus est. Civis quidam Bregensis pleuritide spuria cum febre maligna laborans Chirurgi opem implorat, qui nescio quid de julapio ipsi præbet ac simul venas sub lingua aperit. Agrotus circa vesperam saltare prius, deinde irasci omnia frangere & præsentis verberare incipit. ira percitus in Epilepsiam fatis gravem incidit, ita ut furor Epilepsiam præcederet, & illius remissionem infamia sequeretur. Accersitus invenio ipsum sub manibus duorum virorum robustorum, quorum tamen robur non sufficiens erat ad eum detinendum; truculentus erat, omnibus mortem minabatur: nihil de medicamentis assumebat, omnia respuebat. Adhuc duos (ut quatuor essent) viros robore pollentes nactus, ut in lecto prostratus jaceret, curavi. Præscripsi bezoardica cum ant-Epilepticis mixta, occasione invigilans, quando Epilepsia remitteret, tunc enim os apertum manebat, ubi quantum cochlear unicuique medicamenti caperet, saltem infundere potui. Cum parum in tam pauca quantitate exhibitis hisce proficerem, sequens unica vice infundebam:

℞. Aqu. ceras. n. ʒiij. lap. bez. or. ver. ʒss. M. Horis duabus elapsis remisit Epilepsia cum furore, sed tamen inconvenientia loquebatur, delirio adhuc durante, neque vel preces vel pastorem vel me ferre potuit. De V.S. cogitavi, sed impossibile erat propter inquietudinem, medicamenta tamen tandem admittebat, paululum mansuetior factus, & post horam 10. vespertinam ad sanam rediit mentem. Dedi deinde antipleuritica, & paucis diebus ipsum annuente Divina gratia integræ sanitati restitui. *Gott. Christ. Winderi.*

Epilepsia, ex contusione capitis, gravissima ac diuturna, tandem tamen penitus profligata.

Juvenis 22. quasi annos natus, athletici habitus, inter comotationem solemnem, exorta magna rixa, bene potus ab aliquot symposiatis in terram profternitur, saxeo pavimento fortiter aliquoties ita illiso capite, ut inde in occipite paulo supra nucham cutis leviter intumesceret, sugillaretur, & nonnihil attrita

conspiceretur; quæ tamen intra octiduum ita iterum subsedit ut nulla amplius externa læsio appareret. Nihilo autem minus altero statim à percussione nocte inopinato exorta a sanguine, proculdubio extravasato, concreto, acido reddito, ac principium nervorum vellicante Epilepsia gravissima miserum Juvenem immaniter invasit, & per menstruum pene illud spatium, quo indies aliquoties eum excruciauit, ita viribus exhaustis, ut propemodum exanimis mortis candidus non semel videretur. Huic malo primo statim die venæsectione iterata obviam itum est, sed irritò ferme molimine. Sanguis enim mox restitit, nec fluere etiam altera vice, sicut incepit, ex vena licet rectissime tusa perrexit. Chirurgus capillos novacula abrasit, ut inunctiones atque inducta Emplastra efficacius penetrare possent, & ego cardiaca, cephalica & ant-epileptica decantatissima varii generis & diversæ formæ nullis parcens sumptibus continue adhibui, quibus tandem tantum per Dei gratiam effectum est, ut epilepsia indies mitior deprehenderetur, tandemque planè remitteret, salvo jam atque sic satis recte se iterum habente hæc perpesso ægro, nisi quod de capitis gravedine præ ipse circa lunæ phases & tempestatis mutationes adhuc subinde conquerebatur. *Georgii Abrahami Merclini.*

Mors repentina ex morbo caduco.

Anno Domini 1659. Mense Octobri, dum essem in Italia Ducatus Parmensis Oppido Calestano dicto, contigit quod Domina loci Illustrissima Comitissa Tarasconensis, provecæ jam ætatis, at fortis & robusta mihi conquereretur se nocte, & mane dum surgeret, semper opprimi, & quasi suffocari, alias totam diem bonè mi agebat, nisi quod observatum fuerit aliquoties non à longo tempore eandem morbo Comitiali laborasse. Ego examino omnia, unde oppressio illa oriri posset, tandem quæro, quo situ soleat decumbere? fatetur illa se pronam ordinarie solere noctem transigere, damno eidem similem decubitus, utpote periculosum: promittit illa obedientiam. At quid sit? Imus sani omnes cubitus, manè summo concludatur ab Illustriss. ejusdem Domino Marito: Illustrissimam Comitissam fato cessisse, Accurrit Illustrissimus filius, vocor ego, lustramus corpus defunctæ: invenimus situ prono capite in pulvum directo, obverso spumante ore, probabile morbo Comitiali superveniente, talique situ inventam suffocatam fuisse. *Joh. Jacobus Wenceslaus Dobrzensky.*

Epilepsia rara.

Anno 1678. Mense Januario Puellam vidi Memmingæ, Davidis Hummelii Sutoris filiam, 9. circiter vel 10. annos natam, quæ per vices, non sine veneficii suspitione, horrendis tentabatur convulsionibus epilepticis, quas instare nunc dolor quidam punctorius in externa aliqua, eaque varia, corporis parte, maxime in digiti indicis apice perceptus; nunc sensus quidam reptantis intra corpus animalculi, præmonuit. Paroxysmus aliquoties in die nunc sedentem, nunc decumbentem, quin & stantem non raro corripuit. Motus convulsivi fuere varii; post mensam sedens corpus coacta retrò ad parietes allisit, ante se quicquid in mensa occur-

occurrerebat, manibus disjiciens: humi prostrata pedibus nigrum in modum calcitravit, nec uno in loco hærens, huc illuc corpus provolvit: manibus prehensa, nullo membro flexilis tota rigida surrexit: stans erecta aliquando lecti, quo decumbebat, tectum, ponderosum licet & ei firmiter annexum, capite contra nitens e sede sua movit. Per tres circiter horarum quartas partes paroxysmus duravit; qui hoc singulare habuit, quod eo durante ægra sensum tam internorum quam externorum usum non exuerit, interrogata quippe, qua nunc in parte punctiōnem sentiat, vel animalculum reptare percipiat? locum digito monstravit. Alia vice, dum paroxysmum sustinenti adito, illa per fenestram cubiculi apertam hominem notum eminens venientem vidit, & nomine suo, rauca licet voce appellavit. Biennium tunc erat, ex quo affectus hic prima vice in ea fuit notatus, qui eo quidem tempore, post multa remedia frustra adhibita, balsamo cuidam Magico, Sturgardia allato, cessit: Præterito verò anno, cum malum recrudesceret, nec balsamo modo laudato amplius obediret, V. S. profuit; quæ & hoc anno tertia vice redeunti, Mense Januario medelam attulit, non diu licet durantem; paucis enim post mensibus malum repululavit. Tum quidem mense Junio Emeticum illi fuit exhibitum, quod aliquot per gulam exturbavit vermiculos alatos seu scarabæos parvos, eo tempore circumvolitantes & floribus, rosarum imprimis, insidentes, & à Mense Junio in vernacula nostra *Brachkäferlein* appellatos, quorum ego duos vivos ab ipsa per vomitum rejectos ipse vidi, & manibus palpavi, brevi post avolantes. Cura postmodum cujusdam sacrificuli Chymistæ commissa, an ab hoc affectu liberata sit, civitate dicta valere iussa, ignoro.

Epilepsia mira, Melancholico hypochondriaca, merè Ecstatica.

Dn. D. Balthasar Timæus à Guldenklee L. i. Epistolar. Epistola 9. p. m. à 20. usque ad 26. Epilepsia miram enumerat speciem Nobilissimi pueri à Crocav, cujus motus præter & ferme supernaturales exinde dicuntur, quia puer ille adstantium manus clam subterfugit, parietibus se adaptavit, & mira celeritate eos ascendit. Quam historiam loco allegato fufius videre est: Miram, raram, & fide dignam chartæ concredo epilepsiam puellæ cujusdam annum duodecimum jam agentis, cognomine Rautenberge-riæ. Hæc quoad externam faciem nigricans, torveque videns; profunda, sani adhuc dum corporis esset, & integra frueretur valetudine, semper meditabatur, ideò, & meritò quidem, pro melancholica habebatur. Die 24. Maij anni hujus currentis, morbus quidam illam invasit, in quo membra extrema, manus & pedes, erant rigida, anxietasque maxima circa præcordia & cordis palpitatio eam defatigabat, ita ut præ dolore clamare, ejulare, preces ad Deum fundere cogeretur, morique cuperet. Morbum pro melancholia hypochondriaca ex uteri consensu habebamus. Motus interni ab extra explorari poterant, pulsus erat durus & celer paululum, sed sine manifesto febris indicio. Sensus interni omnes, caput, oculique naturaliter erant

constituti. Adhibitis decentibus medicamentis cordialibus, epilepticis, uterinis, vicinis, Deo benedicente, die tertio morbum gravissimum; surgebat postea, & ad munia consueta, ac si nunquam reditum sibi persuadentes. At die decima Junij, hora sexta pomeridiana immani corripitur epilepsia cum subsequente delirio. Noctu dormit, sed anxie. Die sequenti aliam morbus induens larvam, epileptica antequam fieret, quod vigesies vel saepius de die factum, semper prius digito protenso, torvo cum vultu ad angulum, ac si inibi horrendi quid videret, monstrabat, & quidem cum furore & excandescencia reclinans se ad latus dextrum, è vestigio insultus epilepticus se manifestabat, pollices in manus fortiter comprimendo, oculos hinc & hinc, quavis clausos, movendo, ex ore spumam emittendo, omnesque sensus amittendo. Explicatis pollicibus paululum quiescebat oculis planè clausis, postea prius brachium dextrum extollens digito desuper, mox ita & cum sinistro nutabat. Ambobus brachiis dicto modo elevatis manus comprimebat, ac si exciperet aliquem, pectorique admovebat; paulò post oculos aperiebat, & manus complicatas sublataeque, fortiter pectori applicabat, omnia tamen sine auditu, loquela & ratione, dein oculos apertos cum manibus complicatis ad cælum dirigendo, labia movebat, & momento temporis præterlapsò, sensus redibant omnes. Secundo morbi die fando proferebat, se videre Jesum, sanctos Angelos, patrem, matrem, agnatos & cognatos in cælo triumphare & tripudiare, quare & ipsi esset tripudiandum. Sequentibus autem diebus amissa, vel potius interdum omissa loquela, cum adstantes visiones superius recitatas ipsi in mentem revocarent, capitis nutu veras esse affirmabat, & exinde tale eam gaudium percipere præ se ferebat, ut manibus & brachiis extensis, iterum retractis, & cordi applicatis, capitis nutu, totius corporis elevatione, incurvatione, vibratione, & pedum motu fortissimo, non aliter ac si jaciendo saltaret, hilariterque tripudicaret, ac gaudium celeste cum blando aliquo risu adstantibus preces ad ipsius voluntatem fundentibus annuntiaret. Secundo morbi die articulata voce pronuntiaverat Dominum Jesum non manè, sed vesperi venturum, & in cælum eam recepturum, & hæc impressio unica erat causa, cur ad quintum usque omnia medicamenta, cibumque & potum respiceret mortis cupida, quod & nos ægram in summo vitæ periculo versantem, concessimus, crisin expectaturi. Noctem determinatam non moriendo, sed placidè dormiendo absolvit. Manè aliquoties redibant insultus epileptici cum suprascripto tripudio, igitur mortis cupidam morte consolandam ratus, utrum vivere, an mori vellet, interrogabam? Respondebat voce vix perceptibili, lingua balbutiente, sed ore ridente, & corde gaudente: Mori cupio, ut mox cum Jesu meo in cælo esse possim. En! morimur, aiebam, sanguinem mittendo, ut autem eò citius moriaris, & Jesum tuum videas, venæsectio erit adhibenda. Quanto hoc nuntium perceperit gaudio, vix dici potest. Hora post decimam media, absoluto prius tripudio consueto venam schiaticam minorem in sinistro pede (saphæna & reliquæ erant imperscrutabiles)

biles) secum ad uncias duas. Deligato vulnere incidit in animi deliquium adeo forte, ut me excepto, omnes mortuam prænunciarent, brevi restituta, paulò melius mox habere cepit, sine ulteriori epilepsiæ recidiva & tripudii gaudio. Interim vires erant prostratæ, uti & appetitus, lipothymia interdum cor petebant, sed nihil factorum meminerat, nec mori amplius desiderabat. Die morbi septimo conquerebatur de collo, venæ enim jugulares tumentes cernebamur cum aliqua doloris perceptione; circa meridiem lautè prandebat, placidè dormiebat die nocteque. Die decimo, ne malum recrudesceret, sedes utrum extirpari funditus posset, tentavi ab initio blandissimo laxativo:

℞. Cryſtall. Tartari gr. xii. Tartari Vitriolati gr. iij. Refin. galap. gr. iv. Diagryd. sulphurat. gr. ij. M.F. Pulvis laxativus. Pars humorum peccantium decem dejectionibus imminuebatur, & sic purgatio cum *vispœia* absoluebatur. De reliquis impolterum. *Melchior. Fribe.*

Epilepsia ex Utero mirabilis.

Anno Chr. 1659. puella pia, pulchra, modesta, ætatis anno tredecimo, inceperat quiritari angustias circa præcordia, evaporationes fuliginosas, anhelitus graves, post aliquot dies epilepsia correpta ad quinque ferè septimanas, singulis diebus semel vel bis insultus graves, interdum ad trihorium durantes, interdum breviores sustinuit, ab initio cum jactatione capitis & brachiorum ingente, inferioris vero corporis motu vix sensibili, sub interstitio paroxysmi unius ad alterum se bene habebat. Hæc quando sentiebat, veluti matri assistenti atque mihi ipsa indicaverat, vaporem è lumbis per dorsi spinam sursum nucham usque repentem, tunc oculi caligare inceperunt, caput postmodum & brachia jactabantur, ac subsequenter quasi cataleptica apertis oculis, sine omni corporis motu & sensu ultionco, servata tamen naturali respiratione, succumbebat; at sub hoc temporis spatio plena ac absõna voce clamitavit, paulò post gallum cantantem sæpius imitata est, aut arguto & suavissimo sono melodias veriorum hymnorum in templo usitatorum edidit, atque demum fatigata aliquantulum adhuc immota, tanquam dormiens decubuit, evigilans dein è sono quasi profundo, mirabatur circumstantes, nec ullius quicquid sub paroxysmo egerit, vel passa sit, commemo, nihil mali præter obtusum & exiguum dolorem capitis querebatur, ac munia sua rursus, tanquam mente & corpore sana, subivit. Hoc autem malo, auxiliante Deo, præter plurimorum spem devicto, adhibitis clysteribus vapores discutientibus & revellentibus, assumptis pilulis melanogogicis, aliisque remediis hystericeis, quibus cardiaca & ant-Epileptica permista, necnon sanguinis missione, itemque frictionibus, ac ventosis sine scarificatione in femorum interiori parte deorsum sæpius tractis, menstrua prodire inceperunt, tuncque tam acerbus morbus & enumerata symptomata omnia cessarunt, & ejusmodi malo ultro, præter unam alteramve vicem in subsequente solummodo bimestri, ac brevissimo quidem insultu puella infestata, deinceps optimè semper valuit. *Helvigius.*

In Epileptico paroxysmo Ritus involuntarius.

Illustrissima Persona epileptica per multos annos solet in Paroxysmo maxime & diutius. De Ritus natura & causis *Valleriola l. 3. Enarr. 9.* multa reliquit, & eandem cum Combricensibus in *lib. Arist. de anim. cap. 3. Art. 6.* Tradit definitionem: Ritus est concitator quidam animi ex re jucunda motus, ad conceptum intro Gaudium explicandum, quo thoracis & oris muscoli impetu quodam moventur. Secundum hanc definitionem hunc ritum verum ritum non fuisse, quis non videt? Sed potius ortum habuit ex motu musculorum thoracis & oris impetuoso, a vapore acri & stimulante eum concitante. Et puto hunc vaporem simul Epilepsiæ causam extitisse, & ex utero ascendente; fuit itaque hæc Epilepsia, mea quidem sententia, non per idiopathiam, sed potius per sympathiam Uteri. *Holærius enim lib. 1. de morb. int. cap. 59.* in Scholiis, varia recenset exempla illarum quæ uteri suffocatione laborant, & risui involuntario fuerunt obnoxie. Ipse Convulsionem ex utero in Virgine adhuc superstiti vidi, cum delirio levi & risu symptomatice, quæ nullis aliis sopiebantur remediis, nisi exhibitis Cinab. nativ. gr. xvi. in Aquis ant-epilepticis & appropriatis. *Christ. Roessleri.*

Epilepsia gravidam ejusque embryonem per 25 hebdomadas infestans.

Friderici Waltheri Bibliopecti nostratis uxor, temperamentis sanguinei, annos triginta circiter nata, postquam Anno 1665. die 9 Martij uterum jam ultra quartum mensem gesserat, de dolore sinistra scapulæ manè conqueri cœpit, quem tamen ex casu in cellam ante paucos dies facto se contraxisse suspicabatur. A meridie nihil finitri cogitans Convulsionibus Epilepticis gravissime corripitur, quas *aphasia* biduana, summaque debilitas & paroxysmi anni epileptici exceperunt. Præscripti tum varia ant-epileptica, sed quò magis istis utebatur, eò plures experta est Paroxysmos. Quod tum etiam ei ex assumptis contigit jusculis, aliisque eduliis. Unde per integrum octiduum cunctorum usum ita respuit, ut vix unum aut alterum cochleare jusculi alicujus interdum, attamen ægerrimè, admiserit, subsequente semper Paroxysmo aliquo. Qui tamen etiam, licet nihil quicquam assumeret, ei satis erant molesti. Die 16. Martii effluxit ei è pudendis albicans quidam atque lentus humor, cum horrore totius; quem excepit terribilissimus animæ fœtor, anxietates ingentes, inguinum dolores gravissimi, & summa virium prostratio, ita ut ad carpum motus arteriæ vix esset perceptibilis. Suasi usum Cordialium, & matrem fœtumque roborantium, sed frustra. Orta tum est suspicio de Embryone extincto, quam præter continuum eumque de die in diem ingravescentem anhelitus fœtorem, (quem ubi pragnans ex inferiori ventre ascendere sensit, simul quoque Paroxysmum instare præsensit) auxit motus Embryonis ab initio morbi hucusque à matre non observatus, inferioris quoque ventris refrigeratio, & aliqualis gravitas. Et quia ab externis; quæ mulierculæ pro vi fœtus sopita exsuscitanda applicare solent, nullum per-

perceperant emolumentum, foetum extinctum esse pro certo affirmarunt, meque ad illius expulsiōem adhortati sunt, sola ægra id renuente. Ego licet ex tot demortui foetus signis præsentibus in illarum partes haud gravatè tranſierim, vix tamen plurimis perſuaſionibus id obtinere potui ab ægra, ut aliquando cochleare aquæ Cinam. cordialis aſſumeret, cum & illius uſu Paroxyſmos acceleraret. Contigit die 19. Martii à meridie, ut mater ægræ me abſente ad uſum cochlearis dictæ aquæ, cui pauxillum aquæ lil. Convall. cum vino deſtillatæ admixcuerat, adegerit ſiliam, quo aſſumpto, inſignes primùm motus in abdomine experta eſt ægra, quos Paroxyſmus inſequēbatur gravis. Et ab hoc tempore motum foetus percepit ægra, qui licet alias ſatis fuerit debilis, interdum tamen, & quidem eo ſemper tempore, quo ægræ imminēbat Paroxyſmus, juſto vehementior ac inordinatior erat, ut foetum primùm, poſt matrem convelli, extra omne eſſet dubium. Suavi uſum ant-epilepticorum & confortantium foetum internum, ſed quia aſſumptis his frequentiores numeravit Convulſiones, omnem omninò uſum Medicamentorum internorum reſpuit ægra. Fateor, quod cum me præſente vel tantillum pulveris marchionis aut baſami embryonis hauſerit, mox quoque Paroxyſmum inſtare è convulſivo foetus motu præſenſerit. Cibi verò & potus uſus moderatior non ita jam erat noxiuſ. Unde me quoque ſuadente ſoli naturæ ejuſque Autori Deo Omnipotentis reſ commiſſa, imprimis cum Paroxyſmi non adeò crebrò ægram inſeltarent, & ita vegetior jam exiſtens, domeſticos labores ſatis commodè expediret: nū quando convulſiva foetus agitatione, quæ à ſolito ejus motu plurimùm differebat, de inſtante ſibi Paroxyſmo præmonita, lectum repetere cogeſbatur. Sic miſera inter ſpem atque metum moleſtum trivit tempus, donec tandem die 31. Auguſti exoptata affulgeret partus hora, qua adhuc bis graviter convulſa, in ipſo Paroxyſmo poſteriori inſcia peperit filiolum egregium, Sacro Baptiſmatis fonte me ſponſore exſtitum. Atque ab eo tempore nec mater, quam haſtenus per 25. hebdomadas morbus Comitialis ſatis ſtrenuè exercuerat, nec filius, ſimiles ſenſere inſultus. Vivuntque ambo adhuc per Dei gratiam ſalvi atque incolumes. *Georgii Segeri.*

Epilepsia in prægnante.

Domini *Melchioris* à *Senis* uxor gravis, paſſa eſt periodicum dolorem circa inguina & dorſum, ventris etiam inflationem: hæc in tertiam ſeptimanam duraverunt cum calore quodam febrili & dyſuria. Poſtea 8. Martii mane habuit paroxyſmum Epilepticum, qui quindecies rediit. Ultimus 9. Martii acceſſit circa horam 9. A Paroxyſmo ſemper dormivit, quandoque ſe movit & erexit in lecto anxie. Ad quæſita non reſpondit, nec viſu agnoſcere quenquam potuit. Poſt ultimum paroxyſmum quievit ea parte diei & nocte ſequenti 10. Martii. Cœpit autem eo die ad ſe redire & 11. Martii benè ſe habuit. Sequentē nocte circa horam ſecundam poſt mediam noctem cœperunt dolores partus, & hora 9. enixa eſt filium ſanum, ipſaque ſana vivit.

In Mulieribus cachecticis, commotis circa partum humoribus peccantibus circa uterum itabulantibus, à tetrīs vaporibus aſcendentibus Epilepſiam oriri haud mirum; illas à partu evadere, non ſempiternum eſt. *Jachinus* quidem ad c. de Epil. *Rhaſis* ſcribit: Et ego prægnantes aliquas Epilepſia affectas vidi, & ſanatas ſunt partu, non prius. Sed mihi videtur illas ſanatas in quibus materia peccans non copioſa & tantummodò circa uterum collecta fuit, ita ut ab illius excretionē alleviatio neceſſariò ſecuta ſit; ut in *Fabri* lignarii uxore vidi, quæ paucis adhibitis remediis partu ſubſequentē ab atroci Epilepſia evaſit, infante mortuo. Contrarium accidit in *Viri* honoratioris uxore admodum cachectica & morbis debilitata, quæ ante partum Epilepſia affecta, enixa eſt puellam ipſa planè inſcia, in Paroxyſmo ſcil. degens; poſt partum ſoporata manſit, & horis 4. à partu elapſis animam Creatori reddidit, puella adhuc in ſecundum diem ſuperſtite. *Chriſtophori Roesleri.*

Epileptica mulier ſanata medicamento Ant-epileptico per Chirurgiam infuſoriam in venas immiſſo.

Mulier 35. & Ancilla Virgo 10. annorum, horrendum in modum affligēbantur Epilepſia, ut parum boni de cura illarum ſperare daretur: Ambæ illæ ſubibant hanc operationem, qua in venas earum inſudimus laxativum medicamentum, diſſolutum in ſpiritu Ant-epileptico. Prima harum aliquot horis poſt injectionem ſenas habebat ſedes, & poſt ridie illius die Epilepticæ convulſiones ſubinde redibant, ſed multo lenius, tandem evanere. Altera autem, nempe Ancilla, eodem die quatuor habuit ſedes, & aliquot poſt ridie, ſed aëri ſe committens, nec obſervans diætā, ſemetipſam perdidit. Notu dignum eſt, omnibus commune fuiſſe vomere mox poſt inſuſionem, idque violenter & frequenter, cujus rei rationem aſſignandam relinquimus eruditis Medicis. *D. Fabri, Medici Gedanenſis, in Actis Philoſ. Angl. Dec. 1667.*

Epilepsia Fœmina parturientis.

Anno Domini 1670. die 24. Julii vocor circa ipſam meridiem ad uxorem cujuſdam lanionis, quæ alias ſana & robuſta, tempore debito doloribus partus affici cœpit, id eſt nominata die circa horam 7. matutinam accurrit obſtetrix, ſequē ad ea accingit quæ conveniunt, interim fœmina primipara, & quidem adulta ætate maritata, ingentibus doloribus partus excruciarī cœpit, quos ſubſecuta ſunt tantæ convulſiones totius corporis ab hora 8. uſq; meridiem ipſam perdurantes, ut 4. fœminæ robuſtæ habuerint quod agerent ad retinendam fœminam in lecto. Præcipuum, quod obſervatu dignum, erat uterus foetum continens; vidiffes cum ſtupore in eodem tam variis inordinatis flexibus jaſtatū infantem, ut ſine omni dubio eundem mortuū, oſſaque omnia in eodem comminuta proclamaſſes, ita etiam omnes adſtantes credebant. Ego caſui tam horrido adſtans, ne muneri meo deeſſem, cum ad intra nil propinare ob continuas convulſiones liceret, hoc ſequens linimentum ordinavi, quo eidem umbilicus inungeretur.

℥. Axung. Cast. ʒj. Salis ℥. Satur. β. M. femori Chirothecam odoratam alligari, nari-
bus foetida applicari, ad intra per occasionem
si liceret præberi Aqu. Hystericam cum pulv.
March. Aureo vitæ, Tinctur. Luna jussu. Sed un-
ctio bis tervè spatio mediæ horæ repetita, me
jam absente, ecce quies inopinata & pax natu-
ræ, præsentia fœminæ reddita, vix obstetrice
advertente, edidit infantem, omnibus obitu-
pescentibus, sanum & salvum: Vivunt mater &
infans hodiernam usque in diem incolumes.

Quid amabo causæ tantarum furiosarum con-
vulsionum in fœmina sana, & nunquam simili
affectui obnoxia, an nimii dolores? an diffi-
cultas divaricationis locorum genitalium viam
fœtui de more sternentium? Ut pote quæ jam
30. annum accedens de natura difficilior, ad la-
xationem eorum, quæ constricta fuere, an alia
fors interna causa? Sed ab hac aut antea, aut
jam sæpius sese affectus idem insinuas-
set. Ab eadem causa dependere mihi videntur casus il-
li, quos duos ipse observavi in juvenibus æta-
tis 15. Annorum, qui derepente ingentibus con-
vulsionibus agitati, unus quidem longiore tem-
pore quàm alter, repetitis paroxysmis; tandem
cujus causa hæc accidere? Natura parturiebat,
& ob hunc futurum partum tantos conatus cum
discrimine vitæ moliebatur. Quisnam autem
tandem ille partus fuit, si non ridiculus mus,
saltem formidine plenus dens sese prodidit. Co-
natuum horum naturæ causam explicare hic la-
bor, hoc opus, meum hoc excedit adhuc intel-
lectum, *Job. Jac. Wenceslai Dobrzanski de Nigro-
ponie.*

Epilepsia Puerpera Vesicatorio curata.

Anno 1663. Steinovix ad Oderam in Silesia
cum medicinam facerem, vocabar ad fœminam
juvenculam, uxorem cujusdam pannificis, ante
paucos dies puerperam factam, ac feliciter in-
fantulum enixam, convulsionibus vero epilep-
ticis graviter afflictam, Accedens inquirebam in
lochiorum constitutionem, utrum ritè fluerent,
& hætenus fluxerint; respondebatur autem,
quod initio quidem parce manaverint, postea
vero copiosius, exhibitis remediis mulierculis
alias hoc in affectu consuetis: præscribo ant-
Epileptica uterinis mixta, imprimis *Confect.
smaragd. Excell. D. Jonstoni*, patroni t. t. ac com-
patris mei plurimum honorandi, quem ut simul
advocari curarent, ac ipsius consilium & auxi-
lium implorarent, marito ac parentibus injun-
gebam. Vocatus advenit ac misellam horrendo
paroxysmo correptam mecum invisit. Varia
tentata remedia, sed frustra fermè omnia, do-
nec tandem ex consilio prælaudati *D. D. Jonsto-
ni* Vesicatorium cruribus admotum, quod, di-
vina benedicente gratia, tantum effecit, ut pa-
roxysmi non modo rariores ac breviores fue-
runt redditi sed altero ab applicatione die pla-
nè cessaverint, & puerpera optimæ valetudini
restituta fuerit. *Gorhoffredi Samuelis Polissi.*

Epilepsia cæcitate soluta.

Civis quidam honestus, constitutione melan-
cholicus, subito in Epilepsiam incidit, ea rece-
dente cæcus remanet per dies aliquot. Ego in
consilium vocatus, scorbuticam dispositionem
animadverto. Quapropter per clysteres mate-

riam a capite revellere studeo, humorem me-
lancholicum expurgo, antiscorbutica exhibeo;
post aliquot dies visum integrum cum sanitate
integra recipit patiens.

Crisis fuit, etsi perfecta, tamen admodum
molesta. Epilepsia orta ex humoribus acris
scorbutica malignitate infectis, quibus in ner-
vos opticos protrusis, epilepsia cedebat. Dein-
de materia peccans revellentibus magis magis-
que retracta, cum nondum fixam sedem habue-
rit, & tandem antiscorbuticis sale volatili gau-
dentibus discussa est. *Fabrit. Hildanus c. 5. Obs. 5.*
duos ejusmodi casus refert, scil. ab Epilepsia
curata cæcitatem obortam, sed ab empiricis
medicamentis fortioribus causatam. Etsi non
videam, quomodo crisis etiam hoc loco exclu-
denda, cum natura onere levata insurgere &
reliquias molestas e corpore propellere soleat,
etsi per errorem aliquando in partem nobilem
sarcinam deponat. Interim tamen cum hæc cæ-
citas, & prægressa Epilepsia à scorbutico origi-
nem non traxerint, & fortassis à principio ne-
glecta ad impactionem usque materiæ incurabi-
lem eam fuisse dubitare nolo. *Danielis Wincleri.*

Epilepsia transplantata in Canicula.

Quod de cane habet *Robertus Flud*, eum in
se podagram Domini & adlictionum periodos
& morbi formam accepisse, huic ego similem
observavi historiam de transplantata canicula
beneficio Epilepsia. Ancilla gynæcii Hufumen-
sis ante annos aliquot subito in Epilepsiam in-
ciderat, tanta cum membrorum convulsione &
exagitatione, ut adstantes quosque commise-
ratione afficeret, nihilque ipsa certius morte
expectaretur, nam & probatissima quæque re-
media frustra adhibebantur: Adsueverat eo-
dem in grabato canicula dormire, ex illarum
genere quæ planè depilesunt, atque sic pluma-
rum valde amantes: hæc itaque paroxysmis
ingravescentibus nihil magis quàm sui & calo-
ris secura lectum quærit & se laborantis corpori
applicat. Verùm illa, cum aliquandiu in lecto
esset commorata, ingenti ululatu noxam inva-
sisse corpus videbatur queri, ad quem sonum
conversi adstantes productum canem eosdem
illos Epilepsia motus, easdem contractiones
repræsentare cum stupore vident, & quo magis
animal hoc convulsionibus percellitur, hoc ni-
mīs affectam ancillam, jamque ad se redeuntem
gratulabundi notant. Continuarunt eæ, usque
dum animam canis efflaret. Ancilla verò inspe-
rato hoc beneficio liberata nunquam ab isto
impolterum tentata fuit, nec quoque puerpera,
quando nimirum arcani fermentorum semina
erumpere solent, quidquam mali sensit, vel in
liberos transfusum, id quod non ita pridem
maritus mihi retulit. *Joelis Langelotti.*

Epilepsia Hypochondriaca curata.

Miles Juvenis 24. circiter annorum ex iis qui
Civitati Hannoveranæ pro præsidio sunt, Anno
1666. circa autumnum sentire incipit insignes in
hypochondriis dolores pungentes cum eorum-
dem intumescencia, qui tamen mox in diar-
rhœam serosam terminabantur. Hanc diar-
rhœam cum metu tum temporis Hannoveræ
Epidemicæ grassantis dysenteriaë sisteret, hy-
pochondria iterum inflantur, hincque halitus
tetii

tetri ascendentes ad cerebrum illud adeo in consensu n traxerunt, ut miles ille quotidie vel decies incideret in vehementissimos morbi comitialis insultus. Vorax erat valde, sed statim post postum concidebat, referebatque se ex hypochondriis auram quandam sentire ascendentem, à qua temulentus primum & vertiginosus evaderet, post quasi vi ad terram deiceretur, quod à spectro hœi existimabat. Jejunus nil nisi dolore in hypochondriis & anxietatem sentiebat, statim autem ac quippiam assumpsisset prosternebatur. Erat cæteroque boni habitus, temperamenti ut videbatur sanguinei cum phlegmate temperati.

Huic militi ego hoc modo Medicinam faciebam, Primum purgato corpore id operam dabam, ut acidum illud excedens naturalem ad statum reduceretur: cui fini singulis diebus horis matutinis utebatur pulvere digestivo ex Vitriolo Martis, Sale Essentiali Zvvelfr. & Saccharo cantho. post paltum autem semper utebatur pulvere ex seminibus coriandri, anisi, anethi, granis paradyfi cum aliqua portione Cranii humani rasi. Aliquando circa novilunium vomitum movebam cum antimoniali aliquo vomitorio: aliquando etiam sudores movebam cum cinnabari antimonii, tinctura Corallorum & similibus, quæ qualitatem cephalicam habent. Tandem cum corpus satis existimarem præparatum esse, commendabam usum lactis vaccini, in cuius unc. iij. drach. ß. saponis Hispanici albi soluta erat. Hoc lac manè semper jeuno bibebat ventriculo, abstinens postmodum per totum diem ab acidis, idque tanto cum fructu ut brevi à molesto hospite liber evaserit, & hunc usque in diem sanus degat. *Alhardi Hermann. i. Cummi.*

Epilepsia ex retentis Mensibus Venere & Puerperio sanata.

Nota mihi est nobilissima quædam fœmina, quæ cum Virgo adhuc ex menium retentione Epileptica fieret, à Medico persuasa ut se viro substerneret, Inde gravida, feliciter peperit puellam; à puerperio autem optime purgata prorsus ab Epilepsia libera evasit. *Alhardi Hermann. Cummi.*

Sanguis humanus Epilepsiam non curat.

Varia ad Epilepsiam remedia in foro occurrunt Medico. Lac capri, (quod rarum) quem nutrit *Petr. Andr. Matthiolus*, apprimè Epilepsii infantum profuisse allegat *Bartholinus in cista medica Hoffmansi p. m. 251*. Nobilis ut expertissimum commendabat remedium cor cornicis pulverisatum, alius cor corvi ita præparatum. Nonnemo Margaritam aut unionem gallo gallinaceo loco testiculorum exsectorum imponit, ibique per annum relinquit: elapso anno, statim, qua imposuit, hora, eandem eximit, putatque se sic habere expertissimum in Epilepsia arcanum. Eset amplissimus scribendi campus, si placeret catalogum condere medicamentorum ant-epilepticorum. Aliqui commendant sanguinem decollati calidè assumptum. quid autem circa usum huius observaverim, subjungam. Bibebat Soræ Epilepticus sanguinem decollati calidum, sed absque ullo notabili juva-

mine. Alius morbo caduco laborans ibidem, eundem bibebat sanguinem, & tertio die obiit. Non ita pridem decollabatur hic *Grünberge* juvenis eufarcus, bonique habitus; bibebat sanguinem in decollatione scutella exceptum calidè gemina Epileptica, seseque, ut methodus hujus curæ requirit, benè cursu commovebat; una nauseam cum cardialgia incurrebat, Epileptico insultu iterum itato tempore ingruente: altera majores & crebriores jam sustinere cogitur paroxysmos, quàm antea, sicque in utraque effectus erat frultraneus. *Sennertus lib. 1. part. 2. cap. 31. Med. pract.* quæstionem movet, an usus sanguinis humani conveniat in Epilepsia? negandoque respondet. *Timæus à Gilden-Klee cas. medicin. lib. 7. cas. 15.* annotavit quid nocuerit sanguis taurinus, item asperinus fortè fortuna haultus, cur non noceret humanus? Sed vulgus qualia non tentat remedia! *Sam. Ledelii.*

Amuletum Epilepsie.

Recensentur plurima Amuleta à diversis Autoribus adversus morbum comitalem sive Epilepsiam, quæ an omnia promissis respondeant, experientia consulenda est. Mihi nuper à fide dignis commendata est in Epilepsia infantum radix *Ostrutii, Imperatoria seu Magistrantia, Germ. Meister-Wurtz* dictæ, recens dilecta & pollicibus tam manuum quàm pedum alligata. Hujus rei veritatem indagare mihi non ita pridem occasio se obtulit in puella trium septimanarum à paroxysmo epileptico misère divexata, cui post alia ista radix prædicto modo adhibita est felici cum successu; qui an radici soli, an etiam aliis antea præmissis remediis adscribenda sit, nescio, cum ipsi primum exhibuerim aliquot grana Cinnabaris nativ. præp. pulveri Epileptico immixtæ: quod remedium, Cinnabarim scilicet nativam mineralem veram celeberrimus ille trium Imperatorum Medicus Crato in Epilepsia magnificè, ut testatur *Samuel Schonbornius in Manuali Medic. pract. p. m. 6.* quanquam alii Cinnabarim Antimonii exhibeant; *Sennertus* tamen nativam huic rectius præfert, utpote cujus admirandas vires in Epilepsia tam adultiorum, quàm juniorum me sapissimè expertum esse verè testari possum. Congessit aliàs catalogum medicamentorum simplicium & facile parabilium adversus Epilepsiam *Henricus à Bra, Medicus Zurphantensis*, qui ibidem pag. 56. radicem *Imperatoria pulverisatam* & ex vino potam comitialibus auxilio esse ex *Mathiolo* refert.

Fellis Canis efficacia adversus Epilepsiam.

Fel canis adversus Epilepsiam infallibile esse Euporiston duabus historiis probare queo. Ad puellam septimana una quindecim paroxysmis Epilepticis correptam vocatus fui, dedi ei pulveres anti-Epilepticos cum aqua nostra picarum & Epileptica Langii, quæque cæteroquin contra comitalem morbum laudantur. Verum omnia frustra; tandem famosum illud Euporiston experiri placuit, dedi infanti guttas quinque fellis recentis ex cane vivo extracti cum aqua Epileptica Langii, & sic præter omnium opinionem sana evasit. Alii eundem puero Epileptico guttas aliquot fellis recentis ex cane extracti cum aqua nostra picarum dedi, & hic quoque ab Epilepsia convaluit. Hocque reme-

dio Ducis Boockingam filiolus curatus teste Rolfinckio. Quæ D.D. Untzerus & alii monent de hoc felle, magis anilem & superstitiosam traditionem, quam rationem sanam sapiunt. Adversus Epilepsiam in sexu muliebri recommendat fel ex cane foemini sexus, sicque etiam fel ex cane masculo utile prædicant adversus Epilepsiam Virilis sexus, hæc & alia quæ de colore monent, inutilia sunt. Puellæ dedi fel ex Cane masculo & benè successit. *Thomas Bartholinus.*

Epilepsia remedium certum, ex osse Tali Leporis.

In quodam confesso Chirurgico fidem nobis fecit *Joh. Cocus*, mulieris cujusdam quæ opera ejus usa fuerat, experimenti; pro certo Epilepsia remedio haberi Leporis os tali, quod *Hafsenprung* vulgus appellat; triaque ossa pulverisata in liquore idoneo, v.g. Aqua borrag. exhiberi bibenda, quod in puero Hafnienti nuper probatum sit, exitu felici. *Thomas Bartholinus.*

Musci terrestres clavati vis adversus Epilepsiam.

Anthera commune vocabulum est pulvilli, foliis quarundam herbarum insidentis, ut Junipero, Lupulo, Typhæ palustri, (in qua curiosè illam Jenæ invenimus, furto postmodum ablatam) & imprimis Musco terrestri clavato. Copiosè reperitur hic Muscus in Sylva nostra Thuringica à venatoribus nostris dictus *Dehnkraut*. *Minsicht* in historiis Miscellaneis vocat *Plaun*, *ist ein geeler Staub*, inquit, *der ex Musco terrestri geschlagen wird.* pag. 432. ibidemque egregiè locum natalem Russorumque processum describit. Si folia betulæ pulverisata simul misceantur, strepitum majorem edit, in flammam protusus. Usus hujus partim est mechanicus, pro ignibus artificialibus aliisque inventis novis, quo nomine Sereniss. noster Princeps aliquot pondo colligi curavit, partim Medicus; hinc commendatur in Epilepsia, experientia D. D. *Rolfinckii* tr. de aff. cap. partic. de Epil. pag. 51. Reticere nolumus, inquit, pulverem flavescentem in spicis Musci terrestres clavati, coryli julis similibus, inflammabilem, qui reperitur, ant-epilepticam vim obtinere. Eo fine quoque familiari in usu erat D. D. *Widemarkler* p.m. Archiatro Saxonico & Physico Isnacensi ordinario. In calculo sunt qui vim ejusdem maxime laudent, nec minus in phthisi & impotentia virili, quorum singulorum experimenta propediem faciam.

In Epilepsia infantum, præcipuè, ut sæpè contingit, si ab urina retenta oriatur, summum est experimentum, si de Semine hoc Lycopodii, quantum cuspidè cultelli contineri potest, propinetur. Egregiè enim urinæ faciliat exitum, quo de unicum saltem exemplum hac vice recensebo, Nuper Anno 1672. die 3. Aprilis puero 3. annorum cum laboraret Ischuria cum dolore & clamore, accedentibus Epilepsia, qua ante annum etiam sæpius affligebatur, notis, propinavi Lycopodii ℥j. pro duabus dosibus, præsentaneo cum successu; Antheram Pini Antiscorbuticam donavit mihi Altenburgi D. D. *Clauderus*, Simile quid etiam observatur in ipso fecali. *Georgii Wolff. Wedelii.*

Cordis Talpæ in Epilepticis usus.

Quæ ad Epilepticos insultus laudantur pharmaca, talia sunt, ut cum sæpe respondeant, præsertim in pueris, & adultis, morbo nondum diuturna mora firmato, non raro tamen, præcipuè in hæreditario, chronicove malo destituant Medentem. Quin & cauterium in bregmate sæpe fallit, in occipite rarius. Est tamen cum etiam fructu caret. Novum fortassis medicamen afferro, & practicum libris, quantum memoria teneo, nondum insertum, civi tamen Academico salutare, an pluribus ea felicitas aspiet, experimentis docebitur. Is vehementissima aliquot annorum Epilepsia, & pharmacis vulgo ad eam tollendam commendatis fatigatus, tandem in corde talpæ invenit auxilium, jam a triennio liber ab omni comitialis impetu, nec nisi triduo usus hoc remedio convaluit. Enimverò quotidie cor unum talpæ recens, sed leniter exsiccatum hausit cum paucis Pœoniæ maris granis, & ocul. cancr. scrupulo, in aqua si. tilia. Hoc totum artificium, quod utinam & aliis æque frugiferum sit. *Schröderus* ad herni. s. laudat cor talpæ, de quo nisi facto periculo nihil definiendum. *Olat Borrichi.*

Secretum Ant. Epilepticum.

Invisa mihi semper fuit secretorum occultatio, indignarique soleo illorum invidia qui sibi servant quod omnium utilitati Deus & Natura commune voluit. Tanto magis execrari hanc hominum malitiam solitus sum, quanto minus occulti habeant secreta si revelentur. Jactantur passim arcana quæ Medicis in quotidiano sunt usu. Et plerumque ex Medicorum scriniis vel schedulis omnia prodierunt, quæ magnifico titulo pro secretis jactantur. Exempla ubivis obvia, Unum signabo: Pro arcano Epileptico hætenus habuit Nobilissima Matrona remedium, quod multorum applausum meruit & admirationem. Ad quod, tanquam ex Æsculapii fano depromptum, multi in urbe confugere solent. Non paucos vim salutarem ex usu remedii sensisse certum est, certum quoque est non pauciores fuisse incurabiles. Nec aliter fieri potest. Panacæa enim necdum illa innotuit quæ vel omnium morborum spondeat medicinam, vel unius morbi apud omnes curationem. Quicquid horum sit, secretum illud remedium mihi singulari occasione communicatum fuit, cujus formulam non invidēbo publico, ut videant Artis filii parum vel nihil secreti continere, quod non vel in Medicorum libris legatur, vel quotidiano usu adhibeatur.

℥. Cranii hum. gr. x. Sem. Pœon. gr. x. Succini albi gr. vi. Auri hæredit. gr. ij. Margar. gr. v. Corall. gr. v. Sambuci cortic. ex Salice nascentis gr. x. Castor. gr. iij. Pulv. Calendul. gr. ix. Pulverisata dentur in ℥q. Lavendulæ.

Quod auro per hæreditatem à parentibus relicto tantum pretii statuat vulgus, superstitioni vicinum est. Nec rationem video, nisi quod illud ex vetustate purius sit. Hoc Cordi roborando efficacius creditur, at Luna Cerebro in Epilepticis. De Cranio humano notandum 1. insepultum esse debere, monente *Renodæo* l. 3. disp. cap. 19. h. e. furis suspensi vel alterius hominis, nullius tamen morbi interventu mortui, expli-

explicante *Henr. Ranzovio de Tuend. Sanit. c. 53.* sed præeunte *Plinio lib. 28. cap. 1. 2.* Partem anteriorem cranii commendari potius à *Crollio* de Sign. quam posteriorem. 3. Fœminæ Fœtineum, ac mari malculum accommodatius esse, si credimus eidem *Crollio* aliisque, quod verum sua experientia testatur *Unzerus lib. 2. de Epileps. c. 11. pag. 212.* Semen Pœoniæ maris p. Imam Fœmini no præripit, quod tamen in officinis valde rarum. Nonnā sedulo curant ut illud habeant.

De Sambuci cortice, & ramo in salice enato experientias attuli in Centuriis *Hilt.* Anatomiarum, pro externo amuleto efficacem deprehendi. Calendulam Epilepsiæ adversari non memini alibi me legisse, nisi quatenus calida siccaque sua virtute cerebri humores absorbit. Alias cordi appropriata, & in pestilentia vires potentius exserit. *Thomas Barib. linus.*

Puerulus sex circiter mensium, ubi obstetrix mucum à naribus abstergit, derepente insul-tuos concutitur epilepticis, tumet facies, angitur, convulsionibus agitatur, spuma est in ore; paroxysmus per horæ durat quadrantem, aliàs sanus est & bene valet. Jam novem menses & ultra per intervalla furia redit immitis, neque unquam invadit nisi à causis externis offendatur infans; sic contigit aliquando ut avunculus ejus virgis caderet filium suum, id quod ille videns adeo fuit consternatus, ut dictum factum semianimis concideret. Aliquando manum suam leviusculè ad carpenti rotam allidens paroxysmo multatur epileptico, minimisque usque adeo offenditur, ut nonnunquam ter de die huic succumbat malo. Ancilla quædam comiter eum affata, digitoque leniter illius manum feriens, paroxysmum ipsi accersivit. Nunc temporis ablactatus nihil sentit levaminis, quin aliud ipsi discrimen imminere videtur, ut taceam medicamenta ant-epileptica & alia volatilia oleosa malum non modo non imminuere, sed anticipare paroxysmum; quin & medicamentorum tanto tenetur fastidio, ut periculum sit, ne iis offensus paroxysmum incurrat; illud certè silentio præterire nefas est, eum præter cerevisiam nihil assumere; panem, carnem, juscula quæcunque emulsionemque præfractè respuit, pulverem quidem acidum absorbentem, eumque insipidum in cerevisia assumpsit, sed cum & hic dolus ipsi suboleat, mater eum ulterius ipsi propinare recusat, veretur enim, ne, si & ipsius cerevisiæ contrahat fastidium, fame pereat ægrotulus. Mihi causa hujus mali, non in sanguine, sed in ipsius cerebri dispositione hæere videtur. Mater cum uterum gereret gravi mœrore affecta, omnium rerum cœpit laborare tadio, moleste præterea tulit quandam rem, ideoque iræ & tristitiæ se totam permisit. Tum forte temporis spiritus animales eodem modo concusserunt tenellas fibras cerebri infantis, eademque inibi excitarunt vestigia, quæ ab objectis externis valde ingratas in cerebro matris erant efformata. Matre itaque offensâ, irâ & mœrore affectâ, infantem offendi, irâ & mœrore affici oportuit. Ponamus jam matrem, quod quasdam res contra animi sententiam fieri indignè tulerit, eas continuo nonnisi cum horrore & fastidio conspexisse, de iis cogitasse & nescio quid sibi timuisse; perspicuum est hanc cogitationem sequi debuif-

se certum motum spirituum, qui ad infantem delatus occasionem dedit illius menti de iisdem rebus cogitandi, &c. ex *Epistola Martini Harmes Medicin. Doct. Brerensis ad Clariss. Johan. Muys.*

Phænomena pueruli, de quo loqueris, epileptici, solide, erudite & distincte explicuisse mihi videris, sed mirum est hoc malum non invasisse misellum ægrotulum ante sextum mensem. Tecum sentio morbum non latere in sanguine, alias infans extra paroxysmum non foret incolumis; dicis igitur morbum hæere in malâ dispositione cerebri, ejusque causam extitisse matris prægnantis irregulares passionēs, optimè Philosopharis. Ante aliquot annos (*sic narrat acutissimus Malebranche*) Parisiis fœmina uterum gerens conspiciebat malencum, cui ossa publicè a carnice per totum corpus confringebantur. Infans hujus mulierculæ in lucem editus stolidus existeret, omniaque ejus ossa apparebant miserè confracta. Quod si jam spiritus animales, vel ut hodierni Medici loqui malunt, succus nerveus tantum impetum in tenellas cerebri fœtus fibrillas, imò & in ipsa ossa facere potest, multò facilius fibrillas cerebri in fœtu ita diffingere & distorquere potis est, ut à minimâ causa externa succus nerveus concitatus ægrotulo accersat Epilepsiam. Medicamenta assumpta nihil profuisse facile persuaderi possum ut credam, nam in Gelria, quam inhabitō, tres vel quatuor pueruli sex septemvè annorum miris ac ineffabilibus Epilepsiæ motibus, continuo per longum tempus gesticulorum instar, sed inviti agitabantur non ita pridem, quos inopinatò hunc morbum ex terrore corripuisse existimabant parentes, sed medicamenta interna nequicquam usurpata fuere, progressu tamen temporis omnes convaluerunt. Quantum ad medelam ægrotuli, de quo narras, optimum mihi videtur ingens vesicatorium nuchæ applicandum, & si hoc non succederet, cuti capitis circa conjunctionem futuræ coronalis cum sagittali inurerem fonticulum, eumque aliquandiu apertum servarem, nam dolor & contractiones hinc excitatæ, mutando partium situm hic prodesse posse videntur, cui sententiæ experientia etiam adstipulatur; quomodo autem locus ille inveniatur, non est quod dicam, quandoquidem *Sculdetus* id jam dudum in Armamentario suo Chirurgico aperuit. Non ita pridem fœmina quædam ter vel quater de die affligebatur miserrimè motibus convulsivis; nullus Medicorum veram causam expiscari potuit. Advenit Chirurgus inveniēns in brachio ægrotæ tuberculum lividum, pisum mole non superans, quod causam mali judicans, sectione simul & semel sustulit, ac mulier ab hoc tempore nunquam amplius quicquam mali Epileptici persensit; humor autem in tuberculo contentus erat instar aquæ fortis corrosivus. Nimirum portio quædam exigua ter vel quater de die ex hoc tumore evacuabatur, ac sanguinem succumque nerveum, quibus commiscebatur, adeo tumultuariè commovit, ut mulier hæc motibus Epilepticis tam crudeliter affligeretur. Non mirum videri debet cuiquam, quod panculum hujus humoris tantos motus in corpore humano excitare potuerit, ubi consideraverit quàm stupendi effectus consequantur morsum *Tarantulæ*,

tulæ, quæ est bestia instar aranæ in Italia frequens, & tamen à se demoros homines ridiculè, saltantium more invitos convellit, exiguâ nempe, humoris corrosivi quantitate, quæ sanguini & succo nerveo vulneratorum hujus bestię morfu communicatur. Anus coram scabiniis suis non ita pridem juratura, dum more solito dextram duobus digitis erectis in cælum elevat, corripitur spasmo ipsius manus & digitorum in rigiditate per aliquot dies cum dolore atroci perseverantium; paulò post confitetur perjurium. Tantum potest imaginatio, quæ male conscia æternos cruciatus ob perpetratum perjurii crimen sibi vividè repræsentans spiritibus impetuosissimum hunc motum impressit, eosque præcipuè in manum & digitos extensos direxit. Brevi hic sectione tolletur sarcoma quatuordecim vel quindecim librarum dependens è nucha alicujus mulierculæ rusticæ, ex ramis carotidum nutrimentum accipiens, sanguinemque per ramos venæ jugularis remittens, quod posterius visu manifestum fit, prius acie mentis; quomodo operatio succedet tempus docebit. Vive vigeque. *Ex Responsione Clariss. Johan. Muys ad mox allatam Pueruli Epileptici historiam. Decad. septimæ Observationum hujusce Auctoris inserta.*

Puerulus duodecim circiter annorum motibus continuis epilepticis leviter in brachio dextro gesticulatoris instar agitatur, quod malum tamen in dies adaugetur; ante biennium eodem modo hic morbus incepit, ac eo usque accrevit, ut manus pedesque ægrotulo invito assidue mirum in modum convellerentur, & ægrotulus tandem mutus evaderet; Ubi objectum aliquod arripere volebat, manus pergebat in aliam partem ab objecto longè remotam. Multa medicamenta à pluribus Medicis tum temporis frustra præscripta fuere, tandemque puerulus sponte convaleuit, & studiis non sine industria & cum progressu non contemnendo incubuit. Parentes metuebant ne malum, quò jam temporis infestabatur puerulus, tractu temporis eò pravitatis perveniret, ut ante biennium, quapropter accersitus ingens vesicatorium ex cantharidibus confectum nuchæ applicui, locumque per octiduum apertum servavi; interea temporis malum non vergebat in pejus, sed brevi post ægrotulus corripitur variolis, omnem totius corporis cutim contegentibus. Quid contingit? Variolis sanatis, patiens à motibus epilepticis prorsus immunis exsistebat & in hunc usque diem permansit, nec puto morbum unquam rediturum. Hinc non incongruè concludi posse videtur hos motus convulsivos originem suam traxisse ab acido principia nervorum infestante & vellicante, quare etiam vesicatorium nuchæ apposui, ut nempe acidum illud temperarem sale volatili cantharidum penetrante, quamquam vesicatorium alia etiam ratione juvare possit, ut videre datur in respons. mea ad Epistol. præcedentem. Acido vero peccante per variolas evacuato, puerulus à malo tam crudeli convaleuit; unde etiam inferri posset, fonticulum in brachio, vel potius in capite hic loci egregiè convenire ad humorem peccantem extra corpus proturbandum. Morbus hic non dissimilis mihi videtur illi malo quod *Vuisalum*

ab Autoribus nuncupatur, & cujus exemplum habet Felix Platerus lib. 1. Observat. pag. mihi 85. *Fœmina, ait ille, assidue tripudiabat, & licet aliquando ut cibum caperet, & somno correpta, sedere cogeretur, tamen gestu motuque corporis inquieto interim corpus nihilominus veluti saltans agitabat, donec omnino viribus prostratis, adeo ut nec stare amplius posset, à saltu cessare coacta, in hospitale vecta est, ubi resecta sensim denuò convaluit. Johan. Muys observat. Præcos Chirurg. rational. Decad. 7.*

Puella annos circiter 14. nata paroxysmis epilepticis per intervalla tantum longiora recurrentibus à duobus tentabatur annis. Vultus erat tumidus ac rubicundior, & dolor pulsativus ac itidem gravativus caput continuo affligebat. Venæsectionem in pede pro revulsione cerebral am, corpus remediis aptis satis exquisitè purgabam, postque sequentia præscribebam, scil. primò rotulas usuales ex absorbentibus, cephalicis, ac aperientibus paratas, quarum hæc est compositio.

℞. Diaphoretic. antimonii albi. Magister. Mart. solub. C. C. Cnœffelliana methodo præparati ana ʒij. cuticul. citri ʒj. sacch. alb. aquâ cinnam. soluti q. s. ut fiant. e. a. rotulæ minores, Sumebat sæpius de die unam aut alteram superbibendo cochlearia aliquot julapii subsequents.

℞. Aquar. beton. lilior. convall. flor. tilia ana ʒ iij. Imperial. ʒj. spir. sal. armon. aromatic. ʒ iij. Syr. Pœoniæ & de corticibus citri ana ʒi. Extract. opii cydoniati gr. iv. M. Secundò pediluvia ex cephalicis ac anodynis quotidie præparabantur, & plantis pedum exsiccatis apponebantur sacculi è simplicibus cephalicis ac aromaticis, ut & sale armoniaco depurato. Tertiò præter purgantia medicamenta generosiora sub ipsius curæ initium adhibita, in toto ejusdem decursu singulis septimanis bis vorab. t. pilulas ex Aloë succotrinâ, Magister. Mart. solub. cinnab. antimon. trochiscis alandhal, &c. Vesciebatur cibus boni succi & facilioris digestionis, ac pro potu utebatur decocto ligni juniperini. visci querni, rasuræ C. C. & Cranii humani. His intra unum ac alterum mensem integrè restituta, nulla prorsus per plures, qui sunt subsequenti, annos persensit morbi iltius horrendi vel levicula symptomata. Hæc methodus paucissimis immutatis pro ratione temperamenti in aliis etiam agris quàm optimè cessit; Verum alteram itidem in juvencula quatuordecim circiter annorum institui. Scilicet præmissis præmittendis, pulverem composui è Cranio humano, ungu. alc. corall. rubr. cinnabar. nativ. Diaphoret. Mart. camphor. & paucio opio, eumque ad plures dies continuos mane & vespere exhibendum dedi. Superbibeat aliquid emulsionis è semin. Pœoniæ maris, papav. albi, ac nucleis cerasor. nigr. ex aq. flor. tilia calendul. ac pœon. extracta. Subinde potui adungebat guttulas aliquot spir. volat. sanguin. hum. Tandem bis expurgata est remedio è scammon. Mercur. vitæ, & Mercur. dulc. apprimè loto, confecto. Potus erat decoctum chinae, visci. querc. ungu. alcis, & Cranii humani per longam in rore vitrioli macerationem prius bene præparati. De frictionibus, aliisque multis in diætâ exquisitè observatis, nihil jam addo. Illa autem

autem à pluribus annis remediis descriptis sanata, paroxysmus epilepticis intentata hilaris vivit. Aliam rursus annorum octodecim, non minus, imò crudelius ac frequentius quam mox præmemoratas afflictam curavi, post generalia, per exhibitas pilulas ex extracto panchymago-go, tartaro emetico, cinnabar. nativa ac oleo spicæ stillat. paratas, quas quater repetendas, volui, scil. bis in mense. Per opiatam à diaphoret. Martial. cinnab. antimon. super cinnabar. nativa rectificat. radic. viperinæ Virginian. sale volat. succin. verè urinoso, ac mistura bezoartica, &c. in baccar. juniperi rob. ac syr. itœch. ana q. s. exceptis, concinnatam, ac per mensem & dimidium hora somni singulis diebus ad quantitatem in iusta ablumptam. Per pulverem e radic. viperin. Virginian. antihæctico Peterii, marte per triturationem preparato, oleo spic. still. bals. Peruviano ac multo sacch. ro, confectum; singulis itidem diebus ad ʒ ij. è jusculo carniū in quo incocta forent simplicia cephalica, per mensem unum ac dimidium, adhibitur. Ac tandem per unctiones verticis & nu-chæ è juniperi baccarum spiritu ardenti in quo dissolutum esset aliquid olei rectificati.

Una eademque septimana duos habui curandos infantulos epilepticos annum circiter unum natos, post aliquot horas uterque, ex deficiente pulsu, aliisque signis mortuus ab assistentibus mulierculis credebatur. Naribus primò admovebam spiritus acriores sc. C. C. viperarum, sanguin. humani; iisdem insufflabam aliquid pulveris cephalici è liliis convall. flor. tiliæ, fol. betonic. rorismar. saliv. ocimi, majoran. rad. irid. florent. paucò ellebor. alb. & oleo rutæ & succin. confecti. Eodem tempore clystere acriorem injici curabam, sicque aliquatenus excitato cerebro, redeunteque pulsu, prius omnino suppresso, sanguinem ad ʒ ij. & circiter tres, per lanceolam è vena brachii satis commodè educebam, posteaque vomitorium paucò purganti infuso cum volatilibus spiritibus admixtum propinabam; unde discussis particulis hæterogeneis cerebro & nervis impactis, munia repetebant sua cum aliqua obnubilatione, & subsultum leviorum per intervalla redeuntium tumultu, quæ ulterius profligabantur continuato subinde per dies aliquot usu aquar. lilior. convall. flor. tiliæ & pœoniæ cum Syr. Stœchad. arabic. & pauxillo spir. sanguin. hum. ad cochleare unum; ut & clysteriorum, pro exigentia. Sicque ab orci faucibus contra omnium spem, quasi erepti, jam hilares & bene sani vivunt.

Anatomica inspectiones.

Idiopathica Epilepsia ex ventriculorum infarctu non semper suscitatur.

Quæ in cerebro sit Epilepsia, aperto eorum qui è vivis decesserunt capite, animadvertita est sæpius aliunde suscitari quam ex ventriculorum infarctu: Causam interdum deprehendi cerebri abscessum esse: interdum corruptam meningis portionem calvæ adhærentem summo dolore, quibus è locis teter vapor in cerebri ventriculos penetrabat. *Fœnelius Pathol. lib. 5. cap. 3.*

Epilepsia ab abscessu in cerebro genita.

Nobilis adolescens equestribus deditus exercitiis tentabatur crebro tussicula, sed sicca, & subinde dentium doloribus. Rejecta in collum angustius, & catarrhum à glandulis capitis descendente culpa; augebatur suspicio, quod oculi tantillam extra orbitas suas eminerent, & nonnihil erubescerent. Sed cum sæpius, & gravius admoneret odontalgia, dentem, cui dolor præcipue incubabat, evelli jussit, nullo fere opere pretio, serpebat enim malum ad vicina, & ad ipsam maxillam penetrabat. Sociis interea delicatulum clamantibus, quod à muliebri agitudine constantiam suam turbari pateretur, ille die quodam in publico diversorio inter amicos subito corruit exanimis quasi fulmine percussus. Deportatur in lectum, ibique odoribus & aquis apoplecticis variè excitatus tandem post horam dimidiam vivere se ostendit, domumque translatus postero die surgit sed languidior, & in narcofin cum gravitate capitis junctam propensus. Vocati Medici cephalicis & iis, quæ comitalem avertere solent, insistant, exiguo fructu, quippe æger ex intervallo jam animi deliquit, jam epilepticis convulsionibus,isque horribilibus divexatus, tandem pleno rationis usu ex languore insolito succubuit. Cumque testamento ultimo jussisset se in Patriam à morte transferri, adeoque balsamo, more Gallico, condiri, ne navigantibus fœtore molestus esset, desiderio ejus ad versari non placuit. Aperitur ad condituram à quatuor Chirurgis, & in reliquo corpore, nihil adeo morbum deprehenditur, præterquam quod superior dextri pulmonis facies præter morem nigresceret, ex acidis, opinor, humoribus istuc sensim à capite depluentibus, & dexter testiculus inter abdomen conderetur, pusillus & exsuccus; Sed ubi ad cerebrum perventum est, abscessus se obtulit in dextra ejus, & quidem superiori parte, non datus, sed propemodum in medullio, isque foetidissimo pure albo stagnans, ad amplitudinem ovi gallinacei; aderat & serum, sed parcius, quod ad spinalem medullam videbatur sibi aditum patefecisse, unde convulsionum frequentia. Ager autem, qui sæpe conquestus erat de dolore frontis, & quandoque occipitis, nunquam ostendit sibi illam partem dolere, quæ vomitum occultabat, haud dubio argumento, cerebrum ipsum non patere doloribus, sed duntaxat, quibus involvitur, membranas. Constat inter alia ex hoc exemplo quam variae sint sollicitationes quorundam, spondentium certam ejusvis epilepsia, etiam hæreditariæ curam. cum hic ipsum Apollinem, ipsum Esculapium frustra advocassent Amici. Nihilominus ne nunc quid quiescit in urbe nostra Empirica, sed promiscuè omnibus hoc malo agg. avatis opem promittit. Illa autem (ne mysterium publicè ignoretur) ex sutoria pice, granis Pœoniæ, & oleo Castorei emplastrum format, & occipiti, erasis, si qui obstant, capillis, calidè applicat, tandiu hæsurum, donec sponte decidat, quod plerumque circa duodecimum diem solet accidere. Quod si perseverat adhuc malum, toti capiti, sed raso, idem emplastrum circumfundit; successu aliquando non penitendo, sæpius tamen nullo, ut palam

palam est. Quid enim faceret hoc emplastrum ad tollendum abscellum cerebri? quid, quoties malum urget per sympathiam? quando maligna aura attollitur vel a tumore manus dextræ, quod *Platero* observatum, vel à sinistra, quod *Hæflettero*, vel à mamma, cruribus, testibus, pollice pedis, quod *Schenckio* & aliis; imò infinita sunt exempla Epilepsiæ per consensum, quibus ab illo emplastro parum sperari potest præsidii. Id rarum in quodam cive nostro, cui à carioso pedis pollice oboriebatur hoc malum; quoties percepto prius in pollice motu inquietiore, & mox in crure, fascia crus ipsum paulo infra genua strictè ligabat, antequam ultra pergeret formicans inquit, paroxysmum notabat suspendi; sed si negligentior pateretur malum superare genua, postea nullum à fascia injecta observabatur auxilium. Potuisset is vel exstirpatione pollicis, vel inunctione butyri Antimonialis, de qua medicatione *Henricus ab Heer*, persanari, sed maluit periclitari totum, quam partem ignobilem tolli. *Olai Borrichii.*

Epilepsia suscitata à carie cranii, parte interna juxta cerebellum.

Juvenis 30. annorum diu capitis dolore vexatus, tandem in melancholiam taciturnam incidit; Sed capitis dolor, quando tunc temporis mitigari videbatur, ob affecta partis innatum calorem quasi emortuum, Epilepsia vehementissima corripitur, cujus paroxysmo tertio extinguitur.

Dissecto cadavere, diligenterque calvaria ossis in posteriori parte interna, quæ perpetuo ante dolebat, perspecto, nullum ibi notabilis morbi signum notavimus, At capite aperto, ossis posterioris interioriorem partem, juxta cerebellum satis notabilem cariem contraxisse vidimus: Tetigimus ea in parte foramen quoddam, ad denarii magnitudinem, quod quidem usque ad summam laminam, exclusive tamen perveniebat.

Conjectandum hinc Epilepsiæ & mortis causam, fuisse malam quandam auram ab ossis & partibus affectis in cerebri substantiam sublevatam: Cujus mali causa exterior nobis fuit incognita, nimirum capitis illinitio ex hydrargyro frequens, non sedandi doloris gratia, sed aliam ob causam: Hydrargyrus autem usque adeo frigida est, ut vi narcotica dolores quosvis sopiat quidem, at partium tenuitate corpora omnia, vel etiam durissima ossa subeat penetretque, emolliat atque dissipet; unde frigiditate cerebrum valde offendit, nervos & artus valde infirmat, inde tremor & paralytis, necnon partium frigidarum corruptio aut caries, ut dentium aliorumque ossium. *Zecchini Consult. 9.*

Epilepsia à Vitio dura Meningis pustulis obstructa, & perforata, nigro sanguine per cerebri spiras sparsa, cum inflammatione, hinc ventriculorum constrictione, &c.

Anno 1588. obiit juvenis qui diu in carcere detentus, Epilepsia correptus erat cum aliis symptomatis, diu enim languidus decubuerat, perpetuo stupore afflictus.

Secto capite, pustula supra duram meningem

apparuerunt, erosa ipsa & cerebro per foramina eminente pluribus in locis: Omnes eius spiræ nigro sanguine refertæ erant: In ipsa etiam multantia copiosus latebat, unde inflammatio exorta erat, & hanc ob causam anteriores ventriculi vix in conspectum veniebant: Communis humore seroso plenus. Rete autem mirabile totum flaccidum apparebat: cerebelli substantia, præterquam quod solito esset mollior, sanguine etiam pituitoso affluebat. Hinc ad pulmones deventum, qui costis & sterni adligati flaccidi omnino erant, mole tamen magni, humore spuimeo referti, dextro latere inflantur: Similiter & cordis ventriculus dexter sanguine plenus repertus est, sinister vacuus: hepatis unus quasi globus apparebat, stupendæ magnitudinis, laudabile alias & sanguine bono abundans: hujus moli ut cederent renes, ipsi quasi venæ cavæ ad spinam dorsi adalligati erant: *Rumlerus observ. 53.*

Epilepsia à Sero caput replente.

Epilepticos affectus à sero caput opplente, & præcipue posticam ejus partem, excitari ex Anatomia didici, Nam dissecto anno superiore cadavere, posticum caput universum aqua turgens repertum, ut non solum principium nervorum aqua innataret, sed membrana ipsa aqua prægnantes & imbutæ, non secus atque papyrus aut tela aqua diu immersa, conspicerentur: At quamprimum cranium sectum, aqua ex ea parte diffudit plurima, quin etiam sanguis in venis ea parte concretus inventus, à frigore scilicet aqua stagnantis. *Carol. Piso de morbis a coluvie serosa sect. 2. part. 2. cap 7.*

Amorrhæi Consul pulio quadrimestris torminibus vexabatur, ut colligere erat. Non longe post, aphonos, oculos intorquebat, convellebatur, mirum hoc, repente facies mutabatur, tanquam conantis aliquid excutere; deinde velut comprimebatur, tumque occurrebat in os spuma, & spiritu velut compressio diu, quasi ad se rediens, magnum spirabat, eorum more qui contentione animi aliquid intuentes spiritum cohibere. Per totam noctem convellebatur tantum brachio sinistro, & illud convulsorio modo agitabatur, deinde cessante hoc, idem brachium dextrum passum est: & ex intervallis occurrebat spuma magna copia, & aphonos erat, & excreta spuma salivaque, magna spiratione, tunc restituebatur. Epilepticum hoc fuit: Provisum ventri: aliquid ausus. Duodecimo ætatis mense interit.

Aperto cadavere ingens aquæ copia in cerebro reperta est: nervi optici erant valde angustii, alii nervi erant fere duplo majores. *Baltonius cons. lib. 2. annot. 1.*

Epilepticorum cerebrum, ventriculi & sacra fistula plerumque limpida aqua imbuta sunt & repleta.

Pluries invenimus in cerebri ventriculis sacraque fistula aquam limpida, tenuem & puram, quam flavam, vel bili colore similem, vel etiam alium humorem: Majorique itaque ex parte, si non semper, paralytin excitat tenuis limpidaque aqua in cerebri ventriculis atque in spina dorsi collecta, quæ sensim à superiori parte nervos irrigat, quoad pervenerit ad eorum extre-

miti-

tremitatem : De Epilepsiæ causa, idem quasi asserendum opinor, nam similem aquam in Epilepticis & apoplecticis multoties vidi, &c. Nihil in cerebri ventriculis pituitæ, nullam in iis obstructionem, & non plus tenuis humoris aquosi & limpidi in medio ventriculo, atque in reliquis deprenendere quivi, cæterum totam cerebri substantiam inveni aquosa humiditate infarctam, ventriculique omnes eadem aqua plenos. *V. Coiter lib. observ. Anatom. & Chirurg.*

Epileptici insultus à seroso humore in cerebri substantia & ventriculis.

Filia D. N. septennis cum dolore capitis gravi paroxysmos quoque epilepticos passa est, cum spuma in ore : Consilium inituris nuntiatum eam novo paroxysmo Epileptico sublata, ac post mortem puris aliquid per nares effluxisse, quod nobis abscessus latentis suspicionem fecit.

Sub cerebro aperto nihil repertum præter serosum humorem in cerebri substantiam & ventriculos effusum. *Laz. Riverius observ. 37. cent. 1.*

Epilepsia ab aqua limpida in cerebro, ventriculis & Sacra Fistula.

Hippocrates cum ovicularum Epilepsia sublatarum cerebra, aquæ liquore plena repererit, eum morbum inde tradidit diffundi : Quidam puerulus levi Epilepsia arripiebatur, cujus mox in dies intumescbat caput, ut tandem morbo, cui nomen est Hydrocephalus, diu teneretur. Hujus iam defuncti cerebrum tenui sero perfusum erat, & hic semel tantum Epilepsia attentatus fuit. *C. V. Schneiderus l. de Catarrhis special. p. 257.*

Epilepsia in Apoplexiam desinens à sero acri in cerebro, inter meningis & in ventriculis stagnante, cum vermibus in intestinis.

Anno 1672. die 23. Maii, in Xenodochio, vir annorum circiter 30. habitu carnosus, pilis nigris, temperamento sanguineo melancholicus, dilectus est à D. D. Glasero. Qui occubuit tandem Epilepsia terminata in Apoplexiam, cum anno ante agrotaret febre lenta, dein intermittente, ictero, quartana, hydrope, à quibus malis sibi videbatur convalescere ut nulla videretur aqua adesse, sed versa pagina è vivis excessit, in cujus corpore sequens anomalia inventa.

In infimo ventre 1. Hepar ingentis magnitudinis & ponderis, licet mollitie naturale, colore vero livido, duplo fere majus erat quam natura esse deberet. 2. Lien etiam duplam magnitudinem vel triplicem ad naturalem habebat, substantiam flaccidam, friabilem, colore ad lividum accedens; Scirrhus neque in hepate neque in liene reperiebatur. 3. Epiploon putridum, à quo mesenterium infectum inflammatione tentatum. 4. Intestina copiam magnam vermium continebant, ut aliquibus locis instar nodorum complicarentur : aqua pauca, aut fere nulla reperiebatur : infimi ventris reliqua erant naturalia. 5. In thorace cor flaccidum, molle, ita ut substantia cordis tantum dimidiam crassitiem contineret, quam habere debe-

ret; Capsula cordis aqua repleta, uti & in toto thorace feri magna copia stagnavit. 6. Pulmo in sinistra parte adnatus, cæterum semiputridus. 7. In capite inter piam & duram matrem, ubique, uti & in ventriculis, magna feri copia stagnavit, cujus sapor acris, subacidus & falsus & parum exedens repertus. Venæ circa membranas valde turgebant. In tertio ventriculo, inter anum & vulvam, ponticulus instar duorum nervorum complicatorum reperiebatur, colligans quasi crura cui innitebatur septum lucidum: exterior cutis color lividus erat, ob sanguinem per circulationem revertentem, circa cutem stagnantem. *Ex communicatione Clar. DD. Mangoli Medici Bastiensis.*

Epilepsia orta à paucis humore putri inter calvariæ & crassam meningem delitescente.

Aliquando observavimus è summo capitis vertice, in quo sub pericranio vitiatum venenatumque humor coarcebatur, vaporem manifesto sensu intro subire, qui Epilepsiam concitaret, hancque postea caustico persanata medicamento; Ita proculdubio existimari debet intus, vel circum meningas, vel circum cerebri substantiam, vitium contineri veneni æmulum, cujus ex intervallis impetu facto Epilepsia suscitetur: Aperto Epileptici Philosphi, qui decesserat, capite, qui vehementissimo dolore circa sinciput torquebatur, deprehendimus crassiorem meningem ea sede calvæ ossi adhærescere, pauculo humore putri interjecto. *Fernelius Pathol. lib. 5. cap. 3. & lib. de Abditis 2. cap. 15.*

Epilepsia à cerebro Sphacelato post cranii vulnus.

Vulneratur quidam in cranio, qui visus est Cheirurgo sanitati restitutus, Egreditur domo & funus quoddam procurat, altera vero die repente concidit & Epilepsia extinguitur.

Aperitur cranium & dimidium cerebrum Sphacelatum reperitur. *Philip. Salmut, Cent. 3. Observat. 22.*

Cerebrum Sphacelatum vidit Glandorpius Observat. 6. atque hinc ortam Epilepsiam.

In Epileptica mulieris Sinu meningis duræ Polypus insignis repertus.

In sinu meningis duræ longitudinali subjecti muliebris, publice in Theatro Amstelodamensi dissecti, materia continebatur alba, tenacissima, quæ sinum replebat & ad omnes sinus rivulos diffundebatur. Epilepsia laboraverat mulier jam ab aliquo tempore, quæ etiam extincta. *G. Blasius Observ. Med. 2. Parte 6.*

Epilepsia à gladioli frustulo in ipsa cerebri substantia impacto.

Retulit Joan. Dom. Sala. in ipsa cerebri substantia gladioli impacti frustulum perpetuo cuidam, reliquo curato vulnere, sine detrimento hæsisse, nisi quod Comitiali morbo frequentius convelleretur. *Thom. Bartholinus hist. 67. Cent. 4.*

Epilepsia oborta à carnosio tuberculo in cerebri ventriculo contento.

Nulla ingenio huic malo admodum gravi, quandoque medelam reperiri miretur nemo, qui communis mali causas, ut plurimum inexpugnabiles consideraverit. Quidam singulari Joan. Prævotii fama excitatus, recuperandæ valetudinis spe Patavium venerat. Nullo effectu ad suos reversus, quum paulò post fato cessisset, in cerebri ventriculo Tumor carnosus fuit inventus, qui cerebro compresso inanem huic morbo Medicinam docuit. *Joan. Rhodius Centur. 1. Observ. 55.*

In Epileptici cadavere angustia nativa ventriculorum cerebri reperta est.

Anno 1649. adolescens quidam 18. annorum Epilepticus in nosodochio Leydensi, in ipso Epileptico insultu mortuus est, cujus dissectionem cum Clar. Falcoburgius aggressus esset, & inter cætera in causam mortis accurate inquireret, Nullam invenire potuit manifestam, præterquam quod ventriculi cerebri nimis erant angusti quam alias naturaliter constituti esse solent: In Pectoris vero capacitatem humoris sanguinei cochlear unum inventum est. In imo ventre omnia optime constituta erant, Lien solito gravior, sed boni coloris & habitus: Præterea membra generationi inservientia p. n. erant conformata, nam vasa semen Deferentia vix conspiciebantur. Præparantia in uno latere deerant, Testiculi autem intus retracti fuere. *D. Simon Schulzius miscell. cur. anni 1671. Obs. 62.*

Epilepsia à compressione ventriculorum cerebri, & sanguine concreto in substantia ejus.

Nonnunquam cerebri ventriculi ita collapsi sunt in Epileptici, ut spirituum non facilis sit transitus liber: Adr. Falcoburgius puerum 16. annorum in ipso Epilepsie paroxysmo extinctum aperuit, nullamque aliam Epilepsie mortisque causam invenit, nisi quod cerebri ventriculi valde fuerint compressi, sibi invicem superjacentes, sine ulla manifesta cavitate: In supremo verò cerebro, prope cranium, sanguinem concretum detexit. *Thom. Bartholinus cent. 2. histor. 92.*

Epilepsia à materia adipi simili inter cerebri ventriculos sita.

Fato functo Epileptico quodam, inter cerebri ventriculos magnam materiæ adipis æmullæ copiam reperi. Hæc autem materia sine dubio, vel ventriculos comprimebat, vel vasa, adeo ut obstruerentur, nec spiritus animales facile ea permeare valerent. *Petr. Borellus Cent. 2. Observat. 78.*

In Epileptica cerebro nihil secanti occurrit præter tenuia & exilia quadam corpuscula in ventriculis.

Mulier intra paucas horas extincta cum convulsionibus, in cerebro nil fere alienum compertum est. In ventriculis aliqua erant corpuscula, sed adeo tenuia & exilia ut parvi essent momenti. Accepimus eam huic morbo alias obnoxiam fuisse. Erant hæc Epileptica. *G. Ballonius Epid. lib. 1. p. 69.*

Epilepsia ab incurvatione diplois interna excitata.

Viri cuiusdam magni nominis filiolus septimestris, dum nutrici de nocte ad lactandum traderetur, somno, si non vino, obruta (nam solebat per vetulam furtim vinum emendicare, matula deportatum) postquam denuo puellum in cunas reponeret, cecidit supra earum quandam prominentiam, unde post quatuordecim dies correptus Epilepsia ad plures abiit.

Ut ignota, & à perversis mulieribus suppressa innotesceret causa, dissectum fuit caput, in quo paulo supra tempus sinistrum inferior craniilamina, seu tabula, in notabilem tumorem elevata versus cerebrum, superiori omnino illæsa, viscebatur: unde facta eo loci membranarum compressione, humorum affluxu, ac cerebri notabili corruptela, Epilepticus exspiravit *Anton. de Pozz'is Obs. 35. miscell. curios. Anni 4.*

Suturarum prava dispositio in tribus Epilepticiis.

In figura deviant Suturæ capitis fatui cuiusdam, quæ omnes uno quasi clivo exaltatæ eminebant, Quod in tribus Epilepticiis pueris Neapoli vidimus, præsertim coronalis, ut novam Epilepticorum & causam & curationem suggererit. *Bartholinus Anatom. Reformatæ libello 4. cap. 5.*

Apileptici motus per consensum à Pulmone dextro adusto, nigerrimo, thoraci adhærente, Cerebra & reliquis partibus salvis.

Adolescens Basileensis territorii, annorum forte aliquot supra viginti, ingenti Parotide laborans, à Chirurgo nuper curatus fuerat: Certa die incalescens frigida hæustum avidissime sumit & herbæ incubat, Paucis diebus post de cephalalgia conqueritur, febricitat, delirat, ita ut in Xenodochio nostro detentus pauper vinciri juberetur: Inde omnibus fere horæ diei quadrantibus buccas extraordinarie motitans, Epilepticis insultibus corripitur, sputum album bullis refertum plurimis exprimens, oculos intorquens, servato semper iudicio & sensibus, ut mihi interroganti in ipso vigore observare contigit, imo expedita fatis post paroxysmos breviusculi temporis ad interrogata responsione. In collo dolere se compellatus respondebat, ubi tamen & nihil p. n. exterius deprehendebatur: urina citrina, crassa erat cum hypostasi: pulsus debilis, æqualis & parum febrilis, sudoribus facillime disfluebat æger: Deliria quidem theriaca & syrupo de succo limonum cum aqua acetosæ pacari potuerunt, nunquam illis vel aliis curari morbus.

Aperto cadavere, fellis vesiculam externe & interne albam & vacuam plane reperiimus: Pulmonem dextrum adustum, instar atramenti nigrum & thoraci firmiter adhærentem, Unde per consensum cum cerebro motus epileptici & deliria accesserant: In cerebro & reliquo corpore nihil contra naturam invenimus. *J. Nic. Binningerus Obser. 38. cent. 3.*

In Epileptici cordis sinibus humor concretus repertus.

In hominis cadavere per me secto, inventus uterque Sinus cordis humore oblitus concreto, instar

instar vulgaris gelatinæ flavioris : quam ego putavi putrem pituitæ mucaginem, bilis aliqua portione tinctam. Hic primum Epilepticus & elinguis, demum occubuit cum sinistri brachii convulsione: Ejusmodi ad unguem concretum repertum est & in magnis venis quæ cordi inferuntur, atque etiam in hujus auriculis Religiosi. *Severinus de Abscessibus pag. 277.*

Epilepsia illa cerebro ejusque ventriculis excitata.

Decembr. x. 1613. aperui corpus cujusdam decollatæ quæ Epileptica dicebatur; In ejus tamen ventriculis cerebri nullus omnino humor apparuit: Ipsa etiam cerebri substantia erat temperamenti siccoris: Unde conjeci ipsam aut Epilepsia non laborasse aut Epilepsiam fuisse per consensum. *Salzmanus Obs. Ana. om. pag. 48.*

In muliere Epilepsia & convulsionibus obnoxia. solum Pancreas male affectum deprehensum est.

Licet sapius contingat Epatis, Lienisve affectiones pravas malam Pancreatis, constitutionem insequi, non raro tamen contrarium evenire experientia docet, Hoc in Nob. femina Highmorus observasse se in disquisitionibus Anat. scribit, quæ annos retro plures convulsionibus, Epilepsia & passione hysterica laborabat, & tandem post dolores & cruciatus exquisitos obiit, Aperto corpore solum Pancreas male affectum & ulceratum inveniebatur. *Ger. Blasius ad cap. 4. Anat. Vestlingii.*

Infantis Epileptici cadavere aperto, vitium in intestinis & ventriculo repertum est.

Sapius apud Nos infantes recens nati, vel etiam ad semestris spatium accedentes, derepente sine ulla quandoque cum manifesta causa, quandoque sine magnis clamoribus Epilepsia corripuntur, emoriuntur, ut suo merito hinc *νόσηται πρὸ αἰῶνος* ex Hipp. sententia audiat: vix enim denos inter centenos reperire licebit infantes mortuos, qui non convulsionibus, vel illis certe supervenientibus, mortui: Novi in Ill. familia aliquot successive Epilepticos obiisse intantes, omnes sex vel septem septimanis à partu, ita ut desperandi parentes in proxime nascituro inultionem occipiti, more in Italia, imprimis Florentiæ receptissimo, instituere decreverint, ad averendum gravissimum hunc effectum: Alios notavi, qui à convulsionibus servati, ad primum tamen usque septennium statuto tempore singulis annis semper recidivam passi, reliquo tempore bene & extra ullam molestiam, constituti. Varias & diversas vulgus promitt hujus mali causas: nec minus operosi sunt Practici, nunc cœli constitutionem, nunc horam nativitatæ, nunc cerebri imbecillitatem, nunc aliud inculantes.

Cum mense Martio anno 1674. Viennæ essem, mercatoris cujusdam, in vicinia, ubi diverteram, habitantis filiola 24. septimanarum, per aliquot dies alvi profluvium cum torminibus clamoribusque die ac nocte passa, hoc ipso die suavis adstantium fœminarum, licet satis debilis, purgata fuit syr. ros. mosch. circa vespæram: post unam vel alteram operationem extreme debilitata, in consilium vocor: Vidi statim fatalem instare terminum, & cum Epilepsia finem vitæ prædixi, id quod & factum, nam media nocte supervenere convulsionem Epilepticam, per tres horas durantes, & altero die mane mors. Simili plane fato ante annum ejusdem ætatis obiit ipsi filiulus,

Hinc avidus sciendi morbi causam parens, petiit ut interesset apertioni corpusculi.

Nihil autem in aperto cadavere invenimus, nisi intestina inflata, distenta, vacua, & paucò excremento bilioso, liquido hinc inde fluctuante repleta: ventriculus inflatus continebat materiæ pituitosæ spumantis, & quasi adhuc fermentantis, quantum binis cochlearibus excipi potuisset.

Epileptici canis anatome cujus intestina vermibus erant obsita.

Adrianus Spigehus Catellum Milesium, quem in delitiis habebat, Epilepsia confectum aperuit, Intestina vermibus scatebant: Sed imprimis latus Lumbricus iis adhæsit capite bifido, qui veram candidi coloris fasciam referebat. *Joan. Rhodius centur. 1. observ. 59.*

Anatome Pueri Epileptici, cujus Lien induratus, scirrhusus & fere lapidosus repertus est.

Sereniss. ac Celsissimi Principis D. Ferdinandi Alberti Ducis Brunsvicensis, & Lunæburgensis, Filiolus unius anni, Convulsionibus Epilepticis admodum erat obnoxius, Cum his ita graviter affligeretur ut tandem vitam cum morte commutaret, corpus ejus die 27. Jan. 1673. aperui, & Lienem colore lividum & nigrum, substantia admodum induratum, scirrhusum & fere lapidosum juveni. *Matth. Tilinguis in miscell. curiosis an. 1674. 1675. & 1676. p. 280*
Anatome Epileptici, cujus viscera salva inventa, solum ventriculus repertus tenuissima membrana instar.

Chirurgus ex majori Polonia, artis suæ bene peritus scripsit nuper Nobilem quendam anxietate cordis diu vexatum, infinitumque usum remediis, tandem Epilepsia correptum per duos dies mortuo similem jacuisse, tandem fatis cessisse.

Aperto cadavere reliqua viscera salva inventa fuisse (ut ille ait) solum ventriculum repertum tenuissimæ membranæ instar. *Joan. Paterfonius Hain, in miscell. cur. ann. 6. & 7. p. 239.*

Epilepsia à suppresso semine.

Nob. quidam coitui addictissimus, tandem hujus sceditatis pertæsus, castitatem sibi servandam ita rigide proposuit, ut deinceps jejuniis, abstinentiæ & orationi solum esset intentus: Ecce post sex menses nausea correptus, vertigine concutitur, & post paucos dies Epilepsia sæva opprimitur: Medici à vitio ventriculi subortam rati, ventriculo, sed frustra consulunt: nam malo ferocius infestante in plenilunio præcedentibus inordinato linguæ motu capitis rotatione, pallore faciei, caligine oculorum, Epilepsia cum valido dentium fragore correptus, post paucas horas velut sideratus enectus est.

Dissecto corpore, nullum vitium in stomacho, cerebro reliquisque partibus inventum, præterquam in cavitate valis semen in penem deferentis, quæ licet conspectum quodammodo Anatomicis fugiat, & coitus tempore solum aperiat, tamen ea semine in virorem mutato oppleta visa est, & ulceribus sordidis, ab hac virulenta substantia retenta & corrupta fortè contractis conspurcata, è quibus ascendebat indefinenter aura noxia, quæ cerebrum lancinans, excitata Epilepsia, agrum ad interitum deduxit. *Zach. Prax. Admir. lib. 2. Obs. 119.*

Epilepsia, ex intestinorum tenuium erosione & gangranosi.

Die 5. April. vocati fuimus ad infantulum trium septimanarum, qui miris vexabatur ventris torminibus ab ipso ortu quibus ab initio mulierculæ ol. amygd. dulc. cum sacchar. occurrerunt: posteaquam verò malum magis ingravescere animadverterunt, nostram implorant opem: omnibus probè exploratis reperimus torminibus incipientibus, spasmodici quid secundum fibras œsophagicas accidere, à quo deglutitio impediatur & misellus singultientis instar clamitet: deiciebat viridia odoris acris, appetitus prostratus fuit, sitis intensa. De iracundia matris cum aliquâ ex parte nobis constiterit, magis de diætâ tempore graviditatis percontati fuimus, quæ satis inordinata fuit, dum carne suilla & brassica capitata salita admodum palato blandita fuit: præscripsimus antepileptica nervina, absorbentia & præcipitantia, atque externè Bals. de Peru & ol. nucist. ventric. prospeximus, matri quinetiam tragema suasimus ex spec. diatrag. frig. gum. arab. ocul. cancr. præp. rasur. ebor. coral. rub. præp. cum sacch. ros. tab. verum enim verò biduo post convulsiones evidentius conparuerunt, dum emissio prius flatu sonoro, in faucibus difficultas major inruduit, & manus pedesque variè contremuerunt, injectum clysmâ ex lact. vaccini. cui additur ol. rut. cum sale tartari & ordinat. mixtur. antepil. ast nequicquam his effectum, minus aliis à garrulis mulieribus hinc illinc allatis, quinimò convulsiones tanto impetu misellum prehenderunt, ut mirari subierit maximè, qui tot armatis tamdiu resistere misellus potuerit, siquidem post decimum demum diem, corpusculo verè enecto, fatis cessit.

Secuimus cadaverculum præsentibus Vir. præstantiss. D. Ritz. Affine nostro Pharmacopola, & D. Passavant Chirurgo: Abdomine aperto intestina admodum erant distenta, crassaque cum tenuibus materiam viridem, grumosam, qualem in vivis cum torminibus acerimis sæpius excrevit, monstrarunt: intestina tenuia hic illic qualemunque ruborem conceperant, præprimis autem sub finem ilei ad aliquot uncias manifestam gangranosin deprehendimus. Cæcum parvulum, inane ex vacuum, à labe immune fuit, hepar subpallidum: vesicula fellis bile subviscida & viridi plena, pancreas duriusculum, ea etiam parte, qua duodeno necitur. Mesenterium & renes, qui bubulis similes erant, laudabiliter habuerunt, nec pulmonibus quidquam vitii inerat, quin tenerrimæ vesiculæ egregiè in his conspicuæ: Cranii futuræ, anterior & posterior, insigniter ab invicem dehiscebant: sanguinem quoque extravasatum cranium hic illic monstravit: cerebri meninges huic aliquo modo erant adnatæ, quibus disruptis modicum serum promanavit, quale concretum in cortice quoque hinc inde notavimus, cum sanguine grumoso & extravasa stagnante, haud dubie ab motu, intra ita graviter infestantibus motibus spasmodicis, impedito. *Joan. Jac. Hardeni Apiarii. Observat. 99.*

Plurium Epilepticorum infantum aperta calva Cl. Car. Drelin. aliud nihil reperit quàm ventri-

callos cerebri anteriores sero flavente & acriturgidulos, & è plenitudine tanta conjicit quippiam illius seri mordacis irruere in ventriculum 3. & in 4. ac nervorum fibrillas inibi laceßere, convulsificæ, atque lethaliter. Inter autem Epilepsia sympathicæ exempla Parisinum militem mihi recitavit, pari fatò ac apud Gal. extat, fonticam auram sensisse frigidam à summo dextri pedis pollice in crus efferri, ac consecutione quadam in cervicem & cerebrum: corruente viro totis artibus horridè succussato. & *The-sib. Discipulor. Clariss. Caroli Drelincurti.*

Epilepsia atq; dispnoea altera & inaudita causa.

Vir ebriosus jam olim cibis pepercit, sed vino & Nicotianæ indulgit impendio: quinetiam Sp. V. milles sese dementavit, ac tandem sub æt. an. 50. frequens convulsus est, sensibus orbis, spumans & anhelans. Ubi mentis compos est, queritur de capite gravi & sensuum hebetudine; sed præprimis asserit sese serpentes atque viverras gerere pectore clausas, quæ sibi pulmones gravent atque divellant. Tandem cum plateas Novembri perreptaret cecidit derepente convulsus, cum spuma & stertore, ac intra paucas horas extinctus est.

Revulsa calva duræ meningis ductus potiores concreta pituita flava turgebant. Illis patefactis mucaginem illam ex ipsis, haud secus ac è sambuco medullam, sed totaliter coherentem atque tenacem C. D. eduxit. Lumbricos esse susurrebant adstantes, sed pura puta fuit gelatina è sero intra sinus concreto, ubi, ceu in proplasmate, teretem formam consecutum est. Dura matre leniter & industrie reducta nullum spatium detectum est intra meningas, uti vulgo. Universus enim cerebri ambitus gelatina obducebatur fulva ad ejus intimos usque gyros. Mi-ro igitur spectaculo tota isthæc concretio uti sinus meningum, ita & anfractus cerebri complebat. Imo tota eminebat super cerebri corticem griseum digiti auricularis altitudine ad basin usque cerebri; atque sic suis è sedibus piam matrem expulerat. Hæc enim non nisi intermedia gelatina cerebrum contegebat.

Hac concretionem pituitosa, viscida, tenaci, fulvaque sedulo derafa, novacula in cerebri substantiam griseam atque candicantem est adacta, & firmior illa atque compactior solito deprehensa est, sicut in hydrocephalo idipsum annotavit Cl. Promotor. Ventriculi quaterni lymphascebat subfulva, salis more feriente linguam. Plexus choroidæus & ejus glandulæ, ac etiam pinealis, impensè tuebant, ac firmitudinem præ se ferebant haud profecto vulgarem. Istis peractis totus arsit Præceptor meus pectoris aperiundi desiderio serpentum visendorum gratia. Sed ecce dum cordis recessus indagat, dira moles pituitæ fulvæ, tenacis & compactæ ventriculum opplet utrumque. Imò sese exiude per universos venæ & arteriæ pulmonariæ diremptus diffundit, tot scilicet pedes polypus ille cordis in pulmones infert, quot profecto pulmonis sunt sanguinei ductus. Corpus autem illud solerter è suis thecis seu vaginis eductum est, ac supra chartam bibulam extentum, quo aciculis confixum siccaretur.

Non alii certè serpentes, nec aliæ viverræ fuerunt, de quibus vir ille toties questus erat

erat, quàm polypi illius pedes per pulmonis sanguinea vasa longè lateque protensi, atque sua crassitudine sanguinis a corde in pulmones impulsu liberum iter intercipientes.

Coronidis vice notare est cerebri candorem Nicot. Mephiti nusquam opacatum fuisse, sed profecto pulmonis utriusque haud fuit sors eadem. Is etenim uterque intus & extra nigricabat; & tartareas insuper glandulas bronchiales ad basin cordis habebat, verè petricosas & opacas ac illa Nicot. fuligine tetra plenè perfusas atque denigratas. E diverso autem tartarum omne quod intra bronchia Cl. Promotor meus reperit, id omninò candidum fuit, & grandines illas cessit ipsi, de quibus scriptores nostri scienter omninò scribunt, & quas aliquoties tussi explosas, & mucò convolutas contuitus est Præc. meus, & siccitas asservat.

Sic perfectò sagaciss. vir idem calculos è renibus humanis atque caninis nivei candoris æmulos nobis cessit. Valeant ergo Medici dum profitentur, calcithum renalem nullum candidum esse. Valeat & Philosophus (Probl. 42. sect. 10.) reputans nullum animal præter hominem calculo vexari.

Ita curiosiss. atque peritiss. Promotor meus C.D. dum mirificam hoc anno, cadaveris humani retexeret telam, reperit præter arter. lienalem hinc inde protuberantem atque tophaceam, arteriam quoque coronariam cordis lapidosam. Imò quidpiam offendit petreæ naturæ cordis ipsius tholamo sinistro adnatum, eo Loci ossa deteguntur in elephanto, cervo, dama, tauro Ac.

In puerulo Epilepticiis motibus extincto varia in visceribus trium ventrium adnotantur.

Puellus septimestris postquàm febricula per mensem integrum laborasset cum urinis glutinosioribus & rubore saturato infectis, derepentè in motus Epilepticos ac affectionem lethargicam, incidit, quibus quinque dierum spatio exstinguebatur. Hujus cadaverculum cum cultro nostro subjiceretur sexto April. Ann. 1686. vidimus primò totum Abdomen quàm maximè tensum, illoque referato reperimus Omentum totum versus ventriculum replicatum; ventriculum ipsum contractum ac prorsus vacuum; Pancreas ventriculo subjectum, duriusculum ac pallidius; Intestina tenuia flatibus distenta, crassa verò & flatibus & excremento fluidiori sed lutofo, coloris grisei, repleta, utraque tamen in propria substantia intemperata; Jecur per totam propè sui gibbam partem diaphragmati agglutinatum, magnitudinis monstrosæ, coloris subgrisei, maculis sublividis interstincti, in tota substantia, durius, ac cultri aciei non parum renitens; Vesiculam bilariam succo viridiori ac cœnoso, unde vix per compressionem etiam incisus longiùs membranis effluebat, turgidam; Lienem satis bene constitutum præterquàm quod ipsius exterior membrana tota corpusculis tophosis, seminis milii magnitudinis, respersa foret; Renes naturalem magnitudinem non parum excedentes, eorundemque pelvim urinæ syrupi consistentiæ, ac colore prope sanguineò, plenum, coloris præterea illi erant pallidioris; Ureteres qui vix spe-

cillum admitterent, quod scilicet humore mucilaginoso infercirentur, hic humor præcipuè à dextris dum urinæ è pelvi delabenti, obicem in via poneret, in causa fuerat ut in hoc uretere paulo ipsum renem, dilataus confecta fuisset. Pollicem facile admittens, urinam prædictà tota referta; Vesicam urinariam alias sanam, sed in sui cavo urinam, quàm in aliis suis secerniculis ac canaliculis cœnosiores, continentem. Inde in Thoracem cum ascenderemus reperimus Cor suà capsulà conclusum, ac aquæ pericardii, ut in sanis moris est, innatans substantiæ compactioris, cujus ventriculus dexter parum sanguinis grumosi, sinister verò corpi quoddam polyposum album ac solidius, ramos duos in totidem venæ pulmonariæ, vulgo arteriæ enosæ dictæ, tubulos emittens, complectebatur; Pulmones per duos lobos dextros, superiorem scilicet minorem, inferiorem grandiores, pleuræ non parum firmiter adnatos, magnitudinis ab hoc latere ordinariæ, coloris prorsus albidis, quibus variè excisis ne guttula quidem sanguinis vel spumosi, vel alijs consistentiæ, effluebat: à sinistris verò majores fuere lobi, crassiores, lividi, ac sanguine ita turgentes, ut ille materiæ spumosæ admittus, copiosius inter rescandum efflueret. Tandem cavitatem supremam attingentes reperimus Cerebrum substantià quidem suà incorruptum, sed ea feri citrini quantitate, & in basi, & in ventriculis suis suffusum, quæ ad uncias ad minimum octo assurgeret.

Hisce omnibus sic lustratis non difficile fuit statuere, imi ventris viscera debiliora dum sero inertiori, succisque glutinosioribus tota infercirentur, eorumque varii canales excretorii obstruerentur, distributioni alimenti, ac sanguinis purificationi non parum obstitisse; liquoresque ab eodem secretos in propriis vasculis moram longiorem traxisse, & illius massæ post multam acquisitam in morâ acrimoniam redditos, corrosivum quid ipsi impressisse, quo membrana pulmones veltiens exesa, hocque viscus pleuræ agglutinatum fuerat. Ipsum præterea sanguinem serò quasi obrutum, bonam ejusdem quantitatem in cerebrum tandem deposuisse, quæ suis aculeis epilepticos primum insultus, ac demùm inundato & submerso quasi totò viscere, animalium spirituum verà officinam per eorum suffocationem, lethargicam affectionem, ac tandem ipsam mortem induxerit.

EPINYCTIS.

I. **A**D Furunculum haud ineptè referri possunt Epinyctis, & Terminthus. Epinyctis, ex C. Celsi, Pauli Aeginetæ, & Aëtii sententia, est pustula pessima colore sublivida, vel subnigra, vel rubicunda, vel alba, circa quam vehemens suboritur inflammatio cum ingenti dolore, noctu magis affligens, cumque aperta est, intus mucosa reperitur exulceratio. Color est humori suo similis, ab eaque cruenta emanat sanies. Dicta vero Græcis *ἐπινύκτις*, quia fere semper noctu oritur. Arabes *Essere*, *Sere*, vel *Saire* appellant.

II. Fit Epinyctis, haud secus ac Furunculus.

è sanguine impuro, acri, maligno, critice in corporis supericiem expulso.

III. Signa vero quibus cognoscitur Epinyctis, sunt quod pustula hæc sua sponte proveniant, colore sint rubicunda, vel sublivida, vel albicantes, atque gravius noctu quam interdiu affligant. Caterum dolor in Epinyctide vehementior est, quam pro ejus magnitudine, cum faba major non sit: sponte exulceratur, & cum rumpitur mucosam parit exulcerationem, unde subcruenta emanat sanies.

IV. Equidem pustula hæc, ex C. Celsi sententia, maxime eveniunt in puerili ætate, raro in medio corpore, sæpe in eminentibus partibus, & verno tempore, suntque nullius periculi, nisi in curando error committatur, quamvis pravorum humores in corpore redundare indicent.

V. In Curatione Epinyctidis, haud secus ac in Furunculo Curando, procedendum; viz. Pustula maturanda, & Puris generatio acceleranda, appositis Uvis passis contusis; vel imposito Cataplasmate ex Uvis passis, Caricis pinguibus, & Ruta viridi, simul comminutis; vel Emplastro Diachylo cum gummi, cum Unguento Basilicone; vel, ut malignitas si quæ adsit corrigatur, tali Digestivo,

℞. Unguenti Basiliconis ℥j. Therebinth. venet. ℥ss. Theriacis Andr. ℥ij. Mellis virginei ℥vi. Olei Scorpionum ℥iij. M. F. S. A. Digestivum. Postea ulcus mundetur Digestivo communi; Unguento Aureo vel Basilicone impleatur; atque imposito Emplastro Diapalma, vel Styptico tandem cicatrice tegatur.

VI. Terminthus autem Tuberculi species est, & Epinyctidi ferè similis, cui superne & inferne nigra pustula incumbit, qua rupta inferne desquamatio apparet: dissecto autem tuberculo pus invenitur. Sed cum Terminthus ex eadem causa, qua Epinyctis, hoc est, ex adusto, acri, & venenato sanguine fiat, eademque pars afficiatur; hinc eadem Curatio ei convenit, idemque Prognosticum, quod Epinyctidi.

EPIPHORA.

Ἐπιφωρῆ (à *φῆρᾱ* fero) est immoderata tenuis humoris fluxio lachrymarum specie in oculos præter naturam facta, humor qui fluit, modò frigidus est & aqueus, nullo dolore molestus, modò acer est aut salsus, dolorem, ardorem & ruborem, imò nonnunquam palpebrarum exulcerationem inferens, Symptoma est in excretis. Hujus affectus causa proxima est humor excrementitius, à capite vel aliunde à parte aliqua corporis in angulos oculi influens. Causæ disponentes sunt partis affectæ imbecillitas, roburque mittentium. *Thom. Burnet Thesaur. Medico-Præctici lib. 5.*

Post evacuantia generalia & particularia, revellentia & derivantia, quibus cerebrum ab humoribus serosis depleatur; ad fluxionem sistendam utatur ager sequentibus.

℞. Nuc. cupress. gallar. virid. rad. bistort. ana ℥ss pulverizentur, & irrorentur aceto acerrimo, & siccentur; add. mastich. sang. drac. sandarach. ana ℥vj. ochræ in aceto lotæ & siccæ. ossium human. calcinat. lap. hæmatit. ana ℥iij. bol. Armen. alum. rup. ana ℥ijss. Te-

rebint. Venet. ceræ ana q. s. ht fit Emplastrum, cujus portio extendatur in panno sericeo & applic. arteriis temporalibus & supra supercil. & tota nocte gestetur.

℞. Aloës & venica ℥j. tutiæ præp. ℥ss. Mac. ℥j. Ireos Flor. ℥j. Mastich. sang. drac. ana ℥ij. Vitriol. alb. gr. xv. Sacchar. cand. ℥jss. Aq. itil. latit. fœnicul. euphras. ros. plantag. ana ℥iij. Ml. insolentur per octiduum, mox f. colatura, de qua cap. ℥j. phlegm. alum. q. s. ad contemperandum; intilletur gutta in ocul. sapius in die. *Theodor. de Mayerne Præceps Medic. lib. 1.*

Puella cuidam novem annorum ex uno oculo lachrymæ ultro effluebant, quæ frigida erant, neque oculum corrodebant. Erat autem puella pituitosa & catarrho obnoxia, præmissis universalibus ut sequenti collyrio uteretur mandavi, quod omnibus convenit in quibus malum perseverat.

℞. Aloës, nucis cupr. thuris, mastich. myrrh. ana ℥ij. tutiæ præp. sarcocoll. nutrit. au. ℥jss. sang. drac. berber. sumach. ros. rub. ana ℥j. pulveriscentur tenuissime & excipiantur aqua fœnic. & fiat collyrium, cujus ope ab hoc malo liberata est. *Petrus Forestus, observat. 11. lib. 11. De morbis Oculorum.*

Epiphoram calidam in muliere quadam ita curavi, corpore repurgato & vena secta, collyrio sequenti utebatur.

℞. Troch. alb. rhafis sine opio, ℥j. Aq. ros. vel peculi ros. ℥iij. Aq. fœnic. (ne ob refrigerationem obrundatur acumen visus) ℥ij. M. F. Collyrium.

Si illud non juvaret, consului ut sequenti uteretur.

℞. Ceruss. abluta, sarcocoll. nutrit. licii, acaciæ, thuris, ana ℥j. ossium myrobal. adustor. corall. alb. rub. ana ℥ss. Margarit. ℥ss. succi mali punici ad dimidii absorptionem cocti, q. s. F. Collyrium. Solus etiam malorum punicorum succus coctus, donec dimidium absorbatur, lachrymas calidas curat. In hac Epiphora commendantur etiam cauteria retro aures. *Rondeletius* potius laudat cauterium supra commissuram. Vetula quædam in Italia cum oculos haberet lippientes, lachrymantes & saniosos, cum intenso dolore & prurigine, & nullis remediis posset curari, tandem raso capiti emplastrum vesicatorium impositum est; excitatisque vesicis ac ruptis, butyro imposito, ac demum caulis folio, quo præsidio perfecte curata fuit. Vesicatoria etiam in collo egregie prosunt. *Petrus Forestus, observ. 12. & Schol. lib. 11.*

Pro singulari experimento habetur hoc unguentum.

℞. Ærugin. aris, gr. xij. camphoræ, ℥j. tutiæ præp. ℥ss. butyr. rec. quod cum aqua ros. liquefiat. & parum bulliat, ℥vj. M. decenter ut fiat unguentum. Indatur pisi magnitudo in oculi canthum majorem: leviterque iungantur palpebræ. Est ad Epiphoras & pruritus oculorum, singulare experimentum. *Felix Platerus, tom. 2. prax. med. pag. 279.*

EPIPLOCELE.

Vid.

HERNIA.

EPU.

EPULIS ET PARULIS.

I. **Q**uemadmodum Laxa, Fungosaque intra Nares excrescens Caro *Polypus*, ita *Hyperfarcosis* seu *Carnea Gingivarum circum Dentes Excrescentia* Epulis dicitur. Hæc vehementer aliquando increvit, atque augetur, ut adeo & loquendi, & manducandi adimat facultatem: viscidam, tenacem, ac foetidam effundit Salivam, & non raro in Cancrum quasi degenerat.

II. Solet verò Affectus hic ex *Scorbuto* semper oriri. Enimverò sanguis labe scorbuticâ infectus, recrementa sua acri-salina tum per arteriolas, tum per vascula salivalia, in Gingivas quoque deponit; quæ laxam, fungosamque Illarum Carnem erodunt, hinc & corrumpunt sæpè, ut Dentes stabilire nequeat; aliquando verò Erosam Gingivarum Carnem ultra excrescere faciunt, adeoque *Epulidem* causant: quæ idcirco in Norvegia, aliisque Septentrionalibus Regionibus, ubi Scorbutus Endemius est Morbus admodum frequenter contingit.

III. Refert *Paræus Chirurg. lib. 7. cap. 4.* sæpius se observasse, carnosam huiusmodi excrescentiam in cartilagineam, & osseam vetustate induruisse: quapropter quam celerrime fieri poterit, *Curationem Hujus* aggrediendam esse suadet. Igitur exilis quum sit Epulis, tentanda Ejus per Medicamenta Curatio; atque Universalibus, ut in Scorbuti Cura fieri solet, haud neglectis, Topica adhibenda sunt Exsiccantia & Adstringentia; viz. *Aluminosa*, aliaque Antiscorbutica, v. gr.

℞. Aq. Plantaginis, Salviæ, Antiscorbuticæ, Vini Albi Gallici ana ℥ i ss. Aluminis Crudi pulver. ℥ ij. Aquæ Cinamomi ℥ iij. Misceantur pro Oris Collutione.

Sed Medicamentis si tolli nequeat hic Gingivarum Tumor quam citissime Filo, vel Cultrâ abscindatur, ne præter modum induretur, vel in Cancrum abeat. Ubi verò abscissa est Epulis, Ægrotans frequenter os colluat, atque Gingivas fricet præscriptâ nunc Oris Collutione, vel simili.

IV. Nascitur quoque in Palato Tumor ex viscosa & acri materie, quæ Os inter & Membranam hærens, illud non raro putrefacit, atque corrumpit, hinc Ulcus grave excitat. Tumor hic Parulis dici consuevit, atque contingit ex Saliva præter modum acri & salsa, simulque glutinosa; quæ per exiles Palati ductus prodians, & ob suam ipsius visciditatem membranæ poros transcolari nequens, adeoque inter Os & Membranam subsistens, Tumorem hunc producit. Qui ut Curetur, discissa pinguis Carica apponatur; hinc quamprimum non expectatâ suppuratione, sectione latâ & profunda, ad os Palati usque, incidatur, & acris, viscidus, necnon subcruentus humor exactè exprimatur: secus enim subjectum os facillimè corrumpitur, oriturque fistulosum, ægreque sanabile ulcus. Facta verò sectione, evacuatoque concluso humore, absque medicamentorum ope, sola Saliva aperturam sanat. *Joh. Munnicks Chirurgia lib. 1.*

Parulis parva est inflammatio partis alicujus gingivarum cum tumore, quæ si non resolvitur suppurat, & in abscessum vertitur, qui malè cu-

ratus in ulcera serpentina sæpè degenerat. Si unâ dolor adsit, leniatur ille gargarismatis è lacte tepido, cataplasmate ex mica panis albi in lacte cocta, milto ovi vitello, croco & oleo rosato. Si non resolvatur tumor, & ad suppurationem tendat, ficus pinguis per medium secta carboni accenso superponitur, dum aliquantulum arescat, dein tumori gingivæ apponitur, interdum atque noctu gestatur dum maturatione pus sponte aut arte fluat. Abscessus hinc relictus non ad cutem faciei, non ad radices dentium aperiri solet, vel sponte naturæ, vel manu Chirurgi, quo aperto pus erumpit, statimque dolor cessat, & brevi pars redit ad pristinum statum. Si gingivæ citra tumorem inflammantur, idest, si phlogosi laborent, convenit gargarismus ex aqua communi tepida, Aqu. plantag. rosar. addito aceto rosato, vel oxycrato, vel ex succis sempervivi, plantaginis, solani.

Epulis est excrescens gingivarum caro, parulidem malè curatam sæpè consequens. Nisi enim in parulide, quæ suppuraverit, ulcus fuerit probe detersum, luxuriat ibi caro, quæ Epulis dicitur, & sensim augetur, aliquando ovi magnitudinem superans, & sermonem masticationemque impedit. Interdum in Cancrum degenerat, quod inde noscitur, quod cum prius esset indolens, nunc lancinante dolore comitata est. Cumque in Cancrum degenerat, nec ferro nec manu Chirurgica attingi debet. At quæ nullum dolorem excitat, alligetur filo duplicato, donec excidat, ubi autem excidit, ne repullulet, ejus radix cauterio ignito attingatur, vel potentiali, vel oleo vitrioli, aqua forti & similibus, cavendo ramen, ne ab iis corrodentibus partes sanæ lædantur. *Autor Encheirid. Medico-Prætic. apud Fernel.*

ERYSIPELAS.

Curationes.

Tumor qui Græcis *Erysipelas*, Latinis Ignis Sacer, seu Rosa nuncupatur, ab Autoribus malè describitur, quod sit tumor præter naturam ex bile ferè in solam cutem, quandoque etiam in musculos subjectos, effusa, dolorem, calorem aliaque symptomata constante. Si namque sola Bilis in cutem effunditur Herpes, non Erysipelas oritur.

II. Sed quum vera Inflammatio, atque adeo Phlegmonis species sit Erysipelas, potius dicendum videtur, quod sit Inflammatio valde ardens, maximeque circa cutem consistens, & aliquando subjectæ carnis aliquid occupans, orta ab effuso, extravasatoque bilioso, tenuiore, & subtiliore sanguine, cum tumore vel exiguo, vel sæpè, quoad sensum, nullo; cujus color pallidior aut magis flavescens est, quam Phlegmonis, & si tetigeris facillè sanguis subterfugit, rursusque illabitur exquisitè tenuis, aspectuque rubens.

III. Est autem Erysipelas duplex; verum seu legitimum, & non verum seu spurium. Verum Erysipelas simplex est, simplici fervore & rubore affectum sine ulla exulceratione, è sanguine bilioso, tenuiore, fervidiore, in quo Acidum

dum volatile prædominatur, genitum. Non verum seu spurium Erysipelas trium vulgò habetur generum: Unum quod oritur ex sanguine bilioso, tenuiore, at acri, pungente, & rodente, qui idcirco latam, & aliquando profundam facis efficit exulcerationem: Alterum Erysipelas spurium est sine partis affectæ exulceratione; in eo tamen exigua succedunt puitulæ & vesiculæ, quæ nonnihil incisæ, perforatæque saniei aliquantulum fundunt: Tertium genus est, quod fit quidem è sanguine tenui, fervido, at simul vel copiâ peccante, vel serò abundante, vel terrestribus, acido-austeris, similibusve particulis redundante, unde Erysipelas dicitur vel Phlegmonodes, vel Oedematodes, vel Scyrrhodes.

IV. Igitur verum seu legitimum Erysipelas è sanguine bilioso, tenui, subtili, fervido, in quo Aciditas volatilis abundat, generatur; qui ex minutissimis capillaribus vasculis exiliens, præ sua tenuitate & subtilitate in interiore carne subsistere nequit, sed per extremam cutem, partesque ei vicinas diffunditur, atque ardentem ibidem excitat Inflammationem.

V. Ardens autem illa cutis, partiumque proximè ei subjectarum Inflammatio, Erysipelas dicta, à Phlegmone distinguitur, 1. Colore; est namque Inflammationis color ruber, Erysipelatis ex rubro flavescent. 2. Pulsatione; quæ magna adest in Phlegmone, parva vel nulla in Erysipelate. 3. Tumoris magnitudine; Etenim in insignem tumorem Inflammatio partem attollit, cum & cutem & subjectos musculos occupet; Erysipelas verò partem affectam modicè elevat, adeo ut vix appareat tumor, cum cutaneas partes solummodo ardens hæc Inflammatio invadat. 4. Calore, qui major est in Erysipelate, quam in Phlegmone. 5. Dolore, qui in Erysipelate minor est, at pungitivus; in Phlegmone tensivus, & gravativus. 6. Duritie & Mollitie; cum Inflammatio tactui non cedat, sed renitatur; Erysipelas verò si tangatur, tactui cedat. 7. Eo, quod rubedo, quæ in Erysipelate adest, si digito prematur, statim abeat, & cutis sub digito alba evadat, deinde vero mox redeat eadem rubedo, ob tenuem subtilemque sanguinem, à quo fit; in Inflammatione verò hoc non accidat. 8. Quod in Erysipelate nulla tensio, ut in Phlegmone appareat. 9. Loco affecto; Erysipelas namque loco dimovetur, serpit, & vicinas partes similiter afficit, Inflammatio autem in uno figitur loco, ab eoque nec discedit, nec dimovetur.

VI. Signa itaque, quibus hic affectus cognoscitur, sunt ætus ingens, dolor acris non valde vehemens, rubedo ad flavedinem tendens, ad tactum ut facillè cedens, ita & facillè rediens, partis intumescencia, ac tensio levis, pulsatio minor; fitque invasio ejus plerumque cum Febre, nisi à causa externa oriatur.

VII. Equidem rarò periculosus est affectus Erysipelas, nisi ab exterioribus ad interiora materies repellatur: periculosior verò, si circa oculos, fauces, aliasve nobiles partes consistat; aut si vulnere, ulcere, fracturâ, luxationi superveniat. Ut autem facilius tutiusque sanetur, resolutione, aut insensibili transpiratione, seu per diaphoresin terminari debet, non suppuratione, quæ in hoc affectu mala admodum est, difficilisque curationis.

VIII. Ut verò Erysipelas ritè Curetur, 1. Conveniens instituenda Diæta, atque eadem sex rerum nonnaturalium dispensatio hic observanda, quæ in Phlegmone. Dein Antecedens Materia evacuanda Cholagogis blandioribus, Venæsectione, ac imprimis Diaphoreticis iterandis, reiterandisque.

IX. Tertia Cura erit de Medicamentis Topicis: Quæ in Principio minimè sint valide Repellentia, Exsiccantia, Adstringentia, quod illorum usâ Materia acrior intrò compulsa vicinas partes corrodat, & exulceret. Sed si exiguum fuerit Erysipelas, pars affecta à nobilioribus remota, humoresque adhuc fluxerint, applicentur modicè Repellentia, at Resolventibus mixta; ne occlusis nimium poris, hinc radiante nativo calido ferè suffocato, Gangræna accedat.

X. Pessimè quoque Aëgris suis consulunt Chirurghi, qui partem Erysipelate affectam inungunt Unguento Nutrito, de Cerussa, Populeo, Rosaceo, Oleo Rosarum, Violarum, similibusve pinguibus; utpote quæ biliosum, tenue, fervidum, atque in partes cutaneas effusum, extravasatumque sanguinem excitant magis, incendunt, adeoque ardenti huic Inflammationi maximè adversantur, ut rectè monet Galenus lib. 5. de simpl. Med. Facult. Et scribit Fabritius Hildanus, Cent. 1. observ. 82. se observasse, Erysipelas ex Olei Rosacei inunctione in Gangrænam mutatum fuisse.

XI. Modicè ergò Repellentia, at Resolventibus Volatilibusque permixta, quæ simul Acidum volatile infringere ac mitigare possunt, hic sunt apponenda, v. gr.

℞. Aquæ florum Sambuci ℥ viii. Aceti Sambuci ℥ ij. Spir. vini ℥ i β. Sacchari Saturni gr. xv. Camphoræ ℥ j. Misceantur pro Epithemate.

Vel ℞. Aquæ florum Sambuci ℥ viii. Vini albi Gallici ℥ iv. Misceantur.

Vel ℞. Aquæ florum Sambuci ℥ vi. Spiritus vini ℥ j. Camphoræ ℥ j. Troch. alb. Rhafis ℥ ij. Misceantur.

Vel ℞. Fol. Malvæ, Althææ, Parietariæ, Salviæ an. Mj. Flor. Sambuci, Camomillæ an. Mij. Rosarum Rubr. Mj. Coq. in æq. part. æq. comm. & Vini albi Gallic. ad ℥ xxx. pro Fomento. Vel decoquantur Flores Sambuci in Lacte Dulci, vel Ebutyrato, & applicentur.

Vel fiat Sacculus intersutus ex Floribus Sambuci, isque in Aqua Florum Sambuci, tantillo Aceti Sambucini addito, madefactus iterumque leviter expressus calidè parti affectæ applicetur, & sæpius renovetur.

Vel dissolvatur Sapo Venetus in Aqua Pluviali, vel Florum Sambuci, atque isto lixivio imbuantur panni lanei mundi, qui dein fortissimè exprimantur, & parti affectæ calidi applicentur, ac identidem permutentur.

Sunt qui Stercus ovillum in vino aut aceto decoctum usurpant.

Alii laudant Cretam pulverisatam ope chartæ emporeticæ parti impositam.

Nonnulli Spiritum Vini, in quo Theriaca dissoluta est, linteis duplicatis aut quadruplicatis imponunt.

XII. Sed remediis hisce si Erysipelas curari nequeat quin potius exulceretur, hoc vel simile illinatur Unguentum.

℞. Troch. albor. Rhafis, Tutia præp. an. 3j. Lithar-

Lithargyri ʒiβ. Cerussæ ʒij. Flor. Sulphuris ʒj. Camphoræ ʒβ. Olei Rosarum ʒij. Cera albæ q. s. terantur diu, & exactè lavigentur in Mortario plumbeo; ac F. S. A. Unguentum.

XIII. Sin vero in Facie fuerit Erysipelas, nulla apponenda sunt Repellentia vel Adstringentia, ne quidem Resolventibus mixta; ne materia ad Oculos, Fancēs, aliasve partes nobiles pellatur. Sed imponatur Sacculus interfectus ex Floribus Sambuci, in calida Aqua Florum Sambuci, addito Vino albo Gallico, madefactus, leviterque expressus, qui identidem renovetur. Vel eandē applicetur Sacculus, subtilissima Tritici vel Hordei Farina repletus.

XIV. Atqui cum Caput occupet Erysipelas, uti Mulieres aliquando experiuntur, nulla omnino humida sunt apponenda; sed lintea munda recenter lota, adeoque vapore Saponis perfusa, calida imponantur, sæpiusque permutentur. Vel calidè applicetur laudatus sacculus, subtilissima Tritici vel Hordei Farina repletus. Vel Lixivium fortissimum ex Sapone Veneto cum Aqua Florum Sambuci; eò imbuantur lintea munda, quæ dein exsiccata, & calidè appoſita, identidemque renovata, mirum in modum Ardentem illam in capitis partibus cutaneis Inflammationem discutiunt, resolvuntque. *Joh. Munnicks Chirurgia lib. 1.*

Erysipelas recens quamcunque partem invaserit externa discutientia requirit moderata. Sanguis menstruus in aceto rosaceo dissolutus & calidè applicatus subitò solvit, præsertim si sudores quoque moveantur ex Bezoardico cum simplici tum composito, vel solari vel lunari in aqua senecionis. Item ex mistura simplici in eodem vehiculo.

Sic decoctum Myrrhæ & Olibani in Vino & aceto calideque applicatum citò dissolvit.

Folia raphani sylvestris conquassatis fibris calidiuscule applicata fervorem sanguinis reprimunt.

Nonnullis aqua spermatis Ranarum, ad extinguendum ignem sacrum familiaris est, sed sæpe malo cum successu. Est nimirum nimis frigidum, hoc est, habet in se Mercurium cum Saturnina quadam proprietate conjunctum. Itaque percussus quidem est, sed subsequenti gravium symptomatum causa manifesta. Mortificantur exinde tum partes nervosæ tum venosæ. Eius tamen particula cum decocto Myrrhæ & Olibani mista laudabilior est ad institutum.

Tibialia linea imbibita aqua spermatis ranarum & vicissim exsiccata, subindeque eodem opere præparata, pedes & crura ab Erysipelate sæpius recurrente muniunt & præservant.

Erysipelatis exulcerati curam vide apud Rulandum centuria 1. curatione 43. Hac curâ feliciter usus sum in mulierculis, (Nasturtium aquaticum singulare.) Item Erysipelatis phlegmonosi curat. 61. cent. 9. *Joh. Hartmann. in Prax. Chimiatri.*

Febris Erysipelatosa.

Nullam non corporis partem, idque nullo non tempore incessit hic morbus, at præ reliquis faciem, exeunte præsertim ætate; quo tempore sæpe dum sub dio versatur, corripitur æger. Facies siquidem ex improvise in tu-

morem attollitur, qui subitò exorsus cum dolore ruboreque summis, denso minimarum pustularum ordine distinguitur, quæ auctâ magis inflammatione in vesiculas subinde facessunt: hinc per frontem ipsamque caput latius serpit, oculis interim tumoris magnitudine planè obrutis (rusticis *Syderatio* audit;) neque multum profectò abludit, nisi quod adiunt pustulæ, ab his symptomatis quæ indicta ab apum vesparumque aculeis comitantur vulnera. Hoc se habet modo *Erysipelatis* notissima species ac vulgaris.

At verò quamcunque corporis partem hoc vitium obsederit, ut etiam quocunque anni tempore, rigor atque horror, nisi præcesserint (quod nonnunquam pridie, aut nudius tertius solet contingere,) huic se inflammationi ut plurimum adiungunt, sitis insuper, inquietudo, ac reliqua Februm indicia. Procedente morbo, uti primum Febris dolorem, tumorem, atque alia peperit symptomata, (quæ indies ingravescunt nonnunquam in *Gangrena* terminantur,) ita hæc invicem haud mediocrem ad Febris augmentum conferunt operam, donec remediis idoneis utraque restinguantur.

Est & alia hujusce morbi species, licet rariùs occurrens: Hæc quolibet anni tempore invadit, idque hæc ut plurimum *πρόφασις*, quod scilicet æger vinorum subtilium magis magisque attenuantium potationi paulò liberaliùs indulserit, aut liquoris similis spirituosi. Febriculam, quæ agmen ducit, mox excipit pustularum per universum ferè corpus eruptio, quæ urticarum puncturas referunt, & nonnunquam in vesiculas attolluntur, mox recedentes, tuberculorum more sub cute se condunt cum pruritu mordacissimo & vix tolerando. At quoties levissimam sculpturam subeunt, rursus apparent.

Curatio. Hic ego materiam peccantem sanguini permixtam ritè evacuandam, ejusdemque sanguinis ebullitionem remediis illum contemperantibus sufflaminandam censeo; eam denique, quæ jam partibus impacta est, materiam evocandam, discutiendamque.

Hæc ut fiant, ubi primum accedo, satis largam sanguinis quantitatem è brachio extrahi præcipio, qui quidem Pleuriticorum sanguinem ferè semper amulatur. Die sequente blandam illam Potionem Cathartica mihi in Praxi familiarem exhibeo, & horâ somni (si paulò frequentius dejecerit æger) haustum aliquem Pægoricum e. gr. Syr. de Meconio in Aqu. flor. Paralyf. vel aliam ejusmodi. Peractâ Catharsi, partem affectam sequenti decocto foveri jubeo.

℞. Rad. Alth. & Lil. an. ʒij. fol. Malv. Sambuc. Verbasc. an. Mij. flor. Melilot. summit. Hyper. & Centaur. min. an. Mj. Sem. Lini & Foenugr. an. ʒβ. Coq in s. q. aq. ad ℥iij. coletur liquor & tempore usûs adde singulis libris decocti, Spir. Vin. ʒij. Stuphæ è panno laneo levis texturæ hoc decocto immersæ ac expressæ, calidè admoveantur parti bis in die, quæ post fotum quotidie illinatur seq. mixturâ.

℞. Spir. Vin. ℥β. Theriac. Androm. ʒij. Pulv. Piperis longi, Caryophyll. an. ʒij. Charta Emporetica hæc mixturâ madefacta parti circumvolvatur.

Æger insuper ut jusculis tantum hordeaceis atque avenaceis, cum pomis assatis vescatur, volo; tum etiam cerevisiâ utatur tenuissimâ, &

per horas aliquot singulis diebus à lecto sibi temperet. Hac methodo tum Febris, tum alia symptomata citissime ut plurimum fugantur. Sin aliter, rursus venam feco; quod & tertium nonnunquam fieri debet, interpolito semper die uno, si prava nempe adit sanguinis diathesis, & Febris intentior. Diebus à Venæsectione liberis Euenia è Lacte cum Syr. Violaceo, & Julap. refrigerantia ex Aq. Nymph. &c. in Rheumatismi curatione jam dictis, qualibet horâ diei usurpanda præscribo. Ut plurimum verò unica Venæsectio & subsequens Catharsis, si tempori adhibeantur, rem expediunt.

Quæ urticarum puncturas, cum pruritu, refert species pari modo est amolienda, nisi quod hæc remediis ab extra applicandis minis egeat.

Hic obiter dicam, quod licet non solum hic affectus de quo jam loquimur, sed & plerique eorum qui cutim impetunt, & eruptionem aliqualem comitem sibi adiungunt (modo Chronici ii sunt) facile huic methodo cedant, ac proinde sanguinis missione & Catharsi iteratis brevi se proripiant; eorum tamen aliqui viâ planè diversâ tractandi sunt, nec evacuationes modò dictæ quantumlibet repetitæ, nec pulveres testacei sanguini edulcorando destinati quicquam proficiunt; cum recrementa quædam pravam diathesin adepta intimius cuti impingantur, non nisi remediis quæ sanguini robur ac vim conciliant, proindeque cutis spiraculis deobstruendis apta nata sunt, ullatenus amovenda debellandaque: Cum successu itaque non vulgari sequentem methodum aggressus sum in Pruritu ferino, atque inveteratis id genus cutis eruptionibus. Ut

℞. Theriac. Andromach. ʒβ. electuar. de ovo ʒj. rad. serpent. Virgin. subtiliss. pulv. gr. xv. lapid. Bezoard. Oriental. gr. v. cum f. q. syr. è Conditurâ Citri f. Bolus, sumendus mane & horâ somni per dies 21. superbibendo cochl. vi. seq. Julapii.

℞. Aq. Card. Benedict. ʒvi. Aq. epidem. & Theriacal. stillat. an. ʒij. Syr. Caryoph. ʒj. Mf. f. Julapium.

Singulis matutinis post assumptum medicamentum sudet horæ unius vel alterius spatium, vel potius pluribus stragulis quam soleret cooperatus in lectulo levi madori indulgeat per dictum tempus. His finitis si pustulæ adhuc non evanuerint, sequenti linimento partes affectæ inungantur.

℞. Unguent. ex oxylapatho. ʒij. Unguent. pomati ʒj. flor. sulphuris ʒiij. ol. Rhodii ʒβ. f. Liniment. Verumtamen medicamenta præscripta haud usurpentur, nisi Venæsectione atque catharsi ritè præmissis; quæ tametsi solum adhibita curationem non absolvunt, ægrum tamen contra febrim præmuniunt, ob usum medicaminum calidorum alias occurruram.

Est & alia Eruptionis species, etsi minis frequens, ad cuius medelam nullæ prorsus evacuationes conferunt. Hæc tametsi in aliis quandoque partibus, ut plurimum tamen in pectore apparet, ac loco aliquo determinato se figit, vix cutim supereminens, atque latiore maculam præ se ferens, nisi quod aliquantulum porriginosa, ac quasi furfuracea, cum squamulis colore ad flavum vergente tinctis, cernitur. Hæc sive maculâ, sive impetigine vigente, æger bene se habet, eadem verò evanescente, ut sæpe fit,

leviculam ægritudinem patitur, atque urina ejus turbidior, & rubicundior, sed ad flavedinem accedens, redditur. In hujus etiam affectus curatione eadem via atque usdem post evacuationes universales, plane remediis insistendum ac in Pruritu ferino modo dicto; ac proinde, quod non omittendum, vini, ut & carnum *ευπέπτων* usus omnino concedendus, cum refrigerantia omnia magis officiant quam prosint. Atque ita hæc postrema Eruptionis species curatur, quæ tamen aliquando non nisi Aquis ferreis diu epotis cedit. *Thom. Sidenham de morb. acutis.*

Consultationes.

De Tumoribus Erysipelatosis Crurum, & Pedum, cum Impedimento Motus. Pro Illustriss. & Excellentiss. Marchione Gonzaga.

Ex doctissimis sermonibus præstantissimi Viri compertissimum fit Illustriss. & Excellent. Marchionem laborare tumore pedum, & genuum, qui se profert plurimum œdematis erysipelatois facie quandoque, sed rarius, erysipelatis œdematodis, pro humore scil. vitioso redundante. Hernia insuper hydrocele testiculum dextrum, labefactatum fuisse, quæ nedum in præsentia detumuit omnino; cum testis affectus sinistro crassescat magis.

Qui tumores dubio procul ortum ducunt à materia heterogenea; cum magis, minusve promineant, ad exercitii modum validioris, aut remissi magis; & quidem serosa potius, quam aliorum aliquo humorum, hoc indicio; quod facili admodum negotio fluat, & refluat à parte affecta, nullumque partibus tumefactis impressum digiti vestigium hæreat. Utrum autem à capite, vel à ventriculo profluat, cum aliàs à nobis in dubium revocatum fuerit, quod ab utraque parte manare possit; nedum in præsentia ea de re quicquam nobis constat, ut non inani conjectura censeamus, prædictos humores potissimum à cerebro promanare calido, & humido: quod proinde facile repletur; accedente tamen aliqua ventriculi labe; prout & jecoris fervorem prodidere antehac fluentes hæmorrhoides; Patienti Excellent. adolescenti quod nunc luculentius palam facit erysipelas frequenter recurrens.

Affectus certè difficillimæ curationis, cum ob inæqualem partium intemperiem, tum ob affectarum partium imbecillitatem. Sperare tamen juvat, fore ut remittant, ope remediorum à Viro Excellentiss. præscriptorum.

Inhærens propterea & ego prædictis intentionibus divertendæ fluxionis, evacuandæ materiæ, quæ fluxit, contemperandæ frigidæ ventriculi intemperiei ulu calidorum, & calidæ jecoris, ac cerebri, refrigerantibus; non sine quibusdam caput exsiccantibus; commendo quam maximè universalem totius purgationem, eamque repetitam, simplicibus primò, & levioribus, mox & generosioribus, cum præparantibus, tum purgantibus.

Mittatur tamen primò sanguis ex jecoraria dextri brachii, mox & ex hæmorrhoidibus. Quod si interim fluxio aliqua à capite conspicua fiat magis, de qua non levis viget suspicio, caput quoque peculiariter expurgandum erit, er-

rhinis,

rhinis, & masticatoriis temperatis. Neque præter rem fuerit fonticulus sinistro brachio inuitus, derivationis causa à capite, & revulsio- nis ab inferioribus partibus.

Inter Pharmaceutica dejectoria illa præferen- da cenſeo, quæ ſeroſitates ducunt, hydragoga nuncupata. In quibus potiffima ſunt, manna ele- cta, radix mechoacan; necnon pulvis ex her- modactylis; aliquot item grana quandoque diageydu, cum flor. Caſſiæ & hujusmodi. Alteran- tia, & digerentia omnia à Viro Excell. præſcri- pta mihi videntur apprimè accommodata; & decoctum potiffimum; paratum tamen ex ſaſſa p. rilla, lentisco, ligni ſancti cortice, viſco quer- cino, & ſantalidis; miſſo ſaſſafras ligno, ob ejus in caput exhalationem; radice item china, ma- læ notæ ut plurimum, & cariola. Quod ſi in ven- triculo evidens noxa deprehendatur, decoctum parabitur cum columba turricola; alioquin ſin- cerum, præmiſſa drach. i. Terebinthina laricina, cum ſerup. ſem. oſſium combuſtorum. Si verò dum utitur decocto, ſudor manaverit in partibus inferioribus, cum pane ſiligineo à furno recen- ti, linteo obvoluto, diſcutiet magis; miſſo vini u. u tempore decocti; cujus loco parabitur mul- ſa dilutior, ex hordeo, & coriandro; atque pro cibo erunt nuclei pinei, potius quàm amygd. dulces; quæ caput tentant magis. Extrinſecus utatur pulveribus capitalibus temperatis, ex cornu cervi, roſis ſiccis, oſſibus combuſtis, & pu- mice. Hepar unguatur unguent. ſantalino, cum ſacco cichorii; vel epithema eidem applicetur ex ſucco cichorii, cum modico abſinthii ſucco; ventriculus vero oleo u. altichino, de mentha & abſinthite; ſuperaddito etiam cerato ex maſti- che, & tacamahaca. Ab his verò dum utetur pul- vere viperino, à Viro Excell. præſcripto, & à me ſummopere commendato, crura, & pedes robo- rentur lutis, & aquis Thermalibus; extrinſecus quinetiam adhibitis ſpongiis exſiccatis aqua calida prins inbutis, & fortiter expreſſis; para- tis calceamentis ex pelle canina, tanquam minus ſequaci. In quorum tamen localium uſu magna religione procedendum erit; cum experientia conſilet, Excell. Patientem à diſcutientibus de- terius habere, invaleſcente pedū intumeſcentia.

Victus ratio ſit à Viro Excell. præſcripta, quæ conſtet ex alimentis exſiccantibus, & facilis co- ctionis; ac vino tenuis ſubſtantia, non admo- dum generoſo; aſſumpto medicamento aliquo familiari, quò alvus laxior fiat, & bilioſum ſerum aliorum humorum vehiculum educatur: in quem uſum conferent pilul. ex Aloë lota ſucco roſ. quarum ope ſanguis quinetiam hæmorrhoidalis nunc cohibitus revocari poterit, non omiſſis localibus tumentis teſticulo applicandis, in pri- mis verò cerato oxelæo. Atque hæc potiora eluxi, in ſalutem Illuſtriſſ. & Excell. Marchionis, quæ ut illi uſui ſint, ſalutis autorem Deum O. M. enixè precor. *Benedict. Silvatic. Conſilior. & Reſponſ. Medic. Cent. 3.*

Erysipelas in facie.

Juvenis 35. annum agens, temperamenti to- tius & jecoris, ad calidum & humidum vergen- tis, habitus mediocriter carnoſi, comellationi- bus & compotationibus indulgens, quatuor ab- hinc annis bis per annum, Erysipelate in facie corripit cœpit, quod incipere ſolet à parte dex-

tera faciei circa nares, indeque ad totum caput ſe diffundere, cum levi intumeſcentia, calore in- ſigni, & potius rubore quam flavitie, quod mali genus ipſius quoque Genitor pati ſolebat. Quo- niam autem veris tempore, & ineunte Autumno invadere ſolet hujusmodi affectio, quæ repetita ſanguinis miſſione, & alterantibus hucusque cu- rata fuit, non tamen ſine vitæ diſcrimine, quia febris acutiſſima eandem comitatur, & quando- que ad fauces quoque propagetur, ideo hoc Menſe Martio, & in poſterum, de agendis pro præſervatione conſulit.

Huiusce affectus per intervalla periodica re- currentis, & hunc Juvenem Nobil. moleſtantis idea jam notiſſima eſt, Erysipelas enim nuncu- patur, quod licet vix ad auctam magnitudinem referri ſoleat, cum corporis potius ſuperficiem, quam intimas partes occupare ſoleat, attamen quoniam rariffimè datur legitimum Erysipelas, à ſincera flava bile productum, ideo Phlegmo- noſum hoc proprie appellabimus, quod à ſan- guine bilioſo, ut ſerè ſemper, ortum trahit, cujus cauſa familiare eſſe ſolet trigelimo uſque ad quadrageſimum annum, quibus ſanguis ple- rumque abundat, ideo color ejus, cum calore, rubeus ſive rubicundus obſervatur, qui roſeus dicitur, redundantis ſanguinis indicio, cujus effluxus atque proventus facilis in hoc Juvene ſemper fuit, temperamento calido & humido prædito, & meracioribus compotationibus de- dito, unde bilioſior ſimul & copioſior genitus, venarum facultatem irritat, ad ſui in partem hæreditario jure imbecillum, expulſionem, po- tiſſimum Veris tempore, quo humores à centro ad corporis peripheriam moveri ſolent, & Au- tumno ineunte, cum ab ambiente cutis meatus denſantur, univerſa diaphoreſis imminuitur, & humores per expreſſionem, utpote calidi, ſur- ſum in caput feruntur, & facilius obſident nares genamque dexteram à directo jecoris, partes ſcil. quæ facile tenuiſſimo ſanguine ſuffundun- tur, utpote cæteris molliores atque imbecillio- res, à quo inflammantur, & in tumorem elevan- tur, unde phlegmonoſum Erysipelas conſtitui- tur, quod neceſſario febris acuta, ut ſymptoma conſequitur.

Affectus equidem non ſpernendus, nam ex levi aliquo errore, aut externa occaſione letha- lis evadere poſſet, ſi ab extra ad intra retroce- dat humor, unde Phrenitides nonnunquam ſuc- cedunt, quandoque etiam Angina, quandoque pariter ſuppurant. ut propterea ſumma cum ra- tione egregiè hic Juvenis à nobis præſervatio- nem poſtulet, cum melius ſit prævenire quam præveniri. Quod ſi non ſtatim adeo præſervati- vis remediis arceri poſſit affectio, ejusdem quo- que præſentis curationem expoſcit.

Pro præſervatione autem intentiones Medi- cæ erunt, redundantem ſanguinem imminuere, ejusdem vitium corrigere, regenerationem inhi- bere, & partem affectam roborare. Quibus omnibus ſatiſfaciendum partim Menſe morbi acceſſionem præcedente, partim poſt.

Fontem Chirurgicum ſpectantia locum ha- bent paucis diebus ante acceſſionem, ſanguis enim omnino educendus, quia vitium in eo eſt, peccat enim quantitate, ut multus, qualitate, ut acris & bilioſus, & motu, quatenus ruit in caput, & ideo aperienda ſaphena pedis præce- dente

dente tamen hac prima vice Jecorariæ dexteræ sectione. In usum etiam duci debent quotidiana pedum lotiones aqua calente.

Ex Pharmaceutico reliqua sunt depromenda medica auxilia. Et primò Lementia erunt, Syr. Ros. sol. cum potione Manna clarif. vel Cassia cum Tart. Præparans esse poterit decoct. Cich. Borrag. End. Acet. Viol. Sonchi, cui præmittat Julap. Acet. ad ʒj. f. Repetatur deinde præscriptum leniens, addita infus. consueta Rhabarb. drachma. Inde ad ulteriora præparantia erit progrediendum. Decoct. scil. Cich. End. Acet. Sonchi, Viol. Hepat. Portul. præmittendo Julap. Ros. & Viol. ad ʒij. Præparati humores sunt expurgandi. Rhab. potissimum, cujus ʒij. in Aq. End. infundantur, cum ʒj. Myrob. Citrin. Infus. addendo Syr. Ros. sol. vel præbeatur Elect. de Succo Ros. ad ʒiij. cum Flor. Cas. quibus superbibat seri depur. Capr. aut Asin. ℥ij.

Hac sequuta humorum biliosorum expurgatione, calida jecoris & venarum intemperies corrigenda venit, in quem finem Aqu. Acidulæ ferreæ erunt omnino usurpandæ. Verum quoniam nonnisi sub Cane perficiuntur & assumuntur, ideo interim in usum ducat Aq. stillatitias ad ℥j. de Succo Cich. vel Acet. End. & Cucurb. Anguriæ quoque aqua utebatur Avic. & Arabes, cum Syr. de Acido Cit. & de Succo Lim. ut tandem ad Acidulas, vel Calderianas in Agro Veronensi, vel B. Virginis in Patavino se conferat, 15. aut 20. diebus assumendas. Familiarem inde habeat Ros. Conf. & 15. aut 20. diebus autumnalem accessionem præmissio Leniente, ex saphena dextera pariter sanguinem sibi mitti permittat, & jam dictis alterantibus suavioribus utatur. Tandem pro partis roboratione, facies matutino tempore abluatur Aqu. chalybeata, interdum madefiant genæ Aqu. Rosar. Hacque abunde.

A fonte Diætetico magna ex parte pendet hujus affectus præservatio. Etenim primò, nec igni, nec radiis solaribus caput diutius exponere debet. Secundò computationes evitandæ, merique potus, etiam in mensa, à cibis calefacientibus ac vaporosis abstinendum, à condimentis Aromatum, Allii, Cæparum, & hujusmodi. Somnus diurnus vitandus, vel sit brevis saltem, & capite elato. Exercitium probatur, sed ante cibum. Et semel per mensem assumere poterit ʒj. Pilul. de Trib. cum Rhab. sub cœnam, & in cœna ptisanam hordeac. Alacriter vivat, & intensas applicationes vitet. Quod si jam dictis non obstantibus recurrat affectus, eadem purgatio erit anno proximè futuro peragenda, ut mali radices omnino evelli & extirpari possint.

Erysipelas vero rursus invadens curandum erit ut aliàs, melius enim est, dicebat Avic. Medicamentum expertum non experto. Nihilominus, ut Patienti morem geram, nonnulla peculiaris attingam, quæ in curando Erysipelate Medentibus dubium afferre solent.

Et primò Medicæ intentiones esse solent, humorem ad partem affectam fluentem revelle-re. Secundo repellere. Tertio eundem expurgare. Et tandem partem roborare.

Quibus explendis, de sanguinis missione dubitari solet, cum Gal. in curatione Erysipelatis, necessariam non esse dixerit. Verum primò sanguinis missionem non reprobavit, sed præterea

omitti posse censet in Erysipelate exquisito, quod rarissime datur. In nostro autem casu de hoc dubitari non potest, siquidem phlegmonosum est, & præterea in capite, quo casu, Celsus & Paulus sanguinem educebant, & ideo sanguis iterum atque iterum ex inferioribus & superioribus venis adducendus, & reliqua omnia genera revulsionum administranda, scilicet pedum lotiones, frictiones, & cucurbitulæ.

Extrinsècus repellentia admoveri solent, quæ tamen cautè valde capiti sunt apponenda. Sufficiant igitur lintea Aq. Ros. tepida imbuta, vel succo sempervivi, qui & repellendi & quodammodo etiam digerendi facultatem obtinet, ab oleosis vero & pinguibus omnino abstinendum, ut quæ partis fervore excalescentia magis inflammare possint. Ab his autem repellentibus tertio aut ad summum quarto die abstinendum, nec quicquam aliud curiose agendum, sed circa septimam lintea apponantur Aqua, in qua saponoster Venetus dissolutus fuerit, imbuta.

Interim sanguine prima vice evacuato, post injectum clysterem, medicamentum evacuans est exhibendum, quod esse poterit Syr. Ros. sol. cum decoct. Pulp. Tamarind. vel Flos Cass. cum eadem pulpa, à quibus bibenda præbeatut Aq. Noer. ad ℥ij. & inde usque ad declinationem Clysteribus utendum. Postea alterantia in usum quotidianum revocanda, ex Aq. still. Acet. End. quinimò & Plantag. parata, addito Syr. de Succo Lim. & de Acido Cit. Et licet videatur Gal. purgationem electivam approbare, ad hanc tamen valde cautè deveniendum est, nonnisi in declinatione, ne agitentur humores & in affectam partem irruant. Quare post septimam præberi potest Elect. de Succo Ros. cum Cass. & ab ea serum, aut Aq. Noer. ad libras.

Et his omnibus congrua addenda victus ratio, in casu nostro tenuis, non autem adeo ut in exquisito Erysipelate, sit autem incrassans, verbo, sufficiat ptisana hordeac. vel Lactuca, aut Cucurbita in jure cocta, cui prope septimam Ovum recens addi potest, conceduntur poma & pyra cocta, & cibum claudat Conf. Ros. Pro potu autem hauriatur Aq. stillat. Acet. aut Hordeac. Quibus addendum, quod nil perniciosius esse possit quam faciem aëri frigido, aut ventis exponere. Quæ pro curatione sufficiant. *Raym. Johan. Fortis Consult. & Respons. Medicin. Tom. 1. Cent. 1.*

Puella duodecim annorum, jam à tribus annis, circa mensem Majum, incidit in totius faciei tumorem subrubicundum, oculos pene claudentem. Adest calor & pruritus magnus. Pulsus etiam est justo celerior; appetitus est prostratus; & plus solito sitit.

Afficitur in hac puella facies, ut ad oculum est manifestum: uti & cor, quod pulsus justo celerior; item ventriculus & œsophagus, quod sitis & appetitus prostratus indicant.

Morbus, qui eam affligit, est tumor faciei, ex bilioso sanguine ortus, qui calorem immoderatum, & pruritus, ac colorem subrubicundum in faciei inducens, Erysipelas faciei phlegmonodes appellari solet.

Causa antecedens hujus morbi est sanguis biliosus, ex temperamento sanguineo & diæta forsau calidiore, tanquam à causa procatactica, in toto hujus puellæ corpore, singulis annis geni-

genitus. Pars vero ejus circa mensem Majum, ob aeris caliditatem, in corde vehementius effervescens, inducit pulsum justo celeriores; ad ventriculum vero & œsophagum delata, ibique œsophagum nimium exsiccando, succumque acrem ventriculi, famem excitare solitum, copia sua & qualitate biliosa perfundendo, sitim & appetitus prostrationem excitat: ad faciem vero à corde propulsa, ibique poros vasorum aperiens, & sese in cutim vicinasque partes magna quantitate effundens, vehementiusque, ob ulteriorem corruptelam sive putredinem supervenientem, incallescens, ibidem tumoris, ruboris, pruritus, & caloris faciei, causa continens existit.

Metus est, ne hic affectus erysipelas exulceratum faciei; vel, si humor hic ad cerebrum vel cerebrum vel alias nobiliores partes feratur, ne inflammationem cerebri, vel pulmonum, vel pleuræ inducat. Diligenti itaque hic morbus erit impugnandus Curatione; quæ in causæ procatartica, antecedentis, & continentis, item intemperiei, & tumoris ablatione, consistet.

Atque ideo primò tale exhibeatur purgans:

℞. Syr. ros. sol. cum sol. sennæ ℥j. Cremor. tartari ℥j. Scammonii gr. x. Aq. cichor. ℥ij. Misce, fiat Haustus brevis, mane exhibendus.

Totifaciei deinde imponantur lintea sequenti liquore tepido imbuta; sæpiusque, ubi exsiccata fuerint, renovetur imbutio & applicatio:

℞. Aq. plantag. rosar. an. ℥iv. Lapidis alchymia ℥jβ. Misce.

Vel ℞. Aq. flor. sambuci ℥x. Sperm. ranar. ℥v. Spiritus vini opt. ℥vj. Misce.

Si palpebræ oculorum valde etiam intumescant, iis imponantur lintea, solâ aquâ ros. & plantag. tepidâ madefacta.

Ad præcavendum, ne sub sequentem Majum rursus recidivam patiat, mense aprili semel atque iterum purgetur, & utatur diætâ tenuiore, & refrigerante. *Henric. Regius apud Theod. Craanen Medication. lib. 4.*

Observationes.

Rusticus quidam Erysipelate phlegmonode in sinistra manu laborans, ex tonsoris consilio per aliquot dies manum & brachium oleo rosac. inunxit: unde dolores, inflammatio, aliaque symptomata magis magisque ingravescabant; ita ut tandem gangræna correpta sit tota manus, is cum ad me accessisset, scarificatione aliisque remediis quæ ad gangræna curationem spectant, curatus fuit. Ex quibus perspicuum est, oleum maximè inflammationibus adversari. *Guil. Fabric. Hildan. obs. 82. cent. 2.*

Quidam Erysipelas in seipso & aliis plurimis curavit secreto præstantissimo, quod sic habet, accipiebat folia & ramusculos Sabinæ & in pulverem crassiusculum redactis quotidie ter suffiebat membrum affectum. Si verò exulceratio adjuncta esset, ceram virginiam in aqua calida manibus tractatam, emplastri modo, solam imponebat. *Hieron. Rensnerus. obs. 124.*

Erysipelas cruris.

Domino Kelfken, urbis Noviomagi Consuli, dextrum crus erysipellate correptum fuit, cui

malo sæpius etiam antea obnoxius esse consueverat. Sexagenarius erat, & corpore valde cachymio. Erysipelati, ex more vulgi, ipsemet imposuerat lintea intincta in aceto & aqua florum sambuci quibus erysipelas aliquantum quidem minuebatur, sed vesiculæ quædam hic illic excitatæ fuerunt, quales etiam antea ab hujus aceti & aquæ usu sæpius habuerat: his acu per-tusis imposuerat folium tabaci viridis (quo præcedentes vesiculas semper curaverat) quod cum per tres quatuorve dies applicatum fuisset, ab acrimonia humorum effluentium cutis magis magisque exulcerata fuit ac in medio particula quædam nigra & gangrænosa apparuit, qua visa, æger sibi metuens, Chirurgum accersiri jussit. Hic particulam istam gangrænosa in sola cute hærentem facile excidit, & variis emplastris impositis solutionem sanare conatus fuit, toti cruri propter erysipelas inungens unguentum refrigerans Galeni. Atque isto modo æger per sex septimanas tractatus est. Tandem cum variis & sæpe mutatis emplastris ac unguentis nihil omnino proficeretur, sed malum in dies accresceret, mense Junio etiam ego ad curationem advocatus fui. Animadverti ægrum multis aquosis ac pituitosis humoribus abundare, qui falsi ad crus descendentes hujusmodi continuam exulcerationem inducebant: hinc etiam alvum humidam & liberam, imò quatuor vel quinque secessus quotidie habebat. Appetitus mediocris erat: sed à medicamentis tantopere abhorrebat, ut nihil, nisi extrema urgente necessitate, per os assumere vellet. Inspecto crure, comperi emplastra in causa fuisse quod vicinæ partes exulcerarentur, cum enim ob pinguedinem & densitatem humores acres & falsos effluentes in se retinere vel exsurgere non possent, illos ad circumvicinas partes effluere necesse erat, quæ ab eorum acrimonia exedebantur. Proinde crus illud cataplasmatibus curare præstabilius mihi visum fuit, quæ ob molliem humores effluentes imbibere ac in se continere, partemque exsiccare possent. In hunc finem sequens cataplasma absque ulla pingue dine præscripsi.

℞. Corticum granatorum, flor. balaustriorum, an. ℥β. foliorum quercus, plantaginis, agrimonie, saniculæ, an. m. ij. pimpinellæ, flor. rosarum rub. an. m. j. aquæ communis ℥iv. coquantur ad medias.

℞. Foliorum quercus m. iv. agrimonie, plantaginis, an. m. jβ. pulveriscentur simul, tunc adde farinam fabarum ℥ij. decocti prædicti q. s. coquantur aliquantum, & fiat cataplasma.

Hoc postea aliquoties reiterato, ulcus omnino sanatum fuit. Circiter tertio post sanationem mense, rursus nova defluxio ad crus descendit, magnum ulcus erysipelatodes inducens. Præter unicum haustum purgantem, & unum decoctum ex radicibus chinæ, falsæ parillæ, & similibus, nullum aliud medicamentum assumere voluit. Impositum fuit antedictum cataplasma, quo res ad tempus bene successit: tandem verò nova rursus accedente defluxione cum magno erysipellate, dolores valde accreverunt, ulcus multum extendebatur, ac paulo post etiam gangræna partem invasit, & in cruris exteriori latere particula gangrænosa nigricans, latitudinis dactyli imperialis, conspiciebatur. Chirur-

gus vino tepido partem affectam aliquantum abluit, ac postea unguento mundificativo ex apio inunxit, & prædictum cataplasma superposuit; atque his aliquot diebus continuatis, gangrænosæ particulæ tandem exciderunt. Tunc ulcere prius mundato, solum cataplasma impositum est. Interea ad humorum descendentium commodiorem evacuationem, libenter fonticulum in suræ exteriori parte fecissem, verum illud permittere noluit æger. Mense Martio ulceribus jam sanatis, rursus nova accessit acris defluxio cum erysipelate, hinc ab utroque cruris latere novum ulcus latitudinis palmæ manus excitatum fuit. Cataplasma impositum nihil profuit, vires cum appetitū dejectæ sunt, & æger adeo debilis evasit, ut amplius incedere non posset. Paulo post gangræna ad palmæ latitudinem subito accessit, Æger periclitari nobis visus fuit, tam propter cacochymiam corporis, quam propter magnam virium debilitatem. Ulceribus gangrænosus inunctum fuit unguentum mundificativum ex apio, & cataplasma superpositum; si spiritus vini admoveretur, tantus excitabatur dolor, ut illum protinus abjicere necesse foret. Tunc fonticulum in sura fieri permisit æger, quem sectione novaculæ libenter fecissem, verum cum inde nimis abhorreret, cauterium potentiale, holosericum Parræi, impositum fuit, quod sine ullo dolore operationem suam brevi peregit. Post tres quatuorve dies gangræna in ulcere multum adaucta est, atque etiam invasit locum illum cui cauterium imposueramus, unde eschara nondum exciderat. Hunc proinde locum cauterisatum ad carnem usque vivam scarificavit Chirurgus, ut eschara citius separaretur, cujus etiam frustula quædam exscidit. Sequentibus tribus diebus gangræna magis magisque accrevit, ita ut in loco fonticuli carnis emortuæ pars magnitudinis pollicis, exscindenda foret. Postridie gangrænosæ partes fœtebant instar cadaveris putrescentis, tanto fœtore quem vix quispiam adstantium ferre poterat, & gangræna continuo crescebat. Ut mortificationi ac putrefactioni resisteretur, partes infectas abluimus cum spiritu vini in quo sal commune dissolveramus, & petias eodem liquore madefactas imposuimus, ulcusque ter de die religavimus, quò mediò fœtor ferè totus intra sesquidiem recessit. Deinde ut gangrænosæ & emortuæ partes à vicinis per suppurationem citius separarentur, & sanæ à corruptela præservarentur, balsamum nostrum Magistrale impositum fuit, quod putredini potenter resistebat, & suppurationem egregiè promovebat: atque ita partes gangrænosæ paulatim cœperunt excidere; quibus ablatis, per aliquot dies impositum fuit unguentum digestivum, ac tandem rursus solum cataplasma, quo ulcera progressu temporis, sed admodum lentè, sanata sunt, humoribus postmodum per fonticulum effluentibus. Hoc ægro, qui ab omnibus pro desperato habebatur, præter multorum opinionem, sanato, magnum nobis honorem conciliavimus. *Isbrand. de Diemerbroëk in Observat. & Curation. Medic.*

De Erysipelate raro, Fonticuli naturalis additamento.

Exemplum ejusmodi fonticuli, de quo historia prægressa, seu potius scaturiginis cujusdam sine alveo fonticuli, producam, ut simul erysipelatis tam miri quam rari fieri possit mentio. In summitate interstitii, quod est inter digitos pedis sinistri majores, a multis annis ipsemet sensi, sed sine tristi sensu, exsudationem quandam, modo humidam feri vel saniei, modo siccam squamularum vel crustularum, quæ sæpè & facile leparabiles.

Aliquando peregre vocatus, post cœnam finitam appuli, apponebatur serius venienti cyprinus, qui salis & elixationis defectu palato conciliabat nauseam: vitium hoc non satis poterat corrigi vino, quia villo. Lecti ingressum comitabatur horror, hinc curiosè plumis sepultus dormiebam more solito. Somnus profundior exonerabat massam sanguineam sero per sudorem copiosissimum.

Evigilanti horæ matutinæ Bubonis rudimentum ostendebant in inguine, & amaritiem ex bile in palato, & dolorem quandam totius pedis gravativum, in primis autem in interstitio digitorum pedis superius dicto extensivum.

A meridie domuitionem urgebam & expediebam, quo factò tandem radium seu striam *ερσιπυλατωδω* digitos duos latam, æquali latitudine & rubore, à bubone usque ad digitorum pedis scaturiginem extensam vidi. Hæc serum consueto copiosius fundebat per aliquot dies, & mox à principio cum insigni levamine.

Εκχεσις ejusmodi, tanquam summum prophylacticum, optanda esset Podagricis: sed cum beneficium hoc naturæ sit rarissimum, annon excretiones artificiales hic locorum querendæ?

Assentiri videtur Sennertus de arthrit. c. 7. qui & venæ sectionem & cucurbitulas ad pollices pedum laudat rationibus & experientia. Sal-muth. cent. 3. obs. 46. commendat suo & aliorum exemplo scarificationes menstruas pollicum pedis circa radices unguum.

Contradictor acerrimus est Crato Epl. 152. ad Thom. Jordanum. Dissensiones aliorum Medicorum in scenam non produco. Et affirmantibus & Negantibus non desunt rationes sat prægnantes. Arbitram optimam judicarem esse experientiam, quæ tamen fallax & non raro periculosa. Si quid statuendum, concludo, Artem utut Naturæ ministram & simiam, raro tam esse felicem in excretionibus materiæ morbificæ sollicitandis, ac Naturam: & excretiones naturales ut plurimum esse placidas & criticas, artificiales contra violentas & quodammodo symptomáticas. *Sigismundi Grassii.*

De Zona sive Ζώνη, Erysipelatis specie, ejusque curatione.

Marcus Aurelius Severinus Philosophus & Medicus celebratissimus lib. de recondita abscessuum natura 4. de novissime observatis abscessibus cap. 9. §. 11. p. m. 194. de Zona Herpetis, sive ignis sacri specie, ita scribit: Zonam quidem ad hoc tempus nemo tradidit à se observatam; usque adeò, ut veram ejusdem formam

nam ipse, qui vidisset, testificari cæteris posset. Rarissimus tamen affectus hic esse videtur: Nam ex Veteribus, præter Scribonium, Apulejum, Marcel. & Plin. nemo ejus meminit Joan. Langius Epist. Med. l. i. Epist. 32. sub alterius cujusdam Erysipelatis & quidem perniciosi specie, quæ merito à cingulo Ζώνη appellatur, eundem depingit, & binis exemplis demonstrat. Henr. Smetius Miscell. Medic. lib. 10. ubi rariorum aliquot morborum & Symptomatum Observation. recenset p. m. 518. sequentibus verbis eum describit. Filiolus civis Francodolensis febricitabat, & Erysipelate corripiebatur, quod totum pectus cum dorso toto occupabat. Inde deorsum per totum abdomen & femora ad genua usque, sursum verò per collum, in faciem & brachia ad cubitos usque sese exporrigebat. Den rooden Umloop vocant Flandri, Supra citatus M. Aur. Severinus loco prædicto p. m. 196. talem Zonæ modum & formam observavit, verba hic transcripsimus: *Sapius hæc vis a posteriore thorace, & secundum superiores lumbos circinata: Quam in Societatis Jesu Sacerdote Sacrarum Collegii adium vidi cum Mario Schipano diligentissimo rerumistarum Observatore: Alteram cum Francisco Nola Medico satis industrio curavi Mario Canello Sacerdoti integerrimo. In palma similiter cujusdam Sutoris calceolarij, qui Syphile fuerat affectus, luculenta nuper fuit observata cum primis Zona: Qui primum dolorem arcem in pectore perpassus fuerat. Itemque alia præterea se obtulerunt in valetudinario morbis incurabilibus dicato: Quas omnes explicare longum esset. Hæc, Severinus.* Huc etiam referri possunt Maculæ Volaticæ Infantum, Germanice *der Flug* dictæ, quas describit Sennertus Pract. Medic. lib. 5. Part. 3. Sect. 1. c. 6. & Melchior Sebizius Manualis sive Speculi Medic. Pract. part. 6. cap. 32. sub titulo Volaticæ. Autoribus hisce inter se collatis satis apparet, affectum hunc quem singuli describere, unum eundemque esse, proindeque ad Erysipelas referendum: Est enim (ut verbis Sebizii citato loco p. m. 1828. utar) utriusque eadem natura atque essentia, unaque causa & una curandi ratio. Discrimen in eo solum consistere videtur, quod Erysipelas in uno loco plerumque persistat: in Volatica autem seu Zona, rubor priorem locum deserat, ulterius tamen progrediatur, locaque vicina invadat. Deinde quod sanguis Volaticæ sit calidior, subtilior, & forsan etiam malignior, quam Erysipelatis vulgaris; Quo fit ut hinc inde vagetur: & quia sanguis illius acrior est atque mordacior, expultricem partium facultatem irritat, ut uno in loco permanere nequeat. Quæ tamen omnia ratione naturarum & ætatum, temporum & locorum sapissime variant. Mihi, ut ingenuè fatear, in praxi Medica per Dei gratiam spatio viginti annorum continue occupato, Erysipelas vulgare sapissime, istius autem generis, quod ex fide dignis Autoribus superius descripsimus, (sive Zona, vel Ζώνη, sive Volatica vocetur) tantum bis curandum obtigit. Primum hoc affectu correptum Vidi A. 1667. Spectabilem p. m. Andreæ Seidler Jurisconsultum doctissimum & Scabinum Thorunensem Suburbanum dignissimum, quinquaginta sex annos natum, unâ Cancrum ulceratum in dorso foventem, quem dicti Anni, Mensis Septembris die vigesima quinta febris adorta, usque ad ter-

tiam Octobris continuè exercebat, tumor autem Erysipelatodes, incipiendo à scapulis, superiore pectoris parte ad collum serpebat, postea faciem totam & caput occupabat, cum summo dolore, fervore & cordis angustia, ut neque cibum capere, nec somno indulgere potuerit: Sed adhibitis tandem internè Medicamentis partim alterantibus, partim expulsvivis & Bezoarticis: externè vero tumori applicatis linementis, aquis plantaginis & rosarum, cum pauxillo croci tepide madefcentibus, pedetentim circa nonum diem & tumor & rubedo disparere cœperunt, donec undecima morbi die, decidentibus simul capillis planè evanescerent. An. dein 1668. die 4. Novemb. eodem morbo affectam observavi puellam septennem, Christianam, plurimum Reverendi Viri Simonis Weissii Ecclesiastæ Mariani Vigilantissimi & Professoris Gymnasij Clarissimi, Compatri mei admodum colendi, Filiolam: cui malum similiter totum pectus & dorsum ad collum usque cinxerat: hæcque partes paulatim deferendo, ad faciem & caput ascenderat, propinatis autem remediis idoneis, ut in priore casu, denique cum totali pilorum capitis defluvio evanuerat. Refert quidem ex aliorum mente loco supra allegato Sennertus, qui affectum hunc se nunquam vidisse testatur; Si maculæ illæ orificium aliquod, os puta, nares, oculos, aures attigerint, & eo usque penetrarint, in lulum lethale fieri, ideoque ad præcautionem orificia dicta aqua rosarum cum pauxillo croci mixto illinenda suadet: Verum nos tale quid animadvertere haud potuimus, sed licet tumor ille totam faciem, labia, nares, oculos & aures, in prædicto utroque casu plene occuparit, morbi tamen lætum eventum subsequutum videmus. *Simonis Schultzeii.*

Erysipelas Ζώνη.

Inter plura Ignis sacri genera Ζώνη numerat Plinius N. lib. 26. cap. 11. qui medium hominem ambiens si cinxerit eum enecat, quo Marchionem Brandenburgensem in Onesbachio interiisse, Principem verò Palatinum Otthencum correptum, sanitati à se restitutum refert Langius lib. 1. epist. 32. Corripiebatur eodem honesta Matrona Hildesici Spanmanni Jurium Practici vidua, quod cum præ pudore dissimularet, & tibiam saltem eodem igne inflammata & exulcerata Chirurgo tractandam exhiberet, accidit ut altero illo subito invalescente, & in gangrænam desinente, ægra præter spem placide exspiraret, paulò ante mortem & superioris illius inspiciendi copiam faciens, deprehendi a. illud inferiorem ventrem tam accurate circumdedit ut cingulum fuscum palmam latum examussim referret. *Joan. Henr. Brechfeld.*

Ancillam vetulam quandam habui quinquagenariam, Norimbergæ adhuc commorans, quæ triduum diu noctuque inquieta de molestia cum cardialgia circa præcordia queritans, denique sensit sub præcordiis prope stomachum circumcirca ad latitudinem manus, cinguli instar, pustulas parvas lucidas, cum cutis inflammatione acri prorepere, sed assumpto cathartico leni, & sudoriferis cum cordialibus ac alexiteriis mistis, externe quoque se fomentis modicè refrigeran-

gerantibus sapius tepide detergens, & sponte desiccari permittens, intra sextiduum revelavit ea, à tam molesto & periculoso affectu liberata. *Joan. Helwigii.*

ESSERE

Vid.

EPINYCTIS.

EXANTHEMATA.

EXanthemata Scorbutica, quorum hinc inde facta mentio, hisce imprimis tetrīs tam vulgarīa sunt atque obvia, ut nemo facile periculum inde ominetur, atque etiam non advocato Medico lubens ea toleret; verum alia ista, quæ inter morbos exsurgunt corporisq; superficiem defœdant, magnum statim spectantibus, imprimis fœminis, terrorem incutiunt & nescio quid sinistri alere videntur. Atque hinc nulla est mora, quin ad eorum conspectum Medicus protinus accersatur, qui de iis sententiam ferat dubitantibusque metum eximat. Est febris quædam species, Purpura dicta, quæ variis sese maculis & ipsa exserit, nunc pallidioribus, nunc rubicundioribus, tandem etiam nigris; hanc, sive quod scorbutici salis ille fructus sit, seu quod intestino & proprio veneno exsurgat, malignam esse & periculosam omnino sum persuasus. Levior autem est species minusque habet discriminis, quam Galli febrem scarlatinam vocant; hæc fermentationis paulo vehementioris materiamque in cutem evomentis progenies est & ex facili dissipatur. At ego alia quoque exanthemata erumpere vidi, quæ cum istis quidem comparari minime possint, omni periculo vacua, certè ludicro spectaculo quàm symptomati affniora. Et primò quidem in duobus ex pectore vulneratis, uni quidem post vomitum ebullitionemque sanguinis, alteri post sputa detenta ruborem toto corpore verecundum illum & planè cermesinum effloruisse vidi, finito intra quatuor horas cum colore leviori paroxysmo. An fortè de eo intelligi debeat Hippocrat. illud in Coacis? *ὅταν ἀλμυράδην πίνῃται ἐ βύς ὑφίσταται, ταῖς πόσιν λευκὸς ἐρυθραίνεται.* Alii, & ipsi Asthmatico, Servo à pedibus, cutis tribus quidem diebus continuis elegantissimo rubore perfundebatur tota, periculum metuentibus, qui aderant, omnibus: at verò cum singulis paroxysmis, qui quo-

tidie redibant, remittebat quoque color. Fœminam Nobilem ex febre Tertianā cum vomitu laborantem itidem cum Paroxysmo invaserant hæc universo corpore maculæ, sed cum uno alteroque paroxysmo etiam ipsæ deficiebant. Magna interim familiarium & domesticorum sollicitudo in corpore obesissimo jam Morbillorum, jam Malignitatis suspicionem moverat; at subita febris ruborisque remissio metum omnem exemere. Virgo venustissima, quæ elapsa hyeme cum Quartana conflictata erat, ad intempestivas mendici male morati preces perculsa recidivam ineunte vere sensit, sed quam tres ex ordine Paroxysmi finirent; hanc & ipsam cum primo insultu paulo post terrorem color incessabat toto corpore eleganter roseus inque maculas distinctus, consertatis ad novum spectaculum parentibus; at, quod tertio insultu apparuit, sine ulla admodum offensa corporisque periculo. Sed quid de isto Exanthematum genere tenendum, quod Morbillorum specie totos sæpe terrarum tractus infestat, & ante hos sex annos, quando superior mihi Germania cum Principe persona decurrenda erat, Palatinatum & Sueviam occupabat, cuique tributum ipse quoque cum plerisque itineris sociis pendere debebam. Leviculus erat ille morbus, *Rothel* nomine notus, qui nullo habito sexus ætatisque discrimine promiscue omnes invadebat. Paucissimis ille erat funestus, aliquos diem biduumve aut triduum lecto affigebat, aliqui stando eum vincebant nonnullos impuro corpore diutius vexabat, plerisque tamen molestia quidam & calore paulo intensiore, appetitu dejecto & membrorum segnitie, multabat, quæ vel sponte aut sumto Sudorifero cessabant. In unâ autem Stutgardia simul semelque septingenti cum hoc morbo conflictati sunt, quo etiam in levibus contagium aut sporadicum quid hæere intelligas. Exanthemata verò illa non statim universo corpore, sed variis locis, ut constitutio ferebat, sese ostendebant, plerunque tamen in Capite erant manifestiora, in aliquibus tamen etiam remissior rubedo attentè quari debuit. Credi-derim ego collectas per hyemem in sanguine fordes aliquas ad initia veris exasruante sanguine in cutim facile exiisse, quod superficiei massæ potius quàm centro inhærescerent, & sic originem febriculæ populari & critica darent, ubi tamen etiam certæ & astralis influxus partes fuisse aliquas non de nihilo quis suspicetur. *Joan. Nicol. Pechlinus Obser. Physico-Medicar. lib. 3.*

EXOMPHALOS

Vid.

HERNIA.

EXOSTOSIS.

Vid.

OSSIVM MORBI.

Finis Libri Quinti.

Croci maris dysenterici fol. 1031
Extractum absinthij composiz fol. 100

